


ጌሻ ማጻፋ



The Holy Bible in the Dawro language of Ethiopia

ጌሻ ማጻፋ

The Holy Bible in the Dawro language of Ethiopia

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Contributor: The Word for the World International

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011-2024, Wycliffe Bible Translators, Inc. and The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

Contents

ደመላ	1
ከሳ	45
ዎጋ	83
ፓይዲዎ	110
ዛረሉዎ	145
ኢያሳ	177
ዳናቱዎ	198
ኡሩቶ	220
1 ሳሜላ	223
2 ሳሜላ	250
1 ካታቱዎ	274
2 ካታቱዎ	302
1 ኦዲዎ	329
2 ኦዲዎ	355
እዘራ	386
ናህምያ	395
አሰትሮ	409
ኢዮባ	416
ማዝሙርያ	439
ሌምሱዎ	508
ኤራንቻ	527
ሲቁዎ ሳባ	535
ኢሰያሳ	540
ኤርማሳ	585
ኤርማሳ ሴላ	634
ሀዝቁላ	639
ዳኔላ	683
ሆሰ	697
ኢዩኤላ	705
አሞጾ	708
አብድዩ	714
ዮናሳ	715
ሚክያሳ	717
ናሆማ	722
እምባቆማ	724
ሶፎናሳ	727
ሃገ	730
ዛካራሳ	732
ሚልክያሳ	740
NT	
ማቶሳ ምሽራቹዎ	743
ማርቆሳ ምሽራቹዎ	776
ሉቃሳ ምሽራቹዎ	797
ዮሃንሳ ምሽራቹዎ	832
ኪቴዳዎንቱ ኦሱዎ	857
ሮሙ	888
1 ቆሮንቶሳ	902
2 ቆሮንቶሳ	915
ጋላትያ	924
ኤፈሶና	929
ፕልጽሰዮሳ	934

ቆላሰያሳ	938
1 ተሰሎንቆ	942
2 ተሰሎንቆ	945
1 ጽሞቶሳ	947
2 ጽሞቶሳ	951
ቲቶ	954
ፕልሞና	956
እብራዌ	957
ያቆባ ኪታ	968
1 ጳጳሮሳ ኪታ	972
2 ጳጳሮሳ ኪታ	976
1 ዮሃንሳ ኪታ	979
2 ዮሃንሳ ኪታ	983
3 ዮሃንሳ ኪታ	984
ይሁዳ ኪታ	985
ዮሃንሳ ሳፃ	987

ደመሳ ማጻፋ ገሎ

ሀ ማጻፋይ “ደመሳ” ጌተቲደ ጸሰቴዳ ጋሱ የወዋ ኡባ ደመሳ በሰያ ድራሳ።

ደመሳባ ጌተትያ ማጻፋይ ሀ አላሚ ዋት መጠቴደንቶ፡ ሳሎቱን ሳኦይ መጠቴዳ መጠጋባ፡ አሳ ዛሪ ዬዳ ዩሳባ፡ ናጋራን ናጋራ ማሮታባ፡ አንጂን ሸቃይ ደመቴዳ ደመሳባ፡ ጸሳናን አሳ ዛራቱዋና ደእያ ጋከተሳባ ኦዴ። ደመሳባይ ላኡ ሁጹ ግሹዋን ሻከቲደ ጸለታናወ ዳንዳዬ።

ሸዎቸዋ እቱዋጥ ቢደ ታማነ እቱዋ ጋካናወ ደእያ ሳኦይ፡ ሳሎን ሳኦይ መጠቴዳ መጠጋባን አሳ ዛርያ ኮይሮ ታርክያ ኦዴ። አደመነ ሄዋን ታርኪ፡ ቃዬላን አቤላ ታርኪ፡ ኖሃን ባሻ ሃላ ታርኪ፡ ሄዋዳንካ ባብሎን ግምቢያ ታርኪ ደእያዌ ሀ ሻኩዋና።

ሸዎቸዋ ታማነ ላኡዋጥ ቢደ እሻታሙዋ ጋካናወ ደእያ ሳኦይ እሰራኤልያ አሳወ በነ ማይዛ አዎቱዋ ታርክያ ኦዴ። ኡንቱቱ ግዴዋን ኮይሮ ባረ አማኑዋንን ጸሳወ እዛዘትያ ሀኖታን ኤሪቲዳዌ አብራሃማ። ሄዋጥ ቃይ አ ናኦ ይሳቃ፡ አ ናኦ ናኦ ያቆባን ያቆባ ናና ታማነ ላኦቱዋ ታርኪ ካሌዳ። ሀዋንቱ ያቆባ ናና ታማነ ላኦቱ፡ ታማነ ላኡ እሰራኤልያ ዛሪቶ አኖ ግዴዳዋንታ። ሀዋንቱ ሀ ታማነ ላኡ እሰራኤልያ ናናቱዋ ግዴንካ ዮሴፋ ዲማዬደ፡ ሄዋዳንካ ቃይ ያቆባን አ ናና የንኮቱዋ ኡንቱቱ ጎላ አሳና ግብጾ ጋድያ አፌዳ ሀኖታቱዋ ምንሲደ ጸሌ።

ሀ ማጻፋይ አሳ ታርክያ ኦድያዋ ግዴጥነ፡ ኡባጥ አሊደ እ ኦድያዌ ጸሳይ ኡሌዳ ኦሱዋባ። ጸሳይ ሳሎቱዋን ሳኦ መጴዳ ታርክያ ኦድዋ ደሚደ ጸሳይ ባረ አሳወ ቆጥያዋ አገናዋ ኦድያ ሀድታን ፖሌ። ሀ ማጻፋ ግዴን ሀ ጋጸጥ ያ ጋጸ ጋካናወ ኦድትያ ታርክያ ጎዳይ፡ ባላባ ሀንያዋንታ ፕርድያዌን ሙርያዌ፡ ባረ አሳ ካለላያዌን ማድያዌ፡ ኡንቱቱ ታርክያ ታንጉዋካ ገገሰያዌ ባረ ሁጹያን ጸሳ። ሀዌ በን ማጻፋይ ጸፈቲዳዌ አሳ አማኑዋ ታርክያ ማዘጋቢደ ኦይቃናሳን ሄ አማኑካ ጋጸ ደእናዳን አላናሳ።

ሸዎቸዋ ኡባቶ እመቴዳ ቃንሳ ቆፋቱዋ

- መጠጋ ደመሳባ 1:1—2:3
- ኤደን ገነትያባ 2:4-25
- ናጋራን ናጋራ ማሮታባ 3:1-24
- አዳማጥ ኖሀ ጋካናወ 4:1—5:32
- ኖሀን ባሻ ሃላ 6:1—10:32
- ባብሎና ግምቢያ 11:1-9
- ሴማጥ አብራማ ጋካናወ 11:10-32
- አብራማ፡ ይሳቃን ያቆባ ታርክያ 12:1—35:29
- ኤሳ የለታ 36:1-43
- ዮሴፋን አ እሻቱዋ 37:1—45:28
- እሰራኤላቱ ግብጾ ጋድያን 46:1—50:26

መጠጋ ደመሳባ (1:1—2:3)

1 ጸሳይ ሳሎቱዋን ሳኦ ኮይሮ መጴዳ።
2 ሄ ዋደ ሳኦይ ገገቤናን አያይን ባይና መላ፤ ጨሙዋ ቦላን ጳማይ ደኤ፤ ጸሳ አያናይ * ሃላጥ ቦላና ማይ ኡቲዳ።

3 ጸሳይ ሄዋጥ ጉየ ሀዋዳን ያገደ ሃሳዬዳ፤ “ፖኡ ሀኖ” ያጌዳ፤ ፖኡካ ሀኔዳ።

4 ፖኡ ሎኦ ግዴዳዋ ጸሳይ በኤዳ፤ ያቲደ ፖኡዋ ጳማጥ ሻኬዳ።

5 ጸሳይ ፖኡዋ “ጋላሳ” ገደ ሱንሌዳ፤ ጳማ “ቃማ” ገደ ሱንሌዳ። ሳኦይ ቃሜዳን ዋንቲዳ፤ ሄዌን ኮይሮ ጋላሳ።

6-7 ጸሳይ ሄዋጥ ጉየ ሀዋዳን ያገደ ሃሳዬዳ፤ “ቦላና ደእያ ሃላ ጋርሳና ደእያ ሃላጥ ሻክያ ሳሎዋ ጉፋንሉ ሀኖ” ያጌዳ፤ ጌተቶዋዳንካ ሀኔዳ። ጸሳይ ሳሎዋ ጉፋንሉዋ ገገሰደ፡ ሳሎዋ ጉፋንሉዋጥ ቦላና ደእያ ሃላ ጋርሳና ደእያ ሃላጥ ሻኬዳ።

8 ጸሳይ ሄ ጉፋንሉዋ “ሳሎዋ” ገደ ሱንሌዳ። ሳኦይ ቃሜዳን ዋንቲዳ፤ ሄዌን ላኤንሉ ጋላሳ።

9 ጸሳይ ሄዋጥ ጉየ ሀዋዳን ያገደ ሃሳዬዳ፤ “ሳሎዋጥ ጋርሳና ደእያ ሃላይ እትሳን ኤሎ፤ መላ ሳኦይ ቆንጮ” ያጌዳ፤ ሄዋጥ ጉይያን ሀኔዳ።

10 ጸሳይ ሄ መላ ሳኦ “ቢታ” ገደ ሱንሌዳ፤ ቃይ እት ሳኦን ኤሌዳ ሃላ “አባ” ገደ ሱንሌዳ። ያቲደ ጸሳይ ሄዌ ሎኦ ግዴዳዋ በኤዳ።

11 ሄዋጥ ሰሚደ ጸሳይ፡ “ቢታይ ሞላ ማታ ዶልሶ፤ ዘረሳ አይፊ ደእያ ካላን ዘረሳ አይፍያና ደእያ ቴርያ ሞላ ዶልሶ” ያጌዳ፤ ሄዌካ ሀኔዳ።

12 ቢታይ፡ ሞላ ማታ አ ቆሙዋን ቆሙዋን ዶሌዳ። ጸሳይ ሄዌ ሎኦ ግዴዳዋ በኤዳ።

13 ሳኦይ ቃሜዳን ዋንቲዳ፤ ሄዌን ሄዘንሉ ጋላሳ።

14 ጸሳይ ሄዋጥ ጉየ ሀዋዳን ያገደ ሃሳዬዳ፤ “ጋላሳ ቃማጥ ሻካናወ ፖኡቱ ሳሎዋ ጉፋንሉዋን ሀንኖ፤ ኡንቱቱ ጋላሳ፡ ዋድያን ላይላ ኤርሳናወ ማላ ግድኖ፤

15 ሳኦ ቦላን ፖኦሳና ማላ ኡንቱቱ ሳሎዋ ጉፋንሉዋን ፖኦኖ” ያጌዳ፤ ሄዋጥ ጉይያን ሀኔዳ።

16 ጸሳይ ላኡ ዋልቃማ ፖኡቱዋ፡ ዳርያዌ ጋላሳ ሞዳናዳንን ቁራእያዌ ቃማ ሞዳናዳን መጴዳ፤ ጸልንተቱዋካ እ መጴዳ።

17-18 ጸሳይ ኡንቱቱ ሀ ሳኦ ቦላን ፖኦሳና ማላ፡ ጋላሳን ቃማ ሞዳና ማላን ፖኡዋ ጳማጥ ሻካና ማላ፡ ሳሎዋ ጉፋንሉዋን ኡንቱንታ ዋሌዳ። ያቲደ ጸሳይ ሄዌ ሎኦ ግዴዳዋ በኤዳ።

19 ሳኦይ ቃሜዳን ዋንቲዳ፤ ሄዌን ኦይደንሉ ጋላሳ።

20 ጸሳይ ሄዋጥ ጉየ ሀዋዳን ያገደ ሃሳዬዳ፤ “ደኡዋን ደእያ ዲማ ዲማ መጠጋቱ ሃላን ዳርኖ፤ ካፋካ ሳኦጥ ቦላናን ሳሎዋ ጉፋንሉዋጥ ጋርሳና ፓሎ” ያጌዳ።

21 ያቲደ ጸሳይ አባን ደእያ ዋልቃማ ደኡቱዋ፡ ሃላ ግዴን ዋጽ ቃጽያ መጠጋ ኡባን ቀፍያና ደእያ ካፋዋ ኡባ አ ቆሙዋን ቆሙዋን መጴዳ። ጸሳይ ሄዌ ሎኦ ግዴዳዋ በኤዳ።

* 1:2 ጸሳ አያናይ- ጸሳ ዋልቃ፤ ጸሳጥ ግዴዳ ጫርኩዋ። 1:3 2 ቆር. 4:6 1:6-7 2 ጸጸ. 3:5

22 ጸሐይ ኢንቱንታ፡ “የለትተ፤ ጮርተ፤ አባ ሃላ ኩምተ፤ ካፋካ ቢታ ቦላን ጮራቶ” ያጊደ እንጃዳ።

23 ሳኦይ ቃሜዳን ዋንቱዳ፤ ሄዌን እቼሽንሉ ጋላሳ።

24 ጸሐይ ሄዋጥ ጉየ ሀዋዳን ያጊደ ሃሳዬዳ፤ “ደኡዋን ደእያ መጠታቱ ባረንቱ ቆሙዋን ቆሙዋን፡ መሄቱ፡ ቢታና ጎሽትያ መጠታቱን ደኡቱ ባረንቱ ቆሙዋን ቆሙዋን ቢታ ቦላን ከሰኖ” ያጊደ፤ ሀኔዳ።

25 ጸሐይ ደኡቱዋ ኢንቱንቱ ቆሙዋን ቆሙዋን፡ መሄቱካ ኢንቱንቱ ቆሙዋን ቆሙዋን፡ ቢታና ጎሽትያ መጠታቱዋካ ኡባ ኢንቱንቱ ቆሙዋን ቆሙዋን መጴዳ። ጸሐይ ሄዌ ሎኦ ግድያዋ በኤዳ።

26 ሄዋጥ ሰሚደ ጸሐይ፡ “አሳ ኑ ለምሱዋን ኑና ማለትሲደ አነ መጴይተ፤ ኢንቱንቱ አባ ሞልያ፡ ሳሉዋ ካፋዋ፡ ቢታ ቦላ ዋጽ ቃጽያ መጠታ ኡባ ሞድኖ” ያጊደ።

27 ሀዋዳን ጸሐይ አሳ ባረ ለምሱዋን መጴዳ፤ እ አሳ ጸሐ ለምሱዋን መጴዳ፤ እ ኢንቱንታ አቱማ አሳን ማጫ አሳ አሲደ መጴዳ።

28 ጸሐይ ኢንቱንታ ሀዋዳን ያጊደ እንጃዳ፤ “የለትተ፤ ጮርተ፤ ሀ ሳኦ ኩምተን ሞድተ፤ አባ ሞልያ፡ ሳሉዋ ካፋዋን ቢታ ቦላ ዋጽ ቃጽያ፡ ደኡዋን ደእያ መጠታ ኡባ ሞድኖ” ያጊደ።

29 ሄዋጥ ሰሚደ ጸሐይ፡ “በእተ! ታን ሀ ቢታ ኡባ ቦላን ዘረላ አይፊያና ደእያ ካፋ ኡባን ዘረላ አይፊያና ደእያ ቲርያ ሞላ ኡባ ህንተንቶ እማድ፤ ኢንቱንቱ ህንተንቶ ቁማ ግድና።

30 ቃይካ ሀ ሳኦን ደእያ መሀያወን ደኡ ኡባወ፡ ሳሉዋ ካፋዋ ኡባወ፡ ቢታና ጎሽትያ መጠታ ኡባወን ሸምጥዋና ደእያ መጠታ ኡባወ ሞያዋ ግድናዳን፡ እርጸ ሞላን ማታ እማድ” ያጊደ፤ ሀኔዳ።

31 ጸሐይ ባረ መጴዳ ኡባባካ ጴሌዳ፤ ዳር ሎኦ ግድዳዋ በኤዳ። ሳኦይ ቃሜዳን ዋንቱዳ፤ ሄዌን ኡሱፕንሉ ጋላሳ።

2

1 ሳሎቱን ሳኦይ ኢንቱንቱን ደእያዌ ኡባባይ ሀዋዳን መጠታ ፖለቲዳ።

2 ጸሐይ ባረ ኦሌዳ ኦሱዋ ኡሱፕንሉ ጋላሰ ፖሊደ፡ ባረ ኦሌዳ ኦሱዋ ኡባጥ ላፕንላ ጋላሰ ሸምጥዳ።

3 ቃይ ጸሐይ ላፕንላ ጋላሳ እንጃዳን ጌሻ ኦሌዳ፤ አያወ ሳጥ፡ ጸሐይ ባረ ኦሌዳ ኦሱዋ ወርሲደ ሸምጥዳዌ ሄ ጋላሳና።

ኤደን ገነትያባ (2:4-25)

4 ሳሎን ሳኦይ መጠታዳዌ ሀዋዳና። መጵና ጎዳይ ጸሐይ ሳኦን ሳሉዋን መጴዳ ዋደ።

5 ሳኦ ቦላን ሞላይን ማታይ ደልቤና፤ ጮርሻይን ጮርቤና፤ አያወ ሳጥ፡ መጵና ጎዳይ ጸሐይ እራ ቡክሰቤና፤ ቃይ ቢታ ኦሌዳ አሳይካ ባዋ።

6 ግድገን ሳኦጥ ሃላይ ጉደ ከሲደ፡ ቢታ ኡባ እርጽሴ።

7 ሄዋጥ ጉየ፡ መጵና ጎዳይ ጸሐይ ቢታ ባናጥ እት አሳ * መጴደ አ ሲድያን ደኡዋ ሸምጥዋ ሸምጥ ገልሴዳ፤ ያትና ብታኒ ደኡዋን ደእያ አሳ ግዴዳ።

8 መጵና ጎዳይ ጸሐይ አዋይ ደልያ ባጋና ኤደን ግያ ሳኦን ገነትያ ቶኬዳ፤ ያን ባረ መጴዳ ብታንያ ዋሌዳ።

9 መጵና ጎዳይ ጸሐይ ጸላናወ ሎእያ፡ ማናወካ ማልእያ ኡባ ቆሞ ሞላ ቢታጥ ደልሴዳ። ገነትያ ግድዋን ደኡዋ ሞላን ሎኡዋን ኢታ ኤርሰያ ሞላ ዋሌዳ።

10 ገነትያ ኡሸያ ሻፋ ሃላይ ኤደንጥ ጎጌ። ኤደንጥ ከሴዳዋጥ ጉየ፡ ኦይዱ ሻፋ ከሰ ሻከቱ።

11 ኮይሮ ሻፋ ሱንላይ ፕሶና፤ ፕሶን ዋርቃይ ደእያ ኤወላጸ ግያ ቢታ ኡባ ቦላን ጎጌ።

12 ሄ ቢታ ዋርቃይ ጌሻ ዋርቃይ፤ ቃይ አልኦ ሸቱን ሎይላ ሎእያ ሹቻይ ያን ደኤ።

13 ላኤንሉ ሻፋ ሱንላይ ግዮና፤ ግዮን ቶጽያ † ቢታ ኡባ ቦላን ጎጌ።

14 ሄዘንሉ ሻፋ ሱንላይ ጸግሮሳ፤ ጸግሮሰ አሶረጥ አዋይ ደልያ ባጋና ጎጌ። ቃይ ኦይደንሉ ሻፋይ ኤፍራዲሳ።

15 ብታኒ ኤደን ገነትያ ኦላና ማላን ናጋና ማላ፡ መጵና ጎዳይ ጸሐይ አ አፊደ ዋሌዳ።

16 መጵና ጎዳይ ጸሐይ ብታንያ፡ “ገነትያ ሞላ ቲራ ኡባጥ ኔን ማና ሳጥ ማ፤

17 ሸን ሎኡዋን ኢታ ኤርሰያ ሞላ ቲራጥ ሞጋ፤ አያወ ሳጥ፡ ኔን አጥ ሜዳ ጋላሰ ቱሙ ሀይቃና” ያጊደ አዛዜዳ።

18 ሄዋጥ ጉየ መጵና ጎዳይ ጸሐይ፡ “ብታኒ ባረካ ደእያዌ ሎኦ ግድና፤ ታን አወ እንጀትያናን አ ማድያኖ መጻና” ያጊደ።

19 መጵና ጎዳይ ጸሐይ መሄቱዋ ኡባ፡ ደኡቱዋ ኡባን ሳሉዋ ካፎቱዋ ኡባ ቢታጥ መጴዳ፤ ቃይ ብታኒ ኢንቱንታ ዋግ ሱንላንቶን በአናወ እኮ አሄዳ፤ ብታኒ ደኡዋን ደእያ መጠታ ኡባ ሱንሌዳ ሱንላይ ኢንቱንቱ ሱንላ ግዲደ አቲዳ።

20 ሄዋዳን ብታኒ መሄቱዋ ኡባ፡ ሳሉዋ ካፎቱዋን ባዙዋ ደኡቱዋ ኡባ ሱንሌዳ፤ ሸን አዳማወ ‡ እንጀትያን አ ማድያዌ ቤትቤና።

21 ሄዋ ድራወ መጵና ጎዳይ ጸሐይ ብታንያ ገምእሹዋ ካይሮዬዳ፤ እ ገምእሹዋ ካይሮት ደእሸን፡ አ ሞይያ መቀላጥ፤ እቱዋ አኪደ፡ ሄ ሳኦ እሹዋ ኩንሌዳ።

22 መጵና ጎዳይ ጸሐይ ብታንያጥ አኬዳ መቀላ ማጫወኖ ኦሌዳ፤ ያቲደ እዙ ብታንያኮ አሄዳ።

1:27 ማቶሳ 19:4፤ ማር. 10:6 1:27 ደመላ 5:1-2 2:2 እብራ. 4:4፤ 10 * 2:7 አሳ፡ “አሳ” ጉሳይ እብራዊቱዋ ቃላን “አዳማ” ጌተቲ፤ “አዳማ” ጉሳይ “ቢታ” ጉሳይ ሄዋ ላኤ ቃላቱ እቱ እቱዋ ማላቲና። 2:9 ሳዩ 2:7፤ 22:2፤ 14 † 2:13 ቶጽያ፡ እብራዊቱዋ ማጻፋን “ኩሸ” ጌተቲ። ሄዋካ ግብጹ ጋድያ ዲገሃ፡ ሀእ ደእያ ቶጽያ ጋድያን ሱዳን ጋድያ ጉሳ። ‡ 2:20 አዳማ፡ እብራዊቱ ቃላን “አዳማ” ግያ ሱንላይ “አሳ” ግያዋ። § 2:21 ሞይያ መቀላጥ፡ አዳማ ሞየ እሹዋጥ አከቲዳዋ ጉሳ።

23 ያትና ብታኒ፡ “ሀያናሾ! ሀ መቀላታ ታ መቀላታ፡ ሀ አሻታካ ታ አሹዋጥ አከቴዳውኖ፤ እዛካ አቱማ አሳጥ * አከቴዳ ድራው፡ ማጫውኖ ጌተቱ” ያጌዳ።

24 ሄዋ ድራው አሳይ ባረ አወዋነ ባረ አቶ አጊደ፡ ባረ ማቻትና እትጥ ደእና፤ ኡንቱንቱ ላኡ እት አሾ ግዳናዋንታ።

25 ብታኒኒ አ ማቻታነ ላአቱካ ካሎ ጸራ ደእና፤ ሸን እቱ እቶ ዬላትክኖ።

3

ናጋራነ ናጋራ ማርታባ (3:1-24)

1 ሾሻይ መድና ጎዳይ ጸሳይ መዴዳ ደኣ ኡባጥ አዴዳ ገናንቻ። እት ጋላሰ ሾሻይ ሄ ሞሽራቶ፡ “ጸሳይ ቱሙ ሀንተንታ፡ ግነትያን ደእያ ሞላ ቱራ ኡባጥ ሞጥተ’ ጌዳ?” ያጌደ አቼዳ።

2-3 ሞሽራታ ሾሻዉ ዛራደ፡ “ቱይት፡ ጸሳይ ሀዋዳን ግቤና፤ ኑን ገነትያን ደእያ ሞላቱዋ ቱራ ማናዉ ዳንዳዬቶ፤ ሸን ጸሳይ ኑና፡ ገነትያ ግዳዋን ደእያ ሞላ ቱራ ሞጥተ፤ ቦቾጥተ፤ ሄዋ ቶጥጥ ሀንተንቱ ሀይቃንታ ጌዳ” ያጋዱ።

4 ሾሻይ ሞሽራቶ፡ “ቱይት፡ ሀንተንቱ አይነ ሀይቁክታ፤

5 ጸሳይ ሄዋ ጌዳዋ፡ ሄ ሞላ ቱራ ሀንተንቱ ሞጥ፡ ሀንተንቱ አይፊ ዶየትና፡ ሎኡዋነ ኢታ ጸሳዳን * ሀንተንቱ ኤራናዋ እ ኤርያ ድራሳ” ያጌዳ።

6 ሞሽራታ ሄ ሞላ ቱራይ ማናዉ ማልእያዋ፡ ዴላናዉ ሎእያዋ፡ ቃይ አሳይ አዴዳ ኤራ ደማናዉ አሞይያዋ ግድያዋ በኣዱ፤ ሄ ሞላ ቱራጥ አካደ ማዱ፤ ቃይ ባረናና ደእያ ባረ አሰናዉካ ሄዋጥ እምና፡ እካ ሜዳ።

7 ሄዋጥ ኡንቱንቱ ላኡዋ አይፊካ ዶየቱዳ፤ ያትና ኡንቱንቱ ባረንቶ ካሎ ጸራ ደእያዋ ኤራድኖ፤ ባላሰያ ግያ ሞላ ሀይላ ሰኪደ፡ ባረንቶ ቃንላን ዳንጨድኖ።

8 ሳእይ ኦማርሴዳ ዋደ፡ ገነትያ ግዳዋን መድና ጎዳይ ጸሳይ ሀመትሸን፡ አ ኮሻ ብታኒኒ አ ማቻታ ሰሴድኖ፤ ኡንቱንቱ ገነትያ ሞላ ግድን መድና ጎዳ ጸሳጥ ቆስቱድኖ።

9 ሸን መድና ጎዳይ ጸሳይ ብታንያ ዴሲደ፡ “አዳማ፡ ሀቃን ደአይ?” ያጌዳ።

10 ብታኒ፡ “ገነትያ ግዳዋን ነ ኮሻ ሰሳደ፡ ታን ካሎ ደእያ ድራው፡ ያያደ ቆስታድ” ያጌዳ።

11 መድና ጎዳይ ጸሳይ አ፡ “ኔን ካሎ ደአሳን ጊደ ነዉ ኦዴዳዌ ኦኔ? ታን ኔና፡ ሞጥ’ ጋደ አዛዜዳ ሞላ ቱራጥ ማድዬ?” ያጊደ አቼዳ።

12 ሸን እ፡ “ታናና ደእናዳን ኔን እሜዳ ማጫውና ሄ ሞላ ቱራጥ ታዉ እምና ማድ” ያጌዳ።

13 መድና ጎዳይ ጸሳይ ሄዋጥ ጉየ ማቻቶ፡ “ኔን ሄዋ አያዉ ኦላድ?” ያጊደ አቼዳ። ሞሽራታ፡ “ታና ሾሻይ ጭምና ማድ” ያጋዱ።

ጸሳ ጥርዳ

14 መድና ጎዳይ ጸሳይ ሄዋጥ ጉየ ሾሻ፡ “ኔን ሀዋ ኡሴዳ ድራው፡ መሀያ ኡባነ ደኣ ኡባ ጋርሳን ነ ጸላላይ ሸቀቱዳዋ! ኔን ነ ኡሉዋን ቢታና ጎሽታና፤ ነ ደኡዋ ላይላ ኡባን ባና ላጫና።

15 ታን ኔና ነ ሞሽራቶ፡ ነ ዘረላነ እዝ ዘረላተ ሞርከ ከሳና፤ እ ነ ሀ-ጸያ ቆጻና፤ ኔንካ አ ግንድያ ዲካናሳ” ያጌዳ።

16 ሞሽራቶካ መድና ጎዳይ ጸሳይ፡ “ነ ሻሃሮ ዋደ ዳሮ ቱጋታና፤ ቃይ ኔን ዋልቃማ ኦይላን ናና የላና። ግድገኑ ኔን ነ አሰናና ደእናዉ አሞታና፤ እ ኔና ሞዳና” ያጌዳ።

17 ብታንያካ መድና ጎዳይ ጸሳይ ሀዋዳን ያጌዳ፤ “ኔን ነ ማቻት ኦዴዋ ሰሴዳ ድራውነ ታን ኔና፡ ሄ ሞላ ቱራ ሞጥ’ ጋደ አዛዜዳ ሞላ አይፍያ ኔን ሜዳ ድራው፡ ቢታይ ነ ጋሱዋን ሸቀቱዳዋ ግደ! ኔን ነ ደኡዋ ላይላ ኡባን ዋልቃማ ዳቡራን ቢታ ጎሻደ ማና።

18 ቢታይ ነዉ አጉንላነ ካሸያ ዶላና፤ ኔን ዋራን ዶሌዳዋ ማና።

19 ኔን ቢታዉ ሰማና ጋካናዉ፡ ዳቡራን ነ ሶምእ ጫዋትና ኦሴዳ ነ ቁማ ማና፤ አያዉ ጎጥ፡ ኔን ቢታጥ አከታዳ፤ ኔን ባና፤ ኔን ባናዉ ሰማና” ያጌዳ።

20 አዳመ ባረ ማቻቶ ሄዋኖ ቷ ጊደ ሱንሴዳ፤ አያዉ ጎጥ፡ እዛ ደኡዋን ደእያ አሳ ኡባዉ አቶ።

21 መድና ጎዳይ ጸሳይ አዳማዉነ አ ማቻትዉ ጫላ ገግሲደ ኡንቱንታ ማይዜዳ።

22 ሄዋጥ ጉየ መድና ጎዳይ ጸሳይ፡ “ሰም አሳይ ኑጥ እቱዋዳን ሎኡዋነ ኢታ ኤርያዋ ግዴዳ። እ ባረ ኩሽያ የዲደ፡ ደኡዋ ሞላጥ አኪደ፡ ቃይ ሜና ማላነ መድናዉ ደኡዋን ደኤና ማላ ተኤታናዉ ኮሼ” ያጌዳ።

23 ሄዋ ድራው፡ እ ባረ አከቴዳ ቢታ ኦላና ማላ፡ መድና ጎዳይ ጸሳይ ኤደነ ገነትያጥ አ ከሴዳ።

24 አ ከሰ ድጊደ፡ ደኡዋ ሞላኮ አፍያ ኦግያ ናጋና ማላ፡ ክሩቤላ ግያ ኪታንቻቱዋነ አድ አድ ዋድያ ታማ ላጩዋ ማሻ ኤደነ ገነትያጥ አዋይ ዶልያ ባጋና ዋሴዳ።

አዳማጥ ኖሀ ጋካናዉ

4

(ደመላ 4:1—5:32)

ቃዬላነ አቤላ

1 አዳም ባረ ማቻት ሄዋንና አቁዳ፤ እዛ ሻሃሮ ዋደ አቱማ ናኣ የላዳ፤ “መድና ጎዳይ ታና ማድና፡ አቱማ ናኣ ደማድ” ጋደ አ ቃዬላ * ሱንሳዳ።

* 2:23 አቱማ አሳ፡ ጉሳይ አብራዋቱዋ ቃላን “አሸ” ጌተቱ፤ “ማጫ አሳ” ጉሳይ “አሻህ” ጌተቱ፤ ሄዋ ላኡ ቃላቱ እቱ እቱዋ ማላቲኖ። 2:24 ማቶሳ 19:5፤ ማር. 10:7-8፤ 1 ቆሮ. 6:16፤ ኤፈ. 5:31 3:1 ሳዓ 12:9፤ 20:2 * 3:5 ጸሳዳን-ጸሳቱዋዳን። 3:13 2 ቆሮ. 11:3፤ 1 ጽዋ. 2:14 † 3:15 እዝ ዘረላ- ኡንቱንቱ ዘረላ። 3:15 ሳዓ 12:17 3:17 አብራ. 6:8 ‡ 3:20 ሄዋኖ፡ ሀ ሱንሳ ብለላይ “ደእያኖ” ግያዋ። * 4:1 ቃዬላ፡ አብራዌላ ቃላን “ቃይን” ጌተቱ። ብለላይ “ደማድ” ግያዋ።

2 ቃይ ኦ እሻ ኦቤላ የላዲ።
 ኦቤል ደርሳ ሄሜ፤ ቃይ ቃይል ቢታ ጎሼ።
 3 ኦንደና ዋድያፕ ጉየ፤ ቃይል ባረ ጋደን ዶልያ ካላፕ መድና ጎዳው ያርሹዋ ያርሹዳ፤
 4 ሸን ኦቤል ባረ ደርሳ ወድያ ግደን ባይራ የለቲዳ ማራቱዋፕ እክ ሹኪደ፤ ኦንቱንቱ እሹዋፕ ሞድያዋ ያርሹዳ። መድና ጎዳይ ኦቤላን ኦ ያርሹዋ እኬዳ፤
 5 ሸን ቃይላን ኦ ያርሹዋ እክቤና። ሄዋ ድራው፤ ቃይል ሎይል ይሎቲዳ፤ ባረ ዳሙዋካ ዲሞሴዳ።
 6 ያትና መድና ጎዳይ ቃይላ፤ “እያወ ይሎታይ? ነ ዳሙካ እያወ ዲሞሴዳ?
 7 ኔን ሎኦባ ኦላዋ ግድንቶ፤ ነ ሶሞኦ ፓሸከኔ?† ሸን ኔን ሎኦባ ኦላና ዳዮፕ፤ ናጋራይ ደኦዳን ነ ፕንግያን ሙጌ፤ እ ኔና ሞዳና ኮዬ፤ ሸን ኔን ኦ ጸናና በሴ” ያጌዳ።
 8 ሄዋፕ ጉየ፤ ቃይል ባረ እሻ ኦቤላ፤ “እነ ደሞባ ባይተ” ያጌዳ። ኦንቱንቱ ደሞባን ደእሸን፤ ቃይል ባረ እሻ ኦቤላ ቦላ ደንዲደ ዋዲዳ።
 9 መድና ጎዳይ ቃይላ፤ “ነ እሻይ ኦቤል ሀቃኔ?” ያጌደ ኦቲዳ።
 ቃይል ዛሪደ፤ “ታን ኤርከ፤ ታ እሻ ናግያዋ ታኔየ?” ያጌዳ።
 10 መድና ጎዳይ ቃይላ፤ “ሀዋ እያወ ኦላድ? በእ፤ ነ እሻ ሱላይ ቢታፕ ታኮ ዋሴ።
 11 ነ ኩሸያፕ ነ እሻ ሱላ እኪደ፤ ሞታናወ ሀንጌዳ ቢታፕ ሀኦ ኔን ሸቀቲዳዋ።
 12 ኔን ጎሸናካ ቢታይ ነወ አይፈና፤ በትያዳን ኔን ሳኦ ቦላን ቶይላካታና።” ያጌዳ።
 13 ቃይል መድና ጎዳ፤ “ፖራ! ኔን ታና ሙርያ ሙራይ ታን ኡባካ ዳንዳየናዋ።
 14 ሄኮ ኔን ታና ሀቼ ሀ ቢታፕ የደርሳሳ፤ ታን ነ ሰንላፕ ቆሰታና፤ በትያዳን ታን ሳኦ ቦላን ቶይላካታና፤ ታና ደሞዌ ኦንን ዋዳና” ያጌዳ።
 15 መድና ጎዳይ ኦ፤ “ኔና ኦንን ዋ□ና፤ ዋዶፕ፤ ነ ሀሎዋ እን ላፕን ኩሸያ ከሳና” ያጌዳ። ሄዋ ድራው፤ ደሞዌ ኦንን ኦ ዋ□ናዳን መድና ጎዳይ ኦ ቦላ ማላታ ዋዲዳ።
 16 ቃይል መድና ጎዳ ሰንላፕ ከሲደ፤ ኤደነ ባጋፕ አዋይ ዶልያ ባጋና ደእያ ኖዳ ቢታን ደኤድና። ‡

ቃይላ የለታ

17 ቃይል ባረ ማቻትና አቄዳ፤ እዛ ሻሃር ዋደ ሄኖካ የላዲ። ቃይል ካታማ ሄ ዋደ ኬዲደ፤ ሄ ካታማ ባረ ናኦ ሱንላን “ሄኖካ” ጌደ ሱንላዳ።
 18 ሄኖክ እራዳ የሌዳ፤ እራድ ማህያኤላ የሌዳ፤ ማህያኤል ማቲሻኤላ የሌዳ፤ ማቲሻኤል ላሜካ የሌዳ።
 19 ላሜክ ኦደነ ዲሎ ግያ ላኡ ማቻቱዋ ዳወላ እኬዳ።

20 አዳ ያባላ የላዲ፤ ያባል መሀያ ሞድያ፤ ዳንካንያን ደእያ አሳቱዋ አወዋ።
 21 ኦ እሻ ሱንላይ የባላ፤ የባል ቃይ ዲላ ዲጽያን ኡልዲድያ ፑንያ አሳቱዋ ኡባ አወዋ፤
 22 ጸላ ቃይ ቱባልቃይና ግያ ናኦ የላዲ፤ ቱባልቃይን ናሃሰያፕን ብራታፕ ዳማ ዳማ ሚሻቱዋ ቆጽያዋ። ስ ቱባልቃይና ሞቻታ ናኦ።
 23 እት ጋላሰ ላሜክ ባረ ማቼቱዋ፤ “አዴ፤ ጸሌ፤ ሰሰተ፤ ታ ማቻቶ፤ እነ ታን ኦድያዋ ሀይዘተ። እት ብታኒ ታና ደቼዳ ድራው፤ ታን ኦ ዋዳድ፤ ኤ፤ ታን ሄ ታና ማሱንላዳ ዋዳላ ዋዳድ።
 24 ቃይላ ሀሎዋ ከሳናወ ላፑን ኩሺ ኮሾፕ፤ ላሜካ ሀሎዋ ከሳናወ ላፑን ታማን ላፑን ኩሺ ኮሺ” ያጌዳ።

ሴታን ሄኖሳ

25 አዳመ ባረ ማቻትና ግሰና ሀራ ናኦ የላደ፤ “ቃይል ዋዲዳ ኦቤላ ድራው ጸሳይ ታወ ሀራ ናኦ እሜዳ” ጋደ፤ ኦ ሴታ * ጋደ ሱንላዳ።
 26 ሴትካ አቱማ ናኦ የሌዳ፤ ኦ “ሄኖሳ” ጌደ ሱንላዳ። አሳይ መድና ጎዳ ሱንላ ጸሲደ ጎይንያዋ ሄ ዋደ ደሜዳ።

5

አዳማ የለታ (1 ኦዲዋ 1:1-4)

1 አዳማ የለታይ ሀዋፕ ካሊደ ጸፈቲዳ። ጸሳይ አሳ መዴዳ ጋላሰ ባረና ማላትሲደ መዴዳ።
 2 እ አቱማ አሳን ማጫ አሳ ኦላ መዴደ፤ ኡንቱንታ አንጄዳ። ኡንቱንታ መዴደ አሳ * ጌደ ሱንላዳ።
 3 አዳም 130 ላይላ ደኢደ፤ ባረና ማላትያ አቱማ ናኦ የሌዳ፤ ኦ “ሴታ” ጌደ ሱንላዳ።
 4 አዳም ሴታ የሌዳዋፕ ጉየ፤ 800 ላይላ ደኤዳ፤ ሀራ አቱማ ናናን ማጫ ናና የሌዳ።
 5 አዳም ሙላ 930 ላይላ ደኢደ ሀይቄዳ።
 6 ሴት 105 ላይላ ደኢደ፤ ሄኖሳ የሌዳ፤
 7 ሴት ሄኖሳ የሌዳዋፕ ጉየ፤ 807 ላይላ ደኤዳ፤ ሀራ አቱማ ናናን ማጫ ናና የሌዳ።
 8 ሴት ሙላ 912 ላይላ ደኢደ ሀይቄዳ።
 9 ሄኖሰ 90 ላይላ ደኢደ፤ ቃይናና የሌዳ፤
 10 ሄኖሰ ቃይናና የሌዳዋፕ ጉየ፤ 815 ላይላ ደኤዳ፤ ሀራ አቱማ ናናን ማጫ ናና የሌዳ።
 11 ሄኖሰ ሙላ 905 ላይላ ደኢደ ሀይቄዳ።
 12 ቃይናን 70 ላይላ ደኢደ፤ ማላልኤላ የሌዳ፤
 13 ቃይናን ማላልኤላ የሌዳዋፕ ጉየ፤ 840 ላይላ ደኤዳ፤ ሀራ አቱማ ናናን ማጫ ናና የሌዳ።
 14 ቃይናን ሙላ 910 ላይላ ደኢደ ሀይቄዳ።
 15 ማላልኤል 65 ላይላ ደኢደ፤ ያራዳ የሌዳ፤
 16 ማላልኤል ያራዳ የሌዳዋፕ ጉየ፤ 830 ላይላ ደኤዳ፤ ሀራ አቱማ ናናን ማጫ ናና የሌዳ።

4:4 እብራ. 11:4 † 4:7 ነ ሶሞኦ ፓሸከኔ፡- ታ ነ ያርሹዋ እካናሸን። 4:8 ማቶሳ 23:35፤ ሉቃሳ 11:51፤ 1 ዮሃ. 3:12 4:10 እብራ. 12:24 ‡ 4:16 ኖድ፡- ሀ ሱንላ ብርሸላይ “ቶይላካትያ ሳኦ” ግያዋ ግያ ጋድያን ደኤዳ። § 4:22 ናሃሰያፕን ብራታፕ ዳማ ዳማ ሚሻቱዋ ቆጽያዋ፡- እት በን ቱርጉሚ ብራታ ቆጽያዋንቱ ኡባ ማይዛ አወዋ ያጌ። * 4:25 ሴታ፡- ሀ ሱንላ ብርሸላይ “አሜዳ” ግያዋ። 5:1 ደመላ 1:27-28 * 5:2 አሳ፡- እብራዌል ቃላን “አሳ” ጉሳይ “አዳማ” ግያዋ።

17 ማላልኤል ሙሉ 895 ላይላ ደኢደ ሀይቅዳ።
 18 ያሬድ 162 ላይላ ደኢደ፤ ሄኖካ የሌዳ፤
 19 ያሬድ ሄኖካ የሌዳዋጥ ጉየ፣ 800 ላይላ ደኤዳ፤ ሀራ ከቱማ ናናን ማጫ ናና የሌዳ።
 20 ያሬድ ሙሉ 962 ላይላ ደኢደ ሀይቅዳ።
 21 ሄኖክ 65 ላይላ ደኢደ፤ ማቱሳላ የሌዳ፤
 22 ማቱሳላ የሌዳዋጥ ጉየ፣ ሄኖክ 300 ላይላ ጸሳና ሀመቲደ ደኤዳ፤ ሀራ ከቱማ ናናን ማጫ ናና የሌዳ።
 23 ሄኖክ ሙሉ 365 ላይላ ደኤዳ፤
 24 እ ጸሳና ሀመቲደ ጳዬዳ፤ አያው ጎጥ፣ ጸሳይ እ አፌዳ።
 25 ማቱሳላ 187 ላይላ ደኢደ፤ ላሜካ የሌዳ፤
 26 ማቱሳላ ላሜካ የሌዳዋጥ ጉየ፣ 782 ላይላ ደኤዳ፤ ሀራ ከቱማ ናናን ማጫ ናና የሌዳ።
 27 ማቱሳላ ሙሉ 969 ላይላ ደኢደ ሀይቅዳ።
 28 ላሜክ 182 ላይላ ደኢደ፤ ከቱማ ናና የሌዳ።
 29 “ሀ ናአይ መቅና ጎዳይ ሸቅዳ ቢታ ቦላን ኑና ኑ ኩሽያ ኦሱዋ ዳቡራጥ ሸምጥሳና” ጊደ ኖሀ ተ ሱንሴዳ።
 30 ላሜክ ኖሀ የሌዳዋጥ ጉየ፣ 595 ላይላ ደኤዳ፤ ሀራ ከቱማ ናናን ማጫ ናና የሌዳ።
 31 ላሜክ ሙሉ 777 ላይላ ደኢደ ሀይቅዳ።
 32 ኖሄ 500 ላይላ ደኢደ፤ ሴማ፣ ካማን ያፌታ የሌዳ።

ኖሀን ባሻ ሃላ

6

(6:1—10:32)

እሳ ኢታተላ
 1 እሳይ ሳኦ ቦላን ዳሬዳ ዋደ፣ ኡንቱንቶ ማጫ ናናይ የለቱድኖ፤
 2 “ሳሉዋ መጠታቱ” * ጌተትያዋንቱ ሀ እሳ ማጫ ናናይ ማላ ሎኦ ግድያዋ በኤድኖ፤ ያቲደ ኡንቱንቱጥ ባረንቶ ደሬዳዋንታ እኬድኖ።
 3 መቅና ጎዳይ፣ “ታ አያናይ እሳን መቅናው ደኤና፤ አያው ጎጥ፣ እሳይ ሀይቅያዋ፤ አ ላይላቱካ እት ጾታን ላታማ ግዳና” ያጌዳ።
 4 ሄ ዋደን ሄዋጥ ጉየ ሳሉዋ መጠታቱ እሳ ማጫ ናና አክና፣ ናናይ የለቱዳ ዋደ፣ ዋጋ አዲሳ እሳቱ ሳኦ ቦላን ደኤድኖ። ኡንቱንቱን በን ዋደ ኦሳው ምናን ኤረቱዳ እሳ።
 5 መቅና ጎዳይ ሄ ዋደ ሳኦ ቦላን ደኢያ እሳ ኢታተላይ ዳሬዳዋን ኡንቱንቱ ዋዛናይ ቆጥያባይ ኡባይ ኡባ ዋደካ ኢታ ጸላላ ግዴዳዋ በኤዳ፤
 6 መቅና ጎዳይ እሳ ሀ ሳኦ ቦላን መጴዳዋ ካዮቱዳ፤ ባረ ዋዛናን ሎይሳ ሴለቱዳ።
 7 ሄዋ ድራው መቅና ጎዳይ፣ “ታን መጴዳ እሳ ሀ ሳኦ ቦላጥ ሙሉ ጳይሳና፤ እሳ፣ መሀያ፣ ደኤ፣ ቢታና ጎሽቶያ መጠታቱዋን ሳሉዋ ካፎቱዋ ጳይሳና፤ አያው ጎጥ፣ ታን ኡንቱንታ መጴዳዋ ካዮታድ” ያጌዳ።
 8 ሸን ኖሄ መቅና ጎዳ ሰንላን ናሸቱዳ።
 ኖሀ

9 ኖሄ ሀኔዳባይ ሀዋጥ ካሊደ ጸፈቱዳ። ኖሄ ጽሎ አሳ፤ እ ባረ ዋድያን ደኤዳ አሳ ግደን ሱረ አሳ፤ ኖሄ ጸሳና ሀመቲዳ።
 10 ኖሄ ሴማ፣ ካማን ያፌታ ግያ ሄዙ ከቱማ ናና የሌዳ።
 11 ሄ ዋደ ቢታይ ሳኦ ጸሳ ሰንላን ቱኔዳ፤ ሳኦ ኡባይ ማካላን ኩሜዳ።
 12 ጸሳይ ሀ ሳኦ ጾሌዳ፤ ሳኦ ቱኔዳዋ በኤዳ፤ አያው ጎጥ፣ ሳኦን ደኢያ እሳይ ኡባይ ባረ ኦግያ ቱንሰ ዋሌዳ።
 13 ሄዋ ድራው፣ ጸሳይ ኖሀ ሀዋዳን ያጊደ አዛዜዳ፤ “ታን እሳ ኡባ ጳይሳና ሀናይ፤ ኡንቱንቱ ጋሱዋን ሳኦይ ማካላን ኩሜዳ ድራው፣ ታን ቱሙጥ አሳካ ሳኦካ ጳይሳና።
 14 ሄዋ ድራው፣ ምኖ ምላጥ ነው ማርካብያ ኬዳ፤ ሄ ማርካብያ ግደን ጮራ ቆልኦቱዋ ከሳ፤ ያታደ ሶናን ካረና ሸድያን ባራ።
 15 ማርካብያ ሀዋዳን ያታደ ኬዳ፤ አዲሳተላ ሄዙ ጾቱ ዋዳ፣ ጎምጋ እሻታሙ ዋዳ፣ ጌሳ ሀታሙ ዋዳ ኦላ፤
 16 ማርካብያው ካራ ተ መዳ፤ ካራጥን ጎዳጥ ግዲዋን እት ዋዳ ግድያ ሳ ካሎ አጋ ባሻ፤ ጥንግያ ማርካብያው ምይያና ከሳ፤ ማርካብያ ሄዙ ፖቅያ ከሳደ ኬዳ።
 17 “ታን ሳሉዋጥ ጋርሳን ደኤዋ ሸምጥና ደኢያ መጠታ ኡባ ጳይሳናው፣ ሀ ሳኦ ቦላን ባሻ ሃላ የዳና፤ ሀ ሳኦን ደኢያባይ ኡባይ ጳያና።
 18 ሸን ታን ታ ቃላ ጫቁዋ ኔናና ጫቁታና። ኔን ነ ማቻቶ፣ ነ ከቱማ ናናን ነ ከቱማ ናና ማቻቱዋ ኔናና አካደ ማርካብያ ግደ ገላ።
 19 ኡንቱንቱ ኔናና ሸምጥና አታና ማላ፣ ሸምጥ ደኢያ መጠታ ኡባጥ ቆሙዋን ቆሙዋን ከቱማዋን ማጫዋ ላኡዋ ላኡዋ አካደ፣ ማርካብያ ግደ ገላሳ።
 20 ዲማ ዲማ ቆዋ ካፋዋጥ፣ ዲማ ዲማ ቆዋ መሀያጥን ቢታና ጎሽቶያ ዲማ ዲማ ቆዋ መጠታቱዋ ኡባጥ ላኡዋ ላኡዋ ግዲደ፣ ሸምጥና አታና ማላ ኔኮ ያና።
 21 ቃይ ኔን ኔናና ደኢያዋንቱ ማናው፣ ዲማ ዲማ ቆሙ ምያ ካላ አፋደ፣ ማርካብያ ግደን ቆላ” ያጌዳ።
 22 ኖሄ ኡባባካ ጸሳይ አዛዜዳዋዳን ኦሌዳ።

7

1 መቅና ጎዳይ ሄዋጥ ጉየ ኖሀ ሀዋዳን ያጌዳ፤ “ኔን ነ ሱ እሳ ኡባና ማርካብያ ግደ ገላ፤ አያው ጎጥ፣ ታን ሀ ዋድያ የለታ ግደን ኔን ጽሎ ግዴዳዋ በኤድ።
 2-3 ኔን ጌሻ ግዴዳ መሀያን ደኤ ኡባጥ አ ቆሙዋጥ ቆሙዋጥ ከቱማዋን ማጫዋ ላፑኑዋ ላፑኑዋ፣ ጌሻ ግደና መሀያን ደኤ ኡባጥ አ ቆሙዋጥ ቆሙዋጥ እት ከቱማዋን እት ማጫዋ፣ ቃይ ሳሉዋ ካፋዋጥ አ ቆሙዋጥ ቆሙዋጥ ከቱማዋን ማጫዋ ላፑኑዋ ላፑኑዋ ኦላደ፣ ሳኦ ኡባ ቦላን ዲማ ዲማ ዘረላይ ሸምጥና አታና ማላ ኔናና አካደ ገላ።

5:24 እብራ. 11:5፤ ይሁዳ 14 † 5:29 ኖሀ- ሀ ሱንላይ “ሸምጥሴዳ” ግያዋ ማላቱ። 6:1 አዮባ 1:6፤ 2:1 * 6:2 ሳሉዋ መጠታቱዋ- ጸሳ ናናቱዋ፤ ጸሳቱዋ ናናቱዋ። 6:5 ማቶሳ 24:37፤ ሉቃሳ 17:26፤ 1 ጳጳ. 3:20 6:10 2 ጳጳ. 2:5 † 6:16 ካራ- ማሰኮትያ። 6:22 እብራ. 11:7

4 እያው ጎተ፣ ላፑን ጋላሳጥ ጉየ፣ ታን ኦይታሙ ጋላሳን ኦይታሙ ቃማ ሀ ሳኦ ሰላን እራ ቡክሳና፤ ያታደ ታን መጴዳ መጠታ ኡባ ሳኦ ሰላጥ ጳይሳና” ያጌዳ።

5 ኖሄ መድና ጎዳይ ኦ ኦዛዜዳ ኡባባ ኦሌዳ።

6 ባሻ ሃላይ ሀ ሳኦ ሰላ ዬዳ ዎደ፣ ኖሄ ላይላይ ኡሱፑን ጴታ።

7 ኖሄ፣ ኦ ኦቱማ ናናይ፣ ኦ ማቻታን ኦ ናና ማቼቱ ባሻ ሃላጥ ኦታናው ማርካብያ ግዶ ገሌድና።

8 ጌሻ መሀያጥን ደኣጥ፣ ጌሻ ግደና መሀያጥን ደኣጥ፣ ካፋዋጥን ቢታና ጎሽትያዋንቱ ኡባጥ

9 ጸሳይ ኖሀ ኦዛዜዳዎዳንካ ኦቱማዌን ማጫዌ ላኡዋ ላኡዋ ግድ፣ ኖሄኮ ዪደ ማርካብያ ግዶ ገሌድና።

10 ላፑን ጋላሳጥ ጉየ፣ ባሻ ሃላይ ሀ ሳኦ ሰላን ዬዳ።

11 ኖሄ ኡሱፑን ጴቱ ላይላ ደእና፣ ላኤንላ ኦግናን፣ ታማን ላፑንላ ጋላሳን፣ ሄ ጋላሳን ቢታ ግዶን ደእያ ዎልቃማ ጨማ ፑልቱዋ ኡባይ ጳቂ ኦኤዳ፤ ሳሉዋን ደእያ ሃላ ጥንገቱካ ዶየት ዎጴድና፤

12 እራይ ሀ ሳኦ ሰላን ኦይታሙ ጋላሳን ኦይታሙ ቃማ ቡኤዳ።

13 ሄ ጋላሳን ኖሄን ኦ ኦቱማ ናናይ፣ ሴመ፣ ካመን ያፊት፣ ኖሄ ማቻታን ኦ ናና ሄዛቱዋ ማቻቱ እትጥ ማርካብያ ግዶ ገሌድና።

14 ኡንቱንቱን ደኦ ኡባጥ ባረ ቆሙዋን ቆሙዋን፣ መሀያ ኡባጥ ባረ ቆሙዋን ቆሙዋን፣ ሳኦና ጎሽትያዋንቱ ኡባጥ ባረ ቆሙዋን ቆሙዋን፣ ካፋዋ ኡባጥ ባረ ቆሙዋን ቆሙዋን፣ ኡንቱንቱና እትጥ ገሌድና፤

15 ደኡዋ ሽምጥዎና ደእያዋንቱ ኡባይ ላኡዋ ላኡዋ ግድ፣ ኖሄኮ ዪደ ማርካብያን ገሌድና፤

16 ጸሳይ ኖሀ ኦዛዜዳዎዳን፣ መጠታ ኡባጥ ኦቱማዋን ማጫዋ ግዲደ፣ ማርካብያ ግዶ ገል ሰዋዋን፣ መድና ጎዳይ ማርካብያ ጥንገያ ጎርዳዳ።

17 ባሻ ሃላይ ኦይታሙ ጋላሳ ሳኦ ሰላን ቡኪደ ጋምኤዳ፤ ሃላይ ዳሪደ፣ ማርካብያ ቢታጥ ፑደ ደንሴዳ።

18 ሃላይ ቢታ ሰላን ሎይላ ዳርና፣ ማርካብ ሃላ ሰላን ቶከቱዳ።

19 ሳሉዋጥ ጋርሳና ደእያ ጳቃ ደረቱ ኡባይ ሞተታና ጋካናው፣ ሃላይ ሀ ሳኦ ሰላን ሎይላ ዎልቃጥ ዳሪዳ።

20 ሃላይ ደረቱዋ ጴራጥ ኦዲደ፣ ታማን እቼሹ ዋቋ ጋካናው ቶኤዳ።

21 ያትና ሳኦ ሰላን ሽምጥዎና ቃጽያ መጠታቱ ኡባይ፣ ካፋ፣ መሄ፣ ደኦይ፣ ሳኦ ሰላን ሻምኦ ግያ መጠታ ኡባይን ኦሳይ ኡባይ ሀይቄዳ።

22 ኤ፣ መላ ቢታ ሰላን ደእያ፣ ባረ ሲድያን ደኡዋ ሽምጥዋ ሽምጥያ ኡባይካ ሀይቄዳ።

23 ሀ ሳኦን ፓጳ ደእያባይ ኡባይ፣ ኦሳይ፣ መሄን ደኦይ፣ ቢታና ጎሽትያ መጠታቱን ሳሉዋ ካፍቱ ኡባይካ ሳኦጥ ጳዬድና። ኖሄ ጸላላይን እናና ማርካብያ ግዶን ደእያዋንቱ ኦቱድና።

24 ሄ ሃላይ ጴታን እሻታሙ ጋላሳ ጋካናው ሳኦ ሰላን ጋምኤዳ።

8

ባሻ ሃላይ ሾራዳ

1 ሽን ጸሳይ ኖሀ፣ እናና ማርካብያ ግዶን ደእያ ደኦ ኡባን መሀያ ኡባ ቆፔዳ፤ ሳኦ ሰላን ጫርኩዋ ጫርክሴዳ፤ ሄ ሃላይ ዎቱ ዎቱ ቤዳ።

2 ቃይ ቢታ ግዲዋን ደእያ ጨሙዋ ፑልቱን ሳሉዋን ደእያ ሃላ ጥንገቱ ጎርደቱድና፤ እራይካ ሳሉዋን ኤቄዳ።

3 ያትና ሃላይ ዎቱ ዎቱ ቤዳ። ሄ ጴታን እሻታሙንላ ጋላሳጥ ጉየ፣ ሃላይ ዎጴዳ።

4 ሃላይ ዎቱና ማርካብ ላፑንላ ኦግናን፣ ታማን ላፑንላ ጋላሳን ኦራራተ ግያ ደረቱዋ ሰላ ኡቱዳ።

5 ሃላይ ታማንላ ኦግናይ ጋካናው ዎቱ ዎቱ ቤዳ፤ ታማንላ ኦግናው ኮይሮ ጋላሰ ደረቱ ጴራይ ቤቱዳ።

6 ኦይታሙ ጋላሳጥ ጉየ፣ ኖሄ ባረ ኮጴዳ ማርካብያ ማሰኮትያ ዶይዳ፤

7 ያቲደ እት ቁሩዋ ካረ ዮድና፤ ቁሩ ሃላይ ቢታ ሰላጥ መላና ጋካናው፣ ያን ሃን ፓሊደ ጋምኤዳ።

8 ቃይ ኖሄ ሃላይ ቢታ ሰላጥ ዎቱ ወራደንቶን በእናው እት ሀራጳቶ ካረ ዮዳዳ፤

9 ሽን ሄ ሀራጳታ ሃላይ ቢታ ኡባ ሰላን ሀእካ ደእያ ድራው፣ ሽምጥያ ሳኦ ደማበይኩ። ሄዎ ድራው ሰማደ፣ ማርካብያ ግዶን ደእያ ኖሄኮ ያዲ፤ ኦ ባረ ኩሽያ ዮዲደ፣ ባረኮ ማርካብያ ግዶ እኩዳ።

10 ሄዋጥ ጉየ፣ ሀራ ላፑን ጋላሳ ጋምኤደ፣ ደጎማቶ ዛሪደካ ማርካብያ ግዶጥ ከሲደ ዮዳዳ።

11 ሄ ሀራጳታ ሳኦይ ኦማርሰያ ዎደ ኦኮ ሰማደ ያዲ፤ ዎጋራ ማላትያ ሞላጥ ዲሌዳ እርጸ ሀይላ ባረ ደናን ሳኦ ኦካደ ያዲ። ሄዎ ድራው፣ ሃላይ ቢታ ሰላጥ ዎጴዳዋ ኖሄ ኤራዳ።

12 ቃይ ኖሄ ሀራ ላፑን ጋላሳ ጋምኤደ፣ ሄ ሀራጳቶ ዛረሊደ ዮዳዳ፤ ሽን ሄ ሀራጳታ ኦኮ ሰማደ ያበይኩ።

13 ኖሄ ኡሱፑን ጴታን እት ላይላ ደእና፣ ኮይሮ ኦግናን ኮይሮ ጋላሰ፣ ሃላይ ቢታ ሰላጥ ጽኤዳ፤ ኖሄ ማርካብያ ቁምኤዳ ዶይ ጴሊደ፣ ቢታይ ጽኤዳዋ በኤዳ።

14 ላኤንላ ኦግናን ላታማን ላፑንላ ጋላሳን፣ ቢታይ ሙለ መሌዳ።

15 ጸሳይ ሄ ዎደ ኖሀ ሀዋዳን ያጌደ ኦዛዜዳ፤

16 “ኔን ነ ማቻቶ፣ ነ ኦቱማ ናናን ነ ናና ማቻቱዋ ኦካደ ማርካብያ ግዶጥ ከሳ።

17 ኡንቱንቱ የለቲደ፣ ዳሪደ ጮራና ማላ፣ ሽምጥ ደእያ መጠታ ኡባጥ ኔናና ደእያዋንታ፣ ካፍቱዋ፣ መሄቱዋ፣ ዶኦቱዋን ቢታና ጎሽትያ ኡባ ኔናና ከሳ” ያጌዳ።

18 ኖሄ ባረ ኦቱማ ናናቱዋና፣ ባረ ማቻትናን ባረ ናና ማቼቱዋና ማርካብያ ግዶጥ ከሴዳ።

19 መሀያን ደኦ ኡባይ፣ ቢታና ጎሽትያ መጠታ ኡባይ፣ ካፋዋ ኡባይን ሳኦ ሰላን ዎጽ ቃጽያባ ኡባይ ባረ ቆሙዋን ቆሙዋን ማርካብያ ግዶጥ ከሴድና።

20 ሮሄ መድና ጎዳው ያርሽያ ሳኦ ግምቤዳ፤ ጌሻ መሀያን ደኦ ኡባጥን ጌሻ ካፋዋ ኡባጥ እኪደ፤ ያርሽያ ሳኦን ጸጊደ ያርሽዬ።

21 ያትና መድና ጎዳይ ያርሹዋ ፔኑዋ ሳዋያዋ ስንጊደ፤ ባረ ዋዛናን ሀዋዳን ያጌዳ፤ “ናአተሳጥ ደምና፤ አሳይ ዋዛናን ቆፕያባይ ኡባይ ኢታ ግደጥ፤ ታን አሳ ድራው ጋደ ላኤንሶ ኡባካ ሀ ሳኦ ሸቁከ። ቃይ ታን ሀእ ኦፊዳዋዳን ፓጻ ደእያ መጋታ ኡባ ላኤንሶ ኡባካ ጳይሰከ።

22 ሀ ሳኦይ ደኤዳ ኬሻ ኡባን፤ ዘርያ ዋዲነ ጫክያ ዋዲ፤ ሜጉነ ሆምቤ፤ ቦኒነ ባልጉ፤ ጋላሳይነ ቃማይ ኡባደካ ደእና” ያጌዳ።

9

ጸሳይ ሮሄና ገሌዳ ቃላ ጫቁዋ

1 ጸሳይ ሮሀነ እ አቱማ ናና ሀዋዳን ያጊደ እንጄዳ፤ “የለትተ፤ ጮርተ፤ ሳኦ ኡባ ኩምተ።

2 ሳኦ ደእቱ ኡባይ፤ ሳሉዋ ካፋቱ ኡባይ፤ ጋድያን ዋጽ ቃጽያባ ኡባይነ አባን ደእያ ሞለቱ ኡባይ ሀንተንቶ ያይሮነ ዳጋምኖ። ኡንቱንቱ ሀንተንቶ አጲደ እመቲድኖ፤

3 ታን ሞክያ ዲማ ዲማ ካፋቱዋ ሀንተንቶ እሜዳዋዳንካ፤ ሸምፑ ደእያ ዋጽ ቃጽያ መጋታ ኡባይ ሀንተንቶ ቁማ ግደና።

4 ሸን ሱላ ግደን ሸምፑ ደእያ ድራው ሱላይ እ ግዲዋን ደእያ አሹዋ ሞጥተ።

5 ታን ሀንተንቱ ሸምፑዋና ደእያ ሀንተንቱ ሱላ ደኦ ኡባጥ ቱሙ አቻና፤ ቃይ አሳ ኡባጥ፤ እ ማላ አሳ ሱላ አቻና።

6 ጸሳይ አሳ ባረና ማላትሲደ መጴዳ ድራው፤ አሳ ሱላ ጉሰያ ኦናነ ግደጥ፤ እ ሱላይካ አሳ ኩሽያን ጉካናዋ።

7 ሀንተንቱ የለትተ፤ ጮርተ፤ ሳኦን ዳርተ፤ እን ጮርተ” ያጌዳ።

8 ሄዋጥ ጉየ፤ ጸሳይ ሮሀነ አናና ደእያ እ አቱማ ናና።

9-10 “ሰም ሀእ፤ ታን ታ ጫቁዋ ሀንተናና፤ ሀንተጥ ጉየ ሀንተንቱ ዘረፋናነ ፓጻ ኔናና ደእያ መጋታ ኡባና ጫቁታይ፤ ኤ፤ ታን ታ ጫቁዋ ካፋዋና፤ መሀያና፤ ሳኦ ደኦ ኡባና፤ ማርካብያጥ ሀንተናና ከሴዳ፤ ሸምፑዋና ደእያ መጋታ ኡባና ጫቁታይ።

11 ታን ሀንተናና ታ ጫቁዋ ጫቁታይ፤ ሀዋጥ ሰንላን ሸምፑ ደእያባይ ኡባይ ባሻ ሃላን ኡባካ ባየና፤ ሀ ሳኦ ባይዘያ ሃላይ ሀዋጥ ሰንላን ኡባካ ደኤና” ያጌዳ።

12 ቃይካ ጸሳይ፤ “ታን ታጥነ ሀንተጥ፤ ሀንተናና ደእያ ፓጻ መጋታቱዋ ኡባጥ ግዲዋን ያና የለታ ኡባና ጫቁትያ ጫቁዋ ማላታይ ሀዋ፤

13 ታን ታ ዙሉዋ ሻርያን ኤሳድ፤ እ ታጥነ ሀ ሳኦጥ ግዲዋን ደእያ ጫቆ ማላ ግደና።

14 ታን ሳኦጥ ቦላን ሻርያ አሄዳ ዋደነ ሻርያን ዙሉ ቤቱዳ ዋደ፤

15 ታጥነ ሀንተጥ ሸምፑ ደእያ ዲማ ዲማ ቆሞ መጋታ ኡባጥ ግዲዋን ጫቁቱዳ ታ ጫቁዋ

ሀሳያና፤ ፓጻ ደእያዋ ኡባ ጳይሳናው ሀዋጥ ሰንላን ኡባካ ባሻ ሃላይ ዬና።

16 ዙሉ ሻርያን ቤቱዳ ዋደ እዉደነ፤ ታን እ በእና፤ ታጥ ጸሳጥነ ሀ ሳኦ ቦላን ሸምፑዋና ደእያ ዲማ ዲማ ቆሞ መጋታ ኡባጥ ግዲዋን ጫቁቱዳ መድና ጫቁዋ ታን ሀሳያና” ያጌዳ።

17 ጸሳይ ሮሀ፤ “ታን ታጥነ ሀ ሳኦ ቦላን ሸምፑዋና ደእያዋ ኡባጥ ግዲዋን ጫቁቱዳ ጫቁዋ ማላይ ሀዋ” ያጌዳ።

ሮሀነ እ ናና

18 ማርካብያጥ ከሴዳ ሮሄ አቱማ ናናይ ሴማ፤ ካማነ ያፌታ፤ ካመ ካናነ አዉዋ።

19 ሀዋንቱ ሄዙካ ሮሄ ናና፤ ሳኦን ኡባን ደእያ አሳይ ኡንቱንቱጥ የለቱዳ።

20 ሮሄ ጎሻንቻ፤ እ ዋይንያ ቱራ ቶከላ ደሜዳ።

21 እት ጋላስ እ ሄ ዋይንያ ኤሳ ኡሺደ ማሉቲዳ፤ ባረ ዲንካንያ ግደን ካሎ ጸራ ግሴዳ።

22 ካናነ አዉዋ ካመ ባረ አዉዋ ካሉዋ በኤዳ፤ ካረ ከሲደ፤ ባረ ላኤ እሻቶ ኦዳዳ።

23 ሸን ሴምነ ያፌት አፍላ እቱዋ እኪደ፤ ላአቱካ ባረንቱ ሀሸያና ሀሸያና ጋሳ ኦይቂደ፤ ጉየጉላን ሀመት ገሊደ፤ ባረንቱ አዉዋ ካሉዋ ካሜድኖ፤ ኡንቱንቱ ባረንቱ አዉዋ ካሉዋ በኤና ማላ ባረንቱ ዴሙዋ ዋራ ዘሬድኖ።

24 ሮሄ ማሉ አድና ቤነቲደ፤ እ ናኦይ ኡባጥ ቱፋይ እ ኦፊዳዋ ኤሬዳ።

25 እ፤ “ካናነ ሸቁቱዳዋ ግደ! እ ባረ እሻቶ ዉርሰላ አይልያ ግደ” ያጌዳ።

26 ቃይካ ሮሄ፤ “መድና ጎዳይ፤ ሴማ ጸሳይ ጋላተቶ! ካናነ ሴማ አይልያ ግደ፤

27 ጸሳይ ያፌታ * ቢታ አሶ። ያፌታ ዛራቱ ሴማ ዛራቱዋ ግደን ደእኖ፤ ካናነ ያፌታ አይልያ ግደ” ያጌዳ።

28 ባሻ ሃላጥ ጉየ፤ ሮሄ 350 ላይላ ደኤዳ።

29 ሮሄ ሙላ 950 ላይላ ደኤደ ሀይቄዳ።

10

ሮሄ ናናቱዋ የለታ (1 ኦዲዋ 1:5-23)

1 ሮሄ ናና፤ ሴማ፤ ካማነ ያፌታ የለታይ ሀዋጥ ካሊደ ጸፈቱዳዋ፤ ባሻ ሃላጥ ጉየ፤ ኡንቱንቶ አቱማ ናናይ የለቲድኖ።

ያፌታ ናና

2 ያፌታ አቱማ ናናይ፤ ጎመራ፤ ማጎጋ፤ ማዲያ፤ ያዋና፤ ቱባላ፤ መሸካነ ቲራሳ።

3 ጎመራ አቱማ ናናይ፤ አሸካናዛ፤ ሪፋታነ ቶጋርማ።

4 ያዋና አቱማ ናናይ፤ ኤሊሻ፤ ታርሴሰ፤ ክቲማነ ርዳ።

5 ሀዋንቱጥ አባ ደናን ደእያ አሳይ ኡባይ ባረ ጋድያን ጋድያን፤ ባረ ቃላን ቃላን፤ ባረ ያራን ያራን፤ ባረ ካዉተላን ካዉተላን ሻከቲድኖ።

9:1 ደመላ 1:28 9:4 ደመላ 17:10-14፤ ዋጋ 19:26፤ ዛረ. 12:16፤ 23፤ 15:23 9:6 ደመላ 1:26፤ ከሳ 20:13
9:7 ደመላ 1:28 * 9:27 ያፌታ፡- እብራዌሉዋን ሀ ሰንላ ብለላይ፤ “ጉጂ” ግያዋ ማላቲ።

ካማ ናና
6 ካማ አቱማ ናናይ፡ ኩሻ፡ ሞጽራይማ፡ ጉጸን ካናና፡

7 ኩሻ አቱማ ናናይ፡ ሳባ፡ ኤወላጸ፡ ሳብታ፡ ራእማን ሳብታካ፡

8 ኩሻ ናሞራዳ የሌዳ፤ ናሞራድ ሀ ሳኣን ኮይር ዋልቃማ ኦላንቻ ግዴዳ፤

9 መድና ጎዳ ሰንሳንካ እ ዋልቃማ ሻንካንቻ ግዴዳ፤ “ናሞራዳዳን መድና ጎዳ ሰንሳን ዋልቃማ ሻንካንቻ ግዴዳ” ጉሳይ ሄዋ ድራሳ፡

10 እ ካወተላይ ኮይር ካታማት ሳናኦሪ ጋድያን ደእያ ባብሎን፡ ኤሬካ፡ እካዳን ካልና፡

11-12 እ ሄ ቢታጥ አሶሪ ቢደ፡ ነኩ፤ ርሆቦታን ካላሀ ኬጼዳ፤ ቃይ ናናዌጥን ካላሀጥ ግዴታን ደእያ ረሴና ግያ ዋልቃማ ካታማካ ኬጼዳ፡

13-14 ሞጽራይመ ሉደቱዋ፡ አናማዋቱዋ፡ ላሃበቱዋ፡ ናፍቱሄቱዋ፡ ፓትሮሳቱዋ፡ ካሰሉሄቱዋን ፕልሰጸማቱዋ ዘረላቱዋ የሌዳ ካፍቶረቱዋ የሌዳ፡

15-18 ካናን ባረ ባይራ ናእ ሲደናን ሄታ የሌዳ፤ ቃይ ካናን ያቡሳ አሳ፡ አሞረ አሳ፡ ገርጌሰ አሳ፡ ሄዌ አሳ፡ አርቀ አሳ፡ ሲና አሳ፡ አርዋደ አሳ፡ ጸማረ አሳን ሀማታ አሳ የሌዳ፡

ሄዋጥ ጉዩ፡ ካናን ዛራቱ ላለትና፡

19 ካናን ቢታ ዛዋይ ሲደናጥ ደሚደ፡ ጌራራናን ጋዛና አዲደ፡ ሶደማን ጋሞራ፡ አዳማን ጸቦይማ ቢደ፡ ላሻእን ዛዋቱ፡

20 ካመ አቱማ ናናይ ባረንቱ ያራን ያራን፡ ባረንቱ ቃላን ቃላን፡ ባረንቱ ቢታን ቢታንን ባረንቱ ካወተላን ካወተላን ጸፈቱዳዋንቱ ሀዋንታ፡

ሴማ ናና

21 ሴማወ ናናይ የለቱድና፤ እ ያፌታወ ባይራ እሻን ኤቦራ ናና ኡባወ ማይዛ አወዋ፡

22 ሴማ አቱማ ናናይ፡ ኤላማ፡ አሶራ፡ አርፋክሳዳ፡ ሉዳን አራማ፡

23 አራማ አቱማ ናናይ፡ ኡጸ፡ ሁላ፡ ገቴራን መሸካ፡

24 አርፋክሳድ ሸላሀ የሌዳ፡ ሸላሀ ኤቦራ የሌዳ፡

25 ኤቦራወ ላኡ አቱማ ናናይ የለቱድና፡ አቱዋ ሱንሳይ ፔሌጋ፤ እያወ ጎጥ፡ ሳኣን ደእያ አሳይ አ ዋድያን ሻከቱዳ፤ እ እሻ ሱንሳይ ዮቅጸና፡

26 ዮቅጸን ናና የሌዳ፡ ኡንቱንቱነ፡ አልሞዳዳ፡ ሸሌፋ፡ ሀጸርማዌታ፡ የራሀ፡

27 ሀድራማ፡ ኡዛላ፡ ዲቅላ፡

28 ኦባላ፡ አብማኤላ፡ ሳባ፡

29 ኦፊራ፡ ሀዊላን ዮባባ፡ ሀዋንቱ ኡባይካ ዮቅጸና አቱማ ናና፡

30 ኡንቱንቱ ደኤዳ ሄራይ ማሻጥ ቢደ አዋይ ደልያ ባገና ደእያ ደሪ ዳርያ ጋድያን ሳፋራ ጋኬ፡

31 ሴማ አቱማ ናናይ ባረንቱ ያራን ያራን፡ ባረንቱ ቃላን ቃላን፡ ባረንቱ ጋድያን ጋድያንን ባረንቱ ካወተላን ካወተላን ጸፈቱዳዋንቱ ሀዋንታ፡

32 ሀዋንቱ ባረንቱ ያራን ያራንን ባረንቱ ካወተላን ካወተላን ጸፈቱዳ ናሄ አቱማ ናና

ዛራቱዋ፡ ባሻ ሃሳጥ ሰሚደ፡ ካወተላቱዋ ሀዋንቱጥ ሳኣ ኡባወ የለት እኬድና፡

11

ባብሎና ግምቢያ (11:1-9)

1 ሳኣ ቦላን ደእያ አሳይ ኡባይ ኮይር እት ደናን እት ቃላ ሃሳዪና፡

2 አሳቱ አዋይ ከሰያ ባጋ ሰሚደ ቤዳ ዋደ፡ ሳናኦሪ ግያ ጋድያን ደሞባ አቱዋ ደሚደ ያን፡ ኡቱድና፡

3 ኡንቱንቱ እቱ እቱዋ፡ “ሃ ዪተ፤ ጸብያ መዲደ፡ ታማን ጸጎይተ” ያጌድና፡ ኡንቱንቱ ሹቻ ድራወ ጸብያ፡ ኡርቃ ድራወ ሸድያ እኬድና፤

4 “ሃ ዪተ፤ ኑ ሱንሳ ጸብሳናወን ቃይ ኑን ሀ ሳኣ ኡባ ቦላን ላለተናን አታናወ እት ዋልቃማ ካታማን ጸራይ ሳሉዋ ጋክያ እት ፖቅያ ኑወ ኬጸይተ” ያጌድና፡

5 ሸን ጎዳይ አሳቱ ኬጼዳ ዋልቃማ ካታማን ፖቅያ በአናወ ዲገ ዋዲዳ፤

6 መድና ጎዳይ “ሄኮ ኡንቱንቱ እት አሳ፤ ቃይ ኡንቱንቱ ኡባይካ እት ቃላን ሃሳዪና፤ ኡንቱንቱ ሀእ ሀዋ ኦላናወ ደሞዋጥ ጉዩ፡ ኡንቱንቱ ባረንቶ ኦላናወ ቆፖዋ ኡንቱንቶ ዳንዳየተናዌ እያይነ ባዋ፡

7 ሃ ዪተ፤ ዲገ ዋዲደ ኡንቱንቱ እቱ ሃሳይያ ቃላ እቱ ኤሪና ማላ፡ ኡንቱንቱ ቃላ ዲማዮይተ” ያጌዳ፡

8 መድና ጎዳይ ኡንቱንታ ሄዋጥ ሳኣ ኡባ ቦላን ላልና፡ ኡንቱንቱ ሄ ዋልቃማ ካታማ ኬጸያዋ አጊሼድና፡

9 መድና ጎዳይ ሳኣ አሳ ቃላ ያን ዲማዬዳ ድራወ፡ ሄ ካታማይ ባቤላ * ጌተቱዳ፡ ጎዳይ ኡንቱንታ ሄዋጥ ሳኣ ኡባ ቦላን ላሌዳ፡

ሲማጥ አብራማ ጋካናወ (11:10-32)

10 ሴማ የለታይ ሀዋጥ ካሊደ ጸፈቱዳዋ፡ ባሻ ሃሳጥ ጉዩ፡ ላኡ ላይላ ግድና፡ ሴማ ላይላይ 100 ግዴዳ ዋደ፡ ሴም አርፋክሳዳ የሌዳ፡

11 ሴም አርፋክሳዳ የሌዳዋጥ ጉዩ፡ 500 ላይላ ደኤዳ፤ ሀራ አቱማ ናናካ ማጫ ናናካ የሌዳ፡

12 አርፋክሳድ 35 ላይላ ደኤዳ፡ ሸላሀ የሌዳ፤

13 አርፋክሳድ ሸላሀ የሌዳዋጥ ጉዩ፡ 403 ላይላ ደኤዳ፤ ሀራ አቱማ ናናካ ማጫ ናናካ የሌዳ፡

14 ሸላሀ 30 ላይላ ደኤዳ፡ ኤቦራ የሌዳ፤

15 ሸላሀ ኤቦራ የሌዳዋጥ ጉዩ፡ 403 ላይላ ደኤዳ፤ ሀራ አቱማ ናናካ ማጫ ናናካ የሌዳ፡

16 ኤቦር 34 ላይላ ደኤዳ፡ ፔሌጋ የሌዳ፤

17 ኤቦር ፔሌጋ የሌዳዋጥ ጉዩ፡ 430 ላይላ ደኤዳ፤ ሀራ አቱማ ናናካ ማጫ ናናካ የሌዳ፡

18 ፔሌግ 30 ላይላ ደኤዳ፡ ራኣ የሌዳ፤

19 ፔሌግ ራኣ የሌዳዋጥ ጉዩ፡ 209 ላይላ ደኤዳ፤ ሀራ አቱማ ናናካ ማጫ ናናካ የሌዳ፡

* 11:9 ባቤላ፡ እብራዌላዋን ሀ ሱንሳ ብላላይ ዋላከቱዳዋ ግያዋ ማላቱ፡

20 ራኡ 32 ላይላ ደኢደ፣ ሳሩጋ የሌዳ፤
 21 ራኡ ሳሩጋ የሌዳዋጥ ጉዮ፣ 207 ላይላ ደኤዳ፤ ሀራ አቱማ ናናካ ማጫ ናናካ የሌዳ።
 22 ሳሩጋ 30 ላይላ ደኢደ፣ ናኮራ የሌዳ፤
 23 ሳሩጋ ናኮራ የሌዳዋጥ ጉዮ፣ 200 ላይላ ደኤዳ፤ ሀራ አቱማ ናናካ ማጫ ናናካ የሌዳ።
 24 ናኮር 29 ላይላ ደኢደ፣ ታራ የሌዳ፤
 25 ናኮር ታራ የሌዳዋጥ ጉዮ፣ 119 ላይላ ደኤዳ፤ ሀራ አቱማ ናናካ ማጫ ናናካ የሌዳ።
 26 ታር 70 ላይላ ደኢደ፣ አብራማ፣ ናኮራነ ሃራና የሌዳ።

ታራ የለታ
 27 ታራ የለታይ ሀዋጥ ካሊደ ጸፈቱዳዋ። ታር አብራማ፣ ናኮራነ ሃራና የሌዳ፤ ሃራን ሎጸ የሌዳ።
 28 ሃራን ባረ አዉ ታር ፓጸ ደኢሸን፣ ባረ የለቱዳ ካላዳዌቱዋ ጋድያን፣ ኡራ ግያ ዋልቃማ ካታማን ሀይቄዳ።
 29 አብራምን ናኮርነ ላአቱካ አኬድኖ፤ አብራም ማቻት ሱንላይ ሳር፤ ቃይ ናኮራ ማቻት ሱንላይ ሞልኮ፤ ሞልካ ሃራና ናቶ፤ ሃራን ሞልክወነ ይሰካንዉ አዉዋ።
 30 ሳራ ማንላቶ፤ እዘዉ ናእ ባዋ።
 31 ታር ባረ ናእ አብራማ፣ ባረ ናእ ሃራና ናእ ሎጸን፣ ባረ ናእ አብራም ማቻቶ ሳር አኪደ ከሰና፣ ኡንቱንቱ እትጥ ካናን ጋድያ ባናዉ ኡር ግያ ካላዳዌቱዋ ካታማጥ ደንዴድኖ፤ ሸን ኡንቱንቱ ካራን ግያ ካታማ ጋካናዉ ቢደ፣ ያን ኡቲድኖ።
 32 ታር 205 ላይላ ደኢደ፣ ካራነን ሀይቄዳ።

አብራማ፣ ይሳቃነ ያቆባ ታርክያ

12

(12:1—35:29)

አብራም ጸሳ
 1 መድና ጎዳይ አብራማ ያጌዳ፤ “ኔን ነ ጋድያጥ፣ ነ ደቡቱዋጥ ነ አዉዋ ጎለ አሳጥ ሻከታደ፣ ታን ኔና በሰያ ጋድያ ባ።
 2 ታን ኔና ዋልቃማ ካዉተላ ኦላና፤ ቃይ ታን ኔና አንጃና፤ ታን ነ ሱንላ ግታያና፤ ያትና ኔን አንጃ ግዳና፤
 3 ታን ኔና አንጃያዋንታ አንጃና፤ ቃይ ኔና ሸቄያዋንታ ታን ሸቃና፤ ሀ ሳእ ቦላን ደኢያ አሳይ ኡባይ ነ ባጋና አንጀታና”* ያጌዳ።
 4 አብራም መድና ጎዳይ አዉ ኦዴዳዋዳን ደንዲደ ቤዳ፤ ሎጸካ አናና ቤዳ፤ አብራም ካራነጥ ቤዳ ዋደ፣ አዉ ላይላይ ላፑን ታማን እቼሻ።
 5 አብራም ባረ ማቻቶ ሳር፣ ባረ እሻ ናእ ሎጸ፣ ያን ሺሺዳ ባረንቱ ማጸዋ ኡባነ፣ ካራነን ኡንቱንቱ ደሜዳ ቆማቱዋ አኪደ፣ ካናን ጋድያ ባናዉ ደንዴዳ፤ ቢደ ኡንቱንቱ ካናን ጋድያ ጋኬድኖ።
 6 አብራም ሄ ጋድያን ሰኬማ ግያ ሳእን ደኢያ ሞረ ግያ ዋልቃማ ዋላ ጋካናዉ ሀመቲደ ቤዳ። ሄ ዋደ ካናን አሳቱ ሄ ጋድያን ደኢኖ።
 7 ሸን መድና ጎዳይ አብራማዉ ቆንጨደ አ፣ “ሀ ጋድያ ታን ነ ዘረላዉ እማና” ያጌዳ። እ

ባረዉ ቆንጨዳ መድና ጎዳዉ ሄ ሳእን ያርሸያ ሳእ ኬጲደ ጎይኔዳ።
 8 ሄዋጥ ደንዲደ፣ ቤቴለጥ አዋይ ዶልያ ባጋና ደኢያ ደረትያ ሳእ ቢደ፣ ሄዋን ቤቴለ አዋይ ዉልያ ባጋ አገደ፣ ቃይ አይ አዋይ ዶልያ ባጋ አገደ፣ ግዲዋን ባረ ዲንካንያ ቶጌዳ፤ ሄዋን መድና ጎዳዉ ያርሸያ ሳእ ኬጲደ፣ መድና ጎዳ ሱንላ ጸሴዳ።
 9 ሄዋጥ ጉዮ፣ አብራም ያጥ ደንድ ቢደ ኔጌባ ባዙዋ ጋኬዳ።

አብራም ግብጾ ቤዳ
 10 ሄ ዋደ ሄ ጋዲ ኮሻቲዳ፤ ኮሻይ ጲጵ ደኢያ ድራዉ፣ አብራም እማራዳ ዋድያ ደአናዉ ዲገ ግብጾ ዋዴዳ።
 11 ግብጾ ገላና ሀንሸን፣ አብራም ባረ ማቻቶ ሳር ሀዋዳን ያጌዳ፤ “ሰሳ፤ ኔን ሎይላ ማላ ሎኦ ማጫ አሳ ግድያዋ ታን ኤራይ።
 12 ግብጾ አሳቱ ኔና በኢያ ዋደ ኡንቱንቱ፣ ‘ሀና አ ማቻቶ’ ያገደ ኡንቱንቱ ታና ዋዳና፤ ሸን ኔና ፓጸ አጋና።
 13 ሰም ኡንቱንቱ ታዉ ነ ጋሱዋን ኬካና ማላነ፣ ቃይ ታን ሀይቀናን ነ ጋሱዋን አታና ማላ ኔን፣ ‘ታን አ ሞቻቶ’ ያጋ” ያጌዳ።
 14 አብራም ግብጾ ቢታ ገሌዳ ዋደ፣ ግብጾ አሳቱ ሄ ሞሸራታ ዳር ማላ ሎኦ ማጫ አሳ ግድያዋ በኤድኖ።
 15 ቃይ ግብጾ ካትያዉ አልያ ካፓቱካ እዘ በኤዳ ዋደ፣ ካትያ ሰንላን እዘ ናሼድኖ፤ ያጥደ እዘ ካትያ ጎለ አፌድኖ።
 16 ያትና እዝ ጋሱዋን ካቲ አብራማ ሎኦ አይፍያን ጸሌዳ፤ አብራማዉ ደርሳቱዋን ቦራቱዋ፣ አቱማ ሀረቱዋን ማጫ ሀረቱዋ፣ አቱማ ቆማቱዋን ማጫ ቆማቱዋ፣ ጋሉዋ እሜዳ።
 17 ሸን መድና ጎዳይ አብራም ማቻቶ ሳር ጋሱዋን ግብጾ ካትያ ቦላነ አ ሶ አሳ ቦላ ዳር ካእያ ሀርግያ የዴዳ።
 18 ያትና ካቲ አብራማ ጸሲደ፣ “ኔን ሀዋ አያዉ ታ ቦላ ኦላድ? እዘ ነ ማቻቶ ግዴዳዋ አያዉ ታዉ ኦዳበይኪ?
 19 ኔን እዘ፣ ‘ኣዘ ታ ሞቻቶ’ ጋደ ታዉ አያዉ ኦዳዲ? ታን እዘ ታዉ ማቼ ኦላናዉ አኬዳዌ ሄዋ ድራሳ። ሰም ሀእ ነ ማቻቶ ሀና በእ፤ እዘ አካደ ባ” ያጌዳ።
 20 ባረ አሳ አዛዝና፣ ኡንቱንቱ አብራማ አ ማቻቶናን አዉ ደኢያ ኡባባና ከሲደ የዴድኖ።

13

አብራምን ሎጸ ሻከቱድኖ
 1 ሄዋ ድራዉ አብራም ባረ ማቻቶናን፣ ባረዉ ደኢያዋ ኡባና ግብጾጥ ነጌባ ባዙዋ ቤዳ፤ ሎጸካ አናና ቤዳ።
 2 አብራም ሄ ዋደ ሚዛ፣ ብራንነ ዋርቃን ዳሪ ዲረቱዳ።
 3 እ ነጌባጥ ደንዲደ ቤቴለ ጋካናዉ ቤዳ፤ ሄ ሳእይነ ቤቴለጥን አይጥ ግዲዋን እ ኮይር ባረ ዲንካንያ ቶጌዳ ሳእን

12:1 ኪታ 7:2-3፤ አብራ. 11:8 12:3 ጋላ. 3:8 * 12:3 ነ ባጋና አንጀታና- ኔና አንጃዋዳ አንጃና ማላ ኡባይ ዋሳና።
 12:7 ኪታ 7:5፤ ጋላ. 3:16 12:13 ደመላ 20:2፤ 26:7

4 ያርሽያ ሳኦ እ ኮይሮ ኬዴዳ ሳኦ። ያን ኣብራሙ መድና ጎዳ ሱንጎ ዳሴዳ።

5 ኣብራሙና ዩይያ ሎጸውካ ሚዛይ፡ ደርሳ ዉዲን ዲንካኒ ደኤ።

6 ሸን ኤንቲንቲ እትፕ ደእናዉ ኤንቲንቲ ቢታይ ግድቤና፤ ኤንቲንቲ ዳሮ መሃ ደእያ ድራዉ፡ ኤንቲንቲ እትፕ ደእናዉ ዳንዳይባይክኖ።

7 ሄዋ ጋሱዋን ኣብራሞ ዉድያ ሄምያዋንቲ ግድን ሎጸ ዉድያ ሄምያዋንቲ ግድን ዋላሳይ ከሴዳ። ሄ ዋደ ካናናቲን ፓርዘቲ ሄ ጋድያን ደእኖ።

8 ያንና ኣብራሙ ሎጸ፡ “ኩን እሻቲዋ ግድያ ድራዉ፡ ታ ግድን ነ ግድን፡ ታ ዉድያ ሄምያዋንቲ ግድን ነ ዉድያ ሄምያዋንቲ ግድን ዋላሳ ከሶፓ።

9 ቢታ ኡባይ ነ ሰንጎን ደኤኔ? እነ ኩን ሻከቶይቲ፤ ኔን ሀድርሳ ባጋ ቦፕ፡ ታን ኡሸቻ ባጋ ባና፤ ኔን ኡሸቻ ባጋ ቦፕ፡ ታን ሀድርሳ ባጋ ባና” ያጌዳ።

10 ሎጸ ዩይ እድ ዳሊደ፡ ዮርዳኖሳ ሻፋ ዋምባይ ኡባይ ቢደ ዘኣራ ጋካናዉ፡ መድና ጎዳ ገነትያ * ዋይ ግብጾ ቢታ ማላ ዳር ሃላይ ደእያዋ ግድያዋ በኤዳ። (ሄዌን መድና ጎዳይ ሶዶማን ጋሞራ ጌተትያ ካታማቶ ቆይሳናፕ ካሰ)።

11 ሄዋ ድራዉ ሎጸ ባረዉ ዮርዳኖሳ ዋምባ ኡባ ደሪደ፡ አዋይ ደልያ ባጋ ቤዳ፤ ያትና ኤንቲንቲ እቲ እትዋፕ ሻከቲድኖ።

12 ኣብራሙ ካናን ጋድያን ደኤዳ፤ ሸን ሎጸ ዋምባን ደእያ ዋልቃማ ካታማቲዋ ግዲዋን ኡቲደ፡ ሶዶማ ካታማ ማታን ባረ ዲንካንያ ቆጌዳ።

13 ሄ ዋደ ሶዶማ አሳቲ ኢታን መድና ጎዳ ቦላ ፓላ ናጋራ ኣልያዋንታ።

14 ሎጸ ኣብራሙ ሻከቲዳዋፕ ጉዮ፡ መድና ጎዳይ ኣብራማ ሀዋዳን ያጌዳ፤ “ቆቁ ጋደ ኔን ደኢያሳፕ አዋይ ደልያ ባጋን አዋይ ዉልያ ባጋ፡ ቃይ ሁጺሳ ባጋን ገድሳ ባጋ ዳላ።

15 ሀ ኔን ዳልያ ቢታ ኡባ ታን ነዉን ነ ዛርያዉ መድናዉ እማና፤

16 ታን ነ ዛርያ ሳኦ ሻፍያዳን ዳርሳና፤ ኣንነ ሳኦ ሻፍያ ፓይዳና ዳንዳዮፕ፡ ነ ዛሪካ ፓይደታና።

17 ደንዳ፤ ቢታ ጎምፓን ፑደን ዲን ሀንነ ሃን ሀመታደ በእ፤ እያዉ ጎፕ፡ ታን ሀ ቢታ ነዉ እማና” ያጌዳ።

18 ኣብራሙ ባረ ዲንካንያ ሾዲደ፡ ከብርን ካታማን ደእያ ማምረ ዋላቲዋ ዋጋቲዋ ማታን ደእናዉ ቤዳ። ሄዋን መድና ጎዳዉ ያርሽያ ሳኦ ኬዴዳ።

14

ኣብራሙ ሎጸ ዋል እኬዳ

1 ሄ ዋደ ሳናኦሪ ካቲ አምራፊል፡ ኤላሳራ ካቲ አርዮክ፡ ኤላማ ካቲ ካድርላኦመርን ጎይማ ካቲ ትድኣል ኦይዳ።

2 ሶዶማ ካትያ ቤራኣራ፡ ጋሞራ ካትያ ብርሻራ፡ አዳማ ካትያ ሸንኣባራ፡ ጸቦይማ ካትያ

ሸመቤራራን (ጸኣር ጌተትያ) በላኦ ካትያና ኦላዉ ሳልፔድኖ።

3 ሀዋንቲ እቼሹ ካተቲ ጋከቲደ እት ዋልቃ ግዲደ፡ (ማጽነ አባ ግያ) ሲድማ ዋምባን ሸቁድኖ።

4 ኤንቲንቲ ካሰ ታማን ላኡ ላይላ ካድርላኦመራዉ ሞደቲድኖ፤ ሸን ታማን ሄዘንላ ላይላን አዉ ማካሌድኖ።

5 ታማን ኦይደንሉ ላይላን ካድርላኦመርን አናና ዙፕቲዳ ካተቲ ባረንቲ ኦላንቻቲዋ እክ ቢደ፡ አሰታሮት ጸርናይማን ደእያ ራፋዮታ፡ ሃማን ደእያ ዙዘታን ሻዌ-ቅርያታይማን ደእያ ኤመታ ኦሊደ ጸኔድኖ።

6 ሆራ ቢታ አሳቲዋካ ሰኢራ ደርያን ኦሊደ፡ ባዙዋ ማታን ደእያ ኤልፓራና ግያ ሳኦ ጋካናዉ ዩደርሴድኖ።

7 ሄዋፕ ጉዮ ሰሚደ፡ አይን-ምሽፓጸ ዬድኖ። (ሀኦ ሄ ሳኦይ ቃዴሳ ጌተቲ።) ኤንቲንቲ ኣማሌቃቲዋ ቢታ ኡባን ቃይ ሀጸጸን ታማራ ግያ ሳኦን ደእያ አሞራቲዋ ኦሊደ ጸኔድኖ።

8 ሄዋፕ ሰሚደ፡ ሶዶማ ካቲ፡ ጋሞራ ካቲ፡ አዳማ ካቲ፡ ጸቦይማ ካቲን (ጸኣር ጌተትያ) በላኦ ካቲ ደንዴድኖ፤ ሲድማ ዋምባን ሳልፔድኖ።

9 ሀዋንቲ ኡባይ ኤላማ ካትያና፡ ጎይማ ካትያና፡ ሳናኦሪ ካትያናን ኤላሳራ ካትያና (ሀ እቼሹ ካተቲ ኦይዳ ካተቲዋና) ኦለቲድኖ።

10 ሲድማ ዋምባን ሄ ዋደ፡ ሸድያዳን ኦይቁያባይ ኩሜዳ ኦላይ በሴዳ፤ ሶዶማ ካቲን ጋሞራ ካቲ ባረንቲ ኦላንቻቲዋና ኦላፕ ባቃትሸን፡ ኤንቲንቲ አማራዳዋንቲ ሄ ኦላቲዋን ኩንዴድኖ፤ ሸን አቲዳዋንቲ ደርያ ባቃቲድኖ።

11 ኦይዳ ካተቲ ሶዶማን ጋሞራ ካታማቲዋ ማጹዋ ኡባን ኤንቲንቲ ቁማ ኡባ ቦንቂደ አኬድኖ።

12 ኣብራሞ እሻ ናኦይ ሎጸ ሶዶማን ደእያ ድራዉ፡ እካ አ ማጹዋካ አኬድኖ።

13 ሄዋፕ ጉዮ፡ እት ብታኒ ባቃት ዩደ ኣብራሞ ኣብራማዉ ሀዋ ኦይዳ። ኣብራሙ ሄ ዋደ፡ ኤሸኮላን እኔራ እሻ አሞርያ ማምረ ዋላ ማታን ደኤ። ኤንቲንቲ ኡባይካ ኦላ ዛራናዉ ኣብራሙና ጫቁዋ ጫቁት ኡቲድኖ።

14 ኣብራሙ ባረ ዳቡ አሞደቲዳዋ ሰሴዳ ዋደ፡ ኦላ ኤርያ ባረ ሶን የለቲዳ 318 አሳ ደንጴዳ፤ ሄ ኦይዳ ካተቲዋ ካሊደ ዳን ግያ ካታማ ጋካናዉ ቤዳ።

15 ቃማን ባረ አሳ ጨጉዋን ጨጉዋን ሻክ፡ ባረ ሞርከቲዋና ኦለቲደ ኤንቲንታ ጸኔዳ። ደማሰቆፕ ሁጺሳ ባጋና ደእያ ሆባ ግያ ሳኦ ጋካናዉ ዩደርሴዳ።

16 ማጹዋ ኡባ፡ ቃይ ባረ ዳቡዋ ሎጸን አ ማጹዋ፡ ማጫ አሳን ሀራ አሳ ዋል እኬዳ።

17 ኣብራሙ ካድርላኦመራን አናና ዙፕቲዳ ካተቲዋ ጸኒደ ሰሜዳዋፕ ጉዮ፡ ሶዶማ ካቲ፡ (ካተቲዋ ዋምባ ግያ) ሻዌሀ ዋምባን አ ሞካናዉ ከሴዳ።

ማልካ-ጸደቁ ኣብራማ እንጄዳ

* 13:10 መድና ጎዳ ገነትያ፡ ኤደን ገነትያ በሰያዋ። 13:10 ደመላ 2:10 13:15 ኪታ 7:5 14:18 ኣብራ. 7:1-10

18 ሄ ዋደ፣ ሳሌመ ካቲ ማልካ-ጸደቄ ኡክላነ ዋይንያ ኤሳ እኪደ ዬዳ፤ እ ኡባፕ ጵቂያ ጸሳ ቄሰያ።

19 እ ኡባፕ ሀዋዳን ያጊደ እንጂዳ፤ “ኡባፕ ጵቂያ ጸሳይ፤

ሳሉዋነ ሳኦ መጺዳዌ ኡባፕ ሀዋዳ፤

20 ቃይ ኡባፕ ጵቂያ ጸሳይ፤

ነ ሞርከቱዋ ነ ኩሽያን

እል እሚዳዌ ጋላተቶ” ያጌዳ።

ኡባፕ ሀዋዳ፤ ኡባፕ ሀዋዳ፤ ኡባፕ ሀዋዳ፤ ማልካ-ጸደቄ እሚዳ።

21 ሳደማ ካቲ ኡባፕ ሀዋዳ፤ “እሳ ታዉ እማደ፤ ማጸዋ ነዉ እካ” ያጌዳ።

22 ሸን ኡባፕ ሀዋዳ፤ ሳደማ ካትያ፤ “ታን መጵና ሳዳዉ፤ ኡባፕ ጵቂያ ጸሳዉ፤ ሳሉዋነ ሳኦ መጵዳዎ፤ ታ ኩሽያ ደንላደ ጫቃድ።

23-24 ታ እሳይ ሚዳዋፕ ነ ታናና ቤዳ እኔ፤ ኤሽኮላነ ማሞረ ጋክያዋፕ እትና፤ ኔን፤ ኡባፕ ሀዋዳ፤ ታን ዳረያድ” ኡባካ ጌና ማላ፤ ታን ነዋፕ ሀራይ እቶ ቁንጩትያ ዋይ ጫማ ቃቶያዋነ እክከ። ኡንቱንቱ ባረና ጋክያዋ እክኖ” ያጌዳ።

15

መጵና ሳዳይ ኡባፕ ሀዋዳ ጫቃድ

1 ሄዋፕ ጉዩ፤ መጵና ሳዳ ቃላይ ሳጸን ኡባፕ ሀዋዳ፤ ዩደ፤ “ኡባፕ ሀዋዳ፤ ያዮፕ! ታን ነዉ ሳንዳላ፤ ነ ጋቲ ሎይል ዳራ” ያጌዳ።

2 ኡባፕ ሀዋዳ፤ “እቤት ኡባ ሞድያ መጵና ሳዳዉ፤ ታዉ ኡባካ ናእ ባይና ድራዉ፤ ኔን እሞያ ጋቲ ታዉ እይሴ? ደማሰቆ ኤልኤዛር ታና ላታና ሸን” * ያጌዳ።

3 ቃይካ ኡባፕ ሀዋዳ፤ “ኔን ታዉ ናኦ እማባካ፤ ሄዋ ድራዉ ታ ሶን ደእያ ቆማይ ታና ላትያዋ” ያጌዳ።

4 መጵና ሳዳ ቃላይ እኮ ዩደ፤ “ሀ ቆማይ ኔና ላተና፤ ሸን ነ ጉልባታፕ ከሰያዌ ኔና ላታና” ያጌዳ።

5 ሰሚደ ካረ ኦ ከሰደ፤ “ሳሉዋ ፑደ ያላ፤ ኔን ጸልንተቱዋ ፓይዳናዉ ዳንዳዮፕ ፓይዳ፤ ነ ዘረላይካ ሀዋ ኬሻ ግዳና” ያጌዳ።

6 ኡባፕ ሀዋዳ፤ መጵና ሳዳ ኡባፕ ሀዋዳ፤ ሄዋ እዉ ጽሎተላዳን ፓይዳዳ።

7 መጵና ሳዳይ ቃይካ እ፤ “ታን ኔን ሀ ቢታ ላታና ማላ ነዉ እማናዉ ኡር ግያ ካላዳዌቱዋ ካታማፕ ኔና ከሳ እሄዳ መጵና ሳዳቱ” ያጌዳ።

8 ሸን ኡባፕ ሀዋዳ፤ “እቤት ኡባ ሞድያ መጵና ሳዳዉ፤ ታን ሀ ቢታ ላታናዋ እያን ኤር?” ያጌዳ።

9 መጵና ሳዳይ እ፤ “ሄዙ ላይላ ኡሳ፤ ሄዙ ላይላ ዳሻ፤ ሄዙ ላይላ ዶርሳነ ላኡ ቆሞ ሀራጵቱዋ ታዉ ኦካደ ያ” ያጌዳ።

10 እ ሀዋንታ ኡባ እዉ እፊዳ፤ ኡንቱንታ ጸልቂደ ላኡ ከሴዳ፤ ላኡዋ ከሴዳዋ እቱዋ እቱዋ ባጋን ዋሌዳ፤ ሸን ካፎቱዋ ላኡ ከሰ ጸልቂቤና።

11 ሄ ዋደ እንኮቱ ሄ እሹዋ ቦላ ዋዴድና፤ ሸን ኡባፕ ሀዋዳ፤ ኡንቱንታ የደርሴዳ።

12 ኦዋይ ዉልያ ዋደ ኡባፕ ሀዋዳ፤ ገሞእሹ ኦይቄዳ፤ ድጵ ጌዳ ጵማይ ኦ ቦላ ዋዴድ።

13 ያትና መጵና ሳዳይ እ፤ “ነ ዘረላይ ሀራ ጋድያን በተ ግዲደ ደእናዋ ኔን ቱሙፕ ኤራ፤ ኡንቱንቱ ኦይላቲደ ኦይዱ ጵቱ ላይላ ናቀታና።

14 ሸን ኦይላዩደ ኡንቱንታ ሞድያ ካዉተላ ታን ሙራና፤ ሄዋፕ ጉዩ፤ ኡንቱንቱ ዳር ኦቁዋና ሄ ቢታፕ ከሳና።

15 ኔና ግደፕ፤ ኔን ነ ማይዛ ኦዋቱዋኮ ሳርተላን ባና፤ ኔን ሎይላ ጭማደ ሀይቃናን ሞግታና።

16 ሸን ኦይደንላ የለታን ነ ዘረላይ ሀ ጋድያ ሰማና፤ እያዉ ሳፕ፤ ኦሞረቱ ናጋራይ ብር ልክያ ጋክቤና” ያጌዳ።

17 ኦዋይ ዉልና ሳኦ ጵማዳ፤ ጩጩያ ጩጩያን ታማ ላጩ እኬከናን ቤቲደ፤ ሄ ላኡ ከሰ ጸልቀቱዳዋንቱፕ ግዲዋና ኦዴዳ።

18 ሄ ጋላሰ መጵና ሳዳይ ኡባፕ ሀዋዳ፤ ያጊደ ጫቃዋ ጫቃቱዳ፤ “ግብጹ ሻፋፕ ደሚደ ኤፍራዲሳ ግያ ዋልቃማ ሻፋ ጋካናዉ፤ ሀ ቢታ ታን ነ ዘረላዉ እማድ፤

19-21 ሀ ቢታይ ቄናቱዋ፤ ቀንዘቱዋ፤ ቃድሞንቱዋ፤ ሂተቱዋ፤ ፓርዘቱዋ፤ ራፋየቱዋ፤ ኦሞረቱዋ፤ ካናንቱዋ፤ ገርጌሰቱዋን ያቡሳቱዋ ቢታ” ያጌዳ።

16

አጋር ኦ እሰማኤላ

1 ኡባፕ ሀዋዳ፤ ማቻታ ሳራ እዉ ናኦ የላበይኩ፤ ሸን እዝዉ ግብጹፕ ዬዳ አጋር ግያ እት ኦይላታ ደእዉ።

2 ሄዋ ድራዉ ሳራ ኡባፕ ሀዋዳ፤ “በእ፤ መጵና ሳዳይ ታዉ የሉዋ ድጌዳ። ኔን ባደ፤ ታ ኦይላትና ግሳ፤ ኦን ኤራ፤ ታን እዝ ባጋና ናኦ ዳዮ ግዳነንቶን” ያጋዱ። ኡባፕ ሀዋዳ፤ ሳር ቃላ ሰሲደ ማዬዳ።

3 ኡባፕ ሀዋዳ፤ ካናን ጋድያን ታሙ ላይላ ኡቱዳዋፕ ጉዩ፤ ኡባፕ ሀዋዳ፤ ማቻታ ሳራ ግብጹፕ ኦይላ ባረ ኦይላቶ አጋር፤ ባረ ኦሰና ኡባፕ ሀዋዳ፤ ማቻታዋ እማዱ።

4 አጋር ኦይዳ፤ እዛ ሻሃራዳ። እዛ ባረዉ ሻሃራይ ኦቱዳዋ ኤራዳ ዋደ፤ ባረ ሳዳቶ ካድያ ደማዱ።

5 ሄ ዋደ ሳራ ኡባፕ ሀዋዳ፤ “ታና ሀ ናቁዋ ናቁሰያዌ ኔና፤ * ታን ታ ኦይላቶ ነዉ እሞና፤ እዛ ሀእ ባረዉ ሻሃራይ ኦቱዳዋ ኤራደ፤ ታና ካፋዉ፤ ነባነ ታባ መጵና ሳዳይ ፕርደ” ያጋዱ።

6 ኡባፕ ሀዋዳ፤ ሳር፤ “ሀና በእ፤ ነ ኦይላታ ነ ኩሽያና፤ ኔን እዙ ነዉ ሎኦዋ ኦላ” ያጌዳ። ሄዋፕ ጉዩ፤ ሳራ አጋር ናቁና፤ እዛ ከሳደ ኢፕ ባቃታዳ።

* 15:2 ኤልኤዛር ታና ላታና- ኡባፕ ሀዋዳ፤ ቆንጩ ግዳና። 15:5 ሮመ 4:18፤ ኡባፕ. 11:12 15:6 ሮመ 4:3፤ ጋሊ. 3:6፤ ያቆባ 2:23 15:12 ኢዮባ 4:13፤ 14 15:13 ከሳ 1:1-14፤ ኪታ 7:6 15:14 ከሳ 12:40-41፤ ኪታ 7:7 15:18 ኪታ 7:5 * 16:5 ታና ሀ ናቁዋ ናቁሰያዌ ኔና- ኔን ታ ቦላ ኦላዌ ነ ቦላ ፔሽ ጉሳ።

7 መድና ጎዳ ኪታንቻይ ፑልቱዋ ማታን ዋራን አጋሮ ደሜዳ፤ ሄ ፑልቱ ሹራ ግያ ጋድያ አፍያ ኦግያ ማታና።

8 እ አጋሮ፡ “ሀነ ሳር አይላቱ አጋሬ፡ ሀቃጥ ያድ? ቃይ ሀቃ ባይ?” ያጊደ ኦፍዳ።

እዛ፡ “ታን ታ ጎዳት ሳርጥ ባቃታይ” ያጋዱ።

9 መድና ጎዳ ኪታንቻይ እዛው፡ “ኔን ነ ጎዳትኮ ጉየ ሰማደ ባ፤ እዛው ሞደታ” ያጊደ ኦፍዳ።

10 ቃይካ መድና ጎዳ ኪታንቻይ እዛ፡ “ነ ዛሪ ፓይዳናው ዳንዳየተናዋ ኮና ታን ጮርሳና” ያጊደ።

11 ቃይካ መድና ጎዳ ኪታንቻይ እዛ፡ “ሀእ ኔን ሻሃራ፤ ኔን አቱማ ናኦ የላና፤ አ እሰማኤላ ተ ጋደ ሱንላና፤ አያው ጎጥ፡ መድና ጎዳይ ነ ዋሱዋ ሰሴዳ።

12 እ ዋራን የዳ ደእያ ሀርያ ማላ አሳ ግዳና፤ አሳ ኡባና እ ኤቃታና፤ ቃይ አሳይ ኡባይካ አናና ኤቃታና፤ እ ባረ እሻቱዋ ኡባና እጸ ግዲደ ደእና” ያጊደ።

13 አጋራ፡ “ታን ታና በእያዋ በአደ ፓጸ አታኔ?” ያጋዱ፤ እዛ ባረው ሃሳዬዳ መድና ጎዳ፡ “ኔን ታና በእያ ጸሳ” ያጋደ ሱንላዳ።

14 ሄዋ ድራው ሄ ፑልቱዋ አላይ፡ “ታና በእያ ደኡዋ ጸሳ ፑልቱዋ” ጌተቱዳ፤ ሄ አላይ ሀኖ ጋካናው ቃዴሰጥነ ባራዳጥ ግዲዋን ደኤ።

15 አጋራ አብራሚው አቱማ ናኦ የላዱ፤ አብራሙ አጋራ የሌዳ ናኦ እሰማኤላ ጊደ ሱንሴዳ።

16 አጋራ እሰማኤላ አብራሙዋ የሌዳ ዋደ፡ አብራሙ ላይላይ ሆሰፑን ታማነ ኡሱፑና።

17

ቃጸራ፡ ጫቁዋ ማላ

1 አብራሙ ላይላይ ኡዲፑን ታማነ ኡዲፑና ግድያ ዋደ፡ መድና ጎዳይ አው ቆንጨደ አ፡ “ታን ኡባ ዳንዳይያ ጸሳ፤ ኔን ታ ሰንላን ሀመታ፤ ሱረ ግዳ።

2 ታን ታጥነ ኔጥ ግዲዋን ታ ጫቁዋ ዋላይ፤ ታን ኔና ሎይላ ጮርሳና” ያጊደ።

3 አብራሙ ባረ ዳሙዋን ዲገ ጉፋኔዳ፤ ጸሳይ አው ሀዋዳን ያጊደ።

4 “ሰም፡ ታን ኔናና ጫቀትያ ጫቁ ሀዋ፤ ኔን ዳሮ ካውተላ አውዋ ግዳና።

5 ሀዋጥ ደሚደ ነ ሱንላይ አብራሚ ጌተተና፤ ሽን ነ ሱንላይ አብራሚ * ግዳና። አያው ጎጥ፡ ታን ኔና ዳሮ ካውተላ አውዋ ኦላድ።

6 ታን ኔና ሎይላ ጮርሳና፤ ታን ኔጥ ካውተላቱዋ መዳና፤ ካተቱካ ኔጥ ከሳና።

7 ታን ታጥነ ኔጥ፡ ኔጥ ጉየ ነ ዘረላጥነ ግዲዋን፡ የለታጥ የለታ ጋካናው ታ ጫቁዋ ጫቃታይ፤ ሀ ጫቁ ታን ነውነ ኔጥ ጉየ ነ ዘረላው ጸሳ ግዳና ማላ መድና ጫቁዋ።

8 ሀእ ኔን በተ ግዳደ ደእያ ካናን ቢታይ ኡባይ ነውነ ኔጥ ጉየ ነ ዘረላው መድናው ላታ ግዳና

ማላ ታን እማና፤ ቃይ ታን ኡንቱንቱ ጸሳ ግዳና” ያጊደ።

9 ቃይካ ጸሳይ አብራሚ፡ “ኔና ግድግዳ፡ ኔን ታ ጫቁዋ ናጋ፤ ኔንካ ኔጥ ጉየ ነ ዘረላይካ፤ የለታጥ የለታ ጋካናው ናግተ።

10 ታጥነ ኔጥ፡ ኔጥ ጉየ ነ ዘረላጥ ግዲዋን ሀንተንቱ ናጋና ታ ጫቁ ሀዋ፤ ሀንተንቱ ግዲዋን ደእያ አቱማዬ ኡባይ ቃጸረቶ።

11 ሀንተንቱ አቱማተላ ሸኩዋ ቃጸረቲታ፤ ሄዋ ታጥነ ሀንተጥ ግዲዋን ደእያ ጫቁ ማላ ግዳናዋ።

12 ሀንተንቱ ግድን ሰንላጥ የለታና አቱማ ናናይ ኡባይ የለቱዳ ሆሰፑንላ ጋላሳን ቃጸረታናው ኮሼ። ነ ሶን የለቱዳዋንታ ግድና፡ ዋይ አላጋጥ ሻሉዋን ሻመቱዳ አይለቱዋ ግድና፡ ነ ዘረላ ግድናዋንታካ አቱማዋንታ ቃጸራናው ኮሼ።

13 ነ ሶን የለቱዳዋንቱ ነ ሻሉዋን ሻመቶዋንቱ ቃጸረትና። ሀዋ ሀንተንቱ አሹዋን ደእያ ታ ጫቁ መድና ጫቁዋ ግዳና።

14 ቃጸረትቤና፡ ባረ ሸኩዋና ደእያ አቱማ አሳይ ኡባይ ባረ አሳጥ ዳዳና፤ አያው ጎጥ፡ እ ታ ጫቁዋ መንሴዳ” ያጊደ።

15 ቃይካ ጸሳይ አብራሚ፡ “ሰም፡ ነ ማቻት ሳር ሱንላ ሳራይ ጎጥ፤ ሀዋጥ ሰንላው እዝ ሱንላይ ሳር። †

16 ታን እዘ አንጃና፤ ታን ኢጥ ነው አቱማ ናኦ ቱሙ እማና። እዘ ታን አንጃና፤ እዘ ካውተላቱዋ አቶ ግዳና፤ አሳ ካተቱ ኢጥ ያና” ያጊደ።

17 አብራሚ ባረ ዳሙዋን ጉፋኔዳ፤ እ ሚጨደ ባረ ዋዛና፡ “ጾቱ ላይላ አሳይ ቱሙ ናኦ የላኔ? ቃይ ኡዲፑን ታሙ ላይላ ግዴዳ ሳራ ናኦ የላኔ?” ያጊደ ቆፔዳ።

18 አብራሚ ጸሳ፡ “እሰማኤል ታና ላትያዋ ግዳናው ዳንዳየኔ?” ያጊደ።

19 ሽን ጸሳይ፡ “ቱይት፡ ነ ማቻታ ሳራ ነው አቱማ ናኦ ቱሙጥ የላና፤ ኔን ይሳቃ ‡ ጋደ አ ሱንላና። አጥ ጉየ፡ አ ዘረላው መድና ጫቁዋ ግዳና ማላ፡ ታን አናና ታ ጫቁዋ ጫቃታና።

20 ቃይ እሰማኤላ ባገደጥ፡ ኔን ኦፍዳዋ ታን ሰሳድ፤ ታን አካ አንጃና፤ ታን አ አንጃና ነ ዘረላ ሎይላ ጮርሳና፤ እ ታማነ ላኡ የለታቱዋ የላና፤ ታን አ ዘረላ ዋልቃማ ካውተላ አላና።

21 ሽን ታን ታ ጫቁዋ ላይላ ሀኖደ ሳራ ነው የልያ ይሳቃና ጫቃታና” ያጊደ።

22 ጸሳይ አብራሚ ሃሳዬደ ወርሴዳዋጥ ጉየ፡ አብራሚጥ ሻከቲደ ፑደ ቤዳ።

23 ሄ ጋላሳን አብራሚ ባረ ናኦ እሰማኤላ፡ ባረ ሶን የለቱዳ ኡባ፡ ባረ ሻሉዋን ሻሚዳዋንታ ኡባ፡ ባረ ሶን ደእያ አቱማ አሳ ኡባ፡ ጸሳይ አው ኡዴዳዋዳን ኡንቱንቱ አቱማተላ ቃጸራዳ።

24 አብራሚ ባረ አቱማተላ ቃጸረትያ ዋደ፡ ኡዲፑን ታማነ ኡዲፑን ላይላ አሳ፤

25 አ ናኦ እሰማኤል ባረ አቱማተላ ቃጸረትያ ዋደ፡ ታማነ ሄዙ ላይላ ናኦ።

26 አብራሚ ስን አ ናኦ እሰማኤል ላኦቱካ ሄ ጋላሳን ቃጸረቱድና።

† 16:11 እሰማኤላ- ሀ ሱንላ ብለላይ ጸሳይ ሰሴዳ ጉሳ። 16:15 ጋላ. 4:22 * 17:5 አብራሚ- ሀ ሱንላ ብለላይ ዳሮ ካውተላው አውዋ ግያዋ ማላቱ። 17:5 ሮመ 4:17 17:7 ሉቃስ 1:55 17:8 ኪታ 7:8 17:10 ኪታ 7:8፤ ሮመ 4:11 † 17:15 ሳር- ሀ ሱንላ ብለላይ ካውተላ አቶ ጉሳ። ‡ 17:19 ይሳቃ- ሀ ሱንላ ብለላይ እ ሚጨዳ ግያዋ።

27 አብራሃም ሶን ደእያ አቱማ አሳይ ኡባይ፤ አ ሶን የለቱዳዋንቱን ሻሉዋን ሻሜዳዋንቱ ኡባይ እናና ቃጻረቱድና።

18

ሄዙ እማላቱዋ

1 አብራሃም ማምረ ዋላቱዋ ዋጋቱዋ ጋርሳን ባረ ዱንካንያ ፕንግያን ሴታ ጋላሰ ኡት ደእሸን፤ መድና ጎዳይ አዉ ቆንጨዳ።

2 አብራሃም ዶቁ ጊደ ጸሊደ ሄዙ አሳቱ አ ማታን ኤቁዳዋንታ በኤዳ፤ ኡንቱንቱና ጋከታናዉ ባረ ዱንካንያ ፕንግያፕ ደንድ ዋጼዳ፤ ጋኪደ፤ ገድያን ሆኪደ፤ ኡንቱንቱ ሰንላን ጎይኔዳ።

3 ሰሚደ እ፥ “አቤት ታ ጎዳው፥ ታን ነ ሰንላን ናሽቲዳዋ ግደ፥ ታና ነ ቆማ አጋደ አዶ።”

4 ሀያና ጉላ ሃላይ ዮ፤ ህንተንቱ ገዳ ሜጨትና፥ ሀ ሞላ ኩዋን ሸሞፕ አክተ።

5 ህንተንቱ ሀእ ታኮ ህንተንቱ ቆማኮ ዬዳ ድራው፥ ካምእ ጊደ ህንተንቱ ብያሳኣ ባና ማላ፥ ታን ህንተንቱ ሞያዋ አሀይ” ያጌዳ።

ኡንቱንቱ፥ “ዳር ሎኣ፤ ኔን ግያዋዳን ኦላ” ያጌድና።

6 አብራሃም ዱንካንያ ግደ ሳርኮ ኤሌል ቢደ፥ “ኤሌላደ ሊቆ ጳልያፕ ሄዙ ከረ ግድያዋ አካ ሙናቃደ ኡክላ ኡካ” ያጌዳ።

7 ቃይ፥ አብራሃም ባረ መሀያኮ ዋጽ ቢደ፥ ሎኦ ቦልትቦልታ ቦልትቦልታ ማራ ደሪደ፥ እት ቆማዉ እምና፥ እ ኤሌል ሹኪደ ገግሴዳ።

8 ያትና አብራሃም መኤዳ ማላን ገግሴዳ ማራ አሹዋ እማላቱዋ ሰንላ አሌዳ፤ ኡንቱንቱ ሚሸን፤ እ ሄ ሞላ ጋርሳን ኡንቱንቱ ማታን ኤቁዳ።

9 ኡንቱንቱ አ፥ “ነ ማቻታ ሳራ ሀቃኔ?” ያጊደ ኦቼድና።

እዛ፥ “ህን ዱንካንያ ግዳዋን ደአዉ” ያጌዳ።

10 መድና ጎዳይ እ፥ “ታን ላይላ ሀኖደ ቱሙ ኔኮ ሰማና፤ ሄ ዋደ ነ ማቻታ ሳራ አቱማ ናኣ የላና” ያጌዳ።

ሳራ ሄ ዋደ አፕ ጉየ ባጋና ደእያ ዱንካንያ ፕንግያን ደእያና ሄዋ ሰሳዱ።

11 አብራሃምን ሳራ ባረንቱ ላይላ ሎይላ ሱጊደ ጭሚድና። ሳርዉ ፒላይ ይያዋ አጌዳ።

12 ሄዋ ድራዉ ሳራ ባረ ዋዛናን፥ “ታን ሀእ ጭማ ዉራ ክቸዋፕ ጉይያንነ ታ ጎዳይ ጭሞዋፕ ጉየ፥ ሀእ ታዉ አቱማ አሳና ጋከትያዌ ዋን ሀናኔ?” ያጋደ ሚጫዱ።

13 መድና ጎዳይ አብራሃም ሄ ዋደ፥ “ ታን ጭማ ክቸዋፕ ጉየ፥ ቱሙ ናኣ የላንታየ?” ጋደ፥ ሳራ አያዉ ሚጫደ?

14 መድና ጎዳዉ ዳንዳየተናባይ ቱሙ ደኢ? ላይላ ሀኖደ ታን ኔኮ ሰማና፤ ሄ ዋደ ሳራ አቱማ ናኣ የላና” ያጌዳ።

15 ሳራ ሎይላ ያዬዳ ድራው፥ “ታን ሚጫበይከ” ያጋደ ላካዱ።

ሸን እ፥ “ኤ፥ ኔን ቱሙ ሚጫዳ” ያጌዳ።

አብራሃም ሶደማ ድራዉ ጋናቱዳ

16 ሄዋፕ ጉየ አሳቱ ደንዲደ ብ፥ ሶደማ ካታማ ዱገ ዛር ጸሌድና፤ አብራሃምን ኡንቱንታ ሞይዚደ ኡንቱንቱና ቤዳ።

17 መድና ጎዳይ ሄ ዋደ፥ “ታን ታ ኦላናዉ ሀንያባ አብራሃምፕ ቆሰከ።

18 አብራሃም ቱሙፕ ግታን ዋልቃማ ካዉተላ ግዳና፤ ሀ ሳኣ ካዉተላቱ ኡባይ አ ባጋና አንጀታና። *

19 አያዉ ጎፕ፥ ጽሎተላን ፕርዳ ኦሊደ፥ መድና ጎዳ ኦግያ ናጋናዳን ባረ ናናን ባረፕ ጉየ፥ ባረ ሶ አሳ እ ዘራና ማላ፥ ታን አ ዶራድ፤ ሄዋን መድና ጎዳይ አብራሃምዉ እማና ጌዳዋ ኡባ ፖላናሳ” ያጌዳ።

20-21 መድና ጎዳይ አብራሃም፥ “ሶደማፕን ጋሞራፕ ዋሰያ ዋሱ ሎይላ ዳራዳ ድራዉን ኡንቱንቱ ናጋራይ ሎይላ ዳዶዳ ድራዉ፥ ኡንቱንቱ ኦሌዳባይ ታኮ ጋኬዳ ዋሱዋ ኬሻ ኢተንቶን በእናዉ እነ ታን ዱገ ዋቆይ፤ ሄዋ ማላ ኢታ ግዳና ቆይንቶን ኤራና” ያጌዳ።

22 ሄዋፕ ጉየ፥ ላኡ አሳቱ ሶደማኮ ሰሚደ ቤድና፤ ሸን አብራሃም መድና ጎዳ ሰንላን ዋሰ ደኤ።

23 ሄ ዋደ አብራሃም መድና ጎዳኮ ሸቂደ ያጌዳ፤ “ቱሙ ኔን ጽሎቱዋ ኢታቱዋና ቆይሳይ?

24 ሄ ዋልቃማ ካታማን እሻታሙ፥ ጽሎቱ ደእንቶካ፥ ኔን ቆይሳይ? ኔን እን ደእያ እሻታሙ፥ ጽሎቱዋ ድራዉ ሄ ካታማ አሸኪ?

25 ሄዋ ኔፕ ሃኮ፤ ጽሎቱዋ ኢታቱዋና ዋድያዋን ጽሎቱዋን ኢታቱዋ እት አይፍያን ጸልያዌ ኔፕ ሃኮ። ሀ ሳኣ ኡባ ፕርድያዌ ጽሎቱ ፕርደይየ?” ያጌዳ።

26 መድና ጎዳይ፥ “ሄ ሶደማ ካታማን እሻታሙ ጽሎቱ ደኦ፥ ሄ ሳኣ ኡባ ኡንቱንቱ ድራዉ ታን አሻና” ያጌዳ።

27 ሄዋፕ ጉየ አብራሃም፥ “ታን ቢታን ብድንላ ግዳደ ታ ጎዳና ጸላደ ሃሳያናዉ ሰሞ ደማ ክቻድ፤

28 እሻታሙ ጽሎቱዋፕ እቼሹ ፓጭንቶ፥ ኔን ሄ እቼሻቱዋ ድራዉ ሄ ካታማ ኡባ ቆይሳይ?” ያጌዳ።

መድና ጎዳይ፥ “ታን ያን ኦይታማን እቼሹ ጽሎቱዋ ደምንቶ፥ ሄ ካታማ ቆይሰከ” ያጌዳ።

29 አብራሃም ዛረሊደካ፥ “ያን ኦይታሙ ጸላላይ ቤትንቶ ሸን?” ያጌዳ።

እ፥ “ታን ሄ ኦይታማቱዋ ድራዉ፥ ሄ ካታማ ቆይሰከ” ያጌዳ።

30 ሄዋፕ ጉየ እ፥ “ሀይ ጎዳይ ታዉ ሀንቀቶፕ፤ ታን ጉጃደካ ሃሳያይ። ያን ሀታሙ ጸላላይ ቤትንቶ ሸን?” ያጌዳ።

መድና ጎዳይ፥ “ታን ያን ሀታሙዋ ደምንቶ፥ ሄ ካታማ ቆይሰከ” ያጌዳ።

31 አብራሃም ቃይካ፥ “ታን ጎዳና ጸላደ ሃሳያናዉ ደማ ክቻድ፤ ያን ላታሙዋ ጸላላይ ቤትንቶ ሸን?” ያጌዳ።

መድና ጎዳይ፥ “ሄ ላታማቱዋ ድራዉ ታን አ ቆይሰከ” ያጌዳ።

18:2 አብራ. 13:2 18:10 ሮመ 9:9 18:12 1 ጸጸ. 3:6 18:14 ሉቃሳ 1:37 * 18:18 ካዉተላ ኡባይ አ ባጋና አንጀታና- ካዉተላይ ኡባይ ኔና አንጃዋዳን ባረናካ አንጃናዳን ታና ዋሳናዋንታ ግያዋ።

32 ሄዋጥ ጉየ አብራሃም፡ “ሀይ ጎዳይ ታወ ሀንቀቶ፤ ታን መጽ እት ገደ ሃሳያይ፤ ያን ታሙ ጸላላይ ቤትንቶ ሸን?” ያጌዳ።

መድና ጎዳይ፡ “ሄ ታማቱዋ ድራወ ታን ሄ ካታማ ጳይሰከ” ያጌዳ።

33 መድና ጎዳይ አብራሃምና ሃሳያ ወርሴዳዋጥ ጉየ ቤዳ፤ አብራሃምካ ባረ ሶ ሰሜዳ።

19

ሶዶማ ናጋራ

1 ሄ ላኡ ኪታንቻቱ አማርሶ ሶዶማ ካታማ ጋኬድኖ፤ ሄ ዋደ ሎጸ ሄ ካታማ ጥንግያን ኡቱዳ። ሎጸ ኡንቱንታ በእነ ኡንቱንቱና ጋከታናወ ኤቂደ ቤዳ፤ ባረ ዳሙዋ ሳኣ ጋሊደ ጎይኔዳ፤

2 “ታ ጎዳቶ፡ ሀንተንቱ ቆማ ሶ ሰሜርክቱ፤ ሀንተንቱ ገድያ ሜጨቲደ ቃማ እቅተ፤ ጉራን ደንዲደ ሀንተንቱ ብያሳኣ ባንታ” ያጌዳ።

ኡንቱንቱ፡ “ቱይት፤ ኑን ሀ ካታማ ዳባባን አቃና” ያጌድኖ።

3 ሸን እ ኡንቱንታ ሎይላ ሾቤዳ ድራወ፡ አናና ቢደ እ ሶ ገሌድኖ፤ እ ኡንቱንቶ ቁማ ካሊደ፡ ጫለና ኡክላ ኡኪደ አሊና፡ ኡንቱንቱ ሜድኖ።

4 ኡንቱንቱ ግሰናን ደእሸን፡ ሶዶማ ካታማ አቱማ አሳይ ኡባይ፡ ናናቱዋጥ ጭማ ጋካናወ፡ እቱነ አተናን ዪደ፡ ጎልያ ዩይ አድ ደዳድኖ።

5 ሎጸ ጸሲደ ያጌድኖ፤ “ሀቼ ቃማ ነ ሶ ዬዳ አቱማ አሳቱ ሀቃን ደኢኖ? ኑን ኡንቱንቱና ሻርሙጸና ማላ ኡንቱንታ ኑኮ ካረ ከሳ” ያጌድኖ።

6 ሎጸ ኡንቱንቱና ጋከታናወ ካረ ከሲደ፡ ካርያ ጉየ ጎርዳዳ፤

7 ኡንቱንታ ሀዋዳን ያጌዳ፤ “ታ እሻቶ፡ ሀ ኢታ አሱዋ አላገተ።

8 ሰም ታወ ላኡ ማጫ ናናይ፡ አቱማ አሳ ኤርቤና ዋድራቱ ደኢኖ፤ ታን ኡንቱንታ ሀንተንቶ ካረ ከሳይ፤ ሀንተንቱ ኡንቱንታ ሀንተወ ሎአዋዳን ኦላና ዳንዳዪታ። ሸን ሀ አሳቱዋ ቦላ እይነ አላገተ፤ አያወ ጎጥ፡ ኡንቱንቱ ታ ጎላ ገሊደ ታ ካራ ጋርሳን ደኢኖ” ያጌዳ።

9 አሳቱ አ፡ “ኑ ሰንላጥ ክቻ!” ያጌድኖ፤ ቃይካ ኡንቱንቱ፡ “ሀ ብታኒ ሀ ጋድያን በተ ግድ ዪደ፡ ሀእ ኑ ቦላ ጥርዳናወ ካጃሌዳ! ሀእ ኑን ኔና ኡንቱንቱ ቦላ ኦላናወ ቆፔዳዋጥ ኢታ ኦላና!” ያጌድኖ። ኡንቱንቱ ሎጸ ጉየ ሱግ የጊደ ጥንግያ መንላናወ ሸቂድኖ።

10 ሸን ሄ ላኡ አሳቱ ባረንቱ ኩሸያ ካረ የዲደ፡ ሎጸ ሶ ጎቶ ገልሲደ ጥንግያ ጎርዳድኖ።

11 ሄዋጥ ጉየ፡ ኡንቱንቱ ጎላ ጥንግያን ደእያ አሳ፡ ጉላጥ ግታ ጋካናወ ቆቆሴድኖ። ያትና ኡንቱንቱ ጥንግያ ደማናወ ኮዪደ ዳቡሬድኖ።

ሎጸ ሶዶማጥ ከሲደ ቤዳ

12 ሄ ላኡ አሳቱ ሎጸ፡ “ነወ ሀዋን ነ ማጫ ናና ገግሴዳዋንቱ፡ ነ አቱማ ናናይ ዋይ ነ ማጫ

ናናይ ዋይ ነባ ግዳዳ አሳይ ኦና ግድጥነ ሀ ካታማን ደኢ? ኡንቱንታ ሀዋጥ ከሳ ድጋ።

13 አያወ ጎጥ፡ ኑን ሀ ሳኣ ጳይሳና ሀኔቶ። ኡንቱንቱ ዋሰያ ዋሱ ጎዳ ሰንላን ሎይላ ዳሬዳ ድራወ፡ መድና ጎዳይ ኑና ሀ ካታማ ጳይሳናወ ኪቱዳ” ያጌድኖ።

14 ሄዋ ድራወ ሎጸ ከሲደ፡ ባረ ማጫ ናና ገግሴዳዋንቱኮ ቢደ ኡንቱንታ፡ “ኤሌል ደንዲደ ሀዋጥ ከሰተ፤ አያወ ጎጥ፡ መድና ጎዳይ ሀ ካታማ ጳይሳና ሀኔ” ያጌዳ። ሸን እ ማጫ ናና ገግሴዳዋንቱ እ ቅጴዳ ጊደ ቆፔድኖ።

15 ሳኣይ ዋንታናወ ሆልጆጅ ዘእያ ዋደ፡ ሄ ኪታንቻቱ ሎጸ፡ “ደንዳ! ነ ማቻቶነ ሀዋን ደእያ ነ ላኡ ማጫ ናና አካደ ኤሌላ ከሳ! ሄዋ ጳዮጥ፡ ሀ ካታማይ ፕርደትያ ዋደ ኔንካ ጳያሳ” ያጊደ ድርቢሴድኖ።

16 ሸን ሎጸ ያት ጊና፡ ሄ አሳቱ እ ኩሸያ፡ እ ማቻቶ ኩሸያን እ ማጫ ናና ላኡዋ ኩሸያ ኦይቂደ፡ ሄ ካታማጥ ኡንቱንታ ከሴድኖ፤ አያወ ጎጥ፡ መድና ጎዳይ ኡንቱንቶ ቃረቱዳ።

17 ኪታንቻቱ ኡንቱንታ ካታማጥ ከሴዳ ሳናካ፡ ሄ ኪታንቻቱዋጥ እቱ ያጌዳ፤ “ሀንተንቱ ሸምቱዋ አኪደ ባቃትተ! ጉየ ዴሎጥተ! ቃይ ሀ ዋምባን ሀቃንካ ኤቆጥተ! ደርያኮ ባቃትተ! ሀንኮደ ሀንተንቱ ጳያና” ያጌዳ።

18 ሸን ሎጸ ኡንቱንቶ ያጌዳ፤ “ቱይት! ሀይ ታ ጎዳቶ፡ ያጎገተ።

19 ታን ሀንተንቱ ቆማይ ሀንተንቱ ሰንላን ናሸቱዳዋ ድራወ፡ ታና አሻናወ ታወ ዳርጥ ሎይላ ማዳድታ። ሸን ታን ደርያኮ ባቃታናወ ዳንዳይከ፤ ሀዋ ባሻይ ጋኪደ ታና ሙካናን ታንካ ሀይቃና።

20 ጸልተ፤ ሀዋን እት ካታማይ ደኢ፤ እ ዋጸናወ ማታን ጉላ ካታማ። ታን ያ ባቃቶ? እ ቄር ጉላ ካታማ ግደኔ? ታ ሸምቱ ያን አታናዋ” ያጌዳ።

21 ኪታንቻይ፡ “ኤ፡ ታን ነ አሻ ሰሳና፤ ታን ኔን ግያ ካታማ ጳይሰከ።

22 ሸን ያ ኤሌላ ባቃታ፤ አያወ ጎጥ፡ ኔን ያ ጋካናወ፡ ታን እይነ ኦላናወ ዳንዳይከ” ያጌዳ። ሄዋ ድራወ ሄ ካታማ ሱንላይ ዘኣር * ጌተቱዳ።

ሶዶማን ጋሞራ ካታማቱ ጳይድኖ

23 ሎጸ ጸኣር ጋኬዳ ዋደ፡ ብር ጸልቂ ደሌዳ።

24 መድና ጎዳይ ሄ ዋደ ታማን ኤጽያ ዲንያ ሶዶማን ጋሞራ ቦላን መድና ጎዳ ማታጥ ሳሉዋጥ ቡኪደ ባይዜዳ።

25 ሄዋዳን አሊደ መድና ጎዳይ ሄ ካታማታ፡ ሄ ዋምባ ኡባ፡ ሄ ካታማቱዋ ግደን ደእያ ኡባን ሄ ጋድያን ደእያ ሞላ ማታ ጳይሴዳ።

26 ሸን ሎጸ ማቻታ ጉየ ዴላደ ማጽነ ቱሳ ግዳዳ።

27 ዋንተላ ጋላሰ ዋንታ ጉራን አብራሃም ደንዲደ፡ መድና ጎዳ ሰንላን ካሰ እ ኤቄዳ ሳኣ ሰሚደ ቤዳ።

28 እ ሶዶማን ጋሞራ ሄ ዘንጋራን ደእያ ቢታ ኡባ ዳገ ዴሌዳ፤ ሄ ዋደ ጨዋይ ጫጭያ ታማ ጨዋዳን ሄ ቢታጥ ደንድያዋ በኤዳ።

19:5 ዳና. 19:22-24 19:11 2 ካታ. 6:18 19:16 2 ጸጸ. 2:7 * 19:22 ዘኣር፡ ሀ ሰንላ ብለላይ አብራሄሉዋ ቃላን “ጉላ” ግያዋ ማላቱ። 19:24 ማቶሳ 10:15፤ 11:23-24፤ ሉቃሳ 10:12፤ 17:29፤ 2 ጸጸ. 2:6፤ ይሁዳ 7 19:26 ሉቃሳ 17:32

29 ጸሳይ ሄ ዛንጋራ ካታማቱዋ ጳይሴዳ ዋደ፡ ኦብራሃማ ሀሳዬዳ፤ ሎጸ ደኤዳ ካታማቱዋ ጳይሴዳ ሎጸ ባሻጥ ከሴዳ።

ሎጸ የለታ

30 ሎጸ ዘኣራን ኡታናዉ ያዬዳ ድራዉ፡ ባረ ማጫ ናና ላኡዋና ደርያ ከሴዳ፤ ጎንጎሎ ግደን ባረ ላኡ ማጫ ናናቱዋና ኡቱዳ።

31 እት ጋላሰ ባይራ ናታ ቱፋቶ፡ “ኑ እዉ ጭሜዳ፤ ሳእ ኡባን ተ ደእያ ዋጋደን ኑናና ግሳናዉ ሀ ጋድያን ኡባካ አቱማ አሳይ ባዋ።

32 ሃያ፤ ዋይንያ ኤሳ ኑ አዉዋ ኡሺደ፡ አናና ግሲደ፡ ኑ አዉዋጥ ኑ ዛርያ ቱራ አሾይተ” ያጋዱ።

33 ሄ ጋላሳ ቃማ ባረንቱ አዉዋ ዋይንያ ኤሳ ኡሺድኖ፤ ባይራታ ገላደ አናና ግሳዱ፤ እዛ አናና ግሲያ ዋደካ ደንድያ ዋደካ እ ኤርቤና።

34 ዋንተላ ጋላሰ ባይራታ ቱፋቶ፡ “ሰሳ፤ ዝኖ ታን ታ አቡና ግሳድ፤ ሀቼ ቃማ ቃይ ዋይንያ ኤሳ ኡሸና፡ ኔንካ ገላደ አናና ግሳ፤ ያቲደ ኑን ኑ አዉዋጥ ኑ ዛርያ ቱራ አሾይተ” ያጋዱ።

35 ሄ ጋላሰ ቃማ ቃይካ ዋይንያ ኤሳ ኡሺድኖ፤ ቱፋታካ ገላደ አናና ግሳዱ፤ እዛ አናና ግሲያ ዋደካ ደንድያ ዋደካ እ ኤርቤና።

36 ያትደ ሎጸ ማጫ ናናይ ላአቱካ ባረንቱ አዉዋጥ ሻሃራድኖ።

37 ባይራታ አቱማ ናኣ የላዱ፤ አ ሱንላ ሞኣባ ቶ ጋደ ሱንላዱ፤ እነ ሀቼ ጋካናዉ ሞኣባቱዋ አዉዋ።

38 ቃይ ቱፋታካ አቱማ ናኣ የላዱ፤ አ ሱንላ በንኣማ ስ ጋደ ሱንላዱ፤ እነ ሀቼ ጋካናዉ አሞናቱዋ አዉዋ።

20

አብራሃምን አብመሌክ

1 አብራሃም ማሞረጥ ደንዱደ፡ ነጌባ ግያ ጋድያ ቤዳ፤ ቃዴሳነ ሹራ ግያ ካታማቱዋጥ ግዲዋን ደኤዳ፤ ጋራራንካ አማራዳ ዋድያ ታኬዳ።

2 ያን አብራሃም ባረ ማቻቶ ሳር፡ “አ ታ ሞቻቶ” ያጌዳ። ጋራራ ካቲ አብመሌክ ከቲደ ሳር አፌዳ።

3 ሸን ጸሳይ እት ቃማን አኩሙዋን አብመሌክኩ ዪደ፡ አ ሀዋዳን ያጌዳ፤ “ኔን አሄዳ ማቻት ጋሱዋን ሀይቃሳ፤ አያዉ ሳጥ፡ እዛ አሳ ማቻቶ” ያጌዳ።

4 ሸን አብመሌክ ኢኮ ሸቅቤና። ያቲደዋ፡ “ሳዳዉ፡ ኔን ጽሎ ካዉተላ ጳይሳኒየ?

5 እ፡ “አዛ ታ ሞቻቶ” ግቤነየ? ቃይ እዛ፡ “አ ታ እሻ” ጋበይኬ? ታን ታ ዋዛና ሱረተላንነ ታ ኩሸያ ጌሻተላን ሀዋ አላድ” ያጌዳ።

6 ሄዋጥ ጉየ፡ ጸሳይ አኩሙዋን አ ያጌዳ፤ “ኤ፡ ኔን ነ ዋዛና ጌሻተላን ኦሌዳዋ ታን ኤራድ፤

ሄዋ ድራዉ፡ ኔን እዘ ቦቼና ማላነ ታ ሰንላን ናጋራ ኦብና ማላ ኔና ታን ተኣድ።

7 ሀእ ሀ ብታንያ ማቻቶ ዛራ፤ አያዉ ሳጥ፡ እ ትሞቢትያ ኦድያዋ፤ እ ነዉ ጸሳ ዋሳና፤ ኔን ፓጸ ደአና። ሸን እዘ ዛራና ጳዮጥ፡ ኔንነ ነዉ ደእያባይ ኡባይ ሀይቁያዋ ቱሙጥ ኤራ” ያጌዳ።

8 አብመሌክ ዋንተላ ጋላሰ ዋንታ ባረ ካዉተላ ካፓቱዋ ኡባ ጸሴዳ፤ ሀ የዉዋ ኡባ ኡንቱንቶ ኦድና፡ ኡንቱንቱ ሎይላ ዳር ያዬድኖ።

9 ያትና አብመሌክ አብራሃማ ጸሴደ፡ “ኔን አያ ኑ ቦላ አላዳ? ኔን ታ ቦላነ ታ ካዉተላ ቦላ ዋልቃማ ናጋራ አሀናዉ ታን ነዉ አይ ኢታባ አላድታ? ኔን ታ ቦላ ኦሰታናዉ በሰናባ አላዳ” ያጌዳ።

10 ቃይካ አብመሌክ አብራሃማ፡ “ኔና ሀዋ ኦሰሴዳዋ አይ?” ያጌደ ኦቼዳ።

11 አብራሃም ያጌዳ፤ “ ጸሳዉ ያይያ እት አሳይነ ሀ ሳእን ባዋ” ጋደ ቆፔዳ ድራሳነ፡ ታ ማቻት ጋሱዋን ኡንቱንቱ ታና ዋዳና” ጋደ ቆፔዳ ድራሳ።

12 ሄዋ ቦላ እዛ ቱሙካ ታ ሞቻቶ፤ ታ አት ናቶ ግዲኩጥ አትን፡ ታ አቡ ናቶ፤ ቃይ እዛ ታ ማቻቶ ግዲዳ።

13 ጸሳይ ታና ታ አዉዋ ጎልያጥ ከሴዳ ዋደ ታን እዘዉ፡ “ኑን ቤዳ ጋድያን ኡባን ኔን ታዉ አላና ኬካተላይ ሀዋ፤ “አ ታ እሻ” ጋደ ታባ ሃሳያ” ያጋድ” ያጌዳ።

14 ሄዋጥ ጉየ አብመሌክ ደርሳ፡ መሀያ፡ ማጫ አይለቱዋን አቱማ አይለቱዋ አሂደ፡ አብራሃምዉ እሜዳ፤ ቃይ አ ማቻቶ ሳር አዉ ዛሬዳ።

15 አብመሌክ፡ “ሰም ታ ቢታይ ነ ሰንላና፤ ኔና ሎኦሳን ደአ” ያጌዳ።

16 ሳርካ፡ “ታን ነ እሻዉ እት ሻእ ጸጋራ ብራ * እማይ፤ ሀዋ ሰም ኔናና ደእያ ኡባ ሰንላን ኔን ጽላቶ ግድያዋን ኔን ሻትሜዳዋ ኤርሰያዋ ግደ” ያጌዳ።

17-18 መድና ጎዳይ አብራሃም ማቻት ሳር ጋሱዋን አብመሌክ ጎለ አሳ ኡባ ቃንላ ማይንሰ ዋሌዳ ድራዉ፡ አብራሃም ጸሳ ዋሰና፡ አብመሌክ፡ አ ማቻታን አ ማጫ ቆማቱዋ ናኣ የላና ማላ ጸሳይ ኡንቱንታ ፓሌዳ።

21

ይሳቅ የለቱዳ

1 ጸሳይ ባረ ኦዴዳዋዳን ሳርኩ ዬዳ፤ ጸሳይ ሳር ባረ ጌዳዋዳን ኦሌዳ።

2 ሳራ ሻሃራደ፡ ጭሜዳ አብራሃምዉ ጸሳይ ጌዳ ዋዲ ጋክና፡ አቱማ ናኣ የላዱ።

3 ሳራ አዉ የሌዳ ባረ ናኣ ሱንላ አብራሃም “ይሳቃ” ያጌደ ሱንሌዳ።

4 አብራሃም ባረ ናኣ ይሳቃ ጸሳይ አዛዜዳዋዳን ሆሰፑንላ ጋላሳን ቃጸራዳ።

† 19:31 ሳእ ኡባን- ሀ ቢታን ግያዋ። ‡ 19:37 ሞኣባ- ሀ ሱንላ ብለላይ አብራዌሉዋን “ታ አዉዋጥ ግያዋ ማላቱ” § 19:38 በንኣማ- ሀ ሱንላ ብለላይ አብራዌሉዋን “ታ አሳቱዋ ናኣ ግያዋ”። 20:2 ደመላ 12:13፤ 26:7 * 20:16 እት ሻእ ጸጋራ ብራ- ሀዋ ታማነ እታን ባካ ኪሎ ግራመ ዴጾ። 21:3 አብራ. 11:11 21:4 ደመላ 17:12፤ ኪታ 7:8 * 21:6 ሚቻ- ሀ ሱንላ ብለላይ “አ ሚጮ” ግያዋ (ጉጅ ጴጥ 17:17-19)

5 አ ናአ ይሳቅ አዉ የለቴዳ ዎደ፡ አብራሃሙ ላይላይ ይታ።

6 ሳራ፡ “ጸሳይ ታዉ ሚቻ * እሚዳ፤ ቃይ ሀዎ ሰሰያዌ ኡባይ ታናና ሚጫና” ያገዱ።

7 ቃይካ ሳራ፡ “አብራሃሙ ሳራ ናአ ቆንላና ጌዳዌ ኦኔ? ግደፕን ታን ሀእ አዉ እ ጭሚዳ ዎድያን ናአ የላድ” ያገዱ።

አጋራን እስማኤል የደርሰቱድኖ

8 ጉላ ናአይ ድጩደ፤ ቆንላ ዱሌዳ፤ አብራሃሙ ይሳቅ ቆንላ ዱሌዳ ጋላሰ ዎልቃማ ባላ ከሴዳ።

9 ሸን ግብጾፕ ዬዳ አጋራ አብራሃሙ የሌዳ ናአይ ይሳቃና ካእያዎ ሳራ በኦዳ።

10 አብራሃሙ፡ “ሀ አይላት ናአይ ታ ናአ ይሳቃና ኡባካ ላተና ድራዉ፡ አይላቶን እዝ ናአ ከሳ የዳ” ያገዱ።

11 ሀ የዉ ባረ ናአ ቦቶያ ድራዉ፡ አብራሃሙ ሎይላ መቶቴዳ።

12 ሸን ጸሳይ አብራሃሙ፡ “ናአዉን ነ አይላትዉ ሎይላ መቶቶፓ፤ ሳራ ነዉ ኦድያዎ ኡባ ሰሳ፤ አያዉ ሳፕ፡ ነ ዘረላይ ይሳቃ ባጋና ይሰታናዎ።

13 ቃይ አይላት ናአ ታን ካዉተላ ከሳና፤ አያዉ ሳፕ፡ እካ ነ ዘረ” ያገዱ።

14 ዎንታ ጉራን አብራሃሙ ደንዴዳ፤ ቁማን ኦጎሩዎን ሃላ አኪደ፡ አጋሮ ሀሸያን ቶሲደ፡ እዝ ናአካ እዝዉ እሚደ ከሰ የዴዳ። እዛ ባደ፡ በርሳበሄ ግያ ዎራን ቶይላካታዉ።

15-16 ሃሳይካ ኦጎሩዎን ዉራዳ ዎደ እዛ፡ “ናአይ ሀይቂሸን፡ ኡታደ በእከ” ያገደ፡ ናአ እት ቡራ ጋርሳን ዎላደ፡ ላኡ ጾቱ ዎቆ ግድያዎ ኬሻ ባደ ኡታዳ። ማታን ኡታደ፡ ባረ ቃላ ቶቂሳደ ዬካዳ።

17 ጸሳይ ናአ ዎሱዎ ሰሴዳ፤ ጸሳ ኪታንቻይ አጋሮ ሳሎዎፕ ይሰደ፡ “አጋራ፡ ዎናዳ? ጸሳይ ናአይ ግሴዳ ሳኦን ዎሰያዎ ሰሴዳ ድራዉ ያዮፓ፤

18 ደንዳ ኤቃ፤ ናአ ነ ኩሸያን ደንላ፤ አያዉ ሳፕ፡ ታን እ ዎልቃማ ካዉተላ ኦላና” ያገዱ።

19 ጸሳይ እዝ አይፍያ ዶይና፡ ሃላ ኦላ በኦዳ፤ ባደ ኦጎሩዎን ሃላ ኩንላዳ፤ ናአካ ኡሻዳ።

20 ናአይ ድጭያ ዎደ፡ ጸሳይ አናና ግዴዳ፤ አ ዎራን ደኢደ፡ ዎንዳፍያ ዱክያ አሳ ግዴዳ።

21 እ ፓራና ግያ ዎራን ደእሸን፡ አ ዳያ ግብጾፕ አዉ ማቻቶ ደማዳ።

አብራሃሙፕን አብመሌከፕ ግዳዎን ዎሌዳ ጫቁዎ

22 ሄ ዎደ፡ አብመሌክ ባረ ዎታዳራቱዎ ካፑዎ ፕኮላና አብራሃሙኮ ቢደ፡ “ኔን ኦላያ ኡባባን ጸሳይ ኔናና ደኤ።

23 ኔን ታ ቦላ ዎይ ታ ናና ቦላ ዎይ ታ ዘረላ ቦላ ገነባ ኦፍ ማላ፡ ሀእ ሀዎን፡ ጸሳ ሰንላን ታዉ ጫቃ፤ ታን ነዉ ኬኬዳዎዳን፡ ኔንካ ታዉን ኔን እማላተላን ደእያ ሀ ቢታዉ ሎእ” ያገዱ።

24 አብራሃሙ፡ “ታን ጫቃይ” ያገዱ።

25 ሄ ዎደ፡ አብራሃሙ አብመሌካ ቆማቱ እኬዳ ሃላ ኦላባ አብመሌካዉ ማጋኔዳ።

26 ሸን አብመሌክ፡ “ሄዎ ኦን ኦሌደንቶ ታን ኤርከ፤ ኔንካ ቃይ ታዉ ኦዳባካ፤ ታን ሀቼ ጋካናዉ ሄዎ ሰሳበይከ” ያገዱ።

27 ሄዎፕ ጉየ አብራሃሙ ዶርሳን ሚዛቱዎ አሂደ፡ አብመሌካዉ እምና፡ ኡንቱንቱ ላኡ ጫቁዎ ጫቁቴድኖ።

28 አብራሃሙ ላፑን ማጫ ዶርሳ ማራቱዎ ዉድያፕ ሻኬዳ፤

29 አብመሌክ አብራሃሙ፡ “ሀ ኔን ዱማ ሻካ ዎሌዳ ላፑን ማጫ ዶርሳ ማራቱዎ አያዉ ሻካዳ?” ያገደ ኦቼዳ።

30 አብራሃሙ፡ “ታን ሀ ሃላ ኦላ ቦኬዳዎ ማርካ ግዳና ማላ፡ ሀ ላፑን ማጫ ዶርሳ ማራቱዎ ታ ኩሸያፕ እካ” ያገዱ።

31 ሄዎን ሄ ላኡ አሳቱ ጫቁቴዳ ድራዉ፡ ሄ ሳአይ በርሳበሄ † ጌተቴዳ።

32 በርሳበሄን ጫቁዎ ጫቁቴዳዎፕ ጉየ፡ አብመሌከን አ ዎታዳራቱ ካፑዎ ፕኮላ ደንዲደ፡ ፕልሰጾማ ቢታ ሰሚድኖ።

33 አብራሃሙ በርሳበሄን ታማርሰከ ጌተትያ ሞላ ቶኬዳ። ሄዎን ጎዳ፡ መድና ጸሳ፡ ሱንላ ይሴዳ።

34 አብራሃሙ ፕልሰጾማ ጋድያን ዳር ዎድያ ደኤዳ።

22

ይሳቃ ባረዉ ያርሻናዳን ጸሳይ አብራሃማ አዛዜዳ

1 ሄዎፕ ሰሚደ፡ ጸሳይ አብራሃማ ፓጩዳ፤ እ አ፡ “አብራሃማ” ያገደ ይሴዳ።

እ፡ “አቤ” ያገደ ኮዬዳ።

2 ጸሳይ፡ “ኔን ሲቅያ ነ መጽ እት ናአ ይሳቃ አካደ፡ ዎርያ ግያ ጋድያ ባ፤ ያን ታን ነዉ ኦድያ እት ደርያ ቦላን አ ጹግያ ያርሹዎ ኦላደ ታዉ ያርሻ” ያገዱ።

3 ዎንተላ ጋላሰ አብራሃሙ ጉራን ደንዲደ፡ ባረ ሀርያ ጫኔዳ፤ ባረ ቆማቱዎፕ ላኡዎን ባረ ናአ ይሳቃ ባረናና አኪደ፡ ጹግያ ያርሹዎ ሞላ ጳልቂ አኪደ፡ ጸሳይ አዉ ኦዴዳ ሳአ ባናዉ ደንዴዳ።

4 ቢደ ሄዘንላ ጋላሰ አብራሃሙ ቶቂ ጊደ፡ ሄ ሳአ ሃኩዎን በኤዳ።

5 አብራሃሙ ባረ ቆማቱዎ፡ “ሀ ሀርያና ሀዎን ደእሸተ፤ ታን ታ ናአይ ያ ቢደ ጸሳዉ ጎይኒደ፡ ሀንተንቱኮ ሰማና” ያገዱ።

6 አብራሃሙ ያርሹዎ ሞላ ደንላደ፡ ባረ ናአ ይሳቃ ቶሴዳ፤ ታማን ማሻ እ ባረዉ ኦይቂዳ። ኡንቱንቱ ላኡ እትፕ ቢሸን።

7 ይሳቅ ባረ አዉዎ አብራሃማ፡ “ታ አዎ” ያገዱ።

አብራሃሙ፡ “አቤ፡ ታ ናአዉ” ያገዱ።

እ፡ “ታማይን ሞላይ ሀዌሸ፤ ሸን ጹጊደ ያርሸያ ዶርሳ ማራይ ሀቃኔ?” ያገዱ።

8 አብራሃሙ፡ “ታ ናአዉ፡ ጹጊደ ያርሸያ ዶርሳ ማራ ጸሳይ ጊግሳና” ያገዱ። ኡንቱንቱ ላኡ እትፕ ቤድና።

21:10 ጋላ. 4:29-30 21:12 ሮሙ 9:7፤ አብራ. 11:18 21:22 ደመዳ 26:26 † 21:31 በርሳበሄ፡ ሀ ሱንላ ብላላይ፡ “ጫቁዎ ሃላ ኦላ” ዎይ “ላፑን ሃላ ኦላ” ግያዎ (ጉጅ ጳልተ 26:33) 22:1 አብራ. 11:17-19 22:2 2 ኦዲዎ 3:1

9 ኢንቱንቱ ጸሳይ አዉ ኦዴዳ ሳኦ ጋኬዳ ዋደ፡ ኡብራሃመ ያርቩዋ ያርቩያ ሳኦ ያን ግምቢደ፡ ሞላ ማር የጌዳ፤ ባረ ናኦ ይሳቃ ቃቹደ፡ ሄ ሞላ ቦላን ግሰሴዳ።

10 ኡብራሃመ ባረ ናኦ ቩካናዉ ባረ ኩሽያ የዲደ ማሻ አኬዳ።

11 ሽን መድና ጎዳ ኪታንቻይ ሳሉዋ፡ አ፡ “ኡብራሃመ፡ ኡብራሃመ” ያጊደ ዴሴዳ።

እ፡ “አቤ” ጊደ ኮዬዳ።

12 አ፡ “ናኦ ቦላን ነ ኩሽያ ዋላ፤ አ አይነ ኦላ፤ ኔን ነ መጽ እት ናኦካ ታና ድጋቤና ድራዉ፡ ኔን ጸሳይ ያይያዋ ግድያዋ ታን ሀኦ ኤራይ” ያጌዳ።

13 ኡብራሃመ ዶቁ ግ ዴሊደ፡ ሄዋን ደርሳ እቱ ካጪ ቡራን ገል ቃጸት ኡቱዳዋ በኤዳ። ኡብራሃመ ቢደ ሄ ደርሳ አኪደ፡ ባረ ናኦ ድራዉ ጸግያ ያርቩዋ ኦሊደ ያርቩ ባሼዳ።

14 ሄዋ ድራዉ ኡብራሃመ፡ “መድና ጎዳይ እማና” * ያጊደ ሄ ሳኦ ሱንጼዳ፤ ሀቹ ጋካናሰካ፡ “መድና ጎዳ ደርያን እመታና” ጌተቱ።

15 መድና ጎዳ ኪታንቻይ ሳሉዋ፡ ላኤንሊደ ኡብራሃማ ዴሴደ ያጌዳ፤

16 “መድና ጎዳይ፡ ሳዋዳን ያጋደ ነዉ ታን ታ ሁጲያን ጫቃይ፤ ኔን ሀዋ ኦሌዳ ድራዉ ነ መጽ እት ናኦካ ታና ድጋቤና ድራዉ።

17 ታን ኔና ቱሙ አንጃና፤ ነ ዘረላካ ታን ሳሉዋ ጸልንቲያ ኬና ኦባ ደና ሻፍያ ኬና ኦላደ ጮርሳና። ነ ዘረላቱ ባረንቱ ሞርከቱዋ ካታማቱዋ ላታና።

18 ኔን ታዉ አዛዘቱዳ ድራዉ፡ ሀ ሳኦ ካዉተላቱ ኡባይ ነ ዘረላ ባጋና አንጀታና” ያጌ።

19 ሄዋ፡ ጉዩ፡ ኡብራሃመ ባረ ቆማቱዋኮ ሰሚደ፡ ኡንቱንቱ ኡባይ እት፡ በርሳበሄ ደንዲደ ቤድና። ኡብራሃመ በርሳበሄን ደኤዳ።

ናኩራ የለታ

20 ሄዋ፡ ሰሚደ ኡብራሃመዉ፡ “ሞልካ ነ እሻ ናኩራዉ ናና የላዲ፤

21 ኡንቱንቱን ባይራይ ኡጸ፤ ኡጸ እሻቱ ቡዛ፡

22 ኡራማ አዉዋ ቃሙኤላ፡ ኬሳደ፡ ሃዘ፡ ፕልዳሻ፡ ይድላፋነ ባቱኤላ።

23 ሀዋንታ ሀ ሆሰቸን ናናካ ሞልካ ኡብራሃመ እሻ ናኩራዉ የላዲ፤ ባቱኤላ ርብቆ የሌዳ።

24 ራኤማ ግያ እ ቆማታ ቃይ ጸባሀ፡ ጋሃማ፡ ታሃሻን ማእካ የላዲ” ያጊደ ኦዴድና።

23

ሳር ሀይቁዋ

1 ሳራ ዴታን ላታማነ ላቸን ላይላ ደአዲ።

2 ሄዋ፡ ጉዩ እዛ ካናን ጋድያን ደእያ (ኩብሮን ግያ) ቅርያት-አርባአ ካታማን ሀይቃዲ። ኡብራሃመ ሳርዉ ዩካናዉ ካዮታናዉ ቤዳ።

3 ዩክ ሰሚደ፡ ኡብራሃመ ባረ ማቻት አሃ ማታ፡ ደንድ ቢደ፡ ሂተቱዋ ሀዋዳን ያጌዳ፤

22:9 ያቆባ 2:21 * 22:14 መድና ጎዳይ እማና፡ መድና ጎዳይ ዴላ። 22:16 አብራ. 6:13-14 22:17 አብራ. 11:12 22:18 ኪታ 3:25 23:4 አብራ. 11:9፣ 13፤ ኪታ 7:16 * 23:14-15 ኦይዲ ጸቱ ጸጋራ ብራ፡ ሀዌ ኦይዲ ኪሎ ግራመን ባካ ዳጼ። * 24:2 ነ ኩሽያን ታ ጉልባታ ኦይቃ፡ ሀዋ ጉሳይ ጫቁ ፖሎ ላመተናዋ በሴ።

4 “ታን ሀንተንቱ ግድን በተነ እማላ፤ ታ ማቻት አሃ ሞጋናዉ ታዉ ሀንተንቱ ጋድያ፡ ጸፋዋ ዘልኤርክቱ!” ያጌዳ።

5-6 ሂተቱ አዉ፡ “ጎዳዉ፡ ኔን ኦድያዋ ሰሳ፤ ኔን ኦ ግድን ዋልቃማ ካቸዋ፤ ኔን ነ ማቻት አሃ ኦ ዲፋዋ፡ ነዉ ሎኤዳዋን ሞጋ፤ ኔን ነ ማቻት አሃ ሞጋናዉ ባረ ዲፋዋ ኦን ኔና ድገና” ያግ ዛራድና።

7 ያግና ኡብራሃመ ደንድ ኤቂደ፡ ሂተቱዋ ሰንሳን ጎይኔዳ።

8-9 እ ኡንቱንቱ፡ “ሀንተንቱ ታና፡ ሳ ማቻት አሃ ሞጋ፡ ጎፕ ሰሰተ፤ ጸሃራ ናኦ ኤፍሮናዉ አ ጋድያ ጋጸን ደእያ ማክጶላ ግያ ጎንጎሉዋ ታዉ ዲፋዋ ከሳናዉ ዘልኤና ማላ ኩመንላ ጋትያን ኔና ዘልኤርክቱ” ያጌዳ።

10 ሂትያ ኤፍሮን ሄ ዋደ ካታማ ፕንግያን ሸቁዳ ባረ አሳ ግድን ኡቱዳ፤ ሂተቱ ኡባይ ሰሰሽን፡ ኡብራሃመዉ ያጌዳ፤

11 “ሄዋዳን ግድና፤ ታ ጎዳዉ፡ ታ ኦድያዋ ሰሳ፤ ታን ጋድያካ አ ግድን ደእያ ጎንጎሉዋካ ነዉ እማይ፤ ታን ነዉ አ ታ አሳ ሰንሳን እማይ፤ ኔን ነ ማቻት አሃ ሞጋ” ያጌዳ።

12 ኡብራሃመ ሄ ጋደ አሳ ሰንሳን ዛረላ ጎይኔዳ።

13 አሳይ ሰሰሽን ኤፍሮና፡ “ታ ኦድያዋ ሰሳርኪ! ታን ሄ ጋድያ ጋትያ ጭጋና፤ ኔን ታፕ አካርኪ! ሄዋን ታን ታ ማቻት አሃ ሞጋና” ያጌዳ።

14-15 ኤፍሮን ኡብራሃመዉ ዛራደ፡ “ታ ጎዳዉ፡ ታን ኦድያዋ ሰሳ፤ ጋዲ ኦይዲ ጸቱ ጸጋራ ብራ * ከሰያዋ፤ ሽን ሄዌ ነ ግድን ታ ግድን አይነ ግድና፤ ነ ማቻት አሃ ሞጋ” ያጌዳ።

16 ኡብራሃመ ሂተቱ ሰሰሽን፡ ኤፍሮን ጌዳ ጋትያ ማይዳ፤ ሄ ዋደ ሻሉዋን ኦይዲ ጸቱ ጸጋራ ብራ ኤፍሮናዉ እማዳ።

17 ማሞሪ ካታማ ማታን ማክጶላን ደእያ ኤፍሮና ጋዲ፡ ሄዋን ደእያ ጎንጎሉን ሄ ጋድያን ደእያ ሞላ ኡባይ።

18 ካታማ ፕንግያን ሸቁዳ ሂተቱዋ ኡባ ሰንሳን ሀግያን ኡብራሃመ ጋደ ግዴዳ።

19 ሄዋ፡ ጉዩ፡ ኡብራሃመ ባረ ማቻቶ ሳር ካናን ጋድያን (ኩብሮን ግያ) ማሞሪ ካታማ ማታን ደእያ ማክጶላ ግያ ጋደ ጎንጎሉዋን ሞጌዳ።

20 ሄዋ ድራዉ ሄ ጋዲን ሄዋን ደእያ ጎንጎሉ ሂተቱዋ ሰንሳን ሀግያን ኡብራሃመዉ ዲፋዋ ግዴዳ።

24

ይሳቃዉ ማቻታ ኦሽታዲ

1 ኡብራሃመ ሎይላ ላይላ ሱጊደ ጭሜዳ፤ መድና ጎዳይ አ ኡባባንካ አንጃዳ።

2 ኡብራሃመ ባረ ቆማ፡ ባረ ሶ አሳ ኡባዉ ካፖትያ፡ ባረ አሳ ኡባዉ ጎዳትያዋ ሀዋዳን ያጌዳ፤ “ነ ኩሽያን ታ ጉልባታ ኦይቃ፤ *

22:9 ያቆባ 2:21 * 22:14 መድና ጎዳይ እማና፡ መድና ጎዳይ ዴላ። 22:16 አብራ. 6:13-14 22:17 አብራ. 11:12 22:18 ኪታ 3:25 23:4 አብራ. 11:9፣ 13፤ ኪታ 7:16 * 23:14-15 ኦይዲ ጸቱ ጸጋራ ብራ፡ ሀዌ ኦይዲ ኪሎ ግራመን ባካ ዳጼ። * 24:2 ነ ኩሽያን ታ ጉልባታ ኦይቃ፡ ሀዋ ጉሳይ ጫቁ ፖሎ ላመተናዋ በሴ።

3 ታን ኡንቱንቱ ግደን ደእያ ካናነቱዎ ማጫ ናናቱዋፕ ታ ናአው ማቻቶ ኦቼና ማላ፡ መቅና ጎዳን፡ ሳሉዋ ጸሳን ሳኦ ጸሳን ታን ኔና ጫቀላይ፤

4 ሸን ኔን ታ የለቲዳ ቢታ፡ ታ ዳቦቱዋኮ ባደ፡ ታ ናአ ይሳቃው ማቻቶ ኦቻ” ያጌዳ።

5 አ ቆማይ፡ “ማጫውና ታናና ያናው ደሰናባ ግደፕ፡ ነ ናአ ኔን ዬዳ ጋድያ ጉየ አፎ?” ያጌደ ኦቼዳ።

6 አብራሃም፡ “ታ ናአ ያ አፈናዳን ኔና ኤራ!

7 መቅና ጎዳይ፡ ሳሉዋ ጸሳይ፡ ታና ታ አውዋ ሶፕን ታ የለቲዳ ቢታፕ ከሴዳዌ ታው፡ ሳ ዛርያው ታን ሀ ቢታ እማና’ ያጌደ ጫቁዳዌ፡ ኔን ታ ናአው ያፕ ማቻቶ ደማና ማላ፡ እ ባረ ኪታንቻ ኔፕ ሰንሳው ኪታና።

8 ሞሽራታ ኔናና ጉየ ያናው ደሰናባ ግደፕ፡ ሀ ታን ኔና ጫቀሌዳ ጫቁ ነው ጎመተና፤ ሸን ታ ናአ ያ ጉየ ኡባካ አፎፕ” ያጌዳ።

9 ቆማይ ባረ ጎዳ አብራሃም ጉልባታ ኦይቁዳ፤ ሀ የዋ ጫቁዳ።

10 ሄዋፕ ጉየ፡ ቆማይ ባረ ጎዳ ጋሎቱዋፕ ታሙዋ አኪደ፡ ባረ ጎዳ ሚሻፕካ ሙሩታ ሙሩታ አኪደ ቤዳ፤ ማሰጸጸምያ ግያ ጋድያን ናኮራ ካታማ ጋኬዳ።

11 አማርሰ፡ ማጫ አሳይ ሃላ ትካናው ይያ ዋድያን፡ ካታማፕ ጋጸን ሃላ ኦላ ማታን ባረ ጋሎቱዋ ጉልባትሴዳ።

12 ያቲደ እ ሀዋዳን ያጌደ ዋሴዳ፤ “መቅና ጎዳው፡ ታ ጎዳ አብራሃም ጸሳው፡ ሀቼ ታን ቆፓደ ዬዳባ ታው እንጀያ፤ ቃይ ታ ጎዳ አብራሃምው ሎአባ ኦላ።

13 በአ! ታን ሀ ሃላ ፑልትያ ማታን ኤቃይ፤ ሀ ካታማ አሳ ማጫ ናናይ ሃላ ትካናው ሃ ያና።

14 ታን፡ ሓነ ኦቱዋ ሆክሳደ ታና ሃላ ኡሻ’ ግያ ዋደ፡ እዛካ፡ ሄይ ኡሻ፤ ቃይ ነ ጋሉዋ ታን ኡሻና’ ያግያና፡ ሄና ነ ቆማ ይሳቃው ኔን ደራዳኖ ግዲ፤ ኔን ታ ጎዳው ሎአባ ኦላዳዋ ታን ሄዋን ኤራና” ያጌዳ።

15 ብሮ እ ዋሳ ዉርሰናን ደእሸን፡ ርብቃ ሃላ ኦቱዋ ቶካደ ፑቱ ጋዲ። እዞ ባቱኤል የሌዳ፤ ባቱኤል ሞልካ ናአ፤ ሞልካ አብራሃም እሻ ናኮራ ማቻቶ።

16 ርብቃ ሎይላ ፑላንቻን አቱማ አሳይ ቦቻቤና ዋደራቶ። ፑልቱዋ ዲገ ዋዳደ፡ ባረ ኦቱዋ ኩንላደ ከሳዲ።

17 ሄ ቆማይ ኢኮ ዋጽ ቢደ እዞ፡ “ነ ኦቱዋፕ ታና ጉላ ሃላ ኡሻርኪ!” ያጌዳ።

18 እዞ፡ “ኤኖ ታ ጎዳው፡ ኡሸኪ” ያጋዲ። ኤሌላደ ኦቱዋ ባረ ሀሸያፕ ዋላደ፡ ገደ ዛራ ኦይቃደ እ ኡሻዲ።

19 አ ኡሼዳዋፕ ጉየ፡ “ነ ጋላቱዋካ አላና ጋካናው ታን ኡንቱንቶ ሃላ ዲቃና” ያጋዲ።

20 አቲዳ ሃላ ኤሌላ ዋንግርያን ትጋደ፡ ሀራ ሃላ ዲቃናው አላ ዋጸዲ፤ ጋላቱ ኡባይ አላና ጋካናው፡ ሃላ አላፕ ዲቃ ዲቃደ እሃደ ዋንግርያን ትጋደ ኡሻዲ።

21 እ ቆፕደ ዬዳ ቆፋ መቅና ጎዳይ እንጀዬደ ደእንቶ ኤራናው ብታኒ ጮኡ ጌደ እዞ ጴሌ።

22 ጋሎቱ ሃላ ኡሸ ሰሚና፡ ብታኒ እቼሹ ግራመን ባካ ግዴዳ ዋርቃ ሞግዲዋን፡ ጴታን ታሙ ግራመ ግዴዳ ላኡ ዋርቃ ሳጋየቱዋ ከሴዳ፤

23 እዞ፡ “ኔን ኦ ናት? እነ ታው ኦዳ፤ ነ እውዋ ሶን ኡው አቅያ ሳአይ ደእኔ?” ያጌዳ።

24 እዞ፡ “ታን ባቱኤላ ናቶ፤ ባቱኤል ሞልካ ናኮራው የሌዳ ናአ።

25 ኦዋን ግድያ ዳላይን ባሱ ደኤ፤ ቃይ ሀንተንቱ አቃናውካ ሳአይ ደኤ” ያጋዲ።

26 ብታኒ ጉልባት መቅና ጎዳው ጎይኒደ፡

27 ሀዋዳን ያጌዳ፤ “ታ ጎዳው ኬክያዋን አማነትያዋ አግቤና መቅና ጎዳይ፡ ታ ጎዳ አብራሃማ ጸሳይ ጋላተቶ! ታን ዬሸን፡ መቅና ጎዳይ ታና ታ ጎዳ ዳባቱዋ ሶይ ካለሌዳ” ያጌዳ።

28 ናታ ዋጸ ባደ፡ ባረ አት ሶን ደእያ አሳው ሀኔዳባ ኦዳዲ።

29 ርብቃው ላባና ግያ እሻይ ደኤ፤ ላባን ካረ ከሲደ፡ ሃላ ፑልቱዋ ማታን ደእያ ብታንያኮ ዋጴዳ።

30 ሞግዲዋን ባረ ሞቻት ኩሸያን ደእያ ሳጋየቱዋ በኤዳሳና ርብቃ ብታኒ ባረና ጌዳዋ ኦድና ሰሶሳና፡ ከሲደ ብታንያኮ ብ በኤዳ፤ ብታንያ ጋሎቱዋና ፑልቱዋ ማታን ኤቁዳዋ ደሚዳ።

31 አ፡ “መቅና ጎዳይ ኔና አንጃዳዎ፡ ሃያ! ኔን ሀዋን ካረን አያው ኤቃይ? ታን ነው ጎልያን ጋሎቶካ ሳኦ ጊግሳድ” ያጌዳ።

32 ብታኒ ሶ ገሌዳ፤ ላባን ጋሎቱዋ ጫና ብሌዳ፤ ዳላን ባሱዋ ጋሎቶ የጌዳ። ገድያ ማጫናው አሰነ አናና ደእያ አሳቶ ሃላ አሄዳ፤

33 ቆማይካ እ ሰንሳ አይዳ። ሸን እ፡ “ታን ታና አሄዳባ ሀንተንቶ ኦድናን ደአደ ቁማ ሚከ” ያጌዳ።

ላባን፡ “ያቶፕ ኦዳ” ያጌዳ።

34 ሄዋ ድራው እ፡ “ታን አብራሃም ቆማ።

35 መቅና ጎዳይ ታ ጎዳ ሎይላ አንጅና፡ እ ዲረቲዳ፤ ደርሳ፡ ሚዛ፡ ብራ፡ ዋርቃ፡ አቱማ ቆማቱዋ፡ ማጫ ቆማቱዋ፡ ጋሎቱዋን ሀረቱዋ አው እሚዳ።

36 ታ ጎዳ ማቻታ ሳራ ባረ ጨማተላ ላይላን አው አቱማ ናአ የላዲ፤ እ ባረው ደእያዋ ኡባ አው እሚዳ።

37 ታ ጎዳይ ታና ሀዋዳን ጫቁሴዳ፤ ሓን ደእያ ካናን ቢታ ማጫ ናናቱዋፕ ታ ናአው ማቻቶ ኦቻፕ፤

38 ሸን ታ አውዋ አሳኮ፡ ታ ዛራቱዋኮ ባደ፡ ታ ናአው ማቻቶ ኦቻ” ያጌዳ።

39 ታን ታ ጎዳ፡ “ናታ ታናና ያናው ደሰናን አጎፕ ሸን?” ያጋድ።

40 እ፡ “መቅና ጎዳይ፡ ታን አ ሰንሳን ሀመቲዳዌ ኔናና ባረ ኪታንቻ ኪታና፤ ኔን ታ ናአው ታ አውዋ አሳፕ፡ ታ ዛራቱዋፕ ማቻቶ ደማና ማላ፡ ነ ብያሳካ እንጀያና።

41 ኔን ታ ዛራቱዋኮ ቢና፡ ኡንቱንቱ ነው እዞ እመናን እጸፕ፡ ሄ ዋደ ነው ጫቁ ጎመተና’ ያጌዳ።

42 “ታን ሀቼ ሀ ፑልቱዋኮ ዬዳ ዋደ ያጋድ፤ ‘መቅና ጎዳው፡ ታ ጎዳ አብራሃም ጸሳው፡ ነ ሸን ግደፕ፡ ታን ብያ የውዋ እንጀያ።

43 በእኔ ታን ሀ ፑልቱዋ ማታን ኤቃይ፤ ወደራታ እትና ሃላ ትካናው ዮፕ፡ ታን እዘ፡ “ታና ነ ኦቱዋፕ ጉላ ሃላ ኡሻርኪ!” ያጋና።

44 እዛ ታና፡ “ኤኖ ኡሻ፤ ቃይ ነ ጋሎቶካ ታን ሃላ ዱቃና” ያግያና፡ መድና ጎዳይ ታ ጎዳ ናእዉ ደሬዳኖ ግዲ፣ ያጋና።

45 “ታን ታ ዋዛናን ዋሰያዋ ወርሰናን ደእሸን፡ ርብቃ ባረ ኦቱዋ ቶካ እካደ፡ ፑቱ ጋዲ፤ ፑልቱዋ ዲገ ዋዳደ ሃላ ዱቃዲ፤ ታን እዘ፡ ታና ሃላ ኡሻርኪ” ያጋና።

46 “እዛ ኤሌላ ባረ ሀሸያፕ ኦቱዋ ዋላደ፡ ሄኮ ኡሻ፤ ቃይ ታን ነ ጋሎቱዋ ኡሻና” ያጋና። ታን ኡሻድ፤ ቃይ ታ ጋሎቱዋ እዛ ኡሻዲ።

47 “ታን እዘ፡ ሄኮ ኦ ናት?” ያጋና። “እዘ፡ ታን ባቱኤላ ናቶ፤ ባቱኤል፡ ሞልካ ናኮራው የሌዳ ናእ” ያጋና።

“ታን እዘው ሞግዲዋ አላድ፤ እዝ ኩሸያንካ ሳጋየቱዋ ዋላድ።

48 ሄዋፕ ጉየ ታን ጉልባታደ፡ መድና ጎዳው ጎይናድ፤ ታን መድና ጎዳ፡ ታ ጎዳ አብራሃመ ጸሳ፡ ታ ጎዳ እሻ ናእ ናቶ እ ናእው አካናው ታና ልከ ኦግያ ካለሌዳዋ ጋላታይ።

49 ሀእካ ሀንተንቱ ታ ጎዳው ኬካናባነ እማነታናዋ ግደፕ፡ ታው ኦድተ፤ ግዳና ዳይንቶነ ኦድተ፤ ሄዋፕ ሰንላን ታን ሀናናዋ ኤራና” ያጌዳ።

50 ላባንን ባቱኤል ዛሪደ ያጌድኖ፤ “ሀ የወ መድና ጎዳፕ ዬዳ፤ ኮን ነዉ ያ ሃ ጋናዉ ዳንዳየኮ።

51 ርብቆ ሀኖ በእኔ አካደ ባ፤ መድና ጎዳይ ጌዳዋዳን ነ ጎዳ ናእው ማቻቶ ግዲ” ያጌድኖ።

52 አብራሃማ ቆማይ ኡንቱንቱ ግያዋ ሰሴዳ ዋደ፡ ሳእን ጉልባታደ መድና ጎዳው ጎይኔዳ።

53 ቆማይ ብራ አሌቁዋነ ዋርቃ አሌቁዋ፡ ማየዋካ ከሲደ፡ ርብቅዉ እሜዳ፤ ቃይ አልኦ ሚሻቱዋ እዝ እሻዉን እዝ አትዉ እሜዳ።

54 ሄዋፕ ጉየ፡ እነ አናና ደእያዋንቱ ሜድናን ኡሼድኖ፤ ያቲደ ያን አቁድኖ፤ ኡንቱንቱ ጉራን ደንዲደ፡ “ታና ታ ጎዳኮ የድተ” ያጌዳ።

55 እዝ እሻይን እዝ አታ፡ “ናታ እት ታሙ ጋላሳ ኬሻ ኦናና ታኩ፤ ሄዋፕ ጉየ እዛ ባና” ያጌድኖ።

56 ሸን እ፡ “መድና ጎዳይ ታን ዬዳዋ እንጀይ ድግና፡ ሀንተንቱ ታና ጋሞኤላፕተ፤ ታን ታ ጎዳኮ ባና ማላ ታና ሞይዘተ” ያጌዳ።

57 ኡንቱንቱ፡ “ናቶ ጸሴደ እነ እዝ ኦቾይተ” ያጌድኖ።

58 ርብቆ ጸሴደ፡ “ሀ ብታንያና ባኒ?” ያጌደ ኦቾድኖ።

እዘ፡ “ኤ፤ ታን ባና” ያጋዲ።

59 ኡንቱንቱ ባረንቱ ሞቻቶ ርብቆ፡ እዘ ድቻያንና፡ አብራሃማ ቆማና ከ አ ለሳቱዋና ሞይዜድኖ።

60 ኡንቱንቱ ርብቆ፡ “ኦ ሞቻት ርብቆ፡ ሻአፕ ሻአ ጋካናዉ ጮራታ።

ነ ዛራቱ ባረንቱ ሞርከቱዋ ካታማቱዋ ላትኖ” ያጌደ እንጃድኖ።

61 ሄዋፕ ጉየ፡ ርብቃነ እዝ ዳንጋጽረቱ ደንዲደ፡ ጋሎቱዋ ቶጊደ፡ ብታንያና ቤድኖ። ያትና ቆማይ ርብቆ አኪደ ቤዳ።

62 ሄ ዋደ ይሳቅ፡ “ታና በእያ ደኡዋ ጸሳ ፑልቱዋ” ግያ ፑልቱዋ ማታ ቢደ፡ ኔጌባ ዋራን ደኤ።

63 እት ጋላሰ ኦማርሰ ይሳቅ ባረ ዋዛናን ቆፒደ ደምባ ከሲደ ዩዩ፤ እ ጶቁ ጊደ ጸልያ ዋደ፡ ጋላቱ ይያዋንታ በኤዳ።

64 ርብቃካ ጶቁ ጋደ ጸልያ ዋደ፡ ይሳቃ በኣዲ፤ ጋሎፕ ዋዳዲ።

65 ቆማ፡ “ሀ ኦናና ጋከታናዉ ደምባና ይያ ብታኒ ኦኔ?” ያጋዲ።

ቆማይ፡ “እ ታ ጎዳቱ” ያጌዳ። እዛ ባረ ሻሸያ አካደ ጉሎታዲ።

66 ቃይ ቆማይ ባረ ኦሌዳዋ ኡባ ይሳቃዉ ኦዴዳ።

67 ይሳቅ ርብቆ ባረ እት ሳር ዲንካንያ አፌዳ። እዘ እኬዳ፤ እዛካ እዉ ማቻቶ ግዳዲ። ያትና እ እዘ ሲቁዳነ ባረ እት ሀይቁዋን ካየትያዋፕ ሞነቱዳ።

25

አብራሃመ ሀራ ናና የሌዳ (1 ኦዲዋ 1:32-33)

1 ቃይ አብራሃመ ቃጶር ጌተትያ ሀራ ማቻቶ አኬዳ።

2 እዛ ዚምራና፡ ዮቅሻና፡ ማዳና፡ ሞድያማ፡ ይሸባቃነ ሹሀ እዉ የላዲ።

3 ዮቅሻን ሳባነ ዳዳና የሌዳ። ዳዳን አሾረታ፡ ለጸሸታነ ለአማታ የሌዳ።

4 ሞድያማ ናናይ አፋ፡ አፋደ፡ ሀኖካ፡ አቢዳእነ ኤልዳእ። ሀዋንቱ ኡባይካ ቃጶር ናና።

5 አብራሃመ ባረዋ ኡባ ይሳቃ ላትሴዳ።

6 ሸን እ ብር ፓጸ ደኢደ፡ ባረ ሀራ ማቻቱዋፕ የሌዳ ናናቶ ባረዉ ደእያዋፕ ዋይቱዳ። ባረ ናእ ይሳቃፕ ኡንቱንታ ሻክ፡ አዋይ ደልያ ባጋ ቢታዉ የዴዳ።

አብራሃመ ሀይቁዋ

7 አብራሃመ ሙላ እት ጸታነ ላፑን ታማነ እቼሹ ላይላ ደኤዳ።

8 አብራሃመ ዳር ዋድያ ደኢደ፡ ሎኦ ጭሚደ ሀይቁዳ፤ ባረ ማይዛቱዋና ጋከቱዳ።

9 አ ናናይ ይሳቅነ እሰማኤል አ ማክጶላ ግያ ጎንጎሎ ዲፋዋን ሞጌድኖ፤ ሄ ጎንጎሎ ማሞረ ማታን፡ ሂትያ ጸሃራ ናእ ኤፍርና ጋድያን ደኤ።

10 ሄዌነ አብራሃመ ሂተቱዋፕ ሻሚዳ ጋድያ። አብራሃመ ባረ ማቻታ ሳራ ሞገቱዳ ሳእን ሞገቱዳ።

11 አብራሃመ ሀይቁዳዋፕ ጉየ፡ ጸሳይ አ ናእ ይሳቃ እንጃዳ። ሄ ዋደ ይሳቅ፡ “ታና በእያ ደኡዋ ጸሳ ፑልቱዋ” ግያ ፑልቱዋ ማታን ደኤ።

እሰማኤላ የለታ

12 ሳር አይላታ፡ ግብጾፕ ዬዳ አጋራ፡ አብራሃመዉ የሌዳ ናእ እሰማኤላ የለታይ ሀዋፕ ካሊደ ጸፈቱዳዋ።

13 እስማኤላ ናናይ ባረንቱ ሱንላንን ባረንቱ የለታ ማራን ሀዋንታ፤ ሄዋንቱን፡ ናባዮታ፡ ቄዳራ፡ እድብኤላ፡ ሞብሳማ፡

14 ሞሽማእ፡ ዲማ፡ ማሳ፡

15 ሀዳዳ፡ ቱማ፡ ይዱራ፡ ናፊሻን ቄድማ፡

16 እስማኤላ ናናይ ሀዋንታ፤ ኡንቱንቱ ሱንላይ ኡንቱንቱ ሞላንን ደእያ ሳኣን ሀዋ፡ ኡንቱንቱ ባረንቱ ያራን ታማን ላኡ ካፓቱ፡

17 እስማኤላ ሙላ ጾታን ሀታማን ላፑን ላይላ ደኢደ፡ ሀይቄዳ፤ ባረ ማይዛቱዋና ጋከቱዳ፡

18 እስማኤላ ዛራቱ ግብጾፕ አዋይ ዶልያ ባጋን ደእያ ሀዋላፕን ሹራፕ ግዲዋን፡ አሶራ አፍያ ኦግያ ማታን ደኤድኖ፡ ኡንቱንቱ ባረንቱ እሻቱዋ ኡባና ሞርክያን ደኤድኖ፡

ያቆብን ኤሳይ የለቱዳ

19 አብራሃማ ናኦ ይሳቃ የለታይ ሀዋፕ ካሊደ ጸፈቱዳዋ፡ አብራሃመ ይሳቃ የሌዳ፡

20 ይሳቃው ላይላይ ኦይታሙዋ ግዴዳ ዋደ፡ ርብቆ አኩዳ፤ እዛ ማሰጸጸምያን ደእያ ሶርያ ባቱኤላ ናትውን ሶርያ ላባና ሞቻቶ፡

21 ይሳቅ ባረ ማቻታ ማንላቶ ግዴዳ ድራው፡ እዝው መድና ጎዳ ዋሴዳ፤ መድና ጎዳይ እ ዋሳ ሰሴዳ፡ ያትና አ ማቻታ ርብቃ ሻሃራዲ፡

22 ሸን እዝ ኡሎ ግደን ደእያ ናናይ ማንተ ግድ ኡቲደ፡ እቱ እቱዋና ሱንቱድኖ፤ ያትና እዛ፡ “ሀዌ ታው እያው ሀን?” ያጋዲ፡ ሄዋ ድራው መድና ጎዳ ኦቻናው ባዲ፡

23 መድና ጎዳይ እዝው፡

“ነ ኡሎዋን ላኡ ካውተላይ ደኤ፤

ቃይ ነ ግዲዋን ደእያ ላኡ ጋደ አሳቱ እቱ እቱዋፕ ሻከታና፤

እት ጋደ አሳቱ ሀንኮቱዋፕ ሞናና፤ ቃይ ባይራይ ቱፋው አዛዘታና” ያጌዳ፡

24 እዛ የልያ ዋዲ ጋክና፡ እዝ ኡሎዋን ማንተ አቱማ ናናይ ደኢኖ፡

25 ኮይር የለቱዳዌ አርሳ፤ አ ቦላ ኡባ እሰኪ ማዬዳ፤ ሄዋ ድራው ኡንቱንቱ አ ኤሳው * ጊደ ሱንላድኖ፡

26 ሄዋፕ ጉዮ፡ አ እሻይ የለቱዳ፤ አ ባረ ኩሽያን ኤሳው ግንድያ ኦይቄ ኡቲዳ፤ ሄዋ ድራው አ ያቆባ † ጊደ ሱንላድኖ፡ ርብቃ ኡንቱንታ የሌዳ ዋደ፡ ይሳቃው ኡሱፑን ታሙ ላይላ ግዴዳ፡

27 ናናይ ድጩድኖ፤ ኤሳይ ሻንካ ሂላ ኤርያ ባዙዋ አሳ ግዴዳ፤ ሸን ያቆብ ዲንካንያን ደእያ ዋፓ አሳ ግዴዳ፡

28 ይሳቅ ኤሳ ሲቄዳ፤ አያው ጎፕ፡ አ ሻንካቲዳባፕ ማናው ዶሴዳ፤ ሸን ርብቃ ያቆባ ሲቃዲ፡

29 እት ጊደ ያቆብ ዋጽያ ካለሸን፡ ኤሳይ ኮሻይ ዋጴዳዌ፡ ዋራፕ ዬዳ፡

30 ኤሳይ ያቆባ፡ “ታና ሀ ዞኦ ዋጽያፕ ሞዛ፤ ታና ኮሻይ ዋጴዳ” ያጌዳ፡ (ሄዋ ድራው ቃይ አ ሱንላይ ኤደማ ‡ ጌተቲዳ)፡

31 ያቆብ አ፡ “ኮይር ታው ነ ባይራተላ ዛልአ” ያጌዳ፡

32 ኤሳይ፡ “በእ! ታን ሀይቃና ሀናይ፤ ሀ ባይራተላይ ታው እያ ጎአ ደኢ?” ያጌዳ፡

33 ያቆብ ዛሪደ፡ “አነ ታው ኮይር ኔን ጫቃ” ያጌዳ፡

አ ጫቄዳ፤ ባረ ባይራተላ ያቆባው ዛልኤዳ፡

34 ያቆብ ኤሳው ሶሉዋን ሞሰርያ ዋጽያ እሜዳ፤ እ ሜዳን ኡሼዳ፤ ሄዋፕ ጉዮ ደንዲደ ቤዳ፡ ኤሳይ ባረ ባይራተላ ሀዋዳን ካጴዳ፡

26

ይሳቃን አብመሌክ

1 ሄ ጋድያን ካሰ አብራሃመ ዋድያን ደእያ ኮሻ ቦላ ሀራ ኮሻይ ደንዴዳ፤ ያትና ይሳቅ ፕልሰጾማ ካትያ አብመሌከኮ ጋራራ ቤዳ፡

2 መድና ጎዳይ ይሳቃው ቆንጪደ ሀዋዳን ያጌዳ፤ “ግብጾ ጋድያ ዲገ ቦፓ፤ ታን ነው ኦዴዳ ጋድያን ደኢ፡

3 ሀ ጋድያን አማራዳዋ ታካሻ፤ ታን ኔናና ግዳና፤ ኔና እንጃና፤ አያው ጎፕ፡ ሀ ቢታ ኡባ ታን ነውን ነ ዘረላው እማና፤ ታን ነ አውዋ አብራሃመው ጫቄዳ ጫቄዋ ሞንሳና፡

4 ነ ዘረላ ሳሉዋ ጸልንትያዳን ዳርሳና፤ ሀ ቢታ ኡባ ታን ኡንቱንቶ እማና፤ ሳኦ ካውተላ ኡባይ ነ ዘረላ ባጋና እንጀታና፡

5 አያው ጎፕ፡ አብራሃመ ታ ቃላ ሰሴዳ፤ ታ ፕርዳቱዋን ታ አዛዙዋ፡ ታ አዋዮቱዋን ታ ሀግያ ናጌዳ” ያጌዳ፡

6 ሄዋ ድራው ይሳቅ ጋራራን ኡቲዳ፡

7 ሄ ቢታ አሳይ ርብቅባ ደንሏደ ይሳቃ፡ “ሀና ነው አዬ?” ያጌደ ኦቹዳ፡

አ፡ “ሀና ታው ሞቻቶ” ያጌዳ፡ አያው ጎፕ፡ እ ርብቃ ዳር ፑላንቻ ግድያ ድራው፡ “ታን፡ ኦዛ ታ ማቻቶ ጎፕ፡ ሀ ጋደ አሳይ እዝ ጋሱዋን ታና ዋጸንቶን” ያግ ቆፒደ ያዬዳ፡

8 ይሳቅ ሄዋን ዳር ዋድያ ደኦዋፕ ጉዮ፡ ፕልሰጾማ ካቲ አብመሌክ ማሰኮትያና ዲገ ጼሊደ፡ ይሳቅ ባረ ማቻት ርብቅና ጋከትሸን በኤዳ፡

9 ሄዋ ድራው አብመሌክ ይሳቃ ጸሲደ፡ “ሄኮ እዛ ቱሙ ነ ማቻቶ! ኔን አያው፡ ኦዛ ታ ሞቻቶ ጋዲ?” ያጌደ ኦቹዳ፡

ይሳቅ፡ “ኦዛ ታ ማቻቶ ጎፕ፡ እዝ ጋሱዋን አሳይ ታና ዋጸና ጋደ ጋድ” ያጌዳ፡

10 አብመሌክ፡ “ሀዌ ኔን ኦ ቦላን ኦሌዳባይ አዬ? ታ አሳፕ እት አሳይ ነ ማቻትና ግሰ ድጌዳሸን፤ ኔን ኦ ቦላን ጎምያ እሃዳሸን” ያጌዳ፡

11 ሄዋ ድራው አብመሌክ ባረ አሳ ኡባ፡ “ሀ ብታንያ ዋይ አ ማቻቶ ቦቶያ ኦንን ቱሙ ሀይቃና” ያጌደ አዛዜዳ፡

12 ይሳቅ ሄ ጋድያን ካላ ዘሪደ፡ ሄ ላይላን ጾቱ ኩሽያ ጫኬዳ፤ አያው ጎፕ፡ መድና ጎዳይ አ እንጃዳ፡

* 25:23 ርመ 9:12 † 25:26 ያቆብ- ሀ ሱንላ ብለላይ፡ ግንድያ ኦይቄያዋ ግያዋ፡ ‡ 25:30 ኤደማ- ሀ ሱንላይ አብራሃሙዋን፡ “ዞኦ” ግያዋ፡ 25:33 አብራ. 12:16 26:3 ደመላ 22:16-18 26:7 ደመላ 12:13፤ 20:2

13 እ ዲረቲዳ፤ ዲረታ ቦላ ዲረታይ አዉ ዳር ዳር ቤዳ።

14 ይሳቃ ደርሳ ዉዲ፤ ሚዛ ዉዲን ቆማቱ ሎይሰ ዳራዳ ድራዉ። ፕልሰጾማ አሳቱ አ ቃናቱድኖ።

15 ሄዋ ድራዉ፤ አ አዉዋ አብራሃመ ዋድያን፤ አ አዉዋ ቆማቱ ቦኬዳ ሃላ ኦላ ኡባ ፕልሰጾማ አሳቱዋ ቢታ ዛሪደ ባራድኖ።

16 ሄ ዋደ አብመሌክ ይሳቃ፤ “ኑፕ ሻከታደ ባ፤ ኔን ኑፕ አቆ ምናዳ” ያጌዳ።

17 ይሳቅ ሄዋፕ ደንዲዳ፤ ጋራራ ዋምባ ቢደ ያን ኡቲዳ።

18 ይሳቅ ባረ አዉዋ አብራሃመ ዋድያን ቦከቲዳ ሃላ ኦላቱዋ፤ አብራሃመ ሀይቄዳዋፕ ጉዮ፤ ፕልሰጾማ አሳቱ ባራዳዋንታ ዛር ቦክ ከሲዳ፤ አ አዉ ሱንጴዳ ሱንጻን ኡንቲንታ ጸሴዳ።

19 ይሳቅ ቆማቱ ዋምባን ቦኪዳ፤ ፑልትያ ሃላ ኦላ ያን ደሜድኖ።

20 ሽን ጋራራ ሄንጻንቻቱ ይሳቅ ሄንጻንቻቱዋና፤ “ሃላይ ኑዋ” ያጌደ ዋላቀቲድኖ። ኡንቲንቲ አናና ፓሉመቲዳ ድራዉ፤ ይሳቅ ሄ ሃላ ኦላ፤ “ፓሉምያ” ጌደ ሱንጴዳ።

21 ሄዋፕ ጉዮ፤ ኡንቲንቲ ሀራ ሃላ ኦላካ ቦኬድኖ፤ ሽን ኡንቲንቲ ሄ ሃላ ኦላ ጌዲዋን ዋላቀቲድኖ፤ ሄዋ ድራዉ እ ሄ ሃላ ኦላ “ሞርከቲታ” ጌደ ሱንጴዳ።

22 ሄዋፕ ጉላ ዛርዳኢዳ፤ ሀራ ሃላ ኦላ ቦክሴዳ፤ አ ጋሱዋን ኡንከ ዋላቀቲቤና፤ “ጸሳይ ሀእ ኑዉ አሴዳ፤ ኑን ሀ ጋድያን ጮራና” ጌደ እ፤ “አኮ ሳኦ” ጌደ ሱንጴዳ።

23 ሄዋፕ ደንዲዳ፤ ፑደ በርሳበሄ ቤዳ።

24 ሄ ቤዳ ጋላሰ ቃማ መጵና ጎዳይ አዉ ቆንጨደ እ፤ “ታን ነ አዉዋ አብራሃመ ጸሳ፤ ታን ኔና ደእያ ድራዉ፤ ኔን ያዮፓ፤ ታን ኔና አንጃና፤ ታ ቆማ አብራሃመ ድራዉ ነ ዘረላ ታን ጮርሳና” ያጌዳ።

25 ይሳቅ ሄዋን ያርሽያ ሳኦ ኬዲዳ፤ መጵና ጎዳ ሱንጻ ጸሴዳ። ያን እ ባረ ዲንካንያ ጵጌዳ፤ ቃይ ያን አ ቆማቱ ሃላ ኦላ ቦኬድኖ።

26 ሄዋፕ ጉዮ፤ አብመሌክ ባረና ዘርያ አሁዛታን ባረ ዋታዳራቱዋ ካፑዋ ፕኮላ አኪዳ፤ ጋራራፕ ይሳቃኮ ዬዳ።

27 ይሳቅ ኡንቲንታ፤ “ሀንተንቲ ካሰ ታና እጲዳ፤ ሀንተንቲ ቢታፕ ከሰ ዩዴታ፤ ሀእ ቃይ ታኮ እያ አካና ዩድቲ?” ያጌዳ።

28-29 ኡንቲንቲ እ፤ “መጵና ጎዳይ ኔናና ደእያዋ ኑን ቆንጭያን በኤዳ። ሄዋ ድራዉ ጫቆ ጫቆ ኑ ግድን ነ ግድን ደአና ኮሼ ያገቱ። ኑን ኔና ቦቻብይኮ፤ ሽን ኑን ነዉ ኬካተላ ጸላላ ኦላዳ፤ ኔና ሳርተላን ሞይዘ ዩዴዳ። ሄዋዳንካ ኔን ኑ ቦላ ኢታባ ኦላና ማላ፤ እነ ኔናና ጫቆዋ ጫቆቶይተ። ሀእ ኔን መጵና ጎዳይ አንጃዳዋ” ያጌድኖ።

30 ሄ ዋደ ይሳቅ ኡንቲንቲ ባላ ገገሰና፤ ሜድኖን ኡሼድኖ።

31 ዋንተላ ጋላሰ ዋንታ ጉራን ደንዲዳ፤ ኡንቲንቲ እቱ እቱዋና ጫቀቲድኖ። ይሳቅ ኡንቲንታ ዋይዘና፤ ኡንቲንቲ አፕ ሳር ሻከቲደ ቤድኖ።

32 ሄ ጋላሰ ይሳቅ ቆማቱ ዩዳ፤ ባረንቲ ቦኬዳ ሃላ ኦላባ አዉ ኡዴድኖ፤ “ኑን ሃላ ደሜዳ” ያጌድኖ።

33 እ ሄ ሃላ ኦላ ሳበሀ ጌደ ሱንጴዳ፤ ሄዋ ድራዉ ሄ ካታማ ሱንጻይ ሀቼ ጋካናዉ በርሳበሀ * ጌተቲ።

ኤሳይ ሂተቱዋ ማቻቱዋ እኬዳ

34 ኤሳ ላይላይ ኦይታሙዋ ግድያ ዋደ፤ ሂትያ ብኤደ ናቶ ዮድቶን ሂትያ ኤሎና ናቶ ባሰማቶ እኬዳ።

35 ኡንቲንቲ ይሳቃን ርብቆ ካዮዩደ ደኤድኖ።

27

ይሳቅ ያቆባ አንጃዳ

1 ይሳቅ ጭምና፤ አ አይፊ ጸላ እጾዳ ዋደ፤ ባረ ባይራትያ ናኦ ኤሳ ጸሴደ እ፤ “ታ ናአዉ” ያጌዳ።

እ፤ “አቤ” ጌደ ኮዬዳ።

2 እ፤ “በእ፤ ሀእ ታን ጭማድ፤ ታን ሀይቃና ጋላሳ ኤርከ።

3 ያትያ ድራዉ፤ ሀእ ነ ሻንካትያ ዋንዳፍያን ዙቢያ አካደ፤ ባዙዋ ባ፤ ዶኦ ታዉ ሻንካታደ፤ አሹዋ አካደ ያ።

4 ማልኦ ቁማ፤ ታን ዶሰያዋ ካላደ አላ፤ ሄዋን ታን ሀይቃናፕ ካሰ ኔና አንጃናሳ” ያጌዳ።

5 ርብቃ ይሳቅ ባረ ናኦ ኤሳዉ ኦድያ ዋደ ሰሳዲ። ኤሳይ ዶኦ ሻንካቲደ አሀናዉ ባዙዋ ቤዳዋፕ ጉዮ።

6 ርብቃ ባረ ናኦ ያቆባ፤ “ኅ እዉ ነ እሻ ኤሳዉ።

7 ዶኦ ሻንካታ አሃደ፤ ታዉ ማልኦ ቁማ ታን ማናዉ ካላ፤ ሄዋን ታን ሀይቃናፕ ካሰታደ፤ መጵና ጎዳ ሰንጻን ኔና አንጃናሳ” ያግያዋ ታን ሰሳድ።

8 ታ ናአዉ፤ ሀእ ታን ኔና አዛዘያዋ ሎይላደ ሰሳ።

9 ዉድያ ጋርሳ ባደ፤ ላኡ ቦልትቦልታ ዴሻ ማራቱዋ ታዉ አካደ ያ፤ ታን ነ አቦው ማልኦ ቁማ አ ዶሰያዋዳን ካላና።

10 ነ አዉ ሚደ ሀይቃናን ካሰቲደ ኔና አንጃና ማላ፤ አዉ አላሳ” ያጋዲ።

11 ሽን ያቆብ ባረ አቶ ርብቆ፤ “ታ እሻ ኤሳ ቦላን እሰኪ ደኤ፤ ሽን ታ ቦላይ ሊቆ።

12 ታ አዉ ታና ኦይቄ በኦፕ ሽን? ታን አ ጭምያዋ አዉ ማላትና፤ ታን አንጃዋ ድራዉ ሸቃ ታ ቦላ አሀንቶን” ያጌዳ።

13 አ ዳያ እ፤ “ታ ናአዉ፤ ሄ ሸቃይ ታና ጋኮ። ታን ነዉ ኦድያዋ ኦላ፤ ባደ ዴሻ ማራቱዋ ታዉ አካደ ያ” ያጋዲ።

14 ብ አሂደ ባረ ዳይዉ እሜዳ፤ አ ዳያ ማልኦ ቁማ አ አዉ ዶሰያዋዳን ካላዲ።

15 ሄዋፕ ጉዮ፤ ርብቃ ሰን ባረ ማታን ደእያ ባረ ባይራ ናኦ ኤሳ ማዩዋ ሎኡዋ አሃደ፤ ባረ ቲፋ ናኦ ያቆባ ማይዛዲ።

16 ቃይ ሄ ዴሻቱዋ ጋልባ አ ኩሽያን አ ሊቆ ቆጵያ ማይዛዲ።

17 ባረ ካሌዳ ማልኦ ቁማን ኡክላ ባረ ናኦ ያቆባ ኩሽያን ዋላዲ።

26:26 ደመላ 21:22 * 26:33 በርሳበሄ፡ ሀ ሱንጻ ብለላይ አብራዌሉዋን፤ “ጫቆዋ ሃላ ኦላ” ግያዋ (ጉጃ ጸላ 21:31)

18 ያትና እ ባረ አወዋኮ ቢደ ገሊደ፤ “ታ አዎ” ያጌዳ።

እ፤ “አቤ! ታ ናአወ፤ ኔን ኦኔ?” ያጌዳ።

19 ያቆብ ባረ አወዋ፤ “ታን ነ ባይራ ናአ ኤሳ፤ ኔን ታና አዛዜዳዋዳን ታን ኦላድ፤ ደንዳ፤ ደንዳ ኡታደ፤ ታን ሻንካፕ አሄዳዋ ማ፤ ያታደ ታና አንጃ” ያጌዳ።

20 ይሳቅ ባረ ናአ፤ “ታ ናአወ፤ ዋታ ኤሌላ ደማድ?” ያጌደ ኦቼዳ።

እ፤ “መድና ጎዳይ ነ ጸሳይ ታና ማዴዳ” ያጌዳ።

21 ይሳቅ ያቆባ፤ “ታ ናአወ፤ ኔን ቱሙ ታ ናአ ኤሰንቶን ታን ኦይቃ በአናዉ እነ ታኮ ሺቃ” ያጌዳ።

22 ያቆብ ባረ አወዋ ይሳቃኮ ሺቅና ኦይቂ በኢደ፤ “ሀ ቃላይ ያቆባ ቃላ፤ ሸን ኩሺ ኤሳ ኩሸያ” ያጌዳ።

23 አ ኩሺ አ እሻ ኤሳ ኩሸያዳን አሰክያና ደእያ ድራዉ፤ ኤርቤና፤ እ ኤረናን አ አንጃዳ።

24 እ፤ “ቱሙ ኔን ታ ናአ ኤሰዬ?” ያጌደ ኦቼዳ።

እ፤ “ኤ፤ ታናቱ” ያጌዳ።

25 እ፤ “ታ ናአወ፤ ታን ኔን ሻንካቲዳዋ ማናዉ ሃ አላ፤ ማደ ታን ኔና አንጃና” ያጌዳ። ያቆብ አለና፤ እ ሜዳ፤ ቃይ እ አዉ ዋይንያ ኤሳ አህና ኡሼዳ።

26 ሄዋፕ ጉዮ አ አወዋ ይሳቅ፤ “ታ ናአወ፤ ሃያ፤ ሺቃይ ታና ዮራ” ያጌዳ።

27 ያቆብ ሸቂደ አ ዮራዳ፤ ይሳቅ አ ማዩዋ ሰንግ ሰሲደ፤ ሀዋዳን ያጌደ አንጃዳ፤ “ታ ናአ ፔኑ መድና ጎዳይ አንጃዳ ጎሻዳን ሳዋ።

28 ጸሳይ ሳሉዋ ጮኩዋን ሳአ ሸጫ፤ ካላነ ኦራላ ዋይንያ ኤሳ ዳርሲደ ነዉ እሞ።

29 ካዉተላቱ ነዉ ሞደትና፤ አሳቱ ነዉ ጉልባትና። ኔን ነ እሻቶ ጎዳ ግዳ፤ ነ እት ዛራቱ ነዉ ጉልባትና። ኔና ሸቂያዌ ሸቅቲዳዋ ግደ፤ ኔና አንጃያዌ አንጃቲዳዋ ግደ” ያጌዳ።

30 ይሳቅ ያቆባ አንጃ ዉርሴዳዋፕ ጉዮ፤ ያቆብ ባረ አወዋ ይሳቃ ሰንሳፕ ከሰዋን ኤሳይ ሻንካፕ ፑቱ ጌዳ።

31 እካ ቃይ ማልኦ ቁማ ካሊደ፤ ባረ አዎ አሌዳ። እ፤ “ታ አዎ፤ ደንዳ፤ ደንዳ ኡታደ፤ ታን ሻንካቲዳዋፕ ማ፤ ያታደ ታና አንጃ” ያጌዳ።

32 አ አዉ ይሳቅ እ፤ “ኔን ኦኔ?” ያጌደ ኦቼዳ።

እ፤ “ታን ነ ናአ፤ ነ ባይራ ናአ ኤሳ” ያጌዳ።

33 ይሳቅ ዳጋሚደ ኮኮሪደ፤ “ያትና ዶአ ሻንካቲዳዋ አኪደ ታዉ አሌዳዋ ኦኔ? ታን ሀእ ኔን ያና ሰንሳን ማደ፤ አ አንጃ ድጋድ፤ ቱሙካ እ አንጃቲዳዋ ግዳናዋ” ያጌዳ።

34 ኤሳይ ባረ አወዋ ቃላ ሰሴዳ ዋደ፤ ባረ ቃላ ቶቂ አሊደ፤ ዳር ይሳታ ዬኩዋ ዬኪደ ባረ አወዋ፤ “ታና አንጃ፤ ታ አዎ፤ ታናካ አንጃ!” ያጌዳ።

35 ሸን እ፤ “ካ እሻይ ዪደ ጭሚደ፤ ነ አንጃዋ አክ ድጌዳ” ያጌዳ።

36 ኤሳይ፤ “አ ኤሪደ ያቆባ * ሱንሌዳ፤ እ ታና ጭሞደ፤ ሀዌ ላኤንሉዋ፤ እ ታ ባይራተላ አኬዳ፤ ቃይ ሀእ ታ አንጃዋ አኬዳ” ያጌዳ። ቃይ እ፤ “ኔን ታዉ አንጃዋፕ አያነ አሻበይኪ?” ያጌደ ኦቼዳ።

37 ይሳቅ ኤሳ፤ “ታን አ ነዉ ጎዳ ኦላድ፤ አ እሻቱዋ ኡባካ አ ቆማቱዋ ኦላድ፤ ቃይ ታን ካላንነ ኦራላ ዋይንያ ኤሳን አ ሞንሳድ። ያትና፤ ታ ናአወ፤ ነዉ ታን እያ ኦላ?” ያጌዳ።

38 ኤሳይ ባረ አወዋ፤ “ታ አዎ፤ ነዉ እት አንጃ ጸላላይ ደኢ? ታ አዎ፤ ታናካ ቃይ አንጃ” ያጌዳ። ሄዋፕ ጉዮ፤ ኤሳይ ባረ ቃላ ቶቂ አሊደ ዬኬዳ።

39 አ አወዋ ይሳቅ ዛሪደ፤ “ካ ደእያ ሀ ሳአ ዱረተላፕ ሃካደ ደአና፤ ሳሉዋ ጮኩካ ነዉ ዋ□ና፤

40 ኔን ነ ማሻን አቃና፤ ኔን ነ እሻዉ ሞደታና።

ሸን ኔን አናና ኤቀትያ ዋደ፤ አ ሞርገ ሞላ ነ ሞርግያፕ ኦላና” ያጌዳ።

41 ያቆባ አ አዉ አንጃዳ ድራዉ፤ ኤሳይ ባረ ኡሉዋን አ ሞርኬዳ፤ እ ባረ ዋዛናን፤ “ታ አዉ ሀያና ማቲዳ፤ ታን አዉ ካዮታ ሰማደ፤ ታ እሻ ያቆባ ዋቶና” ያጌዳ።

42 ሸን ርብቃ ሀ ባረ ባይራ ናአ ኤሳ ቃላ ሰሴዳ ድራዉ፤ ባረ ቱፋ ናአ ያቆባ ጼሰሳ አሃደ ሀዋዳን ያጋዳ፤ “ካ እሻይ ኤሳይ ኔና ዋቶደ ሀሉዋ ከሳናዉ ሀልቼዳ።

43 ሀያና ታ ናአወ፤ ታን ነዉ ኦደዋ ኦላ። ደንዳ! ካራነን ደእያ ታ እሻ ላባናኮ ባቃታ!

44 ያታደ ነ እሻ ሀንቁ ደቻና ጋካናዉ፤ አማራዳ ዋድያ አናና ደአሻ።

45 ነ እሻይ ነዉ ሀንቀትያዋ አግያ ዋደነ፤ ኔን አ ቦላ ኦሌዳዋ እ ደግያ ዋደ፤ ታን ኪታደ ኔና ያፕ አሀሳና። ታን እት ጋላሰ ሀንተንቱ ላኡዋፕ መላ ከሳና ኮይከ” ያጋዳ።

ይሳቅ ያቆባ ላባናኮ ዮዴዳ

46 ሄዋፕ ጉዮ ርብቃ ይሳቅ፤ “ኤሳይ አኬዳ ሂተቱዋ ማጫ ናና ጋሱዋን ታን ታ ደኡዋ ሸነታድ፤ ቃይ ያቆብካ ሀዋንቱ ማላ ሂተቱዋ ማጫ ናናቱዋፕ ማቻቶ አኮፕ፤ ታን ሰሞ ሀይቃናዉ ኮያድ” ያጋዳ።

28

1 ሄዋ ድራዉ፤ ይሳቅ ያቆባ ጼሲደ ሀዋዳን አንጃዳነ አዛዜዳ፤ “ካና ነ ጋድያ ማጫ ናናቱዋፕ ነዉ ማቻቶ አኮፕ።

2 ደንዳ! ነ ዳይ አወዋ ባቲኤላኮ፤ ማሰጸጸሞያ ጋድያ ባደ ያፕ ነ ዳይ እሻ ላባና ማጫ ናናቱዋፕ እትኖ ነዉ ማቻቶ ኦላደ አካ።

3 ኡባ ዳንዳይያ ጸሳይ ኔና አንጃ፤ እ ኔ የለታ አሶ፤ ኔን እት ደረ አሳ ኬና ጋካናዉ ኔና ጮርሶ።

27:27 እብራ. 11:20 27:29 ደመላ 12:3 * 27:36 ያቆባ- ሀ ሱንላ ብለላይ እብራዌሉዋን፤ “ጭሚዳ” ግያዎ።
27:38 እብራ. 12:17 27:39 እብራ. 11:20 27:40 ደመላ 36:8፤ 2 ካታ. 8:20 28:4 ደመላ 17:4-8

4 ኔን ሀእ በተተላን ኡቲዳ ሀ ቢታ ነዋ ኦላና ማላ ነወነ ነ ዘረላዉ ጸሳይ ኡብራሃመ እንጂዋ እዋ” ያጌዳ።

5 ይሳቅ ያቆባ የዴዳ፤ ያቆብ ማሰጸጸምያ ጋድያ ላባናኮ ቤዳ። ላባን ያቆባን ኤሳ የሌዳ አት ርብቃ እሻን ሶርያ ባቲኤላ ናኦ።

ኤሳይ ሀራ ማቶያ ጉጂደ እኬዳ

6 ይሳቅ ያቆባ እንጂዳዋ፤ ያጥ ማቶቶ አካናዉ ማሰጸጸምያ ጋድያ ኦ የዴዳዋ፤ ቃይ እ ያቆባ እንጂዳ ዋደ። “ካናነ ማጫ አሳ አኮፓ” ያጌደ እዛኬዳዋ፤

7 ያቆብ ባረ አዉዋነ ባረ አቶነ እዛዘቲደ፤ ማሰጸጸምያ ጋድያ ቤዳዋ ኤሳይ ኤሬዳ።

8 ኤሳይ ሄዋን ካናነ ቢታ ማጫውና ባረ አዉዋ ይሳቃ አይ ኬሻ ኢትንቶ እኬኬዳ።

9 ሄዋ ድራዉ ኤሳይ ኡብራሃመ ናኦ እስማኤለኮ ቢደ። አ ናቶ ማህላቶ ባረ ማቶቲዋ ቦላ ጉጂደ እኬዳ። እዛ ናባዮታ ምቻቶ።

ያቆብ ቤቴለን በኤዳ እኩሙዋ

10 ያቆብ በርሳበሄፕ ካራነ ባናዉ ደንዴዳ።

11 እ እት ሳኦ ጋክና አዋይ ዉልና፤ ያን ቃማ አቄዳ። ሄ ሳኦን ደእያ ሹቻቲዋፕ እቲዋ አኪደ፤ ባረ ሁጲያን ቦርኮቲደ ሄ ሳኦን ገምእሼዳ።

12 እ እኩሙዋ እኩሙቲዳ፤ ሄ እኩሙዋን ጋይያ እቲ ቢታን ኤቂና፤ አዉ ጸራይ ሳሉዋ ጋክያዋን፤ ጸሳ ኪታንቻቲ ግእሺናነ ዋድሽን በኤዳ፤

13 ጋይያዉ ቦላ ጸራን መድና ጎዳይ ኤቂደ እ። “ታን መድና ጎዳ፤ ነ አዉዋ ኡብራሃማ ጸሳ፤ ይሳቃ ጸሳ። ሀ ኔን ግሴዳ ቢታ ነወነ ነ ዘረላዉ እማና፤

14 ነ ዘረላይ ሳኦ ሻፍያዳን ዳራና፤ ኔን አዋይ ዉልያ ባጋና፤ አዋይ ደልያ ባጋና፤ ሁጲሳናነ ሀርክ ባጋና ደእያ ሳኦ ጋካናዉ አካና፤ ሳኦ ቦላን ደእያ አሳይ ኡባይ ነ ባጋና ነ ዘረላ ባጋና * እንጃታና

15 ታን ኔናና ደእይ፤ ኔን ብያሳኦ ኡባን ታን ኔና ናጋና፤ ቃይ ታን ኔና ሀ ጋድያ ጉዩ ዛራደ አሀና፤ ታን ነዉ ኦላና ጌዳዋ ኦላና ጋካናዉ ኔና የግከ” ያጌዳ።

16 ያቆብ ገምእሹዋፕ ቤጎቲዳ ዋደ። “መድና ጎዳይ ቱሙ ሀ ሳኦን ደእይ፤ ታን ኤራብይከፕ አትን” ያጌዳ።

17 እ ያዪደ። “ሀ ሳኦ ዋት ያሺ! ሀ ሳኦ ጸሳ ጎልያፕ አትን፤ አይነ ሀራ ሳኦ ግደና፤ ሀዌ ሳሉዋ ፕንግያ” ያጌዳ።

18 ዋንተላ ጋላስ ዋንታ ጉራን ያቆብ ደንዲደ፤ ባረ ቦርኮቲዳ ሹቻ አኪደ፤ ቱሳዳን ኤሲደ፤ ጸሳዉ ዲማያናዉ አ ቦላ ዛይትያ ትጌዳ።

19 ያቆብ ሄ ሳኦ ቤቴለ † ጌደ ጸሴዳ። ሽን ሄ ካታማይ ሄዋፕ ካስ ሎዛ ጌተቲ።

20-21 ያቆብ ሀዋዳን ያጌደ ሸቄዳ፤ “ታ አዉዋ ሶ ታን ሳር ሰማና ማላ ጸሳይ ታናና ግደፕ፤ ታን ብያ ሀ ቡሳን ታና ናጎፕን ታዉ ምያ ቁማነ ማይያ ማዩዋ እዋፕ፤ መድና ጎዳይ ታ ጸሳ ግዳና፤

22 ታን ቱሳዳን ኤሴዳ ሀ ሹቻይ ጸሳ ጎልያ ግዳና። ኔን ታዉ እምያዋ ኡባፕ ታሙዋፕ እቲዋ ታን ነዉ እማና” ያጌዳ።

29

ያቆብ ላባና ሶ ጋኬዳ

1 ሄዋፕ ጉዩ፤ ያቆብ ደንድ ቢደ፤ አዋይ ደልያ ባጋ አሳቲዋ ጋድያ ጋኬዳ።

2 እት ሃላ ኦላይ ደምባን ደእያዋ በኤዳ፤ ሄዙ ደርሳ ዉዲ ቃይ ሄ ኦላ ማታን ግሴድኖ። አያዉ ጎፕ፤ ዉዲ ኡባይ ሃላ ኡሸያዌ ሄ ኦላፕ። ሄ ሃላ ኦላ ደናን ደእያ ሹቻይ ዋልቃማ።

3 ደርሳ ዉዲ ኡባይ ሄዋን ዳጋቲዳ ዋደ፤ ሄ ዉድያ ሄምያዋንቲ ሃላ ኦላ ደናፕ ሄ ሹቻ ጎንደርሴደ ደርሳ ኡሺኖ። ሄ ሹቻ ኦላ ደናን ዛሪደ ዋልኖ።

4 ያቆብ ኡንቲንታ፤ “ታ እሻቶ፤ ሀንተንቲ ሀቃፕ የድተ?” ያጌደ ኦቼዳ።

ኡንቲንቲ፤ “ኦን ካራጎፕ ዬደ” ያጌድኖ።

5 እ፤ “ናኮራ ናኦ ናኦ ላባና ሀንተንቲ ኤሪተየ?” ያጌዳ።

ኡንቲንቲ፤ “ኤ፤ አ ኤሪቶ” ያጌድኖ።

6 ያቆብ ኡንቲንታ፤ “እ ሎኦ ደኢ?” ያጌደ ኦቼዳ።

ኡንቲንቲ፤ “ኤ፤ ሎእ፤ አ ናታ ራሄላ ደርሳ አካደ የውኖ ሀኖ በእ” ያጌድኖ።

7 ያቆብ ኡንቲንታ፤ “በእተ፤ አዋይ ሀእ ዉልቤና፤ ዉድያ መሄ ሶ ሸቅያ ዋዲ ብር ጋክቤና፤ ደርሳ ሀእ ኡሸ አፊደ፤ ሄምተ” ያጌዳ።

8 ሽን ኡንቲንቲ፤ “ዉዲ ኡባይ ሸቃና ጋካናዉ፤ ሹቻ ሃላ ኦላ ደናፕ ጎንደርሳና ጋካናዉ፤ ኦን ኡሻናዉ ዳንዳዮኮ። ሄዋፕ ጉዩ፤ ኦን ደርሳ ኡሻና” ያጌድኖ።

9 እ ብር ሃሳይሸን፤ ላባና ናታ ራሄላ ባረ አዉዋ ደርሳቲዋ ሳጋ አካደ ጋካዲ፤ አያዉ ጎፕ፤ እዛ ደርሳ ሄንላንቻ።

10 ያቆብ ባረ እት እሻ ላባና ናቶ ራሄሎ በኤዳ ዋደ፤ ባረ እት እሻ ላባና ደርሳ በኤዳ ዋደ፤ ቢደ ኦላ ደናፕ ሹቻ ጎንደርሴዳ፤ ባረ እት እሻ ደርሳቲዋ ሃላ ኡሼዳ።

11 ያቆብ ራሄሎ የሪደ፤ ናሽቻዉ ባረ ቃላ ጶቂሲደ ዬኬዳ።

12 ያቆብ እዝዉ አዉዋ ዳቦነ ርብቅ ናኦ ግድያዋ ራሄልዉ ኦዴዳ። ሄዋ ድራዉ እዛ ዋጻ ባደ ባረ አዋ ኦዳዲ።

13 ላባን ባረ ምቻት ናኦ ያቆባ ዋርያ ሰሴዳ ሳናካ፤ አናና ጋከታናዉ ዋጾዳ። አ እድም የሪደ፤ ባረ ሶ አፊዳ። ያን ያቆብ ሀኔዳዋ ኡባ ላባናዉ ኦዴዳ።

14 ላባን እ፤ “ኔን ቱሙ ታ እሸነ ታ ሱላ” ያጌዳ። ያቆብ አናና እት አግና ኩሙንላ ኡቲዳ።

ያቆብ ራሄል ድራዉነ ልያ ድራዉ ላባዉ ኦሴዳ

28:12 የሃ. 1:51 28:13 ደመላ 13:14-15 * 28:14 ነ ባጋና ነ ዘረላ ባጋና፡ ሳኦ ቦላን ደእያ አሳይ ኡባይ ኔና ነ ዘረላ እንጃዋዳን እንጃና ማላ ታና ዋሳና ጉሳ። † 28:19 ቤቴለ፡ ሀ ሰንላ ብለላይ ኡብራዌሉዋን፤ “ጸሳ ጎልያ” ግያዋ።

15 ሃዋጥ ጉየ ላባን አ፡ “ኔን ታወ ዳቦ ግዴዳ ድራወ፡ ታወ ጮ መላ ኦላንዬ? እነ ነወ አያ ጭጋናወ በሰንቶ ታወ ኦዳ” ያጌዳ።

16 ላባናወ ላኡ ማጫ ናናቱ ደእኖ፤ ባይራት ሱንላይ ልዮ፡ ቴፋትዌ ራሄሎ።

17 ልያ አይፍያና ጩጫ፤ ሽን ራሄላ ጌሳንቻን ማላ ሎእ።

18 ያቆብ ራሄሎ ሲቁደ አ፡ “ታን ነ ቴፋ ናት ራሄላ ድራወ ነወ ላፑን ላይላ ኦላና” ያጌዳ።

19 ላባን፡ “እዘ ሀራ አሳወ አማናፕ ነወ አምያዌ ሎእ፤ ኔን ታናና ሀዋን ደእ” ያጌዳ።

20 ሃዋ ድራወ ያቆብ ራሄሎ አካናወ ላፑን ላይላ ኦላዳ፤ ሽን እ እዘ ሲቅያ ድራወ፡ አወ አማራዳ ጋላሳ ማላቴዳ።

21 ሃዋጥ ጉየ ያቆብ ላባና፡ “ታ ማቻቶ ታወ አማ፤ ታ ዋዲ ፖላቴዳ፤ ታን እዘ አካናወ ኮያድ” ያጌዳ።

22 ሃዋ ድራወ ላባን ሃዋን ደእያ አሳ ኡባ ጸሲደ፡ ቡላቻ ከሴዳ።

23 ሽን ሳአይ ቃምና፡ እ ባረ ናቶ ልዮ አፊደ ያቆባወ አማዳ። ያቆብ እዘ አኬዳ።

24 ቃይ ላባን ባረ ቆማቶ ዝልፖ ባረ ናት ልይወ ዳንጋጽረ ግዳናዳን አማዳ።

25 ሳአይ ዋንትና ጸልያ ዋደ፡ ሄኮ ልዮ! ያትና ያቆብ ላባና፡ “ሀዌ ኔን ታ ቦላ ኦላዳዌ አዬ? ታን ነወ ኦላዳዌ ራሄላ ድራሳ ግደኔየ? ታና አያወ ጭማድ?” ያጌዳ።

26 ላባን አ፡ “ኑ ቢታን ባይራታ ደእሽን፡ ቴፋቶ አሰናወ አምያዌ ዋጋ ግደና።

27 ሄ ሞሽራ ሳምንታ ወርሳ፤ ቃይ ቴፋትያኖካ ኑን ነወ አማና፤ ሃዋጥ ጉየ፡ ሀራ ላፑን ላይላ ታወ ኦላሳ” ያጌዳ።

28 ያቆብ ሃዋዳን ሀኒደ ሄ ሳምንታ ወርሴዳ፤ ሃዋጥ ጉየ፡ ላባን ባረ ናቶ ራሄሎ አወ አማዳ።

29 ቃይ ላባን ባረ ቆማቶ ባሎ ባረ ናት ራሄላወ ዳንጋጽረ ግዳናዳን አማዳ።

30 ያቆብ ራሄሎ አኬዳ። ራሄሎ ልይፕ አሊደ ሲቁዳ። ሀራ ላፑን ላይላ ላባናወ ኦላዳ።

ያቆባወ ናናይ የለቴድኖ

31 መድና ጎዳይ ልያ ሲቀታቤናዋ በኢደ፡ እዝወ የልያ ኡሎዋ ደዬዳ፤ ሽን ራሄላ ማንላቶ።

32 ልያ ሻሃራደ አቱማ ናኦ የላዲ። አ ሱንላካ ርቤላ * ሱንላዲ፤ አያወ ጎፕ እዛ፡ “መድና ጎዳይ ታ መቱዋ በኤዳ፤ ሀእ ቱሙ ታና ታ አሰናይ ሲቃና” ያጌዳ።

33 እዛ ሀራካ ሻሃራደ አቱማ ናኦ የላዲ። እዛ፡ “መድና ጎዳይ ታን ሲቀታቤናዋ ሰሴዳ ድራወ፡ ታወ ሀዋካ ጉጃዳ” ያጌደ፡ አ ሰሞና † ሱንላዲ።

34 አ ሀራካ ሻሃራደ አቱማ ናኦ የላዲ። እዛ፡ “ታን አወ ሄዙ አቱማ ናና የሌዳ ድራወ፡ ታ አሰናይ ሀእ ታናና ዋጸታና” ያጌደ፡ አ ሌዌ ‡ ሱንላዲ።

35 አ ሀራካ ሻሃራደ አቱማ ናኦ የላዲ። እዛ፡ “ሀቻዋን ታን መድና ጎዳ ጋላታና” ያጌደ። ሃዋ ድራወ አ ይሁዳ § ሱንላዲ። ሃዋጥ ጉየ የሉዋ ኤሳዲ።

30

1 ራሄላ ያቆባወ ናና የላቤናዋ በኤዳ ዋደ፡ ባረ ሞቻቶ ቃናታዲ፤ ሃዋ ድራወ ያቆባ፡ “ታወ ናና አማ፤ ሃዌ ጳዮፕ፡ ታን ሀይቃና” ያጌደ።

2 ያቆብ ራሄሎ ሀንቀቲደ፡ “ታና ነወ የሉዋ ድጌዳ ጸሳ ጋድየ?” ያጌዳ።

3 እዛ፡ “ታ ዳንጋጽራቶ ባሎ ህኖ በእ፤ እዛ ታ ድራወ የላና ማላ ኔን እዘ አካ፤ ያቶፕ እዝ ባጋና ታንካ ናኦ ዳዮ ግዳና” ያጌደ።

4 ባረ ዳንጋጽራቶ ባሎ ማቻቶ ኦሊደ አካና ማላ፡ አወ አማዲ፤ ያቆብ እዘ አኬዳ።

5 ባላ ሻሃራደ አቱማ ናኦ ያቆባወ የላዲ።

6 ያትና ራሄላ፡ “ጸሳይ ታወ ዳናቴዳ፤ ታ ዋሳካ ሰሲደ፡ ታወ አቱማ ናኦ አማዳ” ያጌደ። ሃዋ ድራወ አ ዳና * ሱንላዲ።

7 ራሄላ ዳንጋጽራታ ባላ ሀራ ሻሃራደ፡ ያቆባወ ላኤንሉዋ አቱማ ናኦ የላዲ።

8 ራሄላ፡ “ታን ታ ሞቻትና ዋልቃማ ባጽያ ባጸታደ ጸናድ” ያጌደ። ሃዋ ድራወ አ ንፍታሌማ † ሱንላዲ።

9 ልያ ባረወ የሉ ኤቁዳዋ በአደ፡ ባረ ዳንጋጽራቶ ዝልፖ አፋደ ያቆብ እዘ አካና ማላ አማዳ።

10 ልያ ዳንጋጽራታ ዝልፓ አቱማ ናኦ ያቆባወ የላዲ።

11 ልያ፡ “ላ ሀዌ አያ ሎኦ ካጩ!” ያጌደ። ሃዋ ድራወ ጋዳ ‡ ሱንላዲ።

12 ልያ ዳንጋጽራታ ዝልፓ ያቆባወ ላኤንሉዋ አቱማ ናኦ የላዲ።

13 ልያ፡ “ታን አይ ኬሻ ናሽታይታሻ! ማጫ አሳይ ታና ናሽትያኖ ጋና” ያጌደ። ሃዋ ድራወ አ አሴራ § ሱንላዲ።

14 ዛርጋ ጫክያ አግናን ርቤል ጋደ ቢደ፡ እንኮይያ ግያ ትማትምያ ማላትያ ቴራ ደሚደ፡ ባረ አት ልይወ አሄዳ። ራሄላ ልዮ፡ “ኅ ናኦ እንኮይያፕ ታወ አማ” ያጌደ።

15 ሽን ልያ፡ “ታ አሰና ኔን ዋላ አኬዳዌ ግደናን እጽና፡ ቃይ ታ ናኦ እንኮይያ * አካይ?” ያጌደ።

ራሄላ፡ “ያቶፕ፡ ነ ናኦ እንኮይያ ድራወ ያቆብ ሀቼ ቃማ ኔናና አቆ” ያጌደ።

16 ሄ ጋላሳ አማርሰ ያቆብ ዋራፕ ዬዳ ዋደ፡ ልያ አ ሞካናወ ከሳይ አ፡ “ኔን ታናና አቃና ኮሼ፤ አያወ ጎፕ፡ ታን ታ ናኦ እንኮይያን ኔና ከራወ አካ ድጋድ” ያጌደ። ሃዋ ድራወ አ ሄ ጋላሳ ቃማ እዝና አቁዳ።

17 ጸሳይ ልያ ዋሳ ሰሴዳ፤ እዛ ሻሃራደ፡ አቼሻንላ አቱማ ናኦ ያቆባወ የላዲ።

* 29:32 ርቤላ፡- ሀ ሱንላ ብርሸላይ “ሀሹ! አቱማ ናኦ!” ዋይ “ታ መቱዋ በኤዳ” ግያዋ። † 29:33 ሰሞና፡- ሀ ሱንላ ብላላይ እብራዌሉዋን፡ “ሰሴዳ” ግያዋ። ‡ 29:34 ለዊ፡- ሀ ሱንላ ብላላይ እብራዌሉዋን፡ “ዋጸታና” ግያዋ። § 29:35 ይሁዳ፡- ሀ ሱንላ ብላላይ እብራዌሉዋን፡ “ጋላታ” ግያዋ። * 30:6 ዳና፡- ሀ ሱንላ ብላላይ እብራዌሉዋን፡ “ጸሳይ ታወ ዳናቴዳ” ግያዋ። † 30:8 ንፍታሌማ፡- ሀ ሱንላ ብላላይ እብራዌሉዋን፡ “ባጽያ” ግያዋ። ‡ 30:11 ጋዳ፡- ሀ ሱንላ ብላላይ እብራዌሉዋን፡ “ሎኦ ካጫ” ግያዋ። § 30:13 አሴራ፡- ሀ ሱንላ ብላላይ እብራዌሉዋን፡ “ናሽቻ” ግያዋ። * 30:15 እንኮይያ፡- የሉዋን ሲቁዋ አማ ጊደ ቆፈትያ ሞላ።

18 ልያ፡ “ታን ታ ዳንጋጽራቶ ታ አሰናወ እሜዳ ድራወ፡ ጸሳይ ሄዋ ከራ ታወ ጭጌዳ” ያጋዱ። ሄዋ ድራወ እ ይሳኮራ † ጋደ ሱንላዱ።

19 ልያ ሀራካ ሻሃራደ፡ ኡሱፑንላ ኦቲማ ናኣ ያቆባወ የላዱ።

20 ልያ፡ “ጸሳይ ታወ አልኦ እዋታ እሜዳ፤ ታን ታ አሰናወ ኡሱፑን ናና የሌዳ ድራወ፡ ሀእ እ ታና ቦንቻናዋ” ያጋዱ። ሄዋ ድራወ እ ዛብሎና ‡ ሱንላዱ።

21 ሄዋጥ ጉየ እት ማጫ ናቶ የላዱ፤ እዘ ዲኖ ሱንላዱ።

22 ጸሳይ ራሄሎ ሀሳዬዳ፤ እዝ ዎሳ ሰሲደ እዝ የልያ ኡሉዋ ዶዬዳ።

23 እዛ ሻሃራደ ኦቲማ ናኣ የላዱ፤ “ጸሳይ ታ ዬላ ቃራዳ።

24 መድና ጎዳይ ታወ ሀራ ኦቲማ ናኣካ ጉጂረኔሻ” ያጋዱ። ሄዋ ድራወ እ የሴፎ § ሱንላዱ።

ያቆብ ላባና ድርጉዋን ፓሉመቲዳ

25 ራሄላ የሴፋ የሌዳዋጥ ጉየ፡ ያቆብ ላባና፡ “ታን ታ አወዋ ጋድያ ሰማና ማላ፡ ታና ዋይዛ።

26 ታን ኡንቲንቲ ድራወ ነወ ኦሌዳ ታ ማቻቱዋን ታ ናና ሀማ፤ ታን ባና፤ አያወ ጎጥ፡ ታን ነወ አይ ኬሻ ኡሱዋ ኦሌደንቶ ኔን ኤራሳ” ያጌዳ።

27 ሸን ላባን አ፡ “ታን ነወ እትባ ኦዳይ፤ መድና ጎዳይ ነ ጋሱዋን ታና አንጃዳዋ ታን በአድ።

28 ነ ድርጉዋ ታወ ኦዳይ፤ ታን ነወ ጭጋና” ያጌዳ።

29 ያቆብ፡ “ታን ነወ ዋታ ኦሌደንቶ፡ ነ መሂካ ዋን የለቲደንቶ ኔን ኤራሳ።

30 ታን ያናጥ ካሰ ነወ ደእያ ጉላይ ሀእ ሎይሐ ዳራዳ፤ መድና ጎዳይ ኔና ታን አይዳ ሳኣን ኡባን አንጃዳ። ሸን ሀእ፡ ታን ታ ሶ አሳወ ኦላናዌ አወዴ?” ያጌዳ።

31 ላባን፡ “ታን ነወ አያ እዋ?” ያጌደ አ ኦቲዳ።

ያቆብ፡ “ታወ አይነ እዋጋ፤ ሸን ኔን ታወ እትባ ኦላጥ፡ ታን ነ ወድያ ቃይካ ሄማና ናጋና።

32 ታን ሀቼ ነ ወድያ ኡባ ግዲዋና አቆና፤ ሄዋን ነ ድርሳጥ ፑንጫርያ ዎይ ጋዛ ኡባ፡ ካረላ ድርሳ ማራ ኡባን ዳሻጥ ጋዛን ፑንጫርያ ኡባ ታን ሻካና፤ ኡንቲንቲ ታ ድርጉዋ ግዳና።

33 ሄዋ ድራወ ታ ጽሎተላይ ኔን ታወ ጭጌዳ ድርጉዋ ፓይዳናወ ሰንላጥ ይያ ዎደ፡ ታወ ማርካታና፤ ታ ዳሻጥ ጋዛ ዎይ ፑንጫረ ግደናዌ ዎይ ካረላ ግደና አይ ድርሳ ማራይነ ታ ማታን በትንቶ፡ ወኤቲዳዋዳን ፓይደታና” ያጌዳ።

34 ላብ፡ “ማያድ፤ ኔን ጌዳዋዳን ግድ” ያጌዳ።

35 ሸን ሄ ጋላሳን ላብ ዳንጫ ዎይ ጋዛ ግዴዳ አቲማ ዳሻ ኡባ፡ ፑንጫረ ዎይ ጋዛ ግዴዳ ማጫ ዳሻ ኡባ፡ ቦላ ግዴዳ ኡባን ካረላ ድርሳ ማራ ኡባ ከሲደ፡ ባረ አቲማ ናና ሄንሴዳ።

36 ያቲደ ሄ ወድያና ሄዙ ጋላሳ ኦግያ ያቆባጥ ሃኪደ ቤዳ። ሸን ያቆብ አቲዳ ላባና ወድያ ሄማዳ።

37 ያቆብ ዳሻ ሎምያጥ፡ ጉማርያጥን ጸንቃርሳጥ ቃየ ጋትማ ከሲደ፡ ፖቁዋ ፖቁ ፖቁደ፡ ግደ ቦላ ባጋ ቃሪደ ጋዛዬዳ።

38 ወዲ ሃላ ኡሻናወ ይያ ሳኣ ኡባን፡ ዎንግርያን፡ ወድያ ሰንላን ፖቁዳ ጋትማቱዋ ዎሌዳ። ካሆዋንቲ ሃላ ኡሻናወ ዩደ።

39 ሄ ጋትማቱዋ ሰንላን ብራሴድኖ፤ ኡንቲንቲ ዳንጫ፡ ፑንጫረነ ጋዛ ማራቱዋ የሌድኖ።

40 ያቆብ ማራቱዋ ወድያጥ ሻክ ዲማ ዎሌዳ፤ አቲዳ ወድያ ዳንጫነ ካረላ ግዴዳ ላባና መሀያ ሰንላ ዛሪዳ። ያቲደ ባረወ ወድያ ዲማዬዳ፤ ላባና መሄቱዋና ኡንቲንታ ጋሐቤና።

41 ፓዳነ ምና ማጫዎንቲ ካህያ ዎደ አወደነ፡ ኡንቲንቲ ሄ ጋትማቱዋ ማታን ብራሳና ማላ፡ ያቆብ ሄ ጋትማቱዋ ሃላ ዎንግርያን፡ ማዛቱዋ ሰንላን ዎሌ።

42 ሸን መሄቲ ላፋ ግደጥ፡ ኡንቲንቲ ሰንላን ጋትማቱዋ ዎጋና። ሄዋ ድራወ ላፍያ መሄቲ ላባዋ ግድና፡ ዳርያዎንቲ ያቆባዋ ግዴድኖ።

43 ሀዋዳን ሀኒደ፡ ያቆብ ሎይሐ ዲረቲደ፡ ዳር ወድያ፡ ማጫ ቆማቱዋን አቲማ ቆማቱዋ፡ ዳር ጋሎቱዋን ሀረቱዋ ሞዴዳ።

31

ያቆብ ላባጥ ባቃቲደ ቤዳ

1 ያቆብ ላባና ናናይ ባረና፡ “ያቆብ ኑ አወዋ ኡባ አክ ድጌዳ፤ ሀ ዱረታ ኡባ ኑ አወዋጥ ደሜዳ” ግያዋ ሰሴዳ።

2 ያቆብ ላባና ሶምእ ባረወ ካሰዋ ማላ ግደናዋ በኤዳ።

3 ሄ ዎደ መድና ጎዳይ ያቆባ፡ “ኔን ነ አዎቱዋ ጋድያ፡ ነ ዳቦቱዋኮ ጉየ ሰማ፤ ታን ኔናና ግዳና” ያጌዳ።

4 ያቆብ ራሄሎን ልዮ ባረ ወዲ ደእያ ሳኣ ደምባ ያና ማላ ከቲደ ዴሰሴዳ።

5 እ ኡንቲንታ፡ “ሀንተንቲ አወዋ ሶምእ ታወ ካሰዋ ማላ ግደናዋ ታን በአይ፤ ሸን ታ አወዋ ጸሳይ ታናና ደኤ።

6 ታን ታ ዎልቃ ኡባን ሀንተንቲ አወ ኦሌዳዋ ሀንተንቲ ኤሪታ፤

7 ሸን ሀንተንቲ አወ ታና ጭሚደ፡ ታ ድርጉዋ ታሙ ገደ ላሜዳ። ግደጥን ጸሳይ ታና እ ቆሃናዳን ድጌዳ።

8 እ፡ “ፑንጫረቲ ነ ድርጉዋ ግዳና፡ ጊና፡ ወዲ ኡባይ ፑንጫርያ የሌዳ፤ ቃይ እ፡ “ሻቻቲ ነ ድርጉዋ ግዳና፡ ጊና፡ ወዲ ኡባይ ሻቻ የሌዳ።

9 ጸሳይ ሀዋዳን ሀንተንቲ አወዋ መሀያ ዎሐ አኪደ ታወ እሜዳ።

10 “መሄቲ ካህያ አግናን፡ ታን እት አኩሙዋ አኩሙታድ፤ ሄ አኩሙዋን ታን ዴልያ ዎደ፡ ወድያ ብራሰያ ዳሻ ኮለቲ ዳንጫ፡ ፑንጫረነ ጋዛ።

† 30:18 ይሳኮራ- ሀ ሱንላ ብለላይ እብራዌሉዋን፡ “ከራ ታወ ጭጌዳ” ግያዋ። ‡ 30:20 ዛብሎና- ሀ ሱንላ ብለላይ እብራዌሉዋን፡ “ቦንቻዋ” ግያዋ። § 30:24 የሴፎ- ሀ ሱንላ ብለላይ እብራዌሉዋን፡ “ጉጂ” ዎይ “ቃራዳ” ግያዋ።

11 ጸሐ ቢታገታይ አኩሙዋን ታና፡ ‘ያቆባ’ ያጌዳ፤ ታን፡ አቤ ያጋደ ኮያድ።

12 ታና እ፡ ቆቁ ጋደ ወድያ ጸልያ ዳሻ ኮልያ ኡባ ሻቻ፡ ፑንጫርያን ጋዛ በእ፤ አያው ጎፕ፡ ላብ ነ ቦላ አልያዋ ኡባ ታን በእድ።

13 ኔን ኤሴዳ ሹቻ አካደ፡ ታው ሺቀቲዳ ቤቴላ ጸሐይ ታና ሀእ ደንዳ፤ ሀ ቢታፕ ከሳ፤ ጉየ ነ የለታ ጋድያ ሰማ ያጌዳ” ያጌዳ።

14 ሄዋፕ ጉየ፡ ራሄላን ልያ ሀዋዳን ያጊደ ዛሬድኖ፤ “ኑ አወዋፕ ኑና ጋካናባይ አይ?

15 እ ኑና አላጋዳን ጸሌ ግደኔ? እ ኑና ዛልእ አኬዳ፤ ዛልእደ አኬዳዋካ ሞ ቆይሴዳ።

16 ጸሐይ ኑ አወዋፕ ዋስ አኬዳ ማጹ ኡባይ ቱሙካ ኑቀን ኑ ናናዋ። ሄዋ ድራው ጸሐይ ነወ ኦዴዳዋ ኡባ ኦላ” ያጌድኖ።

17-18 ያቆብ ካና ነ ጋድያን ደእያ ባረ አወዋ ይሳቃኮ ባናው ደንዳዳ፤ እ ባረ ናናን ባረ ማቻቱዋ ጋሉዋ ቶግሴዳ፤ ወድያ ኡባ ባረፕ ሰንሳና ላጊደ፡ ማሰጸጸምያን ደእደ እ ሺሴዳ ማጹዋ ኡባ አኪደ ቤዳ።

19 ላብ ባረ ደርሳቱዋ እስክያ ቃንጸናው ብድጌዶሽን፡ ራሄላ ባረ አወዋ ስ ምሰለቱዋ ወአዲ።

20 ቃይ ያቆብ ሶርያ ላባናው ባረ ባቃትያዋ አደናን ጭሜዳ።

21 እ ባረው ደእያዋ ኡባ አኪደ ባቃቲዳ፤ ኤፍራዲሳ ሻፋ ፕኒደ፡ ጋላኦደ ግያ ገዝያኮ ሰሚደ ቤዳ።

ላብ ያቆባ ካሌዳ

22 ሄዘንላ ጋላሳን፡ ላብ ያቆብ ባቃት ብ ክቼዳዋ ሰሴዳ።

23 ባረ ዳቦቱዋ ባረናና አኪደ፡ ላፑን ጋላሳ ኦግያ ያቆባ ጌዳዋ ካሊደ፡ ጋላኦደ ገዝያን አ ጋኬዳ።

24 ሄ ዋደ ጸሐይ ቃማ ሶርያ ላባናኮ አኩሙዋን ዪደ አ፡ “ኔን ያቆባ ቦላ ኢታ ግድና፡ ሎእ ግድና፡ አይነ ሃሳየናዳን ኔና ኤራ!” ያጌዳ።

25 ላብ ጋክያ ዋደ፡ ያቆብ ጋላኦደ ገዝያን ዲንካኒደ ኡቴዳ፤ ቃይ ላብነ አ ዳቦቱ ያን ዲንካኔድኖ።

26 ሄዋፕ ጉየ ላብ ያቆባ፡ “ኔን ሀዋዳን አያው አላዲ? ኔን ታና ጭማደ፡ ታ ማጫ ናና ኦላን አዋደቲዳዋዳን ላጋደ ከሳዳ።

27 ኔን አያው ቆሱዋን ታፕ ከሳ አካደ፡ ታና ጭማዲ? ታን ኔና ናሽቻንነ የላን፡ ካራቡዋንነ ዲላን ሞይዛና ማላ ታው አያው ኡዳበይኪ?

28 ኔን ሀራይ አቶ፡ ታ ናና ናናን ታ ማጫ ናና ታን የራ አከና ማላ ድጋዳ። ኔን ኤያባ አላዳ።

29 ታን ኔና ገናናው ታው ዋልቃይ ደኤ፤ ሽን ነ አወዋ ጸሐይ ዝኖ ቃማ ታና፡ ‘ያቆባ ቦላ ኢታ ግድና፡ ሎእ ግድና፡ አይነ ሃሳየናዳን ኔና ኤራ!’ ያጊደ ታው አዳዳ።

30 ሀእ ግደፕነ፡ ኔን ነ አወዋ ስ ባናው ሎይላ ላሞቲዳ ድራው ከሳዳ። ሽን ታ ስ ምሰለቱዋ ኔን አያው ወአዲ?” ያጌዳ።

31 ያቆብ ላባና፡ “ኔን ነ ናና ታፕ ዋልቃን ዋላ አካንንቶን ጋደ ቆፕዳ ድራውን ያዬዳ ድራው፡ ሀዋዳን አላድ።

32 ሽን ነ ስ ምሰለቱዋ ኦይቄዳ አሳ ኦና ኔን ደሞፕ፡ ሄ ኡራይ ሲፈቶ! ነዋ ግዴዳዋ ታ ማታን ቤትንቶ፡ ኑ ዳባቱዋ ሰንሳን ኮያ፤ ነዋ ግደፕ አካ” ያጌዳ፤ አያው ጎፕ፡ ያቆብ ራሄላ ሄ ስ ምሰለቱዋ ወኤዳዋ ኤርቤና።

33 ሄዋ ድራው ላብ ያቆባ ዲንካንያ ግድ፡ ልያ ዲንካንያ ግድን ላኡ ቆማቱዋ ዲንካንያ ግድ ገሌዳ፤ ሽን አይነ ደምቤና። ልያ ዲንካንያፕ ከሲደ፡ ራሄላ ዲንካንያ ገሌዳ።

34 ራሄላ ስ ምሰለቱዋ አካደ፡ ጋሉዋ ኮራ ጋርሳን ቆሳደ፡ አ ቦላ ኡታዳ። ላብ ዲንካንያን ደእያዋ ኡባ ቡሉቄ ኮዬዳ፤ ሽን አይነ ደምቤና።

35 ራሄላ ባረ አወዋ፡ “ታ ጎዳው፡ ታና ሀንቀላፕ፤ ታን ነወ ኤቃና ዳንዳይከ፤ ታው ፕላይ ይ ኡቴዳ” ያጋዳ። እ ኮዬዳ፤ ሽን ስ ምሰለቱዋ ደምቤና።

36 ያቆብ ላባና ሀንቀቲደ ዋቃሴዳ፤ ያቆብ ላባና፡ “ታን አያ ባይዛድታ? ሀዋ ኔን ታና ካላናው፡ ታን ኡቆዳ ናጋራይ አይ?

37 ሀእ ኔን ታ ሚሻ ኡባ ቡሉቃደ ኮያዳ፤ ነ ስ ሚሻፕ አያ ደማድ? አንቱንቱ ኑ ላኡዋ ግዲዋን ፕርዳና ማላ፡ ታ ዳባቱዋ ሰንሳን ነ ዳባቱዋ ሰንሳን ሀዋን ዋላ።

38 “ታን ኔናና ላታሙ ላይላ ኩሙንላ ደአድ፤ ነ ደርሳይካ ነ ዳሻይካ ቦሽትቤና፤ ዋይ ነ ወድያፕ ጸቦትያ ማበይከ።

39 ደአይ ሙንሌዳዋን ነወ አሀበይከ፤ ሽን ሄዋ ታናን ፓይዳድ። ጋላሰ ወኤቴዳዋ ዋይ ቃማ ወኤቴዳዋ ታና ጭግሳዳ።

40 ጋላሳ ሱሉ፡ ቃማ ሜጉ ታና ቆሄዳ፤ ገምእሹ ታፕ ቆይዳ።

41 ታን ሀዋዳን ነ ሶን ላታሙ ላይላ ደአድ፤ ታማነ ኦይዲ ላይላ ነ ላኡ ማጫ ናና ድራውን ኡሱፑን ላይላ ነ ወድያ ድራው ነወ ኦላደ ደአድ፤ ሽን ኔን ታ ድርጉዋ ታሙ ገደ ላማዳ።

42 ታ አወዋ ጸሐይ፡ አብራሃሙ ጸሐይ፡ ይሳቅ ያዬዳዋ ታናና ግድቤናዋ ግድንቶ፡ ሰ ባይናን ኔን ታና ሙላ ኩሽ ከሳ የዳዳ፤ ሽን ጸሐይ ታ ቱጋነ ታ ኩሽያ ኦሱዋ በኢደ፡ ዝኖ ቃማ ኔና ሴሬዳ” ያጌዳ።

ያቆብን ላብ ጫቀቲዳ ጫቁዋ

43 ላብ ያቆባ፡ “ማቻቱ ታ ማጫ ናና፤ ናናይካ ታ ናና፤ ወዲካ ታ ወድያ፤ ኔን በእያ ኡባይ ታዋ። ሀቼ ሀ ማጫ ናና ታዋንቱ ቦላን ኡንቱንቱ የሌዳ ናና ቦላ አያ ኦላናው ዳንዳይታ?

44 ሀእ ሃያ፤ ኔን ታን ጫቁዋ ጫቀቶይተ፤ ሄዋ ኔፕነ ታፕ ግዲዋን ማርካ ግድ” ያጌዳ።

45 ሄዋ ድራው ያቆብ እት ሹቻ አኪደ ቱሳዳን ኤሴዳ።

46 እ ባረ ዳቦቱዋ፡ “ሹቻ ሺሽተ” ያጌዳ፤ አንቱንቱ ሹቻ ሺሺደ ኬሌድኖ፤ ሄ ኬላ ላንቂያን ሜድኖ።

47 ላብ ሄ ኬላ፡ ይጋር-ሳሃዲታ* ጊደ ሱንሌዳ፤ ቃይ ያቆብ አ ጭሜዳ ጊደ ሱንሌዳ።

48 ላብ፡ “ሀ ኬላይ ኔፕነ ታፕ ግዲዋን ሀቼ ማርካ” ያጌዳ። ሄዋ ድራው አ ሱንሳይ ጭሜዳ ጌተቲዳ።

31:13 ደመላ 28:18-22 * 31:47 ይጋር-ሳሃዲታ፡ ሀ ሱንሳ ብለላይ አራማይስጸ ቃላን፡ “ማርካተላ ኬላ” ግያዋ።

49 ቃይ እ ሄ ሹቻ ቱሳ ምጽጸ ተ ገደ ሱንጤዳ፤ እያወ ጎጥ፡ ላብ፡ “ኑን እቱ እቱዋጥ ሃኪደ ደእያ ዋይ፡ መድና ጎዳይ ነ ግዲዋንነ ታ ግዲዋን ግዲደ ናጎ።

50 ኔን ታ ማጫ ናና ናቆጥ፡ ዋይ ኔን ታ ማጫ ናና ቦላ ሀራ ማቻቱዋ እኮጥ፡ ኑናና ሀእ ኦን ሳይናዋ ግደጥነ ነ ግዲዋንነ ታ ግዲዋን ጸሳይ ማርካ ግድያዋ ሀሳያ” ያጌዳ።

51 ላብ ቃይካ ያቆባ፡ “ኬለቲዳ ሹቻይ ሀዌሽ፤ ቃይ ታን ነ ግዲዋንነ ታ ግዲዋን ኤሴዳ ሹቻ ቱሳይ ሀዌሽ።

52 ታን ሀ ኬላጥ ኔና ገናናዉ ኔኮ እናዳን፡ ኔንካ ታና ገናናዉ ሀ ኬላጥ ሀ ሹቻ ቱሳጥ እናዳን፡ ሀ ኬላይ ሀ ሹቻ ቱሳይ ማርካ።

53 እብራሃመ ጸሳይ፡ ናኮራ ጸሳይ፡ ኡንቱንቱ እዉዋ ጸሳይ፡ ኑ ግዲዋን እ ፕርደ” ያጌዳ። ያቆብ ባረ እዉ ይሳቅ ያዬዳዋ ሱንጤን ጫቄዳ።

54 ያቆብ ደርያ ቦላን ያርሹዋ ያርሹዳ፤ ባረ ዳቦቱዋካ ቁማ ማናዉ ያሴዳ። ኡንቱንቱ ሚደ ደርያ ቦላን እቁድኖ።

55 ዋንተላ ጋላሰ ጉራን ላብ ደንዲደ፡ ባረ ናና ናናን ባረ ማጫ ናና የራዳ፤ ቃይ ኡንቱንታ እንጃዳ። ባረ ሶ ሰሜዳ።

32

ያቆብ ኤሳና ጋከታናዉ ገጌዳ

1 ያቆብ ደንዲደ ባረ ኦግያ ቢሸን፡ ጸሳ ኪታንቻቱ እናና ጋከቲድኖ።

2 ያቆብ ኡንቱንታ በኤዳ ዋይ፡ “ሀዌ ጸሳይ አቅያ ሳኣ” ያጌደ፡ ሄ ሳኣ ማህናይማ * ገደ ሱንጤዳ።

3 ያቆብ ሰኢራ ግያ ሳኣን፡ ኤደማ ቢታን ደእያ ባረ እሻ ኤሳኮ ኪታ ባረጥ ሰንጻዉ ኪቲዳ።

4 እ ኡንቱንታ ሀዋዳን ያጌደ አዛዜዳ፤ “ሀንተንቱ ታ ጎዳ ኤሳዉ ጋናዌ ሀዋ፤ ሳ ቆማይ ያቆብ፡ “ታን ላባና ማታን ደእደ ሀና ጋካናዉ ጋምኣድ።

5 ታዉ ሚዛይነ ሀሪ፡ ደርሳይነ ዳሻይ፡ አቱማ ቆማቱን ማጫ ቆማቱ ደእኖ፤ ሀእ ታን ሀ ኪታ ታ ጎዳ ሰንጻን ናሽታና ማላ ኪታድ” ያጌዳ፡ ያጌዳ።

6 ኪተቲዳዋንቱ ያቆባኮ ሰሚደ እ፡ “ኑን ነ እሻ ኤሳኮ ቤዳ፤ ሀእ እ ቃይ ኔናና ጋከታናዉ ዬ፤ እናና ኦይዱ ጾቱ አሳይ ደኤ” ያጌድኖ።

7 ያቆብ ያዬደ ባትባቲዳ፤ ባረናና ደእያ አሳ ላኡ ጭታን ሻኬዳ፤ ቃይ ባረ ደርሳ፡ ዳሻ፡ ሚዛነ ጋሉዋ ላኡ ጭታን ሻኬዳ።

8 እ፡ “ኤሳይ ዪደ እት ጭታ ኦልያዋ ግደጥ፡ አቲዳ ጩጉ ከሰ እኮጥነ” ያጌደ ቆፔዳ።

9 ሄ ዋይ ያቆብ ሀዋዳን ያጌደ ዋሴዳ፤ “አቤት መድና ጎዳዉ፡ ታ አዉዋ አብራሃመ ጸሳዉ፡ ታ አዉዋ ይሳቅ ጸሳዉ፡ ታና፡ ሳ ጋድያ፡ ነ ዳቦቱዋኮ ሰማ፤ ታን ነዉ ሎኦባ ኦላና፡ ጌዳዋ፡

10 ኔን ነ ቆማዉ ኦሴዳ ኬካተላዉን ቱማተላዉ ኡባዉ ታን በሰናዋ፡ ታን ሀ ዮርዳኖሳ ሻፋ ፕኔዳ

ዋይ፡ ታዉ እት ጸምኣ ጸላላይ ደኤ፤ ሸን ሀእ ታን ላኡ ጩጉ ግደድ።

11 ታን ኔና ዋሳይ፤ ታ እሻ ኤሳ ኩሸያጥ ታና አሻ፤ እያዉ ጎጥ፡ እ ዪደ፡ ታናን ማጫዋንታ ኡንቱንቱ ናናቱዋካ ቆይሳናዌንቶን ጋደ ያያድ።

12 ሸን ኔን ታና፡ “ታን ነዉ ቱሙ ሎኦባ ኦላና፤ ታን ነ ዘረላነ ፓይዳናዉ ዳንዳየተና አባ ሻፍያ ኬሻ ኦላና፡ ጌዳዋ ቆፓ” ያጌዳ።

13 ሄ ጋላሳ ቃማ እ ያን አቁዳ፤ ባረዉ ደእያዋ ኡባጥ ባረ እሻ ኤሳዉ እምያዋ ቆሪደ ከሴዳ፤

14-15 እ ከሴዳዋንቱ ላኡ ጾቱ ማጫ ዳሻቱዋን ላታሙ ዳሻ ኮለቱዋ፡ ላኡ ጾቱ ማጫ ደርሳቱዋን ላታሙ ደርሳ ኮለቱዋ፡ ሀታሙ ቆንሎያ ጋሎቱዋ ኡንቱንቱ ማራቱዋና፡ ኦይታሙ ማጫ ሚዛቱዋ፡ ታሙ ኮራማ ቦራቱዋ፡ ላታሙ ማጫ ሀረቱዋን ታሙ አቱማ ሀረቱዋ።

16 ሀዋንታ ዉድያን ዉድያን ሻክ፡ ባረ ቆማቱዋ ኩሸያን ዋሲደ፡ ባረ ቆማቱዋ፡ “ታጥ ሰንጻዉ ቢደ፡ ዉድያ ዉድያጥ ሃኩዋን ሃኩዋን ላግተ” ያጌዳ።

17 ሰንጻን ካለሎያዋ፡ “ታ እሻይ ኤሳይ ኔናና ጋከቲደ ኔና፡ “ኔን ኦሴ? ኔን ሀቃ ባይ? ነ ሰንጻን ደእያ መሀያ ኡባይ ኦሴ?” ያጌደ ኦቶያዋ ግደጥ።

18 ኔን አዉ፡ ሳዋንቱ ነ ቆማ ያቆባዋ፤ ኡንቱንቱ ታ ጎዳ ኤሳዉ እማናዉ የዳዳዋንታ፤ ቃይ እካ ኑጥ ጉየና ይደኤ’ ያጋ” ያጌደ አዛዜዳ።

19 ቃይ እ ላኤንጻ ሄዛንሉዋን ዉድያ ካልያ ሀራቱዋ ኡባቱዋ ሀዋዳን አዛዜዳ፤ “ሀንተንቱ ኤሳና ጋከቲያ ዋይ፡ ሀንዳንካ ገታ፤

20 ሳ ቆማ ያቆብ ኑጥ ጉየና ይደኤ’ ጌናን አጎጥተ” ያጌዳ። እያዉ ጎጥ እ፡ “ታን ታጥ ሰንጻዉ እማናዉ ኪቲዳዋን አ ደሸሳና፤ ኦን ኤሪ፡ ሄዋጥ ጉየ ታን እናና ጋከቲያ ዋይ፡ እ ታና ሞክ አካነንቶን” ያጌደ ቆፔዳ።

21 ሄዋ ድራዉ ባረ እምያዋ ባረጥ ሰንጻዉ የዳዳ፡ ሸን እ ባረ ሀ-ጲያዉ ሄ ጋላሰ ቃማ ያን አቁዳ።

ያቆብ ጸሳና ባጸቲዳ

22-23 ሄ ጋላሰ ቃማ ያቆብ ደንዲደ፡ ባረ ላኡ ማቻቱዋ፡ ባረ ላኡ ቆማቱዋን ባረ ናና ታማነ እታቱዋ አኪደ፡ ያቦቃ ግያ ፕኑዋ ጋኬዳ፤ እ ኡንቱንታ ሻፋ ፕንሎዳ፤ ባረዉ ደእያዋ ኡባካ ፕንሎዳ የዳዳ፤

24 ሸን ያቆብ ባረካ አቲዳ፡ ሄ ዋይ እት አሳይ ሳኣይ ዋንታና ጋካናዉ እናና ባጸቲዳ።

25 ሄ አሳይ እ ጸናናዉ ዳንዳይቤናዋ በኤዳ ዋይ፡ ያቆባዉ ሙቄቻ መቀላ ቦቹዳ፤ እ ሙቄቻ መቀላይ ከሰ ዋዴዳ።

26 ያትና ብታኒ እ፡ “ሳኣይ ዋንቲዳ ድራዉ፡ ታና የዳ” ያጌዳ።

ሸን ያቆብ እ፡ “ኔን ታና አንጀናን ታን ኔና የድከ” ያጌዳ።

27 ብታኒ እ፡ “ነ ሱንጻይ ኦኔ?” ያጌደ ኦቹዳ።

† 31:49 ምጽጳ፡- ሀ ሱንጻ ብለላይ አብራዌላዋን፡ “ናግያ ሳኣ” ግያዋ። * 32:2 ማህናይማ፡- ሀ ሱንጻ ብለላይ አብራዌላዋን፡ “ላኡ ጩጉ አቅያ ሳኣ” ግያዋ። 32:12 ደመላ 22:17 32:24 ሆሰ 12:3-4

እ፡ “ያቆባ” ያጊደ ዛሬዳ።
 28 ብታኒ ኦ፡ “ሀዋጥ ሰንገላው ነ ሱንገላይ እስራኤልያ ተ ጌተቶፕ ኦትና፡ ያቆባ ጌተቶፕ፤ እያው ጎፕ፡ ኔን ጸሳና ኦሳና ባጸታደ ጸናዳ” ያጌዳ።
 29 ያቆብ ኦ፡ “ነ ሱንገላይ ኦኔ?” ያጊደ ኦቼዳ።
 ሸን ብታኒ፡ “ኔን ታ ሱንገላ እያው ኦቻይ?” ያጌዳ ጊደ ኦ ኦንጃዳ።
 30 ሄዋ ድራው ያቆብ ሄ ሳኦ ጸንኤላ ቶ ጊደ ሱንገላዳ፤ እያው ጎፕ ኦ፡ “ታን ጸሳ ባዙዋን ጸላድ፤ ግደፕን ታን ፓጸ ኦታድ” ያጌዳ።
 31 ኦ ጸንኤላፕ ደንድያ ዋደ፡ ኦ ቦላ ጸልቂ ደሌዳ። ኦ ባረ ሙቁቻ ሙቀላ ድራው ደጌ።
 32 ያቆባ ሙቁቻ ኦቹዋ ማታን ቦሽቴዳ ድራው፡ እስራኤልያ ኦሳይ ሙሀያ ሙቁቻ ኦቹዋ ሀቼ ጋካናው ሜና።

33

ያቆብ ኦሳና ጋከቴዳ

1 ያቆብ ቶቁ ግ ጸሊደ፡ ኤሳይ ባረ ኦይዳ ጸቱ ኦሳና ይያዋ በኤዳ። ሄዋ ድራው ናና ልይዳ፡ ራሄልወን ሳኦ ቆማቱዋኮ ሻኬዳ።
 2 ቆማቱዋን ኦንቴንቴ ናና ሰንገላን፡ ልዮን ኦ ናና ኦንቴንቴ ጌዱዋን፡ ራሄሎን ዮሴፋ ወርሰላን ዋሌዳ።
 3 ሸን ኦ ባረ ሀጺያው ሰንገላው ኦጂደ፡ ባረ ኦሻኮ ማቲደ፡ ሳኦ ጋክ ጋኪደ ላፑን ካላ ጎይኔዳ።
 4 ሸን ኤሳይ ኦናና ጋከታናው ዋጺደ፡ ኦ ቆድያ ቆም ያራዳ። ኦንቴንቴ ዩኬድና።
 5 ያትና ኤሳይ ቶቁ ግ ጸሊደ፡ ማቻቱዋን ናና በኤዳ፤ ኦ፡ “ሀ ኔናና ደእያዋንቴ ኦኔ?” ያጊደ ኦቼዳ።
 ያቆብ፡ “ኦንቴንቴ ጸሳይ ነ ቆማው ኬካተላን እሜዳ ናና” ያጌዳ።
 6 ቆማቱ ባረንቴ ናናቱዋና ሸቂደ ጎይኔድና።
 7 ሄዋፕ ጉዮ፡ ልያን እዘ ናናይ ዪደ ጎይኔድና፤ ወርሰላን ዮሴፎን ራሄላ ዪደ ጎይኔድና።
 8 ኤሳይ፡ “ሀ ሰንገላን ታናና ጋከቴዳ ወዲ ኡባይ ቃይ ኦይ?” ያጊደ ኦቼዳ።
 ኦ፡ “ታ ጎዳው፡ ሄዋ ታን ነ ሰንገላን ናሽታናሳ” ያጌዳ።
 9 ሸን ኤሳይ፡ “ታ ኦሻው፡ ታው ዳርባይ ደኤ፤ ነዌ ኔሳ ግደ” ያጌዳ።
 10 ያቆብ፡ “ቱይት፡ ሀኦ ታን ነ ሰንገላን ናሽቴዳዋ ግደፕ፡ ሀ ታን እምያዋ ታፕ ኦካ። ኔን ታና ሞካ እኬዳ ድራው፡ ታን ነ ዴሙዋ በእያዌ ጸሳ ዴሙዋ በእያዋ ማላ።
 11 ታን ነው ኦሄዳ ሀ እሙዋ ኦካ፤ እያው ጎፕ፡ ጸሳይ ኬኪደ እምና፡ ታው በሴዳ” ያጌዳ። ያቆብ ሹብያ ቶሌዳ ድራው፡ ኤሳይ ሄዋ ኦኬዳ።
 12 ሄዋፕ ጉዮ ኤሳይ፡ “ኦን ደንዳ፤ ኦ ኦግያ ቦይተ፤ ታን ኔናና እትፕ ባና” ያጌዳ።

13 ሸን ያቆብ ኦ፡ “ታ ጎዳው፡ ናናይ ሹጋ ግድያዋ ኤራሳ፤ ቃይ ታን ባረንቴ ጋሎ ማራቱዋ ቶንልያ ደርሳቱዋን ሚዛ ናጋና ኮሼ፤ ኦሳይ ኦንቴንቴ እት ጋላሳ ድርቢሰ ላጎፕ፡ ሙሀያ ኡባይ ሀይቃና።
 14 ሄዋ ድራው፡ ታ ጎዳው፡ ነ ቆማፕ ሰንገላታደ ባ፤ ታን ሰኢራን ታ ጎዳ ጋካናው፡ ታ ሰንገላን ደእያ ሙሀያ ሄመታ ኬና ናና ሄመታ ኬና ሎዳን ካላና” ያጌዳ።
 15 ኤሳይ ኦ፡ “ያቶፕ ታን ታ ኦሳፕ ኦማራዳዋ ነው ኦሻይ” ያጌዳ።
 ሸን ያቆብ ኦ፡ “ሄዌ ኦይሴ? ታን ታ ጎዳ ሰንገላን ናሽትያዌ ታው ግዳና” ያጌዳ።
 16 ሄዋ ድራው ኤሳይ ሄ ጋላሰ ኦግያን ገሊደ፡ ሰኢራ ሰሜዳ።
 17 ሸን ያቆብ ሱኮታ ቤዳ፤ ያን ባረው ጎልያ ኬጶዳ፤ ባረ ሙሄቶካ ዳሰያ ዳሴዳ። ሄዋ ድራው ሄ ሳኦ ሱኮታ * ጊደ ሱንገላዳ።
 18 ያቆብ ማሰጸጸምያፕ ሰሜዳ ዋደ፡ ካና በታን ደእያ ሰኬሙ ግያ ካታማ ሳርተላን ጋኬዳ፤ ኦ ሄ ካታማው ባዙዋን ኡቴዳ።
 19 ባረ ዲንካንያ ቶጌዳ ጋድያ ሸኬማ ኦወዋ ሀሞራ ናናቱዋፕ ጸቱ ጸጋራ ብራን ሻሜዳ።
 20 ያን ያርሽያ ሳኦ ኬጶደ ኦ፡ “ጸሳ፡ እስራኤልያ ጸሳ” ጊደ ሱንገላዳ።

34

ሸኬሙ ዲኖ ሆራዳ

1 ልያ ያቆባው ዮሌዳ ናታ ዋና፡ ሄ ዋደ ሄ ጋድያ ማጫዋንታ በእናው ከሳዳ።
 2 ሄ ጋድያ ሞድያ ሀውያ ሀሞራ ናኦ ሸኬሙ እዘ በኢደ፡ እዘ ሆር ኦጆደ ባይኬዳ።
 3 ኦ ዋዛናይ ያቆባ ናቶ ዲኖ ኦሞቴዳ፤ ኦ እዘ ሲቁዳ፤ እዘው ሎእያዋ ሃሳዬዳ።
 4 ሸኬሙ ባረ ኦወዋ ሀሞራ፡ “ታው ሀ ናቶ ማቼተላው ኦቻርክ” ያጌዳ።
 5 ያቆብ ባረ ናታ ዳና ባይዳዋ ሰሰያ ዋደ፡ ኦ ኦቱማ ናናይ ዋራን ሙሀያና ደእና፤ ሄዋ ድራው ኦንቴንቴ ጋካናው ጮኡ ጌዳ።
 6 ሄዋፕ ጉዮ፡ ሸኬማ ኦወዋ ሀሞር ያቆባና ሃሳያናው ዬዳ።
 7 ያቆባ ኦቱማ ናናይ ሄዋ ሰሴዳ ሳና ዋራፕ ዬድና፤ ኦንቴንቴ ካዮቴድና፤ ሀንቀቴድና፤ እያው ጎፕ፡ ሸኬሙ ያቆባ ናቶ ሆር ኦጆደ ባይዘያዋ፡ እስራኤልያ ቦላ ፖኮባ፡ ኦላናው በሰናባ ኦሌዳ።
 8 ሸን ሀሞር ኦንቴንቴ፡ “ታ ናኦይ ሸኬሙ ሀንተንቴ ናትው ዳርሰ ዳጋሜዳ፤ ሀያና እዘ ኦው ማቼተላው እሜርክቴ!
 9 ኦናና ኦከትተን ገላትተ፤ ሀንተንቴ ማጫ ናና ኦው እምተ፤ ኦ ማጫ ናና ሀንተንቶ ኦከተ።
 10 ሀንተንቴ ኦ ግደን ኡታናው ዳንዳዪታ፤ በታይ ሎይላ ኦካ፤ ኦን ደእተ፤ ዛልእተ፤ ኦን ማጶዋ ደምተ” ያጌዳ።

† 32:28 እስራኤልያ፡ ሀ ሱንገላ ብላላይ እብራዌሉዋን፡ “ጸሳና ባጸታደ” ግያዋ። 32:28 ደመላ 35:10 32:29 ዳና. 13:17-18 ቶ 32:30 ጸንኤላ፡ ሀ ሱንገላ ብላላይ እብራዌሉዋን፡ “ጸሳ ዴሙዋ” ግያዋ። * 33:17 ሱኮታ፡ ሀ ሱንገላ ብላላይ እብራዌሉዋን፡ “ዳሰያ” ግያዋ። 33:19 ኢያሳ 24:32፤ ዮሃ. 4:5

11 ሄ ዎደ ሸኬመ ዲን አወዋነ እ እሻቱዎ፡ “ታን ህንተንቱ ሰንፋን ናሸቶ፡ ህንተንቱ ኦቶያዎ እያ ግደፕን እማና።

12 ህንተንቱ ሞሽራ ናትዉ እምያዋን ጭሎሻ ህንተንቱ ኮዮዋ ኬሻ ዳርሲደ ታና ኦቶቱ፤ ታን ህንተንቱ ታና ኦቶዳዋ እያን እማና፤ ሸን ታን አካናዳን ናቶ ታዉ እሚርክቱ!” ያጌዳ።

13 ባረንቱ ሞቻቶ ዲኖ ሸኬመ ቱንሴዳ ድራዉ፡ ያቆባ አቱማ ናናይ ሸኬማዉን አ አወዋ ሀሞራዉ ዋርዲዋ አዴድኖ፤

14 ኡንቱንታ ሀሞዳን ያጌድኖ፤ “ኡን ሄዋ ማላ ኦላና ዳንዳዮኮ፤ ኡን ኦ ሞቻቶ ቃጸረትቤና አሳዉ እሞኮ፤ ሄዌ ኦና ካዉሸያዎ።

15 ኡን ህንተንቱ እትባ አላፕ ህንተንቶ፡ ‘ኤኖ’ ጋና፤ ሄዌ እዬ ጎፕ፡ ህንተንቱ ጋድያ አቱማ አሳይ ኡባይ ቃጸረቲደ ኦናዲን ሀኖ፡

16 ኡን ኦ ማጫ ናና ህንተንቶ እማናዉ ‘ኤኖ’ ጋና፤ ህንተንቱ ማጫ ናናካ ኦዉ አካና። ኡን ህንተንቱ ግደን ኡቲደ፡ ህንተናና እት አሳ ግዳና።

17 ሸን ህንተንቱ ቃጸረታናዉ ኤኖ ጌናዋ ግደፕ፡ ኡን ኦ ሞቻቶ አኪደ ባና” ያጌድኖ።

18 ኡንቱንቱ ጌዳዌ ሀሞራዉን አ ናኦ ሸኬማዉ ሎእ ማላቲዳ።

19 ሄ ዎዳላይ፡ ባረ አወዋ ጎሊን ደእያ ኡባፕ እድ ቦንቼቲዳዌ፡ ያቆባ ናትን ናሸቲዳ ድራዉ፡ ኡንቱንቱ ጌዳዋ ኦላናዉ ጋምእቤና።

20 ሄ ዎደ ሀሞርን አ ናኦይ ሸኬመ ባረንቱ ካታማ ጉታራ ቢደ፡ ባረንቱ ካታማ አሳዉ ሀሞዳን ያጌደ ኦዴድኖ፤

21 “ሀ አሳቱ ኦናና ሰጋ፤ ኡንቱንቱ ኦ ቢታን ደእኖን ዛልኢኖ፤ ቢታይ ሎይላ አካ። ኡንቱንቱ ማጫ ናናካ ኡን አካና፤ ኡንቱንቱካ ኦ ማጫ ናና አካና።

22 ሸን ኦናና ኡንቱንቱ እት አሳዳን ደአናዉ ኡን እትባ ማየታናዉ ኮሼ፤ ሄዌን፡ ኡንቱንቱ ቃጸረቲዳዋዳን ኦ አቱማ አሳይ ኡባይ ቃጸረታናዎ።

23 ኡን ሄዋዳን ኦላፕ፡ ኡንቱንቱ ሚዛይ፡ ኡንቱንቱ ማጸን ኡንቱንቱ ሀራ መሂ ኡባይ ኦዋ ግደኔ? ሄዋ ድራዉ እነ ኡን ኡንቱንቱ ግያዋ ኤኖ ጎይተ፤ ኡንቱንቱካ ኦ ግደን ደአና” ያጌድኖ።

24 ካታማ ጉታራ ሺቄዳ አሳቱ ኡባይ ሀሞራዉን አ ናኦ ሸኬማዉ፡ “ኤኖ” ጌድኖ። ያትና ሄ ካታማ አቱማ አሳቱ ኡባይ ቃጸረቲዳና።

25 ሄዘንላ ጋላሰ፡ ኡንቱንቱ ኡባይ ባረንቱ ቃጸራ ማዲላን ሳከት ደእሸን፡ ያቆባ አቱማ ናናቱዋፕ ላኡ፡ ሰሞን ሎዌ፡ ዲን እሻቱ፡ ባረንቱ ማሻ አኪደ፡ ኡን ኤረናን ካታማ ገሊደ፡ አቱማ አሳቱዋ ኡባ ዋዴድኖ።

26 ሀሞራን አ ናኦ ሸኬማ ማሻን ዋዴደ፡ ባረንቱ ሞቻቶ ዲኖ ሸኬማ ጎልያፕ አኪደ አፌድኖ።

27 ያቆባ አቱማ ናናይ ሄ አሃቱዋ ቦላ ገሊደ፡ ባረንቱ ሞቻቶ ዲኖ ቱንሴዳ ካታማ ቦንቄድኖ።

28 ኡንቱንቱ ደርሳ ዉድያ፡ ሚዛ ዉድያ፡ ሀርያ፡ ካታማ ግደን ደእያዋን ጋጸን ደእያዋ ኡባ እኬድኖ።

29 ኡንቱንቱ ማጸዋ ኡባ፡ ኡንቱንቱ ናና ኡባን ማቻቱዋ ኡባ አሞዴድኖ፤ ጎሊን ደኤዳዋ ኡባ ቦንቄድኖ።

30 ያቆብ ሰሞናን ሎዌያ፡ “ህንተንቱ ታ ቦላ መቱዋ እህ ክቼድታ፤ ሀ ጋድያን ደእያ ካናናቱን ፓርዘቱ ታና እጸናዋንታ፤ ኡን ፓይዲዋን ጉላ፤ ኡንቱንቱ እትፕ ግዲደ ታ ቦላ ደንደፕ፡ ታንን ታ ሶ አሳይ ጳያና” ያጌዳ።

31 ሸን ኡንቱንቱ፡ “ያትና እ ኦ ሞቻቶ ሻርሙጸዳን ኦላና ቦሲ?” ያጌድኖ።

35

ያቆብ ቤቲላ ሰሜዳ

1 ጸሳይ ሄዋፕ ጉዮ ያቆባ፡ “ደንዳደ ፑደ ቤቲላ ባደ ያን ደእ። ኔን ነ እሻ ኤሳፕ ባቃትያ ዎደ ነዉ ቆንጨዳ ጸሳዉ ያን ያርሸያ ሳኦ ኬጸ” ያጌዳ።

2 ያቆብ ባረ ሶ አሳን ባረናና ደእያዋንታ ኡባ፡ “ህንተንቱ ግዲዋን ደእያ አላጋ ጸሳቱዋ ሞሰላቱዋ ድግተ፤ ህንተንቱ ቦላ ጌሸተ፤ ህንተንቱ ማዩዋን ላሞተ።

3 እነ ደንዲደ፡ ፑደ ቤቲላ ቦይተ፤ ታ መቱዋ ጋላሰ ታና ሰሴዳ፡ ታን ቤዳ ሳኦን ኡባን ታናና ግዴዳ ጸሳዉ፡ ታን ያን ያርሸያ ሳኦ ኬጸና” ያጌዳ።

4 ሄዋ ድራዉ ኡንቱንቱ ባረንቶ ደእያ አላጋ ጸሳቱዋ ሞሰላቱዋ ኡባን ባረንቱ ሀይላን ደእያ ጉድቻ ኡባ ያቆባዉ እሚድኖ፤ ያቆብ ሄዋንታ ሰኬማን ደእያ ዋላ ጋርሳን ሞጌዳ።

5 ሄዋፕ ጉዮ፡ ያቆብን አ አቱማ ናናይ ደንዲደ ቢሸን፡ እት ኡራይን ኡንቱንታ ኦይቃናዉ ካልቤና፤ እያዉ ጎፕ፡ ኡንቱንቱ ቢሸን፡ ኡንቱንቱ ዩሹዋን ደእያ ካታማ አሳ ኡባ ቦላ ጸሳ ዳጋማይ ዎዴዳ።

6 ያቆብን አናና ደእያ አሳይ ኡባይ ካናን ጋድያን ደእያ (ቤቲላ ግያ) ሎዛ ጋኬድኖ።

7 ያን እ ያርሸያ ሳኦ ኬጸዳ፤ እ ሄ ሳኦ ኤል-ቤቲላ ጊደ ሱንጹዳ፤ እያዉ ጎፕ፡ እ ባረ እሻፕ ባቃቲደ ብያ ዎደ፡ ጸሳይ አዉ ቆንጨዳ ሳኦይ ሄዎ።

8 ርብቆ ድቻያ ደቦራ ያን ሀይቃዲ፤ ቤቲላፕ ሀርክና ደእያ ዋላ ጋርሳን እዛ ሞገታዲ፤ ሄዋ ድራዉ ሄ ሞላ ሱንፋይ ዩኩዋ ዋላ ጌተቲዳ።

9 ያቆብ ማሰጸጸምያፕ ሰሜዳዋፕ ጉዮ፡ ጸሳይ አዉ ዛረላ ቆንጨደ፡ አ አንጄዳ፤

10 ጸሳይ አ፡ “ነ ሱንፋይ ያቆባ፤ ሸን ሀዋፕ ሰንፋናዉ ኔን ኡባካ ያቆባ ጌተታካ፤ ነ ሱንፋይ እሰራኤልያ ግዳና” ያጌደ እ አ እሰራኤልያ ሱንጹዳ።

11 ቃይ ጸሳይ ያቆባ፡ “ታን ኡባ ዳንዲይያ ጸሳይ ኔን የለታ፤ ጮራታ፤ ካዉተላቱን ካዉተላ አሳይ ኔፕ ከሳና፤ ካተቱካ ነ ጉልባታፕ ከሳና።

12 ታን አብራሃመዉን ይሳቃዉ እሚዳ ቢታ፡ ቃይ ነዉ እማይ፤ ኔፕ ጉዮና ታን ሀ ቢታ ነ ዘረሳዉ እማና” ያጌዳ።

13 ሄዋፕ ጉዮ፡ ጸሳይ አናና ሃሳዬዳ ሳኦፕ ፑደ ከሴዳ።

14 ያቆብ ጸሳይ ባረናና ሃሳዬዳ ሳኣን ሹቻ ኤሲደ፣ ኦ ቦላ ኡሻ ያርሹዋ ትጌዳ፤ ዛይትያካ ቦላ ትጌዳ።

15 ያቆብ ጸሳይ ባረናና ሃሳዬዳ ሳኣ “ቤቴለ” ጊደ ሱንሴዳ።

ራሄልን ይሳቃ ሀይቁዋ

16 ኡንቱንቱ ሄዋጥ ጉዩ፣ ቤቴለጥ ደንዴድኖ። ኡንቱንቱ ኤፍራጋ ጋካናው ላፋ አሸያ ዎደ፣ ራሄሎ የሉ ኦይቄዳ፤ የሉዋን እዛ ሎይላ ዋየታዳ።

17 የሉ እዞ ዋይሴዳ ዎደ እዞ የልሰያና፣ “ያዮጋ፤ ሀዌካ አቱማ ናኣ” ያጋዳ።

18 ሸን እዛ ሀይቃደ፣ ሸዎፕ ከሰሸን፣ ባረ ናኣ ቤንኦና * ሱንሳዳ፤ ሸን ኦ ኦው ኦ ቢንያማ † ሱንሴዳ።

19 ሄዋጥ ጉዩ፣ ራሄላ ሀይቃ ባሻዱ፤ ቤተሌመ ግያ ኤፍራጋ አፍያ ኦግያ ደናን ዋግታዳ።

20 ያቆብ እዞ ዱፋዋን ሀወልትያ ሹቻ ኤሴዳ፤ ሄ ሀወልቲ ሀቼ ጋካናው ራሄል ዱፋዋ ኤርሴ።

21 እስራኤሊ ሄዋጥ ደንዲደ፣ ኤደራ ግምቢያጥ ሄፍንሳን ባረ ዱንካንያ ቶኬዳ።

22 እስራኤሊ ሄ ጋድያን ደእሸን፣ ርቤል ቢደ፣ ባረ አዎ የሌዳ ቆማቲ ባልና ግሴዳ። እስራኤሊ ሀ የወዋ ሰሴዳ።

ያቆባ አቱማ ናናይ ታማነ ላኦ።

23 ልያ ናናይ ያቆባ ባይራ ናኣ ርቤላ፣ ሰዎና፣ ሌዎ፣ ይሁዳ፣ ይሳኮራን ዛብሎና።

24 ራሄል አቱማ ናናይ ዮሴፋን ቢንያማ።

25 ራሄል ዳንጋጽራት ባል አቱማ ናናይ ዳናን ንፍታሌማ።

26 ልያ ዳንጋጽራት ዝልጥ አቱማ ናናይ ጋዳነ አሴራ። ሀዋንቱ ማሰጸጸዎን ያቆባው የለቲዳ ኦ አቱማ ናና።

27 ያቆብ (ከብርና ግያ) ቅርያት-አርባኦ ማታን ማምረን ደእያ፣ ባረ አወዋ ይሳቃ ሶ ዬዳ፤ ሄ ሳኣይ ካሰ አብራሃመን ይሳቅ ደኤዳ ሳኣ።

28 ይሳቅ ጾታን ሆሰፕን ታሙ ላይላ ደኤዳ፤

29 እ ዳር ዎድያ ደኤዳ፣ ሎኦ ጭም ሀይቁደ ባረ ማይዛን ጋከቲዳ። ኦ ናናይ ኤሳይን ያቆብ ኦ ዋጌድኖ።

36

ኤሳ የለታ (36:1-43፤ 1 ኦዲዋ 1:34-37)

1 ኤደማ ግያ ኤሳ የለታይ ሀዋጥ ካሊደ ጸፈቲዳዎ።

2 ኤሳይ ካናን ቢታ ማጫ ናናቱዋጥ ባረወ ማቼቱዋ አኩዳ፤ ኡንቱንቱ ሂትያ ኤሎና ናቶ አደ፣ ሂውያ ጽባኦና ናኣይ እን የሌዳ ኦሆሊባምን

3 እሰማኤላ ናቶ፣ ናባዮታ ምቻቶ ባሰማቶ።

4 አዳ ኤሳው ኤልፋዛ የላዱ፤ ባሰማታካ ራኡኤላ የላዱ፤

5 ኦሆሊባማ ያኡሻ፣ ያእላማን ቆራሀ የላዱ፤ ካናን ጋድያን ኤሳው የለቲዳ አቱማ ናናይ ሀዋንታ።

6 ኤሳይ ባረ ማቼቱዋ፣ ባረ አቱማ ናናን ማጫ ናና፣ ባረ ሶ አሳ ኡባ፣ ባረ ሚዛቱዋን ባረ መሀያ ኡባ ካናን ጋድያን ኦ ዋዴዳዋ ኡባ አኪደ፣ ባረ እሻ ያቆባጥ ሃክያ ጋድያ ቤዳ።

7 ኡንቱንቱ ማጺ ዳራዳ ድራወ፣ ኡንቱንቱ አትጥ ደአናው ዳንዳይቤይክኖ፤ ኡንቱንቱ መሂ ዳራዳ ድራወ፣ ኡንቱንቱ ደእያ ቢታይ ኡንቱንቱ መሀያው ግዳናው ዳንዳይቤና።

8 ያትና ኤደማ ግያ ኤሳይ ሰኢራ ግያ ገዝያን ኡቴዳ።

9 ሰኢራ ገዝያን ደኤዳ ኤደማቱዋ አወዋ ኤሳ የለታይ ሀዋጥ ካሊደ ጸፈቲዳዎ።

10 ሀዌ ኤሳ አቱማ ናና ሱንሳ፤ ሄዋንቱን ኤሳ ማቻት አድ ናኣ ኤልፋዛን ኤሳ ማቻት ባሰማት ናኣ ራኡኤላ።

11 ኤልፋዛ ናናይ ተማና፣ ኦማራ፣ ጸፋ፣ ጋእታማን ቃናዛ።

12 ቃይ ትምናኦ ኤሳ ናኣ ኤልፋዛው ቆማቱዋ፤ እዛ ኤልፋዛው አማሌቃ የላዱ። ሀዋንቱ ኤሳ ማቻት አድ ናኣ ናና።

13 ራኡኤላ አቱማ ናናይ ናሃታ፣ ዛራሀ፣ ሻማን ሚዛ፤ ሀዋንቱ ኤሳ ማቻት ባሰማት ናኣ ናና።

14 ጽባኦና ናኣይ እን የሌዳ ኦሆሊባማ አቱማ ናናይ ሀዋንታ፤ እዛ ኤሳው ያኡሻ፣ ያእላማን ቆራሀ የላዱ።

15 ኤሳ የለታ ካገቱ ሀዋጥ ካሊደ ጸፈቲዳዋንታ። ኤሳው ባይራ ናኣ ኤልፋዛ አቱማ ናናይ፣ ካቸዋ ግዴዳዋንቱ ተማና፣ ኦማራ፣ ጸፋ፣ ቃናዛ።

16 ቆራሀ፣ ጋእታማን አማሌቃ፤ ኤደማ ቢታን ኤልፋዛ የሌዳ ካገቱ ሀዋንታ፤ ሀዋንቱ ኡባይ አድ ናኣ ናና።

17 ኤሳ ናኣ ራኡኤላ አቱማ ናናይ፣ ካቸዋ ግዴዳዋንቱ ናሃታ፣ ዛራሀ፣ ሻማን ሚዛ፤ ኤደማ ቢታን ራኡኤል የሌዳ ካገቱ ሀዋንታ፤ ኡንቱንቱ ኤሳ ማቻት ባሰማት ናኣ ናና።

18 ኤሳ ማቻት ኦሆሊባም አቱማ ናናይ፣ ካቸዋ ግዴዳዋንቱ ያኡሻ፣ ያእላማን ቆራሀ፤ ኡንቱንቱ ኦና ናት፣ ኤሳ ማቻት ኦሆሊባምጥ የለቲዳ ካገቱዋ።

19 ኤደማ ግያ ኤሳ አቱማ ናናይ ሀዋንታ፤ ኡንቱንቱ ካገቱካ ሀዋንታ።

ሰኢራ የለታ (1 ኦዲዋ 1:38-42)

20 ኤደማ ጋድያን ደእያ ሆርያ ሰኢራ አቱማ ናናይ ሀዋጥ ካሊደ ጸፈቲዳዋንታ፤ ሄዋንቱካ ሎጸና፣ ሾባላ፣ ጽባኦና፣ አና፣

21 ድሻና፣ ኤጼራን ድሻና፤ ሄዋንቱ፣ ኤደማ ጋድያን ደእያ ሰኢራ አቱማ ናናይ፣ ሆረቱዋ ካገቱዋ።

22 ሎጸና አቱማ ናናይ ሆራን ሄማማ፤ ሎጸና ምቻታ ትምናኦ።

23 ሾባላ አቱማ ናናይ አልዋና፣ ማናሃታ፣ ኤባላ፣ ሸፋን ኦናማ።

* 35:18 ቤንኦና፡- ሀ ሱንሳ ብላላይ እብራዌሉዋን፣ “ታ መቱዋ ናኣ” ግያዋ። † 35:18 ቤንያማ፡- ሀ ሱንሳ ብላላይ እብራዌሉዋን፣ “ታ ኡሸቻ ኩሸያ ናኣ” ግያዋ። 35:22 ደመላ 49:4 35:27 ደመላ 13:18 36:2 ደመላ 26:34 36:3 ደመላ 28:9

24 ጽባኦና አቱማ ናናይ አያነ አና፤ ሀዌ አን ዎራን ባረ አዉዎ ጽባኦና ሀረቱዎ ሄሚደ ሃላ ቦልኡዎ ደሜዳዎ።

25 አና ናአይ ድሾና፤ ናታ ቃይ አሆሊባዎ።

26 ድሾና አቱማ ናናይ ሄምዳና፣ ኤሽባና፣ ይትራና፣ ካራና።

27 ኤዴራ አቱማ ናናይ ብልሃና፣ ዛእዋና፣ አቃና።

28 ድሻና አቱማ ናናይ ኡዳነ አራና።

29 ሆረቱዎ ካፓቱ ሀዋንታ፤ ሎጻና፣ ሾባላ፣ ጽባኦና፣ አና።

30 ድሾና፣ ኤዴራነ ድሻና። ሀዋንቱ ሰኢራ ቢታን ባረንቱ ያራን ያራን ሻከቱዳ ሆረቱዎ ካፓቱዎ።

ኤደማ ካተቱዎ (1 ኦዲዋ 1:43-54)

31 እሰራኤላን ካቲ ካዉታና፣ ካሰ ኤደማ ቢታን ካተቱዳ ካተቱ ሀዋ፣ ካሊደ ጸፈቱዳዋንታ።

32 ባራ ናአይ በላእ ኤደማን ካተቱዳ፤ አ ካታማ ሱንላይ ድናባ ጌተቱ።

33 በላእ ሀይቁና፣ ቦጽራ፣ ዬዳ ዛራሀ ናአይ ዮባብ ካተቱዳ።

34 ዮባብ ሀይቁና፣ ተማና ቢታ፣ ዬዳ ሁሻዎ ካተቱዳ።

35 ሁሻዎ ሀይቁና፣ ባዳዳ ናአይ ሀዳድ፣ ሞድያማ አሳ ሞክሶ ጋድያን ጸኔዳዎ ካተቱዳ፤ አ ካታማ ሱንላይ አዋታ ጌተቱዳ።

36 ሀዳድ ሀይቁና፣ ማሰራቃ፣ ዬዳ ሳምል ካተቱዳ።

37 ሳምል ሀይቁና፣ ሻፋ ማታን ደእያ ራሆቦታ፣ ዬዳ ሻኡል ካተቱዳ።

38 ሻኡል ሀይቁና፣ አክቦራ ናአይ ባኣልሀናን ካተቱዳ።

39 አክቦራ ናአ ባኣልሀናን ሀይቁና፣ ሀዳር ካተቱዳ፤ አ ካታማ ሱንላይ ፓኡ ጌተቱ፤ አ ማቻታ መዛሃባ ናታ ማጽራዳ የሌዳ ማሄጸብኤሎ ጌተታዉ።

40 ኤሳ የለታ ካፓቱ ባረንቱ ያራን ያራን፣ ባረንቱ ሳኣን ኤላካ ባረንቱ ሱንላን ሱንላን ሀዋንታ፤ ትምናአ፣ አልዋ፣ የቲታ።

41 አሆሊባማ፣ ኤሳ፣ ፒናና፣

42 ቃናዛ፣ ተማና፣ ሞብጸራ፣

43 ማግድኤላን እራማ። ሀዋንቱ ባረንቱ ሞድያ ቢታን፣ ባረንቱ ደእያ ሳኣን ደእያ ሳኣን ኤደማ ካፓቱዎ። ሀዌ ኤሳይ፣ ኤደማቱዎ አዉዎ።

37

ዮሴፋን አ እሻቱዎ (37:1—45:28)

1 ያቆብ ባረ አዉ ደኤዳ ካናን ቢታን ኡቲዳ።
2 ያቆባ ናናይ ሀኔዳባይ ሀዋ፣ ካሊደ ጸፈቱዳዎ።

ዮሴፍ ታማነ ላፑን ላይላ ናአ ግዴዳ ዎደ፣ ባረ አዎ ሀራ ማቼቱዎ፣ ባልፕነ ዝልፕ፣ የለቲዳ ባረ እሻቱዎና ዉድያ ሄመ። ሄ ዎደ እ ባረ አዎ ኡንቲንቲ ኦሴዳ ኢታባ ኦዴዳ።

37:11 ኪታ 7:9

3 እሰራኤሊ ዮሴፋ ጭሚደ የሌዳ ድራዉ፣ ባረ ሀራ አቱማ ናና ኡባ፣ አሊደ ሲቱ። እ አዉ አሊቁዳ ማዩዎ ጊግሴዳ።

4 እ እሻቱ ባረንቲ አዉ አ ኡንቲንቲ አሊደ ሲቅያዎ በኤዳ ዎደ፣ ኡንቲንቲ እ አዲደ፣ ሎኦ ቃላ አዉ ሃሳያናዉ ዳንዳይበይክኖ።

5 ዮሴፍ አኩሙዎ አኩሙቲደ፣ ባረ እሻቶ ኦዴዳ፤ ኡንቲንቲ አ ያ ዳርሲደ እጾድኖ።

6 እ ኡንቲንታ፣ “ታን አኩሙቲዳ አኩሙዎ ሰሰተ።

7 ኩን ጋደን ፖቾያ ቃቾሽን፣ ታ ሞርቂ እት ኩላን ደንዲደ ሰት ግ ኤቁሽና፣ ሀንተንቲ ሞርቂቱ ዩይ አዲደ ታ ሞርቂያዉ ጎይኔድኖ” ያጌዳ።

8 እ እሻቱ አ፣ “ኔን ኑ ቦላን ካተታና ሀናይዬ? ዎይ ኑና ቱሙ ሞዳና ሀናይዬ?” ያጌድኖ። ኡንቲንቲ አ አኩሙዎ ድራዉን አ ኦዲዎ ድራዉ፣ ያ ዳርሲደ እጾድኖ።

9 ቃይ ዮሴፍ ሀራ አኩሙዎ አኩሙቲደ፣ ባረ እሻቶ ኦዴዳ፤ “ሰሰተ፤ ታን ሀራ አኩሙዎካ አኩሙታድ። ሄ አኩሙዎን አዋይ፣ አግናይነ ታማነ እት ጸልንተቱ ታዉ ጎይኒኖ” ያጌዳ።

10 ባረ አዎን ባረ እሻቶ ሄ አኩሙዎ ኦዴዳ ዎደ፣ እ አዉ አ፣ “ሀዌ ኔን አኩሙቲዳዎ አያ አኩሜ? ቱሙ ታን፣ ነ ዳያነ ነ እሻቱ ዩደ፣ ነ ሰንላን ሳኣን ጉፋኒደ ነዉ ጎይናነየ?” ያጌደ ሴሬዳ።

11 እ እሻቱ አ ቃናቲድኖ፤ ሽን አ አዉ ሀ የወዎ ባረ ዎዛናን ዎሴዳ።

እሻቱ ዮሴፋ ዛልኤድኖ

12 እት ጋላሰ አ እሻቱ ሰኬማ ማታን ባረንቲ አዉዎ ደርሳ ሄማናዉ ቤድኖ።

13 እሰራኤሊ ዮሴፋ፣ “ኅ እሻቱ ሰኬማን ዉድያ ሄምያዎ ኤራሳ። ሃያ፤ ታን ኔና ኡንቲንቲኮ ኪታና” ያጌዳ።

ዮሴፍ፣ “ኤኖ” ያጌዳ።

14 እ አ፣ “ባ፤ ነ እሻቱዋን ዉዲ ሳራ ግድያዎ በአ፤ ኡንቲንቲባ ታዉ ኦዳሳ” ያጌዳ። አ ከብርና ድልባ፣ ኪቲዳ።

እ ሰኬማ ቤዳ።

15 ያን ደምባ ግደን ያ ሃ ሰመረትሽን፣ እት አሳይ አ ደሚደ፣ “ላ አያ ኮያይ?” ያጌደ ኦቼዳ።

16 እ፣ “ታ እሻቱዎ ኮያይ፤ ኡንቲንቲ ዉድያ ሄምያ ሳአይ ሀቃነንቶ ሀያና ታዉ ኦዳርኪ!” ያጌዳ።

17 ብታኒ፣ “ሀዋ፣ ደንድ ክቼድኖ፤ ኡንቲንቲ፣ ናኑን ደታና በቶ ጊሽን ሰሳድ” ያጌዳ። ሄዎ ድራዉ፣ ዮሴፍ ባረ እሻቱዎ ጌዴዎ ቢደ፣ ኡንቲንታ ደታናን ደሚዳ።

18 ሽን እ ሃኩዋን ደእሽን፣ ኡንቲንቲ አ በኤድኖ፤ እ ኡንቲንቲኮ ጋከናን ደእሽን፣ ኡንቲንቲ አ ዎሳናዉ አ ቦላ ማቀቲድኖ።

19 እቲ እቲዎ፣ “በአተ! አኩሙዎው የ።

20 ሃይተ፤ አ ዎዲደ፣ ሀ አላቲዎ፣ እቲዎ ግዶ የጎይተ። ሄዋ፣ ጉየ፣ ናኢታ ደአይ አ ሜዳ ያጋና፤ ያቲደ እ አኩሙ አሀያዎ በአና” ያጌድኖ።

21 ርቤል ሄዎ ሰሴዳ ዎደ፣ ኡንቲንቲ ኩሽያ፣ አ እሻናዉ ኮዩደ፣ “አ ዎናን አጎይተ።

22 ሱላ ጉሶጥተ፤ አ ህንተንቱ ዋራን ደእያ ሀ ኦላ ግድ ኦልተ፤ አ ቦላ ኩሽያ ዋላጥተ” ያጌዳ። ርቤል ሀዋ አ ኡንቱንቱጥ አሺደ ጉየ አ አወዋኮ የደናዉ ጌዳ።

23 ዮሴፎ ባረ እሻቱዋኮ ጋኬዳ ዋደ፣ አ ማዬዳ አሌቄዳ ማዩዋ አፕ ቃር አኬድኖ፤

24 አ አፊደ ሃላይ ባይና መላ ኦላን የጌድኖ።

25 ኡንቱንቱ ባረንቱ ቁማ ማናዉ ኡት ደእሸን፣ አሰማኤላ አሳቱ ግብጾ ባናዉ ጋላኦደፕ ይያዋንታ ዶቁ ጊደ በኤድኖ፤ ኡንቱንቱ ባረንቱ ጋላጥን ሳዉዋ፣ ባላሳን ግያ ዳልያነ ካርቢያ ጫን ዋሴድኖ።

26 ይሁዳይ ባረ እሻቱዋ፣ “ኑን ኑ እሻ ዋዲደ አ ሱላ ቆሰያዋ ግደፕ ኑና አያ ጎኢ?”

27 ሃይተ፤ አ አሰማኤላቶ ዛልኦይተ፤ አ ቦላ ኑ ኩሽያ ዋላኮ፤ አያዉ ጎፕ፣ አ ኑ እሻ፣ ኑ አሹዋ” ያጌዳ። አ እሻቱ ማየቱድኖ።

28 ሄዋ ድራዉ ሞድያማ ቢታ ዛልአንቻቱ ሄዋና አድሸን፣ አ እሻቱ ዮሴፋ ኦላፕ ከሲደ፣ አሰማኤላ አሳቶ ላታሙ ጸጋራ ብራን ዛልኤድኖ። ኡንቱንቱ ዮሴፋ ግብጾ ጋድያ አፊድኖ።

29 ርቤል ኦላኮ ሰሚደ፣ ዮሴፎ ያን ባይናዋ በኤዳ ዋደ፣ ካዮቲደ ባረ ማዩዋ ፖሼዳ።

30 አ ጉየ ባረ እሻቱዋኮ ቢደ፣ “ናአይ ያን ባዋ፤ ሀእ ታን ሀቃ ቦሻ!” ያጌዳ።

31 ሄዋፕ ጉየ ኡንቱንቱ ዮሴፎ ማዩዋ አኪደ፣ ዳሻ ኦርግያ ሹኪደ፣ ሄ ሱላን ናቄድኖ።

32 አሌቄዳ አ ማዩዋ ባረንቱ አወዋኮ አፊደ አ፣ “ኑን ሀዋ ደሚደ፤ ሀዌ ነ ናአ ማየንቶነ አነ ጸላ” ያጌድኖ።

33 ማዩዋ አ ኤሪደ፣ “ሀዌ ታ ናአ ማዩዋ! ዋራ ዶአይ አ ሞ ድጌዳ። ዮሴፎ ቱሙካ ዱጸረት ክቼዳ” ያጌዳ።

34 ያቆብ ካዮቲደ፣ ባረ ማዩዋ ፔዲዳ፤ ባረ ጸላን ዋራዋ ዳንጨደ፣ ባረ ናአዉ ዳር ጋላሳ ዩኬዳ።

35 አ አቱማ ናናይነ ማጫ ናናይ ኡባይ አ ሞንፍላናዉ ዩድኖ፤ ሸን አ ሞነናን እጲደ፣ “ቱይት፣ ታን ዩካደ ታ ናአኮ ባደ፣ ዱፋዋን ገላና” ያጌደ፣ አ አዉ አዉ ዩኬዳ።

36 ሄ ዋደ ሚድያማ ቢታ አሳቱ ዮሴፋ ግብጾ ካትያ ኦሳንቻ ጸጽፋራዉ ግብጾን ዛልኤድኖ፤ አ ናግያዋንቱ ካቸዋ።

38

1 ሄ ዋደ ይሁዳይ ባረ እሻቱዋፕ ሻከቲደ፣ አዲላማ ግያ ካታማን ደእያ ሂራ ግያ ብታንያና ደአናዉ ቤዳ።

2 ያን ይሁዳይ ሹአ ግያ ካናነ ናትና ጋከቲዳ፤ አ እዘ እኬዳ።

3 አዘ አዉ ሻሃራደ አቱማ ናአ የላዲ፤ አ ኤራ ሱንላዲ።

4 ቃይካ ሻሃር ዋደ አቱማ ናአ የላዲ፤ አ ኦናና ሱንላዲ።

5 ቃይ ጉጃደካ አቱማ ናአ የላዲ፤ አ ሹላ ሱንላዲ። አዘ የሌዳዌ አክዚባ ግያ ቢታና።

6 ይሁዳይ ባረ ባይራ ናአ ኤራዉ ትእማር ግያ ማቻቶ እሚዳ።

7 ይሁዳ ባይራ ናአይ፣ ኤር፣ መድና ጎዳ ሰንላን ኢታ አሳ ግድያ ድራዉ፣ መድና ጎዳይ አ ዋዴዳ።

8 ይሁዳይ ኦናና፣ “ነ እሻ ማቻትኮ ገላደ፣ እዘ አካ፤ ነ እሻዉ ናአ የላደ አ ጸሰሳ” ያጌዳ።

9 ሸን ኦናን የለትያ ናናይ ባረዋንታ ግደናዋ ኤሬዳ፤ ሄዋ ድራዉ ባረ እሻ ማቻትና ግሰያ ዋደ አዉደነ፣ ባረ እሻዉ ናአ የለተና ማላ፣ ባረ ዘረላ ቢታን ጉሴ።

10 አ አሌዳባይ መድና ጎዳ ሰንላን ኢታባ ግዴዳ ድራዉ፣ መድና ጎዳይ አካ ዋዴዳ።

11 ሄዋፕ ጉየ፣ ይሁዳይ ባረ ናአ ማቻቶ ትእማር፣ “ታ ናአይ ሹል ድጫና ጋካናዉ ነ አወዋ ሶ ባደ፣ አምኤተላን ደአሻ” ያጌዳ። ሄዋ አ አያዉ ጌደ ጎፕ፣ አካ ባረ እሻቱዋዳን ሀይቃነንቶነ ጊደ ሀርጌዳ ድራሳ። ሄዋ ድራዉ ትእማር ባደ ባረ አወዋ ሶን ደአዲ።

12 ዳር ዋድያፕ ጉየ ይሁዳ ማቻታ፣ ሹአ ናታ ሀይቃዲ። ይሁዳይ ባረ ካዩዋፕ ሞነቲዳ ዋደ፣ ባረ ዶርሳ እሰክያ ሜድያ አሳቱዋኮ ትምና ከሴዳ፤ ቃይ አ ላገ፣ አዲላምያ ሂር አናና ቤዳ።

13 አሳይ ትእማር፣ “በአ፤ ነ ቦሉ ይሁዳይ፣ ባረ ዶርሳቱዋ እሰክያ ሜዳናዉ ትምና ከሴዳ” ያጌደ ኦዴዳ።

14 እዘ ባረ አምኤተላ ማዩዋ ቃራዲ፤ ባረና ባለላናዉ ሻሸያ አካደ ጉሎታዲ። ትምና አፍያ ኦግያ ዶናን ደእያ ኤናይማ ካታማ ፐንግያን ኡታዲ። ሄዋ እዘ ኦሌዳዌ፣ ሹል ድጫ ጋክንካ እዘ አዉ ማቻቶ ግዳናዉ እመታቤናዋ ኤሬዳ ድራሳ።

15 ይሁዳይ እዘ በኤዳ ዋደ፣ ሻርሙጸቶ ጊደ ቆፔዳ፤ አያዉ ጎፕ፣ እዘ ባረ ዳሙዋ ጉሎታ ኡታዲ።

16 ባረ ናአ ማቻቶ ግድያዋ ኤረናን ደአደ፣ ኦግያ ጋጸ ኢኮ ሺቄደ እዘ፣ “ታናና ግሳርኪ!” ያጌዳ።

አዘ፣ “ታን ኔናና ግሶፕ፣ ኔን ታዉ አያ አማኒ?” ያጋደ ኡቻዲ።

17 እ፣ “ታን ታ ዉድያፕ እት ዳሻ ማራ ነዉ የዳና” ያጌዳ።

አዘ፣ “ኔን ሄዋ ታዉ የዳና ጋካናዉ አያ ኦላኒ?” ያጋዲ።

18 እ፣ “አያ ኦላ?” ያጌዳ።

አዘ፣ “ነ ማታፋ ዋሳያ ሞግዲዋ፣ አ አሳያ ሳቄያነ ነ ኩሽያን ደእያ ጋትማ ኦይላ” ያጋዲ። አ ሄዋንታ እሚደ፣ እዘና ግሰና፣ እዘ አዉ ሻሃራዲ።

19 እዘ ሄዋፕ ደንዳደ ቤዳዋፕ ጉየ፣ ባረ ጉሎላ ሻሸያ ቃራደ፣ ባረ አምኤተላ ማዩዋ ማያዲ።

20 ይሁዳይ ባረ ኦይሌዳዋ ሄ ሞሽራትፕ ዛር አካናዉ ዳሻ ማራ ባረ ላግያ አዲላማ ቦላ እዘዉ ኪቲዳ፤ ሸን አ እዘ ደምቤና።

21 አ ሄ ቢታ አሳ፣ “ኤናይማ ካታማን፣ ኦግያ ዶናን ኡቲዳ ሻርሙጸ ሞሽራታ ሀቃኔ?” ያጌደ ኡቼዳ።

አሳይ፣ “ሻርሙጸ ማጫውና ሀዋን ኡባካ ባዋ” ያጌዳ።

37:28 ኪታ 7:9

22 እ ይሁዳኮ ሰሚደ አ፡ “ታን እዛ ደማበይከ፤ ሄዋ ቦላካ ሄ ቢታ አሳይ፡ ሻርሙጻ ማጫውና ሀዋን ኡባካ ባዋ” ያጌዳ።

23 ይሁዳይ፡ “ባረ ኦይቄዳዋ ባረዉ እኩ፤ ሄዋ ቆጥ፡ አሳይ ኑና ሚጫና፡ ሰም ታን እዘዉ ዳሻ ማራ ዩዳድ፤ ሸን ኔን እዘ ደማበይካ” ያጌዳ።

24 ሄዙ እግና ኬሻፕ ጉዩ አሳይ፡ “ነ ናኣ ማቻታ ትእማራ ሻርሙጻደ ሻሃራዱ” ያጌደ ይሁዳዉ ኦይዳ።

ይሁዳይ፡ “እዘ ካረ ከሲደ ታማን ጸግተ” ያጌዳ።

25 እዘ ካረ ከሲያ ዋደ፡ “ታን ሻሃራዳዊ ሀ ሚሻ ጎዳሳ፤ በእ፤ ሀ ማታፋ ዋልያ ምግዱ፡ አ እልያ ሳቄን ጋትማይ ኦዌንቶ ኤራና ዳንዳዮፕ ኤራ” ያጋደ ባረ ቦሎ ኪታ ኪታዱ።

26 ይሁዳይ ሄ ሚሻቱዋ ኤሪደ፡ “ታፕ እዛ ጽላ፤ እያዉ ጎፕ፡ ታን እዘ ታ ናኣ ሹላዉ እማበይከ” ያጌዳ። ሄዋፕ ጉዩ፡ እ እዘና ዛር ግሰቤና።

27 እዛ የላና ሀንያ ዋደ፡ እዘ ኡሉዋን ማንተ አቱማ ናናይ ደኢኖ።

28 እዛ የልሸን፡ ኤንቱንቱፕ እቱ ባረ ኩሽያ ከሴዳ፤ ማርሰያና፡ “በእተ፤ ሀዌ ኮይሮ ከሴዳ” ጋናዉ ዘኦ ቁንጨትያ አካደ አ ኩሽያን ቃቻዳ።

29 ሸን እ ባረ ኩሽያ ጉዩ እኩዳ ዋደ፡ አ እሻይ ከሴዳ፤ እዛ፡ “ኔን ዋና ፖርሉ * ጋደ አ ሱንላዳ።” ያጋዳ። ሄዋ ድራዉ፡ ፓሪሳ * ጋደ አ ሱንላዳ።

30 ሄዋፕ ጉዩ፡ አ ኩሽያን ዘኦ ቁንጨት ደእያ አ እሻይ ከሴዳ፤ አ ሱንላይ ዛራሀ † ንተቱዳ።

39

ዮሴፋን ጸጽፋራ ማቻቶ

1 እስማኤላ አሳቱ ዮሴፋ ግብጾ አፍ ዋሌድና። ግብጻዊ ጸጽፋር፡ ካትያ ኦሳንቻቱዋፕ እቱ፡ ናግያዋንቱ ካፑ ዮሴፎ እስማኤላቱዋፕ ሻሚዳ።

2 መድና ጎዳይ ዮሴፎና ደኤ፤ ሄዋ ድራዉ፡ እ ኦልያዋ ኡባ አዉ እንጀዬዳ፤ ያትና ባረ ጎዳ፡ ግብጻዊያ ሰን ደኤዳ።

3 መድና ጎዳይ አናና ደእያዋን መድና ጎዳይ እ ኦልዳዋ ኡባ አዉ ሱርሰያዋ ጸጽፋር በኤዳ ዋደ።

4 ዮሴፎ አ ሰንላን ናሸቱዳ፤ እ አዉ ኪተቱዳ። ጸጽፋር አ ባረ ጎላ አሳ ቦላ ሱንላዳ፤ ባረዉ ደእያዋ ኡባ አ ኩሽያን ዋሌዳ።

5 ጸጽፋር ባረ ጎላን ደእያዋ ኡባ ቦላን ባረ ማጽዋ ኡባ ቦላ ሱንላዳ ዋድያፕ ደሚደ፡ መድና ጎዳይ ግብጾ ብታንያ ጎሊያ ዮሴፎ ድራዉ አንጃዳ። መድና ጎዳ አንጃ ጸጽፋራ ሱንን ጋደን ደኤዳ ኡባባ ቦላ ዋደዳ።

6 ሄዋ ድራዉ ባረዉ ደእያ ኡባባ ዮሴፎዉ ሹዴዳ፤ እ ባረ ምያ ቁማፕ አትና፡ አይን ቆፕና። ዮሴፎ ጌሳንቻን ማላ ሎኦ አሳ።

7 አማራዳ ዋድያፕ ጉዩ፡ አ ጎዳ ማቻታ ዮሴፋ ጸላ በአደ፡ “ሃያ፤ ታናና ግሳ” ያጋዱ።

8 ሸን እ እጾዳ። ባረ ጎዳ ማቻቶ፡ “በእ፤ ታ ጎዳይ ታዉ ሹዴደ ባረ ሱን ደእያባዉ አያዉን ሀርገና፤ ባረዉ ደእያዋ ኡባ ታ ኩሽያን ዋሌዳ።

9 ሀ ሱን ታፕ ግታትያዌ ኦንን ባዋ። ኔን አ ማቻቶ ግድያ ድራዉ ነ ጸላላፕ አትና፡ ታ ጎዳይ ታዉ እምቤናባይ ባዋ። ያትና ታን ዋታደ ሀዋ ማላ ዳሮ ኢታባ ሀናደ ጸሳ ቦላ ናጋራ ኦሎ?” ያጌዳ።

10 እዛ ሀ የዉዋ ሀቼ ሀቼ ዮሴፎዉ ኦደፕን፡ እ እዘና ግሰናን ዋይ እዘ ማታን ኡተናን እጾዳ።

11 እት ጋላሰ እ ባረ ኦሱዋ ኦላናዉ ሱ ገልያ ዋደ፡ ሱ ቆማቱዋፕ ኦንን ሱን ባዋ።

12 እዛ ዮሴፎ አፍላ ኦይቃደ፡ “ታናና ግሳ” ያጋዳ። ሸን እ ባረ አፍላ እ ኩሽያን የጊደ፡ ሱፕ ካረ ዋጺደ ከሴዳ።

13 ዮሴፎ ባረ አፍላ እ ኩሽያን የጊደ፡ ሱፕ ካረ ዋጽ ከሶዋ እዛ በኤዳ ዋደ።

14 ባረ ሱ ቆማቱዋ ጸሳደ ኤንቱንታ፡ “በእተ፤ ታ አሰናይ አሄዳ ሀ አብራዌ ብታኒ ታና ባለሐ ድጊደ አሹዳ፤ እ ታናና ግሳናዉ ሀዋ ገሌዳ፤ ሸን ታን ታ ኮሻ ቆቁሳደ ዋሳድ።

15 ታን ዋሰና ሰሴዳ ዋደ፡ እ ባረ አፍላ ታ ማታን የጊደ፡ ሱፕ ካረ ዋጺደ ከሴዳ” ያጋዳ።

16 አ ጎዳይ ሱ ያና ጋካናዉ እዛ ዮሴፎ አፍላ ባረ ማታን ዋላዳ።

17 ሄዋፕ ጉዩ፡ እዛ አዉ ሀዋዳን ያጋደ ኦዳዳ፤ “ሄዌ ኔን ኦዉ አሄዳ አብራዌ አይሊ ታናና ግሳናዉ ታኮ ገሌዳ፤

18 ሸን ታን ታ ቃላ ቆቁሳደ ዋሶዌ፡ ባረ አፍላ ታ ማታን የጊደ፡ ሱፕ ካረ ዋጺዳ” ያጋዳ።

19 አ ጎዳይ ባረ ማቻታ፡ “ነ አይሊ ታና ሀዋዳን ኦልዳ” ያጋደ ኦዳዳ ቃላ ሰሲደ፡ ሀንቁዋን ፐንቱዳ።

20 ዮሴፋ አ ጎዳይ አወደ፡ ካትያ ቃሹዋ ሳኦይ ደእያ ቃሹ ጎላን የጌዳ።

21 ሸን ዮሴፎ ያን ቃሹ ጎላን ደእያ ዋደ፡ መድና ጎዳይ አናና ደኤ። እ አዉ ቃረቱዳ፤ ቃሹ ጎላ ካፑዋ ሰንላን አዉ ናሹዋ እሚዳ።

22 ያትና ቃሹ ጎላ ካፑ ቃሹዋ አሳ ኡባ ዮሴፎ ኩሽያን ዋሌዳ፤ ሄዋን ኦሰትያዋ ኡባ ኦልያዌ አ።

23 ቃሹ ጎላ ካፑ ዮሴፎ ኩሽያን ደእያባዉ አያዉን ሀርገና፤ አያዉ ጎፕ፡ መድና ጎዳይ አናና ደኤ፤ እ ኦልያዋካ ኡባ አዉ እንጀዬዳ።

40

ዮሴፎ ቃሹዋ አሳቱዋ እኩሙዋ ብሌዳ

1 አማራዳ ዋድያፕ ጉዩ፡ ግብጾ ካትያው ኤሳ ትግያዌን ኡክሳ ኡክያዌ ባረንቱ ጎዳ ግብጾ ካትያ ናቁድና።

2 ካቲ ኤሳ ትግያዋንቱ ካፑዋን ኡክሳ ኡክያዋንቱ ካፑዋ ላኡዋካ ሎይሐ ሀንቀቱዳ።

3 ዮሴፎ ቃሸቱዳ ቃሹ ጎላን፡ ናግያዋንቱ ካፑዋ ሱን ኤንቱንታ ዋሌዳ።

4 ናግያዋንቱ ካፑ ኤንቱንታ ዮሴፎዉ ሹዴዳ፤ እ ኤንቱንቶ ኦል። ኤንቱንቱ ቃሹ ጎላን አማራዳ ዋድያ ኡቱድና።

* 38:29 ፓሪሳ፡ ሀ ሱንላ ብለላይ አብራዌሉዋን፡ “ፖርሉ ጌዳ” ግያዋ። † 38:30 ዛራሀ፡ ሀ ሱንላ ብለላይ አብራዌሉዋን፡ “ዛኡዋ” ግያዋ። 39:2 ኪታ 7:9 39:21 ኪታ 7:9

5 ግብጾ ካትያው ኤሳ ትግያዊን ኡክላ ኡክያዊ፣ ቃሾ ጎለን ደእያ ላአቱካ፣ እት ቃማ ዲማ ዲማ እኩሙዋ እኩሙቲድኖ። ቃይ እኩሞቶ ሁጲያን ሁጲያን ኡንቱንቱ ብለላይ ደኤ።

6 ዮሴፎ ዋንታ ኡንቱንቱኮ ገሌዳ ዋደ፣ ካዮት ኡቲዳዋንታ በኤዳ።

7 ሄዋ ድራው ባረ ጎዳ ሶን ባረናና ቃሾ ጎለን ደእያ ካትያ ኦሳንቻቱዋ፣ “ሀቼ ሀንተንቱ ደሙ እያው ጴሜዳ?” ያጊደ ኦቼዳ።

8 ኡንቱንቱ እ፣ “ኑን ላኡ እኩሙዋ እኩሙቲድ፤ ሸን ኑው ብልያዊ ጳይዳ” ያጊድኖ።

ዮሴፎ ኡንቱንታ፣ “እኩሙዋ ብለላይ ጸሳዋ ግደኔየ? ሀንተንቱ እኩሙዋ ታው ኦድተ” ያጊድኖ።

9 ኤሳ ትግያዋንቱ ካቸ ባረ እኩሙዋ ዮሴፎው ሀዋዳን ያጊደ ኦዳዳ፤ “ታን ታ እኩሙዋን እት ዋይንያ ቱራ ታ ሰንላን በኣድ።

10 ቃይ ሄ ዋይንያ ቱራው ሄዙ ታሺ ደኤ። እ ማራ የለደ፣ ጨሻ ጨሺደ፣ ወርጬዋ ወርጬዳ፤ ወርጬነ ቲራዳ።

11 ካትያ ዋንጫይ ታ ኩሽያን ደኤ፤ ታን ዋይንያ ቱራ አካደ፣ ካትያ ዋንጫን ጉሞኣደ፣ ሄ ዋንጫ እ ኩሽያን ዋላድ” ያጊድኖ።

12 ዮሴፎ፣ “ሄዋ ብርሸላይ ሀዋ፤ ሄዙ ታሽቱ ሄዙ ጋላሳቱዋ።

13 ሄዙ ጋላሳ ግዲዋን ካቲ ኔና ደንላና፤ እ ኔና ካሰ ነ ሱንላተላው ዛራና፤ ካሰ ኔን ኤሳ ትግያ ዋደ ኡሌዳዋዳን፣ ኔን ካትያ ዋንጫ እ ኩሽያን ዋላና።

14 ሸን ነው ሳአይ ሎኤዳ ዋደ ታና ደጎጎ፤ ታው ሎኣ፤ ታባ ካትያው ኦዳደ፣ ሀ ቃሾ ጎልያጥ ታና ከሰሳ፤

15 እያው ጎጥ፣ ታና እብራዌቱዋ ቢታጥ ግዲደ አሄድኖ፤ ሀራይ አቶ ሀዋንካ ታና ቃሽሰያዋ አይነ ኦላበይከ” ያጊድኖ።

16 ኡክላ ኡክያዋንቱ ካቸ ዮሴፎ እኩሙዋ ሎይላ ብሌዳዋ በኤዳ ዋደ ዮሴፎ፣ “ታንካ እኩሙዋ እኩሙታድ፤ ታ ሁጲያን ሄዙ ሳሞጋ ኡክላይ ደኤ፤

17 ቦላ ባጋ ሳሞጋን ግብጾ ካትያው ኡከቲዳ ኡባ ቆሞ ኡክላይ ደኤ። ሸን ካፋ ሄዋ ታ ሁጲያን ደእያ ሳሞጋጥ ሜ” ያጊድኖ።

18 ዮሴፎ፣ “ሄዋ ብርሸላይ ሀዋ፤ ሄዙ ሳሞጋቱ ሄዙ ጋላሳቱዋ።

19 ሄዙ ጋላሳ ግዲን ካቲ ኔና ደንላና፤ ነ ቆድያ ሙጭሲደ ሞላን ካቅሳና፤ ነ አሹዋካ ካፋ ማና” ያጊድኖ።

20 ሄዘንላ ጋላሳን ግብጾ ካቲ ባረ የለቲዳ ጋላሰ ባረ ኦሳንቻቱዋ ኡባው ባላ ጊግሴዳ። ኤሳ ትግያዋንቱ ካቸዋን ኡክላ ኡክያዋንቱ ካቸዋ ደንሲደ፣ ባረ ኦሳንቻቱዋ ግዲን ኤሴዳ።

21 ኤሳ ትግያዋንቱ ካቸዋ እ ሱንላተላው ዛርና፣ እ ካትያ ኩሽያን ዋንጫ ዋሌዳ።

22 ሸን ካቲ ኡክላ ኡክያዋንቱ ካቸዋ ኡንቱንቱ እኩሙዋ ብለላ ዮሴፎ ኡዳዳዋዳንካ ካቅሴዳ።

23 ሸን ኤሳ ትግያዋንቱ ካቸ ዮሴፎ ሀሳይቤና፤ ደጊሼዳ።

41

ዮሴፎ ግብጾ ካትያ እኩሙዋ ብሌዳ

1 ላኡ ላይላ ኩሙንላይ እጴዳ ዋደ፣ ግብጾ ካቲ እኩሙዋ እኩሙቲዳ፤ እኩሙዋን እ ናይለ ሻፋ ደናን ኤቄዳ፤

2 ላቸን ኦርዳን ሞጶ ሚዛቱ ናይለ ሻፋጥ ከሰ ዋጶደ፣ ማቃ ግዲዋን ሞያዋንታ በኤዳ።

3 ኡንቱንቱጥ ሰሚደ፣ ሀራ ላቸን ማላ ኢታን ግልቃ ሚዛቱ ናይለ ሻፋጥ ከሴድኖ፤ ሻፋ ደናን ደእያ ሀራ ሚዛቱ ማታን ኤቄድኖ።

4 ሄ ማላ ኢታን ግልቃ ሚዛቱ ላቸን ኦርዳን ሞጶ ሚዛቱዋ ሚድኖ፣ ሄዋጥ ጉየ ካቲ ቤጎቲዳ።

5 እ ዛረላ ገሞእሺደ፣ ላኤንላ እኩሙዋካ እኩሙቲዳ፤ ላቸን ሎኣነ ሙሩታ ትሻቱ እት አኑዋን ድጩድኖ።

6 ኡንቱንቱጥ ሰሚደ፣ ጩጩዳነ አዋይ ደልያ ባጋ ጫርኩዋን ሹሌዳ ሀራ ላቸን ትሻቱ ከሴድኖ።

7 ሄ ጩጩዳ ትሻቱ ሎኣነ ሙሩታ ትሻቱዋ ሞቲድኖ። ሄዋጥ ጉየ ካቲ ቤጎቲደ፣ እኩሙዋ ግድያዋ ኤራዳ።

8 ሳአይ ዋንትና፣ እ ዋዛናይ ሻቢረቲዳ፤ ሄዋ ድራው ግብጾን ደእያ ብትያዋንቱ ኡባውን እጴዳ ኤራንቻቱዋ ኡባው ከቲደ ጸሰሴዳ፤ ካቲ ኡንቱንቶ ባረ እኩሙዋ ኦዳዳ፤ ሸን አው ሄ እኩሙዋ ብርሸያዊ ጳይዳ።

9 ኤሳ ትግያዋንቱ ካቸ ሄ ዋደ ግብጾ ካትያ ሀዋዳን ያጊደ፤ “ታን ታ ባይዙዋ ሀቼ ሀሳያይ።

10 እት ገደ ካቲ ባረ ቆማቶ ሀንቀቲደ፣ ታና ኡክላ ኡክያዋንቱ ካቸዋ ቃሾ ጎለን የጌዳ።

11 ያን ደኢደ ኑን ሁጲያን ሁጲያን እኩሙዋ እኩሙቲዳ፤ እኩሞ ዲማ ዲማ ብርሸላይ ደኤ።

12 ሄ ዋደ ናግያዋንቱ ካቸ፣ ቆማቶ፣ እብራዌ ዋዳላይ ኑናና ቃሾ ጎለን ደኤ። ኑን ኑ እኩሙዋ አው ኦዳዳ፤ እ ኑው ሁጲያን ሁጲያን እኩሙዋ ብርሸዳ።

13 ያንና ሄ የዋቱ እ ኑው ብሌዳዋዳንካ ሀኔድኖ። ሄዋ እዬ ጎጥ፣ ታን ታ ሱንላተላው ሰማድ፤ ሀንኮ ብታኒ ካቀቲዳ” ያጊድኖ።

14 ግብጾ ካቲ ዮሴፎው ከቲደ ጸሰሴዳ። ኡንቱንቱ እ ቃሾ ጎልያጥ ኤለካ አሄድኖ። እ ሜደቲደ ባረ ማዩዋ ላሚደ፣ ካትያኮ ገሌዳ።

15 ካቲ ዮሴፎ፣ “ታን እኩሙዋ እኩሙታድ፤ ሸን እ እቲነ ብላናው ዳንዳይቤና። ሸን ታን፣ ዮሴፎ እኩሙዋ ሰሶጥ፣ ብላናው ዳንዳይ፣ ግያዋ ሰሳድ” ያጊድኖ።

16 ዮሴፎ፣ “ታን ሄዋ ዳንዳይከ፤ ሸን ጸሳይ ካትያው ልከ ብርሸላ እማና” ያጊድኖ።

17 ካቲ፣ “ታን ታ እኩሙዋን ናይለ ሻፋ ደናን ኤቃ ደእሸን።

18 ላቸን ኦርዳን ሞጶ ሚዛቱ ናይለ ሻፋጥ ከሲደ፣ ማቃ ግዲዋን ሚድኖ።

19 ኡንቱንቱጥ ሰሚደ፣ ሀራ ላቸን ማላ ኢታ፣ ግልቃነ ላፋ ሚዛቱ ከሴድኖ፤ ታን ሄዋ ማላ ማላ ኢታ ሚዛ ግብጾ ጋድያን ኡባካ በእ ኤርከ።

20 ማላ ኢታን ላፋ ሚዛቱ ኮይርዋንታ፣ ላቸን ሞጶ ሚዛቱዋ ሚድኖ።

21 ሸን ኡንቱንታ ሜዳዋፕ ጉየና፡ ኡንቱንቱ ሜዳዋ ኦንነ ኤራናው ዳንዳይቤና፤ አያው ጎፕ፡ ኡንቱንቱ ማላይ ካሰዋዳንካ ኢት ኡቲዳ፡ ሄዋፕ ጉየ ታን ቤጎታድ፡፡

22 “ታን ታ አኩሙዋን ቃይ ላፑን ሎኦነ ሙሩታ ትሻቱዋ እት አኩዋን ድጩዳዋንታ በእድ፡፡

23 ኡንቱንቱፕ ሰሚደ፡ ጩጩዳነ አዋይ ደልያ ባጋ ጫርኩዋን ሹሌዳ ሀራ ላፑን ትሻቱ ከሴድ፡፡

24 ሄ ጩጩዳ ትሻቱ ላፑን ሎኦ ትሻቱዋ ሞቲድና፡፡ ታን ሀ አኩሙዋ ብትያዋንቶ ኦዳድ፤ ሸን ታው አኩሙዋ ብልያዌ ቤትቤና” ያጌዳ፡፡

25 ሄዋፕ ጉየ ዮሴፎ ግብጾ ካትያ፡ “ካትያ አኩሞቱ እቱዋ፡፡ ጸሳይ ባረ ኦላና ሀንያዋ ካትያው ቆንጭሴዳ፡፡

26 ሄ ላፑን ሎኦ ሚዛቱ ላፑን ላይላቱዋ፤ ቃይ ላፑን ሎኦ ትሻቱ ላፑን ላይላቱዋ፤ ሀ አኩሙ እቱዋ፡፡

27 ሄ ላፑን ማላ ኢታነ ላፋ ሚዛቱ ላፑን ላይላቱዋ፤ ቃይ አዋይ ደልያ ባጋ ጫርኩዋን ሹሌዳ፡ ጩጩ ላፑን ትሻቱ ላፑን ኮሻ ላይላቱዋ፡፡

28 “ታን ካትያው ኦዳዳዋዳንካ፡ ጸሳይ ባረ ኦላና ሀንያዋ ካትያው በሴዳ፡፡

29 ላፑን ዳሮ ካሎ ላይላቱ ግብጾ ቢታው ኡባው ያና፤

30 ሸን ላፑን ኮሻ ላይላይ ሄዋ ካላና፡፡ ሄ ዋደ ግብጾ ካሎ ኡባይ ደገታና፤ ኮሻይ ቢታ ዲጸና፡፡

31 ሄ ቢታ ካሎ ሀሳየተናን አታናዋ፤ አያው ጎፕ፡ ሄዋ ካሌዳ ኮሻይ ሎይላ ሱላና፡፡

32 ላኡ ኦግያን ካትያው ሄ አኩሙ ቤቲዳዌ አያሴ ጎፕ፡ ሀ የወዋ ጸሳይ ምንሲደ ቃቾ ድራሳ፤ ጸሳይ ሄዋ ኤለካ ኦላና፡፡

33 “ሀእ ሰም፡ ካቲ አጴዳ ኤራንቻነ ጭንጫ አሳ ኮዪደ፡ ግብጾ ቢታን ሱንሶ፡፡

34 ካቲ ቢታን ሱንሳቱዋ ላፑን ካሎ ላይላን ቡክያ ካላፕ እቼሹ ኩሸያፕ እቱዋ ሸሻናው ሱንሶ፡፡

35 ኡንቱንቱ ይያ ካሎ ላይላቱዋን ካላ ሸሸደ፡ ካትያ አዋተላን ምንጅና፤ ሄ ካላ ካታማቱዋን ናግና፡፡

36 ቢታይ ኮሻን ጳየና ማላ፡ ሀ ካላይ ግብጾ ቢታን ላፑን ላይላን ደንዳና ኮሻው ምንጅቲደ ደኦ” ያጌዳ፡፡

ካቲ ዮሴፋ ግብጾ ቢታ ኡባ ቦላን ሱንሶዳ

37 ሀ የወ ግብጾ ካትያውነ አ ኦሳንቻቶ ሎኦ ግዲደ ቤቲዳ፡፡

38 ሄዋ ድራው ካቲ ኡንቱንታ፡ “ኦን ጸሳ አያናና ደእያ ሀዋ ማላ ሀራ አሳ ደማኔየ?” ያጌደ ኦቼዳ፡፡

39 ሄዋፕ ጉየ ካቲ ዮሴፎ፡ “ጸሳይ ሀዋ ኡባ ኔና ኤርሴዳ ድራው፡ ነ ማላ አጴዳ ኤራይነ ጭንጫተላይ ደእያዌ ኦንነ ባዋ፡፡

40 ታን ኔና ታ ጎለን ሱንሳይ፤ ታ አሳይ ኡባይ ነው አዘዘታና፤ ታን ኔፕ አጵያዌ ታ ካውተላ አራታ ጸላላና ግደ” ያጌዳ፡፡

41 ሄዋ ድራው ካቲ ዮሴፎ፡ “በእ፤ ታን ኔና ግብጾ ጋድያ ኡባ ቦላን ሱንሳድ” ያጌዳ፡፡

42 ሄዋፕ ጉየ፡ ካቲ ባረ ፓራምያ ሞግዲዋ ባረ ብራጵያፕ ከሲደ፡ ዮሴፎ ብራጵያን ዋሌዳ፡፡ ታልባፕ ዳደቲዳ ማዪዋ እ አ ማይዚደ፡ አ ቆጵያንካ ዋርቃ ሳንሳላታ አሌዳ፡፡

43 ካቲ ባረ ላኤንሶ ፓራ ጋርያ ዮሴፋ ቶግሴዳ፤ ቆማቱ፡ “ጎይንተ! ጎይንተ!” ያጌደ አፕ ሰንሳና ሀመቲድና፡፡ ሀዋዳን ኦሊደ፡ ካቲ አ ግብጾ ቢታ ኡባ ቦላን ሱንሶዳ፡፡

44 ሄዋፕ ጉየ ካቲ ዮሴፎ፡ “ታን ካትያ፤ ሸን ኔን ደንሶ ጌናን ግብጾ ቢታ ኡባን ኦንነ ኩሸያ ዋይ ገድያ ደንፍና” ያጌዳ፡፡

45 ካቲ ዮሴፋ፡ “ጸፍናት-ፓእናሀ” ጌደ ሱንሶዳ፤ እ አው ኦና ግያ ካታማ ቄሰያ ጸጽፋራ ናቶ አሰናቶ ማቼ ኦሐ እሜዳ፡፡ ያትና ዮሴፎ ግብጾ ቢታ ኡባ ሳና አጴዳ፡፡

46 ዮሴፎ ግብጾ ካትያው ኦላናው ደምያ ዋደ፡ አው ላይላይ ሀታማ፡፡ ቃይ ዮሴፎ ካትያ ሰንሳፕ ከሲደ፡ ግብጾ ቢታ ኡባ ግዲዋ ሀመቲዳ፡፡

47 ሄ ላፑን ካሎ ላይላቱዋን ቢታይ ዳሮ ካላ ደሌዳ፡፡

48 ዮሴፎ ግብጾ ቢታን ሄ ላፑን ካሎ ላይላ ካላ ኡባ ሸሸደ፡ ካታማቱዋን ምንጅዳ፡፡ እት እት ካታማ ዩሹዋን ደእያ ጎሻ ካላ ኡባ ሄ ካታማቱዋን ምንጅዳ፡፡

49 ዮሴፎ አባ ሻፍያ ኬሻ ዳሮ ካላ ምንጅዳ፤ ካላይ ዳርና፡ ማካናው ዳንዳይቤና ድራው፡ ማክ ማክ ቆልያዋ አግ ባሼዳ፡፡

50 ኮሻ ላይላይ ያናፕ ካሰ፡ ኦና ካታማ ቄሰያ ጸጽፋራ ናት አሰናትፕ ዮሴፎ ላኡ አቱማ ናና የሌዳ፡፡

51 ዮሴፎ ባረ ባይራ ናአ ምናሳ * ሱንሶዳ፡፡

52 ላኤንሶ ናአ ኤፍራማ † ሱንሶዳ፡፡

53 ግብጾ ቢታን ደእያ ሄ ላፑን ካሎ ላይላቱ ወራድና፡፡

54 ቃይ ዮሴፎ ኦዳዳዋዳን ላፑን ኮሻ ላይላቱ ደሚድና፡፡ ሀራ ቢታን ኡባን ኮሻይ ደንዳዳ፤ ሸን ግብጾ ቢታ ኡባን ካላይ ደኤ፡፡

55 ግብጾ ቢታይ ኡባይ ኮሻቲዳ ዋደ፡ አሳይ ካላው ካትያ ዋሴዳ፡፡ ካቲ ግብጾ አሳ ኡባ፡ “ዮሴፎኮ ቢታ፤ እ አድያዋ ኦሐተ” ያጌዳ፡፡

56 ኮሻይ ግብጾ ቢታ ኡባ ጋኬዳ ዋደ፡ ዮሴፎ ካላ ምንጅዳ ጎልያ ኡባ ደዪደ፡ ካላ ግብጾ አሳው ዘልኤዳ፤ አያው ጎፕ፡ ግብጾን ኮሻይ ፕንቲዳ፡፡

57 ሳኦ ኡባን ኮሻይ ዲጽ ደእያ ድራው፡ ሳኦን ደእያ አሳይ ኡባይ ካላ ዮሴፎፕ ዋማናው ግብጾ ዬዳ፡፡

42

ዮሴፎ እሻቱ ግብጾ ቤድኖ

41:40 ከታ 7:10 41:42 ዳኔላ 5:29 * 41:51 ምናሳ፡- አብራዌሉዋን ጸሳይ ታ መቱዋ ኡባን ታ እወዋ ሶ አሳ ኡባ ደግሴዳ ግያዋ፡፡ † 41:52 ኤፍራማ፡- ሀ ሱንሳ ብለላይ አብራዌሉዋን “ጸሳይ ታን ቱታይ ቢታን ታና አይፍሴዳ” ያግያዋ፡፡
41:54 ከታ 7:11 41:55 ዮሃ. 2:5

1 ያቆብ ግብጽን ካላይ ደእያዎ ሰሴዳ ዎደ፡ ባረ አቱማ ናና፡ “ሀንተንቱ እቱ እቱዎ እያወ ጸሊቱ?

2 በአተ! ግብጽን ካላይ ደእያዎ ታን ሰሳድ፤ ያ ዲገ ቢደ፡ ኩን ሀይቀናን ፓጻ ደአና ማላ፡ ያፕ አማራዳዎ ኑወ ዎሞተ” ያጌዳ።

3 ዮሴፎ እሻቱ ታማቱ ካላ ዎማናዉ ዲገ ግብጽ ቤድኖ።

4 ሽን ያቆብ ዮሴፎ እሻ ቢንያማ አ እሻቱዎና ዮድቤና፤ እያወ ጎፕ፡ እ ቆሄታንንቶን ጊደ ቆፔዳ።

5 ካናን ቢታን ዎልቃማ ኮሻይ ደእያ ድራዉ፡ ካላ ዎማናዉ ዬዳዎንቱና እሰራኤልያ አቱማ ናናይ ግብጽ ገሌድኖ።

6 ሄ ዎደ ዮሴፎ ሄ ቢታ አይሰያዎንታን ቢታን ደእያ አሳዉ ኡባወ ካላ ዛልእያዎ፤ ሄዎ ድራዉ ዮሴፎ እሻቱ ጋኬዳ ዎደ፡ ባረንቱ ዳሙዎ ሳኦ ጋሲደ እዉ ጎይኔድኖ።

7 ዮሴፎ ባረ እሻቱዎ በኦ ሳን ኤር አጌዳ፤ ሽን እ ኡንቱንታ ኤረናዎዳን ላመቱዳ፤ እ ኡንቱንታ፡ “ሀንተንቱ ሀቃፕ ዬድቱ?” ያጊደ ኦቼዳ።

ኡንቱንቱ፡ “ካላ ዎማናዉ፡ ካናን ቢታፕ ዬደ” ያጌድኖ።

8 ዮሴፎ ባረ እሻቱዎ ኤሬዳ፤ ሽን ኡንቱንቱ አ ኤርቢይክኖ።

9 ሄዎፕ ጉዮ፡ ዮሴፎ ኡንቱንቱዎ አኩሙቱዳ ባረ አኩሙዎ ሀሳዬደ ኡንቱንታ፡ “ሀንተንቱ ጌድ ጸልያ አሳ፤ ሀንተንቱ ኑ ቢታን ናፕ ለፕያ ባጋይ ሀቃዌንቶ በአናዉ ዬድታ” ያጌዳ።

10 ኡንቱንቱ፡ “ቱይት፡ ኑ ጎዳዉ፡ ኩን ጌድ ጸልያ አሳ ግድኮ፤ ኩን ነ ቆማቱ ካላ ዎማናዉ ዬድ።

11 ኩን ኡባይካ እት አዉዎ ናና። ኩን ነ ቆማቱ አማነትያ አሳ” ያጌድኖ።

12 ዮሴፎ ኡንቱንታ፡ “ቱይት፤ ሀንተንቱ ኑ ቢታን ናፕ ለፕያ ባጋይ ሀቃዌንቶ በአናዉ ዬድታ” ያጌዳ።

13 ሽን ኡንቱንቱ፡ “ኩን ነ ቆማቱ ታማነ ላኡ እሻቱዎን ካናን ቢታን ደእያ እት ብታንያ ናና። ዉርሰላ ቆንላ ዲሱ ሀእ ኑ አቡና ደኤ፤ እቱ ቆይዳ” ያጌድኖ።

14 ዮሴፎ ኡንቱንታ፡ “ታን ሀንተንቶ ኦዳዳዎዳንካ ሀንተንቱ ቢታ ጌድያዎንታ።

15 ቃይ ሀንተንቱ ፓጨታናዌ ሀዋና፤ ቱሙዎፕ ካቲ ሀይቆ፤ ሀንተንቱ ዉርሰላ ቴፋ እሻይ ሀዋ ያና ቆፕፕ፡ ሀንተንቱ ሀዋፕ ቢክታ።

16 ሀንተንቱ ኦድያዌ ቱማ ግድያዎ ፓጨናዉ፡ ሀንተፕ እቱዎ ከትተ፤ እ ሀንተንቱ እሻ አኪደ ዮ፤ አቱዳዎንቱ ቃሾ ጎለን ጋሞኢታ። ሄዎ ግዳና ቆፕፕ፡ ካቲ ሀይቆ፤ ሀንተንቱ ቢታ ጌድያዎንታ” ያጌዳ።

17 ኡንቱንታ ሄዙ ጋላሳዉ ቃሾ ጎለን ዮጌዳ።

18 ሄዘንላ ጋላሳን ዮሴፎ ኡንቱንታ፡ “ታን ጸሳዉ ያይያ አሳ፤ ሀንተንቱ እትባ ኦሶፕ፡ ፓጻ ደአና።

19 ሀንተንቱ ቱሙካ አማነትያ አሳ ግደፕ፡ ሀንተንቱ እሻቱዎፕ እቱ ሀዋን ቃሾ ጎለን ደኤ፤ አቱዳዎንቱ ኮሻትያ ሀንተንቱ ሶ አሳዉ ካላ አኪደ አፍተ፤

20 ሽን ሀንተንቱ ቃላ ቱማያና ማላን ሀንተንቱ ሀይቀና ማላ ሀንተንቱ ሀንተንቱ ዉርሰላ ቴፋ እሻ ታኮ እሀና ኮሼ” ያጌዳ። ኡንቱንቱን ሀ ዮወዎ ማዬድኖ።

21 ኡንቱንቱ እቱ እቱዎ፡ “ቱሙ ኩን ኑ እሻዉ ኦሌዳባይ ኑና ካኤ። እ ባረ ሸሞፕ ሀንያባይ አጽና፡ ኑወ ዎትዎትያ ዎደ፡ ኩን ሰሲደ እጾደ፤ ሀ ዎዬ ኑና ጋኬዳዌ ሄዎ ድራሳ” ያጌድኖ።

22 ሮቤል፡ “ታን ሀንተንታ፡ ናኦ ሶላ ናጋራ ኦሶፕ፡ ጋደ ኦዳቢይክታ? ሽን ሀንተንቱ ሰሰናን እጾድታ። ሰሞ ሀእ፡ አ ሱላይ ኑና አቼ” ያጌዳ።

23 ኡንቱንቱ ግያባ ዮሴፎ ኤሬዳዎ ኡንቱንቱ አኬክቢይክኖ፤ እያወ ጎፕ፡ እ ኡንቱንቱና ዎካልያን ሃሳይያ ድራሳ።

24 እ ኡንቱንቱፕ ዎራ ሰሚደ ዬኬዳ፤ ሽን ቃይ ኡንቱንቱኮ ሰሚደ፡ ኡንቱንቶ ጉጂደ ሃሳዬዳ። እ ሰሞና ኡንቱንቱፕ ዱላ እሺደ ኡንቱንቱ በእሽን ቃቼዳ።

ዮሴፎ እሻቱ ካናን ቢታ ሰሚድኖ

25 ዮሴፎ ባረ ቆማቱዎ፡ “ካላ ኡንቱንቱ ኦጎሩዎ ኩንላተ፤ ኡንቱንቱ ብራካ ዛሬደ፡ ኡንቱንቱ ኦጎሩዎን ኦጎሩዎን ዎላተ፤ ቃይ ኡንቱንቱ ኦግያዉ ሽንቃ እሞተ” ያጊደ አዛዜዳ።

26 እ ጌዳዎዳን ኦሌዳዎፕ ጉዮ፡ ዮሴፎ እሻቱ ካላ ባረንቱ ሀረቱዎን ጫኒደ፡ ደንዲደ ቤድኖ።

27 ኡንቱንቱ ቃማ አቃናዉ ሰሚድኖ ኡንቱንቱፕ እቱ ባረ ሀርያዉ ካላፕ ዮጋናዉ ባረ ኦጎሩዎ ብሊደ፡ ሄ ኦጎሩዎ ደናን ደእያ ባረ ብራ በኤዳ።

28 እ ባረ እሻቱዎ፡ “ታ ብራይ ታዉ ሰሚዳ፤ ቱሙ ሀዋ በአተ! ታ ኦጎሩዎን ደኤ” ያጌዳ።

ኡንቱንቱ ዎዛናይ ዳጋሞና፡ ኮኮሪደ እቱ እቱዎኮ ሰሚደ፡ “ጸሳይ ኑ ሶላ ኦሌዳባይ ሀዌ አዬ?” ያጌድኖ።

29 ኡንቱንቱ ካናን ቢታን ደእያ ባረንቱ አዉዎ ያቆኮ ዬዳ ዎደ፡ ባረና ጋኬዳዎ ኡባ አዉ ኡዴድኖ።

30 ኡንቱንቱ አዉ፡ “ሄ ቢታዉ ጎዳ ግዳዳ ብታኒ ኑና ሀንቀቱዳ። ሄዎፕ ጉዮ፡ እ ኑና ሄ ቢታ ገድያዎዳን ጎዳቱዳ።

31 ሽን ኩን አ፡ ኡን አማነትያ አሳ፤ ቢታ ጌድያዎንታ ግድኮ።

32 ኩን ታማነ ላኡ እሻቱ እት አዉዎ ናና፤ እቱ ቆይዳ፤ ዉርሰላ ቴፋይ ካናን ቢታን ሀእ ኑ አቡና ደኤ” ያጌዳ።

33 ሄ ቢታዉ ጎዳ ግዳዳ ብታኒ ኑና፡ “ሀንተ አማነትያ አሳ ግድያዎ ታን ሀዋን ኤራና፤ ሀንተንቱ እሻቱዎፕ እቱዎ ሀዋን ታ ማታን ዮጊደ፡ ኮሻትያ ሀንተንቱ ሶ አሳዉ ካላ አኪደ ቢተ።

34 ሀንተንቱ ቢታ ጌድያዎንታ ግደና፡ አማነትያ አሳ ግድያዎ ታን ኤራና ማላ፡ ሀንተንቱ ዉርሰላ ቴፋ እሻ ታኮ እክ ዪተ። ያቶፕ ታን ሃን አቱዳ ሀንተንቱ እሻ ሀንተንቶ ዛሬደ እማና፤ ሀንተን ሀ ቢታን ዛልኢታ ጌዳ” ያጌድኖ።

35 ኡንቱንቱ ባረንቱ ኦጎሩዎፕ ካላ ቆሊደ፡ ባረንቱ ኦጎሩዎን ኦጎሩዎን ባረንቱ ብራ ቃሹዎና

ኤቲዳዎ ደሜድኖ። ኤንቲንቲክ ኤንቲንቲ ኦሞ ሄ ቃሹዋና ደእያ ብራ በኢደ ያዬድኖ።

36 ኤንቲንቲ ኦሞ ያቆብ ኤንቲንቲ፡ “ህንተንቲ ታና ታ ናናቱዋፕ ሙላ ከሴድታ፤ ዮሴፎ ባዋ፡ ሰሞን ባዋ፤ ቃይ ህንተንቲ ቢንያማ አፋና ኮዪታ። ኡባባይ ታው ትራን ሰት ጌዳ” ያጌዳ።

37 ሄዋፕ ጉዮ ርቤል ባረ አዉዋ፡ “ታን ቢንያማ ነዉ ዛራደ አሀና ቆዮፕ፡ ታ አቱማ ናና ላኡዋካ ዋቆ፤ ታና አማነታደ አ ታ ኩሽያን ዋላ፤ ቃይ ታን አ ዛራደ አሀና” ያጌዳ።

38 ሽን ያቆብ ኤንቲንቲ፡ “ታ ናአይ ህንተናና ያ ዱገ ቤና፤ አ እሻይ ሀይቂና፡ አቱዳዌ አ ጸላላ፤ ህንተንቲ አፍሽን፡ ኦግያን ኢታባይ አ ጋክያዋ ግደፕ፡ ህንተንቲ ታ ፑሉንሳ ሁጲያ ካዩዋን ዱፋዋን የገታ” ያጌዳ።

43

የሴፎ እሻቱ ቢንያማና ሰሚደ ግብጾ ቤድኖ

1 ሀእነ ኮሻይ ካናን ቢታን ዋልቃሜዳ።

2 ያትና ኤንቲንቲ ግብጾፕ አሄዳ ካላ ኡባ ሞ ዉርሰ ድግና፡ ኤንቲንቲ አዉ፡ “ቃይካ ጉዮ ቢደ ኑዉ አማራዳ ካላ ዋሞተ” ያጌዳ።

3 ሽን ይሁዳይ አ፡ “ሄ ብታኒ ኑና፡ ህንተ እሻይ ህንተናና ያና ቆዮፕ፡ ታ ዳሙዋ ዛር በእክታ” ያጌደ ሎይል ኦዳዳ።

4 ኔን ኑ እሻ ኑናና የደፕ፡ ኑን ዱገ ቢደ ነዉ ካላ ሻማና።

5 ሽን ኔን አ የደናዋ ግደፕ፡ ኑን ዱገ ቦኮ፤ አያዉ ጎፕ፡ ሄ ብታኒ ኑና፡ ህንተ እሻይ ህንተናና ያና ቆዮፕ፡ ህንተንቲ ታ ዳሙዋ ዛር በእክታ” ጌዳ” ያጌዳ።

6 አሰራኤሊ፡ “ህንተንቲ፡ ኑዉ ሀራ እሻይ ደኤ ገደ ኦዲደ ሀ ሙቱዋ ታ ቦላ አያዉ አሄድቲ?” ያጌዳ።

7 ኤንቲንቲ አ፡ “ሄ ብታኒ ኑባነ ኑ ሶ አሳባ ሎይል አቼዳ። አ ኑና፡ ህንተ አዉ ሀእካ ፓጻ ደኤ? ህንተንቲ ሀራ እሻይ ደኤ?” ያጌደ አቼዳ። ኑን አ አቼዳዋ አዉ ዛራደ። አ ኑና፡ ህንተ እሻ ዱገ ሃ አሀተ” ጋናዋ ኑን አያን ኤራኔ?” ያጌድኖ።

8 ይሁዳይ ባረ አዉዋ አሰራኤልያ፡ “ኑንካ ኔንካ ኑ ናናይካ ፓጻ ደአና ማላነ ሀይቀናን አታና ማላ፡ ናአ ታናና የዳ፤ ኑን ኤለካ ባና።

9 ናአ ታ ዋሰተላን እማ፤ አባን ታና አቻ፤ ታን አ ነዉ ሳር ዛራደ አሀና ቆዮፕ፡ ታ ደኡዋ ኡባን ነ ሸቃይ ታና ጋኮ!

10 ኑን ጋምእቤናዋ ግድንቶ፡ ሀናደ ላኤንሉዋ ያ ጋኪደ ሰማና ሽን” ያጌዳ።

11 ሄዋፕ ጉዮ ኤንቲንቲ አዉ አሰራኤላ ኤንቲንቲ፡ “ሄዋ ግደፕ፡ ያትተ፤ ሄ ብታንያዉ ኩሽያ ገንሐያዋ ሀ ቢታን ደሌዳዋ ኡባፕ ሎእያዋ ደርተ፤ ሄዌን ባላሳነ ግያ ቆልያ፡ ኤሳ፡ ሳዉዋ፡ ካርቢያን ታምረ ላዉዝያ ግያ ሞላቱዋ ቴራ ህንተንቲ ኦጎሩዋን የገደ እክ ቢተ።

12 ህንተንቲ ኦጎሩዋ ደናን ሰሜዳ ብራይ ባለሌዳዋ ግዳናዉ ዳንዳይያ ድራዉ፡ ብራካ ላኡ ኩሽ ኦሊደ እክ ቢተ።

13 ቃይ ህንተንቲ እሻነ አኪደ፡ ሄ ብታንያኮ ኤለካ ጉዮ ቢተ።

14 አ ህንኮ ህንተንቲ እሻ የዳና ማላ፡ ቢንያማ ህንተናና ያና ማላ፡ ኡባ ዳንዳይያ ጸሳይ ሄ ብታኒ ህንተንቲ ቃረታናዳን አሉ። ታና ግደፕ፡ ታ ናናቱዋፕ ሙላ አቶፕነ አታድ” ያጌዳ።

15 ሄዋ ድራዉ ሄ አሳቱ እሞታን ላኡ ኩሽ ብራነ ቃይ ቢንያማን አኬድኖ። ኤንቲንቲ ዱገ ግብጾ ቢደ፡ ዮሴፎ ሰንሳ ሸቄድኖ።

16 ዮሴፎ ቢንያማ ኤንቲንቲና ቤዳ ዋደ፡ ባረ ጎለ ካፑዋ፡ “ሄ አሳ ታ ሶ አካደ ባ፤ እት ሙሀያ ሹካደ ገገሳ፤ ኤንቲንቲ ሴታ ጋላሳን ላጸ ታናና ሚኖ” ያጌደ አዛዜዳ።

17 ያትና አ ዮሴፎ አዉ ኦዳዳዋዳን ሄ አሳ ዮሴፎ ሶ አፊዳ።

18 አሳቱ ዮሴፎ ሶ ቤዳ ድራዉ፡ ያዬድኖ፤ ኤንቲንቲ፡ “ኑን ሀዋ ዬዳዌ ኮይሮ አጎሩዋና ሰሚደ ቤዳ ብራ ድራሳ፤ አ ኑና ዋቆናዉ፡ አይለተላን ሞዳናዉነ ኑ ሀረቱዋ አካናዉ ሀኔዳ” ያጌደ ቆፔድኖ።

19 ሄዋ ድራዉ ኤንቲንቲ ዮሴፎ ጎለ ፕንግያ ጋኪደ፡ ጎልያ ካፑዋ ሃሳይሴድኖ፤

20 “ታ ጎዳዉ፡ ኑን ኮይሮ ካላ ዋማናዉ ሀዋ ዬደ፤

21 ሰሚደ ኑን ቃማ አቅያ ሳኣን ኦጎሩዋ ብሊደ፡ ሁጲያን ሁጲያን ኑ ብራይ ፓጠናን ኑ ኦጎሩዋ ደናን ደእያዋ ደሜደ፤ ሄዋ ድራዉ ሀእ ኑን አ ጉዮ እኪደ ዬደ።

22 ቃይ ኑን ካላ ዋማናዉ ሀራ ብራካ አሄደ። ኑ ብራ ኑ ኦጎሩዋ ኦጎሩዋ ደናን ኡን ዋሌደንቶን ኤርኮ” ያጌድኖ።

23 አ ኤንቲንቲ፡ “ሄዋ አይነ ባዋ፤ ያዮፕተ! ህንተንቲ ጸሳይ፡ ህንተንቲ አዉዋ ጸሳይ፡ ህንተንቲ ኦጎሩዋ ግደን ህንተንቲ ብራ እማዳ፤ ታን ህንተንቲ ብራ አካድ” ያጌዳ። ሄዋፕ ጉዮ፡ አ ሰሞና ኤንቲንቲኮ ከሴዳ።

24 ሄ ብታኒ ሄ አሳ ዮሴፎ ሶ አፊደ፡ ኤንቲንቲ ገድያዉ ሃላ አይና፡ ባረንቲ ገድያ ሜጨቴድኖ። ኤንቲንቲ ሀረቶ ሀርቁዋ የጌዳ።

25 ዮሴፎ ሴታ ጋላሰ ዪና እማናዉ፡ ኤንቲንቲ ባረንቲ እሞታ አዉ ገገሴድኖ፤ አያዉ ጎፕ፡ ኤንቲንቲ ያን ማናዋ ሰሰ ኡቴድኖ።

26 ዮሴፎ ባረ ሶ ገሌዳ ዋደ፡ ኤንቲንቲ ሶ አሄዳ ባረንቲ እሞያዋ ሶን አዉ እሜድኖ፤ ኤንቲንቲ አ ሰንሳን ሳኣ ጋኪደ ጎይኔድኖ።

27 አ ኤንቲንቲ ሳርተላ አቻ ሰሚደ፡ “ህንተንቲ ታዉ ኦዳዳ ህንተንቲ አዉ ጭማይ ሎኤ? ሀእካ አ ፓጻ ደኤ?” ያጌዳ።

28 ኤንቲንቲ፡ “ኤ፡ ነ ቆማይ፡ ኑ አዉ ሀእካ ፓጻ ደኤ፤ አ ሎኤ” ያጌደ ሆኪደ አዉ ጎይኔድኖ።

29 አ ባረ አት ናአ ቢንያማ በኤዳ ዋደ ኤንቲንቲ፡ “ህንተንቲ ኦዳዳ ዉርሰላ ቴፋ ህንተንቲ እሻይ ሀዋ?” ያጌዳ። ቃይ አ ቢንያማ፡ “ታ ናአዉ፡ ኔና ጸሳይ አንጀ” ያጌዳ።

30 ዮሴፎ አ እሻይ አዉ ጎምፓይ ሞሸቴዳ ድራዉ፡ ዬካናዉ እት ሳኣ ላዉሁ ጌዳ። አ ባረ ዱማ ቆልኡዋ ገሊደ ያን ዬኬዳ።

31 አ ባረ ዳሙዋ ሜጨቶዋፕ ጉዮ ከሲደ፡ ባረና ሞን።ላደ፡ “ቁማ አለተ” ያጌዳ።

32 ኢንቲንቱ አወ ዲማ፣ ሄ እሻቶ ዲማ፣ ሄዋን እናና ምያ ግብጾ አሳቶ ዲማ አሌድኖ፤ እያወ ሳፕ፣ ግብጾ አሳቱ እብራዊ አሳቱዋና እትፕ ሚክኖ። ሄዋ ግብጾ ቢታ አሳ ሸነይያዋ።

33 ኢንቲንቱ ዮሴፎ ሰንሳን ባይራይ ባረ ባይራተላዳን፣ ቴፋይ ባረ ቴፋተላዳን ማራን ኡቴድኖ። ኢንቲንቱ እቱ እቱዋ ጸሊደ፣ ኢንቲንታ ዎት ኡትሴድኖንቶ በኢደ ማላለቴድኖ።

34 ዮሴፎ ማዳፕ ኢንቲንቶ ቁማ ግሽያ ዎደ፣ ቢንያመወ ጋኬዳዊ ሀራቱዋፕ እቺሹ ኩሽያ ዳሬ፤ ያትና ኢንቲንቱ ናሸቲደ እናና ሜድኖን ኡሼድኖ።

44

ዮሴፎ ብራ ዋንጫ

1 ዮሴፎ ባረ ጎለ ካፑዋ፣ “ኔን ሀ አሳቱዋ አጎሩ አክያዋ ኬሻ ካላ ኢንቲንቶ ኩንሳ፤ ኢንቲንቱ ኡባ ብራካ ኢንቲንቱ አጎሩዋ አጎሩዋ ደናን ዎላ፤

2 ያታደ ወርሰላ ቴፋ አጎሩዋ ደናን ታ ብራ ዋንጫ ከ አ ካላ ብራ ዎላ” ያጊደ አዛዜዳ፤ እ ዮሴፎ ጌዳዋዳን አሌዳ።

3 ሳላይ ዎንትና ሄ አሳቱ ባረንቱ ሀረቱዋ አከደ ባናወ ሞይዘቲድኖ።

4 ኢንቲንቱ ሄ ካታማፕ ከሲደ ሃክ ቤናን ደእሸን፣ ዮሴፎ ባረ ጎለ ካፑዋ፣ “ደንዳ! ሀ አሳቱዋ ጌዳዋ ካላ፤ ኔን ኢንቲንታ ጋኬዳ ዎደ ኢንቲንቱ፣ ‘ሀንተ እያወ ኬካ ኢታን ዛሬድቱ?’

5 ሀዋ ታ ጎዳይ ኡሽያን ቃይ ጸራባ ደምያ ዋንጫ ግደኔ? ሀዋ ሀንተንቱ አሌዳባይ ባላባ’ ያጋ” ያጌዳ።

6 እ ኢንቲንቱ ጌዳዋ ጋከደ፣ ሀ ጌዳዋዳን ካ ኢንቲንቶ ትዳዳ።

7 ሸን ኢንቲንቱ፣ “ታ ጎዳይ ሀዋ ማላ ቃላ እያወ ሃሳይ? ሄዋ ማላ አላያዋ ኑፕ ነ ቆማቱዋፕ ሃኮ!

8 ኩን ሀራይ አቶ ኑ አጎሩዋ ደናፕ ደሜዳ ብራ ካናን ቢታፕ ጉዮ ነወ ዛር አሄደ።

9 ነ ጎዳ ጎልያፕ ኩን ዎርቃ ዎይ ብራ ዎት ወኡቶ? ነ ቆማቱዋ ግደን ሄ ዋንጫይ ቤቴዳ ኡራይ ሀይቆ፤ ቃይ አቴዳ ኩን ኑ ጎዳወ አይለ ግዳና” ያጌድኖ።

10 እ ኢንቲንታ፣ “ሄዋ ግደፕ ሎአ፤ ሀንተንቱ ጌዳዋዳን ዋንጫ አኬዳ ኦንን ታ አይለ ግዳና፤ ሀንኮ አቴዳ ሀንተንቱ ቦርያፕ ሳሮ አታና” ያጌዳ።

11 ሄዋፕ ጉዮ፣ ኢንቲንቱ ኤለካ ባረንቱ አጎሩዋ አጎሩዋ ሳኦን ዎሊደ ብሌድኖ።

12 ሄ ካፑ ኡባፕ ባይራትያዋ አጎሩዋፕ ደሚደ ወርሰላ ቴፋ ጋካናወ ኮዬዳ፤ ሄ ዋንጫ ቢንያማ አጎሩዋ ግደፕ ደሚዳ።

13 ሄዋን ኢንቲንቱ ካዮቲደ፣ ባረንቱ ማዩዋ ፔዴድኖ፤ ባረንቱ አጎሩዋ ባረንቱ ሀረቱዋን ጫኒደ፣ ጉዮ ካታማ ሰሜድኖ።

14 ይሁዳይ ባረ እሻቱዋና ዮሴፎኮ ገልያ ዎደ፣ ዮሴፎ ሰን ደኤ፤ ኢንቲንቱ አ ሰንሳን ሳኦን ጉፋኔድኖ።

15 ዮሴፎ ኢንቲንታ፣ “ሀንተንቱ እያ ኢታባ አሌድተ? ታ ማላ አሳይ ጸራባ ደምያዋ ኤርክቲዮ?” ያጌዳ።

16 ይሁዳይ፣ “ታ ጎዳወ ኩን እያ ጋኔ? ኩን እያ ሃሳይ? ዎይ ኩን ጽሉዋ ግድያዋ ዎት በሳኔ?”

ጸሳይ ነ አይለቱዋ ባይዙዋ ቆንጭሰ ድጌዳ። ሰም ኩንካ ሄ ዋንጫይ አፕ ቤቴዳዌካ ታ ጎዳወ አይለ ግዳዳ” ያጌዳ።

17 ሸን ዮሴፎ፣ “ሀዋ ማላ አላያዋ ታፕ ሃኮ፤ ታ ዋንጫይ አፕ ቤቴዳ ብታንያ ጸላላይ ታ አይለ ግዳና። ሀንኮ ሀንተንቱ ሀንተንቱ አወዋኮ ጉዮ ሳሮ ሰምተ” ያጌዳ።

18 ይሁዳይ አኮ ሸቂደ አ፣ “ታ ጎዳወ፣ ታን እት ቃላ ሃሳያና ማላ ኔና ዎሳይ፤ ታና ነ አይልያ ሀንቀቶፕ፤ እያወ ሳፕ፣ ኔን ካትያ ማላ።

19 ኔን ታ ጎዳይ ኑና ነ አይለቱዋ፣ ‘ሀንተንቶ አወ ደኢዮ ዎይ እሻይ ደኢ?’ ያጋደ አቻዳ።

20 ኩንካ፣ ጉወ ጭሚዳ አወ ደኤ፤ እ ጭም ክቺደ የሌዳ ቴፋ ናአይካ ደኤ፤ ሄ ናአ እሻይ ሀይቁዳ፤ ባረ አትወ እት አ ጸላላይ አቴዳ፤ አ አወ አ ሲቁ” ያጌዳ።

21 “ኔን ነ አይለቱዋ፣ ‘ታን አ በአና ማላ ታወ አሀተ’ ያጋዳ።

22 ኩን ታ ጎዳ፣ ‘ሄ ናአይ ባረ አወዋፕ ሻከታናወ ዳንዳየና፤ ሻከቶፕ አ አወ ሀይቃንታ’ ያጌዳ።

23 ሸን ኔን ነ አይለቱዋ፣ ‘ሀንተ ቴፋ እሻይ ሀንተናና ዳገ ያና ጳዮፕ፣ ላኤንሉዋ ታ ዳሙዋ በእክታ’ ያጋዳ።

24 ኩን ነ አይለቱ ኑ አወዋኮ ሰሚደ ቤዳ ዎደ፣ ታ ጎዳይ ጌዳዋ አወ አዳደ።

25 “ጉ አወ፣ ጉዮ ቢደ አማሬዳ ካላ ዎምተ” ያግና።

26 ኩን አ፣ ጉ ቴፋ እሻይ ኑናና ቦፕ አትን፣ ዳገ ባናወ ዳንዳየኮ፤ እያወ ሳፕ፣ ኑ እሻይ ቴፋይ ኑናና ቤናዋ ግደፕ፣ ኩን ሄ ብታንያ ዳሙዋ በአናወ ዳንዳየኮ” ያጌዳ።

27 “ጉ አወ ነ አይል ኑና፣ ‘ታ ማቻታ ራሄለ ታወ ላኡ አቱማ ናና የሌዳዋ ሀንተንቱ ኤሪታ፤

28 ኢንቲንቱፕ እቱ ታፕ ሻከቲደ ቢና፣ “ቱሙ አ ደአይ ፑዘራላ ሜዳ” ያጋደ፤ ሀቺ ጋካናወ ታን አ በአበይከ።

29 ሀዋ ቃይ ሀንተንቱ ታፕ ሻከ አፍና፣ ኢታባይ አ ጋኮፕ፣ ሀንተንቱ ታ ፑሉንላ ሁጲያ ካዩዋን ዲፋዋን የጋና” ያጌዳ።

30-31 “ሄዋ ድራወ፣ ሀእ ታን ጉዮ ነ አይልያ ታ አወዋኮ ብያ ዎደ፣ ታ አወ፣ ናአ ባረ ሸምቸዋዳን ሲቅያዎ፣ ናአይ ኑናና ባይናዋ በኑፕ ሀይቁ አጋና። ኩን ነ አይለቱ ኑ አወዋ ፑሉንላ ሁጲያ ካዩዋን ዲፋዋን የጌቶ።

32 ታን ነ አይል ናአ ታ ዋሰተላን አካድ፤ ታን አ፣ ‘ታ አዎ፣ ታን አ ነወ ሳሮ ዛራደ አሀና ጳዮፕ፣ ታ ደኡዋ ኡባን ነ ሸቃይ ታና ጋኮ!’ ያጋ ዎላድ።

33 “ያቴዳ ድራወ፣ ታን ነ አይል ታ ጎዳወ ናአ ድራወ አይለታደ፣ ሀዋን አትና፣ ናአይ ባረ እሻቱዋና ጉዮ ሰሞ።

34 ናአይ ባይናን ታን ዋናደ ጉዮ ታ አወዋኮ ሰማኔ? ቱይት፣ ታና ታ አወ ሴለታና ሴላ በሶፕ” ያጌዳ።

45

ዮሴፎ ባረና ባረ እሻቶ ኤርሴዳ

1 ሄ ዎደ ዮሴፎ ሄ አሳ ኡባ ሰንሳን ገንጫና ዳንዳይቤና፤ “አሳ ኡባ ታ ሰንሳፕ ከሰተ” ያጊደ

ዋሴዳ። ሄዋ ድራው ዮሴፎ ባረና ባረ እሻቶ ኤርሴዳ ዋደ። እናና ኦንነ ባዋ።

2 እ ባረ ቃላ ቋቂሲደ። ግብጾቹ አ ሰሳና ጋካናው ሎይላ ዩኬዳ። ካትያ ሶ እሳይ ሄ ዋርያ ሰሴዳ።

3 ዮሴፎ ባረ እሻቶ። “ታን ዮሴፋቱ! ታ አወ ሀኖ ጋካናው ፓጻ ደአያ?” ያጊደ ኦቼዳ። ሽን አ እሻቱ ሎይላ ዳጋሜዳ ድራው። አወ ዛራና ዳንዳይበይክኖ።

4 ያትና ዮሴፎ ባረ እሻቱዋ። “ታኮ ሃ ሸቅተ” ያጊደ። ኡንቱንቱ እኮ ሸቆድኖ፤ እ ኡንቱንታ። “ታን ሀንተንቱ እሻ ዮሴፋ፤ ሀንተንቱ ግብጾ ቢታወ ዛልኤዳዋ።

5 ቃይ ሀንተንቱ ታና ሀዋ ዛልኤዳ ድራው። ቁምኤቶፕተነ ካዮቶፕተ፤ አያወ ጎፕ። ጸሳይ ታና ሀንተፕ ሰንሳወ ኪቱዳዌ አሳ ሸምፑዋ እሻናሳ።

6 ሀ ቢታ ኮሻ ደገሎደፕ ላኤንላ ላይላ፤ ቃይ ይያ እቼሹ ላይላቱዋን አሳይ ጎሽና ዋይ ጫከና።

7 ሽን ታን ሳኣን ሀንተንቶ ዘረላ አሻና ማላን ሀንተንቱ ደኤዋ ዳርሳ አሻና ማላ። ጸሳይ ታና ሀንተፕ ሰንሳወ ኪቱዳ።

8 ሰም ታና ሀ ሳኣ ኪቱዳዌ ጸሳ ግድያዋፕ አትና። ሀንተንታ ግድክታ። እ ታና ግብጾ ካትያወ አወዋ። አወ ደአያዋ ኡባወ ጎዳነ ግብጾ ቢታ ሞድያዋ አሉዳ።

9 “ሀእ ኤሌል ጉዮ ታ አወዋኮ ቢደ አ። ኅና አይ ዮሴፎ ሀዋዳን ያጊ፤ “ጸሳይ ታና ግብጾ ቢታ ኡባ ቦላን ጎዳ ከሴዳ፤ ኔን ታኮ ዱገ ሃያ፤ ጋምኦፕ።

10 ኔን ገሴመ ቢታን ኡታሳ፤ ቃይ ኔን። ነ ናናይ። ነ ናና ናናይ። ነ ደርሳ ወዲ። ነ ሚዛ ወዲ፤ ነወ ደአያባይ ኡባይ ታ ማታን ደአታ።

11 ብር እቼሹ ኮሻ ላይላቱ አቱድኖ፤ ኔና። ነ ሶ አሳነ ነ መሀያ ኮሻይ አይቀና ማላ። ታን ኔና ሞዳና” ያጊደ ያግተ” ያጊደ።

12 ቃይካ ዮሴፎ ኡንቱንታ። “ሀንተካ ታ እሻ ቢንያመካ። ሀ ሀንተናና ሃሳይያዌ ቱሙ ታና ዮሴፋ ግድያዋ ሀንተንቱ አይፍያን በኢታ።

13 ታወ ግብጾ ቢታን ደአያ ቦንቹዋ ኡባን ሀንተንቱ በኤዳዋ ኡባ ታ አዋ ኦድተ፤ ታ አወዋነ ኤላካ ሃ ዱገ አክ ዩተ” ያጊደ።

14 ባረ እሻ ቢንያማ ቆይያ ቆም ዩኬዳ፤ ቢንያመካ ባረ እሻ ቆም ዩኬዳ።

15 ዮሴፎ ባረ እሻቱዋ ኡባ የሪደ። ኡንቱንቱ ቦላንካ ዩኬዳ። ሄዋፕ ጉዮ። አ እሻቱ አናና ሃሳይድኖ።

16 ዮሴፎ እሻቱ ዩዳ ዋሪ ካትያ ጎለ ጋኬዳ ዋደ። ካቲነ አ አሳንቻቱ ናሸቱድኖ።

17 ካቲ ዮሴፎ። “ኔን ነ እሻቱዋ ያትተ ጋ፤ ህንተ መሀያ ጫኒደ። ካናን ጋድያ ሰምተ፤

18 ሀንተንቱ አወዋነ ሀንተንቱ ሶ አሳ አኪደ። ጉዮ ታኮ ሃ አህተ። ታን ሀንተንቶ ግብጾ ቢታን ኡባ ሳኣፕ ሎአያ ሳኣ እምና። ሀንተንቱ ሀ ቢታ ሞዳዋ ካሻና” ያጋ።

19 ቃይካ ኔን ነ እሻቱዋ። “ፓራ ጋርያ ሀንተንቱ ናናቱዋን ሀንተንቱ ማጫ አሳቱዋ አህያዋንታ ግብጾፕ አኪደ ቢተ፤ ሀንተንቱ አወዋነ አኪደ ዩተ።

20 ግብጾ ቢታን ደአያ ኡባፕ አድ ሎአያዌ ሀንተሳ ግድያ ድራው። ሀንተንቱ ማጹዋ ቆፖፕተ” ያጋደ አዳ” ያጊደ።

21 እሰራኤልያ አቱማ ናናይ ጌዳዋዳን አሉድኖ። ዮሴፎ ካቲ አዛዜዳዋዳን ፓራ ጋረቱዋን ኦግያወ ሸንቃ ኡንቱንቶ እሜዳ።

22 ኡንቱንቶ ኡባወካ ሁጲያን ሁጲያን ኦራላ ማዩዋ እሜዳ፤ ሽን ቢንያመወ ሄዙ ጾቱ ጸጋራ ብራነ እቼሹ ኩመንላ ማዩዋ እሜዳ።

23 እ ባረ አዋ የዳዳዌ ሀዋ፤ ግብጾን ደአያ ኡባፕ ሎአያዋ ታሙ ሀርያን ጫኒደ። ቃይ ኦግያወ ካላ። ኡክላነ ሀራ ሸንቃ ታሙ ማጫ ሀረቱዋን ጫኒደ የዳዳ።

24 ዮሴፎ ባረ እሻቱዋ ሞይዜዳ። ኡንቱንቱ ቢሸን እ ኡንቱንታ። “ኦግያን ቢደ ዋላቀቶፕተ” ያጊደ።

25 ኡንቱንቱ ግብጾፕ ከሲደ ቤድኖ፤ ካናን ቢታ ቢደ። ባረንቱ አወዋ ያቆባኮ ጋኬድኖ።

26 ኡንቱንቱ አወ ሀዋዳን ያጊደ ኦዳድኖ፤ “ዮሴፎ ፓጻ ደኤ! እ ሄዋፕን ግብጾ ቢታ ኡባ ሞድያዋ” ያጊደኖ፤ ያቆባ ዳጋማይ ዋዛና ባይዜዳ ድራው። ኡንቱንታ አማንቤና።

27 ሽን ኡንቱንቱ ዮሴፎ ባረንቶ ኦዳዳዋ ኡባ አወ ኦድናነ አ አክ አሀና ማላ ዮሴፎ ኪቱዳ ፓራ ጋረቱዋ እ በእና። ኡንቱንቱ አወዋ ያቆባ ሸምፑ ሰሜዳ።

28 እሰራኤሊ። “ሄዌ ታወ ግዴ፤ ታ ናአ ዮሴፎ ሀኖ ጋካናው ፓጻ ደኤ! ታን ሀይቃናፕ ካሰ ባደ። አ በእና” ያጊደ።

አሰራኤላቱ ግብጾ ጋድያን

46

(46:1—50:26)

ያቆብን እ ሶ እሳይ ዱገ ግብጾ ቤድኖ

1 እሰራኤሊ ባረወ ደአያዋ ኡባ አክ ደንዲደ። በርሳበሀ ጋኬዳ፤ እ ባረ አወዋ ይሳቃ ጸሳወ ያርሹዋ ያርሹዳ።

2 ጸሳይ ቃማ አኩሙዋን አ። “ያቆባ፣ ያቆባ” ያጊደ።

እ። “አቤ” ጊደ ኮዬዳ።

3 እ። “ታን ጸሳ። ነ አወዋ ጸሳ፤ ኔን ዱገ ግብጾ ባናወ ያዮፓ፤ አያወ ጎፕ። ታን ኔና ያን ዋልቃማ ካወተላ ከሳና።

4 ታን ኔናና እትፕ ግብጾ ባና፤ ቃይ ታን ነ ዘረላ ያፕ ከሳና። ዮሴፎ ባረ ኩሸያን ነ አይፍያ ሸሻና” ያጊደ።

5 ሄዋፕ ጉዮ። ያቆብ በርሳበሄፕ ደንዳዳ፤ እሰራኤልያ አቱማ ናናይ ባረንቱ አወዋ ያቆባ። ባረንቱ ናናን ባረንቱ ማቻቱዋ ግብጾ ካቲ ኡንቱንቶ ኪቱዳ ፓራ ጋርያን ዋላደ አፌድኖ።

6 ኡንቱንቱ ካናን ቢታን ሞዳደ ማጹዋን መሀያ ኡባ አፌድኖ። ያቆብን አ ዘረላ ኡባይ አናና ግብጾ ቤድኖ።

7 እ ባረ አቱማ ናናን ባረ ናና አቱማ ናና። ባረ ማጫ ናናን ባረ ናና ማጫ ናና። ሄዌን ባረ ዘረላ ኡባ ባረናና ግብጾ አፌዳ።

ያቆባ የለታ

8 እስራኤልና ግብጾ ጋድያ ቤዳ እስራኤልያ ናና ሱንላይ ሀዋጥ ካሊደ ጸፈቱዳዎ።

9 ምቆባ ባይራ ናኦይ ርቤላ፤ ርቤላ አቱማ ናናይ ሀኖካ፣ ፓሉ፣ ሄጽሮናን ካርማ።

10 ሰዋና አቱማ ናናይ ይሙኤላ፣ ያሚና፣ አሃዳ፣ ያኪና፣ ጸሃራነ ካናን ሞሽራት ናኦ ሻኤላ።

11 ሌዊ አቱማ ናናይ ገርሾና፣ ቃሃታነ ማራራ።

12 ይሁዳ አቱማ ናናይ ኤራ፣ ኦናና፣ ሹላ፣ ፓራሳነ ዛራሀ፤ ሽን ኤርነ ኦናን ካናን ቢታን ሀይቄድኖ። ፓራሳ አቱማ ናናይ ሄጽሮናን ሀሙላ።

13 ይሳኮራ አቱማ ናናይ ቶላኦ፣ ፑዋ፣ ያሹባነ ሸሞሮና።

14 ዛብሎና አቱማ ናናይ ሰሬዳ፣ ኤሎናን ያህላኤላ።

15 ሀዋንቱ ልያ ማሰጸጸምያን ያቆባዉ የሌዳ አቱማ ናና፤ እ ማጫ ናታ ዲኖ። ሀዋንቱ አ ናናይነ ናና ናናይ ሙሊ ሀታማነ ሄዛ።

16 ጋደ አቱማ ናናይ ጸፎና፣ ሀጋ፣ ሹና፣ ኤጽቦና፣ ኤር፣ አርዳነ አርኤላ።

17 አሴራ አቱማ ናናይ ይምና፣ ይሸዋ፣ ይሸዋሀነ ባሪኦ፤ ኡንቱንቱ ሞቻታ ሰራሆ። ባሪኦ አቱማ ናናይ ሄቤራነ ማልክኤላ።

18 ላባን ባረ ናት ልዮ እሜዳ ዝልፓ ያቆባዉ የሌዳ ናናይ ሀዋንታ፤ ኡንቱንቱ ሙሊ ታማነ ኡሱፑና።

19 ያቆባ ማቻት ራሄል አቱማ ናናይ ዮሴፎን ቢንያማ።

20 ኦና ካታማ ቄሰያ ጸጽፋራ ናታ አሰናታ ዮሴፎዉ ግብጾን ሞናሳነ ኤፍሬማ የላዱ።

21 ቢንያማ ናናይ በላኦ፣ በኬራ፣ አሸቤላ፣ ጌራ፣ ናእማና፣ ኤሀ፣ ሮሻ፣ ሙፒማ፣ ሁፒማነ አራዳ።

22 ያቆባዉ የለቴዳ ራሄል አቱማ ናናይ ሀዋንታ፤ ኡንቱንቱ ሙሊ ታማነ ኦይዳ።

23 ዳና አቱማ ናኦይ ሁሽማ።

24 ንፍታሌማ አቱማ ናናይ ያህጽኤላ፣ ጉና፣ የጼራነ ሸሌማ።

25 ላባን ባረ ናት ራሄል እሜዳ ባላ ያቆባዉ የሌዳ ናናይ ሀዋንታ፤ ኡንቱንቱ ሙሊ ላፑና።

26 ያቆባና ግብጾ ቤዳ፣ አ ጉልባታፕ የለቴዳዋንቱ፣ አ ናና ማቻቱዋ ጉጀናን፣ ሙሊ ኡሱፑን ታማነ ኡሱፑና።

27 ግብጾን ዮሴፎዉ የለቴዳ ላኡ ናና ጉጀና፣ ግብጾ ቤዳ ያቆባ ሶ አሳይ ሙሊ ላፑን ታማ።

ያቆብነ አ ሶ አሳይ ግብጾን ደኤድኖ

28 ገሴመ ቢታን ሞካና ማላ፣ ያቆብ ይሁዳ ባረፕ ሰንላዉ ዮሴፎኮ ከቴዳ፤ ኡንቱንቱ ገሴመ ጋኬዳ ዋይ።

29 ዮሴፎ ባረ ፓራ ጋርያ ገግሲደ፣ ባረ አዉዋ እስራኤልና ጋከታናዉ ገሴመ ቤዳ። ዮሴፎ ባረ አዉዋ ደሜዳ ሳናካ አ ቆድያን ጸጸት ቆሞ፣ ዳር ዋድያ ዩኬዳ።

30 እስራኤሊ ዮሴፎ፣ “ኔን ፓጻ ደእሸን፣ ታን ነ አይፍያ በኤዳ ድራዉ፣ ሀእ ታን ሀይቁንቶነ አይነ ባዋ” ያጌዳ።

31 ሄዋፕ ጉዮ፣ ዮሴፎ ባረ እሻቱዋን ባረ አዉዋ ሶ አሳ፣ “ታን ግብጾ ካትያኮ ባና፤ አዉ፣ ካናን ቢታን ደእያ ታ እሻቱዋን ታ አዉዋ ሶ አሳይ ታኮ ዩድኖ።

32 ኡንቱንቱ ዶርሳ ሄንላንቻ፤ ኡንቱንቱ መሀያ ሄሞኖ፤ ኡንቱንቱ ባረናና ባረንቱ ዶርሳቱዋ፣ ባረንቱ ሞያቱዋን ባረንቶ ደእያዋ ኡባ አኪደ ዩድኖ” ያጋና።

33 ካቲ ሀንተንታ ጸሰሲደ፣ “ሀንተ ኪታይ አይ?” ያጌደ አቸፕ።

34 ሀንተንቱ አዉ፣ “ኡን ነ ቆማቱ ናአተላፕ ደሚደ፣ ኑ አዋቱዋዳን መሀያ ሄሜቶ” ያግተ። እ ሀንተንታ ገሴመ ጋድያን ዋላናዋ፤ አያዉ ሳፕ፣ ዶርሳ ሄንላንቻ ኡባይ ግብጾ አሳን ካፍቱዳዋ” ያጌዳ።

47

1 ዮሴፎ ገሊደ ግብጾ ካትያዉ ሀዋዳን ያጌደ አይዳ፤ “ታ አዉነ ታ እሻቱ፣ ባረንቱ ዶርሳ ዉድያና፣ ባረንቱ ሞያ ዉድያናን ባረንቶ ደእያዋ ኡባና ካናን ቢታፕ ዩደ፣ ሀእ ገሴመ ቢታን ደእኖ” ያጌዳ።

2 እ ባረ እሻቱዋ፣ እቼሻቱዋ ዶሪደ ካትያ ሰንላ አሌዳ።

3 ካቲ ሄ እሻቱዋ፣ “ሀንተንቱ ኪታይ አይ?” ያጌደ አቸዳ።

ኡንቱንቱ ካትያዉ፣ “ኡን ነ ቆማቱ ኑ አዋቱዋዳንካ ዶርሳ ዉድያ ሄሜቶ” ያጌደ ዛሬድኖ።

4 ቃይ ኡንቱንቱ አዉ፣ “ካናን ቢታን ኮሻይ ጸጽ ደእያ ድራዉነ ነ ቆማቱዋ መሀያዉ ሞያባይ አይነ ባይና ድራዉ፣ ኡን ሀዋን አማራዳ ዋድያ ደእናዉ ዩደ፤ ሀያና ኦና ነ ቆማቱዋ ገሴመን ዋላርኪ!” ያጌድኖ።

5 ካቲ ዮሴፎ፣ “ነ አዉነ ነ እሻቱ ኔኮ ዩድኖ።

6 ሰም ግብጾ ቢታይ ነ ኩሸያን ደኤ፤ ሀ ጋድያን ኡባ ሳፕ አዲደ ሎኢያሳን ነ አዉዋን ነ እሻቱዋ ዋላ፤ ኡንቱንቱ ገሴመ ቢታን ደእኖ። ኔን ኤርና፣ ኡንቱንቱ ግደፕ ዳማ ኤራተላይ ደእያዋንቱ ደኡፕ፣ ሄዋንታ ታ መሀያ ቦላ ሱንላ” ያጌዳ።

7 ሄዋፕ ጉዮ፣ ዮሴፎ ባረ አዉዋ ያቆባ ገልሲደ፣ ካትያ ሰንላ አሌዳ። ያቆብ ግብጾ ካትያ አንጄዳዋፕ ጉዮ።

8 ካቲ ያቆባ፣ “ነዉ ዋይሳ ላይሌ?” ያጌደ አቸዳ።

9 ያቆብ ካትያ፣ “ታን ዩያደ ደኤዳ ላይላይ ጴታነ ሀታማ፤ ታ ላይላይ በን ታ አዋቱ ዩዩደ ደኤዳ ላይላቱዋፕ ጉላነ መቱ ዳራዳዋ” ያጌዳ።

10 ሄዋፕ ጉዮ፣ ያቆብ ካትያ አንጄደ፣ አ ሰንላፕ ካረ ከሴዳ።

11 ዮሴፎ ባረ አዉዋን ባረ እሻቱዋ ግብጾ ቢታን ዋሌዳ፤ ካቲ አዛዜዳዋዳን ግብጾ ቢታን ራምሳ ግያ ካታማ ማታን ደእያ፣ ኡባ ሳፕ አዲደ ሎኢያ ጋድያ ኡንቱንቶ እሜዳ።

12 ዮሴፎ ቃይ ባረ አዋ፣ ባረ እሻቶን ባረ አዉዋ ሶ አሳ ኡባዉ ኡንቱንቱ ናና ፓይዱዋዳን ካላ እሜዳ።

ግብጾን ኮሻይ ሱሌዳ

13 ግደጥነ ኮሻይ ጸጽ ደእያ ድራው፤ ሄ ቢታ ኡባን ካሕ ባዎ። ሄ ኮሻን ግብጾን ካናን ቢታይ ላአቱካ ቆሄቲድኖ።

14 ዮሴፎ ግብጾ ካላ ዛልኢድ፤ ግብጾን ካናን ቢታቱዋን ደእያ ሚሻ ኡባ ሺሼዳ፤ ግብጾ ካትያ ጎለ ገልሴዳ።

15 ግብጾን ካናን ሻሉ ወሬዳ ዎደ፤ ግብጾ አሳይ ኡባይ ዮሴፎኮ ዪደ አ፤ “ኑወ ካላ እማ፤ ኑ ሻሉ ወሬዳ ድራው፤ ኑን ነ ሰንላን አያወ ሀይቆቶ?” ያጌድኖ።

16 ዮሴፎ ኡንቱንታ፤ “ያቶጥ ህንተንቱ መሀያ አክ ዪተ፤ ህንተንቱ ሻሉ ወር ክቼዳዎ ግደጥ፤ ታን ካላ ህንተንቱ መሀያና ላማና” ያጌድኖ።

17 ሄዎ ድራው ኡንቱንቱ ባረንቱ መሀያ ዮሴፎወ አሄድኖ። ዮሴፎ ኡንቱንቱ ፓራ፤ ድርሳ፤ ዳሻ፤ ምያን ሀርያ ካላና ላማዳ፤ እ ሄ ላይላ ኡንቱንቱ መሀያ ኡባና ካላ ላማደ ኡንቱንታ ምዝ ሻቼዳ።

18 ሄ ላይላይ ወርና፤ ኡንቱንቱ ላኤንላ ላይላን አኮ ዪደ አ፤ “ኑን ኑ ጎዳጥ ቆሰያባይ ባዎ፤ ኑ ሚሻ ኡባይ ወር ድግና፤ ኑ መሀያካ ነወ ሺዲደ፤ ኑ ቦላጥነ ኑ ጋድያጥ አትን፤ ኑ ጎዳወ አቲዳባይ ሀራባይ ባዎ።

19 ኑን ነ ሰንላን አያወ ሀይቆቶ? ኑ ጋዲካ አያወ ቆዩ? ኑናካ ኑ ጋድያካ ካላን ሻማ፤ ኑን ካትያወ አይለታና፤ ኑ ጋዲካ አዎ ግደ፤ ኑን ፓጸ አታና ማላ፤ ሀይቆና ማላን ኑ ጋዲካ ኦጸና ማላ፤ ዘረላ ኑወ እማ” ያጌድኖ።

20 ዮሴፎ ግብጾ ቢታ ኡባ ካትያወ ሻማዳ። ግብጾቱ ኡባይ ኮሻይ ጸጽ ደእያ ድራው፤ ባረንቱ ጋድያ ዛልኤድኖ፤ ጋዲ ካትያዎ ግዳዳ።

21 ዮሴፎ አሳ ኡባ ግብጾወ ሀ ጋጸጥ ደሚደ ህን ጋጸ ጋካናወ ካትያወ አይለ ከሴዳ።

22 ግደጥነ እ ቁሳቱ ዎ ጋድያ ሻምቤና፤ አያወ ጎጥ፤ ካቲ ቁሳቶ ካላ እማዳ። ሄዎ ድራው ባረንቱ ጋድያ ዛልእቢይክኖ።

23 ዮሴፎ አሳ፤ “ሰም ሀቼ ታን ህንተናን ህንተንቱ ጋድያ ካትያወ ሻማድ። ዘረላ አፊድ፤ ጋደን ዘርተ።

24 ሸን ካላ ጫክ ገልሰያ ዎደ፤ አይፊዳዎጥ እቼሹ ኩሸያጥ እት ኩሸያ ካትያወ እምተ። እቼሹ ኩሸያጥ እቲዳ ኦይዱ ኩሺ ህንተንቱ ጋድያ ዘረላን ህንተንቶ፤ ህንተንቱ ሶ አሳወን ህንተንቱ ናናወ ቁማ ግደ” ያጌድኖ።

25 ኡንቱንቱ፤ “ኔን ኑና አሻዳ! ኑ ጎዳ ሰንላን ኑን ሳባ ደሚርኮሻ፤ ኑን ካትያወ አይለታና” ያጌድኖ።

26 ሄዎ ድራው፤ ዮሴፎ ግብጾን ቢታጥ አይፊዳዎጥ እቼሹ ኩሸያጥ እቲዎ ካትያወ እምያዎ ህግያ ከሴዳ። ሄ ህጊ ሀቼ ጋካናወ ኤቂደ ደኤ። ካትያዎ ግድቤና ጋዲ ቁሳቱዎ ጋድያ ጸላላ።

27 እሰራኤላቱ ግብጾ ቢታን ገሴመ ግያ ሳን ኡቲድኖ፤ ኡንቱንቱ ያን ማጹዎ ደሚድኖ፤ ኡንቱንቱ የለቲድኖን ዳር ጮራቲድኖ።

28 ያቆብ ግብጾ ቢታን ታማነ ላፑን ላይላ ደኤዳ። ያቆብ ደኤዳ ላይላይ ጴታን ኦይታማነ ላፑና።

29 እሰራኤላ ሀይቂያ ዎዲ ማታትና፤ ባረ ናኦ ዮሴፋ ጴሰሲደ ሀዎዳን ያጌዳ፤ “ታን ነ ሰንላን ሳባቲዳዎ ግደጥ፤ ነ ኩሸያ ታ ጉልባታን ዎላደ።* አነ ገፓ።

30 ሸን ታን ታ ማይዛን ጋከትያ ዎደ፤ ታና ግብጾጥ አፋደ፤ ኡንቱንቱ ሞገቲዳ ሳኦን ሞጋ” ያጌዳ።

ዮሴፎ፤ “ታን ኔና ኔን ጌዳዎዳን ኦላና” ያጌዳ።

31 ያቆብ አ፤ “አነ ታወ ጫቃ” ያጌዳ። ዮሴፎ አወ ጫቂዳ፤ ሄዎጥ ጉዮ፤ እሰራኤላ ባረ ሂጸን ጉፋኒደ፤ ጸሳወ ጎይኔዳ።

48

ምናሳነ ኤፍሬማ

1 ሄዎጥ ጉዮ አሳይ ዮሴፎወ፤ “ነ አወ ሳከቲዳ” ያጌደ ኦይዳ። እ ባረ ላኤ አቲማ ናና ምናሳነ ኤፍሬማ አኪደ ቤዳ።

2 አሳይ ያቆባ፤ “ቦኦ፤ ነ ናኦይ ዮሴፎ ኔኮ ዬዳ” ያጌዳ፤ እሰራኤላ ምነቲደ ባረ ሂጸን ኡቲዳ።

3 ያቆብ ዮሴፎ፤ “ኡባ ዳንዳይያ ጸሳይ ካናን ቢታን ሎዛ ግያ ሳኦን ታወ ቆንጨደ፤ ያን ታና አንጃዳ።

4 እ ታና፤ “ታን ኔና የለትሳናን ጮርሳና፤ ታን ኔና ደረ ኦላና። ሀ ቢታ ታን ኔጥ ጉዮ፤ ነ ዘረላወ መድና ላታ ኦላዳ እማና” ያጌዳ።

5 “ሰም ሀእ፤ ነ ላኤ አቲማ ናናይ፤ ታን ኔኮ ሀዎ ያናጥ ካሰ ግብጾን ነወ የለቲዳዎንቱ ታዎንታ፤ ኤፍሬምን ምናሰ ታወ ርቤላን ሰምና ማላ።

6 ኡንቱንቱጥ ጉዮ ነወ የለቲዳዎንቱ ነዎንታ፤ ኡንቱንቱ ላታና ቢታይ ኤፍሬማን ምናሳ ሰንላን ግደ።

7 ታን ማሰጸጸምያጥ ሰምሸን፤ ኤፍራታ ጋካናወ ላፋ እሸያ ዎደ፤ ራሂላ ካናን ቢታን ሀይቃዳ። ታን እዞ ቤተሌመ ግያ ኤፍራታ አፍያ ኦግያ ድናን ሞጋድ” ያጌዳ።

8 እሰራኤላ ዮሴፎ አቲማ ናና ላአቲዎ ቦኤዳ ዎደ፤ “ሀዎንቱ ኦኔ?” ያጌደ ኦቼዳ።

9 ዮሴፎ ባረ አወዎ፤ “ሀዎንቱ ጸሳይ ታወ ሀዎን እማዳ ታ ናና” ያጌዳ።

እሰራኤላ፤ “ታን ኡንቱንታ አንጃና ማላ፤ ኡንቱንታ ታኮ ሃ ሺሻ” ያጌዳ።

10 እሰራኤላ ጭምና አ አይፊ ላባኔዳ ድራው፤ ጸላናወ ዳንዳየና። ሄዎ ድራው ዮሴፎ ባረ አቲማ ናና አኮ ሺሸና፤ አ አወ ኡንቱንታ እድሚደ የሬዳ።

11 እሰራኤላ ዮሴፋ፤ “ታን ነ ዳሙዎ ቦኦና ጋደ ቆፓቦይከ፤ ሸን ጸሳይ ሂኮ ነ ናናካ ታና ቦሴዳ” ያጌዳ።

12 ዮሴፎ ኡንቱንታ አ ጉልባታጥ ደንሊደ፤ ባረ ዳሙዎ ሳኦ ጋሊደ ጎይኔዳ።

* 47:29 ነ ኩሸያ ታ ጉልባታን ዎላደ፡- ሀዎ ጉሳይ ታና ግብጾን ሞገናዳን ገፓ ግያዎ። 47:29 ደመላ 49:29-32፤ 50:6 48:3 ደመላ 28:13-14 48:7 ደመላ 35:16-19

13 የሴፎ ባረ ላኡ አቱማ ናና፤ ኤፍሬማ ባረ ኡሸቻ ባጋን እስራኤልያው ሀድርሳ ባጋና፤ ምናሳ ባረ ሀድርሳ ባጋን እስራኤልያው ኡሸቻ ባጋና እኪደ፤ እኮ ሺሼዳ።

14 ኤፍሬመ ቴፋ ግደጥነ፤ እስራኤሊ ባረ ኡሸቻ ኩሽያ የዲደ እ ሁጲያን ዋፌዳ፤ ቃይ ምናሰ ባይራ ግደጥነ፤ እስራኤሊ ባረ ኩሽያ የዲደ፤ ባረ ሀድርሳ ኩሽያ ምናሰ ሁጲያን ዋፌዳ።

15 ሄዋጥ ጉየ፤ ያቆብ የሴፋ ሀዋዳን ያጊደ እንጃዳ፤

“ታ አዎቱ አብራሃሙን ይሳቅ እ ሰንላን ሄመቴዳ ጸሳይ፤

ታ ደኡዋ ኡባን ሀቼ ጋካናው ታና ሄሜዳ ጸሳይ፤

16 ኢታባ ኡባጥ ታና አሽዳ ኪታንቻይ፤ ሀ ናና እንጃ።

ታ ሱንላይነ ታ አዎቱዋ አብራሃማን ይሳቅ ሱንላይ ኡንቱንቱን ዴሰቶ።

ኡንቱንቱ ሳኦ ቦላን ጮራትኖ” ያጊደ እንጃዳ።

17 የሴፎ ባረ አው ባረ ኡሸቻ ኩሽያ ኤፍሬማ ሁጲያን ዋፌዳዋ በኤዳ ዋደ ደሰቤና። ሄዋ ድራው፤ ኤፍሬማ ሁጲያጥ ደንሐደ፤ ምናሰ ሁጲያን ዋፋናው ባረ አውዋ ኩሽያ ኦይቁዳ።

18 የሴፎ ባረ አውዋ፤ “ታ አዎ፤ ሄዋ ግደና፤ ባይራይ ሀዋተ፤ ነ ኡሸቻ ኩሽያ ሀዋ ቦላ ዋፋ” ያጌዳ።

19 ሸን አ አው እጲደ እ፤ “ታን ኤራይ፤ ታ ናአው፤ ታን ኤራይ፤ እካ ዋልቃማ ደረ ግዳና። ግደጥነ አ ቴፋ እሻይ አጥ አድ ግታታና፤ አ ዘረላይካ ዳሪ ዋልቃማ ካውተላ ግዳና” ያጌዳ።

20 እ ሄ ጋላሰ ኡንቱንታ እንጃደ፤

“እስራኤላቱ እንጅያ ዋደ፤

ጸሳይ ሀንተንታ ኤፍሬመዳንን ምናሰዳን አላ”

ያጊደ ሀንተንቱ ሱንላን እንጃና” ያጌዳ።

ኤፍሬማ ምናሰጥ ሰንላዬዳ።

21 ሄዋጥ ጉየ እስራኤሊ የሴፎ፤ “ታን ሀያና ሀናይ፤ ሸን ጸሳይ ሀንተናና ግዳና፤ ቃይ እ ሀንተንቱ አዎቱዋ ጋድያ ሀንተንታ ጉየ ዛራና።

22 ቃይ ኔና ነ እሻቱዋና ጋክያ ቢታጥ እት ሳማ ዳርሳደ ነው እማይ፤ ሄዋነ ታን አዋራቱዋጥ ታ ማሻንን ታ ዋንዳፍያን አኬዳ ቢታ” ያጌዳ።

49

ያቆብ ባረ ናና እንጃዳ

1 ሄዋጥ ጉየ፤ ያቆብ ባረ አቱማ ናና ዴሰሲደ ሀዋዳን ያጌዳ፤ “ሰንላጥ ሀንተንቶ ሀናናባ ታን ሀንተንቶ ኦዳና ማላ ሸቅተ።”

2 “ሀንተንቶ ያቆባ ናናቶ፤ እትጥ ሸቅደ ሰሰተ፤ ሀንተንቱ አው እስራኤሊ ሀንተንቶ ኦድያዋ ሀይዘተ።

3 “ሮቤላ፤ ታ ባይራ ናአው፤ ኔን ታ ዋልቃ፤

ታ ምናተላው ኮይሩዋ።

ኔን ቦንቱዋንካ ዋልቃንካ ኡባጥ አድያዋ።

4 ኔን ድኡዋ ማላ፤ ኤቆሳእን ደአካ፤

ኔን ኡባጥ አድያዋ ግዳካ፤

አያው ጎጥ፤ ኔን ነ አውዋ ግሱዋ ከሳዳ፤

ነ አውዋ ግሱዋ ቱንሳዳ።

5 “ሰዋንነ ሌዊ እሻቱዋ፤ ኡንቱንቱ ማሻይ ማካላተላው አላ ሚሻ።

6 ታን ኡንቱንቱ ዘረታን ገልከ፤

ታን ኡንቱንቱ ሸቁዋንካ ኡትከ፤

አያው ጎጥ፤ ኡንቱንቱ ባረንቱ ሀንቁዋን

አሳ ዋጴድኖ ባረና አካ አካ ጌና፤

ቦራቱዋ ቃንጴድኖ።

7 ኡንቱንቱ ሱሎ ሀንቁ

ኡንቱንቱ መቀላ ኢታተላይነ ሸቀቱዳዋ ግደ!

ታን ኡንቱንታ ያቆባ አሳ ግዲዋን ላላና፤

እስራኤልያ ቢታን ትሰክ ኦላና።

8 “ይሁዳው፤ ነ እሻቱ ኔና ጋላታና።

ነ ኩሺ ነ ሞርከቱዋ ፕላንትያ አይቃና።

ነ አውዋ ናናይ ነው ሆኪደ ገይናና።

9 ይሁዳው፤ ኔን ዋዳላ ጋዋ።

ታ ናአው፤ ኔን ሻንካጥ ዋድ ሰሚደ፤

ጮሳቲደ ግሴዳ ጋሙዋ ማላ።

ኔን አሳ ቦሽረላናው ኮየና ማጫ ጋማት ማላ።

10 አይሰያዌ ያና ጋካናው፤

ካውተላ ጸምአይ ይሁዳጥ፤

ደርያ አይሰያዋንቱ ጋትማይ አ ገድያ ግደጥ ሻከተና።

ቃይ ደርያ አሳይ አው አዛዘታና።

11 እ ባረ ሀርያ ዋይንያ አኑዋን፤

ባረ ሀር ማራ ሙሩታ ዋይንያ ቱራን ቃቻና።

እ ባረ አፍላ ዋይንያ ኤሳን፤

ባረ ማዩዋ ሱላ ማላትያ ዋይንያ ኤሳን ማጫና።

12 እ አይፊ ዋይንያ ኤሳጥ አድ ዘአና፤

አ አቻይካ ማላጥ አድ ቦጻና።

13 “ዛብሎን አባ ደናን ደአና፤

እ አባ ደናን ማርካባቱ ኤቂያ ሳኦ ግዳና፤

አ ዛዋይ ሲደና ጋካናዋ።

14 “ይሳኮረ ምና ሀርያ፤

ጫንያ ላኡ ደንያቱዋ ግዲዋን ግሰ ባሺ

15 እ ባረ ሸምፕያሳ ሎአ ግድያዋን

ባረ ቢታይ ናሸቶያዋ ግድያዋ በእያ ዋደ፤

ጫና ቶካናው ባረ ሀሽያ ሆክሲደ፤

አይለተላ ኡሱዋ ኦላና።

16 “ዳን እስራኤልያ ዛራቱዋጥ አቱዋ ግዴዳ ባረ አሳ ቦላ ዳናታናዋ።

17 ዳን ኦግያ ደናን ደእያ ሸሻ፤

ጋራ ቶጌዳዌ ጉየ ኩንዳና ማላ

ጋራ ግንድያ ዲክያ፤

ኦግያን ደእያ ሀሱዋ።

- 18 እቤት መድና ጎዳው፤ ታን ኔን አሻናዳን ናጋይ።
- 19 ጋድ ቦንቁያዎንቱን ደሸታናቸው፤ ሸን እካ ኡንቱንቱ ቃታማ ካሊደ ኡንቱንታ ቦንቃናቸው።
- 20 እቤራ ኡክላይ ኦርዲቶ፤ ካትያው እ ሎኦ ቁማ እማና።
- 21 ንፍታሌመ ቃሸተናን የዳ ደእያ፤ ሎኦ ማራቱቆ የልያ ገንእያ።
- 22 ዮሴፎ አይፍያና ዮንዶዴዳ ዎይንያ ቱራ። እ ፑልቱቆ ማታን ዮንዶዳ አይፍያና ደእያ፤ ዳሻይካ ጎዳፕ ቦላና ዛእያ ዎይንያ ቱራ።
- 23 ዎንዳፍያ ዱክያዎንቱ እ ቦላ ደዴድኖ፤ ባረንቱ ዎንዳፍያንካ፤ ዱኬድኖን ማይትሴድኖ።
- 24 እ ዎንዳፊ ምን ኡቱዳ፤ እ ዎልቃይካ ምኒደ ጋምኤዳ። ሄዌካ ያቆባ ጸሳ ዎልቃማ ኩሸያ ጋሱዋና፤ ነ ሄንጎንቻ፤ እሰራኤልያ ዛላ ጋሱዋና።
- 25 ኔና ማድያ ነ እዎቱቆ ጸሳ ጋሱዋን፤ ኔና ቦላ ሳሉዋ አንጂዎን፤ ጋርሳ ጨማ አንጂዎን፤ ጳንጎ አንጂዎን፤ የልያ ኡሉዋ አንጂዎን አንጅያ፤ ኡባ ዳንዳይያ ጸሳ ጋሱዋና።
- 26 ነ እዉዋ አንጂ በን ደረቱቆ አንጂዎፕካ መድናፕ ደእያ አንጂዎፕካ እዴ። ሀዌ ኡባይ ዮሴፎ ሁጲያን፤ ባረ እሻቱቆ ግዳዎን ካፑዎ ግድያዎ ሊጲያን ሸምፖ።
- 27 ቢንያመ ቦንቁያ ዋልያ። ባረ ሻንካቲዳዎ ዎንታ ሜ፤ ባረ ኦሞዴዳዎ ኦማርሰ ሻኬ” ያጌዳ።
- 28 ሀዋንቱ ታማነ ላኡ እሰራኤልያ ዛራቱዋ፤ ቃይ ኡንቱንቱ እዉ ኡንቱንታ ሁጲያን ሁጲያን ኡንቱንቶ በሰያ አንጂዎ አንጂደ ኡንቱንቶ ጌዳዎ ሀዋ።

ያቆባ ሀይቁዎ

- 29 ሄዋፕ ጉዮ፤ እ ኡንቱንታ ሀዋዳን ያጌደ አዛዜዳ፤ “ታን ታ ማይዛ አሳቱዋን ጋከታናዉ ሀናይ፤ ታና ሂትያ ኤፍሮና ጋደን ደእያ ጎንጎሉዋን፤ ታ እዎቱቆና ሞግተ።
- 30 ሄዌካ ካናነ ቢታን፤ ማምረ ማታን ደእያ፤ ማክጶላ ግያ ጎንጎሉዋ፤ ሄዌ አብራሃመ ሂትያ ኤፍሮናፕ አ ጋድያና ሻሜዳ ጎንጎሉዋ።
- 31 አብራሃመነ አ ማቻታ ሳራ ያን ሞገቱድኖ፤ ይሳቅነ አ ማቻታ ርብቃ ያን ሞገቱድኖ፤ ታን ቃይ ልዮ ያን ሞገድ።
- 32 ሄ ጋዲነ እን ደእያ ጎንጎሉ ሂተቱዋፕ ሻመቲዳዎ” ያጌዳ።
- 33 ያቆብ ባረ ናናዉ አዛዙዋ ዉርሴዳ ዎደ፤ ባረ ገድያ ፑደ ባረ ሂጻዉ ሸሽ አኪደ፤ ሀይቁ እኔዳ፤ ባረ ማይዛን ጋከቱዳ።

50

1 ዮሴፎ ባረ እዉዋ እሃ ቦላ ኩንዲደ፤ ዩኬዳነ አ የሬዳ።

- 2 ሄዋፕ ጉዮ፤ ዮሴፎ ጳልያ ሸሸያ ባረ ኡሳንቻቱዋ ባረ እዉዋ እሰራኤልያ እሃ ሳዊያ ሸቱዋ ኡኪደ መልሳና ማላ አዛዜዳ፤ ኡንቱንቱ ኡኪደ መልሴድኖ።
- 3 ሸቱዋ ኡክያዌ ኡይታሙ ጋላሳ ኩመንጎላ ዉርሴዳ፤ እያዉ ጎፕ፤ ሄዌ ጋድያ ዎጋን ኡይታሙ ጋላሳ እኬዳ። ግብጼ አሳቱ እዉ ላፑን ታሙ ጋላሳ ዩኬድኖ።
- 4 ዩኩዋ ጋላሳቱ አዴዳ ዎደ፤ ዮሴፎ ግብጼ ካትያ ጎላ አሳ፤ “ታን ሀንተንቱ ሰንጎን ናሸቲዳዎ ግድፕ፤ ሀንተንቱ ካትያዉ ሀዋዳን ያጌደ ኡድተ፤
- 5 “ታ እዉ ታና እት ጫቁዋ ጫቁሴዳ፤ እ ታና፤ “ታን ሀያና ሀናይ፤ ታን ታዉ ካናነ ቢታን ቦኬዳ ጎንጎሉ ዱፋዎን ታና ሞጋ” ያጌዳ። ሄዋ ድራዉ ሀእ ታን ፑደ ባደ ታ እዉዋ ሞጋና ማላ የዳርኪ! ሄዋፕ ጉዮ ታን ሰማና’ ያግተ” ያጌዳ።
- 6 ካቲ፤ “እ ኔና ጫቁሴዳዎዳን ፑደ ባደ ነ እዉዋ ሞጋ” ያጌዳ።
- 7 ዮሴፎ ባረ እዉዋ ሞጋናዉ ፑደ ቤዳ። ካትያ ኡሳንቻቱ ኡባይ፤ እ ካትያ ጎላን ደእያ ዎልቃማ አሳይ ኡባይን ግብጼ ቢታን ደእያ ዎልቃማ አሳይ ኡባይ ዮሴፋ ካሊደ ቤድኖ።
- 8 ቃይ ዮሴፎ ሶ አሳይ ኡባይ፤ እ እሻቱዋን አ እዉዋ ሶ አሳይ ቤድኖ፤ ኡንቱንቱ ናናይ፤ ኡንቱንቱ ሚዛይነ ኡንቱንቱ ዶርሳ ዉዲ ጸላሳይ ገሴመን አቲዳ።
- 9 ፓራ ጋረቱካ ፓራ አሳቱካ አናና ፑደ ቤድኖ፤ አ ካሊደ ቤዳ አሳይ ሎይሰ ዳራ።
- 10 ኡንቱንቱ ዮርዳኖሳ ሻፋ ማታን ደእያ አጻደ ግያ ኡዲማ ጋኪደ፤ ባረንቱ ቃላ ጴቁ ኦሌደ፤ እዉ ዝላሌድኖን ዩኬድኖ፤ ያን ዮሴፎ ባረ እዉዋ ዩኩዋን ላፑን ጋላሳ ኡቲዳ።
- 11 ሄ ቢታን ደእያ ካናነ አሳቱ አጻደ ግያ ኡዲማን ሄ ዩኩዋ በኬዳ ዎደ፤ “ግብጹቱ እያ ይባታ ዩኩዋ ዩክኖ!” ያጌድኖ። ሄዋ ድራዉ ዮርዳኖሳ ማታን ደእያ ሄ ሳእይ፤ አቤል-ምጽራይማ ጌተቲዳ።
- 12 ያቆባ ናናይ ባረንቱ እዉ ኡንቱንታ አዛዜዳዎዳን ኦሌድኖ፤
- 13 ኡንቱንቱ አ እሃ ካናነ ጋድያ አዉደ፤ ማምረ ማታን ደእያ ማክጶላ ግያ ጎንጎሉዋን፤ አብራሃመ ሂትያ ኤፍሮናፕ ሞሳ ሻሜዳ ጋድያን አ ሞጌድኖ።
- 14 ዮሴፎ ባረ እዉዋ ሞጌዳዎፕ ጉዮ፤ ባረ እሻቱዋናነ እ እዉዋ ሞጋናዉ አናና ቤዳ ሀራ አሳቱዋ ኡባቱዋና ግብጼ ሰሜዳ።
- ዮሴፎ ባረ እሻቱዋ ዎፕሴዳ**
- 15 ኡንቱንቱ እዉ ሀይቁ ድጌዳዎ በኪደ፤ ዮሴፎ እሻቱ ባረንቱ ግዳዎን፤ “ኡን ኤሪ ዮሴፎ ኑና ባረ ኡሉዋን ሞርኮፕነ ኑን እዉ ኦሌዳ ኢታባ ኡባዉ ሀሉዋ ከሳና ኮዮፕ፤ ኑን ዋናኔ?” ያጌድኖ።
- 16 ሄዋ ድራዉ ዮሴፎኩ ሀዋ ማላ ኪታ ኪቲድኖ፤ “ነ እዉ ሀይቃናፕ ካሰ፤
- 17 “ሀንተ ዮሴፎ፤ “ኔን ነ እሻቱዋ ናጋራነ ኡንቱንቱ ኔና ናቁዳ ኢታ ናቁዋ ሀያና አቶ ያጋ” ያጌዳ ጌደ ኡድተ’ ያጌዳ። ሄዋ ድራዉ ሀእ ሀያና፤ ኑ ናጋራ፤ ነ እዉዋ ጸሳ ቆማቱዋ ናጋራ

አቶ ያጋ” ያጌድኖ። ኪታይ ባረኮ ጋኬዳ ወደ፡
የሴጪ ዩኬዳ።

18 ሄዋፕ ጉየ እ እሻቱ ባረንቱ ሁጺያው እኮ
ዪደ፡ እ ሰንላን ጉፋኒደ፡ “ኑን ነ እይለቱዋ”
ያጌድኖ።

19 ሸን የሴጪ ኡንቱንታ፡ “ያዮፕተ፤ ታና
ሀንተንቶ ጸሳ ጌድተየ?

20 ሀንተንቱ ታው ኢታናው ኦፊድታ፤ ሸን
ሀቼዋዳን ዳር አሳይ ሀይቀናን አታና ማላ፡ ጸሳይ
ሎኦተላው ሀዋ ኦፊድ።

21 ሄዋ ድራው ሰዎ ሀንተንቱ ያዮፕተ፤
ታን ሀንተናን ሀንተንቱ ናና ሞዛና” ያጌደ፡ እ
ኡንቱንታ ሞን። ለደ ሎኦ ቃላ ሃሳዬዳ።

የሴጪ ሀይቁዋ

22 የሴጪ ባረ አውዋ ሶ አሳ ኡባና ግብጾን
ጋምኤዳ፤ እ ጾታን ታሙ ላይላ ደኤዳ፤

23 ኤፍሬማ ናና፡ ሄዘንላ የለታ በኤዳ፤ ቃይ
ሞናሰ ናእ ማኪና ናናን እ ባረ ናና ኦፊድ።

24 ሄዋፕ ጉየ የሴጪ ባረ እሻቱዋ፡ “ታን
ሀያና ሀናይ፤ ሸን ጸሳይ ሀንተንታ ማዳናው
ቱሙ ጸሞሳና፤ እ ሀንተንታ ሀ ቢታፕ ከሲደ፡
አብራሃመው፡ ይሳቃውን ያቆባው እማና ጌደ
ጫቄዳ ቢታ አፋና” ያጌዳ።

25 የሴጪ እሰራኤልያ ናና፡ “ጸሳይ ሀንተንታ
ማዳናው ቱሙ ጸሞሳ ወደ፡ ሀንተንቱ ታ መቀላ
ሀ ቢታፕ ፑደ እኪደ ቢተ” ያጌደ ጫቄሴዳ።

26 የሴጪ ጾታን ታሙ ላይላ ደኤደ ሀይቁዳ፤
ኡንቱንቱ ሸቱዋን እ አሃ ኦኪደ መልሴዳዋፕ
ጉየ፡ ግብጾ ቢታን ሳጽንያን የጌድኖ።

50:25 ከሳ 13:19፤ ኢያሳ 24:32፤ እብራ. 11:22

ከሳ ማጻፋ ገሌቀ

ከሳ ማጻፋይ “ከሳ” ጌተቶዌ እስራኤልያ አሳይ ግብጹ ጋድያ አይለተላጥ ከሴዳ ድራሳ።

ሀ ማጻፋዉ ኦይዱ ሀጻ ሻካቱ ደኢኖ።

1. እብራዌቱ አይለተላጥ ከሴዳዋን ሲና ደርያ ኡንቱንቱ ቤዳ ቡሳባ ኦዴ።

2. ጸሳይ ባረ አሳና ቃላ ጫቁዋ ገሌዳዋ፡ ኢታነ ኬክ ሻክ ኤርሲያ ሀግያ፡ አሳይ ካላናዉ በሰያ ሀጋቱዋን አማኑዋ ሀግያ እ ኡንቱንቶ እሜዳዋ ኦዴ።

3. እስራኤልያ አሳዉ፡ ቁሳቱዋ ኦሱዋስነ ጸሳዉ ጎይንያ ጎይናዉ እመቲዳ ሀገቱዋባ ኦዴ።

4. ጸሳ ዲንካንያ ቶሳ ዋጋነ ጎይኑዋ ማራባ ኦዴ።

ኡባባጥ አሊደ ሀ ማጻፋይ ጸሳይ አይለተላን ደኢያ ባረ አሳ ከሰ ሰሚደ፡ ኡንቱንቱ ዋደናዉ ሀደታይ ደኢያ አሳ ግዳናዲን፡ እ ኡንቱንታ ዋት ኦሌደንቶ ኦዴ።

ሀ ማጻፋን ዳርያ ባጋ ታርክያ ጎዳ ግዲደ ሺቁዳ አሳይ ባረ አሳ ግብጹጥ ከሳና ማላ፡ ጸሳይ ደራዳዌ ሙሳ። ማጻፋ ግደን ዳርጥ ኤረቲዳ ሸምቱ ታሙ አዛዛቱ ጸፈቲዳ ላታማንሉ ሸምቱዋ።

ሸምታቱዋ ኡባቶ እመቲዳ ቃንሳ ቆፋቱዋ

እስራኤልያ አሳይ ግብጹጥ ከሱሳ 1:1—15:21

ሀ. ግብጹን አይለተላ 1:1-22

ለ. ሙሴ የለቶዋን ድቻ 2:1—4:31

ሐ. ሙሴን አርነ ፓርና ሰንላን 5:1—11:10

መ. ፓሰጋነ ግብጹጥ ከሱሳ 12:1—15:21

ዘኢ አባጥ ሲና ደርያ ጋካናዉ 15:22—18:27

ሀግያነ ቃላ ጫቁዋ 19:1—24:18

ጌሻ ዲንካንያን ጎይና ዋጋ 25:1—40:38

እስራኤልያ አሳይ ግብጹጥ ከሱሳ

(1:1—15:21)

ግብጹን አይለተላ (1:1-22)

1 ያቆባና ግብጹ ቤዳ እስራኤልያ አቱማ ናና ሱንሳይ ሀዋጥ ካሊደ ጸፈቲዳ፤ ኡንቱንቱ ኡባይካ ባረንቱ ሶይ አሳ አኪደ ቤድኖ።

2 ሄዋንቱካ፡ ርቤላ፡ ሰሞና፡ ሌዋ፡ ይሁዳ፡

3 ይሳኮራ፡ ዛብሎና፡ ቢንያማ፡

4 ዳና፡ ንፍታሌማ፡ ጋዳን አሴራ።

5 ያቆባ ዘረሳቱ ኡባይ ላፑን ታማ፤ ዮሴፎ ካሰካ ግብጹ ብ ኡቲዳ።

6 ዮሴፎ፡ እ እሻቱን ሄ የለታ ኡባይ ሀይቁዳ፤

7 ሸን እስራኤልያ ዘረሳይ አይፌድኖን ሎይሳ ዳራድኖ፤ ሄ ቢታ ኩማና ጋካናዉ ኡንቱንቱ ሎይሳ ጮራቲድኖ።

8 ሄዋጥ ጉይያን፡ ዮሴፎ ኤረና ኦራሳ ካቲ ግብጹ ጋድያን ደንዴዳ።

9 እ ባረ አሳ፡ “በአተ፤ ሀ እስራኤላቱ ኑጥ ሎይሳ ጮራቲድኖን ዋልቃሚድኖ።

10 ሃ ዪተ፡ እነ ኑን ኡንቱንታ ሂላን ኦይቆይተ፤ ሄዌ ቆዮጥ ኡንቱንቱ ካሰዋጥ ያ ዳራና። እን ኤር ኦላይ ደንደጥ፡ ኡንቱንቱ ኑ ሞርከቱዋና ዳንሊደ፡ ኑና ኦላናን ጋድያ የጊደ ከሰ አኪደ ባናዋንታ” ያጌዳ።

11 ሄዋ ድራዉ፡ ዳጾ ኪታን ኡንቱንታ ቱጋያና ማላ፡ ኡንቱንቱ ቦላ መቀላ ባይና ካፖቱዋ ሱንሴድኖ። ኡንቱንቱ ካትያዉ ፒቶማን ራምሳ ጌተትያ ሚሻ ምንጅያ ካታማቱዋ ኬጼድኖ።

12 ሸን ግብጹቱ ኡንቱንታ ኡንኡዋ ዳርያ ዋደ፡ ኡንቱንቱ ጮራት የለቲድኖን ቢታ ጋኬድኖ። ሄዋ ድራዉ፡ ግብጹቱ እስራኤላቶ ያዬድኖ፤

13 ቃረታይ ባይና ሀኖታን አይለተላን ከትሴድኖ።

14 ቃረታይ ባይና ዋልቃማ ኪታን፡ ሰምንቱዋንን ጹብያ መቆዋን፡ ቃይ ሾይቃን ኦላያ ኡባ ቆሞ ኪታን፡ ኡንቱንቱ ደኡዋ ጫምሴድኖ።

15 ግብጹ ካቲ እብራዌ ማጫዋንታ ማርሲያ ጽፓርነ ፑሆ ጌተትያ ላኡ ማጫዋንታ ሀዋዳን ያጌዳ፤

16 “እብራዌ ማጫ አሳቱ የልያ ዋደ ሀንተንቱ ማርሲደ፡ የልሶዌ አቱማ ናኦ ግደጥ፡ ዋድተ፤ ሸን ማጫ ናቶ ግደጥ ዋድጥተ” ያጌዳ።

17 ሸን ማርሲያዋንቱ ጸሳዉ ያዪደ፡ ግብጹ ካቲ ኡንቱንታ አዛዜዳዋዳን አላበይክኖ። ኡንቱንቱ አቱማ ናና ሸምቱዋና አሺድኖ።

18 ሄዋጥ ጉይያን ግብጹ ካቲ ሄ ማርሲያዋንታ ጼሲደ፡ “ሀንተንቱ እያዉ ሀዋዳን ኦሊቲ? አቱማ ናና እያዉ ሸምቱዋና አጊቲ?” ያጌደ ኡንቱንታ ኦቼዳ።

19 ማርሲያዋንቱ ዛሪደ፡ “እብራዌ ማጫ አሳቱ ግብጹ ማጫዋንቱ ማላ ግድክኖ፤ ኡንቱንቱ ምና ግድያ ድራዉ፡ ማርሲያዋንቱ ጋካናጥ ካሰቲደ የል ድጊኖ” ያጌድኖ።

20 ሄዋ ድራዉ፡ ጸሳይ ማርሲያዋንቶ ኬኬዳ። አሳ ፓይዱካ ጉጅ ጉጅ ቢደ፡ ካሰዋጥ ያ ጮራቲዳ።

21 ቃይ ማርሲያዋንቱ ጸሳዉ ያዬዳ ድራዉ፡ ጸሳይ ኡንቱንቶ ሎኦባ ኦሌዳ። እቶ እቶካ ሶ አሳ እሚዳ።

22 ሄዋጥ ጉይያን ካቲ ባረ አሳ ኡባ፡ “እብራዋቱዋጥ የለትያ አቱማ ናና ኡባ ናይላ ሻፋ ሃላን ኦልተ፤ ሸን ማጫ ናናይ የለቶጥ፡ ሸምቱዋና አግ ባሸተ” ያጌደ አዛዜዳ።

2

ሙሴ የለታን ድቻ (2:1—4:31)

1 ሄ ዋደ እት ሌዊያ ቆሞ ግዴዳ ብታኒ ሌዋዌ ማጫውኖ አኬዳ፤

2 እዛ ሻሃራደ አቱማ ናኦ የላዲ። ናኦይ ማላ ሎኦ ናኦ ግድያዎ እዛ በኣደ። ሄዙ እግና ቆሳዲ።

3 ሸን እዛ ሄዋፕ ዳሩዋ ቆሳናዉ ዳንዳየናዋ ኤራደ። ጫርያፕ ቁንኣ አዉ ዳዳዲ፤ ያታደ ሃላይ ገለና ማላ ሸድያን ማራጋደ። ናኦ ኦ ግድን ዋላዲ፤ ናይለ ሻፋ ጌተትያ ሃላ ዶናን ጫርያ ግድን ዋላዲ።

4 ኦ ሞቻታ እ ሀንያባ በኣናዉ ሃኩዋን ኤቃዲ።

5 ግብጾ ካትያ ናታ ቦላ ሜጨታናዉ ናይለ ግያ ሻፋ ዋላዲ፤ እዝ ማጫ ቆማቱ ሃላ ዶናን ያነ ሃነ ሀመቲኖ፤ እዛ ቁንኣ ጫርያ ግድን በኣደ። ባደ እካ ያና ማላ ባረ ቆማቶ ኪታዲ፤

6 ቁንኣ ፖካደ። በአተ ሀዋን ቁር ናኦይ ዬክ ደኤ፤ እዛ አዉ ቃረታደ፤ “ሀዌ እብራዌቱ ቁር ናናቱዋፕ አቱዋ” ያጋዲ።

7 ሄ ዋደ ኦ ሞቻታ ካትያ ናቶ። “ኣዉ ሀ ናኦ ቆንሳናዉ እብራዌ ማጫ አሳፕ እትኖ ጸሳናዉ ቦ?” ያጋደ አቻዲ።

8 እዛ። “ኤ። ባ” ያጋዲ። ናታ ባደ። ሄ ናኦ ዳኖ አሃዲ።

9 ካትያ ናታ ሄ ሞሽራቶ። “ሀ ናኦ አፋደ። ታዉ ቆንሳሻ፤ ታን ነዉ ድርጉዋ ጭጋና” ያጋዲ። ሞሽራታ ናኦ አፋደ። ቆንሳዲ።

10 ናኦይ ድጭና። ካትያ ናትኮ ኦ አሃዲ፤ ኦ እዝዉ ናኦ ግዴዲ፤ “ታን ሃላፕ ኦ ከሳድ” ጋደ። ሙሳ ጋ ሱንሳዲ።

ሙሴ ሚድያማ ቢታ ባቃቲዳ

11 ሙሴ ድጭ ዋጋ ግዲደ። እት ጋላሰ ባረ አሳይ ደእያ ሳኦ ቢደ፤ ኡንቲንቲ ዴጾ ኪታ ኪተትሸን ጸሌዳ። ግብጾ ቢታ አሳ እቲ። እሻቱዋ ግዴዳ እብራዋቱዋፕ እቲዋ ዋድሸን በኤዳ።

12 ኦ ያ ሃ ጸልፋ። ኡንን ባይናዋ በኣደ። ሄ ግብጾ ብታንያ፤ ዋዲደ ሻፍያ ግድን ቆሴዳ።

13 ዋንተላ ጋላሰ ከሲደ። በአተ! ሀቼ ቃይ ላኡ እብራዌቱ ዋፍቲኖ። ናቁዳዋ እ። “ኔን ነ እሻ ግዴዳ እብራዉያ አያዉ ደቻይ?” ያጊደ አቼዳ።

14 ሄ ብታኒ። “ኔና ኑ ቦላ ሞድያዋን ዳና ኦላ ሱንሳዲዌ ኦኔ? ኔን ሄ ግብጾ ብታንያ ዋዲደዋዳን። ታናካ ዋሳናዉ ቆፓይ?” ያጊደ። ሙሴ ሄ ዋደ። “ታን ኦሌዳባይ ኤረት ድጌዳ” ያግ ቆፒደ ያዬዳ።

15 ካቲካ ሀዋ ሰሴዳ ዋደ። ሙሳ ዋሳናዉ ኮዬዳ፤ ሸን ሙሴ ካትያፕ ባቃቲደ። ሚድያማ ጋድያን ደአናዉ ቢደ ሃላ ኦላ ዶናን ኡቲዳ።

16 ሄ ዋደ ሚድያማ ቁሳቱዋፕ እቶ ላፑን ማጫ ናናይ ደአኖ፤ ኡንቲንቲ ባረንቲ አዉዋ ድርሳቱዋ ሃላ ኡሻናዉ ዋንግርያን ሃላ ዴቁ ኩንሳናዉ ዬድኖ።

17 ሄንሳንቻቱ ዪደ ማጫ ናና የደርሴድኖ፤ ሸን ሙሴ ደንድ ኤቁደ። ኡንቲንታ አሼዳነ ኡንቲንቲ ድርሳቱዋ ሃላ ኡሼዳ።

18 ኡንቲንቲ ባረንቲ አዉዋ ዮቶረኮ ዬዳ ዋደ። “ሀቼ ዋን ኤለካ ዬድቲ?” ያጊደ አቼዳ። *

19 ኡንቲንቲ ዛሪደ። “ግብጾ ጋደ አሳ እቲ ኑና ሄንሳንቻቱዋፕ አሼዳ፤ እ ኑዉ ሃላካ ዴቁደ ድርሳ ዉድያ ኡሼዳ” ያጊድኖ።

20 ኦ ባረ ማጫ ናና። “ያትና ኦ ሀቃን ደኢ? ሀንተንቲ ሄ ብታንያ አያዉ አግ ባሼድቲ? ኦ ኦ ጸሲደ። ሞያባ ሸቢተ” ያጊድ።

21 ሙሴ ሄ ብታንያና ያን ደአናዉ ማየቲዳ፤ ብታኒካ ባረ ናቶ ጽፓር ሙሴዉ ማቻቶ አሊደ አሜዳ።

22 ጽፓራ አቱማ ናኦ የልና። ሙሴ ኦ። “ታን አሳ ጋድያን በተ ግዲድ” ያጊደ። ገርሾማ ግ ሱንሳዲ።

23 ጮራ ላይላፕ ጉይያን። ግብጾ ካቲ ሀይቁዳ። እሰራኤላቱ ባረንቲ አይለተላፕ ኡንኤቲደ ዋሴድኖ፤ ኡንቲንቲ ዋሴዳ ዋሱ ፑደ ጸሳኮ ጋኬዳ።

24 ጸሳይ ኡንቲንቲ ኡንኦ ዋሱዋ ሰሲደ። ኦ እብራሃመና። ይሳቃናን ያቆባና ጫቁዳ ጫቁዋ ሀሳዬዳ።

25 ሄዋ ድራዉ። ጸሳይ እሰራኤላቱዋ ጸሊደ ኡንቲንቲ ድራዉ ቆፔዳ። †

3

ጸሳይ ሙሳ ጸሴዳ

1 እት ዋደ ሙሴ ሚድያማ ጋደ ቁሰያ። ባረ ቦሉዋ ዮቶራ ድርሳቱዋ ሄሜ፤ ኦ ሄ ዉድያ ላግ አኪደ መላ ቢታ ጋጸ ጋካናዉ አፊደ ጸሳ ደርያ ሲና ጋኬዳ።

2 ሄ ሳኦን መድና ጎዳ ኪታንቻይ አጫን። ኤጽያ ታማ ላጩዋ ግድን አዉ ቤቲዳ፤ አጫይ ታማን ጸገትንቶካ። ታማይ አጫ ሜናዋ ሙሴ በኤዳ።

3 ሄዋ ድራዉ። ሙሴ። “ታን ያ ባደ። አጫይ አያዉ ታማን ሜተትቤነንቶ ሀ ኑራላባ ኦኔ በኣና” ያጊደ ቆፔዳ።

4 ኦ በኣናዉ ያ ቤዳዋ መድና ጎዳይ በኢደ አጫ ግድፕ ጸሳይ ኦ። “ሙሴ! ሙሴ!” ያጊደ ጸሴዳ።

ሙሴ። “አቤ” ጊደ ኮዬዳ።

5 ጸሳይ ኦ። “ሃ ሸቆፓ። ኔን ኤቁዳ ቢታይ ጌሻ ግድያ ድራዉ። ነ ገድያን ደእያ ጫማ ከሳ” ያጊደ።

6 ቃይካ ጸሳይ ኦ። “ታን ነ አዉዋ ጸሳ። እብራሃዋ ጸሳ። ይሳቃ ጸሳ። ያቆባ ጸሳ” ያጊደ። ሙሴ ጸሳ ጸላናዉ ያዬዳ ድራዉ። ባረ ዴሙዋ ገንሌዳ።

7 መድና ጎዳይ ቃይካ ሀዋዳን ያጊደ፤ “ታን ግብጾ ጋድያን ታ አሳይ ቱጋትያ ቱጋ ጌሻ በኣደ። ኡንቲንቲ ባረንቲ ካፖቱዋፕ ዋሰያ ዋሱዋ ሰሳደ። ታን ኡንቲንቲ መቱዋ ኡባ ቋሻድ።

8 ሄዋ ድራዉ። ታን ኡንቲንታ ግብጾ ጋድያ አሳቱዋ ኩሸያፕ አሻናዉን ሄ ጋድያፕ ኡንቲንታ ከሳደ። አኮን ሎኦ ጋድያ አሀናዉ ዋሳድ። ሄ ጋዲ ማላይነ ኤሳይ ጎግያ ቢታ፤ ሄ ጋድያን ካናንቲ። ሂተቲ። አሞራዋናቲ። ፓርዛዋናቲ። ሂዌቲነ ያቡሳዋናቲ ሀእ ደኢኖ።

2:10 ኪታ 7:21 2:11 እብራ. 11:24 2:11 ኪታ 7:23-28 2:15 ኪታ 7:29፤ እብራ. 11:27 * 2:18 ዮቶረ ሙሴ ቦሉዋ፤ አዉ ሀራ ሱንሳይ ራኤኤላ። 2:24 ደመላ 15:13-14 † 2:25 ኡንቲንቲ ድራዉ ቆፔዳ። እት በን ብለላይ ኡንቲንቲ ባረና ቆንጭሴዳ ያጌ። 3:2 ኪታ 7:30-34

9 ሀእ እስራኤላቱዋ ዋሱ ታኮ ጋኬዳ፤ ግብጾ ጋድያ አሳቱ ኡንቱንታ ናቂያ ናቂዋ ታን በእድ፤

10 ሄዋ ድራው፡ ሀእ ባ፤ ታ አሳቱዋ፡ እስራኤላቱዋ ግብጾ፤ ከሳና ማላ፡ ግብጾ ካትያኮ ታን ኔና ኪታይ” ያጌዳ።

11 ሸን ሙሴ ጸላ፡ “ካትያኮ ባናውነ እስራኤላቱዋ ግብጾ፤ ከሳናው ታን ኦኔ?” ያጌዳ።

12 ጸላይ እ፡ “ታን ኔናና ግዳና፤ ቃይ ታን ኔና ኪቱዳዋ ማላይ ሀዋ፡ ኔን ሄ አሳ ግብጾ፤ ከሴዳ ዋድ፡ ሀ ደርያ ቦላን ህንተንቱ ጸላው ጎይናንታ” ያጌዳ።

13 ሙሴ ጸላ፡ “ግዳ ሸን፡ ታን እስራኤላቱዋ ባድ፡ ኡንቱንታ፡ ‘ህንተ አዋቱዋ ጸላይ ታና ህንተንቱኮ ኪቱዳ’ ያግና፡ ኡንቱንቱ ታና፡ ‘ኦ ሱንላይ ኦኔ?’ ያጌዳ ኦቾ፤ ሄ ዋድ ታን ኡንቱንቱ ዋጋ ኦዶ?” ያጌዳ።

14 ጸላይ ሙሳ፡ “ታን ታና፤ ኔን እስራኤላቱ፡ ‘ታና ጌተትያዌ ህንተንቱኮ ታና ኪቱዳ’ ያጋ” ያጌዳ።

15 ጸላይ ሙሳ ቃይ፡ “ኔን እስራኤላቱ፡ ‘መድና ጎዳይ ህንተንቱ አዋቱዋ ጸላይ፡ አብራሃዋ ጸላይ፡ ይሳቃ ጸላይ፡ ያቆባ ጸላይ፡ እ ታና ህንተንቱኮ ኪቱዳ’ ያጋ፤ ሀዌ የለታ፤ የለታይ ጋካናው ታን ሀሳየትያ መድናው ታ ሱንላ።

16 “ሰዎ፤ ባድ እስራኤልያ ጭማቱዋ ሸሻደ፡ ‘መድና ጎዳይ ህንተንቱ አዋቱዋ ጸላይ፡ አብራሃዋ፡ ይሳቃን ያቆባ ጸላይ ታው ቆንጨደ፤ ታና፡ ታን ህንተንታ ጸዋሳድ፤ ግብጾን ህንተንቱ ቦላ አሰቱዳዋካ ታን በእድ።

17 ታን ህንተንታ ግብጾ ጋድያ ቱጋ፤ ከሳደ፡ ማላይን ኤሳይ ጎግያ ካናንቱዋ፡ ሂተቱዋ፡ አዋራዋናቱዋ፡ ፓርዛዋናቱዋ፡ ሂዌቱዋን ያቡሳዋናቱዋ ጋድያ አፋና ጋ ኡታድ።”

18 “እስራኤልያ ጭማቱ ግብጾ ካትያኮ ቢደ እ፡ ‘መድና ጎዳይ፡ አብራሃዋ ጸላይ፡ ኔናና ጋከቱዳ። ሀእ ኔን ሄዙ ጋላሳ ኦግያ መላ ቢታ ሀመት ቢደ፡ መድና ጎዳ፡ ኦ ጸላው፡ ያርሹዋ ያርሻና ማላ ኦና የዳ’ ያግተ።

19 ሸን ዋልቃማ ኩሺ፡ እ፡ ዋልቃን የድሳና ቆዮ፤ ግብጾ ካቲ ህንተንታ የደናዋ ታን ኤራይ።

20 ሄዋ ድራው፡ ታን ታ ኩሸያ የዳደ፡ ኡንቱንቱ ግደን ታን ኦልያ ታ ማላታቱዋ ኡባን ግብጾቱዋ ሸጫና። ሄዋ፤ ጉይያን እ ህንተንታ የዳናዋ።

21 “ቃይ ታን ግብጾቱዋን ሀ አሳ ሳቢሳና፤ ያቶ፤ ህንተንቱ ከሰያ ዋድ ኩሸ መላ ከሰክታ።

22 እብራሃ ማጫውና ኡባታ ባረ ግብጾ ሸራትኮን ባረ ሶን ደእያ ግብጾ ማጫ አሳ ኦናን ግደ፤ ኢኮ ቢደ፡ ብራ ሚሻቱዋ፡ ዋርቃ ሚሻቱዋን አቱማ ናናይን ማጫ ናናይ ማያና ማዮቱዋ ‘አዎተ’ ጊደ ኦቻናዋንታ። ሄዋዳን ኦላደ ህንተንቱ ግብጾቱዋ ማጹዋ ቦንቃንታ” ያጌዳ።

4

ሙሴው ጸላይ እሜዳ ማላታቱዋ

3:13 ከሳ 6:2-3 3:14 ሳን 1:4፣ 8 3:21 ከሳ 12:35-36

1 ሙሴ ዛሪደ፡ “ኡንቱንቱ ታና አማናናን እጸ፤ ዋይ ታን ኦድያዋ ሰሰናን እጸደ፡ ‘መድና ጎዳይ ነው ቆንጨቤና ጎፕ ዋና?’” ያግ ዛሪዳ።

2 መድና ጎዳይ እ፡ “ሄ ነ ኩሸያን ደእያዌ አይ?” ያጌደ ኦቾዳ። እካ “ጸዎኦ” ያጌዳ።

3 መድና ጎዳይ እ፡ “እነ ሄ ጸዎኦ ሳኦን ኦላ” ያጌዳ። ሙሴ ሄ ጸዎኦ ሳኦን ኦላ ዋድ ሸሻ ግዳዳ፤ ያትና፡ ሙሴ አፕ ዋዳዳ።

4 ሄዋ፤ ጉይያን መድና ጎዳይ እ፡ “ነ ኩሸያ የዳደ፡ እ ዲፍያ ኦይቃ” ያጌዳ። ሙሴ የዲደ ሸሻ ኦይቁና፡ ሸሻይ እ ኩሸያን ሰሚደ፡ ጸዎኦው ላመቱዳ።

5 መድና ጎዳይ፡ “ሀዌ ሀኔዳዌ፡ መድና ጎዳይ ነ አዋቱዋ ጸላይ፡ አብራሃማ ጸላይ፡ ይሳቃ ጸላይን ያቆባ ጸላይ ነው ቆንጨዳዋ ኡንቱንቱ አማናናዳና” ያጌዳ።

6 ሄዋ፤ ጉይያን መድና ጎዳይ እ፡ “ነ ኩሸያ ነ ሸጵያን የዳ” ያግና፡ ሙሴ ባረ ኩሸያ ሸጵያን የዳዳ፤ እ ከሰ ዴሊደ፡ “ታ ኩሸ ኦሎቲደ ሻቻዳን ቦዴዳ” ያጌዳ።

7 ጸላይ እ፡ “ነ ኩሸያ ነ ሸጵያን ዛራደ የዳ” ያጌዳ። ሙሴ ባረ ኩሸያ ባረ ሸጵያን ዛር የዲደ ከሰያ ዋድ፡ “ታ ኩሸ ሰሚደ ህንኮ ቦላ ማላ ግዳዳ” ያጌዳ።

8 ቃይካ መድና ጎዳይ እ፡ “ኡንቱንቱ ኔና አማናናን ቆዮ፤ ከይሮ ማላታ አማናናን እጸ፤ ላኤንላ ማላታ ኡንቱንቱ አማናናዋንታ።

9 ሸን ኡንቱንቱ ሀ ላኡ ማላታቱዋ አማናናን ቆዮ፤ ዋይ ኔን ኦድያዋ ሰሰናን እጸ፤ ናይላ ሻፋ፤ ሃላ አካደ፡ መላ ቢታን ጉሳ፤ ኔን ሻፋ፤ አኬዳ ሃላይ ቢታን ሱሳ ግዳናዋ” ያጌዳ።

10 ሙሴ መድና ጎዳ፡ “አቤት መድና ጎዳው፡ ታን ሀዋ፤ ካሰካ፡ ዋይ ኔን ነ ቆማው ሃሳዮደ፤ ደምና ታን ሃሳያናው ዳንዳይከ፤ ታን ዴድታደ ሃሳያይ፤ ቃይ ታ እንጸርሳይካ ሉፋ” ያጌዳ።

11 መድና ጎዳይ እ፡ “አሳው ደና መዴዳዌ ኦኔ? እ ዲደ፡ ዋይ ቱላ ኦልያዌ ኦኔ? ጸልያዋን ቆቃ ኦልያዌ ኦኔ? ታና መድና ጎዳ ግድክታየ?”

12 ኔን ሀእ ባ፤ ታን ኔና ሃሳያናዳን ማዳና፤ ኔን ጋናባ ታን ኔና ታማርሳና” ያጌዳ።

13 ሸን ሙሴ፡ “አቤት ጎዳው፡ ሀያና፡ ሀዋ ኦላናው ሀራ አሳ ኪታርኪ!” ያጌዳ።

14 ሄዋ፤ ጉይያን መድና ጎዳይ ሙሴው ሎይላ ሀንቀቲደ እ፡ “ሎዌያ ግዳዳ ነ እሻ አርኔ? እ ሎኦ ሃሳያና ዳንዳይያዋ ታን ኤራይ፤ ሀእ እ ኔናና ጋከታናው ዪደ ኦግያ ቦላን ደኤ፤ እ ኔና በእያ ዋድ እ ዋዛናይ ናሸታናዋ።

15 ኔን፡ ‘ያጋ፤ ያጋ’ ጋደ አው ኦዳና፤ ታን ህንተንታ ላኡዋካ ሃሳያናው ማዳናን ህንተንቱ ኦላናባ ታማርሳና።

16 እ አሳው ነ ድራ ሃሳያናዋ፤ ሄዋካ፡ እ ነው ደና ማላ ግዳናዋ፡ ኔን አው ጸላ ማላ ግዳናሳ ግያዋ።

17 ሸን ማላታቱዋ አን ኦላናው፡ ኔን ሀ ጸዎኦ አካደ ባ” ያጌዳ።

ሙሴ ግብጾ ሰሚዳ

18 ሄዋ፤ ጉይያን ሙሴ ባረ ቦሎዋ ዮቶረኮ ሰም ቢደ፡ “ሀኖ ጋካናው ሸዎቱዋና ደእያ አሳይ

ደክተ በአናው፡ ታን ጉየ ታ አሳኮ ግብጾ ቦ? ” ያጌዳ። ዮቶሪ ሙሳ፡ “ኤ ባ፤ ሳር ጋካ” ያጌዳ።

19 ሙሴ ሚድያማ ጋድያን ደእሸን መድና ጎዳይ ኦ፡ “ኔና ዋቆናው ኮዬዳ አሳቱ ኡባይ ሀይቁ ድጌዳ ድራው፡ ጉየ ግብጾ ጋድያ ሰማደ ባ” ያጌዳ።

20 ሙሴ ባረ ማቻቶነ ባረ አቱማ ናና ሀርያ ቶግሰ አኪደ፡ ጉየ ግብጾ ሰሙሳ ደሚዳ፤ ሙሴ ጸሳ ጸምኦ ባረ ኩሸያን ኦይቁደ ቤዳ።

21 መድና ጎዳይ ሙሳ፡ “ኔን ግብጾ ሰማደ ብያ ዋደ፡ ታን ነው እሚዳ ዋልቃን ኔን ኦላና ማላታቱዋ ኡባ ግብጾ ካትያ ሰንላን ኔን ኦላናዋ ባሎጋ። ያትናካ አሳ እ የደና ማላ፡ ታን አ ዋዛና ደንጭልሳና።

22 ሄ ዋደ ታን መድና ጎዳይ፡ ግያዋ ካትያው ሀዋዳን ያጋደ ኦዳ፤ ‘ “እስራኤሊ ታ ባይራ ናኦ።

23 እ ታው ጎይናና ማላ፡ ታ ናኦ ኔን የዳና ማላ፡ ታን ነው ኦዳድ፤ ሸን ኔን አ የደናን እጻዳ፤ ሄዋ ድራው፡ ታን ነ ባይራ አቱማ ናኦ ዋቆና” ያጌ ያጋደ ኦዳ” ያጌዳ።

24 ኦግያን ሸምጥያሳን መድና ጎዳይ ሙሴና ጋከቱዳ፤ እ ዋቆና ሀኔዳ።

25 አ ማቻታ ጽጋራ ሳልያ አካደ፡ ባረ ናኦ ቃጸራዱ። ሄ ሸኩዋን ሙሴ ገድያ * ቦቻዱ። እዛ ሙሳ፡ “ኔን ታው ቱሙ ሱላ ሞሸራ” ያጋዱ።

26 መድና ጎዳይ ሄዋ ድራው አ ዋቆናን አጌዳ። ሄ ዋደ ቃጸራ ማላታናው አ፡ “ኔን ታው ሱላ ሞሸራ” ያጋዱ።

27 መድና ጎዳይ አርና፡ “ኔን ሙሴና ጋከታናው መላ ቢታ ባ” ያጌዳ። እ ቢደ፡ ሙሴና ጸሳ ደርያን ጋከቲደ አ የራዳ።

28 ሄዋጥ ጉይያን ሙሴ መድና ጎዳይ ባረ ቦላ ከቱዳ ቃላ ኡባነ ኦላና ማላ፡ ባረና አዛዜዳ ኦራላ ማላታቱዋ ኡባ አርናው ኦዳዳ።

29 ሙሴነ አርነ ቢደ፡ እስራኤላቱዋ ጭማቱዋ ኡባ ሸሸድና።

30 አርነ መድና ጎዳይ ሙሴው ኦዳዳ ቃላ ኡባ ኡንቱንቶ ኦዳዳ። ማላታቱዋካ ሄ አሳ ሰንላን ኦላዳ።

31 ኡንቱንቱካ አማኔድና። መድና ጎዳይ ኡንቱንቶ ቆፔዳዋነ ኡንቱንቱ ቱጋ በኤዳዋ ሰሴዳ ዋደ፡ ኡንቱንቱ ጉፋኒደ ጎይኔድና።

5

ሙሴነ አርነ ፓርና ሰንላን (5:1—11:10)

1 ሄዋጥ ጉይያን ሙሴነ አርነ ግብጾ ካትያኮ ዪደ አ፡ “መድና ጎዳይ፡ እስራኤልያ ጸሳይ ሀዋዳን ያጌ፤ ታ አሳይ ታው መላ ቢታን ባላ ቦንቻና ማላ፡ ኡንቱንታ የዳ ያጌ” ያጌድና።

2 ካቱ፡ “ታን አው አዛዘታደ እስራኤልያ የዳናው ሄ መድና ጎዳይ ኦኔ? ታን መድና ጎዳ ኤርከ፤ እስራኤልያካ የድከ” ያጌዳ።

3 ሄዋጥ ጉይያን ኡንቱንቱ፡ “እብራዌቱዋ ጸሳይ ኦናና ጋከቱዳ። ሀእ ኦን መድና ጎዳ፡ ኦ ጸሳው፡ ያርሹዋ ያርሻናው ሄዙ ጋላሳ ኦግያ መላ ቢታ ግደ ባናው ኦና የዳርኪ፤ ሄዌ ቆዮጥ፡ እ ኦና ኢታ ሀርግያን ዋይ ኦላን ዋቆናዋ” ያጌድና።

4 ሸን ግብጾ ካቱ ያጌዳ፤ “ሙሴ! አርና! አሳ አያው ኪታ ድጌቱ? ሀንተንቱ ኪታው ሰሚደ ቢተ” ያጌዳ።

5 ካቱ ሄ ዋደ፡ “በእተ፡ ሀ ጋድያን አሳይ ጭራቱዳ፤ ቃይ ሀንተንቱ ኡንቱንታ ኪታ ድጌታ” ያጌዳ።

6 ካቱ ሄ ጋላሰ ግብጾቱዋ ካፖቱዋነ እስራኤላቱዋ ዳጉዋ ሱንላቱዋ አዛዚደ፡

7 “ሀርደዋዳን ጸብያ መድያ ኡቱላ አሳው እሞጥተ፤ ኡንቱንቱ ኡቱላ ባረንቶ ቢደ ሸሸና፤

8 ሸን ኡንቱንቱ ፓይዱዋን ካሰዋ ኬሻ ጸብያ መዳደ፡ ሸቆናዳን አዛዘተ፤ ሄ ፓይዱዋጥ ፓጭሶጥተ፤ አያው ጎጥ፡ ኡንቱንቱ አዛላ፤ ኡንቱንቱ፡ ኦኔን ኦ ጸሳው ያርሹዋ ያርሻና ማላ፡ ኦና የዳርኪ’ ያጌደ ዋሰያዌ ሀዋሳ።

9 ኡንቱንቱ ኪታን ሸካና ማላነ ዋርዱዋ ሃሳያ ሰሰናን አጋና ማላ፡ ኡንቱንቶ ኦሱዋ ዴጽሰተ” ያጌደ አዛዜዳ።

10 ሄዋጥ ጉይያን፡ ሄ ካፖቱነ ሄ ሱንላቱ ከሲደ አሳ፡ “ካቱ ሀዋዳን ያጌ፤ ሰም ታን ሀንተንቶ ኡባካ ኡቱላ እሞከ፤

11 ሀንተንቱ ኡቱላ ደማና ዳንዳይያሳጥ ሀንተንቱ ሀጺያው ሸሸተ፤ ሸን ሀንተንቱ ሸድያ ጸብያ ፓይዱ ኡባካ ፓጩና’ ያጌዳ” ያጌድና።

12 አሳይ ኡቱላው ሀንያዋ ሸሻናው ግብጾ ቢታ ኡባን ላለቱዳ።

13 ግብጾቱዋ ካፖቱ ኡንቱንታ፡ “ሀንተንቶ ኡቱላ እምያ ዋደ ሀንተንቱ ሀቼ ሀቼ ኦልያዋ ኬሻ ኦላተ” ያጌደ ኡንቱንታ ጎደቱድና።

14 ግብጾቱዋ ካፖቱ እስራኤላቱዋ ዳጉዋ ሱንላቱዋ ዋዳደ፡ “ሀንተንቱ ካሰ ኦልያዋ ኬሻ ጸብያ ዝና ዋይ ሀቼ አያው ኦል ወርሰበይክቱ?” ያጌደ ኦቼድና።

15 ሄዋጥ ጉይያን እስራኤልያ ሱንላቱ ቢደ ካትያው ማጋኔድና፤ ኡንቱንቱ ባረንቱ መቱዋጥ ደንደዋን አ፡ “ኔን ነ ቆማቱዋ ሀዋዳን አያው ኦላይ?

16 ነ ቆማቶ ኡቱላ እምክና፤ ሸን፡ ‘ጸብያ መድተ’ ያጌና፤ ኦና ነ ቆማቱዋ ዋዳና፤ ሸን ባላይ ነ አሳ ቦላና” ያጌድና።

17 ሸን ካቱ ኡንቱንታ፡ “ሀ አዛላቱ! ሀንተንቱ አዛላ! ሄዋ ድራው፡ ሀንተንቱ ዛር ዛሪደ፡ ኦኔን መድና ጎዳው ያርሻና ባናው ኦና የዳርኪ’ ያጌታ።

18 ሀእ ቢተ፤ ኦላተ፤ ኡንቱንቱ ሀንተንቶ አይ ኡቱላካ እምክና፤ ሸን ሀንተንቱ ካሰዋ ኬሻ ጸብያ መዳታ” ያጌዳ።

19 እስራኤላቱዋ ሱንላቱ፡ “ሀንተንቱ ሀቼ ሀቼ መድያ ጸብያ ፓይዱዋ ካሰዋጥ ፓጭሶጥተ” ጌዳ ዋደ፡ ኡንቱንቱ መቱዋን ገሌዳዋ አኬኬድና።

20 ኡንቱንቱ ካትያ ማታጥ ከሲደ፡ ሙሴነ አርነ ኡንቱንቱና ጋከታናው ናግያዋንታ ደሚድና።

21 ኡንቱንቱ፡ “ሀንተና መድና ጎዳይ ጴሎ! ሀንተንቱ ቦላ እ ፕርዶ! ሀንተንቱ ኦና ካትያና ነ አሳንቻቱዋን እጽሴድታ፤ ቃይ ኡንቱንቱ ኦና ዋቆና ማላ፡ ማሻ ኡንቱንቱ ኩሸያን ዋልድታ” ያጌድና።

4:23 ከሳ 12:29 * 4:25 ጌድያ- ሀዋ ጉሳይ “አ እቱንላ ቦቻዱ” ጉሳ።

ሙሴ ጸላው ማጋኔዳ

22 ሙሴ መድና ጎዳኮ ሰሚደ፡ “አቤት ጎዳው፡ ኔን ሀ አሳ ቦላ መቼዋ አያው አሃዲ? ኔን ታና ኪቴዳዊ ሀዋሴ?”

23 ታን ነ ሱንላን ካትያው ሃሳያናው ቤዳ ዋደፕ ደምና፡ እ ሀ አሳ ቦላ መቼዋ አሃዲ፡ ቃይ ኔንካ ነ አሳ ሙላ አሻባካ” ያጌዳ።

6

1 ሄዋፕ ጉይያን መድና ጎዳይ ሙሳ፡ “ታን ግብጾ ካትያ ኦላናባ ኔን ሀእ በአና፤ ታ ዋልቃማ ኩሽያ ጋሱዋን እ ኡንቱንታ የዳናዋ፤ ታ ዋልቃማ ኩሽያ ጋሱዋን እ ኡንቱንታ ባረ ጋድያፕ ላጊደ ከሳና” ያጌዳ።

ሙሴ ጸላ

2 ጸላይ ቃይካ ሙሳ፡ “ታን መድና ጎዳ፤

3 ታን አብራሃመው፡ ይሳቃውን ያቆባው ኡባ ዳንዳይያ ጸላ ግዳደ ቆንጫድ፤ ሸን ታን፡ መድና ጎዳ ግያ ታ ሱንላን፡ ታናተላ ኡንቱንታ ኤርሳቢይከ።

4 ቃይ ታን ኡንቱንታ ኡንቱንቱ በተ ግዲደ ደኤዳ ካና ጋድያ እማናው ታ ቃላ ጫቁዋ ኡንቱንቱና ጫቃታድ።

5 ቃይካ ግብጾ አሳቱ አይላይያ እሰራኤላቱዋ ኦልያ ታን ሰሳደ፡ ታ ቃላ ጫቁዋ ሀሳያድ።

6 “ሄዋ ድራው፡ ኔን እሰራኤላቱዋ፡ ታን መድና ጎዳ፤ ታን ሀንተንታ ግብጾቱዋ ናቁዋፕ ከሳና፤ ታን ሀንተንታ ኡንቱንቱ አይለተላፕካ ላእ ከሳና፤ ቃይ ታን ታ ዋልቃማ ዋልቃን ግብጾቱዋ ቦላ ኢታ ፕርዳ አሃደ ሀንተንታ ዋዛና።

7 ታን ሀንተንታ ታ ሁጰ አሳዳን አካና ታን ሀንተንቱ ጸላ ግዳና፡ ሄ ዋደ ሀንተንቱ ታን መድና ጎዳ ሀንተንቱ ጸላ ሀንተንታ ግብጾቱዋ አይለተላፕ ከሴዳዋ ግድያዋ ኤራና።

8 ቃይ ታን አብራሃመው፡ ይሳቃውን ያቆባው እማናው ጫቁዳ ቢታው አሀና፤ ሄ ጋድያ ታን ሀንተንታ ጋደ ኦላደ እማና፤ ታን መድና ጎዳ ያጋ” ያጌዳ።

9 ሙሴ ሀዋ እሰራኤላቶ ኦዳዳ፤ ሸን ኡንቱንቱ እያናይ መኤዳ ጋሱዋንን መቀሰ ባይና አይለተላ ጋሱዋን እ ቃላ ሰሰቢይክና።

10 ሄዋፕ ጉይያን መድና ጎዳይ ሙሳ፡

11 “ባደ ግብጾ ካትያ፡ ‘አሰራኤላቱዋ ነ ጋድያፕ ከሳደ የዳ’ ያጋደ ኦዳ” ያጌዳ።

12 ሸን ሙሴ መድና ጎዳ፡ “ሀራይ አቶ እሰራኤላቱ ታባ ሰሰናን እጼድኖ ሸን ታን ዳዶትያ እንጻርሳን ሃሳይያዋ ካቲ ዋት ሰሳኔ?” ያጌዳ።

13 መድና ጎዳይ ሙሳን አርና፡ “ቢደ፡ ሀንተንቱ እሰራኤልያ አሳ ግብጾፕ ከሳና ማላ፡ ታን ሀንተንታ የዳዳዋ እሰራኤልያ አሳውን ግብጾ ካትያው ኦድተ” ያጊደ አዛዜዳ።

ሙሴን አርን የለታ

14 ኡንቱንቱ ሶይ ሶይ ማይዛ አዋቱ ሀዋንታ፡ እሰራኤልያው ባይራ ናእ ሮቤላ አቱማ ናናይ፡ ሄኖካ፡ ፓሉ፡ ሄጽሮናን ካርማ፤ ሀዋንቱ ሮቤላ ያራቱዋ።

15 ሰሞና አቱማ ናናይ፡ ይሙኤላ፡ ያሚና፡ ኦሃዳ፡ ያኪና፡ ጸሃራን ካናን ጋደ ሞሽራትፕ የለቱዳ ሻኤላ፤ ሀዋንቱ ሰሞና ያራቱዋ።

16 ሌዊያ አቱማ ናናይ ባረንቱ የለታ ማራዳን ገርሾና፡ ቃሃታን ማራራ። ሌዊ ጴታን ሀታማን ላፑን ላይላ ደኤዳ።

17 ገርሾና አቱማ ናናይ ባረንቱ ያራን ያራን ሊብናን ሸምእ ጌተቲኖ።

18 ቃሃተ አቱማ ናናይ አምራማ፡ ይጽሃራ፡ ከብርናን ኡዝኤላ። ቃሃተ ጴታን ሀታማን ሄዙ ላይላ ደኤዳ።

19 ማራራ አቱማ ናናይ ማሀላን ሙሻ ግያዋንታ።

ባረንቱ የለታ ማራን ሀዋፕ ቆሞና ጴጌቱዳ ሌዊያ ያራቱ ሀዋንታ።

20 አምራመ ባረ አወዋ ሞቻቶ ዮከቤደ አኬዳ፡ እዛ አርናን ሙሳ አወ የላዲ። አምራመ ጴታን ሀታማን ላፑን ላይላ ደኤዳ።

21 ይጽሃራ አቱማ ናናይ፡ ቆራሀ፡ ነፊጋን ዚክራ።

22 ኡዝኤላ አቱማ ናናይ፡ ሞሻኤላ፡ ኤልጸፋናን ሲትራ።

23 አርን አምናዳባ ናቶ፡ ናኣሶና ሞቻቶ ኤልሼቦ አኬዳ። ያትና እዛ አወ ናዳባ፡ አቢሀ፡ ኤልኣዛራን እታማራ ጌተትያ አቱማ ናና የላዲ።

24 ቆረ አቱማ ናናይ፡ አሲራ፡ ኤልቃናን አብያሳፋ፤ ሀዋንቱ ቆረ ያራቱዋ።

25 አርና ናኣይ ኤልኣዛረ ፑትኤላ ናናቱዋፕ አትኖ አኬዳ፤ እዛ አወ ፒንሃሳ የላዲ።

ሀዋንቱ ባረንቱ ያራን ያራን ሌዋቱዋ ጎልያ ማይዛ አሳቱዋ።

26 መድና ጎዳይ፡ “ግብጾ ጋድያፕ እሰራኤላቱዋ ኦላው ጊን ጩጉዋዳን ጩጉዋዳን ከሰተ” ያጌዳዌ ሀ ሙሳን አርና።

27 እሰራኤላቱዋ ግብጾ ጋድያፕ ከሰያዋ ግብጾ ካትያው ሃሳዬዳዋንቱ ኡንቱንታ፡ ሄዋንቱካ ሙሳን አርና።

28 መድና ጎዳይ ግብጾን ሙሴው ሃሳዬዳ ዋደ አ፡

29 “ታን መድና ጎዳ፤ ታን ነዉ ኦድያዋ ኡባ ኔን ግብጾ ካትያው ኦዳ” ያጌዳ።

30 ሸን ሙሴ መድና ጎዳ፡ “ታን ዳዶትያ እንጻርሳን ሃሳይያዋ ግድሸን፡ ካቲ ታን ኦድያዋ ዋት ሰሳኔ?” ያጌዳ።

7

1 ሄዋፕ ጉይያን መድና ጎዳይ ሙሳ፡ “በእ፤ ታን ኔና ግብጾ ካትያው ጸላ ማላ ኦላድ፤ ነ እሻይ አርን ነ ናብያዳን ግዳናዋ፤

2 ታን ኔና አዛዜዳ ኡባ ኔን አወ ኦዳሳ፤ ነ እሻ አርን እሰራኤላቱዋ ባረ ጋድያፕ ከሰ የዳና ማላ፡ ካትያው ኦዳ።

3 ሸን ታን ካትያ ዋዛና ቆልሳና፤ ታን ግብጾ ጋድያፕ ታ ጮራ ማላታን ማላልሰያባ ዳርሳደ ኦልንቶካ።

4 እ ሀንተንቱ ኦድያዋ ሰሰና፡ ሄ ዋደ ታን ታ ኩሽያ ግብጾቱዋ ቦላ ደንላና፤ ታን ታ ጩጉዋ፡

ታ ከሳ እስራኤልያ፡ ግብጾ ከሳ ቦላን ዋልቃማ ፕርዳ እሃደ ከሳና።

5 ሄዋጥ ጉይያን ግብጾቹ፡ ታን ታ ኩሽያ ግብጾ ቦላ ደንላደ፡ እስራኤላቱዋ ኤንቱንቱ ግደፕ ከሴዳ ዋደ፡ ታን መድና ጎዳ ግድያዋ ኤንቱንቱ ኤራናዋንታ” ያጌዳ።

6 ሙሴን ኦርን ልክ መድና ጎዳይ ኤንቱንታ አዛዜዳዋዳን ኦሌድና።

7 ኤንቱንቱ ካትያዉ ኦድያ ዋደ፡ ሙሴ ሆሰፑን ታሙ ላይላ ኦሳ፤ ኦርን ቃይ ሆሰፑን ታማን ሄዙ ላይላ ኦሳ።

አርና ጸምአይ ሸሻ ግዳዳ

8 መድና ጎዳይ ሙሳን አርና ሀዋዳን ያጌዳ፤

9 “ካቲ ህንተንታ፡ ፍጻላይ ኦላያ ማላታ ታና በሰተ” ግያ ዋደ፡ ኔን አርና፡ ሳ ጸምአ ኦካደ፡ ካትያ ሰንላን ኦላ” ያጋ፤ ያቶፕ እ ሸሻ ከሳና” ያጌዳ።

10 ሙሴን ኦርን ካትያኮ ገሊደ መድና ጎዳይ ኤንቱንታ አዛዜዳዋዳን ኦሌድና፤ አርን ባረ ጸምአ ካትያ ሰንላንን እ ኦሳንቻቱዋ ሰንላን ኦልና ሸሻ ከሴዳ።

11 ሄዋጥ ጉይያን ካቲ ኤራንቻቱዋን ብትያዋንታ ጸሰሰና ኤንቱንቱካ፡ ሀ ግብጾቹዋ ሻሬቻቱ ባረንቱ ቆማሹዋን ሄዋዳን ኦሌድና።

12 ኤንቱንቱ ኡባይካ ባረንቱ ጸምአ ጸምአ ኦልና፡ ጸምአቱ ሸሻ ከሴድና፤ ሸን አርና ጸምአይ ኤንቱንቱ ጸምአቱዋ ሞቲዳ።

13 ግደፕን መድና ጎዳይ ኦዳዳዋዳንካ ካትያ ዋዛናይ ደንጭሌዳ፤ እ ኤንቱንቱ ኦዳዋ ሰሰናን እጾዳ።

ሃላይ ሱላዉ ላመቲዳ

14 መድና ጎዳይ ሙሳ፡ “ካትያ ዋዛናይ ደንጭሌዳ፤ ኦሳ እ የደናን እጾዳ።

15 ካቲ ሃላኮ ብያ ዋደ፡ ጉራደ ኔን አኮ ባደ እናና ጋከታናዉ ናይለ ሻፋ ደናን ኤእ፤ ሸሻዉ ላመቲዳ ጸምአ ኦይቃ አካደ ባ።

16 ኔን አ፡ “መድና ጎዳይ፡ እብራዌቱዋ ጸሳይ ኔና፡ መላ ቢታን ታዉ ጎይናና ማላ፡ ታ ኦሳ የዳ ያጌደ፡ ታና ኮኮ ኪቲዳ፤ ሸን ሀኖ ጋካናዉ ኔን ሰሳባይካ።

17 መድና ጎዳይ፡ ታን መድና ጎዳ ግድያዋ ኔን ሀዋን ኤራና። ታን ናይለ ሻፋ ሃላ ታ ኩሽያን ደእያ ጸምአን ሸጭና ሃላይ ሱላዉ ላመታናዋ።

18 ናይለ ሻፋ ዋሊካ ሀይቃናዋ፤ ሻፋይካ ጽንቃናዋ፤ ግብጾቹ ሄ ሻፋ ሃላ ኡሻናዉ ዳንዳይክኖ” ያጋደ ኦዳ” ያጌዳ።

19 መድና ጎዳይ ሙሳ ሀዋዳን ያጌዳ፤ “ኔን አርና፡ ሳ ጸምአ ኦይቃደ ግብጾ ሃላቱዋ ቦላ፡ ሻፋቱዋ ቦላ፡ ዜሬቶ ሃላቱዋ ቦላ፡ ድኡዋ ኦላ ቦላን ከሹሽያ ሞጫ” ያጋ፤ እ ሞጭና ኤንቱንቱ ሱላዉ ላመታናዋ፤ ግብጾ ቢታ ኡባን፡ ሀራይ አትና፡ ሞላፕን ሹቻፕ ዋጪደ ከሴዳ ሃላ ትግያ ሚሻ ኡባ ጋርሳን ደእያ ሃላይ ሱላዉ ላመታና” ያጌዳ።

20 ሙሴን ኦርን መድና ጎዳይ አዛዜዳዋዳን ኦሌድና። ካትያ ሰንላንን እ ኦሳንቻቱዋ ሰንላን እ

ባረ ጸምአ ደንሊደ፡ ሻፋ ሃላ ሸጭና ሃላ ኡባይ ሱላዉ ላመቲዳ።

21 ሄ ሻፋ ሃላ ግድዋን ደእያ ሞላቱ ሀይቃድና፤ ሻፋ ሃላይ ሎይላ ዜኤዳ ድራዉ፡ ግብጾ አሳይ ኡሻናዉ ዳንዳይቤና። ግብጾን ኡባ ሳን ሱላይ ኩሜዳ።

22 ግብጾ ሻሬቻቱካ ባረንቱ ቆማሹዋን ሄዋዳን ኦሌድና፤ መድና ጎዳይ ኦዳዳዋዳንካ ካትያ ዋዛናይ ደንጭልና፡ ሙሴን ኦርን ኦዳዳዋ ሰሰናን እጾዳ።

23 ሄዋጥ ጉይያን ካቲ ሀዋ አይነ ሀርገናን ባረ ሶ ሰሚደ ቤዳ።

24 ግብጾ አሳይ ኡባይ ናይለ ሻፋ ሃላ ኡሻናዉ ዳንዳይቤና ድራዉ፡ ኡሽያ ሃላ ደማናዉ ናይለ ሻፋ ጋጸን ኦላ ቦኬድና።

25 መድና ጎዳይ ሃላ ሸጭደፕ ላፑን ጋላሳ ግዳዳ።

8

ሸድያ

1 ሄዋጥ ጉይያን መድና ጎዳይ ሙሳ፡ “ባ፤ ግብጾ ካትያኮ ባደ፡ “መድና ጎዳይ ሀዋዳን ያጌ፤ “ታዉ ጎይናና ማላ፡ ታ ኦሳ የዳ።

2 ኔን ኤንቱንታ የደናን እጸፕ፡ ታን ነ ቢታ ኡባን ሸድያ ኩንላና።

3 ናይለ ሻፋን ሸዲ ሸሀካታና። ኤንቱንቱ ሸሀካታ ከሲደ ነ ሶ፡ ነ ሰርጸ፡ ነ ግሱዋ ግደ፡ ነ ኦሳንቻቱዋ ጎልያ ግደ ገላና፤ ነ ኦሳ ቦላ ከሳና፤ ነ ጮጭያን ነ ዲልያ ዋልያ ከርያን ገላና።

4 ሸፍቱ ነ ቦላ፡ ነ ኦሳ ቦላን ነ ኦሳንቻቱዋ ኡባ ቦላ ከሳና” ያጌ” ያጋደ ኦዳ” ያጌዳ።

5 ሄዋጥ ጉይያን መድና ጎዳይ ሙሳ፡ “ኔን አርና፡ ሳ ጸምአ ኦይቃደ፡ ሻፋቱዋ ቦላ፡ ዜሬቶ ሃላቱዋ ቦላን ድኡዋ ኦላ ቦላ ነ ኩሽያ ሞጫደ ሸፍቱ ግብጾ ጋድያ ቦላን ከሳናዳን ኦላ” ያጋደ ኦዳ” ያጌዳ።

6 አርን ግብጾ ሃላቱዋ ቦላ ባረ ኩሽያ ሞጭና ሸፍቱ ከሲደ፡ ግብጾ ጋድያ ማይድና።

7 ሻሬቻቱካ ባረንቱ ቆማሹዋን ሄዋዳን ኦሌድና፤ ኤንቱንቱካ ግብጾ ጋድያን ሸዲ ከሳናዳን ኦሌድና።

8 ካቲ ሙሳን አርና ጸሰሲደ፡ “ሀ ሸፍቱዋ ታፕን ታ አሳፕ ድጋና ማላ፡ መድና ጎዳ ህንተንቱ ዋሰተ፤ ያቶፕ መድና ጎዳዉ ያርሹዋ ያርሻና ማላ፡ ታን አሳ የዳና” ያጌዳ።

9 ሙሴ ካትያ፡ “ካትያዉ ሸፍቱ ኔፕን ነ ሶፕ ቆያና ማላን ናይለ ሻፋ ጸላላን አታና ማላ፡ ታን ነዉ፡ ነ ኦሳንቻቶን ነ አሳዉ ዋሳና ዋድያ ኔን ኬራ” ያጌዳ።

10 ካቲ፡ “ዋንታ” ያጌዳ። ሙሴ፡ “መድና ጎዳ ኦ ጸሳ፡ ማላይ ኦንን ባይናዋ ኔን ኤራና ማላ፡ ኔን ጌዳዋዳን ሀናናዋ።

11 ሄ ሸፍቱ ኔፕ፡ ነ ጎልያፕ፡ ነ ኦሳንቻቱዋፕን ነ አሳፕ ቆያናዋንታ፤ ኤንቱንቱካ ናይለ ሻፋ ጸላላን አታናዋንታ” ያጌዳ።

12 ሙሴን አርነ ካትያ ማታፕ ከሴድኖ፤ ካትያ ቦላ መጅና ጎዳይ አሄዳ ሸቅቱባ ሙሴ መጅና ጎዳኮ ዋሴዳ።

13 መጅና ጎዳይ ሙሴ ኦቼዳዋዳን ኦሴዳ፤ ሸቅቱ ሶን ካረንነ ደምባን ሀይቄድኖ።

14 ግብጾ አሳይ ኡንቱንታ ሺሽ ሺሺደ ደሬድኖ፤ ቢታይ ሄዋ ጽንቁቀን ዜኤዳ።

15 ሸን ካቲ ሸቅቱ ባይናዋ በኤዳ ዋደ እ ዋዛናይ ደንጭሌዳ፤ መጅና ጎዳይ ኦዳዳዋዳንካ፤ እ ሙሴን አርነ ኦዳዳ ኦዳዋ ሰሰናን እጾዳ።

ጨቻ

16 መጅና ጎዳይ ሄዋፕ ጉይያን፤ ሙሳ “ኔን አርና፤ ሳ ጸምአ ሞጫደ፤ ቢታ ባና ሾጫ፤ ያጋደ ኦዳ። ግብጾ ቢታ ኡባን ባናይ ጨቻ ከሳናዋ” ያጌዳ።

17 ኡንቱቱ ሄዋዳን ኦሴድኖ፤ አርነ ጸምአ ኦይቄደ ባረ ኩሽያ ሞጫደ፤ ባረ ጸምአን ቢታ ባና ሾጫና አሳነ፤ መሀያ ቦላ ጨቻይ ዬዳ። ግብጾ ጋድያን ሀ ጋጸፕ ያ ጋጸ ጋካናወ፤ ባና ኡባይ ጨቻ ከሴዳ።

18 ሻሬቻቱካ ባረንቱ ጳማሹዋን ሄዋዳን አላናወ ባጸቲድኖ፤ ሸን ዳንዳይበይክና። ጨቻይ አሳ ቦላነ፤ መሀያ ቦላ ኩሜዳ።

19 ሻሬቻቱ ካትያ፤ “ሀዌ ጸሳ ኦሱዋ” ያጌድኖ። ሸን ካትያ ዋዛናይ ደንጭሌዳ፤ ጸሳይ ጌዳዋዳንካ፤ እ ኡንቱንቱ ኦድያዋ ሰሰናን እጾዳ።

ዱክያ ኡዳንጽያ

20 መጅና ጎዳይ ሙሳ፤ “ጉራን ደንዳደ፤ ካቲ ሻፋ ቢሸን አናና ጋከታደ ኔን እ፤ መጅና ጎዳይ ያጌ፤ “ታወ አላና ማላ፤ ታ አሳ ዩዳ፤

21 ኔን ታ አሳ ዩድናን እጸፕ፤ ታን ነ ቦላ፤ ነ ኦሳንቻቱዋ ቦላ፤ ነ አሳ ቦላነ ነ ጎላቱዋ ግደ ኡዳንጽያ ወድያ ዩዳና፤ ግብጾቱዋ ጎላን ኡንቱንቱ ደእያ ቢታ ኡባን ኡዳንጸ ኩማናዋ።

22 ሸን ሄ ጋላሰ ታ አሳይ በተ ግዳደ ደእያ ጎሽና ጋድያን ኡዳንጸ ኩመናዳን ታን ተኣደ፤ ኡንቱንቱ ቢታ ሻካና፤ ታን መጅና ጎዳይ፤ ሀ ጋድያ ኡባን ደእያዋ ኔን ሄዋን ኤራና።

23 ታን ታ አሳነ ነ አሳ ሻካና፤ ሀ ዋልቃማ ማላታይ ዋንት ሀናና” ያጌ፤ ያጋደ ኦዳ” ያጌዳ።

24 መጅና ጎዳይ ሄዋፕ ጉይያን፤ ጌዳዋዳን ኦሴዳ፤ ካትያ ሶንነ እ ኦሳንቻቱዋ ሶን ዳሮ ኡዳንጽያ ወዳ ዬዳ፤ ግብጾ ጋድያ ኡባ ባይዜዳ።

25 ሄ ዋደ ካቲ ሙሳነ አርና ዴሰሲደ፤ “ቢተ፤ ሀ ጋድያን ሀንተንቱ ጸሳወ ያርሸተ” ያጌዳ።

26 ሸን ሙሴ፤ “ሄዌ ልከ ግድና፤ ኔን መጅና ጎዳ ኔ ጸሳወ ሺሽያ ያርሾቱ ግብጾቱዋ ሸነይያዋ ግዳናዋ፤ ኔን ኡንቱንታ ሸነይያ ያርሾቱዋ ኡንቱንቱ ዴልሸን ያርሾፕ፤ ኡንቱንቱ ኦና ሹቻን ጫድክና?

27 ኔን መጅና ጎዳ፤ ኔ ጸሳወ፤ ያርሾቱዋ ሺሻናወ እ ኦና አዛዘያዋዳን፤ ሄዙ ጋላሳ ኦግያ መላ ቢታ ባና ኮሼ” ያጌዳ።

28 ካቲ፤ “መጅና ጎዳወ፤ ሀንተንቱ ጸሳወ፤ ሀንተንቱ መላ ቢታ ቢደ ያርሻና ማላ፤ ታን ሀንተንታ ዩዳና፤ ሸን ሀንተንቱ ሃኪደ ቦፕተ፤ ታወ ሀእ ዋሰተ” ያጌዳ።

29 ሙሴ፤ “ታን ነ ማታፕ ከሶ ሳኣናካ መጅና ጎዳ ዋሳና፤ ሀ ኡዳንጽያ ወዳ ዋንት ካትያፕ፤ እ ኦሳንቻቱዋፕ እ አሳፕ ክቻናዋ። ሸን መጅና ጎዳወ ያርሻናወ አሳ ዩድናን እጸናወ ካቲ ኦና ዛር ጭመና ማላ እኬኮ” ያጌዳ።

30 ሄዋፕ ጉይያን ሙሴ ካትያ ማታፕ ከሲደ፤ መጅና ጎዳ ዋሴዳ።

31 መጅና ጎዳይ ሙሴ ኦቼዳዋዳን ኦሴዳ፤ ኡዳንጸያ ካትያፕ፤ እ ኦሳንቻቱዋፕ እ አሳፕ እቲነ አተናን ክቼዳ።

32 ሸን ሀእካ ቃይ ካትያ ዋዛናይ ደንጭልና፤ አሳ ዩድናን እጾዳ።

9

መሀያ ቦላ ቦሻይ ዋዴዳ

1 መጅና ጎዳይ ሙሳ ሀዋዳን ያጌዳ፤ “ግብጾ ካትያኮ ባይ፤ መጅና ጎዳይ፤ እብራዌቱዋ ጸሳይ ኔና፤ “ኡንቱንቱ ታወ ጎይናና ማላ ታ አሳ ዩዳ” ያጌ።

2 ኔን ዩድናን እጸደ፤ ኡንቱንታ ኦይቃ ኡትያዋ ግደፕ።

3 መጅና ጎዳ ኩሺ ደርያን ደእያ ነ መሀያ ቦላ፤ ፓራቱዋ ቦላ፤ ሀራቱዋ ቦላ፤ ጋሎቱዋ ቦላ፤ ምያ ቦላ፤ ደርሳቱዋ ቦላ፤ ዴሻቱዋ ቦላ ዋልቃማ ኢታ ሀርግያ ዩዳና።

4 ሸን ታን መጅና ጎዳይ እሰራኤልያ መሀያ ግዳዋንነ ግብጾቱዋ መሀያ ግዳዋን ሻኮታ መጳና። እሰራኤላቱ መሀያፕ እቲነ ሀይቀና” ያጌ።

5 መጅና ጎዳይ ዋድያ ኬሪደ፤ “ታን ዋንት ሀዋ ሀ ጋድያ ቦላን አላና” ያጌዳ።

6 ዋንተላ ጋላሰ መጅና ጎዳይ ሄዋ ኦሴዳ። ግብጾ አሳ መሀያ ኡባይ ሀይቄዳ፤ ሸን እሰራኤልያ አሳ መሀያፕ እቲነ ሀይቄቤና።

7 ካቲ ሀ ዩወዋ ፓጫናወ አሳ ከቲደ፤ እሰራኤላቱዋ መሀያፕ፤ ሀራይ አቶ፤ እቲነ ሀይቄቤናዋ ኤራዳ። ግደፕካ ካትያ ዋዛናይ ደንጭሎ ሳአፕ ሰመናን እጽና፤ አሳ ዩድናን ድጌዳ።

ጸባ

8 መጅና ጎዳይ ሄዋፕ ጉይያን፤ ሙሳነ አርና፤ “ሀንተንቱ ኩሽያ ኩንጺደ ጮጭያፕ ብድንላ ኡጭተ፤ ሙሴ ካቲ ዴልሸን፤ ሄዋ ፑደ ጫርኮ ላሎ፤

9 ሄዋ ግብጾ ቢታ ኡባ ቦላ ሊቆ ባና ግዳናዋ፤ ግብጾ ቢታ ኡባን አሳ ቦላነ መሀያ ቦላ ጌይያ ጸባይ ዋሳናዋ” ያጌዳ።

10 ኡንቱንቱ ጮጭያፕ ብድንላ አኪደ፤ ካትያ ሰንላን ኤቄድኖ፤ ሙሴ ሄዋ ፑደ ጫርኮዋን ላልና፤ አሳ ቦላነ መሀያ ቦላ ጌይያ ጸባይ ዋድ አጌዳ።

11 ሻሬቻቱካ ኡንቱንቱ ቦላነ ግብጾ አሳ ኡባ ቦላ ዋዴዳ ጸባይ ኡሱዋ ድግና፤ ሙሴ ሰንላን ኤቃናወ ዳንዳይበይክና።

12 ሸን መድና ጎዳይ ሙሴው ጌዳዋዳንካ፣ ካትያ ዋዛና ደንጭልሴዳ ድራው፣ ሙሴነ አርነ ኦድያዋ ካቲ ሰሰናን እጹዳ።

ሻቻ

13 ሄዋጥ ጉይያን መድና ጎዳይ ሙሳ፣ “ጉራን ደንዲ ባደ፣ ካትያና ጋከታደ እ፣ መድና ጎዳይ፣ እብራዌቱዋ ጸሳይ ኔና፣ “ታዉ ጎይናና ማላ ታ አሳ የዳ።

14 ሄዋ ጳዮፕ፣ ነ ቦላ፣ ነ ኦሳንቻቱዋ ቦላነ ነ አሳ ቦላ ታ ቦሻዉ ደእያ ኩመንላ ዋልቃ ታን ኪታና፤ ሳእን ኡባን ታ ማል ባይናዋ ኔን ሄዋን ኤራናሳ።

15 ታን ሀኖደ ታ ኩሸያ የዳደ፣ ኔና ነ አሳ ኢታ ሀርግያን ሀ ሳእ ቦላፕ ምልጽ ኡዳናሸን።

16 ታን ኔና ታ ዋልቃ በሳናዉን ታ ሱንሳይ ሳእ ኡባ ቦላን ኦደታናዉ፣ ሄዋ ታን ኔና ካተ ኦላደ ዋላድ።

17 ኔን ሀእካ ኦቶሪታደ፣ ታ አሳ የደናን እጻዳ።

18 ሄዋ ድራው፣ ታን ዋንት ሀኖደ ግብጹ ግብጹ ግዳደፕ ሀቼ ጋካናዉ ኡባካ ዋድ ኤሪና፣ ዳሪ ዋልቃማ ሻቻ ቡክሳና።

19 ሀእ ኔን ነ መሀያነ ጋደን ነዉ ደእያዋ ኡባ ኤለካ ሶ ገልሳናዳን አዛዛ፤ እያዉ ጎፕ፣ ሶይ ገለናን ብር ጋደን ደእያ አሳ ኡባ ቦላነ መሀያ ኡባ ቦላ ሻቻይ ዋሳናዋ፤ ኡንቱቱ ሀይቃና” ያጌ ያጋ” ያጌዳ።

20 ካትያ ኦሳንቻቱዋፕ መድና ጎዳ ቃላዉ ያዬዳዋንቱ ባረንቱ እይለቱዋነ ባረንቱ መሀያ ኤሌሊደ ሶይ ገልሴድና።

21 ሸን መድና ጎዳ ቃላ ካዴዳዋንቱ ባረንቱ እይለቱዋነ ባረንቱ መሀያ ጋደን አግ ባሸድና።

22 ሄዋጥ ጉይያን መድና ጎዳይ ሙሳ፣ “ግብጹ ቢታ ኡባ ቦላን፣ አሳ ቦላ፣ መሀያ ቦላነ ግብጹ ጎሻቱዋን ድጭያባ ኡባ ቦላ ሻቻይ ዋሳናዳን፣ ነ ኩሸያ ሳሉዋ ደንላ” ያጌዳ።

23 ሙሴ ባረ ጋትማ ሳሉዋ ዛሪደ ደንሌዳ ዋደ፣ ጸሳይ ጉጉንሳነ ሻቻ የዳዳ፤ ዋልቃንሳይካ ዲገ ሳእዉ ዋልቃሜዳ። ጸሳይ ግብጹ ጋድያን ሻቻ ያት ቡክሴዳ።

24 ሻቻይ ዋዴዳ፤ ዋልቃንሳይ ያነ ሃነ ዋልቃሜዳ፤ ግብጹ ጋድያን ካቲ ካተቶደፕ ደምና፣ ግብጹ ቢታ ኡባን ዋዴዳ ሻቻ ኡባፕ ሄዋ አድያ ኢታ ሻቻ።

25 ሄ ሻቻይ ግብጹ ቢታ ኡባ ጋደን ደእያ ኡባባ፣ አሳካ መሀያካ ሾጮዳ፤ ጋደን ደሌዳባ ኡባ ዲገ ዛሪደ ብደዬዳ፤ ምላ ኡባ መንግራዬዳ።

26 ሻቻይ ዋዴቤና ጋዲ እሰራኤላቱ ኡቴዳ ጎሸና ጋድያ ጸላላ።

27 ካቲ ኪት ሙሳነ አርና ጸሰሲደ፣ “ሀእ ሰም፣ ታን ናጋራ ኦላድ፤ መድና ጎዳይ ቱማንቻ፤ ታንን ታ አሳይ ባይዛንቻ።

28 ኡዉ ጉጉንሳይነ ሻቻይ ዳራዳ ድራው፣ መድና ጎዳ ዋሰተ። ታን ሀንተንታ የዳና፤ ሰም ሀዋፕ ሰንላን ሀንተንቱ ሀዋን ጋምእክታ” ያጌዳ።

29 ሙሴ እ፣ “ታን ሀ ካታማፕ ከሴዳ ዋደ፣ ታን ዋሳናዉ ታ ኩሸያ መድና ጎዳኮ ምጫና፤

ያቶፕ ጉጉንሳይ አጋናዋ፤ ቃይ ሻቻ ዋላይ ኤቃና፤ ሳእይ መድና ጎዳዋ ግድያዋ ኔን ሄዋን ኤራና።

30 ሸን ኔን ነ ኦሳንቻቱ መድና ጎዳዉ ጸሳዉ ሀእካ ያየናዋ ታን ኤራይ” ያጌዳ።

31 ታልባይ ጪሼዳ ድራውነ ባንጋይ ትሹዳ ድራው፣ ታልባይነ ባንጋይ ሻቻን ባዬድና።

32 ሸን ዛርጋይነ ሞርገ ምላይ ካእያ ዋዲ ብራ ግዴዳ ድራው፣ ሻቻን ባይበይክና።

33 ሄዋጥ ጉይያን ሙሴ ካትያ ማታፕ ደንዲደ፣ ካታማፕ ጋጸ ከሴዳ። ባረ ኩሸያ መድና ጎዳኮ ምጫዳ፤ ያትና ጉጉንሳይነ ሻቻይ አጌዳ፤ እራይካ ቢታ ቦላን ዲገ ትገትያዋ ኤቁዳ።

34 ሸን ካቲ እራይ፣ ሻቻይነ ጉጉንሳይ አጌዳዋ በኤዳ ዋደ ዛሪደካ ናጋራ ኦላዳ፤ እካ አ ኦሳንቻቱካ ባረንቱ ዋዛና ደንጭልሴድና።

35 መድና ጎዳይ ሙሴ ደናን ሃሳዬዳዋዳንካ ካትያ ዋዛናይ ደንጭልና፣ እሰራኤላቱዋ እ የደናን እጹዳ።

10

ቦልያ

1-2 ሄዋጥ ጉይያን ሙሳ መድና ጎዳይ ሀዋዳን ያጌዳ፤ “ግብጹ ካትያኮ ባ፤ እያዉ ጎፕ፣ ታን ግብጹቱዋ ግደን ማላነ ዋልቃማ ማላታ ታ ዋታ ኦሌደንቶ ሀንተንቱ ሀንተንቱ ናናዉነ ሀንተንቱ ናና ናናቶ ኦዳና ማላ፣ ቃይ ሀንተንቱካ ታን መድና ጎዳ ግድያዋ ኤራና ማላ፣ ታ ዋልቃማ ማላታ ኡንቱንቱ ግደን አላናዉ አ ዋዛናነ አ ኦሳንቻቱዋ ዋዛና ታን ደንጭልሳ ዋላድ” ያጌዳ።

3 ሙሴነ አርነ ካትያኮ ገሊደ እ፣ “መድና ጎዳይ፣ እብራዌቱዋ ጸሳይ ኔና ሀዋዳን ያጌ፤ ኔን ታዉ አዛዛተናን አዉደ ጋካናዉ እጻይ? ታዉ ጎይናና ማላ ታ አሳ የዳ።

4 ኔን ኡንቱንታ የደናን እጻፕ፣ ነ ቢታ ቦላ ታን ዋንት ቦልያ አሀና፤

5 ቦሊ ኡን ቢታ ደማናዉ ዳንዳየናዳን ቢታ ካማናዋ። ሀንተንቶ ሻቻፕ አቴዳ ጉላባ፣ ጋደን ድጭያ ምላይካ አተናን ኡባ ማናዋ።

6 ነ ጎሊን ነ ሱንሳቱዋ ጎሊን ግብጹ አሳ ኡባ ጎሊን ኡንቱንቱ ኩማናዋንታ፤ ሄዋ ነ አዋቱዋ፣ ዋይ ነ ማይዛ አዋቱ ሀ ቢታን ኡቶደፕ ሀኖ ጋካናዉ ሙላ በእቤናባ ያጌ” ያጌድና። ሄዋፕ ጉይያን ሙሴ ካትያ ሰንላፕ ከሲደ ቤዳ።

7 ካትያ ሱንሳቱ ካትያ፣ “ሀ ብታኒ ኑዉ አዉደ ጋካናዉ መቱዋ ጋሶ ግዳናዋ? ኡንቱንቱ መድና ጎዳዉ፣ ባረንቱ ጸሳዉ፣ ጎይናና ማላ፣ ኔን አሳ የዳ፤ ግብጹ ቢታይ ባዬዳዋ ኔን ሀእካ አኬክኪ?” ያጌድና።

8 ሄዋ ድራው፣ ካቲ ሙሳነ አርና ጉየ ዛሪደ፣ “ቢተ፤ መድና ጎዳዉ፣ ሀንተንቱ ጸሳዉ ጎይንተ፤ ሸን ብያዋንቱ ኦና ኦኔ?” ያጌዳ።

9 ሙሴ፣ “ኡን ኑ ጭማ አሳነ ኑ ጉላ ናናቱዋና፣ ኑ ደርሳ ዉደቱዋናነ ሚዛ ዉደቱዋና እትፕ ባና፤ እያዉ ጎፕ፣ ኡን ብያሳን መድና ጎዳ ባላ ቦንቻናዉ ኮሼ” ያጌዳ።

10 ካቲ፣ “ታን ሀንተንታ ሀንተንቱ ናናነ ሀንተንቱ ማቼቱዋ የድያዋ ግደፕ፣ መድና ጎዳይ

ህንተንታ ናገናው ኮሼ። ሸን በእተ፤ ህንተንቱ ህንተንቱ ዋዛናን ኢታባ ቆፔዳዌ ቆንጭያን ኤረቱ።

11 ቱይት፡ ህንተንቱ፡ ‘ጸሳው ጎይናና’ ጊደ ኦቶያዎ ግደፕ፡ አቱማ አሳ ጸላላይ ቢደ መድና ጎዳው ጎይንተ” ያጌዳ። ሄዋፕ ጉይያን ሙሰነ አሮነ ካትያ ሰንሳፕ የደርሰቲደ ከሴድኖ።

12 መድና ጎዳይ ሙሳ፡ “ቦሊ ግብጾ ጋድያን ከሳናዳን፡ ሻቻፕ አቲደ ጋደን ድጭያባ ኡባ ልምእ ኦላና ማላ፡ ነ ኩሽያ ግብጾ ጋድያ ቦላን ሞጫ” ያጌዳ።

13 ሙሴ ባረ ጋትማ ግብጾ ጋድያ ቦላን ሞጭና፡ መድና ጎዳይ አዋይ ደልያ ባጋ ጫርኩዋ ሄ ጋላሳነ ቃማ ኡባ ሄ ጋድያ ቦላን ጫርከሴዳ፤ ዋንቴዳ ዋይ ሄ ጫርኩ ቦልያ አሄዳ።

14 ቦሊ ግብጾ ቢታ ኡባ ቦላ ሻምእ ጊደ፡ ቢታ ኡባ ሳን ከሰ ኡቲዳ። ሀዋ ኬሻ ቦልያ ቦሻይ ሄ ቢታን ሀዋፕ ካሰና ሀንቤና፤ ዋይ ሀዋፕ ሰንሳውነ ዛረሐደ ሀነና።

15 ቢታይ ካረጸና ጋካናው ቦሊ ቢታ ኡባ ካሚዳ። ሄ ቦሊ ሻቻፕ አቲደ ጋደን ድጭያባ ኡባን ሞላ ቦላን ደእያ አይፍያ ኡባ ሞልጽ ኦሴዳ። ያትና ሞላ ቦላን እርጸ ሀይላይ፡ ዋይ ጋደን አታክልቲ ግብጾ ቢታ ኡባን አያይነ አትቤና።

16 ካቲ ሙሳነ አሮና ኤለካ ዴሰሲደ፡ “መድና ጎዳ ህንተንቱ ጸሳነ ህንተንታ ታን ናቃድ፤

17 ሰም ህንተንቱ ታው ታ ናጋራ ሀ እት ገደ ጸላላው አቶ ገተ፤ ሀ ዋድያ ቦሻ ታፕ ድጋና ማላ፡ መድና ጎዳ ህንተንቱ ጸሳ ዋሰተ” ያጌዳ።

18 ሙሴ ካትያ ማታፕ ከሲደ፡ መድና ጎዳ ዋሰና፤

19 መድና ጎዳይ ሄ ጫርኩዋ አዋይ ወልያ ባጋ ዋልቃማ ጫርኩ ላምና ቦልያ ቶክ፡ ዞኦ አባኮ አፊዳ። ግብጾ ቢታ ኡባን እት ቦሊን አትቤና።

20 ግደፕ፡ መድና ጎዳይ ካትያ ዋዛና ደንጭልሴዳ ድራው፡ እስራኤላቱዋ የደናን እጾዳ።

ባራ ቋማ

21 መድና ጎዳይ ሙሳ፡ “ግብጾ ጋድያን አሳይ ቦቾ በአናው ዳንዳይያ ኬሻ ቋማይ ቋማና ማላ፡ ነ ኩሽያ ሳሉዋ ደንላ” ያጌዳ።

22 ሙሴ ባረ ኩሽያ ሳሉዋ ደንሴዳ፤ ግብጾ ቢታ ኡባን ሄዙ ጋላሳ ኩመንላ ባራ ቋማይ ቋማዳ።

23 ሄ ሄዙ ጋላሳቱዋን አሳይ ኦንነ አቱ አቱዋ በኤናን፡ ዋይ ባረ ሳኦፕ ደንዲደ ቤናን ታኬዳ። ሸን እስራኤላቱ ደእያ ሳኦን ኡባን ኡንቱንቶ ፖኤ ደኤ።

24 ካቲ ሙሳ ዴሰሲደ፡ “ቢተ፤ መድና ጎዳው ጎይንተ፤ ህንተንቱ ማቼቱካ ህንተንቱ ናናይካ ህንተናና ባናው ዳንዳይና። ህንተንቱ ደርሳ ወድያን ህንተንቱ ሚዛ ወድያ ጸላላ የጊደ ቢተ” ያጌዳ።

25 ሸን ሙሴ አ፡ “ኩን ያርሹዋን ጸጊደ ያርሹያ ያርሹዋ መድና ጎዳ፡ ኩ ጸሳው፡ ሺሻናው፡ መሀያ ኑው እማደ የድያዌ ኔና ጉሳካ?

26 ኩ መሄ ኡባይካ ኑናና ባናው ኮሼ፤ ቅንጫፍለ እቱነ ጉየ አተና። መድና ጎዳ፡ ኩ ጸሳው፡ ጎይንያ ጎይናው ሄ መሀያፕ ደሪደ አካናው ኮሼ፤ ኩን ያ ጋከናን ደእደ፡ መሀያፕ ሀቃዋ ሀቃዋ መድና ጎዳው ያርሻንቶ ኤራናው ዳንዳይኩ” ያጌዳ።

27 ሸን መድና ጎዳይ ካትያ ዋዛና ደንጭልሰና እ ኡንቱንታ የዳናው ኮይቤና።

28 ሄዋፕ ጉይያን ካቲ ሙሳ፡ “ታ ማታፕ ክቻ! ላኤንላ ታ ሰንሳን ለምእ ጋደ ኔና ኤራ! ኔን ታ አይፍያ ታ ዴሙዋ በኤዳ ጋላሳይካ ነው ሀይቆ” ያጌዳ።

29 ሙሴ አ፡ “ቱማካ፤ ኔን ጌዳዋዳን ታን ኔና ላኤንላ ኡባካ በእከ” ያጌዳ።

11

ባይራ የለቴዳዋንቱ ቦላ ዬዳ ቦሻ

1 ሙሴው መድና ጎዳይ፡ “ታን ግብጾ ካትያ ቦላን እ አሳ ቦላ እት ሀራ ቦሻ የዳና፤ ሄዋፕ ጉይያን እ ህንተንታ ሀ ጋድያፕ ከሰ የዳናዋ፤ እ ህንተንታ እቱነ አተናን ኡባካ የደርሳናዋ።

2 እስራኤልያ አሳይ፡ ማጫዌ አቱማዌ ባረ ሾሮቱዋፕ ብራፕነ ዋርቃፕ መፍቲዳ ሚሻቱዋ አቻና ማላ፡ ኡንቱንቶ ኦዳ” ያጌዳ።

3 መድና ጎዳይ እስራኤልያ አሳቱ ግብጾቱዋ ሰንሳን ናሽታናዳን ኦሴዳ። ቃይ ሙሴ ባረ ሀጺያውካ ግብጾ ጋድያን ካትያ ኦሳንቻቱዋንነ አሳን ሎይላ ዳር ቦንቼቲዳ አሳዳን ጸለቲዳ።

4 ሙሴ ካትያ ሀዋዳን ያጌዳ፤ “መድና ጎዳይ ሀዋዳን ያጌ፤ ቃማ ግደ ብላህያን ታን ግብጾ ግዲዋና አቆና፤

5 ግብጾ ጋድያን ደእያ ባይራ አቱማ ናናይ ኡባይ፡ ካውተላ ኦይድያን ኡትያ ካትያ ባይራ ናኦፕ ደሚደ፡ ዋዳን ጋጭያ ቆማት ባይራ ናኦ ጋካናው ባይራ የለቴዳ መሄካ አተናን ኡባይ ሀይቃናዋ።

6 ግብጾ ቢታ ኡባን ሀዋፕ ካሰ ባጋን ሀንቤናን ሰንሳፕካ ሀነና ዋልቃማ ዬኩ ዬከታናዋ።

7 ሸን እስራኤላቱ ግዲዋን፡ አሳ ቦላ ዋይ መሀያ ቦላ ካናይነ ቦጩና ያጌ። ሄ ዋይ መድና ጎዳይ ግብጾቱዋንነ እስራኤልያ ግዲዋን ሻኮታ መድያዋ ኔን ኤራናሳ።

8 ሀ ነ ኦሳንቻቱ ኡባይ ታኮ ዪደ፡ ታ ሰንሳን ጉፋን ጎይኒደ፡ ‘ከሳደ ባርኪ! ኔና ካልያ አሳይ ኡባይካ ቦ!’ ጋናዋንታ። ሄዋፕ ጉይያን ታን ባና” ያጌዳ። ሄዋፕ ጉይያን ሙሴ ሀንቁዋን ኤጸቲደ፡ ካትያ ሰንሳፕ ከሲደ ቤዳ።

9 ሙሴው መድና ጎዳይ ኮይሮ፡ “ታ ማላልሰያ ማላታይ ግብጾ ጋድያን ዳራና ማላ፡ ካቲ ህንተንቱ ኦድያዋ ሰሰናን እጸናዋ” ያግ ዋሴዳ።

10 ሙሴነ አሮነ ሀ ማላልሰያ ማላታ ኡባ ካትያ ሰንሳን ኦሴድኖ፤ ሸን መድና ጎዳይ ካትያ ዋዛና ደንጭልሴዳ፤ ያትና እ እስራኤላቱዋ ባረ ጋድያፕ የደናን እጾዳ።

12

ፓሰጋን ግብጽ፣ ከሱሳ (12:1—15:21)

1 መድና ጎዳይ ግብጽ ጋድያን ሙሳን አርና ሀዋዳን ያጌዳ፤

2 “ሀ አግናይ ህንተንቱ ላይላው ኮይር አግና ግዳ፤

3 እስራኤልያ አሳው ኡባው ሀዋ ኦድተ፤ ሀ አግናይ ገሌዳ ታማንሳ ጋላሳን፣ እት አሳይ ባረ ሶይ አሳው እት ኮልያ ዶርሳ ዋይ እት ኮልያ ዳሻ አሆ።

4 ሄ ጎላ አሳ ፓይዳ ሄ ዶርሳ ወርሰ ማናው ጉጾ፣ እነ አው ኡባ፣ ማታትያ ሾሩ ባረንቱ ሶ አሳ ፓይዳደ እት እት አሳይ ማናው ዳንዳይያ ኬሻ አኬኪደ፣ ሄ መሀያ ሹኪደ እት፣ ሚና።

5 ህንተንቱ ዶር አክያ መሄ የለቶደ፣ እት ላይላ ግዳዳዋ፣ አ ቦላን አይ ፓጫይን ባይና አቱማዋ ግዳ። ህንተንቱ ዶርሳ፣ ዋይ ዳሻ፣ ለካናው ዳንዳይያ።

6 ሀ አግናው ታማን ኦይደንሳ ጋላሳ ጋካናው አንቱንታ ሄምተ፤ ሄ ጋላሳ ኦማርሰ እስራኤልያ አሳይ ኡባይ አንቱንታ ሹካናው ኮሼ።

7 ያተደ ሱላ፣ አማራዳዋ አኪደ፣ አንቱንቱ ሞያ ጎለው ላኡ ማቃንያን ጉባንያ አክና፤

8 አሹዋ ሄ ጋላሳ ቃማ ታማን ዲጽ ዲጽደ፣ ጫምያ ቦንጫያናን ኡኬዳ ኡክላና ሚና።

9 አሹዋ ቃይያ ዋይ ዶይሲደ ሞፕተ፤ ሀ-ጲያካ ገድቱዋካ ቃንሳ ግዶ አሹዋካ ኡባ ቃንጸናን ሙምያ ዲጽተ፤

10 ሄ አሹዋ፣ ሳይ ዋንታና ጋካናው አይን አሹፕተ፤ ሸን አማራዳዋ አቶ፣ ሄዋ ጹጋናው ኮሼ።

11 ሙሳ ሚደ፣ አግናው ገግያ ማደዋ ማደደ፣ ህንተንቱ ጫማ ህንተንቱ ገድያን ዋሲደ፣ ህንተንቱ ጋትማ ህንተንቱ ኩሽያን ኦይቂደ ሚታ። ኤሌል ኤሌል ሚተ፤ ሀዋ መድና ጎዳ ፓሰጋ።

12 “ታን ሄ ጋላሳ ቃማና ግብጽን አዳደ ባይራ የለቱዳ ኡባ፣ አሳካ፣ መሀያካ ዋዳ፤ ግብጽ ኤቃቱዋ ኡባ ቦላካ ታን ፕርዳና፤ ታን መድና ጎዳ።

13 ሄ ሱላይ ህንተንቱ ደእያ ጎልያ ኤርሰያ ማላ ግዳናዋ። ታን ሄ ሱላ በኦ ዋይ፣ ህንተንታ አጋደ አዳና፤ ታን ግብጽ ጋድያ ቦሻን ሹጫያ ዋይ፣ ህንተንታ አይ ቦሻይካ ቦቼና።

14 “ሀ ጋላሳይ ህንተንቱ ቆፕ ቆፕ ቦንቻያ ጋላሳ ግዳ፤ ህንተንቱ የለታይ ኡባይ መድና ጎዳ ባላ ቦንቻተ፤ ሀዋ ዋጋ ኦሊደ ኡባ ዋይ ቦንቻተ።

እርሹ ገልቤና ኡክላ ባላ

15 “ላፑን ጋላሳይ ጋካናው እርሹዋ የግቤና ኡክላ ሚተ፤ ሸን ኮይር ጋላሳ እርሹዋ ህንተንቱ ሶፕ ድግተ። ሄ ኮይር ጋላሳ፣ ዶሚደ ላፑንሳ ጋላሳ ጋካናው፣ እርሹዋና ደእያ ኡክላ ሞያ አሳይ እስራኤልያ አሳ ግዶ፣ ሀዋ ስሄ። *

16 ኮይር ጋላሳ ጌሻ ሸቁዋ ሸቅተ፤ ሀራ ጌሻ ሸቁዋ ቃይ ላፑንሳ ጋላሳን ሸቅተ፤ አሳይ ማናው ቁማ ካፋናዋ፣ አትና፣ ሀ ጋላሳ ኡባን አይን ኦላፕተ፤ ህንተንቱ ኦፋናባይ ሄዋ ጸላላ።

17 “እርሹ ገልቤና ኡክላ ባላ ቦንቻተ፤ አያው ጎፕ፣ ታን ህንተንቱ ጩጉዋ ግብጽ ጋድያ፣ ከሴዳዌ ሄ ጋላሳና። ሄ ጋላሳ፣ የለታ፣ የለታይ ጋካናው ፕን ከሰያ ዋጋ ኦሊደ ቦንቻተ።

18 ኮይር አግናን፣ ሄ አግናው ታማን ኦይደንሳ ጋላሳ አማርሳ፣ ዶሚደ፣ ላታማን አትንሉዋ አማርሰ ጋካናው እርሹ ገልቤና ኡክላ ሚተ።

19 ላፑን ጋላሳይ ጋካናው እርሹ ህንተንቱ ሶን ቤቶ፣ እርሹ ገሌዳዋ ሞያ አሳይ በተ ግድና ዋይ ሄ ቢታ አሳ ግድና፣ እስራኤልያ ግዶ፣ ስሄ።

20 እርሹ ገሌዳዋ አያን ሞፕተ፤ ህንተንቱ ደእያ ሳኦን ሀቃንካ እርሹ ገልቤና ኡክላ ማናው ኮሼ” ያጌዳ።

ኮይር ፓሰጋ

21 ሄዋ፣ ጉይያን ሙሴ እስራኤልያ ጭማቱዋ ኡባ ዴሰሲደ አንቱንታ ሀዋዳን ያጌዳ፤ “ህንተንቱ ኤለካ ቢደ፣ ህንተንቱ ሶ አሳው ፓሰጋው ኮልያ፣ ዶርሳ ዋይ ዳሻ ሹክተ።

22 ሀሶጽያ ጌተትያ ሀይላ፣ ዳንክ አኪደ፣ ከርያን ደእያ ሱላን ናቂ ከሲደ፣ ሄ ሱላ ላኡ ማቃንያን ጉባንያ አክተ፤ ህንተንቱ እት አሳይን ሳአይ ዋንታና ጋካናው ባረ ጎልያ ፕንግፕ፣ ካረ ከሶ።

23 መድና ጎዳይ ግብጽቱዋ ሹጫ ዋዳናው ሄ ቢታና አድያ ዋይ፣ ሱላ ጉባንያን ላኡ ማቃንያን በአና፤ ያተደ ካረና አዳና፤ ዋዳያዊ ህንተንቱ ሶ ገሊደ፣ ህንተንታ ዋጋናዳን አ ህንተንቱ ሶ ገልሰና።

24 “ህንተንቱ ሀ አዛዙዋ ህንተንቶን ህንተንቱ ዘረላው ኡባ ዋይ ዋጋ ኦሊደ አዛዘትተ።

25 መድና ጎዳይ ካሰ አማና ጌዳዋዳን አ አምያ ቢታ ህንተንቱ ገልያ ዋይ፣ ሀ ዋጋ ናግተ።

26 ህንተንቱ ናናይ ህንተንታ፣ ‘ሀ ቦንቻ ባላ ብርሸላይ አይ?’ ያጌደ ኦቻያ ዋይ፣

27 ህንተንቱ አንቱንታ፣ ‘ሀዋ ጸሳ ቦንቻናው ያርሸያ ፓሰጋ ያርሹዋ፤ አያው ጎፕ፣ መድና ጎዳይ ግብጽ ጋድያን እስራኤልያ አሳ ጎልያ አግ አድ ቢደ፣ ግብጽቱዋ ዋዳደ፣ ኑና አሹዳ ድራሳ’ ያግተ” ያጌዳ።

ሄዋ፣ ጉይያን አሳይ ጉልባቲደ ጎይዳ።

28 እስራኤላቱ መድና ጎዳይ ሙሳን አርና አዛዜዳዋዳን ኦሊደ።

ግብጽቱዋ ባይራ የለታቱ ሀይቂ ወርባ

29 ቃማ ግዶ ብላህያን መድና ጎዳይ ግብጽን ባይራ የለቱዳ ኡባ፣ ካወተላ ኦይደያን ኡቱዳ ካትያ ባይራ ናኦ፣ ዶሚደ፣ ቃሹ ጎላን ደእያ ኦሞድቲዳዋንቱ ባይራ ናኦ ጋካናው፣ ቃይ ባይራ የለቱዳ መሀያ ኡባ ድፕ ኦሊደ።

12:1 ዋጋ 23:5፤ ፓይ. 9:1-5፤ 28:16፤ ዛረ. 16:1-2 ዛረ. 16:3-8 * 12:15 ሶሄ፣- ግያዌ ሀይቁዋካ በሴ።

12:14 ከሳ 23:15፤ 34:18፤ ዋጋ 23:6-8፤ ፓይ. 28:17-25፤ 12:23 አብራ. 11:28 12:29 ከሳ 4:22-31

30 ካቲ፡ አ አሳንቻቱ ኡባይነ ግብጹ ጋድያ አሳይ ኡባይ ቃማ ደንዴድኖ። ግብጹ ጋድያን አሳይ ሀይቁቤና ጎሊ ኡባካ ባይና ድራው፡ አሳይ ኮሻ ጶቁ አሊደ ዋልቃማ ዩኩዋ ዩኬዳ።

31 ሄ ጋላስ ቃማ ካቲ ሙሳነ እርና ጸሱደ፡ “ደንድተ! ህንተካ እስራኤልያ አሳይካ ታ አሳ ግዲዋጥ ከሰ ቢደ ህንተንቱ ኦቼዳዋዳንካ መድና ጎዳዉ ጎይንተ!

32 ህንተንቱ ጌዳዋዳንካ ህንተንቱ ዶርሳ ዉድያነ ህንተንቱ መሀያ ዉድያ አኪደ ቢተ! ቃይ ታዉካ ዋሰተ” ያጌዳ።

33 ግብጹ አሳይ እስራኤላቱ ጋድያጥ ኤለካ ከሳና ማላ ድርቢሴድኖ። አያዉ ጎጥ፡ ኡንቱንቱ፡ “ሄዋ ጳዮጥ፡ ኩን ኡባይካ ዉራቶ” ያጌድኖ።

34 ሄዋ ድራው፡ እስራኤልያ አሳቱ ባረንቱ እርሹ ገልቤና ሙናቃ ከርያን ኩንሊደ፡ ባረንቱ ማዩዋን ጸጸደ፡ ሀሽያን ቶኬድኖ።

35 እስራኤላቱ ሙሴ ኡንቱንታ አዛዜዳዋዳን፡ ግብጹቱዋ ብራ ሚሻቱዋ፡ ዋርቃ ሚሻቱዋነ ማዩዋ፡ “አምተ” ጊደ ኦቼድኖ።

36 መድና ጎዳይ ግብጹቱዋ ሰንላን ሄ አሳይ ሳበታናዳን አላና፡ ግብጹቱ ኡንቱንቱ ኦቼዳዋ አሜድኖ። ሄዋዳን ያቲደ ኡንቱንቱ ግብጹ አሳቱዋ ማጹዋ ቦንቁ አኪደ ቤድኖ።

እስራኤላቱ ግብጹጥ ከሴድኖ

37 እስራኤላቱ ራምሳ ጌተቶያ ካታማጥ ደንዲደ ሱኮታ ጌተቶያ ሳኣ ገድያን ሀመቲደ ቤድኖ። አሳይ ናናነ ማጫዋንታ ጉጀናን ገይድኖ፡ ኡሱፑን ጾቱ ሻኣ።

38 ቃይ ኡንቱንቱና ሀራ ዳር አሳይ፡ ዳር መሃነ ዶርሳ ዴሻ ዉዲ ላገቲደ ቤዳ።

39 ግብጹጥ ኡንቱንቱ አኪደ ከሴዳ ሙናቃ እርሹ ገልቤና ኡክላ ኡኬድኖ፤ አያዉ ጎጥ፡ ኡንቱንቱ ግብጹጥ ድርባን ከሴድኖ፤ ባረንቶ ሽንቃ ካላናዉካ፡ ሙናቃይ ደንድና ኡካናዉካ ኡንቱንታ ጋላቤና።

40 እስራኤላቱ ግብጹ ጋድያን ደኤዳ ላይላይ ኦይዱ ጾታን ሀታማ።

41 ሄ ኦይዱ ጾታን ሀታሙ ላይላይ ዉርያ ሄ ዉርስላ ጋላሳን፡ መድና ጎዳ ጩጉ ኡባይ ግብጹ ጋድያጥ ከሴዳ።

42 መድና ጎዳይ ባረ አሳ ናጊደ፡ ግብጹ ጋድያጥ ከሰያ ዋደ ሳኣይ ቃማ፤ ሄ ቃማይ የለታጥ የለታ ጋካናዉ፡ እስራኤልያ አሳይ ቤጎቲደ ናጊደ አቅያ፡ መድና ጎዳዉ ዲማቲዳ ቃማ።

ጋላስ ጋላሳ ቦንቶያ ዋጋ

43 መድና ጎዳይ ሙሳነ እርና፡ “ጋላስ ጋላሳ ቦንቶያ ዋጋይ ሀዋ፤ በተ አሳይ አጥ ኡባካ ዋጥ።

44 ህንተንቱ ሻሉዋን ሻሜዳ አይሊ ህንተንቱ አ ቃጸርዋጥ ጉይያን አጥ ዋ።

45 ሽን እማላተላን ህንተናና ጋምእያ እማላይነ ከራ አላያ እማላይ አጥ ኡባካ ዋጥ።

46 “ሀ ጋላስ ህንተንቱ እት ጎሊን ሚተ፤ ህንተንቱ ሄ አሹዋጥ እያነ ካረ ከሶጥተ። መቀላቱዋጥ እቱዋነ መንሶጥተ።

47 እስራኤልያ ማባራይ ኡባይ ጋላስ ቦንቶናዉ ኮሹ።

48 “በቲ ዪደ ህንተንቱ ግደን ደእያ አሳይ መድና ጎዳ ጋላስ ቦንቶናዉ ኮዮጥ፡ ኮይር ሄ አቱማ አሳይ ኡባይ ቃጸረቶ። ሄዋጥ ጉይያን እ ሄ ቢታን የለቲዳ አሳዳን ሸቁደ፡ ጋላስ ቦንቶናዉ ዳንዳዬ። ሽን ቃጸረትቤና አሳይ ኡባካ አጥ ዋጥ።

49 ህንተንቱ ቢታን የለቲዳዋካ ህንተንቱ ግደን በተ ግዲደ ደእያዋዉካ ሄ ዋጋይ እቱዋ” ያጌዳ።

50 እስራኤላቱ ኡባይ መድና ጎዳይ ሙሳነ አርና አዛዜዳዋዳንካ ኦሌድኖ።

51 ሄ ጋላሰካ መድና ጎዳይ እስራኤላቱዋ ኡንቱንቱ ጩጉዋን ጩጉዋን ግብጹ ጋድያጥ ከሴዳ።

13

ባይራ የለቲዳ ኡባይ ጸሳዉ ዲማቲዳ

- 1 መድና ጎዳይ ሙሳ ሀዋዳን ያጌዳ፤
- 2 “ባይራ የለቲዳ አቱማዋ ኡባ ታዉ ዲማያ። እስራኤልያ አሳ ግደን ኡሉዋጥ የለቲዳ ባይራ ኡባይ፡ መሀያ ግድና አሳ ግድና፡ ኡባይካ ታዋ” ያጌዳ።

እርሹ ገልቤና ኡክላ ባላ

3 ሄዋጥ ጉይያን ሙሴ አሳ፡ “ግብጹጥ፡ አይለተላ ጋድያጥ ህንተንቱ ከሴዳ ጋላሳ፡ ሀ ጋላሳ ሀሳይተ፤ አያዉ ጎጥ፡ መድና ጎዳይ ባረ ዋልቃማ ኩሽያን ህንተንታ ከሴዳ፤ ሄዋ ድራው፡ እርሹ ገሌዳዋ ኡባካ ዋጥተ።

4 ህንተንቱ ሀቼ፡ ላይላዉ ኮይር ግዴዳ አቢባ አግናን ከሰታ።

5 መድና ጎዳይ ካናንቱዋ፡ ሂተቱዋ፡ አዋራዋናቱዋ፡ ሂዋቱዋነ ያቡሳዋናቱዋ ጋድያ ህንተንታ ጋላያ ዋደ፡ ህንተንቱ ሀ ጋላስ ሀ አግናን ቦንቶታ። ሄ ቢታይ ጸሳይ ህንተዉ እማና ማላ፡ ካሰ ህንተንቱ አዋቶ ጫቁ ዋሌዳ ቢታ። ሄ ቢታይ ማላይነ ኡሳይ ጎግያ ቢታ።

6 ህንተንቱ ላፑን ጋላሳይ ጋካናዉ እርሹ የገትቤና ኡክላ ማንታ፤ ላፑንላ ጋላሳይ መድና ጎዳ ባላ ግዳናዋ።

7 ሄ ላፑን ጋላሳቱዋን እርሹ የገትቤና ኡክላ ህንተንቱ ማና፤ ህንተንቱ ግደን እርሹዋና ደእያባይ እያይነ ቤቶጥ፤ ነ ቢታ ዛዋን ሀቃንነ እርሹ ቤቶጥ።

8 “ሄ ጋላሰ ኔን ነ ናኣዉ፡ ታን ሀዋ አላያዌ፡ ታን ግብጹጥ ከሰያ ዋደ፡ መድና ጎዳይ ታዉ ኡሌዳዋ ሀሳያናሳ’ ያጋደ ኦዳ።

9 መድና ጎዳይ ህንተንታ ባረ ዋልቃማ ኩሽያን ግብጹጥ ከሴዳ ድራው፡ መድና ጎዳ ዋጋይ ህንተንቱ ዶናጥ ዋናዳን፡ ሀ ቦንቶቶያ ጋላሳይ ነ ኩሽያን ቃቼዳነ ነ ዴሙዋን ዋሌዳ ሀሳይሰያዋ ማላ ግዳና።

10 ሄዋ ድራው፡ ህንተንቱ ሀ ዋጋ ላይላን ላይላን አ ዋድያን ቦንቶተ።

ባይራ ናኣ

12:35 ከሳ 3:21-22 12:40 ዶመላ 15:13፤ ጋላ. 3:17 12:46 ገይ. 9:12፤ ዮሃ. 19:36 13:2 ገይ. 3:13፤ ሉቃሳ 2:23

11 “መድና ጎዳይ ህንተንቱን ህንተንቱ ማይዛ አዋቶ እማናዉ ጫቄዳዋዳን፡ እ ህንተንታ ካናንቱዋ ጋድያ ገልሲደ፡ ሄ ጋድያ ህንተንቶ እምያ ዋደ፡

12 ኡሉዋጥ ባይራ የለቲዳ ኡባ መድና ጎዳዉ ዲማያ፤ ነ ሚዛ ባይራ የለትያ አቱማዋ ኡባይ መድና ጎዳዋ።

13 ባይራ የለትያ ሀርያ ኡባ ደርሳ ማራን ዋዛ እካ። ዋዛናዋ ግዶጥ፡ እ ሞርግያ መንላ፤ ነ አቱማ ናና ግዶን ባይራ የለቲዳዋንታ ኡባ ዋዛ።

14 ሰንላና ያና ዋድያን ነ ናኦይ ኔና፡ ‘ሀዌ አዬ?’ ያገደ ኦቾጥ፡ ኔን አ፡ ‘መድና ጎዳይ ኑና ዋልቃማ ኩሽያን ግብጾጥ፡ አይለተላ ጋድያጥ ከሴዳ፤

15 ግብጾ ካቲ ደንጭሊደ ኑና የደናን እጽና፡ መድና ጎዳይ ግብጾ ጋድያን ደእያ ባይራ ኡባ፡ አሳጥ ደሚደ መሀያ ባይራ ጋካናዉ ዋዴዳ። ታን አት ኡሉዋጥ ኮይሮ የለቲዳ አቱማዋ ኡባ መድና ጎዳዉ ያርሽያዌን ታ ባይራ አቱማ ናና ታን ዋዝያዌ ሄዋሳ’ ያጋ።

16 መድና ጎዳይ ኑና ባረ ዋልቃማ ኩሽያን ግብጾጥ ከሴዳዋ፡ ሀዌ ህንተንቶ ኩሽያን ቃቼዳን ዴሙዋን ዋሴዳ ማላ ማላ ግዳናዋ” ያገደ።

ጸሓይ ባረ አሳ ካለሉ ሀኖታ

17 ካቲ አሳ የዴዳ ዋደ፡ ጸሓይ ኡንቱንታ ፕልሰጾማ ቢታና አሳያ ኦጊ ማታ ግዶጥን ሄ ኦግያና ካለሉቤና፤ አያዉ ጎጥ፡ ጸሓይ፡ “አሳይ ኦላ በኦጥ፡ ባረ ቆፋ ላሚደ፡ ጉየ ግብጾ ሰመናዳን” ያገደ ቆጥድ።

18 ሄዋ ድራዉ፡ ጸሓይ አሳ መላ ቢታ ኦግያና የሺደ፡ ዞኦ አባኮ ካለሉዳ። እሰራኤላቱ ግብጾ ጋድያጥ ኦላዉ ገገደ ጉደ ከሴድኖ።

19 ዮሴፎ እሰራኤልያ አሳ ጫቀሉ ዋሴዳ ድራዉ፡ ሙሴ አ መቀላ ባረናና አኪደ ቤዳ፤ ዮሴፎ ኡንቱንታ፡ “ጸሓይ ቱሙጥ ህንተንታ ማደናዉ ያናዋ፤ ሄ ዋደ ህንተንቱ ታ መቀላ ሀ ሳኦጥ ጉደ ህንተናና አኪደ ቢተ” ያገደ ኦድ ዋሴዳ።

ታማነ ሻርያ ቱሳ

20 ኡንቱንቱ ሱኮተጥ ደንዲደ መላ ቢታ ደናን ደእያ ኤታማን ኡቱድኖ።

21 መድና ጎዳይ ኡንቱንቱ ጋላሰነ ቃማ ሀመታና ማላ፡ ጋላሳን ኡንቱንታ ኦግያ በሳናዉ ሻርያ ቱሳን፡ ቃማን ኡንቱንቶ ፖእሳና ማላ ታማ ቱሳን ኡንቱንታ ካለሉዳ።

22 ጋላሰ ሻርያ ቱሳይ ዋይ ቃማ ታማ ቱሳይ አሳ ሰንላጥ ክቶቤና።

14

ዞኦ አባ ፕኔድኖ

1-2 ሄዋጥ ጉይያን ሙሳ መድና ጎዳይ፤ “ኡንቱንቱ ጉየ ሰሚደ ምግደላጥን አሳጥ ግዲዋን፡ ፕሃሀርታ ማታን ኡታናዳን ኦዳ፤ ኡንቱንቱ አባ ላንቁያን ባኦል-ጻፎና ሰንላ መላ ቢታን ኡትኖ ያገደ።

3 ካቲ፡ ‘እሰራኤላቱ መላ ቢታይ ጎርድና፡ ህንያባ ቆዩደ ቢታን ጮ ቶይላካቲኖ’ ያገደ ቆጥናዋ።

4 ታን ካትያ ዋዛና ደንጭልሳና፤ እ ኡንቱንታ የደርሳና፤ ታን ካትያንን እ ኦላንቻቱዋ ኡባን ቦንቼታና፤ ግብጾቱካ ታን መድና ጎዳ ግድያዋ ኤራና” ያገደ። እሰራኤላቱ እ ኦዴዳዋዳን ኦሴድኖ።

እሰራኤላቱዋ ካትያ ጋራይ ካሌዳ

5 አሳይ ባቃት ድጌዳዋ ግብጾ ካትያዉ ኦድና፡ እን እ ሱንላቱ እሰራኤላቶ ቆጥዳ ባረንቱ ቆፋ ላሚደ፡ “ኡን ሀዋ ዋቱቶ? ኡን እሰራኤላቱዋ የዲደ፡ ኡንቱንቱ ኑዉ ኦሳያ ዋልቃጥ መላ አቱደ” ያገደኖ።

6 ሄዋ ድራዉ፡ እ ባረ ጋራ ጋርያ ኮሪደ፡ ባረ ኦላንቻቱዋ ባረናና አኪደ ደንዴዳ።

7 እ ኡሱቸን ጾቱ ደረቲዳ ጋራ ጋረቱዋ፡ ግብጾ ጋድያን ደእያ ሀራ ጋረቱዋ ኡባና፡ ኡንቱንቱ ኡባዉ ካቸዋ ካቸዋ ሱንላደ አኪደ ቤዳ።

8 መድና ጎዳይ ግብጾ ጋደ ካትያ፡ ዋዛና ቆልሰና፡ ጸሳ ዋልቃን ከሳ ቦላ ደእያ እሰራኤልያ አሳ የደርሴዳ።

9 ሄዋጥ ጉይያን ግብጾ አሳቱ፡ ካትያ ጋራቱ ኡባይነ ጋራ ጋረቱ፡ ጋራ አሳቱን ኦላንቻቱ እሰራኤላቱዋ ካሊደ የደርሴድኖ። አባ ደናን ባኦል-ጻፎና ሰንላ ባዙዋን ደእያ ፕሃሀርታ ማታን ኡንቱንቱ ኡቱዳዋንታ ደሚድኖ።

10 ካቲ ማት ድግና፡ እሰራኤላቱ ቆቁ ግ ጾልያ ዋደ፡ ግብጾቱ ኡንቱንቱ ጌዲዋ ካሊደ ዬዳዋ በኤድኖ፤ ያቲደ ዳርጥ ያዩደ፡ መድና ጎዳኮ ዋሴድኖ።

11 ኡንቱንቱ ሙሳ፡ “ኡን ኑና ግብጾን ዲፋ ቆይና መላ ቢታን ሀይቃናዳን ከሳዲየ? ኑና ግብጾጥ አያዉ አሃድ?”

12 ግብጾን ደኢደ ኑን፡ ‘ኑና አጋ ባሻ፤ ኑን ግብጾቶ ሞደታና’ ያገደ ነዉ ኦድበይኮየ? መላ ቢታን ሀይቃናጥ ኡንቱንቶ ሞደትያዌ ኑዉ ሎኦ ሸን” ያገደኖ።

13 ሸን ሙሴ አሳ፡ “ያዮጥተ፤ ምን ኤቁተ፤ መድና ጎዳይ ሀቼ ህንተንታ አሸያ አሹዋ ህንተንቱ በእና። ሀቼ ህንተንቱ በእያ ግብጾቱዋ ላኤንሶ ኡባካ በእክታ።

14 ህንተንቱ ድራዉ መድና ጎዳይ ኦለታናዋ፤ ህንተንቱጥ ኮየትያዌ ጮኦ ጉሳ ጸላላ” ያገደ።

15 መድና ጎዳይ ሙሳ፡ “ኡን ታኮ አያዉ ዋሳይ? እሰራኤላቱ ሰንላዉ ሀመታና ማላ ኦዳ።

16 ነ ጸምኦ ደንላደ አባ ቦላ ሞጫ፤ ሃላይ ላኡ ከሲደ ሻከታናዋ፤ እሰራኤላቱካ መላ ቢታና አባ ፕኒደ ባናዋንታ።

17 ታን ግብጾቱዋ ዋዛና ደንጭልሰና፡ ኡንቱንቱ ህንተንቱ ጌዲዋ ካሊደ አባን ገላናዋንታ። ታን ካትያን እ ኦላንቻቱዋ ኡባ ቦላን፡ እ ጋራ ጋረቱዋን እ ጋራ አሳቱዋ ቦላን ቦንቼዋ ታዉ ደማና።

18 ታን ካትያ ቦላን፡ እ ጋራ ጋረቱዋ ቦላን እ ጋራ አሳቱዋ ቦላን ታዉ ቦንቼዋ ደሚዳ ዋደ፡

ታን መድና ጎዳ ግድያዎ ግብጾቹ ኤራናዎንታ” ያጌዳ።

19 ሄዋጥ ጉይያን ጸሳ ኪታንቻይ፣ እስራኤልያ ኦላንቻቱዋጥ ሰንፋና ሀመትያዌ፣ ጉየ አዲድ ኡንቱንቱጥ ጉየና ሀመቲዳ። ሻርያ ቱሳይካ ኡንቱንቱ ሰንፋን ደእያ ሳኣጥ ጉየ ባጋ ዩዩደ።

20 ግብጾቹዋ ኦላንቻቱዋጥን እስራኤላቱዋ ኦላንቻቱዋጥ ግዲዋን ኤቁዳ። ሄ ሻሪ ቃማ ኡባን እት ባጋና ጭምሲደ፣ ህንኮ ባጋና ፖእሴዳ፤ ያትና ቃማ ኡባ እቱ እቱዋኮ ሸቅብይክና።

21 ሄዋጥ ጉይያን ሙሴ አባ ቦላን ባረ ኩሽያ ምጩዳ፤ መድና ጎዳይ ሄ ጋላስ ቃማ ኡባን አዋይ ዶልያ ባጋጥ ዋልቃማ ጫርኩዋ ዩዲደ፣ አባ ጉየ ዛሪደ መላ ቢታ ከሴዳ። ሃላይ ሻከቲዳ።

22 እስራኤላቱ አባ ግዲዋና መላ ቢታን ሀመቲደ፣ ሃላይ ኡንቱንቱ ኡሸቻናን ሀድርሳና ጎዳዳን ኤቁና ቤድና።

23 ግብጾቹ ኡንቱንታ የደርሴድና፤ ካትያ ፓራ ኡባቱ፣ አ ፓራ ጋረቱነ አ ፓራ አሳቱ ኡንቱንታ ካሊደ፣ አባ ግደ ገሌድና።

24 ብር ዋንታ ባካሊ ዶላናጥ ካሰቲደ፣ መድና ጎዳይ ታማነ ሻርያ ቱሳጥ ዲገ ዛሪደ፣ ግብጾቹዋ ኦላንቻቱዋ ጸሌዳ፤ ኡንቱንቱ ዋዛና ባይዜዳ።

25 ላጋይ ኡንቱንታ ዋይሳና ማላ፣ መድና ጎዳይ ኡንቱንቱ ፓራ ጋረቱዋ ጎማ ቃሉዋ ድግና ግብጾቹ፣ “መድና ጎዳይ ኡንቱንታ ማዲደ ግብጻ ኦልያ ድራወ፣ አነ ኩን እስራኤልያ አሳጥ ባቃቶይተ” ያጌድና።

26 መድና ጎዳይ ሙሳ፣ “ሃላይ ግብጾቹዋ ቦላ፣ ኡንቱንቱ ፓራ ጋረቱዋ ቦላነ ኡንቱንቱ ፓራ አሳቱዋ ቦላ ጉየ ጎጋና ማላ፣ ነ ኩሽያ አባ ቦላን ምጫ” ያጌዳ።

27 ሙሴ ባረ ኩሽያ አባ ቦላን ምጩዳ፤ ሳአይ ዋንትሸን፣ አባይ ባረ ካሰ ሳኣ ጉየ ሰሜዳ፤ ግብጾቹ ያ አ ግደ ባቃትሸን፣ መድና ጎዳይ ግብጾቹዋ አባ ግዲዋን አላ ዮጌዳ።

28 ሃላይ ጉየ ሰሚደ፣ ፓራ ጋረቱዋ ፓራ አሳቱዋና እስራኤላቱዋ ካሊደ አባ ገሌዳ ካትያ ኦላንቻቱዋ ኡባ ምት ባሼዳ፤ ኡንቱንቱጥ እቱነ እትቤና።

29 ሸን እስራኤላቱ አባ ግዲዋና መላ ቢታን ሀመቲደ፣ ሃላይ ኡንቱንቱ ኡሸቻናን ሀድርሳና ጎዳዳን ኤቁና ቤድና።

30 መድና ጎዳይ ሄ ጋላስ እስራኤልያ አሳ ግብጾቹዋ ኩሽያጥ ሀዋዳን አሼዳ። ቃይ እስራኤላቱ ግብጾቹ ሀይቂደ ግብጾቹንታ አባ ደናን በኤድና።

31 እስራኤላቱካ መድና ጎዳይ ግብጾቹዋ ቦላ በሴዳ ዋልቃማ ዋልቃ በኤዳ ዋይ፣ አሳይ መድና ጎዳወ ያዩደ እካ አ ቆማ ሙሳካ አማኔዳ።

15

ሙሴ ዮሳ

1 ሄ ዋደ ሙሴነ እስራኤልያ አሳይ ሀ ዮሳ መድና ጎዳወ ዮዱድና፤ “ቦንቹዋን ሎይሐ ቶቁ ቶቁ ጌዳ ድራወ፣

ታን መድና ጎዳወ ማዘሙርያ የጸና። ፓራነ ፓራ ጋርያን ቶጌዳዋንታ አባን ኦሌዳ።

2 መድና ጎዳይ ታ ዋልቃነ ታ ማዘሙርያ፤ አ ታና አሸያዋ ግዴዳ። አ ታ ጸሳ፤ ታን አ ሳባና። አ ታ አወዋ ጸሳ፤ ታን አ ቶቁ ቶቁ ኦላና።

3 መድና ጎዳይ ኤረቲዳ ኦላንቻ፤ አ ሱንሳይካ መድና ጎዳ።

4 ግብጾ ካትያ ፓራ ጋረቱዋነ አ ኦላንቻቱዋ አባን ኦሌዳ። ግብጾ ካትያ ካፓቱ፣ ኡባጥ አድ ሎእያዋንቱ ዘኦ አባን ሙከቲድና።

5 ጨዋ ሃላይ ኡንቱንታ ካሜዳ፤ ኡንቱንቱ ሹቻዳን ጨሙዋን ምተቲድና።

6 “አቤት መድና ጎዳወ፣ ነ ኡሸቻ ኩሺ ዋልቃን ጎቤዳዋ፤ መድና ጎዳወ፣ ነ ኡሸቻ ኩሺ ሞርክያ መንግሥቱዳ።

7 ነ ቦንቹዋ ግታተሳን ኔናና ጋዳቲዳዋንታ ኦላዳ። ነ ኤጽያ ሀንቁዋ ኔን የድና። አ ኡንቱንታ ዳላዳን ሜዳ።

8 ነ ሲድያና ከሰያ ሸምቸዋን ሃላይ ደረቲዳ። ጎግያ ሃላይካ ጎዳዳን ምን ኤቁዳ፤ ጨዋ ሃላይ አባ ጎምፓን አርኪደ ምኔዳ።

9 “ሞርኪ፣ ‘ታን ኡንቱንታ የደርሳደ ኦይቃና። ታን ኡንቱንቱ ማጹዋ ሻካደ፣ ታ ኮዬዳዋ ኡባ አካና። ታን ታ ማሻ ሾደደ፣ ኡንቱንታ ቆይሳና’ ያጌደ ጨቀቲዳ።

10 “ሸን ነ ፔኦዋን ፑንና፣ አባይ ኡንቱንታ ካሜዳ። ኡንቱንቱ ዋልቃማ ሃላን ብራታይ ምተትያዋዳን ምተቲድና።

11 አቤት መድና ጎዳወ፣ ጸሳቱዋ ግደን ነ ማላይ ኦኔ? ጌሻተሳን ቦንቹትያዌ፣ ቦንቹዋን ያየትያዌ፣ ማላልያባ ኦላያዌ ነ ማላይ ኦኔ?

12 ኔን ነ ኡሸቻ ኩሽያ ምጭና፣ ቢታይ ኡንቱንታ ምቲዳ።

13 “ኔን ዋዜዳ ነ አሳ አገና ነ ሲቁዋን ካለላዳ። ኔን ነ ዋልቃን ኡንቱንታ ኔን ደእያ ጌሻ ሳኣ ገልሳዳ።

14 ካዉተላቱ ሄዋ ሰሲደ ኮኮራድና። ፕልሰጾማ ጋድያ አሳቱካ

- የሉ ኮይቆዳዎዳን ኡንኤቲድኖ።
- 15 ሄ ዎደ ኤደማ ጋደ ካፓቱ ዳጋሜድኖ።
ሞአበ ጋድያ ሞድያዎንታ
ያሻይ ኮኮርሴዳ።
ካናነ አሳቱዎ ሸኒ ሀይቁዳ።
- 16 አቤት መድና ጎዳዉ ዳጋማይነ ያሻይ ኡንቱንታ
ኦይቁና።
ኡንቱንቱ ነ ዎልቃ ግታተላ በኢደ።
ነ አሳይ አዳና ጋካናዉ።
ኔን ዎዜዳ አሳይ አዳና ጋካናዉ።
ሹቻዳን ሙሚደ ኤቁና።
- 17 አቤት መድና ጎዳዉ ኔን ኡንቱንታ አሃደ።
ነ ቡዞ ጋደን ደኢያ ደርያ ሁጲያን ተከቲዳ
ሞላዳ ዎላ።
ሄ ሳአይ
ኔን ነዉ ደአናዉ ኦሴዳ ሳአ።
ሄ ጌሻ ሳአይ ኔን ነ ኩሸያን ሞንሳደ ኤሴዳ
ሳአ።
- 18 መድና ጎዳይ መድናፕ መድናዉ ካወታናዎ።”
- 19 ግብጾ ካትያ ፓራቱ፣ አ ፓራ ጋራቱነ አ ፓራ
አሳቱ አባን ገሌዳ ዎደ፣ መድና ጎዳይ ኡንቱንቱ
ቦላ አባ ሃላ ጉየ ዛሪደ ኡንቱንቱ ቦላ አሄዳ፤ ሸን
እሰራኤላቱ አባ ግዲዎና መላ ቢታን ሀመቲደ
ቤድኖ ያግ የጼድኖ።

ማይራም የላ

- 20 አሮና ሞቻታ፣ ናባታ ማይራማ ዳርቢያ
አካዲ፤ ማጫ አሳይ ኡባይ ዳርቢያ ባቁደነ
የጸደ እዞ ካሌድኖ።
- 21 ማይራማ ኡንቱንቶ የላ የጸደ።
“መድና ጎዳይ ሎይሳ ዶቁ ዶቁ ጌዳ ድራዉ።
አዉ የጽተ።
ፓራነ ፓራ ቶጌዳዎ
እ አባን ኦሌዳ” ያጋደ የጸደ።

ዞኦ አባፕ ሲና ደርያ ጋካናዉ
(15:22—18:27)

ጫምያ ሃላነ ሎኦ ጮራ ፑልቱዎ

- 22 ሄዎፕ ጉይያን ሙሴ እሰራኤልያ ዞኦ
አባፕ ካለላና፣ ኡንቱንቱ ሱር ጌተትያ መላ ቢታ
ቤድኖ። ሄ መላ ቢታን ኡንቱንቱ ሃላ ደመናን
ሄዞ ጋላሳ ሀመቲድኖ።
- 23 ኡንቱንቱ ማራ ግያ ሳአ ጋኬዳ ዎደ።
ማራ ሃላይ ጫዎ ግዴዳ ድራዉ፣ ኡሻናዉ
ዳንዳይበይክኖ፤ ሄዎ ድራዉ፣ ሄ ሳአይ ማራ *
ጌተቲዳ።
- 24 ሄዎ ድራዉ፣ አሳይ፣ “ኑን አያ ኡሻኔ?”
ያገደ ሙሴ ቦላ ዙዙሚዳ።
- 25 ሙሴ መድና ጎዳዉ ዋሴዳ፤ መድና ጎዳይ
አ እት ሞላ በሴዳ፤ ሙሴ ሄ ሞላ ሃላ ግደ
ኦልና፣ ሃላይ ማልኤዳ። መድና ጎዳይ ኡንቱንቶ
ካለሰትያ ዎጋ እሚዳ፤ ያን ጸሳይ ኡንቱንታ
ፓጮድዳ።
- 26 እ ኡንቱንታ ሀዎዳን ያጌዳ፤ “መድና
ጎዳይ ሀንተንቱ ጸሳይ ኦድያዎ ሞንሲደ ሰሶፕነ
አ አይፍያ ሰንላን ልከባ ኦላፕ፣ ሀንተንቱ አ
አዛዙዎ ሀይዘፕነ አ ዎጋ ኡባ ናጎፕ፣ ታን
ግብጾቱዎ ቦላ አሄዳ ሀርግያፕ እቱዎነ ሀንተንቱ

ቦላ አሀከ፤ አያዉ ጎፕ፣ ታን ሀንተንታ ፓላያ
መድና ጎዳቲ” ያጌዳ።
27 ሄዎፕ ኡንቱንቱ ኤላማ ጋድያ ዬድኖ፤ ያን
ታማነ ላኡ ሃላ ፑልቱቱነ ላፑን ታሙ ዛምባ
ሞላቱ ደኢኖ። ኡንቱንቱ ያን ሃላ ዶናን ኡቲድኖ።

16

መድና ጎዳይ ማናነ አካቱዎ ቡክሴዳ

- 1 ግብጾፕ ከሴዳ ላኤንላ አግናን፣ ታማነ
እቼሻንላ ጋላሳን እሰራኤልያ አሳ ኩመንሃይ
ኤላማፕ ደንዲደ፣ ኤላማፕነ ሲናፕ ግዲዎን
ደኢያ “ሲን” ጌተትያ መላ ቢታ ዬዳ።
- 2 እሰራኤልያ አሳ ኡባይ መላ ቢታን ሙሴ
ቦላነ አሮና ቦላ ዙዙሚድኖ።
- 3 እሰራኤላቱ ኡንቱንታ፣ “ኑን ግብጾ ጋድያን
መድና ጎዳ ኩሸያን ሀይቁደ ግዴርኮሻ! ያን ኑን
ኑዎ እሹዎ ከርያ ዩይ አቲ ኡቲደ፣ ኑን ኮኖ ቁማ
ኡባ ሚደ፤ ሸን ሀንተንቱ ኑና ከሲደ፣ ኡባቱዎ
ኮሻን ዎዳናዉ መላ ቢታ አሄድቲ?” ያጌድኖ።
- 4 መድና ጎዳይ ሙሳ፣ “ታን ሀንተንቶ
ሳሉዎፕ ኡክላ ቡክሳና፤ አሳይ ኡባ ጋላሰካ
ከሲደ፣ ሀቼ ሀቼዉ ግድያዎ ጸላላ ማጸናዉ
ኮሼ። አሳይ ታ አዛዙዎ ካልንቶ ካለንቶ ታን
ኡንቱንታ ሄዎን ፓጫና።
- 5 ኡሱፑንላ ጋላሰ ኡንቱንቱ ሀርደ ማጸያዎ
ላኡ ኩሸያ ማጸደ፣ ካላኖ” ያጌድኖ።
- 6 ሄዎ ድራዉ፣ ሙሴነ አሮነ እሰራኤልያ አሳ
ኡባዉ፣ “ሀንተና ግብጾ ጋድያፕ ከሴዳ መድና
ጎዳ ግድያዎ ኦማርሰ ሀንተንቱ ኤራና፤
- 7 ቃይ መድና ጎዳ ቦንቹዎ ዎንታ ሀንተንቱ
በአና፤ አያዉ ጎፕ፣ አ ቦላ ሀንተንቱ ዙዙሚዳዎ
አ ሰሴዳ፤ ሀንተንቱ ኑ ቦላ ዙዙሚዳዉ ኑን
ኦኔ?” ያጌድኖ።
- 8 ሄዎፕ ጉይያን ሙሴ፣ “እ ሀንተንቶ ማናዉ
ኦማርሰ እሹዎ እሚናነ ሀንተንቱ ኮይያ ኡክላ
ኡባ ሀንተንቶ ዎንታ እምና፣ እ መድና ጎዳ
ግድያዎ ሀንተንቱ ሄዎን ኤራና። አያዉ ጎፕ፣
ሀንተንቱ አ ቦላ ዙዙሚዳዎ እ ሰሴዳ። ኑን
ኦኔ? ሀንተንቱ ኑ ቦላ ዙዙሚዳዎ፤ ሀንተንቱ
መድና ጎዳ ቦላ ዙዙሚዳ” ያጌድኖ።
- 9 ሙሴ አሮና፣ “ኔን እሰራኤልያ አሳ ኡባ፣
“መድና ጎዳ ሰንላ ሃ ሸቅተ” ያጋ” ያጌድኖ።
- 10 አሮነ እሰራኤልያ አሳ ኡባዉ አድያ ዎደ፣
ኡንቱንቱ መላ ቢታኮ ሰሚደ ጸሌድኖ፤ ሄዎን
መድና ጎዳ ቦንቹ ሻርያ ግደን ቆንጫያዎ
በኤድኖ።
- 11-12 መድና ጎዳይ ሙሳ፣ “ታን እሰራኤላቱ
ዙዙንላ ሰሳድ፤ ኔን ኡንቱንቶ፣ ኡማርሳን እሹዎ
ሀንተንቱ ማና፤ ዎንታ ኡክላ ሀንተንቱ ካላና፤
ሄ ዎደ ሀንተንቱ ታን መድና ጎዳ ሀንተንቱ ጸሳ
ግድያዎ ኤራና” ያጋደ ኦዳ” ያጌድኖ።
- 13 ሄ ጋላሰ ኦማርሳን እሹ ሚተትያ ካፎቱ
ዪደ፣ እሰራኤልያ አሳይ ደኢያ ሳአ ማዬድኖ፤ ቃይ
ዎንታ ኡንቱንቱ ዲንካነቱዎ ዩሹዎን ከተርሳይ
ኩዎ ኡቲዳ።
- 14 ከተርሳይ ጽኤዳ ዎደ፣ ሳአን ዎዴዳ ሻቻ
ማላትያ ሱፓ ፖቁ መላ ቢታ ቦላን ቤቲዳ።

* 15:23 ማራ- ሀ ሰንላ ብለላይ እብራዌሉዎን “ጫሙዎ” ግያዎ። 16:4 የሃ. 6:31 16:15 1 ቆር. 10:3

15 እስራኤላቱ ሄዋ በኤዳ ወደ፡ ኡንቱንቱ እቱ እቱዋ፡ “ሀዌ አዬ?” ያጌድኖ። አያው ሳ፡ ኡንቱንቱ እ አየንቶ ኤርበይክኖ።

ያትና ሙሴ ኡንቱንታ፡ “ሀንተንቶ ማናው መድና ጎዳይ እሜዳ ኡክላይ ሀዋ።

16 መድና ጎዳይ ሀዋዳን ያጌደ አዛዜዳ፤ ሳላ አሳው አዋትያዋ፡ እቶ እቶ ማናው ኮሽያዋ ኬሻ ሺሾ፤ ሀንተንቱ ዱንካንያ ግድን ደእያ አሳይ ሁጲያን ሁጲያን ላኡ ጸሳ ግድያዋ አክተ። ጌዳ” ያጌዳ።

17 እስራኤላቱ ሙሴ ኡንቱንቶ ኦዳዳዋዳን ኦፊድኖ፤ እቱ ዳርሲደ፡ እቱ ላፊሊደ ሺሺድኖ።

18 ኡንቱንቱ ጸሳን ማኬዳ ዋደ፡ ዳርሲደ ሺሺዳዋ ፓላህቤና፤ ላፋ ሺሺዳዋ ፓጭቤና፤ ኡባይካ ሁጲያን ሁጲያን ባረው ሞያዋ ኬሻ ሺሺዳ።

19 ሄዋ፡ ጉይያን ሙሴ ኡንቱንታ፡ “ኡንነ አፕ ዋንትው አሾፖ” ያጌዳ።

20 ግድ ሽን ኡንቱንቱት እቱ እቱ ሙሴ ኦድያዋ አከናን አገደ፡ ሄዋ ዋንታ ጋካናው ዋፊድኖ፤ ሄዋ ጉጲኒደ ጽንቁዳ። ሄዋ ድራው፡ ሙሴ ኡንቱንታ ሀንቀቱዳ።

21 ዋንታ ዋንታ አሳይ ኡባይ ባረው ኮሽያዋ ሺሺዳ፤ አዋይ ሆእያ ዋደ ሳክን አቱዳዌ ሲል አጌዳ።

22 ኡሱፑንላ ጋላሳን ኡንቱንቱ ካሰዋ፡ ላኡ ኮሽያ ሺሺድኖ። ያትና ኡንቱንቱ ካፓቱ ኡባቱ ዪደ ሄዋ ሙሴው ኦዳድኖ።

23 እ ኡንቱንታ፡ “መድና ጎዳይ አዛዜዳዋ ሀዋ፤ ዋንት ኪታይ ባይና ሸምፖ ጋላሳ፡ መድና ጎዳው ጌሻ ሳምባታ። ሄዋ ድራው፡ ሀንተንቱ ኡክያዋ ኡክተ፤ ሀንተንቱ ደይሰያዋን ደይሰተ፤ ፓላሄዳዋ ዋንትው አሽተ” ያጌዳ።

24 ሄዋ ድራው፡ ኡንቱንቱ ሙሴ አዛዜዳዋዳን ዋንትው ዋሕና ጽንቁቤና ዋይ ጉጲንቤና።

25 “ሀቼ ሚተ፤ አያው ሳ፡ ሀቼ መድና ጎዳ ሳምባታ፤ ሀንተንቱ አ ሀቼ ደምባን ደምክታ።

26 ሀንተንቱ ኡሱፑን ጋላሳን አ ሺሻናው ዳንዳዪታ፤ ሸን ላፑንላ ጋላሳይ ሳምባታ። ሳምባታን አያይነ ደኤና” ያጌዳ።

27 ላፑንላ ጋላሳን እት እት አሳይ ሺሻናው ከሴዳ፤ ሸን ኡንቱንቱ አይነ ደምበይክኖ።

28 መድና ጎዳይ ሙሳ፡ “ታ አዛዛቱዋን ታ ሀግያ ናግያዋ አውደ ጋካናው እጲቱ?

29 መድና ጎዳይ ሀንተንቶ ሳምባታ እሜዳዋ አኬክተ፤ ኡሱፑንላ ጋላሳን እ ሀንተንቶ ላኡ ጋላሳ ኡክላ እምያዌ ሄዋ ድራሳ። ላፑንላ ጋላሰ ኡባይ ባረ ደእያ ሳክን ደእያ ሳክን ጋምኦ፤ ኡንነ ካረ ከሶፖ” ያጌዳ።

30 ሄዋ ድራው፡ አሳይ ላፑንላ ጋላሳን ሸምፔዳ።

31 እስራኤልያ አሳይ ሄ ኡክላ ማና * ገደ ሱንሌዳ። ማና ደቡዋ አይፍያዳን ቦላ፤ ኤሳና ኡኬዳ ኡክላዳን ማለኤ።

32 ሙሴ እስራኤልያ አሳ፡ “መድና ጎዳይ አዛዜዳዋ ሀዋ፤ ታን ሀንተንታ ግብጾ ጋድያ፡ ከሴዳ ወደ፡ ዋራን ሞዜዳ ኡክላ ኡንቱንቱ በአና

ማላ፡ ማና፡ ላኡ ጸሳ ግድያዋ ሀንተንቱ ያና የለታው አሽ ዋሕተ። ያጌደ አዛዜዳ” ያጌዳ።

33 ሙሴ አርና፡ “እት ጸሩዋ አካደ ላኡ ሊትሮ ኩመንላ ማና አን ቆላ፤ ያታደ ያና የለታው ሞንጀታና ማላ፡ መድና ጎዳ ሰንላን ዋላ” ያጌዳ።

34 መድና ጎዳይ ሙሳ አዛዜዳዋዳን ሞንጀታና ማላ፡ አርነ ማና ጸሳ ሰንላን ዋፊዳ።

35 እስራኤላቱ ባረንቱ ደእያ ጋደ ያና ጋካናው ኦይታሙ ላይላ ማና ሜድኖ፤ ኡንቱንቱ ካናን ጋደ ባጋ ጋካናው ማና ሚደ ደኤድኖ።

36 አሳይ ማክያ ኤሪቴዳ ቁንአይ ላኡ ጸሳ፡ ታሙ ዳኩዋ ዳራ።

17

ዛላ፡ ሃላይ ፑልቲዳ (ፓይ. 20:1-13)

1 እስራኤላቱ ማባራ ኡባይ መድና ጎዳይ አዛዜዳዋዳን፡ እት ሳክ፡ ሀራ ሳክ የዪደ፡ ሰን መላ ቢታ፡ ደንድ ቢደ፡ ራፍዲማ ጌተትያ ሳክን ኡቲድኖ። ሸን አሳይ ኡሻናው ሃላይ ሄ ሳክን ጳዬዳ።

2 ኡንቱንቱ ሙሴና ዋላቀቲደ አ፡ “ኡው ኡሻናው ሃላ እማ” ያጌድኖ።

ሙሴ ዛሪደ፡ “ሀንተንቱ ታናና አያው ዋላቀቲቱ? መድና ጎዳ ሀንተንቱ አያው ፓጩቱ?” ያጌዳ።

3 ሸን አሳይ ያን ሃላ ሳመቲደ፡ ሙሴ ቦላ ዙዙሜድኖ። ኡንቱንቱ አ፡ “ኔን ኑና፡ ኑ ናናን ኑ መሀያ ሳሙዋን ዋጳናው ግብጾ፡ ከሳደ ፑደ አያው አሃድ?” ያጌድኖ።

4 ሙሴ፡ “ታን ሀ አሳ ዋቶ? ኡንቱንቱ ታና ሹቻን ጫዳና ሀኒኖ” ያጌደ መድና ጎዳኮ ዋሴዳ።

5 መድና ጎዳይ ሙሳ፡ “ኔን አሳ፡ ሰንላው ሀመታ፤ እስራኤልያ አሳ ጭማቱዋ፡ ኔናና አፋ፤ እን ኔን ናይላ ሻፋ ሃላ ሹጩዳ ጸምኦ ነ ኮሽያን ኦይቃደ ባ።

6 ታን ሰና ደርያ ዛላ ቦላ ነ ሰንላን ኤቃና፤ ኔን ሄ ዛላ ሹጩ፤ አሳይ ኡሻናው አ፡ ሃላይ ከሳናዋ” ያጌዳ። ሙሴ እስራኤልያ ጭማቱዋ ሰንላን ሄዋዳን ኦፊዳ።

7 እስራኤላቱ፡ “መድና ጎዳይ ኑ ግድን ደእያ ባዌ?” ያጌደ ዋላቀቲዳ ድራውን መድና ጎዳ ፓጩዳ ድራው፡ ሄ ሳክይ ማሳሀን ማሪባ ጌተቲደ ሱንፍቲዳ።

እስራኤላቱ አማሌቃቱዋ ጸኔድኖ

8 አማሌቃቱ ዪደ፡ ራፊድማን እስራኤላቱዋና ኦላ ጋክቲድኖ።

9 ሙሴ ኢያሳ፡ “ኔን ኑው አሳ ደራደ፡ ከሳደ አማሌቃቱዋና ኦላታ፤ ታን ዋንት ጸሳ ጸምኦ ኦይቃደ፡ ዘዝያ ሁጲያን ኤቃና” ያጌዳ።

10 ሄዋ፡ ጉየ ኢያሱ ሙሴ ጌዳዋዳን፡ አማሌቃቱዋና ኦላቲዳ። ሙሴ፡ አርነ ሀር ዘዝያ ሁጲያ ከሴድኖ።

16:18 2 ቆር. 8:15 16:23 ከሳ 20:8-11 * 16:31 ማና፡ ሀ ቃላ ብለላይ አብራዌሉዋን “ሀዌ አዬ” ግያዋ።
16:33 አብራ. 9:4 16:35 ኢያሳ 5:12

11 ሙሴ ባረ ኩሽያ ደንሐ ጋምኤዳ ኬናን ኡባን እስራኤላቱ ጸረኛ፤ ሸን እ ባረ ኩሽያ ዲገ ዋሌዳ ዋደ አማሌቃቱ ጸረኛ።

12 ሙሴ ኩሽ አርጋጩዳ ዋደ፡ ኡንቱንቱ ሹቻ እክ ዪደ፡ ሙሳ እ ቦላ ኡትሴድኖ። አርነነ ሁር እቱ እት ባጋና እቱ ሀንኮ ባጋና ግዲደ፡ እ ኩሽያ ስት ኦሊደ ኦይቄድኖ። ያትና አዋይ ወላና ጋካናወ እ ኩሽ ስት ገደ ታኩዳ።

13 ሄዋ ድራወ፡ ኢያሱ አማሌቃቱዋ ኦላንቻቱዋ ማሻን ጸኔዳ።

14 ሄዋጥ ሰምና፡ ሙሳ መድና ጎዳይ ሀዋዳን ያጌዳ፤ “ሀዌ ኡባ ገደ ቆፈታና ማላ ሀዋ ማጸፋን ጸፋ። ያታደ ኢያሳ ሰሰናን አጎገ፤ እያወ ጎጥ፡ ሳሉዋጥ ጋርሳን ታን አማሌቃ አሳቱዋ ዛር ቆፈተናዳን ጭራና ቆይሳና” ያጌዳ።

15 ሙሴ ያርሹዋ ያርሹያ ሳኦ ኬዲደ፡ “መድና ጎዳይ ታወ ጸኑዋ እሜ” ገደ ሱንሌዳ።

16 እ ሀዋዳን ያጌዳ፤ “ኩሽቱ ፑደ መድና ጎዳ ካወተላ አራታኮ ደንዴድኖ፤ የለታጥ የለታ ጋካናወካ መድና ጎዳይ አማሌቃቱዋና አለታናዋ” ያጌዳ።

18

ዮቶረ ሙሳ ጸሞሴዳ

1 ሚድያማ ጋደ ቄሲ፡ ሙሴ ቦሉ ዮቶረ፡ ጸሳይ ሙሴወን አ አሳ እስራኤልያወ ኦሌዳባ ኡባን መድና ጎዳይ እስራኤልያ ግብጾጥ ከሴዳዋ ሰሴዳ።

2-3 ሄ ዋደ ሙሴ ቦሉ፡ ዮቶረ፡ ሙሴ እኮ የዲደ ቤዳ እ ማቻቶ ጽፓርነ እዝ ላኡ ናና አሄዳ። ኡንቱንቱ እቱዋ ሱንላይ ገርሾማ፤ * እያወ ጎጥ፡ ሙሴ፡ “ታን አሳ ጋድያን በተ ግዳድ” ያጌዳ።

4 ላኤንሉዋ ሱንላይ ኤልኦዳ፤ † እያወ ጎጥ፡ እ፡ “ታ አወዋ ጸሳይ ታና ማዴዳዋ፤ እ ታና ግብጾ ካትያ ማሻጥ አሾዳ” ያጌዳ።

5 ሙሴ ቦሉ ዮቶረ እ እቱማ ናናን አ ማቻትና ጸሳ ደርያ ማታን ደእያ ሙሴኮ መላ ቢታ ዬዳ።

6 እ ሙሳ፡ “ታን፡ ነ ቦሉ ዮቶረ፡ ነ ማቻትናን እዝ ላኡ ናናቱዋና ኔኮ ያይ” ያጌደ እኮ ከት ዋሌዳ።

7 ሄዋ ድራወ፡ ሙሴ ባረ ቦሉዋና ጋከታናወ ከሲደ፡ አወ ጎይኔዳ፡ አ የራዳ። ኡንቱንቱ እቱ እቱዋ ሳርሊደ፡ ዲንካንያ ግደ ገሌድኖ።

8 መድና ጎዳይ እስራኤልያ አሳ ድራወ፡ ካትያ ቦላን ግብጾቱዋ ቦላ ኦሌዳ ኡባ፡ ኦግያን ኡንቱንታ ጋከዳ ዳቡራባ ኡባን መድና ጎዳይ ኡንቱንታ አሾዳዋ ሙሴ ባረ ቦሉ ኦዴዳ።

9 እስራኤልያ አሳ ግብጾቱዋ ኩሽያጥ አሻናወ መድና ጎዳይ ኦሌዳ ሎኦ ኦሶቱዋባ ኡባ ሰሲደ፡ ዮቶረ ናሽቱዳ።

10 ያቲደ “ህንተና ግብጾቱዋ ኩሽያጥ ካትያ ኩሽያጥ አሾዳ መድና ጎዳይ፡ ግብጾቱዋ ኩሽያጥ አሳ ከሰ አኩዳዋ፡ እ ጋላተቶ።

11 መድና ጎዳይ ሀራ ጸሳቱዋጥ ኡባጥ ዋልቃማ ግድያዋ ታን ሀእ ኤራድ፤ እያወ ጎጥ፡ እ

ሀ እስራኤልያ አሳ ቦላ ኦተረቱዳ ግብጾ ጸሳቱዋ ቦላ ሀዋ ኦሌዳ” ያጌዳ።

12 ሄዋጥ ጉይያን ዮቶረ፡ ሙሴ ቦሉ፡ ሹከቲደ ፖሎ ጸገትያ እት መሀያ ያርሹዋን ሀራ ያርሹ ሹከቲዳ እሹ ሜተትያ መሀያ ያርሹዋ ጸሳወ አሄዳ፤ አርነነ እስራኤልያ ጭማቱ ኡባይ ጸሳ ሰንላን ሙሴ ቦሉዋና ቁማ ማናወ ዬድኖ።

ዳናቱ ሱንቲድኖ (ዛረ. 1:9-18)

13 ዋንተላ ጋላሰ ሙሴ አሳወ ፕርዳናወ ኡቱዳ፤ አሳይ ሙሴ የሹዋን ዋንታጥ ኦማርሰ ጋካናወ ኤቄዳ።

14 ሙሴ ቦሉ ሙሴ አሳወ አልያዋ ኡባ በኢደ፡ “ኔን ሀ አሳወ አልያዌ ሀዌ አዬ? አሳይ ኡባይ ዋንታጥ ዶሚደ ኦማርሰ ጋካናወ ነ የሹዋን ኤቄደእሸን፡ ኔን ኔረካ ዳናዳን እያወ ኡታድ?” ያጌዳ።

15 ሙሴ ባረ ቦሉዋ፡ “አሳይ ጸሳ ሸንያ ኦቻናወ ታኮ ይያ ድራሳ።

16 ኡንቱንቶ የወ ደኦጥ ታኮ ዪኖ፤ ታን እት ኡራ ግዲዋን እ ሾሩዋ ግዲዋን ፕርዳይ፤ ጸሳ አዛዙዋን ዋጋ ኡንቱንታ ኤርሳይ” ያጌዳ።

17 ሙሴ ቦሉ፡ “ሀዌ ኔን ኦልያባይ ሎኤና።

18 ኔን ነናና ደእያ አሳይ ዳቡራ ጸሳላ ግዲታ፤ ሀ ከታይ ነወ ሎይሐ ዴጾ፤ ኔን ሀዋ ኔረካ ኦላናወ ዳንዳያካ።

19 እነ ሀእ ታን ኦድያዋ ሰሳ፤ ታን ኔና ዙራና፤ ጸሳይ ኔናና ግድ። ኔን ሀ አሳ ድራወ ጸሳ ሰንላ አቆ፤ ኔን ኡንቱንቱ የወዋ ጸሳኮ እሀ።

20 አዛዙዋን ዋጋ ኡንቱንታ ኔን ታማርሳ፤ ኡንቱንቱ ደእና ማራ ኦላና ኦሱዋ ኡባ ኡንቱንታ በሳ።

21 ቃይ አሳ ኡባ ግድን ዳንዳይያ አሳቱዋ፡ ጸሳወ ያይያዋንታ፡ አማነቱዳዋንታን ማጋንጸ ሞያዋ እጽያዋንታ ደራደ ኡንቱንቱ አሳወ ሻእ ካጥቱዋ፡ ጾቱዋ ካጥቱዋ፡ እሻታሙዋ ካጥቱዋን ታሙዋ ካጥቱዋ ሱንላ።

22 ኡንቱንቱ ኡባ ዋደ አሳወ ፕርድኖ፤ ሸን ዋይሰያ የወዋ ኡባ ኔኮ አህኖ፤ ዋይሰና የወዋ ኡባ ኡንቱንቱ ወርሰኖ። ኡንቱንቱ ኔናና ሻከትያ ድራወ፡ ቶኩ ነወ ካወሻናዋ።

23 ኔን ሄዋዳን ኦሎጥነ ሀዌ ጸሳ አዛዙ ግድጥ፡ ኔን ዳንዳያና። ቃይ ሀ አሳይ ኡባይካ ባረ አላሊ ፖለትና፡ ባረ ሶ ባረ ሶ ባናዋ” ያጌዳ።

24 ሙሴ ባረ ቦሉዋ ቃላ ሰሴዳ፤ እ ጌዳዋ ኡባካ ኦሌዳ።

25 ሙሴ እስራኤልያ ኡባ ግድጥ ዳንዳይያ አሳቱዋ ደሪደ አሳ ካለልያ ሻእ ካጥቱዋ፡ ጾቱዋ ካጥቱዋ፡ እሻታሙዋ ካጥቱዋን ታሙዋ ካጥቱዋ ሱንሌዳ።

26 ኡንቱንቱ አሳወ ኡባ ዋደ ፕርዳድኖ፤ ኡንቱንቱ ባረና ዴዴዳ የወዋ ሙሴኮ አሄድኖ፤ ሸን ዴጾና የወዋ ኡባ ኡንቱንቱ ወርሰድኖ።

27 ሄዋጥ ጉይያን ሙሴ ባረ ቦሉዋ ሞይዝና ዮቶረ ባረ ጋድያ ሰሜዳ።

ሀግያን ቃላ ጫቁዋ

17:14 ዛረ. 25:17-19፤ 1 ሳሜላ 15:2-9 * 18:2-3 ገርሾማ፡ ሀ ሱንላ ብለላይ እብራዌሉዋ ቃላን “በትያ” ግያዋ። 18:2-3 ከሳ 2:21-22 † 18:4 ኤልኦዳ፡ ሀ ሱንላ ብለላይ እብራዌሉዋ ቃላን “ጸሳይ ታና ማዴ” ግያዋ።

19

(19:1—24:18)

ጸሐፊው ሲና ደርያን ቆንጮዳ

1 እስራኤልያ አሳይ ግብጾጥ ከሴዳ ሄዘንላ አግናን ሄ ኮይሮ ጋላሳን ሲና መላ ቢታ ጋኬድኖ።

2 ኢንቲንቲ ራፊድመፕ ደንዲደ ሲና መላ ቢታ ቢደ። ሄዋን ደእያ ደርያ ሰንሳ መላ ቢታን ኡቲድኖ።

3 ሙሴ ጸሐፊው ፑደ ደርያ ሁጲያ ከሰና። መድና ጎዳይ ደርያ ሁጲያን እ ጸሲደ። “ኔን ያቆባፕ የለቲዳ እስራኤልያ አሳዉ ሀዋዳን ያጋደ ኦዳ፤

4 ታን ግብጾቹዋ ቦላ አያ ኦላድታንቶነ ቃይ አርጋንላ ቀፍያን ታን ህንተንታ ዋታ ቶካደ ታኮ አሃድታንቶነ ህንተንቲ ህንተንቲ ሁጲያዉ በኤድታ።

5 ሰሞ ሀእ ህንተንቲ ታዉ ሎይላ አዛዘቶፕን ታ ቃላ ጫቁዋ ናፕ። አሳ ኡባ ግደን ህንተንቲ ታዉ ቡዞ ግዳና። ኩመንላ ሳአይ ታዋ ግደፕን

6 ህንተንቲ ታ ካዉተላ ቁሳቲዋን ጌሻ አሳ ግዳና ያጋ፤ ኔን እስራኤላቶ ኦዳና ቃላይ ሀዋ” ያጌዳ።

7 ሙሴ ጉየ ሰሞ ቢደ። አሳ ካለላያዋንታ ጸሐ ሸሺደ። መድና ጎዳይ ኦዳ ጌዳ ሀ ቃላቲዋ ኡባ ኢንቲንቲ ኦዳዳ።

8 አሳይ ኡባይ እት ደና ግዳደ። “መድና ጎዳይ ጌዳዋ ኡባ ኦን ኦላና” ያጌድኖ። ሙሴካ ኢንቲንቲ ጌዳዋ መድና ጎዳኮ አፊዳ።

9 መድና ጎዳይ ሙሳ። “ታን ኔናና ሃሳይሸን አሳይ ሰሳናዳን ኢንቲንቲ ኔናን ኡባ ዋደካ አማነታናዳን። ታን ኔኮ ዋልቃማ ሻርያ ግዳዋና ያና” ያጌዳ። ሄዋፕ ጉይያን ሙሴ አሳይ ጌዳዋ መድና ጎዳዉ ኦዳዳ።

10 መድና ጎዳይ ሙሳ። “ኔን አሳኮ ባደ ሀቼነ ዋንት ኢንቲንቲ ጌያናዳን ኦዳ። ኢንቲንቲ ባርንቲ ማዩዋ ማጫደ፤

11 ሄዘንላ ጋላሳዉ ጊግና። አያዉ ጎፕ። ሄዘንላ ጋላሳን አሳይ ኡባይ በእሸን። መድና ጎዳይ ሲና ደርያ ቦላን ዋቆናዋ።

12 ኔን ሀ ደርያ የሹዋን አሳዉ ዛዋ ዋላደ ኢንቲንቲ። “ደርያ ፑደ ከሰናዳን ዋይ ደርያ ጸጹዋ ቦቼናዳን ህንተንታ ኤርተ። ደርያ ቦቼዳ ኢንቲንቲ ሀይቃናዋ።

13 ሄ ኡራይ ሹቻን ጫደቲደ ዋይ ዋንዳፍያን ጫደቲደ ሀይቆፕ አትን፤ እ ኩሸያን ቦሸቶ። መሄ። ዋይ አሳ ግደፕን እ ሸምቸዋና አተና ያጋ። ማላካታይ ፑነትያ ዋደ። ሄ ዋደ ኢንቲንቲ ደርያ ፑደ ከሳና ጎፕ ከሰና” ያጌዳ።

14 ሙሴ ደርያፕ አሳኮ ዳገ ዋዴዳዋፕ ጉይያን ኢንቲንቲ ጌያናዳን ኦድና። ኢንቲንቲ ባርንቲ ማዩዋ ማጫድኖ።

15 ሄዋፕ ጉይያን አሳ እ። “ሄዘንላ ጋላሳዉ ጊግቲ፤ ማቶያና አቆፕተ” ያጌዳ።

16 ሄዘንላ ጋላሰ ዋንታ ጉጉንላ ጉንላይ ሰሰቲዳ። ዋልቃንላይን ዋልቃማ ሻሪ ደርያ ማዩደ ቤቲዳ፤ ማላካታይካ ፑነትያ ዋልቃማ ኮሻይ

ሰሰቲዳ። ሄዋ ድራዉ። ባረ ደእያ ሳኔን አሳይ ኡባይ ኮኮሬዳ።

17 ሄዋፕ ጉይያን ሙሴ አሳ ጸሳና ጋላናዉ ኢንቲንቲ ደእያ ዲንካንያፕ ከሴዳ፤ ኢንቲንቲ ደርያ ጋርሳ ደሞባን ኡቁድኖ።

18 መድና ጎዳይ ሲና ደርያ ቦላን ታማና ዋዴዳ ድራዉ። ሲና ደሪ ጩዋን ካመቲዳ። ዋልቃማ ጉዲዋፕ ጩዋይ ከሰያዋዳን። አፕ ጩዋይ ፑደ ከሴዳ። አሳይ ኡባይ ሎይላ ኮኮሬዳ።

19 ማላካታ ፑኮ ሎይላ ዳር ዳር ቤዳ ዋደ። ሙሴ ሃሳይና። ጸሳ ኮሻይ አዉ ዛሪደ ሃሳይዳ።

20 መድና ጎዳይ ሲና ደርያ ኪክያን ዋዴደ። ሙሳ ፑደ ደርያዉ ኪክያ ጸሰና ሙሴ ፑደ ከሴዳ።

21 መድና ጎዳይ እ። “ኔን ዳገ ባደ አሳይ መድና ጎዳ በእና ጊደ። ዛዋ አፍዳን ኢንቲንቲፕ ዳሩ ሀይቀናዳን አሳ ሴራ።

22 ሀራይ አቶ መድና ጎዳ ማታ ሸቅያ ቁሳቲካ ባረና ጌሻናዉ ኮሼ፤ ሄዋ ጳዮፕ። መድና ጎዳይ ኢንቲንቲ ሙራና” ያጌዳ።

23 ሙሴ መድና ጎዳ። “አሳይ ደርያ ፑደ ያናዉ ዳንዳየና፤ አያዉ ጎፕ። ኔን ነ ሁጲያዉ። ህ ሳኔ ጌሻዳን ዳማዩደ። ሀ ደርያ የሹዋን ዛዋ ዋላተ። ጋደ ኦዳ ኦዳ ዋላዳ” ያጌዳ።

24 መድና ጎዳይ እ። “ኔን ዳገ ባደ አርና ኔናና ፑደ አካደ ያ። ቁሳቲዋን አሳ መድና ጎዳይ ሙራናዳን። ኢንቲንቲ ዛዋ አዴደ ፑደ መድና ጎዳኮ ዮፕኖ” ያጌዳ።

25 ሄዋ ድራዉ። ሙሴ ዳገ አሳኮ ዋዴደ። ጸሳይ ጌዳዋ ኢንቲንቲ ኦዳዳ።

20

ታሙ አዛዛቲዋ

1 ጸሐፊው ሀ ቃላቲዋ ኡባ ሀዋዳን ያጌደ ሃሳይዳ፤

2 “ኔና ግብጾጥ አይለተላ ጋድያፕ ከሴዳ መድና ጎዳይ ነ ጸሳይ ታና።

3 “ታፕ አትና። ሀራ ጸሳዉ ጎይናፕ።

4 “ቦላ ሳሉዋን ደእያ። ዋይ ጋርሳ ሳኔን ደእያ። ዋይ ሳኔፕ ጋርሳን ሃላ ግደን ደእያ አያን ማላትሳደ ነዉ ጎይንያ ሞሰለቲዋ አላፕ።

5 ኢንቲንቲ ሆኮፕ ዋይ ኢንቲንቲ ጎይናፕ። አያዉ ጎፕ። ታን። መድና ጎዳይ ነ ጸሳይ ቃናታንቻ ጸሳ፤ ታና እጽያዋንታ አዋቲዋ ናፕራ ድራዉ። ናና ሄዘንላ የለታን ኦይደንላ የለታ ጋካናዉ ሙርያዋ።

6 ቃይ ታና ሲቅያን ታ አዛዙዋ ናግያዋንቶ ሻእ የለታይ ጋካናዉ ላመተና ሲቁዋ በሰያ መድና ጎዳ።

7 “መድና ጎዳ ነ ጸሳ ሱንላ ጮ ደንላፕ፤ አያዉ ጎፕ። ጸሳይ ባረ ሱንላ ጮ ደንላያዋ ሙራና።

8 “ጌሻ ኦላደ። ሳሞባታ ጋላሳ ናፕ።

9 ኔን ኦላያ ኦሱዋ ኡባ ኡሱቸን ጋላሳቲዋን አላ።

19:5 ዛረ. 4:20፤ 7:6፤ 14:2፤ 26:18፤ ቲቶ 2:14 19:5 1 ጸጸ. 2:9 19:6 ሳፃ 1:6፤ 5:10 19:12 እብራ. 12:18-20 19:16 ሳፃ 4:5 19:16 ዛረ. 4:11-12 20:4 ከሳ 34:17፤ ዋጋ 19:4፤ 26:1፤ ዛረ. 4:15-18፤ 27:15 20:5 ከሳ 34:6-7፤ ፓይ. 14:18፤ ዛረ. 7:9-10 20:7 ዋጋ 19:12 20:8 ከሳ 16:23-30፤ 31:12-14 20:9 ከሳ 23:12፤ 31:15፤ 34:21፤ 35:2፤ ዋጋ 23:3

10 ሸን ላፑንላ ጋላሳይ መድና ጎዳ ነ ጸሳው ሳምባታ። ሄ ጋላሰ አይ ኡሱዋነ ኦሶፓ፤ ኔን፣ ዋይ ነ አቱማ ናአይ፣ ዋይ ነ ማጫ ናና፣ ዋይ ነ ማጫነ አቱማ ቆማቱ፣ ዋይ ነ ሚዛይ፣ ዋይ ህንተንቱና ደእያ አሰራኤልያ ግደና አሳይ ሄ ጋላሳን አይ ኪታካ ኪተቶ።

11 አያው ጎፕ፣ ኡሱፑን ጋላሳ ግደን መድና ጎዳይ ሳሉዋነ፣ ሳኦ፣ አባነ ኡንቱንቱ ግደን ደእያ ኡባ መዴዳ፤ ሸን ላፑንላ ጋላሳን ሸምፔዳ። ሄዋ ድራው፣ መድና ጎዳይ ሳምባታ ጋላሳ አንጄዳነ ጌሼዳ።

12 “መድና ጎዳይ ነ ጸሳይ ነው እምያ ቢታን ነ ላይላይ አዲቃና ማላ፣ ነ አባነ ነ ዳዮ ቦንቻ።

13 “አሳ ዋዶ።

14 “ዋሹዋ።

15 “ውኦ።

16 “ነ ሾሩዋ ቦላን ዋርዲዋ ማርካቶ።

17 “ነ ሾሩዋ ጎልያ አዋቶ፤ ነ ሾሩዋ ማቻቶ፣ ዋይ አ ቆማ፣ ዋይ አ ቆማቶ፣ ዋይ አ ቦራ፣ ዋይ አ ሀርያ፣ ዋይ አው ደእያዋ አያነ አዋቶ።” ያጌዳ።

አሳ ያሻ (ዛረ. 5:22-33)

18 አሳይ ኡባይ ጉጉንላይ ጉጉምያዋን ዋልቃንሳይ ዋልቃምያዋ በኤዳ፤ ማላካታ ዋሱዋ ሰሴዳ፤ ቃይ ደሪ ጩዋትያዋካ በኤዳ፤ አሳይ ያሻን ኮኮሪድ፣ ሃኩዋን ኤቄዳ።

19 ኡንቱንቱ ሙሳ፣ “ኔን ኡው ሃሳያ፤ ኑን ሰሳና፤ ሸን ኑን ሀይቀናዳን፣ ጸሳይ ኡው ሃሳዮ።” ያጌድና።

20 ሙሴ አሳ፣ “ጸሳይ ህንተንታ ፓጫናው፣ ናጋራ ህንተንቱ አፍ ማላ፣ አ ያሻይ ህንተንቱ ዋዛናን ደአናዳን፣ አ ዬዳ ድራው ያዮፕተ” ያጌዳ።

21 አሳይ ሃክ ኤቄደእሸን፣ ጸሳይ ደእያ ሳኦ ዋልቃማ ዲማኮ ሙሴ ሸቄዳ።

ያርሽያ ሳኦቱዋን ጎኤትያ ዋጋቱዋ

22 ሄዋፕ ጉይያን፣ መድና ጎዳይ ሙሳ፣ “አሰራኤልያ አሳው ሀዋዳን ያጋይ ኦዳ፤ ታን ሳሉዋፕ ህንተንቶ ሃሳዬዳዋ ህንተንቱ ህንተንቱ ሁጲያው በኤድታ።

23 ታ ማታን አይ ኤቃነ ኦሶፕተ፤ ብራ ኤቃ ዋይ ዋርቃ ኤቃ ህንተንቶ ኦሶፕተ።

24 “ ኔን ታው ያርሹዋ ያርሽያ ሳኦ ኡርቃፕ መዳደ ነ ጹግያ ያርሹዋ፣ ነ እትፕተላ ያርሹዋ፣ ነ ደርሳቱዋነ ነ ዴሻቱዋፕ ነ ሚዛቱዋ አ ቦላ ያርሻ። ታ ሱንላይ ቆፈታና ማላ ኦሴዳ ሳኦ ኡባን፣ ታን ህንተንቱኮ ያደ፣ ህንተንታ አንጃና።

25 ኔን ታው ያርሹዋ ያርሽያ ሳኦ ሹቻፕ መዶፕ፣ ማሰቱዳ ሹቻፕ መዶፕ፤ አያው ጎፕ፣ ኔን ማሰያ ሚሻን አ ቦቻፕ፣ ነ አ ቱንሳሳ።

26 ታ ያርሹዋ ሳኦ ፑደ ጋይያን ከሶፓ፤ አያው ጎፕ፣ ኔን ከሰያ ዋደ፣ ነ ካሉ ቤተ’ ያጋይ ኦዳ።

21

አይለቱዋ ኦይቂያ ዋጋ (ደመላ 15:12-18)

1 “ኔን ኡንቱንቶ እማና ዋጋይ ሀዋ።

2 ኔን አብራዌ አይልያ ሻዋፕ፣ አ ነው ኡሱፑን ላይላ ኦሶ፤ ሸን ላፑንላ ላይላን እ አይነ ቃንጸናን፣ አይለተላፕ ጮ ከሲደ ቦ።

3 አ ባረካ ዬዳዋ ግደፕ ባረካ ቦ፤ ባረ ማቻትና ዬዳዋ ግደፕ፣ አ ማቻታካ አናና ቡ።

4 አ ጎዳይ አው ማቻቶ እሜዳዋ ግደፕን ማቻታ አው አቱማ ናና ዋይ ማጫ ናና የሌዳዋ ግደፕ፣ ሄ ማቻታን እዘ ናናይ አ ጎዳዋ፤ አ ባረካ ከሲደ ቦ።

5 ሸን ሄ አይሊ፣ ታን ታ ጎዳ፣ ታ ማቻቶነ ታ ናና ሲቃይ፤ ታን አይለተላፕ ከሰከ ጎፕ።

6 አ ጎዳይ አ ፕርድያዋንቱ ሰንላ ኦሶ፤ ሄዋፕ ጉይያን ፕንገ ዋይ ፕንገ ማቃንያኮ አ አፊደ፣ አ ሀይላ ጎላን ለኮ። ሰም አ ባረ ደኡዋ ላይላ ኡባን አው አይልያ ግዳናዋ።

7 “አሳይ ባረ ማጫ ናቶ አይለተላው ዛልአፕ፣ አቱማ አይለቱ አይለተላፕ ከሰያዋዳን እዛ ከሱፑ።

8 እዛ ባረና ማቼተላው ደሪደ አፊዳ ጎዳው ሎአና ጳዮፕ፣ ጎዳይ እዘ ዋዘሳናው ኮሼ። አ እዘው አማነትቤና ድራው፣ እዘ አላጋው ዛልአናው አው ማታይ ባዋ።

9 አ እዘ ባረ ናአው እማናው ደርፕ፣ ማጫ ናትው በሰያዋ እዘው ኦሶ።

10 አ ባረው ሀራ ማቻቶ አኮፕ፣ ኮይር ማቻትው ቁማ፣ ማዩዋ ዋይ አሰናተላነ ማቼተላ ማታ ፓጭሶ።

11 አ ሀ ሄዙባቱዋ እዘው እማና ጳዮፕ፣ አይነ ሻሉዋ ጭገናን አይለተላፕ ከሳደ ቡ።

ኢታቱ ሙረትያ ዋጋ

12 “አሳ ሾጪደ ዋድያ አሳ ቱሙፕ ዋዳናው በሴ።

13 ሸን ኤሪደ ግደናን እ ዋድያ ዋደ፣ ታን፣ ጸሳይ ጮኡ ጌዳዋ ግደፕ፣ አ ባቃታና ሳኦ ኡንቱንቶ ታን ጊግሳና።

14 ሸን ኦነ ቆፒደ ኤሪደ ሀራ ብታንያ ዋዶፕ፣ ሄ ኡራ ታ ያርሹዋ ሳኦፕ ድጋደ፣ ሀራ ሳኦን ዋዶ።

15 “ባረ አባ ዋይ ባረ ዳዮ ደቻያ ኡራይ ኦንነ ቱሙፕ ሀይቆ።

20:11 ደመላ 2:1-3፤ ከሳ 31:17 20:12 ዛረ. 27:16፤ ማቶሳ 15:4፤ 19:19፤ ማር. 7:10፤ 10:19፤ ሉቃሳ 18:20፤ ኤፌ. 6:2፤ 3 20:13 ደመላ 9:6፤ ዋጋ 24:17፤ ማቶሳ 5:21፤ 19:18፤ ማር. 10:19፤ ሉቃሳ 18:20፤ ሮሙ 13:9፤ ያቆባ 2:11 20:14 ደመላ 9:6፤ ዋጋ 24:17፤ ማቶሳ 5:21፤ 19:18፤ ማር. 10:19፤ ሉቃሳ 18:20፤ ሮሙ 13:9፤ ያቆባ 2:11 20:15 ዋጋ 19፤ 11፤ ማቶሳ 19:18፤ ማር. 10:19፤ ሉቃሳ 18:20፤ ሮሙ 13:9 20:16 ከሳ 23:1፤ ማቶሳ 19:18፤ ማር. 10:19፤ ሉቃሳ 18:20 20:17 ሮሙ 7:7፤ 13:9 20:18 አብራ. 12:18-19 20:25 ዛረ. 27:5-7፤ ኢያሳ 8:31 21:2 ዋጋ 25:39-46 21:12 ዋጋ 24:17 21:13 ፓይ. 35:10-34፤ ዛረ. 19:1-13፤ ኢያሳ 20:1-9 21:16 ዛረ. 24:7 21:17 ዋጋ 20:9፤ ማቶሳ 15:4፤ ማር. 7:10

16 “አሳ ዋልቃን ኦይቂደ ዛልእያ ኡራይ ዋይ ዋልቃን ኦይቂደ አሳይ ኦ ኩሽያን ቤቲዳ አሳይ ቱሙጥ ሀይቃናዉ በሴ።

17 “ባረ አባ ዋይ ባረ ዳዮ ሸቂያዌ ቱሙጥ ሀይቆ።

18-19 “ላኡ አሳቱ ዋላቀቶ፣ እቱ የንኩዋ ሹቻን ጫደጥ ዋይ ቦክሶ፣ ሄ ደሸቲዳዌ ሀይቀናን እቶዋ ግደጥን ሀርጊደ ግሱዋን ጋምኦ፣ ደንዲደ ጉፍያና ካረ ሄራን ሀመቶ፣ ሄ ደቼዳዌ ሀይቀዋጥ አቲ፤ ግደጥን እ ኦ ኪታ ድጌዳ ድራዉ፣ ሻሉዋ ጭጋናዉን ኦ ፓላናዉ ማዳና ኮሼ።

20 “አሳይ ባረ አቱማ አይልያ ዋይ ማጫ አይላቶ ጸምእን ሾጮጥን ሄዋ ጋሱዋን ሄ ኡራይ ሄ ጎዳ ኩሽያን ሀይቂንቶ፣ ሾጮዳዌ ቱሙጥ ሙረታናዉ በሴ።

21 ሸን ሄ ደሸቲዳዌ እት ዋይ ላኡ ጋላሳን ደንደ፣ ሄ አይሊ ኦ ሚሻ ግድያ ድራዉ፣ እ ሙረታና።

22 “ላኡ አሳቱ እቱ እቱዋና ዋቅደ ሻሃራ ሞሽራቶ ደቻጥን እዛ ቦሽቶ፣ ሄዋጥ ሀራ ኢታ ደሸላይ ቆዮ፣ ሄ ሞሽራት አሰናይ ኦቼዳዋን ዳናቱ ፕርዳዳዋ አያን ጭጎ።

23 ሸን እዘዉ ደሸላይ ዳር፣ ሸምጥ ሀይቂንቶ ሸምጥ።

24 አይፍያ ድራዉ አይፍያ፣ አቻ ድራዉ አቻ፣ ኩሽያ ድራዉ ኩሽያ፣ ገድያ ድራዉ ገድያ።

25 ጸገላ ድራዉ ጸገላ፣ ማዲላ ድራዉ ማዲላ፣ ቆኤዳ ድራዉ ቆኤዳ አካናዉ ኮሼ።

26 “እት አሳይ ባረ አቱማ አይልያዉ ዋይ ማጫ አይላትዉ አይፍያ ባቂደ ቶይሶ፣ ሄ አይፍያ ድራዉ አይለተላጥ ከሰ የድ።

27 ሄዋዳንካ፣ ባረ አይልያ አቻ ዋይ ባረ አይላት አቻ ሙንላ፣ ሄ አቻ ድራዉ አይለተላጥ ከሰ የድ።

መሀያ ጎዳቱ ፖልያባቱዋ

28 “ቦራይ ማጫ አሳ ዋይ አቱማ አሳ ቃይጪደ ዋቆ፣ ሄ ቦራይ ሹቻን ጫደቲደ ሀይቆ፤ ኦ አሹ ሜተቶ። ሸን ቦራ ጎዳይ ሙረቶ።

29 ሸን ቦራይ ካሰካ ቃይጫያ ሜዚ ደእያዋ ግዲና፣ አሳይ ኦ ጎዳዉ ኦድ ዋሉና፣ ኦ ጎዳይ ቃቼናን እጽና፣ ቦራይ አቱማ አሳ ዋይ ማጫ አሳ ዋቆ፣ ሄ ቦራይ ሹቻን ጫደቲደ ሀይቆ፤ ቃይ ኦ ጎዳይካ ሀይቆ።

30 ሸን እ ባረና ዋዛናዳን ኦሸቶ፣ ኡንቱንቱ ኦቼዳዋ አያን ጭጊደ፣ ባረ ሸምጥ ዋዘ።

31 ቦራይ አቱማ ናእ ዋይ ማጫ ናቶ ቃይጪደ ዋቆ፣ ፕርዳይ እት ማላ ግድ።

32 ቦራይ አቱማ አይልያ ዋይ ማጫ አይላቶ ቃይጪደ ዋቆ፣ ቦራ ጎዳይ አይልያ ጎዳዉ ሀታሙ ብራ ሳንትምያ ጭጎ። ቦራይ ሹቻን ጫደቲደ ሀይቆ።

33 “እት አሳይ ኦላ ቁምእያ ፖኪደ፣ ዋይ ኦላ ቦኪደ ቁምኤናን አጎ፣ ቦራይ ዋይ ሀሪ ሄ ኦላን ኩንደ፣

34 ሄ ኦላ ጎዳይ መሀያ ጋትያ ጭጎ። እ ኦ ጎዳዉ ጋትያ ጭጊደ፣ ሀይቂዳ መሀያ ባረዉ አኮ።

35 “እት አሳ ቦራይ ሀራ ቦራ ቃይጪደ ዋቆ፣ ፓጸ ቦራ ዛልኢደ፣ ኦ ጋትያን ሀይቂዳ ቦራ ልክያን ሻክ አክኖ።

36 ሸን ሄ ቦራይ ቃይጫያዋ ግድያዌ ካሰት ኤረትሸን፣ ኦ ጎዳይ ኦ ቃቼናን አጌዳዋ ግደ፣ ኦ ጎዳይ ቦራ ጭጎ። ያቲደ ሄ ሀይቂዳዋ ባረዉ አኮ።

22

አሳይ ባረዉ ደእያዋ ናግያ ዋጋ

1 “እት አሳይ ቦራ ዋይ ደርሳ ዉኢደ ሹኮ፣ ዋይ ዛልኦ፣ ቦራ ድራዉ እቼሹ ቦራ፣ ደርሳ ድራዉ አይዱ ደርሳ ጭጎ።

2 “ካይሱ ጎልያ ቦኪደ ኦይቀቶጥን ሾጮቲደ ሀይቂንቶ፣ ሾጮዳዌ ሱላ ጉሴዳዋ ኦሸተና።

3 ሸን ሄዌ ጸልቂ ደል ክቾና ሀኖ፣ እ ሄ ጉሴዳ ሱላ አጫዋን ኦሸቲ። ካይሱ ባረ ዉኤዳዋ ዛር፤ ሸን አዉ አያይን ቆዮ፣ ባረ ዉኤዳዋ ዛራናዉ እ ዛልኤቶ።

4 እ ዉኤዳ መሄ ፓጸ ደኢደ ኦ ኩሽያን ቤትንቶ፣ ቦራ፣ ዋይ ሀርያ፣ ዋይ ደርሳ ግደጥን፣ እ ባረ ዉኤዳዋ ላኡ ኩሽያ አሊደ ጭጎ።

5 “እት አሳይ ባረ መሀያ ደምባን ዋይ ዋይንያ ቱራ ግደን ሄምሸን፣ መሄ ሀራ አሳ ሾይቃጥ ሞ፣ እ ባረ ሾይቃጥ ዋይ ባረ ዋይንያ ቱራ ኡባጥ ሎእያዋ አፍላማ ጭጎ።

6 “ጸራጋይ ደንዲደ አጉንላ ቡራና ላኢደ፣ ደርያን ደእያ ካላ፣ ዋይ ኤቁዋን ደእያ ካላ፣ ዋይ ጎሻ ኡባ ምያዋ ግደ፣ ኮይር ጸራጋ ኦይጮዳ ብታኒ አጫ ጭጎ።

7 “እት አሳይ ብራ ዋይ ሀራ ሚሻ ናግሳናዉ ባረ ሾር ሀዳራ እምና፣ ሾሩዋ ሶፕ ሄ ሚሻይ ዉኤቶጥን ካይሱ ኦይቀትንቶ፣ ካይሱ ሄ ሚሻዉ ላኡ ኩሽያ አሊደ ጭጎ።

8 ሸን ካይሱ ቤተናን ቆዮ፣ ጎልያ ጎዳይ ፕርድያዋንቱኮ ሸቂደ ባረ ሾሩዋ ሚሻ ቦላ ባረ ኩሽያ ዋላቤናዋ ጫቆ።

9 “አሳይ አይ ሞቱዋንካ፣ ቦራ ጋሱዋን፣ ዋይ ሀርያ ጋሱዋን፣ ዋይ ደርሳ ጋሱዋን፣ ዋይ ማዳዋ ጋሱዋን፣ ዋይ ሀራ ባዬዳዋ ጋሱዋን፣ ህዌ ታዋ፣ ጊደ ሞተቶ፣ ላኡ ባጋይካ ባረንቱ ሞቱዋ ፕርድያዋንቱ ሰንላ አላኖ፤ ፕርድያዋንቱ ባይዛንቻ ጌዳ ኡራይ ባረ ሾር ላኡ ኩሽያ አሊደ ጭጎ።

10 “አሳይ ባረ ሾር ሀርያ፣ ዋይ ቦራ፣ ዋይ ደርሳ፣ ዋይ ሀራ መሀያ ናግሳናዉ ሀዳራ እምና ሀይቂንቶ፣ ዋይ ደሸትንቶ፣ ዋይ ኦንን በኤናን ቦንቃንቻይ አፎ፣

11 ሀዳራ ናግያዌ ባረ ሾሩዋ መሀያ ቦላ ባረ ኩሽያ ዋላቤናዋ መድና ጎዳ ሰንላን ጫቂና፣ ኡንቱንቱ ግደን ደእያ የዉ ማየቶ። ሄ መሀያ ጎዳይ ጫቂዋ አኮ፤ ጭጋ እማናዉ ኮሸና።

12 ሸን መሄ ሾሩዋ ዉኤቲዳዋ ግደ፣ እዛዋ ጭጎ።

21:25 ዋጋ 24:19-20፣ ዛረ. 19:21፣ ማቶሳ 5:38

13 ሄ መሀያ ደአይ መንግሥታዊ ሜዳዎ ግደጥ፣ ማርካ ግዳናዳን ደአይ ሚሽን አቴዳዋጥ እኪደ ዮ፤ ያቲደ መኤረቴዳ መሀያ ድራወ ጭጎ።

14 “አሳይ ባረ ሾሩዋጥ መሀያ ጋርጸጥነ አ ጎዳይ ባይና ሳኦን ሄ መሄ ደሸቶጥ ዎይ ሀይቆጥ፣ ሄ መሀያ ጭጎ።

15 ሸን አ ጎዳይ አናና ደኦጥ፣ ጋርጾዳዌ ጭጎ። ከራወ አኬዳዋ ግደጥ፣ ከራወ ጭጎያ ሻሉ አጩዋ ጭጌዳ።

ጌሻ ደኡዋነ አማኑዋ ዎጋ

16 “አት አሳይ አሰናወ ጊጋቤና ዎደራቶ ጭሚደ፣ እዘና ግሰያዎ ግደጥ፣ እዘ ጭሎሺደ ባረወ ማቻቶ ኦሎ።

17 እዘ አቡ እዘ አወ እማናወ እጸጥ፣ ዎደራቶ አክያ ኡራይ ጭሎሸያዎ ኬሻ ብራ እ አቦ እሞ።

18 “ብትያ ሞሽራቶ ጋጸ ዎላ።

19 “መሀያና ግሰያ ኦንነ ቱሙጥ ሀይቆ።

20 “መድና ጎዳ ጸላላሳጥ አትና፣ ሀራ ጸላወ ያርሽያዌ ኦንነ ሙላ ቆዮ።

21 በተደ ዬዳ አሳ ቆሆጥተ ዎይ ኡንኦጥተ፤ እያወ ጎጥ፣ ሀንተንቱካ ግብጾ ጋድያን በተ ግዲደ ደኤድታ።

22 አሰናይ ሀይቁዳ አምኦቶነ አወ ሀይቁዳ ሀይሳ ኡንኦጥተ።

23 ሀንተንቱ ኡንቱንታ ኡንኤላና፣ ኡንቱንቱ ታኮ ዋሶጥ።

24 ታን ኡንቱንቱ ዋሶ-ዋ ቱሙጥ ሰሳና፤ ሄ ዎደ ታ ሀንቁ ሀንተንቱ ቦላ ደንዳና፤ ታን ሀንተንታ ማሻን ወርሳና፤ ሀንተንቱ ማቻቱ አምኤ ሀንተንቱ ናናይካ አወ ሀይቆዋንታ ግዳናዋንታ።

25 “ሀንተንቱ ግደን ደእያ ታ አሳጥ እት ሀይሳወ ሻሉዋ ታልኦጥ፣ ሻሉዋ ድቻወ እምያ አሳዳን ሀናጥተ፤ ኔን ድቻ አ ኦቻ።

26 ኔን አጩዋ ድራወ ነ ላግያ ማዩዋ ኦይቆጥ፣ አዎይ ወለናን ደእሸን አወ ዛራ፤

27 እያወ ጎጥ፣ እ ባረ ቦላ ካምያዌ ሄን ጸላላና፤ ሀራባ እያ ማዩደ አቃናወ ዳንዳዩ? እ ታወ ዋሶጥ፣ ታን ቃረትያዎ ግድያ ድራወ፣ ሰሳና።

28 “ጸሳ ቦላ ሸቃ ቃላ ሃሳዮ፣ ዎይ ነ ደርያ ሞድያዎ ሸቆ።

29 ነ ካላ ጾራጥነ ነ ዎይንያ ጉምኤላ ኩመንላጥ ታወ ያርሹዋ ሸሻ።

“ኔን ነ አቴማ ናና ግደን ባይራትያ ናኦ ታወ እማናወ ኮሼ።

30 ሚዛጥካ ደርሳጥካ ሄዎዳን ኦላ። ኡንቱንቱ ላፑን ጋላሳይ ጋካናወ፣ ባረንቱ አየቱዋና አየቱዋና ጋምእኖ፤ ሆሰፑንላ ጋላሰ ኡንቱንታ ታወ እማ።

31 “ሀንተንቱ ታወ ጌሻ አሳ ግዳናወ ኮሼ፤ ሄዎ ድራወ፣ ባዙዋ ደአይ መንግሥታዊ ዎደዳ መሀያ አሹዋ ሞጥተ፤ ሄዎ ካናወ ኦልተ።

23

ሱረ ፕርዳ

1 “ዎርደ ኦዲዋ ፑኮ፣ ዎርዲዋ ማርካ ግዳደ፣ ኢታ አሳ ማደ።

2 ኢታባ አሳናወ ጮራ አሳ ካሎ፣ ፕርዳ ጌላያናወ ጮራ አሳና እታ ግዳደ ማርካቶ።

3 ሀይሳይ ፕርዳወ ሸቆጥ፣ ሞቱዋን አ መቱዋ ጾላደ ማደ።

4 “ካ ሞርክያ ቦራይ ዎይ ሀሪ ባዬዳዎ ደሞጥ፣ ዛራደ አወ አፋ።

5 ኔና እጽሰያ ብታንያ ሀሪ ጫናና ኩንዴዳዎ በኦጥ፣ ሄዎን አሳ፣ ማዳደ አናና ደንላ።

6 “ፕርዳ ዳባባን ማዳደ፣ ሀይሳ አሳ ፕርዳ ጌላዮ።

7 ዎርደ የወዋ ኡባጥ ሃካ፤ ጌሻ ዎይ ጽሉዋ ዎደ፣ እያወ ጎጥ፣ ኮባ ኦሎዳዎ ታን ሳሮ የድከ።

8 ማታይያ (ማጋንጸ) አኮ፣ እያወ ጎጥ፣ ማታዩ ጾልያዋንቱ አይፍያ ቆቅሴነ ጽላቱዋ ቃላ ሞርቁ።

9 “በትያ ናቆጥተ፤ በተ ግድያዌ አይ ኬሻ ካዮይንቶ ኤሪታ፤ እያወ ጎጥ፣ ሀንተንቱ ሀንተንቱ ሀጺያወ በተ ግዲደ ግብጾ ጋድያን ደኤድታ።

ላፑንላ ላይላን ላፑንላ ጋላሳ

10 “ኔን ነ ጋድያ ኡሱፑን ላይላወ ጎሻደ፣ ዛራደ ካላ ቆይጫ አካ።

11 ላፑንላ ላይላን ጋድያ ጎሽናን ሻቻ፤ ያቶ፣ ነ አሳ ግደን ደእያ ሀይሳቱ ሄዋጥ ሞያባ ደማና፤ ቃይ ኡንቱንቱጥ አትያዎ ደአቱ ማና። ኔን ነ ዎይንያ ቱራካ ነ ዎጋራካ ሄዎዳን ኦላ።

12 ኡሱፑን ጋላሳ ነ ኪታ ኪተታ፤ ነ ቦራይነ ነ ሀሪ ሸምጥና ማላነ ነ ሶን የለቱዳ አይሊነ በቱ፣ ሸምጥና ማላ፣ ላፑንላ ጋላሰ ኡሱዋ ኦላ።

13 “ታን ሀንተንታ ጌዳዎ ኡባ ሞንሲደ ኦላተ፤ ሀራ ጸሳቱዋ ሱንላ ጾሶጥተ፤ ሀንተንቱ አንጻርሳጥ ሄዌ ሰሰቶ።

ዎልቃማ ባላቱዋ (34:18-26፤ ዛረ. 16:1-17)

14 “ላይላን ሄዙ ገደ ሀንተንቱ ታወ ባላ ቦንቶተ።

15 ማጋገ ኡክላ ባላ ቦንቶተ፤ ታን ሀንተንታ አዛዜዳዎዳን፣ ላፑን ጋላሳ እርሹዋ የግቤና ኡክላ ሚተ፤ ሀንተንቱ አቢባ ጌተትያ አግናን ኬራዳ ጋላሳቱዋን ሀ ባላ ቦንቶተ፤ እያወ ጎጥ፣ ሀንተንቱ ግብጾጥ ከሴዳዌ ሄ አግናና።

“ሀንተጥ እት አሳይነ ታ ሰንላን መላ ኩሽ ቤቶ።

22:16 ዛረ. 22:28-29 22:18 ዛረ. 18:10፣ 11 22:19 ዎጋ 22:19፤ 20:15-16፤ ዛረ. 27:21 22:20 ዛረ. 17:2-7 22:21 ከሳ 23:9፤ ዎጋ 19:33-34፤ ዛረ. 24:17-18፤ 27:19 22:25 ዎጋ 25:35-38፤ ዛረ. 15:7-11፤ 23:19-20 22:26 ዛረ. 24:10-13 22:28 ኪታ 23:5 22:31 ዎጋ 17:15 23:1 ከሳ 20:16፤ ዎጋ 19:11-12፤ ዛረ. 5:20 23:3 ዎጋ 19:15 23:4 ዛረ. 22:1-4 23:6 ዎጋ 19:15፤ ዛረ. 16:19 23:9 ከሳ 22:21፤ ዎጋ 19:33-34፤ ዛረ. 24:17-18፤ 27:19 23:10 ዎጋ 25:1-7 23:12 ከሳ 20:9-11፤ 31:15፤ 34:21፤ 35:2፤ ዎጋ 23:3፤ ዛረ. 5:13-14 23:15 ከሳ 12:14-20፤ ዎጋ 23:6-8፤ ፓይ. 28:17-25 23:16 ዎጋ 23:15-21፤ 39-43፤ ፓይ. 28:26-31

16 “ቃይ ህንተንቱ ህንተንቱ ጋደን ዘርና፡ ኮይሮ ጋኬዳ ካላ ጫክያ ዎደ፡ ካላ ጫክያ ባለ ቦንቶተ።

“ቃይካ ላይላ ወርሰላን፡ ካላ አይፍያ ጋደፕ ሺሽያ ዎደ፡ ሺሹዋ ባለ ቦንቶተ።

17 አቱማ አሳይ ኡባይ ኡባ ዋድያ መድና ጎዳ ሰንላን ላይላን ሄዙ ገደ ቤቶ።

18 “ኔን ያርሹዋ ሱላ ታዉ ሺሻደ፡ እርሹዋ የጊደ ኡኬዳ ኡክላና ሺሹፓ። ታ ባለ ቦንቶያ ጋላሰ ያርሹቱዳ ሞዱዋፕ ዎንታዉ አይነ አቶፖ።

19 ነጋደን ባይራ ካኤዳ ካላፕ ኡባፕ ሎእያዎ መድና ጎዳ ሶ፡ ነጋሳ ሶ አሀ። ዴሻ ማራ አ ዳይ ማላን ደይሶፓ።

ሀደታ ቃላቱዋነ ካልያ ዎጋቱዋ

20 “ኅ ኦግያን ኔና ናጋና ማላነ ታን ነዉ ጊግሴዳ ሳኣ ኔና አፋና ማላ፡ ታን ኪታንቻ ነ ሰንላን ኪታና።

21 እ ኦድያዎ ሀይዛ አዉ አዛዘታ፤ አ ቦላ ማካሎፓ፤ ታ ሰንላይ አ ቦላ ደእያ ድራዉ፡ ህንተንቱ ናጋራ አልያዎ ግደፕ፡ ህንተንቶ እ አቶ ጌና።

22 እ ኦድያዎ ህንተንቱ ምንሲደ ሀይዘፕ ታን ኦድያዎ ኡባ አላፕ፡ ህንተንቱ ሞርከቱዋ ታን ሞርካና፤ ህንተናና ኤቀትያዎንቱና ታንካ ኤቀታና።

23 ታ ኪታንቻይ ህንተፕ ሰንላና ቢደ፡ ህንተንታ አሞራዎናቱዋ ጋድያ፡ ሂተቱዋ ጋድያ፡ ፓርዛዎናቱዋ ጋድያ፡ ካናነቱዋ ጋድያ፡ ሂዋቱዋ ጋድያን ያቡሳዎናቱዋ ጋድያ አሀና። ታን ኡንቱንቱ ኡባ ዳይሳና።

24 ኡንቱንቱ ጸሳቱዋ ሰንላን ሆኮፕተ፡ ዎይ ጎይኖፕተ፡ ዎይ ኡንቱንቱ ሀኑዋ ቁሎፕተ። ህንተንቱ ኡንቱንቱ ጸሳቱዋነ ኡንቱንቱ ሹቻ ሞሰለቱዋ መንግራፋናዉ ኮሼ።

25 መድና ጎዳ፡ ህንተንቱ ጸሳዉ፡ ጎይንተ፤ ያቶፕ፡ እ ህንተንቱ ቁማነ ህንተንቱ ሃላ አንጃናዎ፤ ታን ሀርግያ ህንተንቱ ግደፕ ድጋና።

26 ህንተንቱ ቢታን አይ ማጫ አሳይነ ቦሽተና፤ ማይነና። ታን ህንተንቱ ደእና ላይላ ፓይዱዋ አዲሳና።

27 “ታን ታ ያሻ ህንተንቱ ሰንላን የዳና፤ ህንተናና ጋከትያ ካዉተላ ኡባ ዳጋንላና፤ ህንተንቱ ሞርከቱ ኡባይ ህንተንቶ ዞኪያ ዛሪደ፡ ባቃታናዳን ታን አላና።

28 ታን ህንተፕ ሰንላዉ ዱክያ ካጅያ የዳና፤ ሂዋቱዋ፡ ካናነቱዋነ ሂተቱዋ ህንተንቱ ሰንላፕ ላጋደ ከሳና።

29 ሸን ቢታይ መላ አተናዳንነ ባዙዋ ደአይ ህንተንታ ዋይሰናዳን፡ እት ላይላን ኡንቱንታ የደርሰከ።

30 ሸን ህንተንቱ ፓይዱዋን ዳሪደ፡ ሄ ጋድያ ላታና ጋካናዉ፡ ታን ኡንቱንታ ላፋ ላፋ ላጋደ ህንተንቱ ሰንላፕ ከሳና።

31 ታን ህንተንቱ ዛዋ ዞኦ አባፕ ፕልሰጾማ አባ፡ መላ ቢታፕ ኤፍራጺሳ ሻፋ ጋላና። ሄ ጋድያን ደእያ ኡባ ታን ህንተንቱ ኩሸያን አላደ

እማና፤ ህንተንቱካ ኡንቱንታ ህንተንቱ ሰንላፕ ላጊደ ከሳና።

32 ኡንቱንቱና ዎይ ኡንቱንቱ ጸሳቱዋና ጫቁዋ ዎላፕተ።

33 ኡንቱንታ ህንተንቱ ጋድያን ዎላፕተ፤ ሄዎ ዳዮፕ ኡንቱንቱ ህንተንታ ታ ቦላ ናጋራ ኦሰሳናዎንታ፤ አያዉ ጎፕ፡ ኡንቱንቱ ጸሳቶ ጎይንያዎ ቱሙፕ ህንተንቶ ጸረ ግዳናዎ” ያጌዳ።

24

ጸሳይ ባረ አሳዉ ገሌዳ ቃላ ጫቁዋ ምንሴዳ

1 ሄዋፕ ጉየ መድና ጎዳይ ሙሳ፡ “ኔን፡ አርነ፡ ናዳቦ፡ አቢህነ እሰራኤልያፕ ላፑን ታሙ ጭማ አሳቱ መድና ጎዳኮ ደርያ ሁጺያ ፑደ ከሲደ ሃኩዋን ጎይንተ።

2 ሸን ሙሴ፡ ኔን ኔረካ መድና ጎዳኮ ሺቃ፤ ሀራ ጭማቱ ታ ማታ ዮፕኖ። ቃይ አሳይካ ኔናና ፑደ ከሰፖ” ያጌዳ።

3 ሙሴ ዪደ፡ መድና ጎዳ ቃላ ኡባነ አ ዎጋ ኡባ አሳዉ አድና አሳይ ኡባይ እት ቃላን፡ “መድና ጎዳይ ኦዴዳዎ ኡባ ኦን አላና” ያጌድና።

4 ሙሴ መድና ጎዳይ ኦዴዳዎ ኡባ ጸፊዳ። ዎንተላ ጋላሰ ዎንታ ጉራን ደንዲደ፡ ደርያ ጸጺዎን ያርሸያ ሳኣ ግሞቢደ እሰራኤልያ አሳ ያራ ታማነ ላኡዋ ሰንላን፡ ታማነ ላኡ ሹቻ ቱሳ ኤሴዳ።

5 እ እሰራኤላቱዋፕ ያላጋ አቱማ አሳ ከትና፡ ኡንቱንቱ ቢደ ጸግያ ያርሹዋ ሺሹድኖ፤ ቃይ እትፕተላ ያርሹ ኮራማቱዋ መድና ጎዳዉ ያርሹድኖ።

6 ሙሴ ሱላፕ ባጋ አኪደ ከርያን ትጌዳ፤ አቱዳ ባካ ሱላ እ ያርሸያ ሳኣን ጫጫፊዳ።

7 ሄዋፕ ጉይያን ቃላ ጫቁዋ ማጻፋ አኪደ፡ አሳዉ ናባቤዳ፤ ኡንቱንቱ፡ “መድና ጎዳይ ኦዴዳዎ ኡባ ኦን አላና፤ ኦን አዛዘታና” ያጌድና።

8 ሄዋፕ ጉይያን ሙሴ ሄ ሱላ አኪደ፡ አሳ ቦላ ጫጫፊደ ኡንቱንታ፡ “ቦአተ፡ መድና ጎዳይ ሀ ቃላ ኡባን ህንተናና ዎሌዳ ቃላ ጫቁዋ ሱላይ ሀዎ” ያጌዳ።

9 ሙሴ፡ አርነ፡ ናዳቦ፡ አቢህነ እሰራኤልያ ጭማቱዋፕ ላፑን ታሙ ፑደ ከሴድኖ።

10 እሰራኤልያ ጸሳ ቦኤድኖ፤ እ ገድያፕ ጋርሳና ሳሉዋዳን ጌዬዳ ሳሞፔርያ ጌተትያ ጸልያ ሹቻፕ ኦሰቱዳዎ ማላትያ ዉይግያ ማላባይ ደኤ።

11 ሸን ጸሳይ እሰራኤልያ አሳ ካፓቱዋ ዎድቤና። ኡንቱንቱ ጸሳ ቦኤድኖ፤ እ ሰንላን ማድኖነ ኡሹድኖ።

ሙሴ ሲና ደርያ ሁጺያ ቦላ

12 መድና ጎዳይ ሙሳ፡ “ኔን ደርያ ፑደ ሃ ታኮ ከሳደ፡ ሀዎን ጋሞእ፤ ያቶፕ ኔን ኡንቱንታ ታማርሳና ማላ፡ ታን ዎጋነ አዛዙዋ ጸፊዳ ሹቻ ነዉ እማና” ያጌዳ።

23:19 ከሳ 34:26፤ ዛረ. 14:21፤ 26:2 24:8 ማቶሳ 26:28፤ ማር. 14:24፤ ሉቃሳ 22:20፤ 1 ቆር. 11:25፤ እብራ. 9:19-20፤ 10:29

13 ሄዋጥ ጉይያን ሙሴ ባረ ቆማ ኢያሱና ባናወ ደንዳዳ፤ ሙሴ ጸሓ ደርያ ፑደ ከሴዳ።

14 እስራኤልያ አሳ ጭማቱዋ እ፥ “ኑን ህንተንቱሮ ሰማናዉ ሀዋን ደእሸቱ፤ እርነነ ሁር ሀዋን ህንተናና ደእና፤ የዉ ደእያ ኦንነ ኡንቱንቱሮ ቦ” ያጌዳ።

15 ሙሴ ደርያ ፑደ ከሴዳ ዋደ፥ ሻሪ ደርያ ካሚዳ።

16 ቃይ መድና ጎዳ ቦንቹ ሲና ደርያ ቦላን ኡቲዳ፤ ሄ ሻሪ ኡሱቱን ጋላሳ ማዬዳ፤ ላቱንላ ጋላሳን ሄ ሻርያ ግደጥ መድና ጎዳይ ሙሳ ዴሴዳ።

17 እስራኤላቶ መድና ጎዳ ቦንቹ ደርያ ሁጲያን ጹግያ ታማ ማላቲደ ቤቲዳ።

18 ሄዋጥ ጉይያን ሙሴ ሄ ሻርያ ግደ ገሊደ፥ ደርያ ፑደ ከሲደ ደርያ ሁጲያን ኦይታሙ ጋላሳን ኦይታሙ ቃማ ጋምኤዳ።

ጌሻ ዲንካንያን ጎይና ዋጋ

25

(25:1—40:38)

ጸሓ ዲንካንያ ቶካናዉ እመቲዳ እሞታ (ከሳ 35:4-9)

1 መድና ጎዳይ ሙሴዉ ሀዋዳን ያጌዳ፤

2 “ታዉ እምያዋ እሀናዳን ኔን እስራኤላቶ ኦዳ፤ ታዉ እማናዉ ኦ ዋዛናይ ኦ እማ እማ ግያ አሳ ኡባ እሞታ ኔን ታዉ አካ።

3 ህንተንቱ ኡንቱንቱጥ አካና እሞታይ ሀዋ፡ ዋርቃ፡ ብራ፡ ናሃሲያ ብራታ፡

4 ሳሉዋ ማላትያ፡ ኦቻ ቲራ ማላትያን፡ ዞኦ ሊቆ ቃጭና፡ ዳሻ እስክያ፡

5 ደርሳ ኦርግያ ጋልባ ዞኦ ቃላምያን የግ ከሴዳዋ፡ ሀራ ጋልባ፡ ኦደራዋ፡

6 ጸምጥያዉ ዋጋራ ዛይትያ፡ ኦክያ ዛይትያን እጻና ሳዌልያ ቅማምያ፤

7 ቄሳቱዋ ካቸዋ ኤፋድያንን ትራን ዋልያዋን የግያ ማርግድያ ጌተትያ ሹቻቱዋን ሀራ ጸልያ አልኦ ሹቻቱዋ አሆ።

8 “ያቲደ ታን ኡንቱንቱ ግደን አቃናዳን፡ ኡንቱንቱ ታዉ ጌሻ ሳኦ ጊግሰና።

9 ልከ ታን ኔና በሴዳ ሊምሱዋ ኡባዳን ጸሓ ዲንካንያን ኦ ግደን ደእያ ሚሻቱዋ ኦላተ።

ቃላ ጫቁዋ ታቦታ (37:1-9)

10 “ኡንቱንቱ ኦደራዋ ሞላጥ አዲሳተላይ ላኡ ዋዳን ባጋ፡ ጎምጋይ እት ዋዳን ባጋ፡ ጌሳይ ቃይ እት ዋዳን ባጋ ግዴዳ ታቦታ መድና።

11 ሶያን ካርያ ዋላካይ ባይና ዋርቃን ሹሻ፤ ኦ የሹዋካ ዋርቃ ትገላን የሻ አላ።

12 ሄ ታቦታዉ ኦይዱ ዋርቃ ሳጋየቱዋ ትጋደ ኦይዱ ገደቱዋን እት ባጋና ላኡ ሳጋየቱዋ፡ ቃይ የንኮ ባጋና ላኡ ሳጋየቱዋ አላ።

13 ሄዋጥ ጉይያን ኦደራዋጥ ካሱዋ ከሳይ ዋርቃን ሹሻ።

14 ታቦታ ቶካናዉ፡ ታቦታ ሞይያን ደእያ ሳጋየቱዋን ካሱዋ አላ።

15 ቶክያ ካሱቱ ታቦታ ሳጋየቱዋ ግደን ደእና፤ ኡንቱንቱ ሄዋጥ ኡባካ ከሶጥና።

16 ታቦታ ግደን ታን ነዉ እምያ፡ ታሙ አዛዛቱ ጸፈት ኡቲዳ ላኡ ማሰቲዳ ማርካተላ ሹቻቱዋ ዋላ።

17 “ዋላካይ ባይና ዋርቃጥ ላኡ ዋዳን ባጋ ኡዱቂያ፡ እት ዋዳን ባጋ አክያ አቶ ግያ ሳኦ ቁምእያ መዳ።

18 ቁምእያዉ ዉርሰላ ላኡ ባጋ ጋጸን ላኡ ክሩቤልያ፡ ቆጸቲዳ ዋርቃጥ መዳ።

19 እት ክሩብያ እት ባጋ ጋጸን፡ ላኡንላ ክሩብያ የንኮ ባጋ ጋጸን ላኡዋካ ቁምእያና ጋላ ኦይላደ መዳ።

20 ክሩብቱ ባረንቱ ቀፍያ ደንሊደ፡ አቶ ግያ ሳኦ ቁምእያ ባረንቱ ቀፍያን ኩዋይ ዋልና፤ ቃይ እቲ እቲዋሮ ሰም ኡቲደ፡ ቁምእያ ዴልና።

21 ቁምእያ ታቦታዉ ቦላ ባጋን ዋላ፤ ቃይ ታን ነዉ እምያ አዛዛቱ ጸፈቲደ ማሰቲዳ ሹቻቱዋ ታቦታ ግደን ዋላ።

22 ማርካተላ ታቦታ ቦላ ቁምእያ ቦላ ደእያ ላኡ ክሩብቱዋጥ ግዴዋን ታን ኔናና ጋከታደ እስራኤልያ አሳዉ ታን እምያ አዛዙዋ ኡባ ያን ነዉ እማና።

ኡክላ ዋልያ ጸርጴዛ (37:10-16)

23 “ኦደራዋ ሞላጥ አዲሳተላ ላኡ ዋዳ፡ ጎምጋይ እት ዋዳ፡ ጌሳይ ቃይ እት ዋዳን ባጋ ግድያ እት ጸርጴዛ መዳ።

24 ያታደ ዋላካይ ባይና ዋርቃን ሹሻ፤ ቃይ ኦ የሹዋን ዋርቃ ትገላ የሻ አላ።

25 ሄዋዳንካ፡ ቃይ ጎምጋይ ታካ፤ ግዴዳ ሻሽያ ኦ ቦላ የሻ አላ። ያታደ ኦ ቦላ ዋርቃ ትገላ የሻ።

26 ሄ ጸርጴዛዉ ኦይዱ ዋርቃ ሳጋየቱዋ መዳደ፡ ጸርጴዛ ገደቱ ደእያ ኦይዱ ጋጸን ዋላ።

27 ጸርጴዛ ቶካናዉ ካሱዋ አልያ ሳጋየቱ ጸርጴዛዉ ሻሽያ ጋጸን ሹቂደ ደእና።

28 ሄ ቶክያ ካሱዋ ኦደራዋጥ ከሳደ፡ ዋርቃን ኡንቱንታ ሹሻ።

29 ሄዋዳንካ፡ ቃይ ሻታቱዋን ጭልጋቱዋ፡ ዱቂያባቱዋን ጸኡቲዋ ዋላካይ ባይና ዋርቃጥ መዳ።

30 ታ ሰንላ አልያ ጌሻ ኡክላይ ኡባ ዋደካ ጸርጴዛ ቦላ ዳዮ።

ጸምጥያ ዋልያ ባላ (37:17-24)

31 “ጸምጥያ ዋልያ ባላ ቆጸቲዳ ዋላካይ ባይና ዋርቃጥ መዳ፤ ሄ ባላይ ኤቂያ ገደካ፡ ቃይ ግደ ቶማይካ ኡባይ ቆጸቲዳ ዋርቃጥ ኦስታናዉ ኮሼ።

ኦ ዋንጫቱ፡ ኦ ኩኩሞቱ ኦ ጨሻቱ ኡባይ አናና እትጥ ኦይቀት መጠታናዉ ኮሼ።

32 ሞይያና ኡሱቱን ማራቱ እዉ ከሲና፤ ማራቱዋጥ ሄዛቱ እት ባጋና፡ ቃይ ሄዛቱ የንኮ ባጋና ደእና።

33 ኡሱቸን ማራቶካ ሁጲያን ሁጲያን ሄዙ ሄዙ ኩኩሙኅ ጨሻይ ደእያ ላወዝያ ጨሻ ማላትያ ዋንጫይ ደእ።

34 ጸምጥያ ዋልያ ባላወ ግዶ ቶማይ፣ ኩኩሞቱዋ ጨሻቱ ደእያ ላወዝያ ጨሻ ማላትያ ኦይዱ ዋንጫይ ደእ።

35 ላኡ ላኡ እትጥ ዋላን ደእያ ሄዙ ማራቱዋጥ ጋርሳና እት እት ኩኩሙ ደእ።

36 ኩኩማቱን ማራቱ ኡባይ ጸምጥያ ዋልያ ባላና እትጥ፣ ኦይቀት እቱዋ ግዱደ፣ ዋላካይ ባይና ዋርቃጥ ቆጶቲደ መጠቅ።

37 “ሄዋጥ ጉይያን ጸምጥያ ዋልያ ባላወ ላቸን ጸምጥቱዋ ገግሳደ፣ ኡንቱንቱ ሰንሳ ግዶወ ፖኦና ማላ ቶቁ ኦሳደ ዋላ።

38 ጸምጥያ ቶይሲያ ቃጶቱዋን ኡንቱንታ ዋልያዋንታ ዋላካይ ባይና ዋርቃጥ መጠቅ።

39 ጸምጥያ ዋልያ ባላይን እን ጎኤትያ ሚሻ ኡባይ ሀታማን እቼሹ ኪሎ ግራመ ግዴዳ ዋላካይ ባይና ዋርቃጥ መጠቅ።

40 እኩካ፤ ታን ኔና ደርያ ሁጲያን በሴዳዋዳን ኪተታ።

26

ጸሳ ዲንካንያ (36:8-38)

1 “ቃይ ሊቆ ፑቱዋጥ ሳሉዋ ማላትያ፣ ኦቻ ቲራ ማላትያን ሾሎላ ዞኦ ቃጭናጥ ዳደቲዳ ታሙ ጋርዳቱዋ ጸሳ ዲንካንያ ገግሳ። ሄ ጋርዳቱዋን እት ሂላን ክሩብቱዋ ምስልያ ዳድሳ።

2 ጋርዳቱ ኡባይ እት ልከ ግድኖ፤ ጌሳይ ላታማን ሆሰቸን ዋቋ፤ ጎምጋይ ኦይዱ ዋቋ ግድ።

3 እቼሹ ጋርዳቱዋ እትጥ ጋሳደ ሰካ፤ የንኮ እቲዳ እቼሹ ጋርዳቱዋን ኡንቱንቱዋዳን ኪተታ።

4 እትጥ ጋከቲደ ሰከቲዳ ጋርዳቱዋጥ እት ጋርዱዋ ወርሰላ ጋጸን ሳሉዋ ማላትያ ጫርቂያጥ ማጫራ መቋ፤ ቃይ እትጥ ጋከት ሰከቲዳ የንኮ ጋርዱዋንካ ሄዋዳን ኪተታ።

5 እትጥ ጋከቲዳ እት ጋርዱዋ ቦላ እሻታሙ ማጫራ፣ ቃይ እትጥ ጋከቲዳ የንኮ ጋርዱዋ ቦላካ እሻታሙ ማጫራ መቋ፤ ሄ ማጫራቱ ኡባይካ እቲ እት ማራን ደእኖ።

6 ሄዋጥ ጉይያን ዋርቃጥ እሻታሙ ኦይቂያዋንታ መቋደ ጸሳ ዲንካንያ እቲዋ ግዳና ማላ፣ ሄ ጋርዳቱዋ ጋጸ ጋጸ ሄ ኦይቂያዋንቱን ኦይላ።

7 “ቃጭናጥ መጠቅ ደሳ ዲንካንያ ቦላና ካማና ማላ፣ ታማን እት ጋርዳቱዋ ዳሻ እሰክያጥ ዳዳደ፣ እት ዲንካንያ መቋ።

8 ታማን እት ጋርዳቱካ እት ልከ ግድኖ፤ እት እት ጋርዱዋ ጌሳይ ሀታሙ ዋቋ፣ ጎምጋይ ኦይዱ ዋቋ ግድ።

9 እቼሹ ጋርዳቱዋ እት ባጋና፣ ኡሱቸን ጋርዳቱዋ ቃይ የንኮ ባጋና ጋሳደ ሰካ። ኡሱቸንካ ጋርዱ ዳኮቲደ፣ ዲንካንያወ ሰንሳ ባጋና ዳቡለቶ።

10 ጋሳ ሰኬዳ ጋርዳቱዋጥ እት ጋርዱዋ ጋጸን እሻታሙ ማጫራ መቋ፤ ቃይ ጋሳ ሰኬዳ የንኮ ጋርዳቱዋጥ ጋጸን እሻታሙ ማጫራ መቋ።

11 እሻታሙ ናሃሲያ ኦይቂያዋ መቋደ፣ ማጫራቱዋ ግዶ ገልሳ፤ ያታደ ዲንካንያ እትጥ ጋሳ ኦይላ። ያቶጥ ሀ ላኡ ኦይቀቲዳ ካምያዋንቱ እቲዋ ግዳና።

12 ሀ ዲንካንያ ጋርዳቱዋጥ ፓላሄዳ ባጋ ጋርዱ ጸሳ ዲንካንያወ ጉየና ካቀቶ።

13 ዲንካንያ ጋርዳቱ ላኡ ባጋናካ እት እት ዋቋ ኬሻ ፓላህኖ፤ ሄ ፓላሄዳዋንቱ ጸሳ ዲንካንያ ካማና ማላ፣ ላኡ ባጋ ምይያና ካቀቶና።

14 “ዳሻ አጎዛጥ መጠቅ ዲንካንያ ቦላና ካማናወ ደርሳ ኦርግያ ጋልባ ዞኦ ቃላምያን የግ ከሴዳዋ ገግሳ፤ ቃይ ኦ ቦላና ካማናወ ቁምእያ ሀራ ጋልባጥ ገግሳ።

15 “ጸሳ ዲንካንያ ጸጋግያዋንታ ሰት ጌዳ ኦደሩዋጥ ከሳ።

16 እት እት ጸጋግያወ ጌሳይ ታሙ ዋቋ፣ ጎምጋይ እት ዋቋን ባጋ ግድ።

17 እት እት ጸጋግያወ እቲዋ እቲዋና ጋሳ ኦይልያ ላኡ ፖላ መቋ። ጸሳ ዲንካንያ ጸጋገቱዋ ኡባካ ሄዋዳን ኪተታ፤

18 ጸሳ ዲንካንያወ ገድሳ ባጋና ላታሙ ጸጋግያዋ መቋ።

19 እት እት ጸጋግያወ ላኡ ፖላይ ገልያ ኦይታሙ ሉኩዋ፣ ኡባካ ብራጥ ገግሳ።

20 ጸሳ ዲንካንያወ ሁጲሳ ባጋና፣ ላታሙ ጸጋግያዋ መቋ።

21 እት እት ጸጋግያወ ላኡ ገደቱ፣ ሙላ ኦይታሙ ገደቱ፣ ብራጥ ገግሳ።

22 ቃይ ጸሳ ዲንካንያወ ጉየ ጋጸን አዋይ ወልያ ባጋና ኡሱቸን ጸጋግያ መቋ።

23 ጉየን ደእያ ጋጸቶ ላኡ ጸጋግያ ገግሳ።

24 ሄዋ ድራወ፣ እት ጸጶዋን ላኡ ፖላ ገጋ ጼራ ጋካናወ እታ ግድ ምግዱዋን ኦይቀታናወ በሴ፤ ላኡ ጋጸ ኦይልያ ጸጋጋቱካ ሀራ ጸጋጊ ኦሰቶዋዳን ኦሰታናወ በሴ።

25 ሄዋ ድራወ እት እት ጸጋግያወ ጋርሳና ላኡ ላኡ ፖላይ ገልያ ሉካቱ ደእኖ፤ ኡባና ሆሰቸን ጸጋገቱን ብራጥ ኦሰቲዳ ታማን ኡሱቸን ፖላይ ገልያ ሉካቱ ደእኖ።

26 “ቃይ ኦደራቱዋጥ ቱቁመትያ ሜጋ ከሳ። ጸሳ ዲንካንያወ እት ባጋ ምይያን ደእያ ጸጋገቶ እቼሹ ቱቁመትያ ሜጋ።

27 ቃይ የንኮ ባጋ ምይያን ደእያ ጸጋገቶ እቼሹ ቱቁመትያ ሜጋቱዋ ገግሳ። ሄዋዳንካ፣ ጸሳ ዲንካንያወ ጉየ አዋይ ወልያ ባጋና ወርሰላ ጋጸን ደእያ ጸጋገቶ እቼሹ ቱቁመትያ ሜጋ መቋ።

28 ግዶ ቱቁመትያ ሜጋይ ጸጋገቶ ግዶ ሄራና ሀ ጋጸጥ ያ ጋጸ ጋካናወ ፕን ከሳናወ ኮሼ።

29 ጸጋገቱዋ ዋርቃን ሼሻደ፣ ቱቁመትያ ሜጋቱ ኦይያ ሳጋየቱዋ ዋርቃጥ መቋ፤ ቃይ ቱቁመትያ ሜጋቱዋካ ዋርቃን ሼሻ።

30 ጸሳ ዲንካንያ ታን ኔና ደርያ ቦላን በሴዳዋዳን ኦሳደ ቶካ።

31 “ሳሉዋ ማላትያ፣ ኦቻ ቲራ ማላትያን ሾሎላ ዞኦ ቃጭናጥን ሊቆ ሊኮዋጥ እት ጋርዱዋ

25:40 ኪታ 7:44፤ እብራ. 8:5

ከተታ፤ ሄ ጋርዲዎ ቦላ እት ሂላን ክሩብቱዎ ሞሰልያ ሰክሳ።

32 ያታደ ዎርቃን ሼሼዳ ኦይዲ፣ ኦይሩዎ ቱሳቱዎን ደእያ ዎርቃጥ ኦሰቲዳ ካቂያዎን ካቃ። ሄ ኦይዲ ቱሳቱ ብራጥ መጴዳ ኦይዲ ፖላይ ገልያሳን ገልኖ።

33 ሄ ጋርዲዎ ጸሳ ዲንካንያ ካራን ደእያ ኦይቂያዎንቱጥ ጋርሳና ካቂዳ፣ ቃላ ጫቁዎ ታቦታ ጋርዲዎጥ ጉየ ባጋን ዎላ፤ ያቶጥ ሄ ጋርዲ ጌሻ ሳኦ ኡባጥ ኦይዲ ጌሻ ሳኦጥ ሻካና።

34 አቶ ግያ ሳኦ ቁምእያ ኡባጥ ኦይዲ ጌሻ ሳኦን ደእያ ቃላ ጫቁዎ ታቦታ ቦላ ዎላ።

35 ጸርጴዛ ጋርዲዎጥ ካረና፣ ጸሳ ዲንካንያን ጌሻ ሳኦ ግዲዎን ሁጺሳ ባጋን ዎላ፤ ጸምጥያ ዎላያ ባላ ቃይ ኦ ባጋን ገድሳ ባጋና ዎላ።

36 “ዲንካንያ ገልያ ጥንግያው ሳሉዎ ማላትያ፣ ኦቻ ቲራ ማላትያን ሾሎላ ዞኦ ቃጭናጥን ሊቆ ሊኦጥጥ ጽልጥያን ኦሊቅሰያዎን ኦሰቲዳ ጋርዲዎ መቆ።

37 ጋርዲዎ እቼሹ ቱሳቱዎ ኦይርቱዎጥ ከሳይ፣ ዎርቃን ሼሻ፤ ካቂያዎንቱካ ዎርቃጥ ኦሰቲዳዎንታ ግድኖ፤ ቱሳቶ ናሃሰያ ብራታጥ ትጋይ እቼሹ ፖላቱ ገልያዎ መቆ።

27

ጸግያ ያርሹዎ ያርሽያ ሳኦ (38:1-7)

1 “ኦይሩዎጥ ያርሽያ ሳኦ ከጸ። ሄ ያርሽያ ሳኦው ጌሳይ እቼሹ ዎቆ ግድ፤ ጎምጋይን እት ልከ፣ እቼሹ እቼሹ ዎቆ፤ ቆቃተላይ ሄዙ ዎቆ፣ ኦይዲ ጋጸና ደኦ።

2 ዉርሰላ ጋጸን ጋጸን እት እት ካጭያ መቆ፤ ካጩቱ ያርሽያ ሳኦና እትጥ ኦይቀቲደ መጠጥ። ያታደ ያርሽያ ሳኦ ናሃሰያ ብራታን ሼሻ።

3 እን ጎኤትያ ሚሻቱዎ፣ ብድንላ ከሰያ ባልደቱዎ፣ አካፋቱዎ፣ ሱላ ትግያ ከይጸርቱዎ፣ ቃጶያ፣ ሴልያ ባ ኦይቂያ ሚሻ ናሃሰያ ብራታጥ መቆ።

4 ያታደ ናሃሰያ ብራታጥ ዛዘርያ መቆ፤ ቃይ ኦ ኦይዲ ጋጸን ኦይዲ ሳጋየቱዎ መቆ።

5 ያታደ ያርሽያ ሳኦው ግድ ባጋን ኦይላደ ዎላ

6 ኦይሩዎጥ ያርሽያ ሳኦው ካሶቱዎ ከሳይ፣ ናሃሰያ ብራታን ሼሻ።

7 ያርሽያ ሳኦ ቶክያ ዎደ ማደና ማላ፣ ሄ ካሱዎ ላኡ ሞይያና ደእያ ሳጋየቱዎን አላ።

8 ታን ኔና ደርያ ቦላን በሴዳዎዳን፣ ያርሽያ ሳኦ ጸዉላጥ መቆደ፣ ጎምጋ መላ ከሰኖ።

ጸሳ ዲንካንያው ደባባ ዩሹዎ (38:9-20)

9 “ጸሳ ዲንካንያው አሳይ ሸቅያ ደባባ ገግሳ። ደባባይ ገድሳ ባጋና ጸቆ ዎቆ ኦይዲ፤ ሄ ደባባው ሊቆ ሊኦጥጥ ደይቲዳ ጋርዲቱዎ ገግሳ።

10 አው ናሃሰያ ብራታጥ ላታሙ ቱሳቱዎን ቱሳቱ ኤቂያ ላታሙ ፖላይ ገልያ ሉኩዎ ኦላ፤ ኡንቱንቱ ሁጺያን ቃይ ብራጥ ካቂያዎንታን ቱሳቱዎ ሁጺያን ቃቻያዎንታ ኦላ።

26:33 እብራ. 6:19፤ 9:3-5

11 ሄዎዳንካ፣ ደባባው ሁጺሳ ባጋና ጸቆ ዎቆ ኦይዲ፤ ቃይ ላታሙ ቱሳቱዎና ሄ ቱሳቶ ላታሙ ናሃሰያ ፖላይ ገልያ ሉኩቱዎና ደእያ ጋርዲ ደኦ። ያቲደ ብራጥ ኦሰቲዳ ካቂያዎንቱን ቱሳቱዎ ሁጺያን ቃቻያዎንቱ ደባባው ደእኖ።

12 “ደባባው አዎይ ዉልያ ባጋ ጎምጋይ እሻታሙ ዎቆ እኩ፤ ታሙ ቱሳቱን፣ ቱሳቶ ታሙ ፖላይ ገልያ ሉካቱ ደእያ ጋርዲቱ አው ደእኖ።

13 ቃይ አዎይ ደልያ ባጋ ደባባ ጎምጋይካ እሻታሙ ዎቆ ግድ።

14 ደባባ ገልያ ሳኦጥ አዎይ ደልያ ባጋና ታማን እቼሹ ዎቆ ኦይቂያ ጋርዲቱ ደእኖ፤ ኡንቱንቶ ሄዙ ቱሳቱን ሄዙ ፖላይ ገልያ ሉኩቱ ደእኖ።

15 ሄዎዳንካ፣ ህንኮ ባጋና ጋርዲቱ ታማን እቼሹ ዎቆ ኦይቂያ ጋርዲቱ ደእኖ፤ ኡንቱንቶ ሄዙ ቱሳቱን ቱሳቶ ሄዙ ፖላይ ገልያ ሉኩቱ ደእኖ።

16 “ደባባ ገልያ ሳኦው ላታሙ ዎቆ ኦይቂያ ጋርዲዎ ገግሳ፤ ሄዌካ ሳሉዎ ማላትያ፣ ኦቻ ቲራ ማላትያን፣ ሾሎላ ዞኦ ቃጭናጥን ሊቆ ሊኦጥጥ ደይቲዳዎ፣ ጽልጥያን ኦሊቅሰያዎን ገግሳ። ኦይዲ ቱሳቱዎን ቱሳቶ ኦይዲ ፖላይ ገልያ ሉኩቱዎ ገግሳ።

17 ደባባ ዩሹዎን ደእያ ቱሳቱዎ ኡባው ብራጥ ኦሰቲዳ ቃቻያዎንቱን ካቂያዎንቱ፣ ናሃሰያጥ ኦሰቲዳ ፖላይ ገልያ ሉኩቱ ደእኖ።

18 ደባባይ ኦይሳተላይ ጸቆ ዎቆ፣ ጎምጋይ እሻታሙ ዎቆ ግድ፤ ፑድያ እቼሹ ዎቆ ቆቂያ ሊቁዎን ደይቲዳ ሊኦጥጥ ኦሰቲዳ ጋርዲቱ ደእኖ፤ ያቲደ ቱሳቱዎ ናሃሰያጥ ኦሰቲዳ ፖላይ ገልያ ሉኩቱ ግድኖ።

19 “ጸሳ ዲንካንያን ኦላያ ኦሶ ጎኤትያ ሚሻ ኡባይ፣ ኡንቱንቱ ጎኤይ እያ ግድገና፣ ጸሳ ዲንካንያ ቆገቱ ኡባናን ደባባ ቆገቱ ኡባናካ ጉጅና፣ ናሃሰያ ብራታጥ መጠጥ።

ጸምጥያ ዛይትያ (ዎጋ 24:1-4)

20 “ጸምጥ ቶኤናን ኤጲደ ደኦና ማላ፣ አው ኮሽያ ጽሎ ዛይትያ ዎጋራ ቲራ ጫዲደ ጉምእና ከሴዳዎ ነው አሀና ማላ፣ እሰራኤላቱዎ አዛዛ።

21 እርከነ አ ናናይ፣ ጸምጥ ጸሳ ሰንላን ቃሜዳ ሳኦይ ዎንታና ጋካናው ፖኦና ማላ፣ መቆና ጎደ ዲንካንያ ግድን፣ ማርካተላ ታቦታ ሰንላን ደእያ ጋርዲዎጥ ካረና ኤላኖ። ሀዌ እሰራኤልያ አሳው መቆናው ዎሶ ዎጋ ግዲደ ደኦ።

28

ቄሳቱዎ ካጋቱዎ ማዩዎ (39:1-7)

1 “ካ እሻ አርናን አ ናና ናደባ፣ አቢሀ፣ ኤልአዛራን እታማራ ኔኮ አሃደ፤ ኡንቱንቱ ቄሳቱዎ ግዲደ ታው ኦላና ማላ፣ እሰራኤልያ አሳ ግድገጥ ኡንቱንታ ዲማያ።

2 አው ቦንቹዎን ፑላ እማና ማላ፣ ነ እሻ አርናው ቄሳተላ ማዩቱዎ ገግሳ።

3 ታን ኦይዲ ኤራ እማዳ ኩሽያ ሂላ ኤርያ አሳ ኡባ ጸሳደ፣ አርናው ማዩቱዎ ገግሳና ማላ ኦዳ፤ እ ቄሴ ግዲደ፣ ታው ኦላናው ዲማታናዎ።

4 ኢንቴንቱ ገግሳና ማዮቱካ ሀዋንታ፡ ትራን ዋልያዎ፡ ኤፋድያ፡ አዲሳ ማዮዎ፡ አሌቀቲደ ዳደቲዳ አዲሳ ሻምጭያ፡ ሻሽያን ሀራ ዳንጨዎ። ነ እሻይ አርነነ አ ሩናይ ቄሳቱዎ ግዲደ ታዉ ኦሊደ ጌሻ ማዮቱዎ ማያና ማላ፡ ሰክያዋንቱ ገግሲኖ።

5 ኩሽያ ሂላ ኤርያዋንቱካ ሀ ማዮቱዎ ገግሳናዉ ዋርቃ፡ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናን ሊቆ ሊኦዎ ሳኤትኖ።

ኤፋድያ

6 “ኤፋድያ ጌተትያ ማዮዎ ዋርቃ፡ ሳሉዎ ማላትያ ቃጭና፡ ኦቻ ቴራ ማላትያ ቃጭና፡ ሾሎላ ዘኦ ቃጭና፡ ሊቆ ሊኦዎ ቃጭና፡ ኩሽያ ሂላንታቱ አሌቀሲደ ገግሲኖ።

7 ላኡ ባጋይ ጋከቲደ እቱዎ ግዳና ማላ፡ ላኡ ሀሽያ ቦላ ጋሊደ ኦይልያ ጫርቂ ደኦ።

8 ሂላንታይ አሌቀሲደ ዳዳዳ ዳንጨካ ኤፋድያና እታ ግዲደ፡ ዋርቃ፡ ሳሉዎ ማላትያ፡ ኦቻ ቴራ ማላትያን ሾሎላ ዘኦ ቃጭና፡ ሊቆ ሊኦዎ ሳኤትኖ።

9 “ማርግድያ ጌተትያ ላኡ ሹቻቱዎ አሃደ፡ እሰራኤልያ ሩናቱዎ ሱንላ ኡንቱንቱ ቦላ ዎጫደ ጻፋ።

10 ኢንቴንቱ የለታ ማራዳን እት ሹቻ ቦላ ኡሱቱን ሱንላ፡ ሀንኮ ሹቻ ቦላ ቃይ አቴዳ ኡሱቱናቱዎ ሱንላ ዎጫደ ጻፋ።

11 ማታፋ ቦላ ሱንላ ዎጫደ ጻፍያዎዳን፡ ሄ ላኡ ሹቻቱዎ ቦላ እሰራኤልያ ሩናቱዎ ሱንላ ዎጫደ ጻፋ፤ ሄ ሹቻቱዎ ዋርቃ፡ ማዲዳ ሹቻ ኦይቂያዎ ቦላ ዋላ።

12 ያታደ ታማነ ላኡ እሰራኤልያ ዘርላ ሀሳይያዎ ግዳና ማላ፡ ሀ ላኡ ሹቻቱዎ ኤፋድያና ኦይሌዳ ሀሽያ ጫርቂያን ዋላ፤ ያቶ፡ ማዲና ጎዳ ሰንላን ኡባደ ቆፈታና ማላ፡ ሀ ሱንላቱዎ አርነ ባር ሀሽያን ቶኮ።

13 ሄ ሹቻቱዎ ኦይቂያዎ ዋርቃ፡ ማዲዳ።

14 ቃይ ዋላካይ ባይና ዋርቃ፡ ዎደሩዎዳን ደቄዳ ላኡ ሳንሳላታቱዎ ገግሳደ፡ ሄ ላኡ ሹቻ ኦይቂያዎንቱና ጋላ ኦይላ።

ትራን ዋልያዎ (39:8-21)

15 “ጸሳ ሸኒ አየንቶ ኦቹደ ኤርያ ትራን ዋልያዎ ኩሽያ ሂላንታን ኦሰሳ። ሄ ትራን ዋልያዎ ኤፋድያ ዳዳዳዎዳን፡ ዋርቃ፡ ሳሉዎ ማላትያ፡ ኦቻ ቴራ ማላትያን ሾሎላ ዘኦ ቃጭና፡ ሊቆ ሊኦዎ ሳኤትኖ።

16 አዉ ኦይዳ ጋጻይ ደኤ፤ ጌሳይካ ጎምፓይ እት እት ታካ። ግዲደ ዳኮቶ።

17 ሄዋ፡ ጉይያን አ ቦላ ኦይዳ ማራን አልኦ ሹቻቱዎ ዋላ፤ ኮይሮ ማራን ዎሌዳ ሹቻይ፡ ሳርድዮና፡ ቶጸዘዮንያን ጸልያ እንቁዎ።

18 ላኤንላ ማራን ባሉርያ፡ ሳምፔርያን አልማዘያ ግያ አልኦ ሹቻቱዎ፤

19 ሄዘንላ ማራን ያክንትያ፡ ከልቀደንያን አመተሰጽኖሲያ፤

20 አይደንላ ማራን ብራል፡ ማርግድያ፡ ያሰጸድያ። ሀዋንቱ ኡባይ ዋርቃ፡ ኦሰቲዳ ሹቻ ኦይቂያዎ ቦላ ኡትኖ።

21 እሰራኤልያ ሩናቱዎ ሱንላ ጋይዳዎዳን፡ ሹቻቱዎ ጋይዳካ ታማነ ላኡዎ ግድኖ፤ እቱ እቱ ማታፋዳን ዎጫቲደ፡ ታማነ ላኡ ዘራቱዎ ሱንላይ ሄ ሹቻቱዎን ጻፈቶ።

22 “ትራን ዋልያዎ ዎደሩዎዳን ደቀቲዳ ሳንሳላታ ዋላካይ ባይና ዋርቃ፡ ማዲዳ።

23 ላኡ ዋርቃ ምግዳቱዎ ማዲዳ፡ ትራን ዋልያዎ ቆዎ ጋጻ ጋላደ ኦይላ ዎላ።

24 ሄ ላኡ ዋርቃ ሳንሳላታቱዎ ትራን ዋልያዎ ጋጻን ደእያ ምግዳቱዎና ጋላደ ኦይላ።

25 ሄ ሳንሳላታቶ የንኮ ባጋ ጼራ ቃይ ኤፋድያዉ ሰንላ ባጋና፡ ሀሽያ ጫርቂያን ደእያ ሹቻ ኦይቂያዎንቱና ጋላ ቃቻ።

26 ቃይካ ላኡ ዋርቃ ምግዳቱዎ ማዲዳ፡ ኤፋድያ፡ ጋርሳን ካሊደ ደእያ ትራን ዋልያዎ ሱ ባጋና ደእያ ላኡ ጋጻ ጼራን አላ።

27 ሄዋዳንካ፡ ዋርቃ፡ ሀራ ላኡ ምግዳቱዎ ማዲዳ፤ ኤፋድያዉ ሰንላ ባጋና፡ ሀሽያ ጫርቂያ፡ ጋርሳ ባጋና፡ ኤፋድያ ጼሳን ቃቻያዎ፡ ቆዎና፡ ሰኩ ጋከቲዳ ሳኦ ማታን ካርና ኡንቱንታ ኦይላ።

28 ትራን ዋልያዎን ደእያ ምግዳቱዎ ኤፋድያን ደእያ ምግዳቱዎና ጋላደ፡ ሳሉዎ ማላትያ ባቀላን ቃቻ፤ ያቶ፡ ትራን ዋልያዎ ጸሳ፡ ቆዎና ደእያ ድራዉ፡ ቃቹ ሾልኤና።

29 “አርነ ጌሻ ሳኦ ገልያ ዎደ፡ ሀ ትራን ዋልያ ማዲና ጎዳ ሸንያ በሰያዌ ደእያ እሰራኤልያ ዘራቱዎ ሱንላቱዎ ቶኮ። ያቶ፡ ታን ማዲና ጎዳይ ኡባይ ታ አሳ ሀሳያና።

30 ቃይ ኡሪምያን ቱሚምያ ጌተትያዋንታ ትራን ዋልያዎን የጋ። አርነ ማዲና ጎዳ ሰንላ አዲደ፡ ባር ትራን ዋል አኪደ ገሎ። ታ ሸኒ አየንቶ እሰራኤልያ አሳ ኤርሳና ማላ፡ እ ታ ሰንላን አላናዉ ገልያ ዎደ ኡባን ባር ትራ ኪሰያ፡ ጸይሶ።

ሀራ ቄሳቱዎ ካፑዎ ማዮዎን ቄሳቱዎ ማዮዎ (39:22-31)

31 “ኤፋድያ፡ ጋርሳና ማይያ አዲሳ ማዮዎ ኡባ ሳሉዎ ማላትያ ጫርቂያ፡ ገግሳ።

32 ሄ አዲሳ ማዮ ቆድያ አልያ ሳኦ ማዲዳ። ሄ ሳኦ ጌተናዳን፡ ዩሻ አላደ ጉጃ ጉጃ ሰካ።

33 አዲሳ ማዮዎ ዱገ ባጋ ማጫራ ዩሹዋን ሳሉዎ ማላትያ፡ ኦቻ ቴራ ማላትያን ሾሎላ ዘኦ ሮማንያ አይፍያ ቴራ ምሰለቱዎ ማዲዳ። ያታደ ኡንቱንቱ ግዲዎን ዋርቃ፡ ኦሰቲዳ ደቀላቱዎ ዋላካን ኦላ።

34 ዋርቃ ደቀላቱን ሮማንያ ቴራ ምሰለቱ ሄ አዲሳ ማዮዎ ዱገ ባጋ ጼራዉ ዩሹዋን ዋላካን አድኖ።

35 አርነ ቄሳተላን አልያ ዎደ፡ ሀ አዲሳ ማዮዎ ማዮ፤ ማዲና ጎዳ ሰንላ ጌሻ ሳኦ ገልያ ዎደነ ከሰያ ዎደ፡ ደቀላይ ዋሳና። ሄዎ ድራዉ እ ሀይቀና።

36 “ዋላካይ ባይና ዋርቃ፡ እት አሌቁዎ ማዲዳ ማታፋ ቦላ ዎጫዳዎዳን፡ አ ቦላ ዎጫደ፡ ማዲና ጎዳዉ ጌሻ ግዲደ ዱማቲዳ፡ ያጋደ ጻፋ።

28:30 ገይ. 27:21፤ ዛረ. 33:8፤ እዘራ 2:63፤ ናህ. 7:65

37 ሁሉንም ጸጽ ሻሽያጥ ጸደና ደሙን ቃቻና ማላ፡ ሳሎ ማላትን ባቀላ እን አላ።

38 እርህን አ ባረ ደሙን ዋ፤ ሄዋን እስራኤልን አሳይ መድና ጎዳው ጌሻ ያርሾ እምን ገጠላ ደከተ፡ ሄ ባይዘዋ አርህ ቶኬ። አሳይ አህያዎ ኡባ መድና ጎዳይ አካና ማላ፡ እ ሄዋ ኡባ ገደካ ባረ ደሙን ዋላናው ኮሼ።

39 “እርህን አዲሳ ሻሽያጥ ሊቆ ሊከተል ዳዲ፤ ሁሉንም ጸጽ ሻሽያጥ ሊከተል ገግሳ። ቃይ ዳንጩዋ ጸፈጥንን አላቅሰያዋን ሰክሳ።

40 እርህን ናናው ቦንቸን አላቆ ገዳና ማላ፡ አዲሳ ሻሽያጥ፡ ዳንጩዋን ሁሉንም ጸጽ ሻሽያጥ ገግሳ።

41 ኔን ሀ ማዮቱዋ ነ እሻ አርህን አ ናና ማይዘዳዋጥ ጉይያን፡ ኡንቱንታ ቄሰተላን ሱንላደ ታው አላና ማላ አካደ ዲማያ።

42 “ኡንቱንታ ካሉ ካመታና ማላ ጋርሳና ማይያ ማዮዋ፡ ጸሳጥ ቢደ ዋድርያ ጋካናው ካምዋ፡ ሊቆ ሊከተል ቃጭናጥ ዳዳደ ገግሳ።

43 እርህን አ ናናይ ጸሳ ዲንካንያ ገልያ ዋደ፡ ዋይ ያርሹዋ ያርሹዋ ጌሻ ሳኣን ቄሳተላን አላናው ሸቅያ ዋደ፡ ሀ ማዮቱዋ ማይያ። ሄዋዳን ሆናጥ፡ ኡንቱንታ ባረንቱ ቦላ ባይዘዋን ሀይቁዋ አህክና።

“ሀዌ አርህን አ ዛረቶ መድናው ዋጋ ግዶ።

29

ቄሳተላ ሱንላ እማደ ፖልያ ዋጋቱዋ (ዋጋ 8:1-36)

1 “እርህን አ ናናይ ቄሳቱዋ ግዲደ ታው አላና ማላ፡ ኔን ኡንቱንታ ዲማያናው ሀዋዳን አላ፤ ትላ ቦላና ደእያ እት ኮረማ፡ ላኡ ደርሳ ኮለቱዋ አካ፤

2 ሙሩታ ዛርጋ ጲልያ አካደ፡ እርሹዋ የገናን ኡክላ ኡካ፤ ቃይ እርሹዋ የገናን ዛይትያን ኮምጥዋ ኮምጥ፤ ሄዋዳንካ፡ እርሹዋ የገናን ሌኦ ኡክላ ኡካደ፡ ዛይትያ አካ።

3 ኔን ኡንቱንታ ሳምጥን ዋላደ፡ ኮረማና ላኡ ደርሳ ኮለቱዋ እትጥ ታው ሸሻ።

4 “ያታደ አርህን አ ናና ጸሳ ዲንካንያ ጥንገ አሃደ፡ ሃላን ኡንቱንታ ማጫ።

5 ሄዋጥ ጉይያን ማዮቱዋ አካደ፡ አዲሳ ሻሽያጥ፡ ኤፋድያ ጋርሳና ማይያ አዲሳ ማዮዋ፡ ኤፋድያን ትራን ዋልያዋ አርህ ማይዘደ ኤፋድያ ሂላን ዳደቱዳ ዳንጩዋን ዳንጩሳ።

6 ሻሽያጥ አ ሁሉንም ጸጽ፡ ጸሳው ጌሻ ግዲደ ዲማቱዳ፡ ያግያዌ ጸፈቱዳ አላቁዋ ሰንላ ደሙን ሻሽያ ምይያን አላ።

7 ኦክያ ዛይትያካ አካደ፡ አ ሁሉንም ትጋደ አካ።

8 አ ናናካ አሃደ አዲሳ ሻሽያጥ ማይዘ።

9 ሻሽያጥ ኡንቱንታ ሁሉንም ጸጽ፡ ሄዋጥ ጉይያን አርህን አ ናና ዳንጩዋ ዳንጩሳ። ቄሳተላይ ኡንቱንታ መድና ዋጋ ግዶ። ሰም አርህን አ ናና ያታደ ቄሳቱዋ አላሳ።

10 “ኮረማ፡ ጸሳ ዲንካንያ ሰንላ ኔን አህና፡ አርህን አ ናናይ አ ሁሉንም ባረንቱ ኮሽያ ዋላና።

11 ኮረማ፡ መድና ጎዳ ዲንካንያ ገልያ ጥንግያን መድና ጎዳ ማታን ሹካ።

12 ኮረማ ሱላጥ አማራዳዋ ነ ብራድያን አካደ፡ ያርሹዋ ሳኣ ቦላ ደእያ ካጩቱዋ ኦክሽን አቱዳዋ ያርሹዋ ሳኣጥ ጋርሳ ባጋና ጉሳ።

13 ሄዋጥ ጉይያን ቃንላ እሹዋ ካሜዳ ሞድያ ኡባ፡ ትርያ ጸራ ቦላ ደእያ ሞድያ፡ ላኡ ክላሆቱዋን ኡንቱንታ ካሜዳ ሞድያ አካደ፡ ያርሹዋ ሳኣ ቦላ ጸጋ።

14 ሸን ኮረማ እሹዋ፡ አ ጋልባነ አ ማራጭያን ደእያ ቶጪያ አሳይ ኡቶ ሄራጥ ሃሳደ ጸጋ፤ ሄዌ ናጋራ ድራው ያርሹዋ ያርሹዋ።

15 “ላኡ ደርሳ ኮለቱዋጥ እቱዋ ኔን አክና፡ አርህን አ ናናይ ባረንቱ ኮሽያ አ ሁሉንም ዋላና።

16 ያቶጥ ደርሳ ኮልያ ሹካደ፡ ሱላ ያርሹዋ ሳኣ ምይያን ኡባ ሳኣን ፑሻካ።

17 ደርሳ ኮልያ እሹዋ ቃንጸራላደ፡ ቃንላ እሹዋካ ገድያ ማጫደ ሁሉንም ቦላን ሀራ ቆዋ እሹዋ ቦላ ኡንቱንታ ዋላ፤

18 ሄዋጥ ጉይያን፡ ደርሳ ኮልያ ኡባና ያርሹዋ ሳኣን ጸጋ፤ ሄዌ መድና ጎዳው ጸገትያ ያርሹዋ፡ ሳወዋ ቶሽኩ ግያ ያርሹዋን መድና ጎዳው ታማን ያርሹዋ ያርሹዋ።

19 “ቃይ የንኮ ደርሳ ኮልያ አርህን አ ናናይ ባረንቱ ኮሽያ አ ሁሉንም ዋላና ማላ ኔን አህ።

20 ሄ ደርሳ ኮልያ ሹካደ፡ አ ሱላጥ አማራዳዋ አካደ፡ አርህን አ ናናው ኡሸቻ ሀይላቱዋ ጸራ፡ ኡንቱንታ ኡሸቻ ኮሽቶ ዋጋ ብራቱዋን ኡንቱንታ ኡሸቻ ገደቶ ዋጋ ብራቱዋን አካ፤ ሄዋጥ ጉይያን፡ አቱዳ ሱላ ያርሹዋ ሳኣ ምይያን ኡባ ሳኣን ፑሻካ።

21 ያርሹዋ ሳኣን ደእያ ሱላጥ አማራዳዋን ትግያ ዛይትያጥካ አማራዳዋ አካ፡ አርህ ቦላን አ ማዮዋ ቦላ፡ አ ናናቱዋ ቦላን ኡንቱንታ ማዮዋ ቦላ ፑሻካ። እነ አ ናናይ፡ ኡንቱንታ ማዮ ጸሳ ኦሶ ዲማታናዋ።

22 “ሀ ደርሳ ኮልያጥ ሞዳዋ፡ ናሰያ፡ ቃንላ እሹዋ ቦላ ደእያ ሞድያ፡ ትርያ ጸራ ቦላ ደእያ ሞድያ፡ ላኡ ክላሆቱዋ፡ ኡንቱንታ ካሜዳ ሞድያን ኡሸቻ ባጋና ደእያ ጉዮ ገድያ አካ፤ ሀዌ ቄሳተላ ሱንላ እምያ ዋደ ሹክያ ደርሳ።

23 መድና ጎዳ ሰንላን ዋሌዳ እርሹ ገልቤና ኡክላ፡ ሳምጥጥ ዛይቲ ዋላከትቤና ኡክላ፡ ዛይትያና ኡኬዳ እት ኮምጥዋን እት ሌኦ ኡክላ አካ።

24 ኔን ሀ ቁማ ኡባ አርህ ኮሽያን አ ናናቱዋ ኮሽያን ዋሌዳ ወጸካናዳን አላ። ኡንቱንታ መድና ጎዳ ሰንላን ፑደነ ዲገነ ቃላና።

25 ሄዋጥ ጉይያን ኡንቱንታ ኮሽያጥ ሀዋንታ አካደ፡ ያርሹዋ ሳኣ ቦላ ዋላደ፡ ጸግያ ያርሹዋና ጋላደ፡ መድና ጎዳው ሳወዋ ቶሽኩ ጋናዳን፡ ያርሹዋ ሳኣ ቦላ ታማን ጸጋ።

26 አርህ ቄሳ ግዲደ ሱንታ ዋደ ሹኬዳ ደርሳ ኮልያ አንጎሱዋ አካደ፡ መድና ጎዳ ሰንላን ቃልያ ያርሹዋዳን ቃላ፤ ሄዌ ኔና ጋክያ ነ ምያ ግሹዋ ግዳናዋ።

27 “ሄ ሹኬዳ ደርሳ እሹዋ ቆዋቱዋጥ፡ ያርሹዋ ኦሊደ ቃሌዳ አንጎሱዋን ጸሳ ሰንላን ፑደ ቶኬዳ ገድያ ጌሻ፤ ሄዋንቱ አርህን አ ናናው ግሹዋ ግዳናዋንታ።

29:18 ኤፈ. 5:2፤ ጥልጽ. 4:18

28 እስራኤላቱ መድና ጎዳው እምያ እትተላ ያርሹዋጥ ቃልያ ባጋው ዋጋይ፥ ኡባ ገደካ እስራኤልያ አሳጥ ሺቆደ አርናውን አ ናናው ጋክያ ግሹዋ ግድ።

29 “አርና ቁሳተላ ጌሻ ማዩ አ ሀይቁዋጥ ጉይያን አ ዛረቶ ደኦ፤ ኡንቱንቱ ቁሳቱዋ ካቸዋ ግድያ ዋደ ሀ ማዩዋ ኦከታናውን ዲማታናው ማይኖ።

30 አ ናናቱዋጥ አ ሳካን ቁሳቱዋ ግዲደ፥ ጌሻ ሳካን ኦላናው ጸሳ ዲንካንያ ይያ ናኦይ፥ ሄ ማዩዋ ላቸን ጋላሳው ማዮ።

31 “አርና አ ናናይ ቁሳቱዋ ግዲደ ሱንፍትያ ዋደ ሹከቲዳ ደርሳ ኮልያ አሹዋ አካደ፥ ጌሻ ሳካን ደይሳ።

32 አርና አ ናናይ ደርሳ ኦርግያ አሹዋካ ማሰፍያን ደእያ ኡክላ ጸሳ ዲንካንያ ገልያ ጥንግያን ማዮ።

33 ኡንቱንቱ ቁሳቱዋ ግዲደ ሱንፍታናውን ዲማታናው ናጋራይ አቶ ጌተታናዳን ያርሹቲዳ ሀ ያርሹቲዋ ማዮ። ሽን ሄ ያርሹቲ ጌሻ ግዴዳ ድራው፥ ሀራ አሳይ ኦነ ሞፖ።

34 ቁሰያ ግዲደ ሱንፍትያ ዋደ ሹኤዳ ደርሳ ኮልያ አሹዋጥ ዋይ ኡክላጥ ዋንታ ጋካናው ጋላሂደ አቆጥ፥ ታማን ጸገቶ፤ ጌሻ ግዴዳ ድራው ማተቶፖ።

35 “አርና አ ናናይ ቁሳቱዋ ግዲደ ሱንፍትያ ዋደ ዋልያ ዋጋ ልከ ታን ኔና አዛዜዳዋዳን ኦላደ፥ ላቸን ጋላሳ ጋርሳን ፖላ።

36 ናጋራይ አቶ ጌተታናዳን ሀቼ ሀቼ ናጋራ ያርሹዋዳን እት ኮራማ ያርሻ። ሄዋን ያርሹያ ሳካ ጌሻ፤ ያታደ ያርሹያ ሳካ ዲማያናው ኦካ።

37 ያርሹያ ሳካ ናጋራ አቶ ግያ ዋጋ ላቸን ጋላሳን ፖላደ፥ አ ዲማያ። ያቶጥ ያርሹያ ሳካይ ጌሻ ኡባጥ አቱዋ ግዴዳ ጌሻ። አ ቦቾያ ኡባይካ ጌያና።

ሀቼ ሀቼ ሺሻያ ያርሹዋ (ገይ. 28:1-8)

38 “ያርሹያ ሳካን ኔን ሀቼ ሀቼ ሺሻና ያርሹ ሀዋ። የለቶደጥ እት ላይላ ግዴዳ ላኡ ደርሳ ኦርገቱዋ ያርሻ።

39 ደርሳ ኮለቱዋጥ አቱዋ ዋንታ፥ ቃይ ላኡንሉዋ ኦማርሰ ያርሻ።

40 ኮይሮ ደርሳ ማራና እት ኪሎ ግራመ ግዴዳ ሙሩታ ዛርጋ ጴልያ እት ሊትሮ ጉምኤቲዳ ዛይትያን ሙናቃደ ያርሻ፤ እት ሊትሮ ዋይንያ ኤሳካ ኡሻ ያርሹዋ ኦላደ ያርሻ።

41 ላኡንሉ ደርሳ ኦርግያ ኦማርሰ ያርሻደ ዋንታዋ ኬሻ፥ ጴልያ፥ ዛይትያን ዋይንያ ኤሳ ሺሻ። ሄዋ መድና ጎዳው ታማን ያርሹትያ፥ ሳወዋ ቶሽኩ ግያ ያርሹዋ ግዳናዋ።

42 “ሀ ጸግያ ያርሹ ይያ የለታ ኡባን ጸሳ ዲንካንያ ገልያ ጥንግያን መድና ጎዳ ሰንላን ፓጭ ባይናን ያርሹታናው ኮሼ። ታን ያን ሀንተንቱና ጋከታደ፥ ኔናና ሃሳያና።

43 ቃይ ያን ታን እስራኤላቱዋና ጋከታናው፥ ታ ቦንቹካ ሄ ሳካ ዲማ ሳካ ከሳና።

44 “ሄዋ ድራው፥ ታን ጸሳ ዲንካንያን ያርሹያ ሳካ ዲማያና፤ ኡንቱንቱ ታው ቁሳቱዋ ግዲደ ታው ኦላና ማላ፥ አርናን አ ናና ታን ዲማያና።

45 ያታደ ታን እስራኤላቱዋ ግድን ደኦና፤ ቃይ ታን ኡንቱንቱ ጸሳ ግዳና።

46 ታን ኡንቱንቱ ግድን ደኦና ማላ፥ ግብጾጥ ኡንቱንታ ከሴዳ መድና ጎዳ ኡንቱንቱ ጸሳ ግድያዋ ኡንቱንቱ ኤራና። ኤ፥ ታን መድና ጎዳ ኡንቱንቱ ጸሳ።

30

እጸና ጨዋይያ ሚሻ (37:25-28)

1 “እጸና ጨዋይያ ሚሻ ኦደሮቱዋጥ መቆ፤

2 እው ኦይዱ ጋጻይ ደኦ፤ አዲሳተላይ እት ዋቆ፥ ጎምፓይ እት ዋቆ፥ ጌሳይ ላኡ ዋቆ ግደ፤ ካጨቱካ አናና እቱዋ ግዲደ ኦይቀት መፍትሖ።

3 እው ቦላ ደና፥ ኦይዱ ባጋ ኡባን አ ካጨቱዋ ዋላካይ ባይና ዋርቃን ሹሻ፤ አ ዩሹዋንካ ዋርቃ ትገላ ዩሻ አላ።

4 ሄ ዋርቃ ትገላጥ ጋርሳና እጸና ጨዋይያ ሳጽንያው ዋርቃጥ ላኡ ሳጋዩቱዋ መቆ፤ ያታደ ያ ባጋናን ሀ ባጋና ላኡዋ ላኡዋ ኦይላ። ሄዋንታ ቶክያ ዋደ ካሱዋ አላናው ማዳናሳ።

5 ካሱቱዋ ኦደሮቱዋጥ ከሳደ፥ ኡንቱንታ ዋርቃን ሹሻ።

6 ሀ ያርሹያ ሚሻ ቃላ ጫቁዋ ታቦታ ሰንላን ካቀቲዳ ጋርዱዋጥ ካረ ባጋና፥ ሄዋካ ታን ኔናና ጋከትያ ቃላ ጫቁዋ ታቦታ ቦላ ደእያ አቶ ግያ ሳካ ቁምእያ ሰንላን ዋላ።

7 “አርና ዋንታ ዋንታ ጸምጥቱዋ ገግሳናው ይያ ዋደ፥ ሳዊያ እጸና ያርሹያ ሳካን ጨዋዮ።

8 አርና ኦማርሰ ጸምጥቱዋ ፖእሰያ ዋደ፥ ዛረሊደካ እጸና ጨዋዮ፤ ያቶጥ፥ እጸናይ መድና ጎዳ ሰንላን ይያ የለታው ኡባደ ጨዋታና።

9 ሀ እጸና ጨውሰያ ሚሻን ሀራ ኦይ እጸናና፥ ዋይ ጸግያ ያርሹዋ፥ ዋይ ካላ ያርሹዋ ያርሹፓ፤ ኡሻ ያርሹዋካ አ ቦላ ትጎፖ።

10 አርና ላይላጥ እት ገደ ናጋራጥ ማረታናው ሹክያ መሀያ ሱላ አኪደ፥ ሄ ያርሹያ ሳካ ቦላ ደእያ ካጨቱዋ ቦላ ዋላ። ያቲደ ጌሻያ ዋጋ ፖሎ። ሀ ዋጋይ ሰንላና ናና ዋደቱዋ ኡባን ላይላን ላይላን ፖላቶ። ሀ እጸናይ ጨውያ ሚሻይ መድና ጎዳው ዲማት ሎይላ ጌዬዳዋ ግደ” ያጌዳ።

ዲንካንያው ሺቅያ ሚሻ

11 ሄዋጥ ጉይያን መድና ጎዳይ ሙሳ ሀዋዳን ያጌዳ፤

12 “ኔን እስራኤልያ አሳ ፓይዱዋን አካናው ኡንቱንታ ፓይድያ ዋደ፥ እት እት ኡራይ ፓይደቲደ፥ ባረ ሽምቼዋ ዋዛናው መድና ጎዳው ሻሉዋ ጭጎ። ኔን ኡንቱንታ ፓይድያ ዋደ፥ ኡንቱንቱ ቦላ ቦሻይ ዬና።

13 ፓይዱዋን ገልያ አሳይ ሀጲያን ሀጲያን ዲንካንያን ኤረትያ ሚዛና ልክያን ብራ ጭጎ። እት እት ኡራይ ሀዋ መድና ጎዳው እዋታ ኦሊደ እዋ።

14 ፓይዲዋን ገልጻ አሳይ ላይላይ ላታሙ ኩሜዳዌን ሄዋጥ ቦላ ኡባይ፡ መድና ጎዳወ እምያዋ አሆ።

15 ሀንተንቱ ሀንተንቱ ናጋራጥ ማረታናወ መድና ጎዳወ እሙዋ እምሸን፡ ዲሪካ ማንቁካ እት ልክያ እማናጥ አትና፡ ዲሪ ዳርሲደ ዎይ ማንቁ ላፈሊደ እሞፖ።

16 ናጋራጥ ማረታናወ ጭግያ ሻሉዋ እሰራኤልያ አሳጥ አካይ፡ መድና ጎዳ ዲንካንያ ግድ አሶ ፔሻ። ሀ ሻሉ ሀንተንቱ ናጋራጥ ማረታናወ፡ መድና ጎዳ ሰንላን እሰራኤልያ አሳዋ ሀሳይያዋ ግዳናዋ” ያጌዳ።

ሜቻ ከርያ

17 ሄዋጥ ጉይያን መድና ጎዳይ ሙሳ ሀዋዳን ያጌዳ፤

18 “ሜቻ ከርያን አ ዋልያዋ ናሃሰያጥ መዳደ ጸሳ ዲንካንያጥን ያርሸያ ሳአጥ ግዲዋን ዎላ፤ አን ሃላ ትጋ።

19 አርነነ አ ናናይ ባረንቱ ኩሸያን ባረንቱ ገድያ ሜጨታና።

20 ኡንቱንቱ ሀይቀና ማላ፡ ጸሳ ዲንካንያ ገልያ ዎድ፡ አዉደነ ሄ ሃላን ሜጨትና። ቃይ መድና ጎዳወ ታማን ያርሹዋ ያርሻናወ ያርሸያ ሳአ ማታ ሺቄዳ ዎድ፡

21 ኡንቱንቱ ሀይቀና ማላ፡ ባረንቱ ኩሸያን ባረንቱ ገድያ ሜጨትና። ሀዌ አርናወነ አ ዛረቶ፡ ይያ የለታ ኡባዉ መድናወ ዎጋ ግዳናዋ” ያጌዳ።

አከትያ ዛይትያ

22 መድና ጎዳይ ሙሳ ሀዋዳን ያጌዳ፤

23 “ሙሩታ ቅማመቱዋ፡ ሄዋንቱካ፡ ኡሱፑን ኪሎ ግራመ ጉክያ ካርቢያ፡ ሄዙ ኪሎ ግራመ ሳዊያ ቃራፋ፡ ሄዙ ኪሎ ግራመ ሳዊያ ጉንጨቻን

24 ኡሱፑን ኪሎ ግራመ ዝምባኑዋ አካ። ሀ ኡባይካ ዲንካንያን ኤረትያ ሚዛና ልክያን ግድ። ሄዋ ቦላካ ኦይዱ ሊትር ዎጋራ ዛይትያ ጉጃ።

25 ሀዋንታ ሸቱዋ አልያ ኤራን ዋላካደ፡ ሳዊያ ጌሻ አክያ ዛይተ ከሳ።

26 ያታደ ጸሳ ዲንካንያ፡ ቃላ ጫቁዋ ታቦታ፡

27 ጸርጴዛነ አ ቦላ ዎልያ ሚሻ ኡባ፡ ጸምጥያ ዎልያ ባላነ አ ሚሻቱዋ፡ እጻና ጨዋይያ ሚሻ፡

28 ዱግያ ያርሹዋ ያርሸያ ሳአነ አን ደእያ ኡባ ሚሻቱዋ፡ ሜቻ ከርያን አ ዎልያዋ አካ።

29 ኡንቱንቱ ሎይላ ጌሻ ግዳና ማላ፡ ኔን ኡንቱንታ ዲማያ፤ ኡንቱንታ ቦኝያዌ ኡባይካ ጌሻ ግዳናዋ።

30 “ሄዋጥ ጉይያን አርነነ አ ናናይ ቁሳቱዋ ግዲደ ታዉ አላና ማላ፡ ኡንቱንታ አካደ ዲማያ፤

31 እሰራኤልያ አሳዉ ሀዋዳን ያጋደ ኦዳ፤ ሀዌ ይያ የለታዉካ አከትያ ታ ጌሻ ዛይተ ግደ፤

32 ሀ ዛይትያ አሳ ቦላን ጉሶገ፤ ቃይ አይ ዛይቲካ ሄዋ አሌዳ ልክያን አላገ። እ ጌሻ ግዴዳ ድራዉ፡ ሀንተንቱካ አ ጌሻባዳን ቆጥተ።

33 ሀዋ ማላ ሸቱዋ ገገሰያ ኡራይነ ቁሳቱዋ ግደና ሀራ አሳ ኦክያ ኡራይ ኦንነ ባረ አሳ ግደጥ ቦሄቶ ያጋ” ያጌዳ።

እጻናባ

34 ሄዋጥ ጉየ መድና ጎዳይ ሙሳ ሀዋዳን ያጌዳ፤ “ሳዊያ ቅማመቱዋ፡ ሞላ ጮሻ፡ ጳድያ ጎላን ደእያ ሸቱዋ፡ ሳዊያ ሸድያን ሳዊያ ጌሻ እጻና አካ፤ ኡንቱንቱ ኡባ ዴዱካ እት ልክ ግደ።

35 ሸቱዋዳን ዋላከቲዳ እጻና አላደ፡ ኡንቱንቱን ጎኤታ፤ ዋላካይ ባይናዋነ ጌሻ ግዳናዳን፡ አን ማጽንያ የጋ።

36 አጥ አማራዳዋ አካደ ለቅሳደ ጫዳ፤ ያታደ ታን ኔናና ጋከትያ ጸሳ ዲንካንያ ግደን ቃላ ጫቁዋ ታቦታ ሰንላን ዎላ። እ ነዉ ሎይላ ጌሻ ግዳናዳ።

37 ሀዋ መዴዳዋ ልክያን ሀራ እጻና መዶጥተ። ሄዌ መድና ጎዳዉ ዲማ ጌሻ ግድያዋ ኤርተ።

38 ሀዋ ማላትያዋ መዳደ፡ አ ሳዉዋ ሰንጊደ ናሸታናዉ ኮይያ ኡራይ ደኦ፡ እ ባረ አሳ ግደጥ ቦሄቶ” ያጌዳ።

31

ባጸልኤላነ አሆልኣባ (35:30—36:1)

1 መድና ጎዳይ ሙሳ ሀዋዳን ያጌዳ፤

2 “በአ፤ ታን ይሁዳ ዛረ ግዴዳ ሁራ ናአ ናአ፡ ኡራ ናአ፡ ባጸልኤላ ድራድ።

3 አ ታን ጸሳ እያናን፡ ሂላን፡ አኬካንነ ኡሱዋ ኡባ አልያ ኤራን ኩንላድ፤

4 ሄዌካ ሂላን ኪታ ሀልቼዋ ከሲደ፡ ዎርቃጥ፡ ብራጥነ ናሃሰያጥ ዲማ ዲማባ እ አላናሳ።

5 ሄዋዳንካ፡ ሹቻ ማሲደ ገግሳናዳንነ፡ ሞላ ማሳናዉ ሀራ ኡሱዋ ኡባ እ አላናሳ።

6 “ሄዋ ቦላካ ቃይ አ ማዳና ማላ፡ ዳና ዛረ ግዴዳ አሀሳማካ ናአ አሆልኣባ ሱንላድ። ታን ኔና አዛዜዳዋ ኡባ ኡንቱንቱ አላና ማላ፡ ኩሸያ ሂላ ኤርያዋንቶ ኡባቶ ኤራ እማድ።

7 ኡንቱንቱ አላናዉ፡ ጸሳ ዲንካንያ፡ ቃላ ጫቁዋ ታቦታ፡ አ ቦላ ዎልያ አቶ ግያ ሳአ ቁምእያ፡ ጸሳ ዲንካንያ ግደን ጎኤትያ ሚሻ ኡባ፡

8 ጸርጴዛነ አ ሚሻቱዋ፡ ጸምጥያ ዎልያ ባላ ዋላካይ ባይና ዎርቃጥ አሰቱዳዋነ አ ሚሻ ኡባና፡ እጻና ጨውሰያ ሚሻ፡

9 ዱግያ ያርሹዋ ያርሸያ ሳአነ አ ሚሻ ኡባና፡ ሜጨትያ ከርያን አ ዎልያዋና፡

10 ዳደቲዳ ማዩዋ፡ ቁሳቱዋ ኡባቱዋ ካፑ አርነ ማያና ጌሻ ቁሳተላ ማዮቱዋነ አ አቱማ ናናይ ቁሳተላ አሊደ ማያና ማዩዋ፡

11 ቃይ አከትያ ዛይትያን ጌሻ ሳአዉ ሳዉዋ ቶሽኩ ግያ እጻና፡ ኡንቱንቱ ሀዋ ኡባ ታን ኔና አዛዜዳዋዳን አላና” ያጌዳ።

ሳምባታ

12 ሄዋጥ ጉይያን መድና ጎዳይ ሙሳ ሀዋዳን ያጌደ አዛዜዳ፤

13 “እሰራኤልያ አሳ ኔን፡ ታ ሳምባታ ቦንቶተ። ሄዌ ታን መድና ጎዳይ ሀንተንታ ታዉ ጌሻ አላደ ድራዳዋ በሰያዋ ግዲደ፡ ያና የለታ ኡባዉ ታጥነ ሀንተጥ ግዲዋን ማላታ ግዳናዋ።

14 ሀንተንቶ አ ጌሻ ግድያ ድራዉ፡ ሳምባታ ቦንቶተ። አ ቱንሰያዌነ ሄ ጋላሳን አልያ አሳይ ኡባይ አሳ ግደጥ ሀይቁዋን ቦሄቶ።

15 ኡሱቸን ጋላሳቸውን ኔን ኡሱቸ ኦላ፤ ሸን ላቸንላ ጋላሳይ መድና ጎዳው ደማቲዳ ሸምፖ ሳምባታ፤ ሳምባታ ጋላሳን አይ ኦሶን ኦላያ ኦንን ሀይቆ።

16 እስራኤላቱ ሀ ሳምባታ ጋላሳ የለታ። የለታው መድና ቃላ ጫቁዋ ኦላደ ቦንቶና።

17 መድና ጎዳይ ኡሱቸን ጋላሳቸውን ሳሉዋን ሳኦ መደዳ ድራውን ቃይ ላቸንላ ጋላሳን ታን ኪታ አጋደ ሸምፔዳ ድራው። ታ ግዳዋን እስራኤላቱ ግዳዋን ሀዌ መድናው ማላታ ግዳና ያጋ” ያጌዳ።

18 መድና ጎዳይ ሙሴው ሲና ደርያ ቦላን ሃሳይያዋ ወርሴዳ ዋደ። ጸሳይ ባረ ብራድያን ጸፊዳ ታሙ አዛዙዋ ኦይቂደ ላኡ ማሰቲዳ ቃላ ጫቁዋ ሹቻቸው ሙሴው እሜዳ።

32

ዋርቃፕ መጠቅላ ማራ (ዛረ. 9:6-29)

1 አሳይ ሙሴ ደርያፕ ዋርቃናን ሎይላ ጋምኤዳዋ በኤዳ ዋደ። አርና ዩቹዋን ሸቂደ። “ሃያ፤ ኔን ኦና ካለላያ ጸሳቸው ኦው መቆ። ግብጾ ጋድያፕ ኦና ከሴዳ ሙሳ ግድፕ። እ ዋኔደንቶን ኦን ኤርኮ!” ያጌድና።

2 አርና ኡንቲንታ። “ሀንተንቲ ማቻቸው ሀይላንን ሀንተንቲ አቲማ ናናን ማጫ ናናቸው ሀይላን ደእያ ዋርቃ ከሲደ። ታው አኪደ አህተ” ያጌዳ።

3 ሄዋፕ ጉይያን አሳይ ኡባይ ባረ ሀይላ ዋርቃ ከሲደ። አርናው አሄድና።

4 እ ሄዋ ኡንቲንቲ ኩሸያፕ አኪደ። ሲልሴዳዋፕ ጉይያን ቆጵያባን ቆጵደ። ማራ ማላትያ ኤቃ ኦላደ መደዳ።

አሳይ። “እስራኤላቶ። ሀንተንታ ግብጾ ጋድያፕ ከሴዳ ሀንተንቲ ጸሳቸው ሀዋንታ” ያጌዳ።

5 አርና ሀዋ በኤዳ ዋደ። ሄ ማራ ሰንላን ያርሸያ ሳኦ ግምቢደ። “ዋንታ መድና ጎዳ ባላ ጋላሳ ግዳናዋ” ያጌደ ኤርሴዳ።

6 ሄዋ ድራው። ዋንተላ ጋላሰ አሳይ ጉራን ደንዲደ። ጸግያ ያርሹዋ ሸሹዳ፤ እትፕተላ ያርሹዋካ ያርሹዳ። ያቲደ አሳይ ማናውን ኡሻናው ኡቲዳ። ሞ ኡሸ ሰሚደ። ቃይ ዱራናው ደንዴዳ።

7 ያንና መድና ጎዳይ ሙሳ። “ኔን ኤለካ ዱገ ዋቆ፤ አያው ጎፕ። ነ አሳይ። ኔን ግብጾፕ ከሳደ አሄዳዌ ናጋራ ኦላደ። ባረንቲ ሁጲያ ቲንሴድና።

8 ታን ኡንቲንታ አዛዜዳ ኦግያፕ ኡንቲንቲ ኤለካ ሸርእ ጌድና። ዋርቃ ሲልሴዳ ማራ ማላትሲደ። ባረንቶ ኤቃ መደደ አው ጎይኔድና፤ አው ያርሹድና። ኡንቲንቲ። “እስራኤላቶ። ሀንተንታ ግብጾ ጋድያፕ ከሴዳ ሀንተንቲ ጸሳቸው ሀዋንታ” ያጌድና።

9 መድና ጎዳይ ሙሳ። “ታን ሀ አሳ በአድ፤ ኡንቲንቲ ዋርጌ ቆሌፋቲዳ አሳ።

10 ሀእ ታ ሀንቁ ኡንቲንቲ ቦላ ኤጽ ከሰና። ታን ኡንቲንታ ባይዛናዋ ኔን ታና ድጎፕ። ያታደ ታን ኔና ዋልቃማ ካውተላ ኦላና” ያጌዳ።

11 ሸን ሙሴ መድና ጎዳ ባረ ጸሳ ሀዋዳን ያጌደ ዋሴዳ፤ “አቤት መድና ጎዳው ኔን ነ ዋልቃማ ዋልቃንን ነ ሞኖ ኩሸያን ግብጾፕ ከሳደ አሄዳ ነ አሳ ቦላ ነ ሀንቁ አያው ኤጽ ከሰ?”

12 ግብጾቲ። “ጸሳይ ኡንቲንታ ደረቲዋ ቦላን ዋቆናውን ጋድያፕ ፕት ቆይሳናው። አታ ሀልቸውን ከሴዳ። አያው ግና? ነ ያሸያ ሀንቁዋፕ ሰማ፤ ነ አሳ ቆይሳናው ቆፖዋ አጋ ባሻ።

13 ነ አይለቲዋ አብራሃማ። ይሳቃን ያቆባ ሀሳያ፤ ኔን ኡንቲንቶ። “ታን ሀንተንቲ ዛርያ ሳሉዋ ጸልንተቲዋዳን ዳርሳና፤ ሀ ታን ሀንተንቶ እማና ጌዳ ጋድያ ኡባካ ሀንተንቲ ዛርያው እማና፤ ኡንቲንቲ ሄ ጋድያ መድናው ላታና። ጋደ ነ ሁጲያን ኔን ጫቁዳ ቃላ ሀሳያ” ያጌዳ።

14 ሄዋ ድራው። መድና ጎዳይ ባረ አሳ ቦላ አታባ አሀናው ኦይዳዋ አገደ። ኡንቲንታ ማራዳ።

15 ሄዋፕ ጉይያን ሙሴ ታሙ አዛዛቲ ኡንቲንቲን ጸፈት ኡቲዳ ላኡ ማርካተላ ሹቻቸው ባረ ኩሸያን ኦይቂደ። ደርያፕ ዱገ ዋቆዳ። ሄ ሹቻቲ ላኡ ባጋናካ ጸፈቲድና።

16 ሄ ማሰቲዳ ሹቻቸው ገግሴዳዌ ጸሳ፤ ሹቻ ቦላ ዋጪደ ጸፊዳዌካ ጸሳ።

17 ኡያሱ አሳ ጫቡዋ ሰሴዳ ዋደ። ሙሳ ሀዋዳን ያጌዳ፤ “ዱንካኔዳ ሳኦን ኦላ ዋሱ ሰሰቲ” ያጌዳ።

18 ሙሴ ዛሪደ። “ታን ሰሰያዌ ሀዌ የላፕ አትና። ጸኔዳዋንቲ ኮሻ ዋይ ጸንቲዳዋንቲ ኮሻ ግደና” ያጌዳ።

19 ሙሴ ዱንካኔዳ ሳኦ ማቲዳ ዋደ። ማራን ዱራዋ በኢደ ሎይላ ሀንቀቲደ ባረ ኩሸያን ኦይቆ ማርካተላ ሹቻቸው ደርያ ጸጵዋን ኦሊደ መንግራዳ።

20 ኡንቲንቲ መደዳ ማራካ አኪደ። ታማን ጸጌዳ፤ ሄዋፕ ጉይያን ሊቃና ጋካናው ጋጪደ ሃላ ቦላ ላሊደ። እስራኤልያ አሳይ ኡሻናዳን ኦላዳ።

21 ሄዋፕ ጉይያን። ሙሴ አርና። “ሀ አሳይ ኔና ዋትኔ ኔን ኡንቲንታ ሀዋ ማላ ዋልቃማ ናጋራው ካለሌዳዌ?” ያጌዳ።

22 አርናካ ዛሪደ። “ታ ጎዳው። ሀንቀቶፕ፤ ሀ አሳይ አታ ኦላናው አይ ኬሻ ኮይንቶ ኔን ኤራሳ።

23 ኡንቲንቲ ታና። “ኦና ካለላያ ጸሳቸው ኦው መቆ። አያው ጎፕ። ሀ ኦና ግብጾፕ አሄዳ ሙሴ እ ዋኔደንቶን ኦን ኤርኮ!” ያጌድና።

24 ታን ኡንቲንታ። “ሀንተ ቦላ ደእያ ዋርቃ ከሲደ። ሀምተ” ያጋድ። ሄዋፕ ጉይያን ኡንቲንቲ ታው እሜዳ ዋርቃ ታን ታማን የግና። ሀ ማራይ ከሴዳ” ያጌዳ።

25 አርና አሳ ገደ ጮ የድ አግና። አሳይ ባረ ዋርከቲዋ ሰንላን ካወሸደ ካጠቅላዎ ሙሴ በኤዳ።

26 ሄዋ ድራው። ሙሴ ዱንካኔዳ ሳኦ ገልያ ፕንግያን ኤቂደ ሀዋዳን ያጌዳ፤ “መድና ጎዳ

31:15 ከሳ 20:8-11፤ 23:12፤ 34:21፤ 35:2፤ ዋጋ 23:3፤ ዛረ. 5:12-14 31:17 ከሳ 20:11 32:1 ከታ 7:40 32:4 1 ካታ. 12:28፤ ከታ 7:41 32:6 1 ቆር. 10:7 32:11 ፓይ. 14:13-19 32:13 ደመላ 22:16-17፤ 17:8

ባጋ ግዴዳ አሳይ እንነ ታኮ ዮ!” ያጌዳ። ሌዋቱ ኡባይ እኮ ሸቄድና።

27 ሄዋጥ ጉይያን እ ኡንቱንታ፡ “መድና ጎዳይ እስራኤልያ ጸሳይ ሀዋዳን ያጌ፤ ሓሳይ ኡባይ ማሻ ባረ ጸሳን ጸሳን ዳንጮ፤ ዲንካኔዳ ሳኦን ጋጸጥ ጋጸ ጋካናው፡ ጉየውነ ሰንጻውነ ሰመረቶ፤ እቱ እቱ ባረ እሻ፡ ባረ ላግያነ ባረ ሾሩዋ ዋዶ ያጌ” ያጌዳ።

28 ሌዋቱ ሙሴ አዛዜዳዋዳን ኦሌድና፤ ሄ ጋላስ አሳጥ ሄዙ ሻእ ኬሻይ ሀይቄዳ።

29 ሄዋጥ ጉይያን ሙሴ ሌዋቱዋ፡ “ሀቼ ሀንተንቱ ጸሳው ዲማቲድታ፤ አያው ጎጥ፡ ሀንተንቱ ሀንተንቱ ናናነ ሀንተንቱ እሻቱዋ ዋዳናውካ አዛዘቲድታ፤ ሀቼ መድና ጎዳይ ሀንተንታ አንጃና” ያጌዳ።

ሙሴ እስራኤልያ አሳው ዋሴዳ

30 ዋንትሳ ጋላስ ሙሴ አሳ፡ “ሀንተንቱ ዋልቃማ ናጋራ ኦሌድታ፤ ሸን ሀእ ታን መድና ጎዳኮ ፑደ ደርያ ከሳና፤ ሀንተንቱ ናጋራ ታን አቶ ጊሳንታንቶን” ያጌዳ።

31 ያትና ሙሴ መድና ጎዳኮ ሰም ቢደ ሀዋዳን ያጌዳ፤ “ሀ አሳይ ዋልቃማ ናጋራ ኦሌዳ፤ ኡንቱንቱ ባረንቶ ዋርቃፕ ጸሳቱዋ መዴድና።

32 ሸን ሀያና፡ ሀእ ኡንቱንቱ ናጋራ አቶ ያጋ፤ ሄዋ ዳዮፕ፡ ኔን ጸፊዳ ማዘገብያፕ ታና ቁጫ” ያጌዳ።

33 መድና ጎዳይ ዛሪደ ሙሳ፡ “ታን ታ ማዘጋባጥ ቁጫናዌ ታ ቦላ ናጋራ ኦሌዳ አሳቱዋ ሱንሳ።

34 ሀእ ባደ፡ ሀ አሳ ታን ነው ኦዴዳ ሳኦ ካለላ፤ ታ ኪታንቻይካ ኔና ካለላና፤ ሸን ታን ሙራናው ዋዴ ጋክና፡ ኡንቱንታ ኡንቱንቱ ናጋራ ድራው ሙራና” ያጌዳ።

35 አርነ ዋርቃፕ ማራ ሞሰልያ መዳናዳን አሳይ ኦሌዳ ድራው፡ መድና ጎዳይ አሳ ቦላ ዋልቃማ ቦሻ የዴዳ።

33

1 ሄዋጥ ጉይያን መድና ጎዳይ ሙሳ ሀዋዳን ያጌዳ፤ “ኔንነ ኔን ግብጾፕ ከሴዳ አሳይ ሀ ሳኦፕ ደንድተ፤ ታን ሀንተንቱ ያራቶ እማና ያጋደ ዋሌዳ ጋድያ ቢተ። ሄ ጋዴ ታን ኡብራሃመው፡ ይሳቃውነ ያቆባው እማና ያጋደ ጫቃ ዋሌዳ ጋድያ።

2 ታን ሀንተንቱ ሰንጻን ኪታንቻ ኪታደ፡ ካናነቱዋ፡ አዋረቱዋ፡ ሂተቱዋ፡ ፓርዘቱዋ፡ ሂዋቱዋነ ያቡሳቱዋ የደርሳና።

3 ማላይነ ኤሳይ ጎግያ ሄ ጋድያ ቢተ። ሸን ሀንተንቱ ሞርጊ ቆሌፋቶ አሳ ግዴዳ ድራው፡ ታን ሀንተንታ ኦግያን ዳይሳናው፡ ሀንተናና ቢከ” ያጌዳ።

4 አሳይ ሄ ያሸያ ኦዴዋ ሰሲደ ሎይላ ዩኬዳ። ሄ ዋድያፕ ደሚደ ኡባይካ ባረ አሌቁዋ አሳያዋ አግ ባሸደ።

5 አያው ጎጥ፡ መድና ጎዳይ ሙሳ ሀዋዳን ያግ ዋሌዳ፤ “እስራኤልያ ሀዋዳን ያጋ፤ ሀንተ ሞርጊ ቆሌፋቶ አሳ፡ ታን ሀንተናና ሀራይ አቶ ጉላ ዋድያ ብንቶካ፡ ታን ሀንተንታ ዳይሳና። ሀእ

ሰም ሀንተንቱ አሌቁዋ ከሰ ድግተ፤ ያቶፕ ታን ሀንተንታ ኦላናባ ቃቻና ያጋ” ያጌዳ።

6 እስራኤላቱ ሲና ደርያፕ ደሚደ ባረንቱ አሌቆቱዋ ከሰ ዋሌድና።

ጋክትያ ዲንካንያ

7 ሙሴ ዲንካንያ እክ አፊደ፡ አሳይ ዲንካኖ ሳኦፕ ካረና ሃሲደ ቶጌዳ። ሄ ዲንካኒ፡ “ጋክትያ ዲንካንያ” ጌተቲደ ጴሰቲዳ። መድና ጎዳ ኦቻናው ኮይያ ኡባይ ዲንካኖ ሳኦፕ ካረና ደእያ ጋክትያ ዲንካንያ ቤ።

8 ሙሴ ሄ ዲንካንያ ቤዳ ዋደ፡ አዉደነ አሳይ ኡባይ ደንዲደ፡ ባረ ዲንካንያ ፕንግያን ፕንግያን ኤቄ፤ ሙሴ ሄ ዲንካንያ ገላና ጋካናው አ ጴሌ።

9 ሙሴ ጋክትያ ዲንካንያ ግደ ገሌዳ ዋደ፡ ሻርያ ቱሳይ ዲገ ዋዴ፤ መድና ጎዳይ ሙሴና ሻርያፕ ሃሳይሸን፡ ሄ ዲንካንያ ፕንግያን ጋምኤ።

10 ሻርያ ቱሳ ሄ ዲንካንያ ገልያ ፕንግያን ቤዳ ዋደ ኡባን፡ አሳይ ኡባይ ባረ ዲንካንያ ፕንግያን ፕንግያን ጸሳው ጎይኔ።

11 አሳይ ባረ ላግያና ሃሳይያዋዳን መድና ጎዳይ ሙሴና ሰንጻን ኤቄደ፡ ሃሳይ። ሄዋጥ ጉይያን ሙሴ አሳይ ዲንካኔዳ ሳኦ ጉየ ሰሜ፤ ሸን እ ማድያ ያላጋይ፡ ነዌ ናኦ ኢያሱ፡ ጋክትያ ዲንካንያፕ ሻከተና።

ሙሳነ መድና ጎዳ ቦንቹዋ

12 ሙሴ መድና ጎዳ ሀዋዳን ያጌዳ፤ “ኔን ታና፡ ሀ አሳ ካለላ ያጋዳ፤ ሸን ታናና ኔን ኦና ኪታንቶ፡ ታና ኤርሳቢይካ። ኔን፡ ታን ኔና ሱንጻን ኤራይ፤ ቃይካ ኔን ታናን ናሸታዳ ያጋዳ።

13 ኔን ታና ናሸዳዋ ግደፕ፡ ታን ኔና ኤራና ማላነ ሰንጻውካ ኔና ናሸቻደ ደእና ማላ፡ ነ ኦግያ ታና ቦሳ። ሀ አሳይ ነ አሳ ግድያዋ ሀሳያ” ያጌዳ።

14 መድና ጎዳይ ዛሪደ፡ “ታን ኔናና ባና፤ ታን ኔና ሸምፕሳና” ያጌዳ።

15 ያትና ሙሴ አ፡ “ኔን ኦናና ቤናዋ ግደፕ፡ ሀዋጥ ኦና የደፓ።

16 ኔን ኦናና ቤናን ዳዮፕ፡ ታናንነ ነ አሳን ኔን ናሸቲዳዋ አሳይ ኡባይ ዋት ኤራናዌ? ቢታ ኡባን ደእያ ሀራ አሳ ኡባፕ ታናን ነ አሳ ዲማይያዋ ሀራባይ እዬ?” ያጌዳ።

17 መድና ጎዳይ ሙሳ፡ “ታን ኔናን ናሸቲዳ ድራውነ ኔና ነ ሱንጻን ኤርያ ድራው፡ ኔን ታና ኦቼዳ ሀ የወዋ ታን ኦላና” ያጌዳ።

18 ያትና ሙሴ፡ “ነ ቦንቹዋ ታና ቦሳርኪ?” ያጌዳ።

19 መድና ጎዳይ፡ “ታን ታ ሎአተላ ኡባ ነ ሰንጻና አላና፤ ታ ጌሻ ሱንጻካ ነ ሰንጻን አዋያና። ታን መድና ጎዳ፤ ታን ሎአናው ኮይያዋንቶ ሎአና፤ ቃይ ቃረታናው ኮይያዋንቶካ ቃረታና።

20 ሸን ኔን ታ ዴሙዋ ቢአካ፤ አያው ጎጥ፡ ኦንነ ታና ቢኢደ ሸምፕዋና ደኤና” ያጌዳ።

21 ሄዋጥ ጉይያን መድና ጎዳይ፡ “ኔን ዛላ ቦላ ኤቃናው ሀዋን ታ ማታን ሳኦይ ደኤ።

22 ታ ጦንቹ አድያ ዋደ፥ ታን ኔና ጳልቀቴዳ ዛላ ግድን ዋላና፤ ታን አዳና ጋካናዉ፥ ታ ኩሽያን ኔና ካማና።

23 ሄዋፕ ጉይያን ታን ታ ኩሽያ ድግና፥ ኔን ታ ዘኪያ በአናሳ፤ ሽን ታ ሶምእ በኤተና” ያጌዳ።

34

ላኤንሉዋ መጠጥቴዳ ማሰቴዳ ሹቻቱዋ (ዛረ. 10:1-5)

1 መድና ጎዳይ ሙሳ ሀዋዳን ያጌዳ፤ “ኮይሮዋንታ ማላትያ ላኤ ሹቻቱዋ ማሳደ ገግሳ፤ ያቶፕ ታን ሄ ማሰቴዳ ሹቻቱዋ ቦላ ካሰ ኔን መንሌዳ ሹቻቱዋ ቦላን ደእያ ቃላቱዋ ጸፋና።

2 ዋንታ ዋንታ ፑደ ሲና ደርያ ከሳናዉ ገጋ፤ ያታደ ታና ያን ደርያ ሁጲያን ኤቃ ናጋ።

3 ኔናና ኦንነ ከሶፖ፤ ዋይ ደርያ ቦላ ሀቃንካ ቤቶፖ፤ ሀራይ አቶ ደርሳ ዉዲ ዋይ መሀያ ዉዲካ ደርያ ሰንላን ሄመቶፖ” ያጌዳ።

4 ሄዋ ድራዉ፥ ሙሴ ኮይሮ ሹቻቱዋ ማላትያ ላኤ ሹቻቱዋ ማሲደ መድና ጎዳይ አዛዜዳዋዳን፥ ሹቻቱዋ ባረ ኩሽያን ኦይቂደ፥ ዋንታ ጉራና ፑደ ሲና ደርያ ከሴዳ።

5 መድና ጎዳይ ሻርያን ዱገ ዋዲደ፥ አናና ያን ኤቁዳ፤ “ታን መድና ጎዳ” ያጌደ ባረ ሱንላ አዋዬዳ።

6 መድና ጎዳይ ሙሴ ሰንላና ሀዋዳን ያጌደ አዋዬዳ እጄዳ፤ “ታን መድና ጎዳ፤ ታን መድና ጎዳ፤ ቃረታይነ ማሮተላይ ኩሜዳ ጸሳ፥ ዳንዳያንቻ፥ አገና ሲቁ ዳሬዳዋን ዳሪ አማነትያዋ።

7 ታን ታ አገና ሲቁዋ ሻአቶ ናግያዋ፤ ኢታተላ፥ ማካላነ ናጋራ አቶ ያግያዋ። ግድፕካ፥ ባይዘዋ ሙረናን አገናዋ፤ አዋቱዋ ናጋራ ድራዉ ናና ናናቱዋ ናና፥ ሄዘንላ የለታን ኦይደንላ የለታ ጋካናዉ ሙርያዋ” ያጌደ አዋዬዳ።

8 ሄዋፕ ጉዮ ሙሴ ኤለካ ቢታን ጉፋኒደ ጎይኔዳ፤

9 “አቤት ጎዳዉ፥ ኔን ታናን ናሽቴዳዋ ግድፕ፥ ኩናና እትፕ ደንዳ። ሀዋ አሳይ ሞርጊ ዱሌፋቱዳዋ ግድፕ፥ ኩ ኢታተላነ ኩ ናጋራ አቶ ያጋደ፥ ኩና ነ አሳ ኦላ” ያጌዳ።

ቃላ ጫቁ ኦራዴዳ (ከሳ 23:14-19፤ ዛረ. 7:1-5፤ 16:1-17)

10 ያትና መድና ጎዳይ ሀዋዳን ያጌዳ፤ “ታን ሀንተናና ቃላ ጫቁዋ ገላድ፤ ሀዋፕ ካሰ ሳኦ ኡባን ደእያ ካዉተላ ኡባን ሀን ኤረና ማላልሰያባ ነ አሳ ኡባ ሰንላን ኦላና፤ ታን መድና ጎዳይ፥ ሀንተንቶ ኦላያ ኪታይ አይ ኬሻ ማላልሰያበንቶ ኔን ኡንቱንቱ ግድን ደእያ አሳይ ኡባይ በአና።

11 ሀቼ ታን ሀንተንታ አዛዘያ አዛዘዋ ናግተ፤ ሀንተንቱ ሰንላፕ አሞረቱዋ፥ ካናነቱዋ፥ ሂተቱዋ፥ ፓርዘቱዋ፥ ሂዌቱዋን ያቡሳቱዋ ታን የደርሳና።

12 ኡንቱንቱ ሀንተንቶ ጲረ ግድና ማላ፥ ሀንተንቱ ብያ ጋድያን ደእያ አሳና ቃላ ጫቁዋ ገሎፕተ።

13 ኡንቱንቱ ያርሽያ ሳኦ ኮልተ፤ ኡንቱንቱ ጎይንያ ሹቻቱዋካ መገጠጫተ፤ ቃይ አሽሮ ጌተትያ ኡንቱንቱ ማጫ ጸሳት ካሻ ቃንጸሬላ ኦልተ።

14 ታን መድና ጎዳይ ቃናትያ ጸሳ ግድያ ድራዉ፥ ታፕ ሀራ ጸሳቶ ጎይኖፕተ።

15 “ሄ ጋድያን ደእያ አሳቱዋና አያ ቃላ ጫቁዋካ ገሎፕተ፤ አያዉ ጎፕ፥ ኡንቱንቱ ታናን አማነተናን እጲደ ባረንቱ ጸሳቱዋ ካልያ ዋደነ ኡንቱንቶ ያርሽያ ዋደ፥ ኡንቱንቱ ሀንተናካ ሾባና፤ ሀንተንቱ ኡንቱንቱ ያርሾቱዋ ማና።

16 ቃይ ሀንተንቱ ኡንቱንቱ ማጫ ናናቱዋፕ ዶሪደ፥ ሀንተንቱ አቱማ ናናቶ አማና፤ ሄ ዋደ ሄ ማጫ ናናይ ታናን አማነተናን እጲደ፥ ባረንቱ ጸሳቱዋ ካሊደ፥ ሀንተንቱ አቱማ ናናካ ባረንቱዋዳን ኦሰሳናዋንታ።

17 “ሀንተንቶ ጎይንያ ጸሳቱዋ አያፕካ ሲልሲደ መዶፕተ።

18 “ማጋገ ኡክላ ባላ ቦንቶተ፤ ታን ሀንተንታ አዛዜዳዋዳን፥ ላፑን ጋላሳዉ እርሹ ገለናን ኡከቱዳ ኡክላ ማተ፤ ሄዋካ ሀንተንቱ ግብጾፕ ከሴዳ አቢባ አግናን ኦልተ።

19 “አት ኡሉዋፕ ባይራ የለትያ አቱማ ናኦ ኡባይ ታዋ፤ ሀንተንቱ መሀያ ኡባፕ ቦራ ግድና፥ ዋይ ደርሳ ግድና፥ ባይራይ ታዋ፤

20 ኮይሮ የለቱዳ ሀርያ ማራ ደርሳ ማራና ላማደ ዋዛ፤ ዋዛና ጳዮፕ፥ አ ቆድያ መንላደ ዋዳ፥ ነ ናናቱዋፕ ባይራ የለቱዳ አቱማ ናኦ ኡባ ዋዛ።

“ኡንነ እምያዋ ኦይቀናን፥ መላ ኩሽያና ታ ሰንላን ቤቶፖ።

21 “ኡሱፑን ጋላሳ ኦልተ፤ ሽን ላፑንላ ጋላሳን ሸምፕተ፤ ጎሽያ ዋድያን ቃይ ካላ ጫክያ ዋድያን ላፑንላ ጋላሳን ሸምፕተ።

22 “ባይራ ዘረቱዳ ዛርጋ ሀንተንቱ ጫክያ ዋደ፥ ሳምንታቱዋ ባላ ቦንቶተ፤ ላይላ ዉርሰላ ካላ ሺሽያ ዋደካ፥ ሺሹዋ ባላ ቦንቶተ።

23 ላይላን ሄዙ ገደ እሰራኤልያ አቱማ አሳይ ኡባይ ኡባ ሞድያ ጸሳ፥ እሰራኤልያ መድና ጎዳ ሰንላን ቤትና።

24 ካዉተላቱዋ ታን ሀንተንቱ ሰንላፕ የደርሳደ ከሳና፤ ያታደ ሀንተንቱ ዛዋ ታን አሳና፥ መድና ጎዳ ሀንተንቱ ጸሳ ሰንላን ሀንተንቱ ላይላን ሄዙ ገደ ቤታናዉ ፑደ ከሰያ ዋደ፥ ኡንነ ሀንተንቱ ጋድያ አሞተና።

25 “ሀንተንቱ ታዉ ሱላ ያርሹዋ ያርሽያ ዋደ፥ እርሹዋ የጊደ ኡኬዳ ኡክላና ያርሾፕተ። ፓሰጋ ቦንቶያ ጋላሳዉ ያርሹዳ ያርሹዋፕ ዋንትዉ አያይነ አቶ።

26 “ሀንተንቱ ጋደን ባይራ ካኤዳ ካላፕ ኮይሮ ሙሩታ መድና ጎዳ ሀንተንቱ ጸሳ ጎልያ አሀተ።

“ዴሻ ማራ አ አት ማላን ደይሶፕተ” ያጌዳ።

34:6 ከሳ 20:5-6፤ ፓይ. 14:18፤ ዛረ. 5:9-10፤ 7:9-10 ዛረ. 5:8፤ 27:15 34:18 ከሳ 12:14-20፤ ዋጋ 23:6-8፤ ፓይ. 28:16-25 34:19 ከሳ 13:2 34:20 ከሳ 13:13 34:21 ከሳ 20:9-10፤ 23:12፤ 31:15፤ 35:2፤ ዋጋ 23:3፤ ዛረ. 5:13-14 34:22 ዋጋ 23:15-21፤ ፓይ. 28:26-31 34:25 ከሳ 12:10 34:26 ዛረ. 24:21፤ 26:2

27 መድና ጎዳይ ሙሳ፡ “ታን ኔናናን እስራኤልያ አሳና ቃላ ጫቁጥ ገልያዌ ሀ ቃላቱ ግያ ማራና ግድያ ድራው፡ ሀ ቃላቱጥ ጸፋ” ያጌዳ።

28 ሙሴ ቁማ ማናን ሃላ ኡሸናን፡ ኦይታሙ ጋላሳን ኦይታሙ ቃማ መድና ጎዳና ያን ጋምኤዳ፤ ቃላ ጫቁጥ ቃላቱጥ፡ ታሙ አዛዙጥ ማሰቴዳ ሹቻን ጸፊዳ።

ሙሴ ሶምኢ ፖኤዳ

29 ሙሴ ጸሳና ሃሳዱደ ጋምኤዳ ድራው፡ ሄ ላኡ ማርካተላ ሹቻቱጥ እ ባረ ኩሽያን ኦይቁደ ሲና ደርያጥ ዱገ ዎዴዳ ዎደ፡ አ ሶምኢ ፖኤዳ፤ ሸን እ ሄጥ ኤርቤና።

30 አሮነን እስራኤልያ አሳይ ኡባይ ሙሳ ጸሊደ፡ አ ሶምኢ ጸልያጥ በኤድና፤ ኡንቱንቱ አኮ ሺቃናዉ ያዬድና።

31 ሸን ሙሴ ኡንቱንታ ጸሰና አሮነን ሸቁጥ ካለልያ ካፓቱ ኡባይ አኮ ሰሜድና፤ እ ኡንቱንታ ሃሳይሴዳ።

32 ሄጥጥ ጉይያን እስራኤልያ አሳይ ኡባይ አኮ ሸቅና መድና ጎዳይ አዉ ሲና ደርያን እሜዳ አዛዙጥ ኡባ እ ኡንቱንቶ እሜዳ።

33 ሙሴ ኡንቱንቶ ኦድያጥ ዉርሴዳ ዎደ፡ ባረ ዴሙጥ ናጸላን ካሜዳ።

34 ሸን ሙሴ መድና ጎዳ ሰንላ አናና ሃሳያናዉ ገልያ ዎደ አዉደነ ከሳና ጋካናዉ፡ ናጸላ ባረ ሶምኡጥጥ ቃር ድጌ። ሄጥጥ ከሲደ፡ መድና ጎዳይ አዛዜዳጥ እስራኤልያ አሳዉ ኦዴ።

35 ኦድያ ዎደ፡ ኡንቱንቱ አ ሶምኢ ጸልያጥ በኤድና። ሄጥ ድራው፡ ሙሴ መድና ጎዳና ሃሳያናዉ ባና ጋካናዉ፡ ባረ ዴሙጥ ዛረሊደካ ናጸላን ካሜ።

35

ሳምባታ ቦንቶያ ዎጋ

1 ሙሴ እስራኤልያ አሳ ሸቁጥ ኡባ ሺሺደ ሀጥዳን ያጌዳ፤ “ህንተንቱ ኦላና ማላ፡ መድና ጎዳይ አዛዜዳዌ ሀጥ።

2 ሳምባታ ግድን ኡሱቱን ጋላሳ ኪታ ኪተትተ፤ ሸን ላቱንላ ጋላሳይ ህንተንቶ ጌሻ ጋላሳ፤ መድና ጎዳዉካ ሸምፖ ሳምባታ። ሄ ጋላሳን አይ ኦሶን ኦልያ ኡራይ ኦንነ ሀይቃናዉ በሴ።

3 ሳምባታ ጋላሳን ህንተንቱ ሶን ሶን ታማ ኤላፕተ” ያጌዳ።

ጸሳ ዲንካንያ ኦሶ ሺሽያ ሚሻ (25:1-9)

4 ሙሴ እስራኤልያ ማባራዉ ሙልያዉ ሀጥዳን ያጌዳ፤ “መድና ጎዳይ ሀጥዳን ያጌደ አዛዜዳ።

5 ህንተንቶ ደእያጥጥ መድና ጎዳዉ እምያጥ አህተ፤ መድና ጎዳዉ እምያጥ አህናዉ ኮይያ ኦንነ ዎርቃ፡ ብራ፡ ናሃሲያ።

6 ሳሉጥ ማላትያ ቃጭና፡ ኦቻ ቱራ ማላትያ ቃጭና፡ ሸሎላ ዘኦ ቃጭናን ሊቆ ሱፍያ፡ ዴሻ ጋልባ።

7 ደርሳ ኮልያ ጋልባ ዘኦ ቃላምያን የግ ከሴዳጭ፡ ቁምእያ፡ ኦድሩጭ።

8 ጸምፕያዉ ዎጋራ ዛይትያ፡ ኦከትያ ዛይትያን እጸና ሳጭልያ ቅማምያ፤

9 ኤፋድያንን ትራን ዎልያጥን የግያ ማርግድያ ጌተትያ ሹቻቱጥን ሀራ ጸልያ አልኦ ሹቻቱጥ አሆ።

ጸሳ ዲንካንያ ኦላናዉ እመቲዳ አዛዙጥ (39:32-43)

10 “ህንተንቱ ግድን ደእያ ኩሽያ ሃላ ኤራንቻ ኡባቱ ዪደ፡ መድና ጎዳይ አዛዜዳ ኡባ ኦልና።

11 መድና ጎዳ ዲንካንያ፡ አ ካምያ ዲንካንያን አ ካምያ፡ ኦይቁያ፡ ጸጋገቱጥ፡ ሸካላቱጥ፡ ቱሳቱጥን ኡንቱንቱ ኤቁያ ሉኮቱጥ።

12 ታቦታን አ ቶክያ ካሱጥ፡ አቶ ግያ ሳኦ ቁምእያጥን ታቦታ ገንልያ ጋርዲጥ፤

13 ጸርጶዛነ አ ቶክያ ካሱጥ፡ አ ሚሻቱጥ ኡባን ጸሳ ሰንላን ዎልያ ጌሻ ኡክላ፤

14 ጸምፕያ ዎልያ ባላን አን ማራና ደእያ ጸምፕቱጥ፡ ሚሻቱጥ፡ ጸምፕያ ዛይትያ።

15 እጸና ጩዎይያ ሳጽንያን አ ቶክያ ካሱጥ፡ ኦከትያ ዛይትያን ሳጭና እጸና፡ ጸሳ ዲንካንያ ፕንግያ ጋርዲጥ፤

16 ጸግያ ያርሹጥ ያርሸያ ሳኦነ አ ናሃሲያ ዛዘርያ፡ አ ቶክያ ካሱጥን አ ሚሻቱጥ ኡባ፡ ናሃሲያጥ ኦሰቲዳ ሜቻ ከርያን አ ዎልያጥ፤

17 ሶይ ዳባባ ጎዳ ጋርዲቱጥ፡ ቱሳቱጥን ኡንቱንቱ ገደቱጥ፡ ዳባባ ሶ ግደ ገልያ ፕንግያ ጋርዲጥ፤

18 ጸሳ ዲንካንያ ቶግያ ሸካላቱጥ፡ ዳባባ ግደ ቶገቱጥ ኡንቱንቱ ዎድሮቱጥ፤

19 ጌሻ ሳኦነ ኦሊደ ጎኤታናዉ ዳደቲዳ ማዮቱጥ፡ ቄሲ አሮነ ማይያ ጌሻ ማዩጥ አ ናናይ ቄሰተላ ኪታ ኦሊደ ማይያ ማዩጥ መድና” ያጌዳ።

አሳይ አሄዳ እሞታ

20 ሄጥጥ ጉይያን እስራኤልያ ማባራይ ኡባይ ሙሴ ሰንላጥ ከሴዳ።

21 እማናዉ ኮዬዳጥንቱን ኡንቱንቱ ዎዛናይ ኡንቱንታ እማ እማ ጌዳጥንቱ ኡባይ ዬድና፤ መድና ጎዳ ዲንካንያዉ፡ አ ግድን ኦልያ ኦሱጥ ኡባዉን ጌሻ ማዮ ኮሸያጥ ኡባ አሄድና።

22 እማና ኮዬዳ አቱማጥ ኡባይነ ማጫጫ ኡባይ ዪደ፡ ዎርቃጥ መዴዳ አሌቁያጥንታ፡ ሀይላ ጉድቻቱጥ፡ ሞግዳቱጥ፡ ሀራ ዎርቃ አሌቁያጥንታ አሄደ መድና ጎዳዉ እሞታ ኦሊደ እሜድና።

23 ሳሉጥ ማላትያ ቃጭናይ፡ ኦቻ ቱራ ማላትያ ቃጭናይ፡ ሸሎላ ዘኦ ቃጭናይ፡ ዎይ ሊኦጥ ጌተትያ ሊቆ ቃጭናይ፡ ዎይ ዴሻ አጎዛ፡ ደርሳ ኦርግያ ጋልባ ዘኦ ቃላምያን የግ ከሴዳጭ፡ ዎይ ማንቻላይ ደእያ አሳይ ኡባይ አሄዳ።

24 ብራ ዎይ ናሃሲያ እማናዉ ዳንዴይያ ኡባይ ባረንቱ እሙጥ መድና ጎዳዉ እሜድና፤ ቃይ ኦድሩ ደእያ አሳይ ኡባይ ዲማ ዲማ ኦሶ ኦድሩጭ አሄዳ።

25 ኩሽያ ሂላ ኤርያ ማጫ አሳይ ኡባይ ባረንቱ ኩሽያን ሱቄዳ ሳሉዋ ማላትያ ቃጭና፡ ኦቻ ቱራ ማላትያ ቃጭና፡ ሾሎላ ዘኦ ቃጭናን ሊቆ ሊኦዋ አሄድኖ።

26 ቃይካ እሙዋ እማናዉ ኮዬዳ ማጫ አሳይ ኡባይ ዳሻ አጎዛ ዳዴድኖ።

27 ካፓቱ ኤፋድያንን ትራን ዋልያዋን ዋልያ ማርግድያን ሀራ ቦንቹቱዳ ሹቻቱዋ አሄድኖ።

28 ኤንቱንቱ ቃይካ ጸምፕያዉ፡ ሳዊያ እጻናዉን አካናዉ ሀንያ ዋጋራ ዛይትያን ቅማምያ አሄድኖ።

29 እሰራኤላቱ አሳይ ኡባይ፡ አቱማዌን ማጫዌ፡ ኤንቱንቱ ኦላናዳን መድና ጎዳይ ሙሴ ባጋና አዛዜዳ ኦሶ ሀንያ እሙዋ ኡባ ባረንቱ ሸንያን መድና ጎዳዉ አሄድኖ።

ጸሳ ዲንካንያ ኦልያ ኩሽያ ሂላንቻቱዋ (31:1-11)

30 ሙሴ እሰራኤልያ አሳ ሀዋዳን ያጌዳ፤ “በእተ፤ መድና ጎዳይ ይሁዳ ዛርያፕ ሁራ ናኦ ናኦ፡ ኡራ ናኦ፡ ባጸልኤላ ደራዳ።

31 መድና ጎዳይ ኦ ጸሳ አያናን፡ ሂላን፡ አኬካንን ኦሱዋ ኡባ ኦልያ ኤራን ኩንሴዳ።

32 ሄዋካ ሂላን ኪታ ሀልቹዋ ከሲደ፡ ዋርቃፕ፡ ብራፕን ናሃሰያፕ ዲማ ዲማባ እ ኡዳናሳ።

33 ሄዋዳንካ፡ አልኦ ሹቻ ማሲደ ገግሳናሳ፤ ሞላ ማሳናሳን ኡባ ቆሞ ኦሱዋ ሂላን ኦላናሳ።

34 ሄዋ ቦላካ ቃይ አሰን ዳና ዛርያ እሀሳማካ ናኦ ኦሆልኦባዉ፡ ሀራ አሳ ታማርሰያ ኤራ እማዳ።

35 ኤንቱንቱ ኡባ ቆሞ ኦሱዋ ኦላናዳን፡ ሂላን ኦልያዋንታ፡ ኦሱዋ ሀልቹዋ ከሰያዋንታ፡ ሳሉዋ ማላትያ ቃጭናን፡ ኦቻ ቱራ ማላትያ ቃጭናን፡ ሾሎላ ዘኦ ቃጭናን ሊኦ ቃጭናን አሊቆዋ ዳድያዋንታን ሸማይነቱዋ ግዳናዳን፡ ጸሳይ ኤንቱንቱ ኤራተላን ኩንሴዳ። ኤንቱንቱ ኡባይካ ኡባ ቆሞ ኦሱዋ ሉጺደ ኤርያ ኤራንቻ ግዴድኖ።

36

1 “ሄዋ ድራዉ፡ ባጸልኤል፡ ኦሆልኦባን መድና ጎዳ ዲንካንያ ኬጻና ማላን ኦሶ ግድያ ኤራ መድና ጎዳይ እምና፡ ሉጺደ አሳይ ኡባይ መድና ጎዳይ አዛዜዳዋዳን ኡባባ ኦላና” ያጌዳ።

አሳይ እማዳ እሞታ ጮራተላ

2 ሄዋፕ ጉይያን ሙሴ ባሳልኤላ፡ ኦሆልኦባን መድና ጎዳይ ዲማ ኤራ እማዳዋንቱ ኦሱዋ ኦላናዉ ያና ኮይያ ኡባ ዳሲደ ሺሼዳ።

3 እሰራኤልያ አሳይ ጸሳ ዲንካንያ ኦላናዉን ኦሶ ግድያ እሞታ ኡባ ሙሴፕ አኬድኖ። ቃይ አሳይ ባረ ሸንያን ጮ እምያ እሞታ ዋንታ ዋንታ ጉጅ ጉጂደ አሀያዋ አግቤና።

4 ያትና ጸሳ ዲንካንያ ኦልያ ኤራይ ኩማዳ አሳይ ኡባይ ባረንቱ ኦሱዋ አግ ባሺደ።

5 ሙሳ ሀዋዳን ያጌድኖ፤ “አሳይ መድና ጎዳይ አዛዜዳ ኦሶ ኮሽያዋፕ ሎይሳ ዳርያዋ አሂደ ደኤ” ያጌድኖ።

6 ሙሴ ዲንካንያ ሳኦን ደእያ አሳዉ ሀዋዳን ያጌደ አዛዜዳ፤ “ላኤንሎ አይ አቱማ አሳይካ

አይ ማጫ አሳይካ ጸሳ ዲንካንያ ኦሶ እምያዋ እማናዉ አሆፕ” ያግና፡ አሳይ አሀያዋ አግ ባሺዳ።

7 እያዉ ጎፕ፡ ኤንቱንቱ አሄዳ እሞታይ ኦሱዋ ኡባ ኦላናዉ ግዲደ ፓላሄ።

ጸሳ ዲንካንያ ኦሱዋባ (26:1-37)

8 ኦሱዋ ኦልያዋንቱ ግደፕ ሂላ ዳርያዋንቱ ኡባቱ ሊቆ ሊኦዋፕን ሳሉዋ ማላትያ፡ ኦቻ ቱራ ማላትያን ሾሎላ ዘኦ ቃጭናፕ ዳደቱዳ ታሙ ጋርዲቱዋፕ ጸሳ ዲንካንያ ገግሴድኖ። ሄ ጋርዲቱዋን እት ሂላይ ክሩበቱዋ ሞሰልያ ዳዴዳ።

9 ጋርዲቱ ኡባይ እት ልከ ግዲደ፡ ጌሳይ ላታማን ሆሰፕን ዋቋ፤ ጎምፓይ ኦይዱ ዋቋ።

10 እቼሹ ጋርዲቱዋ እትፕ ጋሊደ ሰኬድኖ፤ ቃይ የንኮ አቱዳ እቼሹ ጋርዲቱዋካ ኤንቱንቱዋዳን ኦሊድኖ።

11 እትፕ ጋሊደ ሰኬዳ ጋርዲቱዋፕ እት ጋርዲዋ ዉርሰላ ጋጸን ሳሉዋ ማላትያ ጫርቂያፕ ማጫራ መዴድኖ። ቃይ እትፕ ጋከት ሰከቱዳ የንኮ ጋርዲዋንካ ሄዋዳን ኦሊድኖ።

12 ኤንቱንቱ እትፕ ጋከቱዳ እት ጋርዲዋ ቦላ እሻታሙ ማጫራ፡ ቃይ እትፕ ጋከቱዳ የንኮ ጋርዲዋ ቦላካ እሻታሙ ማጫራ መዴድኖ። ሄ ማጫራቱ ኡባይካ እቱ እቶ ማራን ደኢኖ።

13 ሄዋፕ ጉይያን፡ ዋርቃፕ እሻታሙ ኦይቂያዋ መዴድኖ። ዲንካን እቱዋ ግዳና ማላ፡ ሄ ጋርዲቱዋ ጋጸ ጋጸ ሄ ኦይቂያዋንቱን ኦይሴድኖ።

14 ጸሳ ዲንካንያ ቦላና ካምያ ዲንካንያዉ ታማን እት ጋርዲቱዋ ዳሻ አጎዛፕ ዳዴድኖ።

15 ታማን እት ጋርዲቱካ እት ልከ፤ እት እት ጋርዲዋ ጌሳይ ሀታሙ ዋቋ፡ ጎምፓይ ኦይዱ ዋቋ።

16 እቼሹ ጋርዲቱዋ እት ባጋና፡ ኡሱፕን ጋርዲቱዋ ቃይ የንኮ ባጋና ጋሊደ ሰኬድኖ።

17 ሄዋፕ ጉይያን ጋሳ ሰኬዳ ጋርዲቱዋፕ እት ጋርዲዋ ጋጸን እሻታሙ ማጫራ መዴድኖ። ቃይካ ጋሳ ሰኬዳ የንኮ ጋርዲቱዋፕ ዉርሰላ ጋርዲዋ ጋጸን እሻታሙ ማጫራ መዴድኖ።

18 ላኡ ባጋና ደእያ ጋርዲቱዋ ጋሊደ እት ዲንካን ኦላናዉ ናሃሰያፕ እሻታሙ ኦይቂያዋ መዴድኖ።

19 ሄዋፕ ጉይያን ዲንካንያ ካማናዉ ደርሳ ኦርግያ ጋልባ ዘኦ ቃላምያን የግ ከሴዳዋ ገግሴድኖ፤ ቃይ ኦ ቦላና ካማናዉ ቁምእያ ገግሴድኖ።

20 ጸሳ ዲንካንያ ጸጋግያዋንታ ሰት ጌዳ ኦደርቱዋፕ ከሴድኖ።

21 እት እት ጸጋግያዉ ጌሳይ ታሙ ዋቋ፤ ጎምፓይ እት ዋቋን ባጋ።

22 እት እት ጸጋግያዉ እቱዋ እቱዋና ጋሳ ኦይሳያ ላኡ ፖላቱዋ መዴድኖ። ጸሳ ዲንካንያ ጸጋግቱዋ ኡባካ ሄዋዳን ኦሊድኖ።

23 ጸሳ ዲንካንያዉ ገድሳ ባጋና ላታሙ ጸጋግቱዋ መዴድኖ።

24 እት እት ጸጋግያዉ ላኡ ገደቱዋ፡ ኡባና ኦይታሙ ፖላይ ገልያ ሉካቱዋ ብራፕ ገግሴድኖ።

25 ጸሓድን ካንገዳው ሁጸሳ ሳገር ላገረው ጸገቱን መጅድኖቹ።

26 እት እት ጸገግገው ላኡ ፖላይ ገልጻ ሉካቱ። ኡባና ኦይታሙ ፖላይ ገልጻ ሉካቱ። ብራጥ ገገሴድኖቹ።

27 ጸሓድን ካንገዳው ገዩ ጋጸን አዋይ ወልጻ ሳገር ኡሱቸን ጸገቱን መጅድኖቹ።

28 ጸሓድን ካንገዳው ገዩ ጋጸን ደእያ ጋጸቶ ላኡ ጸገቱን ገገሴድኖቹ።

29 ሀ ላኡ ጋጸቱን ደእያ ጸገቱን ጸጸዋጥ ጸራ ጋካና ዳቡላ ግድ ቢደ፣ ጸራን እት ሳገሪያን ገል ኦይቀቱድኖ። ኡንቱንቱ ላኡቱካ ሄዋዳን ሀኔድኖ።

30 ሄዋ ድራው፣ እት እት ጸገግገው ጋርሳና ላኡ ላኡ ገደቱ ደኢኖ፤ ኡባና ሆሰቸን ጸገቱን ብራጥ ኦሰቱዳ ታማነ ኡሱቸን ገደቱ ደኢኖ።

31 ቃይ ኡንቱንቱ ኦይቀቱዋጥ ሸካላቱ። ከሴድኖ፤ ጸሓድን ካንገዳው እት ሳገር ሞይያን ደእያ ጸገቱን እቼሹ ሸካላቱ።

32 ቃይ የንኮ ሳገር ሞይያን ደእያ ጸገቱን እቼሹ ሸካላቱን ገገሴድኖ። ሄዋዳንካ፣ ጸሓድን ካንገዳው ገዩ አዋይ ወልጻ ሳገር ወርሰላ ጋጸን ደእያ ጸገቱን እቼሹ ሸካላቱን መጅድኖቹ።

33 ግደ ሸካሊ ጸገቱን ግደ ሄራና፣ ሀ ጋጸጥ ያ ጋጸ ጋካናው ፕን ከሳናዳን ኦይድኖ።

34 ጸገቱን ዋርቃን ሹሹደ፣ ሸካላቱ አድያ ሳገሪዋ ዋርቃጥ መጅድኖ፤ ቃይ ሸካላቱን ዋርቃን ሹሹድኖ።

35 ሳሉዋ ማላትያ፣ ኦቻ ቴራ ማላትያ፣ ሸሎላ ዘኦ ቃጭናጥነ ሊቆ ሊኑዋጥ እት ጋርዱዋ ኦይድኖ። ሄ አ ቦላ እት ሂላይ ክሩቡቱ ሞሰልያ ሰኬዳ።

36 ጋርዱዋ ኦይድ ቴሳቱዋ ኦይሩዋጥ ገገሴድ፣ ዋርቃን ሹሹድኖ። ያቲደ ዋርቃ ካቂያዋንታ ኡንቱንቶ ገገሴድኖ። ቃይ ቴሳቱዋ ኡሰያ ኦይድ ገደቱን ብራጥ መጅድኖ።

37 ጸሓድን ካንገዳው ገልጻ ፕንግግው ሳሉዋ ማላትያ፣ ኦቻ ቴራ ማላትያን ሸሎላ ዘኦ ቃጭናጥነ ሊቆ ሊኑዋጥ ዳደቱዳዋ፣ ጽልጥያ አሌቅሰያዋን ጋርዱዋ ገገሴድኖ።

38 ቃይ ኡንቱንታ ካቂያ እቼሹ ቴሳቱዋ፣ ካቂያ ሳላና ደእያዋንታ መጅድኖ። ቴሳቱ ጉምቦቱን ቃቻያዋንታ ዋርቃን ሹሹድኖ። ቃይ ኡንቱንቱ ፖላይ ገልጻ ሉካቱን እቼሻቱን ናሃሰያጥ መጅድኖ።

37

ታቦታ ኡሱዋባ (25:10-22)

1 ባጸልኤል ኦይሩዋ ሞላጥ ታቦታ ገገሴዳ። ሄ ታቦታይ ኡድሳተላይ ላኡ ዋቆን ሳገር ኡድቆ፤ ሳገሪይ እት ዋቆን ሳገር አኬ፤ ጌሳይካ እት ዋቆን ሳገር ዶቆ።

2 ሄ ታቦታ ገገሴድ፣ ሶያን ካርያ ዋላካይ ባይና ዋርቃን ሹሹዳ፤ ዩሹዋካ ዋርቃ ትገላን ዩሽ አሌዳ።

3 ቃይ ኦይድ ዋርቃ ሳገሪዋ ትገደ፣ ታቦታው ኦይድ ገደቱን፣ እት ሳገር ላኡ ሳገሪዋ፣ ቃይ የንኮ ሳገር ላኡ ሳገሪዋ አሌዳ።

4 ያቲደ ኦይሪቱዋጥ ካሱዋ ከሲደ ኡንቱንታካ ዋርቃን ሹሹዳ።

5 ታቦታ ቶካናው፣ ታቦታ ሞይያን ደእያ ሳገሪዋን ካሱዋ አሌዳ።

6 ዋላካይ ባይና ዋርቃጥ ላኡ ዋቆን ሳገር ኡድቆ፣ እት ዋቆን ሳገር አክያ አቶ ግያ ሳኦ ቁምእያ መጅድኖ።

7 ቁምእያው ወርሰላ ላኡ ሳገር ጋጸን ላኡ ክሩቤላቱን ቆጸቱዳ ዋርቃጥ መጅድኖ።

8 እት ክሩብያ እት ሳገር ጋጸን፣ ላኡንሶ ክሩብያ የንኮ ሳገር ጋጸን፣ ላኡዋካ ቁምእያና ጋሐ ኦይሊደ መጅድኖ።

9 ክሩብቱ ባረንቱ ቀፍያ ደንሊደ፣ አቶ ግያ ሳኦ ካምያ ቁምእያ ባረንቱ ቀፍያን ኩዋይ ዋሌድኖ፤ ቃይ እቱ እቱዋኮ ሰም ኡቲደ፣ ቁምእያ ጸሊኖ።

ጸርጴዛ (25:23-30)

10 ቃይ ኡድሳተላይ ላኡ ዋቆ፣ ሳገሪይ እት ዋቆ፣ ጌሳይካ እት ዋቆን ሳገር ግዴዳ ጸርጴዛ ኦይሩዋጥ መጅድኖ።

11 ዋላካይ ባይና ዋርቃን ሹሹዳ። ዩሹዋካ ዋርቃ ትገላ ዩሽ አሌዳ።

12 ሄዋዳንካ፣ ሳገሪይ ታካ ግዴዳ ሻሽያ አ ቦላ ዩሽ አሌዳ። ያቲደ አ ቦላ ዋርቃ ትገላ ዩሹዳ።

13 ኦይድ ዋርቃ ሳገሪዋ መጅደ ኦይድ ገደቱ መጠቱዳ ኦይድ ጋጸቱዋና ኦይሌዳ።

14 ጸርጴዛ ቶካናው ካሱዋ አልጻ ሳገሪዋ ጸርጴዛው ሻሽያ ጋጸን ሹቂደ መጠቱድኖ።

15 ጸራጴዛ ቶክያ ካሱቱዋካ ኦይሩዋጥ ከሲደ፣ ዋርቃን ሹሹዳ።

16 ሄዋዳንካ፣ ጸርጴዛ ቦላ ዋሐያ ዲማ ዲማ ሚሻቱዋ ዋላካይ ባይና ዋርቃጥ መጅድኖ፤ ሄዋንቱካ ሳንቱዋን ጭልጋቱዋ፣ ቃይ ኡሻ ያርሹዋ ትግያ ከረቱዋን ጸኡቱዋ።

ጸምጥያ ዋሐያ ባላ (25:31-40)

17 ሄዋጥ ጉይያን እ ጸምጥያ ዋሐያ ባላ ቆጸቱዳ ዋላካይ ባይና ዋርቃጥ መጅድኖ፤ ሄ ባላ ኡሰያ ገድያካ፣ ግደ ቶማካ ቆጶዳ ዋርቃጥ መጅድኖ። አ ኩኩሞቱዋ፣ አ ልጭቱዋን አ ጨሻቱዋ ኡባ አናና እትጥ ጸምጥደ መጅድኖ።

18 ሞይያና ኡሱቸን ማራቱዋ መጅድኖ፤ ማራቱዋ ሄዛቱዋ እት ሳገር፣ ቃይ ሄዛቱዋ የንኮ ሳገር ከሴዳ።

19 ኡሱቸን ማራቶካ ሁጸያን ሁጸያን ሄዙ ሄዙ ኩኩሙካ ጨሻቱ ደእያ ላውዝያ ጨሻ ማላትያ ዋንጫ መጅድኖ፤

20 ጸምጥያ ዋሐያ ባላው ግደ ቶማይ፣ ኩኩሞቱዋ ጨሻቱ ደእያ ጨሻ ማላትያ ኦይድ ዋንጫን አሌቀት ኡቲዳ።

21 ላኡ ላኡ እትጥ ዋላን ደእያ ሄዙ ማራቱዋጥ ጋርሳና እት እት ኩኩማይ መጠቱ ኡቲዳ ኡባይካ ኡሱቸን ኩኩሞ።

22 ኩኩማቱን ማራቱ ኡባይ ጸምጥያ ዋልያ ባላና እትጥ ኦይቀት እቱዋ ግዲደ፣ ዋላካይ ባይና ዋርቃጥ ቆጶቲደ መጠቲድና።

23 እ ቃይ ጸምጥያ ዋልያ ባላው ላቱን ጸምጥቱዋ፣ ጸምጥያ ቶይሰያ ቃጶቲዋን ኡንቱንታ ዋልያዋንታ ዋላካይ ባይና ዋርቃጥ መጶዴ።

24 ጸምጥያ ዋልያ ባላን እን ጎኤትያ ሚሻ ኡባ መጶናው ሀታማን እቼሹ ኪሎ ግራመ ግዴዳ ዋላካይ ባይና ዋርቃ ወርሴዳ።

እጻና ጨዋሰያ ሳጽንያ (30:1-5)

25 ቃይ እጻና ጨውሰያ ሳኣ ኦድሩዋጥ መጶዴ። አው ኦይዱ ጋጻይ ደኤ፤ አዲሳተላይ እት ዋጶ፤ ጎምጋይ እት ዋጶ፣ ጌሳይ ላኡ ዋጶ። አ ካጨቱካ እናና እቱዋ ግዲደ ኦይቀት መጠቲዳዋንታ።

26 አው ቦላ ደና፣ ኦይዱ ባጋ ኡባን አ ካጨቱዋ ዋላካይ ባይና ዋርቃን ሼሼደ፣ አ ዩሹዋካ ዋርቃ ትገላ ዩሽ አጫዳ።

27 ሄ ዋርቃ ትገላጥ ጋርሳና እጻና ጨውሰያ ሳጽንያ ዋርቃጥ ላኡ ሳጋዮቱዋ መጶዴ፤ ያቲደ ያ ባጋና ሀ ባጋና ላኡዋ ላኡዋ ኦይጫዳ። ሄዋንቱ ቶክያ ዋደ ካሱዋ አላናው ማዳናዳና።

28 ካሱቱዋ ኦድሩዋጥ ከሲደ፣ ኡንቱንታ ዋርቃን ሼሼዳ።

ዛይትያን እጻና (30:22-38)

29 ቃይ ጌሻ ኦከትያ ዛይትያን ሳወዋ ቶሽኩ ግያ ሎኑ እጻና ሸቱዋ ኦልያ ኤራን ጊግሴዳ።

38

ጹግያ ያርሹዋ ያርሽያ ሳኣ (27:1-8)

1 ኦድሩዋጥ ጹግያ ያርሹዋ ያርሽያ ሳኣ ኬጶዳ። ሄ ያርሽያ ሳኣው ጌሳይ ሄዙ ዋጶ፣ ጎምጋይን አዲሳተላይ እት ልከ፣ እቼሹ እቼሹ ዋጶ ግዲደ፣ ኦይዱ ጋጻና ደእያዋ ኦጫድና።

2 ኦይዱ ጋጻቱዋ ወርሰላ ጋጻን ጋጻን እት እት ካጭያ መጶዴ። ሄ ካጨቱ ያርሽያ ሳኣና እትጥ ኦይቀቲደ ኦሰቲድና። ያትና ያርሽያ ሳኣ ናሃሰያ ብራታን ሼሼዳ።

3 እን ጎኤትያ ኡባ ሚሻቱዋ፣ ባልደቱዋ፣ አካፋቱዋ፣ ብድንላ ሼሽያ ኩይጻርቱዋ፣ አሹዋ ኦይቁያ ዛምቤልያን ታማ ጮጨቱዋ ኡባ ናሃሰያ ብራታጥ መጶዴ።

4 ያቲደ ናሃሰያ ብራታጥ ዛዝርያ ያርሽያ ሳኣው ጊግሲደ ያርሽያ ሳኣው ዲገ ግዶ ባጋን ደእያ ሻሽያ ቦላ ዋጫዳ።

5 ናሃሰያ ብራታጥ መጶዴ ዛዝርያው ኦይዱ ጋጻን ካሱዋ አላናው ኦይዱ ሳጋዮቱዋ መጶዴ።

6 ኦድሩዋጥ ያርሽያ ሳኣው ካሱዋ ከሲደ፣ ናሃሰያ ብራታን ሼሼዳ።

7 ያርሽያ ሳኣ ቶክያ ዋደ ማዳና ማላ፣ ሀ ካሱዋ ላኡ ሞይያና ደእያ ሳጋዮቱዋን አጫዳ። ያርሽያ ሳኣ ግዲዋ ኮፋ ከሲደ፣ ጻዉላጥ መጶዴ።

ሜቻ ከርያ (30:18)

8 ናሃሰያ ብራታጥ ሜቻ ከርያን አ ዋልያዋ መጶዴ፤ ሄ ብራታይ ጋከላ ዲንካንያ ጥንግያን ኦልያ ማጫ አሳቱ እሄዳ ሄረጋጥ አከቱዳ።

ጸሳ ዲንካንያ ዳባባ (27:9-19)

9 ሄዋጥ ጉይያን ዳባባ ጊግሴዳ። ዳባባው ገድሳ ባጋ አዲሳተላው ጶቱ ዋጶ ኦጫደ፣ ሊቆ ሊኦዋጥ ዳደቲዳ ጋርዳቱዋ ጊግሴዳ።

10 አው ናሃሰያ ብራታጥ ላታሙ ቱሳቱዋን ቱሳቱ ኤቁያ ናሃሰያ ሉካቱዋ ኦጫዳ፤ ኡንቱንቱ ሁጲያን ቃይ ብራጥ መጠቲዳ ካቁያዋንታን ቱሳቱዋ ሁጲያን ቃቶያዋንታ ኦጫዳ።

11 ዳባባው ሁጲሳ ባጋ አዲሳተላይ ጶቱ ዋጶ አዲሳ፤ ቃይ ላታሙ ቱሳቱን ሄ ቱሳቶ ላታሙ ናሃሰያ ገደቱ ደእኖ። ያቲደ ብራጥ መጠቲዳ ካቁያዋንቱን ቱሳቱዋ ሁጲያን ቃቶያዋንቱ ደእኖ።

12 አዋይ ወልያ ባጋ ዳባባ ጎምጋይ እሻታሙ ዋጶ አካ ግዲደ፣ ታሙ ቱሳቱን ቱሳቶ ታሙ ገደቱ ደእያ ጋርዳቱዋ ጊግሴዳ፤ ሄ ቱሳቱዋ ሁጲያን ብራጥ መጠቲዳ ካቁያዋንታን ቱሳቱዋ ሁጲያን ቃቶያዋንታ ኦጫዳ።

13 ቃይ አዋይ ዶልያ ባጋ ዳባባ ጎምጋይ እሻታሙ ዋጶ አካ።

14 ዳባባ ገልያ ሳኣጥ እት ባጋና ታማን እቼሹ ዋጶ አዲቁያ ጋርዳቱ፣ ሄዙ ቱሳቱን ቱሳቶ ሄዙ ገደቱ ደእኖ።

15 ሄዋዲንካ፣ ዳባባ ገልያ ሳኣጥ ህንኮ ባጋና፣ ታማን እቼሹ ዋጶ አዲቁያ ጋርዳቱ፣ ኡንቱንቶ ሄዙ ቱሳቱን ቱሳቶ ሄዙ ገደቱ ደእኖ።

16 ዳባባ ዩሹዋን ደእያ ጋርዳቱ ኡባይ ሊቆ ሊኦዋጥ ዳደቲዳዋንታ።

17 ሄ ቱሳቱዋ ገደቱ ናሃሰያጥ፣ ካቁያዋንቱን ቱሳቱዋ ሁጲያን ቃቶያዋንቱ ብራጥ ኦሰቲድና፤ ኡንቱንቱ ሁጲ ብራን ሼሽቲዳ። ሄዋ ድራው፣ ዳባባ ዩሹዋን ደእያ ቱሳቱዋ ኡባ ሁጲያን ብራጥ ኦሰቲዳ ቃቶያዋንቱ ደእኖ።

18 ዳባባ ገልያ ሳኣን ካቁያ ጋርዱ ሳሉዋ ማላትያ ኦቻ ቲራ ማላትያን ሸሎላ ዞኦ ቃጭናጥን ሊቆ ሊኦዋጥ ዳድያዋ ጽልጥያን አሌቁሰያዋን ጊግሴዳዋ። አው አዲሳተላይ ላታሙ ዋጶ፤ ጌሳይ ዳባባ ጋርዳቱዋ ልከ፣ እቼሹ ዋጶ።

19 ናሃሰያ ብራታጥ ኦሰቲዳ ኦይዱ ቱሳቱን ቱሳቶ ኦይዱ ገደቱ ደእኖ። ኡንቱንቱ ካቁያዋንቱን ቱሳቱዋ ሁጲያን ቃቶያዋንቱ ብራጥ መጠቲዳና፤ ኡንቱንቱ ሁጲቱካ ብራን ሼሽቲዳና።

20 ጸሳ ዲንካንያ ሸካላቱ ኡባይን አ ዩሹዋን ደእያ ዳባባ ሸካላቱ ኡባይ ናሃሰያ ብራታጥ መጠቲዳዋንታ።

ጸሳ ዲንካንያን ጎኤትያ ሚሻቱዋ

21 ጸሳ ዲንካንያው፣ ሄዋካ ቃላ ጫቁዋ ዲንካንያው፣ ጎኤቲዳ ሚሻቱዋ ሌዋቱ ገይዴድና። ሄ ሚሻቱዋ ቁሰያ አርና ናኣ አታማራ

ካፖተላ ጋርሳን ደእያ ሌዋቱ ማዘጋገብን ጸፋናዳን ሙሴ አዛዜዳ።

22 ይሁዳ ዛረ ግዴዳ ሆራ ናኦ ናኦ፡ ኡራ ናኦ፡ ባጸልኤል መድና ጎዳይ ሙሳ አዛዜዳ ኡባ ኦሴዳ።

23 ዳና ዛረ ግዴዳ አህሳማካ ናኦ ኦሆልኦብ አናና ደኤ፤ እ ኩሽያ ሂላንቻኑ ኦሐያባዉ ኮይሮ ሀልቸዋ ከሰያዋ፤ ቃይ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናፕን ሊቆ ሊኦዋን ዳዲደ፡ ጽልፕያን አሌቁሰያ አሳ።

24 ጸሳ ዲንካንያ ኦሶ ጸሳዉ እመቴዳ ዋርቃይ ጸሳ ዲንካንያን ኤረትያ ሚዛናን ዋሐና፡ እት ሻኦ ኪሎ ግራምያ ዴዴዳ።

25 ፓይዲዋን ደእያ ማባራ አሳፕ ቤቴዳ ብራይ ጸሳ ዲንካንያን ኤረትያ ሚዛናን ዋሐና፡ 3,430 ኪሎ ግራምያ ዴዴዳ።

26 አሳ ፓይዲዋ ዋደ ፓይደቴዳ አቱማ አሳይ ኡባይ ሁጲያን ሁጲያን ጸሳ ዲንካንያን ኤረትያ ሚዛናን ዋሐና፡ ኡሱፑን ግራመ ኬሻ እሚዳ። ፓይደቴዳ አሳይ ላታሙ ላይላ ኩሜዳዌን ላታሙዋፕ ሶላና ደእያዌ ኡባይ 603,550.

27 ጸሳ ዲንካንያ ጋርዲዋ ኤሴዳ ጾቱ ፖላይ ገልያ ሉኮቱ 3,400 ኪሎ ግራመ ብራን ኦሰቴድና። ሄዌካ እት እት ገድያዉ ሀታማን ኦይዲ ኪሎ ግራመ ብራ።

28 አቱዳ ሀታሙ ኪሎ ግራመ ትግያ ብራ ቱሳቱዋን ካቂያዋንታ መፋናዉ፡ ቱሳቱዋ ሁጲያን ሾሻናዉን ኡንቱንቱ ሁጲያን ቃቻያዋንታ መፋናዉ ጎኤቴድና።

29 ሄዋዲንካ፡ አሳይ ጸሳዉ አሄዳ ናሃሰያ ብራታይ 2,425 ኪሎ ግራመ።

30 ሄ ናሃሰያ ብራታፕ ጸሳ ዲንካንያ ገልያ ሳኦን ኤቂያ ቱሳቱዋ ገደቱ፡ ናሃሰያ ያርሽያ ሳኦ ግያ ያርሽያ ሳኦይ፡ አ ግድን ሂጼዳ ናሃሰያ ዛዘሪኦ አ ግድን ጎኤትያ ዲማ ዲማ ሚሻ ኡባይ መፍ።

31 ሄዋዲንካ፡ ቃይ ዳባባ ዩሹዋን ደእያ ድርሳን ገልያ ሳኦ ፕንጊ ኤቂዳ ገደቱ፡ ቃይ ጸሳ ዲንካንያ አ ዩሹዋን ደእያ ዳባባ ድርሳይ ጶገቴዳ ሸካላቱ ኡባይ ሄ ናሃሰያ ብራታፕ መፍ።

39

ቄሳቱ ማይያ ማዩዋ (28:1-14)

1 ቄሳቱ ጸሳ ዲንካንያን ኦሐያ ዋደ ጎኤትያ ማዩዋ፡ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናፕ ዳዴድና። አሮን ማይያ ጌሻ ቄሳተላ ማዩዋካ መድና ጎዳይ ሙሳ አዛዜዳዋዳን ኦሴድና።

ኤፋድያ

2 እ ኤፋድያ፡ ዋርቃፕ፡ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናፕን ሊቆ ሊኦዋፕ ዳዴዳ።

3 ኡንቱንቱ ዋርቃ ቆጶዲ፡ ሌእያ ዬቻዳ፡ አፕ ቃራር ቃራሪደ፡ ቃጭና ከሴድና። ያቲደ ሳሉዋ

ማላትያ፡ ኦቻ ቴራ ማላትያን ሾሎላ ዘኦ ቃጭናን ሊቆ ሊኦዋ ጋሊደ፡ ኩሽያ ሂላንቻቱ ዳዴድና።

4 ላኡ ባጋይ ጋከቲደ እቱዋ ግዳና ማላ፡ ላኡ ሀሽያ ሶላ ጋሊደ ኦይሐያ ጫርቂያ ገገሴድና።

5 መድና ጎዳይ ሙሳ አዛዜዳዋዳን፡ ሂላይ አሌቁሰደ ዳዴዳ ዳንጨካ ኤፋድያና እታ ግዲደ፡ ዋርቃፕ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናፕን ሊቆ ሊኦዋፕ ዳደቴዳ።

6 ኡንቱንቱ ማርግድያ ጌተትያ ላኡ ሹቻቱዋ ገገሴደ፡ ዋርቃፕ መዴዳ ሹቻ ኦይቂያዋ ሶላ ማራና ዋሴድና። ማታፋ ሶላ ሱንላ ዋጪደ ጸፍያዋዳን፡ ሄ ሹቻቱዋ ሶላ ታማን ላኡ እሰራኤልያ ናናቱዋ ሱንላ ዋጪደ ጸፊድና።

7 ጸሳይ ሙሳ አዛዜዳዋዳን፡ ታማን ላኡ እሰራኤልያ ዘረላ ሀሳይያዋ ግዳና ማላ፡ ሀ ሹቻቱዋ ኤፋድያና ኦይሴዳ ሀሽያ ጫርቂያን ዋሴዳ።

ትራን ዋሐያዋ (28:15-30)

8 እ ትራን ዋሐያዋ ኩሽያ ሂላንቻን ኦሰሴዳ። ሄ ትራን ዋሐያዋ ኤፋድያ ዋርቃፕ ዳዴዳዋዳን፡ ሳሉዋ ማላትያ፡ ኦቻ ቴራ ማላትያን ሾሎላ ዘኦ ቃጭናፕን ሊቆ ሊኦዋፕ ዳድሴዳ።

9 አዉ ኦይዲ ጋጸይ ደኤ፤ ጌሳይን ጎምፓይ እት እት ታካ፤ ግዴዳዋ ዳኮዬድና።

10 ሄዋፕ ጉይያን አ ሶላ ኦይዲ ማራን አልኦ ሹቻቱዋ ዋሴድና፤ ኮይሮ ማራን ዋሴዳ ሹቻይ፡ ሳርድዮና፡ ቶጸዘዮንያን ጸልያ እንቁዋ፤

11 ላኤንላ ማራን ባሉራ፡ ሳምፔርያን አልማዘያ ጌተትያ አልኦ ሹቻቱዋ፤

12 ሄዘንላ ማራን ያክንትያ፡ ከልቀደንያን አመተሰጽኖሰያ፤

13 አይደንላ ማራን ብራል፡ ማርግድያን ያሰሲድያ። ሄዋንታ ኡባ ዋርቃፕ ኦሰቴዳ ሹቻ ኦይቂያዋ ሶላ ዋሴድና።

14 እሰራኤልያ ናናቱዋ ሱንላ ፓይዲዋዳን፡ ሹቻቱዋ ፓይዲካ ታማን ላኡዋ፤ እቱ እቱ ማታፋዳን ዋጪቲደ፡ ታማን ላኡ ዛራቱዋ ሱንላይ ሄ ሹቻቱዋን ጸፊቴዳ።

15 ትራን ዋሐያዋ ዋደሩዋዳን ደቀቴዳ ሳንሳላታ ዋላካይ ባይና ዋርቃፕ መዴድና።

16 ላኡ ዋርቃፕ መዴዳ ሹቻ ኦይቂያዋንታ ኦሴድና፤ ያቲደ ላኡ ዋርቃ ሞግዳቱዋ መዴዳዋንታ፡ ትራን ዋሐያዋ ቆዋ ጋጸ ጋጸቱዋና ጋሊደ ኦይሰሴድና።

17 ሄ ላኡ ዋርቃ ሳንሳላታቱዋ ትራን ዋሐያዋ ጋጸቱዋን ደእያ ሞግዳቱዋና ጋላ ኦይሴድና።

18 ሄ ሳንሳላታቶ ሀንኮ ባጋ ጼራ ቃይ ኤፋድያዉ ሰንላ ባጋና፡ ሀሽያ ጫርቂያን ደእያ ሹቻ ኦይቂያዋንቱና ጋላ ቃቼድና።

19 ቃይካ ላኡ ዋርቃ ሞግዳቱዋ መዴደ፡ ኤፋድያፕ ካሊደ ደእያ ትራን ዋሐያዋ ሶይ ባጋና ደእያ ላኡ ጋጸቱዋ ጼራን ኦሴድና።

20 ሄዋዲንካ፡ ዋርቃፕ ሀራ ላኡ ሞግዳቱዋ መዴደ፡ ኤፋድያዉ ሰንላ ባጋና፡ ሀሽያ ጫርቂያፕ

ጋርሳ ባጋና ኤፋድያ ዴሳን ቃችያዋጥ ቆሞና፡ ሰኩ ጋከቲዳ ሳኣ ማታን ካረና ኡንቲንታ ኦይጮድኖ።

21 መድና ጎዳይ ሙሳ አዛዜዳዋዳን፡ ትራን ዋልያዋን ደእያ ሞግዳቲዋ ኤፋድያን ደእያ ሞግዳቲዋና ጋሊድ፡ ሳሉዋ ማላትያ ባቀላን ቃችና ትራን ዋልያዋ ዴሳጥ ቆሞና ደእያ ድራው፡ ቃሹ ሾልኤና።

ቄሳቲ ማይያ ሀራ ማዮቲዋ (28:31-43)

22 ኤፋድያጥ ጋርሳና ማይያ አዲሳ ማዮዋ እ ሳሉዋ ማላትያ ጫርቂያጥ ጊገሴዳ፤ ሄዌ ሽማይንያ ኦሱዋ።

23 ሄ አዲሳ ማዮ ቆድያ አልያ ሳኣ መዴድኖ፤ ሄ ሳኣይ ፔፍተናዳን፡ ዩሽ አሊደ ጉጅ ጉጅ ሰኬድኖ።

24 ኡንቲንቲ አዲሳ ማዮዋ ዲገ ባጋ ማጫራ ዩሹዋን ሳሉዋ ማላትያ፡ ኦቻ ቲራ ማላትያን ሾሎላ ዞኦ ደቀቲዳ ርማንያ ቲራ ምሰለቲዋ መዴድኖ።

25 ኡንቲንቲ ቃይ ዋርቃጥ ዳላቲዋ መዲደ፡ አዲሳ ማዮ ዲገ ባጋ ጋጸ ዩሽ አሊደ፡ ርማንያ ምሰለቲዋ ግዲዋን፡ ዋላካን አሌድኖ።

26 አርነ ሄ ማዮ ዲገ ባጋ ማጫራ ዩሽ አሊደ፡ ዳላን ርማንያ ቲራ ምሰልያ ዋላኪደ አሌድኖ። ሄዌ መድና ጎዳይ ሙሳ አዛዜዳዋዳን፡ ኡንቲንቲ ጸሳ ዲንካንያ ኦሱዋ አሊደ ማያናሳ።

27 ኡንቲንቲ አርናወነ አ ናናወ ሹማይንያ ሊኑዋጥ አዲሳ ሻምጭያ ጊገሴድኖ።

28 ቃይ አርነ ሀ-ጲያን ጸጽያ ሻሽያ፡ አ ናናወ ቆቡቲዋን ጋርሳና ማይያ ማዮቲዋ ሊቆ ሊኑዋጥ ዳዲደ ጊገሴድኖ።

29 ኡንቲንቲ መድና ጎዳይ ሙሳ አዛዜዳዋዳን ሳሉዋ ማላትያ፡ ኦቻ ቲራ ማላትያን ሾሎላ ዞኦ ቃጭናጥነ ሊቆ ሊኑዋጥ ዳዲደ፡ ኩሽያ ሂላን አሌቂሲደ፡ ዳንጩዋ ጊገሴድኖ።

30 ኡንቲንቲ ጌሻ አለቁዋ ምሰልያ ዋላካይ ባይና ዋርቃጥ መዲደ፡ ማታፋ ሶላ ዋጭያዋዳን፡ አ ሶላ፡ “መድና ጎዳይ ጌሻ ግዲደ ዲማቲዳ” ያግያዋ ዋጪደ ጸፊድኖ።

31 ሄዋጥ ጉይያን ሀ-ጲያን ሻሽያጥ ጸደን ቃቻናዳን፡ መድና ጎዳይ ሙሳ አዛዜዳዋዳን ሳሉዋ ማላትያ ባቀላ እን አሊደ ቃቼድኖ።

ሙሴ ኦሱዋ ኡባ ጸሞሴዳ (35:10-19)

32 ጸሳ ዲንካንያ ኪታይ ኡባይ ፖለቲዳ። እሰራኤላቲ ኡባባካ መድና ጎዳይ ሙሳ አዛዜዳዋዳን አሌድኖ።

33 ሄዋጥ ጉይያን ኡንቲንቲ ጸሳ ዲንካንያ ሙሴኮ አሄድኖ፤ ሄዌካ፡ ዲንካንያን አ ሚሻ ኡባ፡ ጋሐ ኦይልያዋ፡ ጸጋገቲዋ፡ ሸካላቲዋ፡ ቲሳቲ ኤቂያ ሳጽነቲዋ፡

34 ሶላ ካማደ ደርሳ ኦርግያ ጋልባ ዞኦ ቃላምያን የግ ከሴዳዋ፡ ሀራ ጋልባጥ መዴዳ ቁምእያ፡ ታቦታ ገንልያ ጋርዲዋ፡

35 ቃላ ጫቁዋ ታቦታ፡ አ ቶክያ ካሶቲዋን አቶ ግያ ሳኣ ቁምእያ፡

36 ጸርጴዛነ አ ሚሻ ኡባ ጸሳ ሰንላን ዋልያ ጌሻ ኡክላ፡

37 ዋላካይ ባይና ዋርቃጥ ኦሱቲዳ ጸምጥያ ዋልያ ባላን እን ማራን ደእያ ጸምጥቲዋ፡ ኡንቲንቲ ሚሻቲዋ ኡባን ጸምጥያ ዛይትያ፡

38 እጸና ጩዋይያ ዋርቃ ሳጽንያ፡ ኦከትያ ዛይትያ፡ ሳዊያ እጸና፡ ጸሳ ዲንካንያ ጥንግያ ጋርዲዋ፡

39 ናሃሰያጥ ኦሌዳ ያርሽያ ሳኣ፡ አ ናሃሰያ ዛዝሪያና፡ አ ቶክያ ካሶቲዋ፡ አ ሚሻቲዋ ኡባ፡ ሚቻ ከርያን አ ዋልያዋ፡

40 ዳባባ ገንልያ ጋርዲቲዋ፡ አ ቲሳቲዋ፡ ኡንቲንቲ ኤቂያ ሳጽነቲዋ፡ ዳባባ ገልያ ጥንገቲዋ ጋርዲዋ፡ ዳባባ ዋደርቲዋን ሸካላቲዋ፡ ጸሳ ዲንካንያ መዳናወ ከሸያ ሚሻቲዋ ኡባ፤

41 ቄሳቲ ጌሻ ሳኣን አሊደ ጎኤታናወ ዳደቲዳ ማዮቲዋ፡ አርነ ጌሻ ማዮዋን አ ናናይ ቄሳተላ አሊደ ማይያ ማዮቲዋ፡

42 እሰራኤላቲ ኦሱዋ ኡባካ መድና ጎዳይ ሙሳ አዛዜዳዋዳን ኡባባ አሌድኖ።

43 ሙሴ ኦሱዋ ኡባ ጸሞሴ ዴሊደ፡ ኡንቲንቲ መድና ጎዳይ አዛዜዳዋዳን ኦሌዳዋ በኤዳ፡ ሄዋ ድራው፡ ሙሴ ኡንቲንታ እንጂዳ።

40

ጸሳ ዲንካንያ ቶክላ

1 ሄዋጥ ጉይያን መድና ጎዳይ ሙሳ፡

2 “ኮይር አግናወ ኮይር ጋላሰ፡ ኔን መድና ጎዳ ዲንካንያ ቶክ፡፡

3 ቃላ ጫቁዋ ታቦታ አ ግደን ዋላ፤ ሄ ታቦታ ጋርዲዋን ካማ፡፡

4 ጸርጴዛ ገልሳደ፡ አ ሶላ ዋጭናወ ኮሽያባ ኡባ ጊገሳደ አ ሶላ ዋላ፡፡ ያታደ ጸምጥቲዋ ዋልያ ባላ ሶ ገልሳደ፡ አ ሶላ ጸምጥቲዋ ኤላ፡፡

5 እጸና ጩዋይያ ዋርቃ ሳጽንያ ቃላ ጫቁዋ ታቦታጥ ሰንላና ዋላደ፡ ጸሳ ዲንካንያ ገልያ ጋርዲዋ ሶታ፡፡

6 “ጹግያ ያርሹዋ ያርሽያ ሳኣ ጸሳ ዲንካንያጥ ሰንላና ዋላ፡፡

7 ሚቻ ከርያ ጸሳ ዲንካንያጥነ ያርሽያ ሳኣጥ ግዲዋን ዋላደ፡ እን ሃላ ትጋ፡፡

8 ጸሳ ዲንካንያጥ ካረና ዩሻ አላደ ዳባባ ጊገሳደ ዳባባ ገልያ ሳኣን ጋርዲዋ ሶታ፡፡

9 “ኦክያ ዛይትያ ኦካደ፡ ጸሳ ዲንካንያን አ ግደን ደእያ ኡባባ ኦካ፤ እነ አ ግደን ጎኤትያ ሚሻ ኡባ ዲማያ፤ ያቶጥ እ ጌሻ ግዳናዋ፡፡

10 ሄዋጥ ጉይያን ጹግያ ያርሹዋ ያርሽያ ሳኣን አወ ጎኤትያ ሚሻ ኡባ ኦካ፤ ያርሽያ ሳኣ ዲማያ፤ ያቶጥ እ ኡባጥ አድያ ጌሻ ግዳናዋ፡፡

11 ሚቻ ከርያን አ ኡትሰያ ሚሻ ኦካደ ኡንቲንታ ዲማያ፡፡

12 “ኔን አርናነ አ ናና ጸሳ ዲንካንያ ገልያ ጥንገ አሃደ፡ ሃላን ኡንቲንታ ማጫ፡፡

13 ሄዋጥ ጉይያን ቄሰተላ ጌሻ ማዮዋ አርና ማይዛደ፡ አ ታወ ቄሰተላን ኦላናዳን፡ አ ኦካደ ዲማያ፡፡

14 አ አቲማ ናናካ አሃደ ሻምጭያ ማይዛ፡፡

15 ኡንቲንቲ ታወ ቄሰተላን ኦላናዳን፡ ኡንቲንቲ አወዋ ኦኬዳዋዳን፡ ኡንቲንታካ ኦካ፡፡ ኡንቲንቲ ኦካይ ኡንቲንታካ ኡንቲንቲ ሰንላ የለታ ኡባ ቄሳቲዋ ኦልያዋ” ያጌዳ፡፡

16 ሙሴ ኡባባካ ጸሳይ ባረና አዛዜዳዋዳን አሴዳ።

17 ሄዋ ድራው፣ ግብጾጥ ኡንቱንቱ ከሴዳ ላኤንላ ላይላን፣ ኮይሮ አግናው ኮይሮ ጋላሳን ጸሳ ዲንካኒ ቶኬቲዳ።

18 ሙሴ ጸሳ ዲንካንያ ኤሰያ ዎድ፣ ሳጽንቱዋ ኡንቱንቱ ሳኣን ሳኣን ዎሌዳ፤ ጸጋገቱዋን ቱሳ አሴዳ፤ ሸካላቱዋካ ገልሴዳ።

19 ሄዋጥ ጉዮ ሙሴ መድና ጎዳይ አዛዜዳዋዳን፣ ሀ ኤሴዳዋ ቦላን ዲንካንያ ጹጌዳ፤ ሄ ኤሴዋ ቦላን ካሙዋ ካሜዳ።

20 ያቲደ ታሙ አዛዛቱ ጸፊቲዳ ማርካተላ ቃላ አፊደ፣ ታቦታ ግደን ዎሌዳ፤ ቶክያ ካሱዋ ታቦታን አሴዳ፤ አቶ ግያ ሳኣ ቁምእያ ታቦታ ቦላ ዎሌዳ።

21 ሄዋጥ ጉይያን ታቦታ ጸሳ ዲንካንያ ገልሴዳ፤ ገንሳያ ጋርዲዋ ሶቲደ፣ መድና ጎዳይ አዛዜዳዋዳን ቃላ ጨቁዋ ታቦታ ካሜዳ።

22 መድና ጎዳይ ሙሳ አዛዜዳዋዳን፣ ሙሴ ጸርጴዛ መድና ጎዳ ዲንካንያን ገልሴደ፣ ጋርዲዋጥ ካረና ሁጺሳ ባጋና ዎሌዳ።

23 እ ቦላ መድና ጎዳ ሰንላን ዎሳያ ጌሻ ኡክላ ጊግሴዳ።

24 መድና ጎዳይ ሙሳ አዛዜዳዋዳን፣ ጸምጥያ ዎሳያ ባላ ጸሳ ዲንካንያ ግደ ገልሴደ፣ ጸርጴዛ ሄፍንላና፣ ጸሳ ዲንካንያው ገድሳ ባጋና ዎሌዳ፤

25 ቃይ ጸምጥቱዋ መድና ጎዳ ሰንላን አይሴዳ።

26 መድና ጎዳይ አዛዜዳዋዳን፣ እጻና ጨዋይያ ዎርቃ ሳጽንያ ጸሳ ዲንካንያ ግደን ጋርዲዋ ሰንላ ባጋና ዎሌዳ፤

27 እ ቦላ ሳዊያ እጻና ጨዋይዳ።

28 ሄዋጥ ጉይያን ጸሳ ዲንካንያ ጥንግያን ጋርዲዋ ሶቲዳ።

29 ጹግያ ያርሹዋ ያርሹያ ሳኣ ጸሳ ዲንካንያ ገልያ ጥንግያ ምይያን ዎሌዳ፤ አ ቦላ ጹግያ ያርሹዋን ካላ ያርሹዋ መድና ጎዳይ አዛዜዳዋዳን ያርሹዳ።

30 ጸሳይ ሙሳ አዛዜዳዋዳን፣ ሜቻ ከርያ ጸሳ ዲንካንያጥን ያርሹያ ሳኣጥ ግዲዋን ዎሌዳ። ያቲደ ሜጨታናው ሃላ አን ትጌዳ።

31 ሙሴ፣ አርነነ አ ናናይ ባረንቱ ኩሽያን ገድያ አን ሜጨቲኖ።

32 መድና ጎዳይ ሙሳ አዛዜዳዋዳን፣ ኡንቱንቱ ጸሳ ዲንካንያ ገሌዳ ዎደ ዎይ ያርሹያ ሳኣኮ ሸቁዳ ዎደ አዉደነ ሜጨቲኖ።

33 ጸሳ ዲንካንያን ያርሹያ ሳኣ ዩሽ አሊደ ዳባባ ከሴዳ፤ ሄ ዳባባ ጥንግያን ጋርዲዋ ሶቲዳ። ሄዋዳን አሊደ፣ ሙሴ ኡሱዋ ፖሌዳ።

ጸሳ ቦንቹ ጸሳ ዲንካንያ ኩሜዳ (ፓይ. 9:15-23)

34 ሄዋጥ ጉይያን ሻሪ ጸሳ ዲንካንያ ካሜዳ፤ መድና ጎዳ ቦንቹካ አ ኩሜዳ።

35 ሻሪ ጸሳ ዲንካንያ ቦላ ኡቲዳ ድራውነ መድና ጎዳ ቦንቹ አ ግደን ኩሜዳ ድራው፣ ሙሴ አ ግደ ገላናው ዳንዳይቤና።

36 እሰራኤላቱ ባረንቱ ኦግያ ኡባን፣ ሄ ሻሪ ጸሳ ዲንካንያጥ ደንድያ ዎደ አዉደነ አ ካሊደ ሀመታ ደምኖ።

37 ሸን ሄ ሻሪ ደንዳና ቆዮጥ፣ እ ደንድያ ጋላሳይ ጋካናው ኡንቱንቱካ ቃጽክኖ።

38 ኡንቱንቱ ኦግያ ኡባን መድና ጎዳ ሻሪ እሰራኤልያ አሳይ ኡባይ በአሸን፣ ጋላሰ ጋላሰ ጸሳ ዲንካንያ ካሜን ቃማ ቃማ ቃይ ታማይ ሄ ሻርያ ግደን ኤጼ።

40:34 1 ካታ. 8:10-11፤ አሳ. 6:4፤ ህዝ. 43:4-5፤ ሳፃ 15:8

ዎጋ ማጻፋ ገሎቀ

“ዎጋ ማጻፋይ” በን እስራኤልያ ጋድያን ደእያ ጎይና ዎጋን አማኑቀ ትምርትያን አሳይ አቅያ ማራቱቀ ኦዴ። ሄዋዳንካ ቃይ ሀ ዎጋቱቀ ሀ ማራቱቀ ኦሱቀን ፔሽያ አዎተላይ ደእያ ቄሳቱቀባ ኦዴ።

ማጻፋዉ ሁጲ ቆፋይ ጸሳ ጌሻተላ ኦድያዎ። ቃይካ ጸሳዉ ያርሹቀ አዩሳን ጸሳና ደእያ እትተተላ ናጊደ። ጸሳዉን ኡንቱንቶ ደእያ ጫቁቀና ኦይቀቲዳ ብለላይ ደእያ ዎጋ እሞቀ በሴ። ጉጂደካ ጸሳ አሳይ ሀ ጌሻ ግዴዳ እስራኤልያ ጸሳና ኡንቱንቶ ማታ ጋከላይ ደእና ማላ። ኡንቱንቱ ቀጊደ እዉ ጎይናዉ በሰንቶ ኦዴ።

ማጻፋ ግደን ዳር ኤረቲዳ አዛዙ። የሱሰ ላኤንላ ዎልቃማ አዛዙቀ ጊደ ሱንሌዳ አዛዙቀ። ሄቀን ሸምፑቀ 19 ፓይዳቀ 18 ቤትያዎ፤ አካ። “አሳ ኡባ ነ ሁጲያዳን ደሳ” ያግያዎ።

ሸምፓቱቀ ኡባቶ እመቲዳ ቃንላ ቆፋቱቀ

- እሞታን ያርሹቀ 1:1—7:38
- አርነ ኦ ናናቲ ቄሰ ግድይያ ዎጋን ኡንቱንቲ ኦሱቀ 8:1—10:20
- ጌይያ ዎጋን ጌሻ ግድያዎን ግድናዎ ሻኩሳ 11:1—15:33
- ናጋራይ አቶ ጌትትያ ጋላሳ 16:1-34
- ደኡቀ ጌሻተላን ጎይቲቀ ዎጋ 17:1—27:34

እሞታን ያርሹቀ

(1:1—7:38)

ጹግያ ያርሹቀ

1 መቲና ጎዳና ጋከትያ ዲንካንያ ግደፕ መቲና ጎዳይ ሙሳ ጴሲደ። ሀዎዳን ያጊደ ሃሳዬዳ፤

2 “እስራኤልያ አሳዉ ሀዎዳን ያጋደ ኦዳ፤ ህንተተ ኦንን መቲና ጎዳዉ ያርሹቀ ሺሽያ ዎደ። ሄ ባረ ሺሽያ ያርሹቀ ባረ መሀያፕ ዎይ ባረ ዳርሳ ዎይ ዴሻ ዉድያፕ አሆ።

3 ሄ ያርሹ መሀያ ዉድያፕ ጹግያ ያርሹቀ ግደፕ። እቲማዎ ግዲደ። ትላ ቦላና ደእያዎ ግደ። መቲና ጎዳይ አካና ማላ። እ ሄ ያርሹቀ መቲና ጎዳ ዲንካንያ ገልያ ፕንግያን ያርሹ።

4 ያርሹቀ ሺሽያ ብታኒ ጹጊደ ያርሻናዉ አሄዳ ባረ መሀያ ሁጲያን ባረ ኩሽያ ዎሉ። ሄቄ አ ናጋራ አቶ ጋናዉ ጸሳይ አኬዳ ያርሹቀ ግዳናዎ።

5 እ ኮሩማ መቲና ጎዳ ሰንላን ሹክና፤ አርና ናናይ ቄሳቲ ሄ ሱላ አሂደ። መቲና ጎዳ ዲንካንያ ገልያ ፕንግያን ደእያ ያርሹቀ ሳኦ ሞይያ ኡባን ጉሰኖ።

6 ሄዎፕ ጉይያን። እ ጹግያ ያርሹ መሀያ ጋልባ ቃር፤ አሹቀ አ ቆሙቀን ቆሙቀን ከሶ።

7 ቄሰያ አርና ናናይ ያርሹቀ ሳኦ ቦላን ታማ ኤሊደ። ሞላ ዎሉ።

8 ሄዎፕ ጉይያን። አርና ናናይ ቄሳቲ ሄ ከሴዳ አሹቀ ሁጲያን ሞጶቀ ጉጂደ። ያርሹቀ ሳኦ ቦላን ታማን ደእያ ሞላ ቦላን ማሪደ ዎሉ።

9 ሸን ሄ ብታኒ ቃንላ አሹቀን ገደቱዎ ሃላን ማጮ። ያቲደ ቄሲ ሄዎ ኡባካ አሂደ። ያርሹቀ ሳኦ ቦላ ጹጎ፤ ሄቄ መቲና ጎዳዉ ታማን ጹግያ። ሳዉቀ ቶሹኩ ግያ ያርሹቀ ግዳናዎ።

10 “ ጹግያ ያርሹ እ እምያ እሙ ደርሳ ዉድያፕ ዎይ ዴሻ ዉድያፕ አከትያዎ ግደፕ። እቲማዎ ግዲደ። ትላ ቦላና ደእያዎ ግደ።

11 ሄ መሀያ ያርሹቀ ሳኦ ሁጲሳ ባጋና መቲና ጎዳ ሰንላን ሹኩ። አርና ናናይ ቄሳቲ አ ሱላ አኪደ። ያርሹቀ ሳኦ ሞይያ ኡባ ቦላን ጉሰኖ።

12 ሄዎፕ ጉይያን። ሄ ብታኒ አ ቆሙቀን ቆሙቀን ከሴዳ አሹቀ ኡባ ቄሲ አኪደ። ሁጲያን ሞጶቀ ጉጂደ። ያርሹቀ ሳኦ ቦላን ታማን ደእያ ሞላ ቦላን ዎሉ።

13 ሸን ቃንላ አሹቀን ገደቱዎ ሃላን ማጮ፤ ያቲደ ቄሲ ሄዎ ኡባ አሂደ ያርሹቀ ሳኦ ቦላን ጹጎ፤ ሄቄ መቲና ጎዳዉ ታማን ጹግያ። ሳዉቀ ቶሹኩ ግያ ያርሹቀ ግዳናዎ።

14 “ መቲና ጎዳዉ ያርሹቀ ጹግያ ያርሹ ካፋዎ ግደፕ። ሀራጵያ ማራ። ዎይ ደጎሙቀ አሆ።

15 ቄሲ ሄዎ አኪደ። ቆቲያ ሞርቆ፤ ያቲደ ያርሹቀ ሳኦ ቦላን ደእያ ታማን ጹጎ። አ ሱላይ ያርሹቀ ሳኦ ቦላፕ ሞይያና ዲገ ጎግ ጭንጎ፤

16 ኡሎ ግዲዎ ባለቱቀና ከሲደ። ያርሹቀ ሳኦ አዎይ ደልያ ባጋና። ብድንላ ቆልያ ሳኦን ኦሎ።

17 እ ሄ ካፋዎ ቀፈቱቀ ኦይቄደ ጳልቆ። ሸን ኡባና ዳኮፖ። ሄዎፕ ጉይያን። ቄሲ ያርሹቀ ሳኦ ቦላን ደእያ ታማን ዎሊደ ጹጎ፤ ሄቄ መቲና ጎዳዉ ታማን ጹግያ። ሳዉቀ ቶሹኩ ግያ ያርሹቀ ግዳናዎ።

2

ካላ ያርሹቀ

1 “ ኦንን ካላ ያርሹቀ መቲና ጎዳዉ ሺሽያ ዎደ። ሄ ያርሹ ሊቆ ጴልያ ግደ፤ አ ቦላ ዎጋራ ዛይትያን እጻና ጉጂ።

2 ሄዎ እ አርና ናናቲቀኮ ቄሳቲቀኮ አሆ፤ ቄሳቲ ሄ ሊቆ ጴልያፕን ዛይትያፕ እት ኩሽያ ኩንላ አኪደ። እጻና ኡባና አክ። ሀሳይሰያዎ ኦሊደ። ያርሹቀ ሳኦ ቦላ ታማን ጹጎ። ሄቄ መቲና ጎዳዉ ታማን ጹግያ። ሳዉቀ ቶሹኩ ግያ ያርሹቀ ግዳናዎ።

3 ካላ ያርሹቀፕ እቲዳቄ አርናሳን አ ናናቲቀሳ። ሄቄ መቲና ጎዳዉ ታማን ጹጎትያ ጌሻ ያርሹቀ ኡባፕ እቲቀ ግዴዳ ጌሻ ያርሹቀ።

4 “ ያርሹ ሺሽያ ኡክላይ ጮጮያን ካኤዳዎ ግደፕ። ዛይትያን ሙናቄዳ ሊቆ ጴልያፕ ኡከቲዳ እርሹ የገትቤና ኮምፖ። ዎይ ዛይትያን ኦከቲዳ። እርሹ የገትቤና ሌኦ ኡክላ ግደ።

5 “ ያርሹ ሺሽያ ኡክላይ ባሽያን ኡከቲዳዎ ግደፕ። ዛይትያን ሙናቄዳ። እርሹ ባይና። ሊቆ ጴልያፕ ጊጌዳዎ ግደ።

6 እ መንሊደ አ ቦላ ዛይትያ ትጎ፤ ሄዎ ካላ ያርሹቀ ኦሊደ ሺሹ።

7 “ ሳ ያርሾ ሺሽያ ካላ ያርሹ ድሰትያን ካኤዳዎ ግደፕ፡፡ ዛይትያን ሙናቄዳ ሊቆ ጳልያፕ ካኤዳዎ ግደ።።

8 ሀዋዳን ገገሴዳ ካላ ያርሹዎ መድና ጎዳዉ አሀ፤ ቁሰያዉ እማ፡፡ ቄሲ ሄዎ እኪደ ያርሽያ ሳኣ ሺሾ።።

9 ቄሲ ሄ ካላ ያርሹዎፕ እኪደ፡፡ ሀሳይሰያዎ ኦሊደ፡፡ ያርሽያ ሳኣ ሰላን ጹግያ ያርሹዎዳን ታማን ጹጎ፤ ሄዌ መድና ጎዳዉ ታማን ጹግያ፡፡ ሳዉዎ ቶሹኩ ግያ ያርሹዎ ግዳናዎ።።

10 ካላ ያርሹዎፕ አቴዳዌ አርነሳን አ ናናቱዋሳ፡፡ ሄዌ መድና ጎዳዉ ታማን ጹግያ፡፡ ጌሻ ያርሹዎ ኡባፕ እቱዎ ግዳዳ ጌሻ ያርሹዎ።።

11 “ ሳሳዉ ሀንተ አሀያ አይ ካላ ያርሹካ እርሹዎና ደእያዎ ግደፕ፤ አያዉ ጎፕ ኔን እርሹዎ ዎይ ኤሳ እልሉዎ ጸሳዉ ታማን ጹጋደ ያርሻናዉ ኮሻና።።

12 ሀንተ ላይላን ላይላን ጫከትያ ካላፕ ጸራ ከሲደ፡፡ ጸሳዉ አሀናዉ ዳንዳዪታ፤ ሽን ሄዎ ሳዉዎ ቶሹኩ ግያ ያርሹዎ ኦሊደ፡፡ ጸሳዉ ያርሽያ ሳኣ ሰላን ጹጎታና።።

13 ኔን ሺሽያ ካላ ያርሹዎ ኡባን ማጽንያ የጋ፤ አያዉ ጎፕ፡፡ ነ ጸሳ ቃላ ጫቁዎ ማጽንያ አጎፕ።። ሄዎ ድራዉ ነ ካላ ያርሹዎ ኡባ ማጽንያን ማልኤላ።።

14 ኔን ኮይሮ ካላፕ ጸራ ከሳደ መድና ጎዳዉ አሀያ ዎደ፡፡ ሄ ካላይ ጸጸቲደ ሀርጸቲዳ ትሻ ካላ ግዳናዉ ኮሹ።።

15 እ ሰላ ዛይትያ ትጋ፤ እጻናካ እን ዎላ፤ ሄዌ ካላ ያርሹዎ።።

16 ቄሲ ሄ ዛይቲ ትገቲዳ ሀርጸቲዳ ካላፕ ሻኩዎ እኪደ፡፡ እጻና ኡባናካ ሀሳይሰያዎ ኦሊደ ታማን መድና ጎዳዉ ጹጎ።።

3

እትተላ ያርሹዎ

1 “ ሳት አሳይ እትተላ ያርሾ ባረ ዉድያፕ ማጫዎ ግድና አቱማዎ ግድና እት መሀያ ሺሽያ ዎደ፡፡ ሄ መሄ ትላ ሰላና ደእያዎ መድና ጎዳ ሰንላን ሺሾ።።

2 ያርሻናዉ አሄዳ መሀያ ሁጲያን ባረ ኩሽያ ዎሊደ፡፡ ጸሳ ዱንካንያ ፕንግያን ሹኩ።። ሄዎፕ ጉይያን፡፡ ቁሳቱ አርና ናናይ ሱላ ያርሽያ ሳኣ ሞይያ ኡባ ሰላን ጉሶ።።

3 እትተላ ያርሹዎፕ ታማን ጹግያ ያርሹዎ ኦሊደ መድና ጎዳዉ ሺሾ፤ ሄዌካ ቃንላ አሹዎ ማዬዳ ሀንዳ ኡባይነ አናና ጋላያ ሀንዳይ፡፡

4 ላኡ ክላሆቱዎ፡፡ ኡንቱንቱ ሰላ ደእያ ሀንዳ፡፡ ጋይልያ ማታን ደእያ ሀንዳን ትርያ ጸራ ሰላ ደእያ ሀንዳ ክላሆቱዎና ጋሊደ እኬ።።

5 አርና አቱማ ናናይ ሄዎ ሀራ ጹግያ ያርሹዎና ያርሽያ ሳኣ ሰላ ደእያ ሞላ ሰላ ዎሊደ ጹግያ፤ ሄዌ መድና ጎዳዉ ታማን ጹግያ፡፡ ሳዉዎ ቶሹኩ ግያ ያርሹዎ ግዳናዎ።።

6 “ መድና ጎዳዉ እትተላ ያርሹዎ ሺሽያ ኡራይ ደርሳ ግድና ዳሻ፡፡ ማጫዎ ግድና አቱማዎ ትላ ሰላና ደእያዎ ሺሾ።።

7 እት ኡራይ ደርሳ ማራ ያርሽያዎ ግደፕ፡፡ መድና ጎዳ ሰንላን ሺሾ፤።

8 ባረ ኩሽያ አ ሁጲያን ዎሊደ፡፡ ዱንካንያ ሰንላን ሹኩ።። ሄዎፕ ጉይያን፡፡ አርና አቱማ ናናይ ሱላ ኦይቁደ፡፡ ያርሽያ ሳኣ ሞይያ ኡባ ሰላን ጉሶና።።

9 እትተላ ያርሹዎፕ ታማን ጹግያ ያርሹዎ ኦሊደ፡፡ መድና ጎዳዉ ሺሾ፤ ሄዌካ፡፡ ዚዝያፕ ቃንጾዳ ናሰያ፡፡ ኡሎ ግደ አሹዎ ማዬዳ ሞድያን ሀዎንታ ጋላ ኦይልያ ሞድያ ኡባ፡፡

10 ላኡ ክላሆቱዎ፡፡ ኡንቱንቱ ሰላ ደእያ ሀንዳን ጋይልያ ማታን ደእያ ሞድያ፡፡ ትርያ ጸራ ሰላ ደእያ ሞድያ ክላሆቱዎና ጋሊደ እኬ።።

11 ቄሲ ሄ ቁማ ያርሹዎ መድና ጎዳዉ ታማን ጹግያ ያርሽያ ሳኣ ሰላ ዎሊደ ጹጎ።።

12 “ ሳ ያርሹ ዳሻ ግደፕ፡፡ እ ሄዎ መድና ጎዳ ሰንላን ሺሾ።።

13 ያቲደ አ ሁጲያን ባረ ኩሽያ ዎሊደ፡፡ ጸሳ ዱንካንያ ሰንላን ሹኩ።። ሄዎፕ ጉይያን፡፡ አርና አቱማ ናናይ ሱላ ኦይቁደ፡፡ ያርሽያ ሳኣ የሹዎን ኡባን ጉሶና።።

14 እ ሄ ያርሽያዎፕ እኪደ፡፡ ታማን ጹግያ ያርሹዎ ኦሊደ መድና ጎዳዉ ሺሾ፤ ሄዌካ ቃንላ አሹዎ ማዬዳ ሀንዳ ኡባነ ሄ ሀንዳ ጋላ ኦይልያ ሀራ ሀንዳ፡፡

15 ላኡ ክላሆቱዎ፡፡ ኡንቱንቱ ሰላ ደእያ ሀንዳን ጋይልያ ማታን ደእያ ሞድያን ትርያ ጸራ ሰላ ደእያ ሞድያ ክላሆቱዎና ጋሊደ እኬ።።

16 ቄሲ ሄ ቁማ ታማን ጹግያ፡፡ ሳዉዎ ቶሹኩ ግያ ያርሹዎ ኦሊደ ያርሽያ ሳኣ ሰላ ጹጎ።። ሀንዳ ኡባይ መድና ጎዳሳ፡፡

17 “ ሀንዳነ ሱላ ሀንተ ደእያ ሳኣን ሀቃንነ ሞፕተ።። ሀዌ ሀንተንቶን ሀንተ የለታዉ መድናዉ ናገትያ ዎጋ ያጋደ ኦዳ” ያጌዳ።።

4

ቆፕናን ኦሌዳ ናጋራ ያርሹዎ

1 መድና ጎዳይ ሙሳ ሀዋዳን ያጌዳ፤

2 “ኔን እሰራኤልያ አሳዉ ሀዋዳን ያጋደ ኦዳ፤ ሳንነ ቆፕናን ናጋራ ኦላፕ፤ መድና ጎዳ አዛዙቱዎፕ እቱዎ ሀቃዎን መንሐፕ፡፡ ሀዋፕ ካሊደ ደእያ ዎጋ ናጎ።።

3 “ ቁሰያ ካፑ ናጋራ ኦላፕነ ሄ ናጋራይ አሳ ባይዛንቻ ከሰያዎ ግደፕ፡፡ እ ባረ ኦሌዳ ናጋራ ድራዉ፡፡ ትላ ሰላና ደእያ ኮራማ መድና ጎዳዉ ናጋራ ያርሹዎ ኦሊደ አሆ።።

4 ሄ ኮራማ መድና ጎዳ ዱንካንያ ፕንገ አሊደ፡፡ ኮራማ ሁጲያን ባረ ኩሽያ ዎሊደ፡፡ መድና ጎዳ ሰንላን ሹኩ።።

5 ቁሰያ ካፑ ኮራማ ሱላፕ አማራዳዎ እኪደ፡፡ መድና ጎዳ ዱንካንያ አፎ።።

6 ባረ ኩሽያ ብራድያ ሱላን ቱሽ ቱሽ ከሲደ፡፡ መድና ጎዳ ዱንካንያ ጋርዱዎ ሰንላን መድና ጎዳ ሰንላን ላፑ ገደ ዱኩ።።

7 ሄዎፕ ጉይያን፡፡ ቁሰያ ካፑ አማራዳ ሱላ እኪደ፡፡ መድና ጎዳ ዱንካንያ ግደን መድና ጎዳ ሰንላን ሳዊያ እጻና ጩውሰያ ሳጽንያ ሰላ ደእያ ካጩቱዎ ሰላ ጸክሶ።። አቲዳ ሱላ ቃይ ጸሳ

ዲንካንያ ገልጻ ሳኦ ባጋና ደእያ ጸግያ ያርሹዎ ያርሽያ ሳኦጥ ጋርሳ ባጋና ደእያ ሳኦን ጉሶ።

8 ናጋራ ያርሹ ሹከቲዳ ሀ ኮሩማ ሞጶዎ ኡባ፣ ቃንሳ እሹዎ ማዬዳ ሀንዳነ ኡንቲንታ ጋሕ ኦይልያ ሞጶዎ።

9 ላኡ ክላሆቱዎ፣ ኡንቲንታ ማዬዳ ሀንዳነ ጋይልያ ማታን ደእያ ሞጶዎን ትርያ ጼራ ቦላ ደእያ ሞጶዎ ክላሆቱዎና እትጥ ከሲደ እኮ።

10 እትጥተላ ያርሹ ሹከቲዳ ኮሩማጥ እኬዳ ሞጶዎዳን እኮ። ቁሲያ ካፑ ጸግያ ያርሹዎ ያርሽያ ሳኦ ቦላን ጸጎ።

11 ሽን ኮሩማ ጋልባ፣ እ እሹዎ ኡባ፣ እ ሁጲያን፣ እ ገደቱዎ፣ ቃንሳ እሹዎ፣ ቶጫዎ።

12 ኮሩማ እሹዎጥ አቲዳዎ ኡባ ዲንካኔዳ ሳኦጥ ካረ ከሲደ፤ ብድንሳ ቆልያ ዎጋዳን ጌሻ ግዴዳ ሳኦ አፎ፤ ያን ሞላ ታማን ጸጎ።

13 “ ላሰራኤልያ ማባራይ ኡባይ ቆጥናን ናጋራ ኦሎጥ፤ መጵና ጎዳ አዛዙዎጥ እቲዎ ሀቃዎን መንሎጥ፤ ኡንቲንቲ ባይዛንቻ ግዲደ ፓይደታና።

14 ኡንቲንቲ ኦሎዳ ናጋራይ ኤረትያ ዎደ፣ ናጋራ ያርሹ ሀንያ ኮሩማ ጸሳ ዲንካንያ ሰንሳ አህና።

15 ሄ ማባራ ጭማቱ መጵና ጎዳ ሰንሳን ባረንቱ ኩሽያ ኮሩማ ሁጲያ ቦላን ዎሊደ፣ ሄ ኮሩማ መጵና ጎዳ ሰንሳን ሹክና።

16 ሄዎጥ ጉይያን፣ ቁሲያ ካፑ ኮሩማ ሱላጥ ጉላ አኪደ፣ ጸሳ ዲንካንያ ግደ ገሎ፤

17 እ ባረ ኩሽያ ብራጵያ ሱላን ቱሽ ቱሽ ከሲደ፣ ጋርዲዎ ሰንሳ ባጋና መጵና ጎዳ ሰንሳን ላፑ ገደ ዲኮ።

18 ቃይ አማራዳ ሱላ አኪደ፣ መጵና ጎዳ ዲንካንያ ግደን ሰንሳን እጻና ጨውሰያ ሳጽንያ ቦላ ደእያ ካጨቱዎ ቦላ ጸክሶ። አቲዳ ሱላ ቃይ መጵና ጎዳ ዲንካንያ ገልጻሳ ባጋና ደእያ ጸግያ ያርሹዎ ያርሽያ ሳኦጥ ጋርሳ ባጋና ደእያ ሳኦን ጉሶ።

19 ሞጶዎ ኡባ አኪደ፣ ያርሽያ ሳኦ ቦላን ጸጎ።

20 ናጋራ ያርሹ ሹከቲዳ ኮሩማ ኦሎዳዎዳን ሀ ኮሩማካ ኦሎ። ሄዎዳን ኦሎደ፣ ቁሲ ናጋራ አቶ ጊሲያ ዎጋ ፖላና፤ አሳይካ ናጋራጥ ማረታናዎ።

21 ሄዎጥ ጉይያን፣ ኮሩማ ዲንካኔዳ ሳኦጥ ካረ ከሲደ፣ ካሰ ኮሩማ ጸጌዳዎዳን አካ ጸጎ፤ ሀዌ ማባራ ናጋራዉ ያርሽያ ያርሹዎ።

22 “ ላሳ ካለልያ ሱንሳቱዎጥ እቲ ቆጥናን ናጋራ ኦሎጥ፤ መጵና ጎዳይ እ ጸሳይ እ አዛዜዳ አዛዙዎጥ እቲዎ ሀቃዎን መንሎጥ፤ ሄ ኡራይ ባይዛንቻ።

23 እ ባረ ኦሎዳ ናጋራ ኤራዳዎጥ ጉይያን፣ ትላ ቦላና ደእያ እት ዳሻ ኦርግያ አሆ።

24 ሄ ዳሻ ኦርግያ ሁጲያን ባረ ኩሽያ ዎሊደ ጸግያ ያርሹ መጵና ጎዳ ሰንሳን ሹከትያ ሳኦን ሹኮ፤ ሄዌ ናጋራ ያርሹዎ።

25 ቁሲያ ካፑ ናጋራ ያርሹዎ ሱላ ግደ ባረ ኩሽያ ብራጵያ ቱሽ ቱሽ ከሲደ፣ ጸግያ ያርሹዎ ያርሽያ ሳኦ ቦላ ደእያ ካጨቱዎ ቦላ ጸክሶ፤ አቲዳ ሱላ ቃይ ጸግያ ያርሹዎ ያርሽያ ሳኦጥ ጋርሳ ባጋና ደእያ ሳኦን ጉሶ።

26 ሞጶዎ ኡባ እትጥተላ ያርሹዎ ሞጶዎ ያርሽያዎዳን ያርሽያ ሳኦ ቦላን ያርሹ። ሀዎዳን ኦሎደ፣ ቁሲ ብታንያ ናጋራ አቶ ጊሲ፤ ብታኒካ ባረ ናጋራጥ ማረታናዎ።

27 “ ሄ ማባራ አሳጥ እቲ ቆጥናን ናጋራ ኦሎጥ፤ መጵና ጎዳ አዛዙዎጥ እቲዎ ሀቃዎን መንሎጥ፤ ሄ ኡራይ ባይዛንቻ ግዲደ ፓይደታ።

28 እ ባረ ኦሎዳ ናጋራይ አዉ ኤረቲዳዎጥ ጉይያን፣ ትላ ቦላና ደእያ ማጫ ዳሻቶ ባረ ናጋራዉ አሆ።

29 ባረ ኩሽያ ናጋራ ያርሹዎ ኦሎደ ሹክያ ዳሻት ሁጲያን ዎሎ፤ ያቲደ ጸግያ ያርሹዎ ያርሽያ ሳኦን ናጋራ ያርሹዎ ኦሎደ ሹኮ።

30 ሄዎጥ ጉይያን፣ ቁሲያ ካፑ ሄ ዳሻት ሱላጥ ባረ ኩሽያ ብራጵያን አኪደ፣ ጸግያ ያርሹዎ ያርሽያ ሳኦ ቦላ ደእያ ካጨቱዎ ቦላ ጸክሶ፤ አቲዳ ሱላ ኡባ ያርሽያ ሳኦጥ ጋርሳ ባጋና ደእያ ሳኦን ጉሶ።

31 ሞጶዎ ኡባ እትጥተላ ያርሹ ሹኬዳ መሀያጥ ከሰያዎዳን፣ ሄ ዳሻት ሞጶዎካ ቆሪደ ከሰ አኪደ፣ ያርሽያ ሳኦ ቦላ ዎሊደ፣ መጵና ጎዳዉ ሳዉዎ ቶሹኩ ግያ ያርሹዎ ግዳና ማላ ጸጎ። ሄዎዳን ኦሎደ፣ ቁሲ ሄ ብታንያ ናጋራ አቶ ጊሲ፤ ብታኒካ ባረ ናጋራጥ ማረታ።

32 “ ሄ ብታኒ ባረ ናጋራ ያርሹ ደርሳ ሺሻናዉ ኮዮጥ፣ ትላ ቦላና ደእያ ማጫውኖ አሆ።

33 እ ባረ ኩሽያ ሄ ደርሳት ሁጲያን ዎሊደ ጸግያ ያርሹ ሹክያ መሄ ሹከትያ ሳኦን እዞ ሹኮ።

34 ሄዎጥ ጉይያን፣ ቁሲ ናጋራ ያርሹዎ ግዴዳ ሄ ደርሳት ሱላን ባረ ብራጵያ ቱሽ ቱሽ ከሲደ፣ ጸግያ ያርሹዎ ያርሽያ ሳኦ ቦላ ደእያ ካጨቱዎ ቦላ ጸክሶ፤ አቲዳ ሱላ ቃይ ያርሽያ ሳኦጥ ጋርሳ ባጋና ደእያ ሳኦን ጉሶ።

35 እትጥተላ ያርሹ ሹከቲዳ ሞጶዎ ቃሪደ ከሰያዎዳን፣ ሄ ደርሳት ሞጶዎካ ቃሪደ ከሶ። ያቲደ፣ ያርሽያ ሳኦ ቦላ መጵና ጎዳዉ ታማን ጸግያ ያርሹዎ ቦላ ዎሊደ ጸጎ። ሀዎዳን ኦሎደ፣ ቁሲ ሄ ብታንያ ናጋራ አቶ ጊሲ። ብታኒካ ባረ ናጋራጥ ማረታናዎ።

5

ናጋራ ያርሹ ሺቅያ ጋሱዎ

1 “ ላይ አሳይነ ማርካዉ ጸሰቲደ ባረ በኤዳዎ ዎይ ባረ ኤራዳዎ ጉታራን ማርካተናን እጸጥ፣ ሄዌ አዉ ናጋራ፤ ሄዎ ድራዉ እ ባረ ናጋራን ኦሽቲ።

2 “ ላይ አሳይነ ኤረናን ደኢደ ቱናባ፣ ደኢ ባኩታ ዎይ መሀያ ባኩታ ዎይ ሳኦና ጎሽትያ ደኢቱዎ ባኩታ ቦቾጥ፣ ቱና ግድያዎ እ ኤራዳ ዎድያጥ ደመደ ባይዛንቻ ግዴዳ።

3 “ ላይ አሳይነ ኤረናን ደኢደ፣ አሳ ቦላጥ ጎግያ ቱንሰያባ እያ ግድናካ ቦቾጥ፣ ሄዌ ቱና ግድያዎ እ ኤራዳ ዎድያጥ ደመደ ባይዛንቻ ግዴዳ።

4 “ ላይ ቃይ አሳይነ አታባ ግድና ሎኦባ ኦላናዉ ኤለካ ጫቆጥን ባረ ጫቆዳዎካ

እ እኩከናን ጳዮፕ፣ እ እኩኩዳ ዎድያፕ ደሚደ ባይዛንቻ ግዳዳ።

5 “ ላይ እሳይን ሀ ኦድቲዳ ባይዛቱዋፕ እቱዋ ኦሌዳዋ ግደፕ፣ ባረ ኦሌዳ ናጋራ ፓጾ።

6 እ ባረ ኦሌዳ ናጋራ ድራው መድና ጎዳው ባረ ወድያ ግደፕ ማጫ ደርሳ ዎይ ማጫ ዳሻ ናጋራ ያርሹዋ ኦሊደ ሺሾ። ቄሲ እኪደ፣ ሄ ብታንያ ናጋራ አቶ ጊሳናዋ።

7 “ ላሳይ ባረ ኦሌዳ ናጋራው ያርሻናው፣ ደርሳ ዎይ ዳሻ ሻማናው እው ሻሉ ግዳና ጳዮፕ፣ ላኡ ሀራጳቱዋ፣ ዎይ ላኡ ደጎማቱዋ፣ እቱዋ ናጋራ ያርሹዋ ኦሊደ፣ ቃይ እቱዋ ጹግያ ያርሹዋ ኦሊደ መድና ጎዳው አሆ።

8 እ ኡንቱንታ ቄሲያው እሞ። ቄሲ ላኡ ሀራጳቱዋፕ እትንወ ቆድያ ሙጨናን ጮ ሞርቂደ፣ ናጋራ ያርሹዋ ኦሊደ ያርሹ።

9 ያቲደ ሄ ናጋራ ያርሹዋ ሱፋፕ አማራዳዋ እኪደ፣ ያርሹያ ሳኣ ሞይያን ጫጫፎ፤ አቲዳ ሱፋ ያርሹያ ሳኣፕ ጋርሳ ባጋና ጉሶ፤ ሄዌ ናጋራ ያርሹዋ።

10 የንኮ ሀራጳቶ ቃይ ህጊ እዛዘያዋዳን፣ ጹግያ ያርሹዋ ኦሊደ ጹጎ። ቄሲ ሄዋዳን ኦሊደ፣ ብታኒ ኦሌዳ ናጋራ አቶ ጊሳናው ያርሹዋ ያርሹ፤ ብታኒካ ባረ ናጋራፕ ማረታናዋ።

11 “ ላሽን እት ኡራው ላኡ ዎጋ ደጎማቱዋ ዎይ ላኡ ሀራጳቱዋ አሀናው ሻሉ ግዳና ጳዮፕ፣ ላኡ ኪሎ ግራመ ሊቆ ጳልያ ባረ ናጋራው ሺሽያ ያርሹዋ ኦሊደ አሆ። ሄ ጳሊ ናጋራ ያርሹዋ ግድያ ድራው፣ ዎጋራ ዛይቲ ዎይ እጻናይ ኣን ጉጅቶ።

12 እ ሄዋ አሂደ ቄሲያው እሞ፤ ቄሲ ሄ ጳልያፕ እት ኩሽያ ኩንላ እኪደ፣ መድና ጎዳው ሺሽያ ሀራ ያርሹዋ ቦላ ዎሊደ፣ ሀሳይሰያዋ ኦሊደ ያርሹያሳን ደእያ ታማን ጹጎ፤ ሄዌ ናጋራ ያርሹዋ።

13 ሀ ጌተቱዳዋንቱፕ ሀቃዋንን ግደ ብታኒ ኦሌዳ ናጋራው ቄሲ ሀዋዳን ኦሊደ፣ ብታኒ ኦሌዳ ናጋራ አቶ ጊሴ፤ ብታኒካ ባረ ናጋራፕ ማረታናዋ። ካፋ ያርሹዋዳንካ አቲዳዋ ቄሲ አኮ ያጋደ ኦዳ ” ያጌዳ።

ናቁዋ ያርሹዋ

14 መድና ጎዳይ ሙሴው ሀዋዳን ያጊደ ኦዳዳ፤

15 “እንን መድና ጎዳው ጌሽ ዎሌዳ ሚሻቱዋ ቦላ አማንተናን ጳዮፕ ቃይ ኤረናን ናጋራ ኦላፕ፣ ባረ ናቆ ባረ ወድያ ግደፕ ትላ ቦላና ደእያ እት ደርሳ ኦርግያ መድና ጎዳው አሆ። አ ጋቲካ መድና ጎዳ ዲንካንያን ኤረትያ ሚዛናን ዎሐና ኤረቶ፤ ሄዌ ናቁዋ ያርሹዋ።

16 መድና ጎዳው ዲማይ ዎሌዳ ሚሻቱዋ ቦላ እ ናጋራ ኦሌዳ ድራው፣ እ ሄ ሚሻቱዋ ጋትያ ጭጎ፤ ካሰ ጋትያ ቦላ ጾቱዋፕ ላታሙ ኩሽያ ጉጂደ ቄሲያው እሞ። ቄሲ ሄ ናቁዋ ያርሹ እሄዳ ደርሳ ያርሹደ፣ ብታንያ ናጋራ አቶ ጊሴ፤ ብታኒካ ባረ ናቁዋፕ ማረታናዋ።

17 “እይ እሳይን ኤረናን ደኢደ፣ መድና ጎዳይ፣ ‘ኦላፕ’ ጊደ እዛዜዳዋፕ እቱዋ ኦሊደ

ናጋራን ገሎፕ፣ እ ኤራና ጳዮፕ ባይዛንቻ ግድያ ድራው፣ ባረ ናጋራን ኦሽቱ።

18 እ ባረ ወድያፕ ትላ ቦላና ደእያ እት ደርሳ ኦርግያ ናቁዋ ያርሹ ቄሲያኮ አሆ። ሄ ደርሳይ ናቆ ጭግያ ጋትያ ከሰያዋ ግደ፤ ያቶፕ ቄሲ ሄ ደርሳ ያርሹደ፣ ብታንያ ናቁዋ አቶ ጊሴ፤ ብታኒካ ባረ ናቁዋፕ ማረቱ።

19 ሄዌ ናቁዋ ያርሹዋ። እ ቱሙካ መድና ጎዳ ናቁዳ” ያጌዳ።

6

1 መድና ጎዳይ ሙሴው ሀዋዳን ያጌዳ፤

2 “መድና ጎዳይ ኦንን ናጋራ ኦሊደ ባረ ሾሩዋ ዎርደቲደ ጭሞፕ ሀዋፕ ካሊደ ደእያ ህገቱዋ እሚዳ፣ ሾሩዋ ማታን ሀዳራ ዎላባ ዎይ ኦይሊደ ታልኤዳባ ካደፕ፣ ዎይ አሳዋ ቦንቆፕ፣ ዎይ ባረ ሾሩዋ ቦላን ሱገላ ኦላፕ።

3 ዎይ ባይዳዋ ደሚደ ታ በአበይከ ጎፕን ዎርዱዋን ጫቆፕ፣ ሀዋንታ ማላትያዋንቱፕ እቱዋ ኦላፕ።

4 እ ሀቃዋን ግደ፣ ኦሊደ፣ ሄዋን ናጋራንቻ ግደፕ፣ ባረ ቦንቂ እኬዳዋ፣ ዎይ ኦይሐና ካዲደ እኬዳዋ፣ ዎይ ሀዳራ እሚዳዋ ዎይ፣ ባይና ደሚዳዋ።

5 ዎይ ዎርዱዋን ጫቂ እኬዳዋ ኡባካ አ ጎዳው ዛሮ። ቃይ ባረ ናቁዋ ያርሹዋ ያርሹያ ጋላሰ ባረ እኬዳዋ ቦላ ጾቱዋፕ ላታሙ ኩሽያ ጉጂደ አ ጎዳው እሞ።

6 ቃይካ ባረ ናቁዋ ድራው መድና ጎዳው ያርሹያ ያርሹ ባረ ወድያ ግደፕ ትላ ቦላና ደእያ እት ደርሳ ኦርግያ ቄሲያኮ አሆ። ሄ ደርሳ ጋቲ ሱረ ቆፈቲዳዋ ግደ።

7 ቄሲ ሄ ደርሳ መድና ጎዳ ሰንላን ያርሹደ፣ ብታንያ ናቁዋ አቶ ጊሴ፤ ብታኒካ ባረ ናቁዋ ኡባፕ ማረታናዋ” ያጌዳ።

ወርሰ ጹግያ ያርሹዋ

8 መድና ጎዳይ ሙሴው ሀዋዳን ያጊደ ኦዳዳ፤

9 “አሮናን እ አቱማ ናናቱዋ ሀዋዳን ያጋደ አዛዛ፤ ‘ጹግያ ያርሹ ደእያ ዎጋይ ሀዋ፣ ጹግያ ያርሹ ቃማይ ዎንታና ጋካናው ያርሹያ ሳኣን ደኡ። ታማይካ ያርሹያ ሳኣን ኡባ ዎደ ኤጲደ ደኡ።

10 ቄሲ ሊኡዋፕ ዳደቲዳ ቃሞሽያን ሱርያ ማዪደ፣ ጹግያ ያርሹዋ ታማይ ሞ ሰሞና አቲዳ ብድንላ ደንሊደ፣ ያርሹያ ሳ ሞይያን ላሎ።

11 ሄዋፕ ጉይያን፣ ሄ ማዪዋ ቃር ዎሐ ሀራ ማዪዋ ማዪደ፣ ሄ ብድንላ ዲንካኤዳ ሳኣፕ ጋጸ አፊደ፣ ሀግያዳን ጌዬዳ ሳኣን ቆሎ።

12 ያርሹያ ሳኣ ቦላ ደእያ ታማይ ቶኤናን ኡባ ዎደ ኤጲደ ደኡ። ቄሲ ዎንታ ዎንታ ዎላ አን ጉጅ ጉጂደ ዎሐ። ጹግያ ያርሹዋካ ሄ ሞላ ቦላ ማራን ዎሊደ፣ እትተላላ ያርሹዋ ሀንዳ አ ቦላ ጹጎ።

13 ታማይ ያርሹያ ሳኣ ቦላ ኡባ ዎደ ኤጲደ ደኡ፤ ቶአናው ኮሽና።

ካፋ ያርሹዋ

14 “ ካላ ያርሾ እመቲዳ ዎጋይ ሀዋ፡ አርና አቲማ ናና ግድያ ቁሳቱ ያርሽያ ሳኣ፡ ሰንላ ሳገና መድና ጎዳ ሰንላን ሺሽኖ።

15 ቄሲ ሎኦ ጳልያ፡ ስጽያዎን ዛይትያ እኪደ፡ ካላ ያርሹዋ ቦላ ደእያ እጸና ኡባካ ደንሲደ፡ መድና ጎዳው ሳወዋ ቶሹኩ ግያ ያርሹዋ ኦሊደ፡ ሀሳይሰያዎ ግዳናዳን ያርሽያ ሳኣ ቦላ ጸጎ።

16 ሄዋ፡ ለቲዳዎ አርንን እ አቲማ ናናይ ሚኖ፤ ሄዋ ኡንቲንቲ እርሹ የገትቤና ኡክላ ኦላ ኡኪደ፡ ዲንካንያ ዳባባ ግድን ደእያ ጌሻ ሳኣን ሚኖ።

17 ሄ ኡክላይ እርሹዋ የገናን ኡከቶ። ሄዋ ታወ ታማን ጸግያ ያርሹዋ፡ ኡንቲንታ ጋክያዎ ታን ኡንቲንቶ እማድ። ናጋራ ያርሹዋዳንን ናቁዋ ያርሹዋዳንን እካ ሎይሊደ ጌሻ።

18 መድና ጎዳው ታማን ጸግያ ያርሹዋ፡ ኡንቲንታ ጋክያዎ ግድያ ድራው፡ ይያ ላይላቲዋንካ እርና ዛረ ግድያ አቲማዎንቲ ኡባይ ሄዋ ሚኖ። ሄ ያርሹዋ ቦቶያ እያይን ጌሻ ግዳና ያጋ” ያጌዳ።

ቄሲያ ካፑዋ ሱንሳያ ዎደ ያርሽትያ ካላ ያርሹዋ

19 መድና ጎዳይ ቃይካ ሙሴው ሀዋዳን ያጌደ ኦዴዳ፤

20 “አርንን እ አቲማ ናናቲዋ፡ ቁሳተላ ካፖተላው ኦከትያ ጋላሰ ላኡ ኪሎ ግራመ ግድያ ሎኦ ጳልያ ካላ ያርሹዋ ኦሊደ መድና ጎዳው አህኖ። ሄዋ፡ ባጋ ዎንታ፡ ባጋ ኦማርሰ ያርሽኖ።

21 ሄ ጳሊ ዛይትያን ሙናቀት ሎኦ ዋላከቲደ ባሽያን ኡከቶ፤ ቡንቻደ፡ ሳወዋ ቶሹኩ ግያ ካላ ያርሹዋ ኦላደ መድና ጎዳው ሺሻ።

22 ቃይ እርና አቲማ ናናቲዋ፡ እ ቁሰተላ ካፖተላ ኦሶ ኦከትያ ኡባይካ ሄ ዎጋ ኦላኖ። ሄዋ መድና ጎዳው ኡባ ገደ ያርሽያ ያርሹዋ ግዲደ ኡባና ጸገቶ።

23 ቄሲ ሺሻያ ካላ ያርሹዋ፡ ጉየ አተናን ወር ጸገቶ፤ አፕ እያይን ሜተቶ፡” ያጌዳ።

ናጋራ ያርሹዋ ዎጋ

24 መድና ጎዳይ ሙሴው ሀዋዳን ያጌደ ኦዴዳ፤

25 “አርናሳን እ አቲማ ናናቶ፡ ሀዋዳን ያጋ፤ ናጋራ ያርሹዋ ዎጋይ ሀዋ፡ መድና ጎዳው ጸግያ ያርሾ ሺሻያ መሄ ሹከትያ ሳኣን ናጋራ ያርሾ ሺሻያ መሄካ ሄዋን ጸሳ ሰንላን ሹከቶ፤ እካ ጌሻ ያርሹዋ ኡባ፡ እቲዋ ግዴዳ ጌሻ ያርሹዋ።

26 ሄ ያርሹዋ ያርሽያ ቄሲ ዲንካንያ ዳባባ ግድን ደእያ ጌሻ ሳኣን ሚኖ።

27 ሄ እሹዋ ቦቶያ እያይን ጌሻ ግዳናዎ፤ ቃይ ሹክሺን አይ ማዩዋ ቦላን ሱላይ ጳጤቶ፡ ሄ ማዩ ጌሻ ሳኣን ሚጤቶ።

28 እሹ ደይሰቲዳ ኡርቃ ሚሻይ መኦ፤ ማዳብያ ብራታ ድሰትያን ደይሴዳዎ ግደ፡ ሄ ድሰትያ ቃጪደ ሃላን ሹክ ድጋናው ኮሼ።

29 ቁሳቲዋ ዛርያ፡ አቲማ አሳ ግዴዳ ኦንን ሄ እሹዋ ዎ፤ ሄ እሹ ጌሻ ኡባ፡ እቲዋ ግዴዳ ሎይላ ጌሻ።

30 ግደ ሸን ጌሻ ሳኣን ናጋራ አቶ ጌሳናው እ ሱላ እኪደ፡ ዲንካንያ ግደ ገልሴዳ አይ መሀያ እሹዋን ማናው ኮሸና፤ እ ታማን ጸገታናው ኮሼ።

7

ናቁዋ ያርሹዋ

1 “ ናቁዋ ያርሹዋ ዎጋይ ሀዋ፡ እካ ጌሻ ኡባ፡ እቲዋ ግዴዳ ጌሻ ያርሹዋ።

2 ጸግያ ያርሾ ሺሻያ መሀያ ሹክያ ሳኣን ናቁዋ ያርሹዋ መሀያካ ሹክኖ፤ እ ሱላካ ያርሽያ ሳኣ ሞዮቲዋን ጳጭኖ።

3 ቃይ እ ሀንዳ ኡባ፡ ሄዋካ ናሰያ ሀንዳ፡ ቃንላ እሹዋ ማዬዳ ሀንዳ።

4 ላኡ ክላሆቲዋ፡ ሸንጭያ ማታን ደእያ ኡንቲንቲ ማዬዳ ሀንዳን ትርያ ጸራ ቦላ ደእያ ሞድያ ክላሆቲዋና እትፕ ያርሹዋ ኦሊደ ሺሹ።

5 ታማን ጸጊደ መድና ጎዳው ያርሽያ ያርሹዋዳን፡ ሄ ሺቁዳ ሀንዳ ቄሲ ያርሽያ ሳኣ ቦላን ጸጎ፤ ሄዋ ናቁዋ ያርሹዋ።

6 ቄሲያ ዛረ ግዴዳ አቲማ አሳይ ኡባይ ሄ ያርሹዋ እሹዋ ዎ። ሄ ያርሹ ጌሻ ያርሹዋ ኡባ፡ እቲዋ ግድያ ድራው፡ ጌሻ ሳኣን ሚኖ።

7 “ ናቁዋ ያርሹ ናጋራ ያርሹዋካ ማላ፤ ኡንቲንቲ ላኡዋ ዎጋይ እቲዋ። ሄዋን ያርሹቲዳ መሀያ እሹ ናጋራ አቶ ጌሳናው ያርሹዋ ያርሹዳ ቄሲያው እመቲ።

8 ኦንን ጸግያ ያርሹዋ አሆፕ ያርሽያ ቄሲ ሄ መሀያ ጋልባ ባረው አኮ።

9 ጮጭያን ኮምፕቲዳ ካላ ያርሹዋ ኡባይን ኦቲዋን ደይሰቲዳ ዎይ ባሽያን ኡከቲዳ ኡባይካ ሄ ያርሹዋ ያርሹዳ ቄሲያው እመቲ።

10 ቃይ ዛይትያን ሙናቀቲዳ ዎይ ሙናቀትቤና ካላ ያርሹዋ ኡባይ እርና አቲማ ናናቶ ኡባው እመቲ፤ ኡንቲንቲ ሄዋ ቃራን ግሽ አክኖ።

እትፕተላ ያርሹዋ

11 “ ኦሳይ እትፕተላ ያርሹዋ መድና ጎዳው ያርሽያ ዎደ አው ደእያ ዎጋይ ሀዋ።

12 እ ሺሻያ እትፕተላ ያርሹ ጋላታ ያርሹዋ ግደ፡ ሄ ያርሹዋና እትፕ ዛይትያን ሙናቁዳ፡ እርሹዋ የገናን ኡኮዳ ኡክላ፡ ዛይትያን ኦከቲዳ፡ እርሹ ገልቤና ሌኦ ዳቡዋን ዛይትያን ሎይላ ሙናቁዳ፡ ሊቆ ጳልያ፡ ኡከቲዳ ኮምፑዋ ሺሹ።

13 ሄ ጋላታው ሺሻያ እትፕተላ ያርሹዋና እትፕ እርሹዋ የጌዳ ሙናቃ፡ ኡከቲዳ ኡክላካ እሞታ ኦሊደ ሺሹ።

14 ቃይ ሄ ኡባ ቆሞ ኡክላቲዋ፡ እ እቲዋ እቲዋ ደንሲደ፡ መድና ጎዳው ያርሹዋ ኦሊደ አሆ። ሄዋ እትፕተላ ያርሹዋ ሱላ ጫጫፌዳ ቄሲያው እመቶ።

15 ሄ መሀያ እሹ ጋላታው ሺቅያ እትፕተላው ያርሹቲዳ ጋላሰ ሜተቶ፤ ዎንታው እያይን አቶ።

16 “ ሸን እ ያርሹ ሺቁዳዎ ጋሳያ ዎይ ባረ ደሱዋን ጮ እሞያ ያርሹዋ ግደ፡ ሄ ያርሹዋ እሹ ሄ ያርሹዳ ጋላሰ ሜተቶ፤ አፕ እትያዎ ቃይ ዎንተላ ጋላሰካ ሜተቶ።

17 ሄ ያርሹዋ አሹዋጥ ፓላሂደ ሄዘንሉ ጋላሳ ጋካናው ጋምእያዌ ደአጥ፡ ሄዌ ታማን ጸገቶ።

18 እት አሳይ ሺሼዳ እትተላ ያርሹዋ አሹዋጥ ሀቃዌን ሄዘንሉ ጋላሰ ማተቶጥ፡ እ ያርሹ እከተና፤ እ ያርሹዳዋዳንካ ፓይደተና። ሄ ያርሹ ቱና፤ አጥ ማዳ ኦንነ ባረ ናጋራን ኦሸቱ።

19 “ ቱናባ አያነ ቦቹዳ አሹ ማተቶጥ፤ እ ታማን ጸገታናው ኮሼ። አሹ ጌሻ አሹዋ ግደጥ፡ ዎጋን ጌሻ ግድያ አሳይ ኦንነ ማና ጎጥ ሞ።

20 ሸን እት አሳይ ቱና ግድ ኡቲደ፡ መድና ጎዳው ሺሼዳ እትተላ ያርሹዋ አሹዋጥ ሞያዎ ግደጥ፡ ሄ አሳይ ባረ አሳ ግደጥ ቦሄቶ።

21 ቃይ እት አሳይ ቱናባ አያነ ቦቹጥ አሳ ቱናተላ ግድና ዎይ ቱና መሀያ ግድና፡ ዎይ ሀራ ሸነይያ ቱናባ ቦቹጥ ሰሚደ መድና ጎዳው ያርሹዳ እትተላ ያርሹዋ አሹዋጥ ሞጥ፡ ሄ ኡራይ ባረ አሳ ግደጥ ቦሄቶ፡ ዎጋ” ያጌዳ።

ሱላን ሞዱዋ ሙሳይ ድገቱዳ

22 መድና ጎዳይ ሙሴው ሀዋዳን ያጌደ ኦዴዳ፤

23 “እስራኤልያ አሳው ሀዋዳን ያጋ፤ ጥሩማ ዎይ ደርሳ ዎይ ዴሻ አሹዋን ሞድያ ዛዋ ሙሉካ ሞጥተ።

24 ሀይቄዳ መሀያ ዎይ ደአይ ዎዴዳ መሀያ ሞድያካ ሀራባው ጎኤትተጥ እትና፡ አጥ አያነ ሞጥተ።

25 አያው ጎጥ፡ መድና ጎዳው ታማን ጸገያ ያርሹ ሺሸያ መሀያ ሞድያ ሞያ ኦንነ ባረ አሳ ግደጥ ቦሄቶ።

26 ሀንተ ደአያ ሳኦን ሀቃን ግደጥካ፡ ካፋዎ ሱላ፡ መሀያ ሱላ ዎይ ሀራባ አያ ሱላን ሞጥተ።

27 ሱላ ሞያ አይ አሳይነ፡ ሄ አሳይ ባረ አሳ ግደጥ ቦሄቶ፡ ዎጋ” ያጌዳ።

ቄሰያ ጋክያ ግሹዋ

28 መድና ጎዳይ ሙሴው ሀዋዳን ያጌደ ኦዴዳ፤

29 “እስራኤልያ አሳው ሀዋዳን ያጋ፤ ሙድና ጎዳው እትተላ ያርሹዋ ሺሸያ አይ አሳይነ ሄ እትተላ ያርሹዋጥ ሻኪደ፡ ባረ ሁጳ እሞታ ዲማዪደ መድና ጎዳው ሺሹ።

30 ሄዎ እ መድና ጎዳው ታማን ጸገያ ያርሹዋ ኦሴደ፡ ባረ ኩሽያን አኪደ አሆ፤ ቃይ ሞዱዋካ አንጎሱዋና አሆ፤ አንጎሱዋ ወጻክያ ያርሹዋ ኦሴደ፡ መድና ጎዳ ሰንላን ቃሉ።

31 ቄሲ ያርሸያ ሳኦ ቦላን ሞዱዋ ጸጎ፤ ሸን አንጎሱ እርናሳነ እ አቱማ ናናቶ እመቶ።

32 ሀንተ እትተላ ያርሹዋጥ ኡሸቻ ገድያ እሞታ ኦሴደ ቄሰያው እሞተ።

33 ሄዎ ኡሸቻ ገዲ አርና አቱማ ናናቱዋጥ እትተላ ያርሹዋ ሱላን ሞዱድያ ያርሸያዎ አ ጋክያ እ ግሹዋ።

34 ታን እስራኤልያ አሳ እትተላ ያርሹዋጥ ቃሌዳ አንጎሱዋን ያርሹ ሺሼዳ ገድያ አካደ፡ ቄሰያ እርናሳነ እ አቱማ ናናቶ እማድ፤ ሄዎ ኡንቱንታ ጋክያ ኡንቱንቱ ግሹዋ ግድያ ድራው፡

እስራኤልያ አሳይ መድናው ሄዎ ኡንቱንቶ እሚደ ደአና፡ ያጋደ ኦዳ” ያጌዳ።

35 አርናነ እ አቱማ ናናይ ቄሰያ ግዲደ፡ መድና ጎዳው ኦላናው ሱን፣ ቱዳ ጋላሰ መድና ጎዳው ሺሼዳ ታማን ጸገያ ያርሹዋጥ ሄዎ ኡንቱንቶ ግሹዋ ግዲደ እመቱዳ።

36 መድና ጎዳይ ኡንቱንቱ ቄሰተላው አከቱዳ ጋላሰ፡ ሄዎ ኡንቱንቶ እማና ማላ፡ እስራኤልያ አሳ ኡባ አዛዜዳ፤ ሰንላ የለታን ኡባንካ ሀዌ ዎጋ ግዲደ ኦሰቱ።

37 ሰሞ ሀዋንቱ፡ ጸገያ ያርሹ፡ ካላ ያርሹ፡ ናጋራ ያርሹ፡ ናቄዎ ያርሹ፡ ቄሳተላው አከትያ ዎደ ያርሸያ ያርሹን እትተላ ያርሹ እመቱዳ ዎጋቱዋ።

38 ሀ ዎጋቱ እስራኤልያ አሳይ ሲና መላ ሳኦን ባረንቱ ያርሹዋ መድና ጎዳው ያርሸያ ማላ መድና ጎዳይ አዛዜዳ ጋላሰ፡ ሲና ደርያ ቦላን መድና ጎዳይ ሙሳ አዛዜዳ ዎጋቱዋ።

8

አርናነ እ ናናቱ ቄሰያ ግድያ ዎጋነ ኡንቱንቱ ኦሱዋ (8:1—10:20፤ ከሳ 29:1-37)

1 መድና ጎዳይ ሙሴው ሀዋዳን ያጌደ ኦዴዳ፤

2 “አርናነ እ አቱማ ናናቱዋ ቃይ ኡንቱንቱና እትጥ፡ ቄሳተላ ማዩዋ፡ ኦክያ ዛይትያ፡ ናጋራ ያርሹ ሹክያ ኮሩማ፡ ላኡ ደርሳ ኦርገቱዋነ፡ እርሹዋ የገናን ኡኬዳ ኡክላ ዎሌዳ ማሰፍያ አካደ ያ።

3 ቃይ እስራኤልያ አሳ ኡባካ ጴሳደ፡ ዲንካንያ ካረ ሺሻ” ያጌዳ።

4 ሙሴ መድና ጎዳይ አዛዜዳዋዳን ኦሌዳ፤ አሳይካ ኡባይ ዲንካንያ ካረን ሸቄዳ።

5 ሙሴ አሳው፡ “ኦላና ማላ መድና ጎዳይ አዛዜዳዌ ሀዋ” ያጌዳ።

6 ሙሴ አርናነ እ አቱማ ናናቱዋ አሂደ፡ ሃላን ማጩዳ።

7 አርና ቃሞሽያ ማይዜዳ፤ ዳንጩዋካ ዳንጩሴዳ። ቃይ አዲሳ ቃሞሽያ ማይዜዳ፡ አ ቦላን ኡፋድያ ማይዜዳ። ኡፋድያ ሂላቲደ ዳዴዳ ሳቂያን አርናና ጋሊደ ቃቹዳ።

8 ቃይ ትራን ዎሳያዎ አርና ቦላን አሊደ፡ አ ግድን ኡሪሞያን ቱሚሞያ ዎሌዳ። 9 ቃይካ አርና ሁጲያን ሻሸያ ኡንጩርሳ ዎሌዳ። መድና ጎዳይ ሙሳ አዛዜዳዋዳን ሄ ኡንጩርሳ ቦላን ሰንላ ባጋና ዎርቃ ማዳልያ፡ ዎርቃጥ መዴዳ ካላቻ ሞሰልያ ዎሌዳ።

10 ያቶዋጥ ጉይያን ሙሴ ኦክያ ዛይትያ አኪደ፡ ዲንካንያን ዲንካንያ ግድን ደአያ ሚሻ ኡባ ኦኬዳ፤ ኡንቱንታ ጌሼዳ።

11 ቃይ ሄ ዛይትያጥ አኪደ፡ ያርሸያ ሳኦ ቦላ ላፑ ገደ ጫጫፌዳ፤ ያርሸያ ሳኦ፡ አ ሚሻቱዋ፡ ሚቻ ከርያነ አ ዎሳያዎ፡ ጌሻናው ሄ ዛይትያን ኦኬዳ።

12 ቃይ ሄ ኦክያ ዛይትያጥ እማራ አርና ሁጲያን ትጊደ፡ አ ጌሼዳ።

13 መድና ጎዳይ ሙሳ አዛዜዳዋዳን፡ ሙሴ አርና አቱማ ናናቱዋ ሰንላው አሊደ፡ ቃሞሽያ

7:26 ደመላ 9:4፤ ዎጋ 17:10-14፤ 19:26፤ ዛረ. 12:16፤ 23፤ 15:23

ማይዘዳ፤ ዳንጩዋን ዳንጭሴዳ። ኡንቱንቱ ሻሽያ ኡንጩርሳ ዋሌዳ።

14 ሄዋጥ ጉይያን፣ ናጋራ ያርሾ ኮሩማ ሙሴ አሌዳ፤ አሮን ከ አቱማ ናናይ ሄ ኮሩማ ሁጺያን ባረንቱ ኩሽያ ዋሌዳ።

15 ሙሴ ሄ ኮሩማ ሹኬዳ፤ አ ሱጻጥ ባረ ብራድያን አኪዳ፣ ያርሽያ ሳኦ ካጩቱዋ አኪዳ፣ ያርሽያ ሳኦ ጌሼዳ፤ ቃይ ያርሽያ ሳኦ ናጋራ አቶ ጊሳናዉ አቱዳ ሱጻ አጥ ጋርሳና ጉሲዳ፣ ጸሳዉ ጌሼዳ።

16 ቃንጻ አሹዋ ካሚዳ ሀንዳ ኡባ፣ ትርያ ጸራ ቦላ ደእያ ሞድያ፣ ላኡ ክላሆቱዋን ኡንቱንታ ካሚዳ ሀንዳ አኪዳ፣ ሙሴ ያርሽያ ሳኦ ቦላን ዋሌዳ ጸጌዳ።

17 ሽን ሙድና ጎዳይ ሙሳ አዛዜዳዋዳን፣ ጋልባ፣ ኮሩማጥ አቱዳዋን ቶጭያ ዲንካኔዳ ሳኦጥ ጋጸ ከሲዳ፣ ታማን ጸጌዳ።

18 ያት ሰሚዳ ሙሴ ጸግያ ያርሾ ሀንያ ደርሳ ኦርግያ አሄዳ፤ አሮን ከ አቱማ ናናይ ሄ ደርሳ ኦርግያ ሁጺያን ባረንቱ ኩሽያ ዋሌዳ።

19 ሙሴ ሄ ደርሳ ኦርግያ ሹኬዳ፤ አ ሱጻ ያርሽያ ሳኦ ሞይያ ኡባን ጉሴዳ።

20 ቃይ ደርሳ ኦርግያ አሹዋካ አ ቆሙዋን ቆሙዋን ቃንጾዳ፤ ቃንጸጻ፣ ሁጺያን ሞድያ ያርሽያ ሳኦ ቦላ ዋሌዳ ሙሴ ጸጌዳ።

21 ቃንጻ አሹዋን ገደቱዋ ሃላን ሜጫዋጥ ጉይያን፣ ደርሳ ኡባና ሙድና ጎዳዉ ታማን ጸግያ፣ ሳዉዋ ቶሹኩ ግያ ያርሹዋ አሊዳ፣ ሙድና ጎዳይ ሙሳ አዛዜዳዋዳን ያርሽያ ሳኦ ቦላን ዋሌዳ ጸጌዳ።

22 ሄዋጥ ጉይያን፣ ቁሰተጻዉ ኦከትያ ዋደ ሺሽያ ላኤንጻ ደርሳ ሙሴ አሄዳ፤ አሮን ከ አቱማ ናናይ ሄ ደርሳ ሁጺያን ባረንቱ ኩሽያ ዋሌዳ።

23 ሙሴ ሄ ደርሳ ሹኬዳ፤ አ ሱጻጥ አኪዳ፣ አሮናዉ ኡሸቻ ሀይላ ጸራ፣ ኡሸቻ ኩሽያ ዎጋ ብራድያን፣ ኡሸቻ ገድያ ዎጋ ብራድያ አኬዳ።

24 ቃይ ሙሴ አሮና አቱማ ናናቱዋን ሰንጻዉ አሄደ፣ ሄ ሱጻጥ አኪዳ፣ ኡንቱንቱ ኡሸቻ ሀይላ ጸራ፣ ኡንቱንቱ ኡሸቻ ኩሽያ ዎጋ ብራድያን ኡንቱንቱ ኡሸቻ ገድያ ዎጋ ብራድያ አኬዳ። ሄዋጥ ጉይያን፣ ሙሴ አቱዳ ሱጻ ያርሽያ ሳኦ ሞይያ ኡባን ጉሴዳ።

25 ያቲደ ሞዱዋ፣ ናሰያ፣ ቃንጻ አሹዋ ማዬዳ ሞድያ፣ ትርያ ጸራ ቦላ ደእያ ሞድያ፣ ላኡ ክላሆቱዋን ኡንቱንታ ማዬዳ ሀንዳን ኡሸቻ ገድያ አኬዳ።

26 ቃይ አርሹዋ የገናን ኡኬዳ ኡክላ ዋላያ ሙድና ጎዳ ሰንጻን ደእያ ማሰፍያጥ እት ኮሞቸዋ፣ ዛይትያና ኡኬዳ እት ኡክላን እት ሌኦ ኡክላ አኪዳ፣ ሀዋንታ ሞድያ ቦላን ኡሸቻ ገድያ ቦላን ዋሌዳ።

27 እ ሀ ቁማ ኡባ አሮና ኩሽያንን ከ አቱማ ናናቱዋ ኩሽያን ዋሌዳ፤ ኡንቱንቱ ሙድና ጎዳ ሰንጻን ቃላያ ያርሹዋ አሊዳ ቃሌዳ።

28 ሄዋጥ ጉይያን፣ ሙሴ ሄ ቁማ ኡንቱንቱ ኩሽያጥ አክ፣ ጸግያ ያርሹዋና ጋሊዳ፣ ቁሰተጻዉ

ኦከትያ ዋደ ሙድና ጎዳዉ ታማን ጸግያ ጸጊደ ሺሽያ፣ ሳዉዋ ቶሹኩ ግያ ያርሹዋዳን፣ ያርሽያ ሳኦ ቦላን ዋሌዳ ጸጌዳ።

29 ቃይ ሙሴ አንጎሱዋ አኪዳ፣ ቃላያ ያርሹዋ አሊዳ ሙድና ጎዳ ሰንጻን ቃሌዳ፤ ሙድና ጎዳይ ሙሳ አዛዜዳዋዳን፣ ቁሳተጻዉ ኦከትያ ዋደ ያርሽያ ደርሳ ኦርግያ አሹዋጥ ሄዌ ሙሳ ጋክያ አ ግሹዋ።

30 ሙሴ ኦክያ ዛይትያጥን ያርሽያ ሳኦ ቦላን ደእያ ሱጻጥ አኪዳ፣ አሮና ቦላን ከ ማዬዋ ቦላ፣ ቃይ ከ አቱማ ናናቱዋ ቦላን፣ ኡንቱንቱ ማዬዋ ቦላን ጫጫፌዳ፤ ያቲደ አሮና ከ ማዬዋ ቃይ ከ ናናቱዋን ከ ናናቱዋ ማዬዋን ጌሼዳ።

31 ሙሴ አሮና ከ አቱማ ናናቱዋ ሀዋዳን ያጌዳ፤ “አሹዋ ጋከትያ ዲንካንያ ካረን ደይሰተ፤ ‘አሮን ከ ናናይ ሄዋ ሚኖ’ ያጋደ ታን አዛዜዳዋዳን፣ ቁሳተጻዉ ኦከትያ ዋደ ሺሽያ ያርሹዋ ዋላያ ማሰፍያ ግድን ደእያ ያርሹዋ ኡክላና ሄዋን ሚተ።

32 ሄ አሹዋጥን ኡክላጥ ጋላሄዳዌ ደኦጥ ታማን ጸግተ።

33 ቁሳተጻዉ ኦክያ ዎጋይ ላቸን ጋላሳ አክያ ድራዉ፣ ሄ ሀንተ ቁሳተጻዉ ኦከትያ ላቸን ጋላሳይ ዉራናዉ፣ ዲንካንያ ጥንገጥ ካረ ከሶጥተ።

34 ሀ ሀቶ ኦሰቲዳዌ ሙድና ጎዳይ አዛዝና፣ ሀንተ ናጋራ አቶ ጊሳናዉ አሰቲዳ።

35 ዲንካንያ ጥንግያን ላቸን ጋላሳ ኩሙንጻ ጋላሰን ቃማን ታክተ፤ ሙድና ጎዳ ዎጋካ ናግተ፤ እጾጥ ሀንተ ሀይቃና። ታና ሙድና ጎዳይ አዛዜዳዌ ሀዋ” ያጌዳ።

36 አሮን ከ ናናይ ሙድና ጎዳይ ሙሴ ባጋና አዛዜዳዋ ኡባ አሌዳ።

9

አሮን ጸሳዉ ሺሽያ ያርሹዋ

1 ሆሰቸንጻ ጋላሳን ሙሴ አሮና ከ ናናቱዋ፣ ቃይ እሰራኤልያ ጭማቱዋን ጸሴዳ።

2 አሮና ሀዋዳን ያጌዳ፤ “ናጋራ ያርሾ እት ኮሩማ፣ ቃይ ጸግያ ያርሾ እት ደርሳ ኦርግያ ሙድና ጎዳ ሰንጻ ሺሻ። ሙሄቱ ላኡካ ትላ ቦላና ደእያዋንታ ግድና።

3 ቃይ እሰራኤልያ አሳ ሀዋዳን ያጋ፤ ‘ሙድና ጎዳይ ሀንተንቶ ቆንጭያ ድራዉ፣ ሙድና ጎዳ ሰንጻን ያርሻናዉ፣ ናጋራ ያርሾ እት ዳሻ ኦርግያ፣ ጸግያ ያርሾ ትላ ቦላና ደእያ እት ላይላ ማራን እት ላይላ ደርሳ አሆ።

4 እትጥተጻ ያርሾ እት ኮሩማ፣ እት ደርሳ ኦርግያን ዛይትያን ሙናቀቲዳ ካላ ያርሹዋ አሀተ ያጋ” ያጌዳ።

5 ኡንቱንቱ ሙሴ አዛዜዳዋ ኡባ ጸሳ ዲንካንያ ሰንጻ አሄድና፤ ያቲደ ማባሪ ኡባይ ሺቂደ፣ ሙድና ጎዳ ሰንጻን ኤቁድና።

6 ሙሴ ኡንቱንታ፣ “ሙድና ጎዳ ቦንቹ ሀንተንቶ ቆንጫና ማላ፣ ሀንተ ኦላናዳን ሙድና ጎዳይ ሀንተና አዛዜዳዌ ሀዋ” ያጌዳ።

7 ቃይ ሙሴ አሮናዉ ሀዋዳን ያጌዳ፤ “ያርሽያ ሳኦ ሄ ሺቃ፤ ከ ናጋራ ያርሹዋን ከ ጸግያ ያርሹዋ ያርሻ፤ ያታደ ከ ሁጺ ናጋራን ከ አሳ ናጋራካ አቶ

ገሳ። ቃይ መድና ጎዳይ አዛዜዳዋዳን፣ አሳይ ሺሽያ ያርሹዋ ያርሻደ፣ ኡንቱንቱ ናጋራካ አቶ ገሳ” ያጌዳ።

8 አሮን ያርሽያ ሳኮ ዪደ፣ ባረ ሁጳ ናጋራው ያርሹዋ ኦሳ ሺሽዳ ኮሩማ ሹኬዳ።

9 አሮና አቱማ ናናይ ሱላጥ አኪደ አዉ አሄድኖ፤ እ ባረ ኩሽያ ብራድያ ሄ ሱላን የድ ከሲደ፣ ያርሽያ ሳኦ ካጨቱዋ ቦቹዳ፤ አቱዳ ሱላካ ያርሽያ ሳኦጥ ጋርሳ ባጋና ጉሴዳ።

10 መድና ጎዳይ ሙሳ አዛዜዳዋዳን፣ ቃይ ሄ ናጋራ ያርሹዋ አሹዋጥ ሞቋዋ፣ ክላሆቱዋን ትርያ ጸራ ቦላ ደእያ ሞቋያ ያርሽያ ሳኦ ቦላን ዋሊደ ጸጌዳ።

11 ሸን አቱዳ አሹዋን ጋልባ ዲንካኔዳ ሳኦጥ ካረ ከሲደ ጸጌዳ።

12 ሄዋጥ ጉይያን፣ አሮን ጸግያ ያርሹዋ ሹኬዳ፤ አ ናናይ ሱላ አኪደ አዉ አሄድኖ፤ እ ያርሽያ ሳኦ ሞይያ ኡባን ጉሴዳ።

13 ቃይ ኡንቱንቱ ጸግያ ያርሹዋ ቆሙዋን ቆሙዋን ከሲደ፣ ሁጳያናካ አዉ አሄድኖ፤ እ ያርሽያ ሳኦ ቦላን ዋሊደ ጸጌዳ።

14 ቃንሳ አሹዋን ገደቱዋካ ሃላን ሜጪደ፣ ያርሽያ ሳኦ ቦላን ደእያ ጸግያ ያርሹዋ ቦላን ዋሊደ ጸጌዳ።

15 ሄዋጥ ጉይያን፣ አሮን አሳ ያርሹዋ ሺሽዳ፤ እ አሳ ናጋራ ያርሹ ግድያ ዴሻ ኦርግያ አኪደ ሹኬዳ፤ ካሰ ባረዋዳንካ ኡንቱንቱ ናጋራው ያርሹዳ።

16 ቃይ እ ጸግያ ያርሹዋ መሀያ አሂደ፣ ዋጋይ አዛዜዳዋዳን ኦሳደ ያርሹዳ።

17 ካሳ ያርሹዋካ ሺሽዳ፤ አጥ እት ኮጵያ ግድያዋ አኪደ፣ ዋንታ ዋንታ ጸግያ ያርሹዋጥ ሀራ እ ቦላን ዋሊደ ጸጌዳ።

18 አሮን ቃይካ አሳ እትጥተላ ያርሹ ኮሩማን ደርሳ ኦርግያ ሹኬዳ፤ እ አቱማ ናናይ ሱላ አዉ አሄድኖ፤ እ ሄ ሱላ አኪደ፣ ያርሽያ ሳኦ ሞይያ ኡባ ጉሴዳ።

19 ቃይ ኮሩማን ደርሳ ኦርግያ አሹዋጥ ሞቋዋ፣ ናሰያ፣ ቃንሳ አሹዋ ማዬዳ ሀንዳ፣ ክላሆቱዋን ትርያ ጸራ ቦላ ደእያ ሞቋያ አሮና ናናይ አዉ አሄድኖ።

20 ኡንቱንቱ ሄ ሀንዳ አንሳሱዋ ቦላ ዋሉና፣ አሮን ያርሽያ ሳኦ ቦላን ሄዋ ጸጌዳ።

21 ሸን ሙሴ አዛዜዳዋዳን፣ አሮን አንሳሱቱዋን ኡሸቻ ገድያ ቃሉያ ያርሹዋ ኦሳደ፣ መድና ጎዳ ሰንላን ቃሊዳ።

22 ሄዋጥ ጉይያን፣ አሮን ባረ ኩሽያ አሳኮ ዛር ደንሊደ ኡንቱንታ አንጃዳ። እ ናጋራ ያርሹዋ፣ ጸግያ ያርሹዋን እትጥተላ ያርሹዋ ያርሹዋጥ ጉይያን፣ ያርሽያ ሳኦጥ ዲገ ዋጂዳ።

23 ሙሴን አሮን መድና ጎዳ ዲንካንያ ግደ ገሌድኖ፤ ኡንቱንቱ ሄዋጥ ከሴዳ ዋደ፣ አሳ አንጃድኖ። ያትና መድና ጎዳ ቦንቹ አሳ ኡባዉ ቤቱዳ።

24 መድና ጎዳ ሰንላጥ ታማይ ዋጂደ፣ ያርሽያ ሳኦ ቦላን ደእያ ጸግያ ያርሹዋን ሞቋያ ሜዳ። አሳይ ኡባይ ሄዋ በኤዳ ዋደ አልሌዳ፤

ቃይ ኡንቱንቱ ባረንቱ ሰሞኡዋን ሳኦ ቦቹደ ጉፋኔድኖ።

10

ናዳብን አብሁ አሌዳ ናጋራ

1 አሮና አቱማ ናናይ፣ ናዳብን አብሁ፣ ባረንቱ እጻና ጩውሰያ ሚሻ አኪደ፣ እ ቦላን ታማ ዋሌድኖ፤ ታማ ቦላ ቃይ እጻና ቆሌድኖ፤ ያቲደ፣ መድና ጎዳይ ኡንቱንታ አዛዜዳዳን፣ ሀራ ታማ መድና ጎዳ ሰንላን ሺሽድኖ።

2 ሄዋ ጋሱዋን መድና ጎዳ ሰንላጥ ታማይ ዪደ፣ ኡንቱንታ ሜዳ፤ ኡንቱንቱካ መድና ጎዳ ሰንላን ሀይቄድኖ።

3 ሄዋጥ ጉይያን፣ ሙሴ አሮና፣ “መድና ጎዳይ፣

“ ታን ታ ማታ ሸቅያዋንታ ታ ጌሻተላ በሳና።

ቃይ አሳ ኡባ ሰንላን

ታን ቦንቹታና ”

ገደ ሃሳዬዳዌ በአ ሀዋ ያጌዳ። አሮን ጩኤ ጌዳ።

4 ሙሴ አሮና አዉዋ እሻ ኡዝኤላ አቱማ ናናቱዋ፣ ሞሻኤላን ኤልጻፋና ጸጌደ፣ “ሃ ዪተ፤ ሀንተ አዉዋ እሻ ናናቱዋ አሃ ጸሳ ዲንካንያ ሰንላጥ ደንሊደ፣ ዲንካኔዳ ሳኦጥ ጋጸ ከሰተ” ያጌዳ።

5 ሄዋ ድራው ኡንቱንቱ ዪደ፣ ሙሴ አዛዜዳዋዳን፣ ባረንቱ ቁሰተላ ማዩዋና ኡንቱንቱ አሃ ቶኪደ፣ ዲንካኔዳ ሳኦጥ ጋጸ ከሴድኖ።

6 ሄዋጥ ጉይያን፣ ሙሴ አሮና አ አቱማ ናናቱዋ፣ ኤልአዛራን እታማራ ሀዋዳን ያጌዳ፤ “ሀንተ ሀይቄና ማላ፣ መድና ጎዳይ ማባራ ኡባ ቦላን ሀንቀተና ማላ፣ ሀንተ ሁጳያ ሜድሶጥተ፤ ሀንተ ማዩዋካ ፔጵጥተ። ሸን ሀንተ እሻቱ፣ እሰራኤልያ አሳቱ፣ መድና ጎዳይ ባረ ኡሌዳ ታማን ጸጌዳዋንቶ ዩካና ጎጥ ኡንቱንቱ ዩክኖ።

7 ቃይካ ሀንተ ዲንካንያ ፐንግያጥ ካረ ከሶጥ ሀንተ ሀይቄና፤ አያዉ ጎጥ ጸሳይ ኦክያ ዛይቲ ሀንተ ቦላን ደኤ” ያጌዳ። ኡንቱንቱካ ሙሴ ጌዳዋዳን አሌድኖ።

ቄሳቱዋ ዋጋ

8 መድና ጎዳይ አሮና ሀዋዳን ያጌዳ፤

9 “ሀንተ ሀይቄና ማላ፣ ዲንካንያ ግደ ገልያ ዋደ፣ ኔንካ ነ ናናይካ ዋይንያ ኤሳ ዋይ ሀራ ማላይያ ኡሻ ኡሸጥተ፤ ሄዌ ሰንላጥ ያና የለታውካ መድናው ህገ ግዲደ ደእና።

10 ሀንተ ጌሻን ጌሻ ግደናባ ቃይ ቱናን ቱና ግደናባ ሻኪደ ኤርተ።

11 መድና ጎዳይ ሙሴ ባጋና ኦዴዳ ዋጋ ኡባካ እሰራኤልያ አሳ ታማርሰተ” ያጌዳ።

12 ሙሴ አሮና አቱዳ አ አቱማ ናናቱዋ ኤልአዛራን እታማራ ሀዋዳን ያጌዳ፤ “መድና ጎዳው ታማን ጸግያ ያርሹዋጥ አቱዳ ካሳ ያርሹዋ አኪደ፤ እርሹዋ የገናን ኡክተ፤ ያቲደ እ ሎይሳ ጌሻ ግድያ ድራው፣ ያርሽያ ሳኦ ማታን አ ሚተ።

13 መድና ጎዳዉ ታማን ጸግያ ያርሹዋጥ ሄዋ ኔና ነ ኦቱማ ናናቱዋ ጋክያ ህንተ ግሹዋ ግድያ ድራዉ። ሄዋ ህንተ ጌሻ ሳኣን ሚተ፤ እያዉ ጎጥ። ጸሳይ ታና ሄዋዳን ኦላና ማላ ኦዛዜዳ።

14 ሸን ቃሌዳ ኦንጎሱዋን ሸቄዳ ገድያ ኔን። ነ ኦቱማ ናናይን ነ ማጫ ናናይ ዎጋዳን ጌሻ ሳኣን ሚተ። እያዉ ጎጥ። ሄዋ እሰራኤልያ ኦሳይ ሸሸያ እትጥተላ ያርሹዋጥ ኔና ነ ኦቱማ ናናቱዋ ጋክያ ህንተ ግሹዋ።

15 መድና ጎዳዉ ያርሹዳ ገድያን ቃሌዳ ኦንጎሱዋ ኦሳይ ታማን ጸግያ ሞድያና እትጥ ጋሲደ። መድና ጎዳ ሰንላን ቃላያ ያርሹዋዳን ቃላናዉ እሀና። መድና ጎዳይ ኦዛዜዳዎዳን፤ ሄዋ ነዉን ኔናና ደእያ ነ ኦቱማ ናናቶ መድናዉ ህንተና ጋክያ ህንተ ግሹዋ ግዳናዋ” ያጌዳ።

16 ሙሴ ናጋራ ያርሹዋ ዴሻይ ዋኔደንቶን ኤራናዉ ኮዪደ ኦቶዳ፤ እ ጸገት ድጌዳዋ ኤሬዳ ዎደ፤ ኦቱዳ እርና ኦቱማ ናናቱዋ። ኤልኦዛራን እታማራ ህንቀቱዳ፤ ኤንቱንቱ።

17 “ናጋራ ያርሹ ሎይላ ጌሻ ግዴዳዎንቱ ግዳዋጥ እቱዋ ግዴዳ ጌሻ፤ ቃይ ሄዋካ ኦሳ ናጋራ መድና ጎዳ ሰንላን ኦቶ ገሳና ማላ ህንተንቶ እመቲዳ፤ ያትና ህንተ ኦ ሎይላ ጌሻ ሳኣን እያዉ ሞበይክቲ?”

18 ሄ መሀያ ሱላይ መድና ጎዳ ዴንካንያ ግደ ገልቤናዋ ግደደ። ታን ህንተና ኦዛዜዳዎዳን፤ ህንተ ኦ ሄ ጌሻ ሳኣን ማናዉ በሴ፤ ሸን ኦኔድታ” ያጌዳ።

19 ኦርን ሙሳ፡ “በእ፤ ኦሳቱ ሀቕ ሳሪንቱ ናጋራ ያርሹዋን ጸግያ ያርሹዋ መድና ጎዳ ሰንላ ኦሄድና፤ ግደጥን ቃይ ሀዋ ማላባይ ታ ቦላ ጋኬዳ። ያትና ዎን ታን ናጋራ ያርሹዋ ሀቕ ሚዳዋ ግድንቶን፤ መድና ጎዳይ ናሸታናዋ ሸን ኦቲዳሻ?” ያጌዳ።

20 ሙሴ ሄዋ ሰሴዳ ዎደ፤ ሄ ዛሩ ኦ ኦሌዳ።

ጌይያ ዎጋን ጌሻ ግድያዋን ግደናዋ ሻኩሳ

11

(11:1—15:33)

ማናዉ በሰያ መጠታቱዋ (ዛረ. 14:3-21)

1 መድና ጎዳይ ሙሳን ኦርና ሀዋዳን ያጌዳ፤

2 “እሰራኤልያ ኦሳዉ ሀዋዳን ያጌደ ኦድተ፤ ብታ ቦላን ደእያ መሀያ ኡባጥ ህንተ ማና መሄቲን ደኦቱ ሀዋንታ።

3 ጸጉንላይ ዉር ጳልቀቲዳዎንታን ዋሞትያ መሄቲዋ ኡባ ሚተ።

4 ሸን ዋሞ ጸላላ ዋሞትያዎንታ ዎይ ቃይ ጸጉንላ ጸላላይ ጳልቀቲዳዎንታ ሞጥተ። ጋሉ ዋሞቲ ሸን ጸጉንላይ ጳልቀትቤና ድራዉ ኦ ህንተንቶ ቱና።

5 ጉጋሊ ዋሞቲ ሸን ጸጉንላይ ጳልቀትቤና ድራዉ ኦ ህንተንቶ ቱና።

6 ሀርባይን ዋሞቲ ሸን ሞጥተ፤ እያዉ ጎጥ። ኦ ዋሞትያዋ ግደጥን፤ ኦዉ ጸጉንላይ ጳልቀላ ግደና ድራዉ። ኦ ህንተንቶ ቱና።

7 ጉዲንላካ ሞጥተ፤ እያዉ ጎጥ። ኦዉ ጸጉንላይ ጳልቀላ ግደጥን፤ ዋሞተና ድራዉ። ኦ ህንተንቶ ቱና።

8 ህንተ ሀዋንቱ ኦሹዋ ሞጥተ፤ ኤንቱንቱ ባኩታካ ቦቾጥተ፤ ኤንቱንቱ ህንተንቶ ቱና።

9 “ላላ ግደን ደእያ መጠታቱዋ ኡባጥ ህንተ ማናዎንቱ ሀዋንታ። ኦባ ግደን ግድና ዎይ ቃይ ጎግያ ሃላ ግደን ግድና ደእያ ኡባጥ ሞልያ ማላ ቀፊን ፖቁ ደእያ ኡባ ሚተ።

10 ሸን ኦባ ግደን ዎይ ሻፋን ሻሞእሻሞእያ መጠታቱዋጥን ሸሞፑ ደእያ፤ ቃጽያ መጠታቱዋጥ ሞልያ ማላ ቀፊን ፖቁ ባይና ኡባይ ህንተንቶ ቱና።

11 ሀዋንቱ ህንተንቶ ቱና፤ ኤንቱንቱ ኦሹዋ ሞጥተ፤ ኤንቱንቱ ባኩታካ ቦቾጥተ።

12 ቀፊን ፖቁ ባይና ሃላ ግደን ደእያ መጠታቱ ኡባይ ህንተንቶ ቱና።

13 “ላላቲቱዋጥ ቱና ግድያ ድራዉ ህንተ ማናዎንቱ ሀዋንታ። ኦርጋንላ፤ ባኩዋ ኦኩዋ፤ ካረላ ኦኩዋ።

14 ጸንግልያ፤ ቆል ዛርያ ኡባ፤

15 ቁሩዋ ዛርያ ኡባ፤

16 ሶጎንያ፤ ሀዛዝያ፤ ሃላ ካፋዋ፤ ጋጭያ ዛርያ ኡባ፤

17 ቄር ጉቱዋ፤ ብዩዋ፤ ዎጋ ጉቱዋ፤

18 ሃላ ኩቱዋ፤ ሞልያ ካፋዋ፤ ባኩታ ሞያ ኦኩዋ፤

19 ሸማላን ሳቢሳ ግያ ሃላ ካፎቱዋ ዛርያ ኡባ፤ ጅንጅላትያን ሻልያ።

20 “ቀፍያና ደእያ ኦይዱ ገድያን ሀመትያ ቄር መጠታቱ ኡባይ ህንተንቶ ቱና።

21 ግደጥን፤ ቀፊ ደእያ ኦይዱ ገድያን ሀመትያዎንቱጥ ኤንቱንቱ ገድያጥ ቦላና ጉጋናዉ ማድያ ገዲ ደእያዎንታ ሚተ።

22 ሄዋንቱካ፤ ቦልያ ዛርያ ኡባ፤ ኡኩቦ ዛርያ ኡባን ቡሞቡረላ ዛርያ ኡባ።

23 ሸን ሀራ ቀፍያና ደእያ ኦይዱ ገዲ ደእያ መጠታቱ ኡባይ ህንተንቶ ቱና።

24 “ሀዋንቱ ህንተና ቱንሳና፤ ኤንቱንቱ ባኩታ ቦቾያ ኡባይ ኦማርሰ ጋካናዉ ቱና ግዳናዋ።

25 ሀዋንቱ ባኩታ ደንልያ ኦንን ባረ ማዩዋ ሜጮ፤ ሸን ግደጥን ኦማርሰ ጋካናዉ ኦ ቱና።

26 ጸጉንላይ ደኢደ ጳልቀላ ግደናዎንታ ዎይ ቃይ፤ ዋሞተናዎንቱ ኡባይ ህንተንቶ ቱና፤ ኤንቱንቱ ኦሃ ቦቾያ ኦንካ ቃይ ቱና።

27 ኦይዱ ገደቱዋን ሀመትያ መሀያ ኡባጥ ኦዳንቱዋ ግንድያ ማላ ግንድያን ሀመትያዎንቱ ህንተንቶ ቱና፤ ቃይ ኤንቱንቱ ባኩታ ቦቾያ ኦንካ ኦማርሰ ጋካናዉ ቱና።

28 ሄዋንቱ ባኩታ ደንልያ ኦንን ባረ ማዩዋ ሜጮ፤ ሸን ግደጥን ኦማርሰ ጋካናዉ ኦ ቱና። ኤንቱንቱካ ህንተንቶ ቱና።

29 “ ሳእና ሀመትያዋንቱ፣ ሀዋንቱ ሀንተንቶ ቱና፡ ኡጨ፡ ኡጨሬ፡ ዲማ ዲማ ቆሞ ዛሬ፡

30 ጌግ፡ ሀይላሹ፡ ኮርቹ፡ ዋካላይነ ሻቃንቻይ።

31 ሳእና ሀመትያ ኡባቱዋ፣ ሀንተንቶ ቱና ግድያዋንቱ ሄዋንታ፤ ኡንቱንቱ፣ ሀዋዳዋ ቦችያ ኡባይ ኡማርሰ ጋካናው ቱና።

32 ኡንቱንቱ፣ ሀይቆዳዊ አያ ቦላ ኩንደጥካ ሄ ኡንቱንቱ አ ቦላ ኩንደዳ ሚሻይ ቱና፤ ሞላ ሚሻ ዋይ ማዩዋ ዋይ ጋልባ ዋይ ኬሻቱዋ ግድናካ፡ ጎኤትያ ሚሻ ኡባ ሃላ ግድን ዋሳተ፤ ሄዋ ኡማርሰ ጋካናው ቱና፤ ሄዋ፣ ጌይያን፡ ጌሻ ግድናካ።

33 ሀ ሳእና ሀመትያዋንቱ፣ እቱዋ ባኩታይ አይ ኡርቃ ሚሻ ግድን ኩንደጥካ፡ አ ግድን ደእያባይ ኡባይ ቱና፤ ሄ ሚሻ መንሳተ።

34 ሄ ሚሻ ግድን ደእያ ሃላ፣ ማተትያ አይ ቁማ ቦላ ጸኮጥካ፡ ሄ ቁማይ ቱና፤ ቃይ ኡሽያባ አያ ግድ፡ ሄ ሚሻ ግድን ደአ፣ አካ ቱና።

35 ሀዋንቱ አሃይ አ ቦላ ኩንድያባይ አያ ግድጥካ ቱና። ጩጫያ ዋይ ካልያ ኡርቃ ሚሻ ግድጥካ መንሳተ፤ ኡንቱንቱ ሀንተንቶ ቱና።

36 ሀዋንቱ ባኩታይ ቦችያባይ ኡባይ ቱና ግድጥ፡ ፑልቱን ሃላ ኦላይ ጌሻ።

37 ኡንቱንቱ ባኩታ፣ እቱ ዘራናው ዋሌዳ ዘረላ ካላ ቦላ ኩንደጥ፡ ሄዋ ቱና።

38 ሽን ሄ ዘረላ ቦላ ሃላይ ጉክ ሰምና፡ ኡንቱንቱ ባኩታ፣ እቱ አ ቦላ ኩንደጥ፡ ሄ ዘረላይ ሀንተንቶ ቱና።

39 “ ቃይ ሀንተ ሞያ መሄቱዋ፣ እቱ ሀይቆና፡ አ ባኩታ ቦችያ ኡን ኡማርሰ ጋካናው ቱና።

40 ኡን ሄ መሀያ ባኩታ፣ ሞ፣ ባረ ማዩዋ ሜጮ፤ ኡማርሰ ጋካናው እ ቱና፤ ቃይ ኡን አ ባኩታ ቶኪደ ደንሳ፣ ባረ ማዩዋ ሜጮ፤ ኡማርሰ ጋካናው እ ቱና።

41 “ ሳእና ጎሽትያ መጋታ ኡባይ ሀንተንቶ ቱና፤ አ ሞፕተ።

42 ኡሉዋን ጎሽትያዋ ግድና፡ ዋይ ኦይዳ ገድያን ሀመትያዋ ግድና፡ ዋይ ቃይ ዳር ገዲ ደእያዋ ግድናካ፡ ሳእና ጎሽትያ መጋታ ኡባይ ቱና ግድያ ድራው አ ሞፕተ።

43 ሳእና ጎሽትያ መጋታቱ ኡባን ሚደ ሀንተ ሁጲያው ቱና፣ ቃይ ኡንቱንቱን ሀንተ አሳተላ ቱንሶፕተ።

44 ታን፡ መድና ጎዳይ፡ ሀንተ ጸሳ። ታን ጌሻ ግድያ ድራው፡ ሀንተካ ሀንተና ዲማዩደ፡ ጌሻ ግድ፣ ሳእና ጎሽትያዋንቱን ሀንተ አሳተላ ቱንሶፕተ።

45 አያው ጎፕ፡ ታን ሀንተ ጸሳ ግድናው፡ ሀንተና ግብጼ ጋድያ፣ ከሴዳ መድና ጎዳ። ሄዋ ድራው፡ ታን ጌሻ ግድያ ድራው፡ ሀንተካ ጌሻ ግድተ ያግተ ያጌዳ።

46 “ መሄቱዋ፡ ካፎቱዋ፡ ሃላ ግድን ፓጻ ቃጽያ መጋታቱ ኡባቱን ሳእና ሀመትያ መጋታቱ ኡባቱዋ ዋይ ሀዋ።

47 ሄዋን ሀንተ ቱናን ጌሻ፡ ቃይ ሸሞፑ ደእያ መጋታቱዋ ሞያዋንታን ሚናዋንታ ሻኪደ ኡራናሳ። ”

12

ማጫ አሳይ የል ሰሚደ ጌይያ ዋጋ

1 መድና ጎዳይ መሳ ሀዋዳን ያጌዳ፤

2 “አሰራኤልያ አሳው ሀዋዳን ያጋደ ኦዳ፤ ላት ማጫውና ሻሃራደ አቱማ ናኦ የሎ፣ ባረ ፒላይ ዬዳ ዋደ አዛ ቱና ግድያዋዳንካ፡ ሄዋዳን አዛ ላፑን ጋላሳይ ጋካናው ቱና ግድናኩ።

3 ሆሰፑንላ ጋላሰ ናኦይ ቃጸረታናው ኮሼ።

4 ሄዋ፣ ጌይያን፡ ማጫውና ባረ ፒላ ሱላይ ጽእና ጋካናው፡ ሀታማን ሄዙ ጋላሳ ጋምኤ፤ ቃይ ባረ ጌይያ ጋላሳቱ ዉራና ጋካናው፡ ጌሻባ አያን ቦቹ፤ ጸሳ ጌሻ ሳኦካ ገሉ።

5 “ ሳን እት ማጫውና ማጫ ናቶ የሎ፣ ባረ ፒላይ ዬዳ ዋደ አዛ ቱና ግድያዋዳንካ፡ ሀዋዳን ላኡ ሳምንታ ጋካናው፡ አዛ ቱና ግድና፤ ሄዋ፣ ጌይያን፡ ባረ ፒላ ሱላይ ጽእና ጋካናው ኡሱፑን ታማን ኡሱፑን ጋላሳ ጋምኤ።

6 “ ማጫውና አቱማ ናኦ ግድና ማጫ ናኦ ግድና የላደ፡ ባረ ጌይያ ዋድያ ዉርሰዋ፣ ጌይያን፡ ጸግያ ያርሾ እት ላይላ ዶርሳን ናጋራ ያርሾ ቃይ እት ሀራጽያ ማራ ዋይ እት ማራ ደሳሙዋ ጸሳ ዲንካንያ ፕንግያን ደእያ ቁሰያኮ አሁ።

7 ቁሲ ሄዋ መድና ጎዳ ሰንላን ያርሺደ፡ አዝ ናጋራ አቶ ጌሴ፤ ያቶ፣ አዛ ባረ የሉዋ ሱላ ጎገላ፣ ጌይያ። አቱማ ናኦ ዋይ ማጫ ናኦ የልያ ማጫውን ዋጋይ ሄዋ።

8 “ ሳን እት ላይላ ዶርሳ ኦርግያ አሀናው አዘው ሻሉ ግድና ጳዮ፣ ላኡ ማራ ደሳማቱዋ ዋይ ላኡ ማራ ሀራጽቱዋ አሁ፤ ኡንቱንቱ እቱ ጸግያ ያርሹዋሳ፤ እቱ ቃይ ናጋራ ያርሹዋሳ፤ ያቶ ቁሲ ሄዋንታ ያርሺደ፡ አዝ ናጋራ አቶ ጌሴ፤ አዛካ ጌሻ ግድው ያጋ ” ያጌዳ።

13

ጋልባ ሀርግያ ጸልያዋን ከሴዳ ሀገቱዋ

1 መድና ጎዳይ መሳ አርና ሀዋዳን ያጌዳ፤

2 “አይ አሳ ቦላን ጋፋ ቤቶ፣ ዋይ ጳሳ ማዲላይ ዋይ አላሁ ከሶፐን ቃይ ሄዋካ አ ጋልባን ዋልቃማ ጋልባ ሀርግያው ላመቶ፣ ሄ ብታንያ ቁሰያ አርናኮ ዋይ ቁሰያ ግድያ አ አቱማ ናናቱዋ እቱዋኮ አሀና።

3 ቁሲ አ ጋልባ ቦላን ደእያ ማዲላ ቦኤ፡ ሄ ማዲጾዳ ሳኦን ደእያ እሰኪ ቦጸፕ፡ ማዲላይካ ኦላቶ፣ ሄዋ ዋልቃማ ጋልባ ሀርገ፡ ቁሲ ሄዋ ቦኤደ፡ ሄ ብታኒ ቱና ግድያዋ ኤርሶ።

4 ሸን አ ጋልባ ቦላን ደእያ ሻቱ ቦጽንቶካ፡ ጋልባ፣ ሉኪደ ኦላቶቤናዋ ግድፕን ሄ ማዲላ ቦላን ደእያ እሰኪ ቦጸቤናዋ ግድ፣ ቁሲ ሄ ብታንያ ዲማ ክፍልያን ላፑን ጋላሳ ጎርዲደ ዋላ።

5 ላፑንላ ጋላሳን ቁሲ አ ዛረላደካ ቦኤ፤ አ ቦኤደ ዋይ ማዲላይ ብታንያ ጋልባ ቦላን አከናን

ካሰዋዳንካ ደኦት፡ ቁሲ ሄ ብታንያ ላእንሉዋካ ዲማ ክፍልያን ላቸን ጋላሳ ጎርዲደ ዎሉ።

6 ቃይካ ላቸንግ ጋላሳን ቁሲ ከ፤ በእያ ዎደ ማዲላይ እክያዎ አገደ ጳይ ጳይ ቦጥን ጳዎጥ፡ ቁሲ እ ጌሻ ግድያዎ ኤርሶ። ሄዌ ሻቱዋጥ አትና ሀራባ ግድና፤ ሄዎ ድራው፡ እ ባረ ማዩዎ ሜጨደ ጌሻ ግዴ።

7 ሸን እ ጌያናው ባረና ቁሲያ በሴዳዋጥ ጉይያን፡ ሄ ሻቱ አ ጋልባ ቦላን ያ እክ እክ ቦጥ፡ እ ላእንሉዋ ባረና በሳናው ቁሲያኮ ቦ።

8 ቁሲካ አ በኦ፤ ሄ ሻቱ ብታንያ ጋልባ ቦላን ያ እክ እክ ቦጥ፡ ቁሲ እ ቱና ግድያዎ ኤርሶ፤ እያው ጎጥ ሄዌ ዎልቃማ ጋልባ ሀርግያ።

9 “አናን ዎልቃማ ጋልባ ሀርጊ ኦይቆጥ፡ ቁሲያኮ አ አሀና።

10 ቁሲ አ በኦ፤ በእያ ዎደ አ ጋልባ ቦላን ቦላ ጋፋ ደኦት፡ ሄ ጋፋ እስክያካ ቦላው ላዋጥን ሄ ጋፋዎ ግድን አሹ ሙን ኡቱዳዎ ግድገ፡

11 ሄዌ አ ጋልባ ቦላን ጋምኤዳ ዎልቃማ ጋልባ ሀርግያ ግድያ ድራው፡ ቁሲ እ ቱና ግድያዎ ኤርሶ። እ ቱና ግድያዎ ኤርሶ ድጌዳ ድራው፡ አ ዲማ ክፍልያን ጎርዳናው ኮሸና።

12 “ቃይ ዎልቃማ ጋልባ ሀርጊ ብታንያ ጋልባ ቦላን እኪደ፡ ሀጺያጥ ገድያ ጋካናው ኡባን ማዬዳዎ ግድገ፡ ቁሲ በኦ።

13 ሄ ዎልቃማ ጋልባ ሀርጊ አ ቦላ ኡባ ማዮጥ፡ ቁሲ እ ጌሻ ግድያዎ ኤርሶ፤ አ ቦላይ ኡባናካ ላመቲደ ቦላ ግዴዳ ድራው፡ እ ጌሻ።

14 ሸን ሄ ማዲላ ግድን ሙኔዳ አሹ ቤቶጥ እ ቱና።

15 ቁሲ ሄ ሙኔዳ አሹዎ፤ በኢደ ሄ ብታኒ ቱና ግድያዎ ኤርሶ። ሄ ሙኔዳ አሹ ዎልቃማ ጋልባ ሀርግያ ግድያ ድራው፡ እ ቱና።

16 ሸን ሄ ሙኔዳ አሹ ቃይካ ላመቲደ ቦጸጥ፡ ሄ ብታኒ ቁሲያኮ ዮ።

17 ቁሲ አ በኦ፤ እ ማዲላይ ቦጶዳዎ ግድገ፡ ሄ ብታኒ ጌሻ ግድያዎ ቁሲ ኤርሶ፤ ያቶጥ እ ጌሻ ግድናዎ።

18 “እት አሳ ቦላ ማዲላይ ዎዲደ ፓጽና፡

19 እ ሳኣን ቦላ ጋፋ ቤቶጥ ዎይ ዞኤዳ እላሁ ከሶጥ፡ ሄ ኡራይ ባረና ቁሲያ በሶ።

20 ቁሲ አ በኦ፤ ሄ ማዲላይ ኦላቶጥን ማዲላ ቦላን ደእያ እስኪካ ላመቲደ ቦጸጥ፡ ሄ ብታኒ ቱና ግድያዎ ቁሲ ኤርሶ። ሄዌ ማዲላና ደሜዳ ዎልቃማ ጋልባ ሀርግያ።

21 ሸን ቁሲ በእያ ዎደ፡ እስኪ ቦጽቤናዎ ግድገ፤ ማዲላይካ ጋልባ ሉኪደ ኦላቶጥናዎ ግድገ፡ ቃይ ጳይ ጳይ ቦጥ፡ ቁሲ አ ዲማ ክፍልያን ላቸን ጋላሳ ጎርዲደ ዎሉ።

22 ሄዌ አ ጋልባ ቦላን እክ እኪደ ቦጥ፡ ሄ ብታኒ ቱና ግድያዎ ቁሲ ኤርሶ፤ እያው ጎጥ፡ ሄዌ ጋልባ ሀርግያ።

23 ሸን ሄ እላሁ እክ እክ ቤናን እትሳ ጸላላን ደኦት፡ ሄዌ ማዲላይ ፓጶዳ ማላ ግድያ ድራው፡ ሄ ብታኒ ጌሻ ግድያዎ ቁሲ ኤርሶ።

24 “እት አሳ ጋልባ ታማይ ሞጥን ሄ ሜዳ ሳኣን ቦጶዳ ዎይ ዞኤዳ እላሁ ከሶጥ፡

25 ቁሲ ሄ ሳኣ በኦ፤ እ ሳኣን ደእያ እስኪ ቦጸጥን ማዲላይካ ሉኪደ ኦላቶጥ፡ ሄዌ ዎልቃማ

ጋልባ ሀርግያ። እ ታማይ ሜዳሳና ከሴዳ፤ ሄዎ ድራው ቁሲ እ ቱና ግድያዎ ኤርሶ።

26 ሸን ቁሲ በእያ ዎደ፡ ሄ እላሁዎ ቦላን ደእያ እስኪ ቦጽቤናዎ ግድገ፤ ማዲላይካ ጋልባ ሉኪደ ኦላቶጥናዎ ግድገ፡ ቃይ ጳይ ጳይ ቤዳዎ ግድገ፡ ቁሲ አ ዲማ ክፍልያን ላቸን ጋላሳ ጎርዲደ ዎሉ።

27 ላቸንግ ጋላሳን ቁሲ አ በኦ፤ ሄ ዎደ ሄ ሳኣይ እክ እክ ቦጥ፡ እ ቱና ግድያዎ ቁሲ ኤርሶ። ሄዌ ዎልቃማ ጋልባ ሀርግያ።

28 ሸን ሄ እላሁ ጋልባ ቦላን አከናን አገደ እት ሳኣን ኡቶጥን ኡባ ቃይ ጳይ ጳይ ቦጥ፡ ሄዌ ታማይ ሜዳሳን አቱዳ ማላ ግድያ ድራው፡ እ ጌሻ ግድያዎ ቁሲ ኤርሶ።

29 “እት አቱማ አሳው ዎይ ማጫ አሳው ሀጺያ ዎይ ጋጩዎ ቦላን ማዲላይ ከሶጥ፡

30 ቁሲ ሄ ማዲላ በኦ። እ በእያ ዎደ ማዲላይ ጋልባ ሉኪደ ኦላቶጥን አ ቦላን ደእያ እስኪካ አድልያ ጨሻ ማላትያ ሌኦ ግድገ፡ ሄ ብታኒ ቱና ግድያዎ ቁሲ ኤርሶ። ሄዌ ሀጺያ ዎይ ጋጩዎ ቦላን ከሰያ ቃጩቹዎን ዎልቃማ ጋልባ ሀርግያ።

31 ቃይ ቁሲ ሄ ሀርግያ በእያ ዎደ፡ እ ጋልባ ሉኪደ ኦላቶጥናዎ ግድገ፤ ካረፋ እስኪካ አ ቦላ ጳዮጥ፡ ሄ ቃጩቹዎ ሀርግያና ደእያ ብታንያ ቁሲ ዲማ ክፍልያን ላቸን ጋላሳ ጎርዲደ ዎሉ።

32 ላቸንግ ጋላሳን ቁሲ ሄ ሀርግያ፤ በእያ ዎደ ቃጩቹዎ ሀርጊ አከናዎ ግድገ፡ አ ቦላን አድልያ ጨሻ ማላትያ እስኪ ባይናዎ ግድገ፤ እካ ጋልባ ሉኪደ ኦላቶጥናዎ ግድገ፡

33 ሄ ብታኒ ሄ ማዲላ ዩሹዎን ደእያ እስክያ ሜዳ፤ ቃጩቹዎ ሳኣን ደእያ እስክያ ማታ ሜዳ፡፡ ቁሲ ሄ ብታንያ ዲማ ክፍልያን ሀራ ላቸን ጋላሳ ጎርዲደ ዎሉ።

34 ላቸንግ ጋላሳን ቁሲ ሄ ቃጩቹዎ ሳኣ በእያ ዎደ፤ ሄዌ ብታንያ ጋልባ ቦላን አካና ጳዮጥ ጋልባ ሉኪደ ኦላታና ጳዮጥ፡ ሄ ብታኒ ጌሻ ግድያዎ ቁሲ ኤርሶ። ብታኒካ ባረ ማዩዎ ሜጨደ፡ ጌሻ ግዴ።

35 ሸን እ ጌዬዳዋጥ ጉይያን፡ ቃጩቹዎዎ ሄ ብታንያ ጋልባ ቦላን እክ እክ ቦጥ፡

36 ቁሲ አ በእያ ዎደ ሄ ቃጩቹዎዎ አኬዳዎ ግድገ፡ ቁሲ አድልያ ጨሻ ማላትያ እስክያ ኮዮግ፤ እያው ጎጥ፡ ሄ ብታኒ ቱኔዳ።

37 ሸን ቁሲ በእያ ዎደ፡ ሄ ቃጩቹዎሳይ አክቤናዎ ግድገ፤ ካረፋ እስኪካ አ ቦላ ደላዳዎ ግድገ፡ ሄ ቃጩቹዎሳይ ፓጶዳ፡ ሄ ብታኒካ ጌሻ ግድያ ድራው፡ እ ጌሻ ግድያዎ ቁሲ ኤርሶ።

38 “እት አቱማ አሳ ዎይ ማጫ አሳ ጋልባ ቦላ ቦላ እላሁ ከሶጥ፡

39 ቁሲ አ፤ በእያ ዎደ ሄ ኡንቱንቱ ጋልባ ቦላን ደእያ እላሁ ሾሎላ ቦላ ግድገ፡ ሄዌ ጋልባ ቦላን ጮ ከሴዳዎ፤ ሄ ብታኒካ ጌሻ።

40 “እት አሳው ሀጺያ ብናናይ ቆቆፈቶጥ፡ እ ቦኣ፤ ግድገ አትና እ ጌሻ።

41 ቃይ እት አሳው ሀጺያ ብናናይ ሰንላና ቦኣቶጥ፡ እ ቲሻይ ሜዳ፤ ግድገ አትና እ ጌሻ።

42 ሸን አ ቦኣ ዎይ አ ቲሻይ ሜዳሳ ቦላን ዞኦ ዎይ ቦላ ማዲላይ ከሶጥ፡ ሄዌ አ ቦኣን ዎይ ቲሻይ ሜዳሳን ከሴዳ ዎልቃማ ጋልባ ሀርግያ።

43 አ ቄሲ፤ በእያ ዎደ አ ቦኣ ዎይ ቲሻይ ሜዳሳ ቦላን ደእያ ማዲላይ ጋልባ ቦላን ከሰያ ዎልቃማ ጋልባ ሀርግያዳን ዘኦ ግደጥ፤

44 ሄ ብታኒ ቱሙካ ዎልቃማ ጋልባ ሀርግ ሳክያ ሀርጋንቻ። እ ቱና ግድያ ድራው እ ቱና ግድያዎ ቄሲ ኤርሶ፤ እያው ሳጥ ሀርግ አ ሁጲያን ደኤ።

45 “ዎልቃማ ጋልባ ሀርግ ኦይቄዳ አሳይ ፔግቴዳ ማዩዎ ማዮ፤ ባረ ሁጲያ ፕጸፖ፤ ባረ መተርሻካ ካሞ፤ ያቲደ፤ ባረ ቃላ ጾቄ አሊደ፤ ‘ታን ቱና፤ ታን ቱና!’ ያጎ።

46 ሄ ሀርግ አ ቦላ ደኤዳ ኬሻን ኡባን እ ቱና። እ ቱና ግድያ ድራው፤ አሳጥ ሻከቲደ ዲንካኔዳ ሳኣጥ ካረና ባረካ ደኤ።

ሳላይ ከሰያ ዎደ ኦልያ ዎጋ

47 “አይ ማዩዎ ቦላን ቦርቄዳ ሳኣይ ቤቶጥ፤ ሄ ማዩ ሱፊ ግድና ዎይ ሊኖ ግድና፤

48 ቃጭናጥ ዎይ ሻሎዎጥ ደደቲዳ ሊኖ ዎይ ሱፊ ግድና፤ ጋልባ ዎይ ጋልባጥ ኦስቲዳ ማዩዎ ግድና፤

49 ሄ ማዩዎ ቦላ ከሲደ ቦርቄ ማታ ማላትያ ዎይ ዘኦ ማላ በሶጥ፤ እ ቃጭናጥ ዎይ ሻሎዎጥ ደደቲዳዎ ግድና፤ ጋልባ ዎይ ጋልባጥ ኦስቲዳ ማዩዎ ግድናካ፤ ሄዌ ቦርቄ ከሴዳ ድራው፤ ሄዎ ቄሲያ በሳናው ኮሼ።

50 ቄሲ ሄ ቦርቄዎ በኢደ፤ ሄ ቦርቄዎና ደእያ ማዩዎ ዲማ ክፍልያን ላፑን ጋላሳ ጎርዲደ ዎሉ።

51 ላፑንሳ ጋላሳን ቄሲ ሄ ማዩዎ በእያ ዎደ፤ ሄ ማዩዎ ቦላን አክ አክ ቦጥ፤ እ ቃጭና ዎይ ሻሎ ማዩዎ ግድና፤ ጋልባ ዎይ ጋልባጥ ኦስቲዳ ማዩ ግድናካ፤ ሄዌ እቱዎጥ እቱዎ ኦይቄያ ቦርቄ ግድያ ድራው፤ ሄ ማዩ ቱና።

52 ቃይ ሄ ማዩ ቃጭና ዎይ ሻሎ ማዮ ግድና፤ ሊኖ ዎይ ሱፊ ግድና፤ ጋልባጥ ኦስቲዳዎ አያ ግድናካ፤ ቄሲ እ ጸጎ። ሄዌ እቱዎጥ እቱዎ ኦይቄያ ቦርቄ ግድያ ድራው፤ እ ጸገታናው በሴ።

53 “ቃይካ ቄሲ በእያ ዎደ፤ ሄ ቦርቄ ማዩዎ ቦላ አክቤናዎ ግደጥ፤ እ ቃጭና ዎይ ሻሎ ማዮ ዎይ ጋልባጥ ኦስቲዳዎ አያ ግድናካ፤

54 ሄ ቦርቄ ደእያ ማዩዎ ሜጫናዳን ቄሲ አዛዘ። ሄዎጥ ጉይያን፤ ሄ ማዩዎ ዲማ ክፍልያን ሀራ ላፑን ጋላሳ ጎርዲደ ዎሉ።

55 ሄ ቦርቄ ሳኣይ ደእያ ማዩዎ ሜጫዎጥ ጉይያን፤ ቃይካ ቄሲ በእያ ዎደ ሄ ቦርቄ ባረ ማላ ላምቤናዎ ግደጥ፤ እ አክ አክ ባና ጳዮጥካ ቱና፤ ሄ ቦርቄ ሳኣይ ማዮ ጉዩ ባጋና ዎይ ሰንሳ ባጋና ደእካ፤ ሄ ማዩ ታማን ጸገታናው ኮሼ።

56 ሸን ሄ ማዩዎ ሜጫ ሰምና ቄሲ በእያ ዎደ ቦርቄ ጳይ ጳይ ቦጥ፤ እ ጋልባ ግድና፤ ቃጭና ዎይ ሻሎ ማዮ ግድናካ፤ ሄ ቦርቄ ደእያ ሳኣ ቄሲ ዳኪደ ከሰ ድጎ።

57 ሄዎጥ ጉይያን፤ ማዩዎ ቦላ ሰሚደካ ከሶጥ፤ ሄ ማዩ ቃጭና ዎይ ሻሎ ማዮ ግድና፤ ጋልባጥ ኦስቲዳዎ አያ ግድናካ፤ ሄዌ አክ አክ ብያ ቦርቄ ሳ ግድያ ድራው፤ ሄ ቦርቄ ደእያ ማዩ ታማን ጸገታናው በሴ።

58 ሸን ሜጫቲዳ ማዩ ቃጭና ዎይ ሻሎ ማዮ ግድና፤ ዎይ ጋልባጥ ኦስቲዳ አያ ማዮ ግድናካ፤

ቦርቄ ሳኣይ አ ቦላጥ ጳዮጥ፤ ሄ ማዩ ላኤንሎዎ ሜጫቶ፤ ሄዎጥ ጉይያን፤ እ ጌሻ ግዴ።

59 “እት ማዩ ሱፊ ዎይ ሊኖ ግድና፤ ቃጭና ዎይ ሻሎ ማዮ ግድና፤ ዎይ ቃይ ጋልባጥ ኦስቲዳዎ ግድናካ፤ ሄ ማዩዎ ጌሻ ዎይ ቱና ጊሳናው ዳንዲያ ቦርቄ ሳኣ ዎጋይ ሀዎ” ያጌዳ።

14

ጋልባ ሀርግያጥ ፓጵያ አሳይ ጌይያ ዎጋ

1 መድና ጎዳይ ሙሴው ሀዎዳን ያጌደ አዴዳ፤

2 “ዎልቃማ ጋልባ ሀርግ ኦይቄዳ ብታኒ ጌይያ ጋላስ አላናው ኮሽያ ዎጋይ ሀዎ። ሄ ብታንያ ቄሲያኮ አላናው ኮሼ።

3 ቄሲ አሳይ ዲንካኔዳ ሳኣጥ ጋጸ ከሲደ፤ አ ሀርግያ በኦ። ሄ ዎደ ዎልቃማ ጋልባ ሀርግ ብታንያ ቦላጥ ጳዩዳዎ ግደጥ።

4 ቄሲ ፓጵ ደእያ ላኡ ጌሻ ካፎቱዎ፤ ጵድያ ሞላ፤ ዘኦ ቃጭናን ሀሶጵያ ቦንጭያ ሄ ዎልቃማ ጋልባ ሀርግያጥ ጌይያ ብታንያ ድራው አሀናዳን ኤንቲንታ አዛዘ።

5 ሄዎጥ ጉይያን፤ ቃይ ቄሲ ላኡ ካፎቱዎጥ እቱዎ ከርያን ደእያ ፑልቶ ሃላ ቦላ ሹካናዳን አዛዘ።

6 ፓጵ ደእያ ካፋዎ፤ ቃይ ዝጋና፤ ዘኦ ቃጭናን ሀሶጵያ ቦንጭያና አክ አፊደ፤ ከርያን ደእያ ፑልቶ ሃላ ቦላ ሹኤዳ ካፋዎ ሱላ ግደ ናቆ።

7 ከሴዳ ሱላ ሄ ዎልቃማ ጋልባ ሀርግያጥ ፓጵያ ብታንያ ቦላ ላፑ ገደ ጫጫፎ፤ ያቲደ ሄ ብታኒ ጌሻ ግድያዎ ኤርሶ፤ ፓጵ ደእያ ካፋዎ ገደ ደምባ ዩደ።

8 “ሄ ሀርግያጥ ጌይዳ ብታኒ ባረ ማዩዎ ሜጫ፤ ባረ ቦላን ደእያ እስክያ ኡባ ሜደቶ፤ ባረ ቦላካ ሜጫቶ፤ ያቶጥ እ ጌሻ ግደናዎ። ሄዎጥ ጉይያን፤ እ ዲንካኔዳ ሳኣ ዮ፤ ሸን ግደጥን ባረ ዲንካንያ ገለናን ላፑን ጋላሳ ካረና ጋምኦ።

9 ላፑንሳ ጋላሳን ባረ ሁጲያ፤ ቡቻ፤ ጎማን ባረ ቦላን ደእያ ሀራ እስክያ ኡባ ሜደቶ፤ ቃይ ባረ ማዩዎ ሜጫ፤ ባረ ቦላካ ሜጫቶ፤ ሄዎጥ ጉይያን፤ እ ጌሻ ግደናዎ።

10 “ሆሰፑንሳ ጋላሳን ትላ ቦላና ደእያ ላኡ ደርሳ ማራቱዎን እት ላይላ ግዴዳ እት ደርሳቶ አሆ፤ ቃይ ካላ ያርሾ ዛይትያን ሙናቀቲዳ ኡሱፑን ኪሎ ግራመ ጳልያን እት ሊትሮ ዎጋራ ዛይትያው ሄዘንሶ ኩሽያ አሆ።

11 አ ጌሽያ ቄሲ ብታንያ እ አሄዳዎንቲና እትጥካ መድና ጎዳ ዲንካንያ ጥንገ መድና ጎዳ ሰንሳ ሺሾ።

12 “ቄሲካ ላኡ ደርሳ ማራቱዎጥ እቱዎ አኪደ፤ ሊትሮ ሄዘንሶ ኩሽያ ዛይትያና እትጥ ናቄዎ ያርሹዎ ኦሊደ ሺሾ፤ ሄ ሺሾዳዎ ቃይ ቃልያ ያርሹዎ ኦሊደ መድና ጎዳ ሰንሳን ቃሉ።

13 ያቲደ እ ሄ ደርሳ ማራ ናጋራ ያርሹዎን ጸግያ ያርሹዎ ሹክያ ጌሻ ሳኣን ሹኮ፤ ናጋራ ያርሹዎዳን ናቄዎ ያርሹካ ቄሲያው እመቲ፤ እካ ሎይሳ ጌሻ።

14:2 ማቶሳ 8:4፤ ማር. 1:44፤ ሉቃሳ 5:14፤ 17:14

14 ቁሲ ናቁዋ ያርሹዋ ሱላጥ ጉላ እኪደ፡ ሄ ጌይያ ብታንያዉ ኡሸቻ ባጋ ሀይላ ጸራ፡ ኡሸቻ ኩሸያዉ ዎጋ ብራድያነ ኡሸቻ ገድያዉ ዎጋ ብራድያ ኦኩ።

15 ሄዋጥ ጉይያን፡ ቁሲ ዎጋራ ዛይትያጥ ጉላ እኪደ፡ ባረ ሀድርሳ ኩሸያ ጎምጋን ትጎ።

16 “ሄ ሀድርሳ ኩሸያ ጎምጋን ደእያ ዎጋራ ዛይትያን ባረ ኡሸቻ ኩሸያ ብራድያ ናቁደ፡ መድና ጎዳ ስንላን ላፑ ገደ ጫጫፎ።

17 ያት ሰሚደ ባረ ኩሸያ ጎምጋን አቲዳ ዛይትያጥ እኪደ፡ ጌይያ ብታንያዉ ኡሸቻ ሀይላ ጸራ፡ ኡሸቻ ኩሸያዉ ዎጋ ብራድያነ ኡሸቻ ገድያዉ ዎጋ ብራድያ ካሰ ናቁዋ ያርሹዋ ሱላ ኦኩቲዳ ሳኣን ኦኩ።

18 ቃይ ባረ ኩሸያ ጎምጋን አቲዳ ዛይትያ ቁሲ ጌይያ ብታንያ ሁጲያን ጉሶ፤ ያቲደ መድና ጎዳ ስንላን ሄ ብታንያ ናጋራ አቶ ጊሶ።

19 “ሄዋጥ ጉይያን ቁሲ ባረ ቱናተላጥ ጌይያ ብታንያ ናጋራ አቶ ጊሳናዉ ናጋራ ያርሹ ሺሺዳ መሀያ ሹኩ፤ ሄዋጥ ሰሚደ ቃይ ጸግያ ያርሹ ሺሺዳ መሀያ ያርሹ።

20 ቃይ ቁሲ ሄ ጸግያ ያርሹዋ ካላ ያርሹዋና እትጥ ያርሹያ ሳኣ ቦላን ዎሊደ ጸጌ፤ ያቲደ ብታንያ ናጋራ አቶ ጊሶ፤ ብታኒካ ጌሻ ግዴ።

21 “ሸን ብታኒ ሄዋ ኡባ አሀናዉ ዳንዳየና ማንቆ ግደጥ፡ ጸሳ ስንላን ቃሊደ አ ናጋራ አቶ ጊሳናዉ፡ ባረ ናቁዋ ያርሹ እት ደርሳ ማራ አሆ። ቃይ ካላ ያርሹካ ዎጋራ ዛይትያን ሙናቀቲዳ ላኡ ኪሎ ግራመ ሎኦ ጲልያን እት ሊትሮ ሄዘንሶ ኩሸያ ዛይትያ እትጥ አሆ።

22 ቃይካ ባረዉ ዳንዳዬዳዋዳን ላኡ ማራ ሀራጸቱዋ ዎይ ላኡ ማራ ደጎማቱዋ፡ እቲዋ ናጋራ ያርሹ፡ እቲዋ ቃይ ጸግያ ያርሹ አሆ።

23 “ሆሰፑንላ ጋላሳን ባረ ናጋራጥ ጌይያዉ ብታኒ ሀዋንታ ቁሰያኮ መድና ጎዳ ዳንካንያ ፐንገ መድና ጎዳ ስንላ አሆ።

24 ቁሲ ናቁዋ ያርሹ አሄዳ ደርሳ ማራን ልትሮ ሄዘንሶ ኩሸ ዛይትያ እኪደ፡ ቃላያ ያርሹዋ ኦሊደ መድና ጎዳ ስንላን ቃላ።

25 ያቲደ ናቁዋ ያርሹ አሄዳ ደርሳ ማራ ሹኪደ ሄ ናቁዋ ያርሹዋ ሱላጥ ጉላ እኪደ፡ ሀ ጌይያ ብታንያዉ ኡሸቻ ሀይላ ጸራ፡ ኡሸቻ ኩሸያዉ ዎጋ ብራድያነ ኡሸቻ ገድያዉ ዎጋ ብራድያ ኦኩ።

26 ቃይ ቁሲ ዛይትያጥ ጉላ ባረ ሀድርሳ ኩሸያ ጎምጋን ትጎ።

27 ሄ ሀድርሳ ኩሸያ ጎምጋን ደእያ ዛይትያጥ ኡሸቻ ኩሸያ ጸራን ጉላ እኪደ፡ መድና ጎዳ ስንላን ላፑ ገደ ጫጫፎ።

28 ቃይካ ቁሲ ባረ ኩሸያ ጎምጋን ደእያ ዛይትያጥ ጉላ እኪደ፡ ጌይያ ብታንያዉ ኡሸቻ ሀይላ ጸራ፡ ኡሸቻ ኩሸያዉ ዎጋ ብራድያነ ኡሸቻ ገድያዉ ዎጋ ብራድያ ካሰ ናቁዋ ያርሹዋ ሱላ ኦኩቲዳ ሳኣን ኦኩ።

29 ቃይ መድና ጎዳ ስንላን ብታንያ ናጋራ አቶ ጊሳናዉ፡ ቁሲ ባረ ኩሸያን አቲዳ ዛይትያ ጌይያ ብታንያ ሁጲያን ኦኩ።

30 ሄዋጥ ጉይያን፡ ሄ እዉ ባረዉ ዳንዳዬዳዋዳን ሀራጵያ ማራ ግድና ዎይ ማራ ደጎሙዋ ግድና፡

31 እቲዋ ናጋራ ያርሹ ላኢንሱዋ ቃይ ጸግያ ያርሹ ካላ ያርሹዋና እትጥ ያርሹ። ቃይ ቁሲካ ሄ ጌይያ ብታንያዉ መድና ጎዳ ስንላን አ ናጋራ አቶ ጊሶ።

32 ባረ ቦላን ደእያ ዎልቃማ ጋልባ ሀርግያጥ ጌይያዉ ኮሸያ ዎጋ ፖላናዉ ማንቆታይ ድጌዳ ኡራዉ ደእያ ዎጋይ ሰዎ ሀዋ” ያጌዳ።

ጎልያ ቦላ ከሰያ ቦርቁዋ

33 መድና ጎዳይ ሙሳን አርና ሀዋዳን ያጌዳ፡

34 “ታን ህንተንቶ እቆ ኦላደ እምያ ካናን ቢታ ህንተ ገልያ ዎይ፡ ቃይ ሄ ጋድያን ደእያ ህንተ ኬላጥ እቲዋን ታን ቦርቁዋ የድያ ዎይ፡

35 ሄ ጎልያዉ ቁሰያኮ ቢደ፡ ታ ሶን አያ ቦርቁንቶ ደኤ’ ያጌደ ኦደ።

36 ጎሊን ደእያባይ ኡባይ ቱና ጌተተናዳን፡ ቁሲ ቦርቁዋ በአናዉ ገላናጥ ካሰቲደ፡ ሶን ደእያዎ ኡባ ካረ ከሳናዳን አዛዘ፤ ያት ሰምና ቁሲ በአናዉ ጎሊ ገሎ።

37 ሄዋን በእያ ዎይ፡ ቦርቆ ሳኦይ ጎዳ ቦላን ማታ ማላትያ፡ ዎይ ዘኦ ማላ በሶጥን ቃይ ጎዳጥ ኦላቲደ ግደ ገሎጥ፡

38 ቁሲ ጎሊጥ ካረ ከሲደ፡ ጎልያ ላፑን ጋላሳ ጋካናዉ ጎርደ።

39 ላፑንላ ጋላሳን ቁሲ ሄ ጎልያ ዛረሊደ፤ ጸልያ ዎይ ሄ ቦርቆ ጎልያ ጎዳ ቦላን አኮጥ፡

40 ቦርቆ ደእያ ሹቻቲዋ ኡባ ጎዳጥ ሹዲደ፡ ካታማጥ ጋጸ ያ ቲኔዳ ሳአዉ ኦላናዳን አዛዘ።

41 ቃይ ጎዳ ዱፌዳ ኡርቃ ሶ ባጋና ቦክሸን፡ ዩሽ አሊደ ቆቆፋናዳን ኦላ፤ ያቲደ ሄ ቆቆፌዳ ኡርቃ ካታማጥ ጋጸን ደእያ ቱና ሳኣን ኦልፍ።

42 ሄዋጥ ጉይያን፡ ሄ ሹዴዳ ሹቻቲ ሳኣን ሀራ ሹቻቲዋ ዎላና፤ ቃይ ሀራ ኡርቃንካ ጎልያ ዱፍና።

43 “ሹቻቲዋ ሹድ ድግና፡ ቃይ ኡርቃካ ቆቆፌደ ሀራ ኡርቃ ዱፌ ሰምና፡ ላኢንሱዋ ሰሚደ ቦርቆ ጎልያ ግደን አኮጥ፡

44 ቁሲ ሄዋ በእያ ዎይ፤ ቦርቆ ሄ ጎልያ ግደን አኮጥ፡ ሄዌ እቲዋጥ እቲዋ ኦይቁያ ቦርቆ ግድያ ድራዉ፡ ሄ ጎሊ ቱና።

45 ሄዋ ድራዉ እ ሄ ጎልያ፡ አ ሹቻ፡ አ ሞላን እ ዱፊቲዳ ኡርቃ ኡባ ኮሎ፤ ሄዋንታ ካታማጥ ጋጸ አፊደ፡ ቱና ሳኣን ኦሎ።

46 ቃይ ሄ ጎሊ ጎርዳን ታክያ ዎድያን አ ግዶ ገልያ ኦንን ሳኦይ ቃማና ጋካናዉ ቱና።

47 ሄ ጎልያን ግሰያ ኡራይ ዎይ ቁማ ሞያ ኡራይ ባረ ማዩዋ ማጮ።

48 “ሸን ቁሲ ዩደ ጸልያ ዎይ፡ ጎሊ ዱፊት ሰምና ላኢንሱዋ ሰሚደ አካና ቆጥጥ፡ ቦርቆ ቆጮዳ ድራዉ፡ ሄ ጎሊ ጌሻ ግድያዎ ቁሲ ኤርሶ።

49 ጎልያ ጌሻናዉ ላኡ ካሮቲዋ፡ ጽድያ ሞላ፡ ዘኦ ቃጮናን ሀሶጵያ ቦንጮያ አሆ።

50 ካሮቲዋጥ እቲዋ ከርያን ደእያ ፑልቲዋ ሃላ ቦላን ሹኮ።

51 ሄዋጥ ጉይያን ጽድያ፡ ሀሶጵያ ቦንጮያ፡ ዘኦ ቃጮናን ጋጸ ደእያ ካፋዋ እትጥ እኪደ፡ ከርያን ደእያ ሹኩዳ ካፋዋ ሱላንን ፑልቲዋ ሃላን የግ ከሲደ፡ ላፑ ገደ ሄ ጎልያ ጫጫፎ።

52 ያቲደ ሄ ጎልያ ቄሲ ካፋዎ ሱጻን፣ ፑልቱዎ ሃጻን፣ ፓጻ ደእያ ካፋዎን፣ ጽድያን፣ ሀሶጽያ ቦንጭያንን ዘኦ ቃጭናን ጌሾ።

53 ቃይ ፓጻ ደእያ ካፋዎ ካታማጥ ጋጸ ህን ደምባ የዶ። ሄዋዳን ኦሊደ፣ ጎልያ ጌሽያ ዎጋ ፖሌ፣ ጎሊካ ጌሻ ግዴ።

54 “አይ ዎልቃማ ጋልባ ሀርገ ግድገካ ሀዋ ዎጋ፤ ቃጩኝያዎ ግድና።

55 ማዩዋ ቦላን ዎይ ጎልያ ቦላን ከሰያ ቦርቆ ግድና።

56 ጋፋዎ ግድና፣ ጳሳ ማዲላ ግድና ዎይ እላሁዎ ግድናካ።

57 እትባይ ቱና ግድያዎን ጌሻ ግድያዎ ኤርሳናው ዎልቃማ ጋልባ ሀርግያን ቦርቆዎ ዎጋይ ሀዋ” ያጌዳ።

15

አሳ ቦላጥ ጎግያ ቱንሰያባ

1 መድና ጎዳይ ሙሳን አሮና ሀዋዳን ያጌዳ፤

2 “እስራኤልያ አሳው ሀዋዳን ያጌደ ኦድተ፤ ላይ አሳ አቱንሳጥ አያይኔካ ጎጎጥ፣ ሄ ጎግያባይ ቱና።

3 ሄ ጎግያዎጥ ደንዴዳዎን ሄ ኡራይ ቱና ግድያ ዎጋይ ሀዋ። ሄ ጎግያባይ አገናን ጎግናካ ዎይ ቃይ ጎግያዎ አገንቶካ ሄ አ ግድን ደእያባይ አ ቱንሱ።

4 “ ላይ ቦላጥ አያይኔካ ጎግያ አሳይ ግሰያ አይ ግሱካ ቱና፤ ቃይ አ ኡትያባይ አያ ግድገካ ቱና።

5 አ ግሱዎ ቦችያ ኦንን ባረ ማዩዋ ሜጬ፤ ባረ ቦላካ ሜጬቶ፤ ቃይ ኦማርሰ ጋካናው አ ቱና።

6 ጎግያዎና ደእያ አሳይ ኡቱዳዎ ቦላ ኡትያ ኦንን ባረ ማዩዋ ሜጬ፤ ባረ ቦላካ ሜጬቶ፤ ቃይ ኦማርሰ ጋካናው አ ቱና።

7 “ ላጎግያባይ ደእያ አሳ ቦላ ቦችያ ኦንን ባረ ማዩዋ ሜጬ፤ ባረ ቦላካ ሜጬቶ፤ ቃይ ኦማርሰ ጋካናው አ ቱና።

8 “ ላጎግያባይ ደእያ አሳይ ጌሻ አሳ ቦላ ጩቸጥ፣ ሄ አሳይ ባረ ማዩዋ ሜጬ፤ ባረ ቦላካ ሜጬቶ፤ ቃይ ኦማርሰ ጋካናው አ ቱና።

9 “ ቃይ ጎግያባይ ደእያ አሳይ ኡትያ አይ ኮራይካ ቱና።

10 ባረጥ ጋርሳና ደእያዎ አያን ግድገካ ቦችያ ኦንን ኦማርሰ ጋካናው ቱና፤ ቃይ ሄዎንታ ማላትያዎንታ ቶክያ ኦንን ባረ ማዩዋ ሜጬ፤ ባረ ቦላካ ሜጬቶ፤ ቃይ ኦማርሰ ጋካናው አ ቱና።

11 “ ላጎግያዎና ደእያ አሳይ ባረ ኩሽያ ሜጬተናን ደእያ ቦችያ አሳይ ኦንን ባረ ማዩዋ ሜጬ፤ ባረ ቦላካ ሜጬቶ፤ ቃይ ኦማርሰ ጋካናው አ ቱና።

12 “ ቃይ ጎግያባይ ደእያ አሳይ ቦችያ ኡርቃ ሚሻ ኡባ መንሐተ፤ ዎላጥ ኦሰቱዳ ሚሻ ኡባይ ቃይ ሃሳን ሜጬቶ።

13 “ ላጎግያባይ ደእያ አሳይ ሄ ጎግያዎጥ ጌይያ ዎደ፣ ባረው ላፑን ጋላሳ ፓይደ። ባረ ማዩዋ ሜጬ፤ ባረ ቦላካ ፑልቱዎ ሃሳን ሜጬቶ፤ ያቲደ እ ጌሻ ግዴ።

14 ሆሰፑንላ ጋላሰ ላኡ ማራ ሀራጳቱዎ ዎይ ላኡ ማራ ደጎማቱዎ አኪደ፣ መድና ጎዳ

ዲንካንያ ጥንግያ መድና ጎዳ ሰንላ ዪደ፣ ቄሰያው ኡንቱንታ እዎ።

15 ቄሲ ሀራጳቱዎጥ እቱዎ ናጋራ ያርሾ፣ ላኤንሱዎ ቃይ ጸግያ ያርሾ ያርሼ፤ ያቲደ ቄሲ ብታንያ ቦላጥ ጎግያዎ ድራው መድና ጎዳ ሰንላን አ ናጋራ አቶ ጌሴ።

16 “ ላይ እቱማ አሳይን ባረ እቱማተላጥ ዘረላይ ጉኮጥ፣ ባረ ኩመንላ ቦላ ሃሳን ሜጬቶ፤ ቃይ ኦማርሰ ጋካናው አ ቱና።

17 እቱማተላጥ ጉኬዳ ዘረላይ ቦቹዳ ማዩዋ ኡባይ ዎይ ጋልባ ኡባይ ሃሳን ሜጬቶ፤ ቃይ ኦማርሰ ጋካናው አ ቱና።

18 ቃይ እት እቱማ አሳይ ማጬ አሳና ግሰና፣ አ እቱማተላጥ ዘረላይ ጉኮጥ፣ ላኡካ ሃሳን ሜጬቶ፤ ቃይ ኦማርሰ ጋካናው ኡንቱንቱ ቱና።

19 “ ማጬ አሳው አግናን አግናን ይያ ፒላይ ዮጥ፣ ላፑን ጋላሳ ጋካናው እዛ ቱና፤ ቃይ እዛ ቦችያ ኦንን ኦማርሰ ጋካናው ቱና።

20 “ ሄ ፒላ ዎደ እዛ ግሰያዎ ኡባይ ቱና፤ ቃይ እዛ ኡትያዎ ኡባይካ ቱና።

21 እዛ ግሰያ ግሱዎ ቦችያ ኡባይ ባረ ማዩዋ ሜጬ፤ ሃሳንካ ሜጬቶ፤ ኦማርሰ ጋካናው አ ቱና።

22 እዛ ኡትያዎ ቦችያ ኡባይ ባረ ማዩዋ ሜጬ፤ ባረ ቦላካ ሜጬቶ፤ ቃይ ኦማርሰ ጋካናው አ ቱና።

23 እዛ ግሰያ ግሱዎ ግድናካ ዎይ እዛ ኡትያዎ ቦችያ ኦንን ኦማርሰ ጋካናው ቱና።

24 “ ላይ እቱማ አሳይን ሄ ፒላ ዎደ አናና ግሰጥ፣ ሄ ፒላይ ቃይ አ ቦቸጥ፣ ላፑን ጋላሳ ጋካናው አ ቱና፤ እ ግሰያ ግሱ ኡባይካ ቱና።

25 “ ላት ማጬ ሞሽራትው እዛ ፒላ ዎድያ ግድናን ሀራ ዎድያን ሱላይ ጎጎጥ፣ ዎይ ቃይ እዛ ፒላይካ ባረ ዎድያጥ አሊደ ኤቀናን እጺደ ጎጎጥ፣ እ ኤቀና ጋካናው እዛ ቱና። ባረ ፒላ ዎድያን ቱና ግድያዎዳን፣ ሄ ዎደካ እዛ ቱና።

26 ሄ ሱላይ ኢጥ ጎግያ ዎድያን እዛ ግሴዳ ግሱ ኡባይ፣ ባረ ፒላ ዎደ እዛ ግሴዳ ግሱዎካ ማላ ቱና፤ ቃይ እዛ ኡትያባይ ኡባይካ ባረ ፒላ ዎደ እዛ ኡትያባይ ቱና ግድያዎዳን ቱና።

27 ቃይ ሄ ቱኔዳባቱዎ ቦችያ ኦንን ቱና፤ እ ባረ ማዩዋ ሜጬ፤ ባረ ቦላካ ሜጬቶ፤ ቃይ ኦማርሰ ጋካናው አ ቱና።

28 “ ላክጥ ጎግያባይ ኤቆጥ፣ እዛ ሄ ዎድያጥ ደማደ ላፑን ጋላሳ ፓይደ፤ ሄዎጥ ጉይያን፣ እዛ ጌሻ ግዳና።

29 ሆሰፑንላ ጋላሳን እዛ ላኡ ማራ ሀራጳቱዎ ዎይ ላኡ ማራ ደጎማቱዎ አካደ፣ ጸሳ ዲንካንያ ጥንግያ ቄሰያኮ አሁ።

30 ቄሲ ሀራጳቱዎጥ እቱዎ ናጋራ ያርሾ እቱዎ ቃይ ጸግያ ያርሾ ያርሾ። ያቲደ ቄሲ ኢጥ ጎግያዎ ቱናተላ ድራው መድና ጎዳ ሰንላን አ ናጋራ አቶ ጌሴ።

31 “ ላረንቱ ግድን ደእያ ጸሳ ዲንካንያ ቱንሱደ እስራኤልያ አሳይ ሀይቀናዳን፣ ኔን ሀዋዳን አላደ ኡንቱንቱ ባረና ቱንሰያዎጥ ሻከቲደ ደአናዳን ናጋ።

32 “ ላይ ቦላጥ አያይኔካ ጎግያ አሳውን አ እቱማተላጥ ጉኬዳ ዘረላን ቱንያ አሳው።

33 ቃይ ባረ ፒላ ጋሱዎን ቱንያ ማጬ አሳው፣ እቱማ ግድና ማጬዎ ግድና ጎግያባይ ደእያ

አሳውን ቱኔዳ ማጫ አሳና ግሰያ አቱማ አሳው እመቲዳ ዎጋይ ሄዎ' ያግተ' ያጌዳ።

16

ናጋራይ አቶ ጌተትያ ጋላሳ (16:1-34)

1 አርና አቱማ ናናይ ላኡ መድና ጎዳ ሰንፋ ሸቀይ ሀይቁዳዋጥ ጉይያን፣ መድና ጎዳይ ሙሳ ሀዋዳን ያጌዳ።

2 “መድና ጎዳይ ሙሳ፣ ነ እሻይ አርን ታቦታ ቦላን ደእያ አቶ ግያ ሳኦ ቁምእያ ሰንፋን ጋርዱዋጥ ጉዮ ባጋና ደእያ ኡባጥ አዴዳ ጌሻ ሳኦ ኡባ ዎደ ጮ ገለናዳን እዉ ኦዳ። ጮ ገሎጥ እ ሀይቃና፤ እያዉ ጎጥ፣ ታን ሻርያ ግድና አቶ ግያ ሳኦ ቁምእያ ቦላን ቆንጫይ።

3 አርን ናጋራ ያርሾ እት ኮሩማነ ቃይ ደግያ ያርሾ እት ድርሳ ኦርግያ አኪደ፣ ሄ ኡባጥ አዴዳ ጌሻ ሳኦ ገሎ።

4 “አርን ሊኩዋጥ ኦሰቲዳ ጌሻ ቃምሸያነ ሊኩዋጥ ኦሰቲዳ ጋርሳና ማይያ ማዩዋ ማዮ። ቃይ ሊኩዋጥ ኦሰቲዳ ዳንጨዋ ዳንጮ፤ ሄዋዳንካ ቃይ ባረ ሁጲያን ሊኩዋጥ ኦሰቲዳ ሻሽያ ኤንጨርሳ ዎላ። ሀዋንቱ ጌሻ ማዮቱዋ ግድያ ድራዉ፣ እ ባረ ቦላ ሃላን ሜጨት ክቺደ ማዮ።

5 “እሰራኤልያ አሳ ማባራይ ናጋራ ያርሾ ላኡ ዴሻ ኮለቱዋ፣ ደግያ ያርሾካ እት ድርሳ ኮልያ አርናዉ አይዮ።

6 አርን ባረ ናጋራን ባረ ሶ አሳ ናጋራ አቶ ጊሳናዉ ኮሩማ ያርሾ።

7 ሄዋጥ ጉይያን፣ ላኡ ዴሻ ኮለቱዋ አፊደ፣ መድና ጎዳ ዴንካንያ ጥንግያን መድና ጎዳ ሰንፋን ኤሶ።

8 ያቲደ ሄ ላኡ ዴሻቱዋን ሳማ የግና እቱ መድና ጎዳሳ፤ እቱ ቃይ ባዙዋ የድያዎ ግዴ።

9 አርን መድና ጎዳዉ ሳማይ ከሴዳ ዴሻ አሂደ፣ ናጋራ ያርሾ ኦሊደ ያርሾ።

10 ሸን ባዙዋ የድያ ሳማይ ከሴዳ ዴሻ ጋጾ ደእሸን መድና ጎዳዉ ሸሾ፤ ባዙዋ አ የደርሰያ ዎደ፣ አሳ ናጋራ አቶ ጊሴ።

11 “አርን ባረ ናጋራን ባረ ሶ አሳ ናጋራ አቶ ጊሳናዉ፣ እት ኮሩማ ናጋራ ያርሹዋ ኦሊደ ሸሾ። ያቲደ ባረ ናጋራ ያርሾ ሄ ኮሩማ ሹኮ።

12 ቃይ መድና ጎዳ ሰንፋን ደእያ ያርሸያ ሳኦጥ እጻና ጨውሰያ ሚሻ ኩመንፋ ቦንቁዋን፣ ሊቅ ጋጨቲዳ ላኡ ኮጵያ ሳዊያ እጻና አኪደ፣ ጋርዱዋ ግድ አሆ።

13 እ ሀይቃናዳን፣ እጻና ጨዋይ ታቦታ ቦላን ደእያ አቶ ግያ ሳኦ ቁምእያ ካማና ማላ፣ እጻና መድና ጎዳ ሰንፋን ደእያ ታማን ዎላ።

14 ቃይ ሄ ኦርግያ ሱላጥ ጉላ አኪደ፣ ባረ ብራድያ እን ናቂደ፣ አቶ ግያ ሳኦ ቁምእያዉ ሰንፋ ባጋ ጫጫፎ፤ ቃይ አቶ ግያ ሳኦ ቁምእያጥ ሰንፋ ባጋና ደእያ ሳኦካ ላፑ ገደ ጫጫፎ።

15 “ሄዋጥ ጉይያን አሳ ናጋራ ያርሾ ግድያ ዴሻ ሹኪደ፣ አ ሱላ ጋርዱዋ ግድ አሆ፤ ኮሩማ ሱላ ጫጫፊዳዎዳን፣ አቶ ግያ ሳኦ ቁምእያ ሰንፋን

አቶ ግያ ሳኦ ቁምእያጥ ሰንፋ ባጋና ደእያ ሳኦ ጫጫፎ።

16 ያቲደ ኡባጥ አዴዳ ጌሻ ሳኦ እሰራኤልያ አሳ ቱናተላጥ ናጋራጥ ጌሼ። ቃይ ኡንቱንቱ ቱናባ ኦላሸን፣ ኡንቱንቱ ግድን ደእያ ጾሳ ዴንካንያካ ሄዋዳን ኦሊደ ጌሾ።

17 እ ኡባጥ አዴዳ ጌሻ ሳኦ ገሊደ፣ ባረ ናጋራ፣ ባረ ሶ አሳ ናጋራን ኩመንፋ እሰራኤልያ አሳ ናጋራ አቶ ጊሴደ ከሳና ጋካናዉ፣ ኦንን ጾሳ ዴንካንያ ግድን ደእያ።

18 “ሄዋጥ ጉይያን እ መድና ጎዳ ሰንፋን ደእያ ያርሸያ ሳኦ ዩደ አ ናጋራ አቶ ጊሴ። ኮሩማ ሱላጥን ዴሻ ሱላጥ ጉላ ጉላ አኪደ፣ ያርሸያ ሳኦ ዩሹዋን ደእያ ካጨቱዋ ኦኮ።

19 ቃይ ሄ ሱላጥ ጉላ ባረ ብራድያን አኪደ፣ ላፑ ገደ ያርሹዋ ሳኦ ቦላ ጫጫፊደ፣ እሰራኤልያ አሳ ቱናተላጥ ሄ ያርሹዋ ሳኦ ጌሾ።

ዎራ የድያ ዴሻ

20 “አርን ኡባጥ አዴዳ ጌሻ ሳኦ፣ ጾሳ ዴንካንያን ያርሸያ ሳኦ ጌሸያ ዎጋ ፖሌዳዋጥ ጉይያን፣ ጋጾ ደእያ ዴሻ ሸሾ።

21 አርን ባረ ላኡ ኩሸቱዋ ጋጾ ደእያ ዴሻ ሁጲያን ዎሊደ፣ እሰራኤልያ አሳ ናቁዋ ኡባ፣ ኡንቱንቱ ማካላ ኡባ፣ ኡንቱንቱ ናጋራ ኡባ ጋጾ፤ ያቲደ ሄ ዴሻ ሁጲያን ሄዋ ቶሲደ ሄ ዴሻ አፋናዳን ጊግሴዳ አሳ ቦላን ባዙዋ የድ።

22 እ ዴሻ ባዙዋ የድና፣ ዴሻይ ኡንቱንቱ ናጋራ ኡባ ቶኪደ፣ አሳይ ባይና ሳኦ ባዙዋ ሶ።

23 “ሄዋጥ ጉይያን፣ አርን ጾሳ ዴንካንያ ቢደ ኡባጥ አዴዳ ጌሻ ሳኦ ገሌዳ ዎደ፣ ካሰ ባረ ማዩዋ ሊኩዋጥ ኦሰቲዳ ማዩዋ ቃሪደ ሄዋን ዎላ።

24 ጌሻ ሳኦን እ ባረ ቦላ ሃላን ሜጨቲደ፣ ሀራ ማዩዋ ማዩደ ከሶ፤ ያቲደ ደግያ ያርሹዋ ባረዋን አሳዋ ያርሺደ፣ ባረ ናጋራን አሳ ናጋራ አቶ ጊሴ።

25 ቃይ ሄዋዳንካ ናጋራ ያርሹዋ ሀንዳ ያርሸያ ሳኦ ቦላን ዎሊደ ዴጎ።

26 “ዎራ የድያ ዴሻ አፊዳ ብታኒካ ባረ ማዩዋ ሜጮ፤ ባረ ቦላካ ሃላን ሜጨቶ። ያት ሰሚደ ዴንካኔዳሳ ዮ።

27 “ናጋራ አቶ ጊሳናዉ አርን ኡባጥ አድያ ጌሻ ሳኦ ገሌዳ ዎደ፣ ናጋራ ያርሹዋ ኮሩማ ሱላን ዴሻ ሱላ አኪደ ገሌዳ፤ ሀእ ሀንተ ሄ ኮሩማን ሄ ዴሻን ዴንካኔዳ ሳኦጥ ጋጾ ከሰተ። ኡንቱንቱ ጋልባ፣ ኡንቱንቱ አሹዋን ኡንቱንቱ ቶጭያ ታማን ዴግተ።

28 ሄዋ ታማን ዴጌዳ ብታኒ ባረ ማዩዋ ሜጮ፤ ባረ ቦላካ ሃላን ሜጨቶ፤ ሄዋጥ ጉይያን፣ ዴንካኔዳ ሳኦ ዮ።

ናጋራ አቶ ጊሴያ ጋላሳ ቦንቶያዎ

29 “ሀዋ ሀንተንቶ መድናዉካ ዎጋ ግድ፣ ላፑንፋ አግናይ ገሌዳ ታሙንፋ ጋላሳን ሀንተ ሁጲያ ካዉሸተ፤ እሰራኤልያ አሳ ግድና ዎይ ቃይ ሀንተ ግድን ደእያ ሀራ ቢታ አሳ ግድናካ፣ አይ ኦሶን ኦሶጥተ።

16:2 እብራ. 6:19 16:3 እብራ. 9:7 16:15 እብራ. 9:12 16:23 ህዝ. 44:19 16:27 እብራ. 13:11 16:29 ዎጋ 23:26-32፤ ገይ. 29:7-11

30 እያው ጎጥ፡ ህንተና ገሻናው፡ ህንተ ናጋራ አቶ ጊሰያ ጋላሳይ ሄ ጋላሳ። ህንተካ መድና ጎዳ ሰንላን ህንተ ናጋራ ኡባፕ ጌያና።

31 ሄዌ ህንተ ዋና ሸምፑዋ ሸምፕያ ሳምባታ ጋላሳ። ሄ ጋላሳን ህንተ ሁጺያ ካወሸተ፤ ሄዌ ህንተንቶ መድናውካ ዎጋ ግድ።

32 ቃይ ባረ አወዋ ኮታን ቄሰ ግዳናዳን ኦከትያዌን ዱማትያ አሳይ ጌሻ ግዳዳ ሊኑዋፕ ዳደቲዳ ማዩዋ ማዩደ፡ ናጋራ አቶ ጊሰያ ዎጋ ፖሎ።

33 እ ኡባፕ አድያ ጌሻ ሳኦ፡ ጸሳ ዱንካንያ፡ ያርሽያ ሳኦ፡ ቄሳቱ ዋነ እስራኤልያ አሳ ኡባ ጌሻ።

34 እስራኤልያ አሳ ናጋራ ኡባ አቶ ጊሰያ ዎጋ ህንተ ላይላን ላይላን እት ገደ ኦላናዳን፡ ሀዌ ህንተንቶ መድናውካ ዎጋ ግድ” ያጌዳ። ሙሴ መድና ጎዳይ እዛዜዳዋዳን አሌዳ።

ደኡዋ ጌሻተላነ ጎይኑዋ ዎጋ

17

(17:1—27:34)

ሱላይ ሜተተናዳን ድገቱሳ

1 መድና ጎዳይ ሙሳ ሀዋዳን ያጌዳ፤

2 “እርናው እ አቱማ ናናቶነ እስራኤልያ አሳ ኡባወ ሀዋዳን ያጋደ ኦዳ፤ ‘መድና ጎዳይ እዛዜዳዌ ሀዋ።

3 እስራኤልያ አሳፕ ኦንነ ቦራ ዎይ ዶርሳ ዎይ ደሻ ዱንካኔዳ ሳኦን ዎይ ዱንካኔዳ ሳኦፕ ጋጸና ሹኪደ።

4 መድና ጎዳወ እዋታ ኦሊደ እማናወ መድና ጎዳ ዱንካንያ ፕንግያ መድና ጎዳ ሰንላ አሀና ቆጥ፡ ሄ ሱላን እ ኦሽቱ፤ ሄ አሳይ ሱላ ጉሴዳ። ሄዋ ድራወ እ ባረ አሳ ግድፕ ቦሄቶ።

5 ሄዋ ድራወ እስራኤልያ አሳይ ባረንቱ ያርሹዋ መሀያ ጮ ደምባን ሹክያዋ አጊደ። ሄ መድና ጎዳኮ፡ መድና ጎዳ ዱንካንያ ፕንግያን ደእያ ቄሰያኮ አሀና። ቄሲ ሄዋ አኪደ፡ መድና ጎዳወ እትፕተላ ያርሹዋ ኦሊደ ሹኮ።

6 ቃይ ቄሲ መድና ጎዳ ዱንካንያ ፕንግያን ደእያ መድና ጎዳወ ያርሽያ ሳኦ ቦላን ሄ ሱላ ጫጫሮ፤ ሀንዳካ መድና ጎዳወ ሳወዋ ቶሹሱ ግያ ያርሹዋ ኦሊደ ጸጎ።

7 እስራኤልያ አሳይ ጸሳ ካልያዋ አጊደ ካሌዳ ጸላሄቶ ላኤንላ ባረንቱ ያርሹዋ ያርሹፕና። ሀዌ ኡንቱንቶነ ይያ የለታ ኡባወ መድናወ ዎጋ ግድ” ያጋ።

8 “ኡንቱንታ ሀዋዳን ያጋ፤ ‘እስራኤልያ አሳፕ ግድና ዎይ ኡንቱንቱ ግድን ደእያ ሀራ ቢታ አሳፕ ግድናካ፡ ኦንነ ጸግያ ያርሹዋ ዎይ ሀራ ያርሹዋ ሺሽያ ዎደ።

9 መድና ጎዳወ ያርሻናወ መድና ጎዳ ዱንካንያ ፕንግያ አሀና ቆጥ፡ ሄ አሳይ ባረ አሳ ግድፕ ቦሄቶ።

10 “ ‘እስራኤልያ አሳፕ ዎይ ኡንቱንቱ ግድን ደእያ ሀራ ቢታ አሳፕ ኦንነ ሱላ ሞፕ፡ ሄ ሱላ

ዎያ አሳ ቦላን ታን ታ ደሙዋ ቱካና፤ ታን ሄ ብታንያ አሳ ግድን ቦሀና።

11 እያው ጎጥ አሹዋ ማዬዳ ኡባ ደኡ እ ሱላ ግድን ደኡ፤ ሱላይካ ቃይ ደኡዋ ሸምፑ እ ግድን ደእያዋፕ ደንዴዳዋን ናጋራ አቶ ጊሰያዋ ግድያ ድራወ፡ ህንተ ናጋራ አቶ ጊሳናዳን፡ ታን ህንተንቶ ያርሽያ ሳኦ ቦላን ያርሻናዳን እማድ።

12 ሄዋ ድራወ ታን እስራኤልያ አሳ፡ “ህንተፕ ዎይ ህንተ ግድን ደእያ ሀራ ቢታ አሳፕ ኦንነ ሱላ ሞፕ” ያጋድ።

13 “ ‘እስራኤልያ አሳፕ ዎይ ኡንቱንቱ ግድን ደእያ ሀራ ቢታ አሳፕ ኦንነ ሞያ ዶኦ ዎይ ካፋዋ ሻንካቲደ ዎዶፕ፡ እ ሱላ ሳኦን ጉሴደ፡ ቢታ ካሞ።

14 እያው ጎጥ አሹዋ ማዬዳ ኡባ ሸምፑ እ ሱላ ግድና። ሄዋ ድራወ ታን እስራኤልያ አሳ፡ “አሹዋ ማዬዳ መፍታ ኡባ ሸምፑካ እ ሱላ ግድን ደእያ ድራወ፡ ሱላ ሞፕተ፤ ቃይ ሞያ ኦንነ ባረ አሳ ግድፕ ቦሄቶ” ያጋድ።

15 “ ‘እስራኤልያ አሳ ግድና ዎይ ኡንቱንቱ ግድን ደእያ ሀራ ቢታ አሳ ግድና፡ ኦንነ ባኩታ ዎይ ደእይ ኦይቀደ ዎዶዳ አሹዋ ሞፕ፡ ባረ ማዩዋ ሜጮ፤ ባረ ቦላካ ሜጮቶ፤ ያቲደ ኦማርሰ ጋካናወ እ ቱና። ሄዋፕ ጉይያን፡ እ ጌሻ።

16 ባረ ማዩዋ ሜጮና ቆጥ፡ ባረ ቦላካ ሜጮታና ቆጥ፡ እ ባረ ናጋራን ኦሽቱ” ያጋ።

18

ድገቱዳ ማጫነ አቱማ አሳ ግሱዋ

1 መድና ጎዳይ ሙሳ ሀዋዳን ያጌዳ፤

2 “እስራኤልያ አሳ ሀዋዳን ያጋ፤ ‘ታን፡ መድና ጎዳይ፡ ህንተ ጸሳ።

3 ህንተ ካሰ ደኤዳ ግብጾ ቢታ አሳይ ኦልያዋዳን ኦላፕተ፤ ዎይ ሀእ ታን ህንተና አፍያ ካናን ቢታ አሳይ ኦልያዋዳንካ ኦላፕተ፤ ኡንቱንቱ ዎጋካ ካሎፕተ።

4 ህንተ ታ እዛዙዋ ኦላፕተ፤ ታ ዎጋካ ናግተ፤ ቃይ እን ቢተ። ታን፡ መድና ጎዳይ፡ ህንተ ጸሳ።

5 ሄዋ ድራወ ታ እዛዙዋን ታ ዎጋ ናግተ፡ ህንተ ፓጸ ደኦና። ታን መድና ጎዳ።

6 “ ‘ህንተፕ ኦንነ አሹዋ አሙዋ ፖላናወ ባረ ማታ ደቡዋና ግሶፕ። ታን ጸሳ።

7 ነ አሹዋ አሙዋ ፖላናወ ነ ዳይና ግሶፕ፤ ነ አወዋ ካወሾፕ። እዛ ነ ዳዮ፤ ኢናና ግሶፕ።

8 ነ አሹዋ አሙዋ ፖላናወ ነ አወዋ ማቻትና ግሶፕ፤ ነ አወዋ ካወሾፕ።

9 “ ‘ሳ አሹዋ አሙዋ ፖላናወ ነ ሞቻትና ግሶፕ፤ ዎይ ቃይ ሶን የለቲዳ ዎይ ካረን የለቲዳ ነ አወዋ ዎይ ነ ዳይ ናትናካ ግሶፕ።

10 “ ‘ሳ አሹዋ አሙዋ ፖላናወ ነ ናኦ ናትና ዎይ ነ ናት ናትና ግሶፕ። ነ ሁጺያወ ኔና ካወሻሳ።

11 ነ አሹዋ አሙዋ ፖላናወ ነ አወዋ ማቻት ናትና ግሶፕ፤ እዛ ነ ሞቻቶ ግድያ ድራወ ኢናና ግሶፕ።

17:10 ደመላ 9:4፤ ዎጋ 7:26-27፤ 19:26፤ ዛረ. 12:16፤ 23፤ 15:23 17:11 እብራ. 9:22 18:5 ናህ. 9:29፤ ሀዘ. 18:9፤ 20:11-13፤ ሉቃሳ 10:28፤ ሮመ 10:5፤ ጋሊ. 3:12 18:8 ዎጋ 20:11፤ ዛረ. 22:30፤ 27:20 18:9 ዎጋ 20:17፤ ዛረ. 27:22 18:12 ዎጋ 20:19-20

12 ነ አሹዋ አሙዋ ፖላናው ነ አወዋ ምቻትና ግሶፓ። እዛ ነ አዎ ማታ ዳቦ።

13 አሹዋ አሙዋ ፖላናው ነ ዳይ ምቻትና ግሶፓ፤ እዛ ነ ዳይወ ማታ ዳቦ።

14 ነ አወዋ እሻ ካሉዋ ቃራደ ነ አሹዋ አሙዋ ፖላናው እ ማቻትና ግሶፓ፤ እዛ ነ አወዋ እሻ ማቻቶ።

15 ነ አሹዋ አሙዋ ፖላናው ነ ናኣ ማቻትና ግሶፓ፤ እዛ ነ ናኣ ማቻቶ ግድያ ድራው። ኢናና ግሶፓ።

16 ነ አሹዋ አሙዋ ፖላናው ነ እሻ ማቻትና ግሶፓ፤ ግሶፐ ነ እሻ ካወሻሳ።

17 “ ና አሹዋ አሙዋ ፖላናው ምሽራትና ነ ናትና ነ ላኡዋና ግሶፓ። እ ናት ናትና ዋይ ቃይ እ ናኣ ናትናካ ግሶፓ፤ ኡንቱንቱ እዘወ ማታ ዳቦ ግድያ ድራው። ሄዌ ሻርሙጻ።

18 “ ና ማቻታ ፓጻ ደእሸን። ነ ማቻት ምቻቶ አካደ ነ አሹዋ አሙዋ ፖላናው ኢናና ግሶፓ።

19 “ ና አሹዋ አሙዋ ፖላናው ፒላይ ዪና ቱና ኡቱዳ ምሽራትና ግሶፓ።

20 “ ኔን ቱናዳን ነ ሾሩዋ ማቻትና ግሶፓ።

21 “ ና ጸሳ ሱንላ ቱንሳናው ነ ናናቱዋፕ እቱዋን ታማን ደጊደ። ሞሎካ ግያ ኤቃወ ያርሻናዳን እሞፓ። ታን መድና ጎዳ።

22 “ ማጫ አሳና ግሰያዋዳን አቱማ አሳና ግሶፓ፤ ሄዌ ሸነይያባ።

23 “ ኔን ቱናዳን እይ መሀያናን ግሶፓ። ቃይ ማጫ አሳይካ መሀያና ግሳናው መሀያ ሰንላ አጵፖ። ሄዌ ዎጋይ ባይናዋ።

24 “ ናን ህንተ ሰንላፕ የደርሰያ ካወተላቱ ሀ ኡሶቱዋን ቱኔዳ ድራው። ህንተ ሀዋንታ ማላትያዋቱዋን ቱናፕተ።

25 ሀራይ አቶ ኡንቱንቱ ቢታይካ ቱኔዳ ድራው። እ ናጋራው ታን እ ሙራድ፤ ቢታይካ ባረናን ደእያዋንታ ጨቹዳ።

26 ሸን ህንተ ታ ሀግያን ታ አዛዙዋ ናግተፕ እትና። እሰራኤልያ አሳ ግድና ዋይ ህንተ ግድን ደእያ ሀራ ቢታ አሳፕ ኡን ሀዋ ማላ ቱና ኡሶዋ አሳፕተ።

27 “ ህንተፕ ካሰ ሀ ጋድያን ደኤዳ አሳቱ ሀዋ ማላ ቱናባ ኡፊዳ ድራው። ቢታይ ቱኔዳ።

28 ህንተ ሀ ቢታ ቱንሶፕ። ህንተፕ ካሰ ደኤዳ ካወተላቱዋ ሀ ቢታይ ጨቹዳዋዳን። ህንተናካ ጨቹናዳን ናገትተ።

29 ሄዋንታ ማላትያ ቱና ኡሶቱዋፕ እቱዋን አልያ አሳይ ደአፕ። ሄ አሳይ ባረ አሳ ግድፕ ቦሄቶ።

30 “ ሄዋ ድራው ህንተፕ ካሰ ደኤዳ አሳቱ ኡፊዳ ቱና ኡሶቱዋ ኡባ ኡፊደ ህንተ ቱንናዳን። ህንተ ታ አዛዙዋ ናግተ፤ ታን። መድና ጎዳይ። ህንተ ጸሳ። ያጋ” ያጌዳ።

19

ጌሻተላን ልክ ፕርዳ ሀገቱዋ

1 መድና ጎዳይ ሙሳ ሀዋዳን ያጌዳ፤

2 “እሰራኤልያ አሳወ ኡባወ ሀዋዳን ያጋደ ኡዳ፤ ናን። መድና ጎዳይ። ህንተ ጸሳይ ጌሻ ግድያ ድራው። ህንተካ ጌሻ ግድ።

3 “ ህንተፕ እቱን አተናን ባረ አባን ባረ ዳዮ ቦንቾ፤ ታ ሳምባታቱዋካ ቦንቾተ። ታን። ጸሳይ። ህንተ ጸሳ።

4 “ ናፕ አጊደ ኤቃቶ ጎይናፕተ፤ ዋይ ቃይ ብራታፕ ሲልሴዳ። ጸሳቱዋ ህንተንቶ መጵፕተ። ታን። መድና ጎዳይ። ህንተ ጸሳ።

5 “ ህንተ እትፕተላ ያርሹዋ መድና ጎዳው ያርሸያ ዋይ። ሄ ያርሹ ህንተ ድራው እከታናዳን። በሰያዋዳን ያርሸተ።

6 ሄ ያርሹ ህንተ ያርሹዳ ጋላሳን ዋይ ዋንተላ ጋላሳን ማታቶ፤ ሄዘንላ ጋላሳይ ጋካናው አቱዳዋ ደአፕ ሄዋ ጸገቶ።

7 ሄዘንላ ጋላሳን እ ሞፕ። ሄዋ ሸነይያባ፤ ታን ሄዋ አክከ።

8 ሄዋ ምያ ኡን ባረ ናጋራን አሸቱ፤ አያው ጎፕ። እ መድና ጎዳው ጌሻ ግድዳዋ ቱንሴዳ። ሄ አሳይ ባረ አሳ ግድፕ ቦሄቶ።

9 “ ህንተ ጋድያን ሞኬዳ ካላ ህንተ ጫክያ ዋይ። ጋድያ ጋጸ ጋካናው ጫከፕተ፤ ቃይ ጫካፕ ሰምና ደእያ ቃርምያካ ቃርሞፕተ።

10 ነ ዋይንያ አይፍያ ሙሊ ማጻደ ምላ ካሎዮፓ፤ ሳክን ዋዴዳ ዋይንያ አይፍያካ ማጻፓ፤ ሄዋ ህይሳቶን በተቶ አጋ። ታን። መድና ጎዳይ። ህንተ ጸሳ።

11 “ ህንተ ወአፕተ።

“ ሞርዶቶፕተ።

“ ኣቱ እቱዋ ጭሞፕተ።

12 “ ና ሱንላን ዋርዲዋን ጫቆፕተ፤ ያቲደ ህንተ ጸሳ ሱንላ ቱንሶፕተ። ታን መድና ጎዳ።

13 “ ና ሾሩዋ ሱንላ፤ ዋይ ቦንቆፓ።

“ ከራ ኡልያ ብታንያ ድርጉዋ ድጋደ። እት ቃማን ነ ማታን አይሶፓ።

14 “ ጭልያ ሸቆፓ፤ ዋይ ቃይ ቆቅያ ሰንላን ጱቢያዋ ዋላፓ፤ ሸን ኔን ጸሳው ያያ። ታን መድና ጎዳ።

15 “ ፕርዳ ፕርዳደ ደሸሶፓ፤ ህይሳ አ ህይሳተላ ድራው ማዳደ ፕርደፓ፤ ዲርያካ አ ዲረተላ ድራው ያያደ አሳፓ። ሸን ነ ሾር ቱማተላን ፕርዳ።

16 “ ና አሳ ግድን ኢታ ዝግርሳ አካደ ዩዮፓ። “ ና ሾሩዋ ዋድያዋ አያን አላፓ። ታን መድና ጎዳ።

17 “ ና እሻ ነ ዋዛናን እጸፓ።

“ ና ሾሩዋ ጋሱዋን ኔን ናጋራ ኦና ማላ። አ ሴራ።

18:15 ዎጋ 20:12 18:16 ዎጋ 20:21 18:17 ዎጋ 20:14፤ ዛረ. 27:23 18:19 ዎጋ 20:18 18:20 ዎጋ 20:10 18:21 ዎጋ 20:1-5 18:22 ዎጋ 20:13 18:23 ከሳ 22:19፤ ዎጋ 20:15-16፤ ዛረ. 27:21 19:2 ዎጋ 11:44-45፤ 1 ጸጸ. 1:16 19:3 ከሳ 20:8፤ 12፤ ዛረ. 5:12፤ 16 19:4 ዎጋ 26:1፤ ከሳ 20:23፤ 34:17፤ ዛረ. 27:15 19:9 ዎጋ 23:22፤ ዛረ. 24:19-22 19:11 ከሳ 20:15፤ 16፤ ዛረ. 5:19፤ 20 19:12 ከሳ 20:7፤ ዛረ. 5:11፤ ማቶሳ 5:33 19:13 ዛረ. 24:14-15 19:14 ዛረ. 27:18 19:15 ከሳ 23:6-8፤ ዛረ. 16:19

18 “ ሳኩሽያ ጭጎጋ፤ ቃይ ነ ኦሳፕ እቶን ኡሉዋን ቅምያ ኦይቆጋ። ሸን ነ ሾሩዋ ነ ሁጲያዳን ሲቃ። ታን መጅና ጎዳ።

19 “ ታ ኦዛዙቱዋ ናጋ።

“ ና መሀያፕ እት ቆዋ መሀያ ሀራ ቆዋ ዲማ መሀያን ብራሰሰጋ።

“ እት ሾይቃን ላኡ ቆዋ ዘረላ ዘርጋ።

“ ቃይ ላኡ ቆመዋፕ ዳደቴዳ ማዩዋ ማዮጋ።

20 “ እት ኦሳይ ሀራ ኦሳ ገላናዉ ጊጋ ኡቴዳ ዳንጋጽራትና ግሶፕ። ቃይ ሄ ዳንጋጽራታካ ባረ ዳንጋጽራተላፕ ዋዘታቤናኖ ግደፕ። ኡንቱንቱ መራታናዉ በሴ፤ ሸን እዛ ባረ ዳንጋጽራተላፕ ዋዘታቤና ድራዉ። ኡንቱንታ ዋዳናዉ ኮሸና።

21 ግደፕን ሄ ብታኒ ባረ ናቁዋ ያርሾ ግድያ ደርሳ ኦርግያ ጸሳ ዳንካንያኮ መጅና ጎዳ ሰንሳ አሆ።

22 ቁሲ ሄ ናቁዋ ያርሹዋ ደርሳ አኪደ። ብታኒ ኦሌዳ ናጋራ መጅና ጎዳ ሰንሳን አቶ ጊሴ፤ እ ኦሌዳ ናጋራይካ አቶ ጌተታና።

23 “ ህንተ ካናን ቢታ ገልያ ዋደ። አይፍያ ዋያ አይ ቆዋ ዋላ ቶኮፕካ። ሄ ዋላ አይፍያ ማተተናዋዳን ፓይድተ፤ ሄዙ ላይላይ ዉራናዉ ሄ ዋላ አይፊ ማተተና፤ እ ዋፕተ።

24 አይደንሶ ላይላን ሄ ዋላ አይፊ ኡባይ መጅና ጎዳዉ ጋላታ ሸሽያ ጌሻ ያርሹዋ ግዳናዋ።

25 ሸን ሄ ዋላ አይፊ ህንተንቶ ሎይሶ ዳራና ማላ። እቼሸንሶ ላይላ አይፍያ ማተ። ህንተ ሀዋዳን ኦሎፕ። ህንተ ዋላ አይፊ ዳራና። ታን መጅና ጎዳይ ህንተ ጸሳ።

26 “ ሱላይ አ ግደን ደእያ አይ አሹዋካ ዋፕተ።

“ ካዮፕተ ዋይ ሻራቸፕተ።

27 “ ህንተ ሁጲያ ብናና ጋርሳና ዩሽ አሊደ ቃንጸፕተ፤ ቃይ ህንተ ቡቻካ ዩሽ አሊደ ቃንጸፕተ።

28 “ ህይቄዳ አሳ ድራዉ ህንተ ቦላ ቃንጸራሶፕተ፤ ዋይ ጫቻ ማላታ ህንተ ቦላን ከሶፕተ። ታን መጅና ጎዳ።

29 “ ብታይ ዋዳላ ቱናተላን ኩሜዳዋ ግደና ማላ። ነ ናቶ ሻርሙጸ ኦሶ አላ እማደ ቱንሶጋ።

30 “ ታ ሳምባታቱዋ ቦንቸተ፤ ታዉ ጎይንያ ሳኣካ ቦንቸተ። ታን መጅና ጎዳ።

31 “ ሞይትልያ ሃሳይሰያዋንቱኮነ ሻራቸቱዋኮ ቦፕተ፤ ህንተ ቱነና ማላ ኡንቱንታ ኮዮፕተ። ታን፣ መጅና ጎዳይ፣ ህንተ ጸሳ።

32 “ ፑሉሜዳ አሳን ጭሜዳ አሳ በእያ ዋደ ኡቴዳ ሳኣፕ ደንዳ ኤቃ፤ ኡንቱንታ ቦንቻ፤ ነ ጸሳዉ ያያ። ታን መጅና ጎዳ።

33 “ ህንተ ጋድያን ህንተናና ደእያ በተቱዋ ቦላን ሱገላባ ኦሎፕተ።

34 ህንተ ጋድያን ህንተናና ደእያ በተ አሳ ህንተ ቢታ አሳዳን ጸልተ፤ እ ህንተ ሁጲያዳን ሲቅተ። አያዉ ጎፕ። ህንተካ ካሰ ግብጼ ጋድያን በተ ግዲደ ደኤድታ። ታን፣ መጅና ጎዳይ፣ ህንተ ጸሳ።

35 “ ህንተ ጌሳ ልክያባን፣ ሚዛናን ዋሊደ ልክያባን ማክያባን ዋርዶቶፕተ።

36 ህንተ ኪሉዋ ሚዛናይ፣ ህንተ ማክያባይን ልክያ ሚሻቱ ኡባይ ልክ ግድኖ። ታን ህንተና ግብጼ ጋድያፕ ከሳደ አሄዳ መጅና ጎዳ ህንተ ጸሳ።

37 ህንተ ታ ህግያን ታ አዛዙዋ ኡባ ናግተነ ኦሎተ። ታን መጅና ጎዳ ያጋ’ ” ያጌዳ።

20

አዛዙተናን እጽና ጋክያ ሙራ

1 መጅና ጎዳይ ሙሳ ሀዋዳን ያጌዳ፤

2 “እስራኤልያ አሳዉ ሀዋዳን ያጋደ ኦዳ፣ ኦሳሰራኤልያ አሳፕ ግድና፣ ዋይ በተደ ዩደ እስራኤልያ ግደን ደእያ ሀራ ቢታ አሳፕ ግድናካ፣ ኦንነ ባረ ናናቱዋፕ እቱዋ ሞሎካ ግያ ኤቃዉ አሊደ እሞፕ፣ ሄ አሳይ ሀይቆ፤ ሄ ቢታ አሳይ አ ሹቻን ጫዲደ ዋዶ።

3 ታን ሄ ብታንያ እጻና፤ እ አሳ ግደፕ ሾዳደ እ ጳይሳና። አያዉ ጎፕ፣ እ ባረ ናናቱዋፕ እቱዋ ሞሎካ ግያ ኤቃዉ እምያዋን፣ ታ ዳንካንያ ቱንሴዳ፤ ታ ጌሻ ሱንላካ ካዉሸሴዳ።

4 ሄ ብታኒ ባረ ናናቱዋፕ እቱዋ ሞሎካዉ እምያ ዋደ፣ ሄ ቢታ አሳይ በኢደ፣ ሸንኮ ጎፕ፣ ቃይ ብታንያካ ዋፍናን አሳፕ።

5 ታን ታ ሁጲያዉ ሄ ብታንያን ሄ ሶ አሳ እጻና፤ ሞሎክና ሻርሙጸናዉ እ ካልያ ኡባቱዋ ኡንቱንቱ አሳ ግደፕ ቦህተ።

6 “ ኦይ አሳይነ ታናን አማነተናን እጲደ፣ ሞይትልያ ሃሳይሰያዋንታን ሻራቸቱዋ ኦቻናዉ ቦፕ፣ ታን እ እጻና፤ እ አሳ ግደፕካ ጳይሳና።

7 “ ታን፣ መጅና ጎዳይ፣ ህንተ ጸሳ ግድያ ድራዉ፣ ሰም ህንተ ህንተና ዲማይተ፤ ቃይ ጌሻ ግድተ።

8 ታ ህግያ ናግተነ ኦሎተ። ታን ህንተና ጌሽያ መጅና ጎዳ።

9 “ ኦይ አሳይነ ባረ አዉዋ ዋይ ባረ ዳዮ ሸቆፕ ሀይቆ። እ ባረ አዉዋ ዋይ ባረ ዳዮ ሸቆዳ ድራዉ፣ እ ሱላ አጩ አ ቦላና።

10 “ እት አሳይ ባረ ሾሩዋ ማቻትና ግሶፕ፣ ሄ ግሴዳ ብታኒን ሞሸርታ ላኡካ ሀይቄና።

11 ባረ አዉዋ ማቻትና ግሴዳ አሳይ ባረ አዉዋ ካዉሸሴዳ፤ ኡንቱንቱ ላኡካ ሀይቄና። ኡንቱንቱ ሱላ አጩ ኡንቱንቱ ቦላና።

12 እት አሳይ ባረ ናኦ ማቻትና ግሶፕ፣ ኡንቱንቱ ላኡካ ሀይቄና። ኡንቱንቱ ቱናባ ኦሌድና። ኡንቱንቱ ሱላ አጩ ኡንቱንቱ ቦላና።

19:18 ማቶሳ 5:43፤ 19:19፤ 22:39፤ ማር. 12:31፤ ሉቃሳ 10:27፤ ሮሙ 13:9፤ ጋላ. 5:14፤ ያቆባ 2:8 19:19 ዛረ. 22:9-11 19:26 ዶሙላ 9:4፤ ዋጋ 7:26-27፤ 17:10-14፤ ዛረ. 12:16፤ 23፤ 15:23፤ 18:10 19:27 ዋጋ 2:5፤ ዛረ. 14:1 19:29 ዛረ. 23:17 19:30 ዋጋ 26:2 19:31 ዛረ. 18:11፤ 1 ሳሜላ 28:3፤ 2 ካታ. 23:4፤ ኢሳ. 8:19 19:33 ከሳ 22:21፤ ዛረ. 24:17-18፤ 27:19 19:35 ዛረ. 25:13-16፤ ሌዎ. 20:10፤ ህዝ. 45:10 20:9 ከሳ 21:17፤ ማቶሳ 15:4፤ ማር. 7:10 20:10 ከሳ 20:14፤ ዋጋ 18:20፤ ዛረ. 5:18 20:11 ዋጋ 18:8፤ ዛረ. 22:30፤ 27:20 20:12 ዋጋ 18:15 20:13 ዋጋ 18:22

21

13 “ ላት አቱማ አሳይ ማጫ አሳና ግሰያዎዳን አቱማ አሳና ግሰፕ፡ ኡንቱንቱ ላኡካ ቱናባ አሌዳ ድራዉ ሀይቂና፡ ኡንቱንቱ ሱላ አጩ ኡንቱንቱ ቦላና፡

14 እት አሳይ ናቶነ አቶነ እትፕ አክያዎ ግደፕ፡ ሄዌ ቱናባ፤ ህንተ ግደን ቱናተላይ ደኤና ማላ፡ እነ ኡንቱንቱነ ታማን ጸገትና፡

15 “ ላት አሳይ መሀያና ግሰፕ፡ እ ሀይቆ፤ ሄ ማጫ መሀቶካ ዎድተ፡

16 እት ማጫ እሰ መሀያና ግሰፕ ሄ ሞሽራቶነ ሄ መሀያ ላኡዎካ ዎድተ፤ ኡንቱንቱ ሀይቂና፡ ኡንቱንቱ ሱላ አጩ ኡንቱንቱ ቦላና፡

17 “ ላት አሳይ ባረ ሞቻቶ ባረ አዉዎ ናትና ዎይ ባረ ዳይ ናትና ግሰፕ፡ ሄዌ ፖኮባ፡ ኡንቱንቱ ባረንቱ አሳ ግደፕ ቦሄትና፡ እ ባረ ሞቻቶ ካዉሼዳ ድራዉ፡ እ ባረ ናጋራን ኦሽቱ፡

18 እት አሳይ ፒላይ ዬዳ ማጫን ካሉዎ ቃሪደ አናና ግሰፕ፡ ኡንቱንቱ ላኡካ ባረንቱ አሳ ግደፕ ቦሄትና፡ አያዉ ጎፕ እ እዝ ሱላይ ጎግያ ፑልቱዎ ካሎዬዳ፤ እዛካ ባረ ሱላይ ጎግያ ፑልቱዎ ካሎያዱ፡

19 “ ሳ ዳይ ሞቻትና ዎይ ነ አዉዎ ሞቻትና ግሰፕ፤ አያዉ ጎፕ፡ ሄዎ አላያዌ ባረ ማታ ዳቡዎ ካዉሽያዎ፡ ህንተ ላኡካ ህንተ ናጋራን ኦሽታና፡

20 እት አሳይ ባረ አዉዎ እሻ ማቻትና ግሰፕ፡ እ ባረ አዉዎ እሻ ካዉሽሴዳ፡ ኡንቱንቱ ባረንቱ ናጋራን ኦሽታና፤ ኡንቱንቱ ላኡካ ናኣ የለናን ሀይቃና፡

21 እት አሳይ ባረ እሻ ማቻቶ አኮፕ፡ ሄዌ ቱናተላ፡ እ ባረ እሻ ካዉሽሴዳ፤ ኡንቱንቱ ላኡካ ናኣ የልክና፡

22 “ ሰም ህንተ ደአናዳን፡ ታን ህንተና ገልሰያ ቢታይ ህንተና ጩቹና ማላ፡ ህንተ ታ ሀግያነ ታ አዛዙዎ ናግተነ አላተ፡

23 ታን ህንተ ሰንላፕ ጳይሰያ አሳቱዎ ደኡዎ ዎጋ ካሎፕተ፡ ኡንቱንቱ ሀዎ ኡባ አሌዳ ድራዉ፡ ታን ኡንቱንታ ሸነታድ፡

24 ሸን ታን ህንተና፡ “ኡንቱንቱ ቢታ ህንተ ላታና፤ ህንተ ሄ ቢታ ህንተዎ አላናዳን፡ ሄ ማላይነ ኡሳይ ጎግያ ቢታ ታን ህንተንቶ እማና” ያጋድ፡ ታን ህንተና ሀራ አሳቱዎፕ ዲማያ ከሴዳ መድና ጎዳ ህንተ ጸሳ፡

25 “ ሄዎ ድራዉ ህንተ ጌሻ ግዴዳ መሄቱዎነ ካፎቱዎ ጌሻ ግደናዎንቱፕ ሻኪደ ኤርተ፡ ታን ሀዎንቱ ህንተንቶ ቱና ጋ ዎሌዳ መሄቱዎን፡ ካፎቱዎን ሳኣን ቃጸረትያባቱዎን ኡባን ህንተ ሁጺያ ቱንሶፕተ፡

26 ታን መድና ጎዳይ ጌሻ ግድያ ድራዉነ ህንተ ታዎ ግዳና ማላ ህንተና ሀራ አሳፕ ዲማዬዳ ድራዉ፡ ህንተካ ታዉ ጌሻ ግድተ፡

27 “ ላት አቱማ አሳይ ዎይ ማጫ አሳይ ሞይትልያና ሃሳይያዎ ዎይ ሻራቾ ግደፕ፡ ኡንቱንቱ ሀይቃናዉ በሰ፡ ኡንቱንቱ ሹቻን ጫደትና፡ ኡንቱንቱ ሱላ አጩ ኡንቱንቱ ቦላና ያጋ” ያጌዳ፡

ቄሳቱዎ ጌሻተላ

1 መድና ጎዳይ ሙሳ ሀዎዳን ያጌዳ፡ “ቄሰያ ግድያ አርና አቱማ ናናቶ ሀዎዳን ያጋደ ኦዳ፤ ህንተፕ ኦንነ

2 ባረ ማታ ዳቦ፡ ባረ ዳይ፡ ባረ አዉዎ፡ ባረ አቱማ ናኣ፡ ባረ ማጫ ናት፡ ባረ እሻ፡

3 ዎይ አሰና ገለናን፡ ደእያ ባረ ሞቻት አሃ ግዳና ጳዮፕ፡ ሀይቂዳ አሳ አሃ ኦዎነ ቦቺደ፡ ባረና ቱንሶፕ፡

4 ቃይ አኩዎንነ ገሉዎን ዳቦቱዳ አሳ አሃ ቦቺደካ ባረና ቱንሶፕ፡

5 “ ቄሳቱ ሀይቂዳዎ ካዮታናዉ ባረንቱ ሁጺያ ሜደቶፕና፤ ባረንቱ ቡቻካ ቃንላን ቃንጸፕና፤ ዎይ ቃይ ባረንቱ ቦላካ ቃንጸሬሶፕና፡

6 ኡንቱንቱ ባረንቱ ጸሳዉ ጌሻ ግድና፤ ቃይ ባረንቱ ጸሳ ሱንላካ ቱንሶፕና፡ አያዉ ጎፕ ኡንቱንቱ መድና ጎዳዉ ታማን ጸጊደ ያርሸያ፡ ቁማ ያርሹዎ ሺሸያዎንታ፤ ሄዎ ድራዉ፡ ኡንቱንቱ ጌሻ ግዳናዉ በሴ፡

7 “ ቃይካ ቄሳቱ ሻርሙጸ ማጫ አሳ፡ ዎደርተላይ አከት ድጌዳ ማጫ አሳ፡ ዎይ አሰናይ የዴዳ ማጫ አሳ አኮፕና፡ አያዉ ጎፕ፡ ቄሳቱ ባረንቱ ጸሳዉ ጌሻ፡

8 ቄሲ ህንተ ጸሳዉ ቁማ ያርሹዎ ሺሸያዎ ግድያ ድራዉ፡ እ ሀራ አሳፕ ዲማቶ፡ ታን ህንተና ጌሸያ ህንተ መድና ጎዳይ ጌሻ ግድያ ድራዉ፡ እካ ጌሻ ግድ፡

9 አይ ቄሰያ ናቶ ግደፕካ ሻርሙጸደ ባረና ቱንሶፕ፡ ሄና ባረ አዉዎ ካዉሻዱ፡ እዛ ታማን ጸገታደ ሀይቁ፡

10 “ ቄሰያ ኡባቱዎ ካቹ፡ እ ሁጺያን ኦከትያ ዛይቲ ጉኬዳ ድራዉነ እ ቄሰተላ ማዩዎ ማያናዉ ዲማቱዳ አሳ ግድያ ድራዉ፡ ባረ ሁጺያ ብናና ካሎ ዎሶፕ፤ ዎይ ባረ ማዩዎካ ፔቶ፡

11 አይ አሃ ግደፕካ፡ ደእያ ሳኣ እ ገሎፕ፤ ሀራይ እቶ ባረ አዉዎ ዎይ ባረ ዳይ አሃ ግደፕካ፡ ባረና ሄዎን ቱንሶፕ፡

12 እ ጌሻናዉ አክያ ጸሳ ዛይቲ እ ቦላን ደእያ ድራዉ፡ ቄሲ ጸሳ ዲንካንያፕ ከሶፕ፤ ጸሳ ዲንካንያካ ቱንሶፕ፡ ታን መድና ጎዳ፡

13 “ ቄሲ ዎደር ማጫ ናቶ አኮ፡

14 አሰናይ ሀይቂዳ ሞሽራቶ፡ ዎይ አሰናይ የዴዳ ሞሽራቶ፡ ዎይ ዎሹማ ሞሽራቶ አኮ፡ ሸን ባረ አሳ ግደፕ ዎደር ማጫ ናቶ ደሪደ አኮ፡

15 ያናና ጳዮፕ፡ እ ባረ አሳ ግደን ባረ ዘረላ ግድያ ባረ ናናቱዎ ቱንሳና፡ ታን እ ጌሸያዌ፡ መድና ጎዳ ያጋ” ያጌዳ፡

16 መድና ጎዳይ ሙሳ፡ ሀዎዳን ያጌዳ፤

17 “ኔን አርናዉ ሀዎዳን ያጋደ ኦዳ፤ ሰንላና ይያ ነ ዘረላፕ ቦላይ ትላ ግደና አሳይ ኦንነ ቁማ ያርሹዎ ታዉ እማናዉ ሺቆ፡

20:14 ዎጋ 18:17፤ ዛረ. 27:23 20:15 ከሳ 22:19፤ ዎጋ 18:23፤ ዛረ. 27:21 20:17 ዎጋ 18:9፤ ዛረ. 27:22
20:18 ዎጋ 18:19 20:19 ዎጋ 18:12-14 20:20 ዎጋ 18:16 21:5 ዎጋ 19:27-28፤ ዛረ. 14:1

18 እያው ጎጥ ቦላይ ትላ ግደና አሳይ ኦንነ ሺቃናው በሰና። ቆቃ፣ ዋይ ዋባ፣ ዋይ ደሙ ናርጳቲዳ፣ ዋይ ፓጫ ቦላይ ደእያ አሳይ።

19 ዋይ ገድያ ዋይ ኩሽያ ሰላይ።

20 ዋይ ቁናይ፣ ዋይ ድንኪ፣ ዋይ አይፊ ሳክያ አሳይ፣ ዋይ ፑሱ ኦይቄዳ አሳይ፣ ዋይ እላሁ ኦይቄዳ አሳይ፣ ዋይ ጎይሮ ግድናካ ቦላይ ትላ ግደና አሳይ፣ ኦንነ ሺቆ።

21 ቁሰያ አርና ዛርያጥ ቦላይ ትላ ግደና አሳይ ኦንነ መድና ጎዳው ታማን ጹግያ ያርሹዋ ሺሻናው ሺቆ። እው ቦላይ ትላ ግደናዋ ግደዋጥ ህን ባጋገ፣ ባረ ጸሳው ቁማ ያርሹዋ ሺሻናው እ በሰና።

22 እ ጌሻ ቁማን ቃይ ጌሻ ኡባጥ እቱዋ ግዴዳ ጌሻ ያርሹዋ ባረ ጸሳ ቁማካ ማናው ዳንዳዬ።

23 ሸን እው ቦላይ ትላ ግደና ድራው፣ እ ታ ዳንካንያ ቱንሰናዳን፣ ጋርዱዋኮ ዋይ ያርሹያ ሳክኮ ሺቆ። እያው ጎጥ፣ ኡንቱንታ ጌሽያዌ ታን መድና ጎዳ ያጋ” ” ያጌዳ።

24 ሙሴ አርናው፣ እ አቱማ ናናውን እሰራኤልያ አሳው ኡባው ሀዋ ኦዴዳ።

22

እሞታ ጌሻተላ

1 መድና ጎዳይ ሙሳ ሀዋዳን ያጌዳ፤

2 “ታ ጌሻ ሱንላ ኡንቱንቱ ቱንሰና ማላ፣ እሰራኤልያ አሳይ ታው ዲማዬዳ እሞታ አርንነ እ አቱማ ናናይ ቦንቹዋን አኪደ፣ ጌሻተላን ናጋና ማላ፣ ኡንቱንቱ ኦዳ። ታን መድና ጎዳ።

3 “ኡንቱንቱ ሀዋዳን ያጋ፤ ሰንሳና ይያ የለታ ኡባን ህንተ ዛርያጥ ኦንነ ቱን ኡቲደ፣ እሰራኤልያ አሳይ መድና ጎዳው ዲማዬዳ ጌሻ ያርሹዋኮ ሺቆጥ፣ ሄ አሳይ ታ ሰንሳጥ ቦሄቶ። ታን መድና ጎዳ።

4 “ ኣርና ዛርያጥ ዋልቃማ ጋልባ ሀርጊ ደእያ፣ ዋይ ቦላጥ እያይኔካ ጎግያ ኦንነ ጌያና ጋካናው፣ ጌሻ ያርሹዋጥ ሞ። እሃ ቦቺደ ቱኔዳዋ ዋይ እ አቱማተላጥ ዘረላይ ጉኬዳ ኡራ ቦቻያ ኦንነ ቱና።

5 ዋይ ቃይ ሳኣና ጎሽትያ፣ ቱንሰያዋንታ፣ ዋይ አይ ማላ ቱናተላ ግደጥነ ቱንሰያ አሳ ቦቻያ ኡራይ።

6 ዋይ ሄዋ ማላባ አያነ ቦቻያ አሳይ፣ ኦማርሰ ጋካናው እ ቱና፤ ባረ ቦላ ሃላን ሜጫተናን ደኢደ፣ ሄ ጌሻ ያርሹዋጥ እ ማናው ኮሸና።

7 እዋይ ወልያ ዋይ እ ጌሻ ግዴ፤ ሄዋጥ ጉይያን፣ ሄ ጌሻ ያርሹዋጥ ባረና ጋክያዋ ሞ ጋሱካ ሄዌ አ ቁማ።

8 ባረው ሀይቄዳዋ ዋይ ደአይ ዋዴዳ መሀያ አሹዋ ሞ፤ ሄዌ ቱንሰያባ። ታን መድና ጎዳ።

9 “ ቁሳቱ ታ ዋጋ፤ ናገናን እጾጥ፣ ኡንቱንቱ አ ቱንሰደ አ ናጋራን ሀይቃና። ኡንቱንታ ጌሽያዌ ታና መድና ጎዳ።

10 “ ሄ ጌሻ ያርሹዋ ቁሰያ ሶ አሳጥ አትና፣ ሀራ አሳይ ሞ፤ ቁሰያ ሶ ዬዳ እማላ ግድና፣ ዋይ ቃጸረቲደ አሳያ ቆማ ግድናካ ሞ።

11 ሸን ቁሰ ባረ ብራን ሻሜዳ አይልያ ዋይ አ ሶን የለቲዳ አይሊ ሄ ቁማጥ ሞ።

12 ቁሰያ ግደና ሀራ አሳ ገሌዳ ቁሰያ ናታ ሄ ጌሻ ያርሹዋጥ ሙቱ።

13 ሸን ቁሰያ ናታ አሰናይ ሀይቄና፣ ዋይ አሰናይ የድና፣ ናኣ የለናን ካሰ ባረ ዋደርተላን ደእያዋዳን ሰማደ ባረ አወዋ ጎለ ዮጥ፣ እ ባረ አወዋ ጋክያ ቁማጥ ሙ። ሸን ሀራ አሳይ ኦንነ ሄዋጥ ሞ።

14 “ ኣት አሳይ ኤረናን ደኢደ ጌሻ ያርሹዋጥ ሞጥ፣ ሄ እ ሜዳ ቁማ ጋትያ ቦላ ጴቱዋጥ ላታሙ ኩሽያ ጉጂደ ቁሰያው እሞ።

15 እሰራኤልያ አሳይ መድና ጎዳው ያርሹያ ጌሻ ያርሹዋ ቁሳቱ ቱንሰጥና።

16 ኡንቱንቱ ባረንቱ አሄዳ ጌሻ ያርሹዋ ባረው ሚደ፣ ባረንቱ ናጋራን ኮሸታናዳን፣ ቁሳቱ ኦላናው ኮሸና። እያው ጎጥ፣ ኡንቱንታ ጌሽያዌ፣ ታን መድና ጎዳ ያጋ” ” ያጌዳ።

አከተና ያርሹቱዋ

17 መድና ጎዳይ ሙሳ ሀዋዳን ያጌዳ፤

18 “አርናው፣ እ ናናቶን እሰራኤልያ አሳ ኡባው ሀዋዳን ያጋደ ኦዳ፤ ኣእሰራኤልያ አሳጥ ግድና ዋይ ኡንቱንቱ ግደን ደእያ በትያጥ ኦንነ መድና ጎዳው ጹግያ ያርሹዋ ባረ ደሱዋን ጮ እምያ ዋይ ባረ ሺቆዋ ጋላናው ያርሹያ ዋይ።

19 ሄ ያርሹ አከታና ማላ፣ ኮሩማጥ ዋይ ደርሳጥ ዋይ ዴሻጥ ትላ ቦላና ደእያ አቱማዋ ግዴ።

20 ቦላይ ትላ ግደናዌ እያ ግደጥነ አከተና ድራው፣ ሄዋ ሺሾ።

21 “ ቃይ ኣና ግደጥነ ባረ ሺቆዋ ጋላናው እትተላ ያርሹዋ ጸሳው ያርሹያ ዋይ፣ ዋይ ባረ መሀያጥ ባረ ደሱዋን ጮ እምያ እሞታ መድና ጎዳው ሺሽያ ዋይ፣ ሄዌ አከታና ማላ እ ትላ ቦላና ደእያዋ ግዴ።

22 ህንተ መሀያጥ ቆቅያ፣ ዋይ መኡዋ፣ ዋይ ጉንዳ፣ ዋይ ጊይያ ማይላይ፣ ዋይ ፑሱ፣ ዋይ እላሁ ደእያዋ መድና ጎዳው ያርሹጥተ፤ ቃይ ታማን ጹግያ ያርሹዋ ኦሊደካ ያርሹያ ሳኣ ቦላን መድና ጎዳው ሺሾጥተ።

23 እ ቦላን ፓጫ መጋታይ ዋይ ፓጫባይ ደእያ ኮሩማ ዋይ ደርሳ እት አሳይ ባረ ደሱዋን ጮ እምያ ያርሹ ሺሻናው ዳንዳዬ፤ ሸን ሺቁ ጋላ ግደጥ፣ ሄዌ አከተና።

24 ሳንግሰቲዳዋ ዋይ ቆጸቲዳዋ ዋይ ካላይ ማይቲዳዋ ዋይ ቃንጸቲዳዋ መድና ጎዳው ያርሹጥተ። ህንተ ጋድያን ሄዋ ማላባ አላጥተ።

25 ህንተ ግደን ደእያ አላጋ አሳቱዋጥ አኬዳ ሄዋ ማላ መሀያካ ህንተ ጸሳው ቁማ ኦሊደ ሺሾጥተ። ኡንቱንቱ ቦላይ ትላ ግደናዋ ጋሱዋን ኡንቱንቱን ፖኩ ደእያ ድራው፣ ኡንቱንቱ ህንተ ድራው አከትክኖ ያጋ” ” ያጌዳ።

26 ቃይካ መድና ጎዳይ ሙሳ ሀዋዳን ያጌዳ፤

27 “ሚዛ ማራይ ዋይ ደርሳ ማራይ ዋይ ዴሻ ማራይ የለትያ ዋይ፣ ላፑን ጋላሳ ባረ ዳይና ጋሞኦ። ሆሰፑንላ ጋላሳጥ ደሚደ፣ መድና ጎዳው ታማን ጹጊደ ሺሽያ ያርሹ ኦሊደ ሺሻናው ዳንዳዮቱ።

22:20 ዛረ. 17:1

28 ምያቶ፣ ደርሳቶ፣ ወይ ደሻቶ እ ማራና እት ጋላስ ሹኮፕተ።

29 “ህንተ ጋላታ ያርሹዋ መድና ጎዳዉ ሺሽያ ዋደ፣ ህንተ ያርሹ አከታናዳን ያርሹተ።

30 ሄ ያርሹ ሄ ጋላሰካ ሜተታናዉ ኮሼ፤ አፕ አያነ ዋንትዉ አሾፕተ። ታን መድና ጎዳ።

31 “ታ አዛዙዋ ናግተነ አሳተ። ታን መድና ጎዳ።

32 ቃይ ታ ጌሻ ሱንላ ህንተ ቱንሶፕተ፤ እሰራኤልያ አሳ ግደን ታን ጌሻ ግድያዌ ኤረታናዉ በሴ። ህንተና ጌሽያዌ፣ ታን መድና ጎዳ።

33 ህንተዉ ጸሳ ግዳናዉ፣ ህንተና ግብጹ ጋድያፕ ከሴዳዌ ታና። ታን መድና ጎዳ” ያጌዳ።

23

አማኑዋ ባላ ቦንቶያ ማራ

- 1 መድና ጎዳይ ሙሳ ሀዋዳን ያጌዳ፤
- 2 “እሰራኤልያ አሳዉ ሀዋዳን ያጋደ ኦዳ፤ ጌሻ ሺቁዋ ግ አዋዪደ፣ ህንተ ቦንቶናዉ በሰያ ኬረቱዳ መድና ጎዳ ባላቱ ሀዋንታ።
- 3 “ ህንተ ኡሱፑን ጋላሳ ኡሱዋ ኦሊታ፤ ሽን ላፑንላ ጋላሰ ህንተ ሸምፕያ ሳምባታ ጋላሳ፤ ሄ ጋላሳን ጌሻ ሺቁዋ ሸቅተ፤ አያ ኡሶነ ኡሶፕተ፤ ህንተ ደእያ ሳኣን ኡባን ሄዌ መድና ጎዳዉ ሳምባታ።

ፓሰጋ ባላነ ማጋገ ኡክላ ባላ (ፓይ. 28:16-25)

- 4 “ ሓንቱንቱ ዋድያን ዋድያን ጌሻ ሺቁዋ ኦሳ አዋዪደ ህንተ ቦንቶናዉ በሰያ መድና ጎዳ ባላቱ ሀዋንታ።
- 5 ኮይሮ አግናን ታማነ ኦይደንላ ጋላሰ ሳአይ አማርሰያ ዋደ፣ መድና ጎዳ ፓሰጋይ ደሜ።
- 6 “ ቃይ ሄ አግናንካ ታማነ እቼሸንላ ጋላሳይ መድና ጎዳ ማጋገ ኡክላ ባላ ጋላሳ፤ ሄዋ ድራዉ ላፑን ጋላሳቱዋን እርሹ ገልቤና ኡክላ ሚተ።
- 7 ሄ ጋላሳቱዋፕ ኮይሮ ጋላሳን ጌሻ ሺቁዋ ሸቅተ፤ ዳቡርሰያ ኡሱዋ አያነ ኡሶፕተ።
- 8 ላፑን ጋላሳ ኡባ መድና ጎዳዉ ታማን ጹግያ ያርሹዋ ሺሽተ፤ ላፑንላ ጋላሳን ቃይ ጌሻ ሺቁዋ ሸቅተ፤ ዳቡርሰያ ኡሱዋ አያነ ኡሶፕተ” ያጋ” ያጌዳ።

ባይራ ካላ

- 9 መድና ጎዳይ ሙሳ ሀዋዳን ያጌዳ፤
- 10 “እሰራኤልያ አሳዉ ሀዋዳን ያጋደ ኦዳ፤ ታን ህንተንቶ እምያ ቢታ ገሊደ፣ ህንተ ካላ ጫክያ ዋደ፣ ሄ ካላዉ ኮይሮ አይፍያ ሞርቂያ ቄሰያኮ አክ ዪተ።
- 11 መድና ጎዳይ ህንተዋ አካና ማላ፣ ሳምባታ ዋንተላ ጋላሰ ቄሲ ሄ ሞርቂያ ጸሳ ሰንላን ቃላ።
- 12 ሄ ህንተ ሞርቂያ ቃሌዳ ጋላሰ ትላ ቦላና ደእያ እት ላይላ ደርሳ ኦርግያ ጹግያ ያርሹዋ ኦሊደ መድና ጎዳዉ ሺሽተ።

13 ሄ ያርሹዋና እትፕ ዋጋራ ዛይትያን ሙናቀቱዳ ላኡ ኪሎ ግራመ ሎኦ ጲልያ ካላ ያርሹዋ ኦሊደ ሺሽተ፤ ሄዌ መድና ጎዳዉ ታማን ጹግያ፣ ሳዉዋ ቶሹኩ ግያ ያርሹዋ ግዳናዋ፤ ሄዋናካ ቃይ እትፕ እት ሊትሮ ግድያ ዋይንያ ኤሳ ሺሽተ።

14 ሀ ያርሹዋ ህንተ ህንተ ጸሳዉ ሺሽያ ጋላሳይ ጋካናዉ፣ ኦራላ ጋኬዳ ካላፕ ኡክላ፣ ዋይ ጸጸ ግድና፣ ቃይያ ግድናካ ሞፕተ። ሀዌ ህንተ ደእያ ሳኣን ኡባን ሰንላና ይያ የለታዉ ኡባዉ መድናዉ ዋጋ።

ሳምንታቱዋ ባላ (ፓይ. 28:26-31)

- 15 “ ህንተ ቃላያ ያርሹዋ ሞርቂያ አሄዳ ሳምባታ ዋንተላፕ ደሚደ፣ ላፑን ሳምንታ ኩመንላ ፓይድተ።
- 16 ላፑንላ ሳምባታ ዋንተላ ጋላሳይ ጋካናዉ፣ አሻታሙ ጋላሳ ፓይዲደ፣ ኦራላ ጋኬዳ ካላ ያርሹዋ መድና ጎዳዉ ሺሽተ።
- 17 ህንተ አቅያ ሳኣፕ ላኡ ኪሎ ግራመ ግድያ ሎኦ ጲልያፕ እርሹዋ የጊደ ኡኬዳ ላኡ ኡክላ ቃላናዉ አክ ዪተ። ሄዌ ኮይሮ ጋኬዳ ካላ አይፍያፕ መድና ጎዳዉ ያርሹዋ ግዳ።
- 18 ሄ ኡክላና እትፕ ትላ ቦላና ደእያ እት ላይላ ግዳዳ ላፑን ደርሳ ማራቱዋ፣ እት ኮረማነ ላኡ ደርሳ ኦርገቱዋ ሺሽተ። ካላ ያርሹዋናን ኡሻ ያርሹዋና እትፕ መድና ጎዳዉ ታማን ጹግያ፣ ሳዉዋ ቶሹኩ ግያ ያርሹዋ ኦሊደ ያርሹተ።
- 19 ቃይ እት ዳሻ ኦርግያ ናጋራ ያርሹ፣ እት ላይላ ግዳዳ ላኡ ደርሳ ኦርገቱዋካ እትፕተላ ያርሹ ሺሽተ።
- 20 “ ቄሲ ሄ ኮይሮ ጋኬዳ ካላ አይፍያ ኡክላን ሄ ላኡ ደርሳቱዋ ቃላያ ያርሹዋ ኦሊደ፣ መድና ጎዳ ሰንላን ቃሌ፤ ሄዋንቱ መድና ጎዳዉ ጌሻ፤ ቃይ ቄሰያዉካ ግሹዋ።
- 21 ሄ ጋላሰካ አዋዪደ ጌሻ ሺቁዋ ሸቅተ፤ ዳቡርሰያ ኡሶ አያነ ኡሶፕተ። ሀዌ ህንተ ደእያ ሳን ኡባን ሰንላና ይያ የለታዉ ኡባዉ መድናዉ ዋጋ።
- 22 “ ህንተ ጋድያን ሞኬዳ ካላ ህንተ ጫክያ ዋደ፣ ህንተ ሾይቃ ጋጸ ጋካናዉ ጫኮፕተ፤ ጫክሽን እትያ ቃርምያካ ቆርፕተ፤ ሄዋ ሀይሳቶነ በተቶ አግ ባሸተ። ታን፣ መድና ጎዳይ፣ ህንተ ጸሳ” ያጋ” ያጌዳ።

ማላካታ ፑንያ ባላ (ፓይ. 29:1-6)

- 23 መድና ጎዳይ ሙሳ ሀዋዳን ያጌዳ፤
- 24 “እሰራኤልያ አሳዉ ሀዋዳን ያጋደ ኦዳ፤ ላፑንላ አግናን ኮይሮ ጋላሳ ሸምፕ ጋላሳ ኦሊደ ቦንቶተ፤ ሀሳይሱዋ ማላካታይካ ፑንትያ ዋደ፣ ጌሻ ሺቁዋ ሸቅተ።
- 25 ሄ ጋላሳን መድና ጎዳዉ ታማን ጹግያ ያርሹዋ ሺሽተ፤ አትና፣ ዳቡርሰያ ኡሱዋ አያነ ኡሶፕተ” ያጋ” ያጌዳ።

23:3 ከሳ 20:8-10፤ 23:12፤ 31:15፤ 34:21፤ 35:2፤ ዛረ. 5:12-14 23:5 ከሳ 12:1-13፤ ዛረ. 16:1-2 23:6 ከሳ 12:14-20፤ 23:15፤ 34:18፤ ዛረ. 16:3-8 23:15 ከሳ 23:16፤ 34:22፤ ዛረ. 16:9-12 23:22 ዋጋ 19:9-10፤ ዛረ. 24:19-22 23:26 ዋጋ 16:29-34

ናጋራ አቶ ጊሰያ ጋላሳ
(ፓይ. 29:7-11)

26 መድና ጎዳይ ሙሳ ሀዋዳን ያጌዳ።
 27 “ሀ ላፑንላ አግናዉ ታማንላ ጋላሳይ ናጋራ አቶ ጊሰያ ጋላሳ፤ ሄ ጋላሰ ጌሻ ሺቁዋ ሺቅተ፤ ቃይ ህንተ ሁጲያ ካወሸተ፤ ያቲደ መድና ጎዳዉ ታማን ጹግያ ያርሹዋ ሺሸተ።
 28 ሄ ጋላሳይ መድና ጎዳ ህንተ ጸሳ ሰንላን ህንተ ናጋራይ አቶ ጌተታና ማላ፤ ህንተ ናጋራ አቶ ጊሰያ ጋላሳ ግድያ ድራዉ። ሄ ጋላሰ አይ ኦሱዋን አላፕተ።
 29 ሄ ጋላሰ ባረናተላ ካወሸና አሳይ ኦንነ ባረ አሳ ግደፕ ቦሄቶ።
 30 ሄ ጋላሰ አያ ኦሱዋ ግደፕን አላያ አሳ ታን አ አሳ ግደፕ ዳይሳና።
 31 ሄ ጋላሰ አይ ኦሱዋን አላፕተ። ሀዋ ህንተ ደአያ ሳን ኡባን ሰንላና ይያ የለታዉ ኡባዉ መድናዉ ዎጋ።
 32 ሄዋ ህንተ ዋና ሸምቱዋ ሸምፕያ ሳምባታ ጋላሳ። ሄ ጋላሳን ህንተ ሁጲያ ካወሸተ። ሄ አግናን ኡዲቱንላ ጋላሳን አማርሳፕ ደሚደ። ታማንላ ጋላሳ አማርሳይ ጋካናዉ። ህንተ ሳምባታ ቦንቶተ” ያጌዳ።

ዳሰያ ባላ
(ፓይ. 29:12-40)

33 መድና ጎዳይ ሙሳ ሀዋዳን ያጌዳ።
 34 “እሰራኤልያ አሳዉ ሀዋዳን ያጋደ ኦዳ፤ ሀ ላፑንላ አግናን ታማን አቼሸንላ ጋላሳፕ ደሚደ። ላፑን ጋላሳይ መድና ጎዳዉ ዳሰያ ባላ።
 35 ሄ ጋላሳቱዋፕ ኮይሮ ጋላሳን ጌሻ ሺቁዋ ሺቅተ፤ ዳቡርሰያ ኦሱዋ አያን አላፕተ።
 36 ላፑን ጋላሳን ኡባን መድና ጎዳዉ ታማን ጹግያ ያርሹዋ ሺሸተ፤ ሆሰፑንላ ጋላሳን ቃይ ጌሻ ሺቁዋ ሺቅተ፤ መድና ጎዳዉ ታማን ያርሸያ ያርሹዋካ ሺሸተ። ሄ ጋላሳይ ህንተ ሸቁዋ ፖልያ ጋላሳ ግድያ ድራዉ። ዳቡርሰያ ኦሱዋ አያን አላፕተ።
 37 “ ታማን ጹግያ ያርሹዋን ካላ ያርሹዋ። ቃይ ሀራ ያርሹቱዋ ኡባን ኡሻ ያርሹዋ። ኮሸያዋ ኬና ኬሬዳ ጋላሳን መድና ጎዳዉ ሺሻናዉ። ህንተ ጌሻ ሺቁዋ አሊደ አዋያና መድና ጎዳ ባላቱ ሀዋንታ።
 38 ሀ ባላቱ መድና ጎዳ ሳምባታቱዋፕ። ህንተ አዎታ አሊደ መድና ጎዳዉ አምያዋንቱ። ሸቁዋ ጋላሳዋንቱ፤ ህንተ ህንተ ደሱዋን ጮ አምያዉንቱ፤ ዲማ።
 39 “ ላፑንላ አግናን ታማን አቼሸንላ ጋላሳን ህንተ ጋድያን ዋኬዳዋ ጫኪደ ሺሸዳዋፕ ጉይያን። መድና ጎዳ ባላ ላፑን ጋላሳ ቦንቶተ፤ ኮይሮ ጋላሳይን ሆሰፑንላ ጋላሳይ ህንተንቶ ዋና ሸምፕ ጋላሳ።
 40 ኮይሮ ጋላሳን ሎኦ ምላ አይፍያፕ። ዛምባ ታሸያፕ። እርጸ ሀይላና ደአያ ምላ ታሸያፕን ሻፋ ማታን ድጫያ ሌኦ ታሸያፕ አኪደ። መድና ጎዳ ህንተ ጸሳ ሰንላን ናሸቲደ። ላፑን ጋላሳ ባላ ቦንቶተ።

41 ሄ ባላ ላይላን ላይላን ላፑን ጋላሳ መድና ጎዳዉ ቦንቶተ። ሄዋ ሰንላና ይያ የለታዉ ኡባዉ መድናዉ ዎጋ። ህንተ ሄዋ ላፑንላ አግናን ቦንቶተ።
 42 ሄ ላፑን ጋላሳ ህንተ ዳሰያን ደአተ፤ እሰራኤልያ ቢታ አሳ ግድያ ኡባይ ዳሰያን ደአተ።
 43 ሄዋ ሰንላና ይያ የለታይ ኡባይ እሰራኤልያ አሳ ታን ግብጾፕ ከሴዳ ዎደ። ኡንቱንቱ ዳሰያን ደአናዳን ኦጫዳዋ ኤራናሳ። ታን መድና ጎዳ ህንተ ጸሳ ያጋ” ያጌዳ።
 44 ሄዋዳን አሊደ። ሙሴ መድና ጎዳ ባላቱዋ ቦንቶያ ዎጋ እሰራኤልያ አሳዉ ኦዳዳ።

24

ጸምፕቱዋ ናጉዋ
(ከሳ 27:20-21)

1 መድና ጎዳይ ሙሳ ሀዋዳን ያጌዳ።
 2 “ጸምፕ ቶኤናን ኤጲደ ደአና ማላ፤ አሳይ ኮሸያ ዛይትያ ዎጋራ ቱራ ጫዲደ ጉምእና ከሰያ ጌሻ ነዉ አሀና ማላ፤ እሰራኤላቱዋ አዛዛ።
 3 መድና ጎዳ ዲንካንያ ግድን ደአያ ማርካተላ ጋርዲዋፕ ካረ ባጋና፤ አማርሳፕ ዎንታ ጋካናዉ። አሮን መድና ጎዳ ሰንላን ሄ ጸምፕያ ኡባ ዎደ ኤፊ። ሰንላና ይያ የለታዉ ኡባዉ ሄዋ መድናዉ ዎጋ።
 4 ጸምፕያ ዎላያ። ዋላካይ ባይና ዎርቃ ባላ ቦላ ደአያ ጸምፕቱ መድና ጎዳ ሰንላን ኡባ ዎደ ኤጸናዳን አሮን ናጎ።
ጸሳዉ ሺሸያ ኡክላ
 5 “ላታማን ኦይዲ ኪሎ ግራመ ግድያ ሊቆ ዲልያ አካደ ታማን ላኡ ኡክላ ኡካ።
 6 ሄ ኡክላቱዋ ኡሱፑናቱዋ እቱዋ እቱዋ ቦላ ኡሱፑናቱዋ እቱዋ እቱዋ ቦላን መድና ጎዳ ሰንላን ደአያ ዋላካይ ባይና ዎርቃ ጸራጸዛ ቦላን ዎላ።
 7 መድና ጎዳዉ ታማን ጹጋናዉ ሺሹዳ ቁማ ያርሹዋ ግድያዋ ኤርሳናዉ። ላኡ ማራቱዋ ማታን ማታን ጌሻ እጸና ሀሳይሰያዋ ኦላደ ዎላ።
 8 ሀ ኡክላ ሳምባታን ሳምባታን ኡባ ዎደ አሮን መድና ጎዳ ሰንላን እሰራኤልያ አሳ ድራዉ ዎላ። ሄዋ እሰራኤልያ አሳይ ኡባ ዎደ ኦላናዉ ኮሸያ ቃላ ጫቁዋ።
 9 ሄዋ አርናዉን አ አቱማ ናናቶ እመቶ፤ እ መድና ጎዳዉ ታማን ጹግያ ያርሹዋፕ ዎጋዳን አርናን አ ናናቱዋ ጋክያ ኡባፕ ጌሻ ግዴዳ ያርሹዋፕ እቱዋ ግድያ ጌሻ ያርሹዋ ግድያ ድራዉ። ኡንቱንቱ ሄዋ ጌሻ ሳኣን ሚኖ” ያጌዳ።

ልከነ ሱረ ፕርዳ ሌምሱዋ

10 አታ እሰራኤልያ አሳ። አዉ ቃይ ግብጾ አሳ ግድያ እት ብታኒ ደኤ። እት ጋላሰ እ ሀራ እሰራኤልያ አሳ ግድያ እቱዋና ዲንካኔዳ ሳኣን ዋፍቱዳ።
 11 ሀ አዉ አታ እሰራኤልያ አሳ ግዴዳ ብታኒ ዋፍታ ግድን ጸሳ ሱንላ ሸቁዳ። ያትና አ ሙሴኮ አሄድኖ። ሄ ብታንያ አታ ዳና ያራ ግድያ ጸብራ ናቶ። እ ሱንላይካ ሻሎሚቶ።

12 ሀ ብታንያ ዋታነንቶ መድና ጎዳ ሸኒ ኡንቱንቶ ቆንጫና ጋካናው፡ ኡንቱንቱ አ ቃሾ ጎልያን ዋሌድና።

13 መድና ጎዳይ ሙሳ ሀዋዳን ያጌዳ፡

14 “ሄ ሸቀዳ ብታንያ ዲንካኔዳ ሳኦፕ ጋጸ ከሳ፤ እ ሸቀሽን ሰሴዳ አሳይ ኡባይ ባረንቱ ኩሸያ እ ሀጺያ ቦላን ዋሳኖ፤ ያቶፕ እስራኤልያ አሳ ማባራይ ኡባይ እ ሹቻን ጫዲደ ዋዶ።

15 እስራኤልያ አሳው ሀዋዳን ያጋደ ኦዳ፤ አይ አሳይነ ባረ ጸሳ ሸቆፕ፡ እ ባረ ናጋራን ኦሸቱ።

16 መድና ጎዳ ሱንሳ ሸቆያ አሳይ ሀይቆ፤ እስራኤልያ አሳ ማባራይ ኡባይ እ ሹቻን ጫዲ። በቲደ ዬዳዋ ግድና ዋይ ቢታ አሳ ግድናካ መድና ጎዳ ሱንሳ ሸቆፕ ሀይቆ።

17 “ኣሳ ዋድያ አሳይ ሀይቆ።

18 እሳ መሀያ ዋድያ አሳይ ኦንነ ባረ ዋዴዳ መሀያ ድራው ፓጸ መሀያ ጭጎ።

19 እት አሳይ ባረ ሾሩዋ ቆሆፕ፡ እ ኦሌዳዋዳን አ ቦላንካ ኦሰቶ።

20 መንሐፕ መኦ፤ አይፍያ ድራው አይፍያ፤ አቻ ድራው አቻ። አሳ ቦላን ቆሆዋ ጋሌዳ ኦንካ እ ጋሌዳ ቆሆዋ ማላይ አ ቦላንካ ጋኩ።

21 መሀያ ዋዴዳ አሳይ መሀያ ጭጎ፤ ሸን አሳ ዋዴዳ አሳይ ሀይቆ።

22 በትያውካ እስራኤልያ አሳው ሀጊ እት ማላ ግዳ፤ አያው ሳፕ ታን መድና ጎዳ ሀንተ ጸሳን ያጋ” ያጌዳ።

23 ሄዋ ኡባ ሙሴ እስራኤልያ አሳው ኡባው ኦዳዳ፤ ኡንቱንቱ ሄ ሸቀዳ ብታንያ ዲንካኔዳ ሳኦፕ ጋጸ ከሲደ፡ ሹቻን ጫዲደ ዋዴድና። ያቲደ እስራኤልያ አሳይ መድና ጎዳይ ሙሳ እዛዜዳዋዳን ኦሌድና።

25

ሳምባታ ላይላ (ዛረ. 15:1-11)

1 ሲና ደርያ ቦላን መድና ጎዳይ ሙሴው ሀዋዳን ያጌዳ፤

2 “ኔን እስራኤልያ አሳው ሀዋዳን ያጋደ ኦዳ፤ ታን ሀንተንቶ እምያ ቢታ ሀንተ ጎልያ ዋድ፡ ቢታይካ መድና ጎዳ ሳምባታ ቦንቾ።

3 ኡሱቸን ላይላ ኩመንሳ ሀንተ ሸይቃን ዘርፕ፤ ቃይ ኡሱቸን ላይላ ኩመንሳካ ሀንተ ዋይንያ ቱራ ጸራ ጸንቂት፤ እ አይፍያካ ማጽ አክተ።

4 ሸን ላቸንሳ ላይላይ ቢታው ሸምፖ ሳምባታ፤ ሄዋ መድና ጎዳውካ ሳምባታ። ሄ ላቸንሳ ላይላን ሀንተ ሸይቃን ዘርፕ፤ ሀንተ ዋይንያ ጸራካ ጸንቆፕ።

5 ሀንተ ጋድያን አዛባ ግዲደ ሞክያዋካ ጫኮፕ፤ ቃይ ጸንቀናን ደእሸን ጮ አይፌዳ ዋይንያካ ሸሸፕ። ሄ ላይላይ ቢታው ኡባና ሸምፖ ላይላ ግድ።

6-7 ሄ ሳምባታ ላይላን ቢታይ ኦስታና ቆጥፕ ሀንተንቶ፡ ሀንተ ማጫነ አቱማ ቆማቶ፡ ሀንተንቶ ከራ አሳያዋንቶ፡ በቲደ ዬደ ሀንተናና ደእያዋንቶ፡ ሀንተ መሀያውነ ሀንተ ጋድያን ደእያ

ደእቶ ግድያ ቁማ እማና፤ ቢታይ ሞክያባይ ኡባይ ማተቶ።

ማርተሳ ላይላ

8 “ ላይላቱዋ ግድን ደእያ ላቸን ሳምባታቱዋ ፓይዳ፤ ላቸን ሳምባታቱዋ ላይላ ፓይዳ ላቸ ገደ ላቸና፤ ሄዋካ ኦይታማነ ኡዲቸን ላይላ።

9 ሄዋፕ ጉይያን፡ ላቸንሳ አግናን፡ ታማንሳ ጋላሳን ቦንቼትያ ናጋራ አቶ ጊሰያ ጋላሳን ማላካታ ፑንያ አሳ ሀንተ ጋድያን ኡባን ኪትተ።

10 እሻታማንሳ ላይላ ዲማዬደ፡ ሄ ጋድያን ደእያ ኡባው ላአተሳ አዋይተ። ሄዋ ሀንተንቶ እሻታማንሳ ላይላ ባላ። ሄ ዋድያን ሀንተ ኡባይካ ሀንተ ጋድያውነ ሀንተ ያራው ያራው ሰምተ።

11 ሄ ላይላይ ሀንተንቶ እሻታማንሳ ላይላ ባላ። ሄ ላይላን ዘርፕ፤ እዛባ ግዲደ ሞክዳዋካ ጫኮፕ፤ ቃይ ሀንተ አ ጸራ ጸንቀናን አይፌዳ ዋይንያ አይፍያካ ሸሸፕ።

12 ሄዋ እሻታማንሳ ላይላ ባላ ግድያ ድራው፡ እ ሀንተንቶ ጌሻ፤ ጎሽናን ጮ ደምባን ሞክዳዋ ማተ።

13 “ ሀ እሻታማንሳ ላይላ ባላ ዋደ አሳይ ኡባይ ባረ ጋድያ ሰሞ።

14 “ ሀንተ ሀንተ ሾሩዋፕ ጋድያ ሻሞፕ፡ ዋይ ቃይ አው ዛልኦፕ፡ እቱ እቱዋ ጭሞፕ።

15 ሀንተ እሻታማንሳ ላይላ ባላፕ ጉይያን ደእያ ላይላቱዋ ፓይዲዋዳን ሀንተ ሾሩዋፕ ሻሞፕ፤ ሀንተ ሾሩካ ቃይ ጋዲ ካሳ ሞካናው ደእያ ላይላቱዋ ፓይዲዋዳን ዛልኦ።

16 ላይላቱዋ ፓይዲ ዳር ግደፕ፡ ጋቲ ዳራ፤ ላይላቱዋ ፓይዲ ጉጸፕ፡ ጋቲካ ጉጸ። አያው ሳፕ፡ ሀንተ ጫካና ካሳ ጫካ ፓይዲዋዳን ሀንተ ሾሩ ሀንተንቶ ዛልኦ።

17 ሀንተ እቱ እቱዋ ጭሞፕ፤ ሸን ሀንተ ሀንተ ጸሳው ያይተ። ታን መድና ጎዳይ፡ ሀንተ ጸሳ።

ላቸንሳ ላይላ መቱዋ

18 “ ታ አዛዙዋ አሳተ፤ ታ ሀግያካ ናግተነ አሳተ፤ ያቶፕ ሀንተ ሀ ጋድያን ሳርተሳን ደእና።

19 ቢታይ ባረ አይፍያ ሀንተንቶ እማና፤ ሀንተ ካላና ጋካናው ማና፤ ቃይ ሄ ቢታንካ ሀንተ ሳርተሳን ደእና።

20 ሀንተ፡ “ኡን ዘራና ቆጥፕ፡ ቃይ ካላካ ጫኪደ ሸሸፕ ቆጥፕ፡ ላቸንሳ ላይላን አያ ማኔ?” ሳፕ።

21 ታን ኡሱቸንሳ ላይላን ታ አንጂዋ ሀንተ ቦላን ኪታና፤ ያቶፕ ቢታይ ሄዙ ላይላው ግድያ አይፍያ አይፋና።

22 ሆሰቸንሳ ላይላን ሀንተ ሀንተ ጋድያን ዘርያ ዋደካ፡ ካሰ ሻቻ ካሳ ማና፤ ቃይ ሀንተ ዘርያ ካሳ አይፍያ ኡዲቸንሳ ላይላን ሸሸፕ ጋካናውካ፡ ሻቻ ካሳ ማና።

አቁዋ ዛርያ ዎጋ

23 “ ቢታይ ታዋ ግድያ ድራውነ ህንተካ ሀ ጋድያን እማላን በተ ግዲደ ደእያ ድራው፡ ቢታ ላእኒሳ ሰመናዳን ባይዘገጥ፡፡

24 ህንተ ኦይቄዳ ጋድያን ኡባን ደእያ ጋድያ ጎዳቱ ዋዛና ማላ፡ ኡንቱንቱ ማታ ናጋናው ኮሼ፡፡

25 “ ሳ እሻይ ህዬሲደ ባረ ጋድያጥ ዘልኦጥ፡፡ አዉ ማታትያ ዳቡ ዪደ፡ ሄ ጋድያ አዉ ዋዘ፡፡

26 አዉ ሄ ጋድያ ዋዘያ ዳቡ ቆየጥ፡ ቃይ እካ ሰም ዱረቲደ ዋዘያ ሚሻ ደሞጥ፡፡

27 ባረ ዘልኤዳ ዋድያጥ ደሚደ ደእያ ላይላ ፓይዲደ፡ አቲዳ ላይላ ሚሻ ሻሜዳዋ ዘር፤ ያቲደ እ ባረ ጋድያው ሰሞ፡፡

28 ሸን አዉ ሄ ጋድያ ዋዛናዉ ግድያ ሻሉ ቆየጥ፡ እሻታማንሳ ላይላ ባላይ ጋዛናዉ ጋዲ ሻሜዳ ብታንያ ኩሸያን ጋሞኦ፤ እሻታማንሳ ላይላ ባላ ዋደ፡ አ ጋዲ አዉ ሰሞ፤ እካ ባረ ጋድያው ሰሞ፡፡

29 “ ግምበት ኡቲዳ ካታማ ግድን እት አሳይ ደእያ ጎልያ ሀራ ኡራው ዘልኦጥ፡ አ ዘልኦጥ ቢደ እት ላይላ ጋዛናዉ ደእያ ዋድያን ዛሪደ ዋዛናዉ አዉ ማታይ ደኤ፡፡

30 እት ላይላ ኩመንሳ ግድን ዋዛና ቆየጥ፡ ሄ ግምበቲዳ ካታማ ግድን ደእያ ጎሊ ሻሜዳዋ ናኣ ናአዉ መቋናዉ አዋ ግዴ፡፡ እሻታማንሳ ላይላ ባላ ዋደካ ሰመና፡፡

31 ሸን ግምበትቤና ሄራቱዋን ደእያ ጎለቱ ሸይቃ ማላ፡ ኡንቱንቱ ዋዘቲኖ፤ እሻታማንሳ ላይላ ባላ ዋደካ ዘልኤዳዋ ሰሚኖ፡፡

32 “ ግድገን ሌዋቱዋ ካታማቱዋን ደእያ ባረንቱ ጎልያ ሌዋቱ ባረንቱ ኮዬዳ ዋድያን ዋዘ እካናዉ ዳንዳዪኖ፡፡

33 ሌዋቱዋጥ እት አሳይ ኡንቱንቱ ካታማ ግድን ደእያ ጎልያ ዘልኤደ ዋዛና ቆየጥ፡ ሄ ኡንቱንቱ ካታማ ግድን ደእያ ጎሊ እሻታማንሳ ላይላ ባላ ዋደ ሰሜ፡፡ እያዉ ጎጥ፡ ሌዋቱዋ ካታማ ግድን ደእያ ጎለቱ እሰራኤልያ አሳ ግድን ሌዋቶ አቆ፡፡

34 ሸን ኡንቱንቱ ካታማ ዩሹዋን ኡንቱንቱ ኡባዉ እትጥ ደእያ ቢታይ ኡንቱንቶ መቋናዉ አቆ ግድያ ድራው ዘልኤተና፡፡

ማንቄዳ አሳዉ ታልእያዋ

35 “ ቃይ ነ እሻይ ህዬሲደ ባረና ዳንዳዪና ቆየጥ፡ እማላዳንነ በትያዳን እ ኔናና ደእና ማላ፡ ኔን አ ማዳ፡፡

36 ነ እሻ ኔናና ዋላናዉ አጥ ድቻ አኮጋ፤ ዋይ ዋቋያ ሞጋ፡፡ ሸን ኔን ነ ጸሳዉ ያያ፡፡

37 ነ ብራ አዉ ድቻዉ ታልኦጋ፤ ነ ቁማካ አዉ ዋቋያን ዘልኦጋ፡፡

38 ህንተዉ ካናን ቢታ እማናዉነ ህንተ ጸሳ ግዳናዉ፡ ህንተና ግብጼ ጋድያጥ ከሴዳዌ፡ ታን መቋና ጎዳይ፡ ህንተ ጸሳ፡፡

አይለቱ አይለተላጥ ከሰያዋ

39 “ ሳዉ ዳቦ ግድያ እሰራኤልያ አሳይ ማንቄደ፡ ባረና ነዉ አይለተላዉ ዘልኦጥ፡ ኔን አ አይልያዳን ኦሰሰጋ፡፡

40 እ ከራ አልያ አሳዳንነ በትያዳን ኔናና ደእ፤ እሻታማንሳ ላይላ ባላይ ጋዛናዉ እ ነዉ ኦሎ፡፡

41 ሄ ዋደ እ ባረ ናናቱዋናካ እትጥ ነ ጎለጥ ከሲደ ባረ ጎልያ አሳኮ ቦ፤ ባረ አዉዋ ጋድያኮካ ሰሞ፡፡

42 እሰራኤላቱ ታን ግብጼ ጋድያጥ ከሴዳ ታ አይለቱዋ ግድያ ድራው፡ ኡንቱንቱ አይለተላዉ ዘልኤቶጥኖ፡፡

43 ኔን ኡንቱንቶ መቀላ ኢታደ ሞዶጋ፤ ሸን ኔን ነ ጸሳዉ ያያ፡፡

44 “ ሳዉ አቱማነ ማጫ አይለቱ ደእና ማላ ኮየጥ፡ ነ ዩሹዋን ደእያ ካዉተላቱዋጥ ሻማ፡፡

45 ቃይ ህንተ ጋድያን ደእያ በተቱዋጥነ ህንተ ጋድያን ደእሸን የለቲዳ ኡንቱንቱ ሶ አሳጥ ሻማናዉ ዳንዳዪታ፤ ኡንቱንቱ ህንተንቶ አቆ ግድኖ፡፡

46 ህንተጥ ጉይያን ህንተ ናናይ ኡንቱንታ መቋናዉ ላታና ማላ፡ ህንተ ናናዉ እምተ፡፡ ህንተ ኡንቱንቱጥ ኡባ ዋደካ አይልያ ሻማናዉ ዳንዳዪታ፤ ሸን ህንተ እሻ ግድያ እሰራኤልያ አሳ መቀላ ኢሲደ ሞዶጥተ፡፡

47 “ ሳ ማታን ደእያ እማላ ዋይ በተ አሳይ ዱረትና፡ ቃይ አ ማታን ደእያ ነ እሻይ ማንቄደ፡ ሄ ነ ማታን ደእያ እማላዉ ዋይ በትያዉ ዋይ እማላ ብታንያ ዘርያጥ እቶ ባረና ዘልኦጥ፡፡

48 እ ዘልኤት ሰምና አ ዋዛናዉ ዳንዳዪቲ፤ አ እሻቱዋጥ እቱ አ ዋዘ፡፡

49 ዋይ አ አዉዋ እሻይ፡ ዋይ አ አዉዋ እሻ ናኣይ አ ዋዘ፤ ዋይ አ ያራጥ አዉ ማታ ዳቦ ግድያ አሳይ አ ዋዘ፤ ዋይ ቃይ እ ባረ ሁጲያዉ ዱረቶጥ እ ባረና ዋዘ፡፡

50 እ ባረና ሻሜዳ ብታንያና እትጥ ግዲደ፡ እ ባረና ዘልኤዳ ላይላጥ ደሚደ እሻታማንሳ ላይላ ባላይ ጋዛናዉ ደእያ ላይላ ፓይዲ፤ አ ብልያ ጋቲ ሄ ላይላ ፓይዲዋ ኬሻ ግዴ፡፡ እ ባረና ሻሜዳዋና ጋሞኤዳ ዋድያ ጋቲ እት አሳይ ከራ ኦሊደ ደምያ ሚሻ ኬሻ ግዴ፡፡

51 እሻታማንሳ ላይላ ባላይ ጋዛናዉ ብር ዳር ላይላይ አቲዳዋ ግድገ፡ ባረ ዘልኤቲዳ ጋትያጥ ሄ ላይላ ፓይዲዋን ባረና ዋዘያ ጋትያ ጭጎ፡፡

52 ቃይ እሻታማንሳ ላይላ ባላይ ጋዛናዉ አቲዳ ላይላይ ጉላ ግድገ፡ ባረና ሻሜዳዋና እትጥ ፓይዲደ፡ ሄ ላይላ ፓይዲዋን ባረና ዋዘያ ጋትያ ጭጎ፡፡

53 እ ላይላን ላይላን ከራ አልያ አሳዳን ባረና ሻሜዳዋና ደኦጥ እትና፡ ህንተ ጼሊደ እሰራኤልያ አሳ ግድያ ብታንያ መቀላ ኢሲደ ሞዶጥተ፡፡

54 “ ሸን እ ሄዋ ማላ ኦግያን ዋዘታና ቆየጥ፡ እሻታማንሳ ላይላ ባላይ ጋዘያ ዋደ እነ አ ናናይ ቆማተላጥ ከሰኖ፡፡

55 እያዉ ጎጥ፡ እሰራኤልያ አሳይ ታ ቆማቱዋቲ፤ ታን ግብጼ ጋድያጥ ከሴዳ ታ ቆማቱዋ፡፡ ታን፡ መቋና ጎዳይ፡ ህንተ ጸሳ፡ ያጋ” ያጌዳ፡፡

26

አዛዘትና ቤትያ አንጂዋ (ዛረ. 7:12-24፤ 28:1-14)

1 መድና ጎዳይ ሀዋዳን ያጌ፤ “ህንተ ኢንቲንቶ ጎይናናው ኤቃቱዋ መጵፕተ፤ ቃይ ሀወልቲያ፡ ማሰቲዳ ሞሰልያ ዋይ ማሰቲዳ ሹቻ ኤሶፕተ። ታን፡ መድና ጎዳይ፡ ህንተ ጸሳ።

2 ታ ሳምባታቱዋ ናግተ፤ ታ ዲንካንያ ቦንቶተ፤ ታን መድና ጎዳ።

3 “ህንተ ታ ሀግያን ቦፕ፡ ታ አዛዙቱዋካ ናጎፕነ አሳፕ፡

4 ታን ህንተንቶ እራ ዋድያን ቡክሳና፤ ቢታይካ ካላ ዳርሲደ ሞካና፤ ደምባ ሞላቱካ አይፍያ አይፋና።

5 ህንተ ካላ ቡክያ ዋድያፕ ቢደ ዋይንያ አይፍያ ማጽያ ዋዲ ጋካናው ካላ ቆጻና፤ ቃይ ዋይንያ አይፍያ ማጽካ ቢደ ካላ ዘርያ ዋዲ ጋካናው ወረረና። ህንተ ካላና ጋካናው ቁማ ማና፤ ቃይ ህንተ ህንተ ቢታንካ ሳሩዋን ደአና።

6 “ታን ቢታው ሳርተላ እማና፤ ኦንነ ያሽሰናን ህንተ ግሳና። ኢታ ደአቱዋ ታን ጋድያፕ ቆይሳና፤ ህንተ ጋድያን ላኤንላ ኦላይ ደንደና።

7 ህንተ ሞርከቱዋ ህንተ የደርሳና፤ ህንተ ሰንላን ኢንቲንቱ ማሻን ሀይቃና።

8 ህንተፕ እቼሹ ጾቱዋ የደርሳና፤ ቃይ ጾቱ ታሙ ሻኣ የደርሳና። ህንተ ሞርከቱ ህንተ ሰንላን ማሻን ሀይቃና።

9 “ታን ታ ዳሙዋ ህንተኮ ዛራና፤ ህንተና አይፍሳና፤ ህንተና ዳርሳና። ቃይ ታን ታ ጫቁዋ ህንተናና ሞንሳና።

10 ህንተ ሻቻ ካላ ማና፤ ቃይ ሀ ላይላ ካላ ዋላናው፡ ሻቻ ካላ ድጊደ ሳኣ ከሳና።

11 ታን ታ ደእያ ሳኣ ህንተ ግድን ኦላና፤ ታን ህንተና ሻትከ።

12 ታን ህንተ ግድዋን ሀመታና፤ ቃይ ህንተ ጸሳ ግዳና፤ ህንተካ ታ አሳ ግዳንታ።

13 ህንተ ግብጾቶ አይልያ ግደናዳን፡ ግብጾ ጋድያፕ ህንተና ከሴዳዌ ታን መድና ጎዳይ ህንተ ጸሳ። ታን ህንተ አይለተላ ሞርገ ሞላ መንላድ፤ ቃይ ህንተካ ቆቁ ጊደ ሄመታናዳን ኦላድ።

አዛዙተናን እጽና ጋክያ ሙራ (ዛረ. 28:15-68)

14 “ሸን ህንተ ታን ግያዋ ሰሰናን እጸፕነ፡ ሀ አዛዙቱዋ ኡባካ ኦባናን እጸፕ፡

15 ታ ዋጋ ህንተ ካጵኦፕ፡ ቃይ ታ አዛዙቱዋ ኡባ ኦባናን እጸደ ታ ጫቁዋ መንላናው ህንተ ታ ሀግያ ሻቶ፡

16 ሄ ዋደ ታን ህንተ ቦላ ሀዋ ኦላና፡ ህንተ አኬከናን ደእሸን ያሻ፡ ግልቃተላ፡ ህንተ አይፍያ ጆልሰያን ህንተና ሎይላ ሀርግሰያ ሞሹዋ ህንተ ቦላ አሀና። ህንተ ዘርላ ዘራና፤ ሸን እ ሀዳ፤ አያው ጎፕ፡ ሄዋ ህንተ ሞርከቱ ማና።

17 ታን ታ ሶምኡዋ ህንተ ቦላ ቱካና፤ ህንተ ሞርከቱዋ ሰንላን ህንተ ኩንዳና፤ ህንተና እጸያዋንቱ ህንተና ሞዳና፤ ቃይ ኦንነ የደርሰናን ህንተ ባቃታና።

18 “ሀዋ ኡባ ኦላናካ ህንተ ታና ሰሰናን እጸፕ፡ ታን ህንተ ናጋራ ድራው ህንተ ሙራ ላፑን ዳኩዋ ጉጃና።

19 ህንተ ዋልቃ ኦቶሩዋ ታን መንላና፤ ሳሉዋ ብራታ ማላ ኦላና፤ ህንተ ቢታካ ናሃሰያ ግያ ብራታ ማላ ኦላና።

20 ህንተ ዋልቃይ ሀዳሳን ወራና፤ አያው ጎፕ፡ ህንተ ቢታይ ካላ ሞከና፤ ጋድያን ደእያ ሞላቱካ አይፍያ አይፍክና።

21 “ህንተ ታው እጾዶ ጎፕነ ታን ግያዋካ ሰሰናን እጸፕ፡ ህንተ ናጋራ ኬሻ ላፑን ዳኩዋ ቦሻ ታን ህንተ ቦላን አሀና።

22 ታን ህንተ ቦላ ባዙዋ ደአቱዋ የዳና፤ ኢንቲንቱ ህንተ ናናቱዋ ቦንቃና፤ ህንተ መሄቱዋ ቆይሳና፤ ህንተ ፓይዲዋካ ጉላና፤ ሄዋ ጋሶዋን ህንተ ሀመትያ አጊ ባዙዋ ግዳናዋ።

23 “ሀ ኡባ ሙራንካ ህንተ ታኮ ሰመናን እጸድ ጊደ ቦፕ፡

24 ሄ ዋደ ታንካ ህንተንቶ እጸድ ጋና፤ ቃይ ህንተ ናጋራ ድራው ታን ታ ሁጲያው ህንተና ላፑን ዳኩዋ ሙራና።

25 ታ ጫቁዋ መንሴዳ ሀሉዋ ከሰያ ማሻ ታን ህንተ ቦላ አሀና፤ ህንተ ህንተ ካታማቱዋን ሸቆፕካ፡ ታን ህንተ ቦላን ኢታ ሀርግያ የዳና። ቃይ ህንተካ ህንተ ሞርከቱዋ ኩሽያን አጲደ እመታና።

26 ህንተ ካላ ታን ቆይሰያ ዋደ፡ ታሙ ማጫ አሳቱ እት ባሽያን ኡክላ ኡካና፤ ሄዋካ ሚዛናን ልኪደ ሻካና፤ ህንተ ሄዋ ማና፡ ሸን ካልክታ።

27 “ሀ ኡባንካ ህንተ ታን ግያዋ ሰሰናን እጸድ ጊደ ቦፕ፡

28 ሄ ዋደ ታንካ ህንተ ቦላ ህንቁዋን ደንዳና፤ ህንተ ናጋራ ድራው ታን ታ ሁጲያው ህንተና ላፑን ዳኩዋ ሙራና።

29 ህንተ ህንተ አቱማ ናናቱዋን ህንተ ማጫ ናናቱዋ አሹዋ ማና።

30 ህንተ ጎይንያ ቆቃ ሳኣ ታን ኮላና፤ ህንተ እጸና ያርሸያ ሳኣካ ቆይሳና። ታን ህንተ አሃ ህንተ ኤቃቱዋ አሃ ቦላን ኦላና፤ ታን ህንተና ሙላ ሻታና።

31 ታን ህንተ ካታማቱዋ መላ ኦላና፤ ህንተ ጎይንያ ሳኣቱዋካ ኮለሬላና፤ ህንተ ሳዊያ ያርሹዋካ ሰንግከ።

32 “ታን ህንተ ቢታ ቆይሳና፤ ያቶፕ ሄ ህንተ ጋድያን ዪደ ኡትያ ሞርከቱካ ሄዋን ማላለታና።

33 ታን ህንተና ካወተላቱዋ ግደን ላላና፤ ህንተ ቦላንካ ታ ማሻ ሾዳና። ህንተ ቢታይ ባያና፤ ህንተ ካታማቱካ መላ ግዳና።

34 ሄ ህንተ ህንተ ሞርከቱዋ ጋድያን ደእያ ዋደ፡ ባዪደ ጮ ደእያ ህንተ ቢታይ ባረ ሳምባታቱዋ ቦንቹደ ናሸታና። ሄ ዋደ ህንተ ቢታይ ሸምፓናን ባረ ሳምባታቱዋ ቦንቹደ ናሸታና።

35 ህንተ ሄ ጋድያን ደኤዳ ዋድያን ኡባን ህንተ ሳምባታቱዋን ደምቤና ሸምፑዋ ሀእ ባዪደ ጮ ደእያ ዋድያን ደማና።

36 “ህንተ ህንተ ሞርከቱዋ ጋድያን ደእያ ዋደ፡ ህንተፕ ሻከቲደ ጉዩ አቲደ ደእያዋንቱ ዋዛናን ታን ያሻ የዳና፤ ጫርኩ ቃልያ ቦንጭያ ኮሻይ ኢንቲንታ ሻቢራና፤ ኢንቲንቱ ማሻፕ

ባቃትያዋዳን ባቃታና፤ ቃይ ኢንቱንቱ ኦን ሃይርሰናን ኩንዳና።

37 ህንተና ሃይርሰናዊ ባይናን ደእሸን፤ ህንተ ኦላፕ ባቃትያዋዳን እቱ እቱዋና ቆብታና፤ ቃይ ህንተ ህንተ ሞርከቱዋ ሰንላን ኤቃናዊካ ህንተንቶ ኦያ ዋልቂን ደኤና።

38 ህንተ ካወተላቱዋ ግደን ባያና፤ ህንተ ሞርከቱዋ ቢታይካ ህንተና ሞታና።

39 ህንተፕ ሻከቲደ ህንተ ሞርከቱዋ ጋድያን ኦቲዳዋንቱ ባረንቱ ናጋራ ጋሱዋን ሳረንቱ ኦዋቱዋ ናጋራ ጋሱዋን ግልቃና።

40 “ሸን ኢንቱንቱ ታን ኢንቱንቶ እጹዳ ጋናዳንን ኢንቱንቱ ሞርከቱዋ ቢታዉ ኢንቱንታ የዳናዳን ኦሌዳ ባረንቱ ናጋራ፤ ባረንቱ ማይዛ ኦዋቱዋ ናጋራ፤ ኢንቱንቱ ታና ጭሜዳ ጭሙዋን ኢንቱንቱ ታዉ እጸድ ጌዳዋ ፓጾፕ።

41 ሄዋን ቃይ ኢንቱንቱ ኦዛዘተና ዋዛናይካ ዝቂ ጎፕን ኢንቱንቱ ባረንቱ ናጋራ ሙራ ኦኮፕ።

42 ሄ ዋደ ታን ያቆባና ጫቀቲዳ ታ ጫቁዋ ሀሳያና፤ ቃይ ይሳቃናን ኦብራሃመና ጫቀቲዳ ታ ጫቁዋ ሀሳያና፤ ቢታካ ሀሳያና።

43 ኢንቱንቱ ቆይ ድግና፤ ኢንቱንቱ ቢታይ መላ ኦታና፤ ሄ ኢንቱንቱ ቆይና ባይያዋ ግዲደ ጮ ደእያ ዋድያን ቢታይ ባረ ሳምባታቱዋ ቦንቺደ ናሸታና። ኢንቱንቱ ታ ኦዛዘቱዋ ካይዳ ድራዉን ኢንቱንቱ ሸምፑካ ታ ዋጋ ሻቲዳ ድራዉ። ኢንቱንቱ ባረንቱ ናጋራ ሙራ ኦኮፕ።

44 “ግደፕን ኢንቱንቱ ባረንቱ ሞርከቱዋ ጋድያን ደእያ ዋደ፤ ኢንቱንቱ ኡባና ቆያና ጋካናዉን ኢንቱንቱና ደእያ ታ ጫቁዋካ መንላና ጋካናዉ። ታን ኢንቱንታ ኦልከ፤ ቃይ ሻትከ። ታን፤ መድና ጎዳይ፤ ኢንቱንቱ ጸሳ።

45 ታን ኢንቱንቱ ጸሳ ግደናዉ፤ ካወተላቱ ጸልሸን፤ ግብጹ ጋድያፕ ከሴዳ ኢንቱንቱ ማይዛ ኦዋቱዋና ታን ጫቀቲዳ ጫቁዋ ኢንቱንቱ ድራዉ ሀሳያና። ታን መድና ጎዳ።

46 “መድና ጎዳይ ሰና ደርያ ቦላን ሙሴ ባጋና ባረፕን እሰራኤልያ እሳፕ ግዲዋን ዋሌዳ ዋጋቱ፤ ኦዛዘቱን ህገቱ ሀዋንታ” ያጌዳ።

27

ጸሳዉ እምያዋ ሺሸያ ዋጋ

1 መድና ጎዳይ ሙሳ ሀዋዳን ያጌዳ፤

2 “እሰራኤልያ እሳዉ ሀዋዳን ያጋደ ኦዳ፤ ኦኦት ኦሳይ መድና ጎዳዉ እምናዉ ሺቆፕ፤ ኔን ቆፕያዋዳን ሄ ኦሳ ድራዉ ሚሻ ጭጎ።

3 ሄዋን ላታሙ ላይላፕ ቢደ ኡሱፑን ታሙ ላይላ ጋካናዉ ደእያ ኦቲማዋ ኡሱፑን ጹቱ ግራምያ ዴጽያ ጸጋራ ብራ ጭጎ።

4 ማጫ ኦሳ ግደፕ ቃይ ሀታሙ ጸጋራ ብራ ጭጎ።

5 ቃይ እቼሹ ላይላፕ ቢደ ላታሙ ላይላ ጋካናዉ ደእያ ኦቲማዋ ላታሙ ጸጋራ ብራ ማጫንዉ ታሙ ጸጋራ ብራ ጭጎ።

6 ቃይካ ኦት ኦግናፕ ቢደ እቼሹ ላይላ ጋካናዉ ደእያ ኦቲማዋ እቼሹ ጸጋራ ብራ ማጫንዉ ሄዙ ጸጋራ ብራ ጭጎ።

7 ሄዋዳንካ ቃይ ኡሱፑን ታሙ ላይላን ሄዋፕ ቦላና ደእያ ኦቲማዋ ታማን እቼሹ ጸጋራ ብራ ማጫንዉ ታሙ ጸጋራ ብራ ጭጎ።

8 ቃይ ሺቆዳ ብታኒ ኔን ቆፕዳዋ ጭጋናዉ ዳንዳየና ዳር ማንቆ ግደፕ፤ እ ባረ ሺቆዋ ጋላናዉ እሜዳ ኦሳ ኦሂደ ቄሰያ ሰንላን ኡሶፕ ሺቆዳ ብታኒ ጭጋናዉ ዳንዳይያዋ ኬና ቆፕደ ቄሴ ጋማቶ።

9 “ኦ ሺቀቲዳዊ ኦሳይ መድና ጎዳዉ ያርሸያ ሳኦ ማላ መሀያ ያርሻናዉ ግደፕ፤ ሄዋ ማላ ኦሳይ መድና ጎዳዉ እምያ መሂ ኡባይ ጌሻ።

10 እ ሄ መሀያ ድራዉ ሀራ መሀያ እምፖ፤ ዋይ ኦ ሀራ መሀያና ላምፖ። ሎኡዋ ኡታና ዋይ ቃይ ኡታካ ሎኡዋና ላምፖ፤ ሸን እ ላምፕ፤ ኮይር መሀያን ላምያ እሜዳ መሂ ላኡካ ጌሻ።

11 እ ሺቀቲዳ መሂ መድና ጎዳዉ ያርሹዋ ኦሊደ ሺሻናዉ ጌሻ ግደና መሀያ ግደፕ፤ ሄ ብታኒ ሄ መሀያ ቄሰያ ሰንላ ኦሆ።

12 ሎኦ ግድና ኡታ ግድና፤ ቄሴ ሄ መሀያ ጋማቶ፤ ያቶፕ ቄሴ ጋማቲዳዊ ኦ ጋትያ ግደ።

13 ሸን ሄ መሀያ ጎዳይ ኦ ዛሪደ ዋዛናዉ ኮዮፕ፤ ሄ መሀያ ጋትያ ቦላ ጹቱዋፕ ላታሙ ኩሸያ ጉጅ።

14 “ኦት ኦሳይ ባረ ጎልያ ጌሻ ግደናዳን መድና ጎዳዉ ዳማዮፕ፤ ሎኦ ግድና ኡታ ግድና፤ ቄሴ ሄ ጎልያ ጋማቶ፤ ያቶፕ ቄሴ ጋማቲዳዋዳን ኦ ጋቲ ሄዋዳንካ ግደ።

15 ቃይ ባረ ጎልያ ጸሳዉ ጌሻ ኦላ ዳማዬዳ ኦሳይ ዛረሊደ ዋዛናዉ ኮዮፕ፤ ሄ ጎልያ ጋትያ ቦላን ጹቱዋፕ ላታሙ ኩሸያ ጉጅ፤ ያቶፕ ጎሊ ኦሳ ግዴ።

16 “ኦት ኦሳይ ባረ ላታ ጋድያፕ ሻኪደ ጌሻ ኦላ መድና ጎዳዉ ዳማዮፕ፤ ሄ ጋድያ ጋቲ ኦን ዘርያ ዘረላን ቆሳቶ። ሄዋን ላታሙ ኪሎ ግራመ ባንጋ ዘርያ ኬሻ ሸይቃ ግደፕ፤ ታሙ ጸጋራ ብራ ጭጎ።

17 እ ባረ ጋድያ እሻታማንሉ ላይላ ባላፕ ደሚደ ጌሻ ኦላ ጸሳዉ ዳማዮፕ፤ ሄ ጋድያዉ ኩመንላ ጋትያ ጭጎ።

18 ሸን እ ባረ ጋድያ እሻታማንሉ ላይላ ባላይ ኦቲ ሰምና ጌሻ ኦላ ጸሳዉ ዳማዮፕ፤ ካሊደ ደእያ እሻታማንሉ ላይላ ባላይ ጋካናዉ ደእያ ዋድያ ቄሴ ፓይደ፤ ያቶፕ ኦ ኩመንላ ጋትያፕ ዋዴ።

19 ሄ ጋድያ ጌሻ ኦላ ጸሳዉ ዳማዬዳ ኦሳይ ዛረላ ዋዛናዉ ኮዮፕ፤ እ ጋማተቲዳ ሚሻ ቦላ ጹቱዋፕ ላታሙ ኩሸያ ጉጅ፤ ያቶፕ ጋዲ ሰሚደ ኦዋ ግዴ።

20 ሸን እ ጋድያ ዛረሊደ፤ ዋዛናፕ ካሰቲደ ሀራ ኦሳዉ ዛልኦፕ፤ ሄ ጋድያ ዋዛናዉ ዳንዳየና።

21 እሻታማንሉ ላይላ ባላይ ጋክና ጋዲ የደቲያ ዋደ፤ ሄ ጋዲ ላኡንሉ ጉዮ ኦካናዋዳን መድና ጎዳዉ ጌሻ ግዴ። ሄ ግሹ ቄሰያሳ።

22 “ኦት ኦሳይ ሀራ ኦሳፕ ሻሚዳ ጋድያ ጌሻ ኦላ መድና ጎዳዉ ዳማያናዉ ኮዮፕ፤

23 ካልያ እሻታማንሉ ላይላ ባላይ ጋካናዉ ደእያ ጋትያ ቄሴ ጋማቶ፤ ብታኒ ሄ ጋላሰካ ሄ

26:42 ደመላ 17:7-8፤ 26:3-4፤ 28:13-14

ግምትያ ጭጎ፤ ሄ ሚሻይ መድና ጎዳው ዲማቴዳ ሚሻ ግዳናዋ።

24 እሻታማንሶ ላይላ ባላይ ጋክያ ዋደ፣ ሄ ጋዲ ኮይሮ ላታን እኪደ ዛልኤዳ ብታንያው ሰሜ።

25 “ ላ ጋቲ ጸሳ ዲንካንያን ኤረቲያ ሚዛናን ጋማተቴ።

26 “ ሸን ኦንነ ባይራ የለቴዳ መህያ መድና ጎዳው ዲማዬደ ሸሻናው ዳንዳየና፤ አያው ጎፕ፣ እ ካሰካ መድና ጎዳሳ። ሚዛ ማራ ግድና ዋይ ዶርሳ ማራ ግድናካ እ መድና ጎዳዋ።

27 ሄ መሂ ጌሻ ግዳና ጳዮፕ፣ ነ ጋማቴዳ ጋትያ ቦላ ጴቱዋፕ ላታሙ ኩሽያ ጉጂደ አ ጎዳይ ዛረሴደ ዋዞ። እ ዋዛና ጳዮፕ፣ ነ ጋማቴዳ ጋትያን ሀራ አሳው ዛልኤቴዳ።

28 “ ላት አሳይ ባረዋፕ መድና ጎዳው እሜዳዌ አያ ግደፕካ፣ አሳ ግድና መህያ ግድና፣ ዋይ አ ላታን ጋኬዳ ጋደ ግድናካ፣ ዛልኤተናን ዋዞተና። ዲማዬዳዌ ኡባባይ መድና ጎዳው ጌሻ ኡባፕ እቱዋ ግዴዳ ጌሻ ያርሹዋ።

29 አሳ ግደፕ ሻከቲደ ጳያናዳን እመቴዳ አሳይ ዋዞቶፕ፤ ሄ አሳይ ሀይቆ።

30 “ ላታ አሰራታይ ኡባይ ጋድያፕ ዋኬዳ ካላ ግድና ዋይ ዋላ አይፍያ ግድናካ መድና ጎዳሳ። ሄዌ መድና ጎዳው ጌሻ።

31 እት አሳይ ባረ አሰራታ ዋዛናው ኮዮፕ፣ አ ጋትያ ቦላን ጴቱዋፕ ላታሙ ኩሽያ ጉጂ።

32 ሚዛ አሰራታ ግድና፣ ዶርሳ አሰራታ ግድና፣ ዋይ ዴሻ አሰራታ ግድናካ፣ ሄንላንቻ ጋትማፕ ጋርሳና አድያ ሀቃዌን ታሙንሰ መድና ጎዳው ጌሻ።

33 ታሙንላ መህያ አታ ግድና ሎኦ ግድናካ ዶርፕ፤ ዋይ አ ሀራና ላዋፕ። ላዋፕን ኮይሮዌን ላዋያ እሜዳዌን ላኡካ ጸሳው ጌሻ ግዲናፕ አትና፣ ዛሪደ ዋዛናው ዳንዳየና፣ ያጋ” ያጌዳ።

34 ሲና ደርያ ቦላን መድና ጎዳይ ሙሴ ባጋና እሰራኤልያ አሳ አዛዜዳ አዛዞቱ ሀዋንታ።

ገሥታዎ ማጻፋ ገሥታዎ

ገሥታዎ ጌተቱዳ ሀ ማጻፋይ፡ እስራኤልያ አሳ ያራቱዎ ሙሴ ገሥታዎ በሰያ ድራሳ። ሲና ደርያፕ ደንዴዳ ዎድያፕ ደሚደ፡ ጸሳይ ኢንቱንቶ እማና ጌዳ፡ ሀደታ ቢታዉ አዋይ ዉልያ ባጋ ዛዋ ጋካና ጋካናዉ፡ ኦይታሙ ላይላ ኢንቱንቱ ደኤዳ ታርክያ ኦዴ። ማጻፋ ሱንሳይ፡ ግደን ደእያ ታርክቱዎፕ ዳርያ ክፍልያ በሰ። ሄዌነ እስራኤልያ አሳይ ሲና ደርያፕ ደንዴደ ባናፕ ካሰቲደ፡ ቃይ እት የለታፕ ሰምና ዮርዳናሳ ሻፋፕ አዋይ ደልያ ባጋና ሞኦበን፡ ሙሴ አሳ ገሥታዎ ገሥታዎ በሰ። ላኡ ገሥታዎፕ ግደዎን ደእያ ዎድቱዎን እስራኤልያ አሳይ ካናነዉ ገድሳ ባጋ ዛዋ ግደያ ቃዴሳ-ባርነ ጋክ ኡቲዳ። ግደፕነ ኢንቱንቱ ሄዎና ሀደታ ቢታ ገላናዉ ዳንዴይበይክኖ። ሄዎ ድራዉ፡ ኢንቱንቱ ሄዎ ሄራን ዳር ላይላ አሊደ፡ ጉየፕ ዮርዳናሳ ሻፋፕ አዋይ ደልያ ባጋና ደእያ ቢታ ቤድኖ። ኢንቱንቱፕ ባጋይ ያን ደእናዉ ቆፋ ቃቕና፡ አቲዳ አሳይ ዮርዳናሳ ፕኒደ፡ ካናነ ባናዉ ባርና ገገሴዳ።

ገሥታዎባይ ዳር መቱ ጋክያ ዎደ ያይያነ ሀደታ ቃንጽያ አሳቱ ታርክያ፡ ጸሳ ቦላነ ኢንቱንታ ካለላና ማላ ጸሳይ ኢንቱንቶ ደሬዳ ሙሴ ቦላ ማካሊደ ደንዴዳ አሳቱ ታርክያ ኦይቅዳዎ። አሳይ ዳቡራንታን ድባ ግደፕነ ጸሳይ ኢንቱንቶ አማነትያዎ ግደደ፡ ኢንቱንታ ካቦዴደ ዎሌዳዎ ታርኪ ኦዴ። ሄዎዳንካ ሙሴ እት እቶደን ገንጫ ጳየፕ፡ አዉ ሞኖ አማኑ ደእያዌ ጸሳዉነ አሳዉ አማነቲደ ኡሌዳ አሳ እ ግድያዌ ቤቲዳ።

ሸምገቱዎ ኡባቶ እመቲዳ ቃንሳ ቆፋቱዎ
 እስራኤላቱ ሲና ደርያፕ ባናዉ ገጉሳ 1:1—9:23
 ሀ. ኮይሮ አሳ ገሥታዎ 1:1—4:49
 ለ. ዳማ ዳማ ህግያነ ዎጋ 5:1—8:26
 ሐ. ላኤንሶ ፓሰጋ 9:1-23
 ሲና ደርያፕ ሞኦበ ቡሳ 10:1—21:35
 ሞኦበን ኦሰቲዳ ሀናታቱዎ 22:1—32:42
 ግብጸፕ ሞኦባ ጋካናዉ ደእያ ሀመሳይ ቃንሳን 33:1-49
 ዮርዳናሳ ፕናናፕ ካሰት እመቲዳ አዛዙዎ 33:50—36:13

እስራኤላቱ ሲና ደርያፕ ባናዉ ገጉሳ

(1:1—9:23)
 ኮይሮ እስራኤልያ አሳ ገሥታዎባ (1:1—4:49)

1 ሲና መላ ቢታ፡ መቶና ጎዳ ዳንካንያ ግደን፡ እስራኤልያ አሳይ ግብጹ ጋድያፕ ከሴዳ ላኤንሶ ላይላን፡ ላኤንሶ አግናን፡ ሄ አግናዉ ኮይሮ ጋሳሳን፡ መቶና ጎዳይ ሙሳ ሀዎዳን ያጌዳ፤

2 “እስራኤልያ አሳ ኡባ ኢንቱንቱ ያራን ያራን ጎልያን ጎልያን ገሥታደደ፡ አቲማ አሳ ኢንቱንቱ ሱንሳን ሱንሳን ጻፋ።

3 ኔንነ አርን የለቶደፕ ላታሙ ላይላነ ሄዎፕ ቦላና ደእያ እስራኤላቱዎ፡ ኦላ ባናዉ ዳንዴይያዎንታ ኡባቱዎ፡ ኢንቱንቱ ጭታን ጭታን ገይድተ።

4 ዛርያፕ ዛርያፕ እት እት አሳይ ባር ጎልያ አሳዉ ካቶዎ ግደደ፡ ህንተና ማደ።

5 ህንተና ማዳና አሳቱ ሱንሳይ ሀዎፕ ካሊደ ደእያዎ፡

- ዛርያ ጎልያ አሳ ካቶዎ
- ሮቤላ ሻደኡራ ናኦ ኤሊዱራ፡
- 6 ሰሞና ጸራሻዳና ናኦ ሻሉሞኤላ፡
- 7 ይሁዳ አምናዳባ ናኦ ናአሶና፡
- 8 ይሳኮራ ጸኦራ ናኦ ናታንኤላ፡
- 9 ዛብሎና ሄሎና ናኦ ኤልኦባ፡
- 10 ዮሴፎ ናናፕ ኤፍሬማ አምሁዳ ናኦ ኤልሻማአ፡
- ምናሰ ፓዳጹራ ናኦ ጋማልኤላ፡
- 11 ቢንያማ ገድኦና ናኦ አብዳና፡
- 12 ዳና አምሻዳና ናኦ አህኤዘራ፡
- 13 አሴራ ኦክራና ናኦ ፓግኤላ፡
- 14 ጋዳ ዳኤኤላ ናኦ ኤልያሳፋ፡
- 15 ንፍታሌማ ኤናና ናኦ አህራኦ፤
- 16 ሀ አሳቱ ባርንቱ አዎቱዎ ጎልያ አሳቱዎፕ ካለላናዉ፡ ደርቲዳዎንታ፤ ኢንቱንቱ እስራኤልያ ያራቶ ካፓቱዎ” ያጌዳ።

17 ሙሴነ አርን ሱንሳይ ጴሰቲዳ ሀ አሳቱዎ አፌድኖ።

18 ላኤንሳ አግናን ኮይሮ ጋላሰ ኩመንሳ ማባራ ጴሲደ፡ እትፕ ሺሺድኖ። አሳይ ባር ያራን ያራንነ ባር ጎልያን ጎልያን ኦዲደ፡ የለቶደፕ ላታሙ ላይላነ ሄዎፕ ቦላና ደእያ አቲማ አሳቱዎ ኡባ ሱንሳይ ኡባና ጸፈቲዳ።

19 መቶና ጎዳይ አ አዛዜዳዎዳን፡ ሙሴ ኢንቱንታ ሲና መላ ቢታን ገሥታዎ።

20-21 ኦላዉ ባናዉ ዳንዴይያ አቲማ አሳቱ ኡባይ፡ ላታሙ ላይላነ ሄዎፕ ቦላና ደእያዎንቱ ገይደቲደ፡ ሁጲያን ሁጲያን ጸፈቲድኖ። ኢንቱንቱ ባርንቱ ያራን ያራንነ ባርንቱ ጎልያን ጎልያን ሻከቲደ፡ ሀዎፕ ካሊደ ደእያ ገሥታዎን ማከገበቲድኖ።

- ዛርያ ኦላንቻቱዎ ገሥታዎ፤
- ሮቤላ (እስራኤልያ ናኦ ባይራ) 46,500
- 22-23 ሰሞና 59,300፤
- 24-25 ጋዳ 45,650፤
- 26-27 ይሁዳ 74,600፤
- 28-29 ይሳኮራ 54,400፤
- 30-31 ዛብሎና 57,400፤
- 32-33 ዮሴፎ ናኦ ኤፍሬማ 40,500፤
- 34-35 ዮሴፎ ናኦ ሞናሳ 32,200፤
- 36-37 ቢንያማ 35,400፤
- 38-39 ዳና 62,700፤
- 40-41 አሴራ 41,500፤
- 42-43 ንፍታሌማ 53,400፤
- 44 ሙሴ፡ አርንነ ታማነ ላኡ እስራኤልያ ዛራቱ ካፓቱ ገሥታዎ አሳይ ሀዎ።
- 45 ኦላዉ ባናዉ ዳንዴይያ አቲማ አሳቱ ኡባይ ላታሙ ላይላነ ሄዎፕ ቦላና ደእያዎንቱ ባርንቱ አዉዎ ጎልያን ጎልያን ገይደቲድኖ።
- 46 ሄዎንቱ ኡባና 603,550.

47 ሽን ለወያ ዛራቱ ሀ ገይደቱዳ አሳና ገይደትበይክኖ።

48 አያው ጎጥ፡ መድና ጎዳይ ሙሳ ሀዋዳን ያጌዳ፤

49 “ሌወያ ዛራቱዋ ገይደገ፤ ኡንቱንታ አቴዳ እሰራኤላቱዋ ገይደዋን የጎገ።

50 ሌዋቱዋ ጸሳ ዲንካንያ ቦላንነ አ ግደን ደእያ ሚሻቱዋ ኡባ ቦላን ካቸዋ አላደ ሱንላ። ኡንቱንቱ ሄ ዲንካንያን አ ግደን ደእያ ሚሻቱዋ ቶክኖ፤ ኡንቱንቱ አ ግደን አላኖነ አ የሹዋን ዲንካንኖ።

51 ጸሳ ዲንካን ሸደትያ ዋደ ሌዋቱ ሸድኖ፤ ጸሳ ዲንካን ኤቂያ ዋደካ ሌዋቱ ኤሰኖ። ኡንቱንቱጥ ሀራይ ኡንነ አኮ ሸቆጥ፡ ሀይቆ።

52 እሰራኤልያ አሳቱ ኡባይ ባረንቱ አርማን አርማን ባረንቱ ጭታን ጭታን ሻከቲደ፡ ባረንቱ ዲንካንያ ዲንካንኖ።

53 ሽን ጸሳ ሀንቁ እሰራኤልያ ማባራ ቦላ ዋግና ማላ፡ ሌዋቱ ጸሳ ማርካተላ ዲንካንያ የሹዋን ባረንቱ ዲንካንያ ዲንካንኖ፤ ሌዋቱ ጸሳ ዲንካንያን አዋትኖ” ያጌዳ።

54 እሰራኤላቱ ሀዋ ኡባ መድና ጎዳይ ሙሳ አዛዜዳዋዳን አሌድኖ።

2

እት እት ሻኩ ዲንካናና ሳኦ በሰያዋ

1 መድና ጎዳይ ሙሳን አርና ሀዋዳን ያጌዳ፤

2 “እሰራኤልያ አሳይ ባረንቱ ባጋ ባጋ ኤርሰያ አርማን ባረንቱ ያራ ያራ ኤርሰያ ባንድራ ካሊደ፡ ጸሳ ዲንካንያጥ ጉላ ሃኪደ፡ አ የሹዋን ዲንካንኖ።

3-4 “አዋይ ዳልያ ባጋና ይሁዳ ባጋይ ባረንቱ አርማ ካሊደ ዲንካንኖ። ኡንቱንቱ ዛራቱዋ ሱንላይ፡ ዛራቱዋ ካገቱዋ ሱንላይነ ኦላንቻቱዋ ገይደ ሀዋጥ ካሌ።

ይሁዳ አምናዳባ ናኦ ናኦና 74,600፤

5-6 ይሳኮራ ጸኣራ ናኦ ናጋንኤላ 54,400፤

7-8 ዛብሎና ሄሎና ናኦ ኤልኣባ 57,400፤

9 ይሁዳ ባጋጥ ገይደቱዳ ኦላንቻቱ ኡባና 186,400. ሀራ ሳኦ ብያ ዋደ ኡንቱንቱ ኮይሮ ከሰያዋንታ።

10-11 “ቃይ ዲንሃ ባጋና ሮቤላ ባጋይ ባረንቱ አርማ ካሊደ ዲንካንኖ። ኡንቱንቱ ዛራቱ ሱንላይ፡ ዛራቱዋ ካገቱዋ ሱንላይነ ኦላንቻቱዋ ገይደ ሀዋጥ ካሌ።

ሮቤላ ሻደኡራ ናኦ ኤሊጹራ 46,500፤

12-13 ሰዋና ጸራሻዳና ናኦ ሻሉምኤላ 59,300፤

14-15 ጋዳ ረኡኤላ ናኦ ኤልያሳፋ 45,650።

16 ሮቤላ ባጋጥ ገይደቱዳ ኦላንቻቱ ኡባና 151,450 ሀራ ሳኦ ብያ ዋደ ኡንቱንቱ ላኤንሳ ከሰያዋንታ።

17 “ሄዋጥ ጉይያን፡ ጸሳ ዲንካንነ ሌወያ ዛራቱ ኮይሮ ከሰደ ላኡ ባጋጥነ ጉየጥ ከሰያ ላኡ ባጋጥ ግዳዋን ከሰኖ፤ ያቲደ ባረንቱ ዲንካንኤዳ ማራን ማራን ባረንቱ ባንድራ ባንድራ ካሊደ ከሰኖ።

18-19 “ቃይ አዋይ ወልያ ባጋና ኤፍሬማ ባጋይ ባረንቱ አርማ ካሊደ ዲንካንኖ። ኡንቱንቱ

ዛራቱዋ ሱንላይ፡ ዛራቱዋ ካገቱዋ ሱንላይነ ኦላንቻቱዋ ገይደ ሀዋጥ ካሌ።

ኤፍሬማ አምሁዳ ናኦ ኤልሻማኦ 40,500፤

20-21 ምናሳ ገዳጹራ ናኦ ጋማልኤላ 32,200፤

22-23 ቢንያማ ጊድኦና ናኦ አብዳና 35,400፤

24 ኤፍሬማ ባጋጥ ገይደቱዳ ኦላንቻቱ ኡባና 108,100። ሀራ ሳኦ ብያ ዋደ፡ ኡንቱንቱ ሄዘንሳ ከሰያዋንታ።

25-26 “ቃይካ ሁጲሳ ባጋና ዳና ባጋይ ባረንቱ አርማ ካሊደ ዲንካንኖ። ኡንቱንቱ ዛራቱዋ ሱንላይ፡ ዛራቱዋ ካገቱዋ ሱንላይነ ኦላንቻቱዋ ገይደ ሀዋጥ ካሌ።

ዳና አምሻዳና ናኦ አሀኤዘራ 62,700፤

27-28 እሴራ ኦክራና ናኦ ገግኤላ 41,500፤

29-30 ንፍታሌማ ኤናና ናኦ አሀራኦ 53,400፤

31 ዳና ባጋጥ ገይደቱዳ ኦላንቻቱ ኡባና 157,600፤ ሀራ ሳኦ ብያ ዋደ ኡንቱንቱ ወርሰላን ባረ ባንድራን ከሰያዋንታ” ያጌዳ።

32 ባረ ያራን ያራን ሻከቲደ ገይደቱዳ እሰራኤልያ ኦላንቻቱ ኡባና 603,550.

33 ሽን መድና ጎዳይ ሙሳ አዛዜዳዋዳን፡ ሌዋቱ ሀራ እሰራኤላቱዋና ገይደትበይክኖ።

34 እሰራኤላቱ መድና ጎዳይ ሙሳ አዛዜዳዋ ኡባባ አሌድኖ። ሰም ኡንቱንቱ ባረንቱ ባንድራ ካሊደ፡ ሄዋዳን ዲንካንኤድኖ፤ ቃይ ባረንቱ ያራ ያራን ባረንቱ ሶ አሳ አሳ ካሊደ፡ ሄዋዳን ከሴድኖ።

3

አርና አቱማ ናናቱዋ

1 መድና ጎዳይ ሰና ደርያ ቦላን ሙሴና ሃሳዬዳ ዋደ ደእያ አርናን ሙሴ ጎልያ አሳይ ሀዋጥ ካሊደ ጸፈቱዳዋ።

2 አርና አቱማ ናናቱዋ ሱንላይ ባይራይ ናዳባ፡ አቢሀ፡ ኤልኣዛራን አታማራ።

3 ሄ አርና አቱማ ናናይ ኡባይ ቄሰ ግዲደ ኦላናወ ኦከቲደ ሱንቲድኖ።

4 ሽን ኡንቱንቱ ግደጥ ናዳብነ አብሀ ሰና መላ ቢታን ጸሳይ አዛዝቤና ታማ ያርሺደ፡ መድና ጎዳ ሰንላን ሀይቁድኖ፤ ኡንቱንቶ ናኦ ባዋ፡ ሄዋ ድራወ፡ ኡንቱንቱ አወ አርን ገጸ ደኤዳ ላይላ ኡባን ኤልኣዛራን አታማራ ጸላላይ ቄሰ ግዲደ አሌድኖ።

ሌዋቱ ቄሳቱዋ ማዳናወ ሱንቲድኖ

5 መድና ጎዳይ ሙሳ ሀዋዳን ያጌዳ፤

6 “ሌዋቱዋ ሃ አካ ያደ ቄሰያ አርና ማዳና ማላ፡ ኡንቱንታ አ ሰንላ ሸሻ።

7 ኡንቱንቱ አርናወን እሰራኤልያ ማባራወ ኡባወ ጸሳ ዲንካንያ ሰንላን ዲማ ዲማ ኦሱዋ አላኖ።

8 ኡንቱንቱ ጸሳ ዲንካንያን ደእያ ሚሻ ኡባ አዋተላ አክኖ፤ እሰራኤልያ አሳ ድራወ ጸሳ ዲንካንያን ኦሶ ኡባ ኡንቱንቱ አላኖ።

9 ኔን ሌዋቱዋ አርናን አ አቱማ ናናቱዋ ማዳናዳን ሱንላ፤ ኡንቱንቱ እሰራኤልያ ግደጥ ኡባና አርናወ እመቱድኖ።

10 እርናን አ አቱማ ናናቱዋ ቄስ አዳይ ሱንላ።
 ኢንቱንቱፕ ሀራ አሳይ ኦንን ጸሳ ዲንካንያኮ
 ሺቆፕ፣ ሀይቆ” ያጌዳ።
 11 ቃይ መድና ጎዳይ ሙሳ ሀዋዳን ያጌዳ፤
 12 “ታን እስራኤላቱዋ ማጫ አሳይ ባይራ
 የልያ አቱማ ናናቱዋ ኡባ ድራው እስራኤላቱዋ
 ግደፕ ሌዋቱዋ አካድ። ሌዋቱ ታዋ፤
 13 አያው ጎፕ፣ ባይራ የለቱዳ ኡባይ ታዋ።
 ታን ግብጾ ጋድያን ባይራ የለቱዳዋ ኡባ ዋጄዳ
 ጋላሳን፣ እስራኤላቱዋን ባይራ የለቱዳዋ ኡባ፣
 አሳ ግድና፣ መሀያ ግድና፣ ታው ዲማያድ፤
 ኢንቱንቱ ታዋ ግድና። ታን መድና ጎዳ” ያጌዳ።

ሌዋቱዋ ገረዳዋ

14 ቃይካ መድና ጎዳይ ሙሳ ሲና መላ
 ቢታን።
 15 “ዕን ሌዋቱዋ ኢንቱንቱ ሶ አሳን አሳንን
 ኢንቱንቱ ያራን ያራን ገይዳ፤ የለቶደፕ እት አግናን
 ሄዋፕ ቦላና ደእያ አቱማዋንታ ኡባ ገይዳ”
 ያጌዳ።
 16 መድና ጎዳይ አዛዜዳዋዳን፣ ሙሴ
 ኢንቱንታ ገይዳዳ።
 17 ሌዋያ አቱማ ናናይ ገርሾና፣ ቃሃታን ማራራ።
 18 ገርሾና አቱማ ናናይ ሊብናን ሸምኦ።
 19 ቃሃታ አቱማ ናናይ አምራማ፣ ይጽሃራ፣
 ከብሮናን ኡዘኤላ።
 20 ማራራ አቱማ ናናይ ቃይ ማህላን ሙሻ።
 ሌዋቱዋ ማይዛ አዋቱ ሀዋንታ።
 21 ሊብና ያራቱን ሸምኦ ያራቱ ገርሾና
 ዛራቱዋ።
 22 ኢንቱንቱፕ ገይድና፣ የለቶደፕ እት አግናን
 ሄዋፕ ቦላና ደእያ አቱማዋንቱ ኡባና 7,500.
 23 ገርሾና ያራቱ ጸሳ ዲንካንያፕ ጉየ አዋይ
 ወልያ ባጋና ዲንካኒኖ።
 24 ገርሾና ያራቱዋ ሶ አሳ ካፑ ላኤላ ናኦ
 ኤልያሳ።
 25 ገርሾና ያራቱ ጸሳ ዲንካንያ፣ ዲንካንያ
 ካምያዋንታ ገልያሳ ጋርዲዋ።
 26 ዳባባ ጋርዲቱዋ፣ ጸሳ ዲንካንያን ያርሽያ
 ሳኦ የሹዋን ደእያ ዳባባ ገልያሳን ጋርዲዋ፣
 ዋደርቱዋን ኢንቱንቱ ጎኦና ጋከትያባቱዋ ኡባባ
 አዋተላ አኪኖ።
 27 አምራማ ያራቱ፣ ይጽሃራ ያራቱ፣ ከብሮና
 ያራቱን ኡዘኤላ ያራቱ ቃሃታ ዛራቱዋ።
 28 የለቶደፕ እት አግናን ሄዋፕ ቦላና ደእያ
 አቱማዋንቱ ኡባና 8,600. ቃሃታ ያራቱ ጸሳ
 ዲንካንያ አዋተላ አኪኖ።
 29 ቃሃታ ያራቱ ጸሳ ዲንካንያፕ ገድሳ ባጋና
 ዲንካኒኖ።
 30 ቃሃታ ያራቱዋ ሶ አሳ ካፑ ኡዘኤላ ናኦ
 ኤልያሳና።
 31 ኢንቱንቱ ታቦታ፣ ጸራጳዛ፣ ጸምፕያ ዋልያ
 ባላ፣ ያርሽያ ሳኦ፣ ኦልያ ዋደ ጎኤትያ ጸሳ
 ዲንካንያ ሚሻቱዋ፣ ጋርዲዋን ኢንቱንቱ ጎኦና
 ጋከትያባቱዋ ኡባባ አዋተላ አኪኖ።
 32 ሌዋቱዋ ካፕቱዋ ካፑ ቄሰያ አርና ናኦ
 ኤልኦዛራ፤ ጌሻ ሳኦ አዋትያዋንቱ ቦላ አ
 ሱንፍዳ።

33 ማህላ ያራቱን ሙሻ ያራቱ ማራራ ዛራቱዋ።
 34 ኢንቱንቱፕ ገይድና፣ የለቶደፕ እት አግናን
 ሄዋፕ ቦላና ደእያ አቱማዋንቱ ኡባና 6,200.
 35 ማራራ ያራቱዋ ሶ አሳ ካፑ አብሀይላ ናኦ
 ጸራኤላ። ማራራ ያራቱ ጸሳ ዲንካንያፕ ሁጲሳ
 ባጋና ዲንካኒኖ።
 36 ማራራ ያራቱ ዲንካንያ ጸጋገቱዋ፣
 ኩልቦቱዋ፣ ቱሳቱዋ፣ ገደቱዋ፣ ሄ ኦሶ ኮሽያ
 ሚሻቱዋ ኡባን ኢንቱንቱ ጎኦና ጋከትያባቱዋ ኡባ
 አዋተላ አኪኖ።
 37 ሄዋ ቦላካ ጉጂደ፣ የሹዋን ደእያ ዳባባ
 ቱሳቱዋን ኢንቱንቱ ገደቱዋ፣ ሸካልያን ዋደርቱዋ
 አዋተላ አኪኖ።
 38 ቃይ ጸሳ ዲንካንያፕ ሰንላ አዋይ ደልያ
 ባጋና ሙሴ፣ አርናን አ አቱማ ናናይ ዲንካኒኖ።
 ኢንቱንቱ እስራኤላቱዋ ድራው ጸሳ ዲንካን ግድን
 ኦልያ ኦሶዋ አዋተላ አኪኖ። ሀራ አሳይ ጸሳ
 ዲንካንያኮ ሺቆፕ፣ ሀይቆ።
 39 መድና ጎዳይ አዛዝና፣ ሙሴን አርን
 ገይዳዳ አቱማ ሌዋቱ፣ የለቶደፕ እት አግናን
 ሄዋፕ ቦላና ደእያ አቱማዋንቱ ኡባና 22,000.
**ባይራ የለቱዳ እስራኤላቱዋ ኮታ ሌዋቱ
 አከቲድኖ**
 40 መድና ጎዳይ ሙሳ፣ “እስራኤላቱዋ ባይራ
 አቱማ ናናቱዋ፣ የለቶደፕ እት አግናን ሄዋፕ ቦላና
 ደእያዋንታ ኡባ ገይዳዳ ኢንቱንቱ ሱንላ ጸፋ።
 41 እስራኤላቱዋን ባይራ የለቱዳ ኡባ ኮታው
 ሌዋቱዋ ታው አካ፤ ቃይ እስራኤላቱዋ መሀያን
 ባይራ የለቱዳ ኡባ ኮታው ሌዋቱዋ መሀያ ታው
 አካ። ታን መድና ጎዳ” ያጌዳ።
 42 ሙሴ መድና ጎዳይ አ አዛዜዳዋዳን፣
 እስራኤላቱዋን ባይራ የለቱዳ ኡባ ገይዳዳ።
 43 የለቶደፕ እት አግናን ሄዋፕ ቦላና
 ደእያ ባይራ የለቱዳ አቱማዋንቱ፣ ሱንላይካ
 ጸፈቲዳዋንቱ ኡባና 22,273.
 44 መድና ጎዳይ ሙሳ ቃይካ ሀዋዳን ያጌዳ፤
 45 “ሌዋቱዋ እስራኤልያ አቱማዋንቱ ኡባ
 ኮታው አካ፤ ሌዋቱዋ መሄቱዋ እስራኤላቱዋ
 መሀያ ኮታው አካ፤ ሌዋቱ ታዋ ግድናዋንታ።
 ታን መድና ጎዳ።
 46 ሌዋቱዋ ገይዳዋፕ ዳርያ 273 ባይራ
 ግዲደ የለቱዳ እስራኤልያ አቱማ ናናቱዋ
 ዋዛና።
 47 እቶ እቶ እቶሹ ጸጋራ ብራ ጸሳ ዲንካንያን
 ኤረቲያ ሚዛንያ ልክያን አካ፤ እት ጸጋራ ብራይ
 ላታሙ ጌራ ኬሻ።
 48 ፓላሄዳ እስራኤላቱዋ ዋዝያ ሄ ሚሻ
 አርናውን አ አቱማ ናናው እማ” ያጌዳ።
 49 ሙሴ፣ ሌዋቱዋን ዋዘቲዳዋንቱፕ
 ፓላሄዳዋንታ ዋዝያ ሚሻ ሺሼዳ።
 50 ባይራ የለቱዳ እስራኤላቱዋፕ 1,365
 ጸጋራ ብራ ጸሳ ዲንካንያን ኤረቲያ ሚዛንያ
 ልክያን አ ሺሼዳ፤
 51 መድና ጎዳይ አዛዜዳ አዛዙዋዳን፣ ሙሴ
 ዋዝያ ሚሻ አርናውን አ አቱማ ናናው እማዳ።

4

ቃሃታ ያራ ግድያ ሌዋቱዋ ኦሶዋ

3:13 ከሳ 13:2

1 መድና ጎዳይ ሙሳን አሮና ሀዋዳን ያጌዳ፤
2 “ሌዊያ ዛሬቱዋን ቃሃታ ያራቱዋ ኡንቱንቱ ዳቡዋን ዳቡዋን ኡንቱንቱ ሶ አሳን አሳን ሻካደ ፓይዳ፤

3 የለቶደፕ ላይላይ ሀታሙዋፕ ቢደ እሻታሙዋ ጋኬዳ አቱማ አሳ ኡባ፣ ጸሳ ዱንካንያ ግደን አላናዉ ይያዋንታ ፓይዳ።

4 ቃሃታ ያራቱ ጸሳ ዱንካንያ ግደን አላና ኡቡ ሀዋ፡ ኡንቱንቱ ኡባፕ አዴዳ ጌሻ ሚሻቱዋን አዋቲኖ።

5 “አሳይ ዱንካንያ ሳፕ ባናዉ ሀንያ ወደ፡ አሮን ኦ አቱማ ናናይ ጸሳ ዱንካንያ ግደ ገሊደ፡ ታቦታ ሰንላ ጋርዲዋ ካቁዋፕ ዋሉኖ፤ ሄ ጫቁዋ ታቦታ አን ካምኖ።

6 ሄ ካሚዳዋ ቦላካ ወድያ እርባንያ ካምኖ፤ ሄዋ ቦላካ ቃይ ጉጂደ፡ ሳሉዋ ማላትያ ጫርቂያ ካምኖ፤ ቶክያ ካሶቱዋ ኡንቱንቱ ሳጋየቱዋን አሉኖ።

7 “ጸሳ ሰንላ ሺሽያ ኡክላ ዋሉያ ጸራጴዛ ቦላን ሳሉዋ ማላትያ ጫርቂያ ሂጽኖ፤ አ ቦላ ሳነቱዋ፡ ጭልፓቱዋ፡ ጸአቱዋን ኡሻ ያርሾ ጎኤትያ ኦቶቱዋ ዋሉኖ፤ ቃይ ኡክላይ ኡባ ወደካ አ ቦላፕ ጳዮፕ።

8 ሄዋ ቦላን ዞኦ ጫርቂያ ሂጸደ፡ እርባንያ ቃይ አ ቦላ ካምኖ፤ ቶክያ ካሶቱዋ ሳጋየቱዋን አሉኖ።

9 “ኡንቱንቱ ሳሉዋ ማላትያ ጫርቂያ አኪደ፡ ጸምፕያ ዋሉያ ባላቱዋ ጸምፕቱዋና፡ ቶይሰያ ቃጵቱዋና፡ ኡንቱንታ ዋሉያባቱዋና ካይትያ ትግያ ጸሮቱዋናካ ኡባ ካምኖ።

10 ያቲደ አካ ሚሻቱዋ ኡባካ እርባንያን ካሚደ፡ ቶክያ ሻንቻማ ቦላን ዋሉኖ።

11 “አጻና ጨውሰያ ዋርቃ ሳጽንያ ቦላን ሳሉዋ ማላትያ ጫርቂያ ሂጸደዋ ቃይ እርባንያን ካምኖ፤ ቶክያ ካሶቱዋ ኡንቱንቱ ሳጋየቱዋን አሉኖ።

12 ሄዋዳንካ፡ ቃይ ጸሳ ዱንካንያ ግደን ጎኤትያ ሚሻቱዋ ኡባ አኪደ፡ ሳሉዋ ማላትያ ጫርቂያን ጸጽኖ፤ እርባንያን ካሚደ፡ ቶክያ ሻንቻማ ቦላን ዋሉኖ።

13 “ያቲደ ናሃሰያፕ ኡጫዳ ያርሽያ ሳኦ ቦላ ደእያ ብድንላ ድጊደ አ ቦላ ኦቻ ቱራ ማላትያ ጫርቂያ ሂጽኖ።

14 አ ቦላ ያርሽያሳን ጎኤትያ ሚሻቱዋ ኡባ፡ ታማ ጫጫቱዋ፡ አሹዋ ቃጵያ ቃጵቱዋ፡ አካፋቱዋን ካሽያ ኩይጸሮቱዋ ዋሉኖ። እርባንያን ካምኖ፤ ቶክያ ካሶቱዋ ኡንቱንቱ ሳጋየቱዋን አሉኖ።

15 “አሮን ኦ አቱማ ናናይ፡ ጌሻባቱዋን ጌሻ ሚሻቱዋ ኡባ ካሚደ ማኮፕን ዱንካንያ ሳኦፕ ደንድያ ዋዲ ጋኮፕ፡ ሄዋ ኡባ ቶካናዉ ቃሃታ ያራቱ ዪኖ። ሽን ጌሻ ሚሻቱዋ ኡንቱንቱ ቦቻፕ ሀይቂኖ። ጸሳ ዱንካንያ ግደን ደእያ ሄ ሚሻ ቃሃታ ያራቱ ቶክኖ።

16 “ቄሰያ አሮና ናኦይ ኤልአዛር ጸምፕያ ዛይትያዉ፡ ሳዊያ እጻናዉ፡ ሀቻ ሀቻ ያርሽያ ካላ ያርሹዋን ኦክያ ዛይትያዉ፡ ቃይ ጸሳ ዱንካንያ ሙልያን አ ግደን ደእያ ዲማ ጌሻ ሚሻቱዋ ኡባ ቦላ አዋቶ” ያጌዳ።

17 ቃይ መድና ጎዳይ ሙሳን አሮና ሀዋዳን ያጌዳ፤

18 “ቃሃታ ያራቱ ሌዊያ ዛሬቱዋፕ ሀይቂደ ጳዮና ማላ ጴልተ።

19 ኡባፕ አዴዳ ጌሻ ሚሻ ማታ ሺቅያ ወደ፡ ኡንቱንቱ ሀይቀናን ፓጸ አቲደ ደአና ማላ፡ ኡንቱንቶ ሀዋዳን ኦልተ፡ አሮን ኦ አቱማ ናናይ ጸሳ ዱንካንያ ግደ ገሊደ ቃሃታ ያራቱ ኡባይ ሁጲያን ሁጲያን ኦላና ኡቡዋን ቶካና ቶኩዋ ሻክ ሻኪደ ግሽኖ።

20 ቃሃታ ያራቱ ሀይቀናዳን፡ ኡባፕ አዴያ ጌሻቱዋ ቄሳቱ ጸጽሽን በአናዉ ግዲዋ ገሎፕኖ” ያጌዳ።

ገርሾና ያራ ግድያ ሌዋቱዋ ኡቡዋ

21 መድና ጎዳይ ሙሳ ሀዋዳን ያጌዳ፤

22 “ገርሾና ያራቱዋካ ኡንቱንቱ ዳቡዋን ዳቡዋን ኡንቱንቱ ሶ አሳን አሳን ሻካደ ፓይዳ፤

23 የለቶደፕ ላይላይ ሀታሙዋፕ ቢደ እሻታሙዋ ጋኬዳ አቱማ አሳ ኡባ፣ ጸሳ ዱንካንያ ግደን አላናዉ ይያዋንታ ፓይዳ።

24 “ገርሾና ያራቱ ኦልያ ኡቡን ቶክያ ቶኩ ሀዋ፡

25 ኡንቱንቱ ጸሳ ዱንካንያ ጋርዳቱዋ፡ ጸሳ ዱንካንያ፡ አ ካምያባቱዋን ቦላና ካምያ እርባንያ፡ ጸሳ ዱንካንያ ገልያሳን ሶትያ ጋርዲዋ ቶክኖ፤

26 ቃይ ጸሳ ዱንካንያን ያርሽያ ሳኦ ዩይ አዴዳ ደባባ ጋርዳቱዋ፡ ደባባ ገልያሳ ጋርዲዋ፡ ዋደሮቱዋን ኡንቱንቶ ጎእያ ሚሻቱዋ ኡባ ቶክኖ። ገርሾና ያራቱ ሀ ሚሻቱዋን ኦላናዉ በሰያ ኡቡዋ ኡባ ኦልኖ።

27 ቶክያዋ ግድና፡ ሀራ ኡቡዋ ግድናካ ኡንቱንቱ ኦልያ ኡቡዋ ኡባይ አሮን ኦ አቱማ ናናይ ኡንቱንታ አዛዝና ኦሰትኖ። ኔን ኡንቱንቱ ቶካናዉ በሰያባቱዋ ኡባ ኡንቱንቱ አዋተላ አዋተላዳን ኡንቱንቶ ግሻ።

28 ጸሳ ዱንካንያ ግደን ገርሾና ያራቱ ኦላና ኡቡ ኡባይ ሀዋ። ኡንቱንቱ ኦላና ኡቡዋ ኡባይ ቄሰያ አሮና ናኦ እታማራ አዋተላ ጋርሳና ግዳናዋ።

ማራራ ያራ ግድያ ሌዋቱዋ ኡቡዋ

29 “ማራራ ያራቱዋ ኡንቱንቱ ዳቡዋን ዳቡዋን ኡንቱንቱ ሶ አሳን አሳን ሻካደ ፓይዳ፤

30 የለቶደፕ ላይላይ ሀታሙዋፕ ቢደ እሻታሙዋ ጋኬዳ አቱማ አሳ ኡባ፣ ጸሳ ዱንካንያ ግደን አላናዉ ይያዋንታ ፓይዳ።

31 “ኡንቱንቱ ጸሳ ዱንካንያ ግደን ኦላና ኡቡቱ ሀዋንታ፡ ኡንቱንታ ዱንካንያ ጸጋገቱዋ፡ ኩልቦቱዋ፡ ቱሳቱዋን ገደቱዋ፡

32 ቃይካ ደባባ ዩሹዋን ኤቂያ ቱሳቱዋ፡ ሄ ቱሳቱ ገደቱዋ፡ ቶልያ ጸጋገቱዋ፡ ዋደሮቱዋ፡ ሄዋንቶ ኮሽያ ሚሻቱዋ ኡባን ሄ ሚሻቱዋና ጋከትያባቱዋ ኡባ ቶክኖ። እት እት ኡራዉ እ ቶካናዋ ሻካደ ግሻ።

33 ጸሳ ዱንካንያ ግደን ማራራ ያራቱ ኦላና ኡቡ ኡባና ሀዋ። ኡንቱንቱ ኦላና ኡቡ ኡባይ ቄሰያ አሮና ናኦ እታማራ አዋተላ ጋርሳና ግዳናዋ” ያጌዳ።

ሌዋቱዋ ፓይዲዋባ

34 ሙሴ እርን ማባራ ካፓቱ ቃሃታ ያራቱዋ አቱማ እሳ ኡንቱንቱ ዳቡዋን ዳቡዋንን ኡንቱንቱ ሶ እሳን እሳን ሻኪደ ገይደድኖ።

35 የለቶደፕ ላይላይ ሀታሙዋፕ ቢደ እሻታሙዋ ጋኬዳ አቱማ አሳቱ ኡባቱ፣ ጸሳ ዲንካንያ ግደን ኦላናዉ ይያዋንቱ።

36 ኡንቱንቱ ሶ እሳን እሳን ገይደና ኡባና 2,750.

37 ቃሃታ ያራቱዋን ጸሳ ዲንካንያ ግደን ኦላዱ እሳ ገይደና ሀዋ። መድና ጎዳይ ሙሴ ባጋና አዛዜዳዋዳን፣ ሙሴን እርን ኡንቱንታ ገይደድኖ።

38 ገርሾና ያራቱካ ባረንቱ ዳቡዋን ዳቡዋንን ባረንቱ ሶ እሳን እሳን ሻኪቲደ ገይደቲድኖ።

39 የለቶደፕ ላይላይ ሀታሙዋፕ ቢደ እሻታሙዋ ጋኬዳ አቱማ አሳቱ ኡባቱ፣ ጸሳ ዲንካንያ ግደን ኦላናዉ ይያዋንቱ።

40 ኡንቱንቱ ሶ እሳን እሳን ገይደና ኡባይ 2,630.

41 ገርሾና ያራቱዋን ጸሳ ዲንካንያ ግደን ኦላዱ እሳ ገይደና ሀዋ። መድና ጎዳይ ሙሴ ባጋና አዛዜዳዋዳን፣ ሙሴን እርን ኡንቱንታ ገይደድኖ።

42 ማራራ ያራቱካ ቃይ ዳቡዋን ዳቡዋንን ባረንቱ ሶ እሳን እሳን ሻኪቲደ ገይደቲድኖ።

43 የለቶደፕ ላይላይ ሀታሙዋፕ ቢደ እሻታሙዋ ጋኬዳ አቱማ አሳቱ ኡባቱ፣ ጸሳ ዲንካንያ ግደን ኦላናዉ ይያዋንቱ።

44 ኡንቱንቱ ሶ እሳን እሳን ገይደና ኡባይ 3,200.

45 ማራራ ያራቱዋ ገይደና ሀዋ። መድና ጎዳይ ሙሴ ባጋና አዛዜዳዋዳን፣ ሙሴን እርን ኡንቱንታ ገይደድኖ።

46 ሄዋ ኦላደ ሙሴ፣ እርንን እስራኤልያ ካፓቱ ሌዋቱዋ ኡባ፣ ኡንቱንቱ ያራን ያራንን ኡንቱንቱ ሶ እሳን እሳን ሻኪደ ገይደድኖ።

47 የለቶደፕ ላይላይ ሀታሙዋፕ ቢደ እሻታሙዋ ጋኬዳ አቱማ አሳቱ ኡባቱ፣ ጸሳ ዲንካንያ ግደን ኡሱዋ ኦላናዉን እዉ ጎእያ ሚሻቱዋ ኡባ ቶካናዉ ዬዳዋንቱ

48 ኡባይ 8,580.

49 መድና ጎዳይ ሙሴ ባጋና አዛዜዳዋዳን፣ ኡንቱንቱ ሁጲያን ሁጲያን ኦላና ኡሱ ዋይ ቶካና ቶኩካ ኡንቱንቱ ኦደቲድ። መድና ጎዳይ ሙሴ አዛዜዳዋዳን፣ ኡንቱንቱ ኡባይካ ገይደቲድኖ።

ዲማ ዲማ ህግያነ ዋጋ

5

(5:1—8:23)

ጌይቤና እሳ

1 መድና ጎዳይ ሙሴ ሀዋዳን ያጌዳ፡-

2 “ኔን እስራኤላቱዋ፣ ህንተ ግደን ዋልቃማ ጋልባ ሀርጌ ኦይቄዳ ኡራ፣ ዋይ ቦላፕ አያይኔካ ጎግያ ኡራ፣ ዋይ አሃ ኦይቄደ ቱኔዳ ኡራ ኦናካ ህንተ ዲንካኔዳ ሳኦፕ ከሰ ድግተ፣ ያጋደ አዛዛ።

3 ሄዋ ማጫዋ አቱማዋ ግድናካ ከሰና። ታን ኡንቱንቱ ግዳዋን ደእያ ኡንቱንቱ ዲንካኔዳሳ

ሄዋንቱ ቱንሰና ማላ፣ ኡንቱንቱ ዲንካኔዳ ሳኦፕ ከሰ የዳ” ያጌዳ።

4 መድና ጎዳይ ሙሴ አዛዜዳዋዳን፣ እስራኤላቱ ኡንቱንቱ ኡባ ዲንካኔዳ ሳኦፕ ከሰደ የዳድኖ።

ናቁዋ እጫ

5 ሄዋፕ ጉይያን፣ መድና ጎዳይ ሙሴ ሀዋዳን ያጌዳ፤

6 “ኔን እስራኤላቱዋ ሀዋዳን ያጋ፤ ላት አቱማ አሳይ ዋይ እት ማጫ አሳይ አይ ኦግያንን ሀራ አሳ ናቆፕን ሄዋን መድና ጎዳይ አማነተናን እጸፕ፣ ሄ ኡራይ ባይዛንቻ።

7 ሄዋ ድራዉ፣ እ ባረ ኦላዱ ናጋራ ፓጾ፤ ባረ ባይዜዳዋ ኩመንላ ዛሪደ ጭጎ፤ ሄዋ ቦላካ እቼሽንላ ኩሽያ ጉጂደ፣ ባረ ናቄዳ ኡራዉ አጮ።

8 ሽን ሄ ናቀቲዳ ኡራይ ሀይቄዳዋ ግደፕን፣ አጫ አካናዉ እዉ ማታ ዳቡ ቆዮፕ፣ ሄ አጫይ መድና ጎዳሳ። ሄ አጭያ አጫይ ናቄዳ ኡራይ ማረታናዉ ያርሾ እምያ ድርሳ ኦርግያና እትፕ ቁሰያዉ እመቶ።

9 ቃይ እስራኤላቱ ቁሰያዉ እምያ ጌሻ እሙዋ ኡባይ ሄ ቁሰያሳ።

10 እት እት አሳይ እምያ እምታይ ሄ እሜዳ ኡራባ፤ ሽን ቁሰያዉ እ እምያ እምታይ ሄ ቁሰያሳ፣ ያጋ” ያጌዳ።

ባረ እስናን ሰጋታያ ማቻትባ

11 ሄዋፕ ጉይያን መድና ጎዳይ ሙሴ፣

12 “ኔን እስራኤላቶ ሀዋዳን ያጋደ ኦዳ፤ ላት ኡራ ማቻታ ካረ ሀመታደ፣ እዉ አማነተናን እጸደ።

13 ሀራ አቱማ አሳና ግሶፕ፣ ቃይ ሄዋ እዛ ባረ እስናፕ ቆሶፕ፣ ማርካይ ባይናዋ ግደፕን፣ እዛ ሻርሙጸደ ኦይቀተናን አቶፕ።

14 እዛ ቱኔዳ ድራዉ፣ እ ጎልያዉ እዞ ሰድያዋ ግዳናዉ ዳንዳዬ፤ ዋይ እዛ ቱናን ደእሽን፣ እ ባረ ማቻቶ ሰድያዋ ግዳናዉ ዳንዳዬ።

15 ያቶፕ፣ ሄ ብታኒ ባረ ማቻቶ ቁሰያኮ አፎ፤ ቃይ እዝ ድራዉ ያርሻናዉ እት ኪሎ ግራመ ባንጋ ጂልያ አፎ። ሽን ጂልያ ቦላ ዛይትያ ትጎፕ፣ ዋይ እጸና ኦ ቦላ ዋሶፕ፤ እያዉ ጎፕ፣ ሄ ጂሊ እ ባረ ማቻቶ ሰድዳ ድራዉ ያርሽያ ካላ ያርሾ፤ ቃይ ሄዋ ባይዙዋ ቆንጭሰያ ያርሹዋ።

16 “ ሄዋፕ ጉይያን፣ ቁሲ ሄ ሞሽራቶ ሺሺደ፣ መድና ጎዳ ሰንላን ኤሶ።

17 እንጀቲዳ ሃላ ኩይጸሩዋን እኮ። ሄዋፕ ጉይያን፣ ጸሳ ዲንካንያ ዉይግያን ደእያ ባና አኪደ፣ ሄ ሃላን ጉጂ።

18 ሄ ሞሽራቶ መድና ጎዳ ሰንላን ኤሶ፤ ሄዋፕ ጉይያን፣ ሄ ሞሽራት ሁጲያ ብሎ፤ ሰድዳ ድራዉ ያርሽያ እዝ ባይዙዋ ቆንጭሰያ ካላ ያርሹዋ እዝ ኩሽያን ዋላ፤ ቃይ ሄ ቁሲ ባረ ኩሽያን ሽቃ አህያ ጫዋ ሃላ ኩይጸሩዋና ኦይቆ።

19 ሞሽራቶ ሀዋዳን ያጌደ ጫቀላ፤ “ኔን ሀራ አቱማ አሳና ግሳቤናዋ ግደፕን፣ ኒ እስና አጋደ ካረ ሀመታደ ቱናቤናዋ ግደፕ፣ ሽቃ አህያ ሀ ጫዋ ሃላይ ነዉ ጎመቶ።”

20 ሽን ኔን ነ አሰና አጋደ ካረ ሀመታደ ቱኔዳዋ ግደጥን፤ ሀራ አቱማ አሳና ግሴዳዋ ግደጥ፤

21 መድና ጎዳይ ነ የሉዋ ጎልያ ጉንድሰያዋንን ነ ኡሉዋካ ጋፍሰያዋን፤ ነ አሳን ኔና ሸቅሶ።

22 ሀ ሸቃ አሀያ ሃላይ ነ ኡሉ ግደ ገሊደ ነ ኡሉዋ ጋፍሶ፤ ነ የሉዋ ከላካ ጉንድሶ” ያጊደ ጫቀሉ።

“ ሞሽራታካ፤ “አመንእ፤ አመንእ” ያጉ።

23 “ ሄዋጥ ጉይያን፤ ቄሲ ሀ ሸቃቱዋ ጸጸቴዳ ማጸፋን ጸፎ፤ ሸቃቱዋ ጫዋ ሃላ ግደ ማጫ።

24 ያቲደ ሸቃ አሀያ ሄ ጫዋ ሃላ ሞሽራቶ ኡሾ፤ ሸቃ አሀያ ሃላይ ሞሽራቶ ኡሉዋን ገሊደ፤ እዘ ጫዋ ሳኩዋ ሳካና።

25 ቄሲ ሞሽራቶ ኩሽያጥ ሰጴዳ ድራው ያርሽያ ካላ ያርሹዋ አኪደ፤ ሄ ያርሹዋ መድና ጎዳ ሰንፋን ቃሊደ፤ ያርሽያ ሳኣ አሆ።

26 ቄሲ ካላ ያርሹዋጥ ኮጵያዋ አኪደ ባይዛንቻ ግደከንቶ ቆንጭሰያ ያርሹዋ ኦሊደ፤ ያርሽያሳን ጸፋ። ሄዋጥ ጉይያን፤ ሞሽራቶ ሄ ሃላ ኡሾ።

27 ሃላ እዘ ኡሾዳዋጥ ጉይያን፤ ሀዋዳን ሀናና፤ እዛ ባረ አሰናው አማነታና ጳያደ ቱኔዳዋ ግደጥ፤ ሸቃ አሀያ ሃላይ እ ኡሉዋን ገሊደ፤ እዘ ጫዋ ሳኩዋ ሳካና፤ እዘ ኡሉካ ጋፋና፤ እዘ የሉዋ ጎሊካ ጉንዳና፤ እዛ ባረ አሳን ሸቃቱዳኖ ግዳና።

28 ሸን እዛ ቱናቤና ጽሎ ማጫ አሳ ግደጥ፤ አ ሳሮ አታደ ናናቱዋ የላና።

29-30 “ ላት አሳይ ባረ ማቻቶ ሰጵያ ዋደ ኦላና ዋጋይ ሀዋ። እዛ ካረ ሀመታደ ቱናጥ፤ ዋይ እት አሳይ ባረ ማቻቶ ሰጵጥ፤ መድና ጎዳ ሰንፋን እዘ ኡሲደ ቄሲ ሀ ዋጋ ኡባ እዘ ቦላ ፖሎ።

31 አሰናይ ባይዙዋ ኡባጥ ሳሮ አታና፤ ሸን ማጫውኖ ባረ ናጋራ ጋሱዋን ይያዋ ቶካና” ያጋ።

6

ናዘራዊተላ ሀግያ

1 መድና ጎዳይ ሙሳ ሀዋዳን ያጌዳ፤

2 “ኔን እሰራኤልያ አሳው ሀዋዳን ያጋደ ኦዳ፤ ላቱማ አሳይ ዋይ ማጫ አሳይ ናዘራዊ ግዲደ፤ ባረና መድና ጎዳው ዲማያናው ገፖጥ፤

3 ዋይንያ ኤሳን ሀራ ማላይያ ኡሻ ኡሾጥ፤ ዋይንያ አይፍያጥ አገትያ ጫላባን ማላይያባ ኡሾጥ፤ ዋይንያ ቴራ ጉሞኤዳዋ ኡሾጥ። ዋይ ዋይንያ ቴራ ሹጉዋ ግድና፤ መላ ግድናካ ሞፖ፤

4 እ ባረና ዲማዬዳ ዋድያን ኡባን፤ ዋይንያ ቴራጥ ቤትያዋ ኡባ፤ ዋይንያ ዘረላ ግድና፤ ዋይ ዋይንያ ፖቁዋ ግድናካ ሞፖ።

5 “ ላ ባረና መድና ጎዳው ዲማያናው ገፔዳ ዋድያን ኡባን፤ እ ሀጺ ማደቶፖ ዋይ ቃንጸቶፖ። እ ባረ ሀጺያ ብናናካ አዲሲደ ድቾ። እ ባረና መድና ጎዳው ዲማዬዳ ዋዲ ፖለታና ጋካናው፤ ጌሻ ግዳናው ኮሼ።

6 “ ላ ባረና መድና ጎዳው ዲማዬዳ ዋድያን ኡባን አሃኮ ሺቆፖ።

7 ሀራይ አትና አ አው፤ ዋይ አ ዳያ፤ ዋይ አ እሻይ፤ ዋይ አ ሞቻታ ሀይቆጥካ፤ እ ባረና ቱንሶፖ። አያው ጎጥ፤ እ ባረና ጸሳው ዲማዬዳዋ ኤርሰያዊ ባረ ሀጺያና።

8 እ ባረና ጸሳው ዲማዬዳ ዋድያን ኡባን እ መድና ጎዳው ጌሻ።

9 “ ላሳይ አ ማታን አኬከናን ሀይቁና፤ ጸሳው ዲማዬዳ አ ሀጺ ቱናጥ፤ ላፑን ጋላሳ ጋሞኢደ፤ ባረ ጌይያ ሄ ላፑንፋ ጋላሰ ባረ ሀጺያ ማደቶ።

10 ሆሰፑንፋ ጋላሳን ላኡ ሀራጸቱዋ ዋይ ላኡ ማራ ሀራጸቱዋ ጸሳ ዲንካንያ ጥንገ ቄሰያው አሆ።

11 ቄሲ ሀራጸቱዋጥ እቱዋ ናጋራ ያርሾ፤ እቱዋ ቃይ ጸግያ ያርሾ ያርሾ። አያው ጎጥ፤ አሃይ አ ማታ ሸቄዳ ባይዙዋ ድራው፤ አው አቶ ጊሳናሳ። ሄ ጋላሰ እ ባረ ሀጺያ ዋጋዳን ጌሾ፤

12 እ ባረና ካሰ ገፔዳ ዋድያ ከና ባረና ጸሳው ዲማያናው ኮሼ። ያቲደ የለቶደጥ እት ላይላ ግድያ አቱማ ደርሳ ናቆ እምያ ያርሹዋ ኦሊደ ያርሾ። ሸን ሄዋጥ ካሰ እ ባረና ጸሳው ዲማዬዳ ጋላሳቱ ገይደትክና፤ አያው ጎጥ፤ እ ባረና ዲማዬዳ ሄ ዋደቱዋ ግደን ባረና ቱንሰ ድጌዳ።

13 “ ላባ ገፋ ዋድያ ወርሴዳ ዋደ ባረና ጸሳው ዲማዬዳ ናዘራዊያ ዋጋይ ሀዋ። ጸሳ ዲንካንያ ጥንገ እ ሸቆ፤

14 መድና ጎዳው ትላ ቦላና ደእያ እት ላይላ አቱማ ደርሳ ጸግያ ያርሾ፤ ትላ ቦላና ደእያ እት ላይላ ደርሳቶ ናጋራ ያርሾን ትላ ቦላና ደእያ ደርሳ ኦርግያ እትጥተላ ያርሾ ሄ ሳኣ አሆ።

15 ቃይ ካላ ያርሹዋን ኡሻ ያርሹዋ ኡንቱንቱና እትጥ ያርሻናው አሆ፤ ሄ ካላ ያርሹ እርሹ ገልቤናዋ ግደ፤ ቃይ ዛይትያን ሙናቄዳ ሊቆ ጲልያ ኮምፖቱዋን ዛይትያ ኦከቴዳ ሌኦ ኡክላቱዋ ማሶፍያን አሆ።

16 “ ቄሲ ሄዋ ኡባ ሺሺደ፤ ናጋራ ያርሹዋን ጸግያ ያርሾ ኦሊደ፤ መድና ጎዳው አ ድራው ያርሾ።

17 ቄሲ ደርሳ ኦርግያ፤ እርሹ ገልቤና ኮምፖቱዋን ኡክላቱዋ እትጥተላ ያርሹዋ ኦሊደ፤ መድና ጎዳው ያርሾ። ቃይ ሄዋና እትጥ ካላ ያርሹዋን ኡሻ ያርሹዋ ያርሾ።

18 ሄዋጥ ጉይያን፤ ናዘራዊ ጸሳው ዲማዬዳ ባረ ሀጺያ ጸሳ ዲንካንያ ጥንግያን ማደቶ፤ ማደቱዳ ብናና አፊደ፤ እትጥተላ ያርሹዋጥ ጋርሳ ባጋና ደእያ ታማን የጎ።

19 “ ላባና ጸሳው ዲማዬዳ ናዘራዊ ባረ ሀጺያ ማደቱዳዋጥ ጉይያን፤ ቄሲ ደይሰቴዳ ደርሳ ኦርግያ ሞሳ፤ እርሹ ገልቤና እት ኮምፑዋን እት ሌኦ ኡክላ አኪደ፤ ሀ ናዘራውያ ኩሽያን ዋሉ።

20 ቄሲ ኡንቱንታ ቃልያ ያርሹዋ ኦሊደ፤ መድና ጎዳ ሰንፋን ቃሉ። ያቶጥ ሄዋንቱ ወጸኬዳ አንጎሱዋናን ያርሹዳ ገድያና ጌሻን ቄሰያሳ። ሄዋጥ ጉይያን፤ መድና ጎዳው ባረና ዲማዬዳ ናዘራዊ ዋይንያ ኤሳ ኡሻና ጎጥ ኡሾ።

21 “ ሰም ጸሳው ባረና ዲማያናው ገፔዳ ናዘራውያው ዋሉ ዋጋይ ሀዋ። ባረና መድና

6:3 ሉቃሳ 1:15 6:13 ኪታ 21:23-24

ጎዳዉ ያርሻናዉ ኮሽያ ያርሹቱዋፕ እድያዋ እማናዉ ገፔዳዋ ግደፕ፡ እ ባረ ገፔዳ ገፋ ኬና ጋላናዉ ኮሽ፣ ያጋ” ያጌዳ።

ቄሳቱ አንጃና አንጂዋ

- 22 መድና ጎዳይ ሙሳ ሀዋዳን ያጌዳ፤
- 23 “አሮናዉን እ አቱማ ናናቶ ሀዋ እዳ፤ ላሰራኤልያ አሳ ሀንተ ሀዋዳን ያጌደ አንጅተ፡-
- 24 “መድና ጎዳይ ሀንተና አንጅን ሀንተና ናጎ፤
- 25 መድና ጎዳይ ሀንተንቶ ባረ ሶምኡዋ ፖእሶን ሀንተንቶ ቃረቶ፤
- 26 መድና ጎዳይ ሀንተና ባረ ኬካ አይፍያን ያጌደ አንጅተ፣ ያጋ።
- 27 “ሀዋዳን ኤንቱንቱ እሰራኤልያ አሳ ቦላ ታ ሱንላ ዋላና፡ ታን ኤንቱንታ አንጅና” ያጌዳ።

7

ካፖቱ አሄዳ እሞታ

- 1 ሙሴ ጸሳ ዲንካንያ ቶሊደ ማኬዳ ዋደ፡ ሄ ዲንካንያን እ ሚሻ ኡባ ኦኪደ ጌሼዳ፤ ቃይ ያርሽያ ሳን እ ሚሻ ኡባካ ኦኪደ ጌሼዳ።
- 2 ሄዋፕ ጉይያን፡ እሰራኤልያ አሳ ካለሌዳዋንቱ፡ ሄዋንቱን ዛራቱዋ ገይዴዳ ሶ አሳ ካፖቱ እሞታ አሄድና።
- 3 መድና ጎዳዉ እሞታ ሺሼድና፤ ሄዋንቱካ ካመቱዳ ኡሱፕን ጋረቱዋ፡ ታማን ላኡ ቦራቱዋ፡ ካፕዋን ካፕዋን እት እት ቦራን ላኡ ላኡ ካፖቱ እት እት ጋርያ ጸሳ ዲንካንያ አሄድና።
- 4 መድና ጎዳይ ሙሳ ሀዋዳን ያጌዳ፤
- 5 “ጸሳ ዲንካንያ ኦሶ ጎአና ማላ፡ ኔን ሄዋንታ ኤንቱንቱ፤ እካደ፡ ሌዋቶ ኤንቱንቱ ኦሶ ኦሶ ኮሽያዋዳን ሻካደ እማ” ያጌዳ።
- 6 ሙሴ ጋረቱዋን ቦራቱዋ አኪደ፡ ሌዋቶ እማዳ።
- 7 ጋርሻና ያራቶ ኤንቱንቱ ኦሶ ኮሽያዋዳን ሻኪደ፡ ላኡ ጋረቱዋን ኦይዱ ቦራቱዋ እማዳ።
- 8 ቃይ ማራራ ያራቶ ኤንቱንቱ ኦሶ ኮሽያዋዳን ሻኪደ፡ ኦይዱ ጋረቱዋን ሆሰፕን ቦራቱዋ እማዳ። ኤንቱንቱ ኡባይካ ቄሰያ አሮና ናኣ አታማራ አዋተላ ጋርሳና።
- 9 ሸን ሙሴ ቃሃታ ያራቶ ሄዋፕ አያን እምቤና፤ አያዉ ጎፕ፡ ኤንቱንቱ አዋተላን ደእያ ጌሻ ሚሻቱ ባረንቱ ሀሽያን ቶካናዉ ኮሽያዋንታ ግድያ ድራሳ።
- 10 ያርሽያ ሳ ሙሴ ኦኪደ ጌሼዳ ጋላሳን፡ ካፖቱ ያርሽያ ሳኣ አንጅሳናዉ ባረንቱ እሙዋ አኪደ፡ ሄ ያርሹዋ ሳኣ ሰንላ አሄድና።
- 11 መድና ጎዳይ ሙሳ ካሰ፡ “እት እት ጋላሰ እት ካፕ ያርሽያ ሳኣ አንጅናዉ ባረ እሙዋ ጸሳዉ እሞ” ያግ ዋሌዳ።
- 12 ኮይሮ ጋላሰ ባረ እሙዋ አሄዳዌ ይሁዳ ዛርያፕ አምናዳባ ናኣ ናኣሶና።
- 13 ናኣሶን አሄዳ እሙ ኤረቱዳ ሚዛናን ዋላና፡ እት ኪሎ ግራመን ባጋ ዴጽያ ብራፕ መዴዳ እት ከርያን ሆሰፕን ጸቱ ግራመ ዴጽያ ብራፕ መዴዳ እት ኩይጸሩዋ፡ ላኡካ ካላ ያርሹዋ ያርሻናዉ ሊቆ ዲሊ ዛይትያን ሙናቄዳዌ ኩሜዳዋንታ፤

- 14 ቃይ እት ጸታን ታሙ ግራመ ዴጽያ ዋርቃፕ መዴዳ፡ እጸናይ ኩሜዳ ሻታ፤
- 15 ጸግያ ያርሹ፡ እት ኮሩማ፡ እት ዶርሳ ኦርግያን እት ላይላይ ኩሜዳ አቱማ ዶርሳ፤
- 16 ናጋራ ያርሹ እት ዴሻ ኦርግያ፤
- 17 እትፕተላ ያርሹ ላኡ ኮሩማቱዋ፡ እቼሹ ዶርሳ ኦርገቱዋ፡ እቼሹ ጋኬዳ ዴሻ ኦርገቱዋን እት ላይላይ ኩሜዳ እቼሹ አቱማ ዶርሳቱዋ። አምናዳባ ናኣይ ናኣሶን አሄዳ እሙ ሀዋ።
- 18 ላኡካ ጋላሰ ይሳኮራ ዛራቱ ካፕ፡ ጸኣራ ናኣይ ናታንኤል ባረ እሙዋ አሄዳ።
- 19 ናታንኤል አሄዳ እሙ ኤረቱዳ ሚዛናን ዋላና፡ እት ኪሎ ግራመን ባጋ ዴጽያ ብራፕ መዴዳ እት ከርያን ሆሰፕን ጸቱ ግራመ ዴጽያ ብራፕ መዴዳ እት ኩይጸሩዋ፡ ላኡካ ካላ ያርሹዋ ያርሻናዉ ሊቆ ዲሊ ዛይትያን ሙናቄዳዌ ኩሜዳዋንታ፤
- 20 ቃይ እት ጸታን ታሙ ግራመ ዴጽያ ዋርቃፕ መዴዳ፡ እጸናይ ኩሜዳ ሻታ፤
- 21 ጸግያ ያርሹ እት ኮሩማ፡ እት ዶርሳ ኦርግያን እት ላይላይ ኩሜዳ አቱማ ዶርሳ፤
- 22 ናጋራ ያርሹ እት ዴሻ ኦርግያ፤
- 23 እትፕተላ ያርሹ ላኡ ኮሩማቱዋ፡ እቼሹ ዶርሳ ኦርገቱዋ፡ እቼሹ ጋኬዳ ዴሻ ኦርገቱዋን እት ላይላይ ኩሜዳ እቼሹ አቱማ ዶርሳቱዋ። ጸኣራ ናኣይ ናታንኤል አሄዳ እሙ ሀዋ።
- 24 ሄዛካ ጋላሰ ዛብሎና ዛራቱ ካፕ፡ ሄሎና ናኣይ ኤልኣብ ባረ እሙዋ አሄዳ።
- 25 ኤልኣብ አሄዳ እሙ ኤረቱዳ ሚዛናን ዋላና፡ እት ኪሎ ግራመን ባጋ ዴጽያ ብራፕ መዴዳ እት ከርያን ሆሰፕን ጸቱ ግራመ ዴጽያ ብራፕ መዴዳ እት ኩይጸሩዋ፡ ላኡካ ካላ ያርሹዋ ያርሻናዉ ሊቆ ዲሊ ዛይትያን ሙናቄዳዌ ኩሜዳዋንታ፤
- 26 ቃይ እት ጸታን ታሙ ግራመ ዴጽያ ዋርቃፕ መዴዳ፡ እጸናይ ኩሜዳ ሻታ፤
- 27 ጸግያ ያርሹ እት ኮሩማ፡ እት ዶርሳ ኦርግያን እት ላይላይ ኩሜዳ አቱማ ዶርሳ፤
- 28 ናጋራ ያርሹ እት ዴሻ ኦርግያ፡
- 29 እትፕተላ ያርሹ ላኡ ኮሩማቱዋ፡ እቼሹ ዶርሳ ኦርገቱዋ፡ እቼሹ ጋኬዳ ዴሻ ኦርገቱዋን እት ላይላይ ኩሜዳ እቼሹ አቱማ ዶርሳቱዋ። ሄሎና ናኣይ ኤልኣብ አሄዳ እሙ ሀዋ።
- 30 ኦይደንላ ጋላሰ ሮቤላ ዛራቱ ካፕ ሻደኡራ ናኣይ ኤሊዱር ባረ እሙዋ አሄዳ።
- 31 ኤሊዱር አሄዳ እሙ ኤረቱዳ ሚዛናን ዋላና፡ እት ኪሎ ግራመን ባጋ ዴጽያ ብራፕ መዴዳ እት ከርያን ሆሰፕን ጸቱ ግራመ ዴጽያ ብራፕ መዴዳ እት ኩይጸሩዋ፡ ላኡካ ካላ ያርሹዋ ያርሻናዉ ሊቆ ዲሊ ዛይትያን ሙናቄዳዌ ኩሜዳዋንታ፤
- 32 ቃይ እት ጸታን ታሙ ግራመ ዴጽያ ዋርቃፕ መዴዳ፡ እጸናይ ኩሜዳ ሻታ፤
- 33 ጸግያ ያርሹ እት ኮሩማ፡ እት ዶርሳ ኦርግያን እት ላይላይ ኩሜዳ አቱማ ዶርሳ፤
- 34 ናጋራ ያርሹ እት ዴሻ ኦርግያ፤
- 35 እትፕተላ ያርሹ ላኡ ኮሩማቱዋ፡ እቼሹ ዶርሳ ኦርገቱዋ፡ እቼሹ ጋኬዳ ዴሻ ኦርገቱዋን እት ላይላይ ኩሜዳ እቼሹ አቱማ ዶርሳቱዋ። ሻደኡራ ናኣይ ኤሊዱር አሄዳ እሙ ሀዋ።

36 እቼሻንጎ ጋላሰ ሰሞና ዛራቱ ካቸ፡ ዱሪሻዲያ ናኦይ ሻሉሞኤል ባረ እሙቀ አሄዳ።

37 ሻሉሞኤል አሄዳ እሙ ኤሪቴዳ ሚዛናን ዋለና፡ እት ኪሎ ግራመነ ባጋ ዳጽያ ብራፕ መጴዳ እት ከርያነ ሆሰቸን ጾቱ ግራመ ዳጽያ ብራፕ መጴዳ እት ኩይጸሩቀ፡ ላኡካ ካፋ ያርሹቀ ያርሻናዉ ሊቆ ጴሊ ዛይትያን ሙናቄዳዌ ኩሚዳዋንታ፤

38 ቃይ እት ጾታነ ታሙ ግራመ ዳጽያ ዋርቃፕ መጴዳ እጻናይ ኩሚዳ ሻታ፤

39 ጹግያ ያርሹ እት ኮሩማ፡ እት ዶርሳ ኦርግያነ፡ እት ላይላይ ኩሚዳ አቱማ ዶርሳ፤

40 ናጋራ ያርሹ እት ዳሻ ኦርግያ፤

41 እትተተፋ ያርሹ ላኡ ኮሩማቱዋ፡ እቼሹ ዶርሳ ኦርገቱዋ፡ እቼሹ ጋኬዳ ዳሻ ኦርገቱዋነ እት ላይላይ ኩሚዳ እቼሹ አቱማ ዶርሳቱዋ። ዱሪሻዲያ ናኦይ ሻሉሞኤል አሄዳ እሙ ሀዋ።

42 ኡሱቸንጎ ጋላሰ ጋዳ ዛራቱ ካቸ፡ ረኡኤላ ናኦይ ኤልያሳፍ ባረ እሙቀ አሄዳ።

43 ኤልያሳፍ አሄዳ እሙ ኤሪቴዳ ሚዛናን ዋለና፡ እት ኪሎ ግራመነ ባጋ ዳጽያ ብራፕ መጴዳ እት ከርያነ ሆሰቸን ጾቱ ግራመ ዳጽያ ብራፕ መጴዳ እት ኩይጸሩቀ፡ ላኡካ ካፋ ያርሹቀ ያርሻናዉ ሊቆ ጴሊ ዛይትያን ሙናቄዳዌ ኩሚዳዋንታ፤

44 ቃይ እት ጾታነ ታሙ ግራመ ዳጽያ ዋርቃፕ መጴዳ እጻናይ ኩሚዳ ሻታ፤

45 ጹግያ ያርሹ እት ኮሩማ፡ እት ዶርሳ ኦርግያነ እት ላይላይ ኩሚዳ አቱማ ዶርሳ፤

46 ናጋራ ያርሹ እት ዳሻ ኦርግያ፤

47 እትተተፋ ያርሹ ላኡ ኮሩማቱዋ፡ እቼሹ ዶርሳ ኦርገቱዋ፡ እቼሹ ጋኬዳ ዳሻ ኦርገቱዋነ እት ላይላይ ኩሚዳ እቼሹ አቱማ ዶርሳቱዋ። ረኡኤላ ናኦይ ኤልያሳፍ አሄዳ እሙ ሀዋ።

48 ላቸንጎ ጋላሰ ኤፍሬማ ዛራቱዋ ካቸ እሞሁዳ ናኦይ ኤልሻማእ ባረ እሙቀ አሄዳ።

49 ኤልሻማእ አሄዳ እሙ ኤሪቴዳ ሚዛናን ዋለና፡ እት ኪሎ ግራመነ ባጋ ዳጽያ ብራፕ መጴዳ እት ከርያነ ሆሰቸን ጾቱ ግራመ ዳጽያ ብራፕ መጴዳ እት ኩይጸሩቀ፡ ላኡካ ካፋ ያርሹቀ ያርሻናዉ ሊቆ ጴሊ ዛይትያን ሙናቄዳዌ ኩሚዳዋንታ፤

50 ቃይ እት ጾታነ ታሙ ግራመ ዳጽያ ዋርቃፕ መጴዳ እጻናይ ኩሚዳ ሻታ፤

51 ጹግያ ያርሹ እት ኮሩማ፡ እት ዶርሳ ኦርግያነ፡ እት ላይላይ ኩሚዳ አቱማ ዶርሳ፤

52 ናጋራ ያርሹ እት ዳሻ ኦርግያ፤

53 እትተተፋ ያርሹ ላኡ ኮሩማቱዋ፡ እቼሹ ዶርሳ ኦርገቱዋ፡ እቼሹ ጋኬዳ ዳሻ ኦርገቱዋነ እት ላይላይ ኩሚዳ እቼሹ አቱማ ዶርሳቱዋ። እሞሁዳ ናኦ ኤልሻማእ እሙ ሀዋ።

54 ሆሰቸንጎ ጋላሰ ሞናሰ ዛራቱ ካቸ ፓዳጹራ ናኦይ ጋማልኤል ባረ እሙቀ አሄዳ።

55 ጋማልኤል አሄዳ እሙ ኤሪቴዳ ሚዛናን ዋለና፡ እት ኪሎ ግራመነ ባጋ ዳጽያ ብራፕ መጴዳ እት ከርያነ ሆሰቸን ጾቱ ግራመ ዳጽያ ብራፕ መጴዳ እት ኩይጸሩቀ፡ ላኡካ ካፋ ያርሹቀ ያርሻናዉ ሊቆ ጴሊ ዛይትያን ሙናቄዳዌ ኩሚዳዋንታ፤

56 ቃይ እት ጾታነ ታሙ ግራመ ዳጽያ ዋርቃፕ መጴዳ እጻናይ ኩሚዳ ሻታ፤

57 ጹግያ ያርሹ እት ኮሩማ፡ እት ዶርሳ ኦርግያነ፡ እት ላይላይ ኩሚዳ አቱማ ዶርሳ፤

58 ናጋራ ያርሹ እት ዳሻ ኦርግያ፤

59 እትተተፋ ያርሹ ላኡ ኮሩማቱዋ፡ እቼሹ ዶርሳ ኦርገቱዋ፡ እቼሹ ጋኬዳ ዳሻ ኦርገቱዋነ እት ላይላይ ኩሚዳ እቼሹ አቱማ ዶርሳቱዋ። ፓዳጹራ ናኦይ ጋማልኤል አሄዳ እሙ ሀዋ።

60 ኡዲቸንጎ ጋላሰ ቢንያማ ዛራቱ ካቸ ጊድኦና ናኦይ ኡብዳን ባረ እሙቀ አሄዳ።

61 ኡብዳን አሄዳ እሙ ኤሪቴዳ ሚዛናን ዋለና፡ እት ኪሎ ግራመነ ባጋ ዳጽያ ብራፕ መጴዳ እት ከርያነ ሆሰቸን ጾቱ ግራመ ዳጽያ ብራፕ መጴዳ እት ኩይጸሩቀ፡ ላኡካ ካፋ ያርሹቀ ያርሻናዉ ሊቆ ጴሊ፡ ዛይትያን ሙናቄዳዌ ኩሚዳዋንታ፤

62 ቃይ እት ጾታነ ታሙ ግራመ ዳጽያ ዋርቃፕ መጴዳ፡ እጻናይ ኩሚዳ ሻታ፤

63 ጹግያ ያርሹ እት ኮሩማ እት ዶርሳ ኦርግያነ፡ እት ላይላይ ኩሚዳ አቱማ ዶርሳ፤

64 ናጋራ ያርሹ እት ዳሻ ኦርግያ፤

65 እትተተፋ ያርሹ ላኡ ኮሩማቱዋ፡ እቼሹ ዶርሳ ኦርገቱዋ፡ እቼሹ ጋኬዳ ዳሻ ኦርገቱዋነ፡ እት ላይላይ ኩሚዳ እቼሹ አቱማ ዶርሳቱዋ። ጊድኦና ናኦይ ኡብዳን አሄዳ እሙ ሀዋ።

66 ታማንጎ ጋላሰ ዳና ዛራቱ ካቸ እሞሻዲያ ናኦይ አህኤዘር ባረ እሙቀ አሄዳ።

67 አህኤዘር አሄዳ እሙ ኤሪቴዳ ሚዛናን ዋለና፡ እት ኪሎ ግራመነ ባጋ ዳጽያ ብራፕ መጴዳ እት ከርያነ ሆሰቸን ጾቱ ግራመ ዳጽያ ብራፕ መጴዳ እት ኩይጸሩቀ፡ ላኡካ ካፋ ያርሹቀ ያርሻናዉ ሊቆ ጴሊ፡ ዛይትያን ሙናቄዳዌ ኩሚዳዋንታ፤

68 ቃይ እት ጾታነ ታሙ ግራመ ዳጽያ ዋርቃፕ መጴዳ፡ እጻናይ ኩሚዳ ሻታ።

69 ጹግያ ያርሹ እት ኮሩማ፡ እት ዶርሳ ኦርግያነ፡ እት ላይላይ ኩሚዳ አቱማ ዶርሳ፤

70 ናጋራ ያርሹ እት ዳሻ ኦርግያ፤

71 እትተተፋ ያርሹ ላኡ ኮሩማቱዋ፡ እቼሹ ዶርሳ ኦርገቱዋ፡ እቼሹ ጋኬዳ ዳሻ ኦርገቱዋነ እት ላይላይ ኩሚዳ እቼሹ አቱማ ዶርሳቱዋ። እሞሻዲያ ናኦይ አህኤዘር አሄዳ እሙ ሀዋ።

72 ታማነ እተንጎ ጋላሰ አሴራ ዛራቱ ካቸ ኦክራና ናኦይ ፓግኤል ባረ ያርሹቀ አሄዳ።

73 ፓግኤል አሄዳ እሙ ኤሪቴዳ ሚዛናን ዋለና፡ እት ኪሎ ግራመነ ባጋ ዳጽያ ብራፕ መጴዳ እት ከርያነ ሆሰቸን ጾቱ ግራመ ዳጽያ ብራፕ መጴዳ እት ኩይጸሩቀ፡ ላኡካ ካፋ ያርሹቀ ያርሻናዉ ሊቆ ጴሊ፡ ዛይትያን ሙናቄዳዌ ኩሚዳዋንታ፤

74 ቃይ እት ጾታነ ታሙ ግራመ ዳጽያ ዋርቃፕ መጴዳ ሻታ፡ እጻናይ ኩሚዳዋ፤

75 ጹግያ ያርሹ እት ኮሩማ፡ እት ዶርሳ ኦርግያነ እት ላይላይ ኩሚዳ አቱማ ዶርሳ፤

76 ናጋራ ያርሹ እት ዳሻ ኦርግያ፤

77 እትተተፋ ያርሹ ላኡ ኮሩማቱዋ፡ እቼሹ ዶርሳ ኦርገቱዋ፡ እቼሹ ጋኬዳ ዳሻ ኦርገቱዋነ እት ላይላይ ኩሚዳ እቼሹ አቱማ ዶርሳቱዋ። ኦክራና ናኦይ ፓግኤል አሄዳ እሙ ሀዋ።

78 ታማነ ላኢንሉ ጋላሰ ንፍታሌማ ዛራቱ ካቱ ኤናና ናኦይ እህራእ ባረ እሙዋ አሄዳ።

79 እህራእ አሄዳ እሙ ኤሪቲዳ ሚዛናን ዋለና፤ እት ኪሎ ግራመነ ባጋ ዳጽያ ብራፕ መጴዳ እት ከርያነ ሆሰቸን ጸቱ ግራመ ዳጽያ ብራፕ መጴዳ እት ኩይጸሩዋ፤ ላኡካ ካላ ያርሹዋ ያርሻናዉ ሊቆ ጳሊ፤ ዛይትያን ሙናቄዳዊ ኩሚዳዋንታ።

80 ቃይ እት ጸታነ ታሙ ግራመ ዳጽያ ዋርቃፕ መጴዳ እት ሻታ፤ እጻናይ ኩሚዳዋ፤

81 ጹግያ ያርሹ እት ኮሩማ፤ እት ዶርሳ ኦርግያነ እት ላይላይ ኩሚዳ አቱማ ዶርሳ፤

82 ናጋራ ያርሹ እት ዳሻ ኦርግያ፤

83 እትተላ ያርሹ ላኡ ኮሩማቱዋ፤ እቼሹ ዶርሳ ኦርገቱዋ፤ እቼሹ ጋኬዳ ዳሻ ኦርገቱዋነ እት ላይላይ ኩሚዳ እቼሹ አቱማ ዶርሳቱዋ። ኤናና ናኦይ እህራእ አሄዳ እሙ ሀዋ።

84 ያርሹያ ሳኦይ ኦከቲዳ ዋደ፤ እሰራኤላቱዋ ካፓቱ ያርሹያ ሳኦ አንጃናዉ አሄዳ እሞታይ ኡባና ሀዋንታ። ብራፕ መጴዳ ታማነ ላኡ ከረቱዋ፤ ብራፕ መጴዳ ታማነ ላኡ ኩይጸረቱዋነ ዋርቃፕ መጴዳ ታማነ ላኡ ሻተቱዋ፤

85 ብራፕ መጴዳ እት እት ከሪ እት ኪሎ ግራመነ ባጋ ዳጽ፤ ብራፕ መጴዳ እት እት ኩይጸሩ ሆሰቸን ጸቱ ግራመ ዳጽ፤ ብራፕ መጴዳ ከርያነ ኩይጸሩ ኤሪቲዳ ሚዛናን ዋለና፤ ኡባና ላታማነ ሆሰቸን ኪሎ ግራመ ኬና ዳጺና።

86 ታማነ ላኡ ዋርቃ ሻታቱ ኤሪቲዳ ሚዛናን ዋለና እቱ እቱ እት ጸታነ ታሙ ግራመ፤ ኡባና እት ክሎነ ሄዙ ጸቱ ግራመ ዳጺና። ኡንቱንቱን እጻናይ ኩሞ ኡቲዳ።

87 ካላ ያርሹዋና እትተ ጹግያ ያርሹ አሄዳ መሂ ኡባና ታማነ ላኡ ኮሩማቱዋ፤ ታማነ ላኡ ዶርሳ ኦርገቱዋነ እት ላይላይ ኩሚዳ ታማነ ላኡ አቱማ ዶርሳቱዋ። ኡንቱንቱ ናጋራ ያርሹ አሄዳ ዳሻ ኦርገቱ ኡባና ታማነ ላኡ።

88 ኡንቱንቱ እትተላ ያርሹ አሄዳ መሂ ኡባና ላታማነ ኦይዱ ኮሩማቱዋ፤ ኡሱቸን ታሙ ዶርሳ ኦርገቱዋ፤ ኡሱቸን ታሙ ጋኬዳ ዳሻ ኦርገቱዋነ እት ላይላይ ኩሚዳ ኡሱቸን ታሙ አቱማ ዶርሳቱዋ። ያርሹያ ሳኦይ ኦከቲዳዋፕ ጉይያን፤ አንጃ አሄዳ እሞታይ ሀዋንታ።

89 ሙሴ መጵና ጎዳና ሃሳያናዉ ጸሳ ዱንካንያ ገልያ ዋደ፤ ማርካተላ ታቦታ ቦላን ደእያ አቶ ግያ ሳኦ ቁሞኡዋ ቦላን፤ ላኡ ክሩባቱዋፕ ግዲዋና መጵና ጎዳይ ሃሳይያ ኮሻ ሰሴዳ፤ እካ አናና ሃሳዬዳ።

8

ጸምጥቱዋ ኡትሰሱዋ

1 መጵና ጎዳይ ሙሳ፤
2 “ኔን አርናዉ ሀዋዳን ያጋደ ኦዳ፤ ኔን ላቸን ጸምጥቱዋ ዋልያ ዋደ ጸምጥቱ ጸምጥያ ዋልያ ባላቱዋፕ ሰንላ ባጋና ደእያ ሄራቱዋ ፖኢና’ ያጋ” ያጌዳ።

3 እ ጌዳዋዳን አርን ኦሴዳ። መጵና ጎዳይ ሙሳ አዛዜዳዋዳን፤ አርን ጸምጥቱዋ ዋልያ

ባላቱዋፕ ሰንላ ባጋና ደእያ ሄራቱዋ ፖኢናዳን ኦሴዳ፤ ባላቱዋን ዋሴዳ።

4 ጸምጥያ ዋልያዊ ጋርሳ ገድያፕ ቦላ ጨሻና አሌቀቲዳ ባላቱዋ ጴራ ጋካናዉ ቆጸቲዳ ዋርቃፕ መጴዳ። ጸምጥያ ዋልያ ባላይ መጵና ጎዳይ ሙሳ በሴዳ ሌምሱዋዳን ኦሰቲዳ።

ሌዋቱ ጸሳዉ ዲማቴድና

5 ቃይ መጵና ጎዳይ ሙሳ፤
6 “ሀራ እሰራኤልያ አሳ ግዲዋፕ ሌዋቱዋ አካደ፤ ኡንቱንታ ዋጋዳን ጌሻ።

7 ኔን ኡንቱንታ ጌሻናዉ ሀዋዳን ኦላ፤ ጌሽያ ሃላ አካደ ኡንቱንታ ፑሻካ፤ ኡንቱንቱ ባረንቱ ቦላ ኡባ ሚደትና፤ ባረንቱ ማዩዋካ ሚጮና፤ ያቲደ ኡንቱንቱ ዋጋዳን ጌሻ ግዳና።

8 ሄዋፕ ጉይያን፤ ኡንቱንቱ ኮሩማ አቱዋነ ሊቆ ጳልያ ዛይትያን ሙናቄዳዊ ካላ ያርሹ አክና፤ ኔን ቃይ ላኢንሉ ኮሩማ ናጋራ ያርሹ አካ።

9 ያታደ ሌዋቱዋ ጸሳ ዱንካንያ ሰንላ አያ፤ እሰራኤልያ አሳ ማባራ ኡባ ሺሻ።

10 ኔን ሌዋቱዋ መጵና ጎዳ ሰንላ፤ አህና እሰራኤልያ አሳይ ኡንቱንቱ ቦላ ባረንቱ ኩሽያ ዋልና።

11 ሌዋቱ መጵና ጎዳ ኦሱዋ ኦላናዉ ጊጋና ማላ፤ አርን እሰራኤልያ አሳፕ ሌዋቱዋ ቃልያ ያርሹዋ ኦሴዳ፤ መጵና ጎዳ ሰንላ ሺሻ።

12 “ሌዋቱ ባረንቱ ኩሽያ ኮሩማቱ ሁጲያን ዋልና፤ እቱዋ ናጋራ ያርሹዋ ኦላደ፤ እቱዋ ቃይ ሌዋቱ አቶ ጌተታና ማላ፤ ጹግያ ያርሹዋ ኦላደ መጵና ጎዳዉ ያርሻ።

13 ሌዋቱዋ አርናነ አ አቱማ ናናቱ አዋተላ ጋርሳን ዋላ፤ ያታደ ኡንቱንታ ቃልያ ያርሹዋ ኦላደ፤ መጵና ጎዳ ሰንላ ሺሻ።

14 ሄዋዳን ኦላደ ሌዋቱዋ ሀራ እሰራኤልያ አሳፕ ዲማያ፤ ዲማዮፕ ሌዋቱ ታዋ ግዳና።

15 “ኔን ሌዋቱዋ ጌሹዳዋፕን ቃልያ ያርሹዋ ኦላደ ሺሹዳዋፕ ጉይያን፤ ጸሳ ዱንካንያን ባረንቱ ኦሱዋ ኦላናዉ ዩና።

16 እሰራኤልያ አሳ ግዲዋፕ ኡንቱንቱ ታዉ ኡባና እመቲድና፤ እሰራኤልያ ማጫ አሳፕ የለቲዳ ባይራ አቱማዋንቱ ኡባ ድራዉ ታን ሌዋቱዋ ታዉ አካድ።

17 እሰራኤልያ አሳ ግዲዋን ባይራ የለቲዳዊ አሳ ግድና፤ መሀያ ግድናካ ኡባይ ታዋ። ታን ግብጾ ጋድያን ባይራ ኡባ ዋዴዳ ጋሳሳን፤ ኡንቱንታ ታዉ ዲማያድ።

18 እሰራኤልያ ባይራ አቱማዋንቱ ኡባ ድራዉ ታን ሌዋቱዋ አካድ።

19 እሰራኤልያ አሳ ኡባ ግዲዋፕ ታን ሌዋቱዋ አርናዉነ አርና አቱማ ናናዉ እሙዋ ኦላደ እማድ። እሰራኤልያ አሳይ ጋከትያ ዱንካንያ ሺቅያ ዋደ፤ ቦሻይ ኡንቱንታ ቦቼና ማላ፤ ሌዋቱ እሰራኤልያ አሳ ግሻ ጋከትያ ዱንካንያን ባረንቱ ኦሱዋ ኦላናነ ኡንቱንቱ ድራዉ አቶ ጌተትና” ያጌዳ።

20 መጵና ጎዳይ ሙሳ ሌዋቱዋ ዲማያናዉ አዛዜዳዋዳን ሙሴ፤ አርን እሰራኤልያ አሳ ማባራይ ኡባይ ኦሴድና።

21 ሌዋቱ ባረና ጌሹድና፤ ባረንቱ ማዩዋካ ሚጮና፤ አርን ኡንቱንቱ ቃልያ ያርሹዋ

8:1 ከሳ 25:31-40፤ 37:17-24 8:17 ከሳ 13:2

ከሌደ፡ መድና ጎዳ ሰንላ ሺሼዳ፤ ከንቱንታ ጌሻናው ከንቱንታ አቶ ጌሴዳ።

22 ሃዋጥ ጉይያን፡ ሌዋቱ አሮናን አሮና አቱማ ናናቱ አዋተላ ጋርሳን፡ ጋከትያ ዲንካንያ ግድን ባረንቱ ኦሱዋ ኦላናው ዬድኖ። መድና ጎዳይ ሙሳ ሌዋቱዋ ዲማያናው አዛዜዳዋዳን ከንቱንቱ ኦሴድኖ።

23 ቃይካ መድና ጎዳይ ሙሳ ሀዋዳን ያጌዳ፤

24 “ሀዋ ሌዋቱዋ ጸልያ ዋጋ፡ ላይላይ ላታማን እቼሻን ሃዋጥ ቦላና ደእያ አቱማዋንቱ ኦሱዋ ኦላናው ጋከትያ ዲንካንያ ዪኖ።

25 ሽን ከንቱንቱ ላይላይ እሻታሙዋ ግድያ ዋደ ከንቱንቱ ባረንቱ ኦሱዋጥ ጸራታ ከሰኖ፤ ሰሚደ ላኤንሶ ኦሳፕኖ።

26 ከንቱንቱ ጋከትያ ዲንካንያን አልያ ባረንቱ እሻቱዋ አል ማዳና ጎጥ ማድኖጥ አትና፡ ከንቱንቱ ባረካ አይ ኦሶን ኦሳፕኖ። ሰም ኔን ሌዋቱዋ ኦሱዋ ሀዋዳን ኦሰሳሳ” ያጌዳ።

9

ላኤንሶ ገሰጋ (9:1-23)

1 እስራኤልያ አሳይ ግብጾጥ ከሴዳ ላኤንሶ ላይላን ኮይሮ አግናን ሲና መላ ቢታን መድና ጎዳይ ሙሴው ሀዋዳን ያጌደ ሃሳዬዳ፤

2 “እስራኤልያ አሳይ ገሰጋ ባላ ኬሬዳ ጋላሳን ቦንቾ።

3 ሀ አግናን ታማን ኦይደንሶ ጋላሳን፡ አ ኬሬዳ ዋደ፡ አዋይ ወላና ሀንያ ዋደ፡ አ ዋጋ ኡባዳንን አ አዛዛ ኡባዳን ቦንቾ” ያጌዳ።

4 ሙሴ እስራኤልያ አሳይ ገሰጋ ባላ ቦንቻና ማላ፡ ከንቱንቱ ኦይዳ።

5 ኮይሮ አግናው ታማን ኦይደንሶ ጋላሳ፡ አዋይ ወላና ሀንያ ዋደ ሲና መላ ቢታን ከንቱንቱ ገሰጋ ባላ ቦንቾድኖ። እስራኤልያ አሳይ መድና ጎዳይ ሙሳ አዛዜዳዋዳን ኡባባ ኦሴዳ።

6 ሽን ከንቱንቱጥ አማሬዳዋንቱ ሀይቄዳ አሳ አሃ ቦቹደ ቱኔዳ ድራው፡ ሄ ጋላሰ ገሰጋ ባላ ቦንቻናው ዳንዳይበይክኖ። ሃዋ ድራው፡ ከንቱንቱ ሙሴኮን አሮናኮ ሄ ጋላሰ ዪደ።

7 ሙሳ፡ “ኦን ሀይቄዳ አሳ አሃ ቦቹዳ ድራው ቱኔዳ፤ ሽን ኬሬዳ ዋድያን ሀራ እስራኤልያ አሳና መድና ጎዳው ያርሹዋ ሺሻያዋ ኦን አያው ድገቱት?” ያጌድኖ።

8 ሙሴ ከንቱንታ፡ “መድና ጎዳይ ህንተዋ ታወ አዛዝያዋ ታን ሰሳና ጋካናው ህንተ ታክሸተ” ያጌዳ።

9 ሃዋጥ ጉይያን መድና ጎዳይ ሙሳ፡

10 “ኔን እስራኤልያ አሳ ሀዋዳን ያጋ፤ ህንተጥ ዋይ ህንተ ዛራቱዋጥ ኦንን አሃ ቦቹደ ቱኖጥ፡ ዋይ ማንዳሬዳዋ ግደጥ፡ እ መድና ጎዳው ገሰጋ ባላ ቦንቾ፤

11 ላኤንሶ አግናን ታማን ኦይደንሶ ጋላሰ አዋይ ወላና ሀንያ ዋደ ገሰጋ ባላ ቦንቾ። ገሰጋ ደርሳ እርሹ ገልቤና ኡክላናን ጫዋ ቦንጫያና ሞ።

12 ሳአይ ዋንታናው ሄ ደርሳጥ አያን አሾፖ፤ ቃይ አ መቀላጥካ እቱዋን መንሶፖ። ገሰጋ ባላው አ ዋጋ ኡባ ኦላ።

13 ሽን ማንዳርቤና ጌሻ አሳይ ገሰጋ ቦንቾናን አጸጥ፡ ሃዋጥ ሰንላው አ ታ አሳ ግደጥ ቦሄቶ። አያው ጎጥ፡ መድና ጎዳ ያርሹዋ ኬሬዳ ዋድያን አ ሺሻቤና። ሄ አሳይ ባረ ናጋራይ አሄዳ መቱዋ አካናው በሰ።

14 “ህንተ ግዳዋን ደእያ በተ አሳይ ገሰጋ ባላ መድና ጎዳው ቦንቻና ኮኖጥ፡ ገሰጋ ዋጋዳን ቦንቾ። በትያውካ ጋደ አሳውካ እት ማላ ዋጋይ ደኦ ያጋ” ያጌዳ።

ታማዳን ፖኤዳ ሻርያ (ከሳ 40:34-38)

15 ዲንካኒ ቶለቱዳ ጋላሰ ሻሪ ማርካተላ ዲንካንያ ማዬዳ፤ ኦማርሳጥ ደሚደ፡ ዋንታና ጋካናው ዲንካንያጥ ቦላና ደእያ ሻሪ ታማ ማላቱ።

16 ሃዋዳን ኡባ ዋደ ጋላሰ ጋላሰ ሻሪ ማዬ፤ ቃማ ቃማ ሄ ሻሪ ታማዳን ፖኤ።

17 ሄ ሻሪ ዲንካንያ ቦላጥ ደንድያ ዋደ አውደን እስራኤላቱ ባረንቱ ዲንካኔዳ ሳኦጥ ደንዲኖ፤ ቃይ ሄ ሻሪ ዋድያ አይ ሳኦንን እስራኤላቱ ዲንካኒኖ።

18 እስራኤላቱ መድና ጎዳ አዛዙዋን ደንድኖ፤ ሃዋዳንካ፡ መድና ጎዳ አዛዙዋን ዲንካኒኖ። ሻሪ ዲንካንያ ቦላን ጋምእያ ዋደ ኡባን ባረንቱ ዲንካኔዳሳን ጋምእኖ።

19 ሻሪ ዲንካንያ ቦላን ዳር ጋላሳ ጋምኦጥ፡ እስራኤላቱ መድና ጎዳ አዛዙዋ ናጊኖጥ አትና፡ ሀቃን ቢክኖ።

20 እት እት ገደ ሻሪ ዲንካንያ ቦላን አማሬዳ ጋላሳ ጋምኤ። መድና ጎዳ አዛዙዋን ከንቱንቱ ዲንካኒኖ፤ ቃይ ሃዋዳንካ፡ ጸሳ አዛዙዋን ከንቱንቱ ደንድኖ።

21 እት እት ገደ ሻሪ ኦማርሳጥ ዋንታና ጋካናው ጸላላ ጋምኤ፤ ዋንትና ሻሪ ደንድያ ዋደ ከንቱንቱካ ደንድኖ። ጋላሳ ግድና፡ ቃማ ግድና፡ ሻሪ ደንድያ ዋደ ከንቱንቱካ ደንድኖ።

22 ሻሪ ዲንካንያ ቦላን ላኡ ጋላሳ ጋምእና፡ ዋይ እት አግና፡ ዋይ እት ላይላ ጋምእና፡ እስራኤላቱ ባረንቱ ዲንካኔዳሳን ጋምእኖጥ አትና ቢክኖ። ሽን ሻሪ ደንድያ ዋደ ከንቱንቱካ ደንድኖ።

23 ከንቱንቱ መድና ጎዳ አዛዙዋን ዲንካኒኖን ቃይ መድና ጎዳ አዛዙዋን ደንድኖ፤ መድና ጎዳይ ሙሴ ባጋና አዛዜዳዋዳን፡ ከንቱንቱ መድና ጎዳ አዛዙዋ ናጌድኖ።

ሲና ደርያጥ ሞኦበ ቡሳ

10

(10:1—21:35)

ብራጥ ኦስቱዳ ጸሩምባቱዋ

1 መድና ጎዳይ ሙሳ ሀዋዳን ያጌዳ፤

2 “ላኡ ጸሩምባቱዋ ብራጥ ቆጶደ ኦሳ፤ ያታደ አሳ ሺቆ ጸጋናውን ቃይ ዲንካኔዳ ሳጥ ደንዳናው ደን፤ ላናዳን ጥና።

9:1 ከሳ 12:1-13 9:12 ከሳ 12:46፤ ኖሃ. 19:36

3 ሀ ላኡ ጸሩምባቱ ገንቶያ ወደ፡ አሳይ ኡባይ ጋከትያ ዲንካንያ ጥንጊ ኔኮ ሺቆ።

4 ሸን እት ጸሩምባ ጸላላይ ገንቶያ፡ እስራኤልያ ዛራቱዋ ካገቱ ነ ሰንላ ሺቆና።

5 ኔን ጸሩምባ ቆቁ ኦላደ ገንያ ወደ፡ አዋይ ዶልያ ባጋና ዲንካኔዳ ዛራቱ ደንድና።

6 ጸሩምባ ላኤንላ ቆቁ ኦላደ ገንያ ወደ፡ ገድሳ ባጋና ዲንካኔዳ ዛራቱ ደንድና። ጸሩምባይ ቆቁ ግ ገንቶያዌ ደንዳናው ማላ ግድ።

7 ያአው አሳ ሸሻናው ጸሩምባ ገና፤ ሸን ኮሻ ቆቁ ኦላደ ገና።

8 አርና ናይ ቆሳቱ ጸሩምባ ገንና። ሀዌ ነውነ ይያ የለታ ኡባው መድና ዋጋ ግድ።

9 “ሀንተ ጋድያን መቱዋ ደንልያ ሀንተ ሞርክያና ሀንተ አለታናው ከሰያ ወደ፡ ሄ ጸሩምባቱዋ ቆቁ ኦላደ ገንተ። ሄዋን መድና ጎዳይ ሀንተ ጸሳይ ሀንተና ሄ ወደ ሀሳዬድ፡ ሀንተ ሞርክያ። ሀንተና አሻና።

10 ሄዋዳንካ፡ ቃይ ሀንተ ናሽትያ ጋላስ፡ ባላ ቦንቻናው ሀንተ ኬራዳ ጋላስነ አግናይ ጸርያ ባላን፡ ሀንተ ጸግያ ያርሹዋ ያርሹያ ወደነ ሀንተ እትተተላ ያርሹዋ ያርሹያ ወደ ሄ ጸሩምባቱዋ ገንተ፤ ሄዌ ጸሳ ሰንላን ሀንተና ሀሳይሰያዋ ግዳና። ታን መድና ጎዳ፡ ሀንተ ጸሳ” ያጌዳ።

እስራኤላቱ ሲናጥ ቤድና

11 ላኤንላ ላይላን ላኤንላ አግናን ላታማንላ ጋላስ፡ ሻሪ ማርካተላ ዲንካንያ ቦላጥ ደንዳዳ።

12 ሄዋጥ ጉይያን፡ እስራኤልያ አሳይ ሲና መላ ቢታጥ ደንዳዳ፤ ሻሪ ጋራና ግያ መላ ቢታ ጋኪደ ዋዴዳ።

13 ኡንቱንቱ ሀ ኮይሮ ቡሳው መድና ጎዳይ ሙሴ ባጋና አዛዜዳዋን ደንዳድና።

14 ይሁዳ ዛራቱዋና ዲንካኔዳ ባጋይ ባረንቱ አርማ ኦይቂደ ኮይሮ ደንዳድና። ይሁዳ ዛራቱ ካቼ አምናዳባ ናኦ ናኦሲና፤

15 ይሳኮራ ዛራቱ ካቼ ጸኣራ ናኦ ናታንኤላ፤

16 ዛብሎና ዛራቱ ካቼ ሄሎና ናኦ ኤልአባ።

17 ሄዋጥ ጉይያን፡ ዲንካንያ ሾድና፡ ገርሾና ያራቱን ማራራ ያራቱ ቶኪደ ደንዳድና።

18 ካሊደ ርቤላ ዛራቱዋና ዲንካኔዳ ባጋይ ባረንቱ አርማ ኦይቂደ ደንዳዳ። ርቤላ ዛራቱ ካቼ ሻደኡራ ናኦ ኤሊጸራ፤

19 ሰሞና ዛራቱ ካቼ ጸራሻዳያ ናኦ ሻሉምኤላ፤

20 ጋዳ ዛራቱ ካቼ ረኡኤላ ናኦ ኤልያሳ።

21 ሄዋጥ ጉይያን፡ ቃሃታ ያራቱ ጌሻ ሚሻቱዋ ቶኪደ ደንዳድና። ኡንቱንቱ ጋካናጥ ካሰቲደ፡ ዲንካኒ ቶለት ኡቱዳ።

22 ካሊደ ኤፍሬማ ዛራቱዋና ዲንካኔዳ ባጋይ ባረ አርማ ኦይቂደ ደንዳዳ። ኤፍሬማ ዛራቱ ካቼ አምሁዳ ናኦ ኤልሻማኦ፤

23 ሞናሰ ዛራቱ ካቼ ገዳጸራ ናኦ ጋማልኤላ፤

24 ቢንያማ ዛራቱ ካቼ ጊድኦና ናኦ አብዳና።

25 ዉርሰላን፡ ሀ ጩጉዋ ኡባው ጉያ ባጋን ናግያ ዳና ዛራቱዋና ዲንካኔዳ ባጋይ ባረ አርማ ኦይቂደ ደንዳዳ። ዳና ዛራቱ ካቼ አምሻዳያ ናኦ አህኤዘራ፤

26 እሴራ ዛራቱ ካቼ ኦክራና ናኦ ገግኤላ፤

27 ንፍታሌማ ዛራቱ ካቼ ኤናና ናኦ አህራኦ።

28 እስራኤልያ አሳይ ባረ ባጋን ባጋን ደንዳዳ ብያ ማራይ ሀዋዳና።

29 ሙሴ ሞድያማ አሳ ግድያ ባረ ቦሉዋ ረኡኤላ ናኦ ሆባባ፡ “ኑን መድና ጎዳይ፡ ታን ሀንተንቶ እማና ጌዳ ሳኦ ቤቶ፤ መድና ጎዳይ እስራኤልያው ሎኦባ አላና ጌዳ ድራው፡ ኔን ኑናና ደንዳዳ። ኑን ነው ሎኦባ አላና” ያጌዳ።

30 ሆባብ፡ “ቱይት፡ ታን ቢከ፤ ታን ታ ቢታ ታ አሳኮ ባና” ያጌዳ።

31 ሙሴ አ፡ “ሀያና፡ ኑና የጋደ ቦጋርኪ! መላ ቢታን ኑን ዲንካናናው በሰያሳ ኔን ኤራሳ፤ ኔን ኑ ብያ ኦግያ ኑና ካለላናውካ ዳንዳያሳ።

32 ኔን ኑናና ቦጥ፡ መድና ጎዳይ ኑው እምያ አንጂዋ ኡባ ኑን ኔናና ሻካና” ያጌዳ።

33 ያትና ኡንቱንቱ መድና ጎዳ ደርያጥ ደንዳዳ፡ ሄዙ ጋላሳ ኬሻ ኦግያ ቤድና። መድና ጎዳ ጫቁዋ ታቦታይ ኡንቱንቱ ሸምጥያ ሳኦ ደማናው ሄ ሄዙ ጋላሳን ኡንቱንቱጥ ሰንላው ቤዳ።

34 ኡንቱንቱ ዲንካኔዳ ሳኦጥ ደንዳያ ወደ ኡባን፡ መድና ጎዳ ሻሪ ጋላስ ጋላስ ኡንቱንቱጥ ቦላና ደኤ።

35 ታቦታይ ደንዳያ ወደ ኡባን ሙሴ፡ “አቤት መድና ጎዳው፡ ደንዳ! ነ ሞርከቱ ላለትና፤ ኔና እጽያዎንቱካ ነ ሰንላጥ ባቃትና” ያጌ።

36 ታቦታይ ሸምጥያ ወደ ኡባን ሙሴ፡ “አቤት መድና ጎዳው፡ ሀ ዳሮ ሻኦን ገይደትያ እስራኤልያ አሳኮ ኔን ሰማ” ያጌ።

11

ጸሳጥ ዬዳ ታማ

1 አሳይ ባረ መቶ መድና ጎዳ ቦላ ዙዙሜዳ፤ ኡንቱንቱ ዙዙሚና ጸሳይ ሰሲደ፡ ሀንቁዋ ኤጽ ከሴዳ። ያትና መድና ጎዳ ታማይ ኡንቱንቱ ግዳዋን ኤዲደ፡ ኡንቱንቱ ዲንካኔዳ ሳኦው እት እት ጋጸ ባጋ ሜዳ።

2 ያትና አሳይ ሙሴው ዋሰና፡ ሙሴ መድና ጎዳ ዋሴዳ። ታማይ ቶኤዳ።

3 መድና ጎዳ ታማይ ኡንቱንቱ ግዳዋን ኤጼዳ ድራው፡ ሄ ሳኦይ ታብኤራ * ጌተት ዳሰቲዳ።

ሙሴ ላፑን ታሙ ካገቱዋ ደሪዳ

4 እስራኤላቱዋና ደእያ ዲማ ዲማ ጋደ አሳይ ሀራ ቁማ ሎይላ አሞቱዳ። እስራኤልያ አሳይካ ቃይ ሀዋዳን ያጊደ ዬኩዋ ደሜዳ፤ “ላ ኑን አሹዋ ሀቃጥ ደማኔ?”

5 ኑን ግብጹ ጋድያን ሚሻ ጭገናን ጮ ምያ ሞልያ ሀሳዬቶ፤ ቃይ ቃይያ ምያ ገራንጅያ ሌክያ፡ ዘልደ ሌኪያ ማላትያ ማልእያ ሃላይ ኩሜዳ ሜሎንያ፡ አዲሳ ገራንጅያ ሰንቁሩትያን ቱሙዋ ሀሳዬቶ።

6 ሸን ሀእ ኑ ቆዲ ጎርደቲዳ፤ ኑ አይፊካ ሀ ማናጥ አትና፡ ሀራባ አይነ በኤና” ያጌድና።

7 ማናይ ዳቡዋ አይፍያ ማላቲ፤ አ ማላይ ቦጽያ ሞላ ጮሻ ማላቲ።

10:35 ማዘ. 68:1 * 11:3 ታብኤራ፡ ሀ ሰንላ ብለላይ “ኤጼዳ” ግያዋ። 11:7 ከሳ 16:31

8 አሳይ ዩይ ዩይ አ ቆሬ፤ ዋጽን ጋጩ፥ ዋይ ኡዲላን ጫዴ፤ ኡንቱንቱ አ ኦቱዋን ጠንቅሲድ፤ ባሽያን ኮምፒኖ። እ ዛይትያን ሙናቂደ ኡኬዳ ኡክላዳን ማልኤ።

9 ቃማ ዲንካኔዳሳን ጸሳይ ዋድያ ዋድ፥ ማናይ እናና ዋዴ።

10 አሳይ ባረ ዲንካንያ ጠንግያን ጠንግያን ዩክሽን፥ ሙሴ ሰሴዳ። መድና ጎዳ ሀንቁ ኤጽ ከሴዳ ድራው፥ ሙሴ ኡንኤቱዳ።

11 ሄዋ ድራው፥ ሙሴ መድና ጎዳ ሀዋዳን ያጊደ ኦቹዳ፤ “ኔን ታ ቦላ ነ ቆማ ቦላ አያው ሀ መቱዋ አሃዲ? ኔን ታናን አያው ናሽታቦይኪ? ኔን ሀ አሳ ኡባ ቶኩዋ ታ ቦላ አያው ዋላዲ?”

12 ሀ አሳ ኡባ ታን ሻሃራድታየ? ዋይ ኡንቱንታ ታን የላድታ? “ኔን ኡንቱንቱ ማይዛ አዋቶ፥ “ታን ሀንተንቶ እማና” ጋደ ጫቄዳ ቢታ ጋላናው፥ ናናቱዋ ድቶያና ቆንሰያ ናኦ ባረ ክወዋን እድምያዋዳን፥ ኔን ኡንቱንታ ነ ክወዋን እድማ” ያጋደ ታው አያው ኦዳይ?

13 ሀ አሳው ኡባው ታን አሹዋ ሀቃጥ ደማኔ? ኡንቱንቱ ታና፥ “ምያ አሹዋ ኦው እማ” ያጊደ ዩኪኖ።

14 ታን ሀ አሳ ኡባ ታረካ ቶካና ዳንዳይከ፤ ቶኩ ታው ሎይሰ ዳጼ።

15 ሰም ኔን ታና ሀዋዳን መቶታናዳን ኦላናዋጥ ታው ቃረታደ ታና ሀእ ዋቆ ባሻ፤ ያቶጥ፥ ታን መቱዋጥ ሽምጋና” ያጊደ።

16 መድና ጎዳይ ሙሳ፥ “እሰራኤልያ ጭማቱዋጥ ካለሰያዋንታነ ካፓቱዋ ግድያ፥ ኔን ኤርያ ላፑን ታሙ ጭማቱዋ ታው ሺሻ፤ ኡንቱንቱ ኔናና ያን ኤቃና ማላ፥ ጸሳ ዲንካንያኮ፥ ኡንቱንታ ኔን እያ።

17 ታን ዲገ ዋቆደ ኔናና ያን ሃሳያና፤ ታን ኔናን ደእያ አያናጥ አካደ፥ ሄ አያና ኡንቱንቱ ቦላ ዋላና። ኔን ኔረካ ቶከና ማላ፥ ኡንቱንቱ አሳ ቶኩዋ ቶኪደ፥ ኔና ማዳና።

18 “ኔን አሳው ሀዋዳን ጋደ ኦዳ፥ “ዋንትው ሀንተና ጌሸተ፤ ያቲደ ሀንተ አሹዋ ማና። ሀንተ፥ “ላ ኦን አሹዋ ሀቃጥ ደማኔ? ኦው ግብጼ ጋድያን ሳአይ ሎአ ሸን!” ያጊደ ዩኬዳዋ መድና ጎዳይ ሰሴዳ። መድና ጎዳይ አሹዋ ሀእ ሀንተንቶ እማና፤ እምና ሀንተ ማና።

19-20 ሀንተ ግዲዋን ደእያ መድና ጎዳ ሀንተ ካዴዳ ድራውኒ ሀንተ፥ “ኦን ግብጼ ጋድያጥ አያው ከሴዳ?” ያጊደ አ ሰንሳን ዩኬዳ ድራው፥ ሀንተ እት ጋላሳ፥ ዋይ ላኤ ጋላሳ፥ ዋይ እቼሹ ጋላሳ፥ ዋይ ታሙ ጋላሳ፥ ዋይ ላታሙ ጋላሳ ጸላላ አሹዋ ማክታ፤ ሸን ሀንተንቶ ሲድያና ከሳና ጋካናው፥ ሀንተና ሳላላና ጋካናው፥ እት አግና ኩመንላ ሀንተ አሹዋ ማና” ያጋ” ያጊደ።

21 ሸን ሙሴ ጸሳ፥ “ቦአ፥ ታን ኡሱቱን ጾቱ ሻእ ግድያ አሳ ግዲዋን ደአይ፤ ኔን፥ “እት አግና ኩመንላ ኡንቱንቱ ማናው ኡንቱንቶ ታን አሹዋ እማና” ጋዳ።

22 ሚዛ ወድያን ደርሳ ወድያ ኡንቱንቶ ሹክና ካልሳኔ? አባን ደእያ ሞልያ ኡባ ሺሸያዋ ግድንቶነ፥ ኡንቱንቶ ግዳኔ?” ያጊደ።

23 መድና ጎዳይ ሙሳ፥ “መድና ጎዳ ኩሺ ቃንሌየ? ታን ነው ግያባይ ቱመንቶነ ዋርደንቶ ኔን ሀእ ቦአና” ያጊደ።

24 ሙሴ ካረ ከሲደ፥ መድና ጎዳይ ጌዳዋ አሳው ኦዴዳ። እ እሰራኤልያ ጭማቱዋጥ ላፑን ታሙ አሳ ሺሺደ፥ ዲንካንያ የሹዋን ኤሴዳ።

25 መድና ጎዳይ ሻሪያን ዲገ ዋቆደ፥ አናና ሃሳዬዳ፤ ያቲደ አ ቦላን ደእያ አያናጥ አኪደ፥ ሄ ላፑን ታሙ ጭማቱዋ ቦላ ዋሌዳ። አያናይ ኡንቱንቱ ቦላን ሸምፔዳ ዋደ፥ ኡንቱንቱ ትምቢትያ ኦዴድኖ። ሸን ሄዋጥ ጉይያን፥ ዛረሊደ ትምቢትያ ኦድቦይክና።

26 ሄ ላፑን ታሙ ጭማቱዋና ማዘገብያን ጸፈቱዳ አሳቱ ኤልዳዳነ መዳዳ ግያ ላአቱ ዲንካኔዳሳን አቱድኖ፤ ዲንካንያኮ ይቦይክኖ፤ ሸን ኡንቱንቱ ቦላካ አያናይ ዋድና፥ ዲንካኔዳሳን ትምቢትያ ኦዴድኖ።

27 እት ዋዳላይ ዋጽ ዩደ፥ ሙሳ፥ “ኤልዳድነ መዳድ ዲንካኔዳሳን ትምቢትያ ኦዲኖ” ያጊደ ኦዴዳ።

28 ባረ ያላጋተላጥ ደሚደ፥ ሙሳ ማድያ ኔዌ ናአይ ኢያሱ ሙሳ፥ “ታ ጎዳው ሙሴ፥ ኔን ኡንቱንታ ተአ” ያጊደ።

29 ሸን ሙሴ አ፥ “ታ ግሻታ ነ ሞሽታይ? መድና ጎዳ አሳይ ኡባይ ትምቢትያ ኦድያዋነ መድና ጎዳይ ባረ አያና ኡንቱንቱ ቦላ ዋልያዋ ግዴሪኔሻ!” ያጊደ።

30 ሄዋጥ ጉይያን፥ ሙሴነ እሰራኤልያ ጭማቱ ዲንካኔዳሳ ሰሜድኖ።

31 ሄዋጥ ጉይያን፥ መድና ጎዳይ ጫርኩዋ ደንሰና፥ አባ ባጋጥ አካ አሳይ ዲንካኔዳሳ ኡባ የሹዋኮ ጫርኩ አሄዳ፤ ሄ ካፎቱ ሳኦ ደናና ጋድያጥ ፑደ ላኤ ዋቆ ኬሻን ፓሌድኖ። ዩደ ኡንቱንቱ ዲንካኔዳሳ ኡባጥ ጋጸና፥ እት ጋላሳ ኦገ ኬና ሳኦን ኡቱድኖ።

32 ሄ ጋላሳ ኡባን፥ ሄ ቃማ ኡባንነ ዋንተላ ጋላሳ ኡባን አሳይ ካረ ከሲደ፥ ሀ አካቱዋ ኦይቂደ ሺሹዳ፤ ኡንቱንቱጥ ኦን እት ሻእ ኪሎ ግራመጥ ጉላ ሺሸቦና። ኡንቱንቱ ሄዋጥ ጉይያን፥ ዲንካኔዳሳ የሹዋ ኡባን መልሳናው ሞጬድኖ።

33 ሸን አሹ ብር ኡንቱንቱ ማታን ደእሸን፥ ኡንቱንቱ ጮሚደ ሞተናን ደእሸን፥ መድና ጎዳ ሀንቁ አሳ ቦላ ኤጽ ከሴዳ፤ ያትና መድና ጎዳይ አሳ ዋልቃማ ቦሻን ሸጬዳ።

34 ያትና ሄ ሳአይ ክብርት ሀታባ (አሙዋ ዲፋዋ) ጌተት ሱንግግቴዳ፤ አያው ጎጥ፥ አሹዋ አሞቱዳ አሳ ኡንቱንቱ ሄ ሳኦን ሞጌድኖ።

35 አሳይ ሄዋጥ ደንዲደ ሀጸርታ ግያሳ ቢደ፥ ያን ዲንካኔዳ።

12

ሚርያማነ አርን ሙሳ ኤቀቱድኖ

1 ሙሴ ቶጵያ ቢታ ሞሽራቶ አኬዳ። እ አኬዳ ቶጵያ ማጫን ድራው፥ ሚርያማነ አርን ሙሳ ቦሬድኖ።

11:9 ከሳ 16:13-15

2 ኢንቴንቲ፡ “መድና ጎዳይ ሙሴ ባጋ ዳላላና ሃሳዬደየ? ቃይ እ ኑ ባጋና ሃሳይቤኔየ?” ያጌድኖ። መድና ጎዳይ ሄዋ ሰሴዳ።

3 ሙሴ ጋድያን ሳኣን ኡባን ደእያ አሳ ኡባጥ አድያ አሸከ አሳ።

4 መድና ጎዳይ ኤለካ ሙሴው፡ አሮናውን ሚርያምው፡ “ህንተ ሄዙካ ጋከትያ ዲንካንያኮ ከሰተ” ያጌዳ፤ ኢንቴንቲ ሄዙካ ከሴድኖ።

5 ጳላይ ሻርያ ቱሳን ዲገ ዎዴዳ፤ ዲንካንያ ጥንግያን ኤቂደ፡ አሮናን ሚርያም ዳሴዳ። ኢንቴንቲ ላኡካ እ ሰንሳ ሸቅና።

6 እ ኢንቴንታ፡ “ታ ኦድያዎ ሰሰተ፡ ህንተ ግዲዎን ትምቢትያ ኦድያዌ ደኦ፡ ታን መድና ጎዳይ ታና አዉ ሳዳን ቆንጭሳይ፤ ታን አዉ አኩሙዎን ኦዳይ።

7 ሸን ታ ቆማ ሙሴና ሄዎዳን ግደና፤ እ ታ ጎልያ ኡባን አማነቲዳዎ።

8 ታን ሙሴና ሰንሳ ሰንሳን ሃሳያይጥ አትና፡ ለምሱዎን ሃሳይከ። እ መድና ጎዳ ማላ በኤ። ያትና ታ ቆማ ሙሳ ቦራናዉ ህንተ አያዉ ያይበይክቲ?” ያጌዳ።

9 መድና ጎዳ ህንቁ ኢንቴንቲ ቦላ ኤጽ ከሴዳ፤ መድና ጎዳይ ቤዳ።

10 ሻር ዲንካንያ ቦላጥ ደንዴዳ ዎደ፡ ሚርያማ ዎልቃማ ጋልባ ሀርግያን ምልጽ ጋደ ቦዳዴ። አሮን ኢኮ ሰሚደ ጸልያ ዎደ፡ ዎልቃማ ጋልባ ሀርግያን ኦቂቀቲዳና በኤዳ።

11 ያትና እ ሙሳ፡ “ሀይ ታ ጎዳው፡ ኑን ኤያተሳን ኦቆዳ ናጋራዉ ኑና ሙርፓ።

12 ባረ ዳይ ኡሉዎጥ ከሰያ ዎደ፡ እ አሹዎጥ ባጋይ ሜተት ክቶና፡ ሀይቂ ክቸደ የለቲዳ ጋጭኖ ናኣ ማላ ግደፓረከ” ያጌዳ።

13 ሙሴ፡ “ሀይ ጳላው፡ እዞ ፓላርኪ!” ያጌደ መድና ጎዳዉ ዋሴዳ።

14 መድና ጎዳይ ሙሳ፡ “እ አዉ እ ሶምእያን ጨቻ ጨቹዳዎ ግድንቶነ፡ ላፑን ጋላሳ እዛ ዬላ ማያደ ኡታና ግደኬየ? ሄዎ ድራው፡ ኔን እዞ ላፑን ጋላሳ ዲንካኔዳ ሳኣጥ ጋጸ ባጋና ዲማ ሳኣን ኡትሳ፤ ሄዎጥ ጉይያን፡ ሰማደ ዩ” ያጌዳ።

15 ያትና ሚርያማ አሳይ ዲንካኔዳ ሳኣጥ ጋጸ ከሳደ ላፑን ጋላሳ ኡታዳ። እ ሰማና ጋካናዉ አሳይ ባናዉ ደንድቤና።

16 ሄዎጥ ጉይያን፡ አሳይ ሀጸርታ ግያ ሳጥ ደንዲደ፡ ፓራና መላ ቢታ ዲንካኔዳ።

13

ካናን ቢታ ዎቻናዉ ቤዳ አሳቱዎ (ዛረ. 1:19-33)

1 መድና ጎዳይ፡ ሙሳ፡

2 “ታን እሰራኤላቶ እምያ ካናን ቢታ ዎቻና ማላ፡ አማራዳ አሳ ከታ፤ ኢንቴንቲ ዛረ ኡባጥ እት እት ካፑዎ ከታ” ያጌዳ።

3 ሙሴ መድና ጎዳ አዛዙዎን ፓራና መላ ቢታጥ ኢንቴንታ ከቲዳ። ኢንቴንቲ ኡባይካ እሰራኤልያ አሳ ካፓቱዎ።

4 ኢንቴንቲ ሱንሳይ ሀዎጥ ካሊደ ጸፈቲዳዎ፡

ዛርያ ካፑዎ ሮቤላ ዛኩራ ናኣ ሻሙኣ፤

5 ሰሞና ሆራ ናኣ ሻፋጸ፤

6 ይሁዳ ይፋን ናኣ ካለባ፤

7 ይሳኮራ ዮሴፎ ናኣ ይግኣላ፤

8 ኤፍሬማ ኔዌ ናኣ ሆሼኣ፤

9 ቢንያማ ራፋ ናኣ ፓልጸ፤

10 ዛብሎና ሶዳ ናኣ ጋድኤላ፤

11 ዮሴፎ ናኣ ሞናሳ ሱሳ ናኣ ጋዳ፤

12 ዳና ጋማላ ናኣ አምኤላ፤

13 አሴራ ሞካኤላ ናኣ ሳቲራ፤

14 ንፍታሌማ ዎፍሳ ናኣ ናህባ፤

15 ጋዳ ማካ ናኣ ገኡኤላ።

16 ሄ ቢታ ዎቻና ማላ፡ ሙሴ ከቲዳ አሳቲ ሱንሳይ ሀዎጥ ቆሞና ደእያዎ። ሙሴ ኔዌ ናኣ ሆሼኣ ሱንሳ ኢያሳ ያጌደ ሱንሴዳ።

17 ኢንቴንቲ ካናን ቢታ ዎቻና ማላ፡ ሙሴ ኢንቴንታ ከትያ ዎደ ሀዎዳን ያጌዳ፤ “ሀዎጥ ኔጌባ መላ ቢታ ፑደ ከሲደ፡ ያጥ ሁጸሳ ባጋን ደእያ ገዘ ቢታ ቢተ።

18 ቢታይ አይ ማላ ቢተንቶነ በእተ፤ ሄ ጋድያን ደእያ አሳይ ምንቶነ ላፈንቶ፡ ጉቆንቶነ ዳረንቶ፡

19 ኢንቴንቲ ደእያ ቢታይ ሎኤንቶነ አተንቶ፡ ኢንቴንቲ ደእያ ካታማይነ አይ ማላ ካታመንቶ፡ ግምቢያን ድረት ኡቲደንቶ ድረትቤነንቶ፡

20 ቢታይ አይ ማላ ቱኤንቶነ ላደንቶ፡ ሄ ጋድያን ሞላይ ደእንቶነ ባዌንቶ በእተ፡ ምንተ! ሄ ጋድያን ሞኤዳዎ አይፍያጥ አከናን ዮፕተ” ያጌዳ። ሄ ዎዲ ዎይንያ ቱራይ ኮይሮ አይፍያ አይፍያ ዎደ።

21 ኢንቴንቲ ፑደ ከሲደ፡ ጸና ግያ መላ ቢታጥ ደሚደ፡ ቢደ ሀማታ ፕኑዎ ማታን ደእያ ራሆባ ጋካናዉ ሄ ቢታ ዎቹድኖ።

22 ኔጌባ ፑደ ከሲደ፡ ከብሮና ጋኬድኖ፤ ሄዎን አህማና፡ ሸሻያን ታልማያ ጌተትያ አናቀ ዛራቲ ደእና። ከብሮን ግብጸን ደእያ ጸኣን ካታማጥ ላፑን ላይሳ ካሰት ኬጸቲዳ።

23 ሄዎና አዲደ፡ ኢንቴንቲ ኤሸኮላ ግያ ዛንጋራ ቢደ ጋኬዳ ዎደ፡ ዎይንያ ቱራ እቱዎጥ እት ዉርጨዎና ደእያ እት ታሸያ ቃንጾድኖ፤ ኢንቴንቲጥ ላኡ ካሱዎ ግዲዎን ገልሰ ቶኬድኖ። ሄዎና ሮማንያን ባላሰያ ግያ ሞላቱዎ አይፍያ አሄድኖ።

24 እሰራኤልያ አሳቲ ሄዎጥ ቃንጾዳ ዎይንያ ቱራ ዉርጨዎ ድራው፡ ሄ ሳኣ ኤሸኮላ * ዛንጋራ ጊደ ጸሴድኖ።

25 ኢንቴንቲ ሄ ቢታ ዎቹደ፡ ኦይታሙ ጋላሳጥ ጉይያን ሰሜድኖ፤

26 ፓራና መላ ቢታን ቃዳሳ ግያ ሳን ደእያ ሙሴኮ፡ አሮነኮን እሰራኤልያ አሳ ማባራ ኡባኮ ዬድኖ። ባረንቲ በኤዳዎ ኢንቴንቶውን አሳ ኡባዉ ኦዴድኖ፤ ሄ ጋድያን አይፍያ አይፍያካ ኢንቴንታ በሴድኖ።

27 ኢንቴንቲ ሙሴዉ ሀዎዳን ያጌደ ኦዴድኖ፤ “ኔን ኑና ከቲዳ ቢታ ኑን ቤደ፤ ሄ ጋድያን ማላይነ ኤሳይ ጎጌ። እን አይፍያ አይፍያካ ሀዎ በእ።

28 ሸን ሄ ጋድያን ደእያ አሳይ ዎልቃማ፤ ኢንቴንቲ ካታማይካ ግምቢያ ድርሳን ድረት

12:7 እብራ. 3:2 12:14 ገይ. 5:2-3 * 13:24 ኤሸኮላ- ሀ ሱንሳ ብላላይ እብራዌላዎን፡ “ዳሮ ዎይነ ደእያ ሳኣ” ግያዎ።

ኡቲዳዋን ዋልቃማ። ኑን ቃይ አናቀ ዛራቱዋ ያን በኤድ።

29 ኔጌባ እማሌቃ አሳቱ ደኢኖ፤ ገዝያን ሂተቱ፤ ያቡሳቱን እምራቱ ደኢኖ፤ ቃይ ካናነቱ ሜድተራን አባ ደናንን የርዳኖሳ ሻፋ ጋጸን ደኢኖ” ያጌድኖ።

30 ካሌብ አሳ ሙሴ ሰንፋን ጮኤ ጊሲድ፤ “ኑን ቱሙ ጸናናዉ ዳንዳይያ ድራዉ፤ ፑደ ሀእ ከሲድ፤ ሄ ቢታ ኦሊደ እነ ኦይቆይተ” ያጌድኖ።

31 ሸን ካሌብና ፑደ ቤዳ አሳቱ፤ “ሄ ቢታ አሳይ ኑፕ ምንያ ድራዉ፤ ኑን ኡንቱንታ ጸናናዉ ዳንዳዮኩ” ያጌድኖ።

32 ኡንቱንታ ዩይ ዋቹዳ ቢታ እሰራኤልያ አሳዉ ሀዋዳን ጊደ፤ ኢታ ኦዲዋ ኦዴድኖ፤ “ኑን ዋቹዳ ቢታይ ባረናን ደኢያ አሳካ ምያዋ፤ አሳይ ኡባይካ ሎይሐ አዲሳ።

33 ኑን ዋጋ አዲሳ አሳቱ ያራ ግድያ አናቀ ዛራቱዋ ያን በኤድ፤ ኑን ኑ አይፍያን ኑና ጾልያ ዋደ ቡምቡረሳ ማላቱቶ፤ ቃይ ኑን ኡንቱንታ አይፍያን ሄዋካ ማላ” ያጌድኖ።

14

አሳ ማካላ

1 ሄ ጋላሳ ቃማ ማባራይ ኡባይ ባረንቱ ቃላ ጰቀሲደ ዩኤድኖ።

2 እሰራኤልያ አሳይ ኡባይ ሙሴ ቦላን አርና ቦላ ዙዙሜድኖ። ማባራይ ኩሙንፋይ ኡንቱንታ፤ “ኑን ግብጾ ጋድያን ደኢደ ሀይቁዳዋ ግዴርኩ! ዋይ ኑን ሀ መላ ቢታን ሀይቁዳዋ ግዴርኩ!

3 ማሻን ኑና ዋቹ ዉርሳናዉ መድና ጎዳይ ሀ ቢታ ኑና እያዉ እሂ? ኑ ማቹቱን ኑናይ አዋደታና። ሄዋፕ ጉየ ግብጾ ቢታ ሰምያዋ ኑዉ ኬከኔየ?” ያጌድኖ።

4 ቃይ ኡንቱንታ እቱ እቱዋ፤ “ኑን ካለሐያዋ ደሪደ፤ ጉየ ግብጾ ሰሜቶ” ያጌድኖ።

5 ሙሴን አርን ሄዋን ሸቄዳ እሰራኤልያ አሳ ማባራ ኡባ ሰንፋን ሶምኡዋ ሳኣን ጋሊደ ጉፋኔድኖ።

6 ሄ ቢታ ዋቹዳ አሳቱ ግደፕ ኔዌ ናእይ ኢያሱን ይፋን ናእይ ካሌብ ባረንቱ ማዩዋ ፔዴድኖ።

7 እሰራኤልያ አሳ ማባራ ኡባዉ፤ “ኑን ካንሐ ከሲደ ዋቹዳ ቢታይ ሎይሐ ዳር ሎኦ።

8 መድና ጎዳይ ኑናን ናሸትያዋ ግደፕ፤ ማላይን ኤሳይ ጎግያ ሄ ቢታዉ ኑና እ ገልሳና፤ ሄ ቢታ ኑዉ እ እማና።

9 ሄዋ ድራዉ፤ መድና ጎዳ ቦላ ማካላ ማካሎፕተ። ሄ ቢታ አሳዉ ያዮፕተ፤ ኡንቱንታ ኑዉ ሃሳ ኡሻካ ጋክክኖ። ኡንቱንቶ አምቦምያዋ ባዋ፤ ሸን መድና ጎዳይ ኑናና ደኤ። ሀንተ ኡንቱንቶ ያዮፕተ!” ያጌድኖ።

10 ማባራይ ኡባይ ኡንቱንታ ሹቻን ጫዳናዉ ሃሳዬድኖ።

ሄ ዋደ መድና ጎዳ ቦንቹ ጋክትያ ዱንካንያን እሰራኤልያ አሳ ኡባዉ ቆንጮዳ።

11 መድና ጎዳይ ሙሳ፤ “ሀ አሳይ አዉደ ጋካናዉ ታና ካቆይ? ታን ኡንቱንቱ ግዴዋን

ኦሌዳ ማላታ ኡባ በኢደ፤ አዉደ ጋካናዉ ኡንቱንቱ ታናን እማናን እጻኔ?

12 ታን ኡንቱንታ ኢታ ሀርግያን ሾጫደ ቆይሳና፤ ያታደ ታን ኔና ኡንቱንቱፕ ዳርያን ምንያ ካዉተላዉ አዉዋ ኦላና” ያጌድኖ።

ሙሴ አሳ ድራዉ ዋሴዳ

13 ሙሴ መድና ጎዳ ሀዋዳን ያጊደ ዋሴዳ፤ “ኔን ነ ዋልቃን ሀ አሳ ግብጾፕ ፑደ ከሴዳዋ ኤርያ ግብጾቱ ሀዋ ሰሰፕ፤ ኡንቱንቱ ዋጋይ?”

14 ኡንቱንቱ ሀ ጋድያን ደኢያዋንቶካ ሄዋ ኦዳና። አቤት መድና ጎዳዉ፤ ኔን ሀ አሳ ግዴዋን ደኢያዋ ኡንቱንቱ ሰሴድኖ። አቤት መድና ጎዳዉ፤ ኑን ኔና በኤዳዋ ኡንቱንቱ ኤሬድኖ፤ ነ ሻሪ ኡንቱንቱፕ ቦላና ታክያዋን ጋላሰ ሻርያ ቱሳን፤ ቃማ ታማ ቱሳን ኔን ኡንቱንቱ ሰንፋን ብያዋ በኤድኖ።

15 ሀእ ኔን ሀ አሳ ኡባ እት ኩፋን ዋቹያዋ ግደፕ፤ ነ ካሰ ኦሌዳዋ ሰሴዳ ካዉተላቱ፤

16 መድና ጎዳይ ሀ አሳ፤ “ህንተዉ እማና ጊደ ጫቄዳ ቢታ ኡንቱንታ አፋናዉ ዳንዳይቤና ድራዉ፤ መላ ቢታን ኡንቱንታ ዋቹዳ” ያጊደ ሃሳያና።

17-18 “ሄዋ ድራዉ፤ ጎዳዉ፤ ኔን ነ ዋልቃ ኑና በሳ፤ ኔን ጋደ፤ “መድና ጎዳይ ዳንዳያንቻን አገና ሲቁዋን ኩሜዳዋ፤ ናጋራን ማካላ አቶ ጎያዋ፤ ግደፕ፤ ባይዛንቻ ሙረናን አገናዋ፤ አዋቱዋ ናጋራ ድራዉ ናናቱዋ ሄዘንፋን ኦይደንላ የለታ ጋካናዉ ሙርያዋ” ጋደ ኦዳ ዋሌዳዋ ፖላ።

19 ሀ አሳይ ግብጾፕ ከሶደፕ ደማደ ሀቶ ጋካናዉ ኔን አቶ ጌዳዋዳን፤ ነ አገና ሲቁዋ ዳሩዋን ሀ አሳ ናጋራ አቶ ጋርኪ!” ያጌድኖ።

20 መድና ጎዳይ ሙሳ፤ “ኔን ኦቹዳዋዳን ታን ኡንቱንቶ አቶ ጋድ።

21 ሸን ታ ደኡዋን ጫቃይ፤ መድና ጎዳ ቦንቹ ሳኣ ኡባ ኩምያዋዳን፤

22-23 ሀ አሳፕ እቱን ሄ ቢታ በኤና። ታ ቦንቹዋን ግብጾ ቢታንን መላ ቢታ ታን ኦሌዳ ማላታ ሀ አሳቱ በኤድኖ፤ ሸን ኡንቱንቱ ታሙ ገደ ታና ፓጩድኖን ታ ቃላ ሰሰናን እጾድኖ። ሄዋ ድራዉ፤ ታን ኡንቱንቱ ማይዛ አዋቶ እማና ጋደ ጫቄዳ ቢታ ታና ካቆዳዋንቱፕ እቱን ሙላካ በኤና።

24 ሸን ታ ቆማይ ካሌብ ኡንቱንቱፕ ዲማትያ ድራዉን እ ታና ፖሎ ዋዛናፕ ካሌዳ ድራዉ፤ ታን እ ካሰ ቤዳ ቢታ ኦ ጋላና፤ ኦ ዘረላይ ሄ ቢታ ላታና።

25 ሸን ሀእ እማሌቃቱን ካናነቱ ዛንጋራን ደኢያ ድራዉ፤ ዋንት ጉየ ሰሚደ፤ ዙኦ አባኮ አፍያ ኦግያ ኦይቁደ መላ ቢታ ቢተ” ያጌድኖ።

ጸሳይ ዙዙሜዳ አሳ ሙራዳ

26 ቃይ መድና ጎዳይ ሙሳን አርና ሀዋዳን ያጌዳ፤

27 “ሀ ኢታ አሳይ ታ ቦላ አዉደ ጋካናዉ ዙዙማኔ? ታን እሰራኤልያ አሳ ዙዙንፋ ኡባ ሰሳድ።

28 ሄዋ ድራዉ፤ ኔን ኡንቱንቶ ሀዋዳን ያጋደ ኦዳ፤ ታ ደኡዋን ጫቃይ፤ ታን ህንተ ሃሳይሸን

13:33 ደመላ 6:4 14:9 እብራ. 3:16 14:13 ከሳ 32:11-14 14:17-18 ከሳ 20:5-6፤ 34:6-7፤ ዛረ. 5:9-10፤ 7:9-10 14:21 እብራ. 3:18 14:24 ኢያሳ 14:9-12

ታ ሀይላን ሰቤዳዎ ህንተንቶ አላና። ታን መድና ጎዳይ ሄዎ አዳይ።

29 ህንተ አሃይ ሀ መላ ቢታን ኩንዳና፤ አያው ጎጥ፤ አሳ ገይድያ ዋደ ገይደቱዳ ላታሙ ላይላን ሄዋጥ ቦላና ደእያ አሳይ ኡባይ ታ ቦላ ዙዙሜድታ።

30 ይፋነ ናኣ ካሌባጥነ ኔዌ ናኣ ኢያሱጥ አትና፤ ህንተጥ ኦንነ ታን ህንተና ዋላናው ጫቄዳ ሄ ቢታ ገለና።

31 ህንተ፡ “ኑ ናናይ አዋደታና” ጌዳ ህንተ ጉላ ናናቱዋ ሄ ህንተ ካጴዳ ቢታ ገልሳና፤ ቢታይካ ኡንቱንቱሳ ግዳናዋ።

32 ሸን ህንተና ግደጥ፡ ህንተ አሃይ ሀ መላ ቢታን ኩንዳና።

33 ህንተ አማነትቤና ድራው፡ ህንተ ወርሰላ አሃይ ሀ መላ ቢታ ወላና ጋካናው፡ ህንተ ናናይ ዋየቲደ፡ ሀ መላ ቢታ አይታሙ ላይላ ሄንላንቻ ግዲደ ያያና።

34 ህንተ ሄ ቢታ ዋቹዳ ሄ አይታሙ ጋላሳ ገይዲዋን፤ እት ጋላሳው እት ላይላ፤ ሄዌነ፤ አይታሙ ላይላው ህንተ ናጋራ ድራው ህንተ ዋየታና፤ ታን ህንተ ቦላ ደንድያዋ ህንተ ኤራና ያጋ ኦዳ።

35 ታን መድና ጎዳይ ሀዋ አዳይ። ታ ቦላ ሸቅ ኡቱዳ ሀ ኢታ ማባራ ቦላ ሀዋዳን ቱሙ አላና፤ ኡንቱንቱ ሀ መላ ቢታን ወራና፤ ሀዋን ኡንቱንቱ ሀይቃና” ያጌዳ።

36 ሄ ቢታ ዋቻና ማላ፡ ሙሴ ኡንቱንታ ኪትና ቢደ ሰሜዳ አሳቱ፤ ሄ ቢታ ኢታ ኦዲዋ አዲደ፡ ሙሴ ቦላ አሳይ ኡባይ ዙዙማና ማላ ኡጴዳዋንቱ።

37 ሄ ኢታ ኦዲዋ አዳዳ አሳቱ፤ መድና ጎዳ ሰንላ ቦሻን ሀይቄድና።

38 ሄ ቢታ ዋቻናው ቤዳ አሳቱዋጥ ይፋነ ናኣይ ካሌብነ ኔዌ ናኣይ ኢያሱ ጸላላይ ፓጻ አቱድና።

እስራኤልያ አሳይ ቢታ ቦላ ዋራጃናው ኮይር ደንዴዳ

(ዛረ. 1:41-46)

39 ሙሴ ሀዋ እስራኤልያ አሳው ኡባው ኦዳዳ ዋደ፡ አሳይ ሎይላ ዬሴዳ።

40 ዋንተላ ጋላሰ ዋንታ ጉራን ኡንቱንቱ ደንዲደ፡ ፑደ ገዘ ቢታ ከሲደ፡ “ኑን ናጋራ ኡጴዳ፤ ሸን ሀእ ጸሳይ ኑው እማና ጌዳ ሳኣ ፑደ ከሳና” ያጌድና።

41 ሸን ሙሴ ኡንቱንታ፡ “መድና ጎዳ አዛዙዋ ህንተ እያው መንላቱ? ህንተው ሀነና።

42 መድና ጎዳይ ህንተናና ደኤና ድራው፡ ፑደ ከሶፕተ፤ ህንተ ሞርከቱ ህንተና ጸናና።

43 አማሌቃ አሳቱዋና ካና ከሳቱዋና ህንተ አለታና፤ ህንተ ማሻን ሀይቃና። መድና ጎዳጥ ህንተ ዋራ ሰሜዳ ድራው፡ መድና ጎዳይ ህንተናና ደኤና” ያጌዳ።

44 ሸን ኡንቱንቱ መድና ጎዳ ጫቄዋ ታቦታይነ ሙሴነ ዲንካኔዳ ሳኣጥ ደንዳና ጳዮጥካ፡ ገዘ ቢታ ከሳናው ጸሊደ ደንዴድና።

45 ገዘ ጋድያን ደእያ አማሌቃ አሳቱ ካና ከሳቱ ዋጲደ ኡንቱንቱ ኦላይ ጸኒደ፡ ሆርማ ጋካናው ኡንቱንታ የደርሴድና።

15

ያርሹዋ ሸሻናው እመቲዳ ሀግያ

1 መድና ጎዳይ ሙሳ ሀዋዳን ያጌዳ፤

2 “እስራኤልያ አሳው ሀዋዳን ያጋ፤ ህንተ ደእና ማላ፡ ታን ህንተንቶ አምያ ቢታ ገልያ ዋደ፤

3 መሀያጥ ዋይ ደርሳጥ፡ ጹግያ ያርሹዋ ግድና፡ ዋይ ሸቆዋ ጋላናው ያርሸያ ያርሹዋ ግድና፡ ዋይ መድና ጎዳይ ኬራዳ ባላ ጋላሳቱዋን ህንተ ደሱዋን ጮ አምያ ያርሹዋ ግድና፡ መድና ጎዳው ታማን ጹግያ፡ ሳውዋ ቶሹኩ ግያ ያርሹቱዋ ያርሸተ።

4 ያርሹዋ ሸሸያ ኡራይ ካላ ያርሹ እት ኪሎ ግራመ ጲልያ እት ሊትሮ ዋጋራ ዛይትያን ሙናቄዳዋካ መድና ጎዳው አሆ።

5 ቃይ ጹግያ ያርሹ፡ ዋይ ሀራ ያርሹ አህያ እት እት ደርሳና እት ሊትሮ ዋይንያ ኤሳ ኡሻ ያርሹዋ ኦሊደ ጊግሰተ።

6 “ደርሳ ኦርግያ ያርሻናው ሸሸያ ዋደ፡ ካላ ያርሹ ላኡ ኪሎ ግራመ ጲልያ እት ሊትሮነ ባጋ ዋጋራ ዛይትያን ሙናቄዳዋን

7 እት ሊትሮነ ባጋ ዋይንያ ኤሳ ኡሻ ያርሹ አህተ። መድና ጎዳው ሳውዋ ቶሹኩ ግያ ያርሹዋ ያርሸተ።

8 “ኣት ኮራማ ጹግያ ያርሹዋ፡ ዋይ ሸቆዋ ጋላያ ያርሹዋ፡ ዋይ እትተላ ያርሹዋ ኦሊደ ያርሻናው መድና ጎዳው አህያ ዋደ፤

9 ኮራማና እትጥ ካላ ያርሹ ሄዙ ኪሎ ግራመ ጲልያ ላኡ ሊትሮ ዋጋራ ዛይትያን ሙናቄዳዋን

10 ኡሻ ያርሹ ላኡ ሊትሮ ዋይንያ ኤሳካ አህተ። መድና ጎዳው ሳውዋ ቶሹኩ ግያ ያርሹዋ ታማን ያርሸተ።

11 “ኣት እት ኮራማ ቦራ፡ ዋይ እት እት ደርሳ ኦርግያ፡ ዋይ ያላጋ ዴሻ ኦርግያ፡ ዋይ አቱማ ደርሳ ማራ ያርሻናው ሸሸያ ዋደ፡ ካላ ያርሹን ኡሻ ያርሹ ሀዋዳን እትጥ ሸቆ።

12 እት መሀያጥ ዳሩ ሸቆያ ዋደ፡ ካላ ያርሹን ኡሻ ያርሹ ሄዋዳን ዳሪደ ሸቆ።

13 እስራኤልያ አሳ ግድያ ኦንነ ታማን ጹግያ፡ ሳውዋ ቶሹኩ ግያ ያርሹዋ መድና ጎዳው ሸሸያ ዋደ ኡባን፡ ሀዋዳን አላናው ኮሼ።

14 ሰንላጥ ያና የለታን ህንተ ግድን ደእያ በቲ ዋይ ሀራ አሳይ ኦንነ ጹግያ፡ ሳውዋ ቶሹኩ ግያ ያርሹዋ መድና ጎዳው ሸሻናው ኮፍጥ፡ እካ ህንተ ኦልያዋዳን አላናው ኮሼ።

15 ህንተውካ ህንተ ግድን ደእያ በተቶካ ሀ ዋጋይ እቱዋ፤ ሀዋ ሰንላጥ ያና የለታውካ ኤቄደ ደእያ ዋጋ። ህንተካ በተቱካ መድና ጎዳ ሰንላን እቱዋ።

16 ህንተውካ ህንተ ግድን ደእያ በተ አሳቶካ ሀጊነ ዋጋይ እቱዋ ግዳና ያጋ” ያጌዳ።

17 ሄዋጥ ጉይያን፡ መድና ጎዳይ ሙሳ ሀዋዳን ያጌዳ፤

18 “እስራኤልያ አሳው ሀዋዳን ያጋደ ኦዳ፤ ህንተና አፍያ ቢታ ህንተ ገሊደ፤

19 ሄ ጋድያን ሞክያ ካላ ሞያ ዋደ፤ ሄ ካላጥ ጴራ ከሲደ፡ ህንተ መድና ጎዳው ያርሹዋ ኦሊደ ሸሸተ።

20 ሄዋካ፡ ባይራ ካኤዳ ካፋፕ ኡኬዳ ኮይር ኮምፑዋ፡ ካፋ ቡክያ ኡዲማፕ እምያ ያርሹዋ ኦሊደ ሺሽተ።

21 ያና የለታ ኡባን ህንተ ህንተ ጋድያን ሞኬዳ ካፋፕ ዴራ ከሴዳ ኮምፑዋ፡ መድና ጎዳው ያርሹዋ ኦሊደ ሺሽተ።

22 “ መድና ጎዳይ ኦዴዳ ሀ አዛዙቱዋ ኡባ ህንተ ኤራና ጳዪደ፡ ናገናን አጎፕ።

23 መድና ጎዳይ አ ባጋና ህንተና አዛዙዳ አዛዙቱዋ ኡባ፡ መድና ጎዳይ እሚዳ ጋላሳፕ ደሚደ፡ ያና የለታ ጋካናው፡ ፓጨናን ናገናን አጎፕ።

24 ቃይ ሄዋ ማባራይ ኤሪናን ኦሌዳዋ ግደፕ፡ ማባራይ ኡባይ መድና ጎዳው እት ኮሩማ ጸግያ፡ ሳውዋ ቶሹኩ ግያ ያርሹዋ ኦሊደ፡ አው ዋጋይ አዛዘያዋዳን፡ ካፋ ያርሹዋናን ኡሻ ያርሹዋና ሺሹ፤ ቃይ ናጋራ ያርሹዋ ኦሊደ፡ እት ዴሻ ኦርግያ ሺሹ።

25 ያቶፕ ዌሲ ኩመንጎ እሰራኤልያ ማባራ ናጋራ አቶ ጊሰያ ዋጋ ፖሎ፤ ኡንቱንቱ ናጋራይ አቶ ጌተታና። አያው ሳፕ፡ ኡንቱንቱ ኤሪደ አሰበይክና፤ ቃይ ኡንቱንቱ ባረንቱ ባይዙዋ ድራው፡ መድና ጎዳው ታማን ጸግያ ያርሹዋን ባረንቱ ናጋራ ያርሹዋ ሺሹድና።

26 አሳይ ኡባይ ኤሪናን ሄ ባይዙዋን ሀምባላቹቱዳ ድራው፡ ኩመንጎ እሰራኤልያ ማባራውካ ኡንቱንቱ ግደን ደአያ በተ አሳውካ አቶ ጌተታና።

27 “ አት አሳይ ባረካ ኤራና ጳዪደ ናጋራ ኦላፕ፡ የለቶደፕ እት ላይላ ግድያ እት ዴሻቶ ናጋራ ያርሹዋ ኦሊደ ሺሹ፤

28 ኤሪናን ደኢደ ናጋራ ኦሌዳ ኡራው ዌሲ መድና ጎዳ ሰንገን ናጋራ አቶ ጊሰያ ዋጋ ፖሎ፤ አ ናጋራይ አቶ ጌተታና።

29 ኤሪናን ደኢደ ናጋራ ኦሌያ አሳ ኡባው፡ የለታን እሰራኤልያ አሳ ግድናካ በተ አሳ ግድናካ ሀ ህጊ አቱዋ።

30 “ ሸን የለታን እሰራኤልያ አሳ ግድናካ በተ አሳ ግድናካ ኤሪደ ኦቶሩዋን ናጋራ ኦሌያ ኡራይ መድና ጎዳ ቦሬ። ሄ ኡራይ ባረ አሳ ግደፕ ቦሄቶ።

31 ሄ አው መድና ጎዳ ቃላ ካዴዳ ድራውን አ አዛዙዋ መንጮዳ ድራው፡ እ ቱሙዋፕ አሳ ግደፕ ቦሄታናው በሰ፤ አ ባይዙ አና’ ያጋ” ያጌዳ።

ሳምባታ ዋጋ መንጮዳ ብታንያ

32 እት ጋላሰ እሰራኤልያ አሳይ መላ ቢታ ደአሸን፡ እት ብታኒ ሳምባታን ሞላ ሞጺደ ቤቱዳ።

33 ሞላ እ ሞጺሽን ደሚዳ አሳቱ ሙሴኮ፡ አርነኮን ኩመንጎ ሸቆዋኮ አ አሄድና።

34 ኡንቱንቱ አ ኦላናዋ ኤርቤና ድራው፡ ቃሹዋን ታክሴድና።

35 ሄዋፕ ጉይያን መድና ጎዳይ ሙሳ፡ “ሀ ብታኒ ሀይቃናው በሰ፤ ኩመንጎ ያአይ ባረንቱ ዲንካኔዳ ሳአፕ ጋጸ ከሲደ፡ ሹቻን ጨዲደ አ ዋዶ” ያጌዳ።

36 ኩመንጎ ያአይ መድና ጎዳይ ሙሳ አዛዙዳዋዳን፡ ዲንካኔዳ ሳአፕ ጋጸ ከሲደ፡ ሹቻን ጨዲደ አ ዋዶዳ።

ማዩዋ ማጫራ ዋጋ

37 መድና ጎዳይ ሙሳ ሀዋዳን ያጌዳ፤

38 “እሰራኤልያ አሳው ሀዋዳን ያጋደ ኦዳ፤ ሳህንተካ ሰንገፕ ያና የለታይካ ህንተ ማዩዋ ጋጸ ዴራን ዴራን ማጫራ ከሰተ፤ ሄ ማጫራ ቦላ ሳሉዋ ማላትያ ቃጭና ሰክተ።

39 ሄ ማጫራ ህንተ በእያ ዋደ ኡባን መድና ጎዳ አዛዙቱዋ ሀሳዪደ ፖላተ፤ ያቶፕ፡ ህንተ ህንተ አይፍያን ህንተ ዋዛና አሙዋ ካሊደ፡ ታፕ ዋራ ሰምክታ።

40 ሄ ማጫራ በእያዋን ህንተ ታ አዛዙቱዋ ኡባ ሀሳዪደ ፖላናን ህንተ ህንተ ጸሳው ጌሻ ግዳና።

41 ታን መድና ጎዳ፡ ህንተ ጸሳቱ፤ ታን ህንተ ጸሳ ግዳናው፡ ህንተና ግብጾፕ ከሳድ። ታን መድና ጎዳ፡ ህንተ ጸሳ’ ያጋ” ያጌዳ።

16

ቆራህ፡ ዳታንነ አቢራዎ ሙሴ ቦላ ደንዴድና

1 ሌዊያ ዛርያፕ ቃሃታ ያራ ግድያ ይጽሃራ ናአይ ቆራህ፡ ሮቤላ ዛርያፕ ኤልአባ ናናይ ዳታንነ አቢራዎን ቃይ ፕሌታ ናአይ ኦንሰ።

2 ሙሴ ቦላ ደንዴድና። ኡንቱንቱና ላኡ ዴታን እሻታሙ እሰራኤልያ አሳቱ ደኢድ፤ ኡንቱንቱ ኤሪቱዳ አሳን ማባራን ደረቱዳ ካለልያዋንታ።

3 ኡንቱንቱ ሙሴን አርና ሰንገላ ሸቂደ፡ ሀዋዳን ያጌድና፤ “ህንተ ዳርሴድታ! ማባራይ ኡባይ ሁጺያን ሁጺያን ጌሻ፤ መድና ጎዳይካ ኡንቱንቱ ግዳዋን ደኢ፤ ያትና መድና ጎዳ ማባራ ቦላ ህንተና አያው ቶቁ ቶቁ ኦሊቱ?” ያጌድና።

4 ሙሴ ሀዋ ሰሴዳ ዋደ ጸሳ ሰንገላን ሳአን ጉፋኔዳ፤

5 ቆራህነ አ ጭታ ኡባ፡ “ዋንት ዋንታ መድና ጎዳይ ኦን ናጋራንቹንቶን ኦን ጌሸንቶ በሳና፤ እ ሄ ደርያ አሳ ባረኮ ሺሻና።

6 ቆራህ፡ ኔንነ ነ ጭታይ ኡባይ ሀዋ ኦላተ፡ ዋንት እጻና ጨዋይያዋንታ እኪደ።

7 ቦንቁዋ እን ዋሊደ፡ መድና ጎዳ ሰንገላን እጻና ጨዋይተ። መድና ጎዳይ ደርያ አሳይ፡ እ ጌሻ ግዳናዋ። ሌዊያ ዛረቶ፡ ህንተ ዳርሴድታ” ያጌዳ።

8 ሙሴ ቃይካ ቆራህ፡ “ህንተና ሌዊያ ዛረቶ፡ ሰሰተ!

9 እሰራኤልያ መድና ጎዳይ ህንተና እሰራኤልያ ማባራፕ ዲማዪደ፡ መድና ጎዳ ዲንካኔያ ኦሱዋ ኦላና ማላን አሳ ሰንገላን ሄ ኦሱዋ ኦላናው ህንተ ኤቃና ማላ፡ ባረኮ ሺሹዳዌ ህንተንቶ ጉዴዳ?

10 እ ህንተናን ህንተ እሻቱዋ ሌዋቱዋ ኡባ ባረኮ ሺሹዳ፤ ቃይ ሀእ ህንተ ዌሰተላካ ካጄሊታ።

11 ኔንነ ነ ጭታይ ኡባይ አርና ቦላ ዙዙምያዎ፡ እ ኦኔ? ህንተንቱ መድና ጎዳ ቦላ ማካሊታ” ያጌዳ።

12 ሄዋጥ ጉይያን፡ ሙሴ ኪቲደ ኤልኣባ ናናቱዋ፡ ዳታናን አቢራማ ጸሰሴዳ፤ ሸን ኢንቱንቱ እ፡ “ኑን ቦኮ!

13 ኔን መላ ቢታን ኑና ዋቆናው ማላይን ኤሳይ ጎግያ ጋድያጥ ከሴዳዌ ጉጹዴ? ቃይ ሀእ ኔን ኑ ቦላ ካቸዋ ግዳናው ኮያይ?

14 ሄዋ ቦላካ ቃይ ማላይን ኤሳይ ጎግያ ቢታ ኔን ኑና ገልሳባካ፡ ዋይ ኔን ኑው ላታ ኦላደ ጋድያን ዋይንያ ቱራ እማባካ፤ ኔን ሀ አሳ ጭማሳ፡ ኑን ቦኮ!” ያጌድኖ።

15 ሙሴ ሎይሳ ሀንቀቲደ መድና ጎዳ፡ “ኢንቱንቱ ያርሸያ ያርሹዋ አኮፓ፤ ታን ኢንቱንቱጥ ሀርያ እቱዋን አካበይከ፡ ዋይ ታን ኢንቱንቱጥ እት አሳን ናቃበይከ” ያጌድኖ።

16 ቃይ ሙሴ ቆራሀ፡ “ዋንት ኔን፡ ነ ጭታይ ኡባይን አርን መድና ጎዳ ሰንላን ግድተ።

17 እት እት አሳይ ባረ እጻና ጨዋይያዋ ኡባና ላኡ ጴታን እሻታሙዋ አኪደ፡ እጻና እን ዋሌደ፡ መድና ጎዳ ሰንላ ሸሹ። ቃይ ኔንን አርን ሀንተ እጻና ጨዋይያዋንታ አሀተ” ያጌድኖ።

18 አሳይ ኡባይካ ባረ እጻና ጨዋይያዋ አኪደ፡ ቦንቁዋን እጻና እን ዋሌዳ፤ ጋከትያ ዲንካንያ ጥንግያን ሙሴናን አርናና ኤቄድኖ።

19 ቆራሀ ኩመንላ ማባራ ጋከትያ ዲንካንያ ጥንግያን ሸሹዳ።

ሄ ዋይ መድና ጎዳ ቦንቁ ኩመንላ ማባራው ቆንጨዳ።

20 መድና ጎዳይ ሙሳን አርና፡

21 “ታን እት ኩላን ሀ ማባራ ዳይሳና ሀንያ ድራው፡ ኢንቱንቱጥ ሻከትተ” ያጌድኖ።

22 ሸን ሙሴን አርን ሳኣን ጉፋኒደ፡ “አቤት ጸሳው፡ አሹዋ ማዬዳ አሳ ኡባ መዴዳ ጸሳው፡ እት ኡራይ ናጋራ ኦሎ፤ ኔን ኩመንላ ማባራ ሀንቀታይ?” ያጌድኖ።

23 ያትና መድና ጎዳይ ሙሳ፡

24 “ኔን ማባራ፡ ቆራሀ፡ ዳታናን አቢራማ ዲንካንቱዋጥ ክቕተ” ያጋደ ኦዳ” ያጌድኖ።

25 ሙሴ ደንዲደ፡ ዳታንኮን አቢራመኮ ቢና፡ እሰራኤልያ ጭማቱ አ ካሌድኖ።

26 ማባራ እ፡ “ሀ ኢታ አሳቱ ዲንካንቱዋጥ ክቕተ፤ ኢንቱንቱዋ ግዴዳዋ አያን ቦቾፕተ። ሄንኮደ ኢንቱንቱ ናጋራ ኡባ ጋሱዋን ሀንተካ ፕተት ዳያና” ያጌደ ሞንሲደ ኦዴዳ።

27 ኢንቱንቱ ቆራሀ፡ ዳታናን አቢራማ ዲንካንቱዋጥ ክቕድኖ። ዳታንን አቢራም ካረ ከሲደ፡ ባረንቱ ማቕቱዋና፡ ባረንቱ ናናቱዋና ባረንቱ ጉላ ናናቱዋና ባረንቱ ዲንካንቱዋ ጥንግያን ኤቄድኖ።

28 ሙሴ አሳ፡ “ታን ሀ ኦሶ ኡባ ኦላና ማላ፡ መድና ጎዳይ ታና ኪቲዳዋን ታን ታ ሸንያን አባናዋ ሀንተ ሀዋን ኤራና።

29 ሀ አሳቱ አሳይ ሀይቂያዋዳን ሀይቆፕ፡ ዋይ አሳ ቦላ ጋክያዋ ጸላላይ ኢንቱንቱ ቦላ ጋኮፕ፡ መድና ጎዳይ ታና ኪቲቤና።

30 ሸን መድና ጎዳይ ኡባና ኦራላባ ኦላና፡ ቢታይ ደየቲደ ኢንቱንታን ኢንቱንቶ ደእያዋ ኡባ ሞት አጎፕ፡ ኢንቱንቱ ፓጻ ደኢደ ሰኦልያ ዲገ ዋዶፕ፡ ሄ ዋይ ሀ አሳቱ መድና ጎዳ ካዴዳዋ ሀንተ ኤራና” ያጌድኖ።

31 እ ያጌደ ወርሴዳ ዋይ፡ ኢንቱንቱ ኤቄዳ ቢታይ ጸልቀት ዋዴዳ።

32 ቢታይ ደየቲደ፡ ኢንቱንታን ኢንቱንቱ ሶ አሳ፡ ቆራሀ ጭታ ኡባ ኢንቱንቶ ደእያዋ ኡባና ሞት አጌዳ።

33 ያትና ኢንቱንቱ ባረው ደእያዋ ኡባና ፓጻ ደኢደ፡ ሰኦልያ ዲገ ዋዴድኖ። ቢታይካ ኢንቱንቱ ቦላ ጎርደት አጌዳ፤ ኢንቱንቱ ማባራ ግድፕ ትፕ ጊደ ዳይ አጌድኖ።

34 ኢንቱንቱ ዋሱዋን ኢንቱንቱ ማታን ደእያ እሰራኤላቱ ኡባይ፡ “ቢታይ ኑናካ ቃይ ሞታና ሀኔ!” ያጌድ ሰቃቲድኖ።

35 ቃይ ታማይካ መድና ጎዳ ማታፕ ዪደ፡ እጻና ጨዋይያ ላኡ ጴታን እሻታሙ አሳ ሞ አጌዳ።

እጻና ጨዋይያባቱዋ

36 ሄዋጥ ጉይያን መድና ጎዳይ ሙሳ፡

37 “ኔን ቄሰያ አርና ናኦ ኤልኣዛራው ያጋደ ኦዳ፡ ‘እጻና ጨዋይያባቱዋ ታማን ጸገቱዳ አሳ ግድፕ አካ፤ ቦንቁዋ ጨዋይያባቱዋፕ ሃሳደ ላላ። ሄ እጻና ጨዋይያባቱ ጌሻ።

38 ባረ ናጋራ ድራው ሀይቄዳ ሀ አሳቱ እጻና ጨዋይያባቱዋ ሌእሳደ ቆጶደ፡ ያርሹዋ ሳጽንያ ካማ። ኢንቱንቱ ሄዋንታ መድና ጎዳ ሰንላን ሸሹዳ ድራው፡ ሄዋንቱ ጌሻ፤ ሄዋንቱ እሰራኤላቱዋ ሀሳይሰያ ማላታ ግዳና’ ያጋ” ያጌድኖ።

39 ቄሲ ኤልኣዛር ጸገቱዳ አሳቱ ሸሹዳ ናሃሰ ብራታፕ ኦሰቲዳ እጻና ጨዋይያባቱዋ አኪደ፡ ያርሹዋ ሳጽንያ ካማናው ሌእሲደ ቆጶዳ።

40 አርና ዛረ ግደና ኦንን መድና ጎዳ ሰንላን እጻና ጨዋያናው ሸቀና ማላ፡ ቆራሀን አ ጭታ ጋከዳዌ አ ጋከና ማላ፡ እሰራኤላቱዋ ሀሳይሳናው ሀዋንታ ኦሌዳ። መድና ጎዳይ ሙሴ ባጋና ኤልኣዛር አዛዜዳዋዳን ሀዋ ሀኔዳ።

አርን አሳ ቦሻፕ እሹዳ

41 ዋንተላ ጋላሰ እሰራኤልያ ማባራይ ኡባይ፡ “መድና ጎዳ አሳ ሀንተ ዋዴድታ” ያጌደ፡ ሙሴ ቦላን አርና ቦላ ዙዙሜድኖ።

42 ማባራይ ሙሴን አርና ቦላ ደንዳናው ሸቄደ፡ ጋከትያ ዲንካንያኮ ሰም ጴልያ ዋይ፡ ሻሪ ጋከትያ ዲንካንያ ካምና፡ መድና ጎዳ ቦንቁ ቆንጨዳ።

43 ሄዋጥ ጉይያን፡ ሙሴን አርን ጋከትያ ዲንካንያ ሰንላው ዬድኖ።

44 መድና ጎዳይ ሙሳ፡

45 “ሀ አሳ ግዴዋፕ ክቕተ፤ ታን ኢንቱንታ እት ኩላን ዳይሳ ባሻና” ያጌድኖ።

ኢንቱንቱ ሳኣን ጉፋኔድኖ።

46 ሙሴ አርና፡ “ኣ እጻና ጨዋይያዋ አካደ፡ ቦንቁዋ ያርሸያ ሳኣፕ አካደ፡ እጻና እን ዋላ፤ ኢንቱንቶ አቶ ጊሳናው ኤላካ ማባራኮ አፋ። አያው ጎፕ፡ መድና ጎዳ ሀንቁ አ ማታፕ ከሰ ክቕዳ፤ ቦሻይካ ደም ክቕዳ” ያጌድኖ።

47 ሙሴ ጌዳዋዳን አርን ባረ እጻና ጨዋይያዋ አኪደ፡ ማባራ ግደ ዋጶዳ። ቦሻይ አሳ ግዴዋን ደም ደእሸን፡ አርን እጻና ጨዋዪደ፡ አሳው አቶ ጊሴዳ።

48 ያቲደ እ ሀይቄዳዋንቱጥነ ፓጻ ደእያዋንቱጥ ግዲዋን ኤቁና፡ ጦሻይ አግ አጌዳ።

49 ቆራሀ ጋሱዋን ሀይቄዳ አሳይ ገይደተናን፡ ሀ ጦሻን ሀይቄዳዋንቱ 14,700.

50 ጦሻይ ኤቄዳዋጥ ጉይያን፡ አሮን ጋከትያ ዲንካንያ ጥንግያን ደእያ ሙሴኮ ሰሜዳ።

17

አሮና ጸምአ አጫቱዋ

1 መድና ጎዳይ ሙሳ ሀዋዳን ያጌዳ፤

2 “ኔን፡ ህንተ ዛርያን ዛርያን ህንተ ካፓቱዋጥ ሁጺያን ሁጺያን እት እት ጸምአ ኡባና ታማነ ላኡ ጸምአ ታዉ እምተ” ያጋደ እሰራኤላቱዋጥ አካ። እት እት አሳ ሱገላ ጸምአ ጦላን ጻፋ።

3 እት እት ዛርያ ካፖ እት ጸምአ ግድያ ድራዉ፡ ሌዊያ ጸምአን አሮና ሱገላ ጻፋ።

4 ጋከትያ ዲንካንያ ግድን ታን ኔናና ጋከትያ ማርካተላ ታቦታ ሰንሳን ዋላ።

5 ታን ዶርያ አሳ ጸምአይ አጫና፤ ሀዋዳን አላደ ህንተ ጦላን እሰራኤላቱ ዙዙዎያ ዙዙገላ ታን ሙላ ቆይሳና” ያጌዳ።

6 ሙሴ እሰራኤልያ አሳዉ አድና፡ ኡንቱንቱ ካፓቱ ታማነ ላኡ ጸምአቱዋ፡ እት እት ዛርያ ካፓቱ እት እት ጸምአ አዉ እሚድና። ሄ ጸምአቱዋ ግዲዋን አሮና ጸምአይካ ደኤ።

7 ሙሴ ሄ ጸምአ ኡባ ማርካተላ ዲንካንያ ግድን መድና ጎዳ ሰንሳን ዋላዳ።

8 ዋንተላ ጋላሰ ማርካተላ ዲንካንያ ግድ ሙሴ ገሌዳ ዋደ፡ ሌዊያ ዛረ ግድያ አሮና ጸምአይ አጫዳዋ፡ ጉምቤዳዋ፡ ጨሽዳዋን ጨሽደ ላዉዝያ ግያ ዋላ አይፍያ አይፊዳዋ ሰኤዳ።

9 ሄዋጥ ጉይያን፡ ሙሴ ጸምአ ኡባ መድና ጎዳ ሰንሳጥ እሰራኤልያ አሳ ኡባኮ አሄዳ። አሳይ ኡንቱንታ ሰኤዳዋጥ ጉይያን፡ ካፓቱ ባርንቱ ጸምአ ጸምአ አከድና።

10 መድና ጎዳይ ሙሳ፡ “አሮና ጸምአ ታቦታ ሰንሳን ዛራ ዋላ። ሄዋ ማካሌዳዋንቱ ታ ጦላ ላኤንላ ዙዙሚደ ሀይቀናዳን፡ ኡንቱንቱ ማላታ አላደ ናጋ” ያጌዳ።

11 መድና ጎዳይ አዛዜዳዋዳን ሙሴ አሌዳ።

12 እሰራኤልያ አሳይ ሙሳ፡ “ኑን ሀይቃና፤ ቆያና፤ ኑን ኡባይካ ቆያና!

13 መድና ጎዳ ዲንካንያኩ፡ ሀራይ አቶ ማታ ሺቅያ ኡራይ ኦንነ ሀይቃና። ሰም ኑን ኡባይካ ሀይቄቶ?” ያጌድና።

18

ቄሳቱዋን ሌዋቱዋ ኡሱዋ

1 መድና ጎዳይ አሮና፡ “ኔን፡ ነ አቱማ ናናቱነ ሌዋቱ ጌሻ ሳኦ ኡሱዋን ፖለትያ ናጋራ ቶካና፤ ኔንነ ነ አቱማ ናናቱ ጸላላይ ህንተ ቄሰተላ ኡሱዋን ፖለትያ ናጋራ ቶካና።

2 ኔንነ ነ አቱማ ናናይ ማርካተላ ዲንካንያ ሰንሳን አላያ ዋደ፡ ኔናና ግዲደ ማዳና ማላ፡ ሌዊያ ዛረ ግድያ ነ ዳቦቱዋ አሀ።

3 ኡንቱንቱ ህንተጥ ጋርሳና ዲንካንያ ኡሶ ኡባ አላና፤ ሸን ኡንቱንቱካ ህንተካ እትጥ ሀይቀናዳን፡ ኡንቱንቱ ጌሻ ሳኦ ሚሻኮነ ያርሸያ ሳኮ ሺቆጥና።

4 ኡንቱንቱ ህንተናና እትጥ ግድና፤ ጋከትያ ዲንካንያን ደእያ ኡሶ ኡባ አላና። ሌዋቱዋጥ አትና፡ ሀራ ኡራይ ኦንነ ህንተኮ ሺቆጥና።

5 ላኤንላዋ እሰራኤላቱዋ ጦላ ህንቁ ዋና ማላ፡ ጌሻ ሳኦነ ያርሸያ ሳኦ ኡሱዋ አላተ።

6 ሌዋቱዋ ህንተ ዳቦቱዋ እሰራኤላቱዋ ግደጥ ታን ታ ሁጺያዉ ድራድ። ኡንቱንቱ ጋከትያ ዲንካንያ ኡሱዋ አላናዉ ህንተንቶ እሙዋዳን እማደ፡ መድና ጎዳዉ ዲማያድ።

7 ሸን ኔንነ ነ አቱማ ናናቱ ጸላላይ ያርሸያ ሳኦ ኡሱዋ ኡባነ ጋርዲዋ ግድን ደእያ ቄሰተላ ኡሶ ኡባ አላተ። ቄሰተላ ኡሱዋ ታን ህንተንቶ እሙዋዳን አላደ እማይ፤ ሀራ ኡራይ ኦንነ ጌሻ ሳኦኮ ሺቅያዊ ሀይቆ” ያጌዳ።

ቄሳቱዋ ግሹዋ

8 ሄዋጥ ጉይያን መድና ጎዳይ አሮና፡ “እሰራኤላቱ ታዉ እምያ ጌሻ እምታ ኡባ ታን ነዉ እማድ። ታን ነዉ ነ ድራዉነ ነ አቱማ ናናዉ ኡንቱንቱ ድራዉ መድናዉ ግሻ አላደ እማድ።

9 ታዉ እምያ አይዳ ጌሻ እሙዋጥ ታማን ጸገተና ባጋይ ህንተሳ ግዳናዋ፡ ኡንቱንቱ ታዉ እምያ ጌሻ እሙዋ ኡባጥ ካላ ያርሹ፡ ዋይ ናጋራ ድራዉ ያርሸያ ያርሹ፡ ዋይ ናቁዋ ድራዉ ያርሸያ ያርሹ ኔሳነ ነ አቱማ ናናቱዋሳ ግዳናዋ።

10 ህንተ ሄዋ ጌሻ ሳኦነ ሚተ፤ አቱማዊ ኡባይ ሄዋ ዋ፤ ሄዋ ህንተዉ ጌሻ ግዳናዋ።

11 “ሀዋ ቃይ ኔሳ፡ እሰራኤላቱዋ ቃላ ያርሹዋ ኡባ ነዉ፡ ነ አቱማ ናናቶነ ነ ማጫ ናናዉ መድናዉ ግሻ አላደ እማይ፤ ህንተ ጎልያ አሳ ግድን ዋጋዳን ጌሻ ግድያ ኡባይ ሄዋ ዋ።

12 “ኡንቱንቱ ታዉ እምያ ኮይሮ አይፍያጥ ሎኦ ዋጋራ ዛይትያ ኡባ፡ ያላጋ ዋይንያ ኤሳ ኡባነ ሙሩታ ካላ ኡባ መድና ጎዳዉ እማይ።

13 ኡንቱንቱ መድና ጎዳዉ እህያ ኡንቱንቱ ጋድያን ደእያ ኮይሮ ጋኬዳ አይፊ ህንተሳ፤ ህንተ ጎልያ አሳ ግድን ዋጋዳን ጌሻ ግድያ ኡባይ ሄዋ ዋ።

14 “እሰራኤልያን መድና ጎዳዉ ዲማቲዳባይ ኡባይ ህንተሳ።

15 ባይራ የለቲዳ አሳይ ዋይ መሄ፡ እሰራኤላቱ መድና ጎዳዉ እሚዳዊ ህንተሳ። ሸን ባይራ የለቲዳ አሳነ ባይራ የለቲዳ ጌሻ ግድና መህያ ህንተ ዋዛናዉ ሰሰ።

16 እት አግና ናናቱዋ ዋዛናዉ ዲንካንያን ኤርቲያ ሚዛንያ (20 ጌራ) ልክያን እቺሹ ጸጋራ ብራ ዋዛ ጋትያ ቃንጽተ።

17 ሸን ሚዛ ባይራ፡ ዋይ ዶርሳ ባይራ፡ ዋይ ዳሻ ባይራ ህንተ ዋዛናዉ ኮሸና፤ ኡንቱንቱ ጌሻ። ኔን ኡንቱንቱ ሱላ ያርሸያ ሳኦ ጦላን ጫጫፋ፤ መድና ጎዳ ቶሹኩ ጌደ ሳዋና ማላ፡ ኡንቱንቱ ዋዳዋ ታማን ጸጋ።

18 ኡንቱንቱጥ ቤትያ አሹ ዉጸኬዳ አንጎሱዋዳን ኡሸቻ ገድያዳን ህንተሳ።

19 እስራኤላቱ መድና ጎዳዉ እምያ ጌሻ ያርሹዋ ኡባ ነዉ፡ ነ ኦቱማ ናናቶነ ነ ማጫ ናናቶ መድናዉ ግሻ ኦላደ እማይ፡፡ ሀዌካ መድና ጎዳይ ኔናና ነ ዘረላቱዋና ጫቀትያ ማጽንያ ጫቁዋ” ያጌዳ፡፡

20 ቃይካ መድና ጎዳይ አርና፡ “ኡንቱንቱ ጋድያን ኔን አይነ ላታካ፤ ኡንቱንቱ ግድን ኔና ጋክያ ሻኩ አያይካ ባዋ፤ እስራኤላቱዋ ግድን ነ ላታይነ ኔና ጋክያ ሻኩ ታና” ያጌዳ፡፡

ሌዋቱዋ ጋክያ ግሹዋ

21 ጸሳይ፡ “ሌዋቱ ጋክትያ ዲንካንያን ኦላያ ኦሱዋ ድራዉ፡ እስራኤላቱዋ አሰራታ ኡባ ኡንቱንቶ እማድ፡፡

22 ሀቼፕ ደሚደ፡ እስራኤልያ አሳቱ ባረንቱ ናጋራን ሀይቀና ማላ፡ ጋክትያ ዲንካንያኮ ሺቆፕና፡፡

23 ጋክትያ ዲንካንያ ኦሱዋ ኦላያዋንቱነ ሄዋን ፖለትያ ናጋራ ቶክያዋንቱ ሌዋቱዋ፡፡ ሀዌ የለታ ኡባዉ መድና ዋጋ፡፡ ሌዋቱ እስራኤልያ አሳ ግዳዋን አይነ ላትክና፡፡

24 ሄዋ ድራዉ፡ እስራኤላቱ መድና ጎዳዉ እሙዋዳን እምያ አሰራታ፡ ታን ሌዋቶ ኡንቱንታ ላታዳን እማድ፡፡ ታን ኡንቱንቱባ፡ “ኡንቱንቱ እስራኤልያ አሳ ግዳዋን አይነ ላትክና” ያጌዳዌ ሄዋሳ” ያጌዳ፡፡

25 ቃይ መድና ጎዳይ ሙሳ፡፡
26 “ኔን ሌዋቱዋ ሀዋዳን ያጋ፤ ‘ታን ሀንተንቶ ላታዳን እማዳ አሰራታ ሀንተ እስራኤልያ አሳፕ አክያ ዋደ፡ ሀንተ ሄ አሰራታፕ አሰራታ መድና ጎዳዉ እምተ፡፡

27 ሀንተ እሙ ሀንተንቶ ካላ ቡክያ ኡዲማ ካላዳንነ ጉምእያ ዋይንያ አይፍያዳን ፓይደቱ፡፡

28 ቃይ ሀዋዳን እስራኤልያ አሳፕ ሀንተ አክያ አሰራታ ኡባፕ እሙዋ መድና ጎዳዉ እምተ፤ ሀ አሰራታፕ መድና ጎዳ ድራዉ ቁሰያ አርናዉ ሀንተ እማናዉ በሰ፡፡

29 ሀንተ አክያ እምታ ኡባፕ፡ ሎእያዋን ጌሻ መድና ጎዳዉ ግሹዋ ኦላደ፡ ሀንተ እማናዉ በሰ” ያጋ፡፡

30 “ቃይ ኔን ሌዋቱዋ፡ “ኡባፕ ሎኦ እሙዋ ሀንተ እማዳዋፕ ጉይያን፡ አቴዳዌ ሀንተንቶ ካላ ቡክያ ኡዲማ ካላዳንነ ጉምእያ ዋይንያ አይፍያዳን ፓይደታና፡፡

31 ሀንተነ ሀንተ ጎልያ አሳይ ሄዋፕ አቴዳዋ ሀቃንነ ሚተ፤ አያዉ ጎፕ፡ ሄዌ ጋክትያ ዲንካንያን ሀንተ ኦላያ ኦሱ ሀንተ ድርጉዋ፡፡

32 ሎኦ ባጋ ጸሳዉ እም ድጌዳዋፕ ጉይያን ሀንተ ምያ ዋደ፡ ባይዛንቻ ግድክታ፡፡ ሸን ሎኦ ባጋ ሄ እምታፕ ከሰናን ደኢደ፡ ሀንተ እስራኤልያ አሳ እምታ ቱንሰናን ናገትተ፡፡ ሄዋዳን ኦላና ቆፕ፡ ሀንተ ሀይቃና” ያጋ” ያጌዳ፡፡

19

ቱናተላፕ ጌይያ ሃላ

1 መድና ጎዳይ ሙሳነ አርና ሀዋዳን ያጌዳ፤

2 “መድና ጎዳይ ሀግያን እዛኤዳ ዋጋይ ሀዋ፡ ትላ ቦላና ደእያ ዋይ ቦርሰያባይ ባይና፡ እ

ዋርግያን ሞርገ ምላይ ዋድቤና ዞኦ ኡሳቶ ነዉ አሀና ማላ፡ እስራኤልያ አሳዉ ኦድተ፡፡

3 ቁሰያ ኤልኦዛርዉ እዞ እምተ፤ እ እዞ ዲንካኔዳ ሳኦፕ ጋጸ አፍና፡ እት አሳይ እዞ እ ሰንላን ሹኮ፡፡

4 ቁሰያ ኤልኦዛር እ ሱላፕ አማራዳዋ ባረ ብራድያን አኪደ፡ ጋክትያ ዲንካንያዉ ሰንላ ባጋና ላፑን ገደ ጫጫፎ፡፡

5 እ ጼልሸን ኡሳታ ጸገቱ፤ እ ጋልባይ፡ አሹ፡ ሱላይነ ቶጪ ጸገቶ፡፡

6 ቁሲ ዝጋ፡ ሂሶጵያ ታሸያን ዞኦ ቁንጨትያ አኪደ፡ ኡሳቶ ጸግያ ታማን ኦሎ፡፡

7 ሄዋፕ ጉይያን፡ ቁሲ ባረ ማደዋ ማጫ፤ ባረ ቦላካ ሃላን ማጫቶ፤ ያትደ ዲንካኔዳሳ ገሎ፤ ሸን አማርሳ ጋካናዉ እ ዋጋዳን ቱና ግዳናዋ፡፡

8 ሄ ኡሳቶ ጸጌዳዌ ቃይ ባረ ማደዋ ማጫ፤ ባረ ቦላካ ሃላን ማጫቶ፤ እካ ቃይ አማርሳ ጋካናዉ ዋጋዳን ቱና ግዳናዋ፡፡

9 “ሄዋፕ ጉይያን፡ ጌሻ አሳይ ኡሳታ ጸገቱዳ ብድንላ ሺሺደ፡ ዲንካኔዳ ሳኦፕ ጋጸና ጌሻ ሳኦን ዋላ፡፡ እስራኤልያ አሳይ ቱናተላፕ ጌይያ ሃላን ጎኤታናዉ ሄዋ ናግ ዋላና፤ ሄዌ ናጋራፕ ጌሻናሳ፡፡

10 ቃይ ኡሳት ብድንላ ሺሺዳ አሳይ ባረ ማደዋ ማጫ፤ አማርሰ ጋካናዉ እ ዋጋዳን ቱና ግዳናዋ፡፡ ሀ ዋጋይ እስራኤልያ አሳዉነ ኡንቱንቱ ግዳዋን ደእያ ሀራ ጋደ አሳዉ ላኦካ መድና ዋጋ ግዳናዋ፡፡

11 “ሀይቁዳ አሳ አሃ ቦቻያ ኦንነ ላፑን ጋላሳ ዋጋዳን ቱናና፡፡

12 ሄ ቱናተላፕ ጌይያ ሃላን ሄዛንላ ጋላሰነ ላፑንላ ጋላሰ፡ እ ባረና ጌሸ፤ ሄዋፕ ጉይያን፡ እ ዋጋዳን ጌሻ ግዳናዋ፤ ሸን ሄዛንላ ጋላሳንነ ላፑንላ ጋላሳን ባረና ጌሻና ቆፕ፡ እ ጌሻ ግደና፡፡

13 ሀይቁዳ ኡራ አሃ ቦቻያ ኦንነ ባረና ጌሸናን አሳፕ፡ መድና ጎዳ ዲንካንያ እ ቱንሴ፤ ሄ ኡራይ እስራኤልያ አሳ ግደፕ ቦሄቶ፡፡ ቱናተላፕ ጌይያ ሃላይ እ ቦላን ጫጫፈትቤና ድራዉ፡ እ ቱና፤ እ ቱናተላይ እ ቦላን ጋምኤ፡፡

14 “እት ኡራይ ዲንካንያ ግደን ሀይቆፕ ደእያ ዋጋይ ሀዋ፡ ዲንካንያ ግደ ገልያ ኦንነ፡ ቃይ ዲንካንያ ግደን ደእያ ኡባይካ ላፑን ጋላሳ ቱና ግዳናዋ፡፡

15 ሄዋዳንካ፡ ቁምኤተናን ደያ ደእያ ሚሻ ኡባይ ቱና ግዳናዋ፡፡

16 ቃይ ደምባን ማሻን ሀይቁዳ አሳ፡ ዋይ ጮ ሀይቁዳ አሃ፡ ዋይ አሳ መቀላ፡ ዋይ ዱፋዋ ቦቻያ ኦንነ ላፑን ጋላሳ ቱና ግዳናዋ፡፡

17 “ቱናተላፕ ጌሻናዉ ጸጌዳ ኡሳት ብድንላፕ አማራዳዋ አካደ፡ ኦቱዋን ዋላደ፡ ፑልቶ ሃላ እን ትጋ፤

18 ጌሻ አሳይ ሂሶጵያ ቦንጫያ አኪደ፡ ሃላን ቱሽ ከሲደ፡ ዲንካንያ፡ ዲንካንያን ደእያ ሚሻ ኡባንነ ሄዋን ደእያ አሳ ኡባ ቦላን ጫጫፎ፡፡ ቃይ አሳ መቀላ፡ ዋይ ዱፋዋ፡ ዋይ ዋዴዳ ኡራ፡ ዋይ ሀይቁዳ ኡራ ቦቹዳ አሳ ቦላ እ ጫጫፎ፡፡

19 ጌሻ አሳይ ሄዛንላን ላፑንላ ጋላሳን ቱኔዳ ኡራ ቦላን ጫጫፎ፡፡ እ ላፑንላ ጋላሳን ሄ ኡራ

ቱናተላጥ ጌሾ፤ ሄ ጌዬዳ ብታኒ ባረ ማዩዋ ማጮ፤ ባረ ቦላካ ሃላን ማጮቶ፤ ሄ ጋላሳ ኦማርሰ እ ጌሻ ግዳናዎ።

20 “ሸን ቱና ኡራይ ባረና ጌሸናዎ ግደጥ፤ ሄ ኡራይ መድና ጎዳ ጌሻ ሳኦ ቱንሴዳ ድራው፤ እስራኤልያ አሳ ግደጥ ቦሃቶ፤ ቱናተላጥ ጌይያ ሃላይ ኦ ቦላን ጫጫፈትቤና ድራው፤ እ ቱና።

21 ሀዌ ህንተንቶ መድና ዎጋ ግዳናዎ። ቃይ ቱናተላጥ ጌይያ ሃላ ጫጫፍያ አሳይ ባረ ማዩዋ ማጮ፤ ቱናተላጥ ጌይያ ሃላ ቦቻያ ኦንነካ ኦማርሰ ጋካናው ቱና ግዳናዎ።

22 ቱና ኡራይ ቦቻያ አያይነ ቱኔ። ቃይ ሄዎ ቦቻያ ኦንነ ኦማርሳ ጋካናው ቱና ግዴ” ያጌዳ።

20

ዛላጥ ከሴዳ ሃላ (ከሳ 17:1-7)

1 ኮይሮ አግናን እስራኤላቱ ኡባይ ጸና ግያ መላ ቢታ ጋኪድ፤ ቃዴሳ ግያ ሳን ዲንካኔድና። ሄዎን ማርያማ ሀይቃደ ሞገታዲ።

2 ሄዎን አሳው ሃላይ ጳይና፤ አሳይ ሸቀደ፤ ሙሴ ቦላነ አርና ቦላ ደንዴዳ።

3 ኡንቱንቱ፤ “ኑ እሻቱ መድና ጎዳ ሰንላን ሀይቁዳ ዎደ፤ ኩንካ ሀይቁዳዎ ግዴርኮሻ!

4 ኩንነ ኑ መሄ ሀ መላ ቢታን ሀይቃናዳን፤ መድና ጎዳ አሳ ሀዎ ህንተ አያው አሄድቱ?

5 ሀ ዎልቃማ ሳኦ ኑና ግብጾጥ ፑደ አያው አሄድቱ? ሀዎን ካላ አይፊ፤ ዎይ ባላሰያ፤ ዎይ ዎይንያ አይፊ፤ ዎይ ሮማኒ ባዎ፤ ቃይ ኡሸያ ሃላይካ ሀዎን ባዎ” ያጌደ ሙሴና ዋላቅቱድና።

6 ያትና ሙሴነ አርን አሳ ማታጥ ጋከትያ ዲንካንያ ጥንገ ቢደ ጉፋኔድና፤ መድና ጎዳ ቦንቱ ኡንቱንቶ ቆንጮድና።

7 መድና ጎዳይ ሙሳ፤

8 “ሳ ጋትማ አካ፤ ኔንነ ነ እሻ አርን ሸቁዎ ሸሸተ፤ ኡንቱንቱ ሰንላን ዛላይ ሃላ ጎጋና ማላ ኦዳ። ዛላጥ ሃላ ህንተ ከሲድ፤ ሸቁዎን ኡንቱንቱ መሀያ ኡሻና” ያጌዳ።

9 መድና ጎዳይ አዛዜዳዎዳን፤ ሙሴ መድና ጎዳ ሰንላጥ ጋትማ አኩዳ።

10 እነ አርን ሸቁዎ ዛላ ሰንላን ሸሸድና፤ ሙሴ ኡንቱንታ፤ “ህንተና ማካላንቻቶ፤ ሰሰተ፤ ሀ ዛላጥ ሃላ ህንተንቶ ኩን ቱሙ ከሳኔ?” ያጌዳ።

11 ሙሴ ባረ ኩሸያ ቆቁ ኦሊድ፤ ባረ ጋትማን ላኡ ገደ ዛላ ሸጭና፤ ሃላይ ቆቁደ ከሰና ያአይነ ኡንቱንቱ መሄ ኡሸዳ።

12 ሸን መድና ጎዳይ ሙሳነ አርና፤ “እስራኤልያ አሳ ሰንላን ህንተ ታ ጌሻተላ በሳናው አማንትቤና ድራው፤ ታን ኡንቱንቶ እምያ ቢታ ሀ አሳ ህንተ ገልሰክታ” ያጌዳ።

13 እስራኤልያ አሳይ መድና ጎዳና ዋላቅቶዌ እ ባረ ጌሻተላ ኡንቱንቱ ግደን ቆንጭሴዳሳይ ሀ ማሪባ * ሃላና።

ኤደማ ካቲ እስራኤልያ አሳይ ባረ ቢታና አገርዳን ድጌዳ

14 ሙሴ ቃዴሳጥ ኤደማ ቢታ ካትያኩ፤ ባረ ኪተትያዎንታ ሀዎዳን ያጌደ ኪቲዳ፤ “ሳ ዳቦ ግድያ እስራኤልያ አሳይ ሀዎዳን ያጌ፤ ኑና ጋኬዳ መቱዎ ኡባ ኔን ኤራሳ።

15 ኑ ማይዛ እዎቱ ዲገ ግብጾ ዎዴድና፤ ያን ኩን ዳር ላይላ ደኤድ። ግብጾቱ ኑና ኑ እዎቱዎ ኡቅኔድና።

16 ኩን መድና ጎዳው ዋሰና፤ ኑ ዋሱዎ ሰሲደ፤ ኪታንቻ ኪቲደ፤ ኑና ግብጾጥ ከሴዳ። ሀእ ኩን ነ ቢታ ጋጸን ደእያ ቃዴሳ ካታማን ደኤቶ።

17 ሀያና፤ ኑና ነ ቢታና አላርኪ! ኩን አይ ጋደ ግደጥካ ዎይ ዎይንያ ቱራ ግደጥካ ቦቻኮ! ቃይ ኩን አይ ሃላ ኦላጥነ ሃላ ኡሸኮ። ኩን ካትያ ኦግያ ኦይቂደ ባና፤ ኩን ነ ቢታና አጳና ጋካናው፤ ሀድርሳ ዎይ ኡሸቻ ጎኮ” ያጌዳ።

18 ሸን ኤደማ ካቲ፤ “ኑ ቢታና አላከ፤ ህንተ ሀዎና መንላና ካጄሎጥ፤ ኩን ደንዲደ ህንተና ማሻን ኦላና” ያጌድና።

19 እስራኤላቱ አ፤ “ኩን ካትያ ኦግያና ባና፤ ኩን ዎይ ኑ መሄ ህንተ ሃላ ኡሸጥ፤ ኩን ሄዎ ጋትያ ጭጋና፤ ኩን ገድያን አገላ ጸላላ ኮዬቶ፤ ሀራባ አያነ ኮዮኮ” ያጌድና።

20 ኤደማ ካቲ ዛረሊድ፤ “ህንተና አላከ” ያጌዳ። ሄዎጥ ጉይያን፤ ዳርነ ዎልቃማ ኦላንቻቱዎ አኪድ፤ እስራኤልያ አሳና ኦላ ጋከታናው ከሴዳ።

21 ኤደማቱ ባረንቱ ቢታና እስራኤልያ አሳይ አጳናው ድጌዳ ድራው፤ እስራኤልያ አሳይ ሰሚደ ሀራ ኦግያ ቤዳ።

አርና ሀይቁዎ

22 እስራኤልያ አሳይ ኡባይ ቃዴሳጥ ደንዲድ፤ ሆራ ግያ ደርያ ቤድና።

23 ኤደማ ዛዎ ማታን ደእያ ሆራ ደርያን፤ መድና ጎዳይ ሙሳነ አርና፤

24 “አርን ሀይቁደ ባረ ማይዛን ጋከትያ ዎዲ ጋኬዳ። ማሪባ ሃላ ማታን ህንተ ላኡካ ታ አዛዙዎ ቦላ ማካሌዳ ድራው፤ እስራኤልያ አሳው ታን እምያ ቢታ እ ገላና።

25 አርና ኦ ናኦ ኤልአዛራ አካድ፤ ሆራ ደርያ አሀ።

26 አርና ማዩዎ ቃራድ፤ ኦ ናኦ ኤልአዛራ ማይዛ። አርን ባረ ማይዛን ጋከታና፤ እ ያን ሀይቃና” ያጌዳ።

27 መድና ጎዳይ አዛዜዳዎዳን ሙሴ ኦሌዳ፤ አሳይ ኡባይ ጾልሸን፤ ኡንቱንቱ ሆራ ደርያ ከሴድና።

28 ሙሴ አርና ማዩዎ ቃራድ፤ ኦ ናኦ ኤልአዛራ ማይዜዳ። አርን ሄ ደርያ ሀጲያን ሀይቁዳ። ሄዎጥ ጉይያን፤ ሙሴነ ኤልአዛር ደርያጥ ዎዴድና።

29 አርን ሀይቁዳዎ አሳይ ኡባይ ኤራዳ ዎደ፤ እስራኤልያ አሳይ ኡባይ አርናው ሀታሙ ጋላሳ ዬኬዳ።

* 20:13 ማሪባ፡- ሀ ሰንላ ብላላይ እብራዌላዎን፤ “ጋሎሙቲዳ” ግያዎ። 20:28 ከሳ 29:29፤ ገይ. 33:38፤ ዛረ. 10:6

21

ካናንቱ ጸንቲድኖ

1 ኔጌባ መላ ቢታ፡ ካናን ጋድያን ደእያ አራዳ ካቲ እስራኤልያ አሳይ አታርማ እፍያ ኦግያ ባጋና ይያዋ ሰሴዳ ዋደ፡ እ እስራኤላቱዋና ኦላ ጋስቲደ፡ ኡንቱንቱፕ አማራዳዋንታ አሞዴዳ።

2 ሄ ዋደ እስራኤልያ አሳይ፡ “ኔን ሀ አሳ ኑ ኩሽያን አላደ እሞፕ፡ ኑን ኡንቱንቱ ካታማቱዋ ኡባና ጳይሳና” ያጊደ መጅና ጎዳው ሸቂድኖ።

3 መጅና ጎዳይ እስራኤልያ ቃላ ሰሲደ፡ ሄ ካናንቱዋ ኡንቱንቱ አላ እሜዳ፤ ኡንቱንቱ ሄ ካናንቱዋን ኡንቱንቱ ካታማቱዋ ኡባና ጳይሴድኖ። ሄዋ ድራው፡ ሄ ሳአይ ሆርማ * ጌተት ሱንግግቴዳ።

ናሃሲያ ብራታፕ መግቲዳ ሾሻ

4 እስራኤልያ አሳይ ሆራ ደርያፕ ደንዲደ፡ ኤደማ ቢታ ዩቩዋ ባናው ዞኦ አባ አፍያ ኦግያና ቤድኖ፤ ሽን ኦግያ ቦላን አሳው ዳንዳያይ ወሬዳ።

5 አሳይ፡ “ኔን መላ ቢታን ሀይቃናው ግብጾፕ ፑደ ኑና እያው እሄድቱ? ቁሞ ባዋ፤ ሃላይ ባዋ፤ ሀ ኢታ ቁማይ ኑና ሽንዬዳ” ያጊደ ጸሳ ቦላን ሙሴ ቦላ ዙዙሜድኖ።

6 መጅና ጎዳይ አሳ ግዲዋን ማርዞያና ደእያ ሾሻቱዋ የዴዳ፤ ኡንቱንቱ ዱክና፡ ዳር እስራኤላቱ ሀይቁድኖ።

7 ኡንቱንቱ ሙሴኮ ዪደ እ፡ “ኔን መጅና ጎዳ ቦላን ነ ቦላ ዙዙሚደ፡ ናጋራ ኦሌደ። ኑፕ ሀ ሾሻ ሃሳና ማላ፡ ኔን መጅና ጎዳ ዋሳ” ያጊድኖ። ሙሴ አሳ ድራው ዋሴዳ።

8 ሄዋፕ ጉይያን መጅና ጎዳይ ሙሳ፡ “ኔን ሾሻ መጳደ፡ ኡንቱንቱ ሰንላን ሞላ ቦላን ካቃ፤ ዱከቲዳ ኑን ኦ ጴሎፕ ፓጸና” ያጊዳ።

9 ሙሴ ናሃሲ ብራታፕ ሾሻ መጳደ፡ ሞላ ቦላን ካቁዳ። ሄዋፕ ጉይያን፡ ሾሻይ ዱኬዳ አሳይ ኡባይ ናሃሲያ ሾሻ ጴሊደ ፓጴድኖ።

ሆራ ደርያፕ ደንዲደ ሞኣባ ቢታ ቤድኖ

10 እስራኤልያ አሳይ ደንዲደ፡ ኦቦታ ግያ ሳን ዲንካኔድኖ።

11 ኦቦታፕ ደንዲደ፡ ሞኣባፕ ሰንላና ደእያ ባዙዋን፡ አዋይ ደልያ ባጋና፡ ላለቲዳ እየ አባርማ ካታማን ዲንካኔድኖ።

12 ሄዋፕ ደንዲደ፡ ዘሬዳ ዛንጋራን ዲንካኔድኖ።

13 ሄዋፕ ደንዲደ፡ አሞረቱ ቢታ ጋጸ ጋካናው ብያ መላ ቢታ ግደን አርኖና ሻፋፕ ሄፍንላን ዲንካኔድኖ። አርኖና ሻፋይ ሞኣባ ቢታፕን አሞረቱ ጋድያፕ ግዲዋን ደእያ ዛዋ።

14 ሄዋ ድራው፡ ጸሳ ኦላ ማጸፋን፡ “ሱፋ ሄራን ደእያ ዋሄባ ካታማን አርኖና ሻፋ ዛንጋራ።

15 ኤራ ካታማ ጋካናውን ሞኣባ ዛዋ ጋካናው ደእያ ዛንጋራ ዲገላ” ያገት ጸፈቲዳ።

16 ኡንቱንቱ ሄዋፕ ደንዲደ፡ ቤራ ግያሳ ቤድኖ፤ ሄዋ ጸሳይ ሙሳ፡ “አሳ ሸሻ፤ ታን ኡንቱንቱ ሃላ እማና” ያጊደ ኦዴዳ ሃላ ኦላ።

17 ሄዋን እስራኤልያ አሳይ ሀ ማዝሙርያ የጴዳ።

“ሃላ አላው፡ ፑልታ!

18 ካፓቱ ቦኬዳ ሃላ አላው፡

አሳ ካለላያዋንቱ አላው፡

ካተቱዋ ጸምኣንን ኡንቱንቱ ካዛራን ቦኬዳ ሃላ አላው

እነ የጴዳ” ያጊዳ።

ኡንቱንቱ ሄ ባዙዋፕ ማታና ግያሳ ቤድኖ፤

19 ማታናፕ ናህልኤላ፡ ናህልኤላፕ ባሞታ ግያሳ፡

20 ባሞታፕ ደንዲደ፡ ሞኣባን ደእያ ዛንጋራ ቤድኖ፤ ሀ ዛንጋራይ ፕሰጋ ደርያፕ ጋርሳን ባዙዋ ማታን ደኤ።

ካቲ ሰሆንን ካቲ ኦግ ጸንቲድኖ

(ዛረ. 2:26—3:11)

21 ሄዋፕ ጉይያን፡ እስራኤልያ አሳይ አሞረ ቢታ ካትያ ሰሆናኮ ኪተትያዋንታ ሀዋዳን ያጊደ ኪቲዳ፤

22 “ኑና ነ ቢታና አላርኪ! ኔን ነ ጋድያ ግዲዋ ዋይ ዋይንያ ቱራ ግዲዋ ገሎኮ፤ ቃይ ሃላ ኦላ ሀቃዋፕን ኡሾኮ። ኔን ነ ቢታና አጳና ጋካናው፡ ካትያ ኦግያና ባና” ያጊዳ።

23 ሽን ሰሆን ባረ ቢታና እስራኤልያ አሳ አግናን ድጌዳ፤ እ ባረ ኦላንቻቱዋ ኡባ ሸሸደ፡ እስራኤልያ አሳ አላናው መላ ቢታ ቤዳ፤ ያሃጸ ግያሳ ብ ጋኪደ፡ እስራኤልያ አሳና ኦላቲዳ።

24 ሽን እስራኤልያ አሳይ ኦላን አሞረቱዋፕ ዳሩዋ ዋጲደ፡ ኡንቱንታ ቢታ አርኖና ሻፋፕ ደሚደ፡ አሞናቱዋ ዛዋን ደእያ ያቦቃ ሻፋ ጋካናው ኦይቁዳ። አሞና አሳቱ ቢታ ዛዋይ ግሞቦት ኡቲዳ ድራው፡ ኡንቱንቱ ያ ገልበይክና።

25 ያትና እስራኤላቱ አሞረቱ ካታማቱዋ ኡባ ጸኒደ አኬድኖ። ቃይ ሀሰቦናን ኦ ዩቩዋን ደእያ ቁር ካታማቱዋካ ኡባ ኦይቁደ፡ ያን ኡቲድኖ።

26 ሀሰቦና ካታማይ አሞረቱ ካትያ ሰሆና ካታማ፡ ሰሆን ሞኣባ ቢታ ካትያ ካሰዋ ኦሊደ፡ አርኖና ሻፋ ጋካናው ኦ ቢታ ኡባ አፕ አኬዳዋ።

27 ሄዋ ድራው፡ ለምሱዋን ሀዋዳን ያጊድኖ፤ “ሀሰቦና ሃይተ፤

ሄ ካታማይ ዛረላ ኬጸቶ፤

ሰሆና ዋልቃማ ካታማይ ዋቲ ኤቁደ ኬጸቶ!

28 እያው ጎፕ፡ ታማይ ሀሰቦናፕ፡

ላጩ ሰሆና ካታማፕ ከሴዳ፤

ሞኣባን ደእያ ኤራን

አርኖና ሻፋ ሄራን ገዝያን ደእያ ካፓቱዋ ሜዳ።

29 ሞኣባ፡ ነው እየ እና!

ካሞሻው ጎይንያዋንቶ፡ ሀንተ ጳዬድታ።

ሀንተ ጸሳይ፡ ካሞሽ፡

ሀንተ አቲማ ናናቱዋ ባቃታናው፡

ሀንተ ማጫ ናናቱዋ አሞደ፡

አሞረቱ ካትያ ሰሆናው እሜዳ።

30 ሀንተ ዘረላቱ ሀሰቦናፕ ደሚደ፡

ድቦና ጋካናው ኡባና ጳዬድኖ።

መዳባ ማታን ደእያ ኖፋሀ ጋካናው

ወርሲደ ባይዜድኖ” ያጊድኖ።

21:1 ገይ. 33:40 * 21:3 ሆርማ- ሀ ሱንላ ብለላይ እብራዌላዋን፡ “ባሻ” ግያዋ። 21:4 ዛረ. 2:1 21:5 1 ቆር. 10:9 21:9 2 ካታ. 18:4፤ ዮሃ. 3:14 21:28 ኤር. 48:45-46

31 ሄዋዳን ሀኒደ፡ እስራኤላቱ አሞረቱ ጋድያን ኡቲድኖ።

32 ቃይ ሙሴ ወቅያዎንታ ያእዜራ ግያ ካታማ የድና፡ እስራኤላቱ ሄ ካታማን እ ሄራን ደእያ ቄር ካታማቱዋ ኦይቂደ፡ ሄዋን ደእያ አሞረቱዋ ከሲደ የደርሴድኖ።

33 ሄዋጥ ጉይያን፡ እስራኤላቱ ሰሚደ፡ ባሳነ እፍያ ኦግያና ከሴድኖ። ባሳነ ካቲ ኦግ ባረ ኦላንቻቱዋ ኡባና ኤድራኦ ግያ ካታማ ኡንቱንቱና ኦላታናዉ ከሴድ።

34 ሸን መድና ጎዳይ ሙሳ፡ “አዉ ያየጋ! እያዉ ጎጥ፡ ታን ካትያ ኦጋ አ አሳ ኡባናን አ ቢታና ነ ኩሸያን አላደ እማድ። ሀሰቦናን ኡቲደ ሞዴዳ አሞረቱ ካትያ ሰሆና ቦላ ኦፊዳዋዳን፡ ኔን አ ቦላካ አላና” ያጌዳ።

35 እስራኤላቱ ኦጋ፡ አ አቱማ ናናቱዋን አ አሳ ኡባ አቱዋን ጋጾ አሸናን ዋዴድኖ። ኡንቱንቱ አ ቢታ ላቲድኖ።

ሞኣባን ኡስቲዳ ሀናታቱዋ

22

(22:1—32:42)

ሞኣባ ካቲ ባላቅ ባላማ ጸግሴዳ

1 ሄዋጥ ጉይያን እስራኤልያ አሳይ ደንዲደ፡ እያርኮ ልክያን የርዳዳሳ ሄፍንጎን ደእያ ሞኣባ ደምባን ዲንካኔዳ።

2 እስራኤልያ አሳይ አሞረቱ ቦላ ኦፊዳዋ ኡባ ጽጉራ ናኦይ ባላቅ ሰሴዳ።

3 እስራኤልያ አሳይ ሎይላ ዳር ግዴዳ ድራዉ፡ ሞኣባቱ ሎይላ ዳጋሚደ ያዬድኖ።

4 ሞኣባቱ ሞድያማ ጭማቱዋ፡ “ቦራይ ማታ ሞ ዳይሰያዋዳን ሀ ዉደ አሳይ ኦ የሹዋን ደእያ ኡባ ሞ ዳይሳና” ያጌድኖ።

ሄ ዋደ ሞኣባ ካቲ፡ ጽጉራ ናኦይ ባላቅ

5 አማዋ ጋድያን ኤፍራዲሳ ሻፋ ማታን ጋቶራ ካታማን ደእያ ብኦራ ናኦ ባላማኮ አሳ ከቲዳ። ባላቅ፡ “በኦ፡ ግብጾጥ ዳር አሳይ ከሴዳ፤ ኡንቱንቱ ቢታ ኡባ ማዬደ፡ ታጥ ያ ባጋን ደኢኖ።

6 ኡንቱንቱ ታዉ ሎይላ ዋልቃምያ ድራዉ፡ ሀያና ሀእ ያደ፡ ኡንቱንታ ታዉ ሸቃርኪ! ኦን ኤሪ፡ ታን ኡንቱንታ ጸናናዉን ጋድያጥ ከሳናዉ ዳንዳያንጎቱን። እያዉ ጎጥ፡ ኔን እንጂዳዌ እንጀቲዳዋን ኔን ሸቄዳዌ ሸቀቲዳዋ ግድያዋ ታን ኤራይ” ያጌዳ።

7 ሞኣባ ጭማቱን ሞድያማ ጭማቱ ሸቄሰያ ጋትያ አኪደ፡ ባላማኮ ቤድኖ። ባላቅ ጌዳዋ አዉ ኦዴድኖ።

8 ባላም ኡንቱንታ፡ “ሀቼ ቃማ ሀዋን አቅተ፤ መድና ጎዳይ ታዉ ኦድያዋ ታን ሀንተንቶ ኦዳና” ያጌዳ። ሞኣባ ካጥቱ ባላማዋን ታኬድኖ።

9 ጸሳይ ባላማኮ ዪደ፡ “ሀዋንቱ ኔናና ደእያ አሳቱ ኦኔ?” ያጌደ ኦቼዳ።

10 ባላም ጸሳ፡ “ሞኣባ ካቲ፡ ጽጉራ ናኦይ ባላቅ፡

11 ግብጾጥ ዳር አሳይ ከሴዳ፤ ኡንቱንቱ ቢታ ኡባ ማዬድኖ። ሀእ ኔን ያደ፡ ኡንቱንታ

ታዉ ሸቃርኪ! ኦን ኤሪ፡ ታን ኡንቱንታ ጸናናዉን ጋድያጥ ከሳናዉ ዳንዳያንጎቱን፤ ያጌደ ኡንቱንታ ታኮ ከቲዳ” ያጌዳ።

12 ጸሳይ ባላማ፡ “ኔን ኡንቱንቱና ቦጋ። እስራኤላቱ እንጀቲዳዋንታ ግድያ ድራዉ፡ ኔን ሄ አሳ ሸቆጋ” ያጌዳ።

13 ዋንተላ ጋላሰ ዋንታ ባላም ደንዲደ፡ ባላቃ ካጥቱዋ፡ “ታን ሀንተናና ቤናዳን መድና ጎዳይ ድጌዳ ድራዉ፡ ሀንተ ቢታ ሰምተ” ያጌዳ።

14 ሞኣባ ካጥቱ ያጥ ደንዲደ፡ ባላቃኮ ሰሚደ አ፡ “ባላም ኦናና ዬናን እጾዳ” ያጌድኖ።

15 ዛሪደካ ባላቅ ካሰዋንቱጥ አቲ ቦንቼቲዳን ገይዲዋንካ ጮራቲዳ ሀራ ካጥቱዋ አኮ ከቲዳ።

16 ኡንቱንቱ ባላማኮ ዪደ፡ “ጽጉራ ናኦይ ባላቅ ኔና፡ ኔን ታኮ ያናዋ ኔና እያይን ተኦጉ።

17 እያዉ ጎጥ፡ ታን ነዉ ዳር ዋይቱዋ እማና፤ ኔን ግያዋ ኡባ እያን ታን ኦላና። ያደ ሀ አሳ ታዉ ሸቃርኪ” ያጌደ ኦዴድኖ።

18 ሸን ባላም ኡንቱንቶ፡ “ባላቅ ሀራይ አቶ ብራይን ዋርቃይ ኩሜዳ ባረ ካትያ ጎልያ ታዉ እሜዳዋ ግድንቶን፡ መድና ጎዳ ታ ጸሳ አዛዙዋጥ አዳደ፡ ታን እያን ጋጭሳናዉ ዋይ ጉጃናዉ ዳንዳይከ።

19 መድና ጎዳይ ታዉ ኦድያ ሀራባይ ደኦጥ ታን ኤራናዳን፡ ሀንተካ ሀቼ ቃማ ሀዋን አቅተ” ያጌዳ።

20 ሄ ጋላሳ ቃማ ጸሳይ ባላማኮ ዪደ፡ “ሀ አሳይ ኔና ጸሳናዉ ዬዳ ድራዉ፡ ኔን ኡንቱንቱና ባ። ሸን ታን ነዉ ኦድያዋ ጸላላ ኦላ” ያጌዳ።

ባላማን አ ሀራቶ

21 ዋንተላ ጋላሰ ባላም ባረ ሀራቶ ኮሪደ፡ ሞኣባ ካጥቱዋና ቤዳ።

22 ሸን እ ብያ ዋደ ጸሳ ሀንቁ ኤጽ ከሴዳ፤ ያትና መድና ጎዳ ኪታንቻይ አ ተኦናዉ ኦግያን ኤቄዳ። ሄ ዋደ ባላም ባረ ሀራቶ ቶጎዋን፡ አ ላኡ ቆማቱ አናና ደኢኖ።

23 መድና ጎዳ ኪታንቻይ ማሻ ዛሪላ ኦይቂደ፡ ኦግያን ኤቄዳዋ ሀራታ በኦኔ፡ ኦግያ አጋደ፡ ጎሻ ግደ ገላዲ። ባላም ኦግያ ዛራናዉ ሀራቶ ሾጬዳ።

24 ያትና መድና ጎዳ ኪታንቻይ ላኡ ዋይንያ ቲራ ሳአቱዋጥ ግዲዋን፡ ያ ባጋናን ሀ ባጋና ግምቢያን ድረት ኡቲዳ ኡንኦ ኦግያን ኤቄዳ።

25 ሀራታ መድና ጎዳ ኪታንቻ በኤዳ ዋደ፡ ግምቢያ ድርሳኮ ሺቃደ፡ ባላማ ገድያ ግምቢያ ድርሳና ዳራጸዳ፤ አ ሀራቶ ላኡንሉዋካ ሾጬዳ።

26 ሄዋጥ ጉይያን፡ መድና ጎዳ ኪታንቻይ ሰንገላዉኮ አዳደ፡ ሀድርሳ ባጋናካ ኡሸቻ ባጋና አቲያ ሳኦይ ባይና ኡንኦ ሳኦን ኤቄዳ።

27 ሀራታ መድና ጎዳ ኪታንቻ በኦደ፡ ባላም ቶጎዋን ግሳዲ። ባላም ሎይላ ሀንቀቲደ፡ ባረ ጸምኢን ሀራቶ ቡኬዳ።

28 ሄዋጥ ጉይያን፡ መድና ጎዳይ ሀራት ደና ደይና፡ ሀራታ ባላማ፡ “ታን ነዉ አይ ኦላኔ ኔን ታና ሀ ሄዙ ገደ ቡኬዳዌ?” ያጋዲ።

29 ባላም ሀራቶ፡ “ኔን ታና ኤየሌዳ ድራሳ። ታ ኩሸያን ማሻይ ደኤዳዋ ግድንቶን፡ ታን ኔና ሀእ ዋዳና ሸን!” ያጌዳ።

22:5 ገይ. 31:8፤ 2 ጳጳ. 2:15-16፤ ይሁዳ 11

30 ሀራታ ባላማ፡ “ታን ነ ደኦ ኡባን ሀቕ ጋካናው ቶግያ ነ ሀራቶ ግድክታ? ታን ነዉ ሀዋዳን ሀና ኤራይታ?” ያጋዱ።

ባላም፡ “ሀና ኤራካ” ያጌዱ።
31 ሄዋጥ ጉይያን፡ መድና ጎዳይ ባላማ አይፍያ ደይና፡ መድና ጎዳ ኪታንቻይ ሾኩዋጥ ሾዴዳ ማሻ አይቁይ፡ ኦግያን ኤቁዳዋ በኤዳ። እ ልጭ ጊደ፡ ሾምኡዋ ሳእ ጋሳደ ጉፋኔዳ።

32 መድና ጎዳ ኪታንቻይ እ፡ “ነ ሀራቶ ሀ ሄዙ ገደ አያው ቡካዲ? ነ ኦጊ ታ ሰንፋን ጌላ ግድያ ድራው፡ ታን ኔና ተአናው ሀዋ ያድ።

33 ሀራታ ታና በአደ፡ ታ ሰንፋጥ ሄዙ ገደ ዋራ ሰማዱ። ሀራታ ዋራ ሰማቤናዋ ግድንቶነ፡ ታን ኔና ሀናደ ቱሙ ዋቆ ድጋደ፡ ሀራቶ አሻና ሸን” ያጌዱ።

34 ባላም መድና ጎዳ ኪታንቻ ዛሪደ፡ “ታን ናጋራ ኦላድ። ኔን ታና ተአናው ኦግያ ቦላን ኤቁዳዋ ታን ኤራቢይከ። ኔን ደሳቤናባ ግድገ፡ ታን ሀእ ጉዩ ሰማና” ያጌዱ።

35 መድና ጎዳ ኪታንቻይ ባላማ፡ “ኔን ሀ አሳቱዋና ባ፤ ሸን ታን ነዉ ኦድያዋ ጸላላ ሃሳያ” ያጌዱ። ባላም ባላቃ ቢታ ካገቱዋና ቤዳ።

ባላቅ ባላማ ናሽቻን ሞኬዳ

36 ባላም ይያዋ ባላቅ ሰሴዳ ዎደ፡ አርናና ሻፋ ዛዋን ባረ ቢታ ጋጸን ደእያ ሞአባቱዋ ካታማን አናና ጋከታናው ቤዳ።

37 ባላቅ ባላማ፡ “ኔን ኤለካ ያናዳን ታን ኪታቢይክታ? ኔን አያው ታኮ ኤለካ ያቢይኪ? ታን ነዉ ዎይታናው ቱሙ ዳንዳይክታ?” ያጌዱ።

38 ባላም ባላቃ፡ “በእ፡ ሀእ ታን ኔኮ ያድ፤ ሸን ታን አያን ጋናው ቱሙ ዳንዳይከ። ጸሳይ ታና ሃሳይሰያዋ ጸላላ ታን ሃሳያና” ያጌዱ።

39 ሄዋጥ ጉይያን፡ ባላም ባላቃና ቅርያት-ሁጸታ ግያ ካታማ ቤዳ።

40 ባላቅ ሚዛነ ዶርሳ ያርሺደ፡ አሹዋጥ አማራዳዋ ባላማውነ አናና ደእያ ካገቶ አሜዳ።

ባላማ ኮይር ትምቢትያ

41 ዎንተፋ ጋላሰ ዎንታ ባላቅ ባላማ አኪደ፡ ባዎት-ባኣል ግያሳ ፑደ ከሴዳ፤ ሄዋን ኤቁደ፡ ባላም እሰራኤልያ አሳጥ ባጋ በኤዳ።

23

1 ባላም ባላቃ፡ “ሀዋን ኔን ታው ላፑን ያርሽያ ሳኣ ግምባ፤ ቃይ ላፑን ኮሩማ ቦራነ ላፑን ዶርሳ ኦርገቱዋ ኔን ታው ጊግሳ” ያጌዱ።

2 ባላም ጌዳዋደን ባላቅ አሌዳ፤ ኤንቱንቱ ላኡካ እት እት ያርሽያ ሳኣን እት ኮሩማ ቦራነ እት ዶርሳ ኦርግያ ያርሹድኖ።

3 ሄዋጥ ጉይያን፡ ባላም ባላቃ፡ “ኔን ነ ጸግያ ያርሹዋ ማታን ሀዋን ኤቃሻ፤ ታን ገደኮ ባይ። መድና ጎዳይ ታናና ጋከታናው ሀቀት ዬናን አገና። እ ታው ቆንጭሰያዋ አያነ ታን ነዉ ኦዳና” ያጌዱ። ቆቃ ዘዘትያ መላ ሳኣ ከሴዳ።

4 ሄዋን ጸሳይ ባላማና ጋከትና ባላም፡ “ታን ላፑን ያርሽያ ሳኣ ጊግሳድ፤ እት እት ያርሽያ ሳኣን እት ኮሩማ ቦራነ እት ዶርሳ ኦርግያ ያርሻድ” ያጌዱ።

5 ባላም ጋናባ መድና ጎዳይ አው ኦዲደ፡ “ኔን ባላቃኮ ሰማደ፡ አው ሀ ትምቢትያ ኦዳ” ያጌዱ።

6 እ ባላቃኮ ሰምያ ዎደ፡ ባላቅ ሞአባ ካገቱ ኡባና ባረ ጸግያ ያርሹዋ ማታን ኤቁዳ።

7 ሄዋጥ ጉይያን፡ ባላም ባረ ትምቢትያ ሀዋዳን ያጊደ ኦዴዳ፤

“ሞአባ ካቱ አዋይ ዶልያ ባጋ ደረቱዋጥ፡ ሰርያ ጋድያጥ ታና ሀዋዳን ያጊደ አሄዳ፤

“ሃያ፤ ያቆባ ታው ሸቃ! እሰራኤልያ አሳ፡ “ውርተ!” ያጋ” ያጌዱ።

8 ጸሳይ ሸቁቤናዋንታ ታን ዋታ ሸቆ? መድና ጎዳይ፡ “ውርተ!” ያግቤናዋንታ፡ ታን ዋታደ፡ “ውርተ!” ያጎ?

9 ታን ቆቃ ዛላ ሁጲያን ኤቃደ ኤንቱንታ ጸላይ፤ ዘዘያን ኤቃደ ታን ኤንቱንታ በአይ።

ኤንቱንቱ ባረካ ደእያ አሳ፤ ኤንቱንቱ ባረና ካውተላቱዋጥ አቱዋዳን ገይድክኖ።

10 ባናዳን ጮራቱዳ ያቆባ ዘረላ ኦን ገይዳናው ዳንዳዪ?

ሀራይ አቶ እሰራኤልያ አሳው አይደንሉ ኩሽያ ኦን

ገይዳናው ዳንዳዪ? ታ ሀይቅ ጸሎቱዋ ሀይቅዋ ማላ ግደ፤ ታ ደኡዋ ዉርሰላይካ ኤንቱንቱዋዳን ሀና!” ያጌዱ።

11 ባላቅ ባላማ፡ “ኔን ታ ቦላ አላያባይ አይ? ታን ኔና ታ ሞርከቱዋ ሸቃናዳን አሃድ፤ ሸን ኔን ኤንቱንታ አንጃዳጥ አትና፡ ሀራባ አይነ ኦላባካ!” ያጌዱ።

12 ባላም ዛሪደ፡ “ታን መድና ጎዳይ ታና ሃሳይሰያዋጥ ሀራ ሃሳዮየ?” ያጌዱ።

ባላማ ላኤንሉ ትምቢትያ

13 ሄዋጥ ጉይያን፡ ባላቅ እ፡ “ኤንቱንቱ ኔን በአናው ዳንዳይያ ሀራሳ ታናና ደንዳ። ኔን ኤንቱንቱጥ አማራዳዋ በአናጥ አትና፡ ኤንቱንታ ኡባ በአካ። ኔን ሄዋን ታው ኤንቱንታ ሸቃርኪ” ያጌዱ።

14 ፕሰጋ ግያ ደርያ ሁጲያን ደእያ ጸፊማ ደምባ አኪደ አፊዳ። ሄዋን ላፑን ያርሽያ ሳኣ ግምቤዳ፤ እት እት ያርሽያ ሳኣን እት ኮሩማ ቦራነ እት ዶርሳ ኦርግያ ያርሹድኖ።

15 ባላም ባላቃ፡ “ታን ህንና ጸሳና ጋከትያ ዎደ፡ ኔን ሀዋን ነ ጸግያ ያርሹዋ ማታን ኤቃሻ” ያጌዱ።

16 መድና ጎዳይ ባላማና ጋከቲደ ከቲደ፡ “ኔን ባላቃኮ ሰማደ፡ አው ሀ ትምቢትያ ኦዳ” ያጌዱ።

17 እ እኮ ሰሚደ፡ ባረ ጸግያ ያርሹዋ ማታን ሞአባ ቢታ ካገቱና ኤቁዳዋ ደሜዳ። ባላቅ እ፡ “መድና ጎዳይ ኦድያባይ አይ?” ያጌዱ።

18 ባላም ባረ ትምቢትያ ሀዋዳን ያጊደ ኦዴዳ፤

“ጸጉራ ናኣ ባላቃ ደንዳ ሰሳ፤ ታን ኦድያዋ ሰሳ!

19 ጸሳይ ዎርዶታናው አሳ ግደና፤ ባረ ቆፋ ሳማናው እ አሳ ናኣ ግደና።

እ ኦዲደ፡ ባረ ኦዴዳዋ ኦፊኔ? ዎይ እ ባረ ጌዳዋ ፖላኔ?

20 ታን አንጃናው አዛዙዋ አካድ።

እ እንጅ ክቼዳ፤
 ታን ሄዋ ለማናዉ ዳንዳይከ።
 21 ያቆባ ዛርያዉ ኢታባይ ያናባይ፤
 እሰራኤልያ አሳዉ መቼ ጋካናባይ ታዉ
 ቤትቤና።
 መድና ጎዳይ ኡንቱንቱ ጸሳይ ኡንቱንቱና
 ደኤ፤
 እ ኡንቱንቱ ካትያ ግድያዋ አዋዪና።
 22 ጸሳይ ኡንቱንታ ግብጾፕ ከሴዳ፤
 እ ሞኖ መንፋዳን ኡንቱንቱ ደኤ።
 23 ያቆባ ቦላ ጋካና ብታይ ባዋ፤
 እሰራኤልያ አሳ ቆህና ሙሩኑካ ባዋ።
 አሳይ ሀእ፡ 'ያቆባዉን እሰራኤላዉ ጸሳይ ኦሌዳዋ
 በእተ' ያጋና።
 24 ሀ አሳይ ማጫ ጋማትዳን ደንዴዳ።
 ባረ ኦይቄዳዋ ማና ጋካናዉነ፤
 ባረ ዋዴዳዋ ሱፋ ኡሻና ጋካናዉ፤
 ሸምፕና ጋሙዋዳን ኡንቱንቱ ኤቀ
 ደንድኖ" ያጌዳ።
 25 ሄዋፕ ጉይያን፤ ባላቅ ባላማ፡ "ኔን
 ኡንቱንታ ሙለካ ሸቆፓነ ሙለካ እንጅፓ"
 ያጌዳ።
 26 ባላም ዛሪደ፡ "መድና ጎዳይ ግያዋ ኡባ
 ኦላና ጋደ ታን ነዉ ኦዳበይክታ?" ያጌዳ።

ባላማ ሄዘንፉ ትምቢትያ

27 ሄዋፕ ጉይያን፤ ባላቅ ባላማ፡ "ሃያ፤ ታን
 ኔና ሀራሳ አፋና። ኡን ኤሪ፤ ኔና ያ አፍና ጸሳይ
 ናሸቲደ፤ ኔና ኡንቱንታ ታዉ ሸቅሳነንቶ" ያጌዳ።
 28 ባላቅ ባላማ መላ ቢታ ቦላና ዱገ ጾልያ
 ፓኦራ ደርያ ሁጺያ አፊዳ።
 29 ባላም፡ "ኔን ሀዋን ታዉ ላፑን ያርሸያ ሳኣ
 ግምባ፤ ቃይ ላፑን ኮሩማ ቦራቱዋነ ላፑን ደርሳ
 ኦርገቱዋ ታዉ ገግሳ" ያጌዳ።
 30 ባላም ጌዳዋዳን ባላቅ ኦሌዳ፤ እት እት
 ያርሸያ ሳኣን እት ኮሩማ ቦራን እት ደርሳ ኦርግያ
 ያርሼዳ።

24

1 እሰራኤልያ እንጅያዋ መድና ጎዳ ናሸቼዳዋ
 ባላም በኤዳ ዋደ፤ ካሰ እ ኦሌዳዋዳን ሙሩናናዉ
 ኮይቤና፤ ሸን ባረ ሶምኡዋ መላ ቢታኮ ዛሬዳ።
 2 ያቲዴ ቶቁ ጊ ጾሊደ፤ እሰራኤልያ አሳይ
 ባረ ዛርያን ዛርያን ዱንካን ኡቲዳዋ በኤዳ፤
 ጸሳ አያናይ አ ቦላ ዋዴዳ።
 3 እ ባረ ትምቢትያ ሀዋዳን ያጌደ ኦዴዳ፤
 "ብኦራ ናኣ ባላማ ትምቢቲ፤
 አ አይፊ ትሽ ኦላ ጾልያዋ ትምቢቲ፤
 4 ጸሳይ ግያዋ ሰሰያዋ ትምቢቲ፤
 ልጭ ጊደ ጉፋንና፤
 አ አይፊ ደየቲዳዋነ
 ኡባ ዳንዳይያ ጸሳ ሳፃ በእያዋ ትምቢቲ
 ሀዋ።
 5 ያቆባ ዛረቶ፤ ሀንተ ዱንካነቱ፤
 እሰራኤልያ አሳዉ፤ ሀንተ ደእያ ሳኣቱካ፤
 ዋት ሎኤ!
 6 ኡንቱንቱ ሞጫቲዳ ዋምባዳን፤
 ሻፋ ደናን ደእያ አታክልትያ ሳኣዳን፤
 መድና ጎዳይ ቶኬዳ ጎዳረ ኡፋዳንነ

ሃፋ ደናን ደእያ ዝጋዳን ሀኒና።
 7 ኡንቱንቶ ዳር ሃፋይ ፑልታና፤
 ኡንቱንቱ ዛረቶ ግድያ ሃፋይ ደእና።
 ኡንቱንቱ ካቲ ካትያ አጋጋፕ ግታታና፤
 ኡንቱንቱ ካዉተሳይካ ቦንቼታና።
 8 ጸሳይ ኡንቱንታ ግብጾፕ ከሴዳ፤
 እ ሞኖ መንፋዳን ኡንቱንቱ ደኤ።
 ኡንቱንቱ ሞርከ ካዉተሳ ሞታና፤
 ኡንቱንቱ መቀላካ ሊቅሳና፤
 ኡንቱንቱ ባረንቱ ዋንዳናያ ዙቢያን
 ኡንቱንታ ጫዳና።
 9 እሰራኤልያ አሳይ ጋሙዋዳን ግሴ።
 ማጫ ጋማትዳን ኡንቱንታ ደንፋናዉ ኡን
 ጸሳይ?
 ሀንተና እንጅያ ኡባይ እንጅቲዳዋ ግዳናዋ፤
 ሀንተና ሸቂያ ኡባይ ሸቀቲዳዋ ግዳናዋ"
 ያጌዳ።
 10 ሄዋፕ ጉይያን፤ ባላቅ ባላማ ቦላ ሀንቁዋ
 ኤጽ ከሴዳ። ባላቅ ባረ ኩሸያ ዱኪደ ባላማ፤
 "ታ ሞርከቲዋ ቃንጋናዳን ታን ኔና ጾሳድ፤ ሸን
 ኔን ሀ ሄዙ ገደካ ኡንቱንታ እንጅዳ።
 11 ሰም ሀእ ኔን ነ ጎላ ባቃታ፤ 'ታን ነዉ ደርባ
 ዋይታና' ጋድ፤ ሸን ኔን ዋይቲዋ እከናዳን መድና
 ጎዳይ ኔና ድጌዳ" ያጌዳ።
 12 ባላም ባላቃ ዛሪደ፡ "ኔን ታኮ
 ኪቲዳዋንቲ፤
 13 'ባላቅ ሀራይ አቶ ባረ ብራይነ ዋርቃይ
 ኩሜዳ ባረ ካትያ ጎልያ ታዉ እሜዳዋ ግድንቶነ፤
 መድና ጎዳይ ኦዴዳዋ አቆደ፤ ሎኡዋ ዋይ ኢታ
 ታ ሸንያን ኦላናዉ ዳንዳይከ። ታን መድና ጎዳይ
 ግያዋ ጸላላ ጋና' ያጋደ ነዉ ኦዳበይክታየ?"
 ያጌዳ።

ባላማ ዉርሰላ ትምቢትያ

14 ያጌደ፡ "ታን ሀእ ታ አሳኮ ባይ፤ ሸን ኔን
 ሃያ፤ ሀ አሳይ ዉርሰላ ዋድያን ነ አሳ ኦላናዋ ታን
 ነዉ ኦዳና" ያጌዳ።
 15 እ ባረ ትምቢትያ ሀዋዳን ያጌደ ኦዴዳ፤
 "ብኦራ ናኣ ባላማ ትምቢቲ፤
 አ አይፊ ትሽ ኦላደ ጾልያዋ ትምቢቲ፤
 16 ጸሳይ ግያዋ ሰሰያዋነ፤
 ኡባፕ ቶቂያ ጸሳፕ
 ግዴዳ ኤራተሳይ ደእያዋ ትምቢቲ፤
 ልጽ ጊደ ጉፋንና፤
 አ አይፊ ደየቲዳዋነ
 ኡባ ዳንዳይያ ጸሳ ሳፃ በእያዋ ትምቢቲ
 ሀዋ።
 17 ታን አ በአይ፤ ሸን ዋዴ ሀእ ግደና፤
 ታን አ ጾላይ፤ ሸን ማታን ግደና።
 ያቆባ ዛርያፕ ጸልንቲ ከሳና።
 እሰራኤልያፕ ካተቲዋ ጸምአይ ከሳና።
 ሞኣባ አሳ ሶምኡዋ እ ጋጭ ቆላና።
 ሴተ አሳ ኡባ ሁጺያ እ ክንቻና።
 18 ኤደም ጸነታና፤
 አ ሞርኪ ሰኢርካ ጸነታና፤
 ሸን እሰራኤሊ ሞን ሞኒደ ባና።
 19 ያቆባፕ ሞድያዋ ከሳና፤
 ኡንቱንቱ ካታማን ፓጸ አቲዳዋንታ
 ቆይሳና" ያጌዳ።

24:9 ደመላ 12:3፤ 49:9

20 ሄዋጥ ጉይያን፡ ባላም አማሌቃ አሳቱዋ በኢደ፡ ባረ ትምቢትያ ሀዋዳን ያገደ ኦዴዳ፤

“ካወተላቱዋ ግደን አማሌቅ ኮይሮ፤ ሸን ኡንቱንቱ ወርሰላይ ቆዮ” ያጌዳ።

21 ቃይ ባላም ቄና አሳቱዋ በኢደ፡ ባረ ትምቢትያ ሀዋዳን ያገደ ኦዴዳ፤

“ህንተ ደእያ ሳኦይ ሳሮ ሳ ግዴ፤ ህንተ ጎሊ ዛላ ቦላን ኬጸቴዳ።

22 ሸን አሰረቱ ህንተና አዎድያ ዎደ፡ ህንተ ቄና አሳቱ ቆያና” ያጌዳ።

23 ሄዋጥ ጉይያን፡ ባላም ባረ ትምቢትያ ሀዋዳን ያገደ ኦዴዳ፤

“አየ አና! ጸሳይ ሀዋ አለያ ዎደ፡ ኦን ደአና ዳንዳዱ?

24 ማርካባቱ ክቲማ ሀሩሩዋጥ ያና፤ ኡንቱንቱ አሰረቱዋን ኤቤራቱዋ ኡቁናና፤ ሸን ቃይ ኡንቱንቱካ ቆያና” ያጌዳ።

25 ሄዋጥ ጉይያን፡ ባላም ደንዲደ፡ ባረ ጎሊ ሰሜዳ፤ ባላቅካ ባረ ኦግያ ቤዳ።

25

እስራኤላቱ ፓኦራ ግያ ሳን ናጋራ ኦጼድኖ

1 እስራኤላቱ ሺጽማ ግያ ሳን ዲንካኔዳ ዎደ፡ አሳይ ሞኣባ ቢታ ማቼቱዋና ሻርሙጹዋ ደሜዳ።

2 ሄ ማጫ አሳቱ ባረንቱ ጸሳቱዋ ያርሹዋ ማናዉ ኡንቱንታ ሾቤድኖ፤ ኡንቱንቱ ሚደ፡ ኡንቱንቱ ጸሳቶ ጎይኔድኖ።

3 እስራኤላቱ ፓኦራ ባኣላ ግያ ኤቃ ካሌዳ ድራዉ፡ መድና ጎዳ ህንቁ ኡንቱንቱ ቦላን ኤጽ ከሴዳ።

4 ያትና መድና ጎዳይ ሙሳ፡ “መድና ጎዳ ህንቁ እስራኤልያጥ ዎራ ሰማና ማላ፡ ሀ አሳ ካለልያዋንታ ኡባ አፋደ፡ ሴታ ጋላሰ መድና ጎዳ ሰንላን ካቃ” ያጌዳ።

5 ሙሴ እስራኤልያ ዳናቱዋ፡ “ፓኦራ ባኣላ ግያ ኤቃዉ ጎይኔዳ ህንተ አሳ ኡባ ህንተ ሁጲያን ሁጲያን ዎድተ” ያጌዳ።

6 ሙሴን እስራኤልያ ማባራይ ኡባይ ጋከትያ ዲንካንያ ጥንግያን ዩክሸን፡ እስራኤላቱዋጥ እቱ ሞድያማ ቢታ ሞሽራቶ ኡንቱንቱ ሰንላና አላደ፡ ባረ ጎልያ አሳኮ አሄዳ።

7 ቄሰያ አሮና ናኦ ኤልኣዛራ ናኦይ ፒንሃሰ ሄዋ በኤዳ ዎደ፡ ማባራ ግደጥ ደንዲደ፡ ቶራ ባረ ኩሽያን ኦይቂደ፡

8 ሄ እስራኤልያ ብታንያ ካሊደ፡ ዲንካንያ ግደ ገሌዳ። እስራኤልያ ብታንያን ሞሽራቶን ላኡዋካ ቶራን ጫዲደ፡ ካንሐ ከሴዳ። ሄዋዳን ሀንና፡ ቦሻይ እስራኤላቱዋጥ ቃረቱዳ፤

9 ሸን ሄ ቦሻን ሀይቄዳ አሳይ ላታማን ኦይዳ ሻኦ።

10 ሄዋጥ ጉይያን፡ መድና ጎዳይ ሙሳ ሀዋዳን ያጌዳ፤

11 “ቄሰያ አሮና ናኦ ኤልኣዛራ ናኦይ ፒንሃሰ እስራኤልያ አሳ ግደን ታን ታ ቦንቾ ሞሽትያዋዳን ሞሽቲዳ ድራዉ፡ ኡንቱንቱ ቦላ ታን ሀንቀቲዳ

ሀንቁ ደቼዳ፤ ታንካ ኡንቱንታ ታ ሀንቁዋን ቆይሳበይከ።

12 ሄዋ ድራዉ፡ ታን ታ ሳሮተላ ጫቁዋ አናና ጫቀትያዋ ፒንሃሳዉ ኔን ኦዳ።

13 እ ባረ ጸሳ ቦንቾ ሞሽቲዳ ግሻዉን እስራኤልያ አሳዉ አቶ ገሴዳ ድራዉ፡ እን እ ዘረሳቱ መድናዉ ቄስ ግዳናዋ” ያጌዳ።

14 ሞድያማ ቢታ ሞሽራትና ዎዴዳ እስራኤልያ ብታንያ ሱንላይ ሳሉ ናኦ ዝምራ፤ ሳሉ ሰሞና ዛራቱዋን እት ያራ ካፑዋ።

15 ሀይቄዳ ሞድያማ ቢታ ሞሽራት ሱንላይ ኮዝቦ፤ እ አዉ ጸር ሞድያማቱ ያራ ካፑዋ።

16 መድና ጎዳይ ሙሳ ሀዋዳን ያጌዳ፤

17 “ሞድያማ ቢታ አሳቱዋ ሞርክተ፤ ኡንቱንታ ዎድተ።

18 አያዉ ጎጥ፡ ኡንቱንቱ ህንተና ፓኦራን ጫሚደ፡ ህንተዉ ሞርከ ግዴድኖ፤ ቃይ ቦሻ ጋላሰ ፓኦራን ዎዴዳ ሞሽራት፡ ሞድያማቱ ያራ ካፑዋ ናት ኮዝብ ጋሱዋን ኡንቱንቱ ህንተና ሞርኬድኖ” ያጌዳ።

26

ላኤንላ እስራኤልያ አሳ ገይዱዋባ

1 ቦሻጥ ጉይያን፡ መድና ጎዳይ ሙሳን ቄሰያ አሮና ናኦ ኤልኣዛራ፡

2 “የለቶደጥ ላታሙ ላይላን ሄዋጥ ቦላና ደእያ እስራኤላቱዋ፡ ኦላዉ ባናዉ ዳንዲይያዋንታ ኡባቱዋ፡ ኡንቱንቱ ጎልያን ጎልያን ገይድተ” ያጌዳ።

3 ሙሴን ቄሰ ኤልኣዛር ዮርዳኖሳ ሻፋጥ ሄፍንላ ባጋና፡ እያርኮ ማታን፡ ሞኣባ ደምባን ኡንቱንቱና ሃሳዬደ፡

4 “መድና ጎዳይ ሙሳ እዛዜዳዎዳን፡ የለቶደጥ ላታሙ ላይላን ሄዋጥ ቦላና ደእያ አሳ ገይድተ” ያጌድኖ።

ግብጾጥ ከሴዳ እስራኤላቱ ሀዋንታ፡

5 እስራኤልያ ባይራ ናኦ ርቤላ ዛራቱ፡ ሀናካ ያራቱዋ፡ ፓሉ ያራቱዋ፡

6 ሄጽሮና ያራቱዋን ካርማ ያራቱዋ።

7 ሀዋንቱ ርቤላ ዛራቱዋ፤ ኡንቱንቱ ኡባና 43,730።

8 ፓሉ ናኦይ ኤልኣባ፤

9 ኤልኣባ አቱማ ናናይ ነሙኤላ፡ ዳታናን አቢራማ፤ ሀ ዳታንን አቢራም ማባራይ ደራዳዋንታ፡ ኡንቱንቱ ቆራሀን እ ካልያዋንቱና ዙጥቲደ፡ ሙሴ ቦላ፡ አሮና ቦላን መድና ጎዳ ቦላ ማካሌድኖ።

10 ቢታይ ደባቲደ፡ ኡንቱንታ ቆራሃና እትጥ ሞቲዳ፤ ኡንቱንታ ካልያ ላኡ ጾታን እሻታሙ አሳ ታማይ ሚና ሀይቄድኖ። ያትና ኡንቱንቱ አሳይ በኢደ ዱጽያ ማላታ ግዴድኖ።

11 ሸን ቆራሀ አቱማ ናናይ ሄ ጋላሰ ሀይቁበይክኖ።

12 ሰሞና ዛራቱ ባረንቱ ያራን ያራን፡ ነሙኤላ ያራቱዋ፡ ያሚና ያራቱዋ፡ ያኪና ያራቱዋ፡

13 ዛራሀ ያራቱዋን ሻኡላ ያራቱዋ፡

14 ሀዋንቱ ሰሞና ዛራቱዋ፤ ኡንቱንቱ ኡባና 22,200።

15 ጋዳ ዛራቱ ባረንቱ ያራን ያራን፡ ጸፎና ያራቱዎ፡ ሀጋ ያራቱዎ፡ ሹና ያራቱዎ፡
 16 ኦዘና ያራቱዎ፡ ኤራ ያራቱዎ፡
 17 እርዳ ያራቱዎን እርኤላ ያራቱዎ፡
 18 ሀዋንቱ ጋዳ ዛራቱዎ፤ ኡንቱንቱ ኡባና 40,500።
 19 ይሁዳ አቱማ ናናይ ኤራን ኦናና፤ ሸን ኡንቱንቱ ካናን ጋድያን ሀይቄድና።
 20 ይሁዳ ዛራቱ ባረንቱ ያራን ያራን፡ ሹላ ያራቱዎ፡ ፓሪሳ ያራቱዎን ዛራሀ ያራቱዎ።
 21 ፓሪሳ ዛራቱ ሄጽሮና ያራቱዎን ሀሙላ ያራቱዎ።
 22 ሀዋንቱ ይሁዳ ዛራቱዎ፤ ኡንቱንቱ ኡባና 76,500።
 23 ይሳኮራ ዛራቱ ባረንቱ ያራን ያራን፡ ቶላክ ያራቱዎ፡ ፑዋ ያራቱዎ፡
 24 ያሹባ ያራቱዎን ሸምሮና ያራቱዎ።
 25 ሀዋንቱ ይሳኮራ ዛራቱዎ፤ ኡንቱንቱ ኡባና 64,300።
 26 ዛብሎና ዛራቱ ባረንቱ ያራን ያራን፡ ሰራዳ ያራቱዎ፡ ኤሎና ያራቱዎን ያህላኤላ ያራቱዎ።
 27 ሀዋንቱ ዛብሎና ዛራቱዎ፤ ኡንቱንቱ ኡባና 60,500።
 28 ምናሰን ኤፍሬማ አወዋ ዮሴፎ ዛራቱ ሀዋጥ ካሊደ ጸፈቱድና።
 29 ምናሰ ዛራቱ ምናሰ ናኣ ማኪራ ያራቱዎ፡ ማኪር ናኣ ጋላኦደ ያራቱዎን ጋላኦደ ናናቱ ያራቱዎ።
 30 ጋላኦደ ዛራቱ እኤዘራ ያራቱዎ፡ ሄሌቃ ያራቱዎ፡
 31 አሰርኤላ ያራቱዎ፡ ሸኬማ ያራቱዎ፡
 32 ሻምዳክ ያራቱዎን ሄፌራ ያራቱዎ።
 33 ሄፌራ ናኣይ ጸሎፍሃድ ማጫ ናናቱ ጸላላ የሌዳ፤ አዉ አቱማ ናኣ ባዎ። ጸሎፍሃዳ ማጫ ናናቱ ሱንሳይ ማህሎ፡ ኖኦ፡ ሆግሎ፡ ምልኮን ትርጸ።
 34 ሀዋንቱ ምናሰ ዛራቱዎ፤ ኡንቱንቱ ኡባና 52,700።
 35 ኤፍሬማ ዛራቱ ባረንቱ ያራን ያራን፡ ሹተላሀ ያራቱዎ፡ በኬራ ያራቱዎ፡ ታሃና ያራቱዎን
 36 ሹተላሀ ናኣ ኤራና ያራቱዎ።
 37 ሀዋንቱ ኤፍሬማ ዛራቱዎ፤ ኡንቱንቱ ኡባና 32,500። ዮሴፎ ዛራቱ ባረንቱ ያራን ያራን ሄዋንታ።
 38 ቢንያማ ዛራቱ ባረንቱ ያራን ያራን፡ በላክ ያራቱዎ፡ አሸቤላ ያራቱዎ፡ አህራማ ያራቱዎ፡
 39 ሻፋፋማ ያራቱዎ፡ ሁፋማ ያራቱዎ፡
 40 በላክ ናኣ አራዳ ያራቱዎን በላክ ናኣ ናኣማና ያራቱዎ።
 41 ሀዋንቱ ቢንያማ ዛራቱዎ፤ ኡንቱንቱ ኡባና 45,600።
 42 ዳና ዛራቱ ሹሃማ ያራቱዎ።
 43 ሹሃማ ያራቱ ኡባና 64,400።
 44 አሴራ ዛራቱ ባረንቱ ያራን ያራን፡ ይምና ያራቱዎ፡ ይሸዋሀ ያራቱዎ፡ ባሪክ ያራቱዎ፡
 45 ባሪክ ናኣ ሄቤራ ያራቱዎን ባሪክ ናኣ ማልክኤላ ያራቱዎ።
 46 አሴራዉ ሰራሆ ግያ ማጫ ናታ ደአዉ።

47 ሀዋንቱ አሴራ ዛራቱዎ፤ ኡንቱንቱ ኡባና 53,400።
 48 ንፍታሌማ ዛራቱ ባረንቱ ያራን ያራን፡ ያእዘኤላ ያራቱዎ፡ ጉና ያራቱዎ፡
 49 የጼራ ያራቱዎን ሸሌማ ያራቱዎ።
 50 ሀዋንቱ ንፍታሌማ ዛራቱዎ፤ ኡንቱንቱ ኡባና 45,400።
 51 ገይደቱዳ እሰራኤልያ አቱማ አሳይ ኡባና 601,730።
 52 ቃይካ መድና ጎዳይ ሙሳ፡
 53 “ሀ ዛረቶ ኡንቱንቱ ሱንሳ ሱንሳ ገይደዎዳን ቢታይ ሻከቲደ፡ ላታ ግዲደ ኡንቱንቶ እመቶ።
 54 ገይደዎን ጮራቶ ኡንቱንቱ ጮራተላ ኬና፡ ገይደዎን ጉላቶ ኡንቱንቱ ጉላተላ ኬና ሻካደ እማ። ኡባይካ ጸፈቱዳ ባረንቱ ገይደዎ ኬና ኬና እክኖ።
 55 ሸን ቢታይ ሳማን ሻከቶ፤ እት እት ዛሪ ላትያ ቢታይ ኡንቱንቱ አወዋ ዛርያ ሱንሳዳን ግድ።
 56 ላታ ኡባይ ገይደዎን ጮራቱዋጥን ገይደዎን ጉላቱዋጥ ግዲዎን ኤጸን ሻከቶ” ያጌዳ።
 57 ባረ ያራን ያራን ገይደቱዳ ሌዋቱ ሀዋንታ፡ ገርሸና ያራቱዎ፡ ቃሃታ ያራቱዎን ማራራ ያራቱዎ።
 58 ሀዋንቱካ ቃይ ሌዋቱዎ ያራቱዎ፡ ሊብና ያራቱዎ፡ ከብሮና ያራቱዎ፡ ማህላ ያራቱዎ፡ ሙሻ ያራቱዎን ቆራሀ ያራቱዎ። ቃሃት አምራማ የሌዳ።
 59 አምራማ ማቻት ሱንሳይ ዮከቤደ፤ አ ግብጾን ሌዊያዉ የለቱዳ ናቶ። እዛ አምራማዉ አርና፡ ሙሳን ኡንቱንቱ ምቻቶ ሚርያዎ የላዱ።
 60 አርን ናዳባ፡ አቢሀ፡ ኤልኣዛራን እታማራ የሌዳ።
 61 ሸን መድና ጎዳይ አዛዘቤና ታማ አ ሰንሳን ያርሼዳ ዎደ፡ ናዳብን አብሀ ሀይቄድና።
 62 የለቶደጥ እት አግናን ሄዋጥ ቦላና ደእያ ገይደቱዳ አቱማ ሌዋቱ ኡባና ላታማን ሄዙ ሻክ። እሰራኤላቱዎ ግዲዎን ኡንቱንቶ ላትያ ቢታይ እመትቤና ድራዉ፡ ኡንቱንቱ እሰራኤላቱዎና ገይደትቤክኖ።
 63 ዮርዳኖሳ ሻፋጥ ሄፍንሳ ባጋና፡ እያርኮ ማታን፡ ሞኣባ ደምባን ሙሴን ቄሲ ኤልኣዛር እሰራኤላቱዎ ገይደዳ ዎደ፡ ገይደቱዳ አሳይ ሀዋ።
 64 ሙሴን ቄሲ አርን ካሰ ሲና መላ ቢታን እሰራኤላቱዎ ገይደዳ ዎደ፡ ገይደቱዳ አሳጥ ሀራይ አቶ መጽ እት አሳይን አትቤና።
 65 እያዉ ጎጥ፡ መድና ጎዳይ ሄ እሰራኤላቱዎ ኦዲደ፡ “ኡንቱንቱ መላ ቢታን ቱሙ ሀይቃና” ያግ ዎጮዳ። ይፋን ናኣ ካሌባጥን ኔዌ ናኣ ኢያሱጥ አትና፡ ሀራይ እት አሳይን አትቤና።

27

ጸሎፍሃዳ ማጫ ናናቱዎ እሻ
 1 ጸሎፍሃዳ ማጫ ናናይ ማህሎ፡ ኖኦ፡ ሆግሎ፡ ምልኮን ትርጸ። ጸሎፍሃድ ሄፌራ ናኣ፤

ሄሬር ጋላኦሪ ናኣ፤ ጋላኦሪ ማክራ ናኣ፤ ማክር ሞናሰ ናኣ፤ ሞናሰ ዮሴፎ ናኣ።

2 ሀ ማጫ ናናይ ጋከትያ ዲንካንያ ፕንግያን ሙሴ ሰንፋን፣ ቄሰያ ኤልኣዛራ ሰንፋን፣ ካፓቱ ሰንፋንን ማባራ ኡባ ሰንፋን ኤቂደ፣ ሀዋዲን ያጌድኖ፤

3 “ኑ እዉ ባዙዋን ሀይቄዳ፤ እ ባረ ናጋራን ሀይቄዳ፣ አትና፣ መድና ጎዳ ቦላ ደንዴዳ ቆራሀ ካልያዋንቱ ግደን ደኤና። እዉ አቱማ ናእ ባዋ።

4 አቱማ ናእ እዉ ባይናዋ ግደፕን፣ ኑ አዉዋ ሱንፋይ እ ዳቦቱዋ ግደፕ፣ አያዉ ዳዩ? ኑ አዉዋ እሻንቱ ግደን ኑዉ ላትያ ቢታ እማ” ያጌድኖ።

5 ሙሴ ኡንቱንቱ ኦሻ መድና ጎዳ ሰንፋ ሺሺዳ።

6 መድና ጎዳይ ሙሳ፡

7 “ጸሎፍሃዳ ማጫ ናናይ ኦቼዳዌ ልከ፤ ኡንቱንቱ አዉዋ እሻንቱ ግደን ኔን ኡንቱንቶ ላትያ ቢታ እማ፤ እ ላታይ ኡንቱንታ ጋኮ።

8 ቃይ ኔን እሰራኤላቱዋ ሀዋዲን ያጋ፤ “እት አሳይ አቱማ ናእ ባይናን ሀይቄያዋ ግደፕ፣ አ ቢታ አ ማጫ ናእ ላቶ፤

9 ማጫ ናእካ እዉ ባይናዋ ግደፕ፣ አ ቢታ አ እሻቱ ላትኖ፤

10 እዉ እሻቱ ባይናዋ ግደፕ፣ አ አዉዋ እሻቱ ላትኖ፤

11 አ አዉዋ እሻቱካ ባይናዋ ግደፕ፣ አ ዛርያፕ ኡባፕ ማታትያ ዳቦቱ ላትሳ። ታን መድና ጎዳይ ኔና ሙሳ አዛዜዳዋዲን፣ ሀዌ እሰራኤላቶ ህገ ግደ፣ ያጋ” ያጌድኖ።

ሙሴ ኮታን ኢያሱ ደረቱዳ

12 ሄዋፕ ጉይያን፣ መድና ጎዳይ ሙሳ፣ “ፑደ አባርማ ደረቱዋ ከሳደ፣ ታን እሰራኤልያ አሳዉ እማዳ ቢታ በእ።

13 በኤዳዋፕ ጉይያን፣ ነ እሻ አርነዳን ኔንካ ሀይቃደ፣ ነ ማይዛን ጋከታና።

14 አያዉ ጎፕ፣ ጸና ባዙዋን ደእያ ሃፋን አሳይ ኡባይ ማካሌዳ ዋደ፣ ህንተ ላኡካ ኡንቱንቱ ሰንፋን ታና ጌሻዳን ቦንቻናዉ ታዉ አዛዘትቦይክታ” ያጌድኖ። ሄዌ ሃፋይ ጸና መላ ቢታን፣ ቃዳሳን ደእያ ማሪባ ሃፋ።

15 ሙሴ መድና ጎዳ ሀዋዲን ያጌዳ፤

16-17 “እቤት መድና ጎዳዉ፣ አሳ ኡባዉ ደኡዋ እምያ ጸሳዉ፣ ነ አሳይ፣ ጸሳ አሳይ ሄንፋንቻይ ባይና ዉድያ ማላ ግደናዳን፣ ሀ አሳ ሰንፋን ከሰያን ገልያ፣ ኡንቱንቱካ ካለሊደ ከሰያን ገልሰያ፣ እት አሳ ሀ ማባራ ቦላ ሱንፋርኪ” ያጌድኖ።

18 መድና ጎዳይ ሙሳ፣ “እያናይ እን ደእያ ኔዌ ናእ ኢያሳ አካደ፣ ነ ኩሽያ አ ቦላ ዋፋ፤

19 ያታደ ቄሰያ ኤልኣዛራ ሰንፋንን ማባራ ኡባ ሰንፋን ኤሳደ፣ ኡንቱንቱ በእሽን ሱንፋ።

20 እሰራኤላቱዋ ማባራ ኡባይ አዉ አዛዘታናዳን፣ ነ ማታፕ አዉ ሻካደ እማ።

21 ቄሰያ ኤልኣዛራ ሰንፋን እ ኤቆ፤ ኤልኣዛር ኡሪምያን አዉ መድና ጎዳ ሸንያ ኦቾ። ኢያሱን

እሰራኤልያ ማባራይ ኡባይ ኤልኣዛራ አዛዙዋን ከሰያን እ አዛዙዋን ገልኖ” ያጌድኖ።

22 መድና ጎዳይ አዛዜዳዋዲን ሙሴ ኦሌዳ፤ ኢያሳ አፊደ፣ ቄሰያ ኤልኣዛራ ሰንፋንን ማባራ ኡባ ሰንፋን ኤሴዳ።

23 መድና ጎዳይ ጸሳይ አዛዜዳዋዲን፣ ሙሴ ባረ ኩሽያ አ ቦላ ዋሊደ፣ አ ሱንፋዳ።

28

ሀቼ ሀቼ ሺሽያ ያርሹዋ (ከሳ 29:38-46)

1 መድና ጎዳይ ሙሳ፡

2 “እሰራኤላቱዋ ሀዋዲን ያጋደ አዛዛ፤ ታ ቁማ፣ ታና ቶሹኩ ጊደ ሳዋና ማላ፣ ታማን ያርሽያ ታ ያርሹዋ ኬራዳ ዋድያን ዋድያን ታዉ ናጊደ እምተ” ያጋ።

3 ቃይ ኔን ኡንቱንታ፣ ሙድና ጎዳዉ ታማን ያርሽያ ያርሹ ሀዋ፣ ትላ ቦላና ደእያ፣ እት ላይላ ግዴዳ ላኡ ዶርሳ ኦርገቱዋ ሀቾ ሀቾ ጸግያ ያርሹ ያርሹተ፤

4 ዶርሳ ኦርገቱዋ፣ እቱዋ ዋንታ፣ ላኤንሉዋ ኦማርሰ ያርሹተ።

5 ቃይ ሄዋና እት ሊትሮ ግድያ ዛይትያን ሙናቀቱዳ እት ኪሎ ግራመ ሙሩታ ዛርጋ ጴልያ ካላ ያርሹ ያርሹተ።

6 ሀዌ መድና ጎዳ ቶሹኩ ጊደ ሳዋና ማላ፣ ሲና ዶርያ ቦላን አዛዘቱዳ፣ ሀቾ ሀቾ ታማን ጸግያ ያርሹዋ።

7 ሄዋና ያርሽያ ኡሻ ያርሹ እት ዶርሳ ኦርግያዉ እት ሊትሮ ግድያ ዋይንያ ኤሳ። ኡሻ ያርሹዋ ጌሻ ሳኣን መድና ጎዳዉ ጉሰተ።

8 ኦማርሰ ላኤንሉ ዶርሳ ኦርግያ፣ ዋንታዋ ኦሌዳዋዲን ኦሊደ፣ ካላ ያርሹዋና ኡሻ ያርሹዋና መድና ጎዳ ቶሹኩ ጊደ ሳዋና ማላ፣ ታማን ያርሹተ።

ሳምባታ ጋላሳ ያርሹዋ

9 “ ሳምባታ ጋላሳን፣ ትላ ቦላና ደእያ እት ላይላ ግዴዳ ላኡ ዶርሳን ዛይትያን ሙናቀቱዳ ላኡ ኪሎ ግራመ ግድያ ሙሩታ ጴልያ ካላ ያርሹዋን ኡሻ ያርሹዋ ኦሊደ ያርሹተ።

10 ሀቼ ሀቾ ጸግያ ያርሹዋን እ ኡሻ ያርሹዋ ቦላ፣ ሳምባታ ጋላሳ ኡባን ህንተ ያርሽያ ጸግያ ያርሹ ሀዋ።

አግናይ ጴርያ ጋላሳ ያርሹዋ

11 “ ሳግናይ ጴርያ ጋላሳ ኡባን፣ ላኡ ኮሩማቱዋ፣ እት ዶርሳ ኦርግያን እት ላይላ ግዴዳ ላቸን ዶርሳ ኦርገቱዋ፣ ኡባይካ ትላ ቦላና ደእያዋንታ፣ ጸግያ ያርሹዋ ኦሊደ፣ መድና ጎዳዉ ያርሹተ።

12 እት እት ኮሩማና ዛይትያን ሙናቀቱዳ ሄዙ ኪሎ ግራመ ግድያ ሙሩታ ዛርጋ ጴልያ፣ እት ዶርሳ ኦርግያና ዛይትያን ሙናቀቱዳ ላኡ ኪሎ ግራመ ግድያ ሙሩታ ዛርጋ ጴልያን

27:7 ገይ. 36:2 27:12 ዛረ. 3:23-27፤ 32:48-52 27:16-17 ህዘ. 34:5፤ ማቶሳ 9:36፤ ማር. 6:34 27:18 ከሳ 24:13 27:21 ከሳ 28:30፤ 1 ሳሜላ 14:41፤ 28:6 27:23 ዛረ. 31:23

13 ላፑን ደርሳ ማራቱዋፕ እት እት ደርሳ ማራና ዛይትያን ሙናቀቱዳ እት ኪሎ ግራመ ግድያ ሙሩታ ዛርጋ ጁልያ ካላ ያርሹዋ ኦሊደ፡ መድና ጎዳ ቶሹኩ ጊደ ሳዋና ማላ፡ ታማን ያርሹያ ያርሹዋ ያርሹተ።

14 ቃይ ኡሻ ያርሹ እት እት ኮሩማና ላኡ ሊትሮ ግድያ ዋይንያ ኤሳ፡ እት ደርሳ ኦርግያና እት ሊትሮን ባጋ ዋይንያ ኤሳን እት እት ደርሳ ማራና እት ሊትሮ ግድያ ዋይንያ ኤሳ ሺሸተ። ሀዌ ላይላ ግድን አግናይ ጸርያ ጋላሳ ኡባን ያርሹያ ጸግያ ያርሹዋ።

15 ሀቼ ሀቼ ጸግያ ያርሹዋን አ ኡሻ ያርሹዋ ቦላ፡ እት ዴሻ ኦርግያ ናጋራ ያርሹዋ ኦሊደ፡ መድና ጎዳዉ ያርሹተ።

ፓሰጋ ባላን ኡክላ ባላ ያርሹቱዋ
(ዋጋ 23:5-14)

16 “ ሳይሮ አግናን ታማን አይደንሉ ጋላሳይ መድና ጎዳ ፓሰጋ ቦንቶያ ጋላሳ ግድ።

17 ቃይ ሄ አግናንካ ታማን እቼሸንሉ ጋላሳን ደሚደ፡ ኡክላ ባላይ ቦንቼቲ፤ ሄዋ ድራዉ፡ ላፑን ጋላሳቱዋን እርሹ ገልቤና ኡክላ ሚተ።

18 ሄ ጋላሳቱዋፕ ኮይሮ ጋላሳን ጌሻ ሺቁዋ ሺቅተ፤ ዳቡርሰያ ኦሶ አያን ኦሎፕተ።

19 ላኡ ኮሩማቱዋ፡ እት ደርሳ ኦርግያን እት ላይላ ግዴዳ ላፑን ደርሳ ኦርገቱዋ፡ ኡባይካ ትላ ቦላና ደእያዋንታ፡ ታማን ያርሹያ ያርሹዋ ኦሊደ፡ መድና ጎዳዉ ያርሹተ።

20 ካላ ያርሹ እት ኮሩማና ዛይትያን ሙናቀቱዳ ሄዙ ኪሎ ግራመ ግድያ ሙሩታ ዛርጋ ጁልያ፡ እት ደርሳ ኦርግያና ላኡ ኪሎ ግራመ ግድያ ጁልያን

21 ላፑን ደርሳ ማራቱዋፕ እት እት ማራና እት ኪሎ ግራመ ጁልያ ያርሹተ።

22 ቃይ እት ዴሻ ኦርግያ ናጋራ ያርሹ፡ ሀንተ ናጋራ አቶ ጊሳናዉ ያርሹተ።

23-24 ሀቼ ሀቼ ዋንታ ጸግያ ያርሹዋን አ ካላ ያርሹዋ ቦላ፡ ሳዉዋ ቶሹኩ ግያ ቁማ ታማን ያርሹያ ያርሹዋ ጉጂደ፡ መድና ጎዳዉ ያርሹተ። ላፑን ጋላሳዉ ሄዋዳን ኦሎተ።

25 ላፑንላ ጋላሳን ቃይ ጌሻ ሺቁዋ ሺቅተ፤ ዳቡርሰያ ኦሶ አያን ኦሎፕተ።

ሳምንታቱዋ ባላ ያርሹዋ
(ዋጋ 23:15-22)

26 “ ሳምንታቱ ባላ ጋላሳን ሀንተ መድና ጎዳዉ ኦራላ ካላ ሺሸያ ዋደ፡ ጌሻ ሺቁዋ ሺቅተ፤ ዳቡርሰያ ኦሶ አያን ኦሎፕተ።

27 ላኡ ኮሩማቱዋ፡ እት ደርሳ ኦርግያን እት ላይላ ግዴዳ ላፑን ደርሳ ኦርገቱዋ ሳዉዋ ቶሹኩ ግያ ጸግያ ያርሹዋ ኦሊደ፡ መድና ጎዳዉ ያርሹተ።

28 እት እት ኮሩማና ዛይትያን ሙናቀቱዳ ሄዙ ኪሎ ግራመ ግድያ ሙሩታ ዛርጋ ጁልያ፡ እት ደርሳ ኦርግያና ላኡ ኪሎ ግራመ ጁልያን

29 ላፑን ደርሳ ማራቱዋፕ እት እት ማራና እት ኪሎ ግራመ ጁልያ ካላ ያርሹ ያርሹተ።

30 ቃይ እት ዴሻ ኦርግያ ናጋራ አቶ ጊሰያ ያርሹዋ ኦሊደ ያርሹተ።

31 ሀቼ ሀቼ ጸግያ ያርሹዋን አ ኡሻ ያርሹዋ ቦላ፡ ሀዋንታ ኡንቱንቱ ካላ ያርሹዋና ያርሹተ። መሄቱ ትላ ቦላና ደእያዋንታ ግድያዋ ጌሺደ ኤርተ።

29

ማላካታ ባላ
(ዋጋ 23:23-25)

1 “ ላፑንላ አግናዉ ኮይሮ ጋላሳን፡ ጌሻ ሺቁዋ ሺቅተ። ዳቡርሰያ ኦሶ አያን ኦሎፕተ። ሄ ጋላሳይ ጸሩምባይ ቸነትያ ጋላሳ።

2 መድና ጎዳዉ ሳዉዋ ቶሹኩ ጋና ማላ፡ ጸግያ ያርሹ፡ እት ኮሩማ፡ እት ደርሳ ኦርግያን እት ላይላ ግዴዳ ላፑን ደርሳ ኦርገቱዋ፡ ኡባይካ ትላ ቦላና ደእያዋንታ፡ ያርሹተ።

3 ካላ ያርሹ እት ኮሩማና ዛይትያን ሙናቀቱዳ ሄዙ ኪሎ ግራመ ግድያ ሙሩታ ዛርጋ ጁልያ፡ እት ደርሳ ኦርግያና ላኡ ኪሎ ግራመ ጁልያን

4 ላፑን ደርሳ ማራቱዋፕ እት እት ማራና እት ኪሎ ግራመ ጁልያ ያርሹተ።

5 ቃይ እት ዴሻ ኦርግያ ናጋራ ያርሹ፡ ሀንተ ናጋራ አቶ ጊሳናዉ ያርሹተ።

6 ሄዋንታ አግናይ ጸርያ ጋላሳን ጸግያ ያርሹዋ ቦላን አ ካላ ያርሹዋ ቦላ፡ ሀቼ ሀቼ ጸግያ ያርሹዋ ቦላ፡ አ ካላ ያርሹዋ ቦላን አ ኡሻ ያርሹዋ ቦላ ጉጂደ፡ ዋጋዳን ያርሹተ፤ ሀዋንቱ መድና ጎዳዉ ሳዉዋ ቶሹኩ ግያ፡ ታማን ያርሹያ ያርሹቱዋ።

ናጋራ አቶ ጊሰያ ጋላሳ ያርሹዋ
(ዋጋ 23:26-32)

7 “ ሀ ላፑንላ አግናዉ ታማንላ ጋላሳን ጌሻ ሺቁዋ ሺቅተ፤ ሀንተ ሀጺያ ካዉሸተ፤ አያ ኦሎፕካ ኦሎፕተ።

8 ያቲደ መድና ጎዳ ቶሹኩ ጊደ ሳዋና ማላ፡ ጸግያ ያርሹ እት ኮሩማ፡ እት ደርሳ ኦርግያን እት ላይላ ግዴዳ ላፑን ደርሳ ኦርገቱዋ፡ ኡባይካ ትላ ቦላና ደእያዋንታ፡ ያርሹተ።

9 ካላ ያርሹ እት ኮሩማና ዛይትያን ሙናቀቱዳ ሄዙ ኪሎ ግራመ ግድያ ሙሩታ ዛርጋ ጁልያ፡ እት ደርሳ ኦርግያና ላኡ ኪሎ ግራመ ጁልያን

10 ላፑን ደርሳ ማራቱዋፕ እት እት ማራና እት ኪሎ ግራመ ጁልያ ያርሹተ።

11 ቃይ ናጋራ ያርሹ እት ዴሻ ኦርግያ ያርሹተ። ሄዋንታ ናጋራ አቶ ጊሰያ ያርሹዋ ቦላ፡ ሀቼ ሀቼ ጸግያ ያርሹዋ ቦላ፡ ኡንቱንቱ ካላ ያርሹዋ ቦላን ኡንቱንቱ ኡሻ ያርሹዋ ቦላ ጉጂደ ያርሹተ።

ዳሰያ ባላ ያርሹቱዋ
(ዋጋ 23:33-44)

28:16 ከሳ 12:1-13፤ ዛረ. 16:1-2 28:17 ከሳ 12:14-20፤ 23:15፤ 34:18፤ ዛረ. 16:3-8 28:26 ከሳ 23:16፤ 34:22፤ ዛረ. 16:9-12 29:7 ዋጋ 16:29-34

12 “ ላጥንጥን አገናን ታማነ እቼሽንጎ ጋላሳን፡ ጌሻ ሸቆዋ ሸቅተ፤ ዳቡርሰያ ኦሶ አያነ አላጥተ። መድና ጎዳጫ ዳሰያ ባላ ላጥን ጋላሳ ቦንቸተ።

13 መድና ጎዳ ቶሹኩ ጊደ ሳዋና ማላ፡ ታማን ያርሽያ ታማነ ሄዙ ኮረማቱዋ፡ ላኡ ደርሳ ኦርገቱዋን እት ላይላ ግዴዳ ታማነ ኦይዱ ደርሳ ኦርገቱዋ፡ ኡባይካ ትላ ቦላና ደእያዋንታ፡ ያርሽተ።

14 ካላ ያርሾ ታማነ ሄዙ ኮረማቱዋጥ እት እት ኮረማና ዛይትያን ሙናቀቱዳ ሄዙ ኪሎ ግራመ ግድያ ሙሩታ ዛርጋ ዲልያ፡ ላኡ ደርሳ ኦርገቱዋጥ እት እት ኦርግያና ላኡ ኪሎ ግራመ ዲልያን

15 ታማነ ኦይዱ ደርሳ ማራቱዋጥ እት እት ማራና እት ኪሎ ግራመ ዲልያ ያርሽተ።

16 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሀች ሀች ጸግያ ያርሹዋ ቦላ፡ አ ካላ ያርሹዋ ቦላን አ ኡሻ ያርሹዋ ቦላ ጉጂደ ያርሽተ።

17 “ ላኡንጎ ጋላሳን ታማነ ላኡ ኮረማቱዋ፡ ላኡ ደርሳ ኦርገቱዋን እት ላይላ ግዴዳ ታማነ ኦይዱ ደርሳ ኦርገቱዋ፡ ኡባይካ ትላ ቦላና ደእያዋንታ፡ ያርሽተ።

18 ኮረማቱዋና፡ ደርሳ ኦርገቱዋናን ደርሳ ማራቱዋና፡ ኡንቱንቱ ካላ ያርሹዋን ኡንቱንቱ ኡሻ ያርሹዋ ዋጋይ አዛዝያ ገይዱዋዳን ያርሽተ።

19 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሀች ሀች ጸግያ ያርሹዋ ቦላ፡ አ ካላ ያርሹዋ ቦላን አ ኡሻ ያርሹዋ ቦላ ጉጂደ ያርሽተ።

20 “ ሄዘንጎ ጋላሳን፡ ታማነ እት ኮረማቱዋ፡ ላኡ ደርሳ ኦርገቱዋን እት ላይላ ግዴዳ ታማነ ኦይዱ ደርሳ ኦርገቱዋ፡ ኡባይካ ትላ ቦላና ደእያዋንታ፡ ያርሽተ።

21 ኮረማቱዋና፡ ደርሳ ኦርገቱዋናን ደርሳ ማራቱዋና፡ ኡንቱንቱ ካላ ያርሹዋን ኡንቱንቱ ኡሻ ያርሹዋ ዋጋይ አዛዝያ ገይዱዋዳን ያርሽተ።

22 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሀች ሀች ጸግያ ያርሹዋ ቦላ፡ አ ካላ ያርሹዋ ቦላን አ ኡሻ ያርሹዋ ቦላ ጉጂደ ያርሽተ።

23 “ ላይደንጎ ጋላሳን፡ ታሙ ኮረማቱዋ፡ ላኡ ደርሳ ኦርገቱዋን እት ላይላ ግዴዳ ታማነ ኦይዱ ደርሳ ኦርገቱዋ፡ ኡባይካ ትላ ቦላና ደእያዋንታ፡ ያርሽተ።

24 ኮረማቱዋና፡ ደርሳ ኦርገቱዋናን ደርሳ ማራቱዋና፡ ኡንቱንቱ ካላ ያርሹዋን ኡንቱንቱ ኡሻ ያርሹዋ ዋጋይ አዛዝያ ገይዱዋዳን ያርሽተ።

25 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሀች ሀች ጸግያ ያርሹዋ ቦላ፡ አ ካላ ያርሹዋ ቦላን አ ኡሻ ያርሹዋ ቦላ ጉጂደ ያርሽተ።

26 “ ላኡንጎ ጋላሳን፡ ኡዱጥን ኮረማቱዋ፡ ላኡ ደርሳ ኦርገቱዋን፡ እት ላይላ ግዴዳ ታማነ ኦይዱ ደርሳ ኦርገቱዋ፡ ኡባይካ ትላ ቦላና ደእያዋንታ፡ ያርሽተ።

27 ኮረማቱዋና፡ ደርሳ ኦርገቱዋናን ደርሳ ማራቱዋና ኡንቱንቱ ካላ ያርሹዋን ኡንቱንቱ ኡሻ ያርሹዋ ዋጋይ አዛዝያ ገይዱዋዳን ያርሽተ።

28 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሀች ሀች ጸግያ ያርሹዋ ቦላ፡ አ ካላ ያርሹዋ ቦላን አ ኡሻ ያርሹዋ ቦላ ጉጂደ ያርሽተ።

29 “ ላኡንጎ ጋላሳን፡ ሆሰጥን ኮረማቱዋ፡ ላኡ ደርሳ ኦርገቱዋን እት ላይላ ግዴዳ ታማነ ኦይዱ ደርሳ ኦርገቱዋ፡ ኡባይካ ትላ ቦላና ደእያዋንታ፡ ያርሽተ።

30 ኮረማቱዋና፡ ደርሳ ኦርገቱዋናን ደርሳ ማራቱዋና ኡንቱንቱ ካላ ያርሹዋን ኡንቱንቱ ኡሻ ያርሹዋ ዋጋይ አዛዝያ ገይዱዋዳን ያርሽተ።

31 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሀች ሀች ጸግያ ያርሹዋ ቦላ፡ አ ካላ ያርሹዋ ቦላን አ ኡሻ ያርሹዋ ቦላ ጉጂደ ያርሽተ።

32 “ ላጥንጥን ጋላሳን፡ ላጥን ኮረማቱዋ፡ ላኡ ደርሳ ኦርገቱዋን እት ላይላ ግዴዳ ታማነ ኦይዱ ደርሳ ኦርገቱዋ፡ ኡባይካ ትላ ቦላና ደእያዋንታ፡ ያርሽተ።

33 ኮረማቱዋና፡ ደርሳ ኦርገቱዋናን ደርሳ ማራቱዋና ኡንቱንቱ ካላ ያርሹዋን ኡንቱንቱ ኡሻ ያርሹዋ ዋጋይ አዛዝያ ገይዱዋዳን ያርሽተ።

34 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሀች ሀች ጸግያ ያርሹዋ ቦላ፡ አ ካላ ያርሹዋ ቦላን አ ኡሻ ያርሹዋ ቦላ ጉጂደ ያርሽተ።

35 “ ሆሰጥንጎ ጋላሳን ጌሻ ሸቆዋ ሸቅተ፤ ዳቡርሰያ ኦሶ አያነ አላጥተ።

36 ታማን ያርሽያ ያርሹ መድና ጎዳ ቶሹኩ ጊደ ሳዋና ማላ፡ እት ኮረማ፡ እት ደርሳ ኦርግያን እት ላይላ ግዴዳ ላጥን ደርሳ ኦርገቱዋ፡ ኡባይካ ትላ ቦላና ደእያዋንታ፡ ያርሽተ።

37 ኮረማና፡ ደርሳ ኦርግያናን ደርሳ ማራቱዋና ኡንቱንቱ ካላ ያርሹዋን ኡንቱንቱ ኡሻ ያርሹዋ ዋጋይ አዛዝያ ገይዱዋዳን ሸሸተ።

38 ቃይ ናጋራ ያርሾ እት ዳሻ ኦርግያ ያርሽተ። ሄዋንታ ሀች ሀች ጸግያ ያርሹዋ ቦላ፡ አ ካላ ያርሹዋ ቦላን አ ኡሻ ያርሹዋ ቦላ ጉጂደ ያርሽተ።

39 “ ህንተ ሸቆዋ ጋላናጫ ያርሽያ ያርሹቱ ቦላን ህንተ ህንተ ደሱዋን ጮ እምያ ያርሹቱ ቦላ፡ ጸግያ ያርሹዋ፡ ካላ ያርሹዋ፡ ኡሻ ያርሹዋን እትጥተላ ያርሹዋ፡ ሀዋንታ መድና ጎዳ ባላ ህንተ ቦንቻናጫ ከሬዳ ዋድያን ዋድያን ያርሽተ” ያጌዳ።

40 ሙሴ ባረና መድና ጎዳይ አዛዜዳዋ ኡባ እሰራኤላቶ ኦይዳ።

30

ቃንገላ ዋጋ

1 ሙሴ እሰራኤልያ ዛራቱ ካፓቱዋ ሀዋዳን ያጌዳ፤ “መድና ጎዳይ አዛዝያዌ ሀዋ።

30:2 ዛረ. 23:21-23፤ ማቶሳ 5:33

2 እት አሳይ መድና ጎዳው እትባ አላናው ገገጥ፡ ዎይ እትባ አጋናው ጫቆጥ፡ ባረ ደናጥ ከሴዳዋ ኡባ ፖሎጥ አትና፡ ባረ ቃላ ብሎጥ።

3 “ባረ አውዋ ሶን ደእያ ዎደሮ ናታ፡ መድና ጎዳው እትባ አላናው ገገጥ፡ ዎይ እትባ አጋናው ጫቆጥ፡

4 እ አው እ ገፋ ዎይ እ ጫቁዋባ ሰሲደ፡ እዞ አይነ ጌናን አጎጥ፡ እ ኦላናው ገገዳዋ ኡባነ አጋናው ጫቆዳዋ ኡባ ፖሎ።

5 ሸን እ አው ሄዋ ሰሲደ ጳልቆጥ፡ አ ገገዳ ገፋይነ አጋናው ጫቆዳ ጫቆ ፖለተናን አቱ። እ አው እዞ ድጌዳ ድራው፡ መድና ጎዳይ እዞው አቶ ጋና።

6 “ገላቤና ማጫውና ገገ ኡታደ፡ ዎይ እትባ አጋናው ኤለካ ባረ ደናጥ ጫቃ ኡታደ አሰና ገሎጥ፡

7 እ አሰናይ ሄዋ ሰሲደ፡ እዞ አይነ ጌናን አጎጥ፡ አ ኦላናው ገገዳ ገፋነ እትባ አጋናው ጫቆዳ ጫቆዋ ፖሎ።

8 ሸን እ አሰናይ ሄዋ ሰሲደ ጳልቆጥ፡ አ ገገዳ ገፋይ ዎይ እትባ አጋናው ኤለካ ጫቆዳ ጫቆ ፖለተናን አቱ። ሄዋ ድራው፡ መድና ጎዳይ እዞው አቶ ጋና።

9 “ሸን አምክታ ዎይ አሰናይ የዳዳ ማጫውና አላናው ገገዳዋ ዎይ እትባ አጋናው ጫቆዳዋ ፖሎ።

10 “ማቻታ ባረ አሰና ሶን ደእደ ገገጥ፡ ዎይ እትባ አጋናው ጫቆዋ ጫቆጥ፡

11 እ አሰናይ ሄዋ ሰሲደ እዞ አይነ ጌናን አጎጥ፡ አ ገገዳ ገፋነ እትባ አጋናው ጫቆዳ ጫቆዋ ኡባ ፖሎ።

12 ሸን እ አሰናይ ሄዋ ሰሲደ ጳልቆጥ፡ አ ገፋይ ዎይ አ አጋናው ጫቆዳ ጫቆ አያይነ ፖለቶጥ። እ አሰናይ ድጌዳ ድራው፡ መድና ጎዳይ እዞው አቶ ጋና።

13 እ አሰናይ አ ገገያ ገፋ ኡባ ዎይ አ ባረና ዝቁ አላናው ጫቆዳዋ ኡባ ጳልቃናው ዎይ ኤኖ ጋናው ዳንዳዬ።

14 ሸን እ አሰናይ ሄ ጋላሰ ዎይ ዎንተላ ጋላሰ ሄዋ አይነ ጌናን አጎጥ፡ እ ገፋ ኡባ ዎይ እ ጫቆዋ ኡባ ማዬ። እ ሄዋ ሰሲደ ጋላሰ ጮኡ ጌዳዋዳን እ ገፋ ኡባ ዎይ እ ጫቆዋ ኡባ ማይ ኡቱዳ።

15 ሸን እ ሄዋ ሰሲደ አማራዳ ዎድያጥ ጉይያን ጳልቆጥ፡ እ ጎሚ አ ጋኬ” ያጌዳ።

16 አሰና ገላቤና፡ ባረ አውዋ ሶን ደእያ ዎደሮ ናታነ እ አውዋ ግዳዋን ዎይ ማቻትነ አሰና ግዳዋን ደእና ማላ፡ መድና ጎዳይ ሙሳ አዛዜዳ ገፋ ዎጋይ ሀዋ።

31

ምድያማ አሳቱዋ ቦላ ደንዴዳ ኦላ

1 መድና ጎዳይ ሙሳ፡
2 “እስራኤልያ አሳ ድራው፡ ኔን ምድያማ አሳ ቦላ ጸሳ ሀሉዋ ከሳ፤ ሄዋጥ ጉይያን፡ ኔን ሀይቃና” ያጌዳ።

3 ሄዋ ድራው፡ ሙሴ አሳ፡ “ምድያማ አሳ ቦላ መድና ጎዳ ሀሉዋ ከሳና ማላ ኦላ ባናው፡ ሀንተ አሳ ኦላ ሚሻ ዳንጭሰተ።

4 እት እት እስራኤልያ ዛራቱዋጥ እት ሻእ አቱማ አሳ ኦላው የድተ” ያጌዳ።

5 እስራኤልያጥ ታማነ ላኡ ሻእ አቱማ አሳይ፡ እት እት ዛርያጥ እት ሻእ አሳይ፡ ኦላው ጊጌድኖ።

6 እት እት ዛርያጥ እት ሻእ አሳ ሙሴ ቁሰያ ኤልኣዛራ ናኣ ፒንሃሳና ኦላው የዳዳ፤ ፒንሃሰ ጌሻ ሚሻቱዋነ ማላታው ፑንያ ጹሩምባ ባረናና አኪድ ቤዳ።

7 መድና ጎዳይ ሙሳ አዛዜዳዋዳን፡ ኡንቱንቱ ምድያማ አሳና ኦለቲደ፡ አቱማ አሳ ኡባ ዎደድኖ።

8 ቃይ ምድያማ ካተቱዋ እቼሻቱዋ፡ ኤዋ፡ ረቁማ፡ ጹራ፡ ሁራነ ረባእ ግያዋንታ ዎደድኖ። ኡንቱንቱ ቃይ ብኦራ ናኣ ባላማካ ማሻን ሲፊድኖ።

9 እስራኤላቱ ምድያማ ማጫ አሳቱዋነ ናናቱዋ ኦሞዲደ፡ ኡንቱንቱ ሚዛ፡ ኡንቱንቱ ደርሳ ዉድያነ ኡንቱንቱ ሚሻ ኡባ ቦንቁድኖ።

10 ምድያማ አሳቱ ደኤዳ ካታማቱዋ ኡባነ ኡንቱንቱ ሞላቱዋ ኡባ ታማን ጹጌድኖ።

11 ኡንቱንቱ አሳ፡ መሀያነ ኦሞዴዳዋ ኡባ እክ አፊድኖ።

12 ኡንቱንቱ ኦሞዴዳ አሳቱዋነ ቦንቁዳባቱዋ ሙሴኮ፡ ቁሰያ ኤልኣዛራኮነ እስራኤልያ ማባራኮ፡ ያርኮጥ ሄፍንላን፡ ዮርዳኖሳ ሻፋ ማታን ደእያ ሞኣባ ደምባን ኡንቱንቱ ዲንካኔዳሳ እሄድኖ።

ኦላንቻቱ ሰሜድኖ

13 ሙሴ፡ ቁሲ ኤልኣዛርነ ማባራ ካገቱ ኡባይ ዲንካኔዳ ሳኣጥ ጋጸ ኡንቱንቱና ጋከታናው ከሴድኖ።

14 አላጥ ሰሜዳ ጋዳዋቱ ቦላ፡ ሻላቃቱ ቦላነ ጾቱዋ ካገቱ ቦላ ሙሴ ሀንቀቱዳ።

15 ሙሴ ኡንቱንታ ሀዋዳን ያጌዳ፤ “ማጫ አሳ ኡባ ሀንተ አያው አሾድቱ?”

16 ኡንቱንቱ ባላማ ዘርያን፡ ፓኦራ ግያ ሳን እስራኤልያ አሳይ መድና ጎዳ ናቁደ፡ ኤቃው ጎይናናዳን ኦጼዳዋንታ፤ መድና ጎዳ አሳ ቦላ ቦሻይ ዬዳዌ ሄዋሳ።

17 ሄዋ ድራው፡ ሀእ አቱማ ናናቱዋ ኡባ ዎድተ፤ ቃይ አቱማ አሳና ግሴዳ ማጫ አሳ ኡባ ዎድተ።

18 ሸን አቱማ አሳና ግሳቤና ማጫ ናናቱዋ ኡባ ሀንተንቶ አሸተ።

19 ሀንተ ግደጥ አሳ ዎደዳ ኡራይ ዎይ አሃ ቦቹዳ ኡራይ ኦንነ ዲንካኔዳ ሳኣጥ ጋጸን ላፑን ጋላሳ ኡቶ፤ ሄዛንላ ጋላሰነ ላፑንላ ጋላሰ ሀንተናነ ሀንተ ኦሞዴዳዋንታ ጌሸተ።

20 ቃይ ማዮ ኡባነ ጋልባጥ፡ ዳሻ እክሰጥነ ሞላጥ ኦሰቱዳዋንታ ኡባ ጌሸተ” ያጌዳ።

21 ቁሲ ኤልኣዛር ኦላጥ ሰሜዳ ኦላንቻቱዋ ሀዋዳን ያጌዳ፤ “መድና ጎዳይ ሙሴው እሜዳ ሀግያ ማራይ ሀዋ።

22 ዎርቃ፡ ብራ፡ ናሃሰያ፡ ብራታ፡ ቆርቆሩዋነ እርሳሰያ ግያ ብራታ

23 ታማን ሚተተናባቱዋ ኡባ ታማ ግደና አለና፡ ሄዌ ጌያና። ሸን ሄዌ ቃይ ቱናተላጥ ጌይያ ሃላን ጌያናው ኮሼ። ቃይ ታማን ሚተትያባቱዋ ኡባ ቱናተላጥ ጌይያ ሃላን ጌሻናው ኮሼ።

24 ለጥንቅቅ ጋላስ ህንተ ማዩዋ ማጭተ፤ ህንተካ ጌይተ። ሄዋጥ ጉይያን፣ ዲንካኔዳሳ ገልተ” ያጌዳ።

አዋዲዋ ሻኬድና

25 መድና ጎዳይ ሙሳ ሀዋዳን ያጌዳ፤
26 “ሄን፣ ቄሲ ኤልአዛርን ማባራ ካፓቱ አዋደቱዳ አሳነ መሀያ ኡባ ፓይድተ።

27 ኦላን ኦለቴዳ ኦላንቻቶነ አቴዳ ማባራው ላኡ ከሲደ ሻክተ።

28 ኦለቴዳ ኦላንቻቱዋ ጋኬዳ ሻኩዋጥ፣ አሳ ግድና፣ ሚዛ ግድና፣ ሀረቱዋ፣ ደርሳቱዋ ዋይ ዳሻቱዋ ግድና፣ እቼሹ ዴቱዋጥ እቱዋ መድና ጎዳው እዋታዳን እዋተ።

29 ኡንቱንታ ጋኬዳ ባጋጥ አኬዳ ገራ መድና ጎዳ ግሻዳን ቄሲያ ኤልአዛራው እዋተ።

30 ህንኮ እስራኤላቱዋ ጋኬዳ ሻኩዋጥ፣ አሳ ግድና፣ ሚዛ ግድና፣ ሀረቱዋ፣ ደርሳቱዋ፣ ዋይ ዳሻቱዋ ግድና፣ መሀያ ኡባጥ እሻታሙዋጥ እቱዋ አኪደ ሄዋ መድና ጎዳ ዲንካንያው አዋትያ ሌዋቶ እዋተ” ያጌዳ።

31 ሙሴን ቄሲ ኤልአዛር መድና ጎዳይ አዛዜዳዋዳን ኦሌድና።

32-35 ኦላንቻቱ ባረንቶ አክና፣ አቴዳ ኦዋዲ 675,000 ደርሳቱዋ፣ 72,000 ሚዛቱዋ፣ 61,000 ሀረቱዋን አቴማ አሳና ግሳቤና 32,000 ማጫ ናናቱዋ።

36 ኦላን ኦለቴዳዋንታ ጋኬዳ ባጋ ሻኩ 337,500 ደርሳቱዋ፤

37 ኡንቱንቱጥ መድና ጎዳው እዋታ ከሴዳዋንቱ 675.

38 ሚዛቱ 36,000፤ ኡንቱንቱጥ መድና ጎዳው እዋታ ከሴዳዋንቱ 72.

39 ሀረቱ 30,500 ኡንቱንቱጥ መድና ጎዳው እዋታ ከሴዳዋንቱ 61.

40 ማጫ አሳቱ 16,000 ኡንቱንቱጥ መድና ጎዳው እዋታ ከሴዳዋንቱ፣ 32.

41 መድና ጎዳይ ሙሳ አዛዜዳዋዳን፣ መድና ጎዳ ጋክያ እዋታ ሙሴ ቄሲያ ኤልአዛራው እዋዳ።

42-46 ኦላንቻቱ አሄዳ ኦዋዲዋ ሙሴ ላኡ ከሲደ ሻክና፣ እስራኤልያ ማባራ ጋኬዳ ሻኩ 337,500 ደርሳቱዋ፣ 36,000 ሚዛቱዋ፣ 30,500 ሀረቱዋን 16,000 ማጫ አሳቱዋ።

47 እስራኤልያ ማባራ ጋኬዳ ሻኩዋጥ እሻታሙ እሻታሙ አሳጥ እቱዋን እሻታሙ እሻታሙ መሀያጥ እቱዋ ሙሴ አኪደ፣ መድና ጎዳይ ባረና አዛዜዳዋዳን፣ መድና ጎዳ ዲንካንያው አዋትያ ሌዋቶ እዋተ።

48 ሄዋጥ ጉይያን፣ ኦላ ጋዳዋቱ፣ ሻላቃቱን ዴቱዋ ካፓቱ ሙሴኮ ዬድና።

49 ኡንቱንቱ ሙሳ፣ “ኑን ነ ቆማቱ ኑ አዛዜዋ ጋርሳን ደእያ ኦላንቻቱዋ ፓይድና፣ እቱን ፓጭቤና።

50 መድና ጎዳይ ኑ ሸዎጥዋ አሼዳ ድራው፣ ኑን ሁጲያን ሁጲያን አኬዳ ዋርቃ አሌቆቱዋ፣ ኩሸያ ሳጋዮቱዋ፣ ገድያ አልቦቱዋ፣ ምግዶቱዋ፣

ሀይላ ሎታቱዋን ቆድያን አልያ አሌቆዋ መድና ጎዳው እሙዋ አሄደ” ያጌድና።

51 ሙሴን ቄሲ ኤልአዛር ዋርቃ አሌቆቱዋ ኡባ ኡንቱንቱጥ አኬድና።

52 ሻኦ ካፓቱን ዴቱዋ ካፓቱ አሄደ መድና ጎዳው እዋዳ ዋርቃ ኡባይ ላኡ ዴቱ ኪሎ ግራመ ግድያዋ።

53 ሸን እት እት ኦላንቻቱ ኡባይ ባረንቱ ኦዋዲዋ ኦዋዲዋ ባረው አኬድና።

54 ሙሴን ቄሲ ኤልአዛር ሻኦ ካፓቱዋጥን ዴቱዋ ካፓቱዋጥ አኬዳ ዋርቃ መድና ጎዳ ሰንላን እስራኤልያ አሳ ሀሳይሳና ማላ፣ መድና ጎዳ ዲንካንያ ግዲዋ ገልሴድና።

32

ዮርዳኖሳ ሻፋ ደላሃ ባጋና ደእያ ዛራቱዋ (ዛረ. 3:12-22)

1 ርቤላ ዛረቶን ጋዳ ዛረቶ ሎይላ ዳር መሃ ደኤ። ኡንቱንቱ ያእዜራ ቢታይን ጋላኦይ ቢታይ መሀያው እንጀ ግድያዋ በኤድና።

2 ኡንቱንቱ ሙሴኮ፣ ቄሲያ ኤልአዛራኮን ማባራ ካፓቱዋኮ ዪደ፣ ኡንቱንታ ሀዋዳን ያጌድና፤

3-4 “መድና ጎዳይ እስራኤልያ አሳን ጸንሴዳ ቢታቱ፣ አጻርት፣ ድቦን፣ ያእዜር፣ ኒምር፣ ሀሰቦና፣ ኤልአል፣ ሴብም፣ ናቦን ባኦን መሀያው እንጀ ቢታ፤ ኑው ህንተ ቆማቶ መሃ ደኤ።

5 ኑን ህንተና ናሸቼዳዋ ግደጥ፣ ሀ ቢታቱ ኑ ህንተ ቆማቶ ላታ ጋደ ግዲደ እመትና። ኑና ዮርዳኖሳ ሻፋ ሄፍንላ ፕንላፕተ” ያጌድና።

6 ሙሴ ጋዳ ዛራቱዋን ርቤላ ዛራቱዋ ሀዋዳን ያጌዳ፤ “ሀራ እስራኤልያ አሳይ ኦላ ብያ ዋደ፣ ህንተ ሀዋን ኡቲቱ?

7 መድና ጎዳይ ኡንቱንቶ እዋዳ ቢታ እስራኤላቱ ፕንዳን፣ ህንተ አያው ኡንቱንቱ ዋዛና ሹግሲቱ?

8 ቃዳሳ-ባርነጥ ሄ ቢታ ዋቻ ዴላናው ህንተ አዋቱዋ ታን የዳዳ ዋደ፣ ኡንቱንቱካ ሀዋዳን ኦሌድና።

9 ዋኒደ ጎጥ፣ ኡንቱንቱ ኤሸኮላ ዛንጋራ ከሲደ፣ ሄ ቢታ ዴሌዳ ዋደ፣ እስራኤላቱ መድና ጎዳይ ኡንቱንቶ እዋዳ ቢታ ገለና ማላ፣ ኡንቱንቱ እስራኤላቱዋ ዋዛና ሹግሲድና።

10 መድና ጎዳይ ሄ ጋላስ ህንቁዋ ኤጽ ከሲደ፣ ሀዋዳን ያጌደ ጫቄዳ፤

11-12 “መድና ጎዳ ባረንቱ ኩመንላ ዋዛናጥ ካሌዳ ቀኒዝያ ይፋን ናእ ካሌባጥን ኔዌ ናእ ኢያሱጥ አትና፣ የለቶደጥ ላታሙ ላይላን ሄዋጥ ቦላና ደእያ አቴማ አሳን ግብጼ ጋድያጥ ከሴዳዋንቱ እቱን፣ ታን አብራሃማው፣ ይሳቃውን ያቆባው እማናው ጫቄዳ ቢታ በኤና። አያው ጎጥ፣ ኡንቱንቱ ታና ባረንቱ ኩመንላ ዋዛናጥ ካልበይክና” ያጌደ ጫቄዳ።

13 መድና ጎዳ ህንቁ እስራኤልያ ቦላ ኤጽ ከሴዳ፤ ያትና ጸሳ ሰንላን ኢታ ኦሌዳ ሄ የለታ ኡባይ ዉር ጳያና ጋካናው፣ መላ ቢታን ኦይታሙ ላይላ እ ኡንቱንታ ቶይላዬዳ።

32:8 ገይ. 13:17-33 32:10 ገይ. 14:26-35

14 ህንተኖ፣ ናጋራንቻ የለታቶ፣ መድና ጎዳይ እስራኤልያ ቦላ ጉጅ ህንቁዋ ኤጽ ከሰናዳን፣ ህንተ ህንተ አዎቱዋ ሳኦን ሀእ ኤቄድታ።

15 ህንተ መድና ጎዳ ካልያዋ አጊደ ዎራ ሰዎፕ፣ እ ቃይካ ባረ አሳ መላ ቢታን አግ ባሻና። ያቲደ ህንተ ሀ አሳ ኡባ ጳይሳና” ያጌድ።

16 ኡንቱንቱ ሙሴ ማታ ዪደ፣ አ ሀዋዳን ያጌድኖ፤ “ኡን ሀዋን ኑ መሄቶ ድርሳ፣ ኑ ናናዉ ካታማቱዋ ኬጻና።

17 ሸን ኑን ኦላ ሚሻ ዳንጨደ፣ እስራኤልያ አሳ ኡንቱንቱ ሳኦ ጋላና ጋካናዉ ኦለታናዉ ባና። ሄዋ ኬሻን፣ ሀ ጋድያን ደእያ አሳቱዋፕ ናገታናዉ፣ ኑ ናናይ ማጫ አሳይ ግምበቲደ ኡቱዳ ካታማቱዋን ደእና።

18 እስራኤላቱ ኡባይ ባረንቱ ላታ ላታ አካና ጋካናዉ፣ ኑን ኑ ጎለ ሰዎፕ።

19 ኑን ኑ ላታ ዮርዳኖሳ ሻፋፕ ሀፍንላ አዋይ ደልያ ባጋና ላቱዳ ድራዉ፣ ኑን ዮርዳኖሳፕ ሄፍንላ ባጋና፣ ያን ኡንቱንቱና ላታ ላቶፕ” ያጌድኖ።

20 ሙሴ ኡንቱንቱ፣ “ህንተ ሀዋ አላፕ፣ ህንተ መድና ጎዳ ሰንላን ኦላ ባናዉ ገጎፕ።

21 ህንተ አላንቻቱ ኡባይ ኦላ ሚሻ ዳንጨደ፣ መድና ጎዳይ ባረ ሞርከቱዋ ባረ ሰንላፕ የደርሳና ጋካናዉ፣ ዮርዳኖሳ ሻፋ ጸሳ ሰንላን ፕኖፕ።

22 መድና ጎዳይ ሄ ቢታ ጸኔዳዋፕ ጉይያን፣ ህንተ ሰማናዉ በሰያ ኦላ መድና ጎዳዉን እስራኤልያ አሳዉ ኦለቲደ ፖሌድታ ግያዎ። ቃይ ሄ ቢታይ መድና ጎዳ ሰንላን ህንተንቶ ላታ ቢታ ግዳናዎ።

23 “ሸን ህንተ ሄዋዳን ኦሻናን እጸፕ፣ መድና ጎዳ ቦላ ናጋራ ኡሊታ፤ ሰዎ ህንተና ህንተ ናጋራይ ጋክያዋ ቱሙ ኤርተ።

24 ህንተ ህንተ ናናዉን ማጫ አሳዉ ካታማቱዋ ኬጽተ፤ ህንተ ደርሳ ዉድያዉካ ባሉዋ ገግሰተ፤ ሸን ህንተ ጌዳዋ አገናን አላተ” ያጌድ።

25 ጋዳ ዛራቱን ርቤላ ዛራቱ ሙሳ፣ “ኡን ነ ቆማቱ ኔን ኑ ጎዳይ እዛዜዳዋዳን አላና።

26 ኑ ናናቱን ኑ ማጫ አሳቱ፣ ኑ ደርሳቱን ኑ ሚዛቱ ሀዋን ጋላኦደ ካታማቱዋን ደእሸኖ።

27 ሸን ኑን ነ ቆማቱ፣ ኦላዉ ዳንጨዳ አላንቻቱ ኡባይ፣ ኔን ኑ ጎዳይ ግያዋዳን፣ ኦለታናዉ መድና ጎዳ ሰንላን ዮርዳኖሳ ሻፋ ፕናና” ያጌድኖ።

28 ሄዋ ድራዉ፣ ሙሴ ቄሰያ ኤልኦዛራ፣ ኔዌ ናኦ ኢያሳን እስራኤልያ ዛራቱ ካፓቱዋ ኡንቱንቱዋ እዛዜዳ።

29 ሙሴ ኡንቱንታ ሀዋዳን ያጌዳ፤ “ጋዳ ዛራቱን ርቤላ ዛራቱ ኡባይ ኦላ ሚሻ ዳንጨደ፣ መድና ጎዳ ሰንላን ህንተናና ዮርዳኖሳ ሻፋ ፕኖፕ፤ ህንተ ሄ ቢታ ጸኖፕ፣ ሄዋፕ ጉይያን፣ ጋላኦደ ቢታ ህንተ ኡንቱንታ ላትሰተ።

30 ሸን ኡንቱንቱ ኦላ ሚሻ ዳንጨደ፣ ህንተናና ፕናናን እጸፕ፣ ኡንቱንቱ ካናን ቢታ ህንተናና ላትኖ” ያጌድ።

31 ጋዳ ዛራቱን ርቤላ ዛራቱ ዛራደ፣ “ኡን ነ ቆማቱ መድና ጎዳይ ጌዳዋ አላና።

32 ኦላ ሚሻ ዳንጨደ፣ መድና ጎዳ ሰንላን ኑን ካናን ቢታ ገላናዉ ፕናና፤ ሸን ኑን ላትያ ላታይ ዮርዳኖሳፕ ሀፍንላ ባጋና ግዳናዎ” ያጌድኖ።

33 ሄዋ ድራዉ፣ ሙሴ ጋዳ ዛራቱ፣ ርቤላ ዛራቱን ዮሴፎ ናኦ ሞናሰ ዛራቱዋፕ ባጋዉ አሞራቱ ካትያ ሰሆና ካዉተላን ባሳን ካትያ ኦጋ ካዉተላ፣ ኡንቱንቱ የሹዋን ደእያ ካታማቱዋና አማዳ።

34 ጋዳ ዛራቱ ድቦና፣ እጸርታ፣ አርኤራ

35 እጸርታ-ሾፋና፣ ያእዜራ፣ ዮግባሀ፤

36 ቤት-ኒምራን ቤት-ሃራና ጌተትያ ግምቢያን ድራቱዳ ካታማቱዋ ዛራዲ ኬጼድኖ። ባረ ደርሳቶካ ኡንቱንቱ ባሉዋ ገግሴድኖ።

37 ርቤላ ዛራቱን ሀሰቦና፣ ኤልኦላ፣ ቅርያታይማን፤

38 ናባ፣ ባኦል-ማኦናን (ሄ ካታማቱዋፕ እቱ እቱ ሱንላ ላሚድኖ) ሲብማ ጌተትያ ካታማቱዋ ዛራዲ ኬጼድኖ።

39 ሞናሰ ናኦ ማክራ ያራቱ ጋላኦደ ቢደ፣ ኦላይ ኦይቄደ፣ ያን ደእያ አሞራቱዋ የደርሴድኖ።

40 ሄዋ ድራዉ፣ ሞናሰ ናኦ ማክራ ያራቶ ሙሴ ጋላኦደ ቢታ እምና፣ ኡንቱንቱ ያን ደኤድኖ።

41 ሞናሰ ዛረ ግድያ ያኢር ቢደ፣ ኡንቱንቱ ኦላይ ኦይቄደ፣ ሀቦት-ያኢራ ካታማቱዋ ያጊደ ሱንሴዳ።

42 ኖባህ ቢደ፣ ቃናታ ካታማን አ የሹዋን ደእያ ሄራቱዋ ኦላን ኦይቄደ፣ ባረ ሱንላን ኖባህ ጊደ ጼሴዳ።

33

ግብጾፕ ሞኦባ ጋካናዉ ደእያ ሀመላይ ቃንላን

(33:1-49)

1 እስራኤላቱ ሙሴን አሮን ካለላና፣ ባረንቱ ጨጉዋን ጨጉዋን ግብጾፕ ከሴዳ ዎደ፣ ያቲደ ሀመቲድኖ።

2 መድና ጎዳይ እዛዜና፣ ኡንቱንቱ ባና ቡሳ ደሚዳ ሳኦ ሙሴ ጸፌዳ፤ ኡንቱንቱ ቡሳ ማራይ ሀዋ።

3 ኮይሮ አግናዉ ታማን እቼሸንላ ጋላሰ፣ ፓሰጋ ቦንቻያ ጋላሳፕ ካልያ ጋላሰ ደንዲደ፣ ግብጾ አሳይ ኡባይ ጸልሸን፣ ያየናን ራምሳፕ ከሴድኖ።

4 ሄ ዎደ ግብጾ አሳይ መድና ጎዳይ ዎጴዳ ባረንቱ ባይራ ናናቱዋ ሞጊኖ። ሀዋዳን ኦሊደ፣ መድና ጎዳይ ኡንቱንቱ ጸሳቱዋ ቦላ ፕርዳ አሄዳ።

5 እስራኤላቱ ራምሳፕ ደንዲደ፣ ሱኮታ ግያ ሳኦን ዲንካኔድኖ።

6 ሱኮታፕ ደንዲደ፣ መላ ቢታ ጸራን ደእያ ኤታማን ዲንካኔድኖ።

7 ኤታማፕ ደንዲደ፣ ባኦል-ጸሮናፕ አዋይ ደልያ ባጋና ደእያ ፕሃሀርታ ሰሚደ፣ ሞግደላ ማታን ዲንካኔድኖ።

8 ፕሃሀርታፕ ደንዲደ፣ ዘኦ አባ ፕኒደ፣ መላ ቢታ ቤድኖ። ኤታማ መላ ቢታን ሄዙ ጋላሳ ኦግሆ ሀመቲደ፣ ማራን ዲንካኔድኖ።

9 ማራፕ ደንዲደ፣ ታማን ላኦ ፑልቶቱን ላፑን ታሙ ዛምባቱ ደእያ ኤሊማ ቢደ፣ ያን ዲንካኔድኖ።

32:28 እ.ኤ.አ 1:12-15

10 ኤሊማጥ ደንዲደ፡ ዞኦ ኦባ ማታን ዲንካኔድኖ።
 11 ዞኦ ኦባ ላንቁያጥ ደንዲደ፡ ሲና መላ ቢታን ዲንካኔድኖ።
 12 ሲና መላ ቢታጥ ደንዲደ፡ ደፍቃን ዲንካኔድኖ።
 13 ደፍቃጥ ደንዲደ፡ አሉሻን ዲንካኔድኖ።
 14 አሉሻጥ ደንዲደ፡ ራፊድማን ዲንካኔድኖ።
 15 ራፊድማጥ ደንዲደ፡ ሲና መላ ቢታን ዲንካኔድኖ።
 16 ሲና መላ ቢታጥ ደንዲደ፡ ክብርት-ሀታባር (አሙዋ ዲፋዋ ግያ ሳን ዲንካኔድኖ)።
 17 ክብርት-ሀታባር (አሙዋ ዲፋዋ) ግያ ሳጥ ደንዲደ፡ ሀጸርታን ዲንካኔድኖ።
 18 ሀጸርታጥ ደንዲደ፡ ሪትማን ዲንካኔድኖ።
 19 ሪትማጥ ደንዲደ፡ ርዋን-ጥሬዛን ዲንካኔድኖ።
 20 ርዋን-ጥሬዛጥ ደንዲደ፡ ሊብናን ዲንካኔድኖ።
 21 ሊብናጥ ደንዲደ፡ ሪሳን ዲንካኔድኖ።
 22 ሪሳጥ ደንዲደ፡ ቃሃላታን ዲንካኔድኖ።
 23 ቃሃላታጥ ደንዲደ፡ ሸፋራ ደርያን ዲንካኔድኖ።
 24 ሸፋራ ደርያጥ ደንዲደ፡ ሀራዳን ዲንካኔድኖ።
 25 ሀራዳጥ ደንዲደ፡ ማቅሃሎታን ዲንካኔድኖ።
 26 ማቅሃሎታጥ ደንዲደ፡ ታሃታን ዲንካኔድኖ።
 27 ታሃታጥ ደንዲደ፡ ታራን ዲንካኔድኖ።
 28 ታራጥ ደንዲደ፡ ሚትቃን ዲንካኔድኖ።
 29 ሚትቃጥ ደንዲደ፡ ሀሽዋናን ዲንካኔድኖ።
 30 ሀሽዋናጥ ደንዲደ፡ ሞሰርታን ዲንካኔድኖ።
 31 ሞሰርታጥ ደንዲደ፡ በነ-ያእቃናን ዲንካኔድኖ።
 32 በነ-ያእቃናጥ ደንዲደ፡ ሆር-ሀግድጋዳን ዲንካኔድኖ።
 33 ሆር-ሀግድጋዳጥ ደንዲደ፡ ዮጵባታን ዲንካኔድኖ።
 34 ዮጵባታጥ ደንዲደ፡ አብርናን ዲንካኔድኖ።
 35 አብርናጥ ደንዲደ፡ ኤጵዮን-ጋብራን ዲንካኔድኖ።
 36 ኤጵዮን-ጋብራጥ ደንዲደ፡ ጸና መላ ቢታን ደእያ ቃዳሳን ዲንካኔድኖ።
 37 ቃዳሳጥ ደንዲደ፡ ኤዶማ ቢታ ዛዋን ደእያ ሆራ ደርያን ዲንካኔድኖ።
 38 ቄሲ አሮን መድና ጎዳይ አዛዛና፡ ሆራ ደርያ ሁጲያ ከሴዳ፤ እስራኤላቱ ግብጾ ጋድያጥ ከሴዳ አይታሙንላ ላይላን፤ እቼሸንሶ አግናን፤ አግናዉ ኮይሮ ጋላሳን ያን ሀይቄዳ።
 39 አሮን ሆራ ደርያ ሁጲያን ሀይቄያ ዎደ፡ አ ላይላይ ጾታን ላታማን ሃዛ።
 40 ኔጌባ መላ ቢታን፡ ካናን ደእያ አራዳ ግያሳ ካቲ እስራኤልያ አሳ ዩሳ ሰሴዳ።
 41 እስራኤላቱ ሆራ ደርያጥ ደንዲደ፡ ጸልሞናን ዲንካኔድኖ።
 42 ጸልሞናጥ ደንዲደ፡ ፑኖናን ዲንካኔድኖ።

43 ፑኖናጥ ደንዲደ፡ ኦቦታን ዲንካኔድኖ።
 44 ኦቦታጥ ደንዲደ፡ ሞኦባ ቢታ ዛዋን ደእያ እየ አባርማን ዲንካኔድኖ።
 45 እየ አባርማጥ ደንዲደ፡ ድቦና-ጋዳን ዲንካኔድኖ።
 46 ድቦና-ጋዳጥ ደንዲደ፡ አልሞና-ድብላታይማን ዲንካኔድኖ።
 47 አልሞና-ድብላታይማጥ ደንዲደ፡ ናቦ ደርያ ማታን አባርማ ደረቱዋን ዲንካኔድኖ።
 48 አባርማ ደረቱዋጥ ደንዲደ፡ ያርኮጥ ሄፍንላና፡ ዮርዳኖሳ ሻፋ ማታን ደእያ ሞኦባ ደምባን ዲንካኔድኖ።
 49 ዮርዳኖሳ ሻፋ ማታን ደእያ ሞኦባ ደምባን፡ ቤት-ያሽዋታጥ ኦቤል-ሺጽማ ግዲዋን ዲንካኔድኖ።
ዮርዳኖሳ ፕናናጥ ካሰቲደ እመቴዳ አዛዙዋ (33:50—36:13)
 50 እያርኮ ሄፍንላና፡ ዮርዳኖሳ ሻፋ ማታን ደእያ ሞኦባ ደምባን መድና ጎዳይ ሙሳ ሀዋዳን ያጌዳ፤
 51 “እስራኤላቱዋ ኔን ያጋ፤ ‘ዮርዳኖሳ ሻፋ ፕኒደ፡ ካናን ቢታ ህንተ ገልያ ዎደ።
 52 ሄ ጋድያን ደእያ አሳ ኡባ ህንተ ሰንላጥ የደርሰተ፤ ሹቻጥ ማሰቴዳ ኡንቱንቱ ሞሰላቱዋ ኡባን ሲልሲደ መጴዳ ኤቃቱዋ ኡባ ጳይሰተ። ኡንቱንቱ ጎይንያ ቶቃ ሳኦ ኡባካ ላልተ።
 53 ታን ህንተንቶ ሄ ቢታ ላታዉ እመዳ ድራዉ፡ ሄ ቢታ ላቲደ፡ አን ደእተ።
 54 ህንተ ዛርያን ዛርያን ሳማ ከሲደ፡ ቢታ ሻክተ። ገደዲዋን ጮራትያ ዛርቶ ዳሮ ላታ እምተ፤ ገደዲዋን ጉጵያ ዛርቶ ጉላ ላታ እምተ። ሳማን ኡንቱንታ ጋኬዳ ሀቃዌን ኡንቱንቱዋ ግዳናዋ። ቢታ ህንተ ማይዛ አዎቱዋ ዛርያን ዛርያን ግሽ እኪታ።
 55 “ ሻን ሄ ጋድያን ደእያ አሳ ህንተ የደርሰናን አጎጥ፡ ህንተ እሹዳዋንቱ ህንተንቶ ህንተ እይፍያዉ ፕንጮ፡ ህንተ ሞይያዉ አጉንላ ግዳና፤ ህንተ ደእና ጋድያን ኡንቱንቱ ህንተና ዋይሳና።
 56 ህንተ ኡንቱንታ የደርሰናን አጎጥ፡ ኡንቱንቱ ቦላ ታን ኦላናዉ ቆፔዳዋ ህንተ ቦላ ኦላና’ ያጋደ ኦዳ” ያጌዳ።

34

እስራኤልያ ቢታ ዛዋ
 1 መድና ጎዳይ ሙሳ ሀዋዳን ያጌዳ፤
 2 “ኔን እስራኤላቱዋ ሀዋዳን ያጋደ አዛዛ፤ ‘ላታዳን ህንተና ጋክያ ካናን ቢታ ዛዋይ ሀዋ።
 3 ገድሳ ባጋና ህንተ ዛዋይ ጸና መላ ቢታን ኤዶማ ዛዋ ግዳናዋ። አዋይ ዶልያ ባጋና ህንተ ገድሳ ዛዋይ ማጽንያ አባ ገድሳጥ ደመ፤
 4 አቅራቢማ ፑደላና ገድሳ ባጋና ሰሚደ፡ ጸና መላ ቢታ አዲደ፡ ቃዳሳ-ባርን ገድሳ ጋኬ፤ ሄዋጥ ሀዳር-አዳራ አዲደ፡ አጽሞና ጋኬ።
 5 አጽሞናጥ ግብጾ ሻፋኮ ሰሚደ፡ ሜድተራን አባ ጋኬ።
 6 “ ላዋይ ዉልያ ባጋና ህንተ ዛዋይ ሜድተራን አባ ጋጸ ግዳናዋ።”

7 “ሁጲሳ ባጋና ህንተ ዛዋይ ሜድተራን አባጥ ሆራ ደርያ ሰት ኦሳ ቢደ።

8 ሆራ ደርያጥ ሌቦ-ሀማታ ጥኑዋ ጋካናሳ፤ ሄዋጥ ጸዳዳን ዛዋቴ።

9 ቃይ ዝፍርነጥ ቢደ። ሀጸር-ኤናና ጋኬ። ሁጲሳ ባጋና ህንተ ዛዋይ ሀዋ ግዳናዋ።

10 “ኣዋይ ዶልያ ባጋና ህንተ ዛዋይ ሀጸር-ኤናናጥ ሻፋማ ጋካናዉ ሰት ኦሳ ቢደ።

11 ሻፋማጥ ቢደ። አይናጥ አዋይ ዶልያ ባጋና ደእያ ርብላ ዎጲደ። ጋለላ አባጥ አዋይ ዶልያ ባጋና ደእያ ደርያ ጋኬ።

12 ሄዋጥ ዲገ ዮርዳናሳ ሻፋ ዎጲ ዛዋቴደ። ማጽንያ አባ ጋኬ። ህንተ ቢታ ዛዋይ ኡባ ባጋናካ ሀዋ’ ያጋ” ያጌዳ።

13 ሙሴ እስራኤላቱዋ ሀዋዳን ያጌደ አዛዜዳ፤ “ኤጸ ዮጊደ። ህንተ ላታና ማላ። ኡዲፑን ዛረቶን ባጋ ዛረቶ ሄ ቢታይ እመታናዳን መጵና ጎዳይ አዛዜዳ።

14-15 አያዉ ጎጥ። ርቤላ ዛራቱ ጋዳ ዛራቱ፤ ሞናሰ ዛራቱዋጥ ባጋይ ባረንቱ ላታ እያርኮ ሄፍንላን ዮርዳናሳ ሻፋጥ አዋይ ዶልያ ባጋና አኬድኖ” ያጌዳ።

16 መጵና ጎዳይ ሙሳ ሀዋዳን ያጌዳ፤

17 “ሄ ቢታ ህንተንቶ ላታ ኦሳደ። ሻክ እማና አሳቱ ሱንላይ ሀዋ፤ ቄሰያ ኤልኣዛራን ኔዌ ናኣ ኢያሳ።

18 ቃይ ቢታ ሻካናዉ ማዳና ማላ። ዛረ ኡባጥ እት እት ካፑዋ ሱንላተ።

19 ኡንቱንቱ ሱንላይ ሀዋጥ ካሊደ ደእያዋ። ዛርያ ካፑዋ

ይሁዳ ይፋን ናኣ ካሌባ፤

20 ሰሞና አምሁዳ ናኣ ሻሉምኤላ፤

21 ቢንያማ ክሰሎና ናኣ ኤልዳዳ፤

22 ዳና ዮግላ ናኣ ቡቃ፤

23 ዮሴፎ ናኣ ሞናሰ ኤፎዳ ናኣ ሀንኤላ፤

24 ዮሴፎ ናኣ ኤፍሬማ ሸፍጸና ናኣ ቃሙኤላ፤

25 ዛብሎና ፓርናካ ናኣ ኤልጸፋና፤

26 ይሳኮራ አዛና ናኣ ፓልጽኤላ፤

27 አሴራ ሻሎማ ናኣ አሀሁዳ፤

28 ንፍታሌማ አምሁዳ ናኣ ፓዳሀኤላ፤

29 ካናን ጋድያን እስራኤላቶ ላታ ሻክ እማና ማላ። መጵና ጎዳይ አዛዜዳ አሳቱ ሀዋንታ” ያጌዳ።

35

ሌዋቶ እመታና ካታማቱዋ

1 እያርኮ ሄፍንላና። ዮርዳናሳ ሻፋ ማታን ደእያ ሞኣባ ደሞባን። መጵና ጎዳይ ሙሳ ሀዋዳን ያጌዳ፤

2 “እስራኤላቱ ባረንቱ ላታጥ ሌዋቱዋ ደኦና ካታማቱዋን ኡንቱንቱ ዩሹዋን ደእያ ሄንላ ጋደቱዋ እማና ማላ። ኔን ኡንቱንታ አዛዛ።

3 ሄ ካታማቱዋን ኡንቱንቱ ደእና፤ ሄንላ ጋደቱ ኡንቱንቱ ሚዛሳ። ኡንቱንቱ ዶርሳሳን ኡንቱንቱ ሀራ መሀያ ኡባሳ ግድኖ።

4 ህንተ ሌዋቶ እማና ካታማ ዩሹዋን ደእያ ሄንላ ጋደቱ ካታማ ግምቢያ ድርሳጥ ካረኮ እት ሻክ ዎጲ ግድኖ።

5 ካታማጥ ካረና። አዋይ ዶልያ ባጋና ላኡ ሻክ ዎጲ። ገድሳ ባጋና ላኡ ሻክ ዎጲ። አዋይ ወልያ ባጋና ላኡ ሻክ ዎጲን ሁጲሳ ባጋና ላኡ ሻክ ዎጲ ልክተ፤ ያቶጥ ካታማይ ግደ ልክያን ደእና። ሌዋቱ ሄ ሄራ ባረንቱ ካታማዉ ሄንላ ጋደ ኦሳ።

6 “ሌዋቶ ህንተ እማና ካታማቱ። አሳ ዎጲዳ ኡራይ ባቃቲደ አትያ ኡሱፑን ካታማቱዋ፤ ሄዋንቱ ቦላ ጉጂደ። ኦይታማን ላኡ ሀራ ካታማቱዋ ኡንቱንቶ እምተ።

7 ሌዋቶ ህንተ ኡባና ኦይታማን ሆሰፑን ካታማቱዋ ኡንቱንቱ ሄንላ ጋደቱዋና እትጥ እምተ።

8 እስራኤላቱዋ ላታጥ ሌዋቶ ህንተ እማና ካታማቱ እት እት ዛሪ ላቲዳዋ ኬሻ ግዳናዉ ኮሼ፤ ጮራ አሳይ ደእያ ዛርያጥ ጮራ ካታማቱዋ አኪተ፤ ሸን ገይዲቀን ጉላ አሳይ ደእያ ዛርያጥ ጉላ ካታማቱዋ አኪተ” ያጌዳ።

ባቃት አትያ ካታማቱዋ (ዛረ. 19:1-13፤ ኢያሳ 20:1-9)

9 ሄዋጥ ጉይያን። መጵና ጎዳይ ሙሳ ሀዋዳን ያጌዳ፤

10 “ኔን እስራኤልያ አሳ ሀዋዳን ያጋ፤ ዮርዳናሳ ሻፋ ፕኒደ። ካናን ቢታ ህንተ ገልያ ዎደ።

11 ኤረናን አሳ ዎጲዳ ኡራይ ባቃት ቢደ አታና ማላ። ካታማቱዋ ህንተንቶ ዶርተ።

12 ኤረናን አሳ ዎጲዳዌ ሸቁዋ ሰንላ ሙራናዉ ኤቃና ጋካናዉ። ሱላ አቶያዌ አ ዋና ማላ። ሄ ካታማቱ ባቃት አትያሳ ግድኖ።

13 ሀ ህንተ እምያ ኡሱፑን ካታማቱ ህንተንቶ ባቃት አትያ ካታማቱዋ ግድኖ።

14 ዮርዳናሳ ሻፋጥ ሀፍንላ ባጋና ሄዙ ካታማን ካናን ጋድያን ሄዙ ካታማቱዋ ህንተ ባቃት አታናዉ እምተ።

15 ሀ ኡሱፑን ካታማቱ ኤረናን አሳ ዎጲዳ እስራኤላቱ። ሀራ ጋደ አሳቱን ኡንቱንቱ ግደን ደእያ በተቱ ባቃቲደ አትያሳ ግድኖ።

16 “ኣት አሳይ እት አሳ ብራታ ሚሻን ሸጭና። ሄ ኡራይ ሀይቆጥ። ሄዌ ሸምፑዋ ዎጲዳዋ፤ ሸምፑዋ ዎጲዳዌ ሀይቆ።

17 ቃይ ዎጲና ዳንዳይያ ሹቻ ባረ ኩሽያን ኦይቄዳ አሳይ እት አሳ ሄ ሹቻን ጮድና። ሄ ኡራይ ሀይቆጥ። ሄዌ ሸምፑዋ ዎጲዳዋ፤ ሸምፑዋ ዎጲዳዌ ሀይቆ።

18 ቃይካ ዎጲና ዳንዳይያ ሞላ ባረ ኩሽያን ኦይቄዳ አሳይ እት አሳ ሄ ሞላን ሸጭና። ሄ ኡራይ ሀይቆጥ። ሄዌ ሸምፑዋ ዎጲዳዋ፤ ሸምፑዋ ዎጲዳዌ ሀይቆ።

19 ሱላ አቶያዌ ሄ ሸምፑዋ ዎጲዳዋ ደሞጥ ዎጲ።

20 “ኣት አሳይ እት አሳ ሞርኪደ ጮድና። ዎይ ዙጊድ እትባ አ ቦላ ኦልና። ሄ ኡራይ ሀይቆጥ።

21 ዎይ ሞርኪደ ባረ ኩሽያን ቦክሰና። ሄ ኡራይ ሀይቆጥ። አ ሸምፑዋ ዎጲዳዋ፤ ሸምፑዋ

34:13 ኢያሳ 14:1-5 35:1 ኢያሳ 21:1-42

ዎዴዳዌ ሀይቆ። ሱላ አጅያዌ ሸምጥዎ ዎዴዳዎ ደሞጥ ዎዴ።

22 “ ሸን ሞርከተላይ ባይናን፣ እት አሳይ እት አሳ እኬከናን ሱሳጥ፣ ዎይ ዙጊድ ናገናን እትባ አ ቦላ ኦሎጥ።

23 ዎይ አ ዎቆና ዳንዳይያ ሹቻ አ በኤናን አ ቦላ የጎጥን ሄ ኡራይ ሀይቆጥ፣ ሄዌ አ ሞርከ ግደና ድራውን አ ቆሀናው ሀልቅቤና ድራው።

24 ያአይ ኤረናን ዎዴዳዎጥን ሱላ አጅያዎጥ ግዳዎን ሀ ዎጋቱዎዳን ጥርድ።

25 ኤረናን ዎዴዳዎ ሱላ አጅያዎ ኩሸያጥ ያአይ አሺድ፣ አ ባቃቲደ አትያ ካታማ ዛር። ጌሻ ዛይትያን ኦከቲድ፣ ቄሲ ኡባቱ ካፑ ሀይቃና ጋካናው፣ አ ያን ደአ።

26 “ ሸን ኤረናን ዎዴዳዌ ባቃቲደ አትያ ካታማ ዛጥ ካረ ከሰያዎ ግደጥ።

27 ባቃት አትያ ካታማጥ ካረና ሱላ አጅያዎ አ ደሚደ ዎዶጥ፣ አ ዎዴዳዎ ኦሸተና።

28 አያው ጎጥ፣ ቄሲ ኡባቱ ካፑ ሀይቃና ጋካናው፣ ሄ ኤረናን ዎዴዳዌ ባረ ባቃቲደ ካታማን ኡታናዎሸን አጌዳ። ሸን ቄሲ ኡባቱ ካፑ ሀይቄዳዎጥ ጉይያን፣ ኤረናን ዎዴዳዌ ባረ ላታ ጋደ ሰማናው ዳንዳይ።

29 “ ህንተውን ብር የለታና የለታው፣ ህንተ ደኢያሳ ኡባን ሀዌ ሀገ ግድ።

30 “ ላሳ ዎዴዳ ኦንን ሸምጥዎ አ ዎዴዳዎዳን ማርካቱ ማርካትና ሀይቆ፤ ሸን እት አሳ ጸላላይ ማርካትና፣ አይ አሳይን ሀይቆ።”

31 ሸምጥዎ ዎዴዳ ድራው ሀይቃናው በሰያ አሳ ጋጸ አሻናው አጫ አኮጥተ፤ አ ሀይቆ።

32 አትያ ካታማ ባቃቲደ ኦጥን ቄሲ ኡባቱ ካፑ ሀይቃናጥ ካሰ፣ አ ጉየ ሰሚድ፣ ባረ ጋድያን ደአናዳን አላናው አጫ አኮጥተ።

33 “ ሄዎዳን ኦሲድ፣ ህንተ ደአያ ቢታ ቱንሶጥተ። አያው ጎጥ፣ ሱላ ጉሰያዌ ቢታ ቱንሴ፤ ሱላ ጉሴዳዎ ሱላናጥ አትና፣ ቢታ አቶ ጊሳናው ሀራ ኦግያን ዳንዳየተና

34 ታን፣ መድና ጎዳይ፣ እሰራኤልያ አሳ ግዳዎን ደአያ ድራው፣ ህንተ ደአያ ቢታ፣ ታንካ ደአያ ቢታ ቱንሶጥተ’ ያጋደ ኦዳ” ያጌዳ።

ዛርያው ጉጀቱ፤ ኡንቱንቱ ላታይ ኦ አዎቱዎ ዛርያ ላታጥ ገጫና” ያጌዳ።

5 ሄዎጥ ጉይያን፣ መድና ጎዳ ቃላዳን፣ ሙሴ እሰራኤላቱዎ ሀዎዳን ያጌደ እዛዜዳ፤ “የሴፎ ዛራቱ ግያዌ ልከ።

6 መድና ጎዳይ ጸሎፍሃዳ ማጫ ናናቱዋባ እዛዜዳዌ ሀዎ፤ ኡንቱንቱ ባረንቱ ደሴዳ እሰና ገላናው ዳንዳይና፤ ሸን ባረንቱ አዉዎ ዛርያጥ ግዳናው ኮሺ።

7 እሰራኤላቱዎ ላታይ እት ዛርያጥ ሀራ ዛርያው አዶ፣ እሰራኤልያ ኡባይ ባረ ማይዛ አዎቱዎ ዛሪ ላቱዳ ቢታ ምንሲደ ኦይቆ።

8 እሰራኤልያ አሳ ግደን አይ ዛረጥ ግድናካ፣ ቢታ ላትያ ማጫ ናአ ኡባይ፣ እሰራኤሊ ኡባይ ባረ ማይዛ አዎቱዎ ላታ ላታና ማላ፣ አ ባረ አዉዎ ዛረ ግድያ አሳ ገሎ።

9 ሄዎዳን ሀኒድ፣ ላታይ እት ዛርያጥ ሀራ ዛርያው ሙለካ አጫናን ደአና። ሄዎ ድራው፣ እሰራኤልያ ኡባይ ባረ ማይዛ አዎቱዎ ዛሪ ላቱዳ ቢታ ምንሲደ ኦይቆ” ያጌዳ።

10 ጸሎፍሃዳ ማጫ ናናይ መድና ጎዳይ ሙሳ እዛዜዳዎዳን ኦሴድና።

11 ጸሎፍሃዳ ማጫ ናናይ፣ ማህሎ፣ ትርጸ፣ ሆግሎ፣ ሞልኮን ናኦ ጌተትያዎንቱ፣ ባረንቱ አዉዎ አሻንቱ ናናቱዎ ገሌድና።

12 ኡንቱንቱ የሴፎ ናአ ምናሰ ናናቱ ዛርያ ግደን እሰና ገሌድና፤ ኡንቱንቱ ላታይ ኡንቱንቱ አዉዎ ዛርያውን ያራው አቴዳ።

13 ያርኮጥ ሄፍንላና፣ የርዳናሳ ሻፋ ማታን ደአያ ሞኣባ ደምባን ሙሴ ባጋና መድና ጎዳይ እሰራኤልያ አሳ እዛዜዳ ሀገቱን ዎጋቱ ሀዎንታ።

36

ጋድያ ላትያ ማጫ አሳቱዎ

1 የሴፎ ዛራቱዎጥ፣ ምናሰ ናአ ማኪራ ናአ ጋላአደ ያራቱዎ ካጋቱ ሙሴኮን እሰራኤላቱዎ ያራቱዎ ካጋቱዎኮ ዬድና።

2 ኡንቱንቱ ዪድ፣ “ኦ ጎዳው፣ እሰራኤልያ አሳው ቢታ ኤጸን ሻካደ እማና ማላ፣ መድና ጎዳይ ኔና እዛዜዳ፤ ቃይ ጸሳይ ኦ እሻ ጸሎፍሃዳ ላታ አ ማጫ ናናው ኔን እማና ማላ፣ ኔና እዛዜዳ።

3 ሌምሶ ኡንቱንቱ ሀራ ዛረ ግድያ እሰራኤልያ አሳ ገሎጥ፣ ኡንቱንቱ ላታይ ኦ አዎቱዎ ላታጥ አከቲድ፣ ኡንቱንቱ ገልያ ዛርያው ጉጀቱ። ሄዎ ድራው፣ ኦው ኤጸን እመቲዳ ላታይ ገጫና።

4 ቃይ እሰራኤላቶ እሻታማንሉ ላይላ ባላይ ጋክያ ዎድ፣ ኡንቱንቱ ላታይ ኡንቱንቱ ገልያ አሳ

35:30 ዛረ. 17:6፤ 19:15 36:2 ገይ. 27:7

ዛረሎብ ማጻፋት ገሎብ

“ዛረሎብ ዋጋ” ጌተትያ ሀ ማጻፋቱ፤ እስራኤልያ አሳው ሀዋጥ ካሰና ኦደቲዳ ዋጋን ማራ ዛረሎ ዛረሎ ሀሳይሲያ ማጻፋት።

“ዛረሎብ ዋጋ” ማጻፋትን ማዝገብቲደ ደእያ፤ እት እት ዳር ጎእያ የዎቱ ሀዋጥ ካሊደ ጸፈቲዳዋንታ።

1. ሙሴ አዴዳ ኦይታሙ ላይላቱዋ ግደን ፖለቲዳ፣ ዋልቃማ ዋልቃማ ኦሶቱዋ ሀሳዪደ ኦዴ። ጎዳይ ኡንቱንታ ባዙዋን ዎት ካለፊደንቶ አሳ ሀሳይሲደ፣ ኡንቱንቱ ጸሳው እማንቲዳዋንታ ግዳና ማላን ሱሪ ኦሶቱን አዛዘታና ማላ፣ ኡንቱንታ ቆፍሴ።

2. ሙሴ ታሙ አዛዘቱዋ ዛር ዛሪደ ኦዲደ፣ ሄዋንቱጥ ኮይሮ አዛዘቱ ስለላ ኡንቱንቶ ቆንጭሴዳ። አሳይ ጸሳ ጸላላው ጎይናዳንካ ሀሳይሴ። ሄዋና ኦይላደ፣ እስራኤልያ አሳይ ህደታ ጋድያን አዛዘታናው በሰያ ዲማ ዲማ ዋጋ ቦች ቦች አኪደ ኦዴ።

3. ሙሴ፣ ጎዳይ ኡንቱንቱና ጫቀቲዳ ጫቁ አይ ማለንቶ ኡንቱንቶ ብሊደ፣ ኡንቱንቱ ሄ ጫቆ ኦራሊደ እማንታናዳን፣ ቆፍሴ።

4. ኢያሱ ሙሴ ሳኢን ገሊደ ጸሳ አሳ ካለልያ አሳ ግዳናው ሱንጋቴ። ሙሴ ጎዳይ እማንታናዋ ግድያዋ ሳባናው ከሲደ ማዝገሙርያ የጼዳዋጥን እስራኤልያ ዛርያ ኡባ አንጃዳዋጥ ጉይያን፣ ዮርዳኖሳ ሻፋጥ አዋይ ወልያ ባጋና ደእያ ሞክባ ጋድያን ሀይቁዳ።

ማጻፋው ሁጳ ቆፋይ ጎዳይ ባረ ሲቅያን ባረ ደሬዳ አሳ አሼዳዋን አንጃዳዋ ኦዴ። አሳይካ ጸሳ አንጃ ኡንቱንቱጥ ሻከተናን ፓጸ ደእናው ዳንዳያና ማላ፣ ጎዳይ ኡንቱንቶ ኦፊዳዋ ኡባ ሀሳይሲደ፣ ኡንቱንቱ ኡባ ዎደካ ጸሳ ሲቃናውን አው አዛዘታናው ኡንቱንታ ኤርሴ።

ማጻፋው ዋና ቆፋ ኦይቁዳ ጽቅሰቱ፡ 6:4-6 ደእያዋንታ ግድያ ዎደ፣ ኡንቱንቱካ፣ የሱሰ፣ “አዛዘ ኡባጥ አድያ ዋልቃማ አዛዘ” ጊደ ኦዴዳ ቃላቱዋ ኦይቁዳዋንታ። ሄዋንቱን፣ “ጸሳ ነ ጸሳ ነ ፖሎ ዎዛናጥ፣ ነ ፖሎ ሸሞጥዋጥ ነ ፖሎ ዋልቃጥ ሲቃ” ያግያዋንታ።

ሸሞጥቱዋ ኡባቶ እመቲዳ ቃንሳ ቆፋቱዋ

- ሀ. ኮይሮ ሙሴ ሃሳያ 1:1—4:49
- ለ. ላኤንሎ ሙሴ ሃሳያ 5:1—26:19
- 1. ታሙ አዛዘቱዋ 5:1—10:22
- 2. ሀግያ፣ ዋጋን ሴራ 11:1—26:19
- ሐ. ካናን ገላናጥ ካሰቲደ እመቲዳ አዛዘቱዋ 27:1—28:68
- መ. ቃላ ጫቁዋ ኦራዱሳ 29:1—30:20
- ሰ. ሙሴ ወርሰላ ሃሳያ 31:1—33:29
- ረ. ሙሴ ሀይቁዋ 34:1-12

ኮይሮ ሙሴ ሃሳያ

(ፓይ. 1:1—4:49)
ሲና ደርያጥ ባናዳን እመቲዳ አዛዘቱዋ

1 ሀ ማጻፋትን ጸፈቲዳ ቃላ ኡባይ ዮርዳኖሳ ሻፋጥ ሄፍንሳ አዋይ ደልያ ባጋና ደእያ መላ ቢታን ኡንቱንቱ ደእሸን፣ ሙሴ እስራኤልያ አሳው ኦዴዳ ቃላ። ሙሴ ሀ ቃላ ኡንቱንቶ ኦድያ ዎደ፣ ኡንቱንቱ ሱፋ ጌተትያ ሳኢን ሰንሳ ባጋና፣ ፓራና ካታማው እት ባጋናን ሄዋዳንካ ቃይ ቶፊላ፣ ላባና፣ ሀጸርታን ዲዛሃባ ጌተትያ ካታማቱዋ ግዴዋን ደእያ ዮርዳኖሳ ዛንጋራን ደእኖ።

2 ኤዶማ ደርያ ኦግያና ቦጥ፣ ሲና ደርያጥ ቃዴሳ-ባርን ጋካናው ገድያን ታማን እት ጋላሳ ኦገ።

3 ግብጾጥ ኡንቱንቱ ከሴዳ ኦይታማንሳ ላይላን፣ ታማን እተንሳ አግናን፣ አግናው ኮይሮ ጋላሳን፣ ሙሴ መድና ጎዳይ ኡንቱንቱዋ እ አዛዘዳዋ ኡባ እስራኤላቶ ኦዴዳ።

4 ሄዋ ሀሰቦና ካታማን ኡቲደ ካተቲዳ አዋረቲ ካወዋ ሰሆናን፣ አሰታርታንን ኤድራኢን ኡቲደ ካተቲዳ ባሳን ካትያ ኦጋ፣ ሙሴ ጸኔዳዋጥ ጉይያና።

5 አሳይ ዮርዳኖሳጥ አዋይ ደልያ ባጋና ሞክባን ደእሸን፣ ሙሴ ሀ ሀግያ ሀዋዳን ያጊደ ቆንጭሰያዋ ደማዳ።

6 “ኡን ሲና ደርያን ደእሸን፣ መድና ጎዳይ ኦ ጸሳይ ኦና ሀዋዳን ያጌዳ፤ ህንተ ሀ ደርያ ቦላን ሎይሎ ጋሞኤድታ።

7 ዲንካንያ ኮሊደ ደንድተ፤ ደረትያ አዋረቲ ቢታን አራባን ደእያ ኡንቱንቱ ሾሮ ቢታ ኡባ ቢተ፤ ሄዋካ ዮርዳኖሳ ዛንጋራ፣ ደረትያሳን ባርሳትያ ቢታቱዋኮ፣ ገድሳ ባጋውን ማድተራን አሳ ጋጸው አድተ። ካናን ጋድያኮ ቢተ፤ ለባኖሳ ደረቲዋ አዲደ፣ ኤፍራዲሳ ሻፋ ጋካናው ቢተ።

8 በእተ፣ ታን ህንተንቶ ሀ ቢታ እማድ። ቢደ ህንተ አዋቶ፣ አብራሃማው፣ ይሳቃው፣ ያቆባውን፣ ኡንቱንቱጥ ጉይያን፣ ኡንቱንቱ ዛርያው እማናው መድና ጎዳይ ጫቁዳ ቢታ ላትተ’ ያጌዳ” ያጌዳ።

ሙሴ ካፓቱዋ ሱንሴዳ (ከሳ 18:13-27)

9 ቃይካ ሙሴ አሳው ሀዋዳን ያጌዳ፤ “ሄ ዎደ ታን ህንተንቶ ሀዋዳን ያጋደ ኦዳድ፤ ታን ታረካ ህንተና ቶካናው ዳንዳይከ።

10 መድና ጎዳይ ህንተ ጸሳይ ህንተ ፓይዲዋ ሳሉዋ ጸልንትያዳን ዳርሴዳ።

11 መድና ጎዳይ ህንተ አዋቱዋ ጸሳይ፣ ህንተና ሀዋጥ ሻኢ ገደ ጉጂደ ዳርሶን እ ጌዳዋዳን ህንተና አንጃ።

12 ሸን ህንተ መቱዋ፣ ህንተ ፓሉማን ህንተ ኦሻ ኡባ ታን ታረካ ቶካናው ዋና ዳንዳይያታ?

13 ህንተ ዛርያጥ ዛርያጥ አዴዳ ኤራንቻ፣ አኩካንቻን ኦሶቱዋ ሜዚ ደእያ አሳቱዋ ደርተ፤ ታን ህንተ ቦላ ኡንቱንቱ ካፑዋ ሱንሳና’ ያጋድ።

14 “ህንተካ ታና፣ ኡን ኦሳናዳን ኔን ጌዳዋ ሎኢ’ ያጌድታ።

15 ሄዋ ድራው፣ ታን ህንተ ዛርያጥ ዛርያጥ አዴዳ ኤራንቻን ኦሶቱዋ ሜዚ ደእያ አሳቱዋ አካድ፤ ሻላቃ፣ ጾቱዋ ካፑዋ፣ እሻታሙዋ ካፑዋ፣ ታሙዋ ካፑዋን ሞድያዋንታ ኦላደ ህንተ ዛርያን ዛርያን ህንተ ቦላን ሱንሳድ።

16 “ያታደ ታን ኡንቱንታ፡ ህንተ እሻንቱ ግዲታን ደእያ ሞቱባ ሰሰተ፤ ሄ ሞቱ እት እሰራኤልያ አሳፒን አ እሻፒ ግዲታን ወይ እሰራኤልያ አሳፒን ሀራ ጋደ አሳፒ ግዲታን ደእያ ግዲታን፡ ሰሲደ ጽሉባ ፕርድተ።

17 ህንተ ፕርዲን እት ባጋ ማደፕተ፤ ዋልቃማባ ሰሰባዎዲንካ፡ ጉላባካ ሄዎዲን ሰሰተ፤ አሳ ሰሞኦ ያዮፕተ፤ አያው ጎፒ፡ ፕርዲይ ጸሳባ። ቃይ ህንተንቶ ዳር ዴጸ ግዴዳ ሞቱባ ታኮ አህተ፤ ሄዎ ታን ፕርዲና፡ ያጋድ።

18 ቃይ ህንተካ ኦላናባ ኡባ ታን ሄ ዋደ ህንተና አዛዛድ።

ሙሴ ዋኝያዎንታ ኪቲዳ (ፓይ. 13:1-33)

19 “ሄዋፒ ጉይያን፡ ኩን ሲና ደርያፒ ደንዴደ፤ መድና ጎዳይ ኑ ጸሳይ ኑና አዛዜዳዎዲን፡ ደረትያ አሞረቱ ቢታ ብያ ኦግያን ደእያ ሄ ህንተ በኤዳ ግታን ያሸያ መላ ቢታ አዲድ፡ ቃዴሳ-ባርነ ጋኬድ።

20 ሄ ዋደ ታን ህንተንቶ ሀዋዲን ያጋድ፤ ሙድና ጎዳ ኑ ጸሳይ ኑና ላትሰያ ደረትያ አሞረቱ ቢታ ሄኮ ሀእ ጋኬድታ።

21 በእተ፡ መድና ጎዳይ ህንተ ጸሳይ ሀ ቢታ ህንተንቶ እማዳ። መድና ጎዳይ ህንተ አዎቱዋ ጸሳይ ህንተንቶ ኦዴዳዎዲን ከሲደ፡ ሀ ቢታ ላትተ፤ ያዮፕተ፤ ሀድታ አጎፕተ፡ ያጋድ።

22 “ህንተ ኡባይ ታኮ ዪደ ታና፡ ሄ ቢታ ዋቹደ፡ ኩን ባናው በሰያ ኦግያባ፡ ኩን ገላና ካታማቱዋ ኦዲባ ኑው አህያ አሳቱዋ ኑፒ ሰንሳው የደይተ፡ ያጌድታ።

23 “ሄ ቆፋይ ታው ሎእ ማላቲዳ፤ ያትና፡ ህንተፒ ታማነ ላኡ አሳ፡ ዛርያፒ ዛርያፒ እት አሳ ዶራድ።

24 እንቱንቱ ቤድኖ፤ ሄ ደረትያ ቢታ ፑደ ከሴድኖ፤ ቃይ ኤሽኮላ ዛንጋራኮካ ቢደ፡ ቢታ ዋቹድኖ።

25 ሄ ጋድያን ሞክያባፒ አማራዳ አይፍያ ባረንቱ ኩሽያን ኦይቂደ፡ ኩኮ እክ ዬድኖ፤ ቃይ፡ ሙድና ጎዳ ኑ ጸሳይ ኑው እሞያ ቢታይ ሎእ፡ ያግያ ኦዲባካ አሂደ ኦዴድኖ።

26 “ሸን ህንተ መድና ጎዳ ህንተ ጸሳ አዛዛ ማካሊደ፡ ከሰናን እጾድታ።

27 ህንተ ዲንካንያ ግድን እቱ እቱዋና፡ ሀዋዲን ያጊደ ዙዙሜድታ፤ ሙድና ጎዳይ ኑና እጾዳ ድራው፡ ጳይሳናው አሞረ ቢታ አሳቱ ኩሽያን አሉ እማናው፡ ግብጾ ጋድያፒ ከሴዳ።

28 ኩን ሀቃ ከሴቶ? ኩ እሻቱ “ሄ ጋድያን ደእያ አሳይ ኑፒ ዳሪኖን አዲቁና። ካታማቱካ ግታን ሳሉባ ጋካናው ግሞበቲዳዎንታ። ሄዋ ሶላካ ቃይ አናቀቱዋ ጌተትያ ዳር አዲሳ አሳቱዋ ያን በኤዶ” ያጊደ፡ ኩ ዋዛና እርጽሴድኖ ያጌድታ።

29 “ ሄዋፒ ጉይያን፡ ታን ሀዋዲን ያጋድ፤ እንቱንቶ ያዮፕተ ወይ ሻባረቶፕተ።

30 ህንተፒ ሰንሳና ብያ መድና ጎዳይ ህንተ ጸሳይ ካሰ ግብጾን ህንተ አይፍያ ሰንሳን አ ህንተንቶ ኦዴዳዎዲን፡ ሀእካ ህንተንቶ አ ኦለታና።

31 ቃይ መላ ቢታን፡ ህንተ ሀ ሳኦ ጋካናው ዬዳ አገ ኡባን፡ አሳይ ባረ ናኦ ቶክያዎዲን፡ መድና ጎዳይ ህንተ ጸሳይ ህንተና ቶኬዳዎ በኤድታ፡ ያጋድ።

32-33 “ሀ ኡባ ታ ኦድንካ፡ ህንተ ዲንካናና ሳኦ በሳናውን ህንተ ባና ኦግያ በሳናው ቃማ ታማ ቱሳን፡ ጋላሰ ሻርያ ቱሳን ህንተና ካለሌዳ መድና ጎዳ፡ ህንተ ጸሳን፡ አማንበይክታ።

ጸሳይ እሰራኤላቱዋ ሙራዳ (ፓይ. 14:20-45)

34 “መድና ጎዳይ ህንተ ሃሳያ ሰሲደ ሀንቀቲዳ፤ ሀዋዲን ያጊደ ጫቂዳ፤

35 ታን ህንተ ማይዛ አዎቶ እማና ጋደ ጫቂዳ ሀ ሎኦ ቢታ፡ ሀ ኢታ የለታፒ እቱን በኤና።

36 ሄ ቢታ በአናዌ ይፋነ ናኦ ካሌባ ጸላላ። እ የዴዳ ቢታ አውን አ ዛርያው ታን እማና፤ አያው ጎፒ፡ እ ባረ ኩሙንሳ ዋዛናፒ መድና ጎዳ ካሌዳ፡ ያጊደ ጫቂዳ።

37 “ህንተ ጋሱዋን መድና ጎዳይ ታ ሶላካ ሀንቀቲደ፡ ሀዋዲን ያጌዳ፤ ሙሴ፡ ሀራይ አቶ ኔንካ ሄ ቢታ ገላካ።

38 ሸን ኔና ማድያዌ፡ ኔዌ ናእይ አያሱ ሄ ቢታ ገላና። እ እሰራኤልያ አሳ ሄ ቢታ ላትሳናው ደእያ ድራው፡ ኔን አ ሞን።

39 ቃይ ህንተ፡ ኑና ናናይ አሞደታና፡ ጌዳ ጉላቲነ ኢታ ሎይሐ ሻክ ኤርቤና ህንተ ናናይ ሄ ቢታ ገላና። ታን ሄ ቢታ እንቱንቶ እማና፤ እንቱንቱካ አ ላታና።

40 ሸን ህንተና ግደፒ፡ ህንተ ጉየ ሰሚደ፡ ዘኦ አባ አፍያ ኦግያ ኦይቂደ፡ መላ ቢታ ቢተ ያጌዳ።

41 “ህንተ ዛሪደ ታው ሀዋዲን ያጌድታ፤ ኑን መድና ጎዳ ሶላ ናጋራ ኦሌደ፤ ሀእ ኩን መድና ጎዳይ ኑ ጸሳይ አዛዜዳዎዲን፡ ከሲደ ኦለታና፡ ያጌድታ። ህንተ ኡባይ ኦላ ሚሻ ግጾድታ፤ ቃይ ገዘ ቢታ ከሲደ ኦለታናዋካ ላፋባዲን ቆፔድታ።

42 “ሸን መድና ጎዳይ ታና፡ ታን እንቱንቱና ደኤና ድራው፡ እንቱንቱ ከሲደ ኦለተናዲን ኦዳ፤ ሄዋ ጳዮፒ እንቱንቱ ሞርከቱ እንቱንታ ጸናና፡ ያጌዳ።

43 ታን ህንተንቶ ኦዳደ፤ ሸን ህንተ መድና ጎዳ አዛዛ ማካሊድታፒ እትና፡ ታን ኦዴዳዎ ሰሰበይክታ፤ ያቲደ ህንተ ኦቶሩዋን ገዘ ቢታ ከሴድታ።

44 ያትና፡ ሄ ገዘ ጋድያን ደእያ አሞራቱ ህንተናና ኦላ ጋከቲደ፡ ህንተና ማላይ የደርሰያዎዲን የደርሲደ፡ ሄ ኤዶማ ጋድያን ቢደ ሆርማ ጋካናው ሾጬድኖ።

45 ህንተካ ጉየ ሰሚደ፡ መድና ጎዳ ሰንሳን ዬኬድታ፤ ሸን ጸሳይ ህንተ ዬኩዋ ሰሰቤና ዋይ ሀይዘቤና።

46 ያትን ቃዴሳን ሄ ህንተ ጋሞኦ ኬሻ ጋላሳ ጋሞኤድታ።

2

መላ ቢታን ቱጋቲዳ ዋደቱዋ

1 “ሄዋጥ ጉይያን ኑን፣ መድና ጎዳይ ታና አዛዜዳዋዳን፣ ዘኑ አባ እፍያ ኦግያ ኦይቂደ፣ ጉየ ሰሚደ፣ መላ ቢታ ቤደ፣ ሄዋን መቶቲደ፣ ደረትያ ኤደማ ጋድያን ዳር ጋላሳ ዩዩደ።

2 “ሄዋጥ ጉይያን፣ መድና ጎዳይ ታና ሀዋዳን ያጌዳ፤

3 ላህ ደረትያ ቢታ ዩቫይ ህንተንቶ ግዳናዋ፤ ጉየ ሰሚደ፣ ሁጲሳ ሳጋ ቢታ።

4 አሳ ኔን ሀዋዳን ያጋደ አዛዛ፤ “ኤደማን ደእያ ህንተ እሻቱዋ ግድያ ኤሳ ናናቱ ቢታና ህንተ አዲታ። ኡንቱንቱ ህንተንቶ ያያና፤ ሸን ህንተ ሎይሳ ናገትተ።

5 ታን ኡንቱንቱ ጋድያጥ ገዲ የድያ ሳ ኬሻን ህንተንቶ እመና ድራዉ፣ ኡንቱንቱና ዋለቀቶጥተ፤ እያዉ ጎጥ፣ ታን ደረትያ ኤደማ ቢታ ላታ ኦላደ ኤሳዉ እማ ድጋድ።

6 ህንተ ምያ ቁማን ኡሸያ ሃላ፣ ኡንቱንቱጥ ሻሉዋን ሻሞተ ያጋደ አዛዛ” ያጌዳ።

7 “መድና ጎዳይ ህንተ ጸሳይ ህንተ ኦሌዳዋ ኡባ እንጃዳ፤ ህንተ ሀ ዋልቃማ መላ ቢታን ሀመትያ ዋደ፣ ህንተና ናጌዳ። ሀ ኦይታሙ ላይሳ ኡባን መድና ጎዳይ ህንተ ጸሳይ ህንተናና ደኤዳ። እያን ህንተንቶ ፓጭሰቤና።

8 “ሄዋ ድራዉ፣ ኑን ኑ እሻቱዋ ግድያ ኤሳ ናናይ ደእያ ኤደማ ቢታና አዲደ ቤደ። ቃይ ኤላታን ኤጽዮን-ጋብራ ግያ ካታማቱዋጥ ደንዲደ፣ አራባጥ ጋልያ ኦግያ አገደ፣ ሞኣባ መላ ቢታ አዲደ።

9 “መድና ጎዳይ ታና ሀዋዳን ያጌዳ፤ “ታን ኡንቱንቱ ጋድያጥ እያን ህንተንቶ እመና ድራዉ፣ ሞኣባ አሳና ዋለቀቶጥተ ዋይ ኡንቱንታ ኦሎጥተ፤ እያዉ ጎጥ፣ ኤራ ካታማ ታን ላታ ኦላደ ሎጸ አርቶ እማ ድጋድ” ያጌዳ ያጌዳ።”

10 (ሄ ጋድያን ካሰ ምናን ጮራ ግዴዳ፣ ቃይ አናቀ ዛራቱዋዳን አዲሳ ግዴዳ ኤመታ ጌተትያ አሳቱ ደኤድና።

11 ኡንቱንቱ አናቀቱዋዳንካ ራፋየቱዋ ጌተቲና። ሸን ሞኣባ አሳይ ኡንቱንታ ኤመታ ገደ ጴሴ።

12 ሆራ ቢታ አሳይ ቃይ ካሰ ኤደማን ደኤዳ፤ ሸን እስራኤላቱ ላታናዳን መድና ጎዳይ ኡንቱንቶ እሚዳ ጋድያን ኡንቱንቱ ኦሌዳዋዳን፣ ኤሳ ዛራቱ ሆራታ ኡንቱንቱ ጋድያጥ ሾዴድና፤ ቃይ ባረንቱ ሰንሳጥ ኡንቱንታ ጳይሲደ፣ ኡንቱንቱ ሳኣን ኡቲድና።)

13 ሙሴ፣ “መድና ጎዳይ ኑና፣ ላህ ደንድተ፤ ዘራዳ ሻፋ ጥንተ” ያግና፣ ኑን ዘራዳ ሻፋ ጥኔደ።

14 ኑን ቃዴሳ-ባርነጥ ደንዲደ፣ ዘራዳ ሻፋ ጥናና ጋካናዉ ደእያ ዋዲ ሀታማን ሆሰፑን ላይሳ፤ ሄ ዋደ መድና ጎዳይ ኡንቱንቶ ጫቂዳዋዳን፣ ኦላዉ ጋኬዳ ሄ የለታ አቱማዋንቱ ኡባይ ዉራድና።

15 ዲንካኔዳ ሳጥ ኡንቱንቱ ኡባና ድምእ ገደ ጳያና ጋካናዉ፣ መድና ጎዳ ኩሺ ኡንቱንቱ ቦላ ደኤ።

16 “ኦላዉ ጋኬዳ አቱማ አሳይ ኡባይ ኡባና ጳዬዳዋጥን አሳ ግደጥ ሀይቂዴ ዉራዳዋጥ ጉይያን፣

17 መድና ጎዳይ ታና ሀዋዳን ያጌዳ፤

18 “ኤራ ኦግያና ሀቕ ህንተ ሞኣባ ቢታ አዲታ።

19 ህንተ አሞና አሳቱ ቢታ ጋክያ ዋደ፣ ኡንቱንታ ቃሰረሶጥተ ዋይ ኡንቱንቱና ዋለቀቶጥተ። እያዉ ጎጥ፣ አሞና አሳቱ ጋድያጥ እያን ታን ህንተንቶ ላታ ኦላደ እምከ። ታን ሄ ቢታ ሎጸ ዛርያዉ ላታ ኦላደ እማ ድጋድ ያጌዳ።

20 “(ሄ ቢታይ ካሰ ያን ደእያ አሳይ ጴሰትያ ሱንሳን ራፋየቱዋ ቢታ ጌተቲደ ጴሰቱ። ቃይ አሞናቱ ኡንቱንታ ዛምዙሚም ገደ ጴሰቱ።

21 ኡንቱንቱካ አናቀቱዋዳን አዲሳ፣ ምናን ጮራ ጋደ፤ ሸን መድና ጎዳይ ኡንቱንታ ጳይሲና፣ አሞናቱ ኡንቱንቱ ቢታ ላቲደ ኡቲድና።

22 መድና ጎዳይ ኤደማን ደእያ ኤሳ ዛርቶ ኦሌዳዋዳን፣ ኡንቱንቶካ ኦሌዳ፤ ሄዋካ እ ሄ ጋድያን ደእያ ሆራታ ጳይሲና፣ ኤሳ ዛራቱ ኡንቱንቱ ቢታ ላቲደ ሀቼ ጋካናዉ ኡቲድና።

23 ጋዛ ጋካናዉ ደእያ ሄራቱዋን ደእያ አዋቱዋ ግደጥ፣ ካፍቶራ ግያ ጋድያጥ ዬዳ ካፍቶሪቱ ኡንቱንታ ጳይሲደ፣ ኡንቱንቱ ሳኣን ኡቲድና።)

24 “ቃይካ ጸሳይ ኑና ሀዋዳን ያጌዳ፤ ‘ደንድተ፤ አርናና ሻፋ ጥንተ። በእተ፣ አሞረ ቢታ አሳ ግድያ ሀሰቦና ካትያ ሰሆናን አ ቢታ ታን ህንተ ኩሸያን አላደ እማድ፤ አ ኦሊደ አ ቢታ ላትያዋዳን ደምተ።

25 ሀቼጥ ደሚደ ሳሉዋጥ ጋርሳና ደእያ አሳይ ኡባይ ህንተንቶ ያያናዳን ታን ኦላና፤ ኡንቱንቱ ህንተዋ ሰሰያ ዋደ ኡባን፣ ያሻን ኮኮራና ያጌዳ።

እስራኤልያ አሳይ ካትያ ሰሆና ጸኔዳ (ገይ. 21:21-30)

26 “ሄዋጥ ጉይያን፣ ቅደሞታ መላ ቢታጥ ሀሰቦና ካትያ ሰሆናዉ ሳር ቃላ ኪተትያዋንቱ ቦላ ሀዋዳን ያጋደ ኪታድ፤

27 ጥና ነ ቢታና አላርኪ! ኑን ዋጋ ኦገ ጸላ ኦይቂደ ባና፤ አጥ ኡሸቻ ዋይ ሀድርሳ ሰሞኮ።

28 ኑን ምያ ቁማዉን ኡሸያ ሃላው ሚሻ ቃንጸና። ኑ ኮይያዌ ነ ቢታና አዳናዋ ጸላላ።

29 ኤደማን ደእያ ኤሳ ዛራቱ፣ ኤራን ደእያ ሞኣባ ዛራቱ ኑና አሰዋዳን፣ መድና ጎዳይ ኑ ጸሳይ፣ ኑዉ እምያ ቢታዉ ዮርዳኖሳ ሻፋ ኑን ጥናና ጋካናዉ፣ ኦገ ጸላላና ኑና አላ ያጋድ።

30 “ሸን ሀሰቦና ካቲ ሰሆን ኑና አግናን ድጌዳ። እያዉ ጎጥ፣ መድና ጎዳይ ህንተ ጸሳይ ሀቕ ህንተ በእያዋዳን፣ አ ህንተ ኩሸያን አሊደ እማናዉ አ ዋዛና ምንሲደ፣ አ ሞርግያ ዙዱ ኦሌዳ።

31 “ሄዋጥ ጉይያን መድና ጎዳይ ታና፣ ‘በእ፣ ሰሆናን አ ቢታ ታን ነዉ እሙሳ ደማድ፤ ሀእ ጸናደ፣ አ ቢታ ላታ ያጌዳ።

32 “ያትና፣ ሰሆን ባረ አሳ ኡባ አኪደ፣ ያሃጸ ግያ ሳን ኑናና ኦለታናዉ ደንዴዳ።

33 ሸን መድና ጎዳይ ኑ ጸሳይ ኑዉ አ አላ እሚዳ፤ አ፣ አ አቱማ ናናቱዋን አ አሳ ኡባ ኑን ዋዲደ።

34 ሄ ዋደ ኑን አ ካታማቱዋ ኡባ ኦሞዲደ፣ ሙላ ካታማቱዋካ፣ እን ደእያ አቱማ

አሳና፡ ማጫ አሳናና ሰርቱዋና ቆይሴዳ፤ እያነ አሽበይክኖ።

35 እንቱንቱ መሀያነ ኑን ኦይቄዳ ካታማቱዋፕ አዋዴዳባቱዋ ጸላላ ኑዉ እኬድ።

36 “አርኖና ዛንጋራ ጋጸን ደእያ አርኤራፕነ ሄ ዛንጋራ ግድን ደእያ ካታማፕ ደሚደ ቢደ ጋላኦ ቢታ ጋካናዉ፡ ኑዉ ምኔዳ እት ካታምነ ደእቤና። መድና ጎዳይ ኑ ጸላይ ኡንቱንታ ኡባ ኑ ኩሽያን አላ እሚዳ።

37 ሸን ኑን አዋና ዛራቱዋ ጋድያኮ፡ ሄዋካ ያቦቃ ሻፋ ዶና ኡባኮ፡ ደረትያ ቢታ ካታማቱዋኮን መድና ጎዳይ ኑ ጸላይ ኑን ባናዳን አዛዝቤና ሳ ኡባኮ ሸቅቤዮ።

3

እስራኤላቱ ባሳነ ካትያ ኦጋ ጸኔድኖ (ፓይ. 21:31-35)

1 “ሄዋፕ ጉይያን ኑን ሰሚደ፡ ባሳነ አፍያ ኦግና ከሲደ፤ ያትና፡ ባሳነ ቢታ ካቲ ኦግ ባረ ኦላንቻቱዋ ኡባና ኤድራኦ ግያ ካታማን ኑናና ኦለታናዉ ከሴድ።

2 ሸን መድና ጎዳይ ታና፤ ሓዉ ያዮፕ! እያዉ ሳፕ፡ ታን እ፡ አ ኦላንቻቱዋ ኡባናና አ ቢታና ነ ኩሽያን አላደ እማድ። ሀሰቦናን ኡቲደ ካተቲዳ አዋረቱ ካትያ ሰሆና ቦላ ኦሌዳዋዳን፡ ኔን አ ቦላካ ኦላና፡ ያጌዳ።

3 “ሄዋ ድራዉ፡ መድና ጎዳይ ኑ ጸላይ ባሳነ ቢታ ካትያ ኦጋን አ አሳ ኡባ ኑ ኩሽያን አሊደ እሚዳ፤ ኑን ኡንቱንቱፕ እቱዋነ አሸናን ዉርሰ ዋዴድ።

4 ሄ ዋደ ኑን አ ካታማቱዋ ኡባ ኦይቄዳ፤ ኑን ኦይቄቤና እት ካታማይካ ባዋ፤ ሄዋንቱካ ባሳነ ካትያ ኦግ አርጎባ ጋድያን አይሰያ ኡሱፑን ታሙ ካታማቱዋ።

5 ሀ ካታማቱ ኡባይካ አዲሳ ግምቢያን ድረቲዳዋንታን ፕንግያናን ጎርድያ ሞላና ደእያዋንታ። ቃይ ግምቢያ ድርሳይ ባይና ሎይላ ዳር ሞላቱካ ደእያ።

6 ሀሰቦና ቢታ ካትያ ሰሆና ቦላ ኦሌዳዋዳን፡ ኑን ኡንቱንታ ኡባና ቆይሴድ። ኡንቱንቱ ካታማቱዋ ኡባ፡ ኡንቱንቱን ደእያ እቲማዋና ማጫዋን ሰርቱዋናካ ሙላ ቆይሴድ።

7 ሸን መሀያ ኡባን ካታማቱዋፕ ቦንቄዳ አዋዴዋ ኦሊደ፡ ኑዉ እኬድ።

8 “ሄ ዋደ ኑን አርኖና ሻፋፕ ቢደ ሄርሞን ደርያ ጋካናዉ ደእያ ቢታ ዮርዳኖሳ ሻፋፕ አዋይ ደልያ ባጋና ደእያዋ ሄ ላኡ አዋረ ቢታ ካተቱዋፕ እኬድ።

9 (ሲዶና ቢታ አሳይ ሄርሞን ደርያ ሰርዮን ደርያ ጌደ ጸጌኖ፤ አዋረ ቢታ አሳይ ቃይ ሳኒራ ጌደ ጸጌኖ።)

10 ኑን ደምባ ጋድያን ደእያ ካታማቱዋ ኡባ፡ ጋላኦ ቢታ ኡባ፡ ባሳነ ቢታ ኡባን ባሳነ ጋድያን ኦግ ሞድያ ሳላካን ኤድራኦ ካታማቱዋ ጋካናዉ ደእያ ሳኦ ኦይቄድ።

11 (ራፋዮቱዋፕ እቲዳዌ ባሳነ ቢታ ካትያ ኦጋ ጸላላ። አ አርሳይ ብራታ አርሳ፤ ሄ አርሳይ ሀቼ

ጋካናዉካ ራባ ጌተትያ አዋናቱዋ ካታማን ደእኔ፤ አዉ ጌሳይ ኡዲፑን ዋቆ፤ ጎምፓይካ ኦይዲ ዋቆ።)

ዮርዳኖሳ ሻፋፕ ደላሃ ባጋና ኡቲዳ ያራቱዋ (ፓይ. 32:1-42)

12 “ሄ ቢታ ኑን ላቲዳዋፕ ጉይያን፡ አርኖና ሻፋ ዶናን ደእያ አርኤራ ካታማፕ ደሚደ ደእያ ሳኦ፤ ደረትያ ጋላኦ ጋድያፕ ባጋ አ ካታማቱዋናካ ርቤላ ዛረቶን ጋዳ ዛረቶ ታን እማድ።

13 ጋላኦደፕ እቲዳዋን ኦግ ሞድያ ባሳነ ቢታ ኡባ፡ ሄዋካ አርጎባ ካዉተላ ቃይ ሞናሰ ዛርያፕ ባጋቶ እማድ። (ሄ ባሳነ ቢታይ ኡባይ ራፋዮቱዋ ቢታ ጌተት ጸሰቲዳ።

14 ሞናሰ ዛርያፕ ያእር፡ ኩመንላ አርጎባ ቢታ ላቲድ፤ ሄዋካ ጋሹራቱን ማእካቱ ቢታ ጋጸ ጋካናዉ ደእያ ባሳነ ቢታ። አ ቁር ካታማቱዋ ባረ ሱንላን ጸሰታናዳን ኦሌዳ፤ ሄዋ ድራዉ፡ ኡንቱንቱ ሀቼ ጋካናዉ፡ ሀቦት-ያኢራ ካታማቱዋ ጌተት ጸሰቲዳ።)

15 “ቃይ ጋላኦ ቢታካ ሞናሰ ዛረ ግድያ ማኪራሳዉ እማድ።

16 ርቤላን ጋዳ ዛርያዉ ጋላኦደፕ ቢደ አርኖና ሻፋ ማታ ጋካናዉ ደእያ ቢታ እማድ። ገድሳ ባጋና ኡንቱንቶ አርኖና ሻፋዉ ባጋይ ዛዋ፤ ቃይ ሀጺሳ ባጋና አዋናቱዋ ቢታ ጋጸ ግድያ ያቦቃ ሻፋይ ዛዋ።

17 አዋይ ዉልያ ባጋና፡ ኡንቱንቱ ዛዋይ አራባን ደእያ ዮርዳኖሳ ሻፋ ጋኬ፤ ሄዋካ ጋሊላ አባፕ ደሚደ ፕሰጋ ደርያ ጸጺዋን ደእያ ሀይቁዋ አባ፡ ሄዋን ማጽንያ አባ ጋካናሳ።

18 “ሄ ዋደ ታን ህንተና ሀዋዳን ያጋደ አዛዛድ፤ ሙድና ጎዳ ህንተ ጸላይ ሀ ቢታ ህንተ ላታናዳን ህንተንቶ እሚዳ። ሰም ህንተንቶ ደእያ ቶራንቻ አሳ ኡባ ኦላ ሚሻ ግጽሲደ፡ ህንተ እሻቱዋ ግድያ እሰራኤልያ አሳፕ ሰንላና ኦለታናዉ አድተ።

19 ህንተዉ ዳር መሄ ደእያዋ ታን ኤራይ፤ ሄዋ ድራዉ፡ ህንተ ማቼቱ፡ ህንተ ጉላ ሰናይነ ህንተ መሄ ታን ህንተንቶ እሚዳ ካታማቱዋን ደእሸኖ።

20 ሄዋነ፡ መድና ጎዳይ ህንተና ሸምፕሴዳዋዳን፡ ህንተ እሻቱዋካ ሸምፕሳና ጋካናዉነ፡ ቃይ ዮርዳኖሳ ሻፋ ሄፍንላን፡ መድና ጎዳይ ህንተ ጸላይ ኡንቱንቶ እምያ ቢታ ኡንቱንቱ አካና ጋካናሳ። ሄዋፕ ጉይያን፡ ህንተ ሀጺያን ሀጺያን፡ ታን ህንተንቶ እሚዳ ቢታ ሰሚታን ያጋድ።

21 “ታን ሄ ዋደ ያሳ ሀዋዳን ያጋደ አዛዛድ፤ ሙድና ጎዳይ፡ ህንተ ጸላይ፡ ሀ ላኡ ካተቱ ቦላ ኡሌዳዋ ኡባ ኔን ነ አይፍያን በኦዳ፤ ህንተ ኦይቃናዉ ብያ ካዉተላቱዋ ኡባ ቦላካ መድና ጎዳይ ሄዋዳን ኦላና።

22 ህንተ ድራዉ ኦለትያዋ፡ መድና ጎዳ ህንተ ጸላ ግድያ ድራዉ፡ ኡንቱንቶ ያዮፕተን ያጋድ።

ሙሴ ካናን ገለናዳን ድገቲዳ

23 “ሄ ዋደ ታን ሀዋዳን ያጋደ መድና ጎዳ ሎይላደ ዋሳድ፤

24 ሌባ ሞድያ መድና ጎዳው፤ ነ ግታተላን ነ ሞኖ ኩሽያ ታና፤ ነ ቆማ በሰናወ ደማዳ፤ እያወ ጎጥ፤ ነዋዳን ሀዋ ማላ ኦሶቱዋን ዋልቃማባ ኦሳናወ ዳንዳይያዌ ሳሉዋን ግድና ሳኣን እይ ጸሳይ ደኢ?

25 ጸሳይ! ታን ባደ ዮርዳኖሳ ሻፋጥ፤ ሄፍንላን ደእያ ሄ ሎኦ ደረትያ ቢታነ ሊባኖሳ በእናዳን ታና ዩዳርኪ! ያጋድ።

26 “ሸን መድና ጎዳይ ህንተ ጋሱዋን ታና ሀንቀቲደ፤ ታወ ሰሰናን እጹዳ፤ መድና ጎዳይ ታና ሀዋዳን ያጌዳ፤ ሰሞ ነወ ግዳናዋ፤ ሀ የወዋ ደንላደ ላኤንሉ ታወ ሃሳዮ።

27 ሄዋ አጋደ ደንዳ፤ ፕሰጋ ደርያ ሁጲያ ከሳ፤ ሄዋን ኤቃደ ቢታወ አዋይ ደልያ ባጋ፤ ሁጲሳ፤ ገድሳነ አዋይ ወልያ ባጋ ነ አይፍያ ደንላደ ጸላ። እያወ ጎጥ፤ ኔን ሀ ዮርዳኖሳ ሻፋ ሙለካ ፕናካ።

28 ማታ ኔን ኢያሱወ አዛዙዋ እማ፤ አ ጸልሳነ ሞን። ላ፤ እያወ ጎጥ፤ እ ሀ አሳ ካለሊደ ፕንላናን ሀ ኔን በእያ ቢታ እ ኡንቱንታ ላትሳናዋ ያጌዳ።

29 “ሄዋ ድራው፤ ኔን ቤት-ፓኦራ ካታማ ሰንላን ደእያ ዛንጋራን ጋሞኤድ” ያጌዳ።

4

ሙሴ እስራኤላቱዋ አዛዘታናዳን ኦዳዳ

1 ሄዋጥ ጉይያን፤ ሙሴ አሳ ሀዋዳን ያጌዳ፤ “ሀእካ እስራኤልያ አሳው፤ ህንተ ደኤዋን ደአናዳንን መድና ጎዳይ፤ ህንተ ማይዛ አዋቱዋ ጸሳይ፤ ህንተንቶ እምያ ቢታ ህንተ ላታናዳን፤ ታን ህንተና ታማርሰያ አዋዩዋን ሀግያ ሰሰተነ አሳተ።

2 ታን ህንተና አዛዘያ መድና ጎዳ ህንተ ጸሳ አዛዙዋ ናግተጥ አትና፤ አ ቦላ አይነ ጉጃፕተ፤ ቃይ አፕ አይነ ፓጭሶፕተ።

3 ባኦል-ፓኦራ ደርያ ቦላን መድና ጎዳይ ኦጼዳዋ ህንተ ህንተ አይፍያን በኤድታ፤ መድና ጎዳይ ህንተ ጸሳይ ባኦል-ፓኦራን ደእያ ባኦላወ ጎይኔዳዋንታ ኡባ ህንተ ግደፕ ጳይሴዳ።

4 ሸን ህንተ መድና ጎዳው፤ ህንተ ጸሳው፤ አማነቴዳ ድራው፤ ሀች ጋካናወ ኡባይካ ደኤዋን ደኢታ።

5 “በእተ፤ ህንተ ላታናወ ገልያ ጋድያን አላና ማላ፤ መድና ጎዳይ፤ ታ ጸሳይ ታና አዛዘዳዋዳን፤ አዋዩዋን ሀግያ ታን ህንተና ታማርሳድ።

6 ህንተ ኡንቱንታ ናግተነ አሳተ፤ ሄዋ ህንተ ኦሳ፤ ህንተ አይ ኬሻ እጹዳ ኤራንቹንቶነ ሀራ አሳይ ህንተና በአና። ኡንቱንቱ ሀ አዋዩዋባ ሰሰያ ዋደ፤ ጭሙካ ሀ ዋልቃማ ካተተላይ እጹዳ ኤራንቻነ እኬካንቻ ካወተላዎ ያጋና።

7 “ኡን እ ጸሰያ ዋደ አወደነ፤ መድና ጎዳይ ኡ ጸሳይ ኡወ ማታ ግድያዋዳን፤ ማታ ጸሰ አወ ደእያ እይ ዋልቃማ ካወተላይ ደኢ?

8 ታን ሀች ህንተ ሰንላን ዋሳያ ሀ ህገ ኡባዳን ጽሎ ግዳዳ አዋዩን ህገ ደእያ ሀራ አይ ዋልቃማ ካወተላይ ደኢ?

9 “ሰሞ ህንተ ደእያ ላይላ ኡባን ሀ ህንተ በኤዳዋ ኡባ ደገናዳንን ህንተ ሁጲያፕ ጳይሰናዳን ናገትተ፤ ህንተ ናናቱዋን ህንተ ናናቱ ናናቱዋ ታማርሰተ።

10 ሰና ደርያ ቦላን መድና ጎዳ ህንተ ጸሳ ሰንላን ህንተ ኤቁዳ ዋደ፤ ጸሳይ ታና፤ ሀ ሳኣን ደኤዳ ዋደ ኡባን፤ ኡንቱንቱ ታወ ያይያዋ ታማራናዳንን ባረንቱ ናናቱዋካ ሄዋ ታማርሳናዳን፤ ታን ታ ቃላ ኡንቱንታ ሰሳና ማላ፤ አሳ ታኮ ሸሻ፤ ጌዳዋ ሀሳይተ።

11 “ሄ ዋደ ህንተ ሸቂደ ደርያ ጸጹዋን ኤቁድታ፤ ሳሎ ግዳዋ ጋካናወ፤ ሄ ደርያ ቦላን ታማይ ኤጾ፤ ሄ ደርያ ጸጹ ሳካና ጳማንን ሻራን ጎዘት ኡቱዳ።

12 መድና ጎዳይካ ታማ ግደፕ ህንተንቶ ሃሳዬዳ፤ ህንተ አ ኮሻ ሰሴድታፕ አትና፤ አ በእባይክታ።

13 ህንተ አላናዳን እ ህንተና አዛዘዳ ባረ ጫቁዋ ህንተንቶ ኡዳዳ፤ ሄዋንቱካ ታሙ አዛዘቱዋ። እ ኡንቱንቱ ላኤ ማሰቴዳ ሹቻቱ ቦላ ጸፊዳ።

14 ህንተ ላታናወ ብያ ጋድያን አላናዳን፤ አዋዩዋን ሀግያ ህንተና ታማርሳና ማላ፤ መድና ጎዳይ ታና ሄ ዋደ አዛዘዳ።

ኤቃ ሞሰልያወ ጎይነናዳን እመቴዳ አዛዘዋ

15 “መድና ጎዳይ ሰና ደርያ ቦላን ታማ ግደፕ ህንተንቶ ሃሳዬዳ ጋላሰ፤ ህንተ አ በእባና ድራው፤ ሎይሳ ናገትተ።

16 አቱማ ዋይ ማጫ ማላን ኦስቴዳዋ ግድና

17 ሳኣን ደእያ ደኢ ኡባ ሌምሱዋ ግድና፤ ሳሉዋ ጉፋንሉዋን ፓልያ ካፋዋ ኡባ ሌምሱዋ ግድና።

18 ሳኣ ቦላን ቃጽያባቱ ሌምሱዋ ግድና፤ ቢታፕካ ጋርሳና ሃላ ግደን ደእያ ሞልያ ሌምሱዋ ግድናካ፤ ህንተ ቱናዳን ማሰቴዳዋ ህንተንቶ ጸሳ አሊደ ጎይናፕተ።

19 ቃይ ሳሉዋ ፑደ ጸሊደ፤ መድና ጎዳይ ህንተ ጸሳይ ሳሉዋፕ ጋርሳና ደእያ ካወተላቶ ኡባወ እማዳ አዋ፤ አግና፤ ጸልንተቱዋን ሳሉዋ መጋታቱዋ ኡባ በኢደ፤ ህንተ ኡንቱንቶ ጎይነደ፤ ባለናዳን ናገትተ።

20 ሸን መድና ጎዳይ ህንተና ሀች ህንተ ግድያዋዳን፤ ባረወ ዲማቴዳ አሳ አላናወ ብራታ ጮጭያ ማላ ግድያ ግብጾፕ ከሲደ አሄዳ።

21 “ቃይ ህንተ ጋሱዋን መድና ጎዳይ ታና ሀንቀቲደ፤ ታን ዮርዳኖሳ ፕንናዳንን፤ መድና ጎዳይ፤ ህንተ ጸሳይ፤ ላታ ኦሊደ ህንተንቶ እምያ ሎኦ ቢታ ታን ገለናዳን ጫቁዳ።

22 ሄዋ ድራው፤ ታን ዮርዳኖሳ ሻፋ ፕንናን ሀ ጋድያን ሀይቃና፤ ሸን ህንተ ፕኒደ፤ ሄ ሎኦ ቢታ ላቲታ።

23 ሄዋ ድራው፤ መድና ጎዳይ ህንተ ጸሳይ ህንተና ጫቁቴዳ ጫቁዋ ደሳፕተ። ቃይ መድና ጎዳይ ህንተ ጸሳይ ህንተና ኦሳፕተ ጌዳ አይ

4:2 ሳን 22:18-19 4:3 ፓይ. 25:1-9 4:11 ከሳ 19:16-18፤ እብራ. 12:18-19 4:13 ከሳ 31:18፤ 34:28፤ ዛር. 9:10 4:14 ከሳ 21:1 4:16 ከሳ 20:4፤ ዋጋ 26:1፤ ዛር. 5:8 4:17 ርመ 1:23 4:20 ከሳ 19:5፤ ዛር. 7:6፤ 14:2፤ 26:18፤ ቲቶ 2:14፤ 1 ጳጳ. 2:9 4:21 ፓይ. 20:12 4:24 እብራ. 12:29

ማላን ማሰቱዳ ሞሰልያ ግድግዳ ህንተንቶ ኤቃ ኦርዳን ናገትት።

24 እያው ጎጥ፣ መጅና ጎዳይ ህንተ ጸሳይ ምያ ታማነ ቃናትያ ጸሳ።

25 “ህንተ ናናቱዋ፣ ናናቱ ናናቱዋ የሊደ ሄ ጋድያን አዲሳ ዋድያ ደእያ ዋድ፣ አይ ማላን ግድግዳ ማሰቱዳ ሞሰልያው ጎይኒደ ቱናጥ፣ ቃይ መጅና ጎዳ ህንተ ጸሳ ህንቀላናው አ ሰንላን ኢታባ አላጥ።

26 ህንተ ዮርዳኖሳ ሻፋ ፕኒደ ላታናው ብያ ጋድያጥ እቱነ አተናን፣ ኤለ ጳያናው፣ ታን ህንተ ቦላን ሆኑ ሳሉዋን ሳኦ ማርካያይ። ህንተ ኡባናካ ጳያናጥ አትና፣ ሄ ጋድያን አዲሳ ዋድያ ደእክታ።

27 መጅና ጎዳይ ህንተና ሀራ አሳ ግድን ላላና፤ ሄ ህንተና መጅና ጎዳይ ላልያ ካውተላቱዋ ግድን ህንተ ፓይዱ ጉላ ግዳናዋ።

28 ሄዋን ህንተ ሞላጥነ ሹቻጥ አሳ ኩሽያን ጊጌዳ በኤና፣ ሰሰና፣ ሜናን ሰንገና ጸሳቶ ጎይናና።

29 ሽን ሄዋን ደኢደ፣ ህንተ መጅና ጎዳ፣ ህንተ ጸሳ ኮያና፤ ህንተ አ ህንተ ኩመንላ ዋዛናጥነ ህንተ ኩመንላ ሸምጥጥ ኮየጥ ደማና።

30 ሀ ኡባ መቱዋ ግድን ህንተ ኡንኤቲደ ደኢደ፣ ዋድያ ወርሰላን መጅና ጎዳኮ፣ ህንተ ጸሳኮ፣ ህንተ ሰማናን አ ቃላውካ አዛዘታና።

31 መጅና ጎዳይ ህንተ ጸሳይ ማርተላን ኩሜዳ ጸሳ ግድያ ድራው፣ እ ህንተና አገና፤ ዋይ ጳይሰና፤ ህንተ አዋቶ እ ጫቄዳ ጫቄዋካ ደገና።

32 “ጸሳይ ጋድያን አሳ መጄዳ ጋላሳጥ ደሚደ፣ ህንተጥ ካሰ አጄዳ ዋድያ አን ፓይድተ፤ ሀዋ ማላ ግታባይ ሙላካ ሀን ኤርንቶ ዋይ ሰሰት ኤርንቶ፣ ሳሎ ሀ ጋጸጥ ያ ጋጸ ጋካናው አን ኦትት።

33 ታማ ላጩዋ ግድና ጸሳይ ሰሲደ፣ ህንተ ጳየናን ደኡዋን ደኡዋዳን፣ ጸሳይ ሰሲደ፣ ደኡዋን ደኡዳ ሀራ አሳይ ደኢ?

34 ዋይ መጅና ጎዳይ ህንተ ጸሳይ ህንተ ጸልሽን፣ ግብጾ ጋድያን ህንተንቶ አጫዋዳን፣ ፓጭያን፣ ማላታን፣ ማላልሰያዋን፣ ኦላን ዋልቃማ ኩሽያንን ሞጬቲዳ ቀሰያን፣ ቃይ ዋልቃማ ያሻን ሀራ ካውተላ ግድ ገሊደ፣ እት ካውተላ ባረው አካናው ባጸቲዳ ሀራ ጸሰ ደኢ?

35 መጅና ጎዳይ ጸሳ ግድያዋ ህንተ ኤራና ማላ፣ ሄዋ እ ህንተና በሴዳ፤ አጥ አትና ሀራይ ባዋ።

36 እ ህንተና ታማርሳናው ኮዬዳ ድራው፣ ባረ ኮሻ ሳሉዋጥ ህንተና ሰሴዳ። ቃይ ሀ ሳኦን ባረ ዋልቃማ ታማ ህንተና በሴዳ፤ ሄ ታማ ግድግዳ ህንተ አ ቃላ ሰሴድታ።

37 እ ሄዋ ኡጫዳዋ ህንተ አዋቱዋ ሲቄዳዋጥ ደንዴዳዋን፣ ኡንቲንቲጥ ጉይያን የለትያ ኡንቲንቲ ዛራቱዋ ደራዳ ግሻሳ። ቃይ ህንተናካ ግብጾጥ ባረ ዋልቃማ ዋልቃን ከሴዳ ግሻሳ።

38 ሀቼ ህንተ በእያዋዳን፣ ህንተና ገልሳናውን ኡንቲንቲ ቢታ ህንተንቶ ላታ ኦላደ እማናው፣ ህንተጥ ዳርያን ዋልቃምያ ካውተላቱዋ ህንተ ሰንላጥ የደርሴዳ።

39 “ሰም ሄዋ ግድግዳ፣ ቦላ ሳሉዋን ግድና፣ ጋርሳ ሳኦን ግድና፣ መጅና ጎዳይ ጸሳ ግድያዋ ኤርተ፤ ህንተ ዋዛናንካ ዋላተ፤ ሀራ ጸሳይ ባዋ።

40 ሄዋ ድራው፣ ህንተንቲን ህንተጥ ጉይያን ህንተ ናናው ኡባባይ ሎኦ ግዳናዳን፣ ቃይ መጅና ጎዳይ ህንተ ጸሳይ ህንተንቶ መጅናው እምያ ጋድያን ህንተ ህንተረ አዲቃናዳን፣ ታን ሆኑ ህንተና አዛዘያ አዋዩዋን ሀግያ ናግተ” ያጌዳ።

ሸምጥጥ ዋጄዳዋንቲ ባቃቲደ እትያ ካታማቱዋ

41 ሄዋጥ ጉይያን፣ ሙሴ ዮርዳኖሳ ሄፍንላን አዋይ ደልያ ባጋና ሄዘ ካታማቱዋ ዲማዬዳ።

42 ሄዋ እ ዲማዬዳዋ ካሰ ሞርከተሳይ ባይናን ደእሸን፣ ኤረናን፣ ባረ ሾሩዋ ዋጄዳ አሳይ ያ ባቃታናሳ። ሄ ካታማቱዋጥ እቶ ባቃቲደ፣ ሄ ብታኒ ባረ ሸምጥጥ አሻናው ዳንዳይ።

43 ሄዋ ድራው፣ ርቤላ ዛርያው መላ ቢታን ጹቃሳን ደእያ ቤጸራ ካታማ፣ ጋዳ ዛርያው ጋላኦይን ደእያ ራሞታን ምናሰ ዛርያው ባሳንን ደእያ ጎላና ካታማቱዋ ዲማዬዳ።

ሀጊ እመትያዋ ኤርሱዋ

44 ሙሴ እሰራኤልያ አሳው እሜዳ ጸሳ ሀጊ ሀዋ።

45-46 ሀ ዋጋ፣ አዋዩዋን ሀግያ ኡንቲንቲ ግብጾጥ ከሲደ፣ ቤት-ፓኦራ ካታማ ሰንላን ደእያ፣ ዮርዳኖሳጥ አዋይ ደልያ ባጋና ደእያ ዛንጋራን ደእሸን፣ ኡንቲንቲ እሜዳ። ሄ ሳኦይ ሀሰቦናን ኡቲደ አሞረ ሞድያ ካትያ ሰሆና ቢታ ግድና። ሙሴን እሰራኤልያ አሳይ ግብጾጥ ከሴዳ ዋድ፣ ሰሆና ኦሊደ ጸኔድና።

47 ሄ ዋድ ኡንቲንቲ አ ቢታን ባሳን ካትያ ኦጋ ቢታ፣ ሄዋካ ቃይ ዮርዳኖሳጥ አዋይ ደልያ ባጋና ደእያ ላኡ አሞረ ካተቱ ቢታ ላቴድና።

48 ሄ ቢታይ አርናና ሻፋ ድናን ደእያ አርኤራ ካታማጥ ቢደ፣ ሰርዮን ደርያ ጋኬ፤ ሄ ሰርዮን ጌተት ጾሰትያ ደሪ ሄርሞን ግያ ደርያ።

49 ቃይካ ሄ ቢታይ ዮርዳኖሳጥ አዋይ ደልያ ባጋና ደእያ አራባ ቢታ ኡባ አከደ ቢደ፣ ፕሰጋ ደርያ ጸጹዋን ደእያ ሀይቁዋ አባ ጋኬ።

ላኤንሶ ሙሴ ሃሳያ

5

(5:1—26:19)

ታሙ አዛዘቱዋ (ከሳ 20:1-17)

1 ሙሴ እሰራኤልያ አሳ ኡባ እትጥ ጾሲደ፣ ሀዋዳን ያጌዳ፤ “ህንተኖ እሰራኤልያ አሳው፣ ታን ሆኑ ህንተንቶ ኦድያ አዋዩዋን ሀግያ ሰሰተ፤ ህንተ ኡንቲንታ ታማርተነ ምንሲደ አላተ።

2 መጅና ጎዳይ ኑ ጸሳይ ሲና ደርያ ቦላን ኑና ጫቄዋ ጫቄቲዳ።

3 መጅና ጎዳይ ሀ ጫቄዋ ጫቄቲዳዋ ኑ አዋቱዋ ጸላላና ግድና፤ ሆኑ ደኡዋን ደእያ ኑ ኡባናካ ጫቄቲዳ።

4 ሄ ደርያ ቦላን ኤጽያ ታማ ግደን ግዲደ፤ መድና ጎዳይ ህንተ ሰንላን ኤቁደ ህንተናና ሃሳዬዳ።

5 ታንካ ሄ ወደ መድና ጎዳይ ግያዋ ህንተንቶ ኦዳናው፤ ጸላጥን ህንተጥ ግዲዋን ኤቃድ፤ እያወ ጎጥ፤ ህንተ ታማወ ያዩደ፤ ደርያ ፑደ ከሰበይክታ። ጸላይካ ሀዋዳን ያጌዳ፤

6 “ግብጹ ጋድያጥ አይለተላ ጎልያጥ ኔና ዋዜዳዌ ታን መድና ጎዳ ነገ ጸላ።

7 “ታጥ አትና፤ ሀራ ጸላቱ ነዉ ደኦጥና።

8 “ቦላ ሳሎዋን ደእያዋ ግድና፤ ዋይ ጋርሳ ሳእን ደእያዋ ግድና፤ ዋይ ሳአጥ ጋርሳና ደእያ ሃላ ግደን ደእያዋ ግድናካ፤ እያ ሞሰልያን ነዉ ኤቃ አላጥ።

9 ኔን ኤንቱንቶ ሆኮጥ፤ ዋይ ኤንቱንቶ ጎይናጥ፤ እያወ ጎጥ፤ ታን ታና እጽያዋንታ አዋቱዋ ናጋራ ድራው፤ ናናቱዋ ሄዘንላን ኦይደንላ የለታ ጋካናዉ ሙርያዋ፤ ታን፤ መድና ጎዳይ ነገ ጸላይ ቃናትያ ጸላ።

10 ሸን ታን ታና ሲቅያዋንታን ታ አዛዙዋ ናግያዋንታ ሻእ የለታ ጋካናዉ ታ አገና ሲቁዋ በሳይ።

11 “መድና ጎዳ ነገ ጸላ ሱንላ ጮ ዴሶጥ፤ እያወ ጎጥ፤ መድና ጎዳይ ባረ ሱንላ ጮ ዴሶያዋ ሙርናን አገና።

12 “መድና ጎዳይ ነገ ጸላይ ኔና አዛዜዳዋዳን፤ ጌሻ አላደ ሳምባታ ጋላሳ ናጋ።

13 ኔን ኦላያ አሶ ኡባ ኡሱፑን ጋላሳን አላ።

14 ሸን ላፑንላ ጋላሳይ መድና ጎዳው፤ ነገ ጸላዉ ሳምባታ። ሄ ጋላሰ አይ አሶን ኦላጥ፤ ኔን ዋይ ነገ አቱማ ናአይ፤ ዋይ ነገ ማጫ ናታ፤ ዋይ ነገ ቆማይ፤ ዋይ ነገ ቦራይ፤ ዋይ ነገ ሀራ፤ ዋይ ነገ ሀራ መሄቱ፤ ዋይ ነገ ካታማን ደእያ በቱ፤ ሄ ጋላሰ እያ አሶን ኦላጥ። ኔን ሸምጥያዋዳን ነገ አቱማን ማጫ ቆማቱካ ሸምጥና።

15 ኔን ግብጹ ጋድያን አይልያ ግዲደ ደኤዳዋ ደሳጥ፤ ቃይ መድና ጎዳይ ነገ ጸላይ ባረ ዋልቃማ ኩሸያንን ባረ ሞጨቱዳ ቀሰያን ያጥ ኔና ከሴዳዋ ደሳጥ። መድና ጎዳይ ነገ ጸላይ ሳምባታ ጋላሳ ኔን ናጋናዳን፤ ኔና አዛዜዳዋካ ሄዋ ግሻሳ።

16 “መድና ጎዳይ ነገ ጸላይ ነዉ እምያ ጋድያን ነገ ኔረካ አዲቃና ማላን ነዉ ሎአና ማላ፤ መድና ጎዳይ ነገ ጸላይ ኔና አዛዜዳዋዳን፤ ነገ አዉዋን ነገ ዳዮ ቦንቻ።

17 “አሳ ዋዶጥ።

18 “ሻርሙጽጥ።

19 “ዉኦጥ።

20 “ነ ሸሩዋ ቦላን ዋርዲዋ ማርካቶጥ።

21 “ነ ሸሩዋ ማቻቶ አሞቶጥ፤ አ ጎልያ፤ አ ሸይቃ፤ አ አቱማ ቆማ፤ ዋይ አ ማጫ ቆማቶ፤ ዋይ አ ቦራ፤ ዋይ አ ሀርያ፤ ዋይ አዉ ደእያዋ እያን አሞቶጥ ያጌዳ።

22 “ደርያ ቦላን ታማ ግደጥ፤ ሻርያ ግደጥን ጎርዴዳ ቆማ ግደጥ መድና ጎዳይ ቆቁ ጌዳ ኮሻን ሸቁዋ ኡባዉ ኦዴዳ ቃላቱ ሀዋንታ፤ እ ኤንቱንቱ ቦላን እያን ጉጅቤና። ቃይ ኤንቱንታ እ ላኤ ማሰቱዳ ሹቻቱ ቦላ ጸፊደ፤ ታዉ እሜዳ።

አሳ ያሻ (ከሳ 20:18-21)

23 “ደሪ ታማን ጸገትሸን፤ ቆማ ግደጥ ኮሻ ህንተ ሰሴዳ ዋደ፤ ህንተ ዛርያ ካጥቱን ህንተ ጭማቱ ታኮ ዪደ።

24 ሀዋዳን ያጌድታ፤ ብአ፤ ኔን መድና ጎዳ ኔ ጸላ ኮሻ ታማ ግደጥ ሰሴዳ ዋደ፤ መድና ጎዳይ ኔ ጸላይ ባረ ቦንቹዋን ባረ አንጋ ኔና በሴዳ። ቃይ ኔን ጸላይ አናና ሃሳዬደ አሳይ ደኤዋን ደአናዉ ዳንዳይያዋ ሀቹ በኤድ።

25 ሸን ሀ ዋልቃማ ታማይ ኔና ጳይሳናዉ ዳንዳይ፤ ያትና፤ ኔን እያዉ ሀይቁቶ? መድና ጎዳ ኔ ጸላ ቃላ ኔን ላኤንላ ሰሶጥ፤ ኔን ሀይቁቶ።

26 እያወ ጎጥ፤ አሹዋ ማዬዳዋን፤ ኔን ሰሴዳዋዳን ታማ ግደን ግዲደ ሃሳይሸን፤ ደኦ ጸላ ቃላ ሰሴደ፤ ገጸ ደኤዳ አሳይ ኦኔ?

27 ሄዋ ድራው፤ ሙሴ! ኔን ሸቃደ፤ መድና ጎዳይ ኔ ጸላይ ግያዋ ኡባ ሰሳ፤ መድና ጎዳይ ኔ ጸላይ ነዉ ኦድያዋ ኡባ ኔን ኦዉ ኦዳ፤ ኔንካ ሰሴደ አላና ያጌድታ።

28 “ህንተ ታዉ ሃሳይሸን፤ መድና ጎዳይ ህንተ ግያዋ ሰሴደ፤ መድና ጎዳይ ታና ሀዋዳን ያጌዳ፤ ህ ሰሳይ ነዉ ኦዴዳዋ ኡባ ሰሳድ፤ ኤንቱንቱ ጌዳዋ ኡባ ልክ ጌድና።

29 ኤንቱንቱዉን ኤንቱንቱ ናናዉ መድናዉ ኡባባይ ሎአ ግዳናዳን፤ ታዉ ያያናዉን ታ አዛዙዋ ናጋናዉ ኤንቱንቶ ኡባቶካ ሀዋ ማላ ዋዛናይ ደእ ኤሪኔሻ!

30 ሀእ ኔን ባደ፤ ኤንቱንቱ ባረንቱ ዲንካንያዉ ሰማናዳን ኦዳ።

31 ሸን ኔን ሀዋን ታ ማታን ኤቃሻ፤ ኤንቱንቱ ላታናዳን ታን ኤንቱንቶ እምያ ጋድያን ኤንቱንቱ አላና ማላ፤ ኔን ኤንቱንታ ታማርሳና ታ አዛዙዋ፤ ታ አዋዩዋን ታ ሀግያ ኡባ ታን ነዉ ኦዳና ያጌዳ።

32 “ህንተኖ እሰራኤልያ አሳዉ፤ ሄዋ ግደጥ መድና ጎዳይ ህንተ ጸላይ ህንተና አዛዜዳዋ ኡባ አላናዉ ናገትተ፤ አጥ ኡሸቻ ዋይ ሀድርሳ ጎጥተ።

33 ህንተ ደኤዋን ደአና ማላ፤ ኡባባይ ህንተንቶ እንጀታና ማላ፤ ቃይ ህንተ ላትያ ቢታንካ ህንተ አዲቁደ ደአና ማላ፤ መድና ጎዳይ ህንተ ጸላይ ህንተና አዛዜዳ ኦገ ኡባን ሄመትተ።

5:8 ዋጋ 26:1፤ ዛረ. 4:15-18፤ 27:15 5:9 ከሳ 34:6-7፤ ገይ. 14:18፤ ዛረ. 7:9-10 5:11 ሳፃ 19:12 5:12 ከሳ 16:23-30፤ 31:12-14 5:13 ከሳ 23:12፤ 31:15፤ 34:21፤ 35:2፤ ዋጋ 23:3 5:16 ዛረ. 27:16፤ ማቶሳ 15:4፤ 19:19፤ ማር. 7:10፤ 10:19፤ ሉቃሳ 18:20፤ ኤፈ. 6:2-3 5:17 ደሙላ 9:6፤ ዋጋ 24:17፤ ማቶሳ 5:21፤ 19:18፤ ማር. 10:19፤ ሉቃሳ 18:20፤ ሮሙ 13:9፤ ያቆባ 2:11 5:18 ዋጋ 20:10፤ ማቶሳ 5:27፤ 19:18፤ ማር. 10:19፤ ሉቃሳ 18:20፤ ሮሙ 13:9፤ ያቆባ 2:11 5:19 ዋጋ 19:11፤ ማቶሳ 19:18፤ ማር. 10:19፤ ሉቃሳ 18:20፤ ሮሙ 13:9 5:20 ከሳ 23:1፤ ማቶሳ 19:18፤ ማር. 10:19፤ ሉቃሳ 18:20 5:21 ሮሙ 7:7፤ 13:9 5:22 አብራ. 12:18-19

6

ዋልቃማ አዛዙዋ

1 “ህንተ ላታናው ብያ ጋድያን ህንተ አፋናዳን ታን ህንተና ታማርሳና ማላ፣ መድና ጎዳይ ህንተ ጸሳይ ታና አዛዜዳ አዛዙቱ አዋዮቱን ህገቱ ሆኖታ።

2 ህንተ ላይላይ አዲሳ ግዳና ማላ፣ ህንተ፣ ህንተ ናናቱን ህንተ ናናቱ ናናይካ ታን ሆኖ ህንተና አዛዝያ ጸሳ አዋዮዋን ህግያ ናግያዋን ህንተ ላይላን ኡባን መድና ጎዳው፣ ህንተ ጸሳው ያይተ።

3 ህንተኖ አሰራኤልያ አሳው፣ ኡባባይ ህንተንቶ ሎኦ ግዳናዳንን መድና ጎዳይ፣ ህንተ አዋቱዋ ጸሳይ፣ ህንተንቶ ጌዳዋዳን፣ ማላን ኤሳ ጎግያ ጋድያን ህንተ ሎይሳ ጮራታናዳን፣ ሀ ህገቱዋ ሰሰተን ሞንሲደ አሳተ።

4 “ኔኖ አሰራኤልያው፣ ሰሳ፤ መድና ጎዳይ ኑ ጸሳይ እት መድና ጎዳ።

5 ኔን መድና ጎዳ ነ ጸሳ ነ ኩመንላ ዋዛና፣ ነ ኩመንላ ሸምቸዋ፣ ነ ኩመንላ ዋልቃ፣ ሲቃ።

6 ሀቼ ታን ኔና አዛዝያ ሀ አዛዙቱዋ ነ ዋዛናን ዋላ።

7 ሀ አዛዙቱዋ ኔን ነ ናናቱዋ ታማርሳ፤ ኔን ነ ሶን ኡትያ ዋደ፣ ኦግያን ሀመትያ ዋደ፣ ግሰያ ዋደን ደንድያ ዋደካ ኡንቱንታ ሃሳያ።

8 ማላታ አላደ ነ ኩሸያን ኡንቱንታ ቃቻ፤ ቃይ ነ ሰምእያንካ ማላታዳን ዋላ።

9 ነ ፐንግያ ማቃንያ ቦላን ነ ድርሳ ፐንግያ ቦላን ኔን ኡንቱንታ ጸፋ።

አዛዘተናዋንቶ እመቲዳ ሴራ

10-11 “መድና ጎዳይ ህንተ ጸሳይ ህንተንቶ እማና ጊደ ህንተ አዋቶ፣ አብራሃማው፣ ይሳቃውን ያቆባው ጫቄዳ፣ ህንተ ኬጽቤና ግታን ሎኦ ካታማቱ ኩሜዳ ቢታ እማና። ህንተ ኩንሰቤና ዱረታይ ኩሜዳ ጎለቱዋ፣ ህንተ ቦክቤና አላቱዋ፣ ህንተ ቶክቤና ዋይነቱዋን ዛይትያ ዋጋራቱዋ ህንተንቶ እምያ ዋደ፣ ህንተካ ሚደ ካሌዳ ዋደ።

12 ህንተና ግብጾ፣ አይለተላ ጋድያ፣ ከሴዳ መድና ጎዳ ደገናዳን ናገትተ።

13 መድና ጎዳው፣ ህንተ ጸሳው፣ ያይተ፤ አ ጸላላው ጎይነተ፤ አ ሱንላንካ ጫቄተ።

14 ህንተ የሹዋን ደእያ አሳይ ጎይንያ ሀራ ጸሳቶ ጎይኖ፣

15 አያው ጎ፣ ህንተ ግደን ደእያ መድና ጎዳይ ህንተ ጸሳይ ቃናትያ ጸሳ፤ አ ሀንቁ ህንተ ቦላን ኤጽ ከሳና፤ አ ህንተና ቢታ ቦላ፣ ፕቲደ ጳይሳና።

16 “ማሳሀን ህንተ አ ፓጩዳዋዳን፣ መድና ጎዳ ህንተ ጸሳ ፓጩ፣

17 መድና ጎዳይ ህንተ ጸሳይ ህንተና አዛዜዳ አ አዛዙቱዋ፣ አ ዋጋቱዋን አ አዋዮቱዋ ሞንሲደ ናግተ።

18 ህንተው ኡባባይ ሎኦ ግዳና ማላ፣ መድና ጎዳ ሰንላን ህንተ ልከባን ሎኦባ አሳተ። ያቸ፣

ህንተንቶ እማናው መድና ጎዳይ ህንተ አዋቶ ጫቄዳ፣ ሄ ሎኦ ቢታ ህንተ ላታና።

19 መድና ጎዳይ ባረ ጌዳዋዳን ህንተ ሞርከቱዋ ኡባ ህንተ ሰንላ፣ የደርሳና።

20 “ሰንላ፣ ህንተ ናናይ፣ መድና ጎዳይ ኑ ጸሳይ ህንተና አዛዜዳ ሀ ዋጋ፣ አዋዮዋን ህግያ ብለላይ አይ? ያጊደ ህንተና ኦቶያ ዋደ።

21 ህንተ ኡንቱንቶ ሀዋዳን ያጊደ ዛርተ፤ ኡን ግብጾ ጋድያን ግብጾ ካትያ አይለቱዋ፤ ሸን መድና ጎዳይ ባረ ሞኖ ኩሸያን ኑና ግብጾ፣ ከሴዳ።

22 ቃይ መድና ጎዳይ ኑ ጾልሸን፣ ግብጾ ቢታ ቦላን፣ ግብጾ ካትያ ቦላን ከ ሱንላቱዋ ኡባ ቦላን ግታን ያሸያ ማላታቱዋን ማላልሰያባቱዋ አሴዳ።

23 ሸን እ ኑ ማይዛ አዋቶ እማና ጊደ ጫቄዳ ቢታ ኑና ገልሲደ፣ ኑው እማናው ኑና ግብጾ፣ ከሴዳ።

24 ያቲደ ሀቸ በእያዋዳን፣ ኑው ኡባ ዋደካ ሎኦ ግዳና ማላን ኡን ደኡዋን ደእና ማላ፣ መድና ጎዳይ ኑና ሀ አዋዮቱዋ ኡባ ናጋናዳንን መድና ጎዳው፣ ኑ ጸሳው፣ ያያናዳን አዛዜዳ።

25 እ ኑና አዛዜዳዋዳን፣ መድና ጎዳ፣ ኑ ጸሳ፣ ሰንላን ሀ አዛዙቱዋ ኡባ ሞንሲደ ናግተ፣ ሄዌ ኑው ጽሎተላ ግዳና ያግተ።

7

ጸሳይ ደራዳ አሳ (ከሳ 34:11-16)

1 “መድና ጎዳይ ህንተ ጸሳይ ህንተ ላታናው ብያ ቢታ ህንተና ገልሰያ ዋደን፣ ቃይ ህንተ፣ ዋልቃምያን ሞንያ ላፕን ካውተላቱዋ፣ ሄዋንቱካ ሂተቱዋ፣ ገርጌሰቱዋ፣ አሞረቱዋ፣ ካናነቱዋ፣ ፓርከቱዋ፣ ሂዌቱዋን ያቡሳቱዋ ህንተ ሰንላ፣ ጾቆልያ ዋደ።

2 ኡንቱንቱካ መድና ጎዳይ ህንተ ጸሳይ ህንተ ኩሸያን አላ እምና፣ ህንተ ኡንቱንታ ጸንያ ዋደ፣ ኡንቱንታ ኡባና ሱቼ አሊደ ጳይሰተ። ኡንቱንቱና እያ ጫቄዋን ጫቀቶ፣ ኡንቱንቶ አይነ ቃረቶ፣

3 ህንተ ኡንቱንቱና አከቶ፣ ገለቶ፣ ህንተ ማጫ ናናቱዋ ኡንቱንቱ አቱማ ናናው እም፣ ዋይ ኡንቱንቱ ማጫ ናናቱዋን ህንተ አቱማ ናናው አኮ፣

4 አያው ጎ፣ ኡንቱንቱ ህንተ ናናቱዋ ታና ካልያዋ፣ ሀራ ኤቃቱዋ ጎይናዳን፣ ዋራ ዛራና። ሄ ዋደ መድና ጎዳ ሀንቁ ህንተ ቦላ ኤጽ ከሳና፤ ህንተና ኤላካ ጳይሰ ባሻና።

5 ሄዋ ድራው፣ ኡንቱንቱ ያርሸያ ሳኦ ኮልተ። ኡንቱንቱ ጎይንያ ሹቻቱዋ መንግሥት። አሼር ግያ ማጫ ጸሳት ሞሰልያ ክንቼራሳተ፤ ኡንቱንቱ ማሰቲዳ ሞሰለቱዋን ታማን ጸግተ።

6 አያው ጎ፣ ህንተ መድና ጎዳው፣ ህንተ ጸሳው፣ ጌሻ አሳ። መድና ጎዳይ ህንተ ጸሳይ ህንተና ባረው ደማ አልኦ ሚሻ ግድያ አሳ አሊደ፣ ቢታ ቦላን ደእያ አሳ ኡባ፣ ደራዳ።

6:4 ማር. 12:29 6:5 ማቶ 22:37፤ ማር. 12:30፤ ሉቃ 10:27 6:6 ዛረ. 11:18-20 6:10-11 ደመላ 12:7፤ 26:3፤ 28:13 6:13 ማቶ 4:10፤ ሉቃ 4:8 6:16 ከሳ 17:1-7፤ ማቶ 4:7፤ ሉቃ 4:12 7:1 ኪታ 13:19 7:5 ዛረ. 12:3 7:6 ከሳ 19:5፤ ዛረ. 4:20፤ 14:2፤ 26:18፤ ቲቶ 2:14፤ 1 ጳጳ. 2:9

7 “መድና ጎዳይ ህንተና ሲቆዳዊን ደራዳዊ ህንተ ሀራ አሳጥ ፓይዲዋን ዳራዳ ግሻሳ ግድና። ህንተ ሀራ አሳ ኡባጥካ ፓይዲዋን ጉጽፍዋን።

8 ሸን መድና ጎዳይ ህንተና ሲቆዳ ግሻዉን ህንተ ማይዛ አዋቶ ጫቆዳ ጫቆዋ ናጌዳ ድራዉ። እ ህንተና አይለተላ ጋድያፕ፣ ግብጾ ካትያ ኩሸያፕ፣ ባረ ዋልቃማ ኩሸያን ከሴዳን ዋዜዳ።

9 ሄዋ ድራዉ። መድና ጎዳይ ህንተ ጸሳይ ጸሳ ግድያዋ ኤርተ። እ ባረና ሲቆያዋንቶን ባረ አዛዙዋ ናግዋንቶ ሻእ የለታ ጋካናዉ። ባረ አገና ሲቆዋ ጫቆዋ ናግያ። አማነትያ ጸሳ።

10 ሸን እ ባረና እጽያዋንቶ ኡንቱንቱ ታልእያ ዛሬ፤ እ ኡንቱንቱ ታልእያ ዛራናዉ ጋምኤና።

11 ሄዋ ድራዉ። ታን ሀች ህንተንቶ እምያ አዛዙቱዋ። አዋዮቱዋን ሀገቱዋ ናግተ።

ጸሳዉ አዛዘትና ቤትያ አንጂዋ (28:1-14)

12 “ህንተ ሀ አዛዘቱዋ ሰሲደ። ኡንቱንታ ሞንሰ ናጎፕ። መድና ጎዳይ ህንተ ጸሳይ ህንተ ማይዛ አዋቶ ጫቆዳዋዳን። ባረ አገና ሲቆዋ ጫቆዋ ህንተንቶ ናጋና።

13 እ ህንተና ሲቃና፤ ህንተና አንጃና፤ ህንተ ፓይዲዋ ዳርሳና። ቃይ እ ህንተንቶ እማናዉ ህንተ ማይዛ አዋቶ ጫቆዳ ጋድያን ህንተ ኡሉዋ አይፍያ። ህንተ ቢታ አይፍያ። ካላ። ዋይንያ። ዛይትያ። ህንተ መሀያ ማራቱዋን ህንተ ዶርሳ ማራቱዋ ጮርሲደ አንጃና።

14 ህንተ ሀራ አይ አሳጥን አዲደ አንጃቱዳዋንታ ግዳና። እቱን አቱማ ግድና። ማጫ ግድና ማይነና። ህንተ መሃካ ማይነና።

15 መድና ጎዳይ ሀርገ ኡባጥ ህንተና ናጋና። ህንተ ኤርያ ግብጾ ቢታ ኢታ ሀርግያ ህንተ ቦላ አሄና፤ ሸን እ ህንተና እጽያ ኡባ ቦላን ሄ ሀርግያ አሀና።

16 መድና ጎዳይ ህንተ ጸሳይ ህንተንቶ አላ እምያ አሳ ኡባ ዳይሰተ፤ ኡንቱንቶ እይነ ቃረቶፕ። ኡንቱንቱ ጸሳቱዋዉካ ጎይናፕ። አያዉ ጎፕ። ሄዋ ህንተንቶ ጸረ ግዳና።

17 “ህንተ ህንተ ዋዛናን። ‘ሀ ካዉተላቱ ኑፕ ሞኒኖ፤ ያትና። ኑን ኡንቱንታ ዋቲደ የደርሰ ከሳኔ?’ ጋናዉ ዳንዳዪታ።

18 ሸን ኡንቱንቶ ያዮፕተ። መድና ጎዳይ። ህንተ ጸሳይ። ግብጾ ካትያ ቦላን ግብጾ ቢታ ኡባ ቦላ ኡፊዳዋ ሀሳይተ።

19 መድና ጎዳይ ህንተ ጸሳይ ህንተና ግብጾፕ ከሰያ ዋደ ኡፊዳ ዋልቃማ ቦሻቱዋ። ማላታቱዋ። ማላልሰያባቱዋ። እ ዋልቃማ ኩሸያን አ ሞጫቱዳ ቀሰያ ህንተ ህንተ አይፍያን ቦኤድታ። ሀእ ህንተ ያይያ አሳ ኡባ ቦላንካ መድና ጎዳይ። ህንተ ጸሳይ ሄዋዳን አላና።

20 ቃይ ኡንቱንቱፕ አሲደ ባቃቲደ። ህንተፕ ቆሰቱዳዋንቱካ ዳያና ጋካናዉ። መድና ጎዳይ ህንተ ጸሳይ ኡንቱንቱ ግድን ሻብረላ የዳና።

21 “ሄዋ ድራዉ። ህንተ ኡንቱንቶ ያዮፕተ፤ አያዉ ጎፕ። ህንተናና ደእያ መድና ጎዳይ። ህንተ ጸሳይ። ግታን ያሸያ ጸሳ።

22 መድና ጎዳይ ህንተ ጸሳይ ሄ ካዉተላቱዋ ጉላ ጉላ ዶቆሊደ። ህንተ ሰንላፕ ዳይሳና። ህንተ ኡንቱንታ ኡባ እት ኩላን ዳይሰክታ፤ ሄዋ ህንተ አላፕ። ጋድያን ደእያ ዶኦቲ ዳሪደ። ህንተና ዋይሳና።

23 ሸን መድና ጎዳይ ህንተ ጸሳይ ኡንቱንታ ህንተ ኩሸያን አላ እማና፤ ኡንቱንቱ ዳያና ጋካናዉ። እ ኡንቱንታ ሻቢራና።

24 ቃይ ኡንቱንቱ ካተቱዋካ እ ህንተ ኩሸያን አላ እማና። ህንተካ ኡንቱንቱ ሱንላ ሳሉዋፕ ጋርሳ ባጋፕ ፕቲደ ዳይሳና። እን ህንተናና ኤቀት ዳንዳየና፤ ህንተ ኡንቱንታ ዳይሳና።

25 “ማሰቲዳ ኡንቱንቱ ጸሳቱዋ ሞሰለቱዋ ታማን ዱግተ። ሄ ሞሰለቱዋ ቦላን ደእያ ብራ ዋይ ዋርቃ አሞቶፕተ። ሄዋ መድና ጎዳዉ። ህንተ ጸሳዉ። ቱና ግድያ ድራዉ። ህንተ አ ጲርያን ኦይቀተናዳን። እ ህንተንቶ አኮፕተ።

26 ህንተ ሄ ቱና ኤቃቱዋ ህንተ ጎለ ገልሲደ። ኡንቱንቱዳን ሸቀቲዳዋንታ ግደፕተ። ህንተ ኡንቱንታ ኡባናካ እጽተነ ሻተተ፤ አያዉ ጎፕ። ኡንቱንቱ ባረንቱ ሁጲያዉ ሸቀቲዳዋንታ።

8

ላትያ ሎኦ ቢታ

1 “ህንተ ደኡዋን ደእና ማላ። ህንተ ፓይዲዳ ካራና ማላን መድና ጎዳይ ካሰ ህንተ ማይዛ አዋቶ እማና ጊደ ጫቆዳ ቢታ ገሊደ። ህንተ ላታና ማላ። ሀች ታን ህንተና አዛዘያ አዛዘዋ ኡባ ሞንሲደ ናግተ።

2 መድና ጎዳይ ነ ጸሳይ ነዉ እማዳ አዛዘዋ ነ ናግንቶ ናገንንቶ። ነ ዋዛና ቆፋ ኤራናዉ። ኔና ፓጫናዉን ኔና ዝቄ አላናዉ። አይታሙ ላይላ ኩመንላ እ ኔና ባዙዋን ካለፊዳ ኦገ ኡባ ሀሳያ።

3 እ ኔና ዝቄ አፊዳን ኮሻይሴዳ፤ ሄዋፕ ሰሚደ ኔና ግድና። ዋይ ነ ማይዛ አዋቱዋ ግድናካ። ኤረና ማና ኔና ሞዜዳ። ሄዋ እ ኡፊዳዋ አሳይ መድና ጎዳይ ሃሳይያ ቃላ ኡባናፕ አትና። ኡክላ ጸሳላን ደኤናዋ ኔና ታማርሳናሳ።

4 ሀ አይታሙ ላይላቱዋ ግደን ኔን ማዬዳ ማዩ ዉርቤና፤ ነ ገዲካ ጋፍቤና።

5 ያቶፕ። አሳይ ባረ ናኦ ሴርያዋዳን። መድና ጎዳይ ነ ጸሳይካ ኔና ሴርያዋ ነ ዋዛናን እኩካ።

6 “አ ኦግያን ሀመትያዋንን አ ቦንችያዋን መድና ጎዳ ነ ጸሳ አዛዘቱዋ ናጋ።

7 አያዉ ጎፕ። መድና ጎዳይ ነ ጸሳይ ኔና ዛንጋራፕን ደርያፕ ፑልትያ ቁር ሻፋቱን ጎግያ ፑልቶቱ ደእያ ሎኦ ቢታ ገልሳናዉ አሄ።

8 ሄ ቢታይ ዛርጋይን ባንጋይ። ዋይኔ። ባላሲን ሮማኔ። ዋጋራ ዛይቲን ኤሳይ ኩሜዳ ቢታ።

9 ቃይካ ሄ ቢታይ ኡክላይ ፓጫናን ኔን ሞያ ቢታ፤ አያይን ነዉ ፓጫና ቢታ። ሄ ቢታይ ሹቻይ ብራታ ግዴዳ ቢታ። ደርያፕካ ማዳብያ ግያ ብራታ ቦሲደ አክያ ቢታ።

10 ኔን ሄዋን ማደ ካላና፤ ያታደ። እ ነዉ እማዳ ሎኦ ቢታ ድራዉ። መድና ጎዳ ነ ጸሳ ጋላታና።

ጸሳ ደግያዋንቶ እመቲዳ ሴራ

7:9 ከሳ 20:5-6፤ 34:6-7፤ ፓይ. 14:18፤ ዛረ. 5:9-10
8:11 ሆስ 13:5-6

7:12 ዛረ. 11:13-17 8:3 ማቶሳ 4:4፤ ሉቃሳ 4:4

11 “ታን ሆኑ ነና አዛዝያ አ አዛዘቱዎ፣ አ ሀገቱዎን አ አዋጥቱዎ ናገናን አጋደ፣ መድና ጎዳ ነ ጸሳ ደገናዳን፣ ናገታ።

12 ኔን ማደ ካልያ ዎደ፣ ሎኦ ጎልያ ኬጸደ አን ኡትያ ዎደ፣

13 ነ መሀያን ደርሳ ወዲ ደርያ ዎደ፣ ነወ ብራይነ ዋርቃይ ዳጋትያ ዎደ፣ ቃይ ነወ ደኤዳባይ ኡባይ ደርያ ዎደ፣

14 ሄ ዎደ ነ ዎዛናይ አቶረተናዳን፣ ኔንካ ግብጹ ጋድያ፣ አይለተላ ጎልያ፣ ኔና ዎዜዳ መድና ጎዳ ነ ጸሳ ደገናዳን ናገታ።

15 እ ኔና ማርዘያና ደእያ ሾሻይነ ማሰማሱ ኩሜዳ፣ ሃላይ ባይና፣ ሄ ግታን ያሽያ መላ ቢታና ካለሌዳ፣ እ ነወ መላ ባዙዎን ዛላ፣ ሃላ ጳሴዳ።

16 ነ ማይዛ አዎቱ ኤረና ማና መላ ቢታን ኔና ምዜዳዎ፣ ኔና ዝቁ ኡዳናሳን ኔና ፓጫናሳ፣ እ ሄዎ ኡሌዳዎ ወርሰላን ነወ ኡባባይ ሎኦ ግዳናዳና።

17 ኔን፣ ታ ዎልቃይነ ታ ኩሽያ ምናተላይ ሀ ደረተላ ታወ አሄዳ፣ ጌናዳን ናገታ።

18 ሸን ኔን መድና ጎዳ ነ ጸሳ ሀሳያ፣ አያወ ጎ፣ ሆኑ ኔን በእያዎዳን፣ ነ ማይዛ አዎቱዎና ጫቀቱዳ ጫቁዎ ምንላናወ፣ ኔን ደረታ ደማናዳን ነወ ዎልቃ እሜዳዎ አቱ።

19 “ኔን መድና ጎዳ ነ ጸሳ ደጎ፣ ሀራ ጸሳቱዎ ካሎ፣ ቃይ ኡንቱንቶ አላ፣ ጎይና፣ ኔን ቱሙ ጳያናዎ ታን ሆኑ ማርካታይ።

20 መድና ጎዳወ፣ ነ ጸሳወ፣ ኔን አዛዘተናን እጹዳ ድራወ፣ መድና ጎዳይ ነ ሰንላ፣ ጳይሴዳ ካወተላቱዎዳን ኔንካ ጳያና።

9

አሳይ አዛዘተናን እጹዳዎ (ከሳ 32:1-35)

1 “ሀንተኖ እሰራኤልያ አሳወ ሰሰተ፣ ሀንተ ሀንተ፣ ግታትያን ዎልቃምያ ካወተላቱዎ፣ ቃይ ዩሹዎ ግምቢ ሳሎዎ ጋኬዳ ዎልቃማ ካታማቱዎካ ላታናወ ሆኑ ዮርዳኖሳ ፕኒታ።

2 ሄ ጋድያን ደእያ አሳይ ምናን አዲሳ፣ ኡንቱንቱ፣ ሉንን ኡንቱንቱና ኤቀታናወ ዳንዳየና አናቀ ዛራቱዎ ጊሸና፣ ሀንተ ሰሴድታ።

3 ሸን ምያ ታማዳን ሀንተ፣ ሰንላና ብያዎ መድና ጎዳ ሀንተ ጸሳ ግድያዎ ሆኑ ኤርተ። እ ኡንቱንታ ጳይሳናን ሀንተ ሰንላን ኡንቱንታ ካወሻና። መድና ጎዳይ ሀንተንቶ ጌዳዎዳን ሀንተ ኡንቱንታ የደርሲደ ከሳናን ባሱዋናካ ጳይሳና።

4 “መድና ጎዳይ ሀንተ ጸሳይ ኡንቱንታ ሀንተ ሰንላ፣ የደርሴዳዎ፣ ጌይያን፣ ሀንተ ሀንተ ዎዛናን፣ ሉን ጸሎ ግድያ ድራወ፣ ሀ ቢታ ኮን ላታና ማላ፣ መድና ጎዳይ ኔና ገልሴዳ፣ ያጎ፣ መድና ጎዳይ ኡንቱንታ ሀንተ ሰንላ፣ የደርሲደ ከሰያዎ፣ ኡንቱንቱ ኢታ ግድያ ግሻሳ።

5 ሀንተ ኡንቱንቱ ቢታ ላታናወ ገልያዎ ሀንተ ጸሎን ሱረ ግድያ ድራሳ ግድና፣ ሸን ጸሳይ ሀንተ ጸሳይ ኡንቱንታ ሀንተ ሰንላ፣ የደርሰያዎ ሀ ካወተላቱ ኢታ ግድያ ድራሳን በን ሀንተ ማይዛ

አዎቶ፣ አብራሃማወ፣ ይሳቃወን ያቆባወ ጫቁዳ ቃላ ናገናሳ።

6 ሰም ሄዎ ግደ፣ ሀንተ ሀዎ አኬክተ፣ መድና ጎዳይ ሀንተ ጸሳይ ሀ ሎኦ ቢታ ሀንተና ላትሰያዎ ሀንተ ጸሎተላ ግሻሳ ግድና፣ አያወ ጎ፣ ሀንተ ሞርግያ ዙዳ ጌዳ አሳ።

7 “ሀንተ መድና ጎዳ ሀንተ ጸሳ መላ ቢታን ዎት ሀንቀሌድተንቶ ደጎ፣ ሀንተ ግብጹ ጋድያ፣ ከሴዳ ጋላሳ፣ ደሚደ፣ ሆኑ ሀ ሳካ ጋኬዳ ጋላሳይ ጋካናወ፣ መድና ጎዳ ቦላ ማካሌድታ።

8 ሰና ደርያ ቦላካ መድና ጎዳይ ሀንተና ጳይሳናወ ደንዳና ጋካናወ፣ ሀንተ መድና ጎዳ ሀንቀሌድታ።

9 መድና ጎዳይ ሀንተናና ጫቀቱዳ ጫቁ ጸፈቱዳ ማሰቱዳ ሹቻቱዎ አካናወ ታን ደርያ ሀጲያ ከሴዳ ዎደ፣ ሄዎን ካላ ሜናንን ሃላ ኡሸናን፣ አይታሙ ጋላሳን አይታሙ ቃማ ጋምአድ።

10 ሄዎ፣ ጌይያን፣ ጸሳ ብራድያን ጸፈቱዳ ላኡ ማሰቱዳ ሹቻቱዎ መድና ጎዳይ ታወ እሜዳ። ሄ ማሰቱዳ ሹቻቱ ቦላ ሀንተ ሸቁዎ ኡሌዳ ጋላሰ ደርያ ቦላን ታማ ግደን ግዲደ፣ መድና ጎዳይ ሀንተንቶ ሃሳዬዳ ቃላቱ ኡባይ ጸፈት ኡቱድና።

11 ሄ አይታሙ ጋላሳ፣ አይታሙ ቃማ፣ ጌይያን፣ መድና ጎዳይ ባረ ጫቁ ጸፈቱዳ ላኡ ማሰቱዳ ሹቻቱዎ ታወ እሜዳ።

12 “ሄዎ፣ ጌይያን፣ መድና ጎዳይ ታና ሀዎዳን ያጌዳ፣ ሀዎ፣ ኤለካ ዎጳ፣ አያወ ጎ፣ ኔን ግብጹ ከሴዳ ነ አሳይ ቱን ክቼዳ፣ ታን ኡንቱንታ አዛዜዳ አዛዘዎ፣ ኤለካ ዎራ ሰሚደ፣ ሲልሲደ መጴዳ ኤቃ ባረንቶ ጎይናወ ጊግሴድኖ’ ያጌዳ።

13 “መድና ጎዳይ ቃይካ ታና፣ ታን ሀ አሳ በአድ፣ ኡንቱንቱ ቱሙካ ሞርግያ ዙዳ አሳ።

14 ያቶ፣ ታን ኡንቱንታ ጳይሳናዎን ኡንቱንቱ ሱንላካ ሳሎዎ፣ ጋርሳ ባጋ፣ ቁጫናዎ ታና ድጎ፣ ያታደ ኔና ኡንቱንቱ፣ ምንያን ጮራትያ ካወተላ ከሳና’ ያጌዳ።

15 “ታን ጫቁዎ ቃላይ ጸፈቱዳ ላኡ ማሰቱዳ ሹቻቱዎ ላኡ ኩሽያን ቶካደ ደርያ፣ ዎጳአድ፣ ሄ ዎደ ደርያ ቦላ ታማ ላጩ ቤቱ።

16 ታ ጸልያ ዎደ፣ ሀንተ መድና ጎዳ ሀንተ ጸሳ ቦላ ናጋራ ኡሌዳዎ በአድ፣ ሀንተ ሲልሲደ መጴዳ ኮረሚ ምሰልያ ሀንተንቶ ኤቃ ኡሊደ ጊግሴድታ። ሀንተ መድና ጎዳይ ሀንተና አዛዜዳ ኦግያ፣ ኤለካ ዎራ ሰሚድታ።

17 ያትና፣ ታን ታ ላኡ ኩሽያን አይቁዳ ላኡ ማሰቱዳ ሹቻቱዎ አላደ፣ ሀንተ ጸልሸን መንላድ።

18 “ሄዎ፣ ጌይያን፣ ታን ሀንተ ኡሌዳ ናጋራ ኡባ ድራወ፣ ሄዎን መድና ጎዳ ሀንቀላናወ ሀንተ አ ሰንላን ኢታባ ኡሌዳ ድራወ፣ ካሰዎዳንካ አይታሙ ጋላሳን አይታሙ ቃማ መድና ጎዳ ሰንላን ጉፋናደ ጋምአድ፣ ሄ ዎደ ታን ቁማ ማበይከ፣ ሃላካ ኡሻበይከ።

19 መድና ጎዳይ ሀንተ ቦላን ሀንቀቱዳ አ ኤጵያ ሀንቆ ታን ያያድ፣ አያወ ጎ፣ እ ሀንተና

ቆይሳናው ጊዜ፤ ሸን መድና ጎዳይ ዛርሉደካ ታወ ሰሴዳ።

20 ቃይ መድና ጎዳይ አርናካ ቆይሳናው ሎይላ ሀንቀቴዳ፤ ያትና፡ ሄ ዎደ ታን አርናውካ ዎሳድ።

21 ታን ሀንተ መዲዳ ሄ ናጋራን ኩሜዳ ኮሩማ ሞሰልያ አካደ፡ ታማን ጹጋድ፤ ያታደ አ ክንቼሬላደ እ ባናዳን ሊቃና ጋካናው ጋጫድ፤ ሄ ባና ደርያጥ ጎግያ ሃላን አላድ።

22 “ሀንተ ቃይካ ታብኤራን፡ ማሳሃንን ቅብርተ-ሀታዎን (አሙዋ ዲፋዎን) መድና ጎዳ ሀንቀጤድታ።

23 መድና ጎዳይ ሀንተና፡ ፍቡቱ፡ ታን ሀንተንቶ እሜዳ ቢታ ላትተ፡ ያጊደ፡ ቃይሳ-ባርነጥ ዩይዳ ዎደካ፡ ሀንተ መድና ጎዳ ሀንተ ጸሳ አዛዙዋ እጺደ ማካሌድታ፤ እን አማነትብይክታ ዎይ አ ቃላውካ አዛዘትብይክታ።

24 ታን ሀንተና ኤርደጥካ ደሚደ፡ ሀንተ መድና ጎዳ ቦላን ማካላንቻ።

25 “መድና ጎዳይ ሀንተና ቆይሳና ጌዳ ድራው፡ ታን ሄ ኦይታሙ ጋላሳን ኦይታሙ ቃማ መድና ጎዳ ሰንሳን ጉፋናደ ጋሞአድ።

26 ታን መድና ጎዳ ሀዋዳን ያጋደ ዎሳድ፤ ሓቤት ኡባ ዋድያ መድና ጎዳው፡ ኔን ነ ዎልቃማ ዎልቃን ዎዜዳን ነ ሞኖ ኩሸያን ግብጾጥ ከሴዳ፡ ነው ላታ ግድያ ነ አሳ ቆይሶጋርኪ!

27 ነ ቆማቱዋ፡ አብራሃማ ይሳቃን ያቆባ ቆጋ፤ ሀ አሳ ሞርግያ ዘዱ አልያዋ፡ ኤንቱንቱ ኢታተላን ኤንቱንቱ ናጋራ ገይደጋ።

28 ሄዋ ቆጋጥ፡ ኔን ኑና ያጥ ከሴዳ ግብጾ ቢታ አሳይ፡ “መድና ጎዳይ ኤንቱንታ ገልሳና ጌዳ ቢታ ገልሳናው ዳንዳይቤና ድራውን ኤንቱንታ እጾዳ ድራው፡ መላ ቢታን ዎቆና ጊደ ከሴዳ” ያጋና።

29 ግደ ሸን፡ ሀ አሳይ ኔን ነ ዎልቃማ ዎልቃንን ነ ሞጨቱዳ ቀሰያን ግብጾጥ ከሴዳ ነ ላታ ግድያ ነ አሳቱ” ያጋድ።

10

ሙሴ ታሙ አዛዙቱዋ ላኤንሉዋ አኬዳ (ከሳ 34:1-10)

1 “ሄ ዎደ መድና ጎዳይ ታና ሀዋዳን ያጌዳ፤ ሓይርዋንቱ ማላ ላኤ ማሰቴዳ ሹቻቱዋ ጊግሳ። ያታደ ታኮ ደርያ ሃ ፑደ ከሳ፤ ቃይ ሞላ ታቦታካ መቆ።

2 ካሰ ኔን መንጭዳ ማሰቴዳ ሹቻቱ ቦላ ደእያ ቃላቱዋ ሀ ማሰቴዳ ሹቻቱ ቦላ ታን ጸፋና፤ ኔንካ ኤንቱንታ ታቦታ ግደን ዎላሳ” ያጌዳ።

3 “ታን ኦደሩዋጥ ታቦታ መቆ። ካሰዋንቱ ማላ ላኤ ማሰቴዳ ሹቻቱዋካ ጊግሳድ፤ ያታደ ሄ ላኤ ማሰቴዳ ሹቻቱዋ ታ ኩሸያን ኦይቃድ፡ ደርያ ፑደ ከሳድ።

4 ሀንተ ሸቁዋ አጭዳ ጋላሰ፡ ደርያ ቦላን ታማ ግደጥ መድና ጎዳይ ሀንተንቶ ኦይዳ ቃላቱዋ፡ ሄዋንቱካ ታሙ አዛዙቱዋ፡ ካሰ ጸፊዳዋዳንካ ሀ ማሰቴዳ ሹቻቱ ቦላ መድና ጎዳይ ጸፊዳ፤ ያታደ እ ኤንቱንታ ታወ እሜዳ።

5 ሄዋጥ ጉይያን፡ ታን ደርያጥ ደገ ዎቆደ፡ መድና ጎዳይ ታና አዛዙዳዋዳን፡ ሄ ማሰቴዳ ሹቻቱዋ ታን መዲዳ ታቦታ ግደን ዎላድ፤ ሀእካ ኤንቱንቱ ያን ደእኖ።

6 “እሰራኤልያ አሳይ ያእቃና አሳቱ ሃላ ኦላይ ደኢያሳጥ ደንዲደ፡ ሞሰር ቤድኖ። አርን ያን ሀይቁደ ሞገቱዳ፤ አ ናኦይ ኤልአዛር አ ላቲደ፡ አ ሳኦን ቄሰያ ከሴዳ።

7 ኤንቱንቱ ሄዋጥ ጉድጎዳ ግያሳ ቤድኖ፤ ያጥ ቃይ ጎግያ ሃላቱ ደእያ ቢታ ዮጽባታ ግያሳ ቤድኖ።

8 ሄ ዎደ፡ መድና ጎዳ ጫቁዋ ታቦታ ቶካና ማላ፡ መድና ጎዳው አላና ማላ፡ አ ሰንሳን ኤቃና ማላ፡ ሀቻ ጋካናውካ ኤንቱንቱ አልያዋዳን መድና ጎዳ ሰንሳን እንጃና ማላ፡ ለዊያ ዛራቱዋ መድና ጎዳይ ባረው ዲማዬዳ።

9 ሄዋ ድራው፡ ኤንቱንቱ እሻቱዋና ሻክና፡ ኤንቱንታ ጋክያባይ ዎይ ላታይ ለዊያ ዛረቶ ባዋ፤ መድና ጎዳይ ሀንተ ጸሳይ ኤንቱንቶ ኦይዳዋዳንካ፡ ኤንቱንቱ ላታይ መድና ጎዳ።

10 “ታን ካሰዋዳንካ ኦይታሙ ጋላሳን ኦይታሙ ቃማ ደርያ ቦላን ጋሞአድ፤ መድና ጎዳይ ሀእካ ታ ዎሳ ሰሲደ፡ ሀንተና ቆይሳናው ኮይቤና።

11 መድና ጎዳይ ታና፡ ሓታን እማና ጋደ ኤንቱንቱ አዋቶ ጫቃ ዎጭዳ ቢታ ኤንቱንቱ ገላናዳንን ላታናዳን፡ ሀ አሳጥ ሰንሳና ኤንቱንታ ካለላ” ያጌዳ።

ጸሳይ ኮይያዌ አዛዘትያዋ

12 “እሰራኤልያ አሳው፡ መድና ጎዳ ሀንተ ጸሳይ ሀንተጥ ኮይያዌ ሀዋ፡ መድና ጎዳው፡ ሀንተ ጸሳው፡ ያይተ፤ አ ኦግያን ኡባን ሀመትተ፤ አ ሲቅተ፤ ሀንተ ኩመንላ ዎዛናጥን ኩመንላ ሸሞጥዋጥ መድና ጎዳው፡ ሀንተ ጸሳው አላተ።

13 ሀንተው ሎእናዳን፡ ታን ሀቻ ሀንተንቶ እምያ መድና ጎዳ አዛዘቱዋን አዋዮቱዋ ናግተ።

14 “ሳሉን ሳሉዋጥ ቦላና ደእያ ሳሎቱ፡ ቃይ ሳኦይን ሳኦን ደእያ ኡባባቱ ጸሳ ሀንተ መድና ጎዳባቱዋ።

15 ግደጥን መድና ጎዳይ ሀንተ ማይዛ አዋቱዋን ናሸቲደ፡ ኤንቱንታ ሲቄዳ፤ ቃይ ሀቻ ሀንተ በእያዋዳን፡ ኤንቱንቱጥ ጉይያን ኤንቱንቱ ዘረላቱዋ ግድያ ሀንተና ካወተላቱዋ ኡባጥ ደራዳ።

16 ሄዋ ድራው፡ ሀንተ ዎዛና ሸኩዋ ቃጸርተ፤ ቃይ ሀዋጥ ሰንሳናው ሞርግያ ዘዛ ግደጥተ።

17 እያው ጎጥ፡ መድና ጎዳይ ሀንተ ጸሳይ ጸሳቱዋ ጸሳን ጎዳቱዋ ጎዳ። አ ዎልቃማ ጸሳ፤ አ ዎልቃማን ያሸያ ጸሳ። አ ዴሙዋ ጾል ፕርደናዋን ማጋንጸ እከናዋ።

18 እ አው ባይና ናናቶን እምኤቶ ኤንቱንቱ ፕርዳ ከሴ፤ በትያካ ሲቄደ፡ ቁማን ማዩዋ አው እሜ።

19 ሀንተካ በተቱዋ ሲቅተ፤ እያው ጎጥ፡ ሀንተ ሀንተ ሁጺያውካ በተ ግዲደ ግብጾን ደኤድታ።

20 መድና ጎዳው፡ ሀንተ ጸሳው፡ ያይተ፤ አው አላተ፤ አናና ኦይቀትተ፤ አ ሰንሳንካ ጫቁተ።

9:22 ገይ. 11:3፤ 34፤ ከሳ 17:7 9:23 ገይ. 13:25—14:38፤ ዛረ. 1:21፤ 26፤ እብራ. 3:16 10:6 ገይ. 20:28፤ 33:38 10:8 ገይ. 3:5-8 10:10 ከሳ 34:28 10:17 1 ጽዋ. 6:15፤ ሳ9 17:14፤ 19:16፤ ኪታ 10:34፤ ሮመ 2:11፤ ጋላ. 2:6፤ ኤፈ. 6:9

21 ህንተ ህንተ አይፍያን በኤዳ ሄ ግታን ያሸያ ማላልሰያባቸዋ። ህንተንቶ ኦሎዳዌ እ ህንተ ጋላታቲ፤ ቃይ ህንተ ጸሳ።

22 ግብጾ ቢታ ዋጴዳ ህንተ ማይዛ አዎቱ ኡባና ላቸን ታማ፤ ሀእ መጅና ጎዳይ ህንተ ጸሳይ ህንተና ሳሉዋ ጸልንተቸዋዳን ጮራዬዳ።

11

አዛዘቱሳን ቤታያ እንጂዋ

1 “ሰም መጅና ጎዳ ህንተ ጸሳ ሲቅተ፤ እ ህንተፕ ኮይያ እ አዋዮቱዋ። እ ሀገቱዋን እ አዛዘቱዋ። ኡባ ዋደ ናግተ።

2 መጅና ጎዳ ሴራ ህንተ ኤሬዳዋ ኬና አባ ህንተ ታማሬዳዋ ኡባ ሀች ሀሳይተ፤ ሄዋ ኤርያዋንቱ ህንተናፕ አትና። ህንተ ናናቱዋ ግድክና፤ መጅና ጎዳ አንጋ። እ ዋልቃማ ኩሸያን እ ምጮቲዳ ቀሰያ።

3 እ አሌዳ ማላታቱዋን እ ግብጾ ካትያ ቦላን እ ቢታ ኡባ ቦላ ኦሎዳዋ በኤድታ።

4 ቃይ ኡንቱንቱ ህንተና ካሊደ የደርሴዳ ዋደ። መጅና ጎዳይ ግብጾ ቢታ ኦላንቻቱዋ። ኡንቱንቱ ፓራቱዋን ፓራ ጋራቱዋ ዞኦ አባን ምትሲደ። ሀች ጋካናዉ። ኡንቱንታ ኡባና ቆይሴዳዋ በኤድታ።

5 ህንተ ሀ ሳእ ጋካናዉ። መላ ቢታን ጸሳይ ህንተንቶ ኦሎዳዋ ህንተ ኤሪታ።

6 ቃይ ሮቤላ ዛርያፕ ኤልኣባ ናናቱዋ ግድያ ዳታና ቦላን አቢራማ ቦላ ጸሳይ ኦሎዳዋ ሀሳይተ። እሰራኤልያ አሳይ ኡባይ ጸልሸን። ቢታይ ዶዮቲደ። ኡንቱንታ። ኡንቱንቱ ሶ አሳ። ኡንቱንቱ ዲንካንያን ኡንቱንቶ ደእያ ሸምቸዋና ደእያዋ ኡባ ምቱዳ።

7 ኤ! መጅና ጎዳይ አሌዳ ሀ ዋልቃማ ኦሶ ኡባ ህንተ አይፍያን በኤዳዋንቱ ህንተና።

እማና ጌዳ ቢታ እንጂዋ

8 “ሄዋ ድራዉ። ህንተ ምኖ ግዳናዳንን ዮርዳኖሳ ፕኒደ ህንተ አካናዉ ብያ ቢታ ህንተ ላታናዳን። ታን ሀች ህንተና አዛዘያ አዛዘዋ ኡባ ናግተ።

9 ያቶፕ። መጅና ጎዳይ ህንተ ማይዛ አዋቶን ኡንቱንቱ ዛሪቶ እማና ጌደ ጫቄዳ። ማላይን ኤሳይ ጎግያ ጋድያን ህንተ አዲሳ ላይላ ደአና።

10 ህንተ ላታናዉ ገልያ ቢታይ ህንተ ከሲደ ዬዳ ግብጾ ቢታ ማላ ግደና፤ ግብጾን ህንተ ካላ ዘሪደ። ሸይቃ ኡባ አታክልትያ ሳኦዳን ገድያን ሃላ ኡሺታ።

11 ሸን ዮርዳኖሳ ፕኒደ ህንተ ላታናዉ ብያ። ቢታይ ዘዘቱን ዛንጋራቱ ደእያ። ሳሉዋ እራን አልያ ቢታ።

12 ሄ ቢታይ መጅና ጎዳይ ህንተ ጸሳይ ጸዋሰያ ቢታ፤ ላይላ ዶመላፕ ቢደ ላይላ ዉርሰላ ጋካናዉ። መጅና ጎዳ ህንተ ጸሳ አይሬ አ ቦላን ደእያ ቢታ።

13 “ሄዋ ድራዉ። ህንተ መጅና ጎዳ ህንተ ጸሳ ሲቃናዳንን ህንተ ህንተ ኩመንላ ዋዛናፕን

ህንተ ኩመንላ ሸምቸዋፕ አዉ ኦላናዳን። ታን ህንተንቶ ሀች እምያ አዛዘቱዋ ህንተ ፖሎፕ።

14 ህንተ ካላ። ዋይንያን ዛይትያ ፓጮናን ሺሻና ማላ። ኦፍንላ እራን ባልፕዋ እራ። እ ዋድያን ዋድያን ጸሳይ ህንተ ጋድያን ቡክሳና።

15 ጸሳይ ህንተ መሀያዉ ደምባን ማታ ዳርሳና። ቃይ ህንተካ ማናን ካላና።

16 “ህንተ ዋዛናይ ባልና ዋራ ሰሚደ። ህንተ ሀራ ጸሳቶ ኦግናዳንን ኡንቱንቶ ጎይነናዳን ናገትተ።

17 ሄዋ ቆዮፕ። መጅና ጎዳ ህንቁ ህንተ ቦላ ኤጽ ከሳና፤ እራይ ቡክናዳንን ቢታይካ ሞከናዳን እ ሳሉዋ ጎርዳና፤ ህንተካ መጅና ጎዳይ ህንተንቶ እምያ ሎኦ ጋድያፕ ኤለካ ቆያና።

18 “ሰም። ሀ አዛዘቱዋ ታዋንታ። ህንተ ዋዛናንን ህንተ ቆፋን ዋላተ። ማላታዳን ኡንቱንታ ህንተ ኩሸያን ቃችተ፤ ቃይ ማላታዳን ህንተ ሰምእያንካ ዋላተ።

19 ሄዋንታ ህንተ ናናቱዋካ ታማርሰተ። ህንተ ሶን ደእያ ዋደ። ኦግያን ሀመትያ ዋደ። ግሰያ ዋደን ደንድያ ዋደካ። ኡንቱንቶ ኦድተ።

20 ህንተ ፕንግያ ቆሰለላቱዋ ቦላን ህንተ ድርሳ ፕንግያ ቦላን ህንተ ኡንቱንታ ጸፍተ።

21 ያቶፕ። መጅና ጎዳይ ህንተ ማይዛ አዋቶ እማና ጌደ ጫቄዳ ጋድያን ህንተ ላይላይን ህንተ ናናቱ ላይላይ ሳኦፕ ቦላና ደእያ ሳሉ ደእያዋ ኬሻ ግዳናዋ።

22 “ህንተ መጅና ጎዳ ህንተ ጸሳ ሲቃናዳን። አ ኦገ ኡባን ሀመታናዳንን አዉ አማነታናዳን። ታን ሀች ህንተንቶ እምያ አዛዘቱዋ ህንተ ምንሲደ ናግተ።

23 መጅና ጎዳይ ሀ ካዉተላቱዋ ኡባ ህንተ ሰንላፕ የደርሲደ ከሳና፤ ህንተካ ህንተፕ ግታትያን ዋልቃምያ ካዉተላቱዋ ቢታ ዋላ አካና።

24 ህንተ ገድያን ህንተ የጴዳ ቢታ ኡባይ ህንተሳ ግዳናዋ። ህንተ ዛዋይ መላ ቢታፕ ቢደ ሊባናሳ ጋካናዉን ኤፍራጺሳ ሻፋፕ ቢደ አዋይ ዉልያ ባጋ ሜድተራን አባ ጋካናሳ ግዳናዋ።

25 ህንተናና አይ አሳይን ኤቀታናዉ ዳንዳዮና፤ መጅና ጎዳይ ህንተ ጸሳይ ህንተንቶ ጌዳዋዳን። ህንተ ብያሳን ኡባን አሳይ ህንተና በኢደ ዳጋማናዳንን ህንተዉ ያያናዳን ኦላና።

26 “በእተ። ሀች ታን ህንተ ሰንላን እንጂዋን ሸቃ ዋላይ።

27 ታን ሀች ህንተና አዛዘያ መጅና ጎዳ ህንተ ጸሳ አዛዘቱዋ ናግተ። ህንተ እንጀታና።

28 ሸን ታን ህንተና ሀች አዛዘያ መጅና ጎዳ ህንተ ጸሳ አዛዘቱዋ ናገናን እጺደ። ህንተ ኤርቤና ሀራ ጸሳቶ ጎይናናዉ አ ኦግያፕ ዋራ ሰምፕ። ህንተ ሸቀታና።

29 መጅና ጎዳይ ህንተ ጸሳይ ህንተ ላታናዉ ብያ ቢታ ህንተና ገልሰያ ዋደ። ጋሪዛማ ደርያን እንጂዋ ኤባላ ደርያ ቦላን ሸቃ አዋያና።

30 ሀ ላኡ ደረቱ ዮርዳኖሳ ሻፋፕ ሄፍንላና ኦግያፕ አዋይ ዉልያ ባጋን። አራባን ደእያ

10:22 ዶመላ 15:5፤ 22:17፤ 46:27 11:3 ከሳ 7:8-13 11:4 ከሳ 14:28 11:6 ፓይ. 16:31-32 11:13 ዋጋ 26:3-5፤ ዛሪ. 7:12-16፤ 28:1-14 11:20 ዛሪ. 6:6-9 11:24 ኢያሳ 1:3-5 11:29 ዛሪ. 27:11-14፤ ኢያሳ 8:33-35

ካናቱዋ ጋድያን ደኢኖ፤ ኤንቱንቱ ቃይ ገልጋላ ካታማ ሰንገን ደኢያ ሞረ ሞላውካ ማታን ደኢኖ።

31 ህንተ ሀእ መድና ጎዳይ ህንተ ጸሳይ ህንተንቶ እምያ ቢታ ላታናው ዮርዳኖሳ ሻፋ ፕናና ሀኒታ። ህንተ ሄ ቢታ አኪደ ያን ደኢያ ሞደ።

32 ታን ሀቕ ህንተንቶ እምያ አዋዮቱዋን ሀገቱዋ ኡባ ሞንሲደ ናግተ።

12

አሳይ ጎሽትያ መጽ እት ሳኣ

1 “ህንተ ላታናዳን፣ መድና ጎዳይ ህንተ አዋቱዋ ጸሳይ ህንተንቶ እምያ ጋድያን ህንተ ደኤዳ ኬሻን ኡባን ህንተ ባለናን ኦላና አዋዮቱን ሀገቱ፣ ሀዋንታ።

2 ህንተ ላትያ ካውተላቱ ደርያ ቦላን፣ ዘዚያ ቦላን ሞላቱዋ ጸጸዋን ባረንቱ ጸሳቶ ጎይንያ ሳኣ ኡባ ኡባና ዳይሰተ።

3 ኤንቱንቱ ያርሽያ ሳኣ ኮልተ፤ ኤንቱንቱ ጎይንያ ሹቻቱዋን መንግሥተ፤ አሸር ግያ ኤንቱንቱ ጸሳቶ ሞሰልያ ታማን ጸግተ፤ ማሰቱዳ ኤንቱንቱ ጸሳቱዋ ሞሰለቱዋ ዳይሰተ፤ ኤንቱንቱ ሱንላቱዋን ሄ ሳኣቱዋ ጭ ድግተ።

4 “መድና ጎዳ ህንተ ጸሳው ኤንቱንቱ ባረንቱ ጸሳው ጎይንያዋዳን ጎይኖፕተ።

5 መድና ጎዳይ ህንተ ጸሳይ ዛረ ኡባይ ደኢያሳፕ ባረ ሱንላይ ሄዋን ጸሰታናዳን ደሬዳ ሳኣ ኮይተ። ሄ ሳኣ ህንተ ባናው ኮሼ።

6 ህንተ ህንተ ጸግያ ያርሹዋ፣ ሀራ ያርሹዋ፣ ህንተ አሰራታ፣ ህንተ እሙዋ፣ ህንተ ሸቆዋ፣ ህንተ ደሲደ እምያ እሙዋ፣ ህንተ መሀያን ደርሳፕ ባይራ ሄ ሳኣ አህተ።

7 ሄዋን መድና ጎዳይ ህንተ ጸሳይ ደኢያ ሳን ህንተን ህንተ ሶ አሳይ ማና፤ ቃይ ህንተ ኩሺ አፊዳባን ኡባንን መድና ጎዳይ ህንተ ጸሳይ ህንተና እንጃዳባን ህንተ ናሽታና።

8 “ሀእ ሀዋን ህንተ አልያዋዳን፣ ሄ ሞደ ህንተ አይፍያን ሎኣ ማላትያባ አልክታ።

9 አያው ጎፕ፣ መድና ጎዳይ ህንተ ጸሳይ ህንተንቶ እምያ ሸምፖ ቢታ ብርን ጋክቢይክታ።

10 ሸን ህንተ ዮርዳኖሳ ፕኒደ፣ መድና ጎዳይ ህንተ ጸሳይ እምያ ሄ ቢታ ላቲደ፣ ህንተ ያን ኡታና። ህንተና ደዳዳ ሞርከቱዋፕ ህንተና እ ሸምፕሰያ ድራው፣ ህንተ ሞፑ ጊደ ሄዋን ደኣና።

11 ሄ ሞደ መድና ጎዳይ ህንተ ጸሳይ ባረ ሱንላይ ሄዋን ጸገታናው ደሬዳ ሄ ሳኣ፣ ታን ህንተና አዛዝያዋ ኡባ፣ ጸግያ ያርሹዋ፣ ሀራ ያርሹዋ፣ ህንተ አሰራታ፣ ህንተ እሙዋን ህንተ መድና ጎዳው ሸቆዳዋ ኡባ ሄዋ አሂታ።

12 ህንተ፣ ህንተ አቱማን ማጫ ናናይ፣ አቱማን ማጫ ቆማቱን ህንተናና ላታ አክቤና ህንተ ካታማን ደኢያ ለዋቱዋና ኣትፕ ሄዋን መድና ጎዳ ህንተ ጸሳ ሰንገን ናሽትተ።

13 ህንተ ጸግያ ያርሹዋ ህንተ ኮዬዳ ሀቃንን ጮ ያርሸናዳን ናገትተ።

14 ህንተ ህንተ ዛራቱ ደኢያሳ ኡባፕ አቱዋን፣ መድና ጎዳይ ደሬዳ ሳኣን ህንተ ጸግያ ያርሹ

ያርሸተ፤ ታን ህንተና አዛዝያዋ ኡባካ ሄዋን አላተ።

15 “ሸን ህንተ ደኢያ ሳን ሀቃንን ህንተ መሀያፕ መድና ጎዳይ ህንተና እንጃዳዋዳን ሹኪደ ሚተ፤ ሞጋን ጌሻ አሳ ግድና ዋይ ጌየና አሳ ግድናካ ኡባይካ ጋራ አሹዋን ገንእያ አሹዋ ሞያዋዳን ህንተ መሀያፕ ሹኪደ ሚተ።

16 ሸን ሱላ ሃላዳን ሳኣን ጉሰተፕ አትና ሞፕተ።

17 “ህንተ ህንተ ካላፕ፣ ዋይንያፕን ዛይትያፕ እምያ አሰራታ፣ ህንተ መሀያፕን ደርሳ ዉድያፕ ባይራ፣ ጸሳው እማናው ሸቆዳዋ ኡባን ህንተ ህንተ ደሱዋን ጮ እምያ እሙዋ ኡባ ህንተ ደኢያ ሄራን ሙለካ ሞፕተ።

18 ሸን ህንተ፣ ህንተ አቱማን ማጫ ናናይ፣ ህንተ አቱማን ማጫ ቆማቱን ህንተ ካታማቱዋን ደኢያ ለዋቱዋና ኣትፕ፣ መድና ጎዳይ ህንተ ጸሳይ ደሬዳ ሳኣን መድና ጎዳ ህንተ ጸሳ ሰንገን ሀ ያርሹዋ ኡባቱዋ ሚተ፤ ሄዋን ህንተ ደቡራን ሹኪዳዋን መድና ጎዳ ህንተ ጸሳ ሰንገን ናሽትተ።

19 ህንተ ህንተ ጋድያን ደኢያ ላይላ ኡባን ለዋቱዋ ሸከ ጌናዳን ናገትተ።

20 “እ ህንተንቶ ገሌዳ ቃላዳን መድና ጎዳይ ህንተ ጸሳይ ህንተ ዛዋ አሰያ ሞደ፣ ህንተና አሹዋ ማናው ኮሽያ ሞደ፣ ህንተ ኮዬዳ ኬና ሚተ።

21 ሸን መድና ጎዳይ ህንተ ጸሳይ ባረ ሱንላይ ሄዋን ጸሰታናዳን ደሬዳ ሄ እት ሳኣይ ህንተንቶ ሃኮፕ፣ መድና ጎዳይ ህንተንቶ እምያ ህንተ መሀያ ዋይ ደርሳ ዉድያፕ ሀቃዋ ግድናካ፣ ታ ህንተና አዛዝያዋዳን፣ ህንተ ኮዬዳ ኬና ህንተ ካታማን ሹኪደ ሚተ።

22 ሞጋን ጌሻ አሳ ግድና፣ ዋይ ጌየናዋ ግድናካ፣ አይ አሰካ ጋራ ግድና፣ ገንእያ አሹዋ ካሰ ሞያዋዳን ሞ።

23 ሸን ሱላይ ደኢያ አሹዋ ማናዳን ናገትተ፤ አያው ጎፕ፣ ሸምፑ ሱላን ደኤ፤ ሄዋ ድራው፣ ደኤዋ አሹዋና ሞፕተ።

24 ሱላ ሃላዳን ጋድያን ጉሰተፕ አትና ኡሸፕተ።

25 ህንተ መድና ጎዳ ሰንገን ህንተ ሎኣባ አልያዋ ህንተው፣ ህንተፕ ጉይያን፣ ህንተ ናናቶካ ሎኣ ግዳና ማላ፣ ሱላ ኡሸፕተ።

26 “ሸን ህንተ ዲማዬዳዋን ሸቆዳዋ አኪደ፣ መድና ጎዳይ ደሬዳ ሳኣው ቢተ።

27 ቢደ ህንተ ጸግያ ያርሹዋ፣ አሹዋን ሱላ፣ መድና ጎዳው፣ ህንተ ጸሳው፣ ያርሸያሳን ሸሽተ፤ ህንተ ያርሹዋ ሱላ መድና ጎዳው፣ ህንተ ጸሳው፣ ያርሸያ ሳኣ ማታን ጉሰተ፤ አሹዋ ህንተ ሚተ።

28 ታን ህንተና አዛዝያዋ ሞጋ ሞንሲደ ናግተ፤ ሄዋ አላፕ፣ ህንተንቶን ህንተ ናናው ሎኣ ግዳናዋ፤ አያው ጎፕ፣ ህንተ ልከባን መድና ጎዳ ህንተ ጸሳ ናሽትያ ሎኣባ አላታ።

ኤቃ ሞሰልያው ጎይነናዳን እመቲዳ ሴራ

29 “ህንተ ላታናው ብያ ካወተላ መድና ጎዳይ ህንተ ጸሳይ ህንተ ሰንላጥ ዳይሰያ ዎደነ ህንተካ ኡንቱንቱ ቢታ ላቲደ ደእያ ዎደ።

30 ኡንቱንቱ ህንተ ሰንላጥ ዳይክቶና ህንተ ኡንቱንታ ካላናው። ኡንቱንታ ጸርያን ኦይቀተናዳን ናገትተ፤ ሓንካ ኡንቱንቱዳን ጎይናናው። ሀ ካወተላቱ ባረንቱ ጸሳቶ ዎት ጎይኒኖ፣ ያጊደ። ካል ኦቼናዳን ናገትተ።

31 ኡንቱንቱ ባረንቱ ጸሳቶ ጎይንያ ዎደ። መድና ጎዳይ እጽያ ቱናባ ኡባ ኦሳያ ድራው። ህንተ መድና ጎዳው። ህንተ ጸሳው። ሄዎዳን ጎይናናው በሰና። አያው ጎጥ። ኡንቱንቱ ሀራይ አቶ ባረንቱ የሌዳ አቱማነ ማጫ ናናቱዋ ባረንቱ ጸሳቶ ያርሺደ። ታማን ጸጊኖ።

32 “ሰም ህንተ ታ ህንተና አዛዜዳዋ ኡባ ኦሳተ፤ አ ቦላ አያነ ጉጆጥተ፤ አጥ አያነ ገጭሶጥተ።

13

1 “ህንተ ግደን ትምቢትያ ኦድያዌ ዎይ አኩሙዋ ብልያ አሳይ ደንዲደ። ማላታን ማላልሰያባ አሳጥ።

2 እ ኦዳዳ ማላታይ ዎይ ማላልሰያባይ ቱሙ ግዲደ ፖለትና። እ ህንተና። ሓነ ካሰ ህንተ ኤረና ሀራ ጸሳቶ ጎይናይት፣ ያጎጥ።

3 ህንተ አ ሙለካ ሰሶጥተ። ህንተ አ ኩሙንላ ዎዛናጥነ ኩሙንላ ሸምቱዋጥ መድና ጎዳ ህንተ ጸሳ ደሰንቶነ ጊደ። ህንተና እ ገጫናው ሄዎ ኦሴ።

4 መድና ጎዳ ህንተ ጸሳ ካልተ፤ አው ያይተ፤ እ አዛዙዋ ናግተ፤ አ ቃላካ ሰሰተ፤ አው ጎይንተ፤ አጥ ዲጸጥተ።

5 ህንተና ግብጾጥ ከሲደ። አይለተላጥ ህንተና ዎዜዳ መድና ጎዳ ህንተ ጸሳ ቦላ ህንተ ማካላናዳን ታማርሰያ ትምቢትያ ኦድያዎ። ዎይ አኩሙዋ ብልያዎ ዎድተ፤ ሄዎ ማላ አሳይ ህንተና መድና ጎዳ ህንተ ጸሳ አዛዙዋጥ ዎራ ባናዳን ኦሳያ ድራው። ሄዎ ማላ ዎዲደ። ኢታ ህንተ ግደጥ ድግተ።

6 “ሀራይ አቶ ነ ዳይ ናአይ ነ እሻይ። ነ አቱማነ ማጫ ናእ። ነ ሲቅያ ነ ማቻታ። ዎይ ነ ሲቆ ላጊ ኔና። ለንዳ። ካሰ ኔንነ ነ ማይዛ አዎቱ ጎይን ኤረና ጸሳው ጎይናና፣ ጎጥ።

7 ቢታው ሀ ጋጸጥ ያ ጋጸ ጋካናው ደእያ። ነ የሹዋ ኡባን ማታንነ ሃኩዋን ደእያ አሳይ ኡባይ ጎይንያ ጸሳቶ። ለንዳ ቢደ ኡንቱንቶ ጎይናና፣ ጊደ ባለላጥ።

8 አው ኤኖ ጎጥ፤ እ ግያዋካ ሰሶጥ። አው ቃረታደ አ ጉየ አሸገ፤

9 አ ዎዳናው ኮሺ። አ ዎዳናው ኮይሮ ነ ደማ፤ ሄዎጥ ጉይያን። አሳይ ኡባይ ባረ ኩሸያ አ ቦላ ዎሴደ ዎዶ።

10 እ ሀይቃና ጋካናው። ሹቻን ጫድተ፤ አያው ጎጥ። እ ህንተና ግብጾ ጋድያጥ። አይለተላ ጎልያጥ ከሴዳ መድና ጎዳጥ። ህንተ ጸሳጥ። ህንተና ሻካናው ኮይዳ።

11 እሰራኤልያ አሳይ ኡባይ ሄዎ ሰሲደ ያያና፤ ቃይ ሄዎ ማላ ኢታባካ ላኤንሶ ህንተ ግደን ኦንነ ኦ።

12 “መድና ጎዳይ ህንተ ጸሳይ ህንተ ደአናዳን እምያ ካታማጥ እቱዋን ህንተ ደእያ ዎደ።

13 ህንተ አሳ ግደን ኢታቱ ደንዲደ። አሳ። ለንድተ! ቢደ ህንተ ኤረና ጸሳቶ ጎይኔቶ፣ ያጊደ ባለላያዎ ሰሶጥ።

14 ሄ የወዋባ ኦቶተ፤ ምንሲደ ገይድተ። ቆርና ሄ ህንተ ግደን ቱናባይ ኦሰቱዳዌ ቱማ ግደጥ።

15 ሄ ካታማን ደእያ አሳ ኡባ ማሻ ቃራን ወርሰተ፤ ሄ ካታማነ እን ደእያ መሀያናካ አሸናን ዳይሰተ።

16 ሄ ካታማጥ ህንተ እኬዳ አዎዲዋ ኡባ ካታማ ዳባባ ሸሸተ። ሄ ካታማነ አ አዎዲዋ ኡባ መድና ጎዳው። ህንተ ጸሳው። ጸግያ ያርሹዋ ኦሴደ ወርሰ ጸግተ። እ መድናውካ ላኤንሶ ኬጸተና፤ ላለቱዳ ሳ ግዲደ። ሄ ሳአይ አታና።

17 ቱና ጌተቱዳ ሚሻጥ እያይነ ህንተ ኩሸያን ቤቶ። ያቶጥ። መድና ጎዳይ ባረ ዎልቃማ ህንቁዋጥ ሰሚደ። ህንተና ማራና፤ እ ህንተንቶ ቃረታና። ካሰ ህንተ ማይዛ አዎቶ ጫቄዳ ጫቁዋዳን። ህንተ ገይዲዋ ዳርሳና።

18 አያው ጎጥ። ታን ሀቶ ህንተና አዛዝያ አዛዝ ኡባ ህንተ ናግያዎን መድና ጎዳው። ህንተ ጸሳው አዛዞቶ። ቃይ መድና ጎዳ ህንተ ጸሳ ሰንላንካ ልከ ግድያባ አላጥ። ሄ ጌዳዌ ህንተንቶ ቱሙ ፖለታና።

14

ይኩዋ ዎደ ድገቱዳ ደያቱዋ

1 “ህንተ መድና ጎዳ ህንተ ጸሳ ናናቱዋ፤ ህንተ ሀይቄዳ አሳው ህንተና ጎምኦርጥተነ ሰንላ ባጋ ሁጲያ ሚደጥተ።

2 አያው ጎጥ። ህንተ መድና ጎዳው። ህንተ ጸሳው። ጌሻ አሳ፤ መድና ጎዳይ ህንተና ባረው አልኦ ሚሻ ግዳናዳን። ጋድያን ደእያ አሳ ኡባጥ ደሪደ ዎሴዳ።

ሜተትያነ ሜተተና መሄቱዋነ ደአቱዋ (ዎጋ 11:1-47)

3 “ህንተ ቱናባ አያነ ሞጥተ።

4 ህንተ ማና መሄቱነ ደአቱ ሀዋንታ፤ ቦራ። ደርሳ። ዳሻ።

5 ገንእያ። ደግያ። ዋሻ። ዎራ ዳሻ። ጮኅሹዋ። ጋራነ ደርያ ደርሳ።

6 ጸጉንላይ ወር ጳልቀቱዳዋንታ። ዋዋትያ መሄቱዋነ ደአቱዋ ኡባ ሚተ።

7 ሸን ዋዋትያዋንታ ግዲደ። ጸጉንላይ ጳልቀትቤናዋንታ ሞጥተ፤ ሄዋንቱካ ጋሉዋ። ሀርባይንያነ ጉገልያ። ሀዋንቱ ዋዋቲኖ፤ ሸን ኡንቱንቱ ጸጉንላይ ጳልቀትቤና ድራው። ኡንቱንቱ ህንተንቶ ቱና።

8 ጉዲንላይካ ጸጉንላይ ጳልቀላ ግደጥነ ዋዋተና ድራው። እ ህንተንቶ ቱና። አ እሹዋ ሞጥተ፤ እ ባኩታካ ቦቾጥተ።

12:32 ዛረ. 4:2፤ ሳን 22:18-19 14:1 ዎጋ 19:28፤ 21:5 14:2 ከሳ 19:5-6፤ ዛረ. 4:20፤ 7:6፤ 26:18፤ ቲቶ 2:14፤ 1 ጳጵ. 2:9

9 “ሃላ ግደን ደእያ መጠታቱ ኡባጥ ህንተ ማናዋንቱ ሀዋንታ፤ ሞልያ ማላ ቀሬነ ፖቁ ደእያ ኡባ ሚተ።

10 ሸን ሞልያዋ ማላ ቀሬነ ፖቁ ባይና ሀቃዋን ሞፕተ። ሄዋንቱ ህንተንቶ ቱና።

11 “ጌሻ ግዳዳ ካፋዋ ኡባ ሚተ፤

12 ሸን ካፎቱዋጥ ህንተ ማናዋንቱ ሀዋንታ፡ አርጋንላ፡ ባዙዋ አንኩዋ፡ ካረላ አንኩዋ፡

13 ጎሎዋ፡ ጽንግልያ ዛረ ኡባ፡

14 ቁሩዋ ዛረ ኡባ፡

15 ያንቻ፡ ጫንጫን ጉቱዋ፡ ሃላ ካፋዋ፡ ጋጫያ ዘርያ ኡባ፡

16 ቁር ጉቱዋ፡ ዋጋ ጉቱዋ፡ ሃላ ኩቱዋ፡

17 ባዙዋ ጉቱዋ፡ ይንዲዋ፡ ጋንጋኩዋ፡ አዲሳ ቆፏ ደእያ ሃላ ካፋዋ፡

18 ሳቢሳ ግያ ካፋዋ ዛረ ኡባ፡ ጅንጅላትያን ሻልያ።

19 ቀፍያና ደእያ ቁር መጠታቱ ኡባይ ህንተንቶ ቱና፤ ኡንቱንታ ሞፕተ።

20 ሸን ሄ ቀፍያና ደእያባቱዋጥ ጌሻ ግድያዋንታ ሚተ።

21 “ህንተ መድና ጎዳወ፡ ህንተ ጸሳወ፡ ጌሻ አሳ ግድያ ድራወ፡ ባኩቱዳዋ ኡባ አያን ሞፕተ። ሄዋ ህንተ ካታማን ደእያ በተቱ ማናዳን ኡንቱንቶ አማናወ ዳንዳዪታ፤ ዋይ ሀራ ቢታ አሳወ ዘልአናወ ዳንዳዪታ።

“ዳሻ ማራ አ ዳይ ማላን ደይሶፕ።

አሰራታ ከሰያ ዋጋ

22 “ህንተ ህንተ ጋደጥ ላይላን ላይላን ጋክያ ካላ አይፍያ ኡባጥ አሰራታ ከሰተ።

23 ህንተ ኡባ ዋይ፡ መድና ጎዳወ፡ ህንተ ጸሳወ፡ ያይያዋ ታማራና ማላ፡ እ ባረ ሱንላይ ዴሰታና ማላ ደራዳ ሳአን፡ መድና ጎዳ ህንተ ጸሳ ሰንላን፡ ህንተ ካላ፡ ዋይንያ ኤሳነ ዛይትያ አሰራታ፡ ህንተ ዶርሳጥነ መሀያጥ ባይራ የለቱዳዋ ሄዋን ሚተ።

24 መድና ጎዳይ ህንተ ጸሳይ ባረ ሱንላይ ዴሰታና ማላ ደራዳ ሳአይ፡ ህንተ ደኢያሳጥ ሎይላ ሃኮ ግደጥ፡ መድና ጎዳይ ህንተና አንጅና ማላ፡ ህንተ ህንተ አሰራታ ያ ቶካናወ ዳንዳየናን አጸጥ።

25 ዛልአተ፤ ሄ ሚሻ ኩሽያን ኦይቂደ፡ መድና ጎዳይ ህንተ ጸሳይ ደራዳ ሳአ ቢተ።

26 ቢደ ሄ ሻሉዋን ህንተ ኮይዳዋ ሀቃዋን፡ ሚዛ ግድና፡ ዶርሳ ግድና፡ ዋይንያ ኤሳ ግድ፡ ዋይ ሀራ ሞኖ ኡሻ፡ ዋይ ሀራ ህንተ ኮይያዋ አያን ሻሚደ፡ ህንተነ ህንተ ሶ አሳይ ኡባይ መድና ጎዳ ህንተ ጸሳ ሰንላን ሄዋ ሚተነ ናሽትተ።

27 “ሄዋ ህንተ አልያ ዋይ፡ ህንተ ካታማን ደእያ ሌዋቱዋ ዶሳፕተ፤ አያወ ጎጥ፡ ኡንቱንቱ ህንተናና ግሽ አኬዳ ሀራ ላታይ ባዋ።

28 ሄዘንላ ላይላን ላይላን ኡባ ዋይ፡ ህንተ ካላ አሰራታ አሂደ፡ ህንተ ካታማን ሺሽተ።

29 ሄዋ ህንተ ካታማን ደእያ ህንተናና ግሽ አኬዳ፡ ሀራ ላታይ ባይና ሌዋቱ፡ በተቱ፡ አወ ባይና ናናቱን አምኤ ማጫ አሳቱ ዪደ ሚኖ፤ ሚድካ ካልኖ። ያቶጥ፡ ህንተ አልያ ህንተ ኩሽያ

ኦሶ ኡባን መድና ጎዳይ ህንተ ጸሳይ ህንተና አንጅና።

15

አጩ ማረትያ ላይላ (ዋጋ 25:1-7)

1 “ላፑንላ ላይላ ላይላ ወርሰላን ህንተጥ ታልኤዳዋንቶ ኡንቱንቱ አጩዋ ማርተ።

2 ህንተ አጩዋ ማራና ዋጋይ ሀዋ፡ ባረ ላገ አሰራኤልያወ ታልኤዳ አይ አሳይነ ሄ አጩዋ ማር። መድና ጎዳ ማርተላይ አዋየቱዳ ድራወ፡ ታልኤዳዋ ባረ ላገ አሰራኤላወ ዋይ ባረ አሻወ ታልኤዳባ ኦቾ።

3 ሀራ ቢታ አሳወ ህንተ ታልኤዳ አጩዋ አካናወ ዳንዳዪታ፤ ሸን ህንተ ህንተ ዛረቶ ታልኤዳባ ኡባ ማርተ።

4-5 “ህንተ መድና ጎዳ ህንተ ጸሳ ቃላወ አዛዘቶጥ፡ ታን ሀቾ ህንተና አዛዘያ አዛዘ ኡባ ባለናን አፍጥ፡ ህንተ ግደን እት አሳይነ ሀይሰና። አያወ ጎጥ፡ ህንተ ላታናዳን መድና ጎዳይ ህንተ ጸሳይ ህንተወ አቆ ኦሊደ እምያ ጋድያን መድና ጎዳይ ህንተና አንጅና።

6 መድና ጎዳይ ህንተ ጸሳይ ህንተንቶ ጌዳዋዳን፡ እ ህንተና አንጅና፤ ዳር ካወተላይ ህንተጥ ታልአና፤ ሸን ህንተ እቱዋጥነ ታልአክታ። ቃይ ህንተ ካወተላቱዋ ሞዳና፡ ሸን እቱነ ህንተና ሞደና።

7 “መድና ጎዳይ ህንተ ጸሳይ ህንተንቶ እምያ ጋድያን ደእያ ቁር ካታማቱዋጥ ሀቃዋንነ ደእያ ህንተ ላገ አሰራኤላቱዋ ግደን እት አሳይ ሀይሰጥ፡ አወ መቀላ ኢቶፕተ፤ ቃይ ህንተ ኩሽያካ ሺሽ አኮፕተ።

8 ህንተ ኩሽያ አወ ብርሸተ፤ እ ኩሽያዋ አያን አወ ታልአተ።

9 “አጩዋ ማርያ ላፑንላ ላይላይ ማቱዳ፡ ጋደ፡ ሀይሳ አሰራኤልያወ ኢታ አይፍያን ዴላደ፡ አወ አያን ታልእያዋ ድጋናወ ኢታ ቆፋይ ነ ዋዛናን ገለናዳን ናገታ። ሄዋ ቆጥጥ፡ እ ኔጥ መድና ጎዳወ ዋሳና፤ ሄዋ ነወ ናጋራ ግዳናዋ።

10 ኔን አወ ጮ እማ፤ ኔን አወ እምያ ዋይ፡ ነ ዋዛናን አያወ እማይታ ጎፕ፤ ያቶጥ፡ ህንተ ኦሶ ኡባን፡ ህንተ ኦይቂዳዋን የዴዳባን ኡባን መድና ጎዳይ ህንተ ጸሳይ ህንተና አንጅና።

11 ሄ ጋድያን ኡባ ዋይካ ሀይሰ ቆየና ድራወ፡ ታን ኔና አሰራኤላቶ፡ ነ ጋድያን ደእያ ሀይሳቶን መቶታንቻቶ ከካ ግዳናዳን አዛዛይ።

አይለቱዋ ላኦ ከሰያ ማራ (ከሳ 21:1-11)

12 “ኔን እቱማ ግድና ማጫ ግድና፡ ነ ዳቦ አሰራኤልያ አሳ አይልያ ኦላደ ሻሞጥ፡ እ ነወ ኡሱፑን ላይላ ኦላ፤ ላፑንላ ላይላን አይለተላጥ ከሳ የዳ።

13 ኔን አይለተላጥ አ ከሳ የድያ ዋይ፡ መላ ኩሽ የደፕ።

14:21 ከሳ 23:19፤ 34:26 14:22 ዋጋ 27:30-33፤ ፓይ. 18:21 15:7 ዋጋ 25:35 15:11 ማቶሳ 26:11፤ ማር. 14:7፤ ዮሃ. 12:8 15:12 ዋጋ 25:39-46

14 ኔን ነ ወድያ፡ ነ ኡዲማ፡ ነ ወይንያ ጉምኢያሳ፡ ከካተላን እማ፤ መድና ጎዳይ ነ ጸሳይ ኔና ከንጄዳዋ ኬና ከወ እማ።

15 ህንተካ ግብጾ ጋድያን ካሰ አይልያ ግዴዳዋን መድና ጎዳይ ህንተ ጸሳይ ህንተና ያፕ ዋዜዳዋ ደጎፕተ። ታን ህንተና ሀቕ አዛዝያዌ ሄዋሳ።

16 “ሸን ሄ አይልያ ኔና ነ ጎልያ አሳ ደሴዳ ድራውን ኔናና ከወ ደኡ ሎኦ ግድያ ድራው። ታን ነ ጎለፕ ከሳደ ቢከ፣ ያጎፕ።

17 ፕንገ አ አፋደ፡ ጎሳ አካደ፡ አ ሀይላ ሉካ። ያቶፕ አ ነወ መድናወካ አይልያ ግድናዋ። ቃይ አይልያ ግድያ ማጫንወካ ሄዋዳን አላ።

18 አ ኔን አይለተላፕ ከሳ የድያ ዋደ፡ ኔን ቆሃቴዳዋዳን ቆፖፓ፤ አያወ ጎፕ፡ አ ሀ ኡሱፑን ላይላ ግድን ከራወ አላያባይ አላያዋ ዳኩዋ ዳሩዋ ነወ አሴዳ። ሄዋ ድራው፡ ኔን አላያባን ኡባን መድና ጎዳይ ነ ጸሳይ ኔና ከንጄና።

ሚዛይን ደርሳይ የልያ ባይራ ማራቱዋ

19 “ኔን ነ መሀያ፡ ነ ደርሳ ወድያ፡ ባይራ የለቴዳ አቱማዋ ኡባ መድና ጎዳወ፡ ነ ጸሳወ፡ ደማያ። ነ ደማዬዳ መሀያ፡ ባይራ የለቴዳዋ አያን ጎኡቶፓ፤ ነ ደርሳ ወድያ፡ ባይራ የለቴዳዋ አክሰያካ ማደፓ።

20 ኔን ነ ሶ አሳይ ጸሳይ ደርያ ሳኣን መድና ጎዳ ህንተ ጸሳ ሰንላን ሄዋንታ ላይላን ላይላን ሚተ።

21 ሸን ነ ያርሸያ መሀያ ቦላይ ትላና ቆዮ፡ አ ሰሌዳዋ ዋይ ቆቀ ግደ፡ ዋይ ቃይ ሀራ ኢታ ፖኮባይ አ ቦላን ደኡ፡ ሄዋ መድና ጎዳወ፡ ነ ጸሳወ፡ ያርሸፓ።

22 ሄዋ ህንተ ደእያ ህንተ ካታማን ሚተ፤ ዋጋን ጌሻ አሳ ግድና፡ ዋይ ቱና አሳ ግድናካ ገንእያን ጋራ አሹዋዳን ሞ።

23 ሸን ህንተ አ ሱላ ሃላዳን ሳኣን ጉሰተፕ አትና፡ ሞፕተ።

16

ፓሰጋ ባላ (ከሳ 12:1-20)

1 “አቢባ አግናን መድና ጎዳ ህንተ ጸሳ ፓሰጋ ባላ ቦንቶተ፤ አያወ ጎፕ፡ መድና ጎዳይ ህንተ ጸሳይ ህንተና አቢባ አግናን ቃማ ግብጾፕ ከሴዳ።

2 ህንተ ደርሳ ወድያ፡ መሀያ ወድያ፡ መድና ጎዳይ ባረ ሱንላይ ጸሰታናዳን ደርያ ሳኣን፡ መድና ጎዳወ፡ ህንተ ጸሳወ፡ ፓሰጋወ ያርሸተ።

3 ሄ ያርሹዋ ህንተ ምያ ዋደ፡ እርሹዋ የግ ኡኬዳ ኡክላና ሞፕተ፤ ሸን ላፑን ጋላሳ ኩመንላ እርሹዋ የግቤና ኡክላና ሚተ። ህንተ ግብጾፕ ኤለካ ከሴዳ ድራውን ህንተ ደእያ ላይላ ኡባን ህንተ ግብጾፕ ከሴዳ ጋላሳ ሀሳያናዳን፡ ሄ መቱዋ ኡክላ ሚተ።

4 ህንተ ጋድያን ኡባን ላፑን ጋላሳወ አያ እርሹን ቤቶ። ቃይ ህንተ ኮይር ጋላሳ ኦማርሰ ያርሹዳ አሹዋፕ ዋንታወ አያይን አቶ።

5 “ህንተ ፓሰጋ ያርሹዋ መድና ጎዳይ ህንተ ጸሳ ህንተንቶ እምያ አይ ካታማንን ጮ ሹኮፕተ።

6 መድና ጎዳይ ህንተ ጸሳይ ባረ ሱንላይ ጸሰታናዳን ደርያ ሳኣን ህንተ ፓሰጋ ያርሹዋ ሹክተ፤ ቃይ አዋይ ወልያ ዋደ ህንተ ግብጾፕ ከሴዳ ድራው፡ ሄ ሳትያን ሹክተ።

7 መድና ጎዳይ ህንተ ጸሳይ ደርያ ሳኣን፡ ሄዋን ካላደ ሚተ፤ ያቲደ ሳኣይ ዋንትያ ዋደ፡ ህንተ ዲንካንያ ዲንካንያ ቢተ።

8 ኡሱፑን ጋላሳ ኩመንላ እርሹዋ የግቤና ኡክላ ሚተ፤ ላፑንላ ጋላሳን መድና ጎዳወ፡ ህንተ ጸሳወ፡ ጎይናናወ ጌሻ ሺቁዋ ሸቅተ፤ ሄ ጋላሰ አያ ኦሶን አላፕተ።

ቆይቻ ባላ (ከሳ 34:22፤ ዋጋ 23:15-21)

9 “ህንተ ካላ ጫካናወ ኮይር ደሚዳ ዋድያ፡ ደሚደ፡ ላፑን ሳምንታ ኩመንላ ፓይድተ።

10 ያቲደ መድና ጎዳይ ህንተ ጸሳይ ህንተና ከንጄዳዋ ኬና ህንተ ህንተ ደሱዋን ጮ እምያ እሙዋ አሂደ፡ መድና ጎዳወ፡ ህንተ ጸሳወ፡ ቆይቻ ባላ ቦንቶተ።

11 ሄዋን ህንተ፡ ህንተ አቱማ ናናይ፡ ህንተ ማጫ ናናይ፡ ህንተ አቱማ ቆማቱን ህንተ ማጫ ቆማቱ፡ ህንተ ካታማቱዋን ደእያ ሌዋቱ፡ በተቱ፡ አወ ባይና ናናቱን ህንተ ግድን ደእያ አምኤቱ ኡባይ መድና ጎዳይ ህንተ ጸሳይ ባረ ሱንላይ ጸሰታናዳን ደርያ ሳኣን፡ ናሸተተ።

12 ህንተ ግብጾ ጋድያን አይልያ ግዴዳዋ ሀሳዬደ፡ ሀ ዋጋ ባለናን ናግተ።

ዳሰያ ባላ (ዋጋ 23:33-43)

13 “ህንተ ኡዲማ፡ ህንተ ካላ፡ ቃይ ዋይንያ የድያሳፕካ ህንተ ዋይንያ ሸሼዳዋፕ ጉይያን፡ ላፑን ጋላሳ ዳሰያ ባላ ቦንቶተ።

14 ህንተ፡ ህንተ አቱማ ናናቱን ማጫ ናናይ፡ ህንተ አቱማ ቆማቱን ማጫ ቆማቱ፡ ህንተ ካታማቱዋን ደእያ ሌዋቱ፡ በተቱ፡ አወ ባይና ናናቱን አምኤቱ ኡባይ ሀ ባላን ሎይላ ናሸተተ።

15 መድና ጎዳይ ደርያ ሳኣን ላፑን ጋላሳ መድና ጎዳወ፡ ህንተ ጸሳወ፡ ባላ ቦንቶተ፤ አያወ ጎፕ፡ ህንተ ኡባይካ እትፕ ናሸታና ማላ፡ ህንተ አይፍሴዳባን ኡባንን ህንተ ኩሺ አላያባን ኡባን መድና ጎዳይ ህንተ ጸሳይ ህንተና ከንጄና።

16 “ህንተ ጋድያን አቱማ አሳ ግዴዳ ኡባይ ላይላን ሄዙ ገደ፡ ማጋገ ኡክላ ባላ ዋደ፡ ሳምንታቱዋ ባላ ዋደን ዳሰያ ባላ ዋደ፡ መድና ጎዳ ህንተ ጸሳ ሰንላን አ ደርያ ሳኣን ቤቶ። ኡንቱንቱ መድና ጎዳ ሰንላ ዬደ፡ መላ ኩሸ ዮፕ።

17 መድና ጎዳይ ህንተ ጸሳይ ከንጄዳዋ ኬና ኡባይካ ባረ ዳንዲያዋ ኬና እሞ።

ጽሎ ፕርዳ ፕርድያዋ

15:19 ከሳ 13:12 15:23 ደመላ 9:4፤ ዋጋ 7:26-27፤ 17:10-14፤ 19:26፤ ዛረ. 12:16፤ 23 16:1 ዋጋ 23:5-8፤ ፓይ. 28:16-25 16:9 ፓይ. 28:26-31 16:13 ፓይ. 29:12-38

18 “ህንተ ዛራቱ ኡባዉ መድና ጎዳይ ህንተ ጸሳይ እምያ ካታማቱባን ኡባን ህንተ ዳናቱባን ካታቱባ ሱንሐተ፤ ኡንቱንቱካ አሳዉ ጽሎ ፕርዳ ፕርድና።

19 ጽሎ ፕርዳ ጌላዮፕተ፤ ሶምኡባ ዪሊደ ማድፕተ። ማጋንጸ አኮፕተ፤ አያዉ ጎፕ፤ ማጋንጸይ አዲዳ ኤራንቻቱባ አይፍያካ ቆቅሲደ፤ ጽሎቱባ ቃላካ ጌላዬ።

20 ህንተ ደኡባን ደአና ማላን መድና ጎዳይ ህንተ ጸሳይ ህንተንቶ እምያ ቢታ ህንተ ላታና ማላ፤ ጽሎ ፕርዳ ፕርድተ።

21 “ህንተ መድና ጎዳዉ፤ ህንተ ጸሳዉ፤ ኬጽያ ያርሽያ ሳኣ ማታን አሼር ግያ ጸሳትዉ ሞላፕ መፍታዳ ሞሰልያ ማላ አያን ኤሶፕተ።

22 ህንተ መድና ጎዳይ ህንተ ጸሳይ እጽያ ጎይንያ ሹቻ ህንተንቶ ኤሶፕተ።

17

1 “መድና ጎዳዉ፤ ህንተ ጸሳዉ፤ ትላ ቦላና ደኤና መሀያ፤ ዎይ ህንተ ደርሳ ያርሹባ ኦሊደ ሺሹፕተ፤ ሄቄ አ ሰንላን ሸነይያባ።

2 “መድና ጎዳይ ህንተ ጸሳይ ህንተንቶ እምያ ካታማቱባፕ ሀቃባንካ አቱማባ ግድና ማጫባ ግድና አ ጫቁባ ኮሊደ፤ መድና ጎዳ ህንተ ጸሳ ሰንላን ኢታ ኦሊደ አሳይ ህንተ ግድን ቤቶፕ።

3 ቃይ ታ አዛዙባ መንሊደ፤ ሀራ ጸሳቶ ጎይኔዳ ኡራይ፤ አባዉ፤ ዎይ አግናዉ፤ ዎይ ሳሉባ ጸልንተቶ ጎይኔዳ ኡራይ ደኡፕ።

4 ሄባ ማላባ ህንተ ሰሶፕ፤ ሄ የዉባ ሞንሲደ ፓይድተ። ህንተ ቆርና፤ ሄባ ማላ ቱናባይ እሰራኤልያ ግድን ኦስቱዳቄ ቱማን ጌሻ ግድፕ።

5 ሄ ኢታ ኦሊደ ብታንያ ዎይ ሞሸራቶ ህንተ ካታማፕ ጋጸ ከሲደ፤ ሹቻን ጫዲደ ዎድተ።

6 ሄ ዎድያ አሳይ ሀይቃናዉ በሰያባ ላኡ ዎይ ሄዙ ማርካይ ማርካትና ግድ፤ እት አሳ ማርካ ቃላን አይ አሳይነ ሀይቆፕ።

7 አ ዎዳናዉ ማርካቱ ኮይር ሹቻን አ ጫድና፤ ኡንቱንታ ካሊደ አሳይ ኡባይ አ ጫድ። ሄባዳን ኦሊደ፤ ኢታ ህንተ ግድፕ ድግተ።

8 “ህንተ ህንተ ካታማቱባን ፕርዳናዉ ሎይሐ ዴጽያ ሸምቱባ ሞቱባ ግድና፤ ሹቻ ማዲላ ሞቱባ፤ ዎይ ቃይ ታዉ በሰ ግያ አቆ ሞቱባ ግድናካ ደንደፕ፤ ሄ ዎድ ህንተ መድና ጎዳይ ህንተ ጸሳይ ደሬዳ ሳኣ አህተ።

9 ሄባን ለዎቱባፕ ቄሰ ግድያዎኮነ ሄ ዎድያን ዳና ግዲደ ፕርድያዎኮ ሺሸተ፤ ሄ የዉባ ኡንቱንቱ ፕርዳና።

10 መድና ጎዳይ ደሬዳ ሳኣን ኡንቱንቱ ፕርዳዳዎዳን ኦሐተ፤ ኡንቱንቱ ፕርዳዳዎፕ አሸናዳን ናገትተ።

11 ኡንቱንቱ ህንተና ታማርሴዳ ሀግያዳንን ኡንቱንቱ ኦዴዳ ፕርዳዳን ኦሐተ፤ ኡንቱንቱ ፕርዳዳ ፕርዳፕ ኡሸቻን ሀድርሳ አይነ ሸርአ ጎፕተ።

12 ሄባን መድና ጎዳዉ፤ ህንተ ጸሳዉ፤ ኦሐያ ዳናዉ፤ ዎይ ቄሰያዉ አዛዘተናን እጲደ፤ ኦቶረትያ

አሳይ ደኡፕ፤ ሄ አሳይ ሀይቆ፤ ሄባዳን ኦሊደ፤ ኢታ እሰራኤልያ ግድፕ ድግተ።

13 ሄባፕ ጉይያን ሄባ ሰሲደ፤ አሳይ ኡባይ ያያና፤ ላኤንሶ ኦቶረተና።

ካትያ ጸልያ ዎጋቱባ

14 “መድና ጎዳይ ህንተ ጸሳይ ህንተንቶ እምያ ቢታ ላቲደ፤ ያን ደኡባ ደምያ ዎድ፤ ህንተ ዩሹባን ደእያ ካዉተላቱባዳን፤ ህንተካ፤ ላከ ኮንካ ኦ ቦላን ካትያ ካተዬቶ፤ ያገደ ቆፖፕ።

15 ህንተ ካተያናቄ መድና ጎዳይ ህንተ ጸሳይ ህንተንቶ ደሬዳዎ ግድያዎ ኤርተ። ሄባካ ህንተ አሳ ግድፕ ደረቱዳዎ ግድፕ እትና፤ ሀራ ቢታ አሳ ህንተ ቦላ ካተዮፕተ።

16 ሄ ካቲ ፓራ ዳራዎ ሸሻናዉ በሰና፤ ቃይ አሳይካ ፓራ ጮራያናዉ ላኤንሶ ግብጹ ሰማናዳን ኦሐፖ። አያዉ ጎፕ፤ መድና ጎዳይ፤ ሄ ኦግያና ላኤንሶ ሙላካ ሰሞፕተ፤ ያጌዳ።

17 አ ዎዛና ባለፍዳን፤ ካቲ ጮራ ማጫ አሳ አኮፖ። ዎርቃካ ብራካ ዳሪ ሺሸፖ።

18 “አ ባረ ካዉተላ አራታን ኡትያ ዎድ፤ ለቄያ ዛረ ግድያ ቄሳቱ ናግያ ማጻፋፕ ሀ ሀግያ ዱቄደ ባረዉ አኮ።

19 አ ሀ ሀግያ ቃላን ዎጋ ናግያዎንን ኡንቱንታ ኦሐያዎን መድና ጎዳዉ፤ ባረ ጸሳዉ፤ ያይያዎ ታማራና ማላ፤ ሀ ማጻፋይ አናና ደኡ፤ እካ ሀ ማጻፋ ባረ ደኡ ላይላን ኡባን ናባቦ።

20 ያቶፕ፤ አ ባረ ዎዛናን፤ ሓታን ታ ላገቱባፕ አቆይ፤ ጌደ ባረ እሻቱባ ቦላ ኦቶረተና። እካ ጸሳ ሀግያፕ ሀድርሳን ኡሸቻ ጌና። አ ባረ ካዉተላን ኦዲቄደ ደአና፤ አ ናናይካ እሰራኤልያ ጋድያን ካትያ ግዳናዎ።

18

ግሹባን ቄሳቱ ዎ ጋክያዎ

1 “ቄሰተላን ኦሐያ ኩመንላ ለቄያ ዛረቶ እሰራኤልያ ግድን ቢታ ላታይ ባዎ። ኡንቱንቱ አሳይ መድና ጎዳዉ ሺሸያ ታማን ጹግያ ያርሹባፕ ሚደ ደእያዎ ኡንቱንቶ ላታ።

2 ኡንቱንቶ ኡንቱንቱ እሻንቱ ግድን ላታይ ደኤና፤ መድና ጎዳይ ኡንቱንቶ ገፔዳዎዳንካ አ ኡንቱንቱ ላታ።

3 “ኮረማ ዎይ ደርሳ አሳይ ያርሾ ሺሹዳዎፕ ቄሳቶ በሰያቄ ሀዎ። ሞሳ፤ ላኡ ባጋ ጎጎንጩባን ኡሉባ ግድ አሹባ ኡንቱንቶ እምና።

4 ህንተ ካላፕ፤ ዎይንያፕን ዛይትያፕ ኮይር ጋኬዳ አይፍያን ህንተ ደርሳ እክሰያፕ ባይራቱባ ቄሳቶ እሚታ።

5 አያዉ ጎፕ፤ ኡንቱንቱን ኡንቱንቱ ናናይ መድና ጎዳ ሱንላን ኤቄደ፤ መድናዉ ቄሴ ግዲደ ኦላና ማላ፤ ህንተ ዛርያ ኡባ ግድፕ መድና ጎዳይ ህንተ ጸሳይ ኡንቱንታ ደሬዳ።

6 “ሌቄያ ዛረ ግድያ እት አሳይ እሰራኤልያ ጋድያን አይ ካታማፕን ደንዲደ፤ መድና ጎዳይ ደርያ ሳአዉ ዮፕ።

16:19 23:6፤ ዎጋ 19:15 16:21 ከሳ 34:13 16:22 ዎጋ 26:1 17:3 ከሳ 22:20 17:6 ፓይ. 35:30፤ ዛረ. 19:15፤ ማቶሳ 18:16፤ 2 ቆር. 13:1፤ 1 ጽዋ. 5:19፤ አብራ. 10:28 17:7 1 ቆር. 5:13 17:16 1 ካታ. 10:28፤ 2 ኦዲዎ 1:16፤ 9:28 17:17 1 ካታ. 10:14-22፤ 27፤ 11:1-8፤ 2 ኦዲዎ 1:15፤ 9:27 18:2 ፓይ. 18:20

7 እ ብያሳን ደእያ ሌዋቱ መድና ጎዳ ሰንላን ኤቂደ ኦልያዋዳን፤ እካ መድና ጎዳ ባረ ጸሳ ሰንላን ኤቂደ ኦል።

8 ቃይ ባረ እዉዋ አቁዋ ባይዘና፤ ባረና ጋክያዋ አኬዳዋ ግደጥካ፤ ሌዋቱ ጎኤትያዋ ኡባ ኡንቱንቱና ልከ ሻኪደ አኮ።

ኢታ ሜዘያፕ ናገታናዳን እመቴዳ ሴራ

9 “መድና ጎዳይ ህንተ ጸሳይ ህንተንቶ እሜዳ ቢታ ገልያ ዋይ፤ ሄ ጋድያን ደእያ አሳይ ኦልያ ቱና ኦሱዋ አላፕተ።

10 ባረ አቱማ ናኦ ዋይ ማጫ ናቶ ያርሾ ገደ፤ ታማን ጹግያ አይ አሳይን ህንተ ግደን ቤቶ። ብትያዋ፤ ማራጭያ ጸልያዋ፤ ሙሩንያዋን ካጫ ኦድያዋ ቃይ ህንተ ግደን ደኦ።

11 አያንቲያዋ፤ አያናቱዋ ጹግያዋ፤ ሻራኻያዋን ሀይቄዳ አሳ አያና ጹግያዋ ህንተ ግደን ደኦ።

12 ሄዋ ማላባ ኦልያ አይ አሳይን መድና ጎዳ ማታን እጸቲዳ አሳ። ኡንቱንቱ ሄዋ ማላ ቱና ኦልያ ድራዉ፤ መድና ጎዳይ ህንተ ጸሳይ ሄ ካዉተላ ህንተ ሰንላፕ የደርሳና።

13 ሸን ህንተ መድና ጎዳ ህንተ ጸሳ ሰንላን ኩመንላ ፖኮባይ ባይናዋንታ ግድተ።

ጸሳይ ናብያ ኪታና ጌዳዋ

14 “ሀ ህንተ ላታናዉ ብያ ጋድያን ደእያ ካዉተላቱ ሙሩንያዋንቱን ማራጭያ ጸልያዋንቱ ኦድያዋ ሰሰያዋንታ። ሸን ህንተ ሄዋ ኦብናዳን መድና ጎዳይ ህንተ ጸሳይ ህንተና ተኤዳ።

15 መድና ጎዳይ ህንተ ጸሳይ፤ ህንተ ዛርያ ግደ፤ ታ ማላ ትምቢትያ ኦድያዋ ህንተንቶ ደንላና። ህንተ እ ግያዋ ሰሰተ።

16 ህንተ ሰና ደርያ ቦላን ሸቄዳ ዋይ፤ መድና ጎዳ ህንተ ጸሳ ሀዋዳን ያገደ ኦቹድታ፤ ኡን ሀይቀናዳን፤ መድና ጎዳ ኦ ጸሳ ኮሻ ዛር ሰሰኮ፤ ቃይ ሀ ዋልቃማ ታማካ ላኤንሎ በኦኮ ያጌድታ።

17 “መድና ጎዳይ ታዉ ሀዋዳን ያጌዳ፤ ኡንቱንቱ ጌዳዋ ኡባ ልከ ጌድኖ።

18 ታን ኡንቱንቱ ዛራቱ ግደ፤ ነ ማላ ትምቢትያ ኦድያዋ ኡንቱንቶ ደንላና፤ ታ ቃላ አ ደናን ዋላና፤ እካ ታን አ አዛዝያ ኡባ ኡንቱንቶ ኦዳና።

19 እ ታ ሱንላን ኦድያ ታ ቃላ ሰሰና ኦሰን ሀሉዋ ታን ከሳና።

20 ሸን ታ አዛዛቤናዋ ጸሊደ ታ ሱንላን ኦድያዋ ዋይ ሀራ ጸሳቱዋ ሱንላን ኦድያ ሄ ትምቢትያ ኦድያዋ ሀይቆ ያጌዳ።

21 “ህንተ፤ ኡትምቢትያ ኦድያዋ ኦድያ ቃላይ መድና ጎዳ፤ ግደናዋ አያን ሻክ ኤራኔ?” ያገ፤

22 ሄ ትምቢትያ ኦድያዋ መድና ጎዳ ሱንላን፤ እ ኦዳዳ ቃላይ ፖለተናን እጸ፤ ሄዋ መድና ጎዳይ ኦድቤና ቃላ ግድያዋ ኤሪታ። ሄ ትምቢትያ ኦድያዋ ዋርዲዋን ኦዳዳ ድራዉ፤ አዉ ያኖፕተ።

19

ባቃቲደ እትያ ካታማቱዋ (ፓይ. 35:9-34፤ ኢያሳ 20:1-9)

1 “መድና ጎዳይ ህንተ ጸሳይ ህንተንቶ እምያ ጋድያን ደእያ ካዉተላ ቆይሰያ ዋይ፤ ቃይ ህንተካ ኡንቱንታ የደርሲደ፤ ኡንቱንቱ ካታማቱዋን ኡንቱንቱ ጎለቱዋን ደኡዋ ደምያ ዋይ፤

2 መድና ጎዳይ ህንተ ጸሳይ ላታ ኦሊደ እምያ ጋድያን ደእያ ካታማቱዋ፤ ሄዙ ካታማቱዋ ህንተንቶ ደማይተ።

3 መድና ጎዳይ ህንተ ጸሳይ ህንተንቶ ላታ ኦሊደ እምያ ቢታ ሄዙ ከሲደ ሻክተ። ያቲደ አሳ ዋይዳ ኦን ከ ሄ ካታማቱዋን ባቃታናዳን ኦግያ ገግሰተ።

4 “እት አሳይ ካሰ ሞርከተላይ ባይናን ደእሸን፤ ኤሪናን ባረ ሾሩዋ ዋይ፤ እ ሄ ካታማቱዋ፤ እቶ ባቃቲደ፤ ባረ ሸምፑዋ አሾ።

5 ላኡ አሳይ ሞላ ቃንጸናዉ ዋራ ቢና፤ እቱ ሞላ ቃንጸሸን፤ ቱትያ፤ አይፊ ኮለት ዋይደ ህንኩዋ ዋይ፤ ሄ ዋይዳዋ ሀ ሄዙ ካታማቱዋ፤ እቱዋ ባቃቲደ፤ ባረ ሸምፑዋ አሾ።

6 ቆሰት እትያ ካታማይ እቱዋ ጸላላ ግደ፤ ዋይደ ኤለካ ጋካናዉ ኦጊ አዲቄዳ ጋሱዋን ሱላ እትያዋ ሱልያ ህንቁዋን ደንዲደ፤ የደርሰ ጋኪደ፤ ሀይቃናዉ በሰናዋ ዋይናዉ ዳንደዬ፤ አያዉ ጎፕ፤ እ ባረ ሾሩዋ ዋይዳዋ ካሰ ሞርከተላይ ደእያ ድራሳ ግደና።

7 ህንተ ሄዙ ካታማቱዋ ደማይ ዋላናዳን፤ ታን ህንተና አዛዜዳዋ ሄዋሳ።

8 “መድና ጎዳይ ህንተ ጸሳይ ካሰ ህንተ ማይዛ አዋቶ ጫቄዳዋዳን ህንተ ዛዋ አሶ፤ ቃይ ህንተ ማይዛ አዋቶ እማና ጌዳ ቢታ ኡባ ህንተንቶ እሞ፤

9 ሀ ሄዙ ካታማቱዋ ሀራ ሄዙ ካታማቱዋ ጌጂታ። ሀቹ ታን ህንተና አዛዝያዋ ኡባ ህንተ ፖሎፕ፤ መድና ጎዳ ህንተ ጸሳ ደሶፕን እ ህንተና ታማርሴዳ ኦግያን ሞኒደ ደኦ፤ ሀ ቢታይ ህንተንቶ እመታና።

10 ሄዋ አላፕ፤ መድና ጎዳይ ህንተ ጸሳይ ላታ ኦሊደ ህንተንቶ እምያ ጋድያን ጌሻ አሳ ሱላይ ጌከና፤ ቃይ ህንተካ ሱላ ጌሰያ ናጋራፕ አቲታ።

11 “ሸን እት አሳይ ባረ ሾሩዋ እጸደ፤ ዙግ ናገደ አ ዋይዳ፤ ሀ ካታማቱዋ፤ እቶ ባቃቶ፤

12 አ ካታማ ጭማቱ እ ባቃቲዳ ካታማፕ ኪት አሂሲደ፤ ሀሉዋ ከሳናዉ አ ኮይያዋ አላ እምኖ።

13 አዉ አይን ቃረቶፕተ፤ ህንተንቶ ኡባባይ ሎእ ግዳና ማላ፤ ጌሻ ሱላ ጌሰያዋ አሰራኤልያ ግደፕ ቆይሰተ።

በን ዛዋቱዋ

14 “መድና ጎዳይ ህንተ ጸሳይ ህንተ ላታናዳን እምያ ጋድያን፤ በን አሳይ ኤሴዳ ነ ሾሩዋ ቢታ ዛዋ ሾደ።

ማርካቱዋባ

18:10 ዋጋ 19:26፤ ከሳ 22:18 18:11 ዋጋ 19:31 18:13 ማቶሳ 5:48 18:15 ኪታ 3:22፤ 7:37 18:19 ኪታ 3:23 19:14 ዛረ. 27:17 19:15 ፓይ. 35:30፤ ዛረ. 17:6፤ ማቶሳ 18:16፤ ዮሃ. 8:17፤ 2 ቆር. 13:1፤ 1 ጳዎ. 5:19፤ አብራ. 10:28

15 “እት አሳ ባይዘንቻ ጋናው እት ማርካ ጸላላይ ግደና። ላኡ ዋይ ሄዙ ማርካይ ማርካትና። ሄ ሞቱ ፕርደታናው ኮሼ።

16 “እት አሳይ ሀራ ዋርዲዋን ሞታናው ደንደፕ።

17 ሄ ሞትያዌን ሞተትያዌ ላኡካ መድና ጎዳ ሰንፋን፤ ቄሳቱ ዋ ሰንፋን ሄ ዋደ ፕርድያ ዳናቱዋ ሰንፋን ኤቁኖ።

18 ያቶፕ ዳናቱ ሄ የወዋ ምንሲደ ብድኖ፤ ሄ ሞትያዌ ባረ እሻ ዋርዲዋን ሞቱዳዋ ግደፕ።

19 እ ሄ ሞቱዋን ባረ እሻ ሙርሳናው ቆፔዳ ሙራ ባረው ሙረቶ፤ ሄዋዳን ኦሊደ። ሄዋ ማላ ኢታ ህንተ ግደፕ ድግተ።

20 ያቶፕ፤ ሀራ አሳይ ሄዋ ሰሲደ ያያና፤ ሄዋ ማላ ኢታ ኦሊዋ ላኤንፋ ኦፊና።

21 ሄዋ ማላ ኢታ ኦሊዳዋ አይነ ቃረቶፕተ፤ ሸምፑዋ ዋዴዳዌ ሀይቆ፤ አይፍያ ድራው አይፍያ፤ አቻ ድራው አቻ፤ ኩሽያ ድራው ኩሽያ፤ ገድያ ድራውካ ገድያ።

20

አላባ

1 “ህንተ ሞርክያና ኦለታናው ብያ ዋደ። ኤንቱንቱ ፓራቱ፤ ፓራ ጋረቱን ኤንቱንቱ ኦላንቻቱ ህንተፕ ዳርና በኢደ። ኤንቱንቶ ያዮፕተ፤ እያው ጎፕ። ህንተና ግብጾፕ ከሴዳ መድና ጎዳይ ህንተ ጸሳይ ህንተናና ደኤ።

2 ህንተ ኦላ ደማናፕ ካሰቲደ። ቄሲ ሰንፋው አዲደ ሀዋዳን ያጎ፤

3 ህንተኖ እሰራኤልያ አሳቶ፤ ሰሰተ፤ ህንተ ሀቻ ህንተ ሞርክያና ኦለታናው ሀኒታ። ሰም ህንተ ዋዛናይ ዳጋሞፕ፤ ያዮፕተ፤ ኤንቱንቱ ሰንፋን ኮርፕተን ሻባረቶፕተ።

4 እያው ጎፕ፤ መድና ጎዳይ ህንተ ጸሳይ ህንተናና ብያ ድራው። ህንተ ሞርክያ ኦሊደ። ህንተንቶ ጸኑዋ እማና’ ያጎ።

5 “ኦላ ጋዳዋቱ ኤንቱንታ ሀዋዳን ያግኖ፤ ሉራፋ ጎልያ ኬጲደ ገልቤና አሳይ ደኦፕ፤ እ ሀ ኦላን ሀይቁና። ሀራ አሳይ እ ጎልያ ገለናዳን፤ እ ጎላ ሰሞ።

6 ዋይ ዋይንያ ቶኪደ። እ አይፍያን ናሽቶቤና ኡራይ ደኦፕ፤ እ ሀ ኦላን ሀይቁና። ሀራ አሳይ እ ዋይንያ አይፍያን ናሽተናዳን፤ እ ባረ ጎላ ሰሞ።

7 ማጫ አሳ ገግሲደ እክቤና አሳይ ደኦፕ፤ እ ሀ ኦላን ሀይቁና። ሀራ አሳይ እዞ ማቻያ እክናዳን፤ እ ባረ ጎላ ሰሞ’ ያግኖ።

8 “ጋዳዋቱ ጉጂድካ አሳው ሀዋዳን ያግኖ፤ ህ አሳ ግደን ያይያ አሳይነ ሀርግያ አሳይ ኦንነ ደኦፕ፤ እ ባረ ላገቱዋ ዋዛናካ ያሻን ሴርሰናዳን እ ባረ ጎላ ሰሞ’ ያግኖ።

9 ጋዳዋቱ ሀዋ አሳው ኦድ ወርሰያ ዋደ። ጭታው ጭታው ኦላ ጋዳዋቱዋ ደርኖ።

10 “እት ካታማ ኦላናው ቢደ ህንተ እኮ ማትያ ዋደ። ኮይርቲደ ሳሩዋን ኤንቱንቱ ኩሽያ እማናዳን ኦቻተ።

11 ኤንቱንቱ ሳሩዋን ባረንቱ ኩሽያ እማደ። ባረንቱ ግምቢያ ፕንግያ ዶዪደ ህንተና ገልሶፕ።

ሄ ካታማን ደእያ አሳይ ኡባይ ህንተንቶ ሀጋዝናን ዴጾ ኦሊዋ ህንተንቶ ኦላና።

12 ሸን ሄ ካታማ አሳይ ህንተንቶ ሳሩዋን ኩሽያ እመናን እጺደ። ህንተናና ኦላው ገሰፕ፤ ህንተ ሄ ካታማ የሹዋ ደድተ።

13 መድና ጎዳይ ህንተ ጸሳይ ኤንቱንታ ህንተንቶ አላ እምያ ዋደ። ሄ ካታማን ደእያ ኦቻማ አሳ ኡባ ማሻን ወርሰተ።

14 ሸን ማጫ አሳ፤ ናናቱዋ፤ መሀያን ካታማ ግደን ደእያ ኡባባ ኦሞዲዋ ኦሊደ ህንተንቶ አከተ። ቃይ መድና ጎዳይ ህንተ ጸሳይ ህንተንቶ እምያ ህንተ ሞርክቱዋ ኦሞዲዋን ጎኤትተ።

15 ህንተ ደእያሳፕ ሃኪደ ደእያ ካታማቱዋካ ኦይቁያ ዋደ። ሄዋዳን ኦሊታ።

16 “ሸን መድና ጎዳይ ህንተ ጸሳይ ህንተንቶ ላታ ኦሊደ እምያ ጋድያን ሸምፑዋና ደእያዋ እትባነ አሸናን ዋድተ።

17 መድና ጎዳይ ህንተ ጸሳይ እዛዜዳዋዳን፤ ሂተቱዋ፤ አሞረቱዋ፤ ካናነቱዋ፤ ፓርዘቱዋ፤ ሂዌቱዋን ያቡሳቱዋ ወርሲደ ዋድተ።

18 ሄዌ ጳዮፕ፤ ኤንቱንቱ ባረንቱ ጸሳቶ ጎይንያ ቱና ኦሊዋ ህንተ ኦላናዳን ህንተና ታማርሳና፤ ሄዋን ህንተ መድና ጎዳ ህንተ ጸሳ ቦላ ናጋራ ኦላና።

19 “ካታማ ኦይቃናው የሹዋ ደድ። ዳር ጋላሳ ኦለቲደ ጋምእያ ዋደ። አን ደእያ አይፍያ እምያ ሞላ ካልታን ቃንጾፕተ፤ ኤንቱንቱ አይፍያ ሚተፕ አትና። ኤንቱንታ ቃንጾፕተ። እያው ጎፕ፤ ህንተ የሹዋን ደዲደ ኦልያዌ አሳፕ አትና፤ ደምባን ደእያ ሞላ ግደና።

20 ሸን ህንተ ኤርያ አይፍያ እመና ሀራ ሞላቱዋ ቃንጾደ። ህንተናና ኦለትያ ካታማይ ኩንዳና ጋካናው። ሄዋን ደድያ ጌሱዋ ኬጵተ።

21

ዋዴዳ ኡራይ ኤረትቤና ዋንጃላ

1 “ህንተ ላታናዳን መድና ጎዳይ ህንተ ጸሳይ ህንተንቶ እምያ ጋድያን፤ ኦን ዋዴደንቶ ኤረና አሃይ ኩንዲደ ቤቶፕ።

2 ህንተ ዳናቱን ህንተ ጭማቱ ቢደ። ሄዋ የሹዋን ደእያ ካታማቱዋፕነ ሄ አሃፕ ግዲዋን ደእያ ሃኮተፋ ልክኖ።

3 ሄዋፕ ጉይያን፤ አሃይ ኩንዴዳሳ ማታትያ ካታማ ጭማቱ፤ ኦሶ ጋካቤና፤ እ ሞርግያን ቃምባራይ ዋድቤና ኡሳቶ አክኖ።

4 ጎግያ ሃላይ ደእያ ጎሽቶቤና ሳነ ዘረትቤና ዘንጋራ አፊደ። ሄ ኡሳት ሞርጊያ ሞርቂደ መንሐኖ።

5 ያቶፕ ሌዊያ ናናይ፤ ቄሳቱ ሄ ሳኦ እትፕ ቢኖ፤ እያው ጎፕ፤ ሀዋ ማላ ኢታ ሀይቁዋን ሞቱዋ ሻኪደ ፕርዳናው፤ መድና ጎዳይ ህንተ ጸሳይ ባረ ሰንፋን ኦላናው፤ መድና ጎዳ ሱንፋንካ አንጃናው ኤንቱንታ ደሬዳ።

6 ሄዋፕ ጉይያን፤ ሄ አሃይ ኩንዴዳሳ ማታትያ ካታማ ጭማቱ ኡባይ፤ ዘንጋራን ሞርጊያ ሞርቂደ ዋዴዳ ኡሳት ቦላ ባረንቱ ኩሽያ ማጫቲደ፤ ሀዋዳን ያግኖ።

19:21 ከሳ 21:23-25፤ ዋጋ 24:19-20፤ ማቶሳ 5:38

7 ሩኑ ኩሺ ሀ ሱላ ጉሰቤና፤ ኑ አይፊካ ሀዋ ኦሴዳዋ በእቤና።

8 እቤት መድና ጎዳው፤ ኔን ዋዜዳ ነ አሳ፤ እሰራኤልያ ማራ፤ ሀ ጌሻ ሱላ ነ አሳ ቦላ ናቁዋ ኦሳደ ፓይደፓ ያግኖ። ሄ ሱላ ድራው፤ ኦንቱንቶ አቶ ጌተታና።

9 ሀንተ መድና ጎዳ አይፍያ ሰንላን ሄዋዳን ኦሴደ፤ ጌሻ ሱላይ ጉኬዳ ናጋራ ሀንተ ግደፕ ድግተ።

አላን አዋደቲዳ ማጫ አሳቱዋባ

10 “ሀንተ ሞርክያና ሀንተ ኦላታናው ከሰና፤ መድና ጎዳይ፤ ሀንተ ጸሳይ፤ ኦንቱንታ ሀንተ ኩሽያን አላ አምና፤ ኦንቱንታ አዋድያ ዋይ፤

11 አዋደቲዳ አሳ ግደን አት ማላንቻ ሞሽራቶ በአደ፤ አዘ አዋታደ፤ ማቼ ኡዳናው ኮዮፕ፤

12 ነ ጎላ አያ፤ አ ሁጲያ ሜዳ፤ አ ጹጉንላካ ጭጋ።

13 አዋደትያ ዋይ ደእያ ማዩዋ ቃራ ድጋይ፤ ነ ሶን ኡታደ፤ ባረ አዋን ባረ ዳይው እት አገና ኩሙንላ ካዮቱ፤ ሄዋፕ ጉይያን፤ እዘ አካ።

14 ያታ ሰምና፤ እዘና ደእያዌ ኔና ናሽቼናን ቆዮፕ፤ አ ባረ ኮዮሳ ባናዳን የዳ አጋ። ኔን እዘ ማቼ ኦሳደ እትፕ አቁዳ ድራው፤ እዘ ሻሉዋን ዛልአናው ዋይ ካወሻናው በሰና።

ባይራ ናእይ ላትያ ማታ

15 “እት አሳው እ ደሰያን እጽያ ላኡ ማጫ አሳቱ ደአፕ፤ ቃይ ሀ ላአቱካ አው አቱማ ናናቱዋ የሌዳዋንታ ግድሽን፤ ባይራ የለቲዳዌ ሀ እጽያ ማጫ ሞሽራትፕ የለቲዳዋ ግደፕ፤

16 ባረ ናናው ባረ አቁዋ እ ላትሰያ ዋይ፤ አ እጽያንፕ የለቲዳ ባይራይ ደእሽን፤ አ ደሰያንፕ የለቲዳ ቱፋ ባይራያናው በሰና።

17 ሀራ ናናው እምያዋፕ ላኡ ኩሽያ አላ እምያዋን ሀ እጽያን ናእይ ባይራ ግድያዋ ኤርሳናው በሰ። አያው ጎፕ፤ ሄ ናእይ አው ኩሽያ ገድያ ጳልቁዳ ባይራ ግድያ ድራው፤ ባይራቱዋ እ አካናው በሰ።

አዋን አትው አዛዘተናን እጹዳ ናእ

18 “አዋን አትው አዛዘተናን እጹዳ፤ ኦንቱንቱ ሴርናካ ሰመና ሞርግያ ዞዳን ማካላንቻ ግዲደ ሰመና ናእ ደአፕ፤

19 አውነ አታ ሄ ካታማ ፕንግያን ደእያ ጭማቱዋኮ አ ኑይቁ አክ አሀና።

20 ጭማቶ ሀዋዳን ያግኖ፤ ሳዌ ኑ ናእይ ሞርግያ ዞዳን ማካላንቻ፤ እ ኑው ሙላካ አዛዘተና፤ ሚሻ ላል ካእያዋን ኡሻንቻ፤ ያገደ ኦድና።

21 ሄዋፕ ጉይያን፤ ሄ ካታማን ደእያ አቱማ አሳይ ኡባይ እ ሀይቃና ጋካናው፤ ሹቻን ጫዲደ እ ዋድና። ሄዋዳን ኦሳዳዋን ሀንተ ግደፕ ኢታ ቆይሰተ። ያቶፕ እሰራኤልያ ኡባይ ሄዋ ሰሲደ ያያና።

ዲማ ዲማ ሀገቱዋ

22 “እት አሳይ ሀይቁዋ ፕርድሰያ ዳባ አላና፤ ሀንተ አ ሞላን ካቁ ዋዶፕ፤

23 ሄ ካቁቲዳ ሞላን አ አሃይ አቆፕ፤ አ ሄ ጋላሰ ሞግተ። አያው ጎፕ፤ ሞላ ቦላን ካቁት ሀይቁያ ኦንን ጸሳን ሸቀቲዳዋ። መድና ጎዳይ ሀንተ ጸሳይ ሀንተንቶ ላታ ኦሴደ እምያ ሀንተ ቢታ ሀንተ ቱንሶፕ።

22

1 “እሰራኤልያ አሳ ቦራይ ዋይ ደርሳይ ባዪደ ዋራ ቢሸና በአፕ፤ ሸነኮ ጋደ አጋ አጎፕ፤ አ ጎዳው ላጋ አሃደ አማ።

2 ሄ መሀያ ጎዳይ ነ ሄራ ግዳና ቆዮፕ፤ ዋይ አ ጎዳይ ኦንንቶ ኔን ኤራና ቆዮፕ፤ አ ጎዳይ ኮዪደ ያና ጋካናው፤ ነ ጎላ አካደ አፋ፤ እ ዪደ፤ ደምያ ዋይ፤ አው አማ።

3 ሄዋዳን ሀርያ ግድና፤ ማዩዋ ዋይ እያን ባዬዳዋ ደሞፕ፤ አ ጎዳው ዛራፕ አትና፤ ሸነኮ ጎፕ።

4 “እሰራኤልያ አሳ ሀሪ ዋይ ቦራይ ኦግያን ኩንዴዳዋ በአፕ፤ ማዲደ ደንላፕ አትና፤ ሸነኮ ጋደ አጋ አጎፕ።

5 “ማጫ አሳይ አቱማ አሳ ማዩዋ ማዮፕና፤ አቱማ አሳይካ ማጫ አሳ ማዩዋ ማዮፕና። አያው ጎፕ፤ ሄዋ ማላባ ኦሳያ ኦናን መድና ጎዳይ ሀንተ ጸሳይ ሻቱ።

6 “ኦግያን ነ ቢሸና፤ ሞላን ግድና፤ ሳእን ባረ ማራ ዋይ ቁቁልያ ሀጳ ኡቲዳ ካፋቶ ደሞፕ፤ እዘ እ ማራና ጋላ ኦይቃደ ነ ጎላ አፎፕ።

7 ማራቱዋ አካ አፋናው ዳንዲያሳ፤ ሸን ዳዮ ባናዳን የዳ አጋ። ሄዋዳን ኦሳፕ፤ ኔን ዱሪታደ አዲሳ ላይላ ደአና።

8 “ኦራሳ ጎልያ ኬጽያ ዋይ፤ ቶቃ ካራፕ አሳይ ኩንድ ሀይቁና ነ ኦሽተናዳን፤ ዘምፒደ አትያዋ ገግሳ።

9 “ካ ዋይንያ ሸይቃን ላኡ ቆዋ ካላ ዘርፕ፤ ሄዋዳን ኦሳፕ፤ ነ ዘራዳ ካላይን ዋይኔ ላኡካ ባያና።

10 “ቦራን ሀርያ እትፕ ዋጸደ ጎሾፕ።

11 “ሱፍያፕን ሊኦዋፕ ዋላካን ዳደቲዳ ማዩዋ ማዮፕ።

12 “ካ ማዬዳ ማዮ ኦይዲ ባጋናካ ማጫራይ ደአ።

ገሉዋ አኩዋ ጌሻተላን ናግያዋ

13 “እት አሳይ ማቻቶ አኪደ፤ እዘና እቅ ሰሚደ፤ እዘ ደሳና ቆዮፕ፤

14 ሳና ታ አካደ እዘና እቅያ ዋይ፤ ሀጊ እዘው ባዋ ያገደ እዘ ባይዚደ ሃሳዮፕ፤

15 ሄ ናት አውነ ዳያ እ ሀግያ ማላታ አክ አፊደ፤ ካታማ ፕንግያን ደእያ ጭማቱዋ በሰና።

16 ናት አው ጭማቶ ሀዋዳን ያገደ ኦድ፤ ታን ታ ናቶ ሀዋ ማቼ ኦሳደ እማድ፤ ሸን እ እዘ እጹዳ።

17 እ፤ “ካ ናትን ሀጊ ባዋ” ያገደ እዘ ባይዚደ ሃሳየ፤ ሸን ታ ናት ሀግያ ማላታ ሀዋ በአፕ፤ ያገደ፤ እዘ ሀግያ ኤርሰያ ጫርቆያ በሰ።

18 ያትና ሄ ካታማ ጭማቱ እ ሙርና።

19 እ እሰራኤልያ ዋድራት ሱንላ ባይዜዳ ድራው፤ ጭማቱ እ ጹቱ ጸጋራ ብራ ሙራደ፤ ሄዋ

ናት አዎ እምኖ። ናታካ አዉ ማቼ ግዳደ ደኡ፤ ባረ ደኡ ላይላ ኡባን እ እዘ የዳናዉ በሰና።

20 “አ ሞቱ ቱማ ግዳደ። ናትን ዎደርተላይ ቆሮ።

21 ናቶ እዘ አዉዎ ካረ አሂደ። ሄ ካታማ አቱማ አሳይ እዘ ሹቻን ጫዲደ ዎቶ። አያዉ ሳ፡ አ ባረ አዉዎ ሱን ደአደ ሻርሙጻ ግዳደ። እሰራኤልያ ግደን ሀ ፖኮባ ኦላዲ፤ ሄዎዳን ኦሊደ ሀንተ ግደ።

22 “አይ አሳይነ ሀራ አሳ ማጫ አሳና ሻርሙጻደ ኦይቀቶ። እካ እናና ሻርሙጻደ ማጫ ሞሽራታካ ሀይቁኖ። ሄዎዳን ኦሊደ። ሀንተ ግደ።

23 “አይ አሳይነ ሀራዉ ጊጌዳ ዎደራቶ ካታማ ግደን ደሚደ እዝና ሻርሙጻ።

24 ኡንቱንታ ላኡዎካ ካታማ። ጋጸ ከሲደ። ሹቻን ጫዲደ ዎቶ። አያዉ ሳ፡ ናታ ካታማን ደአደ። አሳይ አሻናዳን ዋሳበይኩ። እ ሀይቁያዎ ቃይ ሀራ አሳዉ ጊጋ ኡቱዳ ዎደራቶ ባይዜዳ ግሻሳ። ሄዎዳን ኦሊደ ሀንተ ግደ።

25 “እት አሳይ አሳዉ ጊጌዳ ዎደራቶ አሳይ ባይና ሳእን ዎልቃን ኦይቁደ። እዝና ግሰ፡ አ ጸላላይ ሀይቆ።

26 ናቶ አይነ ኦላ፣ እዘ ዎቆናዉ በሰያ ናጋራ ኦላበይኩ። ሀዌ እት አሳይ ጮ ባረ ሾሩዎ ቦላ ደንዲደ። ዎቆያ አሳ ፕርዳ ማላ ፕርዳ።

27 አያዉ ሳ፡ እ እዘ አሳይ ባይና ሳእን ደሚደ ኦይቁና። ሄ ዎደር ናታ ዋሳዲ፤ ሽን እዘ አሽያ አሳይ ደእቤና።

28 “አይ አሳይነ አሳዉ ጊጋቤና ዎደራቶ ኦይቁደ። እ ሀግያ እክ ድጊደ ኦይቀቶ።

29 ናት አዎ አሻታሙ ጸጋራ ብራ ጭጎ። ያቲደ ናቶ ባረዉ ማቼ ኦላ። ባረ ደኡ ላይላ ኡባን እዘ የደ፡።

30 “አይ አሳይነ ባረ አዉዎ ማቻቶ አኪደ። ባረ አዉዎ ካዉሾ፡።

23

አሳ ማባራጥ ሻክያ ሀናታ

1 “ሳንግሰቱዳ ዎይ ቃራተቱዳ አቱማ አሳይ። መጵና ጎዳ ሸቆዎ ግደን ቤቶ፡።

2 “ሻርሙጻን የለቱዳ አሳይ መጵና ጎዳ አሳ ማባራ ገሎ፡። ሀራይ አቶ ቢደ ታማንላ የለታ ጋካናዉካ። አ ዛርያ፣ ኦን መጵና ጎዳ አሳ ማባራ ግደ ገሎ፡።

3 “አዎና አሳ ግድና። ዎይ ሞአባ አሳ ግድናካ። መጵና ጎዳ አሳ ማባራ ገሎ፡። ሀራይ አቶ ቢደ ታማንላ የለታ ጋካናዉካ። ኡንቱንቱ አሳ ግዳዳ ኦን መጵናዉካ መጵና ጎዳ አሳ ማባራ ገሎ፡።

4 አያዉ ሳ፡ ሀንተ ግብጾ፣ ከሲደ ሄመትሽን። ኡንቱንቱ ሀንተና ካላናነ ሃላና ሞክበይክና። ሄዎዳንካ። ማሰጸጸምያን ፓቶራ ግያ ካታማን ደእያ ብኡራ ናኦ ባላም ሀንተና ሸቃና ማላ ቃጸሬድና።

5 መጵና ጎዳይ። ሀንተ ጸሳይ። ባላም ግያዎ ሰሳናዉ ኮይቤና፤ አ ሸቃ ሀንተንቶ አንጅ ላሚዳ። አያዉ ሳ፡ መጵና ጎዳይ ሀንተ ጸሳይ ሀንተና ሲቆ።

6 ሀንተ ደኡ ላይላ ኡባን መጵናዉካ ኡንቱንቱ ሳር ደአናዳን ኡንቱንቱ ዱረታናዳን አሞቶ፡።

7 “ሀንተዉ ኡንቱንቱ ዳቦ ግድያ ድራዉ። ኤደማቱዎ ካጲደ እጾ፡። ቃይ ግብጾቱዎካ እጾ፡። አያዉ ሳ፡ ሀንተ ኡንቱንቱ ጋድያን በተ ግዲደ ደኤድታ።

8 ኡንቱንቶ ሄዘንላ የለታ ናናይ መጵና ጎዳ አሳ ማባራ ገላናዉ ዳንዳዴና።

አላዉ ዲንካኔዳ ሳኦ ዎጋዳን ጌሻን ናጉሳ

9 “ሀንተ ሀንተ ሞርክያ ኦላናዉ ከሲደ እትሳን ካምቡዎ መቶ ዎደ። ሀንተና ቱንሰያዎ፣ ኡባ፣ ሻክት፡።

10 ቃማ አኩሙዎን ማጫ አሳና ጋከቱዳዎ ኤርሰያ አርጸባይ አን ደእያ አይ አሳይነ ደኡ፡። ዲንካኔዳ ሳኦ፣ ጋጸ ከሲደ ያን ጋምኦ።

11 ሳኦ ኦማርሰያ ዎደ። ባረ ቦላ ሜጫቲደ። ለላምእያ ዎደ ዲንካኔዳሳ ሰም።

12 “ሀንተ ሸሻዉ ኡትያሳ ዲንካኔዳ ሳኦ ካረና ገግሰተ።

13 ሸሻዉ ኡትያሳ ቦካናዉ ዞሩዎ ሀንተ ኦላ ሚሻና ጋሳ ኦይቁተ፤ ሸሻዉ ኡት ሰሚደ። ኦላን ቢታ ዛርተ።

14 አያዉ ሳ፡ መጵና ጎዳይ ሀንተ ጸሳይ ሀንተና ናጋናዉን ሀንተ ሞርከቱዎ ሀንተ ኩሽያን አሳ አማናዉ። ሀንተ ሄራን ያነ ሃነ ሀመቱ። ሄዎን እ ሸነይያባ አያነ በኢደ። ሀንተ፣ ዎራ ሰመናዳን። ሀንተ ሄራን ጌሻ ግዳናዉ ኮሼ።

ዲማ ዲማ ሀገቱዎ

15 “ባረ ጎዳ፣ ባቃቲደ። ኔኮ ዬዳ አይልያ ዛራደ አ ጎዳዉ እም፡።

16 እ ሀንተ ካታማቱዎ፣ ባረ ኮዬዳዎን ደኡ፤ አ ኡቁና፡።

17 “እሰራኤልያ አሳ፣ ኦን አቱማ ግድና። ማጫ ግድናካ። አሳጋ ጸሳዉ ጎይንያዎንቱ ኦሊደዎዳን። ሻርሙጻዎ ግደ፡።

18 ሄዎዳንካ። አቱማዎ ግድና። ማጫውና ግድና። ሻርሙጻን ደሚደ ሚሻ ሸቆዎ ጋላናዉ መጵና ጎዳ ሀንተ ጸሳ ጎልያ አሆ፡። አያዉ ሳ፡ ኡንቱንቱ ላኡዎካ መጵና ጎዳይ ሀንተ ጸሳይ ሻ፡።

19 “ሳ ዛረ ግድያ እሰራኤልያ አሳዉ ሚሻ። ካላ ግድና ሀራባ ታልአደ ድቻ አኮ፡።

20 ሀራ ቢታ አሳ፣ ድቻ ኦቻናዉ ዳንዳያሳ፤ ሽን ኔን ላታናዉ ገልያ ጋድያን ኔን ኦሊደባን ኡባን መጵና ጎዳይ ነ ጸሳይ ኔና አንጅና ማላ። ነ ዛረ ግድያ እሰራኤልያ አሳዉ ድቻዉ ታልአ፡።

21 “መጵና ጎዳዉ። ነ ጸሳዉ። አማናዉ ገፔዳዎ አማናዉ ጋምኦ፡። መጵና ጎዳይ ነ ጸሳይ ኔን ገፔዳዎ ኩመንላን ኔ፣ ኮይያ ድራዉ። ፖላና ቆሮ፡። ነዉ ናጋራ ግዳና።

22 ሽን ኔን ገፓና ቆሮ፡። ሄዎን ነዉ ናጋራይ ባዎ።

22:28 ከሳ 22:16-17 22:30 ዎጋ 18:8፤ 20:11፤ ዛረ. 27:20 23:3 ናህ. 13:1-2 23:4 ገይ. 22:1-6 23:5 ገይ. 23:7—24:9 23:17 ዎጋ 19:29 23:19 ከሳ 22:25፤ ዎጋ 25:36-37፤ ዛረ. 15:7-11 23:21 ገይ. 30:1-16፤ ማቶሳ 5:33

23 መድና ጎዳው፣ ነ ጸሳው፣ እማና ጋደ ኔን ደናን ሃሳዬዳዎ ነ ደሱዋን እማና ጌዳ ድራው፣ ነ እንጸርሳን ሃሳዬዳዎ ፖላ።

24 “ነ ሾሩዎ ወይንያ ግዳዎና አድያ ወደ፣ ወይንያ፣ ነ ኮዬዳ ከና ማፕ አትና፣ አፕ አያን ነ ኦይቄዳ ሚሻን የጎፓ።

25 ነ ሾሩዎ ሾይቃና ካንሉያ ወደ፣ ሄ ሾይቃን ደእያ ትሻፕ ዲላደ ማፕ አትና፣ ነ ሾሩዎ ካላ ባጫን ጫካደ ጎለ አፎፓ።

24

ማቻቶ የድያዋን ላኤንሎ አኩዋ

1 “እት አሳይ ማቼ እክ ሰሚደ፣ እት ኢታባ እ ቦላ ደሚደ እዘ እጸፕ፣ እዘዉ ፓራማ ጸፍ እሚደ፣ ባረ ጎለፕ ከሲደ የደፕ።

2 እዘ አ ጎለፕ ከሳደ፣ ሀራ አሰና ገሎፕ።

3 ሄ ላኤንሎ አሰናይካ እዘ ደሰናን እጲደ፣ ፓራማ እዘዉ ጸፍ እሚደ፣ ባረ ጎለፕ እዘ ከሲደ የደፕ፣ ወይ እዘ አኩዳ ሄ ላኤንሎ አሰናይ ሀይቆፕ።

4 አ ቱኔዳ ድራው፣ ኮይሮ ፓራሜዳ አሰናይ ላኤንሎ እዘ ዛሪደ አኩፕ። ሄዌ መድና ጎዳ ማታን እጸቱዳዎ፣ ቃይ ሀንተካ መድና ጎዳይ ሀንተ ጸሳይ ሀንተንቶ እምያ ጋድያን ሀዋ ማላ ናጋራ አላፕ።

5 “አራላ ማቼ አኩዳ አሳይ አላዉ ቦፕ፣ ሀራ ዴጸ ኡሱዋካ እዉ እሞፕ። እት ላይላይ አቆና ጋካናው፣ ሀቃን ቤናን ባረ አኩዳ ማቻቶ ናሽቾ።

ዲማ ዲማ ሀገቱዋ

6 “አይ አሳይን አጮ ዋጸ ወይ ማይድያ ኦይቆፓ፣ አያዉ ጎፕ፣ ሄዌ ጎልያ አሳይ ጋጮያባ ቆይደ፣ ሀይቄኖ ግያዎ።

7 “ባረ እሻ ግድያ እሰራኤልያ አሳ ዉእ አፊደ፣ አይልያ ከሰያ አሳይ ወይ ሀራዉ ዛልእያ አይ አሳይን ሀይቆ። ሄዋዳን ኦልያዎን ሀንተ ግደፕ ኢታ ድጊታ።

8 “ዋልቃማ ጋልባ ሀርግያን ሳከትያ አሳዉ ሌዊያ ዛረ ግድያ ቄሳቱ ሀንተና ታማርሴዳዎዳን ኡባባ ፖልቱ፣ ታ ኡንቱንታ አዛዜዳዎ ሄዋዳን አላናዉ ናገት።

9 ሀንተ ግብጾፕ ከሲደ ኦግያን ደእሸን፣ መድና ጎዳይ ሀንተ ጸሳይ ሚርያም ቦላ ኦልዳዎ ሀሳይተ።

10 “ኔን ነ ሾሮ እትባ ታልኣደ፣ እ ኦይልያዎ አቻናዉ አ ጎለ ገሎፓ።

11 ኔን ካረን ኤቃ ደእሸን፣ ነ ታልኤዳ ብታኒ ኦይልያዎ ባረ ጎለፕ ከሲደ ነዉ እሞ።

12 እ ሀይሳ ግደፕ፣ ነ አጮ ኦይቄዳ አ ማዩዋ ነ ሰን አይሰፓ።

13 እ ማዩደ አቃናዳን፣ ኦማርሰ ወደ አዉ ጉየ ዛራ፣ እ ሄዋን ኔና ጋላታና። ሄዌ መድና ጎዳ ነ ጸሳ ማታንካ ነዉ ጌሻተላ ግዳናዎ።

14 “ነ እሻ ግድያ እሰራኤልያ አሳ ግድና፣ ወይ ነ ቢታ ካታማፕ እቱዋን ደእያ ካረ ቢታ አሳ ሀይሳ ቃጸራደ ናቆፓ።

15 እ ሀቻ ኦልዳዎ ሀቻ አካናዉ ምንሲደ ኮይያ ድራው፣ አዋይ ዉለናን ሀቻ ጭፓ። ሄዌ ቆየፕ፣ መቶታንቻይ ኔፕ መድና ጎዳዉ ዋሰና፣ ነዉ ናጋራ ግዳናዎ።

16 “ናናይ ኦልዳ ናጋራ ድራው፣ አዋቱዋ ዎቆናዉ በሰና፣ ቃይ አዋቱ ኦልዳ ናጋራ ድራዉካ፣ ናናቱዋ ዎቆናዉ በሰና። አሳይ ኡባይ ባረ ኦልዳ ናጋራን ናጋራን ሀይቃናዉ በሰ።

17 “ካረ ቢታ አሳቱ ፕርዳን አዉ አታ ባይናዋንቱ ፕርዳ ደሽሶፓ፣ አምአት ማዩዋ አ ታልኤዳዎ ጋደ ኦይቆፓ።

18 ሀንተካ ግብጾ ጋድያን አይልያ ግዴዳዋን መድና ጎዳይ ሀንተ ጸሳይ ሀንተና ፖፕ ዋዚደ ከሴዳዎ ሀሳይተ። ታን ሀዋ ሀንተና አዛዝያዌ ሄዋ ድራሳ።

19 “ነ ሾይቃፕ ካላ ጫክያ ወደ፣ ነ ደጌዳ ምርቄያ ቆራናዉ ጉየ ቦፓ። መድና ጎዳይ ነ ጸሳይ ነ ኩሽያ ኦሶ ኡባን ኔና አንጃና ማላ፣ ሄዋ በትያዉ፣ አታ አዉ ባይና ናናቶን አምኤቶ አጋ።

20 ነ ዎጋራ አይፍያ ማጽያ ወደ፣ እቱን አተናን ዉርሳደ ማጻናዉ ላኤንሎ-ዋ ጉየ ሰሞፓ፣ አቱዳዎ በትያዉ፣ አታ አዉ ባይና ናናቶን አምኤቶ አጋ።

21 ነ ወይንያ አይፍያ ማጽያ ወደ፣ አቱዳዎ ቃርማናዉ ላኤንሎ-ዋ ጉየ ቦፓ፣ ሄዋ በትያዉ፣ አታ አዉ ባይና ናናቶን አምኤቶ አጋ።

22 ሀንተካ ግብጾ ጋድያን አይልያ ግዲደ ደኤዳዎ ደጎፕ። ታን ሀዋ ሀንተና አዛዝያዌ ሄዋ ድራሳ።

25

1 “ላኡ አሳቱ ዋላቁቲደ ፕርዳ ጎልያ የፕ፣ ዳናቱ ጌሻ ነ ልከ ጌደ፣ ናቄዳዎ ነ ባይዛንቻ ጌደ ፕርድና።

2 ባይዛንቻይ ዋቋ በሰያዎ ግደፕ፣ ትራን ግሰሲደ ዘክያ ሾጫናዉ ዳናይ አዛዘ፣ ያቶፕ ባይዛንቻይ ዳና ሰንላን ባረ ባይዙዋ ከና ሾጫቶ።

3 እ ኦይታሙዋ ጋካናዉ ሾጫቶፕ አትና፣ ሄዋፕ ዳሩዋ ሾጫቶፕ። ሄዋፕ ዳሩዋ አ ሾጫፕ፣ ነ እሻይ ነ ሰንላን ካዉሻና።

4 “ኡዲማን ካላ የድያ ቦራ ደና ቃቾፓ።

ሀይቄዳ እሻዉ አላናዉ በሰያባቱዋ

5 “እትፕ ደእያ እሻቱዋፕ እቱ ናኣ የለናን ሀይቆፕ፣ አ ማቻታ ሀራ ባደ ገሎፕ፣ እዘ አሰና እሻይ እዘ አኩ፣ እዘዉ ኮሽያዎ ፖሎ።

6 ያቶፕ ሀ ሀይቄዳዎ ሱንላይ እሰራኤልያፕ ፕተት ቆየናዳን፣ አ ኮይሮ የልያ አቱማ ናአይ ሀ ሀይቄዳዎ ሱንላን ጸገቶ።

7 “ግደ ሸን፣ እ ባረ እሻ ማቻቶ አካናዉ ኮያና ቆየፕ፣ እዛ ካታማ ፕንግያን ኡቱዳ ጭማቱዋኮ ባደ፣ ታ አሰና እሻይ ባረ እሻ

24:1 ማቶሳ 5:31፣ 19:7፣ ማር. 10:4 24:7 ከሳ 21:16 24:8 ዋጋ 13:1—14:54 24:9 ፓይ. 12:10 24:10 ከሳ 22:26-27 24:14 ዋጋ 19:13 24:16 2 ካታ. 14:6፣ 2 ኡዲዋ 25:4፣ ህዘ. 18:20 24:17 ከሳ 23:9፣ ዋጋ 19:33-34፣ ዛር. 27:19 24:19 ዋጋ 19:9-10፣ 23:22 25:3 2 ቆር. 11:24 25:4 1 ቆር. 9:9፣ 1 ጸዋ. 5:18 25:5 ማቶሳ 22:24፣ ማር. 12:19፣ ሉቃሳ 20:28 25:7 ኡሩቶ 4:7-8

ሱንሳይ እስራኤልያን ደእናው ኮይቤና፤ ታና አኪደ፡ ታው ኮሽያዋ ኩን።ናን እጹዳ፡ ያጋደ ማጋኑ።

8 ካታማ ጭማቱ አ ጸጊደ ኦቶኖ፤ ሀእካ፡ ታን እዞ አክኮ፡ ጊደ እጸጥ።

9 ሄ ሀይቄዳዋ ማቻቶ ጭማቱዋ ሰንሳን አኮ ሺቃደ፡ አ ገድያ ጫማጥ እቱዋ ከሳደ፡ አ ሶምኡዋን ጨቻ ጨቻደ ሀዋዳን ያጉ፤ ፍሪ እሻው ዘረሳይ ደእናው ኮየና አሳ ሶላ፡ ሀዋ ማላ ካውሻይ ጋካናው በሴ፡ ያጉ።

10 እ ዛሪ እስራኤልያን፡ ጫማ ከሴዳዋንቱ ሶያ፡ ጌተት ጸገቲደ ደእና።

ሀራ ህገቱዋ

11 “ላኡ አሳቱ ዋጋትሽን፡ እቱዋ ማቻታ ያደ፡ ባረ አሰና ሾጭያዋ ኩሽያጥ አሻናው፡ ባረ ኩሽያ የዳደ ህንኩዋ እቱማተላ ኦይቆጥ።

12 እዘው አይነ ቃረተናን እ ኩሽያ ቃንጽተ።

13 “ነ ኬሻ ግደን ዴጸነ ካውሻ ግዴዳ ላኡ ሚዛናቱ ደእና።

14 ነ ሰን ዳርሲደነ ጉሊደ ልክያ ላኡ ማክያባይ ደእጎ።

15 መጅና ጎዳይ ነ ጸሳይ ነው እምያ ጋድያን አዲሳ ላይላ ነ ደእናዳን ኩመንላነ ልክ ሚዛናይነ ማክያባይ ነው ደእ።

16 አያው ጎጥ፡ መጅና ጎዳይ ነ ጸሳይ ሄዋ ማላባ ኦሊደ፡ ባለሉዳ አሳ ኡባ ሻቴ።

እማሌቃቱዋ ዋቋናው እመቲዳ አዛዙዋ

17 “ህንተ ግብጾጥ ከሲደ ቢደ ደእሸን፡ እማሌቃቱ ህንተ ሶላ ኦሌዳዋ ሀሳይተ።

18 ኡንቱንቱ ጸሳው ያየና አሳ፤ ህንተ ኦግያን ህንተናና ኤቀቲድና። ህንተ ሄመትሸን፡ ዳቡሪደ ጉየ እቲዳ አሳ ኡባ ዋቋድና።

19 ሄዋ ድራው መጅና ጎዳይ ህንተ ጸሳይ ህንተና ሄ ቢታ ላትሲደ፡ ህንተ የሹዋን ደእያ ሞርከቱዋ ኡባጥ ህንተና ሸምጥሰያ ዋደ፡ ሀ ጋድያን ኡንቱንታ ሀሳይያ አሳይ ቆያና ጋካናው፡ እማሌቃቱዋ ኡባ ሳሉዋ ጉፋንሳጥ ቆይሰተ፤ ሄዋ ኦላናዋ ሙላካ ደጎጥተ።

26

ባይራ ካላ ያርሹዋ

1 “መጅና ጎዳይ ህንተ ጸሳይ ህንተና ላትሰያ ቢታ ገሊደ ኡትያ ዋደ፡

2 መጅና ጎዳይ ህንተ ጸሳይ ህንተንቶ እምያ ጋድያን ሞኬዳ ካላ ኡባጥ ባይራትያዋ ቁንኣና መጅና ጎዳይ ህንተ ጸሳይ ባረ ሱንሳይ ሄዋን ጸሰታናዳን ደራዳ ሳአው አኪደ ቢተ።

3 ያቲደ ሄ ዋድያን አዋትያ ቄሰያኮ ቢደ፡ ሀዋዳን ያግተ፤ “መጅና ጎዳይ ኦ እማና ጊደ ካሰ ኦ ማይዛ አዋቶ ጨቄዳ ሳኣ ታና ገልሴዳ መጅና ጎዳው፡ ኦ ጸሳው፡ ሀቕ ታን ማርካታይ፡ ያጎ።

4 “ያቶጥ ቄሲ ካላይ ኩሚዳ ቁንኣ ነ ኩሽያጥ አኪደ፡ መጅና ጎዳው፡ ነ ጸሳው ያርሸያ ሳኣ ሰንሳን ዋላ።

5 ሄዋጥ ጉይያን፡ መጅና ጎዳ ነ ጸሳ ሰንሳን ሀዋዳን ያጋደ ሃሳያ፤ ታ ማይዛ እው ደእያሳ ቆይደ መቶቲዳ ሶርያ ቢታ አሳ፤ እ መቶቲደ፡ ገይዳዋን ጉላ አሳቱዋና ግብጾ ዋቋደ ያን ደኤዳ። ሄዋን ደኤዳ አ ዋልቃማ ዋልቃማን ገይዳዋን ጮራ ጋደ ከሴዳ።

6 ሄዋ በኢደ፡ ግብጾቱ ኦው መቀላ ኢቲድና፤ ኦና ኡንኤሌድና። ኦ ኦላናዳን ዴጸ ኦሱዋ ኦ ሶላ ጫኔድና።

7 ያትና፡ ኦን መጅና ጎዳው፡ ኦ አዋቱዋ ጸሳው፡ ዋሴደ። መጅና ጎዳይ ኦ ዋሱዋ ሰሴዳ፤ ኦ ኡንኡዋ፡ ኦ ዳቡራነ ኦ ኡቁና በኤዳ።

8 መጅና ጎዳይ ባረ ዋልቃማ ኩሽያንን ባረ ሞጨቲዳ ቀሰያን፡ ዋልቃማ ዲጋማን፡ ማላታንን ማላልሰያ ኦራሳባ ኦሉያዋን፡ ኦና ግብጾጥ ከሴዳ።

9 ሀ ሳኣ ኦና አሂደ፡ ማላነ ኤሳ ጎግያ ሀ ቢታ ኦው እሚዳ።

10 ሄኮ ታን መጅና ጎዳይ እሚዳ ቢታ አይፍያጥ ኮይሩዋ አሃድ፡ ያጋደ፡ ቁንኣ መጅና ጎዳ ነ ጸሳ ሰንሳን ዋላደ፡ አ ሰንሳን ጎይና።

11 ነውነ ነ ሶ አሳው መጅና ጎዳይ ነ ጸሳይ እሚዳዋን ናሸቲደ፡ ጋላትተ፤ ሌዋቱን ህንተ ግደን ደእያ በተቱ ኡባይካ ህንተናና ናሸትና።

12 “አሰራታ ከሰያ ሄዛንላ ላይላን ላይላን ሞኬዳዋ ኡባጥ አሰራታ ከሳደ ፖልያ ዋደ፡ ነ ካታማን ደእያ ሌዋቶ፡ በተቶ፡ አታ እው ባይናዋንቶን እምኤቶ እማ፤ ያቶጥ ኡንቱንቱ ህንተ ካታማን ባረው ኮሽያ ካላ ማና ካላና።

13 ሄዋጥ ጉይያን መጅና ጎዳው፡ ነ ጸሳው፡ ሀዋዳን ያጋ፤ ታን ታ ጎለጥ ጸሳው ዲማቲዳ ካላ ከሳደ፡ ኔን ታና አዛዜዳ ነ አዛዙዋዳን ሌዋቶ፡ በተቶ፡ አታ እው ባይናናቶን እምኤቶ እማድ። ታን ነ አዛዙዋጥ እቱዋን መንላበይከ፤ ቃይ እቱዋን ደጋ አጋበይከ።

14 ታ ካዩዋ ዋደካ፡ ሄ አሰራታጥ አይነ ማበይከ፤ ታን ዋጋን ጌሻ ግደና ዋደካ፡ አጥ ካረ ከሴዳዌካ ባዋ፤ ሀይቄዳ አሳውካ እጫ ሄዋጥ ዋላበይከ። ታን መጅና ጎዳው፡ ታ ጸሳው፡ አዛዙታድ፤ ቃይ ኔን ታና አዛዜዳዋ ኡባ ፖላድ።

15 ኔን ደእያ ጌሻ ሳኣጥ፡ ሳሉዋጥ ሄ ዲገ ዴላ፤ ነ ደርያ እስራኤላነ ካሰ ኦ ማይዛ አዋቶ ነ እማና ጋደ ጨቄዳዋዳን ኦው እሚዳ ሀ ማላይነ ኤሳይ ጎግያ ቢታ ኡንጃ፡ ያጋ።

ጸሳው ዲማቲዳ አሳ

16 “ኔን ሀ አዋቶቲዋን ዋጋቲዋ ናጋናዳን፡ መጅና ጎዳይ ነ ጸሳይ ኔና ሀቕ አዛዜዳ፤ ሄዋ ድራው፡ ኔን ኡንቱንታ ነ ኩመንላ ዋዛናጥነ ኩመንላ ሸምጥጥ ናጋ።

17 መጅና ጎዳይ ነው ጸሳ ግዴዳዋ፡ ነ አ ኦግያን ሀመትያዋ፡ አ ዋጋ፡ አ አዛዙዋን አ ሀግያ ኔን ፖልያዋ ሀቕ ኤርሳዳ።

18 ቃይ መጅና ጎዳይካ ባረ ገሌዳ ቃላዳን ኔን አ አሳ ግድያዋ፡ እው ቡዞ ሚሻ ግድያዋን ኔን አ አዛዙ ኡባ ናጋናዋ ኤርሴዳ።

19 ሄዋ ኔን ኦላጥ፡ እ መጄዳ አሳ ኡባጥ ኔና ጋላታን፡ ሱንሳንን ቦንቱዋን ዋልቃማ ጋደ ኦላና

25:13 ዋጋ 19:35-36 25:17 ከሳ 17:8-14፤ 1 ሳሜላ 15:2-9 26:2 ከሳ 23:19 26:12 ዛረ. 14:28-29 26:18 ከሳ 19:5፤ ዛረ. 4:20፤ 7:6፤ 14:2፤ ቲቶ 2:14፤ 1 ጳጵ. 2:9

መድና ጎዳይ ገሌዳ ቃላዳን ኔንካ አዉ ጌሻ ጋይ ግዳናዋ ሀች ኤርሴዳ” ያጌዳ።

ካና ገላናፕ ካሰቲደ እመቲዳ አዛዙዋ

27

(27:1—28:68)

ሹቻቱዋ ቦላ ጸፈቲዳ ሀገቱዋ

1 ሄዋፕ ጉይያን፣ ሙሴ እሰራኤልያ ጭማቱዋና ግዲደ፣ አሳ ሀዋዳን ያጌዳ፤ “ታን ሀች ሀንተና አዛዘያ አዛዙዋ ናግተ።

2 ዮርዳኖሳ ሻፋ ፕኒደ፣ መድና ጎዳይ ሀንተ ጸሳይ ሀንተንቶ እምያ ቢታ ገልያ ዋደ፣ ዋልቃማ ሹቻቱዋ ኤሲደ፣ ቦሹንቻን ኦክተ።

3 መድና ጎዳይ ሀንተ አዋቱዋ ጸሳይ ሀንተንቶ እማና ጌዳዋዳን፣ ኤሳይን ማሳይ ጎገያ ቢታ፣ መድና ጎዳይ ሀንተ ጸሳይ ሀንተንቶ እምያ ቢታ ሀንተ ፕንያ ዋደ፣ ሀ ሀገያ ቃላቱዋ ኡባ ሄ ሹቻቱ ቦላ ጸፍተ።

4 ሀንተ ዮርዳኖሳ ፕኒደ ዋደ፣ ታን ሀንተና ሀች አዛዘዳዋዳን፣ ሀ ሹቻቱዋ ኤባላ ደርያ ቦላን ኤሲደ፣ ኤንቱንታ ቦሹንቻን ኦክተ።

5 ሄ ሳኦን መድና ጎዳዉ፣ ሀንተ ጸሳዉ፣ ብራታ ሚሻይ ቦችቤና ሹቻፕ ያርሽያ ሳኦ አላተ።

6 ሄ ሀንተ መድና ጎዳዉ፣ ሀንተ ጸሳዉ፣ ያርሽያ ሳኦ ማሰትቤና ሹቻፕ አላተ፤ ያቲደ ሄዋ ቦላን መድና ጎዳዉ፣ ሀንተ ጸሳዉ፣ ጹግያ ያርሹዋ ሺሽተ።

7 እትፕተሳ ያርሹዋካ፣ ሄዋን ሚደ፣ መድና ጎዳ ሀንተ ጸሳ ሰንሳን ናሽተተ።

8 ሀ ሀገያ ቃላቱዋ ኡባ ቆንጭያን ቤትያዋዳን አሊደ፣ ሀ ሀንተ ኤሴዳ ሹቻቱ ቦላ ጸፍተ” ያጌዳ።

9 ሙሴ ቃይካ ሌዋያ ግድያ ቄሳቱ ዋና እትፕ ግዲደ፣ እሰራኤልያ አሳ ኡባዉ ሀዋዳን ያጌዳ፤ “ሀንተኖ እሰራኤልያ አሳዉ፣ ጮኤ ጊደ ሰሰተ! ሄኮ ሀች ሀንተ መድና ጎዳ ሀንተ ጸሳ አሳ ግዴድታ።

10 ሄዋ ድራዉ፣ ሀች ታን ሀንተንቶ እምያ አዛዘዋን አዋዩዋ ናገያዋን፣ መድና ጎዳ ሀንተ ጸሳ ቃላዉ አዛዘትተ” ያጌዳ።

አዛዘተናን እጽያዌ አሀያ ሸቃ

11 ሄ ጋላሰካ ሙሴ አሳ ሀዋዳን ያጊደ አዛዘዳ፤

12 “ሀንተ ዮርዳኖሳ ፕኒደ ዋደ፣ ጋሪዛማ ደርያ ቦላ ኤቂደ አሳ እንጃናዋንታ፣ ሰሞና፣ ሌዋያ፣ ይሁዳ፣ ይሳኮራ፣ ዮሴፎን ቢንያማ ዛራቱዋ።

13 ቃይ አሳ ሸቃናዉ ኤባላ ደርያ ቦላ ኤቃናዋንቱ፣ ርቤላ፣ ጋዳ፣ አሴራ፣ ዛብሎና፣ ዳና ጎፍታሌማ ዛራቱዋ።

14 ሌዋቱ ባረንቱ ቃላ ቶቁ አሊደ፣ እሰራኤልያ አሳዉ ሀዋዳን ያግኖ።

15 “መድና ጎዳ ሰንሳን ቱና ግዴዳዋ፣ ኩሽያ ሂላንቻይ ማሲደ ከሴዳ ሞላ ግድና፣ ዋይ ብራታ ትጊደ መዴዳ ኤቃ ግድና፣ አዉ ጌማን ጎይንያ አሳይ ሸቀቲዳዋ ግዶ ያግና፣ አሳይ ኡባይ፣ ‘አመንእ!’ ያጎ።

16 “ባረ አዉዋ ዋይ ባረ ዳዮ ካዉሽያ አሳይ ሸቀቲዳዋ ግዶ ያግና፣ አሳይ ኡባይ፣ ‘አመንእ!’ ያጎ።

17 “ባረ ሸሩዋ ዛዋ ሱግያ አሳይ ሸቀቲዳዋ ግዶ ያግና፣ አሳይ ኡባይ፣ ‘አመንእ!’ ያጎ።

18 “ቆቃይ ባናዉ በሰያ ኦግፕፕ ባላሳ ዛርያ አሳይ ሸቀቲዳዋ ግዶ ያግና፣ አሳይ ኡባይ፣ ‘አመንእ!’ ያጎ።

19 “ብትያ፣ አታ አዉ ባይና ናናቱዋ ፕርዳን አምአት ፕርዳ ገላዩዳ አሳይ ሸቀቲዳዋ ግዶ ያግና፣ አሳይ ኡባይ፣ ‘አመንእ!’ ያጎ።

20 “ባረ አዉዋ ማቻትና ግሲደ፣ ባረ አዉዋ ቦንቹዋ ካዉሽያ አሳይ ሸቀቲዳዋ ግዶ ያግና፣ አሳይ ኡባይ፣ ‘አመንእ!’ ያጎ።

21 “አይ መሀያናካ ግሰያ አሳይ ሸቀቲዳዋ ግዶ ያግና፣ አሳይ ኡባይ፣ ‘አመንእ!’ ያጎ።

22 “ባረ ሞቻቶ ግድያ፣ አዉዋ ናትና ግድና፣ ባረ ዳይ ናትና ግሰያ አሳይ ሸቀቲዳዋ ግዶ ያግና፣ አሳይ ኡባይ፣ ‘አመንእ!’ ያጎ።

23 “ባረ ቦሎታትና ግሰያ አሳይ ሸቀቲዳዋ ግዶ ያግና፣ አሳይ ኡባይ፣ ‘አመንእ!’ ያጎ።

24 “ባረ ሸሩዋ ጌማን ዋቲያ አሳይ ሸቀቲዳዋ ግዶ ያግና፣ አሳይ ኡባይ፣ ‘አመንእ!’ ያጎ።

25 “ሻሉዋን ሻመቲደ፣ ጽሎ አሳ ዋቲያ አሳይ ሸቀቲዳዋ ግዶ ያግና፣ አሳይ ኡባይ፣ ‘አመንእ!’ ያጎ።

26 “ሀ ሀገያ ቃላቱዋ ፖሊደ ሞንሰና አሳይ ሸቀቲዳዋ ግዶ ያግና፣ ‘አሳይ ኡባይ ‘አመንእ!’ ” ያጎ።

28

አዛዘትና ቤትያ አንጂዋ

(ዋጋ 26:3-13፤ ዛረ. 7:12-24)

1 “መድና ጎዳዉ፣ ነ ጸሳዉ፣ ፖሎ አዛዘቶፕ፣ ሀች ታን ነዉ እምያ አዛዘዋ ኡባ ሎይላደ ካሎፕ፣ መድና ጎዳይ ነ ጸሳይ ጋድያን ደእያ ካዉተላቱዋ ኡባፕ ኔና ቶቁ ቶቁ አላና።

2 መድና ጎዳዉ፣ ነ ጸሳዉ፣ ኔን አዛዘቶፕ፣ ሀዋፕ ካሊደ ደእያ አንጂ ኡባይ ነዋ ግዳናዋ።

3 “ኔን ካታማን አንጀቲዳዋ ግዳናዋ፤ ጋደርያንካ አንጀቲዳዋ ግዳናዋ።

4 ነ ኡሉዋ አይፊ፣ ነ ሸይቃ አይፊ፣ ነ መሀያ ማራቱን

ነ ዶርሳን ነ ዴሻ ዉድያ ማራቱ፣ ጮራቲደ አንጀቲዳዋንታ ግዳና።

5 ነ ካላ ቁንኦይን ነ ሙናቃ ከሪ

27:2 ኢያሳ 8:30-32 27:5 ከሳ 20:25 27:12 ዛረ. 11:29፤ ኢያሳ 8:33-35 27:15 ከሳ 20:4፤ 34:17፤ ዋጋ 19:4፤ 26:1፤ ዛረ. 4:15-18፤ 5:8 27:16 ከሳ 20:12፤ ዛረ. 5:16 27:17 ዛረ. 19:14 27:18 ዋጋ 19:14 27:19 ከሳ 22:21፤ 23:9፤ ዋጋ 19:33-34፤ ዛረ. 24:17-18 27:20 ዋጋ 18:8፤ 20:11፤ ዛረ. 22:30 27:21 ከሳ 22:19፤ ዋጋ 18:23፤ 20:15 27:22 ዋጋ 18:9፤ 20:17 27:23 ዋጋ 18:17፤ 20:14 27:26 ጋሊ. 3:10 28:1 ዛረ. 11:13-17

እንጀቱዳዋንታ ግዳና።
6 ኔን ገላደካ ከሳደካ
እንጀቱዳዋ ግዳና።

7 “ነ ሰላን ደንድያ ነ ሞርከቱዋ መድና ጎዳይ ነ ሰንላን ጸነቴዳዋንታ ኦላና። ኡንቱንቱ ነ ሰላ እት ኦግያና ያና፤ ሸን ላፑን ኦግያና ነ ሰንላፕ ባቃቲደ ጳያና።

8 “መድና ጎዳይ ነ ኩሺ ኦይቁዳዋ ኡባነ ነ ድይያ እንጃና፤ መድና ጎዳይ ነ ጸሳይ ነዉ እ እምያ ጋድያን ኔና እንጃና።

9 “ኔን መድና ጎዳ ነ ጸሳ አዛዙዋ ናጎፕን እ ኦግያን ሀመቶፕ፤ እ ነዉ ካሰ ጫቁዳዋዳን፤ መድና ጎዳይ ኔና ባረዉ ዲማቴዳ ጌሻ ጋደ ኦሊደ ኤሳና።

10 ሄዋፕ ጉይያን፤ ጋድያን ደእያ አሳይ ኡባይ መድና ጎዳ ሱንሳይ ኔናን ጸገቱዳዋ በኢደ ያያና።

11 መድና ጎዳይ ነዉ እማናዉ ካሰ ነ ማይዛ አዋቶ ጫቁዳ ሄ ጋድያን፤ ነ ኡሉዋ አይፍያ፤ ነ መሀያ አይፍያ፤ ነ ሾይቃ አይፍያ ዳርሲደ ኔና እንጃና።

12 “ነ ኩሸያ ኦሱዋ ኡባ እንጃናዉ፤ መድና ጎዳይ ነ ቢታዉ እራ ዋድያን ቡክሳናዉ ባረ ሞንጃ ጎልያ፤ ሳሉዋ ፕንግያ ነዉ ደያና፤ ቃይ ኔን ዳር ካዉተላቶ ታልአናፕ አትና፤ ኦፕን ሃ ታልአካ።

13 መድና ጎዳይ ኔና ሁጸ ከሳናፕ አትና፤ ጉየ ዲፊ ከሰና። ሀቼ ታን ነዉ እምያ፤ መድና ጎዳ ነ ጸሳ አዛዙዋ ሰሳይ፤ ሄዋ ሎይላደ ካሎፕ፤ ኔን ሰላ ግዳናፕ አትና፤ ጋርሳ ግዳካ።

14 ታን ነዉ ሀቻ እሜዳ አዛዙዋፕ ሀድርሳነ ኡሸቻ ጋደ፤ ሀራ ጸሳቱዋ ካሎፕን ኡንቱንቶ ኦላፕ።

አዛዙናን እጽያዌ አሀያ ሸቃ (ዋጋ 26:14-46)

15 “ሸን ኔን መድና ጎዳ ነ ጸሳ ቃላዉ አዛዙናን እጸደ፤ ሀቻ ታን ኔና አዛዘያ ዋጋን አዛዙዋ ኡባ ናገናን አጎፕ፤ ሀዋፕ ካሊደ ደእያ ሸቃቱ ኡባይ ነ ሰላ ያና ኔና ኡንቱንቱ ደማና።

16 “ኔን ካታማን ሸቃቱዳዋ ግዳና፤ ጋጸርያንካ ኔን ሸቃቱዳዋ ግዳና።

17 “ነ ካላ ቁንአይነ ነ ሙናቃ ከሪ ሸቃቱዳዋ ግዳና።

18 “ነ ኡሉዋ አይፊ፤ ነ ሾይቃ አይፊ፤ ነ መሀያ ዉዲ፤ ነ ድርሳነ ዳሻ ዉዲ ሸቃቱዳዋ ግዳና።

19 “ኔን ገላደካ ከሳደካ ሸቃቱዳዋ ግዳና።

20 “ኔን ነ ኢታ ኦሱዋን ታና አጌዳ ድራዉ፤ ኤለካ ኔን ጳያና ጋካናዉ፤ ነ ኦላያ ኦሶ ኡባን መድና ጎዳይ ሸቃ፤ ሻቢርሳነ ሴራ የዳና።

21 ኔን ላታናዉ ብያ ጋድያፕ ጳያና ጋካናዉ፤ መድና ጎዳይ ኢታ ሀርጊ ኔፕ ዲጸናዳን ኦላና።

22 መድና ጎዳይ ኔና ግልቃተላን፤ ሞሹዋንን ማዲላን፤ ጸግያ ሀርጊያንን ኩሻን፤ ጫርኩዋንን ዲማ ዲማ ካላ ሀርግያን ኔን ጳያና ጋካናዉ ሸጫና።

23 ኔፕ ሰላና ነ ልክያን ደእያ ሳሉ ናሃሰ ብራታ ግዳናዋ፤ ነ ቢታይካ ብራታ ግዳናዋ።

24 መድና ጎዳይ ነ ጋድያን ቡክያ እራ ጴልያን ባና ከሳና፤ ኔን ጋድያፕ ጳያና ጋካናዉ፤ ባናይ ሳሉዋፕ ዲገ ቡካና።

25 “መድና ጎዳይ ኔና ነ ሞርከቱዋን ጸንሳና፤ ኔን ኡንቱንታ ኦላናዉ እት ኦግያና ከሳና፤ ሸን ላፑን ኦግያና ነ ኡንቱንቱ ሰንላፕ ባቃታና። ቢታን ደእያ ካዉተላ ኡባይ ነ ሰላ ጋኬዳዋ በኢደ፤ ያሻን ሻቢርታና።

26 ነ አሃይ ሳሉዋ ካፋዋ ኡባዉን ባዙዋ ዶአዉ ቁማ ግዳና፤ ኡንቱንታ የደርሰያባይካ ደኤና።

27 “መድና ጎዳይ ኔና ጳሊ ባይና ግብጹ ማዲላን፤ ክጸን፤ እላሁዋንን ፑሱዋን ኔና ሀርግሳና።

28 መድና ጎዳይ ኔና ጎሻን፤ ቆቀተላንን ዳጋማን ሸጫና።

29 ጋላሳ ሴታን ኔን ቆቁ ጳማን ታታፍያዋዳን ታታፋና፤ ነ ኦላያባይ ኡባይ ነዉ ገገናን እጸና። ነ ደኦ ላይላ ኡባን ኡቁንታደነ ቦንቀታደ ደአና። ኔና ማድያ አሳካ ደማካ።

30 “ኔን ማጫ ናቶ ገግሳና ሸን፤ ሀራይ እዞ ቦንቁደ አፋና። ጎልያ ኔን ኬጸና፤ ሸን እን ደአካ። ዋይንያ ነ ቶካና፤ ሸን እ አይፍያ ማካ።

31 ነ ሰራይ ነ ሰንላን ሹከታና፤ ሸን እ አሹዋ ማካ። ነ ሀሪ ኔፕ ላገቲደ አከታና፤ ሸን ነዉ ጉየ ሰመና። ነ ድርሳይ ነ ሞርክያዉ እመታና፤ ሄዋ አሻናዉ ኔና ማድያዌ ባዋ።

32 ነ አይፍያ ሰንላን ነ አቱማ ናናቱን ማጫ ናናይ ሀራ ካዉተላዉ እመታና፤ ኡንቱንቱ ሰምና በአና ጋደ ጸልሸን፤ ነ አይፊ ጋልጃና፤ ሄዋ ድጋናዉ ነዉ አይ ዋልቃይነ ደኤና።

33 ነ ቢታ አይፍያን ነ ዳቡራዳዋ ኡባ ነ ኤረና አሳይ ማና፤ ነ ደኦ ኡባን ኡቁንቱዳዋን ናቀቱዳዋ ግዳና።

34 ነ በእያ ኢታይ ኔና ጎሻና።

35 መድና ጎዳይ ጳሊ ባይና ኢታ ማዲላን ነ ጉልባታን ነ ዋድርያ ሀርግሳና፤ የድያ ገድያፕ ሁጲያ ጋካናዉ፤ ኔና ሄ ማዲላን ሸጫና።

36 “መድና ጎዳይ ኔና ነ ካትያ፤ ኔና ግድና፤ ነ ማይዛ አዋቱዋ ግድናካ ኤርቤና አሳ ጋደ አፋና። ሄዋን ኔን ሞላፕን ሹቻፕ መጠቴዳ ሀራ ጸሳቶ ጎይናና።

37 መድና ጎዳይ ኔና ላልያ ሀራ ካዉተላቱዋ ኡባ ግደን ፖራ ሀዋንቱዋ ጊደ፤ ቅሊጭያዋን ካእያዋ ግዳናሳ።

38 “ኔን ዳር ካላ ነ ሾይቃን ዘራና፤ ሸን ሰሊ ሞ ድግና፤ ጉላ ካላ ሺሻና።

39 ዋይንያ ቶካደ፤ እ ኦላና፤ ሸን ጉጸኒ እ ሞ ድግና፤ አፕ አይነ ማጸካ፤ አጋደካ አፕ ኡሻካ።

40 ነ ቢታ ኡባን ዛይትያ ዋጋራይ ሞካና፤ ሸን አይፊ ቆቆፈት ክችና፤ ዋጋራ ዛይትያ ደማካ።

41 አቱማን ማጫ ናናቱዋ ነ የላና፤ ሸን ኦላይ ኦሞድ እፍ ድግና፤ ኡንቱንቱ ኔናና ደአክና።

42 ነ ሞላ ኡባን ነ ቢታ አይፍያ ሰሊ ዉርሳና።

43 “ነ ግደን ደእያ በቲ ነ ሰላ ጶቁ ጶቁ ጋና፤ ሸን ኔን ጉየ ያደ ዝቂ ዝቂ ጋና።

44 እ ነዉ ታልአናፕ አትና፤ ኔን አዉ ታልአካ፤ እ ሁጸ ግዳናዋ፤ ኔን ዲፊ ግዳናሳ።

45 “መድና ጎዳዉ፤ ነ ጸሳዉ፤ አዛዙናን እጸዳ ድራዉን እ አዛዜዳ አዛዙዋን ዋጋ ናገናን እጸዳ ድራዉ፤ ኔን ጳያና ጋካናዉ፤ ሀ ሸቃቱ ኡባይ ነ ሰላ ዋቆና፤ ኔና ኡንቱንቱ የደርሳና።

46 ሀ ሸቃቱ ነ ሰላንነ ነ ዛራቱ ሰላን መድናው ማላታነ ማላልሰያዎ ግዳናዎ።

47 ነው ሳኦይ እንጀቱዳ ዎደ። መድና ጎዳው። ነ ጸሳው። ናሸቻንነ ጋላታን ጎይናባካ።

48 ሄዎ ድራው። ኔና ኮሻን። ሳሙዎን። ካሉዎንነ መቱዎን ኡባባ ዳያደ። መድና ጎዳይ ነ ሰላ የድያ ነ ሞርከቶ ሞደታና፤ መድና ጎዳይ ኔና ዳይሳና ጋካናው። ነ ሞርግያን ብራታ ሞርገ ሞላ ዋጸና።

49 “መድና ጎዳይ ኔን ኡንቱንቱ ቃላ ኤሪና ካውተላ እንኩ ፓልያዎዳን ኤሌልሲደ። ቢታ ጋጸ። ሃኩዎፕ ነ ሰላ አሀና።

50 ኡንቱንቱ ሀንቁዎ ሰሞኡዎና ደእያዎንታ፤ ጭማ ሰንቹናዎንታ፤ ጉላቶካ ቃረተናዎንታ።

51 ኔን ዳያና ጋካናው። ነ መሀያ ማራነ። ነ ቢታ አይፍያ ማና። ኡንቱንቱ ኔን ዳያና ጋካናው። ነ ካላ። ነ ዎይንያ ኤሳ። ነ ዛይትያ። ነ ሚዛነ ነ ደርሳ ወድያ ወርሳና።

52 ነ ጋድያን ደእያ ኔን አማነትያ። አዲሳ። ሞኖ ድርሳቱ ሙላሳና ኮለታና ጋካናው። ነ ካታማ የሹዎን ደዲደ። ኔና ኡንኤላና። መድና ጎዳይ ነ ጸሳይ ነው እሜዳ ቢታ ኡባ የሹዎን ደዲደ ኔና ኡንኤላና።

53 “ነ ሞርከቱ ካታማ ደዲደ ኔና ኡንኤላያ ዎደ። ሞያዎ ዳያደ። መድና ጎዳይ ነ ጸሳይ ነው እሜዳ። ነ ኡሉዎ አይፍያ ግድያ። ነ አቱማ ናናቱነ ነ ማጫ ናናቱ አሹዎ ኔን ማና።

54 ነ ግደን ሀራይ አቶ ካሰ ሱረተላንነ አሸከተላን ደኤዳ ግያ አሰካ ባረ እሻው። ባረ ሲቅያ ማቻትውነ ባረ የሌዳ ናናቶ ቃረተና።

55 ሞርከቱ ካታማ ደዲደ ኡንኤላዳዎፕ ደንዴዳዎን። ሀራባይ ማናው ባይና ድራው። ባረ ሞያ ባረ ናናቱ አሹዎፕ ሀራው ኦሰነ እመና።

56 ነ ግደን ካሰ ሱረተላንነ አሸከተላን ደኤዳ ግያ። ባረ ድረተላፕ ደንዴዳዎን ሳኦ የዳናው ሻተትያ ማጫ ሞሽራታካ። ባረ ሲቅያ አሰናው ባረ አቱማነ ማጫ ናናቶ ቃረተና።

57 አ ባረ የሌዳ ናኦ ዬዳ ጉየባ ባረ ሲቅያ አሰናካ ባረ የሌዳ ናናቱዎካ ጋና። ኡዘታደ ጌማን ባረካ ማድጋና። አያው ጎፕ። ሞርከ ኦ ደእያ ካታማ ደዲደ እዞ ኡንኤላዳነ ቱጋዬዳ ድራው። እዞው ሞያባይ ሀራባይ አያይነ ባዎ።

58 “ሀ ማጻፋን ጸፈቱዳ ሀግያ ቃላቱዎ ኡባ ኔን ናጋና ዳዮፕ። መድና ጎዳይ ነ ጸሳይ ማላልሰያን ያሸያ ሱንላ ሰንቹናን አጎፕ።

59 ነ ሰላነ ነ ዛርያ ኡባ ሰላ መድና ጎዳይ ያሸያ ሰሻ። ሰመና ባሻነ ዳሊ ባይና ኢታ ሀርግያ ነ ሰላ የዳና።

60 “ካሰ ግብጾ አሳ ሰላ በኦደ። ኔን ያዬዳ ግብጾ ሀርግያ ኡባ ዛሪደ። ነ ሰላ አሀና፤ ሄ ሀርጊ ኔና የደና።

61 ቃይ ሀ ሀግያ ማጻፋን ጸፈትቤና ሀርገ ኡባነ ሰሻ ኡባ ነ ዳያና ጋካናው። መድና ጎዳይ ነ ሰላ አሀና።

62 መድና ጎዳ ሀንተ ጸሳ ቃላ ሰሰናን እጼዳ ድራው። ሳሉዎ ጸልንትያዳን ጮራቱዳ ሀንተፕ ጉላይ አታና።

63 መድና ጎዳይ ሀንተንቶ ሎኦባ ኦልያ ዎደነ ሀንተ ጋይዲዎ ጮራይያ ዎደ ደሴዳዎዳን። ሀእ ሀንተ ሰላን ባሻ አሀያ ዎደካ ሀንተና ላልያ ዎደካ ናሸታና፤ ሀንተ ላታናው ብያ ቢታፕካ ሸደቲደ ዳያና።

64 “መድና ጎዳይ ሀንተና ቢታው ሀ ጋጸፕ ያ ጋጸ ጋካናው። ቢታ ኡባን ላላና። ሄዎን ሀንተና ግድና። ዎይ ሀንተ ማይዛ አዎቱ ኤርቤና። ሀራ ሞላነ ሹቻ ጸሳቶ ጎይናና።

65 ሄ ካውተላቱዎ ግደን ሀንተ ዎፕ ደምክታ፤ ሀንተ ገድያ ጫማይ የድያ ሳኦ ኬሻ ጋዲካ ሀንተንቶ ደኤና። ሄዎን መድና ጎዳይ ሀንተንቶ መቶባ ቆፋ ጸላላን ኩሜዳ ሀጲያ። አሞ ጸላላን ደቡራዳ አይፍያነ ሀደታ ቃንጾዎን ኩሜዳ ዎዛና አማና።

66 ሀንተ ደኡ ኡባይ ሀርጋና ግዳናዎ፤ ጋላሰነ ቃማ ሻቢርሳንነ ሀይቁዎ ያሻን ኡንኤቲደ ደአና።

67 ሀንተ ዎዛናን ኩሜዳ ያሻፕነ ሀንተ አይፊ በእያ ፓላፕ ደንዴዳዎን። ሀንተ ዎንትያ ዎደ። ሳውደ ቃማንዴሻ፣ ቃይ ቃምያ ዎደ። ሳውደ ዎንታንዴሻ፣ ያጋና።

68 ታን ሀንተና። ሳኤንሶ ሀ ኦግያ ቢክታ፣ ጌዳ ኦግያና መድና ጎዳይ ሀንተና ዛሪደ ማርካብያን ጉየ ግብጾ የዳና። ሄዎን ሀንተ አይልያ ግዳናው። ሀንተ ሞርከቶ ሀንተና ዛልአናው ኮያና፤ ሸን ሀንተና አይለያናውካ ሻምያዎ ደምክታ” ያጌዳ።

29

ቃላ ጫቁዎ ኦራጹሳ (29:1—30:20)

1 መድና ጎዳይ ሲና ደርያን እስራኤላቱዎና ጫቁቱዳ ጫቁዎ ቃላ ሰላ ሀራ ሞኦበን ኡንቱንቱና ጫቁታናው ሙሳ አዛዜዳ ጫቁዎ ቃላቱ ሀዎንታ።

2 ሙሴ እስራኤልያ አሳ ኡባ ጼሰ ሺሺደ። ኡንቱንቶ ኦድያባይ ሀዎ።

“መድና ጎዳይ ሀንተ ሰንላን ግብጾ ካትያ ሰላ። አ ኦላንቻቱዎ ኡባ ሰላነ አ ቢታ ኡባ ሰላ ኡሌዳዎነ ጋሌዳዎ ሀንተ አይፍያን በኤድታ።

3 ሄ ኢታ መቶቱዎ። ዎልቃማ ማላልሰያዎንታን ኦራላባቱዎ ሀንተ አይፍያን በኤድታ።

4 ሸን ሀቻ ጋካናው። መድና ጎዳይ ሀንተንቶ አኬክያ ዎዛና። ጼልያ አይፍያነ ሰሰያ ሀይላ እምቤና።

5 ጸሳይ አይታሙ ላይላ ኩሙንላ ሀንተና ቢታ ባዙዎን ካለልያ ዎደ። ሀንተ ማዩ ሀንተ ሰላፕ ወርቤና። ሀንተ ጫማይካ ሀንተ ገድያፕ ወርቤና።

6 ሀንተ ሞያ ኡክላይ። ኡሸያ ዎይንያ ኤሳይ። ዎይ ሀራ ማላይያ ኡሻይ ባዎ፤ ዳዮፕካ መድና ጎዳይ ሀንተንቶ ጸሳ ግድያዎ ኤርሳድ።

7 “ኡን ሀ ሳኦ ጋኬዳ ዎደ። ሀሰባና ካቲ ሰሆንነ ባሳነ ካቲ ኦግ ኦናና ኦለታናው ዬድኖ፤ ሸን ኡን ኡንቱንታ ጸኔደ።

8 ኡንቱንቱ ቢታ አኪደ። ርቤላነ ጋዳ ዛራቱ ቃይ ሞናሰ ዛርያፕ ባጋው ላታ ኦሊደ እሜዳ።

9 “ህንተ ኦይቆባይነ የቶባይ ህንተንቶ ኢንጀታና ማላ፡ ሀ ጫቁዋ ቃላቱዋ አማነቲደ ፖልተ።

10 ሀቼ ህንተ ኡባይ፡ ዛርያ ካፓቱ፡ ጭማቱ፡ ሱንጎቱን እስራኤልያ አሳይ ኡባይ ሀዋን መቅና ጎዳ ሰንጎን።

11 ህንተ ናናቱዋና፡ ህንተ ማጫ አሳና ህንተ ግደን ደእያ ካረ ቢታ አሳና ህንተ ሶን ሞላ ቆርያን ሃላ ትክያ ኦሳንቻቱዋና እትፕ፡ ሀዋን ኤቄድታ።

12 መቅና ጎዳና፡ ህንተ ጸሳና፡ ቃላ ጫቁዋ ገላናው፡ መቅና ጎዳና ጫቁዋን ማዬዳዋ ፖላናው ገቢደ ሺቄድታ።

13 መቅና ጎዳይ ህንተና ባረ አሳ ኦሊደ ሞንሳና፤ ህንተንቶን በን ህንተ ማይዛ አዋቶ፡ አብራሃማው፡ ይሳቃውን ያቆባው ገሌዳ ጫቁዋ ቃላዳን፡ እ ህንተንቶ ጸሳ ግዳናዋ።

14 ታን ሀ ጫቁዋ ሚኖ ቃላ ጫቁዋ ኡዳ ዋልያዊ ህንተ ጸላላና ግዲደ።

15 ሀቼ ሀዋን ኡናና መቅና ጎዳ ኑ ጸሳ ሰንጎን ኤቄዳ ኑ ኡባና ሰንጎናው ያና ኑ የለታ ኡባና ዋሳይ።

16 “ኑን ግብጾን ዋን ደኤደንቶን ቃይ ሀዋ ጋካናው፡ ኦግያን ደእያ ካውተላቱዋ ግዲዋና ዋን አጂደ ዬደንቶ ኤሪታ።

17 ኡንቱንቱ ግደን ደእያ ቱና ኤቃ፡ ማሴዳ ሞላ፡ ሹቻ፡ ብራን ዋርቃ ኤቃ ሞሰለቱዋ በኤድታ።

18 ሀ ህንተፕ ኦንነ አቱማዋ ግድና ማጫዋ ግድና፡ እት ጎልያ አሳ ግድና ዛረ ግድና፡ መቅና ጎዳ፡ ኑ ጸሳ፡ ሸርእ ገደ፡ ሀራ ካውተላቱዋ ጸሳቶ ጎይነናዳን ናገት። ሄዋ ኦልያ አሳይ ጫምያን ዋቅያ አይፍያ አይፍያ ሞላ ጸጹዋ ግዳናዋ።

19 “ሀ ጫቁዋ ቃላ ሰሲደ፡ ባረ ዋዛናን፡ ታ ሸንያን ታን ቦፕካ፡ እያ መቱነ ባዋ ያገደ ባረና ጭምፕ፡ ሄዋ ማላ አሳይ ሎኦቱዋ ቦላን ኢታቱዋ ቦላ ባሻ አሀና።

20 መቅና ጎዳ ህንቁን ቃናቱ ሄዋ ማላ አሳ ቦላ ኤጽ ከሳናፕ አትና፡ መቅና ጎዳይ አ ማረና። ሀ ማጸፋን ጸፈቱዳ ሸቃ ኡባይ አ ቦላ ያና፤ ሳሉዋፕ ጋርሳ ባጋፕ አ ሱንጎ መቅና ጎዳይ ቆይሳና።

21 መቅና ጎዳይ ሀ ሀግያ ማጸፋን ጸፈቱዳ ሸቃ ጫቁዋዳን ሄ አሳ እስራኤልያ አሳፕ ሻኪደ ቆይሳና።

22 “ሰንጎፕ ይያ የለታይ፡ ህንተ ዛሪነ ሃኮ ደርያፕ ይያ ሀራ ቢታ አሳይ መቅና ጎዳይ ህንተ ቦላ አሄዳ ቦሻን ሀርግያ በአና።

23 ቢታ ኡባይ ዲንያንነ ማጽንያን ካመቲደ፡ እያ ጎእነ እመናዋ ግዳናዋ፤ እያን ዘራናውን ሞክሳናው ዳንዳየተና፤ እን ማታይ ሞላይ ድጩና። መቅና ጎዳይ ባረ ህንቁዋን ቆይሴዳ ሶደማዳንነ ጋሞራዳን፡ አዳማዳንነ ጸቦይማ ካታማቱዋዳን ሀናና።

24 ካውተላ ኡባይ ሀዋዳን ያጋና፤ ‘መቅና ጎዳይ ሀ ጋድያን ሀዋ ማላባ እያው ኦሌዴ? ሀ ዋልቃማ ህንቁዋ ጋሶ ግዴዳባይ አዬ?’ ያጋና።

25 “አሳይ ዛሪደ፡ ‘ኡንቱንቱ መቅና ጎዳይ፡ ኡንቱንቱ አዋቱዋ ጸሳይ፡ ኡንቱንታ ግብጾፕ

ከሰያ ዋደ፡ ኡንቱንቱና ገሌዳ ጫቁዋ ቃላ መንገዱ ድራሳ።

26 ቃይ ኡንቱንቱ ቢደ፡ ኤረና ጸሳቶን እ ኡንቱንታ ጎይናፕተ ጌዳ ጸሳቶ ጎይኔድኖ።

27 ሄዋ ድራው፡ መቅና ጎዳይ ህንቀቲደ፡ ሀ ማጸፋን ጸፈቱዳ ሸቃ ኡባ ኡንቱንቱ ቦላ አሄዳ።

28 መቅና ጎዳይ ዋልቃማ ህንቁዋ ህንቀቲደ፡ ኡንቱንቱ ጋድያፕ ኡንቱንታ ሹዲደ፡ ሀዋዳን ሀራ ቢታ የደርሴዳ ያጋና።

29 “ጹራ የዋቱ መቅና ጎዳ ኑ ጸሳሳ፤ ሸን ኑን ሀ ሀግያ ቃላ ኦላናዳን፡ ቆንጩዳ የዋቱ መቅናው ኡሳነ ኑ ናናቱዋሳ።

30

ጸሳኮ ሰሙሳን ቤትያ ኢንጂዋ

1 “ሀ ታ ህንተ ሰንጎን ዋሌዳ ኢንጂነ ሸቃይ ህንተ ቦላን ጋክያ ዋደ፡ መቅና ጎዳይ ህንተ ጸሳይ ህንተና ላልያ ሀራ ካውተላቱዋ ግደን ደኤደ፡ ሀዋ ህንተ ሀሳያና።

2 ሄ ዋደ ህንተነ ህንተ ናናይ መቅና ጎዳኮ፡ ህንተ ጸሳኮ፡ ሰሚደ፡ ህንተ ኩመንጎ ዋዛናፕነ ህንተ ኩመንጎ ሸምፕዋፕ ታን ሀቾ ህንተና አዛዜዳ ቃላው አዛዘቶፕ።

3 ሄዋን መቅና ጎዳይ ህንተ ጸሳይ ህንተ ኦሞዱዋ ዛራና፤ እ ህንተንቶ ቃረታና። መቅና ጎዳይ ህንተ ጸሳይ ህንተና ላሌዳ ካውተላቱዋ ኡባ ግደፕካ ዛሪደ ሸሻና።

4 ቢታ ጋጸ ጋካናው ላለቶፕካ፡ ሄዋፕ መቅና ጎዳይ ህንተ ጸሳይ ህንተና ዛሪደ ሸሻና።

5 ህንተ አዋቱ ካሰ ላቲዳ ቢታ ህንተካ ላታናዳን ጸሳይ ህንተ ጸሳይ ህንተና ሄ ቢታው አሀና። ያን ህንተና ህንተ አዋቱዋፕ አሊደ ዲረያናን ህንተ ፓይዱዋ ዳርሳና።

6 “ህንተ ደኡዋን ደአና ማላነ መቅና ጎዳ ህንተ ጸሳ ህንተ ኩመንጎ ዋዛናፕነ ህንተ ኩመንጎ ሸምፕዋፕ ሲቃናዳን፡ እ ህንተንቶን ህንተ ናናው አዛዘትያ ዋዛና እማና።

7 መቅና ጎዳይ ህንተ ጸሳይ ሀ ሸቃ ኡባ ህንተ ሞርከቱን ህንተና የደርሰያዋንቱ ቦላ አሀና።

8 ህንተካ ዛሪደ መቅና ጎዳው፡ ህንተ ጸሳው፡ አዛዘታና፤ ታን ሀቾ ህንተና አዛዘያ አ አዛዘዋካ ናጋና።

9-10 ህንተ ሀ ሀግያ ማጸፋን ጸፈቱዳ መቅና ጎዳ ህንተ ጸሳ አዛዘቱዋን አ ዋጋቱዋ ናጋናው መቅና ጎዳው፡ ህንተ ጸሳው፡ አዛዘቶፕ፡ ቃይ ህንተ ህንተ ኩመንጎ ዋዛናፕነ ህንተ ኩመንጎ ሸምፕዋፕ መቅና ጎዳኮ፡ ህንተ ጸሳኮ፡ ሰሞፕ፡ እ ህንተና ህንተ ኩሸያ አሶ ኡባን፡ ህንተ ኡሉዋ አይፍያን፡ ህንተ መሀያ አይፍያንነ ህንተ ቢታ አይፍያን ዳርሲደ አንጅና። እያው ጎፕ፡ ካሰ ህንተ አዋቱዋ አንጅያዋን ናሸቱዳዋዳን፡ መቅና ጎዳይ ሀእ ህንተና አንጅያዋንካ ናሸታና።

11 “ታን ሀቾ ህንተና አዛዘያ ሀ አዛዘ ሄዋ ኬሻ ዴጸ ግደና፤ ህንተፕ ሃኮካ ግደና።

12 ህንተ፡ ጥን ሰሲደ አዛዘታናዳን፡ ሳሉዋ ከሲደ ኑው ዋላናዊ ኦኔ?’ ጌናዳን ሳሉዋን ደኤና።

13 ጭን ሰሲደ አዛዘታናዳን፡ ኑዉ አባ ጥረደ አሀናዎ ኦኔ?፣ ጌናዳን አባ ሄፍንግን ደኤና።

14 ቃላይ ህንተንቶ ሎይላ ማታን ደኤ፤ ህንተ አላናዳን፡ ቃላይ ህንተ ዋዛናን ህንተ ዶናን ደኤ።

15 “በአተ፡ ታን ሀች ህንተ ሰንግን ደኤዋን ሎኦተ፡ ሀይቁዋን ባሻ ዋላድ።

16 ህንተ መድና ጎዳ ህንተ ጸሳ ሲቅያዎን አ ኦግያን ሀመትያዎን አ አዛዘቶ፡ አ አዋዩዋን አ ዋጋ ናግያዎን፡ ታን ሀች ህንተና አዛዘያ መድና ጎዳዉ፡ ህንተ ጸሳዉ፡ አዛዘቶ፡ ህንተ ደኤዋን ደኤናን ጮራታና፤ ቃይ ህንተ ላታናዉ ገልያ ጋድያን መድና ጎዳይ ህንተ ጸሳይ ህንተና አንጃና።

17 “ሸን ህንተ ዋዛናይ ዋራ ሰምና፡ ህንተ አዛዘተናን እጾ፡ ሀራ ጸሳቶ ጎይ፣፣ ቃይ ኤንቱንቶ አሶ፡፡

18 ህንተ ዉር ጃያናዎ ታን ሀች ህንተንቶ ኦዳይ። ዮርዳና ጥረደ፡ ህንተ ላታናዉ ብያ ጋድያን ህንተ ላይላይ አዲቀና።

19 “ታን ህንተ ሰንግን ደኤዋን ሀይቁዋ፡ አንጃዋን ሸቃ ዋሌዳዎ ሀች ሳሉዋን ሳኦ ህንተ ቦላ ማርካያና፤ ሰም ህንተን ህንተ ዛሪ ደኤዋን ደኤና ማላ፡ ደኤዎ ዶርተ።

20 መድና ጎዳ ህንተ ጸሳ ሲቅተ፤ አ ቃላ ሰሰተ፡ አዉ አዛዘትተ፤ አናና ኦይቀትተ። ሄዎዳን ሀና፣ መድና ጎዳይ ህንተዉ ደኤዎ። ካሰ ህንተ ማይዛ አዋቶ፡ አብራሃማዉ፡ ይሳቃዉን ያቆባዉ እማናዉ ጫቄዳ ጋድያን ህንተን ህንተ ናናይ አዲሳ ላይላ ደኤና” ያጌዳ።

ሙሴ ዉርሰሳ ሃሳያ

31

(31:1—33:29)

ኢያሱ ሙሴ ኮታን ሱንግግቴዳ (ፓይ. 27:12-23)

1 ሙሴ ጉጂድካ እስራኤልያ አሳዉ ሀዋዳን ያጌዳ፤

2 “ሀእ ታዉ ጸታን ላታሙ ላይላ ግዴዳ ድራዉ፡ ሀዋ፡ ሰንግናዉ ህንተና ካለላናዉ ዳንዳይከ፤ ሄዋ ቦላካ መድና ጎዳይ ታና፡ ጭን ዮርዳና ሄፍንግ ፕናካ፣ ያጊደ አዴዳ።

3 መድና ጎዳይ ህንተ ጸሳይ ህንተ ሰንግን ሀመቲደ ህንተና ካለላና። ሄዋን ደኤያ ካዉተላቱዎ እ ዉርሰያ ድራዉ፡ ኤንቱንቱ ቢታ ህንተ ላታና። ቃይ መድና ጎዳይ ጌዳዋዳን ኢያሱ ህንተና ካለላና።

4 መድና ጎዳይ አዋሪ ካተቱዎ ሰሆናን ኦጋ ጸኒደ፡ ኤንቱንቱ ቢታ ጃይሴዳዋዳን፡ ህንተ ሞርከቱዋካ ሄዋዳን አላና።

5 መድና ጎዳይ ኤንቱንቱ ህንተንቶ አላ እማና፤ ህንተ ኤንቱንቱ ቦላ ታን ህንተና አዛዘዳዋዳን አላና።

6 ሞንተ፤ አይነ ባዋ፤ ያዮ፣፣፡፡ ኤንቱንቱ በኢደ ዳጋዋ፣፡፡ አያዉ ጎ፡፡ መድና ጎዳይ ህንተ ጸሳይ ህንተና ግዳናዎ። አ ህንተና የገና ዋይ አገና” ያጌዳ።

7 ሄዋ፡ ጉይያን፡ ሙሴ ኢያሳ ጸሲደ፡ እስራኤልያ አሳ ኡባ ሰንግን ሃዋዳን ያጌዳ፡ “ምና፤ ገንጫ። አያዉ ጎ፡፡ ኔን ሀ አሳና እት፡ መድና ጎዳይ ኤንቱንቱ ማይዛ አዋቶ እማና ጊደ ጫቄዳ ቢታ ገልሳሳ፤ ሄ ቢታካ ኤንቱንታ ላትሳሳ።

8 እ መድና ጎዳይ ባሪ ሁጲያዉ ኔናና ግዲደ ኔና ካለላና። እ ኔና ኦለና፤ አይነካ ኔና አገና። ሄዋ ድራዉ፡ ያዮ፣፡፡ ነ ዋዛናን ዳጋዋ፡፡ ያጌዳ።

ሀጊ ላፑን ላፑን ላይላን ናባባታናዉ ኮሺ

9 ሙሴ ሀ ሀግያ ጸፊደ፡ መድና ጎዳ ጫቁዎ ታቦታ ቶክያ ቄሰ ግድያ ሎዊያ ናናቶን እስራኤልያ ጫማቶ ኡባዉ እጫዳ።

10 ሙሴ ኤንቱንታ ሀዋዳን ያጊደ አዛዘዳ፤ “አጩ ኡባይ አቶ ጌተትያ ላፑንላ ላይላ ዉርሰላን፡ ቦንቼትያ ዳሰያ ባላ ጋላሳን፡

11 መድና ጎዳ ህንተ ጸሳ ሰንግ እ ዶሬዳ ሳኦ አዉ ጎይናዉ እስራኤልያ አሳይ ኡባይ ሺቅያ ዎደ፡ ኤንቱንቱ ሰሰያዋዳን ናባብተ።

12 ኤንቱንቱ ኡባይካ ሰሲደ፡ መድና ጎዳዉ፡ ህንተ ጸሳዉ፡ ያይያዎ ታማራና ማላ፡ ሀ ሀግያ ቃላ ኡባ እማነቲደ ፖላና ማላ፡ አሳ፡ አቱማን ማጫ፡ ናናቱዋን ህንተ ጋድያን ደኤያ ካሪ ቢታ አሳ እት፡ ሺሸተ።

13 ሀ ሀግያ ቃላ ኤሪና ኤንቱንቱ ናናይካ ዮርዳና ጥረደ፡ ህንተ ላታናዉ ብያ ጋድያን ህንተ ደኤያ ላይላ ኡባን ሀ ሀግያ ሰሰና፤ መድና ጎዳዉ፡ ህንተ ጸሳዉ፡ ያይያዎ ታማርና” ያጌዳ።

ጸሳይ ሙሳ ዉርሰሳ አዛዘቶ አዛዘዳ

14 ሄዋ፡ ጉይያን፡ መድና ጎዳይ ሙሳ ሀዋዳን ያጌዳ፤ “በአ፡ ኔን ሀይቁያ ጋላሳይ ማቱዳ። እ ካለሰትያ አዛዘቶ አዉ ታን እማና ማላ፡ ኢያሳ ጸሳደ፡ ኔን አናና እት፡ ዳንካንያ ግደ ገልተ” ያግና፡ ሙሴን ኢያሱ ዳንካንያኮ ሸቄድና።

15 መድና ጎዳይ ሄ ዳንካንያን ሻርያ ቱሳን ኤንቱንቶ ቆንጩዳ፤ ሄ ሻርያ ቱሳይካ ዳንካንያ ፕንግያን ኤቄዳ።

16 መድና ጎዳይ ሙሳ ሀዋዳን ያጌዳ፤ “ኔን ማታን ሀይቃደ ነ አዋቱዋን ጋከታሳ። ኔ፡፡ ጉይያን፡ ሀ አሳይ ታዉ እማነተናዎ ግዳና፤ ታን ኤንቱንቱና ዎሌዳ ጫቁዎ መንላና። ኤንቱንቱ ታና አጊደ፡ ሻርሙጸቱዋዳን፡ ባሪንቱ ላትያ ጋድያን ደኤያ ኤቃቱዎ ካላና።

17 ሄዋ ሀንያ ዎደ፡ ታ ሀንቁ ኤንቱንቱ ቦላ ኤጽ ከሳና። ታንካ ኤንቱንታ አጋ አጋና፤ ታ ሰምኡዎ ኤንቱንቱ፡ ዎራ ዛራና። ያትና፡ ኤንቱንቱ ጃያና፤ ጮራ መቱነ ባሻይ ኤንቱንቱ ቦላ ያና። ሄ ዎድያን ኤንቱንቱ፡ ጭሙ ሀ መቱ ጋኬዳዌ ኑ ጸሳይ ኑ ግድን ባይናዎ ግሻሳ ግደኔ?፡ ያጊደ ኦቻና።

18 ሀራ ጸሳቶ ጎይኒደ፡ ኤንቱንቱ ሀኔዳ ኢታባ ድራዉ፡ ታን ሄ ጋላሰ ታ ሰምኡዎ ሙላካ ኤንቱንቱ፡ ዎራ ዛራና።

19 “ሄዋ ድራዉ፡ ሀእ ሀ ማዘሙርያ ጸፋደ፡ እስራኤልያ አሳ ኡባ ታማርሳ። ሀ ማዘሙራ ታዉ እስራኤልያ አሳ ቦላ ማርካ ግዳና ማላ፡ ኤንቱንታ የጽሳ።

30:20 ደሙላ 12:7፤ 26:3፤ 28:13 31:2 ፓይ. 20:12 31:4 ፓይ. 21:21-35 31:8 ኢያሳ 1:5፤ እብራ. 13:5
31:10 ዛሪ. 15:1፤ 16:13-15

20 ኢንቴንቲ ማይዛ አዋቶ ገሌዳ ቃላዳን፡ ማላይነ ኤሳይ ጎግያ ቢታ ታን ኢንቴንታ ገልሴዳዋፕ ጉይያንን ኢንቴንቲ ሞ ካሊደ፡ ዋዛናይ ሙሚዳዋፕ ጉይያን፡ ሀራ ጸሳቶ ጎይኒደ፡ ታና ካዳና፤ ታ ጫቁዋካ መንላና፡

21 ዳሮ መቱነ ባሻይ ኢንቴንቲ ቦላ ጋኬዳ ዋደ፡ ሀ ማዝሙሪ ኢንቴንቲ ናናቲ ደናፕ ድገተና ድራው፡ ኢንቴንቲ ቦላ ማርካ ግዳናዋ፡ አያው ጎፕ፡ ታን ጫቁዳ ቢታ ኢንቴንታ ብሮ ገልሴን ደአሽን፡ ሃናናካ ኢንቴንቲ ቆፕያ ቆፋ ኤራክቻድ” ያጌዳ፡

22 ሙሴ ሄ ጋላስ ሄ ማዝሙርያ ጸፊደ፡ አሰራኤልያ አሳ ታማርሴዳ፡

23 ሄዋፕ ጉይያን፡ መቅና ጎዳይ ኔዌ ናአ ኢያሳ ሀዋዳን ያጌደ አዛዜዳ፤ “ሞና፡ ገንጫ፤ ታን ኢንቴንቶ አማናው ቃላ ገሌዳ ቢታ አሰራኤልያ አሳ አፋደ ገልሳሳ፡ ታንካ ኔናና እትፕ ግዳና” ያጌዳ፡

24 ሙሴ ሀ ሀግያ ቃላቱዋ ኮይርፕ ወርሰላ ጋካናው፡ ጸፊደ ወርሴዳዋፕ ጉይያን፡

25 መቅና ጎዳ ጫቁዋ ታቦታ ቶክያ ለዋቱዋ ሀዋዳን ያጌደ አዛዜዳ፤

26 “ሀጌ ጸፊቱዳ ሀ ማጸፋ አፍተ፤ መቅና ጎዳ ሀንተ ጸሳ ጫቁዋ ታቦታ ማታን ዋሐተ፡ ሄዋን አ ሀንተ ቦላ ማርካ ግዳና ማላ ያን ዋሐተ፡

27 ሀንተ ዋይሳ ማካላንቸንቶን ዋይሳ ሞርግያ ቆሌፊንቶ ታን ኤራይ፡ በእተ፡ ታ ሀንተናና ደኤዳ ላይላ ኡባን ሀንተ መቅና ጎዳው ኢታ ማካላ፤ ሸን ታን ሀይቃ ክቶና፡ ኡባ ዋይሳ ማካላንቲ?

28 ሄዋ ድራው፡ ሀዋ ኡባ ታ ኢንቴንቶ ኦዳናው፡ ሳሉዋን ሳአ ታ ኢንቴንቲ ቦላ ማርካያናው፡ ሀንተ ዛርያ ካፕቱዋ ኡባን ደርያ ካለላያ አሳ ኡባ ታው ሺሸተ፡

29 ታ ሀይቁዳዋፕ ጉይያን፡ ሀንተ ሙላ ኢታ አሳ ግዳናዋን ታን ሀንተና ታማርሴዳ አዛዙዋፕ ዋራ ሰማናዋ ታን ኤራይ፡ እ ኦሎፕተ ጌዳ ኢታባ ሀንተ ኩሽያን አሊደ፡ መቅና ጎዳ ሀንቀላያ ድራው፡ ሰንላፕ ይያ ዋድያን ሀንተ ቦላ ኢታ ቦሻ አሀና” ያጌዳ፡

30 ሄዋፕ ጉይያን፡ ሙሴ ሀ ማዝሙርያ ቃላቱ ወራና ጋካናው፡ ሺቄዳ አሰራኤልያ ሺቄዋ ኡባ ሰሲደ ኦዳዳ፡

32

ሙሴ ማዝሙርያ

1 ሀንተኖ፡ ሳሎቶ፡ ታን ኦድያዋ ሰሰተ፤ ቢታይካ ታ ደና ቃላ ሰሶ፡

2 ታ ትምርቲ እራዳን ቡኮ፤ ታ ቃላቱካ ከተርሳዳን፡ ጸኩ ማታ ቦላን ዋቅያ ፑሰ እራዳንን ጫርሻ ቦላን ዋቅያ ፑሰያዳን ዋቅ፡

3 ታን መቅና ጎዳ ሱንላ አዋያና፤ ግታተላ ኦ ጸሳው እምተ፡

4 እ ኦ ዛላቱ፡ አ ኦሱዋን ፖኩ ባዋ፤ አ ኦገ ኡባይካ ሱረ፡ ኦ ጸሳይ አማካትያዋን ኢታተላይ ባይናዋ፤ እ ቱማንቻን ሱረ፡

5 ሀንተ አማካተናን አያውነ ፓፍ፡ ናጋራንቻን ባለላያ የለታ ግድያ ድራው፡ አ አሳ ግዳናው ሀንተ በሰክታ፡

6 ሀንተኖ ኤያን አኬክ ባይና አሳው፡ ሀንተ መቅና ጎዳው እምያ ዛሩ ሀዌ? እ ሀንተና መቅና ሀንተ አወዋ ግደኔ? እ ሀንተና መቅና፡ ሞንሰ ኤሴዳ፡

7 ካሰ ዋድያ ቆፕተ፤ ዳሮ የለታቱ ላይላካ አኬክተ፡ ሀንተ አዋቱዋ ኦቶተ፤ ኢንቴንቲ ሀንተና በሳና፡ ሀንተ ጭማቱዋካ ኦቶተ፤ ኢንቴንቲ ሀንተንቶ ኦዳና፡

8 ኡባፕ ዋልቃማይ ካውተላቶ ኢንቴንቲ ደኢያሳ ላትሴዳ ዋደ፡ አሳ ናናቱዋ ኢንቴንቲ ዛርያን ዛርያን ሻኬዳ ዋደ፡ አሰራኤልያ አሳ ፓይዳዋዳን፡ ኢንቴንቲ ዛዋ ኤሴዳ፡

9 አያው ጎፕ፡ ሻኩዋን መቅና ጎዳ ጋኬዳዋ አሰራኤልያ፤ ያቆብካ አ ጋኬዳ ላታ፡

10 ቢታ መላ ቢታን ኢንቴንቲ ሳሙዋን ደአሽን፡ ጫርኩዋ ጸላላይ ሱራግያሳን ብቻርሸን፡ ኢንቴንታ ደሚዳ፡ ያቲደ ባረ አይፍያ ቡሉዋዳን፡ ኢንቴንቶ ጎንዳለ ግዲደ፡ ኢንቴንታ ሞንሲደ ናጌዳ፡

11 አርጋንላይ ባረ ማራ ፓሉዋ ታማርሰያዋዳን፡ ባረ ሞጬዳ ቀፍያን ጋክ ኦይቁደ አሽያዋዳን፡ ሄዋዳን ጸሳይ ባረ ቀፍያን ሀጺደ ኢንቴንታ አሽዳ፡

12 ሀራ አላጋ ጸሰ ባይናን፡ መቅና ጎዳ ጸላላይ ባረ አሳ ካለላዳ፡

13 እ ቢታው ቶቃ ሳአ ኢንቴንታ ከሴዳ፡ ሾይቃን ሞኬዳ አይፍያ ኢንቴንታ ሞኬዳ፡ ዛላ ጸልቀላፕ ኢንቴንታ ኤሳ ሞኬዳ፤ ሹቻ ጋድያፕ ዛይትያ ሞኬዳ፡

14 ኢንቴንቲ መሀያ ወድያፕ መኤዳ ማላን ዴሻ ወድያፕካ ማላ፡ ደርሳ አንቃራን ጋልሳ ሚድኖ፤ ቃይ ባሳን ደርሳ ወድያን ዴሻ፡ ሎኦ ዛርጋ ሚድኖ፤ ሱላ ማላትያ ዋይንያ ኤሳካ ኡሺድኖ፡

15 ያኒደ ይሸሩን አርዴዳ፤ ማካሌዳ፤ ሞ ሚደ፡ ቦቦርጬዳ፡ ባረና መቅና ጸሳ አጌዳ፤ ባረ አቶተላ ዛላ ካቆዳ፡

16 ኢንቴንቲ አላጋ ጸሳቶ ጎይንያዋን አ ሞሽሴድኖ፤ ባረንቲ ቱና ኤቃቱዋን አ ሀንቀሌድኖ፡

17 ጸሳ ግደና ጸላሄቶ፡ ካሰ ኢንቴንቲ ኤርቤና ጸሳቶ፡ ዝኖ ከሴዳዋንቶ፡ ኢንቴንቲ አዋቱ ያይቤና ጸሳቶ ያርሼድኖ፡

18 ኢንቴንቲ ደኡዋ እሚዳ ዛላ ቆፕበይክኖ፤ ቃይ የል ድቹዳ ጸሳ ደጌድኖ፡

19 መቅና ጎዳይ ሄዋ በኢደ፡ ኢንቴንቲ ቦላ ሀንቀቱዳ፡ አ አቱማን ማጫ ናናቱዋ እጾዳ፡

20 ያቲደ ሀዋዳን ያጌዳ፤ “ታን ታ ሰምኡዋ ኢንቴንቲፕ ገንላና፤ ኢንቴንቲ ጌላን አማካተና አሳ ግድያ ድራው፡ ኢንቴንቲ አማርሳ ጮኡ ጋደ ጶላና፡

21 ጸሳ ግደናዋን ታና ሞሽሴድኖ፤ ባረንቲ ኤቃቱዋን ታና ሀንቀሌድኖ፡ ታንካ ኢንቴንቲ ዛረ ግደናዋንቱን ሞሽሳና፤ ኤያ አሳ ዛራቱዋን ታን ኢንቴንታ ሀንቀትሳና፡

22 ታ ሀንቁ ታማዳን ኤዲድ፣ ጋድያን ደእያዎ ኡባ ጸጋና። ሄ ታማይ ሰኦልያን ደእያዎናካ ጋሊደ ጸጋና፤ ደርያ ባሱዋ ጋካናው፣ ሄ ታማይ ማና።

23 “ታን ኢንቲንቶ መቼዋ መቼዋ ቦላ ዶራና፤ ታ ዋንዳፍያን ኢንቲንታ ዱካና።

24 ኢንቲንቱ ኮሻን፣ ጸግያ ሞሹዋን ኢታ ሀርግያን ወራና። ኢንቲንቱ ቦላ መቶ ጋህያ ባዙዋ ዶኦቱዋን ኢንቲንታ ዱክያ አላጋ ሾሻቱዋ ኢንቲንቱ ቦላ የዳና።

25 ቶራይ አገ ኡባን ኢንቲንቱ ናናቱዋ ወርሳና። ጎልያ ኡባን ሻቢርሳይነ ዳጋማይ ካተታና። ያላጋ አቱማዋንቱን ማጫዋንቱ ወራና፤ ጉላ ናናይካ ጭማቱካ አትክና።

26 ኢንቲንታ ታን ሃኮ ሳኦ ላላና፤ ሄዋጥ ጉይያን፣ ኢንቲንታ ሀሳይያባይ ጳያና።

27 ሸን ኢንቲንቱ ሞርከቱ፣ ናዎ ዋልቃይ ኢንቲንታ ጸኔዳ፤ ሀዋ ኡባ መጽና ጎዳይ ኦሎቤና፣ ያጊደ አቶሩዋን ጨቀተናን አገክኖ ያጋደ ቆጋድ” ያጌዳ።

28 እስራኤልያ አሳይ ዘርት ባይና አሳ፤ አኬክ ኢንቲንቶ ባዋ።

29 ኢንቲንቱ ጸንቲዳዌ አያንቶ በአናው ኢንቲንቶ እጸቲዳ፤ ባርንቱ ወርሰላይካ አየንቶካ ኤርክኖ።

30 እት ሻኦ አሳይ እት አሳን፣ ታሙ ሻኦ አሳይ ላኡ አሳን፣ ዋን ጸንቲዳ? ኢንቲንቱ ዛላይ ኢንቲንታ ዛልኤዳ ግሻሳን መጽና ጎዳይ ኢንቲንታ አላ እሜዳ ድራሳ ግደኔ!

31 ኢንቲንቱ ሞርከቱ ባርንቱ ጸሳይ ላፋ ግድያዋን እስራኤልያ ጸሳዳን ዋልቃማ ግደናዋ ኤሪኖ።

32 ኢንቲንቱ ዋይኒ ሶዶማ ዋይንያጥ፣ ጋሞራ ሾይቃጥ ዬዳዋ። ኢንቲንቱ ቴራይ ማርከ፤ ኢንቲንቱ ወርጫካ ጫምም።

33 ኢንቲንቱ ዋይንያ ኤሳይ ሾሻ ማርከ፤ ዋጵያ ማርከ ደእያ ሀሱዋ።

34 ጸሳይ፣ ሀዋ ታን ናጋደ ታ ማዘጎብያን አታማበይክታ?

35 ኢንቲንቱ ባሻ ጋላሳይ ማታቲዳ፤ ኢንቲንቱ ቦላ ጋካናባይ ኤሌሌ። ሄ ዋደ ኢንቲንቱ ገዲ ጱባታና። ታን ኢንቲንቶ ሀሉዋ ከሳና ኩሽያ ዛራና ያጌዳ።

36 ኢንቲንቱ ዋልቃይ ዳቡራዳዋን ኢንቲንታካ ማድያዌ ባይናዋ በኤዳ ዋደ፣ መጽና ጎዳይ ባሪ አሳው ፕርዳና፤ ባሪ ቆማቶካ ቃረታና።

37 እ ኢንቲንታ ሀዋዳን ያጋና፤ ኢንቲንቱ አማነትያ ኢንቲንቱ ጸሳቱ ሀቃነ? ኢንቲንቱ ባቃቲደ አ ግደን ቆሰትያ ኢንቲንቱ ዛላይ ሀቃነ?

38 ኢንቲንቱ ያርሹዋ ሞጱዋ ሜዳዋንቱ፣ ኢንቲንቱ ኡሻ ያርሹዋ ዋይንያ ኤሳ ኡሹዳዋንቱ ሀእ ደንዲደ፣ አነ ኢንቲንታ ማድኖ፤ አነ ኢንቲንታ አሸኖ።

39 ጸሳይ ታናቱ፣ ታ ጸላላይ ጸሳ። ታጥ አትና፣ ሀራ ጸሰ ባዋ። ዋጵያዌ፣ ደኡዋካ እምያዌ ታና፤ ታን ማዲጽሳደ፣ ታን ጋላና፤ ታ ኩሽያጥ ኦንነ አሸና።

40 ታ ኩሽያ ጉደ ደንላደ ሀዋዳን ያጋና፤ “ታን መጽናውካ ደኡ።

41 ጸሉጸሉ ግያ ታ ማሻ ሌፋደ፣ ፕርዳናው ታ ኩሽያን ኦይቂያ ዋደ፣ ታ ሞርከቱዋ ቦላ ታ ሀሉዋ ከሳና፤ ታና እጽያዋንቶ ኢንቲንቱ ኩሽያ ዛራና።

42 ታ ዋንዳፋቱ ኢንቲንቱ ሱላን ማላታና፤ ታ ማሻይካ ኢንቲንቱ አሹዋ ማና። ታና እጽያ ኡባካ ማርከ። ሀራይ አቶ ማዲጽዳዋንቱን አሞደቲዳዋንቱካ ሀይቃና” ያጋና ያጌዳ።

43 ሀንተኖ ካወተላቶ፣ ጸሳ አሳና ናሽተተ። እ ባሪ ቆማቱ ሱላ አቻና፤ ባሪ ሞርከቱዋ ቦላንካ ሀሉዋ ከሳና። ቢታን ደእያ ባሪ አሳ ናጋራካ አቶ ጋና ያጌዳ።

44 ሙሴነ ኔዌ ናእይ ኢያሱ እስራኤልያ አሳ ሰሲደ፣ ሀ ማዘመርያ ቃላ ኡባ ሃሳዬድኖ።

ሙሴ እሜዳ ወርሰላ ዘርያ

45 ሙሴ ሀ ቃላ ኡባ እስራኤልያ አሳ ኡባው ኦድ ወርሴዳ ዋደ።

46 ኢንቲንታ ሀዋዳን ያጌዳ፤ “ሀ ሀግያ ቃላ ኡባ ኢንቲንቱ ናጋናዳንነ አላናዳን ሀንተ ናናቱዋ አዛዛና ማላ፣ ሀቻ ታ ሀንተንቶ ማርካትያ ቃላ ኡባ ሀንተ ዋዛናን ዋላተ።

47 ሀ ቃላይ ሀንተንቶ ደኦጥ አትና፣ ጮ መላ ቃላ ግደና። ሀ ቃላ ናገጥ፣ ሀንተ ኖርዳናሳ ፕኒደ ላታና ቢታንካ አዲሳ ላይላ ደእና” ያጌዳ።

48 ሄ ጋላሳንካ መጽና ጎዳይ ሙሳ ሀዋዳን ያጌዳ፤

49 “ሞአበን እያርኮ ካታማጥ ሰንላ ባጋና ደእያ አባርማ ደረቱዋጥ አቱዋ፣ ሀን ናቦ ደርያ ከሳ፤ ሄዋን እስራኤልያ አሳ ታ ላትሳና ካናነ ቢታ ሄፍንላ ጸላ።

50 ነ እሻ አሮን ሆራ ደርያን ሀይቂደ፣ ባሪ ማይዛ አዎቱዋን ጋከቲዳዋዳን፣ ኔንካ ሀ ከሴዳ ደርያን ሀይቃደ፣ ነ ማይዛ አዎቱዋን ጋከታና።

51 እያው ጎጥ፣ ሀንተ ላኡካ እስራኤልያ አሳ ሰንላን ታው አማነትበይክታ፤ ጸና መላ ቢታን፣ ቃይሳ ካታማ ማታን ደእያ ማሪባ ሃላ ማታን፣ ታ ጌሻተላ እስራኤልያ አሳ በሰበይክታ።

52 ሄዋ ድራው፣ ቢታ ሃኩዋን ሄፍንላ ጸላናጥ አትና፣ ታን እስራኤልያ አሳ ላትሳና ቢታ ገላካ” ያጌዳ።

33

ሙሴ እስራኤልያ ዛራቱዋ ኡባ አንጄዳ

1 ጸሳ አሳ ግድያ ሙሴ ሀይቃናጥ ካሰተደ፣ እስራኤልያ አሳ አንጄዳ አንጄዋ ቃላይ ሀዋ።

2 እ ሀዋዳን ያጌዳ፤ “መጽና ጎዳይ ሲና ደርያጥ ዬዳ፤ ኤዶማጥ ኑ ቦላን ሃ ፖኤዳ፤ ፓራና ደርያጥ ባሪ አሳው ፖኤዳ። ሻኦን ፓይደትያ ኪታንቻቱ አናና ደኢኖ። አ ኡሽቻ ባጋና ታማ ላጩ ደኤ።

3 ጸሳው ኔን ነ አሳ ሲቃዳ። ጌሻቱ ኡባይ ነ ኩሽያን ደኢኖ፤ ነ ገድያ ጸጸዋን ጉልባቲደ ጎይኒኖ፤ ያቲደ ኔጥ አዛዙዋ አኪኖ።

4 ሙሴ እሜዳ ሀጊ ያቆባ አሳው ላታ።

5 እስራኤልያ ዛራቱ ኡባይነ ይሹሩና ዘርያ ካፓቱ ሸቂዳ ዋደ፣ ጸሳይ ባሪ አሳ፣ እስራኤልያ ቦላ ካተቲዳ።

32:35 ሮመ 12:19፤ እብራ. 10:30 32:36 ማዘ. 135:14 32:43 ሮመ 15:10፤ ሳፃ 19:2 32:48 ፓይ. 27:12-14፤ ዛሪ. 3:23-27

6 “ሮቤል ሀይቆፖ፤ እ ፓጸ ደኑ። አ አሳይካ ፓይዲዋን ጮራቶ” ያጌዳ።

7 ሙሴ ይሁዳ ዛርያባ ሀዋዳን ያጌዳ፤ “አቤት መድና ጎዳወ። ይሁዳ ዋሱዋ ሰሳ፤ ሀራ ባረ ዳቦቱዋና ኡንቱንቱ ጋከታናዳን አላ። ኡንቱንቱ ኩሽያ ምንግሳ፤ ኡንቱንቱ ባረንቱ ሞርክያና ኦለትያ ዋደ። ኔን ኡንቱንታ ማዳ!” ያጌዳ።

8 ሙሴ ሌዊያ ዛርያባ ሀዋዳን ያጌዳ፤ “ነ ቱሚምነ ኡሪሚ ነ ደሴዳ አሳሳ። ኔን ማሳሀን ፓጮዳ፣ ማሪባ ሃላን ፓሉመቱዳ አሳሳ።

9 ባረና የሌዳዋንቱ፣ ባረ እሻቱዋ፣ ባረንቱ ናናቱዋ፣ አሳይ፣ ኡንቱንቱ ነዉ አማነቱዳዊ አዴ፤ ነ ጫቁዋ ቃላዉ ኡንቱንቱ አማነቱድኖ።

10 ኡንቱንቱ ነ ዋጋ ያቆባ፣ ነ ሀግያካ እሰራኤልያ ታማርሲኖ። ነ ሰንላን እጻና ጩዋዪኖ፤ ነዉ ያርሸያሳን ኡባና ጸግያ ያርሹዋ ያርሺኖ።

11 አቤት መድና ጎዳወ ኡንቱንቱ ኩሺ አሌዳዋ እንጂ፤ ኡንቱንቱ አልያ ኡባባን ነ ናሽትያዋ ኡንቱንቱ ቆንጭሳ። ኡንቱንቱ ቦላ ደንድያዋ መንግራላ አላ፤ ኡንቱንቱ ሞርከቱዋ ላኤንላ ደንሳፓ” ያጌዳ።

12 ቢንያማ ዛርያባ ሀዋዳን ያጌዳ፤ “መድና ጎዳይ ሲቆዳ አሳይ እን አማነቱደ ደኤ። ጋላሳ ኩመንላን ኡንቱንታ መድና ጎዳይ ናጌ፤ ባረ ሀሽያን ቶኪደ ሸምፕሴ” ያጌዳ።

13 ዮሴፎ ዛርያባ ሀዋዳን ያጌዳ፤ “መድና ጎዳይ እራ እምያዋን፣ ጋድያ፣ ሃላ ፑልትሰያዋን፣ ኡንቱንቱ ቢታ እንጂ።

14 አዋይ ካሳያ ደረቱዳ አይፍያንነ ዋድያን ዋድያን ካእያ አይፍያን እንጂቶ።

15 በንፕ ደእያ ኡንቱንቱ ደረቱነ ዘዜቱ ሎኦ አይፍያን እንጂቶ።

16 ኡንቱንቱ ቢታይ ሎኦባ ጸላላ ኩሜዳዋ ግደ፤ ቡራን ኤጽያ ታማ ግደን ሃሳዬዳ፣ ጸሳፕ ቤትያ እንጂ ጸላላን ኩሜዳዋ ግደ። ሀ እንጂቱ ኡባይ ዮሴፎ ዛርያ ጋክኖ፤ አያዉ ጎፕ፣ እ ባረ እሻንቱ ግደን ካፑዋ።

17 ዮሴፎ ኮይሮ የለቱዳ ኮሩማዳን ሞኖ፤ አ ካጩቱ መንላ ካጭያዳን ሞኖ። አ ካጩቱ ሻእን ፓይደትያ ሞናሰ ዛራቱዋ፤ ታሙ ሻእን ፓይደትያ ኤፍራማ ዛራቱዋ። ሄ ካጩቱዋን እ ካዉተላቱዋ ቃይጫ፤ ቢታ ጋጸ ጋካናዉ ኡንቱንታ እ ሱጋና” ያጌዳ።

18 ዛብሎና ዛርያባ ሀዋዳን ያጌዳ፤ “ኔኖ ዛብሎና፣ ኔን ነ ከሳን ናሽታ፤ ይሳኮራ፣ ኔንካ ነ ዲንካንያን ናሽታ።

19 ኡንቱንቱ ካረ ጋደ አሳ ባረንቱ ደርያኮ ጸሳና፤ ሄዋን ኡንቱንቱ ጌሻተላ ያርሹዋ ያርሻና። ባረ አቁዋን ባረንቱ ዲረተላ፣ አባፕነ አባ ማታ ሻፍያ፣ ጸማና” ያጌዳ።

20 ጋዳ ዛርያባ ሀዋዳን ያጌዳ፤ “ኡንቱንቱ ቢታ አሴዳ ጸሳይ ጋላተቶ፤ ጋድ ሞርክያ ሰምኡዋ መንላናዉ፣ ጋሙዋዳን ሻንካቱ።

21 ካፓቶ ጌዳ ሎኦ ቢታ ኡንቱንቱ አኬድኖ፤ እሰራኤልያ ካፓቱ ሸቆዳ ዋደ፣ ኡንቱንቱ መድና ጎዳ ሸንያን ጌሻ ፕርዳ ፕርዳድኖ” ያጌዳ።

22 ዳን ዛርያባ ሀዋዳን ያጌዳ፤ “ዳን ዋዳላ ጋሙዋ ማላ፤ እ ባሳነፕ ጉፒደ ከሳና” ያጌዳ።

23 ንፍታሌማ ዛርያባ ሀዋዳን ያጌዳ፤ “ንፍታሌም መድና ጎዳ አዴ ከካተላንነ እንጂዋን ዲረቱዳ፤ ኡንቱንቱ ቢታይ ጋሊላ አባፕ ቢደ ገድሳ ባጋ ጋኬ” ያጌዳ።

24 አሴራ ዛርያባ ሀዋዳን ያጌዳ፤ “አሴር ሀራ ዛራቱ ኡባፕ አዲደ እንጂቱዳዋ። ባረ እሻቱዋንካ ደሰቱዳዋ ግደ። አ ቢታይ ዛይትያን ዲረቶ።

25 ኡንቱንቱ ካታማቱካ ብራታ ካርያን ጎርደቲደ ናገትኖ፤ ባረ ላይላ ኡባን እ ዋልቃማ ግድኖ።

26 “ኔኖ ይሸሩና፣ ሳሉዋፕ ህንተና ማዳናዉ፣ ባረ ግታተላን ሻራን ሀመትያ ህንተ ጸሳ ማላ ጸሰ ባዋ።

27 መድና ጎዳይ ህንተንቶ ደኡዋ፤ አ መድና ኩሽቱ ህንተፕ ጋርሳና ደኢና። እ ህንተ ሰንላፕ ህንተ ሞርከቱዋ የደርሴዳ፤ ህንተ ኡንቱንታ ዉርሰ ዳይሳናዳን ህንተንቶ ኦዴዳ።

28 ሄዋ ድራዉ፣ እሰራኤልያ አሳይ፣ ቦቕያዊ ባይናን ሳርተላን ደኢና፤ ያቆባ ፑልቱ ቁማይነ ዋይንያ ኡሳይ ኩሜዳ ጋድያን ደኢና፣ ሳሉዋ እራይ ቡክያሳን ደኢና።

29 ህንተኖ እሰራኤልያ አሳዉ! ህንተ ዋት እንጂቱድቱ! መድና ጎዳይ አሸዳ ህንተ ማላይ ኦኔ? እ ህንተንቶ ጎንዳላን ህንተና ማድያዋ፤ እን ህንተ ጸንያ ማሻ። ህንተ ሞርከቱ ህንተ ሰንላን ጉፋናና፤ ህንተካ ኡንቱንቱ ጌሱዋ ላላና” ያጌዳ።

34

ሙሴ ሀይቁዋ (34:1-12)

1 ሙሴ ሞኣባ ደምባፕ ደንዲደ፣ ናቦ ደርያ ሁጲያ፣ ቃይ ያርኮፕ አዋይ ዶልያ ባጋና ደእያ ፕሰጋ ደርያ ሁጲያ ጋኬዳ። ሄዋን መድና ጎዳይ ዳና ጋካናዉ ደእያ ጋላኢደ ቢታ።

2 ንፍታሌማ ቢታ ኡባ፣ ኤፍራማን ሞናሰ ቢታ፣ አዋይ ዉልያ ባጋና ቢደ ሜድተራን አባ ጋካናዉ ደእያ ይሁዳ ቢታን

3 ገድሳ ባጋና ጸኣራፕ ደንዲደ፣ ዛምባይ ደእያ እያርኮ ካታማ፣ ዛንጋራን ደእያ ደምባ ኡባ በሴዳ።

4 መድና ጎዳይ ሙሳ ሀዋዳን ያጌዳ፤ “አብራሃመዉ ይሳቃዉን ያቆባዉ፣ ታን ህንተ ዛርያዉ እማና፣ ያጋደ ጫቁዳ ቢታይ ሀዋ። ሀእ ኔን ነ አይፍያን በአናዳን ታን ኦላድ፤ ሸን ኔን ያ ፕናካ” ያጌዳ።

5 መድና ጎዳ ቆማ ሙሴ መድና ጎዳይ ጌዳዋዳን፣ ሄዋን ሞኣባ ጋድያን ሀይቁዳ።

6 መድና ጎዳይ ቤት-ፓኦራ ካታማፕ ሰንላ ባጋን ሞኣባ ዛንጋራን አ ሞጌዳ፤ ሸን ሀቕ ጋካናዉ፣ እ ሞጌቱዳ ሳኦ ኤርያ አሳይ ባዋ።

7 ሙሴ ሀይቁዳ ዋደ፣ እ ላይላይ ጴታነ ላታማ፤ ሸን አዉ አይፊ እጽቤና፤ እ ዋልቃይካ እጽቤና።

33:8 ከሳ 17:7፤ 28:30፤ ፓይ. 20:13 34:4 ደመላ 12:7፤ 26:3፤ 28:13

8 እስራኤልያ አሳይ ሞኔባ ደምባን ሀታሙ ጋላሳ ሙሴዉ ዩኬድኖ። ሄዋፕ ጉይያን፣ ሙሴዉ ዩክያን ካዮትያ ዎዲ ዉሪዳ።

9 ኔዌ ናአይ ኢያሱ እጄዳ ኤራተላ አያናን ኩሜዳ፤ አያዉ ጎፕ፣ ሙሴ ባረ ኮታን እ ኦላናዳን፣ እ ቦላ ባረ ኩሽያ ዎሴዳ። እስራኤልያ አሳይ ኢያሱዉ አዛዘቲዳ፤ መቅና ጎዳይ ሙሴ ባጋና እሜዳ አዛዘቲዳ ናጌዳ።

10 መቅና ጎዳይ ሶምኡዎን ዲማዪዳ ኤሪዳ ሙሴ ማላ ትምቢትያ ኦድያ አሳይ እስራኤልያን ሙለካ ደንድቤና።

11 መቅና ጎዳይ ሙሳ ግብጾ ካትያኮ፣ አናና ኦሳያ ካፓቲዎኮን ኩመንላ አሳኮ የዲደ፣ እ ባጋና ኦራላባን ማላልሰያባ ኡባ ኦሴዳ፣ ሙሴ ማላ ትምቢትያ ኦድያ ሀራ አሳይ ኦንነ ባዎ።

12 እስራኤልያ ኡባ ሰንላን ዎልቃማ ዎልቃን ማላልሰያባ ኦሴዳ ሙሴ ማላ አሳይ ኦንነ ባዎ።

ኢያሱ ማጻፋ ገሌዋ

“ኢያሳ” ግን ሱንሳ ብለላይ “ጸሳይ አሸያዋ” ግንዋ። ኢያሱ ማጻፋይ ዛረሱዋ ማጻፋይ ኦዲደ ኤቄዳ ሳኣጥ ደሚደ ዮርዳኖሳ ሻፋጥ ደላሃ ባጋና እስራኤልያ አሳይ ኡቲዳዋ ኦዴ። እስራኤልያ አሳይ ሙሴ ኩሽያን ሱንግቴዳ ኢያሱ ካለለና ኦላ ጸኒደ፣ ካናነ ጋድያ ዋት ኦይቄደንቶ ኦድያ ታርክያ ኦይቄዳ። ሀ ማጻፋ ግድን ጸፊቲዳ ዋልቃማ ዋልቃማ ታርከቲዋ ግደጥ ዋናትያዋንቲ፣ ዮርዳኖሳ ሻፋ ጥንላ፣ ያርኮ ግምቢያ ኩንደላ፣ አይ ካታማ ኦላነ አሳይ ጸሳና ገሌዳ ጫቁዋ ኦራጽሴዳ ታርከቲዋ ኦድያዋ። ሀ ማጻፋ ግድን ዳሮ ኤሪቲዳ ክፍለቲዋጥ እቲ፣ “ሀንተንቲ ጎይንያዋ ሀቼ ደርተ። ሸን ታናነ ታ ጎለ አሳ ግደጥ፣ ኦን ጸሳው ጎይናና” ያግያዋ። (24:15)

ሸምጋቲዋ ኡባቶ አመቲዳ ቃንሳ ቆፋቲዋ

- ካናነ ጸንቲሳ 1:1—12:24
- ቢታ ግሹዋ 13:1—21:45
- ሀ. ዮርዳኖሳጥ ደላሃ ባጋና ደእያ ቢታ 13:1-33
- ለ. ዮርዳኖሳጥ ወላሃ ባጋና ደእያ ቢታ 14:1—19:51
- ሐ. ባቃት እትያ ካታማቲዋ 20:1-9
- መ. ሊዋቲዋ ካታማቲዋ 21:1-45
- ደላሃጥ ዬዳ ያራቲ ባረንቲ ሳኣ ስሙሳ 22:1-34
- ኢያሱ ወርሰላ ሃሳያ 23:1-16
- ሴከማን ቃላ ጫቁዋ ኦራጽሳ 24:1-33

ካናነ ጸንቲሳ

(1:1—12:24)

ጸሳይ ኢያሳ አዛዜዳ
 1 ጸሳ ቆማይ ሙሴ ሀይቄዳዋጥ ጉይያን፣ ጸሳይ ሙሳ ማድያ ነዌ ናኣ ኢያሳ፣ ሀዋዳን ያጌዳ፤
 2 “ታ ቆማይ ሙሴ ሀይቄዳ። ሄዋ ድራው ኔንነ ሀ አሳይ ኡባይ ደንዲደ ታን እስራኤልያ አሳው እምያ ጋድያ ገላናው ሀዋ ዮርዳኖሳ ሻፋ ጥንተ።
 3 ታን ሙሴው ኦዴዳዋዳን፣ ሀንተንቲ ገዲ የድያ ሳኣ ኡባ ታን ሀንተንቶ እማድ።
 4 ሀንተንቲ ዛዋይ ኔጌባ ባዙዋጥ ደንዲደ፣ ለባኖሳ ደርያ ጋካናሳ፤ ኤፍራጺሳ ጌተትያ ዋጋ ሻፋጥ ደንዲደ፣ ሂተቲዋ ጋድያ ኡባና ጉጂደ፣ አዋይ ወልያ ባጋና ደእያ ሜድትራነ አባ ጋካናሳ።
 5 ኔን ደኤዳ ላይላ ኡባን አይ አሳይነ ኔና ኦላቲደ ተኤና። ታን ሙሴና ግዴዳዋዳን፣ ኔናካ ግዳና፤ ታን ኔና ኡባካ የግከነ አግከ።
 6 ምና፤ ጸላ! እያው ጎጥ፣ ታን ኡንቲንቲ ማይዛ አዋቶ እማና ጋደ ጫቁዳ ጋድያ ኔን ሀ አሳ ላትሳናሳ።

1:3 ዛረ. 11:24-25 1:5 ዛረ. 31:6፣ 8፤ እብራ. 13:5 3:18-20፣ ኢያሳ 22:1-6 2:1 እብራ. 11:31፤ ያቆሳ 2:25

7 ምና፤ ሎይላ ጸላ! ታ ቆማይ ሙሴ ኔና አዛዜዳ ዋጋ ኡባ ምንሳደ ናጋ። ኔን ብያሳኣ ኡባን ነው ሱራና ማላ፣ አጥ ኡሸቻ ዋይ ሀድርሳ ቦጋ።

8 ሀ ዋጋ ማጻፋይ ነ ደናጥ ሻከቶ፣ እን ጸፊቲዳዋ ኡባ ምንሳደ ናጋናው፣ ጋላሰነ ቃማ አ ቆጋ። ያቶጥ፣ ነው ኡባባይካ እንጀታናነ ገጋና።

9 ምና፤ ጸላ! ነ ብያሳኣ ኡባን ታን ጎዳይ ነ ጸሳይ ኔናና ደእያ ድራው፣ ያዮጋ! ሀርሳጋ! ጋደ ታን ኔና አዛዛድ” ያጌዳ።

ኢያሱ አሳ አዛዜዳ

10 ሄዋጥ ጉየ ኢያሱ አሳ ካጋቲዋ ሀዋዳን ያጌዳ፤

11 “ቢተ፤ አሳይ ዲንካኖ ሳና አድ ቢደ፣ አሳ፣ ላህንተ ሸንቃ ገግሰተ፤ ሄዙ ጋላሳ ግደን፣ ጸሳይ ሀንተንቲ ጸሳይ ሀንተንቶ እምያ ጋድያ ላታናው ዮርዳኖሳ ሻፋ ጥንታ” ያጌዳ።

12 ኢያሱ፣ ርቤላ ዘረላ፣ ጋደ ዛራቲዋነ ምናሰ ዛራቲዋጥ ባጋቲዋ ሀዋዳን ያጌዳ፤

13 “ጸሳ ቆማይ ሙሴ ሀንተንታ አዛዜዳዋ ሀሳይተ። እ ሀንተንታ፣ ጸሳይ ሀንተንቲ ጎዳይ ሀንተንታ ሸምጥሳና፤ ሀ ቢታካ ሀንተንቶ እማና” ያጌዳ።

14-15 ሀንተንቲ ማቻቲ፣ ሀንተንቲ ናናይነ ሀንተንቲ መሂ ዮርዳኖሳ ሻፋጥ ሀፍንላና ሙሴ ሀንተንቶ እማዳ ጋድያን ደእሸኖ። ሸን ሀንተንቲ ኦላንቻቲ ባረንቲ ኦላ ሚሻ ኦይቄደ፣ ሀንተንቲ ዳባቲዋጥ ሰንላ ጼራን ኦላታናው ዮርዳኖሳ ሻፋ ጥንታ። ጸሳይ ሀንተንታ ሸምጥሴዳዋዳን፣ ኡንቲንታካ ሸምጥሳና ጋካናሰነ ጸሳይ ሀንተንቲ ጸሳይ ኡንቲንቲወካ እምያ ጋድያ ኡንቲንቲ ላታና ጋካናው፣ ኡንቲንታ ማድተ። ሄዋጥ ጉይያን ሰም ቢደ፣ ጸሳ ቆማይ ሙሴ ዮርዳኖሳ ሻፋጥ ሀፍንላን አዋይ ደልያ ባጋና እማዳ ሀንተንቲ ጋድያን ደእተ” ያጌዳ።

16 ሄዋጥ ኡንቲንቲ ኢያሳ፣ “ኔን ኦና አዛዜዳዋ ኡባ ኦን ኦላና፤ ኔን ከትያ ሳኣ ሀቃነ ባና።

17 ሙሴው ኡባባን አዛዘቲዳዋዳን፣ ነውካ አዛዘታና። ጸሳይ ነ ጸሳይ ሙሴና አትጥ ግዴዳዋዳን፣ ኔናካ አትጥ ግድ።

18 ነ አዛዘ ማካልያዌነ ነ አዛዜዳዋ እያነ አዛዘተናን እጽያዌ ሀይቆ። ኔን ምና፤ ጸላ!” ያጌድና።

2

ኢያሱ ጌድያዋንታ ያርኮ ከቲዳ

1 ነዌ ናአይ ኢያሱ ጋድያ ጌድያ ላኡ አሳቲዋ ሸጽማ ጌተትያ ሳኣጥ ቆሱዋን ከቲደ ኡንቲንታ፣ “ቢተ፤ ጋድያ ጌድተ፤ ያርኮ ካታማ ቃይ ዱማ ጌድተ” ያጌዳ።

ሄዋጥ ኡንቲንቲ ቢደ፣ ራኣቦ ጌተትያ ሻርሙጸት ሶ አቃናው ገሌድና።

2 ያርኮ ካቲ፣ “እስራኤልያ አሳጥ ከተቲዳዋንቲ ሀ ጋድያ ጌዳናው ቃማ ዬድና” ግያ ኦዲዋ ሰሴዳ።

1:6 ዛረ. 31:6፣ 7፣ 23 1:12 ገይ. 32:28-32፤ ዛረ.

3 ያርኮ ካቲ ራኣብዉ ሀዋዳን ያጊደ ኪቲዳ፤ “ነ ሶ ዪደ ገሌዳ አሳቱዋ ከሳደ እማ። እያዉ ጎጥ። ኡንቲንቲ ጋድያ ኡባ ጌዳናዉ ዬድኖ” ያጌዳ።

4 ሸን ሞሽራታ ሄ ላኡ አሳቱዋ ቆሳ ድጋደ። ሀዋዳን ያጋዲ፤ “ኤ አሳቱ ታኮ ዬድኖ፤ ሸን ኡንቲንቲ ሀቃጥ ዬደንቶነ ታን ኤራብይከ።

5 አማርሰ ካታማ ጥንግያ ጎርዳና ሀንያ ዋደ። ኡንቲንቲ ከሲደ ቤድኖ፤ ኡንቲንቲ ሀቃ ቤድኖንቶ ታን ኤርከ። ኤሌል ካልያዋ ግደጥ። ሀንተንቲ ኡንቲንታ ኦይቃንታ” ያጋዲ።

6 ሸን ራኣባ አሳቱዋ ጎልያ ቦላን ደምባዪደ ኦሌዳ ሳኣ ከሳደ። ሱፍያ ጌተታያ ማዩዋ ከሰያ ታልባ ዳላ ደርያ ግደን ኡንቲንታ ቆሳ ዋላዲ።

7 ያትና። አሳቱ ጌድያዋንታ ኮያናዉ ከሲደ። ዮርዳኖሳ ሻፋ ጥኩዋ አፍያ ኦግያ ኦይቁደ ቤድኖ። ኮይያዋንቲ ካታማጥ ከሶንን። ካታማ ጥንገ ጎርደቲዳ።

8 ጌድያዋንቲ ገምእሻናጥ ካሰታደ። አ ኡንቲንቲኮ ጉደ ከሳደ። ኡንቲንታ ሀዋዳን ያጋዲ።

9 “ጸሳይ ሀ ጋድያ ሀንተንቶ እሜዳዋ። ሀንተንቲ ኑና ዋልቃማ ያሻ ያሸያዋነ ሀ ጋድያን ደእያ አሳይ ኡባይ ሀንተንቶ ህርጋ ሀይቁያዋ ታን ኤራይ።

10 እያዉ ጎጥ። ግብጼ ጋድያጥ ሀንተንቲ ከሴዳ ዋደ። ሀንተንቲ ሰንላን ዘኦ አባ ጸሳይ ዋት መልሴደንቶነ ኑን ሰሴደ። ቃይ ዮርዳኖሳ ሻፋጥ አዋይ ደልያ ባጋና ደእያ አሞሪ ጋድያ ካተቱዋ ላኦቱዋ። ሰሆናነ ኦጋነ ሀንተንቲ ዋት ኡባና ቆይሴደንቶነ ሰሴደ።

11 ኑን ሄዋ ሰሴዳ ዋደ። ኑ ዋዛናይ ኮልዳዳ፤ አሳይ ኡባይ ሀንተንቶ ጸልያዋ አግ ባሼዳ። እያዉ ጎጥ። ጸሳይ ሀንተንቲ ጸሳይ ቦላ ሳሉዋንካ ጋርሳ ሳኣንካ ጸሳ።

12 ሄዋ ድራዉ። ታን ሀንተንቶ ኬኬዳዋዳን። ሀንተንቲካ ታ አዉዋ ጎልያ አሳዉ ኬካናዳን ታዉ ጸሳን ሄዋዉካ እማንልያ ማላታ እምተ።

13 ታ አዉዋነ ታ ዳዮ። ታ እሻቱዋነ ታ ሞቼቱዋ ኡንቲንቲሳ ግዴዳዋ ኡባ ፓጻ አግተ፤ ኑና ሀይቁዋጥ አሸተ” ያጋዲ።

14 ሄ አሳቱ። “ኑን ኦሌዳዋ ኔን ኦደናን አግና። ኑን ነዉ ጫቁዳ ጫቁዋ ፖላና ቆዮጥ። ጸሳይ ኑና ዋቶ! ጸሳይ ሀ ጋድያ ኑዉ እምያ ዋደ። ኑን ነዉ እማነታና ኬካና” ያጌድኖ።

15 ራኣባ ደእያ ኬላይ ካታማ ድርሳና ኦይቀቲደ ኬጸት ኡቲዳ ድራዉ። ማሰኮትያና ዋደራዋ ዲገ የዳደ። እን ዲገ ዋላዲ።

16 ራኣባ ኡንቲንታ። “ሀንተና ኮይያዋንቲ ደመና ማላ። ደርያ ቢደ ኡንቲንቲ ሰማና ጋካናዉ። ያን ሄዙ ጋላሳ ቆሰትሸተ። ሄዋጥ ጉይያን ሀንተንቲ ብያሳኣ ቢተ” ያጋዲ።

17-18 አሳቱ እዘ። “ኑን ነ ጋድያ ገልያ ዋደ። ሀ ዘኦ ዋደራዋ ኔን ኑና ከሴዳ ማሰኮትያን ቃቻና ቆዮጥ ነ አዉዋ። ነ ዳዮ። ነ እሻቱዋነ ነ ሶ አሳ ኡባ ኔኮ ሶ አሀና ቆዮጥ። ኔን ኑና ጫቁሴዳ ጫቁ ኑዉ ጎመተና።

19 ኡን ነ ሶጥ ካሪ ኦግያ ከሲደ ሀይቁንቶ። ሄዋ አ ጎመ፤ ኑን ሄዋን ኦሸቶኮ። ኔናና ሶን እትጥ ደእያዋ ኩሸያን ቦሸቶጥ። አ ሱላ ጎሚ ኑና ጋኮ።

20 ሸን ኑን ኦሌዳዋ ኔን ኦደጥ። ኔን ኑና ጫቁሴዳ ጫቁ ኑዉ ጎመተና” ያጌድኖ።

21 ሄዋጥ ጉዩ እዘ። “ሀንተንቲ ጌዳዋዳን ሀኖ” ጋደ። ኡንቲንታ ሞይዛዲ። ኡንቲንቲ ቤዳዋጥ ጉይያን። ሄ ዘኦ ዋደራዋ ማሰኮትያን ቃቻዲ።

22 ኡንቲንቲ ጉደ ገዘያ ቢደ። ያን ቆሰቲድኖ፤ የደርሰያዋንቲ ያርኮ ሰማና ጋካናዉ። ኡንቲንቲ ያን ሄዙ ጋላሳ ጋምኤድኖ። የደርሰያዋንቲ ኦግያ ኡባን ኮይድኖ፤ ሸን ኡንቲንታ ደምቤይክኖ።

23 ሄዋጥ ጉይያን ሄ ላኡ አሳቱ ደርያጥ ዋዲደ። ዮርዳኖሳ ሻፋካ ጥኒደ። ነዋ ናኣ ኢያሱኮ ሰሚደ ዬድኖ። ባሪና ጋኬዳዋ ኡባ አዉ ኦይድኖ።

24 ኡንቲንቲ ኢያሳ። “ጸሳይ ቱሙ ቢታ ኡባ ኑዉ አላ እሜዳ። ቃይ ጋድያን ደእያ አሳይ ኡባይ ኑዉ ያሻ ኮልዳዳ” ያጌድኖ።

3

እስራኤልያ አሳይ ዮርዳኖሳ ሻፋ ጥኔዳ

1 ኢያሱኮ እስራኤልያ አሳይ ዋንታ ጉራን ደንዴድኖ። ኡንቲንቲ ሸጽማ ጌተታያ ሳኣጥ ደንዲደ። ዮርዳኖሳ ሻፋኮ ቢደ ጥናን ያን ጋምኤድኖ።

2 ሄዙ ጋላሳጥ ጉይያን። ካፓቲ ኡንቲንቲ ዲንካኔዳ ሳኣን ሰመረቲድኖ።

3 አሳ ሀዋዳን ያጊደ አዘዘድኖ፤ “ጸሳ ሀንተንቲ ጸሳ ቃላ ጫቁዋ ታቦታን አ ቶኬዳ ሌዋያ ዛሪ ቁሳቲ ዋ ቢእያ ዋደ። ሀንተንቲ ዲንካኔዳ ሳኣጥ ደንዲደ። ኡንቲንታ ካልተ።

4 ሀንተንቲ ካሰ ሀ ኦግያና ብ ኤሪና ድራዉ። ሀንተንቲ ባና ኦግያ ኡንቲንቲ ሀንተንታ ባሳና። ሸን ቃላ ጫቁዋ ታቦታኮ ሸቆጥተ፤ ቃላ ጫቁዋ ታቦታጥ ላኡ ሻኦ ዋቶ ግድያዋ ኬሻ ሃኩዋን ኤቁተ” ያጌድኖ።

5 ኢያሱ አሳ። “ሀንተንቲ ሁጲያዉ ጌይተ፤ እያዉ ጎጥ። ጸሳይ ዋንቲ ሀንተንቲ ግደን ማላልሰያባ ኦላናዋ” ያጌዳ።

6 ቃይ ኢያሱ ቁሳቲ ዋ። “ቃላ ጫቁዋ ታቦታ ቶኪደ። አሳጥ ሰንላዉ አድተ” ያጊደ ኦይዳ። ቃላ ጫቁዋ ታቦታ ቶኪደ። አሳጥ ሰንላዉ አዲድኖ።

7 ጸሳይ ኢያሳ። “ታን ሙሴና ግዴዳዋዳን። ኔናና ግዳናዋ እስራኤልያ አሳይ ኡባይ ኤራና ማላ። ሀቼ ኡንቲንቲ ሰንላን ታን ኔና ጶቁ ጶቁ ኦላናዉ ደማና።

8 ኔን ቃላ ጫቁዋ ታቦታ ቶክያ ቁሳቲ ዋ። ዮርዳኖሳ ሻፋ ደናዉ ጋክያ ዋደ። ሃላን ገሊደ ኤቁተ” ያጋደ አዘዘ” ያጌዳ።

9 ኢያሱ እስራኤልያ አሳ። “ሃ ዪተ፤ ጸሳ ሀንተንቲ ጸሳ ቃላ ሰሰተ።

10 ደኡዋ ጸሳይ ሀንተንቲ ግደን ደእያዋነ እ ቱሙጥ ካናንቱዋ። ሂተቱዋ። ሂዋቱዋ። ፓርዘቱዋ። ገርጌሰቱዋ። አሞረቱዋነ ያቡሳቱዋ ሀንተንቲ ሰንላጥ ከሳናዋ ሀንተንቲ ኤራናዋ።

2:10 ከሳ 14:21፤ ፓይ. 21:21-35

11 ሳኦ ኡባ ጎዳ ቃላ ጫቁዋ ታቦታይ ህንተፕ ሰንሳቲድ፡ ፎርዳኖሳ ሻፋ ፕንያ ዎድያና።

12 ሀእ እስራኤልያ ዛራቱዋፕ ታማነ ላኡ አሳቱዋ ደርተ፤ እት እት ዛርያፕ እት እት አሳ ግድ።

13 ሳኦ ኡባ ጎዳ፡ ጸሳ ቃላ ጫቁዋ ታቦታ ቶኬዳ ቁሳቱዋ ገዲ ፎርዳኖሳ ሃላ ቦቻያ ዎድ፡ ቆዋፕ ዲገ ጎግያ ፎርዳኖሳ ሃላይ ኤቃና፤ እት ሳኦ ሸቂደ ደረታና” ያጌዳ።

14 አሳይ ፎርዳኖሳ ሻፋ ፕናናዉ ባረንቱ ዲንካንያፕ ከሴዳ ዎድ፡ ቃላ ጫቁዋ ታቦታ ቶኬዳ ቁሳቱ አሳፕ ሰንሳን ሀመቲድና።

15 ካሳ ጫክያ ዎድያን ኡባን ፎርዳኖሳ ሻፋይ ኩንሴዳ። ግድፕ፡ ቃላ ጫቁዋ ታቦታ ቶኬዳ ቁሳቱ ፎርዳኖሳ ሻፋ ጋክና፡ ኡንቱንቱ ገዲ ሃላ ጋጸ የዲዳ ዎድ።

16 ቆዋፕ ዲገ ጎግያ ሃላይ ኤቁ አጌዳ፤ ህን ዳርሰ ሃኮ ሳን፡ ጸርታና ግያ ሳን ደእያ አዳማ ጌተትያ ካታማን እት ሳኦ ሸቂደ ደረቲዳ። ዲገ አራባ ጋጸን ደእያ ማጽነ አባዉ ጎግያ ሃላይ ቃይ ኡባይ ዲዲደ እት ባሸዳ። ያትና፡ አሳይ ያርኮ ካታማ ሄፍንሳ ፕኔዳ።

17 እስራኤልያ አሳይ መላ ጋድያ የዲደ ፕንያ ዎድ፡ አሳይ ኡባይ ፕኒደ ዉራና ጋካናዉ ጸሳ ቃላ ጫቁዋ ታቦታ ቶኬዳ ቁሳቱ ፎርዳኖሳ ሻፋ ግድን መላ ቢታን ኤቁድና።

4

ሀሳይሰያ ሹቻቱዋ ኤሴድና

1 አሳይ ኡባይ ፎርዳኖሳ ሻፋ ፕኒደ ዉሬዳ ዎድ፡ ጸሳይ ኢያሳ፡

2 “እስራኤልያ አሳፕ ታማነ ላኡ አሳቱዋ ደራ፤ እት እት ዛርያፕ እት እት አሳ ግድ።

3 ያታደ ኡንቱንቱ፡ “ፎርዳኖሳ ሻፋ ግድን ቁሳቱዋ ገዲ ኤቁዳ ሳኦፕ ታማነ ላኡ ሹቻቱዋ አክተ፤ ሄ ሹቻቱዋ ቶክ አፊድ፡ ሀቼ ቃማ ህንተንቱ አቅያ ሳኦን ዎሐተ’ ያጋደ አዛዛ” ያጌዳ።

4 ኢያሱ እስራኤልያ ዛርያፕ እቱዋ እቱዋ አኪደ፡ ታማነ ላኡ አሳ ደሬዳዎንታ ጸሴዳ።

5 ኡንቱንታ፡ “ጸሳ ህንተንቱ ጸሳ ቃላ ጫቁዋ ታቦታይ ደእያ ሳኦ ጉዮ ፎርዳኖሳ ሻፋ ገሊደ እስራኤልያ ዛራቱዋ ፓይዱዋን፡ ኡባይካ እት እት ሹቻ ህንተንቱ ሀሸያን ቶክተ።

6 ሀ ሹቻቱ ጸሳይ ሀቼ ኦሌዳዎ ህንተንታ ሀሳይሰያ ማላታ ግድና። ዎደፕ ህንተንቱ ናናይ ህንተንታ፡ “ሀ ሹቻቱ አይባቤ?” ያጌደ ኦቻያ ዎድ።

7 ህንተንቱ፡ ጸሳ ቃላ ጫቁዋ ታቦታ ሰንሳን ፎርዳኖሳ ሻፋይ ጎገላ አጌደ ኤቁዳዎ እስራኤልያ አሳ መድናዉ ሀሳይሰና። ቃላ ጫቁዋ ታቦታይ ፕንሸን፡ ፎርዳኖሳ ሃላይ ሻከቱዳ ያጌደ ኡንቱንቶ ኦድተ” ያጌዳ።

8 እስራኤላቱ ኢያሱ አዛዜዳዎዳን ኦሌድና። ጸሳይ ኢያሱ ኦሌዳዎዳን፡ እስራኤልያ ዛራቱዋ ፓይዱዋን አሳቱ ታማነ ላኡ ሹቻቱዋ ፎርዳኖሳ ሻፋ ግድፕ አኬድና፤ ቶክ አሂደ፡ ባረንቱ አቅያ ሳኦን ዎሐድና።

9 ኢያሱ ቃላ ጫቁዋ ታቦታ ቶኬዳ ቁሳቱዋ ገዲ ፎርዳኖሳ ሻፋ ግድን ኤቁዳ ሳኦን፡ ሀራ ታማነ ላኡ ሹቻቱዋ ኤሴዳ፤ ሄ ሹቻቱ ሀቼ ጋካናዉ ያን ደእና።

10 ጸሳይ ኢያሳ አዛዜዳዎ ኡባ አሳይ ፖላና ጋካናዉ፡ ቃላ ጫቁዋ ታቦታ ቶኬዳ ቁሳቱ ፎርዳኖሳ ሻፋ ግድን ኤቁደ ጋምኤድና፤ ሙሴ ኢያሳ አዛዜዳ አዛዙካ ሄዎ።

አሳይ ኤሌሊደ ሻፋ ፕኔዳ።

11 አሳይ ኡባይ ፕኔዳዎፕ ጉይያን፡ ጸሳ ቃላ ጫቁዋ ታቦታይን ቁሳቱ አሳይ ጸልሸን ፕኔድና።

12 ሙሴ አዛዜዳዎዳን፡ ርቤላ ዛራቱ፡ ጋይ ዛራቱን ምናሰ ዛራቱዋፕ ባጋይ ኦላ ሚሻ ኦይቁደ፡ እስራኤልያ አሳ ሰንሳና ፕን ኡቱድና።

13 ኡንቱንቱ ፓይዱ ኦይታሙ ሻኦ ግድያዎ። ኡንቱንቱ ጸሳ ሰንሳን፡ ያርኮ ማታን ደእያ ደምባን ኦላዉ ሳልፔድና።

14 ሄ ጋላሰ ጸሳይ ኢያሳ እስራኤልያ አሳ ኡባ ሰንሳን ጶቁ ጶቁ ኦሌዳ። ሄዎ ድራዉ ሙሳ ቦንቼዳዎዳን ኢያሳካ አ ደኡዋ ላይላ ኡባን ቦንቼድና።

15 ጸሳይ ካሰ ኢያሳ፡

16 “ቃላ ጫቁዋ ታቦታ ቶኬዳ ቁሳቱ ፎርዳኖሳ ሻፋፕ ከሳናዳን አዛዛ” ያጌደ ኦድና።

17 ኢያሱ ቁሳቱዋ፡ “ፎርዳኖሳ ሻፋፕ ከሰተ” ያጌደ አዛዜዳ።

18 ጸሳ ቃላ ጫቁዋ ታቦታ ቶኬዳ ቁሳቱ ፎርዳኖሳ ሻፋ ግድፕ ከሲደ መላ ቢታ ኡንቱንቱ የዲዳዎን፡ ኤላካ ፎርዳኖሳ ሃላይ ባረ ሳኦ ሰሚደ ካሰ ጎግያዎዳን ጋጸ ጋካናዉ ኩሚደ፡ ጎገላ ደሚዳ።

19 አሳይ ኮይሮ አግናን ሄ አግናዉ ታማነላ ጋላሳን ፎርዳኖሳ ሻፋ ፕኒደ፡ ያርኮና አዎይ ደልያ ባጋን ዛዎትያ ገልጋላን ዲንካኔድና።

20 ኢያሱ ፎርዳኖሳ ሻፋፕ አየቱዳ ታማነ ላኡ ሹቻቱዋ ገልጋላን ኤሴዳ።

21 እስራኤልያ አሳ ሀዎዳን ያጌዳ፤ “ዎደፕ ህንተንቱ ዛራቱ ባረንቱ አዎቱዋ፡ “ሀ ሹቻቱ አይባቤ?” ያጌደ ኦቻያ ዎድ።

22 “እስራኤልያ አሳይ ፎርዳኖሳ ሻፋ መላ ቢታ የዲደ ፕኔዳዎ ሀሳይሰያዎንታ” ያጌደ ኦድተ።

23 ኡን ፕናና ጋካናዉ፡ ጸሳይ ኦ ጸሳይ ዘኦ አባ ካሰ ኦ ሰንሳን መልሴዳዎዳን፡ ህንተንቱካ ፕናና ጋካናዉ፡ ጸሳይ ህንተንቱ ጸሳይ ፎርዳኖሳ ሻፋ ህንተንቱ ሰንሳን መልሴዳ።

24 ሄዎ አ ኦሌዳዎ ሳኦን ደእያ አሳይ ኡባይ ጸሳ ዎልቃይ አይ ኬሻ ግተንቶ ኤራናዳንን ህንተንቱካ ጸሳዉ፡ ህንተንቱ ጸሳዉ፡ መድናዉ ያያናዳና” ያጌዳ።

5

1 ፎርዳኖሳ ሻፋፕ አዎይ ዉልያ ባጋና ደእያ አዎራዎናቱዋ ካተቱን ሜድትራን አባ ላንቂያ ላንቂያ ኦይቁደ ደእያ ካናንቱ ካተቱ ኡባይ፡ እስራኤልያ አሳይ ፕናና ጋካናዉ ጸሳይ ፎርዳኖሳ ሻፋ ሃላ መልሴዳዎ ሰሴዳ ዎድ፡ ኡንቱንቱ ዎዛናይ ኮልዳዳ። ኡንቱንቱ እስራኤልያ አሳና ጋከታናዉ ጸልባይክና።

እስራኤልያ አቱማ አሳይ ቃጸረቲዳ

2 ህ ወደ ጸሳይ ኢያሳ፡ “ሳልያ ጌተትያ ሹቻፕ ቃራ ማቅላ ጊገሳደ፡ እስራኤልያ አቱማ አሳ በንዋንቱዋዳን ሀእካ ቃጸራ” ያጌዳ።

3 ኢያሱ ሳልያ ጌተትያ ሹቻፕ ቃራ ማቅላ ጊገሳደ፡ ቃጸራ ደርያ ጌተትያ ሳክን እስራኤልያ አሳ ቃጸራደ።

4 እ ሄዋ ኦሌዳ ጋሱ፡ ግብጾፕ ከሴዳ አሳን ሳይሳይ ኦላዉ ጋኬዳ አቱማ አሳይ ኡባይ ግብጾፕ ቢደ ዋራን ሀይቄዳ።

5 ግብጾፕ ከሴዳ አቱማ አሳይ ኡባይ ቃጸረቱዳ፤ ሽን ዋራን ዩይያ ዋደ የለቱዳ አቱማ ናናይ እቱን ቃጸረትቤና።

6 እስራኤልያ አሳይ ጸሳዉ እዛዘተናን እጹዳ ድራዉ፡ ግብጾፕ ከሰያ ዋደ ሳይሳይ ኦላዉ ጋኬዳ አቱማ አሳይ ኡባይ ሀይቄደ ዉራና ጋካናዉ ዋራን ኦይታሙ ሳይሳ ዩይዳ። ሄዋ፣ ጸሳይ ኡንቱንታ፡ “ኤሳይን ማላይ ጎግያ አራዳ ጋድያ፡ ታን ካሰ ሀንተንቱ ማይዛ እዋቶ እማና ጌዳ ሄ ጋድያ ሀንተንቱ በእክታ” ጌዳ ቃላይ ፖለታናዳና።

7 ሄዋ ድራዉ ጸሳይ ኡንቱንቱ ናና ኡንቱንቱ ሳክን ደንሌዳ፤ ኢያሱ ቃጸራዳዋንቱካ ሄዋንታ። ኡንቱንቱ ቃጸረተናን ደእያዌ ኦግያን ቢደ ኡንቱንቱ ቃጸረትቤና ድራሳ።

8 አሳይ ኡባይ ቃጸረቱዳዋፕ ጉይያን፡ ኡንቱንቱ ማይሳይ ፓጸና ጋካናዉ ባረንቱ ዲንካኔዳ ሳክን ጋምኤድና።

9 ጸሳይ ኢያሳ፡ “ሀቼ ታን ግብጾቱዋ ቦርያ ሀንተፕ ድጋድ” ያጌዳ። ሄ ሳክ ሱንሳይ ሀቼ ጋካናዉ ገልጋላ * ጌተቱ።

10 እስራኤልያ አሳይ ያርኮ ደምባን ገልጋላ ግያ ሳን ዲንካኒደ፡ እግናዉ ታማን ኦይደንሶ ጋላሰ ኦማርሴዳዋን ፓሰጋ ባላ ቦንቼዳ።

11 ፓሰጋፕ ጉይያን ዋንተላ ጋላሰ፡ ቢታን ደልያ ካላ ኦይናና እርሹ ገልቤና ኡክላን ጸጸቱዳ ትሻ ሜዳ።

12 ሄ ቢታን ደልያ ካላ ሜዳ ዋንተላ ጋላሰ ማናይ ቡክያዋ አግ ባሾዳ። ሄዋፕ ጉይያን እስራኤልያ አሳይ ማና ደምቤና። ሄ ዋድያፕ ደሚደ ኡንቱንቱ ካናንን ደልያ ካላ ሚደ ደኤድና።

ኢያሳን አዳ ኦይቄዳ ብታንያ

13 ኢያሱ ያርኮ ማታን ደእያ ዋደ፡ ቶቄ ገደ ጸሊደ፡ እት ብታኒ ማሻ ሾድ ኦይቄደ፡ ባረ ሰንላን ኤቄዳዋ በኤዳ። ኢያሱ አኮ ሸቄደ፡ “ኔን ኑ ባጋ እሴየ ኑ ሞርከቱዋ ባጋ እሴ?” ያጌዳ።

14 ብታኒ፡ “ታን ኦ ባጋካ ግድከ። ሽን ታን ጸሳ ኦላንቻቱ ጋደዋ ግደደ ሀእ ያድ” ያጌዳ።

ኢያሱ ሳክን ከንድ ጎይኒደ፡ “ታ ጎዳይ ባረ ቆማዉ ኦድያባይ እዬ?” ያጌዳ።

15 ጸሳ ኦላንቻቱዋ ጋደዋይ፡ “ኔን ኤቄዳ ሳክይ ጌሻ ግዳዳ ድራዉ፡ ነ ገድያፕ ጫማ ከሳ” ያጌዳ። ኢያሱ እ ጌዳዋዳን ኦሌዳ።

6

ያርኮ ከንዳዳ

1 እስራኤልያ አሳዉ ያዬዳ ጋሱዋን ያርኮ ካታማ ድርሳ ፕንገቱ ጎርደቲደ ናገቲና፤ ካታማ ገላናዉን ካታማፕ ከሳናዉ ዳንዳይያ ኦንነ ባዋ።

2 መድና ጎዳይ ኢያሳ፡ “ጸላ፡ ታን ያርኮ ካታማ ኦ ካትያና ኦ ሞኖ ኦላንቻቱዋካ ነ ኩሽያን አሳደ እማድ።

3 ኔን ነ ኦላንቻቱ ሳልፒደ፡ ኡሱቱን ጋላሳይ ጋካናዉ ሀቼ ሀቼ ካታማ ድርሳ እት ገደ ዩይ አድተ።

4 ቃይ ላቱን ቄሳቱ ደርሳቱዋ ካጭያፕ ከሴዳ ላቱን ማላካታቱዋ ኦይቄደ፡ ጸሳ ቃላ ጫቄዋ ታቦታ ሰንላና ሀመትና። ላቱንላ ጋላሰ ቄሳቱ ማላካታቱዋ ፑንሽን፡ ኦላንቻቱ ሳልፒደ፡ እትፕ ካታማ ላቱ ገደ ዩይ አድተ።

5 ሄዋፕ ጉይያን ማላካታቱዋ ፑኑዋ ጎቼደ ፑንያዋ ሰሰያ ዋደ፡ ኤለካ አሳይ ኡባይ ባረ ቃላ ቶቄ ኦሊደ ዋሶ። ያቶፕ ካታማ ድርሳ ግምቢ ከንድና አሳይ ኡባይ ሰንላዉ ላዉሁ ገደ ገላና” ያጌዳ።

6 ነዌ ናእይ ኢያሱ ቄሳቱ ዋ ጸጊደ፡ “መድና ጎዳ ቃላ ጫቄዋ ታቦታ ቶክተ፤ ሀንተፕ ላቱን ቄሳቱ ላቱን ማላካታቱዋ ኦይቄደ፡ ቃላ ጫቄዋ ታቦታፕ ሰንላዉ አዲደ ሀመትና” ያጌዳ።

7 አሳ፡ “ሰንላዉ ቢተ፤ ካታማ ዩይ አድተ፤ ኦላዉ ጊጌዳዋንቱካ መድና ጎዳ ቃላ ጫቄዋ ታቦታ ሰንላን ሀመትና” ያገደ እዛዜዳ።

8 ኢያሱ አሳዉ ሃሳዬዳዋዳን፡ ላቱን ቄሳቱ ላቱን ማላካታቱዋ መድና ጎዳ ሰንላን ኦይቄደ፡ ፑኒደ ሀመቱድና፤ ቃይ መድና ጎዳ ቃላ ጫቄዋ ታቦታይ ኡንቱንታ ካሌዳ።

9 ኦላዉ ጊጌዳዋንቱ ማላካታቱዋ ፑንያ ቄሳቱዋ ሰንላን ብያ ዋደ፡ ጉየና ናግያ ኦላንቻቱ ቃላ ጫቄዋ ታቦታ ጉየና ካሌድና። ሄ ዋድያ ኡባን ማላካታቱ ፑነቲና።

10 ሽን ኢያሱ አሳ፡ “ታን ሀንተንታ፡ ‘ዋሰተ!’ ጋና ጋላሳይ ጋካናዉ፡ ኦላ ዋሱዋ ዋሰፕተ፤ ሀንተንቱ ቃላይ ሰሰቶፕ፤ እት ቃላካ ቃቶፕተ። ግድን ሄ ዋደ ዋሰተ!” ያገደ እዛዜዳ።

11 ያቲደ መድና ጎዳ ቃላ ጫቄዋ ታቦታይ ቶክቲደ፡ ሄ ካታማ እት ገደ ዩይ አዳናዳን ኦሌዳ። ሄዋፕ ጉይያን አሳይ ባረ ዲንካኔዳ ሳክ ሰሚደ፡ ቃማ ያን አቄዳ።

12 ዋንተላ ጋላሰ ኢያሱ ጉሪደ ደንዴዳ፤ ቄሳቱካ መድና ጎዳ ቃላ ጫቄዋ ታቦታ ቶክኤድና።

13 ላቱን ማላካታቱዋ ኦይቄደ ላቱን ቄሳቱ ሰንላዉ አዲደ፡ ማላካታቱዋ ፑኒደ መድና ጎዳ ቃላ ጫቄዋ ታቦታ ሰንላን ሀመቱድና። ኦላዉ ጊጌዳዋንቱ ሀንቱቱፕ ሰንላና ሀመቱድና፤ ጉየና ናግያ ኦላንቻቱካ መድና ጎዳ ቃላ ጫቄዋ ታቦታ ጉየና ካሌድና። ሄ ዋድያ ኡባን ማላካታቱ ፑነቲና።

14 ላኤንሶ ጋላሰ ካታማ እት ገደ ዩይ አዲደ፡ ባረንቱ ዲንካኔዳ ሳክ ሰሚድና። ኡሱቱን ጋላሳ ጋካናዉ ሄዋዳን ሀኔድና።

15 ላቱንላ ጋላሰ ጸልቄ ደልያ ዋደ ደንዲደ፡ ካሰዋዳን ካታማ ላቱ ገደ ዩይ ዩይ አዲድና። ካታማ ኡንቱንቱ ላቱ ገደ ዩይ ዩይ አዲዳዌ ሄ ጋላሰ ጸላላና።

5:6 ገይ. 14:28-35 * 5:9 ገልጋላ፡ ሀ ሰንላ ብለላይ አብራዌላዋን፡ “ድጌዳ” ዋይ “ጎንደርሴዳ” ግያዋ ማላቱ። 5:10 ከሳ 12:1-13 5:12 ከሳ 16:35

16 ለጥንቅቅ የሻገን፣ ቁሳቁ ማላካታቸው ጥንቅቅ ወይ፣ ኢያሱ አሳ፣ “መድና ጎዳይ ካታማ ህንተንቶ አሊደ እሜዳ ድራው፣ ዋሰተ!

17 ካታማይን ካታማ ግድን ደእያባይ ኡባይ መድና ጎዳው ሸቀቶዋ ግዳደ፣ ጳያናው በሰ። ኑን ጋድያ ጌዳናው ኪቴዳ አሳቱዋ ቆሳደ አሼዳ ድራው፣ ሻርሙጽያ ራኣባነ እ ሶን እዝና እትጥ ደእያ አሳ ጸላላይ አታናዋ።

18 ሸን ህንተንቱ ሸቃ ግዳዳባጥ እያነ አከናዳን ህንተንቱ ሁጲያው ናገትተ። ሸቃ ግዳዳባጥ ህንተንቱ አኮጥ፣ እስራኤላቱ ዲንካኔዳ ሳኣ ባይያ ሳኣ ኦላንታ፤ ያቲደ ሄ ሳኣው መቱዋ አህንታ።

19 ብራይነ ዋርቃይ ኡባይ፣ ቃይ ናሃሰያጥነ ብራታጥ መጠቴዳ ሚሻቱ ኡባይ መድና ጎዳው ጌዴዳዋ ግድና። ኡንቱንቱ መድና ጎዳ ሚሻ ሞንጅያ ሳኣን ደእያ” ያጌድ።

20 ሄዋ ድራው ማላካታቱ ጥንቅቅ አሳይ ዋሴዳ። ማላካታቱ ጥንቅቅን አሳይ ባረ ቃላ ጾቁ አሊደ ዋሴዳ፤ ኤለካ ካታማ ድርሳ ግምቢ ኩንድ አጌዳ! ሄዋጥ ጉይያን አሳይ ኡባይ ሰንሳው ሳውሁ ግ ገልነ ካታማ ኦይቁ አጌዳ።

21 ካታማን ሸምጥዋና ፓጸ ደኤዳዋ ኡባ፣ ማጫዋ አቱማዋ፣ ናናቱዋ ጭማ፣ ሚዛ፣ ድርሳነ ሀርያ ኡባ ቃራ ማሻን ወርሰ ዋዴዳ።

22 ኢያሱ ቢታ ጌዳናው ኪተቴዳ ላኡ አሳቱዋ፣ “ሻርሙጽቶ ራኣብ ሶ ቢደ ካሰ ህንተንቱ እዝው ጫቁዳዋዳን፣ እዘነ እዝው ደእያዋ ኡባ ጋጸ ከሰተ” ያጌድ።

23 ቢታ ጌዳዳ ዋዳላቱ ቢደ፣ ራኣቦ፣ እ አውዋ፣ እ ዳዮ፣ እ እሻቱዋነ እዝው ደእያዋ ኡባ ጋጸ ከሴድና። እስራኤልያ አሳይ ዲንካኔዳ ሳኣጥ ጋጸና ዋሌድና።

24 ሄዋጥ ጉይያን ካታማነ እ ግድን ደእያዋ ኡባ ታማን ጸጌድና፤ ሸን ብራነ ዋርቃ ቃይ ናሃሰያጥነ ብራታጥ መጠቴዳ ሚሻቱዋ መድና ጎዳ ሚሻ ሞንጅያ ሳኣን ዋሌድና።

25 ሸን ኢያሱ ሻርሙጽቶ ራኣቦ እ አውዋ ሶ አሳና እዝው ደእያ ኡባባና ሀይቁዋጥ አሼዳ። እያው ጎጥ፣ ኢያሱ ያርኮ ካታማ ጌዳናው ኪቴዳ አሳቱዋ እዛ ካሰ ቆሳደ አሻዳ። እዝ ዛራቱ ሀቺ ጋካናው እስራኤልያ ቢታን ደእያ።

26 ሄ ዋደ ኢያሱ፡- “ደንዲደ ሀ ያርኮ ካታማ
ዘረላ ኬጽያ ኡራይ፣
መድና ጎዳ ሰንሳን፣
ሸቀቱዳዋ ግድ።
ብር ባሱዋ ባሰያ ዋደ፣
እ ባይራ ናእይ ሀይቆ።
ጥንግያ ኤሰያ ዋደ፣
እ ወርሰሳ ቴፋ ናኦይ ሀይቆ”
ያጌደ ሸቁዳ።

27 መድና ጎዳይ ኢያሱና ግዴዳ፤ ኢያሱ ዋሪ ቢታ ኡባ ጋኬዳ።

7

አካና ናጋራ

1 እስራኤልያ አሳይ ጸሳው አማነተናን እጸደ፣ ጸነ ግ ዋሌዳባጥ አኬዳ። ሄዋ አኬዳዋ አካና፤ አካን ካርማ ናኣ፤ ካርም ዝምራ ናኣ፤ ዝምር ይሁዳ ዛርያ ግዴዳ ዛራህ ናኣ። ያትና፣ ጸሳ ሀንቁ እስራኤልያ አሳ ቦላ ኤጼዳ።

2 ኢያሱ ያርኮን ደኢደ ቤቴላ ካታማጥ አዋይ ደልያ ባጋና ቤት-አዌና ግያሳ ማታን ደእያ አይ ጌተትያ ካታማ አሳ ኪቴደ፣ “ቢተ፤ ሄ ቢታ ጌድተ” ያጌዳ። አሳቱ ቢደ፣ አይ ካታማ ጌዴድና።

3 ጌዴዳ አሳቱ ኢያሱኮ ሰም ዪደ፣ “ኡባ አሳይ አይ ካታማ ኦላናው ባና ኮሻና፤ ላኡ ዋይ ሄዙ ሻኦ አሳ ዮዳ። ያን አማራዳ አሳይ ደእያ ድራው፣ አሳይ ኡባይ ዳቡር።” ያጌድና።

4 ያትና፣ ሄዙ ሻኦ ግድያ አሳቱ ኦላታናው አይ ካታማ ቤድና። ሸን ኡንቱንቱ አይ ካታማ አሳ ሰንሳጥ ባቃቴድና።

5 አይ ካታማ ድርሳ ጥንግያጥ ደሚደ፣ ሹቻ ቆእያ ሳኣ ጋካናው እስራኤልያ አሳ የደርሴድና፤ ደርያ ዲገላን ሀታማነ ኡሱጥን ግድያ አሳ ዋዴድና። ሄዋን አሳ ዋዛናይ ኮልዲደ፣ ሃላ ከሴዳ።

6 ሄዋጥ ጉይያን ኢያሱ ካዮቲደ፣ ባረ ማዩዋ ፔጲደ ጸሳ ታቦታ ሰንሳን አማርሰ ጋካናው ጉፋኔዳ። እስራኤልያ ጭማቱካ አዋዳን ሀይድና፤ ባረንቱ ሁጲያንካ ባና ቆሌድና።

7 ሄዋጥ፣ ኢያሱ ሀዋዳን ያጌዳ፤ “ሀይ ገራ! ኡባ ሞድያ ጸሳው፣ ኑና አምሪ አሳው አላ እማደ ወርሰሳናው እያው ዮርዳኖሳ ሻፋ ጥንሳ አሃድ? ኑን ዮርዳኖሳ ሻፋጥ ሄፍንሳ ባጋን አቴዶ ግዴርኮ!

8 አቤት ጎዳው፣ እስራኤልያ አሳይ ጸነቲደ፣ ባረ ሞርከቱዋ ሰንሳጥ ባቃቶጥ፣ ታን ዋን?

9 ካናነቱን ሀ ቢታን ደእያ አሳይ ኡባይ ሀ የወዋ ሰሲደ፣ ኑና ደዳናዋንታ፤ ጋድያጥካ ጳይሳናዋንታ። ሰም፣ ነ ዋልቃማ ሱንሳው ኔን ኦልያባይ አይ?” ያጌዳ።

10 ጸሳይ ኢያሳ፣ “ደንዳ ኤአ! ሀዋዳን እያው ጉፋናድ?

11 እስራኤልያ አሳይ ናጋራ አሌዳ፤ ታን ኡንቱንቱና ጫቀቴዳ ታ ጫቀዋ አጴድና። ኡንቱንቱ ማጋራ ጌተቴዳ ሚሻቱዋጥ አኬድና፤ ወኤድና፤ ዋርዶቴድና። ቃይ ሄ ሚሻ ኡንቱንቱ ባረንቱ ሚሻና ጋሐ ዋሌድና።

12 ሄዋ ድራው፣ እስራኤላቱ ባረንቱ ሞርከቱዋ ሰንሳን ኤቃናው ዳንዳይክና። ኡንቱንቱ ጳያናው በሰያ ድራው፣ ባረንቱ ሞርከቱዋ ሰንሳጥ ባቃቴድና። ማጋራ ጌተቴዳ ሚሻ ህንተንቱ ማታን ደእያዋ ህንተንቱ ጳይሳና ጳዮጥ፣ ሀዋጥ ሰንሳው ታን ህንተንቱና ግድከ።

13 “ደንዳ፤ አሳ ጌሻ። ኡንቱንቶ ሀዋዳን ያጋደ ኦዳ፤ ‘ዋንትወ ህንተንቱ ሁጲያው ጌይተ። ጸሳይ እስራኤልያ ጸሳይ ህንተንታ፤ “እስራኤላቶ፣ ማጋራ ጌተቴዳ ሚሻይ ህንተንቱ ማታን ደኤ። ህንተንቱ ሄ ሚሻ ህንተንቱ ማታጥ ድጋና ጋካናው፣ ህንተንቱ ሞርከቱዋ ሰንሳን ኤቃናው ዳንዳይክታ” ያጌ።

14 ዋንታ ጉራ፣ ህንተንቱ ዛርያን ዛርያን ሸቅና ጸሳይ፣ “ሀዋ” ጌተትያ ዛሪ፣ ባረ ያራን

ያራን ሺቃና፤ ቃይ ጸሳይ፡ “ሀዋ” ግያ ያራይ ባረ ሶ አሳን አሳን ሺቃና፤ ቃይ ጸሳይ፡ “ሀዋ” ግያ ሶ አሳይ እት እት አሳይ ታራን ታራን ሺቃና።

15 ሄዋጥ ጉይያን ማጋራ ጌተቲዳዋና ኦቀቲዳ አሳይ፡ ባረዋ ኡባና ታማን ጸገታና። እያዉ ጎጥ፡ ጸሳ ቃላ ጫቁዋ እ አዲድ፡ እሰራኤልያ አሳ ግድን ካዉሻባ ኦሌዳ’ ያጋ” ያጌዳ።

16 ኢያሱ ዋንተላ ጋላሰ ጉራን ደንዲድ፡ እሰራኤልያ አሳ ዛርያን ዛርያን ሺሸና ይሁዳ ዛሪ አከቲዳ።

17 ይሁዳ ዛሪ ሺቅና፡ ዛራሀ ያራይ አከቲዳ፤ ዛራሀ ያራይ ሺቅና፡ ዘምራ ሶ አሳይ አከቲዳ።

18 ዘምራ ሶ አሳይ ሺቅና፡ ዉርሰላን ዘምራ ናኣ ናእይ፡ ካርማ ናእይ አካን አከቲዳ።

19 ሄዋጥ፡ ኢያሱ አካና፡ “ታ ናእዉ፡ ጸሳ እሰራኤልያ ጸሳ ቦንቻ፤ አ ጋላታ። እነ ኔን ኦሌዳዋ ታዉ ቆሰናን ኦዳ” ያጌዳ።

20 ሄዋጥ ጉዩ አካን ኢያሳ፡ “ኤ ቲማ! ታን ጸሳ እሰራኤልያ ጸሳ ናቃድ። ታን ኦሌዳዋ ሀዋ።

21 ኔን አዎዴዳ ሚሻ ግድን ታን እት ሎእያ ባብሎን ጋድያ ካባ፡ ላኡ ጼቲ ጸጋራ ብራን ባጋ ኪሎ ግድያ ዋርቃ በኣድ፤ አካናዉ አዎቲዳ ድራዉ አካድ። ያታደ ታ ዲንካንያ ግድን ቢታ ጋርሳን ቆሳድ፤ ብራይካ ኡባጥ ጋርሳና ደኤ” ያጌዳ።

22 ኢያሱ አሳ ከትና፡ ኡንቲንቲ ዲንካንያ ዋጲደ ገልያ ዋደ፡ ዲንካንያ ግድን ሚሻ ቆሰ ዋሌዳዋ ደሜድና፤ ብራይካ ሚሻቲዋጥ ጋርሳና ደኤ።

23 ከተቲደ ቤዳ አሳቲ ሚሻ ዲንካንያ ግድጥ አኪደ፡ ኢያሱኮን እሰራኤልያ አሳ ኡባኮ አሄድና፤ ጸሳ ሰንላን ዋሌድና።

24 ሄዋጥ ጉይያን ኢያሱን እሰራኤልያ አሳይ ኡባይ አካና ብራ፡ ካባ፡ ዋርቃ፡ አ አቲማ ናናን ማጫ ናና፡ አ ሚዛ፡ ሀረቲዋን ደርሳቲዋ፡ አ ዲንካንያን አዉ ደእያዋ ኡባ አኪደ፡ ሙቲዋ ዋምባ ግያሳ አሄድና።

25 ኢያሱ አካና፡ “ሀ ሙቲዋ ኑ ቦላ ኢያዉ አሃድ? ጸሳይ ሀቼ ነ ቦላካ ሙቲዋ አሀና” ያጌዳ።

እሰራኤልያ አሳይ ኡባይ አካናን አ ሶ አሳ ሹቻን ጫድ ዋዲድ፡ አዉ ደእያዋ ኡባ ታማን ጸጌዳ።

26 ኡንቲንቲ አካና ቦላን ሀቼ ጋካናዉ ደእያ ዳር ሹቻ ከሌድና። ያትና፡ ጸሳይ ባረ ኤጽያ ሀንቁዋ ዛሬዳ። ሀቼ ጋካናዉ ሄ ሳእይ ሙቲዋ ዋምባ ጌተቲዳዋ ሀዋሳ።

8

አይ ካታማይ ጸነቲዳ

1 ጸሳይ ኢያሳ፡ “ያዮፓ፤ ሀርሳፓ! ኦላንቻቲዋ ኡባ ኔናና አካድ፡ አይ ካታማ ኦላናዉ ከሳ። አይ ካታማ ካትያ፡ አ አሳ፡ አ ካታማን አ ቢታ ታን ነ ኩሽያን አላደ እማድ።

2 ኔን እያርኮ ካታማን አ ካትያ ቆይሴዳዋዲን፡ ሄዋዳንካ አይ ካታማን አ ካትያ ቆይሳ። ሸን፡ ቦንቁዳ ኦዎዱዋን ድኤዳ ሙሀያ ሀንተንቶ

አክተ። ካታማጥ ጉዩ ባጋና ሙጊደ ናግያ ኦላንቻቲዋ ዋላ” ያጌዳ።

3 ኢያሱን ኦላንቻቲ ኡባይ አይ ካታማ ኦላናዉ ደንዴድና። ኢያሱ ባረ ኦላንቻቲዋ ግድጥ ሀታሙ ሻእ ግድያ ምና ኦላንቻቲዋ ደሪደ፡ ቃማን ዩዴዳ።

4 ኡንቲንታ ሀዋዳን ያጊደ አዛዜዳ፤ “ሰሰተ፡ ካታማጥ ጉዩ ባጋና ሙጊደ ናግተ። ካታማጥ ሃኪደ ቦፕተ፤ ኡባይካ ጊጊደ ናግተ።

5 ታንነ ታናና ደእያ አሳይ ኡባይ ካታማኮ ሺቃና። ሄ ዋደ አይ ካታማ አሳይ ካሰዋዳንካ ኑና ኦላና ጊደ ከሳና፤ ኔን ኡንቲንቲጥ ባቃታና።

6 ካታማጥ ኡንቲንቲ ዉር ከሳና ጋካናዉ፡ ኔን ኡንቲንቲ ዋጲና፤ ያቶጥ ኡንቲንቲ፡ ‘ካሰዋዳንካ እሰራኤላቲ ኑ ሰንላጥ ባቃቲኖ’ ያጋና።

7 ሄ ዋደ ሀንተንቲ ሙጌዳ ሳኣጥ ከሰነ፡ ካታማ ኦይቂ አጋና፤ ጸሳይ ሀንተንቲ ጸሳይ ካታማ ሀንተንቲ ኩሽያን አላ እማና።

8 ካታማ ኦይቂዳዋጥ ጉይያን፡ ጸሳይ አዛዜዳዋዳን ታማን ጸግተ። ሰም ታን ሀንተንቲ ኦዳድ” ያጌዳ።

9 ኢያሱ ኦላንቻቲዋ ዩድና ኡንቲንቲ ሙግያ ሳኣ ቢደ አይ ካታማጥ አዋይ ዉልያ ባጋና ደእያ ቤቴለፕነ አይፕነ ግዲዋን ሙጊደ ናጌድና። ሸን ኢያሱ ሄ ጋላሰ ቃማ አሳና እትጥ አቁዳ።

10 ዋንተላ ጋላሰ ጉራን ኢያሱ ደንዲድ፡ ኦላንቻቲዋ ሳልፕሴዳ፤ ያቲደ እነ እሰራኤልያ ጭማቲን ኦላንቻቲዋ ካለሌደ አይ ካታማ ቤድና።

11 እናና ደእያ ኦላንቻቲ ኡባይ ቢደ፡ አይ ካታማ ማቲደ ካታማጥ ሁጲሳ ባጋና ዲንካኔድና፤ ኡንቲንቲፕነ አይ ካታማፕነ ግዲዋን ዋምባይ ደኤ።

12 ኢያሱ እቼሹ ሻእ ኦላንቻቲዋ አፊደ፡ ካታማጥ አዋይ ዉልያ ባጋና፡ ቤቴለፕነ አይፕ ግዲዋን ሙጋናዳ ዋሌዳ።

13 ካታማጥ ሁጲሳ ባጋና ደእያ ኦላንቻቲዋን ካታማጥ አዋይ ዉልያ ባጋና ሙግ ኡቲዳ ኦላንቻቲዋ ኡባ ሳኣ ኦይሌዳ። ሄ ጋላሰ ቃማ ኢያሱ ሄ ዋምባን አቁዳ።

14 አይ ካታማ ካቲ ሄዋ ቤኤዳ ዋደ፡ እነ አ ኦላንቻቲን ኡባይ ጉራን ኤሌል ደንዲድ፡ አራብያ ዲገ አፍያ ኦግያ ኦይቂደ፡ እሰራኤልያ አሳና ኦላ ጋከታናዉ ዬድና፤ ሸን ካቲ ካታማጥ ጉዩ ባጋና ሙግ ኡቲዳ ኦላንቻቲ ደእያዋ ኤርቤና።

15 ኢያሱን እሰራኤልያ ኡባይን ጸነቲዳዋ ማላቲደ፡ ኡንቲንቲ ሰንላጥ ባዙዋ ሰሚደ ባቃቲድና።

16 አይ ካታማን ደእያ አሳይ ኡባይ ኡንቲንታ ዩደርሳናዉ ጸገቲደ ኢያሳ ዩደርሲደ ካታማጥ ሃኪደ ቤድና።

17 አይንነ ቤቴለን ደእያ አሳይ ኡባይ እሰራኤልያ አሳ ዩደርሳናዉ ዉር ከሰ ድግና፡ ካታማይ ናግያዌ ባይናን ጮ ደያ አቲዳ።

18 ሄዋጥ ጉይያን ሙድና ጎዳይ ኢያሳ፡ “ነ ኩሽያን ደእያ ቶራ አይ ካታማኮ ዛራደ ደንላ። አያዉ ጎጥ፡ ታን አይ ካታማ ነ ኩሽያን አላደ እማና” ያጌዳ። ኢያሱ ባረ ቶራ ካታማኮ ዛሪደ ደንሌዳ።

19 ኢያሱ ቶራ ያ ዛሪደ ደንፍዳ ዋደ፤ ሙግ ደእያ አላንቻቱ ባረንቱ ሙጌዳ ሳኣፕ ኤሌል ደንዲደ፤ ካታማ ገል እጌድኖ። ኦይቂደ፤ ኤለካ ካታማ ታማን ኦይሉ እጌድኖ።

20 አይ ካታማ አሳይ ጉየ ሰሚደ ጸልያ ዋደ፤ ካታማ ጩዋይ ሳሉዋ ከሴዳዋ በኤድኖ፤ ሸን ያነ ሃነ ባቃታናዉ ዳንዳይበይክኖ። አያዉ ጎፕ፤ ባዙዋ ባቃቲዳ እሰራኤልያ አሳይ ባረና የደርሴዳ ኡንቲንቱ ቦላ ጉየ ሰሚዳ።

21 ኢያሱነ እሰራኤልያ አሳይ ኡባይ ሙግ ኡቲዳ አላንቻቱ ካታማ ኦይቂዳዋን ጩዋይ ሳሉዋ ከሴዳዋ በኤዳ ዋደ ጉየ ሰሚደ፤ አይ ካታማ አሳ ዋዴድኖ።

22 ሙግ ኡቲዳ አላንቻቱካ ካታማፕ ኡንቲንቱ ቦላ ከሴድኖ። ያትና፤ አይ አላንቻቱ እሰራኤልያ አላንቻቱዋን ላኡ ባገና ድረቲድኖ። እት አሳይነ ፓጸ አተናን ዋይ ከሰ እከናን ኡባ ዋዴ ወርሴድኖ።

23 ሸን አይ ካታማ ካትያ ፓጸ ኦይቂደ፤ ኢያሱኮ አሄድኖ።

24 እሰራኤልያ አሳይ አይ ካታማ አሳይ ኡንቲንታ የደርሴዳ ደምባን ቃራ ማሻን ሙሽራሕ ወርሴዳዋፕ ጉይያን፤ ኡባይካ ጉየ አይ ካታማ ሰሚደ፤ ካታማን አቲዳ አሳ ኡባ ቃራ ማሻን ዋዴድኖ።

25 ሄ ጋላስ አይ ካታማ አሳይ አቲማዌነ ማጫዌ ኡባይ ወር ሀይቂዳ፤ ሀይቂዳ አሳይ ኡባይ ታማነ ላኡ ሻእ።

26 ኢያሱ አይ ካታማን ደእያዋ ኡባ ሙላ ወርሳና ጋካናዉ፤ ካታማኮ ማል ዋሌዳ ቶራ ዲገ ዋሕቤና።

27 ሸን መድና ጎዳይ ኢያሳ አዛዜዳዋዳን፤ እሰራኤልያ አሳይ ሄ ካታማ መሀያነ ደእያባ ባረንቶ አኬድኖ።

28 ኢያሱ አይ ካታማ ጸግና ሀቼ ጋካናዉ ሹቻ ኬላ ግዲደ እት እጌዳ።

29 አይ ካታማ ካትያ አማርስ ጋካናዉ ሞላ ቦላን ካቂዳ። አዋይ ወልያ ዋደ፤ ኢያሱ አዛዝና፤ አ አሃ ካቂዳ ሞላፕ ዋሊደ ካታማ ገልያ ፕንግያን ኦሌድኖ፤ አ ቦላን ዳር ሹቻ ኬሌድኖ። ሹቻይ ሀቼ ጋካናዉ ሄ ሳኣን ደኤ።

ኤባላ ደርያን ሀገ ናባበቲዳ

30 ሄዋፕ ጉይያን ኢያሱ ኤባላ ግያ ደርያ ቦላን መድና ጎዳዉ እሰራኤልያ መድና ጎዳዉ ያርሹዋ ያርሹያ ሳኣ ግምቤዳ።

31 መድና ጎዳ ቆማይ ሙሴ እሰራኤልያ አሳ አዛዜዳዋዳን ሙሴ ሀግያ ማጻፋን ጎዳዉ፤ ያርሹያ ሳኣይ ማስትቤናነ ብራታይ ቦቶቤና ሹቻፕ ግምብቲዳ። እን መድና ጎዳዉ ጸግያ ያርሹዋን እትፕተላ ያርሹዋ ያርሹድኖ።

32 ሄ ሳኣን እሰራኤልያ አሳይ ጸልሸን፤ ኢያሱ ሙሴ ሀግያ ዱቆዋ ሹቻ ቦላን ጻፌዳ።

33 ሄ ዋደ፤ እሰራኤልያ አሳይ ኡባይ፤ እሰራኤልያ ዛራቱ፤ አላጋቱ፤ ጭማቱ፤ ጋዳዋቱን ዳናቱ ኡባይ መድና ጎዳ ቃላ ጫቁዋ ታቦታ ቶኬዳ ሌዊያ ዛርያ ግድያ ቄሳቱዋ ሰንሳን ቃላ ጫቁዋ ታቦታፕ ኡሸቻ ባገናነ ሀድርሳ ባገና

ኤቁድኖ። ኡንቲንቲፕ ባጋ አሳይ ባረንቱ ዞኪያ ጋሪዛማ ግያ ደርያኮ ዛርና፤ ባጋ አሳይ ኤባላ ግያ ደርያኮ ዛሪደ ኤቁድኖ። ኡንቲንቲ መድና ጎዳ ቆማይ ሙሴ ካስ አዛዜዳዋዳን፤ እሰራኤልያ አሳ አንጃናዉ ሄዋዳን ሀኔድኖ።

34 ሄዋፕ ጉይያን ሀግያ ማጻፋን ጻፈቶዋዳን፤ ኢያሱ ሀግያ ቃላ ኡባ፤ አንጃዋካ ሸቃካ ናባቤዳ።

35 ሙሴ አዛዜዳዋ ኡባፕ ኢያሱ ናባበናን አጌዳ እት ቃላይካ ባዋ። ኩመንላ እሰራኤልያ ሸቆ፤ ማጫ አሳዉ፤ ናናቶ፤ ኡንቲንቲ ግድን ደእያ አላጋቲዋናካ ኡባዉ ናባቤዳ።

9

ጋባኦና አሳቱ ኢያሳ ጭማድኖ

1 ዮርዳኖሳ ሻፋፕ አዋይ ወልያ ባገና ደእያ ካተቱ ኡባይ፤ ገዝያን ደእያዋንቱ፤ ጋዳን ደእያዋንቱ፤ ማድትራነ አባ ባዙዋ ኦይቂ ቢደ ሊባኖሳ ጋካናዉ ደእያዋንቱ፤ ሂተቱዋ፤ አሞራዋናቱዋ፤ ካናንቱዋ፤ ፓርዛዋናቱዋ፤ ሂዋቱዋን ያቡሳዋናቱዋ ካተቱ ኡባይ እሰራኤልያ አሳይ ጸኔዳዋ ሰሴድኖ።

2 ኢያሳነ እሰራኤልያ አሳ ኦላናዉ ባናዉ እትፕ ሸቆድኖ።

3 ጋባኦና ካታማን ደእያ ሂዋቱ ኢያሱ ያርኮ ካታማንነ አይ ካታማን ኦሌዳዋ ሰሴዳ ዋደ።

4 ጭማናዉ ኮዬድኖ። ኡንቲንቲ ሸንቃ ቃቺደ ጩርቃ ደንያቱዋ ዳሳ ዋሕ ሰኬዳ ኤሳ ኦጎርቱዋ ሀርያን ጫኒደ፤ ኢያሱኮ ከተቲድኖ።

5 ከተቲዳ አሳቱ ወራዳ ኤጫ ማዩዋ ማዩደ፤ ዋሕ ሰኬዳ ጫማ ባረንቲ ገድያን ዋሌድኖ፤ ኡንቲንቲ ሸንቃዉ ጊደ ኦይቂዳ ቆማይ ኡባይ መሌዳዋን ፑሉማዳዋ።

6 ሄዋፕ ጉይያን ኡንቲንቲ ኢያሱ ደንካኔዳ ሳኣ ገልጋላ ቢደ፤ አውነ እሰራኤልያ አሳዉ፤ “ኡን ሃኮ ጋድያፕ ዬደ። ሀይ ኦናና ሳር ደእና ማላ ቃላ ጫቁዋ ጫቃ” ያጌድኖ።

7 እሰራኤልያ አሳይ ሂዋቱዋ፤ “ሀንተንቲ ኑ ጋድያን ደእያ አሰንተን፤ አያን ኤሪደ ሀንተናና ጫቁታኔ?” ያጌዳ።

8 ሄዋፕ ጉየ ኡንቲንቲ ኢያሳ፤ “ኡን ነ ቆማቱዋ” ያጌድኖ።

ኢያሱ፤ “ሀንተንቲ ኦኔ? ሀቃፕ ዬድቲ?” ያጊደ ኦቼዳ።

9 ሸን ኡንቲንቲ፤ “ኡን ነ ቆማቱ መድና ጎዳ ነ ጸሳ ዋርያ ሰሲደ፤ ዳር ሃኮ ጋድያፕ ዬደ። እ ግብጾ ጋድያን ኦሌዳዋ ኡባ ኑን ሰሴዳ።

10 ቃይ ዮርዳኖሳ ሻፋፕ ሄፍንላ አዋይ ደልያ ባገና ደእያ አሞራዋናቱዋ ካተቱዋ ላኡዋ፤ ሀሰቦና ካትያ ሰሆናነ አሰታርታ ካታማን ደእያ ባሳነ ካትያ ኦጋ እ ኦሌዳዋካ ሰሴዳ።

11 ኑ ጋደ ጭማቱነ ኑ ቢታን ደእያ አሳይ ኡባይ ኦና፤ ሀንተ ባና ኦግያዉ ሸንቃ ኦይቂደ፤ ቢደ ኡንቲንቲና ጋከቲደ ኡንቲንታ፤ “ኡን ሀንተንቲ ቆማቱዋ፤ ሀንተንቲ ኦናና ሳር ደእና ማላ ጫቁዋ ጫቁርክተ” ያግተ። ያጌድኖ።

12 “ኑን ህንተንቱኮ ያናው ኑ ሶፕ ሸንቃ አክያ ጋላሰ፡ ሀ ኡክላይ ሆኡዋ፤ ሸን ሀእ መሌዳዋን ፑሌሜዳዋ በእተ!

13 ሀዋንቱ ኤሳ ኦጎርቱ ኑን ኩንላያ ዋደ ኦራላ፤ ሸን ሀእ ዳከቱዳዋ በእተ! ኦጎ ሃኮ ግዴዳዋ ጋሱዋን፡ ኑ ማዩን ኑ ጫማይ ወራዳ” ያጌድኖ።

14 መድና ጎዳ ኦቼናን፡ እሰራኤልያ አሳይ ኡንቱንቱ ሸንቃፕ አማራዳዋ አኬዳ።

15 ያትና፡ ኢያሱ ኡንቱንቱ ፓጻ አቲደ ባረናና ሳር ደእና ማላ ጫቁዋ ኡንቱንቱና ጫቁቱዳ፤ ማባራ ካለላያዋንቱካ ሄ ጫቁዋ ቃላ አፍዳን ጫቁድኖ።

16 ኡንቱንቱና ጫቁዋ ጫቁቱዳ ሄዘንሎ ጋላሳፕ ጉይያን፡ ሀ አሳቱ ኡንቱንቱ ጋድያን ደእያ ሾር ግድያዋ እሰራኤልያ አሳይ ሰሴዳ።

17 እሰራኤልያ አሳይ ሄዙ ጋላሳ ሀመቲደ፡ አሳቱ ደእያ ካታማቱዋ ጋኬድኖ። ኡንቱንቱ ካታማቱ ጋባኦና፡ ካፊራ፡ ባኤርታን ቅርያት-ይአሪማ ጌተትኖ።

18 ሸን ማባራ ሱንላቱ ኡንቱንቱ መድና ጎዳ እሰራኤልያ ጸሳ ሱንላን ጫቁዳ ድራው፡ ኡንቱንቱ ዋድብይክኖ። ያትና፡ ኩመንላ ማባራይ ሱንላቱዋ ቦላን ዙዙሜዳ።

19 ሸን ካፓቱ ኡባይ ሀዋዳን ያጌድኖ፤ “ኑን ኡንቱንቱ መድና ጎዳ እሰራኤልያ ጸሳ ሱንላን ጫቁዳ ድራው፡ ሀእ ሰም ኡንቱንቱ ቦቻናው ዳንዳዮኮ።

20 ሸን ኑን ኡንቱንቱ ሀዋዳን ኦላና፤ ኑን ኡንቱንቱ ጫቁዳ ጫቁዋ ካድና ጸሳ ሀንቁ ኑ ቦላን ዋፍዳን፡ ኡንቱንቱ ፓጻ ደእኖ።

21 ሸን ደእደ ማባራው ኡባው ሞላ ቃንጸያዋንታን ሃላ ትክያዋንታ ግድኖ” ያጌድኖ። ሄዋ ድራው ጋባኦናቱዋ ሱንላቱ ጌዳዋዳን ሀኔድኖ።

22 ኢያሱ ጋባኦና አሳቱዋ ጸገደ፡ “ኑ ጋድያን ደእደ፡ ኑን ዳር ሃኮ ጋድያፕ ዬዶ ገደ፡ እያው ኑና ጭሜድቱ?

23 ህንተንቱ ሄዋ ሀኔዳ ድራው ሸቀቱድታ፤ ህንተንቱ መድናው ታ ጸሳ ጎለን ሞላ ቃንጸያን ሃላ ትክያ አይልያ ግድና” ያጌዳ።

24 ኡንቱንቱ ኢያሱው ዛሪደ ሀዋዳን ያጌድኖ፤ “ኑን ነ ቆማቱ መድና ጎዳይ ሀ ጋድያ ኡባ ህንተንቱ እማናዳን እን ደእያ አሳ ኡባ ህንተንቱ ሰንላፕ ቆይሳናዳን ባረ ቆማ ሙሳ አዛዜዳዋ ጌሸደ ሰሴዳ። ሄዋ ድራው ህንተፕ ኑ ሸምፖ ዳር ያዪደ ሀዋ ኦሴዳ።

25 ሀእ ሰም ኑን ነ ኩሸያን ደኤቶ። ኑና ነው ሎእነ ሱረ ማላት ቤቴዳዋዳን ኦላ” ያገደ ዛሬድኖ።

26 ያትና፡ ኢያሱ ኡንቱንቱ እሰራኤልያ አሳይ ዋፍዳን አሼዳ።

27 ሄ ጋላሰ ኢያሱ ጋባኦና አሳቱዋ እሰራኤልያ ማባራውን መድና ጎዳው ያርሸያ ሳኦው ሞላ ቃንጸያዳን ሃላ ትክያዳን ኦላና ኡንቱንቱ ሀቼ ጋካናው ጸሳይ አሳይ ባረው ጎይናናዳን ደሬዳዋ ሳኦን ሀቃን ሄዋዳን ኦሴደ ደእኖ።

1 ኢያሱ ካሰ ያርኮ ካታማ ኦለቲደ ባይዜዳዋዳንን ኡንቱንቱ ካትያ ዋዴዳዋዳን፡ አይ ካታማ ኦለቲደ ኡባ ባይዜዳዋን ኡንቱንቱ ካትያካ ዋዴዳዋ የሩሳላመ ካትያ አደንጸደቅ ሰሴዳ። ቃይ ጋባኦና አሳይ እሰራኤልያ አሳና ሳር ደእናው ጫቁቱዳዋን ሀእ ኡንቱንቱና እትፕ ደእያዋ ሰሴዳ።

2 አ አሳይካ ሎይላ ያዬዳ። እያው ጎፕ፡ ጋባኦና ካታማይ ካትቱዋ ካታማቱዋፕ እቱዋ ማላ ዋልቃማ ካታማ፤ ቃይ ሄ ካታማይ አይ ካታማፕ ዳሬ፤ እን ደእያ እቱማ አሳይካ ሞና።

3 ያትና፡ የሩሳላመ ካትያ አደንጸደቅ፡ ከብርን ካትያ ሆሃማው፡ ያርሙታ ካትያ ፕራማው፡ ላክሻ ካትያ ያፍአው፡ ኤግሎና ካትያ ዳቢራው ሀዋዳን ያገደ ከቱዳ፤

4 “ጋባኦና ካታማ አሳይ ኢያሱናን እሰራኤልያ አሳና ሳር ደእናው ጫቁቱዳ ድራው፡ ኡንቱንቱና ኦለታናው ዩደ ታና ማዴርክቱ” ያጌዳ።

5 ሄዋፕ ጉይያን አሞራዋናቱዋ ካተቱ እቼሻቱ የሩሳላመ ካቱ፡ ከብርን ካቱ፡ ያርሙታ ካቱ፡ ላክሻ ካቱን ኤግሎና ካቱ ባረንቱ ኦላንቻቱዋ እትፕ ጋሴድኖ። ባረንቱ ኦላንቻቱዋ ኡባ አኪደ ፑደ ቢደ፡ ጋባኦና ካታማ ደዲደ ኦሌድኖ።

6 ጋባኦና አሳይ ገልጋላን ዲንካኒደ ኢያሱኮ ከቲደ፡ “ኑና ነ ቆማቱዋ አጎፕ፤ ኤለካ ኑኮ ያደ ኑና አሻ። ገዘያን ደእያ አሞራዋናቱዋ ካተቱ ኡባይ ኑና ኦላናው ባረንቱ ኦላንቻቱዋ እቱዋ ኦሴዳ ድራው፡ ኑን ኑና ማዳ” ያጌድኖ።

7 ሄዋፕ ጉዮ ኢያሱ፡ አናና ደእያ ኦላንቻቱ ኡባይን ሞኖ አሳቱ ኡባይ ገልጋላፕ ደንዲደ ቤድኖ።

8 መድና ጎዳይ ኢያሳ፡ “ኡንቱንቱ ያዮፕ! ታን ኡንቱንቱ ነ ኩሸያን አላደ እማድ። ኡንቱንቱፕ እቱን ኔናና ኤቃታናው ዳንዳዮና” ያጌዳ።

9 ሄዋፕ ጉይያን ኢያሱ ገልጋላፕ ቃማ ኡባን ሀመቲደ እቁደ፡ ኡንቱንቱ እኬከናን ደእሸን ኡንቱንቱ ቦላ ዋራጄዳ።

10 መድና ጎዳይ እሰራኤልያ አሳ ሰንላን ህንቱቶ ዋዛና ካሃ ባይዜዳ፤ ያትና፡ እሰራኤልያ አሳይ ኡንቱንቱፕ ዳር አሳ ጋባኦናን ዋዴዳ። እሰራኤላቱ ኡንቱንቱ ቤት-ሆርና አፍያ ኦግያ ኦይሴደ ጎዲደ፡ አዜቃን ማቁዳ ጋካናው ቡሴድኖ።

11 ቤት-ሆርናፕ ዲገ አዜቃ አፍያ ኦግያ ኦይቁደ ኡንቱንቱ እሰራኤልያ አሳ ሰንላፕ ባቃትሸን፡ መድና ጎዳይ ዋልቃማ ሻቻ ሳሉዋፕ ኡንቱንቱ ቦላን ቡክሴዳ። እሰራኤልያ አሳይ ማሻን ዋዴዳ አሳፕ፡ ሻቻይ ዋዴዳ አሳይ ፓይዲዋን ዳሬዳ።

12 መድና ጎዳይ አሞራቱዋ፡ እሰራኤልያ አሳው አላ እማዳ ጋላሰ፡ እሰራኤልያ አሳ ሰንላን ኢያሱ መድና ጎዳ፡

“አዋ ኦይፊ ጋባኦና ቦላን፡ ወለናን ጋምኦ።

አግናይካ አያሎና ዛንጋራ ቦላን ኤቆ” ያጌዳ።

13 ሄዋፕ ጉዮ እሰራኤልያ አሳይ ባረንቱ ሞርከቱዋ ጸናና ጋካናው፡ አዋይ ወለናን ጋምኤዳ። አግናይካ ባረ ደእያ ሳኦፕ ቃጽቤና።

10

አዋይ ኤቁዳ

ህዋ ያሻራ ማጻፋን ጸፈት ኡቲዳ። አዋይ ሳሎ ግድ ባጋን ቃጸናን ኤቁዳ፤ እት ጋላሳ ኡባ አዋይ ወለናን ታኬዳ።

14 መድና ጎዳይ አሳይ ኦዴዳዋ ሰሴዳ ህ ጋላሳ ማላ ጋላሳይ ህዋጥ ካሰ ግድናካ፤ ህዋጥ ህ ደምና ኡባካ ሀንቤና። ቱሙካ መድና ጎዳይ እስራኤልያ አሳዉ ኦላቲዳ!

15 ህዋጥ ጉይያን ኢያሱኑ እስራኤልያ ኦላንቻቱ ኡባይ ባረንቱ ዲንካኔዳ ሳኦ ገልጋላ ሰሜድና።

እቼሹ ካታቱ ጸነቲድና

16 ህ አሞራዋናቱዋ ካተቱ እቼሻቱ ባቃቲደ፤ ማቄዳ ካታማ ማታን ደእያ ጎንጎሉዋ ግድን ቆሰቲድና።

17 እያሱ፡ “እቼሹ ካተቱ፤ ማቄዳ ካታማ ማታን ደእያ ጎንጎሉዋ ግድን ቆሰቲዳዋንታ ደሜዳ” ያገደ ኦዴድና።

18 ኢያሱ፡ “ዋልቃማ ሹቻቱዋ ጎንደርሲደ፤ ጎንጎሉዋ ጥንግያ ጎርዲደ ኡንቲንታ ናጋና ማላ፤ አሳ ያን ዋላተ።

19 ሸን ሀንተንቱ ያን ጋምኦፕተ፤ ሀንተንቱ ሞርከቱዋ የደርሲደ፤ ጉየና ኡንቲንታ ኦልተ፤ ኡንቲንታ ኡንቲንቱ ካታማ ገልሶፕተ። መድና ጎዳይ ሀንተንቱ ጸሳይ ኡንቲንታ ሀንተንቱ ኩሽያን አላደ እሜዳ” ያገደ።

20 ባረንቱ ግሞበቲዳ ካታማቱዋ ባቃቲደ ገሌዳ ላፋ አሳቱ አትና፤ ሀንኮ አሳ ኡባ ኢያሱኑ እስራኤልያ አሳይ ወርሰ ዋዴድና።

21 ህዋጥ ጉይያን፤ አሳይ ኡባይ ሳሩዋን ሰሚደ፤ ኢያሱ ዲንካኒደ ደእያ ማቄዳ ግያሳ ዬዳ። ህደፕ ደምና እስራኤልያ አሳ ቦላን እት ቃላን ቃቲዳ አሳይ ባዋ።

22 ህዋጥ ኢያሱ፡ “ጎንጎሉዋ ጥንግያ ደዪደ፤ ህ እቼሹ ካተቱዋ ከሲደ፤ ታዉ ህ አኪደ ዪተ” ያገደ።

23 ህዋጥ ጉየ ጎንጎሉዋ ግደፕ የሩሳላመ ካትያ፤ ከብርን ካትያ፤ ያርሙታ ካትያ፤ ላክሻ ካትያን ኡግሎና ካትያ ከሲደ አኮ አህድና።

24 ኡንቲንቱ ህ ካተቱዋ ኢያሱኮ አህዳ ዋደ፤ ኢያሱ እስራኤልያ አሳ ኡባ ባረኮ ጴሲደ ባረናና ቤዳ ኦላ ጋዳዋቱዋ፡ “ሃ ዪደ ሀንተንቱ ገድያን ሀ ካተቱዋ ቆድያ የድተ” ያገደ። ህዋጥ ዪደ ባረንቱ ገድያን ኡንቲንቱ ቆድያ የዴድና።

25 ኢያሱ ኡንቲንታ፡ “ያዮፕተ፤ ሀርሳፕተ፤ ሞንተነ ጸልተ። ሀንተንቱ ኦላትያ ሀንተንቱ ሞርከቱዋ ኡባ መድና ጎዳይ ሀዋዳን ኦላና” ያገደ።

26 ህዋጥ ጉይያን ኢያሱ እቼሹ ካተቱዋ ዋዴደ እቼሹ ሞላ ቦላን ካቄዳ፤ ኡንቲንቱ ኦማርሰ ጋካናዉ ካቄዋን ፔሼድና።

27 አዋይ ወልያ ዋደ፤ ኢያሱ አዛዝና ኡንቲንታ ሞላፕ ዋሴድና፤ ኡንቲንቱ ካሰ ቆሰቲደ ደኤዳ ጎንጎሉዋ ግድ ኦላድና። ያቲደ ጎንጎሉዋ ጥንግያ ዋልቃማ ዋልቃማ ሹቻቱዋ ጎንደርሲደ ጎርዴድና። ህ ሹቻቱ ሀቼ ጋካናሰካ ያን ደእያ።

ኢያሱ አሞራዋናቱዋ ካታማቱዋን ሀራቱዋካ ጸኔዳ

28 ህ ጋላሰ ኢያሱ ማቄዳ ካታማ ኦይቄደ ካታማ ኡባ ዳይሴዳ፤ ካታማን ደእያ አሳ ኡባ

እቱዋን አሸናን ወርሰ ዋዴዳ። እያርኮ ካታማ ካትያ ካሰ ዋዴዳዋዳን፤ ማቄዳ ካታማ ካትያካ ዋዴዳ።

29 ህዋጥ ጉይያን ኢያሱኑ አናና ደእያ አሳይ እስራኤልያ አሳይ ኡባይ ማቄዳ ካታማፕ ሊብና ግያ ካታማ ቢደ ኦላድና፤

30 መድና ጎዳይ ህ ካታማካ ካታማ ካትያካ እስራኤልያ አሳ ኩሽያን አላደ እሜዳ። ኢያሱ እቱዋን አሸናን፤ ካታማን ደእያ አሳ ኡባ ቃራ ማሻን ቡሳኬዳ። ያርኮ ካታማ ካትያ ካሰ ዋዴዳዋዳን፤ ሊብና ካታማ ካትያካ ዋዴዳ።

31 ህዋጥ ጉይያን ኢያሱኑ አናና ደእያ እስራኤልያ አሳይ ኡባይ ሊብና ካታማፕ ላክሻ ካታማ ቢደ ህ ካታማ ደዲደ ኦላድና።

32 መድና ጎዳይ ላክሻ ካታማ እስራኤልያ አሳ ኩሽያን አላደ እምና ኢያሱ ህ ካታማ ላኤንላ ጋላሳን ኦይቄዳ። ሊብና ካታማ ኦላዳዋዳን ላክሻ ካታማካ ኦላዳ፤ ህ ካታማን ደእያ አሳ ኡባ ቃራ ማሻን ቡሳኬዳ።

33 ህ ዋደ፤ ገዜራ ካታማ ካትያ ሆራም፤ ላክሻ ካታማ ካትያ ማዳናዉ ዬዳ፤ ሸን ኢያሱ አካ ኦ አሳካ ጸኔዳ፤ ኡንቲንቱ እት አሳይን ፓጻ አትቤና።

34 ህዋጥ ሰሚደ፤ ኢያሱኑ አናና ደእያ እስራኤልያ አሳይ ኡባይ ላክሻ ካታማፕ ኡግሎና ካታማ ቢደ ህ ካታማ ደዲደ ኦላድና።

35 ህ ጋላሰ ኡግሎና ካታማ ኦይቄደ ቃራ ማሻን ቡሳኬድና። ላክሻ ካታማ ኦላዳዋዳን፤ ኡግሎና ካታማን ደእያ አሳ ኡባ ወርሰ ዋዴድና።

36 ህዋጥ ጉይያን ኢያሱኑ አናና ደእያ እስራኤልያ አሳይ ኡባይ ኡግሎናፕ ከብርና ቢደ ከብርና ኦላድና።

37 ህ ካታማ፤ ኡንቲንቱ ካትያን ህ ካታማ ዩሹዋን ደእያ ቄር ካታማቱዋ ኦይቄድና። ኡንቲንቱን ደእያ አሳ ኡባካ ቃራ ማሻን ቡሳኬድና። እት አሳካ አሸባይክና። ኢያሱ ኡግሎና ኦላዳዋዳን ህ ካታማካ ኦላዳ፤ ኡንቲንቱን ደእያ አሳካ ወርሰ ዋዴዳ።

38 ህዋጥ ጉይያን ኢያሱኑ አናና ደእያ እስራኤልያ አሳይ ኡባይ ዲቢራ ካታማ ሰሚደ ኦላድና።

39 ኡንቲንቱ ህ ካታማካ፤ ካትያካ፤ ካታማ ዩሹዋን ደእያ ቄር ካታማቱዋካ ኡባ ኦይቄደ ኡንቲንቱን ደእያ አሳ ኡባ እቱዋን አሸናን ወርሰ ዋዴድና። ኢያሱ ከብርና ካታማን ሊብና ካታማን ኦ ካትያ ኦላዳዋዳን፤ ዲቢራ ካታማን ኦ ካትያ ኦላዳ።

40 ኢያሱ ቢታ ኡባ፤ ገዝያ፤ ኔጌባ ባዙዋ፤ ጋጳ ጋድያን ኡንቲንቱ ካተቱዋናካ ኦይቄዳ። መድና ጎዳይ እስራኤልያ ጸሳይ አዛዜዳዋዳን፤ ጋድያ ቦላን ፓጻ ሸምቹዋና ደእያ አሳ ኡባ እቱዋን አሸናን ወርሰ ዋዴዳ።

41 ኢያሱ ኡንቲንታ ቃዴሳ-ባርነፕ ደሚደ ቢደ ጋዛ ጋካናዉ፤ ቃይ ጎሽና ቢታ ኡባፕ ደሚደ ቢደ ጋባኦና ጋካናዉ ኡባ ጸኔዳ።

42 መጅና ጎዳይ እስራኤልያ ጸሳይ እስራኤልያ አሳዉ ኦለቲዳ ጋሱዋን፤ ኢያሱ ሄ ካተቱዋ ኡባ ኡንቱንቱ ቢታናካ እት ገደ ኦላን ጸኔዳ።

43 ሄዋፕ ጉይያን ኢያሱን እስራኤልያ አሳይ ኡባይ ባረንቱ ዲንካኔዳ ሳኦ ገልጋላ ሰሜድኖ።

11

ኢያሱ ሁጺሳ ባጋ ጋድያ ካተቱዋ ጸኔዳ

1 ሀጸራ ካታማ ካትያ ያብን እስራኤልያ አሳይ ጸኔዳዋ ሰሴዳ ዎደ፤ ማዶና ካታማ ካትያ ዮባባዉ፤ ሸምሮና ካታማ ካትያዉ፤ አክሻፋ ካታማ ካትያዉ፤

2 ሁጺሳ ባጋና ገዝያን ደእያ ካተቶ፤ ጋሊላ አባፕ ገድሳ ዮርዳኖሳ ዎምባን ደእያ ካተቶ፤ አዋይ ዉልያ ባጋና ጋቆን ደእያ ካተቶ፤ አዋይ ዉልያ ባጋና ደእያ ዶራ ካትያዉ አሳ ኪቲዳ።

3 ቃይ አዋይ ዶልያ ባጋናን አዋይ ዉልያ ባጋና ደእያ ካናንቶ፤ አምረቶ፤ ሂተቶ፤ ፓርዘቶ፤ ገዝያን ደእያ ያቡሳቶን ምጽጳ ቢታን ሄርሞን ደርያፕ ጋርሳና ደእያ ሂዋቶ ኪቲዳ።

4 ኡንቱንቱ ኡባይ ባረንቱ ኦላንቻቱዋ ደንሊደ፤ እስራኤልያ ኦላናዉ እትፕ ጋከቲድኖ። ሄ ኦላንቻቱ ፓራቱዋናን ፓራ ጋረቱዋና ጋከቲድ፤ ፓይድና ዉረና አባ ዶና ሻፍያዳን ጮራቲድኖ።

5 ሄ ካተቱ ኡባይ ባረንቱ ዎልቃ እትፕ ጋሊደ፤ እስራኤልያ አሳ ኦላናዉ መሮማ ግያ ሃላ ማታን ዲንካኔድኖ።

6 መጅና ጎዳይ ኢያሳ፤ “ኔን ኡንቱንቶ ያዮፓ! ታን ዎንት ሆደ ኡንቱንታ ኡባቱዋካ ዎቆደ፤ እስራኤልያ አሳዉ አላደ እማና። ኔን ኡንቱንቱ ፓራቱዋ ኡባ ግልዳያና፤ ኡንቱንቱ ፓራቱዋ ጋረቱዋካ ታማን ጸጋና” ያጌዳ።

7 ኢያሱን ኦ ኦላንቻቱ ኡባይ ኡንቱንቱ አኬከናን ደእሸን መሮማ ሃላ ማታን ኡንቱንቱ ቦላ ፑቱ ገደ፤ ኡንቱንታ ኦሌድኖ።

8 መጅና ጎዳይ ኡንቱንታ እስራኤላቱ ኩሸያን አሊደ እሜዳ። ኡንቱንታ ጸኒደ፤ ዎልቃማ ሲዶና ግያ ጋድያ፤ ምስራፎታማይማን አዋይ ዶልያ ባጋና ደእያ ምጽጳ ዎምባ ጋካናዉ የደርሴድኖ። ኡንቱንቱፕ እት አሳን አሸናን ዎጄድኖ።

9 ኢያሱ መጅና ጎዳይ ኦ አዛዜዳዋ ኡባ ኡንቱንቱ ቦላን ፖሌዳ፤ ኡንቱንቱ ፓራቱዋካ ግልዳዬዳ፤ ፓራ ጋረቱዋካ ታማን ጸጌዳ።

10 ሄዋፕ ጉይያን ኢያሱ ጉዮ ሰሚደ፤ ሀጸራ ግያ ካታማ ጸኒደ ኦይቂደ ሄ ካታማ ካትያ ማሻን ዎጄዳ። ሄ ዎደ ሀጸራ ካታማይ ሄ ካዉተላ ኡባዉ ሁጺ ካታማ።

11 እስራኤልያ አሳይ ሄ ካታማን ደእያ አሳ ኡባ ቃራ ማሻን ዎጄዳ። ሸምፑ ፓጸ ደእያዎ ኡባ እቱዋን አሸናን ዉርሰ ዎጄድኖ። ኢያሱ ሀጸራ ካታማካ ታማን ጸጌዳ።

12 መጅና ጎዳ ቆማይ ሙሴ አዛዜዳዋዳን፤ ኢያሱ ሄ ካተቱዋ ካታማቱዋን ኡንቱንቱ ካተቱዋ ኡባ ኦምዲደ አሳ ኡባ ቃራ ማሻን ዉርሰ ዎጄዳ።

13 ግዶፕን፤ ኢያሱ ጸጌዳ ሀጸራ ካታማፕ እትና፤ እስራኤልያ አሳይ ዘዘያ ቦላን ኬጸቲዳ ካታማቱዋ ኡባ ጸግቦይክኖ።

14 እስራኤልያ አሳይ ሄ ካታማቱዋፕ ቦንቄዳ ማሻ ኡባን መሀያ ኡባ ባረንቶ አኬድኖ። ሸን አሳ ኡባ ቆይሳና ጋካናዉ ቃራ ማሻን ዎጄድኖ፤ ፓጸ ደእያዎ እያካ አሸቦይክኖ።

15 መጅና ጎዳይ ባረ ቆማ ሙሳ አዛዜዳዋዳን፤ ሙሴካ ኢያሳ አዛዜዳ። ኢያሱካ አዛዙዋ ፖሌዳ፤ መጅና ጎዳይ ሙሴዉ አዛዜዳዋ ኡባፕ እ ኦፍን አጌዳባይ እያይን ባዎ።

ኢያሱ ኦይቂዳ ጋድያ

16 ሄዋዳን ኦሊደ ኢያሱ ሄ ጋድያ ኡባ፤ እስራኤልያ ዘዛቱዋ፤ ኔጌባ ባዙዋ ኡባ፤ ጎሽና ግያ ጋድያ ኡባ፤ አዋይ ዉልያ ባጋና ደእያ ዛንጋራን አራብያ ጋቆ አኬዳ።

17 ሄ ቢታይ ኤዶም ደእያ ሀላቃ ግያ ደርያፕ ዶም ቢደ፤ ሄርሞን ደርያፕ ጋርሳ ባጋና ደእያ ለባኖሳ ዎምባን ደእያ ባኦል-ጋዳ ጋካናዉ ደእያ ሳኦ ጋኬ። ኡንቱንቱ ካተቱዋ ኡባ ኢያሱ ኦምዲደ ዎጄዳ።

18 ኢያሱ ዳሮ ዎድያ ሄ ካተቱዋ ኡባና ኦለቲደ ጋምኤዳ።

19 ጋባኦናን ደእያ ሂዋቱዋፕ እትና፤ ሀራ ካታማይ እቱን እስራኤላቱዋና ሳሮ ደኦና ጫቁዋ ጫቀትቤና፤ እስራኤላቱ ሄ ካታማቱዋ ኡባ ኦላን ጸኒደ ኦይቂድኖ።

20 መጅና ጎዳይ ሙሳ አዛዜዳዋዳን፤ ኢያሱ ኡንቱንታ ቃረት ባይናን እቱዋን አሸናን ዉርሰ ዎጄዳ። አያዉ ጎፕ፤ ኡንቱንቱ እስራኤላቱዋና ኦለታናዳን መጅና ጎዳይ ባረ ሁጺያዉ ኡንቱንቱ ዎዛና ሙምሴዳ።

21 ሄ ዎደ ኢያሱ ቢደ ገዝያን፤ ከብሮና ካታማን፤ ዳቢራ ካታማን፤ አናባ ካታማን፤ ይሁዳ ገዝያን ኡባን እስራኤልያ ገዝያን ኡባን ደእያ አናቀ ዘረላ አዲሳቱዋ ዎጄ ዉርሴዳ። ኢያሱ ኡንቱንታን ኡንቱንቱ ካታማ ኡባና ቆይሴዳ።

22 አናቀ ዛራቱዋፕ እስራኤልያ ጋድያን ኦንን አትቤና፤ ሸን አማራዳዋንቱ ጋዛ፤ ጋተን አሸዶዳ ካታማቱዋ ጸላላን አቲድኖ።

23 መጅና ጎዳይ ሙሳ አዛዜዳዋዳን፤ ኢያሱ ጋድያ ኡባ ኦይቂደ እስራኤልያ አሳዉ ኡንቱንቱ ዛርያን ዛርያን ሻክ እሜዳ። ሄዋፕ ጉይያን ቢታይ ኦለፕ ሸምፔዳ።

12

ሙሴ ኦለቲደ ጸኔዳ ካተቱዋ

1 እስራኤልያ አሳይ ዮርዳኖሳ ሻፋፕ አዋይ ዶልያ ባጋና ደእያ አርኖና ዛንጋራፕ ቢደ ሄርሞን ደርያ ጋካናዉ፤ ቃይ አዋይ ዶልያ ባጋና አራብያ ጋቆ ጋካናዉ ደእያ ጋድያ ካተቱዋ ኡባ ጸኒደ ዎል አኬዳ። ሄ ጸኒቲዳ ካተቱ ሀዋፕ ካሊደ ጸፈቲዳዋንታ።

2 ኡንቱንቱፕ እቱ፤ ሀሰቦና ካታማን ኡቲዳ አዎራዎናቱዋ ካትያ ሰሆና። እ ዎዶዳ ሳኦይ አርኖና ዛንጋራ ጋጸን ደእያ አርኤራ ካታማፕ ደንዲደ፤ አዎናቱዋ ዛዋ ጋካናዉ ደእያ ያቦቃ ሻፋ ጋኬ፤ ሄ ሳኦይ ጋላኦደ ግያ ቢታዉ ዛዋ።

11:20 ዛረ. 7:16 12:1 ፓይ. 21:21-35፤ ዛረ. 2:26—3:11

3 እ ቃይ አዋይ ዶልያ ባጋና አራብያ ጋዳጥ ባጋ አኪደ፡ ጋሊላ አባጥ ቢደ፡ ቤት-ያሸዋታ ካታማና አዲደ፡ ፕሰጋ ግያ ደርያጥ ጋርሳ ባጋና ደእያ ማጽነ አባ ጋካናዉ፡ ቢታቱዋ ዋዴዳ።

4 ሄዋዳንካ፡ ራፋየቱዋ ዛርያጥ ወርሰላን አቴዳ ባሳን ጋድያ ካትያ ኦጋ ጸኔዳ። ኦግ አስታሮታ ካታማንነ ኤድራኦ ካታማን ደኤዳ።

5 እ ዋዴዳ ሳኦይ ሄርዋን ደርያ፡ ሳላካ ግያ ሳኦ፡ ባሳን ጋድያ ኡባ ቢደ ጋሹራን ማእካ አሳቱዋ ዛዋ ጋኬ፤ ቃይ ጋላኦደ ጋድያጥ ባጋ አኪደ፡ ቢደ ሀሰሶና ካትያ ሰሆና ዛዋ ጋካናዉ ደእያ ጋድያ ጋኬ።

6 መድና ጎዳ ቆማይ ሙሴን እስራኤልያ አሳይ ሀ ካተቱዋ ጸኔድና። መድና ጎዳ ቆማይ ሙሴ ኡንቱንቱ ቢታቱዋ ርቤላ ዛርቶ፡ ጋደ ዛርቶን ሞናሰ ዛራቱዋጥ ባጋዉ ሻክ እሜዳ።

ኢያሱ ኦለቲደ ጸኔዳ ካተቱዋ

7 ኢያሱን እስራኤልያ አሳይ ዮርዳኖሳ ሻፋጥ አዋይ ወልያ ባጋ ጋድያን ደእያ ካተቱዋ ኡባ ጸኔድና። ሄ ቢታቱ ለባኖሳ ዋሞባን ደእያ ባኦል-ጋዳጥ ደሚደ፡ ገድሳ ባጋና ኤዶማ ማታን ደእያ ሀላቃ ደርያ ጋኪኖ። ኢያሱ ሄ ቢታቱዋ ሻክ፡ እስራኤልያ ዛርቶ ላታ ጋደ ኦሊደ እሜዳ።

8 ሄ ቢታቱ፡ ገዘያ፡ አዋይ ወልያ ባጋና ደእያ ኦላትያ፡ ዮርዳኖሳ ጋዳ፡ ይሁዳ ባዙዋን ኔጌባ ባዙዋ። ሄ ቢታቱ ካሰ ሂተቱ፡ አሞራዋናቱ፡ ካናነቱ፡ ፓርዛዋናቱ፡ ሂዌቱን ያሱሳዋናቱ ደኤዳ ሳኦ።

9 እስራኤልያ አሳይ ጸኔዳ ካተቱ ሀዋንታ፤ ያርኮ ካትያ፡ ቤቴለ ማታን ደእያ አይ ካትያ፡

- 10 ዩሩሳላሙ ካትያ፡ ከብሮና ካትያ፡
- 11 ያርሙታ ካትያ፡ ላክሻ ካትያ፡
- 12 ኤግሎና ካትያ፡ ገዜራ ካትያ፡
- 13 ዳቢራ ካትያ፡ ገዴራ ካትያ፡
- 14 ሆርማ ካትያ፡ አራዳ ካትያ፡
- 15 ሊብና ካትያ፡ አዲላማ ካትያ፡
- 16 ማቄዳ ካትያ፡ ቤቴለ ካትያ፡
- 17 ታፑሀ ካትያ፡ ሄፌራ ካትያ፡
- 18 አፌቃ ካትያ፡ ላሻሮና ካትያ፡
- 19 ማዶና ካትያ፡ ሀጸራ ካትያ፡
- 20 ሸሞሮን-ማሮና ካትያ፡ አክሻፋ ካትያ፡
- 21 ታእናካ ካትያ፡ ማግደ ካትያ፡
- 22 ቃዴሳ ካትያ፡ ቃርመሎሳን ደእያ ዮቅናኦማ ካትያ፡
- 23 ዶራ ገዘያን ደእያ ዶራ ካትያ፡ ገልጋላን ደእያ ጎይማ ካትያን
- 24 ትርጸ ካትያ። ኡንቱንቱ ኡባይ ሀታማን እት ካተቱዋ።

ቢታ ግሹዋ

13

(13:1—21:45)

ዮርዳኖሳጥ ዶላሃ ባጋና ደእያ ቢታ (13:1-33)

1 ኢያሱ ጭሚደ፡ ላይላ ሎይላ ሱጌዳ ዋደ፡ መድና ጎዳይ አዉ፡ “ኔን ጭማዳ፤ ላይላካ

ሎይላ ሱጋዳ። ሸን ኦይቀተናን አቴዳ ዳር ቢታይ ብሮ ደኤ።

2 ኦይቀትቤና ቢታቱ ሀዋንታ፡ ፕልሰጾማቱዋ ጋድያን ጋሹራቱዋ ጋድያ ኡባ።

3 ግብጾጥ አዋይ ዶልያ ባጋና ደእያ ሸሆራ ሻፋጥ ደሚደ፡ ሁጲሳ ባጋና ደእያ ኤቅሮና ጋድያ ጋካናዉ ደእያ ቢታቱ ኡባይ ካናን ጋድያን ፓይደቲና። እቼሹ ፕልሰጾማ ካተቱ ዋድያ ካታማቱ ጋዛ፡ አሸደዳ፡ አሰቃሎና፡ ጋታን ኤቅሮና ጌተትያ። አዋቱዋ ቢታይካ ብሮ ኦይቀትቤና።

4 ገድሳ ባጋና ካናነቱ ቢታይ ኡባይ፡ ሲዶናቶ ደእያ ማኦራ ግያ ሳጥ ደንዲደ ቢደ፡ አሞራዋናቱዋ ጋድያን ደእያ አፌቃ ካታማ ጋካናሰካ ኦይቀትቤና።

5 ገባላቱ ቢታይ አዋይ ዶልያ ባጋና ለባኖሳ ቢታይ ኡባይ፡ ሄርዋን ደርያጥ ጋርሳ ባጋና ደእያ ባኦል-ጋዳ ካታማጥ ቢደ፡ ሀማታ ፕኡዋ ጋካናዉ ብሮ ኦይቀትቤና።

6 ለባኖሳጥ ቢደ ሞሰራፎታ-ማይማ ጋካናዉ ደእያ ገዘያን ደእያ ሲዶናቱዋ ቢታይካ ኦይቀትቤና። ታን ታ ሁጲያዉ እስራኤልያ አሳ ሰንሳጥ ኡንቱንታ ላጋደ ከሳና። ታን ኔና አዛዜዳዋዳን፡ ኔን ሀ ቢታቱዋ እስራኤልያ አሳዉ ጋደ ኦላደ ሻካ።

7 ሀእ ኔን ሀ ጋድያ ኡዴፑን ዛርቶን ሞናሰ ዛራቱዋጥ ባጋዉ ሻካ” ያጌዳ።

ዮርዳኖሳ ሻፋጥ አዋይ ዶልያ ባጋ ቢታ ሻኩዋ

8 ሞናሰ ዛራቱዋጥ ባጋቱ፡ ርቤላ ዛራቱን ጋደ ዛራቱ መድና ጎዳ ቆማይ ሙሴ ዮርዳኖሳ ሻፋጥ ሄፍንላ አዋይ ዶልያ ባጋና ኡንቱንቶ ግሽ ዋዴዳ ጋድያ አኬድና።

9 ኡንቱንቱ ቢታይ አርኖና ዛንጋራ ጋርሳን ደእያ አርኤራ ካታማጥ ደንዲደ፡ ሄ ዛንጋራ ግድን ደእያ ካታማ ኦይቂደ፡ መዳባ ግያ ገዘያ አጅ ቢደ፡ ድቦና ጋኬ።

10 ቃይ ሀሰሶናን ኡቲደ ዋድያ አሞራዋናቱዋ ካትያ ሰሆና ካታማቱዋ ኡባ ኦይቂ ቢደ፡ አሞናቱዋ ዛዋ ጋኬ።

11 ሄዋዳንካ፡ ቃይ ጋላኦደ ጋድያ፡ ጋሹራቱዋ ጋድያ፡ ማእካቱዋ ጋድያ፡ ሄርዋን ደርያ ኡባን ሳላካ ጋካናዉ ደእያ ባሳን ጋድያ ጋኬ።

12 አስታሮታ ካታማንነ ኤድራኦ ካታማን ደእያ ዋድያ፡ ራፋየቱዋ ዛርያጥ ወርሰላን አቴዳ ባሳን ካትያ ኦጋ ጋድያ ኡባ ኦይቂዳ። ሙሴ ሄ አሳ ኡባ ጸኔደ፡ ኡንቱንቱ ጋድያጥ ላጌደ ከሴዳ።

13 ሸን እስራኤልያ አሳይ ጋሹራ አሳን ማእካ አሳ ጋድያጥ ከሰበይክና፤ ሄዋ ድራዉ ኡንቱንቱ ሀቼ ጋካናዉ እስራኤልያ አሳ ግድን ደእያ።

14 ሙሴ ሌዊያ ዛራቱዋ ጸላላዉ ላትያ ጋድያ እምቤና። መድና ጎዳይ ሙሴዉ ጌዳዋዳን፡ መድና ጎዳይ እስራኤልያ ጸላዉ ታማን ጹግያ ያርሹዋ ያርሸያዌ ኡንቱንቶ ላታ።

ግሹዋን ርቤላ ዛርሳ ጋኬዳ ቢታ

15 ሙሴ ርቤላ ዛርቶ ኡንቱንቱ ያራን ያራን ጋድያ ሻክ እሜዳ።

16 እንቅንቅ ቢታይ አርኖና ዛንጋራ ጋጽን ደእያ አርኤራ ካታማፕ ደንዲደ፡ ሄ ዛንጋራ ግደን ደእያ ካታማ እይቂደ፡ መዳባ ገዝያ ጋኬ።

17 ቃይ ሀሰቦና፡ ገዝያን ደእያ ካታማቱዎ፡ ድቦና፡ ባሞት-ባኣላ፡ ቤትባኣል-መኣና፡

18 ያሃጸ፡ ቅደሞታ፡ መፋኣታ፡

19 ቅርያታይማ፡ ሲብማ፡ ዛንጋራ ግደን ደእያ ደርያ ቦላ ደእያ ጸረታ-ሻሀራ፡

20 ቤት-ፓኦራ፡ ፕሰጋ ደርያፕ ጋርሳና ደእያ ጋድያን ቤት-ያሸሞታ ጌተትያ ካታማቱዎ ኡባ ጋኬ።

21 ሄዋዳንካ፡ ቃይ ገዝያን ደእያ ካታማቱዎን ሀሰቦና ካታማ ሞዴዳ አሞራዎናቱዎ ካትያ ሰሆና ጋድያ ኡባ ጋኬ። ሙሴ ካትያ ሰሆናን ሞድያማቱዎ ካፓቱዎ ኤዎ፡ ረቄማ፡ ጸራ፡ ሁራን ረባእ ጸኔዳ፤ ሀዋንቱ ሰሆናፕ ጋርሳና ሄ ጋድያ ሞድያዎንታ።

22 እስራኤልያ አሳይ ኦላን ዎዴዳ አሳፕ ሀራ፡ ሻራቹዎ፡ ባኦራ ናኣ ባላኣማካ ማሻን ዎዴድኖ።

23 ርቤላ ዛራቱዎ ዛዎይ ዮርዳኖሳ ሻፋ። ሀ ካታማቱን እንቅንቅ ሄራን ደእያ ሞላቱ፤ ርቤላ ዘረላ እንቅንቅ ያራን ያራን ጋኬዳዎንታ።

ገሹዋን ጋደ ዘረላ ጋኬዳ ቢታ

24 ሙሴ ጋደ ዘረቶ እንቅንቅ ያራን ያራን ጋድያ ሻክ እሜዳ።

25 እንቅንቅ ጋዲ ያእኤራ፡ ጋላኣደን ደእያ ካታማቱዎ ኡባን አሞናቱዎ ጋድያፕ ባጋ አኪደ፡ ራባፕ አዎይ ደልያ ባጋና ደእያ አርኤራ ጋኬ።

26 ሄዋዳንካ፡ ሀሰቦናፕ ደንዲደ፡ ራሞታ-ሞጽጻን በጸጸማ ጋኬ፤ ቃይ ማህሪማፕ ደንድ ቢደ፡ ሎዳባራ ዛዎ ጋኬ።

27 ዮርዳኖሳ ዎሞባዉ ግዳዎን ሀሰቦና ካትያ ሰሆና ካዉተላፕ አቲዳዉንታ፡ ቤት-ሀራማ፡ ቤት-ኒሞራ፡ ሱኮታን ጸፎና ጌተትያ ካታማቱዎ አኬዳ። አዎይ ደልያ ባጋና እንቅንቅ ዛዎይ ዮርዳኖሳ ሻፋ ግዲደ ቢደ፡ ጋሊላ አባ ጋኬ።

28 ሄ ካታማቱን እንቅንቅ ሄራን ደእያ ሞላቱ ጋደ ዘረቶ እንቅንቅ ያራን ያራን ጋኬዳዎንታ።

ገሹዋን ሞናስ ዛራቱዎፕ ባጋ ጋኬዳ ቢታ

29 ሙሴ ሞናስ ዛራቱዎፕ ባካዉ እንቅንቅ ያራን ያራን ጋድያ ሻክ እሜዳ።

30 እንቅንቅ ቢታይ ማህሪማን ባሳን ጋድያ ኡባ ጸጽ ዎጾ፤ ባሳን ካትያ ኦጋ ካዉተላ ኡባን ባሳንን ደእያ ኡሱፕን ታሙ ያኢራ ካታማቱዎ ኦይቄ።

31 ቃይ ጋላኣደፕ ባካን ባሳንን ኦጋ ካዉተላይ ሁጳ ግዴዳ አስታሮታን ኤድራኣ ጌተትያ ካታማቱዎ ጋኬ። ሄ ኡባይ ሞናስ ናኣ ማኪና ዛራቱዎፕ ባጋቶ፡ እንቅንቅ ያራን ያራን ጋኬዳዎ።

32 ዮርዳኖሳፕ ሄፍንላና፡ ያርኮፕ አዎይ ደልያ ባጋና ደእያ ሞኣበ ደሞባን ደኢደ ሙሴ ሻክ እሜዳ ጋዲ ሀዎ።

33 ሸን ሙሴ ሌዊያ ዘረቶ ላትያ ጋድያ እምቤና፤ ካስ መድና ጎዳይ እንቅንቅ ጌዳዎዳን፡ መድና ጎዳይ እስራኤልያ ጸሳይ እንቅንቅ ላታ።

14

ዮርዳኖሳፕ ዉላሃ ባጋና ደእያ ቢታ (14:1—19:51)

1 ቄሰያ ኤልኣዛረ፡ ነዌ ናኣይ ኢያሱን እስራኤልያ ዛራቱዎ ካፓቱ፡ ካናን ጋድያ እንቅንቅ ያራን ያራን ሻክና፡ እንቅንቅ ጋኬዳ ሄራቱ ሀዎፕ ካሊደ ጸፈቱዳዎንታ።

2 መድና ጎዳይ ሙሴ ባጋና አዛዜዳዎዳን፡ እንቅንቅ ላታ ጋዲ ኡዲፕናን ባጋ ግድያ ዘረቶ ሳማን ሻከቱዳ።

3 እያዉ ጎፕ፡ ሙሴ ላእነ ባጋ ግድያ ዘረቶ ዮርዳኖሳ ሻፋፕ ሄፍንላ አዎይ ደልያ ባጋና ካስ ጋድያ እም ዎሌዳ፤ ሸን ሌዊያ ዘረቶ እንቅንቅ ግዲዎን ላታ ጋድያ እምቤና።

4 ዮሴፎ ናናይ ሞናሳን ኤፍሬማ ጌተቲደ ላኡ ዘረ ግዴድኖ። ሙሴ ሌዊያ ዘረቶ ላታ ጋድያ እምቤና፤ ሸን ሄዎ ግሻዉ እንቅንቅ ደእያ ካታማቱዎን እንቅንቅ ባረንቱ መሀያ ዉድያን ደርሳ ዉድያ ሄምያ ሄንላ ጋደቱዎ እሜዳ።

5 መድና ጎዳይ ሙሴ አዛዜዳዎዳን፡ እስራኤልያ አሳይ ጋድያ ሻክ አኬዳ።

ከብርን ካሌባዉ እመቲዳ

6 እት ጋላስ ይሁዳ አሳይ ኢያሱኮ ገልጋል ሸቄድኖ። እንቅንቅፕ እቱ፡ ቀኒዝያ ይፋን ናኣይ ካሌብ ኢያሳ ሀዎዳን ያጌዳ፤ “ኑን ቃዴሳ-ባርንን ደእያ ዎደ፡ መድና ጎዳይ፡ ጸሳ አሳ ግድያ ሙሴዉ ነባን ታባ ኦዴዳዎ ኤራሳ።

7 መድና ጎዳይ ቆማይ ሙሴ ጋድያ ዎቻደ ያናዳን፡ ቃዴሳ-ባርንፕ ታና ከትያ ዎደ፡ ታዉ ላይላይ ኦይታማ። ሄ ዎደ ታን አዉ አማነትያ ኦዲዎ አሃደ አደድ።

8 ታን መድና ጎዳይ ታ ጸሳ ፖሎ ካላድ፤ ሸን ታናና ቤዳ አሳቱ አሳ ዎዛና ያሻን ኮልድሴድኖ።

9 ሄ ጋላስ ሙሴ፡ “ኔን መድና ጎዳይ ታ ጸሳ ፖሎ ካሌዳ ድራዉ፡ ነ ገዲ የዴዳ ቢታይ መድናዉ ነዉን ነ ዘርያዉ ላትያ ጋድያ ግዳናዎ ጊደ ጫቄዳ።

10 “እነ እኬካ፤ መድና ጎዳይ ሀ የዉዎ ሙሴዉ ሃሳዮደፕ፡ ኦይታማን እቼሹ ላይላ ግዴዳ። ሄ ዎደፕ እስራኤልያ አሳይ ዎራን ሰመረትሸን፡ ሀቼ ጋካናዉ ጸሳይ ታና ፓጸ ዎሌዳ። በእ፡ ሀእ ታ ላይላይ ሆሰፑን ታማን እቼሻ ግዴዳ።

11 ግድናካ ሀእ ታዉ ደእያ ሞኖተላይ በን ሙሴ ታና ከትያ ዎደ ደእያ ሞኖተላካ ማላ። ታን ሀእካ ኦለታናዉን አያ ግደፕን ኦላናዉ በን ሄ ዎደዎዳን ዎልቃማ።

12 ሄዎ ድራዉ፡ መድና ጎዳይ ታዉ እማና ጌዳ ሀ ገዝ ጋድያ ሀእ ታዉ እማ። ሄ ዎደ፡ አናቀቱ ሄ ጋድያን ደእያዎን እንቅንቅ ካታማቱካ ግታን ግሞቡቲዳዎንታ ግድያዎ ኩን ሃሳይሸን ኔን ነ ሁጲያዉ ሰሳዳ። ሸን መድና ጎዳይ ታናና ግደፕ፡ እ ጌዳዎዳን፡ ታን እንቅንቅ ሄ ጋድያፕ የደርሳና” ያጌዳ።

13 ሄዎፕ ጉየ ኢያሱ ይፋን ናኣ ካሌባ አንጂደ፡ ከብርን አዉ ላታ ኦላደ እሜዳ።

13:33 ገይ. 18:20፤ ዛረ. 18:2 14:2 ገይ. 26:52-56፤ 34:13 14:4 ገይ. 32:33፤ 34:14-15፤ ዛረ. 3:12-17
14:6 ገይ. 14:30 14:7 ገይ. 13:1-30 14:9 ገይ. 14:24

14 መድና ጎዳ እስራኤልያ ጸሳ ፖሎ ካሌዳ ድራው፡ ከብርና ጋዲ ሄ ዎድያፕ ሀቼ ጋካናው፡ ቀንዝያ ይፋነ ናኣ ካሌባው ላታ ቢታ ግዴዳ።

15 ካስ ከብርና ሱንላይ ቅርያት-አርባእ ጌተቲ፤ አርባእ ግያ ብታኒ እናቀቱዎ ኡባፕ አዲዳ አሳ። ሄዋፕ ጉይያን፡ ሄ ጋዲ ኦላፕ ሸምፔዳ።

15

ይሁዳ ዘረላ ጋኬዳ ቢታ

1 ይሁዳ ዘረቶ ኡንቲንቲ ያራን ያራን ሻክና ጋኬዳ ጋዲ ቢደ ኤዶማ ጋድያን ዛዋቲደ፡ ገድሳ ባጋ ጋጸን ደእያ ጸና ግያ ባዙዋ ወርሰላ ጋኬ።

2 ገድሳ ባጋና ኡንቲንቲ ዛዋይ ማጽነ አባፕ ገድሳ ባጋ ወርሰላፕ ዶሚደ።

3 አክራቢማ ፕኑዋ አዲደ፡ ጽና ባዙዋና ቢደ፡ ቃዳሳ-ባርነ ገድሳ ጋኬ። ቃይ ሄዋፕ ሻክ ቢደ፡ ሄጽርናና አዲደ፡ ፑደ አዳራ ጋኪደ፡ ቃርቃኮ ሰሜ።

4 ሄዋፕ ቃይ አጽዋና አዲደ፡ ግብጾ ሻፋን ጋከት ቢደ፡ ሜድትራነ አባን ዛዋቲ። ገድሳ ባጋና ደእያ ይሁዳ ዛዋይ ሀዋ።

5 አዋይ ዶልያ ባጋ ዛዋይ ማጽነ አባ ግዲደ፡ ዮርዳኖሳ ሻፋይ አን ገልያ ሳኦ ጋኬ። ሁጺሳ ዛዋይ ቃይ ዮርዳኖሳ ሻፋ ማጽነ አባን ገልያ ሳፕ ዶሚደ።

6 ፑደ ቤት-ሆግላ ከሲደ፡ ቤት-አራብያ ዛንጋራፕ ሁጺሳና አዲደ፡ ሮቤላ ናኣ ቦሃና ሹቻን ዛዋቲ።

7 ያቲደ ዛዋይ አሁረ (መቼዋ) ዎምባፕ ዳቢራ ካታማ ፑደ ከሲደ፡ ዎምባፕ ገድሳ ባጋና ደእያ አዲደማ ፕኑዋ ሰንላ ባዙዋን ደእያ ገልጋላኮ ሁጺያው ምርቀቲ። ሄዋፕ ቃይ ኤንሸሜሻ ግያ ፑልትያ አዲደ፡ ኤንሮጌላ ግያ ሳን ዛዋቲ።

8 ሄዋፕ ህናማ ዛንጋራ አዲደ፡ ያቡሳዋናቲዋ ካታማይ ዮሩሳላሙ ደእያ ደርያፕ ገድሳ ባጋና አዲደ፡ ደርያ ሁጺያ ከሴዳ፤ ሄ ደሪ ህናማ ዛንጋራፕ አዋይ ወልያ ባጋና ራፋይማ ዎምባፕ ሁጺሳ ባጋና ደእ።

9 ሄ ደርያ ሁጺያፕ ሰንላው ቢደ፡ ነፍቶሀ ሃላ ፑልትያ አዲደ፡ ኤፍርና ደርያን ደእያ ካታማቲዋኮ ከሴዳ። ሄዋፕ ቃይ ዱገ ባኦላ ዎይ ቅርያት-ይኦሪማ ጌተትያ ካታማኮ ሰሜ፤

10 ባኦላፕ ቃይ አዋይ ወልያ ባጋና ደእያ ሰኢራ ደርያኮ ምርቀቲ። ሄዋፕ ቃይ ሁጺሳ ባጋ ይኦሪማ ዎይ ክሳሎና ጌተትያ ደርያ ጋኪደ፡ አፕ ዱገ ቤት-ሸመሻ ዎዲደ፡ ትምና አዲደ ቤ።

11 ሄ ዛዋይ ኤቅርና ሁጺሳ ባጋና ደእያ ፑደላን ዛዋቲደ፡ ሸካርናኮ ምርቀቲ፤ ሄዋፕ ባኦላ ደርያና አዲደ፡ ያብንኤላን ዛዋቲ። ሄ ሁጺሳ ባጋ ዛዋይ ሜድትራነ አባን ዛዋቲ።

12 አዋይ ወልያ ባጋና ደእያ ዛዋይ ሜድትራንያ አባው ጋጸን ዛዋቲ። ይሁዳ ዛራቲ ባረንቲ ያራን ያራን አኪደ ደኤዳዌ ሀ ዛዋቲ ዛርና ደእያ ሳኦቲዋና።

ካሌብ ከብርናን ዳቢራ ጸኒደ ኦይቄዳ (ዳና. 1:11-15)

13 መድና ጎዳይ አ አዛዜዳዋዳን፡ ኢያሱ ይፋነ ናኣ ካሌባ ጋክያ ግሹዋ ይሁዳ ጋድያፕ ቅርያት-አርባእ ጌተትያ ከብርና እሜዳ። አርባእ አናቀ አወዋ።

14 ካሌብ አናቀ ዘረላ፡ ሸሻያ፡ አህማናን ታልማያ ጌተትያ ሄዙ ያራቲዋ ከብርናፕ ከሴዳ።

15 ሄዋፕ ደንዲደ፡ ዳቢራ ግያ ካታማን ደእያ አሳ ኦላናው ቤዳ፤ ዳቢራ ካታማይ ካስ ቅርያት-ሰፈራ ጌተቲ።

16 ካሌብ፡ “ቅርያት-ሰፈራ ኦላቲደ ኦይቄያ ኡራው ታን ታ ናቶ አክሶ እማና” ያጌዳ።

17 ካሌባ እሻ ቃናዛ ናኣይ ኦትንኤል ሄ ካታማ ኦላቲደ ኦይቄና ካሌብ ባረ ናቶ አክሶ አወ እሜዳ።

18 አክሳ ኦትንኤላ ገልያ ዎደ፡ እዝ አቡ እዝው ጋድያ እማናዳን ዎሳና ማላ ኦትንኤል እዝ ዘሬዳ። እዛ ባቁሉዋፕ ዎዳዲ፤ ካሌብ እዞ፡ “አያ ኮያይ?” ያገደ ኦቼዳ።

19 አዛ፡ “ታው ዎይቲዋ እማ። ኔን ካስ ታው ነጌብን እሜዳ ቢታይ ግዴዳ ድራው፡ ሃላ ፑልቶቲዋ ታው እማርኪ” ያጋዲ። ካሌብ እዝው ክል ፑልቲዋካ ሀርክ ፑልቲዋካ እሜዳ።

ይሁዳ ካታማቲዋ

20 ይሁዳ ዛራቲ ባረንቲ ያራን ያራን ላቲዳ ላታቲ ሀዋፕ ካሊደ ጸፈቲዳዋንታ።

21 ገድሳ ባጋ ጋጸን ኤዶማ ዛዋ ማታን ደእያ ይሁዳ አሳ ካታማቲ ቃብጽኤላ፡ ኤዳራ፡ ያጉራ፡

22 ቂና፡ ድምና፡ አድኦዳ፡

23 ቆዴሻ፡ ሀጸራ፡ ይትናና፡

24 ዚፋ፡ ጸለማ፡ ባኦሎታ፡

25 ሀጸር-ሀዳታ፡ ቅርያት-ሄጽርና ዎይ ሀጸራ፡

26 አማማ፡ ሻማኦ፡ ሞላዳ፡

27 ሀጸር-ጋዳ፡ ሄሸዋና፡ ቤት-ጳሌጳ፡

28 ሀጸር-ሹኦላ፡ በርሳቤሀ፡ ቢዝዮትያ፡

29 ባኦላ፡ ኢዮማ፡ ኤጾማ፡

30 ኤልቶላዳ፡ ካሲላ፡ ሆርማ፡

31 ጽቅላጋ፡ ማድማና፡ ሳንሳና፡

32 ለባዎታ፡ ሸልሂማ፡ አይናን ርዋና። ሀ ካታማቲ ባረንቲ ሞላቲዋና እትፕ ላታማነ ኡዲፑና።

33 ጋጸን ደእያ ካታማቲ ኤሸታኦላ፡ ጸርኦ፡ አሸና።

34 ዛናሀ፡ ኤንጋኒማ፡ ታፑሀ፡ ኤናማ፡

35 ያርሙታ፡ አዲላማ፡ ሶኮ፡ አዜቃ፡

36 ሻእራይማ፡ አድታይማ፡ ጋዴራን ጋደርታይማ። ሀ ካታማቲ ባረንቲ ሞላቲዋና እትፕ ታማነ ኦይዳ።

37 ቃይ ይሁዳ ካታማቲ ጽናና፡ ሀዳሻ፡ ሞግዳላ-ጋዳ፡

38 ዲልኦና፡ ሞሰጳ፡ ዮቅትኤላ፡

39 ላክሻ፡ ቦጽቃታ፡ ኤግሎና፡

40 ካቦና፡ ላህማሳ፡ ክትሊሻ፡

41 ጋደርታ፡ ቤት-ዳሳና፡ ናእማናን ማቄዳ። ሀ ካታማቲ ባረንቲ ሞላቲዋና እትፕ ታማነ ኡሴፑና።

42 ቃይካ ሊብና፡ ኤቴራ፡ አሻና፡

43 ይፍታሀ፡ አሸና፡ ናጸባ፡

44 ቃኦላ፡ አክዚባን ማሪሻ። ሀ ካታማቲ ባረንቲ ሞላቲዋና እትፕ ኡዲፑና።

45 ሃዋዳንካ፡ ቃይ ኤቅሮና ካታማ ባረ ሄራን ደእያ ቁር ካታማቱዋን ሞላቱዋ ኡባ።

46 እሸዶዳ ኤለካ ኤቅሮና። ቢደ፡ ሜድትራንያ አባ ጋካናዉ ደእያ ካታማቱዋን ኡንቱንቱ ሞላቱዋ ኡባ።

47 ቃይ እሸዶዳ ካታማን አ ሞላቱዋ፡ ጋዛ ካታማን አ ሞላቱዋ፡ ቢደ ግብጹ ሻፋን ሜድትራንያ አባ ላንቂያ ጋካናዉ ደእያ ሳኦ።

48 ገዘያን ደእያ ካታማቱካ ሻሚራ፡ ያትራ፡ ሶኮ፡

49 ዳና፡ ቅርያት-ሳና ዋይ ዳቢራ፡

50 አናባ፡ ኤሸታሞአ፡ አኒማ፡

51 ጎሽና፡ ሆሎናን ጊሎ። ሀ ካታማቱ ባረንቱ ሞላቱዋና እትገታ ጋማን እታ።

52 ቃይ አራባ ካታማ፡ ዲማ፡ ኤሸአና፡

53 ያኒማ፡ ቤት-ታቸሀ፡ አፌቃ፡

54 ሁምጸ፡ ከብሮና ዋይ ቅርያት-አርባአን ጽኦራ። ሀ ካታማቱ ባረንቱ ሞላቱዋና እትገታ ኡዲቸና።

55 ቃይካ ማኦና፡ ቃርመሎሳ፡ ዚፋ፡ ዩጸ፡

56 እዘራኤል፡ ዮቅድአማ፡ ዛናሀ፡

57 ቃይና፡ ግብአን ትምና። ሀ ካታማቱ ባረንቱ ሞላቱዋና እትገታ ጋማ።

58 ቃይ ሀልሁላ፡ ቤት-ጸራ፡ ጋዶራ፡

59 ማእራታ፡ ቤት-አናታን ኤልትቆና። ሀ ካታማቱ ባረንቱ ሞላቱዋና እትገታ ኡሱቸና።

60 ሃዋዳንካ ቃይ ቅርያት-ባአላ ዋይ ቅርያት-ይአሪማን ራባ። ሀ ካታማቱ ባረንቱ ሞላቱዋና እትገታ ላኦ።

61 ዋራን ቃይ ቤት-አራባ፡ ሞዲና፡ ሰካካ፡

62 ንብሻና፡ ማጽኑ ካታማን ኤንጋዳ። ሀ ካታማቱ ባረንቱ ሞላቱዋና እትገታ ኡሱቸና።

63 ግድገና፡ ይሁዳ አሳይ የሩሳላሙን ደእያ ያቡሳቱዋ ከሳናዉ ዳንዳይባይክና። ሃዋ ድራዉ ያቡሳቱዋ ሀቼ ጋካናሰካ ይሁዳ አሳና እትገታ የሩሳላሙን ደእያ።

16

ኤፍሬማን ምናሰ ዘረፋ ጋኤዳ ቢታቱዋ

1 ዮሴፎ ዘረፋቱዋ ጋኤዳ ቢታይ ገድሳ ባጋና ያርኮ ካታማ ማታን ደእያ ዮርዳኖሳ ሻፋን ደሜ፤ ያርኮ ፑልቶቱዋ፣ አዋይ ደልያ ባጋ ጋጸገ ደንድ ቢደ፡ ባዙዋ አዲድ፡ ገዘያ ፑደ ከሲደ፡ ቢደ ቤቱለ ጋኤ።

2 ቤቱለገ ደንዲደ፡ አርከቱዋ ጋድያን ደእያ አጻርታ ካታማ አዲድ፡ ሎዛ ጋኤ።

3 ሃዋገ አዋይ ዉልያ ባጋ ያፍሌጻቱ ጋድያ ዲገ ዋዲደ፡ ሀርክ ቤት-ሆሮና ግያ ሳና አዲድ፡ ሃዋገ ገዜራና ቢደ፡ ሜድትራን አባን ዛዋቱ።

4 ዮሴፎ ዘረፋ ግድያ ምናሰ ዛራቱን ኤፍሬማ ዛራቱ ባረና ጋክያ ጋድያ ላቲድና።

ኤፍሬማ ጋኤዳ ሻኩዋ

5 ኤፍሬማ ዘረፋ ኡንቱንቱ ያራን ያራን ጋኤዳ ቢታይ ሀዋ፤ ኡንቱንታ ጋኤዳ ጋድያ ዛዋይ አዋይ ደልያ ባጋና ደእያ አጻርት-አዳራገ ደንዲደ፡ ቆሙዋ ቤት-ሆሮና አዲ፤

6 ሃዋገ ሰሚደ ሜድትራንያ አባን ዛዋቱ። ቃይ ሁጲሳ ባጋና ደእያ ዛዋይ ሞክማታታ፣ አዋይ ደልያ ባጋ ታአናት-ሺሎኮ ሰሚደ፡ አዋይ ደልያ ባጋና ደእያ ያኖሀ ጋኤ።

7 ያኖሀ፣ ዲገ አጻርታን ናአራታ ዋዲደ፡ ያርኮ ጋኤ፤ ዉርሰላይ ዮርዳኖሳ ሻፋን ዛዋቱ።

8 ጋጸ ዛዋይ ታቸሀ፣ ደሚደ ቢደ፡ አዋይ ዉልያ ባጋና ደእያ ቃና ሻፋ ባዙዋ ኦይቂደ ቢደ፡ ሜድትራንያ አባን ዛዋቱ። ኤፍሬማ ዛራቱ ባረንቱ ያራን ያራን ላቲዳ ቢታይ ሀዋ።

9 ሃዋ ሞናሰ ዛራቱዋ ጋድያ፣ ኤፍሬማ ዛራቱን እሜዳ ካታማቱዋን ኡንቱንቱ ሞላቱዋ ኡባ ጉጅናን ደእሸና።

10 ሸን ኤፍሬማ ዛራቱ ገዜራ ካታማን ደእያ ካናን አሳቱዋ ከሰባይክና። ያትና፡ ካናን አሳቱ ሀቼ ጋካናዉ ኤፍሬማ ዛራቱዋ ግድን ደእያ። ሸን ኤፍሬማ ዛራቱ ኡንቱንቱ እይለዪደ ኦሰሲና።

17

ምናሰ ዘረፋ ጋኤዳ ሻኩዋ

1 ዮሴፎ ባይራ ናኦ ሞናሰ ዛራቱን እመቲዳ ቢታይ ሀዋ። ጋላኦደ እዉ ማኪር ሞናሰዉ ባይራ ናኦ፤ ማኪና ያራቱ ሞና ኦላንቻ ግዴዳ ድራዉ፡ ጋላኦደን ባሳን ቢታቱዋ አኬድና።

2 ዮርዳኖሳ ሻፋገ አዋይ ዉልያ ባጋና ደእያ ቢታይ የንኩዋ አቲዳ ሞናሰ አሳዉ እመቲዳ፤ ሃ ያራቱካ አብኤዘራ፡ ሄሌቃ፡ አሰርኤላ፡ ሸኬማ፡ ሄፌራን ሻምዳኦ። ዮሴፎ ናኦ ሞናሰ ያራ ግድያ አቲማዋንቱ ሀዋንታ።

3 ጸሎፍሃድ ሄፌራ ናኦ፤ ሄፌር ጋላኦደ ናኦ፤ ጋላኦደ ማኪና ናኦ፤ ማኪር ሞናሰ ናኦ። ጸሎፍሃዳዉ ማጫ ናናቱዋ፣ አትና፡ አቲማ ናናይ ባዋ፤ አ ማጫ ናናይ ማህሎ፡ ኖኦ፡ ሆግሎ፡ ሞልኮን ትርጸ ጌተትና።

4 ኡንቱንቱ ቁሰያ ኤልአዛራኮ፡ ነዌ ናኦ ኢያሱኮን ካፓቱዋኮ ሸቂደ፡ “ኑ ዳባቱ ግድን ኑዉካ ጋድያ ግሹዋን እማና ማላ መድና ጎዳይ ሙሳ አዘዝ ዋዲዳተን” ያጌድና። ሃዋገ ጉየ መድና ጎዳይ አዘዘዳዋዳን፡ ኡንቱንቱ እዉዋ አሻቱዋ ግድን ኡንቱንቱካ ጋድያ እሜዳ።

5 ሞናሰ ያራቱ ዮርዳኖሳ ሻፋገ አዋይ ደልያ ባጋና ደእያ ጋላኦደን ባሳን ቦላ ጉጂደ፡ ታሙ ሳማ ጋድያ አኬድና።

6 እያዉ ጎገ፡ ሞናሰ ዛራቱዋ፣ ማጫ ናናይካ አቲማ ናናቱዋና እትገታ ሻክ አኬድና። ጋላኦደ ጋዲ አቲዳ ሞናሰ ያራቱዋ ግዴዳ።

7 ሞናሰ ያራቱ ጋድያ ዛዋይ አሴራ ጋድያ፣ ደሚደ፡ ሰኬማ፣ አዋይ ደልያ ባጋና ደእያ ሞክማታታ ጋኤ። ሃ ዛዋይ ሃዋገ ደንድ ቢደ፡ ገድሳ ባጋና ደእያ ታቸሀ አሳይ ደእያሳ ጸጽ ዋዲ።

8 ታቸሀ ቢታይ ሞናሰሳ፤ ሸን ሞናሰ ዛዋን ደእያ ታቸሀ ካታማይ ባረ ሁጲያዉ ኤፍሬማ ዛራቱዋሳ።

9 ቃይ ሃ ዛዋይ ሃዋገ ደንድ ቢደ፡ ቃና ሻፋን ዛዋቱ። ሞናሰ ካታማቱዋ ግዲዋን ኤፍሬማሳ ግድያ ካታማቱካ ደእያ፤ ሸን ሞናሰ ዛዋይ ቃና

ሻፋፕ ሁጲሳ ባጋ ግዲደ፣ ቢደ ሜድትራንያ እባን ዛዋቱ።

10 ሻፋፕ ገድሳ ባጋና ደእያ ቢታይ ኤፍሬማሳ፤ ሁጲሳ ባጋና ደእያ ቢታይ ቃይ ሞናሰሳ። ሞናሰ ቢታው አዋይ ወልያ ባጋ ዛዋይ ሜድትራን እባ። ቃይ ሁጲሳ ባጋና እሴራ ጋድያ፣ አዋይ ደልያ ባጋና ይሳኩራ ጋድያ ጋኬ።

11 ይሳኩራን እሴራ ቢታቱዋ ግዲዋን ቤትሻና፣ ይብላእማ፣ ደራ፣ ኤንድሪ፣ ታእናካን ማግዶ ጌተትያ ካታማቱ ባረንቱ ዩሹዋን ደእያ ሞላቱካ ሞናሰሳ።

12 ሸን ሞናሰ ዛራቱ ሄ ካታማቱዋን ደእያ አሳቱዋ ከሳናውን ካታማቱዋ ኦይቃናው ዳንዳይቢይክኖ። ሄዋ ድራው ካናን አሳቱ ያን ደኤድኖ።

13 እሰራኤልያ አሳይ ሞኔዳ ዋደ፣ ካናን አሳቱዋ ዋልቃን ሀጋዝሰያዋፕ አትና፣ ኤንቱንቱ ጋድያፕ ኡባይ ከሰቢይክኖ።

ዮሴፎ ዛራቱ ጉጃ ቢታ ኦፕድኖ

14 ዮሴፎ ዛራቱ ቢደ ኢያሳ፣ “ቢታ ላታ ግሹዋን ኑው እያው እት ሳማ ጸላላ እማድ? ኑን ገይዲዋን ጮራ፤ እያው ሳፕ፣ መድና ጎዳይ ኑና እንጃዳ” ያጌድኖ።

15 ኢያሱ ኤንቱንታ፡- “ሀንተንቱ ጮራ ግደፕ፣ ኤፍሬማ ገዚ ሀንተንቶ ጉጸፕ፣ ፓርዘቱን ራፋዮቱ ደእያ ጋድያ ቢደ፣ ዋራ ሀንተንቶ ቡሳተ” ያጌድኖ።

16 ዮሴፎ ዛራቱ፣ “ሀ ገዚ ኑ ግደና፤ ሄዋ ቦላካ ቃይ ቤትሻና ካታማን፣ እ ዩሹዋን ደእያ ሞላቱዋን እዘራኤል ዋምባን ደእያ ካናንቶ ፓራቱ ጎችያ ብራታ ጋረቱ ደእያ” ያጌድኖ።

17 ኢያሱ ዮሴፎ ናና ኤፍሬማን ሞናሰ ዛረቶ፣ ሀዋዳን ያጌድኖ፤ “ሀንተንቱ ጮራን ዳር ዋልቃማ፤ ሀንተንቶ እት ሳማ ጸላላይ ግደና።

18 ሄዋ ድራው ገዘ ቢታካ ሀንተንቱ አካና። ሄ ገዘ ዋራ ግደፕን ቡሉደ ወርሰሳ ጋጸ ጋካናውካ ሀንተሳ አሳተ። ካናንቶ ፓራቱ ጎችያ ብራታ ጋረቱ ደእፕካ፣ ኤንቱንቱ ሞኖ ግደፕ፣ ሀንተንቱ ኤንቱንታ ከሳናው ዳንዳይታ” ያጌድኖ።

18

አቴዳ ቢታ ሻኩዋ

1 ቢታ ጸኒደ ኦይቁዳዋፕ ጉይያን፣ እሰራኤልያ ማባራ ኡባይ ሴሎን ሸቂደ ጸሳው ጎይንያ ዲንካንያ ያን ኤሴዳ።

2 ሸን እሰራኤልያ አሳፕ ጋድያ ሻክ አክቤና ላፑን ዛራቱ አቴድኖ።

3 ኢያሱ እሰራኤልያ አሳ፣ “መድና ጎዳይ ሀንተንቱ አዋቱዋ ጸሳይ ሀንተንቶ እሜዳ ጋድያ ላተናን አውደ ጋካናው ጋምእንቱ?”

4 እት እት ዛርያፕ ሄዙ ሄዙ አሳቱዋ ደርተ። እት እት ዛሪ ላታና ጋድያ ሀኖታ ኤራናዳን፣ ታን ኤንቱንታ ኪታና፣ ኤንቱንቱ ጋድያ ኡባ ቢደ ጌዲደ ሄ ቢታባ ጸፍ አኪደ፣ ታኮ ሰም ያናዋንታ።

5 ኤንቱንቱ ሄ ጋድያ ላፑኑዋ ከሲደ ሻካና። ሸን ይሁዳ ዛራቱ ገድሳ ባጋና ደእያ ባረንቱ

ጋድያን፣ ዮሴፎ ዛራቱካ ሁጲሳ ባጋና ደእያ ባረንቱ ጋድያን ደእና።

6 ሀ ላፑኑዋ ከሰ ሻከቱዳ ጋድያ ሀኖታ ጸፊዳዋፕ ጉይያን፣ ታኮ እኪደ ዪና ታን መድና ጎዳ ኑ ጸሳ ሰንላን ሀንተንቶ ሳማ የጋና።

7 ግደፕ፣ ሌዊያ ዛራቱ ሀንተናና ሳማን ላትክኖ፤ እያው ሳፕ፣ ኤንቱንቱ ቁሳቱዋ ግዲደ መድና ጎዳው ኦላያ ኪታይ ኤንቱንቱ ላታ። ጋደ ዛራቱ ርቤላ ዛራቱን ሞናሰ ዛራቱዋፕ ባጋይ ዮርዳኖሳ ሻፋፕ አዋይ ደልያ ባጋና፣ መድና ጎዳ ቆማይ ሙሴ ኤንቱንቶ እሜዳ ጋድያ ካሰት ላቴድኖ” ያጌድኖ።

8 አሳቱ ጋድያ ሀኖታ ጸፋናው ባናፕ ካሰቲደ፣ ኢያሱ ኤንቱንታ፣ “ቢተ፤ ዩይ ቢኤዳዋ ጸፍተ። ያቲደ ታኮ ሰም ዪተ። ሀዋን ሴሎን መድና ጎዳ ሰንላን ታን ሀንተንቶ ሳማ የጋና” ያጌደ አዛዜዳ።

9 አሳቱ ቢደ፣ ቢታ ኡባ ዩይድኖ። ካታማቱዋ ኡባ ጸፊደ፣ ጋድያ ዋቲደ ላፑኑዋ ከሰ ሻካንንቶ ኤርሴድኖ። ያቲደ ኢያሱ ዲንካኔዳ ሳኦ ሴሎ ሰሜድኖ።

10 ሄዋፕ ጉይያን ኢያሱ መድና ጎዳ ሰንላን ሴሎን ኤንቱንቶ ሳማ የጌዳ፤ ያን ኢያሱ እሰራኤልያ አሳው ጋድያ ኤንቱንቱ ዛርያ ግሹዋዳን ሻክ እሜዳ።

ቢንያማ ዘረላ ጋኬዳ ሻኩዋ

11 ኮይሮ ሳማይ ቢንያማ ዘረላ ኤንቱንቱ ያራን ያራን ጋኬዳ። ኤንቱንታ ጋኬዳ ቢታይ ይሁዳ ዛራቱዋ ቢታፕን ዮሴፎ ዛራቱዋ ጋድያፕ ግዲዋን ደኤዳ።

12 ሁጲሳ ባጋና ኤንቱንቱ ዛዋይ ዮርዳኖሳ ሻፋፕ ደሚደ፣ ያርኮፕ ሁጲሳ ባጋና ደእያ ፑደላን ዛዋቱ፤ ሄዋፕ አዋይ ወልያ ባጋና ገዝያ አዲደ፣ ቤት-አዌና ዋራን ዛዋቱ።

13 ሄዋፕ ገድሳ ባጋ ሰሚደ፣ ካሰ ሎዛ ጌተትያ ቤቱላ ፑደላ አዲደ፣ አጻርት-አዳራ ዲገላ አዲደ፣ ሀርክ ቤት-ሆሮናፕ ገድሳ ባጋን ደእያ ደርያን ዛዋቱ።

14 ሄ ዛዋይ ገድሳ ባጋና ቤት-ሆሮና ሰንላን ደእያ ደርያፕ አዋይ ወልያ ባጋ ሞርቀቲደ፣ ቅርያት-ባኦላ ዋይ ቅርያት-ይኦሪማ ጌተትያ ይሁዳ ዛራቱዋ ካታማን ዛዋቱ። አዋይ ወልያ ባጋና ደእያ ዛዋይ ሀዋ።

15 ገድሳ ባጋ ዛዋይ ቅርያት-ይኦሪማፕ ደንዲደ፣ ነፍቶሀ ሃላ ፑልታቱዋን ዛዋቱ።

16 ሄዋፕ ዛዋይ ዲገ ቢደ ራፋይማ ዛንጋራፕ ሁጲሳ ባጋን ደእያ ሀኖማ ዛንጋራፕ ሰንላ ባጋ ደርያ ገድሳና ዛዋቱ። ሄዋፕ ሀኖማ ዛንጋራ አዲደ ቢደ፣ ያቡሳዋናቱዋ ካታማ የራሳላመውን ኤንግራላ ካታማ ገድሳ ባጋ ፑደላን ዛዋቱ።

17 ሄዋፕ ቃይ ሁጲሳ ባጋ ኤንሸማሻኮ ሞርቀቲደ፣ አዲሚማ ፑደላፕ ሰንላ ባጋና ደእያ ጋልሎታን ዛዋቱ፤ ሄዋፕ ቃይ ርቤላ ናኦ ቦሃና ሹቻው ዲገ ዋዴ።

18 ሄዋፕ ቃይ ቤት-አራባ ሁጲሳ ባጋ ፑደላና አዲደ፣ ዲገ አራብያ ዛንጋራ ዋዴ።

19 ቤት-ሆግላ ፑደላፕ ሁጺሳ ባጋና አዲድ፡ የርዳናሳ ሻፋይ ጎጊደ ገልጻሳ፡ ማጽንፍ አባፕ ሁጺሳ ባጋ ጋጾ ጋኬ። ሄዌ ገድሳ ባጋ ዛዋ።

20 አዋይ ደልፍ ባጋና ደእፍ ዛዋይ የርዳናሳ ሻፋ። ቢንያማ ዛራቱ ላቲዳ ቢታይ ኡባ ሳናካ ዛዋቴዳ ዛዋቴ ሀዋንታ።

21 ቢንያማ ዛራቱ ባረንቱ ያራን ያራን አኬዳ ካታማቱ ያርኮ፡ ቤት-ሆግላ፡ ኤመቅ-ቃጺጸ፡

22 ቤት-አራባ፡ ጸማራይማ፡ ቤቴለ፡

23 አዋማ፡ ፓራ፡ ኦፍራ፡

24 ካፋር-አዋና፡ ኦፍናን ገባኦ። ኡንቱንቱ ኡባና ታማነ ላኦ፤ ኡንቱንቱ የሹዋን ደእፍ ሞላቱካ ኡንቱንቱን ጉጀቲና።

25 ቃይ ጋባኦና፡ ራማ፡ ባኤርታ፡

26 ሞጽጽ፡ ካፊራ፡ ሞጽ፡

27 ረቁማ፡ ይርጸኤላ፡ ታራላ፡

28 ጸላኦ፡ ኤሌፋ፡ የሩሳላመ ጌተትያ ያቡሳዋናቱዋ ካታማ፡ ግብክን ቅርያት-ይአሪማ። ኡንቱንቱ ኡባና ታማነ ኦይዳ፤ ኡንቱንቱ የሹዋን ደእፍ ሞላቱካ ኡንቱንቱን ጉጀቲና። ቢንያማ ዛራቱ ባረንቱ ያራን ያራን ላቲዳ ቢታይ ሀዋ።

19

ሰሞና ዘረላ ጋኬዳ ሻኩዋ

1 ላኤንሎ ሳማይ ሰሞና ዘረላ ኡንቱንቱ ያራን ያራን ጋኬዳ። ኡንቱንታ ጋኬዳ ቢታይ ይሁዳ ዛራቱ ላቲዳ ጋድያ ግዲዋን ደኤ።

2 ኡንቱንቱ ላቲዳ ካታማቱ በርሳቡሀ ዋይ ሸባኦ፡ ሞላዳ፡

3 ሀጸር-ሹኦላ፡ ባላ፡ ኤጾማ፡

4 ኤልቶላዳ፡ ባቲላ፡ ሆርማ፡

5 ጽቅላጋ፡ ቤት-ማርካቦታ፡ ሀጸር-ሱሳ፡

6 ቤት-ላባኦታን ሻሩሃና። ኡንቱንቱ ኡባና ታማነ ሄዛ፤ ኡንቱንቱ የሹዋን ደእፍ ሞላቱ ኡንቱንቱን ጉጀቲና።

7 ቃይ አይና፡ ርሞና፡ ኤቴራን አሻና። ኡንቱንቱ ኡባና ኦይዳ ካታማቱዋ፤ ኡንቱንቱ የሹዋን ደእፍ ሞላቱካ ኡንቱንቱን ጉጀቲና።

8 ኔጌባ ዋራን ደእፍ ባእላት-ባኤራ ዋይ ራማ ጋካናዉ፡ ሀ ካታማቱዋ የሹዋን ደእፍ ሞላቱዋ ኡባ ላቲዳና። ሰሞና ዛራቱ ባረንቱ ያራን ያራን ላቲዳ ጋዲ ሀዋ።

9 ይሁዳ ዘረላ ጋኬዳ ቢታይ ኡንቱንቶ አኩዋ ዳራዳ ድራዉ፡ አፕ ሻክና ሰሞና ዛረቶ እመቴዳ።

ዛብሎና ዘረላ ጋኬዳ ሻኩዋ

10 ሄዘንሎ ሳማይ ዛብሎና ዘረላ ኡንቱንቱ ያራን ያራን ጋኬዳ። ኡንቱንቱ ላቲዳ ጋዲ ሳራዳ ግያ ካታማ ጋኬ።

11 ሄዋፕ ቃይ አዋይ ወልፍ ባጋ ቢደ ማርኦላ አድ፡ ቢደ ዳባሽታ ቦቺደ ቢደ፡ የቅናኦማፕ አዋይ ደልፍ ባጋን ደእፍ ሻፋ ጋኬ።

12 ሀራ ባጋና ቃይ ሳራዳ ካታማፕ አዋይ ደልፍ ባጋ ሰሚደ፡ ክሰሎት-ታቦራ ጋኪደ፡ ዳብራታንን ያፍኦን ዛዋቴ።

13 ሄዋፕ ቃይ አዋይ ደልፍ ባጋና ጋተ-ሄፊራ፡ ኢት-ቃጺናን ርሞና ጋኪደ፡ ኔኦኮ ሞርቀቱ።

14 ሁጺሳ ባጋና ዛዋይ ሀናቶና ሰሚደ፡ ይፍታህኤላ ዛንጋራን ዛዋቴ።

15 ያን ቃጸታ፡ ናህላላ፡ ሸሞርና፡ ይዳላን ቤተሌመ ጌተትያ ካታማቱካ ደኤና። ኡንቱንቱ ኡባና ታማነ ላኦ፤ ኡንቱንቱ የሹዋን ደእፍ ሞላቱካ ኡንቱንቱን ጉጀቲና።

16 ዛብሎና ዛራቱ ባረንቱ ያራን ያራን ላቲዳ ጋድያ ግዲን ደእፍ ካታማቱን ኡንቱንቱ የሹዋን ደእፍ ሞላቱ ሀዋንታ።

ይሳኮራ ዘረላ ጋኬዳ ሻኩዋ

17 ኦይደንሎ ሳማይ ይሳኮራ ዘረላ ኡንቱንቱ ያራን ያራን ጋኬዳ።

18 ኡንቱንቱ ጋድያ ካታማቱ እዘራኤላ፡ ካሱሎታ፡ ሹኦማ፡

19 ሀፋራይማ፡ ሸኦና፡ አናሀራታ፡

20 ራቢታ፡ ቅሸዮና፡ አቤጾ፡

21 ረሜታ፡ ኤንጋኒማ፡ ኤንሃዳን ቤት-ጸጾጸ።

22 ሄ ጋድያ ዛዋይ ታቦራ፡ ሻሀጾማን ቤት-ሸመሻ ቦቺደ ቢደ፡ የርዳናሳ ሻፋን ዛዋቴ። ኡንቱንቱ ኡባና ታማነ ኡሱፑና፤ ኡንቱንቱ የሹዋን ደእፍ ሞላቱካ ኡንቱንቱን ጉጀቲና።

23 ይሳኮራ ዛራቱ ባረንቱ ያራን ያራን ላቲዳ ጋድያ ግዲን ደእፍ ካታማቱን ኡንቱንቱ የሹዋን ደእፍ ሞላቱ ሀዋንታ።

አሴራ ዘረላ ጋኬዳ ሻኩዋ

24 አቺሸንሎ ሳማይ አሴራ ዘረላ ኡንቱንቱ ያራን ያራን ጋኬዳ።

25 ኡንቱንቱ ጋድያ ካታማቱ ሄልቃታ፡ ሀላ፡ በጾና፡ አክሻፋ፡

26 አላመለካ፡ አምኦዳን ሞሸኦላ። አዋይ ወልፍ ባጋና ቃርመሎሳንን ሸሆር-ልብናታን ዛዋቴ።

27 ቃይ አዋይ ደልፍ ባጋ ሰሞ ቤት-ዳጎናኮ ሞርቀቲደ፡ ዛብሎና ጋድያን ይፍታህኤላ ዛንጋራ ቦቻ ቢደ፡ ቤት-ኤሜቃን ናኦኤላ ጋኬ። ቃይ ሁጺሳ ባጋና ካቡላ ጋኬ።

28 ሄዋፕ ቃይ ኡብርና፡ ራሆባ፡ ሀዋናን ቃና አዲድ፡ ሲደናን ዛዋቴ።

29 ሄዋፕ ቃይ ጋድያ ዛዋይ ራማ ሰሚደ፡ ግሞበቲዳ ጸርሳ ካታማ ጋኬ። ሄዋፕ ቃይ ሆሳኮ ሞርቀቲደ፡ ሜድትራን አባን ዛዋቴ። ቃይ ማሀላባ፡ አክዘባ፡

30 ኡማ፡ አፊቃን ራሆባ ጌተትያ ካታማቱካ ያን ደኤና። ኡንቱንቱ ኡባና ላታማን ላኡዋ፤ ኡንቱንቱ የሹዋን ደእፍ ሞላቱካ ኡንቱንቱን ጉጀቲና።

31 አሴራ ዛራቱ ባረንቱ ያራን ያራን ላቲዳ ጋድያን ደእፍ ካታማቱን ኡንቱንቱ የሹዋን ደእፍ ሞላቱ ሀዋንታ።

ንፍታሌማ ዘረላ ጋኬዳ ሻኩዋ

32 ኡሱፑንሎ ሳማይ ንፍታሌማ ዘረላ ኡንቱንቱ ያራን ያራን ጋኬዳ።

33 ኡንቱንቱ ዛዋይ ሄሌፋፕን ዳኦናኒማ ዋላፕ ደሚደ፡ አዳሞ-ነቁባ፡ ያብንኤላን ላቁማ አዲደ ቢደ፡ ወርሰላይ የርዳናሳ ሻፋ ጋኬ።

34 ሄዋጥ ቃይ ዛዋይ አዋይ ወልያ ባጋ አዝኖት-ታቦራኮ ሞርቀቱ፤ ሄዋጥ ቃይ ሁቆቃ ሰሚደ፡ ገድሳ ባጋና ዛብሎና ቢታንን አዋይ ወልያ ባጋና አሴራ ጋድያን ዛዋቲደ፡ አዋይ ዶልያ ባጋና ዮርዳኖሳ ሻፋ ጋኬ።

35 ግሞብቲዳ ካታማቱ ጽዲማ፡ ጸራ፡ ሃማታ፡ ራቃታ፡ ክናሬታ፡

36 አዳማ፡ ራማ፡ ሀጸራ፡

37 ቀዳሻ፡ ኤድራክ፡ ኤንሀጸራ፡

38 ዩርኦና፡ ሞግዳልኤላ፡ ሆሬማ፡ ቤት-አናታን ቤት-ሸወሻ። ኤንቲንቱ ኡባና ታማነ ኡዲፑና፤ ኤንቲንቱ ዩሹዋን ደእያ ሞላቲካ ኤንቲንቱን ጉጀቲና።

39 ንፍታሌማ ዛራቱ ባረንቱ ያራን ያራን ላቴዳ ጋድያን ደእያ ካታማቱን ኤንቲንቱ ዩሹዋን ደእያ ሞላቲ ሀዋንታ።

ዳና ዘረላ ጋኬዳ ሻኩዋ

40 ላፑንሳ ሳማይ ዳና ዘረላ ኤንቲንቱ ያራን ያራን ጋኬዳ።

41 ኤንቲንቱ ላቴዳ ጋድያ ካታማቱ ጸርኦ፡ ኤሽታኦላ፡ እርሸሜሻ፡

42 ሻአልቢማ፡ አያሎና፡ ይታላ፡

43 ኤሎና፡ ትሞና፡ ኤቅሮና፡

44 ኤልታቀ፡ ግባቶና፡ ባእላታ፡

45 ይሁዳ፡ ባነባራቃ፡ ጋት-ርሞና፡

46 መያርቆና፡ ራቆናን ቃይ ዮጳ ካታማ ዩሹዋን ደእያ ሄራቱዋ።

47 ዳና ዛራቱ ጋድያ ላታናዉ እንጀተናዋ በኤዳ ዎደ፡ ቢደ ላይሻ ካታማ ኦለቲደ ጸኔድና፤ ጸኔደ ሄ ካታማን ደእያ አሳ ቃራ ማሻን ዎድ ወርሲደ፡ ካታማ ባረንቱ አኪደ ያን ደኤድና። ሄ ካታማ ሱንላካ ላሚደ፡ ባረንቱ አወዋ ዳና ሱንላን ዳና ጊደ ሱንላድና።

48 ዳና ዛራቱ ባረንቱ ያራን ያራን ላቴዳ ጋድያን ደእያ ካታማቱን ኤንቲንቱ ዩሹዋን ደእያ ሞላቲ ሀዋንታ።

ኢያሳ ጋኬዳ ግሹዋ

49 እስራኤልያ አሳይ ጋድያ ሻክ ወርሴዳ ዎደ፡ ነዌ ናኦ ኢያሱ ላትያ ጋድያ ባረንቱ ግድን እሜድና።

50 መድና ጎዳይ እዛዜዳዎዳን፡ ኢያሱ ኦችና፡ ኤፍሬማ ገዝያን ደእያ ትሞናት-ሰራሀ ጌተትያ ካታማ አወ እሞና ካታማ ዎላ የግ ኬጲደ፡ ያን ደኤዳ።

51 ቄስያ ኤልኦዛረ፡ ነዌ ናኦይ ኢያሱን እስራኤልያ አሳ ዛረቶ ያራቱ ካፓቱ መድና ጎዳ ሰንላን ሴሎን፡ መድና ጎዳ ዲንካንያ ገንግያን ሳማ የጊደ፡ ግሹዳ ላታ ጋዲ ሀዋ። ኤንቲንቱ ጋድያ ያት ሻክ ፖሌድና።

20

ባቃት ቢደ አትያ ካታማቱዋ (20:1-9)

1 ሄዋጥ ጉይያን መድና ጎዳይ ኢያሳ ሀዋዳን ያጌዳ፤

2 “እስራኤልያ አሳዉ ሀዋዳን ያጋ፤ ‘ታን ሙሴ ባጋና ህንተንታ እዛዜዳዎዳን፡ አሳይ ባቃት ቢደ አትያ ካታማቱዋ ደርተ።

3 እይ አሳይን እኬከናንን ኤረናን አሳ ዎዶ፡ ያ ባቃት ቢደ፡ ሱላ አችያዋጥ አታናዋ።

4 አሳ ዎዶዳዌ ሄ ካታማቱዋጥ እቱዋኮ ባቃት ቢደ፡ ካታማ ገልያ ገንግያን ኤቂደ፡ ሀኔዳባ ሄ ካታማ ጭማቶ ኦድ። ኤንቲንቱ ባረንቱ ካታማ አፊደ፡ እ ደእና ሳኦ እሞና፡ እ ኤንቲንቱና ያን ደኤ።

5 ሱላ አችያዌ አ ካሊደ ዮ፡ ሄ ካታማ ጭማቱ አ አሊደ እሞፕና። እያዉ ጎ፡ ባረ ሸረዋ እ ቆፒደ፡ ባረ ካሰ ሞርከተላ ድራዉ ዎድቤና።

6 ሸቁዋ ሰንላን ፕርዳዉ አ ኤቃና ጋካናሽ ሄ ዎድያን ደእያ ቁሳቱዋ ኡባቱዋ ካፑ ሀይቃና ጋካናዉ፡ ሄ ካታማን ደኤ። ሄዋጥ ጉይያን፡ ባቃቲደ ከሴዳ ካታማ ጉየ ዛሪደ፡ ባረ ሶ ገሎ ያጋ” ያጌዳ።

7 ሄዋጥ ጉየ እስራኤልያ አሳይ ንፍታሌማ ገዝያን፡ ጋሊላን ደእያ ቀዳሻን አ ሄንላ ጋደቱዋ፡ ኤፍሬማ ገዝያን ደእያ ሰኬማን አ ሄንላ ጋደቱዋን ይሁዳ ገዝያን ደእያ ቅርያት-አርባአ ዎይ ከብርን ዲማዬድና።

8 ዮርዳኖሳ ሻፋፕ ሄፍንላን፡ ያርኮፕ አዋይ ደልያ ባጋ ዎራን፡ ቶቃሳን ደእያ ሮቤላ ዛራቱዋ ጋድያፕ ቤጸራ፡ ጋደ ዛራቱዋ ጋድያፕ ጋላኦደን ደእያ ራሞታን ሞናሰ ዛራቱዋ ጋድያፕ ባሳንን ደእያ ጎላና ዲማዬድና።

9 እስራኤልያ አሳ ኡባዉን ኤንቲንቱ ግደን ደእያ በተቶ ዲማዬዳ ካታማቱ ሀዋንታ፤ ኤረናን ደኤደ አሳ ዎዶዳ አይ አሳይን፡ ሸቁዋ ሰንላን ኤቃና ጋካናዉ፡ ሱላ አችያዋ ኩሽያን ሀይቃናዳን፡ ሄ ካታማቱዋጥ እቱዋኮ ባቃታናዉ ዳንዳዬ።

21

ሌዋቱ ካታማቱዋ (21:1-45)

1 ሄዋጥ ጉይያን ሌዊያ ዛራቱዋ ያራቱ ካፓቱ ቄስያ ኤልኦዛረኩ፡ ነዌ ናኦ ኢያሱን እስራኤልያ አሳ ዛረቶ ያራቱ ካፓቱዋኮ ሸቁድና።

2 ሄዋን ካናን ጋድያን ደእያ ሴሎን ኤንቲንቱ ሀዋዳን ያጌድና፤ “ኑን ደእና ካታማቱዋን ኑ መሀያዉ ሄንላ ጋደቱዋ ኔን ኑ እማና ማላ መድና ጎዳይ ሙሴ ባጋና እዛዜዳ” ያጌድና።

3 ሄዋጥ ጉየ መድና ጎዳይ እዛዜዳዎዳን፡ እስራኤልያ አሳይ ሌዊያ ዛረቶ ሀ ካታማቱዋን ሄንላ ጋደቱዋ ባረንቱ ጋድያፕ ግሺደ ኤንቲንቶ እሜድና።

4 ኮይር ሳማይ ቃሃታ ያራቶ ከሴዳ። ቄስያ አርና ዛርያ ሌዋቱ ይሁዳ ዛራቱዋ፡ ሰሞና ዛራቱዋ፡ ቢንያማ ዛራቱዋ፡ ታማነ ሄዙ ካታማቱዋ ሳማን እኬድና።

5 አቴዳ ቃሃቱዋ ያራቱ ኤፍሬማ ዛራቱዋ፡ ዳና ዛራቱዋ፡ ሞናሰ ዛራቱዋ ባጋፕ ታሙ ካታማቱዋ ሳማን እኬድና።

6 ገርሾና ያራቱ ይሳኮራ ዛራቱዋ፡ አሴራ ዛራቱዋ፡ ንፍታሌማ ዛራቱዋ፡ ባሳንን ደእያ

ምናስ ዛራቱዋ ባጋጥ ታማነ ሄዙ ካታማቱዋ ሳማን እኬድኖ።

7 ማራራ ያራቱ ርቤላ ዛራቱዋ፡ ጋደ ዛራቱዋ፡ ዛብሎና ዛራቱዋ ታማነ ላኡ ካታማቱዋ እኬድኖ።

8 መድና ጎዳይ ሙሴ ባጋና እዛዜዳዋዳን፡ እሰራኤልያ አሳይ ሀ ካታማቱዋን ኡንቲንቱ ሄንላ ጋደቱዋ ሌዋቶ ሳማን ሻክ እሜድኖ።

9 ይሁዳ ዛራቱዋ፡ ሰሞና ዛራቱዋ፡ እሰራኤልያ አሳይ እኪደ እሜዳ ካታማቱዋ ሱንሳይ ሀዋጥ ካሊደ ጸፈቱዳ።

10 ኮይሮ ሳማይ ሌዋያ ዛራቱዋ፡ የለቲደ፡ ቃሃታ ያራ ግዴዳ አሮና ዛራቶ ከሰና፡ ኡንቲንቶ እሜዳ ካታማቱ ሀዋንታ።

11 እሰራኤልያ አሳይ ይሁዳ ገዝያን ደእያ ቅርያት-አርባእ ዋይ ከብሮናን ኦ የሹዋን ደእያ ሄንላ ጋደቱዋ ኡንቲንቶ እሜድኖ። (አርባእ አናቀ አወዋ።)

12 ሸን ሄ ካታማ የሹዋን ደእያ ጋደቱዋን ሞላቱዋ ይፋነ ናኦ ካሌባዉ ላታ ኦሳደ እሜድኖ።

13 ቄስያ አሮና ዛራቶ አሳ ዋዴዳ አሳይ ባቃት ቢደ እትያ ከብሮናን ካታማነ ኦ ሄንላ ጋደቱዋ፡ ሊብናን ኦ ሄንላ ጋደቱዋ።

14 ያትራነ ኦ ሄንላ ጋደቱዋ፡ ኤሽታሞአነ ኦ ሄንላ ጋደቱዋ።

15 ሆሎናን ኦ ሄንላ ጋደቱዋ፡ ዳቢራነ ኦ ሄንላ ጋደቱዋ።

16 አይናን ኦ ሄንላ ጋደቱዋ፡ ዩጸነ ኦ ሄንላ ጋደቱዋን ቤት-ሸመሻነ ኦ ሄንላ ጋደቱዋ፡ ኡባና ኡዱፑን ካታማቱዋ ይሁዳ ዛራቱዋ፡ ሰሞና ዛራቱዋ፡ እኪደ እሜድኖ።

17 ቢንያማ ዛራቱዋ፡ ጋባኦናን ኦ ሄንላ ጋደቱዋ፡ ገባኦነ ኦ ሄንላ ጋደቱዋ።

18 አናቶታነ ኦ ሄንላ ጋደቱዋን አልሞናን ኦ ሄንላ ጋደቱዋ፡ ኡባና ኦይዱ ካታማቱዋ እኪደ እሜድኖ።

19 አሮና ዛርያ ቄሳቱዋ ካታማቱን ኡንቲንቱ ሄንላ ጋደቱ ኡባና ታማነ ሄዛ።

20 አቴዳ ቃሃታ ያራቱ፡ ሌዋያ ዛራ ግድያዋንቱ ኤፍሬማ ዛራቱዋ ካታማቱዋ ሻክና እኬድኖ።

21 ኡንቲንቶ ኤፍሬማ ገዝያን ደእያ፡ አሳ ዋዴዳ አሳይ ባቃት ቢደ እትያ ሰኬማን ኦ ሄንላ ጋደቱዋ፡ ገዜራነ ኦ ሄንላ ጋደቱዋ።

22 ቅብጸይማን ኦ ሄንላ ጋደቱዋን ቤት-ሆሮናን ኦ ሄንላ ጋደቱዋ፡ ኡባና ኦይዱ ካታማቱዋ እኪደ እሜድኖ።

23 ዳና ዛራቱዋ፡ ኤልታቀነ ኦ ሄንላ ጋደቱዋ፡ ግባቶናን ኦ ሄንላ ጋደቱዋ።

24 እያሎናን ኦ ሄንላ ጋደቱዋን ጋተ-ሮሞናን ኦ ሄንላ ጋደቱዋ፡ ኡባና ኦይዱ ካታማቱዋ እኪደ እሜድኖ።

25 ሞናስ ዛራቱዋ ባጋቱዋ ታእናካነ ኦ ሄንላ ጋደቱዋን ጋተ-ሮሞናን ኦ ሄንላ ጋደቱዋ፡ ኡባና ላኡ ካታማቱዋ እኪደ እሜድኖ።

26 አቴዳ ቃሃታ ያራቱ ካታማቱን ኡንቲንቱ ሄንላ ጋደቱ ኡባና ታማ።

27 ሞናስ ዛራቱዋ ባጋቱዋ አሳ ዋዴዳ አሳይ ባቃት ቢደ እትያ፡ ባሳነን ደእያ ጎላና ካታማነ ኦ ሄንላ ጋደቱዋን ባኤሽታራነ ኦ ሄንላ ጋደቱዋ።

ኡባና ላኡ ካታማቱዋ እኪደ፡ ገርሾና ያራ ግድያ ሀራ ሌዋቶ እሜድኖ።

28 ይሳኮራ ዛራቱዋ፡ ቅሸዮናን ኦ ሄንላ ጋደቱዋ፡ ዳብራታነ ኦ ሄንላ ጋደቱዋ።

29 ያርሙታነ ኦ ሄንላ ጋደቱዋን ኤንጋኒማን ኦ ሄንላ ጋደቱዋ፡ ኡባና ኦይዱ ካታማቱዋ እኪደ እሜድኖ።

30 አሴራ ዛራቱዋ፡ ሞሸኦላነ ኦ ሄንላ ጋደቱዋ፡ አብዳናን ኦ ሄንላ ጋደቱዋ።

31 ሄልቃታነ ኦ ሄንላ ጋደቱዋን ራሆባነ ኦ ሄንላ ጋደቱዋ፡ ኡባና ኦይዱ ካታማቱዋ እኪደ እሜድኖ።

32 ሄዋዳንካ ንፍታሌማ ዛራቱዋ አሳ ዋዴዳ አሳይ ባቃት ቢደ እትያ ጋሊላን ደእያ ቀዳሻነ ኦ ሄንላ ጋደቱዋ፡ ሀሞታነ ኦ ሄንላ ጋደቱዋ፡ ዶራነ ኦ ሄንላ ጋደቱዋን ቃርታናን ኦ ሄንላ ጋደቱዋ፡ ኡባና ኦይዱ ካታማቱዋ እኪደ፡ ኡንቲንቶ እሜድኖ።

33 ገርሾና ያራቱ ካታማቱን ኡንቲንቱ ኦ ሄንላ ጋደቱ ኡባና ታማነ ሄዛ።

34-35 አቴዳ ማራራ ያራ ግድያ ሌዋቶ ዛብሎና ዛራቱዋ፡ አሳ ዋዴዳ አሳይ ባቃት ቢደ እትያ ዮቅናኦማን ኦ ሄንላ ጋደቱዋ፡ ቃርታነ ኦ ሄንላ ጋደቱዋ፡ ዳሞናን ኦ ሄንላ ጋደቱዋን ናሀላላነ ኦ ሄንላ ጋደቱዋ፡ ኡባና ኦይዱ ካታማቱዋ እኪደ እሜድኖ።

36 ርቤላ ዛራቱዋ፡ ቤጸራነ ኦ ሄንላ ጋደቱዋ፡ ያሃጸነ ኦ ሄንላ ጋደቱዋ።

37 ቅደሞታነ ኦ ሄንላ ጋደቱዋን መፋኦታነ ኦ ሄንላ ጋደቱዋ፡ ኡባና ኦይዱ ካታማቱዋ እኪደ፡ ኡንቲንቶ እሜድኖ።

38 ቃይ ጋደ ዛራቱዋ፡ አሳ ዋዴዳ አሳይ ባቃት ቢደ እትያ፡ ጋላኦደን ደእያ ራሞታነ ኦ ሄንላ ጋደቱዋ፡ ማሀሪማን ኦ ሄንላ ጋደቱዋ።

39 ሀሰቦናን ኦ ሄንላ ጋደቱዋን ያእዜራነ ኦ ሄንላ ጋደቱዋ፡ ኡባና ኦይዱ ካታማቱዋ እኪደ፡ ኡንቲንቶ እሜድኖ።

40 ማራራ ያራ ግድያ ሀራ ሌዋቶ ሻክና ጋኬዳ ካታማቱ ኡባና ታማነ ላኦ።

41 እሰራኤልያ አሳይ ላቴዳ ጋድያን ደእያ ሌዋቶ ኡባና ኦይታማን ሆሰፑን ካታማቱ ኡንቲንቱ ሄንላ ጋደቱዋና ደኢኖ።

42 ሄ ካታማቱዋ ኡባ የሹዋን ሄንላ ጋደቱ ደኢኖ።

43 ሄዋዳን አሳደ፡ መድና ጎዳይ ኡንቲንቱ አዋቶ እማናዉ ጫቄዳ ጋድያ ኡባ እሰራኤልያ አሳዉ እምና ኡንቲንቱ ላቲደ፡ ያን ደኤድኖ።

44 መድና ጎዳይ ኡንቲንቱ አዋቶ ጫቄዳዋዳን፡ ኡንቲንቱ ኡባ ባጋናካ ሸምፕሴዳ። መድና ጎዳይ ኡንቲንቱ ሞርከቱዋ ኡባ ኡንቲንቶ አላ እሜዳ ድራዉ፡ ኡንቲንቱ ሞርከቱዋ እቲነ ኡንቲንቱና ኤቃታናዉ ዳንዳይቤና።

45 መድና ጎዳይ እሰራኤልያ አሳዉ እማና ጌዳ ሎኦ ቃላ ኡባ ፖሌዳፕ እትን እቲነ ሳኦነ እትቤና።

22

ደላሃፕ ዬዳ ያራቱ ባርንቱ ሳኦ ሰሙሳ (22:1-34)

1 ሄዋፕ ጉይያን ኢያሱ ርቤላ ዛራቱ፡ ጋደ ዛራቱዋን ሞናስ ዛራቱዋ፡ ባጋቱዋ ጸጊደ።

22:2 ገይ. 32:20-32፤ ኢያሳ 1:12-15

2 “መድና ጎዳ ቆማይ ሙሴ ህንተንታ አዛዜዳ ኡባ ፖሌድታ፤ ቃይ ታወካ ኡባባን አዛዜቲድታ።

3 ዳር ዋድያፕ ሀቼ ጋካናዉ፡ ህንተንታ ህንተንታ እሻቱዋ ባሽባይክታ፤ መድና ጎዳይ ህንተንታ ጸሳይ ህንተንታ እሻቱዋ ሀዳራ ፖሌድታ።

4 ሰሞ መድና ጎዳይ ህንተንታ ጸሳይ ኡንቲንቶ ጌዳ ቃላዳን፡ ህንተንታ እሻቱዋ ሽሞፕሴዳ። ሄዋ ድራዉ፡ መድና ጎዳ ቆማይ ሙሴ ህንተንታ ዮርዳኖሳ ሻፋፕ ሄፍንሳ ባጋና እሻቱዋ ላታ ጋድያን ደእያ ህንተንታ ሶ ሶ ሰሞተ።

5 መድና ጎዳ ቆማይ ሙሴ ህንተንታ አዛዜዳ አዛዜዋን ዋጋ ሎይሳ ናግተ። መድና ጎዳ ህንተንታ ጸሳ ሰቅተ፤ አ ኡግያ ኡባን ሀመትተ፤ አ አዛዜዋ አዛዜትተ፤ እናና ሞን ኦይቀትተ፤ ህንተንታ ኩመንሳ ዋዛናፕ ኩመንሳ ሽሞፕዋፕ አዉ አሳተ” ያጌዳ።

6-8 ኢያሱ ኡንቲንታ እንጅ የዲደ፤ “በእተ፡ ህንተንታ ሀእ ዳር መሀያ፡ ብራ፡ ዋርቃ፡ ናሃሰያ፡ ብራታን ዳር ማየዋ እኪደ ዲረቲደ፡ ህንተንታ ጋድያ ሰማና ሀኒታ። ሄዋ ድራዉ ህንተንታ ሞርከቱዋፕ አዋዴዳዋ፡ ህንተንታ እሻቱዋና ግሽ አክተ” ያጌዳ። ሄዋፕ ጉይያን ኡንቲንታ ባረንቲ ሶ ሶ ቤድኖ።

ሙሴ ሞናሰ ዛራቱዋፕ ባጋቶ ባሳን ጋድያ እሞ ዋሌዳ፤ ሽን አቲዳ ሞናሰ ዛራቱዋ ባጋቶ ኢያሱ ዮርዳኖሳ ሻፋፕ አዋይ ዉልያ ባጋን ሀራ ዛራቱዋና እትፕ ላትያ ቢታ እሻቱዳ።

9 ርቤላ ዛራቱ፡ ጋደ ዛራቱን ሞናሰ ዛራቱዋ ባጋቱ ባረንቲ ላታ ጋድያ ሰሚደ ቤድኖ። ጸሳይ ሙሴ ባጋና አዛዝና ላቲዳ ጋላኢደ ጋድያ ባናዉ፡ ካና ጋድያን ሴሎን ደእያ እሰራኤልያ አሳፕ ሻከቲድኖ።

ዮርዳኖሳ ሻፋ ማታን ግሞቤዳ ያርሹዋ ሳአ

10 ርቤላ ዛራቱ፡ ጋደ ዛራቱን ሞናሰ ዛራቱዋፕ ባጋቱ ዮርዳኖሳ ሻፋ ማታን ካና ጋድያን ደእያ ጋልሎታ ዬዳ ዋደ፡ ሻፋ ማታን ያርሹዋ ያርሹያ ዋልቃማ ሳአ

11 ግሞቤና፡ “ርቤላ ዛራቱ፡ ጋደ ዛራቱን ሞናሰ ዛራቱዋፕ ባጋቱ ዮርዳኖሳ ማታን፡ ጋልሎታን፡ ካናን ዛዋን፡ እሰራኤላቱ ባጋና ያርሹዋ ሳአ ግሞቤድኖ” ግያዋ እሰራኤላቱ ሰሴድኖ።

12 ኩመንሳ እሰራኤልያ አሳ ያእይ ኡንቲንታ አላናዉ ባናዉ ሴሎ ግያ ሳን እትፕ ሸቄዳ።

13 እሰራኤልያ አሳይ ቄሰያ ኤልአዛራ ናአ ፒንሃሳ፡ ጋላኢደ ጋድያን ደእያ ርቤላ ዛራቱዋፕ፡ ጋደ ዛራቱዋፕ ሞናሰ ዛራቱዋፕ ባጋቱዋኩ ኪቲዳ።

14 እት እት ዛሪ ባረ ያራቱ ካፓቱዋፕ እት እት አሳ ዶሪደ፡ ታሙ አሳ ፒንሃሳና የዴዳ።

15 ኡንቲንታ ርቤላ ዛራቱ፡ ጋደ ዛራቱን ሞናሰ ዛራቱዋፕ ባጋቱ ደእያ ጋላኢደ ጋድያ ቢደ ኡንቲንታ።

16 “መድና ጎዳ አሳይ ኩመንሳ ያእይ ህንተንታ ሀዋዳን ያጌ፤ ‘እሰራኤልያ ጸሳ ቦላ እያዉ ሀዋ ማላ ኢታባ ኦሌድቲ? ዋኒደ ጎፕ፡ ህንተንታ ሀራ ያርሹዋ ሳአ ህንተንታ ግሞቤደ፡

መድና ጎዳ ቦላ ማካሌድታ! አ ካልያዋካ አጌዲታ!

17 ፓኦራን ኩን ኦሌዳ ናጋራይ ኑዉ ግደኔ? እሰራኤልያ ሸቄዋ ቦላ ቦሻይ ዋዴዳዋ ግደፕ፡ ሀቼ ጋካናዉካ ኩን ሄ ናጋራፕ ጌይቦኩ።

18 መድና ጎዳ ካልያዋፕ ሀቸካ ዋራ ሰማነየ?

“ ህንተ ሀቼ መድና ጎዳ ቦላ ማካሎፕ፡ መድና ጎዳይ ዋንት ኩመንሳ እሰራኤልያ ሸቄዋ ሀንቀታናዋ።

19 ህንተንታ ደእያ ጋዲ ቱኔዳዋ ግደፕ፡ መድና ጎዳ ዲንካኒ ኤቄዳ ጋድያ ሃ ዪደ፡ ኑናና ጋድያ ሻክተ። ሽን ካሰፕ ደእያ መድና ጎዳ ኑ ጸሳ ያርሹዋ ሳአፕ ሀራ ያርሹዋ ሳአ ግሞቤደ፡ መድና ጎዳ ቦላ ማካሎፕተ፤ ዋይ ኑናካ ማካላንቻ ከሶፕተ።

20 ዛራሀ ዛረ እካን ናጋራ ግደዋፕ እኪደ፡ ናጋራ ኦሌዳ ድራዉ፡ ኩመንሳ እሰራኤልያ ሸቄዋ ቦላ ጸሳ ሀንቄ ዋድቤኔ? ባረ ናጋራ ጋሱዋን ሀይቄዳዋ አ ጸላላ ግደና ያጌ” ያጌድኖ።

21 ሄዋፕ ጉየ ርቤላ ዛራቱ፡ ጋደ ዛራቱን ሞናሰ ዛራቱዋፕ ባጋቱ እሰራኤልያ ያራቱ ካፓት ሀዋዳን ያጌደ ዛራድኖ፤

22 “ዋልቃማይ መድና ጎዳ ጸሳ! ዋልቃማይ መድና ጎዳ ጸሳ! ኩን ሀዋ እያዉ ኦሌደንቶ አ ኤራዳ! ኩን እያዉ ኦሌደንቶ ህንተንታካ ኤራዳን ኮዬቶ። ኩን መድና ጎዳ ቦላን ማካሌዳዋን አዛዘተናን እጼዳዋ ግደፕ፡ ሀቼ ኑና ፓጻ ዋላፕተ።

23 ኩን መድና ጎዳ ካልያዋ አጌደ፡ ጸግያ ያርሹዋ፡ ካላ ያርሹዋን እትፕተላ ያርሹዋ ያርሻናዉን ያርሹያ ሳአ ግሞቤዳዋ ግደፕ፡ መድና ጎዳይ ኑና ሄ ኦሶ ኦቾ።

24 ኩን ሄዋ ግሞቤቦኩ፤ ኩን ያርሹዋ ሳአ ግሞቤዳዋ፡ ሰንላፕ ያና ላይላን ህንተንታ ናናይ ኑ ናና፡ ህንተና መድና ጎዳን እሰራኤልያ ጸሳን አዬ ጋሳያዋ?

25 ህንተንታ፡ ርቤላን ጋደ ዛረቶ፡ መድና ጎዳይ ኑ ግደንን ህንተንታ ግደን ዮርዳኖሳ ሻፋ ዛዋዬዳ። መድና ጎዳን ህንተንታ ጋሳያዋ ባዋ ያጋንቲን ጌደ ሀርጌዳ ድራሳ። ሄዋዳን ኦሊደ፡ ህንተንታ ዛራቱ ኑ ዘረላ መድና ጎዳዉ ጎይናዳን ተኤናን አግክኖ።

26 “ሄዋ ድራዉ ኩን ኑ ግደን ያርሹዋ ሳአ አነ ግሞቤዳ፤ ሽን ጸግያ ያርሹዋ ሳአ ዋይ ሀራ ያርሹዋ ሳአ ግደና።

27 ኩን ያርሹዋ ሳአ ግሞቤዳዋ ጸግያ ያርሹዋ፡ እትፕተላ ያርሹዋን ሀራ ያርሹዋ ያርሹደ፡ መድና ጎዳዉ አ ዲንካንያን ጎይናና ማላ፡ ሀዋ ኑ ግዲዋን ሀንተንታ ግዲዋን፡ ቃይ ኑ ካልያ የለታ ግዲዋን ማርካ ግዳናሳ። ዋደፕ ህንተንታ ዛራቱ ኑ ዘረላ፡ ህንተና መድና ጎዳን ጋሳያዋ እያይነ ባዋ፡ ጋናዉ ዳንዳይክኖ።

28 ኡንቲንታ ጌላዳን ኑና ዋይ ኑ የለታ ዋድያፕ ሄዋዳን ጎፕ፡ ኩን ኡንቲንቶ ዛሪደ፡ ‘ጸሳዉ ያርሹያ ሳአ ሌሞሱዋ ሀዋ በእተ። ሀዋ ኑ አዋቱ ጸግያ ያርሹዋን ሀራ ያርሹዋ ያርሻናሳ ግደናን፡ ህንተፕ ኑፕን ግዲዋን ማርካ ግዳና ማላ ግሞቤድኖ’ ያጋና።

29 መድና ጎዳ ቦላ ማካላናዊ ኑጥ ሃኮ! መድና ጎዳ ኑ ጸሳ ዲንካንያ ሰንላን ኤቄዳ ያርሹዋ ሳጥ ሀራ። ጸግያ ያርሹዋ፣ ካላ ያርሹዋን ሀራ ያርሹዋ ያርሸያ ሳኦ ግምቢድ፣ ሀቼ ዋራ ስምቦይኮ” ያጊደ ዛሬድኖ።

30 ቄሰያ ፒንሃሰን አናና ደእያ እሰራኤልያ ያራቱ ካፓቱ፣ ርቤላ፣ ጋዳን ምናሰ ዛራቱ ኑዴዳዋ ሰሲደ፣ ሎይላ ናሸቲድኖ።

31 ቄሰያ ኤልኣዛራ ናኦይ ፒንሃሰ ርቤላ፣ ጋዳን ምናሰ ዛራቱ፣ “መድና ጎዳይ ኑ ግደን ደእያዋ ኑን ሀቼ ኤሬደ፣ አያው ጎጥ፣ ሀ የውዋ ህንተንቱ መድና ጎዳ ቦላ ማካላናዊ ኦሰቦይክታ። ህንተንቱ ሀእ መድና ጎዳ ሙራጥ እሰራኤልያ አሳ እሸድታ” ያጌዳ።

32 ሄዋጥ ጉይያን ቄሰያ ኤልኣዛራ ናኦይ ፒንሃሰን ካፓቱ ጋላኦደን ደእያ ርቤላን ጋደ ዛራቱዋ ማታጥ ካናን ደእያ እሰራኤልያ አሳኮ ሰሚደ ሀይዳባ ኤንቱንቶ ኦይድኖ።

33 እሰራኤልያ አሳይ ናሸቻን፣ ጸሳ ጋላቲድኖ። ቃይ ርቤላ አሳቱን ጋደ አሳቱ ደእያ ጋድያ ኦላቲደ ባይዛናዊ ባናዊ ሃሳይያዋካ አጌድኖ።

34 ርቤላን ጋደ ዛራቱ፣ “ሀ ያርሹዋ ሳኦይ ጸሳ ጸላላይ ጸሳ ግድያዋ ኑ ኡባጥ ግዲዋን ማርካ ግዳናዋ” ያጌድኖ፤ ሄ ያርሹዋ ሳኦ ማርካ ሱንሴድኖ።

23

ኢያሱ ወርሰላ ሃሳያ (23:1-16)

1 ዳር ዋድያጥ ጉይያን፣ መድና ጎዳይ እሰራኤልያ አሳ ኤንቱንቱ ዩሹዋን ደእያ ሞርከቱዋ ኡባጥ ሸምጥሴዳ። ሄ ዋደ ኢያሱ ጭሚደ፣ ዋድያ ሎይላ ሱጌዳ።

2 ያቲዳዊ እሰራኤልያ አሳ ኡባ፣ ጭማቱዋ፣ ካፓቱዋ፣ ዳናቱዋን ኦላ ጋደዋቱዋ እትጥ ጸሲደ፣ ሀዋዳን ያጌዳ፤ “ታን ጭማደ፣ ዋድያ ሎይላ ሱጋድ።

3 መድና ጎዳይ ህንተንቱ ጸሳይ ህንተንቱ ድራው ሀ ካውተላቱዋ ኡባ ኦሴዳዋ ህንተንቱ ህንተንቱ ሀጺያው በኤድታ። ህንተንቶ ኦላቲዳዊ መድና ጎዳ ህንተንቱ ጸሳተን።

4 በእት፣ ዮርዳኖሳ ሻፋጥ ደሚደ አዋይ ወልያ ባጋና ደእያ ሜድትራን አባ ጋካናዊ ደእያ፣ አቲዳ ካውተላቱዋ ቢታ ኡባ፣ ታን ጳይሴዳ ካውተላቱ ቢታናካ ላታ ጋደ ኦላደ፣ ህንተንቱ ዛራቶ ሻካደ እማድ።

5 መድና ጎዳይ ህንተንቱ ጸሳይ ኤንቱንታ ሱጋናን ህንተንቱ ሰንላጥ ላግና መድና ጎዳይ ህንተንቱ ጸሳይ ጌዳዋዳን፣ ህንተንቱ ኤንቱንቱ ጋድያ ላታና።

6 “ሄዋ ድራው፣ ሙሴ ሀግያ ማጸፋን ጸፈቲዳ ኡባ ናጋናዊን ኦላናዊ ሎይላ ምንተ፤ አጥ ኡሸቻ ሀድርሳ ጎጥተ።

7 ሄዋን ህንተንቱ ግደን አቲዳ ሀ ካውተላቱዋና ዋላከቶጥተ። ኤንቱንቱ ጸሳቱዋ ሱንላ ደንሶጥተ ዋይ ኤንቱንቱ ሱንላን ጫቆጥተ። ኤንቱንቶ ኦላጥተ ዋይ ኤንቱንቶ ጎይናጥተ።

8 ሸን ሀቼ ጋካናዊ ህንተንቱ ኦሴዳዋዳን፣ ጸሳ ህንተንቱ መድና ጎዳ ሎይላ ኦይክተ።

9 “አያው ጎጥ፣ መድና ጎዳይ ግታን ምኖ ካውተላቱዋ ህንተንቱ ሰንላጥ ከሴዳ። ህንተና ግደጥ፣ ሀቼ ጋካናዊ ኦንን ህንተናና ኤቀታናዊ ዳንዳይቤና።

10 መድና ጎዳይ ህንተንቱ ጸሳይ ህንተንቶ ጌዳዋዳን፣ እ ባረ ሀጺያው ህንተንቶ ኦላትያ ድራው፣ ህንተጥ እት አሳይ ሻኦ አሳ የደርሴዳ።

11 መድና ጎዳ ህንተንቱ ጸሳ ኡባ ገደ ሲቃናዋ ደጎጥተ።

12 ህንተንቱ ጉየ ሰሚደ፣ ካውተላቱዋጥ ሀዋን ህንተንቱ ግዲዋን አቲዳ አሳና አቲዋ ግደጥ፣ ኤንቱንቱ ማቻቱዋ ህንተንቶ፣ ህንተንቱ ማቻቱዋ ኤንቱንቶ እም ዋላከቶጥ።

13 መድና ጎዳይ ህንተንቱ ጸሳይ ሀ ካውተላቱዋ ህንተንቱ ሰንላጥ የደርሰያዋ አግ ባሻናዋ ጌሺደ ኤርተ። ሸን መድና ጎዳይ ህንተንቱ ጸሳይ እሜዳ ሀ ሎኦ ጋድያጥ ህንተንቱ ጳያና ጋካናዊ፣ ኤንቱንቱ ህንተንቶ ጸረን ግተ ግዳና፣ ህንተንቱ ዘክያው ልሶ፣ ህንተንቱ አይፍያወካ አጉንላ ግዳና።

14 “ሀእ ስም ታን ሀይቃና ማታድ። መድና ጎዳይ ህንተንቱ ጸሳይ ህንተንቶ እማና ጌዳ ሎኦ ኡባጥ እትባይን አትቤናዋ ህንተንቱ ኡባይ ህንተንቱ ዋዛናን ሸምቶዋን ኤሪታ። እ ህንተንቶ እማና ጌዳዋጥ እትባይን አተናን፣ ኡባይ ፖላቲዳ።

15 መድና ጎዳይ ህንተንቱ ጸሳይ ህንተንቶ እማና ጌዳ ሎኦባይ ኡባይ አተናን ፖላቲዳዋዳን፣ መድና ጎዳይ ህንተንቱ ጸሳይ ህንተንቶ እሜዳ ሀ ሎኦ ጋድያጥ ህንተንታ ጳይሳና ጋካናዊ፣ ኢታ ሙሩዋ ኡባካ ህንተንቱ ቦላን ሄዋዳን አሀና።

16 መድና ጎዳይ ህንተንቱ ጸሳይ ህንተናና ጫቀቲዳ ቃላ ጫቁዋ ህንተንቱ መንሶጥ፣ ቢደ ሀራ ጸሳቶ ኦላጥን ጎይናጥ፣ መድና ጎዳ ህንቁ ህንተንቱ ቦላ ኤጽ ከሳና፤ እ ህንተንቶ እሜዳ ሎኦ ቢታጥካ ህንተንቱ ኤላካ ጳያና” ያጌዳ።

24

ስኬማን ቃላ ጫቁዋ ኦራዱሳ (24:1-33)

1 ሄዋጥ ጉይያን ኢያሱ እሰራኤልያ ዛራቱዋ ኡባ ስኬማ ጌተትያ ካታማን ሺሺዳ። ጭማቱዋ፣ ካፓቱዋ፣ ዳናቱዋን ኦላ ጋደዋቱዋ ኡባ ጸሰና ኤንቱንቱ ጸሳ ሰንላን ሸቄድኖ።

2 ኢያሱ አሳው ኡባው ሀዋዳን ያጌዳ፤ “መድና ጎዳይ እሰራኤልያ ጸሳይ ሀዋዳን ያጌ፤ ‘በን ህንተንቱ አዋቱ ኤፍራዲሳ ሻፋጥ ሄፍንላን ደኤድኖ፤ ኤንቱንቱ ሀራ ጸሳቶ ኦሴድኖ። ኤንቱንቱጥ እቱ አብራሃማን ናኮራ አወዋ ታራ።

3 ሄዋጥ ጉይያን ህንተንቱ አወዋ አብራሃማ፣ ሄ ሻፋጥ ሄፍንላን ደእያ ጋድያጥ ጸሳይ፣ ካናን ቢታ ኡባን ካለላድ። እ ዛርያካ ጮራያድ፤ ይሳቃካ አወ እማድ።

23:10 ዛረ. 3:22፤ 32:30 24:2 ደመላ 11:27 24:3 ደመላ 12:1-9፤ 21:1-3 24:4 ደመላ 25:24-26፤ 36:8፤ 46:1-7፤ ዛረ. 2:5

4 ይሳቃወካ ያቆባነ ኤሳ እማድ። ኤሳወ ኤደማ ገዝያ ላታናዳን እማድ፤ ሽን ያቆብነ ኦናና ደገ ግብጾ ቤድና።

5 “ ጉየጥ ሙሳነ እርና ኪታደ ታን ያን ኦሴዳዋን ግብጾ ጋድያ አሳ ቦሻን ሸጫድ፤ ሄዋጥ ጉይያን ህንተንታ ከሳድ።

6 ታን ህንተንታ አዎቱዋ ግብጾጥ ከሰና፤ ዞኦ አባኮ ዬድታ፤ ግብጾቹ ህንተንታ አዎቱዋ ፓራቱ ጎቶያ ጋርቱዋን ፓራቱዋን የደርሴድና።

7 ኢንቱንቱ መድና ጎዳወ ዋሴዳ ዋደ፤ ኢንቱንቱጥን ግብጾቹዋጥ ግዲዋን ጳማ የጋድ፤ ያታደ፤ አባይ ኢንቱንቱ ቦላ ሰማናዳን ኢንቱንቱ ሙካናዳን አላድ። ታን ግብጾቹዋ ቦላ ኦሴዳዋ ህንተንታ ህንተንታ አይፍያን በኤድታ። ህንተካ ዋራን ዳር ዋድያ ደኤድታ።

8 “ ሄዋጥ ጉይያን ዮርዳኖሳ ሻፋጥ አዋይ ደልያ ባጋና ደእያ አዋራዋናቱዋ ጋድያ ታን ህንተንታ አሃድ። ኢንቱንቱ ህንተናና ኦለትና፤ ታን ኢንቱንታ ህንተንታ ኩሽያን አላደ እማድ፤ ህንተንታ ጋድያ ላቲድታ። ቃይ ታን ኢንቱንታ ህንተንታ ሰንላጥ ጳይሳድ።

9 ሄዋጥ ጉይያን ጽፖራ ናእይ ባላቅ፤ ሞኦበ ጋድያ ካቲ ደንዲደ፤ እሰራኤላቱዋና ኦለቲዳ። ባኦራ ናእይ ባላም ህንተንታ ሸቃናዳን፤ ከቲደ ጴሰሴዳ፤

10 ሽን ታን ባላመባ ሰሳበይከ። ሄዋ ድራወ እ ህንተንታ ኢንጃዳ፤ ያትና፤ ታን ህንተንታ ባላቃ ኩሽያጥ አሻድ።

11 “ ዮርዳኖሳ ሻፋ ፕኒደ፤ ያርኮ ዬድታ፤ ያርኮ አሳይነ አዋራዋናቱ፤ ፓርዛዋናቱ፤ ካናንቱ፤ ሂተቱ፤ ገርጌሰቱ፤ ሂዌቱን ያቡሳዋናቱ ህንተናና ኦለትና፤ ታን ኢንቱንታ ህንተንታ ኩሽያን አላደ እማድ።

12 ካጅያ ህንተጥ ሰንላወ ኪታደ፤ አዋራዋናቱዋ ካተቱዋ ላእቱዋ ህንተንታ ሰንላጥ ከሳድ። ሀዌ ኡባይ ሀናናወ ዳንዳዬዳዌ፤ ህንተንታ ማሻን ህንተንታ ዋንዳፍያን ግደና።

13 ህንተንታ ጎሺደ ከሰቤና ጋድያን ህንተንታ ኬጽቤና ካታማቱዋ ታን ህንተንታ እምና፤ አን ደኢታ። ሀእ ህንተንታ ቶክቤና ዋይንያ ቱራ አይፍያን ዋጋራ አይፍያ ሚታ። ያጌ።

14 “ሄዋ ድራወ ሀእካ መድና ጎዳወ ያይተ፤ ቱሙ ዋዛናጥ አማነቲደ አወ ጎይንተ። ህንተንታ ማይዛ አዎቱ ኤፍራጺሳ ሻፋጥ ሄፍንላን ግብጾን ጎይኔዳ አላጋ ጸሳቱዋ ዋራ ኦሊደ፤ መድና ጎዳወ ጎይንተ።

15 መድና ጎዳወ ጎይንያዌ ህንተንታ ኢቶጥ፤ ህንተንታ አዎቱ ሻፋጥ ሄፍንላን ደኢደ ጎይኔዳ ጸሳቱዋ ግድና፤ ዋይ ሀእ ህንተንታ ደእያ አዋሪ ጋድያ አሳ ጸሳቱዋ ግድና፤ ህንተንታ ጎይንያዋ ሀቼ ደርተ። ሽን ታናን ታ ጎልያ አሳ ግደጥ፤ ኩን መድና ጎዳወ ጎይናና” ያጌዳ።

16 አሳይ ዛሪደ፤ “መድና ጎዳ አግ ባሺደ፤ ሀራ ጸሳቶ ጎይናናዌ ኑጥ ሃኮ!

17 ግብጾ ጋድያጥ፤ አይለተላ ጎልያጥ፤ ኑናን ኩ አዎቱዋ ከሲደ አሄዳዌ፤ ሄ ዋልቃማ ማላታቱዋ

ኩ ጴልሽን ኦሴዳዌ፤ ኩን ቤዳ ኦግያ ኡባንነ አይዳ ቢታቱዋ ኡባ ግዲዋን ኑና ናጌዳዌ፤ መድና ጎዳ ኩ ጸሳተን።

18 ቃይ መድና ጎዳይ አሳ ኡባ፤ ሄ ጋድያን ደእያ አዋሪ አሳቱዋናካ ኩ ሰንላጥ ላጊደ ከሴዳ። ሄዋ ድራወ ኩንካ መድና ጎዳወ ጎይናና፤ አያወ ጎጥ፤ እ ኩ ጸሳ” ያጌዳ።

19 ሽን ኢያሱ አሳ ሀዋዳን ያጌዳ፤ “ህንተንታ መድና ጎዳወ ጎይናናወ ዳንዳይክታ። አያወ ጎጥ፤ እ ጌሻ ጸሳ፤ እ ቃናትያ ጸሳ፤ እ ህንተንታ ናቁዋ ዋይ ህንተንታ ናጋራ አቶ ጌና።

20 ህንተንታ መድና ጎዳ አጊደ፤ አላጋ ጸሳቶ ጎይናጥ፤ እ ህንተንታ ሎኦባ ኦሴዳዋጥ ጉይያን፤ ሰሚደ ህንተንታ ቆሀናን ጳይሳና” ያጌዳ።

21 አሳይ ኢያሳ፤ “ቱይት፤ ግደና! ኩን መድና ጎዳወ ጎይናና” ያጌዳ።

22 ኢያሱ አሳ፤ “ህንተንታ መድና ጎዳወ ጎይንያዋ ደሬዳዋ ህንተንታ ሁጺያወ ህንተንታ ማርካ” ያጌዳ።

ኢንቱንቱ፤ “ኤ ኩን ማርካ!” ያጌድና።

23 ኢያሱ፤ “ያቶጥ፤ ህንተንታ ግዲዋን ደእያ አላጋ ጸሳቱዋ ድግተ፤ ህንተንታ ዋዛና መድና ጎዳኮ፤ እሰራኤልያ ጸሳኮ ዛርተ” ያጌዳ።

24 ኢንቱንቱ፤ “ኩን መድና ጎዳወ፤ ኩ ጸሳወ፤ ጎይናና፤ እ አዛዙዋካ ፖላና” ያጌድና።

25 ሄ ጋላሰ ኢያሱ አሳና ቃላ ጫቁዋ ጫቁቱዳ፤ ሰኬማን ሀግያን ዋጋ ኢንቱንቶ ከሴዳ።

26 ኢያሱ ሄ ቃላቱዋ ጸሳ ሀግያ ማጻፋን ጸፊዳ። ሄዋጥ ጉይያን፤ እት ዋልቃማ ሹቻ አኪደ፤ መድና ጎዳ ዳንካንያ ማታን ደእያ ዋላ ጋርሳን ኤሴዳ።

27 ኢያሱ አሳወ ኡባወ፤ “በእተ፤ መድና ጎዳይ ኑወ ሃሳዬዳ ቃላ ኡባ ሀ ሹቻይ ሰሴዳ ድራወ፤ እ ኩ ቦላ ማርካ ግዳናዋ። ህንተንታ ጸሳ ቦላን ማካሎጥ፤ ሀ ሹቻይ ህንተንታ ቦላ ማርካ ግዳናዋ” ያጌዳ።

28 ሄዋጥ ጉይያን፤ ኢያሱ አሳ ኡባ የድና፤ ኡባይካ ባረ ላታ ጋድያ ጋድያ ሰሚደ ቤዳ።

ኢያሱ ሀይቁዋን ኤልኦዛራ ሀይቁዋ

29 ሄዋጥ ጉይያን መድና ጎዳ ቆማይ፤ ነዌ ናእ ኢያሱ፤ ላይላይ ጴታን ታሙዋ ግድና ሀይቁዳ።

30 አሳይ ጋኦሻ ደርያጥ ሁጺሳ ባጋን፤ ኤፍሬማ ገዝያን ደእያ አ ላታ ጋድያን፤ ትምናት-ሴራን ሞጌድና።

31 ኢያሱ ፓጻ ደኤዳ ዋደ ኡባንነ ኢያሱጥ ሰምና ደኢደ፤ መድና ጎዳይ እሰራኤላቶ ኦሴዳ ኦሱዋ ኡባ ኤሬዳ ጭማቱዋ ዋደ ኡባን እሰራኤላቱ መድና ጎዳወ ጎይኔድና።

32 እሰራኤልያ አሳይ ግብጾ ጋድያጥ አሄዳ ዮሴፎ መቀላ ሰኬማን ሞጌድና። ሄ ሳኦ ያቆብ ሸኬማ አወዋ ሀዋራ ናናቱዋጥ ጴቱ ጸጋራ ብራን ሻሚዳ፤ ጉየጥ ዮሴፎ ዛራቱ ላቲድና።

33 እርና ናእይ ኤልኦዛራ ሀይቁዳ፤ እ ናእ ፒንሃሳወ እመቲዳ ኤፍሬማ ገዝያን ደእያ ግብኦ ጌተትያ ካታማን ሞጌድና።

24:5 ከሳ 3:1—12:42 24:6 ከሳ 14:1-31 24:8 ፓይ. 21:21-35 24:9 ፓይ. 22:1—24:25 24:11 ኢያሳ 3:14-17፤ 6:1-21 24:12 ከሳ 23:28፤ ዛረ. 7:20 24:13 ዛረ. 6:10-11 24:30 ኢያሳ 19:49-50 24:32 ደመላ 33:19፤ 50:24-25፤ ከሳ 13:19፤ ዮሃ. 4:5፤ ኪታ 7:16

ዳናቱዋ ማጻፋ ገሎዋ

ኢያሱ ሀይቄዳዋጥ ጉይያን እት ኡራይ እስራኤልያ ካለፋናዉ ደንድቤና። ሄዋ ጋሱዋን አሳ ግዳዋን እቱ እቱዋናነ ዩሹዋን ደእያ ጋድያና ኦለትያዋን አላጋ ጸሳዉ ጎይንያዋን ጸሳዉ ደእያ አማነቱሳ ፓጭሴድና። ዳናቱዋ ማጻፋይ ኦድያዊ ሀ ማራ ጳዴዳ አሳ ጸሳ ጭፋን ካለልያ ጸሳን ደረቱዳ አሳቱዋ ግድያዋ በሴ። ሀ ማጻፋይ ካናነ ኦይከቱዳ ዋድያጥ ደሚደ፣ ካቲ ካተትያ ካዉተሳይ ኤቃና ጋካናዉ ደእያ ታርከቱዋ ኦይኬዳ፤ ሄ ዋዲ እስራኤልያ አሳ ታርከያን ሀጊ ባይና ዋደ። ሀ ታርከ “ዳናቱዋ” ጌተትያ ምና አሳቱ ኦሌዳዋ በሰና። ሀ ዳናቱዋጥ ዳርያ ባጋቱ ኦላ ጋዳዋቱዋ። ኡንቱንቱጥ ቃይ ሎይላ ኤረቱዳዋ፣ አ ምናተሳይ ሸምቼዋ 13-16 ጋካናዉ ጸፈቱዳ ሳምሶና ጌተትያ አሳ። ሀ ማጻፋጥ ኦን ደምያ ዋልቃማ ትምርትያ፣ እስራኤልያ አሳ ደኡ ቱሙ ደኡዋ ግድያዋ ኡንቱንቱ ጸሳዉ አማነተደ ደኤዳ ኬሻና ግድያዋ። ኡንቱንቱ አዉ አማነተናን እጽያ ዋደ፣ ኡባ ገደካ ኡንቱንቱ ቦላ ባሻይ ዩ። ሄዋጥካ ቃይ ኦድያ ሀራባይ ደኤ፤ ሄዋን አሳይ ጸሳዉ አማነተናን እጽዳ ጋሱዋን ኡንቱንቱ ቦላ ባሻይ ጋኮጥካ፣ ኡንቱንቱ ናጋራ ፓጺደ ሰሜዳ ዋደ ኡባን፣ ጸሳይ ኡንቱንታ አሻናዉ ጊግ ኡቱዳዋ።

ሸምጋቱዋ ኡባቶ እመቲዳ ቃንሳ ጭፋቱዋ

ሀ. ኢያሱ ሀይቄ ጋካናዉ ደእያ ሀናታ 1:1—2:10

ለ. እስራኤልያ ዳናቱዋ 2:11—16:31

ሐ. አማኑዋን አማኑዋ ኦሱዋ ዋጋ ባየላ 17:1—21:25

ኢያሱ ሀይቄ ጋካናዉ ደእያ ሀናታ

(1:1—2:10)

ይሁዳነ ሰሞና ዛራቱ አድን-ቤዘቃ ኦለቲደ ኦይቄድና

1 ኢያሱ ሀይቄዳዋጥ ጉይያን፣ እስራኤልያ አሳይ፣ “ካናነ ጋድያ አሳ ኦላናዉ ኦ ዛራቱዋጥ ኮይርቲደ ከሳናዊ ኦኔ?” ያጊደ መድና ጎዳ ኦቼዳ።

2 መድና ጎዳይ፣ “ይሁዳ ዛራቱ ኮይርቲደ ከሰና። ታን ጋድያ ኡንቱንቱ ኩሽያን አሳደ እማድ” ያጊደ።

3 ይሁዳ አሳይ ባረንቱ ዳቦቱዋ፣ ሰሞና ዘረላ፣ “ኦን ካናነቱዋና ኦለታና ማላ፣ ኦና ሻክና ጋኬዳ ሳኦ ኦናና ደንድተ። ሄዋጥ ጉይያን፣ ሀንተንታ ሻክና ጋኬዳ ሳኦ ሀንተናና እትጥ ባና” ያጊደ። ሰሞና ዛራቱን ይሁዳ ዛራቱ ኦላዉ እትጥ ቤድና።

4 መድና ጎዳይ ካናነቱዋን ፓርከቱዋ ኡንቱንቱ ኩሽያን አላደ እማዳ፤ በዜቃ ጌተትያ ካታማን ታሙ ሻኦ አሳ ዋዴድና።

5 በዜቃ ካታማን አድን-ቤዘቃ ደሚደ፣ አናና ኦለቲድና፤ ካናነቱዋን ፓርከቱዋ ጸኔድና።

6 አድን-ቤዘቃ ባቃቱዳዋ የደርሰ ኦይቄደ፣ አ ኩሽያ ዋጋ ብራቅቱዋን አ ገድያ ዋጋ ብራቅቱዋ ቃንጾድና።

7 አድን-ቤዘቃ፣ “ኩሽያ ዋጋ ብራቅቱዋን ገድያ ዋጋ ብራቅቱዋ ታን ጭጌዳ ላቸን ታሙ ካተቱ ታ ማሶናያጥ ላለቲዳ ሱፓ ማጺደ ሚና። ታን ኡንቱንቱ ኦሌዳዋዳን፣ ጸሳይ ታና ኦሌዳ” ያጊደ። አ የራሳላመ አህና፣ ያን ሀይቄዳ።

ይሁዳ ዛራቱ የራሳላመነ ከብርነ ኦይቄድና

8 ይሁዳ አሳይ የራሳላመ ኦለቲደ ኦይቄዳ፤ አሳ ቃራ ማሻን ዋዴደ፣ ካታማ ታማን ጸጌዳ።

9 ሄዋጥ ጉይያን፣ ይሁዳ አሳይ ገዝያን፣ ኔጌባ መላ ቢታንን ጋዳን ደእያ ካናነቱዋ ኦላናዉ ቤዳ።

10 ካሰ ቅርያት-አርባአ ጌተትያ ከብርነ ካታማን ደእያ ካናነቱዋ ኦለቲድና፤ ሸሻያ፣ አህማናን ታልማያ ጌተትያ ያራቱዋ ጸኔድና።

ኦትንኤል ዳቢራ ካታማ ኦይቄዳ (ኢያሳ 15:13-19)

11 ሄዋጥ ደንዲደ ይሁዳ አሳይ ዳቢራ ጌተትያ ካታማን ደእያ አሳ ኦላናዉ ቤዳ። ዳቢራ ካታማይ ካሰ ቅርያት-ሰፈራ ጌተቱ።

12 ካሌብ፣ “ቅርያት-ሰፈራ ኦለቲደ ኦይቄያ ኡራዉ ታን ታ ናቶ አክሶ እማና” ያጊደ።

13 ካሌባ እሻ ቱፋ ቃናዛ ናአይ ኦትንኤል ሄ ካታማ ኦለቲደ ኦይቄዳ፤ ካሌብ ባረ ናቶ አክሶ አዉ እማዳ።

14 አክሳ ኦትንኤላ ገልያ ዋደ፣ አ አዉ እዘዉ ጋድያ እማናዳን ዋሳና ማላ፣ ኦትንኤል እዘ ዘራዳ። እዘ ባቁሉዋጥ ዋዳዳ፤ ካሌብ እዘ፣ “እያ ኮያይ?” ያጊደ ኦቼዳ።

15 እዘ፣ “ታዉ ዋይቱዋ እማ። ኔን ካሰ ታዉ እማዳ ጋዲ ዳሪ መላ ቢታ ግዴዳ ድራዉ፣ ሃላ ፑልቶቱዋ ታዉ እማርኪ” ያጋዲ። ካሌብ ክል ፑልቱዋካ ሀርክ ፑልቱዋካ እዘዉ እማዳ።

ይሁዳ ዛራቱን ቢንያማ ዛራቱ ጸኔድና

16 ሙሴ ቦሉዋ ዛራቱ ቄናት ይሁዳ አሳና ዛምባ ካታማ ጌተትያ ያርኮ ካታማጥ ደንዴድና፤ አራዳ ጌተትያ ካታማጥ ገድሳ ባጋና፣ ኔጌባን ደእያ ይሁዳ መላ ቢታ ቤድና፤ ያን አማሌቃቱዋና ኡቱድና።

17 ይሁዳ አሳይ ሰሞና አሳና እትጥ ቢደ፣ ጸፋታ ጌተትያ ካታማን ደእያ ካናነቱዋ ጸኔዳ፤ ካታማ ኡባ ጳይሴዳ። ሄዋ ድራዉ ሆርማ * ያጊደ ሱንጫድና።

18 ይሁዳ አሳይ ጉጂደካ ጋዛ፣ አሰቃሎናን ኤቅርና ካታማቱዋ ኡንቱንቱ ዩሹዋን ደእያ ቢታቱዋናካ ኦይቄዳ።

19 መድና ጎዳይ ይሁዳ አሳና ደእያ ድራዉ፣ ገዘ ጋድያ ኡንቱንቱ ላቲድና፤ ሸን ደምባ ጋድያ አሳቶ ብራታጥ ኦለቲዳ ኦላ ፓራ ጋረቱ ደእያ ድራዉ፣ ይሁዳ አሳይ ኡንቱንታ የደርሳናዉ ዳንዳይቤና።

* 1:17 ሆርማ፡- ሀ ሱንሳ ብለላይ አብራዌሉዋን፣ “ኡባና ጳይሴዳ” ያግያዋ።

20 ሙሴ ጌዳዋዳን፣ ከብርኅ ካታማ ካሌባወ እሜድኖ፣ ካሌብ እናቀ ዛርያ ግድያ ሄዙ ያራቱዋ የደርሲደ ከሴዳ።

21 ሸን ቢንያማ ዛራቱ የሩሳላመን ደእያ ያቡሳቱዋ የደርሰበይክኖ፣ ያትና፣ ያቡሳዋናቱ ቢንያማ ዛራቱዋና ሆቼ ጋካናዉ የሩሳላመን እትፕ ደእኖ።

ኤፍሬምን ምናሰ ዛራቱ ቤቴላ ጸኒደ ኦይቄድኖ

22-23 ዮሴፎ ናናቱዋ፣ ኤፍሬምን ምናሰ ዛራቱ ቃይ ቤቴላ ካታማ ቦላን ዋራጃድኖ። ካሰ ሄ ካታማይ ሎዛ ጌተቱ። ዋራጃያ ዋደ መድና ጎዳይ ኡንቱንቱና ደኤ። ዮሴፎ ዛራቱ ቤቴላ ካታማ ጸዋሰያ አሳቱዋ ከቴድኖ።

24 ኡንቱንቱ ካታማፕ ከሰያ እት ብታንያ ደሚደ፣ “ካታማ ግደ ዋን ገላናዉ ዳንዳየትንቶ ኑና በሶፕ፣ ኑን ነዉ ኬካና” ያጌድኖ።

25 እ ኡንቱንታ በሴዳ፣ ካታማን ደእያ አሳ ቃራ ማሻን ሙሽሬፊድኖ፣ ሸን ሄ ብታንያን አ ሶ አሳ ኡባ አሸድኖ።

26 ጉየፕ ሄ ብታኒ ሂተቱዋ ጋድያ ቢደ፣ ያን ካታማ ኬጼዳ፣ ሎዛ ያጊደ ሱንፊዳ፣ ሆቼ ጋካናዉ ሄ ካታማይ ሄ ሱንፋን ጸሰቴ።

እስራኤልያ አሳቱ ቢታፕ የደርሰቤና አሳቱዋ

27 ምናሰ ዛራቱ ቤትሻና፣ ታእናካ፣ ዶራ፣ ይብላእማን ማግደ ካታማቱዋን ኡንቱንቱ የሹዋን ደእያ ሞላቱዋን ደእያ አሳቱዋ ከሲደ የደርሳናዉ ዳንዳይበይክኖ። ያትና፣ ካናነቱ ያን ደኡዋ ምንሴድኖ።

28 እስራኤልያ አሳይ ምኔዳ ዋደ፣ ካናነቱዋ ባረንቱ ዋልቃን ኦሰሴድኖ፣ ሸን ኡንቱንታ ኡባና ጋድያፕ ከሲደ የደርሰበይክኖ።

29 ኤፍሬማ ዛራቱካ ገዜራ ጌተትያ ካታማን ደእያ ካናነቱዋ ከሲደ የደርሰበይክኖ፣ ያትና፣ ካናነ አሳቱ ያን ኡንቱንቱና እትፕ ደኤድኖ።

30 ዛብሎና ዛራቱ ቅትርና ካታማን ናህላላ ካታማን ደእያ አሳቱዋ ከሲደ የደርሰበይክኖ፣ ያትና፣ ካናነቱ ያን ኡንቱንቱና እትፕ ደኤድኖ። ሸን ዛብሎና ዛራቱ ኡንቱንቱ ባረንቱ ዋልቃን ኦሰሴድኖ።

31 አሴራ ዛራቱካ አኮን፣ ሲደናን፣ አህላባን፣ አክዚባን፣ ሄልባን፣ አፌቃን ራሆባን ደእያ አሳቱዋ ከሲደ የደርሰበይክኖ።

32 ካናነቱ ከሰናን እጌዳ ድራዉ፣ አሴራ ዛራቱ ኡንቱንቱና ያን እትፕ ደኤድኖ።

33 ንፍታሌማ ዛራቱካ ቤት-ሸመሻ ካታማን ቤት-አናታ ካታማን ደእያ አሳቱዋ ከሲደ የደርሰበይክኖ፣ ሸን ካናነቱዋና ያን እትፕ ደኤድኖ። ቤት-ሸመሻን ቤት-አናታ ካታማ አሳቱዋ ባረንቶ ዋልቃን ኦሰሴድኖ።

34 አሞራዋናቱ ዳና ዘረሳ ፑደ ገዝያዉ የደርሴድኖ፣ ኡንቱንቱ ዲገ ደምባ ጋድያ ዋቅናዳን ተኤድኖ።

35 አሞራዋናቱ ሄሪሳ ደርያንን አያሎናን ሻአልቢማ ጌተትያ ካታማቱዋን ደኡዋ

ምንሴድኖ፣ ሸን ኤፍሬማን ምናሰ ዛራቱ ምን ምኒደ ቢደ፣ ባረንቶ ዋልቃን ኦሰሴድኖ።

36 አሞራዋናቱዋ ጋድያ ዛዋይ ሰላኦ ማታን ደእያ እክራቢማ ጌተትያ ፑደላፕ ዶሚደ፣ ሁጲሳ ባጋ ፕኑዋ ጋኬ።

2

መድና ጎዳ ኪታንቻይ ቦክማ ቤዳ

1 መድና ጎዳ ኪታንቻይ ገልገላፕ ቦክማ ቢደ፣ እስራኤልያ አሳ ሆዋዳን ያጌዳ፣ “ታን ህንተንታ ግብጾፕ ከሳድ፣ በን ህንተንቱ ማይዛ አዋቶ እማና ጋደ ጫቄዳ ጋድያ ህንተንታ ገልሳድ። ህንተንታ ሆዋዳን ያጋድ፣ ታን ህንተናና ጫቄቱዳ ጫቄዋ ኡባካ ማንሐከ።

2 ህንተንቱ ሀ ጋድያን ደእያ አሳቱዋና ቃላ ጫቄዋ ገሎፕተ፣ ኡንቱንቱ ያርሸያ ሳኦ ኮልተ፣ ያጋድ፣ ሸን ህንተንቱ ታዉ አዛዘትበይክታ። አያዉ ሄዋዳን ሀኔድቱ?

3 ሄዋ ድራዉ፣ ታን ኡንቱንታ፣ ህንተንቱ ሰንላፕ የደርሰከ፣ ኡንቱንቱ ህንተንቶ ሞርከ ግዳና፣ ኡንቱንቱ ጸሳቱካ ህንተንቶ ጲረ ግዳና ያጋይ” ያጌዳ።

4 መድና ጎዳ ኪታንቻይ ሄዋ እስራኤልያ አሳዉ ኡባዉ ሃሳዬዳ ዋደ፣ አሳይ ባረ ቃላ ጶቄ ኦሊደ ዬኬዳ።

5 ያተደ ሄ ሳኦ ቦክማ * ያጊደ ሱንፊዳ፣ ሄዋን መድና ጎዳዉ ያርሹዋ ያርሼዳ።

ኢያሱ ሀይቄዋ

6 ኢያሱ እስራኤልያ አሳ የዴዳዋፕ ጉይያን፣ አሳይ እቱ እቱ ባረና ሻክና ጋክያ ጋድያ አካናዉ ቤዳ።

7 ኢያሱ ደኡዋን ደኤዳ ላይላ ኡባን አሳይ መድና ጎዳዉ ኦሌዳ፣ እ ሀይቄዳዋፕ ጉይያን፣ መድና ጎዳይ እስራኤልያ አሳዉ ኦሌዳ ዋልቃማ ኦሱዋ ኡባ በኤዳ ጭማቱዋ ዋደ ኡባን መድና ጎዳዉ ኦሌዳዋ አግቤና።

8 መድና ጎዳ ቆማይ፣ ነዋ ናኦ ኢያሱ፣ ላይላይ ጴታን ታሙዋ ግድና ሀይቄዳ፣

9 ጋኦሻ ደርያፕ ሁጲሳ ባጋን፣ ኤፍሬማ ገዝያን፣ ትምናት-ሰራሀ ግያ ሳን ደእያ አ ላታ ጋድያን ሞጌድኖ።

10 ሄ የለታ ኡባይ ሀይቄ ባረ ማይዛን ጋከቱዳዋፕ ጉይያን፣ መድና ጎዳ ዋይ እስራኤልያ አሳዉ እ ኦሌዳዋ ኡባ ኤረና ሀራ የለታይ ደንዴዳ።

እስራኤልያ ዳናቱዋ (2:11—16:31)

እስራኤልያ አሳይ ጸሳዉ ጎይንያዋ አግ ባሼዳ 11 ሄዋፕ ጉይያን፣ እስራኤልያ አሳይ መድና ጎዳ ሰንፋን ኢታባ ኦሌዳ፣ ባኦላ ጌተትያ ኤቃቶ ጎይኔድኖ።

12 ግብጾ ጋድያፕ ኡንቱንታ ከሴዳ መድና ጎዳ፣ ባረንቱ ማይዛ አዋቱዋ ጸሳ አግ ባሼድኖ፣ ባረንቱ የሹዋን ደእያ አሳቱዋ ኤቃቱዋኮ

1:21 ኢያሳ 15:63፤ 2 ሳሜላ 5:6፤ 1 ኦዲዋ 11:4 1:27 ኢያሳ 17:11-13 1:29 ኢያሳ 16:10 2:2 ከሳ 34:12-13፤ ዛረ. 7:2-5 * 2:5 ቦክማ፡- ሀ ሱንፋ ብላላይ እብራዌላዋን፣ “ዬክያዋንታ” ግያዋ። 2:9 ኢያሳ 19:49-50

ሰሚደ፡ ኡንቱንቶ ጎይኔድኖ፤ ሄዋን መድና ጎዳ ሀንቀሌድኖ።

13 ቃይ ኦ ኦግ ባሺደ፡ ባኣላውነ አሰታርታው ጎይኔድኖ።

14 ያትና፡ መድና ጎዳ ሀንቁ እሰራኤልያ አሳ ቦላ ኤጽ ከሴዳ፤ ቦንቂያዋንቱ ቦንቃናዳን ኡንቱንታ በሰ ባሺዳ፤ ኡንቱንቱ ዩሹዋን ደእያ ሞርከቶ ኡንቱንታ አሊደ እሚዳ። ያትና፡ ኡንቱንቱ ባረንቱ ሞርከቱዋና ኤቃታናው ዳንዳይበይክኖ።

15 ኡንቱንቱ አለታናው ከሴዳ ዋደ ኡባን፡ መድና ጎዳይ ካሰ ኡንቱንቶ ጫቄዳዋዳን ኡንቱንቱ ጸነታና ማላ፡ እ ኡንቱንቱ ቦላ ደንዴዳ። ያትና፡ ኡንቱንቱ ሎይላ ዋየሌድኖ።

16 ያትና፡ መድና ጎዳይ ዳናቱዋ ኡንቱንቶ ደንሌዳ፤ ኡንቱንቱ እሰራኤልያ አሳ ቦንቂዳዋንቱ ኩሽያፕ አሺድኖ።

17 ሸን እሰራኤልያ አሳይ ፕርድያ ዳናቶ አዛዘትቤና፤ ኡንቱንቱ መድና ጎዳው አማነተናን እጸድኖ፤ ሀራ ጸሳቱዋኮ ሰሚደ፡ ኡንቱንቶ ጎይኔድኖ። ኡንቱንቱ አዋቱ ሀመቱዳ ኦግያፕ ኤለካ ጉየ ሰሚድኖ፤ ኡንቱንቱ ማይዛ አዋቱ ጸሳው አዛዘቱዳዋዳን፡ ኡንቱንቱ አዛዘትቤክኖ።

18 መድና ጎዳይ ኡንቱንቶ ፕርድያ ዳናቱዋ ደንሌዳ ዋደ አዉደነ እ ሄ ፕርድያ ዳናቱዋና እትፕ ግዴዳ፤ ሄ ዳናይ ደኡዋን ደኤዳ ላይላ ኡባን ኡንቱንቱ ሞርከቱዋ ኩሽያፕ ኡንቱንታ አሺዳ። አያው ጎፕ፡ ኡቁናይነ ቱጋይ ዳርና፡ ኡንቱንቱ ዋሰያዋ ሰሲደ፡ መድና ጎዳይ ኡንቱንቶ ቃረቱዳ።

19 ሸን ፕርድያ ዳናይ ሀይቄዳዋፕ ጉይያን፡ አሳይ ጉየ ሰሚደ፡ ካሰ ኡንቱንቱ አዋቱ ኦሌዳ ኢታፕ አዴዳ ኢታ ኦሌድኖ፤ ኡንቱንቱ ሀራ ጸሳቱዋኮ ሰሚደ፡ ኡንቱንቶ ጎይኔድኖ፤ ባረንቱ ኢታ ኦሉዋን ደሻ ኦግያ አገናን እጸድኖ።

20 መድና ጎዳ ሀንቁ እሰራኤልያ አሳ ቦላ ኤጽ ከሴዳ፤ ያትና፡ መድና ጎዳይ ሀዋዳን ያጌዳ፤ “ሀ አሳይ ታን ኡንቱንቱ ማይዛ አዋቶ ገሌዳ ጫቄዋ መንሌዳ ድራውነ ታው አዛዘተናን እጸዳ ድራው።

21 ሀቼፕ ደዋና፡ ኢያሱ ሀይቄዳ ዋደ ቢታ ቦላን አቱዳ ጋደ አሳቱዋፕ አቱዋነ ታን ኡንቱንቱ ሰንላፕ የደርሳደ ከሰከ።

22 ሀ እሰራኤልያ አሳይ ካሰ ባረንቱ ማይዛ አዋቱዋዳን ታ ኦግያ ካልንቶ፡ ዋይ ካለነንቶ ፓጫናው፡ መድና ጎዳይ ሄ አቱዳ ጋደ አሳቱዋን ጎኤታና” ያጌዳ።

23 ሄዋ ድራው፡ መድና ጎዳይ ሄ ጋደ አሳቱ ከሰናን ጋሞአናዳን ኦሌዳ። እ ኡንቱንታ ኤለካ የደርሲደ ከሰቤና፤ ኢያሱውካ ኡንቱንታ አሊደ እምቤና።

3

ቢታ ቦላፕ የደርሰተናን አቱዳ አሳቱዋ

1 ካሰ ካናንን አይ ኦላን ኦለቲደ ሜዘትቤና እሰራኤልያ አሳ ፓጫና ማላ፡ መድና ጎዳይ ሀ አሳቱዋ አሺዳ።

2 እ ሄዋ ኦሌዳዌ፡ ሀዋፕ ካሰ ኦላ ኦለቲደ ሜዘትቤና እሰራኤልያ የለታ ኦለትያ ሂላ ታማርሳናሳ።

3 ሄ አሳቱ ኦና ኦኔ ጎፕ፡ እቼሹ ፕልሰጾማ ካታማቱዋ ሞድያ አሳቱዋ፡ ካናንቱዋ ኡባ፡ ሲደና ካታማ አሳቱዋን ባኣል-ሄርዋን ጌተትያ ደርያፕ ደሚደ፡ ሀማታ ፕኑዋ ጋካናው ልባናሳ ደርያን ደእያ ሂዋቱዋ።

4 መድና ጎዳይ ሙሴ ባጋና ካሰ እሰራኤልያ ማይዛ አሳ አዋቶ እሚዳ አዛዘቱዋ ኡንቱንቱ አዛዘትንቶ አዛዘተነንቶ ፓጫናው ኡንቱንታ አሺዳ።

5 ያትና፡ እሰራኤልያ አሳይ ካናንቱዋና፡ ሂዋቱዋና፡ አሞረቱዋና፡ ፓርዘቱዋና፡ ሂተቱዋናን ያቡሳቱዋና እትፕ ደኤዳ።

6 ኡንቱንቱ ማጫ ናና ባረንቶ እኬድኖ፤ ባረንቱ ማጫ ናናካ ኡንቱንቱ አቱማ ናናቶ እሚድኖ። ያቲደ ኡንቱንቱ ጸሳቶ ጎይኔድኖ።

ኡትንኤላ

7 እሰራኤልያ አሳይ መድና ጎዳ ሰንላን ኢታባ ኦሌዳ። ኡንቱንቱ መድና ጎዳ ባረንቱ ጸሳ ደጊደ፡ ባኣላን አሺር ጌተትያ ጸሳቶ ጎይኔድኖ።

8 ሄዋ ድራው፡ መድና ጎዳ ሀንቁ እሰራኤልያ አሳ ቦላ ኤጽ ከሴዳ፤ ያትና፡ መድና ጎዳይ ማሰጸጸምያ ጋድያ ካትያ ኩሻን-ርሽአታይማ ኩሽያን ኡንቱንታ አሊደ እሚዳ፤ ኡንቱንቱ አዉ ሆሰፕን ላይላ ሞደቱድኖ።

9 ሸን እሰራኤልያ አሳይ መድና ጎዳው ዋሴዳ ዋደ፡ ኡንቱንታ አሸያ ኡራ ኪቱዳ፤ እካ ካሌባ ቱፋ እሻ ቃናዛ ናኦ ኡትንኤላ ጌተቱ።

10 መድና ጎዳ አያናይ እ ቦላ ዋድና፡ እ እሰራኤልያ ቦላ ፕርድያ ዳና ግዴዳ። ኦላ ኦለታናው ቤዳ፤ መድና ጎዳይ ማሰጸጸምያ ጋድያ ካትያ ኩሻን-ርሽአታይማ አዉ አሊደ እሚዳ፤ ኩሻን-ርሽአታይማ ጸኔዳ።

11 ያትና፡ ጋዲ ኦይታሙ ላይላ ዋፓ ደሚዳ። ሄዋፕ ጉይያን፡ ቃናዛ ናኦ ኡትንኤላ ሀይቄዳ።

ኤሁዳ

12 እሰራኤልያ አሳይ ዛረሊደካ መድና ጎዳ ሰንላን ኢታባ ኦሌዳ። መድና ጎዳ ሰንላን ኡንቱንቱ ኢታባ ኦሌዳ ድራው፡ መድና ጎዳይ ሞኣበ ካትያ ኤግሎን እሰራኤልያ ቦላን ዋልቃማናዳን ኦሌዳ።

13 ኤግሎን አሞናቱዋን አማሌቃቱዋ ባረኮ ሺሽ ቢደ፡ እሰራኤልያ አሳ ኦለቲደ ጸኔዳ፤ ዛምባ ካታማ ጌተትያ እያርኮ ካታማ ኦይቄዳ።

14 ያትና፡ እሰራኤልያ አሳይ ሞኣበ ካትያ ኤግሎናው ታማን ሆሰፕን ላይላ ሞደቱድኖ።

15 ሸን እሰራኤልያ አሳይ መድና ጎዳው ዋሴዳ ዋደ፡ ኡንቱንታ አሸያ ኡራ ኪቱዳ፤ እካ ቢንያማ ዛርያፕ ጌራ ናኦ ኤሁዳ ጌተቱ፤ እ ሀድርሳ ኩሽያን ኦላያ አሳ። እሰራኤልያ አሳይ ኤሁዳ ሞኣበ ካትያ ኤግሎናኮ ጊራና ኪቱዳ።

16 ኤሁድ ላኡ ባጋና ቃራቱዳ እት ዋቃ ግዴዳ ማሻ ባረው ጊግሴዳ፤ ኡሸቻ ሞይያ ባጋና ባረ ማዩዋ ግድን ዳንጩዳ።

17 ሄዋፕ ጉይያን፡ ሞኣበ ካትያ ኤግሎናው ጊራ ኦክ አፊደ እሚዳ። ኤግሎን ሎይላ ኦርዶ አሳ።

18 ኤሁድ ጊራ ካትያው እሚዳዋፕ ጉይያን፡ ጊራ ቶኪደ ቤዳ አሳቱዋ ሞይዜዳ።

19 ሸን ኤሁድ ገልጋላ ማታን ደእያ ማሰቲዳ ሹቻቱዋ ማታጥ ኤግሎናኮ ጉየ ሰም ቢደ። “ካትያው፣ ታን ነዉ ጸርያባይ ደኤ” ያጌዳ።

ካቲ፣ “ጮኡ ጋ!” ያጌዳ፤ ሄዋጥ ጉይያን ኣ ናግያዋንቱ ኡባይ ካረ ከሴድና።

20 ሄ ዋደ ካቲ ፖቅያን ደእያ እት ክፍልያን ባረካ ኡት ደእሸን፣ ኤሁድ ኣኮ ሸቂደ፣ “ጸሳይ ነዉ ከቲዳባይ ደኤ” ያጌዳ። ካቲ ባረ ኡቲዳ ሳኣጥ ኤቄዳ፤

21 ኤሁድ ባረ ሀድርሳ ኩሸያ የዲደ፣ ኡሸቻ ባጋ ሞይያጥ ማሻ ሾዲደ፣ ካትያው ኡሉዋን ድርግንሳ ኣጌዳ።

22 ያትና፣ ማሻው ቱቲ ኣተናን ኡሎ ግደ ገልና፣ ሀንዳይ ካሜዳ። ኤሁድ ማሻ ካትያ ኡሉዋጥ ሾድቤና ድራው፣ ዘክያና ካንሳ ከሴዳ።

23 ሄዋጥ ጉይያን ኤሁድ ካረ ከሴዳ፣ ፖቅያን ደእያ ክፍልያ ፕንግያ ጎርዲደ፣ ኣ ቦላ ቁልፔዳ።

24 እ ብድጎዋጥ ጉይያን፣ ቆማቱ ዪደ፣ ፕንጊ ጎርደቲዳዋ በኤድና፤ ግደ ክፍልያን ኡርቃ ሸሻው ኡተናን ኣገና ያጊደ ቆፔድና።

25 ኣንቱንቱ ናጉ ፖካና ጋካናው ሎይሳ ናጌድና። ሸን ካቲ ፕንግያ ደየናን እጽና፣ ቁልፕያ እኪደ ፕንግያ ደዬድና፤ ባረንቱ ጎዳይ ሀይቂደ፣ ዉይግያን ኩንዴዳዋ በኤድና።

26 ኣንቱንቱ ናጊደ ጋምእ ደእሸን፣ ኤሁድ ከሰ እኪደ፣ ማሰቲዳ ሹቻቱዋ ኣጲደ፣ ሳኢራ ግያ ሳኣ ባቃቲዳ።

27 ኤፍሬማ ገዝያ ጋኬዳ ዋደ፣ እሰራኤልያ አሳይ ኦላው ሸቃናዳን ማላካታ ፑኔዳ፤ አሳይ ኣ ካሊደ፣ ያጥ ዲገ ዋጂዳ።

28 ኣንቱንታ፣ “ታና ካልተ፤ አያው ጎጥ፣ መጅና ጎዳይ ሀንተንቱ ሞርከቱዋ፣ ሞኣባቱዋ ሀንተንቱ ኩሸያን አሊደ እማዳ” ያጌዳ። ኣ ካሊደ ዋጂደ፣ የርዳናሳ ሻፋ ፕንያ ሳኣቱዋ ኣይቄድና፤ ሞኣበ አሳጥ እት ኡራይነ ሄዋና ኣገናዳን ተኤድና።

29 ሄ ዋደ ሞኣበ አሳጥ ታሙ ሻእ ግድያ ደረቲዳ ሞና ኦላንቻቱዋ ዋጂድና፤ እት አሳይነ ከሰ አክ እትቤና።

30 ሄ ጋላሰ ሞኣበ አሳይ እሰራኤልያ አሳው ሞደቲዳ፤ ያትና ቢታይ ሆሰፑን ታሙ ላይላ ዋጋ ደሚዳ።

ሻምጋራ

31 ኤሁዳጥ ጉይያን፣ ኣናታ ናኣይ ሻምጋር ደንዴዳ፤ ፕልሰጾማ አሳጥ ኡሱፑን ጾቱዋ ቦራ ላግያ ደቁዋን ዋጂደ፣ እሰራኤልያ አሳ አሼዳ።

4

ድቦርነ ባራቃ

1 ኤሁድ ሀይቄዳዋጥ ጉይያን፣ እሰራኤልያ አሳይ መጅና ጎዳ ሰንላን ዛረሊደካ ኢታባ ኣሴዳ።

2 ሄዋ ድራው፣ መጅና ጎዳይ ሀጸራ ጌተትያ ካታማን ካተቲዳ ካና ካትያ ያብናያው ኣንቱንታ አሊደ እማዳ፤ ኣ ኦላንቻቱዋ ጋዳው ሰሳር ደርያ-ሀርሼታ-ሀጎዪማ ጌተትያ ካታማን ደኤ።

3 ያብናያ ብራታጥ ኣሰቲዳ ኡዱፑን ጾቱ ፓራ ጋረቱ ደእያ ድራውነ እ እሰራኤልያ አሳ ቃረት

ባይናን ላታሙ ላይላ ኡቄኔዳ ድራው፣ ኣንቱንቱ ማዲዋ ደማናው መጅና ጎዳኮ ሞሴድና።

4 ሄ ዋደ ላፕደታ ማቻታ ድቦራ፣ ትምቢትያ ኡድያና እሰራኤልያ ቢታን ፕርድያ ዳናቶ።

5 ድቦራ ኤፍሬማ ገዝያን፣ ራማ ካታማጥነ ቤቲላ ካታማጥ ግዲዋን ደእያ ድቦር ዛምባ ጋርሳን ኡታደ ፕርዳው፤ እሰራኤልያ አሳይ ባረ የዉዋ ፕርድሳናው ኢኮ ዬ።

6 እት ጋላሰ ደቦራ ኣብናኣማ ናኣ ባራቃ ንፍታሌማ ጋድያን ደእያ ቀዳሻ ካታማጥ ከታደ ጾሰሳዲ፤ “መጅና ጎዳይ እሰራኤልያ ጸሳይ ኔና ሀዋዳን ያጊደ ኣዛዜ፤ ንፍታሌማ ዛርያጥነ ዛብሎና ዛርያጥ ታሙ ሻእ አሳ ኣካደ፣ ታቦራ ደርያ ባ።

7 ታን ያብና ኦላንቻቱዋ ጋዳዋይ ሰሳር ፓራ ጋረቱዋን ኦላንቻቱዋ ኣኪደ፣ ቂሾና ሻፋን ኔናና ኦላ ጋከታናው ያናዳን ኣላና፤ ታን ነዉ ኣ ኣላደ እማና’ ያጌ” ያጋዳ።

8 ያትና፣ ባራቅ፣ “ኔን ታናና ቦፕ፣ ታን ባና፤ ሸን ኔን ታናና ባና ጳዮፕ፣ ታንካ ቢከ” ያጌዳ።

9 ኣ፣ “ኤኖ፣ ታን ኔናና ባና፤ ሸን መጅና ጎዳይ ሰሳራ ማጫ አሳ ኩሸያን አሊደ እምያ ድራው፣ ሄ ቡሳይ ነዉ ቦንቾ ግደና” ያጋዳ። ደቦራ ደንዳደ፣ ባራቃና ቀዳሻ ባዲ።

10 ባራቅ ንፍታሌማን ዛብሎና ዘረላ ቀዳሻ ጾሰና፣ ታሙ ሻእ አሳይ ኣ ካሊደ ከሴዳ፤ ድቦራካ እናና ባዲ።

11 ሄ ዋደ ሄቤራ ጌተትያ እት ብታኒ ደኤ፤ እ ቄና አሳ፤ እ ሙሴ ቦሉዋ ሆባባ ያራ። እ ሀራ ቄናቱዋጥ ሻከቲደ፣ ቀዳሻኮ ሸቂደ፣ ዛኣናኒማን ደእያ ዋላ ማታን ባረ ዲንካንያ ጅጌዳ።

12 ኣብናኣማ ናኣይ ባራቅ ታቦራ ደርያ ቤዳዋ ሰሳር ሰሴዳ ዋደ።

13 ብራታጥ ኣሰቲዳ ባረ ኡዱፑን ጾቱ ፓራ ጋረቱዋን ባረናና ደእያ አሳ ኡባ ጾሰሲደ፣ ሀርሼታ-ሀጎዪማጥ ቂሾና ሻፋ ሸሼዳ።

14 ያትና፣ ድቦራ ባራቃ፣ “ደንዳ! ሀቼ መጅና ጎዳይ ነ ኩሸያን ሰሳራ አሊደ እምያ ጋላሳ። በኣ፣ መጅና ጎዳይ ኔፕ ሰንላቲደ ቤዳ” ያጋዳ። ሄዋጥ ጉየ ባራቅ ታሙ ሻእ አሳ ካላሊደ፣ ታቦራ ደርያጥ ዋጂዳ።

15 መጅና ጎዳይ ሰሳራ፣ ኣ ፓራ ጋረቱዋ ኡባን ኣ ኦላንቻቱዋ ኡባ ቃራ ማሻን ባራቃ ሰንላጥ ባቃትሴዳ። ያትና፣ ሰሳር ባረ ፓራ ጋርያጥ ዋጂደ፣ ገድያን ባቃቲዳ።

16 ባራቅ ሄ ፓራ ጋረቱዋን ኦላንቻቱዋ ሀርሼታ-ሀጎዪማ ጋካናው የደርሴዳ። ሰሳራ ኦላንቻቱ ኡባይ ቃራ ማሻን ሀይቄድና፤ እት አሳይነ እትቤና።

17 ሄ ዋደ ሀጸራ ካትያ ያብን ቄና ሄቤራ ጎላ አሳና ሳር ደኤ። ሄዋ ድራው፣ ሰሳር ገድያን ባቃቲደ፣ ቄና ሄቤራ ማቻት ያኤል ዲንካንያ ጋኬዳ።

18 ያኤላ ሰሳራ ሞካናው ከሳደ፣ “ታ ጎዳው፣ ገላ፤ ሃ ገላ፤ ያዮፓ” ያጋዳ። ዲንካንያ ኢኮ ገልና፣ ኣ ባረ ቡሉኩዋን ካማዲ።

19 ሰሳር፣ “ታና ሳሜ፤ ኡሸያ ጉላ ሃላ እማርኪ” ያጌዳ። ማላ ትግያ ሚሻ ፖካደ ኡሻዲ፤ ያታደ ዛራደ ካማዲ።

20 ሕዋጥ ጉይያን እ እዞ፡ “ዲንካንያ ጥንግያን ኤኦ፡ እይ አሳይ ዩደ፡ ‘ሀዋን አሳይ ደኢ?’ ያገደ ኦቾጥ፡ ‘ባዋ’ ጋ” ያጌዳ።

21 ሰሳር ሎይላ ዳቡሬዳ ድራወ፡ ገምእሹዋ ፓኑሬዳ። ሄቤራ ማቻታ ያኤላ ማደሻነ ዲንካንያ ዶግያ ሸካሊያ አካደ፡ ሎዳን እኮ ሺቃዲ፤ ሺቃደ ዶግያ ሸካልያ ሀይላ ካርያን ኤሳደ፡ ማርቴሉዋን ድሻደ፡ ቢታና ሰክና፡ ሰሳር ሀይቄዳ።

22 ባራቅ ሰሳራ ኮዩደ ዪና፡ ያኤላ አ ሞካናወ ካረ ከሳደ፡ “ሃያ፤ ኔን ኮይያ ብታንያ ታን ኔና በሳና” ያጋዲ። እዝና ዲንካንያ ግደ ገሊደ፡ ሰሳራ ሀይላ ካርያን ዶጉ ገልና፡ አ አሃይ ሳኣን ግሴዳዋ በኤዳ።

23 ሄ ጋላሰ ጸሳይ እሰራኤልያ አሳይ ካና ካትያ ያብና ጸናዳን ኦሴዳ።

24 እሰራኤልያ አሳይ ካና ካትያ ያብና ቦላ ሞን ሞኒደ ቢደ፡ ወርሰላን አ ዳይሴዳ።

5

ድቦራነ ባራቃ የላ

1 ሄ ጋላሰ ድቦራነ አብኖአማ ናአይ ባራቅ ሀ የላ የጼድኖ።

2 “እሰራኤልያ አሳ ካለላያዋንቱ ካለሌዳ ድራወ፡ አሳይካ ደሲደ፡

ባረ ሁጲያ አሊደ እሜዳ ድራወ፡ መድና ጎዳ ጋላትተ!

3 “ሀንተንቶ ካተቶ፡ ሀዋ ሰሰተ! ሀንተንቶ ደርያ ሞድያዋንቶ፡ ሀይዘተ! ታን መድና ጎዳወ የጸና። መድና ጎዳወ እሰራኤልያ ጸሳወ ጋላታ የላ የጸና።

4 አቤት መድና ጎዳወ፡ ኔን ሰኢራ ደርያጥ ደንዴዳ ዋደ፡ ኔን ኤደማ ቢታጥ ከሴዳ ዋደ፡

ቢታይ ቃጼዳ። ሳሉዋጥ እራይ ቡኩዳ፤

ኤ፡ ሃላይ ሻረቱዋጥ ዲገ ሰሶቱዳ።

5 መድና ጎዳ ሰንላን ደረቱ ቃጼድኖ፤ ሀራይ እትና፡ ሲና ደሪካ መድና ጎዳ እሰራኤልያ ጸሳ ሰንላን ኮኮሬዳ።

6 “አናታ ናአ ሻምጋና ዋደነ፡ ያኤላ ዋደ ጫና መሀያ ላግያ፡ ዛልእንቻቱ ሄ ቢታና አድበይክኖ። ኦግያና ብያዋንቱካ ኦግያ አገደ፡ ሎሱዋና ቤድኖ።

7 እሰራኤልያ ካታማቱ አሳይ ደኤና ሳኣ ግዴድኖ።

ታን ድቦራ፡ ታን እሰራኤልያ አሳወ፡ አቶ ግዳደ ደንዳና ጋካናወ ኦንነ እትቤና።

8 እሰራኤልያ አሳይ አላጋ ጸሳቱዋ ዶሬዳ ዋደ፡ ጋድያን ኦሳይ ደንዴዳ።

ኦይታሙ ሻእ እሰራኤልያ ኦላንቻቱዋ ግዲዋን እት ጎንዳሊ ዋይ እት ቶር ቤትቤና።

9 ታ ዋዛናይ እሰራኤልያ ኦላ ጋዳዋቱዋና ደኤ።

አሳ ግደን ደሲደ ባረንታ አሊደ እሜዳዋንቱና ደኤ።

መድና ጎዳ ጋላትተ! 10 ሀንተንቶ፡ ቦላ ሀረቱዋ ቶግያዋንቶ፡ ሀንተንቶ፡ ግላሰያ ቦላን ኡቴዳዋንቶ፡ ኦግያና ሀመትያዋንቶ፡ ሀዋ ሰሰተ!

11 ሃላ ኦላቱዋ ማታን ሺቄዳ የላንቻቱዋ የላ ሰሰተ።

ኤንቱንቱ መድና ጎዳይ ጽሎተላ ኦሱዋባ የጸና፤ ቃይ እሰራኤልያ ኦላንቻቱዋ ጽሎተላ ኦሱዋባ የጸና።

“ሕዋጥ ጉይያን፡ መድና ጎዳ አሳይ ካታማ ገልያ ጥንገቱዋኮ ዲገ ዋጼዳ።

12 ድቦራ! ቤጎታ! ቤጎታ! ቤጎታ! ቤጎታደ ማዝሙርያ የጸ።

ባራቃ፡ ደንዳ! ኔኖ፡ አብኖአማ ናአወ፡ ነ ኦሞዲዋ አካደ ያ።

13 “ሕዋጥ ጉይያን፡ አቴዳ አሳቱ ካፓቱዋኮ ዲገ ዋጼድኖ። መድና ጎዳ አሳቱ ኦላታናወ ገገደ ድቦርኮ ዬድኖ።

14 አማሌቃ ዛራቱ በን ደኤዳ ሳኣን ደእያ፡ ኤፍሬማ አሳቱ ዬድኖ። ቃይ ቢንያማ አሳቱ ኤንቱንታ ካሌድኖ። ካፓቱ ማክራ ዛራቱዋጥ፤ ኦላ ጋዳዋቱ ዛብሎና ዛራቱዋጥ ዲገ ዋጼድኖ።

15 ይሳኮራ ካፓቱ ድቦርና ዬድኖ፤ ኤ፡ ይሳኮራ አሳይነ ባራቅካ ዬዳ፤ ኤንቱንቱ አ ጌዲዋ ካሊደ፡ ዛንጋራ ገሊድኖ።

ሸን ርቤላ ዛራቱ ቆፋን ሻከቲደ፡ ያናዋ አጋናዋ ቃቻብይክኖ።

16 ኤንቱንቱ እያወ አቴድኖ? ደርሳቱዋ ሄምያዋንቱ እምቢልታ ሰሳናወ አቴድኖ?

ርቤላ ዛራቱ ቆፋን ሻከቲደ፡ ያናዋ አጋናዋ ቃቻብይክኖ።

17 ጋላኣደ አሳቱ ዮርዳኖሳ ሻፋጥ ሄፍንላን አቴድኖ።

ዳና ዛራቱ ማርካባቱ ማታን አቴድኖ። አሴራ ዛራቱ ባረንቱ ደእያ ሳኣን፡ ሜድትራነ አባ ላንቂያን አቴድኖ።

18 ዛብሎና ዛራቱ ባረንቱ ሸምጥዋ ሀይቆ አሊደ እሜዳ አሳቱዋ።

ንፍታሌማ ዛራቱካ ኤንቱንቱዋዳን ኦላ ደምባን ባረንቱ ሸምጥዋ አሊደ እሜድኖ።

19 ካተቱ ዪደ፡ ማግዶ ፑልቶቱዋ ማታን ደእያ ታእናካን ኦላቴድኖ።

ሄ ካና ካተቱ ያን ኦላቲደ፡ ኦሞዳናወ እያ ብራነ ደምቤይክኖ።

20 ሳሉዋን ደእያ ጸልንተቱካ ኦላቴድኖ። ባረንቱ ዩይያ ዩሻን ኤንቱንቱ ሰሳራና ኦላቴድኖ።

21 ቂሾና ሻፋይ፡ በንጥ፡ ኤረቱዳ ቂሾና ሻፋይ ኩንሊደ፡

ህ ካተቱዋ ሸኪደ አፌዳ።
 ታ ሸምጋቱ፣ ሰም ምና፤
 ሰንገላው ጋልፋ።
 22 ሄዋጥ ጉይያን፣ ፓራ አሳቱ አንዳራሰቲደ
 ዬድኖ።
 ፓራቱ ባረንቱ ኮትያን ጋድያ ገርሴድኖ።
 23 መድና ጎዳ ኪታንቻይ፣
 ሞርሮዛ ሸቂተ!
 ያን ደእያ አሳ ኢሲደ ሸቂተ!
 እያው ጎጥ፣ ኢንቱንቱ መድና ጎዳው ኤቃናው
 ይበይክኖ።
 አ ዋልቃማ ሞርከቱዋና ኦለታናው ከሰበይክኖ
 ያጌዳ።
 24 “ቁና ሄቤራ ማቻታ
 ያኤላ ማጫ አሳ ኡባጥ አንጀቲዳኖ ግዲ።
 ዲንካነ ግድን ደእያ ማጫ አሳ ኡባጥ እዛ
 አንጀቲዳኖ ግዲ።
 25 ሰሳር እዞ ሃላ ኦቶና፣
 ማላ አው እማዲ።
 ሎኦ ቃራባን መኤዳ ማላ አሃዲ።
 26 እት ኩሽያ የደደ ዲንካንያ ሸካልያ፣
 ኡሸቻ ኩሽያን ኦሳንቻቱዋ ማርቲሉዋ
 ኦይቃዲ።
 ሰሳራ ሁጲያን ቋጋዲ፤
 ሀይላ ካርያና ካንላ ከሳዲ።
 27 ያትና፣ እ ቦልቁ ገደ ኩንዴዳ።
 እ ሄ እዝ ገድያ ማታን
 ቦልቁ ገደ ኩንዴዳ።
 ሄ ኩንዴዳ ሳኣን ሀይቁዳ።
 28 ሰሳር ዳያ ማሰኮትያና ጸላዲ።
 ታ ናኣ ፓራ ጋሪ እያው ጋምኤዳ?
 ፓራቱ ኤሌሊደ እያው ሰምበይክኖ?
 ያጋደ ኦቻዲ።
 29 እዝ እዴዳ ኤራንቻ ማጫ አሳቱ እዝ ኦሻ
 ዛሬድኖ።
 ሸን እዛ ባረ ቆፋን ዛራ ዛራደካ ሀዋዳን
 ያጋዲ፤
 30 ኡንቱንቱ ኦዋዲደ ሻክያዋ ደመናን አግክኖ።
 እት እት ኦላንቻ እት እት ዋይ ላኡ ላኡ
 ዋድራቱ ጋከናን አግክኖ።
 ሰሳራው ኡንቱንቱ ሎእያ ማደዋ እማና፤
 ቃይ ታውካ ቆድያን ጸጸናው፣
 ጸልፍያን አሌቀቲደ ሎእያ ማዮቱዋ
 ኡንቱንቱ አሀና ያጋዲ።
 31 “አቤት መድና ጎዳው፣ ነ ሞርከቱ ኡባይ
 ሄዋዳን ሀይቁኖ!
 ሸን ነ ሲቃቱ ጉራ ደልያ አዋዳን ጸልኖ፤
 አዋይ ባረ ዋልቃን ከሰያዋዳን” ያጌድኖ።
 ሄዋጥ ጉይያን፣ ጋዲ ኦይታሙ ላይላ ዋጋ
 ደሜዳ።

6

ጌደና

1 እሰራኤልያ አሳይ መድና ጎዳ ሰንላን
 ዛረሊደ ኢታባ ኦሌዳ። ሄዋ ድራው፣ መድና ጎዳይ
 ኡንቱንታ ሚድያማ አሳው አሊደ እሜዳ። ላቸን
 ላይላ ኡንቱንታ ሞዴድኖ።

2 ሞድያማ አሳይ እሰራኤልያ አሳ ቦላ ሞኔዳ፤
 እሰራኤልያ አሳይ ኡንቱንቱጥ አታናው ደርያ ቦላን
 ቆሰቲያሳ፣ ጎንጎሉዋን ጌሱዋ ገግሴዳ።
 3 እሰራኤልያ አሳይ ካላ ዘራዳ ዋደ ኡባን፣
 ሚድያማ አሳይ አማሌቃ አሳናን አዋይ ደልያ ባጋ
 ጋድያን ደእያ አሳና ዩደ ኡንቱንታ ኦሊኖ።
 4 ኡንቱንቱ ሄ ጋድያን ዲንካንደ፣ ጋዛ ካታማ
 ጋካናው፣ ጋድያ ኡባ ቦላን ደሌዳባ ቆይሰኖ፤
 ደርሳ፣ መሀያን ሀርያ ላጊደ አፍያ ድራው፣
 እሰራኤልያ አሳው እያን አሸክኖ።
 5 ባረንቱ መሀያን ባረንቱ ዲንካንያ አኪደ፣
 ቦሊ ይያዋዳን ጮራቲደ ዩኖ፤ ኡንቱንታን
 ኡንቱንቱ ጋሎቱዋ ፓይዳናው ዳንዳየተና፤
 ኡንቱንቱ ዩደ ጋድያ ባይዘኖ።
 6 እሰራኤልያ አሳይ ሚድያማ አሳ ጋሱዋን
 ካውሼዳ፤ ያቲደ ማዴዋ ደማናው መድና ጎዳኮ
 ዋሴዳ።
 7 ሚድያማ አሳ ጋሱዋን እሰራኤልያ አሳይ
 መድና ጎዳኮ ዋሴዳ ዋደ።
 8 መድና ጎዳይ ኡንቱንቱኮ እት ትምቢትያ
 ኦድያዋ ከቲዳ። ትምቢትያ ኦድያዌ ኡንቱንታ፣
 “መድና ጎዳይ እሰራኤልያ ጸሳይ ሀዋዳን ያጌ፤
 ግብጾጥ፣ አይለተላ ጋድያጥ ታን ሀንተንታ
 ከሳድ።
 9 ታን ሀንተንታ ግብጾ አሳ ኩሽያጥን ኡቁንያ
 አሳ ኡባ ኩሽያጥ አሻድ፤ ሀንተንቱ ሰንላጥካ
 ኡቁንያ አሳ የደርሳደ፣ ኡንቱንቱ ጋድያ ሀንተንቶ
 አማድ።
 10 ያታደ ታን ሀንተንታ፣ “ታን መድና ጎዳ
 ሀንተንቱ ጸሳተን፤ ሀንተንቱ ኡንቱንቱ ጋድያ
 ላቲዳ አዋራዋናቱዋ ጸሳቶ ጎይናጥተ” ያጋደ
 ኦዳድ። ሸን ሀንተንቱ ታ ቃላ ሰሰናን እጾድታ
 ያጌ” ያጌዳ።
 11 ሄዋጥ ጉይያን፣ መድና ጎዳ ኪታንቻይ
 ኦፍራ ግያ ሳን ደእያ ኡብኤዘራ ያራ ዮኣሻ
 ዋላ ጋርሳን ኡቲዳ። ሄ ዋደ ዮኣሻ ናኣይ
 ጌደን ሞድያማ አሳጥ ቆሰታናው ዋይንያ ኤሳ
 ጉምኢያሳን ዛርጋ ቡኬ።
 12 ሄዋን መድና ጎዳ ኪታንቻይ አው ቤቲደ፣
 “ላ ነኖ፣ ሞኖ ኦላንቻው፣ መድና ጎዳይ ኔና
 ደኤ” ያጌዳ።
 13 ጌደን እ፣ “ሀይ ታ ጎዳው! መድና
 ጎዳይ ኔና ደእያዋ ግደጥ፣ ሀ መቱ ኡባይ ያትና
 ኔና እያው ጋኬዳ? ኦ አዋቱ፣ መድና ጎዳይ
 ኔና ግብጾ ጋድያጥ ከሴዳ፣ ያጊደ ኦው ኦዴዳ
 ማላልሰያ አ ኦሶቱ ኡባይ ሀቃን ደኢኖ? ሸን
 ሀእ መድና ጎዳይ ኔና ሙላ አጊደ፣ ሚድያማ
 አሳው አሊደ እሜዳ” ያጌዳ።
 14 ሄዋጥ ጉይያን መድና ጎዳይ አኮ ሰሚደ፣
 “ነው ደእያ ዋልቃን ባደ፣ እሰራኤልያ አሳ
 ሚድያማ አሳ ኩሽያጥ አሻ። በእ፣ ኔና ኪትያዌ
 ታና” ያጌዳ።
 15 ጌደን፣ “አቤት መድና ጎዳው፣ ታን
 እሰራኤልያ አሳ ዋታደ አሾ? ታ ያራይ ሞናሰ
 ዛራቱዋ ኡባጥ እዴዳ ላፋ፤ ታንካ ታ አውዋ ሶ
 አሳ ኡባጥ ጉላ” ያጊደ ዛሬዳ።
 16 መድና ጎዳይ፣ “ቱሙጥ ታን ኔና ግዳና፤
 እት አሳ ሸጮያዋዳን፣ ኔን ሚድያማ አሳ ሸጮደ
 ጸናና” ያጌዳ።

17 ጌዶን፡ “ኔን ታናን ናሽቲዳዋ ግደፕ፡ ታናና ሃሳይያዋ ኔን ቲሙፕ ጸሳ ግድያዋ ታን ኤራና ማላ፡ ማላታ ታና በሳ፡፡

18 ታን ጉዮ ሰማ ባደ፡ ነዉ እምያዋ አሀና ጋካናዉ፡ ሀያና ሀዋፕ ሶፓ” ያጌዳ፡፡

መድና ጎዳይ፡ “ኔን ሰማና ጋካናዉ፡ ታን ሀዋን ናጋና” ያጌዳ፡፡

19 ጌዶን ባረ ሶ ገሊደ፡ ቦልትቦልታ ዳሻ ማራ ሹኪደ ካፌዳ፤ እት ታሙ ኪሎ ግራመ ግድያ ጳልያ አኪደ፡ እርሹዋ የገናን ኡክላ ኡኩዳ፡፡ እሹዋ ማሶፍያን ዋሊደ፡ ጫባ ከርያን ትጌዳ፤ ኡባካ አኪደ አፊደ፡ ዋላ ጋርሳን ኡቲዳ ጸሳ ኪታንቻዉ ሺሹዳ፡፡

20 ጸሳ ኪታንቻይ አ፡ “እሹዋን እርሹ ገልቤና ኡክላ አካደ፡ ሀ ሹቻ ቦላ ዋላ፤ ጫባካ አ ቦላ ትጋ” ያጌዳ፤ ሄዋፕ ጉይያን ጌዶን ሄዋዳን ኦፊዳ፡፡

21 መድና ጎዳ ኪታንቻይ ባረ ኩሽያን ኦይቄዳ ጸምአ ጸራን እሹዋካ እርሹ ገልቤና ኡክላ ቦቹዳ፤ ታማይ ሹቻ ግደፕ ከሲደ፡ እሹዋካ እርሹ ገልቤና ኡክላ ሜዳ፤ ሄዋፕ ጉይያን፡ መድና ጎዳ ኪታንቻይ አ ሰንሳፕ ጌሜዳ፡፡

22 ጌዶን በኤዳዌ መድና ጎዳ ኪታንቻ ግድያዋ አከኬዳ ዋደ፡ “አየ አና! ኡባ ሞድያ መድና ጎዳዉ፡ ታን መድና ጎዳ ኪታንቻ ታ አይፍያን በአድ!” ያጌዳ፡፡

23 ሽን መድና ጎዳይ፡ “ሳሩ ነዉ ግደ! ያየፓ! ሀይቃካ” ያጌዳ፡፡

24 ጌዶን መድና ጎዳዉ ያርሽያ ሳኣ ያን ገግሲደ፡ ሄ ሳኣ መድና ጎዳይ ሳሮ ጸሳ ያጊደ ሱንፊዳ፡፡ ሄ ያርሽያ ሳኣይ አብኤዘራ ያራቱዋሳ ግድያ ኦፍራን ሀቹ ጋካናዉ ኤቂደ ደኤ፡፡

25 ሄ ጋላሰ ቃማ መድና ጎዳይ ጌዶና፡ “ነ አዉዋ ቦራ ላኤንሉዋ፡ ላይላይ ላፕና ግዴዳዋ አካ፡፡ ነ አዉ ባኣ ጌተትያ ኤቃዉ ያርሽያ ሳኣ ኮላ፤ አ ጋጸን ደእያ አሼር ጌተትያ ማጫ ጸሳቱ ሞሰልያካ ቃንጸራላ የጋ፡፡

26 ሀ ደርያ ሁጲያን መድና ጎዳዉ፡ ነ ጸሳዉ፡ ሹቻፕ ያርሽያ ሳኣ ሎይላደ ገግሳ፤ ሄዋፕ ጉይያን፡ ኔን ቃንጸራጮዳ አሼር ጌተትያ ጸሳቱ ሞሰልያ ቆኤዋ ኤላደ፡ ላኤንሉ ቦራ ኡባና ጹግያ ያርሹዋ ኡዳደ ያርሻ” ያጌዳ፡፡

27 ጌዶን ባረ ቆማቱዋፕ ታማቱዋ አኪደ፡ መድና ጎዳይ አዉ ኦይዳዋዳን ኦፊዳ፡፡ ሽን እ ባረ አዉዋ ሶ አሳዉን ካታማን ደእያ አሳዉ ያዬዳ ድራዉ፡ ሄዋ ጋላሳን ኦላያዋ አጊደ ቃማን ኦፊዳ፡፡

28 ዋንታ ጉራን ካታማ አሳይ ደንዴዳ ዋደ፡ ባኣ ጌተትያ ኤቃዉ ያርሽያ ሳኣይ ኮለት ክቼዳዋን አ ላንቂያን ደእያ አሼር ሞሰሊ ቃንጸቲደ ዋዴዳዋ በኤዳ፡፡ ቃይ ኡንቲንቲ ያርሽያ ሳኣይ ጊጌዳዋን አ ቦላ ላኤንሉ ቦራይ ያርሹቲዳዋ በኤድኖ፡፡

29 ባረንቲ ግደን፡ “ላ ሀዋ ኦፊዳዌ ኦኔ?” ያጊደ እቲ እቲዋ ኦቹድኖ፡፡ ኡንቲንቲ ዩይ ዩዩደ ኦቹደ፡ ሄዋ ኦፊዳዌ ዮኣሻ ናኣ ጌዶና ግድያዋ ኤሪድኖ፡፡

30 ሄዋፕ ጉይያን ካታማ አሳይ ዮኣሻ፡ “ባኣላ ጌተትያ ኤቃዉ ያርሽያ ሳኣ ኮሎዳ ድራዉን አ ላንቂያን ደእያ አሼር ሞሰልያ ቃንጸረሊደ የጌዳ

ድራዉ፡ ኦን አ ዋቆና ማላ፡ ነ ናኣ ሃ ከሳ” ያጌዳ፡፡

31 ዮኣሻ ባረ ቦላን ደንዴዳ አሳ ኡባ፡ “ሀንተንቲ ባኣላዉ ሞተቲቲ? ዋይ ሀንተንቲ አ አሻናዉ አባካቲ? ሀንተንቲ ግደፕ አዉ ሞተትያ ኡራይ ደአፕ፡ ሳኣይ ዋንታናዉ እ ሀይቆ! ባኣል ጸሳ ግደፕ፡ ባረ ያርሽያ ሳኣ ኮሎዳዋና እ ባረዉ ሞተቶ” ያጌዳ፡፡

32 ያትና፡ ሄ ጋላሰ ዮኣሻ፡ “ኮለቲዳዌ አዉ ያርሽያ ሳኣ ግዴዳ ድራዉ፡ አናና ባኣል ሞተቶ” ያጊደ ጌዶና ሱንሳ የሩባኣላ ጊደ ሱንፊዳ፡፡

33 ሄዋፕ ጉይያን፡ ሚድያማ ጋደያ አሳይ፡ አማሌቃ ጋደያ አሳይን አዋይ ዶልያ ባጋ ጋደያ አሳይ ኡባይ እትፕ ሸቂደ፡ ዮርዳኖሳ ሻፋ ፕኔድኖ፤ እዘራኤላ ግያ ዋምባን ዲንካኔድኖ፡፡

34 ሄዋፕ ጉይያን፡ መድና ጎዳ አያናይ ጌዶና ቦላ ዋዴዳ፤ አብኤዘራ ያራ ግድያ አሳይ ኡባይ ባረና ካላና ማላ፡ ኡንቲንታ ጸሳናዉ ማላካታ ፑኔዳ፡፡

35 ሞናሰ ዛራቱዋ ኡባዉ አሳ ኪቲደ፡ ባረና ካላና ማላ ኡንቲንታካ ጸሰሴዳ፡፡ ቃይ አሴራ ዛረቶ፡ ዛብሎና ዛረቶን ነፍታሌማ ዛረቶ አሳ ኪትና፡ ኡንቲንቲካ አናና ኦላ ባናዉ ከሴድኖ፡፡

36 ሄዋፕ ጉይያን ጌዶን ጸሳ፡ “ታን እሰራኤልያ አሳ አሻና ማላ፡ ኔን ታና ዶራዳዋ ታዉ ኦይዳዋ ግደፕ፡፡

37 በአ፡ ዛርጋ ቡክያ ኡዲማን ደርሳ አጎዛ ታን ዋላና፤ ከተርሳይ ሄ ደርሳ አጎዛ ጸላላን ደእና፡ ቢታ ኡባይ መላ ግደፕ፡ ኔን ኦይዳዋዳን፡ እሰራኤልያ አሳ ኔን ታ ኩሽያን አሻናዋ ታን ኤራና” ያጌዳ፡፡

38 እ ጌዳዋዳን ሀኔዳ፡፡ ዋንተላ ጋላሰ ጉራ ጉራና ደንዲደ፡ ደርሳ አጎዛ ጉምኤዳ ዋደ፡ እት ኩይጸር ግድያ ሃላይ አፕ ከሴዳ፡፡

39 ያትና፡ ጌዶን ቃይካ ጸሳ፡ “ሀያና ሀንቀቶፓ! ታን ኔና ጉጃደካ እት ገደ ኦቻይ፤ ደርሳ አጎዛ ቦላ ሀራ ማላታ በሳናዳን ታን ኔና ኦቻይ፡፡ ሀእ ቃይ ደርሳ አጎዛይ መላ ግድና፡ ቢታይ እርጺደ ከተርሳታናዳን ኡዳርኪ” ያጌዳ፡፡

40 ሄ ጋላሰ ቃማ ጸሳይ ሄ ማላታ ኦፊዳ፡፡ ዋንተላ ጋላሰ ጉራ ደርሳ አጎዛ መላ ግድና፡ ቢታ ኡባይ እርጺደ ከተርሳቲዳ፡፡

7

ጌዶን ሚድያማቱዋ ጸኔዳ

1 የሩባኣላ ጌተትያ ጌዶንን አናና ደእያ አሳይ ኡባይ ዋንታ ጉራን ደንድ ቢደ፡ ሀርዳ ጌተትያ ፑልትያ ማታን ዲንካኔዳ፡፡ ሚድያማ ጋደ አሳቲካ ሀንቲቲፕ ሁጲሳ ባጋና ሞረ ጌተትያ ደርያ ማታን ደእያ ዋምባ ግደን ዲንካኔድኖ፡፡

2 መድና ጎዳይ ጌዶና ሀዋዳን ያጌዳ፤ “ሚድያማ አሳ ታን ሀንተንቲ ኩሽያን አላደ እማናዉ፡ ኔናና ደእያ አሳይ ዳራዳ፤ እሰራኤልያ አሳይ፡ ና፡ ዋልቃን አቲዶ፡ ጊደ ታ ቦላ ጩቀተና ማላ፡ ሞድያማ አሳ ታን ኡንቲንቶ አላደ እምከ፡፡

3 ሄዋ ድራዉ፡ ሀእ አሳዉ፡ “ያሻን ኮኮርያ አሳይ ኦንን ደአፕ፡ ጋላኣደ ደርያፕ ሰሚደ፡ ጉዮ ባረ ሶ ባረ ሶ ሶ ያጋደ አዋያ” ያጌዳ፡፡ ያትና፡

ላታማነ ላኦ ሻክ አሳይ ጉየ ሰሜዳ፤ ታሙ ሻክ አሳይ አቲዳ።

4 ሄዋጥ ጉይያን መድና ጎዳይ ጌደና፡ “ሀእካ አሳይ ዳሬዳ። ኔን ኡንቱንታ ዲገ ሃላው አፋ፤ ታን ኡንቱንታ ነው ያን ሻካና። ታን፡ ሳህዌ ኔናና ስ ግያዌ ኔናና ስ፤ ታን፡ ሳህዌ ኔናና ስ፡” ግያዌ ስ፡” ያጌዳ።

5 ያትና፡ ጌደን አሳ ሃላኮ አፊዳ። መድና ጎዳይ ጌደና፡ “ሀ አሳ ግደጥ ጉልባቲደ ሃላ ኡሽያዋንታ፡ ካናዳን ሃላ አንጸርሳን ላባጭ ላባጭ አሊደ ኡሽያዋንታ ሻካ” ያጌዳ።

6 ባረንቱ ኩሽያን ሃላ ኮጳቲደ ላባጭ አሊደ ኡሽያዋንቱ ፓይዳ ሄዙ ጸታ፤ ሽን አቲዳዋንቱ ኡባይ ሃላ ኡሻናው ጉልባቲድና።

7 መድና ጎዳይ ጌደና፡ “ባረንቱ ኩሽያን ሃላ ኤቁዋን ኮጳቲደ ላባጭ አሊደ ሄዙ ጸቱ አሳቱዋን ታን ሀንተንታ አሻና፤ ሚድያማ አሳቱዋ ሀንተንቶ አላደ እማና። ሽን አቲዳ አሳይ ኡባይ ባረ ሶ ባረ ሶ ሰሞ” ያጌዳ።

8 ያትና፡ ጌደን አሳቱዋ ሽንቃነ ማላካታ አኬዳ ሄዙ ጸቱ አሳቱዋ ባረናና አሽደ፡ የንኮ አሳ ኡባ ኡንቱንቱ ሶ ኡንቱንቱ ሶ የዳዳ። ሀ ኡባባይ ሀንያ ዋደ፡ ሚድያማ ኡላንቻቱ ኡንቱቱጥ ሀርክ ባገና ዋምባን ዲንካኒደ ኡቲድና።

9 ሄ ጋላሰ ቃማን መድና ጎዳይ ጌደና፡ “ታን ነው አላደ አሜዳ ድራው፡ ደንዳደ ኡንቱንቱ ዲንካኔዳ ሳኣን ኡንቱንቱና ኦላ ጋከታ።

10 ኔን ባደ አላናው ያዮጥ፡ ነ ቆማ ጉራ አካደ፡ ኡንቱንቱ ዲንካኔዳ ሳኣ ዲገ ባደ።

11 ኡንቱንቱ ግያዋ ሰሳ፡ ሄዋጥ ጉይያን፡ ኔን ኡንቱንታ አላናው ሞናና” ያጌዳ።

ጌደን አ ቆማይ ጉር፡ ሞድያማቱ ዲንካኔዳ ሳኣ ጋጸን ናግያ ኡላንቻቱዋኮ ሴድና።

12 ሄ ዋደ ቦልያዳን ጮራቲዳ ሚድያማ አሳይ፡ አማሌቃ አሳይነ አዋይ ዶልያ ባገና ደእያ አሳይ ኡባይ ዋምባ ግደን ዲንካኒደ ኡቲድና። ኡንቱቱ ጋሎቱ አባ ደናን ደእያ ሻፍያዳን ፓይዳናው ዳንዳየተናዋንታ።

13 ጌደን ያ ጋክያ ዋደ፡ እት ብታኒ ባረ አኩሙቲዳ አኩሙዋ ባረ ላግያው ኦዴ፤ “ሰሳ፡ ታን አኩሙዋ አኩሙታድ፡ እት ባንጋ ኡክላይ ጎንደረቲደ፡ ሚድያማቱ ዲንካኔዳ ሳኣ ዬዳ። ጋከደ ዲንካንያ ደምኤዳ፤ ዲንካኒ አቲ ዋዲደ ሞጬቲዳ” ያጌዳ።

14 ሄዋጥ ጉየ አ ላጊ ዛሪደ፡ “ሄዋ እሰራኤልያ ዮኣሻ ናኣ ጌደና ማሻጥ አትና፡ ሀራባ ግደና፡ ጸሳይ ሚድያማን ሞድያማቱዋና ደእያ ኡላንቻቱዋ ኡባ ጌደናው አሊደ እሜዳ” ያጌዳ።

15 ጌደን ሄ ኦዴዳ አኩሙዋን አኩሙዋ ብርሽሳ ሰሴዳ ዋደ፡ ጉልባቲደ ጸሳው ጎይኔዳ። ሄዋጥ ጉይያን፡ እሰራኤላቱ ዲንካኔዳ ሳኣ ጉየ ሰሚደ፡ “ደንድተ! መድና ጎዳይ ሚድያማ ኡላንቻቱዋ ሀንተንቱ ኩሽያን አሊደ እሜዳ!” ያጌዳ።

16 ሄዙ ጸቱ አሳቱዋ ሄዙ ጭታን ሻኬዳ፤ ኡንቱንቶ ሁጺያን ሁጺያን እት እት ማላካታን ግደን ኤጵያ ጸምጒ ደእያ እት እት ጸሩዋ እሜዳ።

17 ኡንቱንታ፡- “ታኮ ሃ ጸሊደ፡ ታን ኦልያዋ አላተ። ታን ኡንቱንቱ ዲንካኔዳ ሳኣ ማታ ጋካደ ኦልያዋዳን፡ ሀንተንቱካ አላተ።

18 ታንን ታናና ደእያዋንቱ ኡባቱ ማላካታ ጉንያ ዋደ፡ ሀንተንቱካ ኡንቱንቱ ዲንካኔዳ ሳኣ ዩይ አዲደ፡ ሀንተንቱ ማላካታ ጉኒደ፡ “መድና ጎዳውን ጌደናው!” ያጌደ ዋሰተ” ያጌዳ።

19 ቃማው ግደ ግሹዋ ግዳናው ጉላ አትደእሽን፡ ናግያ ኡላንቻቱ ላመቲዳዋጥ ጉይያን፡ ጌደን አናና ደእያ ጸቱ አሳቱ ቢደ፡ ሚድያማቱ ዲንካኔዳ ሳኣ ማታ ጋከደ ባረንቱ ማላካታ ጉኔድና፤ ባረንቱ ኦይቄዳ ጸሩዋ ኡባካ መንጮድና።

20 ሀራ ባገና ደእያ ላኦ ጭታቱካ ባረንቱ ማላካታ ጉኒደ፡ ጸርቱዋካ መንጮድና፤ ሀድርሳ ኩሽያን ኤጵያ ጸምጥያ፡ ኡሽቻ ኩሽያን ማላካታ ኦይቄደ ጉኒደ፡ “መድና ጎዳውን ጌደናው ማሻን አላቲቶ!” ያጌደ ዋሰድና።

21 አሳይ ኡባይ ሚድያማቱ ዲንካኔዳ ሳኣ ዩሹዋን ባረ ሳኣን ሳኣን ኡቁደእሽን፡ ሚድያማ ኡላንቻቱ ኡባይ ዋሰደ ባቃቲድና።

22 ጌደና አሳይ ሄዙ ጸቱ ማላካታ ጉኔዳ ዋደ፡ ሞርከቱዋ ኡላንቻቱ ባረንቱ ማሻን እቱ እቱዋ ዋዳዳን መድና ጎዳይ አሌዳ፤ ያትና፡ አቲዳ ኡላንቻቱ ጽሬራኮ ሰሚደ፡ ቤትሺጸ ጌተትያ ካታማ ጋካናው፡ ሄዋጥካ አዲደ፡ ጸባታ ማታን ደእያ እሴል-ማሆላ ጋካናው ባቃቲድና።

23 ሄዋጥ ጉይያን ጌደን፡ ንፍታሌማ ዛርያጥ፡ አሴራ ዛርያጥን ሞናሰ ዛራቱዋ ኡባጥ እሰራኤልያ አሳ ጸሰደ ሺሽና፡ ኡንቱንቱ ሚድያማቱዋ የደርሴድና።

24 ኤፍሬማ ገዝያን ደእያ አሳ ኡባኮ ጌደን አሳ ከቲደ፡ “ሚድያማ አሳ አላናው ዲገ ዋድተ፤ ቤትባና ጋካናው ደእያ ዮርዳኖሳ ሻፋነ እን ገልያ ቄር ሻፋቱዋ ኡንቱቱጥ ካሰቲደ ኦይቄተ” ያጌዳ። ሄዋጥ ጉየ ኤፍሬማ አሳይ ኡባይ ጸገት ሺቄደ፡ ቤትባራ ጋካናው ዮርዳኖሳ ሻፋነ እን ገልያ ቄር ሻፋቱዋ ኦይቄዳ።

25 ኦሪባነ ዛኤባ ጌተትያ ሚድያማቱዋ ካፓቱዋ ላኡዋ አሞዴድና፤ ኦሪባ ኦሪባ ዛላ ግያ ሳን ዋዴድና፤ ዛኤባ ቃይ ዛኤባ ዋይንያ ጉምእያ ሳኣ ግያ ሳኣን ዋዴድና። ሄዋጥ ጉየና አቲዳ ሚድያማቱዋ የደርሴደ፡ ኦሪባ ቆድያን ዛኤባ ቆድያ ሙጬድና፤ ኡንቱንቱ ጉገቱዋ ጌደናኮ አሄድና። ሄ ዋደ ጌደን ዮርዳኖሳ ሻፋጥ ሄፍንላ አዋይ ዶልያ ባገና ደኤዳ።

8

ሚድያማቱ ወርሰላ ጸኑዋ ጸነቲድና

1 ሄዋጥ ጉይያን፡ ኤፍሬማ አሳይ ጌደና፡ “ሚድያማቱዋ አላናው ባደ ኑና እያው ጸሳባይከ? ኑና እያው ሀዋዳን ኦላዲ?” ያጌደ ሎይላ ፓሉመቲድና።

2 ሽን ጌደን ዛሪደ፡ “ታን ኦሌዳዋጥ ሀንተንቱ ኦሌዳዊ አፍነየ? ታ ያራቱ አብኤዘራቱ ሺሼዳ ሙላ ካላጥ ሀንተንቱ ኤፍሬማ ዛራቱ ቆራዳ ቃርሚ ኬከነየ?”

3 ሚድያማቱዋ ካገቱዋ፡ ኦሪባነ ዛኤባ ጸሳይ ህንተንቱ ኩሽያን አሊደ እሚዳ። ህንተንቱ ኦሪባዋ ማላ፡ ታን አይ አላናዉ ዳንዳያይታ?። ያጌዳ። እ ሄዋዳን ገና፡ ኡንቱንቱ ህንቁዋጥ ዛርቤድና።

4 ጌዶንን እናና ደእያ ሄዙ ጾቱ አሳይ ዮርዳናሳ ሻፋ ዪደ ፕኔድና፤ ኡንቱንቱ አይ ዳቡርጥካ፡ ባርንቱ ሞርከቱዋ የደርሰያዋ አግባቤክና።

5 የደርሰደ ሱኮታ ጋኬዳ ዋደ፡ ጌዶን ካታማ አሳ፡ “ታ አሳይ ዳቡራዳ ድራዉ፡ ሀያና እማራዳ ኡክላ እሚርክቱ፡ ታን ሚድያማቱዋ ካተቱዋ ዘባህነ ጸልሙናእ የደርሳደ ደእይ” ያጌዳ።

6 ሄዋጥ ጉየ ሱኮታ ካታማ ካገቱ፡ “ዘባህነ ጸልሙናእ ኔን ኦሞዳበይካሽን፡ ነ ኦላንቻቶ አያዉ ኡክላ እማኔ?” ያጌድና።

7 ያትና፡ ጌዶን፡ “ሎአ አይነ ባዋ! መጅና ጎዳይ ዘባህነ ጸልሙናእ ታ ኩሽያን አሊደ እምያ ዋደ፡ ታን መላ ቢታ አጉንላንነ ክንድቹዋን ህንተንታ ዋቆና” ያጌዳ።

8 ሄዋጥ ፓኤሌላ ግያ ሳኦ ቤዳ፤ ያን ደእያ አሳካ ሄ ኦሻ ኦቹዳ። ሸን ፓኤሌላ አሳይካ ሱኮታ ካታማ አሳይ ዛራዳዋዳን ዛራዳ።

9 ያትና፡ ፓኤሌላ አሳካ፡ “ታን ጸናደ ሳር ሰምያ ዋደ፡ ህንተንቱ ካታማ ናግያ ሀ ኡዱሳ ግሞቢያ ላላና” ያጌዳ።

10 ዘባህነ ጸልሙናእ አዋይ ዶልያ ባጋጥ ዬዳ ኦላንቻቱዋጥ እቱዳ ባርንቱ ታማነ እቹሹ ሻአ ኦላንቻቱዋና ቃርቆራ ጌተትያ ካታማን ደእድ። ካሰ አዋይ ዶልያ ባጋጥ ዬዳ ኦላንቻቱዋጥ ማሻን ኦላትያ እት እት ጾታነ ላታሙ ሻአ ግድያ ኦላንቻቱ ኦላን ሀይቁ ዉራድና።

11 ጌዶን ናባህጥነ ዮግባህጥ አዋይ ዶልያ ባጋን ደእያ ዛላናቱዋ ጋጸ ኦግያና ቢደ፡ ሄዋን ደእያ ኦላንቻቱዋ ቦላ ኡንቱንቱ አኬከናን ደእሸን ዋራጃዳ፤

12 ኡንቱንቱ ኡባይ ዳጋሚድና። ሚድያማ ካተቱ ዘባህነ ጸልሙናእ ላእቱካ ባቃቴድና፤ ሸን ጌዶን ኡንቱንታ የደርሰ ጋኪደ ኦሞዳዳ።

13 ዮኣሻ ናኦይ ጌዶን ኦላጥ ሄራሳ ፕኮዋና ሰሚዳ።

14 ሱኮተጥ እት ዋዳላ ኦይቁደ ኦቹዳ። ዋዳላይ ሱኮታ ካገቱነ ጭማቱዋ ላፑን ታማነ ላፑናቱዋ ሱንላ ጸፊደ አዉ እሚዳ።

15 ሄዋጥ ጉይያን፡ ጌዶን ሱኮታ አሳኮ ዪደ፡ “ ዘባህነ ጸልሙናእ ኔን ኦሞዳበይካሽን፡ ነ ዳቡራዳ አሳዉ አያዉ ኡክላ እማኔ?” ጌደ ህንተንቱ ታና ቅሊጩድታ፤ ሸን ዘባህነ ጸልሙናእ ሀዋንታ በእት” ያጌዳ።

16 ሄዋጥ ጉይያን፡ መላ ቢታ አጉንላንነ ክንድቹዋን ዋጂደ፤ ሱኮታ ካገቱዋ ቃጸዬዳ።

17 ቃይ ፓኤሌላን ካታማ ናግያ ኡዱሳ ግሞቢያ ላሊደ፡ ካታማን ደእያ እቱማ አሳ ዋጂዳ።

18 ያቲደ ጌዶን ዘባህነ ጸልሙናእ፡ “ህንተንቱ ታቦራን ዋጂዳ አሳቱ አይ ማሌ?” ያጌደ ኦቹዳ።

ሸን ኡንቱንቱ፡ “ነ ማላ፤ ኡንቱንቱ ኡባይካ ካትያ ናና ማላትና” ያጌደ ዛራድና።

19 ጌዶን፡ “ኡንቱንቱ ታ እሻቱዋ፤ ኡንቱንቱ ታ ዳይ ናና። መጅና ጎዳይ ኤር! ህንተንቱ

ኡንቱንታ ዋጅቤናዋ ግድንቶ፡ ታንካ ህንተንታ ዋጅከ ሸን” ያጌዳ።

20 ባር ባይራ ናኦ የተራ፡ “ደንዳ ኤቃደ፡ ሀዋንታ ዋቆ” ያጌዳ። ሄዋጥ ጉየ የተር ብር ያላጋ ግዴዳ ድራዉ ያዪደ፡ ባር ማሻ ሸድቤና።

21 ሄዋጥ ጉይያን፡ ዘባህነ ጸልሙናእ ጌዶና፡ “ደንዳ ኤቃደ፡ ኔን ኦና ዋቆ። እቱማ አሳ ኦሱዋ አላናዉ እቱማ አሳ ኮሼ” ያጌድና። ያትና፡ ጌዶን ደንዲደ፡ ኡንቱንታ ዋጂዳ፤ ኡንቱንቱ ጋላቱዋ ቆጅያን ደእያ አሌቁዋ ኡባ አኬዳ።

22 ሄዋጥ ጉይያን፡ እሰራኤልያ አሳይ ጌዶና፡ “ኔን ኦና ሚድያማ አሳጥ አሼዳ ድራዉ፡ ኔን፡ ኔጥ ጉይያን ነ ናኦይነ ነ ናኦ ናኦይ ኦና ሞድተ” ያጌዳ።

23 ሄዋጥ ጉየ ጌዶን፡ “ታን ህንተንታ ሞድከ፤ ታ ናኦይካ ህንተንታ ሞድና፤ መጅና ጎዳይ ህንተንታ ሞድ” ያጌዳ።

24 ኡንቱንታ፡ “እነ ታን ህንተንታ እትባ ኦቻይ፡ ህንተንቱ ኡባይ ኦሞዲደ አሄዳ ሀይላ ዋርቃ ታዉ እምተ” ያጌዳ። እሰማኤላ አሳዳን፡ ሚድያማ ቢታ አሳቱካ ሀይላን ዋርቃ ዋሊና።

25 እሰራኤልያ አሳይ ዛራደ፡ “ኤና፡ ኦ እማና” ያጌዳ። አፍላ ሂጺደ አሳይ ኡባይ ባር ኦሞዴዳ ሀይላ ዋርቃ ሂጸቱዳ አፍላ ቦላን ዋሌዳ።

26 ጌዶን አኬዳ ሀይላ ዋርቃይ ላታሙ ኪሎ ግራመ ዴጽያዋ። ሄዋነ፡ ሀራ አሌቁያዋንታ፡ ቆጅያን አልያ ሀብልያ፡ ሞድያማቱዋ ካተቱ ማይያ ኦቻ ቴራ ማላትያ ማዮቱዋነ ኡንቱንቱ ጋሎቱዋ ቆጅያጥ አከቱዳ አሌቁያዋንታ ጉጀናና።

27 ጌዶን ዋርቃጥ ኤፋድያ ገግሲደ፡ ባር ደእያ ኦፍራ ካታማን ዋሌዳ። ጉየጥ እሰራኤልያ አሳይ ኡባይ ጸሳ አገደ፡ ሄ ኤፋድያዉ ጎይኔዳ፤ ጌዶናዉነ አ ሶ አሳዉ ሄዋ ጲረ ግዴዳ።

28 ሄዋዳን ሀኒደ፡ ሚድያማ አሳይ እሰራኤልያ አሳዉ ሞድቱዳ፤ ኡንቱንቱ እሰራኤልያ አሳ ቦላ ላኤንሉዋ ደንድበይክና። ጌዶን ሀይቃና ጋካናዉ፡ ኦይታሙ ላይላ ጋዲ ዋጋ ደሚዳ።

ጌዶና ሀይቁዋ

29 ዮኣሻ ናኦይ፡ የሩባኦላ ጌተትያ ጌዶን ባር ሶ ጉየ ቢደ፡ ባር ጎላን ደኤዳ።

30 ጌዶን ጮራ ማቻያ አኬዳ ድራዉ፡ አዉ ላፑን ታሙ እቱማ ናናይ የለቱድና።

31 ቃይ ሰኬማ ካታማን ደእያ ቆማታ እቱማ ናኦ አዉ የልና፡ ሱንላ ኡብመሌካ ያገደ ሱንሌዳ።

32 ዮኣሻ ናኦይ ጌዶን ሎኦ ጭሚደ ሀይቁዳ፤ ባር አዉዋ ዮኣሻ ዲፋዋን ሞገቱዳ። ሀ ዲፋ ኡብኤዘራ ያራቱ ደእያ ኦፍራ ካታማን ደኤ።

33 ጌዶን ሀይቁዳዋጥ ጉይያን፡ እሰራኤልያ አሳይ ጸሳጥ ጉየ ሰሚደ፡ ባኦላ ጌተትያ ጸሳቶ ጎይኔዳ፤ ባኦል-ባሪታ ጌተትያ ኤቃ ባርንቶ ጸሳ ኦሌድና።

34 ያቲደ እሰራኤልያ አሳይ ኡንቱንቱ የሹዋን ደእያ ሞርከቱዋ ኡባጥ ኡንቱንታ አሼዳ መጅና ጎዳ ባርንቱ ጸሳ ሀሳይበይክና።

35 ቃይ ጌዶን እሰራኤልያ አሳዉ ኡኦ ሎኦ ኡሱዋ ኡባዉ፡ ኡንቱንቱ አ ሶ አሳዉ ኬካን ኩሽያ ዛርቤደክና።

9

አብመሌካ

1 ጌዶና ናኦይ አብመሌክ ሰኬማ ካታማን ደእያ ባረ ዳይ ዳቦቱዋኮ ቤዳ፤ እንቲንታን ባረ ዳይ ዘረፋ ኡባቱዋ ሀዋዳን ያጌዳ፤

2 “እነ ሰኬማ ካታማን ደእያ አሳ ኡባ ሀዋዳን ያጌደ ኦቶተ፤ ጌዶና ላፑን ታሙ ናናይ ኡባይ ህንተንታ ሞዶፕ ሎኤየ? ዋይ እት አሳይ ሞዶፕ ሎኤየ? ያጌደ ኦቶተ። ታን ህንተው አሹዋን ማታ ዳቦ ግድያዎ ቃይ ደጎፕተ” ያጌዳ።

3 ሄዋፕ ጉዮ እዘ ዳይ ዳቦቱ ሀ ቃላ ኡባ አ ድራው ሰኬማ ካታማ አሳው ኦዴድኖ፤ አብመሌክ እንቲንታ ዳቦ ግዴዳ ድራው፤ ሰኬማ አሳይ አ ካላናው ቆፋ ቃቹዳ።

4 ያጌደ እንቲንታ ባኣል-ባሪታ ኤቃ ጎልያፕ ላፑን ታሙ ጸጋራ ብራ እኪደ፤ አው እሚድኖ።

አብመሌክ ሄ ብራን ሹፋሮቱዋን ቦንቁያዋንታ ቃጸሪደ፤ ባረና ካላናዳን ኦሌዳ።

5 ኦፍራ ግያ ሳን ደእያ ባረ አወዋ ሶ ቢደ፤ ባረ እሻቱዋ፤ ጌዶና ናና ላፑን ታማቱዋ፤ እት ሹቻ ቦላን ሲፍሴዳ። ሽን ጌዶና ናኦይ፤ ወርሰላ ቱፋይ፤ ዮኣታሙ ቆስቲደ፤ ሀይቀናን አቲዳ።

6 ሄዋፕ ጉይያን፤ ሰኬማ አሳይን ቤትሚሎ አሳይ እትፕ ሸቂደ፤ ሰኬማን ደእያ ጎይንያ ዋላ ቱሳኮ ቤድኖ፤ ያን አብመሌካ ካተዬድኖ።

7 ዮኣታሙ ሄዋ ሰሴዳ ዋደ፤ ቢደ ጋሪዛማ ደርያ ጸራ ከሲደ፤ ባረ ቃላ ጶቁ ኦሊደ፤ ሀዋዳን ያጌደ ዋሴዳ፤ “ህንተንታ ሰኬማ አሳቶ፤ ህንተንታ ታን ኦድያዎ ሰስተ! ጸሳይካ ህንተንታ ኦድያዎ ሰሳናዎ።

8 “እት ጋላስ ሞላቱ ኡባይ ሸቂደ፤ ባረንቱ ቦላ ካትያ ካተያናው ቢደ ዋጋራ፤ ሃያ፤ ኦ ቦላ ካተታ” ያጌድኖ።

9 ሽን እትክልትያ ሳኦይ፤ ታ ህንተንታ ቦላ ካተታና ኮሽያዎ ግደፕ፤ ጸሳቱዋን አሳቱዋ ቦንቶሰያ ታ ዛይትያ እምያዎ አጋይ ግያዎ ያጌደ ዛሬዳ።

10 “ሄዋፕ ጉይያን፤ ሞላቱ ባላሰያ ጌተትያ ሞላ፤ ሃያ፤ ኦ ቦላ ካተታ” ያጌድኖ።

11 ሽን ባላሲ፤ ታ ህንተንታ ቦላ ካተታና ኮሽያዎ ግደፕ፤ ማልእያ ሎኦ አይፍያ አይፍያዎ አጋይ ግያዎ ያጌደ ዛሬዳ።

12 “ያትና፤ ሞላቱ ዋይንያ ቱራ፤ ሃያ፤ ኦ ቦላ ካተታ” ያጌድኖ።

13 ሽን ዋይንያ ቱራይ፤ ታ ህንተንታ ቦላ ካተታና ኮሽያዎ ግደፕ፤ ጸሳቱዋን አሳቱዋ ናሽቶያ ዋይንያ ኤሳ እምያዎ አጋይ ግያዎ ያጌደ ዛሬዳ።

14 “ያትና፤ ወርሰላን ሞላቱ ኡባይ ካሽያ፤ ሃያ፤ ኦ ቦላ ካተታ” ያጌድኖ።

15 ሄዋፕ ጉዮ ካሺ፤ ህንተ ቱሙፕ ታና ህንተንታ ቦላ ካተያናው ኮዮፕ፤ ሃ ዪደ ታ ኩዋን ሸምፕተ። ሄዋ ህንተንታ እጸፕ፤ ካሺያፕ ታማይ ከሲደ፤ ሊባናሳ ዘጋቱዋ ሞ” ያጌዳ።

16 “አብመሌካ ህንተንታ ካተዬዳዎ ቱማተላንን ሱረተላን? ጌዶን ህንተንታ ኦሌዳዎ እኬኪደ፤ አ ጎላ አሳው በሰያዋዳን ኩሽያ ዛሬድቱ?

17 ታ አው ህንተንታ ኦላቲዳዎ እኬክተ፤ ሚድያማ አሳፕ ህንተንታ አሻና ያጌደ፤ ባረና ሀይቆ አሊደ እሚዳ።

18 ሽን ህንተንታ ሀቼ ታ አወዋ ጎልያ አሳ ቦላን ደንዲደ፤ አ ላፑን ታሙ ናና እት ሹቻ ቦላን ሲፊድታ፤ ጌዶን ቆማትፕ ያሌዳ አብመሌክ ህንተንታ ዳቦ ግዴዳ ድራው፤ ሰኬማን ካተዬድታ።

19 ሀእ ሰም ጌዶናውን አ ጎልያ አሳቶ ህንተንታ ኦሌዳ ኪታይ ቱማተላናን ሱረተላና ግደፕ፤ አብመሌካና እትፕ ናሽተ፤ እካ ህንተናና ናሽቶ።

20 ሽን ሄዋ ግዳና ቆዮፕ፤ አብመሌካፕ ታማይ ከሲደ፤ ሰኬማ አሳን ቤትሚሎ አሳ ሞ፤ ሄዋዳንካ ቃይ፤ ሰኬማ አሳፕን ቤትሚሎ አሳፕ ታማይ ከሲደ፤ አብመሌካ ሞ” ያጌዳ።

21 ዮኣታሙ ባረ እሻ አብመሌካው ያዬዳ ድራው፤ ባቃቲደ ባኤራ ግያ ሳኦ ቢደ ያን ደኤዳ።

22 አብመሌክ እሰራኤልያ ጋድያን ሄዙ ላይላ ካተቲዳ።

23 ሄዋፕ ጉይያን፤ ጸሳይ አብመሌካፕን ሰኬማ አሳፕ ግዲዋን ኢታ አያና ኪቲዳ፤ ሰኬማ አሳይ አብመሌካ ቦላ አማንተናን እጲደ ደንዴዳ።

24 ጸሳይ ሄዋ ኦሌዳዎ፤ አብመሌክ ባረ እሻቱዋ ዋዴዳ ድራሳን ጌዶና ላፑን ታሙ ናና ሱላ ሀሉዋ እ ጭገታናዳን ሰኬማ አሳይ አ ሞን።

25 ሰኬማ አሳይ አማራዳ አሳ ደሪደ፤ ደርያ ጸራን አብመሌካ ቦላ ሙጊደ ኡታናዳን ኦሌዳ። ሙግ ኡቲዳዋንቱ ኦግያና መንሳያ አሳ ኡባ ቦንቁድኖ፤ አብመሌክ ሄዋ ኡባ ሰሴዳ።

26 ሄዋፕ ጉይያን፤ ኤቤዳ ናኦይ ጋኣል ባረ እሻቱዋና ሰኬማ ዬዳ፤ ሰኬማ አሳይ እን አማንቲዳ።

27 ኡባይካ ባረንቱ ጋደ ቢደ፤ ዋይንያ ቲራ ማጸድኖ፤ ዋይንያ ኤሳ አጊደ፤ ዋልቃማ ባላ ከሴድኖ። ባረንቱ ኤቃ ጎልያ ገሊደ፤ ያን ሚድን ኡሺደ አብመሌካ ሸቂድኖ።

28 ኤቤዳ ናኦይ ጋኣል፤ “ኡን ሰኬማ አሳይ ሞደታናው አብመሌክ ኦኔ? እ ጌዶና ናኦ ግደኔ? ዛቡልካ ሀ ካታማ ሞዳናዳን አብመሌክ ሱንሌዳዎ ግደኔ? ሄዋፕ ሸኬማ አወዋ ሀዋራ ዛረቶ እን ሞደቲቶ።

29 ሀ አሳ ካለሳዎ ታና ግዳርክታሻ! ያትንቶ ታን አብመሌካ ድጋና ሽን። አብመሌካ ጸሳደ፤ ና ኦላንታቱዋ ዳርሳ አካደ፤ ኦለታናው ሃያ ያጋና ሽን” ያጌዳ።

30 ኤቤዳ ናኦይ ጋኣል ጌዳዎ ካታማ ሞድያ ዛቡል ሰሴዳ ዋደ፤ ሀንቁዎ ኤጽ ከሴዳ፤

31 ያቲደ አረማ ካታማን ደእያ አብመሌካኮ አሳ ኪቲዳ። ሄዋፕ፤ “ኤቤዳ ናኦይ ጋኣልን እ እሻቱ ሰኬማ ዬድኖ፤ ካታማን ደእያ አሳ ነ ቦላ ደን።

32 ሄዋ ድራው፤ ኔንን ኔናና ደእያ አሳይ ቃማን ደንዲደ፤ ሸይቃን ሙጊደ ናግተ።

33 ዋንታ ጉራ አዋይ ኬሲያ ዋደ፤ እንቲንታ እኬከናን ካታማ ቦላ ዋራጅተ፤ ጋኣልን አናና

ደእያ አሳይ ህንተንታ ኦላናዉ ከሰያ ዋደ፡ ህንተንቶ ሀኔዳ ኬሻ ሞኒደ ኦለትተ” ያጌዳ።

34 አብመሌክነ አናና ደእያ አሳይ ኡባይ ቃማን ደንዲደ፡ ሰኬማፕ ካረና ኦይዱ ጭታን ሻከቲደ ሙጌድኖ።

35 አብመሌክነ አናና ደእያ አሳይ ኤቤዳ ናእይ ጋአል ከሲደ፡ ካታማ ገልያ ፕንግያን ኤቁዳዋ በእደ፡ ቆስቲዳ ሳፕ ከሴድኖ።

36 ጋአል አሳ በኤዳ ዋደ ዛቡላ፡ “ዴላ! አሳይ ደረቱዋ ሁጲያፕ ዋዳ” ያጌዳ።

ሄዋፕ ጉዮ ዛቡል፡ “ሄዋንቱ አሳ ግድክኖ፤ ደረቱዋ ኤሹ አሳ ማላትያዋ በአደ ጋዳ” ያጌደ ዛሬዳ።

37 ጋአል ዛረላደ፡ “ዴላ! አሳይ ደርያዉ ግዳዋ ኦይቁደ ዋዳ፤ ሀራ ጭታይ ቃይ ሻሬቻቱ ዋላደ ደእያ ኦግያና ዬ” ያጌዳ።

38 ያትና፡ ዛቡል ጋአላ፡ “ኡን አዉ ሞደታናዉ አብመሌክ ኦኔ?” ያጌዳ ነ ደናይ ሀእ ሀቃ ቤዴ? ሀዋንቱ ኔን ካዴዳ አሳቱዋ ግድክኖ? ሀእ ከሳደ ኡንቱንቱና ኦለታ!” ያጌዳ።

39 ሄዋፕ ጉዮ ጋአል ሰኬማ አሳ ካለል ከሲደ፡ አብመሌካና ኦለቲዳ።

40 አብመሌክ የደርሰና፡ ጋአል ባቃቲዳ፤ ካታማ ገልያ ፕንግያ ጋካናዉ ዳራቱ ደሸቲደ ኩንዴድኖ።

41 አብመሌክ አሩማን ደእና፡ ዛቡል ጋአላ ኦ እሻቱዋ ሰኬማፕ የደርሲደ ከሴዳ።

42 ዋንተላ ጋላሰ ሰኬማ አሳይ ጎሻዉ ቤዳዋ አብመሌክ ሰሴዳ፤

43 ባረ አሳ አኪደ፡ ሄዙ ጭታን ሻክ፡ ሸይቃን ሙጌደ ናጋናዳን ኦሌዳ። ያቲደ አሳይ ካታማፕ ከሰያዋ በኤዳ ዋደ፡ ኡንቱንታ ዋዳናዉ ቆስቲዳ ሳፕ ከሴዳ።

44 አብመሌክነ አናና ደእያ ጭታይ ሰንላዉ ዋጽ ቢደ፡ ካታማ ገልያ ፕንግያን ኤቁድኖ፤ አቲዳ ላኡ ጭታቱ ጎሻን ደእያ አሳቱዋ ኦለቲደ ዋዳድኖ።

45 ጋላሳ ኡባ አብመሌክ ካታማ አሳና ኦለቲደ ካታማ ኦይቁዳዋፕ ጉይያን፡ ካታማን ደእያ አሳ ኡባ ዋዳዳ። ያቲደ ካታማ ክንቹዳ፤ ኡባ ጋድያ ቦላ ማጽንያ ዘሬዳ።

46 ሰኬማ አዲሳ ግምቢያ ግዲዋን ደእያ አሳይ ኡባይ ሄዋ ሰሴዳ ዋደ፡ ኤል-ባሪታ ኤቃ ጎለን ደእያ ጌሱዋ ግደ ገሌዳ።

47 ኡንቱንቱ ሄ ሳኣን ሺቁዳዋ አብመሌክ ሰሴዳ።

48 እነ አናና ደእያ አሳይ ኡባይ ደርያ ጸልሞና ፑደ ከሴድኖ። አብመሌክ ካልታ አኪደ፡ ሞላ ታሽያ ቃንጺደ፡ ባረ ሀሽያን ቶኬዳ፤ ባረናና ደእያ አሳቱዋ፡ “ታን ኦለሽን በኤዳዋ፡ ህንተንቱካ ኤለካ ሀእ ኦለተ” ያጌዳ።

49 ሄዋፕ ጉዮ አሳይ ኡባይካ ሞላ ታሽያ ቃንጽ አኪደ፡ አብመሌካ ካሌዳ፤ ሄ ታሽቱዋ ጌሱዋ የሹዋን ዘምፔሰ ዋላደ፡ አሳይ ኦ ግደን ደእሽን ታማ ኦይቁድኖ፤ ያትና፡ ጌሱዋ ግደን ደእያ አሳይ ኡባይ ሀይቁ ዉሬዳ። ሀይቁዳ አቲማ አሳን ማጫ አሳ ፓይዱ እት ሻኣ ግዳናዋ።

50 ሄዋፕ ጉይያን፡ አብመሌክ ተበጸ ጌተትያ ካታማ ቢደ፡ ካታማ ደዲደ ኦይቁዳ።

51 ሄ ካታማ ግደን እት ሞኖ አዲሳ ግምቢ ደኤ። ካታማ አሳይ ኡባይ፡ ማጫዌ አቲማዌ፡ ካለልያዋንቱ አተናን ሄ አዲሳ ግምቢያኮ ያ ዋዲደ፡ ኦ ግደ ገሌድኖ፤ ፕንግያ ጎርዲደ፡ ግምቢያ ቦላ ደምባዪደ ኬጼድኖ ፑደ ከሴድኖ።

52 አብመሌክ ኦለቲደ አዲሳ ግምቢያ ጋኪደ፡ ታማን ጸጋናዉ ፕንግያኮ ሺቁዳ።

53 ሽን እት ሞሽራታ አብመሌካ ሁጲያን ዋጸ ማይድያ ጎንዶርሳ ኦላደ፡ ኦ ጉግያ ሆምቼ ኦላዳ።

54 ባረ ኦላ ሚሻ ቶክያ ዋዳላ ኤለካ ጸጌደ፡ “ታና አሳይ፡ ኡብላ ማጫውና ዋዳዲ” ጌና ማላ፡ ነ ማሻ ሸኩዋፕ ሸዳደ፡ ታና ዋዳ” ያጌዳ። ሄዋፕ ጉዮ ዋዳላይ ማሻን ጫዲና ኦ ሀይቁዳ።

55 እሰራኤልያ አሳይ ኡባይ አብመሌክ ሀይቁዳዋ በእደ፡ ባረ ሶ ባረ ሶ ቤዳ።

56 አብመሌክ ባረ እሻቱዋ ላፑን ታማቱዋ ዋዳደ፡ ባረ አዉዋ ቦላ ኦሌዳ ጎምያ ጸሳይ ኦ ቦላ ዛሬዳ።

57 ሄዋዳንካ፡ ጸሳይ ሰኬማ አሳ ኢታተላ ኡባ ኡንቱንቱ ቦላ ዛሬዳ። ሄዋዳን ሀኒደ፡ ጌዶና ናኦይ ዮኣታመ ሸቁዳ ሸቃይ ኡንቱንታ ጋኬዳ።

10

ቶላእ

1 አብመሌክ ሀይቁዳዋፕ ጉይያን፡ ዶዶ ናኣ ፑሀ ናኦይ ቶላእ እሰራኤልያ እሻናዉ ደንዴዳ። ኦ ይሳኮራ ዛርያ ግዴዳ፡ ኤፍሬማ ገዝያን ሻሚራ ግያ ሳን ደኤዳ።

2 ቶላእ እሰራኤልያ አሳ ላታማን ሄዙ ላይላዉ ፕርድያ ዳና ግዴዳ። ቶላእ ሀይቁደ፡ ሻሚራን ሞገቲዳ።

ያኢራ

3 ቶላአፕ ካሊደ፡ ጋላኣድያ ያኢር ደንዴዳ፤ እሰራኤልያ አሳ ላታማን ላኡ ላይላዉ ፕርድያ ዳና ግዴዳ።

4 ሀታሙ ሀረቱዋ ቶግያ ሀታሙ አቲማ ናናይ ደእና፤ ኡንቱንቶ ጋላኣደ ጋድያን ሀታሙ ካታማቱ ደእና። ሄ ካታማቱ ሀቼ ጋካናዉ ሀቦት-ያኢራ ካታማቱዋ ጌተቲደ ጸሰቲኖ።

5 ያኢር ሀይቁደ፡ ቃሞናን ሞገቲዳ።

ዮፍታሀ

6 እሰራኤልያ አሳይ መድና ጎዳ ሰንላን ቃይካ ኢታባ ኦሌዳ፤ ኡንቱንቱ ባኣላን አሰታርታ ጌተትያ ኤቃቶን ሶርያ ጸሳቶ፡ ሲደና ጸሳቶ፡ ሞኣበ ጸሳቶ፡ አሞናቱዋ ጸሳቶን ፕልሰጾማ ጸሳቶ ጎይኔድኖ። ኡንቱንቱ መድና ጎዳ አግ ባሼድኖ፤ አዉ ጎይንያዋካ አጌድኖ።

7 ያትና፡ ጸሳይ እሰራኤልያ አሳ ቦላ ሀንቀቲደ፡ ኡንቱንታ ፕልሰጾማ አሳቶን አሞና አሳቶ አሊደ እማዳ።

8 ሄ ላይላን እሰራኤልያ አሳ ኡንቱንቱ ናቁድኖን ኡቁኔድኖ። ዮርዳኖሳ ሻፋፕ ሄፍንላ አዋይ ዶልያ ባጋን፡ አሞራዋናቱ ካሰ ደኤዳ

ጋላኦይ ጋድያን ደኤዳ እስራኤልያ አሳ ኡባ ኡንቱንቱ ታማነ ሆሰፑን ላይላ ኡቁኔድኖ።

9 አሞና አሳቱ ቃይካ ይሁዳ፣ ቢንያማነ ኤፍሬማ ዘረላ አላናው ዮርዳኖሳ ሻፋ ፕኔድኖ፣ ያትና፣ እስራኤልያ አሳይ ሎይላ ኡንኤቱዳ።

10 ሄዋጥ ጉይያን እስራኤልያ አሳቱ፣ “ኔን ኔና ኑ መድና ጎዳ አጊደ፣ ባኣላ ኤቃቶ ጎይኒደ፣ ኔና ናቄደ” ያጊደ ጸሳው ዋሴድኖ።

11 መድና ጎዳይ ኡንቱንቱ፣ “ግብጾቱ፣ አሞራዋናቱ፣ አሞናዋቱ፣ ፕልሰጾማቱ፣

12 ሲደናቱ፣ አማሌቃቱነ ማኦናቱ ህንተንታ ኡቁንና፣ ታው ዋሴድታ፣ ታን ህንተንታ ኡንቱንቱ ኩሽያጥ አሻቢይክታ?

13 ሸን ህንተንቱ ታና አጊደ፣ ሀራ ጸሳቶ ጎይኔድታ። ሄዋ ድራው፣ ታን ህንተንታ ኡባካ አሸከ።

14 ቢደ ህንተንቱ ደሬዳ ጸሳቶ ዋሰተ። ህንተንቱ መቱዋ ዋድያን ኡንቱንቱ ህንተንታ አሸኖ” ያጊደ ዛሬዳ።

15 ሸን እስራኤልያ አሳይ ዛረሊደ መድና ጎዳ፣ “ኔን ናጋራ ኦሌድ። ነው ሎኦ ማላትያዋ ኑ ቦላ ኪተታ፣ ሸን ሀያና፣ ሀቼ ኑና አሻ” ያጊደ።

16 አላጋ ጸሳቱዋ ባረንቱ ግደጥ ድጊደ፣ መድና ጎዳው ጎይኔድኖ። እስራኤልያ አሳይ ቱጋቱዳዋ ጸሳይካ ሴለቱዳ።

17 ሄዋጥ ጉይያን፣ አሞናቱዋ ኦላንቻቱ ኦላው ጊጊደ፣ ጋላኦይን ሸቁድኖ፣ እስራኤልያ አሳይካ እትጥ ሸቁደ፣ ጋላኦይን ምጽጳ ግያ ሳን ሸቁደ።

18 ጋላኦይ ጋድያ አሳይነ ካፓቱ ባረንቱ ግደን፣ “አሞናቱዋ ኦላንቻቱዋና ኮይሮቲደ ኦላ ጋክታናዌ ኦኔ? ሄ ኡራይ ጋላኦይ ጋድያን ደኤያ አሳው ኡባው ካቸዋ ግዳናዋ” ያጊድኖ።

11

1 ጋላኦይያ ዮፍታሄ ሞኖ ኦላንቻ። አ አው ጋላኦይ፣ ሸን አ ዳያ ሻርሙጽያ ማጫ አሳ።

2 ጋላኦይ እኬዳ ማቻታካ አው አቱማ ናና የላዱ። ኡንቱንቱ ድጭ ጋኬዳ ዋደ፣ ባረንቱ አሻ ዮፍታሀ፣ “ኔን ሀራ ሞሽራት ናኣ ግዴዳ ድራው፣ ኑ አውዋ ቢታፔ አያነ ላታካ” ያጊደ ሰይፔ የደርሴድኖ።

3 ያትና፣ ዮፍታሄ ባረ አሻቱዋጥ ባቃቲደ፣ ጸባ ጌተትያ ጋድያን ደኤዳ። ያን እ ደኤሸን፣ አማራዳ ሹፋሮ አሳቱ አኮ ሸቁደ፣ አ ካሌድኖ።

4 አማራዳ ዋድያጥ ጉይያን፣ አሞናቱ እስራኤላቱዋና ኦለቱድኖ።

5 አሞናቱ እስራኤልያ አሳና ኦለቱዳ ዋደ፣ ጋላኦይ ጋድያ ጭማቱ ጸባ ጋድያጥ ዮፍታሀ ዛር አሀናው ቤድኖ።

6 ኡንቱንቱ አ፣ “ሃያ፣ አሞናቱዋ ኔን ኦላና ማላ፣ ያደ ኑው ጋደዋ ግዳ” ያጊድኖ።

7 ሄዋጥ ጉዮ ዮፍታሄ ጋላኦይ ጭማቱዋ፣ “ታና እጺደ፣ ታ አውዋ ጎልያጥ የደርሴዳዌ ህንተንታ ግድክቱ? ሀእ መቱዋን ገሊደ፣ ታኮ አያው ዬድቱ?” ያጊደ።

8 ሄዋጥ ጉዮ ጋላኦይ ጭማቱ አ፣ “ግደጥነ፣ ሀእ ኔን ኔኮ ሰሜደ፣ አያው ጎጥ፣ ኔን ኑና ኦላ ባደ፣ አሞናቱዋ ኑ ኦላና ማላነ ጋላኦይ

አሳ ኡባው ኔን ካቸዋ ግዳና ማላ፣ ኔን ኮዬቶ” ያጊድኖ።

9 ሄዋጥ ጉዮ ዮፍታሄ፣ “አሞናቱዋና ኦለታናው ህንተንቱ ታና ጉዮ ሶ ዛርና፣ መድና ጎዳይ ኡንቱንታ ታ ኩሽያን አሊደ አሞጥ፣ ታን ቱሙ ህንተንቱ ካቸዋ ግዳና” ያጊደ።

10 ጋላኦይ ጭማቱ ዮፍታሀ፣ “መድና ጎዳይ ኑ ግዲዋን ማርካ! ኔን ግያዋ ቱሙ ኔን አላና” ያጊደ ዛሬድኖ።

11 ያትና፣ ዮፍታሄ ጋላኦይ ጭማቱዋና ቤዳ፣ አ ባረንቱ ካቸዋን ጋደዋ ኦሌድኖ። ዮፍታሄ ምጽጳን መድና ጎዳ ሰንላን ሀ የውዋ ኡባ ሃሳዬዳ።

12 ሄዋጥ ጉይያን፣ ዮፍታሄ አሞናቱዋ ካትያኮ አሳ ኪቲደ፣ “ኔን ኑ ጋድያ ቦላን ዋራጃዳዌ አያ ጋሱዋኔ?” ያጊደ ኦሽሴዳ።

13 ዮፍታሄ ኪቲዳ አሳቶ አሞናቱዋ ጋድያ ካቲ ዛሬደ፣ “እስራኤልያ አሳይ ግብጾ ጋድያጥ ከሴዳ ዋደ፣ አርኖና ሻፋጥ ደሚደ፣ ያቦቃ ሻፋ ጋካናው፣ ቃይ ዮርዳኖሳ ሻፋ ጋካናው ደኤያ ታ ጋድያ አኬዳ። ሀእ ታ ጋድያ ሳሩዋን ዛርተ” ያጊደ።

14 ዮፍታሄ ላኤንሉዋ አሞናቱዋ ካትያኮ አሳ ኪቲዳ።

15 ሀዋዳን ያጊደ፣ “እስራኤልያ አሳይ ሞኣበ ጋድያ ዋይ አሞና ጋድያ አክቤና።

16 እስራኤልያ አሳይ ግብጾ ጋድያጥ ከሴዳ ዋደ፣ መላ ቢታ አድ ቢደ፣ ዞኦ አባ ጋኬዳ፣ ሄዋጥ ቃይ ቃዴሳ ግያ ሳኣ ዬዳ።

17 እስራኤልያ አሳይ ኤደማ ጋድያ ካትያኮ አሳ ኪቲደ፣ ሳ ቢታና ኑና አላርኪ” ያጊደ፣ ሸን ኤደማ ካቲ አፍናን እጾዳ። ሄዋዳንካ፣ ሞኣበ ካትያኮ ኪትና፣ አካ አፍናን እጾዳ። ያትና፣ እስራኤልያ አሳይ ቃዴሰን ጋምኤዳ።

18 “ሄዋጥ ጉይያን መላ ቢታና አዲደ፣ ኡንቱንቱ ኤደማነ ሞኣበ ቢታቱዋ ዩዪደ፣ ሞኣበ ጋድያጥ አዋይ ዶልያ ባጋና ዬድኖ፣ አርኖና ሻፋጥ ሄፍንላ ባጋና ደኤያ ሳኣን ዲንካኔድኖ፣ ሸን አርኖና ሻፋይ ሞኣበ ዛዋ ግዴዳ ድራው፣ ሞኣበ ባጋ ፕንቢይክኖ።

19 “ሄዋጥ ጉይያን፣ እስራኤልያ አሳይ ሃሰቦና ጌተትያ ካታማን ደኤያ አሞራዋናቱዋ ካትያ ሰሆናኮ አሳ ኪቲዳ ኡንቱንቱ፣ ሀያና፣ ነ ቢታና ኑና ኑ ጋድያ አላርኪ” ያጊድኖ።

20 ሸን ሰሆን እስራኤልያ አሳ አላናው አማንቤና። አ ባረ አሳ ኡባ ሺሺደ፣ ያሃጸ ግያ ሳን ዲንካኒደ፣ እስራኤልያ አሳና ኦለቱዳ።

21 መድና ጎዳይ እስራኤልያ ጸሳይ ሰሆናን አ አሳ ኡባ እስራኤልያ አሳ ኩሽያን አሊደ አሞና፣ ኡንቱንታ ጸኔድኖ፣ ያን ደኤዳ አሞራዋናቱዋ ቢታ ኡባ ላቱድኖ።

22 አርኖና ሻፋጥ ቢደ፣ ያቦቃ ሻፋ ጋካናሰነ መላ ቢታጥ ቢደ፣ ዮርዳኖሳ ሻፋ ጋካናው ደኤያ አሞራዋናቱዋ ጋድያ ኡባ ኦሞዲደ እኬድኖ።

23 “ሄዋዳን ኦሊደ፣ መድና ጎዳይ እስራኤልያ ጸሳይ ባረ አሳ እስራኤልያ ሰንላጥ አሞራዋቱዋ የደርሴደ ዳይሴዳ። ያትና፣ ኔን ነው አካናው ዋና ቆፓዲ?

24 ኔን ነ ጸሳይ ካሞሽ ነጩ እምያዋ አክኪ? ሄዋዳንካ፡ ኑን መድና ጎዳይ ኑ ጸሳይ ኑጩ እሚዳዋ ኡባ ላቲደ ደአና።

25 “ኔን ጸፖራ ናእ ሞአበ ካትያ ባላቃፕ ሞናይ? እ እሰራኤልያ አሳና ዋላቀቲደ ዋይ ኦለቲዳ።

26 “እሰራኤልያ አሳይ ሃሰቦና፡ አርኤራን ኡንቱንቱ ዩቩዋን ደእያ ካታማቱዋ ኡባ፡ ሄዋዳንካ፡ ቃይ አርኖና ሻፋ ጋጸን ደእያ ካታማቱዋ ኡባ ላቲደ፡ ሄዙ ጾቱ ላይላ ደኤድኖ። ያትና፡ ሄ ዋይ እያጩ ዋላ እክበይክቲ።

27 ታን ታ ባጋና ሀንተንታ እያን ናቃበይክ፤ ሸን ታና ኦላ ኦላደ ናቂያዌ ኔና። ፕርድያ መድና ጎዳይ ሀቼ እሰራኤልያ አሳፕነ አሞና አሳፕ ግዲዋን ፕርድ።” ያጌዳ።

28 ሸን ዮፍታሄ ኪቲዳ ኪታ አሞናቱዋ ካቲ ሰሰናን እጾዳ።

29 ሄ ዋይ መድና ጎዳይ እያናይ ዮፍታሄ ቦላ ዋድና፡ ጋላኣደነ ሞናሰ ቢታቱዋ ፕን ቢደ፡ ጋላኣደ ጋድያን ደእያ ሞጽጳ ሰሜዳ፤ ሄዋፕ ኦላንታቱዋ ካለሊደ፡ አሞናቱዋ ጋድያ ቤዳ።

30 መድና ጎዳ ሸቁዋ ሸቀቲደ፡ “ኔን አሞናቱዋ ታ ኩሸያን አሳደ እሞፕ፡

31 ኦላን ጸናደ ታን ሶ ሰሞያ ዋይ፡ ታና ሞካናዉ ታ ሶፕ ከሰያዌ እያን ግድና ኔሳ፤ ታን አ ነጩ ጸግያ ያርቩዋ ኡዳደ ሸሻና” ያጌዳ።

32 ሄዋፕ ጉይያን፡ ዮፍታሄ አሞናቱዋ ኦላናዉ ያ ባጋ ሃላ ፕኒደ ቤዳ፤ መድና ጎዳይ ኡንቱንታ አ ኩሸያን አሊደ እሚዳ።

33 አርኤራፕ ደሚደ፡ ቢደ ሚኒታን አቤል-ካራሚማ ማታ ጋካናዉ፡ ላታሙ ካታማቱዋ ኦለቲደ ባይዜዳ፤ ዳር አሳ ዋድ ወርሴዳ። ሄዋፕ ጉይያን፡ አሞናቱዋ እሰራኤላቶ ሞደቲድኖ።

ዮፍታሄ ናቶ

34 ዮፍታሄ ሞጽጳን ደእያ ባረ ሶ ሰሜዳ ዋይ፡ ኮይርታደ አ ናታ ካባሩዋ ኦይቃደ የጸደነ ዱራደ አ ሞካናዉ ከሳዱ። አዉ አፕ ሀራ ናእ ባዋ።

35 እ እዙ በኤዳ ዋይ፡ ካዩዋን ባረ ማዩዋ ፔዲደ፡ “ሀይ ፖራ ታ ናተ! ታና ካዉሻ ድጋዳ፤ ታና ጋክያ መቶ ኔን ጋሶ ግዳዳ። እያዉ ጎፕ፡ ታን መድና ጎዳዉ ሸቀታ ኡታድ፤ ሄዋ ሸቁዋ ጋፍናን አጋናዉ ዳንዳይከ!” ያጌዳ።

36 ሄዋፕ ጉዮ ናታ፡ “ታ አዎ፡ ኔን መድና ጎዳው ሸቀቲዳዋ ግደፕ፡ መድና ጎዳይ ነ ሞርከቱዋ፡ አሞናቱዋ ቦላ ነ ሀሉዋ ከሴዳ ድራዉ፡ ኔን ሸቀቲዳዋ ታ ቦላ ፖላ” ያጋዱ።

37 ቃይካ አ ባረ አዉዋ፡ “ታዉ እትባ ኦላርኪ። ታን ሙላ አሰና ገለናን አትያ ድራዉ፡ ታ ላገላቱዋ ባደ ደረቱዋ ቦላ ታ ዋደርተላዉ ዩካና ማላ፡ ላኡ አግናዉ ታና የዳርኪ” ያጋደ አቻዳ።

38 እ፡ “ባ” ያጌደ፡ ላኡ አግናዉ የዳዳ፤ እዛ ባረ ላገላቱዋና ደርያ ሁጺያ ከሳደ ባረ ዋደርተላዉ ኡንቱንቱና ዩካዳ።

39-40 ላኡ አግናፕ ጉይያን፡ ባረ አዉዋኮ ሰማደ ያዱ፤ ጸሳዉ ባረ ሸቀቲዳ ሸቁዋ ጋዱዳ። እዛ ኡባካ አቱማ አሳን ጋከተናን አታዳ።

ሄ ዋድያፕ ደሚደ፡ እሰራኤላቱ ማጫ ናናይ ላይላን ላይላን ኦይዱ ጋላሳ ባረንቱ ሶፕ ሃክ ቢደ፡ ጋላኣድያ ዮፍታሄ ናትዉ ዩክያዌን ካዮትያዌ ሜዘ ግዳዳ።

12

ዮፍታሀን ኤፍሬማ አሳ

1 ኤፍሬማ አሳይ ኦላ ባናዉ ጸገቲደ፡ ዮርዳኖሳ ሻፋ ፕኒደ፡ ጸፎና ጌተትያ ካታማ ጋኬዳ ዋይ፡ ዮፍታሀ፡ “አሞናቱዋ ኦላናዉ ዛዋ ፕናደ ባደ፡ ኔናና ባናዳን እያዉ ኔና ጸሳበይኪ? ኑንካ ነ ጎልያ ነ ቦላ ታማን ጸጋና” ያጌድኖ።

2 ሄዋፕ ጉዮ ዮፍታሄ ኡንቱንታ፤ “ታንነ ታ አሳይ አሞናቱዋና ሎይላ ዋፍቲዳ ዋይ፡ ታን ሀንተንታ ጸሳድ፤ ሸን ሀንተንቱ ታና ኡንቱቱፕ አሸበይክታ።

3 ሀንተንቱ ታና አሸናዋ በኤዳ ዋይ፡ ዛዋ ፕናደ ታ ሸምፖ ቃረተናን አሞናቱዋ ኦላናዉ ባድ፤ መድና ጎዳይ ኡንቱንታ ታ ኩሸያን አሊደ እሚዳ። ያትና፡ ሀንተንቱ ሀቼ እያዉ ታና ኦላናዉ ዩድቲ።” ያጌዳ።

4 ሄዋፕ ጉይያን፡ ዮፍታሄ ጋላኣደ አሳ ኡባ ሸሸደ፡ ኤፍሬማ አሳና ኦለቲዳ፤ ጋላኣደ አሳቱ ጸኔድኖ። እያዉ ጎፕ፡ ኤፍሬማ አሳይ ካሰ ኡንቱንታ፡ “ሀንተንቱ ጋላኣደን ደእያ አሳቱ ካሰ ኤፍሬማ ዛራቱዋፕነ ሞናሰ ዛራቱዋፕ በቲደ ዩዳዋንታፕ አትና፡ ሀራቱዋ ግድክታ” ያግ ዋዱዳ።

5 ኤፍሬማ አሳይ ባቃተናዳን፡ ዮርዳኖሳ ሻፋ ፕኩዋ ኡባ ጋላኣደቱ ኦይቁድኖ፤ ባቃተናዉ ኮይያ ኤፍሬማ አሳይ ኦንነ ፕናናዉ ኦቻያ ዋይ ጋላኣደቱ፡ “ኔን ኤፍሬማ አሴ?” ያጌደ ኦቻና፡ “ግድከ” ጎፕ።

6 “አነ፡ ‘ሸቦለቱዋ’ ጋ” ያጌድ። ሸን እ፡ “ሸ” ግያ ፕደልያ ሎይላ ጸጋናዉ ዳንዳየና ድራዉ፡ “ሰቦለቱዋ” ያጌ። ሄ ዋይ ኦይቁድ፡ ዮርዳኖሳ ሻፋ ፕንያሳን ዋዲኖ። ሄ ዋይ ያን ኤፍሬማ አሳፕ ኦይታማን ላኡ ሻእ አሳይ ሀይቁዳ።

7 ዮፍታሄ እሰራኤልያ አሳ ቦላን ዳናቲደ፡ ኡሱቱን ላይላ ፕርዳዳ። ሄዋፕ ጉይያን፡ ጋላኣድያ ዮፍታሄ ሀይቁዳ፤ ጋላኣደን ደእያ ባረ ካታማን ሞገቲዳ።

እብጻና

8 ዮፍታሄፕ ካሊደ፡ ቤተሌመ እብጻን እሰራኤልያ አሳ ቦላ ፕርድያ ዳና ግዳዳ።

9 እብጻናዉ ሀታሙ አቱማዋ ናናይን ሀታሙ ማጫ ናናይ ደኢኖ፤ እ ባረ ማጫ ናና ባረ ያራ ግደና አቱማ ናናቶ እሚዳ፤ ባረ አቱማ ናናቶካ ባረ ያራ ግደና ማጫ ናና ገግሲደ እሄዳ። እብጻን እሰራኤልያ ቦላ ላቸን ላይላ ዳናቲደ ፕርዳዳ።

10 ሄዋፕ ጉይያን ሀይቁድ፡ ቤተሌመ ካታማን ሞገቲዳ።

ኤሎና

11 እብጻናፕ ካሊደ፡ ዛብሎንያ ኤሎን እሰራኤልያ አሳ ቦላ ዳናቲደ፡ ታሙ ላይላ ፕርዳዳ።

12 ሄዋጥ ጉይያን ሀይቁዳ፤ ዛብሎና ጋድያን ደእያ አያሎና ካታማን ሞገቱዳ።

አብደና

13 ኤሎናጥ ካሊደ፣ ህሌላ ናእይ አብደን፣ ፕርአቶና ግያ ሳን ደኤዳዌ፣ እስራኤልያ ቦላ ፕርድያ ዳና ግዴዳ።

14 አብደናው ላፑን ታሙ ሀረቱዋ ቶግያ ኦይታሙ አቱማ ናናይን ሀታሙ ናናቱዋ ናናይ ደእኖ፤ አብደን እስራኤልያ አሳ ቦላ ዳናቲደ፣ ሆሰፑን ላይሳ ፕርዴዳ።

15 ሄዋጥ ጉይያን፣ ህሌላ ናእይ አብደን ሀይቁዳ፤ አማሌቃቱዋ ገዝያን ኤፍራማ ጋድያን ደእያ ፕርአቶናን ሞገቱዳ።

13

ሳምሶን የለቲዳ

1 እስራኤልያ አሳይ መድና ጎዳ ሰንላን ቃይካ ኢታባ ኦሌዳ። ያትና፣ መድና ጎዳይ ኤንቱንታ ኦይታሙ ላይሳው ፕልሰጾማ አሳ ኩሽያን አሊደ እሚዳ።

2 ሄ ዋደ ጸርአ ጌተትያ ካታማን ማኑሀ ጌተትያ እት ብታኒ ደኤ። አ ዳና ዛረ፤ አ ማቻታ ማንላቶ ግዴዳ ድራው፣ ናእ የላባይኩ።

3 እት ጋላሰ መድና ጎዳ ኪታንቻይ ሄ ማቻትው ቤቲደ፣ ሀዋዳን ያጌዳ፤ “በአ፣ ኔን ናእ የላቤና ማንላቶ፤ ሽን ነው የሉ አታናዋ፤ ኔን አቱማ ናእ የላና።

4 ሄዋ ድራው፣ ዋይንያ ኤሳ ዋይ ማሶይያ ኡሻ ኡሽናዳንን ቱናባ አያን ሜናዳን ናገታ።

5 ነው የሉ አትና፣ ኔን አቱማ ናእ የላና። ናእይ የለትያ ዋድያጥ ደሚደ፣ ጸሳው ዲማቲዳ ናዝራዌ ግድያ ድራው፣ አ ብናና ኡባካ ሜዶጋ። እ እስራኤልያ ፕልሰጾማ አሳ ኩሽያጥ አሻናው ደማና” ያጌዳ።

6 ሄዋጥ ጉይያን ሞሽራታ ባደ፣ ባረ አሰናው ሀዋዳን ያጋደ እዳዳ፤ “ጸሳ አሳ እቱ ታኮ ዬዳ፤ አው ማላይካ ጸሳ ኪታንቻ ማላ ማላ ሎይሳ ያሽያዋ። እ ሀቃጥ ዬደንቶካ ታን አ ኦቻባይከ፤ እካ ባረ ሱንሳ ታው ኦድቤና።

7 ሽን እ ታና፣ ናው የሉ አትና፣ ኔን አቱማ ናእ የላና። ናእይ የለቶደጥ ደሚደ ሀይቃና ጋካናው፣ ጸሳው ዲማቲዳ ናዝራዌ ግድያ ድራው፣ ዋይንያ ኤሳ ዋይ ማሶይያ ኡሻ ኡሽጋ፤ አያን ቱኔዳባ ሞጋ” ያጌዳ። ያጋደ ኦዳዳ።

8 ሄዋጥ ጉይያን ማኑሄ፣ “አቤት መድና ጎዳው፣ ናእይ የለትያ ዋደ አያ ኦላናው ኮሽንቶ ኤርሳና ማላ፣ ኔን ካሰና ኪቲዳ ጸሳ አሳይ ኑኮ ሰሚደ ያናዳን ኦላርኪ” ያጌደ ጸሳ ዋሴዳ።

9 መድና ጎዳይ ማኑሄ ዋሳ ሰሴዳ። ማጫ ሞሽራታ ጋደን ኡታ ደእሽን ላኤንሉዋ ዬዳ፤ ሽን ሄ ዋደ እ አሰናይ ማኑሄ እዝና ደኤና።

10 ማጫ ሞሽራታ ኤላካ ባረ አሰናኮ ባደ፣ “በአ፣ እን ጋላሰ ታኮ ዬዳ ብታኒ ሀቻካ ሀዋን ደኤ” ያጋዳ።

11 ሄዋጥ ጉይ ማኑሄ ኡቲዳ ሳጥ ደንዲደ፣ ባረ ማቻቶ ካሊደ ቤዳ፤ ጋኪደ፣ ብታንያ፣ “እን ታ ማቻትና ሃሳዬዳዌ ኔኔ?” ያጌደ ኦቼዳ።

ብታኒ፣ “ኤ ታና” ያጌዳ።

12 ሄዋጥ ጉይ ማኑሄ፣ “ኔን ኦዳዳ ቃላይ ፖለትያ ዋደ፣ የለታና ናእ ደኤን ኦሶ ዋጋይ አይ?” ያጌደ አ ኦቼዳ።

13 ሄዋ ድራው መድና ጎዳ ኪታንቻይ፣ “ና ማቻታ ታን ኦዳዳ ኡባባጥ ናገቱ።

14 ዋይንያ ቱራጥ ከሰያባ አያን ሙፑ፤ ዋይንያ ኤሳ ዋይ ማሶይያ ኡሻ ኡሽፑ፤ አያን ቱኔዳባ ሙፑ። ታን እዞ አዘዜዳዋ ኡባ ፖሎ” ያጌደ ዛሬዳ።

15 ማኑሄ ቃይ መድና ጎዳ ኪታንቻ፣ “ኑን ነው እት ያላጋ ዳሻ ሹኪደ ገግሳናው፣ ሀያና ታካርኪ” ያጌዳ።

16 መድና ጎዳ ኪታንቻይ ዛሬደ፣ “ታን ታክንቶካ፣ ነ ቁማ ሚከ። ሽን ኔን ጸግያ ያርሹዋ ገግሳና ኮዮፕ፣ መድና ጎዳው ያርሻናው ዳንዳያሳ” ያጌዳ። አ መድና ጎዳ ኪታንቻ ግድያዋ ማኑሄ ኤርቤና።

17 ማኑሄ ቃይካ ጸሳ ኪታንቻ፣ “ኔን ኦዳዳ ቃላይ ፖለትያ ዋደ፣ ኑን ኔና ቦንቻና ማላ፣ ነ ሱንሳይ ኦኔ?” ያጌዳ።

18 ጸሳ ኪታንቻይ አ፣ “ታ ሱንሳይ ማላልሰያዋ ግድያ ድራው፣ ኔን ታ ሱንሳ አያው ኦቻይ?” ያጌደ ዛሬዳ።

19 ሄዋጥ ጉይ ማኑሄ ሄ ዳሻን አ ካሳ ያርሹዋ አኪደ፣ ዛላ ቦላ መድና ጎዳው ያርሹዳ። ማኑሄን አ ማቻታ ጸልሽን፣ መድና ጎዳይ ማላልሰያባ ኦሌዳ።

20 ያርሹዋ ያርሽያ ሳጥ ታማ ላጩ ፑደ ፖሎላትሽን፣ መድና ጎዳ ኪታንቻይ ታማ ላጩዋ ግዳዋና ሳሉዋ ከሴዳ። ማኑሄን አ ማቻታ ሄዋ በኢደ፣ ዳሙዋ ሳኦ ጋሊደ ጉፋኔድና።

21 መድና ጎዳ ኪታንቻይ ማኑሄውን አ ማቻትው ላኤንሉዋ ቤተናን አግና፣ አ መድና ጎዳ ኪታንቻ ግዴዳዋ ማኑሄ ሄ ዋደ አኬኬዳ።

22 ማኑሄ ባረ ማቻቶ፣ “ኑን ጸሳ በኤዳ ድራው፣ ኔን ሀይቁያዌ ጌሻ” ያጌዳ።

23 ሽን አ ዛሬደ፣ “መድና ጎዳይ ኑና ዋቋናው ኮዬዳዋ ግድንቶ፣ ጸግያ ያርሹዋን ካሳ ያርሹዋ ኑ ኩሽያጥ አከና፣ ዋይ ሄ ኡባባ ኑና በሰና፣ ዋይ ሀዋ ኑ ኦደና” ያጋዳ።

24 ማጫ ሞሽራታ አቱማ ናእ የላደ ሳምሶና ጋደ ሱንሳዳ። ናእይካ ድጩዳ፤ መድና ጎዳይካ አ አንጄዳ።

25 ናእይ ጸርአጥን ኤሽታኦላጥ ግዳዋን ደእያ ዳና ሞላን ደእሽን፣ መድና ጎዳ አያናይ አ ደንፍሉዋ ደሜዳ።

14

ሳምሶን ማቻቶ አኬዳ

1 እት ጋላሰ ሳምሶን ትምና ግያ ሳኦ ዋዴዳ፤ ያን እት ፕልሰጾማ ዋድራቶ በኤዳ።

2 ሶይ ሰሚደ ባረ አውዋን ባረ ዳዮ፣ “ታን ትምናን እት ፕልሰጾማ ዋድራቶ በኦድ፤ ሀአ እዞ ታው ኦቼደ እምተ” ያጌዳ።

13:5 ገይ. 6:1-5

3 ሸን አ ደብካ አታ አ፡ “ማቻቶ አቻናው ሀ ቃጸረትቤና ፕልሰጾማቱዋኮ ባናው ኔና አያው ኮሼዴ? ኑ ዳባቱ ግደን ዎይ ኑ አሳ ኡባ ግደን ነው ሀንያ እት ማጫ ናኦ ደማናው ዳንዳያበይኪ?” ያጊደ ኦቼድኖ።

ሸን ሳምሶን ባረ አውዋ፡ “ታው እዛ ሎእያ ድራው፡ እዘ ጊግሳደ ታው እማ” ያጊደ።

4 ፕልሰጾማቱዋ አላናው መድና ጎዳይ ጋሱዋ ኮዪደ፡ ሀዋ ኡንቱንቱ ቦላ አልያዋ ሳምሶና አውን አታ ኤርበይክና። ሄ ዎደ ፕልሰጾማቱ እሰራኤልያ አሳ ዋዲኖ።

5 ሄዋፕ ጉይያን፡ ሳምሶን ባረ አውዋናን ባረ አትና ትምና ዎዴዳ። ያን ዎይንያ ቱራ ግዲዋና እ አዲደ ቢሸን፡ እት ዎዳላ ጋሙ ጉዲደ አ ቦላ ከሴዳ።

6 መድና ጎዳ አያናይ ሳምሶና ቦላን ዎልቃፕ ዎዴዳ፤ ዳሻ ማራ ዲሰረሰያዋዳን፡ ባረ ኩሸያን እያን ኦይቀናን ጋሙዋ ዲሰረሰ የጌዳ። ሄ ባረ ኦሌዳዋ ባረ አዋን ባረ አትው አድቤና።

7 ሄዋፕ ጉይያን ቢደ፡ ዎድራቶ ሃሳይሴዳ፤ እዛ አው ሎኦዳ።

8 ጉላ ዎድያፕ ጉይያን፡ እዘ ቡላቻናው ያ ሰሚደ ቤዳ፤ ባረ ዎዴዳ ጋሙዋ በአናው አግያፕ ሸርእ ጊደ ብያ ዎድ፡ ጋሙዋ አሃ ግደን ማላይ ኤሳ ኤሴዳዋ በኤዳ።

9 ኤሳፕ አማራዳዋ ካሽ አኪደ፡ አግያን ሚደ ቤዳ። ባረ አውዋኮን ባረ ዳይኮ ጋኪደ፡ ባረ ኦይቄዳ ኤሳፕ አማራዳዋ እምና፡ ኡንቱንቱካ ሚድኖ፤ ሸን ሳምሶን ሄ ኤሳ ጋሙዋ አሃ ግደፕ አኬዳዋ ኡንቱንቶ አድቤና።

10 አ አው ሞሽራት ሶ ቢና፡ ሳምሶን ያን ባላ ጊግሴዳ። ሄዋ ማላ ግብራይ ቡላቻው ካሰፕካ አልያ ዎጋ።

11 ሄ አሳይ አ በኤዳ ዎድ፡ አናና ጋምአናዳን ሀታሙ ዎዳላ ናና ድሬዳ።

12 ሳምሶን ኡንቱንታ፡ “አነ ሀንተንታ ኤርንቶን እት ቃንእሸያ ታን ሀንተንታ ቃንእሻይ፤ ቡላቻ ባላይ ቦንቼትያ ላፑን ጋላሳ ግዲዋን ሀ ቃንእሸያ ብርሸላ ታው ሀንተንቱ ኦድያዋ ግደፕ፡ ታን ሀንተው ሀታሙ ሱፍያ ቃምሸቱዋን ሀታሙ ኩሙንላ ማዮቱዋ እማና።

13 ሸን ሀንተንቱ ታው ብርሸላ አዳናው ዳንዳያና ቆዮፕ፡ ሀንተንቱ ታው ሀታሙ ሱፍያ ቃምሸቱዋን ሀታሙ ኩሙንላ ማዮቱዋ እሚታ” ያጊደ።

ሄዋፕ ጉየ ኡንቱንቱ፡ “ኤኖ፡ ነ ቃንእሸያ አነ ኑ ኦዳ” ያጊደኖ።

14 እ ኡንቱንታ፡ “ምያዋፕ ምያባይ ቤቱዳ፤ ሞኑዋ ግደፕ ማልእያባይ ከሴዳ” ያጊደ።

ሄዘንሉ ጋላሰ ጋካናው ኡንቱንቱ ቃንእሸያ ብርሸላ እማናው ዳንዳይበይክና።

15 ኦይደንሉ ጋላሰ ኡንቱንቱ ሳምሶና ማቻቶ፡ “አነ ነ አሰና ጭማደ ቃንእሸያ ብርሸላ እ ኑው ኦዳናዳን ኦላ። ሄዌ ቆዮፕ፡ ኑን ኔናን ነ አውዋ ጎልያ ታማን ጸጋና። ሀንተንቱ ኑና ጸሴዳዌ ኑና ማንቀላናሴ?” ያጊደኖ።

16 ያትና፡ ሳምሶና ማቻታ ዩካደ አኮ ሸቃደ፡ “ኔን ታና ሲቃካ! ኔን ታና ሎይላ እጸሳ! አያው

ጎፕ፡ ኔን ታ ጋድያ አሳ ቃንእሸያ ቃንእሻደ፡ አ ብርሸላ ታው ኦዳበይካ” ያጊደ።

ሄዋፕ ጉየ እ ዛሪደ፡ “በእ፡ ሀዋ ታን ታ አዋካ ታ አትውካ ኦዳበይክ። ያትና፡ ነው አያው ኦዳ?” ያጊደ።

17 ሄዋፕ ጉየ ቡላቻ ባላይ ቦንቼትያ ላፑን ጋላሳ ኡባን ዩካደ ሸምቼዋ ድግና፡ ላፑንላ ጋላሰ ቃንእሸያ ብርሸላ አዘው ኦዳዳ። አካ ባደ ባረ ጋደ አሳው ኦዳዳ።

18 ያትና፡ ላፑንላ ጋላሰ አዋይ ወላናፕ ካሰ ካታማ አሳቱ ባረ ዛረዋ አኪደ ዪደ፡ ሳምሶና፡ “ኤሳፕ አዲደ ማልእያባይ አይ?”

ጋሙዋፕ አዲደ ምንያባይ አይ?” ያጊደኖ።

ሄዋፕ ጉየ ሳምሶን ኡንቱንታ፡ “ሀንተንቱ ታ ኡሳትን ጎሽናባ ግድንቶ፡

ታ ቃንእሸያ ብርሸላ ኤርክታ ሸን” ያጊደ።

19 ሄዋፕ ጉይያን፡ መድና ጎዳ አያናይ አ ቦላን ዎልቃፕ ዎድና፡ አሰቃሎና ካታማ ዎዴደ፡ ሀታሙ አሳቱዋ ዎዴዳ፤ ኡንቱንቱ ማዮዋ ቃር አኪደ፡ ቃንእሸያ ብሊደ አሳቶ አሂደ እሜዳ። ሀኔዳባን ኡባን ሀንቁዋ ኤጸተደ፡ ባረ አውዋ ሶ ሰሚደ ቤዳ።

20 ሳምሶና ማቻታ አ ላግያው፡ አ ዋና ሚዘያው እመታዳ።

15

1 ጉላ ታክሸን፡ ዛርጋ ጫክያ ዎድ፡ ሳምሶን ባረ ማቻቶ በአናው እት አንቃራ ዳሻ አኪደ ቤዳ፤ እ አውዋ፡ “ታን ታ ማቻታ ደእያ ክፍልያ ገላናው ኮያድ” ያጊደ።

ሸን እ ገላናዳን፡ እዘ አው ድጌዳ።

2 እዘ አው ሳምሶና፡ “ኔን እዘ ኡባ እጾዳዋ ማላትና፡ ነ ሚዘያው እማድ። ሸን እ ቱፋ ሞቻታ ኢፕካ እቆ ሎእ፤ እዘ ድራው እዘ አካ” ያጊደ።

3 ሄዋፕ ጉየ ሳምሶን ኡንቱንቶ፡ “ሀእ ሰም ፕልሰጾማ ጋድያ አሳ ቦላ ታን ኢታባ አሉፕ፡ ባይዘንቻ ግድከ” ያጊደ።

4 ቢደ፡ ሄዘ ጾቱ ዎራካናቱዋ ኦይቄደ ላኡዋ ላኡዋ ዲፍያ እትፕ ጋሊደ፡ ዲሬቱዋፕ ግዲዋን ዪጨቱዳ ጸምፕያ ዎሊደ ቃቼዳ።

5 ሄዋፕ ጉይያን፡ ቃሸቱዳ ጸምፕያን ታማ ኦይሊደ፡ ብር ጫክትቤና ፕልሰጾማ አሳ ካላ ግደ ዎራካናቱዋ የዳዳ፤ ጫክቱዳ ካላ፡ ኤቁዋን ደእያ ካላ፡ ዎይንያ ቱራቱዋን ዎጋራ ጸጌዳ።

6 ፕልሰጾማቱ፡ “ሀዋ ኦሌዳዌ ኦኔ?” ያጊደ ኦቼድኖ።

ሸን አሳይ፡ “ሳምሶን ኦሌዳ፤ አያው ጎፕ፡ ትምና አሳ ግድያ አ ቦሎ፡ አ ማቻቶ አ ሚዘያው እሜዳ ድራሳ” ያጊደ። ፕልሰጾማቱ ቢደ፡ አውን እ አውዋ ታማን ጸጌድኖ።

7 ሳምሶን ኡንቱንቶ፡ “ሀንተንቱ ሄዋ ኦሌዳ ድራው፡ ሀሉዋ ከሰናን አግከ” ያጊደ።

8 ኡንቱንታ ዎልቃማ ሸቻ ሸጪደ፡ ዳርቱዋ ዎዴዳ። ሄዋፕ ጉይያን ቢደ፡ ኤጸማ ጌተትያ ኮሸያን ደእያ ዛላ ጎንጎሉዋ ግደን ጋምኤዳ።

ሳምሶን ፕልሰጾማቱዋ ጸኔዳ

9 ሄዋፕ ጉይያን፡ ፕልሰጾማ አሳይ ዪደ፡ ይሁዳን ዲንካኒደ ሌሀ ጌተትያ ካታማ ኦሌዳ።

10 ይሁዳ አሳይ አንቱንታ፡ “አያው ኑና አላናው ዬድቱ?” ያጊደ ኦቼዳ።

ሽን አንቱንቱ፡ “ኑን ሳምሶና ኦይክ ቃቻናውን እ ኑ ቦላ ኦሌዳዋዳን እ ቦላ አላናው ዬድ” ያጊደ ዛሬድኖ።

11 ያትና፡ ይሁዳጥ ሄዙ ሻእ አሳቱ ኤጸማ ጌተትያ ሳእን ደእያ ዛላ ጎንጎሎዋ ቢደ ሳምሶና፡ “ኑና ሞድያዋንቱ ፕልሰጾማ አሳቱዋ ግድያዋ ኤርኪየ? ያትና፡ ኑ ቦላ ሀዋ እያ ኢታባ ኦላይ?” ያጊድኖ።

ሄዋጥ ጉየ እ ዛሬድ፡ “አንቱንቱ ታ ቦላ ኦሌዳዋዳን፡ ታንካ አንቱንቱ ቦላ ኦላድ” ያጊዳ።

12 አንቱንቱካ ዛሬላድ፡ “ኑን ሀዋ ዬዳዌ ኔና ቃቼድ፡ ፕልሰጾማቶ አሊደ እማናሳ” ያጊድኖ።

ሳምሶን አንቱንታ፡ “ህንተንቱ ህንተንቱ ሁጲያው ታና ዋግናዳን ጫቁተ” ያጊዳ።

13 አንቱንቱ፡ “ኤኖ፡ ኑን ኔና ቃቼድ፡ አንቱንቶ አሊደ እማናጥ አትና፡ ዋጶኮ” ያጊደ እው ዛሬድኖ። ሄዋጥ ጉይያን፡ ላኤ ኑራሳ ዋድሩዋን ቃቼድ፡ ዛላ ጎንጎሎዋጥ ከሲደ አፊድኖ።

14 ሳምሶን ሌሀ ቤዳ ዋድ፡ ፕልሰጾማ አሳቱ ናሽቻን ዋሲድ፡ እናና ጋከታናው ዬድኖ። መድና ጎዳ እያናይ እ ቦላ ዋልቃጥ ዋዴዳ፤ እ ኩሽያ ቃቶ ዋሌዳ ዋድሩዋ፡ ሻሉ ታማ በኢደ ዱጽያዋዳን፡ ዱሰረሐ የጌዳ።

15 ያቲደ ማታ ዋደ ሀይቄዳ እት ሀርያ ጎጎጩዋ ደም አኪድ፡ እን ሻእ አሳ ዋዴዳ።

16 ሳምሶን ሀዋዳን ያጊዳ፤ “ሀርያ ጎጎጩዋን፡

ታን አሃ ቦላን አሃ ዶራድ። ሀርያ ጎጎጩዋን ሻእ አሳ ዋዳድ” ያጊዳ።

17 ሃሳይያዋ ወርሴዳዋጥ ጉይያን፡ ባረ ኦይቄዳ ጎጎጩዋ ኩሽያጥ ኦሊደ ሄ ሳኦ ራማት-ሌሀ* ያጊደ ሱንሌዳ።

18 ሄዋጥ ጉይያን፡ ሳምሶን ሎይሐ ሳመቲድ፡ መድና ጎዳው ዋሲድ፡ “ኔን ሀዋ ማላ ዋልቃማ ጸኑዋ ታው ነ ቆማው እማዳ። ያትና፡ ታን ሀእ ሳሙዋን ሀይቆ? ቃይ ሀ ቃጸረትቤናዋንቱ ኩሽያን ኩንዶ?” ያጊደ ዋሲዳ።

19 ያግና ጸሳይ ሌሀን ደእያ ጋድያ ጸልቄና፡ አጥ ሃላይ ከሴዳ። ሳምሶን ሄ ሃላጥ ኡሺደ አሌዳ ድራው፡ አው ሸምቱ ሰሜዳ። ያትና፡ ሄ ሳኦ እይን-ሀቆረ፣ ያጊደ ሱንሌዳ። ሄዋ ሀቼ ጋካናው ሌሀን ደኤ።

20 ፕልሰጾማ አሳይ ጋድያ ሞዴዳ ዋድ፡ ሳምሶን እሰራኤላን ላታሙ ላይላው ፕርድያ ዳና ግዴዳ።

16

ሳምሶን ጋዛን አሌዳባ

1 እት ጋላሰ ሳምሶን ጋዛ ጌተትያ ፕልሰጾማቱዋ ካታማ ቤዳ፤ ያን እት ሻርሙጸ ሞሽራቶ በኢድ፡ እዝና አቃናው እ ጎልያ ገሌዳ።

2 ጋዛ ካታማን ደእያ አሳይ ሳምሶን አንቱንቱ ካታማ ዬዳዋ ሰሲድ፡ ካታማ ዩይ አዲድ፡ ቃማ ኡባ ካታማ ጥንግያ ናጊደ አቄዳ፤ “ሳኦይ

ዋንታናው ናጊደ፡ ኑን አ ዋዳና” ያጊደ ቃማ ኡባ ጮኤ ጌድኖ።

3 ሽን ሳምሶን ያን ግሴዳዌ ብላሄ ጋካናው ጸላላ። ብላሄ ደንዲድ፡ ካታማ ድርሳ ጥንግያ ኦይኪድ፡ ሳንቃ፡ ጉባንያ፡ ማቃንያን ጎርድያ ሽካላቱዋ ሾዴዳ። ሄ ኡባካ ሀሽያን ቶኪድ፡ ከብርናጥ ሰንሳ ባጋና ደእያ ደርያ ሁጲያ ከሴዳ።

ሳምሶን ዳሊሎ

4 ሄዋጥ ጉይያን፡ ሳምሶን ሶሬቃ ግያ ዛንጋራን ደእያ እት ዳሊሎ ግያ ሞሽራቶ ሲቄዳ።

5 ያትና፡ ፕልሰጾማቱዋ ካገቱ እኮ ዩድ፡ “ኔን አ ጮማድ፡ ሄ ዋልቃ ኡባ እያጥ እ ደሜደንቶን ቃይ ኑን አ ዋት ጸኒደ ቃቻናው ዳንዳይንቶ ኦቻ። እቱ እቱ ኑን ነው እት ሻእ እት ጾቱ ጸጋራ ብራ እማና” ያጊድኖ።

6 ዳሊላ ሳምሶና፡ “ሀዋ ኬሻ ዋልቃ ኔን ሀቃጥ ደማድንቶ፡ ሀያና ታው ኦዳርኪ! እት አሳይ ኔና ቃቼድ፡ ዋቲደ ነ ዋልቃ ዳቡርሳናው ዳንዳይ?” ያጋዴ።

7 ሳምሶን፡ “ታና ላፑን እርጸ ዳፎቱዋን አሳይ ቃቻጥ፡ ዳቡራድ፡ ሀራ አሳዳን ሀናና” ያጊደ ዛሬድ።

8 ሄዋጥ ጉይያን፡ ፕልሰጾማቱዋ ካገቱ ዳሊላው ላፑን እርጸ ዳፎቱዋ አሀና አ ሳምሶና ቃቻዳ።

9 ባረ ቆልኦን አሳ ቆሳ ዋላድ፡ “ሳምሶና፡ ፕልሰጾማቱ ይክቼድኖ” ጋደ ጸሳዳ። ሽን ሻሉ ታማይ ኦይቄና ዱጸረትያዋዳን፡ ዳፎቱዋ ዱሰረሐ የጌዳ። ያትና፡ እ ዋን ዋልቃሚንቶ ጸራይ ኤረትቤና።

10 ያትና፡ ዳሊላ ሳምሶና፡ “ሄኮ ኔን ታናን ካአሳ፤ ኔን ታው ዋርዲዋ ኦዳዳ። ሀእካ ኔን ቃሽታናዌ አያንቶ፡ ሀያና ታው ኦዳርኪ!” ያጋዴ።

11 እ እዘ፡ “አሳይ ጎኤትቤና ኦራሳ ዋድሩዋን ታና ቃቻጥ፡ ዳቡራድ፡ ሀራ አሳዳን ሀናና” ያጊዳ።

12 ዳሊላ ኦራሳ ዋድሩዋ አካድ፡ ሳምሶና ቃቻዳ። ቃይካ ባረ ቆልኦን አሳ ቆሳ ዋላድ፡ “ሳምሶና፡ ፕልሰጾማቱ ይክቼድኖ” ያጋዴ። ሽን እ ዋድሩዋ ቀሰያጥ ሻሉዋዳን ዱሰረሐ የጌዳ።

13 ያትና፡ ዳሊላ ሳምሶና፡ “ሀእ ጋካናው ኔን ታናን ካአዳ፤ ኔን ታው ዋርዲዋ ኦዳዳ። ሀእካ ኔን ቃሽታናዌ አያንቶ ሀያና ታው ኦዳርኪ!” ያጋዴ።

ሄዋጥ ጉየ እ እዘ፡ “ታ ሁጲያ ላፑን ዳላ ብናና ቃጭናና ጋላድ፡ ሀርባን ዋላካድ፡ ሙኩካ ጸንጋ ጸንጋደ ዳዶጥ፡ ታን ዳቡራድ፡ ሀራ አሳዳን ሀናና” ያጊዳ።

14 ሄዋጥ ጉይያን፡ ሳምሶን ገምእሽሽን፡ ዳሊላ እ ሁጲያ ላፑን ዳላ ብናናና ቃጭናና ጋላ ዋላካድ ዳዳዳ። ሄዋጥ ጉይያን፡ “ሳምሶና፡ ፕልሰጾማቱ ይክቼድኖ” ያጋዴ። ሄዋጥ ጉየ እ ገምእሹዋጥ ቤጎቲድ፡ ባረ ብናና ዳዶቲዳ ማዩዋጥን ሀርባጥ ሾድ አኬዳ።

* 15:17 ራማት-ሌሀ- ሀ ሰንሳ ብላላይ እብራዌቱዋን፡ “ጎጎጩዋ ደርያ” ግያዋ። † 15:19 እይን-ሀቆረ- ሀ ሰንሳ ብላላይ፡ “ዋሰያዋ ፑልቱዋ” ግያዋ።

15 ያትና አ፡ “ነ ምዛናይ ታናና ደኤናን፡ ታን ኔና ሲቃይ፣ ምታደ ጋይ? ታናን ሀዋና ሄዙ ገደ ካእዳ፡፡ ኔን ሀ ዋልቃ ኣያፕ ደማድንቶ፡ ታዉ ኦዳባካ” ያጋዱ፡፡

16 ሀቼ ሀቼ ዛራ ዛራ ኦቻደ ዋይሰና፡ ሀንያባ ጳዬዳ፡፡

17 ያትና፡ “ታ ኦት ኡሉዋፕ ደምና፡ ታን ጸሳዉ ዲማቲዳ ናዘራዌ አሳ ግዴዳ ድራዉ፡ ታ ሁጲያ ብናናይ ሜደት ኤረና፡ ታ ብናናይ ሜደቶ፡ ታ ዋልቃይ ታፕ ጳይና፡ ታን ዳቡራደ፡ ሀራ አሳዳን ሀናና” ያገደ፡፡ ባረ ምዛናን ደእያዋ ኡባ እዘዉ ኦዴዳ፡፡

18 ባረ ምዛናን ደእያዋ ኡባ እ ኦዴዳዋ ዳሊላ በኤዳ ዋደ፡ “ባረ ምዛናን ደእያዋ ኡባ ታዉ ኦዴዳ ድራዉ፡ አነ እት ገደ ሰሚደ ዪተ” ያጋደ ፕልሰጾማቱዋ ካፓቶ ኪታ የዳዱ፡፡ ኡንቱንቱ ብራ አኪደ፡ ኢኮ ዬድኖ፡፡

19 ዳሊላ ሳምሶና ባረ ክወዋን ገምእሸሳዱ፤ እት አሳ ጾሰና ዪደ፡ አ ሁጲያ ላፑን ዳላ ብናና ሜዴዳ፤ አ ዋልቃይ አፕ ጳዬዳ፡፡ ሄዋፕ ጉይያን፡ አ ዋይሰያዋ ደማዱ፤

20 “ሳምሶና፡ ፕልሰጾማቱ ይክቼድኖ!” ያጋዱ፡፡

ገምእሹዋፕ ቤጎቲደ፡ ካሰዋዳን ዲሰሬላደ ባና ያገደ ቆፔዳ፤ ሸን መቲና ጎዳይ አፕ ሻከት ክቼዳዋ እ ኤርቤና፡፡

21 ፕልሰጾማቱ አ ኦይቄዳዋፕ ጉይያን፡ አ ላኡ አይፈቱዋ ሞጫ ከሲደ፡ ጋዛ ካታማ አፌድኖ፡፡ ሄዋፕ ካላ ናሃሰያ ሳንሳሳታን ቃቼድኖ፤ ቃሾ ጎሊን ደእያ ዋጸን ካላ ጋጫናዳን ኦፊድኖ፡፡

22 ኡንቱንቱ አ ሁጲያ ብናና ሜዴዳዋፕ ጉይያን፡ ብናናይ ሰሚደ ደሉዋ ደማዱ፡፡

ሳምሶና ሀይቄዋ

23 ፕልሰጾማቱዋ ካፓቱ፡ “ኑ ጸሳይ ኑ ሞርክያ ሳምሶና ኑ ኩሸያን አሊደ እሜዳ” ያገደ ባረንቱ ጸሳ ዳጎናዉ ዋልቃማ ያርሹዋ ያርሻናዉን ናሸታናዉ እትፕ ሸቄድኖ፡፡

24 አሳይ ኡባይ አ በኤዳ ዋደ፡ “ኑ ጋድያ ባይዜዳ፡ ኑ አሳፕ ዳሩዋ ዋጴዳ ኑ ሞርክያ ኑ ጸሳይ ኑ ኩሸያን አሊደ እሜዳ” ያገደ ባረንቱ ጸሳ ጋላቲድኖ፡፡

25 ኡንቱንቱ ሎይላ ናሸቲዳ ድራዉ፡ “ካኢደ ኑና ናሸቻና ማላ፡ ሳምሶና ጾሰተ” ያገደኖ፡፡ ሄዋፕ ጉየ ሳምሶና ቃሾ ጎልያፕ ጾሲደ አሀና፡ እ ኡንቱንቱ ሰንላን ካኤዳ፤ ካኤዳዋፕ ጉይያን፡ ቱሳቱዋፕ ግዲዋን ኤሴድኖ፡፡

26 ሳምሶን አ ኩሸያ ኦይቄደ ካለላያ ናኦ፡ “ታን ኡንቱንቱን ዘምፓደ ኤቃና ማላ፡ ጎልያ ቶኬዳ ቱሳቱዋ ታና ቦሸሳ” ያገደኖ፡፡

27 ጎልያ ግዲዋን አቱማ አሳቲነ ማጫ አሳቱ ኩም ኡቲድኖ፤ ቃይ ሄዋን ፕልሰጾማቱዋ ካፓቱ ኡባቱካ ደኢኖ፡፡ ሳምሶን ካእሸን፡ ጎልያ ቦላን ደምባዪደ ኬጾዳ ሳኦን ኡቲደ፡ ሄዙ ሻኦ ግድያ አቲማ አሳቲነ ማጫ አሳቱ በኢኖ፡፡

28 ሄ ዋደ ሳምሶን መቲና ጎዳ ዋሲደ፡ “አቤት ኡባ ሞድያ መቲና ጎዳዉ፡ ሀይ ታና ሀሳያርኪ! አቤት ጸሳዉ፡ ፕልሰጾማቱ ታ ላኡ

አይፈቱዋ ከሴዳዋ፡ ሀሉዋ ታን ከሳናዳን፡ ሀይ ታና እት ገደ ምንግርኪ!” ያገደኖ፡፡

29 ሳምሶን ጎልያ ቶኬዳ ግድ ቱሳቱዋ ላኡዋካ ኦይቄዳ፡፡ ኡሸቻ ኩሸያን እቱዋ፡ ሀድርሳ ኩሸያን እቱዋ ኦይቄዳዋፕ ጉይያን፡፡

30 “አነ ታን ፕልሰጾማቱዋና እትፕ ሀይቃይ!” ያገደ ዋሲዳ፡፡ ባረዉ ደእያ ዋልቃ ኡባን ሱግና፡ ኬላይ ካፓቱ ቦላን ግዲዋን ደእያ አሳ ኡባ ቦላ ኩንዴዳ፡፡ ሳምሶን ሀይቄደ ዋጴዳ አሳይ፡ እ ፓጻ ደኢደ ዋጴዳ አሳፕ ዳሬዳ፡፡

31 ያትና፡ አ እሻቱነ አ ዳቦቱ ኡባይ ዪደ፡ አ አሃ አፌድኖ፤ ጸርኦ ካታማፕ ኤሸታኦላ ካታማፕ ግዲዋን፡ አ አዉዋ ማኑሄ ዲፋዋን ሞጴድኖ፡፡ ሳምሶን እሰራኤላን ላታሙ ላይላ ዳናቲደ ፕርዴዳ፡፡

አማኑዋን አማኑዋ ኦሱዋ ዋጋ ባየሳ

17

(17:1—21:25)

ምካ ኤቃ ምሰለቱዋ

1 ኤፍሬማ ገዘያን ሚካ ግያ እት ብታኒ ደኤ፡፡

2 እት ጋላሰ ሚክ ባረ አቶ፡ “ኔፕ እት አሳይ እት ሻኦነ እት ጾቱ ጸጋራ ብራ ዉኤዳ ዋደ፡ ኔን ሄ ዉኤዳ ብታንያ ሸቄሸን ታን ሰሳድ፡፡ በኦ፡ ሄ ሚሻይ ታ ማታን ደኤ፤ ታን አካድ” ያገደኖ፡፡

ሄዋፕ ጉየ አ ዳያ፡ “ታ ናአዉ፡ ኔና መቲና ጎዳይ አንጀ” ያጋዱ፡፡

3 ሄዋፕ ጉየ ናአይ እት ሻኦነ እት ጾቱ ጸጋራ ብራ ባረ አትዉ ዛሬዳ፤ አ ዳያ፡ “ሸቃይ ታ ናኦ ጋከናዳን፡ ታን ሀ ሚሻ ታ መቲና ጎዳዉ ዲማያና፡፡ ያቶፕ ብራ ሲልሲደ፡ ሞላፕ ማሰቲደ ጊጌዳ ኤቃ ምሰልያ አን ሼሻናዉ ጎኤታና፡፡ ሄዋ ድራዉ፡ ብራ ታን ነዉ ዛራና” ያጋዱ፡፡

4 ናአይ ባረ አትዉ ሻሉዋ ዛርና፡ አ ዳያ ሄ ጸጋራ ብራፕ ላኡ ጾቱዋ አካደ፡ ሞላ ማሲደ ብራን ሼሸ ሼሼደ ኤቃ ምሰልያ መቲያ እት ሂላንቻዉ እማዱ፤ እ ኦፊዳ ምሰሊ ሚካ ሶን ደኤዳ፡፡

5 ሄ ምካዉ ኤቃዉ ጎይንያ ኬላይ ደኤ፡፡ እ ኤፋድያን ሶ ግድ ኤቃ ምሰለቱዋ ጊግሲደ፡ ሄ ጎሊን ባረ ናናቱዋፕ እቱዋ ቄሳ ኦፊደ ሱንፊዳ፡፡

6 ሄ ዋደ እሰራኤልያ ጋድያን ካቲ ባዋ፤ አሳይ ኡባይ ባረዉ ልከ ማላቲዳዋ ጮ ኦፊዳ፡፡

7 ሄ ዋደ ይሁዳ ጋድያን ቤተሌመ ካታማን እት ዋዳላይ ደኤ፤ እ ሌዊያ ዛረ፡፡

8 ሀ ብታኒ ባረዉ ደእያ ሳኦ ኮያናዉ ቤተሌመ ካታማፕ ደንዲደ ቤዳ፤ ኤፍሬማ ገዘያን ደእያ ሚካ ሶ ጋኬዳ፡፡

9 ሚክ፡ “ሀቃፕ ያድ?” ያገደኖ፡፡

ሄዋፕ ጉየ ብታኒ፡ “ታን ይሁዳ ጋድያን ቤተሌመ ካታማፕ ያድ፤ ታን ሌዊያ ዛረ፡፡ ሀእ ታዉ ደእያ ሳኦ ኮያና ደኤይ” ያገደ አዉ ዛሬዳ፡፡

10 ምክ አ፡ “ታናና ደኤ፤ ታዉ አዉዋን ቄሰ ግዳ፡፡ ታን ነዉ ላይላን ላይላን ታሙ ጸጋራ ብራ፡ ኩሙንላ ማዩዋን ምያባ እማና” ያገደኖ፡፡

11 ሌዊያ ዋዳላይ ምካና እትጥ ደአናዉ ጊጌዳ፤ ምካዉ የሌዳ ናኣዳን ሀኔዳ።

12 ምክ ኦ ባረ ቄሳ ኦሊደ ሱንሐና፣ ኦ ሶን ደኤዳ።

13 ምክ፣ “እት ሌዊ ታዉ ቄሰ ግዳዳ ድራዉ፣ መድና ጎዳይ ታዉ ኡባባ ሎይላናዋ ኤራይ” ያጌድና።

18

ምካነ ዳና ዘረላ

1 ሄ ዋደ እሰራኤልያ ጋድያን ካቲ ባዋ። ሄ ዋደ ጋካናዉ ዳና ዘረቶ እሰራኤልያ ዘራቱዋ ግዳዋን ላቲዳ ጋዲ ባዋ። ሄዋ ድራዉ፣ ኡንቱንቱ ባረንቱ ደእያ ጋድያ ኮዪደ ደአና።

2 ሄዋ ድራዉ፣ ዳና ዘራቱ ባረንቱ ዘራቱዋ ለቲቶ ምኖ አሳቱዋ ደሪደ፣ ጋድያ ዋቺደነ እኬኪደ ሰማናዳን፣ ጸርኣነ ኤሽታኦላ ጌተትያ ካታማቱዋ ለንቱንታ ኪቲድና።

ኡንቱንቱ ኤፍሬማ ገዝያ ጋኪደ፣ ምካ ሶን አቄድና።

3 ኡንቱንቱ ምካ ሶን ደኤዳ ዋደ፣ ሌዊያ ዘረ ግዳዳ ያላጋ ኦ ሃሳያን ኤሬድና። ኡንቱንቱ ኦኮ ሸቂደ፣ “ኔና ሀዋ አሄዳዌ ኦኔ? ሀዋ አያዉ ያድ? ሀዋን አያ ኦላይ?” ያጌደ ኦቺድና።

4 እ፣ “ምክ ታዉ ሀዋ ሀዋ ኦሌዳ፤ እ ታዉ ድርጉዋ ጭግና፣ ታን አዉ ቄሰ ግዳደ ኦላይ” ያጌደ ኡንቱንቶ ዘሪዳ።

5 “ኡን ብያ ኦጊ ኦዉ ገገናን አጋነንቶነ ሀያና እነ ኦዉ ጸሳ ኦቻርክ” ያጌድና።

6 ሄዋጥ ጉየ ቄሲ ኡንቱንቶ፣ “ሳር ጋክተ፤ ሀንተንቱ ብያ ኦግያን መድና ጎዳይ ሀንተናና ግዳናዋ” ያጌደ ዘሪዳ።

7 ሄዋጥ ጉይያን፣ እቲቶ አሳቱ ያጥ ደንዲደ፣ ላይሻ ጌተትያ ካታማ ቤድና፤ ያን ደእያ አሳይ ሲደና ጋድያ አሳዳን ሳሩዋን ደእያዋ በኤድና፤ አሳቱ ኦናነ ሰፍና ዋጋ አሳ፤ ኡንቱንቱ አያይነ ገጠናን፣ ኡባባይ ኩሜዳ አሳ። ኦናናነ ጋክተናን ሲደና ጋድያ አሳጥ ሃኪደ፣ ባረካ ዳማ ደአና።

8 እቲቶ አሳቱ ጸርኣነ ኤሽታኦላ ካታማቱዋን ደእያ ባረንቱ እሻቱዋኮ ሰሜድና፤ ኡንቱንቱ እሻቱ፣ “አያ ኦዳዋ እኪደ ዬድቱ?” ያጌድና።

9 ሄዋጥ ጉየ ኡንቱንቱ ዘሪደ፣ “ቢታይ ሎይላ አራዳ ግድያዋ ኦን በኤደ። ሄዋ ድራዉ ደንዲደ፣ ላይሻ ካታማን ደእያ አሳ ኦሌቶ! ሃዋን ኦሱዋ ጳዪደ ጮ ኡቶጥተ፤ ኤላካ ቢደ ኦይቂተ።

10 ሀንተንቱ ያ ቢደ፣ ኦናነ ሰፍናን ሳር ኡቲዳ አሳኮ ጋካኒታ። አሳዉ ኮሽያ ኡባባይ ሄ ጋድያን ደኤ። ጸሳይ ሄ ጋድያ ሀንተንቶ እሜዳ” ያጌድና።

11 ያትና፣ ዳና ዘራቱዋጥ ኡሱቲን ጾቱ አሳቱ ኦላ ሚሻ ኦይቂደ፣ ጸርኣነ ኤሽታኦላ ካታማቱዋጥ ደንዲደ ቤድና።

12 ይሁዳ ጋድያን ደእያ ቅርያት-ይአሪማ ጌተትያ ካታማጥ አዋይ ዉልያ ባጋና ኡቲድና። ሄዋ ድራዉ፣ ሄ ሳእይ ሀቺ ጋካናዉ ዳና ሞላ ጌተቲደ ሱንቲዳ።

13 ሄዋጥ ደንዲደ፣ ኤፍሬማ ገዝያን ደእያ ምካ ሶ ዬድና።

14 ላይሻ ጋድያ ዋቻናዉ ቤዳ እቲቶ አሳቱ ባረንቱ እሻቱዋ፣ “ሀ ሳኣን፣ ሀ ኬላቱዋጥ እቲዋን ኤፋዲ፣ ሶ ግደ ኤቃ ምሰለቱነ ሞላጥ ማሰቲደ ብራን ሼሸቲዳ ምሰሊ ደእያዋ ኤሪቱ? እነ አይ ኦላናዉ ኮሽንቶ ቆጥተ” ያጌድና።

15 ሄዋጥ ጉየ ኦግያጥ ሰሚደ፣ ሌዊያ ዘረ ግዳዳ ያላጋ ቄሲ ደእያ ምካ ሶ ቢደ፣ እ ሳርቲድና።

16 ሄ ዋደ ኡሱቲን ጾቱ ዳና አሳቱ ኦላ ሚሻ ኦይቂደ፣ ገልያ ጥንግያን ኤቄድና።

17 ኡንቱንቱ ሄ ቄሰያና ያን ኤቄደእሸን፣ ጋድያ ዋቺዳ እቲቶ አሳቱ ምካ ሶ ገሊደ፣ ሞላጥ ማሰቲደ ብራን ሼሸቲዳ ምሰልያ፣ ኤፋድያነ ሶ ግደ ኤቃ ምሰለቱዋ እኬድና።

18 ሄ ዋደ ቄሲ ኡንቱንታ፣ “ዋቲቱ?” ያጌዳ።

19 ሄዋጥ ጉየ ኡንቱንቱ እ፣ “ሀይዛ! እት ቃላነ ቃቶጋ! ኦናና ባደ ኦዉ አዉዋነ ቄሰ ግዳ። እት ጎልያ አሳዉ ቄሰ ግድያዋጥ እሰራኤልያ ግድያ እት ዘረ አሳዉ ቄሰ ግድያዋ ነዉ ኬከኔ?” ያጌድና።

20 ሄዋጥ ጉየ ቄሲ ናሽቲደ ኤፋድያ፣ ሶ ግደ ኤቃ ምሰለቱዋን ሞላጥ ማሰቲዳ ምሰልያ እኪደ፣ አሳቱዋና እትጥ ቤዳ።

21 ሄዋጥ ደንዲደ፣ ባረንቱ ናና፣ ባረንቱ መሀያነ ባረንቶ ደእያዋ ሰንላን ዋሊደ ቤድና።

22 ኡንቱንቱ ምካ ጎልያጥ ሃኪደ ቤዳዋጥ ጉይያን፣ ምክ ባረ ሾሩዋን ደእያ አሳቱዋ ጸሰና፣ ኦላዉ ከሴድና፤ ዳና አሳቱዋ ካሊደ ጋኬድና።

23 ዋሰና፣ ዳና አሳቱ ጉየ ሰሚደ ምካ፣ “ዋናዲ? ሀ አሳ ኡባ አያዉ ሸሻዲ?” ያጌደ ኦቺድና።

24 ሸን ምክ ዘሪደ፣ “ታን መዴዳ ታ ጸሳቱዋነ ታዉ ኦልያ ቄሰያ እኪደ ይክቺድታ። ታዉ ሀራይ አዬ አቲዳዌ? ሀንተንቱ ታና አያዉ፣ ‘ዋናዲ?’ ጌቲ?” ያጌዳ።

25 ዳና አሳቱ፣ “እት ቃላ ቃታደ ኔና ኤራ! ሀ ይሉዋና ደእያ አሳ ኔን ደንታ፣ ኡንቱንቱ ነ ቦላ ደንዳናነ ነ ሶ አሳ ኡባ ዉርሳና” ያጌድና።

26 ዳና አሳቱ ባረንቱ ኦግያ ቤድና። ምክካ ኡንቱንቱ ባረጥ ሎይላ ዋልቃምያዋ በኢደ፣ ባረ ሶ ሰሚደ ቤዳ።

27 ዳና አሳቱ ምክ መዴዳ ጸሳቱዋነ ኦ ቄሰያ እኪደ፣ ላይሻ ካታማን ኦናነ ሰፍናን ሳር ደእያ አሳቱዋኮ ቤድና፤ ካታማን ደእያ ኡባ ቃራ ማሻን ዋዲደ፣ ካታማ ታማን ጸጌድና።

28 ላይሻ ካታማይ ሲደና ካታማጥ ሃኪደ ደእያ ድራዉነ አሳይ ሀራ አሳና ጋክት ኤረና ድራዉ፣ ኡንቱንታ እሻናዉ ኦንነ ዳንዳይቤና። ላይሻ ካታማይ ቤት-ራሆባ ግያ ሳኣ ማታን ደእያ ዋምባ ግድን ደኤ።

ዳና አሳቱ ካታማ ዋላ የግ ኬጺደ፣ ያን ደኤድና።

29 ካታማ ሱንላካ በን ባረንቱ ማይዛ አዉዋ፣ ያቆባ ናኣ ዳና ሱንላን ሳሚደ፣ ዳና ያጌደ ሱንላድና፤ ሸን ኮይሮ ሄ ካታማይ ላይሻ ጌተቲ።

30 ዳና አሳቱ ባረንቶ ሄ ማሰቲዳ ምሰልያ ዋሊደ፣ ሙሴ ናኣ ገርሾማጥ የለቲዳ ዮናታና ባረንቱ ቄሳቱዋ ኦሌድና። ኦ ዘራቱ አሳይ ኦምደቲደ ቤዳ ዋዲ ጋካናዉ፣ ያን ቄሳቱዋ ግዳድና።

31 ሃዋዳን ሀኒደ፣ ጸሳ ዲንካኒ ሴሎን ደኤዳ ላይላቱዋን ኡባን ምክ ማሰሴዳ ምሰለቱ ያን ጋምኤድኖ።

19

እት ሌዊያን እ እኩዳ ቆማቶ

1 እስራኤልያ ጋድያን ካቲ ባይና ዋደ፣ ኤፍሬማ ገዝያን፣ ሃኮ ሳኣን ሌዊያ ዛረ ግድያ እት ብታኒ ደኤ። ሄ ብታኒ ይሁዳ ጋድያን ቤተሌመ ካታማፕ እት ናቶ ቆማቶ አሄዳ።

2 ሸን አዉ አማነተናን እጸደ፣ ይሁዳ ጋድያን ቤተሌመ ካታማን ደእያ ባረ አዉዋ ሰይ ባዲ፤ ያን ኮይዱ አገና ኡታዱ።

3 እ ጎዳይ እዘዉ ኦድ አማንፋናዉን፣ ሰይ ዛራናዉ ደንዲደ፣ ባረ ቆማን ላኡ ሀረቱዋ አኪደ ቤዳ፤ እ ሞካ አካደ፣ ባረ አዉዋ ሰይ ገልሳዱ። እዝ አዉ እ በኤዳ ዋደ፣ ናሸቲደ ሞኬዳ።

4 ናት አዉ ብታንያ የደናን ድግና፣ ያን አናና ሚድነ ኡሺደ ሂዙ ጋላሳ ታኬዳ።

5 ኮይደንሉ ጋላሰ ዋንታ ጉራን ደንዲደ፣ ባናዉ ጊጌድኖ። ሸን ናት አዉ ባረ ናት ጎዳ፣ “ጉላ ቁማ ማደ፣ ምኔዳዋፕ ጉይያን ባሳ” ያጌዳ።

6 ሃዋፕ ጉየ ላኡ አቱማ አሳቱካ ኡቲደ፣ እትፕ ሚድኖን ኡሺድኖን። ሃዋፕ ጉይያን ናት አዉ አ፣ “ሀያና፣ ሀቼ ናሸታደ ሀዋን አቃ” ያጌዳ።

7 ሌዊያ ዛሪ ባናዉ ደንድና፣ ቤናን አቃና ማላ ዋሴዳ፤ እ አኪያ ቆማት አዉ አ ዋሰና፣ ቃይካ ያን አቋዳ።

8 እቼሻንሉ ጋላሰ ባናዉ ዋንታ ጉራን ደንድና፣ ናት አዉ፣ “ሀያና፣ ምነታ ታካደ፣ ኦማርሰ ባሳ” ያጌዳ። ሃዋፕ ጉየ ኡንቱንቱ ላእቱካ ቁማ እትፕ ሚድኖ።

9 ብታኒ ባረ አኪያ ቆማትናን ባረ ቆማና ባናዉ ከሰና፣ ናት አዉ ሀዋዳን ያጌዳ፤ “በእተ፣ ሳኦይ ቃም ድጌዳ! ናሸቲደ ሀዋን አቅ አግተ። ዋንታ ጉራና ደንዲደ፣ ሀንተንቱ ሰይ ቢታ” ያጌዳ።

10 ሸን እ ሄ ጋላሰ ያን አቃናዉ ኮይቤና። ሃዋ ድራዉ፣ ደንዲደ ቤዳ፤ ያቡሳ ጌተትያ የሩሳላመ ካታማ ማታ ጋኬዳ፤ እ አኪያ ቆማታን ላኡ ጫኔዳ ሀረቱ አናና ደእኖ።

11 ኡንቱንቱ ያቡሳ ማትና፣ ሳኦይ ሎይላ ኦማርሴዳ፤ ያትና፣ ቆማይ ባረ ጎዳ፣ “ብያዋ አጊደ አያዉ ሀ ያቡሳዋናቱዋ ካታማን አቆኮ?” ያጌዳ።

12 ሃዋፕ ጉየ እ ጎዳይ አዉ ዛሪደ፣ “ሀዋ እስራኤልያ አሳይ ባይና አላጋ ካታማ ቦኮ። ግብአ ካታማ ጋካናዉ ኦን ባና” ያጌዳ።

13 ቃይ ዛረሲደ ባረ ቆማ፣ “ሃያ፣ ኦን ግብአ ካታማን ዋይ ራማ ካታማን አቅያ ሳኦ ደማና” ያጌዳ።

14 ያቲደ ባረንቱ ኦግያ ኮይቂደ ቤድኖ። ቢንያማ ጋድያን ደእያ ግብአ ካታማ ማትና፣ አዋይ ኡንቱንቶ ዉሌዳ።

15 ኡንቱንቱ ግብአ ካታማ ገሊደ አቃናዉ፣ ያ ቤድኖ፤ ካታማ አሳይ ሸቁዋ ኡትያ ሳኣን ኡቱድኖ፤ ሸን ያፕ ኡንቱንታ ባረ ሰይ አፊደ አይሰያ አሳይ ቤትቤና።

16 ኡንቱንቱ ሃዋን ኡት ደእሸን፣ ጋደን ኦልያ ሳፕ ሳኦይ ኦማርሰና፣ ባረ ሰይ ሰምያ እት ጭማ ብታኒ ኡንቱንቱ ማታና አጂዳ። ሀ ብታኒ ካሰ ኤፍሬማ ገዝያፕ ዬዳ አሳ፤ ሸን ሀእ እ ደእያዋ ግብአ ግያ ካታማና፤ ሄ ጋድያን ቢንያማ ዛርያፕ የለቱዳ አሳቱ ደእኖ።

17 ሄ ጭማ ብታኒ ካታማ አሳይ ሸቁዋ ኡትያ ሳኣን ኡቱዳ ብታንያ በኢደ፣ “ሀቃፕ ያድ? ሀቃ ባይ?” ያጊደ አቼዳ።

18 ሌዊያ ዛሪ ዛሪደ፣ “ኦን ይሁዳ ጋድያን ደእያ ቤተሌመ ካታማፕ ዬድ። ሀእ ኤፍሬማ ገዝያፕ ሄፍንላ ባጋን ደእያ ኦ ሰይ ቦይተ፤ ቃይ መድና ጎዳ ጎለካ ቦይተ። ያኔዳዋንቱ ኦና ባረ ሰይ አፊደ አይሰያ አሳ ደምቦይኮ።

19 ኦ ሀረቶ ኡቱላይን ዳላይ ደኤ፤ ታዉ፣ ታ አኪያ ቆማትዉን ታ ቆማዉ ግድያ ኡክላይን ዋይንያ ኡሳይ ደኤ፤ ኦ ኮሽያዋ ኡባ ኦይቁደ” ያጌዳ።

20 ሃዋፕ ጉየ ጭማ ብታኒ፣ “ሳሩ ሀንተንቶ ግደ፤ ሀንተንቱ ኮይያዋ ኡባ ታን ሀንተንቶ እማና፤ አያ ግደፕ፤ ሀ ካታማ አሳይ ሸቁዋ ኡትያ ሳኣን አቃናዉ ኮሸና” ያጌዳ።

21 ኡንቱንታ ባረ ሰይ አፊደ፤ ኡንቱንቱ ሀረቶካ ምያባ የጌዳ። ሃዋፕ ጉይያን፣ እማላቱ ባረንቱ ገድያ ሚጨቲድ፣ ካዉዋ ሚድኖ።

22 ኡንቱንቱ ናሸትሸን፣ ካታማፕ ሹፋር አሳቱ ዬደ፣ ጎልያ ዩሹዋን ደዲደ፣ ፕንግያ ቆጸላ ደሚድኖ፤ ኡንቱንቱ ሄ ጎልያ ጎዳ፣ ሄ ጭማ ብታንያ፣ “ሄ ነ ሶ ገሌዳ ብታንያ ሃ ኬሳ፤ ኦን አናና ግሳናዉ ኮይቶ!” ያጌድኖ።

23 ሃዋፕ ጉየ ጎልያ ጎዳይ ካረ ከሲደ ኡንቱንታ፣ “ሀይ ታ እሻቶ፣ ሃዋ ማላ ፓላባ አላፕተ፤ ሀ ብታኒ ታ እማላ።

24 በእተ፣ ታ ዋደር ናታን እ አኪያ ቆማታ ሀዋን ደእኖ። ታን ኡንቱንታ ሀንተንቶ ካረ ኬሳና፤ ያቶፕ ኡንቱንታ ሀንተንቱ ኮይዳዋ አላተ፤ ሸን ሀ ብታንያ ቦላ ሃዋ ማላ ኢታባ አላፕተ” ያጌዳ።

25 ሸን አሳቱ እ ጌዳዋ ሰሰናን እጾድኖ። ያትና፣ ቢታኒ ባረ አኪያ ቆማቶ ካረ ኬሲደ፣ ኡንቱንቶ እሚዳ፤ ሳኦይ ዋንታና ጋካናዉ፣ ቃማ ኡባ ካላን ካላን አዝና ዋልቃን ግሲደ፣ አዘ ፓጸ ካኢዳ አቋድኖ፤ ያቲደ ሳኦይ ዋንታና ሀንሸን፣ አዘ የዴድኖ።

26 ሳኦይ ዋንታናዉ ሆልጆጅ ዘእያ ዋደ ሄ ምሽራታ ያደ፣ እዝ ጎዳይ አቁዳ ጭማ ብታንያ ጎልያ ፕንግያን ኩንዳዲ፤ ጸልቂ ደላና ጋካናዉ ሃዋን ግሳዲ።

27 ሄ ጋላሰ ጉራ እ ጎዳይ ደንዲደ፣ ባረ ኦግያ ባናዉ ጎልያ ፕንግያ ደዩደ ከሴዳ ዋደ፣ እ ማቶያ ቆማታ ጎልያ ፕንግያን ባረ ኩሽያ ፕንገ ጎጭላ ቦላ ምጫደ፣ ግሴዳውኖ በኤዳ።

28 እዘ፣ “አን ደንዳ፤ ቦይተ” ያጌዳ፤ ሸን እዛ አዉ አይን ዛራብይኮ። ሃዋፕ ጉይያን፣ እዚ አሃ ሀርያን ጫኒደ፣ ባረ ሰይ ቤዳ።

29 ሰይ ጋኪደ፣ ማሻ አኪደ፣ ባረ አኪያ ቆማት አሃ ታማን ላኡዋ ከሲደ ቃንጸሬሌዳ። እት እት ግሹዋ እት ዛረዉ፣ ኡባና ታማን ላኡ እስራኤልያ ዛረቶ የደዳ።

30 ሄዋ በኤዳ ኡባይ፡ “እስራኤልያ አሳይ ግብጽ ጋድያፔ ከሰዳሳፕ ሀቼ ጋካናው፡ ሀዋ ማላትያባይ ኡባካ ሀንቤና፤ ኑንካ በእባይኮ። እነ ሀዋ እትፕ እኬክ ዞረቶይቱ፡ እትባ ኦሶይተ” ያጌድኖ።

20

እስራኤልያ አሳይ ኦላው ጊጉሳ

1 ፑደሃ ዳናፕ ዳገሃ በርሳባሀ ጌተትያ ጋካናሰነ ደላሃ ጋላኦደን ዳእያ እስራኤልያ አሳይ ኡባይ እት አሳዳን ሞጽጳ መድና ጎዳ ሰንፋን እትፕ ሸቄዳ።

2 ሄ ሸቄዳ ጸሳ አሳና እስራኤልያ ዛራቱዋ ኡባ ካፓቱካ ደኢኖ። ኡንቱንቱ ግደን ማሻን ኦላታናው ዳንዳይያ ኦይዱ ጾቱ ሻክ ኦላንቻቱ ደኢኖ።

3 ሄ ዋደ እስራኤልያ አሳይ ሞጽጳን ሸቄዳዋ ቢንያማ አሳቱ ሰሴድኖ።

እስራኤልያ አሳይ፡ “ሀ ኢታባይ እነ ዋኒደ ሀኔደንቶ፡ ኑ ኦድተ” ያጌዲኖ።

4 ሄዋፕ ጉየ ሀይቄዳ ቆማት ጎዳይ፡ ሌዋያ ዛሪ ኡንቱንቶ ሀዋዳን ያጊደ ዛሪዳ፤ “ታንነ ታ ቆማታ ቃማ አቃናው ቢንያማ ጋድያን ደእያ ግብኣ ግያ ካታማ ዬድ።

5 ግብኣ ካታማ አሳቱ ታና ዋጳናው ዬድ፡ ቃማን ጎልያ ዩይ አዲደ ኤቄድኖ፤ ሸን ጉየፕ ታ ቆማቶ አኪደ፡ ዋልቃን እዝና ኡንቱንቱ ግሰሸን፡ እዛ ሀይቃዲ።

6 ታን እ እሃ አካደ ቃንጸራጫዳዋፕ ጉይያን፡ ኡንቱንቱ ሀ ቱናባነ ፖኮባ እስራኤልያን ኦሌዳ ድራው፡ እስራኤልያ አሳይ ላቲዳ ቢታ ኡባ እት እት ቃንጾዋ ዮዳዲ።

7 በእተ፡ ሀንተንቱ ኡባይ እስራኤልያ አሳ፤ ዞረቲደ ሀንተንቱ ፕርዳ እምተ” ያጌዲኖ።

8 ሄዋፕ ጉየ አሳይ ኡባይ እትፕ ደንድ ኤቄድ፡ “ኑ ባድፕ ኦንነ ባረ ዲንካንያ ዋይ ባረ ጎልያ ጉየ ቤና።

9 ኑን ግብኣ አፋናዋ ሀዋ፤ ሳማ ዮጊደ፡ ግብኣ ካታማ አሳ ኦላናው ባና አሳቱዋ ድራና።

10 እስራኤልያ ዛሪያ ኡባፔ ኦላ ኦላታናው ብያ ኦላንቻቱዋፕ ጾቱዋፕ ታማቱ፡ ሻክፕ ጾታቱ፡ ታሙ ሻክፕ ቃይ ሻክቱ ሸንቃ አሳው ጊግሰኖ። አቲዳ ኦላንቻቱ ቢንያማ ጋድያን ደእያ ግብኣ ካታማ ቢደ፡ ግብኣ አሳይ እስራኤልያ ቦላ ሀዋ ማላ ቱናባ ኦሌዳዋ ሀሉዋ፡ ግብኣ ካታማን ደእያ አሳቱዋ ሙራና” ያጌድኖ።

11 እስራኤልያ አሳይ ኡባይ ካታማ ኦላናው እትፕ ሸቄዲኖ።

12 እስራኤልያ ዛራቱ ቢንያማ ዛራቱዋ ኡባው ሀዋዳን ያጊደ አሳ ከቲድኖ፤ “ሀንተንቱ ግደን ሀኔዳ ሀ ኢታባይ እዬ?

13 ኑን ኡንቱንታ ዋዲደ፡ እስራኤልያፕ ሀ ኢታ ጳይሳና ማላ፡ ግብኣ ካታማን ደእያ ሄ ሹፋር አሳቱዋ ከሲደ፡ ኑ አሊደ እምተ” ያጌድኖ።

ሸን ቢንያማ አሳቱ እስራኤልያ አሳይ ኦድያዋ ሰሰናን እጾድኖ።

14 ኡንቱንቱ እስራኤልያ አሳና ኦላታናው ባረንቱ ካታማቱዋፕ ከሲደ፡ እትፕ ግብኣ ካታማ ሸቄድኖ።

15 ሄ ጋላሰካ ቢንያማ ካታማቱዋፕ ዬዳ ማሻን ኦላትያ ላታማን ኡሱፑን ሻክ ኦላንቻቱዋ ሸሼድኖ። ሄዋ ፓይዱ ግብኣ ካታማን ደእያ አሳ ግደፕ ዱማ ደረቲዳ አሳቱዋ ጉጀናና። ግብኣፕ ደረቲዳዋንቱ ላፑን ጾታ።

16 ሄ ኡባቱዋ ግደፕ ላፑን ጾቱ አሳቱ ሀድርሳ ኩሸያን ኦልያዋንታ፤ ሀ ኡባቱካ ያምባርሻን ሹቻ ኦሊደ፡ ሀራይ አቶ እት ብናናካ ሀልክኖ።

17 ቢንያማ አሳይ ባይናን፡ እስራኤልያ አሳይ ማሻን ኦላትያ ኦይዱ ጾቱ ሻክ ኦላንቻቱዋ ሸሼዳ፤ ሄ ኡባቱካ ኦላው ጊጌዳዋንታ።

ቢንያማ ዛራቱዋ ቦላን ደንዴዳ ኦላ

18 እስራኤልያ አሳይ ደንዲደ፡ ቤቴለ ቤዳ፤ “ቢንያማ አሳ ኦላናው ኑፕ ሰንፋቲደ ከሳናው ኮሸያዋ ኦኔ?” ያጊደ ጸሳ ኦቼዳ።

ሸን መድና ጎዳይ፡ “ይሁዳ ዛሪ ሰንፋቲደ ቦ” ያጌዲኖ።

19 ሄዋፕ ጉየ ዋንተፋ ጋላሰ ዋንታ ጉራን እስራኤልያ አሳይ ደንዲደ፡ ግብኣ ካታማ ማታን ዲንካኔዳ።

20 ሄዋፕ እስራኤልያ አሳይ ቢንያማ አሳና ኦላታናው ቤዳ፤ ግብኣ ካታማ ማታን ኡንቱንቱና ኦላታናው ሳልፔዳ።

21 ቢንያማ አሳቱ ግብኣ ካታማፕ ከሲደ፡ ሄ ጋላሰ እስራኤልያፕ ላታማን ላኡ ሻክ ኦላንቻቱዋ ዋዲድኖ።

22-23 እስራኤልያ አሳይ ቢደ ሳኦይ ቃማና ጋካናው፡ መድና ጎዳ ሰንፋን ዬኪደ፡ “ኑ እሻቱዋና፡ ቢንያማ አሳቱዋና ኦላታናው ላኤንሉዋ ፑደ ባኔ?” ያጊደ መድና ጎዳ ኦቼዳ።

ሸን መድና ጎዳይ፡ “ኤ፡ ኡንቱንቱና ኦላታናው ፑደ ቢተ” ያጌዲኖ። ሄዋፕ ጉየ እስራኤልያ አሳይ እቱ እቱዋ ሞንፊደ፡ ኮይር ጋላሰ ኡንቱንቱ ኦላው ሳልፔዳ ሳኦን ላኤንሉዋ ሳልፔድኖ።

24 ላኤንሉ ጋላሰ እስራኤልያ አሳይ ቢንያማ አሳና ኦላታናው ሸቄዳ።

25 ላኤንሉ ጋላሰካ ቢንያማ አሳይ ግብኣ ካታማፕ ከሲደ፡ እስራኤልያ አሳፕ ታማን ሆሰፑን ሻክ አሳቱዋ ዋዲደ፤ ኡባቱካ ማሻን ኦላትያዋንታ።

26 ሄዋፕ ጉይያን፡ እስራኤላቱ ኡባይ ቤቴለ ቢደ ዬኬድኖ፤ ያን ጸሚደ ሳኦይ ቃማና ጋካናው፡ መድና ጎዳ ሰንፋን ኡቲድኖ፤ መድና ጎዳ ሰንፋን ጾግያ ያርሹዋን እትፕተፋ ያርሹዋ ሸሼድኖ።

27-28 ሄ ዋደ ጸሳ ቃላ ጫቁዋ ታቦታይ ቤቴለ ካታማን ደኤ፤ ሄ ታቦታ ናግያዌ አሮነ ዮሌዳ ኤልኣዛራ ናኣ ፒንሃሳ። እስራኤልያ አሳይ መድና ጎዳ፡ “ቢንያማ አሳ ግድያ ኑ እሻቱዋና ኦላታናው ቃይካ ፑደ ባኔየ ቦፓን?” ያጊደ ኦቼዲኖ።

ሸን መድና ጎዳይ፡ “ቢደ ኦላትተ! ታን ኡንቱንታ ዋንት ሀንተንቱ ኩሸያን አላደ እማና” ያጌዲኖ።

29 ሄዋፕ ጉየ እስራኤልያ አሳይ አማራዳ ኦላንቻቱዋ ግብኣ ካታማ ዩሹዋን ሙጊደ ናጋና ማላ ኦሌዳ።

30 ሄዛንሉ ጋላሰ እስራኤልያ ኦላንቻቱ ካሰዋዳንካ ቢንያማ ኦላንቻቱዋ ኦላናው ቢደ፡ ግብኣ ካታማፕ ሰንፋ ባጋና ሳልፔድኖ።

31 ቢንያማ አሳቱ ኡንቱንቱና ኦለታናው ካታማፕ ከሲደ፣ ኡንቱንታ ካሊደ፣ ሃኪደ ቤድኖ። ካሰዋዳንካ ቤቴለን ግብአ አፍያ እኮ ኦገቱዋንን ደምባቱዋን እስራኤልያ አሳፕ ሀታሙ ግድያ አሳቱዋ ዋዴድኖ።

32 ቢንያማ አሳቱ፣ “ኑን ካሰዋዳንካ ኡንቱንታ ጸኔደ!” ያጌድኖ።

ሸን እስራኤልያ አሳቱ ካሰ፣ “ኡንቱንቱ ካታማፕ ሃኪደ፣ አገቱዋኮ ከሳና ማላ፣ እነ ኑን ባቃቶይተ” ያግ ዋዴድኖ።

33 ያትና፣ እስራኤልያ አሳይ ኡባይ ባረንቱ ሳፕ ደንዲደ፣ ባአል-ታማራ ግያ ሳን ሳልፕያ ዋደ፣ እስራኤላቱ ባረንቱ ሙግ ኡቴዳ ገባአ ደምባፕ ከሴድኖ፤

34 እስራኤልያ ኡባፕ ደረቱዳ ታሙ ሻአ አሳቱ ግብአ ቦላ ኦላ ደንጮድኖ፤ ኦላይ ሎይላ ዋልቃሜዳ። ሄ ኡባይ ሀንያ ዋደ፣ ባረንቶ ባሻይ ማታቱዳዋ ቢንያማ አሳቱ እይነ ኤርቤይክኖ።

35 እስራኤላቱ ቢንያማ አሳቱዋ ቦላ ጸኑዋ ደማናዳን መድና ጎዳይ ኦሌዳ። ሄ ጋላሰ እስራኤልያ አሳይ ቢንያማ አሳፕ ላታማነ እቼሹ ሻአን እት ጾቱ ኦላንቻቱዋ ዋዴዳ፤ ኡባቱካ ማሻን ኦለትያዋንታ።

36 ሄዋ ድራው፣ እስራኤልያ አሳይ ባረንታ ጸኔዳዋ ቢንያማ አሳይ ኤሬዳ።

እስራኤልያ አሳይ ግብአ ካታማ ዩሹዋን ሙግ ኡቴዳ ኦላንቻቱዋን አማነቴዳ ድራው፣ ቢንያማ አሳን ጸነቴዳዋ ማላቲደ ጉዩ ሸቄዳ።

37 ሙጊደ ናግያ ኦላንቻቱ ግብአ ካታማ ኤላካ ዋጽ ገሊደ፣ ካታማ ግደን ደሜዳ ኡባ ዋዴድኖ።

38 ሙጊደ ናግያ እስራኤልያ ኦላንቻቱ ካታማ ግደፕ ዳር ጩዋ ሻርያዳን ፑደ ደንፋና ማላነ ሄዋ ማላታ ግዳና ማላ፣ ካሰ ሃሳይ ዋዴድኖ። ሄዋ ድራው፣ ዳር ጩዋ ሻሪ ካታማፕ ከሰያዋ በኤዳ ዋደ።

39 ኦላ ደምባን ደእያ እስራኤልያ አሳቱ ባቃትያሳፕ ጉዩ ሰሚደ፣ ኡንቱንታ ኦሌድኖ።

ቢንያማ አሳቱ እስራኤልያ አሳፕ ሀታሙ ግድያ አሳቱዋ ዋዴደ፣ “ካሰዋዳን ሀአካ ኑን ኡንቱንታ ጸኔደ” ያጌድኖ።

40 ሸን ማላታ ጩዋይ ካታማፕ ፑደ ከሳ ደሜዳ፤ ቢንያማ አሳቱ ባረንቱ ጉዩ ጾሎ ዋደ፣ ካታማይ ኡባና ታማን ጸገትና፣ ታማ ጩዋይ ፑደ ከሰያዋ በኤድኖ።

41 ሄዋፕ ጉይያን፣ እስራኤላቱ ቢንያማ አሳቱዋ ቦላ ጉዩ ሰሚድኖ፤ ቢንያማ አሳቱ ዳጋሜድኖ፤ እያው ሳፕ፣ ኡንቱንቱ ወራና ሀንያዋ ኤሬድኖ።

42 ሄዋ ድራው፣ ኡንቱንቱ እስራኤልያ አሳ ሰንፋፕ መላ ቢታ ሰሚደ ባቃቱድኖ፤ ሸን ኦላይ ኡንቱንታ ካሊደ ጋኬዳ። ካታማቱዋፕ ከሴዳ እስራኤልያ ኦላንቻቱ ግዱዋን ኡንቱንታ ዋድ ወርሴድኖ።

43 እስራኤላቱ ቢንያማ አሳቱዋ ደዲደ፣ ግብአ ካታማፕ አዋይ ደልያ ባጋና ደእያ ሳአ ጋካናው ካሊደ ዩደርሴድኖ፤ ጮራቱ ኦግያን ደእሸን ዋዴድኖ።

44 ሄዋን ቢንያማ አሳፕ ታማነ ሆሰፑን ሻአ ሞኖ ኦላንቻቱ ሀይቄድኖ፤

45 ኡንቱቱፕ አቴዳዋንቱ ጉዩ ሰሚደ፣ መላ ቢታ ኦዲደ፣ ርሞና ግያ ዛላኮ ባቃቱድኖ፤ እስራኤላቱ ኡንቱቱፕ እቼሹ ሻአ አሳቱዋ ኦግያን ዋዴድኖ፤ ኡንቱንቱፕ አቴዳዋንታ ጊድኦማ ግያ ሳአ ጋካናው ዩደርሴደ፣ ላኡ ሻአ ዋዴድኖ።

46 ሄ ጋላሰ ቢንያማ ጋድያፕ ማሻን ኦለትያ ላታማነ እቼሹ ሻአ አሳቱ ሀይቄድኖ፤ ሄ ኡባቱካ ሞኖ ኦላንቻቱዋ።

47 ሸን ኡሱፑን ጾቱ አሳቱ መላ ቢታ ኦዲደ፣ ርሞና ዛላኮ ባቃቲደ፣ ያን ኦይዱ እገና ጋሞኤድኖ።

48 እስራኤልያ አሳይ አቴዳ ቢንያማ አሳኮ ጉዩ ዛሪደ፣ አቱማ አሳነ ማጫ አሳ፣ ናናነ መሀያ ኡባ ዋዴዲኖ፤ ደሜዳ ካታማቱዋ ኡባ ታማን ጾጌዲኖ።

21

ቢንያማ ዛረቶ ማኛያ እማናው ኮሼዳ

1 እስራኤልያ አሳይ ሞጽጳ ግያ ሳን ሸቄዳ ዋደ፣ “ኑ ግደፕ ኦንነ ቢንያማ አሳው ባረ ናት ማቻቶ ኦሌደ እመና” ያጊደ ጫቄ ዋዴዳ።

2 እስራኤላቱ ቤቴላ ካታማ ቢደ፣ ያን ሳአይ ቃማና ጋካናው ጸሳ ሰንፋን ኡቲደ፣ ባረንቱ ቃላ ቋቁ ኦሌደ፣ ሴላ ዩኩዋ ዩኬድኖ።

3 ሄዋፕ “አቤት መድና ጎደው፣ እስራኤልያ ጸሳው፣ ሀ ዩወ እያው እስራኤላን ሀኔዳ? ሀቼ እስራኤልያ አሳ ግደፕ እት ዛሪ እያው ፓጩ?” ያጌድኖ።

4 ዋንተፋ ጋላሰ ዋንታ ጉራና ኡንቱንቱ ደንዲደ፣ ያርሸያ ሳአ ያን ገግሲደ ጹግያ ያርሸቱዋን እትፕተፋ ያርሸቱዋ ሸሼድኖ።

5 ያቲደ እስራኤላቱ፣ “እስራኤልያ ዛርያ ኡባፕ መድና ጎዳ ሰንፋን ሸቆያሳ ይቤና ዛሪ ኦኔ?” ያጊደ ኦቼድኖ። ኡንቱንቱ ሄዋ ኦቼዳ ጋሶታይ፣ ሞጽጳ ካታማን መድና ጎዳ ሰንፋን ሸቆናው ይቤና አሳይ ኦንነ፣ “እ ኡባና ሀይቆ” ያጊደ ካሰ ጫቄዳ ድራሳ።

6 እስራኤልያ አሳቱ ባረንቱ እሻቶ፣ ቢንያማ ዛረቶ ቃረቲደ፣ “ሀቼ እስራኤልያፕ እት ዛሪ ቦሄቲዳ።

7 ኑን ኑ ማጫ ናና ኡንቱንቶ እመናዳን መድና ጎዳን ጫቄዳ ድራው፣ ሀይቆዋፕ አቴዳ ቢንያማ ዛራቱ ማጫ አሳ አካና ማላ፣ ኑን እይ ኦፋኔ?” ያጌድኖ።

8 ቃይካ ኡንቱንቱ፣ “እስራኤልያ ዛራቱዋፕ ሞጽጳ ካታማን መድና ጎዳ ሰንፋ ይቤናዋ ኦኔ?” ያጊደ ኦቼድኖ። ጋላኦደን ደእያ ያቤሻ ግያ ካታማፕ እት አሳይነ ሸቄዋ ይቤናዋ ኤሬድኖ።

9 ኡንቱንቱ አሳ ፓይዴዳ ዋደ፣ ጋላኦደን ደእያ ያቤሻፕ እት አሳይነ ቤትቤና።

10 ሄዋ ድራው፣ ማባራይ ታማነ ላኡ ሻአ ሞኖ ኦላንቻቱዋ ጋላኦደን ደእያ ያቤሻ ካታማ ከቲደ፣ “ቢተ፤ ያቤሻን ደእያዋንታ ኡባ ማሻን ቡሳክተ፤ ማጫ አሳካ ጉፋ ናናካ አሻፕተ።

11 ሀዋዳን ኦለተ፤ አቱማ አሳ ኡባነ አቱማ አሳና ግሴዳ ማጫ አሳ ኡባ ዋድተ” ያጊደ ኦዛዜድኖ።

12 ያቤሻ ካታማን ደእያ አሳ ግደፕ አቱማ አሳና ግሰቤና፣ ኦይዱ ጾቱ ዋደሮ ማጫ ናና

ደሚደ ካናነ ጋድያን፤ ሴሎን ደእያ ዲንካኔዳ ሳኦ ኦኪደ ኦሄድኖ።

13 ሄዋፕ ጉይያን፤ ኩመንገላ ማባራይ ርሞና ዛላ ግያ ሳን ደእያ ቢንያማ አሳቱዋኮ ሰጋ ኪቱድኖ።

14 ቢንያማ አሳቱ ሰሚደ ዬድኖ። እሰራኤልያ አሳይ ያቤሻ ካታማፕ ዋግናን ኦሄዳ ዋዶሮ ናና ኡንቱንቶ እሚዳ። ሸን ዋዶሮ ናናይ አቱማ አሳ ኡባ ጋክበይክኖ።

15 እሰራኤልያ ዛራቱዋ ግዶን ደእያ እትፕተላይ ዲጸናዳን መድና ጎዳይ ኦሴዳ ድራዉ። አሳይ ቢንያማ አሳዉ ሎይላ ቃረቱዳ።

16 ማባራ ጭማቱ፤ “ቢንያማ ዛራቱዋፕ ማጫ ናናይ ሀይቂ ዉራዳ ድራዉ፤ ሀይቂዋፕ አቱዳ አቱማ አሳዉ ኩን ማኙያ ዋት እማኔ?

17 እሰራኤልያ አሳ ግዶፕ ፕተት ባየና ማላ፤ ቢንያማ ዛራቱዋፕ አቱዳዋንቶ ላትያ ናናይ ደእናዉ ኮሺ።

18 ግዶፕ፤ ኩን ኩ ማጫ ናናቱዋፕ ኡንቱንቶ እማናዉ ዳንዳዮኮ፤ እያዉ ጎፕ፤ እሰራኤልያ አሳይ ካሰ፤ ሳረ ናቶ ቢንያማ ዛርያዉ እምያ ኡራይ ሸቀቱዳዋ ግዶን ያገደ ጫቀላ ዋሴዳ” ያጌድኖ።

19 ሄዋፕ ጉይያን፤ ማባራ ካለላያ ጭማቱ፤ “በእተ፤ ላይላን ላይላን ሴሎን መድና ጎዳ ቦንኙያ ባላይ ማቱዳ” ያጌድኖ። ሴሎ ቤቴለፕ ሁጲሳ ባጋና፤ ላቦናፕ ገድሳ ባጋና፤ ቤቴለፕ ሰኬማ አፍያ ኦግያፕ አዋይ ዶልያ ባጋና ደኤ።

20 ሄ ማባራ ካለላያ ጭማቱ ቢንያማ አሳቱዋ ሀዋዳን ያገደ አዛዜድኖ፤ “ቢተ፤ ዋይንያ ቱራ ግዲዋን ሙገደ።

21 ናግተ። ሴሎ ካታማ ማጫ ናናይ ባላ ጋላሰ ካባሩዋ ኦይቂደ፤ የጲድነ ዲራደ ይያ ዋደ፤ ህንተንቱ ዋይንያ ቱራ ግዶፕ ከሰተ። ኡባይካ ሴሎ ማጫ ናናቱዋፕ ህንተንቶ ዳፊደ፤ ቢንያማ ጋድያ ኦኪደ ቢተ።

22 ኡንቱንቱ አዋቱ ዋይ ኡንቱንቱ እሻቱ ኩኮ ማጋናናዉ ይያ ዋደ፤ ኩን ኡንቱንታ፤ ሳይ ሀያና፤ ኡንቱንታ ኩዉ እም አግተ፤ እያዉ ጎፕ፤ ኩን ኡንቱንታ ሁጲያን ሁጲያን ጋክያ ማጫ አሳ ኦላ ሳፕ ደምበይኮ። ህንተንቱ ዶሲደ እምቤና ድራዉ፤ ባይዛንቻ ግድክታ ያጋና” ያጌድኖ።

23 ቢንያማ አሳቱካ እሰራኤልያ ጭማቱ ጌዳዋዳን ኦሴድኖ፤ ኡባይካ ሴሎን ዲርያ ማጫ ናናቱዋፕ ባረንቱ ፓይዲዋ ኬሻቱዋ ዳፊደ እፊድኖ። ኡንቱንቱ ባረንቱ ላታ ጋድያ ሰሚደ፤ ካታማቱዋ ዋላ የግ ኬጲደ፤ ያን ደኤድኖ።

24 ሄ ዋደ እሰራኤልያ አሳይ ያፕ ብያ ዋደ፤ ኡባይካ ባረ ዛርያኮ ዛርያኮን ባረ ሶ አሳኮ አሳኮ ቤዳ።

25 ሄ ዋደ እሰራኤልያ ጋድያን ካቱ ባዋ፤ አሳይ ኡባይ ባረዉ ልከ ማላቱዳዋ ጮ ኦሴ።

ኡሩቶ ማጻፋ ገሉዋ

ኡሩቶ ታርኪ ሳርተላይ ኩሜዳ ታርኪያ፤ ሀ ታርኪ ቤቴዳዌ ዳናቱዋ ማጻፋን ኦድቴዳ ማካላይ ደእያ ዋድያና። ሞክበ ጋደ አሳ ግዴዳ ኡሩታ እስራኤልያ አሳ እቱዋ ገላዲ። ደእሸን እ አሰናይ ሀይቁና፣ እስራኤልያ አሳ ግዴዳ ባረ ቦሎታትዉ ሎይላ ማላልሰያ ሀናታን አማነታዲ። ሄዋዳንካ ቃይ እስራኤልያ ጸሳ ሎይላ ሲቃዲ። ዉርሰላን በን ባረ አሰና ዳባቱዋፕ እቱዋ ገላዲ። ሄ ገሉዋ ባጋና እስራኤልያ ጋድያን ዋልቃማ ካትያ ግዴዳ ዳዊተዉ ማይዛ አቶ ግድያ ካጫ ደማዲ።

ዳናቱዋ ማጻፋን ደእያ ታርኪ ጸሳ አሳይ ጸሳፕ ሃኬዳ ጋሱዋን ኡንቱንታ ጋኬዳ ባሻ በሰና። ኡሩቶ ማጻፋን ደእያ ታርኪ ቃይ ባረ ዴሙዋ እስራኤልያ ጸሳኮ ዛሬዳ እት አላጋ ሞሽራታ እንጀቴዳን አማነቱዳ አሳፕ እትና ግዳደ ፓይደቱዳ እዝ ዳንዲያ በሰ።

ሸምጋቱዋ ኡባቶ እመቴዳ ቃንሳ ቆፋቱዋ

ኦሃማ ኡሩትና ቤተሌመ ሰሙሳ 1:1-22

ኡሩታን ቦኤዛ ጋከቱሳ 2:1—3:18

ቦኤዛ ኡሩቶ አኩሳ 4:1-22

ኦሃማ ኡሩትና ቤተሌመ ሰሙሳ

(1:1-22)

ኤልመሌክነ አ ሶይ አሳይ ሞክበ በቴድኖ
1 እስራኤልያ ጋደ ዳናቱ ሞድያ ዋድ፣ ሄ ጋድያን ኮሻይ ደንዴዳ። እት ብታንያ ባረ ማቻትናን ባረ ላኡ ናናን ይሁዳ ጋድያን ቤተሌመ ካታማፕ ደንዲደ፣ ሞክበ ጋድያ በቴዳ።

2 ሄ ብታንያ ሱንሳይ ኤልመሌካ፤ አ ማቻት ሱንሳይ ኦሃማ፤ አ ላኡ ናና ሱንሳይ ማህሎናን ኬልዋና። ኡንቱንቱ ይሁዳ ቤተሌመን ደእያ ኤፍራታ ያራ። ሄዋንቱ ሞክበ ቢደ ያን ደኤድኖ።

3 ኦሃም አሰናይ ኤልመሌክ ሀይቁዳ። አዛ ባረ ላኡ ናናቱዋን አታዲ።

4 ሄ ናናይ ሞክበ ጋደ ማጫ ናናቱዋፕ ኦርፖን ኡሩቶን ጌተትያ ማቻቱዋ አኬድኖ። ሄዋን ታሙ ላይሳ ግድያዋ ኡቲደ።

5 ማህሎን ኬልዋንን ላአቱካ ሀይቁድኖ። ኦሃማ ባረ አሰናይካ ባረ ላኡ ናናይካ ሀይቅና ባረካ አታዲ።

ኦሃማ ኡሩትና ቤተሌመ ሰማዲ

6 አ ሞክበን ደእደ፣ መድና ጎዳይ ባረ አሳ እስራኤልያ ማሪደ፣ ካላ ኡንቱንቶ ጋሌዳዋ ሰሳዲ። ሞክበ ጋድያፕ ሰማናዉ ባረ ናና ማቻቱዋ ላአቱዋና ደንዲዲ።

7 ባረ ናና ማቻቱዋ ላአቱዋና እትፕ ባረ ደኤያሳፕ ከሳዲ። ኡንቱንቱ ጉየ ይሁዳ ጋድያ አፍያ ኦግያን ገሌድኖ።

8 ኦሃማ ባረ ናና ማቻቱዋ፣ “ሰምተ፤ ሀንተንቱ ኡባይካ ሀንተንቱ አት ሶ አት ሶ ቢተ። ሀንተንቱ

ሀይቁዳዋንቶን ታዉነ ኬከዳዋዳን፣ መድና ጎዳይ ሀንተንቶ ኬኮ።

9 ሀንተንቱ ሁጲያን ሁጲያን ገልያ ሀራ አሰናቱ ሶን መድና ጎዳይ ዋፓ እሞ” ያጋደ ኡንቱንታ የራዲ።

ሸን ኡንቱንቱ ባረንቱ ቃላ ቶቁ ኦሊደ ዩኪደ።

10 “ኡን ኔናና ነ አሳኮ ባና” ያጌድኖ።

11 ሸን ኦሃማ ኡንቱንታ፣ “ሀይ ታ ናቶ፣ ሰምተ። ሀንተንቱ ታናና አያዉ ቢቱ? ሀንተንቶ አሰና ግዳናዉ አቱማ ናና ታን ሀዋፕ ጉየ የላንታየ?”

12 ታ ናቶ፣ ሰምተ፤ ታን ሀራ አሰና ገለናዳን ኤጫክቻድ። ዋን ታን የላና ጋይታንቶን፣ ሀቼ ቃማ ኡባ አሰና ገላደ፣ አቱማ ናና የላይታንቶን።

13 ሄዋንቱ ድጭ ጋካናዉ ናጋኒቱየ? ኡንቱንቱ ድራዉ ገደ፣ አሰና ገለናን አት አጋንቱየ? ታ ናቶ፣ ሄዋ ሀንናዋ ግድያዋ ሀንተንቱ ኤሪታ። መድና ጎዳይ ታና መቶሌዳዋ ድራዉ፣ ሀንተንታ ጋኬዳባይ ታና ሎይላ ሴሌ” ያጋዲ።

14 ሄዋን ኡንቱንቱ ባረንቱ ቃላ ቶቁ ኦሊደ፣ ዩኪድኖ። ያትና ኦርፓ ባረ ቦሎታቶ የራ አካደ፣ ሰማ አጋዲ። ሸን ኡሩታ ኦ ባቃ ኦይቃደ እጻዲ።

15 ኦሃማ ኦ፣ “በአ፣ ነ አሰና አሻ ማቻታ ባረ አሳኮን ባረ ጸሳኮን ሰማዲ። ኔንካ እዝና ሰማደ ባ” ያጋዲ።

16 ኡሩታ ዛራደ፣ “ታን ኔፕ ሻከታናዳን ዋይ ኔና አጋደ ጉየ ሰማናዳን ታና መቶላፓ። ኔን ብያሳኦ ሀቃን ታን ባና፤ ኔን ደእያ ሳኦን ሀቃንን ታን ደአና። ነ አሳይ ታ አሳ ግዳና፤ ነ ጸሳይ ታ ጸሳ ግዳና።

17 ኔን ሀይቁያ ሳኦን ታን ሀይቃና፤ ሄዋን ሞገታ አጋና። ሀይቆፕ አትን፣ ሀራባይ ታና ኔፕ ሻኮፕ፣ መድና ጎዳይ ታና ዋዶ” ያጋዲ።

18 ኡሩታ እዝና ባናዉ ባረ ቆፋ ቃቼዳዋ ኦሃማ ኤራደ፣ ጮኡ ጋደ አጋ ባሻዲ።

19 ሄዋ ድራዉ፣ ላኡ ማጫ አሳቱ ቤተሌመ ጋካናዉ ቤድኖ። ኡንቱንቱ ቤተሌመ ጋክያ ዋድ፣ ሄ ካታማ አሳይ ኡባይ ኡንቱንቱባን ማላሌቴዳ። ቃይ ማጫ አሳቱ፣ “ሀና ኦሃማ?” ያጌድኖ።

20 አ ዛራደ ኡንቱንታ፣ “ታና፣ ኦሃማ * ጎፕተ፤ ‘ጫመቴዳን’ ገተ። አያዉ ጎፕ፣ ኡባ ዳንዲይያ ጸሳይ ታ ደኡዋ ዳርሰ ጫምሴዳ።

21 ታን ኩመንላን ከሳደ ባድ፣ ሸን መድና ጎዳይ ታና መላ ዛራደ። መድና ጎዳይ ታና ቱጋዬደ ኡባ ዳንዲይያ ጸሳይ ታናን ፓላባ ጋሌዳ። ያትና፣ ታና አያዉ ኦሃመ ገደ ጸሲቱ?” ያጋዲ።

22 ሄዋዳን ሀናደ፣ ኦሃማ ባረ ናና ማቻቱ ሞክበ ኡሩትና ሰማዲ። ኡንቱንቱ ቤተሌመ ጋኬዳዌ ባንጋ ጫካይ ደመትያ ዋድያና።

ኡሩታን ቦኤዛ ጋከቱሳ

2

(2:1—3:18)

ኡሩታ ቦኤዛ ጋደ ቃርምያ ቆራናዉ ባዲ

1 ኦሃማው እዝ አሰና ኤልመሌካ ባጋና ዳቦትያ፣ ቦኤዛ ግያ እት ኤረቱዳ ዲራ ብታኒ ደኤ።

* 1:20 ኦሃማ- ሀ ሱንሳ ብለላይ፣ “ጫመቴዳና” ግያዋ።

2:2 ዋጋ 19:9-10፣ ዛረ. 24:10

2 እት ጋላስ ሞክላታ ኡሩታ ኑሃሞ፡ “ታወ ቃረትያ አሳ ካላደ ቃርምያ ቆራናወ ካላ ጫክያ ሳኦ ቦሻ?” ያጋዲ።

እዛ፡ “ኤ ታ ናተ፡ ባ” ያጋዲ።

3 ኡሩታ ባደ፡ ካላ ጫክያ አሳ ጌዲዋጥ ቃርምያ ደማዲ። ካጫዲን ኦ ቃርምያ ማጽያዎ ጋዲ ኤልመሌካ ደቡዋ ቦኤዛ ጋደ።

4 ሄ ዎደንካ ቦኤዛ ቤተሌመ ካታማጥ ጋክ ዎዲዳ፤ ካላ ጫክያ አሳ፡ “መድና ጎዳይ ሀንተንቶ ዎልቃ እሞ” ያጌዳ።

ኡንቱንቱካ ዛሪደ፡ “ኔናካ መድና ጎዳይ አንጀ” ያጌድና።

5 ያትና ቦኤዛ ካላ ጫክያዎንቱ ካፑዋ፡ “ሀና ያላጋ ማጫውና ኦኒ?” ያጌደ ኦቼዳ።

6 ጫክያዎንቱ ካፑ ዛሪደ፡ “ሀና ያላጋታ ኑሃሞና ሞክላታ ጋድያጥ ዬዳ ሞክላታ ማጫ አሳ።

7 ኦ ታና፡ “ካላ ጫክያዎንቱ ጌዲዋ ካላደ ፖቻቱዋ ገዲዋጥ ቃርምያ ማጽ?” ጋደ ኦቻዲ። ያቲዳና ዎንታ ዮደጥ ደማደ ሀእ ጋካናወ፡ ጉላን ሸምጥናን ሀዋን ማጻደ ጋምኣዲ” ያጌዳ።

8 ቦኤዛ ኡሩቶ፡ “ታ ናተ፡ ሰሳ፤ ቃርምያ ማጻናወ ሀራ ጋደ ቦጋ። ቃይ ሀዋጥ ሀቃነ ቃጾጋ። ታ ማጫ ቆማቱዋና ሀዋን ፔሻ።

9 አሳይ ካላ ጫክያ ሳኦ ጾላ ጾላደ፡ ኡንቱንቱ ጌዲዋ ካላደ ማጻ። አቱማ ቆማቱ ኔና ቦቹናዲን ታን ኡንቱንቶ ኦዲድ። ቃይ ኔና ሳምያ ዎደ፡ አቱማ ቆማቱ ትክ ዎሌዳ ሃላ ኦቱዋኮ ባደ ኡሻ” ያጌዳ።

10 ኡሩታ ሶምኣ ሳኦ ጋካናወ ሆካደ ወትሻዲ፤ “ታን እማላ አሳ ግድክታ? ኔን ሀዋ ኬሻ ታወ ቃረቲዳዌ አያ ድራሴ?” ያጋዲ።

11 ቦኤዛ ዛሪደ፡ “ነ አሰናይ ሀይቆደጥ ደምና፡ ኔን ነ ቦሎታትወ ኦሌዳ ኩመንላ ኡባ ታን ሰሳድ። ኔን ነ አቶ፡ ነ አወዋነ ነ የለቲዳ ጋዲያ አጋደ፡ ሀዋጥ ካሰ ነ ኤረና አሳና ደአናወ ዬዳዋ ታን ጌሻደ ኤራድ።

12 ኔን ሀኔዳዋ ኩሸያ መድና ጎዳይ ነወ ዛር። ኔን ኦ ቀፍያ ጋርሳን አታናወ ዬዳ መድና ጎዳይ፡ እሰራኤልያ ጾሳይ ነወ ኩመንላባ እሞ” ያጌዳ።

13 ኡሩታ፡ “ታ ጎዳወ፡ ኔን ታወ ዳርሳ ቃረታዳ፤ ታን ነ ቆማቱጥ አቱዋ ጋክክ፡ ሸን ታወ ሎኦባ ሃሳያደ፡ ታና ሞን፡፡፡” ያጋዲ።

14 ላጻ ሞያ ዎደ ቦኤዛ ኦ፡ “ሃ ሸቃ፤ ኡክላ አካደ ዎይንያ ኤሳ ጫላን ቱሻ ቱሻደ ማ” ያጌዳ። ካላ ጫክያዎንቱ ማታን ኡታዲ። እዘወ ትሻ ጸጸዳዋካ እሜዳ፤ ኦ ማደ ካልና፡ ቁማይ ፓላሃዳ።

15 ቃይካ ቃርምያ ማጻናወ ኦ ደንድያ ዎደ፡ ቦኤዛ ባረ ቆማቱዋ፡ “ፖቼያ ጋርሳጥካ ኦ ቆርጥካ፡ ኦ ዬላዮፕተ።

16 ኡባ ፖቼያጥካ ሸዲደ፡ እዘወ የግ አግተ፤ እዛ ማጻ፤ ኦ እማሳሎፕተ” ያጌዳ።

17 ሄዋን ኡሩታ ኦማርሰ ጋካናወ ቆራዲ። ባረ ማጻ ፔሸዋ ኦ ቡክና፡ ታሙ ኪሎ ግራመ ባንጋ ግድያዋ ከሴዳ።

18 ኦ ሄ ካላ ባኦ አካደ፡ ካታማ ሰማዲ፤ አይ ኬሻ ካላ ማጻደንቶ ኦ ባረ ቦሎታቶ በሳዲ። ቃይ

ባረ ሚሸን ፓላሃደ አቲዳ ቁማ አሃዳዋ ከሳደ እዘወ እማዲ።

19 ያትና፡ እዝ ቦሎታታ ኦ፡ “ሀቼ ሀዋ ሀቃጥ ማጻዲ? ሀቃን ኦላዲ? ነወ ሀዋዳን ኬኬዳ ብታኒ አንጀቶ” ያጋዲ።

እዛ ባረ ኦላ ፔሼዳ ጋድያ ጎዳባ ባረ ቦሎታትወ ኦዳዲ። “ታን ሀቼ ኦላደ ፔሼዳ ጋድያ ጎዳ ሰንሳይ ቦኤዛ” ያጋዲ።

20 ኑሃማ ዛራደ፡ “ሀይቁዳዋንቶካ ፓጻ ደአያዋንቶካ ባረ ኬካተላ አግቤና መድና ጎዳይ አንጀ” ያጋዲ። ጉጃደካ ኑሃማ ኦ፡ “ሄ ብታኒ ኑ ማታ ደቡዋቱ፤ ኡባ ኩባ ዎዛናወ ጋልያዋንቱጥ አቱ ኦ” ያጋዲ።

21 ሞክላታ ኡሩታ፡ “ኦ ኡባ ታና፡ ታ ካላይ ጫክቲደ ወራና ጋካናወ፡ ታ ኦሳንቻቱዋጥ ሻከተናን ቃርምያ ማጻ ያጌዳ” ያጋዲ።

22 ኑሃማ ባረ ናኦ ማቻቶ ኡሩቶ፡ “ታ ናተ፡ ቱሙካ ቦኤዛ ጋድያን ኦልያ ማጫ አሳቱዋና ቦጥ፡ ነወ ሎኦ። አያወ ጎጥ፡ ሀራ አሳ ጋደ ቦጥ፡ ኔና አቱማ አሳይ ቦቻናዋ” ያጋዲ።

23 ሄዋ ድራወ፡ ኡሩታ ቦኤዛ ማጫ ቆማቱዋኮ ሸቃደ፡ ባንጋነ ዛርጋ ጫካይ ወራና ጋካናወ፡ ቃርምያ ማጻደ ጋምኣዲ። ቃይ ባረ ቦሎታትና እትጥ ደኣዲ።

3

ኡሩታ አሰና ደማዲ

1 እት ጋላስ ኑሃማ ባረ ናኦ ማቻቶ፡ “ታ ናተ፡ ኔን ግገና ደአናወ፡ ታን ነወ አሰና ኮይንቶ ኢታኔ?

2 ኔን ኡንቱንቱና ጋምኤዳ ማጫ ቆማቱ አወ ኪተትያ ቦኤዛ ኑወ ማታ ዳቦ ግደኔ? ሰሳ፡ ኦ ሀቼ ቃማ ኡዲማን ባንጋ ቡካናዋ።

3 ኔን ሜጨታ፤ ሸቱዋ ኦከታ። ያታደ ነ ሎኦ ማዳዋ ማያደ፡ ዳገ ኡዲማ ባ፤ ሸን ባደ ቦኤዛ ሚድነ ኡሸደ ሰማና ጋካናወ፡ ኦ አይፍያን ቤቶጋ።

4 ኦ ግሰያ ዎደ፡ ሀቃን ኦ ግሰንቶነ በኣደ፡ ኦ ገምእሾንን ኦ አፍላ ቃራደ፡ ኦ ገድሳና ግሳ ባሻ። ኔን ሀናናባ ኦ ነወ ኦዳናዋ” ያጋዲ።

5 ኡሩታ፡ “ኔን ጌዳዋ ኡባ ታ ሀናና” ያጋዲ።

6 ሄዋ ኡሩታ ዲገ ኡዲማ ባደ፡ እዝ ቦሎታታ እዘወ ኦዳዳባ ኡባ ሀናዲ።

7 ቦኤዛ ሚደ ኡሸደ ባረ ቦላ ፓሸክሴዳዋጥ ጉዮ፡ ካላ ኡልያ ማታን አዲደ ግሴዳ። ኡሩታ ሎዳን ሸቃደ፡ ኦ ገድያ ቃራደ፡ ገድሳና ግሳ አጋዲ።

8 ሄካ ብላሄ ግድያ ዎደ፡ ብታንያ እትባይ ዳጋንሐና ቤጎቲደ፡ አድ ዎዲደ፡ እት ማጫውና ኦ ገድሳና ግሴዳና ደሜዳ።

9 “ሀኔ፡ ኔን ኦኔ?” ያጌደ ኦቼዳ።

እዛ፡ “ታን ነ ቆማቶ ኡሩቶ፤ ኔን ታ አሰናወ ማታ ዳቦ ግድያ ድራወ፡ ታና ኦካ” ያጋዲ።

10 ቦኤዛ ዛሪደ፡ “ታ ናተ፡ መድና ጎዳይ ኔና አንጀ! ሀዋ ነ ኦሻይ ኔን ካሰ ነ ቦሎታትወ ኡሌዳ ኬካተላጥ አዲ፤ ኔን ማንቆ ዎይ ዲረ ግዳዳ ያላጋ አቱማ አሳ ኮያባካ።

11 ሀእ ሰም ታ ናተ፡ ያዮ፡ ኔን ኦቼዳ ኡባ ነዉ ታን ኦላና፡ አያዉ ጎ፡ ታ ካታማን ደእያ አሳይ ኡባይ ኔን ሎኡባ ሀንያ ማጫ አሳ ግድያዎ ኤራዳ፡፡

12 ታን ማታ ዳቦ ግድያዌ ቱማ፤ ሸን ታፕ ማታ ዳርያዌ ደኤ፡፡

13 ሀቼ ቃማ ሀዋን አቃ፡፡ ዋንትና እ ኔና አይሳናዉ ኮዮ፡ ሎኡ፤ አኮ፡፡ ሸን እ አይሳናዉ ኮዮን እጸ፡፡ መድና ጎዳይ ኤር፡፡ ታን ኔና አካና፡፡ ሳአይ ዋንታናዉ ሀዋን ግሳሻ” ያጌዳ፡፡

14 እዛ ቦኤዛ ገድሳና ሳአይ ዋንታናዉ ግሳዳ፤ ቦኤዛ፡ “ማጫውና ካላ ኡዲማ ዬዳዋ ኦንነ ኤር፡፡” ጌዳ ድራዉ፡ ኡሩታ አሳይ አሳ በኤና ዋድያን ደንዳዲ፡፡

15 ቦኤዛ ኦ፡ “ነ ማዬዳ ቃምሸያ ሃ አሀዳ፡ ፕድ ኦላ ኦይቃ” ያጌዳ፡፡ አ ኦይቁና ላታሙ ኪሎ ግራመ ባንጋ ማክ ቆሊደ፡ ኦ ባእሴዳ፡፡ አ ባአደ ጉዮ ካታማ ባዲ፡፡

16 ኡሩታ ባረ ቦሎታትኮ ዪና፡ ኦሃማ ኦ፡ “ታ ናተ፡ ነባይ ዋኔዳ?” ያጋደ ኦቻዲ፡፡ ብታኒ እዚው ኦሌዳባ ኡባ ኦዳዲ፤

17 “ ኅ ቦሎታትኮ መላ ኩሸ ቦፓ ጊደ ሀዋ ላታሙ ኪሎ ግራመ ባንጋ እሜዳ” ያጋዲ፡፡

18 ያትና፡ ኦሃማ፡ “ታ ናተ፡ አይዴ ሀናናዌንቶ በአና ጋካናዉ ናጋ፡፡ ብታኒ ሀቼ ሀ የወዋ ወርሰናን ሸምፕና” ያጋዲ፡፡

4

ቦኤዛ ኡሩቶ አኩሳ (4:1-22)

1 ቦኤዛ ካታማ ፕንግያ ማታን ደእያ ጉታራ ፑደ ከሲደ፡ ያን ኡቲዳ፡፡ እ ኦዴዳ ማታ ዳቦ ያና አዴ፡፡ ቦኤዛ “ታ እሻዉ፡ ሃ ሰማደ ሀዋን ኡታ” ያጌዳ፡፡ እ ሰሚደ ኡቲዳ፡፡

2 ቦኤዛ ሄ ካታማ ጭማቱዋፕ ታሙ አሳ ደሪደ፡ “ሀዋን ኡትተ” ያጌዳ፤ ኡንቱንቱ ኡቲድና፡፡

3 ቦኤዛ ባረ ማታ ዳቡዋ ሀዋዳን ያጌዳ፤ “ሞአበ ጋድያፕ ሰማደ ዬዳ ኦሃማ፡ ኦ እሻ ኤልመሌካ ጋድያ ባይዛዉ፡፡

4 ሄዋ ድራዉ፡ ታን ነዉ፡ ሀዋን ኡቲዳ አሳ ሰንላንነ ታ ካታማ ጭማቱዋ ሰንላን፡ “ሻማ” ጋደ ኡዳናዉ ቆፓድ፡፡ ኔን ዋዛናዉ ኮዮ፡ ዋዛ፤ ኮያና ቆዮ፡ ታን ኤራናዉ ታዉ ኦዳ፡፡ አያዉ ጎ፡ ዋዛናዉ ማታይ ደእያዌ ኔፕ ሀራ አሳይ ባዋ፤ ኔፕ ካላደ ታን ደአይ” ያጌዳ፡፡

እ፡ “ታን ዋዛና” ያጌዳ፡፡

5 ቦኤዛ፡ “ጋድያ ናኦምፕ ሻምያ ጋላሰ፡ አምአቶ ኡሩቶ አካሳ፤ ያቶ፡ ሀይቁዳዋ ሰንላይ አ ላታ ጋድያን ጸሰታናዋ” ያጌዳ፡፡

6 ሀ ማታ ዳቡ፡ “ሄዋ ግድ፡ ታን ዋዛናዉ ዳንዳይከ፤ አያዉ ጎ፡ ሄዋ ታና ታ ቡዞ ላታ ጋድያ ባይዛሳና፡፡ ሄዋ ኔን ነዉ ዋዛ፤ ታን ዳንዳይከ” ያጌዳ፡፡

7 በን ዋደ እሰራኤልያ ጋድያን ኦንነ አቁዋ ዋዘፕ ዋይ ላም፡፡ ዛልእያ ዲላናዉ እት ባጋይ ባረ ጫማ ገድያፕ ሸዲደ፡ ሀንኮ ባጋዋ እሜዳ፡፡

እሰራኤልያ ጋድያን እትባ እቱዋፕ እቶ ሼድያ ማራይ ሄዋ፡፡

8 ሄዋ ድራዉ፡ ሄ ማታ ዳቡ ቦኤዛ፡ “ኔን ሻማ” ያጌዳ፡፡ ባረ ጫማ ገድያፕ ሸዲደ፡፡

9 ያትና፡ ቦኤዛ ጭማቱዋን አሳ ኡባ፡ “ታን ኤልመሌካዉ ከልዋናዉን ማእሎናዉ ደእያዋ ኡባ ናኦምፕ ሻሜዳዋ ሀቼ ሀንተንቱ ማርካ፡፡

10 ቃይ ሀይቁዳዋ ሰንላይ ኡንቱንቱ ሶ አሳ ሰንላ ግድ፡ ዋይ ካታማ አሳ ማዘገባፕ ቆየናዳን፡ አ ሰንላ አ ላታ ጋድያን ጸሰሳናዉ ማእሎና አምአቶ ኡሩቶካ ታን አክያዋ ሀቼ ሀንተንቱ ማርካ” ያጌዳ፡፡

11 ፕንገ ጉታራን ደእያ ጭማቱን አሳይ ኡባይ፡ “ኤ፡ ሀዋ ኦን ማርካ! መድና ጎዳይ ሀና ነ ሶ ይያ ማቻቶ፡ እሰራኤልያ አሳዉ ማይዛ አቶ ግዴዳ ራሄልዳንነ ልያዳን ኦላ፡፡ ኔንካ ኤፍራታን ዲረ ግዴዳ ነ ሰንላይ ቤተሌመን ኤረቶ፡፡

12 መድና ጎዳይ ሀ ሎኦ ያላጋ ማቻትፕ ነዉ አምያ ዛርያን፡ ትእማራ ይሁዳዉ የሌዳ ፓሪሳ ጎለን ሀና” ያጌዳ፡፡

ቦኤዛ የለታ

13 ሄዋዳን ኦሊደ፡ ቦኤዛ ኡሩቶ አኩዳ፤ አዉ ማቻቶ ግዳዲ፡፡ መድና ጎዳይ እዘዉ ኡሎዋን የሌዋ አምና፡ አቱማ ናኦ የላዲ፡፡

14 ማጫ አሳቱ ኦሃም፡ “ሀቼ ኔና ሄማናዉ ነዉ ናኦ ናኦ ቆይሰቤና መድና ጎዳይ ጋላተቶ! አ ሰንላይ እሰራኤልያን ኤረቶ!

15 እ ነዉ ሳኦ ኬክሳና፤ ኔን ኤጭያ ዋድያን ኔና እ ሄማና፡፡ አያዉ ጎ፡ ኔና ደሰያና፡ ላፑን አቱማ ናናፕካ አቆ ነዉ ኬክያና፡ ነ ናኦ ማቻታ አ የላዲ” ያጌድና፡፡

16 ኦሃማ ዬራ አካደ እድማዲ፤ ያታደ አ ድቻዲ፡፡

17 እ ሸሩዋን ደእያ ማጫ አሳቱ፡ “ኦሃሚው አቱማ ናኦይ የለቲዳ” ያጌደ አ ዮቤዳ ሰንላድና፡፡ ዮቤድ ዳዊተ አዉዋ እሰያ የሌዳዋ፡፡

18 ፓሪሳ የለታይ ሀዋፕ ካሊደ ጸፈቲዳዋዳን፡ ፓሪሰ ሄጽሮና የሌዳ፤

19 ሄጽሮን ራማ የሌዳ፤ ራም አምናዳባ የሌዳ፤

20 አምናዳባ ናኦሶና የሌዳ፤ ናኦሶን ሳልሞና የሌዳ፤

21 ሳልሞን ቦኤዛ የሌዳ፤ ቦኤዛ ዮቤዳ የሌዳ፤

22 ዮቤድ እሰያ የሌዳ፤ እሰይ ዳዊታ የሌዳ፡፡

ኮይር ሳሜላ ማጻፋ ገሉዋ

ኮይርነ ላኤንሎ ሳሙላ ግያ ሱንሳይ ዬዳዌ ጸሳይ እስራኤልያ ቢታን ካተቱዋ አይሱዋ ኤሳናው ጎኔቱዳ አሳ ጋሱዋና። ሳሙል ጸሳይ እስራኤልያ ቦላን ኦራሳ ካትያ አይሱዋ ማራ ኤሴዳዋን እ ኤሴዳ ማራይ ብለላና ደከና ማላ ኦሴዳ አሳ። ሳሙላ ማጻፋን ኮይር ሻኩ እስራኤልያ አሳይ ዳናቱ ሞዱዋፕ ካተቱ ሞድያ ካወተሳዉ ፕኔዳ ሀናታ ኦዳ። ሀ ሳሚ እስራኤልያ አሳ ኡባ ደኡዋ ግድን ኦሰታናው ዳንዳዬዳዌ ሄዙ አሳ ጋሱዋና። ሄዋንቱፕ ኮይሩ ወርሰላን ደኤዳ ዋልቃማ ዋልቃማ ዳናቱዋፕ እቱዋ ግድያ ሳሙላ ግድደ። ላኤንሎ እስራኤልያው ኮይር ካትያ ግድዳ ሳከላ። ሄዘንሎ ቃይ ማታ ኦይቃናፕ ካሰ እ ታርኪ ሳሙላን ሳከላ ታርኪያና ኦይቃት ኡቱዳ ዳዊታ።

ሀ ማጻፋው ሁጳ ከታይ ኤጫ ቃላ ጫቁዋ ግድን ደእያ ሀራ ታርኪያ ማጻፋቱዋዳንካ፣ ጸሳው አማነትያዌ አንጆን አንጆ ደኦ ካለላያዋን አዛዘተናን እጽያዌ ኩንደላን ባሻ አሀያዋ በሴ። ሄዌን ጸሳይ ቄሰያ ኤልያው ኦዲደ። “ታና ቦንቶያዋንታ ታን ቦንቶና፤ ታና ካቲያዋንታ ታን ካወሻና” ጊደ ሃሳዬዳ ቃላን ቆንጮያን ኦዳ። (2:30)

ሀ ማጻፋይ ካቲ ሞድያ ካወተሳ ኤሰያ ማራን አሳው ሰሰትያ ሀናታ ቆንጮሴዳ። ካሰ አይሱዋ ዋጋን እስራኤልያ አሳው ቱሙ ካትያ ግዲደ ኤሪቱዳዌ ባረ ሁጲያው ጸሳ። ሸን ጉየፕ ጋምኢደ አሳይ ኦሻ ደንሐና፣ ጸሳይ ኡንቱንቶ ካትያ ደራዳ። ሸን ሀ ኡባን ሁጲባይ ካትያ ግድና፣ እስራኤልያ አሳ ግድናካ፣ ጸሳይ ኡንቱንቱፕ ቦላና ፕርድያዋ ግድና፣ እ ጋርሳን ኡንቱንቱ ደከናሳ (2:7-10)። ሄዌካ ጸሳ ሀግያፕ ጋርሳና ዲረ ግድና፣ ማንቆ ግድናካ፣ አሳ ኡባ ማታይ ቦንቶና ደከናው ኮሽያዋ በሴ።

ሸምጋቱዋ ኡባቶ እመቲዳ ቃንሳ ቆፋቱዋ
 ሳሜል እስራኤልያ ካለላያዋ ግዲሳ 1:1—7:17
 ሳኦል ካትያ ግዲሳ 8:1—10:27
 ኮይር ሳኦል አይሱዋ ላይላቱዋ 11:1—15:35
 ዳዊታን ሳኦል 16:1—30:31
 ሳኦልን አ ናናቱዋ ሀይቁዋ 31:1-13
ሳሙል እስራኤልያ ካለላያዋ ግዲሳ

(1:1—7:17)

ኤልቃናን እ ሶይ አሳ
 1 ኤፍሪማ ገዝያን፣ ራማ ጌተትያ ካታማን ደእያ፣ ኤፍሪማ ዛረን ጸፋ ያራ ግድዳ፣ ኤልቃና ጌተትያ እት ብታኒ ደኤ፤ እ ይርሃማ ናኣ፤ ይርሃም ኤልሁ ናኣ፤ ኤልሁ ቶሁ ናኣ፤ ቶሁ ጸፋ ናኣ።

2 ኤልቃናው ላኡ ማቻቱ ደከና፤ እትን ሱንሳይ ሃና፤ የንኮር ሱንሳይ ፕኒና። ፕኒናው ናናይ ደከና፤ ሸን ሃንዉ እት ናእካ ባዋ።

3 ኡባፕ ዋልቃማ መቲና ጎዳው ጎይናናውን ያርሻናው ኤልቃን ላይላን ላይላን ባረ ካታማፕ ሴሎ ቤ። ኤልያ ናናይ ላኡ፣ ሆፍኒንን ፕንሃሰ ያን መቲና ጎዳ ቁሳቱ ዋ።

4 ኤልቃን ያርሹዋ ያርሽያ ዋደ አዉደን አሹዋፕ እት ኩሽያ ባረ ማቻት ፕኒንዉ፣ ቃይ እት እት ኩሽያ እ አቱማ ናናውን ማጫ ናናቶ ሁጲያን ሁጲያን እሜ።

5 መቲና ጎዳይ ሃና የሉዋ ድግንቶካ፣ ኤልቃን እዘ ደሰያ ድራው፣ እዘዉ ላኡ ኩሽያ እሜ።

6 መቲና ጎዳይ ሃንዉ ኡባና የሉዋ ድጌዳ ድራው፣ እዘ ላጋታ እዘ ሀንቀላውን ይሉያው።

7 ሀዌ ላይላፕ ላይላን ሀንያዋ፤ ሃና መቲና ጎዳ ጎለ ቤዳ ዋደ አዉደን እዘ ላጋታ እዘ ዬካና ጋካናው ቁማ ሙሳ እጸና ጋካናው ይሉያው።

8 እዘ አሰናይ ኤልቃን እዘ፣ “ሃኔ፣ ኔን አያዉ ዬካይ? አያዉ ቁማ ሚኪ? ነ ዋዛናይ አያዉ ካዮቲ? ታን ነዉ ታሙ ናናቱዋፕ አቲክታየ?” ያጌ።

ሃን ዋሳ

9 እት ጋላሰ ኡንቱንቱ ሴሎን ሜዳዋፕን ኡሹዳዋፕ ጉይያን፣ ሃና ደንዳ ኤቃዱ። ኤቁያ ዋደ፣ መቲና ጎዳ ጎልያ ፕንግያ ማታን ደእያ ኦይድያን ቄሰያ ኤል ኡቱዳ።

10 ሃና ሎይላ ሴለታደ፣ ጫዋ ዬኩዋ ዬካደ መቲና ጎዳ ዋሳዱ።

11 እዘ ሀዋዳን ያጋደ ቃንገላ ቃንገታዲ፤ “ኡባፕ ዋልቃማ መቲና ጎዳው፣ ታና ነ ቆማቶ ጸላ! ታ ሞሹዋ በኣደ፣ ታና ሀሳያ፤ ታና ነ ቆማቶ ደጎ። ኔን ታዉ ነ ቆማትዉ አቱማ ናኣ እሞፕ፣ እ ደኡዋ ላይላ ኡባን ታን አ ነዉ እማና፤ አ ሁጲ ኡባካ ሜደተና” ያጋዱ።

12 ሃና መቲና ጎዳ ዋሳ አዲሴዳ ዋደ፣ ኤል አ ደና ጸሌ።

13 ሃና ባረ ዋዛና ግድን ጸሳ ዋሰያ ዋደ፣ እ መተርሻይ ቃጽያዋፕ አትና፣ እዘ ቃላይ ሰሰተና፤ ሄዋ ድራው፣ ኤል እዘ ማላቲዳዋዳን ቆፔዳ።

14 ሄዋፕ እዘ፣ “ኔን አዉደ ጋካናው ማላታይ? ዋይንያ ኤሳ ነ ደናፕ ድጋ” ያጌዳ።

15 ሄዋፕ ጉየ ሃና ሀዋዳን ያጋደ አዉ ዛራዲ፤ “ቱይት፣ ታ ጎዳው፣ ታን ሎይላ መቶታንቻ ማጫ አሳ፤ ታን ታ ሸምፑዋፕ መቲና ጎዳ ዋሳይፕ አትና፣ ዋይንያ ኤሳ ዋይ ማላይያ ኡሻ ኡሻበይከ።

16 ታን ታ ቱጋነ ታ ሞሹዋ ዳሩዋ ሀዋን ሃሳዬዳ ድራው፣ ታና ነ ቆማቶ ፓና ማጫ አሳ፣ ጋደ ቆፖፕ” ያጋዱ።

17 ሄዋፕ ጉየ ኤል እዘዉ ዛሪደ፣ “ሳርተላን ባ፤ ኔን አ ዋሴዳዋ እስራኤልያ ጸሳይ ነዉ እሞ” ያጌዳ።

18 ሄዋፕ ጉየ ሃና፣ “ነ ቆማታ ነ ሰንላን ናሹዋ ደሙ” ያጋዱ። ሄዋፕ ጉይያን፣ አ ባረ ኦግያ ባደ፣ ቁማ ማዲ፤ ሄዋፕ ሰምና ሙላካ ካዮታበይከ።

ሃና ሳሙላ የላዲ

19 ዋንተላ ጋላሰ ጉራና ደንዲደ፣ ኤልቃንን አ ሶ አሳይ መቲና ጎዳው ጎይኔዳዋፕ ጉይያን፣

ባረንቱ ስ፡ ራማ ካታማ ሰሜድኖ። ኤልቃን ባረ ማቻት ሃንና አቁዳ፤ መድና ጎዳይ እዙ ቆፔዳ፤

20 እ ሻሃር ወደ ወርና አቱማ ናኣ የላዲ። ሃና፡ “ታን መድና ጎዳ ዋሰና ሰሴዳ” ጋደ እ ሱንሳ ሳሙኤኤላ ሱንሳዲ።*

21 ኤልቃን ባረ ሶ አሳ ኡባና ላይሳ ያርሹዋ መድና ጎዳዉ ያርሻናዉን ቃንጌዳዋ ጋላናዉ ሴሎ ቤዳ፤

22 ሸን ሃና ባበይኩ። እ ባረ አሰና፡ “ታ ናእይ ቆንሳ ዲሴዳዋ፤ ጉይያን፡ ታን እ አፋደ፡ መድና ጎዳዉ እማና፤ መድናዉ እ ያን ደአናዋ” ያጋዲ።

23 እ አሰናይ ኤልቃን፡ “ኔና ሎኦዋ ኦሳ፤ እ ኔን ቆንሳ ዲሳና ጋካናዉ ሶን ጋምአሻ፤ ያንናካ መድና ጎዳይ ባረ ቃላ ፖሎ” ያጌዳ። ሄዋ፤ ጉየ ሃና ቆንሳ ዲሳና ጋካናዉ ባረ ናኣ ቆንሳደ ሶን ጋምአዲ።

24 ሃና እዝ ናእይ ቆንሳ ዲሴዳዋ፤ ጉይያን፡ ሳመላን ሄዙ ላይሳ ኮሩማ፡ ታሙ ኪሎ ግራመ ዲልያን ኦጎሩዋ ኩመንሳ ዋይንያ ኤሳ አካደ መድና ጎዳ ጎልያ ሴሎ ባዲ፤ ናእይ ሄ ዋደ ጉሳ።

25 ኡንቱንቱ ኮሩማ ሹኬዳዋ፤ ጉይያን፡ ናኣ ኤልያኮ አፊድኖ።

26 ሃና ኤልያ፡ “ታ ጎዳዉ፡ ነ ደኡ ኤር! ነ ሰንሳን ኤቃደ መድና ጎዳ ዋሴዳ ምሽራታ ቱሙ ታናቱ።

27 ታን ሀ ናኣ የላናዉ ዋሰና፡ መድና ጎዳይ ታን እ ዋሴዳዋ እማዳ።

28 ሄዋ ድራዉ፡ ታን መድና ጎዳዉ አ እማድ፤ እ ባረ ደኡ ላይሳ ኡባን መድና ጎዳዉ እመቱዳ” ያጋዲ። ሄዋ፤ ጉይያን፡ ኡንቱንቱ መድና ጎዳዉ ያት ጎይኔድኖ።

2

ሃን ዋሳ

1 ሃና ሀዋዳን ያጋደ ዋሳዲ፤ “ታ ዋዛናይ መድና ጎዳን ናሽቱ፤ መድና ጎዳን ታ ዋልቃይ ዳሬዳ። ታ ሞርከቱዋ ቦላን ታን ጨቀታደ ሃሳያይ፤ መድና ጎዳይ ታና አሹዳ ድራዉ፡ ታን ናሽታይ።

2 “መድና ጎዳ ማላ ጌሽ እቱነ ባዋ፤ እ ማል እቱነ ባዋ። ኑ ጸሳ፤ አትና፤ ሀራ አትያ ዋጋ ዛላይ ባዋ።

3 “አቶር ሃሳያ አግተ፤ አቶር ቃላይ ህንተንቱ ደና፤ ስሶ፡ እያዉ ጎፕ፡ መድና ጎዳይ ኤርያ ጸሳ፤ አሳ ኡሱዋ እ ይግ ጴሌ።

4 “አላንቻቱዋ ዋንዳፊ መኤዳ፤ ሸን ጹቡቱዳዋንቱ ዋልቃ ዳንጨድኖ።

5 ካል ኡቱዳዋንቱ ኮሻቲደ፡ ቁማዉ ሀራዉ አሲኖ፤ ሸን ኮሻት ኡቱዳዋንቱ ሀእ ካሌድኖ።

ማንሳታ ላቸን ናና የላዲ፤ ሸን ጮራ ናና የሌዳና ዳቡራዲ።

6 “መድና ጎዳይ ዋዴን ፓሌ፤ ቃይ እ ዲገ ሰኩልያን የጌነ ፑደ ከሴ።

7 መድና ጎዳይ ማንቀሌን ዲረዬ፤ ቃይ እ ዝቂሴን ቶቂሴ።

8 እ ህዬሳቱዋ ባና፤ ገደ። መቶታንቻቱዋካ ብድንሳ ፕቱዋ፤ ደንሌ፤ ኡንቱንታ ካፓቱዋና ኡትሴ፤ ኡንቱንታ ቦንቾ አራታ ላትሴ።

“አያዉ ጎፕ፡ ቢታ ባሳቱ መድና ጎዳ፤ እ ኡንቱንቱ ቦላን ሳኣ ኤሴዳ።

9 እ ጸሳ አሳቱዋ ገድያ ናጌ፤ ሸን ኢታቱዋ እ ጹማን ጮኡ ኡዳና።

“አሳይ ባረ ዋልቃን ጸነና፤

10 መድና ጎዳና ኤቀትያዋንቱ ሊቃና። እ ሳሉዋ፤ ኡንቱንቱ ቦላ ጉጉንሳዳን ጉማና፤ መድና ጎዳይ ሳኣን ደእያዋንታ ኡባ ፕርዳና።

“እ ባረ ካትያዉ ዋልቃ እማና፤ እ ባረ ኡኬዳዋ ጸኑዋ እማና” ያጋደ ዋሳዲ።

11 ሄዋ፤ ጉይያን፡ ኤልቃን ራማን ደእያ ባረ ሶይ ቤዳ፤ ሸን ናእይ ሳመል ቄሰያ ኤልያ፤ ጋርሳና መድና ጎዳዉ ኦሌ።

ኤልያ አቱማ ናና ኢታተሳ

12 ኤልያ አቱማ ናናይ ኢታ ናናቱዋ፤ ኡንቱንቱ መድና ጎዳ ኤርክኖ።

13 ዋይ ያርሹዋ እምያ አሳዉ ቁሳቱ ኦሳያ ዋጋ ናግክኖ። ሄዋ፤ አሳይ ያርሹዋ ያርሸያ ዋደ፡ ቄሰያ ቆማይ ሄዙ አቻ ብራታ ኮጫን አኬዳ፤ አሹ ብር ካእ ደእሸን።

14 ደይሰያ ዋጋ ኦቱዋን ዋይ ከርያን ሄ ኮጫ የዲደ፡ ኮጫይ ኦይቄ ከሰያ አይ ቆዋ አሹዋ ግድፕን አፊደ፡ ቄሰያዉ እማ። ያርሹዋ ያርሻናዉ ሴሎ ይያ እሰራኤልያ አሳ ኡባ ኡንቱንቱ ሀዋዳን ኦሊኖ።

15 ቃይ ሞቋዋ ያርሸያ ሳኣን ጸደና፤ ካሰቲደ፡ ቄሰያ ቆማይ ያርሹዋ ያርሸያ ብታንያኮ ቢደ፡ “ቄሰ ቃየ አሹዋ፤ አትና፡ ደይሳ አሹዋ ኔ፤ አከና ድራዉ፡ አዉ ጸደናዉ እማ፤ ደይሳ አሹዋ ሀማ” ያጌ።

16 ሄዋ፤ ጉየ ብታኒ ዛሪደ፡ “ዋጋዳን ቁሳቱ ሞቋዋ ኮይር ጸግኖ፤ ሄዋ፤ ጉይያን፡ ኔን ኮይያዋ አካ” ያግያ ዋደ ቄሰያ ቆማይ፡ “ቱይት፤ ታዉ ሀእ እማ፤ ኡባ ኔን ድጎ፤ ታን ኔ፤ ፕ ዋልቃን አካና” ያጌ።

17 መድና ጎዳዉ እምያ ያርሹዋ ኤልያ ናናይ ካዴዳ ድራዉ፡ ኡንቱንቱ ናጋራይ መድና ጎዳ ሰንሳን ሎይሳ ዳሬዳ።

ናኣ ሳመላ

* 1:20 ሳሙኤኤላ- ሀ ሱንሳ ብለላይ “ጸሳይ ሰሴዳ” ግያዋ። 2:1 ሉቃሳ 1:46-55

18 ሸን ሳመል ናከተላን ደኢደ፡ ሱፍያ ጌተትያ ክርያፕ ዳደቲዳ ኤፋደ ጌተትያ ማዩዋ ማዩደ፡ መድና ጎዳው ኦሌ።

19 ሳመላ ዳያ ላይላን ላይላን ጉላ ቆልያ ገገሳደ፡ ላይላ ያርሹዋ ያርሻናው ባረ ከሰናና ባደ ሳመላው አካደ ባው።

20 ኤል ኤልቃናን አ ማቻቶ፡ “ሳ ማቻታ መድና ጎዳው እሜዳ ናኦ ድራው መድና ጎዳይ ነው ሀ ሞሽራትን ሀራ ናና እሞ” ያገደ እንጂ፤ ያትና፡ ኡንቲንቲ ባረንቲ ሶይ ሰሚኖ።

21 መድና ጎዳይ ሃኖ እንጅና፡ ሻሃራደ ሃዙ አቲማ ናናን ላኡ ማጫ ናና የላዱ። ናኦይ ሳመል መድና ጎዳ ሰንላን ድጩዳ።

ኤልያን አ ናና

22 ኤል ሎይሎ ኤጩዳ፡ አ ናናይ እስራኤልያ አሳ ኡባ ቦላ ኦሌዳ ኡባባን ቃይ ጸሳ ዲንካንያ ፕንግያን ጸሳው ኦሎያ ማጫ አሳቱዋና ግሴዳዋ ሰሴዳ።

23 አንቲንታ፡ “ሀንተንቲ ሀዋ ማላ አያው ኦሊቲ? ሀንተንቲ ኢታ ኪታ ታን አሳ ኡባፕ ሰሳይ።

24 ታ ናቶ፡ ሀዋ አግተ፤ መድና ጎዳ አሳይ ሀንተንታ ግያዋ ታን ሰሴዳዌ ሎኦባ ግደና።

25 እት አሳይ አሳ ናቆ፡ ጸሳይ አው ጋናታና፤ ሸን አሳይ መድና ጎዳ ናቆ፡ ኦኦ አው ጋናታናዌ?” ያገደ።

መድና ጎዳይ፡ “ታን ኡንቲንታ ዋፋና” ጌዳ ድራው፡ ኡንቲንቲ ባረንቲ አውዋ ሴራ ሰሰናን እጴድኖ።

26 ናኦይ ሳመል ጸሳ ሰንላንን አሳ ሰንላን ድጩዳን ሳበቲዳ።

ኤልያ ሶይ አሳ ቦላ ኦደቲዳ ትምቢትያ

27 እት ጋላሰ ጸሳ አሳይ ኤልያኮ ዪደ አ፡ “መድና ጎዳይ ሀዋዳን ያጌ፤ ሳ ማይዛ አው አሮን አ ሶ አሳይ ግብጾ ካትያ አይለተላን ደእያ ዋደ፡ ታን ኡንቲንቶ ቆንጫድ።

28 አሮን ታ ያርሸያ ሳኦ ፑደ ከሳና ማላ፡ እጻና ጩዋያና ማላን ታ ሰንላን ኤፋድያ ማያና ማላ፡ ታው ቄሰያ ኡዳደ እስራኤልያ ዛራቱዋ ኡባፕ አ ድራድ። ቃይ እስራኤልያ አሳይ ታማን ያርሸያ ያርሹዋ ኡባ ታን ነ አውዋ ዛርያው እማድ።

29 ታን ታ ደእያ ሳኦ ሸሻና ማላ አዛዜዳ ታ ያርሹዋን እምያዋ ሀንተንቲ እያው የድ ካኢቲ? ታ አሳይ እስራኤሊ፡ ታው ሺሼዳ ያርሹዋ ኡባፕ ሙሩትያዋ ሀንተንቶ ሚደ ኦርድያዋን፡ ኔን ነ ናና ታፕ አላደ አያው ቦንቻድ?” ያጌ።

30 “ሄዋ ድራው፡ መድና ጎዳይ እስራኤልያ ጸሳይ ሀዋዳን ያጌ፤ ሳ ዛሪን ነ አውዋ ዛሪ መድናው ታው ኦላና፡ ጋድ፤ ሸን ሀእ፡ ሄዌ ታፕ ሃኮ! ታና ቦንቻያዋንታ ታን ቦንቻና፤ ታና ካድያዋንታ ታን ካውሻና።

31 ነ ዛርያን አሳይ ጭመና ማላ፡ ታን ነ ዋልቃ ነ አውዋ ዛርያ ዋልቃ ጳይሰያ ጋላሳቱ ያናዋ።

32 ኔን መቶታና፤ ታን እስራኤልያ አሳው እምያ እንጂዋ በአደ ኔን ቃናታና፤ ሸን ነ ዛርያን ጭማና አሳይ ኦንን ባዋ።

33 ታን ታ ያርሸያ ሳፕ ጳይሰና አሳይ ደኦ፡ አ ጋሱዋን ነ አይፊ አፎጺደ ቆቃናን ነ ዋዛናይካ ሞሹዋ ጸገታና፤ ነ ዳሮ ዘረላ ኡባይ ያላጋተላን ደኢደ ሀይቃና።

34 “ሳ ናናይ ላኡ ሆፍኒንን ፒንሃሰ እት ጋላሰ ሀይቃና፤ ሄዌ ነው ማላታ ግደናዋ።

35 ታን ታው እማንትያ ቄሰያ፡ ታ ዋዛናዳንን ታ ቆፋዳን ኦሎያዋ ደንላና፤ ታን አ ዛራቲ ደእ በአናዳን ኦላና፤ ታን ደራዳዌ ካትያ ሰንላን ኡንቲንቲ ኡባ ዋደ ኦላና።

36 ነ ዛርያን አቲዳ ኡባይ ጉላ ሚሻ ዋይ ባሶ ኡክላ ዋሳናው ዪደ፡ አ ሰንላን ጉፋኒደ፡ “ታን ኡክላ ማና ማላ፡ ቄሳቲ ዋፕ አቲዋ ሳኦ ማላን ታና ዋላርኪ” ያጋና ያጌ” ያጌዳ።

3

ጸሳይ ሳመላ ጴሴዳ

1 ናኦይ ሳመል ኤልያፕ ጋርሳና መድና ጎዳው ኦሌ፤ መድና ጎዳ ቃላይ ሄ ዋደ ሎይሎ አልእ፤ ሳጸይን ዳረና።

2 አይፊ ጴላናው ለፕና፡ ዋየት ጴልያ ኤል እት ጋላሰ ቃማ ባረ ሳኦን ግሴዳ።

3 ሄ ዋደ ጸሳ ጸምፒ ብሮ ቶእቤና፤ ቃይ ጸሳ ታቦታይ ደእያ መድና ጎዳ ጎለን ሳመላ ገምእሼ።

4 መድና ጎዳይ ሳመላ ጴሴዳ፤ ሳሜል፡ “አቤ!” ገደ ኮዬዳ።

5 ኤልያኮ ዋጽ ቢደ፡ “ኔን ጴሰና ሄኮ ያድ” ያጌዳ።

ሸን ኤል፡ “ታን ኔና ጴሳበይክ፤ ባደ ግሳ” ያጌዳ፤ ሳመል ቢደ ግሴዳ።

6 ቃይካ መድና ጎዳይ፡ “ሳመላ” ያገደ ላኤንሉዋ ጴሴዳ፤ ሳሜል ደንዲደ፡ ኤልያኮ ቢደ፡ “ኔን ጴሰና ሄኮ ያድ” ያጌዳ።

ሸን ኤል፡ “ታ ናኦው፡ ታን ኔና ጴሳበይክ፤ ባደ ግሳ” ያጌዳ።

7 ሳመል ሄዌ መድና ጎዳ ግድያዋ ኤርቤና፤ አያው ጎፕ፡ መድና ጎዳ ቃላይ ብሮ አው ቆንጭቤና።

8 መድና ጎዳይ ሳመላ ሄዘንሉዋ ጴሰና ደንዲደ፡ ኤልያኮ ቢደ፡ “ኔን ጴሰና ሄኮ ያድ” ያጌዳ።

ሄዋን መድና ጎዳይ ናኦ ጴሰያዋ ኤል አኬኬዳ፤

9 “ባደ ግሳ፤ እ ኔና ጴሰያዋ ግደፕ፡ መድና ጎዳው፡ ኦዳ፤ ታን ነ ቆማይ ሰሳይ ያጋ” ያገደ ኦዳዳ፤ ሳመል ባረ ሳኦ ቢደ ግሴዳ።

10 ሄዋፕ ጉይያን፡ መድና ጎዳይ ዪደ ሄዋን ኤቄደ ካሰዋዳን፡ “ሳመላ፡ ሳመላ” ያገደ ጴሴዳ።

ሳመል፡ “ኦዳ፤ ታን ነ ቆማይ ሰሳይ” ያጌዳ።

11 መድና ጎዳይ ሳመላ፡ “በእ! ሰሰያ አሳ ኡባው ሀይላው ኢትያ እትባ እስራኤልያ ቦላ ታን ኦላና ሀናይ።

12 ታን ኤልያ ሶይ አሳ ቦላ ሃሳዬዳ ኡባባ ሄ ጋላሳን ኮይሩዋፕ ዉርሰላ ጋካናው ኤልያ ቦላ አሀና።

13 ኤል ኤሬዳ ናጋራ ድራው፡ ታን አ ሶይ አሳ ቦላ መድናው ፕርዳናዋ አው ኦዳ ዋላድ፤ አያው

ጎተ፤ እ ናናይ ሸቅሰያባ ኦልያ ዎደ፤ እ ኡንቱንታ ሴርቤና።

14 ሄዎ ድራው፡ “ኤልያ ሶይ እሳ ናጋራይ ያርሹዎንን እሙዋን ኡባካ እቶ ጌተቶፖ” ያጋደ ታን እ ሶይ እሳው ጫቃድ” ያጌዳ።

15 ሳመል ሳክይ ዎንታና ጋካናው ግሴዳ፤ ዎንትና ደንዲዳ፤ መድና ጎዳ ጎልያ ፕንግያ ደዬዳ። ሳመል ሳዳባ ኤልያው ኦዳናው ያዬዳ።

16 ኤል ሳመላ፡ “ታ ናክው ሳሜላ” ያጌደ ደሴዳ።

ሳመል፡ “እቤ” ጌደ ኮዬዳ።

17 ኤል ሀዎዳን ያጌደ ሳመላ ኦቼዳ፤ “ጸሳይ ነው ኦዴዳዎ እዬ? ታፕ እይነ ቆሶፓ፤ ኔን ጸሳይ ነው ኦዴዳዎ፤ እትባነ ታፕ ቆሶፕ፤ ጸሳይ ሄዎዳን ነ ቦላ ኦሎ” ያጌዳ።

18 ሄዎፕ ጉዮ ሳመል እይነ ቆሶናን ኡባባ ኤልያው ኦዴዳ። ኤል፡ “እ መድና ጎዳይ፤ እ ባርና ሎኦኦ ኦሎ” ያጌዳ።

19 ሳመል ድጭያ ዎደ መድና ጎዳይ እናና ደኤ፤ ሳመል ሃሳዬዳባፕ እት ቃላይነ ሳኣን ዎቲቤና።

20 እስራኤልያ ዛዋን ዳናፕ ቢደ በርሳበሀ ጋካናው፡ ሳመል መድና ጎዳው ቱሙ ትዎቢትያ ኦድያዎ ግድያዎ እስራኤልያ እሳይ ኡባይ ኤሪዳ።

21 መድና ጎዳይ ሴሎን ቆንጩ፤ ያን ባር ቃላን ባርናተላ ሳመላው ቆንጭሴዳ። ሳመል ሃሳዬዳ ቃላይ እስራኤልያ ኡባ ጋኤዳ።

4

ጸሳ ታቦታይ ኦሞደቲዳ

1 እስራኤላቱ ፕልሰጾማቱዋና ኦለታናው ከሴድኖ፤ እስራኤላቱ ኤበንኤዘርን ሸቅና፡ ፕልሰጾማቱ አፊቃን ሸቅድኖ።

2 ፕልሰጾማቱ ጭታን ጭታን ግዲደ፡ እስራኤላቱዋና ኦለታናው ደንዴድኖ፤ ኦላይ ሱልና፡ ኦይዱ ሻእ እስራኤላቱዋ ዎዴዳ ፕልሰጾማቱዋን እስራኤላቱ ጸነቲድኖ።

3 ኦላንቻቱ ሸቅዳ ሳኣ ሰሜዳ ዎደ፡ እስራኤልያ ጭማቱ፡ “ሀቼ መድና ጎዳይ ኦና ፕልሰጾማቱዋን እያው ጸንሴዳ? ኦናና ባናዳንን ኦና ኦ ሞርከቱዋ ኩሸያፕ አሻናዳን ጸሳ ቃላ ጫቁዎ ታቦታ ሴሎፕ እነ አሀይተ” ያጌድኖ።

4 ሄዎ ድራው፡ እሳይ ሴሎ ከትና፡ ክሩበቱዋ ግዲዋን አራታን ኡትያ ኡባፕ ዎልቃማ መድና ጎዳ ቃላ ጫቁዎ ታቦታ አሄድኖ። ኤልያ ናናይ ላኦቱ ሆፍኒንን ፒንሃሰ ጸሳ ቃላ ጫቁዎ ታቦታና ያን ደኢኖ።

5 መድና ጎዳ ቃላ ጫቁዎ ታቦታይ ሸቅዳ ሳኣ ጋኤዳ ዎደ፡ እስራኤላቱ ኡባይ ቢታይ ቃጸና ጋካናው ባርንቱ ቃላ ጴቁ ኦሊደ፡ “ጸሳ ቃላ ጫቁዎ ታቦታይ ጋኤዳ” ያጌድኖ።

6 እስራኤላቱዋ ጫቡዋ ፕልሰጾማቱ ሰሲደ፡ “ሀዌ እብራዌቱ ሸቅድኖ ሳን ሰሰትያ፡ ዎልቃማ ዋላሳይ እዬ?” ያጌድኖ።

መድና ጎዳ ታቦታይ ኡንቱንቱ ሸቅዳ ሳኣ ዬዳዋ ፕልሰጾማቱ ኤሪደ ያዬድኖ።

7 ሀዎዳን ያጌድኖ፤ “ጸሳይ ኡንቱንቱ ሸቅዳ ሳኣ ዬዳ። እየ እና ኦኖ! ሀዎ ማላባይ ሀዎፕ ካሰ ሀን ኤርና።

8 እየ እና ኦኖ! ሀ ዎልቃማ ጸሳቱዋ ኩሸያፕ ኦና አሻናዌ ኦኔ? ሀ ጸሳቱ ግብጾቱዋ ዎራን ቦሻ ኡባን ሸጩዳዋንታ።

9 ሀንተንቶ ፕልሰጾማቶ፡ ሞንተ! እሳዳን ኦለትተ! ሄዌ ቆኖፕ፡ ሀንተንቱ ኡንቱንታ ካሰ ኦይለተላን ሞዴዳዎዳን፡ ኡንቱንቱካ ሀንተንታ ሞዳናዋንታ። ሄዎ ድራው፡ እሳዳን ኦለትተ!” ያጌድኖ።

10 ፕልሰጾማቱ ኦለቲደ፡ እስራኤላቱዋ ጸኔድኖ፤ እስራኤላቱ ባርንቱ ዲንካንያኮ ባቃቲድኖ። ሄ ኦላን ዳር አሳይ ጎራኤቲዳ፤ እስራኤልያ ኦላንቻቱዋፕ ሀታሙ ሻእይ ሀይቁዳ።

11 ጸሳ ታቦታይ ኦሞደቲዳ፤ ኤልያ ናናይ ላኦ፡ ሆፍኒንን ፒንሃሰ ሀይቁድኖ።

ኤልያ ሀይቁዋ

12 ቢንያማ ዛር ግዴዳ እት ብታኒ ኦላ ደምባፕ ዎዲደ፡ ሄ ጋላሰ ሴሎ ጋኤዳ፤ ካዩዋ ኤርሳናው እ ባር ማዩዋ ፔዲደ፡ ባር ሁጲያንካ ባና ላሌዳ።

13 ሄ ብታኒ ጋኤዳ ዎደ፡ ኤል ባር ዎዛናን ጸሳ ታቦታባ ሀርጌዳ ድራው፡ ናጌደ ኦግያ ደናን ደኢያ ባር ኦይድያን ኡቲዳ። ብታኒ ካታማ ገሊደ፡ ሀይባ ኦድና፡ ካታማይ ኡባይ ዋሱዋ ጸሌዳ።

14 ኤልካ ሄ ዋሱዋ ሰሲደ፡ “ሀዌ አይባ ዋሴ?” ያጌዳ።

ብታኒ ኤለካ ዩደ፡ ኤልያው ኦዴዳ፤

15 ኤል ኡዴፕን ታማን ሆሰፕን ላይላ ጭማ ግዴዳ፡ አይፊካ ጸላ አጌደ ጎልጆዳ አሳ።

16 ብታኒ ኤልያው፡ “ኦላ ደምባፕ ዬዳዌ ታና፤ ታን ሀቼ ያፕ ባቃታድ” ያጌዳ።

ሄዎፕ ጉዮ ኤል፡ “ታ ናክው፡ ያትና ዋኔዳ?” ያጌደ ኦቼዳ።

17 ኦዲዋ አሄዳ ብታኒ፡ “እስራኤላቱ ፕልሰጾማቱዋ ሰንላፕ ባቃቲድኖ፤ ዳር አሳይ ወራዳ፤ ነ ናናይ ላኦ ሆፍኒንን ፒንሃሰ ሀይቁድኖ፤ ጸሳ ታቦታይካ ኦሞደቲዳ” ያጌዳ።

18 ብታኒ ጸሳ ታቦታባ ኦዴዳ ዎደ፡ ፕንግያ ማታን ደኢያ ባር ኦይድያፕ ኤል ጉዮ ኩንድና፤ ባርጋል መእና ሀይቁዳ፤ እያው ጎተ፡ እ ጭማን ኦርዲዋ። ኤል እስራኤልያ ጋድያን ኦይታሙ ላይላ ዳናቲዳ።

19 ኤልያ ናኣ ፒንሃሳ ማቻታ የላናው ዎዲ ጋኤዳ ሻሃራ። ጸሳ ታቦታይ ኦሞደቲዳዋን ባር ቦሉን ባር አሰናይ ሀይቁዳዋ ኦ ሰሴዳ ዎደ፡ ቆፕናን የሉ እዞ ኦይቁና የላዲ።

20 አ ሀይቃናው ማታቲዳ ዎደ፡ የልሰያዋንቱ፡ “ኔን አቱማ ናኣ የሌዳ ድራው ያኖፕ” ያጌድኖ፤ ሸን ኡንቱንቶ አ እይነ ዛራቢይኩ፤ ኡንቱንቱ ግያዋካ ሀይዛበይኩ።

21 አ ባር ናኣ እካቦዳ * ሱንላዲ፤ ጸሳ ታቦታይ ኦሞደቲዳ ድራውን ባር ቦሉን ባር አሰናይ ሀይቁዳ ድራው፡ “ቦንቹ እስራኤላቱዋፕ ሻከቲዳ” ያጌዳ።

4:4 ከሳ 25:22 * 4:21 እካቦዳ፡ ሀ ሱንላ ብለላይ እብራዌሉዋን፡ “ቦንቹ ባዋ” ግያዋ።

22 እ፥ “ቦንቹ እስራኤላቱዋጥ ሻከቲዳ፤ እያወ ጎጥ፥ ጸሳ ታቦታይ ኦሞድቲዳ” ያጋዱ።

5

ጸሳ ታቦታይ ፕልሰጾማ ካታማቱዋን ደኤዳ

1 ፕልሰጾማቱ ጸሳ ታቦታ ኦሞዳዋጥ ጉይያን፥ ኤበንኤዜራጥ አሸዶዳ አፊድኖ።

2 ጸሳ ታቦታ አፊድ፥ ዳጎና ጌተትያ ኤቃ ጎልያ ገልሲድ፥ ዳጎና ማታን ኤሴድኖ።

3 አሸዶዳ አሳይ ዋንተላ ጋላሰ ጉሪደ ደንዴዳ ዋደ፥ መድና ጎዳ ታቦታ ሰንላን ዳጎን ባረ ዳሙዋን ቢታን ጉፋኔዳዋ በኤድኖ! ዳጎና ደንላድ፥ ካሰ ሳኣን ኤሴድኖ።

4 ቃይካ ዋንተላ ጋላሰ ጉሪና ደንዲ ዪድ፥ ኤንቲንቲ መድና ጎዳ ታቦታ ሰንላን ዳጎን ባረ ዳሙዋን ቢታን ጉፋኔዳዋ በኤድኖ! ሄ ዋደ ዳጎና ሀጲያን አ ላኤ ኩሺ መኤረቲድ፥ ፐንገ ጎጶን ደኤ፤ ህንኮ አሳተላይ አዌ ዳማ አቲዳ።

5 ሄዋ ድራወ፥ ዳጎና ቁሳቲ ነ አሸዶዳን ደእያ ዳጎና ጎልያ ገልያ አሳቲ ኡባይ ዳጎና ፐንገ ጎጶ ሀቼ ጋካናሰካ የድ ኤርክኖ።

6 አሸዶዳ ካታማ ቦላን ሄዋ ሄራን ደእያ አሳ ቦላ መድና ጎዳ ኩሺ ዋልቃሚዳ፤ ጸሳይ ኤንቲንቲ ቦላን ቦሻ የዲድ፥ ጋፋዋ ሀርግያን ኤንቲንታ ሙራድ።

7 አሸዶዳ ካታማ አሳይ ሀኔዳባ በኤዳ ዋደ፥ “እስራኤልያ ጸሳ ኩሺ ኑ ቦላን ኑ ጸሳ ዳጎና ቦላ ዋልቃሚዳ ድራወ፥ እስራኤልያ ጸሳ ታቦታይ ኑ ማታን ጋሞኦፖ” ያጌድኖ።

8 ፕልሰጾማ ካፓቱዋ ኡባ ባረንቲኮ ጾሰ ሺሺድ፥ “እስራኤልያ ጸሳ ታቦታ ዋታኔ?” ያጌድ ኦቼድኖ።

ሸን ካፓቲ፥ “እስራኤልያ ጸሳ ታቦታይ ጋተ ጌተትያ ካታማ ቦ” ያጌድ ዛሬድኖ። ያትና፥ እስራኤልያ ጸሳ ታቦታ ጋተ አፊድኖ።

9 ሸን ታቦታይ ጋተ ጋኤዳዋጥ ጉይያን፥ መድና ጎዳ ኩሺ ሄ ካታማ ቦላ ዋልቃሚድ፥ ሎይሳ ዋልቃማ ዳጋንሉዋ ዳጋንሉዳ፤ ያቲደ ካታማን ደእያ አሳ ናናቱዋጥ ጭማ ጋካናወ ጋፋዋ ሀርግያን ሾጩዳ።

10 ሄዋ ድራወ፥ ጸሳ ታቦታ ኤቅርና ካታማ የዴድኖ።

ጸሳ ታቦታይ ኤቅርና ገልያ ዋደ፥ ኤቅርና አሳቲ ሀዋዳን ያጌድ ዋሴድኖ፤ “ኑናን ኑ አሳ ዋቆናወ እስራኤልያ ጸሳ ታቦታ ኑኮ አሄድኖ” ያጌድኖ።

11 ሄዋ ድራወ፥ ፕልሰጾማ ካፓቱዋ ጾሰ ሺሺድ፥ “እስራኤልያ ጸሳ ታቦታ ሀዋጥ ድግተ፤ እ ጉየ ባረ ሳኣ ሰሞ፤ ሄዌ ቆየጥ፥ ኑናን ኑ አሳ ዋቆና” ያጌድኖ። እያወ ጎጥ፥ ካታማ ኡባን ሀይቁዋ ዳጋማይ ደኤ፤ ጸሳ ኩሺካ ካታማ ቦላ ዋልቃሚዳ።

12 ሀይቁዋጥ አቲዳ አሳቲ ጋፋዋ ሀርጌድኖ፤ ሄ ካታማ ዋሱን ሳሉዋ ጋኤዳ።

6

ጸሳ ታቦታይ እስራኤልያ ሰሜዳ

1 መድና ጎዳ ታቦታይ ፕልሰጾማ ቢታን ላፑን አግና ኡቲዳ።

2 ሄ ዋደ ፕልሰጾማ አሳቲ ቁሳቲ ዋን ሻሬቻቱዋ ጾሲድ፥ “መድና ጎዳ ታቦታ ኑን ዋታኔ? ኑን ጉየ አ ሳኣ አ ዋት የዳነንቶ፥ ኑወ ኦድተ” ያጌድኖ።

3 ኤንቲንቲ፥ “እስራኤልያ ጸሳ ታቦታ ጉየ የድያዋ ግደጥ፥ መላ የድፕተ፤ አይ ሀኒደን ህንተንቲ ባይዙዋ ያርሹዋ አወ የድተ፤ ያቶጥ፥ ህንተንቲ ፓጻና፤ አ ኩሺ ህንተንቲ ቦላጥ እያወ ክቶቤነንቶካ ህንተንቲ ኤራና” ያጌድ ዛሬድኖ።

4 ፕልሰጾማ አሳቲ፥ “ኑን አወ የደናወ በሰያ ባይዙዋ ያርሹ አይ?” ያጌድ ኦቼድኖ።

ሸን ኤንቲንቲ፥ “ህንተናን ህንተንቲ ካፓቱዋ ጋኤዳ ቦሻይ አቲዋ ግድያ ድራወ፥ ፕልሰጾማ ካፓቲ ፓይዱዋዳን አቼሹ ዋርቃ ክጻቲዋን አቼሹ ዋርቃ ኤጨረቲዋ የድተ።

5 ህንተንቲ ሄ ክጻን ህንተንቲ ጋድያ ባይዘያ ሄ ኤጨረቲ ሞሰለቲዋ መዲድ፥ እስራኤልያ ጸሳወ ቦንቹዋ እሞተ፤ ኦን ኤሪ ህንተንቲ ቦላጥ፥ ህንተንቲ ጸሳቲዋ ቦላጥን ህንተንቲ ጋድያ ቦላጥ ባረ ኩሸያ እ ደንላናዋ።

6 ግብጾ አሳቲን ኤንቲንቲ ካቲ ዘርያ አከናን እጾዳዋዳን፥ ህንተንቲ እያወ ዘርያ አከናን እጾቲ? ጸሳይ ኤንቲንታ ኢሲደ ሙርና፥ ኤንቲንቲ እስራኤላቱዋ ባረንቲ ኦግያ ባና ማላ የድቦይክኖ?

7 “ሀእ እት ኦራላ ጋርያ ገግሰተ፤ ቃሞባራይ ኤንቲንቲ ሞርግያን ዋድ ኤረና፥ ቆንላያ ላኤ ሚዛቲዋ ሄ ጋርያን ዋጽተ፤ ሸን ማራቲዋ ኤንቲንቲጥ ዲላድ ሶይ አፍተ።

8 መድና ጎዳ ታቦታ አኪድ፥ ጋርያ ቦላን ዋሐተ፤ ባይዙዋ ያርሹ ሺሺዳ ዋርቃ ሚሻ ሳጽንያ ግደን የጊድ፥ ሳጽንያ ጸሳ ታቦታ ማታን ዋላድ፥ እ ባና ማላ የድተ።

9 ሸን እ ብያሳኣ ጾልተ፤ እ ባረ ዛዋ ኦይቂድ፥ ቤት-ሸመሽ ዛሪደ ብያዋ ግደጥ፥ ሀ ዋልቃማ ቦሻ ኑ ቦላ አሄዳዌ መድና ጎዳ፤ ቤናዋ ግደጥ፥ ሀዌ ኑ ቦላ ጮ ጋኤዳጥ አትና፥ ኑና ደቼዳዌ ጸሳ ኩሺ ግደናዋ ኑን ኤራና” ያጌድ ዛሬድኖ።

10 ኤንቲንቲ ሄዋዳን አላድኖ፤ ኤንቲንቲ ቆንላያ ላኤ ሚዛቲዋ አኪድ፥ ጋርያን ዋጾድኖ፤ ሚዛቲ ማራቲዋካ ሶን ጎርዴድኖ።

11 ኤንቲንቲ መድና ጎዳ ታቦታን ቃይ ዋርቃ ኤጨረቲዋን ጋፋዋ ማላትሰ መዲዳ ሞሰለቲዋ የጌዳ ሳጽንያ ጋርያን ዋላድኖ።

12 ሄዋጥ ጉይያን፥ ሚዛቲ ቤት-ሸመሽ አፍያ ኦግያ ኦይቂ ሰት ጊድ፥ “ህሞባ!” ግ ዋሲደ ቤድኖ፤ ኤንቲንቲ ኦግያና ቢድ፥ ኡሸቻ ዋይ ሀድርሳ ሰሞቦይክኖ፤ ፕልሰጾማ ካፓቲ ሚዛቲ ጌዱዋ ካሊድ፥ ቤት-ሸመሻ ዛዋ ጋካናወ ቤድኖ።

13 ቤት-ሸመሻ አሳቲ ሄ ዋደ ዋሞባን ዛርጋ ጫኪኖ፤ ኤንቲንቲ ፑደ ቶቁ ግ ጾሊድ፥ ታቦታ በኢደ ናሽቲድኖ።

14 ጋሪ ቤት-ሸመሻያ ኢያሱ ጋደ ጋኪድ፥ እት ዋልቃማ ዛላ ማታን ኤቁዳ፤ ኤንቲንቲ ጋርያ ሞላ ቆኢድ፥ ጾግያ ያርሹዋዳን ሄ ሚዛቲዋ መድና ጎዳወ ያርሹድኖ።

15 ሌዋቲ መድና ጎዳ ታቦታን ዋርቃ ሚሻና ደእያ ሳጽንያ ጋርያጥ ደንላድ፥ ዋልቃማ ዛላ

ቦላ ዋሉድና። ሄ ጋላሰ ቤት-ሸመሻ አሳቱ ጸግያ ያርሹዋ መድና ጎዳው ያርሹድና፤ ቃይ ሀራ ያርሹቱዋካ ያርሹድና።

16 ፕልሰም ካፓቱ እቼሻቱ ሀኔዳባ ኡባ በኢደ። ሄ ጋላሰካ ኤቅሮና ሰሜድና።

17 ፕልሰም አሳቱ ባይዙዋ ያርሹዋ መድና ጎዳው ኪቱዳ ዋርቃ ጋፋቱ አሸደዳ። ጋዛ፣ አስቃሎና፣ ጋታን ኤቅሮና ጌተትያ ኡንቱንታ እቼሹ ካታማቱዋ ሱንላን እቱዋ እቱዋ ኪቱዳዋንታ።

18 ዋርቃ ኤጨራቱ ፓይዱ ፕልሰም ካፓቱ እቼሻቶ ደእያ ግምቦቱዳ ካታማቱን ግምቦትቤና ሞላቱ ኡባ ኬሻ። ኡንቱንቱ መድና ጎዳ ታቦታ ዋሉዳ ዋልቃማ ዛላይ። ቤት-ሸመሻ ኢያሱ ጋደን ደእያዋ ሀቼ ጋካናዉካ ሄዋ ማርካ ግዲደ ደኤ።

19 ሸን ጸሳይ ቤት-ሸመሻ አሳቱ አማራዳዋንታ ሸጩዳ፤ ኡንቱንቱ ላቸን ታሙዋ ዋዴዳ፤ እያዉ ጎፕ፣ ኡንቱንቱ መድና ጎዳ ታቦታ ግደ ጸሌድና። መድና ጎዳ ኡንቱንቱ አሳ ሱቱ ኦሌዳ ድራዉ። አሳይ ዩኬዳ።

20 ሄዋ ድራዉ። ቤት-ሸመሻ አሳይ። “መድና ጎዳ ሰንላን፣ ሀ ጌሻ ጸሳ ሰንላን ኡን ኤቃናዉ ዳንዳዩ? ታቦታይን ኑፕ ፑደ ኦኮ ባኔ?” ያጌዳ።

21 ቅርያት-ይአሪማን ደእያ አሳቱዋኮ ኪታ የዲደ። “ፕልሰም አሳቱ መድና ጎዳ ታቦታ ዛሬድና፤ ዲገ ዩደ። አ ፑደ ኡንቱንቱኮ አኪደ ቢተ” ያጌድና።

7

1 ቂርያት-ይአሪማ አሳቱ ዩደ። መድና ጎዳ ታቦታ አፊደ ደርያ ሁጲያን ደእያ አብናዳባ ሶይ አሄድና። መድና ጎዳ ታቦታ ናጋናዳን፣ አብናዳባ ናኦ ኤልአዛራ ዲማዩደ ሱንሌድና።

ሳመል እስራኤልያ አሳ ቦላ ዳናቲዳ

2 ታቦታይ ቂርያት-ይአሪማን ዳሮ ዋድያ ጋምኤዳ፤ ሄዌን፣ ላታሙ ላይላ ኬሻ ግድያዋ። እስራኤልያ አሳይ ኡባይ ካዮቲደ። መድና ጎዳኮ ዋሴድና።

3 ሳመል እስራኤልያ አሳዉ ኡባዉ። “ኩመንላ ዋዛናፕ ህንተንቱ መድና ጎዳኮ ሰሞፕ፣ አላጋ ጸሳቱዋን አስታርታ ግያ ጸሳ ህንተንቱ ግደፕ ድግተ፤ ህንተንቱ ሁጲያ መድና ጎዳዉ ሸድተ፤ አ ጸላላዉ ኪተትተ፤ ያቶፕ፣ አ ህንተንታ ፕልሰምቱዋ ኩሸያፕ አሻናዋ” ያጌደ ሃሳዬዳ።

4 ሄዋ ድራዉ። እስራኤልያ አሳቱ ባኦላን አስታርታ ባረንቱ ግደፕ ድጌደ። መድና ጎዳ ጸላላዉ ጎይኔድና።

5 ሄዋፕ ጉይያን፣ ሳመል እስራኤላቱዋ። “ኡባይካ ሞጽጳ ሸቅተ፤ ታን ህንተንቶ ያን መድና ጎዳ ጋናታና” ያጌዳ።

6 ኡንቱንቱ ሞጽጳ ሸቂደ ሃላ ዱቂደ። መድና ጎዳ ሰንላን ትጌድና፤ ሄ ጋላሰ ኡንቱንቱ ጸሚደ ሄ ሳኦን። “ኡን መድና ጎዳ ቦላ ናጋራ ኦሌደ” ያጌደ ፓጾድና። ሞጽጳን ሳመል እስራኤልያ አሳ ቦላ ዳናቲዳ።

7 እስራኤላቱ ሞጽጳን ሸቂዳዋ ፕልሰም አሳቱ ሰሴዳ ዋደ። ኡንቱንቱ ካፓቱ እስራኤላቱዋ

አላናዉ ፑደ ከሴድና። እስራኤላቱ ሄዋ ሰሴደ። ፕልሰምቶ ያዬድና።

8 እስራኤላቱ ሳመላ። “አ ፕልሰም አሳ ኩሸያፕ ኑና አሻና ማላ፣ ኔን ኑዉ መድና ጎዳኮ፣ ኑ ጸሳኮ፣ ዋሰያዋ አጎፕ” ያጌድና።

9 ሳመል እት ጳምያ ድርሳ ማራ አኪደ። እቼዋ ዉርሰ ጸግያ ያርሹዋዳን መድና ጎዳዉ ያርሹደ እስራኤላቱ ድራዉ መድና ጎዳዉ ዋሰና መድና ጎዳይ አዉ ሰሴዳ።

10 ሳመል ጸግያ ያርሹዋ ያርሹያ ዋደ። ፕልሰምቱ እስራኤላቱዋና ኦለታናዉ ሸቂድና። ሸን ሄ ጋላሰ ፕልሰምቱዋ ቦላ መድና ጎዳይ ዋልቃማ ጉጉንላ ጉንሊደ ዳጋንሐና፣ ኡንቱንቱ እስራኤላቱ ሰንላፕ ባቃቲድና።

11 እስራኤላቱ ሞጽጳፕ ዋጽ ከሲደ። ፕልሰምቱዋ የደርሲደ። ቤትካራፕ ጋርሳ ጋካናዉ ኦግያን ዋዴድና።

12 ሄዋፕ ጉይያን፣ ሳመል እት ሹቻ አኪደ። ሞጽጳፕን ሸናፕ ግዲዋን ኤሲደ። “መድና ጎዳይ ሀአ ጋካናዉ ኑና ማዴዳ” ያጌደ ሄ ሳኦ ኤበንኤዜራ ሱንሌዳ።*

13 ፕልሰም አሳቱካ ጸንቲድና፤ ኡንቱንቱ እስራኤልያ ጋድያ ቦላ ላኤንሐዋ ዋራጅቦይክና። ሳመል ደኤዳ ላይላ ኡባን መድና ጎዳ ኩሸ ፕልሰም አሳ ቦላ ዋልቃማዳ።

14 ፕልሰም አሳቱ ኤቅሮናፕ ጋተ ጋካናዉ እስራኤላቱዋፕ ኦሞዴዳ ካታማቱ እስራኤላቶ ሰሜድና፤ እስራኤላቱካ ባረንቱ ካሰ ዛዋ ፕልሰም አሳቱዋ ኩሸያፕ ዋሐ አኬድና። ቃይ እስራኤልያ አሳይን አሞረ አሳይ ሳሮ ደኤዳ።

15 ሳመል ባረ ደኤዋ ላይላ ኡባን እስራኤልያ ቦላን ዳናቲዳ።

16 ሳመል ላይላን ላይላን ቤቲለ። ገልገላን ሞጽጳ እ ዩይያ ሳኦቱዋ ኡባን እስራኤልያ ቦላን ዳናቲ።

17 አ ጎሊ ራማን ደእያ ድራዉ። ያ ሰሚደ ሄ ሳኦን እስራኤልያ ቦላን ዳናቲ። አ ሄ ሳኦን መድና ጎዳዉ ያርሹያ ሳኦ ኪተቲዳ።

ሳኦል ካትያ ግዲሳ

8

(8:1—10:27)

እስራኤልያ አሳይ ካትያ ኮዬዳ

1 ሳመል ጭሚዳ ዋደ። ባረ ናና እስራኤልያ ቦላ ዳና ኦሊደ ሱንሌዳ።

2 አ ባይራ ናኦ ሱንላይ ዩኤላ፤ ቲፋ ናኦ ሱንላይ አቢያ፤ ሄ ናናይ በርሳቤሀን ዳናቲና።

3 አ ናናይ አ ኦግያን ሀመትቦይክና። ኡንቱንቱ በሰና ጎኦ ደማናዉ ዋራ ሰሜድና፤ ማታይያ አኪደ። ጽሎ ፕርዳ ሞርቄድና።

4 ሄዋ ድራዉ። እስራኤልያ ጭማቱ ኡባይ እትፕ ሸቂደ። ሳመላኮ ራማ ካታማ ዩደ።

5 “ሄኮ ኔን ጭማዳ፤ ነ ናናይ ነ ኦግያ ሀመትክና፤ ሀራ ካዉተላ ኡባዳን ኑና አይሳናዉ ካትያ ሀአ ኑዉ ሱንላ” ያጌድና።

7:1 2 ሳሜላ 6:2-4፤ 1 ኦዲዋ 13:5-7 * 7:12 ኤበንኤዜራ፡- ሀ ሱንላ ብለላይ “ማድያ ሹቻ” ግያዋ። 8:5 ዛረ. 17:14

6 ኤንቱንቱ፡ “ኑና አይሳናው ካትያ ኑው እማ” ጌዳ የወ ሳመል ናሸቶቤና። ሄዋ ድራው፡ ሳመል መድና ጎዳ ዋሴዳ።

7 መድና ጎዳይ ሳመል፡ “አሳይ ኔና ግያ ቃላ ኡባ ሰሳ፤ አያው ጎፕ፡ ታን ኤንቱንቱ ቦላ ካተተናዳን፡ ኤንቱንቱ ታና እጹድኖፕ አትና፡ ኔና እጽብይክኖ።

8 ኤንቱንቱ ታን ግብጾፕ ከሴዳ ጋላሳፕ ደሚደ፡ ሀቼ ጋካናው ታና አገደ፡ ሀራ ጸሳቶ ጎይኒደ ደኤድኖ፤ ሰም ሀእ ኤንቱንቱ ታ ቦላ ኤፌዳዋ ኡባ ነ ቦላካ አላኖ።

9 ሀእካ ኤንቱንቱ ቃላ ሰሳ፤ ሽን ኤንቱንታ ሞንሳደ ሴራ፤ ኤንቱንቱ ቦላን ካተታና ካትያ ዋጋ ኤንቱንታ ኤርሳ” ያጌዳ።

10 ካትያ ኦቼዳ አሳው መድና ጎዳይ ኦዴዳ ቃላ ኡባ ሳመል ኦዴዳ።

11 እ ኤንቱንቶ ሀዋዳን ያጌዳ፤ “ሀንተንቱ ቦላ ካተታና ካቲ ሀንተንታ አላናባይ ሀዋ፡ ሀንተንቱ አቱማ ናና አኪደ፡ ጋርያ አሳቱዋን ፓራ አሳቱዋ ከሳና፤ ኤንቱንቱ እ ጋርያ ሰንላን ዋጸና።

12 ኤንቱንቱፕ ሄዋ ሻላቃቱዋን እሻታሙዋ ካፓቱዋ፡ ሀራቱዋ እ ጋድያ ጎሽያዋንታን እ ካላ ጫክያዋንታ፡ ቃይ ሀራቱዋ እ ኦላ ሚሻን እ ፓራ ጋርቱዋ ሚሻ ኦላያዋንታ ከሳና።

13 ሀንተንቱ ማጫ ናናካ አፊደ፡ ባረው ሸቱዋ ጊገሰያዋንታ፡ ካላያዋንታን ኡክያዋንታ ከሳና።

14 ሀንተንቱ ጎሻፕ፡ ዋይንያ ቱራ ሳፕን ዋጋራ ሳፕ ኡባፕ ሎእያዋ አኪደ፡ ባረ ኦሳንቻቶ እማና።

15 ካላፕን ዋይንያፕ ታሙዋፕ እት ኩሽያ እ አኪደ፡ ባረ ሱንላቶን ባረ ኦሳንቻቶ እማና።

16 ሀንተንቱ አቱማ ቆማቱዋፕን ማጫ ቆማቱዋፕ፡ ቃይ ሀንተንቱ ሚዛፕን ሀርያፕ ሎእያዋንታ አኪደ፡ ባረ ኦሱዋ ኦሰሳዋንታ።

17 ሀንተንቱ ደርሳፕን ዳሻፕ ታሙዋፕ እት ኩሽያ እ አካና፤ ሀንተንቱካ እ ቆማቱዋ ግዳና።

18 ሄ ጋላሰ ሀንተንቱ ሀንተንቶ ደሬዳ ካትያፕ ዋሳና፤ ሽን ሄ ጋላሰ መድና ጎዳይ ሀንተንቱ ዋሱዋ ሰሰና” ያጌዳ።

19 አሳይ ሳሜላ ቃላ ሰሰናን እጺደ፡ “ቱይት! ቱይት! ኑው ካቲ ደኦ።

20 ያቶፕ፡ ኑንካ ሀራ ካውተላቱ ኡባ ማላ ግዳና። ኑ ካቲ ኑና አይሳና፤ ኑ ሰንላ አዲደ፡ እ ኑ ድራው ኦላታናዋ” ያጌድኖ።

21 ሳመል አሳ ቃላ ኡባ ሰሰደ መድና ጎዳው ኦዴዳ።

22 መድና ጎዳይ ሳመል፡ “ኤንቱንቱ ቃላ ሰሳ፤ ኤንቱንቱ ቦላ ካትያ ካውላ” ያጌዳ።

ሳመል እሰራኤልያ አሳ፡ “አሳይ ኡባይ ባረ ካታማ ካታማ ሰሞ” ያጌዳ።

9

ሳኦላን ሳመላ

1 ቢንያማ ዛርያፕ ዋሳ ግያ እት ብታኒ ደኤ፤ እ አቢኤላ ናኦ፤ አቢኤላ ጸርራ ናኦ፤ ጸርር ባኮራታ ናኦ፤ ባኮራት ቢንያማ ዛርያ አፊሀ ናኦ፤ ሄ ብታኒ ዋልቃማ አሳ።

2 አው ሳኦላ ጌተትያ እት ዋዳላ ሎኦ ናኦይ ደኤ፤ እሰራኤላቱዋ ግድን አፕ አድ ሎእያ አሳይ ባዋ፤ እ ሀሽያፕ ቆዋ ባጋን አሳ ኡባፕ አዲቱ።

3 እት ጋላሰ ሳኦላ አውዋ ዊሰ ሀረቱ ባይና ዊሰ ባረ ናኦ ሳኦላ፡ “ቆማቱዋፕ እቱዋ አካደ፡ ሀረቱዋ ኮያናው ባ” ያጌዳ።

4 ኤንቱንቱ ኤፍሬማ ገዝያናን ሻለሻ ቢታና ኮዪደ አዴድኖ፤ ሽን ሀረቱዋ ደምብይክኖ። ቃይ ሻአሊማ ቢታና አዴድኖ፤ ሽን ሄዋንካ ሀረቱ ባዋ። ቢንያማ ቢታናካ አዴድኖ፤ ሽን ያንካ ደምብይክኖ።

5 ኤንቱንቱ ጹፋ ቢታ ጋኬዳ ዋደ፡ ሳኦል ባረናና ደእያ ቆማ፡ “ሃያ፤ አን ጉየ ሰሞይተ፤ ሄዋ ቆየፕ፡ ታ አው ሀረቱዋ ቆፕያዋ አገደ፡ ኑው ሀርጋናዋ” ያጌዳ።

6 ሽን ቆማይ፡ “በአ! ጸሳ አሳ እቱ ሀ ካታማን ደኤ። እ ቢንቼቱዳ አሳ፤ እ ኦድያ ኡባባይ ቱማቱ። አን ሀእ ኑን ያ ቦይተ፤ አን ኤሪ ኑን ባና ኦግያ እ ኑው ኦዳንጎቶን” ያጌዳ።

7 ሳኦል ባረ ቆማ፡ “ኑን ብያዋ ግድፕ፡ አው አይ እማኔ? ኮርጂዋፕ ቁማይ ወሬዳ፤ ኑን ጸሳ አሳው እምያባይ ባዋ። ኑው አያይ ደኤ?” ያጌዳ።

8 ሄዋፕ ጉየ ቆማይ ሳኦላው፡ “በአ፤ ታ ኩሽያን እት ጸጋራ ብራው ሞሳይ ደኤ፤ ኑን ባና ኦግያ ጸሳ አሳይ ኑው ኦዳናዳን ሀ ብራ አው እማና” ያገደ ዛሬዳ።

9 (በን ዋደ እሰራኤልያ ቢታን እት አሳይ ጸሳ ኦቻናው ቢደ፡ “ሃይተ፤ አን ጸልያዋኮ ቦይተ” ያጌ። አያው ጎፕ፡ ሀ ዋድያን ትምቢትያ ኦድያዋ በን ዋድያን ጸልያዋ ጌተቱ።)

10 ሳኦል ባረ ቆማ፡ “ሎኦ፤ ደንዳ” ያግና፡ ጸሳ አሳይ ደእያ ካታማ ቤድኖ።

11 ካታማ ፑደላ ኤንቱንቱ ከሰሽን፡ ሃላ ትካናው ይያ ዋድራቱዋና ኦግያን ጋከቲደ ሄ ጌላኖቱዋ፡ “ጸልያዋ ሀዋን ደኤ?” ያገደ ኦቼድኖ።

12 ኤንቱንቱ፡ “ኤ ደኤ፤ ሄዋ በአተ፤ እ ሀንተፕ ሰንላና ደኤ፤ ኤላካ አኮ ቢተ። አሳይ ሀቼ ጎይንያ ዶቃ ሳኦን ያርሽያ ድራው፡ እ ኑ ካታማ ዬዳ።

13 ካታማ ኤንቱንቱ ገሌዳ ሳና፡ እ ማናው ጎይንያ ዶቃ ሳኦ ከሰናን ደእሽን ደማና። እ ጋከናን ደእሽን፡ አሳይ ሙሳ ደመና፤ አያው ጎፕ፡ ያርሹዋ እ አንጃናው ኮሼ። እ አንጃዳዋፕ ጉይያን፡ ሸብቱዳዋንቱ ማና። ፑደ ቢተ፤ ሀንተንቱ እ ሀእ ደማና” ያጌድኖ።

14 ሄዋፕ ጉየ ኤንቱንቱ ካታማ ቤድኖ፤ ኤንቱንቱ ካታማ ገልያ ዋደ፡ ሳመል ጎይንያ ዶቃ ሳኦ ፑደ ቢደ፡ ኤንቱንቱና ጋከታናው ይያዋ በኤድኖ።

15 ሳኦል ያናፕ ካሰ ጋላሰ፡ ሳመላው መድና ጎዳይ ሀዋዳን ያገደ ቆንጭሰ ዋሌዳ፤

16 “ዋንታ ሀኖደ ቢንያማ ጋድያፕ እት ብታንያ ታን ኔኮ የዳና፤ እ ታ አሳ እሰራኤልያ ካለላና ማላ አ ኦካ፤ ታ አሳ ፕልሰጾማ አሳቱዋ ኩሽያፕ እ አሻናዋ፤ አያው ጎፕ፡ ታ አሳ ዋሱ ታኮ ጋክና፡ ታን ኤንቱንታ ጸላድ” ያጌዳ።

17 ሳመል ሳኦላ በኤዳ ዋደ፡ መድና ጎዳይ ሳመላ፡ “በአ! ታን ነው ኦዴዳ ብታኒ ሀዋ፤ እ ታ አሳ ሞዳናዋ” ያጌዳ።

18 ሳኦል ፕንግያ ማታን ደእያ ሳመላኮ ሸቂደ፡ “ጸልያዋ ጎሊ ሀቃንጎቶ ሀይ ታው ኦዳርኪ?” ያጌዳ።

19 ሳመል ሳኦላው፡ “ጸልፊዎ ታና። ሀቼ ሀንተንቱ ታናና ምያ ድራው፡ ታጥ ሰንፋቲደ፡ ፑደ ጎይንያ ቶቃ ሳኦ ቢተ። ታን ኔና ምንት ጉራና የዳና፤ ነ ምዛናን ደእያ ኡባባ ታን ኦዳና።

20 ሄዙ ጋላሳጥ ካሰ ባዬዳ ነ ሀረቱዋ ግደጥ፡ ኡንቱንቱ ቤቴዳ ድራው፡ ሀርሳጥ። እስራኤልያ አሳይ ኡባይ አሞትያዌ ኦኔ? ኔና ነ ኦወዋ ሶይ አሳ ግደኔ?” ያጌዳ።

21 ሳኦል ዛሪደ፡ “ሽን ታን እስራኤልያ ዛርያ ኡባጥ ላፍያ ቢንያማ ዛርያ ግድክታ? ታ ሶይ አሳይካ ቢንያማ ዛርያ ግደን ጉጽያዋ ግደኔ? ኔን እያወ ታወ ሀዋ ማላ ሃሳያይ?” ያጌዳ።

22 ሄዋጥ ጉይያን፡ ሳመል ሳኦላን አ ቆማ አፊደ፡ አኮ ወይግያ ገልሲደ ሄ ሳኦን ሾቡቴዳ ሀታው ግድያ አሳጥ ቆሞ ባጋና አራታን ኡትሴዳ።

23 ሳመል ቆማ ካልያዋ፡ “ካ ማታን ምላሻ ጋደ ታን ነወ እሜዳ አሹዋ ሀማ” ያጌዳ።

24 ሄዋጥ ጉየ ካልያዌ ሎኡዋን አ ቦላን ደእያዋ አክ አሂደ፡ ሳኦል ሰንፋን ምሴዳ። ሳመል ሳኦላ፡ “ካወ አሹዳዌ ሀዋ፤ አካደ ማ። እያወ ጎጥ፡ ታን እማላቱዋ ሾቦደጥ ደማደ፡ ሀዋ ነወ አሻድ” ያጌዳ። ሄ ጋላሰ ሳኦል ሳመላና ሜዳ።

25 ኡንቱንቱ ጎይንያ ቶቃ ሳጥ ዱገ ካታማ ምድና፡ ሳመል ሳኦላወ ጎልያ ቦላን ደምባዪደ ኦሴዳ ሳኦን ግሱዋ ሂጽና ግሴዳ።

ሳመል ሳኦላ አኪደ ካተዬዳ

26 ኡንቱንቱ ጉራና ደንዴድና፤ ሳኦይ ምንትና፡ ሳመል ሳኦላ ሄ ጎልያ ቦላጥ ጸሴደ፡ “ጊጋ፤ ታን ኔና ሞይዛና” ያጌዳ። ሳኦል ገገና፡ እነ ሳመልን ላኡ አትጥ ኦግያ ከሴድና።

27 ኡንቱንቱ ካታማ ጋጸ ምድሽን፡ ሳመል ሳኦላ፡ “ቆማይ ኑጥ ሰንፋወ አቆና ማላ ኦዳ” ያጌዳ፤ ቆማይ ሰንፋወ አቆዳ። ሳመል ሳኦላ፡ “ታን ነወ ጸሳይ ጌዳዋ ኦዳና ማላ፡ ሀዋን ላፋ ታካሻ” ያጌዳ።

10

1 ሄ ምደ ሳመል ትግያባና ዛይትያ አኪደ፡ ሳኦላ ሁጺያን ትጊደ ሳኦላ የሪደ፡ ሀዋዳን ያጌዳ፤ “ባረ አሳ እስራኤልያ ሞዳና ማላ መድና ጎዳይ ኔና ኦኬዳ ግደኔ? ኔን አ አሳ ካለላደ፡ ኡንቱንቱ ዩሹዋን ደእያ ሞርከቱዋ ኩሽያጥ ኡንቱንታ አሻና። አ አሳ ኔን ሞዳና ማላ፡ ጸሳይ ኔና ኦኬዳዋ ማላታይ ሀዋ።

2 ኔን ሀቼ ታጥ ሻከትያ ምደ፡ ራሄል ዱፉዋ ማታን፡ ቢንያማ ዛዋን ደእያ ጸልጸሀ ግያ ሳኦን ላኡ አሳቱዋና ጋከታናሳ ኡንቱንቱ ኔና፡ “ኔን ኮሻ ቤዳ ሀረቱ ቤቴድና፤ ሀእ ነ አወ ሀረቱዋ ቆጥያዋ አጊደ፡ “ታ ናኦይ ቆዬዳ፤ ሽን ሞኖሻ?” ያጊደ ነባ ሀርጌ” ያጊደ ኦዳናዋ።

3 “ኔን ሄ ሳጥ ደንዳደ፡ ታቦራ ጌተትያ ምልቃማ ምላ ጋካናወ ባናሳ፤ ኔን ቢሸን፡ ጸሳኮ ቤቴላ ብያ ሄዙ አሳቱ ኔናና ጋከታናዋንታ። ኡንቱንቱጥ አቱ ሄዙ ዴሻ ማራቱዋ ቶኬዳ፤ ላኤንሉ ሄዙ ኡክላ ቶኬዳ፤ ሄዘንሉ ኦጎሩዋ ኩሜዳ ምይንያ ኤሳ ቶኬዳ።

4 ኡንቱንቱ ኔና ሳርታና፤ ነወ ላኡ ኡክላ ኡንቱንቱ እማና፤ ኔን ኡንቱንቱ ኩሽያጥ ሄ ኡክላ አካናሳ።

5 “ሄዋጥ ጉይያን፡ ኔን ፕልሰጾማ ኦላንቻቱ ጭታይ ደእያ ጸሳ ግብአ ግያ ካታማ ባና። ኔን ሄ ካታማ ጋክያ ምደ፡ ዲላና ካራቡዋና፡ ፑላልያናን ማሰንቁዋና ካኢድን ትምቢትያ ኦዲደ፡ ጎይንያ ቶቃ ሳኦጥ ዱገ ምድያ ትምቢትያ ኦድያዋንቱ ጩጉዋና ጋከታናሳ፤

6 መድና ጎዳ አያናይ ነ ቦላ ምልቃጥ ምድና ኔንካ ኡንቱንቱና ትምቢትያ ኦዳናሳ፤ ኔን ላመታደ ሀራ አሳ ግዳና።

7 ሀ ማላታቱ ፖለትያ ምደ፡ ነ ኩሽያን ጋከቱዳባ አያን ኦላ፤ እያወ ጎጥ፡ ጸሳይ ኔናና ደኤ።

8 “ኔን ታጥ ሰንፋታደ ገልጋላ አቆ። ታንካ ቱሙጥ ጹግያ ያርሹዋን ሳርተላ ያርሹዋ ያርሻናወ ኔኮ ዱገ ባና። ታን ኔኮ ባደ ኔን አላናባ ኦዳና ጋካናወ፡ ላፑን ጋላሳ ጋምአሳ” ያጌዳ።

9 ሳኦል ሳመላጥ ሻከትሽን፡ ጸሳይ ሳኦላ ምዛና ላሜዳ፤ ቃይ ሄ ማላታቱ ኡባይ ሄ ጋላሳ ሀኔድና።

10 ሳኦልን ቆማይ ግብአ ጋክና፡ ትምቢትያ ኦድያዋንቱ ጩጉ አናና ጋከቱዳ፤ ጸሳ አያናይ አ ቦላ ምልቃጥ ምድዳ፤ ኡንቱንቱ ግደን ትምቢትያ ኦዳዳ።

11 ሳኦላ ካሰ ኤርያዋንቱ ኡባይ ትምቢትያ ኦድያዋንቱና ትምቢትያ ኦድያዋ ቦኢደ፡ አቱ አቱዋ፡ “ቁሳ ናኦይ ምን ክቼዴ? ቃይ ሳኦላካ ትምቢትያ ኦድያዋንቱ ዛቴየ?” ያጌድና።

12 ሄ ሳኦን ደእያ እት ብታኒ ኡንቱንቶ፡ “ኡንቱንቱ አወ ኦኔ?” ያጊደ ዛሪዳ። ሄዋ ድራው፡ “ሳኦላካ ትምቢትያ ኦድያዋንቱ ዛቴየ?” ጉሳይ ቶሳ ግዴዳ።

13 ሳኦል ትምቢትያ ኦድያዋ ወርሴዳዋጥ ጉይያን፡ ጎይንያ ቶቃ ሳኦ ቤዳ።

14 ሳኦላ አወዋ አሻይ ሳኦላን ቆማ፡ “ሀቃ ቤድቴ?” ያጌዳ።

ሳኦል፡ “ሀረቱዋ ኮሻ ቤዳ፤ ሀረቱ ቤተናን ቆይና፡ ሳመላኮ ቤዳ” ያጌዳ።

15 ሳኦላ አወዋ አሻይ፡ “ሀያና ሳመል ነወ ጌዳዋ ታወ ኦዳርኪ” ያጌዳ።

16 ሳኦል ባረ አወዋ አሻወ፡ “ሀረቱ ቤቴዳዋ ሳመል ኡወ ጌሺደ ኦዳዳ” ያጌዳ፤ ሽን ሳመል፡ “ካትያ ግዳሳ” ጊደ አወ ኦዳዳዋ ኦድቤና።

ሳኦል ካተቱዳዌ ቆንጭያን ኦደቴዳ

17 ሄዋጥ ጉይያን፡ ሳመል ሞጽጸን እስራኤልያ አሳ መድና ጎዳኮ ጸሰ ሺሺዳ።

18 ኡንቱንታ፡ “መድና ጎዳይ፡ እስራኤልያ ጸሳይ ሀዋዳን ያጌ፤ “ታን እስራኤልያ ግብጾጥ ከሳድ፤ ግብጾ አሳቱዋ ኩሽያጥን ሀንተንታ ናቂያ ካወተላቱ ኡባ ኩሽያጥ ታን አሻድ” ያጌ።

19 ሽን ሀቼ ሀንተንቱ መቱዋጥን ምይያጥ ኡባጥ ሀንተንታ አሽያ ሀንተንቱ ጸሳ እጾድታ፤ ቱይት! ኡ ቦላ ካትያ ካተያ” ያጌድታ። ሄዋ ድራው፡ ሀእ ሀንተንቱ ሀንተንቱ ዛርያንን ሀንተንቱ ያራን ግዲደ፡ መድና ጎዳ ሰንፋ አድተ” ያጌዳ።

20 ሄዋ ሳመል እስራኤልያ ዛርያ ኡባ አሊና፡ ሳማይ ቢንያማ ዛርያን ያደገ፡፡

21 ቢንያማ ዛርያ ያራን ያራን አሊና፡ ሳማይ ማጽራ ያራን ያደገ፡፡ ወርሰሳን ቁሳ ናእይ ሳኦል ደረቴዳ፡፡ ኡንቱንቱ አ ኮዬድኖ፤ ሽን እ ቤትቤና፡፡

22 ሄዋ ድራው ኡንቱንቱ መድና ጎዳ፡ “ብር ሀ ሳኦ ያና አሳይ ደኢ?” ያጊደ ኦቼድኖ፡፡

ሽን መድና ጎዳይ፡ “ኤ! ሳኦል ሚሻ ግዲዋን ቆሰት ኡቲዳ” ያጊደ፡፡

23 ኡንቱንቱ ዋጽ ቢደ፡ ያፕ አ ከሰ አሄድኖ፡፡ አሳ ግደን እ ኤቁያ ዋደ፡ ሀሽያፕ ቆዋ ባጋን አሳ ኡባፕ አዲቁ፡፡

24 ሳመል አሳ ኡባው፡ “መድና ጎዳይ ደሬዳ ብታንያ በአቲ? ሀ አሳ ግደን አ ማላትያባይ ኡን ቲሙ ባዋ” ያጊደ፡፡

ሄዋፕ ጉየ አሳይ ኡባይ ባረ ቃላ ቶቁ ኦሊደ፡ “ካትያ ሽምቸ ጋምኦ” ያጊደ፡፡

25 ሄዋፕ ጉይያን፡ ሳመል ካውተላ ዋጋ አሳው ኦዳዳ፤ ጸጸትያ ማጸፋን ሄ ዋጋ ጸፊደ፡ መድና ጎዳይ ሰንሳን ዋሌዳ፡፡ ሳመል አሳ ኡባ ሁጲያን ሁጲያን አ ሶ አ ሶ የዳዳ፡፡

26 ሳኦልካ ባረ ሶ ግብኣ ቤዳ፤ ጸሳይ ኡንቱንቱ ዋዛና ቦቼዳ ምኖ አሳቱ ሳኦላና ቤድኖ፡፡

27 ሽን እት እት ጩጩ አሳቱ፡ “ሀ ብታኒ ኑና ዋቲደ አሻኔ?” ያጊደኖ፤ ኡንቱንቱ አ ካዲደ፡ አው አይነ እምታ እምባይክኖ፡፡ ሽን ሳኦል ጩኤ ጊዳ፡፡

ኮይር ሳኦል አይሱዋ ላይላቱዋ

11

(11:1—15:35)

ሳኦል አሞና አሳቱዋ ጸኔዳ

1 እት አግናፕ ጉይያን፡ አሞና ጋድያ ካቲ ናኦሰ ደንዲደ፡ ጋላኦደን ደእያ ያቤሻ ካታማ ደዲደ ኡቲዳ፡፡ ያቤሻ አሳይ ኡባይ አ፡ “ኔን ኑናና ቃላ ጩቁዋ ዋላ፤ ኑን ነው ሞደታና” ያጊደ፡፡

2 ናኦሰ፡ “ታን እትባ ኦላናው ሀንተንቱ ኤና ሳፕ፡ ሀንተናና ቃላ ጩቁዋ ዋላና፤ ሄዌነ፡ ታን ሀንተንቶ ኡባው ኡሸቻ አይፍያ ዋጫደ ከሳና፤ ያታደ እስራኤልያ ኡባ ካውሻና” ያጊደ፡፡

3 ያቤሻ ጭማቱ ኡባይ ናኦሳ፡ “እስራኤልያ ቢታ ኡባው ኑን ኪታ የዳና ማላ፡ ላቸን ጋላሳ ታካሻርኪ፤ ኑና አሸያዌ ኡንነ ጳዮፕ፡ ኑን ነው ኩሽያ እማና” ያጊደኖ፡፡

4 ኪተቲዳዋንቱ ሳኦል ደኢያሳ ግብኣ ቢደ፡ ሀ የወዋ አሳው ኦዳድኖ፤ አሳይ ኡባይ ባረ ቃላ ቶቁሲደ ዩኬዳ፡፡

5 ሄ ዋደ ሳኦል ባረ ቦራቱዋ ላጊደ ጎሻፕ ይያዌ፡ “አሳይ ዋኔዳ? አያው ዩኪ?” ያጊደ ኦቼዳ፤ ያቤሻ አሳይ ጌዳዋ አው ኦዳድኖ፡፡

6 ሀ ቃላ ሳኦል ሰሴዳ ዋደ፡ ጸሳ አያናይ አ ቦላን ዋልቃን ዋዴዳ፤ ሳኦል ሀንቁዋ ፕንቲዳ፡፡

7 ሳኦል ዋላ ቦራቱዋ አኪደ ሙጸሬሊደ፡ ኪተቲዳዋንቱን እስራኤልያ ቢታ ኡባው የዲደ፡ “ሳኦላን ሳመላ ካሊደ፡ ከሰና ኑ ቦራቱን ሀዋዳን ሙጸታና” ያጊደ፡፡

ሄዋፕ ጉይያን፡ መድና ጎዳ ዳጋማይ አሳ ቦላ ዋድና፡ ኡንቱንቱ እት አሳዳን ከሴድኖ፡፡

8 ሳኦል በዜቃን ኡንቱንታ ሺሺደ ፓይዳዳ ዋደ፡ እስራኤልያ አሳይ ሄዙ ጾቱ ሻኦ፤ ይሁዳ አሳይ ሀታሙ ሻኦ፡፡

9 ኡንቱንቱ ኪተት ዩዳዋንታ ሀዋዳን ያጊድኖ፤ “ቢደ ያቤሻ ጋላኦደ አሳቶ፡ “ዋንት አዋ ካውቶ ዋደ፡ ኑን ሀንተንታ አሻና” ያጊደ ኦድተ” ያጊድኖ፡፡ ኪተቲዳዋንቱ ቢደ፡ ያቤሻ አሳቶ ሄዋ ኦዳድኖ፤ ኡንቱንቱካ ሎይሳ ናሽቲድኖ፡፡

10 ያቤሻ አሳቱ አሞና አሳቶ፡ “ኑን ዋንት ሀንተንቶ ኩሽያ እማና፤ ሀንተንቱ ኑና ደሰያዋዳን ኦላና ዳንዳዪታ” ያጊድኖ፡፡

11 ዋንተላ ጋላሰ ሳኦል ባረ አሳ ሄዙ ጩጉዋን ሻኬዳ፤ ኡንቱንቱ ሳኦይ ዋንትያ ዋደ፡ አሞና አሳቱ ሸቆዳ ሳኦ ገሊደ፡ አዋይ ካውታና ጋካናው አሞና አሳቱዋ ጎራኤድኖ፤ ጎራኤቱሳፕ አቲዳዋንቱ ላኡ አሳይ እትፕ ደኤናዳን ኡባይ ባረው ባረው ላለቲዳ፡፡

12 ሄዋፕ ጉይያን፡ እስራኤልያ አሳይ ሳመላ፡ “ሳኦል ኑ ቦላ ካተታኔ? ያጊደ አሳቱ ኦኔ? ኡንቱንቱ ኡንቶ ከሰተ፤ ኑን ኡንቱንታ ዋሳና” ያጊደ፡፡

13 ሽን ሳኦል ኡንቱንታ፡ “እት አሳይነ ሀቼ ሀይቀና፤ አያው ሳፕ፡ መድና ጎዳይ እስራኤልያ አሸዳ ጋላሳይ ሀቻ” ያጊደ ዛሬዳ፡፡

14 ሄዋፕ ጉይያን፡ ሳመል አሳ፡ “ሃይተ፤ ገልጋላ ቦይተ፤ ያን ሳኦል ካትያ ግድያዋ ዛረሊደ ኤርሴቶ” ያጊደ፡፡

15 ሄዋ ድራው፡ አሳቱ ኡባይ ገልጋላ ቢደ፡ ገልጋላን፡ መድና ጎዳ ሰንሳን ሳኦል ካትያ ግድያዋ ኤርሴድኖ፡፡ ያን ሳርተላ ያርሹዋ መድና ጎዳ ሰንሳን ያርሹድኖ፤ ሳኦልን እስራኤልያ አሳይ ኡባይ ሄ ሳኦን ጸኑዋ ባላ ዋልቃማ ናሽቻን ቦንቼድኖ፡፡

12

ሳመላ ወርሰሳ ሳርታ

1 ሄዋፕ ጉይያን፡ ሳመል እስራኤልያ ኡባ ሀዋዳን ያጊዳ፤ “ሀንተንቱ ታው ኦዳዳ ኡባባ ታን ሰሳደ፡ ሀንተንቱ ቦላ ካትያ ካተያድ፡፡

2 ሀእ ዛር ሀንተንታ ካለላናው ካቲ ደኤ፡፡ ታና ግደፕ፡ ታን ዳር ደኤድነ ጭማድ፤ ታ ናናይ ሀንተናና ደኤኖ፡፡ ታን ታ ያላጋተላፕ ሀቼ ጋካናው ሀንተንታ ካለላድ፡፡

3 ሄኮ ታን ሀዋን ኤቃድ፤ መድና ጎዳ ሰንሳን እ ኦኬዳ ካትያ ሰንሳን ታ ቦላ ማርካትተ፡፡ ታን ኦ ቦራ አካድታ? ኦ ሀርያ አካድታ? ኦና ጭማድታ? ኦና ኡቁናድታ? ታ አይፍያ ቆቅሳናው ኦ ኩሽያፕ ማጋንጸ ማድታ? ሀዋንቱፕ እቱዋን ታን ኦሌዳዋ ግደፕ፡ ታን ጭጋና” ያጊደ፡፡

4 ሄዋፕ ጉየ ኡንቱንቱ ዛሬደ፡ “ኔን ኑና ጭማባካ፤ ዋይ ኑና ኡቁናባካ፤ ኔን አሳ ኩሽያፕ አያን ማጋንጸ ማባካ” ያጊድኖ፡፡

5 ሳመል ኡንቱንታ፡ “ሀንተንቱ ታ ኩሽያን አያን ደምቤናዋ መድና ጎዳይነ እ ኦኬዳ ካቲነ ሀቼ ሀንተንቱ ቦላን ማርካ” ያጊደ፡፡ ኡንቱንቱካ፡ “ኤ፡ እ ማርካ” ያጊድኖ፡፡

6 ሳመል አሳ፡ “ሙሳነ አሮና ደራዳዊን ህንተንቱ አዎቱዋ ግብጾፕ ከሴዳዌ መድና ጎዳ።

7 ሀእ ሰም ህንተንቱን ህንተንቱ አዎቶ መድና ጎዳይ ኦሴዳ ጽሎ ኦሶ ኡባዉ ታን ህንተናና መድና ጎዳ ሰንሳን ሞተታናዳን፡ ሀዋን ኤቂተ።

8 ያቆብነ አ ሶ አሳይ ግብጾ ቢደ ደእሸን፡ ግብጾ አሳቱ ኡንቱንታ ናቄዳ ዋደ፡ ህንተንቱ አዎቱ መድና ጎዳዉ ዋሴድኖ፤ መድና ጎዳይ ሙሳነ አሮና ከቱዳ፤ ኡንቱንቱ ህንተንቱ አዎቱዋ ግብጾፕ ከሲደ፡ ሀዋን ዋሴድኖ።

9 “ሸን እስራኤልያ አሳቱ መድና ጎዳ ባረንቱ ጸሳ ደጌድኖ፤ ጸሳይ ኡንቱንታ ሀጸራ ኦላንቻቱ ጋዳዋ ሲሳራ ኩሸያን፡ ፕልሰጾማ አሳቱዋ ኩሸያንን ሞኦበ ካትያ ኩሸያን አሊደ እምና ኡንቱንታ ኦሴድኖ።

10 ኡንቱንቱ መድና ጎዳዉ፡ ሩን ናጋራ ኦሴደ፤ ኩን መድና ጎዳ አጊደ፡ ባአላዉነ አስታሮታዉ ጎይኔደ። ሸን ሀእ ኔን ኑና ኑ ሞርከቱዋ ኩሸያፕ አሻ፤ ኩን ነዉ ጎይናና ያጊደ ዋሴድኖ።

11 መድና ጎዳይ ጌደና፡ ባራቃ፡ ዮፍታሀነ ሳመላ ከቲደ፡ ህንተንቱ ዩሹዋ ኡባን ደእያ ሞርከቱዋ ኩሸያፕ ህንተንታ አሼዳ፤ ያትና፡ ህንተንቱ ሳሮ ደኤድታ።

12 “አምና አሳ ካትያ ናኦስ ህንተንቱኮ ዬዳዋ በኤዳ ዋደ፡ መድና ጎዳይ ህንተንቱ ጸሳይ ህንተንቱ ካትያ ግደፕ፡ ህንተንቱ ታና፡ ቱይት፡ ኩን ኑና ሞዳናዉ ካትያ ኮዬቶ ያጌድታ።

13 ሀእካ ህንተንቱ ደሪደ ኦቹዳ ካቲ ሀዌሸ! በአተ፤ መድና ጎዳይ ህንተንቱ ቦላ ካትያ ዋሴዳ።

14 መድና ጎዳዉ ህንተንቱ ያኖፕ፡ አዉ ከተቶፕ፡ አ ቃላዉ አዛዘቶፕ፡ አ አዛዘ ማካለናን አጎፕን ህንተንቱካ ህንተንቱ ቦላ ካተትያ ካቲካ ጸሳ ህንተንቱ ጸሳ ካሎፕ፡ ያቶፕ ሎኦ።

15 ሸን መድና ጎዳ ቃላዉ ህንተንቱ አዛዘተናን ጳዮፕን አ አዛዘ ማካሎፕ፡ ጸሳ ፕርዳይ ካስ ህንተንቱ አዎቱዋ ቦላ ዬዳዋዳን፡ ህንተንቱ ቦላካ ያናዋ።

16 “ሰም ሀእ ኤቂ ባሸተ፤ መድና ጎዳይ ህንተንቱ አይፍያ ሰንሳን አልያ ሀ ግታባ በአተ!

17 ዛርጋ ጫካ ዋዲ ሀእ ግደኔየ? መድና ጎዳይ ጉፕንሳነ እራ የዳና ማላ፡ ታን ጸሳዉ ዋሳና። ያትያዋ ግደፕ፡ ካትያ ህንተንቱ ኦቹዳዌ መድና ጎዳ ሰንሳን ዋልቃማ ኢታተላ ግድያዋ ህንተንቱ ኤራናነ በእና” ያጌዳ።

18 ሳመል መድና ጎዳዉ ዋሴዳ፤ መድና ጎዳይ ሄ ጋላስ ጉፕንሳነ እራ የዳዳ፤ ሄዋ ድራዉ፡ አሳይ ኡባይ መድና ጎዳነ ሳመላ ሎይሳ ያዬዳ።

19 አሳይ ኡባይ ሳመላ፡ “ኑን ካትያ ኦቹደ፡ ኑ ናጋራ ኡባ ቦላ ሀ ኢታተላ ጉጃዳ ድራዉ፡ ኩን ነ ቆማቱ ሀይቀናዳን ኑዉ መድና ጎዳ ነ ጸሳ ዋሳርኪ” ያጌዳ።

20 ሄዋፕ ጉየ ሳመል አሳዉ ሀዋዳን ያጌዳ፤ “ያኖፕተ፤ ቱሙካ ህንተንቱ ሀ ኢታተላ ኡባ ኦሴድታ፤ ሸን ህንተንቱ ኩመንሳ ዋዛናፕ መድና ጎዳዉ ከተትተፕ አትና፡ መድና ጎዳ ካልያዋ አጎፕተ።

21 ማደና፡ አሸናነ ፓሌና ኤቃቱዋ ካሎፕተ፤ አያዉ ጎፕ፡ ሄዌ ፓርናዋ።

22 መድና ጎዳይ ባረ ዋልቃማ ሱንሳ ድራዉ ባረ አሳ አገና፤ አያዉ ጎፕ፡ መድና ጎዳይ ህንተንታ ባረ አሳ ኦላናዉ ናሸቱ።

23 ህንተንቱ ድራዉ ዋሰያዋ አጋደ መድና ጎዳ ቦላ ናጋራ ኦላናዌ ታፕ ሃኮ፤ ታን ህንተንታ ሎኦነ ሱረ ኦግያ ታማርሳና።

24 መድና ጎዳዉ ያይተ፤ ህንተንቱ ኩመንሳ ዋዛናፕ አማነቲደ፡ አዉ ከተትተ፤ ህንተንቶ አ ኦሴዳ ግታባ ሀሳይተ።

25 ሸን ህንተንቱ ኢታባ ዛር ዛሪደ አሎፕ፡ ህንተንቱካ ህንተንቱ ካቲካ ጳያና” ያጌዳ።

13

ፕልሰጾማቱዋና ደንዴዳ ኦላ

1 ሳኦል እስራኤልያ ቦላ ላኡ ላይላ ካተ ግደዋፕ ጉይያን፡

2 እስራኤላቱ ግደፕ ሄዙ አሳ ደራዳ፤ ላኡ ሻአይ ሞክማሳን፡ ቤቴላ ገዝያን ሳኦላና ደኤ፤ አት ሻአይ ቃይ ቢንያማን ደእያ ግብአን ዮናታናና ደኤ፤ አቱዳ አሳ ሳኦል ኡንቱንቱ ሶ ሶ የዴዳ።

3 ዮናታን ገባአን ደእያ ፕልሰጾማ ኦላንቻቱ ጭታ ቦላ ዋራጃዳ፤ ፕልሰጾማ አሳቱ ሄዋ ሰሴድኖ። ሄዋፕ ጉይያን ሳኦል፡ “ኡብራዌቱ ሀዋ ሰሴኖ” ጊደ፡ ቢታ ኡባን ማላካታ ፑንሴዳ።

4 እስራኤልያ አሳይ ኡባይ፡ “ሳኦል ፕልሰጾማ ኦላንቻቱ ጭታ ቦላ ዋራጃዳ፤ ሀእ እስራኤልያ አሳይ ፕልሰጾማ አሳዉ ሸንይያባ ግዴዳ” ያግያ ኦዲዋ ሰሴዳ። አሳይ ሳኦላኮ ገልጋላ ጸሰቲደ ሸቄዳ።

5 ፕልሰጾማ አሳቱ እስራኤላቱዋ ኦላናዉ ሀታሙ ሻአ ፓራ ጋረቱዋና፡ ኡሱፑን ሻአ ፓራ አሳቱዋናነ አባ ደናን ደእያ ሻፍያ ኬሻ ኦላንቻቱዋና ሸቄድኖ፤ ኡንቱንቱ ፑደ ቢደ፡ ቤት-አዌናፕ አዋይ ደልያ ባጋና ደእያ ሞክማሳን ሸቄድኖ።

6 እስራኤልያ ኦላንቻቱ ባረንቶ ሌሌዳዋነ ኡንቱንቱ ጭታይካ ሎይሳ ኡንኤቱዳዋ በኢደ፡ ጎንጎሉዋ ግደን፡ ቡራ ግዲዋን፡ ዛላቱ ግዲዋን፡ ካካ ግደንነ ሃላዉ ቦኮ ኦላ ግደን ቆስቲድኖ።

7 እብራዋቱዋፕ አማራዳዋንቱ ዮርዳኖሳ ሻፋ ፕኒደ፡ ጋዳነ ጋላአደ ጋድያ ቤድኖ። ሸን ሳኦል ገልጋላን አቱዳ፤ አናና ደእያ ኦላንቻቱ ኡባይ ያሻዉ ኮኮራድኖ።

8 ሳኦል ሳመል ኬራዳ ላፑን ጋላሳ ጋምኤዳ፤ ሸን ሳመል ገልጋል ይቤና፤ ያትና፡ ሳኦላ አሳይ ላለትያዋ ደሜዳ።

9 ሄዋ ድራዉ፡ ሳኦል፡ “ጹግያ ያርሹዋን አትተላ ያርሹዋ ታዉ ሀምተ” ያጌዳ፤ አህና ሳኦል ጹግያ ያርሹዋ ያርሹዳ።

10 ሳኦል ጹግያ ያርሹዋ ፖሎ ሳናካ ሳመል ጋክ ዋዴዳ። ያትና፡ ሳኦል ሳመላ ሞካናዉ ካረ ከሴዳ።

11 ሳመል ሳኦላ፡ “ሀዌ ኔን ኦሴዳዌ አዬ?” ያጌዳ።

ሳኦል፡ “አሳይ ላለትያዎ፡ ኔንካ ጌዳ ዎደ ያቤናዎን ፕልሰጾማቱ ምክማሳን ሺቄዳዎ ታን በኣደ፡

12 “ፕልሰጾማቱ ታናና ኦለታናዉ ሀእ ገልጋላ ዎቆናዎንታ፤ ታን መድና ጎዳ ማዴዎ ኦቻቢይከ፤ ሄዎ ድራዉ፡ ጸግያ ያርሹዎ ታን ያርሻናዉ ኮሽ፣ ጋደ ቆፓድ” ያጌደ ዛሬዳ።

13 ሳመል ሳኦል፡ “ኔን ኤያባ ኦላዳ፤ መድና ጎዳይ ነ ጸሳይ ነዉ እሚዳ አዛዙዎ ናጋባካ። እ ሀቼ ነ ካዉተላ እሰራኤልያ ቦላ መድናዉ ምንሳናዎሽን።

14 ሰም ሀእ ነ ካዉተላይ ጋምኤና፤ ኔን መድና ጎዳ አዛዙዎ ናጋቤና ድራዉ፡ መድና ጎዳይ ባረ ዎዛናዳን ኦላያ አሳ ኮዬዳ፤ እ ባረ አሳ ሞዳናዳን ሱንሴዳ” ያጌዳ።

15 ሄዎ፣ ጉይያን፡ ሳመል ገልጋላ፣ ደንዲደ፡ ቢንያማን ደእያ ግብኣ ቤዳ። ሳኦል ባረናና ደእያ አሳ ፓይዳዳ፤ አሳይ ኡሱቸን ጾቱ ኬሻ ግዴዳ።

16 ሳኦል፡ እ ናኣ ዮናታንን ኡንቱንቱና ደእያ አሳይ ቢንያማን ደእያ ገባእን ሺቄድና፤ ፕልሰጾማ አሳቱካ ምክማሳን ሺቄድና።

17 ፕልሰጾማቱ ሺቄዳ ሳኦል ዎራጅያዎንቱ ሄዙ ጨጎ ግዴደ ከሴድና፤ ኡንቱቱ፣ እት ጨጉ ሹኣላ ቢታን ደእያ ኦራራኮ ሰሚደ ቤዳ፤ ላኤንሱ ቤት-ሆርን ቤዳ፤

18 ሄዘንሱ ጨጉ ባዙዎ ሰንላዬዳ፡ ጸቦኢማ ዎምባ ዲገ ጾልያ ዛዎ ኦግያ ኦይቂደ ቤዳ።

19 ፕልሰጾማ አሳቱ፡ “እብራዊቱ አዳነ ቶራ ቆጻጥና” ጌዳ ድራዉ፡ እሰራኤልያ ቢታ ኡባን ብራታ ቆጻጥና ቤትቤና።

20 ሄዎ ድራዉ፡ እሰራኤልያ ኡባይ ባረንቱ ማራሻ ጾራ፡ ጎማ፡ ካልታን ባጫ ፖሽሳናዉ ፕልሰጾማ አሳቱዎኮ ቢና።

21 ማራሻ ጾራን ሻልክያ ፖሽሳናዉ ሆሰቸን ግራመ ዴጵያ ብራ ቃንጸኢና፤ ካልታ፡ ጎማን ጸልጹዎ ፖሽሳናዉ ሄዎ ባጋ ቃንጸኢና።

22 ሄዎ ድራዉ፡ ሳኦልናን ዮናታናና ደእያ አሳ ኡባ ኩሽያን ኦላ ጋላስ ቶራይን ማሻይ ባዎ፤ ሽን ሳኦልዉን እ ናኣ ዮናታናዉ ደኤ።

23 ፕልሰጾማቱዎ ጨጉ ምክማሳ ፕኑዎ ባናዉ ከሴዳ።

14

ዮናታን ፕልሰጾማቱዎ ቦላ ዎራጃዳ

1 እት ጋላስ ሳኦል ናኣይ ዮናታን ባረ ኦላ ሚሻ ቶክያ ዎዳላ ሀዎዳን ያጌዳ፤ “ሃያ፤ ሄፍንላ ባጋን ደእያ ፕልሰጾማቱ ሺቄዳ ሳኣ እነ ቦይተ” ያጌዳ። ሽን ባረ አዎ ሀ ዮዉዎ ኦድቤና።

2 ሄ ዎደ ሳኦል ግብኣ ማታን ምግርናን፡ ሮማን ጌተትያ ምላ ጋርሳን ደኤ። እናና ኡሱቸን ጾቱ አሳቱን

3 ኤፋድያ ማዬዳ ቁሰ፡ እከይ ደኢና። እከይ እካቦዳ እሻን አሀጹባ ናኣ፤ አሀጹብ ሴሎን መድና ጎዳ ቁሰ ግዴዳ ኤላ ናኣይ ፒንሃሰ የሌዳዎ። ዮናታን ብ ክቼዳዎ አሳይ ኤርቤና።

4 ዮናታን ፕልሰጾማቱ ሺቄዳ ሳኣ ጋካናዉ ፕናናዉ ቆፕያ ፕኑዎሰ ላኡ ባጋናካ ጾራይ ጽንኢ

ጌዳ ዎልቃማ ዛላቱ ደኢና፤ እቱዎ ሱንላይ ቦዴጸ፤ ላኤንሱዎ ሱንላይ ሴና።

5 ዛላቱዎ፣ እቱ ፕንያ ሳ ሀጺሳ ባጋና ምክማሳዉ ሰንላና ደእያ ዎደ፡ እቱ ቃይ ገድሳ ባጋና ገባእዉ ሰንላና ደኤ።

6 ዮናታን ባረ ኦላ ሚሻ ቶክያ ዎዳላ ሀዎዳን ያጌዳ፤ “ሃያ፤ ሀ ቃጸረትቤናዎንቱ ሺቄዳ ሳኣ እነ ሄፍንላ ቦይተ። ኦን ኤሪ፡ መድና ጎዳይ ኦ ድራዉ ኦላንንቶን፤ መድና ጎዳይ ዳሮ አሳን ግድና፡ ጉላ አሳን ግድና፡ አሻናዎ እ ድግያባይ እያይነ ባዎ” ያጌዳ።

7 እ ኦላ ሚሻ ቶክያዎ፡ “ኔን ቆፔዳዎ ኡባ ኦላ፤ ባ፤ ታ ኩመንላ ዎዛና፣ ታን ኔናና ደኣይ” ያጌዳ።

8 ሄዎ፣ ጉዮ ዮናታን፡ “ዮና፣ ሄፍንላ አሳኮ ፕሊደ፡ አሳን በኤታና።

9 ኡንቱንቱ ኦና፡ ኡን ሀንተንቱኮ ባናዉ ሄዎን ናግተ” ያሳ፣ ኡን ደእያ ሳኣን ታካና፣ እትና፡ ኡንቱንቱኮ ቦኮ።

10 ሽን ኡንቱንቱ፡ “ሃ ኡኮ ፑደ ከሰተ ጎ፣ ኡን ፑደ ከሳና፤ እያዉ ጎ፣ ሄዎ መድና ጎዳይ ኡንቱንታ ኦ ኩሽያን አሊደ እሚዳዎ ኦዉ ማላታ ግዳና” ያጌዳ።

11 ያትና፡ ላኣቱካ ፕልሰጾማቱዎ ጌሶቱዎ ባረንታ በሴድና። ፕልሰጾማቱ፡ “በእተ! እብራዊቱ ባረንቱ ቆሰቱዳ ኦላ፣ ዙሚደ ከሲና” ያጌድና።

12 ሄዎ፣ አሳቱ ዮናታናን ኦላ ሚሻ ቶክያዎ ጸጊደ፡ “ሃ ኡኮ ፑደ ከሰተ፤ ኡን ሀንተንታ በሳና” ያጌድና።

ሃዎ ድራዉ፡ ዮናታን ባረ ኦላ ሚሻ ቶክያዎ፡ “ሃ ካላደ ሀ ፑደላ ከሳ። መድና ጎዳይ ኡንቱንታ እሰራኤልያ ኩሽያን አሊደ እም ድጌዳ” ያጌዳ።

13 ዮናታን ባረ ኦላ ሚሻ ቶክያዎ ካላሊደ፡ ገድያንን ኩሽያን ሀምቡሩጪደ ፑደላ ከሴዳ። ፕልሰጾማቱ ዮናታና ኩሽያን ኩንዴድና፤ እ ኦላ ሚሻ ቶክያዎ ካል ካሊደ ኡንቱንታ ዎዴዳ።

14 ሄ ኮይሮ ዎራጃዎን ዮናታንን እ ኦላ ሚሻ ቶክያዎ እት ጎሻ ጋደን ላታሙ ግድያ አሳ ዎዴድና።

15 ሄዎ፣ ጉይያን፡ ጋጸ ቢታን ደእያ ፕልሰጾማ አሳቱ ዳጋሚድና፤ ቆፕናዎ ኦልያዎንቱን ሄራን ደእያ ኦላንቻቱ ያሻዉ ኮኮሪድና። ቢታይካ ቃዴዳ፤ ሄዎን፡ ጸሳ፣ ከተቱዳ ዳጋማ።

ፕልሰጾማቱዎ ጸንቱሳ

16 ሳኦል ቢንያማ ቢታን፡ ግብኣን ዎሌዳ ዎቻያ አሳቱ ጾሊደ፡ ፕልሰጾማ ኦላንቻቱ ያና ሃና ፕሰክ ጊደ ላለትያዎንታ በኤድና።

17 ያትና፡ ሳኦል ባረናና ደእያ አሳቱዎ፡ “እነ ኦላንቻቱዎ ሺሽተ፤ ኦ ግደ፣ ኡን ቤድናንቶ በእተ” ያጌዳ። ኡንቱንቱ ሺሺደ ፓይድያ ዎደ፡ ዮናታንን እ ኦላ ሚሻ ቶክያዎ ባይናዎ ቤኤድና።

18 ሳኦል ቁሰያ አክያ፡ “ጸሳ ኦቻናዉ እነ ኤፋድያ ሃ አካደ ያ” ያጌዳ። ሄ ዎደ እከ እሰራኤልያ አሳ ሰንላን ኤፋድያ ማዬ።

13:14 ከታ 13:22

19 ሳኦል ቄሰና ሃሳይሽን፡ ፕልሰጾማቱዋ ሄራን ዋላሳይ ዳር ዳር ቤዳ። ሄዋ ድራው፡ ሳኦል ቄሰና፡ “ኤፋድያፕ ነ ኩሽያ ከሳ ድጋ” ያጌዳ።

20 ሄዋፕ ጉይያን፡ ሳኦል ከ አሳይ ኡባይ ሸቆዳ፡ ኦላ ቤድኖ። ፕልሰጾማ አሳቱ ኡባይ ሻቢረቲድ፡ ባረንቱ ማሻን እቱ እቱዋ ቡሳኪደ ደእያዋንታ ደሜድኖ።

21 ካሰ ፕልሰጾማ አሳቱዋና ደኢደ፡ ኡንቱንቱና ፑደ ኡንቱንቱ ሸቆዳ ሳኦ ቤዳ። እብራዋቱካ ኡንቱንታ አጊደ፡ ሳኦላናን ዮናታናና ደእያ እሰራኤልያ አሳን ጋከቱድኖ።

22 ኤፍሬማ ገዝያን ቆሰት ኡቱዳ ሀራ እሰራኤላቱካ ፕልሰጾማቱ ባቃቲደ ደእያዋ ሰሴድኖ። ኡንቱንቱካ የደርሱዋ ኡክያ አሳን ጋከቱድኖ።

23 መድና ጎዳይ ሄ ጋላሰ እሰራኤልያ አሳ አሸዳ። ቤት-አዌና ካታማፕ ሄፍንፋ ጋካናወካ አሳይ ኦለቱዳ።

ኦላፕ ሰምና ሀኔዳባቱዋ

24 ሄ ጋላሰ እሰራኤልያ አሳቱ ኮሻን ላባኔድኖ፤ አያወ ጎፕ፡ ሳኦል አሳ፡ “ሳኦይ ቃመናን ደእሸናን ታን ታ ሞርከቶ ሀሉዋ ከሰናን ደእሸን፡ ቁማ ሞያ ኡራይ ሸቀቱዳዋ ግዶ” ያጊደ አሳ ጫቁዋን ቃቹዳ። ሄዋ ድራው፡ ኦላንቻቱዋፕ ቁማ ዶናኮ ሺሼዳ አሳይ ኦንነ ባዋ።

25 ኦላንቻቱ ኡባይ ኡባና ዋራ ግዶ ገልያ ዋደ፡ ሳኦን ኡሳይ ደኤ።

26 ኡንቱንቱ ዋራ ግዶን ኡሳይ ጎግያዋ በኤድኖ፤ ሸን ጫቁዋ ያዬዳ ድራው፡ እት አሳይነ ባረ ኩሽያ ዶናኮ ሺሸቤና።

27 ሸን ዮናታን ባረ አዉ አሳ ጫቁዋን ቃቹዳዋ ሰሰቤና። ሄዋ ድራው፡ ባረ ኩሽያን ደእያ ጸምኦ ጼራ እልሉዋን የድ ከሲደ፡ ላጩዳ፤ አ አይፊ ደየቱዳ።

28 ሄዋፕ ጉይያን፡ ኦላንቻቱዋፕ እቱ አ፡ “ካ አዉ ኦላንቻቱዋ ኡባ፡ ሀቶ ቁማ ሞያ ኡራይ ሸቀቱዳዋ ግዶ” ያጊደ፡ ጫቁዋን ቃቹ ዋጹዳ፤ አሳይ ኡባይ ላባኔዳዋ ሀዋሳ” ያጌዳ።

29 ሄዋፕ ጉየ ዮናታን ሀዋዳን ያጌዳ፤ “ታ አዉ ቢታዉ መቶ መጴዳ። ታን ሀ ኡሳፕ ላፋ ላጭና ታ አይፊ አይ ኬሻ ደየቱደንቶ በአ።

30 አሳይ ባረ ሞርከቱዋፕ ኦሞዴዳዋፕ ሀቹ ሜዳባ ግድንቶ፡ አይባ ሎኤ ሸን፤ ኡንቱንቱ ዋጽና ፕልሰጾማቱዋ ፓይዱካ አይ ኬሻ ዳራናዋ ሸን” ያጌዳ።

31 ሄ ጋላሰ እሰራኤልያ አሳቱ ሞክማሳፕ አያሎና ጋካናወ፡ ፕልሰጾማቱዋ ሸጭ ሰሚደ ዳቡሬድኖ።

32 ኡንቱንቱ ኦሞዴዋ ጋዉሀዪደ፡ ደርሳቱዋ፡ ሚዛቱዋን ማራቱዋ አኬድኖ፤ ቢታን ጮ ሹኪደ፡ ሱላናካ ሜድኖ።

33 ሄዋፕ ጉይያን፡ እት አሳይ ሳኦላ፡ “በአ፤ አሳይ ሱላና ደእያ አሸዋ ሚደ፡ መድና ጎዳ ቦላ ናጋራ ኦጮ” ያጌዳ።

ሄዋፕ ጉየ እ ኡንቱንታ፡ “ሀንተንቱ ናጋራ ኦጮድታ፤ ዋጋ ሹቻ ኤለካ ሃ ታኮ ጎንደርሰተ” ያጌዳ።

34 ዛረሴደካ፡ “ከሲደ አሳ ግዶ ቢተ፤ ኡንቱንታ ሀዋዳን ያግተ፤ ሀሲያን ሀሲያን ሀንተንቱ ቦራነ ደርሳ ታዉ ሃ አኪደ ዪተ፤ ያቲደ ሀዋን ዋጋዳን ሹኪደ ሚተ። ሱላና ደእያ አሸዋ ሚደ፡ መድና ጎዳ ቦላ ናጋራ ኦጮተ” ያጋ” ያጌዳ።

ሄዋ ድራው፡ ሄ ጋላሰ ቃማ አሳቱ ኡባይ ባረ ቦራ ቦራ አሂደ፡ ያን ሹኪደኖ።

35 ሳኦል ሄ ሳኦን መድና ጎዳዉ ያርሸያ ሳኦ ግምቤዳ፤ ጸሳዉ ያርሸያ ሳኦ እ ግምቤሸን፡ ሄዋ አዉ ኮይሩዋ።

36 ሳኦል፡ “ሀ ቃማና ዲገ ፕልሰጾማቱዋ ካሊደ እነ ቦይተ፤ ሳኦይ ዋንታና ጋካናወ፡ ኡንቱንቱዋ ኡባ ቦንቆይተ፤ ኡንቱንታካ እቱዋን አሸናን ዋጹይተ” ያጌዳ።

ኡንቱንቱ፡ “ኤኖ፡ ኔና ሎኤዳባ ኡባ ኦላ” ያጊደ ዛሬድኖ።

ሸን ቄሲ፡ “አነ ሀዋን ጸሳ ኦቹቶ” ያጌዳ።

37 ሄዋ ድራው፡ ሳኦል ጸሳ፡ “ፕልሰጾማ አሳቱዋ ካላደ ቦ? ኔን ኡንቱንታ እሰራኤላቱ ኩሽያን አላደ እማኒ?” ያጊደ ኦቹዳ። ሸን ሄ ጋላሰ ጸሳይ አዉ ኦድቤና።

38 ያትና ሳኦል፡ “ኦላንቻቱዋ ካፓቶ፡ ኡባይ ሃይተ፤ ሀቹ አይባ ናጋራይ ኦሰቱደንቶነ እነ ቆሪደ ደሞይተ።

39 እሰራኤልያ አሸያ መድና ጎዳይ ኤር! ታ ናኦ ዮናታና ግዶፕ፤ ሀይቃናዉ በሰ” ያጌዳ። ሸን አሳፕ እት ኡራይነ ቃላ ቃትቤና።

40 ሄዋፕ ጉይያን፡ ሳኦል እሰራኤልያ አሳ ኡባ፡ “ሀንተንቱ ኡባይካ ያ ባጋን ኤቁተ፤ ታንነ ታ ናኦ ዮናታን ሀ ባጋን ኤቃና” ያጌዳ።

ሄዋፕ ጉየ አሳቱ፡ “ኤኖ፡ ኔና ሎኦዋ ኦላ” ያጌድኖ።

41 ሄዋፕ ጉይያን፡ ሳኦል መድና ጎዳ እሰራኤልያ ጸሳ፡ “ታዉ ልክ ዛሩዋ እማ” ያጊደ ዋሴዳ። ሳማይ ሳኦላ ቦላን ዮናታና ቦላ ዋጽና አሳይ ጌዬዳ።

42 ቃይ ሳኦል፡ “ታ ቦላነ ታ ናኦ ዮናታና ቦላ የግተ” ያጌዳ። ሄዋፕ ጉየ ሳማይ ዮናታና ቦላ ዋጹዳ።

43 ሳኦል ዮናታና፡ “አነ ኔን ኦጮዳዋ ኦዳ” ያጌዳ።

ዮናታን፡ “ታን ጉላ ኤሳ እልሉዋ ታ ጸምኦ ጼራፕ ላጫድ። ሄኮ ታን ሀዋን ደአይ፤ ታን ሀይቃና” ያጌዳ።

44 ሳኦል ሀዋዳን ያጌዳ፤ “ዮናታና፡ ኔን ሀይቃና ቆየፕ፡ ጸሳይ ታና ዋጹ!” ያጌዳ።

45 ሸን አሳይ ሳኦላ፡ “ዮናታን፡ እሰራኤልያዉ ሀ ዋልቃማ ጸኦዋ አሄዳዋ ሀይቃኔ? ሄዋ ኡባካ ሀነና! ደኡዋ መድና ጎዳይ ኤር! አ ሀሲያፕ እት ብናይነ ቢታን ዋጻና፤ አያወ ጎፕ፡ እ ሀቹ ሀዋ ጸሳ ማዱዋን ኦጮዳ” ያጌድኖ። ያቲደ አሳይ ዮናታና አሸና፡ እ ሀይቃናን አቱዳ።

14:33 ዶሞላ 9:4፤ ዋጋ 7:26-27፤ 17:10-14፤ 19:26፤ ዛረ. 12:16፤ 23፤ 15:23 14:41 ፓይ. 27:21፤ 1 ሳሜል 28:6

46 ሃዋጥ ጉይያን፣ ሳኦል ፕልሰጾማ አሳቱዋ የደርሰያዋ አጌዳ፤ ኡንቱንቱ ባረንቱ ጋድያ ሰሜድኖ።

ሳኦል ካወተላን እ ሶ እሳ

47 ሳኦል እስራኤልያ ቦላ ካተ ግዳዋጥ ጉይያን፣ ኡባ ኤለካ ደእያ ባረ ሞርከቱዋ ኦሌዳ፤ ሃዋንቱካ፣ ሞአባቱዋ፣ አሞናቱዋ፣ ኤደማቱዋ፣ ጸባ ካተቱዋን ፕልሰጾማ አሳቱዋ። ባረ ቤዳ ሳኦን ኡባን ጸኔዳ።

48 እ ሞኒደ ኦለቱዳ፤ አማሌቃ አሳቱዋ ጸኔዳ፤ እስራኤልያ አሳ ቦንቂያዋንቱ ኩሽያጥ አሺዳ።

49 ሳኦል አቱማ ናናይ ዮናታና፣ ይሸዋን ማልክሹኦ፤ አዉ ባይራ ናት ሱንላይ መራቦ፤ ቱፋ ናት ሱንላይ ሚካሎ።

50 አ ማቻታ አህማኦና ናቶ አህኖአሞ። አ ኦላንቻቱ ጋዳዋይ አ አዉዋ እሻ ኔራ ናኦ አባኔራ።

51 ሳኦል አዉዋ ቂሰን አባኔራ አዉዋ ኔር አቢኤላ ናና።

52 ሳኦል ደኤዳ ላይላ ኡባን ፕልሰጾማ አሳቱዋና ሱሎ ኦላ ኦለቲደ ደኤዳ። ሞኖ አሳ ዋይ ጸላ አሳ ደሜዳ ዋደ ኡባን፣ እ ሄ ኡራ ባረ ኦላንቻቱዋን ጉጄ።

15

ሳኦል አማሌቃ አሳ ቦላ ደንጮዳ ኦላ

1 ሳመል ሳኦላ፣ “ባረ አሳ እስራኤልያ ቦላ ኔን ካተታናዳን ኦካናዉ መድና ጎዳይ ኪቱዳዋ ታና፤ መድና ጎዳ ቃላ ሰሳ።

2 ኡባጥ ዋልቃማ መድና ጎዳይ ሀዋዳን ያጌ፤ ላስራኤላቱ ግብጾጥ ከሲደ ይያ ዋደ አማሌቃ አሳቱ ኦግያን ኡንቱንቱና ኤቀቱዳ ድራዉ፣ ታን አማሌቃ አሳቱዋ ሙራና።

3 ሀእ ባ፤ አማሌቃ አሳቱዋ ሾጫ፤ ኡንቱንቶ ደእያዋ ኡባ ኡባና ጳይሳ፤ ኡንቱንታ አሾጋ፤ ኡንቱንታ ማጫዋ አቱማዋ፣ ጳምያዋ ቁጭያዋ፣ ሚዛ ደርሳ፣ ጋሉዋን ሀርያ ዋጳ ያጌ” ያጌዳ።

4 ሳኦል አሳ ጸጊደ፣ ጸሌማ ግያ ሳኦን ገይድያ ዋደ እስራኤልያ ላኡ ጾቱ ሻኦ፤ ይሁዳጥ ታሙ ሻኦ አሳይ ደኤ።

5 ሳኦል አማሌቃቱዋ ካታማ ቢደ፣ እት ዛንጋራ ግደን ጌመት ኡቱዳ።

6 ሳኦል ቁና አሳቱዋ፣ “ታን ህንተንታ አማሌቃ አሳቱዋና እትጥ ጳይሰና ማላ፣ ደንድተ! ኡንቱንቱ ግደጥ ከሰተ! ሀዋጥ ክቶተ! አያዉ ጎጥ፣ እስራኤላቱ ግብጾጥ ከሰያ ዋደ፣ ህንተንቱ ኡንቱንታ ኡባዉ ሎይሰ ዳጸ” ያጌዳ። ቁና አሳቱ አማሌቃ አሳቱዋ ግደጥ ከሲደ ቤድኖ።

7 ሳኦል አማሌቃ አሳቱዋ ሀዋላጥ ደሚደ፣ ግብጾ ሰንላን ደእያ ሹራ ጋካናዉ ሾጬዳ።

8 አማሌቃቱዋ ካትያ አጋጋ ገጸ ደእሸን፣ ሳኦል አሞዴዳ፤ አ አሳ ኡባ ቃራ ማሻን ዋድ ዉርሴዳ።

9 ሸን ሳኦልን አ ኦላንቻቱ፣ አጋጋን ኡባጥ ሎእያ ደርሳቱዋ፣ ሚዛቱዋ፣ ቦልትቦልታ ማራቱዋ፣ ጋሎቱዋን ሀራ ሎኦባቱዋ ኡባ አሸድኖ፤ ኡንቱንቱ ሀዋንታ ኡባና ዋድ ዉርሳናዉ ደሰቦይክኖ፤ ሸን ኡንቱንቱ ላፋባን ካጠቱዳዋ ኡባና ጳይሴድኖ።

ሳኦል ካትያ ግድያዋ ጸሳይ እጾዳ

10 መድና ጎዳ ቃላይ ሳሜላኮ ሀዋዳን ያጊደ ዬዳ፤

11 “ታን ሳኦል ካትያ ከሴዳዋ ካዮታይ፤ አያዉ ጎጥ፣ ሳኦል ታና ካልያዋ አጌዳ፤ ታ አዛዙዋ ኦለቤና” ያጌዳ። ሃዋጥ ጉዮ ሳመል መቶቱዳ፤ ሄ ቃማ ኩመንላ መድና ጎዳኮ ዋሴዳ።

12 ዋንታ ጉራን ሳመል ደንዲደ፣ ሳኦላና ጋከታናዉ ቤዳ፤ ሸን አሳይ አዉ፣ “ሳኦል ቃርመሎሳ ካታማ ቤዳ፤ ያን ባረና ሀሳይሰያ ሀዉልትያ ኤሴዳ፤ ሃዋጥ ሰሚደ፣ ገልጋላ ዋዴዳ” ያጊደ እዴዳ።

13 ሳመል ሳኦላኮ ጋኬዳ፤ ሳኦል ሳመላ፣ “መድና ጎዳይ ኔና እንጃ፤ ታን መድና ጎዳ አዛዙዋ ኦላድ” ያጌዳ።

14 ሸን ሳመል ሳኦላ፣ “ሀ ታን ሰሰያ ደርሳ ዋሱን ሚዛ ዋሱ እዬ?” ያጌዳ።

15 ሳኦል፣ “ኦላንቻቱ ሀዋንታ አማሌቃቱዋጥ አሄድኖ፤ ኡንቱንቱ መድና ጎዳዉ፣ ነ ጸሳዉ ያርሻናዉ፣ ኡባጥ ሎእያ ደርሳቱዋን ሚዛቱዋ አሸድኖ፤ ሸን ሀራቱዋ ሙልያካ ጳይሴደ” ያጌዳ።

16 ሳመል ሳኦላ፣ “አን ኤቃ፤ መድና ጎዳይ ዝኖ ቃማ ታዉ አዴዳዋ ታን ነዉ ኦዳይ” ያጌዳ።

ሃዋጥ ጉዮ ሳኦል፣ “ኡዳ” ያጌዳ።

17 ሳመል ሳኦላ ያጌዳ፤ “ኔን ኔና ጾልና ጉላ ግደጥ፤ እስራኤልያ ዛረቶ ካትያ ግደቦይኪ? እስራኤልያ ቦላ ካተታና ማላ፣ መድና ጎዳይ ኔና ኦኬዳ።

18 ጸሳይ ኔና፣ “ባደ አማሌቃ አሳቱዋ ኢታቱዋ ኡባና ጳይሳ፤ ኡንቱንቱ ዉራና ጋካናዉ ኡንቱንታ ኦላ” ያጊደ ኪቱዳ።

19 ያትና፣ አያዉ መድና ጎዳዉ አዛዙታቦይኪ? አያዉ ኦሞዶ ያረታደ መድና ጎዳ ጸሳ ሰንላን ኢታባ ኦላዳ?” ያጌዳ።

20 ሳኦል፣ “ታን መድና ጎዳ ቃላዉ አዛዙታድ! መድና ጎዳይ ታና ኪቱዳዋዳን ባድ፤ አማሌቃ አሳቱዋ ዋጳ ዉርሳድ፤ ኡንቱንቱ ካትያ አጋጋ አሃድ።

21 ሸን ኦላንቻቱ አሞዴዋጥ ደርሳን ሚዛ ኡባጥ ሎእያዋንታ፣ መድና ጎዳዉ፣ ነ ጸሳዉ፣ ገልጋላን ያርሻናዉ አኪደ ዬድኖ” ያጌዳ።

22 ሳመል ሳኦላ፣ “መድና ጎዳይ ባረ ቃላዉ አዛዙትያዋን ናሸትያዋ ኬሻ ጸግያ ያርሹዋን ኦሞታን ናሸቱ? በኦ፤ አዛዙትያዋ ያርሸያዋጥ አዴ፤ ቃይ ሰሰያዋ ደርሳ ሞጲዋጥ አዴ።

23 አያዉ ጎጥ፣ ድብያዋ ሻሬቶያ ናጋራ ማላ፤ ቃይ ኦቶረትያዋ ኤቃዉ ጎይንያ እታተላ ማላ። ኔን መድና ጎዳ ቃላ እጾዳ ድራዉ፣ እ ኔን ካትያ ግድያዋ እጾዳ” ያጌዳ።

24 ሳኦል ሳመላ፣ “ታን ናጋራ ኦላድ፤ መድና ጎዳ አዛዙዋን ነ ቃላ ቶቻድ። ታን አሳዉ ያዬዳ ድራዉ፣ ኡንቱንቱ ጌዳዋ ኦላድ።

25 ሀይ ታ ናጋራ አቶ ጋርኪ፤ ታን መድና ጎዳዉ ጎይናና ማላ፣ ታናና ገልጋላ ደንዳርኪ” ያጌዳ።

26 ሳመል ሳኦላ፣ “ታን ኔናና ሰሚደ ቢከ! ኔን መድና ጎዳ ቃላ እጾዳ ድራዉ፣ ኔን እስራኤልያ ቦላ ካትያ ግድያዋ መድና ጎዳይ እጾዳ” ያጌዳ።

15:1 1 ሳሜል 10:1 15:2 ከሳ 17:8-14፤ ዛረ. 25:17-19

27 ሳሙል ሳኦላ ማታጥ ባናዉ ደንድና፡ ሳኦላ ከ ማዩዋ ማጫራ ኦይቁና ማዩ ፔፍቴዳ።

28 ሳሙል ሳኦላ፡ “መድና ጎዳይ ሀቼ እስራኤልያ ካዉተላ ኔፐ ፔዲደ ኔፐ ሎኢያ ነ ሾር እሜዳ።

29 እስራኤልያ ቦንቹ ዋርዶተና፡ ዋይ ባረ ቆፋ ላመና፤ እያዉ ጎፐ፡ ባረ ቃላ ላማናዉ እ እሳ ግደና” ያጌዳ።

30 ሳኦላ ሳመላ፡ “ታን ናጋራ ኦላድ፤ ሸን ታ ጋድያ ጭማቱዋ ሰንላን እስራኤልያ እሳ ሰንላን ሀይ ታና ካዉሾፐርከ፤ ታን መድና ጎዳዉ፡ ነ ጸሳዉ ጎይናናዳን፡ ኔን ታናና ደንዳርኪ” ያጌደ ዛሬዳ።

31 ሄዋ ድራዉ፡ ሳሙል ሳኦላና እትፐ ገልጋላ ቤዳ፤ ሳኦላ መድና ጎዳዉ ጎይኔዳ።

32 ሄዋፐ ጉይያን ሳመላ፡ “አማሌቃቱዋ ካትያ አጋጋ ታኮ አህተ” ያጌደ አዛዜዳ።

አጋግ ኮኮሪደ ሳሚላኮ ዬዳ፤ “ቱሙ ሀይቁ ሀዋዳን ጫሚ!” ያጌዳ።

33 ሳሙል አጋጋ፡ “ነ ማሻይ ማጫዋንታ መላ አሾዋዳን፡ ነ ዳያካ ማጫዋንቱ ግደን መላ አታና” ያጌዳ። ሳሙል አጋጋ መድና ጎዳ ሰንላን ገልጋላን ሲፊዳ።

34 ሄዋፐ ጉይያን፡ ሳሙል ደንዲደ፡ ራማ ካታማ ቤዳ፤ ሳኦላካ ባረ ሶ ግብኦ ቤዳ።

35 ሳሙል ሀይቃና ጋካናዉ፡ ሳኦላ በእናዉ ሰሚደ ላኢንሶ ብቤና፤ ግደፐ፤ ሳሙል ሳኦላ ድራዉ ዬኬዳ። ሳኦላ እስራኤልያ ቦላ ካተዬዳዎ መድና ጎዳይ ካዮቱዳ።

ዳዊታን ሳኦላ

16

(16:1—30:31)

ዳዊተ ደረቲደ ካትያ ግዳናዉ ኦከቲዳ

1 መድና ጎዳይ ሳመላ፡ “እስራኤልያ ቦላ እ ካትያ ግደና ማላ፡ ታን እጸክቼዳ ሳኦላ ድራዉ፡ ኔን አዉደ ጋካናዉ ዬካይ? እነ ካጭያን ዛይትያ ኩንላደ ከሳ፤ ታን ኔና ቤታልሄምያ እሰያኮ ኪታይ፤ ካትያ ግዳና ማላ፡ ታን አ ናናቱዋ ግደፐ እቱዋ ደራ ዋላድ” ያጌዳ።

2 ሳሙል፡ “ታን ዋናደ ቦ? ሳኦላ ሰሲደ ታና ዎሳና” ያጌዳ።

መድና ጎዳይ ሳመላ፡ “ኡሳቶ እትኖ አካ ባደ፡ ታን መድና ጎዳዉ ያርሻናዉ ያድ” ያጋ።

3 እሰያካ ያርሹዋ ሳኦ ጸሳ። ኔን ኦላናባ ታን ኔና በሳና፤ ታን ነዉ ኦድያዎ ታዉ ኦካ” ያጌዳ።

4 ሳሙል መድና ጎዳይ ኦዳዳዎ ኦሌዳ፤ ቤተሌመ ቤዳ። ቤተሌመ ካታማ ጭማቱ ኮኮሪደ አናና ጋከቲድና። ኡንቱንቱ አ፡ “ኔን ሳርተላዉ ያድ?” ያጌደ ኦቼድና።

5 ሳሙል፡ “ኤ፤ ሳርተላዉ ያድ፤ ታን መድና ጎዳዉ ያርሻናዉ ያድ፤ ህንተንቱካ ጌይተ፤ ያቲደ ታናና ያርሹዋ ሳኦ ደንድተ” ያጌዳ፤ ቃይ እሰያን አ ናና ጌሺደ፡ ያርሹዋ ሳኦ ኡንቱንታ ጸሴዳ።

6 ኡንቱንቱ ያርሹዋ ሳኦ ጋክያ ዎደ፡ ሳሙል እሰያ ናኦ ኤልኣባ በኢደ፡ “ቱሙፐ መድና ጎዳይ

ኦክያዎ ሀዋን መድና ጎዳ ሰንላን ኤቁዳ” ያጌደ ቆፔዳ።

7 ሸን መድና ጎዳይ ሳመላ፡ “አ ማላ ዎይ አ ጌሳ አዲሳተላ ጸሎፐ፤ ታን አ እጸድ። እያዉ ጎፐ፡ ታን መድና ጎዳይ አሳይ ጸልያዎዳን ጸልከ፤ አሳይ ዳሙዋ ጸሌ፤ ሸን መድና ጎዳይ ዎዛና ጸሌ” ያጌዳ።

8 እሰይ አብናዳባ ጸሲደ፡ ሳመላ ሰንላ አሌዳ፤ ሳመላ፡ “ቱይት፤ መድና ጎዳይ ሀዋካ ደርቤና” ያጌዳ።

9 ያትና፡ እሰይ ሻማ አሌዳ፤ ሳመላ፡ “ቱይት፤ መድና ጎዳይ ሀዋካ ደርቤና” ያጌዳ።

10 ሄዋዳን ኦሊደ፡ እሰይ ባረ ናና ላፑኦዋ ሳመላ ሰንላ አሌዳ፤ ሸን ሳመላ እሰያ፡ “መድና ጎዳይ ሀዋንታ ደርቤና” ያጌዳ።

11 ሄዋ ድራዉ፡ እ እሰያ፡ “ነዉ ደኢያ ናናይ ሀዋንቱ ጸላሌየ?” ያጌደ ኦቼዳ።

እሰይ፡ “ኡባፐ ቱፋ ናኦይ አቲዳ፤ ሸን አ ደርሳቱዋ ሄሜ” ያጌዳ።

ሳመላ፡ “ኪታደ አ አህሳ፤ እ ያና ጋካናዉ ኦን ያርሹኮ” ያጌዳ።

12 እሰይ ኪቲደ፡ ናኦ አህሴዳ፤ ሄ ናኦይ አርሳ፤ አይፍያና ሎኢያ ማላ ሎኦ።

መድና ጎዳይ ሳመላ፡ “ደንዳ ኤቃደ ኦካ፤ ሀዋ ኦ” ያጌዳ።

13 ሳሙል ካጭያ ዛይትያ አኪደ፡ እ እሻቱ ሰንላን ዳዊታ ኦኪዳ። ሄ ጋላሳፐ ደሚደ፡ መድና ጎዳ እያናይ ዳዊታ ቦላን ዎልቃፐ ዎዲዳ። ሄዋፐ ጉይያን፡ ሳሙል ደንዲደ፡ ራማ ካታማ ቤዳ።

ዳዊተ ሳኦላዉ ኦሌ

14 መድና ጎዳ እያናይ ሳኦላፐ ሻከቲዳ፤ መድና ጎዳፐ ኪተቲዳ ኢታ እያናይ ሳኦላ ኡንኤሌዳ።

15 ሳኦላ ቆማቱ አ፡ “ጸሳፐ ኪተቲዳ ኢታ እያናይ ኔና ኡንኤሌ።

16 ኑ ጎዳይ ዲላ ሎይሎ ዲጽያ አሳ ኮያና ማላ፡ ባረ ቆማቱዋ፡ ሀዋን ደኢያዋንታ አዛዘ። ጸሳፐ ኪተቲዳ ኢታ እያናይ ኔና ኦይቁያ ዎደ፡ ሄ ብታን ዲላ ዲጸና፤ እ ዲጸና ነዉ ኬካና” ያጌድና።

17 ሳኦላ ባረ ቆማቱዋ፡ “ዲላ ሎይሊደ ዲጽያ አሳ ኮዩደ፡ ታዉ እኪደ ዩተ” ያጌዳ።

18 ቆማቱዋፐ እቱ ሳኦላ፡ “በእ፤ ቤታልሄምያ እሰያዉ ዲላ ሎይሊደ ዲጽያ እት ናኦይ ደኤ። ሄ ናኦይ ጸላን ቶራንቻ አሳ፤ ሃሳያዉ ጭንጫነ ማላ ሎኦ አሳ፤ ቃይ መድና ጎዳይ አናና እትፐ ደኤ” ያጌዳ።

19 ያትና፡ ሳኦላ እሰያኮ ኪቲደ፡ “ነ ደርሳ ሄምያ ነ ናኦ ዳዊታ ታዉ ዮዳ” ያጌዳ።

20 ሄዋፐ ጉዮ እሰይ ኡክላ፡ ኦጎሩዋ ዎይንያ ኤሳን ጋሎ ደርሳ ማራ እቱዋ ሀርያን ጫኒደ፡ ባረ ናኦ ዳዊታና ሳኦላዉ ዮዳዳ።

21 ዳዊተ ሳኦላኮ ዬዳ፤ አ ኪታን ገሌዳ። ሳኦላ ዳዊታ ሎይሎ ደሴዳ፤ ዳዊተ ሳኦላዉ ኦላ ሚሻ ኦይቁያዎ ግዳዳ።

22 ያትና፡ ሳኦላ እሰያዉ፡ “ዳዊተ ታዉ ኦሊደ ጋምእሾ፤ ታን አ ደሳድ” ያጌደ ኪቲዳ።

15:28 1 ሳሜል 28:17፤ 1 ካታ. 11:30-31

23 ሄዋተ ሰምና፡ ጸሳፕ ኪተቲዳ ኢታ ኣያናይ ሳኦላ ኦይቂያ ዎይ ኡባን፡ ዳዊተ ዲላ ኣኪደ ባረ ኩሽያን ዲጸ፤ ኢታ ኣያናይ ኣ የድያ ድራው፡ ሳኦላው ኬኬነ እ ፓጾ።

17

ዳዊታን ጎልያዳ

1 ፕልሰጾማ ኣሳቱ ባረንቱ ኦላንቻቱዎ ይሁዳን ደእያ ሶኮ ጌተትያ ሳኣ ኦላው ሺሼድኖ፤ ሶኮፕን ኣዘቃፕ ግዲዎን ደእያ ኤፈሰጻሚማ ጌተትያ እት ሳኣን ሸቕ ኡቲድኖ።

2 ሳኦልነ እሰራኤላቱ ኤላ ጌተትያ ዛንጋራን ሸቕ ኡቲድኖ፤ ፕልሰጾማ ኣሳቱዎና ኦላታናው ሳልፕያን ከሴድኖ።

3 ፕልሰጾማ ኦላንቻቱ እት ደርያን ሳልፕና፡ እሰራኤላቱካ ሀራ ደርያን ሳልፕድኖ፤ ኣንቱንቱ ላኡዎ ዛንጋራይ ሻኬ።

4 ጋተ ካታማን ደእያ፡ ጎልያዳ ጌተትያ እት ቶራ ቃራ ብታኒ ፕልሰጾማቱ ሸቂዳ ሳኣፕ ዬዳ፤ ኣ ጌሳይ ኡሱፑን ዎቆን ታካ።

5 እ እሻታማን ላፑን ኪሎ ግራመ ዳጽያ ናሃሰያ ብራታ ኮትያ ማዬዳ፤ ቃይ ናሃሰያ ብራታ ቆጶያ ባረ ሁጲያን ዎቆዳ።

6 ናሃሰያ ብራታ ጋምባልያ ባረ ገድያን ኣቆዳ፤ ባረ ሀሽያን ናሃሰያ ብራታፕ ቆጶቴዳ ጽንቃ ቶኬዳ።

7 ኣ ቦድያ ቶማይ ሸማይንያ ዎንዳራሽያ ኬሻ፤ ቦድያ ኣይፊ ላፑን ኪሎ ግራመ ዳጾ፤ ጎንዳልያ ቶኬዳ እት ብታኒ ኣ ሰንሳን ሀመቲ።

8 ጎልያዳ ኤቂደ፡ ቃላ ቶቁ ኦሊደ፡ እሰራኤልያ ኦላንቻቶ ሀዋዳን ያጊደ ጩቁዳ፤ “ሀንተንቱ ዎናና ጊደ ኦላው ሳልፕድቲ? ታን ፕልሰጾማ ኣሳ ግድክታ? ቃይ ሀንተንቱ ሳኦላ ቆማቱዎ ግድክቲ? እነ ሀንተንቱ ግድፕ እት ኣሳ ድርተ፤ ሄ ብታኒ ታኮ ዎቆ።

9 ሄ ብታኒ ታናና ኦላቲደ ታና ዎቆፕ፡ ኦን ሀንተንቱ ቆማቱዎ ግዳና፤ ሸን ታን ኣ ጸናደ ዎቆፕ ሀንተንቱ ኦ ቆማቱዎ ግዳና ኦው ሞደታና” ያጌዳ።

10 ቃይካ ሄ ፕልሰጾመ ብታኒ፡ “ታን ሀቼ እሰራኤልያ ኦላንቻቱዎ ናሳይ፤ ታው እት ኣሳ እምታ፤ እነ ላኡ ኦላቲቶ!” ያጌዳ።

11 ሳኦልነ እሰራኤላቱ ፕልሰጾምያ ቃላ ሰሲደ፡ ዬላቲድኖን ዳርፕ ያዬድኖ።

12 ዳዊተ ይሁዳ ጋድያን ቤታላሄመን ደእያ ኤፍራታ እሰያ ናኣ። እሰያው ሆሰፑን ኣቱማ ናናይ ደኢኖ፤ ሳኦል ካትያ ግዲደ ደእያ ዎይ፡ እሰይ ሎይሰ ጭሜዳን ዳር ደኤዳ ኣሳ።

13 እሰያ ኣቱማ ናናይ ባይራትያዎንቱ ሄዛቱ ሳኦላ ካሊደ ኦላ ቤድኖ፤ ኦላ ቤዳ ኣ ሄዙ ናናቱዎ ሱንሳይ ሀዋ፤ ባይራይ ኤልኣባ፤ ቴፋይ ኣምናዳባ፤ ሄዘንሉ ሻማ።

14 ዳዊተ ናናቱዎ ኡባፕ ቴፋ። ባይራ ሄዙ ናናይ ሳኦላ ካሊድኖ፤

15 ሸን ዳዊተ ባረ ኣውዎ ደርሳቱዎ ሄማናው ሳኦላ ማታፕ ቤተሌመ ሰመረቲ።

16 ሄ ፕልሰጾም ኦይታው ጋላሳ ጉራን ኦማርሰ ዩደ፡ እሰራኤላቱዎ ናሴ።

17 እት ጋላሰ እሰይ ባረ ናኣ ዳዊታው ሀዋዳን ያጌዳ፤ “ሀ ጸጸቲዳ ትሻፕ ታው ኪሎ ግራምያን ሀ ታው ኡክላቱዎ ኣካደ፡ ነ እሻቶ ኣፋደ ነ እሻቱ ሸቂዳ ሳኣ ኤላካ ጋላ።

18 ሀ ታው ኦካ ፕላቱዎካ ኣንቱንቱ ሻላቃው ኣፋ፤ ነ እሻቱ ዎን ደእንቶ በኣደ፡ ኣንቱንቱ ሳር ደእያዎ ማላታ ኣንቱቲፕ ኣካደ ያ።

19 ካትያ ሳኦል፡ ነ እሻቱዎን እሰራኤልያ ኣሳይ ኡባይ፡ ፕልሰጾማ ኣሳቱዎና ኦላቲደ፡ ኤላ ዛንጋራን ደኢኖ” ያጌዳ።

20 ዳዊተ ወንታ ጉራና ደንዲደ ደርሳ ዉድያ ሀራ ኣሳ ሄንሊደ፡ እሰይ ኣዛዜዳዎ ጫን ኣኪደ ቤዳ። እሰራኤልያ ኦላንቻቱ ባረንቱ ቃላ ቶቁ ኦሊደ ጋርማሚደ ኦላው ሳልፕሽን፡ ዳዊተ ጋኬዳ።

21 እሰራኤልያ ኣሳቲን ፕልሰጾማ ኣሳቱ እቲ እቲዎኮ ጴሊደ ሳልፕድኖ።

22 ዳዊተ ባረ ኣሄዳ ሚሻ ሸንቃ ናግያዎ ኩሽያን ዎሊደ፡ ኦላ ሳልፕያ ዎጽ ቢደ፡ ባረ እሻቱዎ ሳርቲዳ።

23 ዳዊተ ባረ እሻቱዎና ሃሳይሸን፡ ጋተፕ ዬዳ ቶራ ቃራይ፡ ፕልሰጾምያ ጎልያደ ባረ ሳልፕያፕ ጋጸ ከሲደ፡ ሀርደዎዳንካ እሰራኤላቱዎ ናሴዳ፤ እ ናሰያዎ ዳዊተ ሰሴዳ።

24 እሰራኤልያ ኣሳይ ኡባይ ሄ ብታንያ በኤዳ ዎይ፡ ሎይሰ ያዬደ ኣፕ ባቃቲድኖ።

25 እሰራኤልያ ኣሳይ እቲ እቲዎ፡ “ሀ ከሰያ ብታንያ በኤድቲ? እ ቱሙዎፕ እሰራኤልያ ናሳናው ከሴደ! ሀ ብታንያ ዎቆያ ኡራው ካትያ ሳኦል ዳር ኣቁዎ እማና፤ ቃይ ባረ ናቶካ ኣው እማና፤ ኣ ኣውዎ ጎልያ ኣሳይ እሰራኤላን ካትያ ጊራካ ገርና” ያጌድኖ።

26 ዳዊተ ባረ ማታን ኤቁዳ ኣሳ፡ “ሀ ፕልሰጾምያ ዎቆደ፡ ሀ ዬላ እሰራኤልያፕ ቁጭያ ኡራው ኣያይ ኦሰታኔ? ሀ ቃጸረትቤና ፕልሰጾም፡ ደኡዎ ጸሳ ኦላንቻቱዎ ናሰያዎ እ ኦኔ?” ያጊደ ኦቼዳ።

27 ሸን ኣንቱንቱ ኣ፡ “ሀ ብታንያ ዎቆያ ኡራው ሀዋ ሀዋ ኦሰታና” ያጊደ ካሰዎዳንካ ኣው ዛሬድኖ።

28 ዳዊተ ኣሳና ሃሳይያዎ ኣ እሻይ ኡባፕ ባይራይ ኤልኣብ ሰሲደ፡ ዳዊታ ቦላ ሀንቁዎ ኤጽ ከሴዳ፤ “ኔን ሀ ሳኣ ኣያው ያድ? ሄ ኣማሬዳ ደርሳቱዎ ዎራን ኦናና የጋድ? ነ ኦቶራዎን ነ ዎዛና እታተላ ታን ኤራይ፤ ኔን ኦላ በኣናው ያደ” ያጌዳ።

29 ዳዊተ፡ “ታን ሀእ ኣይ ኦላድታ? ሀራይ ኣቶፕ ሃሳናውካ ዳንዳይክታ?” ያጌዳ።

30 ዳዊተ ባረ እሻ ኣጊደ፡ ሀራ ኣሳኮ ሰሚደ፡ ካሰዎዳንካ ኦቼዳ፤ ኣሳይ ኣው ካሰዎዳንካ ዛሬዳ።

31 ዳዊተ ሃሳይዳዎ ሰሴዳ ኣሳቱ ሳኦላው ኦዴድኖ፤ ሳኦል ዳዊታ ጴሰሴዳ።

32 ዳዊተ ሳኦላ፡ “ሀ ብታንያ ጋሱዎን ኦ ዎዛናይካ ያዮፕ፤ ታን ነ ቆማይ ባደ፡ ሀ ፕልሰጾምያና ኦላታና” ያጌዳ።

33 ሳኦል ዳዊተ፡ “ሀ ፕልሰጾምያና ኔን ኦላታናው ዳንዳያካ፤ ኣያው ጎፕ፡ ኔን ናኣ፤ ሸን ናኣተላፕ ደሚደ፡ እ ኦላቲደ ድጩዳ ኣሳ” ያጌዳ።

34 ሸን ዳዊተ ሳኦላ፡ “ታን ነ ቆማይ ታ ኣወዋ ደርሳቱዎ ሃማይ፤ ጋሙ ዎይ ባባንሳ ማላትያ ደኣይ ዩደ ወድያ፡፡ ደርሳ ኦይቂያ ዎደ፡

35 ኣ ካላደ ታን ባደ ኣ ደና፡፡ ዎላ ኣካይ፤ ታኮ ሰምያ ዎደ፡ ቡቻ ኦይቃደ፡ ሸጫ ዎላይ፡፡

36 ታን ነ ቆማይ ጋሙዎን ባባንሳ ዎላይ፤ ሀ ቃጸረትቤና ፕልሰጾም ደኡዎ ጸሳ ኣላንቻቱዎ ናሴዳ ድራወ፡ ኣካ ኣንቲንቲፕ ኣቲዎዳን ሀናና፡፡

37 ጋሙዎን ባባንሳ ጸፑንሳፕ ታና ኣሹዳ መድና ጎዳይ ሀ ፕልሰጾም ኩሸያፕካ ኣሻናዎ” ያጌዳ፡፡

ሳኦል ዳዊታ፡ “ባ፤ መድና ጎዳይ ኔናና ግደ” ያጌዳ፡፡

38 ሃዎፕ ጉይያን፡ ሳኦል ባረ ማዩዎ ዳዊታ ማይዜዳ፤ ዳዊታ ሁጲያን ናሃሰያ ብራታ ቆጲያ ዎላይ፤ ናሃሰያ ብራታ ኮትያካ ዳዊታ ማይዜዳ፡፡

39 ዳዊተ ባረ ኦላ ማዩዎ ቦላ ማሻ ዳንጩዳ፤ ሀመት በኤዳ፤ ሸን ዳንዳይቤና፤ ኣያወ ጎፕ፡ ሃዎ ማላ ማዩዎ ማይ ኤረና፡፡

ሃዎፕ ጉይያን፡ ዳዊተ ሳኦላ፡ “ታን ሀዎ ማላ ማዩዎ ማያደ ሜዘታቤና ድራወ፡ ሀዎና ባናወ ዳንዳይከ” ያጌደ ኦላ ማዩዎ ኡባና ቃራዳ፡፡

40 ዳዊተ ባረ ሃንሳ ጋትማ ኦይቂደ፡ ሻፋፕ ሙይላ ሹቻ ኣቲቫቱዎ ማጽ ኣኪደ፡ ባረ ቃርጨቱዎን የጌዳ፤ ባረ ያምባርሻ ኦይቂደ፡ ጎልያደኮ ማቴዳ፡፡

41 ጎልያደካ ዳዊታኮ ሸቅ ሸቂደ ማታተዳ፤ ጎንዳልያ ቶክያ ብታኒ ኣ ሰንሳን ደኤ፡፡

42 ኣ ዳዊታ ትሽ ኦላ ጸሊደ፡ ዳዊተ ናኣ ግዴዳዎን ማላ ሎኣን ኣርሳ ግዴዳዎ በኣደ ካዴዳ፡፡

43 ዳዊታ፡ “ኔን ጋትማ ኦይቃደ ታ ቦላ ያናወ፡ ታና ካና ጋድየ?” ያጌዳ፤ ባረ ጸሳቱዎ ሱንሳን ዳዊታ ሸቂዳ፡፡

44 ኣ ቃይካ ዳዊታ፡ “ሃያ፤ ታን ነ ኣሹዎ ሳሉዎ ካፎቶን ሳኣ ደኣቶ ኣማና” ያጌዳ፡፡

45 ዳዊተ ፕልሰጾምያ፡ “ኔን ማሻ፡ ቦድያን ጽንቃ ኦይቃደ ታ ቦላ ያሳ፤ ሸን ታን ኡባፕ ዎልቃማ መድና ጎዳ ሱንሳን፡ ኔን ናሴዳ ኣሰራኤልያ ኦላንቻቱ ጸሳ ሱንሳን ነ ቦላ ያይ፡፡

46 ሀቼ መድና ጎዳይ ኔና ታ ኩሸያን ኣላ ኣማና፤ ታን ኔና ሸጫና፤ ነ ቆድያካ ሙጫ ኣላና፡፡ ፕልሰጾም ኦላንቻቱዎ ኣሃ ሳሉዎ ካፎቱዎወን ሳኣ ደኣቶ ታን ሀቼ ኣማና፤ ያትና፡ ኣሰራኤላን ጸሳይ ደኣያዎ ሳኣን ደኣያ ኣሳይ ኡባይ ኤራና፡፡

47 መድና ጎዳይ ባረ ኣሳ ኣሻናወ ቶራ ዎይ ማሻ ኮየናዎ ሀዎን ሸቂዳ ኣሳይ ኡባይ ኤራና፤ ኣያወ ጎፕ፡ ኦላይ መድና ጎዳዎ፡፡ ኣ ህንተንታ ኡባ ኦ ኩሸያን ኣላ ኣማና” ያጌዳ፡፡

48 ፕልሰጾም ደንዲደ ቢደ፡ ዳዊታና ኦላ ጋከታናወ ሸቂዳ ዎደ፡ ዳዊተ ኦለትያ ኦላወ ኤለካ ዎዴዳ፡፡

49 ዳዊተ ባረ ቃርጨትያ ግደ ኩሸያ የዲደ፡ ኣት ሹቻ ኣኪደ ያምባርሻን ዎላደ ያምባሪደ፡ ፕልሰጾምያ ዳሙዎ ጫዴዳ፡፡ ሹቻይ ብታንያወ ዳሙዎ ግደ ገሌዳ፤ ያትና፡ ብታኒ ቢታን ጉፋኒደ ኩንዴዳ፡፡

50 ያቴደ ዳዊተ ፕልሰጾምያ ያምባርሻን ኩቻን ጸኔዳ፡፡ ዳዊተ ባረ ኩሸያን ማሻይ ባይናን ፕልሰጾምያ ጫዲደ ዎዴዳ፡፡

51 ዳዊተ ዎጲደ ቢደ፡ ኣ ቦላ ከሰ ኤቂደ፡ ፕልሰጾምያ ማሻ ኦይቂደ ሹኩዎ ግደፕ ሹድ ኣኪደ፡ ኣ ቆድያ ሙጩዳ፡፡

ፕልሰጾም ኣሳቱ ባረንቱ ቶራ ቃራይ ሀይቂዳዎ በኤዳ ዎደ ባቃቲድና፡፡

52 ኣሰራኤልያ ኣሳይ ነ ይሁዳ ኣሳይ ደንዲደ ዎሲደ፡ ፕልሰጾም ኣሳቱዎ ጋተን ኤቅሮና ካታማቱዎ ፕንገቱዎ ጋላናሽን የደርሴድና፤ ፕልሰጾም ኣሳ ኣሃይ ጋተን ኤቅሮና ጋካናወ፡ ሻኢራይማ ኣፍያ ኦግያን ኡባን ኩንዴዳ፡፡

53 ኣሰራኤልያ ኣሳይ ፕልሰጾም ኣሳቱዎ የደርሰ ሰሚደ፡ ኡንቲንቲ ሸቂዳ ሳኣ ቦንቂድና፡፡

54 ዳዊተ ፕልሰጾምያ ቆድያ የራሳላመ ኣሄዳ፤ ሸን ፕልሰጾምያ ኦላ ማሻ ባረ ዱንካንያ ግደን ዎላዳ፡፡

55 ዳዊተ ፕልሰጾምያኮ ቢሸን፡ ሳኦል በኤዳ ዎደ፡ ኦላንቻቱ ካቱዎ ኣባኔራ፡ “ኣባኔራ፡ ሀ ዎዳላይ ኦ ናኤ?” ያጌደ ኦቼዳ፡፡

ኣባኔር ሳኦላ፡ “ካዎ፡ ነ ሸምፕ ኤር ታን ኣ ኤርከ” ያጌደ ዛሬዳ፡፡

56 ካት ዛሬደ፡ “ያቶፕ ሀ ዎዳላይ ኦ ናኤንቶን ኣን ኣቻደ ጋካ” ያጌዳ፡፡

57 ዳዊተ ፕልሰጾምያ ዎላደ ሰሚዳዎፕ ጉይያን፡ ሙጩዳ ፕልሰጾምያ ሁጲያ ኦይቂዳ ሳና፡ ኣባኔር ኣ ሳኦላ ሰንሳ ኣኪደ ኣፊዳ፡፡

58 ሳኦል ኣ፡ “ዎዳላወ፡ ኔን ኦ ናኤ?” ያጌደ ኦቼዳ፡፡

ሸን ዳዊተ፡ “ታን ቤታልሃምያ ነ ቆማ ኣሰያ ናኣ” ያጌደ ዛሬዳ፡፡

18

ዳዊታን ዮናታና

1 ዳዊተ ሳኦላና ሃሳይያዎ ወርሴዳዎፕ ጉይያን፡ ሳኦላ ናኣ ዮናታን ዳዊታና ዳር ማታ ዳቦተላ መዴዳ፤ ዮናታን ዳዊታ ባረ ሁጲያዳን ሲቂዳ፡፡

2 ሃ ጋላሳፕ ደሚደ፡ ሳኦል ዳዊታ ባረናና ዎላዳ፤ ባረ ኣወዎ ሶ ጉዮ ሰመናዳን ድጌዳ፡፡

3 ዮናታን ዳዊታ ባረ ሁጲያዳን ሲቅያ ድራወ፡ ኣናና ቃላ ጫቂዎ ጫቀቲዳ፡፡

4 ዮናታን ባረ ማዬዳ ካባ ቃራደ፡ ባረ ኦላ ማዩዎና፡ ባረ ማሻና፡ ባረ ዎንዳፍያናን ባረ ሳቂያና ኣትፕ ዳዊታወ ኣሜዳ፡፡

5 ሳኦል ኪቲዳ ኡባባ ዳዊተ ፖሊደ ኦላያ ድራወ፡ ሳኦል ዳዊታ ባረ ኦላንቻቱ ግደን ጋደዎ ሱንሴዳ፤ ሃዌ ኣሳ ኡባካ ኣ ኦላንቻቱዎካ ናሸቼዳ፡፡

ሳኦል ዳዊታ ቃናቲዳ

6 ዳዊተ ፕልሰጾምያ ጎልያዳ ዎድና ኣሳይ ሶ ሰምያ ዎደ፡ ማጫ ኣሳይ ናሸቻ የላ የጲድን ዲራደ፡ ካባሩዎ ባቂደን ዲላ ዲጲደ፡ ካትያ ሳኦላ ሞካናወ ኣሰራኤልያ ካታማቱዎ ኡባቱዎፕ ከሴዳ፡፡

7 ማጫዎንቱ ዲራደ፡፡

“ሳኦል ሻኦ ዋዴዳ፤
ዳዊተ ታሙ ሻኦ ዋዴዳ”
ያገደ የጾድኖ።

8 ሳኦል ሀ የሳይ ኢትና፣ ሎይሳ ሀንቀቲዳ፤ ሳኦል ባረ ቆፋን፣ “ዳዊታ፣ ታሙ ሻኦ ዋዴዳ ገደ፣ ታና፣ ሻኦ ሻኦ ዋዴዳ ገደኖ፤ ያትና፣ ካውተፋፕ አትና አው አይ አቲዳዊ?” ያገደ።

9 ሄ ጋላሳፕ ደሚደ፣ ሳኦል ዳዊታ ቃናተ አይፍያን ጾሌዳ።

10 ዋንተፋ ጋላሳ ኢታ አያናይ ጸሳፕ ከተቲደ፣ ሳኦል አይቆዳ፤ ሳኦል ባረ ሰን ኤሎሙቲዳ። ዳዊተ ሀርደዋዳን ዲላ ዲጾዳ፤ ሳኦል ቶራ ባረ ኩሽያን አይቂ ኡቲዳዊ።

11 “ዳዊታ ጎዳና ጋላደ ሰካድ” ገደ ቶራ ጸንጌዳ። ሽን ዳዊተ ላኡ ጌደ አፕ ሀሌዳ።

12 መድና ጎዳይ ሳኦል አገደ ዳዊታና ደአያ ድራው፣ ሳኦል ዳዊታው ያዩዳ።

13 ሄዋ ድራው፣ ሳኦል ዳዊታ ባረ ሰንፋፕ ሃሲደ፣ ሻኦ ኦላንቻቶ ካፑዋ ከሴዳ። ያትና፣ ዳዊተ ባረ ጭታ ኦላን ካለፎዳ።

14 መድና ጎዳይ ዳዊታና እትፕ ደአያ ድራው፣ እ አላያባይ ኡባይ አው እንጀቲዳ።

15 ዳዊተ አላያባይ ኡባይ ሎይሳ እንጀትያዋ ሳኦል በኢደ፣ አው ሎይሳ ያዩዳ።

16 ሽን ዳዊተ ኡንቲንታ ኦላን ካለላያ ድራው፣ እሰራኤላን ይሁዳ አሳይ ኡባይ እ ሰቆድኖ።

17 ሄዋፕ ጉይያን፣ ሳኦል ዳዊታ፣ “ታ ናታ ባይራታ መራባ ሀናሽ፤ ታን ኦ ነው ማቸ ኦላደ እማና፤ ኔን ሞኖ አሳ ግዳ፤ ያታደ መድና ጎዳ ኦላ ኦላታ” ያገደ። ሳኦል ባረ ዋዛናን፣ “ታን አ ቦቶከ፤ ፕልሰጾማ አሳቱ አ ዋዳና” ያገደ ቆፔዳ።

18 ሽን ዳዊተ ሳኦል፣ “ካትያና ቦሎታናው ታን ኦኔ? ታ ሶ አሳይካ አይ? ዋይ ታ አውዋ ያራይካ እሰራኤልን አሳ ግደን አይ?” ያገደ።

19 ሽን ሳኦል ናታ መራባ ዳዊታው እመትያ ዋዲ ጋክና፣ ማሆላ ካታማፕ ዩዳ፣ አድሪኤላ ጌተትያ እት ብታንያው እመታዲ።

ዳዊተ ሳኦል ናቶ እኩዳ

20 ግደፕ፣ ሳኦል ናታ ሚካላ ዳዊታ ሲቃዲ፤ ሳኦል ሄዋ ሰሲደ ናሽቲዳ።

21 እ ባረ ዋዛናን፣ “አው ጲረ ግዳና ማላን ፕልሰጾማ አሳቱ አ ዋዳና ማላ፣ ታን ሚካሎ ዳዊታው እማና” ያገደ ቆፔዳ። ሄዋ ድራው፣ ሳኦል ዳዊታ፣ “ኔን ታናና ቦሎታናው ሀዋ ነው ላኤንሳ ካጫ” ያገደ።

22 ቃይካ ሳኦል ባረ ቆማቱዋ ጾሲደ፣ “ካቲ ኔናን ናሽቲዳ፤ አ ቆማቱ ኡባይካ ኔና ደሲኖ፤ ሀእ ኔን ካትያና ቦሎታ ያገደ ጾራን ዳዊታው ኦድተ” ያገደ እዛዜዳ።

23 ኡንቲንቲ እ ጌዳዋዳንካ ዳዊታው ኦዴድኖ፤ ሽን ዳዊተ ኡንቲንቲ፣ “ካትያና ቦሎታናዊ ሀንተንቶ ላፋባ ማላቲያ? ታን ሀዬሳን ኤረተና አሳ” ያገደ ዛሬዳ።

24 ሳኦል ቆማቱ ዳዊተ ጌዳዋ ሳኦላው ኦዴድኖ።

25 ሳኦል ባረ ቆማቱዋ፣ “ዳዊታው ሀዋዳን ያገደ ኦድተ፤ ካቲ ባረ ሞርከቱዋ ሀሎዋ

ከሳናው ጾቱ ፕልሰጾማ አሳቱዋ ቃራቱዋፕ አትና፣ ኔፕ ሀራ ጭሎሻ ኮየና፣ ያግተ” ያገደ። ሳኦል ሄዋ ጌዳዋ፣ “ዳዊተ ፕልሰጾማቱዋ ኩሽያን ሀይቆ” ገደ ቆፔዳ ድራሳ።

26 ሳኦል ቆማቱ ሳኦል ጌዳዋ ዳዊታው ኦዴድኖ፤ ካትያና ቦሎትያዊ ዳዊታ ናሽቲዳ። ሄዋ ድራው፣ ቡላቻ ጋላሳይ ጋካናፕ ካሰቲደ።

27 ዳዊተን አ አሳይ ደንዲደ ቤድኖ፤ ፕልሰጾማቱዋፕ ላኡ ጾቱ አሳ ዋዴድኖ። ዳዊተ ካትያና ቦሎታናው ሄ አሳቱዋ ቃራቱዋ አሂደ፣ ካዋ ኩሙንፋ ፓይዲደ ሹዳ። ሄዋ ድራው፣ ሳኦል ባረ ናቶ ሚካሎ ዳዊታው እማዳ።

28 ሳኦል መድና ጎዳይ ዳዊታና እትፕ ደአያዋን አ ናታ ሚካላ ዳዊታ ሲቆያዋ ኤራዳ።

29 ሄዋ ድራው፣ ሳኦል ዳዊታው ካሰዋፕ አሊደ ያዩዳ። ሳኦል ባረ ደኡዋ ላይላ ኡባን ዳዊታው ሞርከ ግዴዳ።

30 ፕልሰጾሙ ካፓቱ አለታናው ከሰያዋ አግባይክና፤ ሽን አላው ከሲዳ ፓይዲዋ ኡባን ሳኦል ጋዳዋቱ ኡባፕ ጸኑ ሀንያዊ ዳዊተሳ፤ ሄዋ ድራው፣ እ ኤረቲዳ አሳ ግዴዳ።

19

ሳኦል ዳዊታ የደርሱዋ ደሜዳ

1 ሳኦል ባረ ናኦ ዮናታናውን ባረ ቆማቱዋ ኡባው፣ “ዳዊታ ዋድተ” ያገደ ኦዴዳ፤ ሽን ሳኦል ናኦይ ዮናታን ዳዊታ ሎይሳ ሲቆዳ።

2 ሄዋ ድራው፣ ዮናታን ዳዊታው ሀዋዳን ያገደ ኦዴዳ፤ “ታ አው ሳኦል ኔና ዋዳናው ኮይ፤ ዋንት ጉራ ነው ናገታ፤ እት ሳኦን ቆሰታደ ደአሻ።

3 ታን ታ አቡና ባደ፣ ኔን ቆሰቲዳ ጋደን ኤቃና፤ ታን ነባ አው ኦዳደ፣ አፕ ሰሴዳባ ነው ኦዳና” ያገደ።

4 ዮናታን ዳዊተዋ ናሽደ፣ ባረ አውዋ ሳኦል ሀዋዳን ያገደ፤ “ካቲ ባረ ቆማ ዳዊታ ናቆፕ፤ አያው ጎፕ፣ እ ኔና ናቂቤና፤ እ ኡሌዳባይ ኔና ሎይሳ ጎኤዳ።

5 እ ፕልሰጾምያ ዋድያ ዋደ ባረ ሸምፖ ቃረትቤና። መድና ጎዳይ እሰራኤልን ኡባው ዋልቃማ ጸኑዋ እማዳ፤ ሄዋ በአደ ኔንካ ናሽታዳ። ያትና፣ ኔን ጌሻ አሳ ናቃናው አያው ቆፓይ? ጋሱ ባይናን ዳዊታ ዋዳናው አያው ኮያይ?” ያገደ።

6 ሳኦል ዮናታን ኡዴዳዋ ሰሲደ፣ “መድና ጎዳይ ኤሮ፣ ታን ዳዊታ ዋድከ” ያገደ ጫቂዳ።

7 ዮናታን ዳዊታ ጾሲደ፣ ሃሳዬዳዋ ኡባ ኦዴዳ። ያቲደ ዳዊታ ሳኦላኮ አሄዳ፤ ዳዊተ ሳኦላና ካሰዋዳንካ ደኤዳ።

8 ሀራ ኦላይካ ደንዴዳ፤ ዳዊተ ከሲደ ፕልሰጾማ አሳቱዋና አለቲዳ፤ ኡንቲንታ ዋልቃማ ሾቻ ሾጭና፣ ኡንቲንቲ አ ሰንፋፕ ባቃቲድኖ።

9 ሄዋፕ ሰሚደ፣ ሳኦል ቶራ ኦይቂደ ባረ ሰን ኡት ደአሽን፣ ኢታ አያናይ መድና ጎዳፕ ከተቲደ አ ኦይቂዳ። ያትና፣ ዳዊተ ዲላ ዲጾሽን፣

10 ሳኦል ዳዊታ ጎዳና ጋሊደ ደንፋናው (ኦይላናው) ቶራ ጸንጌዳ፤ ሽን ዳዊተ አፕ ሀሌዳ፤ ቶራይ ጎዳን ኤቂዳ። ሄ ጋላሳ ቃማ ዳዊተ ባቃቲደ ከሰ አኩዳ።

11 ሃዋጥ ጉይያን፡ “ዳዊታ ጎልያ ናጊደ፡ ጉራ ኦ ዋድተ” ያጊደ ሳኦል አሳ ዳዊታ ሶ ኪቲዳ።

ያትና፡ ዳዊታ ማቻታ ሚካላ፡ “ሀቼ ቃማ ኔን ነ ሸምጥዋ አሻና ጳዮፕ፡ ዋንት ሀይቃሳ” ያጋደ ዳዊታው ኦዳዲ።

12 ሚካላ ዳዊታ ማሰኮትያና ዋላዲ፤ ዳዊተ ባቃቲደ ከሰ አኬዳ።

13 ሚካላ ሶ ምሰልያ አካደ አርሳን ግሰሳዲ፤ ሁጲሳና ዴሻ እስክያ ዋላዲ፤ ያታደ አፍላ ማይዛዲ።

14 ዳዊታ ኦሞዲደ አሀና ማላ፡ ሳኦል አሳ ኪቲዳ፤ ሚካላ፡ “ዳዊተ ሳከቲዳ” ያጋዲ።

15 ሃዋጥ ጉይያን፡ ዳዊታ በአና ማላ፡ ሳኦል ሄ አሳቱዋ ጉየ ኪቲደ፡ ሀዋዲን ያጌዳ፤ “ታን ዳዊታ ዋዳናዲን ኦ አርሳና ቶኪደ አኪደ አሀተ” ያጌዳ።

16 ሸን አሳቱ ሶ ገልያ ዋደ፡ ሄ ሶ ምሰሊ አርሳን ግሴዳዋ ደሜድና፤ ኦ ሁጲሳና ዴሻ እስኪ ደኤ።

17 ሳኦል ሚካሎ፡ “ኔን አያው ሀዋዲን ኦላደ ታና ጭማድ? ታ ሞርቢ ከሰ አካናዲን አያው ባቃትሳዲ?” ያጌዳ።

ሃዋጥ ጉየ ሚካላ፡ “እ ታና፡ ታና ከሳደ ዩዳ፤ ሀና ጳዮፕ፡ ታን ኔና ዋዳና” ያጌደ ዛራዲ።

18 ዳዊተ ባቃት አቲደ፡ ራማን ደእያ ሳሜላኮ ቤዳ፤ ሳኦል ባረና ኦሎዳ ኡባባ ሳሜላው ኦዴዳ። እን ሳመል ራማን ደእያ ናዮታ ግያ ሳኦን ቢደ ኡቲድና።

19 ሳኦል፡ “ዳዊተ ራማን ደእያ ናዮታን ደኤ” ያግያዋ ሰሴዳ።

20 ዳዊታ ኦሞዳና ማላ፡ አሳ ያ ኪቲዳ። ሸን ትምቢትያ ኦድያዋንቱ ጭታይ ትምቢትያ ኦድሸንን ሳሜልካ ኤቁደ ኡንቱንታ ካለሸን ኡንቱንቱ በኤዳ ዋደ፡ ሳኦል ዩዴዳ አሳ ቦላ ጸሳ አያናይ ዋዴዳ፤ ኡንቱንቱካ ትምቢትያ ኦዴድና።

21 ሳኦል ሄዋ ሰሴዳ ዋደ፡ ሀራ አሳ ዩዴዳ፤ ኡንቱንቱካ ቃይ ትምቢትያ ኦዴድና። ሳኦል ሄዘንሶ አሳ ዩዴዳ፤ ሄዋንቱካ ትምቢትያ ኦዴድና።

22 ያትና፡ እ ባረ ሁጲያው ራማ ባናው ደንዴዳ፤ ቢደ ሴኩን ደእያ ዋልቃማ ኦላ ጋኬዳ፤ “ሳመልን ዳዊተን ሀቃን ደእና?” ያጊደ ኦቼዳ።

ኡንቱንቱ፡ “ሀን ራማን ደእያ ናዮታን ደእና” ያጊደ ዛሬድና።

23 ሄዋ ድራው፡ ሳኦል ራማን ደእያ ናዮታ ቤዳ፤ ቃይ ጸሳ አያናይ ኦ ቦላካ ዋዴዳ፤ ራማን ደእያ ናዮታ ጋካናው፡ ትምቢትያ ኦዲደ ቤዳ።

24 ብ ጋኪደ፡ ባረ ማዩዋ ቃሪደ፡ ሳመላ ሰንላን ትምቢትያ ኦዴዳ፤ ሄ ጋላሳ ኡባን ቃማ ኡባ ካሎ ግሴዳ። አሳይ፡ “ሳኦልካ ትምቢትያ ኦድያዋንቱ ዛቲየ?” ጉሳይ ሀዋሳ።

20

ዮናታን ዳዊታ ማዴዳ

1 ሃዋጥ ጉይያን፡ ዳዊተ ራማን ደእያ ናዮታፕ ባቃቲደ፡ ዮናታናኮ ቤዳ፤ ዮናታና፡ “ታን አይ

ኦላድታ? ታ ባይዙ አዬ? ነ አው ታና ዋዳናው ኮይያዌ፡ ታን ኦ ዋታ ቆሃኔ?” ያጊደ ኦቼዳ።

2 ዮናታን፡ “ሄዌ ኔፕ ሃኮ! ኔን ሀይቃካ። በእ፡ ጉሳባ ግዲና፡ ግታባ ግዲና፡ ታ አው ታው ኦደናን ደኢደ አያን ኦ። ታ አው ሀ ዩወዋ ታፕ አያው ቆሰ? ሄዋዲን ግደና!” ያጊደ ዛሬዳ።

3 ሸን ዳዊተ ዮናታና፡ “ኔን ታና ሰቅያዋ ነ አው ሎይሶ ኤሬዳ፤ ነ አው ባረው፡ ‘ዮናታን ሀ ዩወዋ ኤሮፕ እ ካዮታና!’ ያጌዳ። ሸን መድና ጎዳይ ኤሮ፤ ነ ሸምጥ ኤሮ፤ ታፕን ሀይቁዋፕ ግዲዋን መጽ እት ታንጉ አቲዳ” ያጊደ ጫቁዳ።

4 ዮናታን፡ “ኔን ኪተታ ጌዳዋ አያን ታን ነው ኦላና” ያጌዳ።

5 ሃዋጥ ጉየ ዳዊተ ሀዋዲን ያጌዳ፤ “ሰሳ፡ ዋንት አግና ጴሩዋ ቦንቶያ ጋላሳ፤ ታን ካትያና ቁማ ማና ኮሼ። ሸን ታን ባደ ዋንት ፔሽና ኦማርሰ ጋካናው፡ ጋደን ቆሰታና።

6 ነ አው ታና ኮዮፕ፡ ኔን አ፡ ‘ዳዊተንቱ ሶ አሳይ ኡባይ ላይላ ያርሹዋ ያርሸያ ዋደ ግድያ ድራው፡ ቤተሌመ ባረ ካታማ ኤለካ ባና ጊደ፡ ታና ኦቼደ ቤዳ’ ያጋ።

7 ሃዋጥ ጉየ እ፡ ‘ያኖፕ ሎኦ’ ያጎፕ፡ ታው ነ ቆማው ሳር፤ ሸን እ ሀንቀቶፕ፡ እ ታና ቆሀናው ባረ ቆፋ ቃቼዳዋ ሄዋን ኤራ።

8 ኔና ግደፕ፡ ኔን ታው ነ ቆማው ሎኦባ ኪተታ፤ አያው ጎፕ፡ ኔን ታናና ነ ቆማና መድና ጎዳ ሰንላን ጫቁታዳ። ሸን ታናን ባይዙ ደኦፕ፡ ታና ኔን ዋዳ! ነ አዋ ታና አላ አዋፕ” ያጌዳ።

9 ዮናታን፡ “ሄዌ ኔፕ ሃኮ! ታ አው ኔና ቆሀናው ባረ ቆፋ ቃቼዳዋ ታን ኤሬደንቶ፡ ነው ኦድክታየ?” ያጊደ ዛሬዳ።

10 ሃዋጥ ጉየ ዳዊተ፡ “ነ አው ነው ኢታ ዛሩዋ ዛሮፕ፡ ታው ኦዳናዌ ኦኔ?” ያጊደ ኦቼዳ።

11 ዮናታን፡ “ሃያ፤ ጋደ ቦይተ” ያጌዳ፤ ያትና፡ ላኦቲካ ጋደ ቤድና።

12 ዮናታን ዳዊታ ሀዋዲን ያጌዳ፤ “መድና ጎዳይ እሰራኤልያ ጸሳይ ኤሮ፡ ታን ዋንት ፔሽና ታ አውዋ ቆራና። እ ነው ሎኡዋ ቆፖፕ፡ ታን ኪታደ ኔና ኤርሳና።

13 ሸን ታ አው ኔና ቆሀናው ኮይዳዋ ግደፕ፡ ቃይ ሄዋ ታን ኔና ኤርሰናን አጎፕን ኔና ሳሩዋን ሞይዛ ዩደናን አጎፕ፡ መድና ጎዳይ ታው ኢቶ! መድና ጎዳይ ታ አቡና እትፕ ግዴዳዋዲን ኔናናካ እትፕ ግደ።

14 ታና አሳይ ዋናዲን ታ ደኡዋ ላይላ ኡባን አገና ሰቁዋ፡ መድና ጎዳዋ ማላ ታው ኪተታ።

15 ቃይ ጎዳይ ዳዊታ ሞርከቱዋ ኡባ ጋድያፕ ቶቆሎዳ ዋደካ፡ ታ ጎልያ አሳፕ ነ ሰቁዋ ሃሶፕ” ያጌዳ።

16 ሄዋ ድራው፡ ዮናታን፡ “መድና ጎዳይ ዳዊታ ሞርከቱዋ ኦቾ” ያጊደ ዳዊታ ጎልያ አሳና ቃላ ጫቁዋ ጫቁቲዳ።

17 ዮናታን ዳዊታ ባረ ሁጲያዲን ሰቁዳ ድራው፡ “ኔን ታና ቱሙ ሰቅያዋ ቆንጭሳናው አነ ታው ላኤንሱዋ ጫቃ” ያጊደ ጫቁሴዳ።

18 ሃዋጥ ጉይያን፡ የናታን ዳዊታ፡ “ዋንታ አግና ጸረፍ ቦንቶን ጋላሳ፤ ኔን ኡትያ ሳኦይ መላ ደኦ፡ ኔን ባይናዌ ኤረታናዎ።

19 ዋንት ፔሽና ኦማርሰ ባደ፡ ሀ መቱ ደሚዳ ጋላሰ ኔን ቆሰቱዳ ሳኦን ቆሰታ፤ ቆሰታደ ኤጸላ ግያ ዛላጥ ጉየና ታካሻ።

20 ታን አየንቶ ጸንግያዎ ማላታደ፡ አ ምይያና ሄዙ ፖላቱዋ ዋንዳፍያን ዲካና።

21 ሃዋጥ ጉይያን፡ ታ ቆማ፡ “ባደ ዙብቱዋ ኮያ” ያገደ ኪታና፤ ታን አ ኪታደ፡ “በኦ፤ ዙብቱ ኔጥ ሀ ባጋና ደኦ፤ ታኮ አካደ ያ” ያግያዎ ግደጥ፡ ሃያ፤ አያዉ ጎጥ፡ መድና ጎዳይ ኤር፡ ነዉ ሳኦ ሳር፤ ኔና አያይነ ቦቹና።

22 ሸን ታን ታ ቆማ፡ “በኦ፤ ዙብቱ ኔጥ ሀን ባጋና ደኦ፤ ያግያዎ ግደጥ፡ ኔን አጋደ ባ፤ አያዉ ጎጥ፡ መድና ጎዳይ ኔና ዋራ የዴዳ።

23 ኔንነ ታን ሃሳዬዳ ቃላ ጫቁዋ ግደጥ፡ ሃዎ ኔጥነ ታጥ ግዳዋን መድና ጎዳይ መድናዉ ማርካ” ያጌዳ።

24 ሃዎ ድራዉ፡ ዳዊተ ጋደን ቆሰቱዳ። አግና ጸረፍ ቦንቶን ጋላሳይ ጋኬዳ ዋደ፡ ካትያ ሳኦል ቁማ ማናዉ ዬዳ።

25 ሀርደ ባረ ኡትያ ሳኦን ጎዳ ላንቁያን ኡቱዳ፤ የናታን አጥ ሰንሳ ባዙዋን ኡቱዳ፤ አባኔር ሳኦላ ላንቁያን ኡቱዳ፤ ሸን ዳዊተ ሳኦይ መላ ደኦ።

26 ሳኦል ሄ ጋላሳ አይነ ግቤና፤ አያዉ ጎጥ፡ ሳኦል፡ “ዳዊተ አየንቶ ሀኔዳ፤ ሄ ጋላሳ ቦንቹናዳን ቱኔዳ፤ ቱማ እ ቱኔዳ” ያጌደ ቆፔዳ።

27 ሸን ዋንተላ ጋላሰካ፡ አግናዉ ላኤንሶ ጋላሰ ዳዊተ ሳኦይ መላ ደኦ። ሳኦል ባረ ናኦ የናታና፡ “አሰያ ናኦይ ዝኖካ ሀቸካ ቁማ ማናዉ አያዉ ይቤኔ?” ያጌደ ኡቹዳ።

28 የናታን፡ “ዳዊተ ቤተሌመ ባና ጌደ ታና ኡቹዳ፤

29 እ ታንካ፡ ና ጎልያ አሳይ ካታማን ያርሹዋ ያርሸያ ድራዉነ ታ እሻይካ ታና አዛዜዳ ድራዉ፡ ሀይ ታና የዳርኪ፤ ኔን ታና ሲቅያዎ ግደጥ፡ አነ ታን ታ እሻቱዋ በአናዉ ባይ” ያጌዳ። ካትያ ማዳጥ ማናዉ እ ይቤናዊ ሃዎ ግሻሳ” ያጌደ ዛሬዳ።

30 ሳኦል የናታና ቦላ ሀንቁዋ ኤጽ ከሲደ ሀዋዳን ያጌዳ፤ “ላ ጌላነ ማካላንቻ ምሽራት ናኦዉ፡ ኔን ነ ሁጺያዉ ካዉሻናዉነ ኔና የሌዳ ነ ዳዮ ካዉሻናዉ ኔን አሰያ ናኦ ባጋ ግዴዳዎ ታን ኤርክታየ?”

31 አሰያ ናኦይ ሀ ሳኦ ቦላን ደኤዳ ፔሻን ኡባን ኔን ዎይ ነ ካዉተላይ ኤቀና። ሀእ ኪታደ ታዉ አ አሃሳ፤ አያዉ ጎጥ፡ እ ሀይቃናዉ በሰ” ያጌዳ።

32 ሃዋጥ ጉየ የናታን ባረ አዉዋ ሳኦላ፡ “እ አያዉ ሀይቁ? እ ኡሌዳባይ አዬ?” ያጌደ ኡቹዳ።

33 ሸን ሳኦል የናታና ዎሳናዉ ቶራ አ ቦላ ጸንጌዳ። ሃዎ ድራዉ፡ የናታን ባረ አዉ ዳዊታ ዎሳናዉ ቆፋ ቃቹዳዎ ኤራዳ።

34 ሀንቁዋ ኤጸቲደ ማዳጥ ደንዴ ኤቁዳ፤ ባረ አዉ ዳዊታ ካዉሹዳ ድራዉ የናታን ካዮቲደ፡ ሄ አግናዉ ላኤንሶ ጋላሳ ምቤና።

35 ዋንታ የናታን ዳዊታና ጋከታናዉ ጋደ ቢደ ባረናና እት ያላጋ ናኦ አኪደ ቤዳ።

36 የናታን ናኦ፡ “ታን ዋንዳፍያን ዲክያ ዙብቱዋ ዎጸደ ኮያ” ያጌዳ፤ ሃዋጥ ጉይያን ናኦይ ዎጸያ ዎደ፡ ዙብቱ ሄፍንሳ ዲኬዳ።

37 ናኦይ የናታና ዙብ ዎዴዳ ሳኦ ጋኬዳ ዎደ፡ የናታን ናኦ ጸሲደ፡ “ዙብ ኔጥ ሀን ባጋና ደኦኔ?” ያጌዳ።

38 ቃይካ የናታን ናኦ፡ “ኤሌላ፤ ኤሌላደ ባ፤ ኤቆጥ” ያጌደ ባረ ቃላ ቶቁ አሊደ ኦዴዳ። ሄ ናኦይ ዙብቱ ማጺደ አኪደ፡ ባረ ጎዳኮ አሄዳ።

39 ናኦይ ሀ የዉዋ አይነ ኤረና፤ የናታናን ዳዊታ ጸላላይ ኤሪና።

40 የናታን ባረ ኦላ ሚሻ ናኦዉ አሚደ፡ “ቶካ አካደ ካታማ አፋ” ያጌዳ።

41 ናኦይ ቤዳዋጥ ጉይያን፡ ዳዊተ ሄ ዛላ ጉየጥ ከሴዳ፤ የናታና ሰንሳን ጉልባቲደ፡ ባረ ዳሙዋ ቢታ ቦሽሲደ ሄዙ ገደ ጎይኔዳ። ሃዋጥ ጉይያን፡ እቱ እቱዋና የረቲደ ዬኬድና፤ ሸን ዳዊተ የናታናጥ አቆዋ ዬኬዳ።

42 የናታን ዳዊታ፡ “ሳር ባ፤ ና ግደንነ ታ ግደን፡ ነ ዘረላ ግደንነ ታ ዘረላ ግደን፡ መድና ጎዳይ መድናዉ ማርካ ግደ” ያጌደ ኡን ላኤ መድና ጎዳ ሱንሳን ጫቀደ” ያጌዳ። ሃዋጥ ጉይያን፡ ዳዊተ ደንዲደ ቤዳ፤ የናታንካ ካታማ ጉየ ሰሜዳ።

21

ዳዊተ ሳኦላጥ ባቃቱዳ

1 ዳዊተ ቁሰያ አብመሌካኮ ናባ ካታማ ቤዳ፤ አብመሌክ ዳዊታና ጋከታናዉ ኮኮሪደ ዪደ፡ “ኔን አያዉ ኔረካ ደአይ? አያዉ ሀራ አሳይ ኔና ደኤኔ?” ያጌደ ኡቹዳ።

2 ሸን ዳዊተ ቁሰያ አብመሌካ፡ “ካቲ ታና፡ ታን ኔና ኪቱዳ የዉዋን አዛዜዳ አዛዙዋ ኡንነ ኤርግ” ያጌደ ታና እትባ አዛዜዳ። ታ አሳቱ እት ሳኦን ታናና ጋከታናዳን ኡዳድ።

3 ሀእ ነ ኩሽያን አያይ ደኢ? እቹሹ ባሽ ኡክላ ዎይ ደኤዳዎ አያነ ታዉ እማርኪ” ያጌዳ።

4 ሃዋጥ ጉየ ቁሲ ዳዊታ፡ “አሳይ ኡባይ ምያ ኡክላይ ታዉ ባዋ፤ ሸን ጌሻ ኡክላይ ደኤ፤ ሄ አሳቱ ባረና ማጫ አሳጥ ናጌዳዎ ግደጥ፡ ኡንቱንቱ ማናዉ ዳንዳዩና” ያጌዳ።

5 ሃዋጥ ጉየ ዳዊተ ቁሰያ፡ “ቱማ ኡን ሀ ኪታው ከሶ ሳጥ ደሚደ፡ ማጫ አሳጥ ናጌቲደ፤ ሀራይ አቶ ጌሻ ግደና ኪታ ዎደካ ኡንቱንቱ አሳተላይ ጌሻ፤ ሀቹ ኡባ አጲደ ጌያናዉ ኮሽኔ!” ያጌዳ።

6 ሃዎ ድራዉ፡ ቁሲ ዳዊታዉ ጌሻ ኡክላ እሚደ፤ አያዉ ጎጥ፡ ቁሰያዉ ደአያዎ ሆእያ ኡክላ አ ሳኦን ዎሳናዉ መድና ጎዳ ሰንሳጥ ደንጮዳ ጌሻ ኡክላ ጸላላ።

7 ሳኦላ ቆማቱዋጥ እት ብታኒ ሄ ጋላሳ መድና ጎዳ ሰንሳን ናጌደ ደኤ፤ አ ሱንሳይ ደይቃ፤ እ ኤደማ ቢታ አሳ፤ ሳኦላ መሀያ ሃምያዎንቶ እ ካቸዋ።

8 ዳዊተ አብመሌካ፡ “ቶራይ ዎይ ማሻይ ነዉ ደአንዴሻ? ካትያ ኪታይ ኤሌልሶ ድራዉ፡ ታን

21:1 ማቶሳ 12:3-4፤ ማር. 2:25-26፤ ሉቃሳ 6:3 21:6 ዋጋ 24:5-9

ታ ማሻ ዋይ ሀራ ኦላ ሚሻ አሀበይከ” ያጊደ ኦቼዳ።

9 ሸን አብመሌክ፡ “ኔን ኤላ ዛንጋራን ዋጄዳ ፕልሰጾምያ ጎልያዳ ማሻይ ሀዋን ደኤ፤ ጩርቃን እ ጸጸቲደ፡ ኤፋድያ ጌተትያ ማዩዋፕ ጉየ ባጋና ደኤ። ኔን ኮይያዋ ግደፕ አ አካ፤ አፕ አትና፡ ሀራ ማሻይ ሀዋን ባዋ” ያጊደ ዛሬዳ።

ሄዋፕ ጉየ ዳዊተ፡ “ሄዋ ማላ ሀራ ማሻይ ባዋ፤ አ ታዉ ሀማ” ያጌዳ።

10 ሄ ጋላሰ ዳዊተ ደንዲደ፡ ሳኦላፕ ባቃቲደ፡ ጋተ ካታማ ካትያ አኪሻኮ ቤዳ።

11 ሸን አኪሻ ኦሳንቻቱ፡ “ሀዋ ዳዊተ ባረ ቢታን ካትያ ግደኔየ? ቃይ ማጫ አሳቱ የጸድነ ዱሪደ፡ ሳኦላ ሻአ ዋጄዳ፤ ዳዊተ ታሙ ሻአ ዋጄዳ” ያጊደ ሳቤዳ ብታንያ ግደኔየ?” ያጌድኖ።

12 ዳዊተ ኡንቱንቱ ሃሳያ ባረ ዋዛናን ኦይቂደ፡ ጋተ ካትያ አኪሻ ሎይላ ያዩዳ።

13 ሄዋ ድራዉ፡ ዳዊተ ኡንቱንቱ ሰንላን ዋዛናይ ቦሽቴዳ አሳ ማላቴዳ፤ ኡንቱንቱ አ ኦይቃና ሀንያ ዋደ፡ ጎይያዋዳን ካረ ፕንግያ እፍላ ቃጨረሴነ ቡቻና ዱገ ዛሪደ ሳሱዋ ሎካዬ።

14 አኪሻ ባረ ኦሳንቻቶ፡ “ቦአተ፤ ሀዋ ብታኒ ጎዬ። ሀንተንቱ አያዉ አ ታኮ አሄድቱ?”

15 ሀ ብታኒ ታ ሰንላን ጎያናዳን ሀንተንቱ አሄዳዋ፡ ታ ማታን ሀራይ ጎይያዋ ጳይኔየ? ሀ ብታኒ ታ ሶ ገላናዉ ቦሲየ?” ያጌዳ።

22

ቄሳቱ ዋ ዋጄዳኖ

1 ዳዊተ ጋተ ካታማፕ ባቃቲደ፡ አዱላማ ካታማ ማታን ደእያ ጎንጎሉዋ ቤዳ፤ አ እሻቱዋን አ አዉዋ ሶ አሳይ ኡባይ ሄዋ ሰሴዳ ዋደ፡ ኡንቱንቱ ያ ዱገ አኮ ዋጄዳኖ።

2 መቶቲዳዋንቱ፡ ዋይ አጩዋን ገሌዳዋንቱ፡ ዋይ ሳኦይ ኢቲዳዋንቱ ኡባቱ ዳዊታኮ ሸቂድኖ፤ እ ኡንቱንቶ ካፕዋ ግዳዳ። እት ኦይዱ ጴቲዋ ግድያ አሳይ አናና ደኤ።

3 ዳዊተ ሄ ሳፕ ደንዲደ፡ ዋአበን ደእያ ሞጽጸ ቤዳ፤ ሞአበ ካትያ፡ “ጸሳይ ታዉ አላናባ ታን ኤራና ጋካናዉ ታ አቶን ታ አዉዋ ነ ማታን ዋላሳርኪ” ያጊደ ዋሴዳ።

4 ሄዋ ድራዉ፡ ዳዊተ ኡንቱንታ ሞአበ ካትያ ማታን ዋሌዳ፤ ጌሱዋ ግደን ዳዊተ ቆሰት ኡቴዳ ዋደ ኡባን ኡንቱንቱ ካትያ ማታን ደኤድኖ።

5 ሄዋፕ ጉይያን፡ ትምቢትያ ኦድያ ጋድ ዳዊታኮ ዪደ፡ “ጌሱዋ ግደን ጋምኦፕ፤ ሀ ሳፕ ደንዲደ ይሁዳ ጋድያ ባ” ያጌዳ፤ ዳዊተ ሄ ሳፕ ሄረታ ዋራ ቤዳ።

6 ዳዊተን አ አሳይ ቤቴዳዋ ሳኦል ሰሴዳ፤ ሳኦል ግብአ ካታማ ማታን ደእያ ደርያን፡ ታማርሰካ ጌተትያ ሞላ ጋርሳን ቶራ ኦይቂደ ኡቴዳ፤ አ ኦሳንቻቱ አ ደዲደ ኤቂድኖ።

7 ሳኦል ኡንቱንታ፡ “ሀንተንቶ፡ ቢንያማ አሳቶ፡ ሰሰተ! እሰያ ናኦይ ጎሻን ዋይንያ ቶክያ

ሳኦ ሀንተንቱ ኡባዉ እማኔ? ሻላቃቱዋን ጴቲዋ ካፕቱዋ ኦሊደ ሀንተንታ ሱንሳኔ?”

8 ሀንተንቱ ኡባይ ታ ቦላ ማቀቲድታ፤ ታ ናኦይ እሰያ ናኦና ቃላ ጫቁዋ ጫቀቲዳዋ ኦንነ ታዉ ኦድቤና። ሀንተፕ እት አሳይነ ታዉ ቃረተና፤ ሀቼዋዳንካ ታ ናኦይ ታ ቆማ ታና ዋጅሳናዉ ደንጴዳዋ ኦንነ ታዉ ኦድቤና” ያጌዳ።

9 ሳኦላ ኦሳንቻቱዋና ኤቂዳ ኤዶምያ ደይቅ ሳኦላ፡ “እሰያ ናኦይ አሀጹባ ናኦ አብመሌካኮ ኖባ ካታማ ቤዳዋ ታን ቦአድ።

10 አብመሌክ ዳዊተ አላናባ መጅና ጎዳ ኦቼዳ፤ ያቲደ ዳዊታዉ ሸንቃ እማዳ፤ ቃይ ፕልሰጾምያ ጎልያዳ ማሻካ አዉ እማዳ” ያጌዳ።

11 ሄዋፕ ጉይያን፡ አሀጹባ ናኦ ቄሰያ አብመሌካን ኖባ ካታማን ቄሳቱዋ ግዲደ ደእያ አ አዉዋ ሶ አሳ ኡባ ካቲ ጴሰሰና፡ ኡንቱንቱ ካትያኮ ዬድኖ።

12 ሳኦል አብመሌካ፡ “አሀጹባ ናኦዉ፡ ሰሳ” ያጌዳ።

አብመሌክ፡ “ኤር ታ ጎዳዉ” ያጌዳ።

13 ሳኦል አ፡ “ኔንነ እሰያ ናኦይ ታ ቦላ አያዉ ማቀቲድተ? ኔን አዉ ኡክላን ማሻ እማደ፡ እ ታና ዋጳናዉ ደንዳና ማላ፡ አዉ ጸሳ አያዉ ኦቻዲ?” ያጌዳ።

14 አብመሌክ ካትያ፡ “ነ ቆማቱዋ ኡባ ግዲዋን ዳዊተዳን እማንትያዋ፡ ካትያና ቦሎቴዳዋ፡ ኔና ናግያዋንታ አዛዝያዋነ ነ ሶ አሳ ግደን ሎይላ ቦንቼትያዋ ሀራይ ኦኔ?”

15 ታን አዉ ጸሳ ኦቻሸን፡ ሀዋ ታዉ ኮይሮ? ግደና! ካትያዉ፡ ታና ነ ቆማ ዋይ ታ አዉዋ ሶ አሳ ኡባ አይነ ሞቶፕ፤ አያዉ ጎፕ፡ ታን ነ ቆማይ ሀ የዉዋ ጉላ ግድና ዋልቃማ ግድናካ ሙላ ኤርከ” ያጌዳ።

16 ካቲ፡ “አብመሌካ፡ ኔንነ ነ አዉዋ ጎልያ አሳይ ኡባይ ሀይቃና” ያጌዳ።

17 ሄዋፕ ጉይያን፡ ሳኦል ባረ ማታን ኤቂደ ናግያዋንታ፡ “መጅና ጎዳ ቄሳቱ ዋ ዋጅተ፤ አያዉ ጎፕ፡ ኡንቱንቱካ ዳዊታ ማዶድኖ፤ ዳዊተ ባቃቲዳዋ ኤሪደ፡ ታዉ ኦድቤክኖ” ያጌዳ። ሸን ካትያ ኦሳንቻቱ መጅና ጎዳ ቄሳቱዋ ቦላ ባረንቱ ኩሸያ ዋኝናን እጴድኖ።

18 ያትና ካቲ ደይቃ፡ “ቄሳቱ ዋ ኔን ዋጳ” ያጊደ አዛዜዳ። ኤዶምያ ደይቅ ቄሳቱ ዋ ሸጩዳ፤ ሄ ጋላሰ ኤፋድያ ማዬዳ ሆሰፕን ታማነ እቼሹ ቄሳቱ ዋ እ ዋጄዳ።

19 ሄዋ ቦላካ ቄሳቱዋ ካታማ፡ ኖባ ቃራ ማሻን ቡሳኬዳ፤ ሄ ካታማን ደእያ አቲማዋ፡ ማጫዋ፡ ናና፡ ቄር ናና፡ መሄቱዋ፡ ሀረቱዋን ደርሳቱዋ ቃራ ማሻን ደይቅ ሱፑ ኦሌዳ።

20 ሸን አሀጹባ ናኦ አብመሌካ ናናቱዋፕ አብያታራ ጌተትያ እት ናኦይ ከሰ አኪደ፡ ዳዊታኮ ባቃቲዳ።

21 ሳኦል መጅና ጎዳ ቄሳቱ ዋ ዋጄዳዋ ዳዊታዉ ኦዶዳ።

22 ዳዊተ አብያታራ፡ “ኤዶምያ ደይቅ ሄ ሳኦን ደእያዋ ታን ቦኤዳ ዋደ፡ እ ሳኦላዉ ኦዳናዋ

21:9 1 ሳሜላ 17:51 21:11 1 ሳሜላ 18:7፤ 29:5 21:12 ማዘ. 56 (ሁጲያ) 21:13 ማዘ. 34 (ሁጲያ)
22:1 ማዘ. 57 (ሁጲያ)፤ ማዘ. 142 (ሁጲያ) 22:9 1 ሳሜላ 21:7-9፤ ማዘ. 52 (ሁጲያ)

ሄ ጋላስ ኤራድ። ነ አወዋ ሶ አሳ ኡባ ሀይቆ ኦሽትያዊ ታና።

23 ሰም ኔን ታናና ደክ፤ ያዮፓ። ኔና ዎቆናዉ ኮይያ ኡራይ ታና ዎቆናዉ ኮይያዎ፤ ሸን ኔን ታ ማታን ሳሮ ደክና” ያጌዳ።

23

ዳዊተ ቃኢላ ካታማ ፕልሰጾማቱዋፕ አሼዳ

1 “ፕልሰጾማ አሳቱ ቃኢላ ካታማ ኦሊኖ፤ ካላካ ቦንቁኖ” ያግያ ኦዲዋ ዳዊተ ሰሴዳ።

2 ዳዊተ መድና ጎዳ፤ “ታን ባደ ፕልሰጾማ አሳቱዋ ኦሎ?” ያጌደ ኦቼዳ።

መድና ጎዳይ ዳዊታ፤ “ባ፤ ፕልሰጾማ አሳቱዋ ኦላ፤ ቃኢላ ካታማ አሻ” ያጌዳ።

3 ሸን ዳዊታ አሳቱ፤ “ኡን ሀዋን ይሁዳ ቢታን ደኢደነ ያዬቶ፤ ሸን ፕልሰጾማ አሳቱዋና ኦለታናዉ ኡን ቃኢላ ካታማ ቢደ፤ ዋን አላ ያያኔሻ!” ያጌድኖ።

4 ሄዋ ድራዉ፤ ዳዊተ ዛረሲደ መድና ጎዳ ኦቼዳ፤ መድና ጎዳይ አ፤ “ፕልሰጾማ አሳቱዋ ታን ነዉ አላ እማና፤ ደንዳ፤ ቃኢላ ካታማ ባ” ያጌዳ።

5 ዳዊተነ አ አሳይ ቃኢላ ካታማ ቢደ፤ ፕልሰጾማ አሳቱዋና ኦለቲድኖ፤ ኡንቱንቱ መሀያ ኦሞዴድኖ። ኡንቱንቱፕ ዳሮ አሳ ዎቆደ፤ ዳዊተ ቃኢላ ካታማ አሳ አሼዳ።

6 አብመሌካ ናእይ አብያታረ ዳዊታኮ ቃኢላ ካታማ ባቃትያ ዎደ፤ ኤፋድያ ጌተትያ ማዩዋ አኪደ ቤዳ።

7 ዳዊተ ቃኢላ ካታማ ቤዳዋ ሳኦል ሰሲደ፤ “ጸሳይ ዳዊታ ታ ኩሽያን አላ እማዳ፤ አያዉ ጎፕ፤ እፍላይነ ድርሳይ ደክያ ካታማ ገሊደ፤ ባረካ ቃሽቱዳ” ያጌዳ።

8 ቃኢላ ካታማ ቢደ፤ ዳዊታነ አ አሳ ደዳና ማላ፤ ሳኦል ባረ ኦላንቻቱዋ ኡባ ጸሴዳ።

9 ሳኦል ባረ ቦላ ኢታባ ማቀቱዳዋ ዳዊተ ኤራዳ፤ ቁሰያ አብያታራ፤ “ኤፋድያ ሃ አካ ያ” ያጌዳ።

10 ሄዋፕ ጉይያን ዳዊተ፤ “አቤት መድና ጎዳዉ፤ እሰራኤልያ ጸሳዉ፤ ታ ጋሱዋን ሳኦል ቃኢላ ካታማ ባይዛናዉ ማቀቱዳዋ ታን ነ ቆማይ ዉርሳደ ሰሳድ።

11 ቃኢላ ካታማ አሳይ ታና ሳኦላዉ አሲደ እማኔሻ? ታን ነ ቆማይ ሰሴዳዋዳን ሳኦል ቱሙካ ሃ ያኔሻ? አቤት መድና ጎዳዉ፤ እሰራኤልያ ጸሳዉ፤ ታዉ ነ ቆማዉ ኦዳርኪ” ያጌዳ።

መድና ጎዳይ ዳዊታ፤ “ኤ፤ ሳኦል ያናዋ” ያጌደ ዛሬዳ።

12 ዳዊተ፤ “ቃኢላ ካታማ አሳቱ ታና ነ ታ አሳ ሳኦላዉ አሲደ እማኔሻ?” ያጌደ ዛረሲደካ ኦቼዳ።

መድና ጎዳይ፤ “ኤ፤ ኡንቱንቱ ሀንተንታ አሲደ እማና” ያጌዳ።

13 ዳዊተነ ኡሱፕን ጸቱ ግድያ አሳይ ቃኢላ ካታማፕ ከሲደ፤ እት ሳፕ እት ሳኦ ሄመታ ኦይቄድኖ። ዳዊተ ቃኢላ ካታማፕ ባቃትዳዋ ሳኦል ሰሴዳ ዎደ፤ ባናዉ ቆፔዳዋ አግ ባሼዳ።

ሳኦል ዳዊታ ኦይቃናዉ ኮዬዳ

14 ዳዊተ ባዙዋ ጌሶቱዋንነ ዚፋ ዎራን ደክያ ዘዘቱዋን ደኤዳ። ሳኦል አ ደማናዉ ኡባ ጋላስ ኮዬ፤ ሸን ጸሳይ አ ሳኦላ ኩሽያን አላ እምቤና።

15 ዳዊተ ዚፋ ዎራን ደክያ ሆራሻ ግያ ሳን ደክሸን፤ ሳኦል ባረና ዎቆናዉ ከሴዳዋ ዳዊተ ኤራዳ።

16 ሳኦላ ናኦ ዮናታን ደንዲደ፤ ዳዊታኮ ሆራሻ ቤዳ፤ ዳዊታ ጸሳን ዎልቃ ደማናዳን ምን።

17 “ያዮፓ፤ ታ አወዋ ሳኦል ኔና ኩሽያንነ ቦቼና፤ ኔን እሰራኤልያ ቦላ ካተታና፤ ታንካ ኔፕ ጋርሳና ሞዳና፤ ሀራይ አቶ ታ አዉ ሳኦላካ ሄዋ ኤራዳ” ያጌዳ።

18 ኡንቱንቱ ሳኦላካ መድና ጎዳ ሰንሳን እቱ እቱዋና ጫቀቱድኖ፤ ዳዊተ ሆራሻን ጋምእና ዮናታን ባረ ሶ ቤዳ።

19 ዚፋ አሳቱ ሳኦላኮ ግብኦ ካታማ ቢደ፤ “ዳዊተ ያሰሞናፕ ገድሳ ባጋና ሀኪላ ደርያ ቦላ ሆራሻ ጌሱዋን ኦ ማታን ቆሰት ኡቱዳ።

20 ኦ ካትያዉ፤ ሀእካ ኔን ደሴዳ ዎደ ሃ ዳግ ዎቆ፤ ያቶፕ፤ ኡን አ ነ ኩሽያን አላ እማና” ያጌድኖ።

21 ሳኦል ኡንቱንታ፤ “ሀንተንቱ ታዉ ቃረቱዳ ድራዉ፤ ሀንተንታ መድና ጎዳይ አንጀ።

22 ቢደ አነ ጉጂደካ ጌሽተ፤ ዳዊተ ዳሮ ገደ ሀቃ ብንቶነ ቃይ ያን ኦን አ ቦኤደንቶ፤ ጌሺደ ኤርተ፤ አያዉ ጎፕ፤ አ ሎይላ ጭንጫ ግያዋ ታን ሰሳድ።

23 ዳዊተ ቆሰትያ ሳኦ ኡባ ቦኢደ፤ ሙሩታ የወዋ አኪደ፤ ታኮ ሰሚደ ዪተ። ሄዋፕ ጉይያን፤ ታን ሀንተናና ባና፤ አ ሄ ሄራን ደኦፕ፤ ታን አ ኩሙንላ ይሁዳ ያራ ግደን ደማና ጋካናዉ ኮያና” ያጌዳ።

24 ሄዋ ድራዉ፤ ኡንቱንቱ ሳኦላፕ ሰንሳቲደ ዚፋ ቤድኖ። ዳዊተነ አ አሳይ ያሰሞናፕ ገድሳ ባጋና ደክያ ማኦና ዎራን አራባ ጌተትያ ጋቆን ደክኖ።

25 ሳኦልነ አ አሳይ ዳዊታ ኮያናዉ ቤድኖ። ዳዊተ ሄዋ ሰሴዳ ዎደ፤ ዛላኮ ዎቆደ፤ ማኦና ዎራን ኡቱዳ። ሳኦል ሄዋ ሰሴዳ ዎደ ማኦና ባዙዋ ዳዊታ ኮዪደ ቤዳ።

26 ሳኦል ደርያፕ እት ባጋ ምይያና ቤ፤ ዳዊተነ አ አሳይ ሀንኮ ባጋ ምይያና ቢኖ። ኡንቱንቱ ሳኦላፕ ባቃታናዉ ኤሌሊኖ፤ አያዉ ጎፕ፤ ሳኦልነ አ አሳቱ፤ ዳዊታነ አ አሳቱዋ ኦይቃናዉ ማት ኡቱድኖ።

27 ሸን ኪተቱዳዌ ሳኦላኮ ዪደ፤ “ሃያ! ፕልሰጾማ አሳቱ ቢታ ቦላ ዎራጃድኖ” ያጌዳ።

28 ሳኦል ዳዊታ ኮይያዋ አጌደ፤ ፕልሰጾማ አሳቱዋና ኦለታናዉ ቤዳ። ሄዋ ድራዉ፤ ሄ ሳኦይ “ሻክያ ዛላ” ጌተቱዳ።

29 ዳዊተ ሄ ሳፕ ከሲደ፤ ኤንጋዳ ካታማ ማታን ደክያ ጌሶቱዋን ኡቱዳ።

24

ዳዊተ ሳኦላ ሸምፕዋ አሼዳ

1 ሳኦል ፕልሰጾማ አሳቱዋ የደርሰያ ሳፕ ሰምና፡ “ዳዊተ ኤንጋዳ ካታማ ማታን ደእያ ዋራን ደኤ” ገደ እዉ ኦዴድኖ።

2 እስራኤልያ ኡባ ግደፕ ደረቱዳ ሄዙ ሻኦ አሳ ሳኦል አኪደ፡ ዳዊታነ አ አሳ ኮያናዉ፡ “ዋራ ዳሻቱ ጌሰያ ዛላ” ግያ ሳኦ ማታ ቤዳ።

3 ሳኦል ኦግያ ደናን ደርሳ አቁዋ ማታን ደእያ ጎንጎሎዋኮ ዬዳ፤ ሼሻዉ ኡታናዉ ጎንጎሎዋ ግደ ገሌዳ። ዳዊተነ አ አሳይ ጎንጎሎ ግደዋኮ ሺቁደ ኡቱድኖ።

4 ዳዊታ አሳይ አ፡ “ሄኮ ታን ነ ሞርክያ ነ ኩሽያን አላ እማና፤ ኔን አ ነ ኮዬዳዋዳን አላና ያገደ መድና ጎዳይ ነዉ ኦዴዳ ጋላሳይ ሀቻ” ያገድኖ። ዳዊተ ሳኦላ ኤርሰናን ሺቁደ፡ ሳኦላ ማዩዋ ዳራፕ ቃንጽ አኬዳ።

5 ቃንጾዳዋፕ ጉይያን፡ ዳዊተ ባረ ዋዛናን ካዮቱዳ።

6 ዳዊተ ባረ አሳቱዋ፡ “መድና ጎዳይ ኦኪደ ካተዬዳ ታ ጎዳዉ ታን ሄዋ አላናዋ ዋይ አ ቦላ ታ ኩሽያ ደንላናዋ ጸሳይ ታፕ ሃሶ፤ አያዉ ጎፕ፡ ጸሳይ ኦኪደ ካተዬዳዋ አ” ያገድኖ።

7 ዳዊተ ሀዋዳን ሴሪደ፡ ሳኦላ ባረ አሳን ቦሽሰናን ድጌዳ። ሳኦል ጎንጎሎዋ ግደፕ ከሲደ፡ ባረ ኦግያን ገሌዳ።

8 ሳኦል ቤዳዋፕ ጉይያን፡ ዳዊተ ጎንጎሎዋ ግደፕ ከሲደ፡ ሳኦላ፡ “ታ ጎዳዉ፡ ካትያዉ!” ያገደ ዳሴዳ፤ ሳኦል ጉዩ ዛሪደ ዳሌዳ፤ ዳዊተ ቢታን ዳገ ጉፋኒደ፡ ሳኦላዉ ጎይኔዳ።

9 ያተደ ዳዊተ ሳኦላ፡ “ዳዊተ ኔና ቆሀናዉ ኮዬ ግያ አሳቱዋ ቃላ ኔን አያዉ ሰሳይ?”

10 ሀ ጎንጎሎዋ ግደን መድና ጎዳይ ኔና ሀቼ ታዉ አላ እማዳዋ ኔን ነ አይፍያን በኦዳ፤ ታን ኔና ዋዳናዳን አማራዳዋንቱ ታና ደገ። ዳድኖ፤ ሽን ታን፡ መድና ጎዳይ ኦኪደ ካተዬዳዋ አ ግድያ ድራዉ፡ ታን ታ ጎዳ ቦላ ታ ኩሽያ ደንላከ ያጋደ ኔና አሻድ።

11 ታ አዋ፡ በአ፤ ታ ኩሽያን ደእያ ነ ማዩዋ ዳራ ሀዋ ዳላ! ነ ማዩዋ ዳራፕ ቃንጾ አካድ፤ ሽን ኔና ዋዳቦይከ፤ ታን ኔና ቆሀቤናዋን ማካላቤናዋ አከካደ ኤራ፤ ታን ኔና ቆሀቦይከ፤ ሽን ኔን ታና ዋዳናዉ ሻንካታሳ።

12 ነዋነ ታዋ መድና ጎዳይ ፕርደ፤ መድና ጎዳይ ኔን ታና ቆሄዳዋ ሀሉዋ ከሶ፤ ሽን ታን ነ ቦላ ታ ኩሽያ ደንላከ።

13 በን ዋደ፡ ኢታ አልያዋንቱፕ ኢታባይ ከሴ ያግያ ለምሱ ደኤ፤ ሄዋ ድራዉ፡ ታን ኔና ኩሽያንን ቦቶከ።

14 እስራኤልያ ካቱ ኦ ቦላ ከሴዳ? ኔን ኦና ኦይቃናዉ ኮያይ? ሀይቁዳ ካና ዋይ ካተልያ ኮያይ?

15 መድና ጎዳይ ኦ ግደን ዳናቶ፤ ነዋነ ታዋ አ ፕርደ፤ ታ የወዋ ዳሊደ፡ ታ ድራዉ አ ሞተቶ፤ ነ ኩሽያፕ ታና አ አሾ” ያገድኖ።

16 ዳዊተ ሳኦላዉ ሃሳይያዋ ወርሴዳ ዋደ፡ ሳኦል ዳዊታ፡ “ታ ናኦዉ ዳዊታ፡ ሄዌ ነ ቃሌ?” ያገድኖ፤ ሳኦል ባረ ቃላ ቶቂሲደ ዬኬዳ።

17 ቃይካ ዳዊታ፡ “ኔን ታፕ አዴዳ ጽሉዋ፤ አያዉ ጎፕ፡ ታን ነዉ ኢታባ ኦላና፡ ኔና ታዉ ሎኦባ አላዳ።

18 መድና ጎዳይ ታና ሀቼ ነዉ አላ እምናካ ኔን ታና ዋዳቤና ድራዉ፡ ታዉ ኔን ኦዴዳ ሎኦባ ታና በሳዳ።

19 አሳይ ባረ ሞርክያ ደሚደ ቆሄናን የዲየ? ኔን ታዉ ሀቼ ኦዴዳ ኬካተላ ድራዉ፡ መድና ጎዳይ ኔና አንጅ።

20 ሀእካ ኔን እስራኤልያዉ ካትያ ግዳናዋን እስራኤልያ ካዉተላይ ነ ማታ ጋርሳን ኤቃናዋ ታን ኤራይ።

21 ሀእ ሰም ታፕ ጉይያን፡ ታ ዘረላ ኔን ዳ። ስናዳንን ታ ሱንላካ ታ አዉዋ ጎልያፕ ቁጨናዳን መድና ጎዳ ሱንላን ታዉ ጫቃ” ያገድኖ።

22 ዳዊተ ሳኦላዉ ጫቁዳ። ሄዋፕ ጉይያን፡ ሳኦል ባረ ሶ ሰሚደ ቤዳ፤ ዳዊተነ አ አሳይ ፑደ ጌሱዋ ቤድኖ።

25

ሳመላ ሀይቁዋ

1 ሳመል ሀይቁና እስራኤልያ አሳቱ ኡባይ ሺቁደ፡ አዉ ዬኬድኖ፤ ራማ ካታማን ደእያ አ ሶን ሞጌድኖ።

ዳዊታ፡ ናባላን አብጋሎ

ሄዋፕ ጉይያን፡ ዳዊተ ፓራና ባዙዋ ቤዳ።

2 ማኦናን እት ብታኒ ደኤ፤ ሄ ብታንያዉ አቁ ቃርመሎሳን ደኤ፤ እ ዳር ዱረ፤ እት ሻኦ ዳሻቱነ ሄዙ ሻኦ ደርሳቱ አዉ ደኤኖ። እ ኡንቱንቱ እሰክያ ቃርመሎሳ ካታማን ሜዳ።

3 ሄ ብታንያ ሱንላይ ናባላ፤ አ ማቻት ሱንላይ አብጋሎ። እዛ ኤራንቻን ማላ ሎኦ ማቻቶ፤ ሽን እ አሰናይ መቀላ ባይና ኢታ አሳ። እ ካሌባ ያራ።

4 ዳዊተ ዋራን ደኤደ፡ ደርሳ እሰክያ ናባል ሜድያዋ ሰሴዳ።

5 ዳዊተ ታሙ ዋዳላቱዋ ሀዋዳን ያገደ ኪቱዳ፤ “ናባላኮ ቃርመሎሳ ካታማ ቢደ፡ ታ ሱንላን አ ሳርትተ፤

6 ሳር ደኤይ! ኔንካ ነ ጎልያ አሳይካ ሳሬ! ነዉ ጌዳዌ ኡባይ ሳር ደኤ!

7 “ኔን ደርሳ እሰክያ ሜድያዋ ታን ሰሳድ፤ ነ ደርሳ ሄምያዋንቱ ኦናና እትፕ ደኤዳ ዋደ፡ ኦን ኡንቱንታ ገንቦይኮ፤ ኡንቱንቱ ቃርመሎሳ ካታማን ኡቱዳ ዋደ ኡባን ኡንቱንቱባፕ አያይነ ፓጭቤና።

8 ሄዋ ኔን ነ ቆማቱዋ ኦቻፕ፡ ኡንቱንቱ ነዉ ኦዳና። ኦን ሀቼ ሹብያ ጋላሰ ኔኮ ዬዳ ድራዉ፡ ታ ዋዳላ አሳቶ ሀያና ሎኦ፤ ነ ኩሽያን ደእያባፕ ነ ቆማቶነ ነ ናኦ ዳዊታዉ ሀያና እማ ያግተ” ያገደ አዛዜዳ።

9 ዳዊታ አሳቱ ናባላኮ ጋኪደ፡ ዳዊታ ኪታ አዉ ኦዴድኖ፤ ሄዋን ናጌድኖ።

10 ናባል ዳዊታ ቆማቱዋ፡ “ዳዊተ ኦኔ? እሰያ ናኦይ ኦኔ? ሀ ዋድያን ዳር ቆማቱ ባረንቱ ጎዳቱዋፕ ባቃቲኖ።

11 ታ ኡክላ፣ ታ ሃላነ ታ ደርሳ ሜድያዋንቶ ሹከቲዳ አሹዋ ደንላደ፣ ሀ ከነንቶነ ዬዳ ሳክይ ኤረተና አሳቶ አያዉ እዋ?።” ያጌዳ።

12 ዳዊታ አሳቱ ሰሚደ ገዮ ቤድኖ። ብ ጋኪደ ናባል ጌዳዋ ኡባ ዳዊታዉ ኦዴድኖ።

13 ዳዊተ ባረ አሳቱዋ፣ “ሀንተንቱ ማሻ ማሻ ዳንጭተ” ያጌዳ፤ ሄዋጥ ጉይያን ኡባቱካ ባረንቱ ማሻ ማሻ ዳንጭድኖ፤ ዳዊተካ ባረ ማሻ ዳንጭዳ። ዳዊተ ኦይዱ ጾቱዋ ግድያ አሳቱዋና ፑደ ቤዳ፤ ላኡ ጾቱ አሳይ ኡንቱንቱዋ ናጊደ አቲዳ።

14 ቆማቱዋጥ እቱ ናባል ማቻቶ አብጋሎ ሀዋዳን ያጌዳ፤ “ዳዊተ ዋራን ደኢደ ኑ ጎዳ፣ ሳሮ፣ ጋናዉ አሳ ከቲዳ፤ ሽን እ ኡንቱንታ ቦራዳ።

15 ግደጥካ፣ ሀ አሳቱ ኑዉ ሎይላ ሎክ፤ ኡንቱንቱ ኑና ገንበይክኖ፤ ኑን ኡንቱንቱና እትጥ ደምባን ፔሼዳ ዋደ ኡባን ኑባጥ አያይነ ገጭቤና።

16 ኑን ኑ ደርሳ ዉድያ ኡንቱንቱ ማታን ሄምያ ዋደ፣ ቃማነ ጋላሰ ኡንቱንቱ ኑዉ ድርሳ ግዴድኖ።

17 ሀያና ሀ የዉዋ ዋታንቶነ ቆጋ፤ አያዉ ጎጥ፣ ኑ ጎዳ ቦላነ አ ሶ አሳ ቦላ ኮባባይ ከሳና ሀይ። ኑ ጎዳይ ሄዋ ማላ መቀሰ ባይና ኢታ አሳ ግዴዳ ድራዉ፣ ኡንነ ኡዉ ሃሳያናዉ ዳንዳየና” ያጌዳ።

18 አብጋላ ኡላካ ላኡ ጾቱ ኮምፖ ኡክላነ ላኡ ኡንሩዋ ዋይንያ ኤሳ፣ ጸጸቲዳ ደርሳቱዋ እቼሻቱዋ፣ ታማነ ላፑን ኪሎ ግራመ ትሻ ጸጸ፣ እት ጾቱ ዉርጮ ዋይንያ ቲራነ ባላሰያ ባቀላ መላጥ ላኡ ጾቱዋ አካደ፣ ሀርያን ጫናዱ።

19 ያታደ ቆማቱዋ፣ “ሀንተንቱ ታጥ ሰንሳዉ አዲደ ቢተ፤ ታን ሀንተንቱ ጌዱዋ ካላና” ያጋዱ፤ ሽን ባረ አሰና ናባላዉ አይነ ኦዳበይኩ።

20 ባረ ሀርያ ቶጋደ ደርያና ዱገ ዛንጋራ ዋድያ ዋደ፣ ዳዊተነ እ አሳይ ኢኮ ሰሚደ ዱገ ዋዲኖ፤ እዛ ኡንቱንቱና ጋከታዱ።

21 ዳዊተ ባረ ዋዛናን፣ “አባጥ አያይነ ገጭናዳን ታን ሀ ብታንያ አቁዋ ኡባ ናጌዳዌ ጮ መላ፤ ታን ሎኤዳዋ ኩሽያ እ ታዉ ኢታ ዛሬዳ።

22 ዋንታ ጉራ ጋካናዉ፣ ታን አባ ግዴዳ ኡባጥ እት አቲማዋነ ገጸ አጎጥ፣ ጸሰ ታና ገጸ አጎፖ” ያጌዳ።

23 አብጋላ ዳዊታ በኤዳ ዋደ፣ ሀርያጥ ኡላካ ዋዳክደ፣ ዳዊታ ሰንሳን ቢታን ጉፋናደ አዉ ዉትሻዱ።

24 እዛ አ ገድያን ኩንዳደ፣ “ሀይ ታ ጎዳዉ፣ ሀ ባይዙ ታ ጸላላሳ ግደ! ታና ነ ቆማቶ ሃሳይሳርኪ፤ ታን ነ ቆማታ ሃሳይያዋ ሰሳርኪ።

25 ሀ መቀሰ ባይና ኢታ ብታንያባ፣ ናባላባ ሰሶጋ፤ “ናባላ” ጉሳይ “ኤያ” ግያዋ፤ እ ባረ ሰንሳዳንካ ኤያ። ታ ጎዳዉ፣ ኑን ከቲዳ አሳቱዋ ታን ነ ቆማታ በአበይከ።

26 “መድና ጎዳይ ኤር! ነ ሸምፑ ኤር! ኑን ሱላ ጉሰናዳንነ ነ ኩሽያን ነ ሀሉዋ ከሰናዳን፣ ኑና ታ ጎዳ ተኤዳዌ መድና ጎዳ፣ ነ ሞርከቱነ ኑና ታ ጎዳ ቆሀናዉ ኮይያዋንቱ ናባላዳን ሀንኖ።

27 ሀ አምታይ ታን ነ ቆማታ ነዉ ታ ጎዳዉ አሄዳዌ ኑና ካልያ አሳቶ እመቶ።

28 ሀይ ታ ጎዳዉ፣ ታን ነ ቆማታ ባሌዳ ባላ አቶ ያጋ! ኑን መድና ጎዳ ኦላ ኦለትያ ድራዉ፣ መድና ጎዳይ ኑና ነ ዘረላ ካተያና። ኑን ደኤዳ ላይላ ኡባን ኢታተላይ ነ ቦላ ቤቶፖ።

29 “አያ አሳይነ ኑና ዋዳናዉ ኮዮጥ፣ እት ኡራይ ባረ አልኦ ሚሻ ናግያዋዳን፣ መድና ጎዳይ ነ ጸሳይ ኑና ሳሮ ናጋና። ሽን ሹቻ ያምባርሻን ኦልያዋዳን፣ እ ነ ሞርከቱዋ ደኡዋ አላና።

30 መድና ጎዳይ ታ ጎዳዉ አላናዉ ሃሳዬዳ ኬካተላ ኡባ ኦልያ ዋደነ እሰራኤልያ ቦላ ካተይያ ዋደ።

31 ጋሱ ባይናን ሱላ ጉሴዳዋን ዋይ ባረ ሀሉዋ ከሴዳዋን ታ ጎዳ ዋዛናይ ዳጋመናን ሀርገና። መድና ጎዳይ ነዉ ኬኬዳ ዋደ፣ ታና ነ ቆማቶ ደሳገ” ያጋዱ።

32 ዳዊተ አብጋሎ፣ “ኑና ታናና ጋከታናዉ ሀቼ ከቲዳ መድና ጎዳይ፣ እሰራኤልያ ጸሳይ ጋላተቶ።

33 ኑን ሎኦ ቆፔዳ ድራዉነ ታን አሳ ሱላ ጉሰናዳን ታ ኩሽያ ጭገተናዳን ድጌዳ ድራዉ፣ ከንጅታ።

34 ሄዌ ባይናዋ ግደጥ፣ ታን ኑና ቆሄናዳን ተኤዳ ደኡዋ መድና ጎዳይ፣ እሰራኤልያ ጸሳይ ኤር! ኑን ታናና ጋከታናዉ ኤሌላደ ዩነንቶ፣ ሳክይ ዋንታና ጋካናዉ፣ ናባላባ ግድያ እት አቲማ አሰነ ገጸ አተና” ያጌዳ።

35 አብጋላ አዉ አሄዳዋ እ ኩሽያጥ ዳዊተ አኪደ፣ “ኑ ሶ ሳሮ ጋካ። ታን ነ ቃላ ሰሳድ፤ ነ ኦሻካ አካድ” ያጌዳ።

36 አብጋላ ሰማደ ናባላኮ ይያ ዋደ፣ ካትያ ሶን ጊግያ ባላ ማላ ባላ ሞዚደ ሶን ኡቲዳ፤ ናባል ሎይላ ማላቲደ፣ ባረ ዋዛናን ናሸቲ፣ ሄዋ ድራዉ፣ ሳክይ ዋንታናዉ፣ አብጋላ አዉ አያነ ቃታበይኩ።

37 ዋንታ ናባል ማሉዋ ዛሬዳዋጥ ጉይያን፣ አ ማቻታነ ሀ የዉዋ ኡባ አዉ ኦዳዳ፤ ናባል ዋዛናይ ዳቡርና እ ጆሉ ጌዳ።

38 ታሙ ጋላሳጥ ሰምና፣ መድና ጎዳይ ናባል ሸጭና፣ እ ሀይቄዳ።

39 ናባል ሀይቄዳዋ ዳዊተ ሰሴዳ ዋደ፣ “መድና ጎዳይ ጋላተቶ! ናባል ታና ሸቄዳዋ ሀሉዋ እ ከሴዳ፤ ታን አ ቆማይ ኢታባ ኦርናዳን ተኤዳ፤ ናባል ኦሌዳ እታተላ መድና ጎዳይ አ ሁጲያን ዛሬዳ” ያጌዳ።

ሄዋጥ ጉይያን፣ ዳዊተ አብጋሎ አካናዉ ኪታ የዲደ ኦሽሴዳ።

40 ዳዊታ ቆማቱ ቃርመሎሳ ካታማ አብጋልኮ ቢደ፣ “ኑን ዳዊታ ገላናዳን ኑና አኪደ ባናዉ እ ኑና ኑኮ ከቲዳ” ያጌድኖ።

41 አብጋላ ቢታን ጉፋና ዉቲሻደ፣ “ታን ነ ቆማታ ነዉ ኪተታናዉነ ነ ቆማቱዋ ገድያ ማጫናዉ ጊጋ ኡታድ” ያጋዱ።

42 አብጋላ ኡላካ ደንዳደ ባረ ሀርያ ቶጋዳ፤ እ ዳንጋጽረቲ እቼሻቱ እዛ ካሊደ ቤድኖ፤ ዳዊታ ቆማታ ባደ፣ ዳዊታ ገላዱ።

43 ዳዊተ ሀዋጥ ካሰ እዝራኤልያ አሀኖአዋካ አኬዳ፤ ኡንቱንቱ ላአቲካ አ ማቻቱዋ።

44 ሳኦል ዳዊታ ማቻቶ፣ ባረ ናቶ ሚካሎ ጋለማ ካታማን የለቲዳ ላውሻ ናኦ ገልጽኤላዉ እሜዳ።

26

ዳዊት ሳኦል ሸምቸዋል እንዲሁ አሸዱ

1 ዚፋ አሳቱ ሳኦልን ግብአ ካታማ ቢደፈፈ፣ “ዳዊት ያሰምና ሰንፋን ደእያ ሀኪላ ግያ ደርያን ቆስት ኡቲዳ ግደኔ?” ያጌድኖ።

2 ሄዋጥ ጉዩ ሳኦል ደንዲደ፣ እስራኤላቱዋጥ ደረቲዳ ሄዙ ሻእ አሳቱዋ አኪደ፣ ዳዊታ ኮያናዉ ዚፋ ባዙዋ ቤዳ።

3 ሳኦል ያሰምና ሰንፋን ደእያ ሀኪላ ደርያ ቦላ ኦግያ ጋጸን ዲንካኔዳ፣ ሸን ዳዊት ሄ ዎራን ኡቲዳ። ሳኦል አ ካሊደ ያ ቤዳዋ ኤሪደ።

4 ጌድያዋንታ የዲደ፣ ሳኦል ቱሙካ ሄ ሳኦ ጋኬዳዋ ጌሹዳ።

5 ዳዊት ደንዲደ፣ ሳኦል ዲንካኔዳ ሳኦ ቤዳ፣ ሳኦልን ኦላ ጋዳዋይ ኔራ ናኦ አባኔር ግሴዳ ሳኦ ቤዳ። ሳኦል ጌሱዋ ግደን ግሴዳ፣ ኦላንቻቱ አ ዩሹዋን ደእኖ።

6 ዳዊት ሂትያ አብመሌካን ጸሩያ ናኦ ዮኦባ እሻ አብሻያ፣ “ሳኦል ሸቄዳ ሳኦ ታናና ባናዌ ኦኔ?” ያጌደ ኦቹዳ።

ሸን አብሻይ፣ “ታን ኔናና ባና” ያጌዳ።

7 ሄዋ ድራዉ፣ ዳዊትን አብሻይ ሄ ጋላሳ ቃማ ኦላንቻቱዋኮ ይያ ዎደ፣ ሳኦል ባረ ቶራ ሁጺሳና ቢታን ኤሲደ፣ ጌሱዋ ግደን ግሴዳዋ ደሜድኖ። አባኔርን ኦላንቻቱ አ ዩይ አጲደ ግሴድኖ።

8 አብሻይ ዳዊታ፣ “ጸሳይ ነ ሞርክያ ሀቼ ነ ኩሽያን አሉ እሜዳ፣ ታን ታ ቶራን አ እት ገደ ቢታና ጋላደ ሰካይ፣ ታን አ ላኡ ጌደ ጫዳናዉ ኮሸና” ያጌዳ።

9 ሸን ዳዊት አብሻያ፣ “ኔን አ ዎጲ፣ መጵና ጎዳይ ኦኬዳ ካትያ ቦላ ባረ ኩሽያ ደንሉያ ኦናን ጸሳይ ሙራና” ያጌዳ።

10 ቃይካ እ አብሻያ፣ “መጵና ጎዳይ ኤር! መጵና ጎዳይ አ ሸጫናዋ ታን ኤራይ፣ ባረ ጋላሳይ ጋክና እ ሀይቃና፣ ዎይ ኦላታናዉ ቢደ እ ጳያና።

11 መጵና ጎዳይ ኦኬዳ ካትያ ቦላ ታን ኩሽያ ደንፍናን ታና መጵና ጎዳይ ተኦ። እነ አ ሁጺሳን ደእያ ቶራን ሃላ ኦቲዋ አካደ ደንዳ” ያጌዳ።

12 ሄዋጥ ጉዩ ዳዊት ሳኦል ሁጺሳን ደእያ ቶራን ሃላ ኦቲዋ አኬዳ፣ ኤንቱንቱ ቤድኖ። ሸን ኤንቱንታ ኦንነ በእቤና፣ ዎይ ኦንነ ኤርቤና፣ ዎይ ኦንነ ቤትቤና፣ መጵና ጎዳይ ዎልቃማ ገምእሹዋ ኤንቱንቱ ቦላ የጌዳ ድራዉ፣ ኡባቱካ ገምእሹዋ ታይሮቲድኖ።

13 ዳዊት ሄፍንላ ፕኒደ፣ ሀራ ደርያ ሁጺያን ኤንደና ሳኦን ሃኪደ ኤቄዳ።

14 ዳዊት ሳኦል ኦላንቻቱዋን ኔራ ናኦ አባኔራ፣ “አባኔራ! አባኔራ! ታን ጸሰያዋ ሰሰኪ?” ያጌደ ዋሴዳ።

አባኔር፣ “ሀ ጸሰደ ካትያ ገምእሹዋ ድግያዌ ኦኔ?” ያጌዳ።

15 ሄዋጥ ጉዩ ዳዊት፣ “ኔን ዎዛናማ አሳ ግድኪየ? እስራኤልያ ግደን ነ ማል ኦን ደኢ? ያትና፣ ካትያ ነ ጎዳ አያዉ ናግኪ? አያዉ ጎጥ፣ እት አሳይ ካትያ ነ ጎዳ ዎጳናዉ ያ ቤዳ።

16 ኔን ኦሌዳባይ ሎኦ ግደና። መጵና ጎዳይ ኤር! ኔንነ ነ ኦላንቻቱ መጵና ጎዳይ ኦኬዳ ሀንተንቱ ጎዳ ናግቤና ድራዉ፣ ኤንቱንቱ ሀይቃናዉ በሰ። ካትያ ቶራን አ ሁጺሳን ደእያ ሃላ ኦቲዋ በእይ?” ያጌዳ።

17 ሳኦል ዳዊታ ቃላ ግድያዋ ኤሪደ፣ “ታ ናኦዉ ዳዊታ፣ ሄዌ ነ ቃሌ?” ያጌዳ።

ዳዊት፣ “ኤ፣ ታ ጎዳዉ፣ ካትያዉ፣ ሄዌ ታ ቃላ” ያጌዳ።

18 ቃይካ እ ሳኦል፣ “ታ ጎዳዉ፣ ታና ነ ቆማ ኔን አያዉ ካላይ? ታን አይ ኦላድታ? ታን አይ ባይዛድታ?”

19 ሀእካ ታ ጎዳዉ፣ ካትያዉ፣ ኔን ታ ቃላ፣ ነ ቆማ ቃላ ሰሳናዳን ታን ኔና ዎሳይ፣ መጵና ጎዳይ ኔና ታ ቦላ ደንሌዳዋ ግደጥ፣ ያርሹዋ እ አኮ፣ ሸን አሳቱ ኔና ደንሌዳዋ ግደጥ፣ ኤንቱንቱ መጵና ጎዳ ሰንፋን ሸቀቲዳዋንታ ግድኖ! አያዉ ጎጥ፣ “ባረ፣ ሀራ ጸሳቶ ጎይና” ያጌደ፣ መጵና ጎዳ ቢታን ታዉ ደእያ ኤጸጥ ኤንቱንቱ ታና ሀእ ከሴድኖ።

20 ሀእ ሰም መጵና ጎዳ ሰንፋጥ ሃኪደ ደእያ ቢታን ታ ሱላ ጉሶ፣ እት አሳይ አካ ሻንካታናዉ ደርያ ሁጺያ ከሰያዋዳን፣ እስራኤልያ ካቲ እት ካቶልያ ኮያናዉ ከሴዳ” ያጌዳ።

21 ሳኦል ዳዊታ፣ “ታን ናጋራ ኦላድ። ታ ናኦዉ ዳዊታ፣ ሃ ሰማ! ሀቼ ቃማ ኔን ታና ሀይቁዋጥ አሸዱ ድራዉ፣ ታን ኔና ላኤንላ ገንከ። ቱሙጥ ታን ኤያባ ሀናድ፣ ዎልቃማ ባላ ባላድ” ያጌዳ።

22 ዳዊት፣ “ካትያዉ፣ ነ ቶራይ ሀዌሽ፣ ነ አሳቱዋ እት አሳይ ዩደ አኮ።

23 አሳይ ሁጺያን ሁጺያን ጸሌዳባዉን አማነቲዳባዉ መጵና ጎዳይ አ ጋትያ ጭጌ። ኔና መጵና ጎዳይ ሀቼ ታ ኩሽያን አሉደ እሜዳ፣ ሸን መጵና ጎዳይ ኦኬዳ ካትያ ቦላ ታን ታ ኩሽያ ደንፋናዉ ደሳባይከ።

24 ታን ቱሙ ሀቼ ኔና አሸዋዳን መጵና ጎዳይ ታናካ አሸ፣ ቃይ መቱዋ ኡባጥ ታና ዎላ አኮ” ያጌዳ።

25 ሳኦል፣ “ታ ናኦዉ ዳዊታ፣ ኔን አንጀታ። ኔን ግታባ ኦላና፣ ኔን ቱሙጥ ጸናና” ያጌዳ። ዳዊት ባረ ኦግያ ቤዳ፣ ሳኦልካ ባረ ሶ ሰሜዳ።

27

ዳዊት ፕልሰጾማ ቢታ ባቃቲዳ

1 ዳዊት ባረ ዎዛናን፣ “እት ጋላሰ ታን ሳኦል ኩሽያን ዳባታና፣ ታን ፕልሰጾማ ጋድያ ባቃታናጥ አትና፣ ሀራባይ ታዉ ሎኤና። ያትና፣ ሳኦል እስራኤልያ ቢታ ኡባን ታና ኮይያዋ አጋና፣ ያቶጥ ታን አ ኩሽያጥ ከሳ አካና” ያጌደ ቆፔዳ።

2 ሄዋ ድራዉ፣ ዳዊትን አናና ደእያ ኡሱቸን ጾቱ አሳቱ ደንዲደ፣ ጋተ ካትያ ማኦካ ናኦ አኪሻኮ ቤድኖ።

3 ዳዊትን አ አሳይ አኪሻራ ጋተን ኡቲድኖ። አሳይ ኡባይ ባረ ሶ አሳ አሳ አኪደ ቤዳ፣ ዳዊትካ ባረ ማቻቱዋ፣ እዝራኤልያ አሀናኦን ናባላ አምኦታ፣ ቃርመሎሰያ አብጋሎ አኪደ ቤዳ።

4 “ዳዊተ ጋተ ባቃቱዳ” ግያዋ ሰሲደ፡ ሳኦል ላኤንሉዋ ኦ ኮይያዋ አግ ባሼዳ።

5 ዳዊተ ካትያ አኪሻ፡ “ኔን ታናን ናሽቶተ፡ ታን ያን ደእና ማላ፡ ነ ካወተላን ደእያ ካታማቱዋተ እትኖ ታዉ እማ። ታን ነ ቆማይ ካቲ ደእያ ካታማን ኔናና እትተ አያዉ ኡታኔ?” ያጌዳ።

6 ሄ ጋላሰ አኪሽ ጽቅላጋ ካታማ ዳዊተዉ እማዳ፤ ሀቼ ጋካናዉካ ጽቅላጋ ካታማይ ይሁዳ ካተቱዋሳ ግዲደ አቲዳ።

7 ዳዊተ ፕልሰጾማ ቢታን እት ላይላን ኦይዳ አግና ደኤዳ።

8 ዳዊተን አ አሳቱ ፑደ ቢደ፡ ጋሹራቱዋ፡ ግርዘቱዋን አማሌቃቱዋ ኦሊኖ። በኒደተ ደሚደ፡ ሄ አሳቱ ሹራተ ቢደ ግብጾ ጋካናዉ ደእያ ቢታን ደኤዳኖ።

9 ዳዊተ ሄ ቢታ ኦልያ ዋደ አዉደን ሄ ቢታን ደእያ ማጫዋ ግዲና፡ አቱማዋ ግዲና፡ ፓጸ አግቤና፤ ዶርሳን ሚዛ፡ ሀርያን ጋሉዋ፡ ማዩዋካ አኬዳ፤ ያቲደ አኪሻኮ ሰሜ።

10 አኪሽ፡ “ሀቼ ሀቃን ሸቄድቱ?” ያጌደ ዳዊታ ኦቼ።

ዳዊተ፡ “ኔጌባ ዋራን ደእያ ይሁዳ አሳቱ ቦላ፡ ዋይ ይራሀማኤላ አሳቱ ቦላ፡ ዋይ ቄና አሳቱዋ ቦላ ሸቄደ” ያጌ።

11 ኡንቱንቱተ እት አሳይን ጋተ ካታማ ዩደ፡ “ዳዊተ ሀዋ ኦሌዳ” ጌደ ኦደና ማላ፡ ዳዊተን አ አሳቱ ማጫዋ አቱማዋ አሸናን ወርሰ ዋዲኖ። ዳዊተ ፕልሰጾማ ቢታን ደኤዳ ዋደ ኡባን ሄዋዳን ኦሌዳ።

12 አኪሽ ዳዊታን አማነቲደ፡ “ዳዊተ ባረ አሳን፡ እሰራኤላን ሎይሰ እጸቲዳ፤ ሄዋ ድራዉ፡ እ ታዉ መድናዉ ቆማ ግዳና” ያጌደ ቆጅዳ።

28

ሳኦላን ኤንደረ ሻሪቻቶ

1 ሄ ዋደ ፕልሰጾማ አሳቱ እሰራኤላቱዋ ኦላናዉ ባረንቱ ኦላንቻቱዋ ሸሸድኖ። አኪሽ ዳዊታ፡ “ኔን ነ አሳቱ ታናና ኦላ ባናዋ ቱሙ ኤራ ኡታ” ያጌዳ።

2 ዳዊተ፡ “ሄዋ ግደተ፡ ታን ነ ቆማይ ኦላናባ ኔን በእና” ያጌዳ።

አኪሽ፡ “ዳር ሎእ፤ ታን ኔና ታ ደኤዳ ላይላ ኡባን ታና ናግያዋ ከሳና” ያጌዳ።

3 ሀዋተ ካሰ ባጋን ሳመላ ሀይቂና፡ እሰራኤልያ አሳቱ ኡባቱ አዉ ዩኪደ፡ አ ካታማን ራማን አ ሞጌድኖ። ሳኦል ሞይትልያ ጾሰያዋንታን ሻሪቻቱዋ እሰራኤልያ ቢታተ የደርሲደ ከሰ ድጌዳ።

4 ፕልሰጾማ ኦላንቻቱ ሸቄደ ዩደ፡ ሹኔማ ካታማን ኡቲድኖ፤ ሳኦላካ እሰራኤልያ አሳ ኡባ ሸሸደ፡ ግልቦአ ደርያን ኡቲዳ።

5 ሳኦል ፕልሰጾማ ኦላንቻቱዋ በኢደ ያዩዳ፤ አ ዋዛናይካ ሎይሰ ዳጋማዳ።

6 ሄዋ ድራዉ፡ እ አይ ኦላንቶን መድና ጎዳ ኦቼዳ፤ ሸን መድና ጎዳይ አኩሙዋን

ግዲና፡ ዋይ ኡሪዋያን ግዲና፡ ዋይ ትምቢትያ ኦድያዋንቱ ባጋና ግዲና፡ አዉ ኦድቤና።

7 ሄዋተ ጌይያን፡ ሳኦል ባረ ቆማቱዋ፡ “ሞይትልያ ጾሰያ ሻሪቻቱዋ ታዉ ኮይተ፤ ታን ኢኮ ባደ እዘ ኦቻና” ያጌደ አዛዜዳ።

ሳኦል ቆማቱ፡ “ሞይትልያ ጾሰያ እት ሻሪቻታ ኤንደረን ደአዉ” ያጌድኖ።

8 ሳኦል ባረና ኤርሰና ማላ ሀራ ማዩዋ ማዩደ፡ ላኡ አሳቱዋ አኪደ፡ ቃማ ሄ ሻሪቻትኮ ቤዳ፤ ሞሽራቶ፡ “ሀያና ታዉ እት ሞይትልያ ጾሳርኪ፤ ታን ሱንላ ኦድና አሳ ታዉ ደንሳርኪ” ያጌዳ።

9 ሄዋተ ጌዩ ሞሽራታ፡ “ሞይትልያ ጾሰያዋንታን ሻሪቻቱዋ እሰራኤልያ ቢታተ ሳኦል ዋት የደርሰ ከሴደንቶ፡ ቱማ ኔን ኤራሳ። ታና ዋድሳናዉ ኔን ታዉ አያዉ ጲርያ የጋይ?” ያጋዲ።

10 ሳኦል ሞሽራቶ፡ “መድና ጎዳይ ኤር! ኔን ሀዋ ድራዉ ሙራታካ” ያጌደ መድና ጎዳን ጫቄዳ።

11 ያትና፡ ሞሽራታ፡ “ታን ነዉ ኦና ደንላ?” ያጋደ ኦቻዳ።

ሳኦል፡ “ሳመላ ታዉ ደንላ” ያጌዳ።

12 ሻሪቻታ ሳመላ በኦደ፡ ዋሱዋ ጸላዲ፤ ሳኦል፡ “ኔን ታና አያዉ ጭማድ? ኔን ሳኦል ግድኪ!” ያጋዲ።

13 ካቲ፡ “አይን ባዋ፤ ያዮፓ! ነዉ አዩ ቤትያዊ?” ያጌዳ።

ሞሽራታ፡ “እት ሞይትሊ ቢታ ግደተ ከሰያዊ ቤቱ” ያጋዲ።

14 ሳኦል ሞሽራቶ፡ “እ አይ ማላቲ?” ያጌዳ።

ሞሽራታ፡ “አፍላ ማዬዳ እት ጭማ ብታኒ ከሴዳ” ያጋዲ።

ሳኦል ሄ ብታኒ ሳመላ ግዴዳዋ ኤሪደ፡ አ ሰንሳን ሳኦን ግሲደ ጉፋኔዳ።

15 ሳመል ሳኦል፡ “ታና ዱፋዋተ ደንላደ አያዉ ሻባራይ?” ያጌዳ።

ሄዋተ ጌዩ ሳኦል፡ “ታን ዳርተ ኡንኤታድ፤ አያዉ ጎተ፡ ፕልሰጾማ አሳቱ ታና ኦሊኖ፤ ጾሳይካ ታተ ሻከቲዳ፤ ትምቢትያ ኦድያዋንቱ ባጋና ግዲና ዋይ አኩሙዋን ግድና፡ እ ታን ኦቻያዋ ኦደና። ሄዋ ድራዉ፡ ታን ኦላናባ ኔን ታዉ ኦዳናዳን ኔና ጾሳድ” ያጌዳ።

16 ሳመል፡ “መድና ጎዳይ ሻከቲደ ነ ሞርክያ ግድክቸዋተ እትና፡ ታና አያዉ ዘረታ በሳይ?”

17 መድና ጎዳይ ታ ባጋና ካሰት ኦዴዳዋ ኦላ ክቼዳ፤ መድና ጎዳይ ካወተላ ኔተ ቦንቄ አኪደ፡ ነ ሸር ዳዊታዉ እም ድጌዳ።

18 ኔን መድና ጎዳዉ አዛዘታቤና ድራዉን አ ሀንቁዋ ሱልያዋ አማሌቃ አሳቱዋ ቦላ ፖላቤና ድራዉ፡ መድና ጎዳይ ሀቼ ሀ የወዋ ነ ቦላ ኦሌ።

19 ኔናን እሰራኤልያ፡ መድና ጎዳይ ፕልሰጾማ አሳቶ አላ እማና፤ ኔን ነ ናናይ ዋንት ታናን ጋከታናዉ፤ መድና ጎዳይ እሰራኤልያ ኦላንቻቱዋ ፕልሰጾማ አሳቶ አላ እማና” ያጌዳ።

20 ሳኦል ሳመላ ኦዲዋ ሰሲደ ያዩዳ ድራዉ፡ ኤላካ ቢታን ደልጩ ጌደ ከጎድ አጌዳ። ሳኦል

28:3 ዋጋ 20:27፤ ዛረ. 18:10-11፤ 1 ሳሜላ 25:1 28:6 ፓይ. 27:21 28:17 1 ሳሜላ 15:28 28:18 1 ሳሜላ 15:3-9

ሄ ጋላሳ ኩሙንላን ቃማ ኩሙንላ ቁማ ሞቤና ድራው። አ ዋልቃይ እጹዳ።

21 ሄ ሞሽራታ ሳኦላኮ ያደ። እ ሎይሳ ኮኮርያዋ በአደ። “ታን ነ ቆማታ ነው አዛዘታድ፤ ኔን ታና ኦቼዳዋ ታ ሸምቸዋ አጋደ አላድ።

22 ሀእ ታን ነ ቆማታ ግያዋ ሀያና ሰሳ፤ ኔን ማደ። ሞናደ ነ ኦግያ ባና ማላ። ታን ነው ጉላ ቁማ አላይ” ያጋዱ።

23 ሄዋጥ ጉየ ሳኦል። “ሚከ” ያጊደ እጹዳ። ሸን አ አሳቱ ሄ ሞሽራትናካ ግዲደ ሸቤድኖ፤ ሳኦል ሸብቲደ ቢታጥ ደንዲደ። ግሱዋን ኡቴዳ።

24 ሄ ሞሽራታ ኤለካ ባረ ሶን ደእያ ቦልትቦልታ ማራ ሹካ ባሻዱ፤ ጳልያ አካ ሙናቃደ። እርሹዋ የገናን ኡክላ ኡካዱ።

25 ያታደ ሳኦላውን አ አሳቶ አሰና። ኡንቱንቱ ሜድኖ። ሄ ጋላሰ ቃማ ደንዲደ ቤድኖ።

29

እኪሽ ዳዊታ ጉየ ጽቅላግ የዴዳ

1 ፕልሰጾማ አሳቱ ባረንቱ ኦላንቻቱዋ ኡባ አፊቃን ሺሼድኖ። እሰራኤላቱ እዘራኤላን ደእያ ሃላ ፑልትያ ማታን ኡቴድኖ።

2 ፕልሰጾማቱዋ ካፓቱ ባረንቱ ጾታቱዋ ጭታንን ሻአቱዋ ጭታን ሳልፔድኖ፤ ዳዊታን አ አሳይ እኪሻራ እትጥ ጉየ ባጋና ሳልፔድኖ።

3 ፕልሰጾማቱዋ ካፓቱ በእደ። “ሀ እብራዌቱ ሀዋን እይ ኦሊኖ?” ያጌድኖ።

እኪሽ ፕልሰጾማቱዋ ካፓቱዋ። “ሀዌ በን እሰራኤልያ ካትያ ሳኦላ ቆማ ዳዊታ ግደኔ? እ ዳር ዋደጥ ታናና እትጥ ደኤ፤ እ ሳኦላ ካዲደ ከሰደጥ ሀኖ ጋካናው። ታን እን ባላ ደማበይከ” ያጌድኖ።

4 ሸን ፕልሰጾማቱዋ ካፓቶ እኪሻ ሀንቀቲደ። “ሀ ብታንያ ኔን አው እሜዳ ካታማ ጉየ ዛራ፤ እ ኑናና ኦላ ቦጥ እ ኑና ዛሪደ ኦላና። እ ባረ ጎዳና ሰገላናው ኑ አሳቱዋ ቆድያ ሙጭያዋጥ ሀራ ሎእያባይ አዬ?

5 ቃይ ማጫ አሳቱ የጸድን ዱሪደ። ሳኦል ባረ ሻአ ዋዴዳ፤ ዳዊታ ባረ ታሙ ሻአ ዋዴዳ ያጊደ ሳቤዳዌ ሀ ዳዊታ ግደኔየ?” ያጌድኖ።

6 ሄዋ ድራው። እኪሽ ዳዊታ ጾሲደ። “መድና ጎዳይ ኤር! ኔን አማነትያ አሳ፤ ኔን ታናና ኦላው ባናዋ ታን ናሸታይ፤ ኔን ታኮ ዮደጥ ሀኖ ጋካናው። ታን ነ ቦላ ባላ ደማበይከ። ሸን ካፓቱ ኔን ኦላው ባናዋ ናሸትክኖ።

7 ኔን ሀእ ሰማደ ሳሩዋን ባ፤ ፕልሰጾማቱዋ ካፓቱዋ ናሸቼናዋ አይነ ኦላፓ” ያጌድኖ።

8 ዳዊታ እኪሻ። “ታን እይ ኦላድታ? ታን ኔናና ደኦደጥ ሀኖ ጋካናው። ታናን ባላ ደማበይከ ጋዳ፤ ያትና። ካትያ ታ ጎዳ ሞርከቱዋና ባደ እያው ኦላትክታ?” ያጌድኖ።

9 እኪሽ ዳዊታ። “ጸሳ ኪታንቻዳን ኔን ታው አማነትያዋ ግድያዋ ታን ኤራይ፤ ግደጥን። ፕልሰጾማቱዋ ካፓቱ። ‘እ ኑናና ኦላ ቦጥ’ ያጌድኖ።

10 ሀእ ሰም ዋንታና ደንዲደ። ኔናና ዬዳ ነ ጎዳ ቆማቱዋናካ እትጥ ሳኦይ ዋንትያ ወደ ቢተ” ያጌድኖ።

11 ዳዊታን አ አሳቱ ፕልሰጾማ ጋድያ ሰማናው ዋንታ ጉራን ደንዴድኖ፤ ፕልሰጾማ አሳቱካ ፑደ እዘራኤላ ቤድኖ።

30

ዳዊታ አማሌቃቱዋና ኦላቴዳ

1 ዳዊታን አ አሳቱ ሄዘንላ ጋላሰ ጽቅላጋ ካታማ ጋኬድኖ። አማሌቃ አሳቱ ኔጌባ ባዙዋን ጽቅላጋ ካታማ ማዬድኖ፤ ጽቅላጋ ካታማ ታማን ጸጌድኖ።

2 ጽቅላጋ ካታማን ደእያ ማቻቱዋን ናናቱዋጥ ጭማ ጋካናው ደእያ ኡባቱዋ አሞዴድኖ፤ ኡንቱንታ ኡባ እኪደ አፊድኖጥ እትና። እት አሳን ዋድብይክኖ።

3 ዳዊታን አ አሳቱ ጽቅላጋ ካታማ ጋክያ ዋደ። ካታማይ ታማን ጸጌትክቼዳዋን ቃይ ኡንቱንቱ ማጫ አሳቱ። ኡንቱንቱ አቱማ ናናይን ኡንቱንቱ ማጫ ናናይ አሞደትክቼዳዋ በኤድኖ።

4 ያትና። ዳዊታን አናና እትጥ ደእያ አሳይ ባረንቱ ዋልቃይ እጻና ጋካናው ዋሲደ ዬኬድኖ።

5 ዳዊታ ማጫ አሳቱ ላአቱ። እዘራኤልያ አሀኖአዋን ቃርመሎሰያ ናባላ አሞአት አብጋላ አሞደቲድኖ።

6 አሳይ ዳዊታ ሹቻን ጫዳናው ሃሳዬዳ ድራው። ዳዊታ ሎይሳ ቱጋቲዳ፤ እያው ጎጥ። እ አሳይ ኡባይ ባረ አቱማዋ ናናይን ማጫ ናናቱዋ ድራው። ሎይሳ ይሎቴዳ፤ ሸን ዳዊታ መድና ጎዳን ባረ ጸሳን ሞነቲዳ።

7 ዳዊታ አብመሌካ ናኦ ዌሰያ አብያታራ። “ኤፋድያ ሃ አካደ ያ” ያጌዳ፤ አብያታሪ ኤፋድያ ዳዊታው አሄዳ።

8 ዳዊታ መድና ጎዳ። “ታን ሀ ማዬዳዋንቱ ጌዱዋ ካላደ ቦ? ቦጥ ታን ኡንቱንታ ጋካኔ?” ያጊደ ኦቼዳ።

ጸሳይ። “ኤ፤ ኡንቱንታ ካላደ ባ፤ ኡንቱንታ ኔን ጋካናሳ፤ አሞደቲዳዋንታካ ዛራና” ያጌዳ።

9 ዳዊታን አናና ደእያ ኡሱፑን ጾቱ አሳቱ ደንዲደ ብሶራ ሻፋ ጋክና። አሳጥ አማራዳዋንቱ ያን አቴድኖ።

10 እያው ጎጥ። ላኡ ጾቱ አሳቱ ሻፋ ፕናናው ሎይሳ ዳቡራድኖ። ሸን ዳዊታን ኦይዱ ጾቱ አሳቱ ፓና ካሌድኖ።

11 ሄዋጥ ጉይያን። አሳቱ እት ግብጻዊያ ደምባን ደሚደ። ዳዊታኮ አሄድኖ፤ አው ኡሻናው ሃላ። ማናውካ ቁማ አሞና ሜዳ።

12 ቃይ ባላሰያ አይፍያ መላጥ ባካን ላኡ ወርጮ ዋይንያ ቱራ አው እሜድኖ፤ እ ሚደ ሞኔዳ፤ እያው ጎጥ። እ ሄዙ ጋላሰን ሄዙ ቃማ ቁማ ሞቤና ሃላካ ኡሸቤና።

13 ዳዊታ ሄ ብታንያ። “ኔን ኦሴ? ሀቃጥ ያድ?” ያጊደ ኦቼዳ።

ሸን ብታኒ። “ታን አማሌቃ ብታንያው አይላቴዳ ግብጾ አሳ፤ ሄዙ ጋላሳጥ ካሰ ታን ሳከቲዳ ድራው። ታ ጎዳይ ታና የግ ባሼዳ።

14 ኑን ይሁዳ አሳቱዋ ቦላ፡ ካሪታ አሳቱዋ ቦላን ካሌባ ያራቱዋ ቦላ ኔጌባ ዋራን ሺቄዶ፤ ጽቅላጋ ካታማካ ታማን ጸጌዳ” ያጌዳ።

15 ዳዊተ፡ “ኔን ታና ሄ ሺቄዳ ጭታኮ ካለላና ዳንዳያይ?” ያጌደ ኦቹዳ።

እ፡ “ኔን ታና ዋፍኖዳንን ታ ጎዳዉ አላደ እመናዳን ታዉ ጸሳን ጫቃ፤ ያቶ፡ ታን ኔና ኡንቱንቱኮ ዲገ ካለላና” ያጌዳ።

16 ሄዋ፡ ጉይያን፡ ብታኒ ዳዊታ ኡንቱንቱኮ ካለሊደ ጋሴዳ። ኡንቱንቱኮ ፕልሰጾመ ቢታፕን ይሁዳ ጋድያ፡ ኦሞዳባይ ሎይሳ ዳሮ ግዴዳ ድራዉ፡ ናሽቲደ ሚድን ኡሺደ ቢታ ኡባን ላለት ኡቲድኖ።

17 ሄ ጋላሰ ኦማርሳ፡ ቢደ ዋንተላ ጋላሳ ኦማርሳይ ጋካናዉ፡ ዳዊተ ኡንቱንታ ሸጮዳ፤ ጋሎዋ ቶጊደ ባቃቲዳ ኦይዱ ጾቱ ያላጋቱዋ፡ እትና፡ ሀራይ እት አሳይን እቲደ ብቤና።

18 አማሌቃ አሳቱ አፌዳ ኡባባ፡ ባረ ላኡ ማጫ አሳቱዋናካ ጉጂደ፡ ዳዊተ ዋሳ አኩዳ።

19 አሳቱ አሞድ አፌዳዋ፡ አያይን ፓጭቤና፤ ናናይ ዋይ ጭማይ፡ አቱማ ናናይ ዋይ ማጫ ናናይ፡ ኡንቱንቱኮ አሞድ አፌዳ ሀራባይ ኡባባይካ ፓጭናን ደኤ፤ ዳዊተ ኡባካ ዛሬዳ።

20 ቃይ ዳዊተ ዶርሳን ምያ ዉድያ ኡባ አሞዳዳ፤ ዳዊታ አሳይ እ አሞዳዳ ዉድያ ህንኮ መሀያ፡ ሰንላና ላጊደ፡ “ሀዌ ዳዊታ አሞዱዋ” ያጌዳ።

21 ሄዋ፡ ጉይያን፡ ዳዊተ ባረና ካላናዉ ዳቡራደ፡ ብሶራ ሻፋ ማታን አቲዳ ላኡ ጾቱ አሳቱዋኮ ዬዳ። ኡንቱንቱ ዳዊታን አናና እት፡ ደእያ አሳቱዋ ሞካናዉ ከሴድኖ፤ ዳዊተን አ አሳይ ኡንቱንቱኮ ሸቅና፡ ዳዊተ ኡንቱንታ ሳሮቲዳ።

22 ሸን ዳዊታና ቤዳዋንቱ ግደ፡ እት እት ፓሌና ኢታ አሳቱ፡ “ኡንቱንቱ ኑናና ብቤና ድራዉ፡ ኑን ዛሬደ እሄዳዋ፡ እያን ኡንቱንቱና ሻኮኮ፤ ኡንቱንቱ ባረንቱ ናናን ባረንቱ ማቻቱዋ አኪደ ቢኖ” ያጌድኖ።

23 ዳዊተ ኡንቱንታ፡ “ቱይት፤ ታ እሻቶ! መድና ጎዳይ ኑዉ እሚዳባን ህንተንቱ ሀዋዳን አላናዉ በሰና። እ ኑና ናጊደ፡ ኑ ቦላ ሺቄዳ ጭታ ኑዉ አሊደ እሚዳ።

24 ህንተንቱ ግያዋ ኦንን ማየና። ኦለታናዉ ቤዳዋንቱን ኑባ ናጊደ ሀዋን ጋምኤዳዋንቱ እት ላገላ ሻካና፤ ኡባዌካ እት ማላ ግዳና” ያጌዳ።

25 ሄ ጋላሳ፡ ደሚደ፡ ሀቼ ጋካናዉ፡ ዳዊተ እሰራኤልያ ቢታዉ ሄዋ ዋጋን አዋዩዋ አሊደ ዋሴዳ።

26 ዳዊተ ጽቅላጋ ካታማ ጋኬዳ ዋደ፡ ባረ ዳቦ ይሁዳ ጭማቱዋ፡ “መድና ጎዳ ሞርከቱዋ፡ አሞደቲዳዋ፡ ታን ህንተንቶ እምያዋ ሄይተ” ያጌደ አሞዱዋ፡ አማራዳዋ ያደዳ።

27 እ ሄዋ ቤቴለ፡ ኔጌባን ደእያ ራሞታን ያትራ ካታማቱዋን ደእያዋንቶ።

28 አርኤራ፡ ሰፍሞታ፡ ኤሽታሞእን

29 ራካላ ካታማቱዋን ደእያዋንቶ፡ ይራህማኤላ ካታማቱዋን ደእያዋንቶ፡ ቄና ካታማቱዋን ደእያዋንቶ።

30 ሆርማ፡ ቦርአሻና፡ አታካን

31 ከብርና ካታማቱዋን ደእያዋንቶ ያደዳ፤ እን አሳቱ ዩዬዳ ሳአቱ ኡባዉ ያደዳ።

ሳኦላን አ ናናቱዋ ሀይቁዋ

31

(31:1-13)

ሳኦል ባረና ዋዴዳ (1 ኦዲዋ 10:1-12)

1 ፕልሰጾማ አሳቱ እሰራኤልያ አሳቱዋና ኦለቲድኖ፤ እሰራኤልያ አሳቱ ፕልሰጾማ አሳቱዋ ሰንላ፡ ባቃቲድኖ፤ ዳሮ እሰራኤላቱ ግልቦኦ ደርያን ሀይቁድኖ።

2 ፕልሰጾማ አሳቱ ሳኦላን አ አቱማዋ ናና የደርሰ ጋኪደ፡ ሳኦላ ናና ዮናታና፡ አብናዳባን ማልክሹአ ዋዴድኖ።

3 አሳይ ሳኦላ ዩይ አጁደ ኡንኤሌዳ፤ ዋንዳፍያ አሳቱ አ ደሚዳ ዋደ፡ ዙቢያን አ ጫዲደ፡ ሎይሳ ማይትሴድኖ።

4 ሳኦል ባረ ኦላ ሚሻ ቶክያዋ፡ “ሀ ቃደረትቤናዋንቱ ዩደ፡ ታና ጫዲደ ካኤናዳን፡ ነ ማሻን ጫዲደ፡ ታና ኔን ዋቆ” ያጌዳ።

ሸን አ ኦላ ሚሻ ቶክያዋ ሎይሳ ያዬዳ ድራዉ እጾዳ፤ ሳኦል ባረ ማሻ ሳኦላን ኤሲደ፡ አ ቦላ ኩንዴዳ።

5 አ ኦላ ሚሻ ቶክያዋ ሳኦል ሀይቁዳዋ በኢደ፡ እካ ባረ ማሻ ሳኦላን ኤሲደ፡ አ ቦላ ኩንዲደ፡ ሳኦላና ሀይቁ አጌዳ።

6 ሀዋዳን ሀኒደ፡ ሳኦልን አ ናናይ ሄዛቱ፡ አ ኦላ ሚሻ ቶክያዋን አ አሳቱ ኡባይ ሄ ጋላሳ እት፡ ሀይቁድኖ።

7 ዋምባ፡ ጥርዳዳ ሻፋ፡ ሄፍንላ ባጋና ደእያ እሰራኤልያ አሳቱ እሰራኤልያ ኦላንቻቱ ባቃቲዳዋን ሳኦልን አ ናናይ ሀይቁዳዋ በኢደ፡ ኡንቱንቱካ ባረንቱ ካታማ አጊደ ባቃቲድኖ። ፕልሰጾማ አሳቱ ዩደ፡ ሄ ካታማቱዋ ኦይቁድኖ።

8 ዋንተላ ጋላሰ ፕልሰጾማቱ አሃቱዋ ቦላ፡ ኦላ ሚሻቱዋ ቃር አካናዉ ዩደ፡ ሳኦልን አ ናናይ ሄዛቱ ግልቦኦ ደርያን ሀይቁደ ግሴዳዋንታ ደሚድኖ።

9 ኡንቱንቱ ሳኦል ቆድያ ሙጩድኖን አ ኦላ ሚሻ ቃር አኩድኖ። ያቲደ ባረንቱ ቆማሻቱዋ ጎለንን ባረንቱ አሳ ግደን ጸኑዋ አዋያና ማላ፡ ፕልሰጾማ ቢታ ኡባዉ ኪታ ያደድኖ።

10 ሳኦላ ኦላ ሚሻ አሰታርታ ጌተትያ ኡንቱንቱ ጸሳት ጎልያ ግደን ዋሴድኖ፤ ሳኦላ አሃ ቤትሻና ጌተትያ ካታማ ግምቢያን ሞሰማርያን ድሺደ ሶቲድኖ።

11 ፕልሰጾማ አሳቱ ሳኦላ ኦሴዳዋ ጋላኦደን ደእያ ያቤሻ አሳቱ ሰሴዳ ዋደ።

12 ኡንቱንቱ ሞኖ አሳቱ ኡባይ ቃማን ደንድ ቢደ፡ ሳኦላ አሃን አ ናናቱዋ አሃ ቤትሻና ካታማ ግምቢያ፡ ዋሳ አኪደ፡ ያቤሻ ካታማ አሃደ ያን ጸጌድኖ።

13 ሄዋ፡ ጉይያን፡ ኡንቱንቱ መቀላ ማጽ አኪደ፡ ያቤሻን ደእያ ታማርሰካ ጌተትያ ሞላ ጋርሳን ሞጌድኖ፤ ያቲደ ላቱን ጋላሳ ጸሚድኖ።

ላኤንላ ሳሜላ ማጻፋ ገሎቀ

ሳመላ ማጻፋ ላኤንላ ክፍሌ፡ ሳመላ ማጻፋ ኮይሮ ክፍልያ ካልያዎ ግድድ፡ ዳዊተ ኮይሮ ገድሳ ሳጋ ይሁዳ ካትያ (1-4) ግዲድ፡ ታኪድ ቃይ ሁጲሳ ሳጋ ክፍልያ ግዴዳ እስራኤልያ ጉጂድ፡ ኩመንሳ ቢታወ ካትያ ግዲድ ሞዴዳዎ ኦድያ ታርክያ ኦይቄዳዎ (5-24)። ማጻፋይ ዳዊተ ባረ ካውተሳ እሳናውነ ባረ ማታ ሞንሳናው፡ ሶናነ ካረና ደእያ ሞርከቱዋና ኦሎቲዳ ሞኖ ኦላዎ ሎይሌድ ቆንጮሴዳ። ቃይ ዳዊተ ሞኖ አማኑ ደእያነ ጸሳ ሲቅያ አሳ ግድያዋነ አሳይካ አው አማነትያ አሳ ግድያዎ ኦዴ። ሄዎ ቦላንካ ቃይ እት እት መቀሰ ባይና ኦሶቱዋካ እ ኦሌዳዋነ ባረ አሹዋ አሙዋ አላናው ፓላ ዋልቃማ ናጋራቱዋ እ ኦሌዳዋካ ቆንጮሴዳ። ግድገነ ጸሳ አይል፡ ትምቢትያ ኦድያ ናታን አኮ ሸቂድ፡ አ ናጋራ አ ሀሳይሴዳ ዎድ፡ እ ባረ ናጋራ ፓጺድ ጸሳ ሙሩዎ እኬዳ።

ዳዊታ ደኡነ እ ኦሌዳ ኦሶቱ እስራኤልያ አሳ ሎይሳ ናሸቹዳ ድራው፡ አፕ ሰምና ደኤዳ ላይላቱዋን ኡንቱንቱ ቢታ ቦላ መቱ ጋክያ ዎድ ኡባን፡ ኡንቱንቱ ሀራ ካቲያ ኮዪድ፡ ዳዊታ ናእይ፡ ዎይ ዳዊታ ዛርያ ግዲድ፡ ዳዊታዎዳን ኡንቱንታ አይሴያ አሳ ደማናው አሞቲኖ።

ሸምፓቱዋ ኡባቶ አመቲዳ ቃንሳ ቆፋቱዋ

ዳዊተ ይሁዳን ካተቱሳ 1:1—4:12
እስራኤልያ ኡባ ቦላ ዳዊተ ካተቱሳ 5:1—24:25

- ሀ. ኮይሮ ላይላቱዋ 5:1—10:19
- ለ. ዳዊታን በርሳቤሆ 11:1—12:25
- ሐ. ዳዊታ መቱዋነ ቱጋ 12:26—20:26
- መ. ወርሰሳ ላይላቱዋ 21:1—24:25

ዳዊተ ይሁዳን ካተቱሳ

(1:1—4:12)

ዳዊተ ሳኦል ሀይቄዳዎ ሰሴዳ
1 ሳኦል ሀይቄዳዎፕ ጉይያን፡ ዳዊተ አማሌቃ አሳቱዋ ጸኔዳ ሳፕ ሰሜዳ፤ ጽቅላጋ ካታማን ላኡ ጋላሳ ታኬዳ።
2 ሄዛንላ ጋላሰ እት ብታኒ ካዮ ባረ ማዩዎ ፔዲድ፡ ባረ ሁጲያን ባና ላሊድ፡ ሳኦል ሄራፕ ዬዳ። ዳዊተኮ እ ዬዳ ዎድ፡ ሳኦን ግሲድ ጎይኔዳ።
3 ዳዊተ አ፡ “ኔን ሀቃፕ ያድ?” ያጊደ ኦቹዳ።
ሸን አ፡ “ታን እስራኤላቱዋ ሄራፕ ከሳ አካደ ያድ” ያጊደ።
4 ዳዊተ አ፡ “አያይ ከሴደንቶ አነ ታዉ ኦዳ” ያጊደ።
እ ዳዊታ፡ “ኑ ኦላንቻቱ ኦላፕ ባቃቲድኖ፤ ኑ አሳፕ ዳራቱ ሀይቄድኖ፤ ቃይ ሳኦልነ አ ናእይ ዮናታን ሀይቄድኖ” ያጊደ።

5 ኦዲዎ አሄዳ ዎዳላ ዳዊተ፡ “ሳኦልነ አ ናአ ዮናታን ሀይቄዳዎ ኔን አያን ኤራይ?” ያጊደ ኦቹዳ።

6 ዎዳላይ፡ “ካጫዳን ታን ግልቦአ ደርያን ደእሸን፡ ሳኦል ባረ ቶራ ጉፈቲድ ኤቄዳዎ በኣድ፤ ፓራ ጋረቱነ ፓራ አሳቱ ሳኦላኮ ማታቲድኖ።

7 ሄ ዎድ ሳኦል ዩሽ ጸሊድ ታና በኤዳ፤ ታና ጸሰና ታን፡ ‘አቤ!’ ያጋድ።

8 ሳኦል ታና፡ ‘ኔን ኦኔ?’ ያጊደ ኦቹዳ፤ ታን አው፡ ‘አማሌቃ አሳ’ ያጋድ ዛራድ።

9 ሄዎፕ ጉይያን ሳኦል ታና፡ ‘ታን ሎይሳ ማዲንጻድ፡ ሀይቆ ማታ ኡታድ፤ ኔን ታ ቦላ ከሳ ኤቃይ ታና ዎቶ’ ያጊደ።

10 እ ኩንዴዳዎፕ ጉይያን፡ ሀይቄዎፕ አተናዎ ኤሬዳ ድራው፡ ታን አ ቦላ ከሳ ኤቃይ አ ዎቶድ፤ አ ሁጲያን ደእያ ካላቻነ አ ቀሰያን ደእያ ሳጋይያ አካደ ኔኮ ታ ጎዳኮ አሃድ” ያጊደ።

11 ሄዎፕ ጉይያን፡ ዳዊተነ ዳዊታ አሳይ ካዮቲድ፡ ባረንቱ ማዩዎ ዳሬድ ፔዲድኖ።

12 ኡንቱንቱ ሳኦል፡ ዮናታን፡ መድና ጎዳ ኦላንቻቱነ እስራኤልያ አሳይ ኦላን ዉራዳ ድራው፡ አማርሰ ጋካናው ካዮቲድኖ፡ ዬኬድኖን ጸማድኖ።

13 ኦዲዎ አሄዳ ዎዳላ ዳዊተ፡ “ኔን ሀቃ አሴ?” ያጊደ ኦቹዳ።

ሸን እ ዳዊታ፡ “ታን በትያ አማሌቃ ብታንያ ናአ” ያጊደ።

14 ዳዊተ አ፡ “መድና ጎዳይ ኦኬዳ ካትያ ዎቶናው ነ ኩሽያ ደንላድ፡ አያው ያያበይኪ?” ያጊደ።

15 ዳዊተ ባረ አሳቱዋፕ እቱዋ ጸሰድ፡ “ባ፤ አ ዎቶ!” ያጊደ፤ እ አማሌቅያ ደቺድ ዎዲዳ።

16 ዳዊተ አማሌቅያ፡ “መድና ጎዳይ ኦኬዳ ካትያ ታን ዎቶድ ያጋድ ኔን ነ ደናን ማርካቲዳ ድራው፡ ነ ሱላ ጎሚ ኔና ኦይቆ” ያጊደ።

ዳዊተ ሳኦላውነ ዮናታናው ዝላሌዳ ዝላሳ

17 ዳዊተ ሳኦላውነ አ ናአ ዮናታናው ሀዋዳን ያግ ዝላሌዳ።

18 ይሁዳ አሳይካ “ዎንዳፍያ” ጌተትያ ሀ ዝላሳ ታማራና ማላ ዳዊተ አዛዜዳ፤ ሀ ዝላሳይ ያሻራ ማጻፋን ጸፈቲዳ።

19 “ኔኖ እስራኤላው፡ ነ ካፓቱ ነ ቶቃ ግሹዋን ሀይቄድኖ። ዎልቃማቱ ዋን ኩንዴድኖሻ!

20 ሀዋ ጋተ ካታማን ኦድፕተ፤ አሰቃሎና ኦገቱዋንካ አዋዮፕተ።

ሄዎ ሰሶፕ፡ ፕልሰጾማቱዋ ማጫ ናናይ ናሽታና፤ ሻማቱዋ ማጫ ናናይ ‘ሀሹ ጋና!’

21 “ህንተንቶ ግልቦአ ደረቶ፡ ህንተንቱ ቦላን እራይ ቡኮፕ፤ ከተርሳይካ ዎቶፕ።

ሄ ቢታ ጎሻይካ ካላ ሞኮፕ፤ አያው ጎፕ፡ ያን ዎልቃማ ጎንዳሊ ቱናባ ከሴዳ፤

ሳኦል ጎንዳሊካ ዛይትያን ቁጩትያዎ አጌዳ።

- 22 ጎራኤቴዳዋንቱ ሱጻጥነ፥
 ዋልቃማቱዋ አሹዋጥ፥
 ዮናታና ዋንዳፊ ጉየ ግቤና።
 ቃይ ሳኦላ ማሻይ ካለናን ሰምቤና።
- 23 “ሳኦላን ዮናታን
 አሳይ ሲቅያዋንታ ሎእያዋንታ፤
 ባረንቱ ሀይቁዋንካ ባረንቱ ፓጸንካ
 ሻከትባይክና።
 ኡንቱንቱ አርጋንጻጥካ አዲድ ኤሌልያዋንታ፤
 ጋሙዋጥካ አዲድ ምንያዋንታ።
- 24 “እስራኤልያ ማጫ አሳቶ፥
 ሳኦላው፥ ህንተንታ ዘኑነ አሌቆ ማዩዋ
 ማይዜዳዋዋ፤
 ዋርቃን ህንተንቱ ማዩዋ አሌቁሴዳዋን
 ዩክተ።
- 25 “ዋልቃማቱ ኦላን ዋን ኩንዴድኖሻ!
 ዮናታን ነ ቃቃ ግሹዋን ጎራኤት ግቤዳ።
- 26 ታ እሻ ዮናታና፥
 ታን ነዉ ካዮታይ፤
 ነ ታዉ ዳርፕ አልኡዋ።
 ኔን ታና ሲቅያ ሲቁ ማላልሰያዋ፥
 ማጫ አሳ ሲቁዋጥካ አዲድ ማላልሰያዋ።
- 27 “ዋልቃማቱ ዋን ኩንዴድኖሻ!
 ኦላ ሚሻይካ ዋን ድፕ ጌደ!”
 ያጊደ ዳዊተ ዘላሌዳ።

2

ዳዊተ ይሁዳ ቦላ ካተቲዳ

- 1 ሄዋጥ ጉይያን ዳዊተ፥ “ይሁዳ ካታማቱዋጥ
 እቱዋ ጉደ ቦ?” ያጊደ መድና ጎዳ ኦቼዳ።
 መድና ጎዳይ አ፥ “ኤ፤ ባ” ያጌዳ።
 ዳዊተ፥ “ሀቃ ቦ” ያጊደ ኦቼዳ።
 መድና ጎዳይ፥ “ከብርነ ባ” ያጊደ ዛሬዳ።
- 2 ዳዊተ ባረ ማቼቱዋ ላኦቱዋ፥ እዝራኤልያ
 አህናኦዋን ቃርመሎሰያ፥ ናባላ አምኦቶ አብጋሎን
 እኪደ፥ ከብርነ ካታማ ቤዳ።
- 3 ዳዊተ ባረናና ደእያ አሳቱዋካ ኡንቱንቱ ሶ
 አሳ ኡባና አህና፥ ከብርነን ኦ ሄራን ደእያ ጉጻ
 ካታማቱዋን ኡቲድኖ።
- 4 ይሁዳ አሳቱ ከብርነ ካታማ ዪደ፥ ያን
 ኡንቱንቱ ዳዊታ ይሁዳ አሳ ቦላ ካተያናዉ
 ኦኬድኖ።
 ሳኦላ ሞጌዳዋንቱ ያቤሻ ግልአደ ካታማ
 አሳቱዋ ግዴዳዋ ዳዊተ ሰሴዳ ዋደ።
- 5 አሳ ኪቲደ ኡንቱንታ፥ “ህንተንቱ ህንተንቱ
 ጎዳ ሳኦላ ሞጌዳ ኬካተጻ ድራዉ፥ መድና ጎዳይ
 ህንተንታ አንጅ።
- 6 ሀእካ መድና ጎዳይ አገና ሲቁዋን ቱማተጻ
 ህንተንታ በሶ፤ ቃይ ህንተንቱ ሀ ኬካተጻ ኦሌዳ
 ድራዉ፥ ታንካ ህንተንቶ ሎኦተጻን ኩሻያ ዛሬና።
- 7 ሀእ ዛር ሞንተ፤ ጻልተ፤ እያዉ ጎፕ፥
 ህንተንቱ ጎዳይ ሳኦላ ሀይቁክቼዳ፤ ቃይ ይሁዳ
 አሳቱ ታና ኦኪደ፥ ባረንቱ ቦላ ካተዬድኖ”
 ያጌዳ።

- እያቡሰተ እስራኤልያ ቦላ ካተቲዳ
- 8 ሳኦላ ኦላንቻቱዋ ጋዳዋይ ኔራ ናኦ አባኔር
 ሳኦላ ናኦ እያቡሰታ አኪደ፥ ማህናይማ ጌተትያ
 ሳኦ አፊዳ።
- 9 ሄዋጥ ካላ ጋላኦደ፥ አሴራ፥ እዝራኤላ፥
 ኤፍሬማ፥ ቢንያማን እስራኤልያ ቢታ ኡባ ቦላን
 ካተዬዳ።
- 10 ሳኦላ ናኦ እያቡሰተ እስራኤልያ ቦላ
 ካተትያ ዋደ አዉ ኦይታሙ ላይጻ፤ እ ላኡ ላይጻ
 ካተቲዳ፤ ሸን፥ ይሁዳ አሳይ ዳዊታ ካሌዳ።
- 11 ዳዊተ ከብርናን ይሁዳ አሳቱዋ ቦላ ላፑን
 ላይጻን ኡሱፑን አግና ካተቲዳ።

እስራኤልያን ይሁዳ ግዶን ደንዴዳ ኦላ

- 12 ኔራ ናኦ አባኔርነ ሳኦላ ናኦ እያቡሰተ አሳይ
 ማህናይማጥ ጋባኦና ካታማ ቤድኖ።
- 13 ጻሩይ ናኦይ እዮኦብን ዳዊታ አሳይ ከሰ
 ቢደ፥ ጋባኦና ዳጋቲዳ ሃጻ ማታን ኡንቱንቱና
 ጋከቲድኖ፤ እት ጭታይ ዳጋቲዳ ሃጻጥ ሄፍንጻ
 ባጋና ኡትና፥ እት ጭታይ ሀፍንጻ ባጋና ኡቲድኖ።
- 14 ያትና፥ አባኔር እዮኦብ፥ “አነ ዋዳላቲ
 ደንዲደ፥ ኦ ሰንጻን ኦላ ጋከትኖ” ያጌዳ።
 ሄዋጥ ጉየ ዮኦብ፥ “ኤና፥ ደንዲደ ጋከትኖ”
 ያጌዳ።
- 15 ሄዋ ድራዉ፥ ቢንያማ ባጋዉን ሳኦላ ናኦ
 እያቡሰተ ባጋዋ ታማን ላኡ አሳቱ ፓይዲዋን
 ከሲደ፥ ዳዊታ ባጋዋ ኤቁዳ ታማን ላኡ አሳቱዋና
 ኦላ ጋከቲድኖ።
- 16 እቲ እቲዋ ሁጲያ ኦይቂደ፥ ባረ ኦይቁዳዋ
 ሞይያን ሞይያን ማሻ ድርግንሏደ፥ እትፕ
 ሀይቁድኖ፤ ሄዋ ድራዉ፥ ጋባኦናን ደእያ ሄ ሳኦይ
 ሄልካት-ሀዙርም (ማሻ ጋድያ) ጌተቲ።
- 17 ሄ ጋላሰ ዋልቃማ ኦላይ ኦለትና፥ ዳዊታ
 አሳይ አባኔራን እስራኤልያ አሳን ጸኔዳ።
- 18 ጻሩይ ናናይ ሄዙ ዮኦብ፥ አብሻይን አሳሄል
 ሄ ሳኦን ደኢኖ፤ አሳሄል ገንእያዳን ኤሌሊደ
 ዋጾ።
- 19 አሳሄል ኡሸቻ ዋይ ሀድርሳ ጌናን አባኔራ
 የደርሱዋ ሰኬዳ።
- 20 አባኔር ጉየ ዛር ጸሊደ፥ “አሳሄል፥ ላ
 ኔኔ?” ያጊደ ኦቼዳ።
 አሳሄል፥ “ኤ ታና” ያጌዳ።
- 21 አባኔር አ፥ “እት ባጋ፥ ኡሸቻ ዋይ ሀድርሳ
 ሰማ፤ አሳቱዋጥ እቲዋ ኦይቃደ እ ኦላ ሚሻ ቃራ
 አካ” ያጌዳ፤ ሸን አሳሄል አ የደርሰያዋ አጋናዉ
 ኮይቤና።
- 22 ቃይካ አባኔር አሳሄላ፥ “ታን ኔና አያዉ
 ዋጾኦ? ታና የደርሰያዋ አጋ! ኔና ዋጳደ፥ ታን
 ነ እሻ እዮኦብ ዳሙዋ ዋታደ ጸላኔ?” ያጊደ
 ሴራዳ።
- 23 ሸን አሳሄል አ የደርሰያዋ አገናን እጾዳ።
 ሄዋ ድራዉ፥ አባኔር ቶራ ጉየ ቱምኢደ፥ አሳሄላ
 ኡሉዋ ጫዴዳ፤ ቶራይ ዘክያና ፕን ከሴዳ፤
 አሳሄል ሄ ሳኦን ኩንዲደ ሀይቁዳ። አሳሄል
 ሀይቁዳ ሳኦ ጋኬዳ አሳይ ኡባይ ሄዋን ኤቁዳ።
- 24 ሸን እዮኦብን አብሻይ አባኔራ የደርሴድኖ፤
 አዋይ ዉልያ ዋደ፥ ጋባኦና መላ ቢታ አፍያ
 ኦግያን ጊያሀ ካታማጥ ሰንጻ ባጋና ደእያ አማ
 ጌተትያ ዘዝያ ከሴድኖ።

25 ቢንያማ አሳቱ አባኔራ ጉየና ሺቄድኖ፤ እንቱንቱ እት ጭታ ግዲደ፤ እት ደርያ ሁጲያን ኤቄድኖ።

26 ሄዋጥ ጉይያን አባኔር እዮአባ ጾሲደ፤ “መጽናወ ኦላቲደ ደአኔየ? ሀዋ ወርሰሳይ ጫዋ ግዳናዋ ኔን ኤርኪ? ነ አሳቱዋ፤ ‘ህንተ እሻቱዋ የደርሰያዋ አግተ’ ጌናን አወደ ጋላይ?” ያጌዳ።

27 እዮአባ አባኔራ፡ “ጸሳይ ኤር! ኔን ሃሳየናን እንዳዋ ግድንቶ፤ ታ አሳይ ባረ እሻቱዋ ሳአይ ዋንታና ጋካናዋ የደርሳና ሸን” ያጌዳ።

28 ሄዋ ድራወ፤ እዮአባ ኡልቱዋ ፑኔዳ፤ አሳይ ኡባይ ኤቄዳ፤ እሰራኤላቱዋዛ ዛረሲደ የደርሰበይክኖ ዋይ ኦልበይክኖ።

29 አባኔርን አ አሳይ ሄ ጋላሳ ቃማ ኡባ ሳልፒደ አራባ ጋራራ ቤድኖ፤ ዮርዳኖሳ ሻፋ ፕኔድኖ። ጉራና ሀመቲደ ማህናይማ ሰሜድኖ።

30 እዮአባ አባኔራ የደርሰያዋ ባሺደ፤ ባረ አሳ ኡባ እት ሳኦ ሺሺዳ፤ ጾልያ ዋይ፤ አሳሄል ባይናን ዳዊታ አሳፕ ታማን ኡዱፑን አሳይ ፓጩዳ።

31 ሸን ዳዊታ አሳይ አባኔራ አሳፕን ቢንያማ ዛራቱዋፕ ሄዙ ጾታን ኡሱፑን ታሙ አሳቱዋ ዋዴድኖ።

32 አሳሄል አሃ አኪደ፤ ቤተሌመ ካታማን ደአያ አ አወዋ ዱፋዋን ሞጌድኖ፤ እዮአብን አ አሳይ ቃማ ሀመቲደ አቄድኖ፤ ዋንቱማላን ከብርን ካታማ ጋኬድኖ።

3

1 ሳኦላ አሳይን ዳዊታ አሳይ ዳር ዋድያ ኦላቲድኖ፤ ዳዊተ ኦላን ምን ምኒደ ብያ ዋይ፤ ሳኦላ አሳይ ዳቡር ዳቡር ቤዳ።

ዳዊታ አቱማ ናና

2 ከብርን ካታማን ዳዊታወ ናናይ የለቲድኖ፤ እዘራኤልያ አህኖአማ የሌዳ ባይራ ናአይ አምኖና፤

3 ቃርመሎሰያ ናባላ አምኦታ አብጋላ የሌዳ ናአይ ክልኦብ ሳኤንሎዋ፤ ጋሹራ ካትያ ታልማያ ናታ ማእካ የሌዳ አበሴሎም ሄዘንሎዋ።

4 ኦይደንሎ ሀጊት ናኦ አድንያ፤ እቼሸንሎ አቢጸል ናኦ ሻፋጽያ።

5 ኡሱፑንሎ ዳዊታ ማቻት ኤግል ናኦ ይትራአማ፤ ሀ ናናይ ኡባይ ከብርን ዳዊታወ የለቲድኖ።

አባኔር ዳዊታና ጫቀቲዳ

6 ሳኦላ አሳናን ዳዊታ አሳና ኦላትያ ዋይ፤ አባኔር ሳኦላ አሳቱዋ ግድን ምን ምኒደ ቤዳ።

7 ሳኦላወ አታ ናታ ርጽፎ ጌተትያ እት ጋራዳታ ደአወ፤ እያቡስተ አባኔራ፡ “ታ አወዋ ጋራዳትና እያወ አቃዲ?” ያጌደ ኦቼዳ።

8 አባኔር አ ሃሳያን ዳርሰ ይሎቲደ ያቡስታ፡ “ታና ኔን ይሁዳ ካና ሁጲ ጋድየ? ሀቼ ታን ነ አወዋ ሳኦላወ፤ አ እሻቶን አ ዳቦቶ ሎኣድ፤ ታን ኔና ዳዊታ ከሸያን አላደ እማበይከ። ሸን ሀኦ ኔን ታና ሀ ምሽራት ጋሱዋን ሞታዳ!

9-10 ሳኦላ ዛርያፕ ካወተላ ዋላ አኪደ፤ ዳነፕ ቢደ በርሳበሀ ጋካናወ፤ እሰራኤልያ ቦላን ይሁዳ ቦላ፤ ዳዊታ ካወተላ ኤሳናወ መጽና ጎዳይ ጫቁ ዋሌዳ ሀ የወዋ ታን ኦላና ጳዮፕ፤ ጸሳይ አባኔራ ጉፋንሎ” ያጌዳ።

11 እያቡስተ አባኔራወ ያዬዳ ድራወ፤ ሀራ ቃላ ቃትቤና።

12 አባኔር ከብርን ደአያ ዳዊተኮ፡ “ቢታይ ኦሴ? ኔን ታናና ቃላ ጫቁዋ ጫቃ፤ እሰራኤልያ አሳይ ኡባይ ኔኮ ሰማናዳን ታን ኔና ማዳና” ያጌደ ኪታ የዴዳ።

13 ዳዊተ፡ “ሎኦ! ታን ኔናና ቃላ ጫቁዋ ዋላና። ሸን ታን ኔና እትባ ኦቻይ፤ ኔን ታና በአናወ ይያ ዋይ፤ ሳኦላ ናቶ ሚካሎ ታወ አከናን ዮፓ” ያጌዳ።

14 ሄዋጥ ጉይያን፤ ዳዊተ ሳኦላ ናኦ እያቡስቱዋኮ ኪቲደ፤ “ጾቱ ፕልሰጾማቱዋ ቃራቱዋ ጭሎሻደ እኬዳ ታ ማቻቶ ሚካሎ ታወ አማ” ያጌዳ።

15 እያቡስተ ኪታ የዲደ፤ አ አሰና ላውሻ ናኦ ፓልጽኤላፕ ዋላ አኪደ አህሴዳ።

16 አ አሰናይ ባሁሪማ ካታማ ጋካናወ ዩኪደ አ ጌዱዋ ካሌዳ፤ አባኔር አ፤ “ጉየ ሰማደ ሶ ባ” ያጌዳ፤ ብታኒ ጉየ ሰሚደ ቤዳ።

17 አባኔር እሰራኤልያ ጭማቱዋኮ ቢደ፤ ሀዋዳን ያጌዳ፤ “ዳዊተ ህንተንቱ ቦላ ካተታና ማላ፤ ዳር ዋድያ አሞቲድታ፤

18 እነ ሄኮ ሀኦ ፖልተ! አያወ ጎፕ፤ መጽና ጎዳይ፤ ‘ታ አሳ እሰራኤልያ፤ ታን ፕልሰጾማ አሳቱዋ ከሸያፕን እንቱንቱ ሞርኪያ ኡባቱዋ ከሸያፕ ታ ቆማ ዳዊታ ባጋና አሻና ጌዳዋ ሀሳይተ” ያጌዳ።

19 አባኔር ቢንያማ ዛረቶ ዳማ ሃሳዬዳ፤ ሄዋጥ ጉይያን፤ እሰራኤልያ አሳይን ቢንያማ አሳይ ኡባይ ኦላናወ ኮዮዋ ኡባባ ዳዊታወ ኦዳናወ ከብርን ካታማ ቤዳ።

20 አባኔር ባረናና ላታሙ አሳቱዋ አኪደ፤ ከብርን ካታማ ቢና፤ ዳዊተ አሰነ አ አሳወ አሞታ ማኬዳ።

21 ሄዋጥ ጉይያን አባኔር ዳዊታ፡ “ኡንቱንቱ ኔናና ቃላ ጫቁዋ ጫቃታናዳን ነ ዋዛናይ አሞትያ ኡባ ሞዳናዳን፤ ታን ባደ እሰራኤልያ አሳ ኡባ ካትያወ ታ ጎዳወ ሺሻይ” ያጌዳ፤ ዳዊተ አባኔራ ሞይዚደ ሳር የዴዳ።

እዮአባ አባኔራ ዋዴዳ

22 ሄ ዋደ ዳዊታ አሳይን እዮአባ ኦላፕ ዳርባ ኦሞዲደ ሰሜድኖ፤ ሸን አባኔር ከብርን ካታማን ዳዊታና ደኤና፤ አያወ ጎፕ፤ ዳዊተ የድና አ ሳር ቤዳ።

23 እዮአብን አናና ደአያ ኦላንቻቱ ጋክያ ዋይ፤ አሳይ እዮአባ፡ “ኔራ ናኦ አባኔር ካትያ ዳዊታኮ ዩና፤ ካቲ አ የድና፤ አ ሳር ቤዳ” ያጌደ ኦዴዳ።

24 ሄዋ ድራወ፤ እዮአባ ካትያኮ ቢደ፤ “ሞናዲ! አባኔር ኔኮ ዩና፤ አያወ ሳር የዳድ? ሄኮ አ ቤዳ!

25 ኔራ ናአይ አባኔር ኔና ጭማናወ፤ ኔን ገልያሳን ከሰያ ሳኦ በአናወን ኔን ኦልያ ኡባባ ኤራናወ ዩዳ” ያጌዳ።

26 እየአበ ዳዊታ ሰንገላ፣ ከሲድ፣ አባኔራ ጌዲዋ ኪታ የዴዳ፣ ኡንቱንቱ አ ሲራ ሃላ ኦላ ሞያ፣ ጉየ ዛሬድኖ፣ ሸን ዳዊተ ሀ የወዋ ኤረና።

27 አባኔር ከብርክ ካታማ ጉየ ሰሚደ ዬዳ ዎድ፣ እየአበ አናና ዲማ ሃሳያናዎዳን ድርሳ ፐንግያ አ አፌዳ፣ ባረ እሻ አሳሄላ ሱላ አቻናወ አባኔራ ኡሉዋ ጫዳዳ፣ አባኔር ሄ ሳኣን ሀይቄዳ።

28 ዳዊተ ሀ የወዋ ሰሴዳዋ፣ ጉይያን፣ “ታንነ ታ ካወተላይ ኔራ ናአ አባኔራ ሱላን መድና ጎዳ ሰንገላን መድናወካ አሸቶኮ።

29 አ ሱላይ እየአባነ አ አወዋ ሶ አሳ ኡባ ኡቸ፣ አሸቶ ሶላ ማዲላይ ደእያ አሳይ፣ ዎይ ጋልባይ ሎይላ ሳክያ አሳይ፣ ዎይ ዎቢያ አሳይ፣ ዎይ ማሻን ሀይቄያ አሳይ፣ ዎይ ኮሻቲዳ አሳይ እየአባ ዛርያን ኡባካ ዳዮ፣” ያጌዳ።

30 ሄዎዳን ኦሊዳ፣ ጋባኦና ካታማን ከሴዳ ኦላን ባረንቱ እሻ አሳሄላ አባኔር ዎዴዳ ድራወ፣ እየአብነ አ እሻ አብሻይ አባኔራ ዎዴድኖ።

31 ዳዊተ እየአባነ አናና ደእያ አሳ ኡባ፣ “ህንተንቱ ማደዋ ፔድተ፣ ማቅያ ማይተ፣ አባኔራ ሻንቻማ ሰንገላን ሀመቲደ ዬክተ” ያጌዳ። ካቲ ዳዊተ ሻንቻማ ካሊደ ቤዳ።

32 አባኔር ከብርክን ሞገቲዳ፣ ካቲ ባረ ቃላ ዶቁሲደ ዲፋዋን ዬኬዳ፣ አሳይ ኡባይካ ዬኬዳ።

33 ካቲ አባኔራወ፣ “አባኔር ኤያ አሳዳን ሀይቃናወ በሲ?”

34 አ ኩሺ ቃሸት ቤና፣ አ ገዲካ ሳንሳላታን ቃሸት ቤና።

አሳይ ኢታ አሳቱዋ ኩሸያን ሀይቄያዎዳን አ ሀይቄዳ” ያጌደ ዝላሌዳ።

አሳይ ኡባይ አባኔራወ ዛረሊደካ ዬኬዳ።

35 ሳኦይ ፖኦ ደእሸን፣ ዳዊተ ኡክላ ማናዳን ሸባናወ አሳይ ኡባይ አኮ ዬዳ፣ ሸን ዳዊተ፣ “አዋ አይፊ ወለናን ደእሸን፣ ኡክላ ዎይ ሀራባ ባረናና በአፐ፣ ጸሳይ ታና ዎዶ” ያጌደ ጫቄዳ።

36 ካቲ ኦሌዳዎ አሳይ ኡባይ በኢደ ናሸቲዳ፣ ቱሙካ ካቲ ኦሌዳ ኡባባይ አሳ ኡባ ናሸቲዳ።

37 ሄዎ ድራወ፣ ሄ ጋላሰ ዳዊታ አሳይ ኡባይነ እሰራኤልያ አሳይ ኡባይ ካቲ ኔራ ናአ አባኔራ ዎዴሰቤናዎ አኬኬድኖ።

38 ካቲ ባረ ቆማቱዋ ሀዋዳን ያጌዳ፣ “እሰራኤልያ ቢታን ዎልቃማ አሳይነ ካቲ ሀይቄዳዎ ህንተንቱ እኬክክቲ?”

39 ታን ኦከቲዳ ካትያ ግደፐን፣ ሀቼ ታወ ሞዪ ፓጩዳ። ሀዋንቱ ጸሩይ ናናይ ታወ ሞኔድኖ፣ ኢታ ኦሌዳዎንቶ መድና ጎዳይ ኡንቱንቱ ኦሱዋዳን ዛር” ያጌዳ።

4

ያቡሰተ አሳ ኩሸያን ሀይቄዳ

1 ሳኦላ ናአይ ያቡሰተ አባኔር ከብርክን ሀይቄዳዎ ሰሴዳ ዎድ፣ አ ዎዛናይ ያዬዳ፣ እሰራኤልያ አሳይ ኡባይካ ዳጋሜዳ።

2 ሳኦላ ናአ ያቡሰተወ ጩጉዋ ካለላያ ላኡ ካፓቱ ደእኖ፣ እቱዋ ሱንገላይ ባኣና፣ የንኩዋ ሱንገላይ ረካባ፣ ኡንቱንቱ ቢንያማ ዛርያ ግዴዳ

4:4 2 ሳሜላ 9:3 4:10 2 ሳሜላ 1:1-16

ባኤርትያ ርሞና ናና። ባኤርታ ካታማይ ቢንያማ ባጋዳን ፓይደቲ፣

3 እያወ ጎፐ፣ ባኤርታን ደኤዳ አሳቱ ግታይማ ጋድያ ባቃቲደ፣ ሄደፐ ሀቼ ጋካናወ በትያዳን ያን ደኤድኖ።

4 ሳኦላ ናአ ዮናታናወ ላኡ ገዲ ሰሌዳ ናአይ ደኤ፣ ሳኦላን ዮናታና ዎሪ እዝራኤልያ፣ ጋኬዳ ዎድ፣ አ እቼሹ ላይላ ናኣ፣ ሄ ናአ ድቶያና አ አካደ ባቃታዲ፣ ሸን አ ባቃታናወ ድርቢሸን፣ ናአይ ኩንዲደ ሰላ ከሴዳ፣ ሄ ናአ ሱንገላይ ማንፍቦሼታ።

5 ባኤርትያ ርሞና ናናይ ረካብነ ባኣን ያቡሰተ ሶ ባናወ ከሴድኖ፣ ኡንቱንቱ ቢደ ሴታ ጋላሰ ጋኬድኖ፣ አ አዋፐ ሸሞፔ።

6 ኡንቱንቱ ሶይ ገሊደ ዛርጋ እክያዎ ማላቲደ ያቡሰታ ኡሉዋን ጫድና ሀይቄዳ። ረካብነ አ እሻ ባኣን ሌላን ገሌድኖ።

7 ኡንቱንቱ ሶይ ገልያ ዎድ፣ ያቡሰተ ቆልኦን አርሳን ግሴዳዎ ደሚደ፣ አ ኡሉዋ ጫዲደ ዎዴድኖ፣ አ ቆድያፐ ሙጩድኖ፣ ሙጩዳ ሁጲያ አኪደ፣ አራባ ጋራራ አፍያ ኦግያ ኦይቄደ፣ ቃማ ኡባ ሀመቲድኖ።

8 ያቡሰተ ሁጲያ ከብርክን ደእያ ዳዊተወ አሂደ ካትያ፣ “ኔና ዎዳናወ ኮዬዳ ነ ሞርክያ ሳኦላ ናአ ያቡሰተ ሁጲያ ሀዋ በአ፣ ሳኦላ ሶላንነ አ ናአ ሶላን ካትያ ኦ ጎዳ ሀሉዋ መድና ጎዳይ ሀቼ ከሴዳ” ያጌድኖ።

9 ሸን ባኤርትያ ርሞና ናና ረካባነ አ እሻ ባኣና ዳዊተ ሀዋዳን ያጌዳ፣ “መቱዋ ኡባፐ ታና አሸዳ መድና ጎዳይ ኤር!”

10 እት ብታኒ ታኮ ዬደ፣ ሞሽራቸዋ ኦድያዎዳን፣ ‘ሳኦል ሀይቄዳ’ ያጌደ ታወ ኦድና፣ ታን አ ጽቅላጋን ኦይቃደ ዎዴሳድ፣ ታን አ ሞሽራቸ እሜዳ ጋቲ ሄዎ።

11 ባረ ሶን ባረ አርሳን ግሴዳ ጽሎ ብታንያ ዎዴዳ ኢታ አሳቶ አ ሀሉዋ ከሰያዌ አይ ኬሻ ኢታንዴሻ! አ ሱላ ታን ህንተንቱ ኩሸያፐ ሀእ አቻና፣ ህንተንታ ታን ቢታ ሶላፐ ዳይሳና!” ያጌዳ።

12 ረካባነ ባኣና ዎዳናዳን ዳዊተ ባረ ኦላንቻቱዋ አዛዜዳ፣ ኦላንቻቱ ኡንቱንታ ዎዴድኖ፣ ኡንቱንቱ ኩሸያን ገድያ ቃንጽ ድገደ፣ ዳልባንላ ሃላ ማታን ከብርክ ካታማን ካቄድኖ። ያቡሰተ ሁጲያ አኪደ አፊደ፣ አባኔራ ዲፋዋን ከብርክን ሞኔድኖ።

እሰራኤልያ ኡባ ሶላ ዳዊተ ካተቱሳ

5

(5:1—24:25፣ 1 ኦዲዋ 11:1-9፣ 14:1-7)

ኮይር ላይላቱዋ (5:1—10:19)

1 እሰራኤልያ ዛርያ ኡባቱ ዳዊታኮ ከብርክ ካታማ ዬደ፣ “ኡን ነ አሸነ ነ ሱላ።

2 ካሰ ሳኦል ኦወ ካትያ ግዲደ ደእያ ዎድካ፣ እሰራኤልያ አሳ ኦላወ ካለፊዳዌ ኔና። መድና

4:4 2 ሳሜላ 9:3 4:10 2 ሳሜላ 1:1-16

ጎዳይ ኔና፡ ሄን ታ አሳ እስራኤልያ ሄማና፤ ኔን ኢንቱንቱ ቦላ ካተታና፡ ያግ ዋሌዳ” ያጌድና።

3 ሄዋ ድራው፡ እስራኤልያ ጭማቱ ኡባይ ዳዊታኮ ከብርን ካታማ ዬድና፤ እ ኢንቱንቱና ከብርንን መድና ጎዳይ ሰንሳን ቃላ ጫቁዋ ጫቀቱዳ፤ እስራኤልያ ቦላ ካተታናዳን ዳዊታ ኢንቱንቱ ኦኬድና።

4 ዳዊተ ካተትያ ዋደ አዉ ሀታሙ ላይላ፤ ኦይታሙ ላይላ እ ካተቱዳ።

5 ከብርን ካታማን ይሁዳ ቦላ ላቸን ላይላን ኡቡቸን አገና እ ካተቱዳ፤ የሩሳላሙን እስራኤልያ ኡባቱዋ ቦላን ይሁዳ ቦላ ሀታማን ሄዙ ላይላ ካተቱዳ።

ዳዊተ የሩሳላሙ ጸኔዳ

6 የሩሳላሙን ደእያ ያቡሳ አሳቱዋ ኦላናዉ ዳዊተን ዳዊታ አሳይ ቤድና፤ ያቡሳ አሳቱ፡ “ዳዊተ ሀ ካታማ ገላናዉ ዳንዳየና” ጊደ ቆፔድና። ያቲደ ኢንቱንቱ አ፡ “ኔን ሀ ሳኦ ገላካ፤ ሀራይ አቶ ሽን፡ ቆቀቱዋን ዋባቱ ኔና ተአናዉ ዳንዳዪና” ያጌድና።

7 ግደገ፡ ዳዊተ ጽዮንን ደእያ ኢንቱንቱ ጌቡዋ ኦይቆዳ፤ ጽዮን ዳዊታ ካታማ ጌተቱዳ።

8 ሄ ጋለሰ ዳዊተ ባረ አሳ፡ “ያቡሳ አሳቱዋ ጸንያ አሳይ ኦንን ዳዊታ ዋርከቱ፡ ሄ ‘ዋባቱን ቆቃቱ’ ደእያ ሳኦ ጋካናዉ፡ ሃላይ ጎጊደ ከሰያ ጸእያና ገላናዉ ኮሼ” ያጌዳ። ሄዋ ድራው፡ “ቆቀቱን ዋባቱ ካትያ ጎልያ ገልክና” ጌተቱዳ።

9 ዳዊተ ሄ ጌቡዋ ኦይቂደ፡ ያን ደኤዳ፤ ሄ ጌቡዋ ዳዊታ ካታማ ያጊደ ሱንሌዳ። ዳዊተ ሚሎፕ ደሚደ፡ ሄ ካታማ ዩሽ አሊደ ግምቢሴዳ።

10 ኡባገፕ ዋልቃማ መድና ጎዳ ዳሳይ አናና ደእያ ድራው፡ ዳዊተ ምን ምንደ ቤዳ።

11 ጸርሳ ካቲ ኪራም ዳዊታዉ አሳ ከቱዳ። ዘጋ ሙደላ፡ አናጸቱዋን ሹቻ ማሰያዋንታ አዉ የዳዳ፤ አሳቱ ዳዊታዉ ጎልያ ኬዶድና።

12 መድና ጎዳይ እስራኤልያ ቦላ አ ካትያ ኦሊደ ኤሴዳዋን ባረ አሳ እስራኤልያ ድራው አ ካዉተላ ቆቁ ኦሊደ ቦንቹዳዋ ዳዊተ ኤራዳ።

13 ዳዊተ ከብርናፕ የሩሳላሙ ዬዳዋፕ ጉይያን፡ ሀራ ጋራዳቱዋን ሀራ ማቹቱዋ ጉጂደ እኬዳ። ሀራ ማጫ ናናይን አቱማ ናናይ አዉ የለቱድና።

14 ያን አዉ የለቱዳ አቱማ ናና ሱንላይ ሻሙአ፡ ሸባባ፡ ናታና፡ ሶሎሞና፡

15 ይብሃራ፡ ኤልሹኦ፡ ነፊጋ፡ ያፍኦ፡

16 ኤልሻማኦ፡ ኤልያዳኦን ኤልፈሌዳ።

ዳዊተ ፕልሰጾማ አሳቱዋ ጸኔዳ

(1 ኦዲዋ 14:8-17)

17 ዳዊተ እስራኤልያ ቦላ ካትያ ግዲደ ኦከቱዳዋ ፕልሰጾማ አሳቱ ሰሴዳ ዋደ፡ ኢንቱንቱ ኡባይ ዳዊታ ኮያናዉ ከሴድና፤ ሽን ዳዊተ ሄዋ ሰሴዳ፡ ዲገ ግምቢያ ግደ ቤዳ።

18 ፕልሰጾማቱ ቃይካ ቢደ፡ ራፋይማ ዋምባን ላለቲደ ኡቲድና።

19 ሄዋ ድራው፡ ዳዊተ መድና ጎዳዉ፡ “ታን ባደ ፕልሰጾማቱዋ ኦሎ? ኔን ኢንቱንታ ታዉ አላ እማኒ?” ያጊደ ኦቹዳ።

መድና ጎዳይ ዳዊታ፡ “ኤ ኦላ፡ ታን ኢንቱንታ ነዉ አላ እማና” ያጌዳ።

20 ዳዊተ ባኦል-ፓራጺማ ግያ ሳኦ ቢደ፡ ያን ኢንቱንታ ጸኔዳ። ያቲደ ዳዊተ፡ “ሃላ ድኡ ቆሰ አድያዋዳን መድና ጎዳይ ታ ዋርከቱዋ ግዲዋና ታና አሌዳ” ያጌዳ። ሄዋ ድራው፡ ሄ ሳኦ ሱንላይ ባኦል-ፓራጺማ ጌተቱዳ። *

21 ፕልሰጾማቱ ባረንቱ ኤቃቱዋ ሄ ሳኦን የጊደ ቤድና። ያትና ዳዊተን አ አሳይ ሄ ኤቃቱዋ አኪደ አፊድና።

22 ፕልሰጾማቱ ጉየ ሰሚደ ቢደ፡ ላኤንሉዋ ራፋይማ ዋምባን ላለት ኡቲድና።

23 ዳዊተ መድና ጎዳ ላኤንሉዋካ ኦቹና፡ ጸሳይ አ፡ “ሰት ጋደ ፑደ ኢንቱንቱ ቦላ ቦፓ፤ ኢንቱንቱ ጉየና ዩያ አቆ፡ ቦእያ ምላፕ ሰንላ ባጋና ኦላናዉ ጊጋ።

24 ቦእያ ሁጲያን አላ ኮሻ ኔን ሰሰያ ዋደ ኤሌላ። አያዉ ሳፕ፡ ሄዋ ፕልሰጾማ ኦላንቻቱዋ ሸጫናዉ መድና ጎዳይ ኔፕ ሰንላዉ አዴዳ ግያዋ” ያጌዳ።

25 ዳዊተ መድና ጎዳይ አዘዜዳዋዳን ኦሌዳ፤ ገባአፕ ቢደ ገዜራ ጋካናዉ፡ ፕልሰጾማ ኦላንቻቱዋ ዳዊተ ዋዴዳ።

6

ጸሳ ታቦታይ የሩሳላሙ ዬዳ (1 ኦዲዋ 13:1-14፤ 15:25—16:6፤ 43)

1 እስራኤልያ ግደፕ ደረቲዳ ሀታሙ ሻኦ አሳቱዋ ዳዊተ ላኤንሉዋ ጸሴደ ሽሼዳ።

2 እን አ አሳይ ኡባይ ይሁዳን ደእያ ባኦላ (ቅርያትይ-አርም) ጌተትያ ካታማፕ ደንዲደ፡ ክሩብቱዋፕ ግዲዋን ባረ ካዉተላ አራታ ቦላ ኡቲዳ ኡባፕ ዋልቃማ መድና ጎዳ ሱንላን ጸሰቲዳ ጸሳ ታቦታ ያፕ አሀናዉ ቤድና።

3 ኢንቱንቱ ጸሳ ታቦታ ኦራላ ጋርያን ዋሊደ፡ ዘዘያ ሁጲያን ደእያ አብናዳባ ሰፕ አሄድና፤ አብናዳባ ናናይ ኡዘን አሀዮይ ኦራላ ጋርያ ካለሉና።

4 ያፕ ጸሳ ታቦታ አሀያ ዋደ፡ አሀዮ ታቦታፕ ሰንላና ሀመቱ።

5 ዳዊተን እስራኤልያ አሳይ ኡባይ ዲላን ማሰንቁዋ ዲጲደ፡ ካባሩዋ ባቂደን ዳዋላን ሻሽራ ቃሊደ፡ ባረንቶ ኩመንላ ዋልቃን መድና ጎዳ ሰንላን ናሽቲደ ቦንቹድና።

6 ናኮና ካላ ቡክያ ኡዲማ ጋክያ ዋደ፡ ቦራቱ ቆብትና፡ ኡዘ ባረ ኩሽያ የዲደ፡ ጸሳ ታቦታ ኦይቂዳ።

7 ኡዘ ታቦታ ቦቹዳ ድራው፡ መድና ጎዳ ሀንቁ ኡዘ ቦላ ኤጽ ከሴዳ። ጸሳይ አ ሸጭና፡ ሄ ሳኦን ጸሳ ታቦታ ምይያን ኤላካ እ ሀይቂ አጌዳ።

8 ጸሳ ሀንቁ ኡዘ ሸጭዳ ድራው፡ ዳዊተ ይሎቲዳ። ሄ ሳኦይ ሀቹ ጋካናዉ፡ ፕራዘ-ኡዘ (ኡዘ መኤዳ ሳኦ) ጌተቱ።

5:4 1 ካታ. 2:11፤ 1 ኦዲዋ 3:4፤ 29:27 5:6 ኢያሳ 15:63፤ ዳና. 1:21 * 5:20 ባኦል-ፓራጺማ- ሀ ሱንላ ብለላይ “ጸሴደ ገሌዳ ጎዳ” ግያዋ። 6:2 ከሳ 25:22 6:3 1 ሳሜል 7:1-2

9 ሄ ጋላሰ ዳዊተ መድና ጎዳጃ ያዩደ። “መድና ጎዳ ታቦታይ ታኮ ሰም ዋን ያኔ?” ያጌዳ።

10 ሄዋ ድራጫ። ዳዊተ ጸሳ ታቦታ ባረናና ዳዊታ ካታማ አሀናጃ ኮይቤና፤ ሄዋ አጊደ ግታትያ ኦቤድ-ኤደማ ግያ ብታንያ ሶ አፊዳ።

11 መድና ጎዳ ታቦታይ ግታትያ ኦቤድ-ኤደማ ሶን ሄዙ አግና ጋምኤዳ፤ መድና ጎዳይ እነ አ ሶ አሳ ኡባ አንጃዳ።

12 ሄዋተ ሰሚደ። “ጸሳ ታቦታ ድራጫ። መድና ጎዳይ ኦቤድ-ኤደማ ሶ አሳን አጫ ደእያ ኡባባ አንጃዳ” ያግያዋ ካቲ ዳዊተ ሰቤዳ፤ ሄዋ ድራጫ። ዳዊተ ኦቤድ-ኤደማ ሶ ቢደ። ጸሳ ታቦታ ዳዊታ ካታማ ናሽቻን አሄዳ።

13 መድና ጎዳ ታቦታ ቶኬዳ አሳቱ ኡቡቱቱዋ ታንጌዳ ፓይዱዋን ፓይዱዋን ኡንቱንታ ኤሲደ። እት ኮሩማን እት ቦልትቦልታ ማራ ዳዊተ ያርሼዳ።

14 ዳዊተ ሱፍያ ግያ ቃጭናፕ ዳደቱዳ ኤፋድያ ማዩደ። ባረጋ ደእያ ዋልቃ ኡባን መድና ጎዳ ሰንሳን ዱራዳ።

15 እነ እስራኤልያ አሳቱ ኡባቱ ናሽቻን ሆምቦጪድን ኡልቱዋ ፑኒደ መድና ጎዳ ታቦታ ዳዊታ ካታማ አሄድና።

16 መድና ጎዳ ታቦታይ ዳዊታ ካታማ ገልያ ዋደ። ሳኦላ ናታ መልኮላ ማሰኮትያና ጸላደ። ካቲ ዳዊተ መድና ጎዳ ሰንሳን ፓፕሺንን ዱርሸና በአዳ፤ ዳዊታ ባረ ዋዛናን ካጃዳ።

17 ዳዊተ መድና ጎዳ ታቦታ ዋላናጃ ደጌዳ ዱንካንያ ግደን ታቦታ አሂደ ዋሌድና፤ ዳዊተ ጹግያ ያርሹዋን እትተተላ ያርሹዋ መድና ጎዳጃ ያርሹዳ።

18 ዳዊተ ጹግያ ያርሹዋን እትተተላ ያርሹዋ ያርሸያዋ ፖሌዳዋፕ ጉይያን። ኡባፕ ዋልቃማ መድና ጎዳ ሰንሳን አሳ አንጃዳ።

19 እስራኤልያ አሳጃ ኡባጃ። ማጫዎ አቱማዎ ሁጲያን ሁጲያን እት እት ኮምፖ ኡክላ። እት እት ሙጶ አሹዋካ ዋይንያ ቴራ መላፕ ኮከቱዳ እት እት ኡክላ ግሼዳ። ሄዋፕ ጉይያን አሳይ ኡባይ ባረ ሶ ባረ ሶ ሰሜዳ።

20 ዳዊተ ባረ ሶ አሳ አንጃናጃ ሶ ሰሜዳ ዋደ። ሳኦላ ናታ መልኮላ አ ዋካናጃ ከሳደ። “ሹፋር አሳቱ ካሎ ሀመትያዋዳን። ሀቼ እስራኤልያ ካቲ ባረ ቆማቱዋ ማጫ ቆማቱዋ ሰንሳን ካሎቲደ። እያ ቦንቹቲደ!” ያጋዳ።

21 ዳዊተ። “ነ አጫዋፕነ አ ሶ አሳፕ አሉደ። ባረ አሳ እስራኤልያ ካላላናዳን ታና ደራዳ መድና ጎዳ ሰንሳን ዱራድ። ታን መድና ጎዳ ቦንቻናጃ ዱርያዋ አግከ።

22 ታን ሀዋፕ አላደ ብሮካ ታና ቶቻና፤ ታን ታ ሁጲያ ዘቂ አላና። ሽን ኔን ጌዳ ማጫ ቆማቱዋ ሰንሳን ታን ቦንቹታና” ያጌዳ።

23 ሄዋ ድራጫ። ሳኦላ ናታ ሚካላ ሀይቃና ጋካናጃ። ናኦ የላቢይኩ።

7

ጸሳይ ዳዊተዉ እማና ጌዳ ሀደታ (1 ኦዲዋ 17:1-15)

1 ካቲ ዳዊተ ባረ ካትያ ጎሊን ኡቴዳዋፕ ጉይያንን መድና ጎዳይ እ። አ ሞርከቱዋ ኡባፕ ሸምፕሴዳዋፕ ጉይያን።

2 ትምቢትያ ኦድያ ናታና። “ታን ዘጋፕ ኬጶቴዳ ጎሊን ደአይ፤ ሸን ጸሳ ታቦታይ ዱንካንያን ደኤ” ያጌዳ።

3 ናታን ዳዊታ። “አላናጃ ነ ዋዛናይ ቆፕዳዋ ኡባ ኪተታ፤ መድና ጎዳይ ኔናና ደኤ” ያጌዳ።

4 ሸን ሄ ጋላሳ ቃማ መድና ጎዳ ቃላይ ናታናኮ ዩደ።

5 “ባ፤ ታ ቆማ ዳዊታ ሀዋዳን ያጋ፤ መድና ጎዳይ ሀዋዳን ያጌ፤ ‘ታን ደአና ጎልያ ኬጶናዌ ታና ጋደ ቆፕይ?”

6 አያጃ ጎፕ። ታን እስራኤላቱዋ ግብጶ ጋድያፕ ከሴዳ ጋላሳፕ ደማደ ሀቼ ጋካናጃ ጎሊን ደአቢይከ፤ ታን ዱንካንያን ያን ሃን ዩያደ ደአድ።

7 ታን እስራኤልያ አሳ ኡባና ዩዬዳ ሳኦ ኡባን። ታ አሳ እስራኤልያ ሄማና ማላ። ታን ሱንጭዳዋንቱፕ አቱዋን ታጫ ዘጋ ጎልያ አያጃ ኬጶቢይኪ? ጋደ ኦቻቢይኪ” ያጌ ያጋ።

8 “ሄዋ ድራጫ። ሀአካ ታ ቆማ ዳዊታዉ ኦዳ፤ ኡባፕ ዋልቃማ መድና ጎዳይ ኔና ሀዋዳን ያጌ፤ “ታን ኔና ሄንሳ ጋደፕ። ዶርሳ ሄምያ ሳፕ ደንላደ። ታ አሳ እስራኤልያ ካላላናዳን አካድ።

9 ኔን ቤዳ ሳኦ ኡባን ታን ኔናና ግዳድ፤ ነ ሞርከቱዋ ኡባ ታን ነ ሰንሳፕ ድጋድ። ሀአ ሰም ታን ሀ ሳኦን ኤረቱዳ ዋልቃማ አሳቱዋ ሱንሳዳን ነ ሱንሳ ግታያና።

10-11 ቃይ ታን ታ አሳጃ እስራኤልያዉ ሳኦ እማደ። ኡንቱንታ ሄ ሳኦን ቶካና። ሄዋ ድራጫ። ኡንቱንቱ ባረንቱ ሳኦን ደአና፤ ላኤንሎ ኡንቱንቱ ሻባረትክና። በን ዋድያንን ታ አሳ እስራኤልያ ቦላ ዳናትያዋንታ ታን ሱንጭዳ ዋድያዳን። ኢታቱ ኡንቱንታ ዛረሊደ ናቂክና። ቃይ ታን ኔና ነ ሞርከቱዋ ኡባፕ ሸምፕሳና።

“ “ሄዋ ቦላንካ መድና ጎዳይ ባረ ሁጲያዉ ነ ዛራቱ ደአናዳን ነጫ ጎልያ ኬጶናዋ ኦዳ።

12 ነ ላይላይ ዉርና ሀይቃደ። ነ ማይዛ አዎቱዋን ጋከትያ ዋደ። ነ ጉልባታፕ የለቴዳ ናኦ ታን ደንላና፤ አ ካጫተላ ምንሳና።

13 ታ ሱንሳዉ ጎልያ ኬጶናዌ እ፤ ታን አ ካጫተላ አራታ መድናጃ ምንሳ ኤሳና።

14 ታን አጫ አጫዋ ግዳና፤ እካ ታጫ ናኦ ግዳናዋ። እ ባልያ ዋደ። ታን አ አሳ ጸምኦን። አሳይ ሸጭያ ልሱዋን አ ሴራና።

15 ሸን ታን ነ ሰንሳፕ ድጌዳ ሳኦላፕ ታ ሲቁ አከቱዳዋዳን። አፕ ኡባካ አከተና።

16 ነ ዛራቱን ነ ካጫተላይ ታ ሰንሳን መድናጃ ጋምአና፤ ነ ካጫተላ አራታይካ መድናጃ ምን ኤቃና” ያጌ ያጋ” ያጌዳ።

17 ናታን ጸሳይ አጫ ሳኦን ቆንጭሴዳ ቃላ ኡባ ዳዊታዉ ኦዳዳ።

6:11 1 ኦዲዋ 26:4-5 6:19 1 ኦዲዋ 16:43 7:12 ማዘ. 89:2-4፤ 132:11፤ ዮሃ. 7:42፤ ኪታ 2:30 7:14 ማዘ. 89:26-27፤ 2 ቆር. 6:18፤ አብራ. 1:5 7:16 ማዘ. 89:36-37

ዳዊታ ዎሳ
(1 ኦሩዋ 17:16-27)

18 ሄዋጥ ጉይያን፣ ካቲ ዳዊተ ዲንካንያ ገሊደ፣ መድና ጎዳ ሰንላን ኡቲዳ። ሀዋዲን ያገደ ዎሴዳ፤ “አቤት ኡባ ሞድያ መድና ጎዳዉ፣ ኔን ሀዋ ኡባ ታዉ ኦላናዉ ታን ኦኔ? ታ ሶ አሳይካ አይዎ?”

19 አቤት ኡባ ሞድያ መድና ጎዳዉ፣ ሀዋ ነ አይፍያ ሰንላን ጉላ ማላትና፣ ሰንላጥ ነ ቆማ ዘረቶ ሀናናዎካ ሃሳያዳ። ኡባ ሞድያ መድና ጎዳዉ፣ ሀዋ ኔን አሳዉ ኦዉካ ኦላያ ኦሱዋ ግደና።

20 “ሀዋጥ አድያዎ ታን ዳዊተ ነዉ አይ ጋናዉ ዳንዳያይታ? ኡባ ሞድያ መድና ጎዳዉ፣ ኔን ታና ነ ቆማ ኤራሳ።

21 ኔን ነ ቃላ ድራዉ፣ ነ ዎዛና ቆፋዳን ሀ ዎጋባ ኦላደ፣ ታና ነ ቆማ ኤርሳዳ።

22 “አቤት ኡባ ሞድያ መድና ጎዳዉ፣ ኔን አይ ኬሻ ግቲሻ! ነ ማል እቱን ባዎ፤ ኦን ኦ ሀይላን ሰሴዳዎዳንካ፣ ኔጥ አትና ሀራ ጸሳይ ባዎ።

23 ኔን ነ አሳ ኦላናዉ ዎዜዳ ነ አሳ እሰራኤልያ ማላትያ ሀራ ካዉተሐ ሳኦ ሶላን ባዎ። ኔን ኡንቱንቶ ኦሴዳ ግታን ማላልሰያ ኦሶቱ ጋሱዋን ነ ሱንላይ ቢታን ሳኦን ኤረቲዳ። ኔን ነ አሳ ሰንላጥ ሀራ ካዉተላቱዋን ኡንቱንቱ ጸሳቱዋ ላጋዳ።

24 ኔን ነ አሳ እሰራኤልያ መድናዉ ነዎ ኦላዳ። አቤት መድና ጎዳዉ፣ ኔንካ ኡንቱንቱ ጸሳ ግዳዳ።

25 “መድና ጎዳ ጸሳዉ፣ ሰሞ ሀኦ ኔን ነ ቆማዉን አ ዘረላዉ ኦላና ጌዳዎ መድናዉ ናገ፤ ኔን ኦላና ጌዳዎዳንካ ከተታ።

26 ሄዋን ነ ሱንላይ መድናዉ ግታታና፤ አሳይካ ኔና፣ ኡባጥ ዎልቃማ ጸሳይ እሰራኤልያ ጸሳን ያጋና። ነ ቆማ ዳዊታ ዛራቱካ ነ ሰንላን ሞኒደ ኤቃና።

27 “አቤት ኡባጥ ዎልቃማ መድና ጎዳዉ፣ እሰራኤልያ ጸሳዉ፣ ኔን ሀዋ፣ ታን ነ ዛራቱ ደአናዳን ኦላና፣ ያጋደ ታዉ ነ ቆማዉ ቆንጫዳ፤ ሄዋ ድራዉ፣ ታን ነ ቆማይ ኔና ሀ ዎሳ ዎሳናዉ ጸላድ።

28 አቤት ኡባ ሞድያ መድና ጎዳዉ፣ ኔን ጸሳቱ! ነ ቃላይካ አማኑትያዎ፤ ኔን ሀ ሎኦ ቃላ ታዉ ነ ቆማዉ ኦላና ጋዳ።

29 ነ ሰንላን ያ መድናዉ ጋምአናዳን፣ ነ ቆማ ዘርያ እንጃናዉ ሀደታዳ። አያዉ ጎጥ፣ አቤት ኡባ ሞድያ መድና ጎዳዉ፣ ሄዋ ሃሳያዳ፤ ቃይ ነ አንጃዎን ነ ቆማ ዛራቱ መድናዉካ አንጀታና” ያጋ ዎላዳ።

8

ዳዊተ ኦላን ደሜዳ ጸኑዋ
(1 ኦሩዋ 18:1-17)

1 ሄዋጥ ጉይያን፣ ካቲ ዳዊተ ፕልሰጾማቱዎ ጸኒደ ሞዴዳ፤ ያቲደ መተግኦማ ግያ ካታማ ፕልሰጾማ አሳቱዋ ኩሽያጥ ዎሐ አኬዳ።

2 ቃይ ሞኦበ አሳቱዋካ ዳዊተ ጸኔዳ። ጋድያን እ ኡንቱንታ ግሰሲደ ዎደሩዋን ልኬዳ፤ ላኡ ዎደሩዋን ልከቲዳ ኡባቱዋ ዎዴዳ፤ ሄዘንሶ ዎደሩዋን ልከቲዳዋንታ ጋጸ አኬዳ። ያትና ሞኦበ አሳቱ ዳዊታዉ ሞደቲደ ጌራ ጌሬድኖ።

3 ራሆባ ናኦይ፣ ጸባ ካቲ ሀዳድኤዘረ ኤፍራዲሳ ሻፋ ማታን ደእያ ባረ ዛዋ ዛር አካናዉ ቢደ፣ ዳዊታና ኦላትና፣ ዳዊተ አ ጸኔዳ።

4 ዳዊተ አ አሳጥ እት ሻኦ ላፑን ጾቱ ጋራኦ አሳቱዋና ላታው ሻኦ ገድያ አሳቱዋ ኦሞዴዳ። ዳዊተ ጋረቱዋ ጎቻናዉ ጾቱ ጋራቱዋ አሺደ፣ ሀራ ጋራቱዋ ኡባዉ ጋዲዋ ቃንጾዳ።

5 ዳማሰቆ ካታማን ደእያ ሶርያ ኦላንቻቱ ጸባ ካትያ ሀዳድኤዘራ ማዳናዉ ዬዳ ዎደ፣ ዳዊተ ኡንቱቱጥ ላታማን ላኡ ሻኦቱዋ ዎዴዳ።

6 ሄዋጥ ጉይያን፣ ዳዊተ ሶርያ ካዉተላንን ዳማሰቆ ካታማን ኦላንቻቱዋ ጌሱዋ መዴዳ። ያትና ሶርያ አሳቱ ዳዊታዉ ሞደቲደ፣ ጌራ ጌሬድኖ። ዳዊተ ቤዳ ሳኦ ኡባን መድና ጎዳይ አዉ ጸኑዋ እሜዳ።

7 ሀዳድኤዘራ ኦላ ጋዳዎቱ ኦይቂያ ዎርቃ ጎንዳልያ ዳዊተ አኪደ፣ ዮሩሳሌም አሄዳ።

8 በጸሀነ በርታያ ጌተትያ ሀዳድኤዘራ ካታማቱዋጥ ካቲ ዳዊተ ናሃሰያ ግያ ብራታ ሎይሐ ዳሩዋ አኬዳ።

9 ሀዳድኤዘራ ኦላንቻቱዋ ኡባ ዳዊተ ጸኔዳዎ ሀማታ ካቲ ቶኦ ሰሴዳ።

10 ሀዳድኤዘራ ኦላቲደ ጸኔዳ ድራዉ፣ አ ሀሹ ጋናዉን ሳርታናዉ ባረ ናኦ ዮራማ ካትያ ዳዊታኮ ኪቲዳ። አያዉ ጎጥ፣ ሀዳድኤዘረ ቶኦኦ ኦላቲደ ጋምኤዳ። ዮራመ ዪደ ዎርቃጥ፣ ብራጥን ናሃሰያጥ መጠቲዳ ሚሻቱዋ ዳዊታዉ አሄዳ።

11-12 ካቲ ዳዊተ ሀ ሚሻቱዋ መድና ጎዳዉ ዲማይ ዎሴዳ። ቃይ ዳዊተ ባረ ጸኔዳ ካዉተላቱዋጥ ኡባጥ፣ ሶርያጥ፣ ሞኦበጥ፣ አዎና አሳቱዋጥ፣ ፕልሰጾማ አሳቱዋጥን አማሌቃ አሳቱዋጥ አኬዳ ዎርቃ ብራ ራሆባ ናኦ፣ ጸባ ካትያ ሀዳድኤዘረጥ አኬዳ ኦሞዴዋ ካሰዋዳንካ ጸሳዉ ዲማይ ዎሴዳ።

13 ማጽንያ ዛንጋራን ታማን ሆሰፑን ሻኦ ኤደማ አሳቱዋ ዳዊተ ዎቲ ሰሜዳዎጥ ጉይያን፣ አ ሀይላቲዳ።

14 ዳዊተ ኤደማ ቢታ ኡባን ኦላንቻቱ ጌሱዋ መዴዳ፤ ያትና ሄ ቢታ አሳይ ኡባይ ዳዊታዉ ሞደቲዳ። ዳዊተ ቤዳ ሳኦ ኡባን መድና ጎዳይ አዉ ጸኑዋ እሜዳ።

ዳዊተ ባረ ካዉተላን ሱንሌዳ አሳቱዋ

15 ሄዋዳን ኦላደ፣ ዳዊተ እሰራኤልያ ኡባ ቦላ ካተቲዳ፤ ባረ አሳ ኡባ ጽሎተላንን ሱረ ፕርዳን አኬዳ።

16 ጸሩይ ናኦይ ዮኦበ ኦላንቻቱ ጋዳዎ፤ አሀሉዳ ናኦይ ዮሳፌጸ ሀኔዳባ ጸፍያዎ።

17 አሀጹባ ናኦይ ጸደቅን አብያታራ ናኦይ አብመሌክ ቁሳቱ ዎ፤ ሳራይ ቃይ ጸፍያ፤

18 ዮዳሄ ናኦይ ሳናይ ካልታዎቱዋን ፈልታዎቱዋ (ካትያ ናግያዎንቱ) ቦላ ካፑዎ። ዳዊታ አቲማ ናናይ ቁሳቱዎ።

9

ዳዊታን ማንፍቦሼታ

1 እት ጋለስ ዳዊተ፡ “ዮናታና ድራው፡ ታን እዉ ከካናዳን ሀኖ ጋካናዉ ሳኦላ ቃንጻጥ አቴዳ አሳይ ደእሻ?” ያጊደ ኦቼዳ።

2 ሄ ዎደ ጸባ ግያ እት ቆማይ ሳኦላ ሶን ደኤ፤ እ ዳዊታ ሰንፋ ያናዳን ዴሴድኖ፤ ዪና ካቲ ኦ፡ “ኔን ጸቤ?” ያጊደ ኦቼዳ።

እካ፡ “ኤ ታን ጸባ፡ ነ ቆማ” ያጊደ።

3 ሄዋጥ ጉየ ካቲ ኦ፡ “ጸሳ ከካተፋ ታን ከካናዳን፡ ሳኦላ ቃንጻጥ ፓላሄዳ እት አሳይነ ባዊ?” ያጊደ።

ጸብ ካትያ፡ “ዮናታና ናናቱዋጥ እቱ ሀኖ ጋካናዉ ደኤ፤ ሄ ናኦዉ ላኡ ገደቱካ ሰላ” ያጊደ።

4 ካቲ፡ “እ ሀቃን ደኢ?” ያጊደ።

ጸብ፡ “ሎዳባራ ግያ ሳኦን አምኤላ ናኦ ማክራ ሶን ደኤ” ያጊደ።

5 ሄዋጥ ጉየ ካትያ ዳዊተ ከቲደ፡ ሎዳባራጥ አምኤላ ናኦ ማክራ ሶጥ አሀሴዳ።

6 ሳኦላ ናኦ ዮናታና ናኦይ ማንፍሮሽተ ዳዊታኮ ዬዳ፤ ይ ጋከደ፡ ዳዊታ ሰንፋን ጸነታድ ጊደ ግሴዳ።

ያትና፡ ዳዊተ ኦ፡ “ማንፍሮሽታ!” ያጊደ ዴሴዳ።

እ፡ “ኦቤ ታ ጎዳው፡ ታን ነ ቆማ” ያጊደ።

7 ዳዊተ ኦ፡ “ያዮፓ፤ ነ እዉዋ ዮናታና ድራው፡ ታን ነዉ ከካና፡ ነ እዉዋ እዉዋ ሳኦላ ጋድያ ኡባ ታን ነዉ ዛራና፤ ቃይ ኔን ኡባ ዎደ ታ ማሶፍያጥ ማና” ያጊደ።

8 ሄዋጥ ጉየ ማንፍሮሽተ ላኤንፉዋ ግሲደ፡ “ሀይቄዳ ካና ማላ ታና ኔን ደሳደ ዴላናው፡ ነ ቆማይ ታን ኦኔ?” ያጊደ።

9 ካቲ፡ ሳኦላ ቆማ ጸባ ዴሴደ፡ “ሳኦላዋን ሳኦላ ሶ አሳዋ ግዴዳዋ ኡባ ታን ነ ጎዳ ናኦ ናኦዉ እማድ።

10 ነ ጎዳ ናኦ ናኦይ ማናዳን ኔን፡ ነ ናናይነ ነ ቆማቱ እዉ ጋድያ ጎሽተ፤ ደልያ ካፋ እዉ አሀተ። ግደጥካ፡ ነ ጎዳ ናኦ ናኦይ ማንፍሮሽተ ኡባ ዎደ ታ ማሶፍያጥ ማና” ያጊደ። ጸባዉ ታማነ እቼሹ እቱማ ናናይነ ላታው ቆማቱ ደኢኖ።

11 ጸብ ካትያ፡ “ኔን ታ ጎዳይ ካቲ ነ ቆማ አዛዜዳ ኡባባ ታን ነ ቆማይ ፖላና” ያጊደ። ሄዋ ድራው፡ ማንፍሮሽተ ካትያ ናናቱዋጥ እቱዋዳን ካትያ ማሶፍያጥ ሜዳ።

12 ማንፍሮሽታዉ ሚካ ግያ ጉፋ ናኦይ ደኤ። ጸባ ሶን ደኢያ አሳቱ ኡባቱ ማንፍሮሽታዉ ቆማ ግዴድኖ።

13 ማንፍሮሽተ ኡባ ዎደ ካትያ ማሶፍያጥ ሞያ ድራው፡ እ የሩሳላሙን ደኤ። እ ገዲ ላአቱካ ሰላ።

10

ዳዊተ አሞናቱዋን ሶረቱዋ ጸኔዳ (1 ኦዲዋ 19:1-19)

1 ሄዋጥ ጉይያን፡ አሞናቱዋ ካትያ ናኦሰ ሀይቄዳ፤ እ ናኦይ ሀኑን እ ኮታን ካተቲዳ።

2 ዳዊተ፡ “እ እዉ ታዉ ከከዳዋዳን ናኦሳ ናኦ ሀኑናዉ ታንካ ከካና” ያጊደ። ሄዋ ድራው፡ እ ሞንግጻናዉ ዳዊተ ባረ አሳ እኮ ከቲዳ።

ዳዊታ አሳይ አሞና ጋድያ ጋኤዳ ዎደ፡

3 አሞና አሳ ካፓቱ ባረንቱ ጎዳ ሀኑና፡ “ዳዊተ ኔና ሞንግጻናዉ ሀ አሳቱዋ ከቲዳዊ ነ እዉዋ ሰንቸዋ ድራሳ ጋድዮ? እ ባረ አሳ ከቲዳዊ ሀ ካታማ ዴላናሳ፡ ዎቻናሳ ኦለቲደ ጸናናሳ” ያጊደኖ።

4 ሀኑን ዳዊተ ከቲዳዋንታ ኦይቄደ፡ ኡንቱንቱ ቡቻጥ ባጋ ሜዴዳ፤ ኡንቱንቱ ማዩዋካ ኡትያ ዲልያ ባጋጥ ቃንጽ እኪደ፡ ኡንቱንታ የዴዳ።

5 ሄዋ ድራው፡ አሳቱ ዳር ዬላቲድኖ። ዳዊተ ሄዋ ሰሲደ፡ እ ኡንቱንቱና ጋከትያ አሳ ከቲዳ፤ ኡንቱንቱኮ ከቲደ፡ “ሀንተንቱ ቡቻይ ድጫና ጋካናዉ፡ ያርኮ ካታማን ደእሸተ፤ ሄዋጥ ጉይያን ሃ ዪተ” ያጊደ።

6 አሞናቱ ባረንቱ ከታን ዳዊተ ኡንቱንታ ሞርካናዳን እጩዳዎ ኤሬዳ ዎደ፡ ቤት-ራሆባን ጸባ ካታማቱዋን ደኢያ ሶርያ አሳቱዋጥ ላታው ሻእ ገድያ አሳቱዋ፡ ቶባ ጋድያጥ ታማነ ላኡ ሻእ አሳቱዋን ማእካ ቢታ ካትያጥ እት ሻእ አሳቱዋ ቃጸሬድኖ።

7 ዳዊተ ሄዋ ሰሴዳ ዎደ፡ ዮኦባን ደኢያ ኦላንቻቱዋ ኡባ ኡንቱንቱ ቦላ የዴዳ።

8 አሞናቱ ከሲደ፡ ካታማ ጥንግያን አላዉ ሳልፔድኖ፤ ጸባጥነ ራሆባጥ ዬዳ ሶርያ አሳቱ፡ ቶባ አሳቱን ማእካ አሳቱ ደሞባን ባረካ ደኢኖ።

9 ዮኦባ ባረና ኦላይ ሰንፋናን ጉየና ደዴዳዋ በኤዳ፤ እሰራኤላቱ ግደጥ ኡባጥ ሞንያ ኦላንቻቱዋ ደር እኪደ፡ ሶርያ አሳቱዋ ሰንፋን ሳልፕሴዳ።

10 አቴዳ አሳቱዋ ባረ እሻይ አብሻይ አዛዛና ማላ ኦሊደ፡ አሞና አሳቱዋ ሰንፋን ሳልፕሴዳ።

11 ዮኦባ ባረ እሻ፡ “ሶርያ አሳቱ ታዉ ዎልቃሞጥ፡ ኔን ያደ፡ ታና ማዳ። ቃይ አሞና አሳቱ ነዉ ዎልቃሞጥ፡ ታን ያደ፡ ኔና ማዳና።

12 ሰሞ ሞና! ኑ አሳ ድራውነ ኑ ጸሳ ካታማቱዋ ድራው፡ እነ ሞን ኦለቶይተ። ሙድና ጎዳይ ባረና ሎእያዋ ኦሎ” ያጊደ።

13 ሄዋጥ ጉይያን፡ ዮኦባን እናና ደኢያ አሳይ ሶርያ አሳቱዋና ኦለታናዉ ላዉሁ ጌድኖ። ያትና፡ ሶርያ አሳቱ እ ሰንፋጥ ባቃቲድኖ።

14 ሶርያ አሳቱ ባቃቲዳዋ አሞና አሳቱ በኤዳ ዎደ፡ ኡንቱንቱካ አብሻያ ሰንፋጥ ባቃቲደ፡ ካታማ ገሌድኖ። ዮኦባ አሞና አሳቱዋና ኦለትያዋ አጊደ፡ የሩሳላሙ ሰሜዳ።

15 ሶርያ አሳቱ እሰራኤልያ አሳቱ ኡንቱንታ ጸኔዳዋ ኤሬዳ ዎደ፡ ባረንቱ ኦላንቻቱዋ ኡባ ዛሪይ ሺሺድኖ።

16 ካቲ ሀዳድኤዘረ ሶርያ አሳቱዋ ኤፍራዲሳ ሻፋጥ ሄፍንፋ ባጋጥ ከቲደ እሀሴዳ፤ ሄላማ ቤድኖ። ሀዳድኤዘራ ኦላንቻቱ ጋዳዋይ ሾባክ ኡንቱንታ ካለፈ።

17 ዳዊተ ሄዋ ሰሴዳ ዎደ፡ እሰራኤልያ ኦላንቻቱዋ ሺሺደ፡ ዮርዳኖሳ ሻፋ ጥኔዳ፤ ሄላማ ጋኤዳ። ሶርያ አሳቱ ዳዊታና ጋከታናዉ ሳልፔደ፡ እናና ኦለቲድኖ።

18 ሸን ሶርያ አሳቱ እሰራኤላቱ ሰንፋጥ ባቃቲድኖ፤ ዳዊተ ሶርያ ኦላንቻቱዋጥ ፓራ ጋርያ ላግያ ላፑን ዴቱ አሳቱዋን ኦይታው ሻእ ፓራ አሳቱዋ ዎዴዳ፤ ኡንቱንቱ ኦላ ጋዳዉዋ ሾባካካ ሾጭና፡ ሄ ሳኦን ሀይቄዳ።

19 ሀዲድኤዘራው ሞደቲደ ደእያ ካተቱ እስራኤላቱ ኡንቱንታ ጸኔዳዎ ኤሬዳ ዎደ፡ እስራኤላቱዎና ሰገቲደ፡ ኡንቱንቶ ሞደቲድኖ። ሄዋፕ ሰሚደ፡ ሶርያ አሳቱ አሞና አሳቱዎ ማዳናው ያዬድኖ።

11

ዳዊታነ በርሳቤሆ (11:1—12:25)

1 ኡፍንላን፡ ካተቱ ኦላው ከሰያ ዎደ፡ ዳዊተ ባረ አሳናነ እስራኤልያ ኦላንቻቱዎና ዮኣባ ዩዴዳ። ቢደ አሞና ቢታ ባይዜድኖ፤ ራባ ካታማ ዶዴድኖ፤ ሸን ዳዊተ የሩሳላሙን ታኬዳ።

2 እት ጋላሳ ኦማርሰ ዳዊተ ባረ ግሱዋፕ ደንዲደ፡ ካትያ ጎልያ ቦላን ደምባዪደ ኦሌዳ ሳኣን ሀመቲዳ፤ ቦላ ሜጨትያ እት ሞሽራቶ በኤዳ፤ ሄ ሞሽራታ ዳሮ ማላ ሎኦ።

3 ዳዊተ አሳ ከቲደ፡ አ ኦንቶ ኦሽሴዳ፤ ሄ ሞሽራታ፡ “ሀና ኤሊኦማ ናቶ ሂትያ ኦርዮና ማቻቶ በርሳቤሆ” ያጌዳ።

4 ዳዊተ አሳ ከቲደ፡ እዞ ጸሰሰ አሀሲደ፡ እዝና አቄዳ። ሄ ዎደ ሄ ሞሽራታ ፕላይ ዪደ አቋና፡ ጌዮ ሳና ደአው። ሄዋፕ ጉይያን፡ አ ባረ ሶ ሰማደ ባዲ።

5 ሞሽራትው ሻሃራይ እትና፡ ዳዊታኮ ከታ የዳደ፡ “ታው ሻሃራይ አቲዳ” ያጋዲ።

6 ሄዋፕ ጉይያን ዳዊተ፡ “ሂትያ ኦርዮና ታው ሃ የዳ” ያጌደ እዮኣበው ከቲዳ፤ እዮኣበ ኦርዮና ዳዊታው የዴዳ።

7 ኦርዮን ዪና ዳዊተ አ፡ “እዮኣበ አይ ማሌ? ኦላንቻቱካ አይ ማሌ? ቃይ ኦላይ ዋኒ?” ያጌደ ኦቹዳ።

8 ሄዋፕ ጉይያን ዳዊተ ኦርዮና፡ “ሶይ ባ፤ ባደ ሸምፓ አካ” ያጌዳ፤ ሄዋፕ ጉይያን ኦርዮን ካትያ ጎልያፕ ከሲደ ቤዳ፤ ካቲ ኦርዮናው አየንቶ እምያዎ አ ጌዲዎ የዴዳ።

9 ሸን ኦርዮን ሶ ቤናን ካትያ ጎልያ ድርሳ ፕንግያን ባረ ጎዳ ቆማቱዎ ኡባና ግሰ አቄዳ።

10 “ኦርዮን ባረ ሶ ብቤና” ግያዎ ዳዊተ ሰሴዳ፤ ኦርዮና፡ “ኔን ሃኮ ሳፕ ያዳ ግድኪ? ነ ሶ አያው ባበይኪ?” ያጌደ ኦቹዳ።

11 ኦርዮን ዳዊታ፡ “ታቦታይ፡ እስራኤልያ አሳይ፡ ይሀዳ አሳይ፡ ታ ጎዳ እዮኣበነ ታ ጎዳ አሳይ ደምባን ዲንካንያን ደአኖ። ያትና ታን ዋናደ ሶ ባደ ሞ፡ ኡሾ፡ ቃይ ታ ማቻትና አቆ? ነ ሸምፕ ኤር! ታን ሀዋ ማላ ኦሐከ” ያጌደ ዛሬዳ።

12 ሄዋፕ ጉየ ዳዊተ ኦርዮና፡ “እት ጋላሳ ሀዋን ጋምእ፤ ዎንት ኔና ጉየ የዳና” ያጌዳ፤ ኦርዮን ሄ ጋላሰነ ዎንተላ ጋላሰ የሩሳላሙን ታኬዳ።

13 ዳዊተ ሸቢና፡ ኦርዮን አናና ሜዳነ ኡሼዳነ። ዳዊተ አ ማሶዬዳ። ሸን ሄ ኦማርሰ ኦርዮን ባረ ሶ ቤናን፡ ባረ ግሱዋ ሂዲደ፡ ባረ ጎዳ ቆማቱዎ ግደን አቄዳ።

14 ዎንትና ጉራ ዳዊተ እዮኣባው ዳብዳቢያ ጸፊደ፡ ኦርዮና ቦላ የዴዳ።

15 ዳዊተ ዳብዳቢያን እዮኣባ፡ “ኦላይ ተኡዋ ዳርያ ሳኣን፡ ሰንላ ባጋና ኦርዮና ዎላ፤ ሄዋፕ ጉይያን፡ እ ሸጨቲደ ሀይቃና ማላ፡ አ ማታፕ ክቶተ” ያጌዳ።

16 እዮኣበ ሄ ካታማ ዶዲደ፡ ሞርክያ ኦላንቻቱዋፕ ሞኖቱ ደእያ ሳኣ ኤሪደ፡ ኦርዮና ያን ዎሌዳ።

17 ካታማ አሳቱ ከሲደ ዮኣባና ኦላትና፡ ዳዊታ ኦላንቻቱዋፕ አማራቱ ሀይቁድኖ፤ ሂትያ ኦርዮንካ ሀይቁዳ።

18 እዮኣበ ኦላን ሀይዳባ ኡባ ዳዊታው ከቲዳ።

19 ብያ ብታንያ እዮኣበ፡ “ኦላን ሀይዳባ ኡባ ኔን ካትያው ኦዳ ወርሰሸን፡

20 ኡን ኤሪ፡ ካቲ ሀንቁዋ ኤጽ ከሳና፤ ሀንቀቲደ ኔና፡ ‘ሀንተ ኡንቱንቱና ኦላታናው ካታማኮ አያው ሎይላ ሸቄድቲ? ኡንቱንቱ ግምቢያ ጸራና ዎንዳፍያን ዲካናዎ ኤርበይክተየ?

21 ጌዳና ናኣ አብመሊካ ኡን ዎዴዳ? ጋጭያ ማይድያ ግምቢያ ጸራና ዱገ ኦላደ፡ ተበጸ ግያ ሳኣን እት ማጫውና ዎላዲ ግደኬ? ያትና፡ ሀንተንቱ ግምቢያኮ አያው ሸቄድቲ? ያጌደ ኦቹያዎ ግደፕ ኔን ካትያ፡ ‘ሳ ቆማይ፡ ሂትያ ኦርዮንካ ሀይቁዳ’ ያጋ” ያጌደ አዛዜዳ።

22 ከተቲዳዊ ደንዲደ ብ ጋኪደ፡ እዮኣበ ባረና ከቲዳዎ ኡባ ዳዊታው ኦዳዳ።

23 ብታኒ ዳዊታ፡ “ኦ ሞርከቱ ኦፕ ዎልቃ ሜድኖ፤ ኦናና ኦላታናው ካታማፕ ጋጸ ደምባ ከሴድኖ፤ ሸን ኡን ኡንቱንቱ ካታማ ፕንግያ ጋካናው፡ ጉየ ዛሬደ የደርሴደ።

24 ሄዋፕ ጉይያን፡ ዎንዳፍያ ዲክያዎንቱ ግምቢያ ጸራና ነ ቆማቱዎ ቦላ ዲኬድኖ፤ ካትያ አሳቱዋፕ አማራዳዎንቱ ሀይቁድኖ፤ ቃይ ነ ቆማይ፡ ሂትያ ኦርዮንካ ሀይቁዳ” ያጌዳ።

25 ዳዊተ ከተቲደ ዬዳዎ፡ “ኔን እዮኣባ ሀዋዳን ያጋ፤ ‘ሀዋ ሀንቀቶፕ’ አያው ጎፕ፡ ማሻይ እት ገደ ሀዋ፡ እት ገደ ቃይ ሀራ ዎዴዳ፤ ካታማ ኦላደ ኦይቃናው ሞና’ ያጋደ አ ሞንባ” ያጌዳ።

26 ኦርዮና ማቻታ ባረ አሰናይ ሀይቁዳዎ ሰሴዳ ዎደ፡ አው ዬካዲ።

27 እዛ ካዮትያ ዎዲ ፖለቶዋፕ ጉይያን፡ ዳዊተ እዞ ባረ ሶ ከቲደ አሀሴዳ። እዛ አው ማቻቶ ግዳዲ፤ ያታደ አው አቲማ ናኣ የላዲ። ሸን ዳዊተ ኦሌዳ ከታይ መድና ጎዳ ሰንላን ኢታባ ግዴዳ።

12

ናታን እሄዳ ከታነ ዳዊታ ናጋራ ፓጸላ

1 መድና ጎዳይ ናታና ዳዊታኮ ከቲዳ፤ ናታን አኮ ዪደ፡ ሀዋዳን ያጌዳ፤ “እት ካታማን ላኡ አሳቱ ደአኖ፤ ኡንቱቲፕ እቲ ዱረ፤ ቃይ እቲ ማንቁዎ።

2 ዱረ ብታንያው ዳሮ ደርሳይነ ሚዛይ ደኤ፤

3 ሸን ማንቆ ብታንያው እ ሻሚደ ሄዎያ እት ደርሳ ማራትፕ ሀራባይ አያይነ ባዎ። ሄ ደርሳታ አናናነ አ ናናቱዎና ድጫዲ፤ እዛ አ ቁማፕ ማው፤ አ ዋንጫፕ ኡሻውነ አ ክወዋን ግሳው። ሄ ደርሳታ አው ማጫ ናኣ ማላ።

4 “እት ጋላስ እት እማላይ ሄ ዱረ ብታንያ ሶ ዬዳ፤ ሽን ዱሪ ባረ ዶርሳጥ ዎይ ባረ ሚዛጥ እኪደ ሹኪደ፡ ባረ ሶ ዬዳ እማላ ሞካናው ኮይቤና። እ ሄ ማንቆ ብታንያ ዶርሳቶ እኪደ፡ ሄ ሶ ዬዳ እማላ ሞዝያዎ ካሌዳ” ያጌዳ።

5 ዳዊተ ሄ ዱረ ብታንያ ቦላ ሀንቁዎ ኤጽ ከሲደ ናታና፡ “መድና ጎዳይ ኤር! ሀዎ ኦሌዳ ብታኒ ሀይቃናው በሰ።

6 ቃይ እ ሄ ዶርሳ ማራት ድራው ኦይዱ ኩሽያ አሊደ ጭጋናው ኮሽ፤ እያው ጎጥ፡ ቃረታ ቆይደ እ ሄዎ ኦሌዳ” ያጌዳ።

7 ናታን ዳዊታ፡ “ሄ ብታኒ ኔና! መድና ጎዳይ እስራኤልያ ጸሳይ ሀዎዳን ያጌ፤ ‘ታን ኔና እስራኤልያ ቦላ ኦካደ ካተያድ፤ ሳኦላ ኩሽያጥካ ታን ኔና አሻድ፤

8 ታን ነ ጎዳ ጎልያ ነው እማድ፤ ነ ጎዳ ማጫ አሳቱዋካ ነ ክወዋን የጋድ፤ እስራኤልያ ጎልያ አሳነ ይሁዳ ጎልያ አሳ ታን ነው እማድ። ሀዎ ኡባይካ ጉጸጥ፡ ታን ነው ሀራካ ጉጃ እማና ሽን።

9 ሀዎ ማላ ኢታባ ኦ ሰንሳን ኦላደ፡ እያው መድና ጎዳ ቃላ ካቆዲ? ሂትያ ኦርዮና ማሻን ዎቆዳ፤ ያታደ ኦ ማቻቶ ነው አካዳ። ኤ፡ አሞና አሳቱዋ ማሻን ኦ ዎቆዳ።

10 ኔን ታና ካቆደ፡ ሂትያ ኦርዮና ማቻቶ ነው እኬዳ ድራው፡ ነ ዛርያጥ ማሻይ ኡባካ ሻከተና ያጌ።

11 “ሄዎ ድራው መድና ጎዳይ፡ ‘ታን ነ ሶ አሳ ግደጥ ነ ቦላ ኢታባ አሀና፤ ነ ማቻቱዎ ኔን ጸልሽን ደንሳደ፡ ነው ማታትያ ኡራው እማና፤ ሴታ ጋላሳን ሄ ብታኒ ነ ማጫ አሳቱዋና ግሳናዎ።

12 ኔን ሄዎ ጌማን ኦላዳ፤ ሽን ታን ሀዎ ሴታ ጋላስ እስራኤልያ አሳ ኡባ ሰንሳን ኦላና” ያጌ።

13 ዳዊተ ናታና፡ “ታን መድና ጎዳ ቦላ ናጋራ ኦላ ክቻድ” ያጌዳ።

ናታን፡ “መድና ጎዳይካ ነ ናጋራ አቶ ግ ድጌዳ፤ ኔን ሀይቃካ።

14 ኔን ሀዎ ኡዳደ፡ መድና ጎዳ ሞርከቱ ኦ ካቆዳዳን ኦሌዳ ድራው፡ ነው የለቱዳ ናኤይ ሀይቃና” ያጌዳ።

15 ናታን ባረ ሶ ቤዳዎጥ ጉይያን፡ ኦርዮና ማቻታ ዳዊታው የሌዳ ናኦ መድና ጎዳይ ሾጭና እ ሀርጌዳ።

16 ዳዊተ ሀ ናኦው ጸሳ ዎሴዳ፤ ዳዊተ ካላ ሜናን ጸሚዳን ባረ ሶ ገሊደ፡ ቃማ ቃማ ቢታን ግሰ አቄዳ።

17 እ ሶ ጭማቱ ኦ ቢታጥ ደንሳናው ኦ ማታን ኤቄድና፤ ሽን ቢታጥ ደንደናን እጾዳ፤ እ ኡንቱንቱና ቁማ ሞቤና።

18 ላፑንሳ ጋላስ ናኤይ ሀይቄዳ። ዳዊታ ቆማቱ ናኦ ሀይቄዎ ኦዳናው ያዬድና፤ “ናኤይ ገጸ ደእሽን ኩን ዳዊታ ሃሳይሴዳ፤ ሽን ሰሰናን እጾዳ። ያትና፡ ናኤይ ሀይቄዳዎ ኩን አው ዋቲደ ኦዳናው ዳንዳየቶ? ኦን ኤሪ፡ እ ባረና ቆሀንቶን” ያጌድና።

19 ባረ ቆማቱ እቱ እቱዋና ሳሱከትያዎ ዳዊተ በኤዳ ዎደ፡ ቁር ናኤይ ሀይቄዳዎ ኤሬዳ። ዳዊተ

ኡንቱንታ፡ “ቁር ናኤይ ሀይቄዳ?” ያጌደ ኦቹዳ።

ኡንቱንቱ፡ “ኤ ሀይቄዳ” ያጌድና።

20 ዳዊተ ቢታጥ ደንድ ኤቄዳ። ሜጫቲደ፡ ኦከቲደን ባረ ማዩዎ ላሚደ፡ መድና ጎዳ ጎልያ ገሌዳ፤ ጎይኔዳ። ሄዎጥ ጉይያን ባረ ሶ ቢደ፡ ቁማ ኦቶና ኡንቱንቱ ኦ ሰንሳ ኦሌድና፤ ቁማ ሚዳ።

21 እ ቆማቱ ኦ፡ “ኔን ሀዎዳን አያው ሀናድ? ናኤይ ገጸ ደእሽን ጸማዳን ዬካዳ፤ ሽን ናኤይ ሀይቄና ደንዳደ፡ ቁማ ማዳ!” ያጌድና።

22 ዳዊተ ኡንቱንታ፡ “ናኤይ ገጸ ደእሽን ታን ጸማዳን ዬካድ፤ አያው ጎጥ፡ ‘ኦን ኤሪ፡ መድና ጎዳይ ታና ማርና፡ ናኤይ ገጸንቶን’ ያጋደ ቆገድ።

23 ሽን ናኤይ ሀእ ሀይቄና፡ ታን አያው ጸሞ? ታን ናኦ ጉዮ ዛራና ዳንዳይያታ? ታን አኮ ባናጥ አትና፡ እ ታኮ ሰመና” ያጌዳ።

24 ሄዎጥ ጉይያን፡ ዳዊተ ባረ ማቻቶ በርሳቤሀ ሞንግጫዳ። ዳዊተ ኢኮ ገሊደ እዝና አቄዳ፤ ያትና፡ እ አው አቱማ ናኦ የላዳ፤ ናኦ ሶሎሞና ሱንሌዳ፤ መድና ጎዳይ ሄ ናኦ ሲቄዳ።

25 መድና ጎዳይ ናኦ ሲቄዳ ድራው፡ ናኦ “ይዲድያ” ገደ ሱንሳና ማላ፡ ትሞቢትያ ኦድያ ናታና ቦላ ኪቲዳ።

ዳዊታ መቱዋን ቱጋ

(2 ሳሜላ 12:26—20:26)

ዳዊተ ራባ ካታማ ኦሊደ ኦይቄዳ (1 ኦዲዎ 20:1-3)

26 ሄ ዎደ ዮኦበ አሞናቱዎ ካታማ ራባ ኦለቲደ፡ ካትያ ጌሱዎ ኦይቄዳ።

27 እዮኦበ ዳዊታኮ ኪታ የዲደ፡ “ታን ራባ ካታማ ኦላደ፡ ሃላ ዱቄያ ሳኦ ኦይቃድ።

28 ሄዎ ድራው፡ አቲዳ ኦላንቻቱዎ ሺሻደ ካታማ ኦላደ ኦይቃ። ሄዎ ቆዮጥ፡ ታን ካታማ ኦይቃይ። ያቶጥ፡ እ ታ ሱንሳን ጸገታና” ያጌዳ።

29 ዳዊተ ባረ ኦላንቻቱዎ ኡባ ሺሺደ፡ ራባ ካታማ ቢደ፡ ኦለቲደ ኦይቄዳ።

30 ኡንቱንቱ ካትያ ካላቻካ ኦ ሀጺያጥ እኬዳ። ሄ ዎርቃ ካላቻይ ሀታማን ኦይዱ ኪሎ ግራሞያ ዳጼ፤ እ ግደን አልኦ ሹቻይ ደኤ። ሄ ካላቻ ዳዊታ ሀጺያን ዎሌዳ። ካታማጥ ሎይሳ ዳር ኦሞዲዎ ዳዊተ ኦሞዲደ አሂዳ።

31 ሄ ካታማ አሳ ያጥ ከሲደ፡ ማጋዝያን፡ ብራታ ሻልክያንን ብራታ ካልታን ኦላናዳን ኦሌዳ፤ ቃይ ኡንቱንታ ኡርቃጥ ጸብያ መቆናዳን ኦሌዳ። አሞናቱዎ ካታማቱዎ ኡባን ደእያ አሳ እ ሄዎዳን ኦሌዳ። ሄዎጥ ጉይያን፡ ዳዊተን ኦ ኦላንቻቱ ኡባይ የሩሳላመ ሰሜድና።

13

አሞናና ታማር

1 እት ዎደ ሀዎዳን ሀኔዳ። ዳዊታ ናኦ አበሰሎማው ታማር ግያ እት ማላ ሎኦ ሞቻታ ደአው፤ ዳዊታ ናኤይ አሞናን ታማር ሲቄዳ።

2 አ ሞቻታ ታማራ ወደ ግዳዳ ድራውን እ እዞ እይን ኦፍሳው ዳንዳየናባ እው ማላቴዳ ድራው። አምሮን ታማሮ ቆፒደ ግልቁዳ።

3 ሸን አምሮናው ዳዊታ እሻ ሻማ ናኦ ዮናዳባ ጌተትያ ላጊ ደኤ፤ ዮናዳብ ዳሮ ሂላንቻ አሳ።

4 ዮናዳብ አምሮና፡ “ኔን ካትያ ናኦ፤ ያትና፡ ጋላሰ ጋላሰ እያው ግልቃይ? ኔን ታው እያው ኦድኪ?” ያጊደ ኦቼዳ።

ሸን አምሮን አ፡ “ታ እሻ አበሰሎማ ሞቻቶ ታማሮ ታን ደሳይ” ያጊደ።

5 ዮናዳብ አምሮና፡ “ባ፤ ሳከትያዎ ማላታደ ግሱዋን ግሳ ባሻ። ነ እው ኔና በእናው ይያ ወደ፤ ታ ሞቻታ ታማራ ያደ ታው ሞያባ እሙ፤ ታን እዞ ጸልሸን ቁማ ታ ሰንፋን ካፋደ ታና ባርሱ ያጋደ ኦቻ” ያጊደ።

6 አምሮን ሳከቲዳዎ ማላት ቢደ ግሱዋን ግሴዳ። ካቲ አ በእናው ዬዳ ወደ፤ አምሮን አ፡ “ታ ሞቻታ ታማራ ያደ፤ ታው እት ሎኦ ኦክፋ ታ ጸልሸን ኦካንቶን ታን እ ኩሽያፕ ሞንቶ ደሳይ ሸን” ያጊደ።

7 ዳዊተ ታማርኩ ካትያ ሶ ከቲደ፡ “ነ እሻ አምሮና ሶ ሀእ ባይ፤ እው ቁማ ካፋ” ያጊደ።

8 ታማራ ባረ እሻ አምሮና ሶ ባዲ፤ ሄ ወደ እ ግሴዳ። ታማራ አማራዳ ጲልያ ሙናቃደ፤ አምሮን ጸልሸን ኦክፋ ኦካዲ።

9 ታማራ ባሽያፕ ኦክፋ ከሳደ እው አላዲ፤ ሸን እ ሚናን እጾዳ።

አምሮን፡ “አሳ ኦባ ሀዋፕ ከሰ ድግተ” ያጊደ፤ አሳይ ኦባይ አ ማታፕ ከሴዳ።

10 ሄዋፕ ሰሚደ አምሮን ታማሮ፡ “ታን ነ ኩሽያፕ ማናዳን ቁማ ሃ ታ ሲርጸ አካደ ያ” ያጊደ፤ ታማራ ባረ ኦኩዳ ኦክፋ አካደ፤ ባረ እሻ አምሮና ሲርሳ ገልሳዲ።

11 ታማራ ቁማ እኮ ሺሺዳ ወደ፤ እዞ ኦይቂደ፡ “ታ ሞቻታ፡ ሃያ! ታናና ግሳ” ያጊደ።

12 እዛ፡ “ታ እሻው፡ ክቻ ሀነና! ታና ዋልቃንፊፕ! ሀዋ ማላባይ እሰራኤልያ ቢታን አሰታናው በሰናባ፤ ሀዋ ማላ ኢታባ አፊፕ።

13 ታ ፖኩዋ ታን ዋታደ ገንፋናው ዳንዳያይታ? ቃይ ኔንካ እሰራኤልያ ግደን ካወሻ አሳ ግዳና። ሀያና ካትያ ሀእ ኦቻ። እ ታን ኔና ገላናው ድገና” ያጋዲ።

14 ሸን እዛ ኦድያዎ ሰሰናን እጾዳ። እ እፕ ዋልቃማ ግድያ ድራው፡ እዞ ዋልቃን ኦይቂደ ባይዜዳ።

15 ሄዋፕ ጉይያን፡ አምሮን እዞ ሎይሳ እጾዳ፤ ካሰ እዞ ሲቁዳዋፕ አሊደ እጾዳ። አምሮን እዞ፡ “ከሳ! ከሳደ ባ!” ያጊደ።

16 እዛ፡ “ቢከ! ኔን ታና ሀእ ካረ የደርሰያ ባላይ ኔን ሀኖ ጋካናው ታ ቦላ ኦፊዳ ባላፕ አዴ” ያጋዲ።

ሸን እ እዞው ሰሰናን እጾዳ።

17 አምሮን ባረ ቆማ ጸሲደ፡ “ሀ ሞሽራቶ ታ ሰንፋፕ ከሳ፤ እዞ ካረ ከሳ ድጋደ፡ ካርያ ጎርዳ” ያጊደ።

18 ቆማይ ሞሽራቶ ካረ ከሲደ፡ ካርያ ጎርዳዳ።

አ ዳሮ አሌቁዋና ደእያ ማዩዋ ማያዲ፤ አያው ጎፕ፡ ካትያ ማጫ ናናይ ወደራቱ ሄዋ ማላ ማዩዋ ማዩና።

19 ታማራ ብድንፋ ባረ ሀጲያን ቆላደ፤ ባረ ማዬዳ አሌቁዋና ደእያ ማዩዋ ፔቆዲ፤ ባረ ሀጲያ ኦይቃደ፤ ዋሱዋ ጸላደ ባዲ።

20 እ እሻ አበሰሎም እዞ በኤዳ ወደ፡ “ነ እሻይ አምሮን ኔና ባይዜዳ? ታ ሞቻታ፡ ኔን ሀእ ጮኦ ጋ። እ ነ እሻ፤ ሀ የወዋ ኔን ኦሉዋን ኦይቆፕ” ያጊደ። ሄዋ ድራው፡ ታማራ ካኖታደ ባረ እሻ አበሰሎማ ሶን፡ አሳን ጋከተናን ደኦዲ።

21 ካቲ ዳዊተ ሀ የወዋ ሰሴዳ ወደ፡ ሎይሳ ሀንቀቲዳ።

22 አበሰሎም አምሮናው ማልኦዋ ጫሙዋካ ቃትቤና። ባረ ሞቻቶ ታማሮ ባይዜዳ ድራው፡ አምሮና ሞርኬዳ።

አበሰሎም አምሮና ወዴዳ

23 ላኦ ላይፋፕ ጉይያን፡ ኤፍሬማ ዛዋ ማታን ባኦል-ሀጸራ ግያ ሳኦን አበሰሎም ደርሳ እሰክያ ሚድሴ፤ ካትያ ናናይ ኦባይ ሄ ሳኦ ያናዳን አበሰሎም ኡንቲንታ ጸሴዳ።

24 አበሰሎም ካትያኮ ዪደ፡ “ታ ካትያው፡ ታን ነ ቆማይ ታ ደርሳቲዋ እሰክያ ሚድሳይ፤ ኔን ነ ኦሳንቻቲ ኦናና ደንዴርክተ!” ያጊደ።

25 ካቲ አበሰሎማ፡ “ቲይት ታ ናኦ! ኦን ኦባይ ቦፕ፡ ነወ ቶኮ ግዳናዎ” ያጊደ። አበሰሎም ካትያ ዳሮፕ ሾቤዳ፤ ካቲ ቡሳ እጾዳ፤ ሸን አበሰሎማ እንጂዳ።

26 አበሰሎም ካትያ፡ “ኔን ባና ቆዮፕ፡ ታ እሻ አምሮን ኦናና ቦ” ያጊደ።

ካቲ፡ “እ ኔናና እያው ባኔ?” ያጊደ።

27 ሸን አበሰሎም ሾቤደ አገናን እጽና፡ ዳዊተ አምሮናን ባረ አቲማ ናና የንኩቲዋ አናና የዴዳ።

28 አበሰሎም ባረ ቆማቲዋ፡ “ሰሰተ! አምሮን ወይንያ ኤሳ ኡሺደ ካልያ ወደነ ታን ሀንተንታ፡ ላምሮና ሾጭተ” ያግያ ወደ፡ ሀንተንቲ አ ወድተ። ያኖፕተ! ሀንተና አዛዜዳዌ ታና። ሞንተ! ጸልተ!” ያጊደ አዛዜዳ።

29 አበሰሎም ቆማቲ እ አዛዜዳዋዳን አምሮና ኦፊድና። ሄዋፕ ጉይያን፡ ካትያ አቲማ ናናይ ኦባቲ ደንዲደ፡ ባረንቲ ባቁሉዋ ባቁሉዋ ቶጊደ ባቃቲድና።

30 ኡንቲንቲ ብሮ ኦግያን ደእሸን፡ “አበሰሎም ካትያ ናና ኦባ ወርሴዳ፤ ኡንቲቲፕ እቲን አትቤና” ጌተትያ ኦዲ ዳዊታኮ ጋኬዳ።

31 ካቲ ደንድ ኤቂደ፡ ካኖ ባረ ማዩዋ ፔቆዳ፤ ያቲደ ቢታን ግሴዳ። እ ቆማቲ ኡባቲካ ባረንቲ ማዩዋ ፔቆዳ፤ አ ማታን ኤቂድና።

32 ዳዊታ እሻ ሻማ ናኦይ ዮናዳብ፡ “ታ ጎደው፡ ኡንቲንቲ ካትያ ናና ኦባ ወድ ድጊድና ጋደ ቆፖፕ፤ አምሮና ጸላላይ ሀይቁዳ። አያው ጎፕ፡ አምሮን ባረ ሞቻቶ ታማሮ ባይዜዳ ጋላሳፕ ደሚደ፡ አበሰሎም አ ቦላን ፖላናው ሀልቼዳዎ ግዴዳ።

33 ሀእካ ታ ጎደይ ካቲ ባረ ዋዛናን፡ ላካትያ ናናይ ኦባቲ ሀይቁድኖ ያጊደ ኦዴዳ ኦዴዋ ቲማ ጎፕ፤ አምሮና ጸላላይ ሀይቁዳ” ያጊደ።

34 ሄ ወደ አበሰሎም ባቃቲዳ።

ናግሥቱ ብታኒ ዶቁ ገደ ጸልፎ ዋደ፣ ባረጥ አዋይ ወልፍ ባጋና ደእያ ኦግሮና ደርፍ ላንቁያ ኦይቁደ፣ ጮራ አሳይ ይያዋ በኢደ ካትያው ኦዴዳ።

35 ሄ ዋደ ዮናዳብ ካትያ፣ “በእ! ታን ነ ቆማይ ኦዴዳዋዳን ካትያ ናናይ ዬድኖ” ያጌዳ።

36 እ ሃሳዬደ ወርሰና ካትያ ናናይ ገሊደ ባረንቱ ቃላ ዶቁ ኦሊደ ዋሴድኖ። ቃይ ካቲነ እ ኦሳንቻቱ ኡባይ ይባታ ዬኩዋ ዬኬድኖ።

37 አበሴሎም ባቃቲደ፣ አምሁዳ ናኦ ታልማያኮ፣ ጋሹራ ቢታ ካትያኮ ቤዳ፤ ሸን ካቲ ዳዊተ ኡባ ጋላሰ ባረ ናኦ ዬኬዳ።

38 አበሴሎም ባቃቲደ ጋሹራ ጋድያ ቤዳዋጥ ጉይያን፣ ያን ሄዙ ላይላ ደኤዳ።

39 ካቲ ዳዊተ አበሴሎም በእናው አምቲዳ፤ አያው ጎጥ፣ አምኖና ሀይቆ ካዮትያዋጥ እ ምነቲዳ።

14

አበሴሎም የሩሳላም ሰሜዳ

1 ጸሩይ ናኦይ እዮኦበ ካቲ ዳዊተ አበሴሎም ላምቲዳዋ ኤራዳ።

2 ሄዋ ድራው፣ ዮኦበ ታቆአ ካታማ ከቲደ፣ ያጥ እት ኤራንቻ ምሽራቶ አሀሲደ እዞ፣ “ኔን ካዮትያ አሳዳን ሀና፤ ካዩዋ ማዩዋ ማያ፤ ሸጭሰያዋ ኦከቶጋ፤ ዳሮ ዋደጥ ደሚደ፣ ሀይቄዳ አሳው ካዮትያ ማጫ አሳዳን ሀና።

3 ያታደ ካትያኮ ባደ ሀ ቃላቲዋ አው ኦዳ” ያጌዳ። እዮኦበ እ ካትያው ኦዳናዋ እዞው ኦዴዳ።

4 ታቆአ ካታማ ምሽራታ ካትያኮ ቤዳ ዋደ፣ ቢታን ግሳ ጉፋናደ፣ “ካትያው፣ ታና ማዳርኪ!” ያጋድዳ።

5 ካቲ እዞ፣ “ኔና አዬ መቲዳዊ?” ያጌደ ኦቼዳ።

እዞ፣ “ታን አሰናይ ሀይቄዳ ማጫ አሳ።

6 ታው ነ ቆማትው ላኡ አቲማ ናናይ ደእኖ። ኡንቲንቲ እቲ እቲዋና ደምባን ዋቲድኖ፤ ኡንቲንታ ሻካናው እት አሳይነ ጳይና፣ እቲ ዮንኩዋ ሸጪደ ዋዴዳ።

7 ሀእ ታ ዳቦቲ ኡባይ ታ ቦላ ደንዲደ፣ “ባረ እሻ እ ዋዴዳ ድራው፣ ኩን አ ዋዳዳን ባረ እሻ ዋዴዳዋ ኡው ሀማ፤ ያቲደ ኩን ላትያዋ ጳይሳና ያጌድኖ።” ያቶጥ፣ ኡንቲንቲ ታው ላታው አቲዳ እት ጸፋ ቶይሲኖ፤ ታ አሰና ሱንላካ አ ዘረላ ቢታጥ ጳይሲኖ” ያጋድዳ።

8 ካቲ ሄ ምሽራቶ፣ “ነ ሶ ባ፤ ታን ነው አዛዛና” ያጌዳ።

9 ሸን ታቆአ ካታማ ምሽራታ ካትያ፣ “ታ ጎዳው ካትያው፣ ጎሚ ታናን ታ አውዋ ጎልያ አሳ ኦይቆ፤ ሸን ካቲነ አ ካውተላ አራታይ ጌሻ ግደ” ያጋድዳ።

10 ካቲ ምሽራቶ፣ “ነ ቦላ ቃላ ቃትያ ኦናን ታኮ አሀ፤ እ ኔና ላኤንሎ ቦቼና” ያጌዳ።

11 ምሽራታ ካትያ፣ “ሱላ አቶያዊ ባሻ ቦላ ባሻ ጉጀናዳንነ ታ ናኦካ ዋቲናዳን ካቲ መድና ጎዳ ባረ ጸሳ ሱንላን ታው ጫቆ” ያጋድዳ።

ካቲ እዞ፣ “መድና ጎዳይ ኤር! ነ ናኦ ሁጲያ ሰናናጥ እቲካ ቢታን ዋቲና” ያጌዳ።

12 ሄዋጥ ጉይያን፣ ምሽራታ ካትያ፣ “ታ ጎዳ ካትያው ታን እት ቃላ ሃሳያይ” ያጋድዳ።

ካቲ፣ “ሃሳያ” ያጌዳ።

13 ሄ ምሽራታ ካትያ፣ “ያትና፣ ኔን ጸሳ አሳ ቦላ ሀዋ ማላ አያው አላዳ? ካቲ የደርሰዳ ባረ ናኦ ጉየ ዛርቤና ድራው፣ ባረ ሃሳዬዳ ቃላው ካቲ ባይዛንቻ ግደኔ?”

14 ኩን ኡባይ ሀይቃና፤ ቢታን ጉኬዳ ሃላይ ሰመናዋዳን፣ ኩን ላኤንሎ ሰሞኮ። ሸን ጸሳይ ቦሃቲዳ አሳይ ኡባካ ጳየና ማላ፣ አው ኦግያ ጊግሴጥ አትና፣ እ ጮ ጳያናዳን ኮየና።

15 “ታና አሳይ ያሸሰያ ድራው፣ ታ ጎዳው ካትያው ታን ሀዋ ኦዳናው ሀእ ያድ። ታን ነ ቆማታ፣ ታን ካትያው ሃሳያና፤ ኦን ኤሪ፣ ታን ኦ ቆማታ ኦቶያዋ ካቲ ፖላንንቶን፤

16 ጸሳይ ኡው እሜዳ ላታጥ ታናን ታ ናኦ ጳይሳናው ኮይያ አሳ ኩሽያጥ ካቲ ሰሲደ አሻንንቶን ያጋደ ቆጋይ።

17 ቃይካ ታን ነ ቆማ፣ ‘ሎኡዋን ኢታ ሻካናው ታ ጎዳይ ካቲ ጸሳ ኪታንቻ ማላ ግድያ ድራው፣ ታ ጎዳ ካትያ ቃላይ ታና ዋጥሶ። መድና ጎዳይ ነ ጸሳይ ኔናና ግደ’ ያጋይ” ያጋድዳ።

18 ካቲ ምሽራቶ፣ “ታን ኔና ኦቻና ሀንያባ ዛሩዋ ኔን ታጥ ቆሶጋ” ያጌዳ።

ምሽራታ፣ “ታ ጎዳይ ካቲ ሃሳዮ” ያጋድዳ።

19 ካቲ ምሽራቶ፣ “ሄዋን ኡባን እዮኦባ ኩሺ ኔናና ደኢ?” ያጌደ ኦቼዳ።

ምሽራታ፣ “ታ ጎዳው ካትያው፣ ነ ሸምጥ ኤር! ኔን ታ ጎዳይ ካቲ ሃሳዬዳ ኡባባጥ ኡሸቻ ዋይ ሀድርሳ ጋናው ዳንዳይያ እት አሰካ ባዋ። ኤ፤ ሀዋ ታና አዛዜዳዊ፣ ታ ደናን፣ ነ ቆማት ደናን ሀዋ ዋሌዳዊ ነ ቆማ እዮኦባ።

20 ሀእ ደእያ ሀናታ ላማናው ነ ቆማይ እዮኦበ ሀዋ ኦሌዳ። ጸሳ ኪታንቻው ደእያ አዴዳ ኤራ ማላይ ታ ጎዳው ደኤ፤ ቢታን ሀንያዋ ኡባባ እ ኤራዳ” ያጋድዳ።

21 ካቲ እዮኦባ፣ “ዳሮ ሎአ! ታን ሀዋ ኦላና! ባ፤ ሄ ያላጋ ብታንያ አበሴሎም አካደ ያ” ያጌዳ።

22 እዮኦበ ካትያ ሰንላን ግሰ ጉፋኒደ፣ ካትያ ሀዋዳን ያጌደ አንጃዳ፤ “ታ ጎዳው ካትያው፣ ነ ሰንላን ናሽቲዳዋ ነ ቆማይ ሀቼ ኤራዳ፤ አያው ጎጥ፣ ካቲ ባረ ቆማይ ኦቼዳዋ ሰሴዳ” ያጌዳ።

23 ሄዋጥ ጉይያን፣ ዮኦበ ደንዲደ ጋሹራ ጋድያ ቢደ አበሴሎም የሩሳላም አክ ዬዳ።

24 ሸን ካቲ፣ “እ ባረ ሶ ባናው በሰ፤ እ ታ ደሙዋ በኦጉ” ያጌዳ፤ አበሴሎም ባረ ሶ ቤዳ፤ ካትያ ዳሙዋካ በእቤና።

ዳዊተ አበሴሎምና ሰገቴዳ

25 እሰራኤልያ ኡባ ግደን ማላ ሎኡነ አበሴሎምዳን ሳበቲዳ እት አሳይነ ባዋ። አ ሁጲያጥ ቢደ ገድያ ጸጉንላይ ጋካናውካ እን ካድያባይ ባዋ።

26 እ ባረና ዳጽያ ዋደ ባረ ሁጺያ ብናና ቃንጽሴ፤ ባረ ሁጺያ ብናና ቃንጽሴያ ዋደ ኡባን ሚዛንያን ዋሊደ ማዛኔ፤ ካትያ ሚዛና ልክያን ላኡ ክሎን ሄዙ ጾቱ ግራምያ ዳጾ።

27 አበሰሎማው ሄዙ አቱማ ናናይን እት ማጫ ናታ የለቲድና፤ ማጫ ናት ሱንሳይ ታማር፤ ሄ ናታ ማላ ሎኦ ማጫ አሳ ግዳዲ።

28 አበሰሎም ላኡ ላይሳ ኩመንሳ ካትያ ዳሙቀ በኤናን የሩሳላመን ደኤዳ።

29 “ታን ሄና ካትያኮ ኪታና ማላ፣ ታኮ ሃያ” ያጊደ አበሰሎም እየኣባወ ኪቲዳ፤ ሸን እየኣበ ዬናን እጾዳ። ላኤንሉዋካ ኪቲዳ፤ ሸን እየኣበ እኮ ዬናን እጾዳ።

30 ሄዋጥ ጉይያን፣ አበሰሎም ባረ ቆማቱዋ፣ “ሰሰተ! ታ ጎሻ ማታን እየኣባወ ጎሻይ ደኤ፤ አዉ ሄዋን ባንጋይ ደኤ። ቢደ ታማ ኦይሰተ” ያጊደ። አበሰሎማ ቆማቱ እየኣባ ባንጋ ታማ ኦይሰድና።

31 ያትና፣ እየኣበ ደንዲደ፣ አበሰሎማ ሶ ቢደ “ኅ ቆማቱ ታ ባንጋ አያዉ ታማ ኦይሰድና?” ያጊደ።

32 አበሰሎም እየኣባ፣ “ኔን ታን ኪትና ዬናን እጾዳ ድራሳ። ኔን ካትያኮ ባደ፣ ኣአበሰሎም ሀዋዳን ያጊ፤ “ታን ጋሹራ ጋድያጥ አያዉ ያድታ? ታን ሀኖ ጋካናሰካ ያን ደኤዳዋ ግድንቶ ታዉ ሎኦ ሸን” ያጊ፣ ጋደ ታዉ ኦቻናዳን ኮያድ። ሀእካ ታን ካትያ ዳሙቀ በአናዉ ኮያድ፤ ታን ባይዛንቻ ግደጥ፣ እ ታና ዋጾ” ያጊደ።

33 እየኣበ ካትያኮ ቢደ፣ አበሰሎም ጌዳዋ ኦዳዳ። ካቲ አበሰሎማ ጾሰሰና አበሰሎም ሶ ገሊደ፣ ካትያ ሰንሳን ሳኣን ግሲደ ጎይኔዳ፤ ያትና፣ ካቲ አበሰሎማ የራዳ።

15

አበሰሎማ ማቁዋ

1 ሄዋጥ ጉይያን፣ አበሰሎም ፓራ ጋርያ፣ ፓራቱዋን ባረ ሰንሳን ዋጸናዉ እሻታሙ አሳቱዋ ጊግሴዳ።

2 አበሰሎም ዋንታ ጉራና ደንዲደ፣ ካታማ ጥንገ እፍያ ኦግያ ደናን ኤቄ። ሞቱ ደእያ አይ አሳይን ካትያ ሰንሳ ፕርዳዉ ዬዳ ዋደ፣ አበሰሎም ሄ ብታንያ ጾሲደ፣ “ኔን ሀቃ ካታማጥ ያድ?” ያጊደ ኦቹ። ሄ ብታኒ፣ “ታን ነ ቆማይ እሰራኤልያ ዛራቱዋጥ እቱዋጥ ያድ” ያጊደ አዉ ዛራ።

3 አበሰሎም አ፣ “በአ! ነ የዉ ሎኣን ሱራ፤ ሸን ካትያ ባጋጥ ነዉ ሰሰያዌ ባዋ” ያጊ።

4 አበሰሎም ጉጂደካ፣ “ታን እሰራኤልያ ቢታን ፕርዳናዉ ሱን፣ ቱዳዋ ግዳርክታሻ! ሄዋ ግድንቶ፣ ሞቱ ዋይ የዉ ደእያ ኡባይ ታኮ ዪና፣ ታን አዉ ሱራ ፕርዳ ፕርዳና ሸን” ያጊ።

5 ኦንን እኮ ዪደ አዉ ሆክያ ዋደ፣ አበሰሎም ባረ ኩሽያ የዲደ፣ ሄ ኡራ ኦይቂደ የራ።

6 ፕርደታናዉ ካትያኮ ይያ እሰራኤልቱዋ ኡባዉ አበሰሎም ሄዋዳን ሀኔዳ፤ ያቲደ እሰራኤልያ አሳ ዋዛና አበሰሎም ዉኤዳ።

7 ኦይዱ ላይላጥ ጉይያን፣ አበሰሎም ካትያ፣ “ታን መድና ጎዳዉ ሸቄዳዋ ጋላናዉ ከብርን ጋድያ ባና።

8 ታን ነ ቆማይ ጋሹራ ጋድያን ሰርያ ቢታን ደኣደ፣ “ታና መድና ጎዳይ የሩሳላመ ጉየ አፍያዋ ግደጥ፣ ከብርን ካታማን ታን መድና ጎዳዉ ጎይናና ያጋደ ሺቃ ኡታድ” ያጊደ።

9 ካቲ አበሰሎማ፣ “ሳሮ ባ” ያግና፣ እ ደንዲደ ከብርን ካታማ ቤዳ።

10 ሸን አበሰሎም እሰራኤልያ ዛራቱዋ ኡባኮ ቆሱዋን ኪታ የዲደ፣ “ማላካታ ፑና ህንተንቱ ሰሴዳ ዋደ፣ ኣአበሰሎም ከብርናን ካተቲዳ” ያግጥ” ያጊደ።

11 አበሰሎም ጾሰና፣ የሩሳላመጥ አናና እትጥ ቤዳ እማላቱ ላኡ ጾቱ አሳ፤ ሄ አሳቱ አይን ኤረናን ጮ አሸከተላን ቤድና።

12 አበሰሎም ያርሹዋ ያርሹደ፣ ዳዊታ ዞርያ አክጾፊላ ጊሎ ካታማጥ ጾሰሴዳ፤ ካትያ ቦላ ደንዲደ ማቁ ጎቤዳ፤ አበሰሎማ ካልያዋንቱካ ጮራት ጮራት ቤድና።

ዳዊተ የሩሳላመጥ ባቃቲዳ

13 እት ኪተቲዳዌ ዪደ ዳዊታ፣ “እሰራኤልያ አሳ ዋዛናይ አበሰሎማኮ ሰም ክቼዳ” ያጊደ።

14 ሄዋጥ ጉይያን፣ ዳዊተ ባረናና እትጥ የሩሳላመን ደእያ ባረ ኦሳንቻቱዋ፣ “ደንድተ! ኑን ባቃቲይተ! ሄዌ ቆየጥ፣ ኑ ግደጥ አይ አሳይን አበሰሎማጥ ከሰ አከና። ኑን ኤሌሊደ ባና ኮሼ፤ ሄዌ ቆየጥ፣ እ ኤሌል ዪደ ኑና ቆይሳና፤ ኑ ካታማ ማሻን ቡሳካና” ያጊደ።

15 ካትያ ኦሳንቻቱ አ፣ “ኔን ኑ ጎዳይ ካቲ ደራዳ ኡባባ ኑን ነ ቆማቱ ኦላናዉ ጊግ ኡቲደ” ያጊድና።

16 ካቲ ከሲደ ቤዳ፤ አ ሶ አሳይ ኡባይ አናና እትጥ ቤዳ፤ ሸን ባረ ጎልያ ናጋናዳን ታሙ ባኩቱዋ አሼዳ።

17 ካቲ ከሰና፣ አሳይ ኡባይ አናና ቤዳ፤ ካታማዉ ዉርሰላ ጎልያ ሳንቂያን ኤቄድና።

18 አ ኦሳንቻቱ ኡባይ አጥ ሰንሳና ሳልፒደ አጾድና፤ ኡንቱንታ ካሊደ ካትያ ናግያዋንቱ (ካልታዋቱን ፓልታዋቱ) ሳልፒድና፤ ቃይ ኡንቱንታ ካሊደ ጋተ ካታማጥ ዬዳ ኡሱፑን ጾቱ አሳቱ፣ ካትያ ሰንሳና ሳልፒደ አጾድና።

19 ካቲ ጋትያ እታያ፣ “ኔን ኑናና አያዉ ያይ? ጉየ ሰማደ፣ ካትያ አበሰሎማና ደአሻ። ኔን አሳ ቢታ አሳ፤ ኔን በተ።

20 ኔን ሳኣ ዝኖ ያዳ፤ ታን ታ ሁጺያዉ ብያሳኣ ኤረናን ደኣደ፣ ኔና ሀቼ ዋታደ ታናና የሾ? ጉየ ሰማ፤ ነ ጋደ አሳቱዋካ ኔናና አፋ። ጸሳይ ነዉ ኬኮን አማንቶ!” ያጊደ።

21 እታይ ካትያ፣ “መድና ጎዳይ ኤር! ታ ጎዳይ ካቲ ኤር! ታ ጎዳይ ካቲ ደእያ ሳኣን ሀቃን ግድናካ፣ እ ታዉ ሀይቆ ግድና፣ ፓጾ ግድናካ፣ ታን ነ ቆማይ ኔናና ደእና” ያጊደ።

22 ዳዊተ እታያ፣ “ሎኣ! ባደ ሳልፓ” ያጊደ፤ ግታትያ እታይ ባረ አሳቱዋ ኡባናን ባረ ሶ አሳ ኡባና ሳልፒደ።

23 ሄ ኡባ አሳይ አድሸን፣ ሄ ጋደ አሳይ ኡባይ ባረንቱ ቃላ ቆቂሲደ ዬኬድና፤ ካቲ ቀድርና ሻፋ ፕኔዳ፤ አሳይ ኡባይካ ባዙዋ ሰሚደ ቤዳ።

24 ቄሰያ ጸደቅካ ሄ ሳኣን ደኤ፤ ጸሳ ቃላ ጫቁዋ ታቦታ ቶክያ ሌዋቱካ አናና እትጥ ደኣና። አሳይ ኡባይ ካታማጥ ከሰ ዉራና ጋካናዉ፣ ጸሳ

ታቦታ ቢታን ዋልና፣ ቄስያ አብያታረ ያርሹዋ ያርሹዳ።

25 ሄዋጥ ጉይያን ካቲ ደደቃ፡ “ጸሳ ታቦታ ካታማ ጉዩ አፋ። መድና ጎዳይ ታናን ናሽትያዋ ግደጥ፡ ታና እ ዛረላ እሂድ፡ ባረ ታቦታን ባረ ደእያ ሳኦ ላእክሉዋ በሳና።

26 ሸን እ፡ ታን ኔናን ናሽትከ ጎጥ፡ ሓ ባረና ሎእያዋ ኦላ፤ ታን ሀዋን ደእይ” ያጌዳ።

27 ቃይካ ካቲ ቄስያ ደደቃ፡ “ሰሳ፤ ኔን ነ ናኦ አህማኦንን አብያታራ ናኦ ዮናታና አኬዳ ካታማ ሳሮ ባ።

28 ሀንተንቱ ታና ኤርሳናው ቃላ ኪታና ጋካናው፡ ታን ዋራን ደእያ ሻፋ ጥኑዋን ደእሻና” ያጌዳ።

29 ሄዋ ድራው፡ ጸደቅን አብያታረ ጸሳ ታቦታ የሩሳላመ ጉዩ አፊድኖ፤ ያን ደኤድኖ።

30 ሸን ዳዊተ ዩኪደ ዳብረ ዛይተ ፑደላ ከሴዳ። እ ካዮ ባረ ሁጲያ ጉሎት ኡቴዳ፤ እ መላ ገድያን ሀመቴዳ፤ አናና ደእያ አሳቱካ ጉሎት ዩኪደ ፑደላ ከሴድኖ።

31 አሳይ ዳዊታው፡ “አክጾፊልካ አበሰሎማና ማቀትያዋንቱ ግደን ደኤ” ያጌደ ኦዴድኖ።

ዳዊተ፡ “አቤት መድና ጎዳው፡ አክጾፊላ ዘርያ ኤያተላው ላማ” ያጌደ ዋሴዳ።

32 ዳዊተ አሳይ ጸሳው ጎይንያ ሳኦ፡ ደርያ ሁጲያ ጋኬዳ ዋደ፡ አርክያ ሁሻይ ካዮ ባረ ማዮዋ ፔዲደ፡ ባረ ሁጲያንካ ባና ቆሊደ፡ ዳዊታና ጋከታናው ዩዳ።

33 ዳዊተ እ፡ “ኔን ታናና ብያዋ ግደጥ፡ ኔን ታው ቶኮ ከሳና።

34 ሸን ኔን ካታማ ጉዩ ሰማደ አበሰሎማ፡ ሓትያው፡ ታን ነ ቆማ ግዳና፤ ሀዋጥ ካሰ ነ አወዋ ቆማ ግዳዳዋንካ ነወካ ቆማ ግዳና” ያጎጥ፡ አክጾፊላ ዘርያ ሀልሳደ ታና ማዳና።

35 ቄሳቱ ጸደቅን አብያታረ ኔናና ያን እትጥ ደአናዋ ግድክኖ? ኔን ካትያ ሶን ሰሰያዋ ኡባ ኡንቱንቶ ኦዳ።

36 ጸደቃ ናኦ አህማኦንን አብያታራ ናኦ ዮናታን ያን ኡንቱንቱና ደኢኖ፤ ኔን ሰሰያዋ አያን ኡንቱንቱ ቦላ ታው ኪታ” ያጌዳ።

37 አበሰሎም የሩሳላመ ገልሸን፡ ዳዊታ ላጊ ሁሻይካ ካታማ ጋኬዳ።

16

ዳዊታን ጸባ

1 ዳዊተ ደርያ ሁጲያጥ ሄፍንላ ባጋና አድሸን፡ ጸባ ጌተትያ ማንፍቦሼታ ቆማይ አናና ጋከቱዳ፤ ላኡ ጾቱ ባሩ ኡክላ፡ ዋይንያ ቴራ ኡክላ ጾቱዋ፡ ባላሰያ ቴራ ኡክላ ጾቱዋን እት ኦጎሩዋ ዋይንያ ኤሳ ላኡ ሀረቱዋን ጫኔዳ።

2 ካቲ ጸባ፡ “ሀዋ አያው አሃድ?” ያጌደ ኦቼዳ።

ጸብ፡ “ሀረቱ ካትያ ሶ አሳይ ቶጋናው፤ ኡክላይን ዲማ ዲማ አይፍያ አሳቱ ማናዳና፤ ቃይ ዋይንያ ኤሳይ ዋራን ዳቡርያዋንታ ኡሻናው” ያጌዳ።

3 ሄዋጥ ጉይያን ካቲ ጸባ፡ “ነ ጎዳ ናኦ ናኦይ ሀቃን ደኢ?” ያጌደ ኦቼዳ።

ጸብ፡ “እ፡ ‘አሰራኤልያ አሳይ ታ አወዋ አወዋ ካወተላ ሀቼ ታው ዛር እማና’ ያጌደ የሩሳላመን ኡቴዳ” ያጌዳ።

4 ካቲ ጸባ፡ “በእ! ማንፍቦሼታው ደእያባይ ኡባይ ሀእ ኔሳ” ያጌዳ።

ጸብ፡ “ኤኖ ታ ጎዳው ካትያው! ታን ቢታን ጉፋናይ፤ ታን ኔና ናሽትያዋ ኦላና” ያጌዳ።

ሸምእ ዳዊታ ሸቄዳ

5 ካቲ ዳዊተ ባሁሪማ ጌተትያ ካታማ ዬዳ ዋደ፡ ሳኦላ ዳቦ ግድያ እት ብታኒ ሄዋጥ ከሴዳ። እ ሱንላይ ጌራ ናኦ ሸምእ። እ ዳዊታ ሸቄደ ከሴዳ።

6 ዳዊታ ቦላን ካትያ ኦሳንቻቱ ቦላ ሹቻ ኦሌ፤ እ ሄዋ ኦላያ ዋደ፡ ኦሳንቻቱ ኡባይን ካትያ ናግያዋንቱ ኡሸቻናን ሀድርሳና ካትያ ዳዊታ ዶድ ዋሴድኖ።

7 ሸምእ ዳዊታ ሸቄደ፡ “ክቻ፤ ክቻ! ሀ ሱላ ጉሰያዋ! ሀ ፓናዋ!

8 ኔን ሳኦላ ካወተላ ወአደ ካተታዳ፤ ኔን ጉሴዳ ሳኦላ አሳ ሱላ ኡባ መድና ጎዳይ ነ ቦላ ዛሬዳ፤ ቃይ መድና ጎዳይ ካወተላ ነ ናኦ አበሰሎማው ሹዴዳ። ኔን ሱላ ጉሴዳ አሳ ግድያ ድራው፡ ኔን ጳይያ ዋዲ ጋኬዳ” ያጌዳ።

9 ሄዋጥ ጉይያን፡ ጸሩይ ናኦይ አብሻይ ካትያ፡ “ሀ ካና ባኩታይ ታ ጎዳ ካትያ አያው ሸቄ? ታን ባደ እ ቆዳያ መጫይ” ያጌዳ።

10 ካቲ፡ “ሀንተንቶ፡ ጸሩይ ናቶ፡ ሀንተንታ ጋላያዋ አዬ? መድና ጎዳይ እ፡ ዳዊታ ሸቃ ያጌዳ ድራው እ ሸቄያዋ ግደጥ፡ ‘ኔን አያው ሀዋ ኦላይ?’ ያጌደ ኦቻናው ዳንዳይያዋ ኦኔ?” ያጌዳ።

11 ሄዋጥ ጉይያን፡ ዳዊተ አብሻያን ባረ ቆማቱዋ ኡባቱዋ፡ “ታ ናኦይ፡ ታ አሹ፡ ታና ዋዳናው ኮዬ፤ ያትና፡ ሀ ቢንያማ አሳይ ዋት አጊቲ! አ ቦቻጥተ፤ እ ባሸና ሸቆ! አያው ጎጥ፡ መድና ጎዳይ እ አዛዜዳ።

12 ኦን ኤሪ፡ መድና ጎዳይ ታ መቱዋ በኢደ፡ ታን ሀቼ አክያ ሸቃ ድራው ታው ኬካ ዛራንንቶን” ያጌዳ።

13 ዳዊተን እ አሳይ ኦግያ ኦይቄደ ቢኖ። ሸምእካ ደርያጥ ሀን ባጋና፡ ዳዊታ ሄራና ቢደ እ ሸቄን ሹቻ እ ቦላ ኦሌ፤ ባናካ እ ቦላ ላሌ።

14 ካቲን አናና ደእያ አሳቱ ባረንቱ ብያሳኦ ዳቡሪደ ጋኬድኖ። ካቲ ያን ሸምፔዳ።

አበሰሎማን እ ዘርያዋንታ

15 አበሰሎምን እሰራኤልያ አሳቱ ኡባይ የሩሳላመ ገሌድኖ፤ አክጾፊልካ ኡንቱንቱና እትጥ ደኤ።

16 ዳዊታ ላጊ አርክያ ሁሻይ አበሰሎማኮ ዪደ፡ “ካትያ ሸምፔ ጋምኦ! ካትያ ሸምፔ ጋምኦ!” ያጌዳ።

17 አበሰሎም ሁሻያ፡ “ኔን ነ ላግያ ሲቄዳ ሲቁ ሀዋካ? ነ ላግያና አያው ባበይኪ?” ያጌዳ።

18 ሁሻይ አበሰሎም፡ “ቱይት! መጅና ጎዳይነ ሀ አሳይ ቃይ እስራኤልያ አሳይ ኡባይነ ደራዳዎ ታን አቃና፤ ታን አናና አታና።

19 ሄዋጥካ ቃይ ታን ኦው አላኔ? አ ናአው አላናው በሰክታየ? ታን ነ አዎ ኦሌዳዎዳን ሀአ ነውካ አላና” ያጌዳ።

20 አበሰሎም አክጾፊል፡ “ኔን እነ ኑና ዙራ፤ ኑን እይ አላነ?” ያጌዳ።

21 አክጾፊል አበሰሎም፡ “ካትያ ጎልያ ናጋናው አቱዳ ነ አውዋ ባኮቱዋና ባደ ግሳ፤ ኔን ነ አውዋ ሲጅያን ጽንቄዳዋ እስራኤልያ አሳይ ኡባይ ሰሳና፤ ኔናና አትጥ ደእያ ኡባቱዋ ኩሺ ሄዋን ሞናና” ያጌዳ።

22 ካትያ ጎልያ ቦላን ደምባዪደ ኦሌዳ ሳኣን፡ አበሰሎምዉ ዲንካንያ ቶሌድኖ፤ አሳይ ኡባይ ጸልሽን አበሰሎም ገሊደ፡ ባረ አውዋ ባኮቱዋና ግሴዳ።

23 ሄ ጋላሳቱዋን አክጾፊል አ ዙራዳ ዘርያ እት አሳይ ጸሳ ኦቹደ አክያ ዘርያ ማላ። ዳዊተን አበሰሎምን ላአቱካ አክጾፊል ዘርያ ኡባ እኬዳዊ ሀዋዳና።

17

1 ሄዋጥ ጉይያን አክጾፊል አበሰሎም፡ “ሀቼ ቃማ ታን ታማነ ላኡ ሻአ አሳቱዋ ደራደ፡ ዳዊታ የደርሳደ አይቃናው ከሳይ።

2 እ ዳቡርናን ጸላልና፡ ታን አ ቦላ ከሳና። ታን አ ዳጋንሳና፤ ሄዋን አናና ደእያ አሳይ ኡባይካ ባቃታና፤ ታን ካትያ ጸላላ ሾጫና።

3 ያታደ ታን አሳ ኡባ ኔኮ ዛራና። ኔን እት አሳ ጸላላ ዎቆናው ኮያሳ፤ ሀራ አሳይ ሳር አታና” ያጌዳ።

4 አክጾፊል ዙራ አበሰሎምን እስራኤልያ ጭማቱዋ ኡባ ናሽቼዳ።

5 ሄዋጥ ጉይያን አበሰሎም፡ “አርክያ ሁሻያ ቃይ ጸሰተ፤ እነ እ ግያዋ ሰሶይተ” ያጌዳ።

6 ሁሻይ እኮ ዬዳ ዎደ፡ አበሰሎም አ፡ “አክጾፊል ዙራዳ ዙራ ሀዋ፤ ኑን እ ግያዋ አላናው በሲ? በሰናዋ ግደጥ፡ ነ ቆፋይ አዬ?” ያጌዳ።

7 ሁሻይ አበሰሎም፡ “አክጾፊል ዙራዳ ዙራ ሀ ዎድያን ሎአ ግደና።

8 ነ አውነ ነ አውዋ አሳቱ ሞኖ አላንቻቱዋ ግድያዋን ባረ ማራቱዋ ቦንቀቱዳ ማህያ ማላ ያሽያዋንታ ግድያዋ ኔን ኤራሳ። ነ አው ኦላው ሜዘ አሳ፤ እ ቃማ ባረ ኦላንቻቱዋናካ አቀና።

9 በአ፡ እ ሀኖደ ጎንጎሎዋ ግድን ዎይ ሀራ ሳኣን ቆሰት ኡቱዳ። እ ሀንተንቱ ጭታ ቦላ ኮይር ደንደጥ፡ ሄዋ ሰሴዳ አሳይ ኦንነ፡ ኦበሰሎም ካል ቤዳ አሳቱ ሾጫቱድኖ” ያጋና።

10 ነ አው ቶራ ቃራ ግድያዋን አናና ደእያ አሳቱካ ሞኖ ግድያዋ እስራኤልያ አሳይ ኡባይ ኤርያ ድራው፡ ሀራይ አቶ ጋሙዋዳን ጸልያ ሞኖቱ ዎዛናይካ ያሻን ሴራና።

11 “ሸን ታን ኔና ዘርያዌ ሀዋ፤ እስራኤልያ ዛዋን ዳናጥ ቢደ በርሳበሀ ጋካናው ደእያ እስራኤልያ ኡባ፡ አባ ዳናን ደእያ ሻፍያ ኬሻ ኔኮ ሸሻ፤ ያታደ ኔን ነ ሁጲያው ኡንቱንታ ኦላው ካላላ።

12 ያቶጥ ኑን አ ደሜዳ ሀቃንነ ሾጫና፤ ከተርሳይ ሳኣን ዎጅያዎዳን ኑን አ ቦላ ዎቆና። እ ግድናካ ዎይ አናና ደእያ አሳ ግድናካ እቱነ ፓጻ አተና።

13 እ ካታማ ግደ ገሎጥካ፡ እስራኤልያ አሳይ ኡባይ ዎድራዋ ሄ ካታማ አሂደ፡ ካታማ ግደን እት ሹቻይካ ቤተናዳን ኑን ሄ ካታማ ዛንጋራው ዲገ ጎቻና” ያጌዳ።

14 አበሰሎምን እስራኤልያ አሳይ ኡባይ፡ “አርክያ ሁሻያ ዙራ አክጾፊል ዘርያጥ ሎአ” ያጌድኖ። ሄዋ ሀኔዳዌ፡ መጅና ጎዳይ አበሰሎም ቦላ ኢታባ አሀና ማላ፡ አክጾፊል ዘርያ ሎኡዋ ሀልሳናው ቃቼዳ ድራሳ።

15 ሄዋጥ ጉይያን፡ ሁሻይ ቄሳቱ ዋ ጸደቃነ አብያታራ፡ “አክጾፊል አበሰሎምን እስራኤልያ ጭማቱዋ ሀዋ ሀዋ ገደ ዙራዳ፤ ታንካ ኡንቱንታ ሀዋ ሀዋ ጋደ ዙራድ።

16 ሀአካ ዳዊታኮ ኤለካ ኪቲደ፡ “ባዙዋ ጥኑዋን ሀቼ ቃማ አቆጋ፤ ሄፍንላ ጥና ክቻ! ሀና ቆጥጥ፡ ካቲነ አናና ደእያ አሳይ ኡባይ ቆጥና” ያጌደ ኦድተ” ያጌዳ።

17 ዮናታንን አሀማኦጽ ቆንጭያን የራሳላመ ካታማ ገልሽን ኡንቱንታ አሳይ በኤና ማላ፡ ኤንሮጌላ ግያ ሳኣን ኡቲደ ናጋናውን እት ቆማታ ያ ያደ ኡንቱንቶ ኦድና፡ ኡንቱንቱ ቢደ ካትያ ዳዊታው ኦዳናው ቆፔድኖ።

18 ሸን እት ዎዳላይ ኡንቱንታ በኤዳ፤ አበሰሎምዉ ኦዳዳ። ሄዋ ድራው፡ ኡንቱንቱ ላአቱካ ሄ ሳጥ ኤለካ ክቶ ቢደ፡ ባሀራማ ካታማን እት ብታንያ ሶ ጋኬድኖ። ሄ ብታንያው ድርሳጥ ሶ ባጋና ሃላ ኦላይ ደኤ፤ ኡንቱንቱ ሄ ኦላ ግደ ዲገ ገሌድኖ።

19 እያይነ ኤረተናዳን ብታንያ ማቻታ ካምዎዋ አካደ ኦላ ደናን ሂጸዳ፤ ያታደ አ ቦላ ካላ ሞጫዳ።

20 አበሰሎም ቆማቱ ብታንያ ሶ ዪደ ሞሽራቶ፡ “አሀማኦጽን ዮናታን ሀቃን ደኢኖ?” ያጌደ ኦቹድኖ።

ሞሽራታ፡ “ኡንቱንቱ ሻፋ ጥኒደ ቤድኖ” ያጋዳ፤ ኡንቱንቱ ኮይና ቤተናን ቆይና፡ የራሳላመ አጌደ ሰሜድኖ።

21 ሄ አሳቱ ቤዳዋጥ ጉይያን፡ ላኡ አሳቱ ኦላጥ ከሲደ፡ ካትያ ዳዊታው ኦዳናው ቤድኖ፤ ዳዊታ፡ “ኤሌል ደንዲደ ሻፋ ጥንተ፤ አያው ሳጥ፡ አክጾፊል ሀንተንቱ ቦላ ሀዋ ሀዋ ገደ ዘር ዎሌዳ” ያጌድኖ።

22 ዳዊተን አናና እትጥ ደእያ አሳይ ኡባይ ዮርዳኖሳ ጥኒደ ቤድኖ። ዎንታያ ዎደ ዮርዳኖሳ ጥንናን አቱዳ እት አሳይነ ባዋ።

23 አክጾፊል ባረ ዙራ አከትቤናዋ በኤዳ ዎደ፡ ባረ ሀርያ ኮሪደ፡ ባረ ደእያ ካታማ ቤዳ፤ አክጾፊል ባረ ሶያ ገግሲደ፡ ባረካ ሱለቲደ ሀይቄዳ፤ ባረ አውዋ ዲፋዎን ሞገቱዳ።

24 ዳዊተ ማህናይማ ካታማ ጋኬዳ ዎደ፡ አበሰሎምን አናና ደእያ አሳይ ኡባይ ዮርዳኖሳ ሻፋ ጥኒድኖ።

25 አበሰሎም ባረ ኦላንቻቱ ቦላ እዮአባ ኮታን አማሳ ሱንጡዳ። አማሰ እስራኤልያ የተራ

ናኢ፤ የተር አብጋሎ አኬዳዎ፤ አብጋላ ናኦሳ ናትወነ እየኣባ ዳይ ጸሩይ ምቻቶ።

26 እስራኤላቱን አበሴሎም ጋላኣደ ቢታን ኡቲድኖ።

27 ዳዊተ ማህናይማ ካታማ ጋክያ ዎደ፤ አሞና ጋድያ፣ ራባ፣ ጌዳ ናኦሳ ናኣይ ሾቢ፤ ሎዳባራ ካታማ፣ ጌዳ አምኤላ ናኣይ ማኪርነ ርጋሊማ ካታማ፣ ጌዳ ጋላኣድያ ባርዝላይ

28 ሂጽያዎንታ፡ ሳምፓቱዋን ኡርቃ ሚሻቱዋ አሄድኖ። ቃይ ኡንቱንቱ ዛርጋነ ባንጋ፡ ጳልያን ሻሻ፡ ባኤላን ምስርያ።

29 ኤሳን መኤዳ ማላ፡ ሚዛ ማላ ፕላን ድርሳ ዳዊተን አ ኣሳይ ማናዳን አኪደ ዬድኖ። ሃዎ ኡንቱንቱ አሄዳዎ፡ “ኣሳይ ዎራን ኮሻቲዳ፡ ዳቡሬነ ሳመቱ” ጊደ ቆፔዳ ድራሳ።

18

አበሴሎም ጸነቲደ ሀይቄዳ

1 ዳዊተ ባረ ኣሳቱዋ ኡባ እትፕ ሺሺደ ሻላቃቱዋን ጾቱዋ ካፓቱዋ ኡንቱንቱ ቦላ ሱንሴዳ።

2 ዳዊተ ኣሳ ሄዙ ጩቱዋን ሻኬዳ፤ እት ጩቱዋ እየኣባ አዛዜዳ፤ ላኤንሶ ጩቱዋ እየኣባ አሻይ፤ ጸሩይ ናኣይ አብሻይ አዛዜዳ፤ ሄዘንሶ ጩቱዋ ቃይ ጋትያ እታይ አዛዜዳ። ካቲ ኣሳ፡ “ታን ታ ሁጲያወካ ህንተናና እትፕ ባና” ያጌዳ።

3 ሸን ኣሳይ አ፡ “ኔን ባናወ በሰና! ኡን ባቃትንቶን፡ ኡንቱንቱ ኡባ ኮይክኖ፤ ሀራይ እቶ ኡን ባጋይ ሀይቄንቶን፡ ኡባ ኡንቱንቱ ጉዳ ገክኖ። ሸን ኔን ኡፕ ታሙ ሻኣቱዋ፣ ዳራሳ፤ ሃዎ ድራወ፡ ኔን ካታማን ኡታደ፡ ኡወ ማዱዋ ኪቶፕ ሎኦ” ያጌዳ።

4 ካቲ ኡንቱንታ፡ “ህንተና ሎኤዳባ ታን ኣላና” ያጌዳ።

ዳዊተ ድርሳ ፕንግያን ኤቄደእሸን፡ ኣሳይ ኡባይ ጾቱ ጾቱ፡ ሻኣይ ሻኣይ ባረ ጩቱዋን ጩቱዋን ሳልፒደ ከሴዳ።

5 ያትና፡ ካቲ እየኣባ አብሻያን እታያ፡ “ታ ድራወ ጊደ፡ ሄ ያላጋ ብታንያ አበሴሎማ ቆሆፕተ” ያጊደ አዛዜዳ። ካቲ አበሴሎማ ባ ጋዳዋቱ ኡባወ ኦድያ ዎደ፡ ኦላንቻቱ ኡባይ ሰሴድኖ።

6 ዳዊታ ኦላንቻቱ እስራኤላቱዋና ኦላታናወ ጋጸርያን ሳልፒድኖ፤ ኦላ ሳኣይ ኤፍሬማ ዎራና።

7 ሄ ሳኣን ዳዊታ ኦላንቻቱ እስራኤልያ ኦላንቻቱዋ ጸኔድኖ፤ ሄ ጋላስ ሎይሶ ዳር ኣሳይ፡ ላታሙ ሻኣ ኣሳይ ሀይቄዳ።

8 ኦላይ ጋጸርያ ኡባ ጋኬዳ፤ ሄ ጋላስ ዎራይ ወርሴዳ ኣሳይ ማሻይ ወርሴዳ ኣሳፕ ዳራ።

9 አበሴሎም አኬከናን ደኢደ ዳዊታ ኣሳቱዋና ጋከቲዳ፤ አበሴሎም ባረ ባቁሉዋ ቶጊደ፤ ዳር ዳሻይ ደኢያ ዎላ ጋርሳ ባቁሉ ገሌዳ፤ አበሴሎማ ሁጲ ዎላ ባላን ኦይቀቲዳ። አበሴሎም ሳኣፕነ ሳሉዋ፣ ግዱዋን ካቀት ደኢሸን፡ እ ቶጊዳ ባቁሉ ሰንሳወ ብ ኣጌዳ።

10 ኣሳ፣ እቲ ሃዎ በኢደ እየኣባ፡ “በኣ! አበሴሎም እት ዎላ ቦላ ካቀቲዳዎ ታን በኣድ” ያጊደ ኦዳዳ።

11 እየኣባ ባረወ ኦዳዳ ብታንያ፡ “ሄ? በኣድ ጋይ? ኣያወ ቢታወ ዲገ ሾጫበይኪ? ኔን ሾጩዳዎ ግድንቶ፡ ታን ነወ ታሙ ጸጋራ ብራነ እት ሳቄያ እማናዎ ሸን” ያጌዳ።

12 ብታኒ፡ “ኔን ሻኣ ጸጋራ ብራ ታ ኩሽያን ዎሳንቶካ፡ ታን ካትያ ናኣ ቦላ ታ ኩሽያ ደንሰከ! ኡን ኡባይ ሰሰሸን፡ ካቲ ኔናን አብሻያ እታያ፡ ታ ድራወ ጊደ፡ ያላጋ ብታንያ አበሴሎማ አሸተ” ያጊደ አዛዜዳ።

13 ታን ካትያ አዛዙዋ ሻራደ አበሴሎማ ዎዳዳዎ ግድንቶ፡ ካቲ ኡባባ ሰሰያዎዳን ሄዎካ ሰሳናዎ አተና። ኔን ሄ ዎደ ታፕ ሃኩዋን ኤቃና” ያጌዳ።

14 እየኣባ አ፡ “ታን ኔናና ሀዎዳን ጋምኣከ” ያጌዳ፤ ሄዙ ቶራ ባረ ኩሽያን አኪደ፡ አበሴሎም ዎላን ካቀቲደ ፓጸ ደኢያዎ ዎዛና ኣይፍያን ጫዳዳ።

15 እየኣባ ኦላ ሚሻ ቶክያ ታማቱ አበሴሎማ ደዲደ፡ ሾጭ ዎዳዳድኖ።

16 ሄዎ፣ ጉይያን፡ እየኣባ ኦላ ኤሳናወ ማላካታ ፑኔዳ፤ ኣሳይ እስራኤላቱዋ የደርሰያዎ ኣጌዳ።

17 ኡንቱንቱ አበሴሎማ አክ አፊደ፡ ዎራን ደኢያ ዎልቃማ ኦላ ግድን የጊደ፡ ዳር ሹቻ አ ቦላ ደሬድኖ። ሄ ዎደ እስራኤልያ ኣሳይ ኡባይ ባረ ሶ ባረ ሶ ባቃቲዳ።

18 አበሴሎም ፓጸ ደኢደ፡ “ታ ሱንሳ ሀሳይሰያ ናኣ ታወ ባዎ” ያጊደ፡ ባረና ሀሳይሰያ ሹቻ ማሴዳ ቱሳ ካትያ ሀወልትያ ኤሴዳ፤ ሄ ቱሳ ባረ ሱንሳን ጾሴዳ። ሀቼ ጋካናወ፡ ሄ ቱሳይ “አበሴሎማ ቱሳ” ጌተቲ።

ዳዊተ አበሴሎም ሀይቄዳዎ ሰሲደ ዬኬዳ

19 ሄዎ፣ ጉይያን፡ ጸደቃ ናኣ አህማኣጽ እየኣባ፡ “ኣ ሞርከቱዋ ኩሽያ፣ ሙድና ሳዳይ ኣ አሹዳ ምሽራቹዋ ሰሳናወ፡ ታን ካትያኮ ዎጸ ባደ ኦዳይ” ያጌዳ።

20 እየኣባ አህማኣጽ፡ “ቱይት! ሀቼ ኔን ምሽራቹዋ ኦድያ ጋላሳ ግደና፤ ሀራ ጋላስ ኦዳናወ ዳንዳያሳ። ካትያ ናኣይ ሀቼ ሀይቄዳ ድራወ፡ ኔን ሀቼ ኦዳናወ ኮሸና” ያጌዳ።

21 እየኣባ ቶጽያ ኣሳ ግድያ እት ብታንያ ጾሲደ፡ “ባ፤ ኔን በኤዳዎ ካትያወ ኦዳ” ያጌዳ፤ ሄ ብታኒ እየኣባወ ሳይኒደ ዎጾዳ።

22 ጸደቃ ናኣይ አህማኣጽ ላኤንሎዎ እየኣባ፡ “ኣይነ ሀኖ፤ ታን ሀ ቶጽያ ብታንያ ጌዱዎ ዎጸይ” ያጌዳ።

እየኣባ፡ “ታ ናኣወ፡ ነወ ዎይታ አህያ ኦዳ ባይናሸን፡ ኔን ኣያወ ዎጸናወ ኮያይ?” ያጌዳ።

23 አህማኣጽ እየኣባ፡ “ኣይነ ሀኖ፤ ታን ዎጸናወ ኮያድ” ያጌዳ።

እየኣባ አ፡ “ያኖ፣ ፓጸ” ያጌዳ። ሄዎ ድራወ፡ አህማኣጽ ደምባ ኦግያ ኦይቄደ ዎጾዳ፤ ቶጽያ ብታንያ የጊደ አጼዳ።

24 ግምቢያ ፕንግያወ ካረ ደየትያ ሳንቃፕነ ሶ ደየትያ ሳንቃ፣ ግዱዋን አኮ ሳኣን ዳዊተ ኡት ደኢሸን፡ ናግያ ብታኒ ግምቢያና ኦይቄቲዳ ፕንግያ ጾራ ሁጲያ ፑደ ከሴዳ፤ ጾሊደ፡ እት ብታኒ ባረካ ዎጸያዎ በኤዳ።

25 ናግያ ብታኒ ካትያ ደሲደ ኦዴዳ። ካቲ፡ “እ ባረካ ደኣ፡ ሞሽራቹዋ እኪደ ዬ።” ያጌዳ። ዋጽያ ብታኒ ኡንቱንቱኮ ማቲደ ዬዳ።

26 ናግያዌ ሀራ እስካ ዋጽያዋ በኤዳ፤ ፕንግያ ናግያ ብታንያ፡ “በእ! ሀራ ብታኒካ ባረካ ዋጽ” ያጌዳ።

ካቲ፡ “ሀ ብታኒካ ቃይ ሞሽራቹዋ እኪደ ዬ።” ያጌዳ።

27 ናግያዌ፡ “ኮይሮ ብታንያ ዋላይ ዳዶቃ ናኣ አህማኣጸ ዋላ ታው ማላቲ” ያጌዳ።

ካቲ፡ “እ ሎኦ አሳ፤ እ ሎኦ ኦዲዋና ዬ።” ያጌዳ።

28 አህማኣጸ ካትያ ደሲደ፡ “ኡባባይካ ሎኦ!” ያጌዳ። ካትያ ሰንላን ግሰ ጉፋኒደ፡ “ታ ጎዳ ካትያ ቦላ ባረንቱ ኩሽያ ደንጮዳ አሳቱዋ ነዉ አሲደ እሜዳ መድና ጎዳይ ነ ጸሳይ ጋላተቶ” ያጌዳ።

29 ካቲ፡ “ያላጋ ብታኒ አበሴሎም ሳሬ?” ያጌደ ኦቹዳ።

አህማኣጸ፡ “እየኣበ ታና ኪታና ሀንያ ዋደ፡ ዋልቃማ ጉሩባይ ደእያዋ በኣድ፤ ሽን እ አዬንቶን ታን ኤራበይከ” ያጌዳ።

30 ካቲ ኦ፡ “ያ ሺቃ ኤኦ” ያጌዳ፤ እ ያቶፕ ሺቁደ ኤቁዳ።

31 ሄዋፕ ጉይያን፡ ቶጽያ ብታኒ ጋኪደ ካትያዉ፡ “ታ ጎዳዉ ካትያዉ፡ ሞሽራቹዋ! ነ ቦላ ደንዴዳዋንቱ ኡባ ኩሽያፕ መድና ጎዳይ ሀቼ ኔና አሺዳ” ያጌዳ።

32 ካቲ ቶጽያ ብታንያ፡ “ያላጋ ብታኒ አበሴሎም ሳሬ?” ያጌደ ኦቹዳ።

ቶጽያ ብታኒ ካትያ፡ “ታ ጎዳዉ ካትያዉ፡ ነ ሞርከቱ ነ ቦላ ኢታባ ኦላናዉ ደንድያዋንቱ ኡባቱ ሄ ያላጋ ብታንያዳን ሀንኖ” ያጌዳ።

33 ካቲ ዳሮፕ ካዮቲዳ፤ ግምቢያ ፕንግያ ሁጲያን ደእያ ጎልያ ገሊደ ዬኬዳ፤ ካቲ ቢደ፡ “እየ ታ ናኣዉ አበሴሎም! ታ ናኣዉ! ታ ናኣዉ አበሴሎም! ነ ድራዉ ታን ሀይቃርክታሻ! እየ ታ ናኣዉ አበሴሎም! ታ ናኣዉ!” ያጌደ ዬኬዳ።

19

1 “አበሴሎምዉ ካቲ ዬኬነ ዝላሌ” ያጌደ እየኣባዉ ኦዴድኖ።

2 ኦላንቻቱ ኡባይ፡ “ካቲ ባረ ናኣዉ ዬኬ” ግያዋ ሰሴዳ ድራዉ፡ ሄ ጋላሰ ኡንቱንቱ ኡባይ ጸኔዳ ጸኔ ዬኮ ላመቲዳ።

3 ኦላፕ ባቃቲደ ዬላቲዳ ኦላንቻቱዋዳን፡ አሳይ ሄ ጋላሰ ዉኤቲደ ካታማ ገሌዳ።

4 ካቲ ባረ ዳሙዋ ጉሎቲዳ፡ ባረ ቃላ ቶቁሲደ፡ “እየ ታ ናኣዉ አበሴሎም! እየ አበሴሎም ታ ናኣዉ! ታ ናኣዉ!” ያጌደ ዝላሌዳ።

5 ሄዋፕ ጉይያን፡ እየኣበ ሄ ጎልያ ቢደ ካትያ፡ “ነ ሸምቱዋ፡ ነ ኢቲማ ናናቱዋን ነ ማጫ ናናቱዋ ሸምቱዋ፡ ነ ማቹቻቱዋን ነ ባኮቱዋ ሸምቱዋ ሀቼ አሺዳ ነ አሳ ኡባ ኔን ሀቼ ካዉሻዳ።

6 ኔና እጽያዋንታ ኔን ሲቃሳ፤ ኔና ሲቅያዋንታ ኔን እጻሳ። ነ ኦላንቻቱን ኡንቱንቱ ካፓቱ ነዉ እያን

ግደናዋ ኔን ሀቼ ቆንጭሳዳ። ኔን ኡባይ ሀይቁና፡ አበሴሎም ሀቼ ፓጻ ኦቲደንቶ፡ ኔን ናሽታናዋ ታን በኣድ።

7 ሀእ ደንዳ! ካረ ከሳደ ነ አሳ ሞንግግ። መድና ጎዳይ ኤር! ኔን ከሳና ቆየፕ፡ ሀቼ ቃማ ኔናና እት አሳይን አተና። ነ ያላጋተላፕ ሀቼ ጋካናዉ፡ ኔና ጋኬዳ ኢታ ኡባፕ ሀቄ ነዉ አድያ ኢታ ግዳና” ያጌዳ።

8 ካቲ ደንዳደ ግምቢያ ፕንግያን ኡቲዳ። “ካቲ ፕንግያን ኡቲዳ” ግያዋ አሳቱ ኡባይ ሰሴዳ ዋደ፡ ካትያ ሰንላ ዬድኖ።

ዳዊተ የሩሳላም ሰሜዳ

ሄ ዋደ እስራኤልያ አሳቱ ኡባይ ባረንቱ ሶ ባረንቱ ሶ ባቃቲድኖ።

9 እስራኤልያ ዛራቱ ኡባይ እቲ እቲዋና ሀዋዳን ያጌደ ፓሎመቲኖ፤ “ካቲ ዳዊተ ኮና ኮ ሞርከቱዋ ኩሽያፕ አሺዳ፤ ኮና ፕልሰጾማ አሳቱዋ ኩሽያፕ ዋላ አኬዳ፤ ሽን እ ሀእ አበሴሎም ጋሱዋን ቢታ አጌደ ባቃቲዳ።

10 ኮ ቦላ ካተታናዳን ኡን ኦኬዳ አበሴሎም ኦላን ሀይቁክቹዳ። ያትና፡ ካትያ ጉየ አሀናዉ ሀንተንቱ እያዉ ጮኡ ጌድቲ?” ያጌድኖ።

11 ካቲ ዳዊተ ቄሳቶ ጸደቃዉን ኡባያታራዉ ኪታ የዲደ፡ “ይሁዳ ጭማቱዋ ሀዋዳን ያግተ፤ ዳዊተ ሀዋዳን ያጌ፤ “እስራኤልያ አሳይ ኡባይ ሃሳይያዌ ካትያ ጋኬዳ። ካትያ እ ጎልያ ዛር አሀናዉ ሀንተንቱ እያዉ ሀራቱዋፕ ጉየ አቲቲ?”

12 ሀንተንቱ ታ እሻቱዋ፤ ሀንተንቱ ታ አሾን ታ ሱላ። ያትና፡ ካትያ ጉየ ዛር አሀናዉ ሀንተንቱ እያዉ ሀራቱዋፕ ጉየ አቲቲ?” ያጌ፡ ያግተ።

13 ቃይ አማሳዮዉካ፡ ዳዊተ ኔና፡ “ኔን ታ አሾን ታ ሱላ ግድኪ? ሀቹፕ ደምና፡ ታን ኔና እየኣባ ሳኣን ታ ኦላንቻቶ ጋዳዋ ከሳና ቆየፕ፡ ጸሳይ ታና ዋቆ!” ያጌ፡ ያግተ” ያጌዳ።

14 ካትያ ሃሳይይ ይሁዳ አሳቱዋ ኡባ ዋዛና እቲዋ ኦሊደ ማይዜዳ። ሄዋ ድራዉ፡ ኡንቱንቱ ካትያኮ ከቲደ፡ “ኔንካ ነ አሳይ ኡባይካ ሃ ሰምተ” ያጌድኖ።

15 ካቲ ሰሚደ፡ ዮርዳኖሳ ሻፋ ጋካናዉ ዬዳ። ይሁዳ አሳቱ ካትያ ሞካናዉን ዮርዳኖሳ ሻፋ ፕንላናዉ፡ ገልጋላ ግያ ሳኣ ዬድኖ።

16 ባሁሪማ ካታማፕ ዬዳ ቢንያማ ዛሪ፡ ጌራ ናኣይ ሸምእ ዳዊታ ሞካናዉ ኤሌሊደ፡ ይሁዳ አሳቱዋና ቤዳ።

17 አናና ቢንያማ ዛረ ግዳዳ ሻኣ አሳቱ፡ ሳኣላ ሶ ቆማይ ጸብ፡ አ ናናይ ታማን እቹሻቱን አ ቆማቲ ላታማቲ ደኣኖ። ኡንቱንቱ ካቲ ደእያ ሳኣ ዮርዳኖሳ ሻፋ ጀሚደ ቤድኖ።

18 ካትያ ሶ አሳ ፕንላናዉን ካትያ ናሽቻያዋ ኦላናዉ ፕኩዋና ፕኒደ ቤድኖ።

ጌራ ናኣይ ሸምእ ዮርዳኖሳ ሻፋ ፕኔዳ ዋደ፡ ካትያ ሰንላን ጉፋኒደ።

19 ሀዋዳን ያጌዳ፤ “ታ ባይዙዋ ካቲ እቶ ጎ። ታ ጎዳይ ካቲ የሩሳላምፕ ከሰያ ጋላሰ ታን ነ ቆማይ ባሌዳ ባላ ኔን ሀሳዮፕ። ሄዋ ነ ኡሉዋን ኦይቆፕ።

20 እያው ጎጥ፣ ነ ቆማይ ታን ናጋራ ኦሌዳዎ ኤራይ፤ ሸን ነና ታ ጎዳ ካትያ ሞካናው፣ ዮሴፎ ሶ አሳ ኡባጥ ኮይርታደ ታን ሆቼ ያድ” ያጌዳ።

21 ሄዋጥ ጉይያን፣ ጸሩይ ናኦይ አብሻይ፣ “ሸምእ መድና ጎዳይ ኦኬዳ ካትያ ሸቄዳ ድራው፣ እ ሀይቃናው በሰኔየ?” ያጌዳ።

22 ዳዊተ አብሻያ፣ “ህንተንቶ፣ ጸሩይ ናቶ፣ ህንተንታ ጋልያዌ አይ? ህንተንቱ ሆቼ ታው ሞርከ ግዲቲ! ሆቼ እሰራኤላን አይ አሳይነ ሀይቃና! ሆቼ እሰራኤልያ ካቲ ታናቲ!” ያጌዳ።

23 ካቲ ሸምእ፣ “ኔን ሀይቃካ” ያጌደ አው ጫቄዳ።

24 ቃይ ሳኦላ ናኦይ ማንፍቦሼተ ካትያ ሞካናው ዲገ ዎቄዳ። ካቲ ቤዳ ጋላሳጥ ደሚደ፣ እ ሳርተላን ጉየ ሰምያ ጋላሰ ጋካናውካ፣ ማንፍቦሼተ ባረ ገድያ ሜጭቤና፤ ባረ ቡቻ ሜድቤና፤ ቃይ ባረ ማዩዋካ ሜጭቤና።

25 ማንፍቦሼተ ካትያና ጋከታናው የሩሳላመጥ ዬዳ ዎደ፣ ካቲ እ፣ “ማንፍቦሼታ፣ ኔን ታናና እያው ባበይኪ?” ያጌደ ኦቼዳ።

26 እ፣ “ታ ጎዳው ካትያው፣ ታን ነ ቆማይ ሰላ ግድያ ድራው፣ ታን ቶጋደ ካትያና ባናዳን ታ ሀርያ ኮራ” ያጋድ። ሸን ታ ቆማይ ጸብ ታና ጭሚዳ፤

27 ታና ነ ቆማ ታ ጎዳው ካትያው ዝግሬዳ። ኔን ታ ጎዳይ ካቲ ጸሳ ኪታንቻ ማላ፤ ሄዎ ድራው፣ ኔና ናሸቻያዎ ኪተታ።

28 ታ አዉዎ አዉዎ አሳይ ኡባይ ሀራባ ግደናን፣ ታ ጎዳይ ካቲ በን ዎቆናው በሰያ አሳ፤ ሸን ታን ነ ቆማይ ነ ማዳጥ ምያዎንቱና ማናዳን ኔን ታው ሳኦ እማዳ። ያትና፣ ታን ሀዋጥ አድያዎ ካትያ ኦቻናው ታው አይባ ማታይ ደኢ?” ያጌዳ።

29 ካቲ እ፣ “ኔን ዳርባ ሃሳያናው ኮሸና። ኔን ጸብ ጋድያ ሻክ አካና ማላ ታን አዛዛይ” ያጌዳ።

30 ማንፍቦሼተ ካትያ፣ “ታ ጎዳይ ካቲ ሳር ሶ ሰማጥ አትና፣ ኡባባካ ጸብ አኮ” ያጌዳ።

31 ጋላኦድያ ባርዘላይ ካትያና እትጥ ዮርዳኖሳ ሻፋ ፕናናውን ያጥ አ ሞይዛናው ሮጋሊማ ግያ ሳጥ ዬዳ።

32 ባርዘላይ ላይላይ ሆሰፑን ታሙዋ ግዴዳ ጭማ አሳ። እ ዳሮ ዱረ አሳ ግድያ ድራው፣ ካቲ ማህናይማ ካታማን ደእያ ዎደ፣ ካትያው ኮሸያዎ እሜዳ።

33 ካቲ ባርዘላይ፣ “ኔን ታናና የሩሳላመ ደንዳ፤ ታን ኔው ያን ኮሸያዎ እማና” ያጌዳ።

34 ሸን ባርዘላይ ካትያ፣ “ታን ሀዋጥ ሰንላን ዳሮ ላይላ ደእከ፤ ያትና፣ ታን ካትያና የሩሳላመ እያው ቦ?”

35 ታን ሀእ ሆሰፑን ታሙ ላይላ አሳ፤ ታን ሀእ ኢታን ሎኡዎ ሻካደ ኤራናው ዳንዳያይታ? ታን ነ ቆማይ ታ ምያዎን ኡሸያዎ ማልኡዎ ሻካደ ኤራናው ዳንዳያይታ? አቲማዎንቱን ማጫዎንቱ የጸያ የላ ታን ሰሳናው ዳንዳያይታ? ያትና፣ ታን ነ ቆማይ ታ ጎዳው ካትያው እያው ጉጃ ቶኮ ግድ?

36 ታን ነ ቆማይ ዮርዳኖሳ ሻፋ ፕናና ኔና ላፋ ሞይዛና። ሸን ካቲ ታው ሄዎዳን ኩሸ ዛራናው እያው ኮሺ?

37 ታን ታ አዉዎን ታ ዳይ ዱፋዎ ማታን ታ ካታማን ሀይቃና ማላ ሰማይ። ታ ናኦይ ክምሃም ሀዌሸ፤ ታ ጎዳና ካትያና እትጥ እ ቦ፤ ኔና ናሸቻያዎ ኔን አው ኪተታ” ያጌዳ።

38 ካቲ፣ “ክምሃም ታናና ፕና፤ ኔና ናሸቻያዎ ታን አው አላና። ቃይ ኔን ታና ኦቻያዎ እያን ታን ነው አላና” ያጌዳ።

39 ሄዋጥ ጉይያን፣ አሳይ ኡባይ ዮርዳኖሳ ሻፋ ፕኔዳ፤ ካቲካ ፕኔዳ። ባርዘላይ የሪደ አንጄዳ፤ ያትና፣ ባርዘላይ ባረ ሶ ሰሜዳ።

40 ካቲ ፕኒደ ገልጋላ ብያ ዎደ፣ ክምሃምካ አናና እትጥ ቤዳ። ይሁዳ ኦላንቻቱ ኡባቱን እሰራኤልያ ኦላንቻቱዋጥ ባጋቱ ካትያና እትጥ ቤድና።

41 ሄዋጥ ጉይያን፣ እሰራኤላቱ ኡባይ ካትያኮ ቢደ፣ “ኦ እሻቱ ይሁዳ አሳቱ ካትያን አ ሶ አሳ እያው ወኤድና? ቃይ አ አሳ ኡባና እትጥ ዮርዳኖሳ ሻፋ እያው ፕንሌድና?” ያጌድና።

42 ይሁዳ አሳቱ ኡባይ እሰራኤላቱዋ፣ “ካቲ ኑው ማታ ዳቦ ግድያ ድራው፣ ኔን ሀዋ ኦሌደ፤ ያትና፣ ህንተንቱ ሄዎ እያው ሀንቀትተ? ኔን ካትያ ቁማጥ አየንቶ ሜድናየ? ዎይ ኔን አጥ አየንቶ ኑው አኬዶየ?” ያጌድና።

43 እሰራኤልያ አሳቱ ይሁዳ አሳቱዋ፣ “ካትያጥ ታሙ ኩሺ ኑና ጋሌ፤ ሄዎ ድራው፣ ዳዊታ ማታን ኑው ህንተጥ አዶ ማታይ ደኤ! ያትና፣ ህንተንቱ ኑና እያው ካዴድቱ? ኑ ካትያ ጉየ ዛሪደ አሀናው ካሰቲደ ሃሳዬዳዌ ኑና ግደኮ?” ያጌድና።

ሸን እሰራኤልያ አሳቱዋጥ ይሁዳ አሳቱ ሃሳያ ሎይላ ዎልቃንሌድና።

20

ሸባእ ዳዊታ ቦላ ደንዴዳ

1 በንያማ ዛረ ግድያ ቢክራ ናኦይ ሸባእ ጌተታያ እት ሸር ባይና ብታኒ ያን ደኤ። ሄ ብታኒ ማላካታ ፑኒደ፣ “ኔን ዳዊታና አክያ ኤጻይ ባዎ! እሰያ ናኦና ኔን ላታናባይ ባዎ! እሰራኤልያ አሳቶ፣ ኡባይካ ህንተንቱ ሶ ህንተንቱ ሶ ገልተ!” ያጌዳ።

2 እሰራኤልያ አሳቱ ኡባይ ዳዊታ አገደ፣ ቢክራ ናኦ ሸባእና ቤድና። ሸን ይሁዳ አሳቱ አማኒቲደ፣ ዮርዳኖሳጥ የሩሳላመ ጋካናው፣ ባረንቱ ካትያ ካሌድና።

3 ዳዊተ ባረ ሶ የሩሳላመ ሰሜዳ ዎደ፣ ካትያ ጎልያ ናጋናው አሸዳ ታሙ ባኮቱዎ አክ አፊደ፣ እት ጎለን ናግሰ ዎሌዳ፤ ኡንቱንቶ ኮሸያዎ እሜዳ፤ ሸን እ ኡንቱንቱና አቅቤና። ኡንቱንቱ ሄ ጎለን ናገቲደ፣ ባረንቱ ሀይቁዎ ጋላሳይ ጋካናው አምእያዳን ደኤድና።

4 ሄዋጥ ጉይያን ካቲ አማሳ፣ “ይሁዳ አሳ ኡባ ሄዙ ጋላሳን ታው ጸሳደ ሸሻ፤ ያታደ ኔንካ ነ ሁጲያው ኡንቱንቱና ሸቃ” ያጌዳ።

5 አማሰ ይሁዳ አሳቱዋ ደሳናው ቤዳ፤ ሸን ካቲ አዉ ኬሬዳ ጋላሳጥ ጋምኤዳ።

6 ዳዊተ አብሻያ፡ “ሀእ ቢክራ ናኣ ሸባእ አበሰሎማዋጥካ አሊደ ኑና ቆሀናዋ። ነ ጎዳ ቆማቱዋ አካደ ኔን አ ቃታማ ካላ። ሄዌ ቆየጥ፡ እ ግምብቱዳ ካታማቱዋ ደሚደ ኑጥ ከሰ አካና” ያጌዳ።

7 እዮኣባ አሳቱ፡ ካትያ ናግያዋንቱነ ምኖ ኦላንቻቱ ኡባይ አብሻያና ቢክራ ናኣ ሸባእ የደርሳናው የሩሳላመጥ ከሲደ ቤድኖ።

8 ኡንቱንቱ ቢደ ጋባኦናን ደእያ ዎጋ ዛላ ጋክያ ዎደ፡ አማሰ ኡንቱንቱና ጋከታናው ዬዳ፤ እዮኣባ ኦላ ማዩዋ ማይ ኡቴዳ፤ ባረ ደሳን ማሻ ሾኩዋና አላ ዎሌዳ ሳቀያ ዳንጩዳ። አ ሰንፋዉኮ ታንግሸን፡ ሄ ማሻይ ሾኩዋጥ ከሰ አኪደ ዎዴዳ።

9 እዮኣባ አማሳ፡ “ታ እሻዉ፡ ኔን ሳር ደአይ?” ያጌዳ፤ እዮኣባ አማሳ የራናዉ ባረ ኡሸቻ ኩሸያን አ ቡቻ ኦይቄዳ።

10 ሸን አማሰ እዮኣባ ሀድርሳ ኩሸያን ደእያ ማሻ በእቤና፤ ሄዎ ድራዉ፡ አጥ ናገትቤና። እዮኣባ አ ኡሉዋ ጫዲደ፡ አ ማራጭያ ቢታን ቆቆሬዳ፤ ላኤንሉዋ ጫደተናንካ አማሰ ኤላካ ሀይቄ ባሺዳ።

ሄዋጥ ጉይያን፡ እዮኣብነ አ እሻ አብሻይ ቢክራ ናኣ ሸባእ ቃታማ ካሌድኖ።

11 እዮኣባ አሳቱዋጥ እቱ አማሳ አሀ ማታን ኤቂደ፡ “እዮኣባ ደሰያዌነ ዳዊተዋ ግድያዌ ኦንነ እዮኣባ ካሎ” ያጌዳ።

12 አማሰ ኦግያ ግድ ባጋን ኩንዲደ፡ ባረ ሱፋን ባዩደ ግሴዳ። ኦላንቻቱ ኡባይ ዩደ፡ ሄ ሳኣን ኤቄዳዋ ሄ ብታኒ በኤዳ ሳናካ አማሳ አሀ ኦግያጥ ጋጸ ሾይቃዉ ጎቾ የጊደ፡ አ ቦላ ማዩዋ ኦሌዳ።

13 አማሳ ኦግያጥ ድጌዳዋጥ ጉይያን፡ ቢክራ ናኣ ሸባእ ገና ካላናዉ ኦላንቻቱ ኡባይ እዮኣባና ቤድኖ።

14 ሸባእ እሰራኤልያ ዛራቱዋ ኡባ ቢታና አዲደ፡ አበል-ቤትማእካ ግያ ካታማ ጋኩዳ። ቤራቱዋ ቢታና አድሸን፡ አሳይ ኡባይ ሸቂደ አ ካሌዳ።

15 እዮኣባና ደእያ አሳቱ ኡባይ ጋኪደ፡ ሸባእ አበል-ቤትማእካ ካታማን ዩይ አዲደ ደዴድኖ። ኡንቱንቱ ካታማ ግምቢያን ዘምፕሲደ ቢታ ደሬድኖ። ቃይ እዮኣባና ደእያ አሳቱ ኡባይ ግምቢያ ስላናዉ ቦክና። ኡንቱንቱ ቦክሸን፡

16 ካታማጥ እት ኤራንቻ ምሽራታ ኡንቱንታ ደሳደ፡ “ሰሰተ! ሰሰተ! ቢደ፡ እዮኣባ ደግተ። ታን አዉ ኦድያባይ ደኤ” ያጋዳ። እ ምሽራትኮ ቢና አ፡

17 “ኔን እዮኣቤ?” ያጋደ ኦቻዳ።

እ፡ “ኤ፡ ታና” ያጌዳ።

ምሽራታ አ፡ “ታን ነ ቆማታ ግያዋ ሰሳ” ያጋዳ።

እዮኣባ፡ “ታን ሰሳይ” ያጌዳ።

18 ምሽራታ እዮኣባ፡ “በን ዎደ አሳይ ኣሌላ ካታማጥ ነ አሻዉ ዛራዋ ደማ” ያጌ፤ ሄዋን የዉ ዉራሬ።

19 እሰራኤልያ ግድን ሳር ደእያ አማንትያ አሳይ ኑና። እሰራኤልያ ቢታን ደእያ እየ ካታማ ኔን ባይዛናዉ ማላሳ፡ ኔን መድና ጎዳ ቡዞ ቢታ አያዉ ቆይሳናዉ ኮያይ?” ያጋደ ሃሳያዳ።

20 እዮኣባ እዞ፡ “ሄዌ ታጥ ሃኮ! ባይዘያዌ ዎይ ቆይሰያዌ ታጥ ሃኮ!

21 የዉ ሄዎ ግድና፤ ኤፍሬማ ገዘያጥ ቢክራ ናኣ ሸባእ ጌተትያ እት ብታኒ ካትያ ዳዊታ ቦላ ባረ ኩሸያ ደንጬዳ። ሄ ብታንያ ታዉ ሼድተ፤ ያቶጥ፡ ታን ካታማጥ ባና” ያጌዳ።

ምሽራታ እዮኣባ፡ “አ ሁጲ ግምቢያ ደራና ነዉ አለታና” ያጋዳ።

22 ሄዋጥ ጉይያን፡ ምሽራታ ባረ ኤራ ዞርያና አሳ ኡባኮ ባዲ። ሄዎ ድራዉ፡ አሳይ ቢክራ ናኣ ሸባእ ቆድያጥ ሁጲያ እዮኣባዉ አሌዳ። ያትና፡ እዮኣባ ማላካታ ፑኔዳ፤ አሳይ ኡባይ ካታማጥ ከሲደ፡ ባረ ሶ ባረ ሶ ቤዳ፤ እዮኣባ ካትያኮ የሩሳላመ ሰሜዳ።

ዳዊታ ኦላንቻቱዋ

23 እዮኣባ እሰራኤልያ ኦላንቻቱ ኡባዉ ጋዳዋ፤ ዮዳሄ ናአይ ባናይ ዳዊታ ናግያ ኦላንቻቱ ካፑዋ።

24 አድንራም ዎልቃን ጮ ኦልያዋንቱ ካፑዋ፤ አሀሉዳ ናአይ ዮሳፌጸ ሀኔዳባ ጸፍያዋ።

25 ሱሰ ዋና ጸፍያ፤ ጸደቅነ አብያታረ ቄሳቱ ዋ። *

26 ያኢራ ካታማ አሳ ግድያ እርካ ዳዊታዉ ቄሳቱዋ።

ዉርሰሳ ላይላቱዋ

21

(21:1—24:25)

ሳኦላ ያራቱዋ ቦላ ዎዴዳ ፕርዳ

1 ዳዊተ ካተቱዳ ዎደ፡ ሄዙ ላይላ ኩመንሳ ቢታይ ኮሻቱዳ። ሄዎ ድራዉ፡ ዳዊተ መድና ጎዳ ኦቼዳ፤ መድና ጎዳይ አ፡ “ሄዌ ሀኔዳዌ ሳኦላ አሳይ ጉሴዳ ሱፋ ድራሳ፤ አያዉ ጎጥ፡ እ ጋባኦና አሳቱዋ ዎዴዳ” ያጌዳ።

2 ሄዎ ድራዉ፡ ካቲ ጋባኦና አሳቱዋ ዴሲደ ሃሳይሴዳ። ጋባኦና አሳቱ እሰራኤልያ ዞርያ ግድክኖ፤ ኡንቱንቱ አዋረ ቢታ አሳቱዋጥ አቴዳዋንታ። እሰራኤላቱ ኡንቱንታ አሻናዉ ኡንቱንቱና ጫቀቱድኖ፤ ሸን ሳኦል እሰራኤልያዉነ ይሁዳዉ ምሽቱዳ ድራዉ፡ ኡንቱንታ ኡባና ቆይሳናዉ ደሚዳ።

3 ዳዊተ ጋባኦና አሳቱዋ፡ “ታን ሀንተንቶ አያ ኦላ? መድና ጎዳ ቡዞ ቢታ ሀንተንቱ አንጃና ማላ፡ ታን ሀንተንቶ አያ አጮ?” ያጌዳ።

4 ጋባኦና አሳቱ ዛሪደ ካትያ፡ “ኑጥነ ሳኦላጥ ግዲዋን፡ ዎይ ኑጥነ ሳኦላ ጎልያ አሳጥ ግዲዋን ደእያ የዉ ዎርቃ ዎይ ብራ የዉዎ ግድና፤ ቃይ ኑን እሰራኤልያ ግድን እት ኡራነ ዎዳናዉ ኑዉ ማታይ ባዋ” ያጌድኖ።

ዳዊተ ኡንቱንታ፡ “ያትና፡ ታን ሀንተንቶ አያ ኦላናዉ ኮይቱ?” ያጊደ ኦቼዳ።

* 20:25 ሱሰ፡ አብራዌሉዋን “ሻዋ” ጌተቱ፤ ሀ ብታኒ አብራዌሉዋን ኦይዲ ዳማ ዳማ ሱንሳን ዴሰቱ። 21:2 ኢያሳ 9:3-15

5 ኢንቴንቲ ካትያ፡ “ሳኦል ኑና ጳይሴዳ፤ ኑፕ ኦይ ኦሳይን እስራኤልያ ዛዋን ሀቃን ፓጻ እተናዳን ማቀቲዳ።

6 ሄዋ ድራው፡ ሳኦል ያራፕ ሳፑን አቱማ አሳቱዋ ኑው አላደ እማ፤ መድና ጎዳይ ደሪደ ካተዬዳ ሳኦል ካታማን ግብእን መድና ጎዳ ሰንላን ኑን ኢንቴንታ ካቃና” ያጌድና።

ካቲ ኢንቴንታ፡ “ታን ኢንቴንታ ህንተንቶ አላደ እማና” ያጌድና።

7 ሳኦል ናኦይ ዮናታንን ዳዊተ መድና ጎዳ ሰንላን ጫቄዳ ጫቄዋ ድራው፡ ሳኦል ናኦ ዮናታና ናኦ ማንፍቦሼታ ካቲ አሼዳ።

8 ሸን ዳዊተ አታ ናታ ርጽፋ ሳኦላው የሌዳ ላኡ አቱማ ናና፡ አርሞናን ማንፍቦሼታ፡ ቃይ ሳኦል ናታ መራባ ማሆላ ካታማፕ ዬዳ ባርዘላያ ናኦ አድራሕላው የሌዳ እቼሹ ናና አኬዳ።

9 ጋባኦና አሳቶ አላደ እማዳ፤ ኢንቴንቲ ኢንቴንታ መድና ጎዳ ሰንላን ደርያ ሁጲያን ካቄድና፤ ላፑናቱካ እትፕ ሀይቄድና፤ ካላ ጫካን፡ ባንጋ ጫካይ ደምያ ዋድያን ኢንቴንታ ዋዴድና።

10 አታ ናታ ርጽፋ ማቅያ አካደ፡ ዛላ ቦላ ባረው ሂጻዲ፤ ካላ ጫክያ አግናይ ደምያ ጋላሳፕ ቢደ አሃቱዋ ቦላ እራይ ሳሉዋፕ ዋዳናዋ ጋካናው፡ ጋላሰ ሳሉዋ ካፎቱ ዋይ ቃማ ሳኦ ደአቱ ቦቼናዳን ናጋዲ።

11 ሳኦል ባካታ፡ አታ ናታ ርጽፋ ኦሌዳዌ ዳዊታው አደቲዳ።

12 ዳዊተ ቢደ፡ ሳኦል መቀላን አ ናኦ ዮናታና መቀላ ጋላኦደን ደእያ ያቤሻ ካታማ አሳቱዋፕ አኬዳ። ፕልሰጾማ አሳቱ ሳኦላን አ ናና ግልቦኦ ደርያን ዋዴደ፡ ቤትሻና ጉታራን ካቄዳዋፕ ጉይያን፡ ሄ ጉታራፕ ጋላኦደን ደእያ ያቤሻ አሳቱ ቆሱዋን አኬድና።

13 ዳዊተ ሳኦል መቀላን አ ናኦ ዮናታና መቀላ ሄ ሳፕ አሂዳ፤ ቃይ ሱለቲዳ ሳፑን አሳቱዋፕ መቀላካ ሺሼድና።

14 ሳኦል መቀላን አ ናኦ ዮናታና መቀላ ቢንያማ ቢታን ጸላኦ ካታማን ደእያ አ አወዋ ቂሳ ዱፋዋን ሞጌድና። ካቲ አዛዜዳዋ ኡባ ኢንቴንቲ ፖሌድና፤ ሄዋፕ ጉይያን፡ ኢንቴንቲ ሄ ቢታው ዋሴዳ ዋሳ ጸሳይ ሰሴዳ።

ፕልሰጾማ አሳቱዋና ኦለቲዳ ኦላቱዋ (1 ኦዲዋ 20:4-8)

15 ፕልሰጾማ አሳቱዋና እስራኤልያ አሳቱዋና ላኢንሉዋ ኦላይ ደንዴዳ፤ ዳዊተ ባረ አሳቱዋና ቤዳ። ፕልሰጾማቱዋና ኦለቲደ ዳዊተ ዳቡራዳ።

16 አዲሳ ሞኖ አሳቱዋ ያራፕ ግድያ ይሸብባናባ ግያ እት ብታኒ ደኤ፤ እ ኦይቄዳ ቶራይ ሄዙ ኪሎ ግራመን ባጋ ዴጽያ፡ ናሃሰያ ጌተትያ ብራታፕ ቆጶቲዳዋ፤ እ ኦራላ ማሻ ዳንጭ ኡቲዳ። ያቲዳዌ “ታን ዳዊታ ዋዳና” ጌዳ፤

17 ሸን ጸራይ ናኦይ አብሻይ ዳዊታ አሼዳ፤ ፕልሰጾምያ ሸጪደ ዋዴዳ። ሄዋፕ ጉይያን ዳዊታ አሳቱ ዳዊታ፡ “እስራኤልያ ጸምፒ ቶኤናዳን ኔን ላኤንሶ ኡባካ ኑና ኦላው ባካ” ያጊደ ጫቄድና።

18 ሄዋፕ ጉይያን፡ ጎባ ጌተትያ ሳኦን ፕልሰጾማ አሳቱዋና ኦላይ ኦለቲዳ፤ ሁሻፕ ዬዳ ሰባካይ አዲሳ ሞኖ አሳቱዋ ያራፕ ግድያ ሳፋ ዋዴዳ።

19 ቃይካ ሄ ሳኦን ፕልሰጾማ አሳቱዋና ሀራ ኦላይ ኦለቲዳ፤ ቤተሌመፕ ዬዳ ያኢራ ናኦይ ኤልሀናን፡ ቶራ ቶማይ ሸማይንያ ዋንዳራሽያ ኬሻቶ፡ ጋተ ካታማፕ ዬዳ ጎልያዳ ዋዴዳ።

20 ቃይካ ጋተ ካታማን ሀራ ኦላይ ኦለቲዳ። ሄ ሳኦን እት ዋጋ አዲሳ ብታኒ ደኤ። ሄ ብታንያው እት እት ኩሽያን ኡሱፑን ብራቲ፡ እት እት ገድያንካ ኡሱፑን ብራቲ፡ ኡባና ላታማን ኦይዱ ብራቲ ደኢና። እካ አዲሳ ሞኖ አሳቱዋ ያራፕ ግድያ አሳ።

21 ሄ ብታኒ እስራኤልያ ናሴዳ ዋደ፡ ዳዊታ እሻ ሻማ ናኦይ ዮናታን አ ዋዴዳ።

22 ሄ ኦይዳቱ ጋተ ካታማን ደእያ አዲሳ ሞኖ አሳቱዋ ያራቱዋ። ኢንቴንታ ዳዊተን አ አሳቱ ዋዴድና።

22

ዳዊተ ጸን ሰሚደ የጾዳ የላ (ማዘ. 18)

1 መድና ጎዳይ አ ሞርከቱዋ ኡባ ኩሽያፕን ሳኦል ኩሽያፕ አሼዳ ጋላሰ ዳዊተ መድና ጎዳው ሀ የላ የጾዳ።

2 “መድና ጎዳይ ታው ዋጋ ዛላ፤ ታን ኦላፕ ናገትያ ሚጻ፤ እ ታና አሽያዋ።

3 ታ ጸሳይ ታን አኮ ባቃትያ ታ ዋጋ ዛላ። እ ታ ጎንዳልያ፤ እ ታና አሽያ ዋልቃማ።

እ ታን ቆሰታ አትያ ሳኦ፤ እ ታና ማካላንቻ አሳቱዋፕ አሼ።

4 ጋላታይ በሰያ መድና ጎዳ ታን ጾሳይ፤ እ ታ ሞርከቱዋፕ ታና አሼ።

5 “ሀይቄዋ ቤታይ ታ ሄራን ሰርመቲ፤ ባሻይ ድኡዋዳን ታና ሙኬዳ።

6 ዱፋዋ ዋዶሩ ታና ቃቻና ሀኔ፤ ሀይቄ ጲርያዳን ታና ኦይቄዳ።

7 ታና መቱ ኢሰና መድና ጎዳ ጾሳድ፤ ‘ታና ማዳ’ ጋደ ታ ጸሳው ዋሳድ።

እ ባረ ጌሻ ጎልያን ታ ኮሻ ሰሴዳ፤ ታን ዋሴዳ ዋሱ አ ሀይላን ዋዴዳ።

8 “ጸሳይ ሀንቀቲዳ ድራው፡ ቢታይ ዪቄዪቂደ ቃጾዳ፤ ደረቱዋ ጸጹ ጋጅ ጋጅ ኮኮራዳ።

9 እ ሲድያፕ ሀንቀቱዋ ጨዋይ ጨዋቲዳ፤ አ ደናፕ ሞያ ታማ ላጩን ጹግያ ቦንቄ ከሴዳ።

10 ሳሉዋ እ ጳልቄደ፡ ዱገ ዋዴዳ። ሄ ዋደ አ ገድያፕ ጋርሳና መዴዳ ሻሪ ደኤ።

11 ቀፍያና ደእያ ኪታንቻቱዋን፡

21:7 1 ሳሜላ 20:15-17፤ 2 ሳሜላ 9:1-7 21:8 1 ሳሜላ 18:19 21:12 1 ሳሜላ 31:8-13 21:17 1 ካታ. 11:36፤ ማዘ. 132:17

ክሩብቱዋን ኡቲደ ፓሌዳ፤
 ጫርኩዋ ቀፍያ ቦላን ቤቱዳ።
 12 ባረና ቋሚን ካሜዳ፤
 እ ዲንካኒ እራና መጫዳ ሻርያ።
 13 እ ሰንሳን ደእያ ዋልቃማ ፖኡዋፕ
 ታማ ላጩ ከሴዳ።
 14 “ቃይ መጅና ጎዳይ ጉጉንላዳን ሳሉዋፕ
 ጉሜዳ።
 ኡባፕ ቋቂያ ጸሳይ ባረ ኮሻ ሰሴዳ።
 15 ባረ ዋንዳፍያ ኦዳ የዲደ፤
 ባረ ዋርከቱዋ ላሌዳ።
 ዋልቃንላ ፖኡዋ ከቲደ፤
 ኡንቱንታ የደርሴዳ።
 16 መጅና ጎዳይ ሴራዳ ዋደነ፤
 ሀንቀቲደ ፔኦቄዳ ዋደ፤
 አባ ሃላይ ግሴዳ ቢታይ በቲዳ።
 ቃይ ሳኣ ባሱካ ቆንጩዳ።
 17 “ጸሳይ ቦላፕ ኩሽያ ዲገ የዲደ፤ ታና
 ኦይቄዳ፤
 ጨማ ሃላፕ ታና ከሴዳ።
 18 እ ታና ታ ዋልቃማ ዋርክያፕፕ
 ታና እጽያዋንቱፕ እሹዳ፤
 እያዉ ጎፕ፤ ኡንቱንቱ ታዉ ሎይላ ዳር
 ዋልቃማ።
 19 ታ ዋይያ ጋላሰ፤
 ኡንቱንቱ ታ ቦላ ደንዴድኖ፤
 ሸን መጅና ጎዳይ ታና ዘምፕሰያዋ።
 20 እ ታና አኮ ሳኣ ከሴዳ፤
 ታናን ናሽቱዳ ድራዉ፤ ታና እሹዳ።
 21 “ታ ጽሎተላዳን መጅና ጎዳይ ታዉ ጭጌዳ፤
 ታ ኩሽያ ጌሻተላዳን እ ታዉ ዛሬዳ።
 22 ታን መጅና ጎዳ ኦግያ ካላድ፤
 ታን ታ ጸሳ አጋደ ዋራ ባበይከ።
 23 ታን እ ሀግያ ኡባ ናጋድ፤
 እ ዋጋ ፖልያዋ አጋበይከ።
 24 ታን አ ሰንሳን ሱረ ደኣድ፤
 ታን ታና ናጋራፕ ናጋድ።
 25 ሄዋ ድራዉ፤ መጅና ጎዳይ ታዉ
 ታ ጽሎተላዳን ታ ጌሻተላዳን ዛሬዳ።
 26 “እቤት ጸሳዉ፤ አማነትያዋንቶ ኔን
 አማነትያዋ፤
 ሱረቶ ኔንካ ሱረ።
 27 ጌሻቶ ኔንካ ጌሻ፤
 ሸን ጌላቶ ኔን ጭንጫ።
 28 ባረንታ ዝቂሰያዋንታ አሻሳ፤
 ሸን ባረንታ ቋቂሰያዋንታ ዝቂሳናዉ ኔን
 ኡንቱንታ ጸላሳ።
 29 እቤት መጅና ጎዳዉ፤ ታ ጸምፕ ኔና፤
 መጅና ጎዳይ ፖእሰና፤ ታ ቋሚይ ክቼ።
 30 ነ ማዲዋን ታን ታ ዋርከ ኦላንቻቱ ቦላ
 ዋራጃይ፤
 ታ ጸሳን ታን ኡንቱንታ ሚጸ ጸራና ጉፕ
 አቋይ።
 31 ጸሳ ኦጊ ሱረ።
 መጅና ጎዳ ቃላይ አማነትያዋ።

አኮ ባቃትያ ኡባቶ እ ጎንዳላ።
 32 መጅና ጎዳፕ አትና፤ ሀራ ጸሰ ባዋ፤
 ኑ ጸሳፕ አትና፤
 ሀራ ዋጋ ዛል ባዋ።
 33 ታዉ ዋልቃ እምያዋ፤
 ታ ኦግያ ሳር ኦልያዋ
 ጸሳቱ።
 34 እ ታ ገድያ
 ገንእያ ገድያዳን ምንሴ።
 ታና ቋቂ ግሹዋን ሳርተላን ዋል።
 35 እ ታ ኩሽያ ኦላ ሜዘዬ፤
 ሄዋ ድራዉ፤ ታን ታ ቀሰያን፤
 ናሃሰያ ግያ ብራታ ዋንዳፍያን ዳፋደ
 ዲካይ።
 36 “ታና አሽያ ነ ጎንዳልያ
 ኔን ታዉ እማዳ፤
 ነ ሎኦ ኦሻይ ታና ግታዬ።
 37 ታን ሀመትያ ሳኣ አሳሳ፤
 ሄዋ ድራዉ፤ ታ ገዲ ሀልጽቤና።
 38 ታ ዋርከቱዋ ታን የደርሳደ መንግራዳድ፤
 ታን ኡንቱንታ ቋይሰናን ደኣደ ጉዩ
 ሰማበይከ።
 39 ታን ኡንቱንታ ላኤንላ ደንደናዳን ሸጫድ፤
 ኡንቱንቱ ታ ገድያን ኩንዴድኖ።
 40 አላዉ ታና ዋልቃ ዳንጭሳዳ፤
 ታናና ጋዳትያዋንታ ታዉ ጉልባትሳዳ።
 41 ታ ዋርከቱዋ ታ ሰንሳፕ ጉዩ ባቃትሳዳ፤
 ታና እጽያዋንታ ታን ቋይሳድ።
 42 ባረንታ ማድያዋ ኮዬድኖ፤
 ሸን ኦንነ ኡንቱንታ አሽቤና።
 መጅና ጎዳካ ኡንቱንቱ ጸሴድኖ፤
 ሸን እ ኡንቱንቶ ኮይቤና።
 43 ታን ኡንቱንታ ባናዳን ሊቅሳድ፤
 ኦግያን ደእያ ኡርቃዳንካ ኡንቱንታ
 ድርጸራላደ የቋድ።
 44 “ታ አሳ ማካላፕ ታና አሻዳ።
 ካዉተላቱዋ ቦላ ሱንላደ፤ ታና ናጋዳ፤
 ታን ኤረና አሳይ ታዉ ዋደቱዳ።
 45 አላጋ ጋይ አሳይካ ታ ሰንሳን ጉልባቱ።
 ኡንቱንቱ ታ ዋርያ ሰሲደ፤
 ታዉ አዛዘቲኖ።
 46 ኡንቱንቱ ዋዛና ካሃ ባዪኖ።
 ባረንቱ ናገትያ ሚጸፕ ኮኮሪደ ዪኖ።
 47 “መጅና ጎዳይ ደኤ! ጸሳይ፤
 ታ ዋጋ ዛላይ ጋላተቶ።
 ጸሳይ፤ ታና አሽያ ዛላይ፤
 ቋቂ ቋቂ ጎ።
 48 እ ታ ሀሉዋ ከሰያ ጸሳ፤
 ካዉተላቱዋ ታፕ ጋርሳና ዋልያዋ።
 49 ታ ዋርከቱዋፕ ታና ከሰ አክያዋ።
 እቤት ጸሳዉ፤ ኔን ታናና ጋዳትያዋንቱ ቦላን
 ታና ቋቂ ቋቂ ኦላሳ።
 ማካላንቻ አሳቱዋፕ ኔን ታና አሻሳ።
 50 ሄዋ ድራዉ፤ ታን
 መጅና ጎዳ ካዉተላቱዋ ግደን ጋላታና፤
 ታን ነ ሱንላካ ሳባና።

51 “ጸሳይ ባረ ካትያው
 ጸኑዋ ቦላን ጸኑዋ እሜ።
 ባረ ኦኬዳዎ፣ ዳዊተውን እ ዘረላው።
 እገና ሲቁዋ መድናው በሰ”
 ያገደ የጼዳ።

23

ዳዊተ ወርሰላን ሃሳዬዳ ቃላቱዋ

1 ሀዋንቱ ዳዊተ ወርሰላን ሃሳዬዳ ቃላቱዋ።
 እስያ ናእይ ዳዊተ ሃሳዬ፤
 ጸሳይ ጶቁ ጶቁ ኦሴዳዌ።
 ያቆባ ጸሳይ ኦኪደ ካተዬዳዌ።
 እስራኤላን ሎኦ ማዘሙርያ ከሴዳዌ
 ሀዋዳን ያገ።

2 “መድና ጎዳ እያናይ ታ ባገና ሃሳዬ፤
 እ ቃላይ ታ እንጸርሳን ደኤ።
 3 እስራኤልያ ጸሳይ ሃሳዬዳ፤
 እስራኤልያ ዘላይ ታና ሀዋዳን ያገዳ፤
 ‘ጽሎተላን ጋድያ ሞድያ ካቲ።
 ጸሳይ ያዩደ ካተትያ ካቲ።
 4 ሻሪ ባይና ጉራን ዶልያ ጸልቂያ ፖኤዋ ማላ።
 ሄ ኡራይ እራይ ቡክ ሰሞና።
 ቢታፕ ማታ ዶልሰያ ቦቃልሳ ማላ ያገዳ።

5 “ቱሙ ታ ጎልያ አሳይ ጸሳ ሰንላን ሱረ።
 እ ታናና መድና ቃላ ጫቁዋ ጫቁቲዳ፤
 ኡባባይካ ሀ ቃላ ጫቁዋ ግድን ጊጊደን
 ሞኒደ ኡቲዳ።
 ጸሳይ ታው ጸኑዋ እሞና፤
 ቃይ ታን አሞቲዳዋ ኡባ እ ቱሙፕ ፖላና።

6 ሸን ኢታ አሳቱ ኡባይ
 ኩሸያን ሸሻናው ሀነና አጉንላቱዋዳን
 ዋራ ኦለታና።

7 አጉንላቱዋ ቦቶያ ኦንን
 ብራታ ዋይ ቶራ ቶማ ባረ ኩሸያን
 ኦይቃናው ኩሼ።
 ሄ አጉንላይ ባረንቱ ደእያ ሳኦን ኤጸና”
 ያገዳ።

ዳዊታ ሞኖ አሳቱዋ
(1 ኦዲዋ 11:10-41)

8 ዳዊታ አሳቱዋ ሞኖቱ ሱንላይ ሀዋፕ
 ካሊደ ጸፈቲዳ። ኡንቱንቱፕ ሄዛቱ ሎይሳ
 ኤረቲዳዋንታ። ሄዛቱዋፕ ኮይሩ ታሀክሞናፕ
 ዬዳ ዮሸብ-ባሸቤታ ጌተቲ፤ እ እት ገደ ኦላን
 ባረ ቶራን ሆሰፑን ጾቱ እሳ ዋዴዳ።

9 ሄዙ ሞኖ አሳቱዋ ግድን እ ካሊደ ደእያዌ
 አሆህያ ዶዶ ናእ ኤልኦዛራ። እት ጋላሰ እን
 ዳዊተ ኦላው ሸቄዳ ፕልሰጾማቱዋ ናሴድና፤
 ሄዋፕ ጉይያን፣ እስራኤልያ አሳይ ጉዮ ሰሜዳ።

10 ሸን እ ባረ ሳኦን ሞን ኤቂደ፣ እ ኩሺ
 ጸላሊደ፣ ማሻና ኦይቃታና ጋካናው፣ ፕልሰጾማ
 አሳቱዋ ሸጩዳ። ሄ ጋላሰ መድና ጎዳይ
 ዋልቃማ ጸኑዋ እሜዳ። ኦላይ ኤቂና፣ ኦላንቻቱ
 ኤልኦዛራኮ ሰሜደ ዬድና፤ ሸን ኡንቱንቱ
 ሀይቄዳ ፕልሰጾማቱዋፕ ኦላ ማዩዋ ቃራድናፕ
 እትና፣ ሀራባ ኦለባይክና።

11 አፕ ካልያዌ ቃይ ሃራራፕ ዬዳ አገ ናእ
 ሻማ። እት ጋላሰ ፕልሰጾማ አሳቱ ሞሰሪ ኩሞ

ኡቲዳ ሸይቃን ሸቄድና፤ እስራኤልያ አሳቱ
 ኡንቱንቱ ሰንላፕ ባቃቲድና።

12 ሸን ሻማ ሸይቃው ግደ ባዙዋን ሞን
 ኤቂደ ኦለቲዳ። ፕልሰጾማ አሳቱዋ ሸጩደ ድፕ
 ኦሴዳ። መድና ጎዳይ ዋልቃማ ጸኑዋ እሜዳ።

13 ካላ ጫካን ሀታሙ ሞኖ አሳቱዋፕ ሄዛቱ
 ዳዊታኮ ኡዲላማ ካታማ ማታን ደእያ ጎንጎሉዋ
 ቤድና። ሄ ዋደ ፕልሰጾማ ኦላንቻቱ ራፋይማ
 ዋሞባን ሸቅ ኡቲድና።

14 ሄ ዋደ ዳዊተ ጌሱዋ ግድን ደኤ፤
 ፕልሰጾማ ኦላንቻቱ ጭታይ ቃይ ቤታልሃሙን
 ደኤ።

15 ዳዊተ ሃላ ኡሻናው አሞቲደ፣ “ቤተሌመ
 ካታማ ፕንግያ ላንቂያን ደእያ ፑልቱዋ ሃላፕ ታና
 ኦን ኡሻንዴሻ!” ያገዳ።

16 ሄዙ ሞኖ አሳቱ ፕልሰጾማ ኦላንቻቱ
 ሞላ አዲደ፣ ቤተሌመ ካታማ ፕንግያን ደእያ
 ፑልቱዋፕ ሃላ ዲቂደ ዳዊታው አሃድና። ሸን እ
 ኡሸናን እጾዳ፤ መድና ጎዳ ሰንላን ትጊደ።

17 “አቤት መድና ጎዳው፣ ሀዋ ኡሻናዌ ታፕ
 ሃኮ! ሀ ሃላይ ባረንቱ ሸሞፑዋ ሸኮ ጊደ
 ጸሊደ ቤዳ አሳቱዋ ሱላ ግደኔ?” ያገደ
 ኡሸናን እጾዳ።

ሀ ሄዙ ሞኖ አሳቱ ሀዋ ኡሴድና።

18 ጸሩይ ናእ እዮኦባ እሻይ ኡብሻይ ሀታማቶ
 ካፑዋ፤ እ ሄዙ ጾቱ አሳቱዋ ባረ ቶራን ኦለቲደ
 ዋዴዳ፤ ያቲደ እካ ሀራ ሄዛቱዋዳን ኤረቲዳ።

19 እ ሀታማቱዋፕ አዲደ ቦንቼቲዳ አሳ፤ እ
 ኡንቱንቱ ካፑዋ ግዳዳ። ግድፕ፣ እ ሄ ሄዛቱዋ
 ፓይዲዋን ባዋ።

20 ቃይ ቃብጽኤላፕ ዬዳ ዮዳሄ ናእይ ባናይካ
 ሞኖ አሳ። እ ሞኖ አሳቱዋ ኡሴዳ። እ ላኤ
 ኤረቲዳ ሞኦብ አሳቱዋ ዋዴዳ። ቃይ ሻቻይ ዳርያ
 እት ጋላሰ ኦላ ዲገ ገሊደ፣ ጋሙዋ ዋዴዳ።

21 ቃይ ግብጾ ብታንያ እት ዋልቃማ ዋዴዳ፤
 ግብጾ ብታኒ ቶራ ኦይቄዳ፤ ሸን እ ዲላ ኦይቄደ
 እ ቦላ ቤዳ፤ እ ኩሸያፕ ቶራ ቦንቄ አኪደ፣ እ
 ቶራን እ ዋዴዳ።

22 ዮዳሄ ናእይ ባናይ ሀዋንታ ኡሴዳ። እ
 ሱንላይካ ሄ ሄዛቱዋዳን ኤረቲዳ።

23 እ ሀታማቱዋ ግድን ዳር ቦንቼቲዳ፤ ሸን
 እ ሄዛቱዋ ፓይዲዋን ባዋ። ዳዊተ አ ባረና ናግያ
 ኦላንቻቶ ካፑዋ ከሴዳ።

24 ሄ ሀታማቱዋ ግድን ደእያዋንቱ፣ ዮኦባ እሻ
 አሳሃላ፣ ቤተሌመፕ ዬዳ ዶዶ ናእ ኤልሀናና።

25 ሀርዳፕ ዬዳ ሻማን ኤሊቃ።

26 ፓልጻ ያራ ግድያ ሄሌጻ፣ ታቆአፕ ዬዳ አቄሻ
 ናእ እራ።

27 አናቶታፕ ዬዳ ኡብኤዘራ፣ ሁሻፕ ዬዳ
 ማቡናያ።

28 አሆሀ ያራ ግድያ ጸልሞና።

29 ናጸፋፕ ዬዳ ማህራያን ባኦና ናእ ሄሌባ፣
 ቢንያማ ቢታፕ፣ ግብአፕ ዬዳ ርባያ ናእ እታያ።

30 ፕርኦቶናፕ ዬዳ ባናያ፣ ጋኦሻ ዛንጋራ ማታፕ
 ዬዳ ሀዳያ።

31 ኡራባፕ ዬዳ ኡብኤልቦና፣ ባህሩማፕ ዬዳ
 አዝማዌታ።

32 ሻኦልቦናፕ ዬዳ ኤልያህባ፣ ያሸና ናና፣
 ዮናታና።

33 ሃራራጥ ዬዳ ሻማ፡ ሃራራጥ ዬዳ ሻራራ ናኣ አህአማ፡

34 ማእካጥ ዬዳ አህሳባያ ናኣ ኤልፈሌጸ፡ ጊሎጥ ዬዳ አክጸፌላ ናኣ ኤሊአማ፡

35 ቃርመሎሳጥ ዬዳ ሄጽራ፡ አራባ ካታማጥ ዬዳ ፓአራያ፡

36 ጸባ ካታማጥ ዬዳ ናታና ናኣ ይግአላ፡ ጋዳጥ ዬዳ ባና፡

37 አሞናጥ ዬዳ ጸለቃ፡ ጸሩይ ናኣ ዮኣባ ኦላ ሚሻ ቶክያ ባኤርታጥ ዬዳ ናህራያ፡

38 ያትራ ያራ ግድያ እራ፡ ያትራ ያራ ግድያ ጋሪባነ

39 ሂትያ ኦርዮና፡ አንቱንቱ ኡባና ሀታማነ ላፑና፡፡

24

ዳዊተ አሳ ፓይድሴዳ (1 ኦዲዎ 21:1-27)

1 ቃይካ መድና ጎዳ ሀንቁ እስራኤልያ ቦላ ኤጽ ከሴዳ፤ ያትና፡ ጸሳይ ዳዊታ አንቱንቱ ቦላ ደን።
ዳዊ፡ “ባ፤ እስራኤላነ ይሁዳ አሳ ፓይዳ” ያጌዳ፡፡

2 ሄዋ ድራወ፡ ካቲ እዮኣባነ አናና ደእያ ኦላንቻቱዋ ካፓቱዋ ሀዋዳን ያጌዳ፤ “እስራኤልያ ዛራቱዋ ግድ ዳናጥ ቢደ በርሳበሀ ጋካናወ ቢደ አንቱንቱ አፑንንቶ ታን ኤራና ማላ፡ እስራኤልያ አሳ ፓይድተ” ያጌዳ፡፡

3 ሸን እዮኣበ ካትያ፡ “መድና ጎዳይ ነ ጸሳይ ሀ ደእያ አሳ ቦላ ጸቱ ኩሽያ ጉጅ! ሄዋ ነ አይፊ፡ ታ ጎዳ ካትያ አይፊ በኦ! ሸን ታ ጎዳይ ካቲ እያወ ሄዋ ማላ አላናወ ኮዪ?” ያጌዳ፡፡

4 ሸን ካትያ ቃላይ እዮኣባነ ኦላንቻቱ ካፓቱዋ ጸኔዳ፡፡ አንቱንቱ ካትያ ሰንሳጥ ከሲደ፡ እስራኤልያ አሳ ፓይዳናወ ቤድና፡፡

5 አንቱንቱ ዮርዳኖሳ ሻፋ ፕኔዳዋጥ ጉይያን፡ ዛንጋራጥ ገድሳ ባጋን ደእያ አርኤራ ካታማን ኡቱድኖ፤ ሄዋጥ ቃይ ጋደ አዲደ ያእዜራ ጋኤድኖ፡፡

6 ሄዋጥ ጉይያን፡ አንቱንቱ ጋላኣደነ ሃተቱዋ ቢታን ደእያ ቃዴሳ ቤድኖ፤ ሄ ሳጥ ቃይ ዳና ካታማ ቤድኖ፤ ሄዋና ሲዶና ካታማ ቤድኖ፡፡

7 ሄ ሳጥ ደንዲደ፡ ጸርሳ ካታማ ጌሱዋነ ሂዋቱዋነ ካናንቱ ካታማ ኡባ ቤድኖ፡፡ ወርሰላን ቃይ ይሁዳ ኔጌባን ደእያ በርሳበሀ ካታማ ቤድኖ፡፡

8 አንቱንቱ ቢታ ኡባ ዩዩደ፡ ኡዲፑን አግናነ ላታሙ ጋላሳ ጋምኤዳዋጥ ጉይያን፡ የሩሳላመ ካታማ ሰሜድኖ፡፡

9 እዮኣበ ፓይዳዳ አሳ ፓይዳዋ ካትያ ኤርሴዳዋዳን እስራኤላን ማሻን ኦላታናወ ዳንዳይያ ሆሰፑን ጸቱ ሻኣ፤ ሞኖ ኦላንቻቱ ደኢኖ፤ ይሁዳን ቃይ እቼሹ ጸቱ ሻአይ ደኢኖ፡፡

10 አሳ ፓይዳዳዋጥ ጉይያን፡ ዳዊታ ዋዛናይ ሻበረቱዳ፤ ሄዋ ድራወ፡ ዳዊተ መድና ጎዳ፡ “ታን ሀ ኪታን ዋልቃማ ናጋራ ኦላድ፡፡ ሸን ሀእ አቤት መድና ጎዳወ፡ ታን ኔና ዋሳይ፤ ታ ባይዙዋ፡ ነ ቆማ ባይዙዋ ቁጫ፡፡ ታን ዳር ኤያባ ሀናድ” ያጌዳ፡፡

11 ዋንተላ ጋላስ ጉራ፡ ዳዊተ ግሱዋጥ ደንዴዳ ዋደ፡ ዳዊታወ ትምቢትያ ኦድያ ጋዳኮ መድና ጎዳ ቃላይ ዩደ፡፡

12 “ባ፤ ዳዊታ፡ ‘መድና ጎዳይ ኔና፡ “ታን ኔና ሄዙባጥ ደሩዋ በሳይ፤ ታን ነ ቦላ ፖላናወ ታወ አንቱቱጥ እቱዋ ደራ” ያጌ’ ያጋ” ያጌዳ፡፡

13 ጋድ ዳዊታኮ ቢደ፡ “ሄዙ ላይላ ነ ቢታይ ኮሻታናዋ ደራይ? ዋይ ነ ሞርከቱ ኔና የደርሰሸን፡ ሄዙ አግና ኔን አንቱንቱ ሰንሳጥ ባቃታናዋ ደራይ? ዋይ ነ ቢታ ቦላ ሄዙ ጋላሳ ኢታ ሀርጊ ያናዋ ደራይ? አነ ሀእ ቆፋ ቃቻደ፡ ታን ታና ኪቱዳዋ ዛርያዋ ኦዳ” ያጌዳ፡፡

14 ሄዋጥ ጉይያን ዳዊተ ጋደ፡ “ታን ሎይሳ አንኤታድ፡፡ መድና ጎዳ ማርተላይ ዋልቃማ ግድያ ድራወ፡ ኦን አነ አ ኩሽያን ኩንድሳፓ” ያጌዳ፡፡

15 ሄዋ ድራወ፡ ዋንታጥ ቢደ ባረ ጌዳ ጋላሳይ ጋካናወ፡ መድና ጎዳይ እስራኤልያ ቢታን ኢታ ሀርጊያ ኪቱዳ፤ እስራኤልያ ዛዋን ዳናጥ ቢደ በርሳበሀ ጋካናወ፡ ላፑን ታሙ ሻኣ አሳይ ሀይቁዳ፡፡

16 የሩሳላመ ካታማ ጳይሳናወ ኪታንቻይ ባረ ኩሽያ የዴዳ ዋደ፡ መድና ጎዳይ ሄ ጋኤዳ ቦሻወ ካዮቱዳ፤ አሳ ሾጭያ ኪታንቻ፡ “አጋ! ሄዋ ግዳና!” ያጌዳ፡፡ መድና ጎዳ ኪታንቻይ ሄ ዋደ ያቡሰያ ኦርና ኡዲማን ደኤ፡፡

17 አሳ ሾጭያ ኪታንቻ ዳዊተ በኤዳ ዋደ፡ መድና ጎዳ፡ “በአ! ናጋራ ኦሴዳዋ ታና፤ ታን ባይዛድ! ሀ ደርሳቱ፡ አንቱንቱ አይ ኦሴድኖ? ሀያና፡ ታናነ ታ አወዋ ሶ አሳ ኔን ሙራና ማላ ታን ዋሳይ” ያጌዳ፡፡

18 ሄ ጋላስ ጋድ ዳዊታኮ ዩደ፡ “ባ፤ ፑደ ያቡሰያ ኦርና ኡዲማ ባደ፡ መድና ጎዳወ ያርሸያ ሳኣ ያን ግምባ” ያጌዳ፡፡

19 ዳዊተ መድና ጎዳይ ጋደ ባጋና ኦዛዜዳዋዳን ፑደ ቤዳ፡፡

20 ኦርን ዲጊ ጳልያ ዋደ፡ ካቲነ አ አሳቱ ባረኮ ይያዋንታ በኤዳ፤ ጋጸ ከሲደ፡ ባረ ዴሙዋ ሳኣ ጋላደ፡ ካትያወ ጎይኔዳ፡፡

21 ዝጊደ ኦርን፡ “ታ ጎዳይ ካቲ ባረ ቆማኮ፡ ታኮ እያወ ዬዴ?” ያጌዳ፡፡

ዳዊተ፡ “አሳ ቦላጥ ቦሻይ ክቻናዳን ታን መድና ጎዳወ ያርሸያ ሳኣ ግምባናወ፡ ነ ኡዲማ ሻማናወ ያድ” ያጌዳ፡፡

22 ኦርን፡ “ታ ጎዳይ ካቲ ባረ ኮዬዳዋ አያነ አኪደ ያርሾ! በአ፤ ጹግያ ያርሾ ቦራቱ፡ ኤሳያ ሞላወ ቃይ ካላ ቡክያ ሚሻቱን ቦራ ሞርጊ ሞላቱ ሀዋንቱሽ፡፡

23 ካትያወ፡ ሀዋ ኡባ ታን ኦርን ካትያወ እማይ” ያጌዳ፡፡ ቃይካ ኦርን ካትያ፡ “መድና ጎዳይ ነ ጸሳይ ነ ያርሹዋ አኮ” ያጌዳ፡፡

24 ሸን ካቲ ኦርና፡ “ቱይት፡ ሃኮ! ታን ቱሙጥ ሚሻን ሻማና፤ እያወ ጎጥ፡ ሚሻ እክቤና ጹግያ ያርሹዋ ታን መድና ጎዳወ፡ ታ ጸሳወ፡ ያርሸከ” ያጌዳ፡፡

ሄዋ ድራወ፡ ካቲ ኡዲማጥ ቦራቱዋ ኦርናጥ እሻታሙ ጸጋራ ብራን ሻሜዳ፡፡

25 ዳዊተ ሄ ሳኣን ያርሸያ ሳኣ ግምባደ፡ ጹግያ ያርሹዋን እትጥተላ ያርሹዋ መድና ጎዳወ

ያርሼዳ፤ ያትና፥ መድና ጎዳይ ሄ ቢታ ድራዉ
ዋሰቲደ ዋሳ ሰሲደ፥ ቦሻ እሰራኤልያፕ ድጌዳ።

ኮይሮ ካታቱዋ ማጻፋ ገሌዋ

ካታቱዋ ማጻፋ ኮይሮ ሻኩ፣ ሳመላ ማጻፋቱዋ ላእቱዋን ደመቲዳ፣ እስራኤልያ ቢታ ካተቱዋ ታርክያ፣ አቲዳዋ ካሊደ ኦዴ። ማጻፋ ሄዙ ዋና ዋና ክፍላቱዋን ሻክ ጸላናው ዳንዳዬቶ።

1. ሶሎሞን ባረ አወዋ ዳዊታ ሳኣን እስራኤላን ይሁዳ ካትያ ግድያዋን እ አወዋ ዳዊታ ሀይቆዋባ ኦዴ።
2. ቃይ ሀ ማጻፋይ ሶሎሞን ካወተላ ኤቁዋን እ ኦሌዳ ኪታ ኦድያ ታርኪያ። እ ኦሌዳ ኦሶቱዋ፣ ኦድናው ደና ኩምያዌ የሩሳላሙን ግምቦቲዳ ጌሻ ጎልያ።
3. እስራኤሊ ሁጺሳን ገድሳ ካወተላ ጌተቲደ ላኡ ከሲደ ሻከቲዳዋን ሄ ሻከቲዳ ካወተላቱዋ ክርሰቶሰ የለታና፣ ካሰ፣ ኡዲ፣ፑን፣ ጸቱ ላይላይ ጋካናው ዲማ ዲማ ዋዴዳ ካተቱዋ ታርክያ ኦዴ።

ሀ ላኡ ማጻፋቱዋን አሳ ካለላያ ካቲ ሎኣን ኢታን ጌተቲደ ፕርደትያዌ፣ ጸሳው እ አማንትያዋ ኬናና። ሄዋዳንካ ቃይ ሄ ቢታይ ድጭያ ድቻይን ደምያ እንጂ ሄ ካለላያ ካቲ ጸሳው አማንቲዳዋ ኬናና። ሀራ ባጋና ቃይ አላጋ ጸሳቶ ጎይኔዳዌን አዛዘተናን እጾዳዌ ካለላያዋንታካ ካልያ አሳካ ባሻው አፊዳ። ሁጺሳ ባጋ ካወተላ ካተቱ ኡባይካ ፓጭያን ኩንዴድና። ሸን ይሁዳ ካተቱዋ ታርኪ ኢታቱዋካ ሎኦቲዋካ ኦዴ።

ካተቱ ማጻፋን ኮይሮ ክፍልያን ዳር ኤረቲዳዋንቱ፣ ጸሳ ደና ግዲደ ትምቢትያ ቃላ ኦዴዳን አሳይ ኤቃው ጎይንና ማላን ጸሳው አዛዘተናን እጸና ማላ፣ ምንሲደ ኤርሴዳ ትምቢትያ ኦድያ ምኖ አሳቱዋ። ኡንቲንቲ፣ ኤረታ ዳርያዌ ኤላሳ። ኤላሰ ባኣላ ቁሳቱ ዋና ናሰቲዳ ታርኪካ ሄ ሳኣን ኦደቲዳ (ሸምፑዋ 18 ጴላ)።

ሸምፑቱዋ ኡባቶ እመቲዳ ቃንሳ ቆፋቱዋ

- ሀ. ዳዊታ ዋድያ ወርሰሳ 1:1—2:12
- ለ. ሶሎሞን ካትያ ግዲሳ 2:13-46
- ሐ. ሶሎሞና ካወተላ 3:1—11:43
 1. ኮይሮ ላይላቱዋ 3:1—4:34
 2. ጌሻ ጎልያ ኦሶቱዋ 5:1—8:66
 3. ወርሰሳ ላይላቱዋ 9:1—11:43
- መ. ሻከቲዳ ካወተላ 12:1—22:53
 1. ፑደሃ ያራቱዋ ማካላ 12:1—14:20
 2. ይሁዳን እስራኤልያ ካተቱዋ 14:21—16:34
 3. ናብያ ኤላሳ 17:1—19:21
 4. እስራኤልያ ካትያ አካባ 20:1—22:40
 5. ይሁዳ ካትያ እዮሳፋጸን እስራኤልያ ካትያ አካዘያሳ 22:41-53

ዳዊተ ዋድያ ወርሰሳ

(1:1—2:12)

ካቲ ዳዊተ ጭሚዳ

1 ካቲ ዳዊተ ጭሚደ ዋድያ ሎይሳ ሱጌዳ። ያቲዳዋ ቆማቲ ማዩዋ አ ቦላ ኩርናካ እ ሆኤናን እጾዳ።

2 ሄዋ ድራው፣ አ ኦሳንቻቱ አ፣ “ካትያ ማታን ደእና ማላን እ ናጋና ማላ፣ እት ዋድሮ ናቶ ኩን ነዉ ኮያና፤ ኩ ጎዳ ካትያ ሆኤላናው እዛ አ ምይያን ግሳናው ዳንዳያው” ያጌድና።

3 ኡንቲንቲ እስራኤልያ ቢታን ኡባን ኮዪደ አብሻጎ ጌተትያ እት ማላ ሎኦ ዋድራቶ ሹኔማ ጌተትያ ካታማ፣ ደሚደ እዞ ካትያው አሄድና።

4 ሄ ወደራታ ሎይሳ ማላ ሎኦ ናኣ። እዛ ካትያ ናጋዲን አዉ ኦላዲ፤ ሸን ካቲ እዘና ግሱዋን ጋከት ኤረና።

አደንያሰ ካተታናው ኮዬዳ

5 ሀጊት ናኣይ አደንያሰ፣ “ታን ካተታናው ኮያና” ያግ ደንዲደ ፓራ ጋረቱዋን ፓራቱዋ ባረ ሰንላን ዋጽያ እሻታሙ አሳና ገገሴዳ።

6 አ አዉ አባን ገሊደ፣ “አያዉ ሀዋ ኦላይ?” ገደ ኡባካ አ ኦኦ ኤረና። አደንያሰካ ቃይ ማላ ሎይሳ ሎኦ አሳ፤ እ አብሰሎማ ካሊደ የለቲዳ።

7 አደንያሰ ጸሩይ ናኣ ዮኣባን ቁሰያ አብያታራ ሀ የወዋ ዘረታ በሴዳ፤ ኡንቲንቲ አ ማዳናው ማይድና።

8 ሸን ቁሰያ ጸዶቀ፣ ዮዳሄ ናኣይ ባናይ፣ ትምቢትያ ኦድያ ናታን፣ ሸምኦ፣ ሬእን ዳዊታ ናግያዋንቱ አደንያሳና ባዋ።

9 እት ጋላሰ አደንያሰ ኤንሮጌላ ካታማ ማታን ዘሄሌታ ዘላ ጌተትያ ሳኣን ደርሳቱዋ፣ መሄቱዋን ቦልትቦልታ ማራቱዋ ያርሼዳ። ካትያ ናና ባረ እሻቱዋ ኡባን ካትያው ኦላያ ይሁዳ አሳቱዋ ኡባ ባረ ያርሸያ ሳኣ ጴሴዳ፤

10 ሸን ትምቢትያ ኦድያ ናታና፣ ባናያ፣ ካትያ ናግያዋንታን ባረ እሻ ሶሎሞና ጴሰቤና።

ሶሎሞን ካተቲዳ

11 ሄዋ፣ ጉይያን፣ ናታን ሶሎሞን ዳዮ በርሳቤሆ ሀዋዳን ያገደ ኦቼዳ፤ “ኩ ጎዳይ ዳዊተ ኤረናን ደእሸን፣ ሀጊት ናኣይ አደንያሰ ካተቲዳዋ ኔን ሰሳብይኪየ?

12 ያቶ፣ ሀእ ኔን ነ ሸምፑዋን ነ ናኣ ሶሎሞን ሸምፑዋ ዋታደ አሻንንቶ ኔና ታን እን ዘራይ።

13 ካትያ ዳዊታኮ ገላደ ሀዋዳን ያጋ፤ “ታ ጎዳው ካትያው፣ ታው ነ ቆማትው፣ “ቱማ፣ ታ፣ ጉይያን ነ ናኣይ ሶሎሞን ካተታና፤ ታ ካወተላ አራታን እ ኡታናዋ” ያጋደ ጫቃብይኪ? ያትና፣ አደንያሰ አያው ካተቲዳ?” ያጋ።

14 ኔን ካትያና ሃሳያደ ያን ደእሸን ታን ገላደ፣ ነ ሃሳያ ማይዛደ ሃሳያና” ያጌዳ።

15 በርሳባ ጭሚዳ ካትያ ሃሳይሳናው እ ደእያ እልፕንያ ገላዲ፤ ሹኔማ ካታማ፣ ዬዳ አብሻጋ ካትያ ናጋናው።

16 በርሳባ ካትያ ሰንላን ኩንዳ ጉፋናዲ። ካቲ፣ “አያ ኮያዲ?” ያገደ ኦቼዳ።

17 እዛ፣ “ታ ጎዳው፣ ታው ነ ቆማትው፣ “ታ፣ ጉይያን ነ ናኣይ ሶሎሞን ካተታና፤ ታ ካወተላ አራታንካ እ ኡታናዋ” ጋደ መጵና ጎዳን፣ ነ ጸሳን፣ ኔን ጫቃዳ።

18 ሸን ሀእ አደንያሰ ካተቲዳ፤ ኔን ታ ጎዳይ ካቲ ሄዋ ኤራካ።

19 እ ሎይሳ ዳር መሄቱዋ፡ ቦልትቦልታ ማራቱዋን ደርሳቱዋ ያርሺደ ካትያ ናና ኡባ፡ ቄሰያ አብያታራን ኦላ ጋዳዋ ዮኣባ ጸሴዳ፤ ሸን ነ ቆማ ሶሎሞና ጸሰቤና።

20 ታ ጎዳዉ ካትያዉ፡ ታ ጎዳፕ ካትያፕ ጉይያን ኦን ነ ካዉተላ አራታን ኡታንንቶ ኤራናዉ እሰራኤልያ አሳ ኡባ አይፊ ኔና ጸል ኡቲዳ።

21 ሄዋ ጳዮፕ፡ ታ ጎዳይ ካቲ ሀይቂደ ባረ ማይዛን ጋከትያ ዎደ፡ ታንነ ታ ናአይ ሶሎሞን ዳባ አሉዳ አሳዳን ፓይደታና” ያጋዳ።

22 በርሳባ ብሮ ካትያና ሃሳይሸን፡ ትምቢትያ ኦድያ ናታን ካትያ ጎልያ ጋኬዳ።

23 ካትያዉ፡ “ትምቢትያ ኦድያ ናታን ዬዳ” ያጊደ ኦዳድና። ያትና፡ ናታን ካትያ ሰንላ አዲደ፡ ባረ ዳሙዋ ሳአ ጋሊደ ጎይኔዳ።

24 ሄዋፕ ጉይያን ናታን፡ “ታ ጎዳዉ ካትያዉ፡ ኔፕ ጉይያን አደንያሰ ካተታናዳን ነ ካዉተላ አራታን ኡታናዳን ኡዳዲየ?”

25 ሀቼ እ ዳገ ቢደ ሎይሳ ዳር መሄቱዋ፡ ቦልትቦልታ ማራቱዋን ደርሳቱዋ ያርሺደ ካትያ ናና ኡባ፡ ኦላ ጋዳዋቱዋን ቄሰያ አብያታራ ጸሴዳ። ኡንቱንቱ ሀእ አናና ሚድን ኡሺደ፡ “ካቲ አደንያሰ መድናዉ ደአ!” ያግ ደአና።

26 ሸን ታና ነ ቆማ፡ ቄሰያ ሳዶቃ፡ ዮዳሄ ናአ ባናን ነ ቆማ ሶሎሞና ጸሰቤና።

27 ሀዋ ታ ጎዳ ካትያፕ ጉይያን አ ካዉተላ አራታን ኦን ኡታንንቶ ባረ ቆማቱዋ ኤርሰናን ደአደ ታ ጎዳይ ካቲ አሉዳቤየ?” ያጌዳ።

28 ካቲ ዳዋተ፡ “በርሳቤሆ ታዉ ጸሰተ” ያጌዳ፤ ካቲ ደአያ ሳአ ገላደ አ ሰንላን ኤቃዳ።

29 ሄ ዎደ ካቲ አዘዉ ሀዋዳን ያጊደ ጫቂዳ፤ “ታና መቶ ኡባፕ አሺዳ መድና ጎዳይ ኤር!”

30 መድና ጎዳን፡ እሰራኤልያ ጸሳን ታን ነዉ ጫቂዳ ጫቂዋ ቱሙ ሀቼ ፖላና፤ ታፕ ጉይያን ነ ናአይ ሶሎሞን ካተታና፤ ታ ካዉተላ አራታን፡ ታ ሳአን እ ኡታናዋ” ያጌዳ።

31 በርሳባ ባረ ዳሙዋ ሳአ ጋላደ ካትያ ሰንላን ዉቱሻደ ካትያ፡ “ታ ጎዳይ፡ ካቲ ዳዋተ መድናዉ ደአ!” ያጋዳ።

32 ሄዋፕ ጉይያን ካቲ ዳዋተ፡ “ታዉ ቄሰያ ሳዶቃ፡ ትምቢትያ ኦድያ ናታናን ዮዳሄ ናአ ባናን ጸሰደ ገልሰተ” ያጌዳ። ኡንቱንቱ ገሊደ፡ ካትያ ሰንላ እጭድና።

33 እ ኡንቱንታ፡ “ታ ቆማቱዋ ሀንተናና አክ ቢደ፡ ታ ናአ ሶሎሞና ታን ቶግያ ባቁሉዋ ቶግሲደ፡ ዳገ ግዮን ፑልትያ አፍተ።

34 ቄሰያ ሳዶቃን ትምቢትያ ኦድያ ናታን አ ኦኪደ እሰራኤልያ አሳ ቦላን ካዉሰና። ሄዋፕ ጉይያን ማላካታ ፑኒደ፡ ሀንተንቱ ቃላ ቆቁ አሉደ፡ “ካቲ ሶሎሞን መድናዉ ደአ!” ያግተ።

35 ሄዋፕ ጉይያን ሀንተንቱ አ ገደኒደ አናና ፑደ ቢተ፤ እ ዪደ ታ ካዉተላ አራታን ኡቲደ፡ ታ ሳአን ካተቶ። ታን እሰራኤላን ይሁዳ ሞድያዋ ኡዳደ አ ሰንላድ” ያጌዳ።

36 ዮዳሄ ናአ ባናይ ካትያዉ ዛሪደ፡ “አመንአ! መድና ጎዳይ፡ ታ ጎዳ ካትያ ጸሳይካ ሄዋ ጎ!

37 መድና ጎዳይ ታ ጎዳና ካትያና ግዴዳዋዳን ሶሎሞንናካ ግደ፤ ያትና፡ አ ካዉተላ አራታ ታ ጎዳ

ካትያ ዳዋታ ካዉተላ አራታፕካ አሉደ ግታዮ” ያጌዳ።

38 ሄዋ ድራዉ፡ ቄሰያ ሳዶቃ፡ ትምቢትያ ኦድያ ናታን፡ ዮዳሄ ናአይ ባናይን ካትያ ናግያዋንቱ ሶሎሞና ካቲ ዳዋተ ቶግያ ባቁሉዋ ቶግሲደ፡ ግዮን አፊድና።

39 ቄሰያ ሳዶቃ ጸሳ ዳንካንያፕ ዛይትያ ካጭያን ትግ አኪደ፡ ሶሎሞና ኦኪደ ካተቆዳ። ሄዋፕ ጉይያን ኡንቱንቱ ኡሉዳድያ ፑንና፡ አሳይ ኡባይ ባረ ቃላ ቆቁ አሉደ፡ “ካትያ ሶሎሞን መድናዉ ደአ!” ያጌዳ።

40 አሳይ ኡባይካ አ ካሊደ ፑደ ቤዳ፤ ኡንቱንቱ ሱሱሊያ ፑን ፑኒደ ካኪደ ሎይሳ ናሸቲድና። ሄ ሆምቦጫላን ቢታይ ቃጾዳ።

41 አደንያሰን አናና ደአያ እማላቱ ባላ ሞ ዉርሲደ ሀዋ ሰሴድና። ኡሉዳድያ ፑኦዋ ሰሲደ ዮኣቦ፡ “ሀ ካታማን ኮሹምያ ዋላሳይ ኡባይ አይባቤ?” ያጊደ ኦቼዳ።

42 እ ብሮ ሃሳይሸን ቄሰያ አብያታራ ናአይ ዮናታን ጋክ ዎጄዳ። አደንያሰ፡ “አን ሃ ገላ። ነ ማላ ሎኦ አሳይ ሎኦ ኡዳዋ አሄናን አገና” ያጌዳ።

43 ዮናታን፡ “ቱይት፡ ታን ሎኦ ኦዳዋ አሀቤክ! ኦ ጎዳይ ካቲ ዳዋተ ሶሎሞና ካተቆዳ።

44 አ ገደናና ማላ ካቲ ቄሰያ ሳዶቃ፡ ትምቢትያ ኦድያ ናታና፡ ዮዳሄ ናአ ባናን ካትያ ናግያዋንታ አናና ዩዳዳ፤ ኡንቱንቱ ካቲ ቶግያ ባቁሉዋ አ ቶግሴድና።

45 ቄሰያ ሳዶቃን ትምቢትያ ኦድያ ናታን፡ ግዮን ሻፋን አ ኦኪደ ካተቆድና፤ ሄዋፕካ ኡንቱንቱ ሆምቦጫደ ፑደ ቤድና፤ ሄዋ ካታማይካ ኮሹሜ። ሀእ ሀንተንቱ ሰሰያ ዋላሳይ ሄዋ።

46 ሄዋ ቦላካ ሶሎሞን ካዉተላ አራታን ኡቲዳ።

47 ቃይ ካትያ ኦሳንቻቱካ ኦ ጎዳ ካትያ ዳዋታ፡ ና ጸሳይ ሶሎሞና ዋርያ ነዋፕካ አሉ ዋረዮ! አ ካዉተላ አራታ ነዋፕካ አሉ ግታዮ!” ያጊደ አንጄድና። ካቲ ባረ አርሳን ደአደ ሆኪደ ጸሳዉ ገይኒደ።

48 ‘ታ ካዉተላ አራታን ኡቲደ ታ ሳአን ካተትያዋ ታና ሀቼ ታ አይፍያን በሴዳ መድና ጎዳይ እሰራኤልያ ጸሳይ ጋላተቶ!” ያጌዳ” ያጌዳ።

49 ሄዋ ሰሲደ፡ አደንያሰ እማላቱ ኡባይ ዳጋም ደንዲደ፡ ሳላቲድና።

50 አደንያሰ ሶሎሞናዉ ያይ ቢደ፡ ያርሸያ ሳአ ካጫቱዋ ኦይቄዳ።

51 አሳይ ሶሎሞና፡ “አደንያሰ ካትያ ሶሎሞናዉ ያዪደ፡ ያርሸያ ሳአ ካጫቱዋ ኦይቄደ፡ ካቲ ሶሎሞን ታና ባረ ቆማ ማሻን ዋግዳናን ታዉ ሀቼ ጫቆ ያጌ” ያጊደ ኦዳድና።

52 ሶሎሞን ዛሪደ፡ “እ ባረ ሀኦዋ ሎይላናዋ ግድፕ፡ ሀራይ አትና አ ሀጺያፕ አት ብናናይን ቦሸተና፤ ሸን አን ኡታተላይ ቤትንቶ፡ እ ሀይቃና” ያጌዳ።

53 ሄዋፕ ጉይያን ካቲ ሶሎሞን አሳ ኪትና፡ ኡንቱንቱ ያርሹዋ ያርሸያ ሳአፕ ዳገ አ ዎሌድና። አደንያሰ ዪደ፡ ሶሎሞናዉ ጎይኔዳ፤ ያትና፡ ሶሎሞን አ፡ “ነ ሶ ባ” ያጌዳ።

2

ዳዊተ ሶሎሞናዊ ወርሰላ አዛዙዋ እሜዳ
1 ዳዊተ ሀይቂያ ዋዲ ማትና፡ ባረ ናኣ ሶሎሞና ሀዋዲን ያጊደ እዛዜዳ፤

2 “ታን ሀይቂያ ዋዲ ማትዳ፡ ሄዋ ድራው፡ ሞና፤ ገንቻ አሳ ግዳ፡፡

3 መድና ጎዳይ ነ ጸሳይ እዛዜዳዋ ናጋ፤ አ ኦግያን ሀመታ፤ ሙሴ ሀግያን ጸፈቴዳዋዳን አ አዋዩዋ፡ አ አዛዙዋ፡ አ ሀግያን አ ዋጋ ናጋ፡፡ ያቶ፡፡ ኔን ኦሳያባይ ኡባይነ ኔን ብያሳኣ ኡባይ ነዉ እንጀታናዋ፡፡

4 ቃይ መድና ጎዳይ ታና፡ ና፤ ዘረላቱ ባረንቱ ደኡዋን ናገቲደ ደኡ፡፡ ኡንቱንቱ ታ ሰንላን ባረንቱ ኩመንላ ዋዛና፡፡ ባረንቱ ኩመንላ ሸዎ፡፡ አ ማንቲደ ሀመቶ፡፡ እሰራኤልያ ካወተላ አራታን ኡትያ አሳይ ነዉ ኡባካ ዳዮና፡ ያጊደ ሀደታ ቃላ ታዉ ፖላና፡፡

5 “ቃይ ጸረይ ናኣይ ዮኣበ እሰራኤልያ ኦላ ጋዳዋቱዋ ላኡዋ፡ ኔራ ናኣ አባኔራነ የተራ ናኣ አማሳ ዋዲ፡ አ ታና ኦሎዳዋ ኔን አኬካሳ፡፡ ሄዌነ፡ ኡንቱንቱ ኦላ ዋደ ዋዲዳዋ ሀሉዋ ኡንቱንታ ሰጋ ዋደ ዋዲዳ፡ ሄ ሱላን ባረ ጸሳ ሳቂያን ባረ ገድያ ጫማ አሉቄዳ፡፡

6 ኔን አ ነ አዲዳ ኤራተላዳን ኪተታ፤ ባረዉ ማታ እ ጭሚደ ሳር ሀይቃናዳን ኦሳ፡፡

7 “ሸን ጋላኣይ ጌተትያ ቢታን ደእያ ባርዘላያ ናናዉ ሎኣ፤ ኡንቱንቱ ነ ማዳን ምያ አሳና ሚና፡፡ አያዉ ጎ፡፡ ታን ነ እሻ አበሰሎማ፡፡ ባቃትያ ዋደ፡ ኡንቱንቱ ታ ባጋ ግዴድና፡፡

8 “ታን ማህናይማ ካታማ ቤዳ ዋደ፡ ታና ኢታ ሸቃ ሸቄዳ ቢንያማ ጋድያን ባሁሪማ ካታማ፡፡ ዬዳ ጌራ ናኣ ሸዎኣ ኔናና ደእያዋ ሀሳያ፡፡ አ ታናና ጋከታናዉ ዮርዳኖሳ ሻፋ ዲገ ዬዳ ዋደ፡፡ ታን ኔና ዋድከን ጋደ መድና ጎዳን እዉ ጫቃድ፡፡

9 ሸን ሀእ ኔን አ ጽሎ አሳዳን ፓይደ፡፡ ኔን አዲዳ ኤራይ ደእያ አሳ፤ ኔን አ ዋታንንቶ ኤራሳ፡፡ ኔን ሄ ጭማ ብታንያ ሀይቁዋን ሙራ፡፡ ያጊደ፡፡

ዳዊታ ሀይቁዋ

10 ሄዋ፡፡ ጌይያን ዳዊተ ሀይቁደ፡ ባረ ማይዛን ጋከቲዳ፤ ያቲደ ዳዊታ ካታማን ሞገቲዳ፡፡

11 ዳዊተ እሰራኤልያ ቦላ ኦይታሙ ላይላ ካተቲዳ፤ ከብርናን ላፑን ላይላ፡ የሩሳላሙን ሀታማነ ሄዙ ላይላ ካተቲዳ፡፡

12 ሶሎሞንን ባረ አዉዋ ዳዊታ ካወተላ አራታን ኡቲዳ፤ አ ካወተላይካ ሎይላ ሞኔዳ፡፡

ሶሎሞን ካትያ ግዲሳ

(2:13-46)

አደንያሳ ሀይቁዋ

13 ሀጊት ናኣይ አደንያሰ፡ ሶሎሞና ዳይ በርሳብኩ ቤዳ፤ በርሳባ፡ “ኔን ታኮ ሳሩዋን ያድ?” ያጋደ አ ኦቻዳ፡፡

እ፡ “ኤ፤ ሳሩዋን ያድ” ያጊደ ዛሬዳ፡፡

14 ሄዋ፡፡ ጌይያን ጌጂደካ፡ “ታን ኔና ኦቻያዋ ደኤ” ያጊደ፡፡

እዛ፡ “ኦቻ” ያጋደ፡፡

15 እ ሀዋዲን ያጊደ፤ “ካተታናዉ በሰያዌ ታና ግዴዳዋን እሰራኤልያ አሳይ ኡባይ ታና ባረንቱ ካትያዳን ጸሎዳዋ ኔን ነ ሀጲያዉ ኤራሳ፡፡ ሸን የዋቱ ለመትና ካወተላይ ታ እሻዉ ዩዬዳ፤ ሄዌነ፡ አዉ መድና ጎዳ፡፡ ያጊደ፡፡

16 ሀእ ታን ኔና እትባ ኦቻና፡፡ ሀያና ታዉ እጸ፡፡ ያጊደ፡፡

እዛ፡ “ኦቻ” ያጋደ፡፡

17 እ፡ “ካቲ ሶሎሞን ነዉ እጸድ ጌና፤ ሄዋ ድራው፡ ሹኔማ ካታማ፡፡ ዬዳ አብሻሳ ግያ ዋድራቶ ታን አካናዳን እ እዘ ታዉ እማና ማላ፡፡ ሀያና አ ታዉ ኦቻርክ” ያጊደ፡፡

18 በርሳባ፡ “ዳር ሎኣ፤ ታን ሄዋ ነ ድራ ካትያዉ ኦዳና” ያጋደ፡፡

19 ሄዋ ድራው፡ በርሳባ አደንያ ኪታ ኦዳናዉ ሶሎሞንኮ ገልና፡ ካቲ እዘ ሞካናዉ ደንድ ኤቂደ፡ እዘዉ ጎይን ሰሚደ ባረ ካወተላ አራታን ኡቲዳ፡፡ ቃይ ባረ አትዉ ሀራ ካወተላ አራታ አሀሲደ፡ አን ባረ፡፡ ኡቸቻ ባጋና ኡትሴዳ፡፡

20 ኡቲዳዋ፡፡ ጌይያን፡ “ኔና ታን እት ጉላባ ኦቻያዋ ደኤ፡፡ ሀያና ታዉ እጸ፡፡ ያጋደ፡፡

ካቲ ዛሬደ እዘ፡ “ታ ዳዬ፡ ኦቻ፡፡ ታን እጽከ” ያጊደ፡፡

21 እ፡ “ሹኔማ ካታማ፡፡ ዬዳ አብሻሳ ነ እሻይ አደንያሰ አካና ማላ እዉ እማርኪ” ያጋደ፡፡

22 ካቲ ሶሎሞን ዛሬደ ባረ ዳዮ፡ “ሹኔማ ካታማ፡፡ ዬዳ አብሻሳ ኔን አደንያሳዉ አያዉ ኦቻይ? እ ታ ባይራ ግደኔ? ኔን አዉ ካወተላካ ኦቻርክ ሸን አጋዳ! ኤ፡ ኔን አዉ፡ ቄሰያ አብያታራዉን ጸረይ ናኣ ዮኣባዉ ካወተላካ ኦቻርክ አጋዳ!” ያጊደ፡፡

23 ካቲ ሶሎሞን ጸሳን ጫቂደ፡ “አደንያሰ ሀዋ ኦቻዳ ድራው ታን አ ዋዳና ዳዮ፡፡ መድና ጎዳይ ታና ዋዲ፡፡

24 ሀእ ሰዎ ታና ታ አዉዋ ዳዊታ ካወተላ አራታን ኡትሴደ፡ ታ ካወተላ ሎይላ ኤሲደ፡ ታ ዛራቱ ደኤናዳን ኦሎዳ መድና ጎዳይ ኤር! አደንያሳ ሀቸ ዋዳና!” ያጊደ፡፡

25 ካቲ ሶሎሞን ዮዳሄ ናኣ ባናያ አዛዝና፡ አ ቢደ አደንያሳ ሸጪደ ዋዲዳ፡፡

አብያታራ ጉዮ የዳድኖ

26 ሄዋ፡፡ ጌይያን፡ ካቲ ሶሎሞን ቄሰያ አብያታራ ሀዋዲን ያጊደ፤ “ኔን አናቶታን ደእያ ነ ጋደ ጉዮ ባ፡፡ ኔን ሀይቃናዉ በሳሳ፤ ሸን ኔና ታን ሀእ ዋድከ፡፡ አያዉ ጎ፡፡ ኔን ታ አዉዋ ዳዊታ ሰንላን ኡባ ሞድያ መድና ጎዳ ታቦታ ቶካደ፤ ቃይ ታ አዉዋ መቲዋ ኡባ አናና መቶታዳ” ያጊደ፡፡

27 ያቲደ ሶሎሞን አብያታራ መድና ጎዳ ቄሳቱዋ ግድያ ሳኣ፡ ድጊደ፡ መድና ጎዳይ ሴሎን ኤልያ ጎልያ አሳዋ ኦዳዳዋ ፖሎዳ፡፡

ዮኣባ ሀይቁዋ

28 አበሰሎማ ማዳና ዳይንቶን አደንያሰ ማዳዳ ዮኣባኩ ሀ ኦዳ ጋኬዳ፡፡ መድና ጎዳ ዲንካንያዉ እ ባቃት ቢደ፡ ያርሸያ ሳኣ ካጩቱዋ ኦይቄዳ፡፡

29 የአበ መድና ጎዳ ዲንካንያው ባቃቲደ ቢደ፡ ያርሽያ ሳኦ ምይያን ደእያዋ ካትያ ሶሎሞናው ኦዴድና፡ ሶሎሞን የዳሄ ናኦ ባናያ፡ “ባደ አ ዋዳ!” ገደ አዛዜዳ፡፡

30 ባናይ መድና ጎዳ ዲንካንያ ግደ ገሊደ የአባ፡ “ካቲ ኔና፡ ህዋጥ ከሳ” ያጌ” ያጌዳ፡፡

ሽን እ ዛሪደ፡ “ከሰከ! ታን ሀዋን ሀይቃና” ያጌዳ፡፡

ባናይ ካትያው፡ “የአበ ታው ሀዋ ሀዋ ገደ ዛሪዳ” ገደ ኦዴዳ፡፡

31 ካቲ ባናያ፡ “እ ጌዳዋዳን አ ከተታ፤ አ ዋዳደ ዋጋ! ያቶ፡ የአበ ጽሎ አሳቱዋ ሱላ ጉሴዳ ዳባጥ ታናን ታ አውዋ ጎልያ አሳ ጌሻሳ፡፡

32 እ ጉሴዳ ሱላ አጩዋ መድና ጎዳይ አው ጭጋና፡ አያው ጎጥ፡ እ ታ አው ዳዊተ ኤሪናን ደእሽን ላኡ አሳቱዋ ማሻን ዋዴዳ፤ እሰራኤልያ ኦላ ጋዳዋይ ኔራ ናኦይ አባኔርን ይሁዳ ኦላ ጋዳዋይ የተራ ናኦይ አማሰ፡ ኤንቱንቱ ላኦቱካ አፕ ኬካን ሱርያ ዳሮ አሳ፡፡

33 የአበ ሀ አሳቱዋ ዋዴዳ ድራው፡ ኤንቱንቱ ሱላ ዳባይ መድናው የአባ ሁጲያንን አ ዘረላቱዋ ሁጲያን ዋዴ፡ ዳዊታ ቦላን አ ጎልያ አሳ ቦላ፡ አ ዘረላቱዋ ቦላን አ ካውተላ አራታ ቦላ መድናው መድና ጎዳ ሳሮተላይ ግደ” ያጌዳ፡፡

34 ሄዋ ድራው፡ የዳሄ ናኦይ ባናይ ፑደ ከሲደ፡ የአባ ሾጪደ ዋዴዳ፤ እ ዋራን ደእያ ባረ ገደን ሞገቱዳ፡፡

35 ካቲ የዳሄ ናኦ ባናያ የአባ ሳኦን አላ ጋዳዋ አላደ ሱንጮዳ፤ ቃይ አብያታራ ኮታን ቄሰያ ሳዶቃ ሱንጮዳ፡፡

ሽሞአ ሀይቁዋ

36 ሄዋጥ ጉይያን ካቲ ሶሎሞን ሽሞአዮ ከቲደ ሀዋዳን ያጌዳ፤ “ኅው የሩሳላመን ጎልያ ኬጻደ፡ ያን ደእ፤ ሀራሳ ሀቃን ቦፓ፡፡

37 ኔን ካታማጥ ከሳደ፡ ቀድሮና ዛንጋራ ፕኔዳ ጋላሰ ሀይቃናዋ ኤራ፡፡ ነ ሱላ ጎሚ ኔና ኦይቃና” ያጌዳ፡፡

38 ሽሞአ ዛሪደ ካትያ፡ “ኔን ግያዌ ሎኦ፤ ታን ነ ቆማይ ኔን ታ ጎዳይ ካቲ ጌዳዋዳን ኦላና” ያጌዳ፡፡ ሽሞአ የሩሳላመን ዳሮ ዋድያ ደኤዳ፡፡

39 ሽን ሄዙ ላይላፕ ጉይያን፡ ሽሞአ ቆማቱዋጥ ላኦቱ በቲደ፡ ማእካ ናኦ፡ ጋተ ካትያ እከሻኮ ቢና፡ “ነ ቆማቱ ጋተን ደእኖ” ገደ ሽሞአው ኦዴድና፡፡

40 እ ባረ ሀርያ ኮሪደ፡ ባረ ቆማቱዋ ኮያናው እከሻኮ ጋተ ቤዳ፤ ጋተጥ ባረ ቆማቱዋ ዛሪደ አሄዳ፡፡

41 ሽሞአ የሩሳላመጥ ጋተ ካታማ ቢደ ሰሜዳዋ ሶሎሞን ሰሴዳ ዋደ፡፡

42 ሽሞአ ጸሰሲደ ሀዋዳን ያጌዳ፤ “ኔን ያፕ ደንዳደ ሀራሳ ሀቃን ቤዳ ጋላሰ፡ ሀይቁያዋ ኤራ፡ ጋደ ታን ኔና መድና ጎዳን ጫቀላደ ሴራብይክታ? ሄ ዋደ ኔን ኅ ግያዌ ሎኦ፤ ኤና፡ ታን አዛዘታና ጋዳ፡፡

43 ያትና፡ መድና ጎዳው ጫቁዳ ጫቁዋን ታ አዛዘዋ አያው ናጋቦይኪ?” ያጌዳ፡፡

44 ቃይካ ካቲ ሽሞአ፡ “ታ አውዋ ዳዊታ ቦላ ኔን ኦጼዳ ኢታ ከታ ኡባ ነ ዋዛናይ ኤሪዳ፡፡ ሀእ ሰሞ ነ ኢታ ከታ መድና ጎዳይ ነው ዛራና፡፡

45 ሽን ካቲ ሶሎሞን እንጀታና፤ ዳዊታ ካውተላ አራታይካ መድና ጎዳ ሰንላን መድናው ሳሮ ደእና” ያጌዳ፡፡

46 ካቲ የዳሄ ናኦ ባናያ አዛዜዳ፤ ባናይ ቢደ፡ ሽሞአ ሾጪደ ዋዴዳ፡፡

ያትና፡ ካውተላይ ሶሎሞን ኩሽያን ሞኒደ ኤቄዳ፡፡

ሶሎሞና ካውተላ

3

(3:1—11:43)

ኮይሮ ላይላቱዋ

(3:1—4:34)

1 ሶሎሞን ግብጾ ካትያና ዙፕቲደ፡ አ ናቶ ባረው ማቼ ኦላ እኪደ ባረ ካትያ ጎልያ፡ መድና ጎዳ ጌሻ ጎልያን የሩሳላመ የቶዋ ድርሳ ግሞቢደ ፖላናው፡ እዙ ዳዊታ ካታማ አሄዳ፡፡

2 መድና ጎዳ ሱንላው ጌሻ ጎሊ ብር ኬጻትቤና ድራው፡ አሳይ ሄ ዋደ ጎይንያ ቃቃ ግሹዋን ያርሽደ ታኬዳ፡፡

3 ሶሎሞን መድና ጎዳ ሲቅያዋ ባረ አውዋ ዳዊታ ዋጋን ሀመትያዋዳን ኤርሴዳ፤ ሽን ጎይንያ ቃቃ ግሹዋን ያርሽደ እጻና ጩውሴዳ፡፡

4 ካቲ ያርሹዋ ያርሻናው ጋባኦና ቤዳ፤ አያው ጎጥ፡ ሄ ሳኦይ ሀራ ኡባጥ አቋ ኮሽያ ጎይንያ ቃቃ ሳኦ፡ ሶሎሞን ሻኦ መሀያ አሄደ፡ ሄ ያርሽያ ሳኦን ጹግያ ያርሹዋ ያርሹዳ፡፡

5 መድና ጎዳይ ሶሎሞናው ጋባኦናን ቃማ አኩሙዋን ቆንጩዳ፡፡ ጸሳይ አ፡ “ታን ነው አያ እማናዳን ኮያይ?” ያጌዳ፡፡

6 ሶሎሞን፡ “ነ ቆማይ ታ አው ዳዊተ ነው አማነትያ ጽሉዋን ሱረ አሳ ግድያ ድራው፡ ኔን አገና ሲቁዋን አ ሲቃደ፡፡ ኔን ሀ ዋልቃማ ሲቁዋ አገናን ሲቃደ፡ ሀቼ ሀ ጋላሰ አ ካውተላ አራታን ኡትያ አቱማ ናኦ አው እማዳ፡፡

7 “ሀእካ አቤት መድና ጎዳ፡ ታ ጸሳው፡ ኔን ታና ነ ቆማ፡ ታ አውዋ ዳዊታ ሳኦን ካተያዳ፡፡ ሽን ታን ጉላ ናኦ ግድያ ድራው፡ አሳ ዋታ ካላላንንቶ ታን ኤርከ፡፡

8 ታን ነ ቆማይ ኔን ደሬዳ አሳ ግድን፡ ፓይዳ ባይና አሳ ግድን ደእይ፡፡

9 ሄዋ ድራው፡ ታን ነ አሳ አይሳናውን ሎኡዋን ኢታ ሻካደ ኤራናው ታው ነ ቆማው እከካ ዋዛና እማ፡፡ ሄዋ ቆሮ፡ ሀ ነ ዋልቃማ አሳ ኔን ካለላናው ዳንዳዩ?” ያጌዳ፡፡

10 ሶሎሞን ሄዋ ኦቼዳ ድራው፡ ጸሳይ ናሽቲዳ፡፡

11 ሄዋ ድራው፡ ጸሳይ አ ሀዋዳን ያጌዳ፤ “ኔን ነው ላይላይ አድቃናው፡ ዋይ ዱረ ግዳናው፡ ዋይ ነ ሞርከቱ ሀይቃናው ኦቼናን አጋደ፡ ሀዋ አሳ ሱረ ፕርዳን አይሰያ አቋዳ ኤራ ኦቼዳ ድራው፡፡

12 ኔን ኦቼዳዋ ታን ኦላና፡፡ በኦ፡ ኔፕ ካሰ ነ ማል ባይናዋዳን ኔፕ ደሞና ነ ማል ደንደናዋዳን፡ አቋዳ ኤራተላን እከካ ዋዛና ታን ነው እማና፡፡

13 ቃይ ኔን ኦቼቤናባካ ታን ነው እማና፤ ኔን ደኤዳ ላይላ ኡባን ካተቱዋ ግድን ነ ኬሻ ካቲ ደኤዳናን፡ ዱረታን ቦንቹዋ ታን ነው እማና፡፡

14 ኔን ነ አዉ ዳዊተ ሀመቲዳዋዳን ታ ኦግያን ሀመቶተ፡ ታ ዋጋዉን ታ አዛዞ አዛዘቶተ፡ ታን ነ ላይላ አዲሳና” ያጌዳ።

15 ሄዋፕ ጉይያን ሶሎሞን ቤጎቲደ ሄዋ አኩሙዋ ግድያዋ አኬኬዳ። እ የሩሳላሙ ሰም ቢደ፡ ጸሳ ቃላ ጫቁዋ ታቦታ ሰንሳን ኤቂደ ጸግያ ያርሹዋን እትተተላ ያርሹዋ ያርሹዳ። ያቲደ ባረ ኦሳንቻቱ ኡባዉ ባላ ከሴዳ።

ሶሎሞን ኤራ ፕርዳ ፕርዳዳ

16 እት ጋላሰ ላኡ ሻርሙጻቱ ካትያ ሶሎሞንኮ ዪደ፡ እ ሰንሳን ኤቂድኖ።

17 ኡንቱቱፕ እትና ሀዋዳን ያጋዱ፤ “ታ ጎዳዉ፡ ታንን ሀ ምሽራታ እት ጎላን ደኤቶ። ያን እዛ ታናና እትፕ ደእሸን፡ ታን እት ናኣ የላድ።

18 ታ ናኣይ የለቲዳ ሄዘንሉ ጋላሰ ሀ ምሽራታካ እት ናኣ የላድ። ሄ ጎላን ኑ ላኡዋፕ ሀራ አሳይ ኦንን ባዋ።

19 “እት ጋላሰ ቃማ እዛ አ ቦላ ግሴዳ ድራዉ፡ ሀ ምሽራት ናኣይ ሀይቁዳ።

20 አ ቃማ ብላሄ ደንዳደ፡ ታን ነ ቆማታ ገምእሻ ደእሸን፡ ታ ናኣ ታ ምይያፕ አካደ አ ባረ ክወዋን ዋላደ፡ ባረ ሀይቁዳ ናኣ ታ ክወዋን ዋላድ።

21 ጉራን ታን ታ ናኣ ቆንላናዉ ደንዳዳ ዋደ፡ ሀይቁክቼዳ! ሸን ታን ዋንታ ፖኡዋን ትሸ ኡደደ ጸልያ ዋደ፡ ታን የሌዳ ናኣ ግደና” ያጋዱ።

22 የንኮ ምሽራታ ሀዋዳን ያጋዱ፤ “ቱይት! ደኡዋን ደእያዌ ታ ናኣ፤ ሀይቁዳዌ ነዋ” ያጋዱ።

ሸን ኮይሮ ምሽራታ ዛራደ፡ “ቱይት፡ ሀይቁዳዌ ነ ናኣ፤ ፓጸ ደእያዌ ታ ናኣ” ያጋዱ። ሄዋዳን ጊደ ኡንቱንቱ ካትያ ሰንሳን ፓሎሙቲድኖ።

23 ካቲ ሶሎሞን ሀዋዳን ያጌዳ፤ “ሀ ምሽራታ፡ ፓጸ ደእያ ናኣይ ታዋ፤ ሀይቁዳዌ ነዋ” ያጋዉ፤ የንኮራካ፡ “ቱይት! ነ ናኣይ ሀይቁዳዋ፤ ታ ናኣይ ፓጸ ደእያዋ” ያጋዉ” ያጌዳ።

24 ካቲ፡ “ታዉ ማሻ እኪደ ዪተ” ያጌዳ፤ ኡንቱንቱ አዉ ማሻ አሄድኖ።

25 ካቲ፡ “ደኡዋን ደእያ ናኣ ላኡ ከሲደ ጸልቀተ፤ እት ባጋ ሀንዉ እምተ፤ እት ባጋ ዬንዉ እምተ” ያጌደ አዛዜዳ።

26 ሀ ፓጸ ደእያ ናኣይ አዋ ግዳዳ ምሽራታ ባረ ናኣዉ ምሽታደ ካትያ፡ “ሀይ ታ ጎዳዉ፡ ፓጸ ደእያ ናኣ እዘዉ እማ! አ ዋጆፕ!” ያጋዱ።

ሸን የንኮራ፡ “ታዉካ ነዉካ ግደፕ፤ ላኡ ከሲደ ጸልቀቶ” ያጋዱ።

27 ሄዋፕ ጉይያን ካቲ፡ “ሀ ፓጸ ደእያ ናኣ ሀ ኮይሮ ምሽራትዉ እምተ፤ ናኣ ዋጆፕተ። ሀና ናኣ ዳዮ!” ያጌደ ፕርዳዳ።

28 እሰራኤልያ አሳይ ኡባይ ካቲ ፕርዳዳ ፕርዳ ሰሴዳ ዋደ፡ ኡንቱንቱ ካትያ ሎይሐ ቦንቼድኖ። እያዉ ጎፕ፡ አሳዉ ጽሎተላን ፕርዳናዉ አዉ አጼዳ ኤራተላይ ጸሳፕ እመቲዳዋ ቦኤድኖ።

4

ሶሎሞን ሱንሌዳ ኦሳንቻቱዋ

1 ካቲ ሶሎሞን እሰራኤልያ ቢታ ኡባ ቦላ ካተቲዳ።

2 እ ሱንሌዳ ካፓቱ ሀዋፕ ካሊደ ጸፈቲዳዋንታ። ሳዶቃ ናኣይ አዛርያሰ ቁሳ፤

3 ሺሻ* ናናይ ኤልሆራፍን አኪይ ዋና ጸፈቲዋ፤ አሀሉዳ ናኣይ ዮሳፌጸ ሀኔዳባ ጸፍያዋ፤

4 ዮዳሄ ናኣይ ባናይ ኦላ ጋዳዋ፤ ሳዶቅን አብያታረ ቁሳቱ ዋ፤

5 ናታና ናኣይ አዛርያሰ ደርያ ሄምያዋንቱ ካፑዋ፤ ናታና ናኣይ ዛቡድ ቁሰን ካትያ ዱማ ዘርያዋ፤

6 አሀሻር ካትያ ጎልያ ካፑዋ፤ አብዳ ናኣይ አደንራም ጎሻንቻቱዋ ካፑዋ።

7 ቃይ ሶሎሞናዉ እሰራኤልያ ቢታን ኡባን ታማን ላኡ ደረቲዋ ሄምያዋንቱ ደእኖ፤ ኡንቱንቱ ካትያዉን ካትያ ሶን ደእያ አሳ ኡባዉ ምያ ካላ አሀያዋንታ። ኡንቱንቱፕ እቱ እቱ ላይላ ግደን እት እት አግና ካላ አሄ።

8 ኡንቱንቱ ሱንላይ ሀዋፕ ካሊደ ጸፈቲዳ። በንሀር ኤፍሬማ ገዝያ ሄምያዋ።

9 በንደቃር ማቃጸ፡ ሻአልቢማ፡ ቤት-ሸመሻን ኤሎን-ቤትሀናና ካታማቱዋ ሄምያዋ።

10 በንሄሴድ አሩቦታ ቢታ ሄምያዋ፤ ሶኮ ቢታይ ሄፌራ ቢታይ ኡባይካ አዋ።

11 በናብናዳብ ዶራ ግያ ቢታ ኡባ ሄምያዋ፤ እ ሶሎሞና ናቶ ጸፋቶ አኬዳዋ።

12 አሀሉዳ ናኣይ ባኣና ታእናካን ማግደ ግያ ካታማቱዋ፡ እዘራኤልያፕ ጋርሳን ጸርታና ማታን ደእያ ቤትሻና ቢታ ኡባ፡ ቤትሻናፕ ቢደ አቤል-ማሆላና አጲደ፡ ዮቅማኦማ ሄፍንላ ጋካናዉ ደእያ ካታማቱዋ ሄምያዋ።

13 በንገቤር ጋላኣደን ራሞታ ግያ ካታማ፡ ጋላኣደን ምናሰ ናኣ ያኢራ ካታማቱዋን፡ ዩሹዋን ግምቤን ግምቢያ ፕንገቱዋን ናሃሰያ ብራታ ሸካላቱ ደእያ ኡሱቱን ታሙ ዋልቃማ ካታማቱዋና ደእያ፡ አርጎባ ግያ ቢታ ሄምያዋ አርጎብ ባሳንን ደኤ።

14 እዶ ናኣይ አሀናዳብ ማሀናይማ ግያ ቢታ ሄምያዋ።

15 አሀማኣጽ ንፍታሌማ ቢታ ሄምያዋ፤ እ ሶሎሞና ናቶ ባሰማቶ አኬዳ።

16 ሁሻያ ናኣይ ባኣን አሴራ ጋድያን ባኣሎታ ካታማ ሄምያዋ።

17 ፓሩሀ ናኣይ ዮሳፌጸ ይሳኮራ ቢታ ሄምያዋ።

18 ኤልያ ናኣይ ሸምእ ቢንያማ ቢታ ሄምያዋ።

19 ኡራ ናኣይ ገቤር ጋላኣደ ቢታን አሞራዋናቱዋ ካቲ ሰሆንን ባሳን ካቲ ኦግ ካተቲዳ ቢታቱዋ ሄምያዋ፤ ሄ ቢታቱዋ ሄምያዋ አ ጸላላ።

ዱረተላይ ኩሜዳ ሶሎሞን ካዉተላ

20 ይሁዳ አሳይን እሰራኤልያ አሳይ አባ ዶና ሻፍያዳን ጮራቲድኖ፤ ኡንቱንቱ ሚድን ኡሺደ ናሸቲደ ደእኖ።

* 4:3 ሺሻ፡- ሀ ብታኒ አብራዌሉዋን ኦይዱ ዱማ ዱማ ሱንላን ጸሰቲ 2 ሳም። 8:17፤ 20:25 ነ 2 ኦድ። 18:16 ጸላ።

21 ሶሎሞን ኤፍራዲሳ ሻፋፕ ደሚደ ፕልሰጾማ ጋድያ ጋካናው፡ ሄዋፕካ ግብጾ ዛዋ ጋካናው ደእያ ካውተላቱዋ ኡባ ሞዴዳ። ሄ ቢታ እሳቱ እው ገራ ገራድኖ፤ ኡንቱንቱ እ ደኡዋ ላይላ ኡባን እው ሞድቲድኖ።

22 ሶሎሞናው ሀቼ ሀቼ ቁማው እሻታሙ ኮንታለ ሙሩታ ዲልያ፡ ጾቱ ኮንታለ ዲልያ፡

23 ዲክና ሞዴዳ ታሙ ቦራቱዋ፡ የዳን ሜዳ ላታሙ ቦራቱዋን ጾቱ ደርሳቱዋ፡ ኡንቱንቱ ቦላካ ጋራቱዋ፡ ገንኤቱዋን ኦርዶ ኩቶቱዋ ኮሼ።

24 ሶሎሞን ኤፍራዲሳ ሻፋፕ አዋይ ዉልያ ባጋና ደእያ ካውተላቱዋ ኡባ ትፍሳህ ካታማፕ ደሚደ ጋዛ ካታማ ጋካናው ሞዴዳ፤ ባረ የሹዋን ደእያ ቢታ ኡባናካ ሳር ደኤዳ።

25 እ ደኡዋ ላይላ ኡባን ይሁዳ እሳይን እሰራኤልያ እሳይ ዳናፕ ቢደ በርሳቡሀ ጋካናው፡ ኡባይ ባረ ዋይንያ ቱራ ኩዋንን ባረ ባላሰያ ኩዋን ሳር ደኤዳ።

26 ሶሎሞናው ኦላ ፓራ ጋራቱዋ ጎቻያ ኦይታሙ ሻእ ጋጾታ ፓራቱን ታማን ላኡ ሻእ ፓራ እሳቱ ደኤዳ።

27 ሄ ደርያ ሄምያዋንቱ ባረንቱ አግናን አግናን ካቲ ሶሎሞንን እ ማዳን ማናው ዬዳ እሳይ ኡባይ ምያባ ሺሼድኖ። ኡንቱንቱ ሄዋፕ እያን ፓጭሰቢይክኖ።

28 ኡንቱንቱ ቃይ ጋርያ ፓራቱን የንኮ ፓራቱ ማናው ባንጋን ዳላ ባረንታ ጋኬዳዋ ጋኬዳዋ እሂደ እ ዋልያ ሳኦን ዋልድኖ።

29 ጸሳይ ሶሎሞናው እዴዳ ኤራ፡ እኬካን ዛዋይ ባይና እኮ ቆፋ እሜዳ።

30 ሶሎሞና እዴዳ ኤራተላይ አዋይ ደልያ ባጋና ደእያ እሳ ኡባ እዴዳ ኤራተላፕን ግብጾቱዋ እዴዳ ኤራተላ ኡባፕ እዴዳ።

31 እ እሳ ኡባፕ እዴዳ ኤራንቻ፤ ቃይ እ ኤዘራህያ ኤታናፕካ፡ ማሆላ ናናቱዋ ሄማናፕ፡ ካልኮላፕን ዳርዳኦፕካ እዴዳ ኤራንቻ። እ ዋሪ የሹዋን ደእያ ካውተላቱዋ ኡባ ጋኬዳ።

32 እ ሄዙ ሻእ ሌምሳቱዋ ሃሳዬዳ፤ ቃይ እ የላቱ እት ሻእን እቼሻ።

33 ሶሎሞን ሊባናሳ ዝጋፕ ደሚደ፡ ጎልያ ግምቢያ ቦላ ሞክያ ሂሶጵያ ግያ ሞላ ጋካናው፡ ሞላባ ኦዴዳ፤ ሄዋዳንካ ቃይ መሄቱዋባ፡ ደአቱዋባ፡ ካፎቱዋባ፡ ሳኦና ጎሽቻያ መጋታቱዋባን ሞለቱዋባ ታማርሴዳ።

34 እ እዴዳ ኤራ ሰሴዳ ሳኦን ደእያ ካተቱ ኡባይ ከትና፡ ካውተላ ኡባፕ እሳይ ሶሎሞና እዴዳ ኤራ ሰሳናው ዬዳ።

5

ጌሻ ጎልያ ኦሱዋ (5:1—8:66)

1 ጸርሳ ካቲ ኪራም ዳዊታና ኡባ ገደ ሲቀቲደ ጋምኤዳ ድራው፡ ሶሎሞን ባረ አዉዋ ዳዊታ ኮታን ካተታናው ኦከቲዳዋ ሰሲደ፡ ባረ ኦሳንቻቱዋ ሶሎሞንኮ ኪቲዳ።

2 ሶሎሞንካ ኪራማው ዛሪደ ሀዋዳን ያጊደ ኪቲዳ፤

3 “መድና ጎዳይ እ ሞርከቱዋ እ ገድያፕ ጋርሳና ሞድሳና ጋካናው፡ ታ እዉዋ ዳዊታ ቦላ ኡባ ሳና ደንዴዳ ኦላ ጋሱዋን፡ መድና ጎዳ ባረ ጸሳ ሱንላው ጌሻ ጎልያ እ ኬጽቤናዋ ኔን ኤራሳ።

4 ሽን ሀእ መድና ጎዳይ ታ ጸሳይ ታው ኡባ ሳና ሽምቱዋ እሜዳ፤ ታው እያ ሞርከካ ዋይ ኢታባይካ ባዋ።

5 መድና ጎዳይ ታ አዉዋ ዳዊታው፡ ‘ታን ነ ኮታን፡ ነ ካውተላ አራታን ካተይያ ነ ናእይ ታ ሱንላው ጌሻ ጎልያ ኬጻና ጌዳዋዳንካ፡ ታን መድና ጎዳ ታ ጸሳ ሱንላው ጌሻ ጎልያ ኬጻናው ቆፓዳ።

6 ሄዋ ድራው፡ ሊባናሳፕ ዝጋ ታው ቃንጾያ አሳቱዋ አዛዛ፤ ታ አሳቱ ነ አሳቱዋና ኦላናዋንታ። ያቶፕ ነ አሳቶ ኔን ጭጋ ጌዳ ድርጉዋ እያ ግድፕን፡ ታን ጭጋና። ሲደና አሳቱዋዳን ሞላ ቃንጾዋ ሂላ ኦ አሳይ ኤረናዋ ኔን ኤራሳ” ያጌዳ።

7 ኪራም ሶሎሞና ኪታ ሰሲደ ሎይላ ናሽቲደ፡ “ሀ ዋልቃማ ካውተላ ሞዳና ማላ፡ ዳዊታው ሀ እዴዳ ኤራንቻ ናኦ እሜዳ መድና ጎዳይ ጋላተቶ” ያጌዳ።

8 ሄዋፕ ጉይያን ኪራም ሶሎሞናው ሀዋዳን ያጊደ ኪቲዳ፤ “ኔን ታው ኪቲዳ ኪታይ ታና ጋኬዳ። ኔን ኮይዳዋ ኡባ ታን ኦላና፤ ዝጋ ሙደላን ጽድያ ሙደላ ታን ነው ሺሻና።

9 ታ አሳቱ ነ ሙደላ ሊባናሳፕ ዲገ አባው ኬዛናዋንታ። ታን ቃሽሳደ፡ አባ ቦላና ቶከቲደ ኔን ማላቶ ሳኦ ጋካናዳን ኦላና፤ ታን ያን ብልሳደ ያፕ አፍሳና። ሄዋፕ ጉይያን ኔን ነ ባጋና ታ ካትያ ጎልን ደእያ አሳው ምያባ ኪትያዋን ታ ኮይያዋ ፖላናሳ” ያጌዳ።

10 ሄዋዳን ኦሊደ ኪራም ሶሎሞን ኮኖዋ ኬሻ ዝጋ ሙደላን ጽድያ ሙደላ ኡባ እሜዳ።

11 ሶሎሞንካ ካትያ ጎልን ደእያ አሳይ ማናው ላታሙ ሻእ ኮንታለ ዛርጋን ኦይዱ ጾቱ ሻእ ሊትር ጌሻ ዋጋራ ዛይትያ ላይላን ላይላን ፓጨናን ኪራማው እሜዳ።

12 መድና ጎዳይ ሶሎሞናው እማና ጌዳዋዳን፡ አው እዴዳ ኤራ እሜዳ። ኪራሙን ሶሎሞን ባረንቱ ግድን ሳር ደኤድኖ፤ ኡንቱንቱ ላኡ ባረንቱ ግድን ቃላ ጫቁዋ ጫቀቲድኖ።

13 ካቲ ሶሎሞን እሰራኤልያ ኡባፕ ሀታሙ ሻእ ጎሻንቻቱዋ ደሪደ ከሴዳ።

14 እደንራማ ግያ ብታንያ ኡንቱንቱ ቦላ ካፑዋ ኦሊደ ሱንሴዳ። ጋባራቱዋካ ታሙ ሻእ ታሙ ሻእ ሻክ፡ ሄዙ ጭታ ከሴዳ፤ እት እት ጭታይ ታራን ታራን ቢደ፡ እት እግና ሊባናሳን ኦላናዳንን ላኡ አግና ባረንቱ ሶን ደኦናዳን ቆፕዳ።

15 ሶሎሞናው ቶኩዋ ቶክያ ላፑን ታሙ ሻእ አሳቱን ሹቻ ቆእያ ሆሰፑን ታሙ ሻእ አሳቱ ገዝያን ደኤዳ።

16 ሀዋንቱ ካፑዋ ግዲደ አሳ ኪታ ኦሰሰያ ሄዙ ሻእን ሄዙ ጾቱ አሳቱዋ ጊግሴዳ።

4:21 ደመላ 15:18፤ 2 ኦዲዋ 9:26 4:26 1 ካታ. 10:26፤ 2 ኦዲዋ 1:14፤ 9:25 4:31 ማዘ. 89 (ሁጲያ) 4:32 ሌዋ. 1:1፤ 10:1፤ 25:1፤ ሰቁዋ 1:1 5:5 2 ሳሜላ 7:12-13፤ 1 ኦዲዋ 17:11-12 5:14 1 ካታ. 12:18

17 እሳንቻቱ ካቲ ሶሎሞን አዛዝና፡ ጌሻ ጎልያው ባሶ ግዳና ማላ ዋጋ ሙሩታ ሹቻቱዋ ቆኢደ ማሴድኖ።

18 ሶሎሞና አሳቱነ ኪራማ አሳቱ ኩሽያ ሂላ ኤርያዋንቱ፡ ጌባላ አሳቱዋናካ ግዲደ፡ ጌሻ ጎልያ ኬጻናው ሞላ ቃንጺደነ ሹቻ ቆኢደ ገገሴድኖ።

6

ሶሎሞን ጌሻ ጎልያ ኬጻዳ

1 እስራኤልያ አሳይ ግብጹ ጋድያ፣ ከሴዳ ኦይዱ ጾታን ሆሰፑን ታማንላ ላይላን፡ ሶሎሞን እስራኤልያ ቦላ ካውቴዳ ኦይደንሉ ላይላን፡ ዚፋ ግያ ላኤንሉ አግናን፡ ሶሎሞን መድና ጎዳ ጌሻ ጎልያ ኬጻናው ደሜዳ።

2 ሶሎሞን መድና ጎዳው ኬጻዳ ጌሻ ጎሊ ጌሳይ ኡሱፑን ታሙ ዋቋ አዲሳ፤ ጎምፓይ ላታሙ ዋቋ አካ፤ ጌሳይ ሀታሙ ዋቋ ቆቃ።

3 ጌሻ ጎልያ ገልያ ሳኦን ደኢያ ባራንዳይ ቦካት ገሌዳ አላይ ጌሻ ጎልያ ጎምፓ ኬሻ ላታሙ ዋቋ፤ ጎልያ ጎምፓይ ጌሻ ጎልያ ገልያ ሳኦ ጋካናው ታሙ ዋቋ።

4 ጌሻ ጎልያው ሶ ባጋና አኪደ፡ ካረ ባጋና ጸሜዳ ማሰኮተቱ ደኢኖ።

5-6 ሄ ጎልያ ዩሹዋን ሀራ ክፍለቱዋ ኬጻዳ፤ ሄ ሻካቱ ሄዙ ፖቀቱ ደኢያዋንታ፤ ሜጋ የግያ ሞላይ ጌሻ ሳኦ ግዶ ገለና ማላ፡ ኮይሮ ጎዳና ኦይሰሊደ ሹቻ ዋሊደ፡ ግምቢያው ሀርክ ወርሰላ ኦርድሴዳ። ሄዋ ጋሱዋን ጋርሳ ኮይሮ ፖቁ እቼሹ ዋቋ አካ፤ ላኤንሉ ፖቁ ኡሱፑን ዋቋ አካ፤ ሄዘንሉ ፖቁ ላፑን ዋቋ አካ።

7 ጌሻ ጎሊ ሀን ቆኢያሳን ማሰቲዳ ሹቻ ጸላላን ግምቡቲዳ፤ ያትና፡ ጌሻ ጎሊ ግምቡቲዳ ዋደ፡ ድጅኑዋ፡ ካልታ፡ ዋይ ሀራ አይ ብራታ ኮሻይነ ጌሻ ጎልያን ሰሰትቤና።

8 ኡባፕ ጋርሳና ደኢያ ፖቅያ ገልያ ፐንጊ ጌሻ ጎልያ፣ ገድሳ ባጋና ደኤ፤ ሄ ሳፕ ላኤንሉ ፖቅያውን ሄዘንሉ ፖቅያው ባናው የድ ከሰያ ደላቱ ደኢኖ።

9 ሄዋዳን አሊደ፡ ሶሎሞን ጎልያ ኬጻደ ፖሌዳ፤ ያቲደ ዝጋ ጸወላን ማሰላ ቦላና ካሜዳ።

10 ቃይ ጌሻ ጎልያ ዩሹዋን ፖቀቱዋ ኬጻደ ፖሌዳ፤ ኡንቲንቱ ቆቃተላይ አቱዋዌ አቱዋዌ እቼሹ ዋቋ ግዲደ፡ ጎዳና ዝጋ ጸወላን ኦይቀቲድኖ።

11 መድና ጎዳ ቃላይ ሶሎሞንኮ ዬዳ፤ ሶሎሞና፡

12 “ሀ ኔን ኬጻያ ጌሻ ጎልያ ግዶ፡ ኔን ታ አዋዩዋ ካሎ፡ ታ ዋጋ አላ፡ ታ አዛዙዋ ኡባ ና፣ፕን አዛዘቶ፡ ታን ነ አወዋ ዳዊታው እሜዳ ሀደታ ነ ባጋና ፖላና።

13 ያታደ ታን እስራኤልያ አሳ ግዶን ደኢና፤ ታን ታ አሳ እስራኤልያ አግከ” ያጌዳ።

ጌሻ ጎልያው ሶ ግዶ ኡሱዋ (2 ኦዲዋ 3:8-14)

14 ሶሎሞን ጌሻ ጎልያ ኬጻደ ፖሌዳ።

15 ጌሻ ጎልያው ሶ ባጋ ጎዳ፡ ወይግያ፣ ሲደ ካራ ጋካናው ዝጋ ጸወላ ልቅ ካሜዳ፤ ቃይ ወይግያንካ ጽድያ ጸወላ ሂጾዳ።

16 ጌሻ ጎልያ ግዶን ኡባፕ አድያ ጌሻ ሳኦ ግያ ቆልኡዋ መቆናው፡ ጉየ ባጋና ላታሙ ዋቋ ግድያ ሳኦ ሻኬዳ፤ ወይግያ፣ ካራ ጋካናው ዝጋ ጸወላ ጎዳ ኤሴዳ።

17 ሄ ቆልኡዋ፣ ሰንላ ባጋና ደኢያ ወይግያ ጌሳይ ኦይታሙ ዋቋ አዲሳ።

18 ጌሻ ጎልያው ሶ ባጋይ ማሴዳ ጎሰያን ጨሼዳ ጨሻ ሞሰልያ መጴዳ ዝጋ ጸወላን ልቅ ካመቴዳ፤ ኡባባይካ ዝጋ፤ አይ ሹቶን ቤተና።

19 ሶሎሞን መድና ጎዳ ቃላ ጫቁዋ ታቦታ ዋላናው ጌሻ ጎልያ ግዶን ኡባፕ አድያ ጌሻ ሳኦ ገገሴዳ።

20 ኡባፕ አድያ ጌሻ ሳኦ ላታሙ ዋቋ አዲሳ፡ ላታሙ ዋቋ እኮነ ላታሙ ዋቋ ቆቃ። ሶሎሞን ሄ ቆልኦ ሶ ባጋ ዋላካይ ባይና ዋርቃን ሼሼዳ። ቃይ ያርሽያ ሳኦይካ ዝጋ ጸወላን ካመቴዳ።

21 ሶሎሞን ጌሻ ጎልያ ግዶዋ ዋላካይ ባይና ዋርቃን ሼሼዳ፤ ዋርቃ ሼሼዳ ቆልኡዋ ገልያ ፐንግያው ቦላ ጉባንያ ያነ ሃነ ጋክያ ዋርቃ ሳንሳላታ አሌቁሴዳ።

22 ያቲደ ጎልያ ግዶ ኡባ ዋርቃን ሼሼዳ፤ ቃይ ኡባፕ አድያ ጌሻ ሳኦ ሰንላን ደኢያ ያርሽያ ሳኦ ዋርቃን ሼሼዳ።

23 ኡባፕ አድያ ጌሻ ሳኦን ዋላናው እቲ እቲ ታሙ ዋቋ አዲቁያ ዋጋራ፣ ላኡ ክሩቡቱዋ ሞሰለቱዋ ማሰደ ገገሴዳ።

24 ኮይሮ ክሩብያ ቀሬ እቲ እቼሹ ዋቋ፤ ላኤንሉ ቃይ እቼሹ ዋቋ፤ ኮይሮ ቀፍያ ጸራፕ ቢደ ላኤንሉ ቀፍያ ጸራ ጋካናው ታሙ ዋቋ።

25 ላኤንሉ ክሩባካ ታሙ ዋቋ፤ ላኡ ክሩቡቱዋ መቆይነ ማላይ እት ማላ።

26 እት ክሩብያ ጌሳይ ታሙ ዋቋ፤ ላኤንሉካ ሄዋ ኬሻ።

27 ሶሎሞን ጌሻ ጎልያን ደኢያ ኡባፕ አድያ ጌሻ ሳኦን ክሩብላ ዋሌዳ። ኡንቲንቱ ቀሬ ሞጨት ኡቲዳ፤ እት ክሩብያ ቀሬ እት ባጋ ጎዳ ቦቶያ ዋደ፡ ሀንኮ ክሩብያ ቀሬ ቃይ ሀንኮ ባጋ ጎዳ ቦቲ፤ ኡንቲንቱ ላኡዋ ቀፈቲካ ሶ ግዶን እቲ እቲዋ ቦቲኖ።

28 ሶሎሞን ክሩቡቱዋካ ዋርቃን ሼሼዳ።

29 ቆልኡዋን ወይግያ ጎዳ ኡባ ክሩብላ፡ ዛምባነ ጨሼዳ ጨሻ ሞሰልያ ማሴዳዋን አሌቁሴ።

30 ጌሻ ጎልያው ሶ ግዶ ክፍልያ ወይግያካ ካረ ባጋ ክፍልያ ወይግያካ ዋርቃን ሼሼዳ።

31 ኡባፕ አድያ ጌሻ ሳኦ ገልያ ፐንግያው ዋጋራ ሞላ፣ ሳንቃቱዋ ከሴዳ። ቆሰላላቱ እቼሹ ባጋና ዘዚ ደኢያዋንታ።

32 ዋጋራ ሞላ፣ ኦሰቲዳ ላኡ ሳንቃቱ ቦላን ክሩቤላ፡ ዛምባነ ጨሼዳ ጨሻ ሞሰልያ ማሰደ፡ ሳንቃቱዋ፡ ክሩቡቱዋን ዛምባ ዋርቃን ሼሼዳ።

33 ህዋዳንካ፡ ጌሻ ጎልያ ወይግያ ገልያ ገልያ ገልያ ወዘተ ከሴዳ ኦይዳ ዘዘያና ደእያ ቆሰለላ ኤሴዳ።

34 እ ቃይ ሄ ገንግያዉ እት እት ሳንቃይ ግዳዋን ዳኮቲደ ደየትያ ላኡ ሳንቃቱዋ ከሴዳ።

35 ክሩበቱዋ፡ ዛምባነ ጨሼዳ ጨሻ ሞሰለቱዋ ኡንቱንቱ ቦላ ማሴዳ፤ ሄ ማሰቲዳዋንቱ ቦላ ዋርቃ እት ማላ ኦሊደ ሼሼዳ።

36 ሶ ባጋና ደእያ ጉታራ ግምቤዳ፤ ሄ ግምቤ ማሰቲዳ ሹቻ ሄዛቱዋ፡ እቱዋ እቱዋ ቦላ ዋሊደ፡ እት ዘጋ ማሰላ ኡንቱንቱ ቦላ ዋሊደ ግምቤዳዋ።

37 መድና ጎዳ ጌሻ ጎልያ ባሱ ሶሎሞን ካወቲዳ ኦይደንላ ላይላን፡ ዚፋ ግያ ላኤንላ አግናን ባሰቲዳ።

38 ሶሎሞን ካወቲዳ ታማነ እተንላያ ላይላን፡ ቡላ ግያ ሆሰቸንላ አግናን ጌሻ ጎሊ ሀልቼዳዋዳን ኡባና ኬጸቲደ ፖለቲዳ። ሶሎሞን ጌሻ ጎልያ ላቸን ላይላን ኬጸደ ወርሴዳ።

7

ሶሎሞን ባረዉ ካወተላ ጎልያ ኬጾዳ

1 ሶሎሞን ባረ ጎልያ ታማነ ሄዙ ላይላን ኬጸደ ወርሴዳ።

2 ለባኖሳ ዋራ ጎልያ ጌተትያ ጎልያ ሶሎሞን ኬጾዳ፤ ሄ ጎልያ ኦዲሳተላይ ጾቱ ዋቋ፤ ጎምፓይ እሻታሙ ዋቋ፤ ጌሳይ ሀታሙ ዋቋ። ዘጋ ቱቀቱ ኦይዳ ማራን ኤቁድኖ፤ ቃይ ማሰቲዳ ዘጋ ሙደላቱ ኡንቱንቱ ቦላ ዋዴድኖ፤

3 ሙደላቱ ሄዙ ማራን፡ እት እት ማራን ታማነ እቼሹ ሙደላቱ ደእኖ፤ ኡንቱንቱ ኡባና ኦይታማነ እቼሻ።

4 ሄ ጎልያዉ ማሰኮተቱ ሄዙ ማራን ደእኖ፤ ኡንቱንቱ እቱ እቶ ሰንላ ባጋን ደእኖ።

5 ገንገቱን ማሰኮተቱ ኦይዳ ዘዘያና ደእኖ፤ ማሰኮተቱ ሄዙ ማራን ግዲደ፡ እቱ እቶ ሰንላ ባጋን ደእኖ።

6 ሶሎሞን ቱቀቱ ጎልያ ጌተትያ ጎልያካ ኬጾዳ፤ ሄ ጎልያ ኦዲሳተላይ እሻታሙ ዋቋ፤ ጎምፓይ ሀታሙ ዋቋ። ሄ ጎልያ ሰንላን ዳር ቱቅያን ዘምፔዳን ቦላና ካራን ካመቲዳ ባራንዳይ ደኤ።

7 ቃይ እ ፕርዳዉ ካወተላ አራታይ ደእያ ፕርዳ ጎልያካ ኬጾዳ፤ ሄ ኬላይ ወይግያፕ ቢደ ካራ ጋካናዉ ዘጋን ካመት ኡቲዳ።

8 ፕርዳ ጎልያፕ ጉየን ደእያ ሀራ ዳባባን ባረዉ ደእናዉ ካትያ ጎልያ የንኮ ጎለቱዋዳን ኦሊደ ኬጾዳ፤ ባረ ማቻትዉ፡ ግብጾ ካትያ ናትዉካ ሄ ጎልያ ማላ ጎልያ ኬጾዳ።

9 ሀ ጎለቱ ኡባይ፡ ካረፕ ደሚደ ቢደ ድርሳፕ ሶና ደእያ ዋልቃማ ጉታራ ጋካናዉ፡ ባሱዋፕ ደሚደ ካራ ጋካናዉ፡ ልኪደ ማሴዳን ሶናን ካረና ሶፊደ ጊግሴዳ አልኦ ሹቻፕ ኦሰቲድኖ።

10 ግምቤ ሂጸቲዳዊ ታሙ ዋቋ ዋይ ሆሰቸን ዋቋ ግድያ ሎእ ማሰቲዳ ዋልቃማ ሹቻና።

11 ህዋፕ ቦላ ባጋና ልከቲደ ማሰቲዳ አልኦ ሹቻይን ዘጋ ሙደላይ ደኤ።

12 ዋልቃማ ዳባባ ዩሹዋን ደእያ ግምቤ መድና ጎዳ ጌሻ ጎልያዳንን ባራንዳዳን ማሰቲዳ ሹቻ ሄዛቱዋ፡ እቱዋ እቱዋ ቦላ ዋሊደ፡ እት ዘጋ ማሰላ ኡንቱንቱ ቦላ ዋሊደ ግምቤዳዋ።

ሁራማ ኦሱዋ

13 ካቲ ሶሎሞን ከቲደ፡ ሁራማ ግያ ብታንያ ቂርሳ ካታማፕ አሂሴዳ።

14 ሁራማ አታ አምኤ፤ አ ንፍታሌማ ዛረ አሳ። አ አዉ ቂርሳ አሳ። ሁራም ናሃሰያ ግያ ብራታ መድና ሂላይ ደእያ አሳ፤ እ ናሃሰያፕ ቆጶደ ከሰያዋን ኡባን ሎይላ ሎሂዳ አሳ፤ ሶሎሞንኮ እ ዩደ፡ አ ኦሱዋ ኡባ ኦሌዳ።

ላኡ ናሃሰያ ቱሳቱዋ (2 ኦዲዋ 3:15-17)

15 ሁራም እቱዋ እቱዋ ጌሳይ ታማነ ሆሰቸን ዋቋ አዲቂደ፡ ዩሹ ታማነ ላኡ ዋቋ አኬዳ ላኡ ቱሳቱዋ ናሃሰያ ሲልሲደ ትጊደ ከሴዳ። ቱሳቶ ግዲ ኮፋ።

16 ህዋዳንካ፡ ቱሳቱዋ ሁጲያን ዋላናዉ ላኡ ጉምቦቱዋ ናሃሰያፕ ሲልሲደ፡ መዴዳ፤ እት እት ጉምቡ እቼሹ ዋቋ አዲቂ።

17-18 ቱሳ ሁጲያን ደእያ እት እት ጉምቦቱዋ ግትያዳን ኦሌዳ ላቸን ሳንሳላታ ቃጽቃሎቱዋንን ላኡ ማራና ሮማነ ግያ ቲራ ሞሰለቱዋን አለቂሰ ዋሌዳ።

19 ባራንዳን ኤቁዳ ቱሳቱዋ ቦላ ደእያ ጉምቦቱ ጨሻ ማላን መፍቲድኖ፤ ኡንቱንቱ ጌሳይ ኦይዳ ዋቋ።

20 ላኡ ቱቀቱ ሁጲያን ደእያ ጉምቦቱዋን ሙሉሙቀቱ ኡቲዳ ሳፕ ቦላ ባጋና፡ ሳንሳላታ ቃጽቃሎዋፕ ካሊደ፡ ላኡ ጾቱ ሮማነ ቲራ ሞሰለቱ ላኡ ማራን ዩይ አዲደ ደእኖ።

21 ሁራም ሄ ላኡ ቱሳቱዋ ጌሻ ጎልያ ባራንዳ ማታን ኤሴዳ። ኡሸቻ ባጋና ኤቁዳ ቱሳ ያኪና ሰንላዳ፤ ሀድርሳ ባጋና ኤቁዳ ቱሳ ቃይ ቦኤዛ ሰንላዳ።

22 ቱሳቱ ሁጲያን ደእያ ጉምቦቱ ጨሻ ማላቲደ መፍቲድኖ። ህዋዳን ሀኒደ ቱሳቱዋ ኪታይ ፖለቲዳ።

ናሃሰያፕ መዴዳ ዋንግርያ (2 ኦዲዋ 4:2-5)

23 ሁራም አባ ሳኒያ ግያ እት ሎይላ ዋልቃማ ዋንግርያ ናሃሰያ ብራታፕ ሲልሲደ ትግ መዴዳ። ሄ አባ ዋንግርያ ዶናይ ሀ ጋጸፕ ያ ጋጸ ጋካናዉ ታሙ ዋቋ፤ ጌሳይ እቼሹ ዋቋ፤ ዩሹ ቃይ ሀታሙ ዋቋ።

24 አባ ዋንግርያ ዶናን ካረ ባጋና ዘቂ ጊደ፡ አናና ኦይቀቲደ መፍቲድኖ ጎሰቱዋ ሞሰለቱ ደእኖ፤ ሄ ጎሰቱዋ ሞሰለቱ ላኡ ማራን፡ እት እት ዋቋን ታሙ ታሙ ዩይ አዲደ ሹሸቲድኖ።

25 ሄ አባ ሳኒ ናሃሰያ ብራታፕ መፍቲዳ ታማነ ላኡ ቦራቱዋ ሞሰለቱ ዘክያን ኡቲዳ። ቦራቱዋ ሞሰለቱዋፕ ሄዛቱ ሁጲሳ ባጋ፡ ሄዛቱ አዋይ ወልያ ባጋ፡ ሄዛቱ ገድሳ ባጋ፡ ሄዛቱ ቃይ አዋይ ዶልያ ባጋ ሰሚደ ጾልያዋ ማላቲና። አባ ሳኒ ኡንቱንቱ ቦላ ኡቲዳ፤ ኡንቱንቶ ጉየ ባጋይ ግዲዋኮ ሰም ኡቲዳ።

7:8 1 ካታ. 3:1

26 አባ ሳኒ እት ታካ ኬሻ ኦርዲዎ፤ አ ደናይ ዋንጫ ደና ማላ፤ ቃይ ጨሻይ ጨሹዳዋካ ማላቲ። ሄ አባ ሳኒ ኦይታሙ ሻኦ ሊትሮ ግድያ ሃላ ኦይቂያዎ።

ናሃሲያ ጋረቱዋ

27 ሁራም ቃይ ታሙ ጋረቱዋ ናሃሲያ ብራታፕ ሙዴዳ። ሄ ጋረቱ እቱ እቱ ኦይዲ ዋቆ አዲሳ፤ ኦይዲ ዋቆ እኮነ ሄዙ ዋቆ ቆቃ።

28 ሄ ጋረቱ ሀዋዳን ኦሰቲድኖ፤ ፑደ ኤቄዳ ኦይዲ ብራታቱዋ ቦላ ፕድ ጊደ ሎቻ ናሃሲያ ብራታቱ ኦይቀት ኡቴድኖ።

29 ሄ ብራታቱዋ ቦላ ጋሞቱዋ፣ ቦራቱዋነ ክሩብላ ማላትሲደ ሙዴዳ ሞሰለቱ ደኢኖ፤ ጋሞቱዋነ ቦራቱዋ ሞሰለቱዋፕ ሁጺሳናነ ህርክ ባጋና ደኢያ ብራታቱዋ ቦላ ቃይ ቆጶደ ሙዴዳ ጨሻ ኤንጨርሳ ሞሰለቱ ደኢኖ።

30 እት እት ጋርያው ናሃሲያፕ ኦፊዳ ኦይዲ ይንግርያዋንቱ፤ ይንግርያዋንታ ጋላ ዋጽያ ናሃሲያ ካሶቱ ደኢኖ። ሄዋዳንካ፣ ኦይዲ ዘዘቱን ከርያ ዘምፕሰያባቱ ደኢኖ። ሄ ዘምፕሰያባቱ ጨሻ ኤንጨርሳ ማላትያ ሞሰለቱዋን አሌቀት ኡቴድኖ።

31 ጋርያ ዘምፕሰያባቱ ሁጺያን ይንግርያዋንቱ ኡቴዳ ሻሺ ደኤ፤ ሄ ሻሺ ጋርያ ጴራፕ ፑደ እት ዋቆ ግድያዋ ቆቁ ጊደ፣ ዲገ ባጋ ዋቆ ግድያዋ ዝቂ ጊደ ሙፕቴ። ሄ ሻሻያው ደናይ ዩይ አጲደ ሞሰልያን አሌቀት ኡቴዳ።

32 ይንግርያዋንቱ ጌሳይ እት ዋቆነ ባጋ፤ ይንግርያዋንቱ ሎቻ ናሃሲያ ብራታቶ ጋርሳ ባጋና ደኢኖ። እርዘዘቱ ኦይቀት ኡቴዳ ካሶቱ ጋርያና ኦይቀት ኡቴድኖ።

33 ይንግርያዋንቱ ኦላ ፓራ ጋርያ ይንግርያዋንቱዳን ሙፕቴድኖ፤ ይንግርያዋንታ ጋላደ ኦይቂያ ካሶቱ፣ ቻርከቱነ ቅንቂረተቱ ኡባይካ ናሃሲያፕ ትገቲደ ኦሰቴድኖ።

34 ሄ ጋረቱዋ ኡባ ዘዘቶካ ኡንቱንቱ ህርክ ባጋና ህርክባጋና ኡንቱንቱና እቱዋ ግድ ኦይቀቲደ፣ ናሃሲያፕ ሙፕቴዳ ዘምፕቱ ደኢኖ።

35 እት እት ጋርያ ሁጺያ ዩሹዋን እት ዋቆው ባጋ አዲቂያ ሻሺ ደኤ፤ ዘምፕቱነ ሎቻ ናሃሲያ ጋርያና ኦይቀቲደ፣ እቱዋ ግዲደ ኦሰቴድኖ።

36 ሀ ዘምፕቱዋፕ ሎቻ ናሃሲያዋፕ ግዲዋን ደኢያ ካሎ ሳኦቱ ኡባይ ክሩብቱዋ፣ ጋሞቱዋነ ዘምባቱዋ ሞሰለቱዋን አሌቀት ኡቴድኖ፤ ቃይ ኡንቱንቱ ዩሹ ጨሻ ኤንጨርሳ ሞሰልያን አሌቀት ኡቴዳ።

37 ሰም ታሙ ጋረቱካ ሀዋዳን ኦሰቴድኖ፤ ሲልሲደ ኡንቱንቱ ትጌዳ ሚሻይ እቱዋ ግድያ ድራው፣ ኡንቱንቱ ጌሳይካ ኡንቱንቱ ያራይካ እት ማላ።

38 ሁራም ሜጨትያ ታሙ ከረቱዋ ናሃሲያፕ ሙዴዳ፤ እት እት ከርያ ሳምፓይ ኦይዲ ዋቆ እኮ ግዲደ፣ ሆሰፑን ጴቱ ሊትሮ ሃላ ኦይቂ፤ ታሙ ጋረቶ ሁጺያን ሁጺያን እት እት ሜጨትያ ከሪ ደኤ።

39 ሁራም ጋረቱዋ እቼሻቱዋ ጌሻ ጎልያው ሁጺሳ ባጋና፣ እቼሻቱዋ ቃይ ጌሻ ጎልያው ገድሳ ባጋና ዋፊዳ፤ ቃይ ናሃሲያፕ ኦሰቴዳ አባ ሳኒያ ጌሻ ጎልያፕ ገድሳ አዋይ ዶልያ ባጋ ዛሪደ ኤሴዳ።

ጌሻ ጎልያ ሚሻቱዋ (2 ኦዲዋ 4:11—5:1)

40 ቃይ ሁራም ከረቱዋ፣ አካፋቱዋነ ኩይጸሮቱዋ ሙዴዳ፤ ያቲደ ካትያ ሶሎሞናው ሙድና ጎዳ ጌሻ ጎልያ ኪታ ኦሊደ ፖሌዳ።

41 እ ኦፊዳ ኦሶቱካ፡ ላኡ ቱሳቱ፡ ቱሳቱዋ ሁጺያን ዋላያ ሳይነ ማላ ላኡ ጉምቦቱዋ፡ ቱሳቱዋ ቦላ ደኢያ ላኡ ጉምቦቱዋ አሌቂሲያ ላኡ ግተ ማላ ሳንሳላታቱዋ፡

42 እት እት ጉምቦቱዋ ቦላ ላኡ ማራን ናሃሲያፕ፡ ሙፕቴዳ እት እት ጴቱ ሮማነ ቲራ ሞሰለቱዋ፡ ኡባና ኦይዲ ጴቱ ሮማነ ቲራ ሞሰለቱዋ፡

43 ታሙ ጋረቱዋ፣ ጋረቱዋ ቦላን ዋድያ፡ ሜጨትያ ታሙ ከረቱዋ፡

44 አባ ሳኒያነ አፕ ጋርሳን ደኢያ፡ ታማነ ላኡ ቦራቱዋ ሞሰለቱዋ፡

45 ከረቱዋ፣ አካፋቱዋነ ኩይጸሮቱዋ፡ ሁራም ካትያ ሶሎሞናው ሙድና ጎዳ ጌሻ ጎልያ ኦሶ ሙዴዳ ሀ ሚሻቱዋ ኡባ ቁጨቲዳ ናሃሲያፕ ሙዴዳ።

46 ካቲ ሶሎሞነ ሱኮታፕነ ጸርታናፕ ግዲዋን፣ ዮርዳኖሳ ደምባን ደኢያ፣ ናሃሲያ ብራታ ሲልሲያ ሳኦን ሀዋንታ ኡባ ኦሰሴዳ።

47 ናሃሲያ ብራታፕ ሙፕቴዳ ሀ ሚሻ ኡባይ ሎይሳ ዳራ ግዴዳ ድራው፣ ሶሎሞነ እ ማዛንሰቤና፤ ሄዋ ድራው፣ ዋይሳ ዴጽንቶ ልኪ ኤረትቤና።

48 ቃይካ ሶሎሞነ ሙድና ጎዳ ጌሻ ጎልያ ግድን ደኢያ ሚሻቱዋ ኡባ ዋርቃፕ ሙድሴዳ። ሄዋንቱካ፡ ዋርቃፕ ኦፊዳ ያርሸያ ሳኦ፡

ሰንላን ዋላያ ኡክላይ ኡትያ ጸርጴዛ፡

49 ኡባፕ አድያ ጌሻ ሳኦ፡ ሰንላን ኡሸቻ ባጋናነ ሀድርሳ ባጋና ኤቄዳ፣ እቼሹ እቼሹ ጸምፕያ ዋላያ ባላቱዋ፣ ጨሻቱዋ፣ ጸምፕያ ቶይሲያ ቃጶያ፡

50 ጶአቱዋ፣ ጸምፕያ ቶይሲያዋንታ፡ ኩይጸሮቱዋ፣ እጻና ጨዋይያባቱዋ፡ ታማ እክያ ሚሻቱዋ፡ ኡባፕ አድያ ጌሻ ሳኦ ኑተትያ ቆልኡዋ ፕንገቱዋ፡

ጌሻ ጎልያው ካረ ባጋ ፕንገቱዋ ኦይቄዳ ማጻፋቱዋ።

ሀ ሚሻቱ ኡባይ ዋርቃፕ ኦሰቴድኖ።

51 ካቲ ሶሎሞነ ሙድና ጎዳ ጌሻ ጎልያ ኪታ ኡባ ፖሌዳዋፕ ጉይያን፣ አ አው ዳዊተ ሙድና ጎዳው ዲማዪደ ዋፊዳ ብራ፣ ዋርቃፕ

ሀራ ሚሻቱዋካ ኡባ አሂደ፡ ጌሻ ጎልያ ሚሻ ምንጅያሳን ዎሴዳ።

8

ጸሓፊ ታቦታይ ጌሻ ጎልያ ገሌዳ (2 ኦዲዋ 5:2—6:2)

1 ሄዋፕ ጉይያን ካቲ ሶሎሞን መድና ጎዳ ታቦታ ዳዊታ ካታማፕ፡ ጽዮነፕ ከሲደ፡ ጌሻ ጎልያ አሀናዳን፡ እስራኤልያ ጭማቱዋ፡ ዛራቱዋ ኡባ ካፓቱዋን እስራኤልያ ጎልያ አሳቱዋ ካለልያዋንታ የሩሳላሙ ካታማ ሺሼዳ።

2 ኤታኒማ ጌተትያ ላፑንጎ አግናን፡ ዳሲያ ባላይ ቦንቼትያ ዎደ፡ እስራኤልያ አሳይ ኡባይ ካትያ ሶሎሞነኮ ሺቄዳ።

3 እስራኤልያ ጭማቱ ኡባይ ጋክና፡ ቄሳቱ ታቦታ ደንሴድኖ።

4 ለዎቱነ ቄሳቱ፡ መድና ጎዳ ታቦታ፡ ዳንካንያን ዳንካንያ ግደን ደእያ ጌሻ ሚሻቱዋ ኡባ ቶኪደ አሂድኖ።

5 ካቲ ሶሎሞንን አናና ደእያ እስራኤልያ ያእይ ኩመንጎይ ታቦታ ሰንጎን ሺቄደ፡ ፓይዳናዉ ዳንዳየተና ጮራ ደርሳነ መሀያ ያርሼድኖ።

6 ሄዋፕ ጉይያን ቄሳቱ መድና ጎዳ ቃላ ጫቁዋ ታቦታ ጌሻ ጎልያዉ ግደ ጌሻ ቆልኡዋ፡ ኡባፕ አዴዳ ጌሻ ሳኣ ግያ ሳኣ አሂደ፡ ክሩብቱዋ ሞሰለቱ ቀፈቱዋፕ ጋርሳ ባጋና ዎሴድኖ።

7 ሞጬት ኡቱዳ ክሩብቱዋ ቀፈቱ ታቦታን ታቦታ ቶክያ ካሱዋ ካሚድኖ።

8 ካሶቱ ሎይሳ አዲሳ ግድያ ድራዉ፡ ኡንቱንቱ ጼራይ ኡባፕ አድያ ጌሻ ሳኣ ሰንጎን ደእያ ጌሻ ሳኣን ቤታናዉ ዳንዳየ፤ ሸን ጌሻ ሳኣፕ ካረና ቤታናዉ ዳንዳየና። ኡንቱንቱ ሀቼ ጋካናዉ ሄ ሳኣን ደእኖ።

9 እስራኤልያ አሳይ ግብጾ ጋድያፕ ከሴዳ ዎደ፡ መድና ጎዳይ ኡንቱንቱና ቃላ ጫቁዋ ጫቁቱዳ ሲና ደርያን ሙሴ ዎሴዳ ሳኣ ማሰቱዳ ሹቻቱዋፕ አትና፡ ታቦታ ግደን ሀራባይ እያይነ ባዎ።

10 ቄሳቱ ጌሻ ሳኣፕ ከሰና፡ ሻሪ መድና ጎዳ ጌሻ ጎልያ ኩሜዳ።

11 ሄ ሻርያ ጋሱዋን ቄሳቱ ባረንቱ ከታ ኦላናዉ ዳንዳይባይክና፤ እያዉ ጎፕ፡ መድና ጎዳ ቦንቼ ኦ ጌሻ ጎልያ ኩሞ ኡቱዳ።

12 ሄዋፕ ጉይያን ሶሎሞን ሀዋዳን ያጌዳ፤ “አቤት መድና ጎዳዉ፡ ኔን፡ ሓን ጳማ ሻርያን ደእና፡ ያጋ ዎላዳ።

13 ታን ቱሙፕ ነዉ ሎኦ ጌሻ ጎልያ፡ ኔን አን መድናዉ ደእናሳ ኬጸድ” ያጌዳ።

ሶሎሞን አሳዉ ሃሳዬዳ ሃሳያ (2 ኦዲዋ 6:3-11)

14 እስራኤልያ ያእይ ኩመንጎይ ኤቂደእሸን፡ ካቲ ኡንቱንቱኮ ሰሚደ፡ ሀዋዳን ያጌደ ኡንቱንታ እንጃዳ፤

15 “መድና ጎዳይ እስራኤልያ ጸሳይ ጋላተቶ፤ ታ አዉዎ ዳዊታዉ ባረ ደናን ኦዴዳ ሀደታ ባረ ኩሸያን ፖሌዳ። ሄ እ ኦዴዳ ሀደታይ፡

16 ሓን ታ አሳ እስራኤልያ ግብጾፕ ከሳደ አሂዳ ጋላሳፕ ደሞና፡ ታ ሱንጎይ አን ደእና ማላ፡ ጌሻ ጎልያ ኬጸናዉ እስራኤልያ ዛራቱዋ ግደን አይ ካታማን ደራባይከ፤ ሸን ታ አሳ እስራኤልያ ካለላና ማላ፡ ታን ዳዊታ ደራድ፡ ያጌዳ።

17 “ታ አዉ ዳዊተ መድና ጎዳ እስራኤልያ ጸሳ ሱንጎዉ ጌሻ ጎልያ ኬጸናዉ ባረ ዎዛናን ቆፔዳ።

18 ሸን መድና ጎዳይ ታ አዉዎ ዳዊታ፡ ሓን ታ ሱንጎዉ ጌሻ ጎልያ ኬጸናዉ ነ ዎዛናን ቆፔዳ ድራዉ፡ ሎኦባ ኦላዳ።

19 ግደፕ፡ ጌሻ ጎልያ ኬጸናዎ ኔና ግዳካ፤ ታ ሱንጎዉ ጌሻ ጎልያ ኬጸናዎ ነ ጉልባታፕ የለታና ነ ናኦ፡ ያጌዳ።

20 “ሀእካ መድና ጎዳይ ባረ እማና ጌዳ ሀደታ ቃላ ፖሌዳ። መድና ጎዳይ ካሰ እሜዳ ሀደታዳንካ ታን ታ አዉዎ ዳዊታ ሳኣን ካተታድን ሀእ እስራኤልያ ካዉተላ አራታን ኡታድ። ቃይ መድና ጎዳ እስራኤልያ ጸሳ ሱንጎዉ ጌሻ ጎልያ ኬጸድ።

21 መድና ጎዳይ ኦ አዎቱዋ ግብጾፕ ከሴዳ ዎደ ኡንቱንቱና ጫቁቱዳ ጫቁ ደእያ ታቦታዉካ ኦ ግደን ሳኣ እንጃያድ” ያጌዳ።

ሶሎሞን ዎሳ (2 ኦዲዋ 6:12-42)

22 ሄዋፕ ጉይያን ሶሎሞን መድና ጎዳዉ ያርሸያ ሳኣ ሰንጎን፡ እስራኤልያ ያእይ ኩመንጎይ ደእያ ሳኣን ኤቂደ፡ ባረ ኩሸያ ሳሉዋ ዛር ሞጬደ።

23 ሀዋዳን ያጌደ ዎሴዳ፤ “አቤት መድና ጎዳዉ፡ እስራኤልያ ጸሳዉ፡ ቦላ ሳሉዋን ዎይ ጋርሳ ሳኣን ነ ማላ ጸሰ ባዎ። ኔን ነ ቃላ ጫቁዋ ናጋሳ፤ ባረ ኩመንጎላ ዎዛናፕ ነ ሰንጎን ሀመቱዳ ነ ቆማቱዋ አገና ሲቁዋን ሲቃሳ።

24 ነ ቆማዉ፡ ታ አዉዎ ዳዊታዉ ኔን ኦላና ጋደ ሃሳዬዳ ቃላ ናጋዳ፤ ኔን ካሰ ነ ደናን ሃሳዬዳዎ ነ ኩሸያን ሀቼ ፖላዳ።

25 “ሀእካ አቤት መድና ጎዳ፡ እስራኤልያ ጸሳዉ፡ ኔን ነ ቆማዉ፡ ታ አዉዎ ዳዊታዉ፡ ሓን ታ ሰንጎን ሀመቱዳዎዳን ነ ናናይካ ታ ሰንጎን ሀመታና ማላ ባረንቱ ኦግያ ናገፕ፡ ታ ሰንጎን እስራኤልያ ካዉተላ አራታን ኡትያ አሳ ኔን ኡባካ ጳያካ” ያጌዳ ቃላ ፖላ።

26 አቤት እስራኤልያ ጸሳዉ፡ ኔን ነ ቆማዉ፡ ታ አዉዎ ዳዊታዉ ሃሳዬዳ ነ ቃላ ሀእካ አጎፕ።

27 “ሸን ጸሳይ ቱሙ ሳኣን ደእኔየ? በእ፡ ሳሎቱ፡ ኡባፕ ጳቃን ደእያ ሳሉካ ነዉ ግዳናዉ ዳንዳየና። ያትና፡ ሀ ታን ኬጼዳ ጌሻ ጎሊ ነዉ አይ ኬሻ ጉጸንዳሻ!

28 ግደፕ፡ አቤት መድና ጎዳዉ፡ ታ ጸሳዉ፡ ታን ነ ቆማይ ሀቼ ዎሰያዎን ዎትዎትያዎ ኔን ሀይዛ።

8:1 2 ሳሜላ 6:12-16፤ 1 ኦዲዋ 15:25-29 8:2 ዎጋ 23:24 8:9 ዛረ. 10:5 8:10 ከሳ 40:34-35 8:12 ማዝ. 18:11፤ 97:2 8:16 2 ሳሜላ 7:4-11፤ 1 ኦዲዋ 17:3-10 8:17 2 ሳሜላ 7:1-3፤ 1 ኦዲዋ 17:1-2 8:19 2 ሳሜላ 7:12-13፤ 1 ኦዲዋ 17:11-12 8:25 1 ካታ. 2:4 8:27 2 ኦዲዋ 2:6 8:29 ዛረ. 12:11

29 ኔን፡ ጥ ቡንጻይ ሄ ሳኣን ደአና ጌዳ ሀ ጌሻ ጎልያ ነ ኦይፊ ቃማነ ጋላሰ ዴሎ። ታን ነ ቆማይ ሀ ሳኣኮ ሰማይ፡ ዋሰያ ዋሳ ኔን ሰሳ።

30 ታን ነ ቆማይነ ነ ኦሳይ እሰራኤሊ ሀ ጌሻ ጎልያኮ ሰማይ፡ ዋትዋትያ ዋትዋቱዋ ኔን ሰሳ። ኔን ደእያ ሳን ሳሉዋን ሰሳይ፡ ኑዉ አቶ ያጋ።

31 “እት አሳይ ባረ ሾሩዋ ናቂና፡ አ ጫቀላናዉ ሀ ጌሻ ጎልያ አይና፡ አ ግዶን ደእያ ያርሽያ ሳኣ ሰንጻን አ ጫቆፕ።

32 ኔን ሳሉዋን ሰሳይ፤ ከተታ። ነ ቆማቱዋ ግዶዋን ፕርዳ። ባይዛንቻቱዋ ቦላ ፕርዳይ፤ አ ኦሌዳዋ አ ቦላ ዛራ፤ ጽሉዋ ሻትንጻይ፤ አዉ አ ጽሎተላዳን ዛራ።

33 “ነ አሳይ እሰራኤሊ ነ ቦላ ናጋራ ኦሌዳ ጋሱዋን ሞርክያን ጸነቲይ፡ ኡንቱንቱ ኔኮ ሰማይ፡ ነ ሱንጻ ዴሲይ፡ ሀ ጌሻ ጎልያን ኔና ዋሶፕነ ነዉ ዋትዋቶፕ።

34 ኔን ሳሉዋን ሰሳ። ነ አሳ እሰራኤልያ ናጋራ አቶ ያጋ፤ ያታይ ኔን ካሰ ኡንቱንቱ ማይዛ አዋቶ እማዳ ቢታዉ ኡንቱንታ ጉዩ ዛራ።

35 “ነ አሳይ ነ ቦላ ናጋራ ኦሌዳ ጋሱዋን ሳሎቱ ጎርደትናነ እራይ ቡከናን እጽና፡ ኡንቱንቱ ሀ ሳኣ ሰማይ፡ ዋሶፕነ ኔን ኡንቱንታ ኡንኤሌዳ ድራዉ ነ ሱንጻ ዴሲይ፡ ባረንቱ ናጋራፕ ሰሞፕ፡ ኔን ሳሉዋን ሰሳ።

36 ነ ቆማቱዋ ናጋራ፡ ነ አሳ እሰራኤልያ ናጋራ አቶ ያጋ። ኡንቱንቱ ሀመታናዉ በሰያ ሎኦ ኦግያ ኡንቱንታ ታማርሳ፤ ያታይ ኔን ነ አሳ ላትሴዳ ቢታን እራ ቡክሳ።

37 “ቢታ ቦላን ኮሻይ ዋይ ኢታ ሀርጊ ዪና፡ ዋይ ካላ ጸግ ጳይሰያ ጫርኩ ዋይ ቦሊ ዋይ ቡሞቡረላይ ቢታ ቦላን ዪና፡ ዋይ ሞርኪ ኡንቱንቱ ካታማቱዋ ደድና፡ ዋይ አይ ማላ ባሻይ ዋይ ሀርጊ ዪና፡

38 ነ አሳ እሰራኤልያፕ ኦንነ ኔና ዋሶፕነ ነዉ ዋትዋቶፕ፡ ቃይ አይ አሳይነ ባረ ዋዛናን ኡንኤልያዋ ኤሪይ፡ ሀ ጌሻ ጎልያኮ ሰማይ፡ ባረ ኩሽያ ሞጮፕ።

39 ኔን ደእያ ሳኣን ሳሉዋን ሰሳ። ኡንቱንቱ ናጋራ አቶ ያጋ፤ ያታይ ኡንቱንቶ ከተታ። ኔን አሳ ዋዛና ኤርያዋዳንካ፡ አሳ ኡባዉ አ ኡሱዋዳን ኡሱዋዳን እማ፡ አያዉ ጎፕ፡ አሳ ኡባ ዋዛና ኤርያዋ ነ ዳላላ።

40 ያቶፕ፡ ኔን ኑ ማይዛ አዋቶ እማዳ ቢታን ደእያ ዋይ ኡባን፡ ኡንቱንቱ ነዉ ያያና።

41-42 “ሄዋዳንካ፡ ነ አሳ እሰራኤልያ ግደና ካረ ቢታ አሳይ ነ ዋልቃማ ሱንጻዋን ኔን ነ አሳዉ ኦሌዳ ማላልሰያ ኦሶቱዋባ ሰሲይ፡ ሃኮ ጋድያፕ ዪይ፡ ሀ ጌሻ ጎልያኮ ሰማይ፡ ኔና ዋሶፕ።

43 ኔን ደእያ ሳኣን ሳሉዋን ሰሳ። ነ አሳቱ እሰራኤላቱ ኤርያዋዳን፡ ሳኣን ደእያ አሳይ ኡባይ ነ ሱንጻ ኤራና ማላነ ነዉ ያያና ማላ፡ ቃይ ታን ኬዴዳ ሀ ጌሻ ጎል፡ ነዉ ጎይንያ ሳኣ ግዴዳዋ ኡንቱንቱ ኤራና ማላ፡ ሄ ካረ ቢታ አሳይ ኔና ዋሶፕዋ አዉ ፖላ።

44 “ነ አሳቱ ባረንቱ ሞርከቱዋ ኦላና ማላ ኔን ኪቱዳ ሳኣ ሀቃነ ቢይ፡ ኡንቱንቱ ኔን ደራዳ ሀ ካታማኮነ ታን ነ ሱንጻዉ ኬዴዳ ጌሻ ጎልያኮ ሰማይ፡ ኔና መድና ጎዳ ዋሶፕ።

45 ኡንቱንቱ ዋሳነ ዋትዋቱዋ ሳሉዋን ኔን ሰሳ፤ ኡንቱንቶ ጸኑዋ እማ።

46 “ናጋራ ኦፍ አሳይ ባይናዋዳንካ፡ ኡንቱንቱ ነ ቦላ ናጋራ ኦሌዳ፡ ኔን ኡንቱንቶ ሀንቀታይ ሞርከቶ ኡንቱንታ አላይ እምና ሞርከቱካ ኡንቱንታ ኦሞዲይ፡ ሃክና ማትናካ ባረንቱ ጋድያ አኪይ አፍና።

47 ኡንቱንቱ ሄ ኦሞድቱዳ ቢታን ደኢይ፡ ባረንቱ ዋዛናን ናጋራፕ ሰሞፕ፡ ሄ ኦሞድቱዳ ቢታን ኡንቱንቱ ደኢይ፡ ጥን ናጋራ ኦሌዳ፤ ኑን ባይዜዳ፤ ኑን ኢታባ ሀኔዶ፡ ያጊይ ነዉ ዋትዋቶፕ።

48 ባረና ኦሞዲይ አፊዳ ሞርከቱዋ ቢታን ደኢይ፡ ኡንቱንቱ ባረንቱ ኩመንጻ ዋዛናፕነ ባረንቱ ኩመንጻ ቆፋፕ ኔኮ ሰሞፕ፡ ኔን ኡንቱንቱ ማይዛ አዋቶ እማዳ ኡንቱንቱ ቢታኮ፡ ኔን ደራዳ ካታማኮነ ታን ነ ሱንጻዉ ኬዴዳ ጌሻ ጎልያኮ ሰማይ፡ ኔና ዋሶፕ፡ ያቶፕ።

49 ኡንቱንቱ ዋሳነ ኡንቱንቱ ዋትዋቱዋ ኔን ደእያ ሳኣን ሳሉዋን ሰሳ። ኡንቱንቶ ፕርዳ።

50 ነ አሳይ ነ ቦላ ኦሌዳ ናጋራነ ባይዜዳ ባይዙዋ አቶ ያጋ፤ ኡንቱንቱ ኦሞዲይ አፊዳ አሳቱ ኡንቱንቶ ቃረታናዳን ኦላ።

51 አያዉ ጎፕ፡ ኡንቱንቱ ሄ ብራታ ሲልሰያ ጮጭያ ማላ ጋድያፕ፡ ግብጾፕ ኔን ከሴዳ ነ አሳቱዋን ነ ቡዙቱዋ።

52 “ታን ነ ቆማይነ ነ አሳይ እሰራኤሊ ዋትዋትያዋ ነ አይፊ ዴሎ፤ ቃይ ኡንቱንቱ ዋሰያ ዋይ አዉደነ ኔን ኡንቱንቶ ኦላ።

53 አያዉ ጎፕ፡ አቤት ኡባ ሞድያ መድና ጎዳዉ፡ ኔን ካሰ ኑ አዋቱዋ ግብጾፕ ከሰያ ዋይ ነ ቆማ ሙሴ ባጋና ኡዴዳዋዳን፡ ኡንቱንታ ኔን ሳኣን ደእያ ካዉተላቱ ኡባ ግደፕ ነ ቡዙ ኦላናዉ ዲማያዳ” ያጊይ ዋሴዳ።

ሶሎሞና ዉርሰላ አንጂዋ

54 ሶሎሞን መድና ጎዳ ዋሳነ ዋትዋቱዋ ፖሌዳዋፕ ጉይያን፡ ባረ ኩሽያ ሳሉዋ ሞጪይ መድና ጎዳ ያርሹዋ ሳኣ ሰንጻን ጉልባቲዳ ሳኣፕ ደንድ ኤቁዳ።

55 እሰራኤልያ ሸቁዋ ኡባ ባረ ቃላ ቶቂሲይ፡ ሀዋዳን ያጊይ አንጂዳ፤

56 “እ ካሰ ሃሳዬዳ ባረ ቃላዳን ባረ አሳ እሰራኤልያ ሸምፕሴዳ መድና ጎዳይ ጋላተቶ፤ እ ባረ ቆማ ሙሴ ባጋና እማዳ ሎኦ ህደታይ ኡባይ ፖለቲዳ።

57 መድና ጎዳይ ኑ ጸሳይ ካሰ ኑ አዋቱዋና ደኤዳዋዳን፡ ኑናናካ ደኤ፤ እ ኑና ኡባካ አጎፕ ዋይ የጎፕ።

58 ኑን አ ኦግያን ኡባን ሀመታና ማላነ እ ኑ አዋቶ እማዳ አዛዙዋ፡ ዋጋቱዋን ሀግያ ናጋና ማላ፡ ኑ ዋዛና ባረኮ ዛር።

59 ሀቼ ሀቼ ደኦ ኮሽያዋዳን፡ ጸሳይ ታና ባረ ቆማነ ባረ አሳ እሰራኤልያ ማዳና ማላ፡ ታን መድና ጎዳ ሰንጻን ዋሳይ ጌዳ ሀ ቃላቱ ቃማነ ጋላሰ መድና ጎዳኮ፡ ኑ ጸሳኮ፡ ሸቆና።

60 ሄዋነ፡ ሳኣን ደእያ አሳይ ኡባይ መድና ጎዳይ ጸሳ ግድያዋን አፕ አትና ሀራ ጸሰ ባይናዋ ኤራናዳና።

8:56 ዛረ. 12:10፤ ኤያሳ 21:44-45

61 ሀቼዋዳንካ ህንተንቱ አ ዋጋዳን ሀመታናውን አዉ አዛዘታናዉ መድና ጎዳዉ፡ ኑ ጸሳዉ፡ ህንተንቱ ዋዛናይ አማነትያዋ ግደ” ያጊደ እንጃዳ፡፡

ጌሻ ጎልያ አንጅሱዋ
(2 ኦዲዋ 7:4-10)

62 ሄዋፕ ጉይያን ካቲነ እስራኤልያ አሳይ ኡባይ እትፕ መድና ጎዳ ሰንፋን ያርሹዋ ያርሹድኖ፡፡

63 ሶሎሞን መድና ጎዳዉ እትፕተፋ ያርሹዋ ያርሻናዉ ላታማነ ላኡ ሻእ ቦራቱዋን ጸታን ላታሙ ሻእ ደርሳቱዋ ሺሼዳ፡፡ ሄዋዳን ኦሊደ ካቲነ እስራኤልያ አሳይ ኡባይ መድና ጎዳ ጌሻ ጎልያ አንጅሱድኖ፡፡

64 ካቲ ሶሎሞን ጌሻ ጎልያዉ ሰንፋ ባዙዋን ደእያ ግደ ዳባባ ሄ ጋላሰ ዲማዬዳ፡፡ ሄ ሳኢን ጸግያ ያርሹዋ፡ ካፋ ያርሹዋን እትፕተፋ ያርሹዋፕ ሞዱዋ ያርሹዳ፡፡ እ ሄዋ ኦሊዳዊ መድና ጎዳ ሰንፋን ደእያ፡ ናሃሰያ ግያ ብራታፕ ኦሰቲዳ ያርሹዳ ሳኢይ ጸግያ ያርሹዋ፡ ካፋ ያርሹዋን እትፕተፋ ያርሹዋፕ ሞዱዋ ያርሻናዉ ጉጾዳ ድራሳ፡፡

65 ሄ ዋደ ሶሎሞን እስራኤልያ አሳይ ኡባይ ላቱን ጋላሳዉ ዳሰያ ባላ ቦንቼዳ፤ እስራኤልያ ዛዋን ሀማታ ፕኑዋፕ ቢደ ግብጾ ሻፋ ጋካናዉ ደእያ ጮራ አሳይ መድና ጎዳ ሰንፋን ባላ ቦንቻናዉ ሺቄዳ፡፡

66 ዋንተፋ ጋላሰ ካቲ አሳ ሞይዜዳ፤ አሳይ ካትያ እንጃደ፡ መድና ጎዳይ ባረ ቆማ ዳዊተዉን ባረ አሳ እስራኤልያዉ ኦሊዳ ኬካተፋን ናሽቲደነ ዋዛናፕ ፓሽኪደ፡ ባረ ሶ ባረ ሶ ቤዳ፡፡

9

ዉርስፋ ላይፋቱዋ
(9:1—11:43)

1 ሶሎሞን መድና ጎዳ ጌሻ ጎልያን ካትያ ጎልያ ኬጲደ ማኬዳዋፕነ ኦፋናዉ አሞቲዳ አሙዋ ኡባ ፖሊዳዋፕ ጉይያን፡፡

2 ጋባኦና ካታማን ካሰ ቆንጮዳዋዳን፡ መድና ጎዳይ ላኢንሉዋ እዉ ቆንጮዳ፡፡

3 መድና ጎዳይ አ ሀዋዳን ያጌዳ፤ “ኔን ታ ሰንፋን ዋሴዳ ዋሳነ ዋትዋቲዳ ዋትዋቲዋ ታን ሰሳድ፡፡ ኔን ኬጲዳ ጌሻ ጎሊ መድናዉ ታ ሱንፋይ እን ጸሰታና ማላ ኡዳደ ታን ጌሻድ፤ ታ አይፊነ ታ ዋዛናይ ኡባ ዋደ ሀ ጌሻ ጎልያን ደእናዋ፡፡

4 “ኔና ግደፕ፡ ኔን ነ አዉ ዳዊተ ሀመቲዳዋዳን ቦርሰያባይ ባይናን ሱረተፋን ታ ሰንፋን ሀመቶፕ፡ ታን አዛዜዳዋ ኡባ ኦፋፕነ ታ ዋጋነ ታ ሀግያ ናፕፕ፡፡

5 ታን ነ አዉዋ ዳዊታዉ፡ “እስራኤልያ ካዉተፋ አራታን ኡትያ አሳ ኔን ኡባካ ጳያካ” ጌዳዋዳን፡ ነ ካዉተፋ አራታ እስራኤልያ ቦላ መድናዉ ሞንሳደ ኤሳና፡፡

6 “ሸን ኔን ዋይ ነ ናናይ ታና ካልያዋ አጊደ ዋራ ሰሞፕ፡ ታን ህንተንታ አዛዜዳ ታ አዛዙዋን

ታ ዋጋ ናገናን ጳዮፕነ ሀራ ጸሳቶ ኦፋናዉን ጎይናናዉ ቦፕ፡፡

7 ያቶፕ፡ እስራኤልያ አሳ ታን ካሰ ኡንቱንቶ እሜዳ ቢታፕ ጶቆላና፤ ታን ታ ሱንፋዉ ጌሼዳ ሀ ጌሻ ጎልያካ አጋ አጋና፡፡ እስራኤላቱ አሳ ኡባ ግደን ቶሳዉን ቅሊጮ ግዳናዋንታ፡፡

8 ሀ ጌሻ ጎሊ ኮለቲዳባይ ኬለቲዳ ሳኢ ግዳናዋ፤ ማታና አቲያ አሳይ ኡባይ ዳጋሚድነ ‘ፖራ!’ ጊደ፡ ‘መድና ጎዳይ ሀ ጋድያነ ሀ ጌሻ ጎልያ አያዉ ሀዋዳን ኦሊዳ?’ ያጋና፡፡

9 አሳይ፡ ኡንቱንቱ ማይዛ አዎቲዋ ግብጾፕ ከሴዳ መድና ጎዳ ባረንቱ ጸሳ ኡንቱንቱ አጊደ፡ ሀራ ጸሳቱዋ ካሌዳ ድራሰነ ኡንቱንቱዋ ኦሊደ ጎይኔዳ ድራሰ፡ መድና ጎዳይ ኡንቱንቱ ቦላ ሀ ኢታባ ኡባ አሄዳ ያጊደ ዛራና” ያጌዳ፡፡

ሶሎሞን ኦሊዳ ሀራ ኦሰቲዋ
(2 ኦዲዋ 8:1-18)

10 ሶሎሞን ሀ ላኡ ጎልያ፡ መድና ጎዳ ጌሻ ጎልያን ካትያ ጎልያ ኬጲዳ ላታማንፋ ላይፋ ዉርስፋን፡፡

11 ጲሮሳ ካቲ ኪራሞ እ ኮይያ ጲዳ፡ ዝጋነ ዋርቃ ኡባ እሜዳ ድራዉ፡ ጋላላን ደእያ ላታሙ ካታማቱዋ ሶሎሞን አዉ እሜዳ፡፡

12 ሸን ኪራሞ ጲሮሳ ካታማፕ ከሲደ፡ ሶሎሞን አዉ እሜዳ ካታማቱዋ በአናዉ ቤዳ ዋደ፡ ካታማቱ አ ናሽቶበይክና፡፡

13 ያትና፡ ኪራሞ ሶሎሞና፡ “ታ እሻዉ፡ ሀዋንቱ ኔን ታዉ እሜዳዋንቱ አያ ካታማቱ?” ያጌዳ፡፡ ሄዋ ድራዉ፡ እ ሄ ካታማቱዋ፡ “ፓና ቢታ” ያጊደ ሰንፋዳ፡፡ ሄ ሄራይ ሀቼ ጋካናዉካ ሄ ሱንፋን ጸሰቲ፡፡

14 ኪራሞ ኦይዱ ሻእ ኪሎ ግራመ ዴጸያ ዋርቃ ካትያ ሶሎሞናዉ የድ ዋሌዳ፡፡

15 መድና ጎዳ ጌሻ ጎልያ፡ ባረ ጎልያ፡ ሚሎ፡ የሩሳላመ ካታማ ግምቢያነ ሀጸራ፡ ማግደነ ገዜራ ካታማቱዋ ግምባናዉ ካትያ ሶሎሞናዉ ጋባራቱ ደእኖ፡፡

16 ግብጾ ቢታ ካቲ ካሰ ገዜራ ካታማ ኦይቂደ ካታማ ታማን ጲጌዳ፡፡ ካታማን ደእያ ካናን አሳቱዋካ ዋዴዳ፤ ያቲደ ሶሎሞን እኬዳ ባረ ናትዉ ዋይታ ኦሊደ እሜዳ፤

17 ሶሎሞን ገዜራ ካታማ ዋሐ ኬጲዳ፡፡ ሄዋዳንካ ቃይ፡ ሶሎሞን ሀርክ ቤት-ሆርና፡፡

18 ባአላታ፡ ይሁዳ ዋራን ደእያ ታማራ ካታማ፡፡

19 ሚሻ ሞንጅያ ካታማቱዋ ኡባ፡ ባረ ፓራቱዋነ ፓራ ጋረቱዋ ዋሐያ ካታማቱዋነ የሩሳላመን፡ ልባናሳንነ ባረ ሞድያ ቢታን ኡባን ኬጲናዉ አሞቲዳ ኡባ ኬጲዳ፡፡

20 አሞራቲ፡ ሂተቲ፡ ፓርዘቱዋ፡ ሂዋቱዋ፡ ያቡሳቱዋ፡ አቲዳ አሳቱ ኡባይ እስራኤልያ አሳ ግድክና፤

21 ኡንቱንቱ እስራኤልያ አሳቱ ቢታፕ ዉርሰ ጳይሳናዉ ዳንዳየናን አግና፡ ሄ ቢታን አቲዳ አሳቱዋፕ ዘረፋቱዋ፡፡ ሶሎሞን ኡንቱንታ ጋባረተፋ ኦሰሴዳ፤ ኡንቱንቱ ሀቼ ጋካናዉካ ጋባረተፋን ኦሐና፡፡

22 ሸን ሶሎሞን እስራኤልያ አሳቱዋ፣ ኦናን አይለይቤና፣ ኡንቱንቱ አዉ አሳንቻቱዋ፣ ኦላንቻቱዋ፣ ኦላንቻቱ ካፓቱዋን ጋዳዋቱዋ፣ ፓራ ጋራቱዋ ለግያዋንቱ ካፓቱዋን ፓራ አሳቱዋ ግዲዲ አሌድኖ።

23 ሄዋዳንካ ቃይ፣ ኡንቱንቱ ሶሎሞና ኪታ ኪተትያዋንቱ ካፓቱዋ፣ ኡንቱንቱ፣ እቼሹ ጸታን እሻታማቱ ኦሱዋ አላያ ጎሻንቻቱዋ ጸሊደ አሰሲኖ።

24 ግብጾ ካትያ ናታ ዳዊታ ካታማ፣ ሶሎሞን እዝዉ ኬጽሴዳ ጎልያ ፑደ ቤዳዋ፣ ጉይያን፣ እ ሚሎ ግምቤዳ።

25 ሶሎሞን መድና ጎዳዉ ግምቤዳ ያርሹዋ ሳኣን ጹግያ ያርሹዋን እትተተላ ያርሹዋ ላይላን ሄዙ ገደ ያርሹ፣ መድና ጎዳ ሰንላን እጻናካ ጨዋዬ። ያቲደ ጌሻ ጎልያ ፖሌዳ።

26 ሄዋ፣ ጉይያን ካቲ ሶሎሞን ኤደማ ቢታን ዘኣ አባ ደናን፣ ኤላታ ጌተትያ ካታማ ማታን ደእያ ኤጽዮን-ጋብራን ማርካባቱዋ መዴዳ።

27 ካቲ ኪራም ሶሎሞን አሳቱዋና ኦላና ማላ ማርካብያ ላቲዋ ሎሄዳ ባረ አሳቱዋ ኪቲዳ።

28 ኡንቱንቱ ኦፍራ ጋድያ ቤድኖ፣ ያፕ ታማን ኦይዲ ሻኣ ኪሎ ግራምያ፣ ዳርያ ዋርቃ ካትያ ሶሎሞናዉ አኪደ ዬድኖ።

10

ሳባ ካታቶ (2 ኦዲዋ 9:1-12)

1 ሳባ ካታታ መድና ጎዳ ሱንላን ዋሪቲዳ ሶሎሞና ዋርያ ሰሳደ፣ ዳጽያ ኦሻቱዋ አካደ፣ አ ፓጫናዉ ደንዲዲ።

2 ሳዉዋ፣ ሎይላ ዳር ዋርቃን አልኦ ሹቻ ጫነቲዳ ዳር ጋሎቱዋ ጨጉዋና ሎይላ ዳር አጃባና የሩሳላመ ጋካደ፣ ሶሎሞና ሰንላ አጃኣዲ። ባረ ዋዛናን ደእያዋ ኡባ ሶሎሞናዉ ኦዲዲ።

3 ሶሎሞን አ ኦቼዳዋ ኡባ ኦዴዳ፣ እዝዉ ብርሸናን አፕ ጌም አቲዳባይ አያይነ ባዋ።

4 ሳባ ካታታ ሶሎሞና አዴዳ ኤራ፣ እ ኬጾዳ ካትያ ጎልያ።

5 አ ማዳን ሸቅያ ቁማ፣ አ ኦሳንቻቱ ኡትያ ኡተላ፣ አ ቆማቱ አላያ ኡሱዋን ማይያ ማዩዋ፣ አ ኤሳ ትግያዋንታን መድና ጎዳ ጌሻ ጎልያን እ ጹግያ ያርሹዋ በኤዳ ዋደ፣ እዝ ዋዛናይ ጋገቲዳ።

6 ሄዋ፣ ጉይያን እዛ ካትያ፣ “ኅዋን ነ አዴዳ ኤራተላባ ታን ታ ጋደን ደኣደ ሰሴዳዌ ቱማ።

7 ሸን ታን ያደ፣ ታ አይፍያ ብራናን በአና ጋካናዉ ኡንቱንቱ ታዉ ኦዴዳዋ አማናበይከ። ታዉ አሳይ ኦዴዳዌ ባጋነ ጋከና፣ አዴዳ ኤራተላንካ ዳራተላንካ ታን ሰሴዳዋ፣ ሎይላ ዳራ።

8 ኡባ ዋደ ነ ሰንላን ኤቂደ፣ ነ አዴዳ ኤራ ሰሰያ ነ አሳቲነ ነ ኦሳንቻቱ አያ ናሸቲኖሻ!

9 ኔናን ናሸቲደ፣ ኔና እስራኤልያ ካዉተላ አራታን ኡትሴዳ መድና ጎዳይ ነ ጸሳይ ጋላተቶ! መድና ጎዳይ እስራኤልያ አሳ መድናዉ ሲቂዳ ድራዉ፣ ኔን ሱሪ ፕርዳን ጽሎተላ ኦላና ማላ አ ኔና ካተዬዳ” ያጋዲ።

10 ካታታ ኦይዲ ሻኣ ኪሎ ግራመ ዳጽያ ዋርቃ፣ ሎይላ ዳር ሳዉዋን አልኦ ሹቻ ካትያዉ እማዲ። ሳባ ካታታ ካትያ ሶሎሞናዉ እሚዳዋ ኬሻ ዳር ሳዉዋ ሄዋ፣ ሰምና ኦንነ አህቤና።

11 (ካትያ ኪራማ ማርካባቱ፣ ኦፍራ፣ ዋርቃ አሄዳዋንቱ ያፕካ ሳንዳላ ጌተትያ ሎይላ ዳር ሞላነ አልኦ ሹቻ አሄድኖ።

12 ካቲ ሶሎሞን ሄ ሳንዳልያ፣ መድና ጎዳ ጌሻ ጎልያን ካትያ ጎልያ ቱቀቱዋ፣ ማዝሙርያ የጽያዋንቶ ዲላን ማሰንቁዋ መድሴዳ። ሄዋ ማላ ሳንዳላ ሄ ጋላሳ፣ ሄ ሰምና ይነ ኤሪና፣ ቤትነ ኤሪና።)

13 ካቲ ሶሎሞን እማናዉ በሰያ እምታ፣ ሀራ፣ ሳባ ካታታ አምታደ አ ኦቼዳዋ ኡባ እዝዉ እሚዳ። ሄዋ፣ ጉይያን ሳባ ካታታ ባረ አጃባና ደንዲዳ፣ ባረ ጋደ ሰማዲ።

ካትያ ሶሎሞን ዳራጋ (2 ኦዲዋ 9:13-28)

14 ሶሎሞን ላይላን ላይላን እክያ ዋርቃይ ላታማን ሄዙ ሻኣ ኪሎ ግራመ ዳጽያዋ።

15 ሄዋ ዛልኣንቻቱዋ፣ እኬዳ ቃራጸነ አራባ ቢታ ካተቱዋ ኡባ፣ እስራኤልያ ቢታ ሞድያዋንቱ፣ እኬዳ ገራ ቦላ ጉጃ።

16 ሶሎሞን ላኡ ጾቱ ዋጋ ጎንዳለቱዋ ቆጶዳ ዋርቃ፣ መድሴዳ፣ እት እት ጎንዳልያን ላፑን ኪሎ ግራመ ግድያ ዋርቃይ ገሌዳ።

17 ቃይካ እ ሄዙ ጾቱ ቁር ጎንዳለቱዋ ቆጶዳ ዋርቃ፣ መድሴዳ፣ እት እት ቁር ጎንዳልያን ላኡ ኪሎ ግራመ ግድያ ዋርቃይ ገሌዳ። ካቲ ሄ ጎንዳለቱዋ ሊባኖሳ ዋራ ጎልያ ጌተትያ ጎላን ዋሌዳ።

18 ቃይካ ካቲ እት ዋልቃማ ካዉተላ አራታ ዳንጋርሳ ዛልያ፣ መድሴዳ፣ ሙሩታ ዋርቃን ሹሹዳ።

19 ካዉታ አራታይ ደእያ ሳኣ ፑደ ከሳናዉ የድያ ኡሱፑን ደላቱ ደኣኖ። ሄ አራታዉ ጉየ ባጋይ ጸላ። አራታዉ ላኡ ባጋናካ ቀሰያ ዘምፕሰያ ሳኣቱ ደኣኖ፣ ሄ ላኡ ሳኣቱ ላንቂያንካ ኤቁዳ እት እት ጋሙዋ ሞሰሊ ደኤ።

20 ሄ አራታ ፑደ ከሰያ ኡሱፑን ደላቱዋን ያ ባጋናን ሀ ባጋና እት እት ጋሙዋ ሞሰሊ፣ ኡባና ታማን ላኡ ሞሰለቱ ደኣኖ። ሀዋ ማላ ካዉተላ አራታይ ሀራ ካዉተላን ሀቃንነ ኦሰትቤና።

21 ካቲ ሶሎሞን ኡሻ ኡሸያ ሚሻ ኡባይ ዋርቃ፣ መጠቲዳ፣ ሊባኖሳ ዋራ ጎላን ደእያ ሚሻ ኡባይካ ሙሩታ ዋርቃ፣ መጠቲዳ። እትባይነ ብራፕ መጠቲዳ፣ አያዉ ጎፕ፣ ሶሎሞን ዋደ ብራይ ኡባካ ጎእያባዳን ፓይደት ኤሪና።

22 ካትያዉ ኪራማ ማርካባቱዋና ዛልኣያ ዋልቃማ ማርካባቱ አባን ደኣኖ። ሄ ማርካባቱ ዋርቃን ብራ፣ ዳንጋርሳ አቻ፣ ገለሹዋን ቃራቱዋ ጫን አኪደ፣ ሄዙ ላይላ፣ እት ገደ ዩኖ።

23 ካቲ ሶሎሞን ዳራተላንነ አዴዳ ኤራተላን ሳኣን ደእያ ካተቱዋ ኡባ፣ ዳራዳ።

9:25 ከሳ 23:17፣ 34:23፣ ዛረ. 16:16 10:1 ማቶሳ 12:42፣ ሉቃሳ 11:31

24 ሳኦን ደእያ አሳይ ኡባይ ኦ ሰንሳ አቆናውን ጸሳይ ኦ ዋዛናን ዋሌዳ አዴዳ ኤራ ሰሳናው ኮዬ።

25 ላይላፕ ላይላን ይያ ኡባይ አው እማናው ዋርቃን ብራ ሚሻቱዋ፣ ማዮቱዋ፣ ኦላ ሚሻቱዋን ሳውዋ፣ ፓራቱዋን ባቁሎቱዋ አኪደ ዬ።

26 ሶሎሞን ፓራ ጋረቱዋን ፓራቱዋ ሺሺዳ፤ አው እት ሻእን ኦይዱ ጾቱ ፓራ ጋረቱን ታማን ላኡ ሻእ ፓራቱ ደእኖ። እ ኡንቱንቱ ፓራ ጋረቱዋ ካታማቱዋን ባረናና የሩሳላሙን ዋሌዳ።

27 ካቱ የሩሳላሙን ብራይ ሹቻዳን ኬለታናዳን፣ ዝጋይካ ጋቆን ድጭያ ኤሳዳን ጮራታናዳን ኦሌዳ።

28 ሶሎሞን ፓራቱ ግብጾፕን ቃዌ ጌተትያ ቢታፕ ዬድኖ። ካትያ ዛልእንቻቱ ኡንቱንቱ ቃዌፕ ሻሉዋን ሻሚደ አሂኖ።

29 ኡንቱንቱ እት እት ፓራ ጋርያ ኡሱቱን ጾቱ ጸጋራ ብራን፣ እት እት ፓራ ጾታን እሻታሙ ጸጋራ ብራን ግብጾፕ ሻሚደ አሂኖ፤ ኡንቱንቱካ ሂተቱዋ ካተቶ ኡባቶን ሶርያ ካተቶ ዛልእኖ።

11

ሶሎሞን ጸሳፕ ሃክ ሃክ ቤዳ

1 ካቱ ሶሎሞን ዳር አላጋ ቢታ ማጫዋንታ ሲቁዳ፤ ሄዋንቱን ግብጾ ካትያ ናት ቦላ ጉጅና ሞአባቱዋ፣ አሞናቱዋ፣ ኤደማቱዋ፣ ሲደናቱዋን ሂተቱዋ ማጫዋንታ።

2 ኡንቱንቱ፣ “ህንተንቱ ሀ አሳቱዋና አኩዋን ገሉዋን ዋላከቶፕተ፤ አያው ሳፕ፣ ኡንቱንቱ ህንተንቱ ዋዛና ቱሙፕ ባረንቱ ኤቃ ጸሳቱዋኮ ዛራና” ያጊደ መድና ጎዳይ እስራኤልያ አሳው ኦዴዳ ካውተላቱ ማጫዋንታ፤ ሸን ሶሎሞን ኡንቱንቱና ሲቁዋን ቃሸቱዳ።

3 ሶሎሞናው ካተቱዋ ናና ግድያ ላቱን ጾቱ ማቼቱን ሂዙ ጾቱ ማቻያዳን አው ደእያ ማጫዋንቱ ደእኖ። አ ማቻቱ አ ዋዛና ጸሳፕ ሃሴድኖ።

4 ሶሎሞን ጭም ጭሚደ ቢሸን፣ አ ማቻቱ አ ዋዛና ሀራ ጸሳቱዋኮ ዛራድኖ፤ ያትና፣ አ አውዋ ዳዊተ ኩሙንሳ ዋዛናፕ ሲቁዳዋዳን፣ መድና ጎዳ ባረ ጸሳ እ ሲቅቤና።

5 ሶሎሞን አሰታሮታ ጌተትያ ሲደናቱዋ ጸሳትውን ሞሎካ ጌተትያ አሞናቱዋ ጸሳው፣ ሸንይያዋ ጎይኔዳ።

6 ያቲደ ሶሎሞን መድና ጎዳ ሰንሳን ኢታባ ኦሌዳ፤ አ አውዋ ዳዊተ ካሌዳዋዳን፣ መድና ጎዳ ፖሎ ካልቤና።

7 ሄዋፕ ጉይያን ሶሎሞን ካሞሻ ጌተትያ ቱና ኤቃውን አሞናቱ ኤቅያ፣ ሞሎካ * ጌተትያ ቱና ኤቃው የሩሳላሙ ካታማፕ አዋይ ደልያ ባጋን ደእያ ደርያ ሁጲያን ጎይንያ ቶቃ ሳኦ ኬጾዳ።

8 አላጋ ቢታፕ አኬዳ ባረ ማቻቱዋ ኡባውካ እ ሄዋዳን ጊባሴዳ፤ ኡንቱንቱ ባረንቱ ጸሳቶ ያን እጻና ጩዋዬድኖን ያርሹዋ ያርሹድኖ።

9 አው ላኡ ገደ ቆንጩዳ መድና ጎዳፕ እስራኤልያ ጸሳፕ ሶሎሞን ዋዛናይ ዋራ ሰሜዳ ድራው፣ መድና ጎዳይ አ ሀንቀቱዳ።

10 ሀራ ጸሳቱዋ ካለናዳን ጸሳይ ሶሎሞን አዛዜዳ፤ ግድፕን፣ ሶሎሞን መድና ጎዳ አዛዙዋ ናግቤና።

11 ሄዋ ድራው፣ መድና ጎዳይ ሶሎሞን ሀዋዳን ያጌዳ፤ “ኔን ሀዋዳን ሀኔዳ ድራው፣ ታን ኔና አዛዜዳ ታ ጫቁዋን ታ ዋጋን ኔን ናገናን እጾዳ ድራው፣ ታን ነ ካውተላ ኔፕ ቦንቃ አካደ፣ ነ ቆማቱዋፕ እቶ እማና።

12 ግድፕን፣ ነ አውዋ ዳዊታ ድራው ታን ሀዋ ኔን ፓጸ ደእያ ላይላን ቦንቃ አክከ፤ ነ ናኦ ኩሸያፕ ቦንቃ አካና።

13 ሄዋካ ቃይ ካውተላ ኡባ አፕ ዳፋ አክከ፤ ታ ቆማ ዳዊታ ድራውን ታን ደራዳ ካታማ የሩሳላሙ ድራው እት ዛርያ አው እማና” ያጌዳ።

ጸሳይ ሶሎሞን ቦላ ሞርከቱዋ ደንሌዳ

14 ሄዋፕ ጉይያን መድና ጎዳይ ኤደምያ ሀዳዳ፣ ኤደማ ቢታ ካተቱዋ ዛርያ ግዴዳዋ ሞርከ ኦሊደ ሶሎሞን ቦላ ደንሌዳ።

15 ሀዋፕ ካሰ ባጋን ዳዊተ ኤደማ አሳቱዋና ኦለቱዳ ዋደ፣ ሀይቁዳዋንታ ሞግሳናው ቼደ ቤዳ ኦላ ጋዳዋይ የኦሰ፣ ኤደማን ደእያ አቱማ አሳ ኡባ ዋቲ ወርሴዳ።

16 ኤደማን ደእያ አቱማ አሳ ኡባ ቆይሳና ጋካናው የኦሰን እስራኤልያ አሳይ ኡባይ ያን ኡሱቱን አግና ኡቱዳ።

17 ሸን ሄ ዋደ ጉላ ናኦ ግዴዳ ሀዳድ፣ አ አዋ ኦሌዳ ኤደማ ኦሳንቻቱዋፕ አማራዳዋንቱና ግብጾ ጋድያ ባቃቱዳ።

18 ኡንቱንቱ ሞድያማፕ ደንዲደ፣ ፓራና ቤድኖ፤ ፓራናፕ ባረናና አሳ አኪደ ግብጾ ጋድያ፣ ግብጾ ካትያኮ ቤድኖ። ካቱ ሀዳዳው እት ጎልያን ጋድያ እሚደ፣ ቁማ አው አዛዜዳ።

19 ሀዳድ ካትያ ሎይሳ ናሸቼዳ፤ ካቱ ባረ ማቻት፣ ካታት ጸፍኔሰ ሞቻቶ አው ማቻቶ ኦሊደ እሚዳ።

20 ጸፍኔሰ ሞቻታ አው ጋኑባታ ጌተትያ ናኦ የላዳ። ጸፍኔሳ አ ካትያ ጎለን ድቻዳ፤ ጋኑባት ያን ካትያ ናናቱዋና እትፕ ደኤዳ።

21 ሀዳድ ግብጾን ደእደ ዳዊተ ሀይቁደ ባረ ማይዛን ጋከቱዳዋን ኦላ ጋዳዋይ የኦሰካ ሀይቁዳዋ ሰሴዳ፤ ሀዳድ ካትያው፣ “ታን ታ ጋድያ ሰማና ማላ ታና የዳ” ያጌዳ።

22 ካቱ አ፣ “ኅዉ ሀዋን አያይ ፓጭኔ ኔን ነ ጋድያ ባናው ኮይያዋ?” ያጊደ ኦቼዳ።

ሀዳድ፣ “ታው አያይን ፓጭቤና፤ ሸን ታን ባና” ያጌዳ።

23 ሄዋዳንካ ቃይ፣ ጸሳይ ኤልያዳኦ ናኦ ራዘና ግያዋ ሶሎሞን ቦላ ሞርከያ ኦሊደ ደንሌዳ፤ ራዘን ጸባ ካትያ ሀዳድኤዘረፕ ባቃቱዳ።

24 ዳዊተ ጸባ ቢታ ኦላንቻቱዋ ቆይሴዳ ዋደ፣ ራዘን ባረው አሳ ሺሺደ፣ ፓንጋቱዋ ካቱዋ ግዴዳ፤ ፓንጋቱ ዳማሰቆ ቢደ፣ ሄ ካታማ ኦይቁደ፣ ያን ኡቲደ፣ ራዘና ካተዬድኖ።

10:26 1 ካታ. 4:26 10:28 ዛረ. 17:16 11:1 ዛረ. 17:17 11:2 ከሳ 34:16፤ ዛረ. 7:3-4 * 11:7 ሞሎካ- አሞናቱዋ ኤቃይ፣ ሞሎከ አብራዌሉዋን ሞልካማ ጌተቱ።

25 ሀዲድ መጪዳ መቼዋ ቦላካ ጉጂደ፣ ሶሎሞን ደኤዳ ኬናን ኡባን ራዞን እስራኤልቶ ሞርክያ ግዴዳ፤ ያቲደ እ ሶርያን ካዉቲደ እስራኤልያ አሳ ሞርኬዳ።

ጸሓይ እየርባማዉ እማና ጌዳዋ

26 ሄዋ ቦላካ ናባጸ ናኦይ እየርባማ ሶሎሞና ቦላ ማካሊደ ደንዴዳ፤ እ ሶሎሞና ቆማቱዋ፣ እቱዋ። እ ኤፍሬማ ቢታን ጸሬዳ፣ ላዳ አሳ፤ አ ዳያካ ጽሩኦ ጌተትያ አምአቶ።

27 ካትያ ቦላ እ ማካል ደንዴዳ ታርኪ ሀዋ፣ ካሊደ ጸፊቲዳዋዳ። ሶሎሞን ሚሎ ግምቤዳን ባረ አዉዋ ዳዊታ ካታማ ዩቩዋ ግምቤያን ደእያ ካሎ ሳኦ ኩንሴዳ።

28 እየርባማ ምኖ አሳ፤ ሶሎሞን ሀ ዋዳላይ ባረ ኪታ ዋት ሎይሳ አላንቶ በኤዳ፤ ምናሰን ኤፍሬማ ቢታን ኦላያ ጎሻንቻቱ ኡባ ቦላ አ ካፑዋ ኦሳደ ሱንሴዳ።

29 እት ጋላሰ እየርባማ የሩሳላመ ካታማ፣ ከሲደ ቤ፤ ሴሎ፣ ዬዳ፣ ትምቢትያ ኦድያ አኪይ እናና ኦግያን ጋከቲዳ። አኪይ ሄ ዋደ ኦራላ ማዩዋ ማይ ኡቲዳ። ደምባን ኡንቲንቲ ላኡዋ ጸላላይ ደኢኖ።

30 አኪይ ባረ ማዬዳ ኦራላ ማዩዋ ኦይቂደ፣ ታማን ላኡ ከሲደ ፔዴዳ።

31 እየርባማ ሀዋዳን ያጌዳ፤ “ታሙ ፔባቱዋ ነዉ አካ። አያዉ ጎፕ፣ መድሩ ጎዳይ እስራኤልያ ጸሓይ ሀዋዳን ያጌ፤ ‘በአ፣ ታን ካዉተላ ሶሎሞና ኩሽያ፣ ፔዳደ፣ ታሙ ዘረላ ነዉ እማና ሀሪይ።

32 ሽን ታ ቆማ ዳዊታ ድራዉን እስራኤልያ ዛራቱዋ ኡባ ግደ፣ ታን ደሬዳ የሩሳላመ ካታማ ድራዉ፣ እት ዛርያ አዉ አጋና።

33 ታን ሀዋ አላና ጋሱ፣ ሶሎሞን ታና አገደ ሲደናቱዋ ጸሓት አሰታርቲዉ፣ ሞኣባቱዋ ጸሓ ካሞሻዉን አሞናቱዋ ጸሓ ሞሎካዉ ጎይኔዳ ድራሳን ታ ኦግያን ሀመተናን፣ ታ ሰንላን ሱረባ ሀንናን አ አዉ ዳዊተ ናጌዳዋዳን ታ ዋጋቱዋን ታ ሀግያ ናገናን እጾዳ ድራሳ።

34 “ ግደ፣ ታን ካዉተላ ሶሎሞና ኩሽያ፣ ዉርሳ አክከ፤ ታን ደሬዳን ታ አዛዙዋን ታ ዋጋ ናጌዳ ታ ቆማ ዳዊታ ድራዉ፣ ሶሎሞን ፓጸ ደኤዳ ኬሻን ኡባን እ ሞዳናዳን ኦላድ።

35 ሄዋ፣ ጌይያን ታን ካዉተላ አ ናኦ ኩሽያ፣ አካደ ታሙ ዘረላ ነዉ እማና።

36 ታ ሱንሳይ አን ጾሰታና ማላ፣ ታን ደሬዳ የሩሳላመ ካታማን ኡባ ዋደካ ታ ቆማ ዳዊታ ዘረላይ ካተታና ማላ፣ ታን እት ዛርያ አ ናኦዉ እማና።

37 “ ናኦ ግደ፣ ታን ኔና አካና፤ ነ ዋዛናይ አሞቲዳ ኡባ ኔን ሞዳና፤ ኔን እስራኤልያ ቦላ ካተታና።

38 ታን ኔና አዛዝያዋ ኔን አላ፣ ታ ኦግያን ሀመተናን ታ ቆማይ ዳዊተ ናጌዳዋዳን ታ ዋጋቱዋን ታ አዛዙዋ ናጋደ ታ ሰንላን ሱረባ ሀሮ፣ ታን ኔና ግዳና፤ ዳዊታዉ አሴዳዋዳንካ ነ ዛራቱ ደእ በአናዳን ኦላና፤ እስራኤልያካ ታን ነዉ እማና።

39 ሶሎሞና ናጋራ ድራዉ ዳዊታ ዘረላቱዋ ታን ሙራና፤ ሽን መድናዉ ግደና ያጌ” ያጌዳ።

40 ሶሎሞን እየርባማ ዋዳናዉ ካጄሌዳ፤ ሽን እየርባማ ግብጾ ጋድያ ካትያ ሽሻቃኮ ባቃቲደ ቤዳ፤ ሶሎሞን ሀይቃና ጋካናዉ ግብጾን ታኬዳ።

ሶሎሞና ሀይቁዋ (1 ኦዲዋ 9:29-31)

41 ሶሎሞን ሀኔዳ ሀራባይ፣ እ ኦሴዳባይ ኡባይ፣ አ አዴዳ ኤራተላባይ ሶሎሞና ታርክያ ማጻፋን ጸፊት ኡቲዳ።

42 ሶሎሞን እስራኤልያ ኡባ ቦላ የሩሳላመን ኦይታሙ ላይላ ካተቲዳ።

43 ሄዋ፣ ጌይያን ሶሎሞን ሀይቂደ፣ ባረ ማይዛን ጋከቲዳ፤ ባረ አዉዋ ዳዊታ ካታማን ሞገቲዳ። አ ናኦይ ርብኣመ አ ኮታን ካተቲዳ።

ሻከቲዳ ካዉተላቱዋ

12

(12:1—22:53)

ፑደሃ ያራቱዋ ማካላ (12:1—14:20፤ 2 ኦዲዋ 10:1-19)

1 እስራኤልያ አሳይ ኡባይ ርብኣማ ካተያናዉ ሰኬማ ካታማ ቤዳ ድራዉ፣ እካ ያ ቤዳ።

2 ናባጸ ናኦይ እየርባማ፣ ካትያ ሶሎሞን፣ ባቃቲደ ግብጾን ደእያዌ ሀዋ ሰሴዳ ዋደ፣ ግብጾ፣ ሰሚደ ዬዳ።

3 እስራኤልያ አሳይ እየርባማዉ ከቲደ ጾሰሰና፣ እነ እስራኤልያ ማባራይ ኡባይ ርብኣማኮ ቢደ።

4 “ነ አዉ ኑና ዴጾ ሞርገ ሞላ ቶሴዳ፤ ሽን ሀእ ኔን እ ኑና ኦሰሰያ ዋልቃማ ኦሱዋን ዴጾ ሞርገ ሞላ ኑዉ ካዉሽሳርኪ። ያቶ፣ ኑን ነዉ ሞደታና” ያጌድኖ።

5 ርብኣመ ኡንቲንቲ፣ “ቢተ፤ ሄዘንላ ጋላሰ ሰሚደ ታኮ ዩተ” ያጌዳ፤ አሳይ ቤዳ።

6 ሄዋ፣ ጌይያን ካቲ ርብኣመ አ አዉ ሶሎሞን ፓጸ ደእያ ዋደ፣ ሶሎሞና ዘሬዳ ጭማቱዋ ዘረታ በሴዳ። እ ኡንቲንቲ፣ “ሀ አሳዉ ዋጋደ ዛራ ጌቲ?” ያጌደ ኦቹዳ።

7 ጭማቱ ርብኣማ፣ “ሀቹ ኔን አሳዉ ቆማ ግዳደ አላ፣ ኡንቲንቲ ኦቹያዋ ኔን ሎኦ ቃላ ዛር፣ ኡባ ገደ ኡንቲንቲ ነዉ ቆማ ግዳናዋንታ” ያጌድኖ።

8 ሽን ርብኣመ ጭማቱ ዘሬዳ ዘርያ አገደ፣ አናና ድጨደ አዉ ኦላያ ያላጋ አሳቱዋ ዘረታ በሴዳ።

9 እ ኡንቲንቲ፣ “ሀንተንቲ ታና ዘርያዌ አዬ? ና አዉ ኑና ቶሴዳ ዴጾ ሞርገ ሞላ ኑዉ ካዉሽሳርኪ’ ያግያ ሀ ደርያዉ ዋጋደ ዛር?” ያጌደ ኦቹዳ።

10 ሽን አናና ድጨዳ ያላጋቱ፣ “ ና አዉ ኑና ዴጾ ሞርገ ሞላ ቶሴዳ፤ ሽን ኔን ኑዉ ካዉሽሳርኪ’ ያግያ አሳዉ፣ ‘ታ ቄር ብራዲ ታ አዉዋ ጾሳ፣ ኦርዳ።

11 ታ አዉ ሀንተንቲ ሞርገ ሞላ ዴጾሴዳ፤ ሽን ታን ሄዋ፣ ካ አላደ ዴጾሳና። ታ አዉ ሀንተንቲ ልሱዋን ዋዴዳ፤ ሽን ታን ሀንተንቲ ማሰማሱዋዳን ዱክያ ልሱዋን ዋዳና’ ያጋደ ዛራ” ያጌድኖ።

12 ሄዋጥ ጉይያን ካቲ ርብአመ፡ “ሄዘንሉ ጋላስ ሰሚደ ታኮ ዪተ” ጌዳዋዳንካ፡ እዮርባምን እሳይ ኡባይ ሄዘንሉ ጋላስ ሰሚደ ዬድኖ፡፡

13 ካቲ ኡንቱንቶ ሀንቆ ዛሩዋ ዛሬዳ፡፡ ጭማቱዋ ዘርያ እግ ባሺደ፡፡

14 ያላጋቱ ዘሬዳ ዘርያ ካሌዳ፡፡ ያቲደ ሀዋዳን ያጌዳ፤ “ታ አዉ ህንተንቱ ሞርገ ሞላ ዳድሴዳ፤ ሸን ታን ሄዋጥካ አላደ ዳድሳና፡፡ ታ አዉ ህንተንታ ልሱዋን ዋዴዳ፤ ሸን ታን ህንተንታ ማሰማሱዋዳን ዱክያ ልሱዋን ዋዳና” ያጌደ ዛሬዳ፡፡

15 ካቲ አሳይ ግያዋ ሰሰናን እጹዳ፤ እያዉ ጎጥ፡ መድና ጎዳይ ሴሎጥ ዬዳ እኪያ ባጋና ካሰ ናባጸ ናኣ እዮርባማዉ ኦዴዳ ቃላይ ፖለታናዳን ሀዋ መድና ጎዳጥ ሀኔዳ፡፡

16 እስራኤልያ አሳይ ኡባይ ካቲ ኡንቱንቱ ግያዋ ሰሰናን እጹዳዋ በኢደ፡ ካትያ ሀዋዳን ያጌድኖ፤ “ዳዊተዋጥ ኑና ጋክያባይ አዬ? እስያ ናኣጥ ኩን ላታናዌ ባዋ! እስራኤልያ አሳዉ፡ ህንተንቱ ሶ ህንተንቱ ሶ ሰምተ! ሀእ ሰም ርብአመ ባረዉ ናገቶ!” ያጌድኖ፡፡ እስራኤልያ አሳይ ኡባይ ባረንቱ ሶ ባረንቱ ሶ ሰሜድኖ፡፡

17 ሸን ርብአመ ይሁዳ ካታማቱዋን ደእያ እስራኤልያ አሳ ቦላ ካተቱዳ፡፡

18 ሄዋጥ ጉይያን ካቲ ርብአመ ባረ ጋባራቱዋ ካፑዋ እደንራማ እስራኤልያ አሳኮ ኪቲዳ፤ ኡንቱንቱ ቩቻን ጫዲደ ዋዴድኖ፡፡ ያትና፡ ካቲ ርብአመ ባረ ፓራ ጋርያን ኤለካ ከሰ ኡቲደ፡ የሩሳላመ ባቃቲዳ፡፡

19 ሄዋጥ ደሚደ ሀቼ ጋካናዉ እስራኤልያ ዛሬቱ ታማቱ ዳዊታ ዛርያጥ ካተቱዳ ካተቱዋ ቦላ ማካሌድኖ፡፡

20 እዮርባም ግብጾጥ ሰሜዳዋ እስራኤልያ አሳይ ኡባይ ሰሴዳ ዋደ፡ አ ባረንቱ ያእዉ ደሰሲደ፡ እስራኤልያ ቦላ ካተዬድኖ፤ ዳዊታ ዛርያጥ ካተቱዳ ካተቶ አማነቲደ አቲዳዋ ይሁዳ ዛርያ ጸላላ፡፡

ሻማእይ ትምቢትያ ኦዴዳ (2 ኦዲዋ 11:1-4)

21 ሶሎሞና ናኣይ ርብአመ የሩሳላመ ካታማ ጋኬዳ ዋደ፡ እስራኤልያ ቢታ አሳና ኦለቲደ፡ ካዉተላ ባረዉ ዛራና ማላ፡ ይሁዳ ዛርያጥን ቢንያማ ዛርያጥ ደረቲዳ እት ጾታን ሆሰፑን ታሙ ሻኣ ኦላንቻቱዋ ሺሼዳ፡፡

22 ሸን ጸሳ ቃላይ፡ ጸሳ አሳ ግድያ ሻማእያኮ ዪደ፡፡

23 “ሶሎሞና ናኣ፡ ይሁዳ ካትያ ርብአማዉ፡ ይሁዳን ቢንያማ ዛረቶን አቲዳ አሳ ኡባዉ ሀዋዳን ያጋ፤

24 “መድና ጎዳይ ህንተንታ፡ “ህንተንቱ ዳቦቱዋና፡ እስራኤላቱዋና ኦለታናዉ ቦፕተ፡፡ ሀዋ ታን ኦሌዳ ድራዉ፡ ህንተንቱ ኡባይካ ህንተንቱ ሶ ህንተንቱ ሶ ሰምተ” ያጌ’ ያጋደ ኦዳ” ያጌዳ፡፡ ኡንቱንቱ መድና ጎዳ ቃላ ሰሲደ፡ ሰሚደ ሶ ቤድኖ፡፡

እዮርባም ጸሳጥ ዋራ ሰሜዳ

25 ሄዋጥ ጉይያን እዮርባም ኤፍሬማ ገዘያን ደእያ ሰኬማ ጌሶ ኦሳ ግምቢደ፡ ያን ደኤዳ፤ ሄዋጥ ከሰ ቢደ ጸንኤላ ግምቤዳ፡፡

26 እዮርባም ባረ ዋዛናን፡ “ካዉተላይ ዳዊታ ዛርያዉ ሰማና፡፡

27 ሀ አሳይ መድና ጎዳ ጌሻ ጎልያን ያርሹዋ ያርሻናዉ የሩሳላመ ካታማ ብያዋ ግድገ፡ ኡንቱንቱ ቃይካ ባረንቱ ጎዳኮ፡ ካትያ ርብአማኮ ሰማና፡፡ ኡንቱንቱ ታና ዋዴዳ፡ ይሁዳ ካትያ ርብአማኮ ሰማና” ያጌደ ቆፔዳ፡፡

28 ሄዋ ድራዉ፡ ካቲ ዘረቲዳዋጥ ጉይያን ዋርቃጥ ላኡ ማራቱዋ ሞሰለቱዋ መዲደ አሳዉ፡ “ህንተንቱ ሀዋጥ የሩሳላመ ቤዳዋ ኬሻይ ግዳናዋ፡ ህንተንቶ እስራኤልያ አሳቶ፡ ህንተንታ ግብጾጥ ከሴዳ ህንተንቱ ጸሳቱ ሀዋንቱሽ!” ያጌዳ፡፡

29 ኡንቱንቱጥ እቱዋ ቤቴለን፡ እቱዋ ቃይ ዳናን ዋሌዳ፡፡

30 ሀ የዉ ኡንቱንቶ ናጋራቲዳ፤ እያዉ ጎጥ፡ እት ማራ ሞሰልያዉ ጎይናናዉ አሳይ ዳና ጋካናዉ ቤዳ፡፡

31 እዮርባም ደርያ ሁጲያን ጎይንያ ዶቃ ሳኣ ገግሲደ ሌዊያ ዛርያ ግዳና ቆዮጥካ፡ ኡባ ቆዋ አሳጥ ቁሳቱዋ ኦሊደ ሱንሌዳ፡፡

32 ይሁዳን ቦንቶያዋዳን ሆሰፑንላ አግናን ታማነ እቼሻንላ ጋላሳን ባላይ ቦንቼታናዳን፡ እዮርባም ጋላሳ ኬሬዳ፤ ያርሹዋ ያርሹዳ፡፡ እ ሀዋዳን ሀኔዳ፤ ቤቴለ ቤዳ፤ ባረ መዴዳ ማራ ሞሰልያዉ ያርሹዋ ያርሹዳ፡፡ ቃይ ባረ መዴዳ ጎይንያ ዶቃ ግሹዋን ቁሳቱ ዋ ቤቴለን ሱንሌደ ዋሌዳ፡፡

33 እ ባረ ሁጲያዉ ደሬዳ ሆሰፑንላ አግናን፡ ሄ አግናዉ ታማነ እቼሻንላ ጋላስ ቤቴለ ቤዳ፤ ሄ ጋላሳይ እስራኤልያ አሳዉ ባላ ግዳናዳን አዋዬዳ፡፡ ያቲደ እጻና ጨዋያናዉ ፑደ ያርሽያ ሳኣ ከሴዳ፡፡

13

ቤቴለ ቦላ ትምቢትያ ኦዴዳ ብታንያ

1 እዮርባም እጻና ጨዋያናዉ ያርሹዋ ያርሽያ ሳኣ ማታን ኤቁደእሽን፡ መድና ጎዳ ቃላን ኪተቱዳ፡ ጸሳ አሳ ጌተትያ እት ብታኒ ይሁዳጥ ዬዳ፡፡

2 መድና ጎዳይ እዛዝና ሄ ያርሽያ ሳኣ ቦላ ሀዋዳን ያጌደ ዋሴዳ፤ “ያርሽያ ሳኣዉ፡ ያርሽያ ሳኣዉ፡ መድና ጎዳይ ኔና ሀዋዳን ያጌ፤ ‘ዳዊታ ዛርያዉ ዮሰያሳ ጌተትያ እት ናኣይ የለታናዋ፡፡ ሄ ናኣይ ሀእ ሀዋን ያርሺደ ደእያ ዶቃ ሳኣቱ ቁሳቱ ዋ ነ ቦላ ያርሻና፤ ነ ቦላ አሳ መቀላይ ጸገታና’ ያጌ” ያጌደ ዋሴዳ፡፡

3 ሄ ጋላስ ጸሳ አሳይ ማላታ እሚደ፡ “መድና ጎዳይ ኦዴዳ ማላታይ ሀዋ፤ ሀ ያርሽያ ሳኣይ ጸልቃታና፤ እ ቦላን ደእያ ብድንላይካ ዋራ ላለታናዋ” ያጌዳ፡፡

4 ካቲ እዮርባም ጸሳ አሳይ ቤቴለን ደእያ ያርሽያ ሳኣ ቦላ ዋሴዳዋ ሰሴዳ ዋደ፡ ያርሽያ ሳኣጥ ባረ ኩሽያ የዲደ፡ “ሄ ብታንያ ኦይቁተ!”

ያጌዳ። ሸን እ ብታንያው የዴዳ ኩሺ ኤለካ ጸጊደ ሰሌዳ፤ ሄዋ ድራው፡ ባረ ኩሽያ ጉየ ዛሪደ እካናው ዳንዳይቤና።

5 ቃይ ጸሳ አሳይ መድና ጎዳ ቃላን እሜዳ ማላታዳን ያርሸያ ሳኦይ ጸልቀት ዎድና፡ አ ቦላን ደእያ ብድንጻይካ ዎራ ላለቴዳ።

6 ያትና፡ ካቲ እዮርባም ጸሳ አሳ፡ “ታ ኩሺ ካሰዋዳን ሀናና ማላ ታው ጋናታደ መድና ጎዳ ነ ጸሳ ዋሳርኪ!” ያጌዳ። ሄዋ ድራው፡ ጸሳ አሳይ ካትያው ጋናቲደ መድና ጎዳ ዋሰና፡ ካትያ ኩሺ ሰሚደ ካሰዋዳን ሀኔዳ።

7 ካቲ ጸሳ አሳ፡ “ታናና ታ ሶ ደንዳ፤ ቁማ ማ። ቃይ ታን ነው እሞታ እማና” ያጌዳ።

8 ሸን ጸሳ አሳይ ካትያው ሀዋዳን ያጊደ ዛሪዳ፤ “ሀራይ እትና ኔን ነ እቆ ባጋ ታው እምንቶካ፡ ታን ኔናና ቢከ፤ ሀዋን ኡክላካ ሚከ፡ ሃላካ ኡሸከ።

9 እያው ጎፕ፡ መድና ጎዳ ቃላይ ታና፡ “ኔን ኡክላካ ሞፓ፡ ሃላካ ኡሸፓ፡ ነ ዬዳ ኦግያናካ ሰማደ ቦፓ’ ያጊደ እዛዜዳ” ያጌዳ።

10 ሄዋ ድራው፡ ብታኒ ሀራ ኦግያና ቤዳ፤ እ ቤቴለ ዬዳ ኦግያና ሰሚደ ብቤና።

ቤቴለን ትምቢትያ ኦድያ ጭማ ብታንያ

11 ትምቢትያ ኦድያ እት ጭማ ብታኒ ቤቴለ ካታማን ደኤ። ቤቴለን ሄ ጋላሰ ጸሳ አሳይ ኦሌዳ ኡባባ ሄ ጭማ ብታንያ ናናይ ዬደ ኦዴድና፤ ቃይ ሄ ብታኒ ካትያው ኦዴዳ ቃላ ኡንቱንቱ ባረንቱ እዎ ኦዴድና።

12 አው ኡንቱንታ፡ “ሀቃ ኦግያና ቤዳ?” ያጌዳ፤ ይሁዳፕ ዬዳ ጸሳ አሳይ ቤዳ ኦግያ አው ማላቴድና።

13 ሄዋፕ ጉይያን እ ባረ ናና፡ “ታው እነ ሀርያ ኮርተ” ያጌዳ፤ ኡንቱንቱ አው ሀርያ ኮርና ቶጌዳ።

14 ጸሳ አሳ ጌዲዋ ካሊደ ቤዳ፤ እት ዋላ ኩዋን ኡቴዳዋ ደሚደ፡ “ይሁዳፕ ዬዳ ጸሳ አሳይ ኔኔየ?” ያጌዳ።

ብታኒ፡ “ኤ ታና” ያጌዳ።

15 ትምቢትያ ኦድያ ጭማ ብታኒ እ፡ “ቁማ ማናው ታ ሶ ታናና ደንዳ” ያጌዳ።

16 ጸሳ አሳይ ዛሪደ፡ “ታን ጉየ ሰማደ ኔናና ባናው፡ ዎይ ሀ ኮሸያን ኔናና ኡክላ ማናው፡ ዎይ ሃላ ኡሻናው ዳንዳይከ።

17 እያው ጎፕ፡ መድና ጎዳይ ቃላይ ታና፡ “ኔን ሄ ሳኦን ኡክላካ ሞፓ፡ ሃላካ ኡሸፓ፡ ነ ዬዳ ኦግያናካ ሰማደ ቦፓ’ ያጊደ እዛዜዳ” ያጌዳ።

18 ትምቢትያ ኦድያ ጭማ ብታኒ፡ “ታንካ ኔናዳን ትምቢትያ ኦድያዎ። ኪታንቻይ መድና ጎዳይ ቃላን ታና፡ “ኡክላ እ ማና ማላን ሃላ ኡሻና ማላ፡ እ ዛራደ ነ ሶ ኔናና አካደ ያ’ ያጌዳ” ያጌዳ። ሸን ጭማ ብታኒ ሄዋ አው ዎርዲዋ ኦዴዳ።

19 ሄዋ ድራው፡ ጸሳ አሳይ እናና ሰሚደ፡ አ ሶን ሚዳን ኡሼዳን።

20 ኡንቱንቱ ማዳን ኡት ደእሸን፡ መድና ጎዳ ቃላይ ብታንያ ጉየ ዛሪዳ ትምቢትያ ኦድያ ጭማ ብታንያኮ ዬዳ።

21 ብታኒ ይሁዳፕ ዬዳ ጸሳ አሳው ባረ ቃላ ዶቁ ኦሊደ፡ “መድና ጎዳይ ሀዋዳን ያጌ፤ “ኔን

መድና ጎዳ ቃላ እጸዳ፤ መድና ጎዳይ ነ ጸሳይ ኔና እዛዜዳ እዛዙዋካ ናጋባካ።

22 ኔን ጸሳይ፡ “ሄ ሳኦን ሞፓ ዎይ ኡሸፓ” ጌዳ ሳኦ ጉየ ሰማደ ባደ፡ ያን ኡክላ ማዳ፤ ሃላካ ኡሻዳ። ሄዋ ድራው፡ ነ አሃይ ነ እዎቱዋ ዲፋዋን ሞገተና’ ያጌ” ያጌዳ።

23 ጸሳ አሳይ ሞያዋን ኡሸያዎ ፖሌዳዋፕ ጉይያን፡ ትምቢትያ ኦድያዎ ባረ ጉየ ዛሪደ አሄዳ ብታንያው ሀርያ ኮሪዳ።

24 እ ኦግያን ቢሸን ጋሙ እናና ጋከቲደ፡ አ ዎዴዳ። አሃይ ኦግያን ፓንጋራሬዳ፤ ሀሪን ጋሙካ ላኦቲካ አሃ ሞይያን ኤቁድና።

25 ሄ ኦግያና ኦድያ አሳይ አሃይ ፓንጋራሬዳዋን ጋሙ አሃ ሞይያን ኤቁዳዋ ቤዳ፤ ቢደ ትምቢትያ ኦድያ ጭማ ብታኒ ደእያ ካታማን ኦዴዳ።

26 ብያ ሳፕ ብታንያ ጉየ ዛሪዳ ትምቢትያ ኦድያ ጭማ ብታኒ ሄዋ ሰሴዳ ዎደ ሀዋዳን ያጌዳ፤ “ሄዎ ቃላው እዛዘተናን እጾዳ ጸሳ አሳ። ሄዋ ድራው፡ መድና ጎዳ ቃላይ አው ካሰቲደ ኦዴዳዋዳን፡ መድና ጎዳይ ጋሙዋን አ ጋሌዳ፤ ያትና፡ ጋሙ አ መንግራሊደ ዎዴዳ” ያጌዳ።

27 ሄዋፕ ጉይያን ጭማ ብታኒ ባረ ናና፡ “ታው ሀርያ ኮርተ” ያጌዳ። ኡንቱንቱ አው ሀርያ ኮሪድና፤

28 ብታኒ ከሲደ ቤዳ። ኦግያን ፓንጋራሬዳ አሃን አሃ ማታን ኤቁዳ ሀርያን ጋሙዋ ደሚዳ፤ ጋሙ አሃ ሞቤና ዎይ ሀርያካ መንሐቤና።

29 ትምቢትያ ኦድያ ጭማ ብታኒ ጸሳ አሳ አሃ ደንሊደ፡ ሀርያ ዘክያን ዎሊደ፡ ዬካናውን ሞጋናው ጉየ ባረ ካታማ አኪደ አሄዳ።

30 ባረው ማክ ዎሌዳ ዲፋዋን አሃ ዎሌዳ፤ አ ቦላ፡ “አየ ታ እሻው! አየ ታ እሻው!” ያጊደ ዬኬድና።

31 ሞግ ሰሚደ ባረ ናና ሀዋዳን ያጌዳ፤ “ታን ሀይቂያ ዎደ፡ ጸሳ አሳይ ሞገቲዳ ዲፋዋን ታና ሞግተ፤ ታ መቀላቲዋካ አ መቀላቲዋ ጋጸን ዎሐተ።

32 እያው ጎፕ፡ ቤቴለ ካታማን ደእያ ያርሸያ ሳኦ ቦላን ሳማርያ ካታማቱዋን ደእያ ጎይንያ ዶቃ ሳኦቲ ቦላ መድና ጎዳይ እዛዘና ሄ ብታኒ ዎሶቁ ቱሙ ፖለታና” ያጌዳ።

እዮርባማ ጎልያ አሳ ዳይሳናው ጋሌዳ ናጋራ

33 ሄዋፕ ጉየና እዮርባማ ባረ ኢታ ኦግያፕ ሰምቤና፤ ሸን ጎይንያ ዶቃ ሳቶ ኡባ ቆዋ አሳፕ ቁሳቱ ዋ ጉጂደ ሰንሌዳ፤ ቁሳቱዋ ግዳናው ኮይያ እናን ጎይንያ ዶቃ ሳኦን ዎሌዳ።

34 እዮርባማ ጎልያ አሳ ኡንጋናውን ቢታ ቦላፕ ዳይሳናው ጋሌዳ ናጋራይ ሄዋ።

14

አኪይ እዮርባማ ቦላ ትምቢትያ ኦዴዳ

1 ሄ ዎደ እዮርባማ ናኦይ አቢ ሀርጌዳ።

2 ያትና፡ እዮርባማ ባረ ማቻቶ፡ “ደንዳይ ኔን እዮርባማ ማቻቶ ግድያዎ ኦንነ ኤረና ማላ፡ ነ ማዳዎ ላማ፤ ሴሎ ባ። ታን ሀ አሳ ቦላ ካተታናዎ ታው ኦዴዳ ትምቢትያ ኦድያ እኪ ያን ደኤ።

3 ታሙ ኡክላ፣ አማራዳ ኮምፑዋን እት ኦቲዋ ኤሳ አዉ አካደ አኮ ባ። ሀ ሀርጌዳ ናአይ ሀናናባ እ ነዉ ኦዳና” ያጌዳ።

4 እዮርባማ ማቻታ እ ጌዳዋዳን አላዲ፤ ደንዳደ አክያ ሶ ሴሎ ባዲ። አኪ ጸላናዉ ዳንዳየና፤ እ ጭሜዳ ድራዉ፣ አ አይፊ ደመና።

5 ሸን መድና ጎዳይ አክያ፣ “እዮርባማ ማቻታ ባረ ናአ ሀርጌዋ ኔና ኦቻናዉ ያዉ። ኔን እዝዉ ሀዋ ሀዋ ያጋደ ኦዳ። አ ያ ጋካደ ሀራ ማጫ አሳ ማላታናኑ” ያጌዳ።

6 ሄዋ ድራዉ፣ አኪ ማቻታ ፐንግያን ድአ ድእያዋ ሰሲደ ሀዋዳን ያጌዳ፤ “እዮርባማ ማቻቻ፣ አነ ሃ ገላ። እያዉ ሀዋዳን ሀራ አሳ ማላታድ? ታን ኢታ ዋርያ ነዉ ኦዳናዉ ኪተታድ።

7 ኔን እዮርባማባ ባደ ሀዋዳን ያጋ፤ “መድና ጎዳይ እስራኤልያ ጸሳይ ኔና፣ “ታን ኔና አሳ ግደፕ ዶቁሳድ፤ ታ አሳ እስራኤልያ ቦላ ኔና ካተያድ።

8 ታን ዳዊታ ዛርያፕ ካዉተላ ዋላ አካደ፣ ነዉ እማድ። ሸን ኔን ታ ቆማ ዳዊታ ማላ ግዳካ፤ እ ታ አዛዙዋ ናጌዳን ታ ሰንላን ሱረባ ጸላላ ኦሊድ፣ ባረ ኩመንላ ዋዛናን ታና ካሌዳ።

9 ኔፕ ካሰ ደኤዳ ኡባቱ ኦሌዳዋፕ ዳርያ ኢታ ኔን አላዳ፤ ኔን ነዉ ሀራ ጸሳቱዋ፣ ሴርሴዳ ብራታፕ ኤቃቱዋ መዳዳ። ያታደ ታና ሀንቀላዳ፤ ታና ኔፕ ጉየ አላዳ።

10 “ “ሄዋ ጋሱዋን ታን እዮርባማ ጎልያ አሳዉ ኢታ አሀና። እስራኤልያ ቢታን እዮርባማ ጎልያ አሳፕ አይልያ ግድና ላአ ግዲና፣ እት አቱማ አሳይን አተናን ዶቆላና። እት ኡራይ አሻይ ዉራና ጋካናዉ ከሰያዋዳን፣ እዮርባማ ጎልያ አሳ ታን ዉርሳ ከሳና።

11 እዮርባማ ዛርያ ግዲደ ካታማን ሀይቂያ ኦና ካናቱ ማና፤ ጋጸርያን ሀይቂያዋንታ ቃይ ሳሉዋ ካፎቱ ማና። ታን መድና ጎዳይ ሀዋ ኦዳድ!” ያጌዳ’ ያጋ።

12 “ኔና ግደፕ፣ ሀእ ኔን ደንዳደ ነ ሶ ባ። ነ ገዲ ካታማ ገልያ ዋደ፣ ናአይ ሀይቃና።

13 እስራኤልያ ኡባይ ናአዉ ዬኪደ ሞጋና፤ እዮርባማ ጎልያ አሳን መድና ጎዳ እስራኤልያ ጸሳ ሰንላን ሀ ናአን ሎኦባይ ቤቱዳ ድራዉ፣ እዮርባማ ጎልያ አሳፕ አ ጸላላይ ዱፋዋን ሞገታና።

14 “ሄዋፕ ጉይያን እዮርባማ ጎልያ አሳ ዶቆል ዳይሰያ ካትያ መድና ጎዳይ ባረዉ እስራኤልያ ቦላ ደንላና።

15 ሃላ ግደን ዋሹ ቃጽያዋዳን፣ መድና ጎዳይ ሄ ዋደ እስራኤላቱዋ ሸጪደ ቃላና። አሽር ግያ ጸሳትዉ ኡንቱንቱ ሞሰልያ ኤሲደ፣ መድና ጎዳ ሀንቀሌዳ ድራዉ፣ ኡንቱንታ አዋቶ እ እሜዳ ሎኦ ቢታፕ ኡንቱንታ ድጋና፤ ያቲደ ኡንቱንታ ኤፍራዲሳ ሻፋፕ ሄፍንላን ላላና።

16 እዮርባማ ኦሌዳ ናጋራ ድራዉን እስራኤልያ አሳ እ ኦሰሴዳ ናጋራ ድራዉ፣ ጸሳይ እስራኤልያ አግ ባሻና” ያጌዳ።

17 ሄዋፕ ጉይያን እዮርባማ ማቻታ ደንዳደ ባደ ትርጸ ጋካዲ። ጎልያ ፐንገ ጎጭላ የጲና ናአይ ሀይቂ እጌዳ።

18 ባረ ቆማ ትምቢትያ ኦድያ አክያ ባጋና መድና ጎዳይ ኦዳዋዳንካ አ ሞጌድና፤ እስራኤልያ አሳይ ኡባይ አዉ ዬኬዳ።

እዮርባማ ሀይቁዋ

19 እዮርባማ ሀይቁ ሀራባይ፣ አ ኦላቱን አ አይሱዋ ማራቱ እስራኤልያ ካተቱ ታርክያ ማጻፋቱዋን ጸፈት ኡቱዳ።

20 እዮርባማ ላታማን ላኡ ላይላ ካዉቲዳ። ሄዋፕ ጉይያን ሀይቂደ ባረ ማይዛን ጋከቲዳ። አ ኮታን አ ናአይ ናዳቢ ካዉቲዳ።

ይሁዳን እስራኤልያ ካተቱዋ
(14:21—16:34)

ይሁዳ ካትያ ርብአማ
(2 ኦዲዋ 11:5—12:15)

21 ሶሎሞና ናአ ርብአመ ይሁዳን ካዉቲዳ፤ ርብአመ ካተትያ ዋደ ላይላይ አዉ ኦይታማን እታ። መድና ጎዳይ ባረ ሰንላ ዋላናዉ እስራኤልያ ዛራቱዋ ካታማቱዋ ኡባ ግደፕ ደሬዳ የሩሳላመ ካታማን ርብአመ ታማን ላቱን ላይላ ካተቲዳ። አ ዳይ ሰንላይ ናአዋ፤ እዛ አሞና ጋደ አሳ።

22 ይሁዳ አሳቱ መድና ጎዳ ሰንላን ኢታባ ኦሌድና፤ ባረንቱ ኦሌዳ ናጋራን ኡንቱንቱ ባረንቱ አዋቱዋፕ አሊደ አ ቃናትሴድና።

23 ሄዋ ቦላካ ቃይ ኡንቱንቱ ባረንቶ ጎይንያ ቆቃ ሳአ፣ ኤቃ ሹቻቱዋን አሽር ጌተትያ ጸሳቱዋ ሞሰለቱዋ ቆቃ ደረቱዋ ኡባ ቦላን እርጸ ሞላቱዋ ኡባ ጋርሳን ኤሴድና።

24 ሀራይ አትና ኡንቱንቱ ጎይንያ ግሹዋን ጎይኦዋ ዋጋ አሊደ አቱማ አሳቱ አቱማ አሳቱዋና ሻርሙጽያዋንቱ ደአና። መድና ጎዳይ እስራኤላቱ ሰንላፕ ከሲደ የደርሴዳ ጋደ አሳቱ ሜዘቲዳ፣ ሄ ሸንይያ ኦሶቱዋ ኡባ እስራኤልያ አሳቱ ኦሌድና።

25 ርብአመ ካተቲዳ እቼሻንሎ ላይላን ግብጾ ካቲ ሺሻቅ የሩሳላመ ካታማ ቆሄዳ።

26 መድና ጎዳ ጌሻ ጎልያንን ካትያ ጎላን ደአያ ሚሻ፣ ሶሎሞን ቆጽሴዳ ዋርቃ ጎንዳለቱዋና ኡባ ቦንቂ አኪደ ቤዳ።

27 ያትና፣ ካቲ ርብአመ ሄ ጎንዳለቱዋ ድራዉ ናሃሰያ ብራታፕ ሀራ ጎንዳለቱዋ መድሴዳ፤ ኡንቱንቱ ናጊደ ዋላና ማላ ካትያ ጎልያ ፐንግያ ናግያዋንቱ ካፓቶ እሜዳ።

28 ካቲ መድና ጎዳ ጌሻ ጎልያ ብያ ዋደ ኡባን፣ ናግያዋንቱ ጎንዳለቱዋ ኦይቂድና። ሄዋፕ ሰሚደ ኡንቱንቱ ዛሪደ፣ ናግያዋንቱ ጎላን ዋሊና።

29 ርብአመ ሀይቁ ሀራባይን እ ኦሌዳባይ ኡባይ ይሁዳ ካተቱዋ ታርክያ ማጻፋን ጸፈት ኡቱዳ።

30 ርብአማን እዮርባማ ኡባ ዋደ ኦለቲደ ደኤድና።

31 ርብአመ ሀይቂደ ባረ ማይዛን ጋከቲዳ፤ እ ዳዊታ ካታማን ደአያ ባረ አዋቱዋ ዱፋዋን ሞገቲዳ። አ ዳይ ሰንላይ ናአዋ፤ እዛ አሞና

14:10 1 ካታ. 15:29 14:23 2 ካታ. 17:9-10 14:24 ዛረ. 23:17 14:26 1 ካታ. 10:16-17፤ 2 ካታ. 9:15-16

ጋድያ አሳ። ርብአማ ኮታን አ ናኦይ አቢ ካተቲዳ።

15

ይሁዳ ካትያ አብያ
(2 ኦዲዋ 13:1—14:1)

1 ናባጸ ናኦ እዮርባም ካተቲዳ ታማነ ሆሰፑንጎላ ላይላን አቢይ ይሁዳን ካተቲዳ።

2 አቢይ የሩሳላመን ሄዙ ላይላ ካተቲዳ። አ ዳያ አበሰሎማ ናት ናቶ፤ እ ሱንሳይ ማእኮ።

3 አፕ ካሰ አ አዉ ኦሌዳ ናጋራቱዋ ኡባ ኦሌዳ፤ አ ዋዛናይ አ አዉዋ አዉዋ አዉዋ ዳዊታ ዋዛናይ ፖሎ ግዴዳዋዳን መድና ጎዳዉ። ባረ ጸሳዉ ፖሎ ግድቤና።

4 ግድፒነ። አፕ ጉይያን የሩሳላመን ካተታና ማላን የሩሳላመ ሳርተላ ናጋና ማላ። መድና ጎዳይ አ ጸሳይ ዳዊታ ድራዉ አቢያዉ እት አቱማ ናኦ እማዳ።

5 ጸሳይ ሀዋ ኦሌዳ ጋሶታይ። ዳዊተ መድና ጎዳ ሰንላን ሱረባ ኦሌዳ፤ ሂትያ ኦርዮና ቦላ ናጋራ ኦሎንፕ አትና። ባረ ደኡዋ ላይላ ኡባን መድና ጎዳ አዛዙቱዋፕ እትባነ ናገናን አግቤና።

6 አቢይ ደኡዳ ላይላ ኡባን ርብአማ አሳናን እዮርባማ አሳና ኦላቲደ ደኡድና።

7 አቢይ ሀኔዳ ሀራባይነ እ ኦሌዳባይ ኡባይ ይሁዳ ካተቲ ታርክያ ማጻፋን ጸፈት ኡቲዳ። አቢይነ እዮርባም ኦላቲደ ደኡድና።

8 አቢይ ሀይቂደ ባረ ማይዛን ጋከቲዳ፤ እ ዳዊታ ካታማን ሞገቲዳ። አ ሳኦን አ ናኦይ አሳይ ካተቲዳ።

ይሁዳ ካትያ አሳ
(2 ኦዲዋ 15:16—16:6)

9 እስራኤልያ ካቲ እዮርባም ካተቲዳ ላታማንሎ ላይላን አሲ ይሁዳን ካተቲዳ።

10 አሲ የሩሳላመን ኦይታማን እት ላይላ ካተቲዳ። አ አዉዋ ዳይ ሱንሳይ ማእኮ፤ አ አበሰሎማ ናቶ።

11 አሲ ባረ ማይዛ አዉ ዳዊተ ኦሌዳዋዳን። መድና ጎዳ ሰንላን ሱረባ ኦሌዳ።

12 ጎይኖ ዋጋ ኦሌደ አቱማ አሲ ሻርሙጽያ አቱማ አሳቱዋ አሳይ ባረ ቢታፕ ጳይሴዳ፤ አፕ ካሰ ደኡዳ ካተቲ መዴዳ ኤቃ ሞሰለቱዋ ኡባ ዶቆለረላደ ኦሌዳ።

13 አ አዉዋ ዳያ ማእካካ አሽሮ ግያ ጸሳትዉ ቱና ኤቃ ሞሰልያ መዴዳ ድራዉ። ካትያ አቶ አ ጌተትያ ቦንቹዋፕ እዘ ድጌዳ። አሲ ሄ ኤቃ ሞሰልያ ቃንጸሬላደ። ቀድሮና ዛንጋራን ጹጌዳ።

14 አሲ ጎይንያ ዶቃ ሳኦ ጳይሰናን አጎፒነ። እ ባረ ደኡዳ ላይላ ኡባን መድና ጎዳዉ ዋዛናፕ አማነትያ አሳ ግዲደ ደኡዳ።

15 እነ አ አዉ ጸሳዉ ዲማይ ዋሌዳ ብራ። ዋርቃነ ሀራ ሚሻቱዋ አሂደ። ጸሳ ጌሻ ጎልያ ግድን ዋሌዳ።

16 ይሁዳ ካቲ አሰነ እስራኤልያ ካቲ ባእሽ። ባረንቱ ካተቲዳ ላይላ ኡባን ኦላቲድና።

17 እስራኤልያ ካቲ ባእሽ ይሁዳ ቦላ ዋራጃዳ፤ ማዩደ ይሁዳ ካትያ አሳ ቢታፕ ኦንነ

ገለናዳንነ ከሰናዳን ተአናዉ ራማ ካታማ ዩሹዋ ሞንሲደ ግምቤዳ።

18 ሄዋ ጋሱዋን ካቲ አሳይ መድና ጎዳ ጌሻ ጎልያንነ ባረ ካትያ ጎላን አቲዳ ዋርቃነ ብራ ኡባ ከሲደ። ባረ ኦሳንቻቱ ኩሽያን ዋሌዳ። ሄዘያና ናኦ ናኦ። ጸብርሞና ናኦዉ። ዳማሰቆ ካታማን ደእያ ሶርያ ካትያ ቦንሀዳዳዉ። እሞታ ኦሊደ የዲደ ሀዋዳን ያጌዳ።

19 “ካሰ ታ አዉዋናን ነ አቡና ጫቀቲዳዋዳን። አነ ታናናን ኔናና ጫቀቲይተ። ቦአ። ሀዋ ብራን ዋርቃ ታን ነዉ እሞታ እማናዉ የዲድ። እሰራኤልያ ካቲ ባእሽ ባረ ኦሳንቻቱዋ ታ ጋድያፕ ከሳና ማላ። ኔን ካሰ አናና ጫቀቲዳ ጫቁዋ ኮላ” ያጌዳ።

20 ቦንሀዳድ ካቲ አሲ ጌዳዋ ማዩደ። ባረ ኦላ ጋዳዎቱዋ እሰራኤልያ ካታማቱዋ ኦላናዉ የዴዳ። ኡንቲንቲ አይኖ። ዳናን አቤል-ቤትማእካ ጌተትያ ካታማቱዋ። ጋሊላ አባ ማታን ደእያ ቢታ። ንፍታሌማ ቢታናካ ጉጂደ ኡባ ጸኔድና።

21 ካቲ ባእሽ ሄዋ ሰሲደ። ራማ ካታማ ግምቤያዋ አጊደ። ትርጸ ካታማ ቤዳ።

22 ሄዋፕ ጉይያን ካቲ አሲ ይሁዳን ደእያ አሳ ኡባ አዛዚና እቲነ አተናን ደንዲደ። ባእሽ ካሰ ያን ጎኤትያ ሹቻነ ሞላ ራማፕ ኬዜድና። ካቲ አሲ ሞጽጳነ ቢንያማ ቢታን ደእያ ገባአ አን ሞንሲደ ግምቤዳ።

23 አሲ ሀኔዳ ሀራባይ። አ ሞኖተላ ኡባይ። አ ኦሌዳባይ ኡባይነ እ ኬጾዳ ካታማቱ ይሁዳ ካተቲ ታርክያ ማጻፋን ጸፈት ኡቲድና። ሽን እ ጫሚዳ ዋደ ገድያ ሳከቲዳ።

24 አሲ ሀይቂደ። ባረ ማይዛን ጋከቲዳ፤ ባረ ማይዛ አዉዋ ዳዊታ ካታማን ሞገቲዳ። አ ናኦይ ዮሳፌጸ አ ሳኦን ካተቲዳ።

እስራኤልያ ካትያ ናዳባ

25 ይሁዳ ካቲ አሲ ካተቲዳ ላኤንሎ ላይላ እዮርባማ ናኦይ ናዳባ እስራኤላን ካተቲዳ፤ እ እስራኤልያ ቢታን ላኡ ላይላ ካተቲዳ።

26 ናዳባ ካሰ ባረ አዉዋ ኦግያን እስራኤልያ አሳ እ ኦሰሴዳ አ ናጋራ ኦግያን ሀመቲደ። መድና ጎዳ ሰንላን ኢታባ ኦሌዳ።

27 ይሳኮራ ዛርያ ግዴዳ አኪያ ናኦይ ባእሽ ናዳባ ቦላ ማቀቲዳ። ሄ ዋደ ናዳብነ አ ኦላንቻቱ ፕልሰጾማን ደእያ ግባቶና ካታማ ዶዲደ ደአና።

28 ይሁዳ ካቲ አሲ ካተቲዳ ሄዘንሎ ላይላን ባእሽ ናዳባ ዋድደ፤ አ ሳኦን አ ባረዉ ካተቲዳ።

29 ባእሽ ካዉተላ ደሞ ሳናካ እዮርባማ ሶ አሳ ኡባ ዋድ ዉርሴዳ፤ መድና ጎዳይ ሴሎፕ ዬዳ ባረ ቆማ ትምቢትያ ኦድያ አኪያ ባጋና ኦዴዳዋዳንካ እዮርባማ ጎልያ አሳይ ኡባይ ሀይቂ ዉሬዳ።

30 ሄዋ ሀኔዳዋ እዮርባም ባረ ሁጲያዉ ኦሌዳ ናጋራ ድራሳ። እስራኤልያ አሳ እ ኦሰሴዳ ናጋራ ድራሳነ መድና ጎዳ እስራኤልያ ጸሳ ሀንቀሌዳ ድራሳ።

31 ናዳባ ሀኔዳ ሀራባይነ እ ኦሌዳባይ ኡባይ እስራኤልያ ካተቲ ታርክያ ማጻፋን ጸፈት ኡቲዳ።

32 ይሁዳ ካትያ አሰነ እስራኤልያ ካትያ ባእሽ ባረንቱ ካወተፋ ላይፋ ኡባን ኦለቲደ ደኤድኖ።

እስራኤልያ ካትያ ባእሻ

33 ይሁዳ ካቲ አሲ ካተቲዳ ሄዘንፉ ላይፋን አኪያ ናኦይ ባእሽ እስራኤልያ አሳ ኡባ ቦላ ካተቲዳ፤ እ ትርጸ ካታማን ላታማነ ኦይዱ ላይፋ ካተቲዳ።

34 እዮርባም እስራኤልያ አሳ ኦሰሴዳ ናጋራ ኦሊደነ አ ኦግያን ሀመቲደ፣ ባእሽ መቲና ጎዳ ሰንፋን ኢታባ ኦሌዳ።

16

1 ሀናና ናኦ ዬሁ ባጋና መቲና ጎዳ ቃላይ ባእሻባ ሀዋዲን ያጊደ ዬዳ፤

2 “ታን ኔና ባናፕ ደንፋደ ታ አሳ እስራኤልያ ቦላ ካቱዋ ከሳድ፤ ሸን ኔን እዮርባም ኦግያን ሀመታዳ። ቃይ ታ አሳ እስራኤልያ ናጋራ ኦሰሳደ፣ ኡንቱንቱ ናጋራን ታና ሀንቀፋዳ።

3 ሄዋ ድራወ፣ በአ! ታን ባእሻነ አ ጎልያ አሳ ፕታና ሀናይ። ባእሻ፣ ታን ነ ጎልያ አሳ ናባጸ ናኦ እዮርባም ጎልያ አሳዳን ኦፋና።

4 ባእሻ ዛርያ ግዲደ፣ ካታማን ሀይቂያ ኦናነ ካናይ ማና፤ ቃይ ጋጸርያን ሀይቂያ ኦናነ ሳሉዋ ካፎቱ ማና” ያጌዳ።

5 ባእሽ ሀኔዳ ሀራባይ፣ እ ኦሌዳባይነ አ ሞኖተፋ እስራኤልያ ካተቱ ታርክያ ማጻፋን ጸፈት ኡቲዳ።

6 ባእሽ ሀይቂደ ባረ ማይዛን ጋከቲዳ፤ ትርጸ ካታማን ሞገቲዳ። አ ናኦይ ኤል አ ሳኦን ካተቲዳ።

7 መቲና ጎዳይ ትምቢትያ ኦድያ ዬሁ ባጋና ባእሻ ቦላነ አ ሶ አሳ ቦላ ሄ ትምቢትያ ኦዳዳ ጋሱ ባእሽ ኦሌዳ ናጋራ ድራሳነ እዮርባምነ አ ሶ አሳይ ኦሌዳዋዳን፣ ኢታባ ኦሊደ፣ መቲና ጎዳ ሀንቀሌዳ ድራሳ። ቃይ እ እዮርባም ሶ አሳ ኡባ ዋቲ ወርሴዳ ድራሳ።

እስራኤልያ ካትያ ኤልያ

8 ይሁዳ ካቲ አሲ ካተቲዳ ላታማነ ኡሱቱንፋ ላይፋን ባእሻ ናኦይ ኤል እስራኤላን ካተቲዳ። ትርጸ ካታማን እ ላኡ ላይፋ ካተቲዳ።

9 ካትያ ኦላ ጋዳዋቱዋፕ እቱዋ ግዲደ፣ አ ፓራ ጋረቱዋፕ ባጋ አዛዝያ ዝምር ካትያ ቦላ ማቀቲዳ። ካቲ ኤል ሄ ዋደ ትርጸን ደእያ ካትያ ጎለወ አዋትያ አርጸ ሶን ትርጸን ማፉት ኡቲዳ።

10 ይሁዳ ካቲ አሲ ካተቲዳ ላታማነ ላቱንፋ ላይፋን ዝምር አርጸ ሶ ገሊደ ካትያ ዋቲደ፤ አ ሳኦን ባረወ ካተቲዳ።

11 ዝምር ካወቲደ፣ ካወተፋ አራታን ኡቶሳናካ ባእሻ ሶ አሳ ኡባ ዋቲዳ። ባእሻወ ዳቦ ግዲና ላገፋ ግዲና እት አቱማ አሳነ ፓጸ አሽቤና።

12 ትምቢትያ ኦድያ ዬሁ ባጋና መቲና ጎዳይ ባእሻ ቦላ ሃሳዬዳ ቃላዳን ዝምር ባእሻ ሶ አሳ ኡባ ዋቲ ዳይሴዳ።

13 ሄዋ ሀኔዳዌ ባእሽነ አ ናኦይ ኤል ባረንቱ ኤቃወ ጎይጊደ፣ ኦሌዳ ናጋራ ኡባ ጋሱዋን፤ እስራኤልያ አሳ ኦሰሴዳ ናጋራ ጋሱዋን፣ መቲና ጎዳ፣ እስራኤልያ ጸሳ ሀንቀሌዳ ድራሳ።

14 ኤል ሀኔዳ ሀራባይነ እ ኦሌዳባይ ኡባይ እስራኤልያ ካተቱ ታርክያ ማጻፋን ጸፈት ኡቲዳ።

እስራኤልያ ካትያ ዝምር

15 ይሁዳ ካቲ አሲ ካተቲዳ ላታማነ ላቱንፋ ላይፋን ዝምር ትርጸን ላቱን ጋላሳ ጸላላ ካተቲዳ። ሄ ዋደ እስራኤልያ ኦላንቻቱ ግባቶና ጌተትያ ፕልሰጾማ ካታማ ደዲደ ኡቲድኖ።

16 ደድ ኡቲዳ እስራኤላቱ ዝምር ካትያ ቦላ ማቀቲደ አ ዋቲዳዋ ሰሴዳ ዋደ፣ ኦላ ጋዳዋ ኦምራ ሄ ጋላሰካ ሄ ሳኦን እስራኤልያ ካትያ ከሲደ ካተቲድኖ።

17 ኦምርነ እናና ደእያ እስራኤልያ አሳይ ኡባይ ግባቶና ካታማፕ ከሲደ ቢደ፣ ትርጸ ካታማ ደዳድኖ።

18 ካታማይ ኦይቀትክቼዳዋ በኤዳ ዋደ፣ ዝምር ካትያ ጎልያ ግደን ደእያ ጌሱዋ ገሊደ፣ ካትያ ጎለን ታማ ኦይሌዳ፤ ያቲደ እካ ሀይቂዳ።

19 ሄዋ ሀኔዳዌ እዮርባም ኦሌዳ ናጋራን እስራኤልያ አሳ ኦሰሴዳ ናጋራ ካሊደ፣ ዝምር መቲና ጎዳ ሰንፋን ኢታባ ኦሌዳ ድራሳ።

20 ዝምር ሀኔዳ ሀራባይነ እ ማቂዳ ማቂ እስራኤልያ ካተቱ ታርክያ ማጻፋን ጸፈት ኡቲዳ።

እስራኤልያ ካትያ ኦምራ

21 ሄ ዋደ እስራኤልያ አሳይ ላኡ ከሲደ ሻከቲዳ። አሳፕ ባጋይ ግናታ ናኦ ቲብና ካተያናወ ኮይና፣ ባጋይ ቃይ ኦምራ ካተያናወ ኮይዳ።

22 ሸን ኦምራ ማድያ አሳይ ግናታ ናኦ ቲብና ማድያ አሳፕ ሞኔዳ። ሄዋ ድራወ፣ ቲብን ሀይቂና ኦምር ካተቲዳ።

23 ይሁዳ ካቲ አሳይ ካተቲዳ ሀታማነ እተንፋ ላይፋን ኦምር እስራኤልያ አሳ ቦላ ካተቲዳ። ታማነ ላኡ ላይፋ ሞዴዳ፤ ሄዋፕ ኡሱቱን ላይፋ ትርጸን ሞዴዳ።

24 ኦምር ሳማርያ ግያ ደርያ ሸሜራ ጌተትያ ብታንያፕ ኡሱቱን ሻኦ ጸጋራ ብራን ሻሜዳ፤ እት ካታማ እን ኬጾዳ። ያቲደ ሄ ካታማ ካሰ ሄ ደርያ ጎዳ ሱንፋን ሳማርያ ጊደ ሱንፋዳ።

25 ሸን ኦምር መቲና ጎዳ ሰንፋን ኢታባ ኦሌዳ፤ እ ባረፕ ካሰ ደኤዳ ካተቱዋ ኡባቱዋፕካ አቲያ ናጋራ ኦሌዳ።

26 ናባጸ ናኦይ እዮርባም ኦሌዳ ናጋራን እስራኤልያ አሳ ኦሰሴዳ ናጋራ ኦምር ካሌዳ፤ ሄ ኤቃወ ጎይንያ ሀናታይ መቲና ጎዳ እስራኤልያ ጸሳ ሀንቀሌዳ።

27 ኦምር ሀኔዳ ሀራባይ፣ እ ኦሌዳባይነ አ ሞኖተፋ እስራኤልያ ካተቱ ታርክያ ማጻፋን ጸፈት ኡቲዳ።

28 ኦምር ሀይቂደ ባረ ማይዛን ጋከቲዳ፤ ሳማርያ ካታማን ሞገቲዳ። አ ናኦይ አካብ አ ኮታን ካተቲዳ።

እስራኤልያ ካትያ አካባ

29 ይሁዳ ካቲ አሳይ ካተቲዳ ሀታማነ ሆሰቱንፋ ላይፋን ኦምራ ናኦይ አካብ እስራኤላን ካተቲዳ፤ ኦምራ ናኦይ አካብ ሳማርያ ካታማን እስራኤልያ ቦላ ላታማነ ላኡ ላይፋ ካተቲዳ።

30 ኦምራ ናኦይ አካብ ባረፕ ካሰ ዋደ ደኤዳ ካተቱዋ ኡባቱዋፕካ አቲያ ኢታባ መቲና ጎዳ ሰንፋን ኦሌዳ።

31 ናባጸ ናአይ እዮርባም ኦሌዳ ናጋራ ኦላያዋ ላፋባ ገደ ቆፕያዋ ጸላላ ግደናን ሲደናቱዋ ካትያ ኤትባኣላ ናቶ ኤልዛቤሎ ባረወ ማቾ ኦላ እኪይ፡ ባኣላ ጌተትያ ኤቃወ ኦላናውን ጎይናናው ደሚዳ፡፡

32 ሳማርያ ካታማን እ ኬጽሴዳ ባኣላ ኤቃ ጎሊን ባኣላው ያርሸያ ሳኣ ኬጽዳ፡፡

33 ቃይ እካብ አሼር ጌተትያ ጸሳት ሞሰልያ ኤሲደ፡ ባረፕ ካሰ ደኤዳ ካተቱዋ ኡባቱዋ፣ አሲደ መጅና ጎዳ እሰራኤልያ ጸሳ ሀንቀሳያ ናጋራ ኦሌዳ፡፡

34 እካባ ካውተላ ዋደ ቤቴለፕ ዬዳ ሂኤላ ጌተትያ እት ብታኒ ያርኮ ካታማ ዛረሊደ ኬጽዳ፡፡ ነዊ ናኣ ኢያሱ ባጋና መጅና ጎዳይ ኦዳዳዋዳን፡ ሂኤል ያርኮ ኬጸናው ባሰያ ዋደ፡ አቢራማ ጌተትያ እ ባይራ ናአይ ሀይቄዳ፤ ቃይ ፕንግያ አሳያ ዋደ ሳጉባ ጌተትያ እ ወርሰላ ቴፋ ናአይ ሀይቄዳ፡፡

17

ናብያ ኤላሳ (1 ካታ. 17:1—19:21)

1 ጋላኣደን ትሸበ ግያ ሳፕ ዬዳ፡ ትምቢትያ ኦድያ ኤላሳ ጌተትያ እት ብታኒ ካትያ እካባ ሀዋዳን ያጌዳ፤ “ታን አወ ኦላያ መጅና ጎዳይ እሰራኤልያ ጸሳይ ኤር! ሀ ሰንላና ይያ ላይላቱዋን ታን ኦድናን ደእሸን፡ ሳኣን እራይ ቡከና ዋይ ከተርሳይ ቤተና” ያጌዳ፡፡

2 ሄዋፕ ሰሚደ መጅና ጎዳ ቃላይ ትምቢትያ ኦድያ ኤላሳኮ ዪደ አ ሀዋዳን ያጌዳ፤

3 “ሀዋፕ ደንዳደ አዋይ ዶልያ ባጋ ባ፤ ያን ዮርዳኖሳ ሻፋፕ አዋይ ዶልያ ባጋና ደእያ ካሪታ ሻፋ ማታን ቆሰታ፡፡

4 ኔን ሄ ሻፋፕ ሃላ ኡሻና፤ ቁራቱ ኔና ሄ ሳኣን ቁማ ሞዛናዳን ታን ኡንቱንታ አዛዛድ” ያጌዳ፡፡

5 ኤላሰ መጅና ጎዳይ ጌዳዋ ኦሌዳ፤ ዮርዳኖሳ ሻፋፕ አዋይ ዶልያ ባጋና ደእያ ካሪታ ሻፋ ቢደ፡ ያን ኡቴዳ፡፡

6 ዋንታን ኦማርሰ ቁራቱ ኡክላን አሹዋ ኤላሳው አሂና፤ ሃላካ ሻፋፕ ኡሼ፡፡

7 ጋድያን እራይ ቡከና ድራው፡ ጉላ ዋድያፕ ጉይያን ሻፋይ መሌዳ፡፡

ኤላሳን ሰራፍታን ደእያ አምአቶ

8 ሄዋፕ ጉይያን መጅና ጎዳ ቃላይ ኤላሳኮ ዪደ፡ አ ሀዋዳን ያጌዳ፤

9 “ሀ ሳፕ ደንዳደ፡ ሲደና ማታን ደእያ ሰራፍታ ባ፤ ያን ደእሻ፡ እት አምኤ ሞሽራታ ኔና ቁማ ሞዛናዳን ታን አዛዛድ” ያጌዳ፡፡

10 ኤላሰ ደንዳደ ሰራፍታ ቤዳ፤ እ ካታማ ፕንግያኮ ጋክያ ዋደ፡ እት አምኤ ሞሽራታ ሞላ ሞጸው፡፡ ኤላሰ ሞሽራቶ ጸሲደ፡ “ሀያና፡ ታወ ኡሻናው ሃላ ቡልያን አካ ያርኪ” ያጌዳ፡፡

11 ሞሽራታ ሃላ አሀናው ቢሸን እ ጸሲደ፡ “ሀያና ጉላ ባሶ ኡክላካ አካደ ያርኪ” ያጌዳ፡፡

12 ሞሽራታ አው፡ “መጅና ጎዳይ ነ ጸሳይ ኤር! ታወ ኡክላይ ባዋ፡ ታወ ኡቱዋን እት

ኩቻ ጳሊን ጸሩዋን ጉላ ዛይተ ጸላላይ ደኤ፡፡ ታን ሀዋ ዬዳዌ ጉላ ሞላ ሞጸደ፡ ሶ ሰማደ፡ ሀኖካ ታውን ታ ናአው እት ገደ ኡካናሳን ሚደ ሀይቃናሳ” ያጋዱ፡፡

13 ኤላሰ ሞሽራታው፡ “አየነ ባዋ፡ ያዮፓ፤ ባደ ኔና ጌዳዋዳን ኦላ፡፡ ሸን ካሰታደ ነ ድልያፕ ጉላ ኮምፑዋ ኮምፓደ ታወ እካ ያ፤ ሄዋፕ ሰማደ ነውን ነ ናአው ኮምፓ፡፡

14 አያው ጎፕ፡ መጅና ጎዳይ እሰራኤልያ ጸሳይ፡ “ሳኣ ቦላን መጅና ጎዳይ እራ ቡክሳና ጋካናው፡ ጳሊ ኡቱዋፕ ወረና፤ ዛይቲካ ጸሩዋፕ ወረና” ያጌዳ፡፡

15 ሄዋ ድራው፡ ሞሽራታ ባደ፡ ኤላሰ ኦዳዳዋዳን ኦላዳ፤ ሄዋን ኤላሰ፡ ሞሽራታን እ ሶ አሳይ ኡባ ጋላሰ ቁማ ሚድና፡፡

16 አያው ጎፕ፡ መጅና ጎዳይ ኤላሳ ባጋና ኦዳዳ ቃላ ናጊደ፡ ኡቱዋፕ ጳሊ ወርቤናን ጸሩዋፕ ዛይቲካ ወርቤና፡፡

17 ጉላ ዋድያፕ ጉይያን ሄ ጎልያ ጎዳት ናአይ ሀርጌዳ፤ ሀርጌ ጎብ ጎብ ቢና፡ ወርሰላን ናአይ ሸምፑዋ ተኤቲደ ሀይቄዳ፡፡

18 ያትና፡ ሞሽራታ ኤላሳ፡ “ጸሳ አሳው፡ ኔን ታና ሞርክያባይ እያን? ኔን ታ ናጋራ ሀሳይሳደ ታ ናኣ ዋቆናው ያድ?” ያጋዱ፡፡

19 ኤላሰ እዞ፡ “ነ ናኣ ታወ ሀማ” ያጌዳ፡፡ ናኣ እ ክወዋፕ አኪደ፡ ፑደ ባረ ደእያ ፖቅያ አፊደ ባረ አርሳን ግሰሴዳ፡፡

20 ያቲደ መጅና ጎዳው ሀዋዳን ያጊደ ዋሴዳ፤ “አቤት መጅና ጎዳው፡ ታ ጸሳው፡ ቃይ ሀ ታን ደእያ ሞሽራት አምአት ናኣ ዋቆደ፡ እ ቦላካ መቱዋ እያይ?” ያጌዳ፡፡

21 ሄዋፕ ሰሚደ ናኣ ቦላ ሄዙ ገደ ዛቁሊደ፡ መጅና ጎዳው ሀዋዳን ያጊደ ዋሴዳ፤ “አቤት መጅና ጎዳው፡ ታ ጸሳው፡ ሀ ናኣ ሸምፑዋ ዛራ” ያጌዳ፡፡

22 መጅና ጎዳይ ኤላሳ ዋሱዋ ሰሴዳ፡ ናኣ ሸምፑካ ሰምና፡ ናአይ ፓጾዳ፡፡

23 ኤላሰ ናኣ እኪደ ፖቅያፕ ዱገ ዋቆዳ፤ ናኣ አትወ እሚደ ሀዋዳን ያጌዳ፤ “ቦአ፡ ነ ናአይ ፓጾዳ” ያጌዳ፡፡

24 ሄዋፕ ጉይያን ሞሽራታ ኤላሳ፡ “ኔን ጸሳ አሳ ግዴዳዋን ነ ደናፕ ኦደትያ መጅና ጎዳ ቃላይ ቱማ ግዴዳዋ ታን ሀእ ኤራድ” ያጋዱ፡፡

18

ኤላሳን ባኣላ ናባቱዋ

1 እራይ ጳዮደፕ ሄዘንሉ ላይላን፡ ኡንደና አግናይ አጅና መጅና ጎዳይ ኤላሳ፡ “ባ፤ ካትያ አካባቢ ቤታ፡፡ ታን ሀ ቢታን እራ ቡክሳና” ያጌዳ፡፡

2 ኤላሰ አካባቢ ቤታናው ደንዳደ ቤዳ፡፡ ሄ ዋደ ሳማርያን ዋልቃማ ኮሻይ ደኤ፡፡

3 እካብ ባረ ጎለው አዋትያ ኦባድያ ጸሴዳ፡፡ ኦባድ መጅና ጎዳ ሞንሲደ አማንያ አሳ፡፡

4 ኤልዛቤላ መጅና ጎዳ ሱንላን ትምቢትያ ኦድያዋንታ ዋቆሰያ ዋደ፡ ኦባድ ኡንቱንቱፕ ጸታቱዋ አኪደ፡ እሻታሙዋ እሻታሙዋ ሻክ፡፡

16:34 ኢያሳ 6:26 17:1 ያቆባ 5:17 17:9 ሉቃሳ 4:25-26 17:21 2 ካታ. 4:34-35

ጎንጎሎቱዋ ግድን ቆሲደ፡ ካላ ሞዚደ ሃላካ ኡሺደ ዋሌዳ።

5 አካብ ኦባድያ ዴሲደ፡ “ጋድያን ሳኦን ፑልቱ ደእያ ሳኦ ኡባን ሻፋ ፑልቱዋ ኡባ ባ። ኦን ኤሪ፡ ኦን ማታ ደሚደ ፓራቱዋን ባቁሎቱዋ ዋግናን አሻናዌንቶን” ያጌዳ።

6 ኤንቱንቱ ቢታ ሻክ ሻክ አክና፡ አካብ እት ኦግያ ኦይቂደ ባረካ ቤዳ፤ ቃይ ኦባደካ ሀራ ኦግያ ኦይቂደ ባረካ ቤዳ።

7 ኦባድይ ባረ ኦግያ ኦይቂደ ቢሸን፡ ኤላሰ አናና ጋከቱዳ። ኦባድ ኤላሳ ኤሪደ ባረ ዳሙዋን ጉፋኒደ፡ “ታ ጎዳዉ ኤላሳ፡ ሀዌ ኔኔየ?” ያጌዳ።

8 ኤላሰ አዉ፡ “ኤ ታና፡ ኔን ባደ፡ ኤላሰ ሀዋን ደኤ’ ያጋደ ነ ጎዳዉ ኦዳ” ያጌዳ።

9 ኦባድ ኤላሳዉ፡ “ታን ኔና አይ ናቂኔ ኔን ታና ነ ቆማ ሀይቆ ጋደ አካባ ኩሸያን አላ እምያዌ?”

10 መድና ጎዳይ ነ ጸሳይ ኤር! ታ ጎዳይ ኔና ኮይሳናዉ ከትቤና ደሪ ዋይ ካዉተሐ ኡባካ ባዋ። ኤንቱንቱ፡ ኤላሰ ሀዋን ባዋ’ ያግያ ዋደ፡ ኔን ሄዋን ባይናዌ ቱማ ግድያዋ ኤራናዉ አካብ ደርያ ሞድያዋንታ ጫቂሴዳ።

11 ሀእ ኔን ታና፡ ባደ ነ ጎዳዉ፡ ኤላሰ ሀዋን ደኤ’ ያጋደ ኦዳ ያጋሳ።

12 ታን ኔና የጋደ ቦዋን፡ መድና ጎዳ አያናይ ኔና ደንሴደ፡ ታን ኤረና ሳኦ አፋና። ታን አካባዉ ኦድና፡ እ ኔና ደማና ቆዮ፡ ታና ዋቆና። ታን ነ ቆማይ ናአተላደ፡ ደማደ መድና ጎዳዉ ያይያ አሳ።

13 ኤልዛቤላ መድና ጎዳ ሱንላን ትምቢትያ ኦድያዋንታ ዋድሱያ ዋደ፡ ታን መድና ጎዳ ናባቱዋ፡ ጸቱዋ አካደ፡ አሻታሙዋ አሻታሙዋ እት ጎንጎሎዋን ቆሳደ፡ ቁማ ሞዛድን ሃላካ ኡሻደ። ያትና፡ ሀ ታን ኦሌዳባይ ነዉ ታ ጎዳዉ ኦደትቤኔየ?

14 ሀእ ቃይ ኔን ታና፡ ባደ ነ ጎዳዉ፡ ኤላሰ ሀዋን ደኤ’ ያጋደ ኦዳ ያጋሳ። ኦደ፡ እ ታና ዋቆና” ያጌዳ።

15 ኤላሰ አ፡ “ታን አዉ አዛዘትያ፡ ኡባ፡ ዋልቃማ መድና ጎዳይ ኤር! ቱማ ታን ሀቼ አካባዉ ቤታና” ያጌዳ።

16 ኦባድ አካባና ጋከታናዉ ቤዳ፤ አካባዉ ኦዳዳ። አካብ ኤላሳና ጋከታናዉ ቤዳ።

17 አካብ ኤላሳ ቦኤዳ ዋደ፡ “አሰራኤልያ ጋድያ አላ የግያዌ፡ ላ ሀዌ ኔኔ?” ያጌዳ።

18 ኤላሰ አካባ፡ “አሰራኤልያ ቢታ አላ የግያዌ ታና ግድከ። መድና ጎዳ አዛዘቱ አገደ፡ ባኦላ ኤቃቶ ጎይደደ፡ ቢታ አላ የግያዌ ኔና ነ አዉዋ ሶ አሳ።

19 ሀእ አሰራኤልያ አሳ ኡባ ቃርመሎሳ ደርያ ታኮ ሸቫ፤ ቃይ ኤልዛቤላ ማዳ፡ ሞያ ትምቢትያ ኦድያዋንታ ኡባ ኤንቱንቱና እት፡ ሄ ሳኦ ሸቫ። ሄዋንቱካ ባኦላ ሱንላን ትምቢትያ ኦድያ ኦይዱ ዴታን አሻታማቱዋን አሸር ሱንላን ትምቢትያ ኦድያ ኦይዱ ዴታቱዋ” ያጌዳ።

20 ሄዋ ድራዉ፡ አካብ ከቲደ፡ አሰራኤልያ አሳ ኡባን ትምቢትያ ኦድያዋንታ ቃርመሎሳ ደርያ ሸሹዳ።

21 ኤላሰ ሸቆዳ አሳኮ ቢደ፡ “አዉደ ጋካናዉ ላኡ ቆፋን ባንቱ? መድና ጎዳይ ጸሳ ግደ፡ እ ካልተ፤ ግደናን ባኦላ ግደ፡ እን አካ ካልተ” ያጌዳ። አሳይ አዉ ቃላን ቃተናን ጮኡ ጌዳ።

22 ሄዋ፡ ጌይያን ኤላሰ አሳዉ ሀዋዳን ያጌዳ፤ “መድና ጎዳ ሱንላን ትምቢትያ ኦድያዋንቱ፡ ታ ጸላላይ አታድ፤ ሸን ባኦላ ሱንላን ትምቢትያ ኦድያዋንቱ ኦይዱ ዴታን አሻታማ።

23 እነ ኡዉ ላኡ ኮሩማ ቦራቱ አመትና። ሄ ኮሩማቱዋ፡ እቱዋ ኤንቱንቱ ደርና፤ ኮሩማ ሹኪደ ቃንጸራልና፤ ያቲደ አሹዋ ሞላ ቦላ ዋልና፤ ሸን ታማ ኤላሳና። ታንካ ላኤንላ ኮሩማ ግግሳደ፡ ሞላ ቦላ ዋልና፤ ታንካ ታማ ኤላሰ።

24 ህንተንቱ ህንተንቱ ጸሳ ሱንላ ዴሰተ፤ ታንካ መድና ጎዳ ሱንላ ዴሰና። ኮዱደ፡ ያርሹዋ ሞያ ታማ ከትያ ጸሳይ ጸሳ ግደ” ያጌዳ።

አሳይ፡ “ሀዌ ሎኦ ቆፋ” ያገደ ማዬዳ።

25 ሄዋ ድራዉ፡ ኤላሰ ባኦላ ሱንላን ትምቢትያ ኦድያዋንታ፡ “ህንተንቱ ጮራ ግድያ ድራዉ፡ እት ኮሩማ ደር አኪደ፡ ካሰቲደ ግግሰተ። ያቲደ ህንተንቱ ጸሳ ሱንላ ዴሰተ፤ ሸን እን ታማ ኤላሳተ” ያጌዳ።

26 ኤንቱንቱ ባረንቶ እመቱዳ ኮሩማ አኪደ ግግሴድና።

ዋንታ፡ ሴታ ጋላሰ ጋካናዉ፡ ባኦላ ሱንላ ዴሰደ፡ “ሀይ ባኦላ፡ ኦ ዋሳ ሰሳ” ያገደ ዋሴድና። ሸን ሰሰትያ ኮሻይ ባዋ፤ እት አሳይን ኮይቤና። ያትና፡ ባረንቱ ግግሴዳ ያርሸያ ሳኦ ዩይ አዲደ ዱራድና።

27 ሳኦይ ሴታ ጋላሳ ግድና፡ ኤላሰ ኤንቱንቱ ቦላ፡ “ህንተንቱ ቃላ ቶቁ አሊደ ዋሰተ! እ ጸሳ ግደኔ! ኦን ኤሪ፡ እ ቆፋን ሸኬደንቶ፡ ዋይ አዉ ከታይ ዳሪደንቶ፡ ዋይ ሄራ ከሴደንቶ፡ ዋይ ገምእሹዳዋ ግደ፡ ደንላናዉ ኮሸ!” ያገደ ቅሊጮዳ።

28 ያግና ባረንቱ ቃላ ቶቁ አሊደ ዋሴድና። ቃይ ካሰ ባረንቱ ጎይንያ ዋጋዳን ባረንቱ ቦላና ሱላይ ጎጋና ጋካናዉ ቶራንን ማሻን ባረንታ ጫዴድና።

29 ያርሹዋ ሸሸያ ኦማርሳይ ጋካናዉ ኤንቱንቱ ሄዋዳን ሀኒደ፡ ትምቢትያ ኦዲና፤ ሸን ሰሰትያ ኮሻይ ባዋ። ኤንቱንቱባ ሀይዚደ ዛር እምያባይ አቱን ባዋ።

30 ያትና፡ ኤላሰ አሳ ኡባዉ፡ “ሃ ታኮ ሸቅተ” ያጌዳ። አሳይ አኮ ሸቅና፡ መድና ጎዳዉ ያርሸያ ሳኦ ኮላት ክቼዳዋ ዛረሊደ ግምቤዳ።

31 መድና ጎዳ ቃላይ ያቆባኮ ዩደ፡ “ሃ ሱንላይ አሰራኤልያ ግዳናዋ” ያገደ ኦዳዳ ያቆባ ናና ዛራቱዋ ፓይዱዋዳን ኤላሰ ታማን ላኡ ሹቻቱዋ አኪዳ።

32 መድና ጎዳ ሱንላዉ ሄ ሹቻቱዋን ያርሸያ ሳኦ ግምቤዳ። ታማን ኦይዱ ባላ ሃላ ትግና አክያ ኦላ ያርሸያ ሳኦ ዩሹዋን ቦኬዳ።

33 ሄዋ፡ ጌይያን ያርሸያ ሳኦ ቦላ ሞላ ግግሰ ዋሊደ፡ ኮሩማ አሹዋ አ ቆሙዋን ቆሙዋን ቃንጸራሊደ፡ ሞላ ቦላ ዋሊደ። አሳቱዋ፡ “ኦይዱ ባላቱዋን ሃላ ኩንሊደ፡ ዴጋና ያርሹዋ ቦላን ሞላ ቦላ ጉሰተ” ያጌዳ፤ ኤንቱንቱ ጉሴድና።

34 ያትና፡ ኤላስ አሳቱዋ፡ “ላኢንሉዋካ ጉጅተ” ያጌዳ፤ ኢንቱንቱ ላኢንሉዋ ጉጅድና።

ቃይካ ኤላስ አሳቱዋ፡ “ሄዘንሉዋካ ጉጅተ” ያጌዳ፤ ሄዘንሉዋካ ጉጅድና።

35 ሃላይ ያርሽያ ሳኦ ዩሹዋን ጎጊደ ኦላን ሃላይ ኩሜዳ።

36 አማርሳ ያርሹዋ ሺሽያ ዋዲ ጋክና፡ ትምቢትያ ኦድያ ኤላስ ያርሽያ ሳኦ ሸቂደ ሀዋዲን ያጊደ ዋሴዳ፤ “አቤት መድና ጎዳወ፡ አብራሃማ ጸሳወ፡ ይሳቃ ጸሳወ፡ እስራኤልያ ጸሳወ፡ ኔን እስራኤልያ ቢታን ጸሳ ግድያዌ፤ ታንካ ነ ቆማ ግድያዌ፤ ቃይ ታን ሀዋ ኡባ ነ ቃላን ኦልያዌ ሀቼ ኤረቶ።

37 አቤት መድና ጎዳወ፡ ኮያ! ኔን መድና ጎዳይ ጸሳ ግድያዋን ኔን ኢንቱንቱ ዋዛና ኔኮ ዛራደ ደእያዋ ሀ አሳቱ ኤራናዳን ኔን ታወ ኮያ!” ያጌዳ።

38 መድና ጎዳ ታማይ ዋዲደ፡ ጸግያ ያርሹዋ፡ ሞላ፡ ሹቻን ቢታ ሜዳ፤ ኦላ ግደን ደእያ ሃላካ ላጩዳ።

39 አሳይ ኡባይ ሄዋ በኤዳ ዋደ፡ ባረንቱ ዳሙዋን ጉፋኒደ፡ “መድና ጎዳይ ጸሳ! መድና ጎዳ ጸላላይ ጸሳ!” ያጌድና።

40 ሄዋጥ ጉይያን ኤላስ ኢንቱንታ፡ “ባኣላ ሱንላን ትምቢትያ ኦድያዋንታ ኦይቂተ። ኢንቱንቱጥ እት አሳይን ከሰ አከደ ቦፖ” ያጌዳ። ኢንቱንታ ኦይቂድና፤ ኤላስ ኢንቱንታ ቂሻና ሻፋ አፊደ ዋዲዳ።

ጸሳይ እራ ቡክሴዳ

41 ኤላስ አካባ፡ “ከሳደ ባ፤ ማ ኡሻ፡ አያወ ጎጥ፡ ዋልቃማ እራ ጉንላይ ሰሰቱ” ያጌዳ።

42 ሄዋ ድራወ፡ አካብ ማናወን ኡሻናወ ቤዳ፡ ሽን ኤላስ ቃርመሎሳ ደርያ ጸራ ከሴዳ፤ ባረ ዳሙዋ ባረ ጉልባታቱ ግደ ዲገ ገልሲደ ጉፋኔዳ።

43 ሄዋጥ ጉይያን ኤላስ ባረ ቆማ፡ “ባ፤ ጉደ ከሳደ እነ አባኮ ዛራደ ጸላ” ያጌዳ።

አ ቆማይ ብ ጸሊደ አወ፡ “አያይን ባዋ” ያጌዳ።

ኤላስ ባረ ቆማ ላጥን ካላ፡ “ቃይካ እነ ጸላ” ያጌዳ።

ቆማይ ላጥ ገደ ጸሊደ።

44 ላጥን ገደ ጸላና፡ “በኦ፡ አሳ ኩሽያ ኬሻ ሻሪ አባጥ ከሴዳ” ያጌዳ።

ኤላስ ባረ ቆማ፡ “ባ፤ አካባ፡ ኣራይ ኔና ቡሳ ድገናዳን፡ ነ ገራ ጋርያን ኡታደ፡ ዲገ ነ ሱ ዋዳ” ያጌዳ።

45 ጉላ ኬሻ ጋምእሽን፡ ሳሉ ሻርያን ቆሜዳ፤ ጫርኩካ ጫርኩዳ፤ ዋልቃማ እራይካ ቡኩዳ። አካብ ገራ ጋርያን ኡቲደ እዝራኤላ ካታማ ቤዳ።

46 መድና ጎዳ ዋልቃይ ኤላሳ ቦላ ዋዲዳ፤ ኤላስ ካባ ሳቂያን ጉደ ሰርቂደ፡ እዝራኤላ ካታማ ጋካናወ አካባጥ ሰንሳቲደ ዋዲዳ።

19

ኤላስ ሲና ደርያ ቤዳ

1 ኤላስ ኦሎዳዋ ኡባን ባኣላ ሱንላን ትምቢትያ ኦድያዋንታ ኡባ ማሻን እ ዋት ዋዲደንቶ አካብ ኤልዛቤልወ አዴዳ።

2 ኤልዛቤላ፡ “ኔን ሄ ትምቢትያ ኦድያዋንታ ኦሎዳዋዳን፡ ዋንት ሀኖደ ታን ኔና ኦላና ቆዮጥ፡ ጸሳቱ ታና ዋዳና” ያጋደ ኤላሳወ ኪታዲ።

3 ኤላስ ባረ ሸምፖ ያዩደ፡ ይሁዳ ቢታን ደእያ በርሳብሀ ዩዳ። ባረ ቆማ ሄዋን የጊደ።

4 ባረካ እት ጋላሳ ኦግያ ዋራን ሀመቲዳ። ቢደ እት ሳንካራ ኩዋን ኡቲደ፡ “አቤት መድና ጎዳወ፡ ታወ ግዳናዋ፤ ታን ታ ማይዛ አዋቱዋጥ ኬክከ። ታ ሸምፑዋ አካ” ያጊደ ሀይቃናወ ዋሴዳ።

5 ሄዋጥ ጉይያን ሳንካራ ኩዋን ዛቂሊደ ገምእሼዳ፤ እት ኪታንቻይ አ ቦቹደ፡ “ደንዳደ ማ” ያጌዳ።

6 እ ጸልያ ዋደ፡ ሆኦ ሹቻ ምሹዋን ኡከቲዳ ኮምፖ ኡክላይን ኡቱዋ ሃላይ አ ሁጲሳን ደእያዋ በኤዳ። ሚደ ኡሹዳን፤ ያቲደ ጉየ ግሴዳ።

7 መድና ጎዳ ኪታንቻይ ላኢንሉዋ ዩደ ኤላሳ ቦቹደ፡ “ኔን ባና ኦጊ ዳር አዴሳ ግድያ ድራወ፡ ደንዳደ ማ” ያጌዳ።

8 ኤላስ ደንዳደ ሜዳን ኡሹዳን፡ ሄ እ ሜዳ ቁማ ዋልቃን ጸሳ ደርያ ሲና ጋካናወ፡ ኦይታሙ ጋላሳን ኦይታሙ ቃማ ሀመቲዳ።

9 ሄ ሳኣን ደእያ ጎንጎሉዋ ግደ ገሊደ አቁዳ። መድና ጎዳይ አ፡ “ኤላሳ፤ ሀዋን አይ አላይ?” ያጌዳ።

10 ኤላስ፡ “ኡባጥ ዋልቃማ መድና ጎዳወ ጸሳወ ታን ዳርጥ ምሽታድ። አያወ ጎጥ፡ እስራኤልያ አሳይ ኔናና ጫቀቲዳ ጫቁዋ መንሌዳ፤ ነወ ያርሽያ ሳኣካ ክንቼዳ፤ ነ ሱንላን ትምቢትያ ኦድያዋንታካ ማሻን ዋዲዳ። ያትና፡ ታን ታረካ አታድ፤ ሀእ ኢንቱንቱ ታ ሸምፑዋካ አካናወ ኮይኖ” ያጌዳ።

11 መድና ጎዳይ አ፡ “ሄዋጥ ከሳ ባደ፡ ደርያ ሁጲያን ታ ሰንላን ኤኦ” ያጌዳ። ኤላስ ኤቂደእሽን መድና ጎዳይ አ ማታና አዴዳ። ሄ ዋደ ምኖ ዋልቃማ ጫርኩ ደርያ ጸልቀሬዳ፤ ዛላቱዋካ ክንቼሬዳ፤ ሽን መድና ጎዳይ ሄ ጫርኩዋ ግደን ባዋ። ጫርኩዋጥ ሰምና ቢታይ ቃዴዳ፤ ሽን መድና ጎዳይ ሄ ቢታ ጋጸንካ ባዋ።

12 ቢታ ጋጸጥ ሰምና ታማይ ከሴዳ፤ ሽን መድና ጎዳይ ታማ ግዴዋን ባዋ። ታማጥ ሰምና ሳሱከላይ ሰሰቲዳ።

13 ኤላስ ሄ ሳሱከላ ሰሴዳ ዋደ፡ ባረ ዳሙዋ ካባን ካሜዳ። ያቲደ ካረ ከሲደ ጎንጎሉዋ ጥንግያን ኤቁዳ።

ኤላሳኮ ኮሻይ ዩደ፡ “ኤላሳ፡ ሀዋን አይ አላይ?” ያጌዳ።

14 ኤላስ፡ “ኡባጥ ዋልቃማ መድና ጎዳ ጸሳወ ታን ዳርጥ ምሽታድ። አያወ ጎጥ፡ እስራኤልያ አሳይ ኔናና ጫቀቲዳ ጫቁዋ አዴዳ፤ ነወ ያርሽያ ሳካ ክንቼዳ፤ ነ ሱንላን ትምቢትያ ኦድያዋንታካ ማሻን ዋዲዳ። ያትና፡ ታን ታረካ አታድ፤ ሀእ ኢንቱንቱ ታ ሸምፑዋካ አካናወ ኮይኖ” ያጌዳ።

15 መድና ጎዳይ ኤላሳ፡ “ኔን ዬዳ ሳኣና ስማደ፡ ዳማሰቆ ሳዙዋ ባ። ያ ጋካደ፡ ሀዛኤል ሶርያ ቦላ ካተታናዳን ኦካ።

16 ቃይ ንምሻ ናኣይ ዬሁ እሰራኤልያ ቦላ ካተታናዳን ኦካ። ነ ሳኣን ትምቢትያ ኦዳናዳን እቤል ማሆላፕ ዬዳ ሻፋጻ ናኣ ኤልሳኣ ኦካ።

17 ሀዛኤላ ማሻፕ ከሰ እክያ ኡባ ዬሁ ዋዳና፤ ቃይ ዬሁ ማሻፕ ከሰ እክያ ኡባ ኤልሳኣ ዋዳና።

18 ባኣላዉ ጉልባትቤና ዋይ ባረንቱ ዶናን ባኣላ ኤቃ የርቤና ላፑን ሻኣ ኣሳ ታን እሰራኤልያን ታዉ አሻና” ያጌዳ።

ኤላሰ ኤልሳኣ ጸሴዳ

19 ኤላሰ ሄ ሳፕ ደንድ ቢደ፡ ሻፋጻ ናኣይ ኤልሳኣ ታማነ ላኡ ዋላ ቦራን ጋድያ ጎሽያዋ ደሜዳ፤ ታማነ ላኤንላ ዋላ ኤልሳኣ ባረ ሁጲያዉ ኦይቀደ ጎሼ። ኤላሰ ኣ ማታና ኦዲደ፡ ባረ ካባ ኣ ማይዜዳ።

20 ኤልሳኣ ቦራቱዋ የግ አግ፡ ኤላሳ ጌዲዋ ዋዲደ፡ “ታን ታ ኣዉዋነ ታ ዳዮ ሳሩዋን ጋደ፡ የራ ኣካደ፡ ሄዋፕ ስማደ፡ ኔና ካላና” ያጌዳ።

ኤላሰ ኤልሳኣ፡ “ባ። ታን ነዉ ኣይ ኦላድታ?” ያጌዳ።

21 ሄዋ ድራዉ፡ ኤልሳኣ አጊደ ጉየ ስሚደ ዋላ ቦራቱዋ ሹኬዳ፤ ቦራ ሚሻ ጳልቁ ኤሊደ አሹዋ ዶይሴዳ፤ አሹዋ አሉና ኣሳይ ሜዳ። ሄዋፕ ጉይያን ደንድ ቢደ፡ ኤላሳዉ ኦሴዳ።

እሰራኤልያ ካትያ ኣካባ

20

(20:1—22:40)

ሶሪ ሳማርያ ኦሌዳ

1 ሶርያ ካቲ በንሀዳድ ባረ ኦላንቻቱዋ ኡባ እትፕ ሺሼዳ። ሀታማነ ላኡ ካተቱዋን፡ ኤንቱንታ ፓራቱዋንን ፓራ ጋረቱዋን ማደቲደ፡ ፑደ ቢደ ሳማርያ ካታማ ዶዴዳ፤ ኣ ቦላ ዋራጄዳ።

2 እሰራኤልያ ካትያ ኣካባዉ ካታማ ግደ ኣሳ ከቲደ ሀዋዳን ያጌዳ፤

3 “በንሀዳድ፡ ኅ ብራይነ ነ ዋርቃይ ታዋ ነ ማቹቱዋፕ ነ ናናቱዋፕ ሎኡዋ ዳርያዋንቱ ታዋ” ያጌዳ።

4 እሰራኤልያ ካቲ ዛሪደ፡ “ኤ፡ ታ ጎዳዉ ካትያዉ፡ ኔን ጌደዋካ ማላ፤ ታንካ ታዉ ደእያባይካ ኡባይ ነባ” ያጌዳ።

5 ቃይካ ከተቲዳ ኣሳቱ ላኤንሉዋ ዪደ፡ “ኔና በንሀዳድ፡ ‘ታን ካሰ ኔና፡ ‘ነ ብራነ ነ ዋርቃ፡ ነ ማቹቱዋ ነ ናና ታዉ እማ” ጋደ ከታድ።

6 ሸን ዋንት ሀኖደ ነ ጎልያን ነ ኦላንቻቱ ጎልያ ፕልግ ጸላና ማላ ታ ኦላንቻቱዋ የዳና፡ ኤንቱንቱ ኔን ሎኡባ ጋደ ዋሴዳዋ ኡባ ኣኪደ ኣፋናዋ” ያጌዳ።

7 እሰራኤልያ ካቲ ሄ ቢታ ጭማቱዋ ኡባ ጸሰ ሺሼደ፡ “ሀ ብታኒ ኑና ባይዛናዉ ኮይያዋ በእተ። እ ታ ማቻቱዋን ታ ናና፡ ታ ብራነ ታ ዋርቃ ኣካናዉ ከቲዳ፤ ታን ኣዉ እጸበይከ” ያጌዳ።

8 ጭማቱካ ኣሳይካ ኡባይ ኣካባ፡ “እ ኦድያዋ ሰሶፕ! ዋይ ኣዉ፡ ‘ኤኖ’ ጎፕ!” ያጌድና።

9 ሄዋ ድራዉ፡ በንሀዳድ ከቲዳዋንቶ ኣካብ፡ “ሀንተንቱ ታ ጎዳዉ ካትያዉ፡ ኔን ኮይር ከቲዳ ከታ ታን ፖላና፤ ሸን ሀ ከታ ታን ፖላናዉ ዳንዳይከ” ያጌ ጊደ ኦድተ” ያጌዳ።

ከተቲደ ዬዳዋንቱ ቢደ ሄዋ በንሀዳዳዉ ኦዴድና።

10 ሄዋፕ ጉይያን በንሀዳድ ሀራ ከታ የዲደ፡ “ታና ካልያ ኣሳ ሳማርያ ካታማ ባናይ እት እት ኩቻ ጋኮፕ፡ ጸሳቱ ታና ዋዳና” ያጌዳ።

11 እሰራኤልያ ካቲ ከተቲደ ዬዳዋንታ፡ “ቱሙ ኦላንቻይ ኦላፕ ስሚደ ገሬረፕ አትና፡ ብር ቢደ ገሬረና ያጊደ ኦድተ” ያጌዳ።

12 በንሀዳድን ካተቱ፡ ባረንቱ ዲንካንያ ግደን ኡሻ ኡሺደ ሄዋ ሰሴዳ ዋደ፡ ካቲ ባረ ኦላንቻቱዋ፡ “ኦላናዉ ሳልፕተ” ያጊደ ኣዛዜዳ። ኤንቱንቱ ካታማ ኦላናዉ ሳልፕድና።

13 ሄ ዋደ ትምቢትያ ኦድያ እት ብታኒ እሰራኤልያ ካትያ ኣካባኮ ዪደ፡ “መድና ጎዳይ ኔና ሀዋዳን ያጌ፤ ‘ሀ ከንቹቻ ኦላንቻቱዋ ኡባ በኣይ? ታን ሀቹ ኤንቱንታ ነ ኩሽያን ኣላደ እማና፤ ታን መድና ጎዳ ግድያዋ ኔን ሄዋን ኤራና” ያጌዳ።

14 ኣካብ፡ “ኦላ ደማናዌ ኦኔ?” ያጌዳ።

ትምቢትያ ኦድያዌ፡ “ኣዉራጃ ዋድያዋንቱ ኣዛዝያ ያላጋ ኦላንቻቱ ደማና” ያጌዳ።

ካቲ፡ “ኣትያ ኦላንቻቱዋ ኦኔ ኣዛዛናዊ?” ያጌዳ።

ትምቢትያ ኦድያዌ፡ መድና ጎዳይ ያጌ፤ “ኔን ኣዛዛና” ያጌዳ።

15 ሄዋ ድራዉ፡ ኣካብ ኣዉራጃ ዋድያዋንቱ ኣዛዝያ ያላጋ ኦላንቻቱዋ፡ ላኡ ጸታን ሀታማነ ላኣቱዋ ሺሼዳ። ቃይ ኣቲዳ እሰራኤልያ ኣሳ፡ ላፑን ሻኣ ሺሼዳ።

16 በንሀዳድ ባረና ማዴዳ ሀታማነ ላኡ ካተቱዋና እትፕ ዲንካንያን ኡቲደ ኡሻን ማሶት ደእሸን፡ ሴታ ጋላሰ እሰራኤልያ ኦላንቻቱ ኦላዉ ከሴድና።

17 ኣዉራጃ ዋድያዋንቱ ኣዛዝያ ያላጋ ኦላንቻቱ ኮይር ከሲደ ቤድና።

በንሀዳድ ጸዋሰያዋንታ ከትና፡ ኤንቱንቱ ስሚደ ኣዉ፡ “ሳማርያፕ ኣሳይ ከሰ ዪደ ደኤ” ያጊደ ኦዴዳ።

18 እ፡ “ኤንቱንቱ ሰጋዉ ዮፕካ ኦላዉ ዮፕካ፡ ኤንቱንታ ፓጻ ኦይቂተ” ያጌዳ።

19 ኣዉራጃ ዋድያዋንቱ ኣዛዝያ ያላጋ ኦላንቻቱ ሳልፕደ፡ ካታማፕ ጋጸ ከሴድና፤ እሰራኤልያ ኦላንቻቱካ ኤንቱንታ ካሊደ ከሴድና።

20 ኡባይካ ሁጲያን ሁጲያን ባረናና ኦላ ጋከቲዳ ዋርክያ ዋዴድና። ያትና፡ ሶርያ ኣሳቱ ባቃቲድና፤ እሰራኤልያ ኣሳቱ ካሊደ የደርሴድና። ቃይ ሶርያ ካቲ በንሀዳድ ባረ ፓራ ኣሳቱዋና ባረ ፓራን ከሰ ኣኪደ ቤዳ።

21 እስራኤልያ ካቲ ኦላወ ከሲደ፣ ፓራቱዋን ፓራ ጋረቱዋ ኦዎዴዳ፤ ሶርያ አሳቱዋካ ዎዲዎ ቡሴዳ።

22 ሄዋፕ ጉይያን ትምቢትያ ኦድያዌ እስራኤልያ ካትያኮ ዪደ፣ “ባ፤ ነ ባጋ ምንሳ። ኦሰታናወ በሰያብ እየንቶ እኬካ። እያወ ጎፕ፣ ይያ ላይል ቦንያን ሶርያ ካቲ ኔና ላኤንሉዋ ኦላና” ያጌዳ።

ሶረቱ ላኤንሉዋካ ኦሌድና

23 ሄዋዳን ደእሸን ሶርያ ካትያ ኦሳንቻቱ ኦ ሀዋዳን ያጌደ ዘራድኖ፤ “ኤንቱንቱ ጸሳቱ ደረቱዋ ጸሳቱዋ፤ ኤንቱንቱ ኑወ ዎልቃሚዳዌካ ሀዋሳ። ሸን ኑን ኤንቱንቱና ደምባን ኦላ ጋከትንቶ፣ ኑን ቱሙ ኤንቱቱፕ ምናና።

24 እትባ ሀና፤ ካተቱዋ ኡባ ኤንቱንቱ ኦዛዝያ ሳፕ ድጋይ፣ ሀራ ካፓቱዋ ኤንቱንቱ ሳኣን ዎላ።

25 ኑን እስራኤላቱዋና ደምባን ኦላታናወን ጸናናወ ዳንዲያና ማላ፣ ነወ ካሰ ወራዳ ኦላንቻቱ ሳኣን ኦላንቻቱዋ፣ ፓራቱዋ ሳኣን ፓራቱዋ፣ ፓራ ጋረቱዋ ሳኣን ፓራ ጋረቱዋ ዎላደ፣ ደንላናወ ኮሺ” ያጌድኖ። እካ ኤንቱንቱ ዘርያ ማዪደ፣ ሄዋዳን ኦሌዳ።

26 ይያ ላይል ቦንያን በንሀዳድ ሶርያ ኦላንቻቱዋ ሺሺደ፣ እስራኤላቱዋና ኦላታናወ ኦፊቃ ግያ ካታማ ቤዳ።

27 እስራኤልያ ኦላንቻቱካ ሸቂደ፣ ሸንቃ ኦላ ሚሻ እኪደ፣ ኤንቱንቱና ኦላ ጋከታናወ ላኡ ጭታ ግዲደ ከሴድኖ። እስራኤላቱ ላኡ ጉላ ዴሻ ወድያ ማላቲደ፣ ኤንቱንቱኮ ሰሚደ ኡቲድኖ፤ ሸን ሶረቱ ጋጸርያ ኡባ ማዬድኖ።

28 ጸሳ አሳ ግያ እት ብታኒ ፑደ ዪደ፣ እስራኤልያ ካትያ፣ “መድና ጎዳይ ሀዋዳን ያጌ፤ ሶርያ አሳቱ፣ “ጸሳይ ደረቱዋ ጸሳ ግድያዎፕ እትና ደምባቱዋ ጸሳ ግደና” ያጌዳ ድራወ፣ ሀ ከንቹቻ ኦላንቻቱዋ ኡባ ታን ነ ኩሸያን አላ እማና። ሄ ዎደ ታን መድና ጎዳ ግድያዎ ኔን ነ አሳይ ኤራና” ያጌዳ።

29 ሶረቱን እስራኤላቱ እቱ እቱዋኮ ሰሚደ ሳልፒደ፣ ላፑን ጋላሳ ጋምኤድኖ። ላፑንላ ጋላሳን ኦላ ጋከቱድኖ፤ እስራኤላቱ እት ጋላሳን ሶርያ አሳፕ ጸቱ ሻኦ ገድሳ አሳቱዋ ዎዲድኖ።

30 ኤንቱንቱፕ አቲዳዎንቱ ከሰ እክ ቢደ፣ ኦፊቃ ካታማ ገሌድኖ። ላታማ ነ ላፑን ሻኦ አሳ ቦላ ካታማ ዩሹዋ ግምቢ ኩንዲደ ያን ዎዲዳ።

በንሀዳድካ ሄ ካታማወ ባቃቲደ፣ እት ቆልኦዎን ቆሰቲደ።

31 ኦ ኦሳንቻቱ አ፣ “እስራኤልያ ካተቱ ማርያዎንታ ግድያዎ ኑን ሰሴደ። ዋሩዋ ኑ ዘክያን ማዪደ፣ ዎደሩዋ ኑ ቆድያን ጸጺደ፣ አነ እስራኤልያ ካትያኮ ቦይተ። ኦን ኤሪ፣ እ ኔና ፓጸ አሻናዌንቶን” ያጌድኖ።

32 ዋሩዋ ባረንቱ ዘክያን ማዪደ፣ ዎደሩዋ ባረንቱ ቆድያን ጸጺደ፣ እስራኤልያ ካትያኮ ቤድኖ። አ፣ “ነ ቆማይ በንሀዳድ ኔና፣ ሀይ ታና ዎዲፓርኪ” ያጌድኖ።

ካቲ፣ “አ ሀኖ ጋካናሰካ ፓጸ ደኢ? እ ታ እሻ” ያጌዳ።

33 አሳቱ ሎኦ ማላታዳን ኦ ሃሳያ ኤሌል አኪደ፣ “ኤ፣ ነ እሻይ በንሀዳድ ፓጸ ደኤ” ያጌድኖ።

እ ኤንቱንታ፣ “ቢደ ኦ ታኮ እኪደ ዪተ” ያጌዳ። በንሀዳድ ከሲደ ዪና፣ አካብ ኦ ፑደ ባረ ፓራ ጋርያ ቦላ ከሲደ ኤትሴዳ።

34 ያትና፣ በንሀዳድ አካባ ሀዋዳን ያጌዳ፤ “ታ አወ ነ አወዋፕ አኬዳ ካታማቱዋ ታን ነወ ዛራና። ታ አወ ሳማርያን ገያ ኤሴዳዎዳን ኔንካ ዳማሰቆ ካታማን ገያ ኤሳና” ያጌዳ።

አካብ አ፣ “ታን ሀ ጫቁዋን ኔና የዳና” ያጌዳ። አናና ጫቁዋ ጫቀቲደ ኦ የዴዳ።

አካባ ቦላ ትምቢቲ ኦደቲዳ

35 ትምቢትያ ኦድያዎንቱ ጩጉዋፕ እት ብታኒ መድና ጎዳ ቃላን አዛዘቲደ እት ባረ ላግያ፣ “ታና ሾጫ” ያጌዳ፤ ሸን ሄ ብታኒ ሾጩናን እጼዳ።

36 ትምቢትያ ኦድያዎ አ፣ “ኔን መድና ጎዳወ አዛዘተናን እጼዳ ድራወ፣ ኔን ታፕ ሻከታደ ቢና ኤላካ ኔና ጋሙ ዎዳና” ያጌዳ። ብታኒ ትምቢትያ ኦድያዎፕ ሻከት ብና ኤላካ ጋሙ ጋከቲደ ዎዲ ባሺዳ።

37 ትምቢትያ ኦድያዎ ቃይካ ሀራ እት ብታንያ ደሚደ፣ “ታና ሾጫ” ያጌዳ። ብታኒ ኦ ሾጩዳ፤ ትምቢትያ ኦድያዎ ማዲንጾዳ።

38 ቢደ፣ ካትያ ናጌደ ኦግያ ደናን ኤቄዳ። ኤረተናን አታናወ ባረ ዴሙዋ ጎዜዳ።

39 ካቲ ኦግያና አድያ ዎደ፣ ትምቢትያ ኦድያዎ ካትያ ጸሴደ ሀዋዳን ያጌዳ፤ “ታን ነ ቆማይ ኦላን ኦላትሸን እት ብታኒ ታኮ ዪደ፣ ሀ ኦዎደቲዳ ብታንያ ናጋ። ሀ ብታኒ ባቃትያዎ ግደፕ፣ ነ ሸምፑ ኦ ሸምፑዋና ጋይ፣ ዎይ ሄዙ ሻኦ ጸጋራ ብራ ጭጋሳ” ያጌዳ።

40 ታን ነ ቆማይ ኪታይ ዳርና፣ ያነ ሃነ ጊሸን፣ ብታኒ ከሰ እኪደ ብ ክቼዳ” ያጌዳ።

እስራኤልያ ካቲ፣ “ኔን ኔረካ ፕርዳዳ፤ ነ ፕርዳይካ ሄዎ ግዳናዎ” ያጌዳ።

41 ትምቢትያ ኦድያዎ ባረ ዴሙዋ ጎዜዳ ጫርቂያ ፖሽ የጌዳ። ፔድና እ ትምቢትያ ኦድያዎንቱፕ እቱዋ ግድያዎ ካቲ ኤላካ ኤራዳ።

42 ትምቢትያ ኦድያዎ ካትያወ፣ “መድና ጎዳይ፣ ታን፣ “እ ሀይቃና በሰ” ጌዳ ብታንያ ኔን የዳ አጋዳ። ሄዎ ድራወ፣ ነ ሸምፑ ኦ ሸምፕ ኮታ ጊዳና፤ ነ አሳይ ኦ አሳ ኮታ ግዳና” ያጌዳ።

43 እስራኤልያ ካቲ ሀንቀቲድን ላንጩደ፣ ባረ ሶ ሳማርያ ካታማ ቤዳ።

21

ናቡተ ዎይንያ ቱራ ሳኦ

1 እዘራኤልያ ናቡተወ ሳማርያ ካትያ አካባ ጎልያ ማታን እዘራኤላን ዎይንያ ቱራ ሳኦ ደኤ።

2 አካብ ናቡተ፣ “ታ ጎልያ ማታን ደኤያ ድራወ፣ ታን ታወ አታክልትያ ሳኦ አላናወ ታወ ነ ዎይንያ ቱራ ሳኦ እማ። አ ድራወ ነወ ታን ሀራ ሎኦ ዎይንያ ቱራ ሳኦ እማና፤ ዎይ ኔን ደሶፕ፣ ኦ ጋትያ ታን ነወ ጭጋና” ያጌዳ።

3 ናቡተ አካባቢ፡ “ታን ታ አዎቱዋጥ ላቲዳ ጋድያ ታና ነዉ እምሰያባጥ መድና ጎዳይ አሾ” ያጌዳ።

4 እዝራኤልያ ናቡተ፡ “ታን ታ አዎቱዋጥ ላቲዳ ጋድያ ነዉ እምከ” ጌዳ ድራዉ፡ አካባቢ ይሎቲደን ላንጨደ ባረ ሶ ቤዳ። ባረ ግሱዋን ጎዳኮ ሰም ግሲደ፡ ቁማ ማናን እጾዳ።

5 አ ማቻታ ኤልዛቤላ እኮ ገላደ፡ “ኔን ሀዋ ከና አያዉ ሀንቀታዲ? አያዉ ቁማ ማናን እጾይ?” ያጋደ አቻዳ።

6 አካባቢ እዝዉ፡ “እዝራኤልያ ናቡታ ታን፡ ኅ ዎይንያ ቱራ ሳአ ታዉ ዛልክ፤ ዎይ ነ ደሶጥ፡ አ ድራዉ ታን ነዉ ሀራ ዎይንያ ቱራ ሳአ እማና ያግና፡ እ፡ ኃ ዎይንያ ሳአ ነዉ እምከ” ያጌዳ። ታን ሄዋ ድራዉ ሀንቀታድ” ያጌዳ።

7 ማቻታ ኤልዛቤላ አ፡ “ኔን እሰራኤልያ ቦላ ካትያ ግዳደ ሀዋዳን ሀናይ? ደንዳደ ማ! ዎዛናጥ ናሽታ! እዝራኤልያ ናቡተ ዎይንያ ቱራ ሳአ ታን ነዉ እማና” ያጋዳ።

8 ሄዋ ድራዉ፡ ማቻታ አካባቢ ሱንጻን ዳብዳብቱዋ አ ማታፋን አታማደ ናቡተና እትጥ ካታማን ደእያ ጭማቶን ዎልቃማ አሳቶ ኪታዳ።

9 ሄ ዳብዳብቱዋ ሀዋዳን ያጋደ ጸፋዳ፤ “እት ጋላሳዉ ጸማ አዎይተ፤ ያቲደ አሳ ግዳዋን ናቡታ ቦንቾ ሳአን ኡትሰተ።

10 ላኡ ፓፍ አሳቱዋ አ ሰንጻን ኡትሰተ። ሄ አሳቱ፡ “ናቡተ ጸሳን ካትያ ቦሬዳ ያጌደ ማርካታናዳን ኦሳተ። ሄዋጥ ጉይያን ጋጸ ከሲደ፡ ሹቻን ጫድ ዎድተ” ያጋደ ጸፋዳ።

11 ሄዋ ድራዉ፡ ናቡተና እትጥ ካታማን ደእያ ጭማቱን ዎልቃማ አሳቱ ኤልዛቤላ ኡንቱንቶ ጸፊዳ ዳብዳብቱዋን ጌዳዋዳን ኦሌድና።

12 ኡንቱንቱ ጸማ አዎይደ፡ ናቡታ አሳ ግዳን ቦንቾ ሳአን ኡትሰተና።

13 ሄዋጥ ጉይያን ላኡ ፓፍ አሳቱ ዪደ፡ አኮ ሰም ኡቲደ፡ አሳ ሰንጻን፡ “ናቡተ ጸሳን ካትያ ቦሬዳ” ያጌደ ዎርዱዋ ማርካቱድና። ናቡታ ካታማጥ ጋጸ ከሲደ፡ ሹቻን ጫዳደ ዎድድና።

14 ሄዋጥ ጉይያን ጭማቱ ኤልዛቤልኮ ኪቲደ፡ “ናቡተ ሹቻን ጫደቲደ ሀይቄዳ” ያጌድና።

15 ናቡተ ሹቻን ጫደቲደ ሀይቄዳዋ ኤልዛቤላ ሰሶ ሳናካ፡ አካባቢ፡ “እዝራኤልያ ናቡተ ነዉ ሻሉዋን ዛልእናዉ እጾዳ ዎይንያ ቱራ ሳአ ደንዳ ባደ፡ ነዉ አካ። አ ሀእ ፓጸ ባዋ፤ ሀይቄክቼዳ” ያጋዳ።

16 እዝራኤልያ ናቡተ ሀይቄዳዋ አካባቢ ሰሲደ፡ ናቡተ ዎይንያ ቱራ ሳአ ባረዉ አካናዉ ደንዳደ፡ ዲገ ቤዳ።

17 ሄዋጥ ጉይያን ትሸቢያ ኤላሳኮ መድና ጎዳ ቃላይ ዪደ፡

18 “ሳማርያን ካተቲዳ እሰራኤልያ ካትያ አካባቢ ጋከታናዉ ዲገ ዎዳ። አ ሀእ ናቡተ ዎይንያ ቱራ ሳአ አካናዉ ቢደ፡ ያን ደኤ።

19 ኔን አ ሀዋዳን ያጋ፤ “መድና ጎዳይ ኔና፡ “ብታንያ ዎዳደ፡ አ ጋድያ ነዉ አካዳ ግድኪ?” ያጌ፡ ያጋ። ቃይካ አ፡ “መድና ጎዳይ ኔና፡ “ናቡተ

ሱላ ካናቱ ላጩዳ ሳአን ነ ሱላካ ካናቱ ላጩና” ያጌ፡ ያጋ” ያጌዳ።

20 ሄዋጥ ጉይያን አካባቢ ኤላሳ፡ “ሀይ ታ ሞርክያዉ፡ ታና ደማድጋዲ?” ያጌዳ።

“ኤ፡ ታን ኔና ደማ ድጋድ፤ አያዉ ጎጥ፡ ኔን መድና ጎዳ ሰንጻን ኢታባ ኦላናዉ፡ ነ ሁጲያ ናጋራዉ ዛልአዳ።

21 ጸሳይ ኔና ሀዋዳን ያጌ፤ “ሰሳ፡ ታን ነ ቦላ ኢታባ አሀና። ታን ነ ዘረፋ ጳይሳና፤ ታን እሰራኤልያ ቢታን አካባ ጎልያ አሳጥ አይልያ ግድና ሎኡዋ ግድና፡ እት አቱማ አሰን አተናን ዲቆላና።

22 ታን ነ ሶ አሳ ናባጸ ናአ እዮርባማ ሶ አሳዳን አኪያ ናአ ባእሻ ሶ አሳዳን ኦላና። አያዉ ጎጥ፡ ኔን እሰራኤልያ አሳ ናጋራ ኦሰሳደ፡ ታና ሀንቀላዳ” ያጌ።

23 ቃይ መድና ጎዳይ ኤልዛቤልባ ኦዲደ፡ “እዝራኤላ ካታማ ግምቢያ ምይያን ካናቱ ኤልዛቤሎ ማና ያጌ።

24 አካባ ዛርያ ግዳዳ ካታማን ሀይቄያ ኦናን ካናይ ማና፤ ቃይ ጋጸርያን ሀይቄያ ኦናን ሳሉዋ ካፎቱ ማና” ያጌዳ።

25 ባረ ማቻታ ኤልዛቤላ ደንፍላና፡ መድና ጎዳ ሰንጻን ኢታባ ኦላናዉ ባረ ሁጲያ ናጋራዉ ዛልኤዳ፡ አካባ ማላ አሳይ ኡባካ ባዎ።

26 መድና ጎዳይ እሰራኤልያ አሳ ሰንጻጥ ላጊደ ከሴዳ አሞረቱዋዳን ኤቃዉ ጎይንያዋን አካባቢ አድያ ሸነይያባ ሀይዳ።

27 አካባቢ ሀ ሃሳያ ሰሴዳ ዎደ፡ ባረ ማዎዋ ፔዲደ፡ ዎሩዋ ማዬዳ፤ ያቲደ ጸማ። ዎሩዋ ማዮሳና ግሴዳ፤ ካዮቲደ ሀመቲዳ።

28 ሄዋጥ ጉይያን መድና ጎዳ ቃላይ ትሸቢያ ኤላሳኮ ዪደ፡

29 “አካባቢ ባረ ሁጲያ ታ ሰንጻን ካዉሼዳዋ በአዲ? አ ታ ሰንጻን ባረ ሁጲያ ካዉሼዳ ድራዉ፡ ታን ሀ ባሻ አ ዎድያን አሀከ። ሸን ታን አ ናአ ዎድያን አ ሶ አሳ ቦላ ሀ ባሻ አሀና” ያጌዳ።

22

ትምቢትያ ኦድያ ሞካሰ አካባቢ ጸነትያዋ ኦዳዳ

(2 ኦዳዋ 18:2-27)

1 ሶሪን እሰራኤሊ ኦለተናን ሄዙ ላይላ ሳር ደኤድና።

2 ሄዛንሎ ላይላን ይሁዳ ካቲ ዮሳፌጸ እሰራኤልያ ካትያ በእናዉ ቤዳ።

3 እሰራኤልያ ካቲ ባረ ቆማቶ፡ “ጋላኣደን ደእያ ራሞታ ካታማይ ኑዋ ግድያዋን ኑን ሀና ጋላናዉ ሄ ካታማ ሶርያ ካትያጥ ዎላ አካናዉ አይነ ኦሳቤናዋ ኤርክቱ?” ያጌዳ።

4 ቃይካ አ ዮሳፌጸ፡ “ጋላኣደን ደእያ ራሞታ ካታማ ኦላናዉ ታናና ባኒ?” ያጌዳ።

ዮሳፌጸ እሰራኤልያ ካትያ፡ “ኤ፡ ኔን ኦላ ባናዉ ጊግያ ዎደ አዉደነ፡ ታን ጊጋና። ታ ኦላንቻቱ ነ ኦላንቻቱዋ ማላ፤ ታ ፓራቱካ ነ ፓራቱዋ ማላ” ያጌዳ።

5 ቃይካ ዮሳፌጸ እስራኤልያ ካትያ፡ “ግደጥነ፡ ኔን ካሰታደ መጅና ጎዳ ኦቻ” ያጌዳ።

6 እስራኤልያ ካቲ ትምቢትያ ኦድያ ኦይዱ ጸቱዋ አሳቱዋ እትጥ ሺሺደ፡ “ጋላኦደን ደእያ ራሞታ ካታማ ኦላናው ቦ ቦፖ?” ያጌደ ኡንቱንታ ኦቼዳ።

ኡንቱንታ፡ “ባ፤ እያው ጎጥ፡ ጸሳይ ሄ ካታማ ካትያ ነ ኩሽያን አሊደ እማና” ያጌድና።

7 ሸን ዮሳፌጸ፡ “ኡን መጅና ጎዳ ኦቻናው ዳንዳይያ ትምቢትያ ኦድያ ሀራ አሳይ ሀዋን ባዌ?” ያጌዳ።

8 እስራኤልያ ካቲ ዮሳፌጸው ዛሪደ፡ “ኡን አ ባጋና መጅና ጎዳ ኦቻናው ዳንዳይያ እት ሀራ ብታኒ ደኤ፤ እ ይምላ ናኣ ሞካሳ። ሸን ታን አ እጳይ፤ እያው ጎጥ፡ እ ኡባ ዋደካ ታዋ ኢታባ ኦዳጥ አትና ሎኦባ ኦድ ኤሪና” ያጌዳ።

ዮሳፌጸ እስራኤልያ ካትያ፡ “ካቲ ሄዋዳን ጎፖ!” ያጌዳ።

9 ሄዋጥ ጉይያን እስራኤልያ ካቲ ባረ ኦሳንቻቱዋጥ እቱዋ ጸሲደ፡ “ይምላ ናኣ ሞካሳ ኤለካ አካደ ያ” ያጌዳ።

10 እስራኤልያ ካቲ፤ ይሁዳ ካቲ ዮሳፌጸ ባረንቱ ካውተላ ማዩዋ ማዩደ፡ ሳማርያ ካታማ ገልያ ጥንግያ ማታን ደእያ ኡዳማን ባረንቱ ካውተላ አራታን ኡቲድና፤ ትምቢትያ ኦድያ ኡባቱ ኡንቱንታ ሰንላን ትምቢትያ ኦዲና።

11 ኡንቱንታ፡ እቱ፡ ካናእና ናኣይ ጽድቁ ብራታጥ ካጨቱዋ ገግሲደ፡ አካባ፡ “መጅና ጎዳይ ሀዋዳን ያጌ፤ ሶረቱ ጳያና ጋካናው ኔን ኡንቱንታ ሀ ካጨቱዋን ቃይጫና” ያጌ። ያጌዳ።

12 ትምቢትያ ኦድያ ሀራ ኡባቱካ፡ “ጋላኦደን ደእያ ራሞታ ካታማ ባደ ኦላ፤ ኦላደካ ጸና። እያው ጎጥ፡ መጅና ጎዳይ ሄ ካታማ ካትያ ኩሽያን አሊደ እማና” ያጌደ ኦዳድና።

13 ሄዋጥ ጉይያን ሞካሳ ጸሳናው ከተት ቤዳ ብታኒ አ፡ “በአ፡ ትምቢትያ ኦድያ ኡባቱ እት ዶና ግዲደ፡ ካቲ ሀ ኦላ ጸናና” ያጌደ ኦዳድና። ሄዋ ድራው፡ ሀያና ነ ኦዳካ ኡንቱንታጥ እቱዋ ማላ ግደ፤ ኔንካ ሎኦባ ኦዳ” ያጌዳ።

14 ሸን ሞካሳ ሄ ብታንያ፡ “መጅና ጎዳይ ኤር! መጅና ጎዳይ ታው ኦድያዋ ታን ኦዳና” ያጌዳ።

15 ሞካሳ ካትያኮ ዬዳ ዋደ፡ ካቲ አ፡ “ሞካሳ፡ ኡን ጋላኦደን ደእያ ራሞታ ካታማ ኦላናው ባኔቦ ቦፓን?” ያጌደ ኦቼዳ።

ሞካሳ ካትያ፡ “ባደ ኦላ፤ ኦላደካ ጸና። መጅና ጎዳይ ሄ ካታማ ካትያ ኩሽያን አሊደ እማና” ያጌዳ።

16 ካቲ አ፡ “ኔን መጅና ጎዳ ሱንላን ቱሙዋጥ አትና ሀራባ ታው ኦደናዳን ታን ኔና አፑ ገደ ጫቀላናው ኮሺ?” ያጌዳ።

17 አ፡ “እስራኤልያ ኦላንቻቱ ኡባይ ሄንላንቻይ ባይና ደርሳቱዋዳን ደርያን ላለቱዳዋንታ ታን በኣድ። መጅና ጎዳይ ኡንቱንታ፡ ሀዋንቶ ጎዳይ ባዋ። ኡንቱንቱ ኡባይካ ባረንቱ ሶ ባረንቱ ሶ ሳር ቢና” ያጌ። ያጌዳ።

18 እስራኤልያ ካቲ ዮሳፌጸ፡ “ ኣ ታዋ ኢታባ ኦዳጥ አትና፡ ሎኦባ ኦድ ኤሪና ጋደ፡ ታን ነው ኦዳባይክታ?” ያጌዳ።

19 ሞካሳ ጉጂደካ ሀዋዳን ያጌዳ፤ “ሰም መጅና ጎዳይ ግያዋ ሰሳ! መጅና ጎዳይ ባረ ካውተላ አራታን ኡትና፡ ሳሉዋ ኦላንቻቱ ኡባይ አ ኡሽቻናን ሀድርሳና ኤቁዳዋንታ ታን በኣድ።

20 መጅና ጎዳይ፡ አካባ ጋላኦደን ደእያ ራሞታ ካታማ ቢደ፡ ያን ሀይቃናዳን ባለላናዌ ኦኔ? ያጌዳ። እቱ ሀዋዳን ግያ ዋደ፡ ሀራይ ቃይ ሄዋዳን ጌዳ።

21 ሄዋጥ ጉይያን ኢታ እያናይ ከሲደ መጅና ጎዳ ሰንላን ኤቁደ፡ ታን አ ባለላና” ያጌዳ።

22 “መጅና ጎዳይ እያና፡ ዋታ ባለላን? ያጌዳ።

“እያናይ፡ ታን ከሳ ባደ፡ እው ትምቢትያ ኦድያዋንቱ ኡባቱዋ ዶናን ዋርዶትያ እያና ግዳና” ያጌዳ።

“መጅና ጎዳይ፡ ኣኤ፡ ኔን አ ባለላና፤ ነው ሄዋ ሀናና። ባደ ባለላ” ያጌዳ። ያጌዳ።

23 ሞካሳ ጉጂደካ፡ “ሄዋ ድራው፡ መጅና ጎዳይ ነው ትምቢትያ ኦድያዋንቱ ሀዋንቱ ኡባቱዋ ዶናን ዋርዶትያ እያና ዋሌዳ፤ እያው ጎጥ፡ መጅና ጎዳይ ነ ቦላ ባሻ እሀናው ቃቼዳ” ያጌዳ።

24 ሄዋጥ ጉይያን ካናእና ናኣይ ጽድቁ ሺቁደ፡ ሞካሳ ሻይያ ባቂደ፡ “መጅና ጎዳ እያናይ ታ ማታጥ ዋኒደ ነው ኦዳናው ቤዴ?” ያጌዳ።

25 ሞካሳ አ፡ “ኔን ቆሰታናው ቆልኦ ገልያ ጋላስ ሄዋ ደማና” ያጌዳ።

26 ሄዋጥ ጉይያን እስራኤልያ ካቲ ባረ ኦላንቻቱዋጥ እቱዋ አዛዚደ፡ “ሞካሳ ኦይቃደ ካታማ ሞድያ አሞናውን ታ ናኣ ዮኣሻው አፋደ እማ።

27 ኡንቱንታ፡ ካቲ ሀንተንታ፡ ሀ ብታንያ ቃሻ ጎለን ቃቼደ ታን ሳር ሰማና ጋካናው፡ ጉላ ኡክላጥን ሃላጥ ሀራባ እያን እው እሞፕተ” ያጌ ያጋ” ያጌዳ።

28 ሞካሳ አ፡ “ቱሙ ኔን ሳር ሰምያዋ ግደጥ፡ መጅና ጎዳይ ታናን ሃሳይቤና” ያጌዳ። ቃይካ ሞካሳ፡ “አሳው ኡባው፡ ታን ኦዳዳዋ አኬክተ” ያጌዳ።

አካባ ሀይቁዋ (2 ኦዳዋ 18:28-34)

29 ሄዋጥ ጉይያን እስራኤልያ ካቲ፤ ይሁዳ ካቲ ዮሳፌጸ ጋላኦደን ደእያ ራሞታ ካታማ ቤድና።

30 እስራኤልያ ካቲ ዮሳፌጸ፡ “ታን ማዩዋ ላማደ፡ ሀራ አሳ ማላታደ፡ ኦላው ገላና፤ ሸን ኔን ነ ካትያ ማዩዋ ማያ” ያጌዳ። እስራኤልያ ካቲ ማዩዋ ላሚደ፡ ሀራ አሳ ማላቲደ፡ ኦላው ገሌዳ።

31 ሶርያ ካቲ ባረ ፓራ ጋረቱዋ አዛዝያ ሀታማን ላኡ አሳቱዋ፡ “ግታትና ጉጽና ሀራ አሳ ኦናናካ ኦለቶፕተ፤ እስራኤልያ ካትያ ጸላላና ኦለቶተ” ያጌደ አዛዜዳ።

32 ፓራ ጋርያ አዛዝያዋንቱ ዮሳፌጸ በኤዳ ዋደ፡ “ቱማ ሀዌ እስራኤልያ ካትያ” ያጌድና። አናና ኦለታናው ሰሜድና፤ ዮሳፌጸ ዋሴዳ።

22:17 ገይ. 27:17፤ ማቶሳ 9:36፤ ማር. 6:34 22:19 ኢሳ. 6:1፤ ኢዮባ 1:6

33 ፓራ ጋረቱዋ አዛዝያዋንቱ እ እስራኤልያ ካትያ ግደናዋ በኢደ፣ አ የደርሰያዋ አግ እጌድኖ።

34 እት ብታኒ ጮ ባረ ዋንዳፍያን ኦላንቻቱ ቦላ ዱኪደ፣ እስራኤልያ ካትያ ኦላ ማዩ ጋከትያ ሄራና ጫዳዳ። እስራኤልያ ካቲ ባረ ጋርያ ላግያ ብታንያ፣ “ጋርያ ጉየ ዛራደ፣ ታና ኦላ ግዳዋፕ ከሳ። እያዉ ጎፕ፣ ታን ኢታ ጫቻ ጫደታክቻድ” ያጌዳ።

35 ሄ ጋላሰ ኦላይ ሱልያ ዋደ፣ እስራኤልያ ካቲ አካብ ባረ ፓራ ጋርያ ግደን ዘምፒደ፣ ሶረቱዋ ሰንላን ታኬዳ። አ ጫቻ ሱላይ ፓራ ጋርያ ግደ ጉክና፣ ሄ ኦማርሰካ እ ሀይቂ ባሾዳ።

36 አዋይ ዉላናዉ ማትሸና ኦላንቻቱ ግደን፣ “አሳይ ኡባይ ባረ ካታማ ባረ ካታማ ቦ! አሳይ ኡባይ ባረ ጋድያ ባረ ጋድያ ቦ!” ያግያ አዛዙ ከሴዳ።

37 ሄዋፕ ጉይያን ኡንቱንቱ ካትያ ሳማርያ ካታማ አሂደ ያን ሞጌድኖ።

38 ሻርሙጻቱ ሜጨትያ፣ ዳጋት ኡቴዳ ሳማርያ ሃላን ኡንቱንቱ ጋርያ ሜጨድኖ። መድና ጎዳይ ካሰ ሃሳዬዳ ቃላዳንካ፣ አ ሱላ ካናቱ ላጨድኖ።

39 አካብ ሀኔዳ ሀራባይ፣ አ ኦሌዳባይ ኡባይ፣ ዳንጋርሳ ዛልያን ካትያ ጎልያ እ ኬጾዳባይነ እ ግሞቤዳ ካታማቱዋባይ ኡባይ እስራኤልያ ካተቱ ታርክያ ማጻፋን ጸፈት ኡቴዳ።

40 አካብ ሀይቂደ ባረ ማይዛን ጋከቱዳ፣ አ ሳኣን አ ናአይ አካዝያሰ ካተቱዳ።

ይሁዳ ካትያ ዮሳፌጸነ እስራኤልያ ካትያ አካዝያሳ

(22:41-53፤ 2 ኦዲዋ 20:31—21:1)

41 እስራኤልያ ካቲ አካብ ካተቱዳ ኦይደንላ ላይላን አሳ ናአይ ዮሳፌጸ ይሁዳን ካተቱዳ።

42 እ ካተትያ ዋደ ላይላይ አዉ ሀታማነ እቼሻ፣ እ የሩሳላሙን ላታማነ እቼሹ ላይላ ካተቱዳ። አ ዳያ ሺልሀ ናቶ አዙቦ ጌተታዉ።

43 ዮሳፌጸ ባረ አዉዋ አሳ ኦግያን ኡባን ሀመቱዳ፣ እ ሄ ኦግያፕ ሸርእ ግቤና፣ መድና ጎዳ ሰንላን ሱረባ ኦሌዳ። ግደፕ፣ ጎይንያ ጶቃ ሳኣ ቆይሰቤና፣ አሳይ ሄ ግሹዋን ያርሹዋ ያርሸያዋን እጸና ጨዋይያዋ አግቤና።

44 ዮሳፌጸካ እስራኤልያ ካትያና ሰገቱዳ።

45 ዮሳፌጸ ሀኔዳ ሀራባይ፣ አ ሞኖተላይነ እ ኦላቴዳ ኦላይ ይሁዳ ካተቱ ታርክያ ማጻፋን ጸፈት ኡቴዳ።

46 ጎይኖ ዋጋ ኦሊደ አቱማዋንቱ አቱማዋንቱና ሻርሙጻያዋንታ፣ አ አዉ አሳይ ካተቱዳ ዋድያፕ አቴዳዉንታ ጋድያፕ ቆይሴዳ።

47 ሄ ዋደ ኤዶማ ቢታን ካቲ ባዋ፣ ሄ ቢታ ሱንግግቴዳ ካፑ ሞዴዳ።

48 ኦፊራ ጋድያ ቢደ ዋራ አሀናዳን ዮሳፌጸ ዋልቃማ ማርካባቱዋ መዴዳ፣ ሸን ሄ ማርካባቱ ኤጽዮን-ጋብራን መኤረቴድኖፕ አትና ኡባካ ብበይክኖ።

49 ሄ ዋደ አካባ ናአይ አካዝያሰ ዮሳፌጸ፣ “ታ ቆማቱዋና ነ ቆማቱዋ እትፕ ማርካብያን ቢኖ” ያጌዳ፣ ሸን ዮሳፌጸ እጾዳ።

50 ዮሳፌጸ ሀይቂደ ባረ ማይዛን ጋከቱዳ። ባረ ማይዛ አዉዋ ዳዊታ ካታማን ሞገቱዳ። አ ሳኣን አ ናአይ ዮራመ ካተቱዳ።

እስራኤልያ ካትያ አካዝያሳ

51 ይሁዳ ካቲ ዮሳፌጸ ካተቱዳ ታማነ ላፑንላ ላይላን አካባ ናአይ አካዝያሰ እስራኤልያ ቦላ ሳማርያን ካተቱዳ፣ እስራኤልያ ቦላ ላኡ ላይላ ካተቱዳ።

52 አካዝያሰ መድና ጎዳ ሰንላን ኢታባ ኦሌዳ፣ ባረ አዉዋን ባረ ዳይ ኦግያንን እስራኤልያ አሳ ናጋራ ኦሰሴዳ ናባጸ ናኣ እዮርባማ ኦግያን ሀመቱዳ።

53 አካዝያሰ ባኣላዉ ኦሌዳን ጎይኔዳ፣ አ አዉ ካሰ ኦሌዳዋዳን፣ መድና ጎዳ፣ እስራኤልያ ጸሳ እ ሀንቀሌዳ።

ላኤንሳ ካታቱዋ ማጻፋ ገሌዋ

ካታቱዋ ማጻፋ ላኤንሳዋ ሻኩ፡ ካታቱዋ ማጻፋ ኮይሮ ሻኩ ኤቄዳ ሳኣፕ ደሚደ፡ ላኤ እስራኤልያ ካወተላቱዋ ባ ኦዴ። ማጻፋ ላኤ ዋና ዋና ክፍላቱዋን ሻክ ጸላናዉ ዳንዳዬቶ።

1. ክርስቶስ የለታፕ ካስ ኡዴፕንሳ ጾቱ ላይላካ ሳፓፕ ደሚደ ቢደ፡ ክርስቶስ የለታፕ ካስ ላፑን ጾታን ላታማን እት ላይላን ሁጲሳ ሳፓ ካወተላይ ኩንዳና ጋካናዉ ደእያ ላኤ ካወተላቱ ታርክያ።
2. እስራኤልያ ካወተላ ኩንዳናፕ ቢደ፡ ክርስቶስ የለታፕ ካስ እቼሹ ጾታን ሆሰፑን ታማን ኡሱፑን ላይላን ካቲ ናቡካዳናጾሪ የሩሳላሙ ካታማ ኦይቄደ ላሌዳ ዋድያ ጋካናዉ ደእያ ይሁዳ ካወተላ ታርክያ። ማጻፋይ ጋደሊ ባብሎና ሞዲዋ ጋርሳን ይሁዳ ቢታ ሞድያዋ ግዴዳዋን ይሁዳ ካቲ ዮኣኪን ባብሎና ቃሾ ጎልያፕ ከሴዳዋ ቆንጭስ ኦዲደ፡ ታርክያ ወርሴ።

ሀ ባሻ ኡባይ እስራኤልያ ቦላ ያናዉ ዳንዳዬዳዊ ይሁዳን እስራኤልያ ካተቱን አሳይ ጸሳዉ አማንትያ አማናቱዋ ፓጭሴዳ ግሻታ። የሩሳላሙ ካታማይ ላለቱዳዊን ይሁዳ አሳፕካ ዳርያ ባጋይ ባረ ጋድያፕ በቱዳዊ፡ እስራኤልያ አሳ ታርኪ ብያ ኬሻ ላማናዳን ኦፊዳ ጋሶቱዋፕ ዋናትያዋንታ።

ካተቱ ማጻፋን ላኤንሳ ግሹዋን ዳር ኤሪቲዳ ብታኒ ኤላሳ ሳኣን ትምቢትያ ኦድያዋ ከሴዳ ኤልሳእ።

ሸምፓቱዋ ኡባቶ እመቲዳ ቃንሳ ቆፋቱዋ

- ሻከቲዳ ካወተላ 1:1—17:41
- ሀ. ናብያ ኤላሳ 1:1—8:15
- ለ. ይሁዳን እስራኤልያ ካተቱዋ 8:16—17:4
- ሐ. ሳማርያ ኩንዳና 17:5-41
- ይሁዳ ካወተላ 18:1—25:30
- ሀ. ህዝቁያሳፕ እዮሴያሳ ጋካናዉ 18:1—21:26
- ለ. እዮሴያሳ አይሱዋ 22:1—23:30
- ሐ. ወርሰሳ ይሁዳ ካተቱዋ 23:31—24:20
- መ. የሩሳላሙ ኩንዳና 25:1-30

ሻከቲዳ ካወተላ

(1:1—17:41)

ናብያ ኤላሳ (1:1—8:15)

1 አካብ ሀይቄዳዋፕ ጉይያን፡ ሞኣበ ቢታ አሳይ እስራኤልያ ቦላ ደንዴዳ።

2 ሄ ዋደ ካቲ አካዘያሰ ሳማርያ ካታማን ቦላ ፖቅያ ባራንዳፕ ኩንዲደ ደሸቲዳ። ሄዋ ድራዉ አሳቱዋ፡ “ቢተ፤ ታን ሀ ደሸላፕ ፓጻነንቶ፡ አጋነንቶ፡ ኤቅሮና ካታማ ጸሳ ብኤል-ዘቡላ አን ታዉ ኦቶተ” ያጊደ ኪቲዳ።

3 ሸን መድና ጎዳ ኪታንቻይ ትሰቢያ ኤላሳ ሀዋዳን ያጊዳ፤ “ባ፤ ፑደ ባደ፡ ሳማርያ ካቲ ኪቲዳ አሳቱዋና ጋከታ። ኡንቲንታ፡ ‘ህንተ ኤቅሮና ካታማ ጸሳ ብኤል-ዘቡላ ኦቶናዉ ቤዳዊ፡ እስራኤልያን ጸሳይ ቆይኔየ?’ ያጋ።

4 ሄዋ ድራዉ፡ መድና ጎዳይ ሀዋዳን ያጊ፤ ‘ካትያዉ፡ ኔን ሀይቃናፕ አትና፡ ሀ ግሴዳ ግሱዋፕ ደንዳካ’ ያጊ” ያጊዳ። ኤላሰ ቢደ፡ ኡንቲንቶ ኦዴዳ።

5 ኪቲዳ አሳቱ ካትያኮ ጉየ ሰምና፡ እ ኡንቲንታ፡ “አያዉ ሰሜድቲ?” ያጊደ ኦቶዳ።

6 ሸን ኡንቲንቲ አዉ ሀዋዳን ያጊደ ዛሬድኖ፡ “እት ብታኒ ኦናና ጋከታናዉ ዪደ፡ ህንተና ኪቲዳ ካትያኮ ሰሚደ ቢተ።” እዉ ሀዋዳን ያግተ “መድና ጎዳይ ኔና፡ ‘ኤቅሮና ጸሳ ብኤል-ዘቡላ ኦቶናዉ ኔን አሳ ኪትያዊ፡ እስራኤልያን ጸሰ ቆይኔየ? ሄዋ ድራዉ፡ ኔን ሀይቃናፕ አትና፡ ሀ ግሴዳ ግሱዋፕ ደንዳካ ያጊ’ ያግተ ያጊዳ” ያጊድኖ።

7 ካቲ ኡንቲንታ፡ “ህንተንቲና ጋከታናዉ ዪደ፡ ሀ የወዋ ህንተንቶ ኦዴዳ ብታኒ አይ ማላ አሴ?” ያጊደ ኦቶዳ።

8 ኡንቲንቲ፡ “መሀያ እስክያን ዳደቲዳ ካባ ማዪደ፡ ባረ ጸሳን ዳፋዋ ዳንጨ” ያጊደ ዛሬድኖ።

እ፡ “ሄዌ ትሰቢያ ኤላሳ” ያጊዳ።

9 ሄዋፕ ጉይያን፡ ካቲ እሻታሙዋ ካፑዋ ኦ እሻታሙ ኦላንቻቱዋና ኪቲዳ። ካፑ ደርያ ሁጲያን ኡቲዳ ኤላሳኮ ፑደ ከሲደ፡ “ጸሳ አሳዉ፡ ካቲ ኔና፡ ‘ዲገ ዋቆ’ ያጊ” ያጊዳ።

10 ሸን ኤላሰ እሻታሙዋ ካፑ፡ “ታን ጸሳ አሳ ግደፕ፡ ታማይ ሳሉዋፕ ዋቆደ፡ ኔና ነ እሻታማቱዋን ሞ” ያጊደ ዛሬዳ። ታማይ ሳሉዋፕ ዋቆደ፡ እሻታሙዋ ካፑዋን ኦ እሻታማቱዋን ሜዳ።

11 ቃይ ካቲ ሀራ እሻታሙ ኦላንቻቱዋና ሀራ እሻታሙዋ ካፑዋ ኤላሳኮ ኪቲዳ። እሻታሙዋ ካፑ ኤላሳ፡ “ጸሳ አሳዉ፡ ካቲ ኔና፡ ኤላካ ዲገ ዋቆ ያጊ” ያጊዳ።

12 ኤላሰ አዉ፡ “ታን ጸሳ አሳ ግደፕ፡ ታማይ ሳሉዋፕ ዋቆደ፡ ኔና ነ እሻታማቱዋን ሞ” ያጊዳ። ጸሳ ታማይ ሳሉዋፕ ዋቆደ፡ እሻታሙዋ ካፑዋን ኦ እሻታማቱዋን ሜዳ።

13 ቃይካ ካቲ እሻታሙ ኦላንቻቱዋና ሀራ ሄዘንሳ እሻታሙዋ ካፑዋ ኪቲዳ። እሻታሙዋ ካፑ ፑደ ከሲደ፡ ኤላሳ ሰንላን ጉልባቲደ፡ “ጸሳ አሳዉ፡ ሀያና፡ ታናን ታናና ደእያ ሀ እሻታሙ አሳቱዋ ማራ! ኦ ሸምፑዋካ ሀይቄዋፕ አሻ!”

14 ታማይ ሳሉዋፕ ዋቆደ፡ ካስ እሻታማቱዋ ካፑዋ አሳን ኡንቲንታ እሻታማቱዋ ኡባን ሜዳ። ሸን ሀእ ታና ማራ!” ያጊደ ዋሴዳ።

15 መድና ጎዳ ኪታንቻይ ኤላሳዉ፡ “ያዮፕ! አናና ዲገ ዋቆ” ያጊዳ።

ኤላሰ ደንዲደ፡ አናና ዲገ ዋቆዳ።

16 እ ካትያዉ፡ “መድና ጎዳይ ኔና ሀዋዳን ያጊ፤ ናዉ ኦቶናዉ እስራኤልያን ጸሰ ቆይኔ፡ ኔን ኤቅሮና ጸሳ ብኤል-ዘቡላ ኦቶናዉ አሳ

ኪቲዳዊ? ኔን ሀዋ ኦሌዳ ድራወ፡ ሀይቃና! ነ ግሴዳ ግሴዋጥካ ደንዳካ፣ ያጌ” ያጌዳ።

17 ኤላሰ ሃሳዬዳ መድና ጎዳ ቃላዳንካ እካዝያሰ ሀይቆዳ፤ እካዝያሳዉ አቲማ ናእ ባይና ድራወ፡ እ እሻይ የራመ እ ኮታን ካተቲዳ፤ ሃዋ ሀይዳዌ የሳፊጸ ናአይ የራመ ይሁዳን ካዉቲዳ ላኔንሶ ላይላና።

18 እካዝያሰ ሀይዳ ሀራባይነ እ ኦሌዳባይ ኡባይ እሰራኤልያ ካተቲ ታርክያ ማጻፋን ጸፈት ኡቲዳ።

2

ጸሳይ ኤላሳ ሳሉዋ አፊዳ

1 መድና ጎዳይ ኤላሳ ጎትያን ሳሉዋ አፋናዉ ሀንያ ዋድ፡ ኤላሰነ ኤልሳእ ገልጋላጥ ደንዲደ ቤድኖ።

2 ኤላሰ ኤልሳእ፡ “መድና ጎዳይ ታና ቤቲላ ካታማ ኪቲዳ ድራወ፡ ሀያና ኔን ሀዋን ታካሻ” ያጌዳ።

ሸን ኤልሳእ፡ “መድና ጎዳይ ኤር! ነ ሸምጥ ኤር! ታን ኔጥ ሻከትከ” ያጌዳ። ኡንቲንቲካ ዲገ ቤቲላ ዋዴድኖ።

3 ቤቲላን ደእያ ትምቢትያ ኦድያዋንቲ ጭታይ ኤልሳእኮ ከሲደ፡ “መድና ጎዳይ ሀቼ ነ ጎዳ ኔጥ ሻከ አፋናዋ ኔን ኤራይ?” ያጌደ ኦቼድኖ።

ኤልሳእ፡ “ኤ ኤራይ። ሸን ሀንተንቲ ጮኤ ገተ” ያጌደ ዛሬዳ።

4 ሃዋጥ ጉይያን፡ ኤላሰ ኤልሳእ፡ “መድና ጎዳይ ታና ያርኮ ኪቲዳ ድራወ፡ ሀያና ኔን ሀዋን ታካሻ” ያጌዳ።

ሸን ኤልሳእ፡ “መድና ጎዳይ ኤር! ነ ሸምጥ ኤር! ታን ኔጥ ሻከትከ” ያጌደ ዛሬዳ። ሃዋ ድራወ፡ ኡንቲንቲ ያርኮ ቤድኖ።

5 ያርኮን ደእያ ትምቢትያ ኦድያዋንቲ ጭታይ ኤልሳእኮ ከሲደ፡ “መድና ጎዳይ ሀቼ ነ ጎዳ ኔጥ ሻከ አፋናዋ ኔን ኤራይ?” ያጌደ ኦቼድኖ።

እ፡ “ኤ ኤራይ። ሸን ሀንተንቲ ጮኤ ገተ” ያጌደ ዛሬዳ።

6 ሃዋጥ ጉይያን፡ ኤላሰ ኤልሳእ፡ “መድና ጎዳይ ታና የርዳኖሳ ሻፋ ኪቲዳ ድራወ፡ ሀያና ኔን ሀዋን ታካሻ” ያጌዳ።

ኤልሳእ፡ “መድና ጎዳይ ኤር! ነ ሸምጥ ኤር! ታን ኔጥ ሻከትከ” ያጌዳ። ኡንቲንቲ ላአቲካ እትጥ ቤድኖ።

7 ትምቢትያ ኦድያዋንቲ እሻታሙ አሳቲ ኡንቲንታ ካሊደ፡ የርዳኖሳ ሻፋ ጋካናዉ ቤድኖ። ኤላሰነ ኤልሳእ ሻፋ ደናን ኤቁደእሸን፡ ትምቢትያ ኦድያዋንቲ ኡንቲንቲጥ ላፋ ሃኪደ ኤቁድኖ።

8 ሃ ዋደ ኤላሰ ባረ ካባ አኪደ ጸጺደ፡ አን ሃላ ሸጮድ። ሃላይ ያነ ሃነ ሻከቲዳ፤ መላ ቢታ የዲደ ፕኔድኖ።

9 ኤላሰ ኤልሳእ፡ “ታን ኔጥ አከታክቻናጥ ካሰታደ፡ ነዉ አያ ኦላና ማላ ኮያይ? አነ ኦዳ” ያጌዳ።

ኤልሳእ፡ “ታን ኔና ኮቻያ ዋደ፡ ነ አያናይ ታዉ ላኡ ዳኩዋ ግዳና ማላ፡ ታን ኔና ዋሳይ” ያጌደ ዛሬዳ።

10 ኤልሳእ፡ “ኔን መትያ ኦሻ ኦቻዳ። ሸን ታን ኔጥ ሻከታ ሳሉዋ ብያ ዋደ ኔን ታና ጸልያዋ ግድጥ፡ ሃዋ ነዉ ሀናና። ሃዋ ጸየጥ ሀነና” ያጌዳ።

11 ሃዋጥ ጉይያን፡ ኡንቲንቲ እትጥ ሃሳዬድ ሀመትሸን፡ ታማ ፓራቲነ ኡንቲንቲ ጎቻያ ታማ ጋሪ አኬከናን ፑቲ ጊደ፡ ኡንቲንቲ ላኡዋጥ ግዲዋን ገሊደ፡ ሻኬዳ። ኤላሰ ጎትያን ሳሉዋ ከሴዳ።

12 ኤልሳእ ሃዋ ቢደደ፡ “ታ አዎ፡ ታ አዎ! ኔን እሰራኤልያ አሳዉ ዋልቃነ ጎንዳላ ሸን!” ያጌደ ዋሴዳ። ሃዋጥ ሰሚደ፡ እ ኤላሳ ኡባካ ቢእቤና።

ኤልሳእ ሃዋን ካዮቲደ፡ ባረ ማዩዋ ላኡ ከሲደ፡ ፖሽ ኦሌዳ።

13 ያቲደ ኤላሳጥ ዋዴዳ ካባ እ ደንሊደ፡ ጉዩ ሰሚዳ፤ የርዳኖሳ ሻፋ ደናን ኤቁዳ።

14 ኤላሳጥ ዋዴዳ ካባ እኪደ፡ ሃላ አን ሸጮደ፡ “መድና ጎዳይ ኤላሳ ጸሳይ ሀቃን ደኢ?” ያጌዳ። ኤልሳእ ሃላ ሸጮድ ዋደ፡ ሃላይ ያነ ሃነ ሻከቲዳ፤ ሻፋ ፕኔዳ።

15 ያርኮጥ ዬዳ ትምቢትያ ኦድያዋንቲ ጭታይ ኤልሳእ ቢኤዳ ዋደ፡ “ኤላሳ አያናይ ኤልሳእ ቦላ ሸምጥዳ” ያጌድኖ። ኡንቲንቲ አናና ጋከታናዉ ዪደ፡ እ ሰንላን ሳኢን ጉፋኔድኖ።

16 ያቲደ ኡንቲንቲ አ፡ “ቢአ፡ ኮን ነ ቆማቲ እሻታሙ ምኖ አሳቲ ሀዋን ደኤቶ። ሀያና ኮን ነ ጎዳ ኮያናዉ ባና። ኮን ኤሪ፡ መድና ጎዳ አያናይ አ እኪደ፡ እት ደርያ ሁጺያን ዋይ ዛንጋራ ግደን የጌደንቶን” ያጌድኖ።

ኤልሳእ፡ “ሀነና፡ ቦፕተ!” ያጌዳ።

17 ሸን እጸድ ጋናዌ አ ዬላያና ጋካናወ፡ ኡንቲንቲ አ ዋሲደ አገናን እጽና፡ “ቢተ” ያጌዳ። ኡንቲንቲ እሻታሙ ቤድኖ። ሄዙ ጋላሳ ኮዪደ፡ አ ደምቤይክኖ።

18 ኤልሳእ ያርኮን ታክ ደእሸን፡ ኡንቲንቲ አኮ ሰሚደ ዪና፡ “ዋን ታን ሀንተንታ ቦፕተ” ያጋቢይክታ?” ያጌዳ።

ኤልሳእ ኦሌዳ ማላልሰያባቲዋ

19 ሃዋጥ ጉይያን፡ ያርኮ ካታማን ደእያ አሳቲ ኤልሳእ፡ “ኔን ኦ ጎዳይ ቢእያዋዳን ሀ ካታማይ ደእያ ሳአይ ሎአ። ሸን ሃላይ ኢታ፤ ቃይ ቢታይካ አይፈና” ያጌድኖ።

20 እ ኡንቲንታ፡ “አነ ኦራላ ከርያን ማጽንያ ቆሊደ፡ ታዉ አኪደ ዪተ” ያጌደ እዛዜዳ፤ አዉ አሄድኖ።

21 ኤልሳእ ፑልትያ ቢደ፡ ማጽንያ አን የጊደ፡ “መድና ጎዳይ፡ ታን ሀ ሃላ ፓላድ፤ ሀዋጥ ሰንላናዉ ሀ ሃላይ ሀይቁዋሰ ጋሶ ግደና፤ ቢታይካ አይፋናዋ” ያጌዳ።

22 ኤልሳእ ሃሳዬዳዳንካ ሀቼ ጋካናወ፡ ሃ ሃላይ ጽሎ ግዴዳ።

23 ኤልሳእ ያጥ ደንዲደ፡ ፑደ ቤቲላ ከሴዳ። እ ኦግያን ቢሸን፡ ያላጋ አቲማ ናናይ ካታማጥ ከሲደ፡ “ላ ሀ ሁጺያና ቦአዉ፡ ፑደ ከሳ! ላ ሀ ሁጺያና ቦአዉ፡ ፑደ ከሳ!” ያጌደ አ ቦላ ቆሊጮድኖ።

24 ገዮ ሰም ደሊደ፣ ኡንቱንታ መድና ጎዳ ሱንግን ሸቄዳ። ያትና ባባንግ ጌተትያ ላኡ ማጫ ደአቱ ዋራጥ ከሲደ፣ ናናቱዋጥ ኦይታማን ላኡ ያላጋቱዋ ፑዘረሲደ ዋዴድኖ። 25 ኤልሳእ ሄዋጥ ደንዲደ፣ ቃርመሎሳ ደርያ ቤዳ፤ ቃይ ሄዋጥካ ሳማርያ ሰሜዳ።

3

ሞክሮ እስራኤልያና ኦላቲዳ

1 ይሁዳ ካቲ ዮሳፌዳ ካተቲዳ ታማን ሆሰፑንግ ላይግን ኣካባ ናኣይ ዮራመ ሳማርያን እስራኤልያ ቦላ ካተቲዳ፤ እ ታማን ላኡ ላይግ ካተቲዳ።

2 እ መድና ጎዳ ሰንግን ኢታ ኦሎዳ። ሸን ባረ ኣወዋን ባረ ዳይ ኤልዛቤል ኬሻ ኢታ ግደና፤ ኣያወ ጎጥ፣ እ ኣወ ኦሎዳ ባኣላ ኤቃ እ ዶቆሎዳ።

3 ግደጥን ናባጸ ናኣይ እዮርባም እስራኤልያ ኣሳ ኦሰሴዳ ናጋራ እ ካሌዳጥ ኣትና ቆይሰቤና።

4 ሞክሮ ቢታ ካቲ ሜሻእ ደርሳ ሄሜ። እ እስራኤልያ ካትያወ ዴቱ ሻእ ቦልትቦልታ ደርሳቱዋን ዴቱ ሻእ ኮልያ ደርሳቱዋ እስክያ ላይግን ላይግን ገራ።

5 ሸን እስራኤልያ ካትያ ኣካብ ሀይቄዳዋጥ ጉይያን፣ ሞክሮ ካቲ ሜሻእ እስራኤልያ ቦላ ማካሌዳ።

6 ሄ ዋደ ካቲ ዮራመ ሳማርያጥ ከሲደ፣ እስራኤልያ ኡባ ሸሽዳ።

7 ቃይ ይሁዳ ካትያ ዮሳፌዳኮ ኪታ ዩዲደ፣ “ሞክሮ ካቲ ታ ቦላ ማካሌዳ፤ ሞክሮና ኦላታናወ ኔን ታናና ባኒ?” ያጌዳ።

ዮሳፌዳ፣ “ኤ ታን ባና። ታን ነ ማላ፤ ታ ኣሳይካ ነ ኣሳ ማላ፤ ቃይ ታ ፓራቱካ ነ ፓራቱዋ ማላ” ያጌደ ዛሬዳ።

8 ዮሳፌዳ ቃይ፣ “ኡን ሀቃ ኦግያና ቢደ ኡንቱንታ ኦላኔ?” ያጌደ ኦቹዳ።

ካትያ ዮራመ፣ “ኤደማ ዋራን ደኣያ ኦግያና ቢደ ኦላና” ያጌደ ዛሬዳ።

9 ሄዋ ድራወ፣ እስራኤልያ ካቲ፣ ይሁዳ ካቲን ኤደማ ካቲ ኦላወ ከሴድኖ። ኡንቱንታ ላቸን ጋላሳ ኦግያ ዩዩዳዋጥ ጉይያን፣ ኦላንቻቶካ ኡንቱንታ ካሌዳ መሀያወካ ኣይ ሃለን ባዋ።

10 ሄ ዋደ እስራኤልያ ካቲ፣ “ኣየ ኣና! መድና ጎዳይ ኦና ሀ ሄዙ ካተቱዋ እትጥ ሞክሮ ካትያወ ኣሊደ እማናወ ዴሴዳ” ያጌዳ።

11 ሸን ዮሳፌዳ፣ “ኡን ኣ ባጋና መድና ጎዳ ኦቻናዳን ሀዋን ትምቢትያ ኦድያዌ ባዌ?” ያጌደ ኦቹዳ።

እስራኤልያ ካትያ ኦላ ጋዳዋቱዋጥ እቱ፣ “ኤላሳ ማዲደ ደኤዳ ሻፋጸ ናኣይ ኤልሳእ ሀዋን ደኤ” ያጌደ ዛሬዳ።

12 ዮሳፌዳ፣ “ኤ፣ እ ቱሙ ትምቢትያ ኦድያዋ” ያጌዳ። ሄዋጥ ጉይያን፣ እስራኤልያ ካቲ፣ ዮሳፌዳን ኤደማ ካቲን ኤልሳእኮ ዲገ ዋዴድኖ።

13 ኤልሳእ እስራኤልያ ካትያ፣ “ታናናን ኔናና ኣዬ ጋለያዌ? ባ፤ ባደ ነ ኣወን ነ ዳያን ኦቹዳ ትምቢትያ ኦድያዋንታ ኦቻ” ያጌዳ።

እስራኤልያ ካቲ ዛሬደ፣ “ቱይት፣ ኣያወ ጎጥ፣ ሀ ሄዙ ካተቱዋካ እትጥ ሞክሮ ካትያወ ኣሊደ እማናወ ኦና ዴሴዳዌ መድና ጎዳይ፤” ያጌዳ።

14 ኤልሳእ፣ “ታን ኣወ ኦላያ ኡባጥ ዋልቃማ መድና ጎዳይ ኤሮ! ይሁዳ ካትያ ዮሳፌዳ ድራይ ባይናዋ ግድንቶ፣ ታን ኔና ኣይፍያንን ዴልከን በእከ ሸን።

15 ኣነ ታወ ሀእ ዲላ ዲጽያዋ ኣህተ” ያጌዳ።

ዲጽያዌ ዲጽሸን፣ መድና ጎዳ ዋልቃይ ኣ ቦላ ዋዴዳ።

16 ኤልሳእ፣ “መድና ጎዳይ፣ ህ መላ ዛንጋራ ኡባን ኦላ ቦክተ” ያጌ።

17 ኣያወ ጎጥ፣ መድና ጎዳይ፣ ጫርኩዋ ዋይ እራ በእክታ፤ ሸን ሀ ቦኤዳ ዛንጋራን ሃላይ ኩማና፤ ህንተንቱ፣ ህንተንቱ ሚዛይን ህንተንቱ ሀራ መሂ ኡሻና ያጌ።

18 ሀዌ መድና ጎዳ ሰንግን ላፋባ፤ ቃይ መድና ጎዳይ ሞክሮካ ህንተንቶ ኣሊደ እማና።

19 ግምቦቲዳ ካታማቱዋን ዋልቃማ ካታማቱዋ ኡባ ህንተንቱ ጸናና። ሎኦ ሞላቱዋ ኡባካ ቃንጸና፤ ሃላ ፑልቶቱዋ ኡባቱዋካ ህንተንቱ ባራና፤ ኣራዳ ሾይቃቱዋ ኡባ ቦላን ሹቻ ላሊደ ባይዛና” ያጌዳ።

20 ዋንተላ ጋላሰ ዋንታ ያርሹዋ ያርሸያ ዋዲ ጋክና፣ ኤደማ ባጋና ሃላይ ጎጌዳ፤ ሃላይ ቢታን ኤሌዳ።

21 ሞክሮ ቢታ ኣሳይ ሄዙ ካተቲ ኡንቱንታ ኦላናወ ዬዳዋ ሰሴዳ። ናናይ፣ ጭማይ ኦላ ሚሻ ቶካናወ ዳንዳይያ ኣሳይ ኡባይ ዴሰት ዪደ፣ ባረንቱ ቢታ ዛዋ ናጌድኖ።

22 ኡንቱንቱ ዋንታ ጉራና ደንድያ ዋደ፣ ሃላ ቦላ ዋዴዳ ጸልቂ ዘኢደ፣ ኡንቱንቶ ሱላ ማላቲደ ቤቲዳ።

23 ያትና ኡንቱንቱ፣ “በእተ፣ ሀዌ ሱላ! ካተቲ ባረንቱ ግደን እቱ እቱዋና ኦላቲደ፣ ሀይቂ ወሬድኖ። ሞክሮ ኣሳወ፣ ኣነ ቢደ፣ ኡንቱንታ ኣቁዋ ቆጭሬቶ” ያጌድኖ።

24 ሞክሮ ቢታ ኣሳይ እስራኤላቱ ኣቁዋ ቤዳ፤ እስራኤላቱ ደንዲደ፣ ኡንቱንታ ሾጩድኖ። ኡንቱንቱ ጋድያ ቦላን ማዬድኖ፤ ሞክሮ ኣሳ ዋዴድኖ።

25 ካታማቱዋካ ኦላቲደ ባይዜድኖ። ኣሳይ ኡባይ ሀጲያን ሀጲያን እት እት ሹቻ ኣኪደ፣ ኣራዳ ሾይቃቱ ኡባቱ ካመታና ጋካናወ፣ ኡንቱንቱ ቦላ ኦሌዳ። ፑልቶ ኡባ ባራይ፣ ሎኦ ሞላ ኡባካ ቃንጸድኖ። ቁርሄራሳ ጌተትያ እት ካታማ ግምቦ ጸላላይ ኤቁዋን ኣቲዳ፤ ሸን ያምባርሻን ኦልያ ኣሳቱ ሄ ካታማካ ዲዲደ ሾጩድኖ።

26 ሞክሮ ካቲ ኦላይ ባረ ቦላ ጎቤዳዋ በኤዳ ዋደ፣ ማሻ ዳንጨደ ላቸን ዴቱ ኣሳቱዋ ኣኬዳ። ኦላ ግዲዋን ዳኪደ፣ ኤደማ ካትያኮ ፕናናወ ደንዳይ፤ ሸን ኣወ ሀነናን እጹዳ።

27 ሄዋጥ ጉይያን፣ ባረ ሳክን ካተታናወ ደኣያ ባረ ባይራ ናኣ ኣኪደ፣ ካታማ ግምቢያ ቦላን ታማን ጸጊደ ያርሹዳ። ሞክሮቱ እስራኤላቱ ቦላ ህንቁዋ ሱሌድኖ። ያትና እስራኤላቱ ሄ ካታማ ኣጊደ፣ ባረንቱ ጋድያ ሰሜድኖ።

4

ኤልሳእ እት ህዬሳ አምእቶ ማዳዳ

1 ትምቢትያ ኦድያዋንቱፕ እቱዋ ማቻታ ኤልሳእኩ ባደ። “ሳ ቆማይ ታ አሰናይ ሀይቄዳ። እ መድና ጎዳው ያይያ አሳ ግድያዋ ኔን ኤራሳ። ሸን ሀእ ኦ ኦጮ ታ ናና ላኡዋ ባረው አይላ ከሰናው ዬዳ” ያገደ አው ዋሳዲ።

2 ኤልሳእ እዘው። “ያትና ታን ነው አይ ኦሉ? ነ ሶን እያይ ደኢ? አነ ታው ኦዳ” ያገደ።

ምሽራታ። “ታው ነ ቆማትው እት ኦቱዋን ዛይቲ ደእያዋፕ አትና። ሀራባይ አያይነ ባዋ” ያገደ።

3 ኤልሳእ እዘ። “ባይ ነ ሸርቱዋ ኡባፕ መላ ኦቶቱዋ ጋርጸ። ላፋ ጋርጸፕ።

4 ሄዋፕ ጉይያን። ሶ ገላደ። ነ ቦላነ ነ ናናቱዋ ቦላ እፍላ ጎርዳ። ኦቶቱዋ ኡባን ዛይትያ ትጋ፤ ዛይቲ ኩሜዳ ኦቱዋ ኦቱዋ እት ባጋ ዛራ” ያገደ።

5 ምሽራታ ባደ። ካርያ ባረ ቦላነ ባረ ናናቱዋ ቦላ ጎርዳዲ። ኡንቱንቱ እዘው ኦቶቱዋ ሺሸና። አ ዛይትያ ትገላ ኦይቃዲ።

6 ኦቱዋ ኡባይ ኩሜዳ ዋደ። ምሽራታ ባረ ናኦ። “አነ ታው ሀራ ኦቱዋ አካደ ያ” ያገደ።

ሸን ናኦይ ዛሪደ። “ሀር እት ኦቱነ አትቤና” ያገደ። ሄዋፕ ጉይያን። ዛይቲ ጎግያዋ አግ ባሺዳ።

7 ምሽራታ ሰማደ ባደ። ኤልሳኤው ኦዳዲ። እ። “ባደ ዛይትያ ዛልኦደ። ነ አጩዋ ጭጋ። አቲዳዋን ኔንነ ነ ናናይነ ጎኤቲደ ደአናው ዳንዳዪታ” ያገደ።

ኤልሳእነ ሹኔማ ካታማን ደእያ ምሽራቶነ

8 እት ጋላሰ ኤልሳእ እት ዱረ ምሽራታ ደእያ ሹኔማ ጌተትያ ካታማ ቤዳ። ምሽራታ አ ሸባደ። ቁማ ምዛዲ። ሄ ጋላሳፕ ደሚደ። እ ሄዋና አድያ ዋደ ኡባን። ቁማ ማናው እ ሶ ገሌ።

9 አ ባረ አሰና። “ሀ ኡባ ዋደ ኦ ማታና አድያ ብታኒ ጸሳ አሳ ግድያዋ ታን ኤራይ።

10 ሄዋ ድራው። አነ እት ጉላ ክፍልያ ቦላ ፖቅያን አው ኬጾይተ፤ እ ግዲዋን ግሱዋ። አራታ። ጸራጾዛነ ጸምፕያ ዋይቲ። ሄዋፕ ጉይያን። እ ኩፍ ዬዳ ዋደ ኡባን። ሄዋን ገላና ዳንዳዪ” ያገደ።

11 እት ጋላሰ ኤልሳእ ሹኔማ ካታማ ዪደ። ባረ ክፍልያ ፑደ ከሲደ። ያን ሸምፕዳ።

12 ሄዋፕ ጉይያን። ባረ ቆማ ግያዛ። “ባይ ሄ ምሽራቶ ጾሳ” ያገደ። ግያዝ ጾሰና። አ ያደ ኤልሳእ ሰንላን ኤቃዲ።

13 ኤልሳእ ግያዛ። “ሀ ምሽራቱ ሳን ኦ ድራው። ሀዋ ኡባ መቶታዳ። ያትና ኦን ነው አይ ኦላን? ነው ኦን ቢደ። ካትያ ዋይ ኦላ ጋዳዋ ሃሳይሰያብ ደኢ?” ያገደ እዘ ኦቻ” ያገደ።

ምሽራታ። “ታን ሀዋን ታ አሳ ግድን ደእሸን። ታና መትያባይ ባዋ” ያገደ።

14 ሄዋፕ ጉይያን። ኤልሳእ ግያዛ። “ያትና ኦን እዘው አይ ኦላኔ?” ያገደ ኦቹዳ።

ግያዝ። “እዘው ናእ ባዋ፤ እ አሰናይካ ጭማዳ” ያገደ።

15 ኤልሳእ። “ምሽራቶ ቃይካ ጾሳ” ያገደ። እዘ ጾሴዳ፤ እዛ ያደ። ፕንግያን ኤቃዲ።

16 ኤልሳእ ምሽራቶ። “ላይላ ሀኖደ ኔን አቱማ ናኦ እድማና” ያገደ።

ምሽራታ። “ሀይ ታ ጎዳው። ኔን ጸሳ አሳ ግድኪ። ታው ዋርዶቶፕ!” ያገደ።

17 ሸን ምሽራታ ሻሃራዲ፤ ኤልሳእ እዘው ኦዳዳዋዳን ላይላን ሄ ዋደ አቱማ ናኦ የላዲ።

18 ሄ ናኦይ ድጩዳ፤ እት ጋላሰ ካላ ጫክያ አሳቱዋና ደእያ ባረ አውዋኮ ቤዳ።

19 ባረ አዋ። “ዋ ታ ሀጲያው! ዋ ታ ሀጲያው!” ያገደ።

አ አው እት ቆማው። “ቶካደ አ ዳይኮ አፋ” ያገደ ኦዳዲ።

20 ቆማይ ናኦ አኪደ። አትኮ አፍና ጋላሳ ሴታይ ጋካናው ናኦይ ባረ ዳይ ክጫዋን ኡቲዳ፤ ሄዋፕ ጉይያን። ናኦይ ሀይቄ አጌዳ።

21 ምሽራታ ናኦ ፑደ አፋደ። ጸሳ አሳ አርሳን ግሰሳዲ። ያታደ አ ቦላ እፍላ ጎርዳደ ባዲ።

22 ሄዋፕ ጉይያን። ባረ አሰና ጾሳደ። “ታን ጸሳ አሳኮ ኤላካ ባደ ያና ማላ። ቆማቱዋፕ አቱዋነ ሀረቱዋፕ አቱዋነ ታው የዳ” ያገደ።

23 እ። “ሀቹ አግና ጾራዋ ጋላሳ ዋይ ሳምባታ ግደናባ። አዬ ኔና አኮ አፍያዋ?” ያገደ።

አ። “አያይነ ባዋ” ያገደ።

24 ሄዋፕ ጉይያን። ሀርያ ኮራደ። ባረ ቆማው። “ሀርያ ላጋ! ታን ነው ኦዳና ጋካናው። ሎዳን ላጎፕ” ያገደ።

25 ምሽራታ ሄዋፕ ደንዳደ። ቃርመሎሳ ደርያን ደእያ ጸሳ አሳኮ ባዲ።

ኤልሳእ ምሽራታ ይያና ሃኩዋን በኢደ። ባረ ቆማ ግያዛው። “በአ። ሹኔማ ካታማን ደእያ ምሽራታ ያው።

26 አ ዋካናው ዋጾ ባደ። “ኔን ሳሬ? ነ አሰናይ ሳሬ? ነ ናኦይ ሳሬ?” ያገደ ኦቻ” ያገደ።

ምሽራታ። “ኦን ኡባይካ ሳራ” ያገደ።

27 ምሽራታ ደርያ ቦላን ደእያ መድና ጎዳ አሳኮ ጋኬዳ ዋደ። ሆካደ አ ገድያ ኦይቃዲ።

ግያዝ ምሽራቶ ድጋናው ሸቄዳ፤ ሸን ጸሳ ብታኒ አ። “አጋ! አ ዋልቃማ መቱዋን ደእው፤ ሸን መድና ጎዳይ ታፕ ሄዋ ገንጫዲ። እ መቱዋ ታው ኦድቤና” ያገደ።

28 ሄዋፕ ጉይያን ምሽራታ። “ታ ጎዳው። ኔን ታው ናኦ እማናዳን ታን ኔና ኦቻድታ? ታን ኔና። ‘ታና ጮ መላ ቃቃዮፕ’ ያጋበይክታ?” ያገደ።

29 ኤልሳእ ግያዛ። “ሳ አዲሳ ማዩዋ ነ ሳቂያን ሰርቃ፤ ያታደ ታ ጋትማ አካደ ኤሌላ። ኦግያን ኦናናን ጋከቶፕ። ሳርቶፕ፤ አንነ ኔና ሳርቶፕ። ዛራደ ሳርቶፕ። ታ ጋትማ ናኦ ዳሙዋን ዋላ” ያገደ።

30 ሸን ናኦ ዳያ። “መድና ጎዳይ ኤር! ነ ሸምፕ ኤር! ታን ኔና የገደ ቢከ” ያገደ። ኤልሳእ ደንዳደ። እዘ ካሌዳ።

31 ግያዝ ኡንቱቱፕ ሰንላቲደ ቢደ ጋትማ ናኦ ዳሙዋን ዋላዳ፤ ሸን ኮሻይ ዋይ ሸምፕ ባዋ። ያትና ግያዝ ኤልሳኤና ጋከታናው ሰም ዪደ። “ናኦይ ቤጎትቤና” ያገደ ኦዳዲ።

32 ኤልሳእ ሶ ገሊደ፣ ሄ ናኣ ኣሃይ ኣ ኣርሳን ግሴዳዋ በኤዳ።

33 ባረ ቦላነ ናኣ ቦላነ ካርያ ጎርዲደ፣ መድና ጎዳ ዋሴዳ።

34 ሄዋፕ ጉይያን፣ ናኣ ኣሃ ቦላ ከሲደ፣ ባረ ደና ኣ ደናን፣ ባረ ኣይፍያ ኣ ኣይፍያን፣ ባረ ኩሽቱዋካ ኣ ኩሽቱዋን ጋሕ ዋሊደ ግሴዳ። ናኣ ቦላይ ሆኤዳ።

35 ኤልሳእ ደንዲደ፣ ሶ ግደን ያነ ሃነ ሰመረቲዳ። ላኤንሉዋካ ሰሚደ፣ ናኣ ቦላ ጮጎቲደ ግሴዳ። ያትና ናኣይ ላፑ ገደ ሄድሹዳዋፕ ጉይያን ዴሌዳ።

36 ያትና ኤልሳእ ግያዛ ዴሲደ፣ “ኣነ ሀ ሹኔማቶ ዴሳ” ያጌዳ። ግያዝ እዞ ዴሲዳ። እዛ ዬዳ ዋደ፣ ኤልሳእ እዞ፣ “ነ ናኣ ኣካ” ያጌዳ።

37 ሄዋፕ ጉይያን፣ ሞሽራታ ኤልሳእ ገድያን ኩንዲደ፣ ቢታን ጉፋናዲ። ያታደ ባረ ናኣ ኣካደ ካረ ከሳዲ።

ሀራ ላኡ ማላልሰያባቱዋ

38 ኤልሳእ ገልጋላ ሰሚደ ዬዳ ዋደ፣ ቢታይ ኮሻት ኡቲዳ። ትምቢትያ ኦድያዋንቱ ጭታይ ኣ ሰንሳን ኡት ደእሸን፣ እ ባረ ቆማ፣ “ዋጋ ከርያ ታማን ዋላደ፣ ሀ ኣሳቶ ዋጽያ ካላ” ያጌዳ።

39 ኡንቱንቱፕ እቲ ሳንሳ ማላትያ ቦንጨቱዋ ማጺደ እሀናዉ ጋደ ቤዳ። ዶልያ ጎሰያ ቱራ ደሜዳ፤ ቶካናዉ ዳንዲይያዋ ኬሻ ዳር ጎሰያ ኣኪደ ዬዳ። እ ኣየንቶ ኤረናን ኣንጨዳ፣ ከርያን የጌዳ።

40 ኣሳቱ ማና ማላ፣ ዋጽያ ትጌድና። ኡንቱንቱ ዋጽያ ቱሽ ኣ ሞ በኤዳ ዋደ፣ “ጸሳ እሶ፣ ሀ ከርያን ዋድያባይ ደኤ!” ያጌደ ዋሴድና። ኣሳቱ ማናዉ ዳንዲይቢይክና።

41 ኤልሳእ፣ “ያቶፕ ታዉ ዲልያ ኣኪደ ዪተ” ያጌዳ። ሄ ዲልያ ከርያን ቆሊደ፣ “ኣሳይ ማናዳን ዋጽያ ትግተ” ያጌዳ። ሄዋፕ ሰሚደ፣ ከርያን ኢታባይ ቤትቤና።

42 ኮይር ጋኬዳ ካላፕ ኡከቲዳ ላታሙ፣ ባንጋ ኮምቱዋ፣ ትሻ ካላና እትፕ ባረ ኣጎራዋን የግ ኣኪደ፣ ጸሳ ኣሳዉ ኣሀያ እት ብታኒ ባኣል-ሻለሻ ግያ ሳኣፕ ዬዳ። ኤልሳእ ባረ ቆማ፣ “ማናዉ ኣሳዉ ኣላ” ያጌዳ።

43 ኣ ቆማይ፣ “ታን ጸቱ ኣሳ ሰንሳ ሀዋ ዋታ ኣሶ?” ያጌደ ኦቼዳ።

ሸን ኤልሳእ፣ “ማናዉ ኣሳዉ ኣላ፤ ኣያዉ ጎፕ፣ መድና ጎዳይ ኡንቱንቱ ማና ደካይካ ኣታናዋ ያጌ” ያጌዳ።

44 ሄዋ ድራዉ፣ ቆማይ ኡንቱንቱ ሰንሳ ኣሊና፣ ኡንቱንቱ ሜድና። መድና ጎዳይ ጌዳዋዳን፣ ደካይ ኣቲዳ።

5

ንእማነ ዋልቃማ ኦሉዋ ሀርግያፕ ፓጾዳ

1 ሶርያ ካትያ ኦላ ጋደዉ ንእማነ ባረ ጎዳን ዳርፕ ደሰቲዳን ቦንቼቲዳ ኣሳ። ኣያዉ ጎፕ፣ ኣ ባጋና መድና ጎዳይ ሶርያ ኦላንቻቶ ጸኑዋ እሚዳ። ንእማነ ቶራዉ ቃራ ኣሳ፤ ግድፕን ዋልቃማ ኦሉዋ ሀርጊ ኣ ኣይቂ ኡቲዳ።

2 እት ዋደ ሶርያ ቢታፕ ኣሞድያዋንቱ እሰራኤልያ ጋድያ ቤዳዋን፣ እት ጉላ ናቶ እሰራኤልያፕ ኣሞዴድና። ሄ ናታ ንእማና ማቻትዉ ቆማ ግዳዲ።

3 ሄ ናታ ባረ ጎዳቶ፣ “ታ ጎዳይ ሳማርያን ደእያ ትምቢትያ ኦድያዋና ጋከቲዳባ ግዴረኔ! ያትንቶ እ ኣ ፓላና ሸን” ያጋዲ።

4 ንእማነ ባረ ጎዳኮ ቢደ፣ እሰራኤልያፕ ዬዳ ናታ ጌዳዋ ኣዉ ኦዴዳ።

5 ሶርያ ካቲ ንእማና፣ “ባ፣ ታን እሰራኤልያ ካትያዉ ዳብዳቢያካ ኪታና” ያጌደ ዛሬዳ። ያትና ንእማነ ሀታሙ ሻኦ ጸጋራ ብራ፣ ኡሱፑን ሻኦ ዋርቃ ሳንትምያን ታሙ ኩመንሳ ማዩዋ ኣኪደ ቤዳ።

6 እሰራኤልያ ካትያዉ እ ኣኪደ ኣፌዳ ዳብዳቢ፣ “ሀ ዋልቃማ ኦሉዋ ሀርግያፕ ኔን ታ ቆማ ንእማና ፓላና ማላ፣ ሀ ዳብዳቢያና ታን ኣ ኔኮ ኪታድ” ያግያዋ።

7 እሰራኤልያ ካቲ ዳብዳቢያ ናባቤዳ፤ ኤላካ ዳጋሚደ፣ ባረ ማዩዋ ፔዲደ፣ ሀዋዳን ያጌዳ፣ “ታን ኣ ዋቆናዉን ፓላናዉን ጸሴያ? ታን እት ኣሳ ኣ ዋልቃማ ኦሉዋ ሀርግያፕ ፓላና ማላ፣ ሀ ብታኒ ታኮ ኣያዉ ኪቲ? እ ታናና ዋላቀታናዉ ጋሱዋ ኮይያዋ በእተ” ያጌዳ።

8 ጸሳ እሳ ግድያ ኤልሳእ እሰራኤልያ ካቲ ባረ ማዩዋ ፔዲዳዋ ሰሴዳ ዋደ፣ እኮ ኣሳ ኪቲደ፣ “ነ ማዩዋ ኣያዉ ፔዲዳ? ኣ ሃ ታኮ የዳ፤ እሰራኤልያን ትምቢትያ ኦድያዌ ደእያዋ ታን ኣ ኤርሳና” ያጌዳ።

9 ንእማነ ባረ ፓራቱዋን ፓራ ጋረቱዋ ኣኪደ ቤዳ፤ ኤልሳእ ካረን ኤቄዳ።

10 ኤልሳእ እኮ ኣሳ ኪቲደ፣ “ባ፣ ዮርዳኖሳ ሻፋን ላፑ ገደ ሙከታ፤ ነ ሀርግያፕ ኔን ፓጻናን ጌያናን” ያጌደ ኣዛዜዳ።

11 ሸን ንእማነ ሀንቀት ደንዲደ፣ “በእተ፣ ታን፣ ቱሙካ እ ታኮ ይ ኤቂደ፣ መድና ጎዳ ባረ ጸሳ ሱንሳ ዴሲደ፣ ቃይ ባረ ኩሽያ ሄ ጸለቁዋ ቦላን ቃሊደ፣ ታና ሀ ዋልቃማ ኦሉዋ ሀርግያፕ ፓሌ ያጋደ ቆፓድ።

12 ዳማሰቆ ሻፋቱ፣ ኣባንነ ፓርፋር እሰራኤልያን ደእያ ሻፋ ኡባፕ ኬክክኖየ? ያትና ታን ኡንቱንቱን ሙከታደ ጌያ ክቶክታ?” ያጌዳ። ሀንቀቲደ፣ ጉየ ሰሜዳ።

13 ኣ ካልያዋንቱ ኣኮ ሸቂደ፣ “ኑ ኣዎ፣ ትምቢትያ ኦድያዌ ኔን ግታባ ኦላናዳን ነዉ ኦድንቶ፣ ዋን ኔን ኦላኪየ? ያትና እ ኔና፣ “ባደ ሙከታደ ጌያ” ያጌዳባይ ኣያ ዴዲ?” ያጌድና።

14 ያትና እ ዲግ ዋዲደ፣ ጸሳ ብታኒ ኣዉ ኦዴዳዋዳን ዮርዳኖሳ ሻፋን ላፑ ገደ ሙከቲደ ጌዬዳ። ኣ ቦላይ ቄር ናኣ ቦላዳን ሀኒደ ፓጾዳ፤ ጌዬዳ።

15 ሄዋፕ ጉይያን፣ ንእማንነ ኣናና ዬዳ ኣሳይ ኡባይ ኤልሳእኮ ጉየ ቤዳ። ንእማነ ኣ ሰንሳን ኤቂደ፣ “እሰራኤልያ ቢታናፕ ኣትና፣ ሳኣ ኡባን ጸሰ ባይናዋ ታን ሀእ ኤራድ። ሀያና ሀእ ታን ነ ቆማይ እምያ እሙዋ ኣካ!” ያጌዳ።

16 ኤልሳእ፣ “ታን ኣዉ ኦላያ መድና ጎዳይ ኤር! ታን ኔፕ ኣያን ኣክከ” ያጌዳ። ኤልሳእ እሙዋ ኣካናዳን ናእማነ ዋሰናካ፣ እጾዳ።

17 ሄዋጥ ጉይያን ንእማነ፡ “አካና ጳይያዋ ግደጥ፡ ኔን ታው ላኡ ባቁሉዋ ጫና ቢታ እማናዳን ታን ኔና ዋሳይ። እያው ጎጥ፡ ታን ነ ቆማይ ሀቼጥ ህን ባጋን ጸግያ ያርሹዋ መጵና ጎዳው ያርሻናጥ እትና፡ ሀራ ጸሳቶ ያርሸከ።

18 ሸን መጵና ጎዳይ ታው ነ ቆማው እትባ አቶ ጎ፡ ታ ካቲ ርዋና ግያ ኤቃው ጎይናናው ገልያ ዋደ፡ ታንካ ኦ አጃባደ ገላደ ጎይናናው ኮሼ። መጵና ጎዳይ ታው ነ ቆማው ሄዋ አቶ ጎ” ያጌዳ።

19 ኤልሳእ፡ “ሳሩዋን ጋካ!” ያጌዳ። ንእማነ ደንዲደ ቤዳ።

እ ላፋ ዛርዳኪደ ቢሸን፡

20 ጸሳ አሳ ግዴዳ ኤልሳእ ቆማይ ግያዝ፡ “ታ ጎዳይ ኤልሳእ ሶሪ ንእማነ አሄዳዋጥ እያካ አከናን ጮ የዴዳ። መጵና ጎዳይ ኤር! ታን ኦ ጌዲዋ ዋጸደ፡ አጥ እትባ አካና” ያጌደ ቆጥዳ።

21 ሄዋ ድራው፡ ግያዝ ናእማና ካሌዳ። ባሪ ጌዲዋ ዋጸያዋ ንእማነ በኪደ፡ አናና ጋከታናው ፓራ ጋርያጥ ዋጲደ፡ “አይቫ፡ ሳራ ግደኔ?” ያጌደ ኦቼዳ።

22 ግያዝ፡ “አየነ ባዋ፤ ሳራ! ሸን ታና ታ ጎዳይ፡ “ኤፍሬማ ገዝያጥ ትምቢትያ ኦድያዋንቱ ዛታ ግድያ ላኡ ዋዳላቱ ሀእ ታኮ ዬድኖ። ሀያና ኡንቱንቶ ሄዙ ሻኦ ጸጋራ ብራነ ላኡ ኩመንሳ ማዩዋነ እማ” ጋደ ኦ ኦቻ” ያጌደ ኪቱዳ” ያጌዳ።

23 ንእማነ ግያዝ፡ “ያቶጥ ሀያና ኡሱፑን ሻኦ ጸጋራ ብራ አካ” ያጌዳ። ንእማነ ግያዝ ሸቢደ፡ ሄ ብራ ላኡ ቃርጨታን የጌደ፡ ላኡ ኩመንሳ ማዩዋና ላኡ ቆማቱዋ ቶሲደ፡ ግያዘጥ ሰንሳው የዴዳ።

24 ግያዝ ደእያ ደርያ ኡንቱንቱ ጋክና፡ ብራነ ማዩዋነ ኡንቱንቱጥ አሲደ፡ ሶ ገልሴዳ። ያቲደ ኡንቱንታ ሞይዝና፡ ኡንቱንቱ ቤድኖ።

25 ሄዋጥ ጉይያን፡ ሶ ገሊደ፡ ባሪ ጎዳ ኤልሳእ ሰንሳን ኤቁዳ። ኤልሳእ ግያዝ፡ “ሀቃ ባድ?” ያጌደ ኦቼዳ።

ግያዝ፡ “ታን ነ ቆማይ ሀቃነ ባበይከ” ያጌደ ዛሬዳ።

26 ሸን ኤልሳእ ዛሬደ፡ “ብታኒ ኔናና ጋከታናው ፓራ ጋርያጥ ዋጲያ ዋደ፡ ታ እያናይ ኔናና ደኤ ግደኔ? ሀዌ ሚሻን ማዩዋ፡ ዋይ ዋጋራነ ዋይንያ ቱራ ሳኦ፡ ዋይ ደርሳ ዉድያነ ሚዛ ዉድያ፡ ዋይ አቱማ ቆማነ ማጫ ቆማ አክያ ዋዳየ?”

27 ሄዋ ድራው፡ ንእማና ኦይቁዳ ዋልቃማ ኦሉዋ ሀርጊ ኔና ነ ዘረላ ኡባ መጵ መጵናው ኦይቃናዋ” ያጌዳ። ግያዝ ኤልሳእ ሰንሳጥ ከሲደ ቢሸን፡ ሄ ሀርጊ ኦ ኦይቁና፡ ኦ ጋልባይ ሻቻዳን ቦጽ ባሼዳ።

6

ሃላ ቦላን ዋጲዳ ቤጽያ አይፍያ

1 ትምቢትያ ኦድያዋንቱ ጭታይ ኤልሳእ፡ “ሀዋ በእ! ኩን ደእያ ሳኦይ ኦና ዳርጥ ኡንኤ።

2 ኩን ኡባቱካ ሞላ ቃንጸናው ዮርዳኖሳ ሻፋ እነ ቦይተ። ያን ኡው ደእያ ሳኦ እነ ኬጾይተ” ያጌድኖ።

ኤልሳእ፡ “ቢተ” ያጌዳ።

3 ትምቢትያ ኦድያዋንቱጥ እቱ፡ “ሀያና ኔንካ ነ ቆማቱዋና ኦናና ደንዳርኪ?” ያጌዳ።

ኤልሳእ፡ “ኤኖ ባና” ያጌደ ዛሬዳ፤

4 ያቲደ ኡንቱንቱና እትጥ ቤዳ።

ኡንቱንቱ ዮርዳኖሳ ጋኬዳ ዋደ፡ ሞላ ቃንጾዋ ደሜድኖ።

5 ሸን ኡንቱንቱጥ እቱ ሞላ ቃንጽሺና፡ ቤጽያ አይፊ ከሰ አኪደ፡ ሃላ ግድን ገሌዳ። ሄ ብታኒ፡ “ሀይ ታ ጎዳው፡ ታን ጋርጸ አኬዳዋ፤ ሸን ዋኖሻ!” ያጌደ ዋሴዳ።

6 ጸሳ ብታኒ፡ “ሀቃን ገሌዳ?” ያጌደ ኦቼዳ፤ ብታኒ ገሌዳ ሳኦ በሴዳ። ኤልሳእ ጋትማ ቃንጸደ፡ ሃላን ኦሌዳ፤ ቤጽያ አይፊ ሃላ ቦላ ከሲዳ።

7 ሄዋጥ ጉይያን፡ ኤልሳእ ብታንያ፡ “ከሳደ አካ” ያጌዳ። ብታኒ ባሪ ኩሽያ የዲደ አኬዳ።

ኤልሳእ ሶርያ ኦላንቻቱዋ ቆቅሲደ ዋራ ካለፊዳ

8 ሶርያ ቢታ ካቲ እሰራኤላቱዋና ኦለቲደ ደኤ። ያቲዳዌ ባሪ ኦላ ጋዳዋቱዋና ዘረቲደ፡ “ታን ሀቃሳን፡ ሀቃሳን ጌሱዋ መጻና” ያጌዳ።

9 ጸሳ አሳይ ኤልሳእ እሰራኤልያ ካትያኮ አሳ ከቲደ፡ “ሶርያ አሳቱ ሄ ሳኦ ዲገ ዋጲያ ድራው፡ ሄ ሳኦ አቶጥ” ያጌዳ።

10 ሄዋ ድራው፡ እሰራኤልያ ካቲ ጸሳ ብታኒ ማላቱዳ ሳኦ ከቲደ፡ ያን ደእያ አሳይ ናገታናዳን ሀሳይሴዳ። ካትያ ናገታና ማላ፡ ኤልሳእ ዋጲያን ዋጲያን ሀሳይሴዳ።

11 ሀ የው ሶርያ ካትያ ሎይል ሀንቀፊዳ፤ ያትና እ ባሪ ኦላ ጋዳዋቱዋ ጾሲደ፡ “ኦ ግድን እሰራኤልያ ካትያ ባጋ ግዴዳዌ ኦንነቶ እነ ታው ኦድተ” ያጌደ ኦቼዳ።

12 ኦ ኦላ ጋዳዋቱዋጥ እቱ፡ “ታ ጎዳው፡ ካትያው፡ ኦ ግድን ሄዋ ኦልያዌ ኦንነ ባዋ። ሸን ነ ሲርጸን ደኦይ ኔን ሃሳይያዋ ኡባ እሰራኤላን ደእያ ትምቢትያ ኦድያ ኤልሳእ እሰራኤልያ ካትያው ኦዴዳ” ያጌዳ።

13 ካቲ፡ “ታን አሳ ከታደ ኦ ኦሞዳናዳን፡ ቢደ ሀቃን ደእነቶነ ኮይተ” ያጌዳ።

ጉየጥ ኡንቱንቱ፡ “እ ደታና ጌተትያ ካታማን ደኤ” ያጌደ ኦዴድኖ።

14 ካቲ ዳር ኦላንቻቱዋ ፓራቱዋናን ፓራ ጋሪቱዋና ያ የዴዳ። ሄ የዴዳዋንቱ ቃማ ዪደ፡ ካታማ ደዴድኖ።

15 ጸሳ አሳ ኤልሳእ ቆማይ ዋንተላ ጋላሰ ጉራና ደንዲደ፡ ካሪ ከሰያ ዋደ፡ ኦላንቻቱ ፓራቱዋናን ፓራ ጋሪቱዋና ካታማ ደድ ዋፊድኖ። ሄ ቆማይ፡ “አየ አና ኦኖ! ታ ጎዳው፡ ኩን ዋናኔ?” ያጌደ ኦቼዳ።

16 እ፡ “ያዮጥ! ኦናና ደእያዋንቱ ኡንቱንቱና ደእያዋንቱጥ ዳሪኖ” ያጌደ ዛሬዳ።

17 ሄዋጥ ጉይያን ኤልሳእ፡ “አቤት መጵና ጎዳው፡ እ በአናዳን ኦ አይፍያ ደያ” ያጌደ ዋሴዳ። መጵና ጎዳይ ኤልሳእ ቆማ አይፍያ ደይና፡ ኤልሳእ ዩሹዋ ኡባን ደእያ ታማ ፓራቱን ፓራ ጋሪቱን ደርያ ማዬዳዋንታ በኤዳ።

18 ሶሪቱ ኦ ቦላ ዬዳ ዋደ ኤልሳእ፡ “ሀ አሳ አይፍያ ቆቅሳርኪ” ያጌደ መጵና ጎዳ ዋሴዳ።

ኤልሳእ ዋሴዳዋዳን መድና ጎዳይ ኡንቱንቱ ኣይፍያ ቆቕሱዳ።

19 ሄዋጥ ጉይያን፡ ኤልሳእ ኡንቱንታ፡ “ኣጊ ሀዋ ግደና፤ ካታማይካ ሀዋ ግደና። ህንተንቱ ኮይያ ኣሳ ታን ህንተንታ በሳና፤ ታና ካልተ” ያጌዳ። ኡንቱንታ ካለሊደ፡ ሳማርያ ካታማ ኣፌዳ።

20 ኡንቱንቱ ሳማርያ ካታማ ገሎሳናካ ኤልሳእ፡ “ኣቤት መድና ጎዳወ፡ ሀ ኣሳቱ ጸላናዳን ኡንቱንቱ ኣይፍያ ደያ” ያጌዳ። መድና ጎዳይ ኡንቱንቱ ኣይፍያ ደይና፡ ኡንቱንቱ ሳማርያ ግደን ደእያዎ በኤድና።

21 እስራኤልያ ካቲ ኡንቱንታ በኤዳ ዋደ ኤልሳእ፡ “ታ ኣዎ፡ ታን ኡንቱንታ ዋዶ? ታን ኡንቱንታ ዋዶ?” ያጊደ ኦቹዳ።

22 ኤልሳእ፡ “ቱይት ዋዶ፡ ሀዋንቱ ኣትና፡ ኔን ነ ማሻን ነ ዋንዳፍያን ኣዎዳዎንታካ ዋዳናወ በሰና። ኡንቱንቱ ሚደ ኡሺደ ባረንቱ ጎዳኮ ባናዳን፡ ኡክላን ሃላን ኡንቱንቱ ሰንላ ኣላ” ያጌዳ።

23 ሄዋ ድራወ፡ እስራኤልያ ካቲ ኡንቱንቱ ባላ ገገሴዳ። ኡንቱንቱ ሚዳዋጥን ኡሺዳዋጥን ጉይያን፡ እ ኡንቱንታ የድና፡ ባረንቱ ጎዳኮ ሰሚድና። ሄ ዋድያጥ ደምና፡ ሶረቱ እስራኤላቱ ቦላን ይያዎ ኣግ ባሺድና።

ሳማርያ ካታማይ ደደቱሳ

24 ሄዋጥ ጉይያን፡ ሶርያ ካቲ በንሀዳድ ባረ ኣላንቻቱዋ ኡባ ሺሽ፡ ቢደ ሳማርያ ካታማ ደዳዳ።

25 ኡንቱንቱ ደዳዳ ጋሱዋን ሳማርያ ካታማን ዋልቃማ ኮሻይ ገሌዳ፤ እት ሀርያ ሁጺ ሆሰቱን ታሙ ጸጋራ ብራን፡ ላኡ ጾቱ ግራመ ግድያ ሀራጾቱዋ ሸኣይ እቹሹ ጸጋራ ብራን ዛልኤቱዳ።

26 እስራኤልያ ካቲ ካታማ ድርሳ ግምቢያ ቦላና ኣድሸን፡ እት ምሸራታ፡ “ታ ጎዳወ፡ ካትያወ፡ ታና ማዳርኪ” ያጋደ ዋሳዱ።

27 ካቲ እዞ፡ “ኔና መድና ጎዳይ ማደናን እጸጥ፡ ታን ነወ ማዳዋ ሀቃጥ ደማናወ ዳንዳያይታ? ካላ ቡክያ ኡዳማጥ፡ ዋይንያ ኣይፍያ ጉምእያ ሳኣፔ?” ያጌዳ።

28 ቃይ እ እዞ፡ “ኔን ዋናዲ?” ያጊደ ኦቹዳ። ምሸራታ ዛራደ፡ “ሀ ምሸራታ ታና፡ ሀቕ ነ ናኣ ማናወ ኣካደ ያ፤ ቃይ ዋንት ኮን ታ ናኣ ማና ያጋድ።

29 ሄዋ ድራወ፡ ታ ናኣ ደይሲደ ሜዳ፤ ዋንተላ ጋላሰ ታን እዞ፡ “ኡን ማናወ ነ ናኣ ኣካደ ያ” ያጋድ። ሸን እ ባረ ናኣ ቆሳዱ” ያጋድ።

30 ካቲ ምሸራታ ኣዳዳዎ ሰሲደ፡ ባረ ማዳዋ ፖሽ ኦሌዳ። ያቲደ እ ግምቢያ ቦላና ኣድሸን፡ ጋርሳ ባጋና እ ማዳዋ ዋሩዋ ኣሳይ በኤዳ።

31 ሄዋጥ ጉይ ካቲ፡ “ሻፋጻ ናኣ ኤልሳእ ጉግ እ ቦላ ሀቹ ፔሾጥ፡ ጸሰ ታና ዋዶ!” ያጌዳ።

32 ሄ ዋደ ኤልሳእ ባረ ሶን ኡቲዳ፤ ጭማቱካ ኣናና እትጥ ደኣና። ካቲ ባረጥ ሰንሳወ ኣሳ ኪቲዳ፤ ሸን ሄ ብታኒ ጋካናወ፡ ኤልሳእ ጭማቱዋ፡ “ሀ ሸምቹዋ ዋድያዌ ታ ቆድያ ሙጭሳናወ ኣሳ ኪቲዳዋ ህንተንቱ በኣቲ? ሄ

ኪተቲዳዌ ዬዳ ዋደ፡ እፍላ ጎርዲደ ገልሶጥተ። ኣ ጎዳይካ እ ካሊደ ዪደ ደኤ” ያጌዳ።

33 እ ጭማቱዋና ሃሳይሸን፡ ኪተቲዳዌ ኣኮ ዬዳ። ካቲካ ዪደ፡ “ሀ መቱ መድና ጎዳጥ ዬዳ። ያትና ታን ሀዋጥ ዳሩዋ መድና ጎዳ ኣያወ ናጋይታ?” ያጌዳ።

7

1 ሄዋጥ ጉይ ኤልሳእ፡ “መድና ጎዳ ቃላ ሰሳ! መድና ጎዳይ ሀዋዳን ያጌ፡ ዋንት ሀሮደ ሄዙ ኪሎ ግራመ ዛርጋ ጲሊ ዋይ ኡሱፑን ኪሎ ግራመ ባንጋይ ሳማርያ ካታማ ጥንግያን እት ጸጋራ ብራን ዛልኤታና ያጌ” ያጌዳ።

2 ካትያወ ማታትያ ካፑ ጸሳ ኣሳወ፡ “በኣ፡ መድና ጎዳይ ሳሎቱዋ ማሰኮትያ ደይንቶን ሄዋ ሀንና” ያጌዳ።

ኤልሳእ ዛሪደ፡ “ኔን ሄዋ ነ ኣይፍያን በኣና፤ ሸን ኣጥ ኣይነ ማካ” ያጌዳ።

ሶርያ ኣላንቻቱ በቲድና

3 ካታማ ገልያ ጥንግያን ዋልቃማ ኦሎዋ ሀርጊ ኣይቄዳ ኦይዱ ኣሳቱ ደኣና። ኡንቱንቱ እቲ እቲዋ፡ “ኡን ሀይቃና ጋካናወ፡ ሀዋን ኣያወ ጋምኤት?

4 ኡን ካታማ ገላና ጎጥ፡ ኮሻይ ደኣያ ድራወ፡ ኡን ያን ሀይቃና። ቃይ ሀዋን ጋምኤጥካ ሀይቃና። ሄዋ ድራወ፡ ሶረቱዋ ጌሱዋ ኣነ ቦይተ። ኡንቱንቱ ኑና ኣሾጥ ኣታና፤ ኡንቱንቱ ዋዶጥ ሀይቃና” ያጌድና።

5 ሳኣይ ቃሚዳ ዋደ ደንዲደ፡ ሶረቱዋ ጌሱዋ ቤድና። ኡንቱንቱ ቢደ ጌሱዋ ጋክያ ዋደ፡ እት ኣሳይነ ያን ባዋ!

6 ኣያወ ጎጥ፡ ጸሳይ ፓራ ጋረቱዋን ፓራቱዋ ጉራባን ዳር ኣላንቻቱ ኮሻ ሶርያ ኣሳቱ ሰሴዳ። ያትና ኡንቱንቱ እቲ እቲዋ፡ “ሰሰተ፡ እስራኤልያ ካቲ ኡንቱንቱ ኣይፍያ፡ ሂተቱዋን ግብጾቱዋ ካተቱዋ ደርያ ቃንጺደ ኣሄዳ” ያጌድና።

7 ሄዋ ድራወ፡ ኡንቱንቱ ደንዲደ፡ ባረንቱ ጌሱዋ፡ ባረንቱ ዲንካንያ፡ ባረንቱ ፓራቱዋን ባረንቱ ሀረቱዋን ኡባ የግ ባሺደ፡ ሳኣይ ቃሚዳዋን ባረንቱ ሸምቹዋ ኣሻናወ ባቃቲድና።

8 ሄ ዋልቃማ ኦሎዋ ሀርጊ ኣይቄዳ ኣሳቱ ሶረቱዋ ጌሱዋ ጋኪደ፡ ኡንቱንቱ ዲንካንቱዋጥ እቲዋ ገሌድና። ሜድናን ኡሺድናን፤ ቃይ ብራ፡ ዋርቃን ማዳዋ ኣክ ኣፊደ ቆሴድና። ላኡንቱዋ ሰሚደ፡ ሀራ ዲንካንያ ገሌድና፤ ኣጥ ኣኩዳዋካ ቆሴድና።

9 ሄዋጥ ጉይያን፡ ኡንቱንቱ እቲ እቲዋ፡ “ኡን ሎኦባ ኣለበይኮ። ሀቹ ምሸራቹዋ ጋላሳ፤ ሸን ኡን ጮኡ ጌደ። ሳኣይ ዋንታና ጋካናወ፡ ጮኡ ጊደ ኡቶጥ፡ ኡን ሙረታና። ኣነ ሀኢ ኤለካ ቢደ፡ ካትያ ሶይ ኣሳወ ኣዳቶ” ያጌድና።

10 ሄዋ ድራወ፡ ኡንቱንቱ ቢደ፡ ካታማ ጥንግያ ናግያዋንታ ጸሲደ፡ ሀዋዳን ያጌድና፤ “ኡን ሶረቱዋ ጌሱዋ ቤድ፤ ሸን እት ኣሳይ ዋይ ኣሳ ኮሻይነ ሄ ሳኣን ባዋ። ቃሸት ኡቲዳ ፓራቱዋ ጸላላይነ ሀረቱን ደኣና፤ ቃይ ኡንቱንቱ ኣጊደ ቤዳ ዲንካንቱካ ደኣና” ያጌድና።

11 ጥንግያ ናግያዋንቱ ጸሲደ፡ ካትያ ሶይ አሳው ኦዴድኖ።

12 ካቲ ቃማ ደንዲደ ባረ ካፓቶ፡ “ሶረቱ ኑና ኦፊዳዋ ታን ህንተንቶ ኦዳና። ኑን ኮሻትያዋ ኡንቱንቱ ኤሪኖ። ሄዋ ድራው፡ ባረንቱ ጌሱዋ። ከሲደ፡ ጋጾርያን ቆሰቲደ፡ ኡንቱንቱ ካታማ። ካረ ከሰና፡ ኑን ኡንቱንታ ሸምፑዋና ኦይቂደ፡ ካታማ ገላና ያጊደ ቆፔድኖ” ያጌዳ።

13 ካትያ ካፓቱዋ፣ እቱ፡ ሀዋዳን ያጌዳ፤ “ሀ ካታማን አቲዳ አሳይ ካሰ ሀይቁዳ አሳካ ማላ፤ ሀይቁዋ፣ አተና። ሄዋ ድራው፡ ሀኔዳባ ኤራናው እነ አሳ ደርይተ። አቲዳ እቼሹ ፓራቱዋና እነ ኡንቱንቱ ሶረቱ ዲንካኔዳሳ የደይተ” ያጌዳ።

14 ሄዋ ድራው፡ ኡንቱንቱ ፓራይ ጎቻያ ላኡ ጋሪቱዋን ኡንቱንቱ ፓራቱዋን ደሬድኖ። ካቲ ኡንቱንታ ሶርያ ኦላንቻቱ ጌዱዋ የዳዳ። ካቲ ቶግያዋንታ፡ “ቢደ ሀኔዳባ በእተ” ያጊደ አዛዜዳ።

15 ኡንቱንቱ ሶረቱዋ ጌዱዋ ካሊደ፡ ዮርዳናሳ ሻፋ ጋካናው ቤድኖ። ሶርያ አሳቱ ባቃቲደ ኦሌዳ ማዩን ኦላ ሚሻይን ኦግያን ኩሜዳ። ከተት ቤዳ አሳቱ ጉየ ሰሚደ፡ ካትያው ኦዴድኖ።

16 ሄዋ፣ ጉይያን፡ አሳይ ቢደ፡ ሶረቱዋ ጌሱዋ ቦንቁዳ። መድና ጎዳይ ጌዳዋዳን ሄዙ ከሎ ግራመ ዛርጋ ጳሊ ዋይ ኡሱቱን ከሎ ግራመ ባንጋይ እት ጸጋራ ብራን ዛልኤቲዳ።

17 ካቲ ባረው ማታትያ ካፑዋ ጥንግያ ናግያዋንቱ ካፑዋ ከሲደ ሱንፊዳ፤ ሸን አሳይ አ ጥንግያን ድርጾዳ። ካቲ ኤልሳክሶ ቤዳ ዋይ፡ ኤልሳክ ሀ ካፑዋ ቦላ ኦዴዳዋዳን፡ ብታኒ ሀይቁዳ።

18 እያው ጎፕ፡ ጸሳ አሳይ ኤልሳክ ካሰ ካትያው፡ “ዋንታ ሀኖደ ሄዙ ከሎ ግራመ ዛርጋ ጳሊ ዋይ ኡሱቱን ከሎ ግራመ ባንጋይ ሳማርያ ካታማን እት ጸጋራ ብራን ዛልኤታናዋ” ያጌዳ።

19 ሄ ዋደ ሄ ካፑ ኤልሳክው፡ “በእ፡ መድና ጎዳይ ሳሎቱዋ ማሰኮትያ ደይንቶን ሄዋ ሀነና” ያጊደ ዛሬዳ። ኤልሳክ፡ “ኔን ሄዋ ነ አይፍያን በእና፤ ሸን አፕ አይን ማካ” ያጊደ ዛሬዳ።

20 ያትና ኤልሳክ ኦዴዳዋዳን፡ ሄ ብታኒ አሳይ ጥንግያን ድርጽና ሀይቁዳ።

8

ሱኔማ ካታማ፣ በቲዳ ማጫ ሞሽራታ ሰማዲ

1 ኤልሳክ እ ናኦ ሀይቁዳዋ ፓሌዳ ሞሽራቶ እት ዋይ፡ “ነ ሶይ አሳ አካደ ሀዋ፣ ባ፤ ኔን ዳንዲይያ ሳኦን ሀቃንን ጋምአሻ። አያው ጎፕ፡ መድና ጎዳይ ላፑን ላይላ ጋምእያ ኮሻ ሀ ጋድያ ቦላ አዋይ ድጌዳ” ያጌዳ።

2 ሞሽራታ ኤልሳክ ኦዴዳዋዳን ባረ ሶይ አሳና ባደ፡ ፕልሰጾማ ቢታን ላፑን ላይላ ደአዲ።

3 ላፑንላ ላይላ ዉርሰላን ሞሽራታ ፕልሰጾማ ጋድያ፣ ሰማዲ። ባረ ኬላን ባረ ጋድያን ኦቻናው ካትያኮ ባዲ።

4 ሄ ዋደ ካቲ ጸሳ አሳ ኤልሳክ ቆማ ግያዛና ሃሳዪደ፡ “ኤልሳክ ኦፊዳ ዋልቃማ ኦሱዋ ኡባ ታው እነ ኦዳ” ያጌዳ።

5 ኤልሳክ ሀይቁዳ ናኦ ዋቲደ ፓሌደንቶ፡ ግያዝ ካትያው ኦድሸን፡ ኤልሳክ ናኦ ፓሌዳ ሞሽራታ ባረ ኬላን ባረ ጋድያን ኦቻናው ያዲ።

ግያዝ፡ “ታ ጎዳው፡ ካትያው፡ ሞሽራታካ ሀኖ፤ ኤልሳክ ሀይቁዋ፣ ፓሌዳ እ ናኦይካ ሀዋ” ያጌዳ።

6 ካቲ ሞሽራቶ አባ ኦቻና፡ አው ኦዳዲ።

ሄዋ ድራው፡ ካቲ ካፑዋ ጸሲደ፡ “ሀ ሞሽራቶዋ ግዴዳ ኡባባን ቃይ ኢዛ አጋ ቤዳ ዋድያ፣ ሀቼ ጋካናው፡ እ ጋደን ዶልያ ኡባባ አዘው ዛራ” ያጊደ አዛዜዳ።

ሀዛኤል በንሀዳዳ ዋዴዳ

7 ኤልሳክ ዳማሰቆ ካታማ ቤዳ፤ ጋክያ ዋይ፡ ሶርያ ካቲ በንሀዳዳ ሀርግያዋ፡ “ጸሳ አሳይ ሀዋ ዬዳ” ያጊደ ኦዴድኖ።

8 ካቲ ሀዛኤላ፡ “እምያዋ ኦይቃደ፡ ጸሳ አሳና ጋክታናው ባ። አ ባጋና፡ ‘ታን ሀ ሀርግያ፣ ፓጸኔ?’ ያጋደ መድና ጎዳ ኦቻ” ያጌዳ።

9 ሄዋ ድራው፡ ሀዛኤል ዳማሰቆን ደእያ ዳማ ዳማ ቆሞ ሙራታባ፣ አይታሙ ጋሉዋን ጫን አኪደ፡ ኤልሳክና ጋክታናው ቤዳ። ኤልሳክ ሰንላን ኤቂደ፡ “ነ ናኦይ ሶርያ ካቲ በንሀዳድ፡ ‘ታን ሀ ሀርግያ፣ ፓጸኔ?’ ያጊደ፡ ኔና ኦቻናዳን ታና ኔኮ ከቲዳ” ያጌዳ።

10 ኤልሳክ ሀዛኤላው፡ “ኔን ባደ አው፡ ቱማ ኔን ፓጸና ያጋ። ሸን እ ቱማ ሀይቃናዋ ታና መድና ጎዳይ በሴዳ” ያጌዳ።

11 ሄዋ፣ ጉይያን፡ ሀዛኤል ዬላታና ጋካናው፡ ኤልሳክ አ ትሽ ኦሊደ ጸሊደ ዬኬዳ።

12 ሀዛኤል፡ “ታ ጎዳይ አያው ዬኪ?” ያጊደ ኦቻዳ።

ኤልሳክ፡ “ኔን እሰራኤልያ አሳ ቦላ ኦላና ኢታባ ታን ኤርያ ድራው ዬካይ። ኡንቱንቱ ካታማቱዋ ኔን ታማን ዱጋና፤ ኡንቱንቱ ዋዳላቱዋ ኔን ማሻን ዋዳና። ቃይ ኡንቱንቱ ቁር ናናቱዋካ ኔን ሹቻን መንግራላና፤ ኡንቱንቱ ሻሃራ ማጫዋንቱ ኡሉዋካ ኔን ዳካና” ያጊደ ዛሬዳ።

13 ሀዛኤል ዛሬደ፡ “ታን ነ ቆማይ፡ ፓርና ላፋ፡ ሀዋ ማላ ዋልቃማባ ኦላናው ዋታደ ዳንዳያይታ?” ያጌዳ።

ኤልሳክ ዛሬደ፡ “ኔን ሶርያ ቢታን ካተታናዋ ታና መድና ጎዳይ በሴዳ” ያጌዳ።

14 ሄዋ፣ ጉይያን፡ ሀዛኤል ኤልሳክ፣ ሻከቲደ፡ ባረ ጎዳኮ ሰሚደ ቤዳ። በንሀዳድ አ፡ “ኤልሳክ ኔና ዋጌዳ?” ያጊደ ኦቻዳ።

ሀዛኤል፡ “ኔን ቱሙ፣ ፓጸና ያጊደ ታው ኦዴዳ” ያጌዳ።

15 ሸን ዋንተላ ጋላሰ ሀዛኤል ቡሉኩዋ አኪደ፡ ሃላን ያካክሲደ፡ ካትያ እን ቱጫዳ፤ ካቲ ሀይቁዳ፡ ሀዛኤል አ ሳኦን ባረው ካተቲዳ።

ይሁዳን እሰራኤልያ ካተቱዋ (8:16—17:4)

8:1 2 ካታ. 4:8-37 8:13 1 ካታ. 19:15

16 እካባ ናኦይ፡ እስራኤልያ ካቲ ዮራመ ካተቲዳ እቲቫንላ ላይላን፡ ይሁዳ ካትያ ዮሳፌዳ ናኦይ የሆራመ ይሁዳን ካተቲዳ።

17 የሆራመ ካተትያ ዋደ ላይላይ እዉ ሀታማነ ላእ፤ እ የሩሳላመን ሆሰቸን ላይላ ካተቲዳ።

18 የሆራመ እካባ ናቶ ማቻቶ እኬዳ ድራው፡ እካባ ሶይ እሳይ ሀመቲዳዋዳንካ ካስ እስራኤልያ ካተቲዋ ኦግያን እ ሀመቲዳ፤ መቲና ጎዳ ሰንሳንካ ኢታባ ኦፊዳ።

19 ግደጥነ ባረ ቆማ ዳዊታ ድራው፡ መቲና ጎዳይ ይሁዳ ቆይሳናዉ ኮይቤና፤ ዳዊታ ዘረሳይ መቲናዉ ካተታናዉ ጸሳይ ሂደታ እም ዋፊዳ።

20 የሆራመ ካተቲዳ ዋደ፡ ኤደማ እሳይ ይሁዳ ካትያ ቦላ ማካሊደ፡ ባረንቶ ካትያ ካተቲዳና።

21 ሄዋ ድራው፡ የሆራመ ባረ ፓራ ጋረቱዋ ኡባና ጸኢራ ግያ ሳኦ ቤዳ። ኤደማ እሳቱ እነ እ ፓራ ጋረቱዋ ካፓቱዋን ደዳድና፤ ሸን የሆራመ ቃማ ደንዲደ፡ ደዳ ዱሰረሊደ እጫዳ። እ ኦላንቻቱካ ባቃቲደ፡ ጉየ ሶ ሰሜድና።

22 ሄ ዋድያጥ ደሚደ ሀቼ ጋካናዉ፡ ኤደማ እሳይ ይሁዳ እሳዉ ሞደትቤና። ሊብና እሳይ ቃይ ሄ ዋደ ማካሊዳ።

23 የሆራመ ሀኔዳ ሀራባይነ እ ኦፊዳባይ ኡባይ ይሁዳ ካተቱ ታርክያ ማጸፋን ጸፈት ኡቲዳ።

24 የሆራመ ሀይቂደ፡ ባረ ማይዛን ጋከቲዳ። ማይዛ እዋቱዋና ዳዊታ ካታማን ሞገቲዳ። እ ሳኦ እ ናኦይ እካዝያሰ ካተቲዳ።

ይሁዳ ካትያ እካዝያሳ (2 ኦዲዋ 22:1-6)

25 እካባ ናኦይ፡ እስራኤልያ ካቲ ዮራመ ካተቲዳ ታማነ ላኤንላ ላይላን፡ ይሁዳ ካትያ የሆራማ ናኦይ እካዝያሰ ይሁዳን ካተቲዳ።

26 እካዝያሰ ካተቲዳ ዋደ፡ ላይላይ እዉ ላታማነ ላእ፤ እ የሩሳላመን እት ላይላ ካተቲዳ። እ እት ሱንሳይ እታሎ፤ እ እስራኤልያ ካትያ እምራዉ ናኦ ናቶ።

27 እካባ ሶይ እሳ ኦግያ እ ሀመቲዳ፤ እካባ ሶይ እሳይ ኦፊዳዋዳን፡ መቲና ጎዳ ሰንሳን ኢታባ ኦፊዳ። እ ሄዋ ሀኔዳዌ ኡንቲንቶ ቦሉዋ ግዴዳ ግሻሳ።

28 እካዝያሰ ሶርያ ካትያ ሀዛኤላን ደእያ ራዋታ-ጋላኦይ ግያ ካታማን ኦለታናዉ ቢደ፡ እካባ ናኦ ዮራማና እትጥ ቤዳ። ሶርያ እሳቱ ዮራማ ጫዴድና።

29 ዮራመ ሶርያ ካትያ ሀዛኤላና ኦለትያ ዋደ፡ ሶርያ እሳቱ ጫዴዳ ጫቻ ፓሐ እካናዉ እዝራኤላ ካታማ ሰሜዳ። ሄዋጥ ጉይያን፡ ዮራማ ናኦይ፡ ይሁዳ ካቲ እካዝያሰ እካባ ናኦ ዮራመ ጫደቲዳዋ ኦቻናዉ ዱገ እዝራኤላ ካታማ ቤዳ።

9

ኢዩ እስራኤልያ ቦላ ካተታናዉ ኦከቲዳ

1 ትምቢትያ ኦድያ ኤልሳእ ትምቢትያ ኦድያዋንቲ ጭታጥ እት ብታንያ ጸሲደ፡ ሀዋዳን ያጌዳ፤ “ካ ካባ ነ ሳቂያን ሰርቃደ ሀ ጸሩዋ ዛይትያ እካደ፡ ራዋታ-ጋላኦይ ግያ ካታማ ባ።

2 ጋካደ፡ ዮሳፌዳ ናኦ፡ ንምሻዉ ናኦ ናኦ እያ ኮያ። ደማደ፡ እ ላገቱዋጥ እ ጋጸ ከሳደ፡ ቆልኦ ገልሳ።

3 ሄዋጥ ጉይያን፡ ጸሩዋ ዛይትያ እካደ፡ እ ሁጲያን ትጋደ፡ ኔና መቲና ጎዳይ፡ “ኔን እስራኤልያ ቦላ ካተታናዳን ታን ኔና ኦካይ” ያጌ፡ ያጋ። ያታደ ካርያ ደያደ፡ ባቃታጥ አትና፡ ጋምኦፓ” ያጌዳ።

4 ሄዋ ድራው፡ ትምቢትያ ኦድያ ዋዳላይ ራዋታ-ጋላኦይ ካታማ ቤዳ።

5 እ ያ ጋኬዳ ዋደ፡ ኦላ ጋዳዋቱ እትጥ ዘረትያዋንታ ደሚደ፡ “ኦላ ጋዳዋቱ፡ ታን ነዉ ኦድያባይ ደኤ” ያጌዳ።

ኢዩ፡ “ኦ ግደጥ ኦስ ኦዳንቲ?” ያጌደ ኦቼዳ።

ትምቢትያ ኦድያዋ፡ “ኦላ ጋዳዋቱ፡ ነዉ ኦዳና” ያጌደ ዛሬዳ።

6 እያ ደንዲደ ሶ ገልና፡ ትምቢትያ ኦድያዋ እ ሁጲያን ዛይትያ ትጊደ፡ “መቲና ጎዳይ እስራኤልያ ጸሳይ ኔና ሀዋዳን ያጌ፡ ኔን መቲና ጎዳ እሳ ቦላ፡ እስራኤልያ ቦላ ካተታናዳን ታን ኔና ኦካይ።

7 ኔን ነ ጎዳ እካባ ዛርያ ቆይሳና። እያዉ ጎጥ፡ ታን ኤልዛቤላ ጉሴዳ ትምቢትያ ኦድያ መቲና ጎዳ ቆማቱዋ ሱላን ታ ሀራ ቆማቱዋ ሱላ ሀሉዋ ከሳና።

8 እካባ ዛርያ ኡባይ ቆያና፤ ታን እስራኤላን እካባ ዛርያጥ እይልያ ግድና፡ ዋማኡዋ ግድና፡ አቲማዋ ኡባ ቆቆላና።

9 እካባ ዛርያ ናባጸ ናኦ እዮርባማ ዛርያዳንነ አኪያ ናኦ ባእሻ ዛርያዳን ታን ኦላና።

10 ኤልዛቤሎ ግደጥ፡ እዝራኤላ ጎሻን እዘ ካናቱ ማና፤ ኦንነ እዘ ሞገና” ያጌዳ። ሄዋ ኦዴዳዋጥ ጉይያን፡ ካርያ ደይ የግነ ዋላ ላሲሼዳ።

11 ኢዩ ባረ ላገላ ግዴዳ ኦላ ጋዳዋቱዋ ቤዳ ዋደ፡ ኡንቲቲጥ እቲ ኦ፡ “ሳኦይ ሳሬ? ሀ ጎይያ ብታኒ ኔኮ እያዉ ዬዴ?” ያጌደ ኦቼዳ።

ኢዩ ኡንቲንቶ፡ “ሀ ብታንያን እ ሃሳያን ሀንተንቲ ኤሪታ” ያጌዳ።

12 ኡንቲንቲ፡ “ሀዌ ዋርዱዋ። እነ ኔን ኡዉ ኦዳ” ያጌድና።

ኢዩ፡ “እ ታዉ፡ መቲና ጎዳይ ኔና፡ ኔን እስራኤልያ ቦላ ካተታናዳን ታን ኔና ኦካይ” ያጌ ያጌዳ።

13 ሄ ዋደ ኡንቲንቲ ኤለካ ባረንቲ ማዩዋ አኪደ፡ ኢዩ የዲደ ከሰያ ደላን ዋፊድና፤ ሂጲደ ማላካታ ፑኔድና። ባረንቲ ቃላካ ቆቆ ኦሊደ፡ “ኢዩ ካተቲዳ!” ያጌድና።

እስራኤልያ ካትያ ዮራማ ዋጪድና

14 ያትና ዮሳፌዳ ናኦይ፡ ንምሻዉ ናኦ ናኦ ኢዩ ዮራማ ቦላ ማቀቲዳ። ሄዋ ሀንያ ዋደ፡ ዮራማን እስራኤልያ እሳይ ኡባይ ሶርያ ካትያ ሀዛኤላጥ ጋላኦይን ደእያ ራዋታ ግያ ካታማ ናጋናዉ ብድጌድና።

15 ሸን ኡንቲንቲጥ ካቲ ዮራመ ሶርያ ካትያ ሀዛኤላና ኦለቲዳ ዋደ፡ ሶርያ ጋደ ኦሳቲ

አ ጫዳዳ ጫቻ ቆላታናው እዝራኤል ካታማ ይክቹዳ።

ያትና ኢዩ ጋዳዋቱዋ፡ “ህንተንቱ ቆፋይ ሄዋ ግደፕ፡ ሀ ካታማፕ እት አሳይነ ከሰ ቢደ፡ እዝራኤል ካታማን ሀ ኦዲዋ ኦደናዳን ተእተ” ያጌዳ።

16 ሄዋፕ ጉይያን፡ ኢዩ ፓራ ጋርያን ከሰ ኡቲደ፡ እዝራኤል ካታማ ቤዳ። እያው ጎፕ፡ ዮራመ ፓጽቤናዌ ያን ሸምፔ። ቃይ ይሁዳ ካቲ እካዝያሰ አ ተቻናው ያ ዲገ ብ ኡቲደ።

17 እዝራኤል ካታማ ግምቢያ ቦላ ኤቁደ ዋቻያዌ ዴሲደ፡ “እት ጭታይ ይያዌ ታዉ ቤቱ” ያጌዳ።

ዮራመ፡ “ኡንቱንቱና ጋከታናዳን እት ፓራ አሳ ዮዳ። ፓራው ቢደ፡ ሳእይ ሳራ?” ያጎ” ያጌዳ።

18 ፓራው ኢዩና ጋከታናው ቢደ፡ “ካቲ ኔና፡ ሳእይ ሳራ?” ያጌ” ያጌዳ።

ኢዩ፡ “ሳርባን ኔና ጋልያዌ ባዋ። ታ ጉዮ አቆ ታና ካላ” ያጌደ ዛሬዳ።

ያትና ዋቻያዌ ካትያ፡ “ከተቲዳዌ ኡንቱንቱኮ ጋከዳ፤ ሸን ጉዮ ሰምቤና” ያጌደ ኦዴዳ።

19 ሄዋ ድራው፡ ካቲ ላኤንሶ ፓራውዋ ኡንቱንቱኮ ከቲዳ። እ ኡንቱንቱኮ ዪደ፡ “ካቲ ሀንተንታ፡ ሳእ ሳራ?” ያጌ” ያጌዳ።

ኢዩ ብታንያ፡ “ሳርባን ኔና ጋልያዌ ባዋ። ታ ጉዮ አቆ ታና ካላ” ያጌዳ።

20 ዋቻያዌ፡ “ላኤንሶ ፓራው ኡንቱንቱኮ ጋከዳ፤ ሸን ጉዮ ዛሬደ ዬና። ቃይ ጋርያ ላጋይ ንምሻ ናእ ናእ ኢዩ ላጉዋ ማላ፤ እ ጎይያ አሳዳን ላጌ” ያጌደ ኦዴዳ።

21 ሄዋፕ ጉይያን፡ ካቲ ዮራመ፡ “ታዉ ፓራ ጋርያ ዋጽተ” ያጌደ አዛዜዳ።

ፓራ ጋርያ ዋጽድኖ። እሰራኤልያ ካቲ ዮራመን ይሁዳ ካቲ እካዝያሰ ባረንቱ ጋርያን ጋርያን ኡቲደ፡ ኢዩና ጋከታናው ቤድኖ። እዝራኤልያ ናቡተ ጋደን አ ደሜድኖ።

22 ዮራመ እያ ቤዳዎ ዋደ፡ “ኢዩ፡ ሳእ ሳራ?” ያጌደ ኦቹዳ።

ኢዩ፡ “ሳ ዳይ ኤልዛቤል ኤቃ ጎይናይነ ብታይነ ሄዋ ከና ዳር ደእሸን፡ ሳርተሳይ ዋን ደአናው ዳንዳዪ?” ያጌደ ዛሬዳ።

23 ያቶዋን ዮራመ ባረ ፓራ ጋርያ ጉዮ ዛሬደ ባቃቲዳ። እካዝያሳ ዴሲደ፡ “እካዝያሳ፡ ሀዌ ማካላ!” ያጌዳ።

24 ሄዋፕ ጉይያን፡ ኢዩ ባረ ዋንዳፍያን ባረ ኩመንሳ ዋልቃፕ ዳፊደ፡ ዮራማ ላኤ ካትሳፕ ግዲዋን ዲኬዳ። ዋንዳፊ አ ዋዛናና አቋደ ከሰና፡ ባረ ጋርያ ግደ ኩንዴዳ።

25 ኢዩ ብድቃራ፡ “ዮራማ ደንሳደ፡ ካሰ እዝራኤልያ ናቡተ ጋደን ኦላ። ነነ ታን እትፕ ዮራማ አዉዋ አካባ ካል ቶጊደ ቢሸን፡ መድና ጎዳይ አ ቦላ ትምቢታያ ጊደ ኦዴዳዋ ሀሳያ።

26 ሄ ዋደ መድና ጎዳይ፡ ናቡተ ሱላን አ አቲማዋ ናናቱዋ ሱላ ታን ዝኖ ቢአድ፤ ሄዋ አጩዋ ታን ኔና ቱሙ ሀ ጋደን ጭግሳና ያጌዳ። ሀእ ሰም መድና ጎዳይ ጌዳዋዳን፡ ዮራማ ደንሳደ፡ ሀ ጋደን ኦላ” ያጌዳ።

ይሁዳ ካትያ አካዝያሳ ዋዴድኖ

27 ይሁዳ ካቲ እካዝያሰ ሄዋ ቤዳ ዋደ፡ ቤት-ሀጋና ግያ ካታማ ባቃቲደ ቤዳ። ኢዩ አ ካሊደ የደርሲደ፡ “አካ ዲክተ!” ያጌዳ። ኡንቱንቱ አ ካሊደ፡ ይብላእማ ካታማ ኤለካ ደእያ ጉራ ግያ ፑደላን አ ጋርያ ቦላ ዲኬድኖ። ያትና አ ማግደ ጌተትያ ካታማ ባቃቲደ፡ ያን ሀይቁዳ።

28 አ ካልያዋንቱ ጋርያን አ አኪደ፡ የሩሳላመ አፊድኖ፤ አ ማይዛ አዋቱዋና ዳዊታ ካታማን ሞጌድኖ።

29 አካባ ናእይ ዮራመ ካተቲዳ ታማን እተንሰያ ላይላን እካዝያሰ ይሁዳን ካተቲዳ።

ካታት ኤልዛቤል ሀይቁዋ

30 ሄዋፕ ጉይያን፡ ኢዩ እዝራኤል ካታማ ቤዳ። ኤልዛቤል ሄዋ ሰሴዳ ዋደ፡ ባረ አይፍያ አካደ፡ ባረ ሁጺያካ ፕጻደ፡ ማሰኮትያና ዲገ ኦግያ ዴላዲ።

31 ኢዩ ፕንግያና ገልሸን፡ “ላ ነ ጎዳ ዋዴዳ ዝምራ፡ ሀዋ ሳር ያድ?” ያጋዲ። *

32 ኢዩ ፑደ ማሰኮትያኮ ዴሊደ፡ “ላ ታ ባጋ ግዳናዌ ኦኔ? አነ ኦኔ?” ያጌዳ። ላኤ ዋይ ሄዙ ሱንሳቱ አኮ ዴሊድኖ።

33 ኢዩ፡ “ኦ ዲገ ኦል አግተ!” ያጌዳ። ኡንቱንቱ አዘ ዲገ አሊድኖ። ያትና አ ሱላይ ጎዳ ቦላን ፓራቱዋ ቦላን ጫጫፈቲዳ፤ ፓራቱ ባረንቱ ገድያን አዘ የዴድኖ።

34 ሄዋፕ ጉይያን፡ ኢዩ ካትያ ጎልያ ገሊደ፡ ሜዳነ ኡሼዳነ። ያቲደ እ፡ “ሀ ሸቀቲዳ ምሸራቶ አፊደ ሞግተ፤ አያ ግደፕነ አ ካትያ ናእ” ያጌዳ።

35 ሸን ኡንቱንቱ አዘ ሞጋናው ቢደ፡ እዝዉ ጉግያፕ፡ ገደቱዋፕነ ኩሸቱዋፕ አትና፡ ሀራባ ደምቤይክኖ።

36 ሄዋ ድራው፡ ኡንቱንቱ ሰሚደ፡ ኢዩዉ ኦዴድኖ፤ እ፡ “መድና ጎዳይ ባረ ቆማ ተሰቢያ ኤላሳ ባጋና፡ ኡዝራኤላን ደእያ ጋደን ኤልዛቤል አሹዋ ካናቱ ማና።

37 አቲዳዌካ እዝራኤላን ደእያ ጋድያን ፕቶ ማላ ግዳናዋ። ሄዋ ድራው ኡንነ፡ “ሀና ኤልዛቤሎ” ጋናው ዳንዳየና ያጌደ ኦዴዳ ቃላይ ሀዋ” ያጌዳ።

10

አካባ ዘረላ ኡባ ዋዴድኖ

1 አካባዉ ሳማርያ ካታማን ላፑን ታሙ አቲማ ናናይ ደእኖ። ሄዋ ድራው ኢዩ ዳብዳቢያ ጻፊደ፡ ሄ ካታማ ካፓቶ፡ ጭማቶነ አካባ ዘረላ ድቻያዋንቶ ሳማርያ ካታማ ከቲዳ። ሄ ዳብዳቢያን እ፡

2 “ሰም ሀንተንቱ ጎዳ ዛራቱ ሀንተናና ደእያ ድራው፡ ቃይ ፓራቲነ ፓራ ጋረቱ፡ ዩሹ ግምቢቲዳ ካታማቲነ ኦላ ሚሻቱ ሀንተንቶ ደእያ ድራው፡ ሀ ዳብዳቢ ሀንተንታ ጋኮ ኤለካ።

3 ሀንተንቱ ጎዳ ናናቱዋፕ እት ፓጻተላ ዳርያዋ ዶሪደ፡ አ አዉዋ ካዉተላ አራታን ኡትሰተ። ያቲደ ሀንተንቱ ጎዳ ጎለዉ አለትተ” ያጌዳ።

9:26 1 ካታ. 21:19 * 9:31 ዝምራ- ዝምር ባረ ካትያ ዋዴዳ። 1 ካት 16:8-12 ጸላ። 9:36 1 ካታ. 21:23

4 ሸን ኡንቱንቱ ዳርፕ ያዪደ፡ “በእተ፡ ለኡ ካተቱ እ ሰንገን ኤቃናዉ ዳንዳይበይክና! ያትና ኡን ዋን ኤቃኔ?” ያጌድኖ።

5 ሄዋ ድራዉ፡ ካትያ ጎለዉ እዎትያዎ፡ ካታማ ካቱ፡ ጭማቱን እካባ ዘረፋ ድቕያዎንቱ እደዉ ሀዋዳን ያጌደ ኪቲድኖ፤ “ኡን ነ ቆማቱዋ፤ ኔን ግያዋ ኡባ ኡን ኦላና። ኑ ቦላ ኦናን ካተቶኮ። ኔና ሎኤዳባ እያን ኦላ” ያጌደ ኪቲድኖ።

6 ኢዩ ኡንቱንቱ ላኤንሶ ዳብዳቢያ ጸፊደ፡ “ሀንተንቱ ታ ባጋ ግዲደ፡ ታዉ እዛዘታናዉ ጊጌዳዋ ግደ፡ ሀንተንቱ ጎዳ ናና ቆድያ ሙጭተ፤ ኡንቱንቱ ጉግያ እኪደ፡ ዎንት ሀናደ እዘራኤላ ካታማ ዩተ” ያጌደ።

ካትያ ዛራቱ ላፑን ታማቱካ ባረና ድቕያ፡ ሄ ካታማን ኤረቱዳ አሳቱዋና ደኢኖ።

7 ሄ ካትያ ዘረፋ ድቕያ አሳቱዋኮ ዳብዳቢ ጋኬዳ ዎደ፡ ካትያ ዘረፋ ላፑን ታማቱዋካ ዎደድኖ። ኡንቱንቱ ቆድያ ሙጪደ፡ ኡንቱንቱ ጉግያ ቁንኣን ቆሰ አሊደ፡ እዘራኤላ ካታማን ደእያ ኢዩዉ ዩዳድኖ።

8 ኪተቱዳ አሳቱ፡ “ኡንቱንቱ ካትያ ዛራቱዋ ጉገቱዋ እኪደ ዩድኖ” ያጌደ ኢዩዉ ኦዳደ።

ኢዩ፡ “ዎንታ ጉራ ጋካናዉ፡ ካታማ ገልያ ፐንግያን ኡንቱንታ ላኡሳን ዶሪደ ዎሐተ” ያጌደ እዛዜዳ።

9 ዎንተላ ጋላሰ ጉራ ኢዩ ካረ ከሲደ፡ አሳ ኡባ ሰንገን ኤቂደ፡ “ሀንተንቱ ጽላ። ታ ጎዳ ቦላ ማቀታደ ዎደዳዎ ታና። ሸን ሀዋንታ ኡባ ዎደዳዎ ኦኔ?”

10 ያቶፕ ሰም መድና ጎዳይ እካባ ዛራቱዋ ቦላ ኦዳዳዎፕ እት ቃላይነ ሳኣን ዎጋናዋ ሀንተዉ ኤርተ። አያዉ ጎፕ፡ መድና ጎዳይ ባረ ቆማ ኤላሳ ባጋና ኦዳዳዎ ፖሌዳ” ያጌደ።

11 ሄዋ ድራዉ፡ ኢዩ እዘራኤላን አቲዳ እካባ ዘረፋ፡ አ ዎልቃማ አሳቱዋ፡ አ ላገላቱዋን አ ቄሳቱ ዋ ኡባ፡ አዉ እያን አሸናን ዎድ ዉርሴዳ።

ካትያ እካዘያሳ ዘረፋቱዋ ኡባ ዎደድኖ

12 ሄዋፕ ጉይያን፡ ኢዩ ደንዲደ፡ ሳማርያ ቤዳ። ሄንገንቻቱ ዋላ ግያ ሳኣ ጋኪደ።

13 ይሁዳ ካትያ እካዘያሳ ዳቦቱዋና ጋከቲዳ። ኢ፡ “ሀንተንቱ ኦኔ?” ያጌደ ኦቼዳ።

ኡንቱንቱ፡ “ኡን እካዘያሳ ዳቦቱዋ፤ ኡን ካትያ ዛራቱዋን ካታት ኤልዛቤል ናናን ሳርታናዉ ቤቶ” ያጌድኖ።

14 ኢዩ ባረ አሳቱዋ፡ “ኡንቱንቱ ፓጻ ኦይቂተ” ያጌደ እዛዜዳ። ኡንቱንታ ፓጻ ኦይቂደ፡ ሄንገንቻቱ ዋላን ደእያ ሃላ ኦላ ማታን ኡንቱንታ ኦይታማን ላአቱዋካ ዎደድኖ፤ እ ኡንቱንቱፕ እቲዋን አሸቤና።

15 ኢዩ ሄ ሳኣፕ ደንድ ዩደ፡ ረካባ ናኣ ዮናዳባና ጋከቲዳ። አ ሳርሊደ፡ “ታ ቆፋይነ ነ ቆፋይ እቲዋ። ያትና ታ ባጋ ግዳኒ?” ያጌደ።

ዮናዳብ፡ “ኤ ግዳና” ያጌደ ዛራዳ።

እ “አነ ታ ኩሽያ ኦይቃ” ያጌደ። አ ኩሽያ ኦይቂዳዎ ፑደ ጋርያ ቦላ ከሲደ።

16 “ታናና ደንዳ። ታን መድና ጎዳዉ ሞሽትያዎ በኣ” ያጌደ። አ ባረ ጋርያን ኡትሴዳ።

17 ኢዩ ሳማርያ ዩዳ ዎደ፡ እካባ ዛርያፕ አቲዳ ኡባ ዎደዳ፤ መድና ጎዳይ ኤላሳዉ ኦዳዳ ቃላዳን ኡንቱንታ ቆይሴዳ።

ባኣላዉ ጎይንያዎንታ ዎደድኖ

18 ሄዋፕ ጉይያን፡ ኢዩ አሳ ኡባ እትፕ ሺሺደ፡ “እካብ ባኣላዉ ጉላ ኬሻ ጎይኔዳ፤ ሸን ታን አፕ ዳር ጎይናና።

19 ሀእ ሰም ባኣላ ሱንገን ትምቢትያ ኦድያ ኡባቱዋ፡ አዉ ጎይንያዎንታ ኡባቱዋን አ ቄሳቱ ዋ ኡባቱዋ ታዉ ጸሲደ ሺሸተ። ኡንቱንቱፕ እት አሳይነ ፓጪናዳን ጸልተ። አያዉ ጎፕ፡ ታን ባኣላዉ ዳር ያርሹዋ ያርሻናዉ ሀርይ። ሄ ሳኣ ዩናን አግያ አሳይ ፓጻ ደኤና” ያጌደ። ሸን ኢዩ ባኣላዉ ጎይንያዎንታ ጭሚደ ቆይሳናዉ ሄዋ ኦሌዳ።

20 ኢዩ፡ “ባኣላዉ ጎይናና ጋላሳ አዋይተ” ያጌደ። ኡንቱንቱ አዋይድኖ።

21 ሄዋፕ ጉይያን፡ ኢዩ እሰራኤልያ ቢታ ኡባ ኪትና፡ ባኣላዉ ጎይንያዎንቱፕ እት አሳይነ አተናን ኡባቱ ዩድኖ፤ ኡባይካ ባኣላ ኤቃ ጎልያ ሀ ጋጸፕ ያ ጋጸ ጋካናዉ፡ ቅልጽ ጊደ ኩሜድኖ።

22 ኢዩ ጎይንያዎንቱ ማዮ አዎትያ እት ብታንያ፡ “ባኣላዉ ጎይንያዎንቱ ኡባዉ ማዩዋ አሃ” ያጌደ። ብታኒ ኡንቱንቱ ማዩዋ አሃዳ።

23 ሄዋፕ ጉይያን፡ ኢዩን ረካባ ናኣይ ዮናዳብን ባኣላ ኤቃ ጎልያ ገሌድኖ። ኢዩ ባኣላዉ ጎይንያዎንታ፡ “ባኣላዉ ጎይንያዎንቱፕ እትና፡ መድና ጎዳ ቆማቱዋፕ እት አሳይነ ሀንተንቱ ግደን ደኣፕ ጸልተ” ያጌደ።

24 ሄዋፕ ጉይያን፡ ኡንቱንቱ ጹግያ ያርሹቱዋን ሀራ ያርሹቱዋን ያርሻናዉ ግዶ ገሌድኖ።

ኢዩ ባኣላ ኤቃ ጎልያፕ ካረና ሆሰፑን ታሙ አሳቱዋ ጊግሰ ዎሌዳ። ያቲደ፡ “ሀንተፕ እት ኡራይ ታን ሀንተንቱ ኩሽያን ዎሐያ አሳቱዋፕ እቲዋ ዩደፕ፡ አ ሸምፑ ሄ ኡራ ሸምፖ ግዳ” ያጌደ።

25 ኢዩ ጹግያ ያርሹቱዋ ያርሽያዎ ፖሎሳና፡ ናግያዎንታን ካፓቱዋን፡ “ግዶ ገሊደ፡ ኡንቱንታ ዎድተ። ኡንቱንቱፕ እት አሳይነ ከሰ አኮፖ” ያጌደ እዛዜዳ። ኡንቱንታ ማሻን ሱፑ ኦል ዉርሴድኖ። ያቲደ ናግያዎንቱን ካፓቱን ኡንቱንቱ አሃ ካረ ኦሌድኖ። ሄዋፕ ጉይያን፡ ባኣላ ኤቃ ጎልያ ቆልኦ ገሌድኖ።

26 ባኣላ ኤቃ ጎልያፕ ኤቃ ቱሳቱዋ ከሲደ ጸጌድኖ።

27 ቃይካ ባኣላዉ ጎይንያ ኤቃ ሹቻ ክንቼሬሌድኖ፤ ባኣላ ኤቃ ጎልያካ ኮሌድኖ። ያቲደ ሄ ሳኣ ሹሻ ጎልያ ከሴድኖ፤ ሀቼ ጋካናሰካ ሄ ሳኣይ ሹሻ ጎልያ ግዲደ አቲዳ።

28 ሄዋዳን ኦሊደ፡ ኢዩ ባኣላ እሰራኤልያፕ ቆይሴዳ።

29 ግደፕን ናባጻ ናኣይ እዮርባም እሰራኤልያ አሳ ኦሰሴዳ ናጋራ ኦሐያዎ እ አግቤና። ቤቲለንን ዳናን እዮርባም ኤሴዳ ዎርቃ ማራቱዋ ሞሰለቶ እ ባረ ሁጲያዉ ጎይኔዳ።

30 ሄዋፕ ሰምና፡ መድና ጎዳይ ኢዩ፡ “ኡን ታ ሰንገን ልከ ግዳዳዎ ኦላደ ፖሌዳ

ገሻውን ታ ቆፋን ደእያዋ ኡባ ኔን አካባ ዛራቱዋ ቦላ ኦሌዳ ድራው፤ ነ ዛራቱ ኦይደንሶ የለታ ጋካናው፤ እስራኤልያ ካውተላ አራታን ኡታናዋንታ” ያጌዳ።

31 ሄዋ ጌድ ኡትናካ፣ ኢዩ መድና ጎዳ እስራኤልያ ጸሓ ህግያ ባረ ኩመንላ ዋዛናፕ ሞንሲድ ናግቤና፤ ቃይ እዮርባም እስራኤልያ ናና ኦሰሴዳ ናጋራ ኦልያዋ አግቤና።

ኢዩ ሀይቁዋ

32 ሄ ዋድያን መድና ጎዳይ እስራኤልያ ቢታ ጸንላናው ደሚዳ። ሶርያ ካቲ አዛኤል እስራኤልያ ጋድያፕ ዳር ሳኦ ጸኔዳ።

33 ዮርዳና ሻፋፕ አዋይ ደልያ ባጋና ደእያ ጋላኦይን ባሳን ቢታ ኡባ ኦይቁዳ። ሄ ቢታቱ አርናና ሻፋ ማታን ደእያ አርኤራ ካታማፕ ደሚዳ። ሮቤላ ጋድያ፣ ጋደ ጋድያን ሞናሰ ጋድያ ጋኪዳ።

34 ኢዩ ሀኔዳ ሀራባይ፣ እ ኦሌዳባይ ኡባይን አ ሞናተላ ኡባይ እስራኤልያ ካተቱ ታርክያ ማጸፋን ጸፈት ኡቱዳ።

35 ሄዋፕ ጉይያን፣ ኢዩ ሀይቁዳ፣ ባረ ማይዛን ጋከቱዳ፤ እ ሳማርያን ሞገቱዳ። እ ሳኦን አ ናኦይ ዮአካዝ ካተቱዳ።

36 ኢዩ ሳማርያ ካታማን እስራኤልያ ጋድያ ቦላ ላታማን ሆሰፕን ላይላ ካተቱዳ።

11

ይሁዳ ካታቶ አታሎ (2 ኦዲዋ 22:10—23:15)

1 አካዝያሳ አታ አታላ ባረ ናኦይ ሀይቁዳዋ በኤዳ ዋደ፣ ደንዳደ ካትያ ዛርያ ኡባ ጳይሳዱ።

2 ሸን ካትያ ዮራማ ናታ፣ አካዝያሳ ሞቻታ ይሆሽባኦ፣ ሀይቃናው ደእያ ካትያ ናናቱዋ ግደፕ አካዝያሳ ናኦ ዮኦሻ ወኦደ አካዱ። እነ አ ጳንሰያናን ሂጸ ጎላን ቆሳደ፣ አታላ ዋግዳናን አሻዱ።

3 አታላ ጋድያ ሞድያ ዋደ ኡባን፣ ናኦይ ይሆሽባኦ ማታን መድና ጎዳ ጌሻ ጎልያን ኡሱፕን ላይላ ቆሰቲደ ደኤዳ።

4 ላፕንላ ላይላን ዮዳሄ ካትያ ናግያዋንቱን ካትያ ጎልያ ናግያዋንቱ ካፓቶ ከቲደ፣ ባረኮ መድና ጎዳ ጌሻ ጎልያ አሀሴዳ። ኡንቱንቱና ቃላ ጫቁዋ ጫቁቲደ፣ ኡንቱንቱ መድና ጎዳ ጌሻ ጎልያን ጫቁሴዳ። ሄዋፕ ጉይያን፣ ኡንቱንቱ ካትያ ናኦ ዮኦሻ በሴዳ።

5 እ ኡንቱንታ፣ “ሀንተንቱ ኦላናባይ ሀዋ። ሳምባታን ናጎ ገልያ ካላይ ጋኬዳ ሀንተንቱ ሄዙ ጭታፕ እት ጭታይ ካትያ ጎልያ ናጎ፤

6 እት ጭታይ ሱር ግያ ፕንግያ ናጎ፤ ቃይ እት ጭታይ ናግያዋንቱፕ ጉዮ ባጋና ደእያ ፕንግያ ናጎ።

7 ቃይካ ሳምባታን ናጉዋፕ ሃ ከሰያ የንኮ ላኤ ጩጎቱዋ ኩመንላቱ ካትያው ጌሻ ጎልያ ናግዳ።

8 አላ ሚሻ ኦይቁዳ፣ ካትያ ግደዪዳ፣ ካቲ ከሰያ ዋደን ገልያ ዋደ ኡባን አናና እትፕ ደእዳ። ሀንተኮ ሸቅያ ኦናካ ዋድተ” ያጌዳ።

11:14 2 ካታ. 23:3

9 ሄ ካፓቱ ቁሲ ዮዳሄ አዛዜዳዋ ኡባ ኦሌድና። ኡንቱንቱ ኡባይካ ሳምባታ ጋላሳን ናጉዋ ካላይ ጋኬዳዋንታካ ናጉዋ ካላን ፖሌዳዋንታካ አኪደ፣ ቁሰያ ዮዳሄኮ ዬድና።

10 ቁሲ መድና ጎዳ ጌሻ ጎልያን ደእያ፣ በን ካትያ ዳቂታ ጎንዳለቱዋን ቶራቱዋን ኡባ ካፓቶ አሚዳ።

11 ናግያዋንቱ እቱ እቱ ኦላ ሚሻቱዋ ባረንቱ ኩሸያን ኦይቁዳ፣ ጌሻ ጎልያፕ ሀድርሳ ባጋፕ ደሚዳ፣ ኡሸቻ ባጋ ጋካናው፣ ያርሸያ ሳኦ ማታንን ጌሻ ጎልያ ማታን ካትያ ዩሹዋን ኤቁድና።

12 ሄዋፕ ጉይያን፣ ዮዳሄ ካትያ ናኦ ካረ ከሲደ፣ እ ሁጲያን ካላቻ ዋሌዳ። ካውተላ ካለሰያ ህግያ ማጸፋፕ ዳቂደ እቱዋ አው አሚደ፣ ኦኪደ ካተዬዳ። ካውን አሳይ ኩሸያ ባቂደ፣ ባረ ቃላ ጶቁ ኦሌዳ፣ “ካቲ ሸምፕ ጋምኦ!” ያጌዳ።

13 ካታታ አታላ ናግያዋንቱ ጫቡዋን አሳ ጫቡዋን ሰሴዳ ዋደ፣ አሳኮ መድና ጎዳ ጌሻ ጎልያ ባዱ።

14 ካቲ ካሰ ካተቱ ሀንያዋዳን ቱሳ ማታን ኤቁዳዋ በኦዱ። ካፓቱን ጸራምባ ፑንያዋንቱ ካትያ ማታን ደእዳ፤ ሄ ቢታ አሳይ ኡባይ ናሸቲደ፣ ጸራምባ ፑኔ። አታላ ባረ ማዩዋ ፔጳደ፣ “ሀዌ ማካላ! ሀዌ ማካላ!” ያጋደ ዋሳዱ።

15 ቁሲ ዮዳሄ ኦላንቻቱ ካፓቱዋ፣ “አታሎ መድና ጎዳ ጌሻ ጎልያን ዋድፕተ! እዞ ያናን ሃናን ሳልፕደ ሳልፕቱዋ ግዲዋን ዋሌዳ፣ ካረ ከሰተ። እዞ አሻናው ካጄልያ አሳይ ደኦፕ ዋድተ!” ያጌዳ።

16 ሄዋ ድራው፣ ኡንቱንቱ እዞ ኦይቁዳ፣ ካትያ ጎልያ አፌድና፤ ፓራ ፕንግያን እዞ ዋዴድና።

ዮዳሄ ቃላ ጫቁዋ ኦራሌዳ (2 ኦዲዋ 23:16-21)

17 ሄዋፕ ጉይያን፣ አሳይ መድና ጎዳ አሳ ግዳና ማላ፣ ዮዳሄ ካቲን አሳይ መድና ጎዳና ቃላ ጫቁዋ ገላና ማላ ኦሌዳ። ቃይ ካትያፕን አሳፕን ግዲዋንካ ቃላ ጫቁዋ ገልሴዳ።

18 ሄ ዋደ ይሁዳ አሳይ ኡባይ ባኦላ ኤቃ ጎልያ ቢደ፣ ሄ ጎልያ ክንቼዳ፤ ያርሸያ ሳኦቱዋን አ ሞሰለቱዋ ክንቼሬሌዳ። ቃይ ማታና ግያ ባኦላ ቁሰያ ያርሸያ ሳኦቱ ሰንላን ዋዴድና።

ሄዋፕ ሰምና፣ ቁሰያ ዮዳሄ መድና ጎዳ ጌሻ ጎልያን ናግያዋንታ ዋሌዳ።

19 ባረናና ጋዳዋቱዋ፣ ካትያ ናግያዋንታ፣ ካትያ ጎልያ ናግያዋንታን ይሁዳ አሳ ኡባ አክና፣ ኡንቱንቱ ካትያ መድና ጎዳ ጌሻ ጎልያፕ ዲገ አሂደ፣ ናግያዋንቱ ፕንግያ ግያ ፕንግያ ባጋና ካትያ ጎላ እትፕ ገሌድና። ካቲ ባረ ካውተላ አራታን ኡቱዳ።

20 ያትና ይሁዳ አሳይ ኡባይ ናሸቲዳ። አታላ ካትያ ጎላን ማሻን ሀይቁዳዋፕ ጉይያን፣ ካታማይካ ዋፕ ጌዳ።

21 ዮኦሸ ካተትያ ዋደ ላፕን ላይላ ናኦ።

12

ይሁዳ ካትያ እዮአሳ (2 ኦዲዋ 24:1-16)

1 እዩ እስራኤልያ ቢታን ካተቲዳ ላፑንላ ላይላን፣ እዮአሳ ይሁዳን ካተቲዳ፤ እ የሩሳላመን ኦይታሙ ላይላ ካተቲዳ። አ አት ሱንላይ ጸብያ፤ አ በርሳብሀ ካታማፕ ዬዳ አሳ።

2 ቁሲ ዮዳሄ አ ታማርሴዳን ዘራዳ ድራወ፣ እ ደኤዳ ላይላ ኡባን እዮአሳ መድና ጎዳ ሰንላን ሱረባ ኦሌዳ።

3 ግደፕን አሳይ ጎይንያ ዶቃ ሳኦ ዳይሰቤና፤ አሳይካ ሄ ግሹዋን ያርሹዋ ያርሹዋን እጻና ጨዋይያዋ አግቤና።

4 እዮአሳ ቁሳቱ ዋ ጸሲደ፣ “መድና ጎዳ ጌሻ ጎልያ ይያ ጌሻ ሚሻ ኡባ ሺሸተ። ሄዌካ ሁጲያ ፓይዳዋ ዋደ እመትያ ሚሻን አሳይ ባረ ሸንያን ጌሻ ጎልያዉ አህያ ሚሻ።

5 ያቶፕ ቁሳቱ ኡባይ ሄ ሚሻ አህያ እት እት አሳቱዋፕ ባረንቶ አኪደ፣ ጌሻ ጎልያ ግደን ኮለቲዳ ሳኦ ኡባ ኦራሳና” ያጌዳ።

6 ሸን ካቲ እዮአሳ ካተቲዳ ላታማን ሄዘንላ ላይላ ጋካናወ፣ ቁሳቱ መድና ጎዳ ጌሻ ጎልያ ኦራሳብይክና።

7 ሄዋ ድራወ፣ ካትያ እዮአሳ ቁሰያ ዮዳሀን ሀራ ቁሳቱ ዋን ጸሲደ፣ “ጌሻ ጎልያ ግደን ኮለቲዳ ሳኦ እያዉ ኦራሳክቲ? ሚሻ ጌሻ ጎልያ ኦራሳናዉ እምተፕ አትና፣ ሀንተንቶ እመትያ ሻሉዋ ኦይቆፕተ” ያጌዳ።

8 ቁሳቱ፣ “አሳፕ ሀራ ሚሻ አኮኮ፤ ጌሻ ጎልያ ግደን ኮለቲዳ ሳኦቱዋካ ኦራሳኮ” ያጌደ ጊጌድና።

9 ሄዋፕ ጉይያን፣ ቁሰያ ዮዳሄ ሳኦን እቱዋ አኪደ፣ አ ቁምእያን ጸእያ ሉኬዳ፤ ያርሸያ ሳኦ ማታን መድና ጎዳ ጌሻ ጎልያ ገልያሳን ኡሸቻ ባጋና ዋሌዳ። ገልያ ሳኦ ናግያ ቁሳቱ መድና ጎዳ ጌሻ ጎልያ ዬዳ ሚሻ ኡባ ሳኦንያ ግደን የጊና።

10 ሳኦንያ ግደን ዳር ሚሻይ ዳጋቲዳዋ ኡንቲንቲ በኤዳ ዋደ ኡባን፣ ካትያ ጸፊን ቁሳቱዋ ኡባቲዋ ካፑ ዪና፤ መድና ጎዳ ጌሻ ጎልያ ዬዳ ሚሻ ፓይዲደ፣ ቃርጨታቱዋን ቆለና።

11 ፓይደቲዳ ሚሻ ልክያ ኤራዳዋፕ ጉይያን፣ ጌሻ ጎልያ ኦሱዋ ዋቻናዉ ሱንቲዳ አሳቶ እሚና። ኡንቲንቲ ሚሻ አኪደ፣ መድና ጎዳ ጌሻ ጎልያን አናጸቶን ግምቢያዋንቶ እሚና።

12 ቃይ ሹቻ ማሰያዋንቶን ሹቻ ቆእያዋንቶ ቃንጸና። ቃይካ መድና ጎዳ ጌሻ ጎልያ ኦራሳናዉ ሳንቃን ሹቻን ኮሸያ ሀራባቱዋ ሻሚና።

13 ሸን ጌሻ ጎልያ ዬዳ ሚሻፕ መድና ጎዳ ጌሻ ጎልያዉ ብራ ቡርጨቆቲዋ፣ ኦይቁያዋ፣ ከረቲዋን ጸሩምባቲዋ ዋይ ዋርቃፕን ብራፕን መትያ ሀራ ጌሻ ሚሻቲዋ ኦሳናዉ ከሰብይክና።

14 ሄ ሚሻ ኡባይ ጌሻ ጎልያ ኦራሳና አሳዉ ጭገቲና።

15 ጌሻ ጎልያ ኦሱዋ ዋቻናዉ ሱንቲዳ አሳቲዋ ኦን፣ “ሚሻን እያ እያ ኦሌድቲ?” ጊደ ኦቶቤና፤ እያዉ ጎፕ፣ አሳቲ እማንላያዋንታ።

16 ባይዙዋ ድራወን ናጋራ ድራወ ያርሸያ ያርሹ ጭገትያ ሚሻይ ቁሳቶ ገሌፕ አትና፣ መድና ጎዳ ጌሻ ጎልያ ኦራሳና ሚሻ ሳኦንያን ገላና።

አዛኤል የሩሳላሞ አዴዳ

17 ሄ ዋደ ሶርያ ካቲ አዛኤል ቢደ፣ ጋተ ካታማ ኦለቲደ ኦይቁዳ። ያቲደ የሩሳላሞ ኦላናዉ ሰሜዳ።

18 ሸን ይሁዳ ካቲ እዮአሳ አፕ ካሰ ካተቲዳ ይሁዳ ካተቲ ዮሳፊጸ፣ ዮራምን አካዘያሰ መድና ጎዳዉ ዲማይ ዋሌዳ ሚሻቲዋ፣ ቃይ እ ባረ ሁጲያዉ እሜዳ እምታን መድና ጎዳ ጌሻ ጎልያን ካትያ ጎልያ ሚሻ ምንጅያሳን ደእያ ዋርቃ ኡባ አኬዳ። ሶርያ ካትያዉ አዛኤላዉ የዴዳ፤ አዛኤል የሩሳላሞ ኦላናዋ አግ ባሺዳ።

19 ካቲ እዮአሳ ሀኔዳ ሀራባይን እ ኦሌዳባይ ኡባይ ይሁዳ ካተቲ ታርክያ ማጻፋን ጸፈት ኡቲዳ።

20 ሄዋፕ ጉይያን፣ አ አሳንቻቲ አ ቦላ ማቀቲደ፣ ሲላ ግያ ሳኦ አፍያ ኦግያን ሚሎ ግያ ሳን ደእያ ጎለን ዋዴድና።

21 አ አሳንቻቲ ሸምኦታ ናኦ ዮዛካራን ሸሜራ ናኦ ይሆዛባዳ። እዮአሳ ዳዋታ ካታማን ባረ ማይዛ እዋቲዋ ዲፋዋን ሞገቲዳ፤ አ ሳኦን አ ናኦይ አመሰያሰ ካተቲዳ።

13

እስራኤልያ ካትያ ዮአካዛ

1 አካዘያሳ ናኦይ፣ ይሁዳ ካቲ እዮአሳ ካተቲዳ ላታማን ሄዘንላ ላይላን፣ እዩ ናኦይ እዮአካዘ ሳማርያ ካታማን እስራኤልያ ቦላ ካተቲዳ፤ አ ታማን ላፑን ላይላ ካተቲዳ።

2 ናባጻ ናኦይ እዮርባም እስራኤልያ አሳ ኦሰሴዳ ናጋራ ካሊደ፣ እዮአካዘ መድና ጎዳ ሰንላን ኢታባ ኦሌዳ፤ እ ሄ ናጋራ ኦላያዋ አግቤና።

3 ሄዋ ድራወ፣ መድና ጎዳ ሀንቁ እስራኤልያ ቦላ ፕንቲዳ፤ መድና ጎዳይ ኡንቲንቲ ዳር ዋድያዉ ሶርያ ካትያ ሀዛኤላዉን አ ናኦ በንሀዳዳዉ ዛር ዛሪደ አላ እሜዳ።

4 ሄዋፕ ጉይያን፣ እዮአካዘ መድና ጎዳ ዋሴዳ። መድና ጎዳይ አዉ ሰሴዳ፤ እያዉ ጎፕ፣ ሶርያ ካቲ እስራኤልያ እያ ማላ ኢታ ኡቁና ኡቁኔይንቶ መድና ጎዳይ በኤዳ።

5 መድና ጎዳይ እስራኤልያ አሳ አሸያዋ እሜዳ፤ ኡንቲንቲ ሶርያ አሳቲዋ ኩሸያፕ ከሰ አኬድና። ያቲደ እስራኤልያ አሳይ ካሰዋዳንካ ባረ ሱን ሳሩዋን ደኤዳ።

6 ግደፕካ እስራኤልያ አሳይ እዮርባማ ሶይ አሳይ ኦሰሴዳ ናጋራፕ ሰምቤና፤ ኡንቲንቲ ሄ ናጋራ ኦላያዋ አግቤይክና። ቃይ አሸር ግያ ጸሳቲ ሞሰሊ ሳማርያን ኤቆ ሳኦን አቲዳ።

7 እዮአካዛዉ እሻታሙ ፓራ አሳቲዋፕ ታሙ ጋረቲዋፕ፣ ታሙ ሻኦ ገድያ ኦላንቻቲዋፕ አትና፣ ሀራ ኦላንቻይ አትቤና። እያዉ ጎፕ፣ ሶርያ ካቲ ኡንቲንታ ዳይሴዳ፤ እ ኡንቲንታ ኡዲማን ደእያ ሱላዳን ኦሌዳ።

8 እዮአካዝ ሀኔዳ ሀራባይ፡ እ ኦሌዳባይ ኡባይነ እ ሞኖተላ እስራኤልያ ካተቱዋ ታርክያ ማጻፋን ጸፈት ኡቱዳ።

9 እዮአካዝ ሀይቂደ፡ ባረ ማይዛን ጋከቲዳ፤ እ ሳኣን እ ናአይ እዮአስ ካተቲዳ።

እስራኤልያ ካትያ እዮአሳ

10 ይሁዳ ካቲ እዮአስ ካተቲዳ ሀታማነ ለፑንላ ላይላን፡ እዮሳካዛ ናአይ እዮአስ ሳማርያን እስራኤልያ ቦላ ካተቲዳ፤ እ ታማነ ኡሱፑን ላይላ ካተቲዳ።

11 እዮአስ መድና ጎዳ ሰንላን ኢታባ ኦሌዳ። ናባጸ ናአይ እዮርባሞ እስራኤልያ አሳ ኦሰሴዳ ናጋራፕ እቱዋነ አሸናን ኦሌዳ፤ እ ሄ ናጋራ ኦላያዋ አግቤና።

12 እዮአስ ሀኔዳ ሀራባይ፡ እ ኦሌዳባይ ኡባይነ ይሁዳ ካትያ አመሰያሳና ኦላቲዳ ሞኖተላ እስራኤልያ ካተቱዋ ታርክያ ማጻፋን ጸፈት ኡቱዳ።

13 እዮአስ ሀይቂደ፡ ባረ ማይዛን ጋከቲዳ፤ ሳማርያን እስራኤልያ ካተቱዋና ሞገቲዳ። እ ሳኣን እ ናአይ እዮርባሞ ካተቲዳ።

ኤልሳእ ሀይቂዋ

14 ኤልሳእ ባረና ዋድያ ሀርግያ ሀርግያ ዋድ፡ እስራኤልያ ካቲ እዮአስ አ በአናዉ ቢደ፡ “ታ አዎ፤ ታ አዎ! ኔን እስራኤልያ አሳዉ ዋልቃ ጎንዳለ!” ያጊደ ዬኬዳ።

15 ኤልሳእ፡ “ዋንዳፍያነ ፖላቱዋ አካ ያ” ያጌዳ፤ እስ አሄዳ።

16 ሄዋፕ ጉይያን፡ ኤልሳእ እስራኤልያ ካትያ፡ “ዋንዳፍያ ገግሳ ኦይቃ” ያጌዳ፤ ዋንዳፍያን እ ገገሰ ኦይቂ ደአሸን፡ ኤልሳእ ባረ ኩሸያ ካትያ ኩሸያ ቦላ ዋሌዳ።

17 “አዋይ ዶልያ ባጋ ማሰኩትያ ዶያ” ያግና ዶዬዳ። ኤልሳእ፡ “ፖላ ዋንዳፍያን ዶካ” ያጌዳ፤ እካ ዶኬዳ። ኤልሳእ፡ “ሀዌ መድና ጎዳ ፖላ! ሀዌ ሶርያ አሳቱዋ ጸንያ ፖላ! ኔን ሶርያ አሳቱዋ አፊቃ ካታማን ጸናና ጋካናዉ ኦላና” ያጌዳ።

18 ሄዋፕ ጉይያን ኤልሳእ ካትያ፡ “ፖላቱዋ አካ” ያግና አሴዳ። ኤልሳእ፡ “ኡንቲንቲን ቢታ ጫዳ” ያጌዳ። ሄዙ ገደ ቢታ ጫዳደ አግ ባሾዳ።

19 ያትና ጸሳ አሳይ ካትያ ሀንቀቲደ፡ “እቼሹ ገደ ዋይ ኡሱፑን ገደ ቢታ ጫዳዳዋ ግድንቶ፡ ኔን ሶርያ አሳቱዋ ጸናደ ኡባ ባይዛናዋ ሸን! ኔን ሀእ ኡንቲንታ ሄዙ ገደ ጸላላ ጸናና” ያጌዳ።

20 ኤልሳእ ሀይቂና አሃዉ ጊጌዳ ጎንጎሉዋን ዋዴዳ።

ሞአበ ጋድያፕ ኦላንቻቱ እስራኤልያ ቢታ ቦላ ላይላን ላይላን ዶዲና።

21 እት ጋለሰ አማራዳ እስራኤልያ አሳቱ እት ብታንያ አሃ ሞጊደ፡ ሞአበ ቢታ ጭታ በኤድና። ብታንያ አሃ ኤልሳእ ሞጉዋ ጎንጎሉዋ ግደ ኦሊደ ባቃቲድና። ያትና አሃይ ኤልሳእ መቀላ ቦላ ዋዴዳ፤ ሄ ማንእያን ፓጽነ ደንድ ኤቄዳ።

እስራኤላነ ሶርያ ግደን ደንዳዳ ኦላ

22 እዮአካዝ ካተቲዳ ላይላን ኡባን ሶርያ ካቲ አዛኤል እስራኤልያ ኡቄኔዳ።

23 ሸን መድና ጎዳይ አብራሃመና፡ ይሳቃናን ያቆባና ጫቀቲዳ ቃላ ጫቀዋ ድራዉ፡ ኡንቲንቶ ኬኬዳ፡ ቃረቲዳነ ቆፕዳ። ሀቼ ጋካናዉካ እ ኡንቲንታ ቆይሰቤና ዋይ ባረ ሰንላፕ ድግቤና።

24 ሶርያ ካቲ አዛኤል ሀይቂና፡ እ ሳኣን እ ናአይ በንሀዳድ ካተቲዳ።

25 ሄዋፕ ጉይያን፡ አዛኤል እ አዉዋ እዮአካዝፕ ኦላን ኦይቄዳ ካታማቱዋ ዮአካዛ ናአይ ዮአስ አዛኤላ ናእ በንሀዳዳፕ ዋሐ አሴዳ። እዮአስ እ ሄዙ ገደ ጸኒደ፡ እስራኤልያ ካታማቱዋ ዛሬዳ።

14

ይሁዳ ካትያ አመሰያሳ (2 ኦዲዋ 25:1-24)

1 እዮአካዛ ናአይ፡ እስራኤልያ ካቲ እዮአስ ካተቲዳ ላኤንላ ላይላን፡ ይሁዳ ካትያ ዮአሻ ናአይ አመሰያሰ ካተቲዳ።

2 እ ካተትያ ዋደ ላይላይ አዉ ላታማነ እቼሻ፤ እ ዮሩሳላሙን ላታማነ ኡዲፑን ላይላ ካተቲዳ። እ እት ሱንላይ ይሆኦድና፤ እዛ ዮሩሳላሙ አሳ።

3 አመሰያሰ መድና ጎዳይ ሰንላን ሱረባ ኦሌዳ፤ ሸን እ ማይዛ አዉ ዳዊተ ኦሌዳዋዳን ኦላቤና። ኡባባካ እ ባረ አዉዋ እዮአሳ ቁሌዳ።

4 አሳይ ጎይንያ ቶቃ ሳእ ቆይሰቤና፤ አሳይካ ሄ ግሹዋን ያርሹዋ ያርሸያዋነ እጸና ጨዋይያዋ አግቤና።

5 አመሰያሰ ካዉተላ ባረ ኩሸያን ሎይሐ ኦይቄዳ ሳናካ፡ ካስ ካትያ ባረ አዉዋ ዮአሻ ዋዴዳ ኦሳንቻቱዋ ዋዴዳ።

6 ሙሴ ሀግያ ማጻፋን ጸፈቲዳዋዳን፡ መድና ጎዳይ፡ “ናናቱ ኦሌዳ ናጋራ ድራዉ፡ አዋቱዋ ዋዳናዉ በሰና፤ ቃይ አዋቱ ኦሌዳ ናጋራ ድራዉካ፡ ናና ዋዳናዉ በሰና። አሳይ ኡባይ ባረ ኦሌዳ ናጋራን ናጋራን ሀይቃናዉ በሰ ያጊደ አዛዜዳዋዳንካ፡ ዋዴዳዋንቲ ናና ዋድቤና።”

7 አመሰያሰ ማጽነ ዛንጋራ ግያ ሳኣን ታሙ ሻእ ኤዶማ ቢታ አሳ ዋዴደ ሰላእ ግያ ካታማካ ኦላን ኦይቄዳ። ዮቅትኤላ ያጊደ ሱንላዳ፤ ሀቼ ጋካናዉ ሀ ሱንላን ጸሰቲ።

8 ሄዋፕ ጉይያን፡ አመሰያሰ አዶ ናእ ናእ፡ እዮአካዛ ናእ፡ እስራኤልያ ካትያ እዮአሳዉ አሳ ኪቲደ፡ “ሃያ፤ እነ ላኡ ኦላ ጋከቲቶ” ያጊደ ናሴዳ።

9 ሸን እስራኤልያ ካቲ ዮአሸ ይሁዳ ካትያ አመሰያሳ ሀዋዳን ያጌዳ፤ “ለባኖሳን ደእያ ክንድቹ ለባኖሳን ደእያ ዝጋዉ ከቲደ፡ ና ናቶ ታ ናአዉ እማ” ያጌዳ። ሸን ለባኖሳን ደእያ እት ደአይ ሄዋና አዲደ፡ ሄ ካሸያ ዮዴዳ።

10 ኤ፡ ኔን ቱሙካ ኤዶማ ቢታ አሳ ጸናዳ፤ ሄዋን ሀእ ኦቶረታሳ፡ ኔን ነ ጸኑዋን ናሸታደ፡ ነ ሶን ዋፑ ጋደ ኡታ አጋ። ነ ቦላነ ነ ቢታ ይሁዳ ቦላ መቱዋነ ባሻነ አሀያዋ አያዉ ደንግላይ?” ያጊደ ዛሬዳ።

11 ሸን አመሰያሰ ሰሳ እጾዳ። ሄዋ ድራዉ፡ እስራኤልያ ካቲ ዮአሸ ኦላናዉ ከሰና፡ እነ ይሁዳ

ካቲ ከመሰናበት ለሁዳን ደእያ ቤት-ሸመሻ ግያ ካታማን ኦላ ጋከቲድኖ።

12 እስራኤልያ አሳይ ለሁዳ አሳ ጸኔዳ፤ ለሁዳ አሳይ ኡባይ ባቃቲድ፤ ባረ ሶ ባረ ሶ ቤዳ።

13 እስራኤልያ ካቲ እዮኣስ ኦካዘያሳ ናኣ ናኣ፣ እዮኣሳ ናኣ፣ ለሁዳ ካትያ ከመሰናበት ሸመሻ ካታማን ኦሞዴዳ። ሄዋጥ ጉይያን፣ ዮኣሽ የሩሳላመ ቢድ፣ የሩሳላመ ድርሳ ግምቢያ፣ ኤፍሬማ ፕንግያፕ ቢድ፣ ዘዘያ ፕንግያ ጋካናዉ ደእያ ኦይዱ ጾቱ ዋዳ ግዴዳ፣ ሳኣ ላሌዳ።

14 መድና ጎዳ ጌሻ ጎልያንን ካትያ ጎልያ ሚሻ ሞንጅያሳን ደእያ ዋርቃ፣ ብራን ሻሉዋ ኡባ ኦኤዳ፤ ቃይ ዋብያዉ ኦይቀቲዳ አሳቲዋካ እኪድ፣ ሳማርያ ሰሜዳ።

15 እዮኣስ ሀኔዳ ሀራባይ፣ እ ኦሌዳባይ፣ እ ሞኖተሳይን ለሁዳ ካትያ ከመሰናበት እ ኦለቲዳባይ እስራኤልያ ካተቲዋ ታርክያ ማጻፋን ጸፈት ኡቲዳ።

16 እዮኣስ ሀይቂድ፣ ባረ ማይዛን ጋከቲዳ፤ እ ሳማርያ ካታማን እስራኤልያ ካተቲዋና ሞገቲዳ። አ ሳኣን አ ናኣይ እዮርባሞ ካተቲዳ።

ይሁዳ ካትያ ከመሰናበት ሀይቂዋ (2 ኦዲዋ 25:25-28)

17 እዮኣካዛ ናኣይ፣ እስራኤልያ ካቲ እዮኣስ ሀይቂዳዋጥ ጉይያን፣ እዮኣሳ ናኣይ፣ ለሁዳ ካቲ ከመሰናበት ታማን እቼሹ ላይሳ ደኤዳ።

18 ከመሰናበት ሀኔዳ ሀራባይ ለሁዳ ካተቲዋ ታርክያ ማጻፋን ጸፈት ኡቲዳ።

19 ከመሰናበት ዋዳናዉ አሳይ የሩሳላመን ማቀቲዳ፤ ያትና እ ላክሻ ግያ ካታማ ባቃቲዳ። ሽን ኡንቲንቲ አ ጌዱዋ ላክሻ ካታማ አሳ ኪትና፣ አ ያን ዋዴድኖ።

20 አ ኦሃ ፓራን ጫን ኦሃድ፣ ዳዊታ ካታማን የሩሳላመን አ ማይዛ እዋቲዋና ሞጌድኖ።

21 ሄዋጥ ጉይያን፣ ለሁዳ አሳይ ኡባይ ታማን ኡሱፑን ላይሳ ናኣ ኦዘያና አ አዉዋ ከመሰናበት ሳኣን ካተቲዳ።

22 አ አዉ ከመሰናበት ሀይቂዳዋጥ ጉይያን፣ እ ኦዘያን ኤላታ ግያ ካታማ ዛረላ ኬጲድ፣ ለሁዳን ኦራሌዳ።

እስራኤልያ ካትያ ላኤንላ እዮርባሞ

23 ዮኣሻ ናኣይ፣ ለሁዳ ካቲ ከመሰናበት ካተቲዳ ታማን እቼሻንላ ላይሳን፣ እስራኤልያ ካትያ ዮኣሻ ናኣይ እዮርባሞ ሳማርያን ካተቲዳ፤ እ ኦይታማን እት ላይሳ ካተቲዳ።

24 እዮርባሞ መድና ጎዳ ሰንሳን ኢታባ ኦሌዳ፤ ናባጻ ናኣይ እዮርባሞ እስራኤልያ አሳ ኦሰሴዳ ናጋራ ኡባ ኦሳያዋ አግቤና።

25 ጋተ-ሄፌርያ ኦሚታያ ናኣ ትምቢትያ ኦድያ ባረ ቆማ ዮናሳ ባጋና መድና ጎዳይ እስራኤልያ ጸሳይ ባረ ቃላን ሃሳዬዳዋዳን፣ ሀማታ ፕኑዋ ግያ ሳፕ ደሚድ፣ ማጽንያ አባ ጋካናዉ ደእያ እስራኤልያ ዛዋ ዮኣሻ ናኣይ እዮርባሞ ጸኒድ ዛሬዳ።

26 እያዉ ጎፕ፣ እስራኤላን ደእያ አሳይ ኡባይ አይልያ ግድና፣ ዋማኑዋ ግድና፣ አያ ኬሻ ቱጋ

ቱጋቲደንቶ፣ መድና ጎዳይ ባኤዳ፤ ኡንቲንታ ማድያባይ ኡንን ባዋ።

27 መድና ጎዳይ እስራኤልያ አሳ ሱንላ ሳሉዋፕ ጋርባን ቆይሳና ያግቤና። ሄዋ ድራዉ፣ መድና ጎዳይ ኡንቲንታ እዮኣሳ ናኣ እዮርባሞ ባጋና አሼዳ።

28 እዮርባሞ ሀኔዳ ሀራባይ፣ እ ኦሌዳባይ ኡባይ፣ እ ኦለቲዳዋን ለሁዳ ባጋ ግዴዳ ዳማሰቆ ካታማን ሀማታ ካታማ እስራኤልያዉ ዛሬዳባይ እስራኤልያ ካተቲ ታርክያ ማጻፋን ጸፈት ኡቲዳ።

29 እዮርባሞ ሀይቂድ፣ ባረ ማይዛ እዋቲዋን እስራኤልያ ካተቲዋን ጋከቲዳ፤ አ ሳኣን አ ናኣይ ዛካራሰ ካተቲዳ።

15

ይሁዳ ካትያ ኦዘያና (2 ኦዲዋ 26:1-23)

1 እስራኤልያ ካቲ እዮርባሞ ካተቲዳ ላታማን ላፑንላ ላይሳን፣ ለሁዳ ካትያ ከመሰናበት ናኣይ ኦዘያን ካተቲዳ። *

2 እ ካተቲዳ ዋድ፣ ላይሳይ አዉ ታማን ኡሱፑና፤ እ የሩሳላመን እሻታማን ላኡ ላይሳ ካተቲዳ። አ እት ሱንሳይ ይኮሉ፤ እዛ የሩሳላመ አሳ።

3 አ አዉ ከመሰናበት ኦሌዳዋዳን፣ አካ መድና ጎዳ ሰንሳን ሱረባ ኦሌዳ።

4 ግድፕን አሳይ ጎይንያ ቆቃ ሳኣ ቆይሰቤና፤ ሄ ድራዉ ያርሹዋ ያርሹዋን እጻና ጩዋይያዋ አግቤና።

5 መድና ጎዳይ ኦዘያና ዋልቃማ ኦሉዋ ሀርግያን ኦይሌዳ፤ ሀይቃና ጋካናሰካ ሄ ሀርጊ አ የድቤና ድራዉ፣ ዲማ ጎላን ባረካ ደኤዳ። ሄ ዋድ ካትያ ናኣይ እዮኣታመ ካትያ ጎላን ደኤዳ፣ ሄ ቢታ አሳ ሞዴዳ።

6 ኦዘያን ሀኔዳ ሀራባይን እ ኦሌዳባይ ኡባይ ለሁዳ ካተቲዋ ታርክያ ማጻፋን ጸፈት ኡቲዳ።

7 ኦዘያን ሀይቂድ፣ ባረ ማይዛን ጋከቲዳ፤ ዳዊታ ካታማን ባረ ማይዛ እዋቲዋና ሞገቲዳ። አ ኮታን አ ናኣይ ዮኣታመ ካተቲዳ።

እስራኤልያ ካትያ ዛካራሳ

8 ለሁዳ ካቲ ኦዘያን ካተቲዳ ሀታማን ሆሰፑንላ ላይሳን፣ እዮርባሞ ናኣይ ዛካራሰ እስራኤልያ አሳ ቦላ ሳማርያ ካታማን ካተቲዳ፤ እ ኡሱፑን አግና ካተቲዳ።

9 አ ማይዛ እዋቲ ኦሌዳዋዳን፣ አካ መድና ጎዳ ሰንሳን ኢታባ ኦሌዳ፤ ናባጻ ናኣይ እዮርባሞ እስራኤልያ አሳ ኦሰሴዳ ናጋራ ኦሳያዋ አግቤና።

10 ሄዋጥ ጉይያን፣ ያቤሻ ናኣይ ሻሉም ዛካራሳ ቦላ ማቀት ደንዲድ፣ ይብላኣማ ግያ ሳን ዋዲድ አ ኮታን ባረዉ ካተቲዳ።

11 ዛካራሰ ሀኔዳ ሀራባይን እ ኦሌዳባይ ኡባይ እስራኤልያ ካተቲዋ ታርክያ ማጻፋን ጸፈት ኡቲዳ።

12 ሀዋዳን ሀኒድ፣ መድና ጎዳይ አይዉ፣ “ካ ዛሪ ኦይደንላ የለታ ጋካናዉ፣ እስራኤልያ ካዉተላ አራታን ኡታናዋ” ያጊድ ኦዴዳ ቃላይ ፖለቲዳ።

14:25 ዮናሳ 1:1 * 15:1 ኦዘያን፣ እብራዌሉዋን ካቲ ኦዘያን ሀ ሸምፑዋን ኦዘያን ጌተቲ። 15:7 ኢሳ. 6:1 15:12 2 ካታ. 10:30

እስራኤልያ ካትያ ሻሉማ

13 ይሁዳ ካቲ ኦዘያነ ካተቲዳ ሀታማነ ኡዲፑንላ ላይላን፣ ያቤሻ ናኦይ ሻሉማ ካተቲዳ፤ እ ሳማርያን እት አግና ካተቲዳ።

14 ሄዋፕ ጉይያን፣ ጋደ ናኦይ ሞናሄም ትርጸ ግያ ካታማፕ ሳማርያ ቤዳ። ሳማርያን ደእያ ያቤሻ ናኦ ሻሉማ ዋዲደ እ ኮታን ባረጢ ካተቲዳ።

15 ሻሉማ ሀኔዳ ሀራባይነ እ ማቀቲዳ ማቁ እስራኤልያ ካተቲዋ ታርክያ ማጻፋን ጸፈት ኡቲዳ።

16 ሄ ዋደ ሞናሄም ትርጸ ካታማፕ ደንዲደ፣ ትፍሳሀ ግያ ካታማ፣ ካታማን ደእያ እሳነ ካታማ ሄራን ደእያ ቢታቱዋ ኡባ ኦሌዳ። ኡንቲንቲ ባረንቲ ካታማ ድርሳ ፐንግያ አጢ ዶዮናን እጼዳ ድራጢ፣ ትፍሳሀ ካታማ ኦለቲደ ባይዜዳ፤ ቃይ ሄ ካታማን ደእያ ሻሃራ ማጫ እሳ ኡሉዋ ኡባ ጸልቂ ዮጌዳ።

እስራኤልያ ካትያ ሞናሄም

17 ይሁዳ ካቲ ኦዘያነ ካተቲዳ ሀታማነ ኡዲፑንላ ላይላን፣ ጋደ ናኦይ ሞናሄም እስራኤልያ ቦላ ካተቲዳ፤ እ ሳማርያን ታሙ ላይላ ካተቲዳ።

18 እ መድና ጎዳ ሰንላን ኢታባ ኦሌዳ፤ ናባጸ ናኦይ እዮርባም እስራኤልያ አሳ ኦሰሴዳ ናጋራ ኦሳያዋ አግቤና።

19 ሄዋፕ ጉይያን፣ አሶረ ጋድያ ካቲ ትግላት-ፓለሴር እስራኤልያ ቢታን ደዴዳ። ሞናሄም ካወተላን ባረና ሞንሳና ማላነ ማዳና ማላ፣ ትግላት-ፓለሴር ሀታማነ ኦይዳ ሻእ ኪሎ ግራመ ጸጋራ ብራ እሜዳ።

20 ሞናሄም ሄ ሚሻ እስራኤልያ አሳ ዋልቃን ጭግሴዳ፤ አሶረ ቢታ ካትያወ እማናዉ ዱረ አሳ ኡባይ እቱ እቱ እሻታሙ ጸጋራ ብራ ፔዴድና። ሄዋዳን ኦሳና፣ አሶረ ካቲ እስራኤልያ ቢታ አጌዳ፣ ባረ ጋድያ ሰሜዳ።

21 ሞናሄም ሀኔዳ ሀራባይነ እ ኦሌዳባይ ኡባይ እስራኤልያ ካተቲዋ ታርክያ ማጻፋን ጸፈት ኡቲዳ።

22 ሞናሄም ሀይቂደ፣ ባረ ማይዛን ጋከቲዳ፤ እ ኮታን እ ናኦይ ፓቃሀ ካተቲዳ።

እስራኤልያ ካትያ ፓቃሀ

23 ይሁዳ ካቲ ኦዘያነ ካተቲዳ እሻታማንላ ላይላን፣ ሞናሄም ናኦይ ፓቃሀ እስራኤልያ ቦላ ሳማርያን ካተቲዳ፤ እ ላኡ ላይላ ካተቲዳ።

24 ፓቃሀ መድና ጎዳ ሰንላን ኢታባ ኦሌዳ፤ ናባጸ ናኦይ እዮርባም እስራኤልያ አሳ ኦሰሴዳ ናጋራ ኦሳያዋ አግቤና።

25 እ ኦላ ጋዳዋቱዋፕ እቱ፣ ራማልያ ናኦይ ፓቃሀ ግያዋ እ ቦላ ማቀቲደ ደንዴዳ። ጋላኦደ አሳፕ እሻታሙ እቱማ አሳ ባረናና እክ ቢደ፣ ሳማርያ ካታማን ካትያ ጎላን ደእያ ጌሱዋ ገሌዳ። ፓቃሀ ፓቃሀ እርሳባራካ ሃርያናካ እትፕ ዋዲደ እ ኮታን ባረጢ ካተቲዳ።

26 ፓቃሀ ሀኔዳ ሀራባይነ እ ኦሌዳባይ ኡባይ እስራኤልያ ካተቲዋ ታርክያ ማጻፋን ጸፈት ኡቲዳ።

እስራኤልያ ካትያ ፓቃሀ

27 ይሁዳ ካቲ ኦዘያነ ካተቲዳ እሻታማን ላኡንላ ላይላን፣ ራማልያ ናኦይ ፓቃሀ እስራኤልያ ቦላ ሳማርያን ካተቲዳ፤ እ ላታሙ ላይላ ካተቲዳ።

28 ፓቃሀ መድና ጎዳ ሰንላን ኢታባ ኦሌዳ፤ ናባጸ ናኦይ እዮርባም እስራኤልያ አሳ ኦሰሴዳ ናጋራ ኦሳያዋ አግቤና።

29 እስራኤልያ ካትያ ፓቃሀ ዋድያን አሶረ ካቲ ትግላት-ፓለሴር ዩደ አይኖ፣ አቤል-ቤትማእካ፣ ያኖሀ፣ ቀዳሻነ ሀጸራ ጌተትያ ካታማቱዋ ኦለቲደ ኦይቄዳ፤ ቃይካ ጋላኦደ፣ ጋለላነ ንፍታሌማ ቢታቱዋ ኡባ ኦለቲደ፣ አሳ አሶረ ጋድያ ኦሞዲደ አፌዳ።

30 ኦዘያና ናኦይ ዮኦታመ ካተቲዳ ላታማንላ ላይላን፣ ኤልያ ናኦይ ሆሼእ ራማልያ ናኦ ፓቃሀ ቦላ ማቀት ዋዲደ እ ሳኦን ባረጢ ካተቲዳ።

31 ፓቃሀ ሀኔዳ ሀራባይነ እ ኦሌዳባይ ኡባይ እስራኤልያ ካተቲዋ ታርክያ ማጻፋን ጸፈት ኡቲዳ።

ይሁዳ ካትያ እዮኦታማ (2 ኦዲዋ 27:1-9)

32 ራማልያ ናኦይ፣ እስራኤልያ ካቲ ፓቃሀ ካተቲዳ ላኡንላ ላይላን፣ ይሁዳ ካትያ ኦዘያና ናኦይ እዮኦታማ ካተቲዳ።

33 እዮኦታማ ካተትያ ዋደ አጢ ላይላይ ላታማነ እቼሻ፤ እ ዮሩሳሌምን ታማነ ኡሱፑን ላይላ ካተቲዳ። እ አት ሱንላይ ያሩሾ፤ ያሩሻ ጸድቃ ናቶ።

34 ባረ አጢ ኦዘያነ ኦሌዳዋዳን፣ እዮኦታማካ መድና ጎዳ ሰንላን ሱረባ ኦሌዳ።

35 ግድፕነ አሳይ ጎይንያ ቶቃ ሳኦ ጳይሰቤና፤ ሄ ድራጢ ያርሹዋ ያርሽያዋነ እጸና ጨዋይያዋ አግቤና። እዮኦታማ መድና ጎዳ ጌሻ ጎልያ ገልያ ቆሞ ባጋ ፐንግያ ዛረላደ ኦሌዳ።

36 እዮኦታማ ሀኔዳ ሀራባይነ እ ኦሌዳባይ ኡባይ ይሁዳ ካተቲዋ ታርክያ ማጻፋን ጸፈት ኡቲዳ።

37 ሄ ዋድያን መድና ጎዳይ ሶርያ ካትያ ራጸናነ ራማልያ ናኦ፣ እስራኤልያ ካትያ ፓቃሀ ይሁዳ ቢታ ኦልሳናዉ ደሜዳ።

38 እዮኦታማ ሀይቂደ፣ ባረ ማይዛን ጋከቲዳ፤ ባረ ማይዛ አጢ ዳዊታ ካታማን ባረ ማይዛ አዋቱዋና ሞገቲዳ። እ ሳኦን እ ናኦይ አካዝ ካተቲዳ።

16

ይሁዳ ካትያ አካዝ (2 ኦዲዋ 28:1-27)

1 ራማልያ ናኦይ ፓቃሀ ካተቲዳ ታማነ ላፑንላ ላይላን፣ እዮኦታማ ናኦይ አካዝ ይሁዳን ካተቲዳ።

2 እ ካተትያ ዋደ ላይላይ አጢ ላታማ፤ ዮሩሳሌምን እ ታማነ ኡሱፑን ላይላ ካተቲዳ። እ ማይዛ አጢ ዳዊተ ሱረባ ኦሌዳዋዳን፣ መድና ጎዳ ባረ ጸሳ ሰንላን እ ሱረባ ኦሌዳ።

3 እ ካሰ ደኤዳ እስራኤልያ ካተቲዋ ኦግያን ሀመቲዳ። ቃይ መድና ጎዳይ እስራኤልያ አሳ

ሰንገላ ላጊደ ከሴዳ አሳቱ ደኡዋ ዋጋ፡ ሄ ሸነይያዋ ቁለደ፡ ባረ የሌዳ ናኦ አዳ ታማን ጸጊደ፡ ኤቃዉ ያርሼዳ።

4 አካዝ አሳይ ጎይንያ ጾቃ ድራዉን፡ ደረቱዋ ሁጲያንን ዳሻ ሞላ ኡባ ጋርሳን ያርሹዋ ያርሼዳን እጻና ጩዋዬዳ።

5 ሄዋጥ ጉይያን፡ ሶርያ ካቲ ራጲንን ራማልያ ናኦይ፡ እስራኤልያ ካቲ ፓቁህ የሩሳላመ አላናዉ ዪደ ደዴድኖ፤ ሸን አካዛ ጻናናዉ ዳንዳይበይክኖ።

6 ሄ ዋደ ሶርያ ካቲ ራጲን ኤላታ ግያ ካታማ ዛሪደ አኪደ፡ ይሁዳ አሳ ላጊደ ከሴዳ። ያትና ኤደማ አሳቱ ኤላታ ካታማ ዪደ፡ ሀቼ ጋካናዉ ያን ደኢኖ።

7 ሄዋ ድራዉ፡ አካዝ አሶረ ካትያ ትግላት-ፓለሴራዉ ኪታ የዲደ፡ “ታን ነ ናኦን ነ ቆማ። ሀያና ሃያ፤ ታና ኦልያ ሶርያ ካትያ ኩሸያፕን እስራኤልያ ካትያ ኩሸያፕ ታና አሻ” ያጌዳ።

8 ቃይ አካዝ መድና ጎዳ ጌሻ ጎልያንን ካትያ ጎልያ ሚሻ ሞንጅያሳን ደኢያ ብራን ዋርቃ አኪደ፡ አሶረ ካትያዉ እዋ ኦሊደ የዴዳ።

9 አካዝ ጌዳዋ አሶረ ካቲ ማዪደ፡ ዳማሰቆ ካታማ ኦለቲደ ኦይቄዳ። አሳ ኦሞዲደ፡ ቂራ ግያ ሳኦ አፌዳ፤ ካትያ ራጲናካ ዋዴዳ።

10 ሄዋጥ ጉይያን፡ ካቲ አካዝ አሶረ ካትያ ትግላት-ፓለሴራና ጋከታናዉ ዳማሰቆ ቤዳ። ዳማሰቆን ደኢያ ያርሸያ ሳኦ በኢደ አ ማላትያ ያርሸያ ሳኦ ኬጻና ማላ፡ ሄ ያርሸያ ሳኦ ሞሰልያን ኬጽያ ሀኖታ ቁሰያ ኦርዮናዉ ኪቲዳ።

11 ሄዋ ድራዉ፡ ካቲ አካዝ ዳማሰቆጥ ሰሚደ ያናዉ፡ ቁሰያ ኦርዮን ሄ ለምሱዋ ማላትያ ያርሸያ ሳኦ ገግሴዳ።

12 ካቲ ዳማሰቆጥ ሰሚዳ ዋደ፡ ያርሸያ ሳኦይ ኦሰቲደ ፖለቲዳዋ በኢ ያርሸያ ሳኦ ሸቂደ።

13 ባረ ጸግያ ያርሹዋን ባረ ካላ ያርሹዋ ያርሼዳ። ቃይ ባረ ኡሻ ያርሹዋ ጉሴዳ፤ ባረ እትጥተላ ያርሹዋ ሱላካ ያርሸያ ሳኦ ቦላ ጫጫፊዳ።

14 ናሃሰያ ግያ ብራታጥ ኦሊደ፡ መድና ጎዳዉ ዲማይ ዋሴዳ ያርሸያ ሳኦይ ኦራላ ያርሸያ ሳጥን ጌሻ ጎልያጥ ግዲዋን ደኤ። ያትና አካዝ ሄ ኤጫ ያርሸያ ሳኦ ደንገደ፡ ባረ ኦሰሴዳ ኦራላ ያርሸያ ሳጥ ሁጲሳ ባጋና ዋሴዳ።

15 ሄዋጥ ጉይያን፡ ካቲ አካዝ ቁሰያ ኦርዮና ሀዋዳን ያጊደ አዛዜዳ፤ “ሀ ዋጋ ኦራላ ያርሸያ ሳኦ ዋንታ ጸግያ ያርሹዋ፡ ኦማርሰ ሸሸያ ካላ ያርሹዋ፡ ካቲ ሸሸያ ጸግያ ያርሹዋን ካላ ያርሹዋ፡ አሳይ ኡባይ ሸሸያ ጸግያ ያርሹዋ፡ ኡንቱንታ ካላ ያርሹዋን ኡንቱንታ ኡሻ ያርሹዋ ያርሸያ ሳኦ ኦላ። ያንኮ ናሃሰያጥ መጠቲዳ ያርሸያ ሳኦ ታን ታዉ ኦቶያ ሳኦ ከሳና” ያጌዳ።

16 ቁሰያ ኦርዮን ካቲ አካዝ አዛዜዳዋዳን መዴዳ።

17 ካቲ አካዝ ጌሻ ጎልያ ግደን ጎኤትያ፡ ናሃሰያ ብራታጥ መጠቲዳ ጋረቱዋ ሎቻ ብራታ

ቃንጲደ፡ ሞይያጥ ድጊደ ሜጫትያ ከረቱዋ ጋረቱዋ ቦላጥ ደንገደዳ። ቃይ አባ ሳኒያ፡ አ ዘምጥሴዳ ናሃሰያ ቦራቱዋ ሞሰለቱዋ ቦላጥ ደንገደዳ፡ ሹቻ ባሱዋ ቦላ ዋሴዳ።

18 አሶረ ካትያ ድራዉ፡ አካዝ ባረ ካዉተላ አራታ ካሰ ዋሳያ ሳጥ ድጌዳ። ቃይ አጥ ካሰ ደኤዳ ካተቱዋ መድና ጎዳ ጌሻ ጎልያ ገልያ ፕንግያ ጎርዴዳ።

19 ካቲ አካዝ ሀኔዳ ሀራባይን እ ኦሴዳባይ ኡባይ ይሁዳ ካተቱዋ ታርክያ ማጻፋን ጻፈት ኡቲዳ።

20 አካዝ ሀይቂደ፡ ባረ ማይዛን ጋከቲዳ፤ ዳዊታ ካታማን ባረ ማይዛ አዋቱዋና ሞገቲዳ። አ ኮታን እ ናኦይ ህዝቂያሰ ካተቲዳ።

17

እስራኤልያ ካትያ ሆሴአ

1 ይሁዳ ካቲ አካዝ ካተቲዳ ታማን ላኤንላ ላይላን፡ ኤልያ ናኦይ ሆሴአ እስራኤልያ ቦላ ሳማርያ ካታማን ካተቲዳ፤ እ ኡዲፑን ላይላ ካተቲዳ።

2 መድና ጎዳ ሰንገላን እ ኢታባ ኦሴዳ፤ ግደፕን አጥ ካሰ ደኤዳ እስራኤልያ ካተቲ ኦሴዳዋ ኬሻ ኢታ ኦሳቤና።

3 አሶረ ካቲ ሻልማንኤሰር ዪደ፡ አናና ኦላ ጋከቲዳ፤ ሆሴአ ጸነቲደ፡ እዉ ጊራ ጊራዳ።

4 ሸን አማራዳ ላይላጥ ሰምና፡ ካቲ ሆሴአ ሶኦ ግያ ግብጾ ካትያዉ ኪታ የዲደ፡ ባረና ማዳና ማላ ኦቼዳ። ያቲደ ካሰዋዳን አሶረ ካትያዉ ጊርያዋ አግ ባሼዳ። ካቲ ሻልማንኤሰር ሄዋ ሰሲደ፡ አ ኦይሊደ፡ ቃሾ ጎልያ ገልሴዳ።

ሳማርያ ኩንደላ (17:5-41)

5 ሄዋጥ ጉይያን፡ አሶረ ካቲ እስራኤልያ ቢታ ኡባ ቦላ ማዪደ፡ ሳማርያ ካታማ ደዴዳ፤ ሄዙ ላይላ ጋሴዳ።

6 ሆሴአ ካተቲዳ ኡዲፑንላ ላይላን አሶረ ካቲ * ሳማርያ ካታማ ኦሞዴዳ። እስራኤልያ አሳ አኪደ፡ አሶረ ጋድያ አፊዳ። ሄዋጥ ካላ ኡንቱንቲ ሄዋ ሀላሀ ካታማን፡ ሄዋ ሜዶናቱዋ ካታማቱዋን፡ ሀራቱዋ ቃይ ጎዛና ቢታን ደኢያ ሀቦራ ሻፋ ማታን ዋሴዳ።

7 ሀዋ ኡባይ ሀኔዳዋ፡ እስራኤልያ አሳይ መድና ጎዳ ባረንቲ ጸሳ ቦላ፡ ኡንቱንቲ ግብጾ፤ ግብጾ ካትያ ኩሸያፕ ከሴዳዋ ቦላ ናጋራ ኦሴዳ ጋሱዋና። ቃይ ኡንቱንቲ ሀራ ጸሳቶ ጎይኒደ።

8 መድና ጎዳይ ኡንቱንቲ ሰንገላጥ ላጊደ ከሴዳ ጋይ አሳቱ ደኤዳ ደኡዋ ዋጋ ካሌዳ ጋሱዋና። ሄዋ ቦላካ ቃይ እስራኤልያ ካተቲ ደሜዳ ኢታ ዋጋ ካሌዳ ጋሱዋና።

9 እስራኤልያ አሳይ መድና ጎዳ ባረንቲ ጸሳ ቦላ ኢታባ ጌማን ኦሴድኖ፤ ቁር ጉላ ሞላጥ ቢደ፡ ዋጋ ዋልቃማ ካታማ ጋካናዉ ደኢያ ግሹዋን ኡባን ባረንቲ ጎይንያ ጾቃ ሳኦ መዴድኖ።

16:14 ከሳ 27:1-2፤ 2 ኦዲዋ 4:1 16:17 1 ካታ. 7:23-39፤ 2 ኦዲዋ 4:2-6 16:20 ኢሳ. 14:28 * 17:6 አሶረ ካቲ፡- እ ላኤንላ ሳርና ግደናን አገና። 17:10 1 ካታ. 14:23

10 ቃይ ኡንቱንቱ ኤቃ ሹቻቱዋን አሼር ግያ ጸሳት ሞሰለቱዋ ደርያ ሁጺያ ኡባንን ዳሻ ሞላ ኡባ ጋርሳን ኤሴድኖ።

11 ቃይካ ኡንቱንቱ መድና ጎዳይ በን ኡንቱንቱ ሰንሳጥ ላጊደ ከሴዳ ጋደ አሳቱ ኦሌዳዋዳን፤ ዶቃ ሳኦ ኡባን እጻና ጨዋዬድኖ። ኡንቱንቱ መድና ጎዳ ሀንቀሳያ ኢታባ ኦሌድኖ።

12 መድና ጎዳይ ኡንቱንታ፡ “ኤቃዉ ጎይኖፕተ” ግ ዋሉና፡ ኡንቱንቱ ኤቃዉ ጎይኔድኖ።

13 መድና ጎዳይ እስራኤልያ አሳን ይሁዳ አሳ ባረ ትምቢትያ ኦድያ ኡባቱዋ ባጋናን ሳጸን በእያ ኡባቱዋ ባጋና፡ “ሀንተና ኤርተ! ሀንተንቱ ኢታ ኦግያፕ ሰምተ፤ ታን ትምቢትያ ኦድያ ታ ቆማቱዋ ባጋና፡ ሀንተንቱ አዎቱ አዛዘታናዳን እሜዳ ሀግያን ደእያ ዋጋን አዋዩዋ ኡባ ናግተ” ያግ ዋሌዳ።

14 ሸን ኡንቱንቱ ሰሰናን እጾድኖ። መድና ጎዳ ባረንቱ ጸሳ አማነትቤና ባረንቱ አዎቱዋዳን ሞርግያ ሞንሴድኖ።

15 ኡንቱንቱ አ ዋጋ፡ እ ኡንቱንቱ አዎቱዋና ጫቀቱዳ ጫቁዋን አ ሴራ ካጴድኖ። ኡንቱንቱ ሹፋር ኤቃቶ ጎይኒደ፡ ባረንቱ ሁጺያዉካ ሹፋር ግዴድኖ።

መድና ጎዳይ ኡንቱንታ፡ “ሀንተንቱ ዩሹዋን ደእያ ደረ አሳቱ ኦሌዳዋዳን ኦላፕተ” ግ ዋሉና እጺደ፡ ኡንቱንቱ ኡንቱንቱ ደኡዋ ዋጋ ካሌድኖ።

16 መድና ጎዳ ባረንቱ ጸሳ አዛዘቱዋ ኡባ አግ አጌድኖ። ማራ ማላትያ፡ ላኡ ጎይንያ ሞሰለቱዋን አሼር ግያ ጸሳቱ ሞሰልያ መጴድኖ። ሳሉዋን ደእያ ጸልንትያ ኡባዉ ጎይኔድኖን ባኣላ ግያ ኤቃዉ ኦሌድኖ።

17 ኡንቱንቱ ባረንቱ አቱማ ናናን ማጫ ናና ታማን ጹጊደ ያርሼድኖ። ካይያዋን ሞይትልያ ሃሳይሰያዋ ደዬድኖ። ሄዋዳን ኢታባ አሳናዉ ባረንቱ ሁጺያ ዛልኢደ፡ መድና ጎዳ ሀንቀሌድኖ።

18 ሄዋ ድራዉ፡ መድና ጎዳይ እስራኤልያ አሳ ሎይሳ ሀንቀቱዳ፤ ኡንቱንታ ባረ ሰንሳጥ ድጌዳ። ይሁዳ ዛርያ ጸላላይ አቱዳ።

19 ሸን ይሁዳ አሳቱካ መድና ጎዳ ባረንቱ ጸሳ አዛዘቱዋ ናግቢይክኖ፤ ኡንቱንቱ እስራኤልያ አሳይ ደሜዳ ደኡዋ ዋጋ ካሌድኖ።

20 ሄዋ ጋሱዋን መድና ጎዳይ እስራኤልያ ዘረላ ኡባ አግ ባሼዳ። እ ኡንቱንቱ ቱጋዩደ፡ ባረ ሰንሳጥ ድጋና ጋካናዉ፡ ኡንቱንታ ቦንቅክያዋንቱ ኩሸያን የግ ባሼዳ።

21 መድና ጎዳይ እስራኤልያ አሳ ዳዊታ ዘረላቱዋ ካዉተሳፕ በን ሻኬዳ ዋደ፡ እስራኤልያ አሳይ ናባጸ ናኣ እዮርባማ ባረንቶ ካተዬድኖ። ሄዋፕ ጉይያን፡ እስራኤልያ አሳይ መድና ጎዳ ካለናዳን እዮርባማ ድጌዳ፤ እ ኡንቱንታ ዋልቃማ ናጋራ ኦሰሴዳ።

22-23 መድና ጎዳይ ትምቢትያ ኦድያ ባረ ቆማቱዋ ኡባቱዋ ባጋና ካሰ ኦድ ዋሌዳዋዳን፡ ባረ ሰንሳጥ ድጋና ጋካናዉ፡ እስራኤልያ አሳይ እዮርባማ ኦሌዳ ናጋራ ኡባ ኦሌዳ። ሄዋ ድራዉ፡ እስራኤልያ አሳይ ባረንቱ የለቱዳ ጋድያፕ

አሞደቲደ፡ አሶረ ጋድያ ቤድኖ፤ ኡንቱንቱ ሀኖ ጋካናሰካ ያን ደኢኖ።

አሶረቱ እስራኤልያ ጋድያን ኡቱድኖ

24 ሄዋፕ ጉይያን፡ አሶረ ካቲ ባብሎን ቢታን ደእያ ኩታ፡ ኢዋ፡ ሀማታን ሳፋርዋይማ ጌተትያ ካታማቱዋን ደእያ አሳ አሂደ እስራኤልያ አሳ ሳኣን ሳማርያ ካታማቱዋን ዋሌዳ። ኡንቱንቱ ሄ ካታማቱዋ ላቲደ፡ ኡንቱንቱን ደኤድኖ።

25 ኡንቱንቱ ኮይር ያን ደኡሳ ደሜዳ ዋደ፡ መድና ጎዳዉ ጎይንቤይክኖ። ሄዋ ጋሱዋን መድና ጎዳይ ኡንቱንቱ ግደ ጋሞቱዋ የዴዳ፤ ጋሞቱ ኡንቱንቱ ግደፕ አማሬዳዋንታ መንጋራዲ ዋጴድኖ።

26 ያትና አሶረ ካትያ፡ “ኔን ደንሳ አፋደ ሳማርያ ካታማቱዋን ዋሌዳ አሳይ ሄ ቢታ ጸሳ ዋጋ ኤረና። ኤረናዋ ጋሱዋን እ ኡንቱንታ መንጋራዳ ዋጴድ ጋሞቱዋ ኡንቱንቱ ቦላ የዴዳ” ያጊደ ኦዴድኖ።

27 አሶረ ካቲ፡ “ሀንተንቱ ሳማርያፕ አሞዲደ አሂዳ ቄሳቱ ዋፕ እቱዋ ዛሪደ፡ ያ የድተ። እ ያን ደኢደ፡ ሄ ቢታ ጸሳ ዋጋ ኡንቱንታ ታማርሶ” ያጊደ አዛዜዳ።

28 ሄዋ ድራዉ፡ ሳማርያፕ አሞዲደ አፊዳ ቄሳቱ ዋፕ እቱ ቤቴለን ደአናዉ ዬዳ፤ መድና ጎዳዉ ጎይንያ ዋጋ ኡንቱንታ ታማርሴዳ።

29 ግደፕን ሳማርያ ዩደ ኡቱዳ አሳይ ባረዉ ጎይንያ ኤቃ ሞሰለቱዋ ባረ ደእያ ሳኣን ደእያ ሳኣን መጴዳ። ሳማርያ አሳይ ኬዴዳ ጎይንያ ዶቃ ግሹዋን ዋሌዳ።

30 ሄዋ ማራን ባብሎን አሳይ ሱኮት-ባኖባ ግያ ኤቃ ሞሰለቱዋ መጴዳ። ኩታ አሳይ ነርጋላ ግያ ኤቃ ሞሰለቱዋ መጴዳ። ሀማታ አሳይ ቃይ አሸማ ግያ ኤቃ ሞሰለቱዋ መጴዳ።

31 አዋ አሳይ ንብሃዛነ ታርታቃ ጌተትያ ቋማሻቱዋ ሞሰለቱዋ መጴዳ። ሳፋርዋይማ አሳይ ቃይ አድራመሌካን አናመለካ ጌተትያ ባረንቱ ጸሳቶ ባረንቱ ናና ታማን ጹጊደ ያርሼዳ።

32 ኡንቱንቱ መድና ጎዳዉ ያዬድኖ፤ ሸን ባረንቱ ግደፕ ዳማ ዳማ አሳ ዶሪደ፡ ያርሸያ ዶቃ ግሹዋን ቄሳቱዋ ኦሊደ ሱንሌድኖ።

33 ኡንቱንቱ መድና ጎዳዉ ያዬድኖ፤ ሸን ባረንቱ ዬዳ ቢታ ቢታ አሳ ሜዝያ ካሊደ፡ ባረንቱ ጸሳቶካ ጎይኔድኖ።

34 ኡንቱንቱ ሀቼ ጋካናሰካ ካሰ ባረንቱ ሜዝያዳን ኦሊደ።

ኡንቱንቱ ቱሙፕ መድና ጎዳዉ ያይክኖ ዋይ መድና ጎዳይ እስራኤልያ ጊደ ሱንሌዳ ያቆባ ዘረላዉ እሜዳ አዋዩዋን ዋጋ፡ ሀግያን አዛዘቱዋ ናግክኖ።

35 መድና ጎዳይ እስራኤልያ አሳና በን ጫቀቱዳ ዋደ፡ ኡንቱንታ ሀዋዳን ያጊደ አዛዜዳ፤ “ሀራ ጸሳቶ ጎይኖፕተ፤ ኡንቱንቶ ጉልባቶፕተ፤ ኡንቱንቶ ኦላፕተ ዋይ ኡንቱንቶ ያርሾፕተ።

36 ሸን ግብጾፕ ሀንተንታ ባረ ዋልቃማ ዋልቃንነ ባረ ሞጨቱዳ ኩሸያን ከሴዳ መድና ጎዳዉ ኦላተ፤ አዉ ጉልባቶተ፤ አዉ ያርሹዋ ያርሸተ።

37 ታን መድና ጎዳይ ህንተንቶ ጸፊዳ አዋዩዋን ዋጋ፡ ህግያነ አዛዙዋ ኡባ ዋደ ናግተ፤ ሀራ ጸሳቶ ጎይኖፕተ።

38 ታን ህንተናና ጫቀቴዳ ጫቁዋ ደጎፕተ፤ ሀራ ጸሳቶካ ጎይኖፕተ።

39 ሄዋ አጊደ፡ መድና ጎዳዉ ህንተንቱ ጸሳዉ ጎይንተ። ህንተንቱ ዋርከቱዋ ኡባፕ ህንተንታ አሻናዌ ታና። ያጊደ አዛዜዳ።

40 ኡንቱንቱ አዉ ኤኖ ገናን እጺደ፡ ካሰ ባረንቱ ደያካ ባቁ ኦይቄድኖ።

41 ሄ አሳቱ መድና ጎዳዉ ያዩደካ፡ እት ባገና ባረንቱ ኤቃ ምሰለቶ ጎይኒኖ። ሀቼ ጋካናሰካ ኡንቱንቱ ዘረሳይ ኡንቱንቱ አዋቱ ጎይንያዋዳን ጎይኒደ ደኤ።

ይሁዳ ካዉተሳ

18

(18:1—25:30)

ህዝቂያሳፕ እዮሰያሳ ጋካናዉ

(18:1—21:26)

1 ኤልያ ናኦይ ሆሴእ እሰራኤላን ካተቴዳ ሄዘንሉ ላይላን ይሁዳ ካትያ አካዛ ናኦይ ህዝቂያሰ ካተቴዳ።

2 እ ካተትያ ዋደ ላይላይ አዉ ላታማነ እቼሻ፤ የሩሳላመን እ ላታማነ ኡዱፑን ላይላ ካተቴዳ። እ እት ሱንላይ እቢ ጌተቴ፤ እዛ ዛካራሳ ናቶ።

3 እ ማይዛ አዉዋ ደዋተ ኡሴዳዋዳን፡ ህዝቂያሰካ መድና ጎዳ ሰንላን ሱረባ ኦሴዳ።

4 አሳይ ጎይንያ ጶቃ ሳኦ እ ድጌዳ። ኤቃ ቱሳቱዋ መንግራሴዳ። አሼር ግያ ጸሳት ምሰልያ ቃንጽ ኦሌዳ። ቃይ ሙሴ ናሃሰያፕ መዴዳ ሸሻካ መንግራሴዳ። አያዉ ጎፕ፡ ሄ ዋዲ ጋካናዉካ እሰራኤልያ አሳይ አዉ እጸና ጩዋዪደ ታኬዳ። ሄ ሸሻ ሱንላይ ነሁሽታና።

5 ህዝቂያሰ መድና ጎዳ እሰራኤልያ ጸሳ አማኔዳ፤ ይሁዳ ካተቴዋ ኡባ ግደን እ ማላ ካቲ አፕ ካሰ ግድና፡ አፕ ጉየ ግድና ቤትቤና።

6 አያዉ ጎፕ፡ መድና ጎዳዉ እ አማነቲዳ፤ መድና ጎዳ ካልያዋ አግቤና፤ መድና ጎዳይ ሙሳ አዛዜዳ እዛዙዋ ናጌዳ።

7 መድና ጎዳይ እና እትፕ ግዴዳ፤ ያትና እ ኦሰያባይ ኡባይ አዉ እንጀቲዳ። እ አሰረ ካትያ ቦላ ማካሌዳ፤ አዉ ሞደተናን እጾዳ።

8 እ ፕልሰጾማ አሳና ኦለቴዳ፤ ቀር ጉላ ሞላፕ ቢደ፡ ዋጋ ዋልቃማ ካታማ ጋካናዉ፡ ጋዛካ አ ዩሹዋን ደእያ ቢታቱካ አተናን ኡንቱንቱ ደእያ ሳኦ ኡባ ጸኔዳ።

9 ካቲ ህዝቂያሰ ካተቴዳ ኦይደንሉ ላይላን፡ ኤልያ ናኦይ እሰራኤልያ ካቲ ሆሼእ ካተቴዳ ላፑንላ ላይላን፡ አሰረ ካቲ ሳልማንኤሰር እሰራኤልያ ቦላ መቱዋ ጋላናዉ ደዴዳ፤ ሳማርያ ካታማካ ደዴዳ።

10 ሄዘንሉ ላይላ ሶርያ አሳይ ሳማርያ ካታማ ጸኔዳ። ያትና ህዝቂያሰ ካተቴዳ ኡሱፑንላ ላይላን፡ እሰራኤልያ ካቲ ሆሴእ ካተቴዳ ኡዱፑንላ ላይላን፡ ሳማርያ ካታማይ ጸነቲዳ።

11 አሰረ ካቲ እሰራኤልያ አሳ አሰረ ጋድያ አፊዳ። ሄዋፕ ካላ ኡንቱንታ ሄዋ ሀላሀ

ካታማን፡ ሄዋ ማደናቱዋ ካታማን፡ ሀራቱዋ ቃይ ጎዛና ቢታን ደእያ ሀቦራ ሻፋ ኤለካ ዋሴዳ።

12 ሀዌ ሀኔዳዌ ኡንቱንቱ መድና ጎዳዉ ባረንቱ ጸሳዉ እዛዘተናን እጺደ፡ መድና ጎዳ ቃላ ጫቁዋ፡ መድና ጎዳ ቆማይ ሙሴ እዛዜዳ እዛዙዋ ኡባ መንሴዳ ጋሱዋና። ኡንቱንቱ እ እዛዙዋ ሰሳናዉካ እዛዘታናዉካ ኮይቤይክኖ።

አሰረቱ የሩሳላመ አሳናዉ ናሴድኖ (2 ኦዲዋ 32:1-19፤ ኤሳ. 36:1-22)

13 ካቲ ህዝቂያሰ ካተቴዳ ታማነ ኦይደንሉ ላይላን፡ አሰረ ካቲ ሳናክሬቦ ግምቦቱ ኡቴዳ ይሁዳ ካታማቱዋ ኡባ ኦለቴደ ኦይቄዳ።

14 ያትና ይሁዳ ካቲ ህዝቂያሰ ላክሻ ካታማን ደእያ አሰረ ካትያ ሳናክሬማዉ ከታ የዲደ፡ “ታን ባይዛድ። ሀያና ታ ቢታ የዲደ ከሳ። ኔን ታና ኦቼዳዋ አያን ታ አማና” ያጌዳ።

አሰረ ካቲ ይሁዳ ካትያ ህዝቂያሳ፡ “ኔን ታሙ ሻእ ኪሎ ግራመ ብራን እት ሻእ ኪሎ ግራመ ዋርቃ ታዉ የዳ” ያጌዳ።

15 ህዝቂያሰ መድና ጎዳ ጌሻ ጎልያንነ ካትያ ጎልያ ማሻ ምንጅያሳን ደኤዳ ብራ ኡባ አዉ የዴዳ።

16 ሄ ዋደ ይሁዳ ካቲ ህዝቂያሰ መድና ጎዳ ጌሻ ጎልያ ፕንግያ ሳንቃቱዋ ማይ ኡቴዳ ዋርቃን ቃይ እ ባረ ሁጺያዉ ሄ ፕንግ ቆሰለላቱዋ ማይዘ ዋሴዳ ዋርቃ ፖቄ ቃሪደ፡ አሰረ ካትያዉ የዴዳ።

17 ሄዋፕ ጉይያን፡ አሰረ ካቲ ሄዙ ኦላ ጋዳዋቱዋ ጮራ ኦላንቻቱዋና ላክሻ ግያ ካታማፕ ካትያ ህዝቂያሳኮ የሩሳላመ የዴዳ። ኡንቱንቱ ቢደ፡ የሩሳላመ ጋኬድኖ፤ ማዩዋ ማጫያዋ ጋደ አፍያ ኦግያፕ ቆሞ ባገና ደእያ፡ ዳጋቲዳ ሃሳይ ጎግያ ቦይያ ምይያን ኤቄድኖ።

18 ያቲደ ኡንቱንቱ ካትያ ጸሴድኖ። ህልቂያ ናኦይ ካትያ ጎለን አዋትያ ኤልያቂመ፡ ዋና ጸፊ ሼብንነ አሳፋ ናኦይ ታርክያ ጸፍያ ዮኦህ እኮ ካረ ከሴድኖ።

19 አሰረቱ ጋዳዋይ ኡንቱንታ፡ “ህዝቂያሳዉ ሀዋዳን ያጊደ ኦድተ፤ ‘አሰረ ካቲ፡ ዋልቃማይ ኔና ሀዋዳን ያጌ፤ ኔን ሀዋ ከና አያን አማነታድ?’

20 ኔን ጮ መላ፡ ‘ኦላ ኦለታናዉ ታዉ እጴዳ ኤራይነ ዋልቃይነ ደኤ’ ያጋሳ። ሸን ኔን ኦናን አማነታደ ታ ቦላ ሀዋ ማካላዲ?

21 ኔን ግብጾ ካትያ ማዳና ጋደ ቆፔዳዋ ግደፕ፡ መኤዳ ማቃ ጋትማን ጉፈትያ አሳ ማላ። አያዉ ጎፕ፡ ጋትማይ መእና፡ ፕንጩ ኩሽያ ጫዴነ ማዲንጽሴ። ግብጾ ካቲ ባረናን አማነትያ አሳ ኡባዉ ሄዋ ማላ።

22 “ሸን ኔን ታዉ፡ ‘ኡን መድና ጎዳን ኑ ጸሳን አማነቲቶ’ ያጎፕ፡ ህዝቂያሰ ይሁዳ አሳነ የሩሳላመ አሳ፡ ‘ህንተ የሩሳላመን ደእያ ያርሽያ ሳኦን ጎይናናዉ ኮሸ’ ጊደ፡ አዉ ጎይንያ ጶቃ ሳኦቱዋን ያርሹዋ ሳኦ ድጌዳ ጸሳ እ ግደኔ?

23 “አነ ሀእ ሃያ! ታ ጎዳ አሰረ ካትያና ናሰታ። ኔን ቶጋናዉ ዳንዲይያ፡ ግድያ አሳ ደሞፕ፡ ላኤ ሻእ ፓራቱዋ ታን ነዉ አማና።

24 ኔን ግብጾቹ ፓራ አሳቱዋና ፓራ ጋረቱዋ ታወ የዳና ጋደ አማኖ፡፡ ታ ጎዳ ኦላንቻቱ ካፓቱዋ፡፡ እት ላፍያዋካ ዛራናዉ ዳንዳያካ፡፡

25 ሄዋ ቦላካ ቃይ፡ ታን ሀእ ቱሙ መድና ጎዳ አዛዙ ባይናን ሀ ቢታ ቆይሳናዉ ከሳድታ? መድና ጎዳይ ባረ ሁጲያዉ ታና፡ ኔረካ፡ ሄ ቢታ ባደ፡ ኦላደ ባይዛ ያጊደ ኦዴዳ ያጌ ያግተ” ያጌዳ፡፡

26 ሄዋ፡፡ ጉይያን፡ ሀልቂያ ናኦይ ኤልያቂመ፡ ሹብንነ ሮኦህ አሶረቱ ጋዳዋ ሀዋዳን ያጌድኖ፤ “ኦን ብርሽላ ኤርያ ድራዉ፡ ሀያና ኔን ኦዉ ነ ቆማቶ ሶርያ ቃላን ኦዳ፡፡ ድርሳ ግምቢያ ሁጲያን ደእያ አሳይ ሰሰና ማላ፡ እብራዌል ቃላን ኦዉ ኦድፓ” ያጌድኖ፡፡

27 ሸን ጋዳዋይ ዛረሲደ፡ “ሀ ቃላቱዋ ታን ሀንተዉን ሀንተንቱ ጎዳ ጸላላዉ ኦዳናዉ ታና ታ ጎዳይ ከቲዳየ? ሀንተንቱና እት፡ ባረንቱ ሸእ ማናዉን ባረንቱ ሹሻ ኡሻናዉ ደእያ፡ ሀ ድርሳ ግምቢያ ቦላ ኡቴዳ አሳና ኡባዉ ኦዳናሳ ግደኔየ?” ያጌዳ፡፡

28 ሄዋ፡፡ ጉይያን፡ አሶረቱ ጋዳዋይ ደንድ ኤቂደ፡ ባረ ቃላ ቶቁ ኦሲደ፡ እብራዌል ቃላን ሀዋዳን ያጌዳ፤ “አሶረ ካቲ ዋልቃማይ ሀንተንታ ግያዋ ሰሰተ!

29 ካቲ ሀንተንታ ሀዋዳን ያጌ፤ ‘ሀዘቂያሰ ሀንተንታ ጭምፖ፤ አያዉ ጎፕ፡ እ ሀንተንታ ታ ኩሽያ፡፡ ዋል አካናዉ ዳንዳየና፡፡

30 እ ሀንተንታ፡ መድና ጎዳይ ቱማ ኦና አሻናዋ፤ ሀ ካታማይካ አሶረ ካትያ ኩሽያን ገለና፡ ያጊደ ሀንተንታ መድና ጎዳን አማንሐፖ” ያጌ፡፡

31 “ኤ፡ ሀንተንቱ ሀዘቂያሰ ኦድያዋ ሰሶፕተ፡፡ አሶረ ካቲ ሀንተንታ፡ ታናና ሰገትቱ፤ ሃ ታኮ ከሰተ፡፡ ያቶፕ ሀንተንቱ ኡባይካ ሀንተንቱ ዋይንያ ቴራፕን ሀንተንቱ ባላሰያ ቴራፕ ሚሻና፤ ሀንተንቱ ቦኤዳ ኦላፕካ ሃላ ኡሽሻና፡፡

32 ሄዋ፡፡ ጉይያን፡ ታን ያደ፡ ሀንተንታ ሀንተንቱ ቢታ ማላትያ ጋድያ አካደ አፋና፡፡ ሄ ቢታይ ካሳይን ዋይንያ ኤሳ ኡክሳይን ዋይንያ አታክልቲ ኩሜዳ ቢታ፤ ዋጋራይን ማላ ኤሳይን ኩሜዳ ቢታ፡፡ ሀንተንቱ ታዉ አዛዘቶ፡፡ ፓጸ ደእና፤ ሀይቁክታ” ያጌ፡፡

“ሀዘቂያሰ ሀንተንታ፡ ‘መድና ጎዳይ ኦና አሻና’ ያጊደ ጭምፖዋ ሰሶፕተ፡፡

33 አይሁዳ ግደና አሳ ጸሳቱዋ፡፡ ባረ ቢታ አሶረ ካትያ ኩሽያ፡፡ አሹዳ ጸሰ ደእያ?

34 ሀማታ ጸሳቱን አርፋደ ጸሳቱ ሀቃን ደእኖ? ሳፋርዋይማ፡ ሄናኦን ኢዋ ጸሳቱ ሀቃን ደእኖ? ኡንቱንቱ ሳማርያ ታ ኩሽያ፡፡ ዋል አኬድኖ?

35 ሀ ቢታቱዋ ጸሳቱዋ ኡባ ግደን ባረ ቢታ ታ ኩሽያ፡፡ አያ ጸሰ አሹዳዋ ሸን፡ መድና ጎዳይ የሩሳላመ ታ ኩሽያ፡፡ አሻኔ?” ያጌዳ፡፡

36 ሸን አሳይ እት ቃላን አዉ ዉርሰናን ጮኤ ጌዳ፡፡ አያዉ ጎፕ፡ ካቲ ኡንቱንታ፡ “አዉ አይን ዛሪደ ኦድፕተ” ያግ ዋሌዳ፡፡

37 ሄዋ፡፡ ጉይያን፡ ሀልቂያ ናኦይ ካትያ ጎላን አዋትያ ኤልያቂመ፡ ዋና ጸፊ ሹብንነ ታርክያ ጸፊ አሳፋ ናኦይ ሮኦህ ባረንቱ ማዩዋ ፔጲደ፡፡

ሀዘቂያሰኮ ቤድኖ፤ አሶረቱ ጋዳዋይ ጌዳዋ ኡባ አዉ ኦዴድኖ፡፡

19

ካቲ ሀዘቂያሰ ኢሰያሳ ዞርያ ኦቴዳ (ኢሳ. 37:1-7)

1 ካቲ ሀዘቂያሰ ሄዋ ሰሴዳ ዋደ፡ ባረ ማዩዋ ፔጲደ ዋሩዋ ማዩደ፡ መድና ጎዳ ጌሻ ጎልያ ገሌዳ፡፡

2 ካትያ ጎላን አዋትያ ኤልያቂመ፡ ዋና ጸፊ ሹብንነ ካለሰያ ቁሳቱ ዋሩዋ ማዩደ፡ አዋጸ ናኦ ትምቢትያ ኦድያ ኢሰያሳ ኮ ባና ማላ ከቲዳ፡፡

3 ኡንቱንቱ ኢሰያሳ ኮ ቢደ፡ “ሀዘቂያሰ ሀዋዳን ያጌ፤ ‘ሀፕ ጋላሳይ መቶ ጋላሳ፡ ሴራ ጋላሳን ዬላ ጋላሳ፡፡ ሄዌካ ናኦይ የለታናዉ ዋዲ ጋክና፡ ባንካደ የላናዉ ምሽራትዉ ዋልቃይ ቆይዎ ማላ፡፡

4 ደኡዋ መድና ጎዳ ሸቃናዳን፡ ኦ ጎዳይ፡ አሶረ ካቲ፡ ከቲዳ ጋዳዋ ቃላ ኡባ መድና ጎዳይ፡ ነ ጸሳይ ሰሰናን አገና፡፡ ቃይ መድና ጎዳይ፡ ነ ጸሳይ ሄ ሰሴዳ ቦሪያ ቃላ ጋሱዋን ኦ ሙረናን አገና፡፡ ሄዋ ድራዉ፡ ኦ አሳ ግደን ፓላህ አታናዋንቶ ዋሳ!’ ያጌ” ያጌድኖ፡፡

5 ካትያ ሀዘቂያሰ ቆማቱ ኢሰያሳ ኮ ዬዳ ዋደ፡

6 እሳያሰ ኡንቱንታ ሀዋዳን ያጌዳ፤ “ሀንተንቱ ጎዳዉ ሀዋዳን ያጊደ ኦድተ፤ ‘መድና ጎዳይ ኔና፡ “አሶረ ካትያ ቆማቱ ታና ሸቅሽን፡ ኔን ሰሴዳ ሸቃ ቃላዉ ያዮፓ፡፡

7 በኦ፡ ኦዲዋ ሰሴዳ፡ እ ባረ ጋድያ ሰማና ማላ፡ ታን ኦ ግደን ኢታ አያና ዋላና፡፡ ያታደ እ ባረ ጋድያ ቢደ፡ ያን ማሻን ሀይቃናዳን ታን ኦ ኦላና” ያጌ’ ያግተ” ያጌዳ፡፡

አሶረቱ ሀራ ናሰያ ናሴድኖ (ኢሳ. 37:8-20)

8 አሶረ ካቲ ላክሻ ካታማ፡፡ ደንዲደ ብ ክቼዳዋ አሶረቱ ጋዳዋይ ሰሴዳ፡ ጉየ ሰሜዳ፡፡ ካቲ ሊብና ካታማን ኦለትያዋ ደሜዳ፡፡

9 ካቲ ሳናክሬመ፡ “ቶጵያ ካቲ ትርሃቅ ኔና ኦላናዉ ዬዳ” ያግያ ኦዲዋ ሰሴዳ፡፡ ሀዘቂያሰዉ ሀዋዳን ያጊደ ከቲዳ፤

10 “ይሁዳ ካትያ ሀዘቂያሰ፡ ኔን አማንትያ ጸሳይ ኔና፡ የሩሳላመ አሶረ ካትያ ኩሽያን ገለና’ ያጊደ ጭምፖ፡፡

11 በኦ፡ አሶረ ካተቱ ቢታቱዋ ኡባ ሙላ ቆይሲደ፡ ኡንቱንቱ ኦሌዳዋ ኔን ሰሳዳ፡፡ ያትና ኔን አታይ?

12 በን ታ ማይዛ አዋቱ ባይዜዳ ቢታቱዋ ጸሳቱ፡ ሄዋንቱን ጎዛና፡ ካራነን ረጸፋ ቢታቱዋ ጸሳቱን ታላሳራን ደእያ ኤደን አሳ ጸሳቱ ሄ ቢታቱዋ ባሻፕ አሹድኖ?

13 ሀማታ ካቲ፡ አርፋደ ካቲ፡ ሳፋርዋይማ ካቲ፡ ሄናኦ ካቲን ኢዋ ካቲ ሀቃን ደእኖ?” ያጊደ ከቲዳ፡፡

14 ሀዘቂያሰ ዳብዳቢያ አኪየዳ አሳቱዋ፡፡ አኪደ ናባቤዳ፡፡ ዳብዳቢያ መድና ጎዳ ጌሻ ጎልያ አክ አፊደ፡ መድና ጎዳ ሰንላን ምጮዳ፡፡

15 ያቲደ መድና ጎዳ ሀዋዳን ያጊደ ዋሴዳ፤ “አቤት መድና ጎዳዉ፡ ክሩብቱዋ፡፡ ግዲዋን

ኡትያ እስራኤልያ ጸሳው፤ ሳኦ ካወተላቱ ኡባ ቦላ ነ ጸላላይ ጸሳ። ሳሉዋነ ሳኦ ኔን መቆዳ።

16 አቤት መድና ጎዳው፤ ነ ሀይላ ሃ የገደ ሰሳ። አቤት መድና ጎዳው፤ ነ አይፍያ ፖካደ ጸላ። ኔና፤ ደኡዋ ጸሳ ሸቃናው ሳናክሬመ ኪቲዳ ቃላ ሰሳ።

17 አቤት መድና ጎዳው፤ አሶረ ቢታ ካተቱ ካወተላቱዋነ ኡንቱንቱ ቢታ ባይዜዳዌ ኤ ቱማ።

18 ኡንቱንቱ ጸሳቱዋ ታማን ጹግ ጳይሴድኖ፤ አያው ጎፕ፤ ኡንቱንቱ ጸሳቱ ዋንካ አሳ ኩሺ ማሲደ ከሴዳ ሞላነ ሹቻነ ግድያ ድራው፤ ቱሙ ጸሳቱዋ ግድክኖ፤ ሄዋ ድራው፤ ኡንቱንቱ ኡንቱንታ ጳይሴድኖ።

19 አቤት መድና ጎዳው፤ ነ ጸላላይ ጸሳ ግድያዋ ሳኦ ካወተላቱ ኡባይ ኤራና ማላ፤ ሀኦ ሰሞ፤ መድና ጎዳው፤ ኑ ጸሳው፤ ኔን ኑና ኦ ኩሸያፕ ዋላ አካ።” ያጊደ ዋሴዳ።

እሳያሰ ካትያው የዴዳ ኪታ (ኢ.ሳ. 37:21-38)

20 ሄዋፕ ፕይያን፤ አሞጾ ናአይ እሳያሰ ሀዘቂያሳው ሀዋዲን ያጊደ ኪቲዳ፤ “መድና ጎዳይ እስራኤልያ ጸሳይ ሀዋዲን ያጊ፤ ‘ኔን አሶረ ካትያ ሳናክሬማ ጋሱዋን ታና ዋሴዳ ዋሳ ሰሳድ’ ያጊ።

21 መድና ጎዳይ ሳናክሬባዋ ሀዋዲን ያጊደ ሃሳዬ፤

“ ጽዮንን ደእያ ዋደራታ ኔና ካቆወ፤ የሩሳላመ ዋደራታ ባረ ሁጲያ ቃላደ፤ ኔና ቆሳው።

22 “ ኔን ሸቂዳዌነ ቶቹዳዌ ኦኔ? ኔን እዝ ቦላን ነ ቃላ ቶቁ ኦላደ ሃሳያዲ? ቃይ ኦቶሩዋን ኦና ቶቁ ጋደ ጸላዲ? ሄዋ ኔን ኦሴዳዌ ታ ቦላና፤ እስራኤልያ ጌሻ ቦላና ግደኔ!

23 ኔን ኪቲዳ አሳቱዋ ባጋና፤ መድና ጎዳ ሸቃዳ። ቃይ ሀዋዲን ያጋዳ፤ “ታን ታወ ደእያ ጮራ ፓራ ጋረቱዋን ቶቃ ደረቱዋ ሁጲያ፤ ሊባኖሳ ደርያ ኪክያ ከሳድ። ኡባፕ አዲቂያ ዝጋቱዋነ፤ ኡባፕ ሎእያ ጽደቱዋ ቃንጸድ። ታን አወ ወርሰላ ጋጸነ ሎኦ ዋራ ጋካድ።

24 ታን አላጋ ቢታቱነ ሃላ ኦላቱዋ ቦካደ፤ ሃላ ኡንቱንቱፕ ኡሻድ። ግብጼ ቢታን ጎግያ ሃላ ኡባ ታን ታ ገድያ ጎምፓን የቆደ መልሳድ” ያጋዳ።

25 “ ጻር ዋድያፕ ካሰ ኔን ግምቡቲዳ ካታማቱዋ ቆቆፋደ፤ ሹቻ ኬላ ከሳና ማላ፤ ታን ቆፋ ቃቻ ዋሴዳዋ ኔን ኤራቢይኪ? ታን ሀኦ ፖልያ ሀልቾቱዋ

በን ሀልቻ ዋላድ። 26 ሄዋ ድራው፤ ኡንቱንቱ አሳው ዋልቃይ እጽና፤ ኡንቱንቱ ካወሼድኖነ ዬላቲድኖ።

ኡንቱንቱ ጋደ ማታ ማላ፤ ጎሻን ዶልያ ጫርሻ ማላ።

ኡንቱንቱ ጎልያ ሁጲያን ሞክያ ሻራፋዳን ካኤናን ደእሸን፤ ሌጊ ሜዳ ካላዳን ሀኔድኖ።

27 “ ሸን ኔን ኡትያሳ፤ ከሰያሳ፤ ገልያሳነ ታ ቦላ ኔን ሀንቀቲዳ ሀንቀዋ ታን ኤራይ።

28 ኔን ታ ቦላ ሀንቀቲዳ ድራውነ፤ ነ ኦቶሩዋካ ታን ሰሴዳ ድራው፤ ታን ነ ሲቲያን ታ ዳፋዋ አላና፤ ነ ደናንካ ታ ብጸላ ባርሳና። ያታደ ነ ዬዳ ኦግያና ታን ኔና ጉየ ዛራና ያጊ” ያጊዳ።

29 ሄዋፕ ፕይያን፤ እሳያሰ ካትያ ሀዘቂያሳ ሀዋዲን ያጊዳ፤ “ሀዌ ፖለታናው ነወ ማላታይ ሀዋ፤ ሀ ላይላ ሀንተንቱ ዘረናን ዶልያ ካላ ማና፤ ላይላ ቃይ ሀ ላይላ ሞኬዳዋ አዛባ ማና። ሸን ካላ ላይላ ሀንተንቱ ሀንተንቱ ሁጲያው ዘርተነ ቆይጭተ፤ ዋይንያ ቱራካ ቶክተነ ኦ ቱራ ሚተ።

30 ይሁዳ አሳ አተላቱ ጸጶዋ ዲገ የዲደ፤ ቦላን አይፍያ አይፍያ ሞላ ማላ ግዳና።

31 አያው ጎፕ፤ ወሪደ አቲዳዋንቱ የሩሳላመፕ፤ ፓላሃዳዋንቱካ ጽዮንፕ ከሳና። ኡባፕ ዋልቃማ መድና ጎዳ ሞሹ ሄዋ ኦላደ ፖላና።

32 “ሄዋ ድራው፤ አሶረ ካወዋ መድና ጎዳይ ሀዋዲን ያጊ፤ ‘አሶረ ካቲ ሀ ካታማ ገለና፤ ዋይ ሀዋን ባረ ዋንዳፍያን ዲከና። እ ባረ ጎንዳልያ ኦይቂደ፤ ሀ ካታማ ሰንላ አፍ፤ ዋይ ቃይ ካታማ ዩሹዋ ቢታ ደርያን ድረና።

33 አሶረ ካቲ ባረ ዬዳ ኦግያና ጉየ ሰማና፤ እ ሀ ካታማ ገለና። ታን መድና ጎዳይ ሀዋ ኦዳድ።

34 ታን ታ ቦንቹዋ ድራውነ ታ ቆማ ዳዊታ ድራው፤ ሀ ካታማ ቦሸሰናን አሻ አካና ያጊ” ያጊዳ።

35 ሄ ጋላሰ ቃማ መድና ጎዳ ኪታንቻይ ከሲደ፤ አሶረ አሳይ ዲንካኔዳ ሳኦን እት ጸታነ ሆሰፕን ታማነ እቹሹ ሻኦ አቲማ አሳ ዋዴዳ። ያትና አሳይ ዋንታ ደንዲደ በእያ ዋደ፤ ሀይቂዳ አሳ አሃይ ሄዋን ኩሜዳ።

36 ሄዋ ድራው፤ አሶረ ካቲ ሳናክሬመ ደንዲደ፤ ጉየ ሰም ቢደ፤ ናናዌ ካታማን ኡቲዳ።

37 እት ጋላሰ ሳናክሬመ ባረ ጸሳ ንሰርካ ኤቃ ጎለን ጎይኒደ ደእሸን፤ ኦ ናናይ አድራመሌክነ ሳርኤጾር ማሻን ኦ ዋዴድኖ። አራራተ ግያ ጋድያ ባቃቲድኖ። ኦ ናአይ አሳርሀ-ሀደን ኦ ሳኦን ካወቲዳ።

20

ካቲ ሀዘቂያሰ ሀርጊደ ፓጾዳ (2 ኦዲዋ 32:24-26፤ ኢ.ሳ. 38:1-8፤ 21-22)

1 ሄ ዋደ ካቲ ሀዘቂያሰ ሀርጊደ፤ ሀያና ማቲዳ። ያን ደእሸን አሞጾ ናአይ ትምቢትያ ኦድያ እሳያሰ አኮ ቢደ፤ “መድና ጎዳይ ኔና፤

ኔን ሀይቃሳጥ አትና ፓጻካ፤ ሄዋ ድራው፡ ነ ጎልያ ጊግሳ፣ ያጌ” ያጌዳ።

2 ሀዘቂያስ ጎዳኮ ሰም ግሲደ፡ መድና ጎዳ ዋሲደ፡

3 “አቤት መድና ጎዳው፡ ታን ነ ሰንጻን ቱማተላን ኩመንሳ ዋዛናን ሀመቱዳዋን ቃይ ኔና ናሽቶያዋ ኦሴዳዋ ታው ኔን ሀሳያና ማላ፡ ታን ኔና ዋሳይ” ያጌደ ዋሴዳ። ሀዘቂያስ ሎይሐ ሴለቲደ ዬኬዳ።

4 እሳያስ ካትያ ሰንጻጥ ከሴዳ፤ ካትያ ጎልያ ዳባባጥ አዲደ ብ ክቼናን ደእሸን፡ መድና ጎዳ ቃላይ ሀዋዳን ያጌደ፡ እኮ ዬዳ፡

5 “ጉዩ ሰማደ ባደ ታ አሳ ካለልያ ሀዘቂያሳው ሀዋዳን ያጋደ ኦዳ፤ “መድና ጎዳይ፡ ነ ማይዛ አወዋ ዳዊታ ጸሳይ ሀዋዳን ያጌ፡ “ታን ነ ዋሳ ሰሳድ፤ ነ አፎላካ በኣድ። ታን ኔና ፓላና፤ ሄዙ ጋላሳጥ ጉይያን፡ ኔን ጉደ መድና ጎዳ ጌሻ ጎልያ ባና።

6 ነ ላይላ ቦላ ታን ነዉ ታማነ እቼሹ ላይላ ጉጃና። ታን ኔናን ሀ ካታማነ አሰረ ቢታ ካትያ ኩሸያጥ አሻና። ታን ታ ቦንቹዋ ድራውን ታ ቆማ ዳዊታ ድራው፡ ሀ ካታማው ኦለታደ አሻና” ያጌ ያጌ” ያጌዳ።

7 ሄዋጥ ጉይያን እሳያስ፡ “ባላሰያ ቱራ ዳጺደ፡ አ ጋፋዋ ቦላ ዋሐተ። ያተጥ አ ፓጻናዋ” ያጌዳ።

8 ሀዘቂያስ ኢሰያሳ፡ “መድና ጎዳይ ታና ፓላናዋን ታን ሄዘንላ ጋላስ መድና ጎዳ ጌሻ ጎልያ ጉደ ባናዋ ማላታይ አዬ?” ያጌደ ኦቼዳ።

9 እሳያስ፡ “መድና ጎዳይ ባረ ጌዳ ቃላ ፖላናው ነዉ መድና ጎዳይ ማላታ እማና። ሰም ኔን ሀዋጥ ሀቃዋ ደራይ? ሀዋ ኩዋይ ታሙ ታንጉዋ ሰንጻው ባናዋ ደራይ? ታሙ ታንጉዋ ሀዋጥ ጉዩ ሰማናዋ ደራይ?” ያጌደ ኦቼዳ።

10 ያትና ሀዘቂያስ አ፡ “ኩዋይ ሰንጻው ባናዋ መተና፤ ሄዋጥ ኩዋይ ጉዩ ሰማናዳን ኪተታ” ያጌዳ።

11 ሄዋጥ ጉይያን፡ ትምቢትያ ኦድያ እሳያስ መድና ጎዳ ዋሴዳ፤ መድና ጎዳይ ካቲ አካዝ ግምቢሲደ ደላቱዋ ኩዋይዳ ኩዋ ታሙ ደላቱዋ ሄ ሳጥ ጉዩ ዛሬዳ።

ባብሎንጥ ኪተቲደ ዬዳ አሳቱዋ (ኢሳ. 39:1-8)

12 ሄ ዋደ ባላዳና ናአይ፡ ባብሎን ካቲ፡ ማርዳክ ባላዳን ሀዘቂያስ ሀርጌዳዋ ሰሴዳ ድራው፡ ዳብዳቢያን እሞታ ሀዘቂያሳው ዩዴዳ።

13 ሀዘቂያስ ኪተቲደ ዬዳ አሳቱዋ ሞኬዳ። ያቲደ ባረ ሚሻ ሞንጅያ ጎለን ደእያ ብራ፡ ዋርቃ፡ ሳወዋ፡ አልኦ ዛይትያ፡ ባረ ኦላ ሚሻን ባረ ሚሻ ሞንጅያ ጎለን ደእያዋ ኡባ ኡንቱንታ በሴዳ። ባረ ሱን ዋይ ባረ ካወተላ ግደን ደእያዋ ኡባጥ ሀዘቂያስ ኡንቱንታ በሰናን አጌዳባይ አያይን ባዋ።

14 ሄዋጥ ጉይያን፡ ትምቢትያ ኦድያ እሳያስ ካትያ ሀዘቂያሳኩ ዩደ፡ “ሀ አሳቱ ዋጌድና? ኡንቱንቱ ሀቃጥ ዬድና?” ያጌደ ኦቼዳ።

ሀዘቂያስ፡ “ኡንቱንቱ ታኮ ሃኮ ጋድያጥ፡ ባብሎንጥ ዬድና” ያጌዳ።

15 እሳያስ ቃይካ፡ “ኡንቱንቱ ነ ሱን አያ አያ በኤድና?” ያጌዳ።

ሀዘቂያስ፡ “ኡንቱንቱ ታ ሱን ደእያ ኡባባ በኤድና፤ ታ ሚሻ ሞንጅያ ጎለን ደእያባጥ ታን ኡንቱንታ በሳቤናባይ አያይን ባዋ” ያጌዳ።

16 ሄዋጥ ጉይያን፡ እሳያስ ሀዘቂያሳ፡ “መድና ጎዳይ ግያዋ ሰሳ።

17 መድና ጎዳይ ሀዋዳን ያጌ፡ ሳ ካትያ ጎለን ደእያባይ ኡባባይን ነ ማይዛ አዋቱ ሀቼ ጋካናው ሺሼዳባይ ኡባባይ ሙላ ኦሞደቲደ፡ ባብሎን ጋድያ ባና ጋላሳቱ ያና፤ አጥ አያይን አተና።

18 ቃይ ነዉ የለታናዋ፡ ነ አሸነ ሱላን ግድያ ነ አቱማ ዛራቱዋጥካ ኦሞደቲደ ባና፤ ባብሎን ካትያ ጎለን ጎይረቲደ ኦላና” ያጌዳ።

19 ሀዘቂያስ ዛሬደ፡ “ኔን ኦዴዳ መድና ጎዳ ቃላይ ሎአ” ያጌዳ። አያው ጎጥ፡ ሀዘቂያስ፡ “ታን ደኤዳ ላይላን ሳሩን ዋጋይ ደአናዋ ግደኔ” ያጌደ ቆፔዳ።

ሀዘቂያሳ ሀይቁዋ (2 ኦዲዋ 32:32-33)

20 ሀዘቂያስ ሀኔዳ ሀራባይ፡ አ ሞናተላይን ሃላ ዜሪደ፡ ቢታ ግዲዋና ዋሩዋን ካታማ እ ገልሴዳባይ ይሁዳ ካተቱዋ ታርክያ ማጻፋን ጸፊት ኡቲዳ።

21 ሀዘቂያስ ሀይቁደ፡ ባረ ማይዛን ጋከቲዳ፤ አ ኮሸያን አ ናአይ ሞናስ ካተቲዳ።

21

ይሁዳ ካትያ ሞናሳ (2 ኦዲዋ 33:1-20)

1 ሞናስ ካተትያ ዋደ ላይላይ አዉ ታማነ ላኣ፤ እ የሩሳላሙን እሻታማነ እቼሹ ላይላ ካተቲዳ። አ አት ሱንጻይ ሄፍጺቦ።

2 መድና ጎዳይ እስራኤልያ አሳ ሰንጻጥ ላጊደ ከሴዳ አሳቱዋ ደኡዋ ዋጋ፡ ሄ ሸንይያዋ ቁሊደ፡ ሞናስ መድና ጎዳ ሰንጻን ኢታባ ኦሴዳ።

3 አ አዉ ሀዘቂያስ ላሌዳ፡ ጎይንያ ጾቃ ሳኣ እ ዛረሊደ ኬጼዳ፤ እስራኤልያ ካቲ አካብ ኦሴዳዋዳን፡ ባኣላ ግያ ጸሳው ያርሸያ ሳኣቱዋን አሸር ግያ ጸሳት ሞሰለቱዋ መዴዳ። ቃይ ሳሉዋ ጸልንተቶ ኡባወካ ጎይኔዳን ኡንቱንቶ ኦሴዳ።

4 መድና ጎዳይ ካሰ፡ “ታን ታ ሰንጻ የሩሳላሙን ጼሰሳና” ያግ ዋሴዳ መድና ጎዳ ጌሻ ጎልያን ሀራ ጸሳቶ ያርሸያ ሳኣ ጊግሴዳ።

5 መድና ጎዳ ጌሻ ጎልያን ደእያ ላኡ ዳባባቱዋን ሳሉዋ ጸልንተቶ ኡባወ ያርሸያ ሳኣ ጊግሴዳ።

6 ባረ የሌዳ ናኣ ታማን ጸጊደ ያርሸዬዳ። እ ባረ ሁጺያወካ ብትያዋን ሙሩንያዋ ግዲደ፡ ሻራቾቱዋን ሞይትልያ ሃሳይሰያዋንታ ዘርያ ኦቼዳ። መድና ጎዳ ሰንጻን ዳር ኢታባ ኦሴዳ፡ አ ሀንቀሴዳ።

7 አሸር ግያ ጸሳት ሞሰልያ፡ ማሰት ከሴዳዋ አሂደ፡ መድና ጎዳ ጌሻ ጎልያ ግደን ኤሴዳ። ሄ

ጌሻ ጎሊ፡ መድና ጎዳይ ዳዊታን ኦ ናኦ ስሎሞና፡ “እስራኤልያ ዛርያ ኡባ ግደፕ ታን ደሬዳ ሀ ጌሻ ጎልያንን የሩሳላሙን ታን ታ ሱንላ መድናው ጸሐሳና፡፡

8 እስራኤልያ አሳ ታን አዛዜዳ አዛዙዋ ኡባን ታ ቆማይ ሙሴ ኤንቱንቶ እሜዳ ህግያ ኡባ ናጊደ አላፕ፡ ታን ኤንቱንቱ ማይዛ አዋቶ እሜዳ ጋድያፕ ኤንቱንታ ደንላደ ቶይላይከ” ያጌዳ፡፡

9 ሸን አሳይ ሰሰናን እጾዳ፡፡ መድና ጎዳ እስራኤልያ አሳ ሰንላፕ ዳይሴዳ ጋደ አሳዋፕካ አድያ ኢታ ኦላና ማላ፡ ምናሰ ኤንቱንታ ባለሌዳ፡፡

10 መድና ጎዳይ ትምቢትያ ኦድያ ባረ ቆማቱዋ ባጋና ሀዋዳን ያጌዳ፡፡

11 “ይሁዳ ካቲ ምናሰ ሀ ቱና ኪታ ኦሌዳ፤ ባረፕ ካሰ ደኤዳ አሞረ አሳ ኡባ ናጋራፕካ አድያ ኢታ ኦሌዳ፤ ይሁዳ አሳ ባረ መዴዳ ኤቃ ሞሰልያው ጎይንሲደ፡ ናጋራ ኦሰሴዳ፡፡ እ ሄዋ ኦሌዳ ድራው፡፡

12 ታን መድና ጎዳይ እስራኤልያ ጸሳይ ሀዋዳን ያጋይ፤ ሰሰናን አሳ ኡባ ሀይላው ኢትያ ባሻ ታን የሩሳላሙ ቦላን ይሁዳ ቦላ አሀና ሀናይ፡፡

13 ታን ሳማርያ ቦላ ጎቼዳ ዋደሩዋ፡ የሩሳላሙ ቦላ ጎቻና፤ አካባ ሶይ አሳ ቦላ የዴዳ ቱምቢያካ፡ የሩሳላሙ ቦላ የዳና፡፡ እት አሳይ ከርያ ቁጭ ጉፋንሊደ መልሰያዋዳን፡ ታን የሩሳላሙ ቁጫደ ጉፋንላና፡፡

14 ታ ላታቱዋፕ አቱዳውንታ ታን ኦላና፤ ታን ኤንቱንታ ኤንቱንቱ ሞርከቱዋ ኩሸያን አላደ እማና፡፡ ኤንቱንቱ ሞርከቱ ኡባይ ኤንቱንታ ኦይቃናን ቦንቃና፡፡

15 ኤንቱንቱ ማይዛ አዋቱ ግብጾፕ ከሶደፕ ደም፡ ሀቼ ጋካናው፡ ኤንቱንቱ ታ ሰንላን ኢታባ ኦሌዳ ድራውን ታና ሀንቀሌዳ ድራው፡ ታን ሀዋዳን ኦላና ያጋይ” ያጌዳ፡፡

16 ምናሰ ይሁዳ አሳ መድና ጎዳ ሰንላን ናጋራ ኦሰሴዳዋ ቦላካ ጉጂደ፡ ጽሎ አሳ ዋዴዳ፤ የሩሳላሙን ሀ ጋጸፕ ያ ጋጸ ጋካናው፡ ሱላ ኩንሌዳ፡፡

17 ምናሰ ሀኔዳ ሀራባይ፡ እ ኦሌዳባይ ኡባይን እ ኦሌዳ ናጋራባይ ይሁዳ ካተቱ ታርክያ ማጻፋን ጸፈት ኡቱዳ፡፡

18 ምናሰ ሀይቂደ፡ ባረ ማይዛን ጋከቱዳ፤ ያቲደ ባረ ጎልያ ማታን ደእያ ኡዛ አታክልትያ ሳኦ ግያ ሳኦን ሞገቱዳ፡፡ አ ኮታን አ ናኦይ አሞን ካተቱዳ፡፡

ይሁዳ ካትያ አሞና
(2 ኦዲዋ 33:21-25)

19 አሞን ካተትያ ዋደ፡ ላይላይ አው ላታማን ላኦ፤ እ የሩሳላሙን ላኡ ላይላ ካተቱዳ፡፡ አ ዳይ ሱንላይ ማሹለማቶ፤ እዛ ያጽባ ካታማን ደእያ ሀሩጸ ናቶ፡፡

20 እ አው ምናሰ ኦሌዳዋዳን፡ አሞንካ መድና ጎዳ ሰንላን ኢታባ ኦሌዳ፡፡

21 እ ባረ አው ሀመቲዳ ኦግያን ኡባን ሀመቲዳ፤ ባረ አው ኦሌዳ ኤቃቶ እካ ኦሌዳን ኤንቱንቶ ጎይኔዳ፡፡

22 መድና ጎዳ፡ ባረ ማይዛ አዋቱዋ መድና ጎዳ አግ ባሹዳ፤ መድና ጎዳ ኦግያንካ እ ሀመትቤና፡፡

23 አሞና ኦሳንቻቱ አ ቦላ ማቀቲደ፡ አ ካትያ ጎሊን እ ዋዴድና፡፡

24 ሄዋፕ ጉይያን፡ ይሁዳ አሳቱ ካትያ አሞና ቦላ ማቀቲዳ ኡባቱዋ ዋዴድና፡፡ አሞና ኮታን አ ናኦ የሰያሳ ካተቱዳና፡፡

25 አሞን ሀኔዳ ሀራባይን እ ኦሌዳባይ ኡባይ ይሁዳ ካተቱ ታርክያ ማጻፋን ጸፈት ኡቱዳ፡፡

26 አሞን ኡዛ አታክልትያ ሳኦ ግያ ሳኦን ደእያ ባረ ዲፋዋን ሞገቱዳ፤ አ ኮታን አ ናኦይ ኢዮሰያሰ ካተቱዳ፡፡

22

ኢዮሰያሳ አይሱዋ
(2 ካታ. 22:1—23:30)

1 እዮሰያሰ ካተትያ ዋደ፡ ላይላይ አው ሆሰፕና፤ እ የሩሳላሙን ሀታማን እት ላይላ ካተቱዳ፡፡ አ ዳይ ሱንላይ ይዲደ፤ እዛ ቦጽቃታ ግያ ካታማን ደእያ አዳያ ናቶ፡፡

2 እዮሰያሰ መድና ጎዳ ሰንላን ሱረባ ኦሌዳ፤ ኡሸቻ ሀድርሳ ጌናን ባረ ማይዛ አውዋ ዳዊታ ኦግያን ኡባን ሀመቲዳ፡፡

ጸሳ ህግያ ማጻፋይ ቤቲዳ
(2 ኦዲዋ 34:8-28)

3 ካቲ እዮሰያሰ ባረ ካተቱዳ ታማን ሆሰፕንላ ላይላን፡ ማሹለማ ናኦ ናኦ፡ አጻልያ ናኦ፡ ዋና ጸፍያ ሳፋና መድና ጎዳ ጌሻ ጎልያ ሀዋዳን ያጊደ ኪቲዳ፤

4 “አሳይ መድና ጎዳ ጌሻ ጎልያ አሀና፡ ጌሻ ጎልያ ፕንግያ ናግያዋንቱ አሳፕ ሸሼዴ ሻሉዋ ፓይዳናዳን፡ ቁሳቱዋ ኡባቱዋ ካቱዋ ሀልቂያኮ ባ፡፡

5 ቂሰያ ኡባቱዋ ካቱ ሚሻ መድና ጎዳ ጌሻ ጎልያ ኦራሰሰያ ካፓቶ እማና ማላ ኦዳ፡፡ ኤንቱንቱካ ጌሻ ጎልያ ኦራሰያ ኦሳንቻቶ፡፡

6 አናጸቶ ግምቢያዋንቶን ሹቻ ማሰያዋንቶ ጭግና፡፡ ቃይ ጌሻ ጎልያ ኦራሳናው፡ ምላን ቆኤቲዳ ሹቻ ሻምያዋንቶ ጭግና፡፡

7 ሄ ኪታ ዋቶያዋንቱ አማንትያ አሳ ግድያ ድራው፡ ኤንቱንቱ ኩሸያን ገሌዳ ሚሻን እያ እያ ኦሌደንቶ፡ ኤንቱንታ ኦቻናው ኮሸና” ያጌዳ፡፡

8 ሄዋፕ ጉይያን፡ ቁሳቱዋ ኡባቱዋ ካቱ ሀልቂ ዋና ጸፍያ ሳፋና፡ “ህግያ ማጻፋ መድና ጎዳ ጌሻ ጎልያን ደማድ” ያጌዳ፡፡ ማጻፋ ሳፋናው እሜዳ፤ ሳፋን አኪደ ናባቤዳ፡፡

9 ዋና ጸፊ ሳፋን ካትያኮ ሰም ቢደ፡ “መድና ጎዳ ጌሻ ጎልያን ደእያ ሻሉዋ ነ ኦሳንቻቱ ወርሰ አኪደ፡ ጌሻ ጎልያ ኦራሰሰያ ካፓቶ እሜድና” ያጊደ ኦዴዳ፡፡

10 ቃይካ ዋና ጸፊ ሳፋን ካትያ፡ “ቂሲ ሀልቂ ታው ማጻፋ እሜዳ” ያጊደ ካትያ ሰንላን ሄ ማጻፋ ናባቤዳ፡፡

11 ካቲ ህግያ ማጻፋን ደእያ ቃላ ሰሴዳ ዋደ፡ ካዮቲደ ባረ ማዩዋ ፔዴዳ፡፡

12 ሄዋጥ ጉይያን፡ ካቲ ቄሰያ ህልቂያ፡ ሳፋና ናኣ አህቃማ፡ ሞካያ ናኣ አክቦራ፡ ዋና ጸፍያ ሳፋና ካትያ አሳንቻ አሳያ ሀዋዲን ያጊደ አዛዜዳ፤

13 “ቢተ፤ ታ ድራው፡ ሀ አሳ ድራውን ይሁዳ ኡባ ድራው፡ ሀ ቢቲዳ ማጻፋ ቃላዋ አነ መቅና ጎዳ ኦቶተ፡ አያው ጎጥ፡ ኑው ጸፊቲዳ ኡባባ አሳናው ኑ ማይዛ አዎቲ ሀ ማጻፋ ቃላው አዛዘትቤና ድራው፡ ኑ ቦላ ሱሌዳ መቅና ጎዳ ሀንቁ ሎይሳ ዳራ” ያጌዳ።

14 ቄሲ ህልቂ፡ አህቃም፡ አክቦር፡ ሳፋን አሳይ ትምቢትያ ኦድያ ሁልዶ ግያ ሞሽራቶ ኦቻናው ቤድና፡ ሁልዶ ሀርሃሳ ናኣ ቲቅዋ ናኣ፡ ጌሻ ጎልያ ማየዋ ናግያ ሻሎማ ሞሽራቶ፡ አ የሩሳላመን ላኢንሳ ሹቻን ደአው፡ ሄ ቤዳ አሳቲ አዘና ሃሳዬድና።

15 ሁልዳ ኡንቲንታ፡ “መቅና ጎዳይ አሰራኤልያ ጸሳይ፡ ‘ህንተና ታኮ ከቲዳ ብታንያው ኦድተ ያጌ።”

16 መቅና ጎዳይ ሀዋዲን ያጌ፤ ‘ብአተ፡ ይሁዳ ካቲ ናባቤዳ ማጻፋን ጸፊቲዳ ኢታ ቃላ ኡባ ታን ሀ ሳኣ ቦላን ሀ ሳኣን ደአያ አሳ ቦላ አህና ሀናይ።

17 ኡንቲንቲ ታና አጊደ፡ ሀራ ጸሳቶ እጻና ጨዋዬድና፤ ያቲደ ኡንቲንቲ ባረንቲ ኩሽያን ኡፊዳዋን ኡባን ታና ሀንቀሌድና። ሄዋ ድራው፡ ታ ሀንቁ ሀ ሳኣ ቦላ ኤጽ ከሴዳ፤ ቶአናው ዳንዳየና ያጌ።

18 “መቅና ጎዳ ኦቻናው ህንተንታ ከቲዳ ካትያ ሀዋዲን ያግተ፤ ‘መቅና ጎዳይ አሰራኤልያ ጸሳይ ኔን ሰሴዳ ቃላ ሀዋዲን ያጌ፤”

19 ታን ሀ ሳኣ ቦላን ሀ ሳኣን ደአያ አሳ ቦላ፡ ‘ታን ህንተንታ ቆይሳናን ባይዛ ከሳና’ ጋደ ሃሳዬዳዋ ኔን ሰሴዳ ዋደ፡ ነ ዋዛናይ ሹግና፡ መቅና ጎዳ ሰንሳን ነ ሁጺያ ካወሼዳ ድራውን ነ ማየዋ ፔቆደ፡ ታ ሰንሳን ዬኬዳ ድራው፡ ታን ነ ዋሳ ሰሳድ ያጌ መቅና ጎዳይ።

20 ሄዋ ድራው፡ ታን ኔና ሳሩዋን ነ ማይዛን ጋላና፤ ኔን ሳር ሞገታና። ታን ሀ ሳኣ ቦላን ሀ ሳኣን ደአያ አሳ ቦላ አህና ኢታባ ነ አይፊ በኤና ያጌ ያግተ” ያጋዱ። ሄዋጥ ጉዮ ኡንቲንቲ ቢደ፡ ሀ ሃሳዮቲዳባ ካትያው አዳድና።

23

ኢዮሰያሰ ኤቃ ጎይቲዋ ቢታጥ ቆይሴዳ (2 ኦዲዋ 34:3-7፣ 29-33)

1 ሄዋጥ ጉይያን፡ ካቲ ኢዮሰያሰ ከቲደ፡ ይሁዳ ጭማቲዋን የሩሳላመ ጭማቲዋ ኡባ እ ሺሼዳ።

2 ካቲ መቅና ጎዳ ጌሻ ጎልያ ፑደ ከሴዳ፤ ይሁዳ አሳይ ኡባይ፡ የሩሳላመን ደአያ አሳይ ኡባይ፡ ቄሳቲን ትምቢትያ ኦድያዋንቲ፡ ጉላጥ ዋጋ ጋካናው፡ አሳይ ኡባይ አናና እትጥ መቅና ጎዳ ጌሻ ጎልያ ፑደ ከሴድና። መቅና ጎዳ ጌሻ ጎልያጥ ቤቲዳ ቃላ ጫቁዋ ማጻፋ ቃላ ኡባ ካቲ ኡንቲንቲ ሰሰሽን ናባቤዳ።

3 ሄዋጥ ጉይያን፡ ካቲ ቲሳ ማታን ኤቁደ፡ ኡንቲንቲ መቅና ጎዳ ኦግያን ሀመታናውን፡ አ

ሀግያ፡ አ ዋጋን አ አዛዙዋ ባረ ኩመንሳ ዋዛናንን ባረ ኩመንሳ ሸምቶዋን ናጋናው፡ ቃይ ሀ ማጻፋን ጸፊቲዳ ጫቁዋዳን ኦላናው መቅና ጎዳ ሰንሳን ገፔዳ። ያትና አሳይ ኡባይካ ጫቁዋ ናጋናው ገፔዳ።

4 ሄዋጥ ጉይያን፡ ካቲ ቄሳቲዋ ኡባቲዋ ካቲዋ ህልቂያ፡ አጥ ጋርሳና ደአያ ቄሳቲ ዋን ጥንግያ ናግያዋንታ ባኣላው፡ አሺርን ሳሉዋ ጸልንተቶ ጎይናናው ገግሴዳ ሚሻቲዋ ኡባ መቅና ጎዳ ጌሻ ጎልያጥ ከሳናዳን አዛዜዳ። ካቲ ሄዋንታ የሩሳላመጥ ጋጸ ከሲደ፡ ቀድሮና ዛንጋራን ጹጌዳ፤ ብድንሳ ቤቲላ አፊዳ።

5 ይሁዳ ካታማቲዋን የሩሳላመ የሹዋን ደአያ ቆቃ ግሹዋን ኡባን እጻና ጨዋያናዳን ይሁዳ ካተቲ ሱንሴዳ ቆማሻቲዋ ቄሳቲ ዋ ኡባ ኡሱዋጥ ከሴዳ። ባኣላው፡ አዋው፡ አግናው፡ ጸልንተቶን ሳሉዋን ደአያ ሀራ መታቶ እጻና ጨዋይያዋንታ ኡባ ድጌዳ።

6 አሺር ግያ ጸሳት ሞሰልያ መቅና ጎዳ ጌሻ ጎልያጥ አኪደ፡ የሩሳላመ ካታማጥ ጋጸ ከሲደ፡ ቀድሮና ዛንጋራ አፊዳ። ሄዋጥ ካላ ያን ጹጌዳዋ ሊቅሰ ጋጪደ፡ ቋለ ከሴዳ። ያቲደ ሄ ባና ጋደ አሳ ማካና ቦላ ላሌዳ።

7 መቅና ጎዳ ጌሻ ጎልያ ግዶን ጎይኖ ዋጋ ኦሊደ፡ አቲማ አሳቲ አቲማ አሳቲዋና ሻርሙጸትያ ጎልያ ክንቼዳ፤ ሄ ጎላቲዋን ማጫ አሳይ አሺር ግያ ጸሳትው ጋርዱዋ ሱቁ።

8 እዮሰያሰ ቄሳቲ ዋ ኡባ ይሁዳ ካታማቲዋጥ አሄዳ፤ ካሰ ቄሳቲ እጻና ጨዋዬዳ ቆቃ ሳኣ፡ ገባአጥ ቢደ በርሳብሀ ጋካናው ደአያዋንታ ቲንሴዳ። ካታማ ሞድያ ኢያሱ ጥንግያ ግያ ጥንግያ ገልያ ሳጥ ሀድርሳ ባጋና ደአያ ጎይንያ ሳኣቲዋካ ቆቆፊዳ።

9 ቆቃ ሳኣ ቄሳቲ የሩሳላመን መቅና ጎዳው ያርሽያ ሳኣ ፑደ ዪክኖ፤ ሽን ኡንቲንቲ ሀራ ቄሳቲ ዋና እትጥ እርሹ ገልቤና ኡክሳ ሚኖ።

10 ካቲ እዮሰያሰ ህኖማ ዛንጋራን ደአያ ቶፊታ ጌተትያ ያርሹዋ ሳኣ ቲንሴዳ። ያቲደ ሞሎካ ግያ ጸሳው እት አሳይን ባረ አቲማ ናኣ ዋይ ባረ ማጫ ናቶ ታማን ያርሸናዳን ድጌዳ።

11 ይሁዳ ካተቲ መቅና ጎዳ ጌሻ ጎልያ ገልያ ጥንግያን አዋው ዲማይ ዋሌዳ ፓራቲዋ ድጌዳ። አዋ ፓራቲ ናታን-መለካ ግያ ካቲዋ ክፍልያ ማታን ደአያ ዳባባን ደአኖ። ሄዋጥ ጉይያን፡ አዋው ዲማይ ዋሌዳ ፓራ ጋረቲዋ እዮሰያሰ ታማን ጹጌዳ።

12 አካዛ ጎልያ ፖቅያ ቦላን ይሁዳ ካተቲ ገግሰሴዳ ያርሹዋ ሳኣቲዋን ሞናሰ መቅና ጎዳ ጌሻ ጎልያው ደአያ ላኡ ዳባባቲዋ ግዶን ገግሴዳ ያርሽያ ሳኣቲዋ ካቲ እዮሰያሰ ክንቼዳ። ኡንቲንታ ሄ ሳጥ ድጊደ ክንቼሬፊዳ፤ ሱፓ ቀድሮና ዛንጋራን ኦሌዳ።

13 ቃይካ ካቲ የሩሳላመ ካታማጥ አዋይ ደልያ ባጋና ዳብረ ዛይተ ጌተትያ ደርያጥ ገድሳ ባጋን ደአያ ቲናተላ ቆቃ ደርያ። ሄ ቆቃ ሳኣቲ እሰራኤልያ ካቲ ሱሎዋን ሲደናቲዋ ጸሳት አሰታርትው፡ ሞኣባቲዋ ጸሳ ካሞሻውን፡

23:4 2 ካታ. 21:3፤ 2 ኦዲዋ 33:3 23:10 ዋጋ 18:21፤ ኤር. 7:31፤ 19:1-6፤ 32:35 23:12 2 ካታ. 21:5፤ 2 ኦዲዋ 33:5 23:13 1 ካታ. 11:7

አሞናቱዋ ጸሳ ሞሎካው፤ ሄ ቱና ጸሳቶ ጎይናናው ገገሴዳ ዶቃ ሳኦ።

14 ካቲ ኢዮሰያሰ ጎይንያ ሹቻ ቱሳቱዋካ መንግሥቱ፤ አሴር ጌተትያ ጸሳት ሞሰለቱዋካ ቃንጸራፊዳ። ያቲደ ኡንቱንቱ ኤቄዳ ኮሽያን ሀይቄዳ አሳ መቀላ ኩንሴዳ።

15 ቃይ እስራኤልያ አሳ ናጋራ ኦሰሴዳ ናባጸ ናአይ እዮርባሞ ቤቴለን ዶቃ ሳኦን ገገሴዳ ያርሽያ ሳኦ ካቲ እዮሰያሰ ክንቼዳ። ሄ ያርሽያ ሳኦ ሹቻቱዋካ መንግሥቱ፤ ዲላ ከሴዳ፤ እሼር ሞሰልያካ ጸጌዳ።

16 ሄዋጥ ጉይያን፤ እዮሰያሰ ዩሹዋ ጸሊደ፤ ደርያ ጋጸን ደእያ ሞጉዋ ጎንጎሉዋ በኤዳ፤ መቀላቱዋ ጎንጎሉዋጥ ከሲደ፤ ያርሽያ ሳኦ ቦላ ዋሊደ፤ ታማን ጸጌዳ። ያቲደ ያርሽያ ሳኦ ቱንሴዳ። ሄዋ ሀይዳዌ መቅና ጎዳ አሳይ ካሰ አሞዬዳ መቅና ጎዳ ቃላ ማራና።

17 ሄዋጥ ጉይያን ካቲ፤ “ሀ ቤትያዌ ኦ ዱፊ?” ያጌደ አቼዳ።

ቤቴለ ካታማ አሳቱ፤ “ይሁዳጥ ዪደ፤ ቤቴለ ያርሽያ ሳኦ ቦላ ሀእ ኔን ኦላ ሰሞያዌ ፖለታናዋ ካሰቲደ ኦዴዳ መቅና ጎዳ አሳ ዱፋዋ” ያጌደ ኦዴድና።

18 ካቲ፤ “አግ ባሽተ፤ እት አሳይን አ መቀላ ሳጥ ቃላፖ” ያጌደ። ሄዋ ድራው፤ ሳማርያጥ ዬዳ ትምቢትያ ኦድያ ብታንያ መቀላና እትጥ አ መቀላ ቦቼናን አግ ባሹድና።

19 እስራኤልያ ካተቱ ሳማርያ ካታማቱዋን ኦሰሲደ፤ መቅና ጎዳ ሀንቀሌዳ፤ ጎይንያ ዶቃ ሳኦ እዮሰያሰ ድጌዳ፤ ቤቴለን ኦሌዳዋዳን፤ ኡንቱንታካ ኦሌዳ።

20 እ ሄ ዶቃ ግሹዋን ኦላያ ቄሳቱ ዋ ኡባ ያርሽያ ሳኦ ቦላ ዋዴዳ፤ ቃይ ሄ ያርሽያ ሳኦ ቦላ አሳ መቀላ ጸጌዳ። ሄዋ ኡባ ኦሊደ፤ የሩሳላመ ሰሜዳ።

እዮሰያሰ ፓሰጋ ባላ ቦንቼዳ
(2 ኦዲዋ 35:1-19)

21 ሄዋጥ ጉይያን፤ ካቲ አሳ ኡባ፤ “ሀ ቃላ ጫቁዋ ማጸፋን ጸፈቲዳዋዳን መቅና ጎዳው ሀንተንቱ ጸሳው ፓሰጋ ባላ ቦንቼተ” ያጌደ አዛዜዳ።

22 እስራኤልያ ሞድያ ዳናቱ ዋድያጥ ደሚደ፤ እስራኤልያ ካተቱዋ ዋድያን፤ ይሁዳ ካተቱዋ ዋድያን ኡባን ሀዋ ማላ ፓሰጋ ባላይ ኡባካ ቦንቼት ኤረና።

23 ሸን ካቲ እዮሰያሰ ካተቱዳ ታማን ሆሰፑንላ ላይላን የሩሳላመ ካታማን መቅና ጎዳ ቦንቻናው ሀ ፓሰጋ ባላይ መቅና ጎዳው ቦንቼቲዳ።

እዮሰያሰ ኦሌዳ ሀራ ኦሶቱዋ

24 ቃይ ቄሳቱዋ ኡባ ካፑ ህልቄ መቅና ጎዳ ጌሻ ጎልያን ቤቴዳ ማጸፋን ጸፈቲዳ ሀግያ ቃላ ሞንሳናዳን፤ ኢታ አያና ጸሰያዋንታን ሻሬቻቱዋ፤ ሶይ ግዶ ኤቃ ሞሰለቱዋ፤ ኤቃ ሚሻቱዋን ይሁዳ ቢታንን የሩሳላመ ካታማን ቤቴዳ ሀራ ሸንይያባቱዋ ኡባ እዮሰያሰ ጳይሴዳ።

25 ሙሴ ሀግያዳን ባረ ኩመንላ ዋዛናን፤ ባረ ኩመንላ ሸምጥዋን፤ ባረ ኩመንላ ዋልቃን መቅና ጎዳኩ ሰሜዳባን እዮሰያሰ ማላ ካቲ፤ አጥ ካሰ ግዲና፤ አጥ ጉየ ግድና፤ ኡባካ ደንድቤና።

26 ግደጥን ሞናሰ መቅና ጎዳ ሀንቀላናው ኦሌዳ ኢታ ኦሶዋ ኡባ ድራው፤ መቅና ጎዳይ ይሁዳ ቦላ ሀንቀቲዳ ባረ ሀንቁዋ ታማይ ሰምቤና።

27 ሄዋ ድራው መቅና ጎዳይ፤ “ታን እስራኤልያ ታ ሰንላጥ ድጌዳዋዳን፤ ይሁዳካ ታ ሰንላጥ ድጋና፤ ታን ድራዳ ካታማ፤ የሩሳላመን ታን፤ ‘ታ ሱንላይ ሀዋን ደአና’ ጌዳ ሀ ጌሻ ጎልያ ድጋና” ያጌደ።

እዮሰያሰ ካወታ ዉርሰላ
(2 ኦዲዋ 35:20—36:1)

28 እዮሰያሰ ሀይዳ ሀራባይን እ ኦሌዳባይ ኡባይ ይሁዳ ካተቱዋ ታርክያ ማጸፋን ጸፈት ኡቲዳ።

29 እዮሰያሰ ዋደ ግብጾ ካቲ ናኮይ፤ አሶረ ቢታ ካትያ ኦላን ኤቃናው ኤፍራዲሳ ሻፋ ቤዳ። ካቲ እዮሰያሰ አናና ኦለታናው ባረ ኦላንቻቱዋ አኪደ ከሴዳ፤ ሸን ካቲ ናኮይ አናና ማግዶን ጋከቲደ፤ አ ዋዴዳ።

30 እ ቆማቱ አ አሃ ፓራ ጋርያን ዋሊደ፤ ማግዶጥ የሩሳላመ አሄድና፤ አ ዱፋዋን አ ሞጌድና። ሄዋጥ ጉይያን፤ ሄ ቢታ አሳቱ እዮሰያሰ ናኦ እዮአካዛ ደሬድና፤ አ አዉዋ ኮታን አ ኦኪደ ካተዬድና።

ዉርሰላ ይሁዳ ካተቱዋ
(23:31—24:20)

31 እዮአካዛ ካተትያ ዋደ፤ ላይላይ አዉ ላታማን ሄዛ፤ እ የሩሳላመን ሄዙ አግና ካተቲዳ። አ ዳይ ሱንላይ ሀሙጸሎ፤ እዛ ሊብና ካታማን ደእያ ኤርማሳ ናቶ።

32 ባረ ማይዛ አዋቱ ኦሌዳዋዳን፤ እዮአካዛ መቅና ጎዳ ሰንላን ኢታባ ኦሌዳ።

33 እዮአካዛ የሩሳላመን ካተተናዳን ግብጾ ካቲ ናኮይ ሀማታ ጌተትያ ጋድያን ርብላ ግያ ሳን አ ቃቼዳ። ሄዙ ሻአን ኦይዱ ጾቱ ኪሎ ግራመ ዳጽያ ጸጋራ ብራን ሀታማን ኦይዱ ኪሎ ግራመ ዳጽያ ዋርቃ ይሁዳ አሳ ገርሴዳ።

34 ካትያ ናኮይ እዮሰያሰ ናኦ ኤልያቄማ አ አዉዋ ኮታን ካተዬዳ፤ ያቲደ አ ሱንላ እዮአቄማ ያጌደ ላሜዳ። ሸን እዮአካዛ ግብጾ አፊዳ፤ እዮአካዛ ያን ሀይቄዳ።

ይሁዳ ካትያ እዮአቄማ
(2 ኦዲዋ 36:5-8)

35 ያትና እዮአቄማ ካቲ ናኮይ ኦቼዳ ጌራ ብራን ዋርቃን አዉ እሜዳ። ሄ ጌራ ጭጋናው የአቄም ሄ ቢታ አሳይ ደምያ ኬሻ ብራጥን ዋርቃጥ ጌራ ሸሹዳ።

36 እዮአቄም ካተትያ ዋደ ላይላይ አዉ ላታማን እቼሻ፤ እ የሩሳላመን ታማን እት ላይላ ካተቲዳ። አ ዳይ ሱንላይ ዛብዶ፤ እዛ ሩማ ካታማን ደእያ ፓዳና ናቶ።

23:15 1 ካታ. 12:33 23:16 1 ካታ. 13:2 23:17 1 ካታ. 13:30-32 23:34 ኤር. 22:11-12 23:36 ኤር. 22:18-19፤ 26:1-6፤ 35:1-19

37 እዮአቄም ባረ ማይዛ እዎቱ ኦሌዳዎዳን፤ መድና ጎዳ ሰንፋን ኢታባ ኦሌዳ።

24

1 እዮአቄም ዎደ ባብሎን ቢታ ካትያ ናቡካዳናጾረ ይሁዳ ቦላ ዎራጃዳ። ያትና እዮአቄም እዉ ሄዙ ላይላ ዋደቲዳ። ሄዋፕ ጉይያን ዛሪደ፤ ናቡካዳናጾራ ቦላ ማካሌዳ።

2 መድና ጎዳይ ባብሎን ቢታ ጩጉዎ፣ ሶርያ ቢታ ጩጉዎ፣ ሞአበ ቢታ ጩጉዎን አሞና ቢታ ጩጉዎ እዮአቄም ቦላ ዩዳዳ፤ ትምቢትያ ኦድያ ባረ ቆማቱዋ ባጋና መድና ጎዳይ ካስ ሃሳዬዳዎዳን፤ ይሁዳ ቢታ ባይዛናዳን ሀዋንታ ዩዳዳ።

3-4 ካቲ ምናስ ኦሌዳ ናጋራ ኡባ ድራዉ፣ ቃይ ጽሎ አሳ ሱላ እ ጉሲደ፤ የሩሳላመን ኩንጮዳ ድራዉ፣ መድና ጎዳይ ይሁዳ አሳ ባረ ሰንፋፕ ድጋናዉ ሀ ባሻ የዳዳ፤ መድና ጎዳይ ምናስዉ ሄ ናጋራ አቶ ጋናዉ ኮይቤና።

5 እዮአቄም ሀኔዳ ሀራባይን እ ኦሌዳባይ ኡባይ ይሁዳ ካተቱዋ ታርክያ ማጻፋን ጸፈት ኡቲዳ።

6 እዮአቄም ሀይቂደ፤ ባረ ማይዛን ጋከቲዳ። አ ኮታን እ ናአይ እኮንያን ካተቲዳ።

7 ግብጼ ቢታ ካቲ ላኤንሶ ባረ ጋድያፕ ደንዲደ፤ ኦላዉ ይቤና፤ አያዉ ጎፕ፤ ግብጼ ሻፋፕ ደሚደ፤ ቢደ ኤፍራጺሳ ሻፋ ጋካናዉ፤ ግብጼ ካቲ ሞዳዳ ቢታ ኡባ ባብሎን ካቲ እክ ድጌዳ።

ይሁዳ ካትያ የኣኪና (2 ኦዲዋ 36:9-10)

8 የኣኪ ካተትያ ዎደ ላይላይ አዉ ታማነ ሆሰፕና፤ * የኣኪ የሩሳላመን ሄዙ አግና ካተቲዳ። አ ዳይ ሱንፋይ ነሁሽታ፤ እዛ የሩሳላምያ ኤልናታና ናቶ።

9 የኣኪ ባረ አዉ ኦሌዳዎዳን፤ መድና ጎዳ ሰንፋን ኢታባ ኦሌዳ።

10 ሄ ዎደ ባብሎን ካትያ ናቡካዳናጾራ ኦላንቻቱ የሩሳላመ ዪደ፤ ካታማ ዶድ ዎሌድና።

11 ባብሎን ካቲ ናቡካዳናጾረ ሄ ካታማ ዬዳ።

12 ይሁዳ ካቲ የኣኪ፤ አ ዳያ፤ አ ቆማቲ፤ አ ካፓቱን ካትያ ጎልያ ኦላንቻቱ ኡባቱ ባብሎን ካትያዉ ኩሽያ እሚድና።

የኣኪ ካተቲዳ ሆሰፕንፋ ላይላን፤ ባብሎን ካቲ የኣኪና ቃቹዳ።

13 መድና ጎዳ ጌሻ ጎልያንን ካትያ ጎላን ደእያ ማጽዋ ኡባ ሄ ሳፕ ደንጲደ አፊዳ። መድና ጎዳይ ካስ ሃሳዬዳዎዳን ካቲ ሶሎሞን መድና ጎዳ ጌሻ ጎልያን ጊግሴዳ ዎርቃ ሚሻቱዋ ኡባ ባብሎን ካቲ ቃንጸሬሌዳ።

14 ናቡካዳናጾረ የሩሳላመ አሳ፤ ካፓቱዋ ኡባ፤ ኦላንቻቱዋ ኡባ፤ ኩሽያ ሂላንቻቱዋ ኡባን ብራታ ቆጽያዋንታ ኡባ፤ ሙላ ታሙ ሻእ አሳ፤ የሩሳላመፕ ኦሞዲደ አፊዳ፤ ቢታን ሀዬሳ አሳ ጸላላይ አቲዳ።

15 ናቡካዳናጾረ የኣኪና ኦሞዲደ፤ ባብሎን አፊዳ፤ አናና ካታቶ አ ዳዮ፤ አ ማቻቱዋ፤ አ ኦላንቻቱዋን ቢታን ደእያ ዎልቃማ አሳ ኡባ አኪደ ቤዳ።

16 ሄ እሳፕ ላፑን ሻእቱ ኦላንቻቱዋ፤ እት ሻእ አሳቱ ዲማ ዲማ ኩሽያ ሂላንቻቱዋ፤ ኡንቲንቲ ኡባይካ ምናን ኦላ ኦላታናዉ ዳንዲይያዋንታ። እ ሄ ኡባቱዋ ባብሎና አፊዳ።

17 ሄዋፕ ጉይያን፤ ባብሎን ካቲ የኣኪና ኮታን አ አዉዎ እሻ ማታንያ ካተዬዳ። አ ሱንፋ ሰደቅያሳ ያጊደ ላሜዳ።

ይሁዳ ካትያ ሰደቅያሳ (2 ኦዲዋ 36:11-12፤ ኤር. 52:1-3)

18 ሰደቅያሳ ካተትያ ዎደ፤ ላይላይ አዉ ላታማን እታ፤ የሩሳላመን እ ታማን እት ላይላ ካተቲዳ። አ ዳይ ሱንፋይ ሀሙጸሎ፤ እዛ ሊብና ካታማን ደእያ ኤርማሳ ናቶ።

19 እዮአቄም ኦሌዳዎዳን፤ ሰደቅያሳካ መድና ጎዳ ሰንፋን ኢታባ ኦሌዳ።

20 መድና ጎዳይ ሀንቀቲዳ ድራዉ፤ የሩሳላመ አሳ ቦላን ይሁዳ አሳ ቦላ ሀዌ ሀኔዳ፤ ዉርሰላን ኡንቲንታ እ ባረ ሰንፋፕ ድጌዳ።

ሰደቅያሳ ባብሎን ካትያ ቦላ ማካሌዳ።

25

የሩሳላም ኩንደላ (25:1-30፤ 2 ኦዲዋ 36:13-21፤ ኤር. 52:3-11)

1 ሰደቅያሳ ካተቲዳ ኡዲፑንፋ ላይላ፤ ታማንፋ አግናን፤ ታማንፋ ጋላሰ፤ ባብሎን ካቲ ናቡካዳናጾረ ባረ ኦላንቻቱዋ ኡባ አኪደ ዪደ፤ የሩሳላመ ዶዳዳ። አ የሹዋንካ ቢታ ኬላ ድረዳ።

2 ሰደቅያሳ ካተቲዳ ታማን እተንላያ ላይላ ጋካናዉ፤ ካታማይ ዶደቲደ ጋምኤዳ።

3 ሄዋ ጋሱዋን ቢታን ኮሻይ ሱልና፤ ሄ ላይላ ኦይደንሶ አግናን፤ ኡዲፑንፋ ጋላሳን ሄ ጋድያ አሳዉ ምያባይ ቆይዳ።

4 ያን ደእሽን ካታማ የሹዋ ግምቢ እት ባጋና ኮላቲዳ። ባብሎን አሳይ ካታማ ዩይ እጂደ ናጎፕካ፤ ይሁዳ ካትያ ኦላንቻቱ ሙላ ኡባይ ቃማ ካትያ አታክልትያ ሳኦ አፍያ ኦግያ ኦይቂደ፤ ላኡ ድርሳ ግምቡቱዋ እትፕ ጋላያ ፕንግያና ከሲደ ባቃቲድና። ኡንቲንቲ አራባ ድልባኮ ሰሚደ ቤድና፤

5 ሽን ባብሎን ኦላንቻቱ ካትያ የደርሲደ፤ ያርኮ ደምባ ጋሊደ ኦይቂድና። አ ኦላንቻቱ ኡባይ አፕ ሻከቲደ ላላቲድና።

6 ሄዋፕ ጉይያን፤ ኡንቲንቲ አ ርብላ ካታማን ደእያ ናቡካዳናጾራኮ አፊድና። ባብሎን ካቲ ያን ሰደቅያሳ ቦላ ፕርዴዳ።

7 ሰደቅያሳ ናና ሰደቅያሳ ጼልሽን ዎቆድና። ሄዋፕ ጉይያን፤ አ አይፈቱዋ ዎጭ ከሲደ፤

24:1 ኤር. 25:1-38፤ ዳኦላ 1:1-2 * 24:8 ታማን ሆሰፕና- ላይላይ አዉ ታማን ሆሰፕና ዎይ ሆሰፕና። 2 ኦድ። 36:9 ጸላ። 24:12 ኤር. 22:24-30፤ 24:1-10፤ 29:1-2 24:15 ህዘ. 17:12 24:17 ኤር. 37:1፤ ህዘ. 17:13 24:18 ኤር. 27:1-22፤ 28:1-17 24:20 ህዘ. 17:15 25:1 ኤር. 21:1-10፤ 34:1-5፤ ህዘ. 24:2 25:4 ህዘ. 33:21 25:7 ህዘ. 12:13

ሳንሳላታን ኦ ቃቼድኖ፤ ያቲደ ባብሎን ጋድያ እኪደ እፌድኖ።

ጌሻ ጎሊ ኮለቲዳ
(ኤር. 52:12-33)

8 ናቡካደናጾረ ባብሎንን ካተቲዳ ታማነ ኡዲፕንሳ ላይሎ፤ እቼሻንሳ አግናን፤ ላፑንሳ ጋላሰ ካትያ ኦሳንቻቱዋ፤ እቲ፤ ካትያ ናግያዋንቱ ካፑ ናቡካራዲን የሩሳላሙ ገሌዳ።

9 መድና ጎዳ ጌሻ ጎልያ፤ ካትያ ጎልያን የሩሳላሙን ደእያ ጎልያ ኡባ ጸጌዳ፤ ዋልቃማ ጎልያ ግያ ጎልያ ኡባ ኤል ወርሴዳ።

10 ባብሎን ኦሳንቻቱ ኡባይ ካትያ ናግያዋንቱ ካፑዋ አዛዙዋን የሩሳላሙ ካታማ ዩቩዋን ደእያ ድርሳ ግምቢያ ኡባ ኮሌድኖ።

11 ናቡካራዲን ካታማን አቲዳ አሳቱዋን ይሁዳን አቲዳ አሳቱዋ፤ ካዲደ ባብሎን ኦሳንቻቱዋን ጋከቲዳ አሳቱዋና ኡባ አይቂደ፤ አዎደ እፌድኖ።

12 ሸን ናቡካራዲን ወርሰላ ህዩሳቱዋ፤ አማራዳዋንታ ዋይንያ ቱራ ቶካናዳንን ጋድያ ጎሻናዳን ይሁዳን አሾዳ።

13 ባብሎን አሳቱ መድና ጎዳ ጌሻ ጎልያን ደእያ ናሃሰያ፤ መዴዳ ቱሳቱዋ፤ ሚሻቱዋ ዋልያ ጋረቱዋን አባ ሳሊያ መንግሥቱድኖ፤ ናሃሰያ ኡባ ባብሎን እፌድኖ።

14 ሄዋዳንካ ቃይ ከረቱዋ፤ አካፋቱዋ፤ ጸምፕያ ሻሉዋ ዳራ ፕትያባቱዋ፤ ጭልፓቱዋን ያርሽያ ዋደ ጎኤትያ ናሃሰያ ሚሻቱዋ ኡባ እኪደ እፌድኖ።

15 ካትያ ናግያዋንቱ ካፑ ናቡካራዲን ሙሩታ ብራፕን ሙሩታ ዋርቃ፤ መጠቲዳ ታማ ካሽያ ሻታቱዋካ ኩይጸርቱዋካ ኡባ እኪደ እፌድኖ።

16 ካቲ ሶሎዋን መድና ጎዳ ጌሻ ጎልያን ኦሳንቻታዎ መዴዳ ላኡ ቱሳቱ፤ አባ ሳሊን ጋረቱ መጠቲዳ ናሃሰያ ብራታይ ሚዛናን ልካናው ዳንዳየተናዋ ኬሻ ዳራ።

17 ላኡ ቱሳቱ እት ማላ ግዲደ፤ እቲዋ እቲዋ ጌሳይ ታማን ሆሰፑን ዋቆ፤ ቃይ እት እት ቱሳ ሁጲያን ደእያ ጉምቦቱ ሄዙ ዋቆ አዲሳ። ሄ ጉምቦቱዋ ዩቩ ናሃሰያ ቃጽቃሎቱዋንን ናሃሰያ፤ መዴዳ ርማን ጌተትያ ቲራ ምስለቱዋን አሌቀት ኡቲዳ።

ይሁዳ አሳይ አዎደቲደ ባብሎን ቤዳ
(ኤር. 52:24-27)

18 ካትያ ናግያዋንቱ ካፑ ናቡካራዲን ቂሳቱዋ ኡባቱዋ ካፑ ሳራያ፤ አፕ ካልያ ቄሰያ ጸፋንያን ፕንግያ ናግያ ሀራ ሄዙ አሳቱዋ ኦይቂዳ።

19 ቃይ ሄ ዋደ ጋካናው፤ ካታማን ደእያ አሳፕ ይሁዳ ኦላ ጋዳዋ፤ ካትያ ዞርያዋንቱ፤ እቼሹ አሳቱዋ፤ ኦላ ጋዳዋ ጸፍያ፤ ሄዌን ኦሳንቻቱዋ አሳ ግድፕ ቆሪደ ከሰያዋን ሀራ ኡሱፑን ታሙ ዋልቃማ አሳቱዋ አፌዳ።

20 ካፑ ናቡካራዲን ኡንቲንቲ ኡባ እኪደ፤ ባብሎን ካትያኮ ርብላ ካታማ አፌዳ።

21 ያን ርብላ ካታማን፤ ሀማታ ጋድያን ባብሎን ካቲ ኡንቲንታ ኡባ ዋድሴዳ። ሄዋዳን

ሀሊደ፤ ይሁዳ አሳይ ባረ ጋድያ፤ አዎደት ደንዲደ ቤዳ።

ገዳሊ ይሁዳ ሞዴዳ
(ኤር. 40:7-9፤ 41:1-3)

22 ሄዋፕ ጉይያን፤ ካቲ ናቡካደናጾረ ሳፋና ናኣ ናኣ፤ አህቃማ ናኣ ገዳልያ፤ ባብሎን ቤናን ይሁዳን አቲዳ አሳ ሞድያ ካፑዋ ኦሊደ ሱንጮዳ።

23 ኩሽያ እምቤና ይሁዳ ኦላ ጋዳዋቱን ኦሳንቻቱ ሄዋ ሰሲደ፤ ሞሰጸን ደእያ ገዳልያን ቢደ ጋከቲድኖ። ሄ ጋዳዋቱ ናታንያ ናኣ እሰማኤላ፤ ቃሪሀ ናኣ ዮሀናና፤ ናጾፋ ካታማ፤ ዬዳ ታንሁሜታ ናኣ ሳራያን ማእካፕ ዬዳ እት ብታንያ ናኣ ያዛንያ።

24 ገዳሊ ኡንቲንቲን ኡንቲንቲ ኦሳንቻቶ ጫቂደ፤ ሀዋዳን ያጌዳ፤ “ሀዋንቶ ባብሎን ካፓቶ ያዮፕተ። ሀ ጋድያን ደእተ፤ ያቲደ ባብሎን ካትያው ሞድትተ። ያቶፕ ሙላ ኡባባይ ህንተው ሎኦ ግዳናዋ” ያጌዳ።

25 ሸን ላፑንሳ አግናን ካትያ ዛርያ ግዴዳ ኤልሻማኦ ናኣ ናታንያ ናኣይ እሰማኤላ ታሙ አሳና ምጽጳ ቢደ፤ ገዳልያን አናና ደእያ ይሁዳ አሳን ባብሎን አሳ ኡባ ዋዴዳ።

26 ሄዋፕ ጉይያን፤ ባብሎን አሳው ያዩደ፤ ይሁዳ አሳይ፤ ቄራይ ዋጋይ አተናን፤ ኦላ ጋዳዋቱዋናካ ኡባይ ግብጾ ጋድያ ባቃቲድኖ።

እኮንያን ቃሹዋፕ ብለቲዳ
(ኤር. 52:31-34)

27 ኤዊል-ማርዳክ ካተቲዳ ላይሎ ይሁዳ ካትያ እኮንያና ቃሹዋፕ ብሊደ ማራዳ። ሄዌ ሀኔዳዌ እኮንያን አዎደት ቃሹቲደ ቤዳ ሀታማን ላፑንሳ ላይሎ፤ ታማን ላኤንሳ አግናን፤ ላታማን ላፑንሳ ጋላሳና።

28 ኤዊል-ማርዳክ እኮንያናና ማልኦ ቃላ ሃሳዩደ፤ ባብሎንን አዎዲዋን ደእያ ሀራ ካተቲዋ ኡባ፤ አሊደ፤ አ ቦንቼዳ።

29 ሄዋ ድራው፤ እኮንያን ቃሹ ጎሊን ማዬዳ ማዩዋ ላማዳ። እ አቲዳ ባረ ደኡዋ ላይላ ኡባን ካትያ ማዳፕ ማዳ።

30 ሀቼ ሀቼ አው ኮሽያዋ ኡባ ባብሎን ካቲ አማዳ።

ሀኔዳባ ኦድያ ኮይሮ ማጻፋ ገሌቀ

ሀኔዳባ ኦድያ ማጻፋቱ፣ ሳሜላ ማጻፋቱዋን ካተቱዋ ማጻፋቱዋን ጸፈቱዳ ታርከቱዋ ዲማ ኦግያን ኦሞዲዋን ደእያዋንቶ ላኤንሊደ ኦዲኖ። ሀኔዳባ ኦድያ ማጻፋቱዋን እስራኤልያ ካተቱዋ ካወተላ ታርኪ ላኤ ሁጳ ሁጳ ቫኩዋን ቫከቲደ ኦድቲዳ።

1. እስራኤላን ይሁዳ ካወተላቱ ባይዘዋን ኩንዴዳዋንታ ግደገገ፣ ጸሳይ ባረ አሳዉ ገሌዳ ቃላ ኡባ ናጌዳዋን ይሁዳን ደእያዋንቱ ባጋና ባረ አሳዉ ባረ ሀልቼዳ ሀልቼዋ ፖሌዳዋ በሳናሳ። ሀዌ ቱማ ግድያዋ ኤርሳናዉ። ሀ ማጻፋ ጸፊዳዌ ዳዊተን ሶሎሞን ኦሎዳ ዋልቃማ ዋልቃማ አሳቱዋ፣ ዮሳፌጸ፣ ህዝቂያሰን ዮሰያሰ አሳ ደኡዋ ኦራጽሴዳ ኦራጽሴዋን ጸሳዉ ሞኒደ እማነቲዳ አሳ ሀኖታ ሎይሊደ ጸሌዳ።
2. የሩሳላሙን ደእያ ጌሻ ጎልያን ጸሳዉ ጎይንያ ጎይናይ ዋኒደ ደመቲደንቶ ኦዳናሳ። ቃይ ሄ ዋደ ጎይኑዋ ዋጋ ካለልያዋንቱ ቁሳቱ ዋ ግድያ ድራዉ፣ ኡንቲንቱ ካለልያ ኦሎዋ ኬሳይ ዋኒደ ደመቲደንቶን ቆንጭሳናሳ። ጌሻ ጎልያ ኬጾዳዌ ሶሎሞና ግደገገ፣ ጌሻ ጎልያን ጎይኑዋ ዋጋ ኮይሮ ኤሴዳዌ ዳዊታ ግድያዋ ኦዳናሳ።

ሸምጋቱዋ ኡባቶ እመቲዳ ቃንሳ ቆፋቱዋ

አዳማጥ ካትያ ሳኦላ ጋካናዉ 1:1—9:44
 ሳኦላን ኦ ናናቱዋ ሀይቁዋ 10:1-14
 ዳዊተ ካተቱሳን የሩሳላሙ ኦይቁሳ 11:1-9
 ዋርያና ደእያ ዳዊታ ዋታዳራቱዋ 11:10—12:40
 ቃላ ጫቁዋ ታቦታይ የሩሳላሙ ቡሳ 13:1—16:43
 ጌሻ ጎልያ ኬጽያዌ ሶሎሞና ግድሳ 17:1-27
 ዳዊታ ኦላ ጸኑዋ 18:1—20:8
 ዳዊተ አሳ ፓይድና ዬዳ ጸሳ ሀንቁዋ 21:1-30
 ጌሻ ጎልያ ኬጸናዉ ሀኔዳ ጌጉዋ 22:1—29:20
 ሶሎሞን ካተቱሳ 29:21-25
 ዳዊታ ሀይቁዋ 29:26-30

አዳማጥ ካትያ ሳኦላ ጋካናዉ

(1:1—9:44)

አዳማጥ ቢደ አብራሃማ ጋካናዉ ደእያ የለታ (ደመላ 5:1-32፤ 10:1-32፤ 11:10-26)
 1 አዳሙ ሴታ የሌዳ፤ ሴተ ሄኖሳ የሌዳ፤ ሄኖስ ቃይናና የሌዳ፤
 2 ቃይናን ማላልኤላ የሌዳ፤ ማላልኤል ያራዳ የሌዳ፤
 3 ያራድ ሄኖካ የሌዳ፤ ሄኖክ ማቲሳላ የሌዳ፤ ማቲሳላ ላሜካ የሌዳ፤
 4 ላሜክ ኖሀ የሌዳ። ኖሄ ሴማ፣ ካማን ያፌታ የሌዳ።
 5 ያፌታ አቱማ ናናይ ጎመራ፣ ማጎጋ፣ ማዳያ፣ ያዋና፣ ቱባላ፣ መሸካን ቲራሳ።

6 ጎመራ አቱማ ናናይ አሸካናዛ፣ ሪፋታን ቶጋርማ።

7 ያዋና አቱማ ናናይ ኤሊሻ፣ ታርሴሳ፣ ክቲማን ሮዳ።

8 ካማ አቱማ ናናይ ኩሻ፣ ሞጽራይማ፣ ፑጸን ካናና።

9 ኩሻ አቱማ ናናይ ሳባ፣ ሀዊላ፣ ሳብታ፣ ራእማን ሳብታካ። ራእማ አቱማ ናናይ ሳባን ዲዳና።

10 ቃይ ኩሽ ናምራዳ የሌዳ። ናምራድ ሳኦን ዋልቃማ ኦላንቻ ግዴዳ።

11 ሞጽራይም ሉደታ፣ አናመታ፣ ላሃበታ፣ ናፍቱሄታ።

12 ፓትሮሳታ፣ ካሰሉሄታን ፕልሰጾማ ዘረላ የሌዳ ካፍቶረታ የሌዳ።

13 ካናን ባይራ ናኦ ሲደናን ኦ ቱፋ ሄታ የሌዳ፤

14 ቃይ ካናን ያቡሳቱዋ፣ አሞረቱዋ፣ ገርጌሴቱዋ።

15 ሂዋቱዋ፣ አርቀታ፣ ሲናታ።

16 አርቀደታ፣ ጸማረታን ሀማታታ የሌዳ።

17 ሴማ አቱማ ናናይ ኤላማ፣ አሶራ፣ አርፋክሳዳ፣ ሉዳ፣ አራማ፣ ኡጸ፣ ሁላ፣ ገቲራን መሸካ።

18 አርፋክሳድ ሸላሀ የሌዳ፤ ሸላሀ ኤቦራ የሌዳ።

19 ኤቦር ላኤ ናና የሌዳ፤ እቱ የለቲዳ ዋደ ሳኦይ ቫከቲዳ ድራዉ፣ ኦ ሱንሳይ ፔሌጋ ጌተቲዳ፤ ኦ እሻ ሱንሳይ ዮቅጸና።

20 ዮቅጸን አልሞዳዳ፣ ሸሌፋ፣ ሀጸርማዊታ፣ የራሀ።

21 ሀደራማ፣ ኡዛላ፣ ዲቅላ፣

22 ኤባላ፣ አብማኤላ፣ ሳባ፣

23 ኦፊራ፣ ሀዊላን ዮባባ የሌዳ። ሀዋንቱ ኡባቱ ዮቅጸና ዘረላ።

24 ሴማጥ ቢደ፣ አብራሃማ ጋካናዉ ደእያ የለታይ ሀዋጥ ካሊደ ጸፈቲዳዋ፣ ሴማ፣ አርፋክሳዳ፣ ሸላሀ።

25 ኤቦራ፣ ፔሌጋ፣ ራኦ፣

26 ሳሩጋ፣ ናኮራ፣ ታራን

27 አብራሃማ ጌተቲደ ጸሰትያ አብራማ።

እስማኤላ የለታ (ደመላ 25:12-16)

28 አብራሃማ አቱማ ናናይ ይሳቃን እስማኤላ።

29 ኡንቲንቱ የለታይ ሀዋጥ ካሊደ ጸፈቲዳ። እስማኤላ ባይራይ ናባዮታ፤ ሄዋጥ ሰምና ቄዳረ፣ አድብኤል፣ ሞብሳም።

30 ሞሸማእ፣ ዲም፣ ማሰ፣ ሀዳድ፣ ቲም።

31 ይጾር፣ ናፊሽን ቄድም የለቲድኖ። ሀዋንቱ እስማኤላ ናና።

32 አብራሃማ ቆማቱ ቃጾር አቱማ ናናይ ዘምራና፣ ዮቅሻና፣ ማዳና፣ ሞድያማ፣ ይሸባቃን ሹሀ። ዮቅሻና አቱማ ናናይ ሳባን ዲዳና።

33 ሞድያማ አቱማ ናናይ ኤፋ፣ ኤፌራ፣ ሀኖካ፣ አቢዳከን ኤልዳኦ። ሀዋንቱ ኡባቱ ቃጾር ዘረላ።

ኤሳ የለታ (ደመላ 36:1-19)

34 አብራሃሙ ይሳቃ የሌዳ። ይሳቃ አቱማ ናናይ ኤሳን እስራኤልያ።

35 ኤሳ አቱማ ናናይ ኤልፋዛ፡ ራኡኤላ፡ ይኡሻ፡ ያእላማን ቆራሀ።

36 ኤልፋዛ አቱማ ናናይ ተማና፡ ኦማራ፡ ጻፋ፡ ጋእታማ፡ ቃናዛ፡ ትምናእነ አማሌቃ።

37 ራኡኤላ አቱማ ናናይ ናሃታ፡ ዛራሀ፡ ሻማን ማዛ።

ኤደማን ኮይሮ ደኤዳ አሳቱዋ
(ደመላ 36:20-30)

38 ኤደማን ኮይሮ ደኤዳ ሰኢራ አቱማ ናናይ ሎጻና፡ ሾባላ፡ ጽባኦና፡ አና፡ ድሾና፡ ኤጾራጎ ድሻና።

39 ሎጻና አቱማ ናናይ ሆራነ ሆማማ፤ ሎጻና ሞቻታ ትምናእ።

40 ሾባላ አቱማ ናናይ አልዋና፡ ማናሃታ፡ ኤባላ፡ ሸፋነ ኦናማ። ጽባኦና አቱማ ናናይ አያነ አና።

41 አና ናኦይ ድሾና። ድሾና አቱማ ናናይ ሃምዳና፡ ኤሸባና፡ ይትራናነ ካራና።

42 ኤጾራ አቱማ ናናይ ብልሃና፡ ዛእዋናነ አቃና። ድሻና አቱማ ናናይ ኡጻነ አራና።

ኤደማ ካተቱዋ
(ደመላ 36:31-43)

43 እሰራኤላን አያ ካቲ ካወታናፕ ካሰ ኤደማ ቢታን ካተቱዳ ካተቱ ሀዋፕ ካሊደ ጸፈቱዳዋንታ።

44 ባኡራ ናኦይ በላእ ካተቱዳ፤ አ ካታማ ሱንላይ ድናባ።

45 በላእ ሀይቁና፡ ቦጽራፕ ዬዳ ዛራሀ ናኦይ ዮባብ አ ኮታን ካተቱዳ።

46 ዮባብ ሀይቁና፡ ተማና ጋድያፕ ዬዳ ሁሻም አ ኮታን ካተቱዳ።

47 ሁሻም ሀይቁና፡ ሞኦበ ጋድያን ሞድያማቱዋ ጸኔዳ ባዳዳ ናኦ ሀዳድ አ ኮታን ካተቱዳ፤ አ ካታማ ሱንላይ አዊታ።

48 ሀዳድ ሀይቁና፡ ማሰፊቃፕ ዬዳ ሳምል አ ኮታን ካተቱዳ።

49 ሳምል ሀይቁና፡ ሻፋ ማታን ደእያ ራሆቦታፕ ዬዳ ሻኡል አ ኮታን ካተቱዳ።

50 ሻኡል ሀይቁና፡ አክቦራ ናኦይ ባኦልሀናን አ ኮታን ካተቱዳ።

51 ባኦልሀናን ሀይቁና፡ ሀዳድ አ ኮታን ካተቱዳ፤ አ ካታማ ሱንላይ ፓኦ። አ ማቻታ ሙዛሃባ ናት ማጽሬድ ናቶ ማሃጸብኤሎ።

52 ሃዋፕ ጉይያን፡ ሀዳድ ሀይቁዳ። ኤደማ ዛራቱዋ ካፓቱ ሀዋንታ፡ ትምናእ፡ አልዋ፡ የቱታ፡

53 አሆለባማ፡ ኤልያ፡ ፒኖና፡

54 ቃናዛ፡ ተማና፡ ሞብጻራ፡

55 ማግደኤላን አራማ። ሀዋንቱ ኤደማ ካፓቱዋ።

2

ይሁዳ የለታ

1 እሰራኤልያ አቱማ ናናይ ሀዋንታ፡ ርቤላ፡ ሰሞና፡ ሌዋያ፡ ይሁዳ፡ ይሳኮራ፡ ዛብሎና፡

2 ዳና፡ ዮሴፋ፡ ቢንያማ፡ ንፍታሌማ፡ ጋዳነ አሴራ።

3 ካናን ባትሹእፕ ይሁዳይ የሌዳ ሄዙ አቱማ ናናይ ኤራ፡ ኦናናን ሼላ። ይሁዳ ናኦይ ባይራይ፡ ኤር ሙድና ጎዳ ሰንላን ኢታባ ኦሴዳ ድራዉ፡ ሙድና ጎዳይ አ ዋይዳ።

4 ይሁዳ ናኦ ማቻታ ትእማራ ይሁዳዉ ፓሬሳነ ዛራሀ የላዱ። ይሁዳዉ ኡባና እቼሹ አቱማ ናናይ ደእኖ።

5 ፓሬሳ አቱማ ናናይ ሃጽሮናን ሀሙላ።

6 ዛራሀ አቱማ ናናይ ዝምራ፡ ኤታና፡ ሃማና፡ ካልኮላነ ዳርዳኦ፤ አንቱንቱ ኡባና እቼሻ።

7 ዛራሀ ዘረሳፕ ግዴዳ ካርማ ናኦይ አካን * ጸንያ ጌተት ኡቱዳ ሚሻ አሞዱዋ አኪደ፡ እሰራኤልያ አሳ ዋይሴዳዋ።

8 ኤታና ናኦይ አዛርያ።

ሃጽሮናፕ ቢደ ዳዊታ ጋካናዉ ደእያ የለታ

9 ሃጽሮን የሌዳ ናናይ ይራሀማኤላ፡ ራማን ካሌባ።

10 ራሙ አምናዳባ የሌዳ። አምናዳባ ይሁዳ ዛራቱዋ ካፕዋ ናእሶና የሌዳ።

11 ናእሶነ ሳልሞና የሌዳ፤ ሳልሞን ቦኤዛ የሌዳ፤

12 ቦኤዛ ዮቤዳ የሌዳ፤ ዮቤድ እሰያ የሌዳ።

13 እሰይ ባረ ባይራ ናኦ ኤልኦባ፡ ላኤንሶ ናኦ አምናዳባ፡ ሃዘንሶ ናኦ ሻማ፡

14 ኦይደንሶ ናኦ ናታንኤላ፡ እቼሻንሶ ናኦ ራዳያ፡

15 ኡሱፑንሶ ናኦ ኦጾማን ላፑንሶ ናኦ ዳዊታ የሌዳ።

16 እሰያ ማጫ ናናይ ጸሩዮን አብጋሎ። ጸሩይ ናናይ ሃዛቱ አብሻያ፡ ዮኦባነ አሳሄላ።

17 አብጋላ አማሳ የላዱ፤ አማሳ አዉ እሰማኤልያ የተራ።

ሃጽሮና የለታ

18 ሃጽሮና ናኦ ካሌብ ባረ ማቻት አዙብና፡ ይሪኦቶ ጌተትያ ናቶ የሌዳ። ይሪኦታ የሼራ፡ ሾባባነ አርዶና የላዱ።

19 አዙባ ሀይቁና፡ ካሌብ ኤፍራቶ አኬዳ፤ ኤፍራታ ሁራ የላዱ።

20 ሁር ኡራ የሌዳ፤ ኡር ባጸልኤላ የሌዳ።

21 ሃጽሮን ኡሱፑን ታሙ ላይሳፕ ጉይያን፡ ጋላኦደ አዉዋ ማክራ ናቶ አኪደ፡ ሳጉባ የሌዳ።

22 ሳጉብ ያኢራ የሌዳ። ያኢር በን ጋላኦደ ጋድያን ላታማን ሄዙ ካታማቱዋ ሞዴዳ።

23 ሸን ጋሹራነ ሶርያ ካተቱ ሀቦት-ያኢራ ካታማቱዋ ቃናታን አ ሄራቱዋ ኡሱፑን ታሙ ካታማቱዋ ኦለቲደ ኦይቁድኖ፤ ያን ደኤዳ አሳይ ኡባይ ጋላኦደ አዉዋ ማክራ ዛርያ።

24 ሃጽሮን ካሌባ ኤፍራታ ግያ ሳን ሀይቁዳዋፕ ጉይያን፡ ሃጽሮና ማቻታ አቢያ ታቆኦ አዉዋ አሽሁራ የላዱ።

ይራሀማኤላ የለታ

25 ሃጽሮና ናኦ ባይራ ይራሀማኤላ ናኦይ ባይራይ ራማ፤ ቱፋቱ ቡና፡ ኦሪና፡ ኦጾማን አኪያ።

26 ይራሀማኤላዉ አታሮ ጌተትያ ሀራ ማቻታ ደእዉ፤ አታራ ኦናማ ዳዮ።

* 2:7 እካን፡ ሀ ሱንላ ብለላይ እብራዌሉዋን፡ “ባሻ” ግያዋ።

2:7 ኢያሳ 7:1

27 ይራህማኤላ ናኣ ባይራ ራማ ናናይ ማኣጸ፡ ያሚናን ኤቄራ።

28 ኦናማ ናናይ ሻማያን ያደ።

ሻማያ ናናይ ናዳባነ ኣብሹራ።

29 ኣብሹራ ማቻታ ኣብሀይላ ኣህባናን ሞሊዳ የላዲ።

30 ናዳባ ኣቲማ ናናይ ሰለዳነ ኣፋይማ፤ ሰለድ ናኣ የለናን ሀይቄዳ።

31 ኣፋይማ ናኣይ ይሸኣ፤ ይሸኣ ናኣይ ሼሻና፤ ሼሻና ናኣይ ኣህላያ።

32 ሻማያ እሻ ያደ ናናይ የተራነ የናታና፤ የተር ናኣ የለናን ሀይቄዳ።

33 የናታና ናናይ ፕሌታነ ዛዛ።

ሀዋንቱ ይራህማኤላ ዘረፋ።

34 ሼሻናዉ ማጫዋፕ ኣትና፡ ኣቲማ ናናይ ባዎ። ሼሻናዉ ያርሀኣ ጌተትያ ቆማይ ግብጹ ጋድያፕ ዬዳዌ ደኤ።

35 ሼሻን ባረ ቆማ ያርሀኣዉ ባረ ማጫ ናናቱዋፕ ኣትና እምና ናታ ኣታያ የላዲ።

36 ኣታይ ናታና የሌዳ፤ ናታን ዛባዳ የሌዳ፤

37 ዛባድ ኤፍላላ የሌዳ፤ ኤፍላል ዮቤዳ የሌዳ፤

38 ዮቤድ ዬሀ የሌዳ፤ ዬሀ ኣዛርያ የሌዳ፤

39 ኣዛሪ ሄሌጸ የሌዳ፤ ሄሌጽ ኤልኣሳ የሌዳ፤

40 ኤልኣሰ ሰሰማያ የሌዳ፤ ሰሰማይ ሻሉማ የሌዳ፤

41 ሻሉም ይቃምያ የሌዳ፤ ይቃመ ኤልሻማኣ የሌዳ።

ካሌባ የለታ

42 ይራህማኤላ እሻ ካሌባ ናኣይ ባይራይ ማሻ። ማሻ ናኣይ ዚፋ፤ ዚፋ ናኣይ ማሬሻ፤ ማሬሻ ናኣይ ከብርና።

43 ከብርን ናናይ ቆራሀ፡ ታፑሀ፡ ረቄማነ ሸማኣ።

44 ሸማኣ ዮርቃኣማ ኣዉዋ ራሃማ የሌዳ። ረቄም ሻማያ የሌዳ።

45 ሻማያ ናኣይ ማኦና። ማኦን ቤትጹራ የሌዳ።

46 ካሌባ ቆማታ ኤፋ ሃራና፡ ሞጸነ ጋዜዛ የላዲ፤ ሃራን ጋዜዛ የሌዳ።

47 ያህዳያ ናናይ ረጌማ፡ ዮኣታማ፡ ገሻና፡ ፕሌጸ፡ ኤፋነ ሻኣፋ።

48 ካሌባ ቆማታ ማኣካ ሸቤራነ ትርሃና የላዲ።

49 ቃይካ ማኣካ ሻኣፋነ ሻዋ የላዲ። ሻኣፍ ማድማና የሌዳ። ሻው ማክቤናን ግባኣ የሌዳ። ካሌባ ናታ ኣክሶ።

50 ካሌባ ናናይ ሀራቱ ሀዋፕ ካሊደ ጸፈቲድኖ። ካሌብ ባረ ባይራ ናኣ ሁራ ባረ ማቻት ኤፍራትን የሌዳ። ሁራ ናናይ ቅርያት-ይኣሪማ ኣዉዋ ሸባላ።

51 ቤታልሄማ ኣዉዋ ሳልሞናን ቤት-ጋዴራ ኣዉዋ ሀራፋ።

52 ቅርያት-ይኣሪማ ኣዉዋ ሸባላ ያራቱ ሀርኤታታን ማኦሆታ ያራቱዋፕ ባጋቱዋ።

53 ቅርያት-ይኣሪማ ያራቱ ያትራታ፡ ፑታታ፡ ሹማታታን ሞሽራኣታ። ጸርኣትነ ኤሸታኣላት ሀዋንቱፕ የለቲድኖ።

54 ቤታልሄማ ኣዉዋ ሳልሞና ያራቱ ናጸፋታ፡ ኣጽርት-ቤታዮኣባታ፡ ማኦሆታ ያራቱዋፕ ኣትያ ባጋቱዋን ጸርኣታ።

55 ያቤጸ ካታማን ደኣያ ጸፍያዋንቱ ያራቱ ቃይ ትርኣታ፡ ሸምኣታታን ሱካታ። ሀዋንቱ ረካባቱ ኣዉዋ ሃማቱዋፕ የለቲዳ ቄናታ።

3

ካትያ ዳዊታ ናና

1 ከብርን ካታማን ዳዊተ የሌዳ ናናይ፤ ኣዘራኤልያ ኣህኖኣማ የሌዳ ኣ ባይራይ ኣምኖና። ቃርመሎሰያ ኣብጋላ የሌዳ ኣ ላኤንፎ ናኣይ ዳኔላ።

2 ጋሹራ ጋድያ ካትያ ታልማያ ናታ ማኣካ የሌዳ ኣ ሄዘንፎ ናኣይ ኣበሰሎማ። ሀጊታ የሌዳ ኣ ኦይደንፎ ናኣይ ኣደንያና።

3 ኣቢጸላ የሌዳ ኣ ኣቼሻንፎ ናኣይ ሻፋጽያ። ኣ ማቻታ ኤግላ የሌዳ ኣ ኡሱፑንፋ ናኣይ ይትራኣማ።

4 ዳዊተ ሄ ኡሱፑን ናና ከብርናን የሌዳ። ዳዊተ ከብርናን ላፑን ላይላነ ኡሱፑን ኣግና ካተቲዳ።

ቃይ የሩሳላመን ሀታማን ሄዙ ላይላ ካተቲዳ።

5 ዳዊተ የሩሳላመን የሌዳ ናናይ ኦይዳቱ ኣምኤላ ናታ በርሳባ የሌዳ ሸምኣ፡ ሸባባ፡ ናታናን ሰሎሞና።

6 ቃይ ሀራ ኡዳፑን ኣቲማ ናናይ ይብሃራ፡ ኤልሻማኣ፡ ኤልፈሌጸ፡

7 ናጋሀ፡ ነፌጋ፡ ያፍኣ፡

8 ኤልሻማኣ፡ ኤልያዳኣነ ኤልፈሌጸ።

9 ሀ ኣቲማ ናና ኡባ ቦላካ ዳዊታዉ ሀራ ማቻቱዋፕ የለቲዳ ኣቲማ ናናይ ደኣና፤ ቃይ ታማራ ሀ ኣቲማ ናና ሞቻቶ።

ካትያ ሰሎሞን የለታ

10 ካትያ ሰሎሞን ናኣይ ርብኣማ፤ ርብኣማ ናኣይ ኣቢያ፤ ኣቢያ ናኣይ ኣሳ፤ ኣሳ ናኣይ ዮሳፌጸ፤

11 ዮሳፌጸ ናኣይ ዮራማ፤ ዮራማ ናኣይ ኣካዘያሳ፤ ኣካዘያሳ ናኣይ ዮኣሻ፤

12 ዮኣሻ ናኣይ ኣመሰያሳ፤ ኣመሰያሳ ናኣይ ኦዘያና፤ ኦዘያና ናኣይ ዮኣታማ፤

13 ዮኣታማ ናኣይ ኣካዛ፤ ኣካዛ ናኣይ ሀዘቄያሳ፤ ሀዘቄያሳ ናኣይ ሞናሳ፤

14 ሞናሰ ናኣይ ኣሞና፤ ኣሞና ናኣይ ዮሰያሳ።

15 ዮሰያሳ ናኣይ ባይራይ ዮሀናና፤ ላኤንፎ ዮኣቄማ፤ ሄዘንፎ ሰደቅያሳ፤ ኦይደንፎ ሻሉማ።

16 ዮኣቄማ ናናይ ዮኣኪናን * ሰደቅያሳ።

ካትያ ዮኣኪና የለታ

17 ኦሞደቲደ ባብሎነ ቤዳ ዮኣኪና ኣቲማ ናናይ ሳላትያላ፡

18 ማልክራማ፡ ፓዳያ፡ ሸናጸራ፡ ይቃምያ፡ ሆሻማኣነ ናዳብያ።

3:4 2 ሳሜላ 5:4-5፤ 1 ካታ. 2:11፤ 1 ኦዲዎ 29:27 ሱንላይ “ዮኮንያ” ጌተቱ።

3:5 2 ሳሜላ 11:3 * 3:16 ዮኣኪናን- ኣብራዌሉዋን ሀ

19 ፓዲያ አቱማ ናናይ ዛሩባቤላን ሸምኦ። ዛሩባቤላ አቱማ ናናይ ማሹላማን ሀናንያ፤ ኡንቱንቱ ሞቻታ ሻሎሚቶ።

20 ሀዋንቱ ቦላን ሀራ እቼሹ አቱማ ናናይ ዛሩባቤላዉ ደኢኖ፤ ኡንቱንቱካ ሃሹባ። ኦሄላ። በረክያ። ሀሳድያን ዩሻብ-ሄሴዳ።

21 ሀናንያ አቱማ ናናይ ፓላጽያን ይሻእያ። ይሻእያ ናኦይ ራፋያ፤ ራፋያ ናኦይ አርናና፤ አርናና ናኦይ ኦባድያ፤ ኦባድያ ናኦይ ሻካንያ፤

22 ሻካንያዉ ኡሱቱን ናናይ ደኤ፤ ሻማእያ ግያ አ ናኦይን ናኦ ናናቱ። ሀጹኡሻ። ይግኦላ። ባርያሀ። ናኦርያን ሻፋጸ።

23 ናኦርያ ናናይ ሄዛቱ ኤልዮኤናያ። ሀዝቃን አዝርቃማ።

24 ኤልዮኤናያ ናናይ ላቸናቱ ሆዳዊያ። ኤልያሽባ። ፓላያ። አቁባ። ዮሀናና። ዳላያን አናና።

4

ይሁዳ የለታ

1 ይሁዳ ዛራቱ ፓራሳ። ሄጽሮና። ካርማ። ሁራን ሸባላ።

2 ሸባላ ናኦይ ራኦይ ያሃታ የሌዳ፤ ያሃት አሁማን ላሃዳ የሌዳ። ሀዋንቱ ጸርአቱ ያራቱዋ።

3-4 ሁር ባረ ዳይ ኤፍራትዉ ባይራ ናኦ፤ ሁር ቤታልሃማ የሌዳ። ኤጻማ አቱማ ናናይ አዝራኤላ። ዩሸማን ይድባሻ፤ ኡንቱንቱ ሞቻታ ሀጽለልፖና። ፓኑኤል ጋድራ የሌዳ። ኤጾር ሁሻ የሌዳ። ሀዋንቱ ሁራ ያራቱዋ።

5 ታቆአ አዉዋ አሽሁራዉ ሄሎን ናእር ጌተትያ ላኤ ማጫ አሳቱ ደኢኖ።

6 ናእራ አሁዛማ። ሄፊራ። ተምናን አሁሽታራ አሽሁራዉ የላዲ፤ ሀዋንቱ ናእር ናና።

7 ሃላ ጾረታ። ጸሃራን ኤትናና አሽሁራዉ የላዲ።

8 ቆጽ አኑባ። ጸቤባን ሀሩማ ናኦ አሀርሄላ ያራቱዋ የሌዳ።

9 ያቤጽ ባረ እሻቱዋ ኡባፕ አድ ቦንቼቱ። አ ዳያ። “ታን አ ኢታ የሉዋን የሌዳ ድራዉ። አ ሱንላይ ያቤጸ” ጋደ ሱንላዲ።

10 ያቤጽ* እሰራኤልያ ጸሳ ጸሲደ። “አቤት ጸሳዉ። ሀይ ታና ኔን እንጃ፤ ታ ጋድያካ አሳ። ታናና እትፕ ግዳ፤ ታና ሳከናዳን ታና ቆሀያባፕ ኔን ናጋ” ያጊደ ዋሴዳ። ጸሳይ አ ዋሳ ሰሴዳ።

ሀራ አሳቱ የለታ

11 ሹሀ እሻይ ካሉብ ማሂራ የሌዳ፤ ማሂር ኤሽቶና የሌዳ።

12 ኤሽቶን ቤትራፋ። ፓሴሀን ታህና የሌዳ። ታህን እር-ናሃሻ ካታማ አሳ የሌዳ። ሀዋንቱ ሬካ ጋድያን ደኤድኖ።

13 ቃናዛ ናናይ ኦትንኤላን ሳራያ፤ ኦትንኤላ ናናይ ሀታታን ማኦታያ።

14 ማኦታያይ ኦፍራ የሌዳ። ሳራይ ዮኦባ የሌዳ። ዮኦባ ጀ-ሀራሽማ የሌዳ፤ ኩሽያ ሂላንቻቱዋ ግድያ አሳቱዋ የሌዳ።

15 ይፋን ናኦ ካሌባ ናናይ እራ። ኤልያን ናኦማ። ኤልያ ናኦይ ቃናዛ።

16 ይሃልኤላ ናናይ ዚፋ። ዚፋሀ። ቲራያን አሳርኤላ።

17 ኤዝራ ናናይ የተራ። መረዳ። ኤፊራን ያሎና። መረድ ግብጾ ካትያ ናቶ ቢቶ አክና እዛ ሚርያሞ። ሻማያን ይሸባ አዉ የላዲ። ይሸብ ኤሽታሞአ የሌዳ።

18 ይሁዳ ጋድያፕ እኬዳ ማቻታ ጋድራ አዉዋ የሬዳ። ሶኮ አዉዋ ሄቤራን ዛኖሀ አዉዋ ያቂትኤላ መረዳዉ የላዲ።

19 ናሃማ ሞቻት። ሆድያ ማቻት ናናይ ጋርማን ደኤዳ ቃኦላ አዉዋን ማእካን ደኤዳ ኤሽታሞአ አዉዋ።

20 ሸሞና ናናይ አምናና። ሪና። በንሀናናን ቲሎና።

ይሸአ ናናይ ዞሂታን በንዞሂታ።

ሹላ የለታ

21 ይሁዳ ናኦ ሹላ ዛራቱ ሌካ አዉዋ ኤራ። ማሬሻ አዉዋ ላእዳን ቤት-አሽቤአ ካታማን ደኢያ ሱፍያ ጌተትያ ማዩዋ ደድያዋንቱ ያራቱዋ።

22 ሀራቱ ቃይ ዮቁማ። ዮኦሻ። ያሹብልሂማ። ሞኦባ ጋድያ ሞዴዳ ሳራፋን ኮዜባ ካታማን ደኤዳ አሳቱዋ። ሀ የለታ ማዝጎባይ በን ዋደፕካ ደኢያዋ።

23 ሀዋንቱ ናጸኢማንን ጋዴራን ደኤዳ ኡርቃ መድያ አሳቱዋ። ኡንቱንቱ ካትያ ኪታ ኦላናዉ አናና እትፕ ደኤድኖ።

ሰሞና የለታ

24 ሰሞና ናናይ ነሙኤላ። ያሚና። ያሪባ። ዛራሀን ሻኡላ።

25 ሻኡላ ናኦይ ሻሎማ፤ ሻሎማ ናኦይ ሞብሳማ፤ ሞብሳማ ናኦይ ሞሸማኦ፤

26 ሞሸማኦ ናኦይ ሀሙኤላ፤ ሀሙኤላ ናኦይ ዛኩራ፤ ዛኩራ ናኦይ ሸምኦ።

27 ሸምኦ ታማን ኡሱቱን አቱማ ናናይን ኡሱቱን ማጫ ናናይ ደኢኖ፤ ሸን አ እሻቶ ጮራ ናናይ ባዋ። ይሁዳ ዛራቱዋዳን ሰሞና ዛራቱ ጮራትብይክኖ።

28 ሰሞና ዛራቱ በርሳብሀ ካታማንን ሞላዳ። ሀጸር-ሹኦላ።

29 ባላ። ኤጾማ። ቶላዳ።

30 ባቱኤላ። ሆርማ። ጽቅላጋ።

31 ቤት-ማርካቦታ። ሆጸር-ሱሲማ። ቤትቢራን ሻእራይማ ካታማቱዋን ደኤድኖ። ዳዊተ ካተታና ጋካናዉ ሀዋንቱ ኡንቱንቱ ካታማቱዋ ግዲደ ደኤድኖ።

32 ቃይ ኡንቱንቱ ሞላቱ ኤጻማ። አይና። ርሞና። ቶኬናን አሻና። ኡንቱንቱ ኡባና እቼሹ ካታማቱዋ።

33 ባኦላታ ጋካናዉ። ሀ ካታማቱዋ ዩሹዋን ደኢያ ሞላቱ ኡባይ ኡንቱንቱን ጉጀቲኖ። ሀዋንታ ኡንቱንቱ ደኤዳ ሳኦ ኡንቱንቱ ባረንቱ የለታ ማራን ማዝጎብያን ጸፊደ ኦይቄድኖ።

34 ሰሞና ያራቱ ካፓቱ ሀዋፕ ካሊደ ጸፈቲዳዋንታ። ኡንቱንቱ ማሸባባ። ያምሌካ። አመሰናሳ ናኦ ዮሻ።

* 4:10 ያቤጽ- ሀ ሱንላ ብለላይ አብራዌሉዋን። “ሳኩዋ” ግያዋ። 4:28 ኢያሳ 19:2-8

35 ዩኤላን የሺብያ ናኦ ዩሀ። ዩሀ አወዋ አወ አሳኤላ ናኦ ሳራያ።

36 ሀራ ካፓቱ ቃይ ኤልዮኤናያ፣ ያእኮባ፣ ያሸሃያ፣ አሳያ፣ አዲኤላ፣ ያሸሞኤላ፣ ባናያን

37 ዚዛ። ዚዛ ሸፍኦ ናኦ፤ ሸፍኦ አሎና ናኦ፤ አሎን ያዳያ ናኦ፤ ያዳይ ሺሞራ ናኦ፤ ሺሞር ሻማእያ ናኦ።

38 ሰሞና ያራቱ ካፓቱ ሀዋንታ።

ኤንቱንቱ አዎቱዋ ዘረሳይ ሎይላ ጮራቱዳ።

39 ኤንቱንቱ ባረንቱ መሀያወ ሄሞያ ሳኦ ኮያናወ ጋዶራ ገልያ ሳኦ ማታን ደእያ ዎሞባኦ አዋይ ዶልያ ባጋና ደእያ ሳኦ ጋካናወ ቤድና።

40 እት ሎይላ አራዴዳ ሎኦ ሄሞያ ሳኦ ደሜድና፤ ሄ ቢታይ ዎፓይን ሳርተሳይ ኩሜዳ አኮ ቢታ። በን ዎደ ሄ ጋድያን ደኤዳዋንቱ ካማ ዘረሳቱዋ።

41 ሀዋፕ ቆሞ ባጋና ሱንሳይ ጸፈቱዳ ሰሞና ዘራቱ ይሁዳ ካትያ ሀዘቂያሳ ዎደ ጋዶራ ጋድያ ቢደ፣ ያን ደእያ ካማ ዘረሳቱዋን ማኡና አሳቱዋ ኦለቲደ ቆይሴድና። ሄ ጋድያን ኤንቱንቱ መሀያወ ሄሞያ ሳኦ ደእያ ድራወ፣ ሰሞና ዘራቱ ሀቼ ጋሳናወ ያን ኤቲድና።

42 ሰሞና ዘራቱዋፕ እቼሹ ዴቱ አሳቱ ሰኢራ ደርያኮ ቤድና። ኤንቱንቱ ካፓቱ ፓላጽያ፣ ናኦርያ፣ ራፋያን ኤዘኤላ፤ ኤንቱንቱ ይሸኦ ናና።

43 አማሌቃ አሳቱዋፕ ካስ ባቃት አቲዳወንታ ሰሞና አሳቱ ቆይሴድና። ኤንቱንቱ ሀቼ ጋካናወ ሄ ቢታን ደእያ።

5

ርቤላ የለታ

1 እስራኤልያ ናኦ ባይራ ርቤላ የለታይ ሀዋፕ ካሊደ ጸፈቱዳዋ። ርቤላ ባይራ ናኦ፤ ሸን ባረ አወዋ ግሱዋ እ ቱንሴዳ ድራወ፣ ባይራተሳወ በስያባይ እስራኤልያ ናኦ ዮሴፎ ናናወ እመቲዳ። ሄዎ ድራወ፣ እ የለታን ባይራ ግዴዳዋ ጸፈትቤና።

2 ይሁዳይ ባረ እሻቱዋፕ ሞኔዳ፤ አ ባይራተሳይ ዮሴፎ እመቲዳዋ ግዶፕን፣ እስራኤልያ አሳ ሞድያዋ ይሁዳፕ ከሴዳ።

3 እስራኤልያ ናኦ ባይራ ርቤላ አቲማ ናናይ ሀኖካ፣ ፓላ፣ ሄጽሮናን ካርማ።

4 ዩኤላ ናኦይ ሻማእያ፤ ሻማእያ ናኦይ ጎጋ፤ ጎጋ ናኦይ ሸሞኦ፤

5 ሸሞኦ ናኦይ ሚክያሳ፤ ሚክያሳ ናኦይ ራኤያ፤ ራኤያ ናኦይ ባኦላ።

6 ባኦላ ናኦይ አሶረ ካትያ ትግላት-ፓላሴር አሞዲደ አፌዳ ባኤራ፤ ባኤር ርቤላ ዘራቱዋ ካቸዋ።

7 ባኤራ ዳቦቱ፣ ባረንቱ የለታ ማዘጎብያን ጸፈቱዳ ርቤላ ያራቱ ካፓቱ ይእኤላ፣ ዘካራሳን

8 በላኦ። በላኦ አዛዛ ናኦ፤ አዛዚ ሸማኦ ናኦ፤ ሸማኦ ዩኤላ ዘርያ። ዩኤላ ዘራቱ አርኤራ ካታማን፣ ናቦ ቢታንን ባኦል-ማኦና ጋድያን ደኤድና።

9 ርቤላ ዘራቱዋ መሄ ጋላኦደን ጮራቱዳ ድራወ፣ ኤንቱንቱ ያፕ አዋይ ዶልያ ባጋ ቢደ፣

ኤፍራዲሳ ሻፋ ጋካናወ ሞጬቲዳ መላ ቢታን ኤቲድና።

10 ሳኦላ ላይላን አጋራቱዋ ያራቱዋና ርቤላ ያራቱ ኦለትና፣ ርቤላ ያራቱ ጸኔድና። ጋላኦደፕ አዋይ ዶልያ ባጋና ደእያ አጋራቱዋ ያራቱ ጋድያን ኤቲድና።

ጋደ የለታ

11 ጋደ ዘራቱ ርቤላ ዘራቱዋፕ ሁጺሳ ባጋን፣ ሳላካ ጋካናወ ደእያ ባሳን ጋድያን ኤቲድና።

12 ዩኤል ኮይሮ ያራቶ ካቸዋ፤ ሻፋጽ ላኤንሎ ያራቶ ካቸዋ። ያእናይን ሻፋጽ ባሳን ኤቲዳ ያራቶ ካፓቱዋ።

13 ኤንቱንቱ ዳቦቱ፣ ላፑን ያራቱዋ ካፓቱ፣ ሞካኤላ፣ ማሹላማ፣ ሳባ፣ ዮራያ፣ ያእካና፣ ዚእን ኤቤራ።

14 ሀዋንቱ አብሀይላ ናናይ ቡዛ ዘረላ። ቡዛ ያህዳ የሌዳ፤ ያህድ የሸሻያ የሌዳ፤ የሸሻይ ሞካኤላ የሌዳ፤ ሞካኤል ጋላኦደ የሌዳ፤ ጋላኦደ ያርሀ የሌዳ፤ ያርሀ ሁራ የሌዳ፤ ሁር አብሀይላ የሌዳ።

15 ኤንቱንቱ አዎቱዋ ሶ ካቸ ጉና ናኦ ናኦ አብድኤላ ናኦ አሀ።

16 ኤንቱንቱ ጋላኦደንን ባሳን ሄ ቢታቱዋ ካታማቱዋን ሳርና ጋድያን መሄ ሄመትያ ግሹዋን ኤቲድና።

17 ሀዋንቱ ኡባ የለታይ ይሁዳ ካትያ ዮኦታማ ዎደን እስራኤልያ ካትያ እዮርባማ ዎደ የለታ ማዘጎብያን ጸፈቱዳ።

አዋይ ዶልያ ባጋን ኤቲዳ ኦላንቻቱዋ

18 ርቤላ ዘራቱዋፕ፣ ጋደ ዘራቱዋፕን ሞናስ ዘራቱዋፕ ባጋቱዋፕ ኦላንቻቱ፣ ዎልቃማቱ፣ ጎንዳልያን ማሻ ኦይቂያዋንቱ፣ ዎንዳፍያን ዲካን ሎሄዳዋንቱን ኦላ ሳልፕያ ኤርያዋንቱ ኦይታማን ኦይዲ ሻእን ላፑን ጾታን ኡሱፑን ታማ።

19 ኤንቱንቱ አጋራቱዋ ያራቱዋና፣ ይጹራቱዋና፣ ናፊሻቱዋን ኖዳባቱዋን ኦለቲድና።

20 ኤንቱንቱ ሄ አሳቱዋና ኦለቲድ፣ ጸሳኮ ዋሴዳ ድራወ፣ ማዲዋ ደሜድና። ኤንቱንቱ ጸሳን አማንቲዳ ድራወ፣ እ ኤንቱንቶ ዎስቲዳ። ሄዎ ድራወ፣ አጋራቱዋ ያራቱዋን ኤንቱንቱና ደእያ ሀራቱ ኤንቱንቱ ኩሸያን ገሌድና።

21 ባረንቱ ሞርከቱዋፕ እሻታሙ ሻእ ጋሎቱዋ፣ ላኡ ጾታን እሻታሙ ሻእ ደርሳቱዋ፣ ላኡ ሻእ ሀረቱዋን ጾቱ ሻእ አሳቱዋ ኦሞዲደ አፌድና።

22 ኦላይ ጸሳዋ ግዴዳ ድራወ፣ ዳራቱ ሀይቂድና። ጸኔዳዋንቱ አሞዲዋ ዎዲ ጋካናሰካ ሄ አሳቱዋ ኩሸያን ኤቲድና።

አዋይ ዶልያ ባጋን ኤቲዳ ሞናስ ዘረላ

23 ሞናስ ዘራቱዋፕ ባካ ያራቱ ባሳንፕ ደሚደ፣ ባኦል-ሄርሞን፣ ሳኒራን ሄርሞን ደርያ ጋካናወ ደእያ ሄ ቢታቱዋን ኤቲድና፤ ኤንቱንቱ ሄ ግሹዋን ጮራቲድና።

24 ኤንቱንቱ አዎቱዋ ሶይ ካፓቱ ኤፌራ፣ ይሸኦ፣ ኤልኤላ፣ አዘርኤላ፣ ኤርማሳ፣ ሆዳዊያን

ያህድኤላ። ሀዋንቱ ኡንቱንቱ አወዋ ጎለን ኤረቱዳ፣ ጸላን ዋልቃማ አሳቱዋ።

25 ሸን ሀ ዛራቱ ባረንቱ አዋቱዋ ጸሳ ናቀድኖ፤ ጸሳይ ኡንቱንቱ ሰንገጥ ቆይሴዳ ሄ ጋድያ አሳቱዋ ጸሳቱዋና ሻርሙጾድኖ።

26 ሄዋ ድራወ፣ እስራኤልያ ጸሳይ ትግላት-ፓለሴራ ዋይ ፑላ ጌተትያ አሶረ ካትያ አያና ደንፍዱ። ያቲደ ርቤላ ዘረላ፣ ጋደ ዛራቱዋን ሞናሰ ዛራቱዋፕ ባጋቱዋ አሞዲደ፣ ሀላሀ፣ ሀሰራን ሃራ ቢታቱዋን ጎዛና ሻፋ አፌዳ። ኡንቱንቱ ሀቼ ጋካናወ ያን ደኢኖ።

6

ቄሰያ ኡባቱዋ ካፑዋ የለታ

1 ሌዊያ ናናይ ገርሾና፣ ቃሃታን ማራራ።
2 ቃሃታ ናናይ አሞራማ፣ ይጽሃራ፣ ከብርናን ኡዝኤላ።

3 አሞራማ ናናይ አርና፣ ሙሳን ሚርያሞ።
አርና ናናይ ናዳባ፣ አቢሀ፣ ኤልኣዛራን እታማራ።

4 ኤልኣዛረ ፒንሃሳ የሌዳ፤ ፒንሃሰ አብሹኣ የሌዳ፤ አብሹኣ ቡቃ የሌዳ፤

5 ቡቃ ኡዛ የሌዳ፤

6 ኡዝ ዛራህያ የሌዳ፤ ዛራሄ ማራዮታ የሌዳ፤

7 ማራዮት አማርያ የሌዳ፤ አማር አሀጹባ የሌዳ፤

8 አሀጹብ ጸዶቃ የሌዳ፤ ጸዶቃ አሀማኣቃ የሌዳ፤

9 አሀማኣጽ አዛርያሳ የሌዳ፤ አዛርያሰ ዮሀናና የሌዳ፤

10 ዮሀናን አዛርያሳ የሌዳ። ሶሎሞን የሩሳላሙን ኬጽሴዳ ጌሻ ጎልያ ኦፊዳ ቄሴ አዛርያሳ።

11 አዛርያሰ አማርያ የሌዳ፤ አማር አሀጹባ የሌዳ፤

12 አሀጹብ ጸዶቃ የሌዳ፤ ጸዶቃ ሻሎማ የሌዳ፤

13 ሻሎሞ ህልቂያ የሌዳ፤ ህልቂ አዛርያሳ የሌዳ፤

14 አዛርያሰ ሳራያ የሌዳ፤ ሳራይ ዮጸዴቃ የሌዳ።

15 ሙድና ጎዳይ ይሁዳን የሩሳላሙ ናቡካዳናጸራን አሞድሴዳ ዋደ ዮጸዴቅካ አሞደቲደ ቤዳ።

ሌዊያ ዛራቱዋ ሀራቱዋ

16 ሌዊያ ናናይ ገርሾና፣ ቃሃታን ማራራ።

17 ገርሾና ናናቱዋ ሱንገላይ ሊብናን ሸሞኦ።

18 ቃሃታ ናናይ አሞራማ፣ ይጽሃራ፣ ከብርናን ኡዝኤላ።

19 ማራራ ናናይ ማህላን ሙሻ። ባረንቱ አወዋ ጎለን ጎለን ጸፈቱዳ ሌዋቱ ያራቱ ሀዋንታ።

20 ገርሾና ናናይ ሊብና፤ ሊብና ናናይ ያሃታ፤ ያሃታ ናናይ ዘማ።

21 ዘማ ናናይ ዮኣሀ፤ ዮኣሀ ናናይ እዳ፤ እዳ ናናይ ዛራሀ፤ ዛራሀ ናናይ ያኣትራያ።

22 ቃሃታ ናናይ አሞናዳባ፤ አሞናዳባ ናናይ ቆራሀ፤ ቆራሀ ናናይ አሰራ፤

23 አሰራ ናናይ ኤልቃና፤ ኤልቃና ናናይ ኤብያሳፋ፤ ኤብያሳፋ ናናይ አሰራ፤

24 አሰራ ናናይ ታሃታ፤ ታሃታ ናናይ ኡርኤላ፤ ኡርኤላ ናናይ ኡዝያና፤ ኡዝያና ናናይ ሻኤላ።

25 ኤልቃና ናናይ አማሳያን አሀሞታ።

26 አሀሞታ ናናይ ኤልቃና፤ ኤልቃና ናናይ ጸፋያ፤ ጸፋያ ናናይ ናሃታ፤

27 ናሃታ ናናይ ኤልኣባ፤ ኤልኣባ ናናይ ይርሃማ፤ ይርሃማ ናናይ ኤልቃና።

28 ሳሙላ ናናይ ባይራይ ዩኤላ፤ ቲፋይ አቢያ።

29 ማራራ ናናይ ማህላ፤ ማህላ ናናይ ሊብና፤ ሊብና ናናይ ሸሞኦ፤ ሸሞኦ ናናይ ኡዛ፤

30 ኡዛ ናናይ ሸሞኦ፤ ሸሞኦ ናናይ ሀጊያ፤ ሀጊያ ናናይ አሳያ።

ጌሻ ጎልያን የጽያዋንታ

31 ዳዊተ ታቦታ የሩሳላሙ አሄዳዋፕ ጉይያን፣ ማዝሙርያ የጸናዳን ሙድና ጎዳወ ጎለን ሱንገዳዋንቱ ሀዋፕ ካሊደ ጸፈቱድኖ።

32 ሶሎሞን የሩሳላሙን ሙድና ጎዳ ጌሻ ጎልያ ኬጽና ጋካናወ፣ ጸሳ ታቦታይ ደኢያ ዲንካንያ ሰንገሳን ኡንቱንቱ ማዝሙርያ የጸደ፣ ካላን ካላን ኦልኖ።

33 ባረንቱ ናናቱዋና እትፕ የጾዳዋንቱ ሀዋፕ ካሊደ ጸፈቱዳዋንታ።

ቃሃታ ያራቱዋፕ የጽያዋ ሄማና። ሄማን ዩኤላ ናኣ፤ ዩኤል ሳሙላ ናኣ፤

34 ሳሙል ኤልቃና ናኣ፤ ኤልቃን ይርሃማ ናኣ፤ ይርሃሞ ኤልኤላ ናኣ፤ ኤልኤል ቶሀ ናኣ፤

35 ቶሀ ጸፋ ናኣ፤ ጸፍ ኤልቃና ናኣ፤ ኤልቃን ማሃታ ናኣ፤ ማሃት አማሳያ ናኣ፤

36 አማሳይ ኤልቃና ናኣ፤ ኤልቃን ዩኤላ ናኣ፤ ዩኤል አዛርያሳ ናኣ፤ አዛርያሰ ጸፋንያ ናኣ፤

37 ጸፋኒ ታሃታ ናኣ፤ ታሃት አሰራ ናኣ፤ አሰራ ኤብያሳፋ ናኣ፤ ኤብያሳፍ ቆራሀ ናኣ፤

38 ቆራሀ ይጽሃራ ናኣ፤ ይጽሃር ቃሃታ ናኣ፤ ቃሃት ሌዊያ ናኣ፤ ሌዊ እስራኤልያ ናኣ።

39 አ ዳቡ አሳፈ አ ኡሸቻ ባጋና ኤቄ። አሳፈ በረክያ ናኣ፤ በረኪ ሸሞኦ ናኣ፤

40 ሸሞኦ ሞካኤላ ናኣ፤ ሞካኤል ባእሴያ ናኣ፤ ባእሴይ ማልክያ ናኣ፤

41 ማልኪ ኤታና ናኣ፤ ኤታን ዛራሀ ናኣ፤ ዛራሀ አዳያ ናኣ፤

42 አዳይ ኤታና ናኣ፤ ኤታን ዘማ ናኣ፤ ዘም ሸሞኦ ናኣ፤

43 ሸሞኦ ያሃታ ናኣ፤ ያሃት ገርሾና ናኣ፤ ገርሾን ሌዊያ ናኣ።

44 ኡንቱንቱፕ ሀድርሳ ባጋና ኡንቱንቱ ዳቦቱ፣ ማራራ ያራቱ ኤቄና። ኤታን ቂሻ ናኣ፤ ቂሽ አብዳ ናኣ፤ አብድ ማሉካ ናኣ፤

45 ማሉክ ሀሻብያ ናኣ፤ ሀሻቢ አሙሰያሳ ናኣ፤ አሙሰያሰ ህልቂያ ናኣ፤

46 ህልቂ አሞጾ ናኣ፤ አሞጾ ባና ናኣ፤ ባን ሸሜራ ናኣ፤

47 ሸሜር ማህላ ናኣ፤ ማህል ሙሻ ናኣ፤ ሙሻ ማራራ ናኣ፤ ማራር ሌዊያ ናኣ።

48 ኡንቱንቱ ዳቦቱ ሌዋቱ ጸሳ ዲንካንያወ ኦልናወ ሱንግቱድኖ።

አርና የለታ

49 ሸን አሮነ አሮና ዘረፋቱ እጸና ጨዋዪኖ፤ ያርሸያ ሳኦን ጸግያ ያርሹዋካ ያርሸኖ። ጸሳ ቆማይ ሙሴ አዛዜዳዋዳን፣ ኡባጥ አድያ ጌሻ ሳኦን ጎይንያ ጎይኖ ኡባወን ጸሳይ እስራኤልያ ናጋራ አቶ ጌተትያ ያርሸ አዎተላይ ኡንቱንቶ ደኤ።

50 አሮና የለታይ ሀዋጥ ካሊደ ጸፈቱዳዋ። አሮና ናኦይ ኤልኦዛራ፤ ኤልኦዛራ ናኦይ ፒንሃሳ፤ ፒንሃሳ ናኦይ አብሹኦ።

51 አብሹኦ ናኦይ ቡቃ፤ ቡቃ ናኦይ ኡዛ፤ ኡዛ ናኦይ ዛራህያ።

52 ዛራህያ ናኦይ ማራዮታ፤ ማራዮታ ናኦይ አማርያ፤ አማርያ ናኦይ አህጹባ፤

53 አህጹባ ናኦይ ጸደቃ፤ ጸደቃ ናኦይ አህማኦ።

ሌዊያ ያራቱ ደኤዳ ሳኦቱዋ

54 አሮና ዛራቱ ባረንቱ ዛዋ ግደን ደኦናወ ኡንቱንቱ ኡተላዳን ኡንቱንቶ እመቲዳ ሳኦቱ ሀዋጥ ካሊደ ጸፈቱዳዋንታ።

ቃሃታ ያራቱ ኮይሮ ሳማ እኬድኖ።

55 ሄ ሳማን ይሁዳን ደኤያ ከብሮን ካታማን ከብሮን ዩሹዋን ደኤያ ሄንሳ ጋደቱዋ ኡንቱንቶ እሜድኖ፤

56 ሸን ካታማ ጎሻን ካታማ ዩሹዋን ደኤያ ሞላቱዋ ይፋን ናኦ ካሌባወ እሜድኖ።

57 አሮና ናናወ አሳይ ባቃት ቢደ አትያ ካታማ፣ ከብሮን ሀራ ካታማቱዋ ያትራ፣ ሊብናን ኤሽታሞአ አ ሄንሳ ጋደቱዋ።

58 ሂለናን አ ሄንሳ ጋደቱዋ፣ ዳቢራን አ ሄንሳ ጋደቱዋ።

59 አሻናን አ ሄንሳ ጋደቱዋን ቤት-ሸመሻን አ ሄንሳ ጋደቱዋ እሜድኖ።

60 ቃይ ቢንያማ ዛራቱዋጥ ገባኦን አ ሄንሳ ጋደቱዋ፣ አለሜቱዋን አ ሄንሳ ጋደቱዋን አናቶታን አ ሄንሳ ጋደቱዋ እሜድኖ። አሮና ናናወ እመቲዳ ካታማቱ ኡባና ታማን ሄዛ።

61 ሞናሰ ያራቱ ባጋቱ ጋድያጥ ታሙ ካታማቱዋ እቲዳ ቃሃታ ያራቶ ሳማን እሜድኖ።

62 ይሳኮራ ዛራቱዋ ጋድያጥ፣ አሴራ ዛራቱዋ ጋድያጥ፣ ጎፍታሌማ ዛራቱዋ ቢታጥን ባሳንን ደኤያ ሞናሰ ያራቱ ጋድያጥ ታማን ሄዙ ካታማቱዋ ገርሸና ያራቶ ሳማን እሜድኖ።

63 ሮቤላ ዛራቱዋ ጋድያጥ፣ ጋደ ዛራቱዋ ቢታጥን ዛብሎና ዛራቱዋ ጋድያጥ ታማን ላኡ ካታማቱዋ ማራራ ያራቶ ሳማን እሜድኖ።

64 ሄዋዳን ኦሲደ፣ እስራኤልያ አሳይ ሌዋቶ ሀ ካታማቱዋን ካታማቱዋ ሄራን ደኤያ ሄንሳ ጋደቱዋ እሜዳ።

65 ቃይ ይሁዳ ዛራቱዋ ጋድያጥ፣ ሰሞና ዛራቱዋ ቢታጥን ቢንያማ ዛራቱዋ ጋድያጥ፣ ሀዋጥ ቆሞ ባጋና ባረንቱ ሱንላን ጸፈቲዳ ካታማቱዋ ኡንቱንቶ ሳማን እሜዳ።

66 ቃሃታ ያራቱዋጥ አማራዳዋንቱ ባረንቱ ካታማቱዋ ኤፍሬማ ዛራቱዋ ካታማቱዋጥ እኬድኖ።

67 ኡንቱንቶ አሳይ ባቃት ቢደ አትያ ካታማቱዋ፣ ኤፍሬማ ገዘያን ደኤያ ሰኬማን አ ሄንሳ ጋደቱዋ፣ ገዜራን አ ሄንሳ ጋደቱዋ።

68 ዮቅመኦማን አ ሄንሳ ጋደቱዋ፣ ቤት-ሆሮናን አ ሄንሳ ጋደቱዋ።

69 አያሎናን አ ሄንሳ ጋደቱዋን ጋተ-ርሞናን አ ሄንሳ ጋደቱዋ እሜድኖ።

70 ሞናሰ ዛራቱዋ ባጋቱዋጥ እኔራን አ ሄንሳ ጋደቱዋን ብልኦማን አ ሄንሳ ጋደቱዋ አኪደ፣ ቃሃታ ያራቱዋጥ አቲዳዋንቶ እሜድኖ።

71 ሞናሰ ዛራቱዋ ባጋቱዋጥ ባሳንን ደኤያ ጎላናን አ ሄንሳ ጋደቱዋን አሰታርታን አ ሄንሳ ጋደቱዋ አኪደ፣ ገርሸና ያራቶ እሜድኖ።

72 ቃይ ይሳኮራ ዛራቱዋጥ ቃዳሳን አ ሄንሳ ጋደቱዋ፣ ዳብራታን አ ሄንሳ ጋደቱዋ።

73 ራሞታን አ ሄንሳ ጋደቱዋን እኔማን አ ሄንሳ ጋደቱዋ አኪደ፣ ኡንቱንቶ እሜድኖ።

74 ቃይካ አሴራ ዛራቱዋጥ ማሻላን አ ሄንሳ ጋደቱዋ፣ አብደናን አ ሄንሳ ጋደቱዋ።

75 ሁቆቃን አ ሄንሳ ጋደቱዋን ራሆባን አ ሄንሳ ጋደቱዋ አኪደ፣ ኡንቱንቶ እሜድኖ።

76 ሄዋዳንካ ጎፍታሌማ ዛራቱዋጥ ጋለላን ደኤያ ቀዳሻን አ ሄንሳ ጋደቱዋ፣ ሀሞናን አ ሄንሳ ጋደቱዋን ቅርያታይማን አ ሄንሳ ጋደቱዋ አኪደ፣ ኡንቱንቶ እሜድኖ።

77 አቲዳ ማራራ ያራቶ ዛብሎና ዛራቱዋጥ ርሞናን አ ሄንሳ ጋደቱዋን ታቦራን አ ሄንሳ ጋደቱዋ አኪደ እሜድኖ።

78 ቃይ ሮቤላ ዛራቱዋጥ ያርኮ ባጋን፣ ዮርዳኖሳጥ ሄፍንላን አዋይ ደልያ ባጋና፣ ሙላ ቢታን ደኤያ ቤኤራን አ ሄንሳ ጋደቱዋ፣ ያህኦን አ ሄንሳ ጋደቱዋ።

79 ቅደሞታን አ ሄንሳ ጋደቱዋን ሙፋኦታን አ ሄንሳ ጋደቱዋ አኪደ፣ ኡንቱንቶ እሜድኖ።

80 ቃይካ ጋደ ዛራቱዋጥ ጋላኦደን ደኤያ ራሞታን አ ሄንሳ ጋደቱዋ፣ ማህናይማን አ ሄንሳ ጋደቱዋ።

81 ሀሰቦናን አ ሄንሳ ጋደቱዋን ያእዜራን አ ሄንሳ ጋደቱዋ አኪደ ኡንቱንቶ እሜድኖ።

7

ይሳኮራ የለታ

1 ይሳኮራወ ኦይዱ ናናይ ደኤኖ፤ ኡንቱንቱካ ቶላኦ፣ ጥዋ፣ ያሹባን ሸምሮና።

2 ቶላኦ ናናይ ኡዛ፣ ራፋያ፣ ይሪኤላ፣ ያህማያ፣ ይብሳማን ሳሜላ፤ ኡንቱንቱ ቶላኦ ያራቱ ካጋቱዋ። ኡንቱንቱ ዋልቃማን ጸላ አሳቱዋ። ዳዊታ ዋደ ኡንቱንታ ገይዱ ላታማን ላኡ ሻኦን ኡሱፑን ጾታ።

3 ኡዛ ናኦይ ይዘራህያ። ይዘራህያ ናናይ ሞካኤላ፣ ኦባድያ፣ ዩኤላን ይሸያ፤ ሀ እቼሻቱካ ሶይ አሳ ካጋቱዋ።

4 ባረንቱ አዋቱዋ ሶይ አሳ የለታዳን ኦላወ ጊጌዳ ኦላንቻቱ ሀታማን ኡሱፑን ሻኦ፤ አያወ ጎጥ፣ ኡንቱንቶ ጮራ ማቼቱን ጮራ ናናይ ደኤኖ።

5 ይሳኮራ ዛራቱዋጥ ኦላንቻቱ ባረንቱ የለታ ማዘገብያን ገይደቲደ፣ ኡባና ሆሰፑን ታማን ላፑን ሻኦ ግዴድኖ።

ቢንያማን ዳና የለታ

6 ቢንያማወ ሄዙ ናናይ ደኤኖ፤ ኡንቱንቱካ በላኦ፣ በኬራን ይድኤላ።

7 በላኦ ናናይ ኤጽቦና፣ ኡዛ፣ ኡዘኤላ፣ ያርሞታን እራ፤ ሀ እቼሻቱካ ሶይ አሳ ካጋቱዋ። ኡንቱንቱ ዋልቃማን ጸላ አሳቱዋ። ባረንቱ

የለታዳን ፓይደቲዳ ኦላንቻቱ ላታማነ ላኡ ሻክነ ሀታማነ ኦይዳ ግዴድኖ።

8 በኬራ ናናይ ዛሚራ፡ ዮኣቫ፡ ኤልኤዛራ፡ ኤልዮኤናያ፡ ኦምራ፡ ያርሞታ፡ አቢያ፡ አናቶታን አለሚታ፤ ሀዋንቱ ኡባቱ በኬራ ናና።

9 ባረንቱ የለታ ማዘገብያዳን ፓይደቲዳ ዋልቃማነ ጸላ አሳቱ ላታሙ ሻክነ ላኡ ጾታ ግዴድኖ።

10 ይድኤላ ናኦይ ብልሃና። ብልሃና ናናይ ይኡሻ፡ ቢንያማ፡ ኤሁዳ፡ ካናእና፡ ዘታና፡ ታርሴሳነ አህሻሃራ፤

11 ሀዋንቱ ኡባቱ ይድኤላ ናና። ኡንቱንቱ ሶይ አሳ ካፓቱዋን ዋልቃማነ ጸላ አሳቱዋ። ባረንቱ የለታዳን ፓይደቲዳ ኦላንቻቱ ታማነ ላፑን ሻክነ ላኡ ጾታ።

12 ቃይ ቩፊምነ ሁፊም እራ ናና። ሁቪም ዳና ናኦ።

ንፍታሌማ የለታ

13 ንፍታሌማ ናናይ ያህጽኤላ፡ ጉና፡ የጾራነ ሻሉማ፤ ሀዋንቱ ባል ናና ናና።

ምናሰ የለታ

14 ምናሰ ዛራቱ ሀዋፕ ካሊደ ጸፈቲዳዋንታ። ምናሰ ሶርያ ጋድያፕ እኬዳ ቁባታታ የሌዳ አቱማ ናናይ አሰርኤላነ ጋላኦደ አዉዋ ማኪና።

15 ማኪር ሁፊማሰነ ቩፊማሰነ እት እት ማቶያ ኦቹደ እሜዳ። ማኪና ምቻት ሱንሳይ ማእኮ። ማኪና ናኦይ ቱፋይ ጸሎፍሃዳ። ጸሎፍሃድ ማጫ ናናቱዋ ጸላላ የሌዳ።

16 ማኪና ማቻታ ማእካ አዉ ናና የላዱ። ባይራ ናኦ ፕረሻ ሱንሳዱ፤ ፕረሻ እሻ ሱንሳይ ሸሪሻ። ፕረሻ ናናይ ኡላማነ ራቁማ።

17 ኡላማ ናኦይ ባዳና። ሀዋንቱ ምናሰ ናኦ ናኦ፡ ማኪና ናኦ ጋላኦደ ዘረላ።

18 ጋላኦደ ምቻታ ሀዋላኬታ እሾዳ፡ አብኤዘራነ ማህላ የላዱ።

19 ሻምዳኦ ናናይ አህያና፡ ሸኬማ፡ ሊቅሀነ አንአማ።

ኤፍሬማ የለታ

20 ኤፍሬማ ናኦይ ቩተላሀ፤ ቩተላሀ ናኦይ በራዳ፤ በራዳ ናኦይ ታሃታ፤ ታሃታ ናኦይ ኤልኦዳ፤ ኤልኦዳ ናኦይ ታሃታ፤

21 ታሃታ ናኦይ ዛባዳ፤ ዛባዳ ናኦይ ቩተላሀ። ኤፍሬማዉ ኤዳራነ ኤልኦዳ ጌተትያ ሀራ ላኡ ናናይ ደኢኖ። ኡንቱንቱ ጋተ ካታማ አሳቱዋ ሙህያ ዉእሸን፡ አሳይ ኡንቱንታ ኦይቂደ ዋዴዳ።

22 ሄዋ ድራዉ፡ ኡንቱንቱ አዉ ኤፍሬመ ዳር ዋድያ ካዮቴዳ፤ ካዮትና አ እሻቱ አ ምንግሳናዉ ዬድኖ።

23 ሄዋፕ ጉይያን፡ እ ባረ ማቻትና ጋከቲዳ፤ እዛ ሻሃራደ አቱማ ናኦ የላዱ። ኤፍሬማ ሶ ጋከዳ ኢታ ሙቱዋ ድራዉ፡ እ ባረ ናኦ ባሪኦ ሱንሳዱ።

24 ኤፍሬማዉ ሸኢር ግያ ናታ ደአዉ፤ ሀርክ ቤት-ሆሮና፡ ቆሙዋ ቤት-ሆሮናነ ኡዘንሸኢራ ጌተትያ ካታማቱዋ ሄ ናታ ኬጸዱ።

25 ኤፍሬማ አቱማ ናኦይ ረፋሀ፤ ረፋሀ ናኦይ ረሼፋ፤ ረሼፋ ናኦይ ተላሀ፤ ተላሀ ናኦይ ታሃና፤

26 ታሃና ናኦይ ላእዳና፤ ላእዳና ናኦይ አምሁዳ፤ አምሁዳ ናኦይ ኤልሻማኦ፤

27 ኤልሻማኦ ናኦይ ናዋ፤ ነዌ ናኦይ ኢያሳ።

28 ኤፍሬማ ዛራቱዋ ቢታይ ኡንቱንቱ ደኢያሳይ ቤቴለነ ቤቴለ ሞላቱዋ፡ አዋይ ዶልያ ባጋና ደኢያ ናኦራና፡ አዋይ ዶልያ ባጋና ደኢያ ገዜራነ ገዜራ ሞላቱዋ፡ ሸኬማነ ሸኬማ ሞላቱዋነ አያነ አያ ሞላቱዋ።

29 ቃይ ምናሰ ዛራቱዋ ቢታ ዛዋን ደኢያ ቤትሻናነ ቤትሻና ሞላቱዋ፡ ታእናካነ ታእናካ ሞላቱዋ፡ ማግደነ ማግደ ሞላቱዋነ ዶራነ ዶራ ሞላቱዋ። እሰራኤልያ ናኦ ዮሴፎ ዛራቱ ሀ ካታማቱዋን ደኤድኖ።

አሴራ የለታ

30 አሴራ አቱማ ናናይ ይምና፡ ይሸዋሀ፡ ይሸዋነ ባሪኦ፤ ኡንቱንቱ ምቻታ ሰራሆ።

31 ባሪኦ አቱማ ናናይ ሄቤራነ ብርዛውታ አዉዋ ማልክኤላ።

32 ሄቤር ያፍሌጸ፡ ሾሜራነ ሆታማ የሌዳ፤ ኡንቱንቱ ምቻት ሱንሳይ ቩኦ።

33 ያፍሌጸ አቱማ ናናይ ፓሳካ፡ ብምሃላነ አሸዋታ፤ ሀዋንቱ ያፍሌጸ ናና።

34 ያፍሌጸ እሻ ሾሜራ አቱማ ናናይ አሀ፡ ሮህጋ፡ ያሁባነ አራማ።

35 አ እሻ ሆታማ አቱማ ናናይ ጸፋሀ፡ ይምናኦ፡ ሸሌሻነ አማላ።

36 ጸፋሀ አቱማ ናናይ ሱሀ፡ ሀርኤፈራ፡ ቩኦላ፡ ቤራ፡ ይምራ።

37 ቤጸራ፡ ሆዳ፡ ሻማ፡ ሸልሻ፡ ይትራናነ ባኤራ።

38 የተራ አቱማ ናናይ ይፋና፡ ፕሰፓነ አራ።

39 ኡላ አቱማ ናናይ አራሀ፡ ሀንኤላነ ሪጽያ።

40 ሀዋንቱ ኡባቱ አሴራ ዘረላ። ኡንቱንቱ ባረንቱ አዋቱዋ ሶይ አሳ ካፓቱዋነ ድረቲዳ ዋልቃማነ ጸላ አሳቱዋ። ባረንቱ የለታዳን ፓይደቲዳ ኦላንቻቱ ላታማነ ኡሱፑን ሻክነ ግዴድኖ።

8

ቢንያማ የለታ

1 ቢንያማ ናኦይ ባይራይ በላኦ፤ ቱፋይ አሸቤላ፤ ሄዘንሉ አሀራሀ፤

2 ኦይደንሉ ኖሀ፤ እቼሸንሉ ራፋ።

3 በላኦ አቱማ ናናይ አዳራ፡ ጌራ፡ አብሁዳ፡

4 አብሹኦ፡ ናእማና፡ አሆሀ፡

5 ጌራ፡ ሻፋፋማነ ሁራማ።

6-7 ኤሁዳ አቱማ ናናይ ናእማና፡ አኪያነ ጌራ። ኡንቱንቱ ገባኦነ ደኤዳ ባረንቱ አዋቱዋ ሶይ አሳ ካፓቱዋ። ሄዋፕ ጉይያን፡ ኡንቱንቱ ማናሃታ ጋድያ አዋደት ቤድኖ። ኡንቱንቱ ካፑ ጌር ኡዘነ አሀሁዳ አዉዋ።

8 ሻሀራም ባረ ማቻቱዋ ሁቪምነ ባእር የዴዳዋፕ ጉይያን፡ ሞኦበ ጋድያን አቱማ ናና የሌዳ።

9 ሻሀራም ባረ ማቻት ሆዴሸን ዮባባ፡ ጸብያ፡ ማሻ፡ ማልካማ፡

10 ያኡጸ፡ ሳክያነ ምርማ የሌዳ። አ ናናይ ኡባይ ሶይ አሳ ካፓቱዋ ግዴድኖ።

11 እ ባረ ማቻት ሁሺምን፡ አህጹባን ኤልፓኦላ የሌዳ።

12 ኤልፓኦላ አቱማ ናናይ ኤቤራ፡ ሞሻአማን ሸመድ። ሸመድ ኦናን ሎዳ ካታማቱዋን ኡንቱንቱ ሄራን ደእያ ሞላቱዋ ኬዴዳ።

13 ቃይ ሻሀራም ባሪክን ሸማክ የሌዳ። ኡንቱንቱ አያሎና ካታማን ደእያ ባረንቱ ሶይ አሳ ካፓቱዋ። ኡንቱንቱ ጋተ ካታማን ደእያ አሳ የደርሴድኖ።

14 ቃይካ ሻሀራም አህያ፡ ሻሻቃ፡ ይረሞታ የሌዳ።

15 ዛባደ፡ አራድ፡ ኤዴር፡

16 ምካኤል፡ ይሸጥን ዮሀ ባሪክ አቱማ ናና።

17 ዛባደ፡ ማሹላም፡ ሀዘቁ፡ ሄቤር፡

18 ይሸማራይ፡ ዩዘሊኦን ዮባብ ኤልፓኦላ አቱማ ናና።

19 ያቂም፡ ዚክር፡ ዛብድ፡

20 ኤልኤናይ፡ ጽልታይ፡ ኤልኤል፡

21 አዳይ፡ ባራይን ሺምራት ሸምክ አቱማ ናና።

22 ይሸጸን፡ ኤቤር፡ ኤልኤል፡

23 አብድን፡ ዚክር፡ ሀናን፡

24 ሀናንያ፡ ኤላም፡ አንቶቲ፡

25 ይፍዳይን ፓኑኤል ሻሻቃ አቱማ ናና።

26 ሻሞሻራይ፡ ሻሃር፡ አታሊ፡

27 ያእሬሺ፡ ኤላሰን ዚክር ይሮሃማ አቱማ ናና።

28 ሀዋንቱ ባረንቱ የለታን የሩሳላመን ኡቲዳ ባረንቱ ሶይ አሳ ካፓቱዋ።

ካትያ ሳኦላ የለታ (9:35-44)

29 ጋባኦና አዉ ይእኤል ጋባኦና ካታማን ደኤዳ። እ ማቻት ሱንጻይ ማእኮ።

30 እ ናኦይ ባይራይ አብደና፤ እ አቱማ ናናይ ሀራቱ ጹራ፡ ቂሳ፡ ባካላ፡ ናዳባ፡

31 ጋድራ፡ አህያ፡ ዘከራን

32 ሞቅሎታ። ሞቅሎት ሸምክ የሌዳ። ሀዋንቱ ቃይ የሩሳላመን ደእያ ባረንቱ ዳባቱ ማታን ደኤድኖ።

33 ኔር ቂሳ የሌዳ፤ ቂሳ ሳኦላ የሌዳ። ሳኦላ ዮናታና፡ ማልክሹኦ፡ አብናዳባን ኤሸባኦላ የሌዳ።

34 ዮናታና ናኦይ ማሪባኦላ፤ ማሪባኦል ሚክያሳ የሌዳ። *

35 ሚክያሳ አቱማ ናናይ ፕቶና፡ መለካ፡ ታሬክን አካዛ።

36 አካዝ ያሆኦዳ የሌዳ። ያሆኦድ አለሜታ፡ አዝማቂቱዋን ዝምራ የሌዳ። ዝምር ሞጻ የሌዳ፤

37 ሞጻ ቢንክ የሌዳ፤ ቢንክ ራፋ የሌዳ፤ ራፍ ኤልኦሳ የሌዳ፤ ኤልኦሳ አዴላ የሌዳ።

38 አዴላዉ ኡሱፑን አቱማ ናናይ ደኤዳ። ኡንቱንቱ ሱንጻይ አዝርቃማ፡ ቦከራ፡ አሰማኤላ፡ ሻኦርያ፡ ኦባድያን ሀናና፤ ሀዋንቱ ኡባይ አዴላ ናና።

39 አዴላ እሻ ኤሼቃዉ ሄዙ ናናይ ደኤዳ። አ ናኦይ ባይራይ ኡላማ፤ ቲፋይ ይኡሻ፤ ሄዘንሉ ኤልፈሌጻ።

40 ኡላማ ናናይ ዋልቃማን ጸላ አሳቱዋ፤ ኡንቱንቱ ዋንዳፍያ አሳቱዋ። ኡላማዉ ጸታን እሻታሙዋ ግድያ ናናይን ናና ናናይ ደኤዳ።

ሀዋንቱ ኡባቱ ቢንያማ ዘረፋ።

9

አሞዲዋፕ ሰሜዳ እስራኤልያ አሳ

1 እስራኤልያ አሳይ ኡባይ ባረ የለታን የለታን ጸፈቲዳ፤ ሀ ታርኪ እስራኤልያ ካተቱ ማጻፋን ደኤ።

ይሁዳ አሳይ አማነትቤና ድራዉ፡ ባብሎን ጋድያ አሞደት ቤድኖ።

2 ኮይሮ ሰሜዳ እስራኤልያ አሳይ፡ ቄሳቱ፡ ሌዋቱን ጌሻ ጎልያን አልያዋንቱ ባረንቱ ሳኦቱዋንን ባረንቱ ካታማቱዋን ኡቲድኖ።

3 ይሁዳ ዛራቱዋፕ፡ ቢንያማ ዛራቱዋፕ፡ ኤፍሬማ ዛራቱዋፕን ሞናሰ ዛራቱዋፕ አማራዳዋንቱ የሩሳላመን ደኤድኖ።

ይሁዳ ያራቱዋ

4 ይሁዳ ናኦ ፓሬሳ ያራቱዋፕ ኡታይ የሩሳላመን ኡቲዳዋንቱ ካቸዋ። ኡታይ አምሁዳ ናኦ፤ አምሁድ አምራ ናኦ፤ አምር አምራ ናኦ፤ አምር ባና ናኦ።

5 ይሁዳ ናኦ ሼላ ያራቱዋፕ አሳይን አ ናናይ የሩሳላመን ኡቲዳዋንቱ ካፓቱዋ።

6 ይሁዳ ናኦ ዛራሀ ያራቱዋፕ ይኡኤል የሩሳላመን ኡቲዳዋንቱ ካቸዋ።

ይሁዳ ዛራቱ ፓይድና ኡባና ኡሱፑን ጸታን ኡዲፑን ታማ።

ቢንያማ ያራቱዋ

7-9 ቢንያማ ያራቱ ካፓቱ ሀዋፕ ካሊዳ ጸፈቲድኖ።

ካቸ ሳሉ ማሹላማ ናኦ፤ ማሹላም ሆዳዊያ ናኦ፤ ሆዳዊ ሀሳኑክ ናኦ።

ካቸ ይብናይ ይሮሃማ ናኦ።

ካቸ ኤል ኡዛ ናኦ፤ ኡዝ ሚክራ ናኦ።

ካቸ ማሹላም ሻፋያ ናኦ፤ ሻፋጽ ራኡኤላ ናኦ፤ ራኡኤል ይብንያ ናኦ።

ቢንያማ ዛራቱ ፓይድና ኡባና ኡዲፑን ጸታን እሻታማን ኡሱፑና።

የሩሳላመን ደኤዳ ቄሳቱ ዋ

10 የሩሳላመን ደኤዳ ቄሳቱ ሀዋፕ ካሊዳ ጸፈቲዳዋንታ።

ኡንቱንቱ ያዳያ፡ ይሆያርባ፡ ያኪናን

11 ጸሳ ጌሻ ጎልያን ካፖትያ አዛርያሳ። አዛርያሰ ሀልቂያ ናኦ፤ ሀልቂ ማሹላማ ናኦ፤ ማሹላም ጸዶቃ ናኦ፤ ጸዶቅ ማራዮታ ናኦ፤ ማራዮት አህጹባ ናኦ።

12 ሀራቱ ቃይ ይሮሃማ ናኦ አዳያን አዲኤላ ናኦ ማእሳያ። ይሮሃም ፓሽሁራ ናኦ፤ ፓሽሁር ማልክያ ናኦ። አዲኤል ያህዜራ ናኦ፤ ያህዜር ማሹላማ ናኦ፤ ማሹላም ማሽለሚታ ናኦ፤ ማሽለሚት እሜራ ናኦ።

13 ባረንቱ ሶይ አሳዉ ካፖትያ ቄሳቱ እት ሻኦን ላፑን ጸታን ኡሱፑን ታማ። ሀዋንቱ ጸሳ ጌሻ ጎልያን ኦላናዉ ዳንዳይያ አሳቱዋ።

* 8:34 ማሪባኦላ- እ ቃይ ማንፍቦሺታ ጌተቲዳ። 2 ሳም። 4:4 ጸላ። 9:2 እዘራ 2:27፤ ናህ. 7:73

የሩሳላሙን ደኤዳ ሌዋቱዋ

14 የሩሳላሙን ደኤዳ ሌዋቱ ሀዋጥ ካሊደ ጸፈቱዳዋንታ።

ሃሹባ ናክይ ሻማኤ ማራራ ያራ። ሀሹብ አዝርቃማ ናክ፤ አዝርቃም ሀሻብያ ናክ።

15 ሀራቱ ቃይ ባቅባቃራ፣ ሄራሻ፣ ጋላላን ማታንያ። ማታኔ ሚካ ናክ፤ ሚክ ዚክራ ናክ፤ ዚክር አሳፋ ናክ።

16 ሀራቱ ቃይ ናጾፋ አሳቱዋ ሞላቱዋን ኡቴዳ አባድያን በረክያ። አባድ ሻማኤ ናክ፤ ሻማኤ ጋላላ ናክ፤ ጋላል ይዱቱና ናክ። በረከ አሳ ናክ፤ አሳይ ኤልቃና ናክ።

የሩሳላሙን ጥንግያ ናግያዋንታ

17 ጌሻ ጎልያ ጥንግያ ናግያዋንቱ ሻሉማ፣ አቁባ፣ ጸልሞና፣ አህማናን ኡንቱንቱ ዳቦቱዋ። ሻሉም ኡንቱንቱ ካቸዋ።

18 ሀ ያራቱ ካሰ አዋይ ዶልያ ባጋና ደእያ፣ ካትያ ጥንግያ ግያ ጥንግያ ናጌድኖ። ሃዋጥ ካሰ ኡንቱንቱ ሌዋቱ ዲንካንያ ዋደ ናጌድኖ።

19 ሻሉም ኡብያሳፋ ናክ ቆረ ናክ፤ እ ቆራሀ ያራ አሳ። ቆራሀ ያራቱ ካሰ መድና ጎዳ ዲንካንያ ናጌዳዋዳን፣ ሻሉምን ቆራሀ ያራ ግድያ አ ዳቦቱ ጌሻ ጎልያ ገልያ ጥንግያ ናጌድኖ።

20 ኤልካዛራ ናክይ ጥንሃሰ በን ዋደ ቆራሀ ያራቱ ካቸዋ፤ መድና ጎዳይ አናና ደኤዳ።

21 ማሽለምያ ናክይ ዛካራሰ ጋከትያ ዲንካንያ ገልያ ጥንግያ ናጌድኖ።

22 ጥንግያ ናጋናዉ ደረቱዳዋንቱ ኡባና ላኡ ጼታነ ታማነ ላኡዋ፤ ሀዋንቱ ባረንቱ ሞላን ሞላን ፓይደቲደ ጸፈቱድኖ። ኡንቱንቱ ያራቶ ሀ አዋተላ አሜዳዋንቱ ካትያ ዳዊታነ ትምቢትያ ኦድያ ሳመላ።

23 ሄዋ ድራዉ፣ ኡንቱንቱን ኡንቱንቱ ናናይ መድና ጎዳ ጌሻ ጎልያ ገልያ ጥንግያ ናጌድኖ።

24 ኦይዱ ዞዘቱን ዉላሃንነ፣ ደላሃን፣ ሁጲሳንነ ገድሳና እት እት ጥንጊ ደኤ፤ ሄ ጥንገቱዋ ናግያዋንቱካ ደኤኖ።

25 ሄ ሞላን ደእያ ኡንቱንቱ ዳቦቱ ላቸንላ ላቸንላ ጋላሳን ላመት ናጌደ፣ ኡንቱንታ ማድኖ።

26 ጥንግያ ናግያ ኦይዱ ካፓቱ ሌዋቱዋ፤ ኡንቱንቱ ጸሳ ጌሻ ጎልያዉ፣ አ ግዶ ክፍለቶነ ክፍለቱ ግዲዋን ደእያ ሚሻቶ አዋቲኖ።

27 ጸሳ ጌሻ ጎልያ ናግያዋንቱን ቃይ ጉራ ጉራ ካርያ ደይያዋንቱ ኡንቱንታ ግድያ ድራዉ፣ ያን አቂኖ።

ሀራ ሌዋቱዋ

28 ሌዋቱዋጥ አማራዳዋንቱ ጎይንያ ዋደ ጎኤትያ ሚሻቶ አዋቲኖ፤ ሄ ሚሻቱዋ ካረ ከሰያ ዋደነ ሶ ገልሰያ ዋደ ኡንቱንቱ ፓይዲኖ።

29 ቃይ ኡንቱቱጥ እቱ እቱ ጌሻ ጎልያ ግዲዋን ጎኤትያ ሀራ ሚሻቶ፣ ሊቆ ጲልያዉ፣ ዋይንያ ኤሳዉ፣ ዛይትያዉ፣ እጻናዉን ሳዋቶ አዋቲኖ።

30 ሸን ቁሳቱዋ ናናቱዋጥ እቱ እቱ ሳዉዋ ልኪ ልኪደ ዋላኪኖ።

31 ቆራሀ ያራቱዋጥ ሻሉማ ባይራ ናክይ ማቲተ ያርሹዋ ኡክላ ኡክያዋ አዋቲ።

32 ቃሃታ ያራ ግድያ ኡንቱንቱ ዳባቱዋጥ አማራዳዋንቱ ቃይ ሳምባታን ሳምባታን ጸርጴዛን ዋልያ ኡክላ ጊግሰያ አዋተላ ኦይቄድኖ።

33 ሌዋቱ ዛራቱዋጥ አማራዳ ካፓቱ ጌሻ ጎልያን የጽያዋንታ። ቃማካ ጋላሰካ ኡንቱንቱ ኦልያ ድራዉ፣ ሀራ ኡሱዋ ኡጋናን፣ ኤሻ ጎልያ ድርሳ ግድን ደእያ ጎለቱዋን ደኤኖ።

34 ሌዊያ ዛራቱዋ ሶይ አሳ ካፓቱ ኡባይ ሀዋጥ ቆሞና ጸፈቱዳዋንታ፤ ኡንቱንቱ የሩሳላሙን ደኤድኖ።

ካትያ ሳኦላ የለታ (8:29-38)

35 ጋባኦና አዉ ይእኤል ጋባኦና ካታማን ደኤዳ። አ ማቻት ሱንሳይ ማእኮ።

36 አ ናክይ ባይራይ ኡብደና፤ አ ናናይ ሀራቱ ጹራ፣ ቁሳ፣ ባኦላ፣ ኔራ፣ ናዳባ፣

37 ጋዶራ፣ አህያ፣ ዛካራሳ ሞቅሎታ።

38 ሞቅሎት ሸምኦ የሌዳ። ሀዋንቱ ቃይ የሩሳላሙን ደእያ ባረንቱ ዳባቱ ማታን ደኤድኖ።

39 ኔር ቁሳ የሌዳ፤ ቁሰ ሳኦላ የሌዳ። ሳኦል ዮናታና፣ ማልክሹኦ፣ ኡብናዳባን ኤሽባኦላ የሌዳ።

40 ዮናታና ናክይ ማሪባኦላ፤ * ማሪባኦል ሚክያሳ የሌዳ።

41 ሚክያሳ ናናይ ጥቶና፣ መለካ፣ ታሬኦነ አካዛ።

42 አካዛ ያኢራ የሌዳ። ያኢር አለማታ፣ አዝማቄቱዋን ዝምራ የሌዳ። ዝምር ሞጻ የሌዳ፤

43 ሞጽ ቢንኦ የሌዳ፤ ቢንኦ ራፋያ የሌዳ፤ ራፋይ ኤልኦሳ የሌዳ፤ ኤልኦሰ አጾላ የሌዳ።

44 አጾላዉ ኡሱቸን አቱማ ናናይ ደኤኖ። ኡንቱንቱ ሱንሳይ አዝርቃማ፣ ቦከራ፣ አሰማኤላ፣ ሻኦርያ፣ ኦባድያን ሀናና፤ ሀዋንቱ ኡባይ አጾላ ናና።

ሳኦላን አ ናናቱዋ ሀይቁዋ

10

(10:1-14)

ካትያ ሳኦላ ሀይቁዋ (1 ሳሜላ 31:1-13)

1 ፕልሰጾማ አሳቱ እሰራኤልያ አሳቱዋና ኦለቲድኖ። እሰራኤልያ አሳቱ ፕልሰጾማ አሳቱዋ ሰንሳጥ ባቃቲድኖ። ዳሮ እሰራኤላቱ ግልቦኦ ደርያን ሀይቁድኖ።

2 ፕልሰጾማ አሳቱ ሳኦላን አ አቱማ ናና የደርሰ ጋኪደ፣ ሳኦላ ናና ዮናታና፣ ኡብናዳባን ማልክሹኦ ዋዲድኖ።

3 ኦላይ ሳኦላ የይ አዲደ ኡንኤቲዳ፤ ዋንዳፍያ አሳቱ ሳኦላ ደሜዳ ዋደ፣ ዙቢያን አ ጫዲደ ማዲንጽሴድኖ።

4 ሳኦል ባረ ኦላ ሚሻ ቶክያዋ፣ “ሀ ቃጸረትቤና ፕልሰጾማቱ ዪደ፣ ታ ቦላ ካኤናዳን፣ ነ ማሻን ጫዲደ፣ ታና ኔን ዋዳ” ያጌዳ።

ሸን አ ኦላ ሚሻ ቶክያዋ ሎይላ ያዬዳ ድራዉ እጾዳ፤ ሳኦል ባረ ማሻ ሳኦን ኤሲደ፣ አ ቦላ ከንዴዳ።

* 9:40 ማሪባኦላ- አ ቃይ ማንፍቦሽታ ጌተቲዳ። 2 ሳም። 4:4 ጸላ።

5 አ ኦላ ሻሎዎ ቶክያዊ ሳኦል ሀይቁዳዎ ብእደ፡ እካ ባረ ማሻ ሳኦን ኤሲደ፡ አ ቦላ ኩንዲደ፡ ሀይቁ አጌዳ።

6 ሀዋዳን ሀኒደ፡ ሳኦል፡ አ ናናይ ሄዙነ አ ሶይ አሳይ ኡባይ ሄ ጋላሰ እትፕ ሀይቁድኖ።

7 ዋምባን ደእያ እሰራኤልያ አሳቱ ኡባይ ባረንቱ ኦላንቻቱ ባቃቱዳዋን ሳኦልነ አ ናናይ ሀይቁዳዎ ሰሰዳ ዋደ፡ ኡንቱንቱካ ባረንቱ ካታማቱዋ አጊደ ባቃቱድኖ። ባቃትና ፕልሰጾማ አሳቱ ዪደ፡ ሄ ካታማቱዋን ደኤድኖ።

8 ዋንተላ ጋላሰ ፕልሰጾማቱ አሃቱዋ ቦላፕ ኦላ ሚሻቱዋ ቃር አካናዉ ዪደ፡ ሳኦልነ አ ናናይ ግልቦአ ደርያን ሀይቁደ፡ ግሴዳዋንታ ደሚድኖ።

9 ኡንቱንቱ ሳኦላ ቆድያ ሙጩድኖነ አ ኦላ ሻሎዎ ቃር አኤድኖ። ያቲደ ባረንቱ ኤቃቱዋ ጎላንነ ባረንቱ አሳ ግዲዋን ጸኑዋ አዋያና ማላ፡ ፕልሰጾማ ቢታዉ ኡባዉ አሳ ኪታ የዳድኖ።

10 ኡንቱንቱ ሳኦላ ኦላ ሚሻ ባረንቱ ጸሳቱዋ ጎለቱዋፕ እቱዋን ዋጮድኖ፤ አ ጉግያካ ባረንቱ ጸሳ ዳጎና ኤቃ ጎላን ካቆድኖ።

11 ፕልሰጾማ አሳቱ ሳኦላ ኦላዳዋ ኡባ ጋላኦደን ደእያ ያቤሻ ካታማ አሳቱ ሰሴዳ ዋደ፡

12 ኡንቱንቱ ሞኖ አሳቱ ኡባይ ቢደ፡ ሳኦላ አሃነ አ ናና አሃ አኪደ፡ ያቤሻ ካታማ አሃድኖ። ያቤሻን ደእያ ዋላ ጋርሳን ኡንቱንቱ መቀላ ሞጌድኖ፤ ያቲደ ላፕን ጋላሳ ጸሚድኖ።

13-14 ሳኦል መድና ጎዳዉ አማነትቤና ድራዉ ሀይቁዳ። መድና ጎዳ ቃላ እ ናግቤና፤ መድና ጎዳና ዘረትያዎ አጊደ፡ ሞይትልያ ጾሰያ አሳና ዘረቱዳ። ሄዋ ድራዉ፡ መድና ጎዳይ አ ዋጲደ፡ አ ካዉተላ እሰያ ናኦ ዳዊታዉ አሊደ እሚዳ።

ዳዊተ ካተቱሳነ የሩሳላመ ኦይቁሳ

11

(11:1-9)

ዳዊተ እሰራኤልያንነ ይሁዳን ካተቱዳ (2 ሳሜላ 5:1-10)

1 ሄዋፕ ጉይያን፡ እሰራኤልያ አሳይ ኡባይ እትፕ ከብርናን ደእያ ዳዊታኮ ሺቂደ፡ “ኑን ነ ሱላነ ነ አሹዋ።

2 ካሰ ሳኦል ካትያ ግዲደ ደእያ ዋደካ፡ እሰራኤልያ አሳ ኦላዉ ካለፊዳዌ ኔና። መድና ጎዳይ ነ ጸሳይ ኔና፡ ‘ታ አሳ እሰራኤልያ ኔን ሄማና፤ ኡንቱንቱ ቦላካ ኔን ካተታና’ ያጌዳ።

3 ሄዋ ድራዉ፡ እሰራኤልያ ጭማቱ ኡባይ ካትያ ዳዊታኮ ከብርና ካታማ ዬድኖ፤ አ ኡንቱንቱና ከብርናን መድና ጎዳ ሰንላን ቃላ ጫቁዋ ጫቁቱዳ። መድና ጎዳይ ሳመላ ባጋና ሃሳዬዳ ቃላዳን፡ ዳዊተ እሰራኤልያ ቦላ ካተታናዳን ኡንቱንቱ አ ኦኪድኖ።

4 ዳዊተነ እሰራኤልያ አሳይ ኡባይ የሩሳላመ ካታማ ቤድኖ። ሄ ዋደ ያቡሳ አሳቱ ሄ ሳኦን ደእያ ድራዉ፡ ሄ ካታማይ ያቡሳ ጌተቱ።

5 ያቡሳ አሳቱ ዳዊታ፡ “ኔን ሀ ካታማ ገላናዉ ኡባካ ዳንዳያካ” ያጌድኖ። ግደፕነ፡ ዳዊተ

ጽዮንን ደእያ ኡንቱንቱ ጌሳቱዋ ኦይቁዳ፤ ጽዮን ዳዊታ ካታማ ጌተቱዳ።

6 ዳዊተ ባረ ኦላንቻቱዋ፡ “ያቡሳ አሳቱ ካሰት ኦልያ ኦንነ ኦላ ጋዳዋ ግዳናዋ” ያጌዳ። ጸሩይ ናኦይ ዮኦበ ካሰት ቢደ ኦሌዳ፤ ያቲደ ጋዳዋ ግዳዳ።

7 ዳዊተ ሄ ጌሱዋን ደኤዳ፤ ሄዋ ድራዉ፡ ሄ ካታማይ ዳዊታ ካታማ ጌተቱዳ።

8 ዳዊተ ሚሎፕ ደሚደ፡ ሄ ካታማ ዘረሊደ ኬጾዳ፤ አቲዳ ካታማ ቃይ ዮኦበ ዘረሊደ ኬጾዳ።

9 ኡባፕ ዋልቃማ መድና ጎዳይ አናና ደእያ ድራዉ፡ ዳዊተ ሞን ሞኒደ ቤዳ።

ዋርያና ደእያ ዳዊታ ዋታዳራቱዋ (11:10—12:40)

ዳዊታ አሳቱዋ ሞኖታ (2 ሳሜላ 23:8-39)

10 ዳዊታ አሳቱ ሞኖቱ ሀዋፕ ካሊደ ጸፈቲድኖ። መድና ጎዳይ እሰራኤልያባ ሃሳዬዳዋዳን፡ ዳዊተ ካተታና ማላ፡ ሀ አሳቱ እሰራኤልያ አሳና ግዲደ፡ ሎይሳ ማዴድኖ። ቃይ አ ካዉተላካ ሞንሴድኖ።

11 ዳዊታ አሳቱ ሞኖቱ ሀዋፕ ካሊደ ጸፈቲዳዋንታ። ኡንቱንቱፕ ሄዛቱ ሎይሳ ኤረቲዳዋንታ። ሄዛቱዋፕ ኮይሩ ሀክሞናፕ ዬዳ ያሹብአማ፤ ያሹብአም እት ገደ ኦላን ሄዙ ጾቱ አሳ ባረ ቶራን ዋጲዳ።

12 ሄዙ ሞኖ አሳቱዋ ግደን አ ካሊደ ደእያዎ አሆህያ ደዶ ናኦ ኤልኦዛራ።

13-14 ፕልሰጾማ አሳቱ ኦለታናዉ ፓሰዳምማ ግያ ሳኦ ሺቁዳ ዋደ፡ ኤልኦዛረ ዳዊታና እትፕ ደኤ። እሰራኤልያ ኦላንቻቱ ፕልሰጾማ አሳቱዋ ሰንላፕ ባቃትያ ዋደ፡ ኤልኦዛረ ባንጋ ሾይቃን ደኤ። እነ ዳዊተነ ሾይቃ ግዲዋን ኤቂደ፡ ፕልሰጾማ አሳቱዋና ኦለቲድኖ። መድና ጎዳይ ዋልቃማ ጸኑዋ እሚደ፡ ኡንቱንቱ አሹዳ።

15 ፕልሰጾማ ኦላንቻቱ ራፋይማ ዋምባን ዲንካኔዳ ዋደ፡ ሀታሙ ካፓቱዋፕ ሄዛቱ ዳዊተ ደእያ አዲላማ ጎንጎሎዋን ደእያ ዘላኮ ዬድኖ።

16 ሄ ዋደ ዳዊተ ጌሱዋ ግደን ደኤ፤ ፕልሰጾማ ኦላንቻቱ ጩጉ ቤታላሄመን ደኤ።

17 ዳዊተ ሃላ ኡሻናዉ አሞቲደ፡ “ቤተሌመ ካታማ ፕንግያ ሞይያን ደእያ ፑልቱዋ ሃላፕ ታና ኦን ኡሻንዳሻ!” ያጌዳ።

18 ሄዙ ሞኖ አሳቱ ፕልሰጾማ አሳቱ ዲንካኔዳ ሳኦ ፕን ቢደ፡ ቤተሌመ ካታማ ፕንግያን ደእያ ፑልቱዋፕ ሃላ ዲቂደ፡ ዳዊታዉ አሃድኖ። ሸን ዳዊተ ኡሸናን እጾዳ፤ እ ሄ ሃላ መድና ጎዳ ሰንላን ትጌዳ።

19 “ሀዋ ኡሻናዌ ታፕ ሃኮ! ባረንቱ ሸምፑዋ ኦለቲደ ቤዳ ሀ አሳቱዋ ሱላ ታን ኡሾ? አያዉ ጎፕ፡ ኡንቱንቱ ባረንቱ ሸምፑዋ አሳ እሚደ፡ ሃላ አሃድኖ” ያጌዳ። ሄዋ ድራዉ፡ ዳዊተ ሄ ሃላ ኡሸቤና። ሄ ሄዙ ሞኖ አሳቱ ሄዋ ስሌድኖ።

20 ዮኦባ እሻይ አብሻይ ሄዛቶ ካፑዋ። እ ባረ ቶራን ሄዙ ጾቱ አሳቱዋ ኦለቲደ ዋጲዳ። ያቲደ እካ ሀራ ሄዛቱዋዳን ኤረቲዳ።

21 እ ላኤንሉ ሄዛቱዋጥ አድ ቦንቼቱዳ አሳ፤ እ ኢንቲንቶ ካፖ ግዴዳ። ሸን እ ሄ ኮይሮ ሄዛቱዋና ቃራ ግድና።

22 ቃብጽኤላፕ ዬዳ ዮዳሄ ናአይ ባናይ ሞኖ አሳ፤ ሞኖ አሳቱዋ ኦሌዳ። እ ላኤ ኤረቲዳ ሞክብ ጋድያ አሳቱ ዋዴዳ። ቃይ ሻቻይ ዳራዳ እት ጋላሰ አላ ግድ ገሊደ፣ ጋሙዋ ዋዴዳ።

23 ባናይ ጌሳይ እቼሹ ዋቆ ጋክያ ግብጾ ጋድ ብታንያ አዲሳ ዋዴዳ። ግብጾ ብታንያ ኩሽያን ሸማይንያ ዋንዳራሽያ ኬሻ ቶራይ ደኤ፤ ሸን ባናይ ጋትማ ኦይቂደ፣ ብታንያኮ ቤዳ። ሄ ብታንያ ኩሽያፕ ቶራ ወሊ አኪደ፣ አ ቶራን አ ዋዴዳ።

24 ዮዳሄ ናአይ ባናይ ሀዋንታ ኦሌዳ። አ ሱንሳይካ ሄ ሄዛቱዋዳን ኤረቲዳ።

25 እ ሀታማቱዋ ግድን ዳሮ ቦንቼቱዳ፤ ሸን እ ሄዛቱዋና ጉጀተና። ዳዊተ አ ባረና ናግያ ኦላንቻቶ ካቸዋ ከሴዳ።

26 ሞኖ አሳቱ ዮኣባ እሻ አሳሄላ፣ ቤተሌመፕ ዬዳ ዶዶ ናአ ኤልሀናና።

27 ሀሮዳፕ ዬዳ ሻሞታ፣ ፕሎናፕ ዬዳ ሄሌጸ፣

28 ታቆአፕ ዬዳ እቁሻ ናአ እራ፣ አናቶታፕ ዬዳ አብኤዘራ።

29 ሁሻፕ ዬዳ ሰባካያ፣ አሆህያ እላያ፣

30 ናጻፋፕ ዬዳ ማሀራያ፣ ናጻፋፕ ዬዳ ባኣና ናአ ሄሌዳ፣

31 ቢንያማ ጋድያን ደእያ ግብኣ ካታማፕ ዬዳ ርባያ ናአ እታያ፣ ፕሮኣቶናፕ ዬዳ ባናያ፣

32 ጋኣሻ ዛንጋራ ማታፕ ዬዳ ሁራያ፣ አራባፕ ዬዳ አቢኤላ፣

33 ባሀሩማፕ ዬዳ አዘማዊታ፣ ሻአልቦናፕ ዬዳ ኤልያህባ፣

34 ጊዘናፕ ዬዳ ሀሼማ፣ ሃራራፕ ዬዳ ሻገ ናአ ዮናታና፣

35 ሃራራፕ ዬዳ ሳካራ ናአ አሀአማ፣ ኡራ ናአ ኤልፋላ፣

36 ማኬራፕ ዬዳ ሄፌራ፣ ፕሎናፕ ዬዳ አኪያ፣

37 ቃርመሎሳፕ ዬዳ ሄጽራ፣ ኤዘባያ ናአ ናአራያ፣

38 ናታና እሻ ዩኤላ፣ ሃግራ ናአ ሞብሃራ፣

39 አሞናፕ ዬዳ ጸለቃ፣ ጸሩይ ናአ ዮኣባ ኦላ ሚሻ ቶክያ ባኤሮታፕ ዬዳ ናሀራያ፣

40 ያትራ ያራ ግድያ እራ፣ ያትራ ያራ ግድያ ጋራባ፣

41 ሂትያ ኡርዮና፣ አሀላያ ናአ ዛባዳን

42 ሮቤላ ዛርያ ግድያ ሺዛ ናአ አዲና። እ ሮቤላ ዛራቱዋ ካቸዋ፤ አናና እትፕ ሀታሙ አሳቱ ደኢና።

43 ሀራ ሞኖ አሳቱ ቃይ ማእካ ናአ ሀናና፣ ሞታናፕ ዬዳ ዮሻፋጸ፣

44 አሽታራፕ ዬዳ አዘያና፣ አሮኤራፕ ዬዳ ሆታማ ናና ሻማኣን ይእኤላ፣

45 ሺሞራ ናአ ይድኤላን አ እሻ ቲጻፕ ዬዳ ዮሀ፣

46 ማሃዋፕ ዬዳ ኤልኤላ፣ ኤልናአማ ናና ይሪባያን ዮሻውያ፣ ሞክብ ጋድያፕ ዬዳ ይትማ፣

47 ጸባ ካታማፕ ዬዳ ኤልኤላ፣ ዮቤዳን ያእሰኤላ።

12

ቢንያማ ዛርያፕ ዳዊታ ካሌዳ አሳቱዋ

1 ዳዊተ ቁሳ ናአ ሳኦላፕ ባቃት ቢደ፣ ጽቅላጋን ኡቲዳ ዋደ፣ አኮ ዬዳ አሳቱ ሀዋፕ ካሊደ ጸፈቲዳዋንታ። ኢንቲንቲ ካሰ ዳዊታ ኦላን ማዴዳ ሞኖ አሳቱዋ ግድን ደኢና።

2 ኢንቲንቲ ዋንዳፍያ አሳቱዋ፤ ቃይ ባረንቲ ኡሽቻ ኩሽያን ሀድርሳ ኩሽያን ሹቻ ያምባርሻን ኦላናዉ ዳንዳዬና። ኢንቲንቲ ቢንያማ ዛርያ ግድያ ሳኦላ ዳቦቱዋ።

3 ኢንቲንቲ ካቸ አሀኤዘራ፤ አሀኤዘራፕ ሰሞና ዮኣሻ፤ ኢንቲንቲ ግብአፕ ዬዳ ሻማእ ናና። ሀራቱ ቃይ አዘማዊታ ናና ግድያ ይዘኤላን ፕሌጸ፣ ባራካ፣ አናቶታፕ ዬዳ ዬሀ፣

4 ሀታማቱዋ ግድን ዋልቃማ ግዲደ፣ ኢንቲንታ ካለለያ ጋባኣናፕ ዬዳ ይሸማእያ፣ ኤርማሳ፣ ያሃዘኤላ፣ ዮሀናና፣ ገዴራፕ ዬዳ ዮዛባዳ፣

5 ኤልኡዛያ፣ ያርሞታ፣ ባኣልያ፣ ሻማርያ፣ ሀሪፋፕ ዬዳ ሻፋጽያ፣

6 ቆራሀ ያራቱዋ ግድያ ኤልቃና፣ ይሸያ፣ አዛርኤላ፣ ዮኤዘራን ያሹብአማ፣

7 ጋድራፕ ዬዳ ይርሃማ ናና ዮኤላን ዛባድያ።

ጋድ ዛርያፕ ዳዊታ ካሌዳ አሳቱዋ

8 ዳዊተ መላ ቢታን ደእያ ባቃት አትያ ሳኣን ኡት ደእሸን፣ ጋድ ዛርያፕ አሳቱ አኮ ዬድና። ኢንቲንቲ ሞኖ አሳቱዋን አላዉ ጊጌዳዋንታ፤ ቃይ ጎንዳልያን ቶራ ኦይቃናዉ ዳንዳይያዋንታ። ኢንቲንቲ ሰሞእ ጋሙዋ ዴሙዋ ማላቲ፤ ኢንቲንቲ ደረቱዋ ሁጲያን ጉፕያ ገንእያዳን ኤሌሊና።

9 ኢንቲንቲ ካቸ ኤጾራ፤ ላኤንሉ ኦባድያ፤ ሄዘንሉ ኤልኣባ፤

10 ኦይደንሉ ሞሽማና፤ እቼሸንሉ ኤርማሳ፤

11 ኡሱፑንሉ አታያ፤ ላፑንሉ ኤልኤላ፤

12 ሆሰፑንሉ ዮሀናና፤ ኡዲፑንሉ ኤልዛባዳ፤

13 ታማንሉ ኤርማሳ፤ ታማን እተንሉ ማክባናያ።

14 ሀዋንቲ ጋድ ዛርያ ኦላንቻቶ ካፓቱዋ። ኢንቲንቲፕ ላፍያዋንቲ ጼቶ ካፓቱዋ፤ ሞንያዋንቲ ሻእ ካፓቱዋ።

15 ዮርዳኖሳ ሻፋይ፣ ጋጻፕ ጋጻ ጋካናዉ ኩሞ ክጾዳ ኮይሮ አግናን ፕኔዳዋንቲ ሀዋንታ። ኢንቲንቲ ዋሞባን አዋይ ዶልያ ባጋናን አዋይ ዉልያ ባጋናን ኡቲዳ አሳ ኡባ የደርሴድና።

ቢንያማን ይሁዳ ዛራቱዋፕ ዳዊታ ካሌዳ አሳቱዋ

16 ቢንያማ ዛራቱዋፕን ይሁዳ ዛራቱዋፕ አማራዳ አሳቱ ዳዊታኮ ጌሱዋ ዬድና።

17 ዳዊተ ኢንቲንቲና ጋከታናዉ ከሲደ፣ ሀዋዳን ያጌዳ፤ “ህንተንቲ ታና ማዳናዉ ሳሩዋን ታኮ ዬዳዋ ግድ፣ ታ ዋዛናይ ህንተናና እትፕ ግዳናዋ። ሸን ህንተንቲ ታና ታ ሞርከቶ እላ አማናዉ ዬዳዋ ግድ፣ ህንተንታ ኤርቲ! ታን ኦሌዳ ኢታባይ ባይና ድራዉ፣ ኦ አዋቱዋ ጸሳይ ሄዋ በኣ፤ እ ህንተንታ ፕሮደ!” ያጌዳ።

18 ሄዋፕ ጉይያን፣ ሀታማቱዋ ካቸዋ አማሳያ ቦላ ጸሳ አያናይ ዋድና፣ “ዳዊታ፣ ኦን ነዋንታ!

እሰያ ናአዉ፣ ኦን ነናና እትፕ ደኤቶ!

ሳሩ ነው ግደ!
 ኔና ማድያዎንቱሰካ ሳርተላይ ግደ!
 ነ ጸሳይ ኔና ማዶ” ያጌዳ።
 ዳዊተ ኡንቱንታ አኪደ፡ ባረ ኦላንቻቶ ካፓቱዎ አሴዳ።

ምናስ ዛርያፕ ዳዊታ ካሌዳ አሳቱዋ

19 ዳዊተ ፕልሰጾማቱዋና እትፕ ግዲደ፡ ሳኦላ ኦላናው ቤዳ ዋደ፡ ምናስ ዛርያፕ አማራዳ አሳቱ ዳዊታን ጋከቲድኖ። ሸን ፕልሰጾማ አሳቱዋ ካፓቱ ዳዊተን ዳዊታ አሳይ ባረናና ቤናዳን ድጌድኖ። ፕልሰጾማ አሳቱ ሎይላ ዘረቲዳዋፕ ጉይያን፡ ኡንቱንታ ጉዮ የዴድኖ፤ አያው ጎፕ፡ ዳዊተን ዳዊታ አሳይ ኡንቱንቱ ካትያ ሳኦላው አላ እማንንቶን ጊደ ያዬድኖ።

20 ዳዊተ ጽቅላጋ ካታማ ሰምሸን፡ ምናስ ዛርያፕ ዳዊታ ማዳናው ከሴዳ ሻላቃቱ አድናሀ፡ ዮዛባዳ፡ ይድኤላ፡ ምካኤላ፡ ዮዛባዳ፡ ኤልሀነ ጽልታያ።

21 ኡንቱንቱ ኡባይካ ጸላነ ዋልቃማ አሳ ግድያ ድራው፡ ዳዊተ ጩጉዋ ካልያ ዋደ፡ ኡንቱንቱ አ ማዴድኖ።

22 ዳዊታ ኦላንቻቱ ጸሳ ኦላንቻቱዋዳን ጩራና ጋካናው፡ አ ማድያ አሳይ ጋላስ ጋላስ ጉጀቱ።

ዳዊታ ኦላንቻቱ ፓይዲዋ

23 መድና ጎዳይ ሃሳዬዳዋዳን ሳኦላ ካውተላ ዳዊታው ዛራናው ኦላው ዳንጭ ጊጊደ፡ ከብርናን ደእያ ዳዊታኮ ዬዳ ኦላንቻቱ ፓይዲ ሀዋፕ ካሊደ ጸፈቲዳዋ።

24 ጎንዳልያን ቶራ ኦይቂደ፡ ኦላው ዳንጭ ጊጌዳ ይሁዳ ዛራቱ ኡሱፑን ሻእነ ሆሰፑን ጾታ።

25 ሰሞና ዛርያፕ ኦላው ጊጌዳ ጸላነ ዋልቃማ ኦላንቻቱ ላፑን ሻእነ እት ጾታ።

26 ሌዊያ ዛርያፕ ኦይዲ ሻእነ ኡሱፑን ጾታ።

27 አርና ዛራቱዋ ካፑ ዮዳሀ፤ ዮዳሄና እትፕ ሄዙ ሻእነ ላፑን ጾታ አሳቱ ደኢኖ።

28 ቃይ ጸደቀ ያላጋ ጸላነ ዋልቃማ አሳ፤ ጸደቃ አወዋ ጎልያ አሳፕ ላታማነ ላኡ ካፓቱ አናና እትፕ ደኢኖ።

29 ቢንያማ ዛርያ ግዴዳ ሳኦላ ዳቦቱ ሄዙ ሻእ አሳ። ሸን ቢንያማ ዛርያፕ ዳርያ ባጋ አሳይ ሳኦላ ጎልያ አሳው ሄ ዋዲ ጋካናው አማነትያዋንታ።

30 ኤፍራማ ዛርያፕ ባረንቱ አዎቱዋ ጎልያ አሳን ኤረቲዳ ጸላነ ዋልቃማ አሳቱ ላታው ሻእነ ሆሰፑን ጾታ።

31 ዳዊታ ካተያናው ባናው ደረቲዳ ምናስ ዛርያፕ ባጋቱ ታማነ ሆሰፑን ሻእ።

32 ቃይ እስራኤልያ አሳይ እያ ኦላናው በሰንቶ፡ ዋድያባ ሻክ ኤርያ አኩካንቻ አሳቱ፡ ይሳኮራ ዛርያው ካፓቱ ላኡ ጾታ፤ ኡንቱንቱ ዳቦቱ ኡባይ ኡንቱንቶ አዛዘቲኖ።

33 ኦላ ሻሉዋ ኡባ ኦይቂደ፡ ባረንቱ ኩመንላ ዋዛናን ዳዊታ ማዳናው ጊጌዳ ኦላንቻቱዋን ዛብሎና ዛርያ አሳቱ እሻታው ሻእ።

34 ንፍታሌማ ዛርያፕ እት ሻእ ካፓቱ ደኢኖ፤ ጎንዳልያን ቶራ ኦይቂያ ሀታማነ ላፑን ሻእ አሳቱ ኡንቱንቱና እትፕ ደኢኖ።

35 ዳና ዛርያፕ ኦላው ጊጌዳ አሳቱ ላታማነ ሆሰፑን ሻእነ ኡሱፑን ጾታ።

36 ኦላው ከሳናው አሴራ ዛርያፕ ጊጌዳዋንቱ ኦይታው ሻእ።

37 ዮርዳኖሳ ሻፋፕ ሄፍንላ አዋይ ዶልያ ባጋን ደእያ ሮቤላ ዛርያፕ፡ ጋደ ዛርያፕን ምናስ ዛርያ ባጋፕ ኦላ ሻሉዋ ኡባ ኦይቂደ ዬዳ አሳቱ እት ጾታነ ላታው ሻእ።

38 ሀ ኦላው ጊጌዳ ኦላንቻቱ ኡባይ ዳዊታ እስራኤልያ ቦላ ካተያናው ባረንቱ ቆፋ ቃቺደ፡ ከብርና ካታማ ዬድኖ። ቃይ እስራኤልያፕ አቲዳዋንቱካ ካተያናው ዳዊታ ካተዬደ እት ዋዛና ግዴድኖ።

39 ኡንቱንቱ ዳቦቱ ኡንቱንቶ ኮሸያዋ ጊግሰ ዋሌዳ ድራው፡ ሚድነ ኡሺደ ዳዊታና ሄዙ ጋላሳ ኡቲድኖ።

40 እስራኤልያ አሳው ናሸቻ ግድያ ድራው፡ ሁጺሳ ባጋና ደእያ ይሳኮራፕ፡ ዛብሎናፕን ንፍታሌማፕ አሳቱ ዳር ቁማ አሄድኖ። ጲልያ፡ ባላሰያ ኡክላ፡ ዋይንያ ቲራ፡ ዋይንያ ኤሳነ ዛይትያ ሀርያን፡ ባቁሉዋን፡ ጋሉዋን፡ ቦራን ጫኒደ አሄድኖ፤ ቃይካ ኡንቱንቱ ሚዛነ ደርሳ ሹኪደ ማናው አኪደ ዬድኖ።

13

ቃላ ጫቁዋ ታቦታይ የሩሳላም ቡሳ ታቦታ ቅርያት-ይኣሪማፕ ደንሌድኖ (2 ሳሜላ 6:1-11)

1 ሄዋፕ ጉይያን፡ ዳዊተ ሱንላቱዋና፤ ሻላቃቱዋናን ጾቱዋ ካፓቱዋና ዘረቲዳ።

2 እስራኤልያ አሳ ኡባ፡ “ሀንተንቶ ሎኦ ማላትያባ ግደፕን፡ መድና ጎዳ ኦ ጸሳ ሸን ግደፕ፡ እስራኤልያ ቢታ ጋጸን ደእያ ኦ ዳቦቱ፡ ቁሳቱ ነ ባረንቱ ካታማን ደእያ ሌዋቱ ኦናና እትፕ ሺቃናዳን አሳ ከቶይተ።

3 ሳኦል ካተቲዳ ዋደ ሸነኮ ጊና፡ ደገቲደ አቲዳ ኦ ጸሳ ታቦታ ከነ ዛሪደ አሆይተ” ያጌዳ።

4 ዳዊተ ኦይዳ የው ሱረ ግዴዳ ድራው፡ አሳይ ኡባይ ማዬዳ።

5 ሄዋ ድራው፡ ዳዊተ ጸሳ ታቦታ ቅርያት-ይኣሪማፕ አሀና ማላ፡ ግብጾ ዛዋፕ ሸሆራ ሻፋፕ ደሚደ፡ ሀማታ ፕኦዋ ጋካናው ደእያ እስራኤልያ አሳ ኡባ ሺሴዳ።

6 ዳዊተን እስራኤልያ አሳይ ኡባይ ክሩቦቱዋፕ ግዴዋን ባረ ካውተላ አራታ ቦላ ኡቲዳ ጸሳ ሱንላን ጾሰቲዳ ጸሳ ታቦታ አሀናው ይሁዳ ቢታን ደእያ ባኦላ ጌተትያ ቅርያት-ይኣሪማ ካታማ ቤድኖ።

7 ጸሳ መድና ጎዳ ታቦታ ቦራይ ጎቻያ ኦራላ ጋርያን ዋሊደ፡ አብናዳባ ሶፕ አሄድኖ፤ ኡዝነ አሀዮይ ጋርያ ላጊኖ።

8 ዳዊተን እስራኤልያ አሳይ ኡባይ ዲላነ ማሰንቁዋ ዲዲደ፡ ካባሩዋ ባቂደ፡ ዳላ ቃሊደነ ጸሩምባ ፑኒደ፡ ባረንቱ ኩመንላ ዋልቃን ጸሳ ሰንላን ናሸቲደ ቦንቼድኖ።

9 ኢንቴንቴ ኪዳና ግያ ሳን ደእያ ካላ ቡክያ ኡዲማ ጋክያ ዋደ፡ ቦራቱ ቆብትና፡ ኡዝ ታቦታ ኦይቃናዉ ባረ ኩሽያ የዴዳ።

10 እ ኩሺ ታቦታ ቦቹዳ ድራዉ፡ መድና ጎዳ ሀንቁ ኡዛ ቦላ ኤጽ ከሴዳ። ሄዋ ድራዉ፡ ጸሳይ እ ሾጭና፡ እ ሄ ሳኣን ጸሳ ሰንላን ሀይቂ እጌዳ።

11 መድና ጎዳይ ሀንቀቲደ ኡዛ ዋዴዳ ድራዉ፡ ዳዊተ ይሎቲዳ። ሀቼ ጋካናዉ፡ ሄ ሳኣይ ፔረዝ ኡዛ ጌተቲደ ዴሰቲዳ። ኡዝ ሾጩቶ ሳኣ ጌተቲ።

12 ሄ ጋላሰ ዳዊተ ጸሳዉ ያዬዳ ድራ፡ “ጸሳ ታቦታ ታኮ ዋታ አሀናዉ ዳንዳያይታ?” ያጌዳ።

13 ሄዋ ድራዉ፡ ታቦታ ባረናና ዳዊታ ካታማ አፍቤና። ሽን ጋትያ ኦቤድ-ኤደማ ጌተትያ ብታንያ ሶ አፌዳ።

14 ጸሳ ታቦታይ ኦቤድ-ኤደማ ጎለን እ ጎልያ አሳና ሄዙ አግና ጋምኤዳ። መድና ጎዳይ እ ጎልያ አሳን አዉ ደእያ ኡባባ እንጃዳ።

12 ፕልሰጾማቱ ባረንቱ ኤቃቱዋ ሄ ሳኣን የጊደ ቤድና። ያትና ዳዊተ አዛዚደ፡ ኡንቱንቱ ኤቃቱዋ ታማን ጹግሴዳ።

13 ፕልሰጾማ አሳቱ ላኤንሉዋ ሀ ዋምባ ሰም ዪደ ቦንቄድና።

14 ዳዊተ ጸሳ ላኤንሉዋ ኦቹዳ። ሽን ጸሳይ እ፡ “ኔን ኡንቱንቱ ጌዲዋ ቦፓ። ኡንቱንቱ ጉየና ዩያ አቆእደ ቦእያ ሞላፕ ሰንላ ባጋና ኦላናዉ ጊጋ።

15 ቦእያ ሞላፕ ሀጲያን ሳልፕያ ኮሻ ኔን ሰሰያ ዋደ፡ ኦላናዉ ከሳ። እያዉ ጎፕ፡ ሄዋ ፕልሰጾማ ኦላንቻቱዋ ሾጫናዉ ጸሳይ ኔፕ ሰንላዉ አቆዳ ግያዋ” ያጌዳ።

16 ጸሳይ እዛዜዳዋዳን ዳዊተ ኦሌዳ። ጋባኣናፕ ቢደ ገዜራ ጋካናዉ፡ እሰራኤልያ አሳይ ፕልሰጾማ ኦላንቻቱዋ ዋዴዳ።

17 ሄዋፕ ጉይያን፡ ዳዊታ ዋሪ ቢታ ኡባ ጋኬዳ። ካወተሳቱ ኡባይ ዳዊታዉ ያያናዳን መድና ጎዳይ ኦሌዳ።

14

ዳዊተ የሩሳላሙን ኦሌዳ ኦሉዋ

1 ጸረሳ ካቲ ኪራም ዳዊታዉ አሳቱዋ ከቲዳ። ኪተቲዳ አሳቱዋና ጎልያ ኬጻናዳን ዝጋ ሙደላነ ቃይ ሹቻ ማሰያዋንታን አናጸቱዋ አዉ የዴዳ።

2 መድና ጎዳይ እሰራኤልያ ቦላ እ ካትያ ኦሊደ ኤሴዳዋን ባረ አሳ እሰራኤልያ ድራዉ፡ እ ካወተሳ ቆቁ ኦሊደ ቦንቹዳዋ ዳዊተ ኤራዳ።

3 ሄዋፕ ጉይያን፡ ዳዊተ የሩሳላሙን ሀራ ማጫ አሳ ጉጅ አኪደ፡ አቲማዋ ናናን ማጫ ናና የሌዳ።

4 ዳዊተ የሩሳላሙን የሌዳ አቲማ ናናይ ሻሙአ፡ ሾባባ፡ ናታና፡ ሶሎሞን፡

5 ይብሃራ፡ ኤልሹአ፡ ኤልፓሌዳ፡

6 ኖጋሀ፡ ነፌጋ፡ ያፍአ፡

7 ኤልሻማአ፡ በኤልያዳን ኤልፈሌዳ። *

ዳዊተ ፕልሰጾማ አሳ ጸኔዳ (2 ሳማላ 5:17-25)

8 ዳዊተ እሰራኤልያ ኡባ ቦላ ካትያ ግዲደ እከቲዳዋ ፕልሰጾማ አሳይ ሰሴዳ ዋደ፡ ኡንቱንቱ ኡባይ ዳዊታ ኮያናዉ ከሴድና። ዳዊተ ኡንቱንቱ ከሴዳዋ ሰሴደ፡ ኡንቱንቱና ኦለታናዉ ከሴዳ።

9 ፕልሰጾማ አሳይ ራፋይማ ዋምባ ዪደ ቦንቄድና።

10 ዳዊተ ጸሳ፡ “ታን ባደ ፕልሰጾማቱዋ ኦሎ? ኔን ኡንቱንቱ ታዉ አላ እማኒ?” ያጌደ ኦቹዳ።

ሽን መድና ጎዳይ እ፡ “ባደ ኦላ። ታን ኡንቱንታ ነዉ አላ እማና” ያጌዳ።

11 ዳዊተን እ አሳይ ባኣል-ፓራጸማ ግያ ሳኣ ቢደ፡ ያን ኡንቱንታ ጸኔድና። ዳዊተ፡ “ሃላ ድኡ ቆሰ እቲያዋዳን ጸሳይ ታ ሞርከቱዋ ግዲዋና ታና አሌዳ” ያጌዳ። ሄዋ ድራዉ፡ ሄ ሳኣ ሰንላይ ባኣል-ፓራጸማ ጌተቲዳ።

15

ታቦታ አሀናዉ ሀኔዳ ጊጉዋ

1 ዳዊተ ባረ ካታማን ባረዉ ጎልያ ኬዴዳ፤ ጸሳ ታቦታዉካ ሳኣ ጊግሲደ፡ ዲንካንያ ኤሴዳ።

2 ሄዋፕ ጉይያን ዳዊተ፡ “ጸሳ ታቦታ ቶካናዳንን መድ መድናዉ መድና ጎዳዉ ኦላናዉ መድና ጎዳይ ደራዳ ሌዋቱዋፕ አትና፡ ኦንን ጸሳ ታቦታ ቶካናዉ በሰና” ያጌዳ።

3 ዳዊተ መድና ጎዳ ታቦታዉ ጊግሴዳ ሳኣ ታቦታ አሀናዳን፡ እሰራኤልያ አሳ ኡባ የሩሳላሙን ሺሼዳ።

4 ቃይ ዳዊተ አርና ዛራቱዋን ሌዋቱዋ ዴሲደ ሺሼዳ።

5 ቃሃታ ያራቱዋፕ ካፑ ኡርኤልን እት ዴታን ላታሙ ኦ ዳቦቱ ዬድና።

6 ማራራ ያራቱዋፕ ካፑ አሳይን ላኡ ዴታን ላታሙ ኦ ዳቦቱ ዬድና።

7 ገርሾና ያራቱዋፕ ካፑ ዩኤልን ዴታን ሀታሙ ኦ ዳቦቱ ዬድና።

8 ኤልጻፋና ያራቱዋፕ ካፑ ሻማኤን ላኡ ዴቱ ኦ ዳቦቱ ዬድና።

9 ከብርን ያራቱዋፕ ካፑ ኤልኤልን ሆሰፑን ታሙ ኦ ዳቦቱ ዬድና።

10 ኡዝኤላ ያራቱዋፕ ካፑ አምናዳብን ዴታን ታማን ላኡ ኦ ዳቦቱ ዬድና።

11 ሄዋፕ ጉይያን፡ ዳዊተ ቁሳቱ ዋ ጸዳቃን ኡብያታራ፡ ቃይ ሌዋቱዋ ኡርኤላ፡ አሳያ፡ ዩኤላ፡ ሻማእያ፡ ኤልኤላን አምናዳባ ዴሰሴዳ።

12 ኡንቱንታ፡ “ሀንተንቱ ሌዋቱ ዛረቶ ካፓቱዋ። ጸሳ እሰራኤልያ መድና ጎዳ ታቦታ ታን ጊግሳ ዋሌዳ ሳኣ አሀናዉ ሀንተን ሀንተንቱ ዳቦቱ ጌይተ።

13 ሀንተንቱ ሌዋቱ ኮይሮ ጸሳ ታቦታ ቶክቤና ድራዉን ኮን አ ዋጋዳን ዋት አፋነንቶ ጸሳ ኦቹቤና ድራዉ፡ መድና ጎዳይ ኦ ጸሳይ ኦና ሙራዳ” ያጌዳ።

14 ሄዋፕ ጉይያን፡ መድና ጎዳ እሰራኤልያ ጸሳ ታቦታ አሀናዉ ቁሳቱ ነ ሌዋቱ ባረንታ ጌሼድና።

13:14 1 ኦዲዎ 26:4-5 * 14:7 ዳዊታዉ የሩሳላሙን የሌቲዳ አቲማ ናና ሰንላይ 2 ሳማላ 5:14-16፣ 2 ኦዲዎ 3:5-7 ነ 14:4-7 ጸፈቲዳ፡ ሽን እብራዌላዋን እቲዋ እቲዋ ሰንላይ ኡባ ሳን እት ማላ ግደና። 15:2 ዛረ. 10:8 15:15 ከሳ 25:14

15 መድና ጎዳይ ሙሴ ባጋና ካስ አዘዘዳዎዳን፡ ለዋቱ ጸሓጅ ታቦታ ካሱዋና ባረገቱ ሀሽያን ቶኬድኖ።

16 ሄዋጥ ጉይያን፡ ዲላነ ማሰንቁዋ ዲጸደ፡ ዳላ ቃሊደ፡ ናሽኙያ የላ የጸና ማላ፡ ለዋቱዋ ካለልያዎንቱ ባረገቱ ዳቦቱዋ ሱንላናዳን ዳዊተ አዘዘዳ።

17 ለዋቱ ዩኤላ ናኣ ሄማና፡ አ ዳባቱዋጥ በረክያ ናኣ አሳፋነ ኤንቱንቱ ዳባቱዋጥ ማራራ ያራ ቁሳያ ናኣ ኤታና ሱንጤድኖ።

18 ቃይ ላኤንሎ ካላን ዘካራሳ፡ ያእዝኤላ፡ ሻምራዎታ፡ ይህኤላ፡ ኡና፡ ኤልኣባ፡ ባናያ፡ ማእሴያ፡ ማቲትያ፡ ኤልፋላ፡ ሚቅኔያነ ጥንግያ ናግያዋንታ ኦቤድ-ኤደማነ ይእኤላ ሱንጤድኖ።

19 ናሃሰያ ዳላ ጶቁ ኦሊደ ቃላናዳን ሄማን፡ አሳፍነ ኤታን ሱንጤድኖ።

20 ቃይ ዘካራሳ፡ ያእዝኤላ፡ ሻምራዎታ፡ ይህኤላ፡ ኡን፡ ኤልኣብ፡ ማእሴይነ ባናይ ዲላ ሌኤዋን ዲጸደኖ።

21 ማቲት፡ ኤልፋላ፡ ሚቅኔይ፡ ኦቤድ-ኤደም፡ ይእኤላነ አዘዘ ዲላ ኦርድያን ዲጸደኖ።

22 ለዋቱ ካፑ ካናነ ማዘሙርያ ካለላናው ሱንጤዳ፤ አ ኤራንቻ ግድያ ድራው፡ ኤንቱንታ ታማርሴ።

23 በረከኔ ኤልቃን ታቦታ ዲንካንያ ጥንግያ ናጋናው ደረቲድኖ።

24 ቃይ ቁሳቱ ሻባኔ፡ ዮሻፋጽ፡ ናታንኤል፡ አማሳይ፡ ዘካራሳ፡ ባናይ ኤልኤዛር ጸሓ ታቦታ ስንላን ጸሩምባ ፑናናው ደረቲድኖ። ኦቤድ-ኤደምነ የህያ ታቦታ ጥንግያ ናጋናው ደረቲድኖ።

**ታቦታ የሩሳላሙ አፊድኖ
(2 ሳሜል 6:12-22)**

25 ሄዋጥ ጉይያን ዳዊተ፡ እስራኤልያ ጭማቱነ ሻአ ካፓቱ መድና ጎዳ ቃላ ጫቁዋ ታቦታ ኦቤድ-ኤደማ ሶፐ አሀናው ናሽቲደ ቤድኖ።

26 መድና ጎዳ ቃላ ጫቁዋ ታቦታ ቶኬዳ ለዋቱዋ ጸሓይ ማዳዳ ድራው፡ ኤንቱንቱ ላፑን ኮሩማቱዋነ ላፑን ደርሳ ኦርገቱዋ ያርሼድኖ።

27 ዳዊተ፡ ታቦታ ቶኬዳ ለዋቱ ኡባይ፡ ማዘሙርያ የጽያዎንቱነ ማዘሙርያ የጽያዎንቱ ካፑ ካናነ ሱፍያ ጌተትያ ቃጭናፕ ዳደቲዳ ማዩዋ ማዬድኖ። ዳዊተካ ቃይ ሊኮዋፕ ዳደቲዳ ኤፋድያ ጌተትያ ማዩዋ ማዬዳ።

28 ሀዋዳን አሊደ፡ እስራኤልያ ኡባይ ሆምቦጪደ፡ ጸሩምባነ ማላካታ ፑኒደ፡ ዳላ ቃሊደነ፡ ዲላነ ማሰንቁዋ ዲጸደ፡ መድና ጎዳ ቃላ ጫቁዋ ታቦታ አሄድኖ።

29 መድና ጎዳ ቃላ ጫቁዋ ታቦታይ ዳዊታ ካታማ ገሌዳ ዋደ፡ ሳኦላ ናታ ሚካላ ማሰኮትያና ጸላደ፡ ካቲ ዳዊተ ናሽቲደ ዲርሺንነ ካእሽን በአዲ፤ ዳዊታ ባረ ዋዛናን ካጳዱ።

16

1 ኤንቱንቱ ጸሓ ታቦታ አሄደ፡ ዳዊተ ታቦታ ዋላናው ጶጌዳ ዲንካንያ ግዴዋን ዋሏድኖ። ጸሓይ ያርሹዋነ እትተላ ያርሹዋ መድና ጎዳው ያርሼድኖ።

2 ዳዊተ ጸሓይ ያርሹዋነ እትተላ ያርሹዋ ያርሼደ ፖሌዳዋፕ ጉይያን፡ መድና ጎዳ ሱንላን አሳ አንጃዳ።

3 እስራኤልያ አሳው ኡባው፡ ማጫንወነ አቱማዎ፡ ሁጲያን ሁጲያን እት እት ኮምፖ ኡክላ፡ እት እት ሙጾ አሹዋካ ዋይንያ ቴራ መላፕ እት እት ኡክላ ግሼዳ።

4 መድና ጎዳ ታቦታ ስንላን ኦላናዳን መድና ጎዳ እስራኤልያ ጸሓ ሳባናዳን፡ ጋላታናዳንነ ቦንቻናዳን፡ አማራዳ ለዋቱዋ ዳዊተ ሱንጤዳ።

5 ለዋቱ ካፑ አሳፋ፤ አሳፋ ካሊደ ላኤንሎ ካፑ ዘካራሳ፡ ዘካራሳ ካሊደ ደእያዎንቱ ይእኤላ፡ ሻምራዎታ፡ ይህኤላ፡ ማቲትያ፡ ኤልኣባ፡ ባናያ፡ ኦቤድ-ኤደማነ የኤላ። ኤንቱንቱ ማሰንቁዋነ ዲላ ዲጸናው ሱንጤድኖ፤ ሽን አሳፊ ዳላ ቃላናው ሱንጤዳ።

6 ቁሰያ ባናይነ ያሃእኤል ጸሓ ቃላ ጫቁዋ ታቦታ ስንላን ኡባ ዋደ ጸሩምባ ፑናናው ሱንጤድኖ።

7 ሄ ጋላስ ዳዊተ ካስቲደ፡ አሳፍነ አ ዳቦቱ መድና ጎዳ ሳባናዳን ኤንቱንቶ እማዳ።

**ጋላታ ማዘሙርያ
(ማዘ. 105:1-15፤ 96:1-13፤ 106:1፤ 47-48)**

8 መድና ጎዳ ጋላትተ፤ አ ሱንላ ጾሰተ። አ ኡሌዳዋ ካወተላቱ ግዴዋን ኤርሰተ።

9 አ ሳቢተ፤ ጋላታ የላ አው የጽተ። አ ማላልሰያ ኪታ ኡባ ኦድተ።

10 አ ጌሻ ሱንላን ጨቀትተ፤ መድና ጎዳ ኮይያዎንቱ ዋዛናቱ ናሽትኖ።

11 መድና ጎዳነ አ ዋልቃ ጸምሰተ፤ ኡባደ አ ስንላ ኮይተ።

12-13 ህንተንቶ፡ አ ቆማ አብራሃማ ዘረላቶ፡ ደረቲዳ ያቆባ ናቶ።

አ ኡሌዳ ማላልሰያባ፡ አ ማላታነ አ ፕርዴዳ ፕርዳ ሀሳይተ።

14 አ መድና ጎዳ ኦ ጸሳ፤ አ ፕርዳይካ ሳኣ ኡባ ቦላና።

15 አ ባረ ቃላ ጫቁዋ መድናው፡ ባረ አዘዘዳ ቃላ ሻአ የለታ ጋካናው ናጌ።

16 ሄዩነ፡ እ አብራሃሙና ጫቀቲዳ ጫቁዋ፡ ይሳቃው ጫቁዳ ጫቁዋ።

17 ያቆባው ዋጋ፡ እስራኤልያውካ መድና ጫቁዋ ኦሊደ ምንጤዳዎ።

18 እ፡ “ኀው ካናነ ቢታ እማና፤ እ ነ ዘረላቶ ላታ ግዳናዎ” ያጌዳ።

19 ጸሓ አሳቱ ፓይዲዋን ጉላነ ካናነ ቢታን በተ ግዲደ ደእያ ዋደ።

20 እት አሳፕ ሀራ አሳ፡ እት ካተተላፕ ሀራ ካወተላ ዩዩድኖ።

21 ጸሓይ ኤንቱንታ ኦንነ ናቃናው እምቤና፤ ኤንቱንቱ ድራው ካተቱዋ ሴሪደ።

22 “ታን ኦኬዳዋ ቦቾፕተ፤

ታ ትምቢትያ ኦድያዎንታ ቆሆጥተ”
ያጌዳ።
23 ሳኣን ደእያ አሳው፤ ኡባይካ መድና ጎዳው
የጽተ፤
እ እሽያ ሞሽራቸዎ ሀቼ ሀቼ ኦድተ።
24 ካወተላቱ ግድዎን አ ቦንቹዎ፤
አሳ ኡባ ግድን አ ማላልሰያ ኦሱዋባ
አዋይተ።
25 መድና ጎዳይ ዋልቃማ፤ አጹ ጋላታይ አው
በሴ።
ጸላቱዎ ኡባጥ አዲደ፤ እ ያየታናው በሰ።
26 ሀራ አሳ ጸላቱ ኡባይ ኤቃቱዎ፤
ሽን መድና ጎዳይ ሳሉዋ መዴዳ ጸላ።
27 ቦንቹን አንጋይ እ የቸዎን ደኤ፤
ምናተላይን ናሽቻይ እ ደእያ ሳኣን ደኤ።
28 ሀንተንቶ፤ አሳ ዛረቶ ኡባው፤ መድና ጎዳዎ
ኦድተ፤
“ቦንቹን ዋልቃይ መድና ጎዳዎ” ጊደ
ኦድተ።
29 “ቦንቹ አ ሱንላሳ” ጊደ መድና ጎዳዎ
ኦድተ።
ያርሹዋ አኪደ፤ አ ሰንላ ዪተ።
እ ጌቫተላ ፑላን መድና ጎዳው ጎይንተ።
30 ጋድያን ደእያ አሳው ኡባው፤ አ ሰንላን
ኮኮርተ።
ሳእይ ምን ኤቁዳ፤ ኡባካ ቃጸና።
31 ሳሎቱ ናሽትና፤ ሳእይካ ሀሹ ጎ!
ካወተላቱ ግድን ኡንቹንቱ፤ “መድና ጎዳይ
ካተቱዳ!” ያግኛ።
32 አባይን አ ግድን ኩሜዳባቱ ጉሞና።
ሾይቃይን ሾይቃን ደእያባቱ ኡባቱ ናሽትና።
33 ሄዋጥ ጉይያን ዋራን ደእያ ሞላ ኡባይ የጸና፤
ናሽቻን መድና ጎዳ ሰንላን የጸና።
እያው ጎጥ፤ እ ሳኣ ቦላን ፕርዳናው ዬ።
34 ጸሳይ ሎአ ግድያ ድራውን መድና ጎዳ
ጋላትተ።
አገና አ ሲቁ መድናዎ ግድያ ድራው፤
ጋላትተ።
35 ሄዋጥ ጉይያን ሀንተንቱ፤
“አቤት ኑና እሽያ ጸሳው፤ ኑና አሻ።
ኑን ነ ጌቫ ሱንላ ጋላታናዳን፤
ነ ቦንቹዎን ጨቅታናዳን፤
ካወተላቱ ግደጥ ሺቫደ አሻ” ያግተ።
36 መድና ጎዳው፤ እስራኤልያ ጸሳው ጋላታይ
ግድ።
መድናጥ መድና ጋካናው ጋላተቶ!
ሄዋጥ ጉይያን አሳይ ኡባይ፤ “አመንእ” ጊደ፤
መድና ጎዳ ጋላቱዳ።

የሩሳልሙንን ጋባኦንን ሀኒዳ ጎይቲዎ ማራ
37 መድና ጎዳ ቃላ ጫቁዎ ታቦታ ሰንላን
ሀቼ ሀቼ ጎይናው ኮሸያዎ ኡባ ዋደ ኡንቹንቱ
ኦላናዳን፤ ዳዊተ አሳፋን አ ዳቦቱዎ ዋሴዳ።
38 እ ቃይ ኦቤድ-ኤዶማን አ ዳቦቱዎ ኡሱቸን
ታማን ሆሰቸንላ ኡንቹንቱና ኦላናዳን ዋሴዳ፤
ይዳቱና ናኣ ኦቤድ-ኤዶማን ሆሳ ጥንግያ
ናጋናዳን ዋሴዳ።

39 ቄሴ ጸደቅን አናና ኦልያ ቄሳቱ ጋባኦን
ደእያ ጹቃ ሳኣን፤ መድና ጎዳ ዲንካንያ ሰንላን
ኦላናዳን ያን አቲድና።
40 መድና ጎዳይ እስራኤልያው እሜዳ ሀግያን
ጸፈቱዳዎዳን፤ ኡንቹንቱ ዎንታን አማርሰ ኡባ
ዋደ ዱግያ ያርሹዋ ያርሽያ ሳኣን መድና ጎዳው
ያርሽና።

41 አገና አ ሲቁ መድናዎ ግድያ ድራው፤
መድና ጎዳ የላን ጋላታናዳን ሄማና፤ ይዳቱናን
ድረቱዳ ሀራቱዎ ዳዊተ ኡንቹንቱና እትጥ ዋሴዳ።
42 ሄማንን ይዳቱን ጸሩምባ ፑኒና፤ ዳላ
ቃሊናን ጋላታ ማዝሙርያ የጸደ ካእያ ሀራ
ሚሻቱዎ ካእና። ይዳቱና አቲማ ናናይ ጥንግያ
ናጋናው ሱን ቅጽ።
43 ሄዋጥ ጉይያን፤ አሳይ ኡባይ ባረ ሶ ባረ ሶ
ቤዳ። ዳዊተካ ባረ ሶይ አሳ አንጃናው ሰሜዳ።

17

ጌቫ ጎልያ ኬጸያዊ ሶሎሞና ግዱሳ (17:1-27)

1 ዳዊተ ባረ ካትያ ጎላን ደኢደ፤ ትምቢትያ
ኦድያ ናታና፤ “ታን ዝጋጥ ኬጸቲዳ ጎላን ደእይ፤
ሽን መድና ጎዳ ቃላ ጫቁዎ ታቦታይ ዲንካንያ
ጋርሳና” ያጌዳ።

2 ናታን ዳዊታ፤ “ኦላናው ነ ዎዛናይ ቆፔዳዎ
ኡባ ኪተታ፤ ጸሳይ ኔናና ደኤ” ያጌዳ።

3 ሽን ሄ ጋላሳ ቃማ ጸሳ ቃላይ ናታናኮ ዪደ።

4 “ባ፤ ታ ቆማ ዳዊታ ሀዋዳን ያጋ፤ ‘መድና
ጎዳይ ሀዋዳን ያጌ፤ ታን ደኣና ጎልያ ኬጸናዊ ኔና
ግዳካ።”

5 እያው ጎጥ፤ ታን እስራኤላቱዎ ግብጾጥ
ከሴዳ ጋላሳጥ ደማደ ሀቼ ጋካናው፤ ጎላን
ደእበይከ፤ ታን ዲንካንያጥ ዲንካንያው፤ ቃይ እት
ሳጥ ሀራ ሳአው ዩያደ ደኣድ።

6 ታን እስራኤልያ አሳ ኡባና ዩዬዳ ሳኣ
ኡባን፤ ታ አሳ ሄማናው ታን አዛዜዳ እስራኤልያ
ዳናቱዎጥ ኦሰን፤ ታው ዝጋ ጎልያ እያው
ኬጸበይከ? ጋደ ኦቻበይከ? ያጌ” ያጋ።

7 “ሄዎ ድራው፤ ሀእካ ታ ቆማ ዳዊታ፤ ኡባጥ
ዋልቃማ መድና ጎዳይ ኔና ሀዋዳን ያጌ፤ “ታን
ኔና ሄንላ ጋደጥ፤ ደርሳ ሄምያ ሳጥ ደንላደ፤ ታ
አሳ እስራኤልያ ካለላናዳን አካድ።”

8 ኔን ቤዳ ሳኣ ኡባን ታን ኔናና እትጥ ግዳድ፤
ነ ሞርከቱዎ ኡባ ነ ሰንላጥ ድጋድ። ሀእ ሰም ታን
ሀ ሳኣን ኤረቲዳ ዋልቃማ አሳቱዎጥ ሱንላዳን ነ
ሱንላ ግታያና።

9-10 ቃይ ታን ታ አሳው፤ እስራኤልያው
ሳኣ እማደ፤ ኡንቹንታ ሄ ሳኣን ቶካና። ሄዎ
ድራው፤ ኡንቹንቱ ባረንቱ ሳኣን ደኣናዎንታ፤
ኡንቹንቱ ላኤንሎ ሻባረትክና። ካሰ ታን ታ
አሳ እስራኤልያ ቦላ የለታቱዎ ሱንሴዳ ዎድያጥ
ደምና ናቁዳዎዳን፤ ላኤንሎ ኢታ አሳቱ ኡንቹንታ
ናቁክና። ታን ነ ሞርከቱዎ ኡባ ነው ሞድሳና።

“ ‘ሄዎ ቦላንካ መድና ጎዳይ ባረ ሁጲያው
ነ ዛራቱ ደኣናዳን ኦላናዎ ነው ኦዴዳ።”

18

11 ነ ላይላይ ወርና፣ ሀይቃዳ ነ ማይዛ አዎቱዋን ጋከትያ ዎደ፣ ታን ኔፕ ጉይያን ነ ዛርያ፣ ነ ናናቱዋፕ እቱዋ ደንላደ፣ እ ካወተላ ምንሳና።

12 ታወ ጎልያ ኬጸናዌ እ፤ ታን እ ካወተላ አራታ መድናወ ምንሳ ኤሳና።

13 ታን እወ አወዋ ግዳና፤ እካ ታወ ናእ ግዳና። ኔፕ ካሰ ካተቱዳ ሳኦላፕ ታን ታ ሲቁዋ እካ ድጌዳዋደን፣ ታን አፕ ኡባካ አክሰ።

14 ታን አ ታ አሳ ቦላን ታ ካወተላ ቦላ መድናወ ሱንላና፤ እ ካወተላ አራታይካ መድናወ ምን ኤቃና” ያጌ” ያጌ” ያጌዳ።

15 ናታን ጸሳይ እወ ሳጸን ቆንጭሴዳ ቃላ ኡባ ሀዋደን ዳዊታወ ኦዴዳ።

ዳዊታ ዎሳ (2 ሳሜላ 7:18-29)

16 ሄዋፕ ጉይያን፣ ካቲ ዳዊተ ዲንካንያ ገሊደ፣ መድና ጎዳ ሰንላን ኡቱዳ። ሀዋደን ያገደ ዎሴዳ፤ “አቤት መድና ጎዳወ፣ ጸሳወ፣ ኔን ሀዋ ኡባ ታወ ኦላናወ ታን ኦኔ? ታ ሶይ አሳይካ አይ?”

17 አቤት መድና ጎዳወ፣ ሀዋ ነ አይፍያ ሰንላን ጉላ ማላትና፣ ነ ቆማ ዛራቱ ሰንላፕ ያናዋ ላይላቱዋን ትምቢትያ ኦዳዳ። ታና ቃይ ዎልቃማ አሳ ከሳዳ።

18 ኔን ታና ነ ቆማ ቦንቹዳ ድራወ፣ ታን ዳዊተ ሰም እያ ጋናወ ዳንዳያይታ? ኔን ታና ነ ቆማ ኤራሳ።

19 አቤት መድና ጎዳወ፣ ነ ቆማ ድራወ፣ ነ ዎዛና ቆፋዳን ሀ ግታባ ኡባ ኦላደ፣ ሀ ግታተላ ኡባ ታና ኤርሳዳ።

20 “አቤት መድና ጎዳወ፣ ነ ማል እቱነ ባዎ። ኦን ኦ ሀይላን ሰሴዳዋደን፣ ኔፕ አትና፣ ሀራ ጸሰ ባዎ።

21 ኔን ነ አሳ ኦላናወ ዎዜዳ ነ አሳ አሰራኤልያ ማላትያ ሀራ ካወተላ ሳኦ ሰላን ባዎ። ኔን ኦሴዳ ግታን ማላልሰያ ኦሶቱ ጋሱዋን ነ ሱንላይ ቢታን ሳኦን ኤረቱዳ። ኔን ግብጾፕ ዎዜዳ ነ አሳ ሰንላፕ ካወተላቱዋ ላጋዳ።

22 ኔን ነ አሳ አሰራኤልያ መድናወ ነባ ኦላዳ። አቤት መድና ጎዳወ፣ ኔንካ ኡንቱንቱ ጸሳ ግዳዳ።

23 “አቤት መድና ጎዳወ፣ ኔን ነ ቆማባን አ ዘረላባ ሃሳይዳዌ መድናወ ምን ኤቆ፤ ኔን ኦላና ጌዳዋደንካ ኪተታ።

24 ኡባፕ ዎልቃማ መድና ጎዳወ፣ አሰራኤልያ ጸሳይ ቱሙዋፕ አሰራኤልያወ ጸሳን ጌተታናዳን ነ ሱንላይ መድናወ ምን ኤቃናን ግታታና። ነ ቆማ ዳዊታ ዛራቱ ነ ሰንላን ምን ኤቃና።

25 “አቤት ታ ጸሳወ፣ ታን ነወ ጎልያ ኬጸና ጋደ” ኔን ታወ ነ ቆማወ ቆንጭዳ። ሄዋ ድራወ፣ ታን ነ ቆማይ ሀ ዎሳ ኔና ዎሳናወ ጸላድ።

26 አቤት መድና ጎዳወ፣ ኔን ጸሳቱ! ኔን ሀ ሎኦ ቃላ ታወ ነ ቆማወ ኦላና ጋዳ።

27 ነ ሰንላን ያ መድናወ ጋምኦናዳን፣ ነ ቆማ ዛርያ አንጃናወ ናሽታ። አቤት መድና ጎዳወ፣ ኔን አንጃዳዌ መድናወ አንጀተዳዋ ግዳና” ያገደ ዎሴዳ።

ዳዊተ ኦላ ጸኑዋ (18:1—20:8፤ 2 ሳሜላ 8:1-18)

1 ሄዋፕ ጉይያን፣ ዳዊተ ፕልሰጾማቱዋ ጸኒደ ዎዴዳ፤ ያቲደ ጋተ ጌተትያ ካታማን አ ዎላቱዋ ፕልሰጾማ አሳቱዋ ኩሽያፕ ዎላ አኬዳ።

2 ቃይ ዳዊተ ሞኦብ ጋድያ አሳቱዋ ጸንና፣ ኡንቱንቱ አወ ሞደቱድና፤ ጌራ ጌራድና።

3 ሀማታ ካታማ ማታን ደእያ ጸባ ቢታ ካቲ ሀዳድኤዘረ፣ ባረ ካወተላ ኤፍራዲሳ ሻፋ ጋካናወ አሳናወ ቢሸን፣ ዳዊተ አ ጸኔዳ።

4 ዳዊተ ሀዳድኤዘረፕ እት ሻእ ፓራ ጋረቱዋ፣ ላፑን ሻእ ፓራ አሳቱዋና ላታሙ ሻእ ገድሳ አሳቱዋ ኦሞዴዳ። ዳዊተ ጾቱ ጋረቶ ግዴዳ ፓራቱዋ አሺደ፣ ሀራ ፓራቱዋ ኡባወ ጋዲዋ ግልዳዬዳ።

5 ዳማሰቆ ካታማን ደእያ ሶረቱ ጸባ ቢታ ካትያ ሀዳድኤዘራ ማዳናወ ዬዳ ዎደ፣ ዳዊተ ኡንቱንቱፕ ላታማን ላኡ ሻእ አሳ ዎዴዳ።

6 ሄዋፕ ጉይያን፣ ሶርያ ቢታን ዳማሰቆ ካታማን ኦላንቻቱዋ ጌሶቱዋ መዴዳ። ያትና፣ ሶርያ አሳቱ ዳዊታወ ሞደቱደ፣ ጌራ ጌራድና። ዳዊተ ቤዳ ሳኦ ኡባን መድና ጎዳይ እወ ጸኑዋ እሜዳ።

7 ካቲ ዳዊተ ሀዳድኤዘራ ኦላንቻቱ ቶኬዳ ዎርቃ ጎንዳለቱዋ አኪደ፣ የሩሳላመ አፊዳ።

8 ቃይ ዳዊተ ሀዳድኤዘረ ሞድያ ጸባሀን ኩና ካታማቱዋፕ ናሃሰያ ግያ ብራታ ሎይላ ዳሩዋ አኬዳ። ሄዋፕ ሰሚደ፣ ሶሎሞን ሄ ናሃሰያ ብራታፕ አባ ሳኒያ፣ ቱሳቱዋን ዳማ ዳማ ሚሻቱዋ መዴዳ።

9 ዳዊተ ጸባ ቢታ ካትያ ሀዳድኤዘራ ኦላንቻቱዋ ኡባ ጸኔዳዋ ሀማታ ካቲ ቶእ ሰሴዳ።

10 ሀዳድኤዘራ ኦላቲደ ጸኔዳ ድራወ፣ አ ሀሹ ጋናወን ሳርታናወ ባረ ናእ ሀዳራማ ካትያ ዳዊታኮ ኪቱዳ። እያወ ጎፕ፣ ሀዳድኤዘረ ቶኦራ ኦላቲደ ጋምኤዳ። ሀዳራም ዎርቃፕ፣ ብራፕን ናሃሰያፕ መዴዳ ሚሻቱዋ አኪደ ዬዳ።

11 ካቲ ዳዊተ ኤደማፕ፣ ሞኦበፕ፣ አዎና አሳቱዋፕ፣ ፕልሰጾማቱዋፕን አማሌቃ አሳቱዋፕ ኦሞድ አኬዳ ብራን ዎርቃ ሀ ሚሻቱዋና እትፕ ጋሊደ፣ መድና ጎዳወ ዳማዪደ ዎሴዳ።

12 ጸሩይ ናእይ አብሻይ ኤደማ አሳፕ ታማን ሆሰፑን ሻእቱዋ ማጽነ ዎምባን ዎዴዳ።

13 ሄዋፕ ጉይያን፣ ዳዊተ ኤደማን ኦላንቻቱዋ ጌሶቱዋ መዴዳ፤ ያትና፣ ሄ ጋድያ አሳይ ኡባይ ዳዊታወ ሞደቱዳ። ዳዊተ ቤዳ ሳኦ ኡባን መድና ጎዳይ እወ ጸኑዋ እሜዳ።

14 ሄዋዳን ኦሊደ፣ ዳዊተ አሰራኤልያ ኡባ ቦላ ካተቱዳ፤ ባረ አሳ ኡባ ጽሎተላንን ሱረ ፕርዳን አኬዳ።

15 ጸሩይ ናእይ ዮኦብ ኦላ ጋዳዋ፤ አህሉዳ ናእይ ዮሳፌጸ ሀኔዳባ ጸፍያዎ፤

16 አህጹባ ናእይ ጸደቅነ አብያታራ ናእይ አብመሌክ ቄሳቱ ዎ፤ ሻብሻ * ዋና ጸፍያ፤

17:13 2 ኦዲቆ 6:18፤ እብራ. 1:5 18:8 1 ካታ. 7:40-47፤ 2 ኦዲቆ 4:11-18 18:12 ማዜ. 60 (ሀጲያ) * 18:16 ሻብሻ- ሀ ብታኒ አብራዌሉዋን ኦይዳ ዳማ ዳማ ሱንላን ጸብቱ። 2 ሳሞ። 8:17፤ 20:25 ነ 1 ካት። 4:3 ጸላ።

17 ዮዲህ ናኦይ ባናይ ዳዊታ ናግያ ኦላንቻቱዎ ካቸዎ፤ ዳዊታ አቱማዎ ናናይ አ ካውተላን ጴቃ ሳኦ ኦይቂደ ካገቱዎ።

19

ዳዊተ አሞናቱዋን ሶረቱዎ ጸኔዳ (2 ሳሜላ 10:1-19)

1 ሃዋጥ ጉይያን፣ አሞናቱዎ ካቲ ናኦስ ሀይቄዳ፤ አ ናኦይ አ ኮታን ካተቱዳ።

2 ዳዊተ፣ “አ አው ናኦስ ታው ኬኬዳ ድራው፣ ታን አ ናኦ ሀኑናው ከካና” ያጌዳ። ሀኑና አው ሀይቄዳ ድራው፣ ዳዊተ አ ምንጫናው አሳ ኪቱዳ።

ዳዊተ ኪቱዳዋንቱ ሀኑና ምንጫናው አሞና ጋድያ ጋኬዳ ዋደ።

3 አሞና አሳ ካገቱ ሀኑና፣ “ዳዊተ ኔና ምንጫናው ሀ አሳቱዎ ኪቱዳዎ ነ አውዎ ቦንቹዎ ድራሳ ጋድየ? አ ባረ አሳ ኪቱዳዎ ሀ ካታማ ጸላናሳ፣ ዋቻናሳን አለቲደ ጸናናሳ” ያጌድና።

4 ሀኑን ዳዊተ ኪቱዳ አሳቱዎ ኦይቄደ፣ ኡንቱንቱ ቡቻ ሜዳዳ፤ ኡንቱንቱ ማዩዋካ ኡትያ ዱልያ ባጋጥ ቃንጽ አኪደ፣ ኡንቱንታ የዳዳ።

5 ሃዋ ስሲደ፣ አሳቱ ዳር ዬላቱድና። ዳዊተ ሃዋ ስሲደ፣ አ ኡንቱንቱና ጋከትያ አሳ ኪቱዳ። ሃዋጥ፣ “ህንተንቱ ቡቻይ ድጫናሽን፣ ያርኮ ካታማን ደእሸተ፤ ሃዋጥ ጉይያን ሃ ዪተ” ያጌዳ።

6 አሞናቱ ባረንቱ ኪታን ዳዊተ ኡንቱንታ ሞርካናዳን አሌዳዎ ኤሬዳ ዋደ፣ ሀኑንን አሞናቱ ማሰጸጸምያጥን ሶርያን ደእያ ማእካን ጸባ ጌተትያ ካታማቱዋጥ ፓራ ጋረቱዋን ፓራ አሳቱዎ ቃጸራናው ሀታማን ኦይዱ ሻአ ኪሎ ግራመ ዳጽያ ጸጋራ ብራ የዳድና።

7 ሀታማን ላኡ ሻአ ፓራ ጋረቱዎ፣ ፓራ አሳቱዎ፣ ማእካ ካትያን አ ኦላንቻቱዎ ቃጸሬድና፤ ቃጸርና ዪደ፣ መዳባን ዱንካኔድና። ቃይ አሞናቱ ባረንቱ ካታማጥ ሸቂደ፣ ኦላው ጊጌድና።

8 ዳዊተ ሃዋ ስሲዳ ዋደ፣ ዮኣባን ኦላንቻቱዎ ኡባ የዳዳ።

9 አሞናቱ ከሲደ፣ ካታማ ጥንግያን ኦላው ሳልፔድና። ኡንቱንታ ማዳናው ዬዳ ካተቱካ ባረንቱ ሳኦ ኦይቄደ፣ ደምባን ሸቂድና።

10 ዮኣባ ባረና ኦላይ ሰንላናን ጉየና ደዳዳዎ በኤዳ ዋደ፣ አሰራኤላቱ ግደጥ ኡባጥ ምንያ ኦላንቻቱዎ ዶር አኪደ፣ ሶርያ አሳቱዎ ሰንላን ሳልፕሴዳ።

11 አቱዳ አሳቱዋጥ ባረ እሻይ አብሻይ አዛዛና ማላ አሊደ፣ አሞና አሳቱዎ ሰንላን ሳልፔድና።

12 ዮኣባ ባረ እሻ አብሻያ፣ “ሶርያ አሳቱ ታው ዋልቃዋጥ፣ ኔን ያደ ታና ማዳ። ቃይ አሞና አሳቱ ነው ዋልቃዋጥ፣ ታን ያደ ኔና ማዳና።

13 ሰዎ ምና! ኑ አሳ ድራውን ኑ ጸሳ ካታማቱዎ ድራው፣ አን ምን አለቶይተ። መድና ጎዳይ ባረና ሎእያዎ አላ” ያጌዳ።

14 ሃዋጥ ጉይያን፣ ዮኣብን አናና ደእያ አሳይ ሶርያ አሳቱዋና ኦላታናው ላውሁ ጌድና። ያትና፣ ሶርያ አሳቱ አ ሰንላጥ ባቃቱድና።

15 ሶርያ አሳቱ ባቃቱዳዎ አሞና አሳቱ በኤዳ ዋደ፣ ኡንቱንቱካ አ እሻ አብሻያ ሰንላጥ ባቃቲደ።

ካታማ ገሌድና። ሃዋጥ ጉይያን፣ ዮኣብ የሩሳላመ ሰሜዳ።

16 ሶርያ አሳቱ አሰራኤልያ አሳቱ ኡንቱንታ ጸኔዳዎ ኤሬዳ ዋደ፣ አሳ ኪቱደ ኤፍራጺሳ ሻፋጥ ሃፍንላና ደእያ ሶርያ አሳቱዎ አሀሴድና። ሀዳድኤዘራ ኦላ ጋዳው ሸባክ ኡንቱንታ ካለሌ።

17 ዳዊተ ሃዋ ስሲዳ ዋደ፣ አሰራኤልያ ኦላንቻቱዎ ሺሺደ፣ ዮርዳኖሳ ሻፋ ፕኔዳ፤ ሶርያ አሳቱዋና ኦላታናው ኡንቱንቱ ሰንላን ሳልፔድና። ዳዊተ ኡንቱንቱና ኦላታናው ሳልፕና፣ ኡንቱንቱካ አናና ኦላቱድና።

18 ሶርያ አሳቱ አሰራኤላቱ ሰንላጥ ባቃቱድና፤ ዳዊተ ሶርያ አሳቱዋጥ ፓራ ጋርያ ላግያ ላፑን ሻአ አሳቱዋን ኦይታው ሻአ ገድያ አሳቱዎ ዋዴዳ፤ ኡንቱንቱ ኦላ ጋዳዎ ሸባካካ ዋዴዳ።

19 ሀዳድኤዘራ ኦላንቻቱ አሰራኤላቱዋን ጸንቱዳዎ ኤሬዳ ዋደ፣ ዳዊታና ሰገቲደ፣ አው ሞድቲድና። ሃዋጥ ሰምና፣ ሶርያ አሳይ አሞና አሳ ማዳናው ደሰቤና።

20

ዳዊተ ራባ ካታማ ኦሊደ ኦይቄዳ (2 ሳሜላ 12:26-31)

1 ኦፍንላን፣ ካተቱ ኦላው ከሰያ ዋደ፣ ዮኣባ ኦላንቻቱዎ ካለሊደ፣ አሞና ጋድያ ዋራጄዳ፤ ማዩደ ራባ ካታማ ደዳዳ። ሸን ዳዊተ የሩሳላመን ታኬዳ፤ ዮኣባ ራባ ካታማ ኦላቲደ ባይዜዳ።

2 ሃዋጥ ጉይያን ዳዊተ ዪደ፣ ኡንቱንቱ ካትያ ዋርቃ ካላቻ አ ሀጺያጥ አኬዳ። ካላቻይ ማዛንያ ዋደ ሀታማን ኦይዱ ኪሎ ግራመ ግዳዳ፤ አ ግዱዋን እንቁዎ ጌተትያ አልኦ ሹቻይ ደኤ። ሃ ካላቻ አክደ፣ ዳዊታ ሀጺያን ዋሌዳ። ቃይ ዳዊተ ሃ ካታማጥ ሎይሰ ዳር አሞዲዎ አኬዳ።

3 ያቲደ ካታማን ደእያ አሳ ከሲደ፣ ማጋዘያን፣ ጎማንን ካልታን ኦሰሴዳ። አሞና ካታማቱዋን ደእያ አሳ ኡባካ ሃዋዳን ኦሰሴዳ። ሃዋጥ ጉይያን፣ ዳዊተን አ አሳይ ኡባይ የሩሳላመ ሰሜዳ።

ፕልሰጾማ አሳቱዋና ኦላቱዳ ኦላቱዎ (2 ሳሜላ 21:15-22)

4 ሃዋጥ ሰሚደ፣ ፕልሰጾማ አሳቱዋና ገዜራን ኦላይ ደንዴዳ፤ ሀሻጥ ዬዳ ሰባካይ አዲሳ ምኖ አሳቱዎ ያራጥ ግዳዳ ሰጋያ ዋዴዳ። ያትና፣ ፕልሰጾማቱ ጸንቲድና።

5 ሃዋጥ ደምና ፕልሰጾማ አሳቱዋና ሀራ ኦላይ ደንዴዳ፤ ያኢራ ናኦይ ኤልሀናን ቶራ ቶማይ ሸማይንያ ዋንዳራሻ ኬሻቶ፣ ጋተ ካታማጥ ዬዳ ጎልያዳ እሻ ላህማ ዋዴዳ።

6 ቃይካ ሀራ ኦላይ ጋተ ካታማን ደንዴዳ። ሃ ሳኦን እት ዋጋ አዲሳ ብታኒ ደኤ። ሃ ብታንያው እት እት ኩሽያን ኡሱፑን ብራቅቱ፣ እት እት ገድያንካ ኡሱፑን ብራቅቱ፣ ኡባና ላታማን ኦይዱ ብራቅቱ ደኢና። ሃ ብታኒ አዲሳ ምኖ አሳቱዎ ያራጥ ግዳዳ አሳ።

7 ሃ ብታኒ አሰራኤላቱዎ ናሴዳ ዋደ፣ ዳዊታ እሻ ሻማ ናኦይ ዮናታን አ ዋዴዳ።

8 ሀዋንቱ ጋተ ካታማን ደእያ አዲሳ ምኖ አሳቱዋ ያራቱዋ፤ ኡንቱንቱ ኡባይ ዳዊታ ኩሽያንን እ አሳ ኩሽያን ሀይቁድኖ።

21

ዳዊተ አሳ ገይድና ዬዳ ጸሳ ሀንቁዋ (21:1-30፤ 2 ሳሜላ 24:1-25)

1 ሴጻናይ እስራኤልያ ቦላ መቱዋ አሀናው ኮዪደ፤ ዳዊተ እስራኤልያ አሳ ገይድናዳን ደንፍዱ።

2 ዳዊተ ዮአባን አላንቻቱ ካፓቱዋ ሀዋዳን ያጌዳ፤ “ዳናፕ በርሳብሀ ጋካናው ቢተ፤ እስራኤልያ አሳ ገይድተ። ያቲደ አሳ ገይዱ አፑንቶ ታና ኤርሰተ” ያጌዳ።

3 ሸን ዮአባ ከ፡ “መድና ጎዳይ ሀ ደእያ ባረ አሳ ቦላ ጸቱ ኩሽያ ጉጂ! ታ ጎዳው፡ ካትያው፡ ኡንቱንቱ ኡባይ ታ ጎዳ ቆማቱዋ ግድክናየ? ታ ጎዳይ ሄዋ ማላ አላናው አያው ኮዪ? እስራኤልያ ካውተላ አያው ባይዛንቻ ከሲ?” ያጌዳ።

4 ሸን ካትያ ቃላይ ዮአባ ጸኔዳ። ዮአባ ከሲደ፡ እስራኤልያ ቢታ ኡባ ዩዬዳ፤ የሩሳላመ ሰሜዳ።

5 ዮአባ ገይዴኤዳ አሳ ገይዱዋ ዳዊታው እሜዳ። እስራኤልያ ቢታን ኡባን ማሻን አለታናው ዳንዳይያ እት ሚሎንን እት ጸቱ ሻአ ምኖ አሳቱ ደእና። ቃይ ይሁዳ ቢታን ማሻን አለታናው ዳንዳይያ ኦይዱ ጸታን ላፑን ታሙ ሻአ ምኖ አሳቱ ደእና።

6 ዮአባ ካትያ አዛዙዋ ሸንቴዳ ድራው፡ ሌዋቱዋን ቢንያማ ዘረላ ገይዱዋን ጉጅቤና።

7 ጸሳይ ሀ የወዋን ናሽትቤና ድራው፡ እስራኤልያ ሙራዳ።

8 ያትና ዳዊተ ጸሳ፡ “ታን ሀ ኪታን ዋልቃማ ናጋራ አላድ። ሸን ሀእ ኔና ዋሳይ፤ ታ ባይዙዋ፡ ነ ቆማ ባይዙዋ ቁጫ። ታን ዳር ኤያባ ሀናድ” ያጌዳ።

9 መድና ጎዳይ ዳዊታው ትምቢትያ ኦድያ ጋዳ ሀዋዳን ያጌደ ሃሳይሴዳ፤

10 “ባደ፤ ዳዊታ፡ ‘መድና ጎዳይ ኔና፡ “ታን ኔና ሄዙባፕ ደሩዋ በሳይ፤ ታን ነ ቦላ ፖላናው ታው ኡንቱቱፕ እቱዋ ደራ” ያጌ፣ ያጋ” ያጌዳ።

11-12 ጋድ ዳዊታኮ ቢደ አ፡ “መድና ጎዳይ ኔና፡ ‘ሀዋንቱፕ እቱዋ ደራ፡ ሄዙ ላይላ ኮሻ ደራይ? ዋይ ነ ሞርከቱ ኔና የደርሰሸን፡ ሄዙ አግና ኡንቱንቱ ሰንሳፕ ባቃታናዋ ደራይ? ዋይ መድና ጎዳ ማሻይ ነ ጋድያ ሄዙ ጋላሳ ሸጫናዋን ሄዋናካ ቃይ እስራኤልያ ጋድያ ፕን ከሳናሸን ሀይቁዋ ኢታ ሀርግያን ሸጭያ ኪታንቻ እ ኪትያዋ ደራይ?’ ያጌ። እነ ሀእ ቃቻደ፡ ታን ታና ኪቱዳዋ ዛርያዋ ኦዳ” ያጌዳ።

13 ዳዊተ ግዳ፡ “ታን ሎይሳ ኡንኤታድ። መድና ጎዳ ማርተላይ ሎይሳ ዋልቃማ ግድያ ድራው፡ እነ ታን እ ኩሽያን ኩንዳና፤ ታን አሳ ኩሽያን ኩንድከ” ያጌዳ።

14 ሄዋ ድራው፡ መድና ጎዳይ እስራኤልያ ቦላ ኢታ ሀርግያ የድና፡ ላፑን ታሙ ሻአ እስራኤልያ አሳቱ ሀይቁድኖ።

15 ሄዋፕ ጉይያን፡ መድና ጎዳይ የሩሳላመ ባይዛናው ኪታንቻ ኪቱዳ። ሸን ኪታንቻይ

የሩሳላመ ባይዛናው ማታ ኡት ደእሸን፡ መድና ጎዳይ ያቲደ ካዮቱዳ። ካዮቲደ ባይዘያ ኪታንቻ፡ “አጋ! ሄዋ ግዳናዋ!” ያጌዳ። ሄ ዋደ ጸሳ ኪታንቻይ ያቡሰያ ኦርና ኡዲማ ማታን ኤቁዳ።

16 መድና ጎዳ ኪታንቻይ ባረ ማሻ ባረ ኩሽያን ኦይቁደ፡ የሩሳላመ ባይዛናው ሳአፕን ሳሉዋፕ ግዲዋን ኤቁዳዋ ዳዊተ በኤዳ። ሄዋፕ ጉይያን፡ ዳዊተን ጭማቱ ዋሩዋ ማዪደ፡ ባረንቱ ዴሙዋን ጉፋኔድኖ።

17 ዳዊተ ጸሳ፡ “አሳይ ገይደታናዳን ኤቁዳዋ ታና ግድክታየ? ናቁዳዋን ኢታባ ኤቁዳዋ ታና። ሸን ሀ ደርሳቱ፡ ኡንቱንቱ እያ ኤቁድኖ? እቤት መድና ጎዳ፡ ታ ጸሳው፡ ሀያና ነ ኩሺ ታናን ታ አወዋ ሶይ አሳ ሙር። ነ ኩሺ ነ አሳ ሙርፕ!” ያጌዳ።

18 ሄዋፕ ጉይያን፡ መድና ጎዳ ኪታንቻይ ጋደ ሀዋዳን ያጌደ አዛዜዳ፤ “ዳዊተ ፑደ ያቡሰያ ኦርና ኡዲማ ቢደ፡ መድና ጎዳው ያርሸያ ሳአ ያን ግምባናዳን ኦዳ” ያጌዳ።

19 መድና ጎዳይ ናብያ ጋደ ባጋና ጌዳ ቃላዳን ዳዊተ ቤዳ።

20 ሄ ዋደ ኦርንን እ ኦይዱ እቱማ ናናይ ኡዲማን ዛርጋ ቡኪኖ። ጉዮ ሰም ጴሊደ፡ ኪታንቻ በኤድኖ፤ አናና ደእያ ናናይ ቆሰቴድኖ።

21 ዳዊተ ኦርናኮ ዬዳ ዋደ፡ ኦርንን እ በኢደ፡ ኡዲማፕ ጋጸ ከሲደ፡ ባረ ዴሙዋ ሳአ ጋሊደ፡ ዳዊታው ጎይኔዳ።

22 ሄዋፕ ጉይያን፡ ዳዊተ ኦርና፡ “ቦሻይ አሳ ቦላፕ ክቻና ማላ፡ ታን መድና ጎዳው ያርሸያ ሳአ ኬጻናው ነ ኡዲማ ታው ዛልአርኪ። ታን ነው ኩመንላ ጋትያ ጭጋና” ያጌዳ።

23 ኦርን ዳዊታ፡ “ኣው አካ፤ ታ ጎዳይ ካቲ ባረና ናሽቶያዋ ኦላ። በአ፡ ጸግያ ያርሾ ቦራ፡ ኤላናው ካላ ቡክያ ሚሻን ካላ ያርሾ ዛርጋ ታን እማና። ታን ሀ ኡባካ ነው እማና” ያጌዳ።

24 ሸን ካቲ ዳዊተ ኦርና፡ “ቱይት፡ ቺ! ታን ኩመንላ ጋትያ ቃንጸደ ሻማና። አያው ጎፕ፡ ታን ነባ መድና ጎዳው አክከ፤ ቃይ ታን ሚሻ ከሳቤናዋ ጸግያ ያርሹዋ ኦላደ ያርሸከ” ያጌዳ።

25 ሄዋ ድራው፡ ዳዊተ ሄ ኡዲማው ኡሱፑን ጸቱ ዋርቃ ሳንትምያ እሜዳ።

26 ሄዋፕ ጉይያን፡ ዳዊተ ሄ ኩሽያን መድና ጎዳው ያርሹዋ ያርሸያ ሳአ ኬጴዳ። ያቲደ ጸግያ ያርሹዋን እትፕተላ ያርሹዋ ያርሹዳ፤ መድና ጎዳ ዋሰና፡ መድና ጎዳይ ጸግያ ያርሹዋ ቦላ ሳሉዋፕ ታማ የዲደ፡ አው ዛሬዳ።

27 ሄዋፕ ጉይያን፡ መድና ጎዳይ ኪታንቻ አዛዝና፡ ኪታንቻይ ባረ ማሻ ሸኮ ዛሬዳ።

28 ዳዊተ መድና ጎዳይ አ ዋሳው ዛሬዳዋ በኢደ፡ ያቡሰያ ኦርና ኡዲማን ላኤንሉዋ ያርሹዳ።

29 ሙሴ መላ ቢታን ጊግሴዳ መድና ጎዳ ዲንካኒን ጸግያ ያርሹዋ ያርሸያ ሳአይ ሄ ዋደ ጋባኦናን ጎይንያ ጶቃ ሳአን ደኤ።

30 ሸን ዳዊተ መድና ጎዳ ኪታንቻ ማሻው ያዬዳ ድራው፡ ጸሳ ኦቻናው ሄ ሳአ ባናው ዳንዳይቤና።

22

ጌሻ ጎልያ ኬጻናዉ ህይዳ ጊጉቀ

1 ሄዋ ድራዉ፡ ዳዊተ፡ “መድና ጎዳ ጸሳ ጌሻ ጎልያ ሀዋን ደአናዋ፤ እስራኤልያ አሳይ ጸግያ ያርሹዋ ያርሻና ሳአይ ሀዋ ግዳናዋ” ያጌዳ።

ጌሻ ጎልያ ኬጻናዉ ጊግሰያ ጊጉቀ

2 ሄዋ ድራዉ፡ ዳዊተ እስራኤልያ ቢታን ደእያ ሀራ ቢታ አሳቱዋ ሸሻናዳን አዛዜዳ። ጸሳ ጌሻ ጎልያ ኬጻናዉ ሹቻ ማሰያዋንቱ ሹቻ ማሰደ ሎይፋናዉ ኡንቱንቱ ግደፕ ሱንፊዳ።

3 ዳዊተ ፕንግያ ሳንቃ አፋናዉ ሞሰማርያዉን ማጻፍያዉ ህንያ ጮራ ብራታን ማዛናናዉ ዳንዳየተና፡ ዛው ባይና ናሃሰያ ብራታ ጊግሴዳ።

4 ሲደና አሳቱን ጸረሳ አሳቱ ዳዊታዉ ዝጋ አህያ ድራዉ፡ ዳዊተ ፓይዱ ባይና ዝጋ ጊግሴዳ።

5 ዳዊተ፡ “ታ ናአይ ሶሎሞን ኦሱዋ ሜዘትቤናን ያላጋ ናአ። መድና ጎዳዉ ኬጻትያ ጌሻ ጎልያ ቢታ ኡባን ኤረቱዳን ቦንቱቱዳ፡ ሎኦ ጎልያ ግዳናዉ በሰ። ሄዋ ድራዉ፡ አዉ ኮሽያዋ ታን ጊግሳና” ያጌዳ። ዳዊተ ሀይቃናፕ ካሰቲደ ዳርባ ጊግሰ ዋፊዳ።

6 ሄዋፕ ጉይያን፡ ዳዊተ ባረ ናአ ሶሎሞና ጸሲደ፡ መድና ጎዳዉ እስራኤልያ ጸሳዉ ጌሻ ጎልያ ኬጻናዳን አዛዜዳ።

7 ዳዊተ ሶሎሞና፡ “ታ ናአዉ፡ ታን መድና ጎዳ ታ ጸሳ ሱንፋዉ ጌሻ ጎልያ ኬጻናዉ ታ ዋዛናን ቆፓድ።

8 ሸን መድና ጎዳ ቃላይ ታና፡ ሄን ዳር ሱፋ ጉሳዳ፤ ቃይ ዳር ኦሳካ ኦለታዳ። ኔን ሀ ሳአ ቦላን ታ ሰንፋን ዳር ሱፋ ጉሴዳ ድራዉ፡ ታ ሱንፋዉ ጌሻ ጎልያ ኬጻካ።

9 በአ፤ ነዉ እት ሳር ናአ የለታናዋ። አ የሹዋን ደእያ ሞርከቱዋ ኡባና ታን አ ሳር አፋና። አ ሱንፋይ ሶሎሞና፤ ታን እ ካተቱዳ ላይላን እስራኤልያ አሳዉ ሳርተላን ዋፓ እማና።

10 እ ታ ሱንፋዉ ጌሻ ጎልያ ኬጻና። እ ታ ናአ ግዳናዋ፤ ታንካ አዉ አዉዋ ግዳና። አ ካዉተላ አራታ እስራኤላን መድናዉ ሞንሳ ኤሳና” ያጌዳ።

11 “ሀአካ ታ ናአዉ፡ መድና ጎዳይ ኔናና ግደ። ጸሳይ ካሰ ነባ ሃሳዬዳዋዳን፡ መድና ጎዳ ነ ጸሳይ ጌሻ ጎልያ ኬጻናዋ ኔና ፖልሶ።

12 መድና ጎዳይ ኔና እስራኤልያ አሳ ቦላ ካትያ አሳያ ዋደ፡ መድና ጎዳ ነ ጸሳ ሀግያ ናጋናዳን፡ ጸሳይ ነዉ አይዳ ኤራተላን አከካ እሞ።

13 መድና ጎዳይ ሙሴ ባጋና እስራኤልያ አዛዜዳ አዛዙዋን ዋጋ ናግያዋ ግደፕ፡ ኡባይ ነዉ ሀናና። አይ ነባ ሞና! ያዮፕ ዋይ ዳጋዋፕ!

14 ታን ዳር ቱጋን መድና ጎዳ ጌሻ ጎልያ ኬጻናዉ ሄዙ ሻእን ኦይዱ ጾቱ ኪሎ ግራመ ዳጽያ ዋርቃን ሀታማን ኦይዱ ሻእ ኪሎ ግራመ ዳጽያ ብራ ሸሻይ፤ ቃይ ዛዋይ ባይና ናሃሰያን ብራታ ሸሻይ፤ ቃይካ ሞላን ሹቻ ጊግሳድ። ግደፕካ፡ ኔን ሄዋ ቦላ ሀራ ጉጃናዉ ኮሹ።

15 ነ ማታን ዳር ኦሳንቻቱ ደአና፤ ሹቻ ቆእያዋንቱን ማሰያዋንቱ፡ እናጽቱን ኡባ ኪታ አፋናዉ ዳንዳይያ ኤራንቻ አሳቱ ደአና።

16 ኡንቱንቱ አሳያ ዋርቃዉ፡ ብራዉ፡ ናሃሰያዉን ብራታዉ ዛዋይ ባዋ። ሀአ ኔን ኪታ ደማ። መድና ጎዳይ ኔናና ግደ” ያጌዳ።

17 ዳዊተ እስራኤልያ ካለሳያዋንቱ ኡባይ ባረ ናአ ሶሎሞና ማዳናዳን ሀዋዳን ያጊደ አዛዜዳ፤

18 “መድና ጎዳይ ሀንተንቱ ጸሳይ ሀንተናና ደኤኔየ? እ ሀንተንታ ኡባ ሳና ሸሞፕሰቤኔ? ሀ ቢታን ደእያዋንታ እ ታ ኮሽያን አሳ እሜዳ ድራዉ፡ ሀ ቢታይ መድና ጎዳዉን እ አሳዉ ሞደቱዳ።

19 ሀአካ መድና ጎዳ ሀንተንቱ ጸሳ ኮያናዉ ሀንተንቱ ዋዛናን ሀንተንቱ ሸሞፕዋ እሞተ። መድና ጎዳ ሱንፋዉ ኬጻቱዳ ጌሻ ጎልያ ግደን መድና ጎዳ ቃላ ጫቁዋ ታቦታን ጸሳ ጌሻ ሚሻቱዋ አሂደ ዋላናዳን፡ ሀንተንቱ ደንዲደ፡ መድና ጎዳ ጸሳ ጌሻ ጎልያ ኬጻተ” ያጌዳ።

23

1 ዳዊተ ጭሜዳ ዋደ፡ ባረ ናአ ሶሎሞና እስራኤልያ ቦላ ካተዬዳ።

ሌዋቱ ኦሱዋ

2 ዳዊተ እስራኤልያ ካለሳያዋንታ ኡባቱዋ፡ ቁሳቱ ዋን ሌዋቱዋ እትፕ ሸሹዳ።

3 ሀታሙ ላይላን ሄዋፕ ቦላና ደእያ ሌዋቱ ፓይደቱድና፤ ኡንቱንቱ ኡባና ሀታማን ሆሰፕን ሻእ አቱማ አሳ ግደድና።

4 ሀዋንቱ ግደፕ መድና ጎዳ ጌሻ ጎልያዉ አዋትያ ላታማን ኦይዱ ሻእቱዋ ካቲ ዋፊዳ። ቃይ ካፓቱዋን ፕርዳ የለታቱዋ ኡሱፕን ሻእቱዋ ዋፊዳ።

5 ፕንግያ ናግያዋንታ ኦይዱ ሻእቱዋ ዋፊዳ። መድና ጎዳ ጋለታናዉ ዳዊተ መዴዳ የላ ሚሻን ጸሳ ጋለታያዋንታ ኦይዱ ሻእቱዋ ዋፊዳ።

6 ዳዊተ ሌዋ የሌዳ አቱማ ናና ገርሾና፡ ቃሃታን ማራራ ኡንቱንታ ያራን ያራን ሄዙ ጭታን ሻኬዳ።

7 ገርሾን የሌዳ አቱማ ናናይ ላእዳናን ሸሞአ።

8 ላእዳና አቱማ ናናይ ሄዛ፤ ኡንቱንቱካ ይሀኤላ፡ ዘታማን ዩኤላ።

9 ሸሞአ አቱማ ናናይ ሄዛቱ ሻሎሞታ፡ ሀዚኤላን ሃራና፤ ሀዋንቱ ላእዳና ያራቶ ካፓቱዋ።

10 ሸሞአ አቱማ ናናይ ኦይዳቱ፡ ባረንቱ የለታ የለታ ማራን ያሃታ፡ ዚዛ፡ ይኡሻን ባሪአ።

11 ያሀት ባይራ ዚዝ ቱፋ ሸን ይኡሻዉን ባሪአሰ ናናይ ዳረና፤ ሄዋ ድራዉ፡ ኡንቱንቱ እት ያራዳን ፓይደቱድና።

12 ቃሃታ ናናይ ኦይዳቱ አምራማ፡ ይጽሃራ፡ ከብርናን ኡዝኤላ።

13 አምራማ አቱማ ናናይ አርናን ሙሳ። አርነን አ ዘረላይ ኡባፕ አቶ ጌሻ ግዴዳዋ ጸሳዉ ዲማያናዳን ዲማቱድና። ኡንቱንቱ መድና ጎዳ ሰንፋን እጻና ጨዋያናዉ፡ ጸሳዉ አፋናዉን ጸሳ ሱንፋን አሳ አንጃናዉ መድናዉ ዲማቱድና።

14 ጸሳ አሳ ግድያ ሙሴ ናናይ ሌዋያ ዛራቱዋና ጋላ ፓይደቱድና።

15 ሙሴ ናናይ ገርሾማን ኤልኤዛራ።
 16 ገርሾማ ናናቱቆ ግደፕ ካፑ ሻቡኤላ።
 17 ኤልኤዛራ ናኦይ ራሃብ ካፑቆ።
 ኤልኤዛራው ሀራ ናኦ ሳቆ፤ ሽን ራሃብና ናናይ ሎይሶ ጮራ።
 18 ይጽሃራ ናናቱቆ ካፑ ሻሎሚታ።
 19 ከብርን ናኦይ ባይራይ ይሪያ፤ ላኤንሉ አማርያ፤ ሄዘንሉ ያሃዝኤላ፤ ኦይደንሉ ይቃምአማ።
 20 ኡዝኤላ ናኦይ ባይራይ ሚክያሳ፤ ላኤንሉ ይሸያ።
 21 ማራራ ናናይ ማህላን ሙሻ። ማህላ ናናይ ኤልኤዛራን ቁሻ።
 22 ኤልኤዛራ ማጫ ናናቱቆፕ አትና፤ አቱማ ናና የለናን ሀይቄድ። ሄቆ ድራው፤ ኡንቱንቱ እሻቱ ቁሻ ናናይ ኡንቱንታ አኬድና።
 23 ሙሻ ናናይ ሄዛቱ ማህላ፤ ኤዳራን ይረቀታ።
 24 ሌቂያ የላታን ባረንቱ ዛርያንን ጎለን ባረንቱ ሱንላን ማዘጋበቱዳቆንቱ ሀቆንታ፤ ላታሙ ላይላን ሄቆፕ ቦላና ደኤያ ሌቂያ ዛራቱ ኡባይ መድና ጎዳ ጌሻ ጎልያን ኦሌድና።
 25 ዳቂተ፤ “መድና ጎዳይ እሰራኤልያ ጸሳይ ባረ አሳ ሸምፕሴዳ። ጸሳይ የራሳላመን መድናው ደኤና።
 26 ሄቆ ድራው፤ ዲንካንያን አ ግደን ጎኤትያ ሚሻቱቆ ሀቆፕ ሰንላናው ሌቆቱ ቶካናው ኮሸና” ያጌዳ።
 27 ዳቂተ ወርሰላን አዛዜዳ አዛዙቆደንካ ላታሙ ላይላን ሄቆፕ ቦላና ደኤያ ሌቆቱ ፓይደቱድና።
 28 ኡንቱንቱ መድና ጎዳ ጌሻ ጎልያን ኦልያ አርና ዘረላቱቆ ማድና። ጸሳ ጌሻ ጎልያን ላኡ ዳባባቱቆን ኦልና፤ ምይያን ደኤያ ክፍለቱቆን፤ ጌሻ ሚሻ ኡባ ቱናዳንን ሀራ ኡሱቆ ኡባ ፖሊና።
 29 ቃይ ኡንቱንቱ ጸሳ ሰንላን ዎልያ ኦይላው፤ ካላ ያርሾ፤ ሺሸያ ጳልያው፤ እርሾ ገልቤና ኦይላውን ዛይትያን ሙናቆትያ ጳልያው አቆቲና፤ ኡንቱንቱ ማክያባውን ልክያባው ኡባው አቆቲና።
 30-31 ቃይ ኡንቱንቱ ኡባ ጋላሰ ዎንታን አማርሰ፤ መድና ጎዳው ጸግያ ያርሾ ያርሾትያ ሳምባታ ጋላሰ፤ አግናይ ጸርያ ዎደን ሀግያን ጸፈቱዳ ሀራ ባላ ጋላሳቱ ጋክያ ዎደ፤ መድና ጎዳ ጋላታናውን ቦንቻናው ሱንቲድና።
 32 ጋክትያ ዲንካንያን መድና ጎዳ ጌሻ ሳኦ ናጋናዳንን አርና ዘረላቱቆፕ ጋርሳና ኡንቱንታ ማዳናዳን መድና ጎዳ ጌሻ ጎልያ አቆተላይ ሌቆቶ እመቱዳ።

2 ሽን ናዳብን አቢሁ ናኦ የለናን ባረንቱ አወቆፕ ካሰ ሀይቄድና። ሄቆ ድራው፤ ኤልኤዛርን እታማር ቄሳቱቆ ግዳድና።
 3 ዳቂተ አርና ዘረሳ ኡንቱንቱ ኡሱቆዳን ኡሱቆዳን ጭታን ሻኬዳ። ኤልኤዛራ ያራፕ ጸደቅን እታማራ ያራፕ አብመሌክ ዳቂታ ማዳድና።
 4 ኤልኤዛራ ያራቱ 16 ጩጉቆን ሻከትና፤ እታማራ ያራቱ ቃይ ሆሰፕን ጩጉቆን ሻከትድና። ኤልኤዛራ ያራቱ ካፕቱ እታማራ ያራቱ ካፕቱቆፕካ ዳር ቤቱዳ ድራው፤ ሄቆዳን ሀኤዳ።
 5 ኤልኤዛራ ያራቱ ግደንን እታማራ ያራቱ ግደን ጌሻ ጎልያው ካፕቱን ጸሳ ኦሶ ካፕቱ ደኤያ ድራው፤ ሀቆንቱን ሀንኮቱን ኪታ ሳማን ሻኬድና።
 6 ኤልኤዛራ ያራቱን እታማራ ያራቱ ባረንቱ ካላ ሳማ ከሴድና። ሌቂያ ዛርያ ግዳዳ ናታንኤላ ናኦይ ጸፊ ሻማኤ ኡንቱንታ ማዘጋበዳ። ካቲን አ ካፕቱ፤ ቄሰያ ጸደቅን አብያታራ ናኦይ አብመሌክ፤ ቄሳቱቆ ያራቱ ካፕቱን ሌቆቱ ያራቱ ካፕቱ ኡባቱ ሀ የቆ ማርካ።
 7 ሀ አሳቱ ሳማ ከሰና፤ ኮይሮ ሳማይ ይሆያርባ ጋኬዳ። ላኤንሉ ያዳያ ጋኬዳ።
 8 ሄዘንሉ ሀሪማ ጋኬዳ። ኦይደንሉ ሳኦርማ ጋኬዳ።
 9 እቼሸንሉ ማልክያ ጋኬዳ። ኡሱፑንሉ ምያሚና ጋኬዳ።
 10 ላፑንሉ ሀቆጸ ጋኬዳ። ሆሰፑንሉ አቢያ ጋኬዳ።
 11 ኡዲፑንሉ ኤያሳ ጋኬዳ። ታማንሉ ሻካንያ ጋኬዳ።
 12 ታማን አተንሉ ኤልያሸባ ጋኬዳ። ታማን ላኤንሉ ያቁማ ጋኬዳ።
 13 ታማን ሄዘንሉ ሀፓ ጋኬዳ። ታማን ኦይደንሉ የሸካኦባ ጋኬዳ።
 14 ታማን እቼሸንሉ ብልጋ ጋኬዳ። ታማን ኡሱፑንሉ እማራ ጋኬዳ።
 15 ታማን ላፑንሉ ሄዚራ ጋኬዳ። ታማን ሆሰፑንሉ ሀፕጼጸ ጋኬዳ።
 16 ታማን ኡዲፑንሉ ፓታህያ ጋኬዳ። ላታማንሉ ይሄዘቄላ ጋኬዳ።
 17 ላታማን አተንሉ ያከና ጋኬዳ። ላታማን ላኤንሉ ጋሙላ ጋኬዳ።
 18 ላታማን ሄዘንሉ ዳላያ ጋኬዳ። ላታማን ኦይደንሉ ማኦክያ ጋኬዳ።
 19 መድና ጎዳይ እሰራኤልያ ጸሳይ ኡንቱንቱ ማይዛ አወቆ አርና ባጋና አዛዜዳቆዳን፤ ኡንቱንቱ መድና ጎዳ ጌሻ ጎልያ ገሊደ፤ ካላን ካላን ኦላናው ጸፈቱድና።

24

ቄሳቱ ቆ አሱቆ
 1 አርና ዛራቱቆ አሱ ሀቆፕ ካሊደ ጸፈቱዳቆንታ። አርና ናናይ ናዳባ፤ አቢሁ፤ ኤልኤዛራን እታማራ።

ሀራ ሌቆቱ ሱንላ
 20 ሌቂያ ዛራቱቆ ካፕቱ ሀራቱ ሀቆፕ ካሊደ ጸፈቱዳቆንታ።
 የሀዳይ ሻቡኤላ ባጋና አምራማ ዛርያ።
 21 ይሸ ራሃብና ዛሪ ካፑቆ።
 22 ያሃት ሻሎሚታ ባጋና ይጽሃራ ዛርያ።

23 ይሪይ፣ አማር፣ ያሃዝኤልን ይቃዎኑም ከብርሃን ዛርያ፤ ኤንቴንቴ ባረንቴ የለታ ማራን ጸፈቱድኖ።

24 ሻሚር ሚክያሳ ባጋና ኡዝኤል ዛርያ።

25 ዛካራሰ ሚክያሳ እሻ ይሸያ ባጋና ኡዝኤል ዛርያ።

26 ማህል፣ ሙሽን ያእዘ ማራራ ዘረፋ።

27 ያእዘያ ናናይ ሄዛቱ ሾሃማ፣ ዛኩራን ኢብራ።

28 ማህላ ናናይ ላክቱ ኤልኣዛራን ቂሻ። ኤልኣዛራው አቱማ ናእ ባዎ።

29 ቁሻው ይራህማኤላ ጌተትያ እት አቱማ ናእይ ደኤ።

30 ሙሻው ማህላ፣ ኤዴራን ይረሞታ ጌተትያ ሄዙ አቱማ ናናይ ደኤኖ።

ሀዋንቱ ሌዊያ ዛራቱዋ ካፓቱዋ።

31 ካሰ ኤንቴንቴ ዳቦቱ፣ አርና ዛርያ ቁሳቱ ኤዴዋዳን፣ ሌዊያ ዛራቱዋ ካፓቱን ቱፋትያ እሻቱዋ፣ እቱ ሳማ የጌ። እጸይ ከሰያ ዋደ ካቲ ዳዊተ፣ ጸደቀ፣ አብመሌክ፣ ቁሳቱዋ ካፓቱን ሌዋቱ ካፓቱ ማርካ።

25

ጌሻ ጎልያን የጽያዋንታ

1 ዳዊተን አላ ጋዳዋቱ አሳፋ ናናቱዋ፣ ሄማና ናናቱዋ፣ ይዱቱና ናናቱዋ ማሰንቁዋን ዲላንን ዳላን ትምቢትያ ኦድያዋንቱ አሶ አላናዳን ዲማዬድኖ። ባረንቶ እመቱዳ ኪታ ኦሳና፣ ሱንሳይ ማዘጋበቱዳ አሳቱ ሀዋንታ።

2 አሳፋ ናናይ ዛኩራ፣ ዮሴፎ፣ ናታንያን አሳርኤላ። አሳፋ ናናይ ካቲ አዛዝና፣ ትምቢትያ ኦድያ አሳፋ፣ ጋርሳና አዛዘቲኖ።

3 ይዱቱና ናናይ ጋዳልያ፣ ጸራ፣ ይሻእያ፣ ሸምኦ፣ ሀሻብያን ማቲትያ። ሀ ኡሱፑናቱ ማሰንቁዋን ትምቢትያ ኦዲዳ፣ መድና ጎዳ ጋላቲድን ቦንቹደ፣ ባረንቴ አወዋ ይዱቱና፣ ጋርሳና አዛዘቲኖ።

4 ሄማና ናናይ ቡቂያ፣ ማታንያ፣ ኡዝኤላ፣ ሻቡኤላ፣ ያርሞታ፣ ሀናንያ፣ ሀናና፣ ኤልኣታ፣ ግዳልታ፣ ሮማምትኤዘራ፣ ዮሸባቃሻ፣ ማሎታ፣ ሆቲራን ማህዘኣታ።

5 ሀዋንቱ ኡባይ ካትያው ትምቢትያ ኦድያ ሄማና ናና፣ ጸሳይ ካሰ አማና ጌዳዋዳን፣ ሄማና ዶቁ ዶቁ አላና ማላ፣ ሀ ታማን ኦይዱ አቱማ ናናን ሄዙ ማጫ ናና እዉ እሚዳ።

6 ሀዋንቱ ኡባይ መድና ጎዳ ጌሻ ጎልያን ዳላ ቃላናው፣ ዲላን ማሰንቁዋ ዲዲደን የጸደ ጎይናናው፣ ባረንቴ አወዋ፣ ጋርሳና ደኤኖ።

አሳፋ፣ ይዱቱን ሄማን ካትያ አዛዘዋን ደኤኖ።

7 ሀዋንቱ ላታማን ኦይዱ አሳቱ ዳሮ ኤራይ ደእያ አሳቱዋ። ኤንቴንቴ ዳቦቱ፣ መድና ጎዳው የላን ሎሄዳዋንታ፣ ኤንቴንቴ ኡባና ላኡ ጾታን ሆሰፑን ታማን ሆሰፑና።

8 ኤንቴንቴ ባረንቴ ኪታ ሻክ ኤራናው ዳሩ ጉላይ፣ አሰታማሪ ታማሪ፣ ኡባይካ ላገላ ሳማ የጌድኖ።

9 ኮይሮ ሳማይ አሳፋ ናና ዮሴፎ ጋኬዳ፤ እ፣ አ ናናይን አ ዳቦቱ ኡባና ታማን ላኡዋ። ላኤንላ

ሳማይ ጋዳልያ ጋኬዳ፤ እ፣ አ ናናይን አ ዳቦቱ ኡባና ታማን ላኡዋ።

10 ሄዛንላ ሳማይ ዛኩራ ጋኬዳ፤ እ፣ አ ናናይን አ ዳቦቱ ኡባና ታማን ላኡዋ።

11 ኦይደንላ ሳማይ ጸራ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

12 እቼሸንላ ሳማይ ናታንያ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

13 ኡሱፑንላ ሳማይ ቡቂያ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

14 ላፑንላ ሳማይ አሳርኤላ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

15 ሆሰፑንላ ሳማይ ይሻእያ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

16 ኡዲፑንላ ሳማይ ማታንያ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

17 ታማንላ ሳማይ ሸምኦ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

18 ታማን እተንላያ ሳማይ ኡዝኤላ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

19 ታማን ላኤንላ ሳማይ ሀሻብያ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

20 ታማን ሄዘንላ ሳማይ ሻቡኤላ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

21 ታማን ኦይደንላ ሳማይ ማቲትያ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

22 ታማን እቼሻንላ ሳማይ ያርሞታ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

23 ታማን ኡሱፑንላ ሳማይ ሀናንያ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

24 ታማን ላፑንላ ሳማይ ዮሸባቃሻ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

25 ታማን ሆሰፑንላ ሳማይ ሀናና ጋኬዳ፤ እ፣ አ ናናይን አ ዳቦቱ ኡባና ታማን ላኡ።

26 ታማን ኡዲፑንላ ሳማይ ማሎታ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

27 ላታማንላ ሳማይ ኤልኣታ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

28 ላታማን እተንላያ ሳማይ ሆቲራ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

29 ላታማን ላኤንላ ሳማይ ግዳልታ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

30 ላታማን ሄዘንላ ሳማይ ማህዘኣታ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

31 ላታማን ኦይደንላ ሳማይ ሮማምትኤዘራ ጋኬዳ፤ እ፣ አ ናናይን አ ዳቦቱ ኡባና ታማን ላኡ።

26

ጌሻ ጎልያ ናግያዋንታ

1 ጌሻ ጎልያ ፐንግያ ናግያዋንቱ ሀዋ፣ ካሊደ ጸፈቱዳዋንታ።

ኮይሩ ቆራሀ ያራፐ አሳፋ ባጋና ቆረ ናኦ ማሸለምያ።

2 ማሸለማ ላፑን አቱማ ናና የሌዳ፤ ኤንቴንቴ ባረንቴ የለታ ማራን ዛካራሳ፣ ይድኤላ፣ ዛባድያ፣ ያትንኤላ።

3 ኤላማ፣ ያሆሀናና ኤልያሆኤናያ።

4 ጸሳይ ኦይደን-ኤደማካ እንጄዳ ድራው፣ እ ሆሰፑን አቱማ ናና የሌዳ። ኤንቴንቴ ባረንቴ

የለታ ማራን ሻማእያ፣ ይሆዛባዳ፣ ዮኦሀ፣ ሳካራ፣ ናታንኤላ፣

5 አምኤላ፣ ይሳኮራን ፓኤልታያ።

6 ቃይ ኦቤድ-ኤደማ ናኦይ ሻማኤካ ኡሱቸን አቱማ ናና የሌዳ፣ ኡንቱንቱ ሞኖ አሳ ግዴዳ ድራው፣ ባረንቱ አወዋ ጎለን ካቸዋ ግዴድኖ።

7 ሻማእያ ናናይ ኦትና፣ ራፋኤላ፣ ዮቤዳን ኤልዛባዳ፣ ኡንቱንቱ እሻቱ ኤልሁነ ሳማከ አዴዳ ሞኖ አሳቱዋ።

8 ሀዋንቱ ኡባቱ ኦቤድ-ኤደማ ዘረላ፣ ኡንቱንቱ፣ ኡንቱንቱ ናናይን ኡንቱንቱ ዳቦቱ ኦሶ ሞኖ። ኦቤድ-ኤደማ ዛራቱ ኡባና ኡሱቸን ታማነ ላኦ።

9 ማሸለምያዉ ሞኖ ናናይን ሞኖ ዳቦቱ ደኢኖ፣ ኡንቱንቱ ኡባና ታማነ ሆሰቸና።

10 ማራራ ያራፕ ሆሳዮካ ናናይ ደኢኖ። ሺምር ባይራ ናኦ ግደና፣ ሸን አ አዉ አ ካቸዋ ኦሌዳ።

11 አ እሻቱ ሀልቂያ፣ ጸባልያን ዛካራሳ። ሆሳ ናናይን አ ዳቦቱ ኡባና ታማነ ሄዛ።

12 ጌሻ ጎልያ ፕንግያ ናግያዋንቱ ባረንቱ ጎልያ አሳ ካፓቱዋና፣ ጩጉዋን ጩጉዋን ሻከቱድኖ። ሀራ ሌዋቱዋዳን ኡንቱንታካ መድና ጎዳ ጌሻ ጎልያ ኪታይ ግሹዋን ጋኬዳ።

13 ፕንግያ ኡባ ናጋናዉ ባረንቱ ጎለን ጎለን ጉላይ ግታይ ሳማ ከሰድኖ።

14 አዋይ ዶልያ ፕንግያ ግያ ፕንግያ ናግያ ሳማይ ሸለምያ ጋኬዳ። ሎኦ ዘርያ አ ናኦ ዛካራሳ ሀጺሳ ፕንግያ ጌተትያ ፕንግያ ናግያ ሳማይ ጋኬዳ።

15 ኦቤድ-ኤደማ ገድሳ ፕንግያ ግያ ፕንግያ ናግያ ሳማይ ጋኬዳ። አ ናና ሚሻ ሞንጅያ ጎልያ ናግያ ሳማይ ጋኬዳ።

16 አዋይ ዉልያ ፕንግያን ቦላ ኦግያ ባጋና ደኢያ ሻለኮታ ፕንግያ ጌተትያ ፕንግቱዋ ናግያ ሳማይ ሹፊማን ሆሳ ጋኬዳ። ናጉ ካላን ካላን ጋኬ።

17 ጋላሳን ጋላሳን አዋይ ዶልያ ባጋና ኡሱቸን ሌዋቱ ናገኖ። ሁጺሳ ባጋና ኦይዳቱ ናገኖ። ገድሳ ባጋና ኦይዳቱ ናገኖ። ቃይ ላኡ ላኡ ሚሻ ሞንጅያ ጎልያ ናገኖ።

18 አዋይ ዉልያ ባጋና ዳባባዉ አፍያ ኦግያ ኦይዳቱ ናገኖ። ቃይ ዳባባ ግዲዋ ላኦቱ ናገኖ።

19 ሰም ቆራሀ ያራቶን ማራራ ያራቶ አመቱዳ ፕንግ ናጎ ኪታይ ሀዋ።

ጌሻ ጎልያ ግደን ኦላያ ሀራ ኦሶቱዋ

20 አኪያ ጌተትያ ሌዋ ደሳ ጌሻ ጎልያን ደኢያ ሻሉዋን ደሳዉ ዲማይ ዋሌዳ እዋታ ናጋናዉ ሱንግቱዳ።

21 ገርሾና ናኦ ላእዳና ያራፕ ይህኤል ዲማ ዲማ ጎልያ አሳዉ አዋቱ።

22 ይህኤላ ናናይ ዘታማነ አ እሻ ዩኤላ፣ ኡንቱንቱ መድና ጎዳ ጌሻ ጎልያን ደኢያ ሚሻ ናጋናዉ ሱንግቱድኖ።

23 አምራማ ያራቶ፣ ይጽሃራ ያራቶ፣ ከብርና ያራቶ ኡዝኤላ ያራቶ ኪታይ ሻከት አመቱዳ።

24 ሙሴ ናኦ ገርሾማ ያራ ግድያ ሻቡኤል ጌሻ ጎልያን ደኢያ ሚሻ ናግያዋንቱ ካፓቱ ቦላ ሱንግቱዳ።

25 አ ገርሾማ እሻ ኤልኤዛራ ባጋና ሻሎሚታዉ ዳቦቱ። ኤልኤዛር ራሃብያ የሌዳ፣ ራሃቢ ይሻእያ የሌዳ፣ ይሻኢ ዮራማ የሌዳ፣ ዮራመ ዚክራ የሌዳ፣ ዚክር ሻሎሚታ የሌዳ።

26 ካቲ ዳዊተ፣ አዋቱዋ ጎልያ አሳ ካፓቱ፣ ሻኦ ካፓቱ፣ ጸቱዋ ካፓቱን ኦላ ጋዳዋቱ ጸሳዉ ዲማይ ዋሌዳ ሻሉዋ ኡባ ቦላ ሻሎሚትነ አ ዳቦቱ ሱንግቱድኖ።

27 ሀ ሻሉዋ መድና ጎዳ ጌሻ ጎልያ ኦራፋናዉ ዲማይ ዋሌዳ አሳቱ ሀ ሚሻ ካሰ ኦላፕ አዋድ ዋሌድኖ።

28 ቃይ ትምቢትያ ኦድያ ሳመል፣ ቁሳ ናኦይ ሳኦል፣ ኔራ ናኦይ አባኔርን ጸሩይ ናኦይ ዮኦብ ካሰ ዲማይ ዋሌዳ እዋታ ኡባ ሻሎሚትነ አ ዳቦቱ ናገኖ።

ሀራ ሌዋቱዋ ጋኬዳ ኦሶዋ

29 ይጽሃራ ያራቱዋፕ ካናነ አ ናናይ ጌሻ ጎልያፕ ካረና ደኢያ ኪታን አሰራኤልያ አሳ አይሳናዉን ዳናታናዉ ሱንግቱድኖ።

30 ከብርና ያራቱዋፕ ሀሻቤነ አ ዳቦቱ፣ እት ሻኦነ ላቸን ጸቱ ሞኖ አሳቱ፣ መድና ጎዳ ኦሶዋ ኡባዉን ካትያ ኦሶዋ ኡባዉ ዮርዳኖሳ ሻፋፕ ሄፍንፋን አዋይ ዉልያ ባጋና ደኢያ አሰራኤልያ አሳ ቦላ ሱንግቱድኖ።

31 ከብርና ያራቱዋፕ ካፖትያዌ ይሪያ። ዳዊተ ካተቱዳ ኦይታማንሉ ላይላን ኮይና፣ ኡንቱንቱ አሳ ግደፕ ሞኖ አሳቱ ጋላኦይ ቢታን ያእኤራ ጌተትያ ኮሻያን ቤቱድኖ።

32 አዋቱዋ ጎልያ አሳዉ ካፖትያ ይሪያ ዳቦቱ ሞኖቱ ላኡ ሻኦነ ላቸን ጸታ። ካቲ ዳዊተ ጸሳ ኦሶዋ ኡባዉን ካትያ ኦሶዋ ኡባዉ ኡንቱንቱ ሮቤላ ዛራቱዋ ቢታ ቦላ፣ ጋደ ዛራቱዋ ቢታ ቦላን ሞናሰ ዛራቱዋፕ ባጋቱ ቢታ ቦላ ሱንግቱዳ።

27

አሰራኤልያ አሳ ካለላያዋንታ

1 ባረንቱ ጩጉዋን ጩጉዋን ካዉተላ አይሴዳ አሰራኤልያ ጎልያ አሳቱዋ ካፓቱ፣ ሻኦ ካፓቱን ጸቱዋ ካፓቱ ሀዋፕ ካሊደ ጸፈቱዳዋንታ። እት እት ጩጉዋን ላታማነ ኦይዲ ሻኦ አሳቱ ደኢኖ። እት እት ጩጉ ላይላ ግደን እት እት አግናዉ ካላን ካላን ካዉተላ ኪታ ኦላናዉ ከሴ።

2 ኮይር አግናን ከሰያ ጩጉዋ ካለላያዌ ዛብድኤላ ናኦ ያሹብኦማ፣ አ ጩጉዋን ላታማነ ኦይዲ ሻኦ አሳይ ደኤ።

3 ያሹብኦም ፓሪሳ ዘረላ፣ አ ኮይር አግናዉ ኦላንቻቱ ካፓቱዋ ጋደዉዋ።

4 ላኤንሉ አግናን ከሰያ ጩጉዋ ካለላያዌ አሆህያ ዶዳያ፣ አ ጩጉዋን ላታማነ ኦይዲ ሻኦ አሳይ ደኤ። አፕ ካልያዌ ሞቅሎታ።

26:4 2 ሳማላ 6:11፣ 1 ኦዲዋ 13:14

5 ሄዛንሉ አግናን ከሰያ ጩጉዋ ካለሉያዋ ቁሰያ ዮዳሄ ናኦ ሳናያ፤ አ ጩጉዋን ላታማነ ኦይዱ ሻኦ አሳይ ደኤ።

6 ሳናይ ሀታሙ ኤረቴዳ አሳቱዋ ግዶን ምኖ አሳ ግዱደ፣ ሀታማቶ ካፖቴዳ። አ ሳኦነ አ ናኦይ አምዛባድ ካፖቴዳ።

7 ኦይደንሉ አግናን ከሰያ ጩጉዋ ካለሉያዋ ዮኦባ እሻ አሳሄላ፤ አ ጩጉዋን ላታማነ ኦይዱ ሻኦ አሳይ ደኤ። አ ኮታን አ ናኦይ ዛባደ ካፖቴዳ።

8 እቼሽንሉ አግናን ከሰያ ጩጉዋ ካለሉያዋ ይጽሃራ ያራፕ ሻምሁታ፤ አ ጩጉዋን ላታማነ ኦይዱ ሻኦ አሳይ ደኤ።

9 ኡሱፑንሉ አግናን ከሰያ ጩጉዋ ካለሉያዋ ታቆአፕ ዬዳ እቁሻ ናኦ እራ፤ አ ጩጉዋን ላታማነ ኦይዱ ሻኦ አሳይ ደኤ።

10 ላፑንሉ አግናን ከሰያ ጩጉዋ ካለሉያዋ ኤፍሬማ ዛርያፕ ፕሎናፕ ዬዳ ሄሌዳ፤ አ ጩጉዋን ላታማነ ኦይዱ ሻኦ አሳይ ደኤ።

11 ሆሰፑንሉ አግናን ከሰያ ጩጉዋ ካለሉያዋ ሁሻፕ ዬዳ ሰባካያ፤ አ ጩጉዋን ላታማነ ኦይዱ ሻኦ አሳይ ደኤ። ሰባካይ ይሁዳ ዛረነ ዛራሀ ያራ።

12 ኡዱፑንሉ አግናን ከሰያ ጩጉዋ ካለሉያዋ ቢንያማ ዛረ ግዴዳ አናቶቶያ አብኤዘራ፤ አ ጩጉዋን ላታማነ ኦይዱ ሻኦ አሳይ ደኤ።

13 ታማንሉ አግናን ከሰያ ጩጉዋ ካለሉያዋ ናጸፋፕ ዬዳ፣ ዛራሀ ያራ ግዴዳ ማሀራያ፤ አ ጩጉዋን ላታማነ ኦይዱ ሻኦ አሳይ ደኤ።

14 ታማነ እተንሉያ አግናን ከሰያ ጩጉዋ ካለሉያዋ ፕርኦቶናፕ ዬዳ፣ ኤፍሬማ ዛርያ ግዴዳ ሳናያ፤ አ ጩጉዋን ላታማነ ኦይዱ ሻኦ አሳይ ደኤ።

15 ታማነ ላኤንሉ አግናን ከሰያ ጩጉዋ ካለሉያዋ ናጸፋፕ ዬዳ፣ ኦትንኤላ ያራ ግዴዳ ሄልዳያ፤ አ ጩጉዋን ላታማነ ኦይዱ ሻኦ አሳይ ደኤ።

እስራኤልያ ዛራቱዋ አይሰያዋንታ

16 እስራኤልያ ዘረፋ አይሰያዋ ሱንግቴዳዋንቱ ሀዋፕ ካሊደ ጸፈቴዳዋንታ።

ርቤላ ዛርያ አይሰያዋ ዚክራ ናኦ ኤልኤዛራ። ሰሞና ዛርያ አይሰያዋ ማእካ ናኦ ሻፋጽያ።

17 ሌዌያ ዛርያ አይሰያዋ ቃሙኤላ ናኦ ሀሻብያ።

አርና ዛርያ አይሰያዋ ጸደቃ።

18 ይሁዳ ዛርያ አይሰያዋ ዳዊታ እሻ ኤልሀ። ይሳኮራ ዛርያ አይሰያዋ ምካኤላ ናኦ አምራ።

19 ዛብሎና ዛርያ አይሰያዋ ኦባድያ ናኦ ይሽማእያ።

ንፍታሌማ ዛርያ አይሰያዋ አዘርኤላ ናኦ ያርዋታ።

20 ኤፍሬማ ዛርያ አይሰያዋ አዛዝያ ናኦ ሆሼኦ።

ዮርዳኖሳ ሻፋፕ አዋይ ወልያ ባጋን ደእያ ምናሰ ዛራቱዋፕ ባጋ አይሰያዋ ፓዳያ ናኦ ዩኤላ።

21 ዮርዳኖሳ ሻፋፕ አዋይ ደልያ ባጋ ጋላኦደን ደእያ ምናሰ ዛራቱዋፕ ባጋ አይሰያዋ ዛካራሳ ናኦ እዳ።

ቢንያማ ዛርያ አይሰያዋ አባኔራ ናኦ ያእሰኤላ።

22 ዳና ዛርያ አይሰያዋ ይርሃማ ናኦ አዛርኤላ።

ሀዋንቱ እስራኤልያ ዘረፋ አይሰያዋንታ።

23 መድና ጎዳይ እስራኤልያ አሳ ሳሉዋ ጸልንትያዳን ጮርሳና ጌዳ ድራወ፣ ዳዊተ ላታሙ ላይላን ላታሙ ላይላፕ ጋርሳና ደእያዋንታ ፓይዱዋን ገልሰቤና።

24 ጸሩይ ናኦይ ዮኦብ አሳ ፓይዱዋ ደሜዳ፤ ሽን ፓይድ ወርሰቤና። አሳ ፓይዴዳ ጋሱዋን ጸሳይ እስራኤልያ አሳ ቦላ ሀንቀቴዳ። ሄዋ ድራወ፣ ኡንቱንቱ ፓይዱ ካትያ ዳዊታ ታርክያ ማዝጎባን ጸፈትቤና።

ካትያ ሚሻን አዎትያዋንታ

25 ካትያ ሚሻ ምንጅያ ሳኦወ አዎትያዋ አዲኤላ ናኦ አዘማዌታ። ጋጸርያን፣ ካታማቱዋን፣ ሞላቱዋን፣ ዎቶያ ሳ ደእያ ሚሻወ አዎትያዋ ኦዝያና ናኦ ዮናታና።

26 ቢታ ጎሽያ ጎሻንቻቱዋ ቦላ አዎትያዋ ካሉባ ናኦ ኤዘራ።

27 ዎይንያ ቱራ ሳኦቶ አዎትያዋ ራማፕ ዬዳ ሸምኦ። ዎይንያ ኤሳ ምንጅያ ሳኦወ አዎትያዋ ሻፋማፕ ዬዳ ዛብዳ።

28 አዋይ ወልያ ባጋ ገዝያን ደእያ ዎጋራወን ኡንቱንቶ አዎትያዋ ገዳራፕ ዬዳ ባኦልሀናና። ዛይትያ ምንጅያ ሳኦወ አዎትያዋ ዮኦሻ።

29 ሳርና ደምባን ሄመትያ ሚዛወ አዎትያዋ ሳርንያ ሸጽራያ። ዎምባን ሄመትያ ሚዛወ አዎትያዋ አድላያ ናኦ ሻፋጽ።

30 ጋሎቶ አዎትያዋ እስማኤልያ ኦቢላ። ሀረቶ አዎትያዋ መርኖትያ የሀዳያ።

31 ደርሳቶን ዴሻቶ አዎትያዋ አጋር ዛርያፕ ያዚዛ። ሀዋንቱ ኡባይ ዳዊታ እቁዋ ቦላ አዎቱዳዋንታ።

ዳዊታ ዘርያዋንታ

32 ዳዊታ አወዋ እሻይ ዮናታን ጸፊ፣ አኬካንቻ አሳን ካትያ ዘርያ አሳ። ሀክሞና ናኦይ ይህኤል ካትያ ናና ናጌ።

33 አክጸፊል ቃይ ካትያ ዘርያዋ። አርክያ ሁሻይ ካቲ ሲቅያ አሳ።

34 አክጸፊል ሀይቁና፣ አ ኮሽያን ባና ናኦይ ዮዳሄን ኡብያታረ ካትያ ዘርያዋንታ፤ ዮኦብ ካትያ ኦላ ጋዳዋ።

28

ዳዊተ ጌሻ ጎልያ ዎት ኬጸንንቶ ኦዴዳ

1 እስራኤልያ ካፓቱ ኡባይ የሩሳላሙን ሺቃናዳን ካቲ ዳዊተ አዛዜዳ፤ ሄዋ ድራወ፣ ዛራቱዋ ካፖቱ፣ ካትያ ኦሳንቻቱ ካፓቱ፣ ሻኦ ካፓቱ፣ ጾቱዋ ካፓቱ፣ ካትያወ ካትያ ናናወ ደእያ አቆነ መሀያወ አዎትያዋንቱ፣ ካትያ ጎለን ኦልያ ካፓቱ፣ ኤረቴዳ ምኖ አሳቱን ዎልቃማ አሳቱ ኡባይ የሩሳላሙን ሸቄድኖ።

2 ካቲ ዳዊተ ደንድ ኤቂድ፡ ሀዋዲን ያጌዳ፤ “ታ እሻቶ፡ ታ አሳቶ፡ ሰሰተ! መድና ጎዳ ቃላ ጫቁዋ ታቦታ ዋልያነ ኑ ጸሳ ገዲ ሸምጥያ ጌሻ ጎልያ ኬጸናዉ ታ ዋዛናን ቆጋድ፤ ኬጸናዉ ኮሽያዋንታካ ገገሳድ።

3 ሸን ጸሳይ ታና፡ ራን ኦላንቻነ ሱላ ጉሴዳ አሳ ግድያ ድራዉ፡ ታ ሱንላዉ ጎልያ ኬጸካን ያጌዳ።

4 ታን እሰራኤልያ ቦላ መድናዉ ካተታናዳን፡ መድና ጎዳይ እሰራኤልያ ጸሳይ ታ አዉዋ ጎልያ አሳ ኡባጥ ታና ደራዳ። ካለላናዳን ኮይሮ ይሁዳ ዛርያ ደራዳ፤ ይሁዳ ዛርያጥ ታ አዉዋ ሰይ አሳ ደራዳ፤ ታ አዉዋ ናና ግደጥ ታና ደራዳ፡ እሰራኤልያ ኡባ ቦላ ካተታናዉ ናሸቴዳ።

5 መድና ጎዳይ ታዉ ጮራ ናና እሜዳ፤ ታ ናና ኡባጥ መድና ጎዳ ካዉተላ አራታን ኡቲደ፡ እሰራኤልያ ቦላ ካተታናዳን ታ ናና ሶሎሞና ደራዳ።

6 “ጸሳይ ታና፡ ታ ጌሻ ጎልያነ ታ ዳባባ ኬጸናዉ ነ ናና ሶሎሞና። አያዉ ጎጥ፡ እ ታዉ ናና ግዳናዳን ታን አ ደራድ፤ ታንካ አዉ አዉዋ ግዳናዋ።

7 እ ሀእ ኦልያዋዳን ሰንላጥካ ታ አዛዙዋነ ታ ሀግያ ምኒደ ናጎጥ፡ ታን አ ካዉተላ መድናዉ ምንላና ያጌዳ።

8 ሄዋ ድራዉ፡ ሀእካ መድና ጎዳ ያእይ፡ እሰራኤልያ አሳይ ኡባይ በእሺናነ ኑ ጸሳይ ሰሰሸን፡ መድና ጎዳ ህንተንቱ ጸሳ አዛዙዋ ኡባ ህንተንቱ ምንሲደ ናጋና ማላ፡ ታን ህንተንቶ ኦዳይ። ያቶጥ፡ ህንተንቱ ሀ ሎኦ ቢታ ላታናነ ህንተንቱ ናናካ መድናዉ ላትሳናዋ።

9 “ሶሎሞና፡ ታ ናአዉ፡ ነ አዉዋ ጸሳ ኤራ። ነ ኩመንላ ዋዛናን ነ ኤኖ ግያ ቆፋን አዉ ከተታ። አያዉ ጎጥ፡ መድና ጎዳይ ዋዛና ኡባ ቆሬ፤ ቆፋን ደእያ ሀልቹዋ ኡባካ ኤሬዳ። ኔን አ ኮኖጥ፡ እ ነዉ ቤታና፤ ሸን ኔን አ አጎጥ፡ እ ኔና መድናዉ አግ ባሻና።

10 ሀእካ ጌሻ ጎልያ ኬጸናዉ መድና ጎዳይ ኔና ደራዳዋ ደጎጥ። ምናደ ከታ ከተታ” ያጌዳ።

11 ሄዋጥ ጉይያን፡ ዳዊተ ባረ ናና ሶሎሞናዉ ጌሻ ጎልያ ኬጸካ ሀልቹዋ እሜዳ፤ ባራንዳ ሀልቹዋ፡ ሚሻ ምንጅያ ሳኦ ሀልቹዋ፡ ቦላ ክፍልያ ግዶ ክፍልያ ሀልቹዋነ ናጋራይ አቶ ጌተትያ ሳኦ ቁምእያ ዋልያ ክፍልያ ሀልቹዋ እሜዳ።

12 ቃይካ ዳዊተ አዉ መድና ጎዳ ጌሻ ጎልያ ዳባባ ኬጸናዉ ባረ ቆፋን ደእያ ሀልቹዋ፡ አ ዩሹዋን ደእያ ኡባ ክፍለቱ ሀልቹዋነ ጸሳ ጌሻ ጎልያ ሚሻ ምንጅያ ሳኦቱን ጸሳዉ ዳማይ ዋሌዳ እሞታ ምንጅያ ሳኦቱ ሀልቹዋ እሜዳ።

13 ሄዋዳንካ ዳዊተ ቁሳቱ ነ ሌዋቱ ጩጎቱ ባረንቱ ከታ ኦላና ማራ፡ መድና ጎዳ ጌሻ ጎልያ ከታ ኦላና ማራን ጌሻ ጎልያ ሚሻቱዋ ናግያ ማራ ኦድያ ሀልቹዋ አዉ እሜዳ።

14 ቃይካ ዳዊተ ሀዋጥ ካሊደ ጸፈቲዳ ዳማ ዳማ ሚሻቱዋ መዳናዉ ዋይሳ ኬሻ ዳጽያ ዋርቃነ ዋይሳ ኬሻ ዳጽያ ብራ ኮሽንቶ ጸፈደ፡ ሶሎሞናዉ እሜዳ።

15 ሄዋንቱካ፡ ዋርቃ ጸምጥቱዋ ዋልያ ባላነ ዋርቃ ጸምጥቱዋ፡ ብራ ጸምጥቱዋ ዋልያ ባላነ ብራ ጸምጥቱዋ።

16 ጸሳ ሰንላን ኡክላ ዋልያ ዋርቃ ጸርጴዛቱዋ፡ ብራ ጸርጴዛቱዋ።

17 ዋርቃ አይቂያዋ፡ ዋርቃ ከረቱዋ፡ ዋርቃ ዋንጫቱዋ፡ ዋርቃ ኩይጸሮቱዋ፡ ብራ ኩይጸሮቱዋነ

18 እጸና ጩዋይያ ጌሻ ዋርቃ ሳጽንያ። መድና ጎዳ ቃላ ጫቁዋ ታቦታ ቦላ ባረንቱ ቀፍያ ምጩደ ካምያ፡ ክሩባላ ዋልያ ዋርቃ ጋርያ ገገሰያ ሀልቹዋካ አዉ እሜዳ።

19 ዳዊተ፡ “መድና ጎዳይ ባረ ኩሸያ ታ ቦላ ዋሊደ፡ ሀ ጸፈቲዳ ሀልቹዋ ኡባ ታና ኤርሴዳ” ያጌዳ።

20 ሄዋጥ ጉይያን፡ ዳዊተ ባረ ናና ሶሎሞና፡ “አይነ ባዋ፤ ምና! ኦሱዋ ኦላ! መድና ጎዳይ ጸሳይ፡ ታ ጸሳይ ኔናና ደእያ ድራዉ፡ ያኖጋ፤ ዳጋዋጋ! መድና ጎዳ ጌሻ ጎልያ ከታይ ፖለታና ጋካናዉ፡ ጸሳይ ኔና የገናነ አጎና።

21 ጸሳ ጌሻ ጎልያን ደእያ ኦሱዋ ኡባዉ ቁሳቱ ነ ሌዋቱ ሱንቲ ኡቲድና። ኩሸያ ሂላ ኤራይ ደእያ አሳይ ኡባይ ኔና ኦሱዋ ኡባን ማዳና። ካጋቱን አሳይ ኡባይ ነዉ ኡባባንካ አዛዙታና” ያጌዳ።

29

ጌሻ ጎልያ ኬጸናዉ እመቲዳ እሞታ

1 ሄዋጥ ጉይያን፡ ካቲ ዳዊተ ሸቆዳ አሳዉ ኡባዉ ሀዋዳን ያጌዳ፤ “ጸሳይ ደራዳዊ ታ ናና ሶሎሞና፤ እ ያላጋነ ኦሶካ ሜዘትቤና። ሀ ኬጸታና ኬላይ አሳ ጎልያ ግድናን መድና ጎዳ ጸሳ ጌሻ ጎልያ ግድያ ድራዉ፡ ከታይ ዋልቃሚ።

2 ታን ታዉ ደእያ ዋልቃ ኬሻ ታ ጸሳ ጌሻ ጎልያዉ ዋርቃን ኦስታናባዉ ዋርቃ፡ ብራን ኦስታናባዉ ብራ፡ ናሃሰያን ኦስታናባዉ ናሃሰያ፡ ብራታን ኦስታናባዉ ብራታን ምላን ኦስታናባዉ ምላ ገገሳ ዋላድ። ቃይ ማርግድያ፡ እብናባራድያ፡ ዳማ ዳማ ማላና ደእያ አሌቆ ሹቻቱዋ፡ አልኦ ሹቻቱዋነ እንቆቱዋ ገገሳ ዋላድ።

3 ታ ጸሳ ጌሻ ጎልያ ታን ሎይላ ስቅያ ድራዉ፡ ታን ታ ጸሳ ጌሻ ጎልያዉ ገገሴዳዋጥ ሀራ ታዉ ቡዙ ደእያ ዋርቃጥነ ብራጥ ጌሻ ጌሻ ጎልያዉ እሚድ።

4 ጌሻ ጎልያ ጎዳ ማይዛናዉ ጴቱ ሻኦ ከሎ ግራመ ዳጽያ ጌሻ ዋርቃነ ላኡ ጴታነ ኦይታሙ ሻኦ ከሎ ግራመ ዳጽያ ጌሻ ብራ እሚድ።

5 ኩሸያ ሂላቱ ኦላና ኦሱዋ ኡባዉ፡ ዋርቃን ኦስታናባዉ ዋርቃ፡ ብራን ኦስታናባዉ ብራ፡ እሚድ። ያትና፡ ህንተጥ ሀቼ ባረ ሸንያን መድና ጎዳዉ ኬኪደ እማናዊ ኦኔ?” ያጌዳ።

6 እሰራኤልያ ጎልያ አሳቱዋ ካጋቱ፡ ዛራቱዋ ካጋቱ፡ ሻኦ ካጋቱ፡ ጴቱዋ ካጋቱን ካትያ ኦሳንቻቱ ካጋቱ ባረንቱ ሸንያን ባረንቶ ደእያዋ እሜድና።

7 ኢንቴንቲ ደሳ ጌሻ ጎልያ ኦሶ እት ጾታነ ላቸን ታሙ ሻእ ኪሎ ግራመ ዳጽያ ዋርቃ፡ ሄዙ ጾታነ ኦይታሙ ሻእ ኪሎ ግራመ ዳጽያ ብራ፡ ኡሱቸን ጾታነ ላታሙ ሻእ ኪሎ ግራመ ዳጽያ ናሃሲያ ብራታነ ሄዙ ሚልዮነነ ኦይዲ ጾቱ ሻእ ኪሎ ግራመ ዳጽያ ብራታ እሚድኖ።

8 አልኦ ሹቻይ ደእያ አሳይ ኡባይ ሚሻ ናግያ ሌዊያ ገርሾና ያራ ግድያ ይህኤላ ባጋና መድና ጎዳ ጌሻ ጎልያ ሚሻ ምንጅያ ጎለዉ እሚዳ።

9 አሳይ ባረ ሸንያን ባረ ኩመንጎ ዋዛናን መድና ጎዳዉ እሚዳ ድራዉ ናሽቴዳ፤ ካቲ ዳዊተካ ሎይሳ ናሽቴዳ።

ዳዊተ ጸሓጊ ጋላቴዳ

10 ሄዋ ድራዉ፡ ዳዊተ ሸቁዋ ኡባ ሰንገን ሀዋዳን ያገደ፡ መድና ጎዳ ጋላቴዳ፤ “አቤት መድና ጎዳዉ፡ ኦ አዉዋ እስራኤልያ ጸሓጊ፡ ኔን መድናጥ መድናዉ ጋላቴታ።

11 አቤት መድና ጎዳዉ፡ ሳሎዋንነ ሳኣን ደእያ ኡባባይ ነዋ! ግታተሳይ፡ ዋልቃይ፡ ቦንቹ፡ ጸኑነ አንጋይ ነዋ! አቤት መድና ጎዳዉ፡ ማታይ ነዋ፤ ኔን ኡባጥ ቦላነ ሁጸ።

12 ዱረታይነ ቦንቹ ኔጥ ዬ፤ ኔን ኡባባ ዋዳሳ። ዋልቃይነ ምናታይ ነ ኩሸያና፤ ኔን አሳ ኡባ ጶቁሳናዉን ምንሳናዉ ዳንዳያሳ።

13 ሀእካ ኦ ጸሓጊ፡ ኦን ኔና ጋላቴቶ፤ ነ ቦንቹ ሱንጎካ ሳቤቶ።

14 “ኦን ሀዋ ኬሻባ እማናዉ ታነ ታ አሳይነ ኦኔ? አያዉ ጎጥ፡ ኡባባይ ኔጥ ዬ፤ ኦን ነ ኩሸያጥ አኬዳዋ ነዉ ዛረላ እሚዳ።

15 ካሰ ኦ አዋቱዋ ኡባዳን ኦንካ ነ ሰንገን በተነ እማላ። ሀ ሳኣ ቦላን ኦ ደኡዋ ላይሳይ ኩዋዳን አድያዋ፤ ኦን ሀይቆጥ አታናዉ ዳንዳያኮ።

16 አቤት መድና ጎዳዉ፡ ኦ ጸሓጊ፡ ነ ጌሻ ሱንጎካዉ ኦን ጌሻ ጎልያ ኬጸናዉ ሺሼዳ ኡባይ ነ ኩሸያጥ ዬዳዋ፤ ሀዌ ኡባይ ነባ።

17 “ታ ጸሓጊ፡ ኔን ዋዛና ፓጭያዋን ሱረተላ ደሰያዋ ታን ኤራይ። ታን ታ ዋዛና ሱረተላን ታ ሸንያን ሀዋ ኡባ እማድ። ሀ ሳኣን ደእያ ነ አሳይካ ነዉ ባረ ሸንያን ናሽቻን እሚዳዌ ታን በኣድ።

18 አቤት መድና ጎዳዉ፡ ኦ ማይዛ አዋቱዋ አብራሃማ፡ ይሳቃነ እስራኤልያ ጸሓጊ፡ ነ አሳ ዋዛናን ሀ ዋልቃማ ሲቁዋ መድናዉ ናጋ፤ ኡንቴንቲ ዋዛናካ ኔኮ ሺሻ።

19 ነ ዋጋ፡ ነ አዛዙዋን ነ ህግያ ናጋናዳንነ ታን ሀልቻደ ጊግሳ ዋጭዳባን ጌሻ ጎልያ እ ኬጸናዳን ታ ናኣ ሶሎሞናዉ ኩመንጎ ዋዛና እማ” ያገደ ጋላቴዳ።

20 ሄዋጥ ጉይያን፡ ዳዊተ ያእዉ ኡባዉ፡ “መድና ጎዳ ህንተንቲ ጸሓጊ ጋላቴተ” ያጌዳ። ያእይ ኡባይ መድና ጎዳ ባረንቲ አዋቱዋ ጸሓጊ ጋላቴድኖ። መድና ጎዳዉ ጉፋኒደ ጎይኔድኖን ካትያዉካ ኩንዳ ገደ ጉፋኔድኖ።

ሶሎሞና ካተቲሳ (29:21-25)

21 ዋንተላ ጋላሰ አሳይ መድና ጎዳዉ ያርሹዋ ያርሹዳ። ቃይ ጸግያ ያርሹዋካ ጸሓጊ ያርሹዳ፤ እት ሻእ ኮረማቱዋ፡ እት ሻእ ደርሳ ኦርገቱዋ፡ እት ሻእ ደርሳ ማራቱዋ፡ ኡሻ ያርሹዋን ዳር ያርሹቱዋ ያርሹዳ።

22 አሳይ ሄ ጋላሰ መድና ጎዳ ሰንገን ሎይሳ ናሽቲደ፡ ሜዳነ ኡሼዳነ። ያቲደ አሳይ ካትያ ዳዊታ ናኣ ሶሎሞና ላኤንሱዋ ዛይትያ ኦኪደ፡ ኦ ካዉተላን ምንሴዳ። ጸድቃካ ቁሰ ግዳናዳን መድና ጎዳ ሰንገን ኦኬዳ።

23 ሄዋጥ ጉይያን፡ ሶሎሞን ባረ አዉዋ ዳዊታ ኩሸያን መድና ጎዳ ካዉተላ አራታን ኡቴዳ። አዉ ኡባባይ ሀኔዳ፤ እስራኤልያ ኡባይካ አዉ አዛዘቴዳ።

24 ካፓቱ ኡባይ፡ ምኖ አሳቲነ ካትያ ዳዊታ ናናይ ካትያ ሶሎሞናዉ አዛዘታናዉ ቃላ ገሌድኖ።

25 መድና ጎዳይ ሶሎሞና እስራኤልያ አሳ ኡባ ሰንገን ጶቁ ጶቁ ኦጭዳ፤ አጥ ካሰ እስራኤልያ ካተቶ እመትቤና ቦንቹዋ ሶሎሞናዉ እሚዳ።

ዳዊታ ሀይቆዋ (29:26-30)

26 እሰያ ናኣይ ዳዊተ እስራኤልያ ኡባ ቦላ ካተቲዳ።

27 ዳዊተ እስራኤልያ ቦላ ኦይታሙ ላይላ ካተቲዳ፤ ከብርናን እ ላቸን ላይላ ካተቲዳ፤ የሩሳላሙን ሀታማን ሄዙ ላይላ ካተቲዳ።

28 ዳዊተ ዳር ላይላ ደኢደ፡ ዱረቲደ፡ ቦንቹቲደ፡ ሎኦ ጭሚደ ሀይቆዳ። ኦ ኮታን ኦ ናኣይ ሶሎሞን ካተቲዳ።

29 ዳዊተ ኮይርጥ ደሚደ ዉርሰላ ጋካናዉ ኦጭዳባይ፡ ትምቢትያ ኦድያ ሳመላ ታርክያ ማጻፋን፡ ትምቢትያ ኦድያ ናታና ታርክያ ማጻፋን፡ ትምቢትያ ኦድያ ጋደ ታርክያ ማጻፋን ጸፈት ኡቴዳ።

30 እ ዋት ሞዴደንቶን እ ዋኔዳ ዋልቃማ አሳኮ፡ እ ሀኔዳባይ፡ እስራኤልያ አሳይነ ሄራን ደእያ ካዉተላቱ ኡባይ ሀኔዳባይ ሄ ማጻፋቱዋን ጸፈት ኡቴዳ።

ሀኔዳባ ኦዲያ ላኤንሳ ማጻፋ ገሉዋ

ሀኔዳባ ኦዲያ ማጻፋ ላኤንሳ ሻኩ ሀኔዳባ ኦዲያ ማጻፋ ኮይሮ ሻኩ ኤቄዳ ካትያ ዳዊተ ሀይቁዋ ኦዲያ ታርክያፕ ደሚ። ሄዌካ ካትያ ሶሎሞና ሞዲዋፕ ደሚደ። እ ሀይቃና ጋካናዉ ደእያ ዋድያ ፕን ከሴ። ሁጺሳ ባጋን ደእያ ዛራቱ ባረ እዉዋ ሶሎሞና ኮታን ካተቱዳ ይሁዳ ካትያ ርባማ ቦላ ማካሌዳ ሀኖታ ኦድ ሰሚደ። የሩሳላሙ ላለቱዳ ዋድያ። ክርስቶሳ የለታፕ ካስ 586 ላይላ ጋካናዉ ደእያ ገድሳ ባጋ ይሁዳ ታርክያ ቪቪደ ኦዲ።

ሸምፓቱዋ ኡባቶ እመቱዳ ቃንሳ ቆፋቱዋ

ሶሎሞን ካተ ግዲሳ 1:1—9:31

እስራኤልያ ፑደሃ ያራቱ ካትያ ርባማ ቦላ ማካሉሳ 10:1-19

ይሁዳ ካተቱዋ 11:1—36:12

የሩሳላሙ ኩንደላን ኦሳይ ባብሎን ኦሞደቱሳ 36:13-23

ሶሎሞን ካተ ግዲሳ

(1 ኦዲዋ 1:1—9:31)

ካቲ ሶሎሞን እጄዳ ኤራ አካናዉ ዋሴዳ (1 ካታ. 3:1-15)

1 ዳዊታ ናእይ ካቲ ሶሎሞን ባረ ካዉተላ ሞንሴዳ። መጅና ጎዳይ እ ጸሳይ እናና ግዲደ። እ ሎይሳ ግታዬዳ።

2 ሶሎሞን እስራኤልያ ኡባ። ሻእ ካፓቱዋ። ጾቱዋ ካፓቱዋ። ዳናቱዋ። እስራኤልያ አሳ ካለላያ ኡባቱዋን ጎልያ አሳቱዋ ካፓቱዋ ዴሲደ ቪቪደ።

3 ሄዋፕ ጉይያን። ሶሎሞንን ሸቄዳ አሳይ ኡባይ ጋባኦናን ደእያ ጎይንያ ጾቃ ሳኦ ቤድኖ፤ እያዉ ጎፕ። መጅና ጎዳ ቆማይ ሙሴ መላ ቢታን መጾ ጸሳ ዲንካኒ ያን ደኤዳ።

4 ካስ ዳዊተ ጸሳ ታቦታዉ የሩሳላሙን ዲንካንያ ገግሴዳ። ጸሳ ታቦታ ቅርያት-ይኦሪማ ካታማፕ ሄ ገግሰ ዋፊዳ ሳእዉ አሀ ዋፊዳ።

5 ሁራ ናኦ ኡራ ናእይ ባጸልኤል ናሃሲያ ብራታፕ ኦፊዳ ያርሸያ ሳእይ ጋባኦናን መጅና ጎዳ ዲንካንያ ሰንላን ደኤ። ሶሎሞን ሄ ሸቄዳ አሳይ ጸሳ ሄዋን ኮዬድኖ።

6 ሶሎሞን መጅና ጎዳ ዲንካንያ ሰንላን ደእያ ናሃሲያፕ ኦስቱዳ ያርሸያ ሳኮ። ጸሳ ሰንላ ቢደ። እት ሻእ ጸግያ ያርሹዋ ያርሹዳ።

7 ሄ ጋላሳ ቃማ ጸሳይ ሶሎሞናዉ ቆንጨደ። “ታን ነዉ እያ እማናዉ ኮያይ?” ያጌዳ።

8 ሶሎሞን ጸሳ። “ኔን ታ አዉዋ ዳዊታ አገና ዋልቃማ ሲቁዋን ሲቃደ፤ ያታደ ታና እ ኮታን ካተያዳ።

9 ሀእካ እቤት መጅና ጎዳዉ። ጸሳዉ። ኔን ታ አዉዋ ዳዊታዉ ካስ ጌዳ ቃላይ ፖለቶ። ኔን ታና ሳኦን ደእያ ባናዳን ጮራቱዳ አሳ ቦላ ካተቆዳ ድራዉ።

1:4 2 ሳሜላ 6:1-17፤ 1 ኦዲዋ 13:5-14፤ 15:25—16:1 1 ካታ. 4:26 1:16 ዛረ. 17:16

10 ታን ሀ አሳ ካለላናዉ ኔን ታዉ እጄዳ ኤራተላን እኬካ እማ። ሄዌ ጳዮፕ። ሀ ነ ዋልቃማ አሳ እን እይሳናዉ ዳንዳዪ?” ያጌዳ።

11 ጸሳይ ሶሎሞና ሀዋዳን ያጌዳ፤ “ኔን ዲረ ግዳናዉ። ዋይ አቁዋ ደማናዉ። ዋይ ቦንቹታናዉ። ዋይ ነ ዋርከቱ ሀይቃናዉ። ዋይ ነዉ ላይላይ አዲቃናዉ ኦቹናን አጋደ። ታን ኔና ካተቆዳ ታ አሳ አይሰያ እጄዳ ኤራተላን እኬካ ኦቹዳ ድራዉ።

12 ታን ነዉ እጄዳ ኤራተላን እኬካ እማና። ቃይ ኔፕ ካስ ደኤዳ ካተቶ ዋይ ኔፕ ጉይያን ያና ካተቶካ ባይና ዲረታ። አቁዋን ቦንቹዋ ታን ነዉ እማና” ያጌዳ።

13 ሄዋፕ ጉይያን። ሶሎሞን ጸሳ ዲንካኒ ጋባኦናን ደእያ። ጎይንያ ጾቃ ሳፕ ሰሚደ። የሩሳላሙ ቤዳ፤ እስራኤልያ ቦላ ካተቱዳ።

ካትያ ሶሎሞን ሞኖተላን ዲረተላ (1 ካታ. 10:26-29)

14 ሶሎሞን ፓራ ጋረቱዋን ፓራቱዋ ቪቪደ። አዉ እት ሻእን ኦይዱ ጾቱ ፓራ ጋረቱን ታማን ላኡ ሻእ ፓራቱ ደኤኖ። እ ኡንቱንቱ ፓራ ጋረቱዋ ካታማቱዋን ባረናና የሩሳላሙን ዋፊዳ።

15 ካቲ ዋርቃይን ብራይ የሩሳላሙን ሹቻዳን ኬለታናዳን። ዝጋይካ ጋታን ድጭያ ኤላዳን ጮራታናዳን ኦፊዳ።

16 ሶሎሞን ፓራቱ ግብጾፕን ቃዌ ጌተትያ ጋድያፕ ዬድኖ። ካትያ ዛልአንቻቱ ኡንቱንታ ቃዌፕ ሻሉዋን ሻሚደ አሂኖ።

17 ኡንቱንቱ እት እት ፓራ ጋርያ ኡሱፑን ጾቱ ጸጋራ ብራን። እት እት ፓራ እት ጾታን እሻታሙ ጸጋራ ብራን ግብጾፕ ሻሚደ አሂኖ፤ ሂተቱዋ ካተቱዋ ኡባቶን ሶርያ ካተቶ ዛልኤኖ።

2

ሶሎሞን ጌሻ ጎልያ ኬጻናዉ ገግሴዳ (1 ካታ. 5:1-18)

1 ሶሎሞን መጅና ጎዳ ሱንላዉ ጌሻ ጎልያን ባረዉ ካትያ ጎልያ ኬጻናዉ ሀልቹዳ።

2 ሄዋ ድራዉ። ሶሎሞን ቶክያዋ ቶሳናዉ ላፑን ታሙ ሻእ አሳቱዋን ገዝያን ሹቻ ቆአናዉ ሆሰፑን ታሙ ሻእ አሳቱዋ ደራዳ፤ ቃይ ኡንቱንታ ዋቻያ ሄዙ ሻእን ኡሱፑን ጾቱ አሳቱዋ ኡንቱንቱ ቦላ ሱንሴዳ።

3 ሄዋፕ ጉይያን። ሶሎሞን ጸረሳ ካትያ ኪራማዉ ኪታ ኪቲደ። “ታ አዉ ዳዊተ ባረዉ ካትያ ጎልያ ኬጻናዉ ኔን ዝጋ የዴዳዋዳን። ታዉካ የዳ።

4 ሀእ ታን መጅና ጎዳ ታ ጸሳ ሱንላዉ ጌሻ ጎልያ ኬጻናዉ ሀናይ። ታን ሳዉዋ ቶሽኩ ግያ እጻና ጨዋያናዉ። ኡባ ዋይ ጸሳ ሰንላን ኡክላ ዋላናዉን ኡባ ገደ ጉራን አማርሳ። ሳምባታ ጋላሳቱዋን። አግናይ ጾርያ ዋደቱዋን ጸሳ ኑ ጸሳ ባላ ጋላሳቱዋን ጸግያ ያርሹዋ ያርሻናዉ። ሄ ጌሻ ጎልያ ዲማያና። እስራኤልያ አሳይ መጅናዉ አላናዳን አዛዘቱዳ ኦሶቱ ሀዋንታ።

1:5 ከሳ 38:1-7 1:9 ደመላ 13:16፤ 28:14 1:14

5 “ኑ ደሳይ ሀራ ደሳቱዋ ኡባጥ ዋልቃማ ግድያ ድራው፡ ታን ኬጻናው ሀንያ ጌሻ ጎሊ ዋልቃማ።

6 ሸን አው ጌሻ ጎልያ ኬጻናው ዳንዳይያዋ እኔ? አያው ጎጥ፡ ሳሉዋጥ ጾቃ ሳሉካ አው ግዳናው ዳንዳየና! ያትና፡ ታን አ ሰንጻን ያርሹዋ ያርሻናጥ አትና፡ ታን አው ጌሻ ጎልያ ኬጻናው እኔ?

7 “ሀእካ አሌቂያዋንታ ከሰያ ኪታ፡ ዋርቃ፡ ብራ፡ ናሃሰያን ብራታ ሲልሲደ ትግያ ኦሱዋን ዘኦ ማዩዋ፡ ኦቻ ቴራ ማላትያ ማዩዋን ሳሉዋ ማላትያ ማዩዋ ገግሰያ ከታ ኤራተላይ ደእያ አሳ ታው የዳ። ታ አው ዳዊተ ይሁዳንን የሩሳላሙን ደእያ ኩሽያ ሂላ ኤርያዋንታ ደር ዋሌዳ፤ አ ኤንቱንቱና እትጥ አላና።

8 ሊባኖሳን ደእያ ነ አሳቱ ሞላ ዋት ቃንጽንቶ ኤርያዋ ታን ኤራይ። ሄዋ ድራው፡ ኔን ታው ሊባኖሳጥ ዘጋ፡ ጽድያን ሳንዳልያ የዳ። ታ አሳቱ ነ አሳቱዋና ግዲደ።

9 ታው ዳር ሞላ ገግሳና። አያው ጎጥ፡ ታን ከጽያ ጌሻ ጎሊ ግታን ማላልሰያዋ።

10 ሞላ ቃንጽያ ነ ቆማቶ ታን ላታሙ ሻአ ኮንታለ ዛርጋን ላታሙ ሻአ ኮንታለ ባንጋ፡ ቃይ ኦይዱ ጾቱ ሻአ ሊትር ዋይንያ ኤሳን ኦይዱ ጾቱ ሻአ ሊትር ዋጋራ ዛይትያ እማና” ያጌዳ።

11 ጸርሳ ካትያ ኪራም ሶሎሞናው ዳብዳቢያ ኪቲደ፡ “መድና ጎዳይ ባረ አሳ ሲቅያ ድራው፡ አ ኔና ኤንቱንቱ ቦላ ካተዬዳ” ያጌዳ።

12 ኪራም ቃይካ፡ “መድና ጎዳው ጌሻ ጎልያን ባረው ካትያ ጎልያ ኬጻናዳን አዴዳ ኤራንቻ፡ አኬካንቻን ጭንጫ ናኦ ካትያ ዳዊታው እማዳ፡ ሳሉዋ ሳኦ መዴዳ መድና ጎዳይ፡ እሰራኤልያ ጸሳይ ጋላተቶ።

13 “ሀእካ ታን ነው ሁራማ ጌተትያ ሂላንቻን አኬካንቻ ብታንያ የዳድ።

14 አ አታ ዳና ዛርያ፤ ቃይ አ አው ጸርሳ ጋድያ አሳ። አ ዋርቃ፡ ብራ፡ ናሃሰያ፡ ብራታ፡ ሹቻን ሞላ ኦስያ አሳ፤ ቃይ ኦቻ ቴራ ማላትያ ማዩዋ፡ ሳሉዋ ማላትያ ማዩዋ፡ ዘኦ ማዩዋን ሱፍያ ጌተትያ ማዩዋ ገግሰያ ከታ ኤራዳ። ቃይካ አ ዳማ ዳማ አሌቂያዋንታ ከሲደ፡ ኦይዳዋዳን ኡባባ አላናው ዳንዳይ። ሄዋ ድራው፡ ኩሽያ ሂላን ሎሄዳ ነ አሳቱዋናን ካሰ ነ አዋ፡ ዳዊታው ኦሌዳ አሳቱዋና አ ኦሰሳ።

15 “ሀእካ ኔን ታ ጎዳይ እማና ጌዳ ዛርጋን ባንጋ፡ ዛይትያን ዋይንያ ኤሳ ታ ቆማቶ የዳ።

16 ኔን ሊባኖሳጥ ኮዮ ሞላ ኬሻ ኑን ቃንጸደ ቃሽሲደ፡ አባ ቦላና ቶከቲደ፡ ኔኮ ዮጶ ባናዳን አላና። ያቶጥ ኔን ያጥ የሩሳላሙ ጋካናው አፍሳና” ያጌዳ።

ሶሎሞን ጌሻ ጎልያ ኬጾዳ
(1 ካታ. 6:1-38)

17 አ አው ዳዊተ ካሰ ፓይዴዳዋዳን፡ ሶሎሞን እሰራኤልያ ቢታን ደእያ ካረ ቢታ አሳ ኡባ ፓይዴዳ፤ ኤንቱንቱ 153,600 ግዴድና።

18 ሶሎሞን ሄ አሳጥ 70,000 ቶክያዋ ቶሳናው፡ 80,000 ገዝያን ሹቻ ቆከናው ደራዳ፤ ቃይ ኤንቱንታ ዋቻናው 3,600 አሳቱዋ ሱንጼዳ።

3

1 ሶሎሞን አው ዳዊተ መድና ጎዳ ጌሻ ጎል ኬጾታና ሳኦ ሞርያ ግያ ደርያን የሩሳላሙን ገግሰ ዋሌዳ። ሄ ሳኦ መድና ጎዳይ ዳዊታው ባረና በሴዳ፡ ያቡሰያ ኦርና ኡዳማ።

2 ሶሎሞን ባረ ካተቱዳ ኦይደንጻ ላይላን፡ ላኤንጻ አግናን፡ ላኤንጻ ጋላሳን ጌሻ ጎልያ ኬጻናው ደማዳ።

3 ሶሎሞን ጸሳ ጌሻ ጎልያ ኬጻናው ባሴዳ ባሱዋ ጌሳይ ኡሱቸን ታሙ ዋቋ፤ ጎምፓይ ላታሙ ዋቋ።

4 ጌሻ ጎልያ ገልያ ሳኦን ደእያ ባራንዳ ጎምፓይ ጌሻ ጎልያ ጎምፓካ ኬሻ ላታሙ ዋቋ፤ ጌሳይ ላታሙ ዋቋ። አ ግዲዋ ጌሻ ዋርቃን ሹሹዳ። 3:4 ላታሙ ዋቋ፡ እብራዌሉ እት ጾታን ላታሙ ዋቋ ጌ።

5 ዉይገ አዳራሽያ ጽድያ ጸላላን ልቅ ካማዳ፤ ሙሩታ ዋርቃን ሹሹዳ፤ ያቲደ ዛምባ ሞሰልያንን ሳንሳላታን አሌቂሴዳ።

6 ጌሻ ጎልያ አልኦ ሹቻን አሌቂሴ፤ አ አሌቂሴዳ ዋርቃይ ፓርዋይማ ጋድያጥ ዬዳ ዋርቃ።

7 ማረቱዋ፡ ግምቡቱዋ፡ ቆሰላላንን ጥንገቱዋ ዋርቃን ሹሹዳ፤ ቃይ ጎዳ ቦላ ክሩቡቱዋ ሞሰልያ ማሴዳ።

8 ሶሎሞን ኡባጥ አድያ ጌሻ ሳኦ ኬጾዳ። ሄ ሳኦ ጌሳይ ጌሻ ጎልያ ጎምፓዳን ላታሙ ዋቋ፤ ጎምፓይ ላታሙ ዋቋ። ሄ ሳኦ ጎዳ ላታሙ ሻአ ኪሎ ግራመ ጸልታ ዋርቃን ሹሹዳ።

9 ኤንቱንቱ ጎኤቱዳ ሞሰማሪ እቼሹ ጾታን ላቸን ታሙ ግራመ ዋርቃጥ መጠቱዳ። ፖቅያን ደእያ ክፍለቱዋካ ዋርቃን ሹሹዳ።

10 ሶሎሞን ኡባጥ አድያ ጌሻ ሳኦን ላኦ ክሩቡቱዋ ሞሰላቱዋ ማሰ ገግሲደ፡ ዋርቃን ሹሹዳ።

11 ሄ ክሩቡቱዋ ቀሬ ሞጨቱዳ፡ ላታሙ ዋቋ፤ ኮይር ክሩብያው ኮይር ቀሬ እቼሹ ዋቋ ግዲደ፡ ጌሻ ጎልያ ጎዳ ቦቹ፤ ላኤንጻ ቀሬካ እቼሹ ዋቋ ግዲደ፡ ሀራ ክሩብያ ቀፍያ ቦቹ።

12 ላኤንጻ ክሩብያው ኮይር ቀሬ እቼሹ ዋቋ ግዲደ፡ ጌሻ ጎልያ ጎዳ ቦቹ፤ ላኤንጻ ቀሬካ እቼሹ ዋቋ ግዲደ፡ ኮይር ክሩብያ ቀፍያ ቦቹ።

13 ሀ ላኦ ክሩቡቱዋ ቀሬ ሞጨቱዳ፡ ላታሙ ዋቋ ግዴዳ፤ ኤንቱንቱ ባረንቱ ደሙዋ ጌሻ ሳኦ ከሪደ፡ ባረንቱ ገድያን ኤቁድኖ።

14 ሶሎሞን ሳሉዋ ማላትያ ማዩዋጥ፡ ኦቻ ቴራ ማላትያ ማዩዋጥ፡ ዘኦ ማዩዋጥን ሱፍያ ቃጭናጥ ዳደቱዳ ማዩዋጥ ጋርዲዋ ኦሊደ፡ አ ቦላ ክሩቡቱዋ ሞሰላቱዋ መዴዳ።

ላኦ ናሃሰያ ቱሳቱዋ
(1 ካታ. 7:15-22)

15 ሰሎሞን ጌሻ ጎልያ ሰንፋን እቱዋ እቱዋ ጌሳይ ሀታማን እቼሹ ዋቆ አዲቂያ ላኡ ቱሳቱዋ መድሴዳ፣ ኡንቱንቱ ሁጲያን እቼሹ ዋቆ ጉምቡዋ ዋሌዳ።

16 ቃይ ሳንሳላታ ግትያዳን መድሴዳ፣ ቱሳቱዋ ሁጲያን ዋሌዳ፤ ያቲደ ሮማን ጌተትያ ቱራ ሞሰለቱዋ ጴታቱዋ መድሴዳ፣ ሳንሳላታ ቦላ ዋሌዳ።

17 ቱሳቱዋጥ እቱዋ ጌሻ ጎልያ ሰንፋን ኡሸቻ ባጋና፣ ላኡንሱዋ ቃይ ሀድርሳ ባጋና ኤሴዳ። ኡሸቻ ባጋና ደእያ ቱሳ ያኪና * ሱንሱዳ፤ ሀድርሳ ባጋና ደእያ ቱሳ ቦኤዛ † ሱንሱዳ።

4

ጌሻ ጎልያ ሚሻቱዋ (1 ካታ. 7:23-51)

1 ሄዋጥ ጉይያን፣ ሰሎሞን ጌሳይ ላታሙ ዋቆ፣ ጎምጋይ ላታሙ ዋቆ፣ ጌሳይ ታሙ ዋቆ ግድያ ያርሽያ ሳኦ ናሃሲያ ብራታጥ ኦሰሴዳ።

2 ቃይ ናሃሲያ ብራታ ሲልሲደ፣ ደናይ ያ ጋጸጥ ሀ ጋጸ ጋካናዉ ታሙ ዋቆ፣ ጌሳይ እቼሹ ዋቆን ዩሹ ሀታሙ ዋቆ ግድያ አባ ግያ ሳኒያ መድሴዳ።

3 አባ ሳኒያ ደናን ካረ ባጋና ዝቂ ገደ፣ አናና ኦይቀቲደ መጠቲዳ ሞሰለቱ ደአና፤ ሄ ሞሰለቱ ላኡ ማራን ደእያ ቦራቱዋ ሞሰለቱዋ።

4 ሄ አባ ሳኒ ናሃሲያ ብራታጥ መጠቲዳ ታማን ላኡ ቦራቱዋ ሞሰለቱ ዘክያን ኡቲዳ። ቦራቱዋጥ ሄዛቱ ሁጲሳ ባጋ፣ ሄዛቱ አዋይ ዉልያ ባጋ፣ ሄዛቱ ገድሳ ባጋ፣ ሄዛቱ ቃይ አዋይ ደልያ ባጋ ሰሚደ ጴልያዋ ማላትና። አባ ሳኒ ኡንቱንቱ ቦላ ኡቲዳ፤ ኡንቱንቱ ጉዩ ባጋይ ግዲዋኮ ሰም ኡቲዳ።

5 አባ ሳኒ እት ታካጢ ኬሻ ኦርዲዋ፤ አ ደናይ ዋንጫ ደና ማላ፤ ቃይ ጨሻይ ጨሹዳዋካ ማላቲ። ሄ አባ ሳኒ ኡሱቱን ታሙ ሻኦ ሊትሮ ግድያ ሃላ ኦይቂያዋ።

6 ሰሎሞን ቃይካ ሜጨትያ ታሙ ከረቱዋ መድሴዳ፤ መድሴዳ እቼሻቱዋ ገድሳ ባጋና፣ ቃይ እቼሻቱዋ ሁጲሳ ባጋና ዋሌዳ። ኡንቱንቱን ጴግያ ያርሹዋ አሹ ሜጨቲ፤ ሸን አባ ሳኒያ ሃላን ቄሳቱ ሜጨትና።

7 ሄዋጥ ጉይያን፣ ሰሎሞን ኡንቱንቱ እመቲዳ ሀልቹዋዳን ጸምጥያ ዋልያ ባላቱዋ ታማቱዋ ዋርቃጥ ኦሰሴዳ፣ እቼሻቱዋ ኡሸቻ ባጋና፣ እቼሻቱዋ ሀድርሳ ባጋና ጌሻ ጎልያ ግድን ዋሌዳ።

8 ቃይካ እ ታሙ ጸርጴዛቱዋ ኦሊደ፣ እቼሻቱዋ ኡሸቻ ባጋና፣ እቼሻቱዋ ሀድርሳ ባጋና ጌሻ ጎልያ ግድን ዋሌዳ። ቃይ ጴቱ ኩይጸርቱዋካ ዋርቃጥ መድሴዳ።

9 ሰሎሞን ቄሳቶ ግደ ደባባን ካረ ባጋ ዋልቃማ ደባባ ገገሴዳ፤ ደባባዉ ጥንገቱዋ ገገሴደ፣ ጥንገቱዋ ናሃሲያ ብራታን ሹሹዳ።

10 አባ ሳኒያ ጌሻ ጎልያጥ ገድሳ አዋይ ደልያ ባጋ ዋሌዳ።

11 ሁራም ከረቱዋ፣ አካፋቱዋን ኩይጸርቱዋ መድሴዳ፤ ያቲደ ሁራም ካትያ ሰሎሞናዉ ጸሳ ጌሻ ጎልያን ኪታ ኦሊደ ፖሌዳ።

12 እ ኦሌዳ አሶቱካ ላኡ ቱሳቱዋ፣ ቱሳቱዋ ሁጲያን ዋልያ ሳኦይን ማላ ላኡ ጉምቡቱዋ፣ ቱሳቱዋ ቦላይ ደእያ ላኡ ጉምቡቱዋ አሌቂሲያ ላኡ ግተ ማላ ሳንሳላታቱዋ።

13 እት እት ጉምቡቱዋ ቦላ ላኡ ማራን ናሃሲያጥ መጠቲዳ እት እት ጴቱ ሮማን ቱራ ሞሰለቱዋ፣ ኡባና ኦይዲ ጴቱ ሮማን ቱራ ሞሰለቱዋ።

14 ታሙ ጋረቱዋ፣ ጋረቱዋ ቦላን ዋቂያ፣ ሜጨትያ ታሙ ከረቱዋ።

15 አባ ሳኒያን እጥ ጋርሳን ደእያ ታማን ላኡ ቦራቱዋ ሞሰለቱዋ።

16 ከረቱዋ፣ አካፋቱዋ፣ ዛምቤልያን ሀራ ሚሻቱዋ ኡባ።

ሁራም ካትያ ሰሎሞናዉ መድና ጎዳ ጌሻ ጎልያ አሶ መድሴዳ ሀ ሚሻቱዋ ኡባ ቁጨቲዳ ናሃሲያጥ መድሴዳ።

17 ካቲ ሰሎሞን ሱኩታጥን ጸራዳጥ ግዲዋን፣ ዮርዳኖሳ ደምባን ደእያ ናሃሲያ ብራታ ሲልሲያ ሳኦን ሀዋንታ ኡባ ኦሰሴዳ።

18 ናሃሲያ ብራታጥ መጠቲዳ ሀ ሚሻይ ኡባይ ሎይላ ዳሮ ግዴዳ ድራዉ፣ ዋይሳ ዴጽንቶ፣ ልኪ ኤረትቤና።

19 ቃይካ ሰሎሞን ጸሳ ጌሻ ጎልያ ደእያ ሚሻቱዋ ዋርቃጥ ኡባ መድሴዳ። ሄዋንቱካ ዋርቃጥ ኦሌዳ ያርሽያ ሳኦ፣ ጸሳ ሰንፋን ዋልያ ኡክላይ ኡትያ ጸራጴዛ።

20 ኡንቱንቱ ዋሌዳ ዋጋዳን ኡባጥ አቲያ ጌሻ ሳኦ ሰንፋን ፖኦናዳን ጸምጥያ ዋልያ ዋርቃ ባላቱዋ፣ ኡንቱንቱ ዋርቃ ጸምጥቱዋ።

21 ጌሻ ዋርቃጥ ኦሌዳ ጨሻ ሞሰለቱዋ፣ ጸምጥያ ቶይሲያ ቃጶቱዋ።

22 ጸምጥያ ቶይሲያ ቃጶቱዋ፣ ኩይጸርቱዋ፣ እጸና ጨዋይያባቱዋን ታማ አክያ ሚሻቱዋ። ሀ ሚሻቱ ኡባይ ጌሻ ዋርቃጥ ኦሰቲድና። ጌሻ ጎልያዉ ካረ ባጋ ጥንገቱዋን ኡባጥ አቲያ ጌሻ ሳኦ ገልያ ጥንገቱዋ ዋርቃን ሹሹዳ።

5

1 ሰሎሞን መድና ጎዳ ጌሻ ጎልያ ኪታ ኡባ ፖሌዳዋጥ ጉይያን፣ አ እዉ ደዊተ ጸሳዉ ዲማይ ዋሌዳ ብራ፣ ዋርቃን ሀራ ሚሻቱዋ ኡባ አሂደ፣ ጸሳ ጌሻ ጎልያ ሚሻ ምንጅያሳን ዋሌዳ።

ጸሳ ታቦታይ ጌሻ ጎልያ ገሌዳ (1 ካታ. 8:1-9)

2 ሄዋጥ ጉይያን፣ ካቲ ሰሎሞን መድና ጎዳ ቃላ ጫቁዋ ታቦታ ዳዊታ ካታማጥ፣ ጽዮነጥ አሀናዳን እሰራኤልያ ጭማቱዋ፣ ዛራቱዋ ኡባ ካፓቱዋን እሰራኤልያ ጎልያ አሳቱዋ ካለልያዋንታ የሩሳላሙ ካታማ ሹሹዳ።

3 እሰራኤልያ አሳይ ኡባይ ላፑንፋ አግናን፣ ዳሲያ ባላይ ቦንቹትያ ዋይ፣ ካትያኮ ሹቄዳ።

* 3:17 ያኪና- ሀ ሱንፋ ብለላይ አብራዌሉዋን፣ “ጸሳይ ኬዴዳ” ግያዋ። † 3:17 ቦኤዛ- ሀ ሱንፋ ብለላይ አብራዌሉዋን፣ “ጸሳ ሞናተላ” ግያዋ። 4:1 ከሳ 27:1-2 4:6 ከሳ 30:17-21 4:7 ከሳ 25:31-40 4:8 ከሳ 25:23-30 5:1 2 ሳሜላ 8:11፤ 1 ኦዲዋ 18:11 5:2 2 ሳሜላ 6:12-15፤ 1 ኦዲዋ 15:25-28

4 እስራኤልያ ጭማቱ ኡባይ ጋካናው፡ ሌዋቱ ታቦታ ደንጌድኖ።

5 ሌዋቱን ቁሳቱ ታቦታ፡ ጸሳ ጋከትያ ዲንካንያን ዲንካንያ ግደን ደእያ ጌሻ ሚሻቱዋ ኡባ ቶኪደ እሄድኖ።

6 ካቲ ሶሎሞንን እናና እትፕ ደእያ እስራኤልያ ያእይ ኩመንሳይ ታቦታ ሰንሳን ሸቂደ፡ ፓይዳናው ዳንዳየተና፡ ጮራ ደርሳን መሀያ ያርሼድኖ።

7 ሄዋፕ ጉይያን፡ ቁሳቱ መድና ጎዳ ቃላ ጫቁዋ ታቦታ ጌሻ ጎልያው ግደ ጌሻ ቆልኡዋ፡ ኡባፕ አድያ ጌሻ ሳኦ ግያ ሳኦ እሄደ፡ ክሩብቱዋ ሞሰለቱ ቀፈቱዋፕ ጋርሳ ሳርሳ ዋሴድኖ።

8 ሞጬት ኡቱዳ ክሩብቱዋ ቀፈቱ ታቦታን ታቦታ ቶክያ ካሱዋ ካሚድኖ።

9 ካሶቱ ሎይሳ አዲሳ ግድያ ድራው፡ ኡንቱንቱ ጸራይ ኡባፕ አድያ ጌሻ ሳኦ ሰንሳን ደእያ ጌሻ ሳኦን ቤታናው ዳንዳይ፤ ሸን ጌሻ ሳኦፕ ካረና ቤተና፡ ኡንቱንቱ ሀቼ ጋካናው፡ ሄ ሳኦን ደኢኖ።

10 እስራኤልያ አሳይ ግብጾ ጋድያፕ ከሴዳ ዋደ፡ መድና ጎዳይ ኡንቱንቱና ቃላ ጫቁዋ ጫቁቱዳ ሲና ደርያን ሙሴ ዋሴዳ ላኡ ማሰቱዳ ሹቻቱዋፕ አትና፡ ታቦታ ግደን ሀራባይ እያይነ ባዎ።

ጸሳ ቦንቹዋ

11-14 ሄ ሳኦን ደእያ ቁሳቱ ኡባቱ ባረንቱ አልያ ሳኦን ሳኦን ሻከተናን፡ እትፕ ባረንታ መድና ጎዳው ደማይ ዋሴድኖ። ማዝሙርያ የጸያ ሌዋቱ ኡባቱ፡ አሳፈ፡ ሄማንን ይዱቱን፡ ኡንቱንቱ ናናይነ ኡንቱንቱ ዳቦቱ ሱፍያ ግያ ማዩዋ ማዩድኖ። ሄ ማዩዋ ማዩደ፡ ዳላቱዋ፡ ዳላቱዋን ማሰንቆቱዋ ኦይቂደ፡ ያርሼያ ሳፕ አዋይ ደልያ ባርና ኤቄድኖ፤ ጴታን ላታሙ ቁሳቱ ጴሩሞባቱዋ ፑናናው ኡንቱንቱና እትፕ ኤቄድኖ። ኡንቱንቱ ኡባይ ጴሩሞባቱዋ ፑኒደ፡ ዳላቱዋ ቃሊደ፡ ዳላቱዋ ዳዲደነ ሀራ ካእያ ሚሻቱዋን ካኢደ፡

“መድና ጎዳይ ሎእ!

እገና እ ሲቁ መድናዎ”

ያገደ መድና ጎዳ ሳቤድኖ።

ቁሳቱ ጌሻ ጎልያፕ ከሰያ ዋደ፡ ሻሪ ጸሳ ጌሻ ጎልያ ኩሚዳ፤ ሄ ሻርያ ጋሱዋን ቁሳቱ ባረንቱ ኡሱዋ ኦላናው ዳንዳይበይክና፤ እያው ጎፕ፡ ጸሳ ቦንቹ ጸሳ ጌሻ ጎልያ ኩሞ ኡቱዳ።

6

ሶሎሞን አሳው ሃሳዬዳ ሃሳያ

(1 ካታ. 8:12-21)

1 ሄዋፕ ጉይያን፡ ሶሎሞን ሀዋዳን ያጌዳ፤ “አቤት መድና ጎዳው፡ ኔን፡ ሓን ጳማ ሻርያን ደኦና፡ ያጋ ዋሳዳ።

2 ሸን ታን ነው ሎእ ጌሻ ጎልያ፡ ኔን አን መድናው ደኦና ሳኦ ከጸድ” ያጌዳ።

3 እስራኤልያ ያእይ ኩመንሳይ ኤቂደእሸን፡ ካቲ ኡንቱንቱኮ ሰሚደ፡ ኡንቱንታ ሀዋዳን ያገደ እንጂዳ፤

4 “መድና ጎዳይ እስራኤልያ ጸሳይ ጋላተቶ! ታ አውዋ ዳዊታው ባረ ደናን ኡዴዳ ሀድታ ባረ ኩሸያን ፖሌዳ። ሄ እ ኡዴዳ ናሸቻይ፡

5 ሓን ታ አሳ እስራኤልያ ግብጾፕ ከሳይ አሄዳ ጋላሳፕ ደሞና፡ ታ ሱንሳይ አን ጴሰታናዋ ማላ፡ ጌሻ ጎልያ ከጸናው እስራኤልያ ዛራቱዋ ግደን እያ ካታማን ደራበይከ፤ ዋይ እ ታ አሳ እስራኤልያ ካለላና ማላ፡ ኦናን ደራበይከ።

6 ሸን ሀእ ታ ሱንሳይ የሩሳላመን ጴሰታና ማላ፡ ታን የሩሳላመ ደራድ፤ ቃይ ታ አሳ እስራኤልያ ካለላና ማላ፡ ዳዊታ ደራድ” ያጌዳ።

7 ሓን አው ዳዊተ መድና ጎዳው እስራኤልያ ጸሳ ሱንሳው ጌሻ ጎልያ ከጸናው ባረ ዋዛናን ቆፔዳ።

8 ሸን መድና ጎዳይ ታ አውዋ ዳዊታ፡ ኔን ታ ሱንሳው ጌሻ ጎልያ ከጸናው ነ ዋዛናን ቆፔዳ ድራው፡ ሎእባ ኦላዳ።

9 ግደፕ፡ ጌሻ ጎልያ ከጸናዌ ኔና ግዳካ፤ ታ ሱንሳው ጌሻ ጎልያ ከጸናዌ ነ ጉልባታፕ የለታና ነ ናኦ” ያጌዳ።

10 “ሀእካ መድና ጎዳይ ባረ ጌዳ ሀድታ ቃላ ፖሌዳ። መድና ጎዳይ ካሰ እሚዳ ናሸቻዳንካ፡ ታን ታ አውዋ ዳዊታ ሳኦን ካተታናውን ሀእ እስራኤልያ ካውተላ አራታን ኡታድ። ቃይ መድና ጎዳ እስራኤልያ ጸሳ ሱንሳው ጌሻ ጎልያ ከጸድ።

11 መድና ጎዳይ እስራኤልያ አሳና ጫቁቱዳ ጫቁ ጸፈቱዳ ማሰቱዳ ሹቻቱ ደእያ ታቦታካ እ ግደን ዋሳድ” ያጌዳ።

ሶሎሞን ዋሳ

(1 ካታ. 8:22-53)

12-13 ሶሎሞን አኩተላይ እቼሹ ዋቆ፡ ጎሞፓይ እቼሹ ዋቆን ቃይ ጌሳይ ሄዙ ዋቆ ግዴዳ ማድራክያ ናሃሰያ ብራታፕ ገገሲደ፡ ካረ ዳባባ ግደን ኤሰ ዋሴዳ። ሄዋፕ ጉይያን፡ ሶሎሞን መድና ጎዳው ያርሼያ ሳኦ ሰንሳን፡ እስራኤልያ ያእይ ኩመንሳይ ደእያ ሳኦን ኤቂደ፡ ባረ ኩሸያ ሳሉዋ ዛሪደ ሞጬዳ፤ እስራኤልያ ሸቁዋ ኩመንሳ ሰንሳን ጉልባቱዳ።

14 ያተደ ሀዋዳን ያገደ ዋሴዳ፤ “አቤት መድና ጎዳው፡ እስራኤልያ ጸሳው፡ ሳሉዋን ዋይ ሳኦን ነ ማላ ጸሰ ባዎ። ኔን ነ ቃላ ጫቁዋ ናጋሳ፤ ባረንቱ ኩመንሳ ዋዛናፕ ነ ሰንሳን ሀመቱዳ ነ ቆማቱዋ አገና ሲቁዋን ሲቃሳ።

15 ነ ቆማው፡ ታ አውዋ ዳዊታው ኔን ኦላና ጋደ ሃሳዬዳ ቃላ ናጋዳ፤ ኔን ካሰ ነ ደናን ሃሳዬዳዋ ነ ኩሸያን ሀቼ ፖላዳ።

16 “ሀእካ አቤት መድና ጎዳው፡ እስራኤልያ ጸሳው፡ ኔን ነ ቆማው፡ ታ አውዋ ዳዊታው፡ ኔን ታ ሰንሳን ሀመቱዳዋዳን ነ ናናይካ ታ ሀግያን ሀመታናው ባረንቱ ኦግያ ናጎፕ፡ እስራኤልያ ካውተላ አራታን ኡታዳ አሳ ኔን ኡባካ ዳያካ” ያጌዳ ቃላ ፖላ።

17 አቤት መድና ጎዳው፡ እስራኤልያ ጸሳው፡ ኔን ነ ቆማ ዳዊታው ሃሳዬዳ ነ ቃላይ ሀእካ ፖላቶ።

5:10 ዛረ. 10:5 5:11-14 1 ኦዲዋ 16:34፤ 2 ኦዲዋ 7:3፤ እዝራ 3:11፤ ማዝ. 100:5፤ 106:1፤ 107:1፤ 116:1፤ 136:1፤ ኤር. 33:11 5:11-14 ከሳ 40:34-35 6:4 2 ሳሚላ 7:1-13፤ 1 ኦዲዋ 17:1-12 6:16 1 ካታ. 2:4

18 “ሽን ጸሳይ ቱሙ፡ አሳና እትጥ ሀ ሳኣን ደአይየ? በእ፡ ሳሎቱ፡ ኡባጥ ጵቃን ደእያ ሳሎቱካ ነዉ ግዳናዉ ዳንዳይክና። ያትና፡ ሀ ታን ኬጾዳ ጌሻ ጎሊ ነዉ እያ ኬሻ ጉጸንዳሻ!

19 ግደጥነ፡ አቤት መድና ጎዳዉ፡ ታ ጸሳዉ፡ ታ ዋሳ፡ ነ ቆማ ዋሳን ዋትዋቱዋ ኔን ሀይዛ። ታን ነ ቆማይ ነ ሰንፋን ዋሰያ ዋሳን ዋሱዋ ኔን ሰሳ።

20 ኔን ኃታ ሱንፋይ ሄ ሳኣን ጸሰታና ጌዳ ሀ ጌሻ ጎልያኮ፡ ነ አይፊ ቃማን ጋሳሰ ጸሎ። ታን ነ ቆማይ ሀ ጌሻ ጎልያኮ ሰማደ፡ ዋሰያ ዋሳ ኔን ሰሳ።

21 ታን ነ ቆማይ ነ አሳይ እሰራኤሊ ሀ ጌሻ ጎልያኮ ሰማደ፡ ዋትዋትያ ዋትዋቱዋ ኔን ሰሳ። ኔን ደእያ ሳኣን ሳሎዋን ሰሳደ፡ ኑዉ አቶ ያጋ።

22 “እት አሳይ ባረ ሾሩዋ የዲደ ጸ ጌና፡ አ ጫቀፋናዉ ሀ ጌሻ ጎልያ አህና፡ አ ግደን ደእያ ያርሽያ ሳኣ ሰንፋን እ ጫቆጥ።

23 ኔን ሳሎዋን ሰሳደ ከተታ። ነ ቆማቱዋ ግዲዋን ፕርዳ። ባይዛንችቱዋ ቦላ ፕርዳደ፡ አ ኦሌዳዋ አ ቦላ ዛራ፤ ጽሎዋ ሻትንፋደ፡ አዉ አ ጽሎተፋዳን ዛራ።

24 “ነ አሳይ እሰራኤሊ ነ ቦላ ናጋራ ኦሌዳ ጋሱዋን ሞርክያን ጸነቲደ፡ ኡንቱንቱ ኔኮ ሰማደ፡ ነ ሱንፋ ጸሰደ፡ ሀ ጌሻ ጎልያን ኔና ዋሶጥነ ነዉ ዋትዋቶጥ።

25 ኔን ሳሎዋን ሰሳ። ሰሳደ ነ አሳ እሰራኤልያ ናጋራ አቶ ያጋ፤ ያታደ ኔን ካሰ ኡንቱንቱዉን ኡንቱንቱ ማይዛ አዋቶ እማዳ ቢታዉ ኡንቱንቱ ጉየ ዛራ።

26 “ነ አሳይ ነ ቦላ ናጋራ ኦሌዳ ጋሱዋን ሳሎ ጎርደትናን እራይ ቡከናን እጽና፡ ኡንቱንቱ ሀ ሳኣ ሰማደ፡ ዋሶጥነ ኔን ኡንቱንቱ ዋሳን ኡንኤሌዳ ድራዉ፡ ነ ሱንፋ ጸሰደ፡ ባረንቱ ናጋራጥ ሰሞጥ።

27 ኔን ሳሎዋን ሰሳ። ነ ቆማቱዋ ናጋራ፡ ነ አሳ እሰራኤልያ ናጋራ አቶ ያጋ። ኡንቱንቱ ሀመታናዉ በሰያ ሎኦ ኦግያ ኡንቱንታ ታማርሳ፤ ያታደ ኔን ነ አሳ ላትሴዳ ጋድያን እራ ቡክሳ።

28 “ቢታ ቦላን ኮሻይ ዋይ ኢታ ሀርጊ ዪና፡ ዋይ ካፋ ለጌ፡ ዋይ ለሹ፡ ዋይ ቦሊ፡ ዋይ ቡሞቡረፋይ ባይዛና፡ ዋይ ሞርኪ ኡንቱንቱ ካታማቱዋ ደድና፡ ዋይ እያ ማላ ባሻይ ዋይ ሀርጊ ዪና።

29 ነ አሳ እሰራኤልያጥ ኦንነ ዋይ ነ አሳይ ኡባይ ኔና ዋሶጥነ ነዉ ዋትዋቶጥ፡ ቃይ እያ አሳይነ ባረ ዋዛናን ኡንኤትያባነ ካዮትያባ ኤሪደ፡ ሀ ጌሻ ጎልያኮ ሰማደ፡ ባረ ኩሽያ ሞጮጥ።

30 ኔን ደእያ ሳኣን ሳሎዋን ሰሳ። ኡንቱንቱ ናጋራ አቶ ያጋ፤ ያታደ ኡንቱንቶ ከተታ። ኔን አሳ ዋዛና ኤርያዋዳንካ አሳ ኡባዉ አ ኦሱዋዳን ኦሱዋዳን እማ። እያዉ ጎጥ፡ አሳ ኡባ ዋዛና ኤርያዋ ነ ጸላላ።

31 ያቶጥ፡ ኔን ኑ ማይዛ አዋቶ እማዳ ጋድያን ባረንቱ ደእያ ዋይ ኡባን፡ ኡንቱንቱ ነዉ ያዪደ፡ ነ ኦግያን ሀመታና።

32 “ሄዋዳንካ፡ ነ አሳ እሰራኤልያ ግደና ካረ ቢታ አሳይ ነ ዋልቃማ ሱንፋ ድራዉነ ኔን ነ አሳዉ

ኦሌዳ ማላልሰያ ኦሶቱ ድራዉ፡ ሃኮ ጋድያጥ ዪደ፡ ሀ ጌሻ ጎልያኮ ሰማደ ዋሶጥ።

33 ኔን ደእያ ሳኣን ሳሎዋን ሰሳ። ሄ ካረ ጋድያ አሳይ ኦሶዋዋ ኡባ ከተታ። ሀ ሳኣ አሳይ ኡባይ ነ ሱንፋ ኤራናዳን፡ ነ አሳ እሰራኤልያዳን ነዉ ያያናዳንነ ታን ኬጾዳ ሀ ጌሻ ጎሊ ነዉ ጎይንያ ሳኣ ግድያዋ ኡንቱንቱ ኤራናዳን ካረ ጋድያ አሳይ ኔና ዋሰያዋ ኡባ ፖላ።

34 “ነ አሳቱ ባረንቱ ሞርከቱዋ ኦላና ማላ፡ ኔን ከቲዳ ሳኣ ሀቃነ ቢደ፡ ኡንቱንቱ ኔን ደሬዳ ሀ ካታማኮነ ታን ነ ሱንፋዉ ኬጾዳ ጌሻ ጎልያኮ ሰማደ፡ ኔና ዋሶጥ።

35 ኡንቱንቱ ዋሳን ዋትዋቱዋ ሳሎዋን ኔን ሰሳ፤ ኡንቱንቶ ጸኑዋ እማ።

36 “ናጋራ ኦ ጌና አሳይ ባይናዋዳንካ፡ ኡንቱንቱ ነ ቦላ ናጋራ ኦላና፡ ኔን ኡንቱንቶ ሀንቀታደ ሞርከቶ አፋ እሞና፡ ሞርከቱካ ኡንቱንታ ኦሞዲደ፡ ሃክና ማትናካ ባረንቱ ጋድያ አኪደ አፍና።

37 ኡንቱንቱ ሄ ኦሞደቲዳ ቢታን ደኢደ፡ ባረንቱ ዋዛናን ናጋራጥ ሰሞጥ፡ ቃይ ሄ ኦሞደቲዳ ጋድያን ደኢደ፡ ፋኑን ናጋራ ኦሌዳ፤ ኔን ባይዜደ፤ ኔን ኢታባ ሀኔደ፡ ያጊደ ነዉ ዋትዋቶጥ።

38 ባረንታ ኦሞዲደ አፊዳ ሞርከቱዋ ቢታን ደኢደ፡ ኡንቱንቱ ባረንቱ ኩሙንፋ ዋዛናጥነ ባረንቱ ኩሙንፋ ቆፋጥ ኔኮ ሰሞጥ፡ ኔን ኡንቱንቱ ማይዛ አዋቶ እማዳ ኡንቱንቱ ቢታኮ፡ ኔን ደሬዳ ካታማኮነ ታን ነ ሱንፋዉ ኬጾዳ ጌሻ ጎልያኮ ሰማደ፡ ኔና ዋሶጥ።

39 ያቶጥ፡ ኡንቱንቱ ዋሳን ዋትዋቱዋ ኔን ደእያ ሳኣን ሳሎዋን ሰሳ። ሰሳደ ኡንቱንቶ ፕርዳ፤ ነ ቦላ ናጋራ ኦሌዳ ነ አሳዉ አቶ ያጋ።

40 “ሀእካ አቤት ታ ጸሳዉ፡ ሀ ሳኣን ዋሰያ ዋሳ ነ አይፊ ጸሎ፤ ነ ሀይፋይካ ሰሶ።

41 ሄዋ ድራዉ፡ አቤት መድና ጎዳዉ፡ ጸሳዉ፡ ደንዳ! ነ ዋልቃዉ ማላታ ግዳዳ ነ ታቦታና ነ ሽሞጥያ ሳኣ ገላ። አቤት መድና ጎዳዉ፡ ጸሳዉ፡ ነ ቁሳቱ አቶተፋ ማዪና፤ ነ ጌሻ አሳቱካ ነ ኬካተፋን ናሽትና።

42 አቤት መድና ጎዳዉ፡ ጸሳዉ፡ ኔን ኦኬዳ ካትያ አጎጥ። ነ ቆማ ዳዊታዉ አገና ነ ሲቁዋ ሀሳያ” ያጌዳ።

7

ጌሻ ጎልያ ኡንቲሱዋ (1 ካታ. 8:62-66)

1 ሶሎሞን ዋሳ በሌዳ ዋደ፡ ሳሎዋጥ ታማይ ዋዲደ፡ ጸግያ ያርሹዋን ሀራ ያርሹዋ ማዳ። ያትና፡ መድና ጎዳ ቦንቹ ጌሻ ጎልያ ኩሜዳ።

2 መድና ጎዳ ቦንቹ ጌሻ ጎልያ ኩሜዳ ድራዉ፡ ቁሳቱ መድና ጎዳ ጌሻ ጎልያ ገላናዉ ዳንዳይበይክና።

3 እሰራኤልያ አሳይ ኡባይ ታማይ ሳሎዋጥ ዋድሽናን መድና ጎዳ ቦንቹ ጌሻ ጎልያ ኩሞሽና በኤዳ ዋደ፡ ባረንቱ ዳሙዋ ቢታ ጋሐ ጉፋኒደ ጎይኔድና፤ “መድና ጎዳይ ሎአ!

6:18 2 ኦዲዋ 2:6 6:20 ዛረ. 12:11 6:41 ማዚ. 132:8-10 7:1 ዋጋ 9:23-24 7:3 1 ኦዲዋ 16:34፤ 2 ኦዲዋ 5:13፤ እዛራ 3:11፤ ማዚ. 100:5፤ 106:1፤ 107:1፤ 118:1፤ 136:1፤ ኤር. 33:11

አገና አ ሲቁ መድናዎ”
ያገደ ጸሳ ጋላቴድኖ።

4 ሄዋጥ ጉይያን፣ ካቲነ አሳይ ኡባይ መድና ጎዳ ሰንላን ያርሹዎ ያርሹድኖ።

5 ካቲ ሶሎሞን ላታማነ ላኡ ሻኦ ኮሩማቱዎን ጸታነ ላታሙ ሻኦ ደርሳቱዎ ያርሹድኖ። ሄዋዳን ኦሲደ፣ ካቲነ አሳይ ኡባይ መድና ጎዳ ጌሻ ጎልያ አንጅሴድኖ።

6 ቄሳቱ ባረንቶ ጊጌዳ ሳኦን ኤቁና፣ ሌዋቱ ቃይ ካቲ ዳዋተ መድና ጎዳ ሳባናዉ ካሰ ኦሌዳ፣ ማዘሙርያ የጸያ ሚሻ ኦይቁደ፣ ኤንቱንቱ ሰንላን ኤቁደ፣ “አገና አ ሲቁ መድናዎ” ያገደ የጸደ፣ መድና ጎዳ ጋላቴድኖ። ቄሳቱ ሌዋቱ ሰንላን ኤቁደ፣ ጸሩሞባቱዎ ጉኔድኖ፣ ፑንሽን እስራኤልያ አሳይ ኡባይ ኤቁዳ።

7 ሶሎሞን መድና ጎዳ ጌሻ ጎልያ ሰንላን ደእያ ግደ ዳባባ ደማዬዳ። ሄ ሳኦን ጸግያ ያርሹዎን እትተላ ያርሹዎጥ ሞቋዎ ያርሹድኖ። እ ሄዋ ኦሌዳዌ ጸሳ ሰንላን ደእያ፣ ናሃሰያ ጌተትያ ብራታጥ ኦሰቴዳ ያርሹዎ ሳኦይ ጸግያ ያርሹዎ፣ ካሳ ያርሹዎን እትተላ ያርሹዎጥ ሞቋዎ ያርሻናዉ ጉጴዳ ድራሳ።

8 ሄ ዎደ ሶሎሞን እስራኤልያ አሳይ ኡባይ ዳሰያ ባላ ላቱን ጋላሳዉ ቦንቼድኖ፣ እስራኤልያ ዛዋን ሀማታ ፕኩዋጥ ቢደ፣ ግብጾ ሻፋ ጋካናዉ ደእያ ጮራ አሳይ ሄ ሳኦ ሸቁዳ።

9 አሳይ ያርሹዎ ሳኦ አንጅሴዎ ባላ ላቱን ጋላሳ፣ ቃይ ዳሰያ ባላ ሀራ ላቱን ጋላሳ ቦንቼዳ። ሆሰፑንላ ጋላሳን ጌሻ ያኦኦ አሳይ ሸቁዳ።

10 ሄዋጥ ጉይያን፣ ሶሎሞን ላቱንላ አግናን፣ ላታማነ ሄዘንላ ጋላሰ አሳ ሞይዜዳ፣ መድና ጎዳይ ዳዋታዉ፣ ሶሎሞንዉን ባረ አሳ እስራኤልያዉ ኦሌዳ ኬካተላን አሳይ ናሽቲደነ ዎዛናጥ ፓሽኪደ፣ ባረ ሶ ባረ ሶ ቤዳ።

ጸሳይ ሶሎሞናዉ ዛር ቆንጮዳ

11 ሶሎሞን መድና ጎዳ ጌሻ ጎልያን ካትያ ጎልያ ኬጶደ ወርሴዳ፣ ሶሎሞን መድና ጎዳ ጌሻ ጎልያንን ባረ ካትያ ጎልን ኦላናዉ ባረ ዎዛናን ቆፔዳዎ ኡባ ፖሌዳ።

12 መድና ጎዳይ ሶሎሞናዉ ቃማ ቤቲደ፣ ሀዋዳን ያጌዳ፣ “ታን ነ ዎሳ ሰሳድ፣ ታን ሀ ሳኦ ታዉ ያርሹ ያርሹትያ ጌሻ ጎልያ ግዳናዳን ደራድ።

13 ታን እራይ ቡከናዳን ሳሉዋ ጎርድና፣ ዎይ ሳኦ ካሳ ማናዳን ቦልያ አዛዝና፣ ዎይ ታ አሳ ግደን ኢታ ሀርግያ የድና፣

14 ታ ሱንላን ጸሰቴዳ ታ አሳቱ ባረንቱ አሳተላ ካዉሺደ ዎሶጥ፣ ኤንቱንቱ ታና ኮዮጥን ባረንቱ ኢታ ኦግያጥ ሰሞጥ፣ ታን ሳሉዋን ኤንቱንቱ ዎሳ ሰሳና። ኤንቱንቱ ናጋራ አቶ ጋና፣ ኤንቱንቱ ቢታካ ፓላና።

15 ሀእካ ሀ ሳኦን ዎሰትያ ዎሳ ታ አይፊ ጶላና፣ ታ ሀይላይካ ሰሳና።

16 ሀእካ ሀ ጌሻ ጎሊ መድናዉ ታ ሱንላይ አን ደአና ማላ ኦላደ ታን ደራድ፣ ደራደካ ጌሻድ። ታ አይፊን ታ ዎዛናይ ኡባ ዎደ ሀ ጌሻ ጎልያን ደአና።

17 “ኔና ግደጥ፣ ኔን ነ አዉ ዳዋተ ሀመቱዳዎዳን ታ ሰንላን ሀመቶጥ፣ ታን አዛዜዳዎ ኡባ አላጥነ ታ ዎጋነ ታ ሀግያ ናሻጥ፣

18 ታን ነ አዉዎ ዳዋታና፣ ላስራኤልያ ሞድያ አሳ ኔን ኡባካ ጳያካ’ ያጋደ ጫቀቴዳዎዳን፣ ነ ካዉተላ አራታ ሞንሳ ኤሳና።

19 “ሸን ሀንተንቱ እስራኤልያ አሳቱ ዎራ ሰሞጥ፣ ታን ሀንተንታ አዛዜዳ ታ አዛዙዋን ታ ዎጋ አግ ባሾጥነ ሀራ ጸሳቶ ኦላናዉን ጎይናናዉ ቦጥ፣

20 ያቶጥ፣ ታን ካሰ ሀንተንቶ እሜዳ ጋድያጥ ሀንተንታ ቶቆላና፣ ታን ታ ሱንላዉ ጌሹዳ ሀ ጌሻ ጎልያካ አጋና። ታን ሀ ጌሻ ጎልያ አሳ ኡባ ግደን ቶሰያባነ ቅሊጭያባ ኦላና።

21 ሀእ ሎይላ ቦንቼቱዳ ሀ ጌሻ ጎልያ ማታና መንላያ አሳይ ኡባይ ዳጋሚደ፣ ‘መድና ጎዳይ ሀ ጋድያን ሀ ጌሻ ጎልያ አያዉ ሀዋዳን ኦሌዳ?’ ያጋና።

22 አሳይ፣ ኤንቱንታ ማይዛ አዎቱዎ ግብጾጥ ከሴዳ መድና ጎዳ ባረንቱ ጸሳ ኤንቱንቱ አገደ፣ ሀራ ጸሳቱዎ ካሌዳ ድራዉን ኤንቱንቶ ኦሲደ ጎይኔዳ ድራዉ፣ ጸሳይ ኤንቱንቱ ቦላ ሀ ኢታባ ኡባ አሄዳ ያገደ ዛራና” ያጌዳ።

8

ሶሎሞን ኦሌዳ ሀራ ኦሶቱዎ (1 ካታ. 9:10-28)

1 ሶሎሞን መድና ጎዳ ጌሻ ጎልያን ባረ ካትያ ጎልያ ኬጶዳ ላታማንላ ላይላ ወርሰላን፣

2 ካቲ ኪራሞ ዛሪደ እሜዳ ካታማቱዎ ሶሎሞን ዎላ የገደ ኬጶዳ፣ እስራኤልያ አሳ ሄ ካታማቱዎን ዎሌዳ።

3 ሄዋጥ ጉይያን፣ ሶሎሞን ሀማት-ጸባ ጌተትያ ቢታ ቢደ፣ ሄ ቢታ ኦሞዴዳ።

4 ያቲደ መላ ቢታን ደእያ ታጽሞራ ጌተትያ ካታማነ ሻሉዎ ኡባ ሞንጅያ ካታማቱዎ ሀማታ ጋድያን ኬጶዳ።

5 ሄዋዳንካ፣ ሶሎሞን ክል ቤት-ሆርና ሀርክ ቤት-ሆርና ጌተትያ ካታማቱዎ ዛሪሊደ ኬጶዳ፣ ሄ ካታማቱ ድርሳይ፣ ጥንጊነ ጎርዳ ደእያ ድረት ኡቲዳ ካታማቱዎ።

6 ባእላታ ካታማ፣ ሻሉዎ ሞንጅያ ካታማቱዎ ኡባ፣ ባረ ፓራቱዎን ፓራ ጋረቱዎ ዎላያ ካታማቱዎ ኡባን እ ኬጶዳዉ አሞቱዳ ኡባ የሩሳላሙን ልባናሳንን ባረ ሞድያ ቢታ ኡባን ኬጶዳ።

7 ሂተቱጥ፣ አሞራቱጥ፣ ፓርዘቱዎጥ፣ ሂዎቱዎጥን ያቡሳቱዎጥ አቱዳ አሳቱ ኡባይ እስራኤልያ አሳ ግድክና፣

8 ኤንቱንቱ እስራኤልያ አሳቱ ጋድያጥ ወርሰ ጳይሰናን አግና፣ ሄ ጋድያን አቱዳ አሳቱዎ ዘረላቱዎ። ሶሎሞን ኤንቱንቱ አይለተላን ኦሰሴዳ፣ ኤንቱንቱ ሀቼ ጋካናሰካ አይለተላን ኦላና።

9 ሸን ሶሎሞን ባረ ኦሶ እስራኤልያ አሳጥ ኦናን አይለይቤና፣ ኤንቱንቱ አዉ አላንቻቱዎ፣ አላ ጋደዎቱዎ፣ ፓራ ጋረቱዎ ላግያዎንቱ ካፓቱዎን ፓራ አሳቱዎ ግዲደ ኦሌድኖ።

7:18 1 ካታ. 2:4

10 ህዋዲንካ፡ ቃይ ኡንቱንቱ ካትያ ሶሎሞን ኪታ ኦልያዎንቱ ካፓቱዋ። ኡንቱንቱ፣ ላኡ ጸታን እሻታማቱ ኪታ ኦልያ ኦሳንቻቱዋ ጸሊደ ኦሰሴድና።

11 ህዋፕ ጉይያን ሶሎሞን “መድና ጎዳ ታቦታይ ገሌዳ ሳኦይ ጌሻ ግድያ ድራው፡ ታ ማቻታን እሰራኤልያ ካትያ ዳዊታ ጎላን ደእናው በሱኩ” ያጌዳ፤ ግብጾ ካትያ ናቶ ዳዊታ ካታማፕ ደንሊደ፡ እ እዘው ኬጽ ዋጮዳ ካትያ ጎልያ አሄዳ።

12 ሶሎሞን ህ ዋደ ጌሻ ጎልያ ባራንዳ ሰንፋን መድና ጎዳው ኬጾዳ ያርሽያ ሳኦን ጸግያ ያርሹዋ መድና ጎዳው ያርሹ።

13 ሙሴ ህጊ እዛዝያዎዳን ሀቼ ሀቼሰ በሰያ ጸግያ ያርሹዋ ያርሹ። ሶሎሞን ሳምባታን ሳምባታንን እግርይ ጾርያ ዋድያን ዋድያን፡ ቃይ ላይፋፕ ሄዙ ገደን ቦንቻያ ባላቱዋን (እርሹ ገልቤና ኡክፋ ባላን፡ ሳምንታቱዋ ባላን ዳሰያ ባላን) ጸሳው ያርሹዋ ያርሹ።

14 እ እው ዳዊተ ካሰ እዛዜዳዎዳን፡ ቄሳቱ ዋ ኡንቱንቱ ኪታን ኪታን ሻክ ሱንጮዳ፤ ቃይ ጋላሰ ጋላሰ ማዘሙርያን ሳባናውን ቄሳቱ ዋ ማደናው ሌዋቱዋ ሻክ ሱንጮዳ። ቃይካ ጸሳ አሳ ግዴዳ ዳዊተ እዛዜዳዎዳን፡ ፐንገ ኡባ ካላን ካላን ናጋናዳን ፐንገያ ናግያዎንታ ሻክ ሱንጮዳ።

15 ህዋዲንካ፡ ካሰ ዳዊተ ሚሻ ምንጅያ ሳኦባ ሀራ አላለቱዋ ቄሳቱ ዋን ሌዋቱዋ እዛዜዳዎዳን፡ እቱን አተናን ኡባይካ ፖለቲዳ።

16 ሶሎሞን ሀልቼዳ ኦሱዋ ኡባይ ኦሰቲደ ወራዳ፤ መድና ጎዳ ጌሻ ጎሊ ባሰቲዳ ዋድያፕ ደሚደ፡ መድና ጎዳ ጌሻ ጎሊ ፖለታና ጋካናውካ ኦሱዋ ኡባይ ሎኦ ኦሰቲዳ።

17 ህዋፕ ጉይያን፡ ካቲ ሶሎሞን ኤደማ ቢታን ዞኦ አባ ዶናን ደእያ ኤጽዮን-ጋብራን ኤላታ ጌተትያ ካታማቱዋ ቤዳ።

18 ካትያ ኪራም ማርካበቱዋን ማርካብያ ላጉዋን ሎሄዳ ባረ አሳቱዋ ሶሎሞናው የዴዳ፤ ኡንቱንቱ ሶሎሞን አሳቱዋና እትፕ ኦፊራ ጋድያ ቤድና፤ ያፕ ታማን እቼሹ ሻክ ኪሎ ግራመ ዴጽያ ዋርቃ ካትያ ሶሎሞናው እኪደ ዬድና።

9

ሳባ ካታቶ

(1 ካታ. 10:1-13)

1 ሳባ ካታታ ሶሎሞን ዋርያ ሰሳደ፡ ዴጾ አሻቱዋ አካደ፡ አ ፓጫናው ደንዳዳ። ደንዳደ ሳውዋ፡ ሎይሳ ዳር ዋርቃን አልኦ ሹቻ ጫንቲዳ ዳር ጋሎቱዋ ጩጉዋና ሎይሳ ዳር አጃባና የሩሳላመ ጋካደ፡ ሶሎሞን ሰንፋ አፋአዳ። ባረ ዋዛናን ደእያዋ ኡባ ሶሎሞናው ኦዳዳ።

2 ሶሎሞን እዛ ኦቼዳዋ ኡባ ኦዴዳ፤ እ እዘው ብርሸናን አፕ ጌም አቲዳባይ እያይን ባዋ።

3 ሳባ ካታታ ሶሎሞን እጴዳ ኤራ፡ እ ኬጾዳ ካትያ ጎልያ።

4 አ ማዳን ሺቅያ ቁማ፡ አ ኦሳንቻቱ ኡትያ ኡተፋ፡ አ ካልያዎንቱ ኦልያ ኦሱዋን ማይያ ማዩዋ፡ አ ኤሳ ትግያዎንቱ ማይያ ማዩዋን መድና

ጎዳ ጌሻ ጎልያን እ ጸግያ ያርሹዋ በኤዳ ዋደ፡ እ ዋዛናይ ጋገቲዳ።

5 ህዋፕ ጉይያን፡ አ ካትያ፡ “ኅዋን ነ እጴዳ ኤራተላባ ታን ታ ጋደን ደእደ ሰሴዳዌ ቱማ።

6 ሸን ታን ያደ ታ አይፍያ ብራናን በእና ጋካናው፡ ኡንቱንቱ ታው ኦዴዳዋ አማናበይከ። ነ እጴዳ ኤራ ግታተላው ባካን ታው ኦድበይክኖ፤ ታን ሰሴዳዋፕ ኔን ሎይሳ ጶቃሳ።

7 ኡባ ዋደ ነ ሰንፋን ኤቂደ፡ ነ እጴዳ ኤራ ሰሰያ ነ አሳቲን ነ ኦሳንቻቱ እያ ቃደተድናሻ!

8 ኔናን ናሽቲደ፡ ኔና ባረ ካውተላ አራታን ኡትሴዳ መድና ጎዳይ ነ ጸሳይ ጋላተቶ! ነ መድና ጎዳይ እሰራኤልያ አሳ ሰቄዳ ድራውን መድናው ሎይሳ ኤሳናው ኮዮዋ ድራው፡ ኔን ሱረ ፕርዳን ጽሎተላ ኦላና ማላ፡ እ ኔና ኡንቱንቱ ቦላ ካተዬዳ” ያጋዳ።

9 ያጋደ ካታታ 4,000 ኪሎ ግራመ ዴጽያ ዋርቃ፡ ሎይሳ ዳር ሳውዋን አልኦ ሹቻ ካትያው እማዳ፤ ሳባ ካታታ ካትያ ሶሎሞናው እሜዳ ሳውዋ ማላትያ ሳው ኡባካ ባዋ።

10 (ኦፊራፕ ዋርቃ አሄዳ፡ ኪራማ አሳቲን ሶሎሞን አሳቲ ያፕካ ሳንዳለ ግያ ሞላን አልኦ ሹቻ አሄድና።

11 ካቲ ሶሎሞን ህ ሳንዳልያፕ መድና ጎዳ ጌሻ ጎልያ፡ ካትያ ጎልያ ገልያ ሳኦው ድላቱዋን ማዘሙርያ የጽያዎንቶ ማሰንቁዋን ደላ መድሴዳ። ህዋ ማላትያባይ ይሁዳ ቢታን ካሰ ቤት ኤረና።)

12 ካቲ ሶሎሞን ሳባ ካታታ አሞታደ እ ኦቼዳዋ ኡባ እዘው እሜዳ፡ አ እው አሄዳዋፕ ዳሩዋ እ እዘው እሜዳ። ህዋፕ ጉይያን፡ ሳባ ካታታ ባረ አጃባና ደንዳደ፡ ባረ ጋድያ ሰማዳ።

ሶሎሞን ዲረታ (1 ካታ. 10:14-25)

13 ሶሎሞን ላይላን ላይላን እክያ ዋርቃይ ላታማን ሄዙ ሻክ ኪሎ ግራመ ዴጽያዋ።

14 ህዌ ዛልክንቻቱዋፕ እኬዳ ቃራጸን አራባ ጋድያ ካተቱዋ ኡባፕን እሰራኤልያ ጋድያ ሞድያዎንቱፕ እኬዳ ዋርቃን ብራ ጉጀናና።

15 ካቲ ሶሎሞን ላኡ ጸቱ ዋጋ ጎንዳለቱዋ ቆጾዳ ዋርቃፕ መድሴዳ፤ እት እት ጎንዳልያን ላፑን ኪሎ ግራመ ግድያ ዋርቃይ ገሌዳ።

16 ቃይካ እ ሄዙ ጸቱ ቁር ጎንዳለቱዋ ቆጾዳ ዋርቃፕ መድሴዳ፤ እት እት ቁር ጎንዳልያን ላኡ ኪሎ ግራመ ግድያ ዋርቃይ ገሌዳ። ካቲ ህ ጎንዳለቱዋ ሊባናሳ ዋራ ጎልያ ጌተትያ ጎሊን ዋጮዳ።

17 ቃይካ ካቲ ዳንጋርሳ ዛልያፕ እት ዋልቃማ ካውተላ አራታ መድሴዳ፡ ጌሻ ዋርቃን ሹሹዳ።

18 ካውታ አራታይ ደእያ ሳኦ ፑደ ከሳናው የድያ ኡሱፑን ድላቱ ደእያ። ገድያን የፋናው ካውተላ አራታና ጋሊደ፡ ዋርቃፕ ኦጴዳ ኦይዳ ደኤ። አራታው ላኡ ባጋናካ ቀሰያ ዘምፕሰያ ሳኦቲ ደእያ፤ ህ ላኡ ሳኦቲ ላንቁያንካ ያ ባጋናን ሀ ባጋና ኤቄዳ እት እት ጋሙዋ ሞሰሊ ደኤ።

19 ህ አራታ ፑደ ከሰያ ኡሱፑን ድላቱዋን ያ ባጋናን ሀ ባጋና እት እት ጋሙዋ ሞሰሊ፡ ኡባና

ታማነ ላኡ ሞሰላቱ ደኢኖ። ሀዋ ማላ ካውተላ ኦሪታይ ሀራ ካውተላን ሀቃንነ ኦሰትቤና።

20 ካቲ ሶሎሞን ኡሻ ኡሽያ ሚሻ ኡባይ ዋርቃጥ ኦሰቱዳ፤ ሊባናሳ ዋራ ጎሊን ደኢያ ሻሉዋ ኡባይካ ሙሩታ ዋርቃጥ ኦሰቱዳ። ሶሎሞን ዋደ ብራይ ኡባካ ጎእያባዳን ፓይደት ኤረና።

21 ካትያው ኪራማ ማርካባቱዋና ዛልኢያ ዋልቃማ ማርካባቱ አባን ደኢኖ። ሄ ማርካባቱ ዋርቃነ ብራ። ዳንጋርሳ አቻ። ቃረቱዋን ገለሾቱዋ ጫን አኪደ። ሄዙ ላይላጥ እት ገደ ሰሚኖ።

22 ካቲ ሶሎሞን ዱረተላንን አይዳ ኤራተላን ሳኒን ደኢያ ካተቱዋ ኡባጥ ዳራ።

23 ሳኒን ደኢያ ካተቱ ኡባይ አ ሰንሳ አቆናውን ጸሳይ አ ዋዛናን ዋሌዳ አይዳ ኤራ ሰሳናው ኮይኖ።

24 ላይላጥ ላይላን ይያ ኡባይ አው እማናው ዋርቃነ ብራ ሚሻቱዋ፣ ማዮቱዋ፣ አላ ሚሻቱዋን ሳውዋ፣ ፓራቱዋን ባቁሎቱዋ አኪደ ዬ።

25 ሶሎሞናው ፓራቶን ጋረቶ 4,000 ጋጾታይ ደኤ፤ ቃይ 12,000 ፓራቱ አው ደኢኖ። ሶሎሞን ሄዋንታ ፓራ ጋረቱዋ ካታማቱዋን ባረናና የሩሳላውን ዋሌዳ።

26 ሶሎሞን ኤፍራዲሳ ሻፋጥ ደሚደ፣ ፕልሰጾማ ጋድያን ግብጾ ዛዋ ጋካናው ደኢያ ካተቱዋ ኡባ ሞይዳ።

27 ካቲ የሩሳላውን ብራይ ሹቻዳን ኬላታናዳን፣ ዝጋይካ ጋቆን ድጭያ ኤላዳን ጮራታናዳን አሌዳ።

28 ሶሎሞናው ፓራቱዋ ግብጾጥን ሀራ ቢታ ኡባጥ አሂኖ።

ሶሎሞን ሀይቁዋ (1 ካታ. 11:41-43)

29 ኮይሮጥ ወርሰላ ጋካናው ሶሎሞን ሀኔዳ ሀራባይ ትምቢትያ ኦድያ ናታና ታርክያ ማጻፋን፣ ሴሎጥ ዬዳ አኪይ ትምቢትያ ኦድዳ ማጻፋንን ናባጸ ናኣ እዮርባማዋ ትምቢትያ ኦድዳ እዱ በኤዳ ሳፃ ማጻፋን ጸፈት ኡቱዳ።

30 ሶሎሞን እስራኤልያ ኡባ ቦላ የሩሳላውን ኦይታሙ ላይላ ካተቱዳ።

31 ሄዋጥ ጉይያን፣ ሶሎሞን ሀይቁይ፣ ባረ ማይዛን ጋከቱዳ፤ ባረ አውዋ ዳዊታ ካታማን ሞገቱዳ። አ ናኣይ ርብኣመ አ ኮታን ካተቱዳ።

10

እስራኤልያ ፑደሃ ያራቱ ርባኣማ ቦላ ማካሌድኖ

(1 ካታ. 12:1-20)

1 እስራኤልያ አሳይ ኡባይ ርብኣማ ካተያናው ሰኬማ ካታማ ቤዳ ድራው፣ እካ ያ ቤዳ።

2 ናባጸ ናኣይ እዮርባማ፣ ካትያ ሶሎሞንጥ ባቃቲደ ግብጾን ደኢያዊ ሀዋ ሰሴዳ ዋደ፣ ግብጾጥ ሰሚደ ዬዳ።

3 እስራኤልያ አሳይ ኡባይ እዮርባማው ከቲደ ጸሰሰና፣ እነ እስራኤልያ ያኣይ ኡባይ ርብኣማኮ ቤዳ፤

4 “ኣ አው ኦና ዴጾ ሞርገ ሞላ ቶሴዳ፤ ሸን ሀእ ኔን እ ኦና ኦሰሰያ ዋልቃማ ኦሱዋን ዴጾ

ሞርገ ሞላ ኦው ካውሸሳርኪ። ያቶጥ፣ ኦን ነው አላና” ያጌድኖ።

5 ርብኣመ ኡንቱንታ፣ “ቢተ፤ ሄዘንላ ጋላሰ ሰሚደ፣ ታኮ ዩተ” ያጌዳ። ሄዋጥ ጉዮ አሳይ ሰሚደ ቤዳ።

6 ሄዋጥ ጉይያን፣ ካቲ ርብኣመ አ አው ሶሎሞን ፓጾ ደኢያ ዋደ፣ ሶሎሞን ዘራዳ ጭማቱዋ ዘረታ በሴዳ። እ ኡንቱንታ፣ “ሀ አሳው ዋጋደ ዛራ ጌቱ?” ያጌደ ኦቹዳ።

7 ሸን ጭማቱ ርብኣማ፣ “ኔን ሀ አሳው ኬኮጥ፣ ኡንቱንታ ናሸቸጥን ኡንቱንቶ ሎኦ ቃላ ዛርጥ፣ ኡንቱንቱ ኡባ ገደ ነው ቆማ ግዳናዋንታ” ያጌድኖ።

8 ሸን ርብኣመ ጭማቱ ዘራዳ ዘርያ አገደ፣ አናና ድጩደ፣ አው ኦላያ ያላጋ አሳቱዋ ዘረታ በሴዳ።

9 እ ኡንቱንታ፣ “ሀንተንቱ ታና ዘርያዌ አይ? ኣ አው ኦና ቶሴዳ ዴጾ ሞርገ ሞላ ኦው ካውሸሳርኪ” ያግያ ሀ አሳው ዋጋደ ዛር? ” ያጌደ ኦቹዳ።

10 ሸን አናና ድጩዳ ያላጋቱ፣ “ ኣ አው ኦና ዴጾ ሞርገ ሞላ ቶሴዳ፤ ሸን ኔን ኦው ካውሸሳርኪ” ያግያ አሳው፣ ታ ቄር ብራዲ ታ አውዋ ጾሳጥ ኦርዴ።

11 ታ አው ሀንተንቱ ሞርገ ሞላ ዴጾዳ፤ ሸን ታን ሄዋጥካ አላደ ዴጾላና። ታ አው ሀንተንታ ልሱዋን ዋዴዳ፤ ሸን ታን ሀንተንታ ማሰማሱዋዳን ዱክያ ልሱዋን ዋቆና ያጋደ ዛራ” ያጌድኖ።

12 ሄዋጥ ጉይያን፣ ካቲ ርብኣመ፣ “ሄዘንላ ጋላሰ ሰሚደ፣ ታኮ ዩተ” ጌዳዋዳንካ፣ እዮርባማን አሳይ ኡባይ ሄዘንላ ጋላሰ ሰሚደ ዬድኖ።

13 ካቲ ርብኣመ ኡንቱንቶ ሀንቆ ዛርዋ ዛራዳ። ጭማቱዋ ዘርያ አግ ባሺደ።

14 ያላጋቱ ዘራዳ ዘርያ ካሌዳ። ያቲደ ሀዋዳን ያጌዳ፤ “ታ አው ሀንተንቱ ሞርገ ሞላ ዴጾዳ፤ ሸን ታን ሄዋጥካ አላደ ዴጾላና። ታ አው ሀንተንታ ልሱዋን ዋዴዳ፤ ሸን ታን ሀንተንታ ማሰማሱዋዳን ዱክያ ልሱዋን ዋቆና” ያጌደ ዛራዳ።

15 ካቲ አሳይ ግያዋ ሰሰናን እጾዳ፤ አያው ጎጥ፣ መድና ጎዳይ ሴሎጥ ዬዳ አኪያ ባጋና ካሰ ናባጸ ናኣ እዮርባማው ኦድዳ ቃላይ ፖለታናዳን ሀዋ ጾሳጥ ሀኔዳ።

16 እስራኤልያ አሳይ ኡባይ ካቲ ኡንቱንቱ ግያዋ ሰሰናን እጾዳ። ያቲደ፣ ካትያ ሀዋዳን ያጌድኖ፣ “ዳዊተዋጥ ኦና ጋክያባይ አይ? እሰያ ናኣጥ ኦን ላታናዌ ባዋ! እስራኤልያ አሳው፣ ሀንተንቱ ሶ ሀንተንቱ ሶ ቢተ! ሰም ርብኣመ ባረው ናገቶ!” ያጌድኖ። ሄዋ ድራው፣ እስራኤልያ አሳይ ኡባይ ባረንቱ ሶ ባረንቱ ሶ ቤድኖ።

17 ሸን ርብኣመ ይሁዳ ቢታን ደኢያ እስራኤልያ አሳ ቦላ ካተቱዳ።

18 ሄዋጥ ጉይያን፣ ካቲ ርብኣመ ባረ አይለቱዋ ካቸዋ አደንራማ እስራኤልያ አሳኮ ኪቱዳ፤ ኡንቱንቱ አ ሹቻን ጫዲደ ዋዴድኖ።

ያትና፡ ካቲ ርብአመ ባረ ፓራ ጋርያን ኤላካ ከሰ ኡቲደ፡ የሩሳላመ ባቃቲዳ።

19 ሄደ፡ ደሚደ፡ ሀቼ ጋካና፡ እሰራኤልያ ዛራቱ ታማቱ ዳዊታ ዛርያ፡ ካተቲዳ ካተቲቀ ቦላ ማካሌድና።

ይሁዳ ካተቲቀ

11

(2 ኦዲቀ 11:1—36:12)

ሻማኤ ትምቢትያ ኦዲዳ (1 ካታ. 12:21-24)

1 ርብአመ የሩሳላመ ካታማ ጋኤዳ ዎደ፡ እሰራኤልያ ቢታ አሳና ኦላቲደ፡ ካወተላ ባረወ ዛራና ማላ፡ ይሁዳ ዛርያ፡ ቢንያማ ዛርያ፡ ደረቲዳ እት ጸታነ ሆሰቸን ታሙ ሻኦ ኦላንቻቱቀ ሺሼዳ።

2 ሸን መድና ጎዳ ቃላይ ጸሳ አሳ ግድያ ሻማኤያኮ ዬዳ፤

3 “ሶሎሞና ናኣ ይሁዳ ካትያ ርብአማወነ ይሁዳን ቢንያማን ደእያ እሰራኤልያ አሳ ኡባወ ሀዋዳን ያገ፤

4 ‘መድና ጎዳይ ህንተንታ፡ “ህንተንታ እሻቱቀና፡ እሰራኤላቱቀና ኦላታናወ ቦፕተ። ሀዋ ታን ኦሌዳ ድራወ፡ ህንተንታ ኡባይካ ህንተንታ ሶ ህንተንታ ሶ ሰሞተ” ያገ፡ ያገደ ኦዳ” ያገደ። ኡንቲንታ መድና ጎዳ ቃላ ሰሲደ፡ እዮርባማ ኦላናወ ብያዎ አገደ ሰሜድና።

ርብአመ ጌሶቲቀ ግምቤዳ

5 ርብአመ የሩሳላመን ኡቲደ፡ ሀዋ፡ ካሊደ ጸፈቲዳ ይሁዳን ቢንያማ ካታማቶ ጌሶ፡ ግምቤዳ።

6 ሄ ካታማቲካ ቤተሌመ፡ ኤጸማ፡ ታቆኦ፡

7 ቤትጵራ፡ ሶኮ፡ አዲላማ፡

8 ጋተ፡ ማሬሻ፡ ዚፋ፡

9 አደራይማ፡ ላክሻ፡ አዜቃ፡

10 ጸርኦ፡ አያሎናነ ከብርና።

11 ርብአመ ካታማቲቀ ጌሶ፡ ሞንሲደ፡ ካፓቲቀ ኡንቲንታን ዎሌዳ፤ ቃይ ቁማ፡ ዛይትያን ዎይንያ ኤሳ ኡንቲንታን ዎሌዳ።

12 ሄ ግምቤቲዳ ካታማቲቀ ኡባን ጎንዳላቲቀን ቶራቲቀ ዎሌዳ፤ ያቲደ ኡንቲንታ ሎይሳ ሞንሴዳ። ሄዋዳን ኦሊደ፡ ይሁዳን ቢንያማ ቢታቲቀ ሞዲደ ደኤዳ።

ቄሳቲ ነ ሌዎቲ ኡባይ ይሁዳ ዬድና

13 እሰራኤልያ ኡባን ደእያ ቄሳቲ ነ ሌዎቲ ኡባይ ባረንቲ ደእያ ሳኦ፡ ርብአማኮ ዬድና።

14 ሌዎቲ ባረንቲ ሄንላ ጋድያን ባረንቲ ሳኦ አገደ፡ ይሁዳን የሩሳላመ ዬድና። አያወ ጎፕ፡ ኡንቲንታ ቄሰ ግዲደ መድና ጎዳወ ኦፍዳን፡ እዮርባማን ኦ ናናይ ድጌድና።

15 እዮርባማ ጎይንያ ቶቃ ግሹዋን ሀራ ቄሳቲ ዎ ሱንሌዳ፤ ኡንቲንታ ጸላሄቶን እ መዴዳ ማራቲቀ ሞሰለቶ ቄሰ ግዲደ ኦሌድና።

16 ሌዎቲ ዬዳዋ፡ ጌይያን፡ እሰራኤልያ ዛራቲቀ ኡባ፡ መድና ጎዳወ፡ እሰራኤልያ ጸሳወ ባረንቲ ዎዛና፡ ጎይናናወ ኮይያዋንቲ መድና

ጎዳወ፡ ባረንቲ እዎቲቀ ጸሳወ ያርሹዎ ያርሻናወ ኡንቲንታ ጌዲዎ ካሊደ፡ የሩሳላመ ዬድና።

17 ኡንቲንታ የሳይ ይሁዳ ካወተላ ሞንሴዳ፤ ኡንቲንታ ሄዙ ላይላ ኩመንላ ሶሎሞን ናኣ ርብአማ ማዴድና። ኡንቲንታ ካትያ ዳዊታ ኦግያን ካትያ ሶሎሞን ኦግያ ካሊደ፡ ሄዙ ላይላ ሳር ደኤድና።

ርብአማ ሶይ አሳ

18 ርብአመ ማህላቶ ግያ ሞሽራቶ እኬዳ። ማህላቶ አወ ዳዊታ ናኣ ያርሞታ፤ እ ዳያ እሰያ ናኣ ኤልኣባ ናቶ ኡብሀይሎ።

19 ማህላታ ርብአማወ ይኡሻ፡ ሻማርያን ዛሃማ ጌተትያ አቲማ ናና የላዲ።

20 ሄዋ፡ ጌይያን፡ አበሰሎማ ናት ናቶ ማእኮ እኬዳ፤ ማእካ ርብአማወ አቢያ፡ አታያ፡ ዚዛነ ሻሎሚታ የላዲ።

21 ርብአመ ባረ ማቼቲቀ፡ ባረ ባኮቲቀ ኡባ፡ አበሰሎማ ናት ናቶ ማእኮ እቶ ሰቆ። አወ ታማነ ሆሰቸን ማጫ አሳቲን ኡሶቸን ታሙ ባኮቲ ደኢና። እ ላታማነ ሆሰቸን አቲማ ናና ኡሶቸን ታሙ ማጫ ናና የላዲ።

22 ርብአመ ማእክ ናኣ አቢያ ባረ፡ ጌይያን ካተያናወ ቆፕዳ ድራወ፡ ኦ እሻቲቀ ቦላ ካቲቀ ኦሊደ ሱንሌዳ።

23 ርብአመ ጭንጨደ፡ ባረ አቲማ ናና ይሁዳን ቢንያማ ቢታቲቀ ኡባን ደእያ ግምቤቲዳ ካታማቲቀ ኡባን ሻክ ሻክ ዎሌዳ፤ ኡንቲንቶ ዳር ካላ እሜዳ። ቃይ ኡንቲንቶ ጮራ ማጫ አሳ እሜዳ።

12

ግብጼ ይሁዳ ቦላ ዎራጄዳ (1 ካታ. 14:25-28)

1 ርብአማ ካወተላይ ሞን ኤቆዳ ዎደ፡ እነ እሰራኤልያ አሳይ ኡባይ መድና ጎዳ ህግያ አግ ባሽድና።

2 ኡንቲንታ መድና ጎዳወ አማነተናን እጼዳ ድራወ፡ ርብአመ ካተቲዳ እቼሻንሳ ላይላን ግብጼ ካቲ ሺሻቅ የሩሳላመ ካታማ ቦላ ዎራጄዳ።

3 አናና እት፡ ግብጸ፡ ዬዳዎ እት ሻኦን ላኡ ጸቲ ፓራ ጋረቲቀ፡ ኡሶቸን ታሙ ሻኦ ፓራ አሳቲቀና ፓይዱ ባይና ሊብያ ኦላንቻቲቀ፡ ሱካ ኦላንቻቲቀን ቶጵያ ኦላንቻቲቀ።

4 ካቲ ሺሻቅ ግምቤቲዳ ይሁዳ ካታማቲቀ ኦሞዲደ፡ የሩሳላመ ካታማ ዬዳ።

5 ሄዋ፡ ጌይያን፡ ትምቢትያ ኦድያ ሻማኤ ርብአማኮን ሺሻቅ፡ ባቃቲደ፡ የሩሳላመን ሺቅ ኡቲዳ ይሁዳ ካለላያዎንቲኮ ዬደ፡ “መድና ጎዳይ ሀዋዳን ያገ፤ ‘ህንተ ታና አጌዳ ድራወ፡ ታንካ ህንተንታ ሺሻቅ ኩሽያን አጋድ” ያገ።

6 እሰራኤልያ ካለላያዎንቲኮ ካቲ ርብአመ ባረንታ ካወሺደ፡ “መድና ጎዳይ ጸሎቀ” ያገድና።

7 ኡንቲንታ ባረንታ ካወሺዳዎ መድና ጎዳይ ቦኤዳ ዎደ፡ ሻማኤ መድና ጎዳይ ሀዋዳን

11:15 1 ካታ. 12:31

ያገዳ፤ “ኢንቴንቲ ባረንታ ካወሼዳ ድራወ፡ ታን ኢንቴንታ ወርሳ ጳይስከ፤ ታን ኢንቴንታ አሻና። ታ ሀንቁ ሺሻቃ ባጋና የሩሳላመ ቦላ ትገተና።

8 ግደገ፡ ኢንቴንቲ ታወ ሞደትያዎን ሀራ ቢታቱዋ ካተቶ ሞደትያዎን ደእያ ዲማተላ ኤራና ማላ፡ ኢንቴንቲ ሺሻቃወ ሞደታና” ያገዳ።

9 ሄዋ ድራወ፡ ግብጾ ካቲ ሺሻቅ የሩሳላመ ካታማ ኦሊቲደ፡ መድና ጎዳ ጌሻ ጎልያን ካትያ ጎሊን ደእያ ሚሻ ኡባ አኬዳ። ቃይ ሶሎሞን ዋርቃፕ ኦሲሴዳ ጎንዳለቱዋ ኢኪደ አፌዳ።

10 እ አፌዳ ዋርቃ ጎንዳለቱዋ ድራወ፡ ካቲ ርብአመ ናሃስያ ብራታፕ ሀራ ጎንዳለቱዋ ኦሲሴዳ፤ ካትያ ጎልያ ፕንግያ ናግያዋንቲ ካፑዋ ኩሽያን ዋሌዳ።

11 ካቲ መድና ጎዳ ጌሻ ጎልያ ገልያ ዋደ ኡባን፡ ፕንግያ ናግያዋንቲ ዪደ፡ ሄ ጎንዳለቱዋ አይቆድና። ሄዋፕ ሰሚደ፡ ኢንቴንቲ ዛሪደ፡ ናግያዋንቲ ጎሊን ዋላና።

12 ርብአመ ባረና ካወሼዳ ድራወ፡ እ ወር ጳየናዳን መድና ጎዳ ሀንቁ አፕ ክቼዳ። ኡባ ይሁዳ ቢታወ ሙልያወ ሳአይ እንጀቲዳ።

ርብአማ ካወታ ወርሰሳ

13 ካቲ ርብአመ ባረና ምንሲደ፡ የሩሳላመን ካተቲዳ። ርብአመ ካተቲዳ ዋደ እ ላይላይ ኦይታማን እታ፤ መድና ጎዳይ ባረ ሱንሳ ያን ዋላናወ እስራኤልያ ቢታ ኡባፕ ዶራዳ የሩሳላመ ካታማን ታማን ላፑን ላይላ ካተቲዳ። ርብአማ እታ አዋንያ ናአዎ።

14 ርብአመ መድና ጎዳወ ዋዛናፕ ጎይናናወ ኮይቤና ድራወ፡ ኢታባ አሌዳ።

15 ርብአመ ኮይሮፕ ወርሰሳ ጋካናወ ሀኔዳባይን እ የለታ ማራይ ትምቢትያ ኦድያ ሻማእያ ታርክያ ማጻፋንን እዱ በኤዳ ሳፃ ማጻፋን ጸፈት ኡቲዳ። ርብአማን እዮርባም ኡባ ዋደ ኦሊቲደ ደኤድና።

16 ርብአመ ሀይቂደ፡ ባረ ማይዛን ጋከቲዳ፤ እ ዳዊታ ካታማን ሞገቲዳ። እ ኮታን እ ናአይ አቢይ ካተቲዳ።

13

ይሁዳ ካትያ አቢያ (1 ካታ. 15:1-8)

1 ካቲ እዮርባም ካተቲዳ ታማን ሆሰፑንሳ ላይላን አቢይ ይሁዳን ካተቲዳ።

2 አቢይ የሩሳላመን ሄዙ ላይላ ካተቲዳ። እ ዳይ ሱንሳይ ምካዮ፤ * ምካያ ግብአፕ ዬዳ ኡርኤላ ናቶ።

አቢይን እዮርባም ኦሊቲደ ደኤድና።

3 አቢይ ዶረቲዳ 400,000 ምኖ ኦላንቻቱዋ አኪደ፡ ኦላናወ ከሴዳ፤ እዮርባምካ ዶረቲዳ 800,000 ምኖ ኦላንቻቱዋ አኪደ፡ አቢያና ኦሊታናወ ከሴዳ።

4 ሄዋፕ ጉይያን፡ አቢይ ኤፍሬማ ገዝያን ደእያ ጸማራይማ ጌተትያ ደርያ ሁጲያን ኤቂደ፡ ሀዋዳን ያገዳ፤ “ሀንተንቶ፡ እዮርባማን እስራኤልያ አሳቶ፡ ኡባይካ ታን ግያዋ ሰሰተ!

5 መድና ጎዳይ እስራኤልያ ጸሳይ ዳዊተን እ ዘረላይ እስራኤልያ ቦላ መድናወ ካተታናዳን፡ ዳዊታና እ ለመተና ቃላ ጫቁዋ ጫቁቲዳዋ ሀንተንቲ ኤርክቲዮ?

6 ሽን ዳዊታ ናአ ሶሎሞን ቆማይ፡ ናባጸ ናአይ እዮርባም ደንዲደ፡ ባረ ጎዳ ቦላ ማካሌዳ።

7 ርብአመ ያላጋን ዳቡራንቻ ግዲደ፡ ኢንቴንቲና ኤቃታናወ ዳንዳየና ዋደ፡ ፓሌና ሹፋር አሳቲ እዮርባመኮ ሺቂደ፡ ሶሎሞን ናአ ርብአማ ቦላ ምኔድና።

8 “ሀእካ መድና ጎዳይ ዳዊታ ዘረላቶ እሜዳ ካወተላና ሀንተንቲ ጋዳታናወ ቆፒታ። ሀንተንቲ ሄዋ ቆፔዳዌ ሀንተንቲ ሎይላ ጮራ አሳ ግደያ ድራሳን ሀንተንቶ ጸሳቲዋ ግዳና ማላ፡ እዮርባም ዋርቃፕ መድሴዳ ማራቲ ሀንተናና ደእያ ድራሳ።

9 አርና ዛርያ ግዲደ፡ መድና ጎዳወ ኦልያ ቁሳቲ ዋን ሌዋቲዋ ሀንተንቲ የደርሴድታ። ያትና ሀራ ጋድያ አሳይ ኦልያዋዳን ሀንተንቶ ሀራ ቁሳቲ ዋ ሱንሴድታ። ባረና ዲማያናወ እት ኮሩማ ላፑን ዶርሳ ኦርገቲዋ አኪደ ይያ ኦንን ዋርዲዋ ጸሳቶ ቄሰ ግዳና።

10 “ሽን ኦና ግደፕ፡ መድና ጎዳይ ኦ ጸሳ፤ ኦን እ አግቢይኮ። አርና ዛርያ ግዲደ መድና ጎዳወ ኦልያ ቁሳቲ ኦወ ደኢና፤ ቃይ ሌዋቲ ኢንቴንታ ማድና።

11 ኢንቴንቲ ኡባ ጋላሰ ዋንታን ኦማርሰ መድና ጎዳወ ጸግያ ያርሹዋ ያርሹኖን ሳዊያ እጻና ጩዋዪና። መድና ጎዳ ሰንሳን ዋልያ ኡክላ ጌሻ ጸርጶዛን ዋሊና። ኦማርሰ ኦማርሰ ፖአሳናዳን ዋርቃፕ ኦሌዳ ጸምፕቲዋ ዋልያ ባላን ዋሊደ ግሹሲና። እያወ ጎፕ፡ ኦን ጸሳ ኦ ሳ አዛዙዋ ናጌቶ፤ ሽን ሀንተንቲ እ አጌድታ።

12 በእተ፡ ጸሳይ ኦናና ደኤ፤ እ ኦና ካለልያዎ። ኦላ ጸሩምባ ፑንያ እ ቁሳቲ ካ ኦናና ደኢና፤ ኦን ሀንተናና ኦላ ደማናወ ጸሩምባካ ኢንቴንቲ ፑናና። እስራኤልያ አሳወ፡ መድና ጎዳና ሀንተንቲ አዋቲዋ ጸሳና ኦሊቶፕተ! እያወ ጎፕ፡ ሀንተንቲ እ ጸናናወ ዳንዳይክታ” ያገዳ።

13 እ ሃሳይሽን፡ እዮርባም ባረ ኦላንቻቱዋፕ እት ጩጉዋ ሀንቲቲፕ ጉየና ዙጊደ ናጋና ማላ የዴዳ። እስራኤልያ ኦላንቻቲ ይሁዳ ኦላንቻቲ ሰንሳን ደእያ ዋደ፡ ዙጊደ ናግያ ኦላንቻቲ ሀንቲቲፕ ጉየና ደኢና።

14 ይሁዳ ኦላንቻቲ ጉየ ሰም ጸልያ ዋደ፡ ኢንቴንታ ኦላናወ ዬዳዋንቲ ጉየናን ሰንሳና ደእያዋ በኤድና። መድና ጎዳወ ዋሴድና፤ ቁሳቲ ካ ጸሩምባ ፑኔድና።

15 ሄዋፕ ጉይያን፡ ይሁዳ ኦላንቻቲ ኦላ ዋሱዋ ዋሴድና። ኢንቴንቲ ኦላ ዋሱዋ ዋሴዳ ዋደ፡ ጸሳይ እዮርባማን እስራኤልያ አሳ ኡባ አቢያ ሰንሳን ይሁዳ ሰንሳን ጸኔዳ።

16 እስራኤልያ ኦላንቻቲ ይሁዳ ኦላንቻቲ ሰንሳፕ ባቃትና፡ ጸሳይ ኢንቴንቲ ይሁዳ ኦላንቻቲ ኩሽያን አሊደ እሜዳ።

17 አቢይን እ ኦላንቻቲ ኢንቴንታ ሱፑ ኦሊደ ወርሴድና፤ ያትና፡ እቼሹ ጾቲ ሻእ ዶረቲዳ እስራኤልያ ኦላንቻቲ ሀይቂድና።

12:9 1 ካታ. 10:16-17፤ 2 ካታ. 9:15-16 * 13:2 ምካዮ፡- ምካዮ ዋይ ማእኮ ጌተታወ። 2 ኦድ። 11:20 ጸላ።

18 እስራኤልያ አሳይ ሄ ዎደ ጸነቲዳ፤ ይሁዳ አሳይ መድና ጎዳን፤ ባረንቱ እዎቱዎ ጸሳን እማነቲዳ ድራው፤ ኡንቱንታ ጸኔድና።

19 አቢይ እዮርባማ የደርሲደ፤ አፕ ቤቲላ ካታማ፤ ይሻና ካታማነ ኤፍሮና ካታማ ኡንቱንቱ ሞላቱዎና ኦይቁዳ።

20 አቢይ ደኤዳ ላይላን ኡባን እዮርባማ ሰሚደ ምንቤና። መድና ጎዳይ እዮርባማ ደችና ሀይቁዳ።

21 ሸን አቢይ ምን ምን ቤዳ። አቢይ ታማነ ኦይዳ ማጫ አሳ አኪደ፤ ላታማነ ላኡ አቱማ ናናን ታማነ ኡሱፑን ማጫ ናና የሌዳ።

22 አቢይ ኦሴዳ ሀራባይ፤ እ ሀኔዳባይነ እ ጌዳዌ ኡባይ ትምቢትያ ኦድያ እዶ ታርክያ ማጻፋን ጸፈት ኡቲዳ።

14

ካቲ አሳይ ቶጵያ ኦላንቻቱዎ ጸኔዳ

1 አቢይ ሀይቁደ፤ ባረ ማይዛን ጋከቲዳ፤ ዳዊታ ካታማን እ ሞጌድና። አ ኮታን እ ናአይ አሳይ ካተቲዳ። እ ካተቲዳ ዎደ ጋዲ ታሙ ላይላ ዎፓ ደሚዳ።

2 አሰ መድና ጎዳ ባረ ጸሳ ሰንላን ሎኦባነ ሱረባ ኦሴዳ።

3 አሰ አላጋ ጸሳቶ ያርሽያ ሳአቱዋነ ጎይንያ ጶቃ ሳአ ኮሌዳ። ጎይናናው ሹቻፕ ኦሴዳ ቱሳቱዋካ መንግራሴዳ፤ አሹር ጌተትያ ጸሳት ሞሰለቱዋካ ቃንጸሬላ ኦሌዳ።

4 ይሁዳ አሳይ መድና ጎዳ ባረንቱ እዎቱዎ ጸሳ ኮያናዳን እ ሀግያነ እ አዛዙዎ ናጋናዳን አሳይ አዛዜዳ።

5 ቃይ ጎይንያ ጶቃ ሳአቱዋነ እጸና ጨዋይያ ሳአ ይሁዳ ካታማ ኡባፕ ጳይሴዳ። አ ካወተላ ላይላን ቢታይ ዎፓ ደሚዳ።

6 ካቲ አሳይ ይሁዳን ደእያ ካታማቶ ጌሶቱዎ መዴዳ። መድና ጎዳይ እ ሸምፕሴዳ ድራው፤ ቢታይካ ሸምፕዳ፤ ሄ ላይላቱዋን አናና ኦንነ ኦለትቤና።

7 አሳይ ይሁዳ አሳ ሀዋዳን ያጌዳ፤ “አነ ኑን ሀ ካታማቱዎ ከጸይተ፤ ኡንቱንቱ የሹዎን ሚጸቱዎ መዶይተ። ኡንቱንቱ ቦላ አዲሳ ግምቦቱዎ፤ ፕንገቱዋነ ፕንገቱዎ ጎርድያ ሸካላቱዎ ከሴቶ። ኑን መድና ጎዳ ኑ ጸሳ ኮዮዎ ድራው፤ ቢታይ ሀእካ ኑሳ። ኑን አ ኮዬደ፤ እ ኑዉ ኡባ ባጋና ዎፓ እሚዳ” ያጌዳ። ሄዎ ድራው፤ ኡንቱንቱ ካታማቱዎ ከጸይ 7ሌድና።

8 አሳዉ ዎፓ ጎንዳለቱዋነ ቶራቱዎ ኦይቁያ 300,000 ኦላንቻቱ ይሁዳ ዛርያፕ ደኢኖ፤ ቃይ ቁር ጎንዳለቱዎ ኦይቁያዎንቱነ ዎንዳፍያን ዲክያዎንቱ ላኡ ጾታነ ሆሰፑን ታሙ ሻአ ኦላንቻቱ ቢንያማ ዛርያፕ ደኢኖ። ሀዋንቱ ኡባይካ ምኖ አሳቱዎ።

9 ዘራሀ ጌተትያ እት ቶጵያ አሳይ እት ሚሎነ ኦላንቻቱዋነ ሄዙ ጾቱ ፓራ ጋረቱዎ አኪደ፤ ይሁዳ ኦላናው ደደ፤ ማሬሻ ጋኬዳ።

10 አሰካ አናና ኦለታናው ከሴዳ፤ ከሲደ ባረ ኦላንቻቱዎ ማሬሻ ማታን ደእያ ጸፋታ ዎምባን ሳልፕሴዳ።

11 ሄዎፕ ጉይያን፤ አሰ መድና ጎዳ ባረ ጸሳ ዎሲደ፤ “አቤት መድና ጎዳው፤ ዎልቃይ ባይና ኦላንቻቱ ዎልቃማ ኦላንቻቱዎ ጸናናዳን ማድያዌ ኔፕ አትና፤ ሀራይ ባዎ! አቤት መድና ጎዳው፤ ኑ ጸሳው፤ ኑን ኔናን እማነቲደ፤ ሀ ጮራ ኦላንቻቱዎና ነ ሱንላን ኦለታናው ዬዳ ድራው፤ ኔን ኑና ማዳ። አቤት መድና ጎዳው፤ ኔን ኑ ጸሳ፤ ኔና አሳይ ጸነና” ያጌዳ።

12 ሄዎ ድራው፤ መድና ጎዳይ አሳ ሰንላንነ ይሁዳ ኦላንቻቱ ሰንላን ቶጵያ ኦላንቻቱዎ ሸጬዳ፤ ቶጵያ ኦላንቻቱ ባቃቲድና።

13 አሰነ አናና ደእያ አሳይ ኡንቱንታ ጋራራ ጋካናው የደርሴድና። ቶጵያ ኦላንቻቱዎፕ ዳሩ ሀይቁዳ ድራው፤ ኡንቱንቱ ሰሚደ ምናናውነ ኦለታናው ዳንዳይቢይክና። ሄዎዳን ሀኒደ፤ ቶጵያ ኦላንቻቱ መድና ጎዳንነ እ ኦላንቻቱዎን ጸነቲድና። ካትያ አሳ ኦላንቻቱካ ዳርባ ኦምዴድና።

14 ሄዎ ሄራን ደእያ አሳይ መድና ጎዳይ ኦሴዳዎ ያቲደ፤ ዳር ዳጋሚዳ። አሳ ኦላንቻቱካ ጋራራ የሹዎን ደእያ ካታማቱዎ ኡባ ቦንቁደ ጳይሴድና።

15 ቃይ መሀያ ሄምያዎንቱ ሞላቱዎ ኦለቲደ፤ ዳር ደርሳ፤ ዳሻነ ጋሉዎ ድኢደ፤ የሩሳላመ ሰሚድና።

15

ካቲ አሳይ ይሁዳን ደእያ ኤቃ ሞሰለቱዎ ጳይሴዳ

1 ኦዴዳ ናአ አዛርያሳ ቦላ ጸሳ አያናይ ዎዴዳ፤

2 አሳና ጋከታናው ቢደ፤ ሀዋዳን ያጌዳ፤ “አሳ፤ ኔን፤ ይሁዳ አሳይነ ቢንያማ አሳይ ኡባይ ሰሰተ! ሀንተንቱ መድና ጎዳና እትፕ ደእያ ዎደ ኡባን እካ ሀንተናና ደኤ። ሀንተንቱ እ ኮዮፕ፤ እ ሀንተንቶ ቤታና፤ ሸን ሀንተንቱ አ አጎፕ፤ እካ ሀንተንታ አጋና።

3 እስራኤልያ አሳይ ቱሙ ጸሳይ፤ ታማርሰያ ቁሲነ ሀጌ ባይናን ዳር ዎድያ ደኤዳ።

4 ሸን ባረንታ መቱ ጋኬዳ ዎደ፤ ኡንቱንቱ መድና ጎዳኮ፤ እስራኤልያ ጸሳኮ ሰሚደ፤ አ ኮዬድና፤ እ ኡንቱንቶ ቤቲዳ።

5 ሄ ዎድያን ካረ ከሰያዎነ ሶ ገልያዎ ሳርተላይ ባዎ፤ እያው ጎፕ፤ ጋድያ ኡባ ቦላን ደእያ አሳይ ዳር ሻባረቲ።

6 ጸሳይ ኡንቱንታ ዲማ ዲማ መቱዋን የጌዳ ድራው፤ ደሪ ደርያ፤ ካታማይካ ካታማ ኡንኤ።

7 ሸን ሀንተንቱ ምንተ፤ ላፎፕተ! እያው ጎፕ፤ ሀንተንቱ ኦሴዳ ኦሶ ጋቲ ደኤ” ያጌዳ።

8 ኦዴዳ ናአይ ትምቢትያ ኦድያ አዛርያሳ ኦዴዳ ቃላ ሰሴዳ ዎደ፤ አሳይ ምኔዳ። አሳይ ይሁዳነ ቢንያማ ቢታቱዎ ኡባፕነ ኤፍሬማ ገዝያን እ ኦምዲደ ኦይቁዳ ካታማቱዎፕ ሸነይያ ኤቃ ሞሰለቱዎ ጳይሴዳ። ሄዎፕ ጉይያን፤ መድና ጎዳ ጌሻ ጎልያ ሰንላን ደእያ መድና ጎዳው ያርሽያ ሳካ ኦራሴዳ።

9 መድና ጎዳይ እ ጸሳይ አናና ደእያዎ ቢኤዳ ድራው፤ ዳር አሳይ እስራኤልያፕ አኮ ዬዳ፤ ይሁዳ አሳነ ቢንያማ አሳ ኡባ፤ ኡንቱንቱና ደእያ

ኤፍሬም ዘርፉ፣ ምናን ዛሬቱዋን ሰሞና ዘርፉ አሳይ ሺሮዳ።

10 አሳይ ካተቱዳ ታማነ እቼሻንሉ ላይላን፣ ሄዘንሉ አገናን ሄ አሳይ የሩሳላሙን ሺቄዳ።

11 ሄ ጋላስ ኦሞድ አሄዳዋ ላፑን ጾቱ ኮሩምቱዋን ላፑን ሻእ ደርሳቱዋ መድና ጎዳዉ ያርሺድኖ።

12 መድና ጎዳ ባረንቱ አዋቱዋ ጸሳ ባረንቱ ኩመንላ ዋዛናን ባረንቱ ኩመንላ ሸምቸዋን ኮያዉ ቃላ ገሌድኖ።

13 “መድና ጎዳ እስራኤልያ ጸሳ ኮየና አሳይ፣ ጉላ ግድና ዋልቃማ ግድና፣ አቱማ ግድና ማጫ ግድና፣ ሀይቆ” ገደ ጫቀቱድኖ።

14 ሄዋ ቦላንካ ማላካታን ጹሩምባ ፑኒደ፣ ባረንቱ ቃላ ቶቄ አሏደ፣ መድና ጎዳዉ ጫቄድኖ።

15 ይሁዳ አሳይ ኡባይ ባረንቱ ኩመንላ ዋዛናን ሀ ጫቀዋ ጫቄዳ ድራዉ፣ ናሸቱድኖ። እያዉ ጎፕ፣ ጸሳ ኡንቱንቱ ላሞቲደ ኮይና፣ እ ኡንቱንቶ ቤቱዳ። መድና ጎዳይ ኡንቱንቶ ኡባ ባጋናካ ዋፓ እሜዳ።

16 ካቲ አሳይ ባረ አዉዋ ዳያ ማእካ አሽሮ ግያ ጸሳትዉ ሸነይያ ኤቃ ምሰልያ መዴዳ ድራዉ፣ ካትያ አቶ እ ጌተትያ ቦንቸዋፕ እዘ ድጌዳ። አሳይ ሄ ኤቃ ምሰልያ ቃንጸጸላ ሱፓዪደ፣ ቀድሮና ዛንጋራን ጹጌዳ።

17 ጎይንያ ቶቃ ሳኦ አሳይ እስራኤልያ ጋድያፕ ዳይሰናን አጎፕ፣ እ ባረ ደኤዳ ላይላ ኡባን መድና ጎዳዉ ዋዛናፕ አማነትያ አሳ ግዲደ ደኤዳ።

18 እነ አ አዉ ጸሳዉ ዲማይ ዋሌዳ ብራን ዋርቃ ሀራ ሚሻቱዋ አሂደ፣ ጸሳ ጌሻ ጎልያ ግድን ዋሌዳ።

19 አሳይ ካተቱዳ ሀታማነ እቼሻንሉ ላይላይ ጋካናዉ አላይ ባዋ።

16

ይሁዳይነ እስራኤሊ አለቱድኖ (1 ካታ. 15:16-22)

1 አሳይ ካተቱዳ ሀታማነ ኡሱቸንላ ላይላን እስራኤልያ ካቲ ባእሽ ይሁዳ ቦላ ዋራጃዳ፤ ይሁዳ ካትያ አሳኮ ኦንነ ገለናዳንነ ከሰናዳን ተአናዉ ራማ ካታማ ዩሹዋ ምንሲደ ግምቤዳ።

2-3 ሄዋ ጋሱዋን ካቲ አሰ መድና ጎዳ ጌሻ ጎልያን ባረ ካትያ ጎልያ ሚሻ ምንጅያ ሳኦፕ ዋርቃን ብራ አኬዳ። አኪደ ዳማሰቆ ካታማን ደእያ ሶርያ ካትያ ቦንሀዳዳዉ ሀዋዳን ያጌደ የዴዳ፤ “ካሰ ታ አቡናን ነ አቡና ጫቀቱዳዋዳን፣ እነ ታናናን ኔና ጫቀቶይተ። በእ፣ ታን ነዉ ብራን ዋርቃ የዳድ። እስራኤልያ ካቲ ባእሽ ባረ አላንቻቱዋ ታ ጋድያፕ ከሳና ማላ፣ ኔን ካሰ አናና ጫቀቱዳ ጫቀዋ ኮላ” ያጌዳ።

4 ቦንሀዳድ ካቲ አሳይ ጌዳዋ ማዪደ፣ ባረ አላ ጋዳዋቱዋ እስራኤልያ ካታማቱዋ አላናዉ የዴዳ። ኡንቱንቱ አይኖ፣ ዳናን አቤል-ቤተማእካ ጌተትያ ካታማቱዋን ንፍታሌማ ጋድያን ደእያ ሻሉዋ ምንጅያ ካታማቱዋ ኡባ ጸኔድኖ።

5 ባእሽ ሄዋ ሰሲደ፣ ራማ ካታማ ግምቤዳዋ አግ ባሺዳ።

6 ሄዋፕ ጉይያን፣ ካቲ አሳይ ይሁዳ አሳ ኡባ ሺሮዳ፤ አሳይ ባእሽ ካሰ ያን ጎኤትያ ሹቻን ምላ ራማፕ ኬዜድኖ። እ ገባእነ ምጽጸ ጌተትያ ካታማቱዋ እን ምንሲደ ግምቤዳ።

ካቲ አሳይ ትምቢትያ ኦድያ ሀናና ቃሾ ጎሊን የጌዳ

7 ሄ ዋደ ትምቢትያ ኦድያ ሀናን ይሁዳ ካትያ አሳኮ ዩደ፣ “ኔን ሶርያ ካትያን አማነታደ፣ መድና ጎዳን፣ ነ ጸሳን፣ አማነታቤና ድራዉ፣ ሶርያ ካትያ አላንቻቱ ነ ኩሸያፕ ከሰ አኬድኖ።

8 ቶጵያ አሳቱነ ሊብያ አሳቱ፣ ጮራ ፓራ ጋረቱነ ፓራቱ ደእያ ዳሮ አላንቻቱዋ ግድክኖየ? ሸን ኔን መድና ጎዳን አማነቱዳ ድራዉ፣ ጸሳይ ኡንቱንታ ነ ኩሸያን አላ እሜዳ።

9 አያዉ ጎፕ፣ ባረ ኩመንላ ዋዛናፕ ጸሳን አማነትያ አሳ ምንፋናዉ መድና ጎዳ አይፊ ሳኦ ቦላን ኡባሳ ጸሌ። ኔን ሀ የዉዋን ኤያዳ፤ ሄዋ ድራዉ፣ ሀቼፕ ደምና፣ ኔፕ አላይ ሻከተና” ያጌዳ።

10 አሳይ ትምቢትያ ኦድያዋ ቦላ ዳሮ ሀንቀቱዳ፤ ቃሾ ጎሊን የጌዳ። ቃይ አሳይ ሄ ዋደ አሳፕ አማራዳዋ መቶሌዳ።

ካትያ አሳ ሀይቀዋ (1 ካታ. 15:23-24)

11 አሳይ አሌዳባይ ኮይሮፕ ዉርሰላ ጋካናዉ ይሁዳ ካተቱነ እስራኤልያ ካተቱ ታርክያ ማጸፋን ጸፈት ኡቱዳ።

12 አሳይ ካተቱዳ ሀታማነ ኡዲቸንላ ላይላን ገድያ ሳከቱዳ፤ አዉ ሳኩ ሎይላ ዳሮፕካ፣ እ አክማቱዋ ኮይዳፕ አትና፣ መድና ጎዳ ኮይቤና።

13 አሳይ ባረ ካተቱዳ አይታማነ አተንላያ ላይላን ሀይቄደ፣ ባረ ማይዛን ጋከቱዳ።

14 ኡንቱንቱ እ አሃ ዲፋዋን ዲማ ዲማ ሸቱነ ሳዉ ደእያ ግሱዋ ቦላ ዋሌድኖ። ኡንቱንቱ እ ቦንቸ ዳሮ ምላ ደሪደ፣ ታማ ኤሌደ፣ ዳሮፕ ዩኬድኖ። አሳይ ባረዉ ዳዊታ ካታማን ሹቻ ዋጪደ ገግሴዳ ዲፋዋን አ ሞጌድኖ።

17

ዮሳፌጸ ይሁዳን ካተቱዳ

1 አሳ ናኦይ ዮሳፌጸ እ ኮታን ካተቱዳ፤ ዮሳፌጸ እስራኤልያ አላናዉ ባረና ምንሴዳ።

2 ግምቦት ኡቱዳ ይሁዳ ካታማቱዋ ኡባን አላንቻቱዋ ዋሌዳ፤ ቃይ ይሁዳ ቢታንነ እ አዉ አሳይ አሞዳዳ ኤፍሬም ጋድያ ካታማቱዋን አላንቻቱ ጌሱዋ መዴዳ።

3-4 መድና ጎዳይ ዮሳፌጸ እንጃዳ፤ አያዉ ጎፕ፣ እ አዉ ኮይሮ ካትያ ግዴዳ ዋደ፣ ጸሳዉ አማነቱዳዋዳን፣ እካ አማነቱዳ። ባእላ ኤቃ ምሰልያዉ ጎይናን እጾዳ። ዮሳፌጸ ባረ አዉዋ ኦግያን ሀመቲደ፣ ጸሳ አዛዙዋ ፖሌዳ። እ እስራኤልያ ካተቱ አሌዳ ኢታ ኪታ አላቤና።

5 ሄዋ ድራዉ፣ መድና ጎዳይ እ ይሁዳ ካዉተላን ሎይላ ኤሴዳ። ይሁዳ አሳይ ኡባይ

የሳፌዳው እውቀት አህድሮች፤ ያትና፤ እ ሎይሳ ዱረቲዳን ቦንቸቲዳ።

6 የሳፌዳ መቅና ጎዳው ዋዛና ጉዳይ አሳ ግዴታ። ሄዋ ቦላንካ ጎይንያ ቆቃ ሳክቱዋን እሼር ግያ ጸላት ኤቃ ምሰለቱዋ ይሁዳ ጋድያ።

7 የሳፌዳ ባረ ካተቲዳ ሄዘንሉ ላይሳ ይሁዳ ካታማቱዋን ታማርሳናዳን ባረ ኦሳንቻቱዋ በንሀይላ፤ ኦባድያ፤ ዛካራሳ ናታንኤላን ምካያ ኪቲዳ።

8 ቃይ ኡንቲንቲና እትፕ ለዋቱዋ ሻማእያ፤ ናታንያ፤ ዛባድያ፤ አሳሄላ፤ ሻምራዋታ፤ የናታና፤ አድንያ፤ ጸቢያን ጸባድንያ የዴዳ፤ ቃይካ ቄሳቱ ዋ ኤልሻማእን የራማ ኡንቲንቲና እትፕ ከቲዳ።

9 ኡንቲንቲ ኡባይ መቅና ጎዳ ህግያ ማጸፋ ባረናና አኪድ፤ ይሁዳ ቢታን ደእያ ካታማቱዋ ኡባ ቢድ፤ ያን አሳ ታማርሴድና።

የሳፌዳ ግታተሳ

10 ይሁዳ ቢታ የሹዋን ደእያ ካውተላቱዋ ኡባ መቅና ጎዳይ ያሸሰና፤ ኡንቲንቲ የሳፌዳና ኦለትባይክና።

11 ፕልሰጾማ አሳቱዋፕ አማራዳዋንቲ እውዋን ብራ ገራ የሳፌዳው አህድሮች፤ ቃይ አራባቱካ አው ላፑን ሻእን ላፑን ጾቱ ደርሳ ኦርገቱዋን ላፑን ሻእን ላፑን ጾቱ ዳሻ ኦርገቱዋ አህድሮች።

12 ሄዋ ድራው፤ የሳፌዳ ሎይሳ ምን ምን ቤዳ። እ ይሁዳን ገሶቱዋን ምንጅያዋ ዋልያ ካታማቱዋ ኬጾዳ።

13 እ ሄ ካታማቱዋን ዳርባ ምንጃዳ።

የሩሳላመን አው ምኖ ኦላንቻቱ ደኢና።

14 ኡንቲንቲ ባረንቲ እዋቱዋ ጎለን ጎለን ሀዋፕ ካሊደ ጸፈቲድና። ይሁዳ ዛርያፕ ሻላቃይ አድናሀ፤ አናና 300,000 ምኖ ኦላንቻቱ ደኢና።

15 አድናሀ ካሊደ ደእያ ካፑ የሀናና፤ አናና 280,000 ምኖ ኦላንቻቱ ደኢና።

16 መቅና ጎዳው ባረ ሸንያን ከሴዳ አማሳይ አ ካሊደ ደእያ ሄዘንሉ ካፑዋ፤ እ ዚክራ ናኦ። አማሳያና 200,000 ምኖ ኦላንቻቱ ደኢና።

17 ቢንያማ ዛርያፕ ካፑ ምኖ ኦላንቻ ኤልያዳክ፤ አናና ዋንዳፍያን ጎንዳልያ ኮይቂያ 200,000 ኦላንቻቱ ደኢና።

18 ኤልያዳክ ካሊደ ደእያ ካፑ ይሆዛባዳ፤ አናና ኦላ ባናው ዳንጩዳ 180,000 ኦላንቻቱ ደኢና።

19 ሀ ኡባ ኦላንቻቱ ካትያው የሩሳላመን አሴዳዋንታ፤ ሀዋንቲ ፓይዳ ይሁዳን ደእያ ግምባቲዳ ካታማቱዋን ኡባን ካቲ ዋሴዳ ኦላንቻቱዋ ጉጀና።

18

ትምቢትያ ኦድያ ምካይ አካባቢ ጸነትያዋ ኦዴዳ

(1 ካታ. 22:1-28)

1 የሳፌዳ ሎይሳ ዱረቲዳን ቦንቸቲዳ፤ ቃይ አካባቢን ቦሎቲዳ።

2 አማራዳ ላይላፕ ጉይያን፤ የሳፌዳ አካባ ባረናው ሳማርያ ቤዳ። አካብ አውን አናና እትፕ

ደእያ አሳው ዳር ደርሳቱዋን ቦራቱዋ ሹኬዳ። ያቲደ የሳፌዳ ጋላኦደን ደእያ ራሞታ ጌተትያ ካታማ ኦላናው ባረናና ባናዳን ማይዜዳ።

3 እሰራኤልያ ካቲ አካብ ይሁዳ ካትያ የሳፌዳ፤ “ጋላኦደን ደእያ ራሞታ ኦላናው ታናና ባረ?” ያጊደ ኦቼዳ።

የሳፌዳ፤ “ኤ፤ ኔን ኦላ ባናው ጊግያ ዋደ አውደን ታን ጊጋና። ታ ኦላንቻቱ ነ ኦላንቻቱ ማላ፤ ኑን ኔናና ኦላናው ባና” ያጊዳ።

4 ቃይካ የሳፌዳ እሰራኤልያ ካትያ፤ “ግደፕን፤ ኔን ካሰታደ መቅና ጎዳ ኦቻ” ያጊዳ።

5 እሰራኤልያ ካቲ ትምቢትያ ኦድያ ኦይዳ ጾቱ አሳቱዋ ሺሺደ፤ “ታን ጋላኦደን ደእያ ራሞታ ካታማ ኦላናው ቦ ቦፖ?” ያጊደ ኡንቲንታ ኦቼዳ።

ኡንቲንቲ፤ “ባ፤ አያው ጎፕ፤ ጸሳይ ሄ ካታማ ካትያ ኩሽያን አሊደ አማና” ያጊድና።

6 ሸን የሳፌዳ፤ “ኡን መቅና ጎዳ ኦቻናው ዳንዳይያ ትምቢትያ ኦድያ ሀራ አሳይ ሀዋን ባዋ?” ያጊዳ።

7 እሰራኤልያ ካቲ የሳፌዳው ዛሪድ፤ “ኡን አ ባጋና መቅና ጎዳ ኦቻናው ዳንዳይያ እት ሀራ ብታኒ ደኤ፤ እ ይምላ ናኦ ምካያ። ሸን ታን አ እጸይ፤ አያው ጎፕ፤ እ ኡባ ዋደካ ታዋ ኢታባ ኦይፕ አትና፤ ሎኦባ ኦድ ኤረና” ያጊዳ።

የሳፌዳ፤ “ካቲ ሄዋዳን ጎፕ!” ያጊዳ።

8 ሄዋፕ ጉይያን፤ እሰራኤልያ ካቲ ባረ ኦሳንቻቱዋፕ እቱዋ ጾሲደ፤ “ይምላ ናኦ ምካያ ኤላካ አካደ ያ” ያጊዳ።

9 እሰራኤልያ ካቲን ይሁዳ ካቲ የሳፌዳ፤ ባረንቲ ካውተላ ማዩዋ ማዩደ፤ ሳማርያ ካታማ ገልያ ፕንግያን ባረንቲ ካውተላ አራታን ኡቲድና፤ ትምቢትያ ኦድያ ኡባቲ ኡንቲንቲ ሰንላን ትምቢትያ ኦዲና።

10 ኡንቲንቲፕ እቲ፤ ካናእና ናኦይ ጽድቁ ብራታፕ ካጩቱዋ ጊግሲደ፤ አካባ፤ “መቅና ጎዳይ ሀዋዳን ያጌ፤ ሶረቲ ቆያና ጋካናው፤ ኔን ኡንቲንታ ሀ ካጩቱዋን ቃይጫና ያጌ” ያጊዳ።

11 ትምቢትያ ኦድያ ሀራ ኡባቲካ፤ “ጋላኦደን ደእያ ራሞታ ካታማ ባደ ኦላ፤ ጸና። አያው ጎፕ፤ መቅና ጎዳይ ሄ ካታማ ካትያ ኩሽያን አሊደ አማና” ያጊደ ኦይድና።

12 ሄዋፕ ጉይያን፤ ምካያ ጾሳናው ከተት ቤዳ ብታኒ አ፤ “ቦኦ፤ ትምቢትያ ኦድያ ኡባቲ እት ቃላ ግዲደ፤ ካቲ ሀ ኦላ ጸናና ያጊደ ኦይድና። ሄዋ ድራው፤ ሀያና ነ ኦዲካ ኡንቲቱፕ እቱዋ ማላ ግድ፤ ኔንካ ሎኦባ ኦዳ” ያጊዳ።

13 ሸን ምካይ ሄ ብታንያ፤ “መቅና ጎዳይ ኤር! ታ ጸሳይ ኦድያባ ታን ኦዳና” ያጊዳ።

14 ምካይ ካትያኮ ዬዳ ዋደ፤ ካቲ አ፤ “ምካያ፤ ኡን ጋላኦደን ደእያ ራሞታ ኦላናው ባኔየ ቦፓን?” ያጊደ ኦቼዳ።

ምካይ ካትያ፤ “ባ፤ ባደ ኦላ፤ አላደካ ጸና። አያው ጎፕ፤ ኡንቲንቲ ነ ኩሽያን አድ አመታና” ያጊዳ።

15 ካቲ አ፤ “ኔን መቅና ጎዳ ሰንላን ቲሙዋፕ አትና፤ ሀራባ ታው ኦደናዳን ታን ኔና አፑን ገደ ጫቀታናው ኮሺ?” ያጊዳ።

16 እ፡ “እስራኤልያ ኦላንቻቱ ኡባይ ሄንጻንቻይ ባይና ደርሳዳን ደርያን ላለቴዳዋንታ ታን በኣድ። መድና ጎዳይ ኡንቱንታ፡ ሳዋንቶ ጎዳይ ባዋ። ኡንቱንቱ ኡባይካ ባረንቱ ሶ ባረንቱ ሶ ሳር ቢኖ ያጌ” ያጌዳ።

17 ያትና፡ እስራኤልያ ካቲ ዮሳፌዳ፡ “ ኣ ታዋ ኢታባ ኦዴፕ ኦትና፡ ሎኦባ ኦድ ኤረና፡ ጋደ ታን ነዉ ኦዳበይክታ?” ያጌዳ።

18 ሞካይ ጉጂደካ ሳዋዳን ያጌዳ፤ “ሰሞ መድና ጎዳይ ግያዋ ሰሳ! መድና ጎዳይ ባረ ካወተፋ ኦራታን ኡትና፡ ሳሉዋ ኦላንቻቱ ኡባይ ኦ ኡሸቻናን ኦ ሀድርሳና ኤቁዳዋንታ ታን በኣድ።

19 መድና ጎዳይ፡ “እስራኤልያ ካቲ ኦካብ ጋላኣደን ደእያ ራሞታ ካታማ ቢደ፡ ያን ሀይቃናዳን ኦ ባለሳናዊ ኦኔ?” ያጌዳ። እቱ ሳዋዳን ግያ ዋደ፡ ሀራይ ቃይ ሄዋዳን ጌዳ።

20 ሄዋፕ ጉይያን፡ ኦያናይ ከሲደ መድና ጎዳ ሰንጻን ኤቁደ፡ “ታን ኦ ባለሳና” ያጌዳ።

መድና ጎዳይ፡ “ዋታ ባለሳን?” ያጌዳ።

21 ኦያናይ፡ “ታን ከሳደ ባደ፡ ኦዉ ትሞቢትያ ኦድያዋንቱ ኡባቱዋ ደናን ዋርዶትያ ኦያና ግዳና” ያጌዳ።

መድና ጎዳይ፡ “ኤ፡ ኔን ኦ ባለሳና፤ ነዉ ሄዋ ሀናና። ባ፤ ባለሳ ያጌዳ” ያጌዳ።

22 ቃይካ እ፡ “ሄዋ ድራዉ፡ መድና ጎዳይ ነዉ ትሞቢትያ ኦድያዋንቱ ሳዋንቱ ደናን ዋርዶትያ ኦያና ዋሌዳ፤ ኦያዉ ጎፕ፡ መድና ጎዳይ ነ ቦላ ባሻ ኦሀናዉ ቃቹዳ” ያጌዳ።

23 ሄዋፕ ጉይያን፡ ካናኦና ናኦይ ጽድቁ ሸቁደ፡ ሞካያ ሻይያ ባቁደ፡ “መድና ጎዳ ኦያናይ ታ ማታፕ ዋኒደ ነዉ ኦዳናዉ ቤዳ?” ያጌዳ።

24 ሞካይ እ፡ “ኔን ቆስታናዉ ቆልኦ ገልያ ጋላሰ ሄዋ ደማና” ያጌዳ።

25 ሄዋፕ ጉይያን፡ እስራኤልያ ካቲ ባረ ኦላንቻቱዋፕ እቱዋ ኦዛዚደ፡ “ሞካያ ኦይቃ፤ ካታማ ሞድያ ኦሞናዉን ታ ናኦ ዮኣሻዉ ኦፋደ እማ።

26 ኡንቱንታ፡ ካቲ ህንተንታ ሀ ብታንያ ቃሾ ጎለን ቃቸተ። ታን ሳር ሰማና ጋካናዉ፡ ጉፋ ኡክፋፕ ነ ሃፋፕ ሀራባ ኦያን ኦዉ እሞፕተ” ያጌ ያጋ ያጌዳ።

27 ሞካይ እ፡ “ቱሙ ኔን ሳር ሰምያዋ ግደፕ፡ መድና ጎዳይ ታናን ሃሳይቤና” ያጌዳ። ቃይካ ሞካይ፡ “ኦሳዉ ኡባዉ፡ ታን ኦዳዳዋ ኦኤክተ” ያጌዳ።

እካባ ሀይቁዋ
(1 ካታ. 2:29-35)

28 ሄዋፕ ጉይያን፡ እስራኤልያ ካቲን ይሁዳ ካቲ ዮሳፌዳ ጋላኣደን ደእያ ራሞታ ካታማ ቤድኖ።

29 እስራኤልያ ካቲ ዮሳፌዳ፡ “ታን ታ ማዩዋ ላማደ፡ ሀራ ኦሳ ማላታደ፡ ኦላዉ ገላና፤ ሸን ኔን ነ ካትያ ማዩዋ ማያ” ያጌዳ። እስራኤልያ ካቲ ባረ ማዩዋ ላሚደ፡ ሀራ ኦሳ ማላቲደ ኦላዉ ገሌዳ።

30 ሶርያ ካቲ ባረ ጋራ ጋረቱዋ ኦዛዚያ ኦሳቱዋ፡ “ግታትና ጉጽና፡ ሀራ ኦሳ ኦናናካ

ኦላቶፕተ፤ እስራኤልያ ካትያ ጸላላና ኦላትተ” ያጌደ ኦዛዜዳ።

31 ጋራ ጋረቱዋ ኦዛዚያዋንቱ ዮሳፌዳ በኤዳ ዋደ፡ “ሀዋ እስራኤልያ ካትያ” ያጌድኖ። ኦናና ኦላታናዉ ሰሜድኖ። ዮሳፌዳ ዋሴዳ፤ መድና ጎዳይ ጸሳይ ኦ ማዲደ፡ ኡንቱንታ ጉዮ ዛሬዳ።

32 ጋራ ጋረቱዋ ኦዛዚያዋንቱ ኦ እስራኤልያ ካትያ ግደናዋ በኤደ፡ ኦ ዮደርሰያዋ ኦግ ኦጌድኖ።

33 እት ብታኒ ጮ ባረ ዋንዳኖያን ኦላንቻቱ ቦላ ዴኪደ፡ እስራኤልያ ካትያ ኦላ ማዩ ጋክትያ ሄራና ጫዴዳ። ካቲ ባረ ጋርያ ላግያ ብታንያ፡ “ጋርያ ጉዮ ዛራደ፡ ታና ኦላ ግደፕ ከሳ። ኦያዉ ጎፕ፡ ታን ኢታ ጫቻ ጫደታክቻድ” ያጌዳ።

34 ሄ ጋላሰ ኦላይ ሱልያ ዋደ፡ እስራኤልያ ካቲ ኦካብ ባረ ጋራ ጋርያ ግደን ዘምፕደ፡ ኦማርሰ ጋካናዉ፡ ሶረቱዋ ሰንጻን ታኤዳ። ኦዋይ ዉልያ ዋደ፡ ኦ ሀይቁዳ።

19

ትሞቢትያ ኦድያ ዬሁ ዮሳፌዳ ሴሬዳ

1 ሄዋፕ ጉይያን፡ ካቲ ዮሳፌዳ ባረ ሶ ዮሩሳላሙ ሳር ሰሜዳ።

2 ትሞቢትያ ኦድያ ሀናና ናኦይ ዬሁ ኦናና ጋክታናዉ ከሲደ፡ ካትያ ዮሳፌዳ፡ “ኔን ኢታቱዋ ማዳናዉ ዋይ መድና ጎዳ ኦድያዋንታ ሲቃናዉ በሲ? ሄዋ ድራዉ፡ መድና ጎዳ ሀንቁ ነ ቦላ ዬዳ።

3 ግደፕ፡ ኦሼር ግያ ኤቃት ሞሰለቱዋ ጋድያፕ ድጌዳ ድራዉን ጸሳ ኮያናዉ ነ ዋዛና ገግሴዳ ድራዉ፡ ኔን ሎኦባ ኦላዳ” ያጌዳ።

ዮሳፌዳ ዳናቱዋ ሱንሌዳ

4 ዮሳፌዳ ዮሩሳላሙን ደኤዳ። ቃይ ዮሳፌዳ በርሳበሄፕ ደሚደ፡ ኤፍሬማ ገዝያ ጋካናዉ፡ ኦሳ ግደን ዩዪደ፡ መድና ጎዳ፡ ኡንቱንቱ ኦዋቱዋ ጸሳኮ፡ ኡንቱንታ ዛሬዳ።

5 ይሁዳ ቢታን ደእያ ግሞቢቱዳ ካታማቱዋ ኡባን ዳናቱዋ ሱንሌዳ።

6 እ ዳናቶ፡ “ህንተንቱ ኦሳዋን ህንተንታ ኤርተ። ኦያዉ ጎፕ፡ ህንተንቱ ኦሳዉ ፕርድክታ፤ መድና ጎዳዉ ፕርዲታ። ህንተንቱ ፕርድያ ዋደ፡ ኦ ህንተናና ደኤ።

7 ሀእካ ህንተንቱ መድና ጎዳዉ ያይተ፤ ህንተንቱ ኦሳዋን ህንተንታ ኤርተ። ኦያዉ ጎፕ፡ መድና ጎዳ ኦ ጸሳ ማታን ናቁ፡ ኦሳ ሰንጻ ጸሊደ ማድያዌን ማጋንጸ ሞያዌ ባዋ” ያጌዳ።

8 መድና ጎዳ ህግያ ኦድያዋን ኦሳ ግደን ደንድያ ዮዉዋ ፕርዳናዳን ሊዋቱዋፕ፡ ቁሳቱ ዋፕን እስራኤልያ ኦሳ ኦዋቱዋ ጎልያ ካፓቱዋፕ ኦማሬዳ ኦሳቱዋ ዮሳፌዳ ዮሩሳላሙን ሱንሌዳ።

9 ሄዋፕ ጉይያን፡ ዮሳፌዳ ኡንቱንታ ሳዋዳን ያጌደ ኦዛዜዳ፤ “መድና ጎዳዉ ያዪደ፡ ኦማንትያዋን ኩሙንጻ ዋዛናን ኦላተ።

10 ባረንቱ ካታማን ደእያ ህንተንቱ ኦሳቱ ሸሞፕ ዮዉዋ፡ ዋይ ህግያዋ፡ ዋይ ኦዛዙዋ፡ ዋይ ኦዋዩዋባ፡ ዋይ ፕርዳባ ህንተንቱኮ ኦሆፕ፡ ኡንቱንቱ መድና ጎዳ ሰንጻን ባይካንቻ ግደናዳን ኦ ሀንቁ ህንተንቱ ቦላን ህንተንቱ ኦሻቱዋ ቦላ

ዩናይትድ ኤንጅንታ ሴርተ። ህንተንቱ ኤንጅንታ ሴርተ። ህንተንቱ ህንተንቱ ሁጺያው ባይዘንቻ ግድክታ።

11 መድና ጎዳ ባጋ የወዋ ኡባወ አዎትያዌ ቄሳቱዋ ካፑዋ አማርያ፤ ቃይ ካትያ ባጋ የወዋ ኡባወ አዎትያዌ ይሁዳ ዛራቱዋ ካፑዋ እስማኤላ ናኣ ዛባድያ። ሌዋቱ ህንተንቱ ሰንፋን ካፑዋ ግዳናዋ። ህንተንቱ ሞኒደ ኦሳተ። ሱረባ ህንያዋንቱና መድና ጎዳይ እትፕ ግድ” ያጌዳ።

20

ኤደማ ቢታይ ይሁዳ ቦላ ዋራጄዳ

1 ሄዋፕ ጉይያን፣ ሞአባቱን አሞናቱ ቃይ ኤንጅንቱና እትፕ ማኡናቱ የሳፌጸ ቦላ ማዬድና።

2 ያትና፣ አማራዳ አሳቱ ዪደ የሳፌጸወ። “ማጽነ አባፕ ሄፍንፋና ደእያ ሶርያፕ ዳሮ ኦላንቻቱ ኔና ኦላናወ ዬድና። በእ፣ ኤንጅንቱ ሀጸጸን-ታማራን ደእና” ያጌደ ኦዴድና። (ሀጸጸን-ታማር ኤንጋዳወ ሀራ ሱንፋ።)

3 ያትና፣ የሳፌጸ ያዪደ፣ መድና ጎዳ ኦቻናወ ባረ ቆፋ ቃቹዳ፤ ይሁዳ ጋድያን ኡባን ጸማ አዋዬዳ።

4 ይሁዳ አሳይ ኡባይ መድና ጎዳፕ ማዲዋ ኮያናወ እትፕ ሸቄዳ፤ ኤንጅንቱ መድና ጎዳፕ ማዲዋ ኮያናወ ይሁዳ ካታማቱዋ ኡባፕ ዬድና።

5 የሳፌጸ ይሁዳን የሩሳላመ ሸቄዋ ግድን፣ መድና ጎዳ ጌሻ ጎልያን ደእያ ኦራፋ ዳባባ ሰንፋን ኤቄዳ።

6 ሀዋዲን ያጌዳ፣ “አቤት መድና ጎዳወ፣ ኑ አዎቱዋ ጸሳወ፣ ሳሉዋን ደእያ ጸሳይ ኔና! ሳኣን ደእያ ካወተፋቱዋ ኡባ ሞድያዌ ኔና! ግታተፋይን ዋልቃይ ነ ኩሸያን ደእያ ድራወ፣ ኔናና ኤቀታናወ ዳንዳዬዳባይ ባዋ።

7 አቤት ኑ ጸሳወ፣ ካሰ ሀ ቢታን ደእያዋንታ ነ አሳ እሰራኤልያ ሰንፋፕ የደርሳደ፣ ነ ሲቁዋ አብራሃማ ዘረፋቶ መድናወ እሜዳዌ ኔና!

8 ኤንጅንቱ ሀ ጋድያን ደኤድና፤ ኤንጅንቱ ሀዋን ነ ሱንፋወ ጌሻ ጎልያ ኬጺደ።

9 ሩ ቦላ ኢታባይ፣ ዋይ ኦሳይ፣ ዋይ ኢታ ሀርጌ፣ ዋይ ኮሻይ ይንቶ፣ ኑን ነ ሱንፋይ ደእያ ሀ ጌሻ ጎልያ ሰንፋንን ነ ሰንፋን ኤቄደ፣ ኑ መቱዋን ኔኮ ዋሳና። ኔን ኑ ዋሱዋ ሰሳደ፣ ኑና አሻና ያጌድና።

10 “ሀእካ አሞናቱ፣ ሞአባቱን ኤደማቱ ኑ ቦላ ማዬድና። በን ኑ አዎቱ ግብጾፕ ከሴዳ ዋይ፣ ኔን ኤንጅንቱ ሄ ቢታቱዋ ገለናዳን ድጋዳ፤ ሄዋ ድራወ፣ ኑ አዎቱ ሄ ቢታቱን ዩዪደ አዴድናፕ አትና፣ ኤንጅንታ ጳይሰበይክና።

11 ኑን ኦሌዳባወ ኤንጅንቱ ኑወ ዛሬዳባ በእ። ኔን ኑወ እሜዳ ላታ ጋድያፕ ኤንጅንቱ ኑና የደርሳናወ ዬድና።

12 አቤት ኑ ጸሳወ፣ ኔን ኤንጅንቱ ቦላ ፕርድኪ? አያወ ጎፕ፣ ኑና ኦላናወ ዬዳ ሀ ዳሮ ኦላንቻቱዋና ኦላታናወ ኑወ ዋልቃይ ባዋ። ኑን ኦላናባካ ኤርኩ፤ ሸን ኑ አይፈቱ ኔና ጸልና” ያጌዳ።

13 ይሁዳ አሳይ ኡባይ ባረንቱ ቄር ናናቱዋና፣ ባረንቱ ማጫ አሳቱዋናን ባረንቱ ናናቱዋና እትፕ ግዲደ፣ መድና ጎዳ ሰንፋን ኤቄድና።

14 ሄዋፕ ጉይያን፣ ዛካራሳ ናኣይ ያሃዝኤል ሸቄዋ ግድን ኤቄደእሸን፣ መድና ጎዳ አያናይ ኦ ቦላ ዋዴዳ። ዛካራሰ ባናና ናኣ፤ ባናይ ይእኤላ ናኣ፤ ይእኤል ማታንያ ናኣ፤ ማታኔ ሌዌያ ዛረን አሳፋ ያራ።

15 ጸሳ አያናይ ያሃዝኤላ ቦላ ዋድና፣ ሀዋዲን ያጌዳ፤ “ካትያወ የሳፌጸ፣ ይሁዳንን የሩሳላመን ደእያ አሳወ፣ ኡባይካ ሰሰተ! መድና ጎዳይ ህንተንታ ሀዋዲን ያጌ፤ ህ ዳሮ ኦላንቻቱ ጋሱዋን ያዮፕተን ዳጋሞፕተ። አያወ ጎፕ፣ ኦላይ ጸሳዋፕ አትና፣ ህንተንቱዋ ግድና።

16 ህንተንቱ ዋንት ኤንጅንታ ቦላ ከሰተ። ጸጸ ግያ ፑደፋን ይሩኤላ መላ ቢታን ደእያ ዛንጋራ ወርሰፋን ህንተንቱ ኤንጅንታ ደማና።

17 ሀ ኦላ ኦላትያዋንቱ ህንተንታ ግድክታ። ህንተንቱ ሳኣ ሳኣ ኦይቄ ኤቄደ፣ መድና ጎዳይ ህንተንታ አሸያዋ በኢታ” ያጌ። ይሁዳ አሳወ፣ የሩሳላመ አሳወ፣ ያዮፕተን ዳጋሞፕተ! ኤንጅንቱና ኦላታናወ ዋንት ከሰተ። መድና ጎዳይ ህንተናና ግዳናዋ” ያጌዳ።

18 የሳፌጸ ዳሙዋ ሳኣ ጋሊደ ጎይኔዳ፤ ሄዋዲንካ፣ ይሁዳ አሳይ ኡባይን የሩሳላመን ደእያ አሳይ ኡባይ መድና ጎዳ ሰንፋን ኩንዲደ፣ እሰራኤልያ ጸሳወ ጎይኔድና።

19 ቃሃታ ያራፕን ቆራሀ ያራፕ አማራዳ ሌዋቱ ኤቄደ፣ ባረንቱ ቃላ ቶቄ ኦሊደ፣ መድና ጎዳ እሰራኤልያ ጸሳ ጋላቱድና።

20 ኤንጅንቱ ጉራ ጉራን ደንዲደ፣ ታቆአ መላ ቢታ ባናወ ከሴድና፤ ኤንጅንቱ ከሴዳ ዋይ የሳፌጸ ደንድ ኤቄደ፣ “ይሁዳንን የሩሳላመን ደእያ አሳወ፣ ታን ግያዋ ሰሰተ። መድና ጎዳን፣ ህንተንቱ ጸሳን፣ አማኑት፤ ህንተንቱ ሞናና። ቃይ ትምቢትያ ኦድያዋንቱንካ አማኑት፤ የወዋ ኡባይ ህንተንቶ እንጀታናዋ” ያጌዳ።

21 የሳፌጸ አሳና ዘረቴዳዋፕ ጉይያን፣ ማዝሙርያ የጽያዋንታን መድና ጎዳ ጋላትያዋንታ ሱንፋዳ። ኤንጅንቱ ባኣላ ጋላሳ ማዩዋ ማዪደ፣ ኦላንቻቱ ሰንፋና አዲደ፣

“መድና ጎዳ ጋላትተ! አገና ኦ ሲቄ መድናዋ” ያግ ያጌደ የጸናዳን አዛዜዳ።

22 ኤንጅንቱ ማዝሙርያ የጽያዋን ጋላትያዋ ደሜዳ ዋይ፣ ይሁዳ ኦላናወ ዬዳ አሞናቱዋ ቦላ፣ ሞአባቱዋ ቦላን ኤደማቱዋ ቦላ መድና ጎዳይ ሻቢርሳ የዴዳ።

23 አሞናቱን ሞአባቱ ኤደማቱዋ ቦላ ደንዲደ፣ ኤንጅንታ ኡባና ጳይሴድና። ኤንጅንቱ ኤደማቱዋ ጳይሴዳዋፕ ጉይያን፣ ባረንቱ ግድን እቱ እቱዋ ጳይሴድና።

24 ይሁዳ አሳይ መላ ቢታን ደእያ ዋቻያ ሳኣ ዬዳ ዋይ፣ ባረንቱ ሞርከቱ ደእያ ሳኣ ጸሌድና፤ ኤንጅንቱ አሃይ ቢታን ግሴዳዋ በኤድና። ኤንጅንቱፕ እት አሳይን ከሰ አኪደ ብቤና።

25 ሃዋጥ ጉይያን፡ የሳፌጽን አ አሳይ አሞዲዎ አካናዉ ቢደ፡ ዳሮ መሃቱዋ፡ ሽንቃቱዋ፡ ኦላ ሚሻቱዋ፡ ማዮቱዋን ሀራ አልኦ ሚሻቱዋ ደሚድኖ። ሽን አሞዲዎ ኡባባ ቶክ አፋናዉ ዳንዳይበይክኖ። አሞዲዳባይ ሎይሎ ዳሮ ግዴዳ ድራዉ፡ ሃዋ ሺሻናዉ ሄዙ ጋላሳ አኬዳ።

26 ሃዋጥ ጉይያን፡ ኡንቱንቱ ኦይደንሎ ጋላሰ በራካ ዋምባ ግያ ሳን ሺቁድኖ፤ ሄ ሳኣን መድና ጎዳ ጋላቲድኖ። ሃዋ ድራዉ፡ ኡንቱንቱ ሄ ሳኣ ጋላታ ዋምባ ያጊደ ሱንሌድኖ።

27 ሃዋጥ ጉይያን፡ ይሁዳ አሳይ ኡባይን የሩሳላመ አሳይ ኡባይ፡ የሳፌጽ ካለሐና፡ መድና ጎዳይ ዋርከቱዋ ቦላ ጸኑዋ እም ናሽቶና የሩሳላመ ሰሜዳ።

28 ኡንቱንቱ የሩሳላመ ጋኪደ፡ ዲላና፡ ማሰንቁዋናን ጸሩምባና መድና ጎዳ ጌሻ ጎልያ ገሌድኖ።

29 እስራኤልያ ዋርከቱዋ መድና ጎዳይ አላጋ ቢታን ደእያ ካወተላቱ ኡባይ ሰሌዳ ዋደ፡ ኡንቱንቱ ጸሳዉ ያዩድኖ።

30 ያቲደ ጸሳይ የሳፌጸዉ ኡባ ባጋና ሸምቱዋ እሜዳ ድራዉ፡ አ ካወተላይ ሳርተላ ደሜዳ።

የሳፌጸ ካወታ ዉርሰሳ (1 ካታ. 22:41-50)

31 የሳፌጸ ይሁዳን ካተትያ ዋደ፡ አ ላይላይ ሀታማን እቼሻ፤ አ የሩሳላመን ላታማን እቼሹ ላይላ ካተቱዳ። አ አታ ሺልሀ ናቶ አዙቦ ጌተታዉ።

32 የሳፌጸ ባረ አዉዋ አሳ ኦግያን ሀመቱዳ፤ እ ሄ ኦግያጥ ሸርእ ግቤና፤ መድና ጎዳ ሰንላን እ ሱረባ ኦሌዳ።

33 ግደጥን፡ ጎይንያ ቶቃ ሳኣ ጳይሰቤና፤ አሳይ ብር ባረ ኩመንሳ ዋዛናጥ ባረ ማይዛ አዋቱዋ ጸሳኩ ሰምቤና።

34 የሳፌጸ ሀኔዳ ሀራባይ፡ ኮይርጥ ዉርሰሳ ጋካናዉ እስራኤልያ ካተቱ ታርክያ ማጸፋን፡ ሀናና ናኣ ዬሁ ታርክያ ግደን ጸፊት ኡቲዳ።

35 እት ዋደ፡ ይሁዳ ካቲ የሳፌጸ ኢታባ ኦሌዳ እስራኤልያ ካትያ አካዝያሳና እትጥተላ ኦሌዳ።

36 ያቲደ የሳፌጸ እናና ዛልእያ ዋልቃማ ማርካባቱዋ መቆናዉ ማየቱዳ። ሄ ማርካባቱዋ ኤጽዮን-ጋብራ ካታማን መድሴድኖ።

37 ሃዋጥ ጉይያን፡ ማሪሻጥ ዬዳ ደዳዋ ናአይ ኤልኤዛር፡ “ኔን አካዝያሳና እትጥተላ ኦሌዳ ድራዉ፡ ኔን ኦሌዳ ኪታ መድና ጎዳይ ጳይሳና” ያጊደ፡ የሳፌጸ ቦላ ትምቢትያ ኦዴዳ። ሃዋ ድራዉ፡ ማርካባቱ መኤድኖ፤ ኡንቱንቱ ሀቃን ባናዉ ዳንዳይበይክኖ።

21

1 ሃዋጥ ጉይያን፡ የሳፌጸ ሀይቁደ፡ ባረ ማይዛን ጋከቲዳ። ዳዊታ ካታማን ባረ ማይዛ አዋቱዋና ሞገቲዳ። አ ኮታን አ ናአይ የራመ ካተቱዳ።

ይሁዳ ካትያ የራማ (2 ካታ. 8:17-24)

21:7 1 ካታ. 11:36 21:8 ደመላ 27:40

2 የራማ እሻቱ አዛርያሳ፡ ይህኤላ፡ ዛካራሳ፡ አዛርያሳ፡ ሞካኤላን ሻፋጽያ፤ ሀዋንቱ ኡባይ ይሁዳ ካትያ የሳፌጸ ናና።

3 ኡንቱንቱ እዉ የሳፌጸ ኡንቱንቶ ዳር ብራ፡ ዋርቃን አልኦ ሻሉዋ እሜዳ፤ ቃይ ግምቦቲዳ ይሁዳ ካታማቱዋካ እሜዳ። ሽን የራመ ባረ አዋ ባይራ ናኣ ግድያ ድራዉ፡ ካወተላ እዉ እሜዳ።

4 የራመ ባረ አዉዋ ካወተላ አኪደ ምኔዳ ዋደ፡ ባረ እሻቱዋ ኡባቱዋን እት እት እስራኤልያ ካገቱዋ ማሻን ዋዴዳ።

5 የራመ ካተትያ ዋደ፡ ላይላይ እዉ ሀታማን ላኡዋ፤ እ የሩሳላመን ሆሰፑን ላይላ ካተቱዳ።

6 የራመ አካባ ናቶ አኬዳ ድራዉ፡ አካባ ሶይ አሳይ ሀመቱዳዋዳንካ ካሰ እስራኤልያ ካተቱዋ ኦግያን ሀመቱዳ፤ መድና ጎዳ ሰንላንካ ኢታባ ኦሌዳ።

7 ግደጥን፡ መድና ጎዳይ ካሰ ዳዊታና ጫቀቲዳ ጫቁዋ ድራዉ፡ ዳዊታ ዘረላ ጳይሳናዉ ኮይቤና። ዳዊታ ዘረላይ መድናዉ ካተታናዉ መድና ጎዳይ ሂደታ እም ዋሌዳ።

8 የራመ ካተቱዳ ዋደ፡ ኤደማ አሳይ ይሁዳ ካትያ ቦላ ማካሊደ፡ ባረንቶ ካትያ ካተዬድኖ።

9 ሃዋ ድራዉ፡ የራመ ባረ አላ ጋዳዋቱዋናን ባረ ጋራ ጋረቱዋ ኡባና እትጥ ኤደማ ጋድያ ኦላናዉ ቤዳ፤ ኤደማ አሳይ እነ አ ጋራ ጋረቱዋ ካገቱዋ ዳዴድኖ። ሽን የራማን አ አሳይ ቃማ ደንዲደ፡ ደዳ አጳደ ባቃቲድኖ።

10 ሄ ዋድያጥ ደሚደ፡ ሀቼ ጋካናዉ፡ ኤደማ አሳይ ይሁዳ አሳዉ ሞደትቤና። የራመ መድና ጎዳ ባረ አዋቱዋ ጸሳ አኬዳ ድራዉ፡ ሊብና አሳይ ቃይ ሄ ዋደ ይሁዳ ካትያ ቦላ ማካሌዳ።

11 የራመ ቃይ ይሁዳ ገዝያን ጎይንያ ቶቃ ሳኣ ገግሴዳ፤ የሩሳላመን ደእያ አሳይ ሻርመ-ጸናዳን ኦሌዳ፤ ይሁዳ አሳካ ባለሌዳ።

12 ሃዋጥ ጉይያን፡ ትምቢትያ ኦድያ ኤላሰ የራማዉ ዳብደቢያ ሀዋዳን ያጊደ ኪቲዳ፤ “መድና ጎዳይ፡ ነ ማይዛ አዉዋ ዳዊታ ጸሳይ፡ ኔን ነ አዉዋ የሳፌጸ ኦግያን ዋይ ይሁዳ ካትያ አሳ ኦግያን ሀመትያዋ አጋደ።

13 እስራኤልያ ካተቱዋ ኦግያን ሀመታዳ። አካባ ሶይ አሳይ ኦሌዳዋዳን፡ ይሁዳንን የሩሳላመን ደእያዋንቱ ሻርመ-ጸናዳን ኦላዳ። ቃይካ ኔጥ ኬክያ፡ ነ አዉዋ ጎለን ደእያ ነ እሻቱዋ ዋዳዳ።

14 ሃዋ ድራዉ፡ መድና ጎዳይ ነ አሳ፡ ነ ናና፡ ነ ማቻቱዋን ነዉ ደእያ ኡባባ ዋልቃማ ቦሻን ሸጫና።

15 ኔና ማራጭያ ሀርጊ ኦይቁና፡ ነዉ ሳኩ ያ ጎብ ጎቢደ ባና’ ያጌ” ያጌዳ።

16 ሃዋጥ ጉይያን፡ መድና ጎዳይ ፕልሰጾማቱዋን ቶጵያ ማታን ደእያ አራባቱዋ የራማ ኦላናዳን ደንቆሌዳ።

17 ያትና፡ ኡንቱንቱ ይሁዳ ቦላ ማዬድኖ፤ ካትያ ጎለን ደእያ ሚሻ ኡባ፡ ካትያ አቱማ ናናን አ ማጫዋንታ አሞዴድኖ። አ ናና ኡባጥ ቲፋ አካዝያሳጥ እትና፡ ሀራ እት ናአይን እዉ እትቤና።

18 ህ ኡባፕ ጉይያን፡ ፓጻናዉ ዳንዳየና ማራጭያ ሀርግያን የራማ መድና ጎዳይ ሸጮዳ።

19 ላኡ ላይላ ግደን ሀርጊ አ ቦላ ጎቤዳ፤ አ ማራጩ ካረ ከሴዳ፤ ያትና፡ ሎይላ ሳከቲደ ሀይቄዳ። አ ሞግያ ዋደ አሳይ ካሰ አ ማይዛ አዋቶ ኦሌዳዋዳን፡ አ ቦንቾ ሞላ ደሪደ፡ ታማ ኤላቤና።

20 የራመ ካተትያ ዋደ፡ ላይላይ አዉ ሀታማነ ላኣ፤ አ የሩሳላመን ሆሰፑን ላይላ ካተቲዳ። አ ሀይቄያ ዋደ ኦንነ ካዮትቤና። የራመ ዳዊታ ካታማን ሞገቲዳፕ አትና፡ ካተቲዋ ማካናን ሞገትቤና።

10 አካዝያሳ ዳያ አታላ ባረ ናአይ ሀይቄዳዋ በኤዳ ዋደ፡ ደንዳደ ይሁዳ ካትያ ዛርያ ኡባ ጳይሳዲ።

11 ሸን ካትያ ናታ ይሆሸባአ፡ ሀይቄናዉ ደአያ ካትያ ናና ግደፕ አካዝያሳ ናአ የኣሻ ዉአደ አካዲ። አነ አ ጳንላያኖ ሂጻ ጎሊን ቆሳዲ። ሄዋዳን አላደ፡ አታላ ናአ ዋናዳን፡ ካትያ የራማ ናታ፡ አካዝያሳ ሞቻታ፡ ቄሰያ የዳሄ ማቻታ፡ ይሆሸባአ አ ቆሳዲ።

12 አታላ ቢታ ሞድያ ዋደ ኡባን፡ ናአይ ኡንቲንቲ ማታን ጸሳ ጌሻ ጎልያን ኡቡፑን ላይላ ቆሰቲደ ኡቲዳ።

22

ይሁዳ ካትያ አካዝያሳ (2 ካታ. 8:25-29፤ 9:21-28)

1 አራባቱ ዪደ የራማዉ ባይራ ናና ኡባቱዋ ዋዲዳ ድራዉ፡ የሩሳላመ አሳይ የራማ ናአ ኡባፕ ቲፋ አካዝያሳ አ ኮታን ካተዬድና። ሄዋ ድራዉ፡ የራማ ናአይ አካዝያሰ ካዉተላ ደሜዳ።

2 አካዝያሰ ካተትያ ዋደ፡ ላይላይ አዉ ኦይታማነ ላኣ፤ አ የሩሳላመን አት ላይላ ካተቲዳ። አ አት ሱንላይ አታሎ፤ አ አምራዉ ናአ ናቶ። *

3 አካዝያሰ አታተላን ባናዳን አ አታ አ ዘራዳ ድራዉ፡ አካ አካባ ሶይ አሳ ኦግያን ሀመቲዳ።

4 አ አዉ ሀይቄዳዋፕ ጉይያን፡ አካባ ሶይ አሳይካ አ ዘርያ ድራዉ፡ አካባ ሶይ አሳዳን አካ መድና ጎዳ ሰንላን አታባ ኦሌዳ። ያቲደ አ ጳዮ ጋሶ ግዴድና።

5 አካዝያሰ አካባ ሶይ አሳ ዘርያ ካሊደ፡ አካባ ናአ አሰራኤልያ ካትያ የራማና አትፕ፡ ሶርያ ካትያ ሀዛኤላ ኦላናዉ ጋላአደን ደአያ ራሞታ ጌተትያ ካታማ ቤዳ። ሶርያ አሳቱ የራማ ጫዴድና።

6 ሶርያ ካትያ ሀዛኤላና አ ኦላትያ ዋደ፡ ሶርያ አሳቱ አ ራሞታን ጫዴዳ ጫቻ ፓሕ አካናዉ አዝራኤላ ካታማ ሰሜዳ። ሄዋፕ ጉይያን፡ የራማ ናአይ፡ ይሁዳ ካቲ አካዝያሰ አካባ ናአ የራማ ጫዴቲዳዋ ኦቻናዉ ዲገ አዝራኤላ ካታማ ቤዳ።

7 አካዝያሰ የራማኮ ቤዳዌ አካዝያሳዉ ሀይቆ ግዳናዳን መድና ጎዳይ ኦሌዳ። አካዝያሰ የራማ በአሸን፡ አካባ ዘርያ ጳይሳናዳን መድና ጎዳይ ደራዳ ንምሻ ናአ ዬሀ ሞካናዉ ላኡ አትፕ ከሴድና።

8 ዬሀ አካባ ዘርያ ቦላ ፕርድያዋ ፖሌዳ ዋደ፡ ይሁዳ ካፕቲዋን አካዝያሳ ማድያ አ አሻቲዋ ናና ደሚደ ዋዴዳ።

9 ቃይ ዬሀ አካዝያሳ ኮዬዳ፤ ሳማርያን ቆሰት ኡቲዳዋ አ አሳቱ ደሜድና፤ ዬሀኮ አሂደ ዋዴዳ፡ “ባረ ኩመንላ ዋዛፕ መድና ጎዳ ኮዬዳ የሳሬጸ ናአ” ያጊደ ሞጌድና።

ሄዋ ድራዉ፡ አካዝያሳ ሶ አሳፕ ካዉተላ ኦይቃናዉ ዳንዳይያዌ ኦንነ ባዋ።

ይሁዳ ካታቶ አታሎ (2 ካታ. 11:1-3)

23

አታሊ ቦላ ማካሊደ ደንዴድና (2 ካታ. 11:4-16)

1 ላፑንላ ላይላን የዳሄ ሞኒደ፡ ጾቱዋ ካፕቲዋ ይርሃማ ናአ አዛርያሳ፡ ያሆሀናና ናአ አሰማኤላ፡ የቤዳ ናአ አዛርያሳ፡ አዳያ ናአ ማእሴያን ዚክራ ናአ ኤልሻፋጻ ሺሺደ፡ ኡንቲንቲና ቃላ ጫቁዋ ጫቀቲዳ።

2 ኡንቲንቲ ይሁዳ ቢታ ኡባ ዩዩደ፡ ይሁዳ ካታማቲዋን ደአያ ሌዋቲዋን አሰራኤልያ ያራቲ ካፕቲዋ ኡባ አኪደ፡ የሩሳላመ ዬድና።

3 ሄዋፕ ጉይያን፡ ሄ ሺቄዳ አሳይ ኡባይ ጸሳ ጌሻ ጎልያን ካትያና ቃላ ጫቁዋ ጫቄድና። የዳሄ ሄ አሳ፡ “ካትያ ናአ ሀዋ በአተ! መድና ጎዳይ ካሰ ዳዊታ ዘረላባ ሃሳዬዳዋን አ ካተቶ።

4 ሀንተንቲ ኦላናዉ በሰያባይ ሀዋ፡ ሳምባታ ጋላሳን ሀ ጌሻ ጎልያ ገልያ ቄሳቲ ዋፕነ ሌዋቲዋፕ ሄዙ ኩሸያፕ አት ኩሺ ፕንግያ ናግተ፤

5 ቃይ ሄዙ ኩሸያፕ አት ኩሺ ካትያ ጎሊን ደአተ፤ ሄዙ ኩሸያፕ አት ኩሺ ቃይ ባሱዋ ፕንግያን ደአተ። አሳይ ኡባይ መድና ጎዳ ጌሻ ጎልያ ዳባባ ሺቆ።

6 ቄሳቲ ዋፕነ ኦላያ ሌዋቲዋፕ አትና፡ ኦንነ መድና ጎዳ ጌሻ ጎልያ ገሎፕ። ኡንቲንቲ ጌሻ ግድያ ድራዉ፡ ገልና፤ ሸን ሀራ አሳይ ኡባይ መድና ጎዳ አዛዙዋ ናጊደ፡ ጌሻ ጎልያፕ ካረና ደአና።

7 “ሌዋቲ ኡባይ ባረንቲ ኦላ ሚሻ ባረንቲ ኩሸያን ኩሸያን ኦይቄደ፡ ካትያ ግደዪደ፡ ካቲ ከሰያ ዋደነ ገልያ ዋደ ኡባን አና አትፕ ደአና። ጌሻ ጎልያ ገልያ ኦናነ ዋድተ” ያጌዳ።

8 ሌዋቲነ ይሁዳ አሳይ ኡባይ ቄሲ የዳሄ አዛዜዳዋ ኡባ ኦሌድና። ቄሲ የዳሄ ሳምባታን ኦሱዋፕ ከሳናዉ በሰያ ሌዋቲዋ ከሲደ የድቤና። ሄዋ ድራዉ፡ ናጉዋ ካላይ ጋኬዳዋንቲካ ናጉዋ ካላን ፖሌዳዋንቲካ ኡባይ ያን ደአና። ሄዋን ካፕቶ አካናዉ ግድያ አሳይ ደኤ።

9 ሄዋፕ ጉይያን፡ ቄሲ የዳሄ ጸሳ ጌሻ ጎልያን ደአያ፡ በን ካትያ ዳዊታ ቶራቲዋ፡ ዋጋ ጎንዳለቲዋን ቄር ጎንዳለቲዋ ካፕቶ አሜዳ።

10 አሳይ ኡባይ ኦላ ሚሻ ባረ ኩሸያን ባረ ኩሸያን ኦይቄደ፡ ጌሻ ጎልያዉ ኡሸቻ ባጋፕ ሀድርሳ ባጋ ጋካናዉ፡ ያርሸያ ሳአ ማታንነ ጌሻ

* 22:2 ኦይታማነ ላኡዋ- አዉ ላይላይ ላታማነ ላኡዋ ዋይ ኦይታማነ ላኡዋ። 2 ካት። 8:26 ጸላ። 23:3 2 ሳሜላ 7:12

ጎልያ ማታን ካትያ የሹዋን ኤቃናን ቄሲ ዮዳሄ አሴዳ።

11 ሄዋጥ ጉይያን፡ ዮዳሄ ካትያ ናኦ ዮአሻ ካረ ከሲደ፡ እ ሁጲያን ካላቻ ዋሴዳ፤ ካወታ ህግያ ማጻፋ አዉ እሚደ ካትዬዳ። ዮዳሄን እ ናናይ ዮአሻ ኦኪደ፡ “ካቲ ሸሞጥዋ ጋሞኦ!” ያጌድኖ።

12 አሳይ ዋጲደነ ካትያ ሳቢደ ሆሞቦጭያዋ አታላ ሰሴዳ ዋደ፡ አሳኮ መድና ጎዳ ጌሻ ጎልያ ባዲ።

13 ካቲ ጥንግያን ባረ ቱሳ ማታን ኤቄዳዋ በኦዲ። ካጥቲን ጸሩሞባ ፑንያዋንቱ ካትያ ማታን ደኢኖ፤ ይሁዳ አሳይ ኡባይ ናሸቲደ፡ ጸሩሞባ ፑንያ፤ ማዘሙርያ የጽያዋንቱካ ሰንጻዉ አዲደ፡ ባረንቶ ደእያ የሳ ሚሻን ጋላቲኖ። አታላ ባረ ማዩዋ ፔዳደ፡ “ሀዌ ማካላ! ሀዌ ማካላ!” ያጋደ ዋሳዲ።

14 ቄሲ ዮዳሄ ኦላንቻቱ ካጥቱዋ፡ “አታሎ መድና ጎዳ ጌሻ ጎልያን ዋጶጥተ! ኦ ያናነ ሃና ሳልፒደ ሳልጥቱዋ ግዲዋን ዋሊደ፡ ካረ ከሰተ፤ እዘ እሻናዉ ካጄልያ አሳይ ደኦጥ ዋጶተ!” ያጌዳ።

15 ሄዋ ድራዉ፡ ኡንቱንቱ እዘ ኦይቄደ፡ ካትያ ጎልያ አፌድኖ፤ ፓራ ጥንግያን እዘ ዋጶድኖ።

ዮዳሄ ቃላ ጫቁዋ ኦራሴዳ (2 ካታ. 11:17-20)

16 ሄዋጥ ጉይያን፡ ዮዳሄ እ ባረ ሁጲያዉ፡ አሳይ ኡባይነ ካቲ መድና ጎዳ አሳ ግዳናዳን ቃላ ጫቁዋ ዋሴዳ።

17 ሄ ዋደ አሳይ ኡባይ ባኦላ ኤቃ ጎልያ ቢደ፡ ሄ ጎልያ ክንቹዳ፤ ያርሽያ ሳኦቱዋን ሞሰለቱዋ ክንቹሬሴዳ። ቃይ ማታና ግያ ባኦላ ቄሰያ ያርሽያ ሳኦቱ ሰንጻን ዋጶድኖ።

18 ዮዳሄ ቄሳቱ ዋነ ሌዋቱዋ መድና ጎዳ ጌሻ ጎልያ ኦሶ ካፑዋ ኦሊደ ሱንጹዳ። ኡንቱንቱ ኪታይ ሙሴ ህግያን ጸፈቲዳዋዳን መድና ጎዳዉ ጸግያ ያርሹዋ ያርሽያዋን ካቲ ዳዊተ ኦዴዳዋዳን ማዘሙርያ የጽያዋን ባላ ቦንቶሰያዋ።

19 ህግያን ጸፈቲዳዋዳን ቱና አሳይ እቱነ ገለናዳን ዮዳሄ መድና ጎዳ ጌሻ ጎልያ ጥንግያን ናግያዋንታ ዋሴዳ።

20 ዮዳሄ ጸቱዋ ካጥቱዋ፡ ዋልቃማ አሳቱ፡ ደርያ ሞድያዋንታን ሄ ቢታ አሳ ኡባ ባረናና አኪደ፡ ካትያ መድና ጎዳ ጌሻ ጎልያጥ ዲገ ዋሴዳ። ቆሞ ባጋ ጥንግያና ካትያ ጎልያ ገሌድኖ፤ ካትያ ካዉተላ አራታን ኡትሴድኖ።

21 ያትና ይሁዳ አሳይ ኡባይ ናሸቲደ፡ አታላ ካትያ ጎላን ማሻን ሀይቄዳዋጥ ጉይያን፡ ካታማይ ዋፑ ጌዳ።

24

ይሁዳ ካትያ ዮአሻ (2 ካታ. 12:1-16)

1 ዮአሽ ካተትያ ዋደ፡ ላይላይ አዉ ላፑና፤ እ የሩሳላሙን ኦይታሙ ላይላ ካተቲዳ። እ ዳይ ሱንጻይ ጸብያ፤ እ በርሳቢህ ካታማጥ ዬዳ አሳ።

24:6 ከሳ 30:11-16

2 ቄሲ ዮዳሄ ደኤዳ ላይላ ኡባን ዮአሽ መድና ጎዳ ሰንጻን ሱረባ አሴዳ።

3 ዮዳሄ ዮአሻዉ ላኡ ማጫዋንታ እሚዳ፤ ኡንቱንቱ አዉ አቱማ ናናነ ማጫ ናና የሌድኖ።

4 ሄዋጥ ጉይያን፡ ዮአሽ መድና ጎዳ ጌሻ ጎልያ ኦራላናዉ ቆፔዳ።

5 ዮአሽ ቄሳቱ ዋነ ሌዋቱዋ ሺሺደ፡ “ይሁዳ ካታማቱዋ ቢደ፡ ህንተንቱ ጸሳ ጌሻ ጎልያ ላይላን ላይላን ኦራላናዉ እሰራኤልያ ኡባጥ ሻሉዋ ሺሸተ፤ ሀ የዉዋ ኤለካ ኦሐተ” ያጌዳ። ሽን ሌዋቱ ኤለካ ኦሐበይክኖ።

6 ሄዋ ድራዉ፡ ካቲ ቄሰ ኡባቱዋ ካፑዋ ዮዳህ ጴሲደ፡ “የሩሳላሙ አሳጥነ ይሁዳ አሳጥ ጌራ ሺሻናዉ እያዉ ሌዋቱዋ ኪታበይኪ? መድና ጎዳ አሽካሪ ሙሴን እሰራኤልያ አሳይ ጸሳ ዲንካንያ ኦሶ ጌራይ ሺቃናዳን በን ማይ ኡቲድኖ።

7 ሄ ኢታ ሞሽራቶ አታሎ ካልያ አሳቱ ጸሳ ጌሻ ጎልያ ባይዘድጌድኖ፤ ኡንቱንቱ ጸሳ ጌሻ ጎልያን ደእያ ጌሻ ሻሉዋ ኡባ አኪደ፡ ባኦላዉ ጎይናዉ ጎኤቲድኖ” ያጌዳ።

8 ሄዋ ድራዉ፡ ካቲ ሌዋቱዋ አዘዘና፡ ኡንቱንቱ ሳጽንያ ገግሲደ፡ መድና ጎዳ ጌሻ ጎልያ ጥንግያጥ ካረ ባጋና ዋሴድኖ።

9 ጸሳ ቆማይ ሙሴ መላ ቢታን ደኢደ፡ እሰራኤልያ አሳጥ ሺሻናዳን አዘዜዳ ጌራ መድና ጎዳዉ አሀና ማላ፡ ይሁዳንን የሩሳላሙን ሌዋቱ አዋዬድኖ።

10 ካጥቲን አሳይ ኡባይ ናሸቲደ፡ ጌራይ ሳጽንያ ኩማና ጋካናዉ፡ አን የጌድኖ።

11 ሳጽኒ ሌዋቱ ባጋና ካትያ ኦላንቻቱዋኮ ጋክና፡ ሳጽንያ ግዲዋን ዳር ሚሻይ ደጋቲዳዋ ኡንቱንቱ በኤዳ ዋደ ኡባን፡ ካትያ ጸፊነ ቄሰ ኡባቱዋ ካፑ ሱንጹዳ ብታኒ ዬኖ፤ ሳጽንያጥ ሚሻ ከሲኖ፤ ሳጽንያ ሳኦን ዘር ዋሐኖ። ኡንቱንቱ ኡባ ጋላሰ ሄዋዳን ኦሊደ፡ ዳር ሻሉዋ ዳጋዬድኖ።

12 ሄ ሚሻ ካቲነ ዮዳሄ መድና ጎዳ ጌሻ ጎልያ ኪታ ዋቻናዉ ሱንጹዳ አሳቶ እሚኖ። ኡንቱንቱ መድና ጎዳ ጌሻ ጎልያ ኦራላናዉ ሹቻ ማሰያዋንታን አናጸቱዋ፡ ቃይ ጸሳ ጌሻ ጎልያ ኦራላናዉ ብራታን ናሃሰያ ኦላንቻቱዋ ቃጸሬድኖ።

13 ኦላንቻቱ ጸሳ ጌሻ ጎሊ ባዬዳዋ ሞን ኦሊደ፡ ባረንቱ ኩሽያን ካሰዋዳን ኦራጽሴድኖ።

14 ኦላንቻቱ ጌሻ ጎልያ ኦራጽሴዋ ፖሌዳ ዋደ፡ ፓላሄዳ ዋርቃነ ብራ ካትያኮን ዮዳሄኮ አሄድኖ። ያትና ኡንቱንቱ ሄ ዋርቃንነ ብራን መድና ጎዳ ጌሻ ጎልያ ግደ ኦሶ ማድያ ሚሻቱዋ፡ ጸግያ ያርሹ ህንያ ሳነቱዋን ሀራ ዲማ ዲማ ሚሻቱዋ ኦሰሴድኖ።

ዮዳሄ ደኤዳ ላይላን መድና ጎዳ ጌሻ ጎልያን ጸግያ ያርሹዋ ኡባ ዋደ ኡንቱንቱ ያርሺኖ።

15 ዮዳሄ ሎይሐ ጭሚደ ሀይቄዳ፤ እ ሀይቄያ ዋደ እ ላይላይ ጴታን ሀታማ።

16 ዮዳሄ እሰራኤላን ጸሳዉን ጸሳ ጌሻ ጎልያዉ ሎኦባ አሴዳ ድራዉ፡ ዳዊታ ካታማን ካተቱዋ ማካናን እ ሞጌድኖ።

ዮአሽ ጸሳጥ ዋራ ሰሜዳ

17 ዮዳህ ሀይቄዳዋፕ ጉይያን፣ ይሁዳ ካፓቱ ዪደ፣ ጉፋኔድኖ። ያትና፣ ካቲ ኡንቱንቱ ዞርያ ስሴዳ።

18 ኡንቱንቱ መድና ጎዳ ባረንቱ ማይዛ አዎቱዋ ጸሳ ጌሻ ጎልያ አገደ፣ እሼር ምስለቶን ኤቃቶ ጎይኔድኖ። ኡንቱንቱ ኦሴዳ ባላ ድራው፣ ይሁዳ ቦላን የሩሳላመ ቦላ ጸሳ ሀንቁ ዋዴዳ።

19 አሳይ ባረኮ ሰማናዳን መድና ጎዳይ ትምቢትያ ኦድያዋንታ ኡንቱንቱኮ ኪቱዳ፤ ትምቢትያ ኦድያዋንቱ ኡንቱንቱ ቦላ ማርካቲድኖ፤ ሽን ኡንቱንቱ ሰሰናን እጾድኖ።

20 ሄዋፕ ጉይያን፣ ቄሰያ ዮዳህ ናኣ ዛካራሳ ቦላ ጸሳ አያናይ ዋዴዳ፤ ዛካራሰ አሳ ሰንላን ኤቄደ፣ “ጸሳይ ሀዋዳን ያገ፤ ህንተ መድና ጎዳ እዛዙዋ ፖልያዋ አያው አጸቱ? ሄዌ ህንተንቶ ኢታ። ህንተንቱ መድና ጎዳ እጌዳ ድራው፣ እካ ህንተንታ እጌዳ ያገ” ያገዳ።

21 ሄዋፕ ጉየ አሳይ አ ቦላ ማቀቲዳ። ካቲ ኡንቱንቱ እዛዘና፣ መድና ጎዳ ጌሻ ጎልያ ዳባባን አ ሹቻን ጫዲደ ዋዴድኖ።

22 ካቲ ዮኣሽ ዛካራሳ አው ዮዳህ ባረው ኦሴዳ ኬካተላ ሀሳየናን አገደ፣ አ ናኣ ዛካራሳ ዋዴሴዳ። ዛካራሰ ሀይቄደ፣ “መድና ጎዳይ ሀዋ በኢደ፣ ሀሉዋ ከሶ” ያገዳ።

ዮኣሽ ካውታ ዉርሰላ

23 ሄ ላይላይ ላመትያ ዋደ፣ ሶርያ ኦላንቻቱ ዮኣሽ ኦላናው ዬድኖ። ይሁዳ ቦላን የሩሳላመ ቦላ ማዪደ፣ አሳ ካፓቱዋ ኡባ ዋዴደ፣ ኡንቱቱፕ ኦሞዴዳዋ ኡባ ዳማሰቆን ደእያ ባረንቱ ካትያወ የዴድኖ።

24 ሶርያ ኦላንቻቱ ፓይዲዋን ጉላ፤ ሽን ይሁዳ አሳይ መድና ጎዳ ባረንቱ አዎቱዋ ጸሳ እጌዳ ድራው፣ መድና ጎዳይ ሎይሳ ዳር ግዴዳ ኡንቱንቱ ኦላንቻቱዋ ሶርያ ኦላንቻቱ ኩሽያን አላደ እሜዳ። ኡንቱንቱ ሀዋዳን ኦላደ፣ ዮኣሽ ሙራድኖ።

25 ሶርያ ኦላንቻቱ አፕ ሻከትያ ዋደ፣ ዮኣሽ ሎይሳ ማዲንጽ ኡቲዳ። ቄሰያ ዮዳህ ናኣ ሱላ ድራው፣ አ ኦላንቻቱ አ ቦላ ማቀቲደ፣ እ ባረ ግሱዋን ግሰ ደእሽን ዋዴድኖ። እ ሀይቄና፣ ዳዊታ ካታማን አ ሞጌድኖ፤ ሽን ካተቱዋ ማካናን አ ሞግቢይክና።

26 ዮኣሽ ቦላ ማቀቲዳዋንቱ አሞኒ ሽምኣት ናኣ ዛባዳን ሞኣበ ሽምሪት ናኣ ይሆዛባደ።

27 ዮኣሽ ናናቱዋባይ፣ አ ቦላ ትምቢትያ ኦዴዳ ዳርባይን ጸሳ ጌሻ ጎልያ እ ኦራጽሴዳባይ ካተቱ ታርክያ ማጻፋን ጻፈት ኡቲዳ። ዮኣሽ ሀይቄና፣ አ ሳኣን አ ናኣይ አመሰያሰ ካተቲዳ።

25

ይሁዳ ካትያ አመሰያሰ (2 ካታ. 14:2-6)

1 አመሰያሰ ካተትያ ዋደ፣ ላይላይ አው ላታማን እቼሻ፤ እ የሩሳላመን ላታማን ኡዲቸን ላይላ ካተቲዳ። አ ዳይ ሱንሳይ ይሆኣድኖ፤ አ የሩሳላመ አሳ።

2 አመሰያሰ መድና ጎዳ ሰንላን ሱረባ ኦሴዳ፤ ሽን ኩመንላ ዋዛናፕ ግደና።

3 አመሰያሰ ካውተላ ሎይሳ ኦይቄዳ ሳና፣ ባረ አውዋ ዋዴዳ ኦላንቻቱዋ ዋዴዳ።

4 ሙሴ ህግያ ማጻፋን ጻፈቲዳዋዳን፣ መድና ጎዳይ፣ “ናናቱ ኦሴዳ ናጋራ ድራው፣ አዎቱዋ ዋዳናው በሰና፤ ቃይ አዎቱ ኦሴዳ ናጋራ ድራውካ፣ ናና ዋዳናው በሰና። አሳይ ኡባይ ባረ ኦሴዳ ናጋራን ናጋራን ሀይቃናው በሰ” ያገደ እዛዜዳዋዳን፣ ዋዴዳዋንቱ ናና ዋዴቤና።

ኤደማ ቦላ ደንዴዳ ኦላ (2 ካታ. 14:7)

5 አመሰያሰ ይሁዳ አሳ ሺሺደ፣ ባረንቱ አዎቱዋ ጎላን ጎላን ሻኣ ካፓቱዋን ጾቱዋ ካፓቱ ሱንሳተላ ግደን ዋሴዳ። እ ላታሙ ላይላን ላታሙ ላይላፕ ቦላና ደእያ ይሁዳ ዛራቱዋን ቢንያማ ዘረላ ኡባ ፓይዴዳ፤ ጎንዳልያን ቶራ ኦይቄደ፣ ኦላው ጊጌዳ ሄዙ ጾቱ ሻኣ ድረቲዳ አሳቱዋ ደሜዳ።

6 ቃይ እሰራኤልያፕ ጾቱ ሻኣ ሞኖ አሳቱዋ ሄዙ ሻኣን ኦይዱ ጾቱ ኪሎ ግራመ ዴጽያ ብራን አመሰያሰ ቃጻራዳ።

7 ሽን ጸሳ አሳ ጌተትያ እት ብታኒ አመሰያሰኮ ዪደ፣ “ካትያው፣ መድና ጎዳይ እሰራኤልያናን ኤፍሬማ አሳና ባዋ ድራው፣ እሰራኤልያ ኦላንቻቱ ኔናና ቦፕኖ።

8 ኔን፣ ኡንቱንቱ ታና ሞንሳና ጋደ ቆፖፕ፣ ጸሳይ ኔና ነ ሞርከቱዋ ሰንላን ካውሻና። አያው ጎፕ፣ ኤቃናው ዋይ ካውሻናው ጸሳው ዋልቃይ ደኤ” ያገዳ።

9 አመሰያሰ ጸሳ አሳ፣ “ታን እሰራኤልያ ኦላንቻቶ ጭጌዳ ሄ ብራይ ኡባይ ዋናኔ?” ያገዳ።

ጸሳ አሳይ፣ “መድና ጎዳይ ነው ሄዋፕ አላደ እማናው ዳንዳይ” ያገዳ።

10 ሄዋ ድራው፣ አመሰያሰ ኤፍሬማፕ ባረኮ ዬዶ ኦላንቻቱ ባረንቱ ሶ ሶ ባናዳን ሞይዜዳ። ኡንቱንቱ ይሁዳ አሳ ቦላ ሎይሳ ሀንቀቲደ፣ ባረንቱ ሶ ሶ ሰሜድኖ።

11 ሄዋፕ ጉይያን፣ አመሰያሰ ባረና ሞንሲደ፣ ባረ ኦላንቻቱዋ ካለላደ፣ ማጽን ዋሞባ ቤዳ፤ አ ኦላንቻቱ ኤደማ አሳፕ ታሙ ሻኣ ዋዴድኖ።

12 ቃይ ኡንቱንቱ ታሙ ሻኣ ኦላንቻቱዋ ፓጻ ኦሞዴድኖ፤ ኡንቱንታ አፋዋ ደናው አፊድኖ፤ ሄ አፋዋን ዲገ ኦልና፣ ህርክን ደእያ ሹቻን አሳቱ ኡባይ መኤረቲደ ዉሬድኖ።

13 ሽን ሄ ዋደ አመሰያሰ ባረናና ኦላው ቤናዳን ጉየ የዴዳ እሰራኤልያ ኦላንቻቱ ሳማርያፕ ቢደ፣ ቤት-ሆርና ጋካናው ደእያ ይሁዳ ካታማቱዋ ኦሌድኖ። ኡንቱንቱ ይሁዳ አሳፕ ሄዙ ሻኣ ዋዴደ፣ ዳር አዋዲዋ እኬድኖ።

14 አመሰያሰ ኤደማ አሳቱዋ ዋድ ሰሚደ፣ ኤደማ አሳ ጸሳቱዋ ምስለቱዋ አሲደ ዬዳ። ሄ ምስለቱ ባረዋንታ ግዳናዳን ኤሲደ፣ ኡንቱንቶ ጎይኔዳን እጻና ጩዋዬዳ።

15 ሄዋ ድራው፣ መድና ጎዳ ሀንቁ አመሰያሰ ቦላ ኤጽ ከሴዳ፤ ያትና፣ ጸሳይ እት ትምቢትያ

ኦ.ዲ.ዋ አመሰግናለሁ ከቲዳ። ቢደ። “ባረንቱ አሳ ነ ኩሽያፕ አሻናዉ ዳንዳይቤና ጸሳቶ ኔን አያዉ ጎይናዲ?” ያጌዳ።

16 ትምቢትያ ኦ.ዲ.ዋ ሃሳይሽን። ካቲ። “ኔን ካትያና ዘረታናዳን ኑን ኔና ሱንጤዳየ? አጋ! ኔን አያዉ ሀይቃናዉ ኮያይ?” ያጌዳ።

ትምቢትያ ኦ.ዲ.ዋ አግ አኪደ። “ኔን ሀዋ ኦ.ዲ ድራዉን ታን ኔና ዘራዳዋ ሰሳቤና ድራዉ። ጸሳይ ኔና ጳይሳናዉ ቃቹዳዋ ሀእ ታን ኤራድ” ያጌዳ።

እስራኤልያ ቦላ ደንዴዳ ኦላ (2 ካታ. 14:8-20)

17 ሃዋፕ ጉይያን። ይሁዳ ካቲ አመሰግሶ ባረና ዘርያ አሳቱዋና ዘረቲደ። እስራኤልያ ካትያ ዬሁናአ ናአ። ዮአካዛ ናአ። ዮአሻዉ አሳ ከቲደ። “ሃያ፤ አነ ላኡ ኦላ ጋከቶይተ” ያጌደ ናሴዳ።

18 እስራኤልያ ካቲ ዮአሽ ይሁዳ ካትያ አመሰግሶ ሀዋዳን ያጌዳ፤ “ለባሮሳን ደእያ ክንድቹ ለባሮሳን ደእያ ዘጋዉ ከቲደ። ሳ ናቶ ታ ናአዉ እማ” ያጌዳ። ሽን ለባሮሳን ደእያ እት ደአይ ሃዋና አዲደ። ሄ ካሽያ የዴዳ።

19 ኔንካ። ሰአ። ኤደማ ቢታ አሳ ጸናድ። ያጋይ ነ ዋዛናን ኦቶሩዋን ኩማዳ። ሽን ሀእ ኔን ነ ሶን ዋቹ ጋይ ኡታ አጋ። ነ ቦላን ነ ጋድያ ይሁዳ ቦላ መቱዋን ባሻ አህያዋ አያዉ ደንፍላይ?” ያጌደ ዛሬዳ።

20 ሽን አመሰግሶ ሰሳ እጼዳ። ኡንቱንቱ ኤደማ ጸሳቶ ጎይኔዳ ድራዉ። ጸሳይ ኡንቱንታ ኡንቱንቱ ሞርከቱዋ ኩሽያን አሊደ እማናዉ ኮዬዳ።

21 ሃዋ ድራዉ። እስራኤልያ ካትያ ዮአሽ ኦላናዉ ከሰና። እነ ይሁዳ ካቲ አመሰግሶ ይሁዳን ደእያ ቤት-ሸመሻ ጌተትያ ካታማን ኦላ ጋከቱድኖ።

22 እስራኤልያ አሳይ ይሁዳ አሳ ጸኔዳ፤ ይሁዳ አሳይ ኡባይ ባቃቲደ። ባረ ሶ ባረ ሶ ቤዳ።

23 ሃዋፕ ጉይያን። እስራኤልያ ካቲ ዮአሽ አካዘያሳ ናአ ናአ። ዮአሻ ናአ። ይሁዳ ካትያ አመሰግሶ ቤት-ሸመሻን ኦሞዲደ። የሩሳላመ አሃዳ። ያቲደ የሩሳላመ ድርሳ ግምቢያ። ኤፍሬማ ፕንግፕፕ ቢደ ዘዘያ ፕንግፕ ጋካናዉ ደእያ። ኦይዱ ጾቱ ዋቶ ግድያ ሳኦ ላሌዳ።

24 ላሊደ ጸሳ ጌሻ ጎልያን ደእያ ዋርቃነ ብራኡባ። ኦቤድ-ኤደማ ዘረሳይ ናግያ ሚሻን ካትያ ጎሊን ደእያ ሻሉዋ ኡባ አኬዳ፤ ቃይ ዋብያዉ ኦይቀቲዳ አሳቱዋካ አኪደ። ሳማርያ ሰሜዳ።

25 ዮአካዛ ናአይ። እስራኤልያ ካቲ ዮአሽ ሀይቁዳዋፕ ጉይያን። ዮአሻ ናአይ ይሁዳ ካቲ አመሰግሶ ታማን እቹሹ ላይሳ ደኤዳ።

26 አመሰግሶ አጭሳይ ኡባይ። ኮይሮፕ ዉርሰሳ ጋካናዉ። ይሁዳ ካተቱዋን እስራኤልያ ካተቱዋ ታርክያ ማጻፋን ጸፈት ኡቲዳ።

27 አመሰግሶ መድና ጎዳ ካልያዋ አጌዳዋፕ ጉይያን። ኡንቱንቱ አ ቦላ የሩሳላመን ማቀቲድኖ። እ ላክሻ ካታማ ባቃቲዳ። ሽን ኡንቱንቱ አ ጌዱዋ ላክሻ አሳ ከትና። አ ያን ዋዴድኖ።

28 እ አሃ ፓራን ጫን አሃደ። ዳዊታ ካታማን አ ማይዛ አዋቱዋና ሞጌድኖ።

26

ይሁዳ ካትያ ኦዘያና (2 ካታ. 14:21-22፤ 15:1-7)

1 ሃዋፕ ጉይያን። ይሁዳ አሳይ ኡባይ ታማን ኡሱቹን ላይሳ ግድያ ናአ። ኦዘያና አ አዉዋ አመሰግሶ ኮታን ካተዬዳ።

2 አ አዉ አመሰግሶ ሀይቁዳዋፕ ጉየ። እ ኤላታ ጌተትያ ካታማ ዛረሐ ኬጺደ። ይሁዳን ኦራጭዳ።

3 ኦዘያን ካተትያ ዋደ። ላይሳይ አዉ ታማን ኡሱቹና፤ እ የሩሳላመን እሻታማን ላኡ ላይሳ ካተቱዳ። አ ዳይ ሱንሳይ ይኮሎ፤ አ የሩሳላመ አሳ።

4 አ አዉ አመሰግሶ አጭዳዋዳን። አካ መድና ጎዳ ሰንሳን ሱረባ ኦጭዳ።

5 ጸሳ ያሻተሳ ባረና ታማርሴዳ ዛካራሰ ፓጻ ደኤዳ ዋድያን። ጸሳዉ እ አማኑቲደ ኦጭዳ። መድና ጎዳዉ እ ኦጭዳ ዋደ ኡባን። ጸሳይ አ አንጄዳ።

6 ኦዘያን ፕልሰጾማቱዋና ኦላታናዉ ከሲደ። ጋተ ካታማ የሹዋ ግምቢያ። ያብነ ካታማ የሹዋ ግምቢያን እሽደዳ ግምቢያ ላሌዳ፤ ያቲደ እሽደዳ ካታማ ማታንን ፕልሰጾማቱዋ ግደን ካታማቱዋ ኬጾዳ።

7 ኦዘያን ፕልሰጾማቱዋ። ጉርባኦላን ደእያ አራባቱዋን ማኡናቱዋ ጸናናዳን ጸሳይ አ ማዴዳ።

8 አሞና አሳቱ ኦዘያናዉ ገሬድኖ። ኦዘያን ሎይሐ ሞኔዳ ድራዉ። አ ዋሪ ግብጾ ዛዋ ጋካናዉ ሰሰቲዳ።

9 ቃይ ኦዘያን ዘዘያ ፕንግፕ ማታን። ዛንጋራ ፕንግፕ ማታንን ድርሳይ ሶኮ ባቂያ ዘዘያ ማታን አዲሳ ግምቢቱዋ ግምቢሲደ። የሩሳላመ ጌሶቱዋ ሞንሴዳ።

10 አዉ ጮራ መሃ ደእያ ድራዉ። መላ ቢታቱዋን አዲሳ ግምቢያ ግምቤዳ፤ ዳር ኦላካ ቦኬዳ። እ ቃይ ጎሻ ደሰያ ድራዉ። ዘዘቱዋንን አራዳ ጋድያን አዉ ዳር ጎሻንቻቱን ዋይንያ ቱራ ቶክያዋንቱ ደኢኖ።

11 ቃይካ ኦዘያናዉ ኦላዉ ጊጌዳ ሎይሐ ዳር ኦላንቻቱ ደኢኖ። ኦላንቻቱ ጸፊ ይእኤልን ካቹ ማእሴይ ኦላንቻቱ ሱንሳ ማዘጎብያን ጸፊድኖ። ኡንቱንቱ ካቹ ጋዳዋ ሀናንያ።

12 ባረንቱ አዋቱዋ ጎለዉ ካፖትያ ሞና አሳቱ ላኡ ሻእን ኡሱቹን ጾታ።

13 ካትያ ሞርከቱዋና ኦለቲደ። ባረንቱ ኩመንሳ ዋልቃን ካትያ ማዳናዉ ከሰን ሄዙ ጾታን ላቸን ሻእን እቹሹ ጾቱ ኦላንቻቱ ኡንቱንቱ ኩሽያን ደኢኖ።

14 ኦዘያን ኦላንቻቱ ኡባዉ ጎንዳልያ። ቶራ። ሀጺያን ዋልያ ብራታ ቆጺያ። ትራን ማይያ ኦላ ሚሻ። ዋንዳፍያን። ያምባርሻን ሙሉሙቀ ሹቻ ግግሴዳ።

15 የሩሳላመን ደእያ ኩሺ ሃላ ኤርያ አሳቱዋ ካቲ ኦዘያን አዛዚደ። ዋቶያ አዲሳ ግምቢቱዋፕን ካታማ ድርሳ ግምቢያ ዘዘቱዋፕ። ዋንዳፍያን ዋንዳፈቱዋ ዱክያ ሚሻቱዋን ዋልቃማ ዋልቃማ ሹቻቱዋ ፕጺደ ኦልያ ሚሻቱዋ መድሴዳ። ጸሳይ

አ ማድና፣ እ ሎይህ ሞኔዳ፤ አ ዋሪካ ኡባሳ ጋኪደ ሰሰቲዳ።

አዝያን ባረ ኦቶሩዋን ሙረቲዳ

16 ሸን አዝያን ሞኔዳ ዋደ ኦቶረቲዳ፤ አ ኩንደላዉ ካለሌዳ። አዝያን መድና ጎዳ ባረ ጸሳ ያዳዳ፤ እ እጻና ጨዋይያ ሳጽንያን እጻና ጨዋያናዉ መድና ጎዳ ጌሻ ጎልያ ገሌዳ።

17 ቄሲ አዛርያሰነ መድና ጎዳ ቄሳቱ ሆሰቸን ታማቱ አ ጌዱዋ ካሊደ ገሌድኖ፤ ሄ ቄሳቱ ሞኖ አሳቱዋ።

18 ቄሳቱ ካትያ አዝያና ተኢደ፣ “አዝያና፣ ኔን መድና ጎዳዉ እጻና ጨዋያናዉ በሳካ። እጻና ጨዋይያዋ በሰያዌ፣ እጻና ጨዋያናዉ ጌይ ኡቲዳ፣ አሮና ዘረላ ግድያ ቄሳቱዋ ጸላላሳ። ሀ ጌሻ ሳኦፕ ከሳ! እያዉ ጎፕ፣ ኔን መጋታ ኡባ ጎዳ ናቃዳ፤ ኔን አፕ ቦንቾ ደማካ” ያጌድኖ።

19 ሸን አዝያን እጻና ጨዋያናዉ እጻና ጨዋይያ ሚሻ ባረ ኩሽያን ኦይቂ ኡቲደ ሀንቀቲዳ። አዝያን ቄሳቱ ዋ ሀንቀቲደ፣ መድና ጎዳ ጌሻ ጎልያን እጻና ጨዋይያ ሳጽንያ ማታን ቄሳቱዋ ሰንላን ኤቂደእሸን፣ አ ዳሙዋ ዋልቃማ ባሩዋ ሀርጊ ኦይቂዳ።

20 ቄሰያ ካቸ አዛርያሰነ ሀራ ቄሳቱ ኡባይ አኮ ጸልያ ዋደ፣ አ ዳሙዋ ዋልቃማ ባሩዋ ሀርጊ ኦይቂዳዋ በኢደ፣ አ ኤለካ ጌሻ ጎልያፕ ከሴድኖ። እካ መድና ጎዳይ አ ሙራዳዋ ኤራዳ ድራዉ፣ ኤለካ ሄዋፕ ከሲደ ቤዳ።

21 ካቲ አዝያን ሀያና ጋካናሰካ ሄ ሀርግያና ደኤዳ፤ መድና ጎዳ ጌሻ ጎልያ ገልያሳፕካ ኤቂዳ። ሄ ሀርግያ ጋሱዋን ዳማ ጎለን ባረካ ደኤዳ። ሄ ዋደ አ ናኦይ ዮኦታመ ካትያ ጎለን ደኢደ፣ ሄ ጋድያ አሳ ሞዴዳ።

22 ካቲ አዝያን ሀኔዳ ሀራባ ኡባ ኮይርፕ ዉርሰላ ጋካናዉ አሞጸ ናኦይ፣ ትምቢትያ ኦድያ እሳያሰ ጸፍ ዋሌዳ።

23 አዝያን ሀይቂደ፣ ባረ ማይዛን ጋከቲዳ። ያትና፣ አሳይ አ፣ “ዋልቃማ ባሩዋ ሀርግያን ኢይቀቲዳዋ” ገደ፣ ካትቲዋ ማካና ማታን አ ሞጌድኖ። እ ሀይቂና፣ አ ሳኦን አ ናኦይ ዮኦታመ ካትቲዳ።

27

ይሁዳ ካትያ ዮኦታመ (2 ካታ. 15:32-38)

1 ዮኦታመ ካትቲያ ዋደ፣ ላይላይ አዉ ላታማን እቼሻ፤ እ የሩሳላመን ታማን ኡሱቸን ላይላ ካትቲዳ። አ ዳይ ሱንላይ ያሩሾ፤ እዛ ጸደቃ ናቶ።

2 ባረ አዉ አዝያን ኦሌዳዋዳን፣ ዮኦታመካ መድና ጎዳ ሰንላን ሱረባ ኦሌዳ፤ ሸን እ አ አዉ መድና ጎዳ ጌሻ ጎልያ ገሌዳዋዳን ገልቤና። ግደፕ፣ አሳይ ናጋራ ኦሳያዋ አግቤና።

3 ዮኦታመ መድና ጎዳ ጌሻ ጎልያ ገልያ ቆሞ ፕንግያ ዛረሊደ ኦሌዳ፤ ቃይ የሩሳላመ ካታማ ግምቢያን ኦፊላ ግያ ሳኦን ዳር ኪታ ኦሌዳ።

4 ይሁዳ ገዝያን ካታማቲዋ ኬጼዳ፤ ዋራይ ዳርያ ደርያን ጌሱዋን አዳሳ ግምቢያ ግምቤዳ።

5 ዮኦታመ አሞና ካትያና ኦለቲደ ጸኔዳ። አሞናቱ ሄ ላይላ ሄዙ ሻኦን ኦይዱ ጸቱ ኪሎ ግራመ ዳጽያ ብራ፣ ታሙ ሻኦ ኮንታለ ግድያ ዛርጋን ታሙ ሻኦ ኮንታለ ግድያ ባንጋ አዉ ገራድኖ። አሞናቱ ላኤንላ ላይላይን ሄዘንላ ላይላን ሄዋዳንካ አሂደ፣ አዉ ገራድኖ።

6 ዮኦታመ መድና ጎዳ ባረ ጸሳ ሰንላን ሱራ ሄመቲዳ ድራዉ፣ ሎይላ ሞኔዳ።

7 ዮኦታመ ሀኔዳ ሀራባይ፣ እ ኦለቲዳ ኦላባይ ኡባይን እ ኦሌዳባይ ኡባይ እሰራኤልያ ካትቲን ይሁዳ ካትቲ ታርክያ ማጻፋን ጸፈት ኡቲዳ።

8 ዮኦታመ ካትቲያ ዋደ፣ ላይላይ አዉ ላታማን እቼሻ፤ እ የሩሳላመን ታማን ኡሱቸን ላይላ ካትቲዳ።

9 ዮኦታመ ሀይቂደ፣ ባረ ማይዛን ጋከቲዳ። ኡንቲንቲ አ ዳዊታ ካታማን ሞጌድኖ። አ ሳኦን አ ናኦይ አካዝ ካትቲዳ።

28

ይሁዳ ካትያ አካዝ (2 ካታ. 16:1-5)

1 አካዝ ካትቲያ ዋደ፣ ላይላይ አዉ ላታማ፤ እ የሩሳላመን ታማን ኡሱቸን ላይላ ካትቲዳ። አካዝ ባረ ማይዛ አዉ ዳዊተ ሱረባ ኦሌዳዋዳን፣ መድና ጎዳ ሰንላን እ ሱረባ ኦሌዳ፤

2 እ ካሰ ደኤዳ እሰራኤልያ ካትቲዋ ኦግያን ሀመቲዳ። ባኦላዉ ጎይናናዳን ናሃሰያ ሲልሲደ፣ ሞሰልያ መዴዳ።

3 ቃይ ሀኖማ ዛንጋራን እጻና ጨዋይዳ፤ መድና ጎዳይ እሰራኤልያ አሳ ሰንላፕ ላጊደ ከሴዳ አሳቲዋ ደኡዋ ዋጋ፣ ሄ ሸንይያዋ ቁሊደ፣ ባረ አቲማ ናና ታማን ጹጊደ፣ ኤቃዉ ያርሼዳ።

4 አካዝ አሳይ ጎይንያ ቃይ ግሹዋን፣ ደረቲዋ ሁጲያንን ዳሻ ሞላ ኡባ ጋርሳን ያርሹዋ ያርሼዳን እጻና ጨዋይዳ።

5 ሄዋ ድራዉ፣ መድና ጎዳይ አ ጸሳይ አ ሶርያ ካትያ ኩሽያን አላ እማዳ። ኡንቲንቲ አ ጸኒደ፣ አ አሳፕ ዳር አሳ ኦሞዲደ፣ ዳማሰቆ አፊድኖ። ቃይካ ጸሳይ አ እሰራኤልያ ካትያ ኩሽያዉ አላ እምና፣ ካቲ ኢታ ሾቻ ሾጩዳ።

6 ይሁዳ አሳይ መድና ጎዳ ባረንቲ ማይዛ አዋቲዋ ጸሳ አጌዳ ድራዉ፣ ራማልያ ናኦይ ፓቂህ ይሁዳ ኦላንቻቲዋፕ ጸታን ላታሙ ሻኦ ሞኖ አሳቲዋ እት ጋላሰ ዋዴዳ።

7 ኤፍሬማ ዛርያ ግድያ ሞኖ ኦላንቻይ ዚክር ካትያ ናኦ ማእሴያ፣ ካትያ ጎለዉ አዋትያ አዝርቃማን ካትያ ካሊደ ደእያ ኤልቃና ዋዴዳ።

8 እሰራኤልያ አሳይ ባረንቲ ዳባቲዋፕ ላኡ ጸቱ ሻኦ ማጫ አሳ፣ አቲማ ናናን ማጫ ናና ኦሞዴድኖ፤ ቃይ ኡንቲንቲ ሎይላ ዳር ኦሞዴዋ አኪደ፣ ሳማርያ አፊድኖ።

ትምቢትያ ኦድያ ኦዴዳ

9 መድና ጎዳ ሱንላን ትምቢትያ ኦድያ ኦዴዳ ግያ እት ብታኒ ሳማርያን ደኤ። ኦዴድ ሳማርያ ይያ ኦላንቻቲዋና ጋከታናዉ ከሲደ፣ ሀዋዳን ያጌዳ፤ “በአተ፣ መድና ጎዳይ፣ ሀንተንቲ አዋቲዋ ጸሳይ ይሁዳ ሀንቀቲዳ ድራዉ፣ ሀንተንቲ

26:18 ከሳ 30:7-8፣ ፓይ. 3:10 26:23 አሳ. 6:1 28:5 አሳ. 7:1

ኩሽያን አል እሜዳ። ሸን ህንተንቱካ ሳሉዎ ጋኬዳ ህንቁዎን ኤንቱንታ ሲፊድታ።

10 ሀእካ ይሁዳ አሳይነ የሩሳላመ አሳይ ህንተንቱ ማጫነ አቱማ አይልያ ግዲዳ፣ ሞደታናዳን ቆፒታ። ህንተካ ኤንቱንቱዋዳን ሀኒዳ፣ መድና ጎዳ ህንተንቱ ጸሳ ናቁድታ ግድክቱ?

11 ሄዎ ድራው፣ ሀእ ህንተንቱ ታን ግያዎ ሰሰተ። መድና ጎዳ ህንቁ ህንተንቱ ቦላ ዎዴዳ ድራው፣ ህንተንቱ አሞዲደ ቃቼዳ ህንተንቱ ዳቦቱዎ የዲሸተ” ያጌዳ።

12 ሄዎፕ ጉይያን፣ ኤፍሬማ ዛራቱዎ ካፓቱዋፕ ኦይዳቱ፣ ዮሀናና ናኦይ አዛርያሰ፣ ማሸለዋታ ናኦይ በረኪ፣ ሻሉማ ናኦይ ይህዘቀነ ሀድላያ ናኦይ አማሰ አላፕ ሰሜዳዋንቱ ቦላ ደንዴድኖ።

13 ሄዎፕ፣ “ሄ አሞደቱዳ አሳቱዎ ህንተንቱ ሀዎ አሆፕ፣ ካሰ ኑን መድና ጎዳ ቦላ ኦሌዳ ናጋራነ ናቁዎ ቦላ ሀራ ናቁዎ ጉጂታ። ኑ ናቁ ካሰካ ዳር ኡቲዳ ድራው፣ እስራኤልያ ቦላ ጸሳ ህንቁ ዎዴዳ” ያጌድኖ።

14 ሄዎ ድራው፣ አላንቻቱ አሞደቱዳ አሳቱዋን አሞደቱዳ ሚሻ ካፓቱ ሰንፋንነ ኩመንፋ ሸቁዎ ሰንፋን ሸዴድኖ።

15 ሄዎፕ ጉይያን፣ ሱንፋይ ሀዎፕ ቆሞና ጸፈቱዳ አሳቱ ደንድ ኤቂደ፣ አሞደቱዳ አሳቱዎ አኬድኖ። ኤንቱንቱ ግደን ካሎ ደእያዋንታ አሞደቱዳዋፕ ማይዜድኖ፣ ኤንቱንቱ ሄ አሳቶ ማዩዋን ጫማ እሜድኖ። ቃይ ኤንቱንቱ ሞዜድኖን ኡሸድኖ፣ ኤንቱንቱ ማዲላካ ዛይትያ ኦኬድኖ። ኤንቱንቱ ግደን ዳቡራዳ ኡባቱዎ ሀርያ ቶግሲደ፣ ኤንቱንቱ እሻቱዋኮ፣ ዛሞባይ ደእያ ያርኮ ካታማ አሄድኖ። ሄዎፕ ጉይያን፣ ኤንቱንቱ ሳማርያ ሰሜድኖ።

አካዝ አሶረ ካትያ ማዲዎ ኦቼዳ (2 ካታ. 16:7-9)

16 ሄ ዎደ ካቲ አካዝ አሶረ ካቲ ባረና ማዳናዳን ኪታ ኪቲዳ።

17 እያወ ጎፕ፣ ኤደማ አሳቱ ላኤንፉዎ ይሁዳ ቦላ ማዪደ፣ ዳር አሳ አሞዲደ አፊድኖ።

18 ፕልሰጾማ አሳቱ ቃይ ይሁዳ ባርጉዋን ኔጌባ ዎራን ደእያ ካታማቱዎ አላቲደ ቤት-ሸመሻ፣ አያሎና፣ ጋደርታ፣ ሶኮ፣ ትሞና፣ ገምዘን ኤንቱንቱ ዩሹዋን ደእያ ሞፋቱዎ ማይ ኦይቂደ፣ ያን ደኤድኖ።

19 ይሁዳ ካቲ አካዝ ይሁዳ አሳ ናጋራ አሰሴዳ ግሻዉን መድና ጎዳዉ አማነትቤና ድራው፣ መድና ጎዳይ ይሁዳ ካዉሼዳ።

20 ሄዎ ድራው፣ አሶረ ካቲ ትግላት-ፓሊሴር አካዛኮ ዪደ፣ አ ቱጋዬዳፕ አትና ማድቤና።

21 አካዝ መድና ጎዳ ጌሻ ጎልያፕ፣ ካትያ ጎልያፕነ አሳ ካፓቱዋፕ ዳርባ አኪደ፣ አሶረ ካትያዉ እሜዳ። ሸን ሄዎ ኦሌዳዌካ አ አይነ ጎእቤና።

አካዛ ናጋራ

22 ካቲ አካዝ ባረ ሀጺያዉ ባረ ቱጋ ዎደ መድና ጎዳዉ አማነተና ሀኖታ ካሰዋፕ ጉጅ ጉጂደ ቤዳ።

23 ባረና ጸኔዳ ዳማሰቆ ጸሳቶ ያርሺደ፣ “ሶርያ ካተቱዎ ጸሳቱ ኤንቱንቱ ማዴዳ ድራው፣ ታናካ ኤንቱንቱ ማዳናዳን ታን ኤንቱንቶ ያርሻና” ያጌዳ። ሸን ሄ ጸሳቱ አሰነ እስራኤልያ አሳ ኡባዉ ባሻ አሄድኖ።

24 አካዝ መድና ጎዳ ጌሻ ጎልያ ሻሉዎ ኡባ እት ሳኦ ሺሺደ ክንቼሬጫዳ። ጸሳ ጌሻ ጎልያ ፕንገቱዎ ጎርዴዳ። ያቲደ የሩሳላመን ኡባ ሳን ባረዉ ያርሸያ ሳኦ ኤሴዳ።

25 አካዝ ሀራ ጸሳቶ እጻና ጨዋያናዉ ይሁዳን ደእያ ካታማቱዎ ኡባን ጎይንያ ቃላ ሳኦ መዴዳ። ያቲደ መድና ጎዳ ባረ አዎቱዎ ጸሳ ህንቁዳ።

26 አካዝ ሀኔዳ ሀራባይነ አ ኦሌዳባይ ኡባይ ኮይርፕ ዉርሰፋ ጋካናዉ ይሁዳ ካተቱነ እስራኤልያ ካተቱዎ ታርክያ ማጻፋን ጸፈት ኡቲዳ።

27 አካዝ ሀይቂደ፣ ባረ ማይዛን ጋከቲዳ። የሩሳላመ ካታማን አ ሞጌድኖ፣ ሸን እስራኤልያ ካተቱዎ ማካናን ሞግቢይክኖ። አ ሳኦን አ ናኦይ ሀዘቂያሰ ካተቲዳ።

29

ይሁዳ ካትያ ሀዘቂያሳ (2 ካታ. 18:1-3)

1 ሀዘቂያሰ ካተትያ ዎደ፣ ላይላይ አዉ ላታማነ እቼሻ፣ አ የሩሳላመን ላታማነ ኡዲፑን ላይላ ካተቲዳ። አ እት ሱንፋይ አቢያ፣ አ ዛካራሳ ናቶ።

2 አ ማይዛ አዉ ዳዊተ ኦሌዳዎዳን፣ ሀዘቂያሰካ መድና ጎዳ ሰንፋን ሱረባ ኦሌዳ።

ጌሻ ጎልያ ጌሹሳ

3 ሀዘቂያሰ ባረ ካተቲዳ ኮይር ላይላን፣ ኮይር አግናን፣ መድና ጎዳ ጌሻ ጎልያ ፕንገቱዎ ደዪደ ኦራጫዳ።

4 ቁሳቱ ዋነ ሌዎቱዎ አሀሲደ፣ ጌሻ ጎልያዉ አዎይ ዶልያ ባጋና ደእያ ዳባባን ሸሺዳ።

5 ሀዎዳን ያጌዳ፣ “ሌዎቶ፣ ታን ግያዎ ሰሰተ! ሀእ ህንተንቱ ሀጺያዉ ጌይተ፣ መድና ጎዳ ህንተንቱ አዎቱዎ ጸሳ ጌሻ ጎልያካ ጌሸተ። ጌሻ ጎልያ ቱንሰያባ ኡባ ድግተ።

6 እያዉ ጎፕ፣ ካሰ ኑ አዎቱ አማነትቤክኖ፣ መድና ጎዳ ኑ ጸሳ ሰንፋን ኢታባ ኦሌድኖ። ኤንቱንቱ መድና ጎዳ አጊደ፣ ጸሳይ ደእያ ሳኦፕ ባረንቱ ዴሙዎ ዎራ ዛሪደ፣ ባረንቱ ዞኪያ እኮ ዛሬድኖ።

7 ኤንቱንቱ ቃይ ጌሻ ጎልያ ፕንገቱዎ ጎርዴድኖ፣ ጸሞፕያካ ቶይሴድኖ። ጌሻ ጎልያን እስራኤልያ ጸሳዉ እጻና ጨዋይቤክኖ፣ ዎይ ጹግያ ያርሹዎ ያርሸቤክኖ።

8 ሄዎ ድራው፣ መድና ጎዳ ህንቁ ይሁዳ ቦላን የሩሳላመ ቦላ ዎዴዳ። ህንተንቱ አይፍያን ህንተንቱ በእያዎዳን፣ ጸሳይ ኤንቱንቱ ህንተንቶ ያሻ፣ ዳጋማነ ‘ፖራ!’ ግያዎ ኦሌዳ።

9 ሄዎ ጋሱዋን ኑ አዎቱ ማሻን ሀይቂድኖ፣ ኑ አቱማ ናናይ፣ ኑ ማጫ ናናይነ ኑ ማቻቱ አሞደቲድኖ።

28:27 አሳ. 14:28

10 “መድና ጎዳ ሀንቁ ኤጵያዌ ኑ ቦላፕ ክቻና ማላ፡ ታን መድና ጎዳና፡ እስራኤልያ ጸሳና ቃላ ጫቁዋ ጫቀታናዉ ታ ዋዛናን ቆፓይ።

11 ታ ናቶ፡ ሀንተንቱ መድና ጎዳ ሰንጻን ኤቂድ፡ እዉ ኦላያ ኦሳንቻ ግዲድ፡ እጸና ጩዋያናዳን ሀንተንታ እ ዶሬዳ ድራዉ፡ ሸነኮ ጎፕተ” ያጌዳ።

12 ሄ ሳኣን ደእያ ሌዋቱ ሀዋፕ ካሊደ ጸፈቱዳዋንታ፡-

ቃሃታ ያራፕ አማሳያ ናኣ ማሃታነ አዘርያሳ ናኣ ዩኤላ።

ማራራ ያራፕ አብድ ናኣ ቂሳነ ይሃልኤላ ናኣ አዘርያሳ።

ገርሾና ያራፕ ዚማ ናኣ ዮኣሀነ ዮኣሀ ናኣ ኤዴና።

13 ኤልጻፋና ያራፕ ሺምራነ ይኤኤላ። አሳፋ ያራፕ ዛካራሳነ ማታንያ።

14 ሄማና ያራፕ ይሀኤላነ ሸምኦ። ይዱቱና ያራፕ ሻማእያነ ኡዝኤላ።

15 ኡንቱንቱ ባረንቱ ዳቦቱዋ፡ ሌዋቱዋ፡ ሺሸና፡ ኡንቱንቱ ኡባይካ ባረንቱ ሁጲያዉ ጌዬድና። ካቲ ኡንቱንታ አዛዝና፡ መድና ጎዳ ሀግያን ጸፈቱዳዋዳን ኡንቱንቱ መድና ጎዳ ጌሻ ጎልያ ጌሹሳ ደሜድና።

16 ሄዋ ድራዉ፡ ቁሳቱ መድና ጎዳ ጌሻ ጎልያ ጌሻናዉ ግደ ገሌድና፤ መድና ጎዳ ጌሻ ጎልያ ግደን ደእያ ቱናባ ኡባ ከሲደ፡ መድና ጎዳ ጌሻ ጎልያ ዳባባ አሄድና። ሌዋቱ አኪደ፡ ቀድሮና ዛንጋራን ኦሌድና።

17 ኡንቱንቱ ኮይሮ አግናን፡ ኮይሮ ጋላስ ጌሻ ጎልያ ጌሸያዋ ደሜድና፤ ሄ አግናዉ ሆሰቸንጻ ጋላስ መድና ጎዳ ባራንዳ ጋኬድና። ሀራ ሆሰቸን ጋላሳን መድና ጎዳ ጌሻ ጎልያ ጌሸድና። ኮይሮ አግናዉ ታማነ ኡሱቸንጻ ጋላስ ኡንቱንቱ ሄ ኦሱዋ ፖሌድና።

18 ሄዋፕ ጉይያን፡ ኡንቱንቱ ካትያ ሀዘቂያሳኮ ገሊደ፡ “ኑን መድና ጎዳ ጌሻ ጎልያ ኡባ፡ ጸግያ ያርሹዋ ያርሸያ ሳነ ሄ ያርሸያ ሳኣን ጎኤትያ ሻሉዋ ኡባ፡ ኡክሳ ጸራጳዛነ ሄ ጸርጳዛነ ደእያ ሚሻቱዋ ኡባ ጌሹደ።

19 ቃይ ካቲ አካዝ ካተቲደ ደእያ ዋደ፡ ጸሳዉ አማነተናን አገደ፡ አፌዳ ሻሉዋ ኡባ ኑን ዛሪይ ጌሹደ። በኣ፡ ኑን ጌሹዳ ሚሻይ ኡባይ መድና ጎዳዉ ያርሹዋ ያርሸያ ሳኣ ሰንጻን ደኤ” ያጌድና።

20 ካቲ ሀዘቂያሰ ዋንተላ ጋላስ ጉራን ደንዲደ፡ ካታማ ካፓቱዋ ሺሺደ፡ ኡንቱንቱና እትፕ መድና ጎዳዉ ጌሻ ጎልያ ቤዳ።

21 ኡንቱንቱ ካወተላ ድራዉ፡ ጌሻ ጎልያ ድራዉነ ይሁዳ አሳ ድራዉ፡ ላቸን ኮሩማቱዋ፡ ላቸን ደርሳ ኦርገቱዋ፡ ላቸን ደርሳ ማራቱዋነ ቃይ ላቸን ዳሻ ኦርገቱዋ ናጋራ ያርሹ አሄድና። አሮና ዘረላ ግድያ ቁሳቱ፡ መድና ጎዳዉ ያርሹዋ ያርሸያ ሳኣን ሄዋንታ ያርሻናዳን ካቲ አዛዜዳ።

22 ቁሳቱ ኮሩማቱዋ ሹኪደ፡ ኡንቱንቱ ሱላ ያርሸያ ሳኣ ቦላ ጫጫፌድና። ቃይ ደርሳ ኦርገቱዋ ሹኪደ፡ ኡንቱንቱ ሱላ ያርሸያ ሳኣ ቦላ ጫጫፌድና። ቃይካ ደርሳ ማራቱዋ ሹኪደ፡ ኡንቱንቱ ሱላ ያርሸያ ሳኣ ቦላ ጫጫፌድና።

23 ናጋራ ያርሹ ሀንያ ዳሻ ኦርገቱዋ ካትያ ሰንጻን ሺቁዳ አሳ ሰንጻ አሄድና፤ አሀና ኡንቱንቱ ኡባይ ባረንቱ ኩሸያ ዳሻቱዋ ቦላ ዋሌድና።

24 ቁሳቱ ዳሻቱዋ ሹኪደ፡ እስራኤልያ አሳ ኡባ ናጋራይ አቶ ጌተታናዋ ማላ፡ ኡንቱንቱ ሱላ ያርሸያ ሳኣ ቦላ ያርሹድና። እያዉ ጎፕ፡ ካቲ ኡንቱንቱ ጸግያ ያርሹዋነ ናጋራ ያርሹዋ ያርሻናዳን አዛዜዳ ድራሳ።

25 ሄዋፕ ጉይያን፡ መድና ጎዳይ ካትያዉ ናብያ ጋይ ባጋናን ትምቢትያ ኦድያ ናታና ባጋና ካትያ ዳዊታ አዛዜዳ አዛዙዋ ሀዘቂያሰ ካሊደ፡ ሌዋቱዋ ዳላ፡ ዲላነ ማሰንቁዋ ኦይሊደ፡ መድና ጎዳ ጌሻ ጎልያን ኤሴዳ።

26 ሌዋቱ ዳዊተ ካሰ ዮሳ ዮጴዳ ሚሻቱዋ ኦይቂና፡ ቁሳቱ ቃይ ጸሩምባቱዋ ኦይቂደ ኤቂድና።

27 ሄ ዋደ ኡንቱንቱ ጸግያ ያርሹዋ ያርሻናዳን ሀዘቂያሰ አዛዜዳ። ጸግያ ያርሹዋ ያርሸያዉ ደመቱዳ ዋደ፡ ጸሩምባቱዋን እስራኤልያ ካትያ ዳዊታ ዮሳ ሚሻቱዋን መድና ጎዳዉ ዮሳይ ደመቱዳ።

28 ጸግያ ያርሹዋ ያርሸያዉ ፖላታና ጋካናዉ፡ ኩመንጻ ያኣይ ጸሳዉ ጎይኔ፤ ዮሳ ዮጴዋንቱካ ዮጲና፤ ጸሩምባ ፑንያዋንቱካ ፑኒና።

29 ቁሳቱ ያርሹዋ ያርሸያዋ ፖሌዳ ዋደ፡ ካቲነ አናና ደእያ አሳይ ኡባይ ጉልባቲደ ጎይኔድና።

30 ካቲ ዳዊተነ ትምቢትያ ኦድያ አሳፈ ጸፌዳ ጋላታ ማዘሙርያ መድና ጎዳዉ ዮጲናዳን ካቲ ሀዘቂያሰነ ካፓቱ ሌዋቱዋ አዛዜድና፤ ሌዋቱ ናሸቻን ጋላቲደ፡ ጉልባቲደ ጎይኔድና።

31 ሄዋፕ ጉይያን፡ ሀዘቂያሰ አሳ፡ “ሀኣ ሀንተንቱ ሀንተንታ መድና ጎዳዉ ዳማዬድታ። ሀንተንቱ ሸቂደ፡ ያርሹዋነ ጋላታ ያርሹዋ መድና ጎዳ ጌሻ ጎልያ አሀተ” ያጌዳ። ሄዋፕ ጉዮ ሺቁዳ አሳይ ያርሹዋነ ጋላታ ያርሹዋ አሄድና፤ ቃይ ኮዬዳ አሳቱ ጸግያ ያርሹዋ አሄድና።

32 ሄ ሺቁዳ አሳይ አሄዳ ጸግያ ያርሹዋ ፓይዲ ላቸን ታሙ ኮሩማቱዋ፡ ጴቱ ደርሳ ኦርገቱዋነ ላኡ ጴቱ ደርሳ ማራቱዋ፤ ሄዋንቱ ኡባይ መድና ጎዳዉ ጸግያ ያርሹቱዋ።

33 ቃይ እትፕተላ ያርሹቱ ኡሱቸን ጴቱ ኮሩማቱዋነ ሄዙ ሻኦ ደርሳቱዋ።

34 ሸን ጸግያ ያርሹዋ ኡባ ሹኪደ፡ ጋልባ ቃራናዉ ደእያ ቁሳቱ ፓይዲዋን ሎይላ ጉላ። ሄዋ ድራዉ፡ ኪታይ ዉራና ጋካናዉነ ሀራ ቁሳቱ ባረንቱ ሁጲያዉ ጌያና ጋካናዉ፡ ኡንቱንቱ ዳቦቱ፡ ሌዋቱ ኡንቱንታ ማዴድና። (ባረንቱ ሁጲያዉ ጌይያዋን ሌዋቱ ቁሳቱ ዋፕ አጲደ አማነቲና።)

35 ጸግያ ያርሹዋ፡ እትፕተላ ያርሹዋ ሀንዳነ ጸግያ ያርሹዋና እትፕ ያርሸትያ ኡሻ ያርሹዋ ኡባ ኡንቱንቱ ያርሹና።

ሄዋዳን ሀኒደ፡ መድና ጎዳ ጌሻ ጎልያ ኪታይ ላኤንሉዋ ደሜዳ።

36 ሄዋፕ ጉይያን፡ ሀዘቂያሰነ አሳይ ኡባይ ሄ ኦሱዋ ኤላካ ፖላናዳን ጸሳይ ኡንቱንታ ማዴዳ ድራዉ፡ ሎይላ ናሸቱድና።

30

ፓሰጋ ባላ ቦንቻናዉ ጌጉዋ

1 መድና ጎዳ እስራኤልያ ጸሳ ፓሰጋ ባለ ቦንቻናው፡ የሩሳላመን ደእያ መድና ጎዳ ጌሻ ጎልያ እስራኤልያ አሳይ ኡባይነ ይሁዳ አሳይ ኡባይ ያናዳን ህዝቂያሰ ኪቲዳ፤ ቃይ ኤፍሬማ አሳውን ሞናሰ አሳው ዳብዳቢያ ጸፊዳ።

2 ካቲ፡ ካፓቱ፤ የሩሳላመን ሺቄዳ አሳይ ኡባይ ፓሰጋ ባለ ላኤንሎ አግናን ቦንቻናው ቆፋ ቃቹድኖ።

3 ፓይድና ግድያ ቄሳቱ ባረንቱ ሁጺያው ጌይቤና ድራውነ ዳሮ አሳይካ የሩሳላመን ሺቅቤና ድራው፡ አሳይ ፓሰጋ አ ዎድያን፡ ኮይሮ አግናን ቦንቻናው ዳንዳይቤና።

4 ሄ ቆፋይ ካትያን ሺቄዳ አሳው ሎኦ ቆፋ ግዴዳ።

5 ሄዎ ድራው፡ መድና ጎዳ እስራኤልያ ጸሳ ፓሰጋ የሩሳላመን ቦንቻናው በርሳባህፕ ደሚደ ዳና ጋካናው ደእያ እስራኤልያ አሳይ ኡባይ ያናዳን አዎያናው ቆፋ ቃቹድኖ። አያው ጎፕ፡ ሀ ፓሰጋ ባለባይ ካሰ ህግያን ጸፈቲዳዎዳን ዳሮ አሳይ ቦንቻቤና።

6 ካቲነ ካትያ ካፓቱ አዛዝና፡ ኪተቲዳዎንቱ እስራኤልያ ቢታ ኡባነ ይሁዳ ጋድያ ኡባ ሀዋዳን ያግያ ዳብዳቢያ አኪደ አፊድኖ፤ “እስራኤልያ አሳው፡ አሶረ ጋድያ ካተቱዎ ኩሸያፕ ከሰ አኪደ፡ ህንተንቱ ቢታን አቲዳ ህንተንቱኮ እ ሰማናዳን፡ ህንተንቱካ መድና ጎዳኮ፡ አብራሃማ፡ ይሳቃነ እስራኤልያ ጸሳኮ ሰሞተ!

7 ባረንቱ መድና ጎዳው፡ ባረንቱ አዎቱዎ ጸሳው አማነትቤና ህንተንቱ አዎቱዎዳን ህንተንቱ እሻቱዎዳን ሀናፕተ። ህንተንቱ ኤርያዎዳን ጸሳይ ኡንቱንቱ ዎልቃማ ሙራዎ ሙራዳ።

8 ህንተንቱ መድና ጎዳው አዛዘትተፕ አትና፡ ካሰ ህንተንቱ አዎቱዎዳን ህንተንቱ ሞርግያ ጋፍሶፕተ! ጸሳይ መድናው ጌሺዳ ጌሻ ጎልያ ሃ ዪተ። ጸሳ ህንቁ ኤጽያዎ ህንተንቱ ቦላፕ ክቻናዳን፡ መድና ጎዳው፡ ህንተንቱ ጸሳው፡ ጎይንተ።

9 ህንተንቱ መድና ጎዳኮ ሰሞፕ፡ ህንተንቱ እሻቱዎን ህንተንቱ ናናይ ባረንታ አሞዴዳዎንቱ ሰንላን ማርታ ደሚደ፡ ሀ ጋድያ ሰማና። አያው ጎፕ፡ መድና ጎዳይ ህንተንቱ ጸሳይ ቃረትያዎን ማርያዎ። ህንተንቱ አኮ ሰሞፕ፡ ባረ ሰንላ ህንተፕ ዎራ ዛረና” ያግያዎ።

10 ኪተቲዳዎንቱ ኤፍሬማ ጋድያን ሞናሰ ቢታ አዲደ፡ ዛብሎና ቢታ ጋካናው ካታማፕ ካታማ ቤድና። ሸን ሄ ካታማቱዎን ደእያ አሳቱ ኡንቱንቱ ካዲደ፡ ኡንቱንቱ ቦላ ሚጩድኖን ቅሊጩድኖ።

11 ግድፕ፡ አሴራ አሳቱዎፕ፡ ሞናሰ አሳቱዎፕን ዛብሎና አሳቱዎፕ አማሬዳ አሳቱ ባረንታ ካወሺደ፡ የሩሳላመን ዬድኖ።

12 ካቲነ ካትያ ኦሳንቻቱ መድና ጎዳ ቃላ ማራን አዛዜዳዎ፡ ይሁዳ አሳይ እት ዎዛናን አዛዘታናዳን፡ ጸሳ ኩሺ ይሁዳ አሳ ቦላ ደኤዳ።

ፓሰጋ ባለይ ቦንቻቲዳ

13 ላኤንሎ አግናን እርሹ ገልቤና ኡክላ ባለ ቦንቻናው ሎይሎ ዳሮ አሳይ የሩሳላመን ሺቄዳ።

14 ኡንቱንቱ ደንዲደ፡ የሩሳላመን ደእያ ያርሸያ ሳኦ ቆሊደ፡ እጻና ጩዎይያ ሚሻ ኡባ ድጊደ፡ ቀድሮና ዛንጋራን ኦሌድኖ።

15 ሄዎፕ ጉይያን፡ ላኤንሎ አግናን፡ ታማነ ኦይደንሎ ጋላሰ ፓሰጋ ዶርሳ ሹኬድኖ። ባረንቱ ሁጺያው ጌይቤና ቄሳቱ ነ ሌዎቱ ዬላቲደ፡ ባረንቱ ሁጺያው ጌይድኖ፤ ያቲደ ጸግያ ያርሹዎ መድና ጎዳ ጌሻ ጎልያ አሄድኖ።

16 ጸሳ አሳ ግድያ ሙሴ ህግያዳን፡ ጌሻ ጎልያ ግድዎን ባረንቱ ሳኦን ሳኦን ኤቄድኖ፤ ቄሳቱ ሌዎቱ ኩሸያፕ አኬዳ ሱላ ጫጫፊድኖ።

17 ሄ ሸቄዎ ግድን ጌይቤና ዳሮ አሳቱ ደእኖ። ሄዎ ድራው፡ ፓሰጋ ዶርሳቱዎ መድና ጎዳው ሹካናው ዳንዳይክኖ፤ ሌዎቱ ኡንቱንቱ ኮታን ፓሰጋ ዶርሳ ሹኪደ መድና ጎዳው ሺሹድኖ።

18-19 ኤፍሬማ ዛርያፕ፡ ሞናሰ ዛርያፕ፡ ይሳኮራ ዛርያፕን ዛብሎና ዛርያፕ ዳሮ አሳቱ ህጊ አዛዘያዎዳን ባረንቱ ሁጺያው ጌይቤናዎ ግድፕ፡ ፓሰጋ ባለ ሜድኖ። ሄዎ ድራው፡ ካቲ ህዝቂያሰ ኡንቱንቱ ዎሲደ፡ “አቤት፡ አሳ ኡባው ሎኦ መድና ጎዳው፡ ሀዎንቱ ህጊ አዛዘያዎዳን ባረንቱ ሁጺያው ጌይቤናዎ ግድፕ፡ ኡንቱንቱ ነው፡ መድና ጎዳው፡ ባረንቱ አዎቱዎ ጸሳው ጎይኒኖ። ሄዎ ድራው፡ ኔን ኡንቱንቱ አቶ ያጋ” ያጊደ ዎሴዳ።

20 መድና ጎዳይ ህዝቂያሳ ዎሳ ሰሲደ፡ ኡንቱንታ ፓሌዳ።

21 የሩሳላመን ሺቄዳ እስራኤልያ አሳይ እርሹ ገልቤና ኡክላ ባለ ዎልቃማ ናሸቻን ላፑን ጋላሰ ቦንቻዳ። ሌዎቱን ቄሳቱ የላ ሚሻን የጸደ፡ ጋላሰ ጋላሰ መድና ጎዳ ጋላቲኖ።

22 ሄዎፕ ጉይያን፡ ህዝቂያሰ መድና ጎዳ ኪታን አኬካንቻ ግድያ ሌዎቶ ሃሳዪደ፡ ኡንቱንቱ ሞን።

አሳይ ኡባይ እትተላ ያርሹዎ ያርሺደ፡ መድና ጎዳ ባረንቱ አዎቱዎ ጸሳ ጋላቲደ፡ ሚድን ኡሺደ፡ ባለ ላፑን ጋላሰ ቦንቻድኖ።

23 ኩመንላ ያኦይ ባለ ሀራ ላፑን ጋላሳ ጉጂደ ቦንቻናው ማዬዳ፤ አሳይ ላፑን ጋላሰ ባለ ናሸትደ ቦንቻዳ።

24 አያው ጎፕ፡ ይሁዳ ካቲ ህዝቂያሰ ያርሹዎ ያርሻናው፡ ሻኦ ኮሩማቱዎ፡ ላፑን ሻኦ ዶርሳቱዎን ዴሻቱዎ ያኦው እሜዳ፤ ቃይ ካፓቱ ሻኦ ኮሩማቱዎን ታሙ ሻኦ ዶርሳቱዎ ያኦው እሜድኖ። ሎይሎ ዳሮ ቄሳቱ ካ ባረንቱ ሁጺያው ጌይድኖ።

25 ኩመንላ ይሁዳ ያኦይ፡ ቄሳቱ፡ ሌዎቱ፡ እስራኤልያፕ ዬዳ አሳይ ኡባይነ ካሰ እስራኤልያ ጋድያፕ ዪደ፡ ይሁዳ ቢታን ደኤዳ አሳይ ኡባይ ናሸቲዳ።

26 ዳዊታ ናኦ፡ እስራኤልያ ካትያ ሶሎሞን ዎድያፕ ደሞና፡ ሀቼ ጋካናው፡ የሩሳላመን ሀዎ ማላትያ ባል ቦንቻት ኤረና ድራው፡ የሩሳላመን አሳይ ሎይሎ ናሸቲዳ።

27 ሄዎፕ ጉይያን፡ ቄሳቱ ነ ሌዎቱ ደንዲደ፡ ጸሳይ አሳ አንጃና ማላ ዎሴድኖ፤ ጸሳይ ሳሎዎን፡ ባረ ደእያ ጌሻ ሳኦን ኡንቱንቱ ዎሳ ሰሴዳ።

31

ካቲ ህዝቂያስ ጎይኑዋ ሀኖታ ኦራፍዳ

1 ሀዌ ኡባይ ፖለቲዳ ዎደ፣ ሄ ሳኣን ደእያ እስራኤልያ ኡባቱ ይሁዳ ካታማቱዋ ቢደ፣ ደእያዋ ኡባ ቆይሳና ጋካናው፣ ኤቃ ቱሳቱዋ ክንቼሬፊድኖ፤ እሼሮ ግያ ጸሳት ሞሰልያ ቃንጽ ኦሌድኖ፤ ይሁዳ ቢታንን ቢንያማ ጋድያን ኡባን፣ ቃይ ኤፍሬማ ቢታንን ሞናሰ ቢታን ደእያ ጎይንያ ዶቃ ሳኣቱዋን ያርሸያ ሳኣ ላሌድኖ። ኡንቱንቱ ሄዋንታ ኡባ ቆይሴዳዋፕ ጉይያን፣ እስራኤልያ አሳይ ኡባይ ባረንቱ ካታማ ካታማን ባረንቱ ሶ ሶ ሰማድኖ።

2 ህዝቂያስ ቁሳቱ ዋን ሌዋቱዋ ኡንቱንቱ ኦሎ-ዋ ማራን ጨጉዋን ጨጉዋን ሻክ ኤሴዳ። ኡንቱንቱ ከታይ ጸግያ ያርሹዋን እትጠተፋ ያርሹዋ ጸሳው ያርሸያዋን ጌሻ ጎልያ ፕንግያን መድና ጎዳ ጋላትያዋን ሳቢያዋ።

3 መድና ጎዳ ህግያን ጸፈቴዳዋዳን ጉራን አማርሰ፣ ሳምባታን፣ አግናይ ጴርያ ዎድያንን ባላ ጋላሳቱዋን ያርሸያ፣ ጸግያ ያርሹ ኮሽያ መሄቱዋ ካቲ ባረጥ እማድኖ።

4 መድና ጎዳ ህግያን ጸፈቴዳዋዳን፣ ቁሳቱ ነ ሌዋቱ ጸሳ ከታ ኦፋና ማላ፣ ኡንቱንቱ በሰያዋ እማናዳን የሩሳላመን ደእያ አሳ ካቲ አዛዜዳ።

5 ህዝቂያስ ሄዋ አዛዝ ሳናካ፣ እስራኤልያ አሳይ ካፋፕ፣ ዎይንያ ኤሳፕ፣ ዛይትያፕ፣ ማፋ ኤሳፕን ጎሻን ሞኬዳባፕ ጴራ ጸሳው ዳርሲደ እማድኖ፤ ባረንቱ ደእያ ኡባባፕካ እስራታ መድና ጎዳው ከሴድኖ።

6 ይሁዳ ካታማቱዋን ደእያ እስራኤልያ አሳይን ይሁዳ አሳይ ቦራፕን ድርሳፕ እስራታን መድና ጎዳው፣ ባረንቱ ጸሳው፣ ዲማይ ዎፊዳዋ አሂደ ደሬድኖ።

7 ኡንቱንቱ ሄዘንፋ አግናን ድረፋ ዶሚደ፣ ላፑንፋ አግናን ፖሌድኖ።

8 ህዝቂያስን ካፓቱ ድረቴዳዋ በኤዳ ዎደ፣ ኡንቱንቱ መድና ጎዳን ጸሳ አሳ እስራኤልያ ጋላቱድኖ።

9 ሄዋፕ ጉይያን፣ ህዝቂያስ ዶሪደ ዎፊዳ እሙዋባ ቁሳቱ ዋን ሌዋቱዋ ኦቼዳ።

10 ጸዶቃ ያራ ግድያ ቁስ ኡባቱዋ ካቱ አዛርያስ ህዝቂያሳ፣ “አሳይ ባረንቱ እሙዋ መድና ጎዳ ጌሻ ጎልያ አህያዋ ደምና፣ ኑን ሚደ ካሌደ። መድና ጎዳይ ባረ አሳ አንጄዳ ድራው፣ ሀዌ ሎይል ዳሩ አቱዳ” ያጌዳ።

11 ሄዋፕ ጉይያን፣ ህዝቂያስ መድና ጎዳ ጌሻ ጎልያን አየንቶ ምንጅያ ክፍለቱዋ ገግሳናዳን አሳ አዛዝና አሳይ ገግሴዳ።

12 አሳይ እሙዋ፣ ባረው ደእያዋፕ እስራታን ጸሳው ዲማይ ዎፊዳዋ አማንት እማደ፣ ሄ ክፍለቱዋ ገልሴድኖ። ሌዊ ኮናኒ ኡንቱንቱ ቦላ ሱንግግቴዳ፤ እ እሻይ ሸምእ እ ካሊደ ሱንግግቴዳ።

13 ካቲ ህዝቂያስን ጸሳ ጌሻ ጎልያን ካፖትያ አዛርያስ አዛዝና፣ ይህኤል፣ አዛዘ፣ ናሃት፣ አሳሄል፣ ያርሞት፣ ዮዛባድ፣ ኤልኤል፣ ይሰማከ፣ ማሃትን ባናይ ሱንግግቴድኖ፤ ኡንቱንቱ ኮናንያን እ እሻ ሸምእ አዎተፋፕ ጋርሳና ኦፋናው ሱንግግቴድኖ።

14 ሌዊያ ይምና ናእይ ቆሪ፣ አዋይ ዶልያ ባጋ ፕንግያ ናግያዌ፣ አሳይ መድና ጎዳው ባረ ሸንያን

ጩ አሄዳ እሙዋን ዲማይ ዎፊዳዋ አካናውን ሻክ ሻክ እማናው ሱንግግቴዳ።

15 ቁሳቱ ደእያ ካታማቱዋን ዎጋፕ ላፋ ጋካናው ደእያ ባረንቱ እሻቶ አማንቲደ፣ ኡንቱንቱ ኦሎ-ዋዳን ኦሎ-ዋዳን ሻክ ሻክ እማናዳን ኤደን፣ ምንያምን፣ ኢያሱ፣ ሻማኤ፣ አማረን ሻካን ቆረጥ ጋርሳና ሱንግግቴድኖ።

16 ባረንቱ ጨጉዋን ጨጉዋን ባረንቱ ከታ ጋላስ ጋላስ መድና ጎዳ ጌሻ ጎልያን አላያዋንቶ፣ ላይላይ ሄዙዋ ጋኬዳን ሄዙዋፕ ቦላ ግዴዳ አቱማ አሳ ኡባው ኡንቱንቱ ጋክያዋ ጋክያዋ ሻክ እማድኖ።

17 ባረንቱ አዎቱዋ ጎላን ጎላን ፓይደት ኡቴዳ ቁሳቶካ እማድኖ። ቃይ ላይላይ ላታሙ ጋኬዳን ላታሙዋፕ ቦላ ግዴዳ ሌዋቶ ባረንቱ ኦሎ-ዋዳን ኦሎ-ዋዳን ባረንቱ ጨጉዋን ጨጉዋን ሻክተ ፓይደቴዳዋንቱ ኡንቱንቱ ጋክያዋ ሻክ እማድኖ።

18 ቁሳቱ ነ ሌዋቱ ባረንቱ የለታዳን የለታዳን ፓይደትያ ዎደ፣ ኡንቱንቱ ባረንቱ ጉፋ ናናቱዋና፣ ባረንቱ ማጫ አሳቱዋና፣ ባረንቱ ማጫ ናናን ባረንቱ አቱማ ናናቱዋና እትፕ ጸፈቴድኖ፤ አያው ጎፕ፣ ኡንቱንቱ አማንቲደ፣ ባረንቱ ሁጺያው ጌዬድኖ።

19 ቃይ ባረንቱ ካታማቱዋ ዩሹዋን ደእያ ሄንፋ ጋይቱዋን ዎይ ሀራ ካታማቱዋን ደእያ አርና ያራ ግዴዳ ቁሳቶ፣ ቁሳቱዋ ዛርያ ግድያ አቱማ አሳቱዋፕ ኡባውን ባረንቱ የለታዳን ፓይደቴዳ ሌዋቱ ኡባው ኡንቱንቱ ጋክያ ቁማ ሻካናው አሳቱ ሱንግግቴድኖ።

20 ካቲ ህዝቂያስ መድና ጎዳ ባረ ጸሳ ሰንፋን ሎኦ ሱረን ቱማ ግዴዳዋ ይሁዳ ጋድያ ኡባን ኦፊዳ።

21 ህዝቂያስ ጸሳ ጌሻ ጎልያው ኦፊዳ ኦሎ-ዋ ኡባን፣ ህግያንን አዛዙዋን ጸፈቴዳዋዳን ጸሳ ባረ ኩመንፋ ዎዛናፕ ኮዮዋ ድራው፣ እው ኡባባይ እንጀቴዳ።

32

አሰረቱ የሩሳላመ አሳናው ናሴድኖ (2 ካታ. 18:13-17፤ 19:14-19፤ 35-37፤ ኢሳ. 36:1-22፤ 37:8-38)

1 ካቲ ህዝቂያስ ጸሳው አማንቲደ ኦፊዳ ሀ ኦሎ-ዋፕ ጉይያን፣ አሰረ ካቲ ሳናክሬቦ ይሁዳ ጋድያ ቦላ ደዴዳ፤ ባረው ኦይቃናው ቆፒደ፣ ግምቦቱ ኡቴዳ ካታማቱዋ ደዴዳ።

2 ሳናክሬቦ የሩሳላመን አላናው ዬዳዋ ህዝቂያስ በኤዳ ዎደ፣

3 ካታማፕ ካረና ጎግያ ፑልቱዋ ሃፋ ዜራናው ባረ ኦሳንቻቱዋን ባረ ምኖ አሳቱዋ ዞረታ በሴዳ፤ ኡንቱንቱ አ ማዴድኖ።

4 ሄዋ ድራው፣ ኡንቱንቱ ዳር አሳ ሺሺደ፣ ሄዋ ሄራን ደእያ ፑልቶቱዋ ኡባን ጎግያ ሻፋ ባሬድኖ። “አሰረ ካተቱ ዪደ፣ እያ ሃፋን ደሞፕኖ” ያጌድኖ።

5 ሄዋፕ ጉይያን፣ ህዝቂያስ ምን ኦፊደ፣ ላለቱዳ ድርሳ ግምቢያ ኡባ ዛረፊደ ግምቤዳ፤ ያቲደ እ ቦላ አዲሳ ግምቢያ ግምቤዳ። ሄ ድርሳ ግምቢያፕ ካረ ባጋና ሀራ ድርሳ ግምቢያ ግምቤዳ፤ ቃይ ዳዊታ ካታማን ደእያ ሚሎ

ግያ ሳኦ ምንሴዳ። ዳር ኦላ ሚሻካ ጎንዳልያካ መዴዳ።

6 ያተደ ኦላንቻቱ ካፓቱዋ አሳ ቦላ ሱንጤዳ፤ ኡንቱንቱ ኡባ ካታማ ፕንግያ ኤለካ ደእያ ጉታራን ሺሺደ።

7 “ሀያና ምንተ! አሶረ ካትያና ደእያዋፕ ኑናና ደእያዋ አዴ። ሄዋ ድራወ። አሶረ ካትያወን እናና ደእያ ዳር ኦላንቻቶ ያዮፕተ! ዳጋሞፕተ!

8 እናና አሳ ዋልቃይ ደኤ፤ ሸን ኑናና መድና ጎዳይ ኑ ጸሳይ ኑና ማዳናወን ኑወ ኦላታናወ ደኤ” ያጊደ ኡንቱንታ ምንጫዳ። ይሁዳ ካቲ ሀዘቂያሰ ሃሳዬዳባን አሳይ ምንቱዳ።

9 ሄዋፕ ጉይያን፣ አሶረ ካቲ ሳናክሬባ ባረ ኦላንቻቱ ኡባና እትፕ ላክሻ ካታማ ደድሸን፣ ይሁዳ ካትያ ሀዘቂያሳኮን የሩሳላመን ደእያ ይሁዳ አሳ ኡባኮ፣ ኦሳንቻቱዋ ኪቱዳ።

10 ሄዋ፣ “አሶረ ካቲ ሳናክሬባ፣ ‘ህንተና፣ ሀ ደደት ኡቱዳ የሩሳላመ ካታማን ደእያ አሳቶ፣ ኦናን አማንቱድቱ?

11 ሀዘቂያሰ ህንተንታ፣ “አሶረ ካትያ ኩሸያፕ መድና ጎዳይ ኑ ጸሳይ ኑና አሻናዋ” ያጌ፤ ሸን እ ህንተንታ ሄዋዳን ባለፈደ፣ ኮሻንን ሳሙዋን ዋቆናወ ሀኔ።

12 ሀ ጸሳቶ ጎይንያ ዶቃ ሳኦቱዋን ያርሸያ ሳኦ ድጊደ፣ ይሁዳን የሩሳላመ አሳ፣ “ህንተንቱ እት ያርሸያ ሳኦ ሰንፋን ጎይንተ፤ ቃይ ህንተንቱ ያርሸዋካ አ ቦላ ጹግተ” ያግያዌ ሀ ሀዘቂያሳ ግደኔ?

13 “ ታንን ታ አዎቱ ሀራ ካወተፋቱ አሳ ኡባ ቦላ ኦሌዳዋ ህንተንቱ ኤርባይክተ? ሄ ካወተፋቱ ጸሳቱ ባረንቱ ጋድያ ታ ኩሸያፕ አሻናወ ዳንዳዬድና?

14 ታ አዎቱ ዳይሴዳ ሀ ካወተፋቱ ጸሳቱዋ ኡባ ግድን ባረ አሳ ታ ኩሸያፕ አሻናወ ዳንዳዬዳዌ ኦኔ? ያትና፣ ህንተንቱ ጸሳይ ህንተንታ ታ ኩሸያፕ ዋት አሻናወ ዳንዳዬ?

15 ሄዋ ድራወ፣ ሀእካ፣ ሀዘቂያሰ ህንተንታ ባለፈፕ ዋይ ሀዋዳን ጭሞፕ። ህንተንቱ ሀዘቂያሳ አማናፕተ። አያወ ጎፕ፣ አ አሳ ታ ኩሸያፕ ዋይ ታ አዎቱዋ ኩሸያፕ፣ ጋደ አሳ ጸሳቱ ዋይ ካወተፋ ጸሳቱ አሻናወ ዳንዳይባይክና። ያትና፣ ሄዋ ህንተንቱ ጸሳይ ህንተንታ ታ ኩሸያፕ አሻናወ ዋን ዳንዳዬ? ያጌ” ያጌድና።

16 ሳናክሬባ ኦሳንቻቱ መጋታ ኡባ ጎዳ ቦላን አ ቆማ ሀዘቂያሳ ቦላ ሀራ ጮራባካ ሃሳዬድና።

17 ሳናክሬባ ቃይካ መድና ጎዳ አሰራኤልያ ጸሳ ቅለጫናወን አ ቦላ ሃሳያናወ ዳብዳቢያ ጸፊደ፣ “ሳኦ ቦላን ደእያ ካወተፋቱ ጸሳቱ ባረንቱ አሳ ታ ኩሸያፕ አሸቤናዋዳን፣ ሀዘቂያሳ ጸሳይካ ባረ አሳ ታ ኩሸያፕ አሸና” ያጊደ ጸፊደ።

18 ሳናክሬባ ኦሳንቻቱ ካታማ አሞዳናወ ኮዬደ፣ ድርሳ ግሞቢያ ቦላ ኡቱዳ የሩሳላመ አሳ ያሸሳናወን ዳጋንፋናወ ባረንቱ ቃላ ዶቁ ኦሌደ፣ እብራዌሉዋን ኡንቱንቱ ቦላ ዋሴድና።

19 አሳ ኩሸያን ኦሰቱዳ፣ ሀ ሳኦን ደእያ ሀራ አሳቱዋፕ ጸሳቱዋ ቦላ ሃሳይያዋዳን፣ የሩሳላመ ጸሳ ቦላካ ሃሳዬድና።

20 ሄዋፕ ጉይያን፣ ካቲ ሀዘቂያሰን አሞጶ ናኦይ፣ ትምቢትያ ኦድያ እሳያሰ ሀዋ ድራወ፣ ጸሳ ዋሴድና፣ ኡንቱንቱ ሳሉዋ ፑደ ዋሴድና።

21 አሶረ ካቲ ዱንካኔዳ ሳኦን ደእያ ኦላንቻቱዋ ኡባቱዋ፣ ጋዳዋቱዋን ካፓቱዋ ዳይሰያ ኪታንቻ መድና ጎዳይ ኪቱዳ። ሄዋ ድራወ፣ አሶረ ካቲ ካወሸደ፣ ባረ ጋድያ ሰሜዳ። ሰሚደ፣ ባረ ጸሳ ጎልያ ገሌዳ ዋደ፣ አ ናናይ አ ሄ ሳኦን ማሻን ዋዴድና።

22 ሄዋዳን ኦሌደ፣ መድና ጎዳይ ሀዘቂያሳን የሩሳላመን ደእያ አሳ አሶረ ካትያ ሳናክሬባ ኩሸያፕ ሀራ ሞርከቱዋ ኡባቱዋ ኩሸያፕ አሸዳ፤ ኡንቱንቱ ሾር ቢታቱዋ ኡባባፕ ኡንቱንቱ ሸሞፕሴዳ።

23 ዳር አሳቱ መድና ጎዳወ አሞታ አሜድና፣ ይሁዳ ካትያ ሀዘቂያሳወካ አልኦ ሚሻ አሄድና። ሄ ዋድያፕ ደሚደ፣ ካወተፋ ኡባይ ሀዘቂያሳ ሎይላ ቦንቹዳ።

ሀዘቂያሳ ሀርግያን አ ኦቶሩዋ
(2 ካታ. 20:1-3፣ 12-19፣ ኢሳ. 38:1-3፣ 39:1-8)

24 ሄ ዋደ ሀዘቂያሰ ሀርጊደ፣ ሀይቃና ማቲዳ፤ ያተደ መድና ጎዳ ዋሴዳ። ጸሳይ አወ ዋሰቱዳ፤ አ ፓላናወ ማላታ አሜዳ።

25 ሸን ሀዘቂያሰ ኦቶሪቱዳ ድራወ፣ ጸሳይ አወ ኬኬዳ ኬካተፋወ አ ጋላትቤና። ሄዋ ድራወ፣ አ ቦላ፣ ይሁዳ ቦላን የሩሳላመ ቦላ መድና ጎዳ ሀንቁ ዋዴዳ።

26 ግደፕ፣ ወርሰላን ሀዘቂያሰ ባረ ኦቶሩዋ አጊደ፣ የሩሳላመ አሳቱዋና እትፕ ባረናተፋ ካወሸዳ። ሄዋ ድራወ፣ ሀዘቂያሳ ዋድያን መድና ጎዳ ሀንቁ ኡንቱንቱ ቦላ ዋድቤና።

ሀዘቂያሳ ዱረተላን ቦንቹዋ

27 ሀዘቂያሳወ ሎይላ ዳር ዱረተላይን ቦንቹ ደኤዳ፤ ሀዘቂያሰ ባረ ብራወ፣ ዋርቃወ፣ አልኦ ሹቻወ፣ ሳዎ፣ ጎንዳልያወን ሀራ አልኦ ሚሻ ኡባወ ሚሻ ምንጅያ ሳኦ ኬጶዳ።

28 ካፋ፣ ዋይንያ ኤሳን ዛይትያ ዋልያ ሳኦቱዋካ ኬጶዳ። ዱማ ዱማ መሄ ኤቂያ አቆቱዋን ደርሳ ወዲ ኤቂያ አቁዋ ኦሌዳ።

29 ጸሳይ አወ ሎይላ ዳር ዱረታ አሜዳ ድራወ፣ ባረወ ካታማቱዋ ኬጶዳ፤ ደርሳ ወድያን መሀያ ወድያ ዳሩዋ ሸሸዳ።

30 ሀ ሀዘቂያሰካ ቆሞ ባጋና ደእያ ግዮን ሃፋ ፑልትያ ዜሪደ፣ ዳዊታ ካታማወ አዋይ ወልያ ባጋ ዛሪደ፣ ሃፋ የዴዳ። ሀዘቂያሰ ኦሌዳባይ ኡባይ ሎኦ ፖለቲዳ።

31 ሸን ይሁዳ ቢታን ሀኔዳ ማላልሰያ ማላታባ ኦቻናወ ባብሎን ሞድያዋንቱ ኪቱዳ አሳቱ ሀዘቂያሳኮ ዬዳ ዋደ፣ ጸሳይ አ ፓጫናወን አ ዋዛናን ደእያዋ ኡባ ኤራናወ አ የድ ቦሴዳ።

ሀዘቂያሳ ሀይቁዋ
(2 ካታ. 25:20-21)

32 ሀዘቂያሰ ሀኔዳ ሀራባይን ጸሳወ እ ኦሌዳ ሎኦ ኦሱዋባይ አሞጶ ናኦ፣ ትምቢትያ ኦድያ ኢሰያሳ ሳፃ ማጻፋንን ይሁዳ ካተቱን አሰራኤልያ ካተቱ ታርክያ ማጻፋን ጸፊት ኡቱዳ።

33 ህዝቁያሰ ሀይቁደ፣ ባረ ማይዛን ጋከቲዳ፤ ቆሞ ባጋና ደእያ ዳዊታ ዘረፋቱሞ ማካናን ኦሞጌድኖ። እ ሀይቁና፣ ይሁዳ አሳይ ኡባይነ የሩሳላሙን ደእያ አሳይ ኦሞጌድኖ። ኦ ኮታን ኦ ናኦይ ሞናሰ ካተቲዳ።

33

ይሁዳ ካትያ ሞናሳ (2 ካታ. 21:1-9)

1 ሞናሰ ካተትያ ዎደ፣ ላይሳይ አዉ ታማነ ላኣ፤ እ የሩሳላሙን እሻታማነ እቼሹ ላይሳ ካተቲዳ።

2 መድና ጎዳይ እስራኤልያ አሳ ሰንላጥ ላጊደ ከሴዳ አሳቱሞጥ ደኡሞ ዎጋ፣ ሄ ሸነይያሞ ቁሊደ፣ እካ መድና ጎዳ ሰንላን ኢታባ ኦሴዳ።

3 ሞናሰ ባረ አዉ ህዝቁያሰ ላሌዳ፣ ጎይንያ ዶቃ ሳኦ ዘረፋደ ኬዶዳ፤ ባኣላዉ ያርሽያ ሳኦቱሞነ እሹር ጌተትያ ጸሳት ሞሰለቱሞ መዴዳ። ቃይ ሳሉሞ ጸልንተቱሞ ኡባቶካ ጎይንዳነ ኡንቲንቶ ኦሴዳ።

4 መድና ጎዳይ ካሰ፣ “ታ ሱንላይ መድናዉ የሩሳላሙን ደአናሞ” ያግ ዎሴዳ መድና ጎዳ ጌሻ ጎልያን ሞናሰ ሀራ ጸሳቶ ያርሽያ ሳኦ ጊግሴዳ።

5 መድና ጎዳ ጌሻ ጎልያን ደእያ ላኡ ዳባባቱሞን ሳሉሞ ጸልንተቶ ኡባዉ ያርሽያ ሳኦ ጊግሴዳ።

6 ህኖማ ዛንጋራን ባረ አቱማ ናና ታማን ደጊደ ያርሹዳ። እ ባረ ሁጲያዉካ ብትያሞነ ሙሩንያሞ ግዲደ፣ ሻሬቾቱሞነ ሞይትልያ ሃሳይሰያሞንታ ዘርያ ኦቼዳ። መድና ጎዳ ሰንላን እ ዳሮ ኢታባ ኦሴዳ፣ ኦ ሀንቀሴዳ።

7 ሄሞጥ ጉይያን፣ ባረ መዴዳ ኤቃ ሞሰልያ ጸሳ ጌሻ ጎልያ ግደን ኤሴዳ። ሄ ጌሻ ጎሊ፣ ጸሳይ ዳዊተዉነ ኦ ናኦ ሶሎሞናዉ፣ “እስራኤልያ ዘርያ ኡባ ግደጥ ታን ዶሬዳ ሀ ጌሻ ጎልያን የሩሳላሙን ታን ታ ሱንላ መድናዉ ጴሰሳና።

8 ታን እስራኤልያ አሳ አዛዜዳ አዛዙሞ ኡባነ ሙሴ ባጋና እመቲዳ ሀግያ፣ ዎጋነ ፕርዳ ኡባ ኡንቲንቲ ናጊደ አሶጥ፣ ታን ኡንቲንቲ ማይዛ አሞቶ እሜዳ ጋድያጥ ኡንቲንቲ ቃታማ ሸድሰከ” ያግ ዎሴዳ ጌሻ ጎልያ።

9 ሸን ሞናሰ ይሁዳ አሳነ የሩሳላሙ አሳ ባለሴዳ፤ ያትና፣ ኡንቲንቲ መድና ጎዳይ እስራኤልያ አሳ ሰንላጥ ዳይሴዳ ደሪ አሳሞጥ አድያ ኢታ ኦሴድኖ።

ሞናሰ ባረ ናጋራጥ ሰሜዳ

10 መድና ጎዳይ ሞናሰዉነ ኦ አሳዉ ሃሳዬዳ፤ ሸን ኡንቲንቲ ኦ ሃሳያ ሰሰናን እጾድኖ።

11 ሄሞ ድራዉ፣ መድና ጎዳይ አሰሪ ካትያ አላ ጋዳሞቱሞ ኡንቲንቲ ቦላ ደንሴዳ፤ ኡንቲንቲ ሞናሰ ሲድያን ዳፋሞ አሊደ ኦይቁድኖ፤ ናሃሰያ ሳንሳላታን ቃቼደ፣ ባብሎን ጋድያ አፊድኖ።

12 ሞናሰ ቱጋቲዳ ዎደ፣ መድና ጎዳ ባረ ጸሳ ማዲሞ ዎሴዳ፤ ባረ አሞቱሞ ጸሳ ሰንላን ባረናተላ ሎይሳ ካዉሼዳ።

13 ሞናሰ ጸሳ ዎሴዳ ዎደ፣ መድና ጎዳይ አዉ ዎሰቲዳ፤ ኦ ዎትሞቱሞካ ሰሴዳ። የሩሳላሙን ኦ ካዉተላን ዘረፋ ዎሴዳ። መድና ጎዳይ ጸሳ ግድያሞ ሞናሰ ሄሞን ኤሬዳ።

14 ሄሞጥ ጉይያን፣ ሞናሰ ግዮነ ፑልቱሞ ኤለካ ደኢያሳጥ ደሚደ፣ ኦሬላ ጌተትያ ሳኦ ኦዲደ ቢደ፣ ሞልያ ፕንግያ ጌተትያ ፕንግያ ጋካናዉ፣ ካሰሞጥ ካረ ባጋና ሀራ ድርሳ ግሞቢያ ግሞቤዳ። ሄ ግሞቢ ዳዊታ ካታማጥ አሞይ ዉልያ ባጋና ደእያ ዛንጋራን ደኤ። ይሁዳ ካታማቱሞ ኡባን ኦላ ጋዳሞቱሞ ዎሴዳ።

15 አላጋ ጸሳቱሞነ ኤቃ ሞሰልያ መድና ጎዳ ጌሻ ጎልያጥ ድጌዳ፤ ጌሻ ጎሊ ደእያ ደርያ ቦላነ የሩሳላሙን ኦ ኦሴዳ ያርሽያ ሳኦ ኡባ ኮሊደ፣ ሄ ካታማጥ ካረ ከሲደ ኦሌዳ።

16 ሞናሰ ቃይ መድና ጎዳዉ ያርሽያ ሳኦ ኦራጵሲደ፣ እትጥተላ ያርሹሞነ ጋላታ ያርሹሞ አን ያርሹዳ። ይሁዳ አሳካ መድና ጎዳዉ እስራኤልያ ጸሳዉ ጎይናናዳን አዛዜዳ።

17 አሳይ ጎይንያ ዶቃ ግሹሞን ያርሹሞ ያርሽያሞ አጋና ዳዮጥካ፣ ኡንቲንቲ ያርሽያሞ መድና ጎዳ ባረንቲ ጸሳ ጸላላሳ።

ሞናሰ ሀይቁሞ (2 ካታ. 21:17-18)

18 ሞናሰ ሀይሳ ሀራባይ፣ እ ባረ ጸሳ ዎሴዳ ዎሳይነ መድና ጎዳ እስራኤልያ ጸሳ ሱንላን ትምቢትያ ኦድያሞንቲ አዉ ኦዳዳባይ እስራኤልያ ካተቲ ታርክያ ማጻፋን ጸፈት ኡቲዳ።

19 ቃይ ኦ ዎሳይነ ጸሳይ አዉ ዎሰቲዳባይ፣ ኦ ኦሴዳ ናጋራይነ ናቁ ኡባይ፣ ሞናሰ ባረና ካዉሻናጥ ካሰ ኦሴዳ ጎይንያ ዶቃ ሳኦቲነ እሹር ሞሰለቱሞነ ባረ ጎይንያ ኤቃቱሞ ኦ ኤሴዳ ሳኦቲ ኡባይ ትምቢትያ ኦድያሞንቲ ታርክያ ማጻፋን ጸፈት ኡቲድኖ።

20 ሞናሰ ሀይቁደ፣ ባረ ማይዛን ጋከቲዳ፤ ያትና፣ ሞናሳ ኦ ካትያ ጎልን ሞጌድኖ። ኦ ኮታን ኦ ናኦይ አሞነ ካተቲዳ።

ይሁዳ ካትያ አሞና (2 ካታ. 21:19-26)

21 አሞነ ካተትያ ዎደ፣ ላይሳይ አዉ ላታማነ ላኣ፤ እ የሩሳላሙን ላኡ ላይሳ ካተቲዳ።

22 ኦ አዉ ሞናሰ ኦሴዳዎዳን፣ እካ መድና ጎዳ ሰንላን ኢታባ ኦሴዳ። ኦ አዉ ሞናሰ ኦሰሴዳ ሞሰለቲ ኡባዉ ያርሹዳነ ኡንቲንቶ ኦሴዳ።

23 ሸን ኦ አዉ ሞናሰ ባረናተላ ካዉሼዳዎዳን፣ ኦ ባረናተላ መድና ጎዳ ሰንላን ካዉሸቤና፤ አሞነ ናቁሞ ያ ያ ዳርሴ።

24 አሞና ኦሳንቻቲ ኦ ቦላ ማቀቲደ፣ ኦ ካትያ ጎልን ኦ ዎዴድኖ።

25 ሄሞጥ ጉይያን፣ ይሁዳ አሳቲ ካትያ አሞና ቦላ ማቀቲዳ ኡባቱሞ ዎዴድኖ። አሞና ሳኦነ ኦ ናኦ ዮሰያሳ ካተቲዳ።

34

ይሁዳ ካትያ ዮሰያሳ (2 ካታ. 22:1-2)

1 የሰያሰ ካተትያ ዋድ፣ ላይላይ አዉ ሆሰፑና፤ እ የሩሳላመን ሀታማን እት ላይላ ካተትዳ።

2 የሰያሰ መድና ጎዳ ሰንላን ሱረባ ኦሴዳ፤ ኡሸቻ ሀድርሳ ጌና፤ ባረ ማይዛ አዉዋ ዳዊታ ኦግያን ሀመቲዳ።

የሰያሰ ኤቃዉ ጎይንያ ሳኦቲዋ ዳይሴዳ

3 እ ካተትዳ ሆሰፑንላ ላይላን ብሮ ያላጋ ደኢዳ፤ ባረ ማይዛ አዉዋ ዳዊታ ጸሳዉ ጎይናናዉ ደሜዳ፤ ቃይካ እ ካተትዳ ታማን ላኤንላ ላይላን ይሁዳን፤ የሩሳላመን ደኢያ ጎይንያ ቃቃ ሳኦቲዋን አሽሮ ግያ ጸሳት ሞሰለቲዋን ማሰ ገገሴዳን ሲልሴዳ መዴዳ ሞሰለቲዋ ዳይሴያዋ ደሜዳ።

4 እ ኤቁደ አዛዝና፤ ባኣላዉ ያርሽያ ሳኦ ላሌድና፤ ኡንቲቲፕ ሰላና ደኢያ እጻና ጩዋይያዋንታካ ቃንጸጫድና። አሽሮ ሞሰለቲዋ፤ ማሰ ገገሴዳ ኤቃቲዋን ሲልሴዳ መዴዳ ሞሰለቲዋ ክንቼሬላ ሊቅሲዳ፤ ዲላ ከሴድና፤ ያቲደ ሄ ዲልያ ኡንቲንቲ ጎይንያ አሳቲዋ ዳፋዋን ላሌድና።

5 ቃይ የሰያሰ ኡንቲንቲ ቁሳቲዋ መቀላ ሄ ያርሽያ ሳኦቲ ሰላን ጹጌዳ፤ ያቲደ ይሁዳን የሩሳላመ ጌሼዳ።

6 ሞናሰ ቢታን፤ ኤፍሬማ ቢታን፤ ሰሞና ቢታን፤ ቢደ ንፍታሌማ ጋድያ ጋካናዉ ደኢያ ካታማቲዋን ባዬዳ ሳኦ ኡባ ሄዋዳን ኦላደ ጌሼዳ።

7 የሰያሰ ያርሽያ ሳኦ ላሌዳ፤ አሽሮ ሞሰለቲዋካ ሀራ ኤቃ ሞሰለቲዋካ ክንቼሬላደ ሊቅሴዳ። እሰራኤልያ ቢታን ኡባን እጻና ጩዋይያባቲዋ ኡባ ቃንጸጫዳ። ሄዋፕ ጉይያን፤ የሰያሰ የሩሳላመ ሰሜዳ።

ጸሳ ሀግያ ማጻፋይ ቤቲዳ (2 ካታ. 22:3-20)

8 የሰያሰ ካተትዳ ታማን ሆሰፑንላ ላይላን፤ ጋድያን ጌሻ ጎልያ ጌሼዳዋፕ ጉይያን፤ መድና ጎዳ ባረ ጸሳ ጌሻ ጎልያ ኦራጽሳና ማላ፤ አጻልያ ናኦ ሳፋና፤ የሩሳላመ ካታማ ሞድያ ማእሴያን የኦካዛ ናኦ፤ ዋና ጻፍያ የኦህ ኪቲዳ።

9 ከተትዳዋንቲ ቁሰ ኡባቲዋ ካፑዋ ሀልቂያኮ ዬድና፤ ፕንግያ ናግያ ሌዋቲ ሞናሰፕ፤ ኤፍሬማፕ፤ አቲዳ እሰራኤልያ አሳ ኡባፕ፤ ይሁዳፕ፤ ቢንያመፕ፤ የሩሳላመን ደኢያዋንቲ ካሰ ሸሸደ፤ ጸሳ ጌሻ ጎልያ አሄዳ ሚሻ ሀልቂያዉ እሜድና።

10 ሄዋፕ ጉይያን፤ ኡንቲንቲ መድና ጎዳ ጌሻ ጎልያ ኦራሰሰያ ካፕቶ እሜድና። ኡንቲንቲ ጌሻ ጎልያ ኦራጽሳናዳን፤ ዋላ የጊደ ኬጻናዳን ኦሳንቻቶ እሜድና።

11 ቃይ ይሁዳ ካተት ባይዘሴዳ ጌሻ ጎልያ ሎይሰሳናዉ ሄ ሻሉዋን አናጸቲ፤ ግምቢያዋንታ ሞላን ሹቻ ሻማናዳን እሜድና።

12 ኦሱዋ ኦላያ አሳቲ አማነቲዳዋንታ። ኡንቲንቲ ሰላ ሱንፍቲዳ ኦይዱ ሌዋቲ፤ ማራራ ያራፕ ያሃታን ኦባድያን፤ ቃሃታ ያራፕ ማሹላማን ዛካራሳ። የላ ሚሻ ኤርያ ሌዋቲ ኡባይ

13 ቶክያ አሳቲዋ ሰላን ዲማ ዲማ ኪታ ኦላያዋንቲ ሰላ ሱንፍቲዳና። ቃይ ሀራ ሌዋቲ ጸፈቲዋ፤ ካፕቲዋን ፕንግያ ናግያዋንታ ግዴድና።

14 ኡንቲንቲ መድና ጎዳ ጌሻ ጎልያ ዬዳ ሻሉዋ ከሰያ ዋድ፤ ቁሲ ሀልቂ መድና ጎዳይ ሙሴ ባጋና እሜዳ ሀግያ ማጻፋ ደሜዳ።

15 ሀልቂ ዋና ጻፍያ ሳፋና፤ “ታን መድና ጎዳ ጌሻ ጎልያፕ ሀግያ ማጻፋ ደማድ” ያጌዳ። ሄ ማጻፋ ሳፋናዉ እሜዳ።

16 ሳፋን ሄ ማጻፋ ካትያኮ አሂደ፤ “ኣ ኦሳንቻቲ አዛዘቲዳ አዛዘዋ ኡባ ኦላና።

17 መድና ጎዳ ጌሻ ጎልያን ደኢያ ሻሉዋ ዉርሰ አኪደ፤ ኦራሰሰያ ካፕቶን ኦራሰያ ኦሳንቻቶ እሜድና” ያጊደ ኦይዳ።

18 ቃይካ ዋና ጻፊ ሳፋን ካትያ፤ “ቁሲ ሀልቂ ታዉ ማጻፋ እሜዳ” ያጌዳ፤ ሳፋን ማጻፋ ካትያ ሰንላን ናባቤዳ።

19 ካቲ ሀግያ ቃላ ሰሴዳ ዋድ፤ ካዮቲደ ባረ ማዩዋ ፔዴዳ።

20 ሄዋፕ ጉይያን፤ ካቲ ሀልቂያ፤ ሳፋና ናኦ አህቃማ፤ ሞካያ ናኦ አብደና፤ ዋና ጻፍያ ሳፋናን ካትያ ኦሳንቻ አሳያ ሀዋዳን ያጊደ አዛዘዳ፤

21 “ቢተ፤ ቢደ ታ ድራዉን እሰራኤልያን፤ ይሁዳን አቲዳዋንቲ ድራዉ፤ ሀ ቤቲዳ ማጻፋ ቃላዋ እን መድና ጎዳ ኦኡተ። አያዉ ጎፕ፤ ሀ ማጻፋን ጸፈቲዳ ኡባባ አሳናዉ፤ ኦ ማይዛ አዋቲ መድና ጎዳ ቃላ ናግቤና ድራዉ፤ ኦ ሰላ ትገቲዳ መድና ጎዳ ሀንቁ ሎይሰ ዳሮ” ያጌዳ።

22 ሀልቂን ካቲ ኪቲዳ አሳቲ ትምቢትያ ኦድያ ሁልድኮ ቤድና። ሁልዳ ሀርሃሳ ናኦ ቲቅዋ ናኦ፤ ጌሻ ጎልያ ማዩዋ ናግያ ሻሉማ ማቻቶ። ኦ የሩሳላመን ላኤንላ ሹቻን ደኦዳ። ሄ ቤዳ አሳቲ እዝዉ ሀ የዉዋ ኦይድና። *

23 ሁልዳ ኡንቲንታ፤ “መድና ጎዳይ እሰራኤልያ ጸሳይ፤ ‘ሀንተና ታኮ ኪቲዳ ብታንያዉ ኦድተ’ ያጌ።

24 መድና ጎዳይ ሀዋዳን ያጌ፤ ብአተ፤ ይሁዳ ካትያ ሰንላን ናባቤቲዳ ማጻፋን ጸፈቲዳ ኢታ ሸቃ ኡባ፤ ሀ ሳኦ ሰላን ሀ ሳኦን ደኢያ አሳ ሰላ አሀና ሀናይ።

25 ኡንቲንቲ ታና አጊደ፤ ሀራ ጸሳቶ እጻና ጩዋዬድና፤ ያቲደ ኡንቲንቲ ባረንቲ ኩሽያን ኦሴዳዋን ኡባን ታና ሀንቁላድና። ሄዋ ድራዉ፤ ታ ሀንቁ ሀ ሳኦ ሰላ ትገታና፤ እ ኡባካ ተኤተና ያጌ።

26 “መድና ጎዳ ኦቻናዉ ሀንተንታ ኪቲዳ ይሁዳ ካትያ ሀዋዳን ያግተ፤ ‘መድና ጎዳይ እሰራኤልያ ጸሳይ ኔን ሰሴዳ ቃላዋ ሀዋዳን ያጌ፤

27 “ሀ ሳኦ ሰላን ሀ ሳኦን ደኢያ አሳ ሰላ መድና ጎዳይ ሃሳዬዳዋ ኔን ሰሴዳ ዋድ፤ ነ ዋዛናይ ሹግና፤ ታ ሰንላን ነ ሁጲያ ካዉሼዳ ድራዉን ነ ማዩዋ ፔዴደ፤ ታ ሰንላን ዬኬዳ ድራዉ፤ ታን ነ ዋሳ ሰሳድ።

28 ሄዋ ድራዉ፤ ታን ኔና ነ ማይዛን ጋላና፤ ኔን ሳሮ ሞገታና። ታን ሀ ሳኦ ሰላን ሀ ሳኦን ደኢያ አሳ ሰላ አሀና ኢታባ ነ አይፊ ቤኤና” ያጌ ያግተ” ያጋዱ።

34:4 2 ካታ. 21:3፤ 2 ኦ.ዳ.ዋ 33:3 34:5 1 ካታ. 13:2 * 34:22 ሻሉማ- እብራዌሉዋን ሻሉዋ ሀሰራሀ ናኦ ቶቃታ ናኦ ጌተቲዳ። 2 ካት። 22:14 ጸላ።

ህዋጥ ጉዩ ኢንቴንቴ ቢደ፣ ሀ ሃሳዮቲዳባ ካትያዉ ኦዲድ።

ዮሴፍ ጸሓፊ አዘዘታናዉ ገፔዳ (2 ካታ. 23:1-20)

29 ህዋጥ ጉይያን፣ ካቲ ዮሴፍ ስቲደ፣ ይሁዳ ጭማቱዋን የሩሳላሙ ጭማቱዋ ኡባ ሸሹዳ።

30 ካቲ መጅና ጎዳዉ ጌሻ ጎልያ ፑደ ከሴዳ፣ ይሁዳ አሳይ ኡባይ፣ የሩሳላሙን ደእያ አሳይ፣ ቄሳቲ ነ ሌዋቱ፣ ጉላፕ ዳሩዋ ጋካናዉ ደእያ አሳይ ኡባይ አናና እትፕ ፑደ ከሴድ። መጅና ጎዳ ጌሻ ጎልያፕ ቤቲዳ ቃላ ጫቁዋ ማጻፋ ቃላ ኡባ ካቲ ኢንቴንቴ ሰሰሽን ናባቤዳ።

31 ህዋጥ ጉይያን፣ ካቲ ባረ ሳኦን ኤቂደ፣ መጅና ጎዳ ኡግያን ሀመታናዉን መጅና ጎዳ ሀግያ፣ እ ዋጋን እ አዘዘቱ ባረ ኩመንላ ዋዛናን ባረ ኩመንላ ሸምቶዋን ናጋናዉ፣ ቃይ ሀ ማጻፋን ጸፈቲዳ ጫቁዋዳን ኦላናዉ ጸሓ ሰንላን ገፔዳ።

32 የሩሳላሙን ቢንያማን ደእያ አሳ ኡባ ሄ ቃላ ጫቁዋ ናጋናዳን ገፍሴዳ፣ የሩሳላሙን ደእያ አሳይ ጸሓ፣ ባረንቴ ማይዛ እዎቲዋ ጸሓ ጫቁ ግያዎዳን ኦላድ።

33 ዮሴፍ ለሰራኤልያ አሳዉ ደእያ ጋድያፕ ቱናባ ኡባ ድጌዳ። ያን ደእያ ኡባቲ መጅና ጎዳዉ፣ ባረንቴ ጸሓዉ፣ ኦላናዳን ኦላዳ። ዮሴፍ ለደኤ ላይላ ኡባን፣ ኢንቴንቴ መጅና ጎዳ ባረንቴ ማይዛ እዎቲዋ ጸሓ ካልያዋ አገባይክና።

35

ዮሴፍ ገሰጋ ባላ ቦንቼዳ (2 ካታ. 23:21-23)

1 ህዋጥ ጉይያን፣ ዮሴፍ የሩሳላሙን መጅና ጎዳዉ ገሰጋ ባላ ቦንቼዳ። ኮይሮ አግናን ታማን ኦይደንሉ ጋላስ ገሰጋ ደርሳ ማራ ሹኬድ።

2 ዮሴፍ ቄሳቲ ዋ ኢንቴንጋ ኪታን ኪታን ሱንሌዳ፣ ኢንቴንቴ መጅና ጎዳ ጌሻ ጎልያ ኪታን ሞንግጫዳ።

3 መጅና ጎዳዉ ጌሻ ግዲደ፣ እሰራኤልያ ኡባ ታማርሰያ ሌዋቲዋ እ ሀዋዳን ያጌዳ፣ “ጌሻ ታቦታ ዳዊታ ናኦይ፣ እሰራኤልያ ካቲ ሶሎሞን ኬጽሴዳ ጌሻ ጎልያን ዋሐተ። ሀዋጥ ሰንላን ታቦታ ህንተንቴ ሀሽያን ቶካናዉ ኮሸና። ሀኦካ ጸሓዉ፣ ህንተንቴ መጅና ጎዳዉን፣ እ አሳ እሰራኤልያዉ ኦሐተ።

4 እሰራኤልያ ካቲ ዳዊተን እ ናኦይ ሶሎሞን ጸፎዎዳን፣ ህንተንቴ ጩጉዋን ጩጉዋን ህንተንቴ እዎቲዋ ጎላን ጎላን ህንተንጋ ገግሰተ።

5 “ህንተንቴ ሌዋቲ ህንተንቴ ዳቦቲዋ፣ እሰራኤልያ ዛራቲዋ ያራቲዋ ማዳና ማላ፣ ህንተንቴ ያራን ያራን ሻከቲደ፣ ጌሻ ጎልያ ግዲዋን ኤቂተ፤

6 ገሰጋ ደርሳ ማራቲዋን ሹክተ። ህንተንቴ ሁጲያዉካ ጌይተ፤ መጅና ጎዳይ ሙሴ ባጋና ሃሳዬዳ ቃላ ኢንቴንቴ ኦላናዳን ህንተንቴ ዳቦቲ ደርሳ ማራቲዋ ገግሰተ” ያጌዳ።

7 ዮሴፍ ገሰጋ ያርሾ ሀናናዳን ሄ ሳኦን ደእያ አሳዉ ሀታሙ ሻኦ ደርሳ ማራቲዋን ዳሻ ማራቲዋ

እሚዳ፣ ቃይ ሄዙ ሻኦ ኮሩማቲዋካ እሚዳ። ሀዋንታ ኡባ ካቲ ባረ ዉድያፕ እሚዳ።

8 ካቲ ሱንሌዳ ካፓቲካ አሳዉ፣ ቄሳቲ ዉን ሌዋቶ ባረንቴባ ባረንቴ ሸንያን እሚድ። ጸሓ ጌሻ ጎልያ ካፓቲ ህልቁ፣ ዛካራሰን ይህኤል ገሰጋ ያርሾ ህንያ ላኡ ሻኦ ኡሱቱን ጾቲ ደርሳ ማራቲዋን ዳሻ ማራቲዋ ቄሳቲ እሚድ። ቃይ ሄዙ ጾቲ ኮሩማቲዋካ እሚድ።

9 ሌዋቲ ካፓቲ ኮናኒን እ እሻቲ ሻማኤን ናታንኤል፣ ቃይ ሀሻቢ፣ ይእኤልን ዮዛባድ ገሰጋ ያርሾ ህንያ እቼሹ ሻኦ ደርሳ ማራቲዋን ዳሻ ማራቲዋ ሌዋቶ እሚድ። ቃይ እቼሹ ጾቲ ኮሩማቲዋካ እሚድ።

10 ገሰጋ ባላዉ ኡባባይ ጊጌዳ፣ ካትያ አዘዘቱዳን ቄሳቲ ባረንቴ ሳኦን ሳኦን፣ ሌዋቲካ ባረንቴ ጩጉዋን ጩጉዋን ኤቂድ።

11 ገሰጋ ደርሳ ማራቲ ሹከትያ ዎደ፣ ሌዋቲ ጋልባ ቃርሽን፣ ቄሳቲ ሱላ አኪደ፣ ያርሽያ ሳኦ ቦላ ጫጫፊድ።

12 ህዋጥ ጉይያን፣ ጸግያ ያርሾ ጊጌዳ ደርሳቲዋ እሹዋ ሌዋቲ ባረ ጎልያ አሳን አሳን ሻከት ኡቲዳ እሰራኤልያ ዛራቲዋ ያራቶ እሚድ። ሌዋቲ ህዋ እሚዳዌ ሙሴ ማጻፋን ጸፈቲዳዎዳን አሳይ መጅና ጎዳዉ ያርሻናሳ። ኢንቴንቴ ኮሩማቲዋካ ህዋዳን ኦላድ።

13 ሌዋቲ ዎጋይ አዘዘያዎዳን ሹከቲዳ ገሰጋ ደርሳ ማራቲዋ እሹዋ ታማን ጸጸድ፣ ጌሻ ያርሾቲዋ ጸሩዋን፣ ኦቲዋንን ድስትያን ደይሴድ። ያቲደ ካኤዳዋ እሰራኤልያ ዛራቲዋ ያራቲ ኡባዉ ኤለካ ሻክ ሻክ እሚድ።

14 ህዋጥ ጉይያን፣ ሌዋቲ ባረንቴዉን አሮና ዘረላ ግድያ ቄሳቶ ገሰጋ ያርሹዋ ገግሴድ። አያዉ ጎፕ፣ ሄ ቄሳቲ ጸግያ ያርሹዋን ሞጲዋ ያርሹዋ ያርሺደ፣ ቃማ ጋካናዉ ኦሐና።

15 ዳዊተ፣ አሳፊ፣ ህማንን ካትያዉ ትምቢትያ ኦድያ ይዲቲን ካሰ አዘዘዳዎዳን፣ አሳፋ ያራቲ፣ ማዝሙርያ የጸያዎንቴ ባረንቴ ሳኦን ደእና። ፕንግያ ናግያዎንቴካ ባረንቴ ናግያ ፕንግያ ፕንግያ ናጊና። ኢንቴንቴ ዳቦቲ፣ ሌዋቲ ኢንቴንጋ ገግሴዳ ድራዉ፣ ኢንቴንቴ ባረንቴ ኪታ አገባይክና።

16 መጅና ጎዳዉ ኦሐያ ኪታይ ኡባይ፣ ገሰጋ ባላ ቦንቼያዌን ጸግያ ያርሹዋ መጅና ጎዳዉ ያርሽያ ሳኦ ቦላ ያርሽያዌ፣ ካቲ ዮሴፍን አዘዘዳዎዳን ሀኒደ፣ ሄ ጋላስ ጊጌዳ።

17 ህዋን ሸቄዳ እሰራኤልያ አሳይ ሄ ጋላስ ገሰጋ ባላ ቦንቼዳ፣ ኢንቴንቴ እርሹ ገልቤና ኡክላ ባላካ ላቱን ጋላስ ቦንቼድ።

18 ትምቢትያ ኦድያ ሳሙላ ዎድያፕ ደምና፣ ህዋ ማላ ገሰጋ ባላይ እሰራኤልያን ቦንቼት ኤረና። ዮሴፍ፣ ቄሳቲ ነ ሌዋቲ፣ ሄ ኮሽያን ሸቄዳ ይሁዳ አሳይ፣ እሰራኤልያ አሳይ ኡባይን የሩሳላሙን ደእያ አሳይ ቦንቼዳዎ ማላ ገሰጋ ባላ ካሰ እሰራኤልያ ካተቲዋፕ ቦንቼዳዌ እቲን ባዎ።

19 ሀ ገሰጋ ባላይ ዮሴፍን ካተቲዳ ታማን ሆሰቱንላ ላይላን ቦንቼቲዳ።

የሰያሳ ካወታ ወርሰሳ
(2 ካታ. 23:28-30)

20 ሀ ኡባጥ ጉይያን፡ የሰያሰ ጌሻ ጎልያ ገግሴዳ ዋደ፡ ግብጾ ካቲ ናኮይ ኤፍራጺሳ ሻፋ ኤለካ ደእያ ካርካሚሻ ግያ ካታማን ኦለታናወ ቤዳ። የሰያሰ አ ተአናወ ከሴዳ።

21 ሸን ናኮይ የሰያሳኮ አሳ ከቲደ፡ “ይሁዳ ካትያወ፡ ታናነ ኔና ዋላሰያዌ አዬ? ታን ዬዳዌ ታ ሞርከቱዋ አላናሳጥ አትና፡ ኔና አላናሳ ግደና። ታ ሞርከቱዋ ታን ኤለካ አላናደን ጸሳይ ታና አዛዜዳ። ጸሳይ ኔና ጳይሰናዳን፡ ታናና ደእያ ጸሳና ጋዳትያዋ አጋ” ያጌዳ።

22 ግደጥን፡ የሰያሰ ጸሳይ ናኮ ባጋና ኦዴዳዋ ሰሰናንነ ጉየ ሰመናን እጼዳ። ሞርከቱ ባረና ኤረና ማላ፡ ባረ ካወተላ ማዩዋ ላሜዳ፤ ማግደ ደምባ አለታናወ ገሌዳ።

23 ዋንዳፍያ አሳቱ ካትያ የሰያሳ ዱኪደ ጫዳድና። ካቲ ባረ ቆማቶ፡ “ታን ሎይላ ጫደታድ፤ ታና አላ ግደጥ ከሰተ” ያጌዳ።

24 ቆማቱ የሰያሳ ፓራ ጋርያጥ ደንሏደ፡ አወ ደእያ ላኤንላ ፓራ ጋርያን ዋሏደ፡ አ የሩሳላመ አሄድና። አ ያን ሀይቆዳ፤ ባረ ማይዛ አዋቱዋ ማካናን ሞገቱዳ። ይሁዳ አሳይነ የሩሳላመ አሳይ ኡባይ አወ ዬኮዳ።

25 ኤርማሰ የሰያሳወ ዝላልያ ዝላሳ ከሲደ ጸፊዳ፤ ዬኩዋ ዬክያ ማጫ አሳቱነ አቱማ አሳቱ የሰያሳ ቆፕ ቆፕደ ዬክያ ዋደ፡ ሀ ኤርማሰ ከሴዳ ዝላሳ ዝላልያዋ እስራኤልያ ቢታን ዋጋ ግዴዳ። ሄ ዝላሳይ እስራኤላቱ ዬኩዋ ዝላሳ ማጻፋን ጸፈት ኡቱዳ።

26 የሰያሰ ሀኔዳ ሀራባይ፡ መቅና ጎዳ ሀግያን ጸፈቱዳዋዳን እ ኦሌዳ ሎኦ ኦሱዋባይነ

27 ኮይሮፕ ወርሰሳ ጋካናወ እ ፖሌዳባይ ኡባይ እስራኤልያ ካተቱነ ይሁዳ ካተቱ ታርክያ ማጻፋን ጸፈት ኡቱዳ።

36

ይሁዳ ካትያ የአካዛ
(2 ካታ. 23:30-35)

1 ሄዋፕ ጉይያን፡ ሄ ቢታ አሳይ የሰያሳ ናአ የአካዛ ዶሬድና፤ አ አወዋ ሳኣን የሩሳላመን ካተቱድና።

2 የአካዛ ካተትያ ዋደ፡ ላይላይ አወ ላታማነ ሄዛ፤ እ የሩሳላመን ሄዙ አግና ካተቱዳ።

3 ሄዋፕ ጉይያን፡ ግብጾ ካቲ የአካዛ የሩሳላመ ካተተላፕ ዋሌዳ፤ ሄዙ ሻእነ ኦይዱ ጾቱ ኪሎ ግራመ ዴጽያ ጸጋራ ብራነ ሀታማነ ኦይዱ ኪሎ ግራመ ዴጽያ ዋርቃ ይሁዳ አሳ ገርሴዳ።

4 ግብጾ ካቲ የአካዛ እሻ ኤልያቅማ ይሁዳ ቦላነ የሩሳላመ ቦላ ካተቱዳ፤ አ ሱንላ የአቁማ ያገደ ላሜዳ። ያቲደ የአቁማ እሻ የአካዛ ግብጾ አፊዳ።

ይሁዳ ካትያ የአቁማ
(2 ካታ. 23:36—24:7)

5 የአቁማ ካተትያ ዋደ፡ ላይላይ አወ ላታማነ እቼሻ፤ እ የሩሳላመን ታማነ እት ላይላ ካተቱዳ። መቅና ጎዳ ባረ ጸሳ ሰንላን ኢታባ ኦሌዳ።

6 ባብሎን ካቲ ናቡካዳናጸረ አ ኦለቲደ፡ ባብሎን አፋናወ ናሃሰያ ሳንሳላታን ቃቼዳ።

7 ናቡካዳናጸረ ቃይ መቅና ጎዳ ጌሸሳ ጎልያፕ ሻሉዋ አኪደ፡ ባብሎን አፊደ፡ ባረ ካትያ ጎለን ዋሌዳ።

8 የአቁማ ሀኔዳ ሀራባይ፡ እ ኦሌዳ ቱናባይነ እ ኦሌዳ ኢታባይ ኡባይ እስራኤልያ ካተቱነ ይሁዳ ካተቱ ታርክያ ማጻፋን ጸፈት ኡቱዳ። እ ሀይቁና፡ አ ኮታን አ ናአይ የአኪነ ካተቱዳ።

ይሁዳ ካትያ የአኪና
(2 ካታ. 24:8-17)

9 የአኪነ ካተትያ ዋደ፡ ላይላይ አወ ሆሰፕና፤ እ የሩሳላመን ሄዙ አግናነ ታሙ ጋላሳ ካተቱዳ። መቅና ጎዳ ሰንላን እ ኢታባ ኦሌዳ።*

10 ላይላይ ላመትያ ዋደ ካቲ ናቡካዳናጸረ አሳ ከቲደ፡ የአኪና መቅና ጎዳ ጌሻ ጎልያን ደእያ አልኦ ሚሻቱዋ አናና እትፕ ባብሎን አሀሴዳ። ያቲደ አ አወዋ እሻ ሰደቅያሳ ይሁዳ ቦላነ የሩሳላመ ቦላ ካተቱዳ።

ይሁዳ ካትያ ሰደቅያሳ
(2 ካታ. 24:18-20፤ ኤር. 52:1-3)

11 ሰደቅያሰ ካተትያ ዋደ፡ ላይላይ አወ ላታማነ እታ፤ እ የሩሳላመን ታማነ እት ላይላ ካተቱዳ።

12 መቅና ጎዳ ባረ ጸሳ ሰንላን እ ኢታባ ኦሌዳ፤ ቃይ መቅና ጎዳ ሱንላን ትምቢትያ ኦድያ ኤርማሳ ሰንላን ባረና ካወሸቤና።

የሩሳላመ ኩንደላነ አሳይ ባብሎን ኦሞደቱሳ
(36:13-23፤ 2 ካታ. 25:1-21፤ ኤር. 52:3-11)

13 ሰደቅያሰ አማነታናዳን ባረና ጸሳ ሱንላን ጫቀሌዳ ናቡካዳናጸረ ቦላ ማካሌዳ። መቅና ጎዳኮ እስራኤልያ ጸሳኮ ሰምያዋ አጌደ፡ ባረ ሞርግያ ዘዘሴዳ፤ ባረ ዋዛናካ ሙምሴዳ።

14 ቃይ ይሁዳ አሳይነ ኡንቱንታ ካለላያ ቄሳቱ፡ ኡባካ አማነተናዋንታ ግዴድና። ኡንቱንቱ ሀራ ካወተላ አሳይ ኦላያ ሸነይያ ኦሳቱዋ ቁሊደ፡ መቅና ጎዳይ የሩሳላመን ጌሹዳ አ ጌሻ ጎልያካ ቱንሴድና።

15 መቅና ጎዳይ፡ ኡንቱንቱ ማይዛ አዋቱዋ ጸሳይ ባረ አሳወነ ባረ ጌሻ ጎልያወ ቃረትያ ድራወ፡ ባረ ትምቢትያ ኦድያዋንታ ኡንቱንቶ ዛር ዛሪደ ከቱዳ።

16 ሸን መቅና ጎዳ ሀንቁ ኡንቱንቱ ቦላ ዋጳናዋ ጋካናወነ ኡንቱንቶ ከሰ አክያ ሳአይ ጳያና ጋካናወ፡ ኡንቱንቱ ጸሳይ ከቱዳዋንቱ ቦላ ቅሊጩድና፡ አ ቃላ ካዴድናን ትምቢትያ ኦድያዋንቱ ቦላ ሚጩድና።

17 ሄዋ ድራወ፡ ጸሳይ ባብሎን ካትያ ኡንቱንቱ ቦላ ደንሏደ አሄዳ። ያትና ኡንቱንቱ ያላጋ አቱማ

36:4 ኤር. 22:11-12 36:5 ኤር. 22:18-19፤ 26:1-6፤ 35:1-19 36:6 ኤር. 25:1-38፤ 36:1-32፤ 45:1-5፤ ዳኤላ 1:1-2 * 36:9 ሆሰፕና- ላይላይ አወ ሆሰፕና ዋይ ታማነ ሆሰፕና። 2 ካት። 24:8 ጸላ። 36:10 ኤር. 22:24-30፤ 24:1-10፤ 29:1-2፤ 37:1፤ ሀዘ. 17:12፤ 13 36:11 ኤር. 27:1-22፤ 28:1-17 36:13 ሀዘ. 17:15

አሳ ጌሻ ጎልያ ግድን ማሻን ወዲያ፤ ያላጋ አቱማ አሳቶ፣ ወይ ጌላዮቶ፣ ወይ ጭማቶ፣ ቃረተናን፣ ጸሳይ ኡንቱንታ ኡባ ናቡካዳናጸራ ኩሽያን አሊደ እሜዳ።

18 ባብሎን ካቲ ጸሳ ጌሻ ጎልያን ደእያ ሚሻቱዋ ኡባ፣ ዳሩዋን ላፋ፣ መድና ጎዳ ጌሻ ጎልያን ደእያ ሚሻ፣ ካትያ ሚሻን ኦ ኦሳንቻቱ ሚሻ ኡባ አኪደ፣ ባብሎን አፊዳ።

19 ሄዋፕ ጉይያን፣ ባብሎን ኦሳንቻቱ ጸሳ ጌሻ ጎልያ ታማን ጸጊደ፣ የሩሳላመ ድርሳ ግምቢያካ ላሌድኖ። ካትያ ጎልያ ኡባ ታማን ጸጊደ፣ ያን ደእያ አልኦ ሻሉዋ ኡባ ዳይሴድኖ።

20 ካቲ ማሻፕ ፓላሂደ አቱዳዋንታ ኦሞዲደ ባብሎን አፊዳ። ፓርሰ ካዉተላይ ዋልቃማና ጋካናዉ፣ ኡንቱንቱ አዉን አ ናናዉ ቆማ ግዴድኖ።

21 ሄዋን መድና ጎዳይ ትምቢትያ ኦድያ ኤርማሳ ባጋና ኦዴዳ ቃላይ ፖለቲዳ። ዉርሰላን ቢታይ ላፑን ታሙ ላይላ ኩመንላ አሳይ ባይና ሳኦ ግዲደ ሸምፔዳ፤ ሄዌን፣ ላፑንላ ላፑንላ ላይላ ሳምባታ አሊደ፣ ጋድያ ሸምፕሰያዋ አሳይ አጌዳ ግሻሳ።

ቅርስ አይሁዳቱ ሰማናዳን አዛዜዳ (እዝራ 1:1-4)

22 ፓርሰ ካቲ ቅርስ ካተቲዳ ኮይሮ ላይላን፣ ትምቢትያ ኦድያ ኤርማሳ ባጋና መድና ጎዳይ ሃሳዬዳዋ ፖሌዳ። ፓርሰ ካቲ ቅርስ ባረ ካዉተላ ግድን ኡባ ሳን ሀዋዳን ያጊደ አዋያናዳንን ጸፊደ ዋላናዳን መድና ጎዳይ ኦ አያና ደን።

23 “ፓርሰ ካቲ ቅርስ ሀዋዳን ያጌ፤ ‘መድና ጎዳይ፣ ሳሉዋ ጸሳይ ሀ ሳኦ ካዉተላቱዋ ኡባ ታዉ እሜዳ፤ ቃይ ይሁዳን ደእያ የሩሳላመን ታን አዉ ጌሻ ጎልያ ኬጸናዳን ታና ሱንሌዳ። መድና ጎዳ አሳ ግዴዳ ኦንን ያ ቦ። መድና ጎዳይ ኦ ጸሳይ አናና ግድ!’ ያጌ” ያጌዳ።

እዘራ ማጻፋ ገሎቅ

እዘራ ማጻፋይ ሁኔታዎችን ለኢ ማጻፋቱዎ ካልያዎ። ሀ ማጻፋይ አይሁዳቱዎ ለማደቱደ ቤዳ አማራጭ አሳቱ ባብሎነፕ ሰሜዳዎን የሩሳላሙን አሳው ደኡካ ጎይኑካ ኦሪዱዳዎ ኦዱ። ሀ ሀኖታቱ ሀዋፕ ካሊደ ጸፈቱድኖ።

1. አዎዲዎን ቤዳ አይሁዳቱዎ ፓርሰ ካትያ ቁርሳ ሸንያን ኮይሮ ሰምያዎንቱ ባብሎናፕ ሰሜድኖ።
2. ጌሻ ጎሊ ዛሬላ ኬጸቲደ አንጀቱዳ። ጸሳው ጎይናይካ ዛሬላ ደመቱዳ።
3. እት አማራዳ ዎድያፕ ሰሚደ፣ ጸሳ ሀግያ ሎይሳደ ኤርያ እዘር ካለሰና፣ ሀራ አይሁዳቱ የሩሳላሙ ሰሜድኖ። እዘር እሰራኤልያ አሳ አያና ደኡዎ ካሰ ሳኦ ዛራናው፣ አሳይ አያና ደኡዎን እትተሳ ደኡዎ ዎላ የጊደ ምንሳናዳን ማዴዳ።

ሸምፓቱዎ ኡባቶ እመቲዳ ቃንሳ ቆፋቱዎ

አዎዲዎ ስይሮ ሰሙዎ 1:1—2:70

ጌሻ ጎልያ ዛሬላ ኬጸነ አንጀዎ 3:1—6:22

እዘር ሀራ አዎዲቱዎንቱና ሰሙሳ 7:1—10:44

አዎዲዎ ስይሮ ሰሙዎ

(1:1—2:70)

አይሁዳ አሳይ ባረንቱ ቢታ ሰማና ማላ ቁርሰ አዎዴዳ

1 ፓርሰ ካቲ ቁርሰ ካተቲዳ ኮይሮ ላይላን፣ ትምቢትያ ኦድያ ኤርማሳ ባጋና መድና ጎዳይ ሃሳዬዳዎ ፖሌዳ። ፓርሰ ካቲ ቁርሰ ባረ ካውተሳ ግድን ኡባ ሳን ሀዋዳን ያጊደ አዎያናዳንን ጸፊደ ዎላናዳን መድና ጎዳይ ኦ አያና ደን።

2 “ፓርሰ ካቲ ቁርሰ ሀዋዳን ያጌ፣ ‘መድና ጎዳይ ሳሉዎ ጸሳይ ሳኦ ካውተሳቱዎ ኡባ ታው እሜዳ፣ ቃይ ይሁዳን ደእያ የሩሳላሙን ታን አው ጌሻ ጎልያ ኬጸናዳን ታና ሱንጭዳ።

3 ጸሳ አሳ ግዴዳ ኦንን ያ ቦ። አ ጸሳይ አናና ግደ! ህንተንቱ ይሁዳን ደእያ የሩሳላሙ ቢደ፣ ያን የሩሳላሙን ደእያ መድና ጎዳ፣ እሰራኤልያ ጸሳ ጌሻ ጎልያ ዛሬላ ኬጸተ።

4 ዲማ ዲማ ቢታን ደእያ አሳይ ኡባይ አይሁዳቱዎ ስቲዳዎንቱ ብራ፣ ዎርቃ፣ ዲማ ዲማ ሚሻቱዎን መህያ እሚደ ማድኖ፣ ቃይ የሩሳላሙን ደእያ ጸሳ ጎለውካ ባረንቱ ሸንያን እምያ አዎታ አዎኖ ያጌዳ” ያጌ።

5 ሂዋፕ ጉይያን፣ ይሁዳ ዛራቱን ቢንያማ ዛራቱዎ ካፓቱ፣ ቁሳቱ ነ ሌዎቱ፣ ቃይ ጸሳይ ኡንቱንቱ ዎዛና ደን።

6 ቃይ ኡንቱንቱ ሸሩዎን ደእያዎንቱካ ባረንቱ ሸንያን እሜዳዎ ቦላ ጉጂደ፣ ብራ ሚሻን ዎርቃ ሻሉዎ፣ ሀራ ዲማ ዲማ ሚሻቱዎን መህያ እሚደ፣ ኡንቱንታ ማዴድኖ።

7 ሂዋ ቦላካ ቃይ ካቲ ቁርሰ ናቡካዳናጸረ የሩሳላሙ ስፊደ ባረ ጸሳቱዎ ጎለን ዎሌዳ መድና ጎዳ ጎልያ ሚሻቱዎ እሜዳ።

8 ፓርሰ ካቲ ቁርሰ ሚሻቱዎ ዎላያ ጎልያ ካፕዎ ምትረዳታን ከሰሰድን ፓይድሲደ፣ ይሁዳ ሞድያ ሸሸባጸራ ኩሸያን ሸ።

9 ሰሜዳ ሚሻ ፓይዳ ሀዎ፣ ሀታሙ ዎርቃ ሳንቱዎ፣ እት ሻኦ ብራ ሳንቱዎ፣ ላታማን ኡዲፕን ጎሎድቱዎ።

10 ዎርቃፕ ኦሰቲዳ ሀታሙ ሚሻቱዎ፣ ብራፕ ኦሰቲዳ ኦይዲ ጾታን ታሙ ሚሻቱዎን እት ሻኦ ሀራ ዲማ ዲማ ሚሻቱዎ።

11 ዎርቃ ሚሻቱን ብራ ሚሻ ፓይዳ ኡባና እቼሹ ሻኦ ኦይዲ ጾታ፣ ሀ ሚሻቱዎ ኡባ አዎዲዎን ቤዳ አሳይ ባብሎነፕ የሩሳላሙ ሰምያ ዎደ ሸሸባጸር አኪደ ዬዳ።

2

አዎዲዎ ሰሜዳ እሰራኤልያ አሳ ፓይዳዎ (ናህ. 7:4-73)

1 ባብሎን ካቲ ናቡካዳናጸረ አዎዲደ፣ ባረ ጋድያ አፊዳ አሳፕ ፑደ ባረንቱ ካታማ ካታማ፣ የሩሳላሙን ይሁዳ ሰሜዳ አሳቱ ሀዋፕ ካልያዎንታ።

2 ኡንቱንቱ ዛሩባቤላ፣ አያሳ፣ ናህምያ፣ ሳራያ፣ ራኤላያ፣ ማርድክዮሳ፣ ብልሻና፣ ምሰፓራ፣ ብግዎያ፣ ረሁማን ባኦና።

አዎዲዎ ሰሜዳ እሰራኤልያ አሳ ፓይዳ ሀዎ።

3 ፓርኦሻ ያራቱ 2,172.

4 ሻፋጽያ ያራቱ 372.

5 አራሀ ያራቱ 775.

6 ኢያሱነ ዮኦባ ናና ግድያ ፓሀት-ሞኦባ ያራቱ 2,812.

7 ኤላማ ያራቱ 1,254.

8 ዛቱ ያራቱ 945.

9 ዛካያ ያራቱ 760.

10 ባና ያራቱ 642.

11 ባባያ ያራቱ 623.

12 እዘጋዳ ያራቱ 1,222.

13 አደንቃማ ያራቱ 666.

14 ብግዎያ ያራቱ 2,056.

15 አዲና ያራቱ 454.

16 ሀዘቂያሳ ያራ ግድያ አጼራ ያራቱ 98.

17 ባጸያ ያራቱ 323.

18 ዮራ ያራቱ 112.

19 ሀሹማ ያራቱ 223.

20 ግባራ ያራቱ 95.

21 ቤተሌመ አሳይ 123.

22 ናጸፋ ካታማ አሳይ 56.

23 አናቶታ ካታማ አሳይ 128.

24 እዘማዌታ ካታማ አሳይ 42.

25 ቅርያት-ይኦሪማ፣ ካፊራነ ባኤርታ ካታማቱዎ አሳይ 743.

26 ራማን ገባኦ ካታማቱዎ አሳይ 621.

27 ሞክማሳ ካታማ አሳይ 122.

28 ቤቲላን አታ ካታማቱዎ አሳይ 223.

29 ናቦ ካታማ አሳይ 52.

30 ማግቢሻ ካታማ አሳይ 156.
 31 ለእነሱ ኤላማ ካታማ አሳይ 1,254.
 32 ሀሪማ ካታማ አሳይ 320.
 33 ሎዳ፣ ሀዲዳነ ኦኖ ካታማቱዋ አሳይ 725.
 34 እያርኮ ካታማ አሳይ 345.
 35 ሳናኦ ካታማ አሳይ 3,630.
 36 ሀዋንቱ ኦሞዲዋፕ ስሜዳ ቁሳቱ ዋ፡
 ኢያሱ ያራ ግድያ ያዳያ ያራቱ 973፤
 37 እሜራ ያራቱ 1,052፤
 38 ፓሽሁራ ያራቱ 1,247፤
 39 ሀሪማ ያራቱ 1,017፡፡
 40 ሀዋንቱ ኦሞዲዋፕ ስሜዳ ሌዋቱዋ፡
 ሆዳዊያ ያራ ግድያ ኢያሱነ ቃድምኤላ ያራቱ
 74፤
 41 አሳፋ ያራ ግድያ ማዝሙርያ የጽያዋንቱ
 128፤
 42 ፐንግያ ናግያ ሻሉማ፡ አዴራ፡ ጸልዋና፡
 አቁባ፡ ሀዲዳነ ሾባያ ያራቱ 139.
 43 ጌሻ ጎልያን ኦልያ ቆማቱዋ ያራቱዋ፡ ጸሀ
 ያራቱዋ፡ ሀሱፋ ያራቱዋ፡ ጸባኦታ ያራቱዋ፡
 44 ቄሮሳ ያራቱዋ፡ ስእሀ ያራቱዋ፡ ፓዶና
 ያራቱዋ፡
 45 ላባና ያራቱዋ፡ ሀጋባ ያራቱዋ፡ አቁባ
 ያራቱዋ፡
 46 ሀጋባ ያራቱዋ፡ ሻምላያ ያራቱዋ፡ ሀናና
 ያራቱዋ፡
 47 ግዴላ ያራቱዋ፡ ጋሃራ ያራቱዋ፡ ራኤያ
 ያራቱዋ፡
 48 ራዲና ያራቱዋ፡ ናቆዳ ያራቱዋ፡ ጋዛማ
 ያራቱዋ፡
 49 ኡዛ ያራቱዋ፡ ፓሴሀ ያራቱዋ፡ በሳያ
 ያራቱዋ፡
 50 አሰና ያራቱዋ፡ መኡኒማ ያራቱዋ፡ ናፍሲማ
 ያራቱዋ፡
 51 ባቅቡቃ ያራቱዋ፡ ሀቁፋ ያራቱዋ፡ ሀርሁራ
 ያራቱዋ፡
 52 ባጽሉታ ያራቱዋ፡ ማሂዳ ያራቱዋ፡ ሀርሻ
 ያራቱዋ፡
 53 ባርቆሳ ያራቱዋ፡ ስሳራ ያራቱዋ፡ ተማሀ
 ያራቱዋ፡
 54 ናዲሀ ያራቱዋን ሀዲፋ ያራቱዋ፡፡
 55 ሶሎሞን ቆማቱዋ ያራቱዋ፡ ሶዳያ ያራቱዋ፡
 ሀሶፈራታ ያራቱዋ፡ ፓሩዳ ያራቱዋ፡
 56 ያእላ ያራቱዋ፡ ዳርቆና ያራቱዋ፡ ግዴላ
 ያራቱዋ፡
 57 ሻፋጽያ ያራቱዋ፡ ሀዲላ ያራቱዋ፡ ፖከረት-
 ሀዳባይማ ያራቱዋን አማ ያራቱዋ፡፡
 58 ጌሻ ጎልያን ኦልያ ቆማቱዋ ያራቱነ ሶሎሞን
 ቆማቱዋ ያራቱዋ ፓይዲ ኡባና ሄዙ ጾታን
 ኡዲቸን ታማነ ላኡዋ፡፡
 59 ሀራቱካ ቃይ ተልመላሀ፡ ተልሀርሻ፡ ካሩባ፡
 አዳናን እሜራ ግያ ካታማቱዋፕ የሩሳላመ ፑደ
 ቤድና፡፡ ሸን ኡንቱንቱ፤ ባረንቱ አዋቱ እስራኤልያ
 ሸሻ ግድያዋ ኤርሳናው ዳንዳይባይክና፡፡
 60 ሄዋንቱ ዳላያ፡ ጸቢያን ናቆዳ ያራቱዋ፤
 ኡንቱንቱ ፓይዲካ ኡባና ኡሱቸን ጾታን እሻታማነ
 ላኡዋ፡፡
 61 ቁሳቱ ዋፕ ሀባያ ያራቱ፡ ሀቆጸ ያራቱነ
 ባርዝላያ ያራቱ ስሜድና፡፡ ሀዌ ባርዝላያ ግያዌ

ጋላአደ ቢታ አሳ ግድያ ባርዝላያ ናቶ አኪድ፡
 ባረ ሶሎሞ ሱንጻን ጸሰቱዳ፡፡
 62 ሀዋንቱ ባረንቱ የለታ ጸጹዋ ኤራናው የለታ
 ማጻፋን ኮዬድና፡ ሸን ደምባይክና፡፡ ሄዋ ድራው፡
 ኡንቱንቱ ቱናዳን ፓይደቲድ፡ ቄስተጻን ኦርዳናን
 ቄስ ግደናዳን ድገቱድና፡፡
 63 ቃይ ኡሪምያንን ቱሚምያን ሻክ ፕርድያ
 ቄሲ ደንዳና ጋካናው፡ ኡንቱንቱ ጌሻ ቁማፕ
 ማናው ዳንዳየናዋ አይሁዳቱዋ ሞድያዌ ኡንቱንታ
 አዛዜዳ፡፡
 64 ኦሞዲዋፕ ይሁዳ ቢታ ስሜዳ አሳ ፓይዲ
 ኡባና 42,360.
 65 ሄዋ ሶላካ ቃይ 7,337 አቱማ ቆማቱነ
 ማጫ ቆማቱነ 200 አቱማዋን ማጫ ማዝሙርያ
 የጽያዋንቱካ ስሜድና፡፡
 66 ኡንቱንቱ ፓራቱዋ ፓይዲ 736፤ ኡንቱንቱ
 ባቁሎቱ 245፤
 67 ኡንቱንቱ ጋሎቱ 435፤ ኡንቱንቱ ሀረቱ ቃይ
 6,720.
 68 ኡንቱንቱ የሩሳላመን ካስ መድና ጎዳ
 ጎሊ ደእያ ሳኦ ጋኬዳ ዋደ፡ ያራቱ ካፓቱዋፕ
 አማራዳዋንቱ መድና ጎዳ ጎሊ ካስ ባረ ሳኦን
 ኬጸታና ማላ፡ ባረንቱ ሸንያን እሞታ እሜድና፡፡
 69 አቱ አቱ ባረው ዳንዳይያዋ ኬሻ ኬሻ ሀ
 ጸሳ ጎልያ ኦሶ እሜዳ፤ ኡንቱንቱ ኡባና 500 ኪሎ
 ግራምያ ዴጽያ ዋርቃ፡ 2,800 ኪሎ ግራምያ
 ዴጽያ ብራነ 100 ቁሳቱዋ ማዩዋ እሜድና፡፡
 70 ሄዋፕ ጉይያን ቁሳቱ፡ ሌዋቱነ አሳፕ
 አማራዳዋንቱ የሩሳላመን ኡቱድና፤ ማዝሙርያ
 የጽያዋንቱ፡ ፐንግያ ናግያዋንቱነ ጌሻ ጎልያን
 ኦልያ ቆማቱ የሩሳላመ የሹዋን ደእያ ካታማቱዋን
 ኡቱድና፤ ቃይ አቱዳ እስራኤልያ አሳቱ ኡባይ
 ባረንቱ ካታማቱዋን ካታማቱዋን ኡቱድና፡፡

ጌሻ ጎልያ ዛረሳ ኬጸነ አንጂዋ

3

(3:1—6:22)

ያርሽያ ሳኦ ኬጸነ ጎይንያ ዋጋ ዛረሳ ደመላባ
 1 ላቸንጻ አግናይ ጋክያ ዋደ እስራኤልያ አሳይ
 ባረንቱ ካታማ ካታማ ስሜድና፡ ኡንቱንቱ ኡባይ
 አት አሳዳን የሩሳላመን ሸቄድና፡፡
 2 ዮጸዴቃ ናኦ ኢያሱነ አ ካልያ ቁሳቱ
 ቃይ ሳላትያላ ናኦ ዛሩባቤልነ አ ዳቦቱ ጸሳ
 አሳ ሙሴ ሀግያን ካስ ጸፈቱዳዋዳን ጸግያ
 ያርሹዋ ያርሻናው፡ እስራኤልያ ጸሳው ያርሽያ ሳኦ
 ገግሴድና፡፡
 3 ኡንቱንቱ ሄ ጋድያን ደእያ አሳው ያዮፕነ፡
 አገናን ያርሹዋ ያርሽያ ሳኦ ካስ አ ኮለቱዳ
 ሳኦን ዛረሳደ ኬጸድና፡፡ ገግሴድ፡ ጸግያ ያርሹዋ
 መድና ጎዳው ዋንታነ ኦማርስ ኡባ ዋደ
 ያርሹድና፡፡
 4 ካስ ጸፈቱዳዋዳንካ ኡንቱንቱ ዳሰያ ባላ
 ቦንቼድና፤ ጸግያ ያርሹዋካ ሀቼው ሀቼው
 በሰያዋ ፓይዲዋ ፓጭሰናን ያርሹድና፡፡
 5 ቃይ ኡባ ዋደ ያርሽያ ጸግያ ያርሹዋ፡ አግናይ
 ጸርያ ዋደ ያርሽያ ያርሹዋን መድና ጎዳ ጌሻ

ባላቱዋን ያርሽያ ያርሹዋ ኡባካ ያርሹድኖ። ሃዋ ቦላካ እሳይ ባረ ሸንያን መድና ጎዳዉ እሚዳ እዋታ ኡባካ ያርሹድኖ።

6 ላፑንጻ አግናን ኮይሮ ጋላሳን ኡንቱንቱ መድና ጎዳዉ ጸግያ ያርሹዋ ያርሽያዋ ደሚድኖ፤ ሸን ሄ ዋደ መድና ጎዳ ጌሻ ጎልያ ኬጽያ ባሱ ብሮ ባስትቤና።

ጌሻ ጎልያ ዛረሐ ኬጽያዋ ደሚድኖ

7 ሃዋፕ ጉይያን፣ ሹቻ ማሰያዋንቶነ እናጸቶ ሻሉዋ ግሺደ ቃጸራድኖ። ፓርሰ ካቲ ቂሮስ ኡንቱንቶ አዛዜዳ ድራዉ። ሊባኖሳፕ ዝጋ እባ ፕንፊደ፣ ዮጶ አሀናዉ ሲዶናን ጸሮሳ ቢታ አሳዉ ቁማ፣ ኡሻነ ዛይትያ እሚድኖ።

8 ሃዋፕ ጉይያን፣ ኡንቱንቱ የሩሳላመን ደእያ ጸሳ ጎሊ ደእያ ሳኦ ጋኬዳ ላኤንሶ ላይላን ላኤንሶ አግናን፣ ሳላትያላ ናኦይ ዛሩባቤለ፣ ዮጶዳቃ ናኦ ኢያሱነ ኡንቱንቱ ዳቦቱ፣ ቄሳቱ፣ ሌዋቱነ አዋዲዋፕ ሰሚደ፣ የሩሳላመ ዬዳ አሳይ ኡባይ ኪታ ደሚድኖ። ቃይ መድና ጎዳ ጎልያ ኪታ አዋተላን ጸላና ማላ፣ ላታሙ ላይላ ግዴዳዋንታነ ላታሙ ላይላፕ አዴዳ ሌዋቱዋ ሱንፊድኖ።

9 ሌዋያ ዛርያ ግድያ ኢያሱ፣ አ ናናይነ አ ዳቦቱ፣ ሆዳዋያ ያራ ግድያ ቃድምኤልነ አ ናናይ እትፕ ግዲደ፣ ጸሳ ጎልያ ኪታ አዋተላን ጸሌድኖ፤ ቃይ ሄናዳዳ ያራ ግድያ ሌዋቱካ ኡንቱንቱ ማዴድኖ።

10 ግምቢያዋንቱ መድና ጎዳ ጌሻ ጎልያ ግምባናዉ ባሱዋ ባሰ ዉርሴዳ ዋደ፣ ቄሳቱ ባረንቱ ማደዋ ማይ ጸሩምባ ኦይቂደ፣ ቃይ አቱማ አሳ ግድያ አሳፋ ያራቱዋ፣ ሌዋቱካ፣ ዳላ ኦይቂደ፣ እስራኤልያ ካትያ ዳዊታ ዋጋዳን መድና ጎዳ ጋላታናዉ ኤቁድኖ።

11 ኡንቱንቱ መድና ጎዳ ጋላቲድነ ቃንጸናን ማዝሙርያን ሳቢደ፣ ሀዋዳን ያጊደ፣ አዉ የጾድኖ፤

“መድና ጎዳይ ሎእ፤ እ እስራኤልያ ሰቅያ ሰቁ መድናዋ” ያጊድኖ።

ቃይ መድና ጎዳ ጎልያ ባሱ ባስቲዳ ድራዉ፣ እሳይ ኡባይ ባረንቱ ቃላ ቶቁ ኦሊደ ሆምቦጨደ፣ መድና ጎዳ ጋላቲድኖ።

12 ሸን ካሰ ጎልያ በኤዳ ጭማ ቄሳቱ ዋፕ፣ ጭማ ሌዋቱዋፕነ ጭማ ጎልያ ካፓቱዋፕ ዳራቱ ሀእ ጌሻ ጎልያ ግምባናዉ ባስቲዳ ባሱዋ በኤዳ ዋደ፣ ባረንቱ ቃላ ቶቁ ኦሊደ ዬኬድኖ፤ ሀራቱ ማታ ናሽቲደ ሆምቦጨድኖ።

13 ሃዋ ድራዉ፣ ናሽቲደ ሆምቦጨያዋ ዬክያዋፕ ሻክ ኤራናዉ ዳንዳየትቤና። አያዉ ጎፕ፣ ኡንቱንቱ ሎይሐ ኮሹምያ ድራዉ፣ ኡንቱንቱ ኮሹንቻይካ ሃኮ ሳን ሰስቱ።

4

ጌሻ ጎልያ ዛረሐ ኬጽና ማላ ድጋናዉ ደንዴዳዋንታ

1 አዋዲዋፕ ሰሚዳ እሳቱ መድና ጎዳዉ፣ እስራኤልያ ጸሳዉ ጌሻ ጎልያ ኬጽያዋ ይሁዳነ ቢንያማ ሞርከቱ ሰሴድኖ።

2 ዛሩባቤላኮነ ጎልያ ካፓቱዋኮ ዪደ፣ ሀዋዳን ያጊድኖ፤ “አሶረ ካቲ እስራዶን * ኑና ሀ ሳኦዉ አሄዳ ጋላሳፕ ደሚደ፣ ኑንካ ሀንተንቱ ጸሳ ኮዬቶነ ያርሹቶ። ሃዋ ድራዉ፣ ኑንካ ሀንተናና እትፕ እነ ኬጾይተ” ያጊድኖ።

3 ሸን ዛሩባቤላ፣ ኢያሱነ እስራኤልያ ዛራቱዋ ካፓቱ ኡንቱንቶ ዛሪደ፣ ሀዋዳን ያጊድኖ፤ “ኑ ጎልያ ኬጽናዉ ኑዉነ ሀንተንቶ አይ እትፕተሐነ ባዋ። ሸን ፓርሰ ካቲ ቂሮስ አዛዜዳዋዳን፣ ኑ ጸላላይ መድና ጎዳዉ እስራኤልያ ጸሳዉ ኬጽና” ያጊድኖ።

4 ሃዋፕ ጉይያን፣ ይሁዳ ቢታ አሳቱ ኬጽናዳን፣ ሄ ጋድያን ደእያ አሳቱ ሀሽያ ሾጬድኖነ ያሽሴድኖ።

5 ቃይ ፓርሰ ካትያ ቂሮሳ ላይላይ ዉራናዉነ አፕ ሰሚደ ዳርዮሰ ፓርሰን ካተቲዳ ዋዲ ጋካናዉ፣ ኡንቱንቱ ይሁዳ አሳቱዋ ዘረታ ላላናዉ ዘረትያዋንታ ማታዬድኖ። †

የሩሳላመ ላኤንሎዋ ኬጽተናዳን ድገቲዳ

6 አርጸክሰሰ ካዉተላ ደመላን፣ ኡንቱንቱ ይሁዳነ የሩሳላመ አሳ ሞታናዉ ፓይልያ ደዬድኖ።

7 አርጸክሰሰ ካተት ደእሸን፣ ብሽላም፣ ሞትረዳት፣ ጸብኤልነ ኡንቱንቱና እትፕ ኦሎዋንቱና ግዲደ፣ ፓርሰ ካትያ አርጸክሰሳዉ ዳብዳቢያ ጸፊድኖ፤ ሄ ዳብዳቢ ሶርያ ጋደ ፕዶልያንነ ቃላን ጸፈቲዳ።

8 ዋታዳራ ሞድያ ረሁምነ ጸፍያ ሸምሻይ የሩሳላመባ ሀዋዳን ያጊደ፣ ካትያ አርጸክሰሳዉ ዳብዳቢያ ጸፊድኖ፤

9 “ሀ ዳብዳቢ ቢታ ሞድያ ረሁማፕ፣ ጸፍያ ሸምሻያፕ፣ በን ኤላማ ቢታን ደእያ ሱሳፕ፣ ኤሬካፕነ ባብሎንፕ ዬዳ ፕርድያነ ዳናትያ ኡንቱንቱ ያራቱዋፕነ

10 ግታን ቦንቼቲዳ ካትያ አሳናፋር አዋድ አሃደ፣ ሳማርያንነ ኤፍራጺሳ ሻፋፕ አዋይ ዉልያ ባጋ ጋድያን ዋሌዳ አሳ ኡባፕ ጸፊቲዳ” ያጊድኖ። ‡

11 ኡንቱንቱ አዉ ኪቲዳ ዳብዳቢ ሀዋዳን ያጊ፤ “ካትያ አርጸክሰሳዉ፣ ኤፍራጺሳ ሻፋፕ አዋይ ዉልያ ባጋ ጋድያን ደእያ ነ ቆማቱዋፕ፡-

12 “ካትያዉ፣ ነ ማታፕ ሃ ኑኮ ዬዳ አይሁዳቲ የሩሳላመ ቢደ፣ ሄ ማካላንቻነ ኢታ ካታማ ዛሪደ ኬጽ ደእያዋ ኤራ። አ ግምቢያ ኦራጽሲና፤ አ ጸጺዋካ ኦራጽሲና።

13 ቃይ ካትያዉ፣ ሀ ካታማይ ኬጾትያባ ግድፕነ አ ግምቢያካ ኦራጽሲናባ ግድፕ፣ ሃዋፕ

3:5 ፓይ. 28:11—29:39 3:10 1 ኦዲዋ 25:1 3:11 1 ኦዲዋ 16:34፤ 2 ኦዲዋ 5:13፤ 7:3፤ ማዝ. 100:5፤ 106:1፤ 107:1፤ 118:1፤ 136:1፤ ኤር. 33:11 * 4:2 እስራዶን- ሀ ቃላ ብላላይ እብራዌሉዋን፣ “ኤሳር-ሃዶን” ግያዋ። 4:2 2 ካታ. 17:24-41 † 4:5 ዳርዮሰ- ዳርዮሳ ታርኪ ፓይዲዋ 24ፕ ደሚደ ጸፈቲዳ። ፓይዲዋ 6-23 ጋካናዉ ጸፈቲዳ ታርኪ ጌሻ ጎሊ ኬጽቶደፕ እት ጸቲ ላይላ ግድያዋ ጋምእና ሀኔዳባ። 4:6 አሰ. 1:1 ‡ 4:10 አሳናፋር- እብራዌሉዋን “ኦሰናፓር” ጌተቲ። ሀ ካቲ ቃይ “አሰርባንፓል” ጌተቲ።

ጉይያን፡፡ ኢንቴንቲ ገራነ ቃራጸ ቃንጸናዎ ኤራ። ሄዋጥ ደንዴዳዋን ካትያ ጎለዉ ገልያ ሚሻይ ፓጫ ግዳና።

14 ኩን ካቲ ሱንሉና ኦሎምንታ ግድያ ግሻዉን ካቲ ካዉሸሸን በእናዉ ኮየና ድራዉ፡፡ ሀዋ ኔን ኤራና ማለ ገደ ኪቲቶ።

15 ሄዋ ድራዉ፡፡ ካሰ ነ ኦሎም ታርክያ ማጻፋይ ኮየቲደ ጸለቶ፤ ሄዋን ጸፈቲዳዋጥ ኔን ሀ ካታማይ በንጥካ ደሚደ፡፡ ማካላንቻ ካታማ ግድያዋን ካተቶን ቢታቶ ሙቱዋ ሙጴዳዋ ግድያዋ ኤራናዉ ዳንዳያሳ። ሄዋጥ ደንዴዳዋን እ ኮለቲዳ።

16 ሄዋ ድራዉ፡፡ ሀ ካታማይ ኬጸትያዋ ግድግዳን እ ግምቢያካ ኦራጽሰያዋ ግድግዳ፡፡ ኤፍራጺሳ ሻፋጥ አዋይ ዉልያ ባጋ ቢታይ ነ ኩሽያጥ ከሴዳዋ ኤራ” ያጌድኖ።

17 ካቲ ሀዋዳን ያግያ ዛሩዋ ኢንቴንቲ የዴዳ፤ “ዋታዳራቱዋ ሞድያ ረሀማ፡፡ ጸፍያ ሸምሻያ፡፡ ሳማርያንን ኤፍራጺሳ ሻፋጥ አዋይ ዉልያ ባጋ ጋድያን ደእያ ኢንቴንቲና ኦሎም አሳ ኡባዉ፡፡ ሀንተንታ ሳር ጋይ።

18 ሀንተንታ ታዉ የዴዳ ዳብዳቤ ብለቲደ ናባባቲዳ።

19 ታን እዛዝና፡፡ ካሰ ታርኪ ኮየቲደ ጸለቲዳ፤ ሀ ካታማይ በንጥካ ደሚደ፡፡ ካተቶ ማካላንቻ ግድያዋን ሙቱዋ ሙጴያዋንቲ ደእያ ሳኦ ግድያዋ ኤራቲዳ።

20 የሩሳላመን ዋልቃማ ካተቲ ካዉቲድኖ፤ ኤፍራጺሳ ሻፋጥ አዋይ ዉልያ ባጋ ቢታጥካ ሄ ካተቲ ገራነ ቃራጸ እኬድኖ።

21 ሄዋ ድራዉ፡፡ ታን ኢንቴንቲ ኦሎም ግያ እዛዘዋ እማና ጋካናዉ፡፡ ሀ አሳቲ ሄ ካታማ ኬጸያዋ ኤሳና ማለ ኦድተ።

22 ሀንተንታ ሀ የዉዋ ሸንኮ ጌና ማለ ናገቲተ። እያዉ ጎጥ፡፡ ካተቶ ሙቱዋ ዳርሳናዉ ኮሸና” ያጌደ ኪቲዳ።

23 ካትያ አርጸክሲሳ ዳብዳቤ ረሀማዉ፡፡ ጸፍያ ሸምሻያዉን ኢንቴንቲና ኦሎም ኡባቶ ናባባቲዳ ዋደ፡፡ የሩሳላመን ደእያ አይሁዳ አሳቲዋኮ ኤሌል ቢደ፡፡ ኢንቴንቲ ኬጸያዋ ዋልቃን ተኤድኖ።

24 የሩሳላመን ደእያ ጸሳ ጎልያ ኪታይ ፓርሳ ካቲ ዳርዮሰ ካተቲዳ ላኤንላ ላይሳይ ጋካናዉ፡፡ ኤቆ ሳኦን እት ኢኤዳ።

5

ጌሻ ጎልያ ኦሎም ዛርሳ ደመቲሳባ

1 ሄ ዋድያን ትምቢትያ ኦድያዋንቲ ሃገን እደ ናኦይ ዛካራሰ ይሁዳንን የሩሳላመን ደእያ አይሁዳ አሳቶ እሰራኤልያ ጸሳ ሱንላን ትምቢትያ ኦድድኖ።

2 ሳላትያላ ናኦይ ዛርብ-ባቤልን የጸዴቃ ናኦይ ኢያሱ ደንዲደ፡፡ የሩሳላመን ደእያ ጸሳ ጎልያ ዛርሳደ ኬጸናዉ ደሚድኖ። ትምቢትያ ኦድያዋንቲካ ኢንቴንቲና እተጥ ግዲደ፡፡ ኢንቴንታ ማዴድኖ።

3 ሄ ዋድ፡፡ ኤፍራጺሳ ሻፋጥ አዋይ ዉልያ ባጋ ቢታ ሞድያ ታታናያ ግያዋ፡፡ ሻታርቦዝና ግያዋን ኢንቴንቲና ኦሎምንቲ ዩደ፡፡ “ሀንተንቲ ሀ ጎልያ ኬጸና ማላን ፖላና ማላ፡፡ ሀንተንቲ ኦኔ ኦዴዳዋ?” ያጌደ ኦቼድኖ።

4 ኢንቴንቲ ቃይ፡፡ “ሀዋ ግምቢያ አሳቲዋ ሱንላይ ኦና ኦኔ?” ያጌደ ኦቼድኖ።

5 ሸን ሄ የዉ ዳርዮሳኮ ጋክና፡፡ እ ማታጥ ዳብዳቤ ጸፈቲደ ያና ጋካናዉ፡፡ ኢንቴንቲ ባርንቲ ኦሎም አግባይክኖ፤ እያዉ ጎጥ፡፡ ኢንቴንቲ ጸሳ አይፊ አይሁዳ ጭማቱዋ ቦላን ደኤ።

6 ኤፍራጺሳ ሻፋጥ አዋይ ዉልያ ባጋ ቢታ ሞድያ ታታናይ፡፡ ሻታርቦዝንን ኢንቴንቲና ኦሎምንቲ ካትያ ዳርዮሳዉ ኪቲዳ ዳብዳቤ ግምዳን ያጌ፡-

“ካትያ ዳርዮሳ፡፡ ኩሙንላ ሳርተላይ ነዉ ግደ!

8 “ኩን ይሁዳ ጋድያን ደእያ ዋልቃማ ጸሳ ጎልያኮ ቤድ። ሄ ሹቻን ኬጸቲዳ፤ ቃይ ግምቢያ ጋርሳንካ ሞላይ ዋጴዳ። ኦሎም ዋልቃማ አኬካንን ኤሌል ኦሰቲደ ደኤ።

9 “ኢንቴንቲ ጭማቱዋ ኩን ሀዋዳን ያጌደ ኦቼደ፤ ‘ሀ ጎልያ ኬጸና ማላን ፖላና ማላ፡፡ ሀንተንቲ ኦኔ ኦዴዳዋ?’ ያጌደ ኦቼደ።

10 ቃይ ነዉ ጸፊደ ኤርሳና ማላ፡፡ ኢንቴንታ ሀ ኪታን ካለላያዋንቲ ሱንላይካ ኦኔንቶ ኦቼደ።

11 “ኢንቴንቲ ሀዋዳን ያጌደ ዛርድኖ፤ ሓን ሳሎዋን ሳኦ ጸሳ ቆማቱዋ፤ ቃይ ኩን እሰራኤልያ ካትያ ግታይ ዳር ላይላጥ ካሰ ባጋን ኬጽ ፖሌዳ ጌሻ ጎልያ ዛርሳ ኬጸቶ።

12 ኩ አዋቲ ሳሎዋ ጸሳ ሀንቀሌዳ ድራዉ፡፡ እ ኢንቴንታ ባብሎን ካትያ ናቡካዳናጸራ ኩሽያን አላ እምና፡፡ እ ሀ ጎልያ ኮል አኔዳ፤ አሳካ ባብሎን ጋድያ ኦሞዶ አኪደ ቤዳ።

13 “ ሸን ባብሎን ካቲ ቂርሰ ባር ካተቲዳ ኮይሮ ላይላን፡፡ ጸሳ ጎልያ፡፡ ሀዋ ዛርሳ ኬጸና ማላ፡፡ አዋዩዋ ከሴዳ።

14 ናቡካዳናጸራ የሩሳላመን ደእያ ጸሳ ጎልያጥ አክ አፊደ፡፡ ባብሎን ቢታን ደእያ ባር ጸሳቲዋ ጎላን ዋሌዳ ዋርቃን ብራ ሚሻቲዋካ ቂርሰ ዛርደ የዴዳ።

“ ሄ ሚሻቲ ካቲ ቂርሰ ይሁዳ ቢታ ሞዳና ማላ ደሬዳ ሸሸባጸራ ኩሽያን ሹፍቲድኖ።

15 ካቲ ቂርሰ አ ሀዋዳን ያጌዳ፤ “ሀ ሚሻቲዋ አካ አፋደ የሩሳላመን ደእያ ጌሻ ጎልያን ዋላ፤ ቃይ ጸሳ ጎልያካ ካሰ እ ደእያ ሳኦን ኬጸ” ያጌዳ።

16 ሄዋጥ ጉይያን፡፡ ሸሸባጸር ዩደ፡፡ ጸሳ ጎልያ የሩሳላመን ባሴዳ። እ ሀእካ ዉርቤናዋ ግድግዳ፡፡ ሄ ዋድጥ ደሚደ፡፡ ኬጸቲደ ደኤ” ያጌድኖ።

17 “ሀእ ሰም ሀ የዉ ካትያ ናሽቶያባ ግድግዳ፡፡ አን ካቲ ቂርሰ ሀ ጎልያ የሩሳላመን ኬጸና ማላ፡፡ ቲሙካ አዋዩዋ ከሴደንቶ ኤራናዉ ካሰ አጴዳ ባብሎን ካተቲዋ ታርክያ ማዝጎባይ ኮየቲደ ጸለቶ። ሄዋጥ ጉይያን፡፡ ካቲ ኩን ሀ የዉዋ ዋታናዉ በሰንቶ ቃቼዳ ቆፋ ኑዉ ኪቶ” ያጌደ ጸፊድኖ።

4:24 ሃገ 1:1፤ ዛካ. 1:1 5:2 ሃገ 1:12፤ ዛካ. 4:6-9 5:12 2 ካታ. 25:8-12፤ 2 ኦዲዋ 36:17-20፤ ኤር. 52:12-15 5:13 እዘራ 1:2-11

6

ቁርስ ካስ እዛዜዳ እዛዙ ኮየቲደ ቤቲዳ

1 ሄዋ ድራው፡ ካቲ ዳርዮስ እዛዝና፡ ባብሎን ሚሻቱዋ ዋልያ ጎሊን ደእያ ታርክያ ማዘጋባቱዋ ኢንቱንቲ ኮዬድኖ።

2-3 ሸን ባብሎን ካታማን ግደናን ደእሸን፡ ማደና ጋድያን ደእያ አህምታ ግያ ካታማን እት ጸጸቶ ማጸፋይ ቤቲዳ። ሄ ማጸፋን ጸፈቲዳባይ ሀዋዳን ያጌ፤ * “ዋደናው ደገተናዳን፡ ካቲ ቁርስ ባረ ካተቲዳ ኮይሮ ላይላን፡ የሩሳላሙን ደእያ ጸሳ ጎልያ ድራው፡ ሀዋዳን ያግያ አዋዩዋ ከሴዳ፤ ጸሳ ጎልያ ግድያ፡ ያርሹዋ ያርሸያ ሳእይ ዛረሊደ ኬጸቶ፤ እ ባሱካ ባሰቶ። ሄ ጌሻ ጎሊ ኡሱቸን ታሙ ዋቆ አዲሳን ኡሱቸን ታሙ ዋቆ እካ ግድ።

4 ቃይ ሄዙ ማራን ዋልቃማ ሹቻይ ዋድና፡ ሄ ማራቱዋ ቦላን ቦላና እት ማራ ሞላይ ዋዶ። ሄዋ ኮሸያ ሚሻይ ኡባይ ካትያ ጎሊን ሚሻ ዋልያ ጎልያ፤ እመቶ።

5 ናቡካዳናጸረ፤ የሩሳላሙን ደእያ ጸሳ ጎልያ፤ ባብሎን እሄዳ ጸሳ ጌሻ ጎልያ ዋርቃን ብራ ሚሻቲ ጸሳ ጎልያው ጉየ የሩሳላሙ ሰሚደ፤ ጸሳ ጌሻ ጎልያን ደእኖ ያጌዳ።

ካትያ ዳርዮስ ኡሱ ኦስታናዳን እዛዜዳ

6 “ህንተንቶ ኤፍራዲሳ ሻፋፕ አዋይ ወልያ ባጋ ቢታ ሞድያ ታታናያ፡ ሻታርቦዝናን ኢንቱንቲና ኦልያ ኡባይ፡ ሄ ጎልያኮ ሸቆፕተ።

7 ሀ አሳቲ ኬጽያ ጸሳ ጎልያ ኡሶ ቆብ ግድፕተ። አይሁዳቲዋ ሞድያዌን አይሁዳ ጭማቲ ጸሳ ጎልያ ካስ እ ደእያ ሳኣን ዛሪደ ኬጽኖ።

8 “ቃይ ሀ አይሁዳ ጭማቲ ጸሳ ጎልያ ኬጽያ ዋደ፡ ኢንቱንቲ ኦልያ ኪታይ ኤቀና ማላ፡ ኢንቱንቲ ኮሸያ ሻሉዋ ኡባ ኤፍራዲሳ ሻፋፕ አዋይ ወልያ ባጋ ቢታ፤ ሸቆዳ ካትያ ጌራ ሚሻፕ ህንተንቲ ኢንቱንቲ እማና ማላ፡ ታን እዛዛድ።

9 የሩሳላሙን ደእያ ቁሳቲ ሳሉዋ ጸሳው ጸግያ ያርሹዋ ያርሻናው ኮሸያባይ ኮረማቲዋ ግድና፡ ደርሳ ኮልያ ግድና ቃይ ደርሳ ማራቲዋ ግድፕን ኢንቱንቲ እምተ። ቃይ እያን ፓጭሰናን ኢንቱንቲ ኮይያ ዛርጋ፡ ማጽንያ፡ ዋይንያ ኤሳን ዛይትያ ኢንቱንቲ ሀቼ ሀቼ እምተ።

10 ሄዋ ህንተንቲ እምያዌ ኢንቱንቲ ሳሉዋ ጸሳ ሎይሳ ናሸቶያ ያርሹዋ ያርሻናሳን ካትያን እ ናና ደኡዋ ድራውካ ዋሳናዳና።

11 “ሀ አዋዩዋ ላምያ ኦንን ደኣፕ፡ ኣእ ጎልያ ቱሳ ሸዲደ፡ ሄ ቱሳ ጸራ ፖጾዳዋን ሉከቲደ ሀይቆ፤ እ ኬላይካ ፕቱዋ ኦልያ ሳኣ ግድ፤ ጋደ ጉጃደካ እዛዛድ።

12 ሀ እዛዙዋ ላማናውን ቃይ የሩሳላሙን ደእያ ጸሳ ጎልያ ኮላናው ኮሸያ ደንልያ እይ ካትያ ዋይ አሳ ግድና፡ ባረ ሱንላይ ጸሰታና ማላ የሩሳላሙ ደራዳ ጸሳይ እ ቆይሶ። ታን ዳርዮስ ሀዋ እዛዛድ። ሀ የወዋ አሳይ ኡባይ ሞናተላን ፖሎ” ያጌ።

ጌሻ ጎልያ እንጂዋ ባላ

13 ሄዋፕ ጉይያን፡ ኤፍራዲሳ ሻፋፕ አዋይ ወልያ ባጋ ቢታ ሞድያ ታታናይ፡ ሻታርቦዝናን ኢንቱንቲና ኦልያ ኡባቲ ካቲ ዳርዮስ እዛዜዳዋዳን ሞናተላን ኦልደ ፖሎድኖ።

14 ሄዋ ድራው፡ አይሁዳ ጭማቲ ባረንቲ ኪታ አገናን ኦልድኖ፤ ቃይ ትምቢትያ ኦድያዌ ሀዌን እደ ናእይ ዛካራስ ኦዳዳ ቃላንካ ሞንሴድኖ። እሰራኤልያ ጸሳይ እዛዜዳዋዳን ፓርስ ቢታ ካተቲ ቁርስ፡ ዳርዮስን አርጸክሲስ አዋዩዳዋዳን ጌሻ ጎሊ ኬጸቲደ ወራዳ።

15 ዳርዮስ ካተቲዳ ኡሱቸንላ ላይላን አዳረ ጌተትያ አገናን ሄዘንላ ጋላሳን፡ ጎልያ ኪታይ ፖሊቲዳ።

16 ሄዋፕ ጉይያን፡ እሰራኤልያ አሳይ፡ ቁሳቲ፡ ሌዋቲን አዋዲዋፕ ሰሜዳ አሳይ ኡባይ ጸሳ ጎልያ እንጂዋ ባላ ናሸቻን ቦንቼድኖ።

17 ሄ ጸሳ ጎልያ እንጂዋ ባላ ቦንቻያ ዋደ፡ ኢንቱንቲ እት ጸቲ ኮረማቲዋ፡ ላኡ ጸቲ ደርሳ ኦርገቲዋን ኦይዱ ጸቲ ደርሳ ማራቲዋ ያርሹድኖ፤ ቃይ ናጋራ ያርሹ ታማን ላኡ እሰራኤልያ ዛራቲዋ ፓይዱዋን ታማን ላኡ ዳሻ ኦርገቲዋካ ያርሹድኖ።

18 ሙሴ ማጸፋን ጸፈቲዳዋዳን፡ የሩሳላሙን ደእያ ጸሳው ኦላና ማላ፡ ቁሳቲ ዋ ባረንቲ ማራዳን ሌዋቲዋካ ኢንቱንቲ ዘረላዳን ዋሌድኖ።

ፓሰጋ ባላ

19 አዋዲዋፕ ሰሜዳ አሳቲ ኮይሮ አገናን ታማን ኦይደንላ ጋላሳን ፓሰጋ ባላ ቦንቼድኖ።

20 ቃይ ቁሳቲ ነ ሌዋቲ ባረና ጌሹድኖ፤ ሄዋ ድራው፡ ኢንቱንቲ ኡባይካ ጌሻ። ሄዋፕ ጉይያን፡ ሌዋቲ አዋዲዋፕ ሰሜዳ ኡባው፡ ቁሳቲን ባረንቲ ሁጺያው ፓሰጋ ደርሳ ሹኬድኖ።

21 አዋዲዋፕ ሰሜዳ እሰራኤልያ አሳይን አይሁዳ ግድና አሳቲ ኦልያ ቱናተላፕ ባረንታ ሻክ፡ መድና ጎዳኮ፡ እሰራኤልያ ጸሳኮ ሰሜዳ አሳይ ኡባይ ፓሰጋ ሜድኖ።

22 ቃይ ኢንቱንቲ ላቸን ጋላሳው ማጋገ ኡክላ ባላ ናሸቻን ቦንቼድኖ፤ እያው ጎፕ፡ መድና ጎዳይ ኢንቱንቲ ናሸቼዳ፤ ቃይ መድና ጎዳ፡ ሄዌካ እሰራኤልያ ጸሳ ጎልያ ኢንቱንቲ ኬጸደ ፖላና ማላ፡ አሰረ ካትያ ቆፋ ጸሳይ ላምና፡ ካቲ ኢንቱንታ ማዴዳ።

7

እዝር ሀራ አዋደቲዳዋንቲና ሰሙሳ (7:1—10:44)

1 ሄዋፕ ሰሚደ፡ ዳር ዋድያፕ ጉይያን፡ ፓርስ ቢታን አርጸክሲስ ካተቲዳ ዋድያን እዝራ ጌተትያ እት አሳይ ደኤዳ። እ ሳራያ ናኣ፤ ሳራይ አዝርያ ናኣ፤ አዛሪ ሀልቂያ ናኣ፤ ሀልቂ ሻሉማ ናኣ፤

2 ሻሉም ጸደቃ ናኣ፤ ጸደቀ አህጹባ ናኣ፤ አህጹብ አማርያ ናኣ፤

3 አማር አዝርያ ናኣ፤ አዛሪ ማራዮታ ናኣ፤ ማራዮት ዛራህያ ናኣ፤

* 6:2-3 አህምታ- ሀ ካታማይ ቃይ ኤክባታና ጌተቲ።

4 ዛራሂ ኡዛ ናኣ፤ ኡዝ ቡቃ ናኣ፤

5 ቡቅ ኡብሹኦ ናኣ፤ ኡብሹኦ ፒንሃሳ ናኣ፤ ፒንሃሳ ኤልኣዛራ ናኣ፤ ኤልኣዛራ ቄሰ ኡባቱዋ ካቶዋ ኦሮና ናኣ።

6 ሀ እዝር ባብሎነፕ ፑደ ዬዳ። እ መድና ጎዳይ፣ እስራኤልያ ጸሳይ እሜዳ ሙሴ ሀግያ ሎይሳ ጸናዬዳ ኤራንቻ ጸፍያ። መድና ጎዳ ኦ ጸሳ ኩሺ ኦ ቦላ ደእያ ድራወ፣ እ ኦቹዳዋ ኡባ ካቲ ኦወ እሜዳ።

7 እስራኤልያ አሳፕ አማራዳዋንቱነ ቃይ ቄሳቱ ዋፕ፣ ሌዋቱዋፕ፣ ማዝሙርያ የጽያዋንቱፕ፣ ፒንግያ ናግያዋንቱፕነ ጌሻ ጎልያ ቆማቱዋፕ አማራዳዋንቱ ካቲ እርጸክሰሰ ካተቱዳ ላፑንላ ላይላን እዝራና እትፕ ፑደ የሩሳላመ ቤድና።

8 ካቲ ካተቱዳ ላፑንላ ላይላን እቹሻንላ አግናን እዝር የሩሳላመ ጋኬዳ።

9 ኮይሮ አግናን ኮይሮ ጋላሳን ባብሎነፕ ፑደ ቡሳ ደሚደ፣ እቹሻንላ አግናን ኮይሮ ጋላሳን የሩሳላመ ጋኬዳ። ኦያወ ጎፕ፣ ኦ ጸሳ ሎኦ ኩሺ ኦ ቦላን ደኤ።

10 ሄዋ ጸላላ ግደናን እዝር መድና ጎዳ ሀግያ ጸናያናወነ ኦላናወ፣ ቃይ እስራኤልያን ኦ ዋጋነ ኦ ፕርዳ ታማርሳናወ ባረ ዋዛና ጊገሰ ዋሌዳ።

ካቲ እርጸክሰሰ እዝራወ ጸፊ እሜዳ ዳብዳቢያ

11 መድና ጎዳይ እስራኤልያወ እሜዳ ሀግያ ጸናዬዳ፣ ሎይሳ ኤርያ ቄሰነ ጸፍያ ግድያ እዝራወ ካቲ እርጸክሰሰ ዳቅ እሜዳ ዳብዳቢ ሀዋዳን ያጌ።

12 “ካተቱዋ ካትያ እርጸክሰሳፕ፣ ቄሰያነ ሳሉዋ ጸሳ ሀግያ ሎይሳ ጸፍያ እዝራ፣ ሳርተላይ ነወ ግደ፤

13 “ታ ካወተላ ግዲዋን ደእያ እስራኤልያ አሳፕ ኦነ፣ ቄሳቱ ዋፕ ዋይ ሌዋቱዋፕ ግድፕነ፣ የሩሳላመ ባናወ ኮይያ አሳይ ኡባይ ኔናና እትፕ ባናዳን ታን ኦዳድ።

14 ታንነ ታናና ዞረትያ ላፑን አሳቱ እትፕ ግዲደ፣ ኔን ነ ኩሽያን ደእያ ጸሳ ሀግያዳን፣ ባደ ይሁዳንነ የሩሳላመን ደእያ ሀናታይ ኦይ ማለንቶ ኦቻናዳን ኔና ኪቱቶ።

15 ኦወ ደእያ ሳኦይ የሩሳላመን ደእያ እስራኤልያ ጸሳወ፣ ታን ካቲነ ታናና ዞረትያ አሳቱ ኦ ሸንያን እሜዳ ዋርቃነ ብራ እዋታቱዋ ኔን ኦካደ ባ።

16 ሄዋ ቦላካ ቃይ ኔን ባብሎነ ቢታ ኩመንላፕ ደሚዳ ብራነ ዋርቃ ኡባ፣ ቃይ እሳይነ ቄሳቱ የሩሳላመን ደእያ ባረንቱ ጸሳ ጎልያወ ባረንቱ ሸንያን እሜዳ እዋታካ ኦካደ ባ።

17 ሀ ሚሻን ኮሩማቱዋ፣ ደርሳ ኦርገቱዋነ ደርሳ ማራቱዋ፣ ቃይ ካላ ያርሾነ ኡሻ ያርሾ ሻማንንቶ ኤራ፣ የሩሳላመን ደእያ ሀንተንቱ ጸሳ ጎልያን ያርሾን ሳኦነ ያርሻ።

18 “ሄዋፕ ፓላሂደ አቱዳ ብራነ ዋርቃ ኔንነ ኔና ደእያ ነ ቢታ አሳቱ ኦላናወ ኮይያዋ ሀንተንቱ ጸሳ ሸንያዳን ኦላተ።

19 ቃይ ሀንተንቱ ጸሳ ጎልያ ግደን ኦሰትያ ኦሶ ሀንተንቱ ጎኤታና ማላ፣ ኦነ ነወ እሜዳ ሚሻቱዋ ኡባ የሩሳላመ ጸሳ ሰንላን ዋላ።

20 ሀዋፕ ሀራባይ ሀንተንቱ ጸሳ ጎልያወ ኮሽያባይ ኦያነ ግደፕ፣ ሄዋ ኮሽያ ሻሉዋ ካትያ ጎላን ሻሉዋ ዋላያ ጎልያፕ አካናወ ዳንዳያሳ።

21 “ሄዋ ድራወ፣ ሀእ ታን ካቲ እርጸክሰሰ ኤፍራዲሳ ሻፋፕ አዋይ ወልያ ባጋ ቢታን ደእያ ሻሉዋ ጎላን አዋተላይ ደእያ ኡባቶ ሀ አዛዙዋ እማድ። ቄሰያ ግድያነ ሳሉዋ ጸሳ ሀግያ ሎይሳ ጸፍያ እዝር ሀንተንታ ኦቻያዋ ኦያነ ግደፕነ ኦወ እዋተ።

22 ቃይ ሄዙ ሻእነ ኦይዳ ጾቱ ኪሎ ግራመ ዳጽያ ብራ፣ እት ጾቱ ኩንታላ ዛርጋ፣ ላኡ ሻእ ሊትሮ ዋይንያ ኤሳነ ላኡ ሻእ ሊትሮ ዋጋራ ዛይትያ፣ ቃይ ኮሽያ ኬሻ ማጽንያና ኡባ እዝራወ እዋተ።

23 ካትያ ቦላነ ካትያ ናና ካወተላ ቦላ ሀንቁ ዬና ማላ፣ ሳሉዋ ጸሳይ አዛዜዳዋ ኡባ ሳሉዋ ጸሳ ጎልያወ ኦያነ ኦሽናን እዋተ።

24 ቃይ ቄሳቱ ዋፕ፣ ማዝሙርያ የጽያዋንቱፕ፣ ፒንግያ ናግያዋንቱፕ፣ ጸሳ ጎልያ ቆማቱዋፕነ ዲማ ዲማ ኦሱዋ ኦላያ አሳ ኡባፕ ሀንተንቱ ጊራነ ቃራጸ አካናወ ሀንተንቶ ኦይ ማትነ ባዋ።

25 “ኔኖ እዝራ፣ ኔን ቃይ፣ ነወ ጸሳይ እሜዳ ኤራተላዳን ኤፍራዲሳ ሻፋፕ አዋይ ወልያ ባጋ ቢታን ደእያ ነ ጸሳ ሀግያ ኤርያ አሳ ቦላ ፕርዳና ማላ፣ ዳናቱዋነ ፕርድያዋንታ ሱንላ። ቃይ ሄ ሀግያ ኤረናዋንቱ ደኦፕ፣ ኡንቱንቱ ታማርሰተ።

26 ነ ጸሳ ሀግያወነ ካትያ ሀግያወ አዛዘተና ኦነን ደኦፕ፣ እ ኤላካ ሀይቁዋን፣ የደሳን፣ ኦ ሻሉዋ ቦንቁያዋን ዋይ ቃሹዋን ሙረቶ” ያጌ።

እዝር ጸሳ ጋላቱዳ

27 የሩሳላመን ደእያ መድና ጎዳ ጎልያ ሀዋዳን ሎይላና ማላ፣ ካትያ ዋዛናን ሀ ቆፋ ዋሌዳ መድና ጎዳወ፣ ኦ አዋቱዋ ጸሳወ ጋላታይ ግደ፤

28 ቃይ ካትያ፣ ካትያና ዞረትያዋንቱነ ኦናና ኦላያ ዋልቃማ ካፓቱዋ ኡባ ሰንላን ባረ ኦገና ሲቁዋ ታወ በሴዳ መድና ጎዳ፣ ታ ጸሳ ኩሺ ታናና ደእያ ድራወ፣ ታን ሞነታድ። ቃይ እስራኤልያ ካፓቱዋፕ ታናና ፑደ ቢደ፣ የሩሳላመ ባና ማላ ሺሻይ።

8

እዝራና እትፕ ኦዋዲዋፕ ሰሜዳ አሳ ፓይዲዋ

1 ካቲ እርጸክሰሰ ካተቱዳ ዋይ ታናና እትፕ ባብሎነ ቢታፕ ፑደ ዬዳ፣ የሩሳላመ ዬዳ ዛራቱዋ ካፓቱ ሀዋንታ፣ ኡንቱንቱ የለታ ማራይካ ሀዋ፣

2 ፒንሃሳ ያራፕ ገርሾማ፣ እታማራ ያራፕ ዳኔላ፣ ዳዊታ ያራፕ ሀጹኡሻ፣

3 ሸካንያ ያራፕ፣ ፓርኦሻ ያራፕ ዛካራሰነ ኡንቱንቱ የለታ ማራይ ዳፈቱዳ ሀራ እት ጾታነ እሻታሙ አቱማዋንታ፣

4 ፓሀት-ሞኦባ ያራፕ ዛራሀያ ናኦ ኤልዮኤናያነ ኦናና እትፕ ሀራ ላኡ ጾቱ አቱማዋንታ፣

5 ዛቱ ያራፕ ያሃዝኤላ ናኦ ሸካንያነ ኦናና እትፕ ሀራ ሄዙ ጾቱ አቱማዋንታ፣

- 6 አዲና ያራጥ ዮናታና ናኦ ኤቤዳነ አናና እትጥ ሀራ እሻታሙ አቱማዋንታ።
- 7 ኤላማ ያራጥ አታልያ ናኦ ይሻእያነ አናና እትጥ ሀራ ላቸን ታሙ አቱማዋንታ።
- 8 ሻፋጽያ ያራጥ ሞካኤላ ናኦ ዛባድያነ አናና እትጥ ሀራ ሆሰቸን ታሙ አቱማዋንታ።
- 9 ዮኣባ ዛርያጥ ይህኤላ ናኦ ኦባድያነ አናና እትጥ ሀራ ላኡ ጾታነ ታማነ ሆሰቸን አቱማዋንታ።
- 10 ባና ያራጥ ዮሲፍያ ናኦ ሻሎሚታነ አናና እትጥ ሀራ እት ጾታነ ኡሱቸን ታሙ አቱማዋንታ።
- 11 በባያ ያራጥ በባያ ናኦ ዛካራሳነ አናና እትጥ ሀራ ላታማነ ሆሰቸን አቱማዋንታ።
- 12 እዘጋዳ ያራጥ ሀቃጸና ናኦ ዮሀናናነ አናና እትጥ ሀራ እት ጾታነ ታሙ አቱማዋንታ።
- 13 እደንቃማ ያራጥ ወርሰላን ሰሜዳዋንቱ፤ ኤልፈሌጻ፣ ይኡኤላ፣ ሻማእያነ ኡንቱንቱና እትጥ ሀራ ኡሱቸን ታሙ አቱማዋንታ።
- 14 ቃይ ብግዋያ ያራጥካ ኡታያ፣ ዛኩራነ ኡንቱንቱና እትጥ ሀራ ላቸን ታሙ አቱማዋንታ።

እዘር ጌሻ ጎልያን ኦልያ ሌዋቱዋ ደሜዳ

15 ታን እዘር ኡንቱንቱ አሃዋ ግያ ሳኣኮ ጎግያ ሻፋ ኤላካ ሸሻይ። ኑን ሄ ሳኣን ዲንካኒደ። ሄዙ ጋላሳ ታኬድ። ቃይ ታን ሄ ሳኣን ደእያ አሳነ ቁሳቱ ዋ ቆጥያ ዋደ። ሌዊያ ዛራቱዋጥ እቱዋነ ደማበይከ።

16 ሄዋ ድራው፣ ካቸዋ ኤልኤዛራ፣ አርኤላ፣ ሻማእያ፣ ኤልናታና፣ ያሪባ፣ ኤልናታና፣ ናታና፣ ዛካራሳነ ማሹላማ ግያዋንታነ ቃይ አይዳ ኤራንቻ አሳ ግድያ ዮያሪባነ ኤልናታና ጾሳድ።

17 ኑ ጾሳ ጎልያን ኦልያ አሳ ኑወ የዳና ማላ፣ ካሰፍያ ግያ ሳኣን ደእያ ሌዋቶ ካቸዋ ግድያ እደኮነ አ አቱማ ዳቦቱዋኮ። ሄዋንቱካ ጌሻ ጎልያ ቆማ ግድያዋንቱኮ ኡንቱንታ ከታድ።

18 ኑ ጾሳ ሎኦ ኩሺ ኑ ቦላን ደእያ ድራው፣ ሸራብያ አ ናናነ አ እሻቱዋና፣ ኡባና ታማነ ሆሰቸኑዋ ኡንቱንቱ ኑወ የዳድኖ። እ እሰራኤልያ ናኦ ሌዊያ ዛርያ ግድያ ማህላ ያራነ ሎይሳ እኩካይ ደእያ አሳ።

19 ቃይ ሀሻብያ፣ ማራራ ያራ ግድያ ይሻእያራ፣ አ ናናነ አ እሻቱዋ ላታሙዋና የዳድኖ።

20 ሄዋ ቦላካ ሌዋቱዋ ማዳናዳን ገደ፣ ዳዊተነ አናና ኦልያ ካፓቱ ሱንጮዳ ጌሻ ጎልያ ቆማቱዋጥካ ላኡ ጾታነ ላታሙዋ የዳድኖ። ሄዋንቱ ኡባቱ ባረንቱ ሱንላን ጸፈቱድኖ።

እዘር አሳይ ዋሳናዳንን ጸማናዳን አዛዜዳ

21 ሄዋጥ ጉይያን፣ ኑ ጾሳ ሰንላን ኑ ሁጲያ ካወሸደ፣ እ ኑ ኦግያን ኑወ፣ ኑ ናናቱዋነ ኑ ማጽዋ ኡባወ ሳርተላ እማናዳን ዋሳና ማላ፣ ሄዋን አሃዋ ሻፋን ኤላካ ታን ጸማ አዋያድ።

22 አያወ ጎጥ፣ ካትያወ ኑን ካሰ፣ “ኑ ጾሳ ሎኦ ኩሺ አ ኮይያዋንቱና እትጥ ደኤ፤ ሸን አ ዋልቃማ ሀንቁ አ እግያዋንቱ ቦላን ደኤ” ያገደ ኦይዳ ድራው፣ ኑን ብያ ኦግያን ደእያ ሞርከቱዋጥ ኑና ናጋናዳን ኦላንቻቱዋነ ፓራ አሳቱዋ እማናዳን ካትያ ኦቻናወ ታን ዬላታድ።

ጌሻ ጎልያ እዋታባ

23 ሄዋ ድራው፣ ኑን ጸሚደ፣ ጾሳ ዋሴደ፤ እ ኑ ዋሳ ሰሴዳ።

24 ቁሳቱ ዋ ካፓቱዋጥ ሸራብያ፣ ሀሻብያነ ሀራ ኡንቱንቱ ዳቦ ግዳዳ ታሙ አቱማ አሳቱዋ ታን ደራድ።

25 ካቲ፣ ካትያና ዞረትያዋንቱ፣ ካትያና ኦልያዋንቱነ እሰራኤልያ ኡባይ ኑ ጾሳ ጎልያወ እሜዳ ብራ ዋርቃነ፣ ሚሻቱዋ ኡባ ልካደ ኡንቱንቱ ኩሸያን ሸላድ።

26 ታን ኡንቱንቶ ልኬዳባይ ሀዋ፣ ላታማነ ላኡ ሻኦ ከሎ ግራመ ዳጽያ ብራ፣ ሄዙ ሻኦነ ኦይዳ ጾቱ ከሎ ግራመ ዳጽያ ብራጥ ኦሰቱዳ ጾቱ ሚሻቱዋ፣ ሄዙ ሻኦነ ኦይዳ ጾቱ ከሎ ግራመ ዳጽያ ዋርቃ።

27 ሆሰቸን ከሎ ግራመነ ኦይዳ ጾቱ ግራመ ዳጽያ ዋርቃጥ ኦሰቱዳ ላታሙ ሳንቱዋነ ዋርቃዳን አልኦነ ሙሩታ ግዳዳ ናሃሰያጥ ኦሰቱዳ ላኡ ሳንቱዋ።

28 ሄዋጥ ጉይያን፣ ታን ኡንቱንቶ ሀዋዳን ያጋድ፤ “ህንተነ ሀ ሚሻቱ ኡባይካ መድና ጎዳወ ዲማቱድታ፤ ሀ ብራይነ ዋርቃይ አሳይ ባረ ሸንያን መድና ጎዳወ፣ ህንተንቱ አዋቱዋ ጾሳወ እሜዳዋ።

29 የሩሳላመን ደእያ መድና ጎዳ ጎልያን ሻሎዋ ዋልያ ጎልያ ጋኪደ፣ ቁሰያ ካፓቱዋ ሰንላን፣ ሌዋቱዋ ሰንላንነ እሰራኤልያ ዛራቱዋ ካፓቱዋ ሰንላን እማና ጋካናወ፣ ሀ ሚሻቱዋ ሎይሳ ናግተ” ያጋድ።

30 ሄዋ ድራው፣ ቁሳቱ ነ ሌዋቱ የሩሳላመን ደእያ ኑ ጾሳ ጎልያወ አፋናወ ብራ፣ ዋርቃነ ሀራ ሚሻቱዋ ኡባ ሚዛንያን ልኪደ ሸፍቱድኖ።

የሩሳላመ ሰማባ

31 ሄዋጥ ጉይያን፣ ኑን ኮይሮ አግናን ታማነ ላኤንላ ጋላሳን የሩሳላመ ባናወ አሃዋ ሻፋ ማታጥ ደንዳይ። ብያ ዋደ፣ ኑ ቦላን ደእያ ኑ ጾሳ ሎኦ ኩሺ ኑ ብያ ኦግያን ደእያ ሞርከቱዋጥጥ ፓሩቱዋጥ ኑና ናጌዳነ አሸዳ።

32 ኑን የሩሳላመ ጋኪደ፣ ያን ሄዙ ጋላሳ ኡቱደ።

33 ኦይደንላ ጋላሰ ብራ፣ ዋርቃነ ሀራ ሚሻቱዋ ኡባካ ልኪደ፣ ኦርዮና ናኦ ቁሰያ ማረሞታወ ሸይደ። ፒንሃሳ ናኦ ኤልአዛሪ፣ ሌዊያ ግድያ ኢያሱ ናኦ ዮዛባድነ ቢኑያ ናኦ ኖኣደ አናና እትጥ ደኤኖ።

34 ኡባባይካ ፓይደቱዳነ ልከቱዳ፤ ኡባና አያ ኬሻ ግዳደንቶ፣ ሄ ዋደ ጸፈቱዳ።

35 ሄዋጥ ጉይያን፣ ኦሞዲዋጥ ሰሜዳ አሳይ እሰራኤልያ ጾሳወ ጹግያ ያርሹዋ ያርሹድኖ። ኡንቱንቱ እሰራኤልያ ኡባ ድራው፣ ታማነ ላኡ ኮሩማቱዋ፣ ኡዲቸን ታማነ ኡሱቸን ደርሳ ኦርገቱዋነ ላቸን ታማነ ላቸን ደርሳ ማራቱዋ፣ ቃይ ናጋራ ያርሹካ ታማነ ላኡ ዳሻ ኦርገቱዋ ያርሹድኖ። ሀዋ ኡባይ ጹግያ ያርሹዋ ግዲደ፣ መድና ጎዳወ ሸይደ።

36 ኡንቱንቱ ቃይ ካቲ አዛዜዳ አዛዙዋካ ካትያጥ ጋርሳና ቢታ ሞድያዋንቱነ ኤፍራዲሳ ሻፋጥ አዋይ ወልያ ባጋ ቢታ ሞድያዋንቶ

እሜድኖ፤ ኢንቱንቱ እስራኤልያ አሳነ ጸሳ ጎልያ ኪታ ማዴድኖ።

9

እዘር አይሁዳ ግደና አሳቱዋና ፖለቲዳ አካነ ገሉዋ ሴሬዳ

1 ሀ ኡባባይ ሀኔዳዋ፣ ጉይያን፣ አሳ ካለልያዋንቱ ታኮ ዪደ፣ ሀዋዳን ያጌድኖ፤ “እስራኤልያ አሳይ፣ ሀራይ አቶ ቁሳቱ ካ ሌዋቱካ፣ ባረንቱ ሄራን ደእያ አይሁዳ ግደና አሳቱዋ፣ ባረንታ ሻክበይክኖ። ኢንቱንቱካ ካናንቱ፣ ሂተቱ፣ ፓርዛዋናቱ፣ ያቡሳዋናቱ፣ አዋናቱ፣ ሞአባቱ፣ ግብጾቱን አሞራዋናቱ አልያዋዳን ቱና ኦሱዋ ኦልኖ።

2 ቃይ ባረንቶን ባረንቱ ናናዉ አይሁዳ ግደና ማጫ ናናቱዋ፣ ማቻቶ ኦሊደ አኬድኖ፤ ሄዋ፣ ደንዴዳዋን ጌሻ ዘረላቱ አይሁዳ ግደናዋንቱና ዋላከቲድኖ። ካለልያዋንቱን ካፓቱ አማነተናዋንታ ግዲደ፣ ሀዋ ማላ አላናዉ ሰንላ ጴራ ግደድኖ”።

3 ታን ሀ የወዋ ሰሴዳ ዋደ፣ ታ ማዩዋን ታ ቁማዩዋ ፔዳድ፤ ታ ሀጺያ ብናናን ታ ቡቻካ ሾዳድ፤ ቃይ ዳሮ ዳጋማደ ኡታ አጋድ።

4 አሞዲዋ፣ ሰሜዳ አሳይ ኦሊዳ ናጋራ ድራዉ፣ እስራኤልያ ጸሳይ ኦዴዳ ቃላዉ ያዩደ አሳይ ኡባይ ታን ደእያ ሳኦ ታኮ ሺቁዳ። አማርሳ ያርሹዋ ያርሸያ ዋዲ ጋካናሰካ ዳጋማደ ኡቶ ሳኦ፣ ታን ደንዳባይከ።

5 ሸን አማርሰ ያርሹዋ ያርሸያ ዋዲ ጋክያ ዋደ፣ ታ ማዩን ታ ቁማዩ ፖሽት ኡት ደእሸን፣ ታን ካወሻደ ኡቶ ሳኦ፣ ታን ደንዳድ። ቃይ ጉልባታደ መድና ጎዳ፣ ታ ጸሳኮ፣ ታ ኩሽያ ደንላደ፣ ሀዋዳን ያጋደ ዋሳድ፤

6 “አቤት ታ ጸሳዉ፣ ታን ታ ሰንላ ኔኮ ፑደ ደንላናዉካ ያያይነ ዩላታይ፤ አያዉ ጎፕ፣ ኑ ናጋራይ ዶረቲይ፣ ኑ ሀጺያ፣ ፑደ አዴዳ፤ ኑ ናቁካ ሳሉዋ ጋኬዳ።

7 ኑን ኑ ማይዛ አዋቱዋ ዋድያ፣ ደሚደ፣ ሀቼ ጋካናዉ፣ ኔና ሎይላ ናቁደ። ኑ ናጋራ፣ ደንደዳዋን ኑን፣ ኑ ካተቱን ኑ ቁሳቱ ሀእዋዳንካ አላጋ ካተቱዋ ኩሽያን ማሻዉ፣ አሞዳ፣ ቦንቁያዋን ወርሰሳ ዩላዉ አዲደ እመቲደ።

8 “ሸን ሀእ ኑዉ ጉላ ማርተላ ዋዲ እመቲዳ፤ አያዉ ጎፕ፣ መድና ጎዳይ ኑ ጸሳይ ኑ፣ አማራዳ ዘረላቱ አታና ማላ ኦሊዳ፤ ሀ ጌሻ ሳኦን እ ኑና ሳርተላን ዋሌዳ። ኑ ጸሳይ ኑ አይፍያ ደዬዳ፤ ቃይ ኑ አይለተላ፣ ኑዉ ጉላ ኦራሳ ደኡዋ እሜዳ።

9 ኑን አይልያ ግደ፣ ኑ ጸሳይ ኑና አይለተላን አግቤና፤ ኑ ደኡዋ ኦራሌዳ። ቃይ ኑ ጸሳ ጎልያ ኬጸና ማላ፣ ኮለቲዳዋ ኦራላና ማላን ይሁዳንን የሩሳላመን ኑን ሳርተላን ደኡና ማላ፣ ፓርሰ ቢታ ካተቱዋ ሰንላን ኑዉ ባረ አገና ሲቁዋ በሴዳ።

10 “ሸን ኑ ጸሳዉ፣ ሀእ ያትና፣ ኑን ዋጋናዉ ዳንዳዬቶ? አያዉ ጎፕ፣ ኑን ሀእካ ነ አዛዙዋ አግ አጌዳ።

11 ትሞቢትያ ኦድያ ነ ቆማቱዋ ባጋና ኔን ሀዋዳን ያጋዳ፤ ህንተ ላታናዉ ገልያ ጋዲ ሄ ጋድያን ደእያ አሳ ቱናተላ፣ ደንዴዳዋን ቱኔዳ፤

ሀ ጋጾ፣ ሀን ጋጾ ጋካናዉ፣ ኢንቱንቱ አ ባረንቱ ቱና ኪታን ኩንጫድኖ።

12 ሄዋ ድራዉ፣ ሀንተንቱ ሞኖ ግዳና ማላ፣ ሄ ጋድያ አይፍያ ማና ማላን መድናዉ ሀንተንቱ ናናቶ ላትሳና ማላ፣ ሀንተንቱ ማጫ ናና ኢንቱንቱ አቱማ ናናዉ አሞፕተ፤ ኢንቱንቱ ማጫ ናናካ ሀንተንቱ አቱማ ናናዉ አኮፕተ። ኢንቱንቱ ሳርተላንን ዲረተላን ደኡና ማላካ አሞቶፕተ”።

13 “ኑ ቦላ ጋኬዳ ኢታባይ ኡባይ ኑ ኢታ ኦሱዋ፣ ኑ ዋልቃማ ናቁዋ፣ ደንዴዳዋና። ግደ፣ ኔን ኑ ጸሳይ ኑ ናጋራ ዳሩዋ ኩሻ ኑና ፕርዳባይካ፤ ሸን ኑ፣ አማራዳዋንታ ዘረላዉ አሻዳ።

14 ያትና፣ ኑን ሀእካ ዘረላደ፣ ሀዋ ማላ ቱናባ ኦልያ አሳቱዋና እሙዋንን አኩዋን ዋላከቲደ፣ ነ አዛዙዋ እጼዶ ጋኔ? ቃይ ሀ አቲዳ ጉላ ዘረላቱካ ጳያና ጋካናዉ፣ ነ ሀንቁ ኑ ቦላን ዳረኔየ?

15 መድና ጎዳዉ፣ እስራኤልያ ጸሳዉ፣ ኔን ጽሉዋ። ኑ ናቁዋ፣ ደንዴዳዋን ኑ፣ አቲን ነ ሰንላን ኤቃናዉ ዳንዳየናዋ ግደ፣ ኑን ዘረላዉ አቲዳዋንቱ ሀቼ ሀዋን ነ ሰንላን ደኡቶ” ያጋድ።

10

አሳይ እዘራዉ እሞ ዛሩዋ

1 እዘር ጸሳ ጎልያ ሰንላን ኩንድ ዩኪደ ዋሰያ ዋደን ናጋራካ ፓጽያ ዋደ፣ እስራኤልያ አሳ፣ ዳሩ፣ ማጫዬ፣ አቱማዬን ናናይ ኡባይ አኮ ሺቁደ፣ ሞሻ ዩኩዋ አናና ዩኬድኖ።

2 ሄዋ፣ ጉይያን፣ ኤላማ ያራ ግዴዳ ይህኤላ ናአይ ሻካን ሀዋዳን ያጌዳ፤ “ኑን ሀ ቢታን ደእያ አይሁዳ ግደና ማጫዋንታ አኬዳ ድራዉ፣ ኑ ጸሳዉ አማነተበይኮ። ግደ፣ ቃይ እስራኤልያዉ ሀእካ ሀደታይ ደኤ።

3 ሄዋ ድራዉ ታ ጎዳዉ፣ ኔን ኑ ጸሳ አዛዙ ያይያዋንቱ ዘራዳዋዳን ኑን ሀ ማቻቱዋን ኢንቱቱ፣ የለቲዳ ናና ኡባ የደናዉ ኑ ጸሳና ጫቆቶይተ። ሀዋ ኡባይ ሀጌ ግያዋዳን ፖለቶ።

4 ሀ የወዋ ኑን ዋት አላንቶ፣ ኑና ካለላናዊ ነ ኦሱዋ ግድያ ድራዉ፣ ደንዳ! ሞና! ኑንካ ኔና ማዳና”።

5 እዘር ደንድ ኤቁደ፣ ካለልያ ቁሳቱ ዋ፣ ሌዋቱዋን እስራኤልያ አሳ ኡባ ሀ ጌተቲዳዋዳን አላና ማላ ጫቁሴዳ፤ ኢንቱንቱካ ጫቁድኖ።

6 ሄዋ፣ ጉይያን፣ እዘር ጸሳ ጎልያ ሰንላ፣ ደንዲደ፣ ኤልያሽባ ናአይ ያሆሀናን ደእያ ክፍልያ ገሌዳ። ኩመንላ ቃማ አሞዲዋ፣ ሰሜዳ አሳቱዋ ናጋራዉ ዩኪደ አቁዳ ድራዉ፣ ሄ ሳኦን ቁማ ሞቤና፤ ሃላካ ኡሽቤና።

7 ሄዋ፣ ጉይያን፣ አሞዲዋ፣ ሰሜዳ አሳይ ኡባይ የሩሳላመ ሺቃና ማላ፣ ይሁዳ ኡባንን የሩሳላመን አዋዩዋ አዋዩድኖ።

8 ሀ ሄዙ ጋላሳ ግደን ሄ ሳኦ ሸቀና አንነ ደኦ፣ አዉ ደእያባይ ኡባይ አፕ አከታናዳንን እካ አሞዲዋ፣ ሰሜዳ ሸቁዋ፣ ሻከቲደ የደርሰታናዳን ካፓቱን ጭማቱ ኩሼድኖ።

9 ሄ ጌተቲዳ ሄዙ ጋላሳቱ ወረናን ደእሸን፣ ኡዲፑንላ አግናን ላታማንላ ጋላሳን ይሁዳን ቢንያማ አሳይ ኡባይ የሩሳላመ ሸቁደ፣ ሀ ዴጾ

9:12 ከሳ 34:11-16፤ ዛረ. 7:1-5

የወወጡን ወልቃማ እራጥ ደንደዳዋን ኮኮሪድ፡ ጸላ ጎልያ ሰንፋን ደእያ ዳባባን ኡቲድኖ።

10 ሄዋጥ ጉይያን እዘር ደንድ ኤቂድ፡ ኡንቱንታ ሀዋዳን ያጌዳ፤ “እይሁዳ ግደና ማጫ አሳቱዋጥ ማቼቱዋ እኪደ ናቄድታ፤ ሄ ጋሱዋን እሰራኤልያ አሳ ናቄዋ ካሰዋጥካ ያ ዳርሴድታ።

11 ሀእ ህንተንቱ ናጋራ መጅና ጎዳዉ፡ ህንተንቱ ማይዛ እዋቱዋ ጸላዉ ፓጽተ፤ እ ደሰያባካ ኦሐተ። ሄ ቢታን ደእያ እይሁዳ ግደና አሳቱዋጥን እይሁዳ ግደና ህንተንቱ ማቼቱዋጥ ሻከትተ።”

12 ሄ ሳኣን ሺቄዳ ሺቄ ባረንቱ ኮሻ ጶቄ ኦሐድ፡ ሀዋዳን ያጌድኖ፤ “ኔን ኑዉ ኦዴዳዋዳን ኑን ኦላናዉ በሰ።

13 ሸን አሳ ፓይዱ ጮራ፤ እራይ ወልቃዎ ቡክያ ባልጉዋ። ያትያ ድራዉ፡ ኑን እራጥ አትያ ሳኣይ ባይና ሳኣን ሀዋን ኤቃናዉ ዳንዳዮኮ። ቃይ ኑን ሀ የወዋን ሎይሐ ናቄዳ ድራዉ፡ ሀዋ እት ጋላሳን ዋይ ላኡ ጋላሳን ገግያባ ግደና።

14 ሄዋ ድራዉ፡ ሀ ሺቄዳ አሳ ኮታን ኑ ካፓቱ ኮሸያዋ ኦሐኖ። ሀ የወዋጥ ደንደዳዋን ኑ ጸላ ወልቃዎ ሀንቁ ኑጥ ሰማና ጋካናዉ፡ ኑ ካታማቱዋን ደእያ እይሁዳ ግደና ማጫዋንታ እኬዳ ኡባይ ኬሬዳ ዋድያን የሩሳላመ ዪኖ፤ ቃይ ሄ ካታማቱዋ ጭማቱነ ፕርድያዋንቱካ ኡንቱንቱና ዪኖ” ያጌድኖ።

15 አሳሄላ ናኣይ ዮናታንን ቲቅዋ ናእይ ያህዛይ ጸላላይ ኡንቱንቱ ቆፋ ጳልቄድኖ፤ ቃይ ማሹላምን ሌዋያ ግዴዳ ሻባታይ ጳልቄያዋንታ ማዴድኖ።

16 ሄዋ ድራዉ፡ ኦሞዲዋጥ ሰሜዳ አሳይ ሄ ጌዳዋዳን ኦሐድኖ። ቄሲ እዘር ኡባ ዛራቱዋጥካ ካፓቱዋ ኡንቱንቱ ሰንፋን ሰንፋን ደሬዳ። ታማንላ አግናን ኮይር ጋላሳን ካፓቱ የወዋ ቆር ጸላናዉ ደሜድኖ።

17 ኮይር አግናን ኮይር ጋላሳይ ጋክያ ዋድ፡ እይሁዳ ግደና ማጫዋንታ እኬዳ አሳቱዋ ኡባ ቆሪደ ወርሴድኖ።

እይሁዳ ግደናዋንቱጥ ማቼያ እኬዳ አሳ ሰንፋ

18 እይሁዳ ግደና ማጫ አሳቱዋጥ ማቼያ እኬዳዋንቱ ሀዋጥ ካሊደ ጸፈቱዳዋንታ።

ቄሳቱ ዋጥ፡ ዮጸዴቃ ናና ግዴዳ ኢያሱነ እ እሻቱዋ ያራጥ ማእሴያ፡ ኤልኤዛራ፡ ያሪባን ጋዳልያ።

19 ሀዋንቱ ባረንቱ እይሁዳ ግደና ማቼቱዋ የዳናዉ ጫቄድኖ፤ ቃይ ባረንቱ ናቄዋ ድራዉ፡ ዉድያጥ እት ደርሳ ኦርግያ ናቄዋ ያርሹዋ ኦሐደ ያርሹድኖ።

20 እሜራ ያራን እይሁዳ ግደና ማቼቱዋ እኬዳዋንቱ ሀናናን ዛባድያ።

21 ሀሪማ ያራቱዋጥ ማእሴያ፡ ኤላሳ፡ ሻማእያ፡ ይህኤላን ኦዘያና።

22 ፓሽሁራ ያራቱዋጥ ኤልዮኤናያ፡ ማእሴያ፡ እሰማኤላ፡ ናታንኤላ፡ ዮዛባዳን ኤልኣሳ።

23 ሌዋቱዋጥ፡ ዮዛባዳ፡ ሻማእያ፡ ቃሊዳ ግያ ቀላያ፡ ፓታህያ፡ ይሁዳን ኤልኤዛራ።

24 ማዘሙርያ የጽያዋንቱጥ፡ ኤልያሽባ። ጥንግያ ናግያዋንቱጥ፡ ሻሉማ፡ ጸለማን ኡራ።

25 ቃይ ሀራ እሰራኤልያ አሳጥ፡ ፓርኦሻ ያራቱዋጥ ራምያ፡ ይዘያ፡ ማልክያ፡ ሞያሚና፡ ኤልኣዛራ፡ ማልክያን ባናያ።

26 ኤላማ ያራቱዋጥ ማታንያ፡ ዛካራሳ፡ ይህኤላ፡ ኡብዳ፡ ይረዋታን ኤላሳ።

27 ዛቱ ያራቱዋጥ ኤልዮኤናያ፡ ኤልያሽባ፡ ማታንያ፡ ይረዋታ፡ ዛባዳን እዚዛ።

28 በባያ ያራቱዋጥ ያሆሀናና፡ ሀናንያ፡ ዛባያን አትላያ።

29 ባና ያራቱዋጥ ማሹላማ፡ ማሉካ፡ አዳያ፡ ያሹባ፡ ሻኣላን ይረዋታ።

30 ፓሀት-ሞኣባ ያራቱዋጥ አድናሀ፡ ካላላ፡ ባናያ፡ ማእሴያ፡ ማታንያ፡ ባጸልኤላ፡ ቢኑያን ሞናሳ።

31 ሀሪማ ያራቱዋጥ ኤልኤዛራ፡ ይሸያ፡ ማልክያ፡ ሻማእያ፡ ሸምኣና፡

32 ቢንያማ፡ ማሉካን ሻማርያ።

33 ሀሹማ ያራቱዋጥ ማታናያ፡ ማታታ፡ ዛባዳ፡ ኤልፈሌሳ፡ የረማያ፡ ሞናሳን ሸምኣ።

34 ባና ያራቱዋጥ ማእዳያ፡ አምራማ፡ ኡኤላ፡

35 ባናያ፡ በድያ፡ ካሉሀ፡

36 ዋንያ፡ ማረዋታ፡ ኤልያሽባ፡

37 ማታንያ ማታናያን ያእሳ።

38 ቢኑያ ያራቱዋጥ ሸምኣ፡

39 ሸሌምያ፡ ናታና፡ አዳያ፡

40 ማክናዳባያ፡ ሻሻያ፡ ሻራያ፡

41 እዘርኤላ፡ ሸሌምያ፡ ሻማርያ፡

42 ሻሉማ፡ አማርያን ዮሴ።

43 ናቦ ያራቱዋጥ ይእኤላ፡ ማቲትያ፡ ዛባዳ፡ ዛቢና፡ ያዳያ፡ ዩኤላን ባናያ።

44 ሀዋንቱ ኡባቱ እይሁዳ ግደና ማቼቱዋ እኬዳዋንታ፡ እቱ እቱ ሀራይ አቶ ናናካ የሌድኖ።

ናህምያ ማጻፋ ገሉቀ

“ናህምያ” ግያ ሱንሳ ብለላይ እብራዌሉቸን “ጸሳይ ምንጭ” ግያዎ ገደደ፡ ጸሳይ ባረ እሳ ባረ ህደታ ቃላዳን አሞዱዋጥ ዛሪደ ምንጭያዎ በሴ። ናህምያ ማጻፋ ሄዙሳን ሻክ በእናዉ ዳንዳየቲ፡

1. ይሁዳ ቢታ አይሳና ማላ፡ ፓርስ ካቲ ኪቲዳ ናህሚ ካለለና፡ የሩሳላመ ድርሳ ግምቢ ኦራዴዳዎ ኦድያ ታርክያ። ሄዋጥካ ቃይ ናህሚ እሳ እትጥተሳን አማኑዋ ዎጋ ኦራሰጽሴዳዎ።
2. ጸሳ ህግያ ማጻፋ እዝር ናባቤዳዎን አሳይካ ባረ ናጋራ ፓዴዳዎ ኦድያ ግሹዋ።
3. ናህሚ ይሁዳ ጋድያ ሞድያዎ ግዲደ ኦዴዳ ሀራ ሀራባቲዋ ኦድያ ግሹዋ።

ሀ ማጻፋን ዳሪደ ቤትያ ታርኪ ናህሚ ጸሳ ሎይሳ አማኑዳዎን እ ጸሳ ዎሴዳ ዎሳቲዋባ ኦድያ ታርክያ።

ሸምጋቲዋ ኡባቶ አመቲዳ ቃንሳ ቆፋቲዋ

ናህሚ የሩሳላመ ሰሙሳ 1:1—2:20
የሩሳላመ ድርሳ አሳይ ዛረሳ ግምቤዳ 3:1—7:73

ሙሴ ህጊ ዛረሳ ናባቤቲሳን ቃላ ጫቁዋ ኦራጽሱዋ 8:1—10:39

ናህሚ የሩሳላመን ኦዴዳ ላምያ 11:1—13:31

ናህሚ የሩሳላመ ሰሙሳ

(1:1—2:20)

ናህሚ የሩሳላመ ድራዉ ኡንኤት ዎሴዳ

1 ሀካልያ ናኦ ናህምያ ቃላይ ሀዋ። አርጸክሰሰ ፓርስ ቢታን ካዉቶደጥ ላታማንሎ ላይሳን፡ ክሰሌዋ ጌተትያ አግናን፡ ታን ናህሚ ዋና ካታማ ግዴዳ ሱሳን ደአይ።

2 ታ እሻቲዋጥ እቲ፡ ሀናና ጎሳይ ሀራ አሳቲዋና እትጥ ግዲደ፡ ይሁዳጥ ታኮ ዬዳ፤ ታን አሞዱዋ ብቤናዋንቲባን የሩሳላመባ ኡንቲንታ ኦቻድ።

3 ኡንቲንቲ ዛሪደ፡ “አሞዱዋን ብቤናዋንቲን ደኡዋን ደእያዋንቲ ዎልቃማ መቲዋንን ዬላ ግደን ደእኖ። የሩሳላመ ግምቢያ ድርሳይ ኮለቲዳ፤ ቃይ ግምቢያ ድርሳ ፐንገቲካ ታማን ጸገቲድኖ” ያጌድኖ።

4 ታን ሀዋ ኡባ ሰሴዳ ዎደ ኡታደ ዬካድ። ዳር ጋላሳ ካዮታ ጸማደ፡ ሳሉዋ ጸሳ፡ ሀዋዳን ያጋደ ዎሳድ፤

5 “መጵና ጎዳዉ፡ ሳሉዋ ጸሳዉ፡ ዎልቃማዉን ቦንቼቲዳ ጸሳዉ፡ ደሰያዋንቲን ነ አዛዙዋ ናግያዋንቲ ነ እገና ሲቁዋ ጫቁዋ ናግያ ጸሳዉ።

6 ታን ነ ቆማይ ቃይ ነ ቆማቲዋ ግዴዳ እሰራኤልያ አሳ ድራዉ ቃማን ጋላሰ ነና ዎሰያ ዎሳ ነ ሀይላይ ሰሶ፤ ነ እይፊካ ዱገ ታኮ ጴሎ። ኑን እሰራኤልያ አሳይ ኦዴዳ ናጋራ ኡባ ነዉ ፓጸይ፤ ቲሙካ ታንን ታ ማይዛ አዎቲ ነና ናቲደ።

7 ኑን ነ ቦላን ሎይሳ ኢታ ናጋራ ኦዴደ፤ ኑን ነ ቆማ ሙሴ ባጋና ኑ እማዳ አዛዙዋ፡ ዎጋን ህግያ ናግቢይኮ።

8 ነ ቆማ ሙሴዉ ኑን ሀዋዳን ያጋደ ኦዴዳ ቃላ ሀያና ቆፓ፤ ‘ህንተኖ፡ እሰራኤልያ አሳቶ፡ ህንተንቲ ታዉ አማነተናን እጸጥ፡ ታን ህንተንታ አይሁዳ ግደና ቢታቲዋን ላላና።

9 ሸን ህንተንቲ ታኮ ሰሚደ፡ ታ አዛዙዋ ናጎጥ፡ ህንተንቲ ሀራይ አቶ ሳእ ጋጸ ጋካናዉ ላለትንቶካ፡ ታን ህንተንቲ ታዉ ጎይናና ማላ፡ ታን ታ ሱንሳዉ ደራዳ ሳአዉ ዛራደ ሺሻና ጌዳዋ ቆፓ።

10 “ሀዋንቲ ኑን ነ ዎልቃማ ዎልቃንን ነ ሞኖ ቀሰያን ዎዛ እኬዳ ነ ቆማቲዋን ነ አሳቲዋ።

11 እቤት መጋ ጎዳዉ፡ ታን ነ ቆማይ ዎሰያ ዎሳን ነና ቦንቻናዉ ደሰያ፡ ነ ቆማቲዋ ዎሳ ነ ሀይላይ ሰሶ። ታን ነ ቆማይ ሀቼ ኦላናዉ ኮዬዳባይ ታዉ ኡሸቻናዳን፡ ካትያ ዎዛና ሸግሳደ ታና ማዳ” ያጋድ።

ታን ሄ ዎደ ካትያዉ ኤሳ ትግያዋ።

2

ናህሚን አርጸክሰሰ የሩሳላመባ ሃሳዬድኖ

1 አርጸክሰሰ ካተቲዳ ላታማንሎ ላይሳን፡ ኒሳና ግያ አግናን፡ እት ጋላሰ ካትያ ሰንሳን ዎይንያ ኤሳይ ደእያዎ አካደ፡ ታን አዉ እማድ። ሄ ጋላሳጥ አትና፡ ካሰ ኡባካ ካትያ ሰንሳን ካዮታ ኡርከ።

2 ሄዋ ድራዉ፡ ካቲ ታና፡ “ኔና ሳክያባይ ባዋ፤ ሸን ሀዋ ኬሻ እያዉ ካዮታዲ? ሀዌ ነ ዎዛና ካዮዬዳባይ እት አየንቶ ደእያዎ በሰ” ያጌዳ።

ሄዋጥ ጉዮ ታን ሎይሳ ያያ ዛራደ፡

3 “ካቲ መጵናዉ ደኦ! ታ ማይዛ አዎቲ ሞገቲዳ ካታማይ ኮለቲደ ጳይና፡ ቃይ ሄ ካታማ ግምቢያ ድርሳ ፐንገቲካ ታማን ጸገትክቶና፡ ታን እያዉ ካዮትክታ?” ያጋድ።

4 ካቲካ ዛሪደ፡ “ያትና፡ ሀእ ታን ነዉ እያ ኦላናዳን ኮያይ?” ያጌዳ።

ታን ሳሉዋ ጸሳ ዎሳ ሰማደ፡

5 ካትያ ሀዋዳን ያጋድ፤ “ካትያዉ፡ ታን ነና ናሸቶያዎ ግደጥ፡ ቃይ ታ ኦቶያዎ ኑን እማናዉ ደሰጥ፡ ይሁዳ ቢታ፡ ታ ማይዛ አዎቲ ሞገቲዳ ካታማ ባደ፡ ሄ ካታማ ዛራደ ኬጸና ማላ፡ ታና የዳርከ”።

6 ሄ ዎደ፡ ካታታ ካትያ አርጸክሰሳ ኤለካ ኡት ደእሸን፡ ካቲ፡ “ኔ ብያ ኦጊ ዎይሳ ዎድያ አካናዌ? ቃይ ኑን አዉደ ሰማኒ?” ያጊደ ታና ኦቼዳ። ታንካ ታ ሰማና ዎድያ አዉ ኦዳድ፤ ካቲ ናሸቲደ፡ ታና የዴዳ።

7 ቃይካ ካትያ ታን ሀዋዳን ያጋድ፤ “ካትያዉ፡ ነና ናሸቶያዎ ግደጥ፡ ታን ይሁዳ ጋካናዉ፡ ሄ ቢታና አጳደ ባና ማላ፡ ኤፍራጺሳ ሻፋጥ አዋይ ዉልያ ባጋ ቢታ ሞድያዋንቶ ዳብዳቢ ጸፈቶ።

8 ቃይ ጌሻ ጎልያ ግምቢያ ድርሳ ፐንግያ ገግሳናዉ፡ ካታማ ግምቢያ ድርሳ ድራናዉን ታን ደእያ ጎልያ ኬጸናዉ ታዉ ሞላ እማና ማላ፡ ካትያ

ዎራ ናግያ አሳፋውካ ዳብደቢ ደፊቶ” ያጋድ።
ጸሳ ሎኦ ኩሺ ታናና ደእያ ድራው። ካቲ ታን
ኦቼዳዎ ኡባ እማዳ።

9 ካቲ ታናና አማራዳ ኦላ ጋዳዎቹዎን ፓራ
አሳቱዎ የዴዳ፤ ኡንቱንቱና እትፕ ኤፍራዲሳ
ሻፋፕ አዋይ ወልያ ባጋ ቢታ ባደ ጋካደ፤ ካቲ
የዴዳ ዳብደቢያ ሄ ጋድያ ሞድያዎንቶ እማድ።

10 ሸን ቤት-ሆርና ጋድ አሳ ግዴዳ ሳንባላጽን
አሞና ጋድያ ካቸዎ ግዴዳ ጸቢ፤ “እስራኤልያ
አሳው ሎኦባ ኦልያ አሳይ ዬዳ” ግያዎ ሰሴዳ
ዎደ፤ ሎይል ሀንቀቱድኖ።

ናህሚ የሩሳላመ ግምቢያ ድርሳባ ጸሌዳ

11 ታን የሩሳላመ ያደ ሄዙ ጋላሳ ያን ጋምኣድ።

12 ግድ ሸን፤ የሩሳላመው ታን ኦላናዳን ታ
ጸሳይ ታ ዎዛናን ዎሌዳ ቆፋ ኦኒ ኦዳቢይከ።
ሄዎፕ ጉይያን፤ ታናና ደእያ አሳፕ አማራዳዎንታ
እካደ፤ ቃማን ደንዲደ ባድ። ሄ ዎደ ታን
ቶጌዳዎፕ ሀራ ቶጋ መሂ ኦው ባዎ።

13 ታን ብላህያን ደንዲደ፤ ዛንጋራ ግምቢያ
ድርሳ ፕንግያና ከሳደ፤ ዳዊያ ፑልቱዎ ጌተትያ
ሳኦና አዳደ፤ ፕቱዎ ኦልያ ግምቢያ ድርሳ ፕንግያ
ጌተትያ ፕንግያ ጋካናው ባድ። ሄዎን ኮለቱዳ
የሩሳላመ ግምቢያ ድርሳነ ቃይ ታማን ጸገቱዳ
ግምቢያ ድርሳ ፕንገቱዎ አከካደ ጸላድ።

14 ሄዎፕ ሰማደ፤ ፑልቱዎ ግምቢያ ድርሳ
ፕንግያኮን ዳጋቱዳ ካትያ ሃላይ ደእያ ሳኦ ባድ።
ግድ ሸን፤ ታን ቶጌዳ ቶጋ መሂ አድያ ኦግያ
ደማቢይከ።

15 ሄዎ ድራው፤ ቃማን ሃላይ ጎግያ ካካ
ግዲዎና አዳ ግምቢያ ጸላድ። ሄዎፕ ጉይያን፤
ጉየ ሰማደ ዛንጋራ ፕንግያና ካታማ ገላድ።

16 ሄዎን ደእያ ካፓቱዎፕ ኦንነ ታን ሀቃ
ባድታንቶ፤ ዎይ ቃይ አያ ኦላድታንቶን ኤርቤና።
አያው ጎፕ፤ ታን አይሁዳቶ፤ ቁሳቶ፤ ቦንቼቱዳ
አሳቶ፤ ካፓቶን ከታ ከተታናው ደእያ አሳፕ ኦኒ
ታ ቆፋ ብር ኦደቢይከ።

17 ሄዎፕ ጉይያን፤ ታን ኡንቱንቶ ሀዎዳን
ያጋድ፤ “ኡን አይ ማላ መቱዎ ግዲዎን ደእንቶ
ቢኢታ፤ አያው ጎፕ፤ የሩሳላመ ካታማይ ኮለቱዳ፤
ቃይ ግምቢያ ድርሳ ፕንገቱካ ታማን ጸገቱድኖ።
ሸን ሀዎፕ ሰንላው ኡን ሀዎዳን ካውሺደ
ደኤናዳን፤ አኒ ደንዲደ፤ የሩሳላመ ግምቢያ
ድርሳ ዛረሲደ ግምቢያ” ያጋድ።

18 ቃይ ታ ጸሳ ሎኦ ኩሺ ታናና ደእያዎን ካቲ
ታው ኦዴዳዎ ኡባ ኡንቱንቶ ኦዳድ።

ኡንቱንቱካ፤ “አኒ ደንዲይተነ ዛረሲደ
ግምቢያ” ያጌድኖ። ባረንቱ ኩሸያ ሎኦ ኦሶ
ምንሴድኖ።

19 ሸን ቤት-ሆርና ጋድያ አሳ ግዴዳ
ሳንባላጽ፤ አሞና ጋድያ ኦሳንቻ ግዴዳ ጸቢነ
አራባ ጋድያ አሳ ግዴዳ ጌሼም ሀዎ ሰሴዳ
ዎደ፤ ኦ ቦላን ቅሊጨደ ሚጨድኖ። ቃይ፤ “ሀዎ
ሀንተንቱ ኦልያባይ አይ? ዎይ ቃይ ካትያ ቦላን
ማካላናው ኮዩቱ?” ያጊደ ኦቼድኖ።

20 ታን ዛራደ፤ “ሳሉዎ ጸሳይ ኦው እንጀያና፤
ኡን አ ቆማቱ ግምቢያ ደማና። ሸን የሩሳላመን
ደእያባፕ ሀንተንታ ጋክያ ገሹዎ ግድና፤ ማታ
ግድና፤ ዎይ ሀንተንቱ ደገተናዳን ቆፍሰያባይ
ሀንተንቶ ባዎ” ያጋድ።

3

የሩሳላመ ድርሳ አሳይ ዛረል ግምቢዳ
(3:1—7:73)

1 ሄዎፕ ጉይያን፤ ቁሰ ኡባቱዎ ካቸ ኤልያሽብነ
ሀራ ቁሳቱ ድርሳ ፕንግያ ግምቢያ ድርሳ
ዛረል ግምቢዳ፤ ጸሳው ዲማዬድኖ፤ ሳንቃካ
አሌድኖ። ኡንቱንቱ ጸቱ አዲሳ ማማን ሀናንኤላ
አዲሳ ማማ ጋካናው ግምቢዳ ግምቢያ ጸሳው
ዲማዬድኖ።

2 ኡንቱንቱ ጋጸን ደእያ ሳኦ እያርኮ አሳይ
ግምቢዳ።

ኡንቱንቱ ጋጸን ደእያ ሳኦ እምራ ናኦይ ዛኩር
ግምቢዳ።

3 ሀሰናኦ ናናይ ሞልያ ፕንግያ ግምቢያ
ድርሳ ግምቢዳኖ። ኡንቱንቱ ፕንገ ሞላ ኤሲደ፤
ሳንቃካ አሌድኖ፤ ቃይ ሳንቃው ጎርድያ ሞላነ ሞላ
ገልሰያ ኩልቡዎ ገግሴድኖ።

4 ኡንቱንቱ ጋጸን ደእያ ሳኦ ሀቆጸ ናኦ ግዴዳ
ኦርዮና ናኦይ ማረሞት ግምቢዳ።

አ ጋጸን ደእያ ሳኦ ማሸዛቤላ ናኦ በረክያ
ናኦይ ማሹላም ግምቢዳ።

አ ጋጸን ደእያ ሳኦ ባኦና ናኦይ ጸዶቀ
ግምቢዳ።

5 አ ጋጸን ደእያ ሳኦ ታቆአ ካታማ አሳቱ
ግምቢዳኖ፤ ግድ ሸን፤ ሄ ካታማ ካፓቱ ባረንቶ
አመቱዳ ኪታ አጾድኖ።

6 ፓሴሀ ናኦይ ዮዳሄን ባሶድያ ናኦይ ማሹላም
ኤጫ ፕንግያ ግምቢያ ድርሳ ግምቢዳኖ።
ኡንቱንቱ ፕንገ ሞላ ኤሲደ፤ ሳንቃካ አሌድኖ፤
ቃይ ሳንቃው ጎርድያ ሞላነ ሞላ ገልሰያ ኩልቡዎ
ገግሴድኖ።

7 ኡንቱንቱ ጋጸን ደእያ ሳኦ ጋባኦና ካታማ አሳ
ግድያ ማላጸነ መርኖታ ካታማ አሳ ግዴዳ ያደን
ግምቢዳኖ። ቃይ ጋባኦናን ሞጽጸ ካታማቱዎ
አሳቱካ ኡንቱንቱና እትፕ ግዲደ፤ ኤፍራዲሳ
ሻፋፕ አዋይ ወልያ ባጋ ቢታ ሞድያዎ ደእያ ጎልያ
ጋካናው ደእያ ሳኦ ግምቢዳኖ።

8 ዎርቃ ትግያ ሀርሃያ ናኦይ ኡዝኤል ኡንቱንቱ
ጋጸን ደእያ ሳኦ ግምቢዳ። ቃይ አ ጋጸን ደእያ
ሳኦ ሸቱዎ መድያ ሀናኒ ግምቢዳ። ኡንቱንቱ
ላኡ እትፕ አኩ ግምቢያ ጌተትያ ሳኦ ጋካናው፤
የሩሳላመ ግምቢያ ግምቢዳኖ።

9 ኡንቱንቱ ጋጸን ደእያ ሳኦ ሀራ ናኦይ፤
የሩሳላመ ዎራዳ ሻኩዎ ሞድያ ራፋይ ግምቢዳ።

10 ሀረማፋ ናኦይ ያዳይ ባረ ጎልያፕ ሰንላ
ባጋና ደእያ ሳኦ ግምቢዳ።

አ ጋጸን ደእያ ሳኦ ሀሻባንያ ናኦይ ሀጹኡሽ
ግምቢዳ።

11 ሀሪማ ናኦይ ማልኬነ ፓሀት-ሞኦባ ናኦይ
ሀሹብ አ ጋጸን ደእያ ሳኦ እቶነ አዲሳ ግምቢያ
ግምቢዳኖ።

12 ኡንቱንቱ ጋጸን ደእያ ሳኦ ሀሎሄሻ ናኦይ፤
የሩሳላመ ዎራዳ ላኤንሶ ሻኩዎ ሞድያ ሻሉምነ
አ ማጫ ናናይ ግምቢዳኖ።

13 ሀኑንነ ዛኖሀ ካታማን ደእያ አሳቱ እትፕ
ዛንጋራ ፕንግያ ግምቢያ ድርሳ ግምቢዳኖ።
ኡንቱንቱ ፕንግያን ሳንቃ አሊደ፤ ሳንቃው ጎርድያ
ሞላነ ሞላ ገልሰያ ኩልቡዎ ገግሴድኖ። ቃይ

ጥቅም አልያ ጥንግጥ ግምቢያ ድርሳ ጋካናው፡ ሻኦ ዋቆ አዲሳ ግምቢያ ጉጂደ ግምቢያድ።

14 ረካባ ናኦይ፡ ቤት-ሀካሬማ ዋራዳ ሞድያ ማልኪ ጥቅም አልያ ጥንግጥ ግምቢያ ድርሳ ግምቢያ። ጥንግጥን ሳንቃ አሏድ፡ ሳንቃው ጎርድያ ሞላን ሞላ ገልሰያ ኩልቡዋ ገገሴዳ።

15 ኮልሆዛ ናኦይ፡ ሞጽጳ ዋራዳ ሞድያ ሻሎም ፑልቱዋ ጥንግጥ ግምቢያ ድርሳ ዛረሏደ ግምቢያ። እ ጥንግጥው ጸራ ገገሴዳዋጥ ጉይያን፡ ሳንቃ አሏድ፤ ሳንቃው ጎርድያ ሞላን ሞላ ገልሰያ ኩልቡዋ ገገሴዳ። ሄዋ ቦላካ ቃይ፡ ሸላሀ ጌተትያ ዳጋቱዳ ሃላይ ደእያ ባጋና ካትያ አታክልትያ ሳኦጥ ደሚደ፡ ዳዊታ ካታማጥ ዬዳ አታክልትያ ጋካናው ደእያ ግምቢያ ግምቢያ።

16 ሄዋጥ ካልያዋ አዘቡቃ ናኦይ፡ ቤትጸራ ዋራዳ ሻኩዋ ሞድያ ናህሚ ግምቢያ፤ እ ዳዊታ ዱፋዋጥ ሰንሳ ባጋና ደእያ ሳኦ ጋካናው፡ ዳጋቱዳ ሃላይ ደእያ ሳኦ ጋካናውን ምልቃማቱዋ ጎልያ ጋካናው ደእያ ሳኦ ግምቢያ።

ሌዋቱ ግምቢያ ድርሳ ድሬድኖ

17 ሄዋጥ ካልያዋ ባና ናኦ ረሀማ አዎተላ ግደን ደእያ፡ ሌዋቱ ግምቢያድ።

ኤንቱንቱ ጋጸን ደእያ ሳኦ ቃኢላ ዋራዳ ሻኩዋ ሞድያ ሀሻቢ ባረ ዋራዳ ሱንሳን ግምቢያ።

18 አጥ ካልያዋ ሄናዳዳ ናኦይ፡ ቃኢላ ዋራዳ ላኤንሶ ሻኩዋ ሞድያ ባዋይነ አ እሻቱ ግምቢያድ።

19 ኤንቱንቱ ጋጸን ደእያ ሳኦ ኢያሱ ናኦይ፡ ሞጽጳ ዋራዳ ሞድያ ኤጾር ግምቢያ፤ እ ኦላ ሚሻ ዋሳያ ጎልያጥ ሰንሳ ባጋና ደእያ ሳኦ ጋካናውን ግምቢያው ዘዘያ ጋካናው ደእያ ሳኦ ግምቢያ።

20 አጥ ካልያዋ ዛባያ ናኦይ ባሩክ ግምቢያ ጋጸጥ ደም፡ ቢደ ቄሰያ ኡባቱዋ ካፑዋ ኤልያሽባ ጎልያ ጥንግጥ ጋካናው፡ ሞኖተላን ግምቢያ።

21 አጥ ካልያዋ ሀቆጸ ናኦ ግዴዳ ኦርዮና ናኦይ ማረሞት ኤልያሽባ ጎልያ ጥንግጥ ደም፡ ቢደ ጎልያ ወርሰላ ጋካናው ግምቢያ።

ቄሳቱ ግምቢያ ድርሳ ድሬድኖ

22 አጥ ካልያ ሄራ ጋድያን ደእያ ቄሳቱ ግምቢያድ።

23 ኤንቱንቱጥ ካልያዋ ቢንያሙነ ሀሹብ ባረንቱ ጎልያ ሰንሳን ደእያ ሳኦ ግምቢያድ።

ኤንቱንቱጥ ካልያዋ አናንያ ናኦ ግዴዳ ማእሴያ ናኦይ አዛረ ባረ ጎልያ ምይያን ደእያ ሳኦ ግምቢያ።

24 አጥ ካልያዋ አዛርያ ጎልያጥ ደም፡ ቢደ ግምቢ ዙቀት ሰም ሳኦ ጋካናው ደእያ ሳኦ ሄናዳዳ ናኦይ ቢኦይ ግምቢያ።

25 ኡዛያ ናኦይ ፓላል ግምቢያ ዙቀት ሰም ሳጥ ደም፡ ቢደ ናግያዋንቱ ዋቕያ ማማጥ ቆሞ ባጋና ኦይቀት ኬጸቱዳ ካትያ ጎልያ ቶቃ ግምቢያ ሰንሳ ጋካናው ደእያ ሳኦ ግምቢያ።

አጥ ካልያዋ ፓርኦሻ ናኦይ ፓዳይነ

26 ጌሻ ጎልያ ቆማቱ፡ ኦሬላን ደእያዋንቱ ግምቢያድ። ኤንቱንቱ ሃላ ጥንግጥ ግምቢያ ድርሳ ሰንሳና አዋይ ዶልያ ባጋና ደእያ ሳኦ ማማ ግምቢያ ጋካናው ደእያ ሳኦ ግምቢያድ።

ግምቢያ ድርሳ ድሬዳ ሀራ አሳቱዋ

27 ኤንቱንቱጥ ካልያዋ ታቆኦ ካታማ አሳይ ግምቢያጥ ሰንሳን ሀራ ባጋና ደእያሳጥ ቢደ፡ ኦሬላ ግምቢያ ድርሳጥ ሃክ ደእያ ምልቃማ ማማ ግምቢያ ጋካናው ደእያ ሳኦ ግምቢያድ።

28 እት እት ቄሳቱ ካ ፓራ ጥንግጥ ግምቢያ ድርሳጥ ቆሞና ደእያ ባረንቱ ጎልያ ሰንሳና፡ ሁጲሳ ባጋና ደእያ ሳኦ ግምቢያድ።

29 ኤንቱንቱጥ ካልያዋ አሜራ ናኦይ ጸዶቀ ባረ ጎልያ ሰንሳን ደእያ ሳኦ ግምቢያ።

አጥ ካልያዋ አዋይ ዶልያ ጥንግጥ ናግያ ሻካንያ ናኦይ ሻማኤ ግምቢያ።

30 አጥ ካልያዋ ሸሌምያ ናኦይ ሀናኒነ ጸላፋው ኡሱፑንሳ ናኦ ግዴዳ ሀኑን ግምቢያድ።

ኤንቱንቱጥ ካልያዋ በረክያ ናኦይ ማሹላም ባረ ደእያ ክፍለቱዋ ሰንሳን ደእያ ሳኦ ግምቢያ።

31 አጥ ካልያዋ ጸሞሰያ ግምቢያ ድርሳ ጥንግጥ ሰንሳን ደእያ ጌሻ ጎልያ ቆማቱነ ዛልአንቻቱ ጎልያ ጋካናው ደእያ ሳኦ ምርቃ ትግያ ማልክ ግምቢያ። ቃይካ እ ግምቢያ ጋጸን ቦላ ባጋና ደእያ ክፍልያ ጋካናው ደእያ ሳኦ ካ ግምቢያ።

32 ምርቃ ትግያዋንቱነ ዛልአንቻቱ ሄ ክፍልያጥ ደሚደ፡ ደርሳ ጥንግጥ ግምቢያ ድርሳ ጋካናው ደእያ ሳኦ ግምቢያድ።

4

ግምቢ ሸረት ግምቢተናዳን ድጋናው ደንዴዳ ቆፋ

1 ኑን ግምቢያ ድርሳ ኪታ ደሚዳዋ ሳንባላጽ ሰሴዳ ዋደ ሀንቁዋ ኤጽ ከሴዳ፤ ቃይ ሎይሶ ይሎቲደ፡ ኑና ቅሊጩዳ።

2 ባረ ላገቱዋነ ሳማርያ ኦላንቻቱ ሰንሳን እ ሀዋዳን ያጌዳ፤ “ሀዋንቱ፡ ሀ ፓ□ና አይሁዳቱ እያ ኦሊኖ? ካታማ ዛረሏደ ግምቢያው ኮዩኖ? ያርሹዋካ ያርሻናው ኮዩኖ? ኦሱዋ እት ጋላሰ ወርሳናዋ ኤንቱንቶ ማላቲየ? ግምቢያው ሹቻ ዛር ደኡዋን ዋላናው ዳንዳየት?”

3 እ ምይያን ኤቄዳ አሞና ጋድያ አሳ ግዴዳ ጸቢካ ቃይ ሀዋዳን ያጌዳ፤ “ኤንቱንቱ ቃይ አያነ ግምቢያ ግምቢያው ዳንዳዪዬ? ኤንቱንቱ ግምቢያ ድርሳ ግምቢያ ቦላን ዋራካናይ ከሰንቶነ ኩንድ አጋና።”

4 ሄዋጥ ጉይያን፡ ታን ሀዋዳን ያጋደ ዋሳድ፤ “ኑ ጸሳው፡ ኤንቱንቱ ኑና ዋት ዋት ቅሊጩንቶ ሀዋ ሰሳ! ኤንቱንቱ ኑና ሸቄያ ሸቃይ ኤንቱንቱ ሁጲያን ሰሞ። ባረንቶ ደእያ አቁዋ ቦንቀት ክቺደ፡ አላጋ ጋድያን አሞደቱዳ አሳ ግድኖ።”

5 ኤንቱንቱ ናቁዋ ገንሶ፤ ኤንቱንቱ ናጋራካ ነ ሰንሳጥ ሙላ ቁጮ፤ አያው ጎጥ፡ ግምቢያ ግምቢያዋንታ ኑና ሸቃን ካወሼድኖ።

6 ኑን ግምቢያ ድርሳ ኦሱዋ አገናን ኦሌዳ። ቃይ አሳይካ ኦሱዋ ሞኖተላን ኦሌያ ድራው፡ ግምቢያ ድርሳ ቶቃተላይ ኤላካ ባካ ኬሻ ግድ አኼዳ።

7 ሳንባላጽ፡ ጸቢ፡ አራባ ጋድያ አሳይ፡ አሞና ጋድያ አሳይነ አሸደዳ ካታማ አሳይ የሩሳላሙ ግምቢያ ድርሳ ኪታይ ሎኦ ሀኖተላን ኦሰቲደ

ደገዳዎን ኮለቲዳ ሳኦቲካ ባረቲዳ ዋደ ሎይሐ ሀንቀቲድኖ።

8 ሄዋጥ ደንዴዳዎን እትጥ የሩሳላመ ዪደ ኑና ኦላናውን ሻቢርሳናው ማቀቲድኖ።

9 ሸን ኑን ኑ ጸሳኮ ዋሴደ፤ ኡንቱቱጥ ደንዴዳዎን ቃማን ጋላሰ ናግያ ናጋንቻቱዋካ ዋሴደ።

10 ሄ ዋድያን ይሁዳ አሳይ ሀዋዳን ያጌድኖ፤ “ቶኩዋ ቶክያዌ ካሰዋጥ ኑና ላባንሴ፤ ቃይ ደንገናው ኮሽያ ግምቢያጥ ኮለቲዳ ዳሮ ሹቻይካ ብር ደኤ። ያትና፣ ኑን ሀቼ ሀ ግምቢያ ዋቲደ ግምባናው ዳንዳዬቶ?”

11 ኑ ሞርከቱ፣ “ኑን ቢደ ኡንቱንቱ ግዶ ጋካናው፣ ኡንቱንቱ ኦሱዋ ኡጋናዳን ተአናውን ኡንቱንታ ዋቆና ጋካናው፣ ኡንቱንቱ ኤርክኖ” ያጌድኖ።

12 ግዶ ሸን፣ አይሁዳቱ ዛር ዛር ኩኮ ዪደ፣ “ኡንቱንቱ ሙላ ባጋና ዪደ፣ ኑና ኦላናዋንታ” ያጌደ ኑው ኦዴድኖ።

13 ሄዋ ድራው፣ ኑ አሳጥ ማሻ፣ ቶራን ዋንዳፍያ ኦይቂደ አሳ ኡንቱንቱ ዛርያን ዛርያን ማራደ፣ ኪታይ ወርቤና ሄራን ግምቢያጥ ዘኮ ባጋና ናጋናዳን ዋሳድ።

14 አሳይ ሻቢርቲዳዋ ታን በኤዳ ዋደ፣ ደንዳ ኤቃደ፣ ኡንቱንታ፣ ኡንቱንቱ ካለላያዋንታን ሀራ ካገቱዋ ኡባ ሀዋዳን ያጋድ፤ “ኑ ሞርከቶ ያዮፕተ! ጎዳይ ዋልቃማን ሆላ ጌተትያዋ ግድያዋ ሀሳይተ። ሄዋ ድራው፣ ሀንተንቱ ዛረቶ፣ ሀንተንቱ አቲማ ናናቶ፣ ሀንተንቱ ማጫ ናናቶ፣ ሀንተንቱ ማቶያውን ሀንተንቱ ጎልያው ኦለትተ” ያጋድ።

15 ኑ ሞርከቱ ኑና ቆሀናው ማቀቲዳዋ ኑን ኤራዳዋ ኡንቱንቱ ሰሴድኖ። ቃይ ጸሳይካ ኡንቱንቱ ማቀዋ ሀዳ ከሴዳዋ እኬኬድኖ።

ሄዋጥ ጉይያን፣ ኑን ኡባይካ ሰሚደ፣ ኑ ግምቢያ ድርሳ ኦሱዋ ደሚደ።

16 ሄ ዋድያጥ ደሚደ፣ ታ ቆማቱዋጥ ባካይ ኦሱዋ ኦላያ ዋደ፣ ባካይ ትራን ዋላያ ኦላ ሚሻ ማዪደ፣ ቶራ፣ ጎንዳልያን ዋንዳፍያ ኦይቂደ ናጋናዳን ኦላድ። ቃይ ካገቱካ ይሁዳ አሳ ኡባጥ ጉየና ኤቂደ ምንጋላ።

17 ግምቢያ ድርሳ ግምቢያዋንቱን ኮሽያዋ ቶክያዋንቱ ኡባይ እት ኩሽያን ኦላ ሚሻ ኦይቂደ፣ እት ኩሽያን ኦሱዋ ኦላድ።

18 ግምቢያ ኦሱዋ ኦላያ ኡባይ ማሻ ባረ ጸሳን ዳንጭ ዳንጭ ኡቲዳ። ማላካታ ፑንያዌካ ኡባ ዋደ ታጥ ሻከት ኤረና።

19 አሳ ካለላያዋንታ፣ ካገቱዋን አሳ ኡባ ታን ሀዋዳን ያጋድ፤ “ግምቢያ ድርሳ ኪታይ ዋልቃማን ሎይሐ አካ ግድያዋጥ ደንዴዳዎን፣ ኑን እቱ እቱዋጥ ሻከቲደ ሃኬደ።

20 ሄዋ ድራው፣ ሀንተንቱ ማላካታ ፑና ሰሰያ ዋደ፣ እ ፑንትያ ሳኦ ታኮ ሃ ሸቅተ። ኑ ጸሳይካ ኑ ድራው ኦለታናዋ”።

21 ኦሱዋ ዋንቱማላ ሳሉ ዘእያ ዋድያጥ ደሚደ፣ ኦማርሰ ጸልንቲ ከሳና ጋካናው ኦላያ ዋደ ኡባን፣ ባጋይ ኦላያ ዋደ፣ ባጋይ ቶራ ኦይቂደ ናጌኖ።

22 ሄ ዋደ ታን አሳው ሀዋዳን ያጋድ፤ “ቃማን ኑና ናጋናውን ጋላሰ ቃይ ኪታ ኦላናው ሀንተንቱ ኡባይካ ሀንተንቱ ቆማቱካ የሩሳላመን እቅተ”።

23 ሄዋ ድራው፣ ታና ግድና፣ ታ እሻቱዋ ግድና፣ ታ ቆማቱዋ ግድና፣ ዋይ ቃይ ታና ናግያዋንታ ግድናካ፣ ኑን ኡባይካ ኑ ማዩዋ ከሰናን እቅቶ፤ ቃይ ኑ ኦላ ሚሻይካ፣ ኑጥ ኡባካ ሻከተና።

5

ሀዬሳቱ ናቀቲናዳን ናህም ኦሌዳ

1 አቲማዌን ማጫዌ ባረንቱ ዛርያ ግዴዳ አይሁዳቱ ቦላን ዋልቃማ ጫቡዋ ከሴድኖ።

2 ኡንቱንቱ ሀዋዳን ያጌድኖ፤ “ኡን፣ ኑ አቲማ ናናይን ኑ ማጫ ናናይ ጮራ፤ ሄዋ ድራው፣ ኑን ሚደ ፓጸ ደአና ማላ፣ ኑው ካላይ ኮሽ።”

3 ሀራቱ ቃይ፣ “ኑና ጋኬዳ ኢታ ኮሻጥ ኑና አሸያ ቁማ ደማና ጊደ፣ ኑ ጎሻይ፣ ኑ ዋይንያ ቱራ ሳኦይን ኑ ኬላይ አተናን አሳው ኦይሴደ” ያጌድኖ።

4 ሀራቱካ ቃይ ሀዋዳን ያጌድኖ፤ “ኑ ጎሻውን ኑ ዋይንያ ቱራ ሳቶ ካቲ ኦቼዳ ጊራ ጭጋናው ሚሻ ታልእያ እኬደ።

5 አይሁዳ ዛራቱዋና ኑን እት አሹዋ፤ ኑ ናናይካ ኡንቱንቱ ናና ማላ። ሸን ኑን ኑ የሌዳ ናና አይለተላው አሊደ እማናው ግደቲደ፤ ኡባ ቃይ ኑ ማጫ ናናቱዋጥ እቱ እቱ አይለተላው ዛልኤቲድኖ። ግደጥን፣ ኑ ጎሻይን ኑ ዋይንያ ቱራ ሳኦቲ ኑጥ እከት ድጎ ድራው፣ ኑን አይን ኦላናው ዳንዳዮኮ”።

6 ኡንቱንቱ ጫቡዋን ሀ ቃላ ታን ሰሴዳ ዋደ፣ ሎይላ ሀንቀታድ።

7 ኦላናዋ ታ ዋዛናን ቆጋደ፣ አሳ ካለላያዋንታን ካገቱዋ ጸሳደ፡- “ሀንተንቱ ሀንተንቱ ዛራቱዋ የሉዋ ጭግሰያዋን ኡቁኒታ” ያጋደ ኡንቱንታ ሞታድ።

ሄ ሙቱዋባ ሃሳዪደ ብላናው ዋልቃማ ሸቁዋ ኡንቱንቱና ኡዳድ።

8 ሀዋዳን ያጋድ፤ “አይሁዳ ግደናዋንቶ ዛልኤቲዳ አይሁዳ ዛርያ ግዴዳ ኑ እሻቱዋ ዋዛናው ኑን ኑ ዋልቃይ ዳንዳዬዳዋ ኡባ ኦላድ። ሸን ሀንተንቱ ቃይ፣ ሀንተንቱ እሻቱዋ ግዴዳ ሀንተንቱ ዛርያ ሀንተንቶ ባረንታ ዛልእና ማላ ኦላደ ደኢታ”። ካለላያዋንቶ ዛርያ ቃላይ ቆይና፣ ጮኡ ያጌድኖ።

9 ታን ቃይካ ሀዋዳን ያጋድ፤ “ሀንተንቱ ኦላያባይ ልክ ግደና፤ ኑ ሞርከቱ፣ አይሁዳ ግደናዋንቱ ኑ ቦላን ቅሊጫና ማላ፣ ኑ ጸሳው ያያናውን ልክ ግድያባ ኦላናው ሀንተንቶ በሰኔ?”

10 ታን ታ ሁጺያው፣ ታ እሻቱዋን ታ ቆማቱካ ኡንቱንቶ ሚሻን ካላ ታልኤደ፤ ግደ ሸን፣ እን ኡንቱንቱጥ የሉዋ አክያዋ አጎይተ።

11 ኡንቱንቱ ጎሻቱዋ፣ ዋይንያ ቱራ ሳኦቲዋ፣ ዛይትያ ዋጋራቱዋን ጎለቱዋ ኡባካ ኡንቱንቶ ሀቼ ዛርተ። ቃይ ሚሻን፣ ካላን፣ ዋይንያ ኤሳን ግድና ዛይትያን፣ ሀንተንቱ ኡንቱንቱጥ እኬዳ ጸቱዋጥ እት ኩሽያ የሉዋ ኡባ ኡንቱንቶ ኤለካ ዛርተ”።

5:7 ከሳ 22:25፣ ዋጋ 25:35-37፣ ዛረ. 23:19-20

12 ኢንቲንቴካ ዛሪድ፡ ሀዋዳን ያጌድኖ፤ “ኑን ኡባባካ ኢንቲንቴካ ዛሪድ፡ ኢንቲንቶ እማና፤ ኢንቲንታ እያን ኦቶኮ። ኔን ጋደ ደእያዋዳን፡ ኑን ኦላና።”

ሄዋጥ ጉዮ ቁሳቱ ዋ ሃ ታኮ ጸጋደ፡ ባረንቲ ጌዳ ቃላ ፖላና ማላ፡ ጫቀላናዳን ኦላድ።

13 ሄዋጥ ጉይያን፡ ታ ማዩዋ ቆቆፋደ ሀዋዳን ያጋድ፤ “ኑን ህንተጥ ባረ ጌዳ ቃላ ፖላናን ቆፍጥ፡ ጸሳይ እ ሀዋዳን እ ጎልያጥን እ አቁዋጥ ቆቆፎ፤ አካ ቆቆፈቲደ መላ እቶ።”

ሽቄዳ አሳይ ኡባይ እት ቃላን፡ “አመንእ” ያጊደ መፎና ጎዳ ጋላቲድኖ። አሳይ ኡባይ ባረ ጫቁዳዋዳን ኦላድ።

ናህምያ ጋራተላ

14 እርጸክሰሰ ካተቲዳ ላታማንላ ላይላጥ ቢደ፡ ሀታማን ላኤንላ ላይላ ጋካናወ፡ ታን ይሁዳ ሞድያዋ ግዳደ ሱን ታድ። ሄ ታማን ላኤ ላይላን፡ ታና ግድና ዋይ ታ እሻቱ ሞድያዋ በሰያ ቁማ ድርጉዋ አክበይኮ።

15 ሽን ታጥ ካሰና ሞድያዋንቱ አሳወ ዳጾ ቶኮ ግዳደ፡ ሀቼ ሀቼ ካላውነ ዋይንያ ኡሻው ኦይታው ጸጋራ ብራ ጫግሴድኖ። ሀራይ እቶ እይሰያዋንቶ ቆማቲካ ባረንቲ አሳ ቦላን ጎዳ ማላትሲደ ጋምኤድኖ። ግደጥን፡ ታን ጸሳወ ያዬዳ ድራወ፡ ሄዋዳን አላበይኮ።

16 ታናተላ ኡባ የሩሳላመ ግምቢያ ድርሳ ኦሶ እማድጥ እትን፡ ታ ሁጸው እይ ጋድያን ሻማበይኮ። ታ ቆማቲካ ኡባይ ታናና ሄ ኪታን እትጥ ጋምኤድኖ።

17 ኑ ሄራን ደእያ አይሁዳ ግደናዋንቱጥ ኑኮ ዬዳ አሳይ ባይናን ደእሸን፡ ሀቼ ሀቼ ታናና ታ ማሶፍያን ሞያ አይሁዳቲክ ኢንቲንታ ካለልያዋንቱ ፓይዳ ጸጋን እሻታማ።

18 ሀቼ ሀቼ እት ቦራ፡ ኡሱፑን ደረቲዳ ደርሳቲዋን ዳር ኩቶቲዋ ሹክ ሹኪደ፡ አሳወ ሺሸኖ፤ ቃይ ታው ጋላሳን እት ገደ ዳር ባላ ዋይንያ ኤሳ ኢንቲንቶ አጊኖ። ሽን አሳ ቦላን ደእያ ቶኩ ዳጾዋ ግድያዋ ታን ኤርያ ድራወ፡ ጋድያ ሞድያዋ በሰያ ቁማ ድርጉዋ ኦቻበይኮ።

19 “ታ ጸሳወ፡ ታን ሀ አሳወ ኦላዳ ሎኦተላ ኡባ ቆፓደ፡ ታወካ ሎኦተላ ኦላ” ያጋድ።

6

እሱ አሰት ፖለተናዳን ደንዴዳ የወዋ ጸኑዋ

1 ሳምባላጽ፡ ጸቢ፡ እራባ ጋድያ አሳ ግድያ ገሼምን ሀራ ኑ ሞርከቱ ኑን ግምቢያ ድርሳ ኦላደ ፖሎዳዋን ቃይ ኦሰትቤና ፓጫ ሳኦይካ እቲክ እትቤናዋ ሰሴድኖ። ግደ ሸን፡ ኑን ግምቢያ ድርሳ ፕንገቱዋን ብር ሳንቃ ገልሰበይኮ።

2 ሄዋ ኢንቲንቲ ሰሴዳ ዋይ፡ ሳንባላጽን ገሼም ሀዋዳን ያጊደ፡ ታኮ ኪቲድኖ፤ “ኡና ጌተትያ ደምባን ደእያ ቄር ካታማቲዋጥ እቲዋን ያደ ኑናና ጋከታ”። ሽን ኢንቲንቲ ታ ቦላ ኢታ ኦላናወ ማቀቲድኖ።

3 ሄዋ ድራወ፡ ታን ኢንቲንቶ ሀዋዳን ያጋደ ዛራ ኪታንቻቲዋ ኪታድ፤ “ታወ ዳር ኪታይ ደኤ፤ ሄዋ ድራወ፡ ታን ህንተንቲ ግያ ሳኦ ባናወ

ዳንዳይከ። ታን ዲገ ህንተንቲኮ ቢና፡ ኪታይ እያወ ጹብቲ?”

4 ሄ ኪታ ዛር ዛር ኦይዳ ገደ ታኮ ኪቲድኖ፤ ሽን ታን እት ማላ ዛራዋ ኢንቲንቶ እማድ።

5 እቼሸንሎዋን ሳምባላጽ ባረ ቆማ ቦላ ደያ ደእያ ዳብዳቢያ ታኮ ኪቲዳ።

6 ዳብዳቢካ ሀዋዳን ያጌ፤ “ኔን ነ ዛርያ ግዴዳ አይሁዳቲ ማካላናወ ቆፔዳዋን ሄዋጥ ደንዴዳዋን ግምቢያ ድርሳ ግምቢያዋ ሾር ጋድያን ደእያ አሳይ ኡባይ ሃሳይያዋ ገሼም ታወ ኦይዳ። ቃይ ኔን ኔና ካትያ ከሳናወ ኮይያዋ፤

7 ኔን ይሁዳ ካትያ ግድያዋ የሩሳላመን አዋያና ማላ፡ ትምቢትያ ኦይያዋንታ ነ ዋሌዳዋካ እ ታወ ኦይዳ። ሀ ዋርያ ካቲ ሰሱሳይ አተና። ሄዋ ድራወ፡ ታናና ጋከታደ ዘረታናወ ሃያ።”

8 ታንካ፡ “ሀ ኔን ግያ የወዋ ኡባይ ኡባካ ቱማ ግደናዋን ኔን ጮ መጴዳዋ” ያጋደ ዛራድ።

9 ኑ አልያ ኪታይ ፖለተና ማላ፡ “ኢንቲንቲ ኩሺ ኦሶ ዳቡር ክቼዳ” ያጊደ ኢንቲንቲ ኑና ያሸሲደ ጋምኤድኖ።

ሄዋ ድራወ፡ “ኑ ጸሳወ ሀእ ታና ሞን ላርኪ” ያጋደ ታን ዋሳድ።

10 ሄዋጥ ጉይያን፡ ሶፐ ከሰናዳን ጎርድ ዋሌዳ ማሄጸብኤላ ናኦ ናኦ ዳላያ ናኦ ሻማእያኮ ባድ። እ ታወ ሀዋዳን ያጌዳ፤ “እት ቃማ አወደንቶ ኢንቲንቲ ኔና ዋቆናወ ያና ደእያ ድራወ፡ ኔን ታን ጸሳ ጎልያ ግደ ገሊደ፡ ጸሳ ጌሻ ጎልያ ግድን ጸሳ ጌሻ ጎልያ ፕንገቱዋ ጎርዲደ ጋከቶይተ”።

11 ታን ሀዋዳን ያጋደ ዛራድ፤ “ታና ማላትያ አሳይ ባቃቲ? ዋይ ቃይ ታና ማላትያ አሳይ ጌሻ ጎልያ ግደ ገሊደ፡ ባረ ሸምቲዋ አሺ? ታን ሄዋ ኡባካ አልከ”።

12 ታ የወዋ ቆፕያ ዋይ፡ ቲሙካ እ ጸሳይ ኪቲዳ ትምቢትያ ኦይያዋ ግደናዋን ጸቢኒ ሳንባላጽ እ ሚሻን ሻሜዳ ድራወ፡ ታ ቦላ ዋርዶ ትምቢትያ ኦይያዋ ግድያዋ አኬካድ።

13 እ ሚሻን ሻመቲዳ ጋሱ ታን ያያደ፡ እ ግያዋዳን ኦላደ ታን ናጋራን ገላናዳና። ያትና፡ ኢንቲንቲ ኡባይ ሄዋ ሰሴዳ ዋይ፡ ታና ካፎሰያባ ታ ቦላን ደማናሳ።

14 “ታ ጸሳወ፡ ጸቢኒ ሳንባላጽ ኦላዳዋ ቆፓ። ኖኦደ ጌተትያ ማጫ ትምቢትያ ኦይያናን ሀራ ትምቢትያ ኦይያዋንቲ ኡባይ ታና ያሸሳናወ ኢንቲንቲ ኦላዳዋ ኡባካ ቆፓ” ያጋድ።

ግምቢያ ድርሳ እሱ ፖለቲዳ

15 ግምቢያ ድርሳ ኪታይ እሻታማን ላኤ ጋላሳን፡ ኤሉላ ጌተትያ አግናን ላታማን እቼሻንላ ጋላሳን ፖለቲዳ።

16 ኑ ዩሹዋን ደእያ ካወተላቲዋ ግደን ደእያ ኑ ሞርከቱ ሄዋ ሰሴዳ ዋይ ያዬድኖን ዩላቲድኖ። እያወ ጎፐ፡ ሀዋ ኪታይ ኑ ጸሳይ ማድና ኦሰቲዳዋ አኬኬድኖ።

17 ሄ ዋድያን አይሁዳቲዋ ካለልያዋንቲ ጸቢያወ ጮራ ዳብዳቢቲዋ ጸፌድኖ፤ ጸቢ ዛሪድ፡ ኢንቲንቶ ጸፌዳ።

18 እያወ ጎፐ፡ እ አራሀ ናኦ ሻካንያ ናቶ አኬዳ ድራወን እ ናኦይ ያሆሀናን በረክያ ናኦ ማሹላማ ናቶ አኬዳ ድራወ፡ ይሁዳጥ ዳራቲ አናና ጫቀት ኡቲድኖ።

19 ኢንቱንቱ ጸቢ ኦሌዳ ሎኦባ ኡባ ታ ሰንጻን ሃሳይኖ፤ ቃይ ታን ግያዋካ አዉ ኦዲኖ። ጸቢካ ታና ያሽሳናዉ ዲብደብቱዋ ጻፍ ዩዴ።

7

1 ግምቢያ ኪታይ ዉርና፡ ፐንገቱዋንካ ሳንቃይ ገሌዳ። ቃይ ፐንገያ ናግያዋንቱ፡ ማዝሙርያ የጽያዋንቱ፤ ሌዋቱ ባረንቱ ኪታን ኪታን ገሌድኖ።

2 ሄዋፕ ጉይያን፡ የሩሳላሙ ካታማ አይሰያ ማታ ታ እሻ ሀናናዉን ጌሱዋ ጋዳዋ ሀናንያዉ እማድ። ሀናኒ ሀራ ኡባፕ አጴዳ ቱማንቻን ጸሳዉ ያይያ አሳ።

3 ታን ኢንቱንታ ሀዋዳን ያጋደ አዛዛድ፤ “ዋንታ አዋይ ከሰደ ሆኦና ጋካናዉ፡ የሩሳላሙ ግምቢያ ፐንገቱዋ ዶዮፕተ። ቃይ ኦማርሰ ናግያዋንቱ ባረንቱ ኦሱዋ ዉርሲደ ባናፕ ካሰቲደ፡ ፐንገቱዋ ሎይል ጎርዳናዳን ኦሳተ። ሄዋ ቦላካ የሩሳላሙን ደእያ አሳፕ ዶሪደ፡ እቱ እቱ ካላን ካላን ናጋናዳንን ቃይ ሀራቱ ባረንቱ ሄራን ደኢደ፡ ባረንቱ ጎልያ ኬሻ ኬሻ ናጋናዳን ኦሳተ” ያጋድ።

አዋዲዋፕ ሰሜዳ አሳ ሱንጻ (እዝራ 2:1-70)

4 ሄ ዋደ የሩሳላሙ ካታማይ ሎይል እኮነ ዋልቃማ፤ ሸን አ ግዶን ደእያ አሳ ፓይዱ ሎይል ጉላ። ቃይ ዳር ጎሊካ ብር ኬጸትቤና።

5 ሄዋፕ ጉይያን፡ አሳ ካለልያዋንታ፡ ካፓቱዋን አሳ ኡባ ሸሻደ ኢንቱንቱ የለታ ማራን ማራን ማዝጋባና ማላ፡ ጸሳይ ታና ቆፍሴዳ። ኦዋዲዋፕ ካሰቲደ ሰሜዳ አሳ የለታ ማራ ማጻፋካ ደማድ፤ ሄ ማጻፋን ጸፈቲዳዊ ሀዋ።

6 ባብሎን ካቲ ናቡካዳናጸረ አዋዲደ፡ ባረ ጋድያ አፌዳ አሳፕ ጉየ ባረንቱ ካታማ ካታማ የሩሳላሙን ይሁዳ ሰሜዳ አሳቱ ሀዋፕ ካልያዋንታ።

7 ኢንቱንቱ ካፓቱ ዛሩባቤላ፡ ኢያሳ፡ ናህምያ፡ አዛርያ፡ ራእምያ፡ ናህማና፡ ማርድክዮሳ፡ ብልሻና፡ ሞሰፕሬታ፡ ብግዋያ፡ ናሁማን ባኦና። አዋዲዋፕ ሰሜዳ እሰራኤልያ አሳ ፓይዱ ሀዋ።

- 8 ፓርኦሻ ያራቱ 2,172.
- 9 ሻፋጽያ ያራቱ 372.
- 10 አራሀ ያራቱ 652.
- 11 ኢያሱን እዮኦባ ናና ግዴዳ ፓሀት-ሞኦባ ያራቱ 2,818.
- 12 ኤላማ ያራቱ 1,254.
- 13 ዛቱ ያራቱ 845.
- 14 ዛካያ ያራቱ 760.
- 15 ቤኦያ ያራቱ 648.
- 16 በባያ ያራቱ 628.
- 17 አዘጋዳ ያራቱ 2,322.
- 18 አድንቃማ ያራቱ 667.
- 19 ብግዋያ ያራቱ 2,067.
- 20 አዲና ያራቱ 655.

21 ሀዘቂያሳ ያራ ግዴዳ አጼራ ያራቱ 98.

22 ሀሹማ ያራቱ 328.

- 23 በጸያ ያራቱ 324.
- 24 ሀሪፋ ያራቱ 112.
- 25 ጋባኦና ያራቱ 95.

26 ቤተሌሙን ናጸፋ ካታማቱዋ አሳይ 188.

27 አናቶታ ካታማ አሳይ 128.

28 ቤት-አዝማዌቱዋ ካታማ አሳይ ኦይታማን ላኡዋ።

29 ቅርያት-ይኦሪማ፡ ካፊራን ባኤርታ ካታማቱዋ አሳይ 743.

30 ራማን ገባኦ ካታማቱዋ አሳይ 621.

31 ሞክማሳ ካታማ አሳይ 122.

32 ቤቴለን አታ ካታማቱዋ አሳይ 123.

33 ላኤንላ ናቦ ጌትትያ ካታማ አሳይ 52.

34 ላኤንላ ኤላማ ያራቱ 1,254.

35 ሀሪማ ካታማ አሳይ 320.

36 ያርኮ ካታማ አሳይ 345.

37 ሎዳ፡ ሀዲዳን ኦኖ ካታማቱዋ አሳይ 721.

38 ሳናኦ ካታማ አሳይ 3,930.

39 ሀዋፕ ካልያዋንቱ ኦዋዲዋፕ ሰሜዳ ቁሳቱ ዋ፡ ኢያሱ ያራ ግዴዳ ያዳያ ያራቱ 973፤

40 እሜራ ያራቱ 1,052፤

41 ፓሽሁራ ያራቱ 1,247፤

42 ሀሪማ ያራቱ 1,017.

43 ሀዋፕ ካልያዋንቱ ኦዋዲዋፕ ሰሜዳ ሌዋቱዋ፡ ሆዳዊያ ያራ ግዴዳ ኢያሱን ቃድሞኤላ ያራቱ 74፤

44 አሳፋ ያራ ግዴዳ ማዝሙርያ የጽያዋንቱ 148፤

45 ጌሻ ጎልያ ፐንገያ ናግያ ሻሉማ፡ አጼራ፡ ጸልሞና፡ አቁባ፡ ሀጺጸን ሾባያ ያራቱ 138.

46 ሀዋንቱ ኦዋዲዋፕ ሰሜደ፡ ጌሻ ጎልያን ኦልያ ቆማቱዋ ያራቱዋ፡ ጸሀ ያራቱዋ፡ ሀሱፋ ያራቱዋ፡ ጸባኦታ ያራቱዋ፡

47 ቄርሳ ያራቱዋ፡ ሲኦ ያራቱዋ፡ ፓዶና ያራቱዋ፡

48 ላባና ያራቱዋ፡ ሀጋባ ያራቱዋ፡ ሻልማያ ያራቱዋ፡

49 ሀናና ያራቱዋ፡ ግዴላ ያራቱዋ፡ ጋሃራ ያራቱዋ፡

50 ራኦያ ያራቱዋ፡ ራጺና ያራቱዋ፡ ናቆዳ ያራቱዋ፡

51 ጋዛማ ያራቱዋ፡ ኡዛ ያራቱዋ፡ ፓሴሀ ያራቱዋ፡

52 በሳያ ያራቱዋ፡ ሙኤኒማ ያራቱዋ፡ ናፋሽሲማ ያራቱዋ፡

53 ባቅቡቃ ያራቱዋ፡ ሀቁፋ ያራቱዋ፡ ሀርሁራ ያራቱዋ፡

54 ባጽሊታ ያራቱዋ፡ ማሂዳ ያራቱዋ፡ ሀርሻ ያራቱዋ፡

55 ባርቆሳ ያራቱዋ፡ ሰሳራ ያራቱዋ፡ ተማሀ ያራቱዋ፡

56 ናጺሀ ያራቱዋን ሀጺፋ ያራቱዋ፡

57 ሀዋፕ ካልያዋንቱ ኦዋዲዋፕ ሰሜዳ ሶሎሞን ቆማቱዋ ያራቱዋ፡ ሶጺያ ያራቱዋ፡ ሶፈሪታ ያራቱዋ፡ ፓሪዳ ያራቱዋ፡

58 ያእላ ያራቱዋ፡ ዳርቆና ያራቱዋ፡ ግዴላ ያራቱዋ፡

59 ሻፋጽና ያራቱዋ፡ ሀጺላ ያራቱዋ፡ ፖከረት-ሀጸባይማ ያራቱዋን አሞና ያራቱዋ።

60 አሞዲዋፕ ሰሚድ፡ ጌሻ ጎልያን ኦልያ ቆማቱዋ ያራቱን ሰሎሞን ቆማቱዋ ያራቱ ፓይዲ ኡባና 392.

61 ሀራቱካ ቃይ፡ ተልመላሀ፡ ተልሀርሻ፡ ካሩባ፡ አድናን እሜራ ጌተትያ ካታማቱዋፕ የሩሳላመ ሰሚድና። ሽን ኡንቱንቱ ዋይ ኡንቱንቱ አዋቱ እስራኤልያ ሼሻ ግድያዋ ኤርሳናው ዳንዳይቢይክና።

62 ሄዋንቱ ዳላያ፡ ጸቢያን ናቆዳ ያራቱዋ፤ ኡንቱንቱ ፓይዲካ ኡባና 642.

63 ቄሳቱ ዋፕ ቃይ ሆባያ ያራቱ፡ ሀቆጸ ያራቱን ባርዘላያ ያራቱ የሩሳላመ ሰሚድና። ሀዌ ባርዘላያ ግያዌ ጋላኦይ ቢታ አሳ ግዴዳ ባርዘላያ ናቶ አኪድ፡ ባረ ቦሎዋ ሱንጎ አኪድ።

64 ሀዋንቱ ባረንቱ የለታ ጸጶዋ ኤራናው የለታ ማጸፋን ኮዬድና፡ ሽን ደሞቤይክና። ሄዋ ድራው፡ ኡንቱንቱ ቱናዳን ፓይደቲድ፡ ቄስተጎን ኦባናዳን ድገቱድና።

65 ቃይ ጌሻ ሳማቱዋን ሻክ ፕርድያ ቄሲ ደንዳና ጋካናው፡ ኡንቱንቱ ጌሻ ቁማፕ ማናው ዳንዳየናዋ አይሁዳቱዋ ሞድያዌ ኡንቱንቶ ኦዴዳ።

66 አሞዲዋፕ ይሁዳ ቢታ ሰሚዳ አሳ ፓይዲ ኡባና 42,360.

67 ሄዋ ቦላካ ቃይ 7,337 አቱማ ቆማቱን ማጫ ቆማቱ ማዘሙርያ የጽያ 245 አቱማዋን ማጫ አሳቱ ሰሚድና።

68 አሞዲዋፕ ኡባና ሰሚዳ አሳ ፓራቱዋ ፓይዲ 736፤ ባቁሎቱ 245፤

69 ጋሎቱ 435፤ ሀረቱ ቃይ 6,720.

70 ያራቱዋ ካፓቱዋፕ አማራዳዋንቱ ኦሶ እሞታ እሚድና። ቢታ ሞድያዌ ሆሰፑን ኪሎ ግራመ ዋርቃ፡ 50 ድስተቱዋን 530 ቄሳቱዋ ማዮቱዋ እሚዳ።

71 ያራቱዋ ካፓቱ 168 ኪሎ ግራመ ዋርቃ 1,250 ኪሎ ግራመ ብራ እሚድና።

72 አቱዳ አሳይ ኡባና 168 ኪሎ ግራመ ዋርቃ፡ 1,100 ኪሎ ግራመ ብራን 67 ቄሳቱዋ ማዮቱዋ እሚድና።

73 ሄዋፕ ጉይያን ቄሳቱ፡ ሌዋቱ፡ ፕንግያ ናግያዋንቱ፡ ማዘሙርያ የጽያዋንቱ፡ አሳፕ ዳርቱን ጌሻ ጎልያ ቆማቱ፡ ኡባና እስራኤልያ ኡባይ ባረንቱ ካታማን ካታማን ኡቱድና።

8

ሙሴ ህጊ ዛረሳ ናባቡቲሳን ቃላ ጫቁዋ ኦራጸሳ

(8:1—10:39)

1 ላፑንጎ አግናይ ጋኮ ዋይ፡ እስራኤልያ አሳይ ኡባይካ ባረንቱ ካታማን ካታማን ኡቱድና። ሄ አግናን ኡንቱንቱ ኡባይካ እትፕ ሃላ ፕንግያ ሰንጎን ደእያ ዳባባን ሺቄድና። መድና ጎዳይ ሙሴ ባገና እስራኤልያ አሳው እሚዳ ህግያ ማጸፋ አሀና ማላ፡ ጸፍያ እዝራ ኦቼድና።

2 ያትና፡ ላፑንጎ አግናን ኮይሮ ጋላሳን፡ አቱማዌ ማጫዌ፡ አኬካናው ዳንዳይያ አሳይ ኡባይ ሺቄዳ ሳክን እዝር ህግያ ማጸፋ አሄዳ።

3 ሃላ ፕንግያ ሰንጎን ደእያ ዳባባን ኤቄድ፡ አቱማዋ ማጫዋ፡ አኬካናው ዳንዳይያ አሳ ኡባው ህግያ ማጸፋ ዋንታፕ ጋላሳ ሴታይ ጋካናው ናባቤዳ፤ አሳይካ ሎይሳ ሀይዚድ ሰሴዳ።

4 እዝር ኤቄድ ናባባናው ሞላፕ ጊግሴዳ ጉታራ ቦላን ኤቄዳ። አፕ ኡሸቻ ባገና ማቲትያ፡ ሻማእያ፡ አናያ፡ ኦርዮና፡ ሀልቄያን ማእሴያ ጌተትያ አሳቱ ኤቄድና። ሀድርሳ ባገና ቃይ ፓዳያ፡ ሞሻኤላ፡ ማልክያ፡ ሀሹማ፡ ሀሽባዳናሀ፡ ዛካራሳን ማሹላማ ጌተትያ አሳቱ ኤቄድና።

5 እዝር አሳ ኡባፕ ጶቄያ ሳክን ኤቄዳ ድራው፡ ኡባይካ እ ሎይሴድ ጸልሸን፡ ኡንቱንቱ ሰንጎን ህግያ ማጸፋ ደዬዳ። ሄ ዋይ ኡንቱንቱ ኡባይ ኡቱዳ ሳፕ ደንድ ኤቄድና።

6 እዝር መድና ጎዳ፡ ዋልቃማ ጸሳ ጋላቱዳ። አሳይ ኡባይ ባረንቱ ኩሽያ ፑደ ደንሲድ፡ “አመንእ፡ አመንእ” ያጌድና። ቃይ ኡንቱንቱ ሶሞእ ሳክ ቦቻና ጋካናው ጉፋኒድ፡ መድና ጎዳው ጎይኔድና።

7 ሄዋፕ ጉይያን ደንዲድ፡ ባረንቱ ደእያ ሳክን ኤቄድና። ኢያሳ፡ ባና፡ ሸረብያ፡ ያሚና፡ አቁባ፡ ሻባታያ፡ ሆድያ፡ ማእሴያ፡ ቃሊጸ፡ አዘርያ፡ ዮዛባዳ፡ ሀናና ፓላያ ጌተትያ ሌዋቱ ህግያ አሳይ አኬካናዳን ኦሴድና።

8 ኡንቱንቱ ጸሳ ህግያ ማጸፋፕ ናባቢድ፡ ቃይ ናባቡቲዳዌ ዋግንቶ፡ አሳይ ኤራና ማላ፡ ብል ቆንጮሴድና።

9 አሳይ ህግያ ቃላ ሰሴዳ ዋይ፡ ባረንቱ ዋዛናን ሞሽቲድ ዬኬድና። ሄዋ ድራው፡ ቢታ ሞድያ ናህሚ፡ ቄሰን ጸፍያ ግዴዳ እዝርን አሳው ማጸፋ ብልያ ሌዋቱ አሳ ሀዋዳን ያጌድና፤ “ሀ ጋላሳይ መድና ጎዳው፡ ህንተንቱ ጸሳው፡ ጌሻ ጋላሳ ግድያ ድራው፡ እቱን ካዮቶፕተን ዬኮፕተ” ያጌድና።

10 ቃይ ናህሚ ጉጂደካ ሀዋዳን ያጌዳ፤ “ቢተ፡ ሞቆዋ ሚተ፤ ማልእያዋካ ኡሸተ፤ ቃይ ባይናዋንቶካ ህንተዋፕ ሻክ እሞተ። አያው ጎፕ፡ ሀቼ ጋላሳይ ኑ ጸሳው ጌሻ ጋላሳ። መድና ጎዳ ናሽቻይ ህንተንቶ ዋልቃ ግድያ ድራው ካዮቶፕተ” ያጌዳ።

11 ሌዋቱካ ቃይ፡ “ሀዌ ጌሻ ጋላሳ ግድያ ድራው፡ ካዮቶፕተ፤ ሀይዘተ” ያጌደ አሳ ጮኦ ኦሴድና።

12 ሄዋፕ ጉይያን፡ አሳይ ናሽቻን ማናውን ኡሻናው ቃይ ባይናዋንቶካ ዳእያዋፕ ሻክ እማናው ቤድና። አያው ጎፕ፡ ኡንቱንቱ ኦዴዳ ቃላ ሰሴድናን አኬኬድና።

13 አግናው ላኤንሎ ጋላሰ ዛራቱዋ ካፓቱ፡ ቄሳቱ ነ ሌዋቱ ህግያ ቃላ ኡንቱንቶ ብርሻና ማላ፡ እዝራኮ ዬድና።

14 ሄዋን ታማሪድ፡ ላፑንጎ አግናን ዳሰያ ባላ ቦንቻያ ዋይ፡ እስራኤልያ አሳይ ኡባይ ዳሰያ ግድን ኡታናዳን መድና ጎዳይ ሙሴ ባገና አዛዜዳዋ አኬኬድና።

15 ሄዋ ድራው፡ ካታማቱዋ ኡባንነ የሩሳላመን ሀዋዳን ያገደ አዋዬድኖ፤ “ደርያ ሁጲያ ከሰተ፤ ዛይትያ ዋጋራ፡፡ ዋራን ደልያ ዋጋራ፡፡ ባርሴነትያ ሞፋ፡፡ ዛምባ ሞፋ፡፡ ሀይላይ ደእያ ሞፋ ኡባ፡፡ ሀግያን ጸፈቴዳዋዳን፡፡ ዳሰያ ዳሳናው ታሽያ አሀተ” ያጌድኖ፡፡

16 ሄዋ ድራው፡ አሳይ ቢደ ሞፋ ታሽያ አሄድኖ፤ ባረንቱ ጎልያ ቦላን ደእያ ደምባ ሳኣን፡፡ ባረንቱ ግቢያን፡፡ ጸሳ ጌሻ ጎልያ ደባባን፡፡ ሃፋ ፕንግያ ዳባባን ኤፍሬማ ፕንግያ ዳባባን ዳሰያ ዳሴድኖ፡፡

17 አዋዲዋፕ ሰሜዳ አሳይ ኡባይ ዳሰያ ዳሴዳ፡፡ አ ግደን ኡቲድኖ፡፡ ነዌ ናኣ ኢያሱ ዋድያፕ ደሚደ፡፡ ሄ ጋላሳይ ጋካናው፡፡ ኡንቱንቱ ሀዋ ማላ ባላ ቦንቶ ኤርክኖ፡፡ ሄዋ ድራው፡፡ ኡባይካ ሎይሳ ናሽቴድኖ፡፡

18 ባላይ ደመቶደፕ ቢደ ዉራና ጋካናው፡፡ ሀቼ ሀቼ አዘር ጸሳ ሀግያ ማጻፋፕ አሳው ናባቤዳ፡፡ ባላ ላፑን ጋላሳ ቦንቶዋፕ ጉይያን፡፡ ሆሰፑንፋ ጋላሳን ሀጊ አዛዝያዋዳን ጌሻ ሸቁዋ ኡፊድኖ፡፡

9

እስራኤልያ አሳይ ባረንቱ ናጋራ ፓጺድኖ

1 ሄ አግናን ላታማነ ኦይደንሉ ጋላሳን እስራኤልያ አሳይ ጸሚደ፡፡ ማቃ ማዬደነ ባረንቱ ሁጲያን ባና ቆሊደ፡፡ እት ሳኣ ሸቁድኖ፡፡

2 ባረንታ አላጋ ጋደ አሳ ኡባፕ ሻኬድኖ፡፡ ሄዋፕ ጉይያን ደንድ ኤቂደ፡፡ ኡንቱንቱ ካሰ ኡንቱንቱ አዋቱ ኡፊዳ ናጋራ ኡባ ፓጺድኖ፡፡

3 ሄዋን ኡንቱንቱ ኤቂደእሽን፡፡ ሄዙ ሳትያ ግድያዋ መድና ጎዳ ኡንቱንቱ ጸሳ ሀግያ ማጻፋይ ኡንቱንቶ ናባቤቱዳ፡፡ ቃይ ሀራ ሄዙ ሳትያ ግድያዋ ባረንቱ ናጋራ ፓጺድኖ መድና ጎዳው፡፡ ባረንቱ ጸሳው፡፡ ጎይኒደ ጋምኤድኖ፡፡

4 ሌዋቱዋፕ አማሬዳዋንቱ ሸቁዋ ቦላን ከሲደ፡፡ ኮሻ ቶቁ ኦሲደ መድና ጎዳኮ፡፡ ባረንቱ ጸሳኮ፡፡ ዋሴድኖ፡፡ ሄዋንቱካ ኢያሳ፡፡ ባና፡፡ ቃድምኤላ፡፡ ሻባንያ፡፡ ቡና፡፡ ሸረብያ፡፡ ባና ካናና፡፡

5 ሌዋቱዋፕ ኢያሱ፡፡ ቃድምኤል፡፡ ባን፡፡ ሀሻባኔ፡፡ ሸረቤ ሆዴ፡፡ ሻባን ፓታሄ እስራኤልያ አሳ ሀዋዳን ያጌድኖ፤ “ደንድ ኤቂደ፡፡ መድናፕ መድናው ደእያ መድና ጎዳ ሀንተንቱ ጸሳ ጋላትተ! ኡባፕን ሳባ ኡባ ቦላና ቶቁ ቶቁ ጌዳን ቦንቶቱዳ ጸሳ ሰንፋ ሳቢተ” ያጌድኖ፡፡

ናጋራ ፓጺያ ዋሳ

6 ሄዋፕ ጉይያን፡፡ እስራኤልያ አሳይ ሀዋዳን ያገደ ዋሴድኖ፤ “መድና ጎዳው፡፡ ነ ጸላላይ ጸሳ! ኔን ሳሎቱዋን ሳሎቱዋን ደእያ መጋታ ኡባ፡፡ ሳኣን አ ቦላን ደእያ መጋታ ኡባን አባቱዋን ኡንቱንቱ ግደን ደእያ መጋታ ኡባ መጻዳ፤ ኡባው ሸምቱዋ እማዳ፡፡ ሳሎቱ መጋታቱ ኡባይ ነዉ ጎይኒኖ፡፡

7 “ኔን መጋታ ኡባ ጎዳ! ኔን አብራማ ኡራ ጌተትያ ካላዳዋቱ ካታማፕ ደራደ ከሳዳ፤ አ ሱንፋካ ላማደ፡፡ አብራሃማ ያጋደ ሱንፋዳ፡፡

8 እ ነዉ አማነትያ አሳ ግድያዋ በኣደ፡፡ ካናንቱ፡፡ ሂተቱዋ፡፡ አዋራዋናቱዋ፡፡ ፓርዛዋናቱዋ፡፡ ያቡሳቱዋን ገርጌሳቱዋ ጋድያ አ ዛረቶ ላታ ጋድያ ኦሳደ እማናው እዉ ቃላ ጫቁዋ ገላዳ፡፡ ኔን ጽሎ ግድያ ድራው፡፡ ነ ጌዳ ቃላካ ፖላዳ፡፡

9 “ኔን ካሰ ኦ ማይዛ አዋቱዋ ግብጼ ጋድያን ጋኬዳ ቱጋ በኣዳ፤ ቃይ ዘኦ አባ ጌተትያ አባ ማታን ደኢደ ኡንቱንቱ፡፡ ሑና ማዳርኪ!” ያገደ ዋሴዳ ዋሴዋካ ሰሳዳ፡፡

10 ግብጼ ካቱ፡፡ አ ጋድያ ካፓቱን ሄ ጋድያ አሳይ ኡባይ እስራኤልያ አሳ ቦላን ኦቶሪቱዳ ድራው፡፡ ኡንቱንቱ ቦላን ማላታን ማላልሰያባ ኦሳዳ፡፡ ሄዋፕ ደንዴዳዋን፡፡ ሀቼ ጋካናው፡፡ ነ ሱንፋይ ቦንቶዋን ጸገታናዳን ኦሳዳ፡፡

11 አባ ያነ ሃነ ሻካደ፡፡ ግዲዋና ነ አሳ መላ ቢታና ፕንፋዳ፡፡ ሽን ሹቻይ ጨዋ ሃፋን ኦልና፡፡ ጨውዋ ዲገ ዋድያዋዳን፡፡ ኡንቱንቱ የደርሰያ ሞርከቱዋ አባን ሞትሳደ ጳይሳዳ፡፡

12 እስራኤልያ አሳ ጋላሰ ሻርያ ቱሳን ካላላደ፡፡ ቃማ ቃይ ኡንቱንቱ ሀመትያ ኦግያን ፖኦና ማላ፡፡ ታማ ቱሳ ኡንቱንቱ ሰንፋን ኤሳደ ካላላዳ፡፡

13 “ኔን ሳሎቱዋ ዋዳደ፡፡ ነ አሳ ሲና ደርያ ቦላን ሃሳይሳዳ፡፡ ሱሪ ፕርዳን ቱማ ግዴዳ ሀግያ ቃይ ሎኦ ዋጋን አዛዙዋ ኡንቱንቶ እማዳ፡፡

14 ጌሻ ነ ሳምባታ ኡንቱንቱ ቦንቻና ማላ፡፡ ኡንቱንታ ታማርሳዳ፡፡ ነ ቆማ ሙሴ ባጋና ኡንቱንቶ አዛዙዋ፡፡ ዋጋን ሀግያ እማዳ፡፡

15 ኡንቱንቱ ኮሻቱዳ ዋደ ሳሎቱዋ ቁማ እማዳ፤ ቃይ ኡንቱንቱ ሳመቱዳ ዋደ ዛላፕ ሃፋ ፑልተሳዳ፡፡ ኔን ኡንቱንቶ እማናው ጫቁዳ ጋድያ ገሊደ ላታና ማላ አዛዛዳ፡፡

16 “ሸን ኦ ማይዛ አዋቱ ኦቶሪቱድኖ፡፡ ኦድና ሰሰና ሞርግያ ኦርዶ ግዲደ፡፡ ነዉ አዛዘትባይክኖ፡፡

17 አዛዘተናን እጾድኖ፤ ቃይ ኔን ኡንቱንቶ ኦፊዳ ማላልሰያባ ኡባ ሀሳይባይክኖ፡፡ ኡንቱንቱ ሞርግያ ኦርዶ ግዴድኖ፤ ቃይ ባረንቱ ማካላፕ ደንዴዳዋን፡፡ ግብጼ ጋድያ ጉየ አይለተሳዉ ዛርደ ካለላና ማላ፡፡ ካቱዋ ባረንቶ ደሬድኖ፡፡ ግዶ ሸን፡፡ ኔን አቶ ግያ ጸሳ፤ ከካን ማርያዋ፡፡ ሲቁዋን ኩሜዳዋን ሀንቆ ኤሌላናዋ፡፡ ሄዋ ድራው፡፡ ነ ሲቁ መድናሳ፤ ኔን ኡንቱንታ አጋ ባይካ፡፡

18 “ኡንቱንቱ ማራ ማላትያ ኤቃ መዲደ፡፡ ሓህተና ግብጼ ጋድያፕ ከሴዳ ሀንተንቱ ጸሳይ ሀዋ ያገደ ኔና ዋልቃማ ሸቃ ሸቆፕካ፡፡

19 ነ ዳር ማርተሳ ድራው፡፡ ኔን ኡንቱንታ ሄ ጋድያ ዋራን አጋ ባይካ፡፡ ኡንቱንቱ ብያ ኦግያ ካለላና ማላ፡፡ ጋላሰ ሻርያ ቱሳይ፡፡ ቃይ ኡንቱንቱ ኦግያ ፖኦሳና ማላ፡፡ ቃማ ታማ ቱሳይ ኡንቱንቱፕ ሃክቤና፡፡

9:7 ደመላ 11:31፤ 12:1፤ 17:5 9:8 ደመላ 15:18-21 9:9 ከሳ 3:7፤ 14:10-12 9:10 ከሳ 7:8—12:32 9:11 ከሳ 14:21-29፤ 15:4-5 9:12 ከሳ 13:21-22 9:13 ከሳ 19:18—23:33 9:15 ከሳ 16:4-15፤ 17:1-7፤ ዛረ. 1:21 9:16 ፓይ. 14:1-4፤ ዛረ. 1:26-33 9:17 ከሳ 34:6፤ ፓይ. 14:18 9:18 ከሳ 32:1-4 9:19 ዛረ. 8:2-4

20 ኢንቴንታ ታማርሳና ማላ፡ ነ ሎኦ ኢያና ኢንቴንታ እማዳ። ማናው ማና ኢንቴንታ ደናፕ ፓጭሳባይካ፤ ቃይ ኢንቴንታ ሳሞካ ሃላ እማዳ።

21 ኦይታሙ ላይላ ኡባ ኢንቴንታ ዋራን ሀመትያ ዋድ፡ ኢንቴንታ ኮሽያባፕ እትባካ ጳይሳባካ። ኢንቴንታ ማዩ ወርቤና፤ ኢንቴንታ ገዲካ ጋፍቤና።

22 “ባረንቱ ዛዋን ደእያ ጋጸ ቢታቱዋን ካወተላቱዋ ኢንቴንታ ጸኒደ ኦይቃናዳን ኦላዳ። ሰሆና ጌተትያ ካቲ ሞድያ ሀሰቦና ጋድያን ኦጋ ጌተትያ ካቲ ሞድያ ባሳን ጋድያ ኢንቴንታ ላቲድኖ።

23 ኢንቴንታ ዘረላቱዋ ፓይዱዋ ሳሉዋ ጸልንትያዳን ዳርሳዳ። ካሰ ኢንቴንታ አዋቶ ገልሳና፤ ላትሳና ጋደ ኔን ኦዴዳ ጋድያ ኢንቴንታ ገልሳዳ።

24 ኢንቴንታ ካናን ጋድያ ላቲድኖ፤ ሄ ጋድያን ደእያ ካናን አሳ ኡባ ኢንቴንታ ሰንላን ኔን ካወሻዳ። ኢንቴንታ ካናን አሳ ቦላን፤ ኢንቴንታ ካተቱዋ ቦላን ሄ ጋድያን ደእያ አሳ ኡባ ቦላን ባረንቱ ደሴዳዋ ኦላና ማላ፡ ኢንቴንታ ኮሽያን አላ እማዳ።

25 ቃይ ኢንቴንታ ዩሹ ግምቦቲዳ ካታማቱዋን አራዳ ቢታ ጸኒደ አኬድኖ፤ ቃይካ ሎኦባይ ኡባይ ኩሜዳ ጎልያ፤ ቦከቲዳ ሃላ ኦላቲዋ፤ ዋይንያ ቱራ ሳኦ፤ ዋጋራቱዋን ሀራ አይፍያ እምያ ዳሮ ሞላቱዋ ላቲድኖ። ሄዋፕ ሞ ካሊደ ኦርዴድኖ፤ ነ ዋልቃማ ከካተላን ኢንቴንታ ናሽቲድኖ።

26 “ግደፕካ፡ ነ አሳቱ አዛዘተናን እጸደ፤ ነ ቦላን ማካሌድኖ፤ ነ ሀግያወካ ዘኪያ ዛሬድኖ። ኔኮ ኢንቴንታ ሰማናዳን ኢንቴንታ ሞንሲደ ኦዴዳ ትምቢትያ ኦድያዋንታ ዋዴድኖ። ሎይላ ዋልቃማ ሸቃ ኔና ሸቄድኖ።

27 ሄዋፕ ደንዴዳዋን ኢንቴንታ ኡንኤላያ ሞርከቱዋ ኩሽያን አላ እማዳ፤ ሞርከቱ ኢንቴንታ ኡንኤላዳ ዋደ ኔኮ ዋሴድኖ። ኢንቴንታ ዋሱዋ ሳሉዋን ግዳ ሰሳደ ነ ማርተላ ዳሩዋዳን፤ ኢንቴንታ ኢንቴንታ ሞርከቱዋ ኩሽያፕ አሽያዋንታ ኪታዳ።

28 “ሽን ኢንቴንታ ሽምቱዋ ደሚደ ዛረላደ፤ ነ ሰንላን ናጋራ ኦሌድኖ። ኔንካ ዛራደ ኢንቴንታ ሞርከቱዋ ኩሽያን አላደ እምና፤ ኢንቴንታ ሞርከቱ ኢንቴንታ ሞደድኖ። ሽን ሀእካ ኢንቴንታ ኔኮ ዋሰና፤ ኢንቴንታ ዋሱዋ ሳሉዋን ግዳደ ሰሳዳ። ነ ማርተላን ኢንቴንታ ዛራ ዛራደካ እሻ አካዳ።

29 “ካ ሀግያኮ ኢንቴንታ ሰማና ማላ፡ ኔን ኢንቴንታ ሞንሳደ ኦዳዳ፤ ሽን ኢንቴንታ ኦቶረቲድኖ፤ ነ አዛዘቱካ እጾዳ ያጌድኖ። አሳይ አዛዘቶፕ ደኡዋ ደምያ ነ ሀግያ አዴድኖ፤ ቃይ ሞርግያ ኦርድ ግድ፡ ነዉ ዘኪያ ዛሬደ፡ አዛዘተናን እጾድኖ።

30 ግደፕካ፡ ዳር ላይላ ኢንቴንታ ዳንዳያዳ፤ ትምቢትያ ኦድያዋንቱ ባጋና ነ ኢያናን ኢንቴንታ ሞንሳደ ኦዳዳ፤ ሽን ኢንቴንታ ሰሰባይክኖ። ሄዋፕ ደንዴዳዋን አይሁዳ ግደና ካወተላቱ

ኢንቴንታ ሞዳና ማላ፡ ኢንቴንታ ኩሽያን አላ እማዳ።

31 ሽን ኔን ከኔካ ማርያ ጸሳ ግድያ ድራዉ፡ ነ ዋልቃማ ማርተላን ኢንቴንታ ኡባና አጋቢይካ ጳይሳባካ።

32 “ኑ ጸሳዉ፡ ዋልቃማዉ፡ ዋልቃማን ያየቲዳ ጸሳዉ፡ ነ አገና ሲቁዋ ቃላ ጫቁዋ ናግያዋ፡ ኑ ቦላን ጋኬዳ መቱ ነ ሰንላን ላፋባ ማላቶ። በን አሰረ ካተቱዋ ዋድያፕ ደሚደ፡ ሀቼ ጋካናዉ፡ ኑ ቦላን፡ ኑ ካተቱዋ ቦላን፡ ኑ ካፓቱ ቦላን፡ ኑ ቄሳቱዋ ቦላን፡ ኑ ትምቢትያ ኦድያዋንቱ ቦላን፡ ኑ ማይዛ አዋቱዋ ቦላን ነ አሳ ኡባ ቦላን ዋልቃማ መቱ ጋኬዳ።

33 ኑና ጋኬዳዋን ኡባን ኔን ጸሉዋ። አያዉ ጎፕ፡ ኑን ኔና ናቆፕካ ኔን አማነትያዋ አጋ ባይካ።

34 ኑ ካተቱ፡ ኑ ካፓቱ፡ ኑ ቄሳቱ ነ ኑ ማይዛ አዋቱ ነ ሀግያ ናግባይክኖ፤ ቃይ ኔን ኢንቴንታ እሜዳ አዛዘቱዋን ነ ሞንሳ ኦዴዳዋን ሰሰባይክኖ።

35 ኔን ኢንቴንታ ካወተላን ኢንቴንታ ዋልቃማ እንጂዋ እማዳ፤ ቃይ አኮን ሞክያ ቢታካ ኢንቴንታ እማዳ፤ ሽን ኢንቴንታ ነዉ ጎይንባይክኖን ባረንቱ ኢታ ኦሱዋፕ ሰምባይክኖ።

36 “ሄዋፕ ደንዴዳዋን፡ ኑን ሀቼ አይልያ ግድያዋ በኦ። ቃይ ሄዌካ ኢንቴንታ ኦ አይፍያን ኦ እምያ እንጂዋ ኡባ ማና ማላ፡ ኑ ማይዛ አዋቶ ኔን እሜዳ ሄ ጋድያን፡ ኑን አይልያ ገዴደ።

37 ኑ ናጋራ ድራዉ፡ ኔን ኑ ቦላን ደንጮዳ ካተቱ ጋድያ እንጂዋ ኡባ ኢንቴንታ ጎኤቲኖ። ቃይ ኑ ቦላን ኑ መሀያ ቦላን ባረንቱ ኮዬዳዋ ኦላኖ፤ ኑንካ ዋልቃማ መቱዋ ግደን ደኤቶ” ያጌድኖ።

አሳይ ባረንታ ማየቲዳ ቃላ ጫቁዋ ፓራሜዳ

38 ሀኔዳ የዉዋ ኡባ ድራዉ፡ ኑን ሃሳዪደ ጫቁዳ ጫቁዋ ጸፊደ፤ ሄ ኑን ጸፊዳ ጫቁዋ ዋራቃታ ቦላን ኑ ካፓቱ፡ ኑ ሌዋቲን ኑ ቄሳቱ ባረንቱ ማታፋ ዋሌድኖ።

10

1 ሀዋፕ ካልያ አሳቱ ሄ ማታፋይ ዋዴዳ ዋራቃታ ቦላን ፓራሜድኖ። ሄዋንቲካ ሀካልያ ናኦ ጋድያ ሞድያ ናህምያ፤ ቄሳቱ ዋፕ፡ ሰደቅያሳ፡

- 2 ሳራያ፡ አዛርያ፡ ኤርማሳ፡
- 3 ፓሽሁራ፡ አማርያ፡ ማልክያ፡
- 4 ሀጸኡሻ፡ ሻባንያ፡ ማሉካ፡
- 5 ሀሪማ፡ ማረሞታ፡ ኦባድያ፡
- 6 ዳኔላ፡ ግነቶና፡ ባሩካ፡
- 7 ማሹላማ፡ አቢያ፡ ምያሚና፡
- 8 ማኦዝያ፡ ብልጋያን ሻማእያ፡
- 9 ሌዋቱዋፕ፡ አዛንያ ናኦ ኢያሳ፡ ሄናዳዳ ያራ ግዴዳ ቢኦያ፡ ቃድምኤላን
- 10 ኢንቴንታ እሻቱዋ ሻባንያ፡ ሆድያ፡ ቃሊጸ፡ ፓላያ፡ ሀናና፡
- 11 ሚካ፡ ራሆባ፡ ሀሻብያ፡
- 12 ዛኩራ፡ ሽረብያ፡ ሻባንያ፡
- 13 ሆድያ፡ ባናን ባኒና፡

9:22 ፓይ. 21:21-35 9:23 ደመላ 15:5፤ 22:17፤ ኢያሳ 3:14-17 9:24 ኢያሳ 11:23 9:25 ዛረ. 6:10-11
9:26 ዳና. 2:11-16 9:29 ዋጋ 18:5 9:30 2 ካታ. 17:13-18፤ 2 ኦዲዋ 36:15-16 9:32 2 ካታ. 15:19፤
29፤ 17:3-6፤ እዘራ 4:2፤ 10

- 14 ቃይ አሳ ካለልያዎንቱ፡ ፓርኦሻ፡ ፓሁት-ሞኦባ፡ ኤላማ፡ ዛታ፡ ባና፡
- 15 ቡና፡ አዝጋዳ፡ በባያ፡
- 16 አድንያ፡ ብግዎያ፡ አዲና፡
- 17 አጼራ፡ ህዝቂያሳ፡ አዙራ፡
- 18 ሆድያ፡ ሀሹማ፡ በጻያ፡
- 19 ሀሪፋ፡ አናቶታ፡ ነባያ፡
- 20 ማግጥኦሻ፡ ማሹላማ፡ ሄዚራ፡
- 21 ማሽዛቤላ፡ ጸድቃ፡ ያዲኦ፡
- 22 ፓላጽያ፡ ሀናና፡ አናያ፡
- 23 ሆሹኦ፡ ሀናንያ፡ ሀሹባ፡
- 24 ሀሎሄሻ፡ ፒልሀ፡ ሾቤቃ፡
- 25 ረሁማ፡ ሀሻብና፡ ማእሴያ፡
- 26 አኪያ፡ ሀናና፡ አናና፡
- 27 ማሉካ፡ ሀሪማነ ባኣና፡

አሰራኤልያ አሳይ ጫቀቲዳ ቃላ ጫቀጥ

28 ቃይ አቲዳ አሳይካ ቁሳቱ፡ ሌዋቱ፡ ፐንግያ ናግያዎንቱ፡ ማዝሙርያ የጽያዎንቱ፡ ጌሻ ጎልያ ቆማቱን ጸሳ ህግያው አዛዘታናው አይሁዳ ግደናዎንቱ ላረና ሻኬዳ ኡባይ፡ ቃይ ኡንቱንቱ ማቻቱ፡ ኡንቱንቱ አቲማ ናናይ፡ ኡንቱንቱ ማጫ ናናይን የወዋ አኬካናው አሳ ጋማ ጋኬዳ ኡባይ፡

29 ባረና ካለልያዎና ሀ ጫቀዎን ማየቲድኖ፡ ሄዌካ ባረ ቆማ ሙሴ ባጋና ጸሳይ ኡንቱንቱን እሜዳ ህግያደን ባናው፡ መድና ጎዳ ኑ ጸሳ አዛዘቀ፡ ፕርዳን ዎጋ ናጋናሳን ኦላናሳ፡ ሄዌ ቆጥ፡ ጸሳይ የድያ ሸቃይ ባረንቱ ቦላ ያናዳን ማየቲድኖ፡

30 ኡንቱንቱ ሀዋዳን ያጊደ ጫቁድኖ፤ “ኑ ማጫ ናና አይሁዳ ግደና ጋድያ አቲማ ናናቶ እሞኮ፤ ቃይ ኡንቱንቱ ማጫ ናናካ ኑ አቲማ ናናቶ ማቻቶ ኦሊደ አኮኮ፡

31 “አይሁዳ ግደና ጋድያ አሳቱ ካላ ግድና ዎይ ሀራባ አያን ሳምባታ ጋላሰ ዎይ ሀራ ባላ ጋላሰ ዛልአናው አሆ፡ ኡንቱንቱ ሻሞኮ፡

“ላፑንላ ላይላይ ጋክያ ዎይ፡ ኑ ጋድያ ጎሾኮ፤ ኑን ታልኤዳ አጩዎ ኦቾኮ፡

32 “ጌሻ ጎልያ ኦሶ እቺሹ ግራመ ዳጽያ ብራ ላይላን ላይላን አገናን እማና፡

33 ሄዌ አያው ጎፕ፡ ጸሳ ሰንላን ዎልያ ኡክላሳ፡ ሀቺ ሀቺ ያርሽያ ካላ ያርሹዋ ሳኦ፡ ጸግያ ያርሹ ሹክያ መህያው፡ ሳምባታ ጋላሳን፡ አገናይ ጾርያ ዎደነ ላይላን ደእያ ሀራ ባላቱዎን ያርሽያ ያርሹን ሀራ ጌሻ ሚሻ ኡባሳ፤ ቃይ አሰራኤልያ አሳ ናጋራ አቶ ጊሳናው ያርሽያ ያርሹን ኑ ጸሳ ጌሻ ጎልያ ኦሶ ኮሽያ ኡባባ፡

34 “ኑን ቁሳቶ፡ ሌዋቶን ሀራ አሳ ኡባው ሳማ የጌድ፡ አያው ጎፕ፡ ህግያን ጸፈቲዳዎዳን መድና ጎዳው፡ ኑ ጸሳው፡ ያርሽያ ሳኦን ያርሹዋ ጸግያ ሞላ ኑ ጸሳ ጌሻ ጎልያው ኑ ያራይ አሀናው በሰንቶ ኤራናሳ፡

35 “ላይላን ላይላን ኑ ጋድያ አይፍያ ኮይር ጋክያዎን አይፍያ እምያ ዲማ ዲማ ሞላቱዎ፡ ኑን ኮይር ማጼዳ አይፍያ ኡባ መድና ጎዳ ጌሻ ጎልያ አገናን አሂደ እማና፡

36 “ህግያን ጸፈቲዳዎዳን ኑን ኡባይካ ኮይር የለቶያ ኑ አቲማ ናና ኑ ጸሳ ጌሻ ጎልያን ኦልያ ቁሳቱ ዋኮ አሂደ፡ ጸሳው ዲማያና፤ ቃይ ኑ ሚዛቱ፡ ኑ ደርሳቱን ኑ ዳሻቱ የልያ ኮይር ማራ ኡባካ ያ አሂደ፡ ቁሳቶ እማና፡

37 “ኑን ኑ ጋድያን ዶልያ ካላ አይፍያ ኮይሩዎ፡ ቃይ ኑ ሞላ ኡባ አይፍያ፡ ዎይንያን ዛይትያ እሞታ ኦሊደ፡ ኑ ጸሳ ጌሻ ጎልያ ሃ ቁሳቱ ዋኮ አሀና፡ ቃይ ሌዋቱ ኑ ካታማቱዎን ደእያ ቢታ ኡባ አይፍያ አሰራታ አክያዎንታ ግድያ ድራው፡ ኑ ቢታይ አይፊዳዎ፡ ኡባ፡ አሰራታ ኡንቱንቶ እማና፡

38 ሌዋቱ አሰራታ ሺሽያ ዎይ፡ አርና ያራ ግዴዳ ቁሳቱ ኡንቱንቱና እትፕ ደአናው በሰ፡ ሌዋቱካ አሰራታ ሺሽዎ፡ ጌይያን፡ አሰራታ፡ ከሴዳ አሰራታ ኑ ጸሳ ጌሻ ጎልያ አሂደ፡ ሻሉዎ ዎልያ ክፍልያን ዎልያ፡

39 አሰራኤልያ አሳይን ሌዋቱ ካላ፡ ዎይንያን ዎጋራ ዛይትያ እሞታ፡ ጌሻ ጎልያ ሚሻቱን ጌሻ ጎልያን ኦልያ ቁሳቱ፡ ፐንግያ ናግያዎንቱን ማዝሙርያ የጽያዎንቱ ደእያ ክፍለቱዎ አሂኖ፡

“ኑን ኑ ጸሳ ጌሻ ጎልያ ኦሶዎ ኡባካ ሸነኮ ጎኮ” ያጊደ ጫቁድኖ፡

ናህሚ የሩሳላመን ኦሴዳ ላምያ

11

(11:1—13:31)

የሩሳላመን ደእያ አሳ

1 አሳ ካለልያዎንቱ የሩሳላመን ደኤድኖ፡ ቃይ ህንኮ አሳፕካ ታሙዎ፡ እቲ እቲ ጌሻ ካታማን የሩሳላመን ደእና ማላ፡ ሳማ የጊደ ድሬድኖ፡ ሸን ሀራ ኡዲፑን ኩሽያ አሳይ ባረንቱ ካታማቱዎን ደኤድኖ፡

2 የሩሳላመን ደእናው ባረንቱ ሸንያን ማዬዳ አሳ ኡባ አሳይ አንጄዳ፡

3 ሀራ ካታማቱዎን ደእያ አሰራኤልያ አሳይ፡ ቁሳቱ፡ ሌዋቱ፡ ጌሻ ጎልያ ቆማቱን ሶሎሞን ቆማቱዎ ያራቱ ኡባይ ባረንቱ ካታማን ካታማን ደእያ ጋድያ ኦይቂደ ደኤድኖ፡ ሸን ሀዋፕ ካሊደ ጸፈቲዳዎንቱ፡ የሩሳላመን ደእናው ዬዳ ጋድያ ካለልያዎንታ፡

4 ይሁዳ ዛርያ፡ ዬዳ ካለልያዎንቱ ፓራሳ ያራ ግዴዳ አታያን ሹላ ያራ ግዴዳ ማእሴያ፡ አታይ ኦዘያና ናኦ፤ ኦዘያን ዛካራሳ ናኦ፤ ዛካራሰ አማርያ ናኦ፤ አማር ሻፋጽያ ናኦ፤ ሻፋጽ ማላልኤላ ናኦ፡

5 ማእሴይ ባሩካ ናኦ፤ ባሩክ ኮልሆዛ ናኦ፤ ኮልሆዝ ሀዛያ ናኦ፤ ሀዛይ አዳያ ናኦ፤ አዳይ ዮያሪባ ናኦ፤ ዮያሪብ ዛካራሳ ናኦ፡

6 ፓራሳ ያራፕ ዎልቃማ ግዴዳ 468 አሳቱ የሩሳላመን ደኤድኖ፡

7-8 በንያማ ዛርያ፡ ዬዳ ካለልያዎንቱ ሳላ፡ ጋባያን ሳላያ፡ ሳላ ማሹላማ ናኦ፤ ማሹላም ዮኤዳ ናኦ፤ ዮኤድ ፓዳያ ናኦ፤ ፓዳይ ቆላያ ናኦ፤ ቆላይ ማእሴያ ናኦ፤ ማእሴይ እትኤላ ናኦ፤

10:30 ከሳ 34:16፤ ዛረ. 7:3 10:31 ከሳ 23:10-11፤ ዎጋ 25:1-7፤ ዛረ. 15:1-2 10:32 ከሳ 30:11-16
 10:35 ከሳ 23:19፤ 34:26፤ ዛረ. 26:2 10:36 ከሳ 13:2 10:37 ፓይ. 18:21 10:38 ፓይ. 18:26 11:3
 ናህ. 7:73

እትኤል ይሻእና ናኦ። ሙሉና 928 ቢንያማ ዛራቱ የሩሳላሙን ደኤድኖ።

9 ዚክራ ናኦ ዩኤል ኡንቱንቱ ካቸዋ፤ ቃይ ሀሳኦ ናኦ ይሁዳይ ካታማን ላኤንሶ ማራጊ ደእያ ካቸዋ።

10-11 ቁሳቱ ዋጥ ዬዳ ካለልያዋንቱ የያሪባ ናኦ ያዳያ፣ ያኪናን ሳራያ። ሳራይ ህልቂያ ናኦ፤ ህልቂ ማሹላማ ናኦ፤ ማሹላም ጸደቃ ናኦ፤ ጸደቀ ማራዮታ ናኦ፤ ማራዮት ጸሳ ጌሻ ጎልያ ካቸዋ ግዴዳ አሀጹባ ያራ።

12 ኡንቱንቱና እትጥ ጸሳ ጌሻ ጎልያ ኦሱዋ ኦሌዳዋንቱ ኡባና 822. ቃይ ሀራ ካለልያዋ ኦዳያ፤ ኦዳይ ይሮሃማ ናኦ፤ ይሮሃም ፓላልያ ናኦ፤ ፓላሊ አሞጾ ናኦ፤ አሞጽ ዛካራሳ ናኦ፤ ዛካራሰ ፓሽሁራ ናኦ፤ ፓሽሁር ማልክያ ናኦ።

13 ኦዳያና እትጥ ደእያ ኦሳይ ኡባና 242. ቃይካ ሀራ ካለልያዋ አማሻሳይ፤ አማሻሳይ አዘርኤል ናኦ፤ አዘርኤል አሀዛያ ናኦ፤ አሀዛይ ማሽለዋታ ናኦ፤ ማሽለዋት እሜራ ናኦ።

14 አማሻሳያና እትጥ ደእያ ኦላንቻቱ ኡባና 128. ኡንቱንቱ ካቸ ሀግዶልማ ናኦ ዛብድኤል።

15 ሌዋቱዋጥ ዬዳ ካለልያዋንቱ እቱ ሻማእያ፤ ሻማኤ ሀሹባ ናኦ፤ ሀሹብ አዘርቃማ ናኦ፤ አዘርቃም ሀሻብያ ናኦ፤ ሀሻቢ ቡና ናኦ።

16 ቃይ ሀራቱ ሻባታያን የዛባዳ፤ ኡንቱንቱ ጸሳ ጌሻ ጎልያጥ ካረና ኦሰትያ ኦሶቶ አዋትያ ሌዋቱ ካፓቱዋ።

17 ቃይካ ሀራይ ማታንያ፤ እ ጋላታ ዋሳ ዋሰያ ዋዶ ጋላታ ማዘሙርያ የጽያዋንቶ ካቸዋ፤ እ አሳፋ ያራጥ የለቱዳ ዛብዳ ናኦ ናኦ፤ ሚካ ናኦ። ባረናና እትጥ የጽያዋንቱ ግድን ባቅቡቀ ላኤንሶ። ቃይ ሀራይካ አብዳ፤ እ ሻሙኦ ናኦ፤ ሻሙኦ ጋላላ ናኦ፤ ጋላል ይዱቱና ናኦ።

18 ኡባና 284 ሌዋቱ ጌሻ ካታማን የሩሳላሙን ደኤድኖ።

19 ጥንግያ ናግያዋንቱጥ አቁባ፣ ጸልሞናን ኡንቱንቱና እትጥ ኦልያ ሀራ 172.

20 አቱዳ ቁሳቱ፣ ሌዋቱን እስራኤልያ አሳይ ኡባይ ባረንቱ ጋዲ ደእያ ሳኦን ደእያ ሳኦን ዲማ ዲማ ይሁዳ ካታማቱዋን ደኤድኖ።

21 ሸን ጌሻ ጎልያ ቆማቱ የሩሳላሙ ካታማን እት ባጋና ደእያ ኦፊላ ጌተትያ ሄራን ደኤድኖ። ጸሀን ግሽጥን ላኤ ኡንቱንታ ካለልያዋንታ።

22 የሩሳላሙን ደእያ ሌዋቶ ካቸ ኡዛ። እ ባና ናኦ፤ ባን ሀሻብያ ናኦ፤ ሀሻቢ ማታንያ ናኦ፤ ማታኒ ሚካ ናኦ። ኡዝ ጌሻ ጎልያን የጽያዋንቶ ካቸዋ ግዴዳ አሳፋ ያራ።

23 ኡንቱንቱ ሀቼ ሀቼ ኦላናባዉ ካትያጥ ኡንቱንቶ እመቲዳ አዛዙ ደኤ።

24 ይሁዳ ናኦ ዛራሀ ያራጥ የለቱዳ ማሽዛቤላ ናኦ ፓታሄ እስራኤልያ አሳ ጾልያ ኡባባዉ ኡንቱንቱ ዶና ግዲዶ፣ ካትያ ማታን ደኤ።

ሀራ ቁር ካታማቱዋን ደኤዳ አሳ

25 አሳጥ ዳራቱ ባረንቱ ጎሻ ጎሻ ማታን ደእያ ቁር ካታማቱዋን ደኤድኖ። ሄዋ ድራዉ፣ ይሁዳ ዛራቱ ቅርያት-አርባአን፣ ድቦናን፣ ያቃብጽኤላንን ሄዋ ሄራን ደእያ ቁር ካታማቱዋን ደኤድኖ።

26 ኡንቱንቱ ቃይ የሹኦን፣ ሞላዳን፣ ቤት-ጳሌዳን፣

27 ሀጸር-ሹኦላን፣ በርሳቤሀንን ሄዋ ሄራን ደእያ ቁር ካታማቱዋን፣

28 ጽቅላጋን፣ ማኮናንን ሄዋ ሄራን ደእያ ቁር ካታማቱዋን ደኤድኖ።

29 ቃይካ ኤንርሞናን፣ ጸርኦንን ያርሙታንካ ደኤድኖ።

30 ሄዋ ጸላላ ግድናን ዛሮሀን፣ አዲላማንን ሄዋ ሄራን ደእያ ቁር ካታማቱዋንን ላክሻንን ሄዋ ሄራን ደእያ ጎሻን፣ ቃይ አዜቃንን ሄዋ ሄራን ደእያ ቁር ካታማቱዋንካ ደኤድኖ። ሄዋ ድራዉ፣ ይሁዳ አሳይ ኡባና በርሳብሄጥ ቢዶ፣ ሀሮማ ዛንጋራ ጋካናዉ ደእያ ሳኦን ደኤድኖ።

31 ቢንያማ ዛራቱ ቤቴላንን ሄዋ ሄራን ደእያ ቁር ካታማቱዋንን ገባኦን፣ ሞክማሳን፣ አያን፣

32 አናቶታን፣ ኖባን፣ አናንያን፣

33 ሀጸራን፣ ራማን፣ ግታይማን፣

34 ሀዲዳን፣ ጸቦኢማን፣ ናባላጸን

35 ሎዳን፣ ኦኖንን ኩሽያ ሂላቱ ዛንጋራ ግያ ሳንካ ደኤድኖ።

36 ይሁዳን ደኤዳ ሌዋቱዋጥ ዳራቱ ቢንያማ አሳና እትጥ ደእናዳን ኦሰቲድኖ።

12

አሞዲዋጥ ሰሜዳ ቁሳቱዋን ሌዋቱዋ ሱንሳ

1 ሳላትያላ ናኦ ዛሩባቤላናን ቁሰ ኡባቱዋ ካቸዋ ኢያሱና አሞዲዋጥ ሰሜዳ ቁሳቱ ሀዋንታ፡ ሳራያ፣ ኤርማሳ፣ እዘራ፣

2 አማርያ፣ ማሉካ፣ ሀጹኡሻ፣

3 ሻካንያ፣ ረሀማ፣ ማረሞታ፣

4 እዳ፣ ግነቶና፣ አቢያ፣

5 ሞያሚና፣ ማኦድያ፣ ብልጋ፣

6 ሻማእያ፣ የያሪባ፣ ያዳያ፣

7 ሳላ፣ አሞካ፣ ህልቂያን ያዳያ። ሀዋንቱ

ኢያሱ ላይላን ቁሳቶን ቁሳቱዋ ያራቶ ካቸዋ ግዴዳዋንታ።

8 ኡንቱንቱና እትጥ ሰሜዳ ሌዋቱ ኢያሳ፣ ቢኦያ፣ ቃድሞኤላ፣ ሸረብያ፣ ይሁዳን ማታንያ። ማታኒ ሀራ ባረናና ኦልያዋንቱና እትጥ ጋላታ ማዘሙርያ የጽያዋንቶ ካቸዋ።

9 ኡንቱንቱና እትጥ የጽያ ባቅቡቀን ኡኖን ኡንቱንቱጥ ሰንሳና ሃ ሰም ኤቂደ የጸኖ።

10 ኢያሱ የያቂማ የሌዳ፤ የያቂም ኤልያሽባ የሌዳ፤ ኤልያሽብ የያዳኦ የሌዳ፤

11 የያዳኦ የናታና የሌዳ፤ የናታን ያዳኦ የሌዳ።

12 የያቂም ቁሰ ኡባቱዋ ካቸዋ ግዴዳ ላይላ፣ ሀዋጥ ካሊደ ጸፈቲዳዋንቱ፣ ቁሳቱዋ ያራቱ ካቸዋ ግዴድኖ።

ሳራያ ያራ ካቸ ማራያ።

ኤርማሳ ያራ ካቸ ሀርንያ።

13 እዘራ ያራ ካቸ ማሹላማ።

አማርያ ያራ ካቸ ያሆሀናና።

14 ማሉካ ያራ ካቸ የናታና።

ሻባንያ ያራ ካቸ የሴፎ።

15 ሀሪማ ያራ ካቸ አዲና።

ማራዮታ ያራ ካቸ ህልቃያ።

16 እዶ ያራ ካቸ ዛካራሳ።

ግነቶና ያራ ካቸ ማሹላማ።

17 አቢያ ያራ ካቸ ዚክራ።

ሞንያምናን ማኦድያ ያራ ካቸ ፕልጻያ።

18 ብልጋ ያራ ካቸ ሻሙኦ።
 ሻማእያ ያራ ካቸ ዮናታና።
 19 ዮያሪባ ያራ ካቸ ማታናያ።
 ያዳያ ያራ ካቸ ኡዛ።
 20 ሳላያ ያራ ካቸ ቃላያ።
 አሞካ ያራ ካቸ ኤቤራ።
 21 ሀልቂያ ያራ ካቸ ሀሻብያ።
 ያዳያ ያራ ካቸ ናታንኤላ።

22 ሌዋቱ ካፓቱ ኤልያሽብ፣ ዮያዳእ፣ ዮሀናንነ ያዱእ ቁስ ካቸዋ ግዴዳ ዱማ ዱማ ላይላን ጸፈቱድኖ። ቃይ ቁሳቱ ፓርስ ጋድያ እሳ ግዴዳ ዳርዮስ ካተቱዳ ላይላን ጸፈቱድኖ።

23 ግድ ሸን፣ ሌዋቱ ያራቱ ካፓቱ ማዘገብያን ጸፈቱዳዌ ኤልያሽባ ናኦ ናኦ ዮሀናን ሀይቃና ጋካናዉ ደእያ ዋድያ ጸላላና።

24 ሌዋቱዋ ካለላያዋንቱ ሀሻብያ፣ ሸረብያን ቃድሞኤላ ናኦ ኢያሳ። ኡንቱንቱ ጸሳ እሳ ግዴዳ ካቲ ዳዊተ አዛዜዳዋዳን፣ ላኡዋን ሻከት ኤቂደ፣ ካላን ካላን ጸሳ ቦንቹናን እዉ ጋላታ ማዘሙርያ የጸኖ።

25 ጌሻ ጎልያ ግምቢያ ፕንግያ ማታን ኬጸቱዳ ዱማ ዱማ ሻሉዋ ዋልያ ጎልያ ናግያዋንቱ ማታንያ፣ ባቅቡቅያ፣ ኦባድያ፣ ማሹላማ፣ ጸልሞናን አቁባ ግያዋንታ።

26 ሀዋንቱ ዮጸዴቃ ናኦ ናኦ፣ ኢያሱ ናኦ ዮያቂም፣ ጋድያ ሞድያ ናህሚን ቁስን ጸፍያ ግዴዳ እዘር ደኤዳ ላይላን ኦሌድኖ።

ናህሚ የሩሳላሙ ካታማ ግምቢያ እንጅሱያ ባላ ኦሌዳ

27 የሩሳላሙ ግምቢ ግምብቲደ ዉሬዳ ባላ ቦንቹያ ዋደ፣ ሌዋቱ ባረንቱ ደኢያሳፕ ሳፕ ኮየቲደ፣ የሩሳላሙ ዬድኖ፣ ዳላን፣ ዱላንን ማሰንቁዋን ጋላታ ማዘሙርያ ናሽቻን የጸደ፣ ባላ ቦንቹድኖ።

28 ሀ ባላ ቦንቻናዉ ሌዋቱዋ ዛራቱ፣ ማዘሙርያ የጸያዋንቱ ኡባይ ባረንቱ ኬጸደ ኡቱዳ የሩሳላሙ ዩሹዋፕን ናጸፋቱ ጋድያን ደእያ ቁር ካታማቱዋ።

29 ቤት-ገልጋላፕ፣ ገባኦፕን እዘማዌታፕ ሸቂደ ዬድኖ።

30 ሄዋፕ ጉይያን፣ ቁሳቱ ነ ሌዋቱ ባረንቱ ሁጲያዉ ጌዬድኖ፣ ቃይ አሳይ ኡባይ፣ ግምቢያ ፕንገቱን ግምቢ ጸሳዉ ጌያናዳን ኦልያ ዋጋ ፖሌድኖ።

31 ታን ይሁዳ ካለላያዋንታ ግምቢያ ቦላን ሺሻይ፣ ቃይ ማዘሙርያ የጸያዋንታካ ላኡ ጩጉዋን ሻካደ ጸሳ ጋላታና ማላ ኦላድ። እት ጩጉ ግምቢያ ሁጲያና ኡሸቻ ሰሚደ፣ ፕቱዋ ኦልያ ፕንግያ ባጋ ቤዳ።

32 ሆሻይን ይሁዳ ካለላያዋንቱፕ ባጋቱ ኡንቱቱፕ ጉየና ካሊኖ።

33 ሀራቱ ቃይ ኡንቱንቱና ደእያዋንቱ እዘርያ፣ እዘራ፣ ማሹላማ፣

34 ይሁዳ፣ ቢንያማ፣ ሻማእያ፣ ኤርማሳን

35 ጸሩምባ ኦይቂደ ቁሳቱ ዋ። ቃይ ኡንቱንቱፕ ጉየና ዬዳዌ ዛካራሳ፣ ዛካራሰ ዮናታና ናኦ፣ ዮናታን ሻማእያ ናኦ፣ ሻማኤ ማታንያ ናኦ፣

ማታኒ ሞካያ ናኦ፣ ሞካይ ዛኩራ ናኦ፣ ዛኩር አሳፋ ናኦ።

36 ዛካራሳ ያራ ግዴዳ ሻማኤ፣ እዘርኤል፣ ሞላላይ፣ ግላላይ፣ ማኦይ፣ ናታንኤል፣ ይሁዳይን ሀናን ጸሳ አሳ ግዴዳ ዳዊተ ጸሳዉ የጸያ ዋደ ጎኤትያ የላ ሚሻ ኡባ አኪደ፣ ዛካራሳፕ ጉየና ካሊድኖ። ኡንቱንቱ ጩጉዋ ካለላያዌን ጸፍያዌ እዘራ።

37 ፑልቱዋ ፕንግያኮ ጋኮዋፕ ጉይያን፣ ዳዊታ ካታማኮ ሰሚደ፣ ግምቢያ ቦላን ደእያ ጸካ ከሴድኖ፣ ዳዊታ ጎለ አጂደ፣ ካታማፕ አዋይ ደልያ ባጋና ደእያ ሃላ ፕንግያኮ ቤድኖ።

38 ላኤንሶ ማዘሙርያ የጸያዋንቱ ጩጉ ግምቢያ ሁጲያ ኦይቂደ፣ ሀድርሳ ሰሚደ ቤዳ። ታን እሳፕ ባጋና እትፕ ግዴደ ኡንቱንቱፕ ጉየና ካላድ። እቶንያ አዱሳ ግምቢያፕ አጂደ፣ እኮ ግምቢያ ጌተትያ ሳኦ ጋኬዳ።

39 ቃይ ሄዋፕካ ሰሚደ፣ ኤፍሬማ ፕንግያ፣ ኤጫ ፕንግያ፣ ሞልያ ፕንግያ፣ ሀናንኤላ አዱሳ ግምቢያን ጾቱ አዱሳ ግምቢያ ጋካናሰካ ቤዳ። ግርሰላን ደርሳ ፕንግያ ማታና ቢደ፣ ናግያዋንቱ ፕንግያ ጋኪደ ኤቁዳ።

40 ማዘሙርያን ጸሳ ጋላትያ ላኡ ጩጉካ ጸሳ ጌሻ ጎልያኮ ጋኬድኖ፣ ቃይ ታንካ ታናና እትፕ ደእያ ካለላያዋና ጋካድ።

41 ኑፕ ሀራቱ ሀዋፕ ካሊደ ጸፈቱዳ፣ ጸሩምባ ፑንያ ቁሳቱ ካ ጋኬድኖ። ሄዋንቱካ ኤልያቂማ፣ ማእሴያ፣ ሞንያምና፣ ሞካያ፣ ኤልዮኤናያ፣ ዛካራሳን ሀናንያ።

42 ኡንቱንቱ ካሊደ ጋኬዳዋንቱ ማእሴያ፣ ሻማእያ፣ ኤልኦዛራ፣ ኡዛ፣ ያሆሀናና፣ ማልክያ፣ ኤላማን ኤጼራ። ኑን ኡባይ ደንድ ኤቆዋፕ ጉይያን፣ ማዘሙርያ የጸያዋንቱ ይዘራሄ ኡንቱንታ ካለላና፣ ባረንቱ ኮሻ ጶቁ ኦሊደ የጸድኖ።

43 ሄ ጋላስ ዳር ያርሹዋ አሳይ ጸሳዉ ያርሹዳ፣ አያዉ ጎፕ፣ ጸሳይ ኡንቱንቱ ዋልቃማ ናሽቻን ናሽቹዳ፣ ማጫ አሳይካ ናናይካ ናሽቱድኖ። ሄዋ ድራዉ፣ የሩሳላሙ አሳይ ናሽታያ ናሽቻይ ሃኩዋን ሰሰቱዳ።

44 ሄ ጋላስ አሳይ እምያ እምታቱዋ፣ አሰራታን ላይላን ካእያ ካላ አይፍያ ኮይሩዋ ሸሸደ፣ ሚሻቱዋ ዋልያ ጎላን ዋሊደ፣ ናግያ ካፓቱዋ ደሬድኖ። ሀ ደሬዳ አሳቱ ዱማ ዱማ ካታማቱዋን ደእያ ሸይቃቱዋፕ ህጊ አዛዘያዋዳን፣ ቁሳቶን ሌዋቶ ቦሰያ ቆሙዋ ሸሸኖ። አያዉ ጎፕ፣ ይሁዳ አሳይ ኡባይ ቁሳቱ ዋንን ሌዋቱዋን ሎይላ ናሽቱድኖ።

45 ኡንቱንቱ ጸሳይ አዛዜዳዋ ኦሌድኖ፣ ቃይ ጌይያ ዋጋካ ፖሌድኖ። ኡንቱንቱ ጸላላ ግደናን፣ ማዘሙርያ የጸያዋንቱን ፕንግያ ናግያዋንቱ ዳዊተን እ ናኦ ሶሎሞን አዛዜዳ ኦሱዋ ፖሌድኖ።

46 ካስ ዳዊታን አሳፋ ዋድያፕ ደሚደካ ማዘሙርያ የጸያዋንቱ ጩጉዋ ካለላያዋንቱ ጸሳ የላን ጋላታናዉን ቦንቻናዉ ደእያዌ ኤረቲደ ደእያዋ።

47 ዛሩባቤላ ላይላንን ናህምያ ላይላን እሰራኤልያ ኡባይ ማዘሙርያ የጸያዋንቶን

ጥንግያ ናግያዎንቶ በሰያ ቆሙዋ ሀቼ ሀቼ እሚድኖ፤ ቃይ ለዋቶካ ኡንቱንቶ ዲማዬዳ ቆሙዋ እሚድኖ። ለዋቶካ ቃይ እርና ያራቱዋ ግዴዳ ቄሳቶ ኡንቱንቶ ዲማዬዳ ቆሙዋ እሚድኖ።

13

እስራኤልያ አሳይ አላጋ አሳጥ ሻከቱዳ

1 ሄ ጋላሰ አሳይ ኡባይ ሰሰሽን፣ ሙሴ ማጻፋይ ናባባቱዳ፤ ሄ ዋደ ኡንቱንቱ፣ “ሞኢበ ጋድያ አሳይነ አሞና ጋድያ አሳይ ጸሳ ማባራን ጋከታናው በሰና” ግያ ሳኦ ማጻፋ ግድን ደሚድኖ።

2 አያው ጎጥ፣ እስራኤልያ አሳይ ግብጾጥ ከሲድ፣ ካናን ብያ ዋደ፣ ሞኢባነ አሞና ጋድያ አሳይ ኡንቱንቶ ካላነ ሃላ እመናን እጾድኖ። ሄዋ ቦላካ ቃይ እስራኤልያ አሳ ሸቃና ማላ፣ ባላማው ሻሉዋ እሚደ ሻሚድኖ። ግድ ሸን፣ ኑ ጸሳይ ሸቃ እንጅ ላሚዳ።

3 ሀ ህግያ እስራኤልያ አሳይ ሰሴዳ ዋደ፣ አላጋ ዛርያ ዋላካይ ደእያ ኡባ እስራኤልያጥ ሻከቱዳ።

ናህሚ ባዬዳ ዋጋ ኦራጽሴዳ

4 ሄዋጥ ካሰቲድ፣ ጌሻ ጎልያን ሚሻቱዋ ዋልያ ክፍለቶ ካፑዋ ግዴዳ ኤልያሽብ ጸቢያና ዳቦታ ሙድ ዋልዳ።

5 ሄዋጥ ደንደዳዋን ካላ አሞታ፣ እጻና፣ ጌሻ ጎልያን ደእያ ዲማ ዲማ ሚሻቱዋ፣ ካላጥ ዋይንያጥነ ዛይትያጥ ለዋቶ፣ ማዝሙርያ የጽያዋንቶን ጥንግያ ናግያዎንቶ እምያ አሰራታን ቄሳቶ እምያ ቆሙዋ ዋልያ ዋጋ ክፍልያ ኤልያሽብ ጸቢ አቃና ማላ፣ አው ገግሴዳ።

6 ሀ ኡባባይ ሀንያ ዋደ ታን የሩሳላሙን ደእክ። እያው ጎጥ፣ አርጸክሲሰ ባብሎን ጋድያን ካተቱዳ ሀታማነ ላኤንላ ላይላን ታን ሰማደ ባብሎን ጋድያ ካትያኮ ባ ክቻድ። ግድ ሸን፣ ጉላ ዋድያጥ ጉይያን፣ ካትያ ኦቻድ።

7 የሩሳላሙ ሰማደ ያድ። ጸሳ ጌሻ ጎሊ ደእያ ሳኦን ኤልያሽብ ጸቢያው እቅያ ክፍልያ ገግሲድ፣ እ ኦልዳ ኢታባ አኩካድ።

8 ሎይላ ሀንቀታድ፣ ጸቢያ ሶይ ሻሉዋ ኡባ ክፍልያጥ ከሳድ፣ ካረ ኦላድ።

9 ክፍልያካ ቃይ ዋጋዳን ጌሻና ማላ አዛዛድ። ጸሳ ጌሻ ጎልያ ሚሻቱዋ፣ ካላ፣ እሞታን እጻና ዛራደ ሄ ሳኦ ገልሳድ።

10 ቃይ አሳይ ለዋቶነ ማዝሙርያ የጽያዋንቶ በሰያ ቁማው እምቤና ድራው፣ ለዋቱነ ማዝሙርያ የጽያዋንቱ ኡባይ ባረንቱ ኪታ አገድ፣ ጎሻው ጉየ ቤዳዋ በእድ።

11 ሄዋ ድራው፣ ታን ካጥቱዋ፣ “ጸሳ ጌሻ ጎልያ ኡሱዋ እያው ኦል እኬድቱ?” ያጋደ ሀንቀታድ። ሄዋጥ ጉይያን፣ ኡንቱንታ ጾጋደ ኡባካ ኡንቱንቱ ኦሶ ኡሱዋ ዛራድ።

12 ያትና፣ ይሁዳ አሳይ ኡባይ ካላጥ፣ ዋይንያጥነ ዛይትያጥ እምያ አሰራታ ጌሻ ጎልያ ሚሻቱዋ ዋልያ ጎልያ ዛራድ፣ አሁዋ ደሚዳ።

13 ታን ቄሰያ ሸሌምያ፣ ጸፍያ ጸደቃነ ሌዌያ ፓዳያ ሚሻ ዋልያ ጎልያው ካፑዋ ኦላደ ሱንሳድ። ቃይ ማታንያ ናኦ ናኦ ዛኩራ ናኦይ ሀናን ኡንቱንታ ማድያዋ። ሀዋንቱ ኡባይካ ኮሽያዋ ኡባ ባረንቱ እሻቶ ሻክ ሻክ እምያዋን አማነትያዋንታ ግዴድኖ።

14 “ታ ጸሳው ታና ቆፓ፤ ቃይ ነ ጌሻ ጎልያ ኪታይ ገጋና ማላ፣ ታን ኦልዳ ሎኦ ኡሱዋካ ድጎፓ” ያጋደ ታን ዋሳድ።

15 ሄ ዋድያን ታን ይሁዳን ደእያ አሳይ ሳሞባታ ጋላሰ ዋይንያ ጉምእሽን በእድ፤ ሀራቱካ ቃይ ካላ፣ ዋይንያ ኤሳ፣ ዋይንያ አይፍያ፣ ባላሰያ አይፍያነ ሄዋንታ ማላትያባቱዋ ባረንቱ ሀርያን ጫኒደ፣ ሳሞባታ ጋላሳን የሩሳላሙ አህያዋ በእድ። ሄዋ ድራው፣ ኡንቱንቱ ሳሞባታ ጋላሳን ዛልኤናዳን ታን ኡንቱንቶ ሞንሳደ ኦዳድ።

16 ሄዋ ቦላካ ቃይ የሩሳላሙን ደእያ ጸረሳ ጋድያ አሳቱ ዋልያነ ሀራ እት እት ዛልኤ ሚሻቱዋ አሂደ፣ ሳሞባታን የሩሳላሙን ይሁዳ አሳው ዛልኤኖ።

17 ሄዋ ድራው፣ ታን ይሁዳ ካለልያዋና ሀዋዳን ያጋ ዋላቀታድ፤ “ሀዋ ማላ ኢታ ኡሱዋ ኦልዳ፣ ሳሞባታ እያው ቱንሲቱ?”

18 ጸሳይ ሀዋ ማላ ሙቱዋ ኑ ቦላንነ ኑ ካታማ ቦላን አሄዳዌ፣ ካሰ ሀንተንቱ አዋቱ ሄዋ ማላ ኢታባ ኦልና ግድኔየ? ሀእ ሀንተንቱ ቃይ ሳሞባታ ቱንሲደ፣ እስራኤልያ ቦላን ሀራ ሀንቁዋ አሀናው ሀኒታ” ያጋድ።

19 ሄዋጥ ጉይያን፣ ሳሞባታ ጋላሳጥ ካሰቲደ ደእያ ጋላሳን ሳኦይ ለለምእያ ዋደ፣ የሩሳላሙ ግምቢያ ጥንገቱ ጎርደታናዳን ሳሞባታይ አቆናው ደየተናዳን ታን አዛዛድ። ቃይ ሳሞባታ ጋላሳን አይ ዛልኤያነ አኪደ ገለናዳን ናጋና ማላ፣ ታ ቆማቱዋጥ እቱዋ እቱዋ ግምቢያ ጥንግያን ኤሳድ።

20 ሄዋ ድራው፣ ዲማ ዲማ ዛልኤ ሚሻቱዋ አህያ ዛልኤንቻቱ እቱዋጥ ቢደ ላኡዋ ጋካናው፣ የሩሳላሙ ግምቢያጥ ጋጸ ባጋና አቁድኖ።

21 ሸን ታን ኡንቱንታ ሀዋዳን ያጋደ ሴራድ፤ “ግምቢያጥ ጋጸና ዋናናው አቁቱ? ሀንተንቱ ላኤንላ ሄዋዳን ኦላጥ፣ ታን ዋልቃንካ ሀንተንታ ተኣና” ያጋድ። ሄ ጋላሳጥ ጉይያን፣ ላኤንላ ሳሞባታ ጋላሰ ሙላ ይበይክና።

22 ለዋቱ ባረንቱ ሁጺያ ጌሻናዳን ሳሞባታ ጋላሳይካ ጌሻ ግዳና ማላ፣ ግምቢያ ጥንገቱዋ ናጋናዳን ታን አዛዛድ።

“ታ ጸሳው፣ ሀ ኡባባ ድራው፣ ኔን ታና ቆፓ፤ ቃይ ነ አገና ሲቁዋ ድራው፣ ኔን ታው ቃረታ” ያጋደ ዋሳድ።

23 ሄ ዋደ ቃይካ ታን ይሁዳ አቱማ አሳጥ እቱ እቱ ማቻያ አሸደዳ፣ አሞናን ሞኢበ ጋደቱዋጥ አኬዳዋ በእድ።

24 ኡባ ቃይ ኢታባይ ኡንቱንቱ ናናቱዋጥ ባጋይ አሸደዳ ጋድያ ዋይ እት እት ሀራ ጋድያ ቃላን ሃሳዪኖጥ እትና፣ ባረንቱ ጋድያ፣ ይሁዳ ቃላን ሃሳናናው ዳንዳይክና።

13:1 ዛረ. 23:3-5 13:2 ፓይ. 22:1-6 13:10 ዛረ. 12:19 13:12 ሚልክ. 3:10 13:15 ከሳ 20:8-10፤ ዛረ. 5:12-14፤ ኤር. 17:21-22 13:23 ከሳ 34:11-16፤ ዛረ. 7:1-5

25 ታን ኡንቱንቱና ኦሽታድነ ኡንቱንታ ሸቃድ፤ ቃይ ኡንቱንቱ፣ እቱዋ እቱዋ ደቻደ፡ ኡንቱንቱ ሁጲያ ብናና ሾዳድ። ሄዋ ጸላላ ግደናን ኡንቱንቱ ላኤንሶ ባረንቱ ማጫ ናና ኡንቱንቱ እቱማ ናናቶ እመናዳንነ ኡንቱንቱ ማጫ ናናካ ባረንቱን ባረንቱ እቱማ ናናቶ እስናዳን ጸላ ሱንሳን ጫቀታድ።

26 ቃይካ ኡንቱንታ ሀዋዳን ያጋድ፤ “ካትያ ሶሎሞን ናጋራ ኦሴዳዌ አላጋ ጋድያ ማጫ አሳቱዋ፣ ደንዴዳዋና ግደኔየ? ሶሎሞን ማላ ካቲ ሀራ ዳሮ ጋድያ ካተቱዋ ግደንካ ባዋ፤ ጸላይካ እ ደሴዳ ድራዉ፡ እሰራኤልያ አሳ ኡባ ቦላን ካተዬዳ። ግደ ሸን፡ ሀራይ እቶ አካ አላጋ ጋድያ ማጫ አሳቱ ሀዋ ማላ ናጋራ ኦሰሴድና።

27 ያትና፡ ኡንካ ቃይ ህንተንቱ ዘርያ ሰሲደ፡ አላጋ ማጫ አሳ እኪደነ ሄዋ ማላ ኢታባ ኦሴደ፡ ጸላ ናቃኔየ?” ያጋድ።

28 ቄሰያ ኡባቱዋ ካቱዋ ኤልያሸባ ናናቱዋ፣ እቱ ዮያዳእ፤ ሸን እ ናናቱዋ፣ እቱ ቤት-ሆሮና ካታማ አሳ ግድያ ሳንባላጸ ናቶ እኬዳ። ያትና፡ ታን እ ታ ደእያ ሳአ፣ የደርሳድ።

29 “ታ ጸላዉ፡ ሀዋንቱ ቄሰተላ ዋጋ ቱንሴዳዋነ ኔን ቄሳቱ ዋናነ ሌዋቱዋና ዋሴዳ ቃላ ጫቁዋ ኮሌዳዋ በእ” ያጋደ ታን ዋሳድ።

30 ኡንቱንታ አላጋ ግዴዳ የዉዋ ኡባ፣ ጌሸዋ፣ ጉይያን፡ ቄሳቶነ ሌዋቶ ኡንቱንቱ ኦሱዋ ኡሱዋ እማድ።

31 ቃይ ያርሹዋ ጹግያ ሞላይካ ዋድያን ዋድያን ያና ማላነ አሳይካ ባረዉ እይፌዳዋ፣ ኮይሮ አይፍያ እሞታ ኦሴደ አሀና ማላ፡ ዋጋ ዋላድ።

“ታ ጸላዉ፡ ነ ሎኦተላን ታና ቆፓ” ያጋደ ታን ዋሳድ።

አስተር ማጻፋ ገሎ

አስተር ማጻፋን እደቅታ ታርኪ ፓርሰ ካቲ ባልጉዋ እላያ ሳኒ ፖሎቲካዊ። ሄ ታርኪ አስተራ ባረ ዋልቃማ ጸላንን ባረ አሳ ሲቅያ ዋልቃማ ሲቅዋን፤ ሞርከቱ ጋድያፕ ቆይሳና ሀንያ ባረ አሳ እሹዳ፤ አይሁዳት ታርክያ ሞንሲደ ኦዴ። ሀ ማጻፋይ አይሁዳቱ ቦንቶያ፤ ፑሪማ ጌተትያ ኤረትያ ባላ ደመላን አ ብርሽላ ሎይሲደ ኦዴ።

ሸምጋቱዋ ኡባቶ እመቴዳ ቃንሳ ቆፋቱዋ

አስተራ ካተታዱ 1:1—2:23

ሃማን አይሁዳቱዋ ቆይሳናዉ ሀልቼዳ 3:1—

5:14

ሃማና ቦላ ሀይቁ ፕርደቲዳ 6:1—7:10

አይሁዳቱ ባረንቴ ሞርከቱዋ ኩሽያ

ጭገቲድኖ 8:1—10:3

አስተራ ካተታዱ

(1:1—2:23)

ካታታ አስጸና ካትያ አርጸክሲሳ አዛዙዋ እጻዱ

1-2 ሀዌ ካቲ አርጸክሲሰ ሀንደ ጋድያፕ ቶጵያ ጋድያ ጋካናዉ ደእያ፤ ጴታን ላታማን ላቸን ቢታቱዋ ሞድያ ዋደ ሀኔዳባ። እ ኡቲደ ሞድያ ዋና ካታማይ ካቲ ደእያሳ ሱሳ ጌተቱ።

3 እ ካተቱዳ ሄዘንላ ላይላን፤ ባረፕ ጋርሳና ሞድያዋንቶን እናና ኦላያዋንቶ ባላ ጊገሴዳ። ሄ ባላ ሳኒን ሜዶናን ፓርሰ ጋድያ ኦላ ጋዳዋቱ፤ ጋድያ ካፓቱን አይሰያዋንቱ ቤቴድኖ።

4 ካቲ እት ጴታን ሆሰቸን ታሙ ጋላሳ ኩመንሳ ባረ ካዉተላ ዱረተላን ባረ ቦንቶ አንጋ ኡባ ጮራ ጋላሳ ኡንቱንታ በሴዳ።

5 ሄ ጋላሳቱዋፕ ጉይያን፤ ካቲ ቃይካ ሀራ ላቸን ጋላሳዉ ጋምእያ ባላ፤ ሱሳ ካታማን ካቲ ደእያሳ፤ ዱርያፕ ማንቁዋ ጋካናዉ ደእያ አሳ ኡባዉ ጊገሴዳ። ሄ ባላይ ካትያ ጎልያ አታክልትያ ሳኒን ጊጌዳ።

6 ሄ ሳኒን ደእያ ዳባባይ፤ ሊትዋፕ ዳይቲዳ ቦላን ሳሉዋ ማላትያ ጋርዳቱዋን ፑላት ኡቴዳ። ጋርዳቱካ ቦላን አቻ ቴራ ማላትያ ሎኦ ሊትዋ ባቀላን አሊና፤ አብነባራድያ ጌተትያ ሹቻፕ ኦሰቴዳ ቱሳ ቦላን ደእያ ብራ ሞግዳቱዋን ካቀት ኡቴድኖ። ቃይ ዋርቃፕን ብራፕ ኦሰቴዳ አርሳቱ፤ ዲማ ዲማ ማላይ ደእያ አልኦ ሹቻቱዋፕን እንቆቱዋፕ ኦሰቴዳ ባሱዋን ማራን የገት ኡቴድኖ።

7 እቲ እቲዋፕ ዲማ ግዴዳ ዋርቃ ቡርጨኩዋን ኡቫይ አሳዉ እመቴ፤ ካቲካ ባረ ሎኦተላን ዳር ሎኦ ዋይንያ ኤሳ ዳርሰ እሜዳ።

8 እት እት አሳይ ባረ ኮዮዋ ከቫ ኡሼ፤ ሄዋ ካቲ ካሰቲደ፤ ባረ ቆማቶ ኦድ ዋሌዳ።

9 ሄ ዋደ ካታታ አስጸናካ ማጫ አሳ ባላ ካትያ ጎላን ጊግሳዳ።

10 ሸቢ ደመቲዳ ላቸንላ ጋላሰ፤ ካቲ አርጸክሲሰ ዋይንያ ኤሳ አሊደ ናሽቴዳ ዋደ፤ ባረ ቆማቱዋ ማሀማና፤ ብዘታ፤ ሀርቦና፤ ቢግታ፤ አባግታ፤ ዘታራን ካርካሳ ጌተትያ ላቸን ጎይረቲዳዋንታ ጴሲደ።

11 “ካታቶ አስጸኖ ካዉተላ ካላቻ ዋሰሲደ፤ ሃ አኪደ ዪተ” ያጊደ አዛዜዳ። እያዉ ጎፕ፤ እ ሎይላ ማላ ሎኦ ግድያ ድራዉ፤ ካፓቱን አሳይ ኡባይ እዞ በእና ማላ፤ ካቲ ኮዬዳ።

12 ሸን ካትያ አዛዙዋ ሱንላቱ ኦድና፤ ካታታ አስጸና ካትያ ሰንላዉ ዬናን እጻዱ። ሄዌ ካትያ ሀንቁዋን ኤሌዳ።

13-14 ሄዋ ድራዉ፤ ካቲ ባረ ሰንላ ሺቃናዉን ባረ ካዉተላ ጋርሳን ዋልቃማ ማታይ ደእያ ላቸን ፓርሰን ሜዶና ሱንላቱዋ ጴሲደ ገልሴዳ። ኡንቱንቱ ካርሻና፤ ሸታራ፤ አድማታ፤ ታርሴሳ፤ መሪሳ፤ ማርሳናን ማሙካና ጌተቲኖ። ሄ አሳቱ አጴዳ ኤራንቻን ሄ ጋድያ ሀግያ ኡባን ደኡዋ ዋጋ ሞንሲደ ኤሪኖ። ሀዋ ማላባዉ ካቲ ኡባ ዋደካ ኡንቱንታ ኦቼ።

15 ካቲ ኡንቱንታ፤ “ታን፤ ካቲ አርጸክሲሰ፤ ታ ጎይረቶዋንቱ ቦላ ኪትና፤ ካታታ አስጸና ታ አዛዙዋ ፖሊናን እጻዱ። ሄዋ ድራዉ፤ ሀጊ ኦድያ ማራን እዞ ዋታናዉ በሲ?” ያጊደ ኦቼዳ።

16 ሄዋፕ ጉዮ ኡንቱንቱፕ እቲ፤ ማሙካን ካትያ ሰንላንን ካፓቱ ሰንላን ዛሪደ፤ ሀዋዳን ያጌዳ፤ “ካታታ አስጸና ካትያ ጸላላ ግደናን ደእሸን፤ አ ካፓቱዋ ኡባን አ ካዉተላ ኡባ ግዲዋን ደእያ አሳ ኡባ ናቃዳ።

17 እያዉ ጎፕ፤ ሀ ካዉተላ ግደን ደእያ ማጫ አሳይ ኡባይ ካታታ አስጸና ኦሌዳዋ ሰሲደ፤ ባረ አሰና አሰና ካቆናዉ ደማና። ኡንቱንቱካ፤ “ካቲ አርጸክሲሰ ባረኮ ያናዳን ጴግሰና፤ ካታታ አስጸና እጸባይኬየ!” ያጋና።

18 ሄዋ ጸላላ ግደናን፤ ፓርሰን ሜዶና ካፓቱ ማቻቱ ሀዋ ሰሴዳ ዋደ፤ ሀቼ አዋይ ዉላናዉካ ባረንቱ አሰናቱዋ ሄዋዳን ጊደ ካቆና። ሄዋን ማቼቱዋፕን አሰናቱዋፕ ግዲዋን ካቆን ሀንቁ ዳራና።

19 “ሄዋ ድራዉ ካትያዉ፤ ኔን ደሶፕ፤ አስጸና ላኤንላ ነ ሰንላ አፍሳዳን ድግያ አዋዩዋ ከሳ፤ ሄ አዋዩካ ላኤንላ ላመተና ማላ፤ ፓርሰን ሜዶና ሀግያ ግደን ጸፈቶ። ሄዋፕ ጉይያን፤ አ ካታቶ ግድያ ቦንቱዋ አፕ ኬክያ ሀራርዉ እማ።

20 እያዉ ጎፕ፤ ሀ ኔን አሌዳ አዋዩ ሀ ዋልቃማ ካዉተላን ኡባን ኦደትያ ዋደ፤ እት እት ማቻታ ዱረ ግድና፤ ማንቆ ግድና፤ ሻከናን ባረ አሰና ቦንቻና” ያጌዳ።

21 ሄዋፕ ጉዮ ካቲን አ ካፓቱ ሀ ዘርያን ናሽቴድኖ። ሄዋ ድራዉ፤ ማሙካን ጌዳዋዳን ካቲ ኦሌዳ።

22 እ ባረ ካዉተላ ግደን ደእያ ዲማ ዲማ ቢታቱዋ ኡባዉ ኡንቱንቱ ፕደልያንን ኡንቱንቱ ቃላን ጸፊደ፤ ዳብዳቢያ ኪቲዳ፤ ሄ አዋዩ፤ እት እት አሰናይ ባረ ጎልያ ጎልያ አይሳናዉን ባረ ቃላን ሃሳናዉ ካቸዋ ግድያዋ ኦዴ።

2

እስትራ ካታቶ ግዳዱ

1 ሄዋጥ ሰሚደ፣ ካትያ አርጸክሲሳ ሀንቁ ዶቼዳ፤ እስጲና ኦሴዳባነ እካ እዝ ቦላን ከሴዳ አዋዩዋባ ቆፔዳ።

2 ሄ ዎደ ካትያ ጎለን ኦሳያ ቆማቱ አ ሀዋዳን ያጌድኖ፤ “ሎኦ ማላና ደእያ ዎደሮ ማጫ ናና ኮዪደ፣ ካትያው አሀና ማላ።

3 ነ ካወተላ ግዲዋን ደእያ ቢታቱዋ ኡባን ካፓቱዋ ሱንላ። ኡንቱንቱካ ሎኦ ማላና ደእያ ዎደሮ ማጫ ናና ዶሪደ፣ ሱሳ ካታማ እሂደ፣ ማጫ አሳ ጊጌዳ ጎለን ዎሐኖ። ሄዋን ሄ ማጫ አሳው ጎለዉ ሀላፊ ግድያ ካትያ ጎይሩዋ ሄጋያ ኩሽያን ኡንቱንቱ ደእሸን፣ ኡንቱንቱ ማላ ሎይሳያባይ ኡንቱንቶ እመቶ።

4 ሄዋጥ ጉይያን፣ ካትያ ኡባጥ አቆ ናሸችያ ወደራታ አሰጸን ኮታን ካታቶ ግዲ” ያጌድኖ። ሄዋጥ ጉዩ ሀ ዘሪ ካትያ ናሸቼዳ ድራዉ፣ ካቲ ሄዋዳን ኦሴዳ።

5 ሄዋን ሱሳ ካታማን ካቲ ደእያ ሳን እት ማርድክዮሳ ጌተትያ አይሁዳ ጋድያ አሳይ ደኤ። እካ ያኢራ ናኣ፤ ያእር ሸምኦ ናኣ፤ ሸምኦ ቢንያማ ዘርያ ግዴዳ ቂሳ ናኣ።

6 ባብሎን ካቲ ናቡካዳናጾሪ ይሁዳ ካትያ ዮኣኪናን ሀራ አይሁዳ አሳ ኦላን ኦሞዲደ አፊዳ ዎደ፣ ማርድክዮሳ ዩሩሳላሙጥ ኡንቱንቱና እትጥ ቤዳዎ።

7 እ ሄ ጋድያን ደኢደ፣ ባሪ አዉዋ እሻ ናቶ፣ እብራይጾ ቃላን ሀዳሶ ጌተትያ አታን አዉ ሀይቅኤዳ አሰቲሮ ባሪናና ዎሐደ ድቼ። እዝ አዉን አታ ሀይቆዋጥ ጉይያን፣ ማርድክዮሳ እዝ አፊደ፣ ባሪ ማጫ ናቶ ኦሴዳ ድቼዳ። አሰትራ ሙፋንካ ጌሳንካ ሎይሳ ማላ ሎኦ።

8 ካቲ ከሴዳ አዋዩዋን አዛዙዋ ማራን፣ ካቲ ደኢያሳ ሱሳ ካታማ ካትያ ጎልያ ዬዳ ደረቲዳ ሀጋዩ አዎተላን ኡቲዳ ጮራ ዎደሮቱዋጥ እትና አሰቲሮ። እዛካ ያደ፣ ማጫ አሳው ጊጌዳ ጎለ ሀላፊ ግዴዳ ሄጋያ ግያዎ አዎተላን ኡታዱ።

9 ሄጋይ አሰትርን፣ ሎይሳ ናሸቲዳ፤ እዛ አ ሰንላን ናሹዋ ደማዱ። ያቲደ ኤለካ ማናዉ ቁማን ቦላ ኦከትያዎ እዝዉ እሜዳ። ቃይ እዝዉ አላናዉ ካትያ ጎልያጥ ደረቲዳ ላቸን ዳንጋጽረቱዋ ሱንላደ፣ ማጫ አሳው ጊጌዳ ጎለን፣ ክፍልያ ኡባጥ አቆደ ሎእያ ክፍልያን ኦነ እ ዳንጋጽረቱዋ አፊደ ዎሐዳ።

10 ማርድክዮሳ እዝዉ ካሰቲደ ኦዴዳዎዳን፣ አሰትራ ሀቃ አሳጥንቶን ኦ ቆመንቶ አዉን ኦዳቢይኩ።

11 ቃይካ ማርድክዮሳ አሰትር ፓጸተላን እዝዉ ሀንያዎ ኤራናዉ፣ ማጫ አሳ ጎልያ ዳባባጥ ሰንላና ጋላሳን ጋላሳን ያነ ሃነ ሀመቱ።

12 እት እት ወደራታ ካትያኮ ገላናጥ ካሰታደ ማጫዎንቶ አዛዘቶ ማራዳን፣ እዛ እት ላይሳ ኩሙንላ ባሪ ማላ ሎይሳደ ጋምአዉ፤ ሄዌካ፣ ኮይሮ ኡሱቸን አግና ካርቢያ ዛይትያን ጎርጥታደ ጋምአደ፣ ላኤንሳ ኡሱቸን አግና ቃይ፣ ሎኦ ሳዊያ ሸቱዋንን ማላ ሎይሳያባን ጎርጥታዉ።

13 ሄዋጥ ጉይያን፣ እት ወደራታ ካትያኮ ገልያ ዎዲ ጋክያ ዎደ፣ እዛ ኮዮዌ ኡባይ እመትና፣ ማጫ አሳ ጎልያጥ ከሳደ፣ ካቲ ደእያ ሳኦ ገላዉ።

14 ቃማ ገላደ፣ ካትያና አቁዳዋጥ ሀን ባጋን፣ ዎንትና ጉራ ከሳዉ። ካትያና አቅ ከሴዳ ማጫዎንቱ ደእያ ሀራ ጎልያ እዝ አፊና። ሄ ጎልያዉ ሀላፊ ግድያ ካትያ ጎይሩ ሻእሻጋዝ እዝ ናጌ። ካቲ ደሲደነ እ ሱንላ ጴሴዳ፣ “ኤበሎ አሀተ” ጋና ቆዮጥ፣ አ ላኤንሳ ካትያኮ ገላናዉ ዳንዳዩኩ።

15 ሄዋ ግዲደ፣ ካትያኮ ገልያ ካላይ አሰቲሮ ጋኤዳ። አሰትራ ማርድክዮሳ አዉዋ እሻ አብሀይላ ናቶ፤ ማርድክዮሳ ባሪ ናቶ ኦሴደ ድቼዳና። እዛ ማጫ አሳይ ጊግያ ጎለዉ ሀላፊ ግድያ ካትያ ጎይሩ ሄጋይ ዘሪዳዋጥ አትና እዛ አይነ ኦቻቢይኩ። ኦ በኤዳ ኡባይ አ ማላ ናሹዳ።

16 አርጸክሲሳ ካተቲዳ ላቸንላ ላይላን፣ ተቤታ ጌተትያ ታማንላ አግናን አሰቲሮ ካቲ ደእያ ሳኦ አፊዳ።

17 ካቲ ሀራ ማጫዎንቱ ኡባጥ አላደ፣ እዝ ደሴዳነ ሀራ ዎደሮቱዋ ኡባጥ እዝን ናሸቲዳ። ሄዋ ድራዉ፣ ካወተላ ካላቻ እ ሁጲያን ዎሐደ፣ እዝ አሰጸን ሳኦን ካታቶ ኦሴዳ።

18 ሄዋጥ ጉይያን፣ ካቲ አሰትር ቦንቾ ዎልቃማ ባላ ገግሲደ፣ ዎድያዎንታን እናና ኦሳያዎንታ ጴሴዳ። ቃይ ባሪ ካወተላ ግዲን ናሸቻ ባላይ ቦንቼታና ማላ አዋዩደ፣ አዎታካ ባሪ ኬካተላ ኬሻ እሜዳ።

ማርድክዮሳ ካትያ ሸምቱዋ አሹዳ

19 ዎደራቱ ላኤንሳዎ ሸቁዳ ዎደ ማርድክዮሳ ካትያ ጎለ ጥንግያን ማታይ እመትና ኡቲዳ።

20 አሰትራ ሀቃ አሳጥንቶን ኦ ቆመንቶ ኦነ ኦዳቢይኩ። ኦ ማርድክዮሳ፣ “ኦደፓ” ጌዳ ድራዉ፣ ካሰ ናአተላን አዛዘትያዎዳን፣ ሀእካ አዉ አዛዘታዱ።

21 ማርድክዮሳ ካትያ ጎለ ጥንግያን ኡቲዳ ሄ ዎደ፣ ካቲ ደእያ ክፍለቱዋ ገልያ ጥንግያ ናግያ ካትያ ጎይረቶዎንቱጥ ላኦቱ፣ ብግታንን ተረሽ ካትያ አርጸክሲሳ ሞርኪደ፣ ዎቆናዉ ማቀቲድኖ።

22 ኡንቱንቱ ማቁዋ ማርድክዮሳ ሰሲደ፣ ካታት አሰትርዉ ኦድና፣ እዛካ ማርድክዮሳ ሱንላን ካትያዉ ኦዳዱ።

23 ካቲ ዮዉዋ ሎይሳደ፣ ቆሪደ ጴልያ ዎደ፣ ዮዉ ቱማ ግዲደ ቤትና፣ ሄ ላኡ አሳቱዋ ኮጫን ካቁደ ዎዴዳ። ሀ ሀኖተላይካ ካትያ አርጸክሲሳ ታርክያ ጻፍያ ማጻፋን እ ደእያ ሳኦን ጻፈቲዳ።

3

ሃማን አይሁዳቱዋ ቆይሳናዉ ሀልቼዳ (3:5-14)

1 ሄዋጥ ጉይያን፣ ካቲ አርጸክሲሳ ሀማና ሱንላተላ ቶቁሲደ፣ ባሪ ካፓቶ ካቸዋ ኦሴደ ሱንላዳ። ሀማዳታ ናኦ ሀማን አይሁዳቱዋ ሞርክያ፣ አጋጋ ዘርያ።

2 ካቲ አዛዘ ዎሐዳ ድራዉ፣ ካትያ ጎልያ ጥንግያን ደእያ ካፓቱ ኡባቱ ሃማን አድያ ዎደ፣

2:6 2 ካታ. 24:10-16፤ 2 ኦዲዋ 36:10

ጉልባቲደ አ ሰንቸኛ። ግደ ሸን። ማርዶክዮስ ሃማናው ጉልባተናን ሰንቸኛን እጸዳ።

3 ሄ ዋድያን ካትያ ጎልያ ገንግያን ደእያ ካፓቱ ማርዶክዮሳ። “ካትያ እዛዙዋ ፖሊናን እያው እጸይ?” ያገደ።

4 ሀቼ ሀቼ ኦዲኛ፤ ሸን እ ኡንቱንቱ ኦድያዋ ሰሳናው ኮይቤና። ኡባ ቃይ። “ታን አይሁዳ አሳ ግድያ ድራው። ሃማናው ጉልባታናውን አ ሰንቸኛው ዳንዳይከ” ያገደ።

ሄዋፕ ጉይያን ኡንቱንቱ። “ሀ ማርዶክዮስ ኦድያ ጋሱዋ ሰሲደ። ሃማን ዋናንዳሻ!” ገደ። አው ኦዳድኛ።

5 ማርዶክዮስ ባረው ጉልባተናዋን ባረና ሰንቸኛዋ ሃማን ኤሬዳ ዋደ። ሀንቁዋ ታማዳን ኤጽ ከሴዳ።

6 ሄዋ ቦላካ ቃይ። ማርዶክዮስ አይሁዳ አሳ ግድያዋ ኤሬዳ፤ አ ጸላላ ዋድያዋ ላፋባ ገደ ቆፔዳ ድራው። አርጸክሲሳ ካውተላ ግዲዋን ደእያ አይሁዳ ዛርያ ኡባ ዋዳናው ሀልቼዳ።

7 አርጸክሲሳ ካተቱዳ ታማን ላኤንሶ ላይላን። ንሳና ጌተትያ ኮይሮ አግናን። አይሁዳቱዋ ዋድያ አግናን ጋላሳ ኤራናው። ፑሪማ ጌተትያ ሳማ አ ሰንላን የጋናዳን። ሃማን አዛዜዳ። ሄ ሳማይ ዋዴዳ ማራን። አዳረ ጌተትያ ታማን ላኤንሳ አግናን። ታማን ሄዘንሶ ጋላሳይ አይሁዳቱ ወርያ ጋላሳ ግድያዋ ቃሸቱዳ።

8 ሄዋፕ ጉይያን። ሃማን ካትያ አርጸክሲሳው ሀዋዳን ያገደ ኦዳዳ፤ “ነ ካውተላ ግዲዋን ሙላ ሳኦን ላለቲደ ደእያ እት ዛረ አሳቱ ደእኖ፤ ኡንቱንቱ ደኡዋ ማራይ ሀራ አሳ ኡባዋፕ ዲማ፤ ሄዋ ጸላላ ግድናን። ኡንቱንቱ ካትያ ሀግያውካ ሞደትክኖ። ሄዋ ድራው። ኔን ኡንቱንቱ ደእኖ ጋደ ጮኡ ጎፕ። ሄዋ ሎኦ ግድና።

9 ሄዋ ድራው ካትያው። ሀ ቆፋይ ኔና ናሸቾፕ። ሀ አሳቱዋ ዋድ ዳይሳና ማላ። አዋዩዋ ከሳ። ሄዋ ነ ኦሎፕ። ታን 340,000 ከሎ ግራምያ ዴጽያ ብራ ካትያ ሚሻ ምንጅያ ጎለው ገልሳናዳን። ሀ ኡሱዋ ኦሎዋንቶ እማና” ያገደ።

10 ሄዋፕ ጉዮ ካቲ ባረ ማታ ኤርሳናው አዋዩዋ ቦላ ዋላያ ምግዲዋ ማታፋ ባረ ብራድያፕ ከሲደ። አይሁዳቱ ሞርክያ። አጋጋ ዛርያ። ሀማዳታ ናኦ ሃማናስ እማዳ።

11 ካቲ ሃማና። “ኔን እማና ጌዳ ብራይ ነ ማታን ደእ፤ ሸን ሀ አሳቱዋ ቦላ ነ ደሴዳዋ ከተታ” ያገደ።

12 ሄዋ ድራው። ኮይሮ አግናን። ታማን ሄዘንሶ ጋላሳን። ሃማን ካትያ ጸፈቱዋ ጸጌዳ። ሄ አዋዩ ቢታ ኡባን ደእያ አሳው ዲማ ዲማ ቃላንን ዲማ ዲማ ፕዶልያን ጸፈቲደ። ካትያፕ ጋርሳና ጋድያ ሞድያዋንቱኮ። አውራጃ ሞድያዋንቱኮን ደርያ ካፓቱ ኡባኮ ከተታናዳን አዛዜዳ። አዋዩካ ካትያ አርጸክሲሳ ሰንላን ጸፈቲደ። ምግዲዋ ማታፋይ አ ቦላ ዋዳዋፕ ጉዮ።

13 ኤሌል ዋላንቻቱ አ ካውተላ ጋድያ ኡባ ጋላናዳን ከተቱድኖ። ሄ አዋዩ። “አዳረ ግያ ታማን ላኤንሶ አግናን ታማን ሄዘንሶ ጋላሳን። አይሁዳ ኡባ። ያላጋ። ጭማ። ማጫዋ። አቱማዋ። ናናካ አሸናን ሙጽ እት ጋላሰ ወርሰ ዋድተ፤ ኡንቱንቱ አቁዋካ ቦንቁተ” ያገደ።

14 ሄዋ ድራው። ሄ ኬሬዳ ጋላሳይ ጋክያ ዋደ። አሳይ ኡባይ ገገታናዳን። ሄ እዛዙ ቢታው ኡባው ጸፈቲደ ከተቱዳ።

15 ካትያ እዛዙዋን ኤሌል ዋላንቻቱ ቢታ ኡባካ ከታ ጋሌድኖ። ቃይ ሱሳ ካታማን ካትያ ጎልያ ሄራን ጸፈቲዳ ሀጊ እመቲዳ። ያትና። ሱሳ ካታማ አሳይ ኡባይ ሻቢረቲዳ። ሸን ካቲን ሃማን እትፕ ኡቲደ። ሚና።

4

ማርዶክዮስ እስከፎ ማዲዋ ዋሴዳ

1 ማርዶክዮስ ሀ ሀኔዳባ ኡባ ሰሴዳ ዋደ። ካዮቲደ ባረ ማዩዋ ፔዴዳ፤ ማቅያ ማዬዳ፤ ባረ ሁጺያንካ ብድንላ ክክፌዳ። ባረ ኮሻካ ቋቋ ኦሌደ። ሴላ ዩኩዋ ዩኪደ። ካታማ ግደን ዩዬዳ።

2 ካትያ ጎልያ ገልያ ገልያ ገልያ ገልያው ቤዳ፤ ሸን ገላናው ዳንዳይቤና። አያው ጎፕ። ማቅያ ማዬደ። ካትያ ጎልያ ገላናው አን ዳንዳየተና።

3 ካትያ አዋዩ ሰሰቲዳ ቢታ ኡባን አይሁዳቱ ግደን ዋልቃማ ካዩ። ጸማይ። ዩኩን ዘላሳይ ደመቲዳ። ኡንቱንቱፕ ዳሮቲካ ቃይ ማቅያ ሞጨደ። ካዮታናው ብድንላን ካካፊደ ኡቲድኖ።

4 ካታት እስከፎ ዳንጋጽረቲነ እዞ ናግያ ሱንላቱ ዩደ። ማርዶክዮሳባ እዘው ኦዳዳ ዋደ። አ ሎይላ ካዮታዳ። ማርዶክዮስ ዋረዋ ከሰ ድጊደ ማያና ማላ። አው ሀራ ማዩዋ ከታዳ። ሸን እ አከናን እጸዳ።

5 ሄዋፕ ጉይያን እስከፎ። ካቲ እዘው ኦላናዳን ዋሌዳ ሀታካ ግያ ጎይረቶዋ ጸጋደ። ማርዶክዮሳ መቱ አዩንቶን ቃይ አ አያው ካዮትንቶን ኤራና ማላ። አኮ ከታዳ።

6 ሀታክ ካትያ ጎልያ ገልያ ገልያ ገልያ ማታ ዳባባን ደእያ ማርዶክዮሳኮ ቤዳ።

7 ማርዶክዮስ። ባረ ቦላ ጋኬዳዋ ኡባ ቆንጭሲደ። አው ኦዳዳ። ቃይካ አይሁዳቱዋ ዋዴዳ ወርሳናው ሃማን ካትያ ሚሻ ምንጅያ ጎለው እማናው ገፔዳ ሻሉዋ ልክያና ኡባይ አተናን ጌሸደ ኦዳዳ።

8 ሄዋ ጸላላ ግድናን። አይሁዳቱዋ ወርሳናው ሱሳን ከሴዳ አዋዩ ጸፈቲዳ ዋራቃታካ ሀታካው እማደ። ሄዋ እስከፎው እማናዳን ሀንያዋ ኡባ እዘው ኦዳናዳን ኦዳዳ። ቃይ እስከፎ ካትያኮ ገላደ። ባረ አሳይ ወረናዳን ጋናታና ማላ። ሀታካው ኦዳዳ።

9 ሀታክ ዩደ። ማርዶክዮስ ከቲዳዋ ኡባ እስከፎው ኦዳዳ።

10 እስከፎ ሀታካ ዛራደ። ማርዶክዮሳኮ ሀዋዳን ያገደ ከታዳ።

11 “ሀጊ። ማጫዋ ግድና። አቱማዋ ግድና። ኦንን ጸገተናን ደኢደ። ካትያና ጋከታናው ካትያ ጎልያ ግደ ዳባባ ገሎፕ። ሀይቆ። ሸን እ ጸገተናን ካትያኮ ገልያ ዋደ። ካቲ ዋርቃፕ ኦሰቲዳ ባረ ካውተላ ጸምኦ ጸራ አኮ ዛሪደ በሶፕ። ሄ ኡራ ጸላላይ አቶ” ያገደ። ሀ ሀግያ ካትያና ዘረትያዋንቱፕ ቢደ። ጮ አሳ ጋካናው ደእያ አሳይ ኡባይ ኤሬዳ። ሸን ታን ሀታሙ ጋላሳ ግደደፕ ካትያኮ ገላናው ጸሰታ ኤርከ” ያገደ።

12 ማርዶክዮስ እስትራ ኪቲዳ ኪታ ሰሴዳዋጥ ጉይያን።

13 እዝዉ ዛሩዋ ከቲደ፣ ሀዋዳን ያጌዳ፤ “ኔን፣ ታን ካትያ ጎለን ደእያ ድራዉ፣ ሀራ እይሁዳቱዋጥ እትና፣ ታና ቦችያዌ ባዋ፣ ጋደ ቆፖፓ!”

14 ኔን ሀዋ ማላ ዋድያን ጮኡ ጎጥ፣ እይሁዳቶ ማዱ ሀራ ሳጥ ያናዋ። ኡንቱንቱካ ቱሙጥ አታና፤ ሸን ኔን ነ አዉዋ ጎልያ አሳይ ቆያና። ኔን ካታቶ ግዳደ ዬዳዌ ሀዋ ማላ ዋድያሰንቶነ ኦን ኤሪ?” ያጌዳ።

15 እስትራ ማርዶክዮሳዉ ሀዋዳን ያጋደ ዛራደ ኪታዳ፤

16 “ባደ ሱሳ ደእያ እይሁዳቱዋ ኡባ እትጥ ሸሻ። ጸሚደ፣ ታዉ ዋሰተ። ሄዙ ጋላሳይነ ሄዙ ቃማይ ዉራናዉ፣ ቁማ ዋፕተ፤ ሃላ ኡሾፕተ። ታንካ ታ ዳንጋጽረቱዋና ሄዋዳን ጸማና። ሄዋጥ ጉይያን፣ እ ኡባ ሀግያን ተኤቲዳዋ ግደፕ፣ ካቲ ደእያ ሳኦ ታን ገላና። ታን ሀይቂንቶነ ሀይቃና” ያጋዳ።

17 ማርዶክዮስ ቢደ፣ እስትራ እ አዛዜዳዋዳን ኡባባ አሉዳ።

5

እስትራ ሹብያ ገግሳዳ

1 ጸማ ደዋደጥ ሄዘን፦ ጋላስ እስትራ ካዉተላ ማዩዋ ማያደ፣ ካትያ ጎለጥ ሰንላ ባጋና ግደ ዳባባ ገላደ ኤቃዱ። ሄ ዳባባን ካቲ ኡትያ ዉይግያ አራታይ ደኤ። ካቲካ ባረ ጎልያ ገልያ ጥንግያ ጸልያ ሳን ደእያ፣ ባረ ካዉተላ አራታን ኡቲዳ።

2 ካታታ እስትራ ገላደ፣ ግደ ዳባባን ኤቁዳኖ ካቲ በኢደ እዝን ናሽቲዳ ድራዉ፣ ባረ ኩሸያን ደእያ ዋርቃ ጸምኦ ኢኮ ሞጬዳ። አካ ሺቃደ ጸምኦ ጸራ ቦቻዱ።

3 ካቲ እዘ ሀዋዳን ያጌዳ፤ “ካታት እስቲሪ፣ ኔን ታኮ እያዉ ያድ? ቃይ ኔን ታና ኡችያባይ እዬ? ሀራይ አቶ ታ ካዉተላጥ ባጋ ግደፕ፣ ታን ነዉ እማና” ያጌዳ።

4 እስትራ ዛራደ ሀዋዳን ያጋዳ፤ “ካትያዉ፣ ኔና ናሽቲያዋ ግደፕ፣ ታን ነዉ ገግሴዳ ባላ ማናዉ ኔን ሃማን ላኡ ሀቼ ይንቶ ደሳይ” ያጋዳ።

5 ሄዋጥ ጉይያን ካቲ፣ “ኡን እስትራ ገግሴዳ ሹብያዉ ባናዉ፣ ሃማና ኤለካ አህተ!” ያጌዳ።

ሄዋጥ ጉዮ ላኦቲካ ሄ ሳኦ ቤድኖ።

6 ኡንቱንቱ እትጥ ዋይንያ ኤሳ ኡሺደ ደእሸን፣ ካቲ ላኤንሉዋ እስቲሮ፣ “ኔን ታና ዋሰያባይ እዬ? ታን ነዉ እማና። ቃይ ኔን ታና ኡችያባይ እዬ? ሀራይ አቶ ታ ካዉተላጥ ባጋ ግደፕ፣ ታን ነ አሻ ፖላና” ያጌዳ።

7 እስትራ ዛራደ ሀዋዳን ያጋዳ፤

8 “ካትያዉ፣ ኔን ታናን ናሽቲዳዋ ግደፕ፣ ቃይ ታን ዋሰያዋ እማናዉን ታ አሻ ፖላናዉ ኔን ደሰያባ ግደፕ፣ ዋንት ታ ገግሰያ ሀራ ግብራዉ ኔን ሀማን ያናዳን ኦቻይ። ታን እያ ኮይንቶ፣ ሄ ዋደ ነዉ ቆንጭሳና” ያጋዳ።

ሀማና ማቁዋ

9 ሄ ጋላስ ሃማን ባላ ሳጥ ከሲደ ብያ ዋደ፣ ሎይላ ናሽቲዳ ድራዉ፣ ባረ ዋዛናን ኖጬ ጌደ ቤዳ። ሸን እ ካትያ ጎልያ ገልያ ጥንግያ ማታና አዲደ ብያ ዋደ፣ ሄዋን ኡቲዳ ማርዶክዮሳ በኤዳ፤ አዉ ደንድቤናዋን ያዩደ ኮኮርቤናዋ እኬኪደ፣ ሃማን ሀንቁዋ ኤጽ ከሴዳ።

10 ግደፕ፣ ባረ ሀንቁዋ ዳንዳዩደ ቢደ፣ ባረ ሶ ጋኬዳ።

ሄዋጥ ጉይያን፣ ባረ ላገቱዋን ባረ ማቻቶ ዘራሾ እትጥ ጸግሲደ።

11 ሃማን ባረ ዲረተላ ልክያ፣ ባረ አቱማ ናና ፓይዱዋ፣ ካቲ ባረና ኡባባን ቦንቼዳ ቦንቼዋን ሀራ ሞድያዋንቱጥን ካትያ ኦሳንቻቱዋጥ አድያ ሱንላተላ አዉ እሚደ፣ ዋቲደ እ ቦንቼደንቶ፣ ኡንቱንቶ ጬቁዳ።

12 ጉጂድካ ሃማን ሀዋዳን ያጌዳ፤ “ሀራይ አቶ ካታታ እስትራካ ባረ ገግሴዳ ሹብያዉ ካትያና ባናዉ ታጥ እትና፣ ሀራ ኦናን ጸሳባይኩ። ቃይ ዋንትካ ካትያና ባናዳን ታና ጸሳ ዋላዳ።

13 ሸን ሄ እይሁዳይ ማርዶክዮስ ካትያ ጎልያ ገልያ ጥንግያን ኡቲዳዋ በእያ ዋደ፣ ሀ ኡባባይካ ታና ካልሰና” ያጌዳ።

14 ሄ ዋደ እ ማቻታ ዘራሻን እ ላገቱ ኡባይ ሀዋዳን ያጌድኖ፤ “ኔን እሻታሙ ዋቆ አዲሳ ኮጫ ኤሰሳ፤ ያታደ ዋንት ጉራና ማርዶክዮስ ሄ ኮጫን ካቀታና ማላ፣ ካትያ ኦቻ። ሄዋጥ ጉይያን፣ ናሽታደ ባላ ማናዉ ባ” ያጌድኖ። ሃማና ሀ ቆፋይ ናሽቼዳ ድራዉ፣ ኡንቱንቱ ጌዳዋዳን ኮጫ ገግሰሴዳ።

ሃማን ቦላ ሀይቁ ፕርደቲዳ

6

(6:1—7:10)

ካቲ ማርዶክዮሳ ቦንቼዳ

1 ሄ ጋላስ ቃማ ካትያ ገምእሹ አፈናን እጾዳ። ሄዋ ድራዉ፣ ካቲ ካትያ ታርክያ ጸፍያ ማጻፋ አሂደ፣ ሄዋን ጸፈቲዳ፣ ካሰ ሀኔዳ ታርከቱዋ ዋዛናን አላናዉ አዉ ናባባና ማላ አዛዜዳ።

2 ናባባቲዳ ታርከቱዋጥ እቲ ማርዶክዮስ ኦሌዳዋ፤ ሄዋን፣ ካቲ ደእያ ክፍልያ ናግያ፣ ብግታናን ተረሻ ግያ ላኡ ጎይረቲዳዋንቱ ካትያ ዋቆናዉ ማቀቲዳ ማቁዋ ማርዶክዮስ ቆንጭሴዳዋ።

3 ካቲ፣ “ያትና፣ እ ሀዋ ቆንጭሴዳዋ አዉ እመቲዳ ሱንላተላይ ዋይ ጋቲ እዬ?” ያጌዳ።

ካትያ ቆማቱ ዛሪደ፣ “አዉ እያይነ ኦስትቤና” ያጌድኖ።

4 ካቲካ ዛሪደ፣ “ካትያ ጎልያ ካረ ዳባባን ኦኔ ደእያዋ?” ያጌዳ። ሄ ዋደ ባረ ገግሴዳ ኮጫን ማርዶክዮሳ ካቃናዉ፣ ካትያ ኦቻና ገደ፣ ሃማን ካትያ ጎልያ ካረ ዳባባ ገሊደ ደኤ።

5 ካትያ ቆማቱ፣ “ሃማን ሀዋን ደኤ” ያጌድኖ።

ካቲ ዛሪደ፣ “ሃ ገላ ገተ” ያጌዳ።

6 ሃማን ገሎዋጥ ጉይያን ካቲ፣ “ካቲ ቦንቻናዉ ደሰያ አሳዉ አይ ኦላናዉ ኮሺ?” ያገደ ኦቼዳ።

ሆምን፡ “ካቲ ታፕ ሀራ ኦና ቦንቻናዉ ደሲ?” ያጊደ ባረ ዋዛናን ቆፔዳ።

7-8 ሄዋ ድራዉ፡ ሃምን ካትያዉ ያጊደ ዛሬዳ፤ “ካቲ ቦንቻናዉ ደሲያ ኡራዉ ካቲ ማይ ከሴዳ ባረ ካዉተላ ማዩዋ፤ ባረ ቶጌዳ ፓራነ እ ሁጲያን ዋሴዳ ካላቻ አሀናዳን ኡዳ።

9 ሄዋፕ ጉይያን፡ ባረናና ኦሳያ ሞድያዋንቱፕ እት ሎይላ ቦንቼቴዳዋ ጸግሲደ፡ ካዉተላ ማዩዋ እ ማይዛናዳን ካትያ ፓራን እ ኡትሲደ፡ ካታማ ዳባባ ከሳናዳን አዛዛ። ያቶፕ ሄ ሎይላ ቦንቼቴዳ ካቼ እ ሰንላን ሀመቲደ፡ “ካቲ ቦንቻናዉ ደሲያ ኡራዉ ሀዋዳን ኦሴ” ያጊደ አዋዮ” ያጌዳ።

10 ሄዋፕ ጉዮ ካቲ ዛሬደ፡ ሃምና ሀዋዳን ያጊደ አዛዜዳ፤ “ዋደ ኤለካ ደንዳ ካዉተላ ማዩዋነ ታ ፓራ አካደ፡ ነ ጌዳዋዳን አይሁዳ ማርዶክዮሳዉ ኦሳ። እ ካትያ ጎልያ ገልያ ፕንግያን ደኤ። ነ ጌዳዋፕ እትባነ አሾፓ” ያጌዳ።

11 ሄዋ ድራዉ፡ ሀምን ማዩዋነ ፓራ አኪደ ማርዶክዮሳ ካዉተላ ማዩዋ ማይዚደ፡ ካትያ ፓራ ቦላን ኡትሴዳ። ቃይ ካታማ ዳባባን አፕ ሰንላና ሀመቲደ፡ “ካቲ ቦንቻናዉ ደሲያ ኡራዉ ሀዋዳን ኦሴ” ያጊደ አዋዩዳ።

12 ሄዋፕ ጉይያን፡ ማርዶክዮሳ ካትያ ጎልያ ፕንግ ጉዮ ሰሚደ ቤዳ። ሸን ሃምን ዳሮ ካዮቴዳ ድራዉ፡ ባረ ዳሙዋ ጉሎቴዳ፡ ኤሌሊደ ባረ ሶ ቤዳ።

13 ባረና ጋኬዳዋ ኡባ ባረ ማቻት ዘሬሸዉነ ባረ ላገቱዋ ኡባቶ ኦዴዳ። ኡንቱንቱ አ፡ “እ ሰንላን ኔን ኩንዳናዉ ደሚዳ ሀ ብታኒ፡ ማርዶክዮሳ፡ አይሁዳ እሳ ግደፕ፡ ነ እናና ኤቀታደ፡ እ ጸናናዉ ኡባካ ዳንዳያካ፤ ቱሙፕ እ ኔና ጸናና” ያጌድኖ።

ሃም ካቀቴዳ

14 ኡንቱንቱ ብሮ ሄዋ ሃሳዪደ ደእሸን፡ ካትያ ጎይራቱ ጋኪደ፡ ሃምና አሰትራ ገግሴዳ ሾብያዉ ኤሌልሲደ አፊድኖ።

7

1 ካቲነ ሀምን ካታት አሰትር ባላ ማናዉ ቤድኖ።

2 ሄ ላኤንላ ጋላሳ ሾብያዉ ቢደ፡ ኡንቱንቱ ዋይንያ ኤሳ ኡሸ ደእሸን፡ ካቲ ቃይካ፡ “ካታት አሰትረ፡ ኔን ዋሰያባይ እዬ? ታን ነዉ እማና። ቃይ ኔን ታና ኦቻያባይ እዬ? ሀራይ አቶ ታ ካዉተላፕ ባጋ ግደፕ፤ ታን ነ ኦቫ ፖላና” ያጊደ አቼዳ።

3 ካታታ አሰትራ ዛራደ ያጋዴ፤ “ካትያዉ፡ ኔን ታናን ናሽቴዳዋ ግደፕ፡ ቃይ ታ ኦቫካ ፖላናዉ ኔን ደሴዳዋ ግደፕ፡ ታ ዋሳይነ ታ ኦቫይ ታንነ ታ አሳይ ሀይቀናን አታናሳ።

4 አያዉ ጎፕ፡ ታንነ ታ አሳይ እቱነ አተናን ዉራናዉ ሀይቃናዉን ጳያናዉ ዛልኤቴዳ። ኑን ዛልኤቴዳዋ ማጫ አይለነ እቱማ አይልያ ግዲደ ደአናዉ ግድንቶ፡ ታን ጮኡ ጋና፤ አያዉ ጎፕ፡ ሄዋ ማላ ሙቱ ካትያ ዋይሳናዉ በሰያዋ ግደና” ያጋዴ።

5 ካቲ አርጸክሰሰ ዛሬደ፡ “ሄዋ ኦላናዉ ጸሌዳዋ ኦኔ? እ ሄ ብታኒ ሀቃን ደኢ?” ያጊደ ካታቶ አሰትር አቼዳ።

6 አሰትራ፡ “ኑ ሞርኪ፡ ኦና የደርሰያዎ ሀዋ ሀ ኢታ ሃማና” ያጋዴ።

ሄ ዋደ ሃምን ካትያ ሰንላን ካታት ሰንላን ዳሮ ዳጋሜዳ።

7 ካቲ ሎይላ ሀንቀቲደ፡ ባረ ኡቴዳ ሳፕ ደንድ ኤቁደ፡ ካትያ ጎልያ አታክልትያ ሳኦ ቤዳ። ሸን ሃምን ካቲ እ ቦላ ኢታባ አሀናዉ ቃቼዳዋ ኤሬዳ ድራዉ፡ ካታታ አሰትራ እ ሀይቁዋፕ አሻና ማላ ዋሳናዉ ጉዮ አቴዳ።

8 ካቲ ካትያ ጎልያ አታክልትያ ሳፕ ሰሚደ፡ ዋንታ ኡንቱንቱ ዋይንያ ኤሳ ኡሸያ ሳኦ ገልያ ዋደ፡ ሃምን ካታት አሰትርፕ ማርታ ዋሳና ጊደ፡ እ ኡቴዳ ግሱዋ ቦላን ጉፋኔዳዋ በኢደ፡ ሀንቁዋን ኤጽ ከሲደ “ላ ሀ ብታኒ ሀዋን ካትያ ጎልያ፡ ኡባ ቃይ ታ ሰንላን፡ ካታትና ግሳናዉ ኩዩየ?” ያጌዳ።

ካቲ ብሮ ሄዋ ሃሳይሸን፡ ካትያ ሰንላቱ ዪደ፡ ሃምና ዳሙዋ ጉሎጌድኖ።

9 ቃይ ኡንቱንቱ እቱ፡ ሀርቦና ጌተትያ ካትያዉ ኦሳያ ጎይረቶዌ፡ “ካትያዉ፡ ሃምን ኔና ሀይቁዋፕ አሾዳ ማርዶክዮሳ ካቃና ጊደ ኤሴዳ እሻታሙ ዋቆ ኮጫይ እ ሶን ደኤ” ያጌዳ።

ካቲ ዛሬደ፡ “ሃምና አፊደ፡ ሄ ኮጫን ሱልተ!” ያጊደ አዛዜዳ።

10 ሄዋ ድራዉ፡ ማርዶክዮሳ ካቃና ጊደ ገግሴዳ ኮጫን ሀምን ካቀቴዳ። ሄዋፕ ጉይያን፡ ካትያ ሀንቁ ደቼዳ።

8

አይሁዳቱ ባረንቱ ሞርከቱዋ ኩሽያ ጭገቼድኖ

(8:1—10:3)

1 አይሁዳቱ ሞርኪ ሀምን ሱለቴዳ ጋላሰ ካቲ አርጸክሰሰ ሀምና አቁዋ ኡባ ካታት አሰትርዉ አሊደ እሜዳ። ቃይ ማርዶክዮሰ እዘዉ ማታ ዳቦ ግድያዋ አሰትራ ካትያዉ ኦዳዳ። ሄዋ ድራዉ፡ ሄ ጋላሳፕ ደሚደ፡ ማርዶክዮሰ ካትያኮ ገላናዉ ዳንዳዬዳ።

2 ካቲካ ሃምናፕ ጉዮ እኬዳ ባረ ሞግዲዋ ማታፋ ከሲደ፡ ማርዶክዮሳዉ እሜዳ። አሰትራ ማርዶክዮሳ ሃምና አቁዋ ቦላን አዋያደ ሱንላዳ።

3 ሄዋፕ ጉይያን፡ አሰትራ ዩካደ፡ ካትያ ገድያ ቦላን ዛራ ኩንዳደ፡ አጋጋ ዛርያ ግዴዳ ሃምን አይሁዳቱ ቦላን ቱኬዳ ኢታ ማቁ ኪታን ፔሸናዳን ካትያ ዋሳዴ።

4 ያትና፡ ካቲ ባረ ዋርቃ ጸምእ እዘዉ ሞጭና፡ አ ደንዳ ኤቃደ፡ ሀዋዳን ያጋዴ።

5 “ካትያዉ፡ ኔን ታናን ናሽቴዳዋ ግደፕ፡ ቃይ ታ ኦቫካ ፖላናዉ ኔን ደሴዳዋ ግደፕ፤ ታ ኦቫይ በሴ ጋደ ቆፖፕ፡ ነ ካዉተላ ግደን ደእያ አይሁዳ ኡባ ዉርሲደ ዋቆና ማላ፡ አጋጋ ዛርያ ግዴዳ ሀምናታ ናአይ ሃምን ከሴዳ አዋዩዋ ሻርያ ሀራ አዋዩዋ ኔን ከሳናዳን ዋሳይ።

6 ሀ ኡባ ባሻይ ታ አሳ ቦላን ጋክያ ዋደ፡ ታን ዋና ጸላናዉ ዳንዳያይታ? ቃይ ታ ዳቦቱዋካ ኡባ

ቆይሰያ ዋደ፡ ታን ዋና ጸላናው ዳንዳያይታ? ” ያጋዲ።

7 ሄዋፕ ጉይያን፡ ካቲ አርጸክሰሰ፡ ካታቶ አስቴርን አይሁዳ ማርድክዮሳ ሀዋዲን ያጌዳ፤ “ሃማን አይሁዳቱዋ ዋቆናው አዋዩዋ ከሴዳ ድራው፡ ታን ሞላ ኮጫን አ ካቅሴዳዋን አ አቁዋካ ኡባ ካታት አስትርው እሜዳዋ ህንተንቱ ኤሪታ።

8 ግደፕነ፡ ካትያ ጎልያ ማታፋይ ዋድና፡ ካትያ ሱንፋን ከሴዳ አዋዩ ለመታናው ዳንዳየና። ሄዋ ድራው፡ ህንተንቱ ህንተንቱ ባጋና አይሁዳቱዋ ጎአናው ኮዬዳዋ ጸፍተ። ሄዋ ታ ሱንፋን ጸፊደ፡ ካትያ ማታፋ አ ቦላን ዋሐተ” ያጌዳ።

9 ሰዋና ግያ ሄዘንሎ አግናን፡ ላታማነ ሄዘንሎ ጋላሳን፡ ማርድክዮሳ ካትያ ጸፊቱዋ ጸጌዳ፤ ህንደፕ ቶጵያ ጋካናው ደእያ፡ ጾታነ ላታማነ ላፑን ቢታቱዋ ካትያፕ ጋርሳና ሞድያዋንቶ አይሁዳቶ፡ አውራጃ ሞድያዋንቶን ጋድያ ካፓቶ የድያ አዋዩዋ ኡባባ ጸፍሴዳ። አዋዩ ዲማ ዲማ ቃላንን ዲማ ዲማ ፕደልያን ጸፊቱዳ፤ ቃይ አይሁዳቶካ ኡንቱንቱ ቃላንን ኡንቱንቱ ፕደልያን ጸፊቱዳ።

10 ማርድክዮሳ ሄ አዋዩዋ ኡባ ካትያ አርጸክሰሰ ሱንፋን ጸፍሴዳ፡ ካትያ ማታፋ ዋሌዳ። ያትደ ኤሌልያ ካትያ ፓራቱዋ ቶግያ አሳቱዋ ቦላ ቢታው ኡባው ኪቱዳ።

11 ካቲ ከሴዳ አዋዩ ካታማቱዋ ኡባን ደእያ አይሁዳቱ እትፕ ሺቃናውን ባረንቱ ቦላ ይያዋ አለቲደ ተአናው ዳንዳየና ማላ፡ ማታ ኡንቱንቶ እሜ። ቃይ አላ ሚሻ ኦይቅኪደ፡ አይ ቢታፕ ግደፕነ፡ ኡንቱንታ አላናው ይያዋንታ፡ ኡንቱንቱ ናና ኡንቱንቱ ማቼቱዋና ኡባ አቱዋን አሸናን ወርሰ ዋቆናውን ኡንቱንቱ አቁዋካ ቦንቂደ አካናው ማታ እሜ።

12 አይሁዳቱ ካትያ አርጸክሰሰ ካውተላን ሄዋ አላናው ኬረቱዳ ጋላሳይ፡ አዳረ ግያ ታማነ ላኤንሎ አግና፡ ታማነ ሄዘንሎ ጋላሳ።

13 ካትያ አዋዩዋ ቢታቱዋ ኡባን ደእያ አሳይ ኤራናዳን፡ ሀግያ ግዲደ አዋየቱዳ፤ ሄዋካ አይሁዳቱ ባረንቱ ሞርከቱዋ ቦላን ሀሉዋ ከሳናው ባረንታ ገግሳናው ዳንዳይሴ።

14 ከተትያዋንቱ ካትያ ጎልያ ፓራቱዋ ቶጌደ፡ ካትያ አዛዙዋ ጋላናው ኤሌሊደ ቤድና። ቃይ ሱሳ ካታማንካ ካቲ ደእያ ሳን ሀ አዋዩ አሳ ኡባው እመቱዳ።

15 ማርድክዮሳ ሳሉዋ ማላትያን ቦላ ካውተላ ማዩዋ ማዩደ፡ አቻ ቱራ ማላትያ ካባ፡ ሊኑዋፕ ዳደቱዳዋ ቦላና ጉጁዳ፤ ቃይ ዋልቃማ ዋርቃ ካላቻካ ዋሊደ፡ ካትያ ሰንፋፕ ከሴዳ፡ ሱሳ ካታማይ እልሌዳን ናሽቻው ኖጩ ጌዳ።

16 ሄዋ አይሁዳቶ ቃይ ዋልቃማ ናሽቻን እልልሳ፡ ዋፓን ሾብያ ዋደ ግዴዳ።

17 ሄዋ ድራው፡ ካትያ አዋዩ ጋክና ናባበቱዳ ቢታንን ካታማ ኡባን ደእያ አይሁዳቱ ኡባይ፡ ናሽቲደን ባላ ሚደ ፔሺድና። ሄዋ ጋሱዋን አይሁዳቶ ያዩደ፡ ሄዋን ደእያ ሀራ ዛርያ አሳፕ ዳራቱ አይሁዳ ግዴድና።

9

አይሁዳቱ ባረንቱ ሞርከቱዋ ዋዴድና

1 አዳረ ጌተትያ ታማነ ላኤንሎ አግናን ታማነ ሄዘንሎ ጋላሳይ ጋኤዳ። ሄ ጋላሳይ፡ ካቲ ኮይሮ ከሴዳ አዋዩዋ ማራን አይሁዳቱ ሞርከቱ ኡንቱንታ ጸናና ጌዳ ጋላሳ። ሽን የወ አቋ ዋድና፡ አይሁዳቱ ባረንቱ ሞርከቱዋ ጸኔድና።

2 ካትያ አርጸክሰሰ ካውተላ ግደን ደእያ አይሁዳቱ ኡባይ ባረንታ ቆሀናው ኮይያ ኡባ ቆይሳናው ባረንቱ ካታማን ካታማን እትፕ ሺቁድና። ኡንቱንቱና አይ አሳይን ኤቃታናው ዳንዳይሴና፤ እያው ጎፕ፡ ሀራ ዛርያ ግዴዳ አሳይ ኡባይ ኡንቱንቶ ያዬዳ።

3 ኡባ ቃይ ማርድክዮሳው ያዬዳ ድራው፡ ካትያፕ ጋርሳና ጋድያ ሞድያዋንቱ፡ አውራጃ ሞድያዋንቱ ጋድያ ካፓቱን ዲማ ዲማባ አላያዋንቱ ኡባይ አይሁዳቱዋ ሃ ማዴድና።

4 እያው ጎፕ፡ ማርድክዮሳ ካትያ ጎላን ዋልቃማ ማታይ እመቱዳን ዋልቃ ጉጅ ጉጅ ብያ አሳ ግዴዳዋ፡ ሄ ካውተላ ግደን ደእያ ቢታ ኡባን ኤረቱዳ።

5 ሄ ኬራዳ ጋላሰ አይሁዳቱ ባረንቱ ሞርከቱዋ ኡባ ማሻን ዋድ ቆይሴድና፤ ባረንታ እጵያ ኡባ ቦላንካ ባረንቱ ኮዮዋ አሌድና።

6 ዋና ካታማ ግዴዳ ሱሳ ካቲ ደእያ ጎልላን እቼሹ ጾቱ አሳ ዋድ ቆይሴድና።

7-10 ኡንቱንቱ ቃይ ፓርሻንዳታ፡ ዳልሮና፡ አሰፓታ፡ ፖራታ፡ አዳልያ፡ አሪዳታ፡ ፓርማሽታ፡ አሪሳያ፡ አሪዳያን ዋይዛታ ጌተትያ፡ ሀማዳታ ናኦ አይሁዳቱ ሞርክያ ሀማና ናና ታሙዋካ ዋዴድና። ሽን ኡንቱንቱ ኡንቱንቱ አቁዋ ቦንቂበይክና።

11 አይሁዳቱ ሱሳ ካታማን ካቲ ደእያ ሳኦን ዋዴዳ አሳ ፓይዱ አፑንቶ ሄ ጋላሰካ ካትያው አደቱዳ።

12 ያትና፡ ካቲ ካታቶ አስቴር ሀዋዲን ያጌዳ፤ “አይሁዳቱ ዋና ካታማ ግዴዳ ሱሳ ካቲ ደእያ ጎልላን እቼሹ ጾቱ አሳን ሃማና ናና ታሙዋ ዋድ ቆይሴድና። ሄዋ ሄዋ ግደፕ፡ ካትያ ቢታቱን ሀራቱዋን ኡንቱንቱ ዋዴዳዋንቱ አፑና ግዳንድናሻ! ቃይ ሀእ ኔን ዋሰያባይ አይ? ታን ነው እማና። ኔን ታና ኦቻያባይ ሀራባይ አይ? ታን ነው ፖላና” ያጌዳ።

13 አስትራ ዛራደ፡ “ካትያ ሀ ቆፋይ ናሽቸፕ፡ ሱሳን ደእያ አይሁዳቱ ሀቼ አሌዳዋዳን ዋንትካ አላና። ቃይ ሃማና ናና ታማቱዋ አሃካ ኮጫ ቦላን ካቃናዳን አዛዛ” ያጋዲ።

14 ሄዋፕ ጉዩ ካቲ ሄዋ አላናዳን አዛዜዳ፤ አዋዩካ ሱሳን ላኤንሎ-ዋ እመትና፡ ሃማና ናና ታማቱዋ አሃይ ኮጫ ቦላን ካቃቱዳ።

15 አዳረ ጌተትያ አግናን ታማነ ኦይደንሎ ጋላሳን፡ ሱሳ ደእያ አይሁዳቱ ቃይካ እትፕ ሺቁደ፡ ሀራ ሄዙ ጾቱ አሳ ዋዴድና፤ ሽን ሀእካ ኡንቱንቱ ኡንቱንቱ አቁዋ ቦንቂበይክና።

16 ሄ ዋደ ካትያ ካውተላ ጋርሳን ደእያ ቢታቱን ሀራቱዋን ደእያ አይሁዳቱካ እትፕ ሺቁደ፡ ባረንቱ ሞርከቱዋ ኡባ አለቲደ ተኤድና። ኡንቱንቱ ኡባና 75,000 አሳ ዋዴዳዋፕ ጉይያን፡

ባረንቱ ሞርከቱዋፕ ሸምፔድኖ። ሸን ኡንቱንቱ እቁዋ ቦንቁብይክኖ።

17 ሀዌ ኡባይ ሀኔዳዌ አዳረ ግያ አግናን ታማነ ሄዘንሉ ጋላሳና፤ ታማነ ኦይደንሉ ጋላሳን ኡንቱንቱ ሸምፔድኖ፤ ባላ ሚደ፤ ኡሺደነ ናሸቲደ ፔሽያ ጋላሳ ኦሌድኖ።

18 ሸን ሱሳን ደእያ አይሁዳቱ ታማነ ሄዘንሉን ታማነ ኦይደንሉ ጋላሳቱዋን ዋድ ፔሺደ፤ ታማነ እቼሻንሉ ጋላሳን ሸምፔድኖ። ሄ ጋላሳ ኡንቱንቱካ ባላ ሚደ፤ ኡሺደነ ናሸቲደ ፔሽያ ጋላሳ ኦሌድኖ።

19 ሄዋ ድራወ፤ ቁር ቁር ካታማቱዋን ደእያ አይሁዳቱ ሀቼ ጋካናወካ አዳረ ጌተትያ አግናን ታማነ ኦይደንሉ ጋላሳ ባላ ጋላሳ ኦሌደ ቦንቹኖ። ሄ ጋላሳን ሚኖነ ኡሺኖ፤ ቃይ እቱ እቶ ቁማ እሞታ እሚኖ።

ፑሪማ ባላ

20 ማርዶክዮስ ሀ ሀኔዳ ኡባ ታርክያ ጸፊደ ዳብዳቢያ ካትያ አርጸክሲሳ ቢታቱዋን ኡባን፤ ሃኩዋን ማታን፤ ደእያ አይሁዳ ኡባወ ከቲዳ።

21 ሄ ዳብዳቢያን ማርዶክዮስ አዳረ አግናን ታማነ ኦይደንሉን ታማነ እቼሻንሉ ጋላሳቱዋ፤ አይሁዳቱ ላይላን ላይላን ባላ ኦሌደ ቦንቹኖ ማላ፤ ኡንቱንቶ ኦዴዳ።

22 እያወ ጎፕ፤ ሄ ጋላሳቱ አይሁዳቱ ባረንቱ ሞርከቱዋፕ ሸምፔዋ ደሜዳ ጋላሳቱዋ፤ ቃይ ሄ አግናይካ ኡንቱንቱ ካዩነ ዩኩ ናሸቻወነ ባላ ሙሳወ ላሙቲዳ አግና። ሄዋ ድራወ፤ ኡንቱንቱ ሙሳንነ ኡሻን ናሸቲደ፤ እቱ እቶ ቁማ ህዩሳቶ እሞታ እሚደ ቦንቹኖ ማላ፤ ኡንቱንቶ ኦድቲዳ።

23 አይሁዳቱ ማርዶክዮስ እሜዳ አዛዙዋ እኪደ፤ ኡንቱንቱ ቦንቹኖወ ደሜዳ ባላ ላይላን ላይላን አገናን ቦንቹኖወ ማዬድኖ።

24 ጋሱካካ አጋጋ ዛሪ ሀማዳታ ናአይ ሃማን፤ አይሁዳቱ ኡባቱዋ ሞርከ፤ ኡንቱንታ ቆይሳናወ ካስ ማቀቲዳ፤ ኡንቱንታ ወርስ ዋድያ አግናን ጋላሳ ኡራናወ ፑሪማ ግያ ሳማ የግሴዳ።

25 ሸን አስትራ ካትያኮ ገሌዳዋፕ ጉይያን፤ ሃማን አይሁዳቱ ቦላ ማቀቲዳ ኢታ ማቁ ኡባይ ጉየ ሰሚደ፤ አ ቦላ ፖለታናዳን ካቲ ጸፋዋን አዛዜዳ። ያትና፤ ሃማንነ አ ናናይ ታሙ ኮጫን ካቀቲድኖ።

26 ሄዋ ድራወ፤ ሀ ላኡ ጋላሳቱ ፑሪማ ጌተትያ ሳማ ባላ ጌተቲኖ። ሀ ዳብዳቢያን ኡንቱንቶ ጸፊቲዳዋ ኡባ ጋሱዋን፤ ኡንቱንቱ ባረንቱ አይፍያን በኤዳዋ ጋሱዋንነ ኡንቱንቱ ቦላን ጋኬዳዋ ጋሱዋን

27 አይሁዳቱ ባረንቶ፤ ባረንቱ ዛረቶነ አይሁዳ ግዳናወ ኮይያ ኡባወ፤ ሀ ባላ ቦንቹያዋ ዋጋ ኦሌድኖ። ሄዋካ ላይላን ላይላን አገናን ሀ ላኡ ጋላሳቱዋ ቦንቹኖሳ።

28 ቃይ፤ ሀ ካወተላ ጋድያን ኡባንነ ካታማቱዋን ኡባን ደእያ አይሁዳቱ ጎልያ አሳይ ኡባይነ ያና የለታ ኡባይ ሀ ፑሪማ ባላ ሀሳያናወ በሰያዌ ቃሸቲዳ። ሄዋ ቦላንካ፤ አይሁዳቱ አወደ ግደፕነ፤ ሀ ፑሪማ ጋላሳቱዋ ቦንቹኖወነ ሄ ጋላሳቱዋን ሀኔዳባይ ኡንቱንቱ ዛርያንካ ደገትናን አጋናወ በሰ።

29 ሄዋፕ ጉይያን፤ ኡብሀይላ ናታ፤ ካታታ አስትራነ አይሁዳይ ማርዶክዮስ ፑሪማ ባላ ጸልያዋን ካስ ጸፊዳ ዳብዳቢያ ምንግሳናወ ሀዋ ላኤንሉ ዳብዳቢያ ኩሙንላ ማታን ጸፊድኖ።

30 ሄ ዳብዳቢቱ አርጸክሲሳ ካወተላን፤ ጴታነ ላታማነ ላቸን ጋድያን ደእያ አይሁዳቶ ኡባወ ሳኒነ ዋፓይ ግደ ግያ ሳርታና ጸፊቲደ ኪተቲድኖ።

31 ቃይ ኡንቱንቱ ካስ ጸማናወነ ካዮታናወ ዋጋ ከሴዳዋዳን፤ ሀእ ኡንቱንታ ግድና፤ ሰንላፕ ይያ ኡንቱንቱ ዘረላ ግድና፤ ሀ ፑሪማ ጋላሳቱዋ ላይላን ላይላን ዋጋ ኦሌደ ቦንቹኖ ማላ፤ ሄ ዳብዳቢቱ ቆንጭሲኖ። ሄዋ አይሁዳይ ማርዶክዮስነ ካታታ አስትራነ ላኡ ከሴዳ አዛዙዋ።

32 ካታት አስትር አዛዙ ፑሪማ ባላ ዋጋ ምንሴዳ፤ እካ ማጻፋን ጸፊቲዳ።

10

ካትያ አርጸክሲሳን ማርዶክዮሳ ግታተላ

1 ካቲ አርጸክሲሳ ባረ ካወተላ ግደን ሀ ጋጸፕ ህን ጋጸይ ጋካናወ ደእያ አሳይ ኡባይ ጌራ ጭጋና ማላ፤ ዋልቃን አዛዜዳ።

2 እ ኦሌዳ ዋልቃማነ ማላልሰያ ኦሪቱ ኡባይ፤ ቃይ ማርዶክዮሳካ ቶቁ ኦሌደ፤ ዋት ቦንቹደንቶ ቆንጭሰያ ታርኪ ሜዶናነ ፓርስ ካወተላ ታርክያ ማጻፋን ጸፊቲዳ።

3 ማታ ባጋን ግደፕ፤ ካትያ አርጸክሲሳ እታ ጊና፤ ማርዶክዮስ ላኤንሉዋ። ቃይ እ አይሁዳቱዋንካ ሎይላ ቦንቹቲዳነ ደሰቲዳ አሳ፤ እያወ ጎፕ፤ እ ባረ አሳ ግዴዳ አይሁዳቱ፤ ሳርተላንነ ህርግ ባይናን ደእና ማላ፤ ሎይላ ዳቡራዳ አሳ።

9:24 እሱ. 3:7

ኢዮባ ማጻፋ ገሉዋ

ኢዮባ ማጻፋን ኑን በእያ ታርኪ፡ ዳር ቱጋይነ ባሻይ ጋኬዳ እት ኬካ ብታንያባ ኦድያ ታርኪያ። ሀ ብታኒ ባረ ናናቱዋ ኡባጥነ ባረ ዲረተፋ ኡባጥ መላ አቲዳ አሳ። ሄዋ ቦላካ ቃይ ኢታ ማይላን ሸጨቲደ ሳከቲዳ። ሄዋጥ ጉይያን ግንጹዋ ጸፋዋን ቆንጭሴዳ ሄዙ ሃሳያቱዋን ኢዮብ ነ ኢዮባ ላገቱ ሀ ሳኩዋን ባረንቶ ሰሰቲዳዋ ሃሳዬድኖ። ወርሰላን ቃይ ጸሳይ ኢዮባዉ ቆንጭዳ።

ኢዮባ ላገቱ ኢዮባ ጋኬዳ መቱዋ ቦላ ቆፋ እሚደ፡ በንጥ ባረንቱ ኤርያ አማኑዋ ዋጋን ባሰቲደ እሚኖ። ሄዋ ድራዉ ኡንቱንቱ፡ “ጸሳይ ኬካ አሳዉ ሎኡባ እሚ፤ ሸን ኢታ አሳ ሙሬ። ሄዋ ማራን ኢዮባ ሀ መቱ ኡባይ ጋኬዳዌ፡ እ ናጋራ ኦፊዳ ድራሳ ግዳናዉ ኮሺ” ያገኛ። ሸን ኢዮብ ጌሻነ ኬካ አሳ ግዳዳ ድራዉ፡ ሀዋ ማላ ሙሩዋ በሰያ አሳ ግደና። ኡባ ቃይ ኤረተና ቃንእሽ ግዳዳዌ፡ አ ማላትያ ኬካ አሳ ቦላ ሀዋ ማላ ሙሩዋ ዋዲዳ። ኢዮባ አማኑ ሳከጥ ደሸናን ቆዮጥካ፡ ልከ ፐርዳ ፐርዲደ፡ ባረና ሀ ሀርግያ ቃሹዋጥ ብላና ማላነ በን ደኦ ዛራና ማላ፡ ምንሲደ ዋሰያዋ አግቤና።

ጸሳይ ኢዮብ ኦቼዳ ኦሻዉ እቶ እቶ ዛሩዋ እምቤናዋ ግደጥነ፡ አ አማኑዋ ምኖተፋ ናሺደ፡ ባረ ጸሳተፋ ዋልቃነ ባረ አጴዳ ኤራ ማላልሰያ ግንጹዋ ሃሳያን ቆንጭሴዳ። ሄዋጥ ጉይያን ኢዮብ ጸሳይ ዋልቃማ ግድያዋን አጴዳ ኤራንቻ ግድያዋ ኤሪደ፡ ጸላንነ ሀንቁዋን ኩሜዳ ቃላቱዋ ሃሳዬዳዋ ካዮቲደ፡ ናጋራጥ ሰሜዳ።

ወርሰላን ግንጹዋ ግደና የዳ ጸፋዋን ጸፈቲዳ ሳከን ኢዮባ ደኡ በንሳ ሰሜዳዋዋን አቁዋ ባጋና ግደጥ፡ ካሰዋጥ ዳኮ ዳሩዋ ደሚዳዋ በኤቲ። ኢዮባ ላገቱ አ ጋኬዳ መቱ ሀቃና ዬደንቶ ኡንቱንቶ ገልቤና ድራዉ፡ ጸሳይ ኡንቱንታ ምኖ ሴራ ሴራዳ። ሜዘ አማኑዋ ቆፋጥ ጸሳይ ዋልቃማ ግድያዋ ኤራዳዋ ኢዮባ ጸላላ።

ሸምጋቱዋ ኡባቶ እመቲዳ ቃንሳ ቆፋቱዋ

እዮብ ገጠቱሳ 1:1—2:13
ኢዮባነ አ ላገላቱዋ ገሉምያ 3:1—37:24
መድና ጎዳይ ኢዮባዉ እሜዳ ዛሩዋ 38:1—41:34
እዮብ እንጂዋ ዛር ደሙሳ 42:1-17

እዮብ ገጠቱሳ

(1:1—2:13)

ሴጸናይ ኢዮባ ገጠቱሳን ጸሳይ ሸንያ እሜዳ

1 ኡጸ ግያ ቢታን ኢዮባ ግያ እት ብታኒ ደኤ፤ እ ቶሺ ባይና ሱረ አሳ፤ ጸሳዉ ያዪደ፡ ኢታባጥካ ሃኬዳ አሳ።

2 አዉ ላፑን አቱማ ናናቱነ ሄዙ ማጫ ናናቱ የለቲድኖ።

3 ማጹዋ ግደጥ፡ አዉ ላፑን ሻኡ ደርሳቱ፡ ሄዙ ሻኡ ጋሎቱ፡ እቼሹ ጸቱ ዋላ ቦራቱ፡ እቼሹ

1:6 ደመሳ 6:2 1:9 ሳፃ 12:10

ጸቱ ማጫ ሀረቱነ ሎይሳ ዳር ቆማቱ ደኢኖ። አዋይ ደልያ ባጋና ደእያ አሳ ኡባጥ እ አጴዳ ዲረ አሳ።

4 እ አቱማ ናናቱ ባረንቱ ሶን ባረንቱ ሶን፡ ካል ካል ግብራ ገግሲደ፡ ባረንቱ ሄዙ ምቹቱዋ ባረንቱና ማናዉ ኡሻናዉ ጸሰኖ።

5 ግብራ ጋላሳቱ ፖለቲዳ ዋደ፡ ኢዮብ ዋንታ ጉራና ደንዲደ፡ ባረ ናናቱዋ እቱዋ እቱዋ ሰንሳን ጸግያ ያርሹዋ ያርሹ። እ ሄዋ ኦልያዌ፡ “ታ ናናቱ ባረንቱ ዋዛናን ጸሳ ሸቂደ፡ ናጋራ ኦፊድኖንቱን” ገደ ሀርጌዳ ድራሳ። እ ኡንቱንታ ጌሻናዉ ሄዋ ኡባ ገደ ኦፊ።

6 እት ጋላሰ ጸሳ ኪታንቻቱ መድና ጎዳ ሰንሳን ቤታናዉ ዬድኖ፤ ሴጸናይካ ቃይ ኡንቱንቱና ዬዳ።

7 መድና ጎዳይ ሴጸና፡ “ላ ኔን ሀቃጥ ያድ?” ያገኛ።

ሴጸናይ መድና ጎዳዉ፡ “ታን ሳከን ኡባን ያነ ሃነ ዩይያሳጥነ ሰመረትያሳጥ ያድ” ያገደ ዛሬዳ።

8 መድና ጎዳይ ሴጸና፡ “ያትና፡ ታ ቆማ ኢዮባ አኬካደ በኣድ? ሳኦ ቦላን እ ማላትያ ቶሺ ባይናነ ሱረ አሳይ ሙለካ ባዋ። እ ጸሳዉ ያይያ፡ ኢታባጥካ ሃኬዳ አሳ” ያገኛ።

9 ሴጸናይ፡ “ቱሙ ኢዮብ ነዉ ጮ ያዪ?”

10 እነ አ ሶ አሳነ አዉ ደእያዋ ኡባ ኔን ድራደ ናጋቢይኪ? እ ኦልያ ኦሱዋ ኡባ ኔን እንጂዳ ድራዉ፡ እ መሀያ ዉዲ ቢታ ኡባ ቦላን ዳሬዳ።

11 ሸን ኔን ነ ኩሸያ የዳይ፡ አዉ ደእያ ማጹዋ ኡባ ሸጫንቶ፡ እ ኔና ቱሙ ነ ሰንሳን ሸቃና” ያገኛ።

12 መድና ጎዳይ ሴጸና፡ “ኤኖ፡ አዉ ደእያባይ ኡባይ ነ ኩሸያና። ሸን ኔን አ ቦቾጋ” ያገኛ። ሄዋጥ ጉይያን፡ ሴጸናይ መድና ጎዳ ሰንሳጥ ከሲደ ቤዳ።

13 እት ጋላሰ ኢዮባ አቱማ ናናቱነ ማጫ ናናቱ ባረንቱ ባይራ እሻ ሶን ሚደነ ዋይንያ ኤሳ ኡሺደ ደኢኖ።

14 ያትሸን እት ብታኒ ኢዮባኮ ዪደ፡ “ኑን ቦራቱዋ ዋጲደ ጎሽሸን፡ ሀረቱካ ኑ ማታን ማታ ሚደ ደእሺና።

15 ሳባ ቢታ አሳቱ አኬከናን ዪደ፡ ኦላ ከሴድኖ፤ ያቲደ ኡባካ አክ ቤድኖ። ቃይ ቆማቱዋካ ቃራ ማሻን ቡሳኬድኖ። ያትና፡ ታ ጸላላይ አታደ፡ ሀ ሀኔዳዋ ነዉ ኦዳናዉ ያድ” ያገኛ።

16 እ ብር ሃሳይሸን፡ ሀራ ብታኒ ዪደ፡ “ጸሳ ታማይ ሳሉዋጥ ዋዲደ፡ ደርሳቱዋን ደርሳቱዋ ሄምያዋንታ ሜዳ። ያትና፡ ታ ጸላላይ አታደ፡ ሀ ሀኔዳዋ ነዉ ኦዳናዉ ያድ” ያገኛ።

17 እ ብር ሃሳይሸን፡ ሀራ ብታኒ ዪደ፡ “ካላዳዌቱዋ ቢታጥ ሄዙ ጨጉዋን ሻከቲዳ ፓናቱ ዪደ፡ ኑና ኦሊደ፡ ጋሉዋ ኡባ አክ ቤድኖ፤ ቆማቱዋካ ቃራ ማሻን ቡሳኬድኖ። ያትና፡ ታ ጸላላይ አታደ፡ ሀ ሀኔዳዋ ነዉ ኦዳናዉ ያድ” ያገኛ።

18 እ ብር ሃሳይሸን፡ ሀራ ብታኒ ዪደ፡ “ኅ አቱማ ናናቱነ ማጫ ናናቱ ባረንቱ ባይራ እሻ ሶን ሚደነ ዋይንያ ኤሳ ኡሺደ ደኢሺና።

19 ዋልቃማ ጎቲ አከከናን ባዙዋጥ ደንዲደ፡ ጎልያ ኡባና ሾጩዎዳ። ጎሊ ኡንቱንቱ ቦላ ኩንድና፡ ናናቱ ሀይቄድና። ያትና፡ ታ ጸላላይ አታደ፡ ሀ ሀኔዳዋ ነዉ ኦዳናዉ ያድ” ያጌዳ።

20 ሄዋጥ ጉይያን፡ ኢዮብ ደንዲደ፡ ካዮ ባረ ማዮዋ ፔዲደ፤ ባረ ሀ-ጸያካ ማደቱዳ። ቢታን ጉፋኒደ ጸሳዉ ጎይኒደ።

21 ሀዋዳን ያጌዳ፤ “ታን ታ አት ኡሉዋጥ ካሎ የለታድ፤ ሀይቄያ ዋደካ ታን አካደ ብያባይ ባዋ። መድና ጎዳይ እማዳ፤ መድና ጎዳይ ዛሪደ አከዳ።

መድና ጎዳ ሱንላይ ጋላተቶ” ያጌዳ።

22 ሀ ኡባንካ ኢዮብ ናጋራ አላቤና፤ ጸሳ አማሳልቤና።

2

ኢዮባ ላኤንላ ፓጭያ

1 ሀራ ጋላሰካ ቃይ ጸሳ ከታንቻቱ መድና ጎዳ ሰንላን ቤታናዉ ዬድና፤ ሴጸናይካ ቃይ ኡንቱንቱና አትጥ አ ሰንላን ቤታናዉ ዬዳ።

2 መድና ጎዳይ ሴጸና፡ “ላ ኔን ሀቃጥ ያድ?” ያጌዳ።

ሴጸናይ መድና ጎዳዉ፡ “ሳኣን ኡባን ያነ ሃነ ዩይያሳጥነ ሰመረትያሳጥ ያድ” ያጌዳ።

3 መድና ጎዳይ አ፡ “ታ ቆማ ኢዮባ አከካደ በአድ? ሳኣ ቦላን አ ማላትያ ቶሺ ባይናነ ሱረ አሳይ ሙላካ ባዋ። አ ጸሳዉ ያይያ፡ ኢታባጥካ ሃከዳ አሳ። ጋሱ ባይናን ታን አ ቆይሳና ማላ፡ ኔን ታና ደን። ላናካ፡ ሀእ ጋካናዉ አ ባረ ሱረተላን ሞን ኤቄዳ” ያጌዳ።

4 ሴጸናይ ዛሪደ ጸሳ፡ “ ናጋላ ድራዉ ጋልባ አኮ! ያግያዋደን፡ አሳይ ባረ ሸምጥዋ ድራዉ፡ ባረዉ ደእያዋ ኡባ እማና።

5 ሸን ኔን ነ ኩሸያ የዳደ፡ አ አነ ሸጫ። ያትንቶ አ ኔና ቱሙ ነ ሰንላን ሸቃና” ያጌዳ።

6 መድና ጎዳይ ሴጸና፡ “ኤና፡ አ ዋዶጋጥ አትና፡ አ ቦላ ኔን ኮዬዳዋ ኦላናዉ ዳንዳያሳ” ያጌዳ።

7 ሄዋጥ ጉይያን፡ ሴጸናይ መድና ጎዳ ሰንላጥ ከሲደ፡ ኢዮባ ገድያጥ ሀ-ጸያ ጋካናዉ ኢታ ማዲላይ አ ቦላ ከሳናዳን አሌዳ።

8 ያትና፡ ኢዮብ ብድንላ ቦላ ኡቲደ፡ ኮንኣን ባረና ጎይዳ።

9 አ ማቻታ አ፡ “ሀእ ጋካናዉካ ኔን ነ ሱረተላን ሞና ኡታዲ? ጸሳ ሸቃይ ሀይቃ” ያጋዲ።

10 አ ዛሪደ አዘ፡ “ኔን ቦዛ ማጫ አሳዳን ሃሳያዳ። ኑን ጸሳጥ ሎኦባ አክ አኪደ፡ ኢታባ አኮኮየ?” ያጌዳ።

ሀ ኡባንካ ኢዮብ ባረ ጌዳዋን ናጋራ አላቤና።

ሄዙ ኢዮባ ላገላቱ አ በአናዉ ዬድና

11 ኢዮባ ላገቱ ሄዛቱ፡ ተማና ቢታጥ ኤልፋዘ፡ ሹሀ ቢታጥ ብልዳድነ ናእማ ቢታጥ ጸፋር ኢዮባ ቦላ ጋከዳ መቱዋ ሰሌዳ ዋደ፡ አዉ ቃረታናዉን አ ሞን። ላናዉ ባረንቱ ሶጥ ባረንቱ ሶጥ ቃገቲደ፡ አትጥ አኮ ዬድና።

12 ኡንቱንቱ አ ሃኩዋን ግዲደ ጸልያ ዋደ፡ አ ኢዮባ ግድያዋ ኤርበይክና። ጉየጥ አ ግድያዋ ኤሬዳ ዋደ፡ ባረንቱ ቃላ ቆቁ አሊደ ዬኬድና፤ ባረንቱ ማዮዋካ ፔዲደ፡ ባረንቱ ሀ-ጸያን ባና ቆሌድና።

13 ሄዋጥ ጉይያን፡ ኡንቱንቱ አናና ላፑን ጋላሳነ ላፑን ቃማ ቢታን ኡቲድና። አ ሳኩ ሎይላ ዳራዳዋ ኡንቱንቱ በኤዳ ድራዉ፡ አዉ አይ አሳይነ ቃላካ ቃትቤና።

ኢዮባን አ ላገላቱዋ ፓሉምያ

3

(3:1—37:24)

ኮይር ሃሳያቱዋን ኢዮብ ባረ የለቲዳ ጋላሳ ሸቄዳ

1-2 ሄዋጥ ጉይያን፡ ኢዮብ ባረ ዶና ዶዪደ፡ ባረ የለቲዳ ጋላሳ ሀዋዳን ያጌደ ሸቄዳ፤

3 “ታን ሻሃረቲዳ ቃማይነ ታን የለቲዳ ጋላሳይ ጮ ቆይና!

4 ሄ ጋላሳይ ቆማ ግደ፤ ቦላ ጸሳይ ሄ ጋላሳ ሸከሮ ጎ፤ አ ቦላን ፖኡካ ፖኡጥ።

5 ሌሌዳ ቆማይነ ሻኖቹ አ ጎዘ፤ አ ሻሪ ካዋ፤ አ ፖኡዋካ ቆማይ ገንሎ።

6 ሄ ጋላሳ ቃማ ድጽ ጎ ቆማይ ኦይቆ። ላይላ ግደን ደእያ ጋላሳቱዋን አ ፓይደቶገ፤ አግናቱዋ ፓይዲዋንካ ገሎጥ።

7 ሄ ጋላሳ ቃማይ ቃማይ ዋንቶገ፤ ናሸቻ አልልሳይካ አን ሰሰቶገ።

8 ሌዋታና ግያ ዳዊያ ደን። ላናዉ ሎሄዳ ሻሪቾቹ ሄ ጋላሳ ሸቄና።

9 ሄ ቃማዉ ባካልያ ጸልንቲ ፖኡገ፤ ፖኡዋ ናጌደካ ደዋገ፤ ዋንታ ጸልቁካ አዉ ጸልቀቶገ።

10 ሄ ቃማይ ታን ታ አት ኡሉዋን ሻሃረተናዳንነ ሀ መቱዋ በኤናዳን ተእቤና ድራዉ፡ ሸቀቲዳዋ ግድ።

11 “ታን ታ አት ኡሉዋን ሃላ ከሳርክታሻ! ታ አት ኡሉዋጥ የለታ ዋቆነ ሀይቃርክታሻ!

12 ታ አታ ታና አያዉ ባረ ክዉዋን አድማዳሻ? ባረ ቆንላካ ታና አያዉ ቆንላዳሻ?

13 ሄ ዋደ ታን ሀይቄዳዋ ግድንቶ፡ ሀእ ሸምጋደ ገምእሻድ ሸን!

14 ኮለቲዳ ሳኦቱዋ ባረንቶ ዛረላ ኬጾዳ ሳኣ ካተቱዋናነ ኡንቱንታ ዘርያዋንቱና።

15 ዋርቃይ ደእያነ ባረንቱ ጎልያን ብራ ኩንሌዳ ሞድያዋንቱና አትጥ ዲፋዋን ግሳድ ሸን!

16 ዋይ አት ኡሉዋጥ ቦሸቲደ የለቲዳ ናኣዳን፡ ዋይ ጋላሳ ፖኡዋ አይነ በእቤና ቦሸቶዋዳን፡ ታን ቢታ ግደን ቆሰታ ድጋርክታሻ!

17 ዲፋዋን ኢታቱ ባረንቱ ኢታ ኦሱዋ አገና፤ ያን ዳቡራንቻቱካ ሸምጥና።

18 ሄ ሳኣን ቃሸቶ አሳቱካ ሸምጥደ ናሸቲና፤ ኦሱዋ ኦሰሰያዋንቱ ዋሱዋ ኡንቱንቱ ሄዋን ሰሰክና።

19 ጉላይ ዳሩካ ያን ደኤ፤ አይሊካ ባረ ጎዳዉ አይለትያሳጥ ከሴ።

20 “መቱዋን ደእያዋንቶ ፖኡ አያዉ አመቲዳ? ደኤ ጫምያዋንቶ።

21 ሀይቁ ያንዴሻ ጊደ አሞትና፣ ዩናን እጽያዋንቶ፣ ቆሰ ዋሌዳ ዲረታ ኮይያዋጥ አሊደ፣ ሀይቁዋ ኮይያዋንቶ፣

22 ዱፋዋ ቢደ ጋክያ ዎደ፣ ናሽቻንን እልልሳን ፖጩምያዋንቶ ደኡ እያዉ እመቴዳ?

23 ኦጊ ባይ ክቼዳ ኡራዉ፣ ጸሳይ አ ዩሹዋ ድር ድጌዳ ኡራዉ ፖኡ አያዉ እመቴዳ?

24 ካዩ ታዉ ቁማ ግዴዳ፤ ታ ኦሊ አገናን ጎግያ ሃላ ማላ።

25 ታን ያዬዳዌ ታ ቦላ ጋኬዳ፤ ታን ዳጋሜዳዌካ ታናን ሀኔዳ።

26 ታዉ መቶጥ አትና፣ ሳሩ፣ ዎፓይነ ሸምፑ ባዎ” ያጌዳ።

17 ሳይቁያ አሳይ ጸሳ ሰንሳን ጽሉዋ ግዲደ ቤታናዉ ዳንዳዪ? ዎይ አሳይ ባረና መጴዳዋ ሰንሳን ጌሻ ግዲደ ቤታናዉ ዳንዳዪ?

18 ጸሳይ ባረ ቆማቱዋን አማነተና፤ ባረ ኪታንቻቱዋንካ ባይዙዋ ደሜ።

19 ያትና፣ ኡርቃጥ መጠቅዳዋንቱን፣ አንቱንቱ ደኡዋ ባሱ ባና ግዴዳዋንቱን፣ ብልአጥካ ኤሌሊደ ዋቂያዋንቱን እይ ኬሻ ዳር ባይዙ ቤታንዴሻ!

20 ዎንታ ፓጸ ደእያ አሳይ አማርሰ ጋካናዉ፣ ኦንነ ሀሳየናን ደእሸና ሀይቁ።

21 አንቱንቱ ደኡዋ ሸካሊ ሸደት ዎጵያ ዎደ፣ አንቱንቱ አጴዳ ኤራተላ ደመናን ሀይቁ ባዩኖ ያግያዋ ሰሳድ።

4

ኤልፋዝ ኮይር ሃሳዬዳ ሃሳያ (4:1—14:22)

1 ሄዋጥ ጉይያን፣ ቲማና ቢታጥ ዩዳ ኤልፋዝ ዛሪደ፣ ሀዋዳን ያጌዳ፤

2 “አት ኡራይ ኔናና ጸሊደ ሃሳዮጥ፣ ኔን ሀንቀታኒ? ሸን ሃሳየናንን አጋናዌ ኦኔ?

3 በአ፣ ኔን ዳርቱዋ ታማርሳዳ፤ አርጋጩዳ ኩሸቱዋካ ምንጠላዳ።

4 ነ ቃላይ ጱበቴዳዋንታ ምንሰ ኤሴ፤ ዳቡራዳ ጉልባታቱዋካ ምንጠላዳ።

5 ሸን ሀእ መቱ ኔኮ ዩዳ፤ ኔን ገንጫበይካ። መቱ ኔና ጋክና፣ ኔን ሻቢረታዳ።

6 ኔን ጸሳዉ ያይያዌ ኔና አማንሊደ ዎጠኔ? ነ ሀመትያ ሱረ ሀመታይ ነዉ ህደታ ግደኔ?

7 “አነ ኔን ሀእ ቆፓ፣ ጌሻ ግዴዳ አሳን ጳዬዳዌ ኦኔ? ዎይ ሱረ አሳይ ሀቃን ጶቆለቲደ ጳይ ኤሪ?

8 ታን በኤዳዋዳን፣ ኢታተላ ጎሺደ፣ መቱዋ ዘርያዋንቱ ኢታተላን መቱዋ ጫካና።

9 አንቱንቱ ጸሳጥ ከሰያ ሸምፑዋን ፑነቲደ ባያና፤ አ ሀንቁዋ ሱሉዋንካ አንቱንቱ ሜተት ጳያና።

10 ኢታቱ ጉድያነ ዳርያ ጋሞቱዋ ማላ፤ ሸን ጸሳይ አንቱንቱ አቻ መንላ።

11 ሻንካቲደ ኦይቄዳዋ ማናዉ አቻ ጳያ ጋሞቱዋዳን፣ ኢታቱ ኮሻን ሀይቁና፤ አንቱንቱ ናናቱካ ላለቲና።

12 “አት ጋላሰ እት ጸራይ ታኮ ዩዳ፤ ሄ ጸራይ ሳሱከቲደ፣ ታ ሀይሳን ዎጴዳ።

13 ቃማ ገሞእሹዋ ፓኡርሸን፣ ታና ኢታ አኩሙ አንኤላዳ።

14 ታና ያሻይነ ኮኮርሳይ ኦይቄዳ፤ ታ መቀላ ኡባ ጋጅ ጋጅሴዳ።

15 ጫርኩ አጲደ ታ ሶምኡዋ ፕቲደ፣ ታ ሰንሳና አጴዳ፤ ዳጋማጥ ደንዴዳዋን ታ ቦላን ደእያ ብናናይ ኤቄዳ።

16 እ ታ ሰንሳን ኤቄዳ፤ ሸን እ አየንቶ ታን ሻካደ ኤራናዉ ዳንዳያበይከ። ሄዋጥ ጉይያን፣ ጩኡ ጌዳሳጥ ሀዋዳን ያግያ ኮሻ ሰሳድ፤

5

1 “አዮባ፣ አነ ጸሳ! ሸን ኦኔ ነዉ ኮያናዌ? ኪታንቻቱዋጥ ኦኮ ሰማኒ?

2 ኤያ ኡራ ላንጪ ዎጴ፤ አከካይ ፓጩዳ ኡራካ ቃናቲ ጳይሴ።

3 ኤያ ኡራይ ምኒደ ደእያዋ ታን ታ ሁጲያን በኦድ፤ ሸን ኤለካ ታን አ ጎልያ ሸቃድ።

4 አ ናናቱ ሳሩ ባይና ሳን ደእና፤ አንቱንቱ ችሎታን፣ ማዲደ ሃሳይያዌ ባይና ሳን ፕርዳ ጳዬድና።

5 እ ሸሸዳ ካላ ኮሻቲዳዋንቱ ማና፤ አጉንላ ግድን ሞኬዳዋካ አንቱንቱ አዉ አግክና። ሳመቴዳዋንቱ አ ማጶዋ አካናዉ ያረቲና።

6 ቱጋይ ባናጥ ከሰና፤ መቱካ ቢታጥ ሞከና።

7 ታማይ ፑደ ፕርያዋዳን፣ አሳይ መቶ የለቴዳ።

8 “ታና ግድንቶ፣ ታን ጸሳኮ ሸቃና፤ ታ ሞቱዋካ አ ሰንሳን ዎላና።

9 ፕልጊደ ኤራናዉ ዳንዳየተና ዎልቃማባቱዋን ፓይዱ ባይና ኡራላባቱዋ ጸሳይ ኦላ።

10 እራ ቢታን ቡክሴ፤ ጋድያዉካ ሃላ የዴ።

11 ቶሸቲዳዋንታ ቦንቼ፤ ካዮትያዋንታካ ምንጠላደ ናሸቼ።

12 ገናንቻቱዋ ሀልቼዋካ ሀልሴ፤ ሄዎ ድራዉ፣ አንቱንቱ ኩሸያ ኦሱ ፖለተና።

13 አጴዳ ኤራንቻቱዋ እ አንቱንቱ ገንያን ኦይቄ፤ ጌላቱዋ ማቁዋካ አላ የጌ።

14 አንቱንቶ ጋላሳይ ጳማና፤ ጋላሳ ሴታንካ አንቱንቱ ሄካ ብላህያዳን ታታፋና።

15 ሀዩሳቱዋ እ አንቱንቱ ሞርከቱ ማሻጥ አሼ፤ እ አንቱንታ ዎልቃማቱዋ ኩሸያጥካ ዎላ አኬ።

16 ሄዎ ድራዉ፣ ሀዩሳቶ ህደታይ ደኤ፤ ኢታ አሳቱዋ እ ጩኡ ኦላ።

17 “ጸሳይ ሴርያ ኡራይ አንጀቲዳዋ፤ ሄዎ ድራዉ፣ ኡባ ዳንዳይያ ጸሳ ሴራ ካጵፓ።

18 እ ማዲላ፣ ሸን ማዲላ ቃቼ፣ እ ደቼ፣ ሸን አ ኩሸ ጳሌ።

19 ኡሱፑን ቆሞ መቶባጥ እ ኔና አሻና፤ ላፑንሐካ ኔና ቦቼና።

20 ኮሻ ዎደ ሀይቁዋጥ፣ ኦላ ዎደካ ማሻ ቃራጥ እ ኔና አሻና።

4:13 እዮባ 33:15 5:13 1 ቆር. 3:19 5:17 ሉሞ. 3:11፤ አብራ. 12:5-6 5:18 ሆሰ 6:1

21 እ ኔና እንጻርሳ ልሱዋጥ ገንፋና፤ ባሻይ ጋክያ ዋደካ ያያካ።

22 ባሻ ቦላን ኮሻ ቦላ ኔን ሚጫና፤ ባዞ ደእቶካ ያያካ።

23 ነ ጎሽያ ጎሻን ሹቻይ ደኤና፤ ባዞ ደእቶካ ኔና ሳር ግዳናዋን።

24 ነ ዲንካኒ ሳር ግድያዋ ኔን ጌሻደ ኤራና፤ ነ ደርሳቱዋ አቁዋካ ኔን ጸሞሰያ ዋደ፤ ኤንቱንቱፕ እቱነ ፓጩና።

25 ነ የለታይ ጮራታናዋን ነ ዘረፋቱካ ደምባ ማታ ኬሻ ግዳናዋ ኔን ኤራና።

26 ዘርጋ ቱኩ ባረ ዋድያን ኡዲማ ይያዋዳን፤ ኔን እዲሳ ላይላ ደእደ፤ ዲፋዋ ባና።

27 እዮባ፣ ኩን ሀዋ ኡባ ፕልግ ጴሌድ። ሄዌ ቱማ ግድያ ድራዉ፤ ሄዋ ሰሳደ፤ ነዉ አካ” ያጌዳ።

6

እዮብ ላኤንሉዋ ሃሳዬ

- 1 እዮብ ዛሪድ፤
- 2 “ታ ዋዪነ ታ ካዩ ኡባይ ሚዛናን ልከቲረን!
- 3 ያትንቶ አባ ደና ሻፍያፕካ እቲ ዴዳናዋ። ሄዋ ድራዉ፤ ታ ቃላይ ጸላ ግዴዳ።
- 4 ኡባ ዳንዲይያ ጸሳ ዋንዳፍያ ፖላይ ታና ጫዴድና፤ ታ ቦላይካ ኤንቱንቱ ይሻ ኡሹ። ጸሳ ዳጋንሉያ ቦሻይ ታ የሹዋ ደዴዳ።
- 5 ሀሪ ማታይ አ ሰንፋን ደእሺና ዋሲየ? ዋይ ቦራይ ዳላ ደሚደ ጸጊየ?
- 6 ማልኤናባይ ማጽኒ ገለናን ሜተቲየ? ዋይ ቁቁልያ ግደ ሃላይ ሎቅሎቅየ?
- 7 ሄዋ ማላ ቁማ ታን ሽነታይ፤ ሄዋ ማላ ቁማ ሞፕ፤ ታና ሳኬ።
- 8 “ታን ዋሴዳ ዋሳይ ጋኬረኔ! ጸሳይካ ታ ዋዛና አሙዋ እሜረኔ!
- 9 ጸሳይ ታና ሙንፍሬረኔ! እ ባረ ኩሽያ የዲደ፤ ታ ደኡዋ ቱራ ዲፍረኔሻ!
- 10 ጌሻ ጸሳ ቃላ ካዳቤና ድራዉ፤ ታዉ ሳኩ ዳርፕነ፤ ሞንፍሬዋ ግዴረነሻ።
- 11 ታን ደኡዋን ደእናዉ ታዉ አይ ዋልቃይ ደኢ? ታን ዳንዳናዉ፤ ታ ዉርሰላይ አይ?
- 12 ታ ዋልቃይ ሹቻ ዋልቃ ማሌ? ዋይ ታ አሹ ናሃሰያ ብራታ ማሌ?
- 13 ታና ማዳናዉ አይ ዋልቃይነ ታዉ ባዋ፤ ማዲዋ ደማናዉ ታን ብያ ሳአይካ ደኤና።
- 14 “ሙቱዋን ደእያ ኡራይ ኡባ ዳንዲይያ ጸሳዉ ያይያዋ አግንቶካ፤ አ ሳገቱ አዉ ኬካተላ ቦሳናዉ ኮሹ።
- 15 ታ እሻቶ፤ ሀንተ እራይ ቡከና ዋደ ሙልያ ሻፋ ማላ፤ ታና ጭሚታ።
- 16 ባልጉዋ አግናቱዋን ሄ ሻፋይ ኦርዶ ሻቻን ኩሚደ ካሙቱ።
- 17 ሽን ቦኒ ጋክያ ዋደ፤ ሄ ሻቻይ ሙሺደ፤ ሃላ ከሴ፤ ሃላይካ ሄ ሳአፕ ጳዬ።
- 18 ጫና ሙህያ ላጊደ ብያ ዛልአንቻቱ ሃላ ኮያናዉ ባረንቱ ኦግያፕ ጋጸ ከሲደ፤ ሙላ ቢታን ቶይላካቲደ፤ ሀይቁ ጳዬና።
- 19 ቱማ ቢታ ዛልአንቻቱን ሳባ ቢታ ኦግያዋንቱ ሃላ ደማና ጊደ፤ ሀደታ ዋሊና።

20 ሽን ኤንቱንቱ አማነቲደ ኮይና ጳዬዳ ድራዉ፤ ዩላቴድናን ሀደታ ቃንጾድና።

21 ሀንተካ ታዉ ሄ ሻፋቱዋ ማላ ግዴድታ፤ ታና ጋኬዳ ሙቱዋ ቦኢደ ያዬድታ።

22 ታን ሀንተና፤ ታዉ እትባ እምተ። ዋይ፤ ሳህንተ አቁዋፕ ታ ድራዉ አሳዉ ማታይያ እምተ። ጋድታ?

23 ዋይ፤ ታና ታ ሞርክያ ኩሽያፕ አሽተ። ዋይ፤ ሳኡቅንያዋንቱ ኩሽያፕ ታና ዋዛተ። ጋድታ?

24 “ሀንተ ታና ታማርሰተ፤ ታን ጮኤ ጋና። አያ ባይዛድታንቶ፤ አነ ታና ቦሰተ።

25 ቱማ ግዴዳ ቃላይ አይ ኬና ዋልቃሜ! ሽን ሀንተ ፓሉማይ ኡባይ ታና አያነ ሴረና።

26 ሀንተ ታን ሃሳይያ ሃሳያ ጫርኩዋ ማላ ጊደ ቆፒታ። ያትና፤ ታን ሀደታ ቃንጸደ ሃሳይያ ሃሳያ እያዉ ቆሪቱ?

27 አዉ ባይናዋንታ ሻክ አካናዉ ሀንተ ሳማ የጊታ፤ ሀንተ ላግያካ ዛልአናዉ ዋሽሲታ።

28 አነ ትሽ አሊደ፤ ታና ጴልተ። ታን ሀንተ ሰንፋን ዋርዲዋ ሃሳይከ።

29 ሀያና፤ አነ ዛረሊደ ቆፕተ፤ ታን ጸሉዋ ግድያ ድራዉ፤ ታ ቦላ ጮ ፕርደፕተ።

30 ታን ታ እንጻርሳን ዋርደቲዳዋ ማላቲ? ታ ደናይ ልክያ ልክ ግደናዋፕ ሻኪደ ሃሳያናዉ ዳንዳየኔ?

7

- 1 “አሳ ደኡ ሳአ ቦላን ዋልቃማ ባጸ ግደኔየ? አ ደኡዋ ላይላይ ከራ ኦልያ አሳ ደኡዋ ላይላ ማላ ግደኔየ?
- 2 ኩዋ አሞትያ ቆማዳን፤ ዋይ ባረ ድርጉዋ አካናዉ ናግያ ኦሳንቻዳን፤
- 3 ሄዋዳን ታዉ ሙላ አግናቱነ ቱጋ ቃማቱ እሙቲድና።
- 4 ታን ግሰያ ዋደ፤ ሳዉደ ቤነታንድታሻ? ያጋይ። ሽን ቃማይ ታዉ እዲቁ፤ ሳአይ ዋንታና ጋካናዉ ሂጸን አቆ አቆ ዋቆይ።
- 5 ታ ቦላይ ጉጹንያን ፖቁዋ ማዬዳ፤ ታ ማዲላፕ ጊሻይ ጎጌ።
- 6 ታ ላይላይ ሸማይንያ ሙኩካፕካ እቲ ኤሌሌ፤ አይ ሀደታይነ ባይናን ታ ላይላይ ዉራ።
- 7 “አቤት ጸሳዉ፤ ታ ላይላይ ሲቲያና ሸምፕያ እት ሸምፕዋ ማላ ግድያዋ ሀሳያ! ታ አይፊ ላኤንሉ ኬካባ ቦኤናን አቲዳ።
- 8 ኔን ታና ሀእ ቦኣሳ፤ ሽን ላኤንሉ ቦአካ፤ ኔን ታና ኮዮፕ፤ ታን ጳያድ።
- 9 “ሻሪ ፕሰክ ጊደ ጳይያዋዳን፤ ዲፋዋ ዋዴዳ ኡራይ ሰሚደ ከሰና።
- 10 ባረ ጎለካ ላኤንሉ ሰሚደ ዬና፤ አ ኤርያ አሳይካ አ ደጌ።
- 11 “ሄዋ ድራዉ፤ ታን ጮኤ ጊከ፤ ታን ታ ቱጋ ድራዉ ሃሳያና፤ ታ ደኡ ጫሚዳ ድራዉ ዙዙማና።
- 12 ሀዋ ኬሻ ኔን ታና አያዉ ናጋይ? ታን ነዉ አባ ዋይ አባ ግደ ሀምባዘያ ጋድየ?
- 13 ታን፤ ታ ሂጸይ ታና ሞንፍሬ፤ ታ አልጋይካ ታና ዙዙንላፕ ሸምፕሳንዴ! ያግያ ዋደ።
- 14 ኔን ታና አኩሙዋን ያሸሳሳ፤ ሳጸንካ ታና ዳጋንላሳ።

15 ታን ሀ ሳክያ ቦላና ደአናዋፕ ሱለትያዋን ሀይቂያዋ ደራይ።

16 ታን ታ ደኡዋ ካዳድ፤ ታን መድናዉ ደአናዉ ኮይከ። ታ ላይላይ ሲድያና ሸምፕያ እት ሸምፕዋ ማላ ግድያ ድራዉ። ኔን ታና ኢጋ ባሻ።

17 “ኔን እ ዋጋባዲን ጸላናዉ አሳይ አይ? ኔን አባዉ አያዉ ቦንቾ ሳኦ እማይ?

18 ዋንታ ዋንታ ኔን አ ብዳሳ፤ ቃይ ዋድያን ዋድያን አ ፓጫሳ።

19 ኔን ታኮ ጸልያዋ ሙለካ አግኪ? ዋይ ታን ታ ጩቻ ሞትያ ዋድያካ ታዉ እምኪ?

20 አቤት አሳ ዋቻያዎ፣ ታን ናጋራ ኦሌዳዎ ግደፕ፣ ኔና አያይ ቆሄዳ? ኔን አያዉ ታና ጫድ ካእያዎ አላዲ? ነዉ ታን ዳጾ ቶኩዋ ግዳድታየ?

21 ታ ባላፕ አያዉ ታና ማረናን እጻይ? ታ ናጋራካ አያዉ አቶ ጌናን አጋይ? ሰም ታን ዲፋዎ ዋቻያ ዋዲ ጋኬዳ፤ ኔን ታና ኮይያ ዋደካ፣ ታን ቤትከ” ያጌዳ።

8

ብልዳደ ሃሳዬዳ ሃሳያ

1 ሄዋፕ ጉይያን፣ ሹሀ ቢታፕ ዬዳ ብልዳደ ዛሪድ፣ ሀዋዲን ያጌዳ፤

2 “ኔን ሀዋ ማላባ አዉደ ጋካናዉ ሃሳያይ? ነ ደናፕ ከሰያ ቃላይ ዋልቃማ ጎትያ ማላ።

3 ኡባ ዳንዳይያ ጸሳይ ፕርዳን ጽሎባ ጌላዪ?

4 ነ ናናቱ ጸሳ ቦላ ናጋራ ኦሌዳ ድራዉ፣ እ ኡንቱንታ ኡንቱንቶ በሰያዋዲን ሙራ።

5 ሸን ኔን ጸሳኮ ሰዋፕ፣ ኡባ ዳንዳይያ ጸሳ ዋሶፕ፣

6 ኔን ጌሻን ሱረ ግደፕ፣ እ ነ ድራዉ ደንዲድ፣ ኔና ማዳና፤ እ ካሰ ነ ደኦ ዛሪደ ዋይታና።

7 ነ ደመላይ ጉላ ማላቶፕ፣ ነ ዉርሰላይ ሎይሳ ዳራና።

8 “ካሰ የለታ እነ ኦቻ፤ ኦ ማይዛ አዎቱ አያ አያ ታማራደንቶ፣ ኮያደ ደማ።

9 አያዉ ጎፕ፣ ኦን ዝኖ የለቱዳዋንታ፤ ኦን አያነ ኤርኮ። ኦን ሀ ሳኦን ደእያ ላይላይ ኩዋ ማላ።

10 ኡንቱንቱ ኔና ታማርሰኖ፣ ነዉ ኦድናን ባረንቱ አኬኬዳዋፕ ሃሳይኖ።

11 “ጫሪ ጫርያ ሃላይ ባይና ሳን ድጫናዉ ዳንዳየና፤ ማቃይካ ሃላ ባይና ሳን ሞካናዉ ዳንዳየና።

12 ብር ድጩደ፣ ቃንጸተናን ደኢድ፣ ማታፕካ ኤላ ሹላና።

13 ጸሳ ደግያ አሳ ኡባ ዉርሰላይ ሄዋ ማላ፤ ጸሳይ ባይና ኡራ ህደታይካ ዳያና።

14 እ አማንትያዌ መእ ክቻያዎ፤ እ ጩቀትያባይካ ሻራርታ ጎልያ ማላ።

15 እ ባረ ሻራርታት ጎልያን ዘምፔ፣ ሸን ኤቀና፤ እ አ ኦይቃና፣ ሸን አ ዳንዳየና።

16 እ አዋን ሃላ ኡሼዳ አታክልትያ ማላ፤ አታክልትያ ሳኦ ፕን ከሳና ጋካናዉ ዳሼ።

17 ኬላ ሹቻ ዩሹዋን ባረ ጸጹዋ የዳ፤ ሹቻቱዋ ግደንካ ባረዉ ሳኦ ኮይ።

18 ሸን እ ባረ ሳኦፕ ሾደት ዳይንቶ፣ ሄ ሳኦይ አ፣ ‘ታን ኔና በአበይከ’ ያጋና።

19 በአ፣ ኢታ አሳቱዋ ናሸቻይ ሀዋ ማላ። ሀራ አሳቱካ ዪደ፣ ኡንቱንቱ ሳኦ ኦይቂኖ።

20 “ጸሳይ ቱሙዋፕ ቶሺ ባይና አሳ ኦል ኤረና፤ ኢታ ኦልያዋንታ ቃይ ማደና።

21 እ ዛሪድ፣ ኔና ሚጭሳናን እልልሳና።

22 ኔና እጽያዋንቱ ዬላ ማያና፤ ኢታቱዋ ጎሊ ዳያና” ያጌዳ።

9

ኢዮብ ጉጂደካ ሃሳዬ

1 ሄዋፕ ጉይያን፣ ኢዮብ ዛሪድ፣ ሀዋዲን ያጌዳ፤

2 “ኤ፣ ሀዌ ህንተ ግያዌ ቱማ ግድያዎ ታን ኤራይ። ሸን አሳይ ጸሳ ሰንላን ጽሎዋ ግዳናዉ ዋን ዳንዳዪ?

3 አናና እት ኡራይ ፓሉመታናዉ ኮዮፕ፣ ሄ ኡራይ እ ኦቻያ ሻኡ ኦሻፕ እቱዋን ዛራናዉ ዳንዳየና።

4 ጸሳይ ባረ ዋዛናን አዲዳ ኤራንቻ፤ ባረ አቢያንካ ዳር ዋልቃማ። አናና ኤቀቲደ ጸንትቤናዌ ባዋ።

5 ኤረናን ደእሺና፣ ቃቃ ደረቱዋ እ ኡንቱንቱ ሳኦፕ ድጌ፤ ባረ ሀንቁዋንካ አላ የጌ።

6 እ ቢታ አ ሳኦን ቃሌ፤ ቢታ ቱቀቱዋካ ዪቀዪቂሴ።

7 አዋይ አዋጸናዳንን ጸልንተቱ ፖኤናዳን አዛዛናዉ ዳንዳዪ።

8 እ ባረካ ሳሎቱዋ ሞጩዳ፤ አባ ቤታ ቦላንካ ሀመቱ።

9 ጸሳይ ዋጋ ቤርያ፣ ኦርዮና፣ ፕልያድሳ ግያ ጸልንተቱዋ ጩጉዋን ሄዋዲንካ ገድሳ ባጋና ደእያ ጸልንተቱዋ ጩጎቱዋ መጴዳዋ።

10 ፕልጊደ ኤራናዉ ዳንዳየተና ዋልቃማቱዋ፣ ፓይዲ ባይና ኦራላባቱዋ እ ኦሌ።

11 “ጸሳይ ታኮ ሸቅንቶካ፣ ታን አ በአናዉ ዳንዳይከ፤ እ ታ ሞይያና አድንቶካ፣ ታን እ ሄዋን ደእያዎ ኤራናዉ ዳንዳይከ።

12 እ ባረ ኮይዳዋ አክና፣ እ ኦንን ድጋናዉ ዳንዳየና። ‘ዋታይ?’ ያጊደ አ ኦቻና አሳይ ባዋ።

13 ጸሳይ ባረ ሀንቁዋ ተኤና፤ ራኦካ ግያ ዳዊያ ማድያ ባረ ሞርከቱዋ ባረ ገድያፕ ጋርሳዉ አሊደ የጴ።

14 “ያትና፣ ታን አ ኦሻ ዛራናዉ ሎኦ ቃላ ሀቃፕ ደማናዉ ዳንዳይያታ?

15 ታን ጽሎዋ ግድንቶካ፣ ፕርድያ ጸሳይ ታና ማራናዳን ዋሳናፕ አትና፣ ታን አ ቦላ ሃሳይከ።

16 ታን አ ጸሰና፣ እ ታዉ ኮይንቶካ፣ ‘ታ ኮሻ ሰሴዳ’ ጋደ አማንከ።

17 እ ታና ጎትያን መንግጫ፤ ጋሱ ባይናን እ ታ ማዲላ ዳርሴ።

18 ታና ሸምፕዋካ ሸምፕሰናን ድጌ፤ እ ታ ደኡዋ ጫሙዋን ኩንሌዳ።

19 ዋልቃባ ሃሳዮፕ፣ እ ዋልቃማ። ፕርዳዋ ሃሳዮፕ፣ እ ጸሴደ፣ ፕርዳ ጎላ ሸሻና አሳይ ባዋ።

20 ታን ጽሎዋ ግድንቶካ ታ ደናይ ታና ባይዛንቻ ከሴ፤ ታን ቶሺ ባይና አሳ ግድንቶካ፣ እ ታና ጌላ ከሴ።

7:17 ማዘ. 8:4፤ 144:3 9:2 እዮባ 4:17

21 “ታን ቶሺ ባይና አሳ። ሸን ታ ደኡዋ ደሰከነ ካቆይ።

22 ዲማተላይ ባዋ፤ ሄዋ ድራው፡ ታን፡ ‘እ ቶሺ ባይናዋንታን ኢታቱዋ ላኡዋካ እትፕ ጳይሴ’ ያጋይ።

23 ባሻይ ጽሎ አሳቱዋ ቆፕናን ዎድያ ዎደ፡ ጸሳይ ቅሊጮ።

24 ጸሳይ ሀ ሳኦ ኢታ አሳቶ አሊደ እሜዳ፤ ፕርድያዋንቱ አይፍያካ ጎዜዳ። ሀዋ ኡባ አሌዳዌ አ ግዳናፕ አትና፡ ሀራይ ኦኔ?

25 “ታ ደኡዋ ላይላቱ ዋላ ዎጽያ ኡራፕካ አጲደ ኤሌሊኖ፤ ኡንቱንቱ ሎኦባ በኤናን ፓሊደ ጳይኖ።

26 ታ ደኡዋ ላይላቱ ማቃ ዎንግርያዳን ኤሌሊኖ፤ አርጋንላይ ባረጋ ምያዎ ኦይቃናው ሳሉዋፕ ዲን ፓልያዋዳን ፓሊኖ።

27 ታን፡ ‘ታ ዙዙንላ ደጋና፤ ታ ሶምኡዋካ ቆምሰያዎ አጋይ ፓሽካና’ ያጎፕ።

28 ኔን ታና ጌሻ ጌናዋ ታን ኤራይ፤ አያው ጎፕ፡ ታና ጋካና ዋይያ ኡባው ታን ያያይ።

29 ያትና፡ ታን ባይዛንቻ ግዳ ክቻድፕ አትና፡ ጮ መላ አያው ዳቡራይታ?

30 “ታን ታ ቦላ ሀራይ አቶ ሳሙናን ሜጬታንቶካ፡ ታ ኩሽያ ሀንጪጮያን ሜጬንቶካ፡

31 ኔን ታና ኡርቃ ኦላን ኦላና፤ ታ ማዩካ ታና ሸንታና።

32 ታን አው ዛሩዋ እማና ጋናው፡ ጸሳይ ታ ማላ አሳ ግደና። ሄዋ ድራው ፕርዳው ቦይተ ጋናው ዳንዳይከ።

33 ሸን ባረ ኩሽያ ኦ ላኡዋ ቦላ ዎሊደ፡ ኦና ሰገላያ አሳይ ኦ ግደን ደኤረኔሻ!

34 አቤት ጸሳው፡ ታና ሙርያዎ አጋ፤ ታና ዳጋንላያዋን ያሽሰያዎ አጋ።

35 ያቶፕ፡ ታን አው ያየናን ሃሳያና፤ ሸን ሀእ ዳንዳይከ።

10

1 “ታን ታ ደኡዋ ካቆይ! ሄዋ ድራው፡ ታን ሞተታናፕ አትና፡ ጮኡ ጊከ፤ ታን ሞሽታደ ሃሳያይ።

2 ታን ጸሳ ሀዋዳን ያጋይ፡ ሀእ ታ ቦላ ፕርደፓ፤ ኔን ታና ሞትያ ሞቱ አየንቶን ታው ኦዳ።

3 ኔን ታና ኡቁናናው በሲ? ኔን ነ ኩሽያን መጴዳ ኡራ ካድያዌ፡ ቃይ ኢታቱዋ ሀልቸዋ ፖልሰያዌ ሎኤ?

4 ነ አይፊ አሳ አይፍያ ማሌ? አሳይ ጸልያዎዳን ኔን ጸላይ?

5 ነ ደኡዋ ላይላይካ አሳዋ ኬሼ? ነ ደኡዋ ላይላይካ አሳ ላይላይዳ ቃንሌ?

6 ያትና፡ ታ ባይዙዋ አያው ኮያይ? ታ ናጋራካ አያው ቆራይ?

7 ታን ባይዛንቻ ግደናዋን ነ ኩሽያፕ ታና ኦንነ አሻናው ዳንዳየናዎ ኔን ኤራሳ።

8 “ታና ነ ኩሺ ጊግሲደ መጴዳ፤ ሸን ሀእ ሄ ኩሺ ሰሚደ፡ ታና ጳይሴ።

9 ኔን ታና ኡርቃፕ መጴዳዎ ሀሳያ። ያትና፡ ሀእ ታና ባናዳን ሊቅሳናው ሀናይ?

10 ታና ማላዳን ታ አት ኡሉዋን ትጌዳዌን ድቼዳዌ ኔና።

11 ታና ኔን እሹዋን ጋልባ ማይዛዳ፤ ታ መቀላ ጸጸዋና ጋላደ ዋጸዳ።

12 ኔን ታው ደኡዋን አገና ነ ሲቁዋ እማዳ፤ ነ ናጉዋን ኔን ታና ፓጸ ዎላዳ።

13 “ሸን ኔን ሄ ዎድያፕ ደማደ፡ ነ ዎዛና ግደን ታና ቆሀናው ቆፕያዎ ታን ኤራይ።

14 ታን ናጋራ ኦሎፕ በአናው፡ ኔን ታና ጌዳሳ፤ ታ ባይዙዋካ ሙረናን አቆካ።

15 ባይዛንቻ ግደፕ፡ ታው አየ አና! ቃይ ታን ጽሎ ግደንቶካ፡ ታ ሁጲያ ፑደ ቶቁ ኦላናው ዳንዳይከ። አያው ጎፕ፡ ኔን ታና ዬላን ኩንላ ዎላዳን ቱጋን ማላያ ዎላዳ።

16 ታን ኦቶረቶፕ፡ ኔን ታና ጋሙዋዳን የደርሳይ ኦይቃና፤ ቃይካ ታና ቆሀናው፡ ነ ማላልሰያ ኦሉዋ ኔን ኦላና።

17 ኔን ታ ቦላ ኦራላ ማርካቱዋ አሃሳ፤ ነ ሀንቁዋካ ታ ቦላ ዳርሳሳ፤ ታና ኦላናው ኦራላ ሀልቸቱዋ ጊግሳሳ።

18 “ያትና፡ ታና ታ አት ኡሉዋፕ አያው ከሳዲ? ኦንነ ታና በኤናን ሀይቃርክታሻ!

19 ታን ደኤናን አጋርክታሻ! ዎይ ታ አት ኡሉዋፕ ከሶሳና ዲፋዎን ዎቆአርክታሻ!

20 ታ ደአናው አቱዳ ላይላቱ ጉላ ግድክኖ? ታን ላፋ ናሽታ አካና ማላ፡ ሀእ ታና አጋርከ!

21 ሌሌዳ ቆማ ሳኦ ታን ብያ ዎዲ ማቴዳ፤ ታን ሄዋፕ ሰማደ ሃ ዩከ።

22 ታን ብያሳይይ ድጵ ጎ ቆማይነ ማራይ ባይናዋንቱ ደአያ ቢታ፤ ሄዋን ደአያ ፖኡካ ቆማ ማላ” ያጌዳ።

11

ጸፋር ሃሳዬዳ ሃሳያ

1 ናእማ ቢታፕ ዬዳ ጸፋር ዛሪደ፡ ሀዋዳን ያጌዳ፤

2 “ሀ ሃሳየቱዳ ቃላው ኡባው ዛሩዋ እምያ አሳይ ባዌ? ዎይ ሀዋ ሃሳዬዳ ብታኒ ቱማንቻ ግደናው ዳንዳይ?

3 ነ መላ ሃሳያይ አሳ ጮኡ ኦሊ? ኔን ቅሊጮያ ዎደ፡ ኔና ሴርያዌ ባዎ ጋድየ?

4 ኔን ኦዳደ፡ ‘ታ ትምርቲ ቱማ፤ ታን ጸሳ ሰንላን ጌሻ’ ያጋሳ።

5 ጸሳይ ነ ቦላ ባረ ደና ዶዩደ ሃሳዬረኔሻ!

6 እ ነው አጴዳ ኤራተላ ጸራ ቆንጮሴረኔሻ! አያው ጎፕ፡ ቱሙ አጴዳ ኤራተላው ላኡ ክፍለቱ ደአኖ። ጸሳይ ኔና ነ ኦሌዳ ናጋራ ኬሻ ሙርቤናዎ ኤራ።

7 “ኔን ጸሳ ጪማ ጸራ ቆራደ ኤራናው ዳንዳይ? ዎይ ኡባ ዳንዳይያ ጸሳ ዛዋቱዋ ኮያደ ደማናው ዳንዳይያ?

8 ኡንቱንቱ ሳሎቱዋፕካ ቶቃ፤ ኔን አይነ ኦላናው ዳንዳይካ። ኡንቱንቱ ሰኦልያፕካ አጴዳ ጪማ፤ ኔን ኤራናው ዳንዳይካ።

9 ጸሳ አጴዳ ኤራተላይ ቢታ አዲሳተላፕ አዲቁ፤ አባ ጎምፓፕካ አኬ።

10 እ ዩደ፡ ኔና ቃሾ ጎልያን የግንቶን ፕርዳ ጎላ ሺሸንቶ፡ አ ድጋናው ዳንዳይያዌ ኦኔ?

11 ጸሳይ ፓፍ አሳቱዋ ኤሬ፤ ኢታባ በእያ ዎደ፤ እ ጮ አገና።
 12 ኤያ አሳይ አዴዳ ኤራንቻ ግድያዋፕ ደንባ ሃሪ አሳ ግዲ የለትያዌ ማቱ።
 13 “ኢዮባ፤ ኔን ነ ዎዛና ሱረ ኦፐ፤ ነ ኩሽያካ አኮ ሞጫደ ዎሶፕ።
 14 ናጋራ ኔፕ ሃሶፕ፤ ነ ጎለንካ ኢታባይ ደኤናዳን ኦፐፕ።
 15 ያቶፕ፤ ኔን ዶቁ ጋደ ዬላይ ባይናን ኡባባ ጸላና፤ ያሽያዌ ባይናንካ ሞናደ ኤቃና።
 16 ነ ሙቱዋ ኡባካ ኔን ደጋና፤ ጉኬዳ ሃላዳን፤ ኔን አ ላኤንላ ሀሳያካ።
 17 ነ ደኡ ሴታ ጋላሳ አዋፕካ አዲደ ፖእና፤ ነ ደኡዋ ዱማይካ ዎንታ ፖኡዋ ማላ ግዳናዋ።
 18 ነዉ ህደታይ ደእያ ድራዉ፤ ኔን ህርገናን ደእና። ጸሳይ ኔና ርገያ ድራዉ፤ ኔን ዎፑ ጋናን ሸዎፓና።
 19 ኔን ገሞእሽያ ዎደ፤ ኔና ያሽሳና ኡራይ ባዎ፤ ዳርቱ ኔና አዉዳሻና።
 20 ሸን ኢታቱዋ አይፊ ቆቃና፤ አፕ ባቃት አታናዉካ ዳንዳይክና። ኡንቱንቱ ህደታይ ሀይቁዋ” ያጌዳ።

12

እዮብ ዛሪደካ ሃሳዬ
 1 እዮብ ዛሪደ፤ ሀዋዳን ያጌዳ፤
 2 “ኤ፤ ህንተ ቱሙካ አዴዳ ኤራንቻ፤ አዴዳ ኤራተላ ኡባይካ ህንተና ሀይቃና!
 3 ሸን ታዉካ ህንተዋዳን አኬካይ ደኤ፤ ታን ህንተፕ ላፍከ! ሀ ህንተ ሃሳዬዳዋ ኡባ ኦን ኤራ።
 4 ታን ጸሳ ዎሰና፤ አ ሰሴዳ አሳ ግደፕ፤ ታ ላገቶ ሚጭያዋ ከሳድ፤ ታን ጽሉዋን ቶሺ ባይና አሳ ግደፕካ፤ ቅሊጭያዋ ከሳድ።
 5 ህንተና አይ ሙቱን ጋክቤና ድራዉ፤ ታ ሙቱዋ ካዲታ፤ ኩንዳናዉ ጋንድጋርያ ብታንያካ ሱጊታ።
 6 ቦንቁያዎንቱ ጎለቱ ሳር ደእና፤ ጸሳ ህንቀልያዎንቱ ህርግ ባይናን ደእና። ኡንቱንቱ ኩሽያ ዎልቃይ ኡንቱንቱ ጎይንያ ጸሳ።
 7 “ሸን ኔን አን ሙሄቱዋ ኦቻ፤ ኡንቱንቱ ኔና ታማርሳና። ዎይ ሳሉዋ ካፎቱዋ ኦቻ፤ ኡንቱንቱ ነዉ ኦዳና።
 8 ዎይ ሳአዉ ሃሳያ አዛካ ኔና ታማርሳና፤ አባ ሞለቱካ ነዉ ኦዳና።
 9 ሙድና ጎዳ ኩሺ ሀዋ ኦሌዳዋ ሀዋንቱ ኡባ ግደን ኤረናዌ ኦኔ?
 10 ፓጻ ደእያ ሙታቱዋ ኡባ ደኡን አሳ ኡባ እያናይ አ ኩሽያና።
 11 እንጻርሳይ ቁማ ሻክ ኤርያዋዳን፤ ሀይላይ ሃሳያ ሻኪደ ኤረኔያ?
 12 “አዴዳ ኤራተላይ ጭሚዳ አሳቱ ማታን ደኤ፤ ዳር ዎድያ ደእያዌ አኬካ አሜ።
 13 ጸሳዉ አዴዳ ኤራተላይን ዎልቃይ ደኤ፤ ዘሪን አኬካይ አን ቤቴ።
 14 ጸሳይ ቆሌዳዋ ዛሪላ ኬጻናዌ ኦኔ? አ ቃቹዳ ኡራካ ብል የዳናዌ ኦኔ?
 15 ጸሳይ አራ ተኦፕ፤ ቢታይ ሙሌ፤ እ አራ ቡክሶፕ፤ ድኡ ቢታ ባይዜ።

16 “ሞኖተላይን ጸኑ ጸሳዎ፤ ጭሙትያዌን ጭምያዌን ላኡካ አፕ ጋርሳና ደእና።
 17 ዘርያዎንቱፕ እ አዴዳ ኤራ ቃር አኬ፤ ዳናቱዋካ እ ኤያ ከሴ።
 18 እ ካተቱዋ ካተቱዋ አራታፕ ዎሌ፤ ኡንቱንታካ አይለቱዋ ኦሌ።
 19 ቁሳቱ ዋፕካ ቦንቹዋ ቃር አኬ፤ ዎልቃማቱዋካ አላ የጌ።
 20 አማንቱዳ አሳቱዋካ ጮኡ ኦሌ፤ ጭማቱዋፕካ አኬካ ዎላ አኬ።
 21 ካፓቱዋ ካዉሺ፤ ደርያ ካለልያዎንቱ ዎልቃካ ዉርሴ።
 22 “ዱማን ደእያ ጸራ የዎቱዋ ቆንጭሴ፤ ድጽ ጎ ዱማ ሳካ ፖኦ ከሴ።
 23 ጸሳይ ካዉተላቱዋ ዶቁሴ፤ ቃይ ጸኔ። ካዉተላካ አሴ፤ ቃይ ዳይሴ።
 24 ሳአ አሳ ካፓቱዋ አኬካ ድጊደ፤ ኦጊ ባይና ሙላ ሳአን ቶይላካታናዳን ኦሌ።
 25 ፖኡ ባይና ዱማን ኡንቱንቱ ታታፊና፤ ማላቱዳ አሳቱዋዳን ኡንቱንቱ ጋንድጋሪና።

13

1 “ሀዋ ኡባ ታ አይፊ በኤዳ፤ ታ ሀይላይካ ሰሲደ አኬኬዳ።
 2 ህንተ ኤርያዋ ታንካ ኤራይ፤ ታን ህንተፕ ላፍከ።
 3 ሸን ታን ኡባ ዳንዳይያ ጸሳዉ ሃሳያናዉ ኮያይ፤ ህንተናና ግደና። ታን ታ ሞቱዋ አናና ሞተታናዉ አሞታይ።
 4 ህንተ ቱሙዋ ዎርዱዋን ካሚታ፤ ህንተ ኡባይካ ፓፍ አክማቱዋ።
 5 ህንተ ኡባይ ጮኡ ጌዳ ግደርክቱሻ! ያትንቶ፤ ህንተና አሳይ አዴዳ ኤራንቻ ጋና ሸን!
 6 “ሀእ ታ ሞቱዋ ሰሰተ፤ ታ ደናፕ ከሰያ ፓሉሞያ ሀይዘተ።
 7 ህንተ ጸሳ ደና ግዲደ፤ ዎርዱዋ ሃሳይቱየ? አ ድራዉ ኤቂደ፤ ጭሙዋ ሃሳይቱየ?
 8 ህንተ አ ማድያዌ ደኤ? ዎይ አዉ አባካቶ ግዲደ ሞተቱቴ?
 9 እ ህንተና ፕልግ ጸልንቶ፤ ህንተፕ ሎኦባ ደማኔ? ህንተ አሳ ጭምያዋዳን፤ አ ጭማናዉ ዳንዳይቱየ?
 10 ህንተ ጌማን አሳ ሶምኡዋ ጸሊደ ማደፕ፤ ጸሳይ ቱሙ ህንተና ሴራና።
 11 አ ቦንቹ ህንተና ዳጋን፤? አ አንጋይ ህንተና ያሸኔ?
 12 ህንተ ኦድያ ሌምሶቱ ብድንላ ማላ ፓፍዋንታ፤ ህንተ ሺሽያ ፓሉሚ ኤርቃፕ ሙቱዳ ጎንዳልያ ማላ።
 13 “አን ጮኡ ጊተ! ሃሳያና፤ ሀዋፕ ጉይያን፤ ባረ ሀሮዋ ሀሮ።
 14 ታን ታ ሁጲያ አያዉ ህርጋ ጋርሳን ዎላይታ? ታ ሸዎፑዋካ አያዉ ታ ኩሽያን ኦይቃይታ?
 15 በአተ፤ ጸሳይ ታና ዎድያዋ ግደፕ፤ ታን አ ዳንዳይን ጋና። ግደፕ፤ ታን ታ ሞቱዋ አ ሰንላ ሺሻና።
 16 ናጋራንቻ አሳይ አ ሰንላ ሺቃናዉ ዳንዳየና ድራዉ፤ ሀዋ ታን ሺቃናዉ ጸልያዌ፤ ኦን ኤራ፤ ታ አቶተላዉ ጋሶ ግዳናዉ ዳንዳይ።

17 ታ ሃሳያ እኩኪደ ሰሰተ፤ ታን ኦድያዌ ህንተ ሀይላን ገሎ።

18 በእተ፣ ታን ታ ሞቱዋ ገግሳድ፤ ሻትማናዋካ ኤራይ።

19 “እቤት ጸሳው፣ ኔን ታና ሞታናው ያይ? ኔን ታና ባይዛንቻ ከሶፕ፣ ታን ጮኤ ጋደ ሀይቃና።

20 ሸን ኔን ታዉ ሀ ላኡባቱዋ ኦላ፤ ታን ኔፕ ጌምከ።

21 ታና ሙርያዋ አጋ፤ ነ አንጋን ታና ዳጋንጾ።

22 ሄዋፕ ጉይያን፣ ታና ጸሳ፤ ታን ኮያና። ዋይ ታን ሃሳይና፣ ታዉ ዛራደ ሃሳያ።

23 ባረዉ፣ ታን ባይዜዳ ባይዘነ ናጋራይ አፑኔ? ታ ባላነ ታ ናጋራ እነ ታና በሳ።

24 “ኔን አያዉ ነ ሶሞኤዋ ታፕ ገንላይ? ቃይ ታና አያዉ ነ ሞርክያዳን ፓይዳይ?

25 ታና፣ ጫርኩ አፍያ ቦንጭያ ማላ፣ ያሸሳዩ? ዋይ መሌዳ ሱላ ማላ የደርሳይ?

26 ኔን ታ ቦላ ጸፊዳ ሞቱ ጫማ፤ ሀራይ አትና፣ ታን ያላጋተላን ደአደ ኦሌዳ ባይዘዋነ አሻባካ።

27 ኔን ታ ገድያ ገድያ ብራታን ቃቻዳ፤ ታ ታንግያ ታንጉዋ ኡባ ዋቻሳ፤ ታ ገድያ ኮትያ ፕልጋ ጸላሳ።

28 ታን ዋቁዳባዳን ሀናይ፤ ብልእይ ሜዳ አፍላዳንካ ዋቃይ።

14

1 “ማጫ አሳፕ የለቲዳ አሳ ላይላይ ቃንላ፤ ሄዋ ከሻካ መቱዋን ኩም ኡቲዳ።

2 እ ጪሻዳን ጪሺደ፣ ኤለካ ቆቆፈት አጌ፤ ቃይ ጋምኤናን ኩዋዳን ኤለካ አድ ክቼ።

3 ያትና ኔን፣ ጸሳይ፣ ሄዋ ማላ አሳካ ጸላይ? ቃይ አ ፕርዳናው ነ ሰንላ ሸሻይ?

4 ቱናባፕ ጌሻባ ከሳናው ዳንዳይያዌ ኦኔ? ኦንነ ባዋ።

5 አሳይ ደአና ላይላቱ ዛዋት ኡቲድኖ፤ እ ደአና አግናካ ኔን ፓይዳ ዋላዳ፤ ኔን ዋሌዳ ዛዋፕ አድያዌ ባዋ።

6 ሄዋ ድራው፣ ከራ ኦላያ አሳይ ባረ ኦሱዋ ፖሊደ ሸምፕያዋዳን፣ አሳይ ባረ ዳቡራ ላይላ ፖሊደ ሸምፓናዳን፣ አ አጋ።

7 “ሞላዉካ ሀደታይ ደኤ፤ ሞላይ ቃንጾፕ አጩ፤ አጫይካ ሄዋዳን ሀኒደ፣ ደአ ባሸ።

8 ሄ ሞላ ጸጹ ቢታ ጋርሳን ኤጭንቶካ፣ አ ዱሩማይካ ቢታን ዋቆፕካ፣

9 ሃላ ፔኑዋ ደሚደ አጩ፤ ፑትያዳን ኦራላ ልጩዋ ከሱ።

10 “ሸን አሳይ ሀይቁና፣ አ ዋልቃይ ዉሬ፤ አ ሸምፑ ከሶዋፕ ህን ባጋን፣ አ ሀቃን ደኢ?

11 አባፕ ሃላይ መልያዋዳን፣ ቃይ ሻፋ ሃላይካ ቶእያዋዳን፣

12 ሄዋዳን አሳይካ ሀይቁ፤ ሄ ሳኦፕ ደንደና። ሳሎቱ አቆና ጋካናዉካ አሳይ ቤጎተና፤ ባረ ገምእሹዋፕካ ደንደና።

13 “እቤት ጸሳው፣ ኔን ታና ዱፎ ግድን ገንላድ፣ ነ ሀንቁ አቆና ጋካናው ቆሴዳዋ

ግዳርኪሻ! ኔን ታዉ ኬራዋ እማደ፣ ሄ ጋላሰ ታና ሀሳዬዳዋ ግዳርኪሻ!

14 እት አሳይ ሀይቆፕ፣ ሰሚደ ፓጾኔ? ታ ላሚ ያና ጋካናው፣ ሀ ቱጋ ዋድያ ኡባ ዳንዳያን ናጋና።

15 ኔን መጄዳ ታናካ በእናው ኔን ላሞትያ ዋደ፣ ኔን ታና ጸሳና፤ ታን ነዉ ኮያና።

16 ሄ ዋድያን፣ ኔን ቱሙዋፕ ታ ታንጉዋ ዋቻና፤ ሸን ታ ናጋራ ታ ቦላ ፓይዳካ።

17 ታ ባይዘ ቃርጪታ ግድን ዪጩታና፤ ታ ናጋራካ ኔን ካማና።

18 “ደሪ ኩንድያን መኤረትያዋዳን፣ ዛላይካ ቶቆለትያዋዳን፣

19 ሃላይካ ሹቻ ቦክያዋዳንን ድኡካ ቢታ ሜጪደ አፍያዋዳን፣ ሄዋዳን ኔንካ አሳ ሀደታ ቶይሳሳ።

20 ኔን አ መድናው ጸናሳ፤ ያቶፕ እ ብ አጌ። አ ማላ ላማደ፣ ነ ሰንላፕ የዳሳ።

21 አ ናናቱ ቦንቼቶፕ፣ ሄዋ እ ኤረና፤ ኡንቱንቱ ቶሽቶፕካ በኤና።

22 ሸን አ ቦላ ሴላይ አ ጸላላዉ ሰሰቲ፤ አ ባረ ጸላላዉ ዬኬ” ያጌዳ።

15

ኤልፋዝ ላኤንሶ ሃሳዬዳ ሃሳያ

1 ሄዋፕ ተማና ቢታፕ ዬዳ ኤልፋዝ ሀዋዳን ያገደ ዛራዳ፤

2 “እጄዳ ኤራንቻ አሳይ ጫርኩዋዳን ኦይቀተናዋ ሃሳዬ? ዋይ ቆሀያ ቆፋን ባረ ኡሉዋ ኩንሳናው በሲ?

3 ፓፍና ቃላን ዋይ ማደና ቃላን ሞቱዋ ሞተቲ?

4 ሄዋ ግድፕ፣ ኔን ጸሳው ያይያዋ አጋዳ፤ ሀራቱካ ጸሳው ጎይነናዳን ድጋሳ።

5 ነ ኢታተላይ ነ ሃሳያን ኤረቲ፤ ሸን ነ ጭንጫ ሃሳያን ካማናው ባጸታሳ።

6 ነ ቦላ ፕርድያዌ ነ ደናፕ አትና፣ ታና ግድከ፤ ነ እንጸርሳይ ነ ቦላ ማርካቲ።

7 “ኮይሮ አሳፕ ሰንላ የለቲዳዌ ኔኔ? ዋይ ኔን ደረቱ መፍታናፕ ካሰ የለታዲ?

8 ኔን ጸሳ ጹራ ሸቁዋ ሰሳዲ? ዋይ እጄዳ ኤራተላ ነ ጸላላይ ኤርያዋ ነዉ ማላቲ?

9 ኩን ኤረናዋ ኔን ኤርያዌ አዬ? ኩዉ ገለናን አገደ፣ ነዉ ገሌዳዌ አዬ?

10 ነ አዉዋፕ ባይራትያ አሳቲ፣ ጭሚደ ፑሉሚዳ አሳቲ ኩ ግድን ደኢኖ።

11 “ጸሳይ ነዉ እሚዳ ሞንፍላክ ኩን ነዉ አሸከተላን ሃሳዬዳ ቃላይ ጉጾዬ?

12 ነ ዋዛናይ ኔና አያዉ ዋራ አፊ? ነ አይፊካ አያዉ ጸላ ደረቁ?

13 ያታይ ኔን ጸሳ ቦላ ሀንቀታዳ፤ ሄዋ ማላ ቃላካ ነ ደናፕ ከሳዳ።

14 አሳይ ጸሳ ሰንላን ጌሻ ግዳናው ዳንዳዪ? ዋይ ማጫ አሳፕ የለቲዳ አሳይ ጽሉዋ ግዳናው ዳንዳዪ?

15 በአ፣ ጸሳይ ባረ ኪታንቻቱዋንካ እማነተና፤ ሀራይ አቶ ሳሎቱካ አ ሰንላን ጌሻ ግድክኖ።

16 ሸን ሀ ሸንይያን ቱኔዳ አሳይ፡ ናጋራካ ሃዳዳን ጋንያ አሳይ ዋን አማነታኔ!
 17 “እዮባ፡ እነ ሰሳ! ነዉ ኦዳና፤ ታን በኤዳዋ ኡባ ነዉ ኦዳና።
 18 አዲዳ ኤራንቻ አሳቱ ባረንቱ ማይዛ አዎቱዋፕ ደሜዳ ኤራተላ ገንጋናን ታና ታማርሴድኖ።
 19 ሀ ቢታይ ኡንቱንቱ ጸላላዉ እመቲዳ፤ ሀራ ቢታ አሳይ ኡንቱንቱ ዋዛና ጸላፕ ዋራ ዛርቤና።
 20 “አሳ ኡቁኒደ ደእያ ኢታ አሳይ፡ ባረ ደኡዋ ላይላ ኡባን ቱግ አፕ ሻከተና።
 21 ኡባ ገደ ዳጋንሐያ ኮሻይ አ ሀይላን ሰሰቲ፤ እ ሳሮ ደአይ ገሸና፡ ፓንጋቱ አ ቦላ ያና።
 22 ዲማፕ ከሰ አካናዋ እ አማነና፤ እ ማሻዉ ካጩቲዳ።
 23 እ አሃይ አንኮ ቁማ ግዳናዋ፤ ባረዉ ዲማ ጋላሳይ ማታቲዳዋ እ ኤሬ።
 24 መቱነ ቱጋይ አ ያሸሳና፤ ኦላዉ ከሴዳ ካትያዳን አ ዳጋንላና።
 25 አያዉ ጎፕ፡ እ ባረ ኩሽያ ጸሳ ቦላ ደንሌዳ፤ ኡባ ዳንዳይያ ጸሳ ቦላካ ጸሌዳ።
 26 ሞኖነ ኦርድ ጎንዳልያ ኦይቂደ፡ ጸሳ ቦላ ማካሌዳ።
 27 “አ ሰምኢ ሞዴዳ ድራዉ፡ አ ጸሳይካ ቦርርጩዳ ድራዉ።
 28 እ ላቲደ ደእያ ካታማቱካ ኦላን ላለቲዳ ድራዉን እ ደእያ ጎላቲካ ኦንነ ደኤና ኦና ግዴዳ ድራዉ።
 29 እ ባረ ዳረተላን ዳሮ ጋምኤና፤ አ አቁካ አና ጋምኤና፤ ቢታ ቦላንካ አከና።
 30 “ዲማፕ እ ከሰ አከና፤ አ ታሸቱዋ ላጩ መልሳና፤ እ ጨሻካ ጸሳ ጩርኩ ፕት ዳይሳና።
 31 ባረካ ባረና ጭሚደ፡ ሀዳባን አማነቶፓ። እ አካናባይካ ሀዳባ።
 32 ዋዲ ጋከናን ሹልያን መል ሰሚደ፡ ላኤንሉ አጫናዉ ዳንዳየና ሞላ ማላ እ ግዳናዋ።
 33 ቱረናን ዉርጩዋና ቆቆፈትያ ዋይንያ ማላን ጨሻይ ቆቆፈትያ ዋጋራ ማላ እ ግዳናዋ።
 34 ጸሳዉ ያየና አሳቶ ዛሪ ዳያና፤ ማታይያን ኬጸቲዳ ጎልያካ ታማይ ማና።
 35 ኡንቱንቱ መቱዋ ሻሃሪደ፡ ኢታባ የሊኖ፤ ኡንቱንቱ ዋዛናንካ ጭሙ ኩሞ ኡቲዳ” ያጌዳ።

16

እዮብ ዛሪደካ ሃሳዬ
 1 እዮብ ሀዋዳን ያጊደ ዛሪዳ፤
 2 “ሀዋ ማላ ሃሳያ ዳሩዋ ሰሳድ፤ ሀንተ ሞንግጩቶ ጊደ፡ ታና መትያዋንታ።
 3 ሀ ጎአይ ባይና ሀንተ ሃሳያዉ ዉርሰሐ ባዌ? ታናና ሀንተና ሀዋ ኬሻ ፓሉሞሰያ ጋሱ አዬ?
 4 ሀንተ ታ ሳኸን ደእና፡ ታን ሀንተ ሳኸን ደኤዳዋ ግድንቶ፡ ታንካ ታ ሁጲያ ካድያን ቃላደ፡ ሀእ ሀንተ ግያዋ ኡባ ሀንተ ቦላ ሎይላደ ሃሳያና ሸን!
 5 ሄዋዳንካ፡ ታ ዘርያን ታን ሀንተና ሞንላና ሸን! ታ ደናፕ ከሰያ ሃሳያይካ ሀንተና ሞንግጩቶ ሸን!

16:19 እዮባ 19:25

6 “ሸን ታን ሃሳይንቶካ፡ ታ ሳኩ ኬከና፤ ታን ጩኡ ጋደ ዳንዳይንቶካ፡ ታፕ ክቼና።
 7 አቤት ጸሳዉ፡ ኔን ታና ድፕ ኦላዳ፤ ታ ጎልያ አሳ ኡባካ ዳይሳዳ።
 8 ኔን ታ ጋልባ መልሳዳን ጉንድሳዳ፤ ታ ቦላካ ግልቂሳዳ። ሄዋ ድራዉ፡ አሳይ ታና በኢደ፡ ሀዋ እ ናጋራንቻ ግድያዋ ማርካ” ያጌ።
 9 ጸሳይ ባረ ሀንቁዋን ታና ዱሰረሐ የጌዳ፤ ባረ አቻካ ታ ቦላ ጋርጩዳ፤ እ ታ ሞርኪ ታና ደረቁ።
 10 አሳቱ ታ የሹዋን ሸቂድኖ፤ ታ ቦላ ቅሊጩደ፡ ታ ቅንጻልያ ባቂድኖ።
 11 ጸሳይ ኢታ ኦሐያ አሳቶ ታና አሊደ እሜዳ፤ ጌላቱዋ ኩሽያንካ እ ታና ኦሌዳ።
 12 “ታን ካሰ ዋፑ ጋደ ደአድ፤ ሸን ጸሳይ ታና ክንቼሬሌዳ፤ ታ ሙርጋጭያ ኦይቂደ፡ እ ታና መንግጫሌዳ። ቃይ እ ታና ጸንግ ደቻናዉ ማላ ኦሌዳ፤
 13 እ ዋንዳፍያ ፖላይ ታና ያና ሃና ሙዴድኖ። ቃረት ባይናን እ ታ ክላሁዋ ጫዲደ፡ ታ ጭሽያ ታ ትርያፕ ሳኸን ጉሴ።
 14 አላናዉ ዋጽያ ኦላንቻዳን፡ እ ታና ዛር ዛሪደ ማዲሌ።
 15 ታን ካዮታደ፡ ማቃ ማያድ፤ ታ ዋልቃይካ ባናን ኦለቲዳ።
 16 ታን ዬክያ ዬኩዋ ዳሩዋን ታ አይፊ ጋልጃዳ፤ አፎላፕ ደንደዋን ታ አይፊካ ዞኤዳ።
 17 ሸን ሀ ኡባንካ ታን ባይዜዳዌ ባዋ፤ ታ ዋሳይካ ጌሻ።
 18 “ቢታዉ፡ ቢታዉ፡ ታ ሱላ ካሞፓ፤ ታን ዋሳናዋ ድጎፓ።
 19 ሀእካ ታ ማርካይ ሳሉዋና፤ ታዉ ጸባቃትያዌ ቦላ ዲቃና።
 20 ታ ላገቱ ታና ካዲደ ጸሊኖ፤ ታ አይፊ ጸሳ ሰንላን አፎላ ትጌ።
 21 አሳይ ባረ ላገላዉ ጋናትያዋዳን፡ ታና ጸሳና ሰገሐያ አሳይ ደኤዳ ግዴረኔሻ!
 22 አያዉ ጎፕ፡ አማራዳ ላይላቱ አዴዳዋፕ ጉይያን፡ ታን ሰመናሳ ባና።

17

1 “ታ ሸሞፓታ ከሳዉ፤ ታ ላይላይ ቃሜዳ፤ ታዉ ዲፋ ጊግ ኡቲዳ።
 2 ታና ቅሊጩዳዋንቱ ቱሙዋፕ ታ የሹዋን ደአና፤ ኡንቱንቱ ታዉ ሀንቀትያ ሀንቁዋ ኡባ ገደ ታን በአይ።
 3 “አቤት ጸሳዉ፡ ኔፕ ሀራይ ታና ማድያዌ ባይና ድራዉ፡ ኔን ነ ሁጲያን ታዉ ዋሰ ግዳ።
 4 ኡንቱንቶ ገለናዳን፡ ኔን ታ ላገላቱዋ ዋዛና ደንጭልሳዳ። ሄዋ ድራዉ፡ ኔን ኡንቱንቶ ጸኑዋ እሞፓ።
 5 ሚሻ ደማና ጊደ፡ ባረ ላገቱዋ አሐ እምያ አሳ ናጋራይ አ ናናቱዋ ካአና።
 6 “ጸሳይ ታና አሳ ኡባዉ ቅሊጩዳዋ ከሴዳ፤ አሳይ ሰምኡዋን ጩቶያ አሳ ታን ግዳድ።

7 ታን ዳር ካዮቲዳ ድራው፡ ታ ከይፊካ ጋልጄዳ፤ ታ ኩመንገላ አሳተላይ ላፊደ፡ ጽንቁቀ ኬሻ ግዴድኖ።

8 ከካ አሳቱ ታና በኢደ ዳጋሜድኖ፤ ሱረቱካ ጸሳ ካድያዋንቱ ቦላ ይሎቲድኖ።

9 ግድግዳ፡ ጽሎቱ ባረንቱ ኦግያጥ ያካ ሃካ ሰምክኖ፤ ሱረቱ ዋልቃ ጉጅ ጉጅ ቢኖ።

10 ሽን ሀእ ኡባይካ እነ ታኮ ሃ ዪተ! ይንቶካ፡ ታን ሀንተ ግድን እት አዴዳ ኤራንቻ አሳካ ደምከ።

11 “ታ ደኡዋ ላይላይ ወሬዳ፤ ታ ሀልቼዳ ሀልቼካ ታ ዋዛና አሙካ ጮ አቲዳ።

12 ታ ላገቱ ቃማ ጋላሳ ገኖ፤ ቆም ኡት ደእሸን፡ ፖኦና ሀኔ፤ ያገኖ።

13 ታን ሀደታን ናግያ ታ ጎሊ ዱፋዋ፤ ታ ሂጸካ ያን ቆማን ሂጸኖ።

14 ዱፋዋ ታን፡ ሄን ታ አወዋ፤ ያጋና፤ ጉጸንያካ፡ ሄን ታ አቶ፤ ዋይ ታ ምቻቶ፤ ያጋና።

15 ያትና፡ ታ ሀደታይ ሀቃኔ? ኦን አ በኤዴ?

16 ታ ሀደታይ ታናና ዱፋዋ ባንዴ? ኦን ላኡ እትጥ ቢታን ዱገ ዋቆኔሻ?” ያጌዳ።

18

ብልዳደ ላኢንሶ ሃሳያ

1 ሄዋጥ ጉይያን፡ ሹሀ ቢታጥ ዬዳ ብልዳደ ሀዋዳን ያገደ ዛሬዳ፤

2 “ኢዮባ፡ ኔን ሀ ሃሳያ አወደ ወርሳይ? እነ እኪካ፡ ያቶጥ ኦን ሃሳያና።

3 ኦና እያወ ሚካ ከሳይ? አያወ ኦና ደንጮሎዋንታ ከሳይ?

4 ኔን ነ ሀንቁዋን ኔና ቆሃሳ። ነ ሀንቁዋን ቢታይ መላ ግዳኔ? ዋይ ዛላቱ ባረንቱ ሳኦጥ ቆቆለታኔ?

5 “ናጋራንቻቱዋ ደኡ ጸምጥ ቶእያዋዳን ቶእናዋ ጌሻ፤ እ ላኢንሶ ሙለካ ኤጸና።

6 እ ጸምጥ ባይና ጎልያ ማላ፤ እ ማታን ደእያ ጸምጥካ ቶኤ።

7 እ ታንግያ ታንጉካ ቃሜ፤ እ ሀራቱዋ ዘርያ ዘሪ እ ኡንጌ።

8 “አ ሀመታይ አ አፊደ፡ ጲርያን ገልሴ፤ ዲዛ ግደን እ ሀመቲ።

9 ጵሪ አ ግንድያ ኦይቁ፤ አ ቃሉዋ ድጌ።

10 አወ ዩርዶ ዋድሩ ጌማን ሳኦን ሂጸት ኡቲ፤ እ ሀመትያ ኦግያንካ ግቲ ዋድ ኡቲ።

11 “ዳጋማይ አ ደዴ፤ አ ጉየናካ የደርሴ፤

12 አ ዋልቃይ ኮሻን ዳቡሬዳ፤ ባሻይ አ ማታን ናጌ።

13 ዋድያ ሀርጊ አ ቦላን ኡባን ደዴ፤ አ ኩሽያን አ ገድያ ዱሸሴ።

14 እ ሀርግ ባይናን ደእያ ባረ ጎልያጥ የደርሴቲ፤ ኡንቲንቲ አሳ ኡባ ሞድያ ሀይቁዋ ግያ ካትያኮ፡ አ አፊና።

15 ሀርግያ የደርሳኩ ዲንያ ላሎዋጥ ጉይያን፡ ኦን አ ጎልያን ደእና።

16 እ ጸጹ ጋርሳና መልያን ቃንካቲካ ቦላና ቆቆረትያ ሞላ ማላ ግዴ።

17 አ ዋሪ ቢታጥ ቆይ፤ አ ሱንላይካ ሳኦን ሀሳየተናን አቲ።

18 እ ፖኡዋጥ ቆማወ የደርሰታና፤ አሳይ ደእያ ቢታጥካ እ ቆያና።

19 አወ ናአይ ዋይ ዛሪ ቆያና፤ እ ደኤዳ ሳኦን እት አሳይን ፓጸ ደኤና።

20 አዋይ ደልያ ባጋ አሳይ አ ጋኬዳዋን ዳጋሜ፤ አዋይ ወልያ ባጋ አሳይካ ያሻን ኮኮሬ።

21 አወደካ ኢታ አሳቱዋ ወርሰላይ ሄዋ ማላ፤ ጸሳ ኤረናዋንቱ ካጫይካ ሄዋ ማላ” ያጌዳ።

19

ኢዮብ ዛሪደካ ሃሳዬ

1 ሄዋጥ ጉይያን፡ ኢዮብ ዛሪደ፡ ሀዋዳን ያጌዳ፤

2 “ሀንተ ታና አወደ ጋካናወ ኡንኤሊቲ? አወደ ጋካናወ ሀንተ ቃላን ታና ጋጬቲ?

3 ሀንተ ታና ታሙ ገደ ቦሬድታ፤ ታና ካወሸድካ ይላትክታ።

4 ታን ቲሙ ባሌዳዋ ግድንቶካ፡ ታ ባላይ ታና አቻና።

5 ሀንተ ታጥ ከክያዋ ሀንተወ ማላትና፡ ሳዋ መቲ ኡባይ አ ጋኬዳዋ፤ እ ባይዜዳ ድራሳ፤ ያገደ፡ ታ ቦላ ፕርዲታ።

6 ሽን ሀ መቲዋ ኡባ ታ ቦላ ጋሌዳዋን ግትያን ታና ገልሴዳዋ ጸሳ ግድያዋ ኤርተ።

7 “ታን፡ ሳቀታድ” ያጋደ ዋሰና፡ ታወ አልያዋ ባዋ፤ ቃላ ቆቁ ኦሳደ፡ ሱረ ፕርዳወ ዋሰናካ፡ ሰሰያዋ ባዋ።

8 ታን እ ስናዳን ጸሳይ ታ ኦግያ ድሬዳ፤ ታ ሀመትያሳካ ቆማን ጎዜዳ።

9 ታ ዱረተላ ታጥ ቃሬዳ፤ ታ ቦንቹዋካ ታጥ ድጌዳ።

10 እ ታና ኡባ ባጋና መንግራላ የጌዳ፤ ታ ሀደታካ ጸጹዋና ቆቆለቲዳ ሞላ ማላ ኦሌዳ።

11 እ ሀንቁ ታ ቦላ ኤጽ ከሴዳ፤ እ ታና ባረ ሞርክያዳን ገይዳ።

12 ታ ቦላ ደዳናወ እ ባረ ኦላንቻቱዋ ኪቲ፤ ኡንቲንቲ ታና አላናወ ኦግያ ግግሲኖ፤ ታ ዱንካንያ ዩሹዋካ ደዲኖ።

13 “ጸሳይ ታ እሻቱዋ ታጥ ሃሴዳ፤ ታና ኤርያዋንቲ ኡባና ታወ አላጋ ግዴድኖ።

14 ታ ዳቦቲ ታጥ ሻከቲድኖ፤ ታ ላገቲካ ታና ደጌድኖ።

15 ታ ሶን እማላተላን ሞኮዋንቲ ታና ደጌድኖ፤ ታ ማጫ ቆማቲካ ታና እማላዳንን በትያዳን ጸሊኖ።

16 ታን ታ ቆማ ጸግና፡ ታወ ኮየና፤ ታን ዋሰናካ፡ ታወ ኤኖ ጌና።

17 ታ ማቻታ ታ ዶና ፔኮዋ እጸዳ፤ ታ እሻቲካ ታና ሸነቲኖ።

18 ሀራይ አትና፡ ጉላ ናናቲካ ታና ካዲኖ፤ ታና ጸልያ ዋደ፡ ታ ቦላ ቅሊጬኖ።

19 ታ ማታ ላገላቲ ኡባይ ታና ሸነቲኖ፤ ታን ሲቅያዋንቲካ ታወ ዘክያ ዛሬድኖ።

20 ታ መቀላይ ታ ጋልባና ኦይቀቲዳ፤ ሀይቁዋጥ ላፋሳን ታን አታድ።

21 “ሀንተኖ ታ ላገቶ፡ ጸሳ ኩሺ ታና ደቼዳ ድራው፡ ታወ ቃረትተ።

22 ጸሳይ ታና የደርሰያዎዳን፣ ህንተ ታና አያው የደርሰተ? ሆኖ ጋካናው ህንተ ታና ቱጋዬዳዌ ግደኔ?

23 “ሆኖ ጋካናው ታን ሃሳዬዳ ቃላይ፣ ዎይ ሀሳዮቲዳ ግደረኔሻ! ማጻፋንካ ዎይ ጸፈቲዳ ግደረኔሻ!

24 ዳር ጋምአና ማላ፣ ብራታ ማርሳን ዛላ ቦላን ዎጩቲደ ጸፈቲረኔሻ!

25 “ታና ዎዜዳዌ ፓጻ ደእያዋን ወርሰላን ቢታ ቦላን እ ኤቃናዋ ታን ኤራይ።

26 ታ ጋልባይ ሜተት ወርጥነ፣ ታን ታ አሹዋጥ ሻከታደ፣ ጸሳ በአናዋ ኤራይ።

27 ሀራ ኡራ ግደናን፣ ታን ታ ሁጲያን፣ ታ አይፍያን እ በአና። ሄዋ ድራው፣ ታ ዎዛናይ አያ ላዎቲ!

28 “ህንተ፣ ጠቶ ኡንኩ እ ግዳዳ ድራው፣ እነ ሃይተ! እ የደርሴቶ!” ጎጥ።

29 ማሻዉ ያይተ! ጸሳ ሀንቁ ማሻና ያና፣ ፕርዳይ ደእያዋካ ኤርተ” ያጌዳ።

20

ጸፋራ ላኤንሉ ሃሳያ

1 ናእማ ቢታጥ ዬዳ ጸፋር ሀዋዳን ያጌደ ዛሬዳ፤

2 “እ ሃሳያይ ታና ሀንቀሌዳ ድራው፣ ታን እይነ ጋምኤናን ነ ሃሳያው ዛሩዋ እማና።

3 ነ ሸቃ ሃሳያ ታን ሰሳድ፤ አው በሰያ ዛሩዋ ታና እማ እማ ጌ።

4 “አሳ ቢታ ቦላ ዎሌዳ ዎድያጥ ደሚደ፣ በንጥካ ናጋራንቻ አሳቱዋ ጩቁ ቃንላ ዎድያሳ ግድያዋ ኤራሳ፤

5 ጸሳ ኤረና አሳቱዋ ናሸቻይካ ልጹዳ አይፊ ጸላናሳ ግድያዋ ኔን ኤራሳ፤

6 ኢታ አሳይ ሻርያ ጋካናው አዲቆጥካ፣ አ ሁጲካ ሻርያ ቦቾጥ።

7 እ ፓንዳዳን ፕተት ጳያና። አ ኤርያ ኡባይ፣ “አ ሀቃን ደኢ?” ያጋና።

8 አኩሙዋዳን እ ፓል ጳያና፤ ሰሚደካ ቤተና፤ ቃማ ሳዳዳን እ ጳይ ባሻና።

9 አ በኤዳ አይፈቲ ላኤንሉደ፣ አ በእክኖ፤ አ ባረ ደእያሳጥካ ትፕ ጌደ ጳያና።

10 ኢታ አው ቦንቁ አኬዳ ሚሻ እ ናናቱ ባረንቱ ኩሸያን ጉዩ ዛሪደ ሀዬሳቶ ጭጋና።

11 ዎልቃን ኩሜዳ አ ያላጋተላ ምኖታይ ጉላ ዎድያጥ ጉይያን፣ ቢታ ከሳና።

12 “ኢታ አሳ ደናን ኢታተላይ ቁማዳን ማልእንቶካ፣ አ ባረ እንጻርሳጥ ጋርሳ ባጋና ገንጾጥካ።

13 ወረሩዳን ባረ ደናን ጮሚደ፣ ዎላ ባሸንቶካ።

14 እ ኡሎ ግደን አ ቁማይ ላመታና፤ ዎድያ ሸሻ ይሻ ማላ አው ግዳናዎ።

15 ኢታ ብታኒ ባረ ምቲዳ ዱረተላ ሃ ጩቻና፤ አ ኡሎዋጥ ጸሳይ ጮሺደ ከሳና።

16 ኢታ ብታኒ ምትያባይ አው ይሻ ግዳናዎ፤ ሸሻ ይሻ ማላ ግዲደ፣ አ ዎጳና።

17 ኤሳይነ ማላይ ሃላዳን ጎጠሸና፣ አ በኤናን ሀይቃና።

18 ባረ ዳቡራዳ ዳቡራ ጫዎ ማናን፣ ሀራው ሼጳና፤ ዛልኢደ ዎድሴዳ ባረ ዎድያንካ ናሸተና።

19 አያው ጎጥ፣ ሀዬሳቱዋ እ ኡንኤሌዳ፤ ኡንቱንታ ሸንኮ ጌዳ፤ ሀራ አሳይ ኬጶዳ ጎልያካ ባረው አኬዳ።

20 “አ ዮራው ዛዎይ ባዎ፤ ባረ ደሰያዎ ካላናው ዳንዳየና፤

21 እ ማዳዎጥ ጉይያን፣ አያይነ ደኤና። ሄዎ ድራው፣ አ ዱረተላይ ጋምኤና።

22 እ ዳር ማጶዎ ደምያ ዎደ፣ ሙቱ አ ቦላ ጋክ ዎጳና።

23 እ ሚደ ካልያ ዎደ፣ ጸሳይ አ ሙራናው ባረ ሱልያ ሀንቁዋ እ ቦላ ጉሳና።

24 ብራታ ማሻጥ እ ባቃታና፤ ሸን ናሰያ አዳይ አ ጫዳናዎ።

25 ሄ አዳይ አው ዘክያና ካንላ ከሳና፤ ሄ ጳልያ ጶራይ አ ትርያ አጲደ፣ ጭሸያ ጉሳና። ዳጋማን አ ዎዛናይ ሻባረታና።

26 “እ ሸሼዳ አቁዋ ኡባይ ጳያና፤ አሳይ ኤለቤና ታማይ እ ማና፤ አ ጎልያን አቴዳ አሳይ ኡባይካ ታማን ሜተታና።

27 ሳሎቱ ሀ ብታንያ ናጋራ ቆንጭሳና፤ ቢታይካ አ ቦላ ማርካታና።

28 ጸሳይ ሀንቀቲደ እህያ ቤታን አ ጎሊነ አው ደእያባይ ኡባይ ሸከቲደ ባና።

29 ጸሳይ ኢታ አሳቶ ዎሌዳ ካጫይ፤ ጸሳጥ ግሸቲዳ ግሹ ሀዎ” ያጌዳ።

21

ኢዮብ ዛሪደካ ሃሳዬ

1 ሄዎጥ ጉይያን፣ ኢዮብ ሀዋዳን ያጌደ ዛሬዳ፤

2 “እነ ታ ሃሳያ አኬኪደ ሀይዘተ፤ ሰሰያዌ ህንተ ታና ምንጫያዎ ግድ ፓይደቶ።

3 ታን እት ገደነ ሃሳያናው ታው ካጫ እምተ። ታን ሃሳያ ሰምና፣ ቅለጭተ!

4 ታን ሞተትያዌ አሳና ግደና። ያትና፣ ታው ዳንዳያይ ወርጥ፣ ሄዎ ማላልሰያዌ?

5 እነ ታና ጶልተ፤ ማላለትተ፤ ህንተ ኩሸያንካ ህንተ ደና አይቁተ።

6 ታና ጋኬዳዎ ታን ቆጥያ ዎደካ፣ ታና ዳጋንሌ፤ ታ ቦላይካ ኮኮሬ።

7 “ኢታ አሳቱ አያው ፓጻ ደእኖ? ኡንቱንቱ ላይላይ አያው አዲቁ? ኡንቱንቱ ዎልቃይካ አያው ዳር ዳር ብ?

8 ኡንቱንቶ ናናቱነ ናናቱዋ ናናቱ ደእኖ፤ ኡንቱንቱ ድጭሸና በአናው፣ ጋምኢደ ደእኖ።

9 ኡንቱንቱ ሰያይ ህርግ ባይናን ሳር ደኤ፤ ጸሳይ ኡንቱንታ ባረ ጋትማን ሸጭ ኤረና።

10 ኡንቱንቱ ኮሩማ ቦራቱ ማጫ ሚዛና ጋክትያ ዎደ፣ ኮላናን ኮይሊና፤ ማጫ ሚዛቱካ ሳልኤሰናን የሊና።

11 ባረንቱ ናናቱዋ ደርሳ ወድያዳን ከሲና፤ ኡንቱንቱ ናናቱካ ያን ሃን ጉጥና።

12 ዳርቢያ ባቁደነ ዲላ ዲጲደ፣ የላ የጲና፤ ሎኩዎ ጉኒደካ ናሸቲና።

13 ኡንቱንቱ ባረንቱ ደኡዎ ላይላ እሻሉዋን ፖሊደ፣ ባረንቱ ዲፋዎካ ሳር ቢና።

14 ኡንቱንቱ ጸሳ፣ ሓጥ ሃካ! ኑን ነ ኦግያ ኤራናው ኮዮኮ!

15 ኑን እዉ ኦላናዉ ኡባ ዳንዳይያ ጸሳይ ኦኔ? ኑን እ ዎሲደ፡ ጎኤታናባይ እዬ?’ ያጊኖ።

16 ኡንቱንቱ ባረንቱ እሻሎ ደኡዎ ባረንቱ ሞኖተላን ደሜዶ ጊኖ፤ ሸን ታን ኡንቱንቱ ቆፋ እክከ።

17 “ኢታ አሳቱዎ ደኡዎ ጸምፒ ቶእ ኤሪ? ኡንቱንቱ ቦላ ባሻይ ዎቋ ኤሪ? ጸሳይ ባረ ሀንቁዎን ኡንቱንታ ሙር ኤሪ?”

18 ጫርኩዎ ሰንላን ኡንቱንቱ ሱላዳን ሀኔዳ ዎዲ ደኢ? ጎቱ ፕት አፍያ ባናዳን ኡንቱንቱ ሀን ኤርኖ?

19 “ሀንተ፡ ‘ጸሳይ አዎቱዎ ባይዙዎን ኡንቱንቱ ናናቱዎ ሙራ’ ያጊታ። እነ ጸሳይ ናጋራንቻቱዎ ኡንቱንቱ ሁጲያን ሙር! ያትንቶ ኡንቱንቱ ባረንቱ ባይዙዎ ኤሪና።

20 ኡንቱንቱ ባረንቱ ሙሩዎ ባረንቶ እክኖ። ኡባ ዳንዳይያ ጸሳ ሀንቁዎ ጸኢካ ኡንቱንቱ ባረንቱ ሁጲያን ኡሸና።

21 እያዉ ጎፕ፡ ኡንቱንቱ ሀይቁ ክቼዳዎፕ ጉይያን፡ ኡንቱንቱ ናናቱዎ እያይ ጋክንቶነ ኮይክኖ።

22 “ቦላ ቋቃን ደእያዎንታ ፕርድያ ጸሳ ኤሪ ታማርሳናዉ ዳንዳይያ አሳይ ደኢ?”

23 እት አሳይ ኩመንላ ዎልቃይነ ኩመንላ ሳሩ ደእሸና፡ እሻሎዎን ደኢድ ሀይቁ።

24 እ ቦላይ ኦርድ ደእሸን፡ እ መቀላ ኮልዚካ ሸጭ ደእሸና ሀይቁ።

25 ሸን ሀሪ አሳይ እ ሸምፑዎን ካዩ ፓጫናን፡ ባረ ደኡዎን ሙላካ ሎኦባ ደመናን ሀይቁ።

26 ኡንቱንቱ ላኡካ እት ማላ ቢታን ሞገቲኖ፤ ኡንቱንታ ላኡዎካ ጉጹንቱ ካሚኖ።

27 “ሀንተ ታና ናቃናዉ ቆፒደ፡ ሀንተ ዎዛናን ሀልቼዳ ሀልቼዎ ሙልያ ታን ሎይላደ ኤሪይ።

28 ሀንተ፡ ‘ሄ ኢታ ኦላያ፡ ዎልቃማ ብታንያ ጎሊ ሀእ ሀቃኔ?’ ያጊታ።

29 ኦግያና ሀመትያ አሳቱዎ ኦቶብይክቱ? ኡንቱንቱ ኦድያዎ አማንክቱ?

30 ኡንቱንቱ፡ ‘ኢታ አሳቱ ባየላ ጋላስ ቦሸተናን አቲኖ፤ ጸሳ ሀንቁ ቆንጭያ ጋላስካ ኡንቱንቱ ከስ አካና’ ያጊኖ።

31 ኢታ አሳ እ ኢታተላዉ ኦኔ ዎላሳናዎ? እ ኦሌዳ ኢታባዉካ እ ሙራናዎ ኦኔ?

32 እ ሀይቁና፡ እ አሃ ዱፋዎ አፍያ ዎደ፡ እ ዱፋ ናገታና።

33 አሳይ ኡባይ እ ካሌ፤ ፓይዱ ባይና አሳይ እ ባልያን ፔሼ፤ እ ዱፋዎ ቢታይካ ኡቱላዳን እዉ ካዉሼ።

34 ያትና፡ ሀንተ ታና ዎት መላ ኦዱዎን ሞንፊቱ? ሀንተ ታ ኦሻዉ ዛሬዳ ዛሩ ኡባይ ዎርዱዎ!” ያጊዳ።

3 ኑን ጽሉዎ ግደፕ፡ ሄዎ ኡባ ዳንዳይያ ጸሳ ናሸቹ? ነ ኦጊ ቶሺ ባይናዎ ግደፕ፡ ሄዎን እ እያ ዎቋያ ደሜዳ?

4 “ኑን እ ቦንቶያ ድራዉ፡ እ ኔና ሴሪነ ፕርዲ? 5 ነ ኢታተላይ ዳራ ግደኔ? ነ ናጋራዉ ዛዎይ ባዎ።

6 ኑን ነ እሻቱዎ ጋሱ ባይናን ዎሰያ ጸሰሳዳ፤ አሳ ማዩዎካ ቃራደ ኡንቱንታ ካሎ አሻዳ።

7 ኑን ሳመቲዳዎንታ ሃላ ኡሻባካ፤ ኮሻቲዳዎንታካ ቁማ ድጋዳ።

8 ኑን ነ ዎልቃንነ ነ ማታን ዘምፓደ፡ ሀሪ እሳ ቢታ ነዉ ጮ አካዳ።

9 እምኤቱዎ መላ ኩሽያ የዳዳ፤ አዉ ባይናዎንታካ ኡቁናዳ።

10 ነ ዩሹዎን ግቲ ዶድ ኡቲዳዎ፤ እኬከናን ያሻይ ኔና ኮኮርሰያዎካ ሄዎሳ።

11 ኑን በኤናዳን፡ ነዉ ቋምያዎ፤ ቃይ ኩንላ ሃላይ ኔና ሙክያዎካ ሄዎሳ።

12 “ጸሳይ ቦላ ቋቃ ሳሎዎን ኡቲደ፡ ቋቃን ደእያ ጸልንተቱዎ ዱገ ጸሌ።

13 ሸን ኑን፡ ‘ጸሳይ እያ ኤሪ? እ ሄዎ ማላ፡ ቋቃ ጎ ቋማ ግዲዎናካ ፕርዳናዉ ዳንዳይያ?

14 ሳሎዎን ሳኦ ዳንሉዎ ቦላ እ ሰመረትያ ዎደ፡ እ በኤናዳን፡ ሰኬዳ ሻሪ እ ጎዜ’ ያጋሳ።

15 “ናጋራንቻቱ ሀመቲዳ በን ኦግያን ባናዉ ቆፋ ቃቻዲ?

16 ኡንቱንቱ ባረንቱ ዎዲ ጋክናን ደእሸና ሀይቁናና፤ ኡንቱንቱ ደኡዎ ባሱካ ድኡዎን ሜጫት ቆይዳ።

17 ኡንቱንቱ ጸሳ፡ ‘ኦፕ ሃካ! ኡባ ዳንዳይያ ጸሳይ ኦዉ እያ ኦላናዉ ዳንዳይያ?’ ያጊድኖ።

18 ግደፕ፡ ኡንቱንቱ ጎልያን ሎኦባ ኩንጫዳዎ ጸሳ። ሄዎ ድራዉ፡ ኢታ አሳቱዎ ቆፋይ ታዉ ገለና።

19 “ኢታ አሳቱዎ ቦላ ጋክያዎ በኢደ፡ ጽሎቱ ናሸቲኖ፤ ሱሪ አሳቱካ ሀዎዳን ያጊደ፡ ኡንቱንቱ ቦላ ቅሊጪኖ፤

20 ‘ቱሙዎፕ ኦ ሞርከቱ ቆይድና፤ ኡንቱንቱ ዱረተላካ ታማይ ሜዳ።

21 “እዮባ፡ ሀእካ ጸሳዉ ሞደታ፤ አናና ሳር ደኢ። ያቶፕ፡ ኑን እንጀታና።

22 እ ደናፕ ትምርትያ አካ፤ እ ቃላቱዎካ ነ ዎዛናን ዎላ።

23 ኔናተላ ሆክሳደ፡ ኡባ ዳንዳይያ ጸሳኩ፡ ኑን ሰሞፕ፤ ኢታ ኦሱዎ ኡባ ነ ሶፕ ድጎፕ፤

24 ነ ዎርቃ ሳኦን ኦሎፕ፤ ነ በርተ ዎርቃካ ሻፋ ሹቻን ኦሎፕ፤

25 ኡባ ዳንዳይያ ጸሳይ ነዉ ዎርቃን ደረቲዳ ብራ ግዳናዎ።

26 “ሄዎፕ ጉይያን፡ ኑን ኡባ ዳንዳይያ ጸሳን ቱሙ ናሸታና፤ ዬላተናን ጸሳኩ ፑደ ጸላና።

27 ኑን ጸሳ ዎሳና፤ እ ሰሳና፤ ቃይ ኑን ነ ቃንግያ አዉ ጋላና።

28 ኑን ዘረታደ ቃቼዳዎ ነዉ ፖለታና፤ ነ ሀመትያ ኦግያንካ ፖኡ ፖአና።

29 እያዉ ጎፕ፡ ጸሳይ ኦቶረትያዎንታ ካዉሼ፤ ሸን ባረንታ ሆክሰያዎንታ አሼ።

22

ኤልፋዝ ዛሬደካ ሃሳዬ

1 ሄዎፕ ጉይያን፡ ተማና ቢታፕ ዬዳ ኤልፋዝ ሀዎዳን ያጊደ ዛሬዳ፤

2 “አሳይ ጸሳ ጎኣናዉ ዳንዳይያ? ሀራይ አቶ እዲዳ ኤራንቻ ግድንቶካ፡ እ ባረና ጎአናፕ እትና፡ ጸሳ ጎኤና።

22:2 እዮባ 35:6-8

30 እ ሱረ አሳ ዋሳ እኬ። ነ ኩሺ ርቁጥጥ ጌሻ ግደጥ፣ እ ኔና አሻና” ያጌዳ።

23

እዮብ ዛሪደካ ሃሳዬ

- 1 እዮብ ሀዋዳን ያጊደ ዛሪዳ፤
- 2 “ታን ሀእካ ጸሳ ቦላ ማካላይነ ዙዙማይ፤ እያው ጎጥ፣ ታን ኦልናካ ኦ ኩሺ ታ ቦላ ዴጽያዋ አግቤና።
- 3 እ ደእያሳ ታን ኤራርክታሻ! እ ኡቴዳሳካ ጋካርክታሻ!
- 4 ያትንቶ፣ ታን ታ ሞቱዋ ኦ ሰንሳን ብዳና ሸን! ታ ዶናካ ፓሉምያን ኩንሳና ሸን!
- 5 እ ታ ሞቶ ዛርያዌ አየንቶካ ታን ኤራና ሸን! እ ታና ግያዋካ አኬካና ሸን!
- 6 እ ባረ ዋልቃማ ዋልቃን ታናና ኤቀታኔሻ? ቱይት፣ ቱይት፣ እ ታን ኦድያዋ ሰሳናጥ አትና፣ ሄዋ ሀነና።
- 7 ታ ዋዛናይ ሱረ ግድያ ድራው፣ ታን ጸሳና ሞተታናው ዳንዳያይ፤ እ ታ ዳናይ ታና መድናው ሻትንሳና።
- 8 “ሸን እይቤ፣ ታን አዋይ ዶልያ ባጋ ቦጥ፣ እ ያን ደኤና፤ ቃይ ታን አዋይ ወልያሳ ቦጥካ፣ ኦ ደምከ።
- 9 እ ሁጸሳ ባጋ ቢታን ኦልያ ዋይ፣ ታን ኦ በእከ፤ ቃይ ገድሳ ባጋ ቢታ ሰምያ ዋይካ፣ ታን ኦ ደምከ።
- 10 ሸን እ ታ ታንጉዋ ኡባ ኤሬ፤ እ ታና ፓጮጥ፣ ታን ዋርቃዳን ጌሻ ግድያዋ እ በእና።
- 11 ታን እ ሀመቱዳ ኦግያ ጌሻ ኦይቃደ ሀመታድ፤ እ ኦግያጥ ዋራ ሰማበይከ።
- 12 እ ዶናጥ ከሰያ አዛዙጥጥ ታን ሻከታበይከ፤ እ ቃላካ ታ ዋዛናን ዋላድ።
- 13 “ጸሳይ ላመተና። እናና ኤቀታና፣ ዋይ ባረ ኮዬዳዋ እ ኦግዳን ኦ ድጋና አሳይ ባዋ።
- 14 እ ታው ሀልቹዳዋ ፖላና፤ ሄዋንቱ ማላ፣ ሀራ ዳር ሀልቹቱካ አው ደእና።
- 15 ሄዋ ድራው፣ ኦ ሰንሳን ኤቁያዌ ሎይላ ታና ያሽ፤ ሄዋ ኡባባ ቆፓደ፣ ታን ኮኮራይ።
- 16 ታ ዋዛናይ ዶቡራናዳን ጸሳይ ኦልዳ፤ ኡባ ዳንዳይያ ጸሳይ ታና ዳጋንሌ።
- 17 ባራ ጳማይ ታ ሰምኡዋ ጎዘንቶካ፣ ታና ሄ ጳማይ ሃሳያ ድግቤና።

24

- 1 “ኡባ ዳንዳይያ ጸሳይ ፕርድያ ዋድያ እያው ኬሪኔ? እ ኤርያዋንቱ ሄ ዋድያ እያው በእክና?
- 2 ኢታ አሳቱ ባረንቱ ጋድያ አሳናው፣ ዛዋን ደእያ ሹቻ ጳቆሊና። ዶርሳካ ወእ አሂደ፣ ባረንቱ ዶርሳ ወድያን ጋሊደ ሄሚና።
- 3 አው ባይና ናናቱዋ ሀረቱዋ ላጊደ፣ እክ ቢና፤ እምአቲ ቦራካ አጮ ኦይቁደ፣ ባረንቶ እኪና።
- 4 ሀይሳቱዋ ባረ ማታ ደመናዳን ድጊና፤ ቢታን ደእያ ሀይሳቱዋ ኡባ ባረንቱ ሰንሳጥ ቆሰሊና።
- 5 ባዙዋን ደእያ ዋራ ሀረቱዋዳን፣ ሀይሳቱ ምያዋ ኮዪደ ዋጸረቲና፣ ባረንቱ ናናቶካ ባዙጥጥ ቁማ ኮዪና።

- 6 ኡንቱንቱ ደምባን ሀራ አሳው ካላ ጫኪና፤ ኢታ አሳቱዋ ዋይንያ ቱራ ወርጬዋካ ቃርሚና።
- 7 ኡንቱንቱ ቃማ ካሎ አቁና፤ ማጉዋ ዋደካ ቦላን ማይያዌ ኡንቱንቶ ባዋ።
- 8 ደረቱዋን ቡክያ እራን ኡንቱንቱ ጽርክኪና፤ ገልያሳ ጳዪደ፣ ሹቻ ቆሚና።
- 9 “ኢታ አሳቱ አው ባይና ናኦ አት ጳንሳ ጳምያሳጥ ዳፍ አኪና፤ ሀይሳቱዋ ጉላ ናናቱዋካ አጮ ኦይቁና።
- 10 ሀይሳቱ ማዩዋ ጳዪደ፣ ካሎ ሀመቲና፤ ኡንቱንቱ ቱኩዋ ኬዚደ ኮሻቲና።
- 11 ኡንቱንቱ ዛይትያ ከሳናው ዋጋራ ቱራ ፑርጺና፤ ዋይንያ ቱራካ ጉምኢደ ሳመቲና።
- 12 ካታማን ሀይቃና ሀንያ አሳቱ ኦሊና፤ ደሸቱዳ አሳቱካ ማዲዋ ኮዪደ ዋሲና፤ ሸን ጸሳይ ኡንቱንቱ መቱዋ ጸሊና።
- 13 “ፖኡዋ እጽያ አሳቱ ደእና፤ ኡንቱንቱ ፖኡ አየንቶ ኤርክካ፤ እ ኦግያጥካ ዋራ ቢና።
- 14 ሸምጥዋ ዋድያዌ ዋንቱማላ ደንዲደ፣ ሀይሳቱዋን መቶታንቻቱዋ ዋዴ፤ ቃማ ቃይ ካይሱዋዳን ወኤ።
- 15 ሻርሙጽያዌ ሳእይ ጳማናዋ ናጌ፤ እ፣ ‘ኦንነ ታና በኦፖ’ ጊደ፣ ባረ ሰምኡዋ ካሜ።
- 16 ካይሳቱ ቃማ ጎልያ ቦኪደ፣ ወእናው ገሊና፤ ሸን ጋላሰ ፖኡዋ እጺደ፣ ቆሰት ፔሺና።
- 17 ኡንቱንታ ጋላሳ ፖኡ ያሽ፤ ሸን ቃማ ጳማይ ኡንቱንታ ዳጋገ።
- 18 “ኢታ አሳቱዋ ድኡዋ ሃላይ ቁጪደ አሬ፤ ኡንቱንታ ጋኬዳ ጋዲ ሸቀቱዳዋ ግዴ። ኦንነ ኡንቱንቱ ዋይንያ ቱራ ሳኦ ቤና።
- 19 ሻቻይ ሆምቢያን ሙሽና፣ አዋይ ኦ መልሰ ጳይሰያዋዳን፣ ሄዋዳንካ፣ ናጋራንቻቱ ሀይቁደ ጳዪና።
- 20 ሀራይ አትና፣ የሌዳ አየቱካ ኡንቱንታ ሀሳይክና። ጉጹኒ ኡንቱንቱ አሹዋ ማልእና ሜ። ኡንቱንቱ ኢታ ኦሱካ ኩንዴዳ ሞላዳን መእና።
- 21 እያው ጎጥ፣ ኡንቱንቱ ናኦይ ባይና ማይነ ማጫ አሳ ናቁድና፤ እምኤ ማጫ ምሽራትወካ ማደናን እጾድና።
- 22 “ጸሳይ ባረ ዋልቃን ምናቱዋ ጳይቤ፤ ኡንቱንቶ ሳእይ እንጀቶዋ ማላቶጥካ ደኡዋ ሀይታይ ባዋ።
- 23 ጸሳይ ኡንቱንቱ ሳር ደእናዳን ኦላጥካ፣ ኡንቱንቱ ኦግያ ዋቹ።
- 24 ኢታ አሳቱ ጉላ ዋድያው ጶቁ ጶቁ ጊና፤ ሸን ኤላካ ሻራፋዳን ሹል ጳዪና፤ ካላዳን ጫከቲና።
- 25 “ሄዌ ሀነና ጊደ፣ ካድያ አሳይ ደኢ? ታን ኦዴዳ ቃላካ ዋርዶዋ ጊደ፣ እማንላያ አሳይ ደኢ?” ያጌዳ።

25

ብልዳደ ዛሪደካ ሃሳዬ

- 1 ሄዋጥ ጉይያን፣ ሹሀ ቢታጥ ዬዳ ብልዳደ ሀዋዳን ያጊደ ዛሪዳ፤
- 2 “ጸሳይ ዋልቃማ ግድያ ድራው፣ አሳይ ያዪደ፣ አው ሞድቱ። እ ባረ ሳሉዋ ካውተላ ሳረዋን ናጌ።
- 3 እ ኦላንቻቱዋ ፓይዳናው ዳንዳይያ አሳይ ደኢ? ጸሳ ፖኡ ጋከና ሳእይ ደኢ?

4 ያትና፡ አሳይ ጸሳ ሰንፋን ዋን ጽሉዋ ግዳናዉ ዳንዳዪ? ማጫ አሳጥ የለቲዳ አሳይ ዋን ጌሻ ግዳናዉ ዳንዳዪ?

5 ጸሳ ሰንፋን አግናይካ ዋጋጋ ፖኦ ግዳና፤ አ ሰንፋን ጸልንተቱካ ጌሻ ግድክኖ።

6 ያትና፡ ጸሳ ሰንፋን ጉጹንያ ግድያ አሳይ አይ ኬሻ ላሬ?” ያጌዳ።

26

ኢዮብ ዛሪደካ ሃሳዬ

1 ኢዮብ ሀዋዳን ያጌደ ዛሪዳ፤
2 “ዋልቃይ ባይና አሳ ኔን አያ ማዲዋ ማዲዳ! ዳቡሬዳ ቀስቱዋ ኔን አያ አሹዋ አሻዲ!

3 አዴዳ ኤራተላይ ባይናዋ አያ ዘርያ ዘራዲ! አይ ኬሻ ዋልቃማ ኤራተላ ቆንጭሳዲ!

4 ኔን ሀ ቃላ ሃሳያናዳን ኔና ኦኔ ማዴዳዋ? ቃይ ሀዋዳን ሃሳያናዉ ኔና ደንፍዳዋ ኦ አያኔ?” ያጌዳ።

ብልዳደ ባረ ሃሳያ ወርሴ

5 ብልዳደ፡ “ሀይቆዳዋንቱ ሞይትለቱ ቢታጥ ጋርሳ ባጋና ሃላ ግድን ኮኮሪና።

6 ጸሳ ሰንፋን ሰኦሊካ ቆንጭ፤ አያይነ አ ገንፋናዉ ዳንዳዪና።

7 ጸሳይ ሁጺሳ ባጋ ሳሎቱዋ ሞጩዳ፤ ሳአካ አየንቶ ባይና ሳን ካቆዳ።

8 እ ሻረቱዋን ሃላ ኩንጫ፤ ሃላ ዴዱዋን ሻረቱ ዳከትክና።

9 ደይሴዳ አግና እ ባረ ሻርያን ካሜ።

10 ፖኦዋ ጳማጥ ሻካናዉ፡ ሳሉ ሳአና ዳንፍታን ሳአን ቃማይነ ጋላሳይ ላመትያ ዛዋ ጸሳይ ኤሴ።

11 እ ሴርያ ዋደ፡ ሳሎቱዋ ቱቀቱ ዳጋማዉ ኮኮሪና።

12 ባረ ዋልቃን አባ ጮኡ ኦፊዳ፤ ባረ አኬካን ራአባ ግያ ዳዊያ ጳይሴዳ።

13 እ ሸምጥያ ሸምጥዋን ሳሎቱ ጌዬድና፤ አ ኩሸካ ጸንገትያ ሸሻ ዋዴዳ።

14 ሀዋንቱ ኡባይ ጸሳይ ኦፊዳ ኦሶቱዋጥ አማራዳዋንታ፤ ኑን ሰሰያዌ ሳሱከላ ጸላላ። ያትና፡ አ ዋልቃ ግታተላ አኬካናዉ ዳንዳይያዋ ኦኔ?” ያጌዳ።

27

ኢዮብ ዛሪደካ ሃሳዬ

1 ኢዮብ ሀዋዳን ያጌዳ፤
2 “ታ ሱረ ፕርዳ ታና ድጊደ፡ ታ ደኡዋ ጫማ ከሴዳ፡ ኡባ ዳንዳይያ ደኡዋ ጸሳን ታን ጫቃይ።

3 ጸሳይ ታዉ ደኡዋ ሸምጥዋ አሜዳ ኬናን፤
4 ታ ደናይ ዋርዲዋ ሃሳየና፤ ታ እንጸርሳይካ ጭሙዋ ኦደና።

5 ሀንተ ሃሳዬዳዋ ልከ ጋደ ታን አክከ፤ ሀይቃና ጋካናዉካ ታን ታ ሱረተላ አግከ።

6 ታ ጽሎተላ ሞንሳ ኦይቃናጥ አትና፡ ጽሎተላ አግከ፤ ታን ደኡዳ ላይላ ኡባን ታ ዋዛናይ ካሀይ ታና ቁምኤና።

7 “ታ ሞርከቱነ ታናና ኤቀትያዋንቱ ኡባይ ኢታነ ባይዛንቻ አሳዳን ሙረትና።

8 ጸሳይ ኡንቱንቱ ሸምጥዋ ኡንቱንቱ አሹዋጥ ሻኪደ፡ ኡንቱንቱ ላይላ ቃምሰያ ዋደ፡ ኢታቶ ሰንፋጥ ሀይታይ አዬ?

9 ኡንቱንቱ ቦላ መቱ ጋክያ ዋደ፡ ጸሳይ ኡንቱንቱ ዋሱዋ ሰሲ?

10 ኡባ ዳንዳይያ ጸሳን ኡንቱንቱ ናሸታኔ? ኡንቱንቱ ኡባ ዋደ ጸሳ ጴሳኔ?

11 “ታን ሀንተና ጸሳ ዋልቃባ ታማርሳና፤ ኡባ ዳንዳይያ ጸሳ ሀልቆዋ ታን ሀንተጥ ቆሰከ።

12 ሀንተ ኡባይ ሀዋ ሀንተ ሁጺያን በኤድታ። ያትና፡ ሀ ሜላ ሃሳያ አያዉ ሃሳዬቱ?

13 “ጸሳይ ኢታ አሳቶ እሜዳ ካጫይነ ኡቁንያ አሳቱ ኡባ ዳንዳይያ ጸሳጥ አክያ ዋይቱ ሀዋጥ ካልያዋ።

14 ኡንቱንቱ ናናቱ አይ ኬሻ ዳርጥ፤ ኡንቱንቱ ኦላን ዉሪና፤ ኡንቱንቱ ዛራቱካ ምያዋ ጳዪደ ኮሻቲና።

15 ሄዋጥ አቲዳዋንቱ ቦሻን ዉሪና፤ ኡንቱንቱ አምኤቱካ ኡንቱንቶ ዬክክና።

16-17 “ኢታ አሳቱ፡ ፓይድና ዉሪና ብራ ሺሸናካ፡ ኡንቱንቱ ብራ ሱረ አሳቱ ሻክ አካና፤ ቃይ ማዬዋ ዳርሲደ ሺሸናካ፡ ኡንቱንቱ ሺሸያዋ ጽሎቱ ማያና።

18 ኡንቱንቱ ኬጽያ ጎለቱ ሻራርታ ጎልያ ማላ፤ ናግያዋንቱ ኬጽዳ ጋባ ማላ።

19 “ኡንቱንቱ ዱረ ግዲደ፡ ባረንቱ ሂጸን ግሳና፤ ሸን ኡንቱንቱ ገምእሹዋጥ ቤጎትያ ዋደ፡ አያይነ ጳይና መላ አታናዋንታ።

20 ዳጋማይ ድኡዋዳን ቆጥናን ኡንቱንቱ ቦላ ያና፤ ቃማንካ ጎቲ ኡንቱንታ ደንፊደ አፋና።

21 አዋይ ደልያ ባጋ ጫርኩ ኡንቱንታ ደኢያሳጥ ፕቲደ አፋና።

22 ኡንቱንቱ ከሰ አካናዉ ባቃትሸና፡ ቃረት ባይናን ኡንቱንቱ ቦላ ዋዳና።

23 ዋልቃማ ኮሻ ሰሲደ፡ ኡንቱንታ የደርሳና።

28

አዴዳ ኤራተላ ትምርትያ

1 “ብራ ቦክ ከሰያሳይነ ዋርቃ ጌሻናዉ ሙሽሰያ ሳአይ ደኤ።

2 ብራታይ አሳይ ቢታጥ ቦክና ከሴ፤ ናሃሲካ አ ሹቻ ሙሽሰና ከሴ።

3 አሳይ ጸምጥያ አሂደ፡ ጳማ ጸኔ፤ ቢታ ጪሙዋ ጋኪደ፡ ድጽ ጎ ጳማ ግደን ሄ ሹቻ ኮዬ።

4 አሳይ ደኢያሳጥ ሃኪደ፡ አሳ ገዲ የድ ኤረናሳ ቢደ፡ ሄዋን ጪማ ኦላ ቦኬ፤ ሄዋን ዋድሩዋን ያነ ሃነ ኩሉሙሺደ፡ አሳጥ ሻከቲደ ደኤ።

5 ካላይ ቢታጥ ሞኬ፤ ሸን ሄ ቢታ ግዲ ታማን ሙሺደ፡ አድ አድ ዋዴ።

6 ሄ ቢታ ግደን ደኢያ ሹቻጥ ሳምፔርያ ግያ አልኦ ሹቻይ ከሴ፤ አ ባና ግደጥካ ዋርቃይ ቤቱ።

7 “ሄ ሹቻ ቦክያሳ አፍያ ኦግያ ጽንግሊ ኤረና፤ ጋጪካ በአቤና።

8 ኢታ ደኢቱ ባረንቱ ገድያን ሄ ሳአ የድ ኤርክና፤ ጋሙካ ሄዋና አፍና።

9 “አሳይ ምኖ ዛላ መንፍራሬ፤ ደርያካ ቦኪደ፡ ጸጹዋጥ አላ የጌ።

10 ዛላ ሉኪድ፣ አድያ ኦግያ ከሲድ፣ ሄ አልኦ ሹቻካ ደማ።
 11 ሃላ ፑልቱዋ ቦክኖ፤ ጌሜዳባቱዋካ ፖኡዋ ከሴ።
 12 “ሸን አዴዳ ኤራተላይ ሀቃፕ ቤታናዉ ዳንዳዪ? አኩካይ ቤትያ ሳአይ ሀቁ?
 13 አሳይ አ ቱሙ ጋትያ ኤረና፤ አያዉ ጎፕ፣ አዴዳ ኤራተላይ ፓጻ ደእያዋንቱ ቢታን ቤታናዉ ዳንዳዪና።
 14 ጨሙ፣ ሓዴዳ ኤራተላይ ታ ግድን ባዋ ያጌ፤ አሳይካ ታናና ግድና ጌ።
 15 “አዴዳ ኤራተላይ ዋርቃን ሻመተና፤ አ ጋቲካ ብራን ጌዳረተና።
 16 አዴዳ ኤራተላይ በርተ ዋርቃን፣ ማርግድን፣ ሳምፔርያ ጌተትያ አልኦ ሹቻን ሻመተና።
 17 ዋርቃይን ማሰቶትያ አሰቱዳ ሚሻቱዋ ጋቲ አናና ልከተና፤ ዋርቃፕ አሰቱዳ አልኦባንካ ላመተና።
 18 አዴዳ ኤራተላ ጋቲ የሌሉዋፕ፣ አልማዝያፕን እንቁዋ ኡባፕ አዴ።
 19 ቶጳዝኖንያ ግያ ቶጵያ እንቁካ አናና ልከተና፤ በርተ ዋርቃንካ ሻመተና።
 20 “ያትና፣ አዴዳ ኤራተላይ ሀቃፕ ዪ? አኩካይ ቤትያ ሳአይ ሀቁ?
 21 ፓጻ ደእያ መፍታ ኡባፕ ጌም ኡቱዳ፤ ሳሉዋ ካፎቱካ አ ደምክና።
 22 ባሻይን ሀይቁ፣ ሓን አዴዳ ኤራተላዉ ኦድ ጸላላ ኑ ሀይላን ሰሴዶ ያጌና።
 23 “አዴዳ ኤራተላኮ አፍያ ኦግያን አ ደእያ ሳአ ኤርያዋ ጸሳ ጸላላ።
 24 አያዉ ጎፕ፣ ጸሳይ ሳአ ጋጻ ኡባ ጸሌ፤ ሳሉቱዋፕ ጋርሳና ደእያዋ ኡባ በኤ።
 25 ጸሳይ ጫርኮ ዋልቃ እሜዳ ዋድን ሻርያ ሃላ ልኩዳ ዋድ።
 26 እራይካ ሀቃን ቡካነንቶ፣ ዋልቃንላይካ ሀቃን ዋቆንቶ ዋጋ ዋጴዳ ዋድ።
 27 አ ሄ ዋድ፣ አዴዳ ኤራተላ በኢድ ፓጩዳ፤ ሎአ ጌዳ።
 28 ሄዋፕ ጉይያን፣ ጸሳይ አሳዉ ኦዲድ፣ ጸሳዉ ያይያዋ አዴዳ ኤራተላ፤ ኢታፕ ሃክያዌካ እኩካ ያጌ” ያጌዳ።

8 ሄ ዋድ ያላጋቱ ታና በኢድ፣ ኦግያ እሜድና፤ ጫማቱካ ታና ቦንቻናዉ ደንድ ኤቁድና።
 9 ካፓቱ ሃሳይያዋ አግ ባሼድና፤ ባረንቱ ደናንካ ባረንቱ ኩሽያ ዋጴድና።
 10 ሄ ካታማን ደእያ ዋልቃማ አሳቱካ ጫኤ ጌድና፤ ኡንቱንቱ እንጻርሳይካ ኡንቱንቱ ኮክያ ባቁ ኦይቁዳ።
 11 “ታዋ ሰሴዳዋንቱን ታና በኤዳዋንቱ ኡባይ ታና ጋላቲድ ሃሳይድና።
 12 አያዉ ጎፕ፣ ማድ ዋሰያ ሀይሳቱዋን አዉ አታ ጳይና፣ ማድያዌ ባይናዋንታ ታን አሻድ።
 13 ሀይቃና ሀንያ ብታኒ ታና አንጄዳ፤ አምአታካ ታ ማዲዋን ናሽታዲ።
 14 ታን ጽሎተላ ማዶዋዲን ማያድ፤ ሱረ ፕርዳይካ ታ አፍላ ማላን ቁማሻ ማላ።
 15 ታን ቆቆቶ አይፍያ፣ ዋባቱዋ ገድያ ግዳድ።
 16 ሀይሳቶ አዉዋ ግዳድ፤ ታን ኤረና አሳቶካ አባካቶ ግዳድ።
 17 ታን ኢታቱዋ ጋፓታ መንላድ፤ ኡንቱንቱ ሻንካቲድ ኦይቁዳዋንታካ ኡንቱንቱ ደናፕ ዋላ አካድ።
 18 “ታን ታ ቆፋን፣ ሓን ኡዲሳ ላይላ ታ ሶ አሳ ግዲዋን ደእደ ሀይቃና።
 19 ታን ባረ ጸጶቱዋ ሃላ ግድ የዴዳን ከተርሳይ ቃማ ኡባን አ ታሽያ ቦላ ደእያ ሞላ ማላ።
 20 ታን ኡባ ዋድካ ቦንቹታድ ደእና፤ ታ ዋልቃይካ ኡባ ዋድ ኦራጸና፣ ጋደ ቆፓድ።
 21 “ታን ሃሳይያዋ አሳይ ሰርጽ ግ ሀይዚድ፣ ታ ዘርያ አኩዳ።
 22 ታን ሃሳይዳዋፕ ጉይያን፣ ኡንቱንቱ ዛረሊደ ሃሳይበይክኖ፤ አያዉ ጎፕ፣ ታ ቃላይ ኡንቱንቱ ዋዛናን ጸኩዳ።
 23 ጎሻንቻይ እራ ናግያዋዲን፣ ኡንቱንቱ ታን ሃሳናዋ ሰሳናዉ ሀንጊድ ናጌድና።
 24 ኡንቱንቱ ሀርግ ኡት ደእሸን፣ ታን ታ ሰምኡዋ ፓሽክሳድ፤ ሄዋን ኡንቱንቱ ሞንፍፍፍ።
 25 ታን ኡንቱንቱ ደእና ኦግያ ዶራድ፤ ኡንቱንቱ ካፕዋዲን ኡታድ። ባረ ኦላንቻቱዋ ግድን ደእያ ካትያዲን፣ ታን ኡንቱንቱ ግድን ደእድ። ቃይ ካዮትያዋንታ ሞንፍፍፍ አሳ ማላ ግዳድ።

29

1 ኢዮብ ቃይካ ሀዋዲን ያጌዳ፤
 2 “ሀአ ታ ደእያ ደኡ ጸሳይ በን ታና ናጌዳ ዋድያዋ ማላ ግዴረኒሻ!
 3 አ ጸምፕ ታ ቦላ ፖእና፣ ታን ጴማን አጳደ አ ፖኡዋን ሀመታድ።
 4 ሄ ዋዲ ጸሳይ ታናን ታ ሶ አሳ ናግና፣ ታን ታ ኩመንላ ዋልቃና ደኤዳ ዋድ።
 5 ሄ ዋድ ኡባ ዳንዳይያ ጸሳይ ታናና ደኤ፤ ታ ናናቱካ ታ ዩሹዋን ደእና።
 6 ታን ታ ኩሽያ ማላን ሜጨታድ፤ ታ ዋጋራ ጉምኢያሳፕካ ዛይቲ ሻፋዲን ጎጌዳ።
 7 “ታን ካታማን ደእያ ፕርዳ ጎልያ ቤዳ ዋድ፣ ዳናቱዋና እትፕ ኡታድ።

30

1 “ሸን ሀአ ታፕ ያላግያ አሳቱ ታና ቅሊጪና። ኡንቱንቱ ታ ደርሳ ዉድያ ሄምያ ካናቱዋ ማዳና ጊናካ ታን ድጌዳ አዋቱዋ ናናቱዋ።
 2 ኡንቱንቱ አዋቱ ዋልቃይ አጶዳዋንታን ቦላ ግልቁዳዋንታ ግዴዳ ድራዉ፣ ታና አይን ማድበይክኖ።
 3 መቱዋን ኮሻ ጋሱዋን ቃማ ደንዲድ፣ ባዙዋ ቢድ፣ ጸጶዋ ጫማድና።
 4 ቃይ ሻራፋን ቦንጫያ ማጶድና፤ ማልኤና ሳንካራ ጸጶቱዋካ ሜድና።
 5 አሳይ ዋሲድ፣ ካይሶቱዋ የደርሴዳዋዲን፣ አሳ ግድፕ ኡንቱንታ የደርሴዳ።
 6 ኡንቱንቱ ዛንጋራ ግድን፣ ጎንጎሎ ግድንን ዛላ ጎንጎሎዋ ግድን ደኤድና።

28:28 ማዘ. 111:10፤ ለም. 1:7፤ 9:10

7 ኢንቲንቱ ቡራ ግድን ባዘ ደአቱዋዳን
ዋሴድኖ፤ ደቢያ ጋርሳን ሺቁደ፡ እትጥ ደኤድኖ።

8 ኢንቲንቱ ቃይዴርያን ሾጤቲደ፡ ቢታጥ
የደርሰቲድኖ። ኢንቲንቱ ሱንፋና ባዪደ፡ ቦዛ
ግዲደ ደኤድኖ።

9 “ሀእ ኢንቲንቱ ናናቱ ታና የላን ቅሊጪኖ፤
ታን ኢንቲንቱ ግድን ለምሲደ ኦድያዋ ግዲድ።

10 ኢንቲንቱ ታና ሸንቲደ፡ ታጥ ሃኪኖ፤ አይነ
ዩላተናን ታ ሰምኡዋን ጩቻ ጩቹኖ።

11 ጸሳይ ታ ዋልቃ ላፈላደ፡ ታና ካዉሼዳ
ድራዉ፡ ኢንቲንቱ ታና ቆሀናዉ፡ ብጸላ ከሰ
ድጌዳ ፓራዳን፡ የዳ ግዴድኖ።

12 ሀ ሴር ባይናን ድጩዳ ናናቱ ታ ቦላ
ደንዲደ፡ ታና የደርሰኖ፤ ኢንቲንቱ ታና ቆይሳናዉ
ታ ቦላ ደዲድኖ።

13 ኢንቲንቱ ታ ሀመትያ ኦግያ ጎርዲደ፡ ታና
ቆይሳናዉ ኮዩኖ፤ ኦንነ ኢንቲንቱ ሄዋ ኦላናዋ
ድገና።

14 ኦላንቻቱ ካታማ ድርሳ መንሊደ
ገልያዋዳን፡ ኢንቲንቱ ታ ቦላ ዩድኖ።

15 ዋልቃማ ዳጋማይ ታና ድጥ ኦሌዳ፤ ታ
ቦንቹካ ጫርኩ ኦፍያዋዳን ቤዳ፤ ታ እሻሉካ
ሻርያዳን ቆይዳ።

16 “ታ ሸምጋታ ኡንኤታዲ፤ ቱጋ ጋላሳቱ ታና
ጫርጥ ኦይቁዳ።

17 ቃማ ቃማ ሳኩ ታ መቀላ ጮሜ፤ ሴላይካ
ሸምጥ አከናን ገደ ጉጃ።

18 ታ ማዩ ጉንዲደ ባዬዳ፤ ሻምጫያ
ቆድያዳን፡ ታና ጩል ኦይቁዳ።

19 ጸሳይ ታና ኡርቃን ኦሌዳ፤ ታን ቢታጥ
ብድንፋጥ ከከና አሳ ግዲድኖ።

20 “አቤት ጸሳዉ፡ ታን ነዉ ዋሳይ፤ ሸን ኔን
ታዉ አላበይካ። ኤቃደ ኔና ዋሳድ፤ ሸን ኔን ታ
ዋሳ ሰሳበይካ።

21 ኔን ካሰዋጥ ዲማታደ፡ ታዉ መቀላ ኢታዳ፤
ነ ዋልቃማ ዋልቃን ታና የደርሳሳ።

22 ኔን ታና ጫርኩዋን ደንፋዳ፤ አ ቶግሳዳ፤
ሳትያንካ ታና ጎንደርሳዳ።

23 አሳዉ ኡባዉ ዉርሰላ ግዴዳ ሀይቆ ኔን
ታና አላደ እምያዋ ታን ኤራይ።

24 “ኩንዲደ መኤዳ አሳይ ቱጋቲደ፡ ‘ታና
ማዳርኪ’ ጌደ ዋሰና፡ አዉ ቃረተና አሳይ ደኢ?

25 ቱጋን ደእያዋንቶ ታን ዩካበይክታ?
ሀዬሳቶ ታን ቃረታበይክታ?

26 ሎኦባ ደማና ጋደ ታን እምትያ ዋደ፡
ኢታባይ ታና ጋኬዳ። ታዉ ሳአይ ከኬ ጋደ ታን
ናግያ ዋደ፡ ጋላሳይ ታዉ ቆሜዳ።

27 ታ ዋዛናይ ህርጌዳ፤ ታን ዋጋ ደማበይከ፤
ጋላሳጥ ጋላሳን ታ ቱጋይ ያ ዳሬዳ።

28 ታ ቦላይ አዋ ሱሉዋን ግድናን ካዩዋን
ካረዴዳ፤ ታን ሸቁዋን ኤቃደ፡ ‘ታና ማድተ!’
ጋደ ዋሳይ።

29 ታን ዋራካናቶ እሻ፡ ሳጎንያዉካ ዳቦ
ግዲድ።

30 ታ ጋልባይ ካረጺደ፡ ፖቀት ፖቀት ዋዴ፤
ታ ቦላይካ ምሹዋን ጸገቱ።

31 ሄዋ ድራዉ፡ ታ ድንኪ ዝላሳዉ ፑነቲዳ፤
ታ ሀጸጺካ ዩኮ ፑነቲዳ።

31

1 “ማላንቻ ማጫውኖ ጸላደ አሞተናዳን፡
ታን ታ ዋዛና አይፍያና ጫቁዋ ጫቀታድ።

2 ቦላን ደእያ ጸሳይ ታዉ አያ ካጫ እማንዴሻ?
ሳሉዋን ደእያ ኡባ ዳንዲይያ ጸሳይ አሳዉ እምያ
ዋይቱ አያ ግዳንዴሻ?

3 ኢታቱዋ ቦላ ቦሻይ፡ ባይዙዋ ኦላያዋንቱ
ቦላ ባሻይ ጋካናዌ ኤረቲዳዋ ግደኔየ?

4 ጸሳይ ታ ሄመታ ኡባ በኤ፤ ታ ታንጉዋ ኡባካ
ፓይዴ።

5 “ታን ዋርዲዋ ሙላካ ኦላበይከ፤ አሳካ
ጫማናዉ ካጃላበይከ።

6 ጸሳይ ታና ልክ ሚዛናን ማዛኖ፤ ያቲደ ታን
ጽሉዋ ግድያዋ ኤሮ።

7 ታ ሀመታይ ኦግያጥ ሸርኤዳባ ግደጥ፡ ታ
ዋዛናይካ ታ አይፊ ጸሌዳዋ አሞቲዳዋ ግደጥ፤
ቃይ ታ ኩሺካ ናጋራን ቱኔዳዋ ግደጥ።

8 ታ ጫርሻይ ኡባይ ሾደት ቆየ፤ ታን
ዘራዳዋካ ሀራይ ዋ።

9 “ታ ዋዛናይ ታ ሾሩዋ ማጫ አሳ አሞቲዳዋ
ግደጥ፡ ዋይ ታን እዝ ጥንገን ዙጋደ ናጌዳዋ
ግደጥ።

10 ታ ማቻታ ሀራ አሳዉ ጋጩ፤ ቃይ ሀራ
አቱማ አሳቱ እናና ግሰኖ።

11 አያዉ ጎጥ፡ ሻርሙጽያዌ ሎይላ ፖካነ
ፕርዳን ሙርሰያ ናጋራ።

12 ሀ ናጋራይ ታማዳን ጸጊደ፡ ታ ማጸዋ ኡባ
ቆይሰያዋ።

13 “ታን ታ አቱማ ዋይ ታ ማጫ ቆማቱ ታና
ሞትና፡ ኢንቲንቱ ሞቱዋ ካዴዳዋ ግደጥ።

14 ጸሳይ ታና ብድያ ዋደ፡ ታን ዋናኔ? ቃይ
እ ታና ኦቶያ ዋደ፡ ታን ዋጋ ዛራኔ?

15 ታና መዴዳ ጸሳይ ታ ቆማቱዋካ እ
መዴዳ። ኦና ኡባካ ኦ አት ኦ አት ኡሉዋን
መዴዳዌ እት አ ጸላላ።

16 “ታን ሀዬሳቱ ዋሴዳዋ ድጋድታንቶ፡ ዋይ
አምኤቱዋ ምን።።።ን አጋድታንቶ፡

17 አዉ እታ ባይና ናናቱ መላ አቅያ ዋደ፡ ታን
ታ ቁማ ታረካ ማበይከ።

18 ታን ኢንቲንታ ታ ያላጋተላጥ ደማደ፡
ኢንቲንቱ አዉዋዳን ድቻድ፤ ታ አት ኡሉዋጥ
የለቶደጥ ደማደ፡ አምኤቱዋ ማዲድ።

19 ማዩ ቆይና፡ ሜጉ ዋድያ ኡራ፡ ዋይ ካሎ
ደእያ መቶታንቻ ደምያ ዋደ፡

20 ታ ድርሳቱዋ እክሰያጥ ኦስቲዳ ማዩዋ ታን
ኢንቲንታ ሆኤዳዋጥ እትን፡ ኢንቲንቱካ ባረንቱ
ፖሎ ዋዛናን ታና ጋላታንቶጥ እትን፡

21 ታን ሞቱዋን ኢንቲንታ ሻትማናዋ ኤራደ፡
አዉ ባይና ናናቱዋ ናቁዳዋ ግደጥ።

22 ታ ቄሲ ኩርያጥ መኤ፤ ታ ኩሺካ ሀሸያጥ
ካረት ዋዴ።

23 ሄዋ ታን አፍዌ ጸሳ ሙሮ ያይያ ድራሳነ
አ አንጋይ ታና ዳጋንላያ ድራሳ።

24 “ታን ዋርቃን አማነቲዳዋ ግድንቶ፡ ሙሩታ
ዋርቃካ፡ ‘ታን ኔናን ጩቀታይ’ ጋድታንቶ፡

25 ታ ዲረተላ ዳሩዋን፡ ታ ኩሺ ደሜዳ
ዋድያን ታን ናሽታድታንቶ፡

26 አዋ ጸላላ ዋይ አግና ሎኦተላ በኣደ፡

27 ታ ዋዛናን ጌማን ኡንቱንታ ቦንቻድታንቶ፡ ዋይ ታ ኩሽያ ፕድ ኦላ የራደ፡ ኡንቱንታ ቦንቻድታንቶ፡

28 ጶቃን ደእያ ጸሳ ካዳድ ሸን። ሄ ናጋራይካ ፕርዳን ሙርሰያ ናጋራ ግዴ ሸን።

29 “ታ ሞርከቱዋ ጋኬዳ ኢታ ካጫን ታን ናሽታቦይከ፤ ኡንቱንታ ጋኬዳ መቱዋንካ ሆምቦጫቦይከ።

30 “ታ ሞርኪ ጳዮ” ያጋ ሸቃደ፡ ናጋራ ኣላቦይከ።

31 ታን ኡባ ገደ እማላ ሞክያዋ ታ ቆማቱ ታዉ ማርካቲኖ።

32 ሳኦይ ቃሜዳ አሳ ካረን አይሳቦይከ፤ ታን ታ ጎልያ ፕንግያ ኦግያና ብያዎ ኡባዉ ደያ ዋላድ።

33 አሳይ ቆሰያዋዳን፡ ታን ታ ናጋራ ታ ሸጵያን ቆሳቦይከ።

34 ታን አሳ ሃሳያደ ዳጋማቦይከ፤ ኡንቱንቱ ቦርያዉ ያያደ፡ ታን ጮኡ ጌዳ ዋዲነ ካረ ከሰናን አጌዳ ዋዲ ባዋ።

35 “ታን ሃሳይያዎ ሰሰያዎ ደኤረኔሻ! ታን ሃሳይዳዎ ኡባይ ቱማ ግድያዎ ታን ፓራማይ፤ ኡባ ዳንዳይያ ጸሳይ ታዉ ዛሩዋ እሞ። ታ ባልጋራይ ታና ሞቲዳ ፓይሊ ደእና፡ በአርክታሻ!

36 ዋይቱዋዳን ታን ታ ሀሽያን ዋላና ሸን! ካላቻዳን ታ ሁጲያን ቶካናሸን!

37 ታን ካቸዋዳን አኮ ሸቃደ፡ ታ ኦፊዳዋ ኡባ አዉ ኦዳና ሸን!

38 “ታ ጎሻ ቢታይ፡ “ታና ቦንቃ አካዳ!” ገደ፡ ታ ቦላ ዋሴዳዋ ግደፕ፡ ታ ያፋራቱካ ታ ቦላ ዬኬዳዋ ግደፕ።

39 ሄ ቢታን ሞኬዳ ሚሻ ቃንጸናን ጮ ሜዳዋ ግደፕ፡ ዋይ ሄ ቢታ ኦልያዋንታ ኮሻን ዋዴዳዋ ግደፕ።

40 ታዉ ዛርጋ ድራዉ አፕንላይ፡ ባንጋ ድራዉካ ሻራፋይ ሄ ቢታን ሞኮ” ያጌዳ።

እዮባ ሃሳይ ሀዋን ፖለቲዳ።

32

ኤልሁ ሃሳይ (32:1—37:24)

1 እዮብ፡ “ታን ጽሎ አሳ” ጌዳ ድራዉ፡ ሀ ሄዙ አሳቱ አዉ ዛሩዋ እምያዋ አግ ባሽድኖ።

2 እዮብ ጸሳ ጽሎዋ ግያዋ አገደ፡ ባረና ጽሎዋ ኦፊዳ ድራዉ፡ ራማ ያራ ግድያ ቡዝያ ባርኬላ ናኦይ ኤልሁ እዮባ ቦላ ሎይላ ሀንቀቲዳ።

3 ኤልሁ ቃይ እዮባ ሄዙ ላገቱዋካ ሀንቀቲዳ፤ እያዉ ጎፕ፡ ኡንቱንቱ አ ጮ ባይዛንቻ ጌድኖፕ አትና፡ አዉ ሱረ ዛሩዋ ዛራናዉ ዳንዳይቦይክኖ።

4 ኤልሁ ኡንቱንቱፕ ቴፋትያ ድራዉ፡ ኡንቱንቱ ኡባይ ሃሳያ ዉርሳና ጋካናዉ ናጌዳ።

5 ሀ ሄዙ አሳቱ እዮባዉ ግድያ ዛሩዋ እማናዉ ዳንዳይቤናዋ በኢደ፡ እ ሎይላ ሀንቀቲዳ።

6 ቡዝያ ባርኬላ ናኦይ ኤልሁ ሀዋዳን ያገደ፡ ሃሳያ ደሜዳ፤ “ታን ላይላን ናኦይ፤ ሀንቀቲ፤ ሀንቀቲ፤ ሀንቀቲ። ሄዋ ድራዉ፡ ታን ታ ቆፋ ሀንቀቲ ኦዳናዉ ያያድ።

7 ታን፡ “ጮማቱ ሃሳይኖ፤ ባረንቱ ዳር ላይላን ደሜዳ አጴዳ ኤራተላ ታማርሰኖ” ጋደ ቆፓድ።

8 ሸን አሳኮ ዪደ፡ አጴዳ ኤራተላ አሳዉ እምያዎ ኡባ ዳንዳይያ ጸሳ እያና።

9 አሳ አጴዳ ኤራንቻ ከሰያዎ ጮማተላ ግደና፡ ዋይ ልከባይ ገልያዎ ዳር ደኤዳ አሳቱዋሳ ግደና።

10 ሄዋ ድራዉ፡ ሰሰተ፤ ታንካ ታ ቆፋ ሀንቀቲ ኦዳና።

11 “በእተ፡ ሀንቀ ሃሳይያ ዋይ፡ ታን ጮኡ ጋደ ሀይዛድ፤ ሀንቀ ሃሳያና ቃላ ቆፓደ ናጋድ።

12 ታን ሀንቀ ግያዋ ኡባ ዉርሳ ሰሳድ፤ ሸን ሀንቀተ ኦንነ ኢዮብ ባይዛንቻ ገደ እማንሐቤና፤ ቃይ ሀንቀተ ኦንነ አ ፓላማዉ በሰያ ዛሩዋ እምቤና።

13 እዮባ ሃሳያዉ ካልሰያ ዛሩዋ ዛራናዎ ጸሳፕ አትና፡ አሳ ግደና ድራዉ፡ ሀንቀ፡ “ኦን አጴዳ ኤራተላ ደሜዳ” ጌናዳን ናገትተ።

14 ኢዮብ ፓሎመቲዳዎ ሀንቀናናፕ አትና፡ ታና ግደና። ታን ሀንቀ ሃሳይዳዋዳን አዉ ዛሩዋ እምከ።

15 “እዮባ፡ ኡንቱንቱ ዳጋሚደ፡ ነ ሃሳያዉ ዛሩዋ እማናዉ ዳንዳይቦይክኖ፤ ኡንቱንቶ ሃሳይያዎ ጳዬዳ።

16 ኡንቱንቱ ሃሳይያዎ ጳዬደ፡ ጮኡ ገደ ኤቆፕ፡ ታንካ ናጋናዉ ኮሺ?

17 ታዉካ ኦድያዎ ደኤ፤ ታንካ ታ ቆፋ ኦዳና።

18 ዳር ሃሳይያዎ ደእያ ድራዉ፡ ታ ግደን ደእያ አያናይ ታና ኦዳ ገደ ግዴ።

19 በእተ፡ ታዉ ሃሳይያ ካላይ እመተናዋ ግደፕ፡ ታን ሆኦ ዋይንያ ኤሳይ ኩሜዳ ኦጎሩዋዳን ጳቃና ሀናይ።

20 ታዉ ሀዋፕ ጉላ ኬካና ማላ፡ ታን ሃሳያናዉ ኮሺ፤ ታ ደናካ ደያደ፡ ታን ታ ዛሩዋ እማናዉ ኮሺ።

21 ሀ የዉዋን ታን ኦናን ማድከ፡ ዋይ አይ አሳን ጮ ሳቢከ።

22 እያዉ ጎፕ፡ አሳ ጮ ሳቢያዎ ታዉ ሙላካ ኤረተና። ታን ቃይ ሄዋ ሀኖፕ፡ ታና መጴዳዎ ታና ሙራና።

33

1 “እዮባ፡ ሀእ ታን ኦድያዎ ሰሳ፤ ታ ግያዋ ኡባ ሀይዛ።

2 ሃሳያናዉ ገጋድ፤ ታ ቃላቱካ ታ እንጸርሳ ጼራን ደኢኖ።

3 ታ ሃሳይያ ቃላቱ ታ ዋዛና ሱረተላ ቆንጮሲኖ፤ ታን ኤርያዋ ታ እንጸርሳይ ቱማተላን ሃሳይ።

4 ታና ጸሳ እያናይ መጴዳ፤ ኡባ ዳንዳይያ ጸሳ ሸምቼ ታዉ ደኡዋ እሜዳ።

5 ኔን ዳንዳይያዋ ግደፕ፡ ታዉ ዛሩዋ እማ፤ ኔና ገግሳደ፡ ታናና ጋከታ።

6 “በአ፡ ታን ጸሳ ሰንላን ነ ማላ፤ ቃይ ታንካ ኡርቃፕ መጋታድ።

7 ኔን ታዉ ያይያ ጋሱ ባዋ፤ ታን ኔና ናቂከ።

8 “ነ ሃሳያ ኡባ ታን ሀይዛደ ታካድ፤ ኔን ሀዋዳን ያግሸን ሰሳድ፤

9 ታን ጌሻን ቶሺ ባይና አሳ፤ ታን ጽሉዋን ናጋራ ኦሳቤና አሳ።
 10 ሸን ጸሳይ ታና ሙራናው ጋሱዋ ኮዬ፤ እ ታና ባረ ሞርክያዳን ገይዳ።
 11 ታ ገድያ ገድያ ብራታን ቃቼ፤ ታን ታንግያ ታንጉዋ ኡባካ እ ዋቼ፣ ያጋዳ።
 12 “ኢዮባ፣ ኔን ሀ ሃሳያን ልክ ግዳካ! እን ታን ነው ኦዳይ፤ ጸሳይ አሳጥ አዴ።
 13 ኔን፣ ጸሳይ ታን ሃሳዬዳ ሃሳያው ዛሩዋ አመና፣ ጋይ፣ አያው አናና ፓሉመታይ?
 14 አሳይ አኩካናጥ አትና፣ ጸሳይ ሀ ዲማ ዲማ ኦግያን ሃሳዬ።
 15 “አሳይ ቃማ ሂጸን ግሲደ፣ ገምእሹዋ ፓኑር ዋይ፣ ጸሳይ አኩሙዋንን ሳጸን ሃሳዬ።
 16 ሄ ዋይ አሳይ ሰሳናዳን ሀይላ ዶዬ፤ ባረ ሴራንካ እ ኡንቱንታ ዳጋን።
 17 ያቲደ አሳይ ናጋራ ኦሳናዳን ተኤ፤ ኦቶሩዋካ አሳጥ ድጌ።
 18 ጸሳይ አሳ ባሻጥ አሼ፤ ሀይቁዋጥካ ናጌ።
 19 “ጸሳይ አሳ ሳኩዋ ሂጸን ደኦደካ፣ ባረ ባላጥ ሰማናዳን ሴሬ።
 20 ሄዋዳን ሀኒደ፣ ሀርጌዳ ኡራይ ካላ እጹ፤ ዳር ማልኦ ቁማይካ እ ሸነዬ።
 21 እ አሹካ ግልቂደ ወሬ፤ እ ቦላይካ መልና፣ መቀላይ ገይደቲ።
 22 እ ሸምጋታ ዲፋዋኮ፣ እ ደኡዋካ ሀይቁዋ ኪታንቻቱዋኮ ማቲዳ።
 23 “አሳው ሱረ ኦግያ በሰያ፣ ሻእን ገይደትያ ኪታንቻቱዋጥ እቲ አው ጋናታናው ይንቶ።
 24 አው ቃረቲደ፣ ላ ዲፋዋ ገለናዳን እ አሻና። ታን አው ዋዝያዋ ደማድ፣ ያግንቶ።
 25 እ ቦላይ ያላጋና፤ እ ያላጋተላ ዋልቃይካ አው ሰማና።
 26 ሄ ብታኒ ጸሳ ዋሳና፤ ጸሳይ እ ዋሳ ሰሳና። ጸሳይ አው እ ጽሎተላ ዛርያ ድራው፣ እ ናሽቻን ጸሳው ጎይናና።
 27 ሄ ዋይ አሳ ሰንላን እ ሀዋዳን ያጋና፤ ታን ናጋራ ኦሳድ፤ ሱረባካ ጌላያድ፤ ሸን ጸሳይ ታ ባይዙዋዳን ታው ጭግቤና።
 28 ዲፋዋን ገለናዳን ታና አሼዳ፤ ሄኮ፣ ሀእ ፓጸ ደኦደ፣ ፖኡዋ በአይ፣ ያጋና።
 29 “በእተ፣ ጸሳይ አሳው ሀዋ ኡባ ዛር ዛሪደ ኦሴ፤
 30 አሳ ዲፋዋን ገልያዋጥ አሼ፤ ደኡዋን እ ናሽታናዳን ኦሴ።
 31 “ሰም ኢዮባ፣ ታን ኦድያዋ ሀይዛደ ሰሳ። እን ኔን ጮኡ ገና፣ ታን ሃሳያይ።
 32 ኔን ሃሳያናው ኮይያዋ ደኡጥ፣ ታው ሃሳያ። ታን ኔን ጽሉዋ ግድያዋ በሰናው ኮያይ።
 33 ሄዋ ጳዮጥ፣ ጮኡ ጋይ፣ ታን ሃሳይያዋ ሰሳ። ኔና ታን አዴዳ ኤራተላ ታማርሳና” ያጌዳ።

34

1 ቃይካ ኤልሁ ሀዋዳን ያጌዳ።
 2 “ሀንተኖ፣ አዴዳ ኤራንቻቶ፣ ታን ሃሳይያ ሃሳያ ሰሰተ። ሀንተኖ፣ ኤራንቻቶ፣ ሀንተ ሀይላ ታኮ የግተ።

3 እንጸርሳይ ቁማ ማልኦዋ ኤርያዋዳን፣ ሀይላይካ የወዋ ሻኪደ ኤሬ።
 4 እን ኩን ልከባን ሎኦባ ሻኪደ ኤርይተ።
 5 “ኢዮብ፣ ታን ጽሉዋ፤ ሸን ጸሳይ ታ ሱረ ፕርዳ ታና ድጌዳ።
 6 ታን ልክ ግዳደ፣ ዋርዳንቻዳን ገይደታድ። ታናን ባይዙ ባይናንካ፣ እ ታና ፓጸናዳን ማዲጫዳ፣ ያጌዳ።
 7 “ጸሳ ቦላ እዮበዋዳን ቅለጭያ አሳይ ደኡ?
 8 እ ኢታባ ኦሳዋንቲና ዙጥቲ፤ ናጋራንቻቱዋናካ ሀመቲ።
 9 አያው ጎጥ፣ እ፣ ላሳይ ጸሳ ናሽቻና ጌደ ኦሳዋዎ አይነ ማደና፣ ያጌ።
 10 “ሄዋ ድራው፣ ሀንተኖ፣ አኩካንቻ አሳቶ፣ ታን ኦድያዋ እን ሰሰተ! ኡባ ዳንዳይያ ጸሳይ ኢታባ ሙላካ ኦሳና።
 11 ጸሳይ አሳው እ ኦሱዋዳን እሜ፤ እ ኦግያዳን አው ጭጌ።
 12 ጸሳይ ቱሙዋጥ ኢታባ ኦሳና፤ ኡባ ዳንዳይያ ጸሳይ ሱረ ፕርዳ ጌላየና።
 13 ሳእ ቦላን ጸሳው ማታ እሜዳዌ ኦኔ? ቃይ ቢታ ኡባ ቦላ እ ሱንጫዳዌ ኦኔ?
 14 ጸሳይ ባረ አያናን ባረ ደኡዋ ሸምጥዋ ባረኮ ዛሪደ አክንቶ።
 15 አሹዋ ማዬዳ ኡባይ እትጥ ጳያና፤ አሳይ ቢታው ዲገ ሰማና።
 16 “ሀንተ አኩካንቻ ግድጥ፣ ሀዋ ሰሰተ፤ ታ ሃሳይያዋካ ሀይዘተ።
 17 ሱረ ፕርዳ እጽያዌ ቢታ ሞዳናው ዳንዳይ? ያትና፣ ኔን ጽሉዋን ዋልቃማ ግድያ ጸሳ ፕርዳይ?
 18 ጸሳይ ካተቱዋ፣ ሀንተ ሹፋርቱዋ፣ ያጌ፤ ቃይ ቢታ ሞድያዋንታካ፣ ሀንተ ኢታ፣ ያጌ።
 19 ካጋቱዋ ሰምኡዋ ጸሊደ ማደና፤ ዲርያካ ማንቁዋጥ አሊደ ጸለና። አያው ጎጥ፣ ኡንቱንቲ ኡባይካ እ ኦሱቱዋ።
 20 ኡንቱንቲ ሄካ ብላሄ አኩከናን ሀይቃና፤ አሳይ ኡባይካ ኮኮሪደ ጳያና፤ ዋልቃማቱካ አይ አሳ ኩሺኒ ቦቼናን ክቻና።
 21 “ጸሳይ አሳ ሄመታ ጸሊ፤ እ ታንጉዋ ኡባካ ዋቼ።
 22 ኢታ ኦሳዋንታ ጸሳጥ ገንላናው ዳንዳይያ ድጽ ጎ ጳም ባዋ።
 23 ጸሳይ አሳ ቦላ ፕርዳናው፣ አሳይ እ ሰንላ ሺቃናዳን ኬሩዋ አመና።
 24 ዋልቃማቱዋ አይነ ኦቼናን መንጋሬጫ፤ ያቲደ ኡንቱንቲ ሳእን ሀራቱዋ ዋሌ።
 25 እ ኡንቱንቲ ኦሱዋ ኤርያ ድራው፣ ኡንቱንታ እት ቃማ ማታጥ ዋሊደ ጳይሴ።
 26 ኡንቱንቲ ኢታተላ ድራው፣ አሳይ ኡባይ በኢያሳን እ ኡንቱንታ ሙራ።
 27 ኡንቱንቲ እ ካለናን እጲደ፣ እ አዛዙዋካ አጌዳ ድራሳ።
 28 ኡንቱንቲ ሀይሳቱዋ ኡቁኒደ፣ ኡንቱንቲ ጸሳኮ ዋሳናዳን ኦሴድኖ፤ እካ ሀይሳቱዋ ዋሱዋ ሰሴዳ።
 29 ጸሳይ ጮኡ ጎጥ፣ እ ፕርዳናዌ ኦኔ? እ ባረ ሰምኡዋ ዋራ ዛርጥ፣ አሳ ማድያዌ ባዋ። እ አሳጥካ ጮራጥካ ዳራ።

30 ሄዋዳንካ፣ ጸሳው ያየና አሳቱ ሞደናዳንክ
አሳሰካ ግተ ግደናዳን፣ አሳይ ኡባይ ድጋናው
ዳንዳየና።

31 “እዮባ፣ ነ ናጋራ ጸሳው ፓጸዱ? ቃይ
ዛራደ ናጋራ ኦፍዳን ገፓዱ?

32 ነ ባይዙዋ ነው ቆንጭሳና ማላ፣ ጸሳ
ዋሳዱ? ሰንላናው ኢታ ኦሱዋ ኦፍናን አጋናው
ኤኖ ጋዱ?

33 “ኔን ጸሳይ ኦላዎ ለጸደ፣ ነ ጋቲ ኔን
ደሰያዎዳን ሀናናው ኮያይ? ሰም ቆፋ ቃቻናዌ
ኔናፕ አትና፣ ታና ግድከ። ሄዋ ድራው፣ ኔን
ቆፕያዎ ታው ኦድ።

34 አኩካንቻ አሳቱ ታን ኦድያዎ ኤኖ ገና፤
ታን ኦድያዎ ሰሰያ አዴዳ ኤራንቻቱካ ሀዋዳን
ያገና፤

35 ጳዮብ ኤራይ ፓጭና፣ ሀዋ ሃሳይ፤ እ
ሃሳይያዎ ብለላይካ ባዎ፣ ያገና።

36 እዮብ አይታ አሳቱዋዳን ዛራዎ ለሜዳ
ድራው፣ ወርሰላ ጋካናው ፓጭቱዳ ግዴሪኔሻ!

37 አያው ጎፕ፣ እ ባረ ናጋራ ቦላ ማካላ ጉጂ፤
ኑ ሰንላን ጸሳ ቅሊጮ። ባረ ቃላካ ዳርሲደ፣
ጸሳ ቦላ ብዴ” ያገና።

35

1 ኤልሁ ቃይካ ሀዋዳን ያገና፤

2 “እዮባ፣ ኔን፣ ጭን ጸሳ ሰንላን ጽሉዎ
ግያዌ ልኬ?

3 ቃይ፣ ጭን ናጋራ ኦላፕ፣ ኔና አይ ቆሀይታ?
ናጋራ ኦፍናን አሳፕ፣ ታን ጎኤትያዌ አይ?፣ ያጋደ
ኔን ጸሳ ኦቻዳ።

4 ታን ነው፣ ኔና ነ ላገቶ ዛራዎ ሃሳያና።

5 “ጭ ጋደ ሳሎቱዋ ጸላ፤ ኔፕ ቦላና ደእያ
ሻረቱዋካ እነ አኩካደ በእ።

6 ኔን ናጋራ ኦላፕ፣ ሄዋ ጸሳ አይነ ቆሃና። ነ
ባይዙ ዳርፕካ፣ ኔን ጸሳ አይነ ኦላካ።

7 ጽሉዋ ግደፕ፣ አው ኔን አያ አማይ? ዋይ
ነ ኩሽያፕ እ አያ አካኔ?

8 ኔን ናጋራ ኦላፕ፣ ነ ማላ አሳ ቆሃሳ፤ ቃይ
ጽሉፕካ፣ አሳ ጎካሳ።

9 “ኡቁናይ ዳርፕ አሳይ ዋሴ፤ ዋልቃማቱዋ
ኩሽያፕ ከሰ አካናው አሉዋ ጸጌ።

10-11 ሸን ኦን፣ ጭሳይ፣ ታና መጴዳዌ፣
ቃማን ማዛሙርያ ለሜዳዌ፣ ሳእ ደአቱዋፕ
አሊደ፣ ኑና ታማርሰያዌነ ሳሉዋ ካፎቱዋፕ አዴዳ
ኤራንቻ ኑና ኦላያዌ ሀቃን ደእኑ? ያገና።

12 ኢታ አሳቱ ዋሲኖ፤ ሸን ጸሳይ ኡንቱንቱ
ኦቶራዎ ጋሱዋን፣ ኡንቱንቶ አለና።

13 ሀዳ ዋሱዋ ጸሳይ ቱሙዋፕ ሰሰና፤ ኡባ
ዳንዳይያ ጸሳይ ሄዋ ሀይዘና።

14 “እዮባ፣ ኔን፣ ጭን ጸሳ በአናው ዳንዳይከ፤
ታ ሞቱ እ ሰንላን ደኤ፤ ታን አ ናጋይ፣ ያጋሳ።
ያትና፣ ነው እ ዛራዎ ለማናው፣ ነ ጋሱ አይ ኬሻ
ጉጸንዴሻ!

15 ጸሳይ አሳ ሙረናባነ ናጋራካ ሸኩ ጊደ
አግ አግያዎ ጋደ ቆፓይ?

16 ሄዋ ግደፕ፣ ኔን ነ ደና ጮ መላ ደያሳ፤
ኤራይ ባይና ሃሳያ ዳርሳሳ” ያገና።

36

1 ኤልሁ ጉጂደካ ሀዋዳን ያገና፤

2 “ጸሳ ደና ግደደ ታን ነው ኦድያዌ ብር
ደእያ ድራው፣ ጉላ ዳንዳይደ ሰሳ።

3 ታን ታ ኤራ ሃኩዋፕ አሃድ፤ ታና መጴዳዌ
ጽሉ ፕርዳ አምያዎ ግድያዎ ታን ኔና ኤርሳና።

4 ታን ዋርዱዋ ሃሳይከ፤ ኩሙንላ ኤራይ ደእያ
ኡራይ ኔናና ደእያዎ አማና።

5 “በእ፣ ጸሳይ ዋልቃማ፤ ሸን እ ኦናነ ካፍ።
እ አኩካንካ ሞና።

6 ኢታቱዋ እ ፓጸ ዋፍ፤ ሸን ኡቁነቱዳዋንቱ
ማታ እ ናግሴ።

7 ጸሳይ ባረ አይፍያ ጽሉቱዋፕ ደንፍ። እ
ኡንቱንታ ካተቱዋና ኡትሲደ፣ መድናው ጭ ጭ
ኦሌ።

8 ሸን አሳይ ሳንሳላታን ቃሽቶፕ፣ ዋይ ቱጋ
ዋደራዋን ኦይቆቶፕ፣

9 እ ኡንቱንቱ ኦሱዋነ ኦቶራዋን ኡንቱንቱ
ኦሌዳ ናጋራ ቆንጭሴ።

10 ሴራ ሰሳናዳን ኡንቱንቱ ሀይላ ደይ፤ ናጋራፕ
ሰማናዳንካ እ ኡንቱንታ አዛዜ።

11 ኡንቱንቱ ሰሲደ፣ አው ኦላፕ፣ ባረንቱ ላይላ
አሻሉዋንክ ዋፓን ወርሳና።

12 ሸን ኡንቱንቱ ሰሰናን እጸፕ፣ ማሻን ወራና፤
ኡንቱንቱ ኤራ ጳይዳ ድራው ሀይቃና።

13 “ጸሳ አማናና አሳቱ ባረንቱ ዋዛናን ሀንቁዋ
ዳጋዬኖ፤ እ ኡንቱንታ ሙርያ ዋደካ፣ ማዳ ጊደ
ዋሰክኖ።

14 ኡንቱንቱ ባረንቱ ያላጋተላን ሀይቁኖ፤
ኡንቱንቱ ደኡካ ዬሳን ወራ።

15 ጸሳይ ቱጋትያዋንታ ኡንቱንቱ ቱጋን
ታማርሴ፤ እ ኡንቱንቱ መቱዋ ባጋና ኡንቱንታ
ሰሴ።

16 “ጸሳይ ኔና መቱዋፕ ከሲደ መቱ ባይና
አኩ ሳእ አፌዳ፤ ነ ሞያ ማሰፍያንካ ሞጳዎ
ጉፔዳ።

17 ሸን ሀእ ኢታቱዋ ፕርዳ አካዳ፤ በሰያ
ሙራካ አካደ ደአሳ።

18 ኔና ኦንነ ዲረተላ በሲደ ጭመናዳን፣ ዳር
ማታይያንካ ባለፍዳን ናገታ።

19 ነ ማጸዋ ዳራ ዋይ ነ ሞኖተላይ ኔና
መቱዋፕ አሻኔ?

20 አሳቱ ባረንቱ ሳእፕ ጳይያ ቃማይ ያናዳን
አሞቶፓ።

21 ሀ መቱ ኡባይ ኔና ጋኬዳዌ፣ ኔና ኢታፕ
አሻናሳ። ሄዋ ድራው፣ ኢታተላው ጉዮ ሰመናዳን
ኔና አኩካ።

22 “ጸሳይ ባረ ዋልቃን ጭ ጭ ጌዳ! እ
ማላ አሰታማሪ ኦኔ?

23 ሀዋ ኦላ፣ ጊደ ጸሳ አዛዝያ አሳይ፣ ዋይ፣
ኔን ኢታ ኦሱዋ ኦላዳ፣ ያጋናው ዳንዳይያ አሳይ
ባዎ።

24 አሳይ ማዛሙርያን ሳቤዳ እ ኦሱዋ ኔንካ
ሳባናው ሀሳያ።

25 አሳይ ኡባይ ጸሳ ኦሱዋ በኤዳ፤ ሸን
በኤዳ፣ ሃኩዋን በኤዳ።

26 በእተ፣ ጸሳይ ዋልቃማ! እ ግታተላ
ኑን አኩክሶኮ፤ እ ላይላ ጮራተላይካ ፓይድና
ጋከተና።

27 “ጸሳይ ሃላ ሳኦፕ ፑደ ሳሉዋ አፊ፤ ያን እራ ከሴ።
 28 ሄ እራይ ሻርያፕ ከሲደ፣ አሳው ዳር ቡካናዳን ኦሌ።
 29 ሻሪ ዋን ዩይንቶ፣ ዋልቃንሳይካ ጸሳይ ደእያ ሳሉዋን ዋን ጉምንቶ፣ ኦንነ ኤረና።
 30 እ ባረ ዩቩዋን ዋልቃንሳ ፖኡዋ ላሌ፤ ሸን አባ ጨማ እ ጳማን ካሜ።
 31 እራ ቡክሰያዋን ባረ አሳው ዳር ካላካ ሞክሴ፤ ሀዋዳን ኦሊደ ጸሳይ አሳ ኡባ አይሴ።
 32 እ ዋልቃንሳ ባረ ኩሽያን ኦይቄ፤ ባረ ሀልቼዳ ሳኦ ሸጫናው አዛዜ።
 33 ጉጉንሳይ ጉምያዌ ኡቩ ኡቩታናዋ አዋዬ፤ መሃካ ኡቩ ይያዋ ኤሬ።

37

1 “ኡቩ ታ ዋዛና ድድቅሴ፤ ባረ ደእያ ሳንካ ፕሬ።
 2 ኡባይካ ጸሳ ኮሻ፣ ጉጉንሳዳን ጉምያ አ ቃላ ሰሰተ።
 3 እ ሳሉዋ ኡባፕ ኪትያ ዋልቃንሳይ ቢታ ጋጸፕ ጋጸ ጋካናው ቤቴ።
 4 ሄዋፕ ጉይያን፣ አ ጉንሳ ኮሻይ ሰሰቴ፤ ባረ ዋልቃማ ኮሻን ጉሜ፤ አ ኮሻይ ሰሰትያ ዋደ፣ ባረ ዋልቃንሳ ተኤና።
 5 ጸሳ ኮሻይ ማላልሰያ ጉንሳ ጉሜ፤ ኦን አከካናው ዳንዳየና ዋልቃማባ እ ኦሌ።
 6 ሻቻ እ፣ ‘ሳኦን ዋቆ!’ ያጌ፤ ዋልቃማ እራካ፣ ‘ቡካ’ ያጌደ አዛዜ።
 7 “አሳይ ኡባይ አ ኦሉዋ ኤራና ማላ፣ ሄ ዋደ ባረ ኦሉዋ ኦሉዋ አጋናዳን ኦሌ።
 8 ደኦቲካ ባረንቱ ጌሱዋ ጌሱዋ ገሊና፤ ያን ኡቲና።
 9 ገድሳ ባጋፕ ሳቲ ዬ፤ ሁጲሳ ባጋፕካ ሜጉ ዬ።
 10 ጸሳይ ሲድያና ሸምፕያ ሸምፕዋፕ ሻቻይ መፍ፤ ሄዋን አኮ ሃላቲካ ሹቻዳን ሞኔ።
 11 ሻሪ ሃላ ቶካናዳን እ ኦሌ፤ ባረ ዋልቃንሳካ ሻርያ ግደን ላሌ።
 12 አ ካለሉዋን ሻረቱ ዩይ ዩይ አጲና፤ እ አዛዝያዋ ኡባ ኡንቲንቲ ሳኦ ቦላ ኦሊና።
 13 ጸሳይ እራ ቡክሰያዌ ቢታ እርጽሳናሳ፣ ዋይ አሳ ሙራናሳ፣ ዋይ ባረ ሲቁዋ ኡንቲንታ በሳናሳ።
 14 “ኢዮባ፣ ሀዋ ሰሳ፤ ጸሳይ ኦሌያ ማላልሰያ ኦሉዋ ታክ ጋደ አከካ።
 15 ጸሳይ ሻራቱዋ ዋት አዛዝንቶን ባረ ዋልቃንሳካ ዋት ዋልቃንሳንቶ ኤራይ?
 16 ሻራቱ ሳሉዋን ዋን ቶከቶፕን ቃይ አ ኤራይ ፖሎ ግዴዳ ጸሳይ ኦሌያ ማላልሰያ ኦሉዋ ኦን ኤራይ?
 17 ገድሳ ጫርኩ ዪደ፣ ቢታ ሞሽሰያ ዋደ፣ ኦን ሆምቢያን መቶታናፕ አትና፣ ሙላካ ሄዋ ኤራካ።
 18 ጸሳይ ሳሉዋ ማሰቶትያዳን ፕድ ኦሊደ ሞጭያ ዋደ፣ ኦን አ ማዳናው ዳንዳያይ?
 19 ኦን ኤራ ፓጫ ግድያ ድራው ሃሳያናው ዳንዳየኩ፤ ኦን ጸሳው ዋግ ሃሳያንቶ፣ ኦን ኦና ታማርሳ።

20 ጸሳና ሃሳያና ጋደ ታን ኦቶከ፤ እ ታና ጳይሳና ማላ፣ ታን አያው አ ደንፍላይታ?
 21 ጫርኩ ሳሎቱዋ ፕቲደ ጌሼዳዋፕ ጉይያን፣ ሳሎቱዋን ጸልያ አዋ ፖኡዋ አሳይ ጼላናው ዳንዳየና።
 22 ሁጲሳ ባጋና ዋርቃ ማላትያ ፖኡ ቤቴ፤ ጸሳይካ ያሸያ አንጋን ቆንጩ።
 23 “ኦን ኡባ ዳንዳይያ ጸሳ ማታ ሸቃናው ዳንዳየኩ፤ አ ዋልቃይ ዋልቃማ። እ ባረ ቱሙ ፕርዳንነ ባረ ዋልቃማ ጽሎተላን ግታ።
 24 ሄዋ ድራው፣ አሳይ አው ያዬ፤ ባረንታ አጴዳ ኤራንቻ ግያዋንታ ኡባቱዋ አ ጸላና” ያጌዳ።

38

መድና ጎዳይ እዮባው እሜዳ ዛርዋ (38:1—41:34)

1 ሄዋፕ ጉይያን፣ መድና ጎዳይ ጎትያ ግደፕ ኢዮባው ሀዋዳን ያጌደ ዛሬዳ፤
 2 “ኤር ባይና ሃሳያን ታ ዘርያ ቶቶያዌ እ ሀዌ ኦኔ?
 3 አነ ኦን አሳዳን ነ ጸሳ ዳንጫ ደንዳደ፣ ታን ኦቶያዋ ታው ኦዳ።
 4 “ታን ሳኦ መድያ ዋደ፣ ኦን ሀቃን ደኦይ? አነ ነው አከካይ ደኦፕ፣ ታው ኦዳ።
 5 ሀ ሳኦይ አይ ኬሻ ግዳናው በሰንቶ፣ ሄ ቆፋ ቆቹዳዌ ኦኔ? ልክያ ዋደሩዋካ ሳኦ ቦላ የጌዳዌ ኦኔ? ሄዋ ዛርዋ ኡባ ኤራይ?
 6 ሳኦ ቱቀቱዋ ኩንደናዳን ሞንሳ ኦይቄዳዌ አዬ? ሳኦ ባሶ ኮይር ሹቻ ዋሌዳዌ ኦኔ?
 7 ሄ ጋላሰ ዋንታ ጸልንተቱ እትፕ የጼዳዋን ኪታንቻቱ ኡባይ ናሸቻው እልሌዳዋ ኦን ኤራይ?
 8 “አባ ሃሳይ፣ ቢታ ጎምፓፕ ጳቂደ ከሰያ ጋላሰ፣ አ ፕንገቱዋ ጎርዳዳዌ ኦኔ?
 9 አባ ሻርያ ማይዜዳዌ፣ ቃይ ጳማንካ ጸጸ ዋሌዳዌ ታና።
 10 አባው አፍና ዛዋ መጴዳዌ፣ አ ፕንግያን አ ኩልቡዋ ሳኦን ዋሌዳዌ ታና።
 11 ታን፣ ‘ሀዋ ጋካ፤ ሸን ሀዋፕ አጲፕ፤ ነ ዋልቃማ ቤታይካ ሄዋን ኤቆ’ ያጋድ።
 12 “ኢዮባ፣ ኦን የለቶደፕ አዋይ ዋንታ ጉራና ከሳናዳን አዛዛ ኤራይ?
 13 ቢታ ጋጸን ፖኡዋ በሳና ማላነ ኢታ አሳቱዋካ ኡንቲንቲ ቆሰቴዳ ሳፕ ቆንጫያ ከሳና ማላ፣ ኦን ዋንታ አዛዛ ኤራይ?
 14 ጋላሳ ፖኡ ዘዛቱዋን ዛንጋራቱዋ ዳኮዪደ ዋሌዳ ማዩ ኤቄዳዋዳን ቤታናዳን ኦሌ፤ ቃይ ኤርቃ ሚሻ ቦላ ዋሌዳ ማታፋዳን ጌሸደ በሴ።
 15 ኢታቱ ባረንቶ ፖኡ ግ ዋሌዳ ጳማይ ጳዬ፤ ኡንቲንቲ ማካላው ደንሰያ ኩሺካ መኤ።
 16 “ጨማ አባ ግደ ገላደ፣ ፑልቱዋ በኦድ? ዋይ አሳይ ጋክ ኤረና አባ ግዲዋ ፓጫ ጸላ ኤራይ?
 17 ሀይቁዋ ፕንገቱዋ ኦና ኦንቶ በሴዳ? ዋይ ድጽ ጎ ጳማ ፕንገቱዋ በኦድ?
 18 ሳኦይ አይ ኬሻ ዋልቃማንቶ ኤራይ? ሄዋ ኡባ ኦን ኤርያዋ ግደፕ፣ ታው ኦዳ።

19 “ፖኤ ደኢያሳ አፍያ ኦጊ ሀቃን ደኢ? ቃይ ቋማይ ደኢያ ሳኦይ ሀቁ?
 20 ኡንቱንታ ኔን ኡንቱንቱ ጎለ ጎለ አፋናው ዳንዳያይ? ኡንቱንቱ ደኢያሳ አፍያ ኦጊቱቀ ኔን ኤራይ?
 21 ኔን ሳኦይ መጠቅያ ዎደ የለቲዳ ድራውነ ዳር ላይላካ ደኤዳ ድራው፣ ሄዎ ኤሪናን አጋካ!
 22 “ሱፓ ሻቻይ ሞንጀትያሳ ገላዲ? ኦርዶ ሻቻይ ደረቲዳሳካ በኣድ?
 23 ታን ኡንቱንታ መቶ ዎድያው፣ ኦላ ዎድያውነ ቶራ ጋላሳው ሞንጀ ዎላድ።
 24 ዋልቃንላይ ከሰያ ሳኣ አፍያ ኦጊ ሀቃን ደኢ? ዎይ አዎይ ወልያ ባጋ ጫርኩ ሀቃፕ ከሲደ ጫርኩ?
 25 “ዎልቃማ እራይ ዎድያ ሎሱዎ ገግሴዳዌ፣ ጉጉንላው ኦግያ ከሴዳዌ ኦኔ?
 26 እሰ ደኤና ባዙዎን እራ ቡክሰያዌ ኦኔ?
 27 መላ ባዙ እራ ሃላን ሹጊደ፣ ሎኦ ማታ ሞካናዳን ኦሴዳዌ ኦኔ?
 28 “እራው ዎይ ከተርሳው አው ደኢ?
 29 ኦርዶ ሻቻውነ ቡርጨ ሻቻው አታ ደኢይ?
 30 ዳር እርጸተላይ ሃላ ሹቻዳን ሞንሴ፤ አባ ሃላው ቦላ ባጋካ ሻቻ ከሴ።
 31 “ፕልያድሳ ጌተትያ ጸልንተቱዎ ጭታ እትፕ ጋላይ ቃቻናው ዳንዳያይ? ኦርዮና ጌተትያ ጸልንተቱዎ ጭታይ ቃሽቲዳ ዎድራዎ ብላናው ዳንዳያይ?
 32 ጭታን ጭታን ደኢያ ጸልንተቱዎ ኡንቱንቱ ዎድያን ዎድያን ከሳናው ዳንዳያይ? ዎጋ ቤርያነ ቁር ቤርያ ጌተትያ ጸልንተቱዎ ጭታቱዎ እትፕ ካለላናው ዳንዳያይ?
 33 ሳሎቱ አቅያ ሀግያ ኔን ኤራይ? ዎይ ሄ ሀጊ ሳኣን ሞዳናዳን ኦላናው ዳንዳያይ?
 34 “ድኡ ኔና ሙካናዳን እራ ቡክሳናው፣ ነ ቃላ ቋቁ ኦላደ፣ ሻራቱዎ አዛዛይ?
 35 ዋልቃንላቱ ቢደ ዪደ፣ ሄኩ፣ ሀእ አይ ኦሴኖ፣ ጋና ማላ፣ ኔን ኡንቱንታ አዛዛናው ዳንዳያይ?
 36 ሃላ ካፎ እጴዳ ኤራ፣ ኩቱዎ አውርያውካ እከካ እማዳዌ ኦኔ?
 37-38 ባረ ኤራን ሻረቱዎ ፓይዳናው ዳንዳይያዌ ኦኔ? ባና ሙናቂደ፣ ኡርቃ ከሲደ፣ ሞንሳናው ሳሎዎ ሻረቱዎ ገደ ኦሴደ፣ ሃላ ዳገ ትግያዌ ኦኔ?
 39-40 “ጋሞቱ ኡባይ ባረንቱ ጌሱዎን ጌሱዎን ግሰ ደእሽን ዎይ ዙጊደ ናግሽን፣ ኔን ኡንቱንቶ ሞያዎ ሻንካታደ እማናው ዳንዳያይ? ዎይ ኮሻት ኡቲዳ ኡንቱንቱ ማራቱዎ ካልሳናው ዳንዳያይ?
 41 ቁርቱ ኮሻት ብቻርያ ዎደ፣ ኡንቱንቱ ማራቱካ ሞያዎ ደማናው ታው፣ ጸሳው፣ ዋሰያ ዎደ፣ ኡንቱንቶ ሞያዎ እምያዌ ኦኔ?

39

1 “ደርያን ደኢያ ገንኤቱ አውደ የለኖንቶ፣ ኔን ኤራይ? ጋራቱ ባንኪደ፣ ባረንቱ ማራቱዎ የልያ ዎደ በኣድ?

2 ኡንቱንቱ ኩንሊደ፣ ዎይሳ ኬሻ አግና ጋምኢኖንቶን ቃይ አውደ የለኖንቶ ኤራይ?
 3 ኡንቱንቱ ጉልባቲደ፣ ባረንቱ ማራቱዎ የልያዌ አውደንቶ ኤራይ?
 4 ኡንቱንቱ ማራቱ ባዙዎን ድጩደ ሞኒኖ፤ ባረንቱ አየቱዎ ማታፕ ቢኖ፤ ላኤንሶ ጉየ ሰምክኖ።
 5 “ደንባ ሃረቱ የዳ ደኢናዳን ኦሴዳዌ ኦኔ? ቃሹዎፕ ኡንቱንታ ብል የዴዳዌ ኦኔ?
 6 ኡንቱንቶ ታን ባዙዎ ደኢያሳ ኦላይ እማድ፣ አሳይ ባይና ላዳ ቢታ ኡንቱንቱ ደኢናዳን ኦላድ።
 7 ካታማ ጫቡዎፕ ኡንቱንቱ ሃኪደ ደኢኖ፤ ላግያዎንቱ ዋሱዎካ ሰሰክኖ።
 8 ኡንቱንቱ ደረቲዎ ባረንቶ ሄመትያ ሳኣ ኦሴኖ፤ ሄዎን ሞያ ሙልኦ ማታ ቆሪኖ።
 9 “መንላይ ነው ኦላናው ኤኖ ጋንዴ? ዎይ ነ ጋጸታን ቃማ አቃንዴ?
 10 ጎሻና ማላ፣ ኔን አ ዎጸይ? ዎይ ግንዳ ጎቻናዳን አ ኦላናው ዳንዳያይ?
 11 ኔን አ ዎልቃ ሞኖተላን አማነታይ? ነ ዳቡርሰያ ኦሱዎ እ ኦላናዳን፣ አው የጋ አጋይ?
 12 እ ሰሚደ ዪደ፣ ነ ካላ ቆጽያ ነ ኡዲማው ሺሼ ጋደ ኔን አን አማነታይ?
 13 “ሶጎናታ ባረ ቀፍያ ኤላካ ቃላው፤ ሽን ሶጎናት ቀፈቱ ሳንጋኑዎ ቀፈቱዎነ ባለቱዎ ማላ ግድክኖ።
 14 ሶጎናታ ባረ ቁቁልያ ቢታን ቁቁላው፤ ባናይ ሆኤላናዳን አጋው።
 15 ገዲ መንላና ዎይ፣ ‘ባዙዎ ደኢቱ የጳና’ ጋይ ቆፑኩ።
 16 ማራቱ ባረዎ ግደናዎዳን ፓይዳደ፣ ኡንቱንቶ መቀላ ኢታው። እ ዳቡራይ ኡባይ መላ አትያዌ እው እያነ ማላተና።
 17 እያው ጎፕ፣ ታን ጸሳይ እዙ እጴዳ ኤራተላ ድጋድ፤ ታን እከካካ እው እማባይከ።
 18 ሽን ደንዳደ እዛ ዎጽያ ዎደ፣ ባረናና ናሰትያ ፓራ ቦላነ ፓራው ቦላ ማጫው።
 19 “ኢዮባ፣ ፓራቶ ዎልቃ እማዳዌ፣ ዎይ ፓራቱዎ ሞርግያ ጎቶሾ ጋማ ማይዜዳዌ ኔኔ?
 20 ፓራቱ ቦልያዳን ጉፓናዳንነ ያሽያ ዳረላ ኡንቱንቱ ዳራናዳን ኦሴዳዌ ኔኔ?
 21 ፓራቱ ዘንጋራን ቢታ ቦዲኖ፤ ባረንቱ ዎልቃንካ ናሽቲኖ፤ ያቲደ ኦላ ሚሻቱዎ ዳንጨዳዎንቱና ጋከታናው ኦላ ደምባ ፕሪጺኖ።
 22 ያሻ ግያዎ ኡንቱንቱ ሙላካ ኤርክኖ፤ ኡንቱንታ አያይነ ዳጋንጋ፤ ኡንቱንቱ ቦላ ማሻ ዛረሶፕኒ ጉየ ሰምክኖ።
 23 ኡንቱንቱ ቶግያ ኦላንቻቱ ኦይቁዳ ኦላ ሚሻቱ ጸሊደ፣ እቱ እቱዋና ጋከቲደ ገረቲኖ።
 24 ፓራቱ ፓቹሪደ ያሽሲደ፣ ኦላው ሰንላው ፕሪጺኖ። ማላካታ ፑኑሳ ኮሻ ሰሰያ ዎደ፣ ጮኤ ገደ ኤቃናው ዳንዳይክኖ፤
 25 ማላካታ ፑንያ ዎደ፣ ‘ሀያሾ!’ ያገኖ። ኦላ ፔኑዎ ሃኩዎን እኪኖ፤ ኦላ ጋዳዎቱ አዛዝያ አዛዙዎን ኦላንቻቱዎ ጨቁዎ ሰሲኖ።
 26 “ጋጫ ባረ ቀፍያ ገድሳ ሞጫደ ፓላናው ዳንዳያናዳን፣ እጴዳ ኤራተላ አው እማዳዌ ኔኔ?
 27 እርጋንላይ ፑደ ከሲደ፣ ባረ ጎልያ ቋቃ ደረቲዎን ኬጸናው ነ አዛዙዎ ናገ?

28 እርጋንላይ አፋዋ ደናን ባረ ጎልያ ከጸደ ደኤ፤ ዘላቅዋ ዘኦቲካ እዉ ጌሱዋ ግዴድኖ።
 29 ሄዋን ኡቲደ፡ ባረዉ ምያዋ ዋቹ፤ እ አይፊ ሃኩዋፕ ደሜ።
 30 እርጋንላ ማራቱ ሱላ ኡሺኖ፤ ባኩታይ ደእያ ሳን ሀቃንካ እ ሺቁ” ያጌዳ።

23 ሻፋይ ኩሚደ ጎግያ ዋደካ ዳጋመና፤ ዮርዳኖሳ ሻፋይ እ ሶምኡዋን ጳርጨትያ ዋደካ እ ሳሮ ደኤ።
 24 እ አይፍያ ቶይሲደ፡ እ አይቃናዉ ዳንዳይያ አሳይ ደኤ? እ ሲድያካ ጲርያ ቃራን ጫድ አይቃናዉ ዳንዳይያዌ ኦኔ?

40

1 መድና ጎዳይ እዮባ፡
 2 “እዮባ፡ አሳይ ኡባ ዳንዳይያ ጸሳና ሞተቲደ፡ ሻትም ኤሪ? እነ ጸሳና ሞተትያ ኡራይ እዉ ዘሮ” ያጌዳ።

እዮባ ዘሩዋ

3 ሄዋፕ ጉይያን፡ እዮብ መድና ጎዳዉ ዘሪደ፡ ሀዋዳን ያጌዳ፤
 4 “እቤት ጸሳዉ፡ ታን ፓፍ ላፋ አሳ፤ ታን ነዉ ዋታ ዘራናዉ ዳንዳይያታ? ታን ታ ደናን ታ ኩሽያ ዋላድ።
 5 ታን እት ገደ ሃሳያድ፤ ሸን ታዉ ዘርያዌ ባዋ። ላኤንሱዋ ሃሳይከ” ያጌዳ።

ጸሳይ ቃይካ ሃሳዬ

6 ሄዋፕ ጉይያን፡ መድና ጎዳይ ጎትያ ግዶፕ እዮባዉ ሀዋዳን ያጌዳ፤
 7 “አቱማ አሳዳን ነ ጸሳ ዳንጫ ደንዳደ፡ ታን አቶያዋ ታዉ ኦዳ።
 8 ኔን ታና ባይዛንቻ ከሳና ሀናይ? ነዉ ጽሉዋ ግዳናዉ፡ ታና ዋርዱዋ ከሳይ?
 9 ጸሳ ዋልቃ ማላ ዋልቃይ ነዉ ደኤ? ጸሳይ ጉምያዋዳን ኔን ጉማናዉ ዳንዳይያ?
 10 ሄዋ ግዶፕ፡ እነ ነ ቦንቹዋን ግታተላን ደንዳ! ነ ፑላን አንጋ ማያ!
 11 ነ ሀንቁዋ ቦሻ እነ ትጋ፤ አቶረትያ አሳ ኡባ ጸላደ፡ እነ ካወሻ!
 12 እነ ሎይላ ጸላደ፡ አቶረትያ ኡባ ዬላያ፤ ኢታ አልያዋንታ ኡባ ኤንቱንቱ ደእያ ሳን የቆ!
 13 ኤንቱንቱ ኡባ ቢታን ሞጋ፤ ዱፋዋ ዱገ ዋላደ፡ ኤንቱንታ ጎርዳ።
 14 ያቶፕ፡ ነ ዋልቃን ኔን ጸናናዋ ታን ነዉ ማርካታና።
 15 “ታን ኔና መዴዳዋዳን መዴዳ፡ ብሄሞታ ግያ ደኤ እነ ጸላ! እ ቦራዳን ማታ ማ።
 16 እ ጸሳን ደእያ ዋልቃይነ አ ኡሉዋ ካሜዳ ሻያ ምናተላይ ሎይላ ዳር።
 17 እ ዱፊ ዝጋዳን ሰት ግ ኡቲዳ፤ እ ገድያ ጸጸቱካ ምኡዋን ደቀቲዳዋንታ።
 18 እ መቀላቱ ናሰያ ቦምባ ማላ፤ እ ገዲካ ብራታ ዘንገቱዋ ማላ።
 19 “ጸሳይ መዴዳ መታቱ ኡባፕ እ አድ ማላልሰያዋ። እ መዴዳዋፕ አትና፡ እ ጸናናዉ ዳንዳይያዌ ባዋ።
 20 ደአይ ኡባይ ካእያ ዘዚ እዉ ምያዋ ሞክሴ።
 21 አኩንላይ ደእያ ሞላ ጋርሳን ግሴ፤ ማቃ ግድን ጫርያን ቆሰቱ።
 22 አኩንላይ ደእያ ሞላቱ ባረንቱ ኩዋን አ ገንሲኖ፤ ሻፋ ደናን ደሊያ ሞላቱ አ ካሚኖ።

41

1 “ኔን ሌዋታና ግያ ዳዊያ ሞልያ አይቁያ ማንጸቁዋን አይቃናዉ፡ ዋይ እ እንጸርሳ ዋደሩዋን ቃቻናዉ ዳንዳይያ?
 2 እ ሲድያን ዳፋዋ ገልሳናዉ ዳንዳይያ? ዋይ እ ጋጩዋ ማንጸቁዋን ጫዳደ አይቃይ?
 3 እ ኔና፡ ‘ሀያና ታና የዳርኪ’ ያገደ ዋሳኔ? ዋይ እ ነዉ ማልኦ ቃላን ሃሳያኔ?
 4 ኔን እ መድናዉ ነ ቆማ ኦላናዉ፡ እ ኔናና ጫቁዋ ጫቃታኔ?
 5 አሳይ ካፋዋና ካእያዋዳን፡ ኔን አናና ካአይ? ዋይ እ ቃቻደ፡ ነ ማጫ ቆማቶ ካአናዳን እማይ?
 6 ሞልያ አይቁያዋንቱ እ ጋትያን ፓሉመቲኖ? ዋይ ዘልአንቻቱ እ ቃንጸራሊደ ዘልአኖ?
 7 ኔን እ ጋልባ ማጫምያን፡ እ ሁጲያካ ጎማን ጫዳደ ቆሀናዉ ዳንዳይያ?
 8 እነ እ ነ ኩሽያን ቦቻ፤ ኔን አናና ባጸቲዳ ባጸያ ሀሳያደ፡ ላኤንላደ አናና ባጸታናዉ ካጄላካ!
 9 “ሄ ዳዊያ አይቃናዉ ካጄልያዌ መላ፤ ሀራይ አትና፡ እ በኤዳ ኡባይካ ያሻዉ ኮኮሬ።
 10 እ ግሴዳሳፕ እ ደንፋናዉ አንነ ጸላና፤ ያትና፡ ታ ሰንላን ኤቃናዉ ዳንዳይያዌ ኦኔ?
 11 ዘራ እማ ጋናዉ፡ ታዉ ኮይሮ እማዳዌ ኦኔ? ሳሉዋፕ ጋርሳና ደእያባይ ኡባይ ታዋ።
 12 “ሌዋታና ገደቱዋባ፡ እ ዋልቃማ ዋልቃባነ እ ሎእያ ቦላባ ሃሳይያዋ ታን አግከ።
 13 እ ጋልባ ቃራናዉ ዳንዳይያዌ ኦኔ? እ ደና ብጸላና ዳንዳይያዌ ኦኔ?
 14 ያሽያ አቻይ ደእያ እ ጎጎጩዋ ፖቃናዉ ዳንዳይያዌ ኦኔ?
 15 እ ዘክያ ጋልባይ እቱ እቱዋ ቦላን ደረቲዳን ሹቻዳን ምኤዳ ጎንዳለቱዋ ማላቱ።
 16 ኤንቱንቱ እቱ እቶ ሎይላ ማታቲዳ ድራዉ፡ ኤንቱንቱ ግዱዋና፡ ሀራይ እቶ፡ ጫርኩካ እቆናዉ ዳንዳይያ።
 17 ኤንቱንቱ ኡባይካ እቱ እቱዋና ጋከት ኡቲዳ ድራዉ፡ ኤንቱንታ አያይነ ሻከና።
 18 “እ ሄድሽያ ዋደ፡ ጸልቁ ግያ ፖኡ ከሴ፤ እ አይፈቱካ ዋንታ ጸልቁያዳን ዘእኖ።
 19 እ ደናፕ ታማ ላጩ ከሴ፤ ታማይካ ፕሪደ ዋዴ።
 20 ፕንትያ ድሰትያፕ ጋርሳ ባጋና ኤጽያ ማቃፕ ከሰያ ጩዋዳን፡ እ ሲድያፕ ጩዋይ ከሴ።
 21 እ ሲድያና ከሰያ ሸምፕ ጲጲንላ ቦንቁሴ፤ ታማ ላጩካ እ ደናፕ ከሴ።
 22 “እ ሞርግያን ዋልቃይ ደእያ ድራዉ፡ እ ሎይላ ያሽያዋ።
 23 እ አሹ እትፕ ኦከት ኡቲዳ ድራዉ፡ እ ቦላይ ብራታዳን ምኤ።

39:30 ማቶሳ 24:28፤ ሉቃሳ 17:37 41:1 ማዘ. 74:14፤ 104:26፤ እሳ. 27:1

24 እ ዋዛናይ ሹቻዳን ምና፤ ጋጭያ ዋጻዳንካ ምና።
 25 እ ደንድያ ዋደ፡ ምኖቱካ ያዪኖ፤ ኡንቱንቱ ዳጋሚደ ባቃቲኖ።
 26 እኮ ጋክያ ማሻይ እይነ አላላ ከሰና፤ ቶራይ፡ ዋይ አዳይ፡ ዋይ ጎማይ እ እይነ ኦፍ።
 27 ብራታ እ ዳላዳን፡ ናሃሰያካ ሙሴዳ ሞላዳን ፓይዳ።
 28 ዋንዳፍያ አዳይ እ ባቃትሰና፤ ያምባርሻን ኦልያ ሹቻይካ አዉ ሱላ ማላ።
 29 ዱላይ አዉ እት ቡጻ ማላ፤ ቶራ ጸንግያ ዋደ፡ ቅሊጪደ ሚጩ።
 30 እ ኡሉዋ ቦላን ደእያ ጋልባይ መኤረቲዳ ኮንኣዳን ቃራ፤ ኡርቃና እ ብያ ዋደ፡ ማራሻዳን ቢታ ጸልቁ።
 31 “አባ ፐንቲዳ ሃላዳን ቡኬ፤ ጸሩዋ ግደን ፐንትያ ዛይትያዳንካ ቡልቡልሴ።
 32 ባረፐ ጉየና ጸልያ ኦግያ ከሴ፤ አባ ሃላካ ቦላ ሆሞ ላሜ።
 33 ቢታ ቦላን እ ማላ መጠት ባዋ፤ እ ያይ ኤረና መጠታ።
 34 ሎይላ ዋልቃማ ግዴዳ መጠታቱዋ ኡባ እ ዝቂ ኦሊደ ጸሌ፤ ደኣ ኡባቶ እ ካተ” ያጌዳ።

42

እዮብ እንጂዋ ዛር ደሙሳ (42:1-17)

1 ሄዋፐ ጉይያን፡ ኢዮብ መድና ጎዳዉ ሀዋዳን ያጊደ ዛሬዳ፤
 2 “ኔን ኡባባ ኦላናዉ ዳንዳይያዋነ ነ ሀልቹዋካ ድጋናዉ ዳንዳይያዌ ባይናዋ ታን ኤራይ።
 3 “ላ ሀ ኤራይ ባይናን ታ ዘርያ ገንሳያዌ እኔ? ያጋደ ታና ኦቻዳ። ቱሙፐ ታን ታዉ ገልቤናባ ሃሳያድ፤ ታ ኤራፐ ሃኬዳ ማላልሰያባ ሃሳያድ።
 4 “ኔን ታና፡ ‘ታን ኦድያ ዋደ ሀይዛ፤ ታን ኦቻያ ዋደ ኦዳ’ ያጋዳ።
 5 “ታን ካሰ ነባ ታ ሀይላን ሰሳድ፤ ሸን ሀእ ታ እይፍያን ኔና በኣድ።
 6 ሄዋ ድራዉ፡ ታን ሃሳዬዳዌ ታና ዬላዬዳ። ታን ብድንሳንነ ባናን ኡታደ ፓጻይ” ያጌዳ።
 7 መድና ጎዳይ ሀዋ ኢዮባዉ ሃሳዬዳዋፐ ጉይያን፡ ተማናፐ ዬዳ ኤልፋዛ ሀዋዳን ያጌዳ፤ “ታ ቆማ እዮብዋዳን፡ ህንተ ታዋ ልከ ሃሳይቤና ድራዉ፡ ነ ቦላነ ነ ላኡ ላገቱዋ ቦላ ታ ሀንቁ ኤጽ ከሴዳ።
 8 ሄዋ ድራዉ፡ ሀእ ላፑን ኮሩማቱዋነ ላፑን ድርሳ ኦርገቱዋ እኪደ፡ ታ ቆማ ኢዮባኮ ቢተ፤ ጸግያ ያርሹዋ ህንተ ባይዘ ያርሸተ። ታ ቆማይ ኢዮብ ህንተዉ ዋሳና፤ ታንካ እ ዋሳ ሰሳድ፡ ህንተ ባይዘዋዳን ሙርከ። ህንተ ታ ቆማ እዮብዋዳን ታባ ልከ ሃሳይቤይክታ” ያጌዳ።
 9 ሄዋፐ ጉይያን፡ ተማናፐ ዬዳ ኤልፋዛ፡ ሹሀፐ ዬዳ ብልዳድነ ናእማፐ ዬዳ ጸፋር ቢደ፡ መድና ጎዳይ ኡንቱንታ አዛዜዳዋዳን ኤሌድኖ። መድና ጎዳይካ ኢዮባ ዋሳ ሰሴዳ።

መድና ጎዳይ ኢዮባዉ ዳኩዋ ዛሬ
 10 ኢዮብ ባረ ላገቶ ዋሴዳዋፐ ጉይያን፡ መድና ጎዳይ አዉ ዛሪደ እሻልሴዳ፤ አዉ ካሰዋ ድራዉ ላኡ ኩሸያ ኦሊደ እሜዳ።
 11 ሄዋፐ ጉይያን፡ እ እሻቱ፡ እ ምቹቱነ ካሰ እ ኤርያዋንቱ ኡባቱ እኮ ዬድኖ፤ እ ሰን እናና ግብራ ሜድኖ። አዉ ካዮቲደ፡ መድና ጎዳይ እ ቦላ አሄዳ መቶ ኡባፐ እ ምንጭድኖ። ቃይ ኡባይካ አዉ ዋርቃ ምግዲዋነ ብራ እሜድኖ።
 12 መድና ጎዳይ ኢዮባ ዉርሰሳ ላይላ ኮይር ላይላፐ አሊደ እንጃዳ። ኢዮባዉ ታማነ ኦይዳ ሻኡ ድርሳቱ፡ ኡሱፑን ሻኡ ጋሎቱ፡ እት ሻኡ ዋሳ ቦራቱነ እት ሻኡ ማጫ ሀረቱ ደኣና።
 13 ቃይ አዉ ላፑን አቱማ ናናቱነ ሄዙ ማጫ ናናቱ የለቱድኖ።
 14 ባይራ ማጫ ናቶ ይሚዋ፡ ላኤንሳያና ቃጺኦ፡ ሄዘንሳያና ቀረንሀፋኮ ያጊደ ሱንሌዳ።
 15 ኢዮባ ማጫ ናናቱዋዳን ማላ ሎኦ ማጫ አሳይ ቢታን ሳኣን ሀቃንነ ቤተና። ኡንቱንቱ አዉ ኡንቱንቶ ኡንቱንቱ እሻቱዋና ላትያ ቢታ ሻኪደ እሜዳ።

ኢዮባ ሀይቁዋ

16 ሄዋፐ ሰምና፡ ኢዮብ ጸታነ ኦይታሙ ላይላ ደኤዳ፤ ባረ ናናቱዋነ ባረ ናናቱዋ ናናቱዋ ኦይደንሳ የለታ ጋካናዉ በኤዳ።
 17 ኢዮብ ዳር ዋድያ ደኣደ፡ ሎኦ ጭማ ጭሚደ ሀይቁዳ።

ማዘመርያ ማጻፋ ገሎቅ

ዳዊታ ማዘመር (ማዘመርያ ማጻፋይ) ጌሻ ማጻፋ ግደን ማዘመርያን ዋሳ ማጻፋ ግደደ ኤረቲ። ሀ ማጻፋ ገግሴዳዋንቱ አዲሳ ዋደቱዋ ግደን ቤቲዳ ዲማ ዲማ አሳቱዋ። እት እት ማዘመርቲቱዋ ካቲ ዳውት ጸፊዳዋ አማነቲ። ሀ ማዘመርቲቱዋ ሀ ዋሳቱዋ ሺሺደ፣ ባረንቱ ጎይኑዋ ዋድያን ጎኤቲድ ጋምኤዳዋንቱ እስራኤልያ አሳቱዋ። ጉየጥ ጋምኤደ ባረንቱ ጌሻ ማጻፋቱዋ ግደን ገልሴድና።

ሀዋንቱ አያናጥ ጸፈቲዳ ግንጻቱ ጮራ ቆዋ፤ ኤንቲንቲካ ጋላትያን ጸሳዉ ጎይንያ ግንጻቱዋ፣ ጸሳይ ማዳና ማላ፣ ናጋና ማላን ሳሮ ዋሳና ማላ ዋሳያ ዋሳቱዋ፣ ናጋራጥ ማረታናዉ ሺሺያ ዋሳቱዋ፣ ጸሳ አንጃዋባ ኦድያ ጋላታ ሳባቱዋን ሞርከቱዋ ሙራና ማላ ጸሳዉ ኦድያ ማጋናቱዋ። ሀ ዋሳቱ እት ኡራይ ባረካ ዋሴዳ ዋሳቱዋን ጮራ አሳይ እትጥ ዋሴዳ ዋሳቱዋ። ኤንቲንቲጥ እቱ እቱ እት ኡራ ዋዛናን ሰሰቲዳ ሴላ ቆንጮሰያዋንታ። ሀራቱ ቃይ ጸሳ አሳይ ኡባይ ኮይያዋን አሳዉ ኡባዉ ሰሰትያ ሀናታቱዋ በሰያዋንታ።

የሱሰ ታማርሲደ ማዘመርያ ማጻፋጥ ቦኛ ቦኛ አኪደ ታማርሴዳ። ኦራላ ጫቁዋ ጸፊዳዋንቲካ እን ጸፈቲዳዋጥ ባረንቱ ጸፍያ ማጻፋ ግደ ገልሴድና። ዋሳ ጎላታ ኤቆደጥ ደማደ፣ ማዘመርያ ማጻፋ ጎይኑዋ ዋጋዉ ጎኤትያ ዋልቃማ ሞንጃዋባዳን ፓይዳዉ።

ሸምፓቱዋ ኡባቶ እመቲዳ ቃንሳ ቆፋቱዋ

1. ኮይሮ ማጻፋ ማዘ. 1—41
2. ላኤንሶ ማጻፋ ማዘ. 42—72
3. ሄዘንሶ ማጻፋ ማዘ. 73—89
4. ኦይደንሶ ማጻፋ ማዘ. 90—106
5. እቼሸንሶ ማጻፋ ማዘ. 107—150

ኮይሮ ማጻፋ

1

(1—41)

ሎኦ አሳን ኢታ አሳ ሀመታ

- 1 ኢታቱዋ ዞርያን ቤናዌ፣
ዋይ ናጋራንቻቱዋ ኦግያን ኤቀናዌ፣
ቅሊጮያዋንቲ ሺቁዋን ኡተናዌ፣
ሄዌ አንጀቲዳዋ።
- 2 ሸን መድና ጎዳ ሀግያን እ ናሸቲ፤
እ ሀግያ ጋላሰነ ቃማ ቆፔ።
- 3 ሄዌ ጎግያ ሃላ ጸጹዋን ቶከቲደ፣
አይፍያ አግናን አይፍያ፣
ባረ ሀይላካ ቆቆፈና ሞላ ማላ።
እ ኦልያ ኡባይ አዉ ሀኔ።
- 4 ሸን ኢታቱ ሄዋ ማላ ግድክና፤
ጫርኩ ፕት አፍያ ሱላ ማላ።
- 5 ሄዋ ድራዉ፣ ኢታቱዋ ቦላ ጸሳይ ፕርዳና፤

ናጋራንቻቱካ ጽሎቱዋ ሺቁዋን ኤቁክና።
6 አያዉ ጎጥ፣ መድና ጎዳይ ጽሎቱዋ ኦግያ ኤሬ፤
ሸን ኢታቱዋ ኦጊ ጳያና።

2

- 1 ጸሳን ደረቲዳ ካትያ
አማነናዋንቲ አያዉ ደንዲና?
ቃይ ካዉተላቱ አያዉ ፓፍባ ማቀቲና?
2 ሳኦ ካተቱ ደንዲድና፤
አሳ ሞድያዋንቲ እትጥ ሺቁድና።
ኤንቲንቲ መድና ጎዳ ቦላን
እ ኦኬዳዋ ቦላ እትጥ ሺቁድና።
3 ኤንቲንቲ፣ “ኡን ኤንቲንቲ ሳንሳላታ ዲላይተ፤
ኤንቲንቲ ኦና ቃኛያዋካ ዋራ ኦሎይተ”
ያገና።
- 4 ሳሎዋን ባረ አራታን ኡቲዳዌ
ኤንቲንቲ ቦላ ሚጮ፤
ጎዳይ ኤንቲንቲ ቦላ ቅሊጮ።
5 እ ባረ ሀንቁዋን ኤንቲንታ ሴሬ፤
ባረ ዋልቃማ ሀንቁዋን ኤንቲንታ ያሸሴ።
6 ጎዳይ፣ “ታን ታ ጌሻ ደርያ ጽዮን ቦላ
ታ ካትያ ካዉላድ” ያጌ።
- 7 ሄ ካቲ፣ “ታን መድና ጎዳ ሀግያ አዋያና፤
እ ታና፣ “ኔን ታ ናኣ፤
ታን ሀኛ ነዉ አዉዋ ግደድ።
- 8 ኔን ታና ኦቻ፤
ታን ካዉተላ ኡባ ነዉ እማና፤
ሳኦ ኡባይ ነባ ግደናዋ።
- 9 ኔን ብራታ ጸምአን ኤንቲንታ መንግራፍና፤
ኤንቲንታ ኔን ኡርቃ ሚሻ መንሰያዋዳን
ሊቅሳና ያጌ” ያጌዳ።

- 10 ሄዋ ድራዉ፣ ሀንተኖ ካተቶ፣ ኤያቶፕተ፤
ሀ ሳኦ ሞድያዋንቶ፣ ሀንተና ናግተ!
- 11 መድና ጎዳዉ ያሻተላን ኦለተ፤
ኮኮርሳን አዛዘትተ።
- 12 ጸሳይ ሀንቀትና፣ ኦግያን ሀንተ ጳየናዳን ሱራ
ዋዛናን አዉ ጎይንተ፤
አያዉ ጎጥ፣ እ ሀንቁ ኤለካ ኤጽ ከሳና።
ባቃት እን ቆሰት አትያ ኡባቱ አንጀቲዳዋንታ።

3

- ባረ ናኦ አበሰሎማጥ ባቃቲዳ ዋደ ዳዊታ ማዘመርያ
1 አቤት መድና ጎዳዉ፣ ታ ሞርከቱ አያ
ጮራቲድና!
ታ ቦላ አፕናቱ ደንዲና!
2 ዳርቱ፣ “ጸሳይ አ አሸና” ያገደ
ታዋ ሃሳዪና።
- 3 ሸን አቤት መድና ጎዳዉ፣ ኔን ታ የሹዋን
ጎንዲላ።
ታና ቦንኛሰያዌን ታ ሱንላ ቶቁ ኦልያዌ
ኔናቲ።
- 4 ታን ታ ቃላ ቶቁሳደ መድና ጎዳኮ ዋሳይ።

1:3 ኤር. 17:8 2:1 ኪታ 4:25-26 2:7 ኪታ 13:37፤ አብራ. 1:5፤ 5:5 2:9 ሳፃ 2:26-27፤ 12:5፤ 19:15
2:12 2 ሳሜላ 15:13—17:22

ባረ ጌሻ ደርያፕ ታወ እ ዛሬ።
 5 መድና ጎዳይ ታና ናግያ ድራወ።
 ታን ግሳደ ገምእሻይነ ቤጎታይ።
 6 ታን ታና ዶዲደ ደንዴዳ።
 ታሙ ሻእ አሳቶካ ያይከ።
 7 አቤት መድና ጎዳወ። ደንዳ!
 አቤት ታ ጸሳወ። ታና አሻ!
 አያወ ጎፕ። ኔን ታ ሞርከቱዋ ኡባ ጎሳጩዋ
 ሾጬዳ፤
 ኢታቱዋ አቻካ መንፋዳ።
 8 አሹ ጸሳዋ፤
 ጸሳወ። ነ አሳ ኔን አንጃ።

4

ማደ አማርስ ሺቅያ ዋሳ
 ዛማረቱዋ ካፖ ዲላቱዋን የጸቴዳ። ዳዊታ
 ማዝሙርያ
 1 አቤት ታና ጽልሰያ ጸሳወ።
 ታን ኔና ጼሰያ ዋደ። ታወ ኮያ።
 ታን ኡንኤቴዳ ዋደ። ታና ሸምፕሳዳ።
 ታወ ኔን ቃረታደ ታ ዋሳ ሰሳ።

2 ሀንተኖ አሳቶ። አዉደ ጋካናዉ ታ ቦንቹዋ
 ካወሺቱ?
 ሸር ባይናባካ አዉደ ጋካናዉ ሀንተ ሲቁቱ?
 ዋርዲዋ አዉደ ጋካናዉ ጫድ ኦይቁ ካሊቱ?

3 ሸን መድና ጎዳይ ጸሳ አሳቱዋ
 ባረዉ ዲማይ ዋጴዳዋ ሀንተ ኤርተ።
 ታን መድና ጎዳ ጼሰያ ዋደ።
 እ ታወ ሰሴ።

4 ሀንቀትተ። ሸን ሀንተ ሀንቁዋን ናጋራ ኦላፕተ።
 ሂጸን ግሰያ ዋደ።
 ሀንተ ዋዛና ብድተነ ሰርጵ ጌተ።

5 ልከ ያርሹዋ ያርሸተነ
 መድና ጎዳን አማነትተ።

6 ዳርቱ። “ኡና ሎኦባ በሳናዌ ኦኔ?” ያገና።
 አቤት መድና ጎዳወ። ኔን ኡና ኬካ አይፍያን
 ጼላ።

7 ኔን ታ ዋዛናን ዋልቃማ ናሸቻ ኩንፋዳ።
 ሄዌነ። ካላ አይፊነ ኦራሳ ዋይንያ ኤሳይ።
 ባረንቶ ዳርና ናሸትያ ናሸቻፕካ ዳርያዋ።

8 አቤት መድና ጎዳወ።
 ነ ጸላላይ ታና ሳሩዋን ናጋ ዋልያ ድራወ።
 ታን ግሳደ ሳርተላን ገምእሻይ።

5

ዋንታ ዋሳ
 ዛማረቱዋ ካፖ ሱሱላቱዋን የጸቴዳ። ዳዊታ
 ማዝሙርያ
 1 አቤት መድና ጎዳወ። ታን ኦድያዋ ሀይዛ፤
 ታ ኦልያነ ሰሳ።

2 ታ ካትያዉነ ታ ጸሳወ።
 ታና ማዳ ጋደ ታ ኔኮ ዋሰይያ ድራወ።
 ታ ዋሳ ሰሳ።

3 አቤት መድና ጎዳወ።
 ዋንታ ዋንታ ጉራን ኔን ታ ቃላ ሰሳሳ።
 ዋንታ ዋንታ ጉራን ታን ታ ዋሳ ነ ሰንፋ ሺሻደ።
 ኔን ታወ እምያ ዛሩዋ አካና ጋደ ናጋይ።

4 ኔን ኢታተላን ናሸተና ጸሳ፤
 ኢታባይ ኔናና ደኤና።

5 ጨቀትያዋንቱ ነ ሰንፋን ኤቁክና፤
 ኢታባ ኦልያ ኡባቱዋ ኔን እጸ።

6 ዋርዲዋ ሃሳይያዋንታካ ኔን ቆይሳሳ።
 ሱላ ጉሰያዋንታነ ጭምያ አሳቱዋ።
 ጸሳይ ሸነቱ።

7 ሸን ታን ነ ማርታ ዳሩዋን
 ነ ጎልያ ገላና።

ነ ጌሻ ጎልያኮ ሰማደ።
 ነዉ ያሻተላን ጎይናና።

8 አቤት መድና ጎዳወ። ታና ነ ጸሎተላን ካለላ፤
 ታ ሞርከቱዋ ድራወ ጋደ።
 ነ ኦግያ ታ ሰንፋን ሱርሳ።

9 ኡንቱንቱ ዳናፕ ከሰያዌ አማን።
 ኡንቱንቱ ዋዛናንካ ገኒ ኩሜዳ፤
 ኡንቱንቱ ዳናይ ዳየቱዳ ዲፋዋ ማላ፤
 ኡንቱንቱ ባረንቱ እንጸርሳን ጭሚና።

10 አቤት ጸሳወ። ኡንቱንታ ኔን ፕርዳ፤
 ኡንቱንቱ ኮባይ ኡንቱንታ አክ ቦ።
 ኡንቱንቱ ናጋራይ ዳሮ ግዴዳ ድራወ።
 ኔን ኡንቱንታ የደርሳ፤
 አያወ ጎፕ። ኡንቱንቱ ነ ቦላ ማካሌድና።

11 ሸን ኔኮ ባቃት ቆሰት አትያ ኡባይ ናሸትና፤
 ኡንቱንቱ ኡባ ገደ ናሸቻን የጸና።
 ኔንካ ኡንቱንታ ናጋና፤

ነ ሱንፋ ሲቅያ ኡባቱ ኔናን ሎይላ ናሸትና።

12 አያወ ጎፕ። አቤት መድና ጎዳወ።
 ቱሙካ ኔን ጸሎዋ አንጃሳ።
 ኔን ጎንዳሊ ካምያዋዳን ነ ኬካተላን አ ካማሳ።

6

ኡንኦ ዋድያን ሺቁዳ ዋሳ
 ዛማረቱዋ ካፖ ዲላቱዋን የጸቴዳ። ዳዊታ
 ማዝሙርያ

1 አቤት መድና ጎዳወ። ነ ሀንቁዋን ታና
 ሴርፓርኪ፤
 ዋይ ነ ይሉዋን ታና ሙርፓርኪ።

2 አቤት መድና ጎዳወ። ታን ላባኔዳ ድራወ።
 ታና ማራርኪ።

አቤት መድና ጎዳወ። ታ ዋዛናይ ማዲጸ ድራወ።
 ታና ፓላ።

3 ታ ሸምፓታ ዳርፕ ኡንኤታዲ፤
 ሸን ጸሳወ። ታና ማዳናዉ ኔን አዉደ ጋካናዉ
 ጋምኤይ?

- 4 አቤት ጸሐፊ፡ ኔን ሰማደ፡ ታና አሻ፤
ነ ማርታ ዳሩዋን ታና ከሳ አካ።
- 5 ሀይቄዳ ኡራይ ኦን ኔና ሀሳየና፤
ዱፋዋን ኔና ጋላትያዋ ባዋ።
- 6 ታን ኦልያን ዳቡራድ፤
ቃማ ኡባን ታን ዩካደ፡ ታ ሂጸ እርጽሳድ፤
ታ ቦርኮላካ ታ አፎላን ሙሱድሳድ።
- 7 ታ ሞርከቱዋ ኡባ ጋሱዋን ታን አፎዶዳ
ድራወ፡
ታ አይፊ ጋልጄዳ፤
ታ አይፊ ደመናን እጾዳ።
- 8 መድና ጎዳይ ታን ዩክያ ዩኩዋ ሰሌዳ ድራወ፡
ሀንተኖ፡ ኢታ ኦልያ ኡባቶ፡
ገደ ታፕ ሻከትተ።
- 9 መድና ጎዳይ ታ ዋትዋቱዋ ሰሌዳ፤
መድና ጎዳይ ታ ዋሳነ ሰሌ።
- 10 ታ ሞርከ ኡባቱ ዩላትናን ቱጋትና፡
ኡንቱንቱ ቆፕናን ዩላቲደ፡ ጉየ ሰምኖ።

7

የደሳ ዋድያን ጽሎ አሳ ዋሳ
ቢንያማ ዛርያ ኩዛዋ ዳዊተ፡ ጸሓኩ ዝላሌዳ
ዝላሳ።
1 አቤት መድና ጎዳወ፡ ታ ጸሐፊ፡ ታን ኔኮ
ባቃታደ ቆሰታይ።
ታና የደርሰያ ኡባቱዋፕ ኔን ታና አሻ አካ።
2 ኔን ታና አሸናባ ግደፕ፡
ኡንቱንቱ ታና ጋሙዋዳን ቦንቁደ፡
ኦን አሸናን መንግራፍ።

3-4 አቤት መድና ጎዳወ ታ ጸሐፊ፡
ታን አሳ ናቄዳዋ ግደፕ፡
ሄዌን ታ ላግያወ ሎኡዋ ድራወ ኢታ ዛሬዳዋ
ግደፕ፡
ዋይ ጋሱ ባይናን ታ ሞርክያ ቦንቁዳዋ
ግደፕ፡
ሀዋ ማላ የዋቱዋፕ እቱዋን ታን ኦሌዳዋ ግደፕ፡
5 ታ ሞርኪ ታና የደርሰደ ኦይቆ፡
ታና ሳኣን የግራፍ፤
ያቲደ፡ ታና ቢታን ኦል ባሾ።

6 አቤት መድና ጎዳወ፡ ነ ሀንቁዋን ደንዳ ኤቃ፤
ታ ሞርከቱዋ ኤጸያ ሀንቁዋ ቦላ ደንዳ።
ታ ጸሐፊ ጎዳወ፡ ቤጎታ፤ ቱሙዋ ፕርዳ።
7 ካወተላቱዋ ሸቁ ነ የሹዋን ሸቆ፤
ኔን ኡንቱንቱፕ ቦላና ግዳደ ሃና።
8 መድና ጎዳይ ካወተላቱዋ ቦላ ፕርዳ።
አቤት መድና ጎዳወ፡ ታወ ታ ጽሎተላዳን
ፕርዳ፤
አቤት ኡባፕ ዶቃወ፡ ታ ሱረተላዳን ፕርዳ።
9 ቆፋን ዋዛና ብዳደ ኤርያ ጽሎ ጸሐፊ፡
ኢታቱዋ ገንያ ኔን ዳይሳ።
ሸን ጽሎዋ ሳርታን ሞንሳ ዋላ።

6:8 ማቶሳ 7:23፤ ሉቃሳ 13:27 7:9 ሳፃ 2:23 8:2 ማቶሳ 21:16 8:4 ኢዮባ 7:17-18፤ ማዘ. 144:3፤ እብራ. 2:6-8 8:6 1 ቆር. 15:27፤ ኤፈ. 1:22፤ እብራ. 2:8

- 10 ዋዛና ጽሎዋ አሸያ ጸሐፊ
ታወ ጎንዳላ።
- 11 ጸሐፊ ጽሎዋ ፕርድያዋ፤
እ ሀኙ ሀኙ ሀንቀትያ ጸሐፊ።
- 12 አሳይ ባረ ናጋራ ፓጺደ ሰመናን እጸፕ፡
ጸሐፊ ባረ ማሻ ሌፊ፤
እ ባረ ዋንዳፍያ ገግሴ።
- 13 እ ባረ ዋድያ ኦላ ሚሻቱዋ ገግሴ፤
ታማ ላጩዋዳን ጸልያ ባረ ዋንዳፍያ ቶራ
ገግሴ።
- 14 ኢታተላ ሻሃሬዳ፡
ገንያ ሻሃራ ሻሃሬዳዋ፡ ዋርዱዋ የሌ።
- 15 ሀራ አሳቶ ኦላ ቦኬዳ አሳይ
ባረ ቦኬዳ ኦላን ባረወ ኩንዴ።
- 16 እ አህያ ገኒ አ ሁጺያወ ሰሜ።
አ ማካላይነ አ ሁጺያወ ሰሜ።
- 17 መድና ጎዳ ጽሎተላ ድራወ፡
ታን አ ጋላታና፤
ቃይ ኡባፕ ዶቁያ መድና ጎዳ ሱንላወ፡
ታን ጋላታ የጸና።

8

ጸሐፊ አንጋይ መጠታ ቦላን
ዛማራቱዋ ካፖ ሱሱላቱዋን የጸቲዳ፡ ዳዊታ
ማዘመርያ።
1 አቤት መድና ጎዳወ፡ ኦ ጸሐፊ፡
ነ ሱንላይ ሳኣ ኡባ ቦላን አያ ቦንቹቲዳሻ፤
ኔን ነ ቦንቹዋ ሳሎቱዋፕ ቦላን
ዶቁ ዶቁ ኦላ ዋላዳ።
2 ኔን ነ ሞርከቱዋ ድራወ፡
ነ ባልጋራነ ነወ ማንድያዋ ሰርጽ ኦላናወ፡
ጉላ ናናቱዋ ዶናን
ዳምያ ናናቱዋ ዶናን ጋላታ ኩንላዳ።
3 ኔን ነ ብራቱዋን መዴዳ ነ ሳሎቱዋ፡
ሳኣን ሳኣን ኔን ዋሌዳ አግና፤
ጸልንተቱዋ ታን ቢኣያ ዋደ፡
4 ኔን አሳባ ቆፓናወ አሳይ አዬ?
ዋይ ኔን አወ ሀርጋናወ እ አዬ?
5 እ ኔን ጸሐፊ አማራዳዋ ጉላዳ፤
ቦንቹዋን ግታተላ ካላቻ አ ሁጺያን ዋላዳ።
6 እ ኔን ነ መዴዳ መጠታ ኡባ ቦላን
ዋድያዋ ኦላደ ሱንላዳ፤
ኡባባ አ ገድያፕ ጋርሳና ዋላዳ።
7 ደርሳቱዋን ቦራቱዋ፡ ሳኣ ዶኦቱዋን፡
8 ሳሎዋ ካፎቱዋ፡ አባ ሞለቱዋን፡
አባይ ጎግያሳን ዋድያዋንታ ኡባካ
አ ሞድሳዳ።
9 አቤት ጸሐፊ፡ ኦ ጸሐፊ፡ ነ ሱንላይ
ሳኣ ኡባን አያ ቦንቹቲዳሻ፤

6:8 ማቶሳ 7:23፤ ሉቃሳ 13:27 7:9 ሳፃ 2:23 8:2 ማቶሳ 21:16 8:4 ኢዮባ 7:17-18፤ ማዘ. 144:3፤ እብራ. 2:6-8 8:6 1 ቆር. 15:27፤ ኤፈ. 1:22፤ እብራ. 2:8

9

ኢታ ቦላን ፕርዳ
ዛማሪቱዋ ካፖ፡ “ናኣ ሀይቁዋን” የጸቴዳ፡
ዳዊታ ማዘመርያ።

1 እቤት መድና ጎዳወ፡ ታን ኔና ታ ኩመንላ
ዋዛናፕ ጋላታና፤

ኔን ኦሴዳ ማላልሰያ
ነ ኦሱዋ ኡባካ ኦዳና።

2 ኔናን ናሽታናን ሀሹ ጋና።
ኡባፕ ዶቂያ ጸላወ፡

ታን ነ ሱንላወ ጋላታ የጸና።

3 ታ ሞርከቱ ጉየ ሰምያ ዎደ፡
ነ ሰንላፕ ዱበት ዳያና።

4 ኔን ታወ ጽሎ ፕርዳ ፕርዳዳ፤
ኔን ጽሎተላን ፕርዳደ፡

ነ ካወተላ አራታን ኡታዳ።

5 ኔን ካወተላ ሴራዳ፤
ኢታቱዋካ ዳይሳዳ።

ኔን ኡንቱንቱ ሱንላ መድ መድናወካ ቁጫ
ድጋዳ።

6 ሞርከቱ መድና ዳዩዋ ዳዩድኖ፤
ቃይ ኡንቱንቱ ካታማቱዋ ኡባና ዶቆላ
ድጋዳ።

ኡንቱንቱ ኡባና ደገት አቴድኖ።

7 ሸን መድና ጎዳይ መድናወ ካተቲደ ደኤ፤
እ ባረ ካወተላ አራታ ፕርዳወ ጊግሴዳ።

8 ሀ ሳኣ ጽሎተላን ፕርዳና፤
አሳቱዋካ ሱረተላን ፕርዳና።

9 መድና ጎዳይ ኡንኤቱዳዋንቶ ባቃት አትያዋ፤
መቶ ዎድያንካ ገል አትያ ጌሱዋ።

10 ነ ሱንላ ኤርያዋንቱ ኔናን
አማነቲኖ፤

አያወ ጎፕ፡ መድና ጎዳወ፡ ኔን ኔና
ኮይያዋንታ የጋ አጋ በይካ።

11 ጽዮን ደርያን ካተት ኡቴዳ መድና
ጎዳወ ጋላታ የጽተ።

እ ኦሴዳ ኡባባካ አሳ ኡባወ አድተ።

12 አያወ ጎፕ፡ ሱላ ጉሰያዋንቶ
ሀሉዋ ከሰያ ጸላይ

ናቀቴዳዋንቱ ዋሱዋ ሸነኮ ጌና።

13-14 እቤት መድና ጎዳወ፡ ጽዮን አሳ ካርያን
ታን ኤቃደ፡

ነ ጋላታ ኦዳና ማላን
ሄዋን ነ አቶተላን ሎይላ ናሽታና ማላ፡

ታ ሞርከቱ ታና የደርሰያዋ በአ።
ኔን ነ ማርታን፡ ሀይቁዋፕ ታና አሻ።

15 ካወተላቱ ባረንቱ ቦኬዳ ኦላን ባረንቶ
ኩንዴድኖ።

ኡንቱንቱ ቆስ ዎሴዳ ጸሪ ኡንቱንቱ ገድያ
ኦይቁዳ።

16 መድና ጎዳይ ባረ ጽሎ ፕርዳን ባረወ
ኤረቴዳ፤

ኢታ አሳይ ባረ ኩሽያን ኦሴዳ ኦሱዋ
ጸርያን ኦይቀቴዳ።

17 ኢታቱ ዲፋዋ ባና፤
ጸላ ደግያ ካወተላቱ ኡባይካ ኡንቱንቱዳን
ሀናና።

18 ሀይሳይ ኡባ ገደ ደገት አተና፤
ዎይ መቶታንቻይ ዎሴዳ ሀደታይ መድናወ
ዳየና።

19 እቤት መድና ጎዳወ፡ አሳይ ነ ቦላ ደንዲደ፡
ባረ ዎልቃን ጨቀተና ማላ፡ ኔን ደንዲ!

ነ ሰንላን ካወተላቱዋ ቦላ ኔን ፕርዳ።

20 እቤት መድና ጎዳወ፡ ኡንቱንታ ኔን ያሽሳ፤
ኡንቱንቱ አሳ ግድያዋ ኔን ኡንቱንታ ኤርሳ።

10

ፕርዳ ደማናወ ሸቄዳ ዎሳ

1 እቤት መድና ጎዳወ፡ አያወ ሃካይ ኤቃይ?
መቱዋ ዎድያን አያወ ኔን ጌማይ?

2 ባረ ኦቶሩዋን ኢታ አሳይ ሀይሳ ሻንካቱ።
ኡንቱንቱ ባረንቱ ፓላ ማቁዋን ባረንቶ
ኦይቀትኖ።

3 ሄ ኢታይ ባረ ዎዛና ኢታ አሙዋን ጨቀቴ፤
ዮራንቻይ መድና ጎዳ ቦላ ኢታ ቃላ ሃሳይን
ካዴ።

4 ኢታይ ባረ ኦቶሩዋን ጸላ ኮየና፤
ባረ ቆፋ ኡባንካ ጸላ አይን ኮየና።

5 ኡባባይ አወ ኡባ ዎደካ ኩሜ፤
እ ኦቶሩዋ ጴጶሌ።

ነ ሀጊ አወ ገለና፤
ባረ ሞርከቱዋ ቦላን እ ቅሊጩ።

6 ባረ ዎዛናን እ፡ “ታና አያይነ ቃፍ።
ታና ኡባካ መቱ ጋከና” ያጊደ ቆፔ።

7 እ ደናን ሸቃይ፡
ዎርዲን ማንደላይ ኩሜዳ።

ባረ እንጻርሳን ገነባነ ኢታባ ሃሳያናወ ኤሌሌ።

8 ሄራን ቆስትያሳን እ ዙጊደ ኡቴ።
ባረ ዎድያዋ ዎዳናወ ቆስት ናጊደ፡
ዎልቃይ ባይና አሸከቱዋ ጴሌ።

9 ባረ ቆስትያሳን ጌሚደ፡
ሀይሳ ኦይቃናወ ጋሙዋዳን ዙጌ።

እ ሀይሳ ኦይቁደ፡ ባረ ጸርያን ጎቹደ አፌ።

10 ያትና፡ ዎልቃይ ባይና ሀይሳይ ሾጩቲ፤
ንፕ ጌነ ሄ ሞኑዋን ጸነቲ።

11 እ ባረ ዎዛናን፡ “ጸላይ ታና ደግ ክቼዳ።
ባረ ሰምኡዋ ታፕ ገንላ ክቼዳ፤
ኡባካ እ በኤና” ያጌ።

12 እቤት መድና ጎዳወ፡ ደንዲ።
ጸላወ፡ ነ ኩሽያ ዶቁ ኦላደ ደንላ፤
ሀይሳ ደጎፕ።

13 ናጋራንቻ ኡራይ ባረ ዎዛናን፡
ጸላ አያወ ካፉ?

10:7 ርመ 3:14

- ባረ ቆፋንካ፥ “ጸሳይ ታና ሙረና” እያወ ያገ?
- 14 ሸን ጸሳዉ፥ ኔን ቱሙካ በአሳ፤ መቱዋካ ዋይያካ ጸሳሳ። ኔን ኡባ ዋደ ኑና ማዳናዉ ገጋ ኡታዳ። ዪአቶ ኔን ማዲዋ። ቆሄቱዳዌ ኔን ማዳናዳን ባረና ነዉ ሸጴ።
- 15 ገንያዋንቱ ዋልቃ ኔን ዉርሳ፤ ኢታ አሳቱዋካ ሄዋዳ አላ። ላኤንሶ ኡንቱንቱ ግደን ኢታተላይ ቤተና ማላ ኡንቱንታ ሙራ።
- 16 መድና ጎዳይ መድ መድናዉ ካተቲደ ደኤ፤ ሀራ ካዉተላቱ አ ቢታፕ ጳያና።
- 17 አቤት መድና ጎዳዉ፥ ኔን ባረንታ ካዉሸያዋንቱ አሙዋ ሰሳሳ። ኔን ኡንቱንታ ሞንፍላሳ።
- 18 ይአቶነ ኡንኤቱዳዋንቶ ቱሙዋ ፕርዳ፤ ሳኣን ደአያ አሳይ፥ ኡንቱንታ ያሸሰና ማላ፥ ኡንቱንቱ ዋሱዋ ሰሳሳ።

11

- ጽሎቱዋ ጨቁዋ
ዛማረቱዋ ካፖ የጸቴዳ፥ ዳዊታ ማዘመርያ።
- 1 ታን መድና ጎዳ ግደን ባቃታ ቆሰታ አታይ። ያትና፥ ሀንተ ታና አያዉ፥ “ካፋዋዳን ነ ደርያ ባቃታ” ያገቴ? 2 ሄኮ ናጋራንቻቱ፥ ዋዛና ገሻቱዋ ጳማን ጫዳናዉ፥ ባረንቱ ዋንዳፍያ ባቀላ ቦላን ፖላ ቶሊኖ።
 - 3 ባሱ ባይያ ዋደ፥ ጽሎ አያ አላናዉ ዳንዳዪ?
 - 4 መድና ጎዳይ ባረ ገሻ ሳኣን ደኤ፤ ባረ ሳሉዋ ካዉተላ አራታን፥ መድና ጎዳይ አሳ ጸሌ፤ ጸሳ አይፊ አሳ ብዴ።
 - 5 መድና ጎዳይ ጽሎቱ ብዴ። ሸን ኢታቱዋነ ኮባባ ሲቅያዋንታ አ ሎይላ እጴ።
 - 6 ጸሳይ ኢታቱዋ ቦላን ኤጽያ ታማ ቦንቁዋነ ኤጽያ ዲንያ ቡክሳና። ጳይሰያ ጎትያ ጫርኩዋን ኡንቱንታ ሙራና።
 - 7 መድና ጎዳይ ጽሎ ግዴዳ ድራዉ፥ ጽሎተላ ደሴ። ሱረ አሳቱ አ ሰንላ በአና።

12

- ኢታ አላምያፕ አታናዉ ሸቄዳ ዋሳ
ዛማረቱዋ ካፖ ዲላን የጸቴዳ፥ ዳዊታ ማዘመርያ።
- 1 መድና ጎዳዉ፥ ኑና ማዳርኪ? አያዉ ጎፕ፥ ጸሳ አሳይ ኡባካ ባዋ፤ አሳ ግደን አማነትያዌ ጳይክቼዳ።

14:1 ርመ 3:10-12

- 2 ኡባ ዋደካ እቱ እቶ ዋርዲዋ ሃሳዪኖ፤ እቱ እቱዋ ሸሌሸያ እንጻርሳን ባለሉዋን ሃሳዪኖ።
- 3 አቤት መድና ጎዳዉ፥ ሀ ሸሌሸያ ዶና ባራ። ኡቶራዋን ጨቀትያ እንጻርሳ ኡባ ኔን ጭጋ አላ።
- 4 ኡንቱንቱ፥ “ኑን ኑ እንጻርሳን ጸናና፤ ኑ መተርሻይ ኑዋ፤ ኑ ጎዳይ ኦኔ?” ያግኖ።
- 5 መድና ጎዳይ፥ “ሀዬሳቱ ኡንኤቱዳ ድራዉ፤ መቶታንቻቱዋ አልያ ድራዉ፥ ሀአ ታን ደንዳና። ታን ኡንቱንቱ አሞትያ ሳርተላን ኡንቱንታ ዋላና” ያገ።
- 6 ጸሳ ቃላቱ ዋላክ ባይና ገሻቱዋ፤ ጮጮያ ታማን ላፑን ገደ ትገቱዳ ብራዳን ገዬዳዋንታ።
- 7 አቤት መድና ጎዳዉ፥ ኔን ኡንቱንታ ሳርተላን ናጋነ ሀዋ ማላ አሳፕ መድናዉ ኡንቱንታ አሻ።
- 8 አሳ ግዲዋን ኢታይ ቦንቼቱዳ ዋደ፥ ኢታቱ ኡባ ሳና ሰመረቱድኖ።

13

- ባረ ጸሳን አማነቱዳ አሳ ዋሳ
ዛማረቱዋ ካፖ የጸቴዳ፥ ዳዊታ ማዘመርያ።
- 1 አቤት መድና ጎዳዉ፥ አዉደ ጋካናዉ ኔን ታና ደጋይ? መድናዉ ታና ደጋይ? አዉደ ጋካናዉ ኔን ታፕ ገማይ?
 - 2 ታን ታ ቆፋና ባጸትያዌ አዉደ ጋካናሴ? ኡባ ጋላስ ካዪ ታ ዋዛናን ደአናዌ አዉደ ጋካናሴ? ታ ሞርከቱ ታ ቦላ ጎባናዌ አዉደ ጋካናሴ?
 - 3 መድና ጎዳዉ ታ ጸሳዉ፥ ሃ ታኮ ጸላደ፥ ታዉ ዛራ። ታ አይፍያ ፖአሳደ፥ ሀይቁዋፕ ታና አሻ።
 - 4 “ኑን አ ጸኔደ” ያገደ፥ ታ ሞርከቱ ጨቀተናዳን ተአ። ታ ኩንደላን ኡንቱንቱ ናሸተናዳን ድጋ።
 - 5 ሸን አገና ነ ማርታን ታን አማነታይ፤ ኔን ታና አሸያ ድራዉ፥ ታን ናሸታይ።
 - 6 መድና ጎዳዉ፥ ታን ነዉ የጸና፤ አያዉ ጎፕ፥ ኔን ታዉ ኬካዳ።

14

- ጸሳይ ባይና አሳቱዋ
ዛማረቱዋ ካፖ የጸቴዳ፥ ዳዊታ ማዘመርያ።
- 1 ኤያቱ ባረንቱ ዋዛናን፥ “ጸሳይ ባዋ” ያገና።

- ከንቱንቱ ደኡ ባዬዳ።
ከንቱንቱ ሸነይያዎ ኦሊኖ፤
ሎእያዎ ኦሊያ አሳይ ባዎ።
- 2 ጸላ ኮይያ ኤራንቻቱ ደእንቶነ
በእናው፡ መድና ጎዳይ ሳሉዋጥ ዱገ አሳ
ጼሌ።
- 3 ሸን ኡባይካ ዋራ ሰሜድኖ፤
ኡባይካ ኡባና ጎኤናባ ግዴድኖ።
ሎእያዎ ኦሊያ ኦንነ ባዎ፤
ሀራይ አቶ አቱነ ባዎ።
- 4 መድና ጎዳይ፡ “ሀዋንቱ ታ አሳ፡
አሳይ ቁማ ምያዎዳን ቦንቂ ሚኖ።
ኢታ አሳቱ ቱሙ እያነ እኬክክኖ?
ከንቱንቱ ታና ዋሰክኖ” ያጌዳ።
- 5 ሸን ጸላይ ጽሎ አሳቱዋና ደእያ ድራው፡
ኢታቱ ሄዋን ዳጋማና።
- 6 ከንቱንቱ ሀዬሳቱዋ ቆፋ ሀልሲኖ፤
ሸን መድና ጎዳይ ሀዬሳቱ ባቃቲደ፡ ቆሰት
አትያ ሳኦ።
- 7 እሰራኤልያወ አቶተሳይ ጽዮነጥ ዬረኔ!
መድና ጎዳይ ከንቱንቱ ደኡዋ ዛርያ ዋደ፡
ያቆባ ዘረሳይ ናሸታና፤
እሰራኤልያ አሳይ ናሸቻ ፖጩ ጋና።

15

ጸላይ አሳጥ ኮይያዎ አዬ?

ዳዊታ ማዘመርያ

- 1 አቤት ጸላው፡ ነ ዳንካንያን ጋምእናዌ ኦኔ?
ነ ጌሻ ደርያን ኔናና ደእናዌ ኦኔ?
- 2 ሱረ ደኡዋ ደእያዎ፡
ጽሎባ ኦሊያዎ፡
ባረ ዋዛናጥ ቱሙዋ ሃሳይያዎ፡
- 3 ሀራ አሳ ሱንላ ባይዘናዎ፡
ባረ ላግያ ቦላ ኢታባ ኦፍዎ፡
ባረ ሸሩዋ ዝግረናዎ፤
- 4 መድና ጎዳን እጸቲዳ አሳቱዋ ካድያዎ፡
ሸን ጸላው ያይያ አሳቱዋ ቦንቻያዎ፡
ባረ ጫቋዳዎ እያ ዳጽናካ ፖልያዎ፡
- 5 ባረ ሚሻ ድቻው አመናዎ፡
ጽሎ አሳቱዋ ቆሀናው
ማታይያ አከናዎ።

ሀ የዋቱዋ ኦሊያዎ፡
መድናውካ ቃጸና።

16

ጸላይ ታ ላታ

ዳዊታ ዋሳ

- 1 አቤት ጸላው፡
ታን ኔኮ ባቃቲዳ ድራው፡ ታና ናጋ።
- 2 ታን መድና ጎዳው፡ “ኔን ታ ጎዳ፤
ኔጥ አትን፡ ሀራ ሎኡ ታው ባዎ” ያጋይ።

16:8 ከታ 2:25-28 16:10 ከታ 13:35

- 3 ሳኦን ደእያ ጌሻቱ
አይ ማላ ጋላተቲድኖ!
ታ ናሸቻይ ኡባይ ከንቱንቱና እትጥ ግድያዎ።
- 4 ዋርዶ ጸላቱዋ ካልያዋንቱ
ባረንቱ ቦላ መቱዋ ዳርሲኖ።
ሸን ታን ከንቱንቱ ዋርዶ ጸላቶ ያርሸከ፤
ታን ከንቱንቱ ሱንላ ጸሰከ።
- 5 ታ መድና ጎዳው፡ ታ ደኡዋ ላታይነ ጸኦይ ኔና፤
ታና ኮሸያ ኡባ ኔን ታው እማሳ።
ታ ደኡዋ ሳማይ ኔና።
- 6 ኔን ታው ዋዴዳ ሳማይ አይ ኬሻ ሎኤ!
ኤ ታ ላታይ ቱሙዋጥ ሎኤ!
- 7 ታና ዘርያ መድና ጎዳ ጋላታይ፤
ብላሂካ ታ ዋዛናይ ታና ሴራ።
- 8 ታን ኡባ ገደ መድና ጎዳ ታጥ ሰንላያይ
አ ታጥ ኡሸቻ ባጋና ደእያ ድራው፡
ታን ሀርግከ።
- 9 ሄዋ ድራው፡ ታ ዋዛናይ ናሸቲ፤
ታ ሸምቸካ ሀሹ ጌ።
ታ ቦላይካ ሀርግ ባይናን ደኤ።
- 10 ታና ሰኦልያወ አላደ እማካ፤
ኔን ነ ጌሻ ሙሰሳካ።
- 11 ኔን ታና ደኡዋ ኦግያ ቦሳሳ።
ታን ነ ማታን ደእና፡ ታ ናሸቻይ ፖላቲ፤
ነ ኡሸቻ ባጋና እንጂ መድናው ደኤ።

17

ጌሻ አሳ ዋሳ

ዳዊታ ዋሳ

- 1 አቤት መድና ጎዳው፡ ታ ጽሎ ኦችያዎ ሰሳ፤
ታ ዋሱዋ ሀይዛ።
ታን ጭመና እንጸርሳጥ ዋሰያ ዋሳኮ፡
ነ ሀይላ ዛራ።
- 2 ታ ሻትንላይ ነ ሰንላጥ ዮ፤
ነ አይፊ ልከ ግድያዎ ጸሎ።
- 3 ኔን ቃማን ታና ጸሞሳዳ፤
ታ ዋዛና ፓጫዳ።
ሸን ታ ቦላጥ አይነካ ደማካ።
ታ እንጸርሳይካ ባለትቤና።
- 4 ታን ሀራ አሳቱዋዳን ኢታ ቃላ ሃሳይከ፤
ታን ነ አዛዙዋ ናግያ ድራው፡ ገነ ኦግያ
ካላበይከ።
- 5 ታ ገዲ ቆበተና ማላ፡
ታ ታንጉ ነ ኦግያጥ ጋጸ ከሰቤና።
- 6 አቤት ጸላው፡ ኔን ሰሰያ ድራው፡
ታን ኔና ዋሳይ።
ነ ሀይላ ታኮ ዛራደ፡
ታን ነው ኦችያዎ ሀይዛ።
- 7 ባረንቱ ሞርከቱዋጥ ባቃትያዎንታ
ነ ኡሸቻ ኩሸያን ቆሳደ አሸያዎ፡

- ነ ሎተላ ማላልሰያ ኦግያን በሳ።
- 8 ነ አይፍያ ጭሩዋዳን ታና ናጋ፤
ነ ቀፍያ ግደን ታና ቆሳ።
- 9 ታና ኡንኦ ዋሌዳ ኢታቱዋጥነ
ደድ ዋሌዳ ጸላ ሞርከቱዋ ኩሽያጥ
ታና ቆሳ።
- 10 ኡንቱንቶ ቃረት ባዋ፤
ኡቶሩዋን ሃሳዪ።
- 11 ታን ብያሳኦ ኡባን ኡንቱንቱ ታና ደዲኖ።
ታና ቢታን አላ የገናዉ ጸሊኖ።
- 12 ኡንቱንቱ ባረንቶ ሞያዋ ኮይያ ጋሞቱዋ ማላ፤
ጌማን ዙግ ናግያ ዋዳላ ጋሞቱዋ ማላ።
- 13 አቤት መድና ጎዳዉ፣ ደንዳ።
ታ ሞርከቱዋና ኤቃታደ ጸና፤
ነ ማሻን ኢታቱዋጥ ታና አሻ አካ።
- 14 አቤት መድና ጎዳዉ፣ ሀዋ ማላ አሳጥ።
ኡንቱንቱ ካጫይ ሀ ሳኦ ደኡዋ ጸላላ
ግድያ አሳጥ
ነኩሽያን ታና አሻ።
ኔን ኡንቱንቶ ሞንጄዳ ቦሻን ኡንቱንታ
ሙራ፤
ሄ ቦሻይን ኡንቱንቱ ናናቶ ግዲደ፤
ኡንቱንቱ ናናቱዋ ናናቶካ ፓላሆ።
- 15 ሸን ታን ጽሎተላን ነ ሶምኤያ በኣና።
ታን ደንድያ ዋደ፣ ነ ማላ በኣደ ናሸታና።

18

- ጸኑዋ ማዘመርያ**
ዛማሪቱዋ ካፖ የጸቱዳ ዳዊታ ማዘመርያ።
መድና ጎዳይ አ ሞርከያጥነ ሳኦላ ኩሽያጥ አሼዳ
ዋደ ዳዊ ተ መድና ጎዳዉ ሀ የላ የጾዳ
- 1 አቤት መድና ጎዳዉ፣
ታ ዋልቃዉ፣ ታን ኔና ሲቃይ።
 - 2 መድና ጎዳይ ታዉ ዋጋ ዛላ፤
ታን ኦላጥ ናገትያ ሚጻ፤
 - እ ታና አሸያዋ።
ታ ጸሳይ ታን አኮ ባቃትያ ታ ዋጋ ዛላ።
 - እ ታ ጎንዳልያ፤ እ ታና አሸያ ዋልቃ፤
እ ታን ቆሰታ አትያ ሳኦ።
 - 3 ጋላታይ በሰያ መድና ጎዳ ታን ጸሳይ፤
እ ታ ሞርከቱዋጥ ታና አሼ።
 - 4 ሀይቁዋ ዋደሩ ታና ቃቼዳ፤
ባሻይ ድኡዋዳን ታና ዳጋንሌዳ።
 - 5 ዱፋዋ ዋደሩ ታና ቃቼዳ፤
ሀይቁ ጲርያዳን ታና ኦይቁዳ።
 - 6 ታና መቱ ኢሰና፣ መድና ጎዳ ጸሳድ፤
“ታና ማዳ” ጋደ ታ ጸሳዉ ዋሳድ።
 - እ ባረ ጌሻ ሳኦን ታ ኮሻ ሰሌዳ፤
ታን ዋሌዳ ዋሉ አ ሀይላን ዋይዳ።
 - 7 ዋድና ጸሳይ ሀንቀቱዳ ድራዉ፣
ቢታይ ዪቀዪቂደ ቃጼዳ፤
ደረቱዋ ጸጹ ጋጅ ጋጂደ ኮኮሬዳ።

- 8 እ ሲድያጥ ሀንቁዋ ጨዋይ ጨዋቲዳ፤
እ ደናጥ ሞያ ታማ ላጩን ጹግያ ቦንቁ
ከሴዳ።
- 9 ሳሉዋ እ ጳልቂደ፣ ዲገ ዋይዳ፤
ሄ ዋደ አ ገድያጥ ጋርሳና ሰቅመቲዳ ሻሪ
ደኤ።
- 10 ቀፍያና ደኤያ ኪታንቻ ክሩብያን ኡቲደ ፓሌዳ፤
ጫርኩዋ ቀፍያ አኪደ ኤሌሌዳ።
- 11 ባረና ጳማን ካሜዳ፤
እ ዲንካኒ እራና ሰቅመቲዳ ሻርያ።
- 12 እ ሰንላን ደኤያ ዋልቃማ ፖኡዋጥ
ሻቻይን ታማ ላጩ ከሴዳ፤
ከሲደ ሰቅመቲዳ ሻርያ አዲደ ቤዳ።
- 13 ቃይ መድና ጎዳይ ጉጉንላዳን ሳሉዋጥ
ጉሜዳ፤
ኡባጥ ጳቂያ ጸሳይ ዋልቃንላንን ታማ
ላጩዋን ቆንጩዳ።
- 14 ባረ ዋንዳፍያ ጩብያ የዲደ፣
ባረ ሞርከቱዋ ላሌዳ፤
ዋልቃንላ ፖኡዋ ከቲደ፣ ኡንቱንታ
የደርሴዳ።
- 15 አቤት መድና ጎዳዉ፣ ኔን ሴሬዳ ዋደን፣
ሀንቀታደ ፔኑቁዳ ዋደ፣
አባ ሃሳይ ግሴዳ ቢታይ ቤቲዳ።
ቃይ ሳኦ ባሱካ ቆንጩዳ።
- 16 ጸሳይ ቦላጥ ኩሽያ ዲገ የዲደ፣
ታና ኦይቁዳ፤
ጨዋ ሃላጥ ታና ከሴዳ።
- 17 እ ታና ታ ዋልቃማ ሞርከያጥነ፣
ታና አጽያዋንቱጥ አሼዳ።
አያዉ ጎጥ፣ ኡንቱንቱ ታዉ ሎይሳ ዳር ዋልቃማ።
- 18 ታ ዋይያ ጋላሰ ኡንቱንቱ ታ ቦላ ደንዳድኖ፤
ሸን መድና ጎዳይ ታና ዘምጥሰያዋ።
- 19 እ ታና አኮ ሳኦ ከሴዳ፤
ታናን ናሸቲዳ ድራዉ፣ ታና አሼዳ።
- 20 ታ ጽሎተላዳን መድና ጎዳይ ታዉ ጫጌዳ፤
ታ ኩሽያ ጌሻተላዳን እ ታዉ ዛሬዳ።
- 21 ታን መድና ጎዳ ኦግያ ካላድ፤
ታን ታ ጸሳ አጋደ ዋራ ባበይከ።
- 22 ታን አ ሀግያ ኡባ ናጋድ፤
አ ዋጋ ፖልያዋ አጋበይከ።
- 23 ታን አ ሰንላን ሱረ ደኤድ፤
ታን ታና ናጋራጥ ናጋድ።
- 24 ሄዋ ድራዉ፣ መድና ጎዳይ ታዉ ታ
ጽሎተላዳንን
ታ ኩሽ አ ሰንላን ጌሻ ግድያዋዳን ዛሬዳ።
- 25 አቤት ጸሳዉ፣ አማነትያዋንቶ ኔን አማነትያዋ፤
ሱረቶ ኔንካ ሱረ።
- 26 ጌሻቶ ኔንካ ጌሻ፤
ሸን ጌላቶ ኔን ጫንጫ።
- 27 ባረንታ ሆክሰያዋንታ አሻሳ፤
ሸን ባረንታ ጳቂሰያዋንታ ኔን ዝቂሳሳ።
- 28 አቤት መድና ጎዳዉ፣ ኔን ታ ጸምጥያ ፖኡሳሳ፤
ታ ጸሳይ ፖኡሰና፣ ታ ጳማይ ክቼ።
- 29 ነ ማዲዋን ታን ታ ሞርከ ዋታዳራቱዋ ኦላይ፤

ታ ጸሳን ታን ኤንቱንቱ ሚጸ ጸራና ጉፓ
እጃይ።

30 ጸሳ ኦጊ ሱረ።
መድና ጎዳ ቃላይ ጌሻ።
እኮ ባቃትያ ኡባቶ እ ጎንዳለ።
31 ጸሳፕ አትና፣ ሀራ መድና ጎዳይ ባዋ፤
ኑ ጸሳፕ አትና፣ ሀራ ዋጋ ዛል ባዋ።
32 ታዉ ዋልቃ እምያዋ፤
ታ ኦጊያ ሳሮ አልያዋ ጸሳተኔ።
33 እ ታ ገድያ ገንእያ ገድያዳን ምንሴ፤
ታና ጶቃ ሳአቱዋን ሳሮተላን ዋሌ።
34 እ ታ ኩሽያ ኦላ ሜዘዬ፤
ሄዋ ድራዉ፣ ታን ታ ቀሰያን
ናሰያ ግያ ብራታ ዋንዳፍያ ዳፋደ ዱካይ።

35 ታና አሽያ ነ ጎንዳልያ ኔን ታዉ አማዳ።
ነ ኡሽቻ ኩሽ ታና ዘምፕሴ፤
ነ ሎኦ ኦይላይ ታና ጶቂሴ።
36 ታ ሀመትያሳ አሳሳ፤
ሄዋ ድራዉ፣ ታ ገዲ ሀልጽቤና።
37 ታ ሞርከቱዋ ታን የደርሳ ኦይቃድ፤
ታን ኤንቱንታ ጳይሰናን ደእደ ጉየ
ሰማበይከ።

38 ታን ኤንቱንታ ላኤንላ ደንደናዳን ሸጫድ፤
ኤንቱንቱ ታ ገድያን ኩንዴድና።
39 ኦላዉ ታና ዋልቃ ዳንጭሳዳ፤
ታናና ጋዳትያዋንታ ታዉ ጉልባትሳዳ።
40 ታ ሞርከቱዋ ታ ሰንላፕ ጉየ ባቃትሳዳ፤
ታና እጽያዋንታ ታን ጳይሳድ።
41 ባረንታ ማዳና ማላ ዋሴድና፣
ሸን ኦንነ ኤንቱንታ አሸቤና።
መድና ጎዳካ ኤንቱንቱ ጸሴድና፣
ሸን እ ኤንቱንቶ ኮይቤና።
42 ጫርኩ ፕቲደ አፍያ ባናዳን ታን ኤንቱንታ
ሊቅሳድ፤
ኦጊያን ደእያ ኡርቃዳንካ ኤንቱንታ የጳድ።

43 ማካላ አሳፕ ታና አሻዳ።
ታና ካዉተላቱዋ ቦላን ሱንላዳ፤
ታን ኤረና አሳይ ታዉ ሞደቱዳ።
44 ኤንቱንቱ ታ ዋርያ ሰሲደ፣ ታዉ አዛዘቲና፤
አላጋ ደረ አሳይካ ታ ሰንላን ሆኪና።
45 ኤንቱንቱ ዋዛና ካሃ አጊና።
ባረንቱ ናገትያ ሚጸፕ ኮኮሪደ ዪና።

46 መድና ጎዳይ ደኤ!
ጸሳይ፣ ታ ዋጋ ዛላይ ጋላተቶ!
ታና አሽያ ጸሳይ ጶቁ ጶቁ ጎ!
47 እ ታ ሀሉዋ ከሰያ ጸሳ፤
ካዉተላቱዋ ታፕ ጋርሳና ሞድሰያዋ፤
48 ታ ሞርከቱዋፕ ታና አሽያዋ።
አቤት ጸሳዉ፣ ኔን ታናና ጋዳትያዋንቱ ቦላን
ታና ጶቁ ጶቁ ኦሳሳ፤
ማካላንቻ አሳቱዋፕ ኔን ታና አሻሳ።
49 ሄዋ ድራዉ፣ ታን ኔና ካዉተላቱዋ ግደን
ጋላታና፤
ታን መድና ጎዳ ሱንላ ሳባና።

50 ጸሳይ ባረ ካትያዉ ጸኑዋ ቦላን ጸኑዋ እሜ።
ባረ ኦኬዳ፣ ዳዊተዉን አ ዘረላዉ፣
ሎኦተላ መድናዉ በሴ።

19

ጸሳይ ጽሎተላ አዋ
ዛማረቱዋ ካፖ የጸቱዳ፣ ዳዊታ ማዘመርያ።
1 ሳሎቱ ጸሳ ቦንቹዋ ሃሳዪና፤
ሳሎቱዋ ጉፋንሉ እ ባረ ኩሽያን ኦሌዳዋ
አዋዬ።
2 እት ጋላሳይ የንኮ ጋላሳዉ ሄዋ ኦዳ፤
እት ቃማይካ የንኮ ቃማዉ ኤራተላ
ቆንጭሴ።
3 ሃሳይ ዋይ ቃላይ ባዋ፤
ኤንቱንቱ ኮሻይካ ሰሰተና።
4 ግደፕካ፣ ኤንቱንቱ ሃሳያ ኮሻይ ሳኦ ኡባን
ላለቲዳ፤
ኤንቱንቱ ቃላይካ ሳኦ ጋጸ ጋኬዳ።

ጸሳይ አዋይ ደእያ ሳኦ ሳሉዋን ገግሴዳ።
5 ናሽቲደ ካረሶፕ ከሰያ ሞሽራዳን፣
ዋላ ናሰያዉ ገጌዳ ዋላንቻዳን፣
አዋይ ዋንታ ዋንታ ከሴ።
6 አዋይ እት ባጋ ሳሉዋ ጋጸፕ ሞኪደ፣
ሀራ ባጋ ሳሉዋ ጋጸ ጋካናሰ ቤ፤
አ ሆኡዋፕ ጌምያዋ አያይነ ባዋ።

7 መድና ጎዳ ህጊ ሱረ፤
ሸምፕዋ ዛራ።
መድና ጎዳይ ኦድያዋ አማነትያዋ፤
አኬካይ ፓጩዳዋንቶ ኤራተላ እሜ።
8 መድና ጎዳ ዋጋይ ልከ፤
ዋዛና ናሽቹ።
መድና ጎዳ አዛዘ ጌሻ፤
ዋዛና ፖእሴ።
9 መድና ጎዳዉ ያይያዋ ጌሻተላ፤
ሄዋ መድናዉካ ኤቂድ ደእያዋ።
መድና ጎዳ ፕርዳይ ቱማነ ጽሉዋ።
10 ዋርቃፕካ ዋላክ ባይና ዋርቃፕ ኦዲደ ደሰቱ፤
ኤሳፕካ ኤሳ እልሉዋፕ አድ ማልኤ።
11 ቃይ ታና ነ ቆማ ናገታናዳን ዘራ፤
ነ ህግያ ናጉ ዳር ጎኤ።

12 ባረ ሀጲያ ባላ ደምያዋ ኦኔ?
አቤት ጸሳዉ፣ ጌሜዳ ናጋራፕ ታና ጌሻ።
13 ቃይ ታን፣ ነ ቆማይ፣
ጸላን ናጋራ ኦፍዳን፣
ኔን ታና ናጋ።
ታና ናጋራዉ ሞድሶፕ፤
ሄ ዋደ ታን ሱረ ግዳደ፣
ዋልቃማ ባይዙዋፕ ጌያና።

14 አቤት መድና ጎዳዉ፣ ታ ዋጋ ዛላዉ፣
ታና ዋዜዳዋ፣
ታ ደናፕ ከሰያ ቃላይነ
ታ ዋዛና ቆፋይ ኔና ናሽቹያዋ ግዶ።

20

ካትያዉ ዋሳ

ዛማረቱዋ ካፖ የጸቴዳ፣ ዳዊታ ማዘመርያ
 1 ኔን መቶቴዳ ዋደ መድና ጎዳይ ነ ዋሳ ሰሶ፤
 ያቆባ ጸሳ ሰንሳይ ኔና ሞንሶ።
 2 ባረ ጌሻ ሳኦፕ ነዉ ማዱዋ ከቶ፤
 ጸዮነፕ ኔና ዘሞፕሶ።
 3 ነ ያርሹዋ ኡባ እ ነዉ ሀሳዮ፤
 ነ ጸግያ ያርሹዋን ናሸቶ።
 4 ነ ዋዛና አሙዋ ነዉ እሞ፤
 ነ ሀልቹዋ ኡባ ፖሎ።
 5 ነ ጸኑዋ ድራዉ፣ ኩን ናሸቻዉ ሆሞቦጫና፤
 ኑ ጸሳ ሰንሳይ ኑ ባንድራ ቶቁ ኦላና።
 ኔን ዋሴዳዋ ኡባ መድና ጎዳይ ነዉ እሞ።

6 መድና ጎዳይ ባረ ዶሬዳ ካትያዉ
 ጸኑዋ እሞያዋ ታን ብር ኤራይ።
 እ ባረ ጌሻ ሳሉዋን ሰሳና፤
 ባረ ኡሸቻ ኩሸያን ዋልቃማ ጸኑዋ አዉ
 እማና።
 7 እቱ እቱ ባረንቱ ኦላ ፓራይ ጎቻያ ጋርያን፣
 ሀራቱ ባረንቱ ፓራን ጨቀቲኖ፤
 ሸን ኩን መድና ጎዳ ኑ ጸሳ ዋልቃን
 ጨቀቲቶ።
 8 ኡንቱንቱ ቆብቲደ ኩንዳና፤
 ሸን ኩን ደንዲደ፣ ሞን ኤቃና።
 9 አቤት መድና ጎዳዉ፣ ካትያዉ ጸኑዋ እማ፤
 ኩን ኔና ጴሰያ ዋደ ሰሳ።

21

ጸኑዋ ድራዉ ጋላታ

ዛማረቱዋ ካፖ የጸቴዳ፣ ዳዊታ ማዘመርያ
 1 አቤት መድና ጎዳዉ፣ ካቲ ነ ሞኖተላን ሀሹ
 ጌ፤
 ኔን እሜዳ ጸኑዋን እ አያ ናሸቲ!
 2 ኔን እ ዋዛና አሙዋ አዉ እማዳ፤
 ቃይ እ ኔና ባረ እንጸርሳን ኦቹዳዋ ድጋባካ።
 3 ኔን ሎኦ እንጂዋን አ ሞካሳ፤
 ጌሻ ዋርቃ ካላቻ አ ሁጲያን ዋላሳ።
 4 ኔን ደኡዋ አዉ እማናዳን ኔና ዋሴዳ፤
 አዉ ጮራ ላይላን አዲሳ ደኡዋ እማዳ።
 5 ኔን ጸኑዋ እሜዳ ድራዉ፣
 አ ቦንቹ ዳሬ፤ ግታተላን አንጋ አዉ እማዳ።
 6 ኔን አዉ መድና እንጂዋ እማሳ፤
 ኔን እትፕ ደእያዋን አ ናሸቻሳ።
 7 ካቲ መድና ጎዳን አማነቱ።
 ኡባፕ ቶቁያ ጸሳ ሎኦተላ ድራዉ፣
 እ ቃጸና።
 8 ነ ኩሺ ነ ሞርከቱዋ ኡባ ኩቱታና፤
 ነ ኡሸቻይ ኔና እጽያዋንታ ደማና።
 9 ኔን ቆንጭያ ዋደ፣
 ኡንቱንታ ጮጭያ ታማዳን ጸጋና።
 መድና ጎዳይ ባረ ሀንቁዋ ሱሉዋን ኡንቱንታ
 ሞታና፤

አ ታማይካ ኡንቱንታ ሞ ቆይሳና።
 10 ኔን ኡንቱንቱ ናናቱዋ ቢታፕ፣
 ኡንቱንቱ ዘረላካ አሳ ግደፕ ቆይሳና።
 11 ነ ሞርከቱ ነ ቦላ ሸቅና፤
 ኡታባ ማቀቲኖ፤ ሸን ፖልክኖ።
 12 አያዉ ጎፕ፣ ኔን ኡንቱንታ ነ ዋንዳፍያ ፖላን
 ዲካናዉ ባብሳና፤
 ባብሳደ ጉዩ ዛራደ ባቃትሳና።

13 አቤት መድና ጎዳዉ፣ ነ ሞኖተላን ቶቁ ቶቁ
 ጋ፤
 ነ ዋልቃ ድራዉ ነዉ ጋላታ ማዘመርያ
 የጴቶ።

22

ጸሎ አሳ መቱዋን ህደታ

ዛማረቱዋ ካፖ የጸቴዳ፣ ዳዊታ ማዘመርያ።
 ዋንታ ጉራ “ገንእያ” የላዳን የጸቴዳ ዳዊታ
 ማዘመርያ
 1 ታ ጸሳዉ፣ ታ ጸሳዉ፣ ታና አያዉ አጋዲ?
 ታና ማዳ ጋደ ታን ነዉ ዋትዋትያ ዋደ፣
 አያዉ ታፕ ሃካይ?
 2 አቤት ታ ጸሳዉ፣ ጋላሳን ኡባን ታን ነዉ ዋሳይ፤
 ሸን ኔን ታዉ አላካ።
 ቃማን ኡባንካ ነዉ ዋሳይ፣
 ሸን ዋፓ ደምከ።
 3 ግደፕ፣ ኔን ጌሻ።
 እሰራኤልያ ጋላታይ ነ አራታ ዩሹዋን ደኤ።
 4 ካሰ ኑ አዋቱ ኔናን አማነቲድኖ፤
 ኔናን አማነትና፣ ኔን ኡንቱንታ አሻዳ።
 5 ነዉ ዋሲደ አቲድኖ፤
 ኔናን አማነቲደ ዬላትቦይክኖ።
 6 ሸን ታን አሳ ግድከ፤ ታን ጉጵንያ።
 ታን አሳን ካጴተዳዋን ቅለጨቴዳዋ።
 7 ታና ቦእያ ኡባቱ ቅጲኖ፤
 ኡንቱንቱ ታና ጽት ጴሊናን ባረንቱ ሁጲያ
 ቃሊኖ።
 8 ያቶፕ፣ “እ መድና ጎዳን አማነቲዳ፤
 አያዉ አ አሸኔ?
 መድና ጎዳይ አ ዶሶፕ፣
 አነ አ አሸ” ያጊኖ።
 9 ግደፕ፣ ታና ታ አት ኡሉዋፕ ሱረ የልሴዳዌ
 ኔና፤
 ታ አት ጳንላ ጳምያ ዋደካ ታን አማነታናዳን
 አላዳ።
 10 ታን የለቶደፕ ደማደ ኔናን ድጫድ፤
 ታ አት ኡሉዋፕ ደማደካ፣ ኔን ታ ጸሳ።
 11 መቱ ታኮ ማትያ ድራዉን
 ታና ማድያዌ ባይና ድራዉ፣
 ሀእ ኔን ታፕ ሃኮፓ።
 12 ዳር ሞርከቱ ኮሩማ ቦራቱዋዳን ታና ደዲኖ፤
 ቃይጭያ ባሳን ቢታ ቦራቱዋዳን ታና
 ደዲኖ።

22:1 ማቶሳ 27:46፤ ማር. 15:34 22:7 ማቶሳ 27:39፤ ማር. 15:29፤ ሉቃሳ 23:35 22:8 ማቶሳ 27:43

- 13 መንግሥታዎችን ጉድጓድ ጋሙዋዳን ባረንቱ ድር ታ ሰላ ሀንጊኖ።
- 14 ታን ሃላዳን ጎጋድ፤ ታ መቀላቱ ባረንቱ ኩሻጥ ኮለቱድኖ። ታ ዋዛናይ ኤሳ ሙቃዳ ማላ፤ ታ ግደን ሴር ወሬ።
- 15 ታ ቆጵ ኮንኣዳን መሌ፤ ታ እንጸርሳይ ኮክያና ኣይቀቱ። ኔን ታና ሀይቄዳ አሳዳን ባናን የጋዳ።
- 16 ካናቱ ታና ተኤድኖ፤ ኢታ አሳቱ ታ የቸዋን ዶዶድኖ። ታ ኩሸቱዋን ታ ገደቱዋ ጫዲኖ።
- 17 ታ መቀላቱዋ ኡባ ታን ገይዳይ። ታ ዋርከቱ ታና ጸሊኖን ደረቄኖ።
- 18 ታ ማዩዋ ሻክ አኪኖ፤ ታ አዲሳ ማዩዋን ሳማ የጊኖ።
- 19 አቤት መድና ጎዳወ። ኔን ታጥ ሃኮጋ። አቤት ታ ዋልቃወ። ታና ማዳናወ ኤላካ ሃያ።
- 20 ታና ማሻጥ አሻ፤ ታ አልኦ ደእያ ካናቱዋ ዋልቃጥ አሻ።
- 21 ጋሞቱዋ ደናጥ ታና አሻ፤ ቃይጫያ ባዙዋ ቦራቱዋ ካጭያጥ ታና ናጋ።
- 22 ታን ነ ሱንላ ታ እሻቶ ኣዳና፤ ማባራ ሸቆዋንካ ኔና ጋላታና።
- 23 ሀንተኖ፣ መድና ጎዳወ ያይያዋንቶ፣ አ ጋላትተ። ሀንተኖ፣ ያቆባ ዘረላቶ፣ ኡባይካ አ ቦንቶተ። ሀንተኖ፣ እስራኤልያ ዘረላቶ፣ ኡባቱካ ቦንቶዋን አወ ያይተ።
- 24 እ ናቀቱዳዋንታ ካፍ፤ ኡንቱንታ ጋኬዳ ቆሁዋ ታወ አይ መቲ ጌና። ባረ ሶምኡዋ ኡንቱንቱጥ ገንፍ፤ ሸን ኡንቱንቱ ማዶ አኮ ዋሰያ ዋድያን፣ ኡንቱንቱ ዋሱዋ ሰሴ።
- 25 ታን ኔን ኦሌዳ ሎኦ ኡሱዋ ድራወ። ኩንሌዳ ሸቆዋን ጋላታና። ታን ሸቆቱዳዋ ነወ ያይያ አሳ ሰንላን ጋላና።
- 26 ሀይሳቱ ሚደ ካላና። መድና ጎዳ ኮይያዋንቱ አ ጋላታና። ኡንቱንቱ መድናወ ደአና።
- 27 ሳኣ ጋጸ ጋካናወ አሳይ ኡባይ ሀሳዪደ፣ መድና ጎዳኮ ሰማና። አሳ ዛረ ኡባይ አወ ጎይናና።
- 28 እያወ ጎጥ፣ ካተትያ ማታይ መድና ጎዳዋ፤ ካወተላቱዋ አ ዋዴ።
- 29 ሳኣን ደእያ ዱረ አሳቱ ኡባይ አወ ጎይናና።

- ባረንታ ሀይቄዋጥ አሻናወ ዳንዳየናዋንቱን ባናወ ላመትያዋንቱ ኡባቱ አወ ጉልባታና።
- 30 ይያ ዘረላይ አወ ኪተታና፤ አሳይ ጎዳ ኡሱዋ ይያ የለታወ ኣዳና።
- 31 ብር የለትቤና አሳይካ አ ጽሎተላ ኣዳና። “ጸሳይ ባረ አሳ አሽዳ” ያግያዌ ኣደታና።

23

- ሎኦ ሄንላንቻ**
ዳዊታ ማዘመርያ
- 1 መድና ጎዳይ ታ ሄንላንቻ፤ ታወ አያይነ ገጩና።
 - 2 ታና አጫ ቆሩዋን ሸሞጥሴ፤ ዋፑ ጌዳ ሃላኮ ላጌ።
 - 3 ታ ደኡዋ ኡራጽሴ። ባረ ሱንላ ድራወ፣ ታና ጽሎተላ ኡግያን ካለሌ።
 - 4 ኔን ታ ጸሳይ ታናና ደእያ ድራወ፣ ታን ድጽ ጎ ጴማ ዛንጋራ ግዴዋና ቦጥካ፣ ኢታባወ ያይከ። ነ ጋትማይነ ነ ጉፊ ታና ሞንግሊኖ።
 - 5 ታ ዋርከቱዋ ሰንላን ታወ ግብራ ማካዳ። ታና ሞካድ፣ ታ ሁጲያ ዛይትያ ኣካዳ። ታ ዋንጫይ ፓላሂደ ጎጋና ጋካናወ ኩንላዳ።
 - 6 ነ ኬካተላይነ ማርተላይ ታ ደኡዋ ላይላ ኡባን ቱሙዋጥ ታና ካላና። ታን መድና ጎዳ ጎልያን መድናወ ደአና።

24

- ጌሻ ጎልያ ገሉዋ ማዘመርያ**
ዳዊታ ማዘመርያ
- 1 ሳኣይነ ሳኣን ኩሜዳዌ ኡባይ መድና ጎዳዋ፤ ቢታይነ ቢታን ደእያባይ ኡባይ አዋ።
 - 2 እያወ ጎጥ፣ ሳኣ ዋልቃማ አባ ቦላን አ ሂጹዳ፤ ጨዋ ሃላ ቦላን ሞንሲደ ኤሴ።
 - 3 መድና ጎዳ ደርያ ግአናዌ ኦኔ? አ ጌሻ ሳኣን ኤቃናዌ ኦኔ?
 - 4 አ ኩሺ ናጋራጥ ጌዬዳዋ፣ አ ዋዛናይ ጌሻ ግዴዳዋ፣ ኤቃወ ጎይነናዋ፣ ዋርዲዋን ጫቀናዋ።
 - 5 እ መድና ጎዳጥ አንጂዋ አካና፤ አሸያ ጸሳጥ አ ጽሎተላ ፕርድዳ አካና።
 - 6 ጸሳኮ ጸልያ አሳይነ ያቆባ ጸሳ ሰንላ ኮይያ አሳይ ሀዋንቱ ማላ።
 - 7 ጥንገቱ ደየትተ! ቦንቾ ካቲ ገላና ማላ፤ ቦን ጥንጋቱ አ ናሽቻን ሞክተ!
 - 8 ሄ ቦንቾ ካቲ ኦኔ? ሞኑነ ዋልቃማይ መድና ጎዳቱ! አላወካ እ ዋልቃማ መድና ጎዳቱ!
 - 9 ጥንገቱ ደየትተ! ቦንቾ ካቲ ገላና ማላ፤

22:18 ማቶሳ 27:35፤ ማር. 15:24፤ ሉቃሳ 23:34፤ ዮሃ. 19:24 22:22 እብራ. 2:12 23:2 ሳዓ 7:17 24:1 1 ቆር. 10:26 24:4 ማቶሳ 5:8

በን ጥንጋቹ አ ናሽቻን ሞክተ!
 10 ሀ ቦንቾ ካቲ ኦኔ?
 ሀ ቦንቾ ካቲ ሳሉዋ መተላቱዋ መድና ሳዳቲ!

ሱረተላይነ ቱማተላይ ታና ናጎ።
 22 አቤት ጸሳዉ፣ እሰራኤልያ አሳ ኡንቱንቱ መቱዋ ኡባጥ ኔን አሻ።

25

ዳዊተ ማዘመርያ *
 1 አቤት መድና ጎዳዉ፣ ታ ሸምቸዋጥ ኔና ዋሳይ።
 2 አቤት ታ ጸሳዉ፣ ታን ኔናን አማነታይ፤ ታና ዬላዮጋ፤ ታ ሞርከቱዋ ሀይላ ከሶጋ።
 3 ኔናን ሂደታ አልያዋንቱ ዬላትክኖ፤ ሸን ጋሱ ባይናን ገንያዋንቱ ዬላታና።
 4 አቤት መድና ጎዳዉ፣ ታና ነ ኦግያ በሳ፤ ነ ኦግያ ታና ታማርሳ።
 5 ኔን ታና አሸያ ጸሳ ግድያ ድራዉ፣ ነ ቱማተላን ታና ካለላነ ታማርሳ። ጋላሳ ኩመንላን ታን ኔናን ሀደታ አሳይ።
 6 አቤት መድና ጎዳዉ፣ በኒደጥ ደእያ ነ ቃረታን ነ ኬካተላ ሀሳያ።
 7 ታ ያላጋተላ ናጋራን ባይዙዋ ሀሳዮጋ። አቤት መድና ጎዳዉ፣ ነ ኬካተላነ ሎኦተላ ሀሳያ።
 8 መድና ጎዳይ ኬካነ ሱረ፤ ሄዋ ድራዉ፣ ናጋራንቻቱዋ ባረ ኦግያ ታማርሴ።
 9 አሸከቱዋ ሱረተላን ካለሌ፤ አሸከቱዋ ባረ ኦግያ ታማርሴ።
 10 መድና ጎዳ ጫቁዋን አ አዋዩዋ ናግያዋንቶ አ ኦጊ ኡባይ ቱማተላን ኬካተላ።
 11 አቤት መድና ጎዳዉ፣ ታ ናጋራይ ሎይላ ዳራ፤ ግደጥካ፣ ነ ሱንላ ድራዉ፣ አቶ ያጋ።
 12 መድና ጎዳዉ ያይያ አሳይ ኦኔ? እ ደራይ ካላና ኦግያ ጸሳይ አ ታማርሳና።
 13 እ ኡባ ገደካ ሎኦ ደኡሳ ደእና፤ እ ዘረላቱ ቢታ ላታና።
 14 መድና ጎዳይ ባረዉ ያይያዋንቶ፣ ባረ ዱራ ሻክያዋ፤ እ ኡንቱንቶ ባረ ጫቁዋካ ቆንጭሴ።

15 መድና ጎዳይ ታ ገድያ ጲርያጥ ከሰያ ድራዉ፣ ታ አይፊ ማዶ ኡባ ገደ እኮ ዴሌ።
 16 ጸሳዉ፣ ታን ታረካ ደእያ ቆሄቱዳ አሳ ግድያ ድራዉ፣ ሃ ታኮ ሰማ፤ ነ ማሮተላ ታና በሳ።
 17 ታዉ ህርጋይ ዳራዳ፤ ታ መቱዋጥ ታና ኔን ዋዛ።
 18 ታ መቱዋነ ታ ቱጋ ኔን በእ። ታ ናጋራ ኡባ አቶ ጋ።
 19 ታ ሞርከቱ አይ ኬሻ ዳራደንቶነ በእ፤ ኡንቱንቱ ታና ዋዳናዳን እጽያዋ ዴላ።
 20 ኔን ታና ናጋ፤ ኔን ታና አሻ፤ ታን ኔኮ ባቃቱዳ ድራዉ፣ ታና ዬላዮጋ።
 21 ታን ኔናን ሂደታ አሌዳ ድራዉ፣

* 25: ቆጥናባይ ጋክያ ዋዶ ሸቅያ ዋሳ።

26

ጌሻ አሳ ዋሳ
 ዳዊታ ማዘመርያ
 1 አቤት መድና ጎዳዉ፣ ታን ሱረተላን ሀመቱዳ ድራዉነ፣ ሰዲ ባይናን መድና ጎዳ አማነቱዳ ድራዉ፣ ታዉ ፕርዳ።
 2 አቤት መድና ጎዳዉ፣ ታና ፓጫ፣ ታና ብዳ፤ ታ ዋዛና ጸሞሳ።
 3 አያዉ ሳጥ፣ አገና ነ ሰቁ ታ ሰንላን ደኤ፤ ታን ነ ቱማተላ ኦግያን ሀመታይ።
 4 ታን ጭምያ አሳቱዋና እትጥ ኡትከ፤ ሎኦ ማላትያ ኢታቱዋ ማባራን ገልከ።
 5 ኢታ አልያ አሳቱዋ ሸቁዋ ታን እጻይ፤ ማካላንቻቱዋና እትጥ ኡትከ።
 6 አቤት መድና ጎዳዉ፣ ታን ቆሀቤናዋ በሳናዉ ታ ኩሸያ ሜጫይ። ነዉ ያርሸያ ሳኦ ዩያይ፤
 7 ነ ጋላታ የላ የጻይነ ኔን ኦሌዳ ኦራላባ ኡባ ኦዳይ።
 8 አቤት መድና ጎዳዉ፣ ኔን ደእያ ጎልያ፣ ነ ቦንቾ አቅያ ሳኦ ታን ደሳይ።
 9 ታና ናጋራንቻቱዋና እትጥ ፕቶጋ፤ ዋይ አሳ ዋድያዋንቱና እትጥ ዳይሶጋ።
 10 ኡንቱንቱ ኩሸያን ኢታ ሀልቼ ደኤ፤ ቃይ ኡንቱንቱ ኡሸቻ ኩሸያን ማታዬ ኩም ኡቱዳ።
 11 ሸን ታና ግደጥ፣ ታን ሱረተላን ሀመታይ። ታና ዋዛ፤ ታዉ ቃረታ።
 12 ታ ገዲ ደምባ ሳኦን ኤቄዳ፤ ታን ዋልቃማ ሸቁዋን መድና ጎዳ ጋላታና።

27

ጸሳና ደእያ አሳ አማኑዋ
 ዳዊታ ማዘመርያ
 1 መድና ጎዳይ ታዉ ፖኦነ ታና አሸያዋ፤ ያትና፣ ታን ኦዉ ያያንታ? መድና ጎዳይ ታ ደኡ ናገትያ ሚጻ፤ ያትና፣ ታን ኦዉ ዳጋማንታ?
 2 ኢታ አሳቱ፣ ታ እጽያዋንቱነ ታ ሞርከቱ ታና ዋዳናዉ ታኮ ዋጽያ ዋደ፣ ኡንቱንቱ ባረንቶ ጴበቲደ ኩንዳና።
 3 ሞርክያ ቶራይ ታና ደድንቶካ ታ ዋዛናይ ያየና። ኦላይ ታ ቦላ ደድንቶካ፣ ታን መድና ጎዳን አማነታይ።

- 4 ታን መድና ጎዳ እትባ ኦቻድ፤
 ታን ሄዋ ኮያድ፤
 ሄዋ፤ ታን ታ ደኡዋ ላይላ ኡባን፤
 መድና ጎዳ ጎልያን ደእናዋ፤
 ቃይካ ታን መድና ጎዳ ሎኦተላ በእናዋን
 ኦ ጎልያን ኦ ኮያናዋ።
- 5 ሄዋ ድራወ፡ መቼዋ ጋላሳን
 እ ታና ባረ ደእያ ሳን ገንፋና፤
 ባረ ዱንካንያን እ ታና ቆሰ አሻና።
 እ ታና ቆቃ ሹቻ ቦላን ኤሳና።
- 6 ሄ ዋደ ታን ታና ደዴዳ ታ ሞርከቱዋ፤
 ግታታደ ቆቁ ቆቁ ያጋና።
 ታን እ ዱንካንያን ናሽታደ ያርሹዋ ያርሻና።
 ታን መድና ጎዳወ ዲጸናን የጸና።
- 7 አቤት መድና ጎዳወ፡ ታን ኔና ጸሰያ ዋደ፤
 ኔን ታወ ኮያ፤
 ታወ ቃረታ፤ ታና ሰሳ።
- 8 ኔን፡ “ታ ሰንላ ኮይተ” ጌዳ ዋደ፤
 ታ ዋዛናይ፡ “አቤት መድና ጎዳወ፡ ኤና፤
 ታን ነ ሰንላ ኮያና” ያጌዳ።
- 9 ነ ሰንላ ታፕ ገንፋ።
 ታና ማዴዳዋ፡ ታና ነ ቆማ
 ሀንቀታደ ጉየ ዛር።
 አቤት ታና አሽያ ጸሳወ፤
 ታና ኦሎፓን አሳ።
- 10 ታ አዉነ ታ አታ ታና አግንቶነ
 መድና ጎዳይ ታና ሺሽ አካና።
- 11 አቤት መድና ጎዳወ፡ ነ ኦግያ ታና ታማርሳ፤
 ታ ሞርከቱዋ ድራወ፡ ታና ሱረ ኦግያ
 ካለላ።
- 12 ታና ናሰያ ዋርዶ ማርካቱ ታ ቦላ ኢታተላን
 ደንዴዳ ድራወ፤
 ታና ታ ሞርከቱዋ አሞ አላደ እሞ።
- 13 መድና ጎዳ ከካተላ ታን ፓጸ ደእደ በእናዋ
 አማናይ።
- 14 መድና ጎዳን ሂደታ ዋላ፤
 ሞናደን ዋዛናማደ፡ መድና ጎዳን ሂደታ
 ዋላ።

28

- ማደዋ ደማናዉ ዋሳነ ጋላታ
 ደዊታ ማዘመርያ
- 1 አቤት መድና ጎዳወ፡ ታ ዛላወ፡ ታን ኔና
 ጸሳይ፤
 ታን ኔና ጸሰና፡ ታወ ሰሳ እጸ።
 ነ ጮኡ ጎፕ፤
 ታን ዲፋዋ ቤዳ አሳቱዋ ማላ
 ግዳይ።
 - 2 “ማደ” ጋደ ታን ኔና ጸሰያ ዋደነ
 ነ ኡባፕ ጌሻ ዱንካንያኮ ዛራደ፤
 ታ ኩሽያ ሞጮያ ዋደ፤
 ኔን ታ ዋትዋቱዋ ሰሳ።
 - 3 ኢታ ኦልያ ኢታ አሳቱዋና ታና ጋላደ ኦይቆ።

28:4 ሳፃ 22:12

- ሄዋንቱ ባረንቱ ዋዛናን ኮባባ ቆፕ ኡቲደ፤
 ባረንቱ ደናን ባረንቱ ሾሩዋና ሳርባ
 ሃሳይያዋንታ።
- 4 ኡንቱንቱ ኦሱዋዳንን ኡንቱንቱ ኦሱዋ
 ኢታተላዳን፤
 ኡንቱንቶ ጮጋ፤
 ኡንቱንቱ ኩሺ ኦሴዳባዉ ኡንቱንቶ ዛራ።
 ኡንቱንቶ በሰያ ኢታ ኡንቱንቶ ዛራ።
- 5 ኡንቱንቱ ጸሳ ኦሱዋን ኦ ኩሺ መዴዳዋ
 ደሰናን እጸዳ ድራወ፡ ጸሳይ ኡንቱንታ
 ኮላና፤
 ዛሪደ ኡንቱንታ ኡባካ ኬጸና።
- 6 ታ ዋትዋቱዋ ሰሴዳ ድራወ፡ መድና ጎዳይ
 ጋላተቶ።
- 7 መድና ጎዳይ ታዉ ዋልቃነ ጎንዳለ፤
 ታ ዋዛናይ እን አማነቱ፤
 ሄዋን ታን ማደታድ።
 ሄዋ ድራወ፡ ታ ዋዛናይ እን ናሽቱ፤
 ታን የላን ኦ ሳባና።
- 8 መድና ጎዳይ ባረ አሳዉ ዋልቃ፤
 እ ባረ ኦኬዳ ካትያ አሽያ ሚጸ።
- 9 ጸሳወ፡ ነ አሳ አሻ፤
 ነዉ ግድያዋንታ አንጃ።
 ኡንቱንታ ሄምያዌ ኔና ግዳ፤
 ኔን ኡንቱንታ መድናዉካ ቶካ።

29

- ጸሳ ኮሻ ዋልቃ
 ደዊታ ማዘመርያ
- 1 ህንተኖ ሳሉዋን ደእያ መ□ታቶ፤
 መድና ጎዳባ ኦድተ፤
 “ቦንቹን ዋልቃይ መድና ጎዳዋ” ጊደ ኦድተ።
 - 2 መድና ጎዳ ቦንቹ ሱንላ ጋላትተ፤
 ኦ ጌሻተላ ፑላዉ መድና ጎዳዉ ጎይንተ።
 - 3 መድና ጎዳ ጉንላይ ሃላቱዋ ቦላን ሰሰቱ።
 ቦንቹ ጸሳይ ጉንንላዳን ጉሜ፤
 መድና ጎዳይ ዋልቃማ ሃላቱዋ ቦላን ጉሜ።
 - 4 መድና ጎዳ ጉንላይ ዋልቃማ፤
 መድና ጎዳ ጉንላይ፡ “ሆላ!” ጊሰያዋ።
 - 5 መድና ጎዳ ጉንላይ ዝጋቱዋ መን□ሬሴ፤
 ሊባኖሳ ግያ ቢታን ደእያ ዝጋቱዋካ፤
 መድና ጎዳይ መን□ሬሴ።
 - 6 ሊባኖሳ ደረቱዋ ጋሎ ማራዳን ቡራቅቤ፤
 ሰርኖና ግያ ዋልቃማ ደርያ መንላዳን
 ጲጵልቤ።
 - 7 መድና ጎዳ ኮሻይ፤
 ዋልቃንላ ዋልቃምቤ።
 - 8 መድና ጎዳ ኮሻይ ባዙዋ ቃሴ፤
 መድና ጎዳይ ቃዴሳ ባዙዋ ቃሴ።
 - 9 መድና ጎዳ ኮሻይ ዋላቱዋ ቃሴ፤
 ሞላ ሀይላካ ቆቆ።
- ያትና፡ እ ደእያ ሳኣን ደእያዋንቱ፤

“ቦንቹ ጸሳው ግደ” ያገኛ።

ታን ኔና መድናውካ ጋላታና።

- 10 መድና ጎዳይ ድኡዋ ሃላ ቦላ ባረ ካውተላ ኦራታ ዋሲደ ኡቲዳ፤ መድና ጎዳይ ባረ ካውተላ ኦራታን ኡቲዳ፤ መድናው ካተቲዳ።
- 11 መድና ጎዳይ ባረ አሳው ዋልቃ እሜ። መድና ጎዳይ ባረ አሳ ሳርተላን አንጃ።

30

ጋላታ ዋሳ

ዳዊታ ማዘመርያ፣ ጌሻ ጎልያ አንጅሰያ ጋላሰ የጼዳዋ

- 1 አቤት መድና ጎዳው፣ ኔን ታና ጨመዋፕ ከሴዳ ድራውነ ታ ሞርከቱዋን፣ “ሀሹ አው” ገሳቤና ድራው፣ ታን ኔና ጶቁ ጶቁ ኦላና።
- 2 አቤት መድና ጎዳው ታ ጸሳው፣ ኔን ታና ማዳናዳን፣ ታን ኔና ጸሳድ፤ ኔን ታና ፓላዳ።
- 3 አቤት መድና ጎዳው፣ ታና ዱፋዋ ቤናዳን ናጋዳ፤ ዱገ ጨዋ ኦላን ገለናዳን፣ ኔን ታና ፓጸ አሻዳ።
- 4 ህንተኖ ጸሳ አሳቶ፣ መድና ጎዳው የጽተ፤ አ ጌሻ ሱንሳካ ጋላትተ።
- 5 አ ህንቁ ጉላ ዋድያሳ፣ ሽን አ ከካተላይ ደኡዋ ላይላ ኡባሳ። ቃማ ዩኪደ አቆፕ፣ ዋንታ ዛዋይ ባይና ናሽቻ ግዳ።
- 6 ታን ዋፓን ደእያ ዋደ፣ “ሰም ታን ኡባካ ቃጽከ” ያጋድ።
- 7 አቤት መድና ጎዳው፣ ኔን ታው ከኬዳ ዋደ፣ ታና ዋልቃማ ደርያዳን ምንሳደ ኤሳዳ። ሽን ኔን ነ ሰንላ ዋራ ዛሬዳ ዋደ፣ ታን ዳጋማድ።
- 8 አቤት መድና ጎዳው፣ ታን ኔና ጸሳድ፤ ታን መድና ጎዳኩ ማርተላው ሀዋዳን ያጋደ ዋሳድ፤
- 9 “ታን ሀይቂያዋፕ ዋይ ዱፋዋን ገልያዋፕ እያ ደማኒ? ባናው ላመቲዳ አሳይ ኔና ጋላቲ? ኔን አማነትያዋ እዲ?
- 10 አቤት መድና ጎዳው፣ ታና ኔን ሰሳ፤ ታው ቃረታ። አቤት መድና ጎዳው፣ ኔን ታው ማዱዋ ግዳ” ያጋድ።
- 11 ታ ዩኩዋ የላው ላማዳ። ካዩዋ ማዩዋ ታፕ ቃራደ፣ ናሽቻ ታና ማይዛዳ።
- 12 ሄዋ ድራው፣ ታን ኔና ሳባናፕ አትና፣ ጮኤ ገከ። አቤት መድና ጎዳው ታ ጸሳው፣

31

መቱዋ ዋደ ዋሳ

ዛማረቱዋ ካፖ የጸቲዳ፣ ዳዊታ ማዘመርያ

- 1 አቤት መድና ጎዳው፣ ታን ኔኮ ባቃታይ፤ አውደነ ታና ዩላዮፓ። ነ ጽሎተላን ታና አሻ።
- 2 ነ ሀይላ ታኮ የጋ፤ ኤላካ ታና አሻ። ኔን ታን ጌምያ ዛላነ ታና አሽያ ምኖ ጌሱዋ ታው ግዳ።
- 3 ኤ፣ ኔን ታው ዛላነ ጌሱዋ፤ ነ ሱንላ ድራው፣ ኔን ታና ካላላነ ነ ኦግያ ባሳ።
- 4 ኔን ታው ጌምያ ሳ ግድያ ድራው፣ ኡንቲንቲ ታው ቆሰ ዋሌዳ ጲርያፕ ታና ኔን ናጋ።
- 5 አቤት መድና ጎዳው፣ ቱሙዋ ጸሳው፣ ታን ታ ሸምፑዋ ነ ኩሽያን ዋላይ፤ ኔን ታና ዋዛ።
- 6 ፓና ኤቃቶ ጎይንያዋንታ ታን እጻይ፤ ሽን ታን መድና ጎዳን አማነታይ።
- 7 ታ መቱዋ ኔን በኤዳ ድራውነ ታ ቲጋ ኔን ኤሬዳ ድራው፣ ታን አገና ነ ሰቁዋን ናሽታና ናሽቻን ናጩ ጋና።
- 8 ኔን ታና ሞርክያ ኩሽያን አላደ አማባካ፤ ታ ገደቶካ ላአተላ አማዳ።
- 9 አቤት መድና ጎዳው፣ ታን መቱዋን ገሌዳ ድራው፣ ታው ቃረታ። ታን ዳር ሞሽቲዳ ድራው፣ ታን መቱዋን፣ ታ አሹካ፣ ታ ሸምፑካ ዳቡሬዳ።
- 10 ሞሹዋ ዳሩዋን ታ ደኡ ጭሬዳ፤ ታ ላይላቲካ ኦልሽን ወሬድኖ። መቱዋ ዳሩዋን ታ ዋልቃይ እጽና፤ ታ መቀላቲካ አርጋጩድኖ።
- 11 ታ ሞርከቱዋ ኡባው ቅድያ ግዳድ ታን ታ ሾርቶ ዩላ፣ ታና ኤርያዋንቶካ ያሽሰያዋ ግዳድ። ኦግያን ታና በኤዳዋንቲካ ታፕ ባቃቲኖ።
- 12 ታን ሀይቂዳዋዳን ደገታድ፤ መእና ኦሌዳ ኦቲዋ ማላ ግዳድ።
- 13 ታን ዳርቱዋ ሳሱከላ ሰሳድ፤ ዳጋማይ ኡባ ሳን ደኤ። ኡንቲንቲ ታ ቦላ ሽቅናነ ታና ዋዳናው ማቀቲኖ።
- 14 ሽን መድና ጎዳው፣ ታን ኔናን አማነታይ፣ ኔን ታ ጸሳ ያጋይ።
- 15 ታ ደኡዋ ላይላይ ነ ኩሽያና። ታና የደርሰያ ታ ሞርከቱዋ ኩሽያፕ ታና ኔን አሻ።
- 16 ነ ቆማ ቦላን ነ ሶምኡዋ ፖእሳ፤

አገና ነ ሲቁዋን ታና አሻ።
 17 አቤት መድና ጎዳዉ፡ ታን ኔና ደሰያ ድራዉ ታና ይላዮ።
 ሸን ኢታቱ ይላትኖ፤
 ኡንቱንቱ ዲፋዋን ገሊደ፡ ሰርጽ ገኖ።
 18 ኦቶሩዋን ካድያን ጽሎቱዋ ቦላ ጸሊደ ሃሳይያ ድራዉ፡
 ኡንቱንቱ ዋርዶትያ ዶና ጮኡ ኦላ።
 19 ነዉ ያይያዋንቶ ኔን ሞንጃዳነ ኔኮ ባቃትያዋንቶ አሳ ሰንላን፡
 ኔን ኦሌዳ ነ ኬካተላይ አያ ዳሬ!
 20 ኔን ኡንቱንታ ነ ሰንላን ጌማ ሳኣን ገንላደ፡
 አሳ ማቁዋፕ አሻሳ።
 ኔን ኡንቱንታ ነ ዲንካንያን ቆሳደ፡
 ኢታ እንጸርሳፕ አሻሳ።

21 ታን ሞርኪ ዶዳዳ ካታማ ግደን ደእያ ዋደ፡
 እ ታና ማላልሰያ ባረ አገና ሲቁዋ በሴዳ ድራዉ፡
 መድና ጎዳይ ጋላተቶ።
 22 ታን ዳጋማደ፡
 “ታን ነ ሰንላፕ ክቻድ” ያጋድ።
 ሸን ታና ማዳና ማላ፡ ኔና ደሰዳ ዋደ፡
 ታ ዋሱዋ ኔን ሰሳዳ።
 23 ህንተኖ፡ ጸሳ አሳቶ፡ መድና ጎዳ ሲቅተ።
 መድና ጎዳይ አማነትያዋንታ ናጌ፤
 ሸን ኦቶሩንቻቶ ኡንቱንቱ ጋትያ ዉርሰ ጭጌ።
 24 ህንተኖ፡ መድና ጎዳን ህደታ ኦላያዋንቶ፡
 ሞንተነ ዋዛናሞተ።

32

ናጋራ ፓጸሳን ማርታ ደሙሳ
 ዳዋተ አኬካን ጸፊዳ ግንጹዋ
 1 አ ባይዙ አቶ ጌተቱዳነ
 አ ናጋራይ ካመቱዳ ኡራይ አንጀቱዳዋ።
 2 መድና ጎዳይ አ ኢታተላ ፓይደና አሳይነ
 አ ቆፋን ባለሉ ባይና አሳይ አንጀቱዳዋ።
 3 ታ ናጋራ ፓጸናን ደእደ፡
 ታን ጋላሳ ኩመንላ ኦሌዳዋ
 ታ አሳተላይ ዳቡራዳ።
 4 ጋላሰነ ቃማ ነ ኩሺ ታ ቦላ ዳዳዳ።
 ሃላይ ቦንያ አዋን መሊደ ዉርያዋዳን፡
 ታ ዋልቃይ ዉሬዳ።
 5 ታን ታ ናጋራ ነዉ ፓጸድ፤
 ታ ኢታተላካ ኔፕ ገንላበይከ፤
 “ታ ባይዙዋ መድና ጎዳዉ ፓጸና” ጋድ።
 ያትና፡ ኔን ታና ዳዳዳ ናጋራ አቶ ያጋዳ።
 6 ሄዋ ድራዉ፡ ጸሳ አሳ ግድያ ኦንነ፡
 ኔን ቤትያ ዋደ፡ ኔና ዋሶ።
 ዋልቃማ ሃላይ ኩንሐያ ዋደ፡
 ቱሙዋፕ ሄ ኡራ ጋከና።
 7 ኔን ታዉ ቆሰትያ ሳኣ፤

ኔን ታና መቱዋፕ ናጋሳ።
 አቶተላ የላ የጽያዋንታ ታ የሹዋን ዋላዳ።
 8 ጸሳይ፡ “ታን ኔና ኤርሳና፡
 ኔን ባናዉ በሰያ ኦግያ ኔና ታማርሳና፤
 ታን ኔና ዞራናን ናጋና።
 9 ብጸላንን ፑሉዋን ኦይቀተናን አዛዘተና፡
 ዋዛናይ ባይና ባቁሉዋዳን
 ዋይ ፓራዳን ህንተ ሀኖፕተ” ያጌ።
 10 ኢታቶ ቱጋይ ዳራና፤
 ሸን መድና ጎዳን አማነትያዋንታ፡
 አገና ሲቁ ዶዳና።
 11 ህንተኖ፡ ጽሎቶ፡
 መድና ጎዳን ናሸትተነ “ሀሹ!” ጌተ፤
 ህንተኖ፡ ዋዛና ሱረቶ፡ ናሸቻዉ የጽተ።

33

ማርያ ጸሳ ሳቡሳ
 1 ህንተኖ፡ ጽሎቶ መድና ጎዳዉ ናሸቻን የጽተ፤
 ሱረ አሳቱ አ ጋላታናዉ በሴ።
 2 ማሰንቁዋ ዲጺደ፡
 መድና ጎዳ ጋላትተ፤
 ታሙ ባቀላን ዋጸቱዳ ዲላካ አዉ ዲጽተ።
 3 ኦራላ የላ የጽተ፤
 ሎይሐ ዲጺደ፡ ቃላ ቶቂሲደ የጽተ።
 4 መድና ጎዳ ቃላይ ሱርያ፤
 አ ኦላያ ኦሱዋ ኡባይ አማነትያዋ።
 5 መድና ጎዳይ ጽሎተላን ቱሙ ፕርዳ ደሴ፤
 አገና አ ሲቁ ሳኣ ኩሜዳ።
 6 መድና ጎዳ ቃላን ሳሎቱ መጠቱድኖ።
 አ ደናፕ ከሰያ ሸምቱዋን
 ኡንቱንቱን ደእያ መጠታቱካ ኦሰቱድኖ።
 7 ዋልቃማ አባ ሃላ አ እትሳን ኤልሴዳ፤
 ሄ ጨዋ ሃላ ሞንጃ ሳን ዜሬዳ።
 8 ሳኣ ኡባይ መድና ጎዳ ያዮ፤
 ሳኣን ደእያ አሳይ ኡባይ አ ቦንቾ።
 9 እያዉ ጎፕ፡ እ ሃሳይና ሀኔዳ፤
 እ አዛዘና፡ ሞኒደ ኤቄዳ።
 10 መድና ጎዳ ኤረና ካዉተላቱዋ ዘረታ ጸሳይ ላሌ፤
 ኡንቱንቱ ሀልቹዋካ መላ ከሴ።
 11 መድና ጎዳ ሀልቹ መድናዉ ኤቄደ ደኤ፤
 አ ዋዛና ቆፋይካ የለታ ኡባ ጋካናዉ ደኤ።
 12 ጸሳይ መድና ጎዳ ግዴዳ ካዉተላይ፡
 አ ባረሳ ኦሊደ ዶሬዳ አሳይ አንጀቱዳዋ።
 13 መድና ጎዳይ ሳሉዋና ዲገ ዳሊደ፡
 አሳ ኡባ በኤ።
 14 ጸሳይ ባረ ደኢያሳፕ ሳኣን ደእያ ኡባ ዳሌ።
 15 እ ኡንቱንቱ ኡባ ዋዛና መጺዳ፤
 ኡንቱንቱ ኦላያዋ ኡባ ኤሬ።
 16 ካቲ ባረ ዋታዳራ ጮራተላን አተና፤

- 17 ኦላንቻይ ባረ ዋልቃ ምኖተላን ከሰ አከና።
ኦላ ፓራይ ጸንሳና ጊደ ናግያዌ መላ፤
እ ባረ ዋልቃ ምኖተላን አሻናዉ ዳንዳየና።
- 18 መድና ጎዳ አይፈቱ አዉ ያይያነ
አገና አ ሲቁዋን ህደታ ኦላያ አሳቱዋ
ቦላና።
- 19 ሄዌነ፣ ኡንቱንታ ሀይቁዋፕ አሻናሳነ
ኮሻ ዋድያን ፓጻ ዋላናሳ።
- 20 ኑን መድና ጎዳን ህደታ ኦላቶ፤
እ ኑና ማድያዋነ ኑ ጎንዳልያ።
- 21 ኑን እ ጌሻ ሱንላን አማነትያ ድራዉ፣
ኑ ዋዛናይ አን ናሽቱ።
- 22 አቤት መድና ጎዳዉ፣
ኑን ኔናን ህደታ ኦላያዋዳን፣
አገና ነ ሲቁ ኑናና ግድ።

34

- ጸሳይ ፕርድያዋ ግደዋ ሳቡሳ
ባረና የደርሴዳ አብመሌካ ሰንላፕ ጎይያዋ
ማላቲደ ቤዳ ዋደ፣ ዳዊታ ማዘመርያ
- 1 ታን መድና ጎዳ ኡባ ዋደ ጋላታና፤
እ ጋላታይ አይ ዋደነ ታ ደናፕ ፓጨና።
 - 2 ታን መድና ጎዳን ጨቀታይ፤
ናቀቱዳዋንቱ ሄዋ ሰሲደ ናሽቱና።
 - 3 ታናና ግዲደ፣ መድና ጎዳ ግታይተ።
እነ እትፕ አ ሱንላ ጶቁ ጶቁ ኦላይተ።
 - 4 ታን መድና ጎዳ ኮያድ፤
እ ታዉ ዛሬዳ፤
ታን ያይያዋ ኡባፕ ታና እ አሼዳ።
 - 5 ኔኮ ጴልያዋንቱ ናሽቲና፤
ኡንቱንቱ ስምኢ ኡባካ ዬላተና።
 - 6 ሀ ሀይሳ ብታኒ ዋሴዳ፤
መድና ጎዳይ አ ዋሱዋ ሰሴዳ፤
አ መቱዋ ኡባፕ አ አሼዳ።
 - 7 መድና ጎዳ ኪታንቻይ አ ያይያ አሳቱዋ ናጌ፤
እ ኡንቱንቱ ዩሹዋን ግዲደ፣ ኡንቱንታ
አሼ።
 - 8 መድና ጎዳይ ኬካ ግድያዋ ጴል በአተ።
እኮ ባቃትያ አሳይ አንጀቱዳዋ።
 - 9 ሀንተና፣ አ ጌሻ አሳቶ፣ መድና ጎዳዉ ያይተ፤
አያዉ ጎፕ፣ አዉ ያይያ ኡባቶ አያይነ
ፓጨና።
 - 10 ጋሞቱካ ምያዌ ጳይና ኮሻቲና፤
ሽን መድና ጎዳ ኮይያዋንቶ ሎኦባይ
ፓጨና።
 - 11 ታ ታማረቶ፣ ሃ ዪተ፤ ሰሰተ፤
መድና ጎዳ ያሻ ታን ሀንተና ታማርሳና።
 - 12 ሎኦ ደኡዋ ደአናዉነ
ኬካባ በአና ማላ፣
ባረ ላይሳይ አዱቃናዉ ኮይያ አሳይ ኦኔ?
 - 13 ነ እንጻርሳይ ኢታባ ሃሳየናዳን፣

- ነ ደናይካ ጭሜናዳን ተአ።
- 14 ኢታፕ ሻከታ፤ ሎኦባ ኦላ፤
ሳርተላ ሎይላ ኮያደ ካላ።
- 15 መድና ጎዳ አይፊ ጽሎቱዋኮ ጴሌ፤
ቃይ አ ሀይሳይካ ኡንቱንቱ ዋሱዋ ሀይዜ።
- 16 ኡንቱንታ ሀሳይሰያዋ ቢታፕ ጳይሳና ማላ፣
መድና ጎዳይ ኢታ ኦላያዋንታ፣
ባረ ሀንቁዋ ስምኡዋን ጴሌ።
- 17 ጽሎቱ ዋሲና፤
መድና ጎዳይ ኡንቱንቱ ዋሱዋ ሰሴ።
እ ኡንቱንቱ መቱዋ ኡባፕ አሼ።
- 18 መድና ጎዳይ ዋዛናይ መኤዳዋንቶ ማታና፤
ቃይ ባረንቱ ህደታ ቃንጴዳዋንታ አሼ።
- 19 ጽሎ አሳ መቱ ዳራ፤
ሽን መድና ጎዳይ አ ሄ ኡባፕ አሼ።
- 20 ጸሳይ አ ምንሐ ናግያ ድራዉ፣
አ መቀላፕ እቱነ መኤና።
- 21 ኢታቱዋ ኢታተሳይ ዋዳ፤
ጽሎቱዋ እጽያዋንቱ ፕርደታና።

35

- ናቀቱዳ አሳ ዋሳ
ዳዊታ ማዘመርያ
- 1 አቤት መድና ጎዳዉ፣ ታናና ኤቀትያዋንቱና ኔን
ኤቀታ፤
ታናና ኦለትያዋንቱና ኔን ኦለታ።
 - 2 ጎንዳልያነ ሀራ ኦላ ሚሻ ኦይቃደ፣
ታና ማዳናዉ ደንዳ።
 - 3 ታና የደርሰያዋንቱ ቦላን
ነ ቶራነ ማሻ ደንላ።
ታና፣ “ታን ኔና አሽያዋ” ያጋ።
 - 4 ታ ሽምፑዋ ዋዳናዉ ኮይያዋንቱ፣
ዬላትናነ ካዉሸና፤
ታ ቦላ ኢታባ ማቀትያዋንቱ ካዉሺደ ጉዮ
ሰምና።
 - 5 መድና ጎዳ ኪታንቻይ ኡንቱንታ የደርሰያ ዋደ፣
ኡንቱንቱ ጫርኩዋ ሰንላን ደእያ ሱላዳን
ሀንና።
 - 6 መድና ጎዳ ኪታንቻይ፣
ኡንቱንታ ደቻና ሀንያ ዋደ፣
ኡንቱንቱ ኦጊ ጴማነ ሀልላ ግድ።
 - 7 ጮ ታና ኦይቃናዉ ባረንቱ ጲርያ ዋሌድና፤
ቃይካ ጮ ታና ኩንድሳናዉ ኦላ ቦኬድና።
 - 8 ኤረናን ደእሸና፣ ኡንቱንቱ ቦላን ባሻይ ፑቱ
ጎ።
ኡንቱንቱ ዋሌዳ ጲሪ ኡንቱንታ ኦይቆ፤
ኡንቱንቱ ባሻ ኦላን ኩንድና።
 - 9 ሄ ዋደ ታን መድና ጎዳን ናሽታና፤
እ አሼዳ ድራዉ፣ ታን ናሽቻ ናጩ ጋና።
 - 10 ታ ኩመንላ አሳተሳይ ኔና፣

“አቤት መድና ጎዳው፤ ነ ማል ኦኔ?
 ሀዬሳ ወልቃማ ኩሽያፕ ዋላ አካሳ።
 ሀዬሳነ መቶታንቻ ሶንቁ ምያዋንቱ ኩሽያፕ
 አሻሳ” ያጋና።

11 ዋርዲዋ ማርካትያዋንቱ ታ ሶላ ደንዲና።
 ታን ኤረናባን ታና ሞቲና።

12 ታን ሎኡዋ ኦሌዳዋ ኩሽያ ኢታ ዛሪና፤
 ያትና፤ ታን ታረካ አታድ።

13 ሸን ታን ኡንቱንቱ ሀርጌዳ ዋድ።
 ማቃ ማያድ፤ ታ አሳተላ ጸማን ዳቡርሳድ።
 ታ ዋሳይ ዛረዋ ደመናን አቴዳ።

14 ታ ሀጺያ ዝቁ ኦላድ፤ ታ ዳቦ፤
 ዋይ ታ አሻወ ዬክያዋዳን ዬካድ።
 እት አሳይ ባረ አትወ ካዮትያዋዳን ታ ሀጺያ
 ኦይቃድ፤
 ዬካደ ሀመታድ።

15 ሸን ኡንቱንቱ ታን ጹብቱዳዋን ናሽቲድ፤
 ታ ሶላ ሸቁድና።
 ታን ኤረና ጋሱዋን ታና ዋዲድ፤
 አጉዋ እጾድና።

16 ኢታ አሳይ ቅሊጭያዋዳን ኡንቱንቱ ታና
 ቅሊጪና፤
 ኡንቱንቱ ይሎቲድ፤ ባረንቱ አቻ
 ጋርጩድና።

17 አቤት ጸሳው፤ ኔን አወደ ጋካናወ
 ጮኡ ጋደ ጸላይ?
 ኡንቱንቱ ኢታ ኦሱዋፕ ታና አሻ፤
 ሀ ጋሞቱዋ ማላ አሳቱዋፕ ታ አልኦ
 ሸሞቱዋ አሻ።

18 ሄ ዋደ ግታ ሸቁዋን ታን ነወ ጋላታ እማና፤
 ጮራ አሳ ሸቁዋን ታን ኔና ሳባና።

19 ጋሱ ባይናን ታና ሞርክያዋንቱ ናሽቶፕና፤
 ታና ጮ እጽያዋንቱ ታ ሶላ ሰሞኤቶፕና።

20 ኡንቱንቱ ሳርባ ሃሳይያዋ አጊድ፤
 ቢታን ጮኡ ጊደ ደእያ አሳቱዋ ሶላን
 ዋርዲዋ መዲደ ሃሳዪና።

21 ኡንቱንቱ ባረንቱ እንጸርሳ ታ ሶላ ቃራዪድ፤
 “ኤ፤ ኤ፤ ኔን ኦሌዳዋ
 ኩን ኩ አይፍያን በኤደ” ያጊና።

22 አቤት መድና ጎዳው፤ ኔን ሀዋ በአደ፤
 ጮኡ ጎፓ።
 አቤት ጸሳው፤ ኔን ታፕ ሃኮፓ።

23 አቤት ታ ጎዳው፤ ታ ጸሳው፤
 ታ ድራወ ደንዲ፤ ቤጎታ
 ታ ደና ግዳደ ሞተታ።

24 አቤት መድና ጎዳው፤ ታ ጸሳው፤
 ነ ጽሎተላን ታና ሻትንላ፤
 ታ ሞርከቱዋ ናሽቶፓ።

25 ኡንቱንቱ ባረንቶ፤ “ሀሹ፤ ሀሹ፤
 ኩን ኩ ዋካናን አሞቲዳዋ ጋሌድ።
 ኩን አ ሞቲደ” ጋናዳን ኦሳፓ።

26 ታ ዋይያን ናሽትያዋንቱ ኡባይ
 ዬላትናን ካወሸና።
 ታ ሶላን ኦቶረትያዋንቱ
 ዬላን ካወሻ ማይና።

27 ታን ሻትምያዋ ደሰያዋንቱ
 ናሽቲድ፤ “ሀሹ!” ጊና።

ኡንቱንቱ ኡባ ገደ፤ “ባረ ቆማ ሳርተላን
 ናሽትያ መድና ጎዳይ ግታቶ” ያግና።
 28 ጋላሳ ኩመንላን ታ እንጸርሳይ፤
 ነ ጽሎተላን ነ ጋላታባ ኦዳና።

36

ናጋራንቻ ኢታተላን ጸሳ ሎኦተላ
 ዛማሪቱዋ ካፖ የጸቲዳ፤ መድና ጎዳ ቆማ ዳዊታ
 ማዘመርያ

1 ኢታ አሳይ ባረ ዋካናን ደእያ ኢታተላ ኮሻ
 ሀይዜ።
 ጸሳው ያይያዋ አ ቆፋን ባዋ።

2 እያወ ጎፕ፤ እ ባረና ሎይላ ናሽ፤
 ሄዋ እ ባረ ናጋራ ደማናወን እጸናወ
 ዳንዳየና።

3 አ ደናፕ ከሰያ ሃሳይ ገንያን ዋርዲዋ።
 አጼዳ ኤራባን ሎኦባ ኦሳዋ እ አጌዳ።

4 እ ባረ ሂጸን ደኢደካ ገንያባ ኦሳናወ ሀልቼ።
 እ ሎኦ ግደና ኦግያን ኤቁዳ፤
 እ ኢታባ እጸና።

5 አቤት መድና ጎዳው፤ አገና ነ ሲቁ ሳሎቱዋ
 ጋኬ፤
 ነ ቱማተላይካ ሶላ ሻርያዳን ጹቁ።

6 ነ ጽሎተላይ ኡባፕ ጹቃ ደረቱዋ ማላ፤
 ነ ፕርዳይካ ኡባፕ ዝቃ ጪማ ማላ።
 አቤት መድና ጎዳው፤ ኔን አሳካ ዶኦካ ናጋሳ።

7 አቤት ጸሳው፤ አገና ነ ሲቁ አይባ አልኦቤ!
 አሳይ ነ ቀፍያ ግደ ባቃት አቴ።

8 ኡንቱንቱ ነ ሶ ግደን ፓላሆ ማዳፕ ሚዶ
 ካለና፤
 ነ ኬካተላ ሻፋፕ ኔን ኡንቱንታ ኡሻሳ።

9 እያወ ጎፕ፤ ደኡዋ ፑልቱ ነ ማታን ደኤ፤
 ነ ፖኡዋን ኩን ፖኡዋ በኤቶ።

10 ኔና ኤርያዋንታ ኔን ሲቅያ ሲቁዋን
 ሱረቶ ኬክያ ኬካ አጎፓ።

11 ኦቶራንቻ ገዲ ታና የጹፖ፤
 ናጋራንቻቱዋ ኩሺ ታና የደርሶፖ።

12 ኢታ አሳቱ ኩንዴዳዋንታ በአተ፤
 ኡንቱንቱ ኩንዴድና፤ ደንዳናወካ
 ዳንዳይክና።

37

ኢታቱዋን ሎኦቱዋ ወርሰላ
 ዳዊታ ማዘመርያ

1 ኢታ ኦሳዋንቱ ድራወ ይሎቶፓ።
 ናጋራ ኦሳዋንታ ቃናቶፓ።

2 እያወ ጎፕ፤ ኡንቱንቱ ማታዳን ኤለካ መላና፤
 ሹሌዳ ሶንጭያዳን ኡንቱንቱ ቆቆፈታና።

3 ኔን መድና ጎዳን አማንታ፤ ሎኦባ ኦላ።
 ያታደ ቢታን ፓላሆና ደኤ።

4 መድና ጎዳን ናሽታ፤
 እ ነወ ነ ዋካና አሙዋ እማና።

5 ነ ኦግያ ሀደራ መድና ጎዳው እማ።

አን አማኝታ፤ እ ነዉ ኦላና።
 6 እ ነ ጽሎተላ ዋንታ ጸልቂያዳን፤
 ቃይ ነ የወዋ ፕርዳ ጋላሳ ሴታ አዋዳን
 ፖላሳና።
 7 መድና ጎዳ ሰንላን ጮኡ ጋይ፤
 እ ኦላናው፣ ዳንዳያን ናጋ።
 ኡንቱንቱ ኢታ ሀልቹ ፖላትና፤
 ዱረቱዳ አሳቱዋ ቦላ ይሎቶፓ።
 8 ሀንቁዋ አጋ፤ ይሎቶፓ ተኤታ።
 ይሎቶፓ፤ አያው ጎፕ፣ ሄዌ መቱዋን የጌ።
 9 ኢታ ኦላናዋንቱ ዶቆለቲደ ዳያና፤
 ሸን መድና ጎዳን ሀደታ ኦላናዋንቱ ቢታ
 ላታና።
 10 ኢታ ኦላናዋንቱ ጉላ ዋድያፕ ጉይያን ደእክና፤
 ኔን ኡንቱንታ ኮይንቶካ ኡንቱንቱ ቤትክና።
 11 ሸን አሸከቱ ቢታ ላታና፤
 ኡንቱንቱ ግታ ሳርተላን ናሸቲደ ደእና።
 12 ኢታ አሳይ ጽሎ አሳ ቦላ ማቀቲነ
 ባረ አቻ ጋርጬ።
 13 ሸን ጎዳይ ኢታቱዋ ቦላን ሚጬ፤
 አያው ጎፕ፣ ኡንቱንቱ ፕርዳ ጋላሳይ ይያዋ
 እ ኤሬ።
 14 ኢታ አሳቱ ሀዩሳቱዋን መቶታንቻቱዋ
 ኡንጋናውነ
 ሱረተላን ሀመትያዋንታ ዋዳናው፤
 ባረንቱ ማሻ ሸዴድናን
 ባረንቱ ዋንዳና ዳፌድና።
 15 ሸን ኡንቱንቱ ማሻይ ኡንቱንቱ ዋዳና አይፍያን
 ገላና፤
 ኡንቱንቱ ዋንዳፊካ መእና።
 16 ጽሎ ደእያ ጉላባይ
 ጮራ ኢታ አሳቶ ደእያ ዳርባፕ ሎእ።
 17 አያው ጎፕ፣ ኢታቱዋ ዋልቃይ መእና፤
 ሸን ጽሎቱዋ መድና ጎዳይ ዘምፕሴ።
 18 ሱረ አሳቱዋ ኦግያ መድና ጎዳይ ኤሬ፤
 ኡንቱንቱ ላታይካ መድናው ኡንቱንቱዋ
 ግዳና።
 19 ኢታ ዋድያን ሱረ አሳቱ ዬላትክና፤
 ኮሻ ዋድያን ኡንቱንቱ ካላና።
 20 ሸን ኢታ አሳቱ ሀይቃና።
 መድና ጎዳ ሞርከቱ ጋምኤና ደምባ ጨሻ
 ማላ፤
 ኡንቱንቱ ጩዋዳን ዳያና።
 21 ኢታ አሳይ ታልእ አኪደ ጭገና፤
 ሸን ጽሎ አሳይ ቃረቲደ እሜ።
 22 መድና ጎዳን አንጀቱዳዋንቱ ቢታ ላታና፤
 ሸን ሸቀቱዳዋንቱ ዶቆለት ዳያና።
 23 አሳ ኦገ መድና ጎዳ ናሸቻፕ፣
 ጎዳይ አ ታንጉዋ ካለሌነ ምንሴ።
 24 እ ዱበቶፕካ ኩጎደና፤
 አያው ጎፕ፣ መድና ጎዳይ አ ኩሸያ ኦይቂደ
 ዘምፕሴ።
 25 ታን ካሰ ያላጋ፤ ሀእ ሰም ጭማድ፤
 ሸን ጽሎ አሳይ ጮ ኦትና፤
 ዋይ አ ናናቱ ምያዋ ዳይ ዋሰሸን፤

ታን ኡባካ በእ ኤርከ።
 26 እ ኡባ ዋደካ ኬካ፤
 ጮ ታልኤ።
 እ ናናቱካ ሀራቶ አንጀ ግዳናዋንታ።
 27 ኢታፕ ሃካ፤ ሎኦባ ኦላ።
 ያቶፕ፣ ኔን አዲሳ ላይላ ደእና።
 28 አያው ጎፕ፣ መድና ጎዳይ ጽሎባ ደሴ።
 ጸሳ አሳቱዋ እ አገና፤
 ጽሎቱ መድናው ናገቲና።
 ሸን ኢታቱዋ ዘረላይ ዶቆለታና።
 29 ጽሎቱ ቢታ ላታና፤
 ያን መድናው ደእና።
 30 ጽሎቱ ደናይ አዴዳ ኤራ ኦዴ፤
 እ አንጻርሳይካ ጽሎባ ሃሳዬ።
 31 እ ጸሳ ህጊ እ ዋዳናን ደእኔ፤
 እ ገዳካ አፕ ሀልጻና።
 32 ኢታ አሳይ ጽሎ አሳ ዋቹነ
 ዋዳናው ኮዬ።
 33 ሸን መድና ጎዳይ ጽሎ አሳ አ ኩሸያን አገና፤
 ፕርዳው ኤቂያ ዋደካ እ ቦላ ፕርድሰና።
 34 መድና ጎዳን ሀደታ ዋላደ፣ አ ኦግያ ናጋ።
 ኔን ቢታ ላታና ማላ፤
 እ ኔና ዳርሳና።
 ኢታ አሳቱ ዶቆለቲደ ዳይሸና፤
 ኔን በእና።
 35 ታን እት ዳጋንላያ ኢታ ብታንያ፤
 ዋላዳን ዳሼዳዋ በእድ።
 36 ሸን ታን ሄ ሳና
 ሰማደ አድያ ዋደ እ ዳዬዳ፤
 ኮይናካ እ ቤትቤና።
 37 እነ ሎኦ አሳ አኬካ፤ ሱረ አሳ በእ፤
 አያው ጎፕ፣ ሳር አሳው ፖሎ ሎእና።
 38 ሸን ባይዛንቻቱ ኡባ ዳያና፤
 ኢታቱዋ ፖሎካ ዶቆለት ዳያና።
 39 ጽሎቱዋ አቶተላይ መድና ጎዳፕ ዬ፤
 መቱዋ ዋደ እ ኡንቱንቶ ናገት አትያ ሳኦ።
 40 መድና ጎዳይ ጽሎቱዋ ማዳነ አሼ።
 ኡንቱንቱ አኮ ባቃቲዳ ድራው፤
 እ ኡንቱንታ ኢታቱዋፕ ዋል አኬነ አሼ።

38

ኡንኤቲዳ አሳ ዋሳ
 ዳዊታ ሀሳይሰያዋ ማዘመርያ
 1 አቤት መድና ጎዳው፣ ነ ሀንቁዋን ታና ሴርፓ፤
 ነ ይሎቱን ታና ሙርፓ።
 2 ነ ዋንዳና ፖላይ ታና ጫድ ድጌድና፤
 ነ ኩሺካ ታና ናቂ ኦይቂዳ።
 3 ኔን ላንጬዳ ድራው፣ ታ ቦላይ ፓጻ ግደና፤
 ታ ናጋራ ድራው፣ ታ አሳተላይ ሳራ ግደና።
 4 ታ ኢታተላይ ድኡዋዳን ታና ሙኬዳ፤
 ደንደና ዋልቃማ ቶኩዋዳን ታው ዳዴዳ።
 5 ታን ናጋራ ኦላዳ ኤያተላ ድራው፤
 ታ ማዲላይ ጊሻ ኦይቂደ ጽንቁዳ።
 6 ታን ሆካድነ ቁናድ።
 ጋላሳ ኩመንሳ ዬካደ ፔሻድ።
 7 ታ አሸቆ ምሹ ጸጌ፤
 ታ ቦላይ ፓጻ ግደና።
 8 ታን ዳቡራድነ ንፕ ጋድ፤

37:11 ማቶላ 5:5

ታ ዋዛናይ ድድቅያ ድራወ ኦላይ።
 9 እቤት ጸሳወ፡ ታ አሙ ኡባይ ነወ ኤሪቴ፤
 ታን ኦልያዌ ኔፕ ጌምቤና።
 10 ታ ዋዛና እይፍያን ድድቄ፤
 ታ ዋልቃይ እጽና፤
 ታ አይፊካ ጸላ እጾዳ።
 11 ታ ማይላ ድራወ፡
 ታ ሾርቱካ ታ ላገቱካ ሃኩዋን ኤቄድኖ።
 ታ ዳቦቱካ ታፕ ሃኬድኖ።
 12 ታና ዋቆናወ ኮይያዋንቱ፡
 ባረንቱ ጲርያ ታወ የጊኖ።
 ታና ቆሀናወ ኮይያዋንቱ፡
 “ኤቃሻ፤ ኑን ኔና ደማና” ያጊደ፡
 ማንዲኖን ጋላሳ ኩመንላ ታ ቦላ ያኢኖ።
 13 ሄ ዋደ ታን ቱለ አሳ ማላ፡ ሰሰከ፤
 ታን ዱደ አሳ ማላ፡ ደናን ፖክከ።
 14 ኤ፡ ታን ሰሰና፤
 ደናይ ዛረና አሳ ማላ።
 15 ሸን እቤት መቅና ጎዳወ፡ ታን ኔናን ሀዶታ
 አላይ።
 እቤት መቅና ጎዳወ፡ ታ ጸሳወ፡ ኔን ታወ
 ዛሩዋ እማና።
 16 ታን ጸሳ፡ “ታ ገዲ ቆብትና፡
 ኢንቱንቱ፡ ሓወ ሀሹ፡ ጋናዳን፤
 ታ ቦላ ጩቀታናዳን አላፓ” ያጋይ።
 17 ታን ኩንዳና ሀናይ፤
 ታ ሳኩካ ታና የደናን እጾዳ።
 18 ታን ታ ኢታ ኡቡዋ ፓጻይ፤
 ታን ታ ናጋራ ጋሱዋን ካዮታይ።
 19 ታ ዋርከቱ ጎባነ ዋልቃማ፤
 ታና ጮ እጽያዋንቱ ጮራ።
 20 ታን ሎኦባ አላና፡
 ታወ ኢታ ዛርያ አሳቱ፡
 ታን ሎኦባ ካልያ ድራወ፡ ታና ኤቀቲኖ።
 21 እቤት መቅና ጎዳወ፡ ታና የጎፓ።
 እቤት ታ ጸሳወ፡ ታፕ ኔን ሃኮፓ።
 22 እቤት መቅና ጎዳወ፡ ታና አሸያዎ፡
 ታና ማዳናወ ኤሌላ።

39

መቱ ጋካ አሳ ፓጻላ

ዳዊተ ዛማራቱዋ ካፑዋ ጁዱቶ የጾዳ አማኑዋ
 ቃላ (1 ኦዲዋ 25:3)
 1 ታን፡ “ታ እንጻርሳን ናጋራ ኦናዳን፡
 ታ ኦግያ ናጋና።
 ኢታ አሳቱ ታ ሰንላን ደእያ ዋደ፡
 ታ ደና ባራና” ያጋድ።
 2 ሸን ታን ዱድያዳን ጮኤ ጋድ፤
 ታን ሀራይ ኢቶ ሎኦባ ሃሳይያዋካ አግና፡
 ታ ዋዪ ያ ዳሬዳ።
 3 ታ ዋዛናይ ታ ጋርሳን ሴሌዳ፤
 ታ ቆፋይ ፖዱ ጊደ፡ ኤጽ ከሴዳ።
 ያትና፡ ታ እንጻርሳን ሀዋዳን ያጋድ፤
 4 “እቤት መቅና ጎዳወ፡ ታ ደኡዋ ወርሰላ፤
 ታ ደአናወ አቱዳ ጋላሳ ታና ቦሳ።

ቃይ ታ ደኡ ወራናወ አይ ኬሻ ኤሌልንቶ፡ ታና
 ኤርሳ።
 5 ኔን ታ ላይላ ጸ ታካ ኬሻ ከሳዳ።
 ታ ላይላይ ነ ሰንላን ባይናዋ ማላ፤
 ቱሙዋፕ አሳይ ኡባይ እት ገደ ሸምፕያ
 ጫርኩዋ ማላ።
 6 ቱሙዋፕ አሳይ ኤሹዋዳን ሀመቱ፤
 ቱሙዋፕ ጮ መላ ሰመረቱ።
 እ ማጹዋ ሺሼ፤ ሸን አካና አሳ ኤረና።
 7 “እቤት ጎዳወ፡ ሀእ ሰም፡
 ታን ናግያዌ እይ?
 ታን ሀዶታ ኦልያዌ ኔናና።
 8 ታ ባይዙዋ ኡባፕ ታና አሻ፤
 ኤያቱዋን ታና ቶሽሶፓ።
 9 ሀዋ ኡባ ኦሌዳዌ
 ኔና ግድያ ድራወ፡ ታን ዱዳድ፤
 ደናን ፖጋቦይከ።
 10 ነ ቦሻ ታ ቦላፕ ደንላ።
 ነ ኩሽያ ምኖተላ ጋሱዋን ታን ዳቡራድ።
 11 ኔን አሳ አ ናጋራ ድራወ፡ ሴራሳን ሙራሳ፤
 አ አልኦ ሸምፑዋ ብልኢዳን ወርሳሳ።
 ቱሙዋፕ አሳይ ኡባይ እት ገደ ጫርኩዋ
 ጫርኩዋ ማላ።
 12 “እቤት መቅና ጎዳወ፡ ታ ዋሳ ሰሳ፤
 ታና ማዳናወ ታ ዋሱዋ ሀይዛ።
 ታ አፎላ ጮኤ ጎፓ፤
 አያወ ጎፕ፡ ታን ታ አዎቱዋ ኡባዳን ቦተነ
 እማላ ግዳደ፡
 ኔናና ደአይ።
 13 ታን ሻከታናፕኒ ጻያናፕ፡
 ካሰታደ ናሽታና ማላ፡
 ሀእ ታና አጋ” ያጋድ።

40

ጋላታ ማዘመርያ

ዛማራቱዋ ካፖ የጸቱዳ፡ ዳዊታ ማዘመርያ
 1 ታን መቅና ጎዳ ዳንዳያን ናጋድ፤
 እ ታኮ ሰሚደ፡ ታ ዋሱዋ ሰሴዳ።
 2 ባሻ ኦላፕ፡ ሀልልያ ኡርቃፕ ታና ከሴዳ።
 ታ ገድያ ዛላ ቦላን ኤሴዳ፤
 ቃይ ታ ሀመላካ ሳሩዋ ኦሌዳ።
 3 እ ታ ደናን ኦራላ የላ ዋሌዳ፤
 ሄ የላይነ፡ “ኑ ጸሳይ ጋላተቶ” ያግያዎ።
 ዳሮቱ ቦኢደ፡ ያያናን መቅና ጎዳን አማኑታና።
 4 መቅና ጎዳ ባረወ አማኑትያዎ ኦሌዳ አሳይ፡
 ኦቶራንቻቱዋኮ ጸላናዌነ፡
 ዋርዳንቻቱዋኮ ሰመና አሳይ እንጀቱዳዎ።
 5 እቤት መቅና ጎዳወ፡ ታ ጸሳወ፡
 ኔን ዳሮ ማላልሰያሳ ኦላዳ፤
 ኔናና ልከትያዌ ኦንነ ባዋ!
 ኔን ኡወ ቆፕዳ ሎኦ ቆፋ
 ኦንነ ፓይዳናወ ዳንዳየና።
 ሄዌ ታን ኦድና፡ ወርያዋ ግደና።
 6 ኔን ያርሹዋን እሙዋ ኮያባካ፤

ሽን ሰሳና ማላ፡ ታወ ሀይላ ደያዳ።
 ጸግያ ያርሹዋን ናጋራ ያርሹዋ ኔን ኮያባካ።
 7 ሄዋፕ ጉይያን ታን፡ “ጸላ ማጸፋን
 ታባይ ጸፈቱዳዋዳን፡ ታን ያድ።
 8 አቤት ታ ጸላው፡ ታን ኔን ኮይያዋ አላናው
 ደሳይ፤
 ነ ህጊ ታ ዋዛና ግደን ደኤ” ያጋድ።

9 ዋልቃማ ሸቁዋን ታን፡ “ነ ጽሎተላ”
 ሞሽራቹዋ ኦዳና።
 አቤት መድና ጎዳው፡ ኔን ኤርያዋዳንካ፡
 ታን ታ ደናን ኦድያዋ አጋበይከ።
 10 ታን ነ ጽሎተላ ታ ዋዛና ግደን ቆሳበይከ፤
 ኔን አማነትያዋን አሸያዋ ኦዳድ።
 ቃይ አገና ነ ሰቁዋን ነ ቱማተላ፡
 ነ ዋልቃማ ሸቁዋፕ ገንፋበይከ።
 11 አቤት መድና ጎዳው፡ ነ ማሮተላ ታፕ ሃሶፓ።
 አገና ነ ሰቁ ነ ቱማተላይ
 ታና ኡባ ዋደ ናጎ።
 12 አያው ጎፕ፡ ፓይዱ ባይና ኢታባይ ታና ደዳዳ።
 ታ ኢታተላይ ታና ጋኪደ ጎዜዳ፤
 ታን ጸላናው ዳንዳይከ።
 ታ ኢታ ኦሱ ታ ሁጲያ ብናናፕ ዳሬዳ፤
 ታ ዋዛናይ ታ ግደን ሴሬዳ።
 13 አቤት መድና ጎዳው፡ ታና አሻናው ኤኖ ጋ፤
 አቤት መድና ጎዳው፡ ታና ማዳናው ኤሌላ።
 14 ታና ዋዳናው ኮይያዋንቱ
 ኡባካ ዩላትኖን ካወሸኖ።
 ታን ቆሄታናዋ አሞትያዋንቱ
 ካወሸደ ጉዩ ሰምኖ።
 15 ታ ቦላ፡ “አወ ሀሹ! ሀሹ!”
 ጌዳዋንቱ ጸንቲዳ ድራው፡ ዩላትኖ።
 16 ሸን ኔና ኮይያ ኡባቱ፡
 ኔናን ናሽትኖን ሀሹ ጊኖ።
 ቃይ ነ አቶተላ ደሰያዋንቱ ኡባቱ፡
 “መድና ጎዳይ ግታቶ!” ያግኖ።
 17 ታን ሀዩሳን መቶታንቻ፤
 ታዋ ጎዳይ ቆፖ።
 ታና ማድያዋን አሸያዋ ኔና፤
 አቤት ታ ጸላው፡ ጋምኦፓ።

41

ሀርጋንቻ አሳ ዋሳ
 ዛማረቱዋ ካፖ የጸቴዳ፡ ዳዊታ ማዘመርያ
 1 ሀዩሳው ቆፕያ አሳይ አንጀቲዳዋ፤
 መቱዋ ጋላሰ መድና ጎዳይ አ አሹ።
 2 መድና ጎዳይ አ ናጊደ፡ ፓጸ ዋሴ።
 እነ ቢታ ቦላን አንጀቲዳዋ ግዳ፤
 ጸላይ አ አ ሞርከቱዋ አሞ አሊደ አመና።
 3 መድና ጎዳይ አ ሀርግያ ሂላን ደአሸናካ ማዳ፤
 እ ሳከትናካ፡ አ ፓሴ።
 4 ታና ግደፕ፡ ታን፡ “አቤት መድና ጎዳው፡
 ታን ኔና ናቁዳ ድራው፡ ታና ማራ፤
 ሀርግያፕካ ታና ፓላ” ያጋድ።
 5 ታ ሞርከቱ ኢታባን ታና ሃሳዬዳ፡

“አ አወደ ሀይቃንዳሻ?
 ቃይ አ ሱንሳይካ አወደ ጳያንዳሻ?” ያጊኖ።
 6 ታና በአናው ይያ ኦንነ ታወ ዋርደባ ኦዳ፤
 ባረ ዋዛናን ታና ዝግርያዋ ብዴ።
 ሄዋፕ ጉይያን፡ ካረ ከሲደ፡
 ያን ሃነ ኦዳዋ ላሌ።
 7 ታና እጽያ ኡባቱ
 እትፕ ታ ቦላን ሳሱኪኖ፤
 “ኢታባይ አ ቦላ ጋኬ” ጊደ ቆፕኖ።
 8 ኡንቱንቱ “አ ኢታ ሀርጊ ኦይቆዳ፤
 እ ሄ ግሴዳሳፕ ኡባካ ደንደና” ያጊኖ።
 9 ሀራይ አትና፡ ታን አማነትያ ታ ሲቆ ላጊ፡
 ታን ባርሴዳዌ ታ ኩሽያ ሳኤዳ።
 10 ሸን አቤት መድና ጎዳው፡ ኔን ታና ማራ፤
 ታን ኡንቱንቱ ኩሽያ ከሳናዳን፡
 ታና ሀርግያ ሂላፕ ደንላ።
 11 ኔን ታናን ናሽታናዋ ታን ኤራይ፤
 አያው ጎፕ፡ ታ ሞርኪ ታና፡
 ጸኒደ ጋይረና።
 12 ኔን ታና ታ ሱረተላ ድራው ዘምፕሳዳ፤
 ነ ሰንሳን ታና መድናው ዋላዳ።
 13 መድና ጎዳይ፡ እሰራኤልያ ጸላይ፡
 መድናፕ መድና ጋካናው ጋላተቶ።

አመንእ። አመንእ።
ላኤንሱ ማጸፋ

42

(ማዘ. 42—72)
 የደሳ ዋደ ዋሳ
 ዛማረቱዋ ካፖ የጸቴዳ፡ ቆረ ናናቱዋ አከካ
 ግንጹዋ
 1 ጋራይ ጎግያ ሃላ ላሞትያዋዳን፡
 አቤት ጸላው፡ ሄዋዳን ታንካ ኔና ላሞታይ።
 2 “ታን ባደ፡ ጸላ ሰንሳ
 በአናዌ አወዳሻ?” ጋደ፡
 ጸላ፡ ደኡዋ ጸላ በአናው ሳመታይ።
 3 አሳቱ ኡባ ገደ፡ “ነ ጸላይ ሀቃን ደኢ?”
 ያግያ ዋደ፡ ታወ ጋላሰነ ቃማ ታ አፎላይ
 ቁማ ግዳዳ።
 4 ታን ኡንቱንቱ ባላ ቦንቻናው፡
 ሸቁዳ ዳር አሳ ግዴዋና
 ሳልፕያን ሆምቦጭሸናን
 ጋላታ የላ የጽሸን፡
 ጸላ ጎለ ካለሌዳዋ ቆፕያ ዋደ፡
 ታ ዋዛናይ ካዮቲደ፡ ግደን ሴሬዳ።
 5 ታ ሸምፓቱ፡ ታን አያው ካዮታይታ?
 ቃይ አያው ጃባካታይታ?
 ታን ጸላን ሀደታ ዋላና።
 አያው ጎፕ፡ ታን ብር
 ታና አሸያዋን ታ ጸላ ጋላታና።
 6 ታ ዋዛናይ ካዮቲዳ፤ ሄዋ ድራው፡
 ታን ዮርዳናሳ ቢታን፡ ሄርሞን ጶቃን፡
 ሚዛረ ደርያን ኤቃደ ኔና ሀሳያይ።

41:9 ማቶሳ 26:23፤ ማር. 14:18፤ ሉቃሳ 22:21፤ ዮሃ. 13:18 41:13 ማዘ. 106:48

7 ነ ሱሱዋ ጉንፋን ጨሙ ጨማው ጸሴ፤
 ቃይ ነ ቤታይነ ነ ሆቢ ኡባይ
 ታ ሶላና ጎጌዳ።

8 ጋላሰ መድና ጎዳይ አገና ባረ ሲቁዋ ታዉ ኪቲ።
 ቃማካ ኦ የላይ ታናና ደኤ፤
 ሄ የላይካ ታን ታ ደኡዋ ጸሳ ዋሰያ ዋሳ።

9 ጸሳ፡ ታ ዋጋ ዛላ ታን፡
 “አያዉ ታና ደጋዲ?
 ታን አያዉ ታ ሞርክያን ናቀታደ ካዮታደ
 ሀመቶ?” ያጋይ።

10 ታ ሞርክቱ ታና፡
 “ኣ ጸሳይ ሀቃን ደኢ?” ያገደ፡
 ታ መቀላ መንሊደ ቦሪኖ።

11 ታ ሸምጋቲ፡ ታን አያዉ ካዮታይታ?
 ቃይ አያዉ ጃባካታይታ?
 ጸሳን ህደታ ዋላና፡
 አያዉ ጎጥ፡ ታን ሀእካ
 ታና አሸያዋነ ታ ጸሳ ጋላታና።

43

1 አቤት ጸሳዉ፡ ታና ሻትንፋ።
 ጸሳ ኤረና አሳቱዋና ታ ሞቱዋ ኔን ሞተታ።
 ጭምያ ኢታ አሳቱዋጥ ታና ኔን አሻ።

2 ጸሳዉ፡ ታን ናገታ አትያ ሚጸይ ኔና።
 ኔን ታና አያዉ አጋይ? ታን አያዉ ታ
 ሞርክያን፡
 ናቀታደ ካዮታደ ሀመቶ?

3 ነ ፖኡዋነ ነ ቱሙዋ ታዉ ኪታ፤
 ኡንቱንቱ ታና ካለሉኖ።

ነ ጌሻ ደርያ ኔን ደኢያሳ አፍኖ።

4 ሄ ዋደ ታን ታ ጸሳ ያርሹዋ ሳኦ፡
 ታና ናሸቶያ ጸሳኮ ባና።

አቤት ጸሳዉ፡ ታ ጸሳዉ፡
 ታን ዲላ ዲጸደ፡ ኔና ሳባና።

5 ታ ሸምጋቲ፡ ታን አያዉ ካዮታይታ?
 ቃይ አያዉ ጃባካታይታ?
 ታን ጸሳን ህደታ ዋላና።
 አያዉ ጎጥ፡ ታን ብር
 ታና አሸያዋነ ታ ጸሳ ጋላታና።

44

ጸሳይ ናጋናዳን ዋሳ
 ዛማረቱዋ ካፖ የጸቲዳ፡ ቆረ ናናቱዋ አኬካ
 ግንጹዋ

1 አቤት ጸሳዉ፡ አዴዳ ዋድያን፡
 ኔን ኦሌዳዋ ኔን ኔ ሀይላን ሰሴዶ፡
 ኔ አዋቱዋ ዋድያንካ ነ ኦሌዳዋ ኑዉ
 ኦዴድኖ።

2 ካዉተላቱዋ ኔን ነ ኩሽያን ላጋደ ከሳዳ፤
 ኔ አዋቱዋ ኡንቱንቱ ቢታን ቶካናዉ፤
 ሀራ ካዉተላቱዋ ሙራዳ፤
 ሸን ነ አሳቱዋ አሳዳ።

3 ኡንቱንቱ ባረንቱ ማሻን ኦሊደ፡
 ሄ ቢታ ከሰባይክኖ፤
 ኡንቱንቱ ባረንቱ ኩሽያ ሞኖተላን ጸንባይክኖ።

ሸን ኔን ኡንቱንታ ሲቁዳ ድራዉ፡
 ኡንቱንቱ ነ ኡሽቻ ኩሽያ፡
 ነ ቀሰያነ ነ ሰንላ ፖኡዋ ዋልቃን ጸኔድኖ።

4 ያቆባ አሳዉ ጸኡዋ አዛዝያ፡
 ታ ካቲነ ታ ጸሳይ ኔና።

5 ኔናን ግዲደ፡ ኔ ሞርክቱዋ ኔን ሱግ ኦላና፤
 ነ ሱንላን ኔ ኡቀትያዋንታ ኔን የጻና።

6 ታን ታ ቶራን አማነትከ፤
 ታ ማሻይካ ታና አሸና።

7 ሸን ኔን ኔና ኔ ሞርክቱዋጥ አሻዳ፤
 ቃይ ኔና አጽያዋንታ ኔን ካዉሻዳ።

8 ኔን ኡባ ዋደ ጸሳን ጨቀቱቶ፤
 ነ ሱንላዉ መድናዉ ጋላታ አማና።

9 ሸን ሀእ ኔን ኔና አጋዳ፤ ካዉሻዳ፤
 ኔ ቶራ አሳና አትጥ ኦላ ባካ።

10 ኔ ሞርክቱዋ ሰንላጥ ኔና ባቃትሳዳ፤
 ኔ ኡቀትያዋንቱ ኡባ ቦንቁድኖ።

11 ኔን ኔና ደርሳቱዋዳን ሹካዉ አላደ አማዳ፤
 ቃይ ካዉተላቱዋ ግደን ኔና ላላዳ።

12 ኔን ነ አሳ ሀራይሱዋን ዛልአዳ፤
 አያ ዋድያነ ደማባይካ።

13 ኔን ኔና ኔ ሸርቱ ቦርያዋ፡
 ቃይ ኔ ሄራን ደኢያዋንቱ ቅሊጭያዋነ
 ሚጭያዋ ኦላዳ።

14 ኔን ኔና ካዉተላቱዋ ግደን ቶሳ ከሳዳ፤
 ኔና ኡንቱንቱ ባረንቱ ሀጺያ ቃል ቃል
 ቅድያዋ ኦላዳ።

15 ታን ጋላሳ ኩሙንላን ቶሽታድ።
 ታ ሰምእያ ዬላይ ካሜዳ።

16 ታና ሸቂያዋንቱን ቦርያዋንቱ ጋሱዋን፡
 ታና ሞርክያዋንቱን ማንድያዋንቱ ጋሱዋና።

17 ኔን ኔና ደግቤናዋ ግደጥካ፡
 ዋይ ነ ጨቁዋ መንሐቤናዋ ግደጥካ፡
 ሀዌ ኡባይ ኔ ቦላ ሀኔዳ።

18 ኔ ዋዛናይ ኔጥ ጉየ ሰምቤና፤
 ኔ ገዲ ነ ኦግያጥ ጋጸ ከሰቤና።

19 ሸን ኔን ኔና መንግራላደ ዶኦ ግደን የጋዳ፤
 ድጵ ጎ ጳማን ካማዳ።

20 ኔ ጸሳ ሱንላ ኔን ደጌደንቶ፡
 ሀራ ጸሳ ዋሳናዉ ኔን ኔ ኩሽያ ሞጩደንቶ፡

21 ዋዛናን ጌሜዳ ጸራ ጸሳይ ኤርያ ድራዉ፡
 ኦ ሀዋ ብዲደ ደመኔ?

22 ሸን ነ ድራዉ፡ ጋላሳ ኡባን ኔና ዋዳኖ፤
 ሹካናዉ አፍያ ደርሳዳን ፓይደቲዶ።

23 አቤት መድና ጎዳዉ፡ ደንዳ! አያዉ
 ገምእሻይ?
 ቤጎታ! መድናዉ ኔና አጎጋ።

24 ነ ሰምኡዋ ኡጥ አያዉ ገንላይ?
 ኔ ቆሁዋን ኔ ኡንኦ አያዉ ደጋይ?

25 ኔን ባናን ዲገ ኦለቲዶ፤
 ኔ አሳተላይካ ቢታና ኦይቀቲዶ።

26 አቤት ጸሳዉ፡ ደንዳ! ኔና ማዳ!
 አገና ነ ሲቁዋ ድራዉ፡ ኔና ዋዛ።

45

ሲቁዋ ግንጾዋ

ቆረ ናናቱ ዛማረቱዋ ካፖ ጨሻ ዋላ ግያ ዋላን የጼዳ የላ. እኩካን ጸፈቱዳ ሲቁዋ የላ.

1 ታን ታ የላ ካትያ ሰሳና፤
ታ ዋዛናይ ሎኦ ቆፋ ፑልቱ፤
ታ እንጸርሳይ ሎኦ ጸፍያ አሳ ብእርያ ማላ።

2 አሳ ኡባፕ ኔን ማላንቻነ፤
ነ ሃሳያይ ናሽልያዋ ግዳና ማላ።

ጸሳይ ኔና መድናዉ አንጃዳ።

3 ዋልቃማ ካትያዉ፤
ነ ማሻ ነ ጸሳን ዳንጫ፤
ቦንቹነ ግታተላይ ነዋ።

4 ነ ቱማተላ፣ እሽከተላነ ጽሎተላ ድራዉ፤
ነ አንጋ ማያደ፣ ጸናናዉ ፕሪጸ።

ነ ኡሽቻ ኩሺ ማላልሰያባ በሶ።

5 ነ ፖላይ ቃራ፤
ኡንቱንቱ ካትያ ሞርከቱዋ ዋዛና አይፍያ
ጫድና።

ካዉተላቱ ነ ገድያን ኩንድና።

6 አቤት ጸሳዉ፤
ነ ካዉተላ አራታይ መድ መድናዉ ደኤ፤
ነ ካዉተላ ጸምእይካ ሱረተላ ጸምእ።

7 ኔን ጽሎተላ ሲቃሳ፤
ጌላተላ እጸ።

ጸሳይ፣ ነ ጸሳይ፣ ኔና
ነ ለገቱዋፕ አላደ፤
ናሽቻ ዛይትያ ኦኬዳዋ ሄዋሳ።

8 ካዋራን፣ ጎዳረ ኡላንነ ብርጉድያን፤
ነ ማዩ ኡባይ ፑሻከቱዳ።

ዳንጋርሳ ዛልያን አሌቀቱዳ፤
ነ ካዉተላ ጎልያን ዲጽያዋንቱ ኔና ናሽቹና።

9 ካትያ ጎልያን ደእያ ማጫ አሳቱዋ ግድን፤
ካተቱዋ ማጫ ናናቱ ደእና፤
ካታታ ጌሻ ዋርቃን አሌቀታደ፤
ኔፕ ኡሽቻ ባጋን ኤቃዳ።

10 ታ ናቱ፣ ሰሳ፤ ሀይዛ፤
ነ ሀይላ ሃ የጋ።

ነ ዛርያን ነ አዉዋ ጎልያ ድጋ።

11 ነ ፑላ ካቱ አሞቱ፤
እ ነዉ ጎዳ ግድያ ድራዉ፣ አዉ አዛዘታ።

12 ጽርሳ አሳይ እዘዉ እሞታ አኪደ ያና፤
ዲረቱ ኔና አዉዳሻና።

13 ካትያ ናታ ካትያ ጎልያ ግድን ዋታ ሎአይ!
እዘ ቡላቻ ማዩካ ዋርቃ ቃጭናን ዳድቱዳ።

14 ባረ አሌቆ ማዩዋ ማያደ፣ ካትያኮ ሞይዘታዉ፤
እዘ ላገ ናናቱ ዋደሮቱ፤
እዘ ካሊደ፣ አ ሰንሳ አሄድና።

15 ኡንቱንቱ ናሽቲደነ ሆምቦጪደ ዪደ፤
ካትያ ጎልያ ገሊና።

16 ካትያዉ፣ ነ አዋቱዋ ኮታ ነ ናናቱ አካና።
ኔን ኡንቱንታ ቢታ ኡባ ቦላን ሱንሳና።

17 ታን ነ ሱንሳይ የለታ ኡባን ሀሳየታናዳን ኦላና።

ሄዋ ድራዉ፣ አሳይ መድ መድናዉ ኔና ጋላታና።

46

ጸሳይ ኑናና ደኤ

ዛማረቱዋ ካፖ ቆረ ናናቱ እሞና የጸቴዳ፣ ዋደር ናና የላ ሂላን ጸፈቱዳ የላ.

1 ጸሳይ ኑን ናገት አትያ ሳነ ኑዉ ዋልቃ።
ኑና መቱ ጋክያ ዋደ፤
ማዳናዉ እ ኡባ ገደ ማታን ደኤ።

2 ሄዋ ድራዉ፣ ቢታይ ቃጽንቶካ፤
ዋይ ደረቱ አሳን ኩንድንቶካ፤
ኑን ያዮኮ።

3 አሳ ቤታይ ጉሚደ፣ ሆሙዋ ማይንንቶካ፤
አ ዋልቃማ ሆቢያን ደረቱ ዪቁዩቁንቶካ፤
ኑን ያዮኮ።

4 እት ሻፋይ ደኤ።
ሄ ሻፋይ ጎጊደ፣ ጸሳ ካታማ፤
ኡባፕ ቶቂያ ጸሳይ ደእያ ጌሻ ሳኦ ናሽቹ።

5 ጸሳይ አ ግድን ደእያ ድራዉ፤
ሄ ካታማይ ቃጸና።

ዋንታ ጉራን ጸሳይ አ ማዳና።

6 ጋድያ አሳይ ሻባረቱ፤
ካዉተላቱ ቃጸና።
ጸሳይ ባረ ቃላ ሰሴዳ ዋደ፣ ሳኦይ ሴሬ።

7 መጠተላ ኡባ ጎዳይ ኑናና ደኤ፤
ያቆባ ጸሳይ ኑን ቆሰት አትያ ሳኦ።

8 ሃ ዪተ፤ መድና ጎዳይ ኦሱዋ ጸልተ፤
እ ሳኦን አሄዳ ባሻ በአተ።

9 እ ሳኦ ጋጸ ጋካናዉ ደእያ ኦላ ተኤ፤
ዋንዳፍያ መንጮ፤
ቶራ መንጮ፤
ጎንዳልያካ ታማን ጹጌ።

10 ዋፑ ገተ፤ ታን ጸሳ ግድያዋ ኤርተ።
ታን ካዉተላቱዋ ግድን ቶቃይ።

ቃይ ቢታ ቦላንካ ቶቃይ።

11 ኡባፕ ዋልቃማ መድና ጎዳይ ኑናና ደኤ፤
ያቆባ ጸሳይ ኑን ቆሰት አትያ ሳኦ።

47

ጸሳይ አላምያ ኡባ ካትያ

ዛማረቱዋ ካፖ የጸቴዳ፣ ቆረ ናናቱዋ ማዘመርያ

1 ካዉተላቱ ኡባይ ሀንተ ኩሽያ ባቂተ፤
ቃላ ቶቂ አላደ፣ ጸሳዉ ጋላታ የጽተ።

2 ኡባፕ ቶቂያ መድና ጎዳይ ያየታናዉ በሴ፤
ሳኦ ኡባ ቦላን እ ዋልቃማ ካትያ።

3 ጋድያ አሳ ኑፕ ጋርሳና፤
ካዉተላቱዋካ ኑ ገድያፕ ጋርሳና ዋላደ፤
ኑዉ ሞድሴ።

4 እ ኑዉ ላትያ ቢታ ደሬዳ፤
ሄ ቢታይ፣ እ ሲቅያ ያቆባ ዛራቱ
ጨቀትያዋ።

5 ጸሳይ ፑደ ካዉተላ አራታ ከሴዳ።
መድና ጎዳይ ፑደ ከሰያ ዋደ፤

ናሽቻ ሆሞቦጨላይነ ማላካታ ፑናይ እ ኑና ሀይቃና ጋካናው ካለላና” ያገደ ኦድተ።
 ሰሰቲዳ።
 6 ጸላ ሳቢተ፤ ኤ፥ እ ሳቢተ።
 ኑ ካትያ ሳቢተ፤ ኤ፥ እ ሳቢተ።
 7 ጸላይ ሳኦ ኡባ ካትያ ግድያ ድራው።
 ጋላታ ሳባ ሳቢተ።
 8 ጸላይ ባረ ጌሻ ካውተላ አራታን ኡቴዳ፤
 ጸላይ ካውተላቱዋ ኡባ ሞዴ።
 9 ካውተላቱዋ ካፓቱ።
 አብራሃማ ጸላ አሳቱዋና እትፕ ሺቂኖ።
 እያው ጎፕ፣ ሳኦን ደእያ ዋልቃማቱ ኡባይ ጸላሳ፤
 እ ሎይሳ ቶቁ ጌዳ።

48

ጸላ ካታማት ጽዮኖ
 ቆራሀ ናናቱዋ ማዘመርያ፤ የላ
 1 መድና ጎዳይ ዋልቃማ።
 ኑ ጸላ ካታማን አ ጌሻ ደርያን አቶ ጋላታይ
 አው በሴ።
 2 ጸላ ደርያ ጽዮን ቶቃነ ሎአ።
 ፑደሃ ባጋና ደእያ
 ሄ ዋልቃማ ካትያ ካታማይ ሳኦ ኡባው ናሽቻ።
 3 ሄ ካታማ ግምቢያ ግድን።
 ባረናን ሳሮ አሳይ ደእያዋ ጸላይ በሴዳ።
 4 ካተቱ ባረንቱ ቶራንቻቱዋና እትፕ ሺቂድኖ፤
 ጽዮን አላናው ዬድኖ።
 5 አ በኢደ፣ ማላለቲድን ዳጋሚደ።
 ባቃቲድኖ።
 6 ኡንቱንቱ ሄዋን ደእሺና።
 ኡንቱንታ ያሻ ኮኮርሳይ አይቁዳ፤
 አይላይ አይቁዳ ሞሽራቲዳን ኡንኤቴድኖ።
 7 አዋይ ዶልያ ባጋ ዋልቃማ ጫርኩዋን።
 መእያ ታርሴሰ ማርካብያዳን ኡንቱንቱ
 ኮኮራድኖ።
 8 ኑን ሰሴዳዋዳንካ።
 ኡባፕ ዋልቃማ መድና ጎዳ ካታማን።
 ኑ ጸላ ካታማን፣ እ ኡጼዳዋ በኤደ።
 ጸላይ ሄ ካታማ መድናው ሞንሰ ኤሴ።
 9 አቤት ጸላው፣ ነ ጌሻ ጎልያ ግድን
 አገና ነ ሲቁዋ ቆፔድ።
 10 አቤት ጸላው፣ ነ ሱንላዳንካ።
 ነ ጋላታይ ሳኦ ጋጸ ጋኤዳ።
 ነ ኡሽቻ ኩሺ ጽሎተላን ኩሜዳዋ።
 11 ነ ፕርዳ ድራው።
 ጽዮን አሳይ ናሽቲ፤
 ይሁዳ ሞላቱካ ናሽቲኖ።
 12 ጽዮን ዩሹዋን ሀመትተ፤
 እ ዩሹዋን ያነ ሃነ ሰመረትተ።
 እ ዋቻያ ሳ ፓይድተ።
 13 ይያ የለታው ኦዳናዳን።
 እዝ ግምቢያ አኬክተነ እዝ አኮ ግምቢያ
 ጸሞሰተ።
 14 ሀንተ፣ “መድ መድናው
 ሀ ጸላይ ኑ ጸላ፤

49

ዱረታን እማነቱሳይ ሀዳ ግዱሳ
 ዛማረቱዋ ካፖ የጸቲዳ፣ ቆረ ናናቱዋ ማዘመርያ
 1 ሀንተኖ፣ አሳቶ፣ ኡባቲካ ሀዋ ሰሰተ።
 ሀንተኖ፣ ሳኦን ደእያዋንቶ፣
 ኡባቲካ ሀዋ ሀይዘተ።
 2 ቶቃይ ዝቃይካ።
 ዱሪ ማንቁካ ሰሰተ።
 3 ታ ዋዛና ቆፋይ ጨማ፤
 ታ ደናይ አቆዳ ኤራተላ ሃሳዬ።
 4 ታ ሀይላ ለምሱዋኮ የጋና፤
 ዱላ ዱጸደ።
 ታን አ ብለላ ቆንጭሳና።
 5 መቶ ጋላሳይ ይያ ዋድያንነ ባለላያ ሞርከቱ።
 ታና ዶድያ ዋደ።
 ታን እያው ያያይታ?
 6 ታ ሞርከቶ።
 ባረንቱ ደእያዋን እማነትያዋንቶን
 ባረንቱ ዱረተላ ዳሩዋን ጨቁያዋንቶ
 እያው ያያይታ?
 7 አይ አሳይነ ባረና ዋዛናው።
 ዋይ ባረ ሽምፑዋ ጋትያ ጸላው ጭጋናው
 ዳንዳየና።
 8 እያው ጎፕ፣ አሳ ሽምፑዋ ጋቲ አልአ።
 አይ ጋትያ ጭግናካ ግደና።
 9 እ መድናው ደአናዳን።
 ዋይ እ ሀይቀናዳን አላናው ጋከና።
 10 ኤያቲነ ቦዛቱ ሀይቁያዋዳን።
 አቆዳ ኤራንቻቲካ ጳይያዋን
 ባረንቱ ማጹዋ ሀራቶ የገደ ብያዋ
 አሳይ ኡባይ በኤ።
 11 ኡንቱንቱ ባረንቱ ቢታ ባረንቱዋ ገናካ።
 ዱፋ መድናው ኡንቱንቱ ጎለነ የለታፕ የለታ
 ጋካናው
 ኡንቱንቱ ደእያ ሳኦ ግዳናዋ።
 12 አሳይ አይ ግታቶፕካ ፓጸ አተና፤
 እ ደእዳን ሀይቃና።
 13 ባረካ ባረንቱ ሁጲያን እማነትያዋንቱ
 ካጫይነ
 ኡንቱንቱ ቃላ ቱማ ግያዋንቱ ወርሰላይ
 ሀዋ።
 14 ሹካው ደረቲዳ ደርሳቱዋዳን።
 ኡንቱንቱ ዱፎ ደረቲድኖ፤
 ሀይቁ ኡንቱንቱ ሄንላንቻ ግደናዋ።
 ሱረቱ ዋንታ ኡንቱንቱ ዱፋዋ ቦላ
 ሀመታና፤
 ኡንቱንቱ ባረንቱ ደእያ ጎልያፕ ሃኪደ።
 ዱፋዋን ዋቃና።
 15 ሸን ጸላይ ታና ዋዛና፤
 እ ታ ሽምፑዋ ሀይቁዋ ዋልቃፕ አሻና።
 16 አሳይ ዱረትያ ዋደነ።
 አ ቦንቹ ዳርያ ዋደ ያዮፓ።
 17 እያው ጎፕ፣ እ ሀይቁደ።
 አይነ አኪደ ቤና፤
 አ ዱረታይ አናና እትፕ ዱፋዋ ቤና።
 18 አሳይ ፓጸ ደእያ ዋድያን።

“ታወ ኩሜዳ” ጎጥነ፤
 ኡባባይ እው ጊኔዳ ድራው ጋላተቶጥነ፤
 19 ሰሚደ ፖኤቀ በኤና ባረ ማይዛ አዎቱዋና ጋከቱ።
 20 ኤር ባይናን ግታቱዳ አሳይ ዶኦዳን ሀይቃና።

50

ቱዋ ጎይና
 አሳፋ ማዘመርያ
 1 ዋልቃማ ጸሳይ፣ መድና ጎዳይ ሃሳዬ።
 አዋይ ደልያሳጥ ወልያሳ ጋካናው
 ሳኦቱዋን ሳኦ ጸሴ።
 2 ፑላይ ኩመንሳ ሎኦ ግድያ ጽዮነጥ ጸሳይ ፖኤ።

3 ኑ ጸሳይ ያና፤ ጮኤ ጌና።
 ኤጽያ ታማይ እ ሰንሳና፤
 ዋልቃማ ጎቲ እ ዩቩዋና።
 4 ጸሳይ ባረ አሳ ፕርዲዳ፣
 ሳሎቱዋን ሳኦ ጸሴ።
 5 “ያርቩዋ ያርቩዋን፣
 ታናና ጫቀቱዳ ጸሳ አሳቱዋ፣
 ታኮ ሺሽተ” ያጌዳ።
 6 ጸሳይ ፕርድያዋ ግድያ ድራው፣
 ሳሎቱ እ ጽሎተላ ኑዲና።

7 “ታ አሳው፣ ሰሳ! ታን ነው ኑዲይ።
 እሰራኤልያ አሳው፣ ታን ነ ሰላ ማርካታይ።
 ታን ጸሳ፣ ነ ጸሳ።

8 ነ ያርቩዋ ድራውን
 ኔን ኡባ ገደ ሺሽያ ጽግያ ያርቩዋ ድራው፣
 ታን ኔና ሴርከ።

9 ሄዋዳንካ፣ ነ ድርሳጥ ኮሩማቱዋ፣
 ዋይ ነ ሰኩዋጥ ዳሻቱዋ አካናው ኮይከ።
 10 አያው ጎጥ፣ ዋራን ደእያ ዶኦቱ ኡባቱ ታዋንታ፤
 ሻኤ ደርያ ሰላን ደእያ መሄቱካ ታዋንታ።

11 ታን ጴቃ ደርያን ደእያ ካፎቱዋ ኡባ ኤራይ፤
 ደምባን ደእያ መተላቱ ታዋንታ።

12 ታና ኮሽንቶነ፣ ታን ነው ኑድከ።
 አያው ጎጥ፣ ሳኦይነ ሳኦን ኩሜዳዌ ኡባይ ታዋ።

13 ታን ኮሩማቱዋ አቩዋ ማይታ?
 ዋይ ዳሻቱዋ ሱላ ኡሻይታ?
 14 ሄዋ ድራው፣ ጸሳው፣
 ኔን እምያ ያርቩ ጋላታ ግድ፤

ኡባጥ ጴቂያ ጸሳው ነ ቃንገላ ጋላ።
 15 ያታይ፣ መቱዋ ጋላሰ ታና ጸሳ።
 ታን ኔና አሻና፤ ኔንካ ታና ቦንቻና” ያጌ።

16 ሸን ጸሳይ ኢታ አሳ ሀዋዳን ያጌ፤
 ታ ሀግያ ኔን ዛራ ዛራደ አያው ኦዳይ?
 ዋይ ታ ጫቁዋ ነ ዶናን አያው ሃሳያይ?

17 ኔን ታ ትምርትያ እጸዳ፤
 ታ ቃላካ ሀይላ ሰላና አላዳ።
 18 ኔን ካይሱዋ በኤዳ ዋይ፣
 አናና ዳቦታዳ፤

ሻርሙጽያዋንቱ ማባራን ገላዳ።
 19 ኔን ነ ዶና ኢታባ ሃሳያናው ብላ የዳሳ።
 ነ እንጸርሳይካ ዋርዱዋ ሃሳያ ሜዘቱዳ።

20 ነ ኡቱዳሳን ነ እሻ ኢሳደ ሃሳያዳ፤
 ነ አት ናኦ ዝግራሳ።

21 ኔን ሀዋ ኡባ ኦሳያ ዋይ፣
 ታን ጮኤ ጌዳ ድራው፣
 ታናካ ነ ማላ ጋደ ቆፓዳ።

ሸን ሀእ ታን ኔና ሴራይነ
 ነ ባላ ነ ሰንሳን ፓይዳይ።

22 “ህንተኖ፣ ጸሳ ደግያዋንቶ፣ ሀዋ አኬክተ።
 ሄዌ ጳዮጥ፣ ታን ህንተና መንግራላና፤

ሄ ዋደ ህንተና አሸያዌ ባዋ።
 23 ታው ጋላታ እምያ አሳይ ታና ቦንቹ።
 ባረ ኦግያ ሱርሰያ አሳ

ታን ጸሳ አቶተላ በሳና” ያጌ።

51

ማርተላ ደማናው ሺቄዳ ዋሳ
 ዛማረቱዋ ካፖ የጸቱዳ፣ በርሳብና ሻርሙዴዳ
 ሀድታ ትምቢትያ ኦድያ ናታን አው ኦዲደ ሰምና፣
 ዳዊታ ማዘመርያ

1 እቤት ጸሳው፣ አገና ነ ሲቁዋዳን ታና ማራ፤
 ነ ቃረታ ዳሩዋዳን ታ ባይዙዋ ቁጫ።

2 ታ ኢታተላጥ ታና ሙላ ሜጫ፤
 ታ ናጋራጥ ታና ጌሻ።

3 አያው ጎጥ፣ ታ ባይዙዋ ታን ኤራይ፤
 ታ ናጋራይ ኡባ ገደ ታ ሰንሳና።

4 ታን ኔና፣ ነ ጸላላ ናቃድ፤
 ነ አይፍያ ሰንሳን ኢታባ ኦላድ።
 ሄዋ ድራው፣ ሃሳያደካ ኔን ልከ፤
 ፕርዲደካ ኔን ጽሎዋ።

5 ታን የለቶደጥካ ቱሙ ናጋራንቻ፤
 ታ አት ኡሎዋን ብር አትያ ዋደጥ ደማደካ፣
 ታን ናጋራንቻ።

6 ሄኮ ኔን ዋዛና ግደ ቱማተላ ኮያሳ፤
 ሄዋ ድራው፣ ነ አዴዳ ኤራተላ ታ ጋርሳን
 ታማርሳ።

7 ሂሶጽያ ግያ ቦንጫያን ኔን ታና ጌሻ፤
 ታን ጌያና።
 ታና ሜጫ፤
 ታን ሻቻጥ አዳእደ ቦጻና።

8 ኔን ታና ናሽቻን
 ሀቩ ግያዋ ሰሳ፤
 ኔን ታና መንግራጫዳባ ግደጥካ፣
 ዛራደ ናሽቻ።

9 ታ ናጋራጥ ነ ሰንሳ ዋራ ዛራ፤
 ታ ኢታተላ ኡባ ቁጫ።

10 እቤት ጸሳው፣ ጌሻ ዋዛና ታ ግደን መጻ፤
 ሞንሰያ አያና ታ ግደን ኦራላ።

11 ታና ነ ሰንሳጥ ኦሎፓ፤
 ነ ጌሻ አያና ታጥ አኮፓ።

12 ነ አቶተላ ናሽቻ ታው ዛራደ እማ፤
 ታን ነው ኤኖ ጋደ አዛዘታናዳን፣
 ታና ዘምጥሳ።

13 ሄ ዋደ ታን ባይዛንቻቱዋ ነ ኦግያ ታማርሳና፤
 ሄ ናጋራንቻቱን ኔኮ ሰማና።

- 14 እቤት ጸሳው፡ ታና አሸያ ጸሳው፡
ሱላ ጉሴዳ ናጋራፕ ታና አሻ፤
- ሄ ዋደ ታ እንጸርሳይ ነ ጽሎተላባ የጸና።
- 15 እቤት ጎዳው፡ ታ ዶና ዶያ፤
ያቶ፡ ታ እንጸርሳይ ነ ጋላታ አዋያና።
- 16 ኔን ያርሹዋን ናሽታንቶ ታ ነዉ ሺሻናሽን፡
ኔን ያርሹዋን ናሽታካ።
- 17 ጸሳው ያርሹያ ያርሹ
አሸከ አያና፤ እቤት ጸሳው፡
“ናጋራ ኦፍ ነ አጋርክታሻ” ግያ፡
መኤዳ ዋዛና ኔን ካቆካ።
- 18 እቤት ጸሳው፡ ነ ዶሱዋን ጽዮንዉ ኬካ፤
የሩሳላመ ግምብቱዋ ግምባ።
- 19 ሄ ዋደ ጽሎ ያርሹዋን፡
ጽግያ ያርሹዋን፡
መሀያ አሹዋ ዉርሰ ጽግያ ያርሹዋን ኔን
ናሽታና።
ቃይ ኮሩማቱ ነ ያርሹያሳን ያርሹታና።

52

- ኢታቱዋ ዉርሰላ ካጫ**
ዛማረቱዋ ካፖ የጸቴዳ፡ ኤዶማ ቢታ አሳ ግድያ ደይቅ ሳኦላኮ ቢደ፡ “ዳዊተ አብመሌካ ጎለ ቤዳ” ያጊደ ኦዲደ ሰምና ዳዊታ አኬካ ግንጹዋ.
- 1 ኔኖ፡ ዋልቃማ ብታንያው፡
ጸሳ አሳቱዋ ቦላ ኢታባ አላያዋዳን፡
ጋላሳ ኡባን አያዉ ጨቀታይ?
 - 2 ኔኖ፡ ዋርዶባ ሀንያዋ፡
ኔን ሀራቱዋ ቆይሳናዉ ማቀታሳ።
ነ እንጸርሳይ ኩሳ ማቁልያ ማላ።
 - 3 ኔን ሎኡዋፕ ኢታ ሲቃሳ፤
ቃይ ቱሙዋ ሃሳይያዋፕ፡
ዋርዶዋ ሃሳይያዋ ዶሳሳ።
 - 4 ኔኖ፡ ዋርዳንቻዉ፡
ኔን ቆህያ ቃላ ኡባ ሲቃሳ።
 - 5 ሸን ጸሳይ ኔና መድናዉ ቆይሳና።
እ ኔና ዶፋና ነ ጎልያፕ ቦንቂደ ከሳና፤
እ ኔና ፓጻ ደእያዋንቱ ግዶፕ ቶቆላና።
 - 6 ጽሎቱ ሀዋ በኢደ ያያና፡
ኢንቱንቱ ሀዋዳን ያጊደ፡ ነ ቦላ ሚጫና፤
 - 7 “ጸሳ ባረዉ ጌሱዋ አላቤና፡
ባረ ዱረተላ ዳሩዋን አማነቱዳ፡
ኢታ አሱዋን ምኔዳ ብታንያ
ሀዋ በአተ!” ያጋና።
 - 8 ሸን ታን ጸሳ ጎልያን አጭያ ዋጋራ ማላ።
አገና አ ሲቁዋን ታን መድ መድናዉ
አማነታይ።
 - 9 ኔን አሌዳ ድራዉ፡
ታ ኔና ጋላታና፡
ታን ኔን ኬካ ግድያ ድራዉ ነ ሱንላን ሀዶታ
ዋላይ።
ታን ጸሳ አሳቱዋ ሰንላን ኔና ሳባና።

53

- አሳ ኢታተላ**
ዛማረቱዋ ካፖ የጸቴዳ፡ ዳዊታ አኬካ ግንጹዋ.
- 1 ቦዛቱ ባረንቱ ዋዛና፡
“ጸሳይ ባዋ” ያጊና።
ኢንቱንቱ ደኡ ባዬዳ።
ኢንቱንቱ ሸነይያባ ኦሊኖ፤
ሎእያባ ኦላያ አሳይ ባዋ።
 - 2 ጸሳ ኮይያ ኤራንቻቱ ደእንቶነ በአናዉ፡
ጸሳይ ሳሎዋፕ ዲገ አሳ ጼሌ።
 - 3 ኢንቱንቱ ኡባይካ ጸሳፕ ሃኬድኖ፤
ኡባይካ እትፕ ቱኔድኖ።
ሎኡዋ ኦላያ አሳይ ባዋ፤
ሀራይ አቶ እቱነ ባዋ።
 - 4 ጸሳይ፡ “ሀዋንቱ ታ አሳ ቦንቂ ምያ ኢታ አሳቱ
ቱሙ አይነ ኤርክኖ?
ኢንቱንቱ ታና ዋሰክኖ” ያጌ።
 - 5 ኢንቱንቱ ካሰ ዳጋም ኤረናዋ ኬሻ ዳጋማና።
አያዉ ጎፕ፡ ጸሳይ ባረ አሳ ሞርክያዋንቱ
መቀላ ላላና።
ጸሳይ ኢንቱንታ ካጼዳ ድራዉ፡ ኢንቱንቱ
ዬላታና።
 - 6 እሰራኤልያዉ አቶተላይ ጽዮንፕ ዬረኔ!
ጸሳይ ባረ አሳ ኦሞዱዋ ዛርያ ዋደ፡
ያቆባ ዛራቱ ናሽታና፤
እሰራኤልያ አሳይ ናሽቻዉ ፖጩ ጋና።

54

- ሞርክያ ኩሸያፕ አታናዉ ሸቄዳ ዋሳ**
ዛማረቱዋ ካፖ የጸቴዳ፡ ዚፋን ደእያ አሳቱ ሳኦላኮ ቢደ፡ “ዳውት ኑ ቢታን ቆሰቴዳ” ያጊደ ኦዲደ ሰምና ዳዊተ አኬካን ዲጼዳ ግንጹዋ.
- 1 እቤት ጸሳው፡ ነ ሱንላን ታና አሻ፤
ነ ዋልቃን ታና ሻትጎላ።
 - 2 እቤት ጸሳው፡ ታ ዋሳ ሰሳ፤
ታ ዶና ሃሳያ ሀይዛ።
 - 3 ኦቶራንቻቱ ታ ቦላ ደንዲኖ፤
ዳጋንላያ አሳቱ ታና ዋቆናዉ ኮዩና።
ኢንቱንቱ ጸሳ አላለ ጊክኖ።
 - 4 ሄኮ ጸሳይ ታና ማድያዋ፤
ጎዳይ ታና ዘምፕሰያዋ።
 - 5 እቤት ጸሳው፡ ታ ሞርከቶ ኢንቱንቱ ኢታተላ
ዛራ።
ኔን አማነትያዋ ግድያዋዳን፡
ኢንቱንታ ቆይሳ።
 - 6 እቤት መድና ጎዳው፡ ታን ታ ሸንያን ነዉ
ያርሻና፤
ኔን ኬካ ግድያ ድራዉ፡
ታን ነ ሱንላ ጋላታና።
 - 7 አያዉ ጎፕ፡ ኔን ታና
ታ መቱዋ ኡባፕ አሻዳ፤

ታ ሞርከቱ ጸነትያዎ ታ አይፍያን በአድ።

55

ለገላይ ካዴዳ አሳ ዎሳ
ዛማረቱዎ ካፖ የጸቴዳ፣ ዳዊተ አከካን ዲጾዳ ዲላ።

- 1 አቤት ጸሳው፣ ታ ዎሳ ሰሳ፤
ታ ማጋና አይ መቴ ጎፓ።
- 2 ሀይዛ፤ ታ ዎሳ ሰሳ፤
ታ ቆፋይ ታና ዋይሰና፤
ታን ሻባረታድ።
- 3 ሄዌነ፣ ታ ሞርከቱዎ ኮሻፕነ፤
ኢታቱዎ ናቁዋፕ ደንዴዳዎና።
ኢንቱንቱ ታ ቦላ መቱዎ አሂኖን
ባረንቱ ሀንቁዋን ታና ሞርከኖ።

- 4 ታ ዎዛና አይፍያን ድድቄ፤
ሀይቁዎ ህርጋይ ታና ማሽሴዳ።
- 5 ታና ያሻይነ ኮኮርሳይ አይቁዳ፤
ዳጋማይ ታና ዎጵ ድጌዳ።
- 6 ታን፣ “ታዉ ሀራጽያዳን ቀፊ ደኤረኔሻ።
ያንንቶ ታን ፓላ ባደ ሽምፓና ሽን፤
- 7 ታን ሃካደ ባና ሽን፤
ባዙዋን ደአና ሽን።
- 8 ታን ጎትያፕነ ኡሹዋፕ፣
አትያሳ ኤሌላደ ጋካና ሽን” ያጋድ።
- 9 አቤት ጸሳው፣ ታን ካታማ ግደን
ዋላሳነ ዋፏ ታ በኤዳ ድራው።
ኢታቱዎ ሃሳያ ቡሉቃ።
- 10 ኢታቱ ጋላሰነ ቃማ፣
ግምቢያ ዩዩኖ፤
ኢታተላይነ ኮባይ ካታማ ግደን ደኤ።
- 11 ባሻይ አ ግደን ደኤ፤
ናቁካ ጭሙካ አ ጉታራፕ ሻከተና።
- 12 ታና ቦርያዌ ታ ሞርከያ ግደና፤
ግድንቶ ታን ዳንዳያና።
ታ ቦላ ጩቁትያዌ ታና እጽያዎ ግደና፤
ግድንቶ ታን አፕ ቆሰታና።
- 13 ሸን ሀዋ ኡባ አሳያዌ አሳ፣
ታ ላግያ፣
ታ ዳቡዋን ታ ሰቁዎ።
- 14 ኑን እቱ እቱዋና ኡሎባ ሃሳዬደ፤
ኑን ጸሳ ጎልያን አሳና እትፕ ሰመረቱደ።
- 15 ታ ሞርከቱ ዎዲ ጋከናን ሀይቁና፤
ኢንቱንቱ ፓጸ ሞገትና።
አያዉ ጎፕ፣ ኢታተላይ
ኢንቱንቱ ግደንነ ኢንቱንቱ ደእያ ሳን ደኤ።
- 16 ሸን ታን ጸሳ ጸሳይ፤
መጵና ጎዳይ ታና አሹ።
- 17 ዎንታ፣ ጋላሰነ አማርሰ
ታን ዎሳናን ታ መቱዎ አዉ ኡዳና፤
እ ታና ሰሳና።
- 18 ዳርቱ ታና ሞርከፕካ፣
እ ታና ኦላ ቶራፕ አሹ።
- 19 በንፕ ካዉተላ አራታን ኡቴዳ ጸሳይ፣
ታ ዎሳ ሰሲደ ባረንቱ ኦግያ ላመናዋንታ
ባረዉ ያየናዋንታ።

- እ ካዉሻና።
- 20 ታ ላጊ ባረ ዳቦቱዎ ቆሀናው፣
ባረ ኩሽያ ደንፊዳ፤
ኢንቱንቱና ጫቀቱዳ ጫቁዎ ኮሌዳ።
- 21 አ ሃሳያይ አይሳፕካ አዴዳ ሹጋ፤
ሸን ባረ ዎዛናን ሞርከኖ።
አ ቃላቱ ዛይትያፕካ አዲደ ዎሎላቲኖ፤
ሸን ኩሳ ማሻዳን ቃንጾድኖ።
- 22 ነ ቶኩዎ መጵና ጎዳን ዎላ፤
እ ኔና ዘምፕሳና።
ጸሳይ አዉደነ ጽሎቱ
ሻባረታናዳን ኦፍ።
- 23 ሸን አቤት ጸሳው፣ ኔን
ኢታ አሳቱዎ ጨዎ ኦላን ዳገ አላና።
ሱላ ጉሰያዋንቱነ ጭምያዋንቱ፣
ባረንቱ ደአና ላይላዉ ባጋነ ደእክኖ፤
ሸን ታን ኔናን አማነታና።

56

ጸሳን ዘምፕዎ ዎሳ
ዛማረቱዎ ካፖ የጸቴዳ፣ ፕልሰጾማ አሳቱ አ ጋተ ግያ ካታማን ኦሞዴዳ ዎደ፣ ዳዊታ ማዘመርያ።
ሃኮ ሳን ዎላ ቦላን ኡቴዳ ደጎማትሰ ጌተቲደ ሱሱልያን የጸቴዳ ማዘመርያ።

- 1 አቤት ጸሳው፣ አሳቱ ታና የደርሰያ ድራዉነ
ጋላሳ ኡባንካ ታ ሞርከቱ ታና ኡንኤሌዳ
ድራው፣
ታዉ ቃረታ።
- 2 ታ ሞርከቱ ጋላሳ ኡባን
ታና የደርሰኖ፤
ጭራቱ ኡቶሩዋን ታና ኡንኤሌኖ።
- 3 ታን ያዬዳ ዎደ፣
ኔናን አማነታይ።
- 4 ታን ጸሳን አማነታይ፤
ታን አ ቃላ ጋላትያ ጸሳን
አማነታይነ ያይከ።
አሳይ ታና አያ ኦላኔ?
- 5 ጋላሳ ኡባን ታ ሞርከቱ፣
ታዉ መቱዎ መዲኖ፤
ኢንቱንቱ ኡባ ገደ ታዉ ኢታባ ቆፒኖ።
- 6 ኢንቱንቱ ታ ቦላ ማቀቲኖ፤
ኩኩሊደ ዎቺኖን
ታ ኦግያ ናጊኖ፤
ታና ዎዳናዉ ኮዩኖ።
- 7 ኢንቱንቱ ኢታተላ ድራው፣ ኢንቱንታ የደፓ፤
ነ ሀንቁዋን ሄ አሳቱዎ ዝቂ ኦላ።
- 8 ኔን ታን ቶይላካቶዎ ፓይዳዳ።
ታን ዎይሳ አፎላ ጉሳድታንቶ፣ ኔን ኤራሳ።
ኢንቱንቱ ነ ማዘገብያን ደእክኖ?
- 9 ታን ኔና ጾሰያ ዎደ፣
ታ ሞርከቱ ጉየ ሰማና።
ጸሳይ ታ ባጋ ግድያዎ ታን ኤራይ።
- 10 ታን አ ቃላ ጋላትያ ጸሳይ፣
ታን አ ቃላ ጋላትያ መጵና ጎዳ፣
- 11 ታን ሄ ጸሳን አማነታይ፤ ያይከ።
አሳይ ታና አይ ኦላኔ?
- 12 አቤት ጸሳው፣ ታን፣

ነው ሽቀቱዳዋ ኦላና፤
 ሄዋ ጋላታ ያርሹዋ ታን ነው እማና።
 13 እያው ጎጥ፣ ኔን ታና ሀይቁዋጥ፣
 ታ ገድያ ኩንደላጥ አሻዳ።
 ሄዋ ድራው፣ እ ገጸ ደእያዋንቱ ቦላን ፖእሰያ
 ፖኡዋን
 ጸሳ ሰንላን ታን ሀመታይ።

57

ማደዋ ደማናው ሽቄዳ ዋሳ
 ዛማረቱዋ ካፖ፣ ጎንጎሎ ግደጥ ሳኦላጥ ባቃቲደ
 ብ ሰምና ዳዊታ ዋሳ። “ዳይሶፓ” ጌተትያ ዋሳን
 የጸቴዳ ዋሳ።
 1 ታና ማራ፤ አቤት ጸሳው፣ ታና ማራ፤
 ታን ኔኮ ባቃታይ።
 ባሻይ አዳና ጋካናው፣
 ነ ቀፍያ ግደን ባቃታደ አታይ።

2 ታን ኡባጥ ዶቂያ ጸሳው፣
 ታው ኡባባ አልያ ጸሳው ዋሳይ።
 3 ጸሳይ ሳሉዋጥ ማደዋ ከቲደ፣ ታና አሻና፤
 ታና ናቂያዋንታ ካወሻና፤
 ጸሳይ አገና ባረ ሲቁዋን
 ባረ ቱማተላ ታው ከታና።

4 ታን ታ ሞርከቱዋ ግደን፣
 አሳ ቦንቂደ ምያ ጋሙዋ ማላቱዋ ግደን
 ደኦይ።
 ኡንቱንቱ አቻይ ቶራን ዋንዳፍያ ማላ፤
 ኡንቱንቱ እንጸርሳይ ኩሳ ማሻ ማላ።

5 አቤት ጸሳው፣ ኔን ሳሎቱዋጥ ቦላና ዶቁ ዶቁ
 ጋ፤
 ነ ቦንቹ ሳኦ ኡባ ቦላ ደኦ።

6 ኡንቱንቱ ታ ገድያው ጸርያ ዋሌድና፤
 ታን መቶታደ ሆካድ።
 ኡንቱንቱ ታ ኦግያን ኦላ ቦኬድና፤
 ሽን ሄ ኦላን ባረንቶ ኩንዴድና።

7 ታ ዋዛናይ ምኒደ ደኤ፤
 አቤት ጸሳው፣ ታ ዋዛናይ ምኒደ ደኤ።
 ታን ነው የጸናን ኔና ሳባና።

8 ታ ሸምፓቱ፣ ቤጎታ!
 ዲላውን ማሰንቆ፣ ቤጎትተ!
 ታንካ ዋንታ ጉራና ቤጎታና።

9 አቤት ጸሳው፣ ታን ኔና አሳ ግደን ጋላታና፤
 ቃይ ካውተላ ግደን ኔና ሳባና።

10 እያው ጎጥ፣ አገና ነ ሲቁ ዋልቃማ፤
 ሳሎቱዋ ጋኬዳ።

ነ ቱማተላይካ ቦላ ሻርያዳን ዶቁ።

11 አቤት ጸሳው፣
 ሳሎቱዋጥ ቦላና ዶቁ ዶቁ ጋ!
 ነ ቦንቹ ሳኦ ኡባ ቦላ ግደ።

58

ጸሳይ ናጋራንቻቱዋ ሙራናዳን ሽቆ ዋሳ
 ዛማረቱዋ ካፖ የጸቴዳ፣ ዳዊታ ዋሳ። “ዳይሶፓ”
 ጌተትያ ማዘመርያ ዋጸዋን የጸቴዳ ዋሳ።
 1 ህንተኖ ደርያ ሞድያዋንቶ፣
 ቱሙዋጥ ልክያ ሃሳዩቱ?
 አሳ ኡባ ግደን ጽሉዋ ፕርዲቱ?
 2 ግደና፣ ህንተ ዋዛናን ኢታባ ሀልቺታ፤
 ቢታን ህንተ ኩሺ ማካላባ ኦሌዳ።

3 ኢታ አሳይ አት ኡሉዋጥ ደሚደ ባሌ፤
 የለቶደጥ ደሚደ፣
 ባይዜነ ዋርዲዋ ሃሳዩ።

4 ኡንቱንቱ ሾሻዳን ይሻና ደኤና፤
 ቱለ ሀሱዋዳን ሀይላ ቱጩድና።

5 ብትያዌ አይ ኬሻ ሂላንቻ ግደጥካ፣
 ሀሱ እ ሳሱከላ ሰሰና።

6 አቤት ጸሳው፣ ኡንቱንቱ አቻ
 ኡንቱንቱ ጋፓታ ግደን መንላ፤
 አቤት መድና ጎዳው፣ ጋሞቱዋ ካሰልያ
 ዶካ።

7 ኡንቱንቱ ጎግ ዳይያ ሃላዳን ዳይና።
 ኡንቱንቱ ባረንቱ ዋንዳፍያ ዱክያ ዋደ፣
 ፖላ ዴራን ጫድያ አይፊ ዳዮ።

8 ኡንቱንቱ ሙሺደ ሳሶ ከሰያ ዳይያዳን ሀንና፤
 አት ኡሉዋጥ ቦሽቲደ የለቲዳ፣
 ፖኡዋ ቦኤና ናኦዳን ሀንና።

9 ኡንቱንቱ አጉንላ ግዲደ ዳሻናጥ ካሰ፣
 ኡንቱንቱ ብር ፑትያን ደእሸን፣
 ጸሳይ ኡንቱንታ ባረ ሀንቁዋን ዳይሳና።

10 ሀሉዋ ከሰያዋ ቦኤያ ዋደ፣
 ጽሎቱ ናሽታና።

ኢታቱዋ ሱላን ባረንቱ ገድያ ሜጨታና።

11 ሄ ዋደ አሳይ፣
 “ቱሙካ ጽሎቶ ዋይቱ ደኤ፤
 ቱሙካ ሳኦ ቦላ ፕርድያ ጸሳይ ደኤ”
 ያጋና።

59

ኢታቱዋ ኤቀቲደ ሽቆ ዋሳ
 ዛማረቱዋ ካፖ የጸቴዳ፣ ዳዊታ ዋሳናው አ ጎልያ
 ናጋና ማላ ሳኦል አሳቱዋ ከት ሰምና ዳዊታ
 ማዘመርያ። “ዳይሶፓ” ጊደ ዲላ ገግሱዋን
 የጸቴዳ ዋሳ

1 አቤት ታ ጸሳው፣ ታ ሞርከቱዋጥ ታና አሻ፤
 ታ ቦላ ደንድያዋንቱጥ ታና ናጋ።

2 ኢታ ኦልያዋንቱጥ ታና አሻ አካ፤
 ሱላ ጉሰያ አሳቱዋጥ ታና አሻ።

3 አቤት ጸሳው፣ ኡንቱንቱ ታና ዋሳናው
 ኩኩሊደ ናግያዋ ቦኤ!

ሄ ዋልቃማ ኢታ አሳቱ ታ ቦላ ያኤና።
 አቤት መድና ጎዳው፣ ታ ባይዙዋ ድራው
 ዋይ ታ ናጋራ ድራው ግደና።

4 ኡንቱንቱ ታና ኦላናው ዋላ ጃምያዌ፣
 ታ ባላ ድራሳ ግደና።

ቤጎታ፡ ታኮ ሃ ያደ በአ።
 5 አቤት ኡባፕ ዋልቃማ መጠታ ኡባ ጎዳ ጸሳው፡
 እስራኤልያ ጸሳው፡
 ካውተላቱዋ ኡባ ፕርዳናው ቤጎታ፤
 ማካላ አልያዋንታ ማርፓ።
 6 ኡንቱንቱ ኦማርሳን ሰሚኖ፤
 ካናቱዋዳን ቦጨደ፡ ካታማ ግደን ዩዩኖ።
 7 ሄኮ፡ ኡንቱንቱ ባረንቱ ዶናን ሃሳዪደ ሳልክኖ፤
 ኡንቱንቱ እንጸርሳይ ማሻ ማላ።
 ኡንቱንቱ ብሮ፡ “ኡን ሰሰና” ጌደ ቆፒኖ።
 8 ሸን አቤት መድና ጎዳው፡
 ኔን ኡንቱንቱ ቦላ ሚጫሳ፤
 ካውተላቱዋ ኡባ ቦላ ቅሊጫሳ።
 9 ጸሳው፡ ኔን ታዉ ቆስታ አትያ ሳኦ ግድያ ድራው፡
 ታን ነ ዋልቃን አማነታይ።
 10 ታ ጸሳይ እገና ባረ ሲቁዋን ታኮ ያና፤
 ታ ጸሳይ ታ ሞርከቱዋ ጸንያዋ እ ታና
 በሳና።
 11 ታ አሳቱ ዶገና ማላ፡ ኔን ኡንቱንታ ዋዶፓ።
 አቤት ጸሳው፡ ኑ ጎንዳልያው፡
 ነ ዋልቃን ኡንቱንታ ላላደ ጸና።
 12 ኡንቱንቱ ባረንቱ ዶና ናጋራ ድራው፤
 ባረንቱ እንጸርሳ ቃላ ድራው፡
 ባረንቱ ኦቶራዋን ኦይቀቶኖ።
 ኡንቱንቱ ሸቃ ድራው፤ ኡንቱንቱ ሃሳይያ
 ዋርዱዋ ድራው፡
 13 ነ ሀንቁዋን ኡንቱንታ ጳይሳ።
 ጸሳይ ያቆባ ዛራቱዋ ሞድያዋን
 ሳኦ ጋጸ ጋካናው ደእያ ቢታ ሞድያዋ አሳይ
 ኤራና ማላ፡
 ኡንቱንታ ሙሊ አተናዳን ጳይሳ።
 14 ታ ሞርከቱ ኦማርሳን ሰሚኖ፤
 ካናቱዋዳን ቦጨደ፡
 ካታማ ግደን ዩዩኖ።
 15 ኡንቱንቱ ሞያዋ ደማናው ቶይላካቲኖ፤
 ካላና ጳዮፕ ላዊኖ።
 16 ሸን ታን ነ ዋልቃ ሳባና፤
 ዋንታ አገና ነ ሲቁዋባ የጸና።
 አያዉ ጎፕ፡ ኔን ታዉ ታ ዋይያ ጋላስ፡
 ታን ባቃታ አትያ ሳኦ ቆስታ አትያሳ ግዳዳ።
 17 አቤት ታዉ ዋልቃ ግዴዳ ጸሳው፡
 ታን ኔና ሳባና።
 አያዉ ጎፕ፡ ታን ቆስታ አትያ ሳኦይነ
 አገና ሲቁዋ ታና በሰያ ጸሳይ ኔና።

60

ጸሳይ አሸያዋ ቆንጭሰያ ዋሳ
 ዛማሪቱዋ ካፖ፡ ማሰጸጸምያን ሰባላን ደኤዳ
 ስርያ አሳቱዋና አለቱዳ ዋይነ፡ የኡብ ጉየ ሰሚደ
 ማጽንያ ዛንጋራን ታማነ ላኡ ሻኡ አሳ ዋዴዳ
 ዋይ፡ ዳውት ትምርትያዉ ጸፊዳ ዋሳ። አድልያ
 ጨሻ ዋላ. ማርካተላ ዋሳ።
 1 አቤት ጸሳው፡ ኔን ኑና አጋዳ፤
 ኑና መንሳዳ።
 ኔን ኑና ሀንቀታዳ፤
 ሸን ሀእ ኑኮ ሰማ።

59:17 2 ሳሜላ 8:13፤ 1 ኦዲዋ 18:12

2 ኔን ቢታ ቃላዳነ ዛእሳዳ፤
 ቢታይ ኮኮርያ ድራው፡ ኔን አ ዛኡዋ ባራ።
 3 ኔን ነ አሳ መቱዋ በሳዳ፤
 ኔን ኑና ጋንድጋርሰያ ዋይንያ ኡሻዳ።
 4 ነዉ ያይያዋንቱ፡
 ባረንቱ ሞርክያ ዋንዳፍያፕ አታና ማላ፡
 ማላ እማዳ።
 5 ኔን ሲቅያዋንቱ አታና ማላ፡
 ነ ኡሸቻ ኩሸያን ኑና አሻ፤
 ኔን ኑዉ አላ።
 6 ጸሳይ ባረ ጌሻ ሳኦን ሀዋዳን ያጌዳ፤
 “ታን ጸናደ ሰኬማ ቢታ ሻካና፤
 ቃይ ሱኮታ ዛንጋራ ልካና።
 7 ጋላኦደ ታዋ፤ ሞናሰካ ታሳ፤
 ኤፍሬም ታ ሁጲያ ናግያ ቆብያ፤
 ይሁዳይ ታ ካውተላ ጸምኦ።
 8 ሞኦብ ታን ሜጨትያ ኩይጸሩዋ፤
 ኤዶም ታዋ ግድያዋ ኤርሳናው ታ ጫማ አ
 ቦላ ዋላይ፤
 ታን ፕልሰጾማ ጸናደ ገሬራይ” ያጌዳ።
 9 ግምበቱዳ ካታማኮ፡ ታና ኦኔ አፋናዌ?
 ኤዶማ ጋካናው ታና ኦኔ ካለላናዌ?
 10 አቤት ጸሳው፡ ኑና አጌዳዌ ኔና ግድኪ?
 አቤት ጸሳው፡ ኔን ኑ ቶራንቻቱዋና ኦላዉ
 ከሳካ።
 11 አሳ ማዲ ፓና ድራው፡
 ሞርክያና ኦለታናው ኔን ኑና ማዳ።
 12 ጸሳ ዋልቃን ኑ ሞርከቱዋ ኑን ጸናና፤
 ኑ ሞርከቱዋ የጳናዌ አ።

61

ናጋናዳን ሺቆ ዋሳ
 ዳዊተ ዛማሪቱዋ ካፖ ዲላን የጾዳ ማዘመርያ
 1 አቤት ጸሳው፡ ኔን ታ ዋሱዋ ሰሳ፤
 ታ ዋሳ ሀይዛ።
 2 ታ ዋዛናይ ሀይታ ቃንጾ ዋይ፡
 ታን ቢታ ጋጸፕ ኔና ጸሳይ።
 ታፕ ቶቂያ ዛላኮ፡ ታና ካለላ።
 3 አያዉ ጎፕ፡ ኔን ታዉ ጌሱዋን
 ታን ታ ሞርከቱዋፕ ናገትያ ግምቢያ
 ድርሳ።
 4 ታን ነ ዱንካንያን መድናዉ ደአርክታ!
 ታን ነ ቀፍያ ሀጸ ግደን ሳሮ አታርክታ!
 5 አቤት ጸሳው፡ ኔን ታ ቃንገላ ሰሳዳ።
 ነ ሱንላ ያይያዋንቱ
 ላትያ ላታ ታዉካ እማዳ።
 6 ካትያ ላይላ አዲሳ፤
 እ የለታፕ የለታ ጋካናዉ ደኦ።
 7 እ ጸሳ ሰንላን መድናዉ ካተቶ፤
 አገና ነ ሲቁዋን ነ ቱማተላን አ ናጋ።
 8 ያትያዋ ግደፕ፡ ታን
 ታ ቃንገላ ጋላሳን ጋላሳን ጋላደ፡
 ነ ሱንላ ኡባ ገደ ሳባና።

62

ሀደታይ ጸሳ ቦላ ጸላላን
ዳዊተ ዛማራቱዋ ካፑዋ ጁዱቶ የጼዳ
ማዘመርያ።

(1 ኦዲዋ 25:3)

- 1 ጸሳ ጸላላን ታን ሸምጥዋ ደማድ፤
ታ አቶተሳይ አፕ ዬ።
- 2 አ ጸላላይ ታ ዛላን ታ አቶተሳ፤
እ ታን ቆስታ አትያ ሳኦ ግድያ ድራዉ።
አይነ ህርግከ።
- 3 ዋድያ ጎዳነ ቃጽያ ድርሳ ማላትያ አሳ ዋጳናዉ።
ህንተ አዉደ ጋካናዉ ደንዲቱ?
- 4 ኡንቱንቱ አ ቦንቾ ሳኦ፤
አ ዋላናዋ ጸላላ ኮዪኖ፤
ኡንቱንቱ ዋርዱዋን ናሸቲኖ።
ባረንቱ ዶናን እንጂኖ፤
ሸን ባረንቱ ዋዛናን ሸቂኖ።
- 5 ታ ሸምጥታ ጸሳ ጸላላን ሸምጥዋ ደማዱ፤
ታን ሀደታን ናግያዌ አፕ ዬ።
- 6 አ ጸላላይ ታ ዛላን ታ አቶተሳ፤
እ ታን ቆስታ አትያ ሳኦ ግድያ ድራዉ።
አይነ ህርግከ።
- 7 ታ አቶተሳይነ ታ ቦንቹ ጸሳና፤
እ ታ ምኖ ዛላን ታ ጌሱዋ።
- 8 አሳዉ፡ ኡባ ዋደ ጸሳን አማነትተ፤
እ ኡዉ ጌሱዋ ግድያ ድራዉ።
ህንተ ዋዛና ቆፋ አዉ ኦድተ።
- 9 አሳይ ኡባይ እት ገደ ሸምጥያ ጫርኩዋ ማላ፤
ጶቂና ዝቂና፡ አሳይ መላ።
ሚዛንያን ዋላናካ ኡንቱንቱ አይነ ዳጽክኖ፤
ኡንቱንቱ እት ገደ ሸምጥያ ጫርኩዋፕካ
ካዉሺኖ።
- 10 ማካላን ሺሸዋን አማነቶፕተ፤
ዉእ ሺሺደ ዱረታናዉ ሀልቾፕተ።
ህንተ ዱረተሳይ ዳርፕካ፡
ህንተ ዋዛና አ ቦላ ዋላፕተ።
- 11 ጸሳይ እት ገደ ኦዳዳ፡ ታን
ላኡ የዉዋ ሰሳድ፤ “ዋልቃይ ጸሳሳ።
- 12 አገና ሲቁ ጎዳዋ” ያጌዳ።
አቤት ጸሳዉ፡ ኔን አሳ ኡባዉ
አ ኦሱዋዳን ኦሱዋዳን ዛራና።

63

ጸሳ ኮዪሳ
ይሁዳ ባዙዋን ደእያ ዋደ ዳዊታ ማዘመርያ

- 1 አቤት ጸሳዉ፡ ኔን ታ ጸሳ፤
ታ ዋዛናይ ኔና ሳሞቲ፤
ታ አሹካ ኔና አሞቲ።
- መል ዛኤዳ፡ ሃሐ ባይና ቢታዳን
ታ ኩመንሳ አሳተሳይ ኔና ሳመቲ።
- 2 ታን ኔና ጌሻ ሳኦን በኦድ፤
ነ ዋልቃካ ነ ቦንቹዋካ ታን በኦድ።
- 3 አገና ነ ሲቁ ደኡዋፕ ሎእያ ድራዉ።

- ታ እንጸርሳይ ኔና ቦንቻና።
- 4 ታ ደኡዋ ላይሳን ታን ኔና ጋላታና፤
ነ ሱንሳን ታ ኩሸያ ፑደ ምጫና።
- 5 አሳይ ሎኦ ቁማ ካልያዋዳን፡
ታ ሸምጥታ ኔናን ካላና።
ታን ታ እንጸርሳን ናሸቻ የሳን ኔና ጋላታና።
- 6 ታን ታ ግሱዋን ኔና ሀሳያይ፤
ቃማ ኡባን ነባ ቆፓይ፤
- 7 እያዉ ሳፕ፡ ኔን ታና ማዴዳዋ።
ታን ነ ቀፍያ ኩዋን ኡታደ፡ ናሸቻዉ የጸይ።
- 8 ታን ነ ማታ ሺቃ ኡታይ፤
ነ ኡሸቻ ኩሺ ታና ኦይቂደ ናጌ።
- 9 ሸን ታና ዋጳና ኮይያዋንቱ፡
ቢታ ጋርሳ ጨዋ ሳኦን ሞገታና።
- 10 ኡንቱንቱ ማሻዉ አጲደ እመታና፤
ኡንቱንቱ ባባርቂያ ካተ ግዳና።
- 11 ሸን ካቲ ጸሳን ናሸታና።
ጸሳ ሱንሳን ጫቂያ ኡባይ አ ጋላታና፤
ሸን ዋርዱዋ ሃሳይያዋንቱ ዶናይ
ጎርደታና።

64

ናጋናዳን ሺቆ ዋሳ
ዛማራቱዋ ካፖ የጸቴዳ፡ ዳዊታ ማዘመርያ

- 1 አቤት ጸሳዉ፡ ታን ማጋንያ ማጋና ኔን ሰሳ።
ታን ታ ሞርከቶ ያያድ፤ ታና አሻ።
- 2 ኡታቱዋ ማቁዋፕነ፡
ኡታ ኦልያዋንቱ ሸቁዋፕ ታና ገንሳ።
- 3 ኡንቱንቱ ባረንቱ እንጸርሳ ማሻዳን ሌፊድኖ፤
ቃይ ማርዘ ቃላቱዋ፡
ዋንዳፍያ ፖላዳን ዱካናዉ ገግሴድኖ።
- 4 ኡንቱንቱ ቆስቲደ፡
ባረንቱ ዋንዳፍያ ጽሎ አሳ ቦላ ዳፊኖ፤
አኬካይ ባይናን ዱኪኖ፤ ኡንቱንቱ ያይክኖ።
- 5 ኡንቱንቱ ባረንቱ ኡታ ማቆ እቱ እቱዋ
ምን።ሳኖ፤
ባረንቱ ጲርያ ቆስያሳ ዞረቲኖ።
ኡንቱንቱ፡ “ኑና ኦን በእኔ?” ያጌኖ።
- 6 ኡንቱንቱ ኡታባ ማቀቲደ፡
“ኑን ሎኦ ማቁዋ ማቀቲደ” ያጌኖ።
ሄዌነ፡ አሳዉ ዋዛናይነ ካህይ ጨማ ግድያዋ
በሴ።
- 7 ሸን ጸሳይ ኡንቱንታ ባረ ዋንዳፍያን ዱካና፤
ኡንቱንቱ አኬከናን ማዱጸና።
- 8 ኡንቱንቱ ማቁዋ ድራዉ፡
አ ኡንቱንታ ጳይሳና፤
ኡንቱንታ በእያ ኡባይ ሁጲያ ቃላና።
- 9 ሄ ዋደ አሳይ ኡባይ ጸሳዉ ያያና፤
አ ኦሱዋባ ኦዳናን ዛር ዛሪደ ቆፓና።
- 10 ጽሎቱ መድና ጎዳን ናሸትኖ፤
አኮ ባቃቲደ አቲኖ፤
ዋዛና ሱረቱ ኡባይ ጋላትኖ።

62:12 ኢዮባ 34:11፤ ኤር. 17:10፤ ማቶሳ 16:27፤ ሮመ 2:6፤ ሳፃ 2:23 62:12 1 ሳሜላ 23:14

65

ገላታ ማዘመርያ
 ዛማረቱዋ ካፖ የጸቴዳ፣ ዳዊታ ማዘመርያ፣ ሳባ
 1 አቤት ጸሳው፣ ጽዮነን ነው ገላታይ በሴ፤
 ኑን ነው ሺቀቱዳዋካ ገላና።
 2 አቤት ዋሳ ሰሰያዎ፣
 አሳይ ኡባይ ኔኮ ያና።
 3 ኑ ናጋራይ ኑና ሙኬዳ ዋደ፣
 ነ ኑው አቶተላ እማዳ።
 4 ኔን ደራዳን ነ ችሎታን ኡታናው
 ማታ ሺሽያ አሳይ አንጀቱዳዋ።
 ኑን ነ ሶን፣ ጌሻ ዲንካንያን
 ደእያ ሎኦባን ኩሜዳ።
 5 አቤት ኑና አሽያ ጸሳው፣
 ማላልሰያ ነ ጽሎ ኦሱዋን ኔን ኑው አላሳ።
 ሳኣ ገጸፕ ገጸ ገካናው፣
 ሃኮ አባቱዋፕካ ሄፍንላን ደእያ አሳ ኡባው፣
 አማነትያዋ ኔና።
 6 ኔን ኔና ዋልቃ ዳንጭሳደ፤
 ዋልቃማ ደረቱዋ ነ ሞኖተላን ኤሳዳ።
 7 ኔን አባ ኮሻን፣
 ቤታ ጉንላ ሰርጽ ኦላሳ፤
 ቃይ አሳይ ደንድያ ደንዲዋ እርጽሳሳ።
 8 ሄዋዳን ኔን አሌዳ ማላታ ድራው፣
 ሳኣ ገጸ ገካናው ደእያ አሳይ ኡባይ ነው፣
 “ሆላ!” ጌ።
 አዋይ ሞክያሳፕ ወልያሳ ገካናው ደእያ አሳ ኡባ
 ናሽቻዳ።
 9 ኔን ቢታ ናጋደ እራ ቡክሳሳ፤
 ያታደ ዳር ቱኤያሳ።
 አሳው ካላይ ሞካና ማላ፣
 ጸሳ ፑልቶቱ ሃላን ኩሜድኖ፤
 ሄዋዳን ኦላደ ኔን ገግሳዳ።
 10 ካቻ ዋቆና ማላን ጉሉዋ ሹግሳና ማላ፣
 ኔን ያፋራን ሃላ ኩንላሳ፤
 ካላይ ሞካና ማላ አንጀሳ።
 11 ላይላ ካሎ ላይላ ኦላሳ፤
 ኔን አድያ ሳኣይ ኡባይ ኩሞ ፓላሄ።
 12 ኔን ሄንላ ሳኣ ማታን ኩንላሳ፤
 ዘዘቱዋካ ናሽቻ ዳንጭሳሳ።
 13 ኔን ሄንላ ጋድያ ደርሳ ወድያ ማይዛሳ፤
 ዛንጋራ ቢታካ ካላ ኩንላ።
 ኡንቱንቱ ናሽቻው ሆሞቦጪኖን የጸኖ።

66

እትፕተላ ገላታ
 ዛማረቱዋ ካፖ የጸቴዳ ሳባ፣ ማዘመርያ
 1 ሳኣን አሳ ኡባው፣ ሀንተ ቃላ ቶቂሲደ፣
 ናሽቻን ጸሳ ገላትተ።
 2 “ጸሳ ሱንላይ ቦንቼቶ!” ጊደ የጽተ፤
 ቦንቼ ገላታ አው እምተ።
 3 ጸሳው ሀዋዳን ያግተ፤
 “ነ ኦሶቱ ዋን ማላልሰያዋንቱ!
 ነ ዋልቃይ ዳራዳ ድራው፣
 ነ ሞርከቱ ያሻው ነ ሰንላን ኮኮሪኖ።

66:6 ከሳ 14:21፤ ኢያሳ 3:14-17

4 ሳኣን ደእያ ኡባቱ ነው ጎይኒኖ፤
 ኔና ሳቢኖ፤
 ነ ሱንላው ገላታ የጸኖ” ያግተ።
 5 ሃይተ፤ ጸሳይ ኡሌዳዋ በእተ፤
 እ አሳ ግድን ማላልሰያ ኦሱዋ ኡሌዳ።
 6 እ አባ ሃላ ሻኬዳ፤
 ቃይ በን ኑ አዋቱ ዮርዳኖሳ ሻፋ፣
 ባረንቱ ገድያን ሀመቲደ፣ ሙላ ቢታን
 ፕኔድኖ።
 ሄዋን እ ኡሌዳባን ኑን ናሽቱደ።
 7 እ ባረ ዋልቃን ሙድናው ሞዴ።
 ካውተላቱዋ ባረ አይፍያን ጾሌ፤
 ሄዋ ድራው፣ ማካልያዋንቱ አ ቦላ
 ደንደፕኖ።
 8 አሳቶ፣ ኑ ጸሳ ገላትተ፤
 ሀንተ አ ገላትያ ገላታይ ሰሰቶ።
 9 እ ኑና ፓጸ ዋሌዳ፤
 ኔን ኩንደናዳን ናጌዳ።
 10 አቤት ጸሳው፣ ኔን ኑና ፓጫዳ፤
 ብራ ጌሻናው ታማን ፓጭያዋዳን፣
 ኑና ጌሻዳ።
 11 ኔን ኑና ጸርያን ገልሳዳ።
 ኑ ዘኩዋንካ ዴጸባ ቶሳዳ።
 12 ሞርከቱ ኑ ሁጲያን ቶጋናዳን ኦላዳ።
 ኔን ሃላ ግድዋናን ታማ ግድዋና አዴደ፤
 ሸን ሀእ ኑና እሻልያ ሳ አሃዳ።
 13 ታን ጸግያ ያርሹዋና ነ ጎልያ ገላደ፣
 ታ ቃንግያ ነው ገላና።
 14 ታን ሙቶቱዳ ዋደ፣
 ታ ደናን ሺቀቱዳ ቃንግያ፣
 ታ እንጸርሳፕ ከሴዳዋ፣ ታን ገላና።
 15 ታን ነው ጸጊደ ያርሽያ፣
 ደርሳ ኦርገቱዋ ሺሻና።
 ኮሩማ ቦራቱዋን ዴሻ ኦርገቱዋ ነው ያርሻና፤
 ሄ ያርሹቱዋ ጩዋይ ሳሉዋ ገካና።
 16 ሀንተኖ፣ ጸሳው ያይያዋንቶ፣
 ኡባቱ ሃ ዪደ፣ ሰሰተ።
 ጸሳይ ታው ኡሌዳዋ ታን ሀንተው ኦዳና።
 17 ታ ቃላ ቶቂ ኦላደ ታን ጸሳ ዋሳድ፤
 ታ እንጸርሳን አው ገላታ ሺሻድ።
 18 ታን ታ ዋዛናን ናጋራ ገንጫደንቶ፣
 ጎዳይ ታና ሰሰና።
 19 ሸን ጸሳይ ቱሙዋፕ ታና ሰሴዳ፤
 ታ ዋሳካ ሀይዜዳ።
 20 ጸሳይ ታ ዋሳ እጽቤና ድራው፣
 ቃይ አገና ባረ ሲቁዋ ታው ድግቤና ድራው፣
 ገላቱቶ።

67

ገላታ ማዘመርያ
 ዛማረቱዋ ካፖ የጸቴዳ፣ ዲላን ዋጸቴዳ
 ማዘመርያ፣ ሳባ
 1 ጸሳይ ኑው ቃረቶን ኑና አንጀ፤
 ባረ ሰምእያ ኑ ቦላን ፖእሶ።
 2 ነ አገቱ ሀ ሳኣ ቦላን፣
 ነ አሽያ ዋልቃይካ፣
 ካውተላቱዋ ኡባ ግድዋን ኤረትኖ።
 3 አቤት ጸሳው፣ አሳይ ኔና ገላቶ፤

አሳይ ኡባይ ኔና ጋላቶ።

4 ካወተላቱ ኡባይ፡ “ሀሹ!” ጊደ፡
ናሽቻዉ ዪኖ።
እያዉ ጎፕ፡ ኔን አሳ ጽሎተላን ፕርዳሳ፤
ቃይ ሳኣን ደእያ ካወተላቱዋ ካለላሳ።

5 አቤት ጸሳዉ፡ አሳይ ኔና ጋላቶ፤
አሳይ ኡባይ ኔና ጋላቶ።

6 ቢታይ ካላ ሞኬዳ፤
ጸሳይ፡ ኑ ጸሳይ ኑና አንጃዳ።

7 ጸሳይ ኑና አንጃዳ።
ሳኣ ጋጸ ጋካናዉ ደእያ አሳይ ኡባይ አዉ
ያኖ።

68

ጸኑዋ ማዘመርያ

ዛማረቱዋ ካፖ የጸቴዳ፡ ዳውት ጸፌዳ
ማዘመርያ፡ የላ

1 ጸሳይ ደንደ፤ አ ሞርከቱ ላለትኖ።
አ እጽያዋንቱ አ ሰንሳፕ ባቃትኖ።

2 ጩዋይ ጫርኩዋን ፕነትያዋዳን፡
ኔን ኡንቱንታ ፑና ጳይሳ።

ሙቃዳይ ታማን ሙሽያዋዳን፡
ኢታቱ ጸሳ ሰንሳፕ ጳይኖ።

3 ሸን ጽሎቱ ሀሹ ጊኖ፤
ጸሳ ሰንሳፕ ናሽትኖ፤
ናሽቻን እልልኖ።

4 ጸሳዉ የጽተ፤ አ ሱንላ ሳቢተ።
ሻርያ ቦላን ጋልፍያዋ ቶቄ ቶቄ አሰተ
ከሰተ፤

አ ሱንላይ መጅና ጎዳ፤
አ ሰንላን ናሽትተ።

5 ጸሳይ ባረ ደእያ ጌሻ ሳኣን፡
አዉ ባይና ናናቶ አዉዋ፤
ቃይ አሰናይ ሀይቄዳ ማጫ አሳቶ ዳና።

6 ጸሳይ ባረካ ደእያዋንቶ ጎለ አሳ አማ።
ቃሾ ጎልያን ደእያዋንታ ብሊደ፡
ኡንቱንታ እሻሉዋን ዋሌ።

ሸን ማካላንቻቱ መሌዳ ቢታን ደእኖ።

7 አቤት ጸሳዉ፡ ኔን ነ አሳ ካለሌዳ ዋደ፡
ኔን ኡንቱንቱና መላ ባዙዋ ቤዳ ዋደ።

8 ሲና ደርያን ቆንጩዳ ጸሳ ሰንሳፕ፡
እሰራኤልያ ጸሳ ሰንሳፕ ቢታይ ቃጾዳ፤
ሳሎቱ እራ ዲገ ትጌኖኖ።

9 አቤት ጸሳዉ፡ ኔን እራ ዳርሳደ ቡክሳዳ፤
መላ ቢታ ዛራደ ኦራላዳ።

10 ነ አሳይካ ያን ኡቴዳ።
አቤት ጸሳዉ፡ ነ ኪካተላን፡
ሀዬሳቶ ኮሽያባ ጊግሳደ አማዳ።

11 ጎዳይ ኪታ ኪቴዳ፤
ሄ ኪታ አፌዳ ማጫ አሳቱ ዳራ።

12 ኡንቱንቱ፡ “ሞርከ ካተቱነ

ኡንቱንቱ ቶራንቻቱ ጉየ ባቃቱኖ፤
ሶን አቴዳ ማጫ አሳቱ ኦሞዲዋ
ሻከቴኖ።

13 ኡንቱንቱ፡ ጳልያ ዋርቃ ቀፍያና ደእያ፡
ብራፕ መጠቴዳ ሀራጽያ ሞሰልያ፡
ኦሞዲዋ ደሞደ፡ ህንተንቱ፡
ደርሳ ሰኩዋ ግደን እያዉ ግሴድቱ?”
ያጌኖኖ።

14 ኡባ ዳንዳይያ ጸሳይ፡
ካተቱዋ ላሌዳ ዋደ፡
ጸልሞና አሳ ቦላ ሻቻ ቡክሴዳ።

15 ባሳነ ደረቱ ዋጋ ዋልቃማ ደረቱዋ፤
ባሳነ ደረቱ ዳሮ ጸራቱ ደእያዋንታ።

16 ዳሮ ጸራቱ ደእያ ደረቶ፡
ጸሳይ ባረሳ አላናዉ ዳራዳ አሳ፡
ህንተ እያዉ ቃናቲደ ጸሊቱ?
መጅና ጎዳይ አን መጅናዉ ደእናዋ።

17 ጸሳ ኦላ ፓራ ጋረቱ
ታሙ ሻኣንነ ሻኡ ገደ ሻኣን
ፓይደትያዋንታ፤
ጎዳይ ሲና ደርያፕ ባረ ጌሻ ሳኣ ዬዳ።

18 ኦሞደቲዳ ዳሮቱዋ አኪደ፡
አ ፑደ ቶቃ ከሴዳ።
አሳፕ፡ ሀራይ አቶ ማካላንቻ አሳፕካ እሙዋ
አኬዳ።

19 መጠታ ኡባ ጎዳይ ያን ደእና።
ጋላሳን ጋላሳን ኑ ቶኩዋ ቶክያ ጎዳይ፡
ኑና አሸያ ጸሳይ ጋላተቶ።

20 ኤ፡ ኑ ጸሳይ ኑና አሸያ ጸሳቲ!
ሀይቁዋፕ አትያዌ፡
ኡባ ሞድያ መጅና ጎዳይ አሸናዳ።

21 ጸሳይ ቱሙዋፕ ባረ ሞርከቱዋ፡
ጉግያ ክንቻና፤
ናጋራ ኦግያን ሀመትያ፡
ጎፋራንቻቱዋ ሁጺያ ጳልቃና።

22 ጎዳይ ያጌዳ፤ “ታን ህንተ ሞርከቱዋ፡
ባሳነፕ ዛራደ አሀና፤
ታን ኡንቱንታ ጩዋ አባ ግደፕ ከሳደ ጉየ
አሀና።

23 ሄዌነ፡ ኔን ነ ሞርከቱዋ፡
ሱላ ግዲዋና ጮልባያ የጳደ ሀመታናሳነ፤
ነ ካናቱካ ሞርክያ ሱላፕ፡
ባረንቱ ግሹዋ እንጻርሳን ላጫናሳ” ያጌዳ።

24 አቤት ጸሳዉ፡ ነ ሳልፕ፡
ታ ጸሳ ታ ካትያ ሳልፕ፡
ጌሻ ጎልያ ገልያ ዋደ ኡባዉ ቤቱ።

25 የጽያዋንቱ ሰንላና፤ ዲጽያዋንቱ ጉየና፤
ቃይ ካራቡዋ ባቄያ ዋደሮቱ ግዲዋና።

26 ኡንቱንቱ፡ “ጸሳ ከንሌዳ ሺቁዋን ጋላትተ፤
ህንተኖ፡ እሰራኤልያ ዘረላቶ፡
መጅና ጎዳ ጋላትተ” ያጊኖ።

27 ሄ ሳልፕያን ኡባፕ ቱፋትያ፡
ቢንያማ ዛራቱ ኮይሮ ቤቲኖ።
ካሊደ ይሁዳ ካፓቱ ባረንቱ ጭታና ደእኖ፤
ዉርሰላን ዛብሎና ካፓቱን ንፍታሌማ ካፓቱ
ቤቲኖ።

28 አቤት ጸሳዉ፡ ነ ዋልቃ ቆንጮሳ።
አቤት ኑዉ ኦሌዳ ጸሳዉ፡
ነ ሞኖተላ ቦሳ።

29 ሄዋ ድራው፡ የሩሳላመን ደእያ
 ነ ጌሻ ጎልያ ካተቱ ዪደ፡
 ነዉ እዋታ እማና።
 30 ዶኣዳን ማቃ ግድን ደእያ ግብጾ አሳቱዋ ኔን
 ሴራ።
 ቦራቱዋን ማራቱዋ ዉድያ፡
 ማላትያ ካዉተላቱዋ ኔን የደርሳ።
 ኡንቱንቱ ጉልባቲደ፡ ባረንቱ ብራ ነዉ
 እማና ጋካናዉ፡
 ኔን ኡንቱንታ ሴራ።
 ኦለታናዉ ዪሞትያ አሳቱዋ ላላ።
 31 ከተቱዳ ካፓቱ ግብጾፕ ያና፤
 ቶጶታ ባረ ኩሽያ ኤለ ጸሳኩ ሞጫና።
 32 ህንተኖ፡ ሳኣ ካዉተላቶ፡
 ጸሳዉ የጽተ፤
 33 ሳሎቱዋን፡ በንፕ ደእያ ሳሎቱዋን ብያ ጎዳ
 ሳቢተ።
 ሰሰተ! እ ባረ ኮሻ፡
 ባረ ዋልቃማ ጉንላ ኪቱ።
 34 ጸሳ ዋልቃባ አዋይተ፤
 እ እንጋይ እሰራኤልያ ቦላና፤
 እ ዋልቃይካ ሳሎዋና።
 35 ጸሳይ ባረ ጌሻ ጎልያፕ ቆንጮደ፡ ማላልሴ።
 እሰራኤልያ ጸሳይ ባረ አሳዉ ሞኖተላን
 ዋልቃ እሜ።
 መድና ጎዳይ ጋላተቶ።

69

ማዲዋ ደማናዉ ሺቆ ዋሳ
 ዛማረቱዋ ካፖ፡ ጨሻ ዋላ ግያ ዋጹዋን የጸቱዳ
 ዳዊታ ማዘመርያ
 1 አቤት ጸሳዉ፡ ታና አሻ፤
 እያዉ ጎፕ፡ ሃላይ ታዉ ቆድያ ጋኬዳ።
 2 ገዲ ኤቂያ ሳኣይ ባይና ጫርያን ሙከታድ፤
 ጨሞ ሃላ ግደ ገላድ፤
 ሃላ ዙሉ ታ ቦላ ባና ሀኔ።
 3 ማደ ዋሳደ ዳቡራይ፤
 ታ ኮቶኒካ መሌዳ።
 ታ ጸሳይ አሌ ጋደ ጸልሽን፡
 ታ አይፊ ጋልጃዳ።
 4 ታና ጮ እጽያዋንቱ፡
 ታ ሁጲያ ብናናፕ ዳራ።
 ዋርዲዋን ታና ዋርክያዋንቱ፡
 ቆይሳናዉ ኮይያዋንቱ ዳሬድኖ።
 ታን ዋልቃንላ አካቤና ሚሻ ታና ጭግሲኖ።
 5 አቤት ጸሳዉ፡ ታ ባይዙዋ ኤያተላ ኔን ኤራሳ፤
 ታን ኦሌዳ ናጋራይ ኔፕ ቆስተና።
 6 አቤት ጎዳዉ፡ ኡባፕ ዋልቃማ መድና ጎዳዉ፡
 ኔና ህደታን ናግያዋንቱ፡
 ታ ጋሱዋን ዪላቶፕና።
 አቤት እሰራኤልያ ጸሳዉ፡ ኔኮ ሺቆያዋንቱ
 ታ ጋሱዋን ካዉሾፕና።
 7 ታን ቦርያ ዳንዳይዳዌን
 ታ ሶምኢ ዪላ ማዬዳዌ ነ ድራሳ።
 8 ታን ታ እሻቶ እማላ፡

ቃይ ታ አት ናናቶ አላጋ ግዳድ።
 9 ታን ነ ጎልያዉ ሴለትያ ሴላይ፡
 ታና ታማዳን ጉዳ፤
 ኔና ቦርያዋንቱ ቦሪ ታ ቦላ ዋጄዳ።
 10 ታን ጸማደ፡ ታ ሁጲያ ካዉሹዳዌ፡
 ታዉ ቅሊጩዋ ግዴዳ።
 11 ታን ካዊዋ ማዩዋ ማዬዳ ዋደ፡
 ኡንቱንቶ ቶሳዉ ግዳድ።
 12 ካታማ ፕንግያን ኡትያዋንቱ ታና ቅሊጩ፤
 ማላትያዋንቱ ታባ የላ ከሲኖ።
 13 ሽን አቤት መድና ጎዳዉ፡ ታና ግደፕ፡
 ታን ኔና ዋሳይ።
 አቤት ጸሳዉ፡ ነ ደሰያ ዋድያን፡
 አገና ነ ሲቁዋ ዳሩዋን፡
 ኔን አሻና ጌዳዋዳን ታዉ ዛሩዋ እማ።
 14 ጫርያን ሙከተናዳን ታና አሻ።
 ታና እጽያዋንቱ፤
 ጨሞ ሃላቱዋፕ ኔን ከሳ አካ።
 15 ሃላ ድኡዋን ታና አፍሶፕ፤
 ዋይ ጨሞ ኦላን ታና ሞትሶፕ፤
 ዋይ ዲቆዋ ደና ታ ቦላ ጎርድሶፕ።
 16 አቤት መድና ጎዳዉ፡ አገና ነ ሲቁዋ
 ኬካተላዳን፡
 ታዉ ዛሩዋ እማ።
 ነ ቃረታ ዳሩዋዳን ታኮ ሰማ።
 17 ታፕ ነ ቆማፕ ነ ሶምኤዋ ገንላፕ፤
 ታን ዋይትያ ድራዉ፡ ታዉ ኤለ ዛሩዋ እማ።
 18 ኔን ታኮ ሺቃ፤ ታና ዋዛ፤
 ታ ሞርከቱዋፕ ታና ላኣ ከሳ።
 19 ታን ቦርያ፡ ዪላነ፡
 ካዉሻ እኬዳዋ ኔን ኤራሳ።
 አያዉ ጎፕ፡ ታ ሞርከቱዋ ኡባ ኔን በአሳ።
 20 ቦሪ ታ ዋዛና ፓጸናዳን መንላ ድራዉ፤
 ህደታ ቃንጸድ።
 ታዉ ቃረትያዋ ኮያድ።
 ሽን እቱነ ባዋ፤
 ታና ሞን፡አያ አሳ ጸላድ፤ ሽን ደማበይከ።
 21 ታን ኮሻቱዳ ዋደ፡
 ታዉ ጫምያ ቁማ አሌድኖ።
 ታን ሳመቱዳ ዋደ፡
 ታዉ ጫላ ዋይንያ ኤሳ እሜድኖ።
 22 ኡንቱንቱ ሞያ ሳምፓይ ኡንቱንቶ ጲረ ግደ።
 ኡንቱንቱ ያርሹዋ ያርሹደ፡
 ሞያ ግብራይ ኡንቱንቶ ግትያ ግደ።
 23 ጸለናዳን ኡንቱንቱ አይፊ ጎዘቶ፤
 ኡንቱንቱ ጋዲዋ ኡባ ገደ ኮኮርሳ።
 24 ነ ሀንቁዋ ኡንቱንቱ ቦላ ትጋ፤
 ነ ሱሎ ሀንቁ ኡንቱንታ የደርሲደ አይቆ።
 25 ኡንቱንቱ ካምቡ መላ ደኦ፤
 ኡንቱንቱ ዲንካንያን ኦንነ ደኦ።
 26 አያዉ ጎፕ፡ ኡንቱንቱ፡
 ኔን ሙሬዳዋንታ የደርሲኖ፤
 ቃይ ኔን ደቼዳዋንቱ ቱጋባ
 ደንሲደ ሃሳዪኖ።
 27 ኔን ኡንቱንቱ ናጋራ ቦላ

69:4 ማዘ. 35:19፤ የሃ. 15:25 69:9 የሃ. 2:17፤ ሮመ 15:3 69:21 ማቶሳ 27:48፤ ማር. 15:36፤ ሉቃስ 23:36፤ የሃ. 19:28-29 69:22 ሮመ 11:9-10 69:25 ኪታ 1:20 69:28 ከሳ 32:32፤ ሳፃ 3:5፤ 13:8፤ 17:8

ናጋራ ጉጃናዳን አጋ፤
 ነ ማርተላት ኡንቱንታ አያይነ ጋኮ።
 28 ኡንቱንቱ ደኡዋ ማጸፋጥ ቁጨትኖ፤
 ጽሎ አሳና ማዘጋገባቸኖ።
 29 ታን ሳከታደነ ቱጋታደ ደአይ።
 አቤት ጸሳው፣ ታና አሻደ፣
 ሳሮ ሳኣን ዋላ።
 30 ታን ጸሳ ሱንላ የላን ጋላታና፤
 ጋላታ እሙዋን አ ደርሳና።
 31 ሄዌካ፣ ቦራ ያርሽያዋጥ
 ዋይ ካጫማ ኮሩማ ያርሽያዋጥ
 አጂደ፣ መድና ጎዳ ናሽቻና።
 32 ናቀቲዳዋንቱ ታና ጸሳይ፣
 አሺዳዋ በኢደ ናሽቻና።
 ሀንተኖ ጸሳኮ ሸቅያዋንቶ፣
 ሀንተ ዋዛናይ ሞነቶ።
 33 አያው ጎጥ፣ መድና ጎዳይ ሀዌሳቱዋ ሰሴ፤
 ቃሾ ጎልያን ደአያ ባረ አሳካ ካፍ።
 34 ሳሉነ ሳአይ፣ ቃይ አባይነ
 አ ግደን ዋጽ ቃጽያ ኡባቱ ጸሳ ጋላትኖ።
 35 አያው ጎጥ፣ ጸሳይ ጽዮነ አሻና፤
 ይሁዳ ካታማቱዋ ዛሪደ ኬጸና።
 አ አሳይ ያን ደአናነ ሄ ቢታይ ኡንቱንቱሳ
 ግዳናዋ።
 36 አ ቆማቱዋ ናናቱ ሄ ቢታ ላታና፤
 አ ሱንላ ሲቅያዋንቱ ያን ደአና።

70

ኡንአ ዋሱዋ
 ዛማረቱዋ ካፖ ዳዊታ ሀሳይሰያዋ ማዘመርያ።
 (40:13-17)
 1 አቤት ጸሳው፣ ታና አሻናው ኤኖ ጋ፤
 አቤት መድና ጎዳው፣ ታና ማዳናው ኤሌላ።
 2 ታና ዋቆናው ኮይያዋንቱ
 ዩላትኖነ ካዉሸኖ።
 ታን ቆሄታናዋ አሞትያዋንቱ፣
 ካዉሸደ ጉዮ ሰሞኖ።
 3 ታ ቦላ፣ “አዉ ሀሹ! ሀሹ!”
 ጌዳዋንቱ ጸነቲዳ ድራዉ ዩላትኖ።
 4 ሸን ኔና ኮይያ ኡባቱ፣
 ኔናን ናሽቻኖነ ሀሹ ጊኖ።
 ቃይ ነ አቶተላ ደሰያዋንቱ ኡባቱ፣
 “ጸሳይ ግታቶ!” ያግኖ።
 5 ታን ሀዌሳነ መቶታንቻ፤
 አቤት ጸሳው፣ ኤላ ታኮ ሃያ።
 ታና ማድያዌነ አሽያዌ ኔና፤
 አቤት መድና ጎዳው፣ ጋሞኦጋ።

71

ጸሳ ማዲዋ ደማናዉ ሸቆ ዋሳ
 1 አቤት መድና ጎዳው፣ ታን ኔኮ ባቃታይ፤
 አዉደነ ታና ዩላዮጋ።
 2 ነ ጽሎተላን ታና ዋላ አካ፤
 ነ ሀይላ ታኮ የጋደ፣ ታና አሻ።
 3 ኔን ታዉ ኡባ ዋደ ጌምያ ሞኖ ዛላነ፣
 ታና አሽያ ሞኖ ጌሱዋ ግዳ።

ታ አታና ማላ ነ አዛዛ።
 ኤ፣ ኔን ታ ዛላነ ታ ጌሱዋ።
 4 አቤት ታ ጸሳው፣ ኢታቱዋ ኩሸያጥ፣
 ኢታ ኡላያዋንቱጥነ
 ቃረት ባይና አሳቱዋ ዋልቃጥ ታና አሻ።
 5 አያው ጎጥ፣ አቤት ኡባ ሞድያ መድና ጎዳው፣
 ኔን ታን ሀደታን ናግያዋን
 ታ ያላጋተላ ዋድያጥ ደማደ፣
 ታን አማነትያዋ ግዳዳ።
 6 ታን የለትያ ዋድያጥ ደማደ ኔናን ዘሞጋድ፤
 ታ አት ኡሉዋጥ ዋድደጥ ደማደ፣
 ኔን ታና ናጋዳ።
 ኡባ ገደካ ታ ጋላታይ ኔሳ።
 7 ኔን ታዉ ባቃታ አትያ ዋልቃማ ሳኣ ግዳዳ
 ድራዉ፣
 ታ ደኡ ዳሮ አሳዉ ሌምሶ ግዳዳ።
 8 ጋላሳ ኡባን ታ ደናይ፣
 ነ ጋላታንነ ነ ቦንቹዋን ኩሜዳ።
 9 ታን ጭሜዳ ዋድያን ታና ኡሎጋ፤
 ታ ዋልቃይ እጾዳ ዋድያን ታና አጎጋ።
 10 አያው ጎጥ፣ ታ ሞርከቱ ታ ቦላ ሃሳዪኖ፣
 ታና ዋቆናው ኮይያዋንቱ
 አትጥ ሸቂደ ማቀቲኖ።
 11 ኡንቱንቱ፣ “ጸሳይ አ አሼዳ፤
 የደርሲደ አ ኦይቄቶ።
 አያው ጎጥ፣ አ አሻናዌ ኦንነ ባዋ” ያጊኖ።
 12 አቤት ጸሳው፣ ታጥ ኔን ሃኮጋ።
 አቤት ታ ጸሳው፣ ታና ማዳናው ኤሌላ።
 13 ታና ሞትያዋንቱ ዩላቲደ ጳይኖ፣
 ታና ቆሀናው ኮይያዋንቱ፣
 ዩላነ ካዉሻ ማይኖ።
 14 ሸን ታና ግደጥ፣
 ኡባ ገደ ኔና ሀደታን ናጋና።
 ታን ጉጃ ጉጃደ ኔና ጋላታና።
 15 ዋይሰንቶ ልክያ ኤራና ቆዮጥካ፣
 ታ ደናይ ጋላሳ ኡባን ነ ጽሎተላባነ
 አሽያ ነ ኡሱዋባ ኡዳና።
 16 ታን ኡባ ሞድያ መድና ጎዳ ዋልቃን ያና፤
 ነ ጸላላይ ጽሎ ግድያዋ አዋያና።
 17 አቤት ጸሳው፣ ኔን፣
 ታ ያላጋተላጥ ደማደ ታና ታማርሳዳ።
 ሀእ ጋካናዉ ታን ነ ማላልሰያ ኡሱዋባ ኡዳይ።
 18 አቤት ጸሳው፣ ነ ዋልቃነ ነ ሞኖተላ፣
 ይያ የለታ ኡባዉ ኡዳና ጋካናዉ፣
 ታን ጭማደ ፑሉሞጥካ ታና አጎጋ።
 19 አቤት ጸሳው፣ ነ ጽሎተላይ፣
 ቦላ ሳሉዋ ጋኬዳ።
 አቤት ዋልቃማባ ኡሌዳ ጸሳው፣
 ነ ማል ኦንነ ባዋ።
 20 ኔን ታ ቦላ ዳሮ መቱዋ አሃዳ፤
 ግደጥነ፣ ኔን ታ ደኡዋ ዛራደ ኡራጽሳና፤
 ኔን ታና ቢታ ግደ ጨሞ ኡላ ገለናዳን
 ናጋና።
 21 ኔን ታ ቦንቹዋ ካሰዋጥ ደርሳና፤
 ኔን ታና ዛረላደካ ሞንፍላና።
 22 አቤት ታ ጸሳው፣ ነ ቱማተላ ድራዉ፣
 ታን ኔና ዲላን ጋላታና።

አቤት እስራኤልያ ጌሻው፤
 ታን ማሰንቁዋን ኔና ሳባና።
 23 ታን ዲጸደ፡ ናሸቻው ታ ቃላ ቶቁ ኦላደ የጸና፤
 ኔን ታና እሼዳ ድራው፡ ታን ኔና ሳባና።
 24 ታ እንጸርሳይ ነ ጽሎ ኦሱዋባ ኡባ ጋላሰ
 ኦዳና፤
 አያው ጎፕ፡ ታና ቆሀናው ኮይያዋንቱ፤
 ዩላቴድና ካወሼድና።

72

ካትያው ሺቆ ዋሳ
 ሶሎሞና የላ
 1 አቤት ጸሳው፡ ካቲ ነ ሱረተላን ፕርዳናዳን፤
 ኔን አ ታማርሳ፤
 ኩ ካትያው ነ ጽሎተላ እማ።
 2 ያቶፕ፡ እ ነ አሳው ጽሎተላን ፕርዶ፤
 ናቀቴዳዋንቶካ ሱረተላን ዳናቶ።
 3 ደረቱ ሳርተላ አይፍና፤
 ዘዘቱካ ጽሎተላ አይፍና ነ አሳው አይፍና።
 4 ሄ ካቲ አሳ ግዶን ናቀቴዳዋንቱ ድራው ሞተቶ፤
 ሀዬሳቱዋ እ አሾ፤
 ኡቁንያዋንታ እ መንፍቆ።
 5 አዋይነ አግናይ ደእያ ዋደ ኡባን፤
 የለታፕ የለታ ጋካናው፡ አሳይ አዉ ያዩና።
 6 ካቲ ሾይቃን ቡክያ እራን
 ጋድያ ካልሰያ እራ ማላ ግዶ።
 7 እ ደእያ ላይላ ኡባን ጽሎ ዳሻና፤
 አግናይ ቆያና ጋካናው ሳርተላይ ዳራና።
 8 አባፕ አባ ጋካናው፡
 ቃይ ኤፍራዲሳ ሻፋፕ ሳኦ ጋጸ ጋካናው እ
 ሞዶ።
 9 ባዙዋ አሳቱ አዉ ሆክና፤
 እ ሞርከቱ ባና ላጭና።
 10 ታርሴሳን ሃላን ዳደቴዳ ቢታ ካተቱ፤
 አዉ ጌራ ጌርና።
 ሼባነ ሳባ ካተቱ፤
 አዉ እሞታ አይና።
 11 ካተቱ ኡባይ አዉ ጉልባትና፤
 ካወተላቱ ኡባይ አዉ ከተትና።
 12 እ ጴሰያ ሀዬሳቱዋ፡ ናቀቴዳዋንታን
 ማድያዌ ባይናዋንታ እ አሾ።
 13 ሀዬሳቶነ ማንቆቶ እ ቃረቱ፤
 ሀዬሳቱዋ ሸምቱዋ አሾ።
 14 ኡንቱንታ ናቁዋፕነ ማካላፕ እ ዋዜ።
 ኡንቱንቱ ሱላይ አ ሰንላን አልአ።
 15 ካቲ ሸምቱዋ ጋምኦ፤
 ሼባ ቢታ ዋርቃይ አዉ እመቶ።
 ፓጨናን አዉ ዋሳይ ዋሰቶ፤
 ጋላሳ ኡባን እ አንጀቶ።
 16 ቢታን ዳር ካላይ ሞኮ፤
 ደረቱ ካላን ካመትና።
 ቢታይ ሊባናሰ ደሪ ሞክያዋዳን ካላ ሞኮ፤
 ማታይ ደምባ ኩምያዋዳን አሳይ ካታማ
 ኩሞ።
 17 ካትያ ሱንላይ መድናው ደኦ፤
 አዋይ ደኤዳ ኬሻ ኡባን ጸገቲደ፡ ጋምኦ።

72:8 ዛካ. 9:10

አሳይ ኡባይ አ ባጋና አንጀታና፤
 ካወተላቱ ኡባይ አ፡ “አንጀታ” ያጌዶ
 አንጀና።
 18 ማላልሰያባ ባረካ ኦላያ መድና ጎዳ ጸሳው፡
 እስራኤልያ ጸሳው ጋላታይ ግዶ።
 19 አ ቦንቾ ሱንላይ መድናው ጋላተቶ፤
 አ ቦንቾ ሳኦ ኡባ ኩሞ።
 አመንእ። አመንእ።
 20 እሰይ ናኦ ዳዊታ ዋሳይ ሀዋን ፖላቴዳ።

ሄዘንሶ ማጻፋ

73

(73—89)

ጽሎ ፕርዳ ጸኦዋ
 አሳፋ የላ
 1 ጸሳይ እስራኤልያው ቱሙዋፕ ሎኦ፤
 ዋዛና ጌሻቶ እ ኬካ።
 2 ሸን ታና ግዶፕ፡ ታ ገዲ፤
 ቆብታናው ጉላ አቴዳ፤
 ታ ገዲ ሀልጻናው ማቱዳ።
 3 አያው ጎፕ፡ ኢታ አሳቶ ሳርተላይ ደእያዋ በኦደ፤
 ሄ ኦቶራንቻቱዋ ዳረተላን ታን ቃናታድ።
 4 ኡንቱንቶ ቱግ ባዋ።
 ኡንቱንቱ ቦላይ ፓጸነ ሞና።
 5 ኡንቱንቱ ሀራ አሳይ ቱጋትያዋዳን ቱጋትክና፤
 ኡንቱንቱ ሀራ አሳዋዳን መቱዋን
 ሾጨትበይክና።
 6 ሄዋ ድራው፡ ኡንቱንቱ ኦቶራዋ፤
 አሌቁዋዳን ቆድያን አሊና፤
 ማካላ አፍላዳን ማዩና።
 7 ኡንቱንቱ ዋዛናይ ኢታባ ፕልቱ።
 ኡንቱንቱ ቆፋይ ኢታ ሀልቹዋ ኩሜዳ።
 8 ኡንቱንቱ ቅሊጨናን ኢታባ ሃሳዩና፤
 ኡንቱንቱ ባረንቱ ኦቶራዋ፤
 ሀራቱዋ ኡንኤላናው ናሲና።
 9 ኡንቱንቱ ሳሎዋን ደእያ ጸሳ፤
 ባረንቱ ደናን ጫሺና።
 ሳኦን ደእያ አሳ ቦላካ፤
 ባረንቱ እንጸርሳን ኦቶራዋ ሃሳዩና።
 10 ሀራይ አቶ፡ ጸሳ አሳይካ ኡንቱንቱኮ ሰማና፤
 ኡንቱንቱ ኦድያዋካ ኤላ አማናና።
 11 ኡንቱንቱ፡ “ጸሳይ ኡባ አይነ ኤረና፤
 ኡባፕ ቆቂያ ጸሳይ አይነ በኤና” ያጌና።
 12 ሰም ኢታቱ ሀዋ ማላ፤
 ኡንቱንቱ ኡባ ገደካ አንጀትና ደኦና፤
 ኡንቱንቱ ጉጅ ጉጅ ዳረቲና።
 13 ያቶፕ፡ ታን ታ ዋዛና ጌሻ ኦሌዳዌነ
 ታን ታ ጽሎተላ በሳናው፤
 ታ ኩሸያ ሜጨቴዳዌ ቱሙዋፕ መላ።
 14 ጋላሳ ኩመንላን ታን መቱዋን ሾጨታድ፤
 ዋንታን ዋንታን ሙረታድ።
 15 ታን ኢታቱዋዳን፡ ኡንቱንቱ ግያዋ ጌደንቶ፤
 ታን ነ አሳው አማነተናዋ ግዶና።
 16 ታን ሀ ኡባ የወዋ ኤራናው ቆፕያ ዋደ፤
 ታዉ ኤረተና ዳደባ ግዶዳ።
 17 ሸን ታን ጸሳ ጌሻ ሳኦ ገሌዳ ዋደ፤
 ኢታቱዋ ወርሰላ ካጫ አኬካድ።

18 ኢንቱንታ ኔን ቱሙዋፕ ሀልጽያ ሳኣን ኡትሳሳ፤ ህዋዳን ሀኒደ፣ ዋይሳ ዋድያ ደኣነንቶ፣
 ኔን ኢንቱንታ ኩንድሳሳን ባይዛሳ። ኤርያ አሳይ ኑ ግደን እቱነ ባዋ።
 19 ኢንቱንቱ እኬከናን ጳዬድኖ፤ 10 አቤት ጸሳው፣ ነ ሞርከቱ፣
 ዳጋማን እቱ አተናን ሙላ ወሬድኖ። ዋይሳ ዋድያ ነ ቦላ ቅለጫኔ?
 20 እት አሳይ ቤጎትያ ዋደ፣ ኢንቱንቱ ነ ሱንሳ መድናወ ቦራኔ?
 እ አኩሙዋን በኤዳባይ ደገትያዋዳን፣ 11 ነ ኩሽያ ሺሻ አካደ አያወ ጋምአይ?
 አቤት ጎዳው፣ ኔን ደንድያ ዋደ፣ ነ ኡሽቻ ኩሽያ ነ ቁማዩዋፕ ከሳደ ኢንቱንታ
 ኢንቱንቱ ደገታና። ጳይሳ።
 21 ታን ይሎቴዳ ዋደነ 12 ግደፕነ፣ አቤት ጸሳው፣
 ታ ዋዛናን ሴለቴዳ ዋደ፣ ኔን በንፕካ ታ ካትያ፤
 22 እይነ እኬከናን ደንጭላድ፤ ኔን ቢታ ቦላ አቶተሳ አሃዳ።
 ታን ነ ሰንሳን ሚዛ ማላ ግዳድ። 13 ነ ዋልቃማ ዋልቃን ኔን አባ ሻካዳ፤
 23 ሸን ታን ኡባ ገደካ ኔናና ደአይ፤ አ ግደን ደአያ ዳዊያ ሁጳቱዋ ኔን ቆጶዳ።
 ታ ኡሽቻ ኩሽያ ኔን ኦይቃዳ። 14 ሌዋታና ግያ ዳዊያ ሁጳቱዋ ቆጶዳ፣
 24 ነ ዘርያን ታና ካለላሳ፤ አ አሹዋ ባዙዋን ደአያ መጠታቶ፣
 ሄዋፕ ጉይያን ኔን ታና ቦንቾ አፋና። ቁማ ኦሳደ እሚዳዊ ኔና።
 25 ታወ ሳሉዋን ኔፕ አትና፣ 15 ኔን ፑልቶቱዋ ደያ የዳዳ፤
 ሀራይ ኦን ደአ? ኡባ ገደ ጎግያ ሻፋቱዋ ቃይ መልሳዳ።
 ታን ኔፕ አትና፣ 16 ጋላሳይ ነዋ፤ ቃማይካ ነዋ፤
 ሳኣን ሀራባ አያን አሞትከ። ቃይ አዋነ አግና ኢንቱንቱ ሳኣን ዋሌዳዌ
 26 ታ ዋልቃይነ ታ ዋዛናይ ዳቡራናወ ዳንዳዬ፤ ኔና።
 ሸን ጸሳይ ታ ዋዛና ሞንሰያዋን፣ ባልጉዋነ ቦንያ መጴዳዊ ኔና።
 መድናወ ታና ጋኬዳ ሳማ። 18 ሸን አቤት መድና ጎዳው፣ ነ ሞርከቱ፣
 27 ኔፕ ሃክያዋንቱ ጳያና፤ ኔና ዋት ቅለጩድኖንቶ፣
 ኔና እማነተናዋንታ ኡባ ኔን ወርሳና። ቦዛ አሳቱ ነ ሱንሳ ዋት ቦሬድኖንቶ ሀሳያ።
 28 ሸን ታና ግደፕ፣ 19 ነወ ሞደትያዋንቱ ሸምፑዋ
 ታን ጸሳ ማታን ደአያዌ ታወ ሎአ። ኢታ ሞርከቶ አሳደ አሞፓ።
 ታን ኡባ ሞድያ መድና ጎዳ፣ መቶታንቻቱዋ መድናወ ደጎፓ።
 ታወ ባቃታ አትያ ሳኣ ኦሳድ። 20 ኑ ቢታን ደአያ ጳማ ሳኣይ ኡባይ፣
 ሄዋ ድራው፣ አ ኡሱዋ ኡባ ታን ኦዳና። ማካላንቻቱዋን ኩሚዳ ድራው፣
 ኔን ኑወ ጫቂዳ ጫቁዋ ቆፓ።

74

ጋዲ ላእ ከሳናዳን ሺቆ ዋሳ
 አሳፍ እኬካን ጸሬዳ ግንጸዋ
 1 አቤት ጸሳው፣ ኔን ኑና መድናወ አያወ አጋዲ? ህዋዳን ሀኒደ፣ ዋይሳ ዋድያ ደኣነንቶ፣
 ነ ሀንቁ ነ ቆሩዋን ደአያ ደርሳቱዋ ቦላ፣ ኤርያ አሳይ ኑ ግደን እቱነ ባዋ።
 እያወ ሱሌዳ? 2 ኔን በን ደሬዳ አሳ፣ ኔን
 ነወ ቡዙ ኦሳደ ዋዜዳ ዛራቱዋ ሀሳያ።
 ኔን ደኤዳ ጽዮን ደርያ ቆፓ።
 3 አነ ነ ጌሻ ጎሊ ኮለቴዳ ሳኣ ያደ ጶላ።
 ሞርከቱ አን ደአያባ ኡባ ጳይሴድኖ።
 4 ነ ሞርከቱ ነ ጌሻ ጎልያ ግደን፣
 “ኑን ጸኔደ” ያገደ ገሬሬድኖ።
 ጸኑዋ ማላታ ያገደ፣ ባረንቱ ባንድራ ኤሴድኖ።
 5 ኢንቱንቱ ሞላ ቃንጸናወ ባረንቱ ካልታ፣
 ቶቁ ኦሳደ፣ ኤቁዳ አሳቱዋዳን ሀኔድኖ።
 6 ኢንቱንቱ ማሰቴዳ ሳንቃ ኡባ፣
 ባረንቱ ካልታን ማደሻን መንሐ የጌድኖ።
 7 ጌሻ ጎልያ ታማን ጸገደ ጳይሴድኖ፤
 ነወ ጎይንያ ሳኣ ቱንሴድኖ።
 8 ባረንቱ ዋዛናን፣ “ኢንቱንታ ኑን፣
 ኡባና ጳይሳና” ያገደ ቆፕድኖ።
 ቢታን አሳይ ጸሳው ጎይንያ ሳኣ ኡባ ታማን
 ጸጌድኖ።
 9 ሄ ዋደ ማላይ ኑወ እመተናን እጾዳ፤
 ትምቢትያ ኦድያዌ እቱነ ባዋ።

10 አቤት ጸሳው፣ ነ ሞርከቱ፣
 ዋይሳ ዋድያ ነ ቦላ ቅለጫኔ?
 ኢንቱንቱ ነ ሱንሳ መድናወ ቦራኔ?
 11 ነ ኩሽያ ሺሻ አካደ አያወ ጋምአይ?
 ነ ኡሽቻ ኩሽያ ነ ቁማዩዋፕ ከሳደ ኢንቱንታ
 ጳይሳ።
 12 ግደፕነ፣ አቤት ጸሳው፣
 ኔን በንፕካ ታ ካትያ፤
 ኔን ቢታ ቦላ አቶተሳ አሃዳ።
 13 ነ ዋልቃማ ዋልቃን ኔን አባ ሻካዳ፤
 አ ግደን ደአያ ዳዊያ ሁጳቱዋ ኔን ቆጶዳ።
 14 ሌዋታና ግያ ዳዊያ ሁጳቱዋ ቆጶዳ፣
 አ አሹዋ ባዙዋን ደአያ መጠታቶ፣
 ቁማ ኦሳደ እሚዳዊ ኔና።
 15 ኔን ፑልቶቱዋ ደያ የዳዳ፤
 ኡባ ገደ ጎግያ ሻፋቱዋ ቃይ መልሳዳ።
 16 ጋላሳይ ነዋ፤ ቃማይካ ነዋ፤
 ቃይ አዋነ አግና ኢንቱንቱ ሳኣን ዋሌዳዌ
 ኔና።
 17 ቢታወ ዛዋ ዋሌዳዊ፣
 ባልጉዋነ ቦንያ መጴዳዊ ኔና።
 18 ሸን አቤት መድና ጎዳው፣ ነ ሞርከቱ፣
 ኔና ዋት ቅለጩድኖንቶ፣
 ቦዛ አሳቱ ነ ሱንሳ ዋት ቦሬድኖንቶ ሀሳያ።
 19 ነወ ሞደትያዋንቱ ሸምፑዋ
 ኢታ ሞርከቶ አሳደ አሞፓ።
 መቶታንቻቱዋ መድናወ ደጎፓ።
 20 ኑ ቢታን ደአያ ጳማ ሳኣይ ኡባይ፣
 ማካላንቻቱዋን ኩሚዳ ድራው፣
 ኔን ኑወ ጫቂዳ ጫቁዋ ቆፓ።
 21 ናቀቴዳዋንታ ይላዮፓ፤
 ህዋዳን ሀኒደ፣ ዋይሳ ዋድያ ደኣነንቶ፣
 ኤርያ አሳይ ኑ ግደን እቱነ ባዋ።
 22 አቤት ጸሳው፣ ደንዳ፤ ነ የወዋ ሞተታ።
 ገዙ አሳቱ ጋላሳ ኡባን፣
 ነ ቦላ ቅለጫኔዳዋ ሀሳያ።
 23 ነ ሞርከቱ ነ ቦላ ዋሰን ዋሱዋን
 ኔና እጽያዋንቱ፣
 ፓጭ ባይናን ቅለጫኔ ቅለጫኔዋ ደጎፓ።

75

ጸሳይ ፕርድያዋ ግዲሳ
 ዛማረቱዋ ካፖ አሳፍ። “ጳይሶፓ” ጌተትያ ዲላ
 ዋላን የጾዳ የላ።
 1 ነወ ጋላታ እሚቶ፤ አቤት ጸሳው፣ ኔና ጋላቱቶ፤
 “ነ ሱንሳይ ዋፓ” ገደ አዋዬቶን፣
 ማላልሰያ ነ ኡሱዋ ኡባ ኦዳቶ።
 2 ጸሳይ፣ “ድራደ ኬሬዳ ጋላሰ፣
 ሱረ ፕርዳ ፕርዳዌ ታና።
 3 ሳኣይነ አን ደአያዋንቱ ኡባይ ቃጽናካ፣
 አ ቱሳ ሞንሳ ኤሰያዌ ታና።
 4 ታን ኡቶራንቻቱዋ፣ ኡቶራንቻቱ ያጋይ፤
 ኢታቱዋካ፣ ህንተ ካጭያ ደንሰፕተ።
 5 ህንተ ካጭያ ቶቂሰ በሰፕተ፤
 ዛቱሪደ ሃሳዮፕተ ያጋይ” ያጌ።

74:14 እዮባ 41:1፤ ማዘ. 104:26፤ እሳ. 27:1

- 6 ቦንቹ አዋይ ደልያሳጥ
 ዋይ ወልያሳጥ
 ዋይ ባዙዋጥ ዬና።
- 7 ሸን ፕርድያዌ ጸሳ፤
 እ እቱዋ ቦላ ፕርድ፤
 እቱዋ ሻትን።
- 8 መድና ጎዳ ኩሽያን እት ዋንጫይ ደኤ፤
 ሄ ዋንጫይ ጸሳ ሀንቁዋ ዋይንያ ኤሳን
 ኩም ኡቴዳ።
- እ ሄዋጥ ኡሻ ትግና፤
 ሳኣን ደእያ ኢታ አሳቱ ሄዋ ኡሻና፤
 ኡንቱንቱ ኦርጨዋካ አሸናን ጭንግሲደ
 ኡሻና።
- 9 ሸን ታን ያቆባ ጸሳባ ኦዳናን
 መድናዉ እ ሳባና።
- 10 እ ኢታ አሳቱዋ ካጭያ ኡባ መንፋና፤
 ሸን ጽሎቱዋ ካጪ ቶቁ ቶቁ ጋና።

76

- ጸሳ ጸኑዋ**
 ዛማሪቱዋ ካፖ ዲላ ዋላን የጸቴዳ፤ አሳፋ
 ማዘመርያ
- 1 ጸሳይ ይሁዳን ኤሪቱዳዋ፤
 እ ሱንፋይ እሰራኤልያን ዋልቃማ።
 - 2 እ ዲንካኒ ሳሌማና፤
 እ ደኢያሳይ ጽዮና።
 - 3 እ፡ ሄዋን ጸንገትያ፤
 ሞርከቱዋ ዋንዳናና ጨብያ፤ ጎንዳልያ፤
 ማሻን
 ሀራ ኦላ ሚሻቱዋ መንግራጭዳ።
 - 4 አቤት ጸሳዉ፡ ነ ቦንቹ አይ ኬሻ ግቱ!
 ኔን ነ ሞርከቱዋ ጸናደ፤
 ደርያጥ ሰምያ ዋይ፤
 ነ አንጋይ አይባ ያሸያዌ!
 - 5 ጎባ ቶራንቻቱ፤
 ባረንቶ ደእያዋ ኡባ ቦንቀት ክቼድና።
 - ሀእ ሰም ኡንቱንቱ፤
 ዋልቃማ ገምእቹዋ ገምእቹድና፤
 ኡንቱንቱጥ እቱን ባረ ኩሽያ ደንገሰና።
 - 6 አቤት ያቆባ ጸሳዉ፡ ኔን ሴሬዳ ዋይ፤
 ፓራ አሳቱን ፓራቱ ኩንዶ ሳን አቴድና።
 - 7 ሸን አቤት ጸሳዉ፡ ኔን ያሻሳ!
 ነ ሀንቁ ሱሌዳ ዋይ፤
 ነ ሰንፋን ኦኔ ኤቃናዌ?
 - 8 ኔን ፕርዳ ሳሉዋጥ ሰሌዳ ዋይ፤
 ሳኣን ደእያ አሳይ ያዩደ፤ ጮኡ ጌዳ።
 - 9 ኔን ሳኣን ቆሄቱዳዋንታ አሻናዉ፤
 ፕርዳዉ ደንዴዳ ዋይ፤ ሄዌ ሀኔዳ።
 - 10 አሳ ሀንቁ ዳራዳ ኬሻ ኔን ጋላተታሳ።
 ኦላጥ አቴዳ አሳቱ ኡባይ፤
 ነ ባላ ጋላሳቱዋ ቦንቻና።
 - 11 መድና ጎዳዉ፡ ሀንተ ጸሳዉ፤
 ሸቀትተ፡ ሄዋካ ጋላተ።
 - ሀንተና ሸር ካዉተላቶ፤
 ያየታናዉ በሰያዋ እሞታ አሀተ።
 - 12 እ ካፖቱዋ ኡቶራዋ ካዉሼ፤

ዋልቃማ ካተቱዋካ እ ያሸሴ።

77

- ምንግራዋ ዋሳ**
 አሳፍ ዛማሪቱዋ ካፖ ጂዲቶ የጼዳ፤ ማዘመርያ
- 1 ታን ጸሳዉ ማጋናይ፤
 ታና ሰሶ ጋደ ታን ጸሳ ዋሳይ።
 - 2 ታን ታ መቱዋ ጋላሰ ጎዳ ኮያይ።
 ቃማን ታን ሸምጥናን ታ ኩሸቱዋ እኮ
 ሞጫይ፤
 ግድገና፡ ታን ሞንታናዉ ዳንዳይከ።
 - 3 ታን ጸሳባ ቆጥያ ዋይ፤ ኦላይ፤
 ታን አባ ዩሻ ቆጥያ ዋይ፤
 ታ ሸምጥ ዳቡሬ።
 - 4 ኔን ቃማ ኡባ ታና ገምእቹዋ ድጋደ አሀሳሳ።
 ታን ሎይላ ህርግያ ድራዉ፤
 ሃሳያናዉ ዳንዳይከ።
 - 5 ታን እጴዳ ጋላሳቱዋ ቆጥይ፤
 ካሰ ላይላቱዋካ ሀሳያይ።
 - 6 ታን ቆፋ ሸካደ አቃይ፤
 ታ ዋዛናይ ዩሸ ቆጥያ ዋይ፤
 ታን ታ ሁጲያ ሀዋዳን ያጋደ አቻይ፤
 - 7 “ጎዳይ ኦና መድናዉ አግ ባሻኔ?
 ዛረፈደ እ ኦና ኬካ በሰኔ?
 - 8 እ ሲቁ አቴዳ?
 እ ጌዳዌ ሀዋጥ ሰንፋናዉ ሳኣን ኦግኔ?
 - 9 ጸሳይ ማርያዋ ዶጌዳ?
 ባረ ቃረታካ ሀንቁዋን ላሜዳ?” ያጋደ
 አቻይ።
 - 10 ቃይካ ታን፡ “ታና ቆሄዳዌ፤
 ኡባጥ ቶቂያ ጸሳ ኡሸቻ ኩሸ፤
 ካሰጥ ማድያ ማዲዋ አጌዳዋ” ያጋይ።
 - 11 መድና ጎዳዉ፡ ነ ኦሶቱዋ ታን ቆጥና።
 ኤ፤ ኔን በን ዋይ፤
 ኦሴዳ ማላልሰያባቱዋ ኡባ ታን ሀሳያና።
 - 12 ነ ኦሴዳዋ ኡባ፤
 ታን ዛራ ዛራደ ቆጥና፤
 ነ ዋልቃማ ኦሶቱዋ ኡባ ታን ዩሻ ቆጥና።
 - 13 አቤት ጸሳዉ፡ ነ ኦጊ ጌሻ፤
 አይ ጸሰን ኦ ጸሳ ማላ ዋልቃማ ግድና።
 - 14 ኔን ማላልሰያባ ኦላያ ጸሳ።
 አሳ ግድን ነ ዋልቃ ቆንጭሰያዋ።
 - 15 ነ አሳ፡ ያቆባን ዮሴፎ ዘረላቱዋ፤
 ነ ቀሰያን ዋዛዳ።
 - 16 አቤት ጸሳዉ፡ ሃላቱ ኔና በኤድና፤
 ሃላቱ ኔና በኢደ ያዬድና።
 አባ ጨማቱካ ኮኮሬድና።
 - 17 ሻረቱ እራ ዲገ ዛሪደ ትጌድና፤
 ጉጉንፋይ ሳሉዋን ጉሜዳ።
 ነ ዋልቃንፋይ ያን ሃን ዋልቃሜዳ።
 - 18 ነ ጉጉንፋይ ጉንፋይ ጎትያ ግድን ኮሹሜዳ፤
 ነ ዋልቃንፋ ጸላላይ ሳኣ ፖእሴዳ።
 - ቢታይካ ጋጅ ጋጂደ ኮኮሬዳ።
 - 19 ኔን አባ ግዲዋና ሀመታሳ፤
 ጨሞ አባ ግዲዋና አቆሳ፤
 ግድገና፡ ነ ገዲ የጴዳ ሳኣይ ቤተና።
 - 20 ሙሴን አርና ኩሽያን
 ኔን ነ አሳ ደርሳ ዉድያዳን ካለላዳ።

78

ጸሐፊው እና ሌሎች ጸሐፊዎች ግንደው
 1 ታ እሳው፤ ታን ህንተና ታማርሰያዎ ሰሰተ፤
 ታ ደናፕ ከሰያ ቃላ ሀይዘተ።
 2 ታን ኡንቱንቶ ሃሳይያ ዎደ፤
 ሌምሱዋን ሃሳያይ፤
 በኒደፕ ጌሜዳ የዎቱዋ ቆንጭሳና።
 3 ኑን ሰሴዳን ኤራዳ የዎቱዋ፤
 ቃይ ኑ አዎቱ ኑዉ ኦዳዳ የዎቱዋ ሃሳያና።
 4 ሄ የዎቱዋ ኑን ኡንቱንቶ ናናቱዋፕ ቆሶኮ፤
 መድና ጎዳዉ በሰያ ጋላታ፤
 አ ዎልቃን ማላልሰያ አ ኡሱዋ፤
 ይያ የለታዉካ ኑን ኡዳና።
 5 አ ያቆባ ዛረቶ አዛዙዋ፤
 እሰራኤልያ አሳዉ ህግያ እሜዳ።
 ካሰ ኑ አዎቱ ባረንቱ ናናቱዋ፤
 ሄ ህገቱዋ ታማርሳና ማላ አዛዜዳ።
 6 ሄዌን፤ ካልያ የለታይ፤
 ሄ ብሮ የለታና ናናቱ ኤራናዳናን
 ኡንቱንቱካ ባረንቱ ናናቶ ኡዳናዳና።
 7 ያትና፤ ሄ ናናቱ ጸሐፊን አማኒታናዳን፤
 አ ኡሌዳባካ ደገናዳን፤
 አ አዛዙዋ ናጋናዳና።
 8 ኡንቱንቱ ካሰ ባረንቱ አዎቱዋዳን ዎዛና
 ሙሙን
 ማካላንቻ አሳ ግደናዳን፤
 ጸሐፊው ኤቀናን አማኒተና የለታ ግደናዳና።
 9 ኤፍራማ አሳቱ፤ አላዉ፤
 ዎንዳፍያና ፖላ ገግሲደ፤
 አላ ጋላሰ ጉየ ሰሜድና።
 10 ኡንቱንቱ ጸሐፊ ጫቁዋ ናግበይክና፤
 አ ህግያዳን ሀመተናን እጾድና።
 11 ኡንቱንቱ አ ኡሌዳ ዎልቃማ ኡሱዋን
 ኡንቱንታ አ በሴዳ ማላታ ደጌድና።
 12 አ ኡንቱንቱ አዎቱዋ ሰንሳን ግብጾ ቢታን፤
 ጸአን ደምባን ማላታ ኡሌዳ።
 13 አባ ሻኪደ፤ ግድዋና ኡንቱንታ ፕንሌዳ፤
 አ ሃላ ሻኪደ፤
 ያን ሃን ሻኪደ ጎዳዳን ኤሴዳ።
 14 አ ኡንቱንታ ጋላሰ ሻርያን፤
 ቃማ ታማ ፖኡዋን ካለሌዳ።
 15 አ ባዙዋን ዛላ ጸልቂደ፤
 ጨሙዋፕ ዳሮ ሃላ ኡንቱንታ ኡሼዳ።
 16 ዛላፕ ሃላ ፑልትሲደ፤
 ሻፋዳን ዲገ ጎግሴዳ።
 17 ሸን ኡንቱንቱ አ ቦላ ናጋራ ኡሱዋ ገደ
 ጉጂድና፤
 ኡባፕ ጾቂያ ጸሐፊ ቦላ፤
 ባዙዋን ማካሌድና።
 18 ባረንቱ አዎቱዳ ቁማ ኡኝያዋን
 ጸሐፊ ኤሪደ ፓጩድና።
 19 ኡንቱንቱ ጸሐፊ ቦላ ሀዋዳን ያገደ ሃሳይድና፤
 “ባዙዋን ጸሐፊ ኑዉ ቁማ አላናዉ
 ዳንዳዪ?
 20 ዛላ ሸጭና፤ ፑልቱ ከሲደ፤

ሻፋይ ጎጌዳ፤
 ሸን ኡክላ አ ኑዉ እማናዉ ዳንዳዪ?
 ዎይ ባረ አሳዉ አሹዋ እማናዉ ዳንዳዪ?”
 ያጌድና።
 21 መድና ጎዳይ ሄዎ ሰሴዳ ዎደ፤
 ኡንቱንቱ ቦላ ዳሮ ህንቀቱዳ።
 ያቆባ ዛራቱዋ ቦላ ታማይ ኤጾዳ፤
 እሰራኤልያ ቦላ አ ህንቁ ዳሮ ዳሮ ቤዳ።
 22 እያዉ ጎፕ፤ ኡንቱንቱ ጸሐፊን አማኒታናዳን፤
 ዎይ አ አሸያዋን አማኒታናዳን።
 23 ግደፕን፤ አ ቦላ ሳሉዋ አዛዚደ፤
 ሳሉዋ ፕንግያ ደይዳ።
 24 ኡንቱንቱ ማናዉ፤ ኡንቱንቶ ማና ቡክሴዳ፤
 ሳሉዋ ቁማ ኡንቱንቶ እሜዳ።
 25 ኪታንቻቱዋ ኡክላ አሳይ ሜዳ፤
 ጸሐፊ ኡንቱንቶ ቁማ ዳርሲደ እሜዳ።
 26 አዎይ ደልያ ባጋ ጫርኩ ጫርካናዳን ኡሌዳ፤
 ባረ ዎልቃን ገድሳ ባጋ ጫርኩዋ
 ደንጫዳ።
 27 አ አሳዉ አሹዋ ባና ኬሻ ኪቱዳ፤
 ፓልያ ካፎቱዋ አባ ደና ሻፍያ ኬሻ
 ቡክሴዳ።
 28 ኡንቱንቱ ደአያ ሳን፤
 ዲንካንያ ዩሹዋን ዎዴድና።
 29 ኡንቱንቱ አዎቱዳዋ ኡንቱንቶ እሜዳ፤
 ኡንቱንቱ ሚደ፤ ባረንቱ ጋንጅያ ኩንሌድና።
 30 ሸን ኡንቱንቱ ባረንቱ አዎቱዳ አሹዋ ካለናን
 ደአሺን፤
 አሹ ኡንቱንቶ ብሮ ደናን ደአሺን፤
 31 ጸሐፊ ህንቁ ኡንቱንቱ ቦላ ዎዴዳ፤
 ኡንቱንቱ ግደፕ ምና አሳቱዋን
 እሰራኤልያፕ ያላጋ አሳቱዋ ዎዴዳ።
 32 ሀዌ ኡባይ ህንናካ፤
 ኡንቱንቱ ናጋራ ኡሌዳዋ አግበይክና።
 ባረ ማላታ ኡባ ኡላናካ፤ አማኒታናዳን።
 33 ሄዎ ድራዉ፤ አ ኡንቱንቱ ጋላሳቱዋ
 ጫርኩዋዳን፤
 ኡንቱንቱ ላይላቱዋካ አኬከናን ጳይሴዳ።
 34 ጸሐፊ ኡንቱንቱፕ ዎዴያ ዎደ፤
 አቱዳዋንቱ ናጋራ ፓዲደ፤
 ጸሐፊ ምንሐ ኮዬድና።
 35 ኡንቱንቱ ጸሐፊ ኡንቱንቶ ዛላ ግዴዳዋን
 ኡባፕ ጾቂያ ጸሐፊ፤
 ኡንቱንታ ዎዘያዋ ግዴዳዋ ሀሳይድና።
 36 ሸን ኡንቱንቱ ባረንቱ እንጸርሳን አዉ
 ዎርድቲደ፤
 ባረንቱ ደናን ጭሜድና።
 37 ኡንቱንቱ ዎዛናይ ጸሐፊን ኤቀና፤
 አ ኡንቱንቱና ጫቀቱዳ ጫቁዋ አማኒታክና።
 38 ሸን አ ኡንቱንታ ማርያዊ፤
 ኡንቱንቱ አታተላ አቶ ጌዳ።
 ኡንቱንታ ጳይሴቤና፤ ዳሮ ገደ ባረ ህንቁዋ
 ተኤዳ፤
 ባረ ህንቁዋ ኡላ ኡባና ኡንቱንቱ ቦላ
 የድቤና።
 39 እያዉ ጎፕ፤ ኡንቱንቱ አሹዋ ጸላላ ግድያዋን
 ያ ጫርኩዳሳፕ ሃ ሰመና፤
 ጫርኩዋ ማላ ግድያዋ ሀሳይዳ።

78:2 ማቶሳ 13:35 78:12 ከሳ 7:8—12:32 78:13 ከሳ 14:21-22 78:14 ከሳ 13:21-22 78:15 ከሳ 17:1-7፤ ገይ. 20:2-13 78:18 ከሳ 16:2-15፤ ገይ. 11:4-23፤ 31-35 78:24 ዮሀ. 6:31

40 ኢንቲንቱ ባዙዋን አ ቦላ አፑ ገደ ማካሌድኖ!
 መላ ባዙዋን አፑ ገደ ለንጭሴድኖ!
 41 ኢንቲንቱ ዛር ዛሪድ፣ ጸሳ ፓጩድኖ፤
 እስራኤልያ ጌሻ ሀንቀሌድኖ።
 42 ኢንቲንቱ አ ዋልቃባ ደጌድኖ፤
 እ ኢንቲንቱ ሞርከቱዋፕ ዋዜዳ ጋላሳ።
 43 እ ግብጾ ቢታን ማላታ፣
 ጸአነ ደምባን ማላልሰያባ፣
 ኦሌዳ ዋድያ ሀሳይቢይክኖ።
 44 ኢንቲንቱ ሻፋ ሃላቱዋ ሱላው ላሜዳ፤
 ሄዋ ድራው፣ ግብጾ አሳቱ፣
 ሄ ሻፋቱዋፕ ኡሻናው ዳንዳይቢይክኖ።
 45 ኢንቲንታ ዋይሰያ ኡዳንጸቱዋን
 ኢንቲንቱ ቢታ ባይዘያ ሸቆቱዋ ኪቲዳ።
 46 ኢንቲንቶ ደሌዳ ካላ ጎንደ፣
 ኢንቲንቱ አሊደ ዳቡራዲዋ ቦልያው እሜዳ።
 47 ኢንቲንቱ ዋይንያ ቱራ ሻቻን፣
 ኢንቲንቱ ባላሰያ ግያ ሞላካ ጫርኩዋን
 ዳይሴዳ።
 48 ኢንቲንቱ ሚዛቱዋ ሻቻን ዋዴዳ፤
 ኢንቲንቱ ደርሳ ወድያ፣
 ቆቂያ ዋልቃንላን መሬሰ ወርሴዳ።
 49 ኢንቲንቱ ቦላ ባረ ሱልያ ሀንቀዋ፣
 ለንጭያን እጹዋ፣
 ባይዘያ ኪታንቻቱዋ ጩጉዋን የዴዳ።
 50 ባረ ሀንቀዋ አላ የዴዳ።
 ኢንቲንታ ኢታ ሀርግያው አሊደ እሜዳፕ
 አትና፣
 ሀይቁዋፕ አሽቤና።
 51 ግብጾን የለቲዳ ባይራ ናናቱዋ ኡባ ዋዴዳ።
 ካማ ዲንካንያን ደእያ ኮይሮ ናናቱዋ ኡባ
 ወርሴዳ።
 52 ሸን እ ባረ አሳ ደርሳዳን ከሴዳ፤
 ወድያዳን ባዙዋን ሃሜዳ።
 53 እ ኢንቲንታ ሳሩዋን ካለሌዳ፤
 ሄዋ ድራው፣ ኢንቲንቱ ያይቢይክኖ፤
 ሸን ኢንቲንቱ ሞርከቱዋ አባይ ሙኬዳ።
 54 ያቲደ እ ኢንቲንታ ባረ ጌሻ ቢታ፣
 ባረ ኡሸቻ ኩሸያን ጸኔዳ ደርያ አሃዳ።
 55 እ ኢንቲንቱ ሰንላፕ ካወተላቱዋ ላጊደ፣
 ኢንቲንቱ ቢታ ሻኪደ፣
 እስራኤልያ ዛረቶ ግሼዳ።
 ባረ አሳ ኢንቲንቱ ጎልያን ዋሌዳ።
 56 ግደፕ፣ ኡባፕ ቆቂያ ጸሳ ቦላ ማካሊደ፣
 አ ፓጩድኖ።
 አ አዛዙዋካ ናግቢይክኖ።
 57 ኢንቲንቱ ባረንቱ አዎቱዋዳን፣
 ማካላንቻቱዋን ካዳንቻቱዋ ግዴድኖ።
 ጌላ ቶራዳን ዋራ ዋዴድኖ።
 58 ኢንቲንቱ ባረንቱ ጎይንያ ቆቃ ሳአቱዋን አ
 ይሎዬድኖ፤
 ባረንቱ ኤቃቱዋን አ ቃናትሴድኖ።
 59 ያትና፣ ጸሳይ ሀዋ ሰሲደ ሀንቀቲዳ፤
 እስራኤልያ ሙለካ ካዴዳ።

60 ሴሎን እ ደኤዳ ሳኣ፣
 አሳ ግደን እ ደኤዳ ባረ ዲንካንያ አጌዳ።
 61 ጸሳ ዋልቃውን ቦንቾ፣ ማላታ ግዴዳ፣
 ታቦታ ሞርከቱዋ ኩሸያን አሊደ
 አዋድሴዳ።
 62 እ ባረ አሳው ሀንቀቲዳ፤
 እ ኢንቲንታ ማሻው አሊደ እሜዳ።
 63 ኢንቲንቱ ዋዳላቱ ኡባይ አላን ሀይቁድኖ፤
 ያትና፣ ኢንቲንቱ ዋድሮቱ አሰና ገለናን
 አቲድኖ።
 64 ኢንቲንቱ ቆሳቱ ማሻን ወሬድኖ።
 ግደፕ፣ ኢንቲንቱ ማቼቱ፣
 ባረንቱ አሰናቶ ዬከናዳን ድገቲድኖ።
 65 ሃዋፕ ጉይያን፣ ጎዳይ ገምእሹዋፕ
 ዋይ ዋይንያ ኤሳ ማሉዋፕ ቤጎትያ አሳዳን
 ቤጎቲዳ።
 66 እ ባረ ሞርከቱዋ ጉየ ዛሪደ ሸጩዳ፤
 ኢንቲንታ መድናው ዬላዬዳ።
 67 ዮሴፎ ዲንካንያ ካዴዳ፤
 ኤፍሬማ ዛርያ ደርቤና።
 68 ሸን እ ይሁዳ ዛርያን
 ሲቅያ ጽዮን ደርያ ደሬዳ።
 69 ሃዋን እ ባረ ጌሻ ጎልያ ሳሉዋዳን ቆቃን
 ኬዴዳ፤
 ሳኣዳን መድናው ኤሴዳ።
 70 ባረ ቆማ ዳዊታ ደሪደ፣
 ደርሳ ወድያ ሃምያ ሳፕ አኬዳ።
 71 ደርሳ ሃምሸን፣ ባረ አሳ ያቆባ፣
 ባረ ቡዙዋ እስራኤልያ ሄንላናው አኪደ
 አሃዳ።
 72 ያትና፣ ዳውት ኢንቲንታ ሱረ ዋዛናፕ ሃሜዳ፤
 ቃይ ባረ ሂላ ኩሸያን ካለሌዳ።

79

ጋድያ ላአተላው ሸቆዳ ዋሳ
 አሳፋ ማዘመርያ
 1 እቤት ጸሳው፣ አይሁዳ ግደና አሳቱ ነ ቢታ
 ቦላ ላቲድኖ።
 ነ ጌሻ ጎልያ ቱንሴድኖ፤
 የሩሳላመ ኮለራሌድኖ።
 2 ኢንቲንቱ ነ ቆማቱዋ አሃ፣
 ሳሉዋ ካፎ ቁማ አሊደ፣ እሜድኖ።
 ቃይ ነ ጌሻቱዋ አሹዋ ሳኣ ደአቶ እሜድኖ።
 3 ኢንቲንቱ ሱላ የሩሳላመ ዩሹዋን፣
 ሃላዳን ጉሴድኖ፤
 ኢንቲንቱ አሃ ሞግያዌ ዳይዳ።
 4 ኑ ሸርቶ ኑን ሸቂያዋ ግዴዳ፤
 ኑ ሄራን ደእያዋንቱ፣
 ሚጫያዋን ቅድያዋ ግዴዳ።
 5 እቤት መድና ጎዳው፣ ሀዌ አወደ ጋካናው
 ሀናኔ?
 ኔን መድናው ሀንቀታይ?
 ነ ቃናትያ ሀንቁ ታማዳን ኤጸኔ?
 6 ኔና ኤረና አሳቱዋ ቦላን

78:44 ከሳ 7:17-21 78:45 ከሳ 8:1-6፣ 20-24 78:46 ከሳ 10:12-15 78:47 ከሳ 9:22-25 78:51 ከሳ 12:29 78:52 ከሳ 13:17-22 78:53 ከሳ 14:26-28 78:54 ከሳ 15:17፤ ኢያሳ 3:14-17 78:55 ኢያሳ 11:16-23 78:56 ዳና. 2:11-15 78:60 ኢያሳ 18:1፤ ኤር. 7:12-14፤ 26:6 78:61 1 ሳሜላ 4:4-22 78:70 1 ሳሜላ 16:11-12፤ 2 ሳሜላ 7:8፤ 1 ኡዱዋ 17:7 79:1 2 ካታ. 25:8-10፤ 2 ኡዱዋ 36:17-19፤ ኤር. 52:12-14

ነ ሱንላ ጸሰና ካወተላቱዋ ቦላ ነ ሀንቁዋ ጉሳ።
 7 እያዉ ጎጥ፣ ኡንቱንቱ ያቆባ ዘረላቱዋ ዋጴድኖን ኡንቱንቱ ደእያሳ ባይዜድኖ።
 8 ካሰ ኑ አዎቱዋ ኢታተላ ኑ ቦላ ፓይደፓ። ኤለካ ነ ማርታ ኑዉ ኪታ፤ እያዉ ጎጥ፣ ኑን ሎይሳ መቶቱድ።
 9 አቤት ኑና አሸያ ጸሳዉ፣ ነ ሱንላ ቦንቹዋ ድራዉ፣ ኑና ማዳ። ነ ሱንላ ድራዉ፣ ኑና አሻ፤ ኑ ናጋራ አቶ ያጋ።
 10 አሳቱ እያዉ፣ “ኡንቱንቱ ጸሳይ ሀቃን ደኢ?” ያጋኔ? ነ ቆማቱዋ ሱላ ኡንቱንቱ ጉሴዳዋ ሀሉዋ፣ ኔን ከሰያዋ ኑን ጸልሸን፣ ኡንቱንቱ ግዲዋን ቆንጭሳ።
 11 ቃሸቱዳ አሳቱዋ ኦሊ ነ ሰንላ ጋኮ። ሀይቆ ፕርደቱዳዋንታ ነ ዋልቃ ግታተላዳን አሻ።
 12 አቤት ጸሳዉ፣ ኑ ሾር ካወተላቱ ኔና ቦሬዳዋ፣ ሀሉዋ ላፑን ኩሸያ ኡንቱንቱ ክዉዋን እድንላ።
 13 ሄ ዋደ ኑን ነ አሳቱ፣ ነ ዉድያ ደርሳቱ፣ መድናዉ ጋላታ ነዉ እማና፤ የለታፕ የለታ ጋካናዉ ኔና ዛር ዛሪደ ጋላታና።

80

እስራኤልያ ካወተላይ ዛር ኤቃናዳን ሺቆ ዋሳ
 ዛማረቱዋ ካፖ አሳፍ የጼዳ፣ ጨሻ ግያ ዋላን የጸቱዳ ማዘመርያ፣ ማርካተላ
 1 አቤት እስራኤልያ ሄንላንቻዉ፣ ዮሴፎ አሳ ዉድያዳን ካለላያዋ፣ ክሩብቱዋ ግያ ኪታንቻቱዋ፣ ቦላና ደእያ አራታን ኡቱዳዋ፣ ፖኦ፣ ኔን ኑና ሰሳ።
 2 ኤፍሬማ፣ ቢንያማን ሞናሰ ሰንላን ቆንጫ። ነ ዋልቃ ደንላደ ኑና አሻናዉ ሃያ።
 3 አቤት ጸሳዉ፣ ኑና ዛራ፤ ኑን አታናዳን፣ ነ ሶሞኡዋ ኑዉ ፖኦሳ።
 4 አቤት ኡባፕ ዋልቃማ መጋታ ኡባ ጎዳዉ፣ ጸሳዉ፣ ነ አሳ ዋሳ ቦላ አዉደ ጋካናዉ ሀንቀታይ? ኔን ኡንቱንታ ዩኩዋ ቁማዳን ሞዛዳ፤ ቃይ አፎላ ሃላዳን ኡሻዳ።
 6 ኑ ሾርቱ ኑ ቢታ አካናዉ፣ ባረንቱ ግደን ዋላቀታናዳን ኦላዳ፤ ኑ ሞርከቱ ኑ ቦላ ሚጩድኖ።
 7 አቤት ኡባፕ ዋልቃማ ጸሳዉ፣ ኑና ዛራ፤ ኑን አታናዳን፣ ነ ሶሞኡዋ ኑዉ ፖኦሳ።
 8 ኔን ግብጾፕ ዋይንያ አኑዋ አሃዳ፤

አይሁዳ ግደና አሳቱዋ የደርሳዳ፣ ኡንቱንቱ ቢታን አ ቶካዳ።
 9 ኔን ዋራ ቡላዳ፤ ያትና፣ ጸጶዋ የድ ዳሺደ፣ ቢታ ኡባ ጋኬዳ።
 10 ደረቱ አ ኩዋን፣ ልባኖሳ ዝጋቱ አ ታሸቱዋን ካመቲድኖ።
 11 ባረ ታሸቱዋ ሜድተራን አባ ጋካናዉ፣ ቃይ ባረ ጸራቱዋ ኤፍራዲሳ ሻፋ ጋካናዉ የዴዳ።
 12 ያትና፣ ኦግናና አድያ ኡባይ፣ አ አይፍያ ዲላናዳን፣ አ ዩሹዋን ደእያ ግሞቢያ እያዉ ኮላዲ? 13 ባዙዋ ጉዲንላይ አ ቦላ ዲሪደ ባይዜ፤ ቃይ ጋደን ዋጽ ቃጽያ መጋታቱ ኡባይ አ ሚኖ።
 14 አቤት መጋታ ኡባ ጸሳዉ፣ ኔን ኩኮ ሰማ። ሳሉዋና ዲገ ጸላደ በእ፤ ሀ ዋይንያ ናጋ።
 15 እ ነ ኡሸቻ ኩሺ ቶኬዳ ጸጶዋ፤ ኔን ነዉ ጋደ ድቼዳ ፑትያ።
 16 ነ ሞርከቱ ነ ዋይንያ ቡሌድኖ፤ ታማን ጸጌድኖ። ሄዋ ድራዉ፣ ኔን ኡንቱንታ ነ ሀንቁዋ ሱሉዋን ቆይሳ።
 17 ነ ኩሺ፣ ነ ኡሸቻን ደእያ አሳ፣ ኔን ነዉ ጋደ ድቼዳ አሳ ናጎ።
 18 ያቶ፣ ኑን ኔፕ ጉየ ሰሞኮ። ኑና ፓጸ ዋላ፤ ነ ሱንላ ኑን ጋላታና።
 19 አቤት ኡባፕ ዋልቃማ መድና ጎዳ ጸሳዉ፣ ኑና ዛራ፤ ኑን አታናዳን፣ ነ ሶሞኡዋ ኑዉ ፖኦሳ።

81

ባላ ማዘመርያ
 ዛማረቱዋ ካፖ ሱሉላቱዋን የጸቱዳ፣ አሳፍ ጸፌዳዋ
 1 ኑዉ ዋልቃ ግድያ ጸሳዉ፣ ሀንተ ቃላ ቶቁ ኦሊደ የጽተ፤ ያቆባ ጸሳ ሳቢተ።
 2 የላ ደምተ፤ ካራቡዋ ባቂተ፤ ዲላንን ማሰንቁዋን ሎኦ የላ ሰሰተ።
 3 አግናይ ጾርያ ዋደን፣ አግናይ ደይሰያ ዋደ ባላ ጋላሳን ማላካታ ፑንተ።
 4 ሀዌ እስራኤልያዉ ሀግያ፤ ያቆባ ጸሳፕ እመቲዳ ዋጋ።
 5 ግብጾ ቢታ እ ሾጩዳ ዋደ፣ ዮሴፎ አሳዉ ሀ ዋጋ አዋዬዳ። ታን ኤረና ኮሻ ሀዋዳን ያግያዋ ሰሳድ።
 6 “ሀንተ ሀሸያፕ ቶኩዋ ዋላድ፤ ሀንተ ኩሸያ ጸብያፕ ሸምፕሳድ።
 7 ሀንተ መቱዋ ዋደ ታና ጸሴድታ፤ ሀንተና አሻድ፤ ታን ጉምያ ሻርያ ግደን ጌሜዳሳፕ ሀንተና አላድ።

ማሪባ ግያ ጉልቱዋ ማታን ታን ህንተና ገጫድ።
 8 ታ አሳው፡ ታን ህንተና ሴርያዋ ሰሰተ፤ ሀእ እስራኤላቶ፡ ሀይዜርክተ!
 9 ህንተ ግደን አላጋ ጸሰ ደኦ፤ ሀራ ጸሳው ጎይኖ፤
 10 ታን፡ መድና ጎዳ ህንተ ጸሳ፡ ህንተና ግብጹ ቢታፕ ከሳደ አሄዳዋ።
 ነ ደና ሎይሳ ሀንጋ፤ ታን ኔና ዳርሳደ ባርሳና።
 11 “ሽን ታ አሳቱ ታ ቃላ ሰሰበይክና፤ እስራኤላቱ ታዉ አዛዘትበይክና።
 12 ሄዋ ድራው፡ ታን ኡንቱንቱ ባረንቱ ቆፋ ካላና ማላ፡ ኤኖ ጌና ዋዛናዉ አላደ እማድ።
 13 ታ አሳይ ታና ሰሴደንቶ፡ እስራኤላቱ ታ ኦግያ ካሌደንቶ አይ ደኢ!
 14 ታን ኡንቱንቱ ሞርክያ ኤለ ጸናና ሽን፤ ኡንቱንቱ ባልጋራቱዋ ቦላ ታ ኩሽያ ዋላና ሽን።
 15 መድና ጎዳ እጽያዋንቱ አ ሰንላን ሆካና፡ ኡንቱንቱ ሙራካ መድናሳ ግዳናዋ።
 16 ታን ህንተና ሎኦ ዛርጋ ምዛና፤ ቃይ ኤሳ፡ ሹቻ ጎንጎሎዋፕ ካልሳና” ያጌ።

82

ጸሳይ ኡባፕ ቦላ አሳፋ ማዘመርያ
 1 ጸሳይ ሳሎዋ ሸቁዋ ሸሼ። ጸሳቱዋ ግደን ሀዋዳን ያጊደ ፕርዴ፤
 2 “ህንተ አዉደ ጋካናዉ ጌላ ፕርዳ ፕርዲቱ፤ ላኤንላ ኢታቱዋ ባጋ ግደፕተ።
 3 ሀይሳቶን አዉ ባይናዋንቶ ሞተትተ፤ ማንቆን ናቀቱዳ አሳቱዋ ማታ ናግሰተ።
 4 ዳቡራንቻቱዋን መቶታንቻቱዋ አሸተ፤ ኢታቱዋ ኩሽያፕ ኡንቱንታ ዋላ አክተ።
 5 “ህንተ አይነ ኤርክታን አይነ አኬክክታ፤ ህንተ ጴማን ሀመቲታ። ጽሎተላይ ጳይና፡ ቢታይ ዪቁዪቁ።
 6 ታን ህንተና፡ ሳህንተ ጸሳቱዋ፤ ህንተ ኡባይካ ኡባፕ ጴቁያ ጸሳ ናናቱዋ።
 7 ግደፕ፡ ህንተ አሳይ ሀይቁያዋዳን ሀይቃና። ቃይ ሀራ ካፓቱ ኩንዴዳዋዳን፡ ህንተካ ኩንዳና ያጋይ” ያጌ።
 8 አቤት ጸሳው፡ ደንዳ፤ ሳኦ ፕርዳ፤ ካዉተላይ ኡባይ ነዋ።

83

እስራኤልያ ሞርክቱዋ ቦላ ሸቁዳ ዋሳ አሳፋ ማዘመርያ፡ የሳ
 1 አቤት ጸሳው፡ ጮኤ ጎፓ፤ ሰርጽ ጎፓ፤ አቤት ጸሳው፡ ሙዋፓ።
 2 በእ! ነ ሞርክቱ ነ ቦላ ደንዲና፤

ኔና እጽያዋንቱ ነ ቦላ ማካሊና።
 3 ኡንቱንቱ ነ አሳ ቦላን ጌማን ያኢና፤ ኔን ሲቅያ አሳቱዋ ቦላ ማቀቲና።
 4 ኡንቱንቱ፡ “ሃይተ፡ ኡንቱንቱ ካዉተላ ጳይሶይቱ፤ እስራኤልያ ግያ ሱንላ፡ መድናዉ ሀሳየተናዳን ኦላይተ” ያጊና።
 5 ኡንቱንቱ እት ዋዛና ግዲደ፡ እትፕ ማቀቲና፤ ነ ቦላ ጫቁዋ ጫቀቲና።
 6 ጫቀትያዋንቱን ኤደማን እሰማኤላ አሳቱዋ፡ ሞአባ ዛራቱዋን አጋር ዛራቱዋ፤
 7 ገባላ አሳቱዋ፡ አሞና አሳቱዋ፡ አማሌቃ አሳቱዋ፡ ፕልሰጾማ አሳቱዋን ዲሮሳ አሳቱዋ።
 8 አሰረ አሳቱካ ኡንቱንቱና እትፕ ጋከቲድና፤ አሰራቱካ ሎጸ ዛረቶ ዋልቃማ ማዲዋ ግዴድና።
 9 ኔን ምድያማ አሳቱዋ ቦላን ሰሳራን ያብና ቦላ፡ ቁሸና ሻፋን ኦሌዳዋዳን ኡንቱንቱ ቦላ ኦላ።
 10 ኡንቱንቱ ኤንድረን ጳይድና፤ ኡንቱንቱ አሃይ ሞገተናን ቢታን ዋቁዳ።
 11 ኡንቱንቱ ካፖቱዋ፡ ኔን ኦሪባን ዛኤባ ኦሌዳዋዳን ኦላ፤ ኡንቱንታ ሞድያዋንታ ኔን ዘባሀን ጸልሙናኦ ጳይሴዳዋዳን ጳይሳ።
 12 ሄዋንቱን፡ “ኔን ጸሳ አሳ ቢታ ኡዉ ቡዘታና” ያጌዳዋንታ።
 13 አቤት ታ ጸሳው፡ ኡንቱንታ ባናዳን ላላ፤ ጫርኩ አፍያ ሱላዳን ኦላ።
 14 ጸራጋይ ዋራ ሚደ ዉርሰያዋዳን፡ ታማ ላጩ ደርያ ማይያዋዳን፡
 15 ሄዋዳንካ ነ ኡሹዋን ኡንቱንታ የደርሳ፤ ነ ጎትያን ኡንቱንታ ዳጋንላ።
 16 አቤት መድና ጎዳው፡ አሳይ ነ ሱንላ ኮያና ማላ፡ ኔን ኡንቱንቱ ሰምኡዋ ዬላ ማይዛ።
 17 ኡንቱንቱ መድናዉ ዬላትናን ሀርግና፤ ካዉሸደ ጳይና።
 18 ነ ሱንላይካ መድና ጎዳ ግድያዋ፡ ነ ጸላላይ ኡባፕ ጴቃ ጸሳ፡ ሳኦ ኡባ ሞድያዋ ኡንቱንቱ ኤርና።

84

ጸሳ ጎልያ ላሞቱሳ ዛማረቱዋ ካፖ ሱሱላቱዋን የጸቴዳ፡ ቆረ ናናቱ ጸፊዳ ማዘመርያ
 1 አቤት ኡባፕ ዋልቃማ መድና ጎዳው፡ ኔን ደኢያሳይ እያ ሎኢ!
 2 ታን መድና ጎዳ ጌሻ ጎልያ ዳባባ ላሞታይ፤ ታ ኩመንላ አሳተላይ ደኡዋ ጸሳው ናሸቻን የጾ።
 3 አቤት ኡባፕ ዋልቃማ መድና ጎዳው፡

ታ ካትያው፥ ታ ጸሳው፥
 ነው ያርሽያ ሳኦ ማታን፥
 ሱንያ ካፋታ ባረው ደኢያሳ ደማዱ።
 ሀራጸታካ ባረው ቁቁልያ ጎልያ ያን ኬጸዱ።
 4 ነ ጌሻ ጎልያን ደኢያዋንቱን
 መድናው ኔና ሳቢያዋንቱ እንጀቱዳዋንታ።
 5 ዋልቃ ኔፕ ደምያዋንቱ፥
 ባረንቱ ዋዛናን ጽዮን አፍያ ኦግያ ባናው
 አዋትያዋንቱ እንጀቱዳዋንታ።
 6 ዩኩዋ ዛንጋራና ኡንቱንቱ አድያ ዎደ፥
 ሄ ሳኦይ ፑልቱዋ ከሴ።
 ባዴሳ እራይካ ቡኪደ፥
 ያን ደልእያ ግሰሴ።
 7 ኡንቱንቱ ብያ ዎደ፥ ዋልቃ ጉጅ ጉጂደ ባና።
 ኡንቱንቱ ጸሳ ሰንሳን ጽዮንን ቤታና።
 8 አቤት ኡባፕ ዋልቃማ መድና ጎዳው ጸሳው፥
 ታ ዋሳ ኔን ሰሳ።
 አቤት ያቆባ ጸሳው፥ ሀይዛ።
 9 አቤት ጸሳው፥ ኑ ጎንዳልያ በአ፤
 ኔን ዶሬዳ ካትያ ነ ኬካ አይፍያን ዴላ።
 10 ታን ሀራ ሳኦን ሻኡ ጋላሳ ደአናፕ
 ጸሳ ጎልያን እት ጋላሳ ደአያዌ ሎኦ።
 ኢታቱዋ ዲንካንያን ደአናዋፕ
 ታ ጸሳ ጎልያ ፕንግያ ናግያዌ ታዉ ሎኦ።
 11 መድና ጎዳይ ጸሳይ ኑዉ ጎንዳላን ፖኡዋ፤
 መድና ጎዳይ ኑዉ ቦንቹዋን ኬካተላ እጫ።
 ሱረተላን ሀመትያዋንታ እ ሎኦባ ኡባ ድገና።
 12 አቤት ኡባፕ ዋልቃማ መድና ጎዳው፥
 ኔናን አማነትያዋንቱ እንጀቱዳዋንታ።

85

አሳ ሳርተላው ሸቄዳ ዋሳ
 ዛማረቱዋ ካፖ የጸቱዳ፥ ቆራሀ ናናቱዋ
 ማዘመርያ
 1 አቤት መድና ጎዳው፥ ኔን ነ ቢታዉ ኬካዳ፤
 ያቆባ አሳ አዎዱዋፕ ዛራዳ።
 2 ኔን ነ አሳ ናቁዋ አቶ ጋዳ፤
 ኡንቱንቱ ናጋራ ኡባ ካማዳ።
 3 ኔን ነ ሀንቁዋ ኡባ አጋዳ፤
 ነ ሀንቁዋ ሱሎዋፕካ ሰማዳ።
 4 አቤት ኡና አሸያ ጸሳው፥
 ኡና ጉየ ዛራ።
 ኔን ኑዉ ሀንቁቱዳዋ አጋ።
 5 ኔን ኡና መድናው ሀንቁታይ?
 ነ ሀንቁዋ የለታ ኡባ ጋካናው ጋምእሳይ?
 6 ነ አሳይ ኔናን ናሸታና ማላ፥
 ኡና ኡራላ።
 7 አቤት መድና ጎዳው፥ አገና ነ ሲቁዋ ኡና በሳ፤
 ኔን ኡና አሻ።
 8 ታን መድና ጎዳይ ጸሳይ ኡድያዋ ሰሳና።
 ኡን ኑ ቦዛ ኡግያ ጉየ ባና ቆዮፕ፥
 እ ኑዉ፥ ባረ አሳው፥ “ሳርተላ እማና” ጊደ ኡዴ።
 9 ቱሙካ ጸሳው ያይያዋንታ አሻናው
 እ ማታን ደኤ፤

ሄዌነ፥ አ ቦንቹ ኑ ቢታን ደአናሳ።
 10 አገና ሲቁነ ቱማተላይ
 እትፕ ጋከታና።
 ጽሎተላይን ሳርተላይ፥
 እትፕ የረታና።
 11 ቱማተላይ ሳኦፕ ፑደ ከሳና፤
 ጸሳ ጽሎተላይ ሳሎዋፕ ዲገ ዴላና።
 12 ኤ፥ መድና ጎዳይ ኬካባ እማና፤
 ኑ ቢታይካ ሎኦ ካላ ሞካና።
 13 ጽሎተላይ ጸሳፕ ሰንሳና ሄመታና፤
 አዉ ኡግያ ጊግሳና።

86

መቱዋ ዎደ ዋሳ
 ዳውት ዎሴዳ ዋሳ።
 1 አቤት ጎዳው፥ ታን ሀይሳነ፥
 መቶታንቻ አሳ ግድያ ድራው፥
 ታ ዋሱዋ ሰሳደ፥ ታዉ አላ።
 2 ታን ጸሳ አሳ ግድያ ድራው፥
 ታና ፓጸ ዋላ።
 ኔናን አማነትያ ታና፥ ነ ቆማ አሻ።
 ኔን ታ ጸሳ።
 3 አቤት ጸሳው፥ ታን ጋላሳ ኡባ
 ኔኮ ዋሰያ ድራው፥
 ታዉ ቃረታ።
 4 አቤት ጸሳው፥ ታን ታ ሸምፑዋፕ
 ኔና ዋሰያ ድራው፥
 ታና፥ ነ ቆማ ናሸቻ።
 5 አቤት ጸሳው፥ ኔን ኬካነ አቶ ግያዎ፤
 ኔና ዴሰያ ኡባዉ ነ ሲቁ ዳራ።
 6 አቤት መድና ጎዳው፥ ታ ዋሳ ሰሳ፤
 ታን ዋትዋትያ ዋትዋቱዋ ሀይዛ።
 7 ኔን ታዉ አልያ ድራው፥
 ታ መቱዋ ጋላሳን ታን ኔኮ ዋሳይ።
 8 አቤት ጎዳው፥ ጸሳቱዋ ግደን ነ ማል ባዎ፤
 ነ ኡሱዋ ማላ ኡሱካ ባዎ።
 9 አቤት ጎዳው፥ ኔን መዴዳ ካዉተላ አሳይ ኡባይ
 ዪደ፥
 ነ ሰንሳን ጉልባታና፤ ኡንቱንቱ ነ ሱንላ
 ቦንቻና።
 10 እያዉ ሳፕ፥ ኔን ዋልቃማ፤
 ኔን ማላልሰያባ ኡላሳ።
 ነ ጸላሳይ ጸሳ።
 11 አቤት መድና ጎዳው፥ ታን ነ ቱሙዋን ሀመታና
 ማላ፥
 ታና ነ ኡግያ ታማርሳ።
 ታን ነ ሱንላዉ ያያና ማላ፥
 ታዉ እት ዋዛና እማ።
 12 አቤት ጎዳው ታ ጸሳው፥ ታን ኔና፥
 ታ ኩሙንላ ዋዛናፕ ጋላታና።
 ነ ሱንላ መድናው ቦንቻና።
 13 እያዉ ሳፕ፥ ነ ሲቁ ታዉ ዳራ፤
 ኔን ታና ዲፋዋን ገልያዋፕ አሻዳ።
 14 አቤት ጎዳው፥ ኡቶራንቻ አሳቱ ታ ቦላ
 ደንዴድና፤

ዳጋንልያ አሳቱዋ ጩቱ ታና ዋዳናው ኮዬ።
 ኢንቱንቱ ኔና አላለ ጊክኖ።
 15 ሸን አቤት ጎዳው፣ ኔን
 ቃረትያን ማርያ ጸሳ፤
 ሀንቀታናው ገሞአሳ፤
 ሲቁነ አማነቱሳይ ዳርያዋ።
 16 ታኮ ሰማደ ታው ቃረታ።
 ነ ቆማው ዋልቃ እማ፤
 ነ ቆማት ናኦ ታና አሻ።
 17 አቤት መድና ጎዳው፣
 ነ ኬካተላ ማላታ ታና በሳ።
 ኔን ታና ማዴዳዋን ሞን።
 ታና እጽያዋንቱ ሄዋን ይላታና።

87

የሩሳላመ ሳባ
 ቆራሀ ናናቱዋ ማዘመርያ
 1 መድና ጎዳ ካታማይ ጌሻ ደርያን ኬጸቴዳ።
 2 መድና ጎዳይ ጽዮን ገንገቱዋ፣
 ያቆብ ደእያ ሳኦ ኡባ፣ አሊደ ዶሴ።
 3 ሀኔ ጸሳ ካታማቱ፣
 ነ ድራው ቦንቹቱዳባይ፣
 ሀዋዳን ያግ ኦደቱ።
 4 “ታና ኤርያ ካውተላቱዋ ግደ፣
 ግብጾን ባብሎን ጋላ ማዘገባና፤
 ፕልሰጾመ፣ ጸርሰን ቶጽያ አሳይ፣
 ያን የለቱድኖ።”
 5 ጸሳይ፣ “ካውተላ ኡባይ ጽዮንን የለቱዳዋ”
 ያጋና።
 ኡባ፣ “ጸቆያ ጸሳይ እዘ ሞንሳና።”
 6 መድና ጎዳይ አሳ ጸፍያ ማዘገብያን፣
 “ሀዋ ጽዮንን የለቱዳዋ” ያገደ ጸፋና።
 7 ኢንቱንቱ የጸደ ዲሪደ፣
 “ኑ አንጂ ኡባይ ጽዮን፣ ፑልቱ” ያጋና።

88

ማዲዋ ደማናው ሸቆ ዋሱዋ
 ዛማረቱዋ ካፖ፣ ቆራሀ ናናቱዋ ማዘመርያ፣
 ማዲዋ ዋሳ፣ ኤዘራህያ ሄማን አኬካን ጸፊዳ
 ግንጾዋ።
 1 አቤት መድና ጎዳው፣ ታና አሸያ ጸሳው፣
 ታን ጋላሰ ነው ዋሳይ፤
 ቃማካ ነ ሰንሳን ዬካይ።
 2 ታ ዋሳይ ነ ሰንሳ ጋኮ፤
 ነ ሀይላ ታ ዋሱዋኮ ዛራ።
 3 አያው ጎፕ፣ ታ ደኡ መቱዋን ኩሜዳ፤
 ታን ሀይቃና ማታድ።
 4 ታን ዲፋዋን ገልያ አሳቱዋና ፓይደታድ፤
 ዋልቃይ ባይና አሳ ግዳድ።
 5 ታን አሃቱዋ ግደን አጌዳ አሳ ማላ፤
 ዋዲደ ዲፋዋን የጌዳ አሳቱዋ ማላ።
 ታን ነ ኡባ ደጌዳ፣
 ነ ማዲዋ፣ ሃኬዳ አሳቱዋ ማላ።
 6 ኔን ታና ጨዋ ኦላን፣
 ሀርክ ቆማ ሳኦን የጋዳ።

7 ነ ሀንቁ ታና ዴዴ፤
 ነ ሀንቁዋ ቤታይ ታና ኡባና ሙኬዳ።
 8 ኔን ታ ዳቦቱዋ ታፕ ሃሳዳ፤
 ኢንቱንቱ ታና ሸንይያዋ ኦላዳ።
 ታን ደደታድ፤
 ከሳ አካናውካ ዳንዳይከ።
 9 አቤት መድና ጎዳው፣
 ካዩዋ ጋሱዋን ታ አይፈቱ ጋልጄድኖ።
 ኡባ ጋላሰ ታን ኔኮ ዋሳይ፤
 ታ ኩሸያ ኔኮ ሞጫድ።
 10 ኔን ሀይቁዳዋንቶ
 ማላልሰያባ ኦላይ?
 ኢንቱንቱ ደንዲደ ኔና ጋላቲኖ?
 11 አገና ነ ሲቁ
 ዲፋዋ ግደን ሃሳዮቲ?
 ኔን አማነትያዌካ ባየላ ሳኦን ኦደቲ?
 12 ነ ማላልሰያ ኡሱካ ቆማን ኤረቲ?
 ዋይ ነ ጽልቶተላይ ደገቱዳ አሳቱዋ ቢታን
 ደኢ?
 13 አቤት መድና ጎዳው፣ ታን ኔኮ ዋሳይ፤
 ዋንታን ዋንታን ታ ዋሳይ ነ ሰንሳ ጋኬ።
 14 አቤት መድና ጎዳው፣ ታና ኔን አያው አጋይ?
 ነ ሰሞኡዋ ታፕ አያው ገንላይ?
 15 ያላጋተላ፣ ደማደ፣
 ታን ቱጋታድን ሀይቃና ማታድ።
 ታን ነው ዳጋማደ ሂደታ ቃንጸድ።
 16 ነ ሱልያ ሀንቁ ታ ቦላ ኡሸቱዳ፤
 ነ ዳጋማይ ታና ባይዜዳ።
 17 ኢንቱንቱ ጋላሳ ኡባ ድኡዋዳን ታና ደዴድኖ፤
 ታና ሙኬድኖ።
 18 ኔን ታ ላገቱዋን ታ ሲቆቱዋ ታፕ ሃሳዳ፤
 ቆማ ጸላላይ ታው ዳቦ።

89

መቱዋ ማዘመርያ
 ኤዘራህያ ኤታና አኬካን ጸፊቱዳ ግንጾዋ
 1 አቤት መድና ጎዳው፣ አገና ነ ሲቁዋባ፣
 ታን መድናው የጸና።
 ጸሳይ አማነትያዋ ጋደ፣
 የለታ ኡባው ታ ደናን አዋያና።
 2 ታን አገና ነ ሲቁ መድናው ኤቁዳዋን
 ኔን ነ ቱማተላ ሳሉዋዳን ሞንሳደ ኤሴዳዋ
 ኡዳና።
 3 ኔን፣ “ታን ደሬዳዋና ጨቁዋ ጨቀታድ።
 ታ ቆማ ዳዊታው ሀዋዳን ያጋደ ጨቃድ፤
 4 ‘ታን ነ ዘረላ መድናው ካወላና፤
 ነ ካውተላ አራታ የለታ ኡባው ሞንሳና’ ”
 ያጋዳ።
 5 አቤት መድና ጎዳው፣ ሳሎቱ፣
 ነ ማላልሰያ ኡሱዋ ኦድኖ፤
 ነ አማነትያዋ ኪታንቻቱዋ ሸቆ ኦድኖ።
 6 ሳሉዋን መድና ጎዳና ልከታናው ዳንዳይያዌ
 ኦኔ?
 ሳሉዋ መጠታቱዋ ግደን ቃይ መድና ጎዳ
 ማል ኦኔ?
 7 ጌሻቱዋ ሸቆዋ ግደን ጸሳይ ያየቱዳዋ።

ባረና ደዳዳዋንቱ ኡባፕ አዲድ፣ ሎይል ዳጋንሉያዎ።

- 8 አቤት ኡባፕ ዋልቃማ መድና ጎዳወ፣ ጸሳወ፣ ኔናዳን ዋልቃማይ ኦኔ?
- አቤት መድና ጎዳወ፣ ኔን ኡባባንካ እማነትያዎ።
- 9 ኔን ቡልአከትያ አባ ዋልቃ አዛዛሳ። ደንድያ ቤታካ ጮኤ አላሳ።
- 10 ኔን ራኣባ ግያ አባ ዳዊያ፣ ዋድ የጌዳዋዳን መንግሥታዳ፤
- 11 ሳሎቱ ነዋንታ፤ ሳአይካ ነዋ፤ ቢታነ አን ኩሜዳ ኡባባ ኔን መዳዳ።
- 12 ሁጲሳነ ገድሳ ኔን መዳዳ፤ ታቦራነ ሄርዋነ ግያ ዋልቃማ ደረቱ ናሽቻን ነ ሱንላ ሳቢና።
- 13 ነወ ዋልቃማ ቄሲ ደኤ፤ ነ ኩሽ ሞና፤ ነ ኡሽቻይ ዋልቃማ።
- 14 ጽሎተላይነ ሱሪ ፕርዳይ ነ ካወተላ አራታወ ባሱ። አገና ሲቁነ ቱማተላይ ነ ሰንላን ቢና።
- 15 አቤት መድና ጎዳወ፣ ናሽቻን እልልያዋንቱ ነ ሰምኡዋ ፖኡዋን ሀመትያዋንቱ አንጀቱዳዋንታ።
- 16 ነ ሱንላን ጋላሳ ኡባ ናሽቲና፤ ነ ጽሎተላ ድራወ፣ ኡንቱንቱ ኔና ጶቁ ጶቁ አሊና።
- 17 ኡንቱንቱ ጩቀትያ ዋልቃይ ኔና፤ ነ ናሹዋን ኑ ካጪ ጶቁ ጶቁ ያጌዳ።
- 18 ኑ ጎንዳሊ፣ ኑ መድና ጎዳሳ፤ ኑ ካቲካ፣ እሰራኤልያ ጌሻ ሳ።
- 19 በን ኔን ነ እማነቱዳ አሳቶ፣ እት ገደ አኩሙዋን ኦዳዳ፤ “አሳ ግደፕ ደሬዳዎ ካወተላ አራታ እማዳ።
- 20 ታ ቆማ ዳዊታ ካተ ከሳድ፤ ታ ጌሻ ዛይትያን ኦካደ።
- 21 ታ ኩሽ አናና ደአና፤ ታ ቀሲካ አ ሞንላና።
- 22 አ አይ ሞርኪነ ጸነና፤ አይ ኢታ አሳይነ አ ቶቼና።
- 23 ታን አ ሞርከቱዋ አ ሰንላን ክንቼሬላና፤ አ እጽያዋንታ ሸጫ የጋና።
- 24 ታ ቱማተላይነ ታ አገና ሲቁ አናና እትፕ ግዳና።
- 25 ታን ሱንላን አ ካጪ ጶቁ ጶቁ ጋና።
- 26 ዳዊተ ታና፣ ናን ታ አወዋ፣ ታ ጸሳነ ታና አሽያ ዛላ፣ ያጊደ ጸሳና።
- 27 ታን አ ባይራ ናአ አላና፤ ሳአን ደእያ ካተቱዋ ኡባፕ አ ዳርሳና።
- 28 ታን አገና ታ ሲቁዋ አወ መድናወ ናጋና።
- ታን አናና ቃላ ጫቁዋ ሞንላና።
- 29 ታን አ ዘረላ መድናወ ሞንሳደ ኤሳና፤

አ ካወተላ አራታካ ሳሎዋዳን ጋምኤላና።

- 30 “ሸን አ ዘረላቱ ታ ሀግያ አጎፕ፣ ቃይ ኡንቱንቱ ታ ዋጋዳን ሀመተናን እጸፕ።
- 31 ኡንቱንቱ ታ አዋዩዋ ሻርፕ፣ ታ አዛዙዋ ናጋና ጳዮፕ።
- 32 ታን ኡንቱንቱ ናጋራ ድራወ ጋትማን፣ ኡንቱንቱ ኢታተላ ድራወ፣ ልሱዋን፣ ሸጫደ ሙራና።
- 33 ሸን ታን አገና ታ ሲቁዋ አፕ አክከ፤ ዋይ ታን አወ እማነትያዋ አግከ።
- 34 ታን ኡንቱንቱና ጫቁቱዳ ጫቁዋ ኮልከ፤ ታ ደናፕ ከሴዳ ቃላ ላምከ።
- 35 “እት ገደካ መድናወ ታ ጌሻተላን ጫቃ ድጋድ፤ ዳዊተወ ዋርዶትከ።
- 36 ሄዋነ፣ አ ዘረላይ መድናወ ደአና፤ አ ካወተላ አራታይካ ታ ሰንላን አዋዳን ጋምኤና።
- 37 ሳሎዋን እማነትያ ማርካ ግድያ አግናዳን፣ ሄ ካወተላይ መድናወ ሞን ኤቂ ደአና” ያጋዳ።
- 38 ሸን ሀእ ኔን ኦካደ ካተዬዳዋ ቦላ ዳር ሀንቀታዳ፤ አ እጸዳነ አጋዳ።
- 39 ኔን ነ ቆማና ጫቁቱዳ ጫቁዋ ካዳዳ፤ አ ካላቻ ባናን ኦላደ ቱንሳዳ።
- 40 ኔን አ ካታማ ግምቢያ ኡባ ላላዳ፤ አ ናገትያ ሚጸ ኡባ ባይዛዳ።
- 41 አግያና አድያ ኡባቱ አ ቦንቄድና፤ አ ባረ ሸርቶ ቅሊጮ ግዳዳ።
- 42 ኔን አ ሞርከቶ ጸኑዋ እማዳ፤ ኡንቱንታ ኡባቱዋ ናሽቻዳ።
- 43 ኔን አ ማሻ ጸራ ቃላምኤዳ፤ ኔን ኦላን አ ማዳባካ።
- 44 ኔን አ ካወታ ጸምኦ አ ኩሽያፕ ዋላ አካዳ፤ ቃይ አ ካወተላ አራታ ቢታን ኦላዳ።
- 45 ኔን አ ያላጋተላ ዋድያ ቃምሳዳ፤ ቃይ አ ዬላ ማይዛዳ።
- 46 አቤት መድና ጎዳወ፣ አወደ ጋካናወ ቆንጮኪ? ኔን መድናወ ጌማይ? ነ ሀንቁ ታማዳን አወደ ጋካናወ ኤጸኔ? 47 ታ ላይላይ አይ ኬሻ ቃንግንቶ ቆፓ፤ አሳ ኡባ ጮ መላ መዳዳ? 48 አሳይ ሀይቀናን ጮ ደአናወ ዋን ዳንዳዪ? ቃይ ዱፋዋን ገለናዳን፣ ባረና አሻናወ ዋን ዳንዳዪ? 49 አቤት ጎዳወ፣ ኔን ነ ቱማተላን ዳዊተወ ጫቁዳ፣ አገና በን ነ ሲቁ ሀቃን ደኢ? 50 አቤት ጎዳወ፣ ነ ቆማይ ዋይሳ ቦረቲደንቶ ኔን ሀሳያ። ታን አሳ ኡባ ቦርያ ዋታ ዳንዳያድታንቶ ቆፓ። 51 አቤት መድና ጎዳወ፣ ሞርከቱ ቅሊጩድና፤ ኔን ደራደ ኦኬዳ ካትያ።

ታንጉዋን ታንጉዋን ቅሊጩዳዋ ቆጋ።
52 መድና ጎዳይ መድ መድናው ጋላተቶ!
አመንክ። አመንክ።

ኦይደንላ ማጻፋ

90

(90—106)

አሳ ናኦ ደኡዋ
ጸሳ አሳይ ሙሴ ዋሴዳ ዋሳ
1 ጎዳው፣ ኔን የለታ ኡባን፣
ኑን ደእያ ሳኦ ግዳዳ።
2 ደረቱ መጠታናጥ ካሰ፣
ዋይ ኔን ሳኦ ኦሳናጥ ካሰ፣
መድናጥ መድና ጋካናውካ ኔን ጸሳ።
3 ኔን አሳ ናናቱዋ፣ “አሳ ናቶ፣
ጉየ ቢታው ሰምተ” ያጋደ፣
ኡንቱንታ ጉየ ኡንቱንቱ መጠቱዳ ቢታው
ዛራሳ።
4 ሻኡ ላይላይ ነው ዝን አቶ ጋላሳ ማላ፤
ዋይ ቃማ ግደጥ እት ሳትያ ማላ።
5 ኔን አሳ ቆጥናን ድኡዋዳን አፋሳ።
ኡንቱንቱ እኩሙዋ ማላ፤
ዋንታ ዋንታ ደልያ ማታ ማላ።
6 ሄ ማታይካ ዋንታ ዋይ ድጩደ ጨሼ፤
አማርሰያ ዋይ ሹል መሌ።
7 ኑን ነ ይሉዋን ወሬደ፤
ነ ሀንቁዋ ሱሉዋን ዳጋሜደ።
8 ኔን ኑ ኢታ ኦሱዋ
ነ ሰንሳን ዋላዳ፤
ቃይ ኑ ጌሜዳ ናጋራ
ነ ሰንሳ ፖኡዋኮ አላዳ።
9 ኑ ጋላሳ ኡባይ ነ ሀንቁዋን አቆዳ፤
ኑ ላይላ እት ኦልያዳን ወርሴደ።
10 ኑ ደኡዋ ላይላይ ላፑን ታማ፤
ዋይ ሞኖፕ፣ ሆሰፑን ታማ፤
ሄዌካ መቱዋን ቱጋ።
ኑ ላይላይ ኤለካ አቆ፤
ኑንካ ኤለካ ክቼቶ።
11 ነ ሀንቁዋ ዋልቃ ኤርያዌ ኦኔ?
ነ ሀንቁዋ ሱሉ ያሸያዋ።
12 ሄዋ ድራው፣ ኑ ላይላ በሰያዋዳን፣
ጎኤታና ማላ አቆዳ ኤራ ኑና ታማርሳ።
13 አቤት መድና ጎዳው፣ ነ ሀንቁ አወደ ጋካናሴ?
ሀያና፤ ነ ቆማቶ ቃረታ!
14 ኑ ላይላ ኡባን
ኑን ናሸታናዳንን የጸናዳን፣
ዋንታ ዋንታ አገና ነ ሰቁዋን ኑና ካልሳ።
15 ኔን ኑና መቶዬዳ ጋላሳቱዋ ኬሻነ
ኑን ቱጋ በኤዳ ላይላቱዋ ኬሻ፣
ኑና ናሸታ።
16 ኑው ነ ቆማቶ ነ ኦሱ ቆንጮ፤
ነ ቦንቾ ዋልቃይ ኡንቱንቱ ናናቶ ቤቶ።
17 ጎዳ ኑ ጸሳ ኬካተላይ ኑ ቦላን ግደ፤
ኑ ኩሸያ ኦሱዋ ኑው ሱርሳ።
ኤ፣ ኑ ኩሸያ ኦሱዋ ሱርሳ።

91

ጸሳይ ኑና ናግያዋ
1 ኡባጥ ቶቂያ ጸሳን ናገቲደ ደእያዌ፣
ኡባጥ ዋልቃማ ጸሳ ኩዋ ግደን አቁ፤
2 መድና ጎዳው፣
“ኔን ታው ጌሱዋን ባቃታ አትያ ሳኦ፤
ኔን ታን አማንሐያ ታ ጸሳ” ያጋና።
3 እ ኔና ሻንካንቻቱዋ ግትያጥካ፣
ዋይ ወርሰያ ኢታ ሀርግያጥካ አሻና።
4 እ ባረ ባለቱዋን ኔና ካማና፤
አ ቀፈቱዋ ጋርሳ ኔን ባቃታደ ቆሰታ አታና።
አ አማንቱሳይ ነው ጎንዳላ።
5 ኔን ቃማ ዳጋንሐያባው፣
ዋይ ጋላሰ ጸንገትያባው ያያካ፤
6 ዋይ ቆማን ኦይቂያ ሀርግያው፣
ዋይ ጋላሳ ሴታን ወርሰያ ኢታ ሀርግያ
ሀርጋካ።
7 ሻኦይ ነ ሞይያን፣
ቃይ ታሙ ሻኦይ ኔጥ ኡሸቻ ባጋና ኩንዳና፤
ሸን ኔና አያይነ ቦቼና።
8 ኔን ነ አይፍያ ጸላላን ጸላና፤
ኢታቱ ሙረትያዋካ በአና።
9 መድና ጎዳ ኔን ነው ባቃታ አትያ ሳኦ ኦሌዳ
ድራውን፣
ኡባጥ ቶቂያ ጸሳ ነው፣
ደእያ ሳኦ ኦሌዳ ድራው፣
10 ኢታባይ ኔና ቦቼና፤
ቦሻይካ ነ ጎልያ ሸቀና።
11 አያው ጎጥ፣ ነ ኦግያን ኡባን
ኔና ናጋና ማላ።
ጸሳይ ባረ ኪታንቻቱዋ አዛዛና።
12 ነ ገዲ ሹቻን ቆበተና ማላ፣
ኪታንቻቱ ባረንቱ ኩሸያን ኔና ደንላና።
13 ኔን ጋሙዋን ሸሻ ቦላን ሄመታና፤
ቃይ ዋዳላ ጋሙዋን ዋይያ ሸሻ ኔን የቆና።
14 መድና ጎዳይ ሀዋዳን ያጌ፤
“አ ታና ሰቁዳ ድራው፣
ታን አ አሻና።
አ ታ ሱንላ ኤራዳ ድራው፣
ታን አ ናጋና።
15 እ ታና ጸግያ ዋይ፣
ታን አወ ኮያና።
መቱዋን ታን አናና እትጥ ግዳና፤
ታን አ አሻናን ቦንቻና።
16 ታን አ ላይላ አዳሳይ ካልሳና፤
ታ አቶተላ አ በሳና” ያጌ።

92

ጋላታ ማዘመርያ
ማዘመርያ፣ ሳምባታ ጋላሳው የጸያዋ.
1 መድና ጎዳ ጋላትያዌ ሎኦ።
አቤት ኡባጥ ቶቂያ ጸሳው፣
ነ ሱንላ ሳቢያዌ ሎኦ።
2 ዋንታን አገና ነ ሰቁዋ፣

- ቃማን ነ አማካኝዎ ግድያዎ አዋይያዎ ሎአ።
- 3 ታሙ ባቀላን ዋጾቱዳ ዲላነ። ማሰንቁዋን ዲጽያዊ ሎአ።
- 4 አያው ሳጥ፡ አቤት መድና ጎዳው። ነ ዋልቃማ ኦሱዋን ታና ናሽቼዳ ድራው። ነ ኩሽያ ኦሱዋ ድራው። ታን ናሽቻው የጸይ።
- 5 አቤት መድና ጎዳው። ነ ኦሱ አይ ኬሻ ግቲ፤ ነ ቆፋይ አይ ኬሻ ጨሜ፤
- 6 ኤያ አሳይ ኤራናው ዳንዳየና፤ ደንጭሌዳ አሳይካ እኬካናው ዳንዳየና።
- 7 ሄዋነ፡ ኢታቱ ማታዳን ድጮጥካ። ኢታ ኦሳያ ኡባቱ ዳሽጥካ። ኡንቱንቱ መድናው ጳያና።
- 8 ሸን አቤት መድና ጎዳው። ኔን መድናው ኡባጥ ዶቃ።
- 9 አቤት መድና ጎዳው። ነ ሞርከቱ ጳያናዋን ኢታ ኦሳያ ኡባቱ ትሰክ ጋናዋ ኔን ኤረቶ።
- 10 ታ ካጭያ ባዙዋ መንላ ካጭያዳን ዶቁሳዳ፤ ሎአ ዛይትያ ታና ኦካዳ።
- 11 ታ ሞርከቱ ጸነቲዳዋ ታ አይፍያን በአድ፤ ታ ኢታ ሞርከቱዋ ዋሱዋ ታ ሀይላን ሰሳድ።
- 12 ጽሎቱ ዛሞባዳን ዳሻና፤ ቃይ ሊባኖሳ ዝጋዳን ድጫና።
- 13 ኡንቱንቱካ መድና ጎዳ ዳባባን ቶከቲዳ ሞላ ማለ፤ ኡንቱንቱ ኑ ጸሳ ጌሻ ጎልያን ዳሻና።
- 14 ኡንቱንቱ ኤጨደካ አይፋና፤ ኡንቱንቱ መድናው እርጸነ ፓጸ።
- 15 ኡንቱንቱ፡ “መድና ጎዳይ ሱረ፤ እ ታዉ ዋጋ ዛለ፤ ኢታተላ እን ባዋ” ያጋና።

93

ጸሳይ ካትያ

- 1 መድና ጎዳይ ካተቲዳ፤ መድና ጎዳይ ቦንቹዋ ማዬዳ፤ ዋልቃ ዳንጨዳ። ሳአይ ሞኒደ ኤቁዳ፤ ኡባካ ቃጸና።
- 2 ነ ካዉተላ አራታይ በኒደጥ ኤቁዳ፤ ኔን መድናደጥ ደአሳ።
- 3 አቤት መድና ጎዳው። ጨሞ ሻፋቱ ጉሜዳ፤ ጨሞ ሻፋቱ ባረ ጉንላ ዶቁ ኦሴዳ።
- 4 ሳሉዋን ደአያ መድና ጎዳይ ዳር ሃላ ጉንላጥካ። አባ በታቱዋጥካ አጴዳ ዋልቃማ።
- 5 አቤት መድና ጎዳው። ኔን ኦዴዳባይ አማካኝዎ፤ ነ ጎሊ መድናው ጌሻተላን አሌቃና።

94

ጸሳይ ኡባ ቦላ ፕርድያዋ

- 1 አቤት መድና ጎዳው። ኔን ኩሽያ ጭገትያ ጸሳ። አቤት ኩሽያ ጭገትያ ጸሳው። ነ ቦንቹዋ በሳ።
- 2 አቤት ሳኢ ፕርድያዎ፡ ደንዳ፤ ኦቶራንቻቶ በሰያ ሙሩዋ እማ።
- 3 አቤት መድና ጎዳው። አዉደ ጋካናው ጋምአኔ? ኢታቱ አዉደ ጋካናው ናሽታኔ?
- 4 ኢታ ኦሳያ ኡባቱ። ባረንቱ ኦቶሮ ቃላ ሃሳዪና፤ ኡንቱንቱ ጨቀቲና።
- 5 አቤት መድና ጎዳው። ኡንቱንቱ ነ አሳ ሊቁሲና፤ ነ ላታ ናቀና።
- 6 ኡንቱንቱ አምኤቱዋን በተቱዋ ዋጲና፤ አዉ ባይናዋንታካ ዋጲና።
- 7 ያቲደ ኡንቱንቱ፡ “መድና ጎዳይ ኑና በኤና፤ ያቆባ ጸሳይ እኬከና” ያገና።
- 8 ሀንተና፡ አሳ ግደጥ እጴዳ ዳማቶ፡ እኬክተ፤ ሀንተና ኤያቶ፡ አዉደ ኤራንቻ ግዳንቱ?
- 9 ሀይላ መጴዳ ጸሳይ ሰሰኔ? አይፍያ መጴዳዊ በኤኔ?
- 10 ካዉተላ ሴርያዊ ሙረኔ? አሳ ኤራ ታማርሰያዊ ባረዉ ኤረኔ?
- 11 መድና ጎዳይ አሳ ቆፋይ መላ ግድያዋ ኤሬ።
- 12 አቤት መድና ጎዳው። ኔን ሴርያዊን ነ ሀግያጥ ታማርሰያ አሳይ እንጀቱዳዋ።
- 13 ኢታቱ ኩንድያ ኦላይ ቦከታና ጋካናው። መቱ ጋክያ ጋላሳን ኔን አ ሸምጥሳሳ።
- 14 መድና ጎዳይ ባረ አሳ አገና፤ እ ባረ ላታ አገና።
- 15 ፕርዳይ ሰሚደ ጽሎ ፕርዳ ግዳናዋ፤ ዋዛና ሱረቱ ኡባይ ሄ ጽሎ ፕርዳ ማዳና።
- 16 ማካላንቻቱዋ ቦላ ታ ድራው ደንድያዊ ኦኔ? ኢታ ኦሳያዋንቱና ታ ድራው ኤቀቲዳዊ ኦኔ? ጸሳይ ጎዳይ ታና ማደነንቶ። ታን ኤለካ ዱፋዋን ገላደ ሰርጵ ጋና ሸን።
- 18 አቤት መድና ጎዳው። ታን፡ “ታ ገዲ ሀልጼ” ያጌዳ ዋደ። አገና ነ ሲቁ ታዉ ዘምፖ ግዴዳ።
- 19 ታና ሀርጋይ ዋጲያ ዋደ። ኔን ታና ዋፑ አላደ ናሽቻሳ።
- 20 ሀግያ ባለላያ ጌላ ዳናቱዋና ኔን ዙጥታይ?
- 21 ጽሎቱዋ ዋጲናው ኡንቱንቱ እትጥ ቶበቲና፤ ሱረቱዋ ቦላ ሀይቁዋ ፕርዲና።
- 22 ግደጥ፡ መድና ጎዳይ ታን ባቃታ አቲዳ ሳኢ፤ ታ ጸሳይ ታን ቆሰትያ ዛለ።
- 23 ኡንቱንቱ ኢታተላ ድራው። እ ኡንቱንታ ሙራና፤ ኡንቱንቱ ናጋራ ድራው። እ ኡንቱንታ ጳይሳና፤ ኤ፡ መድና ጎዳይ ኑ ጸሳይ ኡንቱንታ ጳይሳና።

95

ጋላሳ ጋላሳ ማዝሙርያ
 1 ሃይተ፤ እነ መድና ጎዳ ሳቦይተ።
 ኑና እሽያ ዛላው ናሽቻው የጸይተ።
 2 እ ሰንላ ጋላታና ሺቆይተ።
 ጋላታ የላ ናሽቻን የጸይተ።
 3 እያው ጎተ፣ መድና ጎዳይ ዋልቃማ ጸሳ።
 ጸሳቱዋ ኡባ ቦላ ዋልቃማ ካትያ።
 4 ቢታ ጨማቱ እ ኩሽያን ደኢኖ፤
 ደርያ ሁጸቱካ እዋ።
 5 አባ ሃላይካ አዋ፤
 ሄዋ እ መዴዳ፤
 መላ ቢታካ እ ኩሺ ኦሴዳ።
 6 ሃይተ፤ ሆኪደ እነ አው ጎይኖይተ፤
 ኑና መዴዳ መድና ጎዳ ሰንላን
 ጉልባቶይተ።
 7 እያው ጎተ፣ እ ኑ ጸሳ።
 ኑን እ ቆሩዋን ደእያ አሳቱዋ፤
 ኑን እ ሄዋያ እ ደርሳ ወደቱዋ።

ጸሳይ ህንተና ግያዋ ሀች ሰሰተ!
 8 “ካሰ ህንተ ማይዛ አዋቱ፣
 ማሪባ ግያ ሳኑን ሀኔዳዋዳን፣
 ሄ ጋላሰ ማሳ ባዙዋን እጆዳዋዳን፣
 ህንተካ ዞርያ አከናን እጸጥተ።
 9 ኡንቱንቱ ታ ኦሱዋ በኢደካ፣
 ታና ኤቀቱድኖን ፓጩድኖ።
 10 ታን ሄ የለታ ኦይታሙ ላይላ ሻተታድ፤
 ላኡንቱንቱ ኡሳ ዋደ ባረንቱ ዋዛናን ባሊኖ፤
 ኡንቱንቱ ታ ኦግያ ኤርበይክኖ ያጋድ።
 11 ሄዋዳንካ ቃይ፣ ታን ሀንቀታ ጫቃድ፣
 ኡንቱንቱ ታ ሸምጥዋሳ ኡባካ ገልክኖ፣
 ያጋድ” ያጌ።

96

ጸሳይ ኡባጥ ቦላ ካትያ
 1 መድና ጎዳው ኦራላ የላ የጽተ፤
 ሳኑን ደእያ አሳይ፣ ኡባይ መድና ጎዳው
 የጽተ።
 2 መድና ጎዳው የጽተ፤ እ ሱንላ ሳቢተ፤
 እ እሽያ ምሽራቹዋ ጋላሳን ጋላሳን ኦድተ።
 3 ካወተላ ግደን እ ቦንቹዋ፣
 አሳ ኡባ ግደን እ ማላልሰያ ኦሱዋባ
 አዋይተ።
 4 እያው ጎተ፣ መድና ጎዳይ ዋልቃማ፤
 ግታ ጋላታይ አው በሴ።
 ጸሳቱዋ ኡባጥ ኦዲደ እ ያየታናው በሴ።
 5 ሀራ አሳ ጸሳቱ ኡባይ ኤቃቱዋ፤
 ሸን መድና ጎዳይ ሳሎቱዋ መዴዳ ጸሳ።
 6 ቦንቹን እንጋይ እ ዩሹዋን ደኤ፤
 ምኖተላይን ጉላይ እ ጌሻ ጎልያን ደኤ።
 7 ህንተኖ፣ አሳ ዛረቶ ኡባቶ፣
 መድና ጎዳባ ኦድተ፤

“ቦንቹን ዋልቃይ መድና ጎዳሳ” ጊደ ኦድተ።
 8 “ቦንቹ እ ሱንላሳ”
 ጊደ መድና ጎዳባ ኦድተ።
 ያርሹዋ አኪደ፣ እ ዳባባ ገልተ።
 9 እ ጌሻተላ ጉላን መድና ጎዳው ጎይንተ፤
 ቢታን ደእያ አሳ ኡባው፣ እ ሰንላን
 ኮኮርተ።
 10 ካወተላቱዋ ግደን፣ “መድና ጎዳይ ካተቱዳ!
 ሳኢይ ምን ኤቁዳ፤ ኡባካ ቃጸና።
 እ አሳ ቦላ ሱረተላን ፕርዳና” ያግተ።
 11 ሳሎቱ ናሽቶኖ፤ ሳኢይካ ሀሹ ጎ፤
 አባይን እ ግደን ኩሜዳዋ ጉሞ።
 12 ሸይቃይን ሸይቃን ደእያ ኡባይ ናሽቶ!
 ዋራን ደእያ ምላ ኡባይካ ናሽቻን እ ሰንላን
 የጸና።
 13 እያው ጎተ፣ መድና ጎዳይ ዩ፤
 እ ሳኢ ቦላን ፕርዳናው ዩ፤
 እ ሀ ሳኢ ቦላ ጽሎተላን፣
 አሳ ቦላካ ቱማተላን ፕርዳና።

97

ጸሳይ ኡባጥ ቦላ
 1 መድና ጎዳይ ካወቱዳ።
 ሳኢን ደእያ አሳይ ናሽቶ፤
 ሃኮ ሃላን ደደቶ ሳን ደእያ አሳቱካ
 ናሽቶ።
 2 ሻሪን ድጵ ጎ ጴማይ እ ደዴዳ።
 ጽሎተላይን ቱማተላይ እ ካወተላ አራታው
 ባሶ።
 3 ታማይ አፕ ሰንላና ቤ፤
 እ ደዴዳ ሞርከቱዋ ጹጌ።
 4 እ ዋልቃንላይ ሳኢ ፖእሴ፤
 ቢታይ ሄዋ በኢደ ኮኮሬ።
 5 መድና ጎዳ ሰንላን፣ ሳኢ ኡባ ጎዳ ሰንላን
 ዋጋ ደረቱ ኤሳ ሙቃዳዳን ሙሺኖ።
 6 ሳሎቱ እ ጽሎተላ አዋዪኖ፤
 አሳይ ኡባይ እ ቦንቹዋ በኤ።
 7 ዋርዶ ጸሳቶ ጎይንያዋንቱን
 ሄ ጎኤና ኤቃቱዋን ጨቀትያዋንቱ ኡባይ
 ዩላትኖ።
 ጸሳቱ ኡባይ ጸሳው ጉልባትኖ።
 8 አቤት መድና ጎዳው፣ ጽዮን አሳይ፣
 ነ ጽሎ ፕርዳ ሰሲደ ናሽቱ፤
 ይሁዳ ካታማቱዋ አሳይካ ሀሹ ጌ።
 9 አቤት መድና ጎዳው፣ ኔን ሳኢ ኡባጥ ድቃሳ፤
 ጸሳቱዋ ኡባጥ ኔን ድቁ ጋሳ።
 10 መድና ጎዳ ሲቅያዋንቱ ኢታ እጽተ።
 እ ባረው አማካትያ አሳቱዋ ሸምጥዋ ናጌ፤
 ቃይ ኡንቱንታ ኢታቱዋ ኩሽያፕ አሹ።
 11 ጽሎቶ ፖኤ ፖኤ፤
 ዋዛና ሱረቶ ናሽቻይ ደኤ።
 12 ህንተኖ ጽሎቶ፣ መድና ጎዳን ናሽቶተ፤
 እ ጌሻ ሱንላ ጋላትተ።

95:7 እብራ. 3:15፤ 4:7 95:7 እብራ. 3:7-11 95:8 ከሳ 17:1-7፤ ገይ. 20:2-13 95:11 ገይ. 14:20-23፤
 ዛረ. 1:34-36፤ 12:9-11፤ እብራ. 4:3-5 96:7 ማዝ. 29:1-2

98

ጸሳይ አላምያ ሞድያዎ

ማዘመርያ

- 1 መድና ጎዳው ኦራላ የላ የጽተ፤
እያው ጎጥ፣ እ ማላልሰያባ ኦሴዳ።
አ ኡሸቻ ኩሺነ አ ጌሻ ቄሲ
አው ጸኑዋ እሜዳ።
- 2 መድና ጎዳይ ባረ ጸኑዋ ኤርሴዳ፤
እ አሸያዎ ካውተላቶ ቆንጭሴዳ።
- 3 እ እሰራኤልያ ሶ አሳ ሲቅያዎነ
ኡንቱንቱ አማነትያዎ ሀሳዬዳ።
ሳአ ጋጸ ጋካናው ደእያ አሳይ ኡባይ
ኑ ጸሳይ አሸያዎ በኤዳ።
- 4 ሳአ ቦላን ደእያ አሳ ኡባይ፣
መድና ጎዳው ናሸቻን የጽተ፤
ቃላ ቶቁ ኦሴዳ፣ ናሸቻ ሳባ ሳቢተ።
- 5 ዲላ መድና ጎዳው ዲጽተ፤
ዲላን የላን ጸሳ ሳቢተ።
- 6 ጸሩምባን ሎኩዋ ፑኒዳ፣
ናሸቻን መድና ጎዳ ኑ ካትያ ሰንላን
ሆምቦጭተ።
- 7 አባይነ አባ ግደን ኩሜዳዌ ኡባይ ጉሞ።
ሳአይነ ሳአ ቦላን ደእያ ኡባይ የጸ።
- 8 ሻፋቱ እትጥ ባረንቱ ኩሸያ ባቂኖ።
ቁር ደረቱ መድና ጎዳ ሰንላን እትጥ ናሸቻን
የጽኖ።
- 9 አያው ጎጥ፣ እ ሳአ ቦላን ዳናታናው ዬ።
እ ሀ ሳአ ቦላ ጽሎተላን፣
አሳ ቦላካ ሱረተላን ዳናታና።

99

ጸሳይ ጽሎብን ጌሻ

- 1 መድና ጎዳይ ካውቲዳ! ሄዎ አሳቱ ኮኮርኖ።
ክሩበቱዋጥ ግዴዋን ካውተላ አራታ ቦላ
ኡቲዳ፤
ሄዎ ቢታይ ቃጸ፤
- 2 መድና ጎዳይ ጽዮንን ዋልቃማ፤
ካውተላ ኡባጥ እ ቶቁ ቶቁ ጌዳ።
- 3 ዳርጥ ያሸያ አ ዋልቃማ ሱንላ፣
ኡንቱንቱ ኡባይ ጋላትኖ።
እ ጌሻ!
- 4 ኔን፣ ዋልቃማ ካቲ፣ ልክ ፕርዳ ደሳሳ።
ኔን ያቆባ አሳው ሱረተላ ምንሳዳ።
ጽሎተላን ልክ ፕርዳ ኤሳዳ።
- 5 መድና ጎዳ ኑ ጸሳ ቶቁ ቶቁ ኦሳተ፤
አ ገዲ የድያሳን ጉፋኒደ አው ጎይንተ።
እ ጌሻ!
- 6 ሙሴነ አርነ አ ቀሰቱዋ ግዴዋጥ ላእቱዋ፤
ሳሜልካ አ ሱንላን ዋሴዳዋንቱጥ እቱዋ።
ኡንቱንቱ መድና ጎዳው ዋሴድኖ፤
እካ ኡንቱንቶ አሌዳ።
- 7 እ ሻርያ ቱሳ ግዴዋና ኡንቱንቶ ሃሳዬዳ፤
ኡንቱንቱ እ እሜዳ ሀግያነ ዎጋ ናጌድኖ።

- 8 አቤት መድና ጎዳው፣ ኑ ጸሳው፣
ኔን ኡንቱንቱ ዋሳ ሰሳዳ።
ኔን ኡንቱንቱ ኢታተላ ድራው ሙራዳዎ ግደጥካ፣
ኡንቱንቶ አቶ ጌዳ ጸሳ።
- 9 መድና ጎዳ ኑ ጸሳ፣ ቶቁ ቶቁ ኦሳተ፤
አ ጌሻ ደርያ ቦላን አው ጎይንተ፤
አያው ጎጥ፣ መድና ጎዳይ ኑ ጸሳይ ጌሻ!

100

ጸሳ ጋላታናዳን ሸቆዳ ጸሳ

- ጋላታ እምያ ማዘመርያ
- 1 ሳአን ደእያ አሳ ኡባው፣
መድና ጎዳው ህንተ ቃላ ቶቁ ኦሴደ የጽተ።
- 2 መድና ጎዳው ናሸቻን ኦሳተ፤
ናሸቻ የላና አ ሰንላ ሸቆተ።
- 3 መድና ጎዳይ ጸሳ ግድያዎ ኤርተ፤
ኑና መጄዳዎ አ፤ ኑን አዋንታ።
ኑን አ አሳቱዋነ አ ቆሩዋን ደእያ ደርሳቱዋ።
- 4 አ ጥንግያ ጋላታና፣
አ ዳባባ ሳባና ገልተ፤
አ ጋላትተነ አ ሱንላ ሳቢተ።
- 5 አያው ጎጥ፣ መድና ጎዳይ ኬካ።
አገና አ ሲቁ መድናሳ፤
አ የለታጥ የለታ ጋካናው አማነትያዎ።

101

ካቲ ጸሳው ገልያ ቃላ ጫቁዎ

- ዳዊታ ማዘመርያ
- 1 ታን አገና ሲቁዋባን ጽሎ ፕርዳባ የጸና፤
አቤት መድና ጎዳው፣ ታን ነው የጸና።
- 2 ታን ሱረ ኦግያባ ቆጋና።
ኔን ታኮ አውደ ያን?
ታን ታ ጎልያን ሱረተላን ሀመታና።
- 3 ታን ታ አይፍያን ፖኮባ ጸልከ።
ጸሳጥ ዋራ ሰሜዳ አሳቱዋ ኦሱዋ እጻይ፤
ኡንቱንቱ ሙላካ ታናና ግድክኖ።
- 4 ዋዛና ጌላተላይ ታጥ ሃኮ፤
ኢታተላ ታን ኤርከ።
- 5 ጌማን ባረ ሸሩዋ ዝግርያዎ፣
ታን ሰርጽ ኦላና።
ኦቶረትያነ አይያ አሳ ታን ዳንዳይከ።
- 6 ኡንቱንቱ ታናና ደእና ማላ፣
ቢታ ቦላ ደእያ አማነትያዎንታ፣
ታን ኬካ አይፍያን ጸላይ።
ሱረተላን ሀመትያ አሳይ ታው ከተታና።
- 7 ጭምያዎ ታ ጎልያን ደእና፤
ዋርዲዋ ሃሳይያዎ ታ ሰንላን ጋምኤና።
- 8 ቢታን ደእያ ኢታ አሳ ኡባ፣
ታን ጋላሰ ጋላሰ ዳይሳና፤
ኢታ ኦሳዎንታ ኡባ፣
ታን መድና ጎዳ ካታማጥ ቶቆላና።

99:1 ከሳ 25:22 99:7 ከሳ 33:9 100:5 1 ኦዲዋ 16:34፤ 2 ኦዲዋ 5:13፤ 7:3፤ እዝራ 3:11፤ ማዘ. 106:1፤ 107:1፤ 118:1፤ 136:1፤ ኤር. 33:11

102

መቼዋ ቦላ ደእያ አሳ ዋሳ
መድና ጎዳ ሰንላን ባረና ደጊደ ባረ ካዩዋ ጉሰያ
ዋደ፡ ቱጋቴዳ አሳይ ዋሴዳ ዋሳ.

- 1 አቤት መድና ጎዳዉ፡ ታ ዋሳ ሰሳ፤
ታ ዋሱ ኔኮ ጋኮ።
- 2 ታ ዋይያ ጋላሰ፡
ነ ሰሞኡዋ ታጥ ገንጠጋ።
- ነ ሀይላ ታኮ የጋ፤
ታን ነዉ ዋሰያ ዋደ፡ ታና ኤለካ አላ።

- 3 አያዉ ጎጥ፡ ታ ላይላይ ጨዋዳን ጳዬ፤
ታ መቀላይካ ታማ ቦንቁዋዳን ኤጼ።
- 4 ታ ዋዛናይ ሸጭ የጌዳ መላ ማታዳን ሀናድ፤
ቁማይካ ታዉ ሜተተና።
- 5 ታን ታ ቃላ ጶቁ ኦላደ ኦላይ፤
ታ ጋልባይ መቀላና ኦይቀቴዳ።
- 6 ታን ባዙዋን ደእያ አንኩዋ ማላ፡
ዋይ ኮለቴዳ ጎልያን ደእያ ጉቱዋ ማላ።
- 7 ታን ግሰና፡ ገሞአሹ ዬና፤
ታን ጎልያ ሁጲያን ባረካ ኡቴዳ ካፋዋ
ማላ።
- 8 ታ ሞርከቱ ጋላሳ ኡባን ታና ጫሽና፤
ታና ቅሊጭያዋንቱ ታ ሱንላን ሸቂና።

- 9 ታን ብድንላ ቁማዳን ማይ፤
ቃይ ታ አፎላ ታ ኡሻና ዋላካይ።
- 10 ኔን ታና ፑደ ደንላደ፡
ነ ሀንቁዋ ድራዉ ዋራ ኦላዳ።
- 11 ታ ደኡዋ ላይላይ አማርሳ ኩዋ ማላ፤
ታን ማታዳን ሹላይ።

- 12 ሸን አቤት መድና ጎዳዉ፡
ኔን ካዉተላ አራታን መድናዉ ኡታዳ፤
ነ ሱንላይካ የለታጥ የለታ ጋካናዉ
ሀሳየታና።

- 13 ኔን ደንዳደ፡ ጽዮነዉ ቃረታ፤
አያዉ ጎጥ፡ ኔን እዘ ማርያ ዋዲ ጋኬዳ፤
ሀዌ ኔን ደራዳ ዋድያ።

- 14 እዛ ኮለቴዳዋ ግደጥካ፡
ነ ቆማቱ እዘ ሰቂና።

እዛ ባዬዳዋ ግደጥካ፡
ኡንቱንቱ እዘዉ ቃረቲና።

- 15 ካዉተላቱ መድና ጎዳ ሱንላዉ ያያና፤
ሳኦ ካተቱ ኡባይ ኦ አንጋዉ ዳጋማና።

- 16 አያዉ ጎጥ፡ መድና ጎዳይ ጽዮነ ዛረላ ከጼደደ፡
እ ባረ ግታተላ በሳና።

- 17 እ ፑቴሳቱዋ ዋሳ ሰሳና፤
ኡንቱንቱ ዋሱዋ ካፋና።

- 18 ብሮ የለታና አሳቱ መድና ጎዳ ጋላታና ማላ፡
ሀዌ ይያ የለታዉ ጸፊቶ።

- 19 መድና ጎዳይ ጶቃን ደእያ ባረ ጌሻ ሳኦጥ ዱገ
ጼሌዳ፤
እ ሳሉዋጥ ዱገ ሳኦ ጸሞሴዳ።

- 20 ሄዋነ፡ ቃሽቴዳ አሳቱዋ ኦልያ ሰሳናሳን
ሀይቆ ፕርደቴዳ አሳቱዋ ብላናሳ።

- 21 ሄዋ ድራዉ፡ መድና ጎዳ ሱንላይ ጽዮነን
ኦደታናን

ኦ ጋላታይ የሩሳላመን አዋየታና።

- 22 አሳይን ካዉተላይ እትጥ ሸቂደ፡
መድና ጎዳዉ ሄ ዋደ ጎይናና።

- 23 እ ታን ያላጋተላን ደእና፡
ታ ዋልቃ ዉርሴዳ፤
ታ ላይላ ቃንሳዬዳ።

- 24 ያትና፡ ታን፡ “አቤት ታ ጸሳዉ፡
ታ ላይላይ ብሮ ግደትያ ዋደ፡
ታና አፎጋ” ያጋይ።

አቤት ጸሳዉ፡ ኔን የለታጥ የለታ ጋካናዉ
ደእሳ።

- 25 ኔን በን ሳኦ መታዳ፤
ሳሉካ ነ ኩሽያ ኦሱዋ።

- 26 ሄዋንቱ ኡባይ ጳያና፤ ሸን ኔን ደእና፤
ኡንቱንቱ ኡባይካ አፍላዳን ዉራና።

ኔን ኡንቱንታ ጨርቃ አፍላዳን ላማና፤
ኡንቱንቱካ አታና።

- 27 ሸን ኔን ኔናካ፤ ነ ላይላይ ኡባ ዉረና።
- 28 ኔን ነ ቆማቱዋ፤
ኦ ናናቱ ሳሮተላን ደእና።

ኡንቱንቱ ዘረላይካ ነ ሰንላን ሞኒደ ኤቃና።

103

ጸሳ ሲቁዋ
ዳውት ጸፊዳዋ

- 1 ታ ሸሞጋጥ፡ መድና ጎዳ ጋላታ!
ታ ኩመንላ አሳተላዉ፡ ኦ ጌሻ ሱንላ ጋላታ።

- 2 ታ ሸሞጋጥ፡ መድና ጎዳ ጋላታ!
እ ነዉ ኡጼዳ ከካተላ ኡባ ደሳጋ።

- 3 እ ነ ናጋራ ኡባ አቶ ጌ፤
እ ነ ሀርግያ ኡባጥ ኔና ጋሌ።

- 4 እ ኔና ዱፋዋን ገለናዳን አሹ፤
አገና ሲቁዋን ማርታን ኔና አንጃ።

- 5 አርጋንላዳን ኔን ያላጋና ማላ፡
እ ነ ደኡዋ ኡባን ኔና ሎኦባ ካልሴ።

- 6 መድና ጎዳይ ናቀቴዳዋንቶ
ጽሎባ ኡሌነ ሱርያን ፕርዳ።

- 7 እ ባረ ኦግያ ሙሳ፡
ባረ ኦሱዋ እሰራኤልያ አሳዉ ኤርሴዳ።

- 8 መድና ጎዳይ ቃረትያዋን ማርያዋ፤
እ ሀንቀታናዉ ኤሌለናዋን
አገና ሲቁ ዳሩዋ።

- 9 እ ኡባ ገደ ሴረና፤ መድናዉ ሀንቀተና።
- 10 እ ኦና ኦ ናጋራዳን ኦለቤና፤
ኦ ኡታተላዳን ኦዉ ዛርቤና።

- 11 ሳሉ ሳኦጥ ጶቁያዋዳን፡
መድና ጎዳዉ ያይያዋንቶ አገና ኦ ሲቁ ዳራ።

- 12 አዋይ ዳልያሳጥ አዋይ ዉልያሳይ ሃክያዋዳን፡
መድና ጎዳይ ኦ ባይዙዋ ኡጥ ሃሴ።

- 13 አዉ ባረ ናናቶ ቃረትያዋዳን፡
መድና ጎዳይ ባረዉ ያይያዋንቶ ቃረቴ።

- 14 አያዉ ጎጥ፡ ኦን አያጥ መጠቴደንቶ እ ኤሬ፤
ኦን ቢታ ግድያዋ እ አኬኬ።

- 15 አሳ ግደጥ፡ ኦ ደኡ ማታ ማላ፤
እ ባዙዋ ጨሻዳን ጨሹ፤

- 16 ጫርኩ ኦ ቦላ ጫርክና ጳዬዳ፤

102:25 እብራ. 1:10-12 103:8 ያቆባ 5:11

እ ደሌዳ ሳኦይ ኤረተና።
 17 ሸን መድና ጎዳው ያይያዋንቶ።
 እገና እ ሲቁ መድና፣ መድና ጋካና።
 እ ጽሎተላይካ ናኣ ናእው ጋካና።
 18 እ ጫቁዋ ናግያዋንቱሳን
 እ እዛዙዋ ፖላናው ሀሳይያዋንቱሳ።
 19 መድና ጎዳይ ሳሎቱዋን ባረ ካውተላ ኦራታ
 ኤሴዳ፤
 እ ካውተላይ ኡባ ሞዳ።
 20 ሀንተኖ፣ እ ኪታንቻቶ፣
 እ እዛዙዋ ፖልያ ዋልቃማቶ፣
 እ ግያዋ ሰሰሰያዋንቶ፣
 መድና ጎዳ ጋላትተ!
 21 ሀንተኖ ሳሎዋን ደእያ ሞኖቶ፣
 እ ሸንያ ኦልያ ቆማቶ፣
 መድና ጎዳ ጋላትተ!
 22 ሀንተኖ፣
 እ ሞድያ ሳኦ ኡባ መጠታቶ፣
 ኡባይካ መድና ጎዳ ጋላትተ!

ታ ሸምፓቱ፣ መድና ጎዳ ጋላታ!

104

ጸሐፊ ሸቅያ ጋላታ

1 ታ ሸምፓቱ፣ መድና ጎዳ ጋላታ!
 እቤት መድና ጎዳው ታ ጸሐፊ፣ ኔን ኦይ
 ኬሻ ግቲ!
 ኔን ቦንቹዋን እንጋ ማያዳ።
 2 ፖኡዋ አፍላዳን ጉሎታዳ።
 ኔን ሳሎዋ ዱንካንያዳን ቶላዳ።
 3 ነ ጎልያ ሳሎዋ ጉፋንሉዋ ቦላን ኬዳሳ።
 ሻርያ ፓራ ጋርያ ከሳሳ፤
 ጫርኩዋ ቆፍያን ቶጋሳ።
 4 ኔን ጫርኩቱዋ ነ ኪታንቻ፣
 ታማ ላጩዋካ ነ ቆማ ከሳሳ።
 5 ኔን ሳኦ እ ባሱዋ ቦላ ኤሳዳ፤
 እ መድ መድናውካ ቃጸና።
 6 ዋልቃማ አባይ ቢታ ቦላን አፍላዳን ሞጨቱዳ፤
 ሃላይ ዋልቃማ ደረቱዋ ካሜዳ።
 7 ሸን ነ ጎደትና ሃላቱ ባቃቱድኖ፤
 ነ እዛዙዋ ሰሲደ፣ ኤሌሌድኖ።
 8 ኡንቱንቱ ዋጋ ደረቱዋ፣ ዲገ ዛንጋራ፣
 ኔን ኡንቱንቱ ገግሴዳ ሳኦ ጎጌድኖ።
 9 ሃላቱ ሰሚደ ቢታ ካመናዳን፣
 ኡንቱንቱ አጳናው ዳንዳየና ዛዋ ኤሳዳ።
 10 ኔን ፑልቶቱዋ ዛንጋራን ፑልቶሳሳ፤
 ኡንቱንቱ ሃላይ ደረቱዋ ግዲዋና ጎጌ።
 11 ጎግያዋ፣ ባዙዋ ደኦቱ ኡባይ ኡሺኖ፤
 ደንባ ሃረቱ ባረንቱ ሳሙዋ አፕ አሊኖ።
 12 ሳሎዋ ካፎቱ ሄ ሃላ ማታን ባረንቱ ጎልያ
 ኬዳዳ፣
 ታሸያ ግድን የጸኖ።
 13 ኔን ዋልቃማ ደረቱዋ ቦላን
 ሳሎዋ፣ እራ ቡክሳሳ፤
 ቢታካ ነ ኩሸያ ኡሱዋ አይፍያን ካልሳሳ።
 14 ኔን መሀያው ማታ፣
 አሳው ካላ ሞክሳሳ።

ሄዌን፣ አሳይ ቢታ ኦሊደ፣
 ቢታፕ ካላ ደማናሳ።
 15 አሳ ዋዛና ናሸቶያ ዋይንያ፣
 ሶምኡዋ ሸጭሰያ ዛይትያን
 ዋልቃ ኩንሰያ ቁማ ሞክሳሳ።
 16 መድና ጎዳ ሞላቱ፣
 እ ቶኬዳ ሊባኖሳ ዝጋቱ፣
 ዳር እራ ኡሺኖ።
 17 ኡንቱንቱን ካፎቱ ባረንቱ ጎልያ ኬዳዳ፤
 ቆለቱካ ዲዳ ቦላ ኬዳዳ ደኦኖ።
 18 ቆቃ ደረቱዋ ቦላን ጋራቱ ደኦኖ፤
 ቃይ ጉፓላቱ ሹቻ ጎንጎሎዋን ቆሰቲኖ።
 19 ዋድያ ፓይዲዋ ኤርሳና ማላ፣
 ኔን አግና መጳዳ።
 አዋይ ባረ ወልያ ዋድያ ኤሬ።
 20 ኔን ቃማ መጳዳ፤
 ጳማን ደኦይ ኡባይ ከሴ።
 21 ዋዳላ ጋሞቱ ሻንካቲደ ጉዲኖ፤
 ኡንቱንቱ ባረንቶ ሞያዋ ጸሳፕ ኮዪኖ።
 22 አዋይ ከሰያ ዋደ፣
 ጉየ ሰሚደ ባረንቱ ጌሱዋን ግሲኖ።
 23 ሄ ዋደ አሳይ ባረ ኦሶ ከሴ፤
 ሳኦ ቃማና ጋካናው ኦሌ።
 24 እቤት መድና ጎዳው፣ ነ ኦሶ አይ ኬሻ ዳሬ!
 ነ አጭዳ ኤራተላን ኔን ኡንቱንቱ ኡባ
 መጳዳ፤
 ሳኦ ኔን መጭዳዋን ኩሜዳ።
 25 አባይ ሀንን ሄዌሽ፤ እ ዋልቃማን አኮ፤
 ፓይዲ ባይና ቃጽያ መጠታቱዋን፣
 ግታቱዋን፣ ጉላቱዋን ኩሚደ ደኤ።
 26 ሄዋ ቦላን ማርካባቱ ቢኖ፤
 ቃይ ኔን መጭዳ ሌዋታና ግያ ዳዊ እን
 ካኤ።
 27 ኔን ኡንቱንታ ኮሸያ ዋድያን
 ኡንቱንቶ ቁማ አማና ማላ፣
 ኡንቱንቱ ኡባይ ኔና ጸሊኖ።
 28 ኔን ኡንቱንቶ አምና፣ ኡንቱንቱ ማጸኖ፤
 ኔን ነ ኩሸያፕ የግና፣
 ኡንቱንቱ ሎኦባ ካሊኖ።
 29 ኔን ነ ሶምኡዋ ገንሰያ ዋደ ዳጋሚኖ።
 ነ ሸምፑዋ ኔን አክያ ዋደ ሀይቂደ፣
 ባረንቱ ቢታው ሰሚኖ።
 30 ሸን ኔን ነ ሸምፑዋ ኪትያ ዋደ፣
 ሀራቱ መጠታቱ፤ ቢታካ ኦራሳሳ።
 31 መድና ጎዳ ቦንቹ መድናው ደኤ፤
 መድና ጎዳይ ባረ ኡሱዋን ናሸቶ።
 32 እ ቢታ ጸልና፣ ቢታይ ቃጾ፤
 ቃይ እ ደረቱዋ ቦንቶና፣ ደረቱ ጨዋቲኖ።
 33 ታን ታ ደኡዋ ኡባን መድና ጎዳው የጸና፤
 ታን ደኤዳ ሳይላ ኡባን ታ ጸሳ ሳባና።
 34 ታን መድና ጎዳን ናሸቶያ ድራው፣
 ታ ቆፋይ እ ናሸቶ።
 35 ናጋራንቻቱ ቢታፕ ጳይኖ፤
 ሀዋፕ ሰንሳው ኢታቱ ደኦፕኖ።

ታ ሸምፓቱ፣ መድና ጎዳ ጋላታ! መድና ጎዳ
 ጋላትተ!

104:4 እብራ. 1:7 104:26 እድባ 41:1፤ ማዝ. 74:14፤ እሳ. 27:1

105

ማላልሰያ እስራኤልያ ታርክያ
(1 ኦዲዋ 16:8-22)

- 1 መድና ጎዳ ጋላትተ፤ አ ሱንላ ጸሰተ።
እ አሌዳዋ ካውተላቱዋ ግዲዋን ኤርሰተ።
- 2 አ ሳቢተ፤ ጋላታ የላ አው የጽተ።
እ ማላልሰያ አሱዋ ኡባባ አድተ።
- 3 አ ጌሻ ሱንላን ጨቀትተ፤
መድና ጎዳ ኮይያ ዋዛናቱ ናሽትኖ።
- 4 መድና ጎዳን አ ዋልቃ ጸሞሰተ፤
ኡባ ገደ አ ሱንላ ኮይተ።
- 5 እ አሌዳ ማላልሰያባ፤
አ ማላታን እ ፕርዴዳ ፕርዳ ሀሳይተ።
- 6 ሀንተኖ፤
አ ቆማ አብራሃማ ዘረላቶ፤
ደረቴዳ ያቆባ ናቶ።
- 7 እ መድና ጎዳ ኑ ጸሳ፤
አ ቱሞ ፕርዳይካ ሳአ ኡባ ቦላና።
- 8 እ ባረ ጫቁዋ መድናው፤
ባረ አዛዜዳ ቃላ ሻኡ የለታ ጋካናው ናጌ።
- 9 ሄዌነ፤ እ፡ አብራሃማና ጫቁቴዳ ጫቁዋ፤
ይሳቃው ጫቁዳ ጫቁዋ፤
- 10 ያቆባው ዋጋ፤
እስራኤልያውካ መድና ጫቁዋ
አሊደ ሞንሴዳ።
- 11 ሀዋዳን ያጌዳ፤
“ካው ካናን ቢታ እማና፤
እ ነ ዘረላቶ ላታ ግዲና” ያጌዳ።
- 12 ጸሳ አሳቱ ፓይዲዋን ጸ ጉላን
ካናን ቢታን በተ ግዲደ ደእያ ዋደ፤
- 13 እት ጋድያፕ ሀራ ጋድያ፤
እት ካውተላፕ ሀራ ካውተላ ዩዬድኖ።
- 14 ጸሳይ ኡንቱንታ ኦንነ ናቃናው እምቤና፤
ኡንቱንቱ ድራው ካተቱዋ ሴሪደ፤
- 15 “ታን ኡኬዳዋንታ ቦቾፕተ፤
ታ ትምቢትያ ኦድያዋንታ ቆሆፕተ”
ያጌዳ።
- 16 ጸሳይ ቢታን ኮሻ የዲደ፤
ኡንቱንቱ ካላ ኡባ ቆይሴዳ።
- 17 ሸን እ ባረ አሳ አሻናው፤
እት ብታንያ ግብጾ ኪቱዳ፤
ሄ ብታኒ አይለ ግዲደ ዛልኤቴዳ ዮሴፋ።
- 18 አ ገደቱ ብራታን ቃሽቴድኖ፤
ኡንቱንቱ አ ሳንሳላታን ቃቼድኖ።
- 19 እ ካሰ ኦዴዳዌ ፖለታና ጋካናው፤
መድና ጎዳ ቃላይ አ ፓጩዳ።
- 20 ግብጾ ካቲ ኪቲደ ቃሽ ጎልያፕ ከሴዳ፤
ጋድያ ሞድያዌ ብሌዳ።
- 21 እካ፤ አ ባረ ጎልያው ጎዳ አሌዳ፤
ባረው ደእያዋ ኡባ ቦላ ሱንሌዳ።
- 22 ባረው ዋና ካፖቱዋ አዛዛና ማላን
ባረ ጭማቱዋ ዞራና ማላ ማታዬዳ።

- 23 ሄዋፕ ጉይያን፤ እስራኤሊ ግብጾ ገሌዳ፤
ያይቆበ ካመ ቢታን በተ ግዲደ ደኤዳ።
- 24 መድና ጎዳይ ባረ አሳ ዳሮ ጮራዬዳ፤
ኡንቱንቱ ሞርከቱዋፕ ኡንቱንታ አሊደ
ምንጫ።
- 25 እ ግብጾ አሳይ ባረ አሳ እጻናዳንነ
ባረ ቆማቱዋ ጭማናዳን ኦሌዳ።
- 26 ሄዋፕ ጉይያን፤ ባረ ቆማ ሙሳን
ባረ ደራዳ አሮና ኡንቱንቱኮ ኪቱዳ።
- 27 ኡንቱንቱ ግብጾ አሳቱዋ ሰንላን ጸሳ ማላታ፤
ካመ ቢታን ኦራላባ አሌድኖ።
- 28 ጸሳይ ቆማ ኪቲደ፤
ሄ ቢታ ቆሞሴዳ፤
ሸን ግብጾ አሳቱ አ አዛዙዋ እጾድኖ።
- 29 እ ኡንቱንቱ ሃላ ሱላው ላሚደ፤
ሞለቱዋ ዋዴዳ።
- 30 ኡንቱንቱ ቢታ ኡባ፤
ካትያ ጎልያካ ሸጂ ኩሜዳ።
- 31 እ አዛዝና፤ ኡዲንጺነ ቢኒ
ኡንቱንቱ ቢታ ኡባ ቦላ ሻምእሻምኤዳ።
- 32 ኡንቱንቱ ቢታ ቦላን እራ ድራው
ሻቻ ዋልቃንላና ቡክሴዳ።
- 33 እ ኡንቱንቱ ዋይንያ ቱራን
ባላሰያ ግያ ሞላ ሸጩዳ፤
ኡንቱንቱ ቢታን ደእያ ሞላካ ክንቼራሌዳ።
- 34 እ አዛዝና፤ ቦሊነ
ፓይዲ ባይና ቡምቡራላይ ከሴዳ።
- 35 ኡንቱንቱ ቢታን ደሌዳ ካላ ኡባ ሜዳ፤
ሳኦፕ እርጸባ ኡባካ ሞ ቆይሴዳ።
- 36 ጸሳይ ግብጾ አሳቱዋ ጎለ ባይራ ናናቱዋ ኡባ
ዋዴዳ፤
ኮይሮ የለቱዳ ኡባ ቆይሴዳ።
- 37 ሄዋፕ ጉይያን፤ እ እስራኤልያ አሳ
ዋርቃነ ብራ አሌቁዋና ከሴዳ፤
ኡንቱንቱ ግደፕ ኩንዲደ አቴዳዌ ኦንነ
ባዋ።
- 38 ግብጾ አሳቱ ኡንቱንቶ ዳሮ ያዬዳ ድራው፤
ኡንቱንቱ ከሴዳዋን ናሽቴድኖ።
- 39 ጸሳይ ኡንቱንታ ካማናው ሻርያ ሞጩዳ፤
ቃማ ኡንቱንቶ ፖአሳናው ታማ ጊግሴዳ።
- 40 ኡንቱንቱ ሞያዋ ኦቾና፤
አካ ማላታያ ካፎቱዋ ኡንቱንቶ የዴዳ፤
ኡንቱንታ ሳሉዋ ቁማ ካልሴዳ።
- 41 እ ሹቻ ጳልቁና፤
ሃላይ ፑልቱዳ፤
ሻፋዳን ባዙዋን ጎጌዳ።
- 42 እ ባረ ቆማ አብራሃማው፤
ገሌዳ ጌሻ ቃላ ሀሳዬዳ።
- 43 እ ባረ አሳ ናሽቻን፤
ባረ ደራዳዋንታ እልልሳን ከሴዳ።
- 44 እ ኡንቱንቶ ሀራ አሳቱዋ ቢታ እሜዳ፤
ኡንቱንቱ ሀራቱ ዳቡራዳ ጎሻ ላቴድኖ።
- 45 ሄዋ እ አሌዳዌ ኡንቱንቱ አ ዋጋ
ናጋናዳናን እ ሀግያ አላናዳና።

105:9 ደመላ 12:7፤ 17:8፤ 26:3 105:10 ደመላ 28:13 105:14 ደመላ 20:3-7 105:16 ደመላ 41:53-57
 105:17 ደመላ 37:28፤ 45:5 105:18 ደመላ 39:20—40:23 105:20 ደመላ 41:14 105:21 ደመላ 41:39-41
 105:23 ደመላ 46:6፤ 47:11 105:24 ከሳ 1:7-14 105:26 ከሳ 3:1—4:17 105:28 ከሳ 10:21-23 105:29
 ከሳ 7:17-21 105:30 ከሳ 8:1-6 105:31 ከሳ 8:16-17፤ 20-24 105:32 ከሳ 9:22-25 105:34 ከሳ
 10:12-15 105:36 ከሳ 12:29 105:37 ከሳ 12:33-36 105:39 ከሳ 13:21-22 105:40 ከሳ 17:1-7፤
 ፓይ. 20:2-13 105:44 ኢያሳ 11:16-23

መድና ጎዳ ጋላትተ!

106

ጸላይ ባረ አሳው በሰያ ከካተላ

- 1 መድና ጎዳ ጋላትተ!
እ ከካ ግድያ ድራውነ፤
አገና አ ሲቁ መድና ግድያ ድራው፤
መድና ጎዳ ጋላትተ።
- 2 መድና ጎዳይ ኦሴዳ ዋልቃማ ኦሱዋ ኦዳናው፤
ዋይ አ ጋላታ ኡባ ቆንጭሳናው፤ ዳንዳይያዋ
አኔ?
- 3 ፕርዳ ናግያዋንቱ፤
ኡባ ገደ ጽሎባ ኦሳያዋንቱ
አንጀቱዳዋንታ።
- 4 አቤት መድና ጎዳው፤ ኔን ነ አሳው ከክያ ዋደ፤
ታናካ ቆፓ፤
ኡንቱንታ ኔን አሸያ ዋደ፤
ታወካ አላ።
- 5 ሄዌነ፤ ነ ደሬዳ አሳው፤
ሳአይ ሎእና፤ ታን በአናዳና፤
ነአሳ ናሸቻ ታንካ ናሸታናዳንነ
ነዋንቱና እትፕ ታንካ ጋላታናዳና።
- 6 ኑን ኑ አዋቱዋዳን ናጋራ ኦሴዳ፤
ባይዘባነ ኢታባ ኦሴዳ።
- 7 ኑ አዋቱ ግብጽን ደእያ ዋደ፤
ነ ማላልሰያ ኦሱዋ ቆፕበይክና።
አገና ነ ሲቁዋ ዳርተላ ኡንቱንቱ ሀሳይበይክና፤
ዘኦ አባ ባንቁያን ነ ቦላ ማካሌድና።
- 8 ግደፕካ እ ባረ ሱንላ ድራው፤
ባረ ዋልቃማ ዋልቃ ኤርሳናው ኡንቱንታ
አሼዳ።
- 9 እ ዘኦ አባ አዛዝና፤ አባይ መሌዳ፤
ባዙዋን ካለሳያዋዳን፤
ጨማ ግዲዋና ኡንቱንታ ካለላደ ፕንሌዳ።
- 10 እ ኡንቱንታ እጽያዋንቱ ኩሸያፕ አሼዳ፤
ዋርከቱዋ ኩሸያፕ ኡንቱንታ ዋዜዳ።
- 11 ኡንቱንቱ ዋርከቱዋ ሃላይ ሞቲዳ፤
ኡንቱንቱፕ እቱነ እትቤና።
- 12 ሄ ዋደ አሰራኤላቱ አ ቃላ አማኔድና፤
አ ሳቤድና።
- 13 ግደፕነ፤ ኡንቱንቱ እ ኦሴዳዋ
ኤለካ ደጌድና።
- እ ዘርያ ናገናን ባረንቱ ኮዬዳዋ ኦሴድና።
- 14 ባዙዋን ደኢድ፤ ኡንቱንቱ
ዳርፕ አሞቲድና፤
ቃይ መላ ቢታን ጸሳ ፓጩድና።
- 15 ሄዋዳን እ ኡንቱንቱ ዋሴዳዋ እሜዳ፤
ሸን ኡንቱንቱ ሸምፕ ግልቃተላ ከቲዳ።
- 16 አሳቱ ባዙዋን ባረንቱ ዲንካንያን ደኢድ፤
ሙሳነ መድና ጎዳው ዲማቲዳ፤
ቆማ አሮና ቃናቲዳ ዋደ፤
- 17 ቢታይ ደየቲደ ዳታና ሞቲዳ፤
አቤርና አ ጎልያ አሳቱዋና ሞጌዳ።

- 18 ቃይ ኡንቱንቱ ማባራ ግደን ታማይ ኤጽና፤
ላጩ ሄ ኢታ አሳቱዋ ጹጌዳ።
- 19 ኮሬባ ደርያን ደኢድ፤
ዋርቃ ሙሸሲደ ማራ ሞሰልያ መዴድና፤
ሄ ሞሰልያው ጎይኔድና።
- 20 ኡንቱንቱ ባረንቱ ቦንቾ ጸሳ
ማታ ሞያ ሚዛ ሞሰልያን ላሜድና።
- 21 ኡንቱንቱ ባረና አሼዳ ጸሳ ደጌድና፤
እ ግብጽን ዋልቃማ ኦሱዋ፤
- 22 ካመ ቢታን ማላልሰያባነ፤
ዘኦ አባነ፤ “ሆላ!” ገሰያባ ኦሴዳ።
- 23 ሄዋ ድራው፤ ጸላይ ኡንቱንታ ቆይሳና ጌዳ፤
ሸን ቆይሰና ማላ፤ አ ሀንቁዋ ዛራናው፤
ጸላይ ደሬዳ ሙሴ ግዲዋን ኤቄዳ።
- 24 ሄዋፕ ጉይያን፤ ኡንቱንቱ
አ ቃላ አማኔና ድራው፤
ሄ ሎኦ ቢታ ካዴድና።
- 25 ኡንቱንቱ ባረንቱ ዲንካንያ ግደን
ዙዙሜድና፤
መድና ጎዳ ቃላው አዛዘትበይክና።
- 26 ሄዋ ድራው፤ እ ኡንቱንታ ባዙዋን አጋናዋ፤
ባረ ኩሸያ ደንላደ ጫቄዳ።
- 27 ኡንቱንቱ ዘረላ ካወተላቱዋ ግደን አጋናውነ
ቢታን ኡንቱንታ ላላናው ጫቄዳ።
- 28 ሄዋፕ ጉይያን፤ ኡንቱንቱ ፓኦራን ደእያ ባኣላ
ኤቃው፤
ጎይንያውንቱና እትፕ ጋከቲድና፤
ሸምፕ ባይና ኤቃቶ ያርሸቲዳ ያርሹዋ
ሚድና።
- 29 ኡንቱንቱ ባረንቱ ኦሱዋን መድና ጎዳ
ሀንቁሌድና፤
ኡንቱንቱ ግደን ኢታ ሀርጊ ዋዴዳ።
- 30 ሸን ፕንሃሰ ደንዲደ፤
ኡንቱንቱ ባይዙዋ ፕርድና፤
ኢታ ሀርጊ ኡንቱንቱ ቦላፕ ክቼዳ።
- 31 ሄዌነ፤ የለታፕ የለታ ጋካናው፤
መድናው አዉ ጽሎተላ ግዲደ ፓይደቲዳ።
- 32 ማሪባ ፑልቱዋ ማታን መድና ጎዳ ሀንቁሌድና፤
ኡንቱንቱ ጋሱዋን ሙሴ ቦላ መቲ ጋኬዳ።
- 33 አያው ጎፕ፤ ኡንቱንቱ አ ሀንቁሌድና፤
ሙሴ ደናፕ በሰና ቃላይ ከሴዳ።
- 34 መድና ጎዳይ ቆይሰተ ጊና፤
ኡንቱንቱ ካና ኦሳቱዋ ቆይሰበይክና።
- 35 ሄዋፕካ፤ ኡንቱንቱ ሄ አሳቱዋና
ገለት አከቲደ፤ ዋላከቲድና፤
ኡንቱንቱ ደኡዋ ዋጋ ካሌድና።
- 36 ጸሳ አሳቱ ኡንቱንቱ ኤቃው ጎይኔድና፤
ሄዌነ፤ ኡንቱንቶ ጸረ ግዳዳ።
- 37 ኡንቱንቱ ባረንቱ አቲማነ ማጫ ናናቱዋ
ጸላሄቶ ያርሼድና።
- 38 ኡንቱንቱ፤ ጽሎ ሱላ
ካና ኤቃቶ ያርሸድና፤
ባረንቱ አቲማነ ማጫ ናናቱዋ ሱላ
ጉሰድና፤
ሄ ሱላን ቢታይ ቲኔዳ።

106:1 1 ኡዲዋ 16:34፤ 2 ኡዲዋ 5:13፤ 7:3፤ እዘራ 3:11፤ ማዝ. 100:5፤ 107:1፤ 118:1፤ 136:1፤ ኤር. 33:11
 106:7 ከሳ 14:10-12 106:9 ከሳ 14:21-31 106:12 ከሳ 15:1-21 106:14 ፓይ. 11:4-34 106:16
 ፓይ. 16:1-35 106:19 ከሳ 32:1-14 106:24 ፓይ. 14:1-35 106:27 ዋጋ 26:33 106:28 ፓይ. 25:1-13
 106:32 ፓይ. 20:2-13 106:34 ዳና. 2:1-3፤ 3:5-6 106:37 2 ካታ. 17:17 106:38 ፓይ. 35:33

39 ሄዋዳን ኡንቱንቱ ባረንቱ ኦሱዋን ቱኔድኖን፤
 ቫርሙጻዳን ኡንቱንቱ ባረንቱ ጸሳው
 እማነተናን እጾድኖ።
 40 ሄዋ ድራው፡ መድና ጎዳ ሀንቁ፤
 እ አሳ ቦላ ኤጽ ከሴዳ፤
 እ ባረዋንታ ሸነቱዳ።
 41 እ ኡንቱንታ ሀራ ጋድያ አሳቱዋ ኩሽያን አሊደ
 እማዳ፤
 ኡንቱንቱ እጾዳዋንቱ ኡንቱንታ ሞዴድኖ።
 42 ኡንቱንቱ ሞርከቱ ኡንቱንታ ናቄድኖን
 ባረንቱ ሸንያዳን አይሴድኖ።
 43 እ ኡንቱንታ ዳር ገደ አሼዳ፤
 ሸን ኡንቱንቱ ማካላው ዳንጭ ደንዴድኖ፤
 ባረንቱ ናጋራ ጋሱዋን ጳዴድኖ።
 44 ግደገገ፡ እ ኡንቱንቱ ዋሴዳ ዋሱዋ ሰሲደ፤
 ኡንቱንቱ ዋይያ ቆፔዳ።
 45 እ ኡንቱንቱ ድራው፡ ባረ ጫቁዋ ሀሳዬዳ፤
 አገና ባረ ሲቁዋ ዳሩዋዳን ኡንቱንታ
 ማራዳ።
 46 ኡንቱንታ እሞዴዳ ኡባይ ኡንቱንቶ ቃረታናዳን
 ኦሴዳ።
 47 አቤት መድና ጎዳው፡ ኑ ጸሳው፡ ኑና አሻ።
 ኑን ነ ጌሻ ሱንሳ ጋላታናዳንን
 ነ ቦንቹዋን ጨቀታናዳን፤
 ካውተላቱዋ ግደገ ሉና ሸሻ።
 48 መድና ጎዳይ፡ እሰራኤልያ ጸሳይ
 መድናጥ መድና ጋካናው ጋላተቶ!
 አሳይ ኡባይ፡ “አመንእ!” ጎ።

መድና ጎዳ ጋላትተ!
እቼሸንሉ ማጻፋ

107

(107—150)

መቱዋ ኡባጥ አሸያ ጸሳ ጋላትተ
 1 መድና ጎዳ ጋላትተ! አያው ጎጥ፡
 እ ከካ፤ አገና አ ሲቁ መድናሳ።
 2 መድና ጎዳይ አሼዳዋንቱን፡
 ሞርከቱዋ ኩሽያጥ ዋዜዳዋንቱ፤
 ሄዋዳን ገደ ሃሳይኖ።
 3 ኡንቱንታ እ ቢታቱዋጥ፡
 አዋይ ዳልያሳጥን ወልያሳጥ፡
 ሀ-ጳሳን ገድሳ ባጋጥ
 ሺሼዳዋንታ።
 4 ኡንቱንቱጥ እቱ እቱ ባዙዋ ቢታን ዩዬድኖ።
 ባረንቱ ደእያ ካታማ ብያ ኦግያ፡
 ደማናው ዳንዳይበይክኖ።
 5 ኡንቱንቱ ኮሻቱድኖን ሳመቱድኖ፤
 ኡንቱንቱ ይባቱድኖ።
 6 ኡንቱንቱ መቶቱዳ ዋደ፡
 መድና ጎዳው ዋሴድኖ፤
 እ ኡንቱንታ ኡንቱንቱ ዋይያጥ አሼዳ።
 7 ኡንቱንቱ ደእና ካታማ ጋካናው፡
 እ ኡንቱንታ ሰታ ኦግያና ካለሌዳ።
 8 አገና አ ሲቆን፡

እ አሳው ኦሴዳ ማላልሰያባው፡
 ኡንቱንቱ መድና ጎዳ ጋላትኖ።
 9 አያው ጎጥ፡ እ ሳመቱዳዋንታ አሊ፤
 ኮሻቱዳዋንታካ ሎኦባ ካልሴ።
 10 ኡንቱንቱጥ እቱ እቱ
 ድጽ ጎ ጳማ ግደን ኡቱድኖ፤
 ኡንቱንቱ ብራታ ሳንሳላታን ዋየቱድኖ።
 11 አያው ጎጥ፡ ኡንቱንቱ ጸሳ ቃላው ማካሌድኖን፤
 ኡባጥ ዶቂያ ጸሳ ዘርያ ካጴድኖ።
 12 እ ኡንቱንታ ቱጋ ኦሱዋን ዳቡርሴዳ፤
 ኡንቱንቱ ኩንዴድኖ፤
 ሸን ኡንቱንታ ማድያዌ ጳዴዳ።
 13 ኡንቱንቱ መቶቱዳ ዋደ፡ መድና ጎዳው
 ዋሴድኖ፤
 እ ኡንቱንታ ኡንቱንቱ ዋይያጥ አሼዳ።
 14 ባረቶ ጳማጥካ ከሴዳ፤
 ኡንቱንቱ ቃሸቱዳ ብራታ ሳንሳላታካ
 ዳሌዳ።
 15 አገና አ ሲቆን
 እ አሳው ኦሴዳ ማላልሰያዋ
 ኡንቱንቱ መድና ጎዳ ጋላትኖ።
 16 አያው ጎጥ፡ እ ናሃሰያጥ ኦሰቱዳ ጥንግያ
 መንሌዳ፤
 ብራታ ኩልቡዋካ ጳኬዳ።
 17 ኡንቱንቱጥ እቱ እቱ ቦዛ ግዴድኖ፤
 ባረንቱ ኦሴዳ ናጋራ ጋሱዋን፤
 ባረንቱ ኢታተላ ጋሱዋን ቱጋቱድኖ።
 18 ኡንቱንቱ ቁማ ኡባ ሸነቲደ፡
 ሀይቆ ማቱድኖ።
 19 ኡንቱንቱ መቶቱዳ ዋደ፡ መድና ጎዳው
 ዋሴድኖ፤
 እ ኡንቱንታ ኡንቱንቱ ዋይያጥ አሼዳ።
 20 እ ባረ ቃላ ከቲደ፡ ኡንቱንታ ጋሌዳ፤
 ዳፋዋን ገልያዋጥ አሼዳ።
 21 አገና አ ሲቆን
 እ አሳው ኦሴዳ ማላልሰያዋ
 ኡንቱንቱ መድና ጎዳ ጋላትኖ።
 22 ኡንቱንቱ አው ጋላታ ያርሹዋ ያርሸኖ፤
 ቃይ ናሸቻ የላን እ ኦሴዳዋ ኦድኖ።
 23 ኡንቱንቱጥ እቱ እቱ፡
 ማርካብያን ዋልቃማ አባ ቦላን ቤድኖ።
 ኡንቱንቱ ሄ ዋልቃማ አባ ቦላ ባረንቱ ኦሱዋ
 ኦልያዋንታ።
 24 ኡንቱንቱ መድና ጎዳ ኦሱዋ፡
 እ ጨማ ጋርሳን ኦሴዳ ማላልሰያባ
 በኤድኖ።
 25 እ አዛዚደ፡ ጎትያ ደንሌዳ፤
 አባ ሆቢ ቃዴዳ።
 26 ኡንቱንቱ ፑደ ሳሉዋ ጨጉደቱድኖ፤
 ሄዋጥ ዳገ ጨማ ዋጴድኖ።
 ሄ ኢታ መቱ ጋክና፡ ኡንቱንቱ ዋዛናይ ቶዩ ጌዳ።
 27 ኡንቱንቱ ማላቱዳ አሳዳን
 ጳብቲደ ጋንድጋራድኖ፤
 ኡንቱንቱ ኤራይካ ጆሌዳ።
 28 ኡንቱንቱ መቶቱዳ ዋደ፡ መድና ጎዳው
 ዋሴድኖ፤
 እ ኡንቱንታ ኡንቱንቱ ዋይያጥ አሼዳ።
 29 እ ጎትያ ጮኤ ኦሴዳ፤

106:40 ዳና. 2:14-18 106:47 1 ኦዲዋ 16:35-36 107:1 1 ኦዲዋ 16:34፤ 2 ኦዲዋ 5:13፤ 7:3፤ እዘራ 3:11፤
 ማዘ. 100:5፤ 106:1፤ 118:1፤ 136:1፤ ኤር. 33:11

አባ ቤታካ ሰርጽ ኦሎዳ።
 30 ጮኡ ጌዳ ድራው፤
 ኡንቱንቱ ናሽቱድኖ፤
 ጸሳይ ኡንቱንታ ኡንቱንቱ አሞቱዳ ካታማ አሄዳ።
 31 እገና አ ሲቆነ
 እ አሳው ኦሎዳ ማላልሰያባው
 ኡንቱንቱ መድና ጎዳ ጋላትኖ።
 32 ኡንቱንቱ አ አሳቱዋ ሸቁዋን ዶቁ ዶቁ ኦሎዳ፤
 ቃይ ጭማቱዋ ሸቁዋን አ ጋላትኖ።
 33 ጸሳይ ሻፋቱዋ መልሴዳ፤
 ፑልቶቱካ ጎገናዳን ተኤዳ።
 34 ሄዋን ደእያ አሳቱዋ ኢታተላ ድራው፤
 ሞክያ አራዳ ቢታካ፤
 ሞከና መላ ቢታው ላሚዳ።
 35 እ ዛሪደ መላ ባዙዋን ሃላይ ኤላናዳን፤
 ቃይ መላ ቢታን ፑልቱ ዲቃናዳን ኦሎዳ።
 36 ኮሸቱዳዋንታ ሄ ሳኣን ዋሌዳ፤
 ኡንቱንቱ ባረንቶ ደእያ ካታማ ኬዴድኖ።
 37 ኡንቱንቱ ባረንቱ ጎሻን ዘሪደ፤
 ዋይንያ ቶኪደ፤
 ዳር ሙሩታ ሸሽድኖ።
 38 እ ኡንቱንታ አንጅና፤ ኡንቱንቱ ሎይላ
 ጮራቱድኖ፤
 ኡንቱንቱ መሀያካ ጉሰቤና።
 39 አሳቱ ጸነትያ ዋይን ኡንቱንቱ ኡቁና፤
 መቱዋን ካዩዋ ጋሱዋን ካውሸያ ዋይ፤
 40 ጸሳይ ካፖቱዋ ካዴዳዋ በሴ፤
 ኦጊ ባይና ባዙዋን ቶይላካታናዳን አ
 ኡንቱንታ ኦሎ።
 41 ሸን አ ሀዬሳቱዋ ቱጋፕ ከሲደ፤
 ኡንቱንቱ ጎላ አሳ ደርሳ ዉድያዳን
 ጮራዬ።
 42 ሱረ አሳቱ እ ኦሎዳዋ በኢደ ናሽቲኖ፤
 ሸን ኢታ አሳቱ ኡባይ ጮኡ ጊና።
 43 አዴዳ ኡራንቻ ግድያዌ ሀ የወዋ ቆፖ፤
 መድና ጎዳ እገና ሲቁዋ አኬኮ።

108

ዋንታ ሳባነ ጋላታ
 ዳዊታ ማዝሙርያ፡ የላ
 1 አቤት ጸሳው፡ ታ ዋዛናይ ምኒደ ደኤ።
 ታን ነዉ ታ ኩመንላ ዋዛናፕ የጸናነ ኔና
 ሳባና።
 2 ዲላዉነ ማሰንቆ ቤጎትተ!
 ታንካ ዋንታ ጉራና ቤጎታና።
 3 አቤት መድና ጎዳው፡ ታን ኔና አሳ ግደን
 ጋላታና፤
 ቃይ ካውተላ ግደን ኔና ሳባና።
 4 አያው ጎፕ፡ አገና ነ ሲቁ ዋልቃማ፤
 ሳሉዋፕ ቦላዉ አዴ።
 ነ ቱማተላይካ ቦላ ሻርያዳን ዶቁ።
 5 አቤት ጸሳው፡ ሳሎቱዋፕ ቦላና
 ዶቁ ዶቁ ጋ!
 ነ ቦንቹ ሳኣ ኡባ ቦላ ግደ።
 6 ኔን ሲቅያዋንቱ አታና ማላ፤
 ነ ኡሸቻ ኩሸያን ኑና አሻ፤
 ኔን ታው አላ።

7 ጸሳይ ባረ ጌሻ ሳኣን ሀዋዳን ያጌዳ፤
 “ታን ጸናደ ሰኬማ ቢታ ሻካና፤
 ቃይ ሱኮታ ዛንጋራ ግሻና።
 8 ጋላኣደ ታዋ፤ ምናሰካ ታሳ፤
 ኤፍሬም ታ ሁጺያ አሸያ ቆሰያ፤
 ይሁዳይ ታ ካውተላ ጸምኣ።
 9 ሞኣበ ታን ሜጨትያ ኩይጸሩዋ፤
 ኤደም ታዋ ግድያዋ ኤርሳናው
 ታ ጫማ አ ቦላ ዋላይ።
 ታን ፕልሰጼማ ጸናደ ገራራይ” ያጌዳ።
 10 ግምበቱዳ ካታማኮ፡ ታና ኦኔ አፋናዌ?
 ኤደማ ጋካናው ታና ኦኔ ካለላናዌ?
 11 አቤት ጸሳው፡ ኑና አጌዳዌ ኔና ግድኪ?
 አቤት ጸሳው፡ ኔን ኑ ቶራንቻቱዋና ኦላው
 ከሳካ።
 12 አሳ ማዲ ፓና ድራው፤
 ሞርክያና ኦለታናው ኔን ኑና ማዳ።
 13 ጸሳ ዋልቃን ኔን ኑ ሞርከቱዋ ጸናና፤
 ኑ ሞርከቱዋ የቆናዌ አ።

109

ሞርክያ ቦላ ሸቆ ዋሳ
 ዛማረቱዋ ካፖ የጸቱዳ፡ ዳውት ጸፊዳ
 ማዝሙርያ
 1 አቤት ታን ጋላትያ ጸሳው፤
 ኔን ታው ጮኡ ጎፕ።
 2 አያው ጎፕ፡ ኢታ ዋርዳንቻ አሳቱ፤
 ባረንቱ ደና ታ ቦላ ደዬድኖ፤
 ኡንቱንቱ ዋርዶ እንጸርሳን ታ ቦላ ሃሳዪኖ።
 3 ኡንቱንቱ እጸ ቃላና ታና ደዲኖ፤
 ጋሱ ባይናን ታናና ኦለቲኖ።
 4 ታን ኡንቱንታ ሲቃይነ ኡንቱንቶ ዋሳይ፤
 ግድፕካ፡ ኡንቱንቱ ታና ሞቲኖ።
 5 ታን ሎኡዋ ኦሎና፤
 ኡንቱንቱ ታው ኢታ ዛሪኖ፤
 ታን ኡንቱንታ ሲቅና፡ ኡንቱንቱ ታና እጺኖ።
 6 ታ ሞርክያ ቦላ ኢታ ዳና ሱንላ፤
 ሞታንቻይ አ ኡሸቻን ኤቆ።
 7 አ ብድያ ዋይ፡ እ ባይዛንቻ ግዲደ ቤቶ፤
 አ ዋሳይካ አው ሰሚደ ጎመቶ!
 8 አ ላይላይ ቃሞ፤
 አ ሱንላተላካ ሀራይ አኮ!
 9 አ ናናቱ አውዋ ቆይደ ዪእኖ፤
 አ ማቻታ አምኤ ግዲ!
 10 አ ናናቱ ዩይ ዩይደ ዋሰኖ፤
 ባረንቱ ደእያ ኦናፕካ የደርሰትኖ!
 11 አ ማጺዋ ኡባ አጮ ኦይቆ፤
 እ ዳቡሪደ ከሴዳባ ኡባ አላጋይ ቦንቆ!
 12 ኦንነ አው ኬካባ ኦሎፖ፤
 ዋይ አውዋ ቆይዳ አ ናናቶ ቃረቶፖ!
 13 አ ናናቱ ኡባይ ወር ቆይኖ፤
 ካልያ የለታን አ ሱንላይ ደገቶ።
 14 አ አዋቱዋ ናጋራይ መድና ጎዳ ሰንላን ቆፈቶ፤
 አ አት ናጋራይ ኡባካ ቁጨቶፖ!
 15 ሄ ናጋራይ ኡባ ገደ መድና ጎዳ ሰንላን ቤቶ፤
 ኡንቱንታ ሀሳይሰያዌ ሳኣፕ ዶቆለት ክቾ!
 16 አያው ጎፕ፡ እ

ኬካባ ኦላናው ኡባካ ቆጥቤና፤
 ህይዳቱዋ፡ መቶታንቻቱዋን
 ዋዛናይ ማዲጾዳዋንታ የደርሲደ ዋጅዳ።
 17 እ ሸቃናው ደሴዳ ድራው፡
 እካ ሸቀቱዳዋ ግደ!
 እ እንጃናው ደሰና ድራው፡
 እንጂ አፕ ሃኮ!
 18 እ ሸቂደ ሳለና፤
 እ ሸቃይ ሃላዳን አ ቦላ ካሉ!
 ዛይትያዳን አ መቀላን ገሎ!
 19 አፍላዳን አ ካዋ፤
 ሳቂያዳን ኡባ ገደ አ ጸሳን ደኦ!
 20 ሀዌ ታና ሞትያዋንቶን
 ታና ኢታን ዝግርያዋንቶ፡
 መድና ጎዳይ እምያ ዎይቱዋ ግደ!
 21 ሸን አቤት ኡባ ሞድያ መድና ጎዳው፡
 ነ ሱንላ ድራው፡ ታና ማዳ።
 አገና ነ ሲቁዋን
 ነ ኬካተላ ድራው፡ ታና አሻ።
 22 እያው ጎፕ፡ ታን
 ህይዳን መቶታንቻ አሳ፤
 ታ ዋዛናይካ ማዲንጾዳ።
 23 ታን ኦማርሳ ኩዋዳን ጳያና ሀናይ፤
 ታን ቦልያዳን ቆቆፈታይ።
 24 ጸምሸን ታ ጉልባታይ እጾዳ፤
 ታ ቦላይካ ላፌ።
 25 ታና ሞትያዋንቶ ቅለጭያዋ ግዳድ፤
 ኡንቱንቱ ታና በኢደ፡ ባረንቱ ሁጲያ
 ቃሉና።
 26 አቤት መድና ጎዳው ታ ጸሳው፡ ታና ማዳ፤
 አገና ነ ሲቁዋዳን ታና አሻ።
 27 አቤት መድና ጎዳው፡ ሄዌ
 ነ ኩሸያ ግዳዳዋን
 ሄዋ ኔን ኦሌዳዋ ታ ሞርከቱ ኤርና።
 28 ኡንቱንቱ ታና ሸቆፕነ፡
 ኔን ታና አንጃ!
 ታ ቦላ ደንድያዋንቱ ይላትና፤
 ሸን ታና ነ ቆማ ናሸቻ።
 29 ታና ሞትያዋንቱ ካወሻ ማይና፤
 ባረንቱ ይላካ ኩታዳን ቆማይና።
 30 ታን ታ እንጸርሳን መድና ጎዳ ዳርፕ ጋላታና፤
 ዳር አሳይ ሸቆዳሳን አ ጋላታና።
 31 እያው ጎፕ፡ እ ህይዳ ድራው ሞተቱ፤
 ሀይቆ ፕርድያ አሳፕካ አ አሼ።

110

ጸሳይ ደሬዳ ካትያ ዳውት ጸፌዳ ማዘመርያ
 1 መድና ጎዳይ ታ ጎዳ፡
 “ታን ነ ሞርከቱዋ ኔን ገድያን
 የጳ ኤቂያዋ አላና ጋካናው፡
 ሀዋን ታፕ ኡሸቻ ባጋና ኡታ” ያጌዳ።
 2 መድና ጎዳይ ነ ሞናተላ ጸምእ ጽዮነፕ ኪታና፤
 ያትና፡ “ነ ሞርከቱዋ ሞዳ!” ያጋና።
 3 ኔን ነ ሞርከቱዋና ኦለትያ ጋላሰ፡
 ነ አሳይ ኤና ጋና።
 ዋንታ ጉራ ከተርሳዳን፡

ነ ዎዳላ አሳይ ኔኮ ጌሻ ደረቱዋን ሸቃና።
 4 መድና ጎዳይ፡ “ማልካ ጸደቅ ቄሰያ
 ግዳዳዋዳን፡
 ኔንካ መድናው ቄሰያ ግዳና” ያጌደ
 ጫቂዳ፤
 እ ባረ ቆፋ ላመና።
 5 ጎዳይ ነ ኡሸቻን ደኤ፤
 ባረ ሀንቁዋ ጋላሰ እ ካተቱዋ ክንቼሬላና።
 6 ካወተላ ቦላ እ ፕርዳና፤
 ኦላ ደምባቱዋካ አሃ ጸላላ አላና፤
 ሳእን ኡባን ደእያ ካተቱዋ እ መንግራፋና።
 7 ካቲ ኦግያ ማታን ደእያ ሃላ ፑልቱዋፕ ኡሺደ፡
 እ ባረ ሁጲያ ጶቁ አላና።

111

ጸሳው ሸቅያ ጋላታ
 1 መድና ጎዳ ጋላትተ! ሱረቱ ሸቅያ ሸቁዋን፡
 ታን ታ ፖሎ ዋዛናፕ መድና ጎዳ ጋላታና።
 2 መድና ጎዳ ኦሶቱ አይ ኬሻ ግቴ!
 ኡንቱንቱን ናሸትያዋንቱ ኡባይ ኡንቱንታ
 ቆፓናው በሴ።
 3 እ ኦሶቱ ቦንቹዋን
 እንጋን ኩሜዳዋንታ።
 እ ጽሎተላይካ መድናው ደኤ።
 4 እ ባረ ማላልሰያ ኦሶቱ፡
 ሀሳየታናዳን ኦሌዳ።
 መድና ጎዳይ ቃረትያዋን ማርያዋ።
 5 ባረው ያይያዋንቶ ቁማ እ እሜ፤
 እ ባረ ጫቁዋ መድናውካ ቆፔ።
 6 አላጋቱዋ ቢታ እምያዋን
 እ ባረ ኦሶቱዋ ዎልቃ ባረ አሳ በሴዳ።
 7 እ ኩሸያ ኦሶቱ ቱማን ልከ፤
 እ ዎጋቱካ ኡባይ አማነትያዋንታ።
 8 ኡንቱንቱን መድ መድናው ኤቂደ ደእያዋንታ፤
 ቱማተላንን ሱረተላን እመቲዳዋንታ።
 9 እ ባረ አሳ ዎዚደ ከሴዳ፤
 እ ባረ ጫቁዋ ኡንቱንቱና መድናው ዎሌዳ።
 እ ሱንላይ ጌሻነ፡ “ሆላ!” ጌሰያዋ።
 10 ኤራተላው ኮይሩ መድና ጎዳው ያይያዋ፤
 እ ዎጋ ኦሳያዋንቶ ሎኦ አኬካይ ደኤ።
 ጸሳይ መድናው ጋላተቶ!

112

ሎኦ አሳ ናሸቻ
 1 መድና ጎዳ ጋላትተ! መድና ጎዳው ያይያነ፡
 እ አዛዙዋ ፖላናው ዳርፕ ናሸትያ አሳይ፡
 አንጀቲዳዋ።
 2 እ ናናቱ ቢታን ዎልቃማ ግዳና፤
 ሱረ አሳቱዋ የለታይ አንጀታና።
 3 ሻሉን ዱረተላይ አ ጎልያን ደኤ፤
 እ ጽሎተላይካ መድናው ደኤና።
 4 ሱረ አሳው፡

109:25 ማቶሳ 27:39፤ ማር. 15:29 110:1 ማቶሳ 22:44፤ ማር. 12:36፤ ሉቃሳ 20:42-43፤ ኪታ 2:34-35፤ 1 ቆር. 15:25፤ ኤፈ. 1:20-22፤ ቆል. 3:1፤ አብራ. 1:13፤ 8:1፤ 10:12-13 110:4 አብራ. 5:6፤ 6:20፤ 7:17፤ 21 111:10 አዮባ 28:28፤ ሊም. 1:7፤ 9:10

ኬካ፡ ጽሎን ቃረትያ አሳቶ፡
 ጹማ ግደን ፖኤ ፖኤ።
 5 ኬካተላን ጮ ታልእያ ኡራው፡
 ባረ ኡሱዋ ሱረተላን ኦልያ ኡራው፡
 ኬካባይ ያና።
 6 ጽሎ አሳይ አዉደነ ኩንደና፤
 መድናዉ እ ሀሳየታና።
 7 ኢታባ እ ሰሰጥካ ዳጋመና፤
 እያዉ ጎጥ፡ እ ዋዛናይ ቃጸና፤
 መድና ጎዳን እ አማነቱ።
 8 እ ዋዛናይ ጸላ ግድያ ድራው፡
 ኡባካ እ ያየና፤
 ዉርሰላን ባረ ዋርከቱ ጸነትና በእና።
 9 እ ሀይሳ አሳዉ ዳርሲደ እሜዳ፤
 ቃይ እ ጽሎተላይ መድናዉ ደኤ፤
 እ ካጪ ቦንቹዋን ቶቁ ጌ።
 10 ኢታ አሳይ ሂዋ በኢደ ይሎቱ፤
 እቻ ጋርጪደ፡ ጮ ጳዬ።
 ኢታ አሳ አሙ ጮ አታናዋ።

113

ጸላ ኬካተላ ቆንጮሰያ ጋላታ

1 መድና ጎዳ ጋላትተ! ሀንተኖ መድና ጎዳ
 ቆማቶ፡
 መድና ጎዳ ሱንላ ጋላትተ!
 2 መድና ጎዳ ሱንላይ ሀቼፕ መድና ጋካናዉ
 ጋላትተ!
 3 አዋይ ዶልያሳፕ ቢደ
 ዉልያሳ ጋካናዉካ መድና ጎዳ ሱንላይ
 ጋላትተ!
 4 መድና ጎዳይ ካዉተላ ኡባፕ ቦላና ዋድያዋ፤
 እ ቦንቹካ ሳሎቱዋፕ ቶቁያዋ።
 5 መድና ጎዳ ኑ ጸላ ማል ኦኔ?
 እ ቦላ ቶቃን ካዉተላ አራታን ኡቱዳ።
 6 እ ሳሎቱዋን ሳኦ ጸላናዉ
 ዲገ ሆኬ።
 7 እ ሀይሳ ባናፕ ቶቁ ኦሌ፤
 መቶታንቻካ ብድንላ ፕቱዋፕ ደንሌ።
 8 ባረ አሳ ዋድያዋንቱና ኡትሴ።
 9 ማይነ ሞሽራቶ ናናቱዋ አቶ ኦሊደ፡
 ናሽቹደ እ ጎልያን እዞ ቦንቹሴ።
 መድና ጎዳ ጋላትተ!

114

ፓሰጋ ማዝሙርያ

1 እሰራኤልያ አሳይ ግብጹ ቢታፕ ከሴዳ ዋደ፡
 ያቆባ ጎልያ አሳይ፡
 አላጋ ቃላን ሃሳይያ አሳ የጊደ ቤዳ
 ዋደ፡
 2 ይሁዳ አሳይ ጎዳዉ ጌሻ አሳ ግዴዳ፤
 እሰራኤልያ አሳይካ አዉ ዋደቱድኖ።
 3 ዘኑ አሳይ ሂዋ በኢደ ባቃቱዳ፤
 ዮርዳኖሳ ሻፋይካ ጉየ ሰሜዳ።
 4 ደረቱ ዳሻቱዋዳን ቡራቄድኖ፤

ዘዘቱካ ደርሳ ማራዳን ጉፈረቱድኖ።

5 አባዉ፡ ኔና ባቃትሴዳዌ አዬ?
 ዮርዳኖሳ ሻፋዉ፡ እያዉ ጉየ ሰሜዳ?
 6 ሀንተኖ ደረቶ፡ ዳሻቱዋዳን
 እያዉ ቡራቄድቱ?
 ሀንተኖ ዘዘቶ፡ ደርሳ ማራዳን፡
 እያዉ ጉፈረቱድቱ?
 7 ኔኖ ቢታዉ፡ ጎዳ ሰንላን፡
 ያቆባ ጸላ ሰንላን ኮኮራ።
 8 እ ሹቻ ዜራቶ ሃላ ከሴዳዋ፤
 ዛላ፡ ሃላ ፑልቱዋ ኦሌዳዋ።

115

እት ቱሙ ጸላ

1 እቤት መድና ጎዳዉ፡ ኑ ግሻ ግደና፤
 ኑ ግሻ ግደናን፡ አገና ነ ሲቆዉነ
 ነ ቱማተላ ድራዉ፡ ነ ሱንላ ቦንቻ።
 2 ካዉተላቱ እያዉ፡
 “ኡንቱንቱ ጸላይ ሀቃን ደኢ?” ጊኖ?
 3 ኑ ጸላይ ሳሎዋና፤
 እ ባረ ዶሴዳዋ አይ ግደፕካ ኦሌ።
 4 ሸን ኡንቱንቱ ኤቃቱ ብራነ ዋርቃ፤
 ኡንቱንቱ አሳ ኩሸያን መፍታዋንታ።
 5 ኡንቱንቶ ዶናይ ደኤ፤ ሸን ሃሳይክኖ፤
 አይፊ ደኤ፤ ሸን ጸልክኖ።
 6 ኡንቱንቶ ሀይላይ ደኤ፤ ሸን ሰሰክኖ፤
 ሲጴ ደኤ፤ ሸን ሰንግክኖ።
 7 ኡንቱንቶ ኩሺ ደኤ፤ ሸን ኦይቁ ኤርክኖ፤
 ገዲካ ደኤ፤ ሸን ሀመትክኖ፤
 ኡንቱንቱ ባረንቱ ፕላንቲያና ኮሻ ሰሰክኖ።
 8 ኡንቱንታ መድያዋንቱነ፡
 ኡንቱንቱን አማነትያዋንቱ ኡባይ ኡንቱንቱ
 ማላ ግድኖ።
 9 ሀንተኖ፡ እሰራኤልያ አሳቶ፡
 መድና ጎዳን አማነትተ!
 እ ሀንተና ማድያዋን ሀንተ ጎንዳልያ።
 10 ሀንተኖ፡ አሮና ጎልያ አሳቶ፡
 መድና ጎዳን አማነትተ!
 እ ሀንተና ማድያዋን ሀንተ ጎንዳልያ።
 11 ሀንተኖ፡ መድና ጎዳዉ ያይያዋንቶ፡
 መድና ጎዳን አማነትተ!
 እ ሀንተና ማድያዋን ሀንተ ጎንዳልያ።
 12 መድና ጎዳይ ኑና ቆፔ፤ እ ኑና አንጃና።
 እ እሰራኤልያ አሳቱዋ አንጃና።
 እ አሮና ጎልያ አሳቱዋ አንጃና።
 13 መድና ጎዳዉ ያይያዋንታ፡
 ጉላቱዋካ ግታቱዋካ እ ጋላ አንጃና።
 14 መድና ጎዳይ ሀንተናካ ሀንተ ናናቱዋካ
 ዳርሶ!
 15 ሳሎዋን ሳኦ መጴዳ መድና ጎዳን አንጀትተ!
 16 ቦላ ቶቃ ሳሎ መድና ጎዳዋ፤
 ሸን ሳኦ እ አሳዉ እሜዳ።
 17 ሀይቄዳዋንቱ፡ ዲፋዋን ጮኡ ጌዳዋንቱ፡

112:9 2 ቆር. 9:9 114:1 ከሳ 12:51 114:3 ከሳ 14:21፤ ኢያሳ 3:16 114:8 ከሳ 17:1-7፤ ገይ. 20:2-13
 115:4 ማዝ. 135:15-18፤ ሳፃ 9:20 115:13 ሳፃ 11:18፤ 19:5

መድና ጎዳ ጋላትክና።
 18 ሸን ኑን፣ ፓጻ ደእያዋንቱ፣
 ሀቼፕ ደሚደ
 መድና ጋካናዉ መድና ጎዳ ጋላቱቶ።

መድና ጎዳ ጋላትተ!

116

ሀይቁዋፕ አቴዳ አሳ ጋላታ
 1 እ ታ ኮሻነ ታ ዋትዋቱዋ ሰሴዳ ድራዉ፣
 ታን መድና ጎዳ ሲቃይ።
 2 እ ባረ ሀይላ ታኮ የጌዳ ድራዉ፣
 ታን ፓጻ ደኤዳ ኬናን ኡባን አ ጸሳና።
 3 ሀይቁ ጲርያዳን ታና ኦይቃናዉ ሀኔዳ፤
 ሞገታና ህርጋይ ታና ኢሴዳ።
 ታና ኡንአይ ቶሌዳ።
 4 ሄ ዋደ ታን፣ “አቤት መድና ጎዳዉ፣ ሀዳራ!
 ታና አሻ” ያጋደ መድና ጎዳ ሱንላ ጸሳድ።
 5 መድና ጎዳይ ኬካነ ጽሉዋ፤
 ኑ ጸሳይ ቃረትያዋ።
 6 መድና ጎዳይ አሸከ ዋዛናይ ደእያዋንታ ናጌ፤
 ታን መቶቲዳ ዋደ፣ እ ታና አሼዳ።
 7 ታ ሸዋፓቱ፣ ሰዎ ዋፑ ጋ፤
 እያዉ ጎፕ፣ መድና ጎዳይ ነዉ ኬኬዳ።
 8 መድና ጎዳይ ታና ሀይቁዋፕ፣
 ታ አይፍያ አፎላፕ፣
 ታ ገድያካ ቆብያፕ አሼዳ።
 9 ሄዋ ድራዉ፣ ታን፣
 ፓጻ ደእያዋንቱ ግደን፣
 መድና ጎዳ ሰንላን ሀመታይ።
 10 ታን፣ “ታና ኡንአይ ቶሌዳ” ግያ ዋደካ፣
 ታ አማኑዋ አጋበይከ።
 11 ታን ዳጋማደ፣ “አሳይ ኡባይ ዋርዱዋ”
 ያጋድ።
 12 እ ታዉ ኬኬዳ ኬካተላ ድራዉ፣
 ታን መድና ጎዳዉ አይ ጭጋናዉ
 ዳንዳያይታ?
 13 ታን ጸኣ ዋይንያ ኤሳ ጋላታዉ ሸሻደ፣
 እ ታና አሸ ድራዉ፣
 መድና ጎዳ ሱንላ ጸሳና።
 14 እ አሳ ኡባ ሰንላን
 ታን ቃንግያ መድና ጎዳዉ ጋላና።
 15 ጌሻቱዋ ሀይቁ መድና ጎዳ ሰንላን፣
 ሎይላ ዳርፕ ቦንቼቲዳዋ።
 16 አቤት መድና ጎዳዉ፣ ታን ነ ቆማ፤
 ኤ፣ ታን ነ ቆማ፣ ነ ቆማት ናኦ።
 ታና ቃሹዋፕ ኔን ብላዳ።
 17 አቤት መድና ጎዳዉ፣
 ታን ጋላታ ያርሹዋ ነዉ ያርሻና፤
 ነ ሱንላ ጸሳና።
 18 አሳ ኡባ ሰንላን፣
 ታን ቃንገቲዳ ቃንገላ መድና ጎዳዉ ጋላና።
 19 ሄዋካ ታን ጋላናዋ፣
 የሩሳላመን ደእያ መድና ጎዳ ጎልያ ዳባባና።

መድና ጎዳ ጋላትተ!

117

ጋላታ ጸሳ

1 ካዉተላቶ ኡባቶ፣ መድና ጎዳ ጋላትተ!
 አሳይ ኡባይ፣ አ ግታይተ!
 2 እያዉ ጎፕ፣ አገና አ ሲቁ ኑዉ ዋልቃማ፤
 መድና ጎዳይ መድናዉካ አማነትያዋ።

መድና ጎዳ ጋላትተ!

118

ጸኖ ሸቆ ጋላታ

1 መድና ጎዳ ጋላትተ! እያዉ ጎፕ፣ እ ኬካ።
 አገና አ ሲቁ መድናዋ።
 2 እሰራኤልያ አሳይ፣
 “አገና አ ሲቁ መድናዋ” ያጎ።
 3 አርና ጎልያ አሳይ፣
 “አገና አ ሲቁ መድናዋ” ያጎ።
 4 መድና ጎዳዉ ያይያዋንቱ ኡባይ፣
 “አገና አ ሲቁ መድናዋ” ያግኖ።
 5 ታን ኡንኤቴዳ ዋደ መድና ጎዳዉ ዋሳድ፤
 እ ታ ዋሱዋ አሊደ፣ ታና ላኦ ከሴዳ።
 6 መድና ጎዳይ ታናና ደእያ ድራዉ፣
 ታን ያይከ።
 አሰ ታና አይ ኦሊ?
 7 መድና ጎዳይ ታና ማዳናዉ ታናና ደኤ፤
 ታ ሞርከቱ ጸነቲዳዋንታ ታን በአና።
 8 አሳን አማነትያዋፕ፣
 መድና ጎዳኮ ባቃትያዋ ሎኦ።
 9 ዳናቱዋን አማነትያዋፕ፣
 መድና ጎዳኮ ባቃትያዋ ሎኦ።
 10 ካዉተላቱ ኡባይ ታና ደድ ኦይቁድኖ፤
 ሸን መድና ጎዳ ሱንላን ታን ኡንቲንታ
 ጸናድ።
 11 ኡንቲንቲ ታና ደዳድኖ፤
 ኡባ ሳና ደድ ኦይቁድኖ፤
 ሸን መድና ጎዳ ሱንላን ታን ኡንቲንታ
 ጸናድ።
 12 ኡንቲንቲ ማላይ ደድያዋዳን፣
 ታ ዩሹዋን ደዳድኖ።
 ሸን አጉንላይ ታማን ኤጽያዋዳን
 ኤጽ ዳዩድኖ።
 መድና ጎዳ ሱንላን ታን ኡንቲንታ ጸናድ።
 13 ታና ሱግ የግና፣ ኩንዳና ሀናይ፤
 ሸን መድና ጎዳይ ታና ማዳዳ።
 14 መድና ጎዳይ ታዉ ዋልቃነ ሞኖተላ፤
 እ ታና አሸያዋ ግዳዳ።
 15 ኦላ ጸኒደ ሰዎያ አሳይ፣
 ጽሎቱዋ ዱንካንያን ሆምቦጪደ፣ ግያዋ
 ስሰተ።
 ኡንቲንቲ፣ “መድና ጎዳ ኡሸቻ ኩሺ ዋልቃማባ
 ኦሌዳ!
 16 መድና ጎዳ ኡሸቻ ኩሺ ጸኑዋ እሜዳ!

116:10 2 ቆር. 4:13 117:1 ሮመ 15:11 118:1 1 ኡዱዋ 16:34፤ 2 ኡዱዋ 5:13፤ 7:3፤ እዘራ 3:11፤ ማዘ. 100:5፤ 106:1፤ 107:1፤ 136:1፤ ኤር. 33:11 118:6 እብራ. 13:6 118:14 ከሳ 15:2፤ አሳ. 12:2

መድና ጎዳ ኡሸቻ ኩሺ ዋልቃማባ ኦሴዳ!። ያገሮ።

- 17 ታን ሀይቁከ፤ ፓጻ ደእናን መድና ጎዳይ ኦሴዳዋ አዋያና።
18 መድና ጎዳይ ታና ኢታ ሙሩዋ ሙራ፤ ሸን ሀይቆ አሊደ እምቤና።
- 19 ታን ግዳ ገላደ መድና ጎዳ ጋላታና ማላ፤ ጌሻ ጎልያ ፕንገቱዋ እነ ታዉ ዶይተ።
- 20 ሀዌ መድና ጎዳ ፕንግያ፤ ሀ ፕንግያና ጽሎቱዋ ጸላላይ ገሊኖ።
- 21 ኔን ታና ሰሴዳ ድራዉነ ጸኑዋ እማዳ ድራዉ፤ ታን ኔና ጋላታይ።
- 22 ግምቢያዋንቱ ካዲደ እጼዳ ሹቻይ፤ ጎዳ ጸጹዋ ምንሰያ፤ ኡባፕ አድያ ሹቻ ግዴዳ።
- 23 ሀዌ መድና ጎዳይ ኦሴዳዋ፤ ቃይ ኑ አይፍያዉካ ማላልሰያዋ።
- 24 ሀዌ ጋላሳይ መድና ጎዳይ መዴዳ ጋላሳ። እነ ኑን እን ናሸቶይተነ እልሎይተ።
- 25 አቤት መድና ጎዳዉ፤ ሀእ ኑና አሻርኪ! አቤት መድና ጎዳዉ፤ ሀእ ኑዉ እንጀያርኪ!
- 26 መድና ጎዳ ሱንላን ይያ አሳይ እንጀቱዳዋ ግዳ! ኑን መድና ጎዳ ጌሻ ጎልያፕ ህንተና እንጃቶ።
- 27 መድና ጎዳይ ጸሳ፤ እ ኑ ቦላን ፖእሴዳ። እርጸ ታሸያ ኑይቂደ፤ አያና ጋላሳ ቦንቶተ፤ ያርሹዋ ቦላን ደእያ ካጭያኮ አድተ።
- 28 ኔን ታ ጸሳ፤ ታን ኔና ጋላታና። ኔን ታ ጸሳ፤ ታን ኔና ግታያና።
- 29 መድና ጎዳ ጋላትተ! አያዉ ጎፕ፤ እ ከካ፤ አገና አ ሲቁ መድናዋ።

119

ጸሳ ህግያዉ እመቲዳ ሳባ አሊፍ

- 1 ባረንቱ ኦግያን ቶሺ ባይናዋንቱ፤ መድና ጎዳ ህግያዳን ሀመትያዋንቱ፤ እንጀቱዳዋንታ።
- 2 እ ኦዴዳዋ ኦሳያዋንቱ፤ ባረንቱ ኩመንላ ዋዛናፕ አ ሲቅያዋንቱ፤ እንጀቱዳዋንታ።
- 3 ኡንቱንቱ ባላባ ኦሳክኖ፤ ጸሳ ኦግያን ሀመቲኖ።
- 4 ነ ዋጋዉ አማነቲደ ናጋና ማላ፤ ኔን ኑና አዛዛዳ።
- 5 ነ አዋዮ አዛዘትያዋን ታ ኦጊ ምናናዳን አሞታይ።
- 6 ያቶፕ፤ ነ አዛዘቱ ኡባ ሀይዛደ፤ ታን ኡባካ ዬላትከ።
- 7 ነ ጽሎ ፕርዳ ታማራደ፤ ታን ኔና ሱረ ዋዛናፕ ጋላታና።
- 8 ታን ነ አዋዩዋዳን ኦሳና፤ ታና ኡባካ ዮጎፕ።

ቤት

- 9 ያላጋይ ባረ ኦግያ ጌሻ ኦሴዳ ዋት ናጋናዉ ዳንዳዩ? ነ ቃላይ ግያዋዳን ደእፕ ዳንዳዩ።
- 10 ታን ታ ፖሎ ዋዛናፕ ኔና ኮያይ፤ ነ አዛዘቱዋፕ ዋራ ሀመተናዳን ታና ናጋ።
- 11 ታን ኔና ናቀናዳን ነ ቃላ ታ ዋዛናን ዋላድ።
- 12 አቤት መድና ጎዳዉ፤ ኔን ጋላተታ! ነ አዋዩዋ ታና ታማርሳ።
- 13 ነ ደናፕ ከሴዳ ፕርዳ ኡባ፤ ታን ታ እንጸርሳን ኦዳይ።
- 14 ዱረተላን ናሸትያዋዳን፤ ታን ኔን ኦዴዳ ቃላን ናሸታይ።
- 15 ነ ዋጋቱዋ ዛራ ዛራደ ቆፓይነ ነ ኦግያ ሎይላ አኬካይ።
- 16 ታን ነ አዋዩዋን ናሸታይ፤ ነ ቃላካ ታን ደግከ።

ጋሜል

- 17 ታን ፓጻ ደእና ማላን ነ ቃላዉ አዛዘታና ማላ፤ ታዉ ነ ቆማው ኬካባ ኦላ።
- 18 ነ ህግያ ግዳን ደእያ ማላልሰያ ቱማተላ፤ ታን በእና ማላ፤ ታ አይፍያ ዶያ።
- 19 ታን ሀ ሳኣን እማላ፤ ነ አዛዘቱዋ ታፕ ገንሳፕ።
- 20 ታን ኡባ ዋደ፤ ነ ፕርዳ ሎይላ ላሞታይ።
- 21 ኦቶረትያዋንቱ፤ ሸቀቱዳዋንታ፤ ነ አዛዘቱዋ ዋራ ሀመትያዋንታ፤ ኔን ሴራሳ።
- 22 ታን ኔን ኦዴዳዋ ኦሴዳ ድራዉ፤ ኡንቱንቱ ቦርያነ ኡንቱንቱ ካድያ ታ ቦላፕ ድጋ።
- 23 ሀራይ አቶ ካፓቱ ሺቂደ፤ ታ ቦላ ማቀቶፕካ፤ ታን፤ ነ ቆማይ፤ ነ አዋዩዋ ዛራ ዛራደ ቆፓና።
- 24 ኔን ኦዴዳ ቃላቱ ታና ናሸቲኖ፤ ኡንቱንቱ ታና ዘሪኖ።

ዳሌጽ

- 25 ታን ሀይቃና ሀናይ፤ ኔን ጌዳ ቃላዳን ታ ሸምፑዋ አሻ።
- 26 ታን ታ ኦግያዋ ነዉ ኦድና፤ ኔን ታና ሰሳዳ፤ ሰም፤ ነ አዋዩዋ ታና ታማርሳ።
- 27 ነ ዋጋ ኦግያ ታና አኬክሳ፤ ማላልሰያ ነ ኦሱዋ ታን ዛራ ዛራደካ ቆፓና።
- 28 ካዩ ዳራዳዋን ታ ሸምፑ ዳቡራዳ፤ ኔን ጌዳ ቃላዳን ታና ምንሳ።
- 29 ዋርዶ ኦግያ ታፕ ሃሳ፤ ነ አድ ኬካተላን ነ ህግያ ታና ታማርሳ።
- 30 ቱሙዋ ኦግያ ዶራድ፤ ነ ፕርዳ ሀይዛድ።
- 31 አቤት መድና ጎዳዉ፤ ታን ኔን ኦዴዳዋ ምንሳ ኑይቃድ፤ ሰም ታና ዬላዮፕ!

118:22 ሉቃሳ 20:17፤ ኪታ 4:11፤ 1 ጳጳ. 2:7 118:22 ማቶሳ 21:42፤ ማር. 12:10-11 118:25 ማቶሳ 21:9፤ ማር. 11:9፤ ዮሃ. 12:13 118:26 ማቶሳ 21:9፤ 23:39፤ ማር. 11:9፤ ሉቃሳ 13:35፤ 19:38፤ ዮሃ. 12:13

32 ኔን ታ ዋዛና ላእ ከሴዳ ድራው፥
 ታን ነ አዛዙዋ ኦግያን ዋጸይ።
 ሄ

33 አቤት መድና ጎዳው፥ ነ አዋዩዋ ብለላ
 ታና ታማርሳ፤
 ታን ወርሰላይ ጋካናው አ ናጋና።

34 ታን ነ ሀግያ ናጋና ማላነ
 ታ ኩመንላ ዋዛናጥ ታን አው አዛዘታና
 ማላ፥
 ኔን ታው አኬካ እማ።

35 ነ አዛዙዋ ኦግያን ታና ካለላ፤
 አያው ጎጥ፥ ታን አን ናሽታይ።

36 ታ ዋዛና አሙዋኮ ግደናን፥
 ኔን ኦዴዳ ቃላኮ ዛራ።

37 ፓርናባ ጸለና ማላ፥
 ታ አይፈቱዋ ተአ፤
 ነ ኦግያን ታ ደኡዋ ኦራላ።

38 ኔን ያየታና ማላ፥
 ኔን ገሎ ቃላ ታው፥
 ነ ቆማው ፖላ።

39 ያሸያ ቦርያ ታጥ ድጋ።
 ነ ፕርዳይ አይ ማላ ሎኤ!

40 ታን ነ ዋጋ ናጋናው አሞታይ፤
 ኔን ጽሎዋ ግድያ ድራው፥
 ታ ደኡዋ ኦራላ።
 ዋወ

41 አቤት መድና ጎዳው፥ አገና ነ ሲቁዋ ታና በሳ፤
 ኔን ጌዳ ቃላዳን ታና አሻ።

42 ታን ነ ቃላን አማነትያ ድራው፥
 ታና ቦርያዋንቶ ዛራናው ዳንዳያይ።

43 ታን ነ ፕርዳን ናሽቻ ኦላያ ድራው፥
 ታ እንጸርሳጥ ቱማተላ ቃላ ቆይሶጋ።

44 ታን ኡባ ገደ፥ መድ መድናውካ
 ነ ሀግያው አዛዘታና።

45 ታን ነ ዋጋ ፖልያ ድራው፥
 አኩዋን ሀመታና።

46 ታን ካተቱዋ ሰንላን ኤቃይ፥
 ኔን ኦዴዳባ ኦዴደ ዬላትከ።

47 ታን ደሰያ ነ አዛዘቱዋን ናሽታይ
 48 ታን ሰቅያ ነ አዛዘቱዋ ቦንቻይ፤
 ነ አዋዩዋካ ዛራ ዛራደ ቆጋና።
 ዛወ

49 ኔን ታው፥ ነ ቆማው፥
 አማዳ ቃላ ቆጋ፤
 ሄ ቃላን ታን ሂደታ አላይ።

50 ኔን፥ “ታን ኔና ፓጻ ዋላና”
 ጌዳ ቃላይ ታ ቱጋ ዋደ ታና ሞንግግጌዳ።

51 ኦቶራንቻቱ ታና ልክያጥ አሊደ ሸቂና፤
 ሸን ታን ነ ሀግያጥ ሸርአ ጊከ።

52 አቤት መድና ጎዳው፥ በኒደጥ ደእያ ነ ፕርዳ
 ታን ሀሳያይ፤
 ሄዋን ታን ሞነታይ።

53 ኢታቱ ነ ሀግያው አዛዘተናዋ በእና፥
 ይሉ ታና ዋዴዳ።

54 ታን ደእያ አላጋ ቦታን፥
 ነ አዋዩ ታው ባላ ግዴዳ።

55 አቤት መድና ጎዳው፥ ታን ቃማ ነ ሱንላ ቆጋይ፤
 ነ ሀግያካ ናጋይ።

56 ነ ዋጋው አዛዘትያዌ ታው አንጅ ግዴዳ።
 ሄት

57 አቤት መድና ጎዳው፥ ታና ጋኬዳ ሳማይ ኔና፤
 ታን ነ ቃላው አዛዘታና ያጋይ።

58 ታን ታ ኩመንላ ዋዛናጥ ኔና ዋሳይ።
 ኔን ጌዳ ቃላዳን ታው ቃረታ።

59 ታን ታ ኦግያ አኬካ ጸላይ፥
 ኔን ኦዴዳባኮ ሰማድ።

60 ታን ነ አዛዘቱ ናጋናው፥
 ኤሌላናጥ አትና ታክከ።

61 ኢታቱ ታና ዋደራዋን ቃቸጥካ፥
 ታን ነ ሀግያ ደጋበይከ።

62 ነ ጽሎ ፕርዳ ድራው፥ ኔና ጋላታናው፥
 ታን ቃማ ብላሄ ደንዳይ።

63 ታን ነው ያይያዋንቱ ኡባውካ
 ነ ዋጋ ናግያዋንቶ ዳቦ።

64 አቤት መድና ጎዳው፥ ሳኦይ
 አገና ነ ሲቁዋን ኩሜዳ፤
 ነ አዋዩዋ ታና ታማርሳ።
 ጸት

65 አቤት መድና ጎዳው፥ ነ ጌዳ ቃላዳን፥
 ታው ነ ቆማው ኬካባ አላዳ።

66 ታን ነ አዛዘቱዋን አማነትያ ድራው፥
 ሎኤ ፕርዳን ኤራተላ ታና ታማርሳ።

67 ታን ሙረታናጥ ካሰ ዋራ ሀመታድ፤
 ሸን ሀእ ነ ቃላው አዛዘታይ።

68 ኔን ኬካ፤ ኔን ኬካባ አላሳ፤
 ነ አዋዩዋ ታና ታማርሳ።

69 ኦቶራንቻቱ ታና ዋርዲዋ ኦኪና፤
 ሸን ታን ነ ዋጋ ታ ኩመንላ ዋዛናጥ ናጋና።

70 ኦንቱንቱ ዋዛናይ ኡባካ ደንጭሎዋንታ፤
 ሸን ታን ነ ሀግያን ናሽታይ።

71 ታን ሙረቱዳዌ ታው ሎኤዳ፤
 አያው ጎጥ፥ ነ አዋዩዋ ታማራናው ታና
 ማዴዳ።

72 ዳር ሻኤ ዋርቃጥነ ብራጥ፥
 ነ ደናጥ ከሴዳ ሀጊ ታው አዴ።
 ዮድ

73 ታና ነ ኩሺ መዴዳን ገግሴዳ።
 ነ አዛዘቱ ታን ታማራና ማላ፥
 ታው አኬካ እማ።

74 ታን ነ ቃላን ሀደታ ዋላያ ኦላዳ ድራው፥
 ነው ያይያዋንቱ ታና በኢደ ናሽታና።

75 አቤት መድና ጎዳው፥ ነ ፕርዳይ ጽላ
 ግድያዋን
 ኔን አማነቱዳዋ ግድ ድራው ታና ሙሬዳዋ
 ኤራይ።

76 ኔን ታው ነ ቆማው ጌዳ ቃላዳን፥
 አገና ነ ሲቁ ታና ሞንሶ።

77 ታን ፓጻ ደእና ማላ፥ ታው ቃረታ፤
 አያው ጎጥ፥ ነ ሀጊ ታና ናሽቱ።

78 ኦቶራንቻቱ ዋርዲዋን
 ታና ሞትያ ድራው፥ ዬላትና።
 ታና ግደጥ፥ ታን ነ ዋጋቱዋ
 ዛራ ዛራደ ቆጋይ።

79 ነው ያይያዋንቱ፥
 ኔን ኦዴዳባ ኤርያዋንቱ ኡባይ፥
 ታኮ ዩና።

80 ታን ዬላተና ማላ፥
 ነ አዋዩ አዛዘትያዋን
 ቶሺ ባይናዋ ግዳርክታ!
 ካፍ

81 ኔን ታና አሻና ማላ፡
 ታን ናጋደ ዳቡራይ፤
 ታን ነ ቃላን ህደታ ኦላይ።

82 ኔን ጌዳ ቃላይ ፖለትና
 በአናው ጸሊደ፡ ታ አይፊ ጋልጄዳ።
 ታን፡ “ኔን ታና አዉደ ምን ሳላሻ?” ያጋይ።

83 ጩዋን ካቄዳ አጎሩዋ ግዳደ ጉንዳድ፤
 ግደጥነ፡ ነ አዋዩዋ ባልከ።

84 ታን ነ ቆማይ አዉደ ጋካናው ናጎ?
 ታና የደርሰያዋንታ ኔን አዉደ ፕርዳኒ?

85 ነ ህግያ ናገና ኦቶራንቻቱ፡
 ታና ኩድሳና ጊደ፡ ታዉ ኦላ ቦኪኖ።

86 ነ አዛዙቱ ኡባይ አማንሰያዋንታ።
 ታና አሳቱ ዋርዳዋን የደርሰያ ድራዉ፡
 ሀእ ታና ማዳ!

87 ኡንቱንቱ ታና ዋድ ድጌድኖሽን፤
 ታን ነ ዋጋ አጋበይከ።

88 አገና ነ ሲቁዋን ታ ደኡዋ ናጋ፤
 ሄዌነ፡ ኔን ነ ደናፕ ኦዳዳዋ ታን ናጋናሳ።
 ላሜድ

89 አቤት መድና ጎዳዉ፡ ነ ቃላይ መድናሳ፤
 እካ ሳሉዋን ምኒደ ደኤ።

90 ኔን የለታፕ የለታ ጋካናው አማንትያዋ።
 ኔን ሀ ሳኦ ባሳደ ኤሳዳ፤
 እካ ምኒደ ደኤ።

91 ኔን ጌዳዋዳን ኡባባይካ
 ሀቕ ጋካናው ምኒደ ደኤ፤
 እያዉ ጎፕ፡ ኡባቱካ ነ ቆማቱዋ።

92 ነ ሀጊ ታና ናሽቶያባ ግደነንቶ፡
 ታ ቱጋ ዋደ ታን ጳያና ሽን።

93 ነ ዋጋ ኡባካ ደግከ፤
 እያዉ ጎፕ፡ ኔን እን ታና ፓጻ ዋላዳ።

94 ታን ነዋቱ፤ ታና አሻ፤
 እያዉ ጎፕ፡ ታን ነ ዋጋ ናጋናው ኮያይ።

95 ኡታቱ ታና ጳይሳናው ኩኩሊደ ናጊኖ፤
 ሽን ታን ኔን ኦዳዳዋ ቆፓይ።

96 ፖሎ ጌተቶባዉ ኡባባዉ ዛዋይ ደእያዋ ታን
 በእድ፤
 ሽን ነ ህግያዉ ዛዋይ ባዋ።
 ሚም

97 ታን ነ ህግያ ዋታ ደሳይታ!
 ጋላሳ ኩመንሳ ታን ቆፕያዌ አ።

98 ነ አዛዙቱ ኡባ ዋደካ ታናና ደእያ ድራዉ፡
 ኡንቱንቱ ታና ታ ሞርከቱዋፕ አዴዳ
 ኤራንቻ ከሲኖ።

99 ታን ኔን ኦዳዳዋ ቆፕያ ድራዉ፡
 ታና ታማርሴዳ ኡባፕካ አዴዳ አከካይ
 ታዉ ደኤ።

100 ታን ነ ዋጋዉ አዛዙን ድራዉ፡
 ጭማቱዋፕ አላደ አከካይ።

101 ታን ነ ቃላዉ አዛዙን ድራዉ፡
 ታ ገድያ ኡታ ኦግያ ኡባፕ ናጋድ።

102 ኔን ታና ታማርሴዳ ድራዉ፡
 ታን ነ ፕርዳፕ ዋራ ባበይከ።

103 ነ ቃላይ እያ ማልኢ!
 ኤሳ አልሉዋፕካ አዲደ፡
 ታ ደናን ማልኤ።

104 ነ ዋጋፕ አከካ ደማድ፤
 ሄዋ ድራዉ፡ ታን ጌላ ኦግያ ኡባ እጻይ።
 ኖጎ

105 ነ ቃላይ ታ ገድያዉ ጸምፕያ፡
 ታ ኦግያዉካ ፖኡዋ።

106 ነ ጽሎ ፕርዳዳን ደአናዉ፡
 ታን ጫቄዳ ጫቄዋ ምንላና።

107 ታን ዳር ቱጋታድ፤
 አቤት መድና ጎዳዉ፡ ኔን ጌዳ ቃላዳን
 ታና ፓጻ ዋላ።

108 አቤት መድና ጎዳዉ፡ ታ ደናፕ ከሰያ ጋላታ፡
 ያርሹዋ አካ፤
 ታና ፕርዳ ታማርሳ።

109 ታ ሸምፕ መቱዋ ቦላ ደእንቶካ፡
 ታን ነ ህግያ ደግከ።

110 ኡታቱ ታዉ ግትያ የጌድኖ፤
 ሽን ታን ነ ዋጋፕ ሸርእ ጋበይከ።

111 ኔን ኦዳዳባይ መድናዉ ታዋ፤
 ኤ፡ እ ታ ዋዛናዉ ናሽቻ።

112 ታን መድናዉ፡ ዉርሰላ ጋካናዉ
 ነ አዋዩዋዳን ኦላናዉ ቃቻድ።
 ሳምከት

113 ታን ላኡ ቆፋይ ደእያ አሳቱዋ እጻይ፤
 ሽን ነ ህግያ ሲቃይ።

114 ኔን ታዉ ቆሰታ አትያ ሳነ
 ታ ጎንዳልያ፤
 ታን ነ ቃላን ህደታ ኦላይ።

115 ታን ታ ጸሳ አዛዙዋ ናጋና ማላ፡
 ህንተኖ፡ ኡታባ ኦልያዋንቶ፡
 ታፕ ሃክተ!

116 ኔን ጌዳ ቃላዳን ታና ምንሳ፤
 ያቶፕ፡ ታን ፓጻ ደአና።
 ታን ህደታን ናግያባን ታና ዬላዮፓ።

117 ታና ዘምፕሳ፤ ያቶፕ፡
 ታን ሳር ደአና፤
 ታን ኡባ ዋደ ነ አዋዩዋ ሀይዛና።

118 ነ አዋዩዋፕ ዋራ ብያዋንታ ኡባ ኔን አካካ፤
 ኡንቱንቱ ጭሙ ጭ መላ።

119 ሳኦን ደእያ ኡታቱዋ ኡባ
 ኔን ፕቱዋዳን ፓይዳሳ፤
 ሄዋ ድራዉ፡ ታን ኔን ኦዳዳባ ሲቃይ።

120 ታ ቦላይ ነዉ ያዪደ ኮኮራዳ፤
 ታን ነ ፕርዳዉ ያያይ።
 ኤ

121 ልከባነ ጽሎባ አላድ፤
 ታና ኡቁንያዋንቶ ኦሎፓ።

122 ታና ነ ቆማ ማዳናዉ ዋሰ ግዳ፤
 ታና ኦቶራንቻቱዋን ኡቁንሶፓ።

123 ኔን፡ “ኔና አሻና”
 ጌዳ ጽሎ ቃላ ፖሎ ጋደ ናግሽን፡
 ታ አይፊ ጋልጄዳ።

124 ታዉ፡ ነ ቆማዉ፡ ኔን
 አገና ነ ሲቁዋዳን ኦላ፤
 ነ አዋዩዋካ ታና ታማርሳ።

125 ታን ነ ቆማ፤
 ኔን ኦድያባ ታን ኤራና ማላ፡
 አከካ ታዉ እማ።

126 አቤት መድና ጎዳዉ፡ አሳቱ
 ነ ህግያ መንጮዳ ድራዉ፡
 ኔን ፕርዳና ዋዲ ሀእ።

127 ታን ነ አዛዙዋ
 ዋርቃፕ አላደ ሲቃይ፤
 ኤ፡ ጌሻ ዋርቃፕካ አላደ ሲቃይ።

128 ሄዋ ድራው፥ ታን
 ነ ዋጋቱ ኡባይ ግያዋዳን ሀመታይ፤
 ጌላ ኦግያ ኡባ ታን እጻይ።

ፕ

129 ኔን ኦዴዳባይ ማላልሰያባ፤
 ሄዋ ድራው፥ ታን አዉ አዛዘታይ።

130 ነ ቃላ ብለላይ ፖኡዋ እሜ፤
 እኬካይ ፓጩዳዋንቶ አኬካ እሜ።

131 ታን ነ አዛዘ፥
 ዳሮ ሳመታደ ታ ዶና ዶያይ።

132 ሃ ታኮ ሰማ፤
 ነ ሱንላ ሲቅያዋንቱ ኡባዉ
 ኔን አላያዋዳን ታዉካ ቃረታ።

133 ኔን ጌዳ ቃላዳን
 ታ ሄመታ ሱርሳ፤
 እይ ናጋራይነ ታና ሞዶፖ።

134 ታን ነ ዋጋዉ አዛዘታናዉ፥
 ታና ኡቁኔዳዋንቱ ኩሽያፕ ዋዛ።

135 ታ ቦላ፥ ነ ቆማ ቦላ፥
 ነ ሶሞኡዋ ፖእሳ፤
 ነ አዋዩዋካ ታማርሳ።

136 ነ ሀግያዉ አሳይ አዛዘትቤና ድራው፥
 ታ አይፍያፕ አፎላይ ሻፋዳን ጎጌ።

ጸደ

137 አቤት መድና ጎዳው፥ ኔን ጽሉዋ፤
 ነ ፕርዳይካ ልከ።

138 ኔን ኦዴዳባይ
 ጽሉዋኒ ኡባ አማነትያዋ።

139 ታ ሞርከቱ ነ ቃላ ቶቼዳ ድራው፥
 ነ ቃላ ሞሹ ታ ጎሞፓን ኤጽ ከሴዳ።

140 ኔን ጌዳ ቃላይ ዳርፕ አማነትያዋ፤
 ታን፥ ነ ቆማይ አ ሲቃይ።

141 ታን ጉላነ ካፍቱዳ አሳ፤
 ግደፕነ፥ ታን ነ ዋጋ ደግከ።

142 ነ ጽሎተላይ መድናዉ ደኤ፤
 ነ ሀጊካ ቱማ።

143 መቱነ ቱጋይ ታና ጋኬዳ፤
 ሸን ነ አዛዘቱ ታና ናሸቹና።

144 ኔን ኦዴዳባይ መድናዉካ ጽሉዋ፤
 ታን ፓጻ ደእና ማላ፥ አኬካ ታዉ እማ።

ቆፍ

145 አቤት መድና ጎዳው፥ ኩመንላ ዋዛናፕ፥
 ነዉ ዋሳድ፤ ታዉ አላ።
 ታንካ ነ አዋዩዋ አዛዘታና።

146 ታን ነዉ ዋሳድ፤ ታና አሻ፤
 ታንካ ኔን ኦዴዳባ አላና።

147 ጸልቂ ዶለና ጉራን ደንዳደ፥
 “ታና ማዳ” ጋደ ነዉ ዋሳይ።
 ኔን ታዉ ጌዳ ቃላን ህደታ ኦላይ።

148 ነ ቃላባ ዛራ ዛራደ ቆፓናዉ፥
 ቃማ ኡታ አቃይ።

149 አቤት መድና ጎዳው፥
 አገና ነ ሲቁዋ ድራው፥ ታዋ ሰሳ፤
 ነ ጽሎ ፕርዳዳን ታና ፓጻ ዋላ።

150 ኢታባዉ ታና የደርሰያዋንቱ፥
 ታኮ ማቲድኖ፤
 ኡንቱንቱ ነ ሀግያፕ ሃኪኖ።

151 ሸን አቤት መድና ጎዳው፥
 ኔን ታ ማታን ደአሳ፤
 ነ አዛዘቱ ኡባይካ ቱማ።

152 ታን በንፕ ደማደ፥
 ኔን ኦዴዳባ ታማራድ፤
 አ ኔን መድናዉ ሞንሳ ኤሳዳ።

ሬሽ

153 ታ ቱጋ በአደ፥ ታና አሻ፤
 አያዉ ጎፕ፥ ታን ነ ሀግያ ደጋበይከ።

154 ታ ድራው ሞተታደ ታና ዋዛ፤
 ኔን ጌዳ ቃላዳን ታና ፓጻ ዋላ።

155 ነ አዋዩዋ ኡንቱንቱ አከና ድራው፥
 አቶተላይ ኢታቱዋፕ ሃኩዋን ደኤ።

156 አቤት መድና ጎዳው፥ ነ ቃረታይ ዳራ፤
 ነ ጽሎ ፕርዳዳን ታና ፓጻ ዋላ።

157 ታ ሞርከቱን ታና የደርሰያዋንቱ ዳራ፤
 ሸን ታን ኔን ኦዴዳዋፕ ሸርእ ጊከ።

158 ኡንቱንቱ ነ አዛዘቱዋ ናገና ድራው፥
 ታን ካድያዋንታ በአደ ሸነታድ።

159 አቤት መድና ጎዳው፥
 ታን ነ ዋጋ ሲቅያ ሲቁዋ ቆፓ፤
 አገና ነ ሲቁዋዳን ታና ፓጻ ዋላ።

160 ነ ቃላይ ኮይርፕካ ቱማ፤
 ነ ጽሎ ፕርዳይ ኡባይካ መድናዉ ደኤ።

ሸን

161 ካፓቱ ታና ጮ የደርሰኖ፤
 ሸን ታ ዋዛናይ ነ ቃላዉ ያዬ።

162 ዳርባ ኦሞዴዳ አሳይ ናሸትያዋዳን፥
 ኔን ጌዳ ቃላን ታን ናሸታይ።

163 ታን ዋርዳዋ እጻይነ ሸነታይ፤
 ሸን ነ ሀግያ ሲቃይ።

164 ነ ጽሎ ፕርዳ ድራው፥
 ታን ኔና ጋላሳን ላፑ ገደ ጋላታይ።

165 ነ ሀግያ ሲቅያዋንቶ
 ኩመንላ ሳርተላይ ደኤ፤
 ኡንቱንታ ኡባካ አያይነ ጭባናዉ ዳንዳየና።

166 አቤት መድና ጎዳው፥ ታን
 ነ አቶተላ ሂደታን ናጋይ፤
 ነ አዛዘቱዋካ ኦላይ።

167 ታን ኔን ኦዴዳባ ናጋይ፤
 ታን ዳርፕ አ ሲቃይ።

168 ታን ነ ዋጋዉን
 ኔን ኦዴዳዋ አዛዘታና፤
 አያዉ ጎፕ፥ ታ ኦግያ ኡባ ኔን በአሳ።

ታዉ

169 አቤት መድና ጎዳው፥ ታ ዋሱ፥
 ነ ሰንላ ጋኮ፤
 ኔን ጌዳ ቃላዳን ታዉ አኬካ እማ።

170 ታ ዋትዋቱ ነ ሰንላ ጋኮ፤
 ኔን ጌዳ ቃላዳን ታና አሻ።

171 ኔን ነ አዋዩዋ
 ታና ታማርሰያ ድራው፥
 ታ ዶናፕ ጋላታይ ፑልታና።

172 ነ አዛዘቱ ኡባይ ጽሎ ግድያ ድራው፥
 ታ እንጻርሳይ ነ ቃላባ የጻና።

173 ታን ነ ዋጋ ደሬዳ ድራው፥
 ነ ኩሺ ታና ማዳናዉ ጊጌዳዋ ግድ።

174 አቤት መድና ጎዳው፥ ኔን
 ታና አሻና ማላ ላሞታይ፤
 ነ ሀጊካ ታና ናሸቹ።

175 ታን ኔና ጋላታና ማላ፥
 ታና ፓጻ ዋላ፤
 ነ ፕርዳይካ ታና ማዶ።

176 ታን ባዬዳ ደርሳዳን ብቻራይ፤
ታና ነ ቆማ ኮያ፤
እያው ጎጥ፡ ታን ነ አዛዙዋ ደጋበይከ።

120

ጭምያዋንቱጥን ዋርዶቱዋጥ አታናው ሺቆ ዋሳ

ፑደላ ከሲደ የጾዳ የላ
1 ታ ዋይያ ዋደ ታን መድና ጎዳ ይሳድ፤
እ ታው ኮዬዳ።
2 አቤት መድና ጎዳው፡ ዋርዶትያ ደናቱዋጥ፤
ጭምያ እንጸርሳቱዋጥ ታና አሻ።
3 ህንተኖ ዋርዳንቻቶ፡
ጸሳይ ህንተና ዋታንዴሻ?
ሰም ሀራባ አያ ጉጃንዴሻ?
4 ቶራንቻቱዋ ፖላ ቃራን እ ህንተና ጫዳናዋ፤
ታማ ቦንቁዋን እ ህንተና ጹጋና።

5 አየ ታኖ! ህንተናና ደእያዌ መሸካ
ዋይ ቁዳረ አሳና ደእያዋ ማላ ኢታ።
6 ሳርተላ እጽያ አሳቱዋና
ታን ዳር ዋድያ ደአድ።
7 ታን ሳር አሳ፤
ሽን ታን ሳርተላባ ሃሳይያ ዋደ፡
ኡንቱንቱ ኦላዋ ሃሳዬና!

121

ጸሳይ ኑና ናግያዋ
ፑደላ ከሲደ የጾዳ የላ
1 ታን ቶቁ ጋደ ዋጋ ደረቱዋ ጸላይ፤
ታው ማዱ ሀቃጥ ያንዴሻ?
2 ታው ማዱ
ሳሉዋን ሳኦ መዴዳ መድና ጎዳጥ ዬ።

3 እ ነ ገድያ ሀልጽሰና፤
ኑና ናግያዌ ገምእሸና።
4 እሰራኤልያ ናግያዌ፡
ኡባካ ግሰናን ገምእሸና።
5 መድና ጎዳይ ኑና ናግያዋ፡
መድና ጎዳይ ነው ኡሸቻ ባጋና ግዲደ፡
ኑና ኩዋይያዋ።
6 ጋላሰ ኑና አዋይ ሜና፤
ቃማካ አግናይ ኑና ቆሄና።
7 መድና ጎዳይ ቆህያዋ ኡባጥ ኑና ናጋና፤
እ ነ ሸምጥዋ ናጋና።
8 መድና ጎዳይ ነ ቡሳ፡ ነ ዩሳ፡
ሀቼጥ መድና ጋካናው ናጋና።

122

የሩሳላምዉ ሺቆዳ ሳባ
ፑደላ ከሲደ የጾዳ የላ፡ ዳውት ጸፊዳዋ
1 ኡንቱንቱ ታና፡ “አነ መድና ጎዳ ጎልያ ቦይተ”
ያግና፡
ታን ናሸታድ።
2 ኑና የሩሳላምዉ ካታማቱ፡
ኑን ነ ጥንገቱዋና ገሊደ ኤቁደ!

3 የሩሳላምዉ ካታማይ፡
ዳን፤ ተደ ምን ኬጸቱዳ ካታማ።
4 መድና ጎዳ አዋዩዋዳን፡
እሰራኤልያ ዛራቱ፡
መድና ጎዳ ጋላታናው ይያ ካታማይ ሀዋ።
5 ዳዊታ ዘረላጥ ካተቱዳዋንቱ
ባረንቱ አሳው ፕርዳናው ያን ኡቱድኖ።

6 የሩሳላምዉ ሳርተላው
ሀዋዳን ያገደ ዋሰተ፤
“ኑና ሲቆያዋንቶ
ኡንቱንቱ ኦልያዌ ኡባይ ሱር!
7 ነ ግምበቱዋ ግደን ሳሩ ደአ!
ነ ጌሳቱዋካ ቦቶያባይ ቆዮ!” ያገደ
ዋሰተ።
8 ታ እሻቱዋን ታ ዳቦቱዋ ድራው ጋደ፡
“ነ ግደን ሳሩ ደአ!” ያጋይ።
9 መድና ጎዳ ኑ ጸሳ ጎልያ ድራው ጋደ፡
ታን የሩሳላምዉ ዲረታናው ዋሳና።

123

ማርታ ደማናው ሺቮ ዋሳ
ፑደላ ከሲደ የጾዳ የላ
1 ኑና፡ ካውተላ አራታን ሳሉዋን ኡቱዳዋ፡
ታን ፑደ ኔኮ ጸላይ።
2 ቆማይ ባረ ጎዳ ኩሸያ ጸልያዋዳን
ቆማታ ባረ ጎዳት ኩሸያ ጸልያዋዳን፡
ሄዋዳንካ እ ኑና ማራና ጋካናው፡
ኑ አይፊ መድና ጎዳኮ፡ ኑ ጸሳኮ፡ ጸሌ።
3 ኑና ማራ፤ አቤት መድና ጎዳው፡ ኑና ማራ።
አያው ጎጥ፡ ኑው ካጂ ዳራዳ።
4 ኑን እሻሉዋን ደእያዋንቱ ሸቃነ
ኡቶራንቻቱዋ ካድያ ካሌደ።

124

ጸሳይ እሰራኤልያ አሸያዋ
ፑደላ ከሲደ የጾዳ የላ፡ ዳውት ጸፊዳዋ
1 መድና ጎዳይ ኑ ባጋ ግደነንቶ፡ ኑን ዋናኔሻ?
እሰራኤልያ አሳቱ ዛራዋ ሀዋዳን ያገደ
ዛሪኖ፤
2 “መድና ጎዳይ ኑ ባጋ ግደነንቶ፡
ኑ ቦላን አሳይ ደንዴዳ ዋደ፡
3 ኡንቱንቱ ኑ ቦላን ሀንቁዋ ሱሊደ፡
ኑና ፓጸ ምታና ሸን።
4 ድኡ ኑና ሜጪደ፤
ሻፋ ሃላይ ኑና ሙካና ሸን፤
5 ኩንላ ሃላይ ኑና ማና ሸን” ያግኖ።
6 ኑና ኑ ሞርከቱዋ ማታን፡
ጸንሰቤና መድና ጎዳይ ጋላተቶ።
7 ኑን ሻንካንቻቱዋ ጸርያጥ፡
ካፉ ከሰ አክያዋዳን ከሰ አኬደ።
8 ጵሪ መኤዳ፡ ኑንካ ከሰ አክ አቱደ!
8 ኑ ማዱ
ሳሉዋን ሳኦ መዴዳ መድና ጎዳ ሱንላጥ
ዬ።

125

ጸሳይ ባረ አሳው ዋሰ
 ፑደላ ከሲደ የጼዳ የላ
 1 መድና ጎዳን እማነትያዋንቱ ቃጻናው ዳንዳየና፡
 መድናው ደእያ ጽዮን ደርያ ማላ፡፡
 2 ደረቱ
 የሩሳላመ ካታማ የሹዋን ደእያዋዳን፡
 ሀቼፕ መድና ጋካናው፡
 መድና ጎዳይ ባረ አሳ የሹዋን ደኤ፡፡
 3 ጽሎቱ ባረንቱ ኩሽያ ኢታተላው ደንፍ ማላ፡፡
 ኢታቱዋ አይሱዋ ጸምአይ፡
 ጽሎቶ እመቲዳ ቢታ ቦላን ጋምኤና፡፡
 4 አቤት መድና ጎዳው፡ ኬካ አሳቶ፡፡
 ዋዛና ሱረ አሳቶ ኬካባ ኦላ፡፡
 5 ባረንቱ ጌላ ኦግያ ሰምያዋንታ፡
 መድና ጎዳይ ኢታ አልያዋንቱና እትፕ
 ሙራ፡፡
 እሰራኤልያው ሳሩ ግደ!

126

አዋዲዋፕ ሰሜዳዋንቱ ማዝሙርያ
 ፑደላ ከሲደ የጼዳ የላ
 1 መድና ጎዳይ ኑና አዋዲቲዳዋንታ ዛሪደ፡
 ጽዮን እሄዳ ዋደ፡ ኑዉ አኩሙዋ ማላቲዳ፡፡
 2 ሄ ዋደ ኑን ዳር ናሽት፡ ሚጨደ፡
 ናሽቻ የላ የጼደ፡፡
 ያትና፡ ሀራ ካዉተላቱ ባረንቱ ግደን፡
 “ሀዋንቶ መድና ጎዳይ ዋልቃማባ ኦሌዳ”
 ያጌድኖ፡፡
 3 ቱሙካ መድና ጎዳይ ኑዉ ዋልቃማባ ኦሌዳ፤
 ኑንካ ሎይላ ናሽቲደ፡፡
 4 አቤት መድና ጎዳው፡ ኔጌባ ባዙዋን እራ
 ቡክሳደ፡
 ሻፋ ሃላ ዛራ ኩንሐያዋዳን፡
 ኑዉካ ኑ ካጫ ኦራላ፡፡
 5 ዩኪደ ዘራዳዋንቱ፡
 ናሽቻን የጸደ ጫካና፡፡
 6 ዘረላ ቶኪደ፡ ዩኪደ ቤዳዋንቱ፡
 ናሽቻ የላ የጸደ፡
 ሞርቂያ ቶኪደ ሰማና፡፡

127

ጸሳን እማነታናዳን እመቲዳ ዘርያ
 ፑደላ ከሲደ የጼዳ የላ፡ ሶሎሞን ጸፌዳዋ
 1 መድና ጎዳይ ጎልያ ኬጻና ጳዮፕ፡
 ኬጻያዋንቱ ጮ መላ ዳቡሪኖ፡፡
 መድና ጎዳይ ካታማ ናጋና ጳዮፕ፡
 ናጋያዋንቱ ጮ መላ ናጊኖ፡፡
 2 ኔን ዋንታ ጉራን ደንድያዋ፡
 አማርሰ ቃምሳደ ግሰያዋ፡
 ቁማዉ ሀርጋደ ቱጋትያዋ ጮ መላ፤
 አያው ጎፕ፡ ጸሳይ ባረ ሲቅያዋንቶ ሸምፑዋ
 እሜ፡፡
 3 ናናይ መድና ጎዳፕ እመትያ እዋታ፤
 የሎቱ ቱሙዋፕ ዋይቱዋ፡፡
 4 እት ኡራይ ባረ ያላጋተላን የሌዳ አቱማ ናናቱ፡

ኦላንቻ ኩሽያን ደእያ ቶራቱዋ ማላ፡፡
 5 ሄ ቃርጨታን ደእያ ዋንዳፍያ ቶራቱዋዳን፡
 ዳር ናናቱ ደእያ አሳይ አንጀቲዳዋ፡፡
 አያው ጎፕ፡ እ ባረ ሞርከቱዋና፡
 ካታማ ፕንግያን ሞተትያ ዋደ፡ ኡባካ
 ጸነተና፡፡

128

ጸሳው አዛዘቱሳን ቤትያ አንጂዋ
 ፑደላ ከሲደ የጼዳ የላ
 1 መድና ጎዳው ያይያዋንቱ፡፡
 አ ኦግያን ሀመትያዋንቱ ኡባይ
 አንጀቲዳዋንታ፡፡
 2 ኔን ነ ዳቡራ አይፍያ ማና፤
 ኔን ናሽታናን ነዉ ሎኦ ግዳና፡፡
 3 ነ ማቻታ ነ ሶን አይፍያ ዶርኮኬዳ፡
 ዋይንያ ቱራ ማላ ግዳና፡፡
 ነ ናናቱካ ነ ጋይታ የሹዋን፡
 ዋጋራ ፑትያ ማላ ግዳና፡፡
 4 መድና ጎዳው ያይያ አሳይ
 ቱሙዋፕ ሄዋዳን አንጀታና፡፡
 5 መድና ጎዳይ ኔና ጽዮንፕ አንጅ፤
 ኔን ደኤዳ ላይላ ኡባን
 የሩሳላመ ሎኦተላ ኔና በሶ፡፡
 6 ነ ናናቱዋ ናናቱዋ በአ!
 እሰራኤልያው ሳሩ ግደ!

129

እሰራኤሊ ሞርክያፕ አታናዉ ሺሾ ዋሳ
 ፑደላ ከሲደ የጼዳ የላ
 1 እሰራኤልያ አሳይ ሀዋዳን ያጎ፤
 “ኡንቱንቱ ታ ያላጋተላደፕ ደሚደ፡
 ታና ኡቅኔድኖ፡፡
 2 ኤ፡ ኡንቱንቱ ታ ያላጋተላደፕ ደሚደ፡
 ታና ኡቅኔድኖ፤
 ሸን ኡንቱንቱ ታና ጳይሰበይክኖ፡፡
 3 ታ ዘክያ ቃይጾርያን ሾጭ ሾጨደ፡
 ጎሼዳ ሾይቃ ማላትሴድኖ” ያጎ፡፡
 4 ሸን መድና ጎዳይ ጽሎ ግዴዳዋ
 ኢታቱዋ ቃሹዋፕ ታና ብል የዴዳ፡፡
 5 ጽዮን እጽያ ኡባይ፡
 ዩላቲደ ጉየ ሰሞ፡፡
 6 ጎልያ ሀጺያን ሞኪደ፡
 ድጫናፕ ካሰቲደ መልያ ማታ ማላ ግደ፡፡
 7 ሄ ማታ ቡጫናዉ ኩሽያን ዳንክያዋ፡
 ዋይ ሞርቂያ ቃቶያዋ ኡንነ ባዋ፡፡
 8 ሄ ኦግያና አድያዋንቱ፡
 “መድና ጎዳይ ዋልቃ እዋ” ጊና፡
 ጫክያዋንቱ፡
 “መድና ጎዳይ አንጅ” ግያዋ ደኤና፡፡

130

ማዲዋ ደማናዉ ሸቄዳ ዋሳ
 ፑደላ ከሲደ የጼዳ የላ
 1 አቤት መድና ጎዳዉ፡ ታን መቱዋ ጨማን
 ደእደ፡
 ኔኮ ዋሳይ።
 2 አቤት ጎዳዉ፡ ታ ኮሻ ሰሳ፤
 ታን ዋትዋትያ ዋትዋቱዋ ነ ሀይላይ ሀይዘ።
 3 አቤት መድና ጎዳዉ፡ ኔን፡
 ኑ ናጋራ ማዘገብያን ጸፊደንቶ፡
 አቤት ጎዳዉ፡ ዋን ኑን ፕርዳፕ አታናዉ
 ዳንዳዪ?
 4 ሸን ኑን ኔና ሰንቺደ አዛዘታና ማላ፡
 ኑዉ አቶ ያጋሳ።
 5 ታን መድና ጎዳ ናጋይ፤
 ኤ፡ ታን አ ላዋታን ናጋይ፤
 አ ቃላንካ ሀይታ ኦላይ።
 6 ሳአይ አዉደ ዋንታንደሻ
 ገደ ናግያ ቃማ ዛባይንያቱዋፕ አቆአደ፡
 ታን ኡንቱንቱፕካ አላደ፡
 ጎዳ ላዋታን ናጋይ።
 7 አሰራኤልያ አሳዉ፡ መድና ጎዳን ሀይታ ኦላተ፤
 አያዉ ጎፕ፡ አገና ሲቁ መድና ጎዳና፤
 ቃይ እ ኡባ ገደ አሳ አሻናዉ ኮዬ።
 8 አሰራኤልያ አሳ
 ኡንቱንቱ ናጋራ ኡባፕ አሻናዌ አ።

131

ጸሳን አማንቱሳ
 ፑደላ ከሲደ የጼዳ የላ፡ ዳውት ጸፊደዋ
 1 አቤት መድና ጎዳዉ፡ ታን ዋዛናን አይያዋ
 አጋድ፤
 ታ አይፍያን ኦቶሩዋን ጸላባይከ።
 ዋልቃማባዉ ዋይ ኤራናዉ ዳንዳየና
 ማላልሰያባዉ ታን ሀርግከ።
 2 ሄዋ አጋደ ቆንላ ዱጾዳ ናአይ
 ባረ አት ማታን ጮኡ ግያዋዳን፡
 ታን ጮኡ ጋድ።
 ኤ፡ ዋፑ ጌዳ ናአዳን ታን ዋፑ ጋድ።
 3 አሰራኤልያ አሳዉ፡ ሀቼፕ
 መድና ጎዳናዉ መድና ጎዳን ሀይታ ኦላተ።

132

ጌሻ ጎልያ ሳባናዉ ሸቆ ማዘመርያ
 ፑደላ ከሲደ የጼዳ የላ
 1 አቤት መድና ጎዳዉ፡
 ዳዊታን እ ዳንዳዬዳ መቱዋ ቆፓ።
 2 መድና ጎዳዉ እ ጫቄዳዋ፡
 ያቆባ ጸሳዉ፡ ዋልቃማዉ
 እ ሀዋዳን ያገደ ገፔዳዋ ሀሳያ፤
 3 “ሀዋፕ ጉይያን ታን ታ ጎላ ገልከ፡
 ዋይ ታ ሂጸን ግሰከ።
 4 ታን ታ አይፍያ ጨልዋከ፡
 ዋይ ገሞእሸከ።

5 ሄዋን፡ ታን መድና ጎዳዉ ሳአ፡
 ያቆባ ጸሳዉ፡ ዋልቃማዉ
 ደእያሳ ገግሳና ጋካናሳ” ያጌዳ።
 6 ሄኮ፡ ኑን ታቦታባ፡
 ቤተሌመን ሰሴዶ፤
 ይእሪማ ግያ ቢታን አ ኑን ደሜዶ።
 7 ኑን፡ “አነ እ ደእያሳ ቦይተ፤
 አ ገዲ የድያሳን ጉፋኒደ፡
 አዉ ጎይኔቶ” ያጌዶ።
 8 አቤት መድና ጎዳዉ፡ ደንዳ!
 ነ ሞኖተላዉ ማላ ግድያ ነ ታቦታና፡
 ነ ጌሻ ጎልያ ገላደ ደአ።
 9 ነ ቄሳቱ ጽሎተላ ማይኖ፤
 ነ አሳቱ ናሸቻዉ የጽኖ።
 10 ነ ቆማ ዳዊታ ድራዉ፡
 ኔን ኦኬዳ ካትያ አሳፓ።
 11 መድና ጎዳይ ዳዊታዉ ላመተና ጫቁዋ
 ሀዋዳን ያገደ ጫቄዳ፤
 “ነ ጉልባታፕ የለቴዳ ነ ናናቱዋፕ እቱዋ
 ታን ካዉላና።
 12 ነ ናናቱ ታ ጫቁዋን
 ታን ታማርሰያ ትምርትያ ናሳፕ፡
 ኡንቱንቱ ናናቱካ ነ ካዉተላ አራታን
 መድናዉ አታና” ያጌዶ።
 13 መድና ጎዳይ ጽዮን ደሬዳ፤
 ባረዉ ደእያሳ አላናዉካ አሞቲደ፡
 ሀዋዳን ያጌዳ፤
 14 “ሀዊ ታዉ መድናዉ ደእያ ሳአ፤
 ታን አሞቴዳ ድራዉ፡ ሀዋን ኡታና።
 15 ታን ዳር ካላ እማደ ጽዮኖ እንጃና፤
 እዘን ደእያ ሀዋሳቱዋካ ቁማ ካልሳና።
 16 እዘን ደእያ ቄሳቱ ዋካ
 ታን አቶተላ ማይዛና፤
 እዘን ጸሳ አሳቱካ ናሸቻዉ የጸና።
 17 “ሀ ሳአን፡
 ዳዊታ ዘረላፕ እቱዋ ካዉላና፤
 ታን ኦኬዳ ካትያ ካዉተላ ጋምኤላና።
 18 ታን አ ሞርከቱዋ ዬላ ማይዛና፤
 ሸን አ ሀጲያን ደእያ ካዉተላ ካላቻይ
 ጸላና” ያጌዶ።

133

እሻቱዋ ሲቆ ሸቄዳ ሳባ
 ፑደላ ከሲደ የጼዳ የላ፡ ዳውት ጸፊደዋ
 1 እሻቱ እትፕተላን ደእያዌ አይባ ሎኦቤን
 ናሸቻያቤ!
 2 ሄዌ ሀጲያ ኦክና፡ ቡቻና ጎግያ፡
 አርና ቡቻና ጎጊደ
 አ ማዩዋ ሞርግያ ጋክያ አልኦ ዛይትያ ማላ።
 3 ሄዌ ሄርሞን ደርያ ከተርሳይ፡
 ጽዮን ደረቱዋ ጋክያዋ ማላ።
 መድና ጎዳይ ሄዋን እንጃዋ፡ መድና ደኡዋ
 እሜዳ።

130:8 ማቶሳ 1:21፤ ቲቶ 2:14 132:6 2 ኦዲዋ 6:41-42 132:11 2 ሳሜላ 7:12-16፤ 1 ኦዲዋ 17:11-14፤
 ማዘ. 89:3-4፤ ኪታ 2:30 132:17 1 ካታ. 11:36

134

ጸሓፊ ገላትሳ
 ገደላ ከሲደ የጸዱ የላ
 1 ህንተኖ መድና ጎዳ ቆማቶ፤
 መድና ጎዳ ጎልያን ቃማ ኦልያዋንቶ፤
 ኡባይካ ሃ ዪደ፤ መድና ጎዳ ገላትተ።
 2 ጌሻ ጎልያን ህንተ ኩሽያ ሞጪደ፤
 መድና ጎዳ ገላትተ።
 3 ሳሉዋነ ሳኦ መዴዳ መድና ጎዳይ፤
 ህንተና ጽዮነፕ አንጅ።

135

ገላታ ማዘመርያ
 1 መድና ጎዳ ገላትተ!
 ህንተኖ መድና ጎዳ ቆማቶ፤
 መድና ጎዳ ሱንሳ ገላትተ!
 2 ህንተኖ መድና ጎዳ ጎልያ ግደን፤
 ኑ ጸሓፊ ጎልያ ዳባባን ኤቄዳዋንቶ፤
 ጸሓፊ ገላትተ!
 3 መድና ጎዳይ ኬካ ግድያ ድራው፤
 መድና ጎዳ ገላትተ!
 እ ሎኦ ግድያ ድራው፤
 እ ሱንሳ ሳቢተ!
 4 መድና ጎዳይ ያቆባ ባረ ሁጸው፤
 እሰራኤልያ አሳካ ባረው ቡዞ ኦሊደ
 ደሬዳ።
 5 መድና ጎዳይ ዋልቃማ ግድያዋን
 ኑ ጎዳይ ጸሓፊዋ ኡባፕ ዶቄያዋ፤
 ታን ኤራይ።
 6 ሳሉዋንካ ሳንካ፤
 አባቱዋን ኡንቱንቱ ጨሞቱዋ ኡባ
 ግደንካ፤
 መድና ጎዳይ ባረ ደሴዳዋ ኡባ ኦሌ።
 7 እራ ቶኮ ሻርያ ሳኦ ገጸፕ እ ደንሌ፤
 እ እራና ዋልቃንሳ ኪቱ፤
 ባረ ምንጅያ ሳኦፕ ጫርኩዋ ከሴ።
 8 ግብጾ ቢታን አሳ ናናቱዋፕነ፤
 መሀያ ማራፕ፤
 ባይራ የለቱዳዋንታ ዋዴዳ።
 9 ኔኖ ግብጾ፤ ፓርኦናን አ ቆማቱዋ መራናው፤
 ህንተንቱ ግደን ኦራባባን ማላልሰያባ
 የዴዳ።
 10 እ ዳር ካውተላቱዋ ባይዜዳ፤
 ዋልቃማ ካተቱዋካ ዋዴዳ።
 11 አሞረቱዋ ካትያ ሰሆና፤
 ባሳን ካትያ ኦጋነ፤
 ካናን ካተቱዋ ኡባ ዋዴዳ።
 12 ኡንቱንቱ ቢታ ባረ አሳቱዋ፤
 እሰራኤላቱዋ ላትሴዳ።
 13 አቤት መድና ጎዳው፤ ነ ሱንሳይ መድናው
 ደአና፤

የለታፕ የለታ ገካናው መድና ጎዳይ
 ሀሳየታና።
 14 መድና ጎዳይ ባረ አሳው ፕርዳና፤
 እ ባረ ቆማቶ ቃረታና።
 15 ገድያ አሳቱዋ ኤቃቱ አሳ ኩሺ
 ብራፕን ዋርቃፕ መዴዳዋንታ።
 16 ኡንቱንቶ ደናይ ደኤ፤ ሽን ሃሳይክና፤
 አይፊ ደኤ፤ ሽን ጸልክና።
 17 ሀይላይ ደኤ፤ ሽን ሰሰክና፤
 ኡንቱንቱ ደናን ሽሞፕ ባዋ።
 18 ኡንቱንታ መዴዳዋንቱ፤
 ኡንቱንቱን አማነትያዋንቱ፤
 ኡባይ ኡንቱንቱዳን ሀንኖ።
 19 እሰራኤልያ ጎልያ አሳቶ፤
 መድና ጎዳ ገላትተ፤
 አርና ጎልያ አሳቶ፤
 መድና ጎዳ ገላትተ፤
 20 ሌቂያ ጎልያ አሳቶ፤
 መድና ጎዳ ገላትተ፤
 መድና ጎዳው ያይያዋንቶ፤
 ኡባይ መድና ጎዳ ገላትተ።
 21 የሩሳላመን ደእያ መድና ጎዳይ
 ጽዮንን ገላትቶ!

መድና ጎዳ ገላትተ!

136

ገላታ ማዘመርያ
 1 መድና ጎዳ ገላትተ! አያው ጎፕ፤ እ ኬካ፤
 አንና አ ሲቁ መድናዋ።
 2 ጸሓፊዋ ጸሓፊ ገላትተ!
 አንና አ ሲቁ መድናዋ።
 3 ጎዳቱዋ ጎዳ ገላትተ!
 አንና አ ሲቁ መድናዋ።
 4 እ ጸላላይ ዋልቃማ ማላልሰያባ ኦሌ፤
 አንና አ ሲቁ መድናዋ።
 5 ባረ አዴዳ ኤራን እ ሳሎቱዋ መዴዳ፤
 አንና አ ሲቁ መድናዋ።
 6 ቢታ ሃላ ቦላን ሞጪደዳ፤
 አንና አ ሲቁ መድናዋ።
 7 ዋልቃማ ፖኦቱዋ መዴዳ፤
 አንና አ ሲቁ መድናዋ።
 8 አዋይ ገላሰ ሞዳናዳን ኦሌዳ፤
 አንና አ ሲቁ መድናዋ።
 9 አግናይን ጸልንተቱ
 ቃማ ሞዳናዳን ኦሌዳ፤
 አንና አ ሲቁ መድናዋ።
 10 እ ግብጾ ቢታን ባይራቱዋ ዋዴዳ፤
 አንና አ ሲቁ መድናዋ።
 11 እሰራኤልያ አሳ፤
 ግብጾፕ ካላሊደ ከሴዳ፤
 አንና አ ሲቁ መድናዋ።
 12 ባረ ሞኖ ኩሽያን፤
 ባረ ዋልቃማ ቀሰያን ሀዋ ኦሌዳ፤
 አንና አ ሲቁ መድናዋ።

135:15 ማዘ. 115:4-8፤ ሳፃ 9:20 136:1 1 ኦዲዋ 16:34፤ 2 ኦዲዋ 5:13፤ 7:3፤ እዝራ 3:11፤ ማዘ. 100:5፤
 106:1፤ 107:1፤ 118:1፤ ኤር. 33:11 136:5 ደመላ 1:1 136:6 ደመላ 1:2 136:7 ደመላ 1:16 136:10
 ከሳ 12:29 136:11 ከሳ 12:51 136:13 ከሳ 14:21-29

- 13 ዞኑ አባ ሻክ የጌዳ፤
አገና አ ሲቁ መድናዎ።
- 14 እስራኤልያ አሳ፤
ሄ አባ ግዲዎና ፕንጤዳ፤
አገና አ ሲቁ መድናዎ።
- 15 ግብጾ ካትያነ አ ኦላንቻቱዋ
ዞኑ አባን ሙክሴዳ፤
አገና አ ሲቁ መድናዎ።
- 16 እ ባረ አሳ ካለሊዳ፤
ባዙዎና አሌዳ፤
አገና አ ሲቁ መድናዎ።
- 17 ዋልቃማ ካተቱዋ ሸጩዳ፤
አገና አ ሲቁ መድናዎ።
- 18 ኤረቴዳ ካተቱዋ ዋጴዳ፤
አገና አ ሲቁ መድናዎ።
- 19 አዋረቱዋ ካትያ ሰሆና ዋጴዳ፤
አገና አ ሲቁ መድናዎ።
- 20 ቃይ ባሳነ ካትያ አጋ ዋጴዳ፤
አገና አ ሲቁ መድናዎ።
- 21 ያቲደ ኡንቱንቱ ቢታ ባረ አሳ ላትሴዳ፤
አገና አ ሲቁ መድናዎ።
- 22 ባረ ቆማ እስራኤልያ ላትሴዳ፤
አገና አ ሲቁ መድናዎ።
- 23 እ ኑን ካወሼዳ ዋደካ ኑና ቆፔዳ፤
አገና አ ሲቁ መድናዎ።
- 24 ኑና ኑ ሞርከቱዋፕ አሼዳ፤
አገና አ ሲቁ መድናዎ።
- 25 መጋታ ኡባዉ ቁማ እሚ፤
አገና አ ሲቁ መድናዎ።
- 26 ሳሉዋ ጸሳ ጋላትተ!
አገና አ ሲቁ መድናዎ።

137

አሞዲዋን ደእያ እስራኤልያ ዩኩዋ

- 1 ባብሎን ሻፋቱዋ ማታን ኡቲደ፤
ኑን ጽዮነ ቆፔዳ ዋደ ዩኬደ።
- 2 ሄ ሳኢን ኑን፤
ኑ ዲላ ሃላ ማታን ድጭያ ሞላ ቦላ ካቂደ።
- 3 ኑና ኡሞዴዳ አሳቱ፤
ኑን የጸደ፤ ኡንቱንታ ናሽቻና ማላ፤
“ጽዮነ የላፕ እቱዋ አነ ኑዉ የጽተ” ያጌድኖ።
- 4 መድና ጎዳ የላ፤ ኑን፤
አላጋ ቢታን ዋት የጸኔ?
- 5 የሩሳላመ ካታማቱ፤ ታን ኔና ደሳገ፤
ታ ኡሸቻ ኩሺ ባረ ኡሱዋ ደሳ።
- 6 ታን ኔና ሀሳየናን አገገ፤
ታ ናሽቻ ኡባፕ አላደ የሩሳላመ ደሰናን
አገገ፤
ታ እንጸርሳይ ኮክያና ኦይቀቶ።
- 7 አቤት መድና ጎዳዉ፤ የሩሳላመ አሞደትያ
ጋላሰ፤
ኤደማ አሳቱ ኡሌዳዋ ሀሳያ፤
ኡንቱንቱ፤ “ኮልተ! ኮልተ!
ሀርክ ጸጹዋ ጋካናዉ ላልተ!” ያጌዳዋ
ደሳገ።
- 8 ባብሎን ቢታዉ፤ ኔንካ ባያና!

- ኔን ኑ ቦላን ኡሌዳ ኢታ ኡሱዋ፤
ነ ቦላ ኡላያዌ አንጀቱዳዎ።
- 9 ነ ጉላ ናናቱዋ ኡይቂደ፤
ዛላ ቦላ ሸጭያዌ አንጀቱዳዎ።

138

ጋላታ ዋሳ

- ዳውት ጸፊዳዋ
- 1 አቤት መድና ጎዳዉ፤ ታን ታ ኩመንላ ዋዛናፕ
ኔና ጋላታና፤
ጸሳቱዋ ሰንላን ኔና ሳባና።
- 2 ነ ጌሻ ጎልያኮ ሰማደ፤
ነዉ ጎይናደ፤ አገና ነ ሲቁዋነ ነ ቱማተላ
ድራዉ፤
ታን ነ ሱንላ ጋላታይ፤
አያዉ ጎፕ፤ ኔን ነ ሱንላነ ነ ቃላ፤
ኡባፕ አላደ ቶቁ ኡላዳ።
- 3 ታን ጸሴዳ ጋላሰ ታዉ ኮያዳ፤
ነ ምናተላን ታና ምንሳዳ።
- 4 አቤት መድና ጎዳዉ፤ ሳኢን ደእያ ካተቱ ኡባይ፤
ኔና ጋላትኖ፤
አያዉ ጎፕ፤ ኡንቱንቱ ነ ደናፕ ከሴዳ ቃላ
ሰሴድኖ።
- 5 መድና ጎዳ ቦንቹ ዋልቃማ ግድያ ድራዉ፤
ኡንቱንቱ መድና ጎዳ ኡግያዋ የጸና።
- 6 መድና ጎዳይ ቦላ ቶቃን ደኡፕካ፤
ሀዬሳቱዋ ኬካ አይፍያን ጸሌ።
ሸን ኡቶራንቻቱዋ እ ሃኩዋን ኤሬ።
- 7 ታን መቱዋ ግዲዋና ሀመቶፕካ፤
ኔን ታና ደኡዋን ናጋሳ።
ታ ሞርከቱዋ ሀንቁዋ ቦላ ነ ኩሸያ ምጫሳ፤
ነ ኡሸቻን ታና አሻሳ።
- 8 መድና ጎዳይ ታዉ ጊደ ቆፔዳዋ ፖላና፤
አቤት መድና ጎዳዉ፤ አገና ነ ሲቁ
መድናዎ።
ነ ኩሸያ ኡሱዋ አጋ አገፕ።

139

ኡባ ኤርያ ጸሳ

- ዛማረቱዋ ካፖ የጸቱዳ፤ ዳውት ጸፊዳ
ማዘመርያ
- 1 አቤት መድና ጎዳዉ፤ ኔን ታና ብዳደ ኤራዳ።
- 2 ታን አዉደ ኡትንቶነ
አዉደ ኤቂንቶ፤ ኔን ኤራሳ፤
ኔን ታ ቆፋ ኡባ ሃኩዋን ኤራሳ።
- 3 ታን ብያሳነ፤
ሸምፕያ ሳ ጸሞሳሳ፤
ታ ኡገቱዋ ኡባ ኔን ኤራሳ።
- 4 አቤት መድና ጎዳዉ፤ ታን ታ እንጸርሳን
እት ቃላ ሃሳያናፕ ካሰታደ፤
ኔን ታ ቆፋ ኡባ ኤራሳ።
- 5 ኔን ታ የሹዋን ደኣሳ፤
ነ ኩሸያን ታና ናጋሳ።
- 6 ነ ኤራይ ታና ሎይላ ማላልሴ፤
ታን አኬካናዉ ዳንዳይያሳፕ ቶቃ።

7 ታን ነ አያናፕ ሀቃ ባናዉ ዳንዳያይታ?
 ዋይ ነ ሰንገፕ ሀቃ ባቃታናዉ ዳንዳያይታ?
 8 ፑደ ሳሉዋ ከሶፕ፡
 ኔን ያን ደኣሳ!
 ዳገ ሰኦልያ ዋድንቶካ፡
 ኔን ያን ደኣሳ፡
 9 አዋይ ሞክያሳ ባጋ ፓላደ ቦፕ፡
 ዋይ አዋይ ዉልያሳ ባጋን ሃካደ ደኦፕ፡
 10 ሄ ሳንካ ነ ኩሺ ታና ካለፎ፤
 ነ ኡሽቻ ኩሺ ታና ዘምፕሴ።
 11 ታን፡ “ዱማዉ፡ ታና ገንጎ፤
 ፖኡዋ፡ ቃማዉ ላመታ” ያግንቶካ፡
 12 ዱማ ዳሩ ነዉ ዱመና፤
 ቃማይ ጋላሳዳን ፖኤ፤
 እያዉ ጎፕ፡ ነዉ ዱማይ ፖኡዋ ማላ።
 13 ኔን ታ ግደ አሳተፋ ኡባ መዳዳ፤
 ታ አት ኡሉዋን ታና ኔን ዋጸ መዳዳ።
 14 ኔን ታና ማላልሰያሳን ኦራላባ ኦላደ መዴዳ
 ድራዉ፡
 ታን ኔና ጋላታይ።
 ነ ኦሶቱ ማላልሰያዋንታ!
 ታን ቃይ ሄዋ ዉርሳደ ኤራይ።
 15 ታን ጌማ ሳኣን መፍትያ ዋደ፡
 ታ መቀፋቱ ኔፕ ጌምበይክና።
 ታ ቦላይ ታ አት ኡሉዋ ጨማ ግደን
 ሂላን አሌቀቲደ ኦሶትያ ዋደ፡
 16 የለትቤና ታ አሳተፋ ነ አይፊ በኤዳ።
 ብር እቱነ ደመተናን ደእሸን፡
 ታዉ ኔን ገግሴዳ ጋላሳቱ ኡባቱ
 ነ ማዘገብያን ጸፈቲድና።
 17 አቤት ጸሳዉ፡
 ነ ቆፋቱ አያ ጮራቲድና!
 ኡንቱንታ ኤራናዌ አያ ዋይሲ!
 18 ታን ኡንቱንታ ፓይድንቶ፡
 ኡንቱንቱ ሻፍያፕ ዳራና ሸን።
 ታን ቤጎትያ ዋደ፡
 ሀእካ ኔናና ደኣይ።
 19 አቤት ጸሳዉ፡ ኔን ኢታቱዋ ዋዳድንቶ አዬ
 ደኢ!
 ሱፋ ፑሰያ አሳቱ ታፕ ሃክና!
 20 ኡንቱንቱ ነ ቦላ ኢታባ ሃሳዳና፤
 ነ ሞርከቱ ነ ሱንፋ ባይዚና።
 21 አቤት መድና ጎዳዉ፡ ኔና እጽያዋንታ
 ታን እጽክታ?
 ነ ቦላ ደንድያዋንታ
 ታን ሸንትክታ?
 22 ታን ኡንቱንታ ኡባ እጸይ፤
 ኡንቱንታ ታን ታ ሞርከቱዋዳን ፓይዳይ።
 23 አቤት ጸሳዉ፡
 ታና ብዳደ፡ ታ ዋዛና ኤራ፤
 ታና ፓጫደ፡ ታ ኡንኤትያ ቆፋ ኤራ።
 24 እነ ታናን ኢታባይ ደኦፕ ጸላ፤
 መድና ኦግያን ታና ካለፋ።

140

ኢታቱዋ ቦላ ሸቄዳ ዋሳ
 ዛማራቱዋ ካፖ የጸቲዳ፡ ዳውት ጸፊዳ
 ማዘመርያ

140:3 ሮመ 3:13 141:2 ሳፃ 5:8

1 አቤት መድና ጎዳዉ፡ ኢታ አሳቱዋፕ ታና አሻ፤
 ማካላንቻ አሳቱዋፕ ታና ናጋ።
 2 ኡንቱንቱ ኡባ ዋደ፡
 ኢታባ ኦላናዉ ማቀቲና፤
 ኡባ ጋላሰካ፡
 ዋላሳ ደንፍላናዉ ቆፕና።
 3 ኡንቱንቱ ባረንቱ እንጸርሳ ሾሻዋዳን ቃራዪና፤
 ኡንቱንቱ ደናፕ አሳ ዋድያ ሀሱዋ ሾሻ ይሻ
 ማላ ሃሳያይ ከሴ።
 4 አቤት መድና ጎዳዉ፡ ኢታ አሳቱዋ ኩሽያፕ፡
 ታና አሻ፤
 ታ ገደያ ቃጸናዉ ቆፕያ ማካላንቻ አሳቱዋፕ
 ታና ናጋ።
 5 ኦቶራንቻ አሳቱ ታዉ ዲዛ ገግሴድና፤
 ግትያ ሂጾድና፤
 ታና ኦይቃናዉ ጸርያ ኦግያን ዋፊድና።
 6 ታን መድና ጎዳ፡ “ኔን ታ ጸሳ” ያጋይ።
 አቤት መድና ጎዳዉ፡ ታን ዋትዋትያ
 ዋትዋቱዋ ሰሳ።
 7 አቤት ኡባ ሞድያ መድና ጎዳዉ፡
 ታና አሸያ ሞና፡
 ኦላ ጋላሰ ታዉ ጎንዳለ ግዳዳ።
 8 አቤት መድና ጎዳዉ፡
 ኢታቶ ኡንቱንቱ አሙዋ እሞፕ፤
 ኡንቱንቱ ኢታ ማቁዋ ፖልሶፕ።
 9 ታ ሞርከቱዋን ታና ጸንሶፕ፤
 ኡንቱንቱ ደናፕ ከሰያ ኢታባይ ኡንቱንቶ
 ሰሞ።
 10 ኡንቱንቱ ቦላ ጸግያ ቦንቁ ቆለቶ፤
 ኡንቱንቱ ታማን ኦለትና፤
 ሄዋፕ ላኤንፎ ደንደና ኦላን ኦለትና።
 11 ዝግርያዋንታ ቤታይ ቶኮፕ፤
 ማካላንቻ አሳቱዋ ኢታባይ ሻንካቲደ
 ኦይቆ።
 12 መድና ጎዳይ ህዬሳቶ ፕርድያዋን፡
 መቶታንቻቱዋ ማታ ናግሰያዋ ኤራይ።
 13 ቱሙፕ ጸሎቱ ነ ሱንፋ ጋላታና፤
 ሱረ አሳቱ ነ ሰንፋን ደኣና።

141

አማርሳ ዋሳ
 ዳውት ጸፊዳ ማዘመርያ
 1 አቤት መድና ጎዳዉ፡ ታን ኔና ጸሳይ፤
 ታና ማዳናዉ ኤሌላ።
 ታን ኔኮ ዋሰያ ዋደ፡ ታ ኮሻ ሰሳ!
 2 ታ ዋሳይ እጸና ጨዋዳን፡
 ነ ሰንፋ ሺቆ፤
 ታን ታ ኩሽያ ሞጭዋዌ፡
 ነዉ አማርሳ ያርሹዋ ማላ ግደ።
 3 አቤት መድና ጎዳዉ፡ ታ ደና ናግያዋ ዋላ፤
 ታ መተርሻቱዋ ፕንግያን ዛባይንያ ኤሳ።
 4 ባይዙዋ ኦልያ አሳቱዋና፡
 ኢታ ኦሱዋ ኦፍ ማላ፡

ታ ዋዛና ኢታባኮ ዛርፓ።
ኢንቱንቱ ግብራካ ታና ሙዘፓ።

- 5 ጽሎ አሳይ ታና አገና ሲቁዋን
ሴራናውን ሙራናው ዳንዳዬ፤
ኢንቱንቱ ታና ባቆፕ ሄዌ ታ ሁጲያን ዛይትያ
ኦክያዋ ማላ፤
አያው ጎፕ፡ ታን ኡባ ገደካ
ኢታቱዋ ኦሱዋ ቦላ ዋሳይ።
- 6 ኢንቱንቱ ዳናቱ ዛላ አፋዋና፤
ዱገ ኦለትያ ዋደ፤
ታ ቃላይ ቱማ ግድያዋ ኢንቱንቱ አሳይ
ኤራና።
- 7 ቢታይ ጎሽትያዋዳን
ጉሉ መኤረትያዋዳን
ኢንቱንቱ መቀሳይካ ዱፋዋ ዶናን ላለታና።
- 8 አቤት ኡባ ሞድያ መድና ጎዳወ፤
ታ አይፊ ኔና ጴሌ፤
ታን ኔኮ ባቃታደ አታይ፤
ታና ሀይቆ አላደ እሞፓ።
- 9 ኢንቱንቱ ታወ ዋሌዳ ግትያፕነ፤
ኢታ ኦልያዋንቱ ጲርያፕ ታና ናጋ።
- 10 ታን ሳሮ አድያ ዋደ፤
ኢታቱ ባረንቱ ዋሌዳ ግትያን ኦይቀትኖ።

142

- ጸሓፊ ማዲዋ ደማናዉ ሺቄዳ ዋሳ
አኩካን ጸፊቱዳ ዳዊታ ግንጹዋ፡ ጎንጎሎ ግዶን
ደእያ ዋደ አ ዋሳ
- 1 ታ ቃላ ጶቄ ኦላደ፤ መድና ጎዳወ ዋሳይ።
ታ ቃላ ጶቄ ኦላደ፤
መድና ጎዳወ ዋትዋታይ።
 - 2 ታ ቆሁዋ ኡባ አዉ ማጋናይ፤
ታ መቱዋ ኡባ አዉ ኦዳይ።
 - 3 ታን ሀደታ ቃንጸና ማቲያ ዋደ፤ ኔን ታ ኦግያ
ኤራሳ።
ታን ሀመትያ ኦግያን ታዉ ግትያ ቆሰ
ዋሌድኖ።
 - 4 ታን ታ ዩሹዋ ጴልያ ዋደ፤
ታና ማድያዌ አቱነ ባዋ፤
ታን ቆሰታ አትያ ሳአይ ባዋ፤
ታና ናግያዌካ ባዋ።
 - 5 አቤት መድና ጎዳወ፤ ታን፡
ነዉ ሀዋዳን ጋደ ዋሳይ፤
“ኔን ታን ባቃታደ አትያ ሳኣ፤
ታን ፓጸ ደእሸን፤ ታና ጋኬዳ ሳማይ ኔና”
ያጋይ።
 - 6 ታን ሎይሳ መቶትያ ድራዉ፤
ታ ዋሱዋ ሀይዛ።
ታና የደርሰያዋንቱ፤
ታዉ ሎይሳ ዋልቃሜዳ ድራዉ፤
ታና ኢንቱንቱፕ አሻ።
 - 7 ታን ነ ሱንሳ ጋላታና ማላ፤
ታና ቃሹዋፕ ብላ።
ኔን ታዉ ኬክያ ድራዉ፤
ጽሎቱ ታ ዩሹዋን ሺቃና።

143:2 ሮመ 3:20፤ ጋሊ. 2:16

143

- ጸሓፊ ማዲዋ ደማናዉ ሺቄዳ ዋሳ
ዳውት ጸፊዳ ማዘመርያ
- 1 አቤት መድና ጎዳወ፤ ታ ዋሳ ሰሳ፤ ታ
ዋትዋቱዋ ሀይዛ።
ኔን ጽሎቱን አማነትያዋ ግድያ ድራዉ፤
ታዉ ዛሩዋ እማ።
 - 2 ነ ሰንሳን ጽሎ ግዳና አሳይ ባዋ፤
ሄዋ ድራዉ፤ ታና ነ ቆማ ፕርዳዉ ሺሾፓ።
 - 3 ታና ታ ሞርኪ የደርሲደ፤
ቢታና ጋሳ ክንቼሬሌዳ፤
በን ሀይቄዳ አሳቱዋዳን ታና ጴማን
ዋሌዳ።
 - 4 ሄዋ ድራዉ፤ ታን ሀደታ ቃንጸድ፤
ታ ዋዛናይካ ይባቲዳ።
 - 5 ታን በን ዋደቱዋ ሀሳያይ፤
ኔን ኦሌዳ ኦሱዋ ኡባ ዛራ ዛራደ ቆፓይነ
ነ ኩሺ ኦሌዳዋ አኩካይ።
 - 6 ታን ታ ኩሺያ ኔኮ ሞጫድ፤
መላ ቢታይ ሃላ ኮይያዋዳን፤
ታ ሸሞፑ ኔና ሳመቲ።
 - 7 አቤት መድና ጎዳወ፤ ታዉ ዛሩዋ እማናዉ
ኤሌላ!
ታን ሀደታ ቃንጸድ።
ታን ዱገ ዱፋዋን ገልያ አሳቱዋ ማላ ግደናዳን፤
ነ ሶሞኡዋ ታፕ ገንላፓ።
 - 8 ታን ኔና አማነትያ ድራዉ፤
ዋንታ ዋንታ አገና ነ ሲቁዋ ታና በሳ።
ታን ታ ሸሞፑዋፕ ኔና ዋሰያ ድራዉ፤
ታን ባናዉ በሰያ ኦግያ ታና ታማርሳ።
 - 9 አቤት መድና ጎዳወ፤ ታን ኔኮ ባቃቱዳ ድራዉ፤
ታና ታ ሞርከቱዋፕ አሻ።
 - 10 ኔን ታ ጸሓ ግድያ ድራዉ፤
ታን ነ ሸንያ ኦላና ማላ፤ ታና ታማርሳ፤
ሎኦ አያናን ታና ሱረ ኦግያ ካላላ።
 - 11 አቤት መድና ጎዳወ፤ ነ ሱንሳ ድራዉ፤ ታና
አሻ፤
ነ ጽሎተሳን ታና መቱዋፕ ከሳ።
 - 12 አገና ነ ሲቁዋን ታ ሞርከቱዋ ዋዳ፤
ታ ባልጋራቱዋ ኡባ ጳይሳ፤
አያዉ ጎፕ፡ ታን ነ ቆማ።

144

- ጸኑዋ ማዘመርያ
ዳውት ጸፊዳዋ
- 1 መድና ጎዳይ፤ ታ ዛላይ ጋላተቶ! እ ታ ኩሺያ
ኦላዉ፤
ታ ብራቅቱዋካ ቶራዉ ሎሀሴ።
 - 2 እ ታና ሲቅያ ጸሳነ ታ ጌሱዋ፤
እ ታ ሚጸነ ታና አሸያዋ።
 - እ ታ ጎንዳልያን ታን ባቃታደ አትያ ሳኣ።
ካዉተሳቱዋ እ ታዉ ሞድሰያዋ።

- 3 አቤት መድና ጎዳው፤
ኔን አዉ ቆጥያ አሳይ እ አዬ?
ኔን ናገትያ አሳ ናአይ አዬ?
- 4 አሳይ እት ገደ ጫርክያ ጫርኩዋ ማላ፤
እ ጋላሳቱካ እድያ ኩዋ ማላ።
- 5 አቤት መድና ጎዳው፤ ነ ሳሉዋ ዳካደ ዱገ
ዋቆ!
- 6 ዋልቃንሳ የዳደ ነ ሞርከቱዋ ላላ!
ነ ዋንዳፍያ ፖላ የዳደ ኡንቱንታ የደርሳ!
- 7 ቦላና ነ ኩሽያ ዱገ የዳደ፤
ታና ጨሞ ሃላቱዋፕ ጎቻደ ከሳ፤
አላጋ አሳቱዋ ኩሽያፕ ታና ዋላ አካ።
- 8 ኡንቱንቱ ቱሙዋ ሃሳይክኖ፤
ጫቂደካ ዋርዱዋ ሃሳይኖ።
- 9 አቤት ጸሳው፤ ታን
ነዉ ኦራላ የላ የጸና፤
ታሙ ባቀላን ዋጸቲዳ ዲላን ነዉ ዲጸና።
- 10 ካተቶ ጸኑዋ እማሳ፤
ነ ቆማ ዳዊታ አሻሳ።
- 11 ታና ኢታ ማሻፕ አሻሳ፤
አላጋ አሳቱዋ ኩሽያፕ ታና ዋላ አካ።
ኡንቱንቱ ቱሙዋ ሃሳይና ገደ ጫቂደካ፤
ዋርዱዋ ሃሳይኖ።
- 12 ኑ አቱማ ናናቱ፤
ባረንቱ ያላጋተላን ደልቂደልቂደ፤
ድጭያ ሞላ ማላ ግድኖ።
ኑ ማጫ ናናቱካ ካትያ ጎልያ ዘዝያን፤
አሌቆ ኤሴዳ ቱቅያ ማላ ግድኖ።
- 13 ኑ ድየቱ፤
ዳር ዱማ ዱማ ቆሞ ካላን ኩምኖ፤
ኑ ደምባቱዋን ደእያ ደርሳቱ ሻእ፤
ታሙ ሻእ የልኖ።
- 14 ኑ ሚዛቱ ብራሰኖ፤
ኡንቱንቱ ሳልኤሰናን የለቲደ ጮራትኖ።
ኑ ኦገቱዋን ዳጋማ ዋሱ ሰሰቶ።
- 15 ሀ የዉ ቱሙ ሀንያ አሳቱ፤
እንጀቱዳዋንታ።
ኡንቱንቱ ጸሳይ መድና ጎዳ ግድያ አሳቱ
እንጀቱዳዋንታ።

145

ጋላታ ጸሳው

- ዳውት ጸፌዳ ጋላታ ሳባ
- 1 አቤት ታ ጸሳው፤ ታ ካትያው፤ ታን ኔና ግታያናን፤
ነ ሱንሳ መድ መድናዉ ጋላታና።
- 2 ታን ኔና ኡባ ጋላሰ ሳባና፤
ነ ሱንሳካ መድ መድናዉ ጋላታና።
- 3 መድና ጎዳይ ዋልቃማ፤ ዶቃ ጋላታይ አዉ በሴ።
እ ግታተላይ አሳ ቆፋፕ አዴ።
- 4 እት የለታይ ሀራ የለታው
ኔን አሌዳዋ ኦዳና፤
ነ ማላልሰያ ኦሶቱዋካ አዋያና።
- 5 ኡንቱንቱ ነ ቦንቹዋን
ነ አንጋ ግታተላባ ሃሳይና፤
ታንካ ነ ማላልሰያ ኦሶቱዋ

144:3 ኢዮባ 7:17-18፤ ማዘ. 8:4

- ዛራ ዛራደ ቆፓና።
- 6 አሳይ፤ “ሆላ!” ገሰያ ነ ኦሶቱዋ ዋልቃባ
ሃሳይና፤
ታንካ ነ ግታተላ አዋያና።
- 7 ኡንቱንቱ ነ ኬካተላ ዳሩዋ ኦዳና፤
ነ ጽሎተላባካ የጸና።
- 8 መድና ጎዳይ ቃረትያዋን ማርያዋ፤
እ ሀንቀታናዉ ኤሌላናዋን፤
ዳንዳያንቻን አገና ሲቁ ዳርያዋ።
- 9 መድና ጎዳይ ኡባዉ ኬካ፤
እ ባረ መዴዳ ኡባዉ ቃረትያዋ።
- 10 አቤት መድና ጎዳው፤
ነ መጋታ ኡባይ ኔና ጋላታና፤
ነ አሳቱ ኡባይካ ኔና ሳባና።
- 11 ኡንቱንቱ ነ ካዉተላ ቦንቹዋባ ሃሳይና፤
ነ ዋልቃባ ኦዳና።
- 12 ሄዌን፤ ነ ዋልቃማ ኦሶቱዋን
ነ ካዉተላ ቦንቹዋ አንጋባ
አሳ ኤርሳና።
- 13 ነ ካዉተላይ መድና ካዉተላ፤
ነ ማታይ የለታ ኡባ ጋካናሳ።
- መድና ጎዳይ ባረ ጌዳ ቃላዉ ኡባዉ አማነትያዋ፤
እ ባረ ኦሶቱዋ ኡባን ቃረትያዋ።
- 14 መድና ጎዳይ ሆኬዳዋንታ ኡባ ዘምፕሴ፤
ኩንዴዳዋንታ ኡባ ደንፊ።
- 15 ኡባ አይፊ ኔኮ ጴሌ፤
ኡንቱንታ ኩሽያ ዋድያን ኔን ኡንቱንቶ ቁማ
እማሳ።
- 16 ኔን ነ ኩሽያፕ እማ፤
ፓጸ ደእያዋንታ ኡባ አሙዋ አላ።
- 17 መድና ጎዳይ ባረ ኦግያን ኡባን ጽሎቱ፤
እ ባረ ኦሶቱዋ ኡባን ቃረትያዋ።
- 18 መድና ጎዳይ ባረና ጴሰያ ኡባዉ፤
ቱሙዋን ባረና ጴሰያ ኡባዉ ማታን ደኤ።
- 19 እ ባረዉ ያይያዋንቱ ኡባዉ፤
አሙዋ ኩንፊ።
ቃይ እ ኡንቱንቱ ዋሱዋ ሰሲደ፤
ኡንቱንታ አሼ።
- 20 መድና ጎዳይ ባረና ሲቅያዋንታ ኡባ ናጌ፤
ሽን ኢታቱዋ ኡባ ዳይሳና።
- 21 ታን ታ ደናን መድና ጎዳ ጋላታና።
መጋታ ኡባይ አ ጌሻ ሰንሳ
መድ መድናዉ ጋላቶ!

146

ማዳ ጸሳው ጋላታ

- 1 መድና ጎዳ ጋላትተ!
- ታ ሸምፓቱ መድና ጎዳ ጋላታ!
- 2 ታ ደኡዋ ላይላ ኡባን፤
ታን መድና ጎዳ ጋላታና፤
ታን ደኤዳ ኬናን ኡባን
ታ ጸሳ ሳባና።
- 3 አሳይ አሻናዉ ዳንዳየና ድራዉ፤
አሳ ካፓቱዋን አማነቶፕተ።

4 ኡንቱንቱ ሸምፑ ከሰያ ዎደ፥
 ኡንቱንቱ ቢታዉ ሰሚኖ፤
 ኡንቱንቱ ሀልቹ ኡባይ
 ሄ ጋላሰካ እት አጌ።

5 ያቆባ ጸሳይ ማድያ ኡራይነ
 መድና ጎዳ ባረ ጸሳ ባረዉ ህደታ ኦሳያ
 ኡራይ፥
 አንጅቴዳዎ።

6 መድና ጎዳይ ሳሉዋነ ሳኦ፥
 ዎልቃማ አባነ አ ግደን ደእያዎ ኡባ፥
 መጄዳዎ፤
 እ መድናዉካ አማነትያዎ።

7 እ ናቀቲዳዎንቶ ፕርድያዎ፤
 ኮሻቴዳዎንቶ ቁማ እምያዎ።

መድና ጎዳይ ቃሸቴዳዎንታ ብሌ፤
 8 መድና ጎዳይ ቆቀቱዎ ጸልሴ።
 መድና ጎዳይ ኩንዴዳዎንታ ደንሴ፤
 መድና ጎዳይ ጽሎቱዎ ሲቄ።

9 መድና ጎዳይ በተቱዎ ናጌ።
 አምኤቱዋነ አዉ ባይና ናናቱዎ ማዴ፤
 ሸን ኢታቱዎ ኦግያ ባለሴ።

10 መድና ጎዳይ መድናዉ ካተቱ።
 ጽዮኔ፥ ነ ጸሳይ፥
 የለታፕ የለታ ጋካናዉ ካተታና።

መድና ጎዳ ጋላትተ!

147

ኡባ ዳንዳይያ ጸሳዉ ሺቅያ ጋላታ

1 መድና ጎዳ ጋላትተ! ኑ ጸሳ ሳቢያዌ ሎኦ፤
 አ ሳቢያዌ ናሸቶያባነ በሰያዎ።

2 መድና ጎዳይ የሩሳላመ ኦራላና፤
 እሰራኤልያ አሳቱዋፕ በቴዳዎንታካ ሺሻና።

3 ዎዛናይ መኤዳዎንታ እ ፓሴ፤
 ኡንቱንቱ ማዴላካ እ ቃቼ።

4 እ ጸልንተቱዎ
 ኡንቱንቱ ፓይዳዎን ኤሬ፤
 ኡንቱንታ ኡባካ ኡንቱንቱ ሱንላን ሱንላን
 ጸሴ።

5 ኑ ጎዳይ ዎልቃማ፤ አ ዎልቃይ ዳራ፤
 አ አኬካይ ልክያፕ አድያዎ።

6 መድና ጎዳይ ናቀቲዳዎንታ ዘምፕሴ፤
 ሸን ኢታቱዎ ቢታን ዲገ ኦሌ።

7 መድና ጎዳዉ ጋላታ የላ የጽተ፤
 ኑ ጸሳዉ ዲላ ዲጽተ።

8 እ ሳሉዋ ሻርያ ካሜ፤
 ሳአዉ እራ ቡክሴ፤
 ቄሪ ደረቱዎ ቦላ ማታ ሞክሴ።

9 መሄቶነ ዋሰያ ቁሩዎ ማራቶ፥
 ሞያዎ እ እሜ።

10 እ ናሸትያዎ ፓራቱዎ ዎልቃንነ፥
 ቶራንቻቱ ሞኖተላን ግደና።

11 መድና ጎዳይ ባረዉ ያይያዎንቱንነ
 አገና አ ሲቁዎን፥

146:6 ኪታ 4:24፤ 14:15

ባረንቱ ህደታ ዎሌዳዎንቱን ናሸቴ።

12 የሩሳላመ ካታማቱ፥ መድና ጎዳ ጋላታ!
 ጽዮኔ፥ ነ ጸሳ ጋላታ!

13 እያዉ ጎፕ፥ እ፥
 ነ ፕንግያ ኩልባቱዎ ሞንሴ፤
 ነ ግደን ደእያ ነ አሳካ አንጄ።

14 እ ነ ዛዎ ሳርተላን ናጌ፤
 ኔና ሎይላ ሎእያ ዛርጋ ካልሴ።

15 እ ባረ ኪታ ሳአዉ ኪቱ፤
 አ ቃላይካ ኤለ ጋኬ።

16 እ ሻቻ ቡሉኩዎዳን ሞጬ፤
 ከተርሳ ብድንላዳን ላሌ።

17 እ ባረ ዎልቃማ ሻቻ
 ሹቻዳን ዲገ ኦሌ።

ሄ ማጉዎን ኤቃናዉ ኦንነ ዳንዳየና።

18 እ ባረ ቃላ ኪቲደ፥
 ሻቻ ሙሸሴ።

እ ጫርኩዎ ጫርክሰና፥ ሃላይ ጎጌ።

19 እ ባረ ቃላ ያቆባ ዘረላዉ፥
 ባረ አዎዩዋነ ፕርዳ
 እሰራኤልያ አሳዉ አዎዩ።

20 እ ሀራ ካዉተላ አሳዉ፥
 ሀዎ ኦላቤና፤
 ኡንቱንቱ አ ፕርዳ ኤርክና።

መድና ጎዳ ጋላትተ!

148

መጋታይ ኡባይ ጸሳ ጋላቶ

1 መድና ጎዳ ጋላትተ!
 ሳሎቱዎን ደእያዎንቶ፥ መድና ጎዳ
 ጋላትተ፤
 ቦላ ቶቃን ደእያዎንቶ፥ አ ጋላትተ።

2 ህንተኖ፥ አ ኪታንቻቶ፥
 ኡባቱ አ ጋላትተ።

ሳሉዋን ደእያ አ ኦላንቻቶ፥
 ኡባቱ አ ጋላትተ።

3 አዎዉ፥ አግናዉ፥ አ ጋላትተ፤
 ፖእያ ጸልንተቶ፥ ኡባቶ አ ጋላትተ።

4 ህንተኖ፥ ኡባፕ ቦላ ቶቃን ደእያ ሳሎቶ፥
 አ ጋላትተ።

ሳሉዋፕ ቦላና ደእያ ሃላቶ፥
 አ ጋላትተ።

5 ኡንቱንቱ ኡባቱ መድና ጎዳ ሱንላ ጋላትኖ፤
 እያዉ ጎፕ፥ እ አዛዝና፥
 ኡንቱንቱ ኡባይካ መጋታድና።

6 እ ኡንቱንታ መድ መድናዉ
 ኡንቱንቱ ሳኦን ሳኦን ዎሌዳ።
 ኡንቱንቱ ኡባካ እጸናዉ ዳንዳየና አዛዙዎ እ
 ኡንቱንቶ እሜዳ።

7 ሳኦን ደእያዎንቶ፥ መድና ጎዳ ጋላትተ!
 አባን ደእያ መጋታቶ፥ ዎልቃማ አባ
 ጨማቶ፥
 ኡባቱካ አ ጋላትተ።

8 ህንተኖ፥ ዎልቃንላዉ፥
 ሻቻዉ፥ ሻርያዉ፥ ጫጋናዉ፥

- እ አዛዙዋ ፖልያ ጎትያው፥
ኡባቱካ እ ጋላትተ።
- 9 ሀንተኖ፥ ደረቶ፥ ዘዘቶ፥
ሞያ አይፍያ አይፍያ ሞላቶ፥ ዝጋቶ፥
ኡባቱካ እ ጋላትተ።
- 10 መሄቶ፥ ደአቶ፥
ሳኦና ጎሽትያ መጋታቶ፥
ፓልያ ካፎቶ፥
ኡባቱካ እ ጋላትተ።
- 11 ሳኦ ካተቶ፥ ካዉተላ አሳቶ፥
ካፓቶ፥ አሳ ሞድያዋንቶ፥
ኡባቱካ እ ጋላትተ።
- 12 ዋዳላቶ፥ ዋደራቶ፥
ጭማቶ፥ ናናቶ፥
ኡባቱካ እ ጋላትተ!
- 13 ኡንቱንቱ ኡባቱ መድና ጎዳ ሱንላ ጋላትኖ፤
አያዉ ጎፕ፥ እ ሱንላይ ኡባፕ ቦላና ደአያዋ፤
እ ቦንቹ ሳሎቱዋፕካ ሳኦፕካ ቦላና ቶቃን ደኤ።
- 14 እ ባጋ ግድያ፥ አዉ ማታትያ አሰራኤልያ አሳቱ፥
እ ጋላታና ማላ፥ እ ኡንቱንታ ሞንሴ።

- 2 እ ዋልቃማ ኦሳቱዋ ድራዉ፥ እ ጋላትተ፤
ኡባፕ አድያ ኦ ግታተላዳን እ ጋላትተ።
- 3 ማላካታ ፑኒደ፥ እ ጋላትተ፤
ዲላን ማሰንቁዋ ዲዲደ፥
እ ጋላትተ።
- 4 ዳርቢያ ባቂደነ ዱሪደ፥
እ ጋላትተ፤
- ዲላ ዲዲደን ሎኩዋ ፑኒደ፥ እ ጋላትተ።
- 5 ዳዋላ ቃሊደ፥ እ ጋላትተ፤
ዳዋላ ሸጪደ፥ እ ጋላትተ።
- 6 ፓጸ ሸምፓቱ ኡባቱ፥
መድና ጎዳ ጋላትኖ!

መድና ጎዳ ጋላትተ!

መድና ጎዳ ጋላትተ!

149

- ጸኑዋ ማዘመርያ
- 1 መድና ጎዳ ጋላትተ! መድና ጎዳዉ ኦራላ የላ
የጽተ!
አማንያዋንቱ ሺቁዋን እ ሳቢተ!
- 2 አሰራኤልያ አሳቱ
ባረንታ መጴዳዋን ናሽትኖ።
ጽዮን አሳቱ ባረንቱ ካትያን ሎይላ ናሽትኖ።
- 3 ዲሪደ፥ ካራቡዋ ባቂደነ፥
ዲላ ዲዲደ፥ እ ሱንላ ሳቢኖ።
- 4 አያዉ ጎፕ፥ ጸሳይ ባረ አሳን ናሽቱ፤
ናቁቱዳዋንቶ ጸኑዋ አሚደ፥
እ ኡንቱንታ ቦንቹ።

- 5 አሳቱ ባረንቱ ጸኑዋን ናሽትኖ፤
ቃማን ኡባን ናሽቻዉ የጽኖ።
- 6 ኡንቱንቱ ደናን ጸሳ ጋላታይ፥
ኡንቱንቱ ኩሽያንካ ላኡ ባጋ ኩሳ ማሻይ
ደኤ።
- 7 ሄዌካ፥ ኡንቱንቱ ካዉተላቶ፥
ሀሉዋ ከሳናሳን አሳቱዋ ሙራናሳ።
- 8 ኡንቱንቱ ካተቱዋ ሳንሳላታን፥
ኡንቱንቱ ኦላ ጋዳዋቱዋካ ብራታን
ቃቻናሳነ፥
- 9 ኡንቱንቱ ቦላ ጸፈቱዳ ፕርዳ ፖላናሳ።
ሄዌ ጸሳ አሳቱዋ ኡባዉ ጸኑዋ።

መድና ጎዳ ጋላትተ!

150

- ጸሳ ጋላትተ
- 1 መድና ጎዳ ጋላትተ!
- እ ጌሻ ሳኦን ጸሳ ጋላትተ፤
እ ዋልቃማ ሳሉዋን እ ጋላትተ።

ሌምሱዋ ማጻፋ ገሌዋ

ሌምሱዋ ማጻፋይ ሂላ ሃሳያንን ሌምሱዋ ሃሳያን ገቢዳ ኦሱዋን አማኑዋ ትምርትያ። እ ዳር ባጋ አሳ ደኡዋን ሀች ሀች ጋከትያ ሀኖቱዋባ ኦዴ። ኮይሮ ደሚደካ፣ “አዴዳ ኤራተላው ደመላይ ጸሳው ያይያዋ” ያግ ሀሳይሲደ ደሜ። እ ታማርሰያዊ አማኑዋ ዋጋን አሳይ ኦሳናባ ጸላላ ግደናን፣ አሳይ ባረ ሀች ሀች ደኡዋን ሀናናው በሰያ ሎኦ ኤሻን ኦሳናው በሰያ ሎኦ ኦሱዋ ጉጂደ ታማርሴ። ሀ ማጻፋ ግደን አሸከተላባን፣ አሳው ቀረትያዋንን አማኑትያዋን ዳር ትምርቲ ሌምሱዋን እመቲዳ።

ሸምጋቱዋ ኡባቶ አመቲዳ ቃንሳ ቆፋቱዋ

ሌምሳቱዋ ዋቲደ ጎኤታነንቶ 1:1-7
 አዴዳ ኤራተላ ኮያናደን እመቲዳ ማቁዋ 1:8—7:27
 አዴዳ ኤራተላ ሳቢደ ኦደቲዳ ማዝሙርያ 8:1—9:18
 ሶሎሞና ሌምሳቱዋ 10:1—29:27
 አጉራ ሃሳያ 30:1-33
 ሊሙኤላ ዳያ ባረ ናኦ ታማርሴዳ ትምርትያ 31:1-31

ሌምሳቱዋ ዋት ጎኤታነንቶ (1:1-7)

- 1 ሀዋንቲ እሰራኤልያ ካትያ ዳዊታ ናኦ ሶሎሞና ሌምሳቱዋ።
- 2 ሌምሶቲ አሳይ አዴዳ ኤራተላ፣ ሴራነ ኤራ ሃሳያ አኬካናው ማዲኖ።
- 3 ኡንቲንቲ አዴዳ ኤራተላን፣ ደኦና ደኡዋ፣ ጽሎተላ፣ ሱሪ ፕርዳነ ሱሪተላ ታማርሰያዋንታ።
- 4 ቦዛቶ አኬካ፣ ዋዳላቶ ኤራተላን ዋዛናማተላ እምያዋንታ።
- 5 አዴዳ ኤራንቻቲ ሀ ሌምሳቱዋ ሰሲደ፣ ኤራ ጉጂኖ፣ አኬካንቻ አሳቲካ ሎኦ ዘርያ አኪኖ።
- 6 ሄዋዳን ሌምሳቱዋን ኡንቲንቲ ብለላ፣ አዴዳ ኤራንቻቲዋ ሃሳያን ኡንቲንቲ ቃንእሸቲዋ አኬካናው ዳንዳየቲ።
- 7 አዴዳ ኤራተላው ደመላይ መቲና ጎዳው ያይያዋ፣ ሸን ቦዛቲ አዴዳ ኤራተላን ሴራ ካቲኖ።

አዴዳ ኤራተላ ኮያናደን እመቲዳ ዘርያ (ሌም. 1:1—7:27)

- 8 ታ ናኦው፣ ነ አቡ ዘርያ ሰሳ፣ ነ ዳያ ታማርሰያዋን ደጎጋ።
- 9 ሄዋ ነ ሁጲያው ቦንቾ ካላቻ፣ ነ ቆቲያውካ ሀብልያ ግዳናዋ።
- 10 ታ ናኦው፣ ኔና ናጋራንቻቲ ባለፉ፣ ኤና ጎጋ።
- 11 ኡንቲንቲ ኔና፣ “ኡናና ደንዳ፣ አሳ ዋቆናው ቆሰቲደ ናጎይተ፣ ጋሱ ቆጥጥን ጽሎቲዋ ዋቆናው ቆሰት ኡቶይተ፣
- 12 ሰኦሊ ሞትያዋዳን፣ ኩንካ ኡንቲንታ ፓጸ ደእሸና ሞቶይተ፣ ኩን ኡንቲንታ ጨሞ ኦላን ኦልያ አሳቲዋዳን ኦሳና።

- 13 ኩን አልኦ ሚሻ ኡባ ደማና፣ ኩ ጎልያካ አሞዲዋን ኩንሳና፣
- 14 ኡናና ዘጉቲዋን፣ ደሜዳዋካ እትጥ ግሸታና” ያጋና።
- 15 ታ ናኦው፣ ኡንቲንቲና ኦግያ ሀመቶፓ፣ ነ ገድያ ኡንቲንቲ ሎሱዋ የቲሶፓ።
- 16 አያው ጎጥ፣ ኡንቲንቲ ኢታባ ኦሳናው ዋዲኖ፣ አሳ ሱላ ጉሳናው ኤሌሊኖ።
- 17 ካፋ ጸልሸን፣ ኦ ኦይቃናው ዳባ የግያዌ አይነ ማደና።
- 18 ሸን ኡንቲንቲ ባረንቲ ሱላ ጉሳናው ባረንቶ ዋጽማድያ ሞጨኖ፣ ባረንቲ ሸምቲዋ ዋቆናው ቆሰት ኡቲኖ።
- 19 ቦንቁያን ጎኦ ደምያ ኡባቲዋ ወርሰላይ ሄዋ ማላ፣ ሄዋ እዛው ሸምቲዋ አኬ።

- አዴዳ ኤራተላ እጸጥ ኔና ኤራ!
- 20 አዴዳ ኤራተላታ ኦግያን ጸሳው፣ ጉታራን ባረ ቃላ ቶቁ ኦሳደ ሰሳው።
 - 21 አዴዳ ኤራተላታ አሳይ ሸቅያ ሳኦን ኤቃደ ጸሳው፣ ካታማ ገልያ ገንግያን ኤቃደ።
 - 22 “ሀንተኖ፣ አኬካይ ፓጩዳዋንቶ፣ ሀንተ አኬካ ፓጩ አወደ ጋካናው ደሲቲ? ቅሊጭያዋንቶ፣ ቅሊጭያዋን አወደ ጋካናው ናሸቲቲ? ቦዛቶ፣ ኤራተላ አወደ ጋካናው እጸቲ? ”
 - 23 ታ ሴራኮ ሰሞጥ፣ ታን ታ ኤራ ሀንተ ቦላ ጉሳና፣ ታ ቃላካ ሀንተና ታማርሳና።
 - 24 ታን ጸሴዳ ዋደ፣ ሀንተ ኮየናን እጸድታ፣ ታን ኩሸያ ሞጭናካ፣ ኦን አኬክቤና።
 - 25 ታ ዘርያ ኡባ ካቲኖታ፣ ታ ሴራካ አክባይክታ።
 - 26 ሄዋ ድራው፣ ሀንተና መቲ ጋክያ ዋደ፣ ታን ሀንተ ቦላ ሚጫና፣ ሀንተና ባሻይ ጋክያ ዋደ፣ ታን ቅሊጫና።
 - 27 ዳጋማይ ኡሹዋዳን ሀንተ ቦላ ይያ ዋደ፣ መቲ ጎትያዳን ሀንተ ቦላ ይያ ዋደ፣ ቲጋይነ ዋዪ ሀንተ ቦላ ጋክያ ዋደ፣ ታን ሀንተና ቅሊጫና።
 - 28 “ሄ ዋደ ኡንቲንቲ ታና ጸሳና፣ ሸን ታን ኮይከ፣ ኡንቲንቲ ታና ሞንሲደ ኮያና፣ ሸን ደምክኖ።
 - 29 አያው ጎጥ፣ ኡንቲንቲ ኤራተላ እጸድኖ፣ መቲና ጎዳው ያይያዋ ደርባይክኖ።
 - 30 ታ ዘርያ አክባይክኖ፣ ታ ሴራ ኡባካ ካቲኖ።
 - 31 ሄዋ ድራው፣ ኡንቲንቲ ባረንቲ ኦሌዳ ኦሱዋ አይፍያ ማና፣ ባረንቲ ቆጥዳ ቆፋ አይፍያካ ካሳና።
 - 32 አኬካይ ፓጩዳዋንታ አዴዳ ኤራተላጥ ሃክያዌ ዋዴ፣ ቦዛቲዋ ሸኩ ግያዌ ቆይሴ።
 - 33 ሸን ታን ኦድያዋ ሰሰያዋንቲ ኡባይ ዋቲ ጊደ፣ ሳር ደኦና፣ መቲዋ ሀርጋገካ ሸምጋና” ያጋው።

2

አዴዳ ኤራተላጥ ቤትያ አንጂዋ
 1 ታ ናኦው፣ ኔን ታ ግያዋ አኮጥ፣ ታ አዛዙዋካ ነ ግደን ሞንጀጥ።

2 እዴዳ ኤራተላ ሀይዘ፡ ነ ዎዛና፡፡ ነ ከከተ፡
 3 ኤራተላ ጸሶ፡፡ ከከካካ ቆቁ ኣላደ ጸሳ፡፡
 4 አሳይ ብራ ዎይ ቆሴዳ ሚሻ ኮይያዋዳን፡
 ኔን ኤራተላ ኮያ፡፡
 5 ሄ ዎደ ኔን መድና ጎዳዉ ያዬ ግያዌ አየንቶ
 አከካና፤ ጸሳካ ሎይላደ ኤራና፡፡
 6 አያዉ ጎ፡፡ መድና ጎዳይ እዴዳ ኤራተላ
 እሚ፤ አ፡፡ ኤራተላይን አከካይ ቤቱ፡፡
 7 እ ሱራቶ ማድያ ዘርያ ምንጃ፤ ቶሺ ባይናን
 ሀመትያዋንቶካ እ ጎንዳልያ፡፡
 8 ቱሙዋ ፕርዳ አግያ ናጌ፤ ባረዉ
 አማነትያዋንቱ ኦግያካ ናጌ፡፡
 9 ሄ ዎደ ኔን ጽሎተላ፡ ሱራ ፕርዳ፡ ሱራተላን
 ሎኦ ኦሱዋ ኡባ ኤራና፡፡
 10 አያዉ ጎ፡፡ እዴዳ ኤራተላይ ነ ዎዛና ገላና፤
 ኤራተላይካ ነ ሸምፖ ናሸቻ ግዳና፡፡
 11 ኔና አዱሰ ቆፕያዌ ናጋና፤ አከካይካ ኔና
 ናጋና፡፡
 12 እዴዳ ኤራተላይ ኔና ኢታ አሳቱዋ ኦግያ፡፡
 ናጋና፤ ጌላባ ሃሳይያዋንቱ፡፡ አሻና፡፡
 13 ኡንቱንቱ ናጋራ ቆሚን ደከናዉ፡ ጽሎተላ
 ኦግያ አገና፡፡
 14 ኢታ ኦሳዎን ናሸቱና፤ ጌላባን ሀሹ ገና፡፡
 15 ኡንቱንቱ ኦሳዎ ምርቀላ፤ ኡንቱንቱ ደኡካ
 ጌላ፡፡
 16 እዴዳ ኤራተላይ ዎሹምያ ምሽራት፡፡
 ሸሌሸያ ቃላን ሃሳይያ ላገላት፡፡ ኔና አሻና፡፡
 17 እዛ ባረ ናአተላ አሰና አጋዉ፤ ባረ ጸሳ
 ሰንላን ጫቀቱዳ ጫቁዋካ ደጋዉ፡፡
 18 እዝ ጎላ ብያዌ ሀይቃናዉ ብያዎ፤ እዝ ኦጊ
 ሀይቆ ካለሌ፡፡
 19 ኢኮ ብያ ኦንካ ጉዩ ሰመና፤ ደኡዋ ኦግያካ
 ደመና፡፡
 20 ሄዎ አጋደ፡ ኔን ሎኦ አሳቱዋ ሌምሱዋ
 ካላ፤ ጽሎ አሳቱዋ ደኡዋካ ቁላ፡፡
 21 አያዉ ጎ፡፡ ሱራ አሳቱን ቶሺ ባይና አሳቱ
 ቢታን ጋምኢደ ደከና፡፡
 22 ሸን ኢታቱ ቢታ፡፡ ቆቆለታና፤
 አማነተናዋንቱካ ሸደቲደ ቆያና፡፡

3

ጸሳን አማነትያዎ

1 ታ ናአዉ፡ ታን ኔና ታማርሰያዎ ደጎ፡፡ ታ
 አዛዘቱዋካ ነ ዎዛናን ዎሳ፡፡
 2 አያዉ ጎ፡፡ ኡንቱንቱ ነ ላይላ አዱሳና፤
 እሻሎ ደኡዋን ሳርተላ ነዉ ጉጃና፡፡
 3 እገና ሰቁን ቱማተላይ ኔ፡፡ ሃኮፕና፤ ኡንቱንታ
 ነ ቆድያን ቃቻ፤ ነ ዎዛናንካ ኡንቱንታ ጸፋ፡፡
 4 ያቶ፡፡ ኔን ጸሳን አሳ ሰንላን ሳበታናን
 ናሸታና፡፡
 5 ነ ፖሎ ዎዛናን መድና ጎዳ አማነታ፤ ነ
 አከካን ዘምፖ፡፡
 6 ኔን ኦሳዎ ኦሱዋ ኡባን አ ሰንላያ፤ እ ኔና
 ሱራ ኦግያ ካለሌና፡፡
 7 ኔና ነ ሀጺያን እዴዳ ኤራንቻ ከሰ፡፡ መድና
 ጎዳዉ ያያ፤ ኢታ፡፡ ሃካ፡፡
 8 ሄዌ ነ ቦላ ፓጸ ዎላና፤ ነ መቀላካ ምንሳና፡፡

9 መድና ጎዳ ነ ዲረተላን ቦንቻ፤ ኮይር
 አይፌዳ ካላ ኡባ፡፡ ጸራ አዉ እምያዎን አ
 ቦንቻ፡፡
 10 ያቶ፡፡ ነ ዬሰቱዋን ካላይ ኩማና፤ ነ ባላካ
 አይፈ ዎይንያ ኤሳይ ኩሚደ ፓላሀና፡፡
 11 ታ ናአዉ፡ መድና ጎዳ ሴራ ካዶ፡፡ እ ኔና
 ሴርያ ዎደካ ላንጮ፡፡
 12 አያዉ ጎ፡፡ አዉ ባረ ሲቅያ ናእ ሴርያዎዳን፡፡
 መድና ጎዳይ ባረ ደሰያ ኡራ ሴራ፡፡
 13 እዴዳ ኤራተላ ደምያ ኡራይ፡ አከካካ
 ባረዋ ኦሳዎ ኡራይ አንጀቱዳዎ፡፡
 14 አያዉ ጎ፡፡ አ፡፡ ደምያ ጎኦይ ዎርቃ፡፡
 ብራ፡፡ ደምያ ጎኦ፡፡ ኡንቱንቱ ከከ፡፡
 15 እዴዳ ኤራተላይ እንቁዋ፡፡ ሎይላ አልኤ፤
 ኔን ደማናዉ አሞትያ ኡባይ እዴዳ ኤራተላና
 ልከተና፡፡
 16 እዴዳ ኤራተላይ ነ ላይላ አዱሴ፤ እ ነዉ
 ዲረተላን ቦንቻዎ ጉጃ፡፡
 17 እ ኦጊቱ ናሸቻን ኦጊቱዎ፤ አ ሎሱዋ ኡባይካ
 ሳሩዎ፡፡
 18 እ ባረና ኦይቂያዎንቶ ደኡዋ ሞላ፤ አ ምንሰ
 ኦይቂያ ኡባቱካ አንጀቱዳዎንታ፡፡
 19 መድና ጎዳይ ባረ እዴዳ ኤራተላን ሳኦ
 መዴዳ፤ ባረ አከካንካ ሳሎቱዋ ምንሴዳ፡፡
 20 እ ኤራተላን ሻፋቱ ጎገና፤ ሻራቱዋ፡፡
 እራይ ቡከ፡፡
 21 ታ ናአዉ፡ ሎኦ እዴዳ ኤራተላን አዱሰ
 ቆፕያዎ ናጋ፤ ኡንቱንቱ ኔ፡፡ ሻከቶ፡፡
 22 ኡንቱንቱ ነዉ ደኡዋ ግዳና፤ ኡንቱንቱ ነዉ
 እሻሎዎን ናሸቻ ደኡዋ እማና፡፡
 23 ሄ ዎደ ኔን ነ ኦግያን ሀርግ ባይናን
 ሀመታና፤ ነ ገዲካ ቆብተና፡፡
 24 ኔን ግሴዳ ዎደ፡ ያያካ፤ ግሳደካ ማልኦ
 ገምእሹዋ ገምእሻና፡፡
 25 አከካናን ጋክያ ባሻዉ፡ ዎይ ኢታቱ ቆይያ
 ቆዮ ያያካ፡፡
 26 አያዉ ጎ፡፡ መድና ጎዳይ ነዉ አማነትያዎ
 ግዳና፤ ነ ገዲካ ጲርያን ኦይቀተናዳን፡ እ ኔና
 ናጋና፡፡

27 ነዉ ዎልቃይ ደእሸና፡ መቶቱዳዎ ሎኦባ
 ኦሳዎ አጎ፡፡
 28 ሀእ ነዉ ደእሸና፡ ነ ሾሮ፡ “ሰማደ ያ፤ ታን
 ነዉ ዎንት እማና” ያጎ፡፡
 29 ኔናን አማነቲደ፡ ነ ማታን ደእሸና፡ ነ ሾራዎ
 ቦላ ኢታባ አላናዉ ቆፖ፡፡
 30 ኔና ናቁቤና አሳ፡ ጮ ሞቶ፡፡
 31 ሱገላ ኦሳዎ አሳቱዋ ቁሎ፡፡ ኡንቱንቱ ኢታ
 ኦሱዋካ ካሎ፡፡
 32 አያዉ ጎ፡፡ መድና ጎዳይ ኢታ ኦሳዎንታ
 እዴ፤ ሸን ሱራቱዋ እ ኡሎ፡፡ ሲቁ፡፡
 33 መድና ጎዳ ሸቃይ ኢታ ኦሳዎንቱ ሰይና፤
 ሸን አ አንጂ ሱራባ ሀንያዎንቱ ሰይና፡፡
 34 ኦቶራቲደ ቅሊጮያዎንታ ጸሳይካ ቅሊጮ፤
 ሸን ባረንታ ካዉሸያዎንታ ናሹ፡፡
 35 እዴዳ ኤራንቻቱ ቦንቻዎ ደማና፤ ሸን ቦዛቱ
 ካዉሻና፡፡

3:4 ሉቃ 2:52 3:7 ሮመ 12:16 3:11 እዮባ 5:11 3:11 እብራ. 12:5-6 3:12 ሳፃ 3:19 3:34 ያቆባ
 4:6፤ 1 ጳጵ. 5:5

4

ጭንጨትፋጥ ቤትያ ጎእ

1 ታ ናቶ፡ ህንተ አቡ ዘርያ ሰሰተ፤ ሎይሳ ሀይዘተ፤ ያቶ፡ ህንተ እኬካና።

2 ታን ህንተዉ ሎእ ትምርትያ እምያ ድራዉ፡ ታ ትምርትያ አጎጥተ።

3 ታን ታ ሁጲያንካ ታ አቦ ናእ፤ ታ አትዉካ አ ሲቅያ መጽ እት ናእ።

4 ታ አቡ ታና ታማርሲደ፡ ሀዋዳን ያጌዳ፤ “ታን ኦድያዌ ነዉ ገሎ፤ ታ አዛዙዋ ናጋ፤ ያቶ፡ ኔን ፓጸ ደአና።

5 አዴዳ ኤራተላን እኬካ ደማ፤ ታን ነዉ ኦዴዳዋ ደጎጋ፤ ታ ቃላጥ ከሶጋ።

6 አዴዳ ኤራተላዉ ዘክያ ዛርጋ፤ አያዉ ጎጥ፡ እ ኔና አሻና፤ እ ሲቃ፤ እ ኔና ናጋና።

7 አዴዳ ኤራተላይ ኡባጥ አድያ ድራዉ፡ አዴዳ ኤራተላ ደማ። እኬካይ ነ ደእያዋ ኡባ ዉርሰ አኮጥካ አ ደማ።

8 ኔን አ ቦንቻ፤ እካ ኔና ጶቁ ጶቁ ኦላና፤ ኔን አ ኦይቆጥ፡ እ ኔና ቦንቻና።

9 እ ነ ሁጲያን ሳባ ካላቻ ዋላና፤ ቦንቻ ካላቻ እማና” ያጌዳ።

10 ታ ናአዉ፡ ሰሳ፤ ታን ግያዋካ አካ፤ ነ ደኡዋ ሳይላይካ አደቃና።

11 ታን ኔና አዴዳ ኤራተላ ኦግያ ካለላና፤ ሱረ ሎሱዋናካ አፋና።

12 ኔን ሀመትያ ዋደ፡ ነ ሀመትያሳን ጱቢያዌ ደኤና፤ ዋጸጥካ ጱብታካ።

13 ታማራዳዋ ሀሳያ፡ የደጋ፤ ትምርቲ ነዉ ደኡዋ ግዴዳ ድራዉ፡ ሎይሳ ናጋ።

14 ናጋራንቻቱዋ ኦግያ የጶጋ፤ ኢታ አሳቱዋ ኦግያንካ ሀመቶጋ፤

15 አጥ ሃካ፤ አን ሀመቶጋ፤ አጥ ጉየ ሰማ፤ ያታደ ነ ኦግያን ባ።

16 አያዉ ጎጥ፡ ኡንቱንቱ ኢታባ ኦላና ጋካናዉ፡ ገምእሻናዉ ዳንዳይክና፤ ኡንቱንቱ አሳ ጱብናን ኡንቱንታ ገምእሹ አፈና።

17 ኡንቱንቱ ናጋራ ኡክላዳን ሚና፤ ሱገላ ኦሱዋካ ኡሻዳን ኡሺና።

18 ጽሎቱዋ ኦጊ ሴታ ጋላሳይ ጋካናዉ፡ ጉጅ ጉጅ ፖእያ ዋንታ ጸልቂያ ማላ።

19 ሸን ናጋራንቻቱዋ ኦጊ ጵጵ ጎ ጱማ ማላ፤ ኡንቱንቱ ዋት ጱብትንቶካ ኤርክና።

20 ታ ናአዉ፡ ታን ኦድያዋ ሰሳ፤ ታን ኦድያዋካ ሎይላደ ሀይዘ።

21 ታን ኦዴዳባቱ ነ አይፍያጥ ጌሞጥና፤ ኡንቱንታ ነ ዋዛናን ዋላ።

22 አያዉ ጎጥ፡ ኡንቱንታ ደምያ አሳዉ ኡባዉ ደኡዋ እሚና፤ ኡንቱንቱ ቦላዉካ ፓጸተላ አሚና።

23 ኡባባጥካ ነ ዋዛና ምንሳደ ናጋ፤ አያዉ ጎጥ፡ ደኡ አጥ ፑልቱ።

24 ነ ደናጥ ገነ ሃሳያ ድጋ፤ ዋርዶ ሃሳያ ነ ደናጥ ድጋ።

25 ሰት ጋደ ሰንላዉ ጸላ፤ ነ አይፊ ነ ሰንላን ደእያዋ ትሽ አሊደ ጸሎ።

26 ነ ገድያዉ ሀመትያ ኦግያ ሱርሳ፤ ሱረ ኦግያ ጸላላን ሀመታ።

4:26 አብራ. 12:13

27 ሱረ ኦግያጥ ኡሸቻ ሀድርሳ ጎጋ፤ ነ ገዲ ኢታሳ ቤናዳን ናጋ።

5

ዎሹማጥ ሃካ

1 ታ ናአዉ፡ ታ አዴዳ ኤራተላ ሀይዘ፤ ነ ሀይላ ታ እኬካኮ የጋ።

2 ያቶ፡ አዲሳ ቆፋይ ነዉ ደአና፤ ነ ሃሳያይካ ነ ኤራተላ ቆንጭሳና።

3 ዎሹምያ ማጫ ምሽራት እንጸርሳጥ ኤሳ እልሉ ጸኬ፤ እ ሃሳያይ ኦይሳጥካ አድ ሹጌ።

4 ሸን እዛ ዉርሰላን ጎዳረ ኡላዳን ጫማዉ፤ ላኡ ባጋን ቃንጽያ ማሻዳን ቃንጽያና፤

5 እ ገደቱ ሀይቁዋኮ ዱገ ቢና፤ እ ሀመታይ ሰት ኦሊደ፡ ዱፋዋ አፊ።

6 አዛ ደኡዋ ኦግያ ቆፑኩ፤ እ ኦገቱ ጌላ፤ ሸን ጌላ ግድያዋካ አ ኤራኩ።

7 ታ ናቶ፡ ሀእካ ታን ኦድያዋ ሰሰተ፤ ታን ግያዋጥ ከሶጥተ።

8 ዎሹምያ ማጫ ምሽራት ሄራ ቦጥተ፤ እ ጎልያ ጥንግያኮ ሸቆጥተ።

9 ሄዌ ጳዮጥ፡ ህንተ ህንተንቱ ቦንቹዋ ሀራቶ አሊደ እማና። ህንተንቱ ህንተንቱ ያላጋተላን መቀላ ባይና አሳቱዋ ኩሽያን ሀይቃና።

10 ህንተንቱ ማጸዋ አላጋ አሳቱ አካና። ህንተ ዳቡሪደ ሺሺዳዌ ሀራ አሳዉ ግዳናዋ።

11 ዉርሰላን ህንተ አሹኑ ህንተ አሳተላይ ግልቁና፤ ህንተ አላና።

12 ቃይ ሀዋዳን ያጋንታ፤ “ታን ትምርትያ አያዉ እጸድታሻ! ታ ዋዛናይካ ሴራ አያዉ ካዴዴሻ!

13 ታን ታና ታማርሲያዋንቱ ኦዴዳዋ አካባይከ፤ ታና ዘርያዋንቱ ዘርያካ ሀይዘባይከ።

14 ሄዋ ድራዉ፡ ታን አሳይ ሸቆዳ ሸቆዋን፡ አኬከናን ካዉሻናዉ ደአይ” ያጋና።

15 ነ ማቻትዉ አማነቱዳዋ ግዳ፤ እዝ ጸላላ ሲቃ።

16 ሀራ ማጫንጥ የለቱዳ ነ ናናቱ፡ ነዉ ሎኦባ አላክና።

17 ኡንቱንቱ ኔና ማዳናዉ ድጭና፤ አላጋ ግድጥና።

18 ሄዋ ድራዉ ነ ማቻትና ናሸታ፤ ያላጋተላን ኔን አኬዳ ነ ማቻትጥ ናሸቻ ኮያ።

19 ሎእያ ጋራትዳንን ናሸቻያ ገንኢቲዳን፡ እ ጳንላይ ኡባ ዋደካ ኔና አሎ፤ ኡባ ዋደ እ ሲቁ ኔና ኦሞደ።

20 ታ ናአዉ፡ ዎሹምያ ምሽራታ ኔና አያዉ ኦሞዳይ? ሀራ አሳ ማቻቶ አያዉ ቆማይ?

21 አያዉ ጎጥ፡ አሳይ አላያዋ ኡባ መድና ጎዳይ በኤ፤ እ ሀመትያ ሎሱዋ ኡባ ጸሎ።

22 ናጋራንቻ አ ኦሌዳ ናጋራይ ኦይቁ። አ ናጋራ ግቲ አ ቃቹ።

23 እ ባረ ቦዛተላን ሀሌዳ፤ ባረ ሁጲያ ናግቤና ድራዉ ሀይቁዳ።

6

ሀቶ ሀቶ ደኦ ማድያ ትምርትያ

1 ታ ናአው፡ ኔን ሚሻ ታልኤዳ ነ ሾር ዋሰ ገሌዳዋ ግደ፡ ኔን ኤረና ኡራው ነ ኩሽያ ባቃደ ገፔዳዋ ግደ፡

2 ኔን ገፔዳ ገፋ ግትያን ገሌዳዋ ግደ፡ ነ ደና፡ ከሴዳ ቃላን ኦይቀቲዳዋ ግደ፡

3 ሰም ኔን ነ ሾሩዋ ኩሽያን ገላዳ፡ ሄዋ ድራው፡ ታ ናአው፡ ሄዋ፡ ከሳናው ኮዮ፡ ኤለ ነ ሾሩዋ ጎለ ባ፤ ዋሰተላ ኦ ነ ቦላ፡ ዋላና ማላ፡ አዉዳሻደ አ ዋሳ፡

4 ሀዋ ኦፍ ናን ደኣደ ገምእሾ፡ ሸምፑዋካ ሸምፖ፡

5 ሻንካንቻቱዋ፡ ገንኦታ ከሳ አክያዋደን፡ ዳባ፡ ካፋታ አትያዋደን፡ ነ ሁጲያ አሻ፡

6 ኔና አዛላው፡ ቃጮቱዋኮ ባ፤ ኡንቲንቲ፡ ታማራ፡ ያቲደ አጴዳ ኤራንቻ ግዳ፡

7 ቃጮቱዋ አሰሳናው፡ ካፑ ዋይ ኡንቲንታ ሞድያዋ ባዋ፤

8 ሸን ባረንቶ ማናባ ቦንያን ምንጂና፤ ካላ ጫክያ ዋደካ ባረንቶ ኮሽያ ቁማ ሸሸና፡

9 ኔና አዛላው፡ ኔን አዉደ ጋካናው ገምእሻይ? ነ ገምእሹዋ፡ አዉደ ደንዳይ?

10 ኔን ቃይካ ጉላ ግሳሳ፤ ጉላ ገምእሻሳ፤ ኩሽያ ሸሻ አካደ፡ ጉላ ሸምፖሳ፡

11 ያትያ ዋደ ሀዬሳተላይ ፓንጋደን፡ ፓጫይ ኦላ ሚሻ ኦይቁዳ አሳደን፡ ነ ቦላ ያና፡

12 ኢታ አሳይን ባላ አሳይ፡ ዩይ ዩዩደ ዋርዱዋ ኦዴ፤

13 አ ባረ አይፍያን ሰምኤ፤ ባረ ገድያን በሴ፤ ባረ ብራድያን ጸርሴ፡

14 አ ዋዛናን ጌላተላይ ደኤ፤ አ ኢታባ ቆፔ፤ ኡባ ገደካ አ ዋሳሳ መጴ፡

15 ሄዋ ጋሱዋን ባሻይ አኬከናን አ ቦላ ያና፤ አ ሀሳዮናን መእና፤ መኢደካ ፓጸና፡

16 መድና ጎዳይ እጽያ ኡሱፑን የዋቲ ደኢና፤ አ ላፑንላያዋ ኢሰ እጾ፡

17 ካጲደ ጸልያ አይፍያ፡ ዋርድትያ እንጸርሳ፡

18 ኢታባ ማቂያ ዋዛና፡ ኢታባኮ ኤሌሊደ ዋጽያ ገድያ፡

19 ዋርዱዋ ቦላ ዋርዱዋ ጉጅ ጉጂደ ኦድያ ዋርደ ማርካ፡

አሻቱዋ ግደን ዋላሳ መድያ አሳ፡

20 ታ ናአው፡ ነ አቡ አዛዙዋ ፖላ፤ ነ አታ ኔና ታማርሴዳዋካ አጎ፡

21 ኡንቲንታ ኡባ ገደ ነ ዋዛናን ኦይቃ፤ ነ ቆድያንካ ቃቻ፡

22 ኔን ሀመትያ ዋደ፡ ኡንቲንቲ ኔና ካላላና፤ ኔን ግሰያ ዋደ፡ ኡንቲንቲ ኔና ናጋና፤ ኔን ቤጎትያ ዋደካ፡ ኡንቲንቲ ኔና ዘራና፡

23 አያው ጎ፡ ሀ አዛዙቲ ጸምፕያ፤ ትምርተቲካ ፖኡዋ፤ ቃይ ሴራይካ ደኡዋኮ አፍያ ኦግያ፡

24 ሀ አዛዙቲን ሀ ትምርተቲ ኢታ ማጫን፡ ሀ ሀ ምሽራት ሸሌሽያ እንጸርሳ፡ ኔና ናጋና፡

25 አ ማላ ነ ዋዛናን አምቶ፡ አ አይፍያ ሎኦተላን ኦምደቶ፡

26 እት አቲማ አሳይ ጫራቶ እት ኡክላ ጋትያን ደማናው ደንዳይ፤ ሸን አሰናይ ደኢያ ምሽራትና ዋሹሙሳይ ሸምፑዋ ዋድሴ፡

27 እት አሳይ ታማ እድምና፡ አ ማዩ ማተተናን አታናው ደንዳይ?

28 እት አሳይ ታማ ቦንቁዋ የድ ሀመትና፡ አ ገዲ ጸገተናን አታኔ?

29 አሳ ማቻትኮ ገልያ ኡራይ ሄዋካ ማላ፤ አዘ ቦኝያ ኡባይ ሙረተናን አተና፡

30 ካይሱ ኮሻቲደ፡ ባረው ማናው ዉኦ፡ አሳይ አ ካ፡

31 ሸን አ ኦይቀቲዳዋ ግደ፡ ላፑን ዳኩዋ ጫጋና፤ ባረ ሶ ሚሻ ኡባካ እማና፡

32 ሸን ዋሹምያ አሳይ ዋዛና ፓጫ፤ ሄ ኡራይ ባረ ሸምፑዋ ባይዜ፡

33 ማዲጸናን ቶሽታና፡ ኡባ ዋደካ አ ቦረቲደ ደኢና፡

34 አያው ጎ፡ ማጫ ምሽራት አሰናይ ምሽቲደ፡ ሀንቁዋ ሱላና፤ ባረ ሀሉዋ ከሰያ ዋደ፡ አዉ ቃረተና፡

35 አ አያ አጫካ አከና፤ አይ ኬሻ እሙካ አ ሀንቁዋ ደሸሰና፡

7

ዋሹምያ ምሽራት ጫሙዋ

1 ታ ናአው፡ ታ ቃላ ናጋ፤ ታ አዛዙዋካ ነ ጋርሳን ቆሳ፡

2 ነዉ ፓጸ ደኢናው ታ አዛዘያዋ ኦላ፤ ታ ትምርትያካ ነ አይፍያ ቡሉዋደን ናጋ፡

3 ሀሳይሰያዋደን ኡንቲንታ ነ ብራቱዋን ቃቻ፤ ነ ዋዛናንካ ጸፋ፡

4 አጴዳ ኤራተላ ነ ምቻትደን፡ አኬካካ ነ ማታ ዳቡዋደን ጸላ፡

5 ኡንቲንቲ ኔና ጫራትያ ምሽራት፡ ባረ ቃላን ሸሌሽያ ሀራ ምሽራት ናጋና፡

6 እት ጋላሰ ታን ታ ጎልያ ማሰኮትያና ካረ ጸላድ፤

7 ዋዛና ኩንላቤና ዋዳላ ናናቱዋ በኢድ፡ ኡንቲንቲ ግደ፡ እቲ ሎይላ ቦዛ፡

8 ሄ ዋዳላይ ኦግያና ቢደ፡ እት ዋሹምያ ማጫ ምሽራት ጎልያ ማታና አጴዳ፤ አ ጎለ አፍያ ኦግያኮ ፕኒደ፡ አ ጎልያ ሄራን ሀመቲ፡

9 ሄ ዋደ ሳአይ ቃማናው ለምእለምኤ፡

10 ሄዋ፡ ጉይያን፡ ምሽራታ አ ደማዲ፡ አዛ ጫራቶ ግድያዋ እዝ ማዩ ኤርሴ፡ አዛ አሳ ጫማናው ቆፓደ ከሳዲ፡

11 አዛ ጸላን ዩላይ ባይና ማጫ አሳ፤ ሶን ዋፑ ጋደ ኡቲኩ፡

12 አዛ እት ገደ ኦግያን፡ እት ገደ ገያን፡ ዳባባ ኡባን ኤቃደ ናጋው፡

13 አ ሄ ናኦ ቆማደ የራዲ፤ አዛ አ አይፍያ ዩል ባይናን ትሽ ኦላ ጸላደ ሀዋደን ያጋዲ፤

14 “ታን ታ ያርሹዋ ያርሻደ፡ ታ ቃንገላ ሀአ ጋላ ሰማይ፡

15 ያታደ ኔና ጸምሳናው ከሳድ፤ ኔና ሎይላ ኮያድ፤ ሀአ ሰም ደማድ፡

16 ታን ግብጾፕ ዬዳ፡ አሌቄዳ አንሶላ ታ ሂጸን የገድ።
 17 ታን ካዋራ፡ አልሙንያን ቃራፋ ጌተትያ ቅማማቱዋፕ ከሴዳ ሸቱዋ ታ ሂጸን ጫጫፋድ።
 18 ሃያ፤ እን ምንታና ጋካናዉ ሲቁዋ አሎይተ፤ ቆመቲደካ ሰቸቶይተ፤
 19 እያዉ ጎፕ፡ ታ አሰናይ ሶን ግደና፤ ሃኮ ሳ ቤዳ።
 20 መሻ ቃርጨታ ኩንሐ አኪደ ቤዳ ድራዉ፡ አገናይ ደይሳና ጋካናዉ ጎላ ሰመና” ያገዱ።
 21 ባረ ማልኦ ሃሳያን ኦ ሸሌሻዱ፤ ባረ ሊቆ እንጸርሳን ጭማዱ።
 22 ያትና፡ ኤለካ እ እዞ ካሊደ፡ ብ አጌዳ። ቦራይ ሸክያሳ ላገትያዋዳን፡ ጋራይ ኤሌሊደ ጲርያን ገልያዋዳን።
 23 ቶራይ ኦ ዋዛና ጫድያዋዳን ሀኔዳ። ዳባ ግደ ገሌዳ ካፋዋ ማላቲዳ። ሀዌ ኡባይ ኦ ሸምቱዋ ባይዛናዉ ሀንያዋ ኤርቤና።
 24 ታ ናናዉ፡ እን ሀእ ሰሰተ፤ ታ ዶናፕ ከሰያ ቃላካ ሀይዘተ።
 25 ነ ቆፋይ ሄ ማጫ ምሽራትና ቦፖ፤ እ ኦግያን ገላደ ባለቶፓ።
 26 እ ጫደደ ኦሌዳዋንቱ ኡንደኔዳዋንታ፤ ኦ ዋዴዳዋንቱካ ሎይሐ ዳራ።
 27 እ ሶያይ ዱፋዋኮ አፍያ ኦግያ፤ ሄ ኦጊ ዱገ ሀይቁዋ ጌሱዋ ካለሌ።

8

አዴዳ ኤራተላ ሳቢደ ኦዴዳ ማዘሙርያ (8:1—9:18)

1 ቱሙ አዴዳ ኤራተላታ ጸሰኬ? አኬካይካ ባረ ቃላ ቶቁ ኦ፤
 2 ኦግያ ዶናን ደእያ ዘዘቱዋ ቦላን ኦገቱ ዳን፤ ትያሳን እዛ ኤቃዉ፤
 3 ድርሳ ፕንግያ ማታን፡ ካታማ ገልያ ፕንግያን ኤቃደ፡ ባረ ቃላ ቶቁ ኦላደ፡ ሀዋዳን ያገዉ፤
 4 “ሀንተኖ አሳቶ፡ ታን ሀንተና ጸሳይ፤ ታን አሳ ኡባ ጸሳይ።
 5 ሀንተኖ አኬካይ ፓጩዳዋንቶ፡ ሂላ ደማናዉ ታማርተ። ሀንተኖ ቦዛቶ፡ አኬካ ደምተ።
 6 ታን ዳር ሎኡባ ኦድያ ድራዉ ሰሰተ፤ ታን ሱረባ ኦዳናዉ ታ መተርሻ ደያይ።
 7 ታ ደናይ ቱሙዋ ሃሳዬ፤ ታ መተርሻይ ዋርደባ እጹ።
 8 ታ ደናይ ሃሳይያዌ ኡባይ ቱማ፤ ጌላ ዋይ ምርቀላ ግደና።
 9 አኬካይ ደእያ ኡራዉ ታ ሃሳያይ ልከ፤ ኤራይ ደእያዋንቶ ታ ሃሳያይ ቆንጨ።
 10 “ብራ አጊደ፡ ታ ዘርያ ዶርተ፤ በርተ ዋርቃካ አጊደ፡ ኤራተላ ዶርተ።
 11 እያዉ ጎፕ ታን፡ አዴዳ ኤራተላታ፡ እንቁዋ ግያ ዳር አልኦ ሹቻፕካ አሳይ፤ ኔን አምትያዌ ኡባይካ ታናና ላገታናዉ ዳንዳየና።
 12 “ታዉ፡ አዴዳ ኤራተላትዉ አኬካይ ደኤ፤ ኤራተላይካ አዲሳ ቆፋይካ ታናና እትፕ ደኤና።

13 መድና ጎዳዉ ያይያዌ ኢታተላ እጽያዋ፤ ታን ኦቶሩዋን እዩዋ እጻይ፤ ኢታሳ አፍያ ኦግያን ዋርዶዋ ሃሳያ ዶሰከ።
 14 ዘሪን ሎኦ ኤራይ ታዋንታ፤ አኬካይን ዋልቃይን ታዉ ደኤና።
 15 ካተቱ ታናን ካዉቲኖ፤ ቃይ ሞድያዋንቱ ሱረ ሀግያ ታናን ከሲኖ።
 16 ካፓቱ ታን ማድና፡ አሳ ሞድና፤ ሳኪን ጋድያ ሞድያ ዋልቃማ አሳቱዋ ኡባካ ታን ማዳይ።
 17 “ታን ታና ሲቅያዋንታ ሲቃይ፤ ታና ምንሲደ ኮይያዋንቱካ ደማና።
 18 ዱረተላይን ቦንቹ ታናና ደኤና፤ ዉረና አቁን እንጂ ታ ማታና።
 19 ሀንተ ታፕ ደምያ አይፊ በርተ ዋርቃፕን ታ ጫርሻይ ሙሽሰ ከሴዳ ብራፕ አዴ።
 20 ታን ጽሎተላ ኦግያን ሀመታይ፤ ሱረ ፕርዳ ሎሱዋና አሳይ።
 21 ታና ሲቅያዋንቶ ታን ማጸዋ እማና፤ ኡንቱንቱ ጎልያካ ታን ሚሻን ኩንላና።
 22 “መድና ጎዳይ ታና ባረ ኡሱዋ ኡባፕ ኮይር መዴዳ፤ በንፕካ እ ኦሶ ደመላይ ታና።
 23 በን ዋደ፡ ቢታይ ሳኤይ መፍታናፕ ካሰ ታን ሱንፍታድ።
 24 ዋልቃማ አባቱ ባይና ዋደ፡ ሃላ ፑልቶቱ ቶእቤና ዋደ፡ ሄ ዋደ ታን የለታድ።
 25 ደረቱን ደላቱ መፍታናፕ ካሰ ታን የለታድ።
 26 መድና ጎዳይ ሳኪን ሳኪን ደእያ ጋደቱዋ ኡባ መጻናፕ ካሰ፡ ዋይ እት ኮጶ ግድያ ባናይ አላምያን ኡሰታናፕ ካሰ ታን የለታድ።
 27 “መድና ጎዳይ ሳሎቱዋ ምጩዳ ዋደን ዋልቃማ አባቱዋፕ ቦላና ደእያ ሳሎዋ ግገሴዳ ዋደ፡ ታን ያን ደኤይ።
 28 መድና ጎዳይ ሻረቱዋ ቦላን ዋሌዳ ዋደ፡ ዋልቃማ አባ ፑልቶቱዋ ቶሴዳ ዋደ።
 29 አባ ሃላቱ ባረንቶ እመቲዳ ዛዋፕ ፕኒደ፡ ቦላዉ አፍዳን፡ እ ኡንቱንታ አዛዜዳ ዋደ፡ ሳኪ ባሱዋ እ ባሴዳ ዋደ፡ ታን ያን ደኤይ።
 30 ሄ ዋደ ታን ኦ ማታን ኤረቲዳ ኡሳንቻ፤ ኡባ ጋላሰ ታን ናሽቻን ኩማይ፤ ታዉካ ኦ ሰንላን ናሽታይ።
 31 እ መዴዳዌ ኡባይ፡ ሳኤይካ አሳ ናናቱካ ታና ናሽቲኖ።
 32 “ሀእካ ሰም ታ ናቶ፡ ሰሰተ፤ ታን ኡድያዋዳን ኡላያዋንቱ አንጀቲዳዋንታ።
 33 ታ ትምርትያ ሰሰተ፤ አዴዳ ኤራንቻ ግድተ፤ ሰሴዳዋ ሸከ ጎፕተ።
 34 ታና ሰሰያ ኡራይ፡ ሀቕ ሀቕ ታ ፕንገን ቤትያ ኡራይ፡ ታ ጎላ ገልያሳንካ ናግያ ኡራይ አንጀቲዳዋ።
 35 ታና ደምያዌ ደኡዋ ደሜ፤ መድና ጎዳፕ እ ሳባ ደሜ።
 36 ሸን ታና ደመናን ኦግያ ኡራይ ባረና ቆሄ፤ ታና እጽያ ኡባቱ፡ ሀይቁዋ ሲቂኖ” ያገዉ።

9

አዴዳ ኤራተላን ቦዛተላ

1 አዴዳ ኤራተላታ ባረ ጎልያ ከዳዲ፤ ሄ ጎልያው ላቸን ቱሳቱዋ ኤሳዲ።
 2 እዛ ባረ ገባሰያ ሹብያው ሞዶ መሀያ ሹካዲ፤ ወይንያ ኤሳካ አጋደ ገባሳዲ። ማዳ ሰንሳው አሳዲ።
 3 ያታደ አሳ ዳሳናው ባረ ቆማቱዋ ኪታዲ። ቆማቱ ካታማው ዶቃ ሳካን ኤቂደ።
 4 “ሀንተኛ፣ ኤራይ ፓጩዳዋንቶ ሀዋ ገልተ!” ያጌድኛ። ቦዛቱዋካ እዛ ሀዋዳን ያጋዲ፤
 5 “ሃ ዪተ፤ ታ ቁማ ሚተ፤ ታን አጌዳ ወይንያ ኤሳካ ኡሽተ!
 6 ቦዛተላ አጌደ፣ ደኡዋን ደእተ፤ አከካ ኦግያን ሀመትተ” ያጋው።
 7 ቅሊጭያ ኡራ ሴርያ አሳይ ባረው ቦርያ አከ፤ ኢታ ኡራ ዘርያዋካ ባረው ቆሄቱ።
 8 ቅሊጭያ ኡራ ዘርፓ፤ እ ኔና እዳና። አዴዳ ኤራንቻ ኡራ ዘራ፤ እ ኔና ደሳና።
 9 አዴዳ ኤራንቻ ኡራ ታማርሳ፤ ያቶፕ፣ እ ካሰዋፕካ አዴዳ ኤራንቻ ግዳናዋ። ጽሎ ኡራካ ታማርሳ፤ ያቶፕ እ ኤራ ጉጃና።
 10 አዴዳ ኤራተላው ደመላይ መድና ጎዳው ያይያዋ፤ ጌሻ ጸሳ ኤርያዋ አከክያዋ።
 11 ታናን ነ ላይላይ ዳራና፤ ነ ደኡዋ ላይላይካ አዲቃና።
 12 ኔን አዴዳ ኤራንቻ ግደፕ፣ ነ ሁጲያው ጎኤታሳ። ኔን ቅሊጭያዋ ግደፕካ፣ ነ ሁጲያው ቆሄታሳ።
 13 ቦዛ ሞሽራታ ዋላሳ ዳራው፤ እዛ ባረና ናገናውና። እዛ አይነ ኤራኩ።
 14 እዛ ባረ ካረን፣ ወይ ካታማው ዶቃ ሳካን አይደያን ኡታው።
 15 ቡረ ባረንቱ ኦግያ አይቂደ ብያ አሳ ዳሳደ፤
 16 “ሀንተኛ፣ ኤራይ ፓጩዳዋንቶ፣ ታኮ ሃ ዪተ” ያጋው። አከካይ ባይናዋካ፤
 17 “ውኢደ ኡሽያ ሃላይ ማልኤ፤ ጌማን ሞያ ቁማይካ ናሽቼ” ያጋው።
 18 ሽን እ ሀይቂዳ አሳይ ያን ደእያዋ፣ እዝ እማላቱካ ዲፋዋ ጨዋ ግደን ደእያዋ ኤረና።

10

ሶሎሞና ሌሞሳቱዋ (10:1—29:27)

1 ሀዋንቱ ሶሎሞና ሌሞሳቱዋ። አዴዳ ኤራንቻ ናአይ ባረ አወዋ ናሽቼ፤ ሽን ቦዛ ናአይ ባረ አቶ ካዮዬ።
 2 ናጋራን ደሜዳ ሚሻይ ጎኤና፤ ሽን ጽሎተላይ ሀይቁዋፕ አሹ።
 3 መድና ጎዳይ ጽሎቱዋ ኮሻይሰና፤ ሽን ናጋራንቻቱዋ አሙዋ ፖልሰና።
 4 አዛላተላይ ማንቁሴ፤ ሽን ሞኒደ ኦሳያዋ ዲረዬ።
 5 አዴዳ ኤራንቻ ኡራይ ካላ ቦንያን ሺሼ፤ ሽን ካላ ጫክያ ወደ ገሞእሽያ ኡራይ ካወሹ።
 6 ጽሎ አሳይ አንጀቱ፤ ሽን ናጋራንቻ ደና ማካላይ ካሜ።

7 ጽሎዋ ሱንላይ አንጂዋን ዳሰቲደ ደኤ፤ ሽን ናጋራንቻቱዋ ሱንላይ ደገቱ።
 8 አዴዳ ኤራንቻቱ አዛዜዳዋ ኦሊና፤ ሽን ቦዛተላን ጮ ደናትያዋንቱ ባሻው ቢና።
 9 ቡረ አሳይ ሳሮ ደኤ፤ ሽን ጌላ ኡራይ ባረ ባይዙዋን አይቀቱ።
 10 አሳ ቦላ ሰሞእያ ኡራይ መቱዋ አዬ። ቦዛተላን ጮ ደናትያዋንቱ ባሻው ቢና።
 11 ጽሎዋ ሃሳይ ደኡዋ ፑልትያ፤ ሽን ናጋራንቻ ሃሳይ ማካላተላ ገንፎ።
 12 እጹ ፓሎሞያ ደን፳፳፤ ሽን ሲቁ ባይዙዋ ኡባ ፓይደና።
 13 ወዛናማ አሳይ አዴዳ ኤራን ሃሳይ፤ ሽን ቦዛ ኡራይ ጸሞእን ሹጩቱ።
 14 አዴዳ ኤራንቻቱ ኤራ ዳጋዬና፤ ሽን ቦዛ ሃሳይ ሃሳይያ ኡራይ ባረና ባይዜ።
 15 ዲርያ ሚሻይ ድረቲዳ ካታማ ማላ፣ ባረ ጎዳ ናጌ፤ ሽን ሀይሳተላይ ሀይሳ ዳይሴ።
 16 ጽሎ ኡራ አ ሎኦ ኦሱ ደኦ ካለፎ፤ ሽን ኢታ ኡራ ወርሰላይ ሙሩዋ አሄ።
 17 ሴርና ኤኖ ግያ ኡራይ ደኡዋ ኦግያን ሀመቱ፤ ሽን ሴርና እጽያ ኡራይ ባሎ።
 18 እጲደ ባረ እጽያዋ ኤራሰና ኡራይ ዋርዳንቻ፤ ዝግርሳ ላልያ ኡራይካ ቦዛ።
 19 ዳር ሃሳይ ግደን ናጋራይ ዳየና፤ ሽን ባረ ደና ሺሽ አክያ ኡራይ አዴዳ ኤራንቻ።
 20 ጽሎዋ እንጻርሳይ ትገቱዳ ጌሻ ብራ ማላ፤ ሽን ኢታ ኡራ ቆፋው ጋቲ ጉላ።
 21 ጽሎ ኡራ ሃሳይ ዳር አሳ ጎኤ፤ ሽን ቦዛቱ ባረንቱ ዋዛና ፓጫን ሀይቂኛ።
 22 መድና ጎዳ አንጂ ዲረ ከሴ፤ እ ሄ ዲረተላን መቱዋ ዋላከና።
 23 ቦዛ ኡራው ኢታባ ኦሳያዋ ካሳ ማላ፤ ሽን ወዛናማ ኡራይ አዴዳ ኤራተላን ናሽቱ።
 24 ኢታ ኡራይ ሀርጌዳባይ አ ቦላ ጋካናዋ፤ ሽን ጽሎ አሞቲዳዊ እመታናዋ።
 25 ጎቱ ደንዲደ አዶደ፣ ናጋራንቻቱ ፕተት ዳይና፤ ሽን ጽሎቱ መድናው ሞኒደ ደአና።
 26 ጫላይ አቻ ዝልእሰያዋናን ጩዋይ አይፍያ ፖግያዋናን፣ አዛላ ኡራ ኪትያዋ ይሎዬ።
 27 መድና ጎዳው ያይያዋ ላይላ አዲሴ፤ ሽን ናጋራንቻ ኡራ ላይላይ ቃሜ።
 28 ጽሎ ኡራይ ሰንሳና ናሽቻይ ያና ጊደ ናጌ፤ ሽን ኢታ ኡራይ ሰንሳና ያና ጊደ ናግያዋ አያይነ ባዋ።
 29 መድና ጎዳ ኦጊ ጽሎቶ ባቃት አትያ ሳኤ፤ ሽን ኢታ ኦሳያዋንቶ ባሻ።
 30 ጽሎቱ ደኢያሳፕ ሹደትክና፤ ሽን ኢታቱ ቢታ ቦላ ደአክና።
 31 ጽሎ አሳይ አዴዳ ኤራተላ ሃሳይ፤ ሽን ጌላባ ሃሳይያ እንጻርሳይ ቃንጸታና።
 32 ጽሎ አሳይ በሰያ ሃሳይ ኤሬ፤ ሽን ኢታ አሳይ ጌላ ሃሳይ።

11

1 መድና ጎዳይ ዋርዲዋ ሚዛናን ልክያዋንታ እጹ፤ ሽን ልክ ሚዛናን ልክያዋንታን ናሸቱ።
 2 ኦቶሩ ይያ ዋደ ካወሻተላይ ዬ፤ ሽን እሽከተላና አዴዳ ኤራተላይ ዬ።
 3 ጽሎቱዋ ኡንቱንቱ ሱረተላይ ካለሌ፤ ሽን አማነተናዋንታ ኡንቱንቱ ጌላተላይ ዳይሴ።
 4 ሀንቁዋ ጋላሰ ዱረተላይ ጎኤና፤ ሽን ጽሎተላይ ሀይቁዋጥ እሼ።
 5 ቦሪ ባይና ኡራ ኦግያ አ ጽሎተላይ ሱርሴ፤ ሽን ኢታ ኡራይ ባረ ኢታተላን ኩንዳ።
 6 ሱረቱዋ ኡንቱንቱ ጽሎተላይ እሼ፤ ሽን አማነተናዋንታ ኡንቱንቱ አሙ ጲረ ግዲደ ኦይቃና።
 7 ኢታ አሳይ ሀይቁያ ዋደ፣ አ ናግያ ሀይታይካ አናና እትጥ ሀይቁ፤ አ ባረ ዋልቃን ጨቀትያዌ ኡባይካ ዳይ።
 8 ጽሎ መቱዋጥ እቱ፤ አ ድራዉ ኢታ ቦላ መቱ ዬ።
 9 ጸሳ ኤረና ብታኒ ባረ ዶናን አሳ ዳይሴ፤ ሽን ጽሎቱ ኤራን እቲና።
 10 ጽሎቱ ቦንቼትያ ዋደ፣ ካታማይ ናሸቱ፤ ቃይ ኢታቱ ሀይቁያ ዋደ፣ ሀሹ ጌ።
 11 ጽሎቱዋ አንጂዋ ጋሱዋን ካታማይ ድጩ፤ ሽን ኢታ ኡራ ሃሳይ ካታማ ዳይሴ።
 12 ባረ ሾሩዋ ካድያ ኡራዉ ዋዛናይ ባዋ፤ ሽን እኩካንቻ ኡራይ ጮኡ ጌ።
 13 ዝግርያ አሳይ ጹራ ላሌ፤ ሽን አማነትያ አሳይ ጹራ ገንሌ።
 14 ካለላያዌ ዳዮጥ፣ ካዉተላይ ኩንዳ፤ ሽን ዳር ዘርያዋንቱ ደአጥ፣ ሳሩ ደኤ።
 15 ኤረና ኡራዉ ዋሰ ግድያ አሳይ ቱሙዋጥ መቶታና፤ ሄዋጥ ዋሰ ግድናን እጽያዌ ሎኡ።
 16 ኡሎ ኬካ ሞሽራታ ቦንቼታዉ፤ ሽን መቀላ ኢታ አሳይ ዱረተላ ጸላላ ዱረቱ።
 17 ኬካ አሳይ ባረዉ ሎኦባ ኦሌ፤ ሽን መቀላ ኢታ አሳይ ባረና ቆሄ።
 18 ኢታ አሳይ ደምያ ሚሻይ ጭምያ ሚሻ፤ ሽን ጽሎተላ ዘርያ ኡራይ ቱሙ ዋይቱዋ ጫካና።
 19 ጽሎተላን ሞኒደ ደእያ ኡራይ ፓጻ ደአና፤ ሽን ኢታተላ ካልያ ኡራይ ሀይቃና።
 20 መድና ጎዳይ ኢታ ቆፋይ ደእያ አሳቱዋ እጹ፤ ሽን ሱረ ሀመትያዋንቱን ናሸቱ።
 21 ኢታ አሳይ ሙረተናን አተና፤ ሽን ጽሎቱ አታናዋንታ።
 22 አዲሳ ቆፍ ባይና ፑላንቻ ማጫ ሞሽራት ፑላይ ጉዲንሳ ሲድያን አሌዳ ዋርቃ አሌቁዋ ማላ።
 23 ጽሎቱዋ አሙዋ ፖሎ ሎኦ ጸላላ፤ ሽን ኢታቱዋ አሙዋ ፖሎ ሀንቁዋ ጸላላ።
 24 እት እት አሳቱ ባረንቱ ሚሻ አሳዉ ጮ ላሊና፤ ሽን ኡንቱንቱ አቁ ያ ዳሬ። ሀራ አሳቱ ቃይ ባረንቱ ሚሻዉ ሎይላ ኡዘቲና፤ ሽን ኡንቱንቱ አቁ ሃ ፓጩ።
 25 ኬካ አሳይ ዱረታና፤ ሀራቱዋ ማድያ አሳይ ማደታና።

26 ካላይ አልእና ዛልአናዉ ሞንጅያ ኡራ አሳይ ሸቁ። ሽን ባረ ካላ አሳይ ኮይያ ዋደ ዝልእያ አሳ ከንጃ።
 27 ሎኦባ ሞንሲደ ኮይያ ኡራይ ናሸቻ ደሜ፤ ሽን ኢታባ ኮይያ ኡራ ኢታባይ ደሜ።
 28 ባረ ዱረተላን አማነትያ አሳይ ኩንዳና፤ ሽን ጽሎቱ ባልጉዋ ሞላዳን ዳሻና።
 29 ባረ ሶ አሳ ቦላ ጫቡዋ ደንላያ ኡራይ ጎኤታናባይ እያይነ ባዋ። ቦዛቱካ አዴዳ ኤራንቻቶ ቆማ ግዳና።
 30 ጽሎ አሳይ ደኡዋ አይፍያ አይፍያ ሞላ ማላ፤ ሽምጥ አሸያዋንቱ አዴዳ ኤራንቻቱዋ።
 31 ጽሎቱ ሳኣን ባረንቱ ኦሱዋ ጋትያ አክያዋ ግደጥ፣ ኢታቱን ናጋራንቻቱ ባረንቱ ኦሶ አካና ጋቲ ዋን ዳራንዳሻ!

12

1 ሴርያዋ ዶሰያ ኡራይ ኤራተላ ዶሴ፤ ሽን ሴራ እጽያ ኡራይ ደንጭሎዋ።
 2 ሎኦ አሳይ መድና ጎዳጥ ሳባ ደሜ፤ ሽን መድና ጎዳይ ኢታቱዋ ፕርዴ።
 3 አሳ ኢታተላይ ሞንሲደ ኤሰና፤ ሽን ጽሎቱዋ ጸጹ ቃጸና።
 4 ዋዛናማ ሞሽራታ ባረ አሰናዉ ካላቻ ማላ፤ ሽን ባረ አሰና ካዉሽያ ሞሽራታ አ መቀላ ሞያ አጃጅያ ማላ።
 5 ጽሎቱዋ ቆፋይ ሱረ፤ ሽን ኢታቱዋ ዞሪ ጭሙዋ።
 6 ኢታቱዋ ሃሳይ አሳ ዋዳናሳ፤ ሽን ጽሎቱዋ ሃሳይ ኡንቱንታ እሼ።
 7 ኢታ አሳቱ ኩንዳና፤ ኡንቱንቶ ዘረላይካ ደኤና፤ ሽን ጽሎቱዋ ዘረላይ ሞኒደ ደአና።
 8 አሳይ ባረ አዴዳ ኤራተላ ኬሻ ጋላተቱ፤ ሽን ጌላ ቆፋይ ደእያ አሳይ ካፍ።
 9 ዱረ አሳ ማላቲደ፣ መቱዋን ደእያ አሳጥ ጮ አሳ ማላቲደ፣ ኦሌደ ባረ ደኡዋ ሱግያ አሳይ ኬካ።
 10 ጽሎ አሳይ ባረ መሀያዉ ቃረቱ፤ ሽን ኢታ አሳ ኬካተላዉ መቀላ ባዋ።
 11 ባረ ቢታ ሞንሰ ኦልያ ኡራይ ካላ ካሌ፤ ሽን ፓፍባ የደርሰያ ኡራዉ አኬካይ ፓጩዳዋ።
 12 ኢታቱ ናጋራንቻ አሳቱዋ ኦሞዱዋ አካናዉ አሞተና፤ ሽን ጽሎቱዋ ጸጹ ዳሸደ ደአና።
 13 ኢታ አሳ አ ዶናጥ ከሴዳ ሃሳይ ጲረ ግዲደ ኦይቁ፤ ሽን ጽሎ መቱዋጥ ከሰ አኬ።
 14 አሳይ ባረ ዶናጥ ከሰያ ቃላን ሎኦባ ካሌ፤ ባረ ኦሌዳ ኦሱዋ ጋትያካ አኬ።
 15 ቦዛ አሳይ ብያ ቡሳይ አዉ አ ሁጲያን ልክ ማላቲ፤ ሽን አዴዳ ኤራንቻ አሳይ ዘርያ ሰሴ።
 16 ቦዛ ኡራ ሀንቁ ኤላካ ኤረቲ፤ ሽን ጭንጫ አሳይ ቦርያ ካዲደ አዴ።
 17 ቱሙዋ ሃሳይ አሳይ ሱረባ ኦይ፤ ሽን ዋርዲዋ ማርካይ ዋርዲዋን ኦይ።
 18 አኬከናን ሃሳይ ሃሳይ ጩብያዳን ጫዴ፤ ሽን አዴዳ ኤራንቻ እንጻርሳይ ፓሌ።

19 ዋርዶ ሃሳይ ጉላ ዋድያሳ፤ ሽን ቱዋ ሃሳይ መድናዉ ደእና።
 20 ኢታ ቆጥያዋንቱ ዋዛናን ጭሙ ደኤ፤ ሽን ሳርባ ዘረትያዋንቱ ዋዛናን ናሸቻይ ኩሜ።
 21 ጽሎቱዋ መቱ ጋከና፤ ሽን ኢታቶ መቶጥ አትና፣ ሀራባይ ደኤና።
 22 መድና ጎዳይ ዋርዳንቻቱዋ እጹ፤ ሽን ቱማንቻ አሳቱዋን እ ናሸቱ።
 23 ጭንጫ አሳይ ባረ ኤራ ቆሴ፤ ሽን ቦዛቱ ባረንቱ ቦዛተላ ኦዲና።
 24 ሞኒደ ኦልያ ኡራይ ደርያ ሞዴ፤ ሽን አዛላይ ሞደቱ።
 25 ሀርግያዌ አሳ ናሸቻ ድጌ፤ ሽን ሎኦተላና ደእያ ሃሳይ እ ናሸቱ።
 26 ጽሎ አሳይ ባረ ሾሩዋ ዘሪደ፣ ሱረ ኦግያ ካለፈ፤ ሽን ኢታቱዋ ኦጊ ቱሙጥጥ ሃሴ።
 27 አዛላ አሳይ ሻንካቲደ አሄዳ አሹዋ ካፍ፤ ሽን ሞን ኦሊደ ደሜዳ ኡራይ ባረ ዱረታዉ ቦንቹዋ እሜ።
 28 ጽሎተላ ኦግያን ደኡ ደኤ፤ ሄ ኦግያን ሀይቁ ባዋ።

13

1 ኤራንቻ ናእይ ባረ አዉዋ ሴራ ሰሴ፤ ሽን ቅሊጭያዌ ሴራ ሰሰና።
 2 አሳይ ባረ ደናጥ ከሰያ ቃላን ሎኦባ አኬ፤ ሽን አማንተናዋንቱ ማካላባ አሞቲና።
 3 ባረ ደና ናግያ ኡራይ ባረ ሸምቱዋ ናጌ፤ ሽን ኤለካ ሃሳይያ ኡራይ ባረና ጳይሴ።
 4 አዛላይ አሞቲ፤ ሽን ኢያን ደመና፤ ሽን ሞኒደ አልያዋንቱ ካላና።
 5 ጽሎ አሳቱ ዋርዶዋ ሃሳይ እጹና። ሽን ኢታ አሳቱዋ ሃሳይ ይላይን ካዉሼ።
 6 ሱረ ደኡዋ ደእያ ኡራ እ ጽሎተላይ ናጌ፤ ሽን ናጋራንቻ እ ናጋራይ ኩንድሴ።
 7 ባረና ዱረ ማላትሰያ አሳይ ደኤ፤ ሽን አዉ አያይን ባዋ፤ ሀራይ ቃይ ባረና ሀዬሳ ማላትሰያዌ ደኤ፤ ሽን አዉ ዳር ዱረታይ ደኤ።
 8 አሳይ ባረ ሻሉዋን ባረ ሸምቱዋ ዋዛናዉ ዳንዳዬ፤ ሽን ሀዬሳ ያሸሰያዌ ባዋ።
 9 ጽሎቱዋ ጸምጊ ፖጩም ፖኤ፤ ሽን ኢታቱዋ ጸምጊ ቶአና።
 10 ኦቶሩ ዋላሳ የሌ፤ ሽን ዘርያ አክያዋንቱ አዴዳ ኤራንቻ።
 11 ዳቡር ባይናን ደሜዳ ሚሻይ ኤለካ ጳይ፤ ሽን ሞን ኦሊደ ደሜዳ ዱረታይ፣ ዳር ዳሪደ ቤ።
 12 ኮይያዌ ፖለተናን ጋምእያዌ ካዮዬ፤ ሽን አሞቲዳዌ ፖለትያዌ ናሸቱ።
 13 ዘርያ ካዲያ ኡራይ መቱዋን ገሌ፤ ሽን አዛዙዋ ቦንቻያ ኡራይ ሳሩዋን ደእና።
 14 አዴዳ ኤራንቻይ እምያ ትምርቲ ደኡዋ ፑልቶ፤ ሄዌ አሳይ ሀይቁዋ ጲርያጥ ከሰ አካናዉ ማዴ።
 15 አኬካይ ደእያ ኡራይ ቦንቹቲ፤ ሽን አማንተናን አግያዌ ባሻዉ አፊ።

14:12 ሌዎ. 16:25

16 ጭንጫ አሳይ ኡባይ ኤራን ኦሌ፤ ሽን ቦዛይ ባረ ቦዛተላ ቆንጭሴ።
 17 አሳይ ከቲዳ ኢታ ከታንቻይ፣ መቱዋን ገሊና፤ ሽን አማንልያ አሳቱ ከቲዳዌ፣ ሳርተላ አሂና።
 18 ሴራ እጽያ አሳይ ሀዬሴን ዩላቲ፤ ሽን ሴርና ሰሰያ ኡራይ ቦንቹቲ።
 19 አሞቲዳዋ ደምያዌ ሎይል ናሸቱ፤ ሽን ኢታቱ ኢታጥ ሃካናዉ ኮይክና።
 20 አዴዳ ኤራንቻ አሳቱዋና ሀመትያ አሳይ አዴዳ ኤራንቻ ግዴ፤ ሽን ቦዛ አሳቱዋና ሀመትያ አሳይ መቱዋን ገሌ።
 21 ናጋራንቻቱዋ ኢታ ካጫይ ካሌ፤ ሽን ጽሎቱ ሎኦ ኦሱዋ ዋይቱዋ አካና።
 22 ሎኦ አሳይ ባረ ናናቱዋ ናናቱዋ ላትሴ፤ ሽን ናጋራንቻ ዱረታይ ጽሎ ዳጋቲ።
 23 ሀዬሳ ጎሻይ ዳር ካላ አይፋናዉ ዳንዳዬ፤ ሽን ሱረ ፕርዳይ ፓጩዳዋ ጋሱዋን ጳይ።
 24 ቃይጶርያን ዋጳናዉ ቃረትያ ኡራይ ባረ ናኦ እጹ፤ ሽን ባረ ናኦ ሲቅያ ኡራይ ሞኒደ ሴሬ።
 25 ጽሎ ኦ ኡሎ ካላና ጋካናዉ ሜ፤ ሽን ናጋራንቻይ ኮሻቲ።

14

1 አዴዳ ኤራንቻ ሞሽራታ ባረ ጎልያ ኬጸዉ፤ ሽን ቦዛታ ባረ ጎልያ ባረ ኩሸያን ኮላዉ።
 2 ሱረ ሀመትያ አሳይ መድና ጎዳዉ ያዬ፤ ሽን ባረ ኦግያ ጌላይያ አሳይ መድና ጎዳ ካዴ።
 3 ቦዛ ሃሳይ እ ዘክያዉ ጸምእ አይ፤ ሽን አዴዳ ኤራንቻቱዋ እንጸርሳይ ኡንቲንታ ናጌ።
 4 ቦራቱ ባይና ሳን ዩሲ መላ ደኤ፤ ሽን ነዉ ጎሸያ ዋልቃማ ቦራቱ ደኡጥ፣ ነ ዩሰያን ካላይ ኩሜ።
 5 አማንትያ ማርካይ ኡባ ገደ ቱሙዋ ኦዴ፤ ሽን ዋርዶዋ ማርካይ ዋርዶዋ ጸላላ ሃሳይ።
 6 ቅሊጭያዌ አዴዳ ኤራተላ ኮይ፤ ሽን ደመና፤ አኬካይ ደእያ አሳይ ኤራተላ ደማናዌ አ ዋይሰና።
 7 ቦዛ አሳጥ ሃካ፤ አያዉ ጎጥ፣ ኔን እ ሃሳያጥ ኤራ ደማካ።
 8 ጭንጫ አሳይ ባረ ኦልያዋ ኤርያ ድራዉ፣ አዴዳ ኤራንቻ፤ ሽን ቦዛ አሳይ አይን ኤረናንካ ኤርያዋ ማላትያ ድራዉ ጭሜ።
 9 ቦዛቱ ናጋራ ኦሊደ፣ ካዮትያዋ አጊደ ቅሊጪና፤ ሽን ሱረቱ ባረንቱ ናጋራይ አቶ ጌተታናዋ ኮይና።
 10 ባረ ዋዛና ካዬዋ እዛዉ ኤሬ፤ እ ናሸቻካ ኦንን እናና ኮጸና።
 11 ኢታቱዋ ጎሊ ኮለተና፤ ሽን ሱረቱዋ ጎሊ ሞኒደ ደእና።
 12 አሳዉ ልክ ማላትያ ኦጊ ደኤ፤ ሽን ቢና፣ አ ዉርሰላይ ሀይቁዋን ከሰ የጌ።
 13 ሚቻንካ ዋዛናይ ካዮት ኤሬ፤ ናሸቻ ዉርሰላይካ ካዬዋ ግዳናዉ ዳንዳዬ።
 14 ኢታ አሳይ ባረ ኢታ ኦሱዋ ጋትያ አካና፤ ሎኦ አሳይካ ባረ ሎኦ ኦሱዋ ጋትያ አካና።

15 ቦዛ አሳይ ኡባ አማኔ፤ ሽን ጭንጨይ እኬኪደ ታንጌ።

16 አዴዳ ኤራንቻ አሳይ መድና ጎዳ ያዬ፤ ኢታጥካ ሃኬ፤ ሽን ቦዛይ አላላ ጌና ኤሌሌ።

17 ኤላ ሀንቀትያ አሳቱ ቦዛ ኦሱዋ አሊኖ። ሽን ጭንጨቱ ዳንዳያንቻ።

18 ቦዛቱ ባረንቱ ቦዛተላ ጋትያ አኪኖ፤ ሽን ጭንጨቱ ኤራተላ ካላቻዳን ዋላናዋንታ።

19 ኢታ አሳቱ ሎኦ አሳቱዋ ሰንላን ሆኪደ፣ ማርታ ዋሳና። ናጋራንቻቱካ ጽሎቱዋ ጥንግያን ሆካና።

20 ሀዬሳይ ባረ ሾሩዋንካ ደሰተና፤ ሽን ዱረቶ ዳር ላገቱ ደከኖ።

21 ባረ ሾሩዋ ካድያ አሳይ ናጋራ ኦሌ፤ ሽን ሀዬሳ ማድያዌ አንጀቱዳዋ።

22 ኢታባ ማቀትያዋንቱ ባለኖ ግድክኖ? ሽን ሎኦባ አላናዉ ሀልቻያዋንቱ ቱማተላን አገና ሲቁዋ ደሚኖ።

23 ምኒደ አላያዋን ኡባን ጎክይ ደኤ፤ ሽን ጮ መላ ሃሳያይ ሀዬሳተላ ጸላላ አዬ።

24 አዴዳ ኤራንቻቶ ኡንቱንቱ ዱረተላይ ካላቻ፤ ሽን ቦዛቱ ባረንቱ ቦዛተላ ጉጅ ጉጂደ ቦዚኖ።

25 ቱሙ ማርካይ ሽምቱዋ አሼ፤ ሽን ዋርዱዋ ማርካይ ባለሌ።

26 መድና ጎዳዉ ያይያ ኡራዉ ምኖ ጌሱ ደኤ። እ አ ናናቶካ ባቃቲደ አትያ ሳኦ ግዳናዋ።

27 መድና ጎዳዉ ያይያዋ ደኡዋ ፑልቶ፤ ሄዋ ድራዉ፣ መድና ጎዳዉ ያይያዋ ሀይቁዋ ጸርያጥ አሼ።

28 ካትያ ግታተላይ እ ሞድያ አሳ ጮራተላና፤ ሽን እ ሞድያ አሳይ ቆጥጥ፣ እካ ፓፍ።

29 ዳንዳያንቻ አሳዉ ዋልቃማ አኬካይ ደኤ፤ ሽን ኤላ ሀንቀትያ አሳይ ባረ ቦዛተላ ቆንጭሴ።

30 ዋፑ ጌዳ ዋዛናይ ቦላ ፓጸ ዋሌ፤ ሽን ቃናቲ ቦላዉ አጃጅያ ሀርግያ ማላ።

31 ሀዬሳቱዋ ናቁያ አሳይ ኡንቱንታ መዴዳዋ ጫሼ፤ ሽን መቶታንቻቶ ኬክያ አሳይ ጸሳ ቦንቼ።

32 ኢታቱ ባረንቱ ኢታ ኦሱዋን ኩንዳና፤ ሽን ጽሎቱ ባረንቱ ሱረተላን ሀይቁዋጥ ናገታና።

33 አኬካንቻ አሳ ዋዛናን አዴዳ ኤራተላይ ኩሜዳ፤ ሽን ቦዛቱ አዴዳ ኤራተላ አያን ኤርክኖ።

34 ጽሎተላይ እት ካዉተላ አሳ ዶቁ ዶቁ ኦሌ፤ ሽን ናጋራይ አይ አሳን ካዉሼ።

35 ካቲ ኤራንቻ ቆማን ናሸቱ፤ ሽን ዬላይያ ኦሱዋ አላያ ቆማ ሀንቀቱ።

15

1 ሊቆ ዛሩ ሀንቁዋ ዛርቢሴ፤ ሽን ፖዶላ ቃላይ ሀንቁዋ ደንፍ።

2 አዴዳ ኤራንቻ እንጸርሳይ ኤራ ሎይሌ፤ ሽን ቦዛቱዋ ደናይ ቦዛተላ ፑልቲ።

3 መድና ጎዳ አይፈቱ ኡባሳ ጴሊኖ፤ ኢታ አላያዋንታካ ሎኡዋ አላያዋንታካ በኢኖ።

4 ሊቆ ሃሳያይ ደኡዋ ምላ ማላ፤ ሽን ጭምያ ሃሳያይ አያና መንሌ።

5 ቦዛ አሳይ ባረ አዉዋ ሴራ ካዴ፤ ሽን ባረ አዉዋ ሴራ አክያ አሳይ ጭንጨ።

6 ጽሎ ኡራ ጎልያን ዳር ሚሻይ ደኤ፤ ሽን ኢታዉ ገልያ ሚሻይ መቱዋ አዬ።

7 አዴዳ ኤራንቻቱዋ ደናይ ኤራ ዘራ፤ ሽን ቦዛቱዋ ዋዛናይ ሄዋ ማላ ግደና።

8 መድና ጎዳይ ኢታቱዋ ያርሹዋ ሸነቱ፤ ሽን ሱረቱዋ ዋሳይ አ ናሸቼ።

9 መድና ጎዳይ ኢታ አሳቱዋ ሄመታ ሸነቱ፤ ሽን ጽሎተላ ካልያዋንታ አ ሲቱ።

10 ሱረ ኦግያ አጌዳ አሳ ኢታ ሙሩ ናጌ፤ ሴራ እጽያ አሳይ ሀይቁ።

11 ዱፋን ባሻይ መድና ጎዳ ሰንላን ቆንጭያን ቤቲኖ። ያትና፣ አሳ ዋዛና ቆፋይ ዋን አጥ ጌማኔ?

12 ቅሊጭያ አሳይ ሴርያዋ ደሰና፤ አዴዳ ኤራንቻቱዋጥካ ዘርያ ኦቼና።

13 ዋዛናይ ናሸትና፣ ሶምኢ ፖኤ፤ ሽን ዋዛናይ ካዮቶጥ፣ ሄ አያናይ መኤ።

14 እኬክያ ዋዛናይ ደእያ አሳይ ኤራተላ ኮዬ፤ ሽን ቦዛቱ ባረንቱ ቦዛተላን ናሸቲኖ።

15 ሀዬሳቱዋ ደኤ ኡባ ጋላሰካ ባጸ። ሽን ናሸትያ አሳቱ ኡባ ገደካ ባረንቱ ደኡዋን አሊኖ።

16 ዋላሳይ ደእያ ዋልቃማ አቁዋጥ መድና ጎዳ ያሻተላይ ደእያ ጉላባይ ኬካ።

17 ዋላሳይ ደእያ ሳን ሞጶ አሹዋ ማናጥ ሲቁ ደእያ ሳን ሳንላ ምያዌ ኬካ።

18 ሀንቀትያ አሳይ ዋላሳ ከሴ፤ ሽን ሀንቀታናዉ ኤሌሊና አሳይ ዋላሳ እርጽሴ።

19 አዛላ ኡራ መቱ አ ኦግያ ኡባን አጉንላ ድርሳ ማላ፤ ሽን ሱረ ኡራ ኡጌ ደምባ።

20 ጭንጨ ናኦይ ባረ አዉዋ ናሸቼ፤ ሽን ቦዛ ናኦይ ባረ አቶ ካዴ።

21 ዋዛን ባይና አሳይ ባረ ቦዛተላን ናሸቲ፤ ሽን ዋዛናማ አሳይ ልከባ ኦሌ።

22 ዘረታይ ቆጥጥ፣ ሀልቼዳዌ ፖለተና፤ ዳር ዘርያዋንቱ ደእያ ሳን ሀልቼዳዌ ፖለቲ።

23 አሸቲዳዋ ልከ ዛሩዋ ዛርያዌ ሄ ኡራ ናሸቼ፤ ሃሳያ ልከ ዋድያን ሃሳይያዌ አይባ ሎኦቤ!

24 አዴዳ ኤራንቻይ ቦላዉ ካለላያ ደኡዋ ኦግያን ሀመቲጥ አትና፣ ዳገ ዱፋዋ ዋላያ ኦግያን ሀመተና።

25 መድና ጎዳይ ኡቶራንቻቱዋ ጎልያ ኮላና፤ ሽን እምኦቲ ዛዋ ናጌ።

26 መድና ጎዳይ ኢታቱዋ ቆፋ ሸነቱ፤ ሽን ጌሻ ቃላይ አ ናሸቼ።

27 ዋርዱዋን ዋድያ ደማናዉ ጃምያ አሳይ ባረ ሶ አሳ ቦላ መቱዋ አዬ፤ ሽን ማታይያ እጽያ አሳይ ፓጸ ደከና።

28 ጽሎ አሳይ ሃሳያናጥ ካሰቲደ ቆፔ፤ ሽን ኢታቱዋ እንጸርሳይ ፓላባ ፑልቲ።

29 መድና ጎዳይ ኢታቱዋጥ ሃኬ፤ ሽን ጽሎቱዋ ዋሳ ሰሴ።

30 ፓሽኪደ ጴልያ ጴላይ ዋዛና ናሸቼ፤ ምሽራቼዋ ኡዱካ ቦላ ፓሌ።

31 ደኡዋ እምያ ዘርያ ሰሰያ አሳይ አዴዳ ኤራንቻቱዋና እትጥ ደከና።

32 ሴራ እጽያ አሳይ ባረና ቆሄ፤ ሸን ሴራ እክያ አሳይ እኩካ ደሜ።

33 መድና ጎዳዉ ያይያዋ አሳ እዴዳ ኤራተላ ታማርሴ፤ ቦንቼታና ኮዬዳ አሳይ ኮይሮ ባረና ካዉሻናዉ ኮሼ።

16

1 አሳይ ባረ ዋዛናን ሀልቼ፤ ሸን ልክ ዛሩ መድና ጎዳጥ ቤቱ።

2 አሳይ ኦልያ ኦሱዋ ኡባይ አዉ ልክ ማላቲ፤ ሸን መድና ጎዳይ ኮይሮ ደንዱዋ ቆፋ ይግ ደሌ።

3 ነ ኦልያዋ ኡባ ሀዳራ መድና ጎዳዉ እማ፤ ያቶ፡፡ ኔን ሀልቼዳዊ ፖለታና።

4 መድና ጎዳይ መዴዳዋ ኡባ ባረ ሀልቻ መዴዳ፤ ሀንንቶካ ማካላንቻቱዋ ዉርሰላይ ባየላ።

5 መድና ጎዳይ ኦቶረትያ ኡባ ሸንቲ፤ ኡንቲንቲ መራረተናን አትክና።

6 አገና ሲቁዋንን አማነትያዋን ናጋራይ አቶ ጌተቲ፤ አሳይ መድና ጎዳዉ ያይያዋን ኢታባ አጋናን ናገቲ።

7 አሳ ሀመታይ መድና ጎዳ ናሸቻያዋ ግደ፡፡ ሄ ኡራዉ ባረ ሞርከቱዋናካ ሳሮ ደአናዳን፡፡ ጳሳይ ኦሌ።

8 ጽሎተላን ቤትያ ጉላባይ ዋርዱዋን ደምያ ዳሮ ዋድያ፡፡ ኬካ።

9 አሳይ ባረ ዋዛናን ባረ ኦላናባ ሀልቼ፤ ሸን ሀልቼ መድና ጎዳይ ማድና ፖለቲ።

10 ካቲ ጸሳ፡፡ አኬዳ ማታን ፕርዴ፤ ፕርዴደ እ ባላና።

11 ሚዛናቲን ማክያ ሚሻቲ አማንላያዋንታ ግዳናዳን፡፡ መድና ጎዳይ ኮዬ፤ ዛልእያዋ ኡባን ጭሙ ደአናዳን ኮዬ።

12 ካተቲ ባይዙዋ ኦሱዋ ሸንቲና፤ እያዉ ጎ፡፡ ኡንቲንቲ ካዉተላ አራታይ ጽሎተላን ኤቆ።

13 ካተቲ ጽሎ እንጸርሳን ናሸቲና፤ ቱሙዋ ሃሳይያዋንታካ ደሲና።

14 ካትያ ሀንቁ ሀይቁዋ ኪታንቻ ማላ፤ ሸን እዴዳ ኤራንቻ አሳይ ሀንቁዋ እርጽሳናዉ አዉዳሼ።

15 ካትያ ሰምኢ ፓሽኮ፡፡ ሄዋ ሰም ደኡዋ። እ ናሸያዋ ባዴሳ እራ አሀያ ሻርያ ማላ።

16 እዴዳ ኤራተላ ደምያዋ ዋርቃ ደምያዋ፡፡ ኬካ፤ እኩካ ደምያዋ ብራ ደምያዋ፡፡ አዴ።

17 ሱረቱ ብያ ኦጊ ኢታይ ደእያሳ፡፡ ሃኩዋና አሌ፤ ባረ ሄመታ ናግያ ኡራይ ባረ ሸምፑዋ ናጌ።

18 ኦቶረታ ጌዱዋ ባሻይ ካሌ፤ አዩዋ ጌዱዋካ ኩንደላይ ካሌ።

19 አይያዋንቲና ዙፕቲደ፡፡ ኦምዱዋ ሻክ አካና፡፡ አሸክ ግዱደ፡፡ ሀዬሲደ ደእያዋ ኬካ።

20 መድና ጎዳ ቃላ ሎይሌደ ሀይዘያ ኡራዉ እ ኦልያዋ ኡባይ እንጀታና፤ ጳሳን አማነትያ ኡራይ እንጀቲዳዋ።

21 ባረ ቆፋን እዴዳ ኤራንቻ ግዳዳ አሳይ እኩካንቻ ጌተቲ፤ ሎኦ ቃላይ ኤራተላ ጌጃ።

22 ጭንጫ ኡራዉ ኤራተላይ ደኡዋ ፑልቲዋ ማላ፤ ሸን ቦዛቱዋ ሴርያዋ ጮ ዋድያ ዉርሰያዋ።

23 እዴዳ ኤራንቻ አሳይ ሃሳያና፡፡ ካሰቲደ ቆፕ፤ አሳይ እክያ ሃሳያ ሃሳዬ።

24 ሎኦ ቃላይ ኤሳ እልሉዋዳን ማልኤ፤ ቦላካ ማዴን ፓሌ።

25 አሳዉ ሱረ ማላትያ ኦጊ ደኤ፤ ሸን ዉርሰላን ሀይቆ ጋሌ።

26 ኮሻይ አሳይ ምኒደ ኦላናዳን ደንጋሌ።

27 ኢታ አሳይ ኢታባ ሀልቼ፤ አ ሃሳይይካ ጸግያ ታማ ማላ።

28 ጌላ አሳይ ዋላሳ ደንሌ፤ ዝግርያ አሳይ አማነትያ ላገቱዋ ሻኬ።

29 ማካላ አሳይ ባረ ሾሩዋ ጭሜ፤ ሎኦ ግደና ኦግያዉ አ አ ካላሌ።

30 ባረ አይፍያ ሰምእያ አሳይ ጌላባ ቆፕ፤ ባረ መተርሻ ሳኢደ ማንድያ አሳይ ኢታባ ፖሌ።

31 ፑሉሜዳ ሁጺ ቦንቻ ካላቻ፤ ሄዋካ ቤትያዋ ጽሎ ደኡዋ ደአና።

32 ዋልቃማ አሳ ግድያዋ፡፡ ሀንቀታናዉ ኤሌላና አሳ ግድያዋ ሎኦ፤ ዳሮ ካታማቱዋ ኦሊደ ኦይቂያዋ፡፡ አሳይ ባረ ሁጺያ ሞድያዋ አዴ።

33 አሳይ ሳማ የጌ፤ ሸን መድና ጎዳይ ኡባባ ዉርሰላ ቃቼ።

17

1 ዋላሳይ ደእያ ሳን ደእያ ዋልቃማ ግብራ፡፡ ሳሩን ዋፓይ ደእያ ሳን መላ ኡክላ ፖቁዋ ምያዋ ኬካ።

2 ጭንጫ ቆማይ ባረ ጎዳ ናኦ ፓጋና ላፋ ሞዴ፤ ያቲደ እሻቲዋና እትፕ ላቲ።

3 ዋርቃይን ብራይ ታማን ፓጩትያዋዳን፡፡ መድና ጎዳይ አሳ ዋዛና ፓጩ።

4 ኢታ አሳይ ኢታ ኡራ ሃሳያ ሰሴ፤ ዋርዳንቻይካ ማካላ ኦዱዋ ሀይዜ።

5 ሀዬሳቲዋ ቦላ ቅሊጭያ አሳይ ኡንቲንታ መዴዳ ጳሳ ቦሬ፤ ሀራ አሳ ጋክያ መቱዋን ናሸትያ አሳይ ሙረተናን አተና።

6 ናናቲዋ ናናቲ ጭሜዳ አሳቶ ካላቻ፤ አዋቲን አየቲ ባረንቲ ናናቶ ቦንቻ።

7 ዳሮ ሎኦ ሃሳያይ ቦዛ ኡራዉ ገገና፤ ሄዋ፡፡ አዱዋ ዋርዱዋ ሃሳያይ አሳ ሞድያዋ ገገና።

8 ማታይያ እምያዋ ማታዪ ብታ ማላ፤ እ ሰሜዳ ሳኦ ኡባይ አዉ እንጀቲ።

9 ናቀቲደ ባረ ናቁዋ ገንሰያ ኡራይ ሲቁዋ ኮዬ፤ ሸን የዉዋ ዛር ዛሪደ ዋጭያ ኡራይ፡፡ አማነትያ ላገቱዋ ሻኬ።

10 ቦዛይ ጴቲ ገደ ልሱዋን ሾጭና ኤርያዋ፡፡ አኩካይ ደእያ አሳይ ጮ ሴርና ኤራይ አዴ።

11 ኢታ አሳይ ማካላባ ጸላላ ኮዬ፤ ሄዋ ድራዉ፡፡ መቀሰ ባይና ካቶ አ ቦላ ከተታና።

12 ቦዛተላይ ኦይቂዳ ኡራና ጋከትያዋ፡፡ ማራቲዋ ቦንቁ አክ ድጌዳ ማሀተና ጋከትያዋ ኬካ።

13 ሎኡዋ ኦሌዳዋ ኩሽያ ኢታ ዛርያ ኡራዉ ኢታይ አ ሶፕ ኡባካ ክቼና።

14 ዋላሳይ ደሚደ፡፡ ዜሩዋ ቆሰያ ሃላ ማላ፤ ሄዋ ድራዉ፡፡ ዋላሳ፡፡ ካሰታደ ፓሉምያ አጋ።

16:25 ሌዎ. 14:12

15 ናጋራንቻ ጽልሰያዊን ጽሉዋ ቦላ ፕርድያዊ ኢንቱንቱ ላኡካ መድና ጎዳ ሽነይያ ኦሱዋ።
 16 እኩካካ ደማናዉ አሙ አዉ ባይናን ደእሸን፣ ቦዛ ኩሸያን ደእያ ሚሻይ አ አያ ማዳን?
 17 ላጊ ኡባ ዎደካ ሲቄ፤ እሻይካ መቼዋ ዎደ ማዳናዉ የለቲ።
 18 እኩካይ ፓጩዳ አሳይ ኤረና ኡራ አጩዋ ጭጋናዉ ዋሰያ ገሌ።
 19 ዋላሳ ደሰያ አሳይ ናጋራ ደሴ፤ ኡባ ገደ ጩቀትያ አሳይ ባየላ ባረ ቦላ ዴሴ።
 20 ጌላ ቆፋይ ደእያ አሳይ ሎኦባ ደመና፤ ጭምያዋ ሃሳይያ አሳይካ መቼዋን ገሌ።
 21 ቦዛ ናኦ የሌዳ አዉ ካዮቲ፤ ቦዛ ናኦ አዋ ናሸቻይ ባዋ።
 22 ዎዛናይ ናሸትያዎ አሳዉ ሎኦ ቆላ፤ ሸን ካዮትያ አያናይ አሳዉ ዎልቃ ቆይሴ።
 23 ኢታ አሳይ ፕርዳ ጌላያናዉ ጌማን ማታይያ አኬ።
 24 እኩካይ ደእያ ኡራይ አዴዳ ኤራተላ ሰንላን ዎሊደ ቤ፤ ሸን ቦዛ አይፊ ቢታ ሳኦ የሹዋ ዩዩደ ዴሌ።
 25 ቦዛ ናኦ ባረ አዉዋ ካዮዬ፤ ባረና የሌዳ አቶካ ዘልእሴ።
 26 ጽሎ አሳ ሙርያዎ፣ ሱረ አሳካ ደቕያዎ ሎኦ ግደና።
 27 አማሬኤዳ ቃላ ሃሳይያ አሳይ ኤራንቻ፤ ዎፓ አያናይ ደእያ አሳይካ እኩካንቻ።
 28 ቦዛ ኡራይ ጮኡ ጎፕን ባረ ደና ባርፕ፣ ኤራንቻ ማላቲ።

18

1 ሻከታናዉ ኮይያ አሳይ ባረ አሙዋ ካሌ፤ ሎኦ ኡራ ኡባካ ጳልቁ።
 2 ቦዛይ ባረ ቆፋ ቆንጭሳናዋ ጸላላ ደሰያዎፕ አትና፣ ሀራ አሳፕ ኤራ አካናዉ ደሰና።
 3 ኢታተላይ ይያ ዎደ፣ ካዲ፣ ካዉሻይን ዬላይ አ ካሊደ ይ አጊና።
 4 አሳ ደናፕ ከሰያ ሃሳይያ ጩዋ ሃላ ማላ፤ አዴዳ ኤራተላ ፑልቲካ ጎግያ ሃላ ማላ።
 5 ባይዛንቻ ማዲደ፣ ጽሉዋ ፕርዳ ጌላይያዎ ሎኦ ግደና።
 6 ቦዛ አሳይ ባረ ሃሳይን ዎላሳ ደንፊ፤ አ ደናፕ ከሰያ ቃላይ አ ቦላ ጸምኦ ዴሴ።
 7 ቦዛ አሳይ፣ ሃሳይደ ባረና ቆሄ፤ አ ሃሳይያ ግትያ ግዲደ፣ አ ኦይቁ።
 8 ዘግርሳ ቃላይ ማልኦ ቁማ ማላ፤ ናሸቺደ ዲገ ጋንጅያ ጋኬ።
 9 ባረ ኦሳያ ኦሱዋን አዛልያ አሳይ ባይዝያ ኡራፕ አይን ዲማተና።
 10 መድና ጎዳ ስንላይ ሞና ግምቢያ ማላ፤ ጽሎ አሳይ ያ ዎዲደ ሳር አታና።
 11 ሸን ዴረ አሳቶ ኡንቱንቱ ዲረተላይ የሹ ግምቢቲዳ ካታማ ማላ፤ ኡንቱንቱ ቆፋን ኡንቱንቱ ዲረተላይ ሞና ድርሳዳን ኡንቱንታ ናግያዋ ማላቲ።
 12 አሳይ ኩንዳናፕ ካሰ አ ዎዛናይ ኦቶረቲ፤ ቦንቼትያዎፕካ ባረ ሁጺያ ዘቁ ኦሳያዎ ሰንላቲ።
 13 ሰሰናን ደኢድ ዛርያዎ፣ ሄዌ ሄ ኡራዉ ቦዛተላን ዬላ።

14 አሳ አያናይ ሀርግያ ዳንዲያናዳን ማዴ፤ ሸን አያናይ መኤረት ክቕፕ፣ አ ኦን ዳንዲያኔ?
 15 እኩካንቻ አሳቱ ታማራናዉ ሎይላ ኮዩና፤ አዴዳ ኤራይ ደእያዎካ ሀይዚና።
 16 እምያዎ እምያዎ ኦግያ ደዬ፤ ዎልቃማ አሳናካ ኤርሴ።
 17 ካሰቲደ ዳናን ዎትያ ኡራይ ባልጋራይ ዩደ አ ኦቻና ጋካናዉ፣ ኡባ ገደካ ሄ ኡራይ ጽሉዋ ማላቲ።
 18 ሳማ የግያዎ ፓሉምያ ተኤ፤ ላኡ ዎልቃማ ባልጋራቱዋካ ሻኬ።
 19 ናቀቲዳ እሻይ ግምቢቲዳ ካታማፕ አዲደ ሞኔ፤ አ ፓሉማካ ብራታ ጎርዱዋ ማላ።
 20 ባረ ደናን ሃሳይዳዎፕ አሳይ ባረ ጋንጅያ ኩንፊ፤ ባረ እንጸርሳፕ ከሴዳዋን ካሌ።
 21 ኔን ሃሳይዳዎ ኔና ዎሌ ዎይ ዎዴ፤ ሄዎ ድራዉ፣ ኔን ነ ሃሳይ ጋሱዋን ይያዋ አካናዉ ደእሳ።
 22 ማቻቶ ደሜዳ አሳይ ሎኦባ ደሜዳ፤ ሄ ኡራይ መድና ጎዳንካ ናሸቲ።
 23 ሀዬሳ አሳይ አዉዳሺደ ሃሳይ፤ ሸን ዱሪ ፔኦቁቲደ ዛሪ።
 24 ዳር ላጊ ደእያ አሳይ ቆያና፤ ሸን አሻፕ አዲደ አማንሳያ ላጊ ደኤ።

19

1 ዎርደ ሃሳይ ሃሳይያ ቦዛፕ ባረ ደኡዋን ቶሺ ባይና ሀዬሳ አሳይ ኬካ።
 2 ኤር ባይና ሴላይ ሎኦ ግደና፤ ሀመቲደ ኤሌልያ ኡራይካ ዎራ ቤ።
 3 እት እት አሳይ ባረ ቦዛተላን ባረ ደኡዋ ባይዜ፤ ያቲደ ቃይ መድና ጎዳ ቦላ ይሎቲ።
 4 ዲረተላይ ዳር ላገቱዋ ጉጁ፤ ሸን ሀዬሳተላይ ደእያ ላገቱዋካ ዲፊ።
 5 ዎርደ ማርካይ መረተናን ቤና፤ ዎርዱዋ ሃሳይያዋንቱካ ከሰ አክክና።
 6 ዳር አሳይ ሞድያ አሳ ሰንላ ኮዬ፤ ጮ እምያ ኡራና አሳይ ኡባይ ዳቦቲ።
 7 ሀዬሳ አሳ አ እሻቱ ኡባይ እጺና፤ ሄዎፕካ አዲደ አ ላገቱ አፕ ሃኪና፤ አ ኡንቱንታ አዉዳሺደ ካልናካ፣ ኡንቱንቱ አ ጋላ ኦይላክና።
 8 አዴዳ ኤራተላ ደምያዎ ባረና ሲቄ፤ እኩካ ካርሀ ኦላ ኦይቁያዎ ሎኦባ ደሜ።
 9 ዎርደ ማርካይ መረተናን አተና፤ ዎርዱዋ ሃሳይያዎካ ቆያና።
 10 ቦዛ ኡራዉ እሻሎ ደኡ በሰና፤ ሄዎፕካ አይሊ ካፖቱዋ ሞድያዎ ኢታ ዳሪ።
 11 አዴዳ ኤራተላይ አሳዉ ዳንዲያ እሜ፤ ባይዜዳ ኡራዉ አቶ ግያዌካ ቦንቶሴ።
 12 ካትያ ሀንቁ ጋሙዋ ጉዲዋ ማላ፤ ሸን አ ሳባይ ማታ አጭሰያ ከተርሳ ማላ።
 13 ቦዛ ናኦ ባረ አዉዋ ቆይሴ፤ ዎላሳንቻ ማቻታካ ጎሊ ኡባ ገደ ጸክያ ጸኩዋ ማላ።
 14 እት አሳይ ጎልያን ማጺዋ ባረ አዉዎፕ ላታናዉ ዳንዲዬ፤ ሸን እኩካንቻ ማቻቶ መድና ጎዳይ እሜ።
 15 ጮ ዘልፓካትያ ኡራዉ ገምእሹ ዬ፤ ኦሱዋ ኦ□ና አሳይ ኮሻቲ።

16 አዛዙዋ ናጊደ አልያ አሳይ፥ ባረ ሸምቸዋ ናጊ፤ ሸን ሸነኮ ግያ አሳይ ሀይቄ።
 17 ሀይሳዉ ኬክያ አሳይ መድና ጎዳዉ ታልኤ፤ እ ሄ ሎኦ ኦሱዋ አጩዋ ጭጌ።
 18 ሰምያ ሀይታይ ደእሸና፥ ነ ናናቱዋ ሴራ፤ ሴራና ዳዮ፡፡ ነን ኤንቱንታ ባይዛዳ።
 19 ሀንቁዋ ሱልያ አሳይ ባረ ጋትያ አኮ፤ አ አጋ፤ ነን አ አሸያዋ ግደ፡፡ ሀራቱዋካ ነን አ ሄዋዳን አላናዌ አተና።
 20 ዘርያ ሰሳ፤ ትምርትያካ አካ። ያቶ፡፡ ነን ወርሰላን አዴዳ ኤራንቻ ግዳናሳ።
 21 አሳይ ዳርባ ሀልቼ፤ ሸን መድና ጎዳይ ጌዳዌ ፖለቱ።
 22 አሳ፡፡ ኮየትያዌ አገና ሲቁዋ፤ ዋርዳንቻ ግዳና፡፡ ሀይሳ ግድያዌ ኬካ።
 23 መድና ጎዳዉ ያይያዌ ደኦ ካለሌ፤ አዉ ያይያ አሳይ ካሊደ ደኤ፤ ኢታባይካ እ ቦቼና።
 24 እት እት አሳይ ዳር አዛላ፤ ዋጽያን ቱሼዳ ሶሉዋካ ፑደ ባራናዉ ዋየቱ።
 25 ነን ቅሊጭያዋ ሸጮ፡፡ አኬካይ ፓጩዳዌ ጭንጫተላ ታማራና፤ አኬካንቻ አሳ ነን ሴር፡፡ እ ኤራተላ ደማና።
 26 ባረ አዉዋ ቦንቁያ ናኦይ፥ ባረ አቶካ ሶፐ ከሲደ ያደርሰያ ናኦይ፥ ሄ ናኦይ ዬላነ ካዉሻ አህያ ናኦ።
 27 ታ ናኦዉ፥ ነን ዘርያ ሰሰያዋ አጌዳዋ ግደ፡፡ ኤራዉ ዘክያ ዛራዳ።
 28 ዋርደ ማርካይ ሱረ ፕርዳ ቦላ ቅሊጩ፤ ኢታ አሳ ዳናይ ኢታተላ ጉጂደ ምቱ።
 29 ቅሊጭያዋንቶ ፕርዳይ፥ ቦዛቶካ ዋዳይ ኮሼ።

20

1 ዳር ማላይያ ኡሻ ኡሸያዌ ዳር ብድሴነ ዋላሴ፤ ማላትያ አሳይ ዋዛናይ ፓጩዳ አሳ።
 2 ካትያ ሀንቁ ጋሙዋ ጉደላ ማላ፤ እ ይሎይያ አሳይ ባረ ሸምቸዋ ቦላ ፕርዳ።
 3 ፓሉምያ፡፡ ጋጸን ደእያዌ አዋ ቦንቹ፤ ሸን ቦዛ አሳይ ኡባይ ዋላቀታናዉ ኤሌሌ።
 4 አዛላ ጎሻንቻይ ዋድያ ናጊደ ጎሻና፤ ሄዋ ድራዉ፥ ካላ ጫክያ ዋደ እ ዋሴ፤ ሸን አያካ ደሞና።
 5 አሳ ዋዛና ሀልቼ ጨዋ ኦላ ግደን ደእያ ሃላ ማላ፤ ሸን ዋዛናማ አሳይ ሄዋ ዱቁደ ከሴ።
 6 ዳር አሳቱ ባረንቱ ከካተላ ኦዲና፤ ሸን ቱሙ አማነትያ አሳ ደማናዌ ኦኔ?
 7 ጽሎ አሳይ ቶሺ ባይና ደኡዋ ደኤ፤ አ ካሊደ፥ አ ናናቱካ አንጀቱዳዋንታ።
 8 ካቲ ፕርዳናዉ ባረ ካዉተላ አራታን ኡቱዳ ዋደ፥ ኢታ ኡባ ባረ አይፍያን ሀርቂደ ከሴ።
 9 “ታ ዋዛና ጌሻድ፤ ታናን ናጋርካ ባዋ” ያጋናዉ ዳንዳይያ አሳይ ደእኔሻ?
 10 መድና ጎዳይ ዋርዳዋ ሚዛናን ይግያዋንታን ልከ ግደናባን ማክያዋንታ እጾ።
 11 ናኦይ ጌሻነ ሱረ ግድያዌ እ አልያ ኦሱዋን ኤረቱ።
 12 ሰሰያ ሀይላን ጾልያ አይፍያን፥ ኡንቱንታ ላኡዋካ መድና ጎዳይ መዴዳ።

13 ገምእሹዋን ነ ዋድያ ወርሶ፡፡ ነን ሀይሳና። ቤንታ፤ ያቶ፡፡ ነን ካላ ካላና።
 14 ሻምያ አሳይ፥ “ቆሄ! ቆሄ!” ያጊ፤ ሸን ቤዳዋ፡፡ ጉይያን፥ “ገሉዋን ሻማድ” ያጊደ ጩቀቱ።
 15 ኤራይ ኩሚዳ ሃሳያይ ዋርቃ፡፡ አንቁዋ ግያ ዳር አልኦ ሹቻ፡፡ አዴዳ አልኦ።
 16 ኤረና አሳዉ ዋሰያ ገልያ ኡራ ማዩዋ ቃር አክተ፤ አማላ አሳዉ ዋሰያ ገልያ ኡራ ማዩዋ ኦይቁተ።
 17 ዋርዳዋን ደሚዳ ካላይ አሳ ማልኤ፤ ሸን አቅ ከሲደ፥ ዳና ግደን ሻፍያዳን ሀኔ።
 18 ዘርያ አካደ ነ ሀልቻዋ ሀልቻ፤ ዘርያ አከናን ደኦደ አላዉ ቦ፡፡
 19 ዘግርያ አሳይ ጸራ ገን። ሄዋ ድራዉ፥ ኦዳንቻ ኡራና ጋከቶ፡፡
 20 አሳይ ባረ አዉዋ ዋይ ባረ አቶ ሸቆ፡፡ አ ደኡዋ ጸምፕያ ድጽ ጎ ጳማን ቶኦና።
 21 ኮይሩዋን ኤላካ ሸቆዳ አቁ ወርሰላን አንጀተና።
 22 ነዉ ኢታ ኡሌዳ ኡራዉ፥ “ታንካ አዉ ኢታ አላና” ጎ፡፡ መድና ጎዳን አማነታደ ናጋ፤ እ ኔና አሻና።
 23 መድና ጎዳይ ላኡ ቆዋ ሚዛናቱዋ ሸነቱ፤ ዋርዳዋ ሚዛናቱካ አ ናሸቶክና።
 24 አሳይ ባናዉ በሰያ ኦግያ መድና ጎዳይ ካለሌ፤ ያትና፥ አሳይ ባረ ደኡዋን ባና ኦግያ ዋቲደ አኬካናዉ ዳንዳዩ?
 25 እትባ ኤሌሊደ፥ “ሀዋ ታን ጸሳዉ አማድ” ግ ድግያዌን ጉየ፡፡ ዘንቆትያዌ፥ ሄዌ አሳ ኦይቁያ ጲረ።
 26 አዴዳ ኤራንቻ ካቲ ማካላንቻቱዋ ሻኪደ ኤሬ፤ እ ኡንቱንታ ቃረተናን ሙሬ።
 27 አሳ አያናይ መድና ጎዳዉ ጸምፕያ፤ ሄዋ ድራዉ፥ እ ኦ ግደ አሳተላ ኡባ ፕልግ ጾሌ።
 28 አገና ሲቁነ አማነትያዌ ካትያ ናጊና፤ አ ካዉተላ አራታይ አገና ሲቁዋን ምኔ።
 29 ያላጋቱዋ ቦንቹ ኡንቱንቱ ዋልቃ፤ ጭማቶካ ኡንቱንቱ ፑሉንላይ ኡንቱንቶ ቦንቹዋ።
 30 ምና ሙሩ ኢታተላ ሸዴ፤ ዋድያዌ ኢታ ዋዛና ላማናዉ ዳንዳዬ።

21

1 ካትያ ዋዛናይ መድና ጎዳ ኩሸያና፤ እ አ ዋዛና ጎግያ ሃላ ዘርያዋዳን፥ ባረ ኮይዳሳ ዛሬ።
 2 አሳይ አልያዌ ኡባይ እዛዋ ልከ ማላቲ፤ ሸን መድና ጎዳይ እ ዋዛና ቆፋ ፓጩ።
 3 ያርሹዋ ያርሸያዋ፡፡ አሊደ፥ ጽሎባነ ሱረባ አልያዋ መድና ጎዳይ ደሴ።
 4 ኢታቱ ኦቶረትያዋንን አይያዋን ኤረቲና፤ ሄዋካ ናጋራ።
 5 ምና ኦሳንቻ ሀልቼ ዱረዬ፤ ሸን ኤሌልያ ኡባይ ሀይሳና።
 6 ዋርዳቲደ ዳጋዬዳ ዱረታይ ፐንቱዋ ሱሉዋዳን ዳይ፤ ሄዋ ኮይያዋንቱ ሀይቁዋ ኮዩና።
 7 ኢታቱ ሱረባ አላናዉ እጽያ ድራዉ፥ ኡንቱንቱ ማካላ ኦሱ ኡንቱንታ አኪደ ቤ።
 8 ባይዛንቻቱ ጌላ ኦግያን ሀመቲና፤ ሸን ጌሻቱ ሱረባ አሊና።

9 ዋላቀትያ ማቻትና እት ጎልያን ደእያዋጥ ሄ ጎልያ ካሻን ደእያዋ ኬካ።

10 ኢታቱ ኢታባ ኦላናው አዋቲኖ፤ ባረንቱ ሾርቶ ቃረትክና።

11 ቅሊጭያዊ ሙረቲዳ ዋደ፣ ዋዛናይ ፓጩዳ ኡራይ አዲዳ ኤራ ታማሬ፤ ቃይ ዋዛናማ ኡራይ ታማሪደ፣ ኤራ ደሜ።

12 ጽሎ ጸሳይ ኢታቱዋ ሶን ኦሰትያዋ ኡባ በኤ፤ ኡንቱንታ አላ የጊደ ዳይሴ።

13 ህዬሳ ዋሱዋ ሰሳናጥ ጊደ፣ ባረ ሀይላ ቱጭያ ኡራይ፣ እካ ዋሳና፤ አልያዌ ዳያና።

14 ጌማን እምያ እሙ ሀንቁዋ ደሸሴ። አፍላ ግዲዋና እሜዳ ማታዬ ሱሎ ሀንቁዋ አርጽሴ።

15 ሱረ ፕርዳይ ፕርደቲዳ ዋደ፣ ሄዌ ጽሎ ናሽቻ፤ ሽን ኢታ ኦልያዋንቶ ዳጋማ።

16 አከካ ኦግያጥ ሀድሬዳ ኡራ ሀይቁ ናጌ።

17 አዶ እንጅያን ደእና ግያ ኡራይ ማንቄ፤ ዋይንያ ኤሳነ ዛይትያ ደሰያ አሳይ ዲረተና።

18 እት እት ገደነ ጸሳ አሳቱዋ አሻናው ኢታ አሳቱ ሙረቲኖ፤ አማነተና አሳቱካ ሱረ አሳቱዋ ድራው ሙረቲኖ።

19 ዋላቀትያን ይሎትያ ማቻትና ደእናጥ ባዙዋን ደእያዋ ኬካ።

20 ዋዛናማ ኡራ ሶን ማልኦ ቁማይነ ኦይሳይ ምንጅቲ፤ ሽን ቦዛ አሳይ ባረው ደእያዋ ኡባ ም ድጌ።

21 ጽሎተላነ አገና ሲቁዋ ኮይያ ኡራ ላይላይ አዲቄ፤ ቃይ ሄ ኡራይ ጽሎተላነ ቦንቹዋ ደሜ።

22 ዋዛናማ አሳይ ዋልቃማ ኦላንቻቱ ደእያ ካታማ ኦሊደ ኦይቄ፤ ኡንቱንቱ አማነቲዳ ሞኖ ጌሱዋካ ላሌ።

23 ባረ ደናነ ባረ እንጸርሳ ናግያ አሳይ ባረና ሙቱዋጥ ናጌ።

24 ኦቶሪትያን አይያ አሳይ ቅሊጭያዋ ጌተቲ፤ እ ኦቶሪትያ ግዴዳ ድራው፣ አሳው ቆጥና።

25 አዛላ እሙ ዋዴ፤ አያው ጎጥ፣ እ ኦላናው ኮየና።

26 አዛላይ ጋላሳ ኩሙንላ ዳሮባ ደማናው አዋቲ፤ ሽን ጽሎ ባረው አሸናን እሜ።

27 ጸሳይ ኢታቱዋ ያርሹዋ ሸነቲ፤ ሄዋጥካ ኡንቱንቱ አው ኢታ ቆፋን ሺሽያ ያርሹዋ አላ ሸነቲ።

28 ዋርዶ ማርካይ ዳያና፤ ሽን ቆጊደ አከካን ሃሳይያ ኡራ ሃሳይያ አከታና።

29 ኢታ አሳይ ታዋ ጸላላይ ልከ ጌ፤ ሽን ሱረ አሳይ ዩሽ ቆጌ።

30 አሳይ ባረ አዲዳ ኤራተላን፣ አከካንነ ዘርያን ሙድና ጎዳና ኤቀታናው ዳንዳየና።

31 ኦላው ፓራ ኮራናው ዳንዳየቲ፤ ሽን ኦላ ጸንሰያዌ ሙድና ጎዳ።

22

1 ሎኦ ሱንላይ ዳሮ ዲረተላጥ አዴ፤ ሳበትያዌካ ብራጥነ ዋርቃጥ አዴ።

2 ዲርያን ማንቁዋ ኡባካ ሙድና ጎዳይ ሙዴዳ፤ ሄዋን ኡንቱንቱ ላኡካ ቃራ።

3 ጭንጫ አሳይ ኢታ በኢደ፣ ቆሰት አሌ፤ ሽን አከካይ ፓጩዳ አሳይ ሙቱዋን ገሊደ ቆሄቲ።

4 ኔን አሸከ ግደጥነ ሙድና ጎዳው ያዮጥ፣ ዲረተላ፣ ቦንቹዋን ደኡዋ ደማና።

5 ኢታ ኡራ ኦግያን አጉንላይነ ጸራ ደኤ፤ ሽን ባረና ናግያ አሳይ ኡንቱንቱጥ ሃኬ።

6 ናከይ ዋኒደ ደእና በሰንቶ ታማርሳ፤ ያቶጥ፣ እ ጭሚደካ ሄዋ አገና።

7 ዲሪ ህዬሳ ሞዴ፤ ታልእ አኩዳዌ ታልእያ እሜዳዋ አይለ ግዴ።

8 ናጋራ ዘርያ ኡራይ ዋይያ ጫኬ፤ ሀራቱዋ እ ቱጋይያ ቱጋ ጸምአይ ሙኤና።

9 ኬካ አሳይ ባረ ቁማጥ ህዬሳው ጮ እምያ ድራው እንጀታና።

10 ቅሊጭያ አሳ ከሳ ድጎጥ፣ ፓሎሚ፣ ዋላሳይነ ቦሪ ክቻና።

11 ኔን ዋዛና ጌሻተላነ ኬካ ሃሳይ ደሶጥ፣ ካቲ ኔና ደሶቲ።

12 ሙድና ጎዳይ ኤረተላ ናጌ፤ ሽን ዋርዶንቻቱዋ ቃላ እ አላ የጌ።

13 ቦዛ አሳይ፣ “ታን ካረ ከሶጥ፣ ጋሙ ታና ማና፤ ታና ኦግያን አሳይ ዋዳና” ያጌ።

14 ዋሹምያ ማጫ ሞሽራት ደናይ ጨዋ ኦላ ማላ፤ ሙድና ጎዳይ ሀንቀቲዳ ኡራይ እ ግደን ኩንዴ።

15 ናኦ ዋዛና አዛላተላይ ባቂ ኦይቄ፤ ሽን ቃይዴርያን ሙርያዌ አጥ ሃሴ።

16 ባረው ማጹዋ ጉጃና ጊደ፣ ህዬሳ ናቂያዌ ዲርያው እሙዋ እምያዌ ላኡካ ህዬሳና።

ሀታሙ አዴዳ ኤራ ሃሳይቱዋ

17 ነ ሀይላ ሃ የጋደ፣ አዴዳ ኤራንቻይ ኦድያዋ ሰሳ፤ ነ ዋዛናካ ታ ኤራኮ ዛራ።

18 አያው ጎጥ፣ ኡንቱንታ ነ ዋዛናን ዋጥነ ነ ደናንካ ኡንቱንቱ ኡባ ሀሳዮጥ፣ ኔን ናሽታና።

19 ነ አማኑ ሙድና ጎዳን ግዳና ማላ፣ ታን ኔና ሀቶ ታማርሳድ።

20 ታን ነው ዘሪነ ኤራተላይ ደእያ ሀታሙ ሊምሳቱዋ ጸፎዌሽ!

21 ኔና ኪቲዳዋ ኔን ልከ ዛራዋ ዛራና ማላ፣ ታን ኔና ቱማተላ ታማርሳድ።

22 ህዬሳቶ አያይነ ባይና ድራው፣ ኡንቱንቱዋ ቦንቆጋ፤ ቶሎታንካ ሙቶታንቻቱዋ ማታ ዳይሶጋ።

23 አያው ጎጥ፣ ሙድና ጎዳይ ኡንቱንቱ ድራው ሞተታና፤ ኡንቱንታ ቦንቁዳዋንታካ እ ቦንቃና።

24 ሀንቀትያ ኡራና ላገቶጋ፤ ሀንቀታናው ኤሌልያ ኡራናካ ዙጥቶጋ።

25 ኔን አ ሀኑዋ ሜዘቶጥ፣ ጉየጥ አጋናው ዳንዳያካ።

26 አሳው አጩዋ ታ ቃንጸና ጋደ ዋሰያ ገሎጋ።

27 ኔን ቃንጸያዌ ዳዮጥ፣ ነ ግሰያ ሂጸይ አተናን፣ ነው ደእያባይ ኡባይ አከታና።

28 ነ ማይዛ አዋቲ ቶኬዳ በን ዛዋ ሾደጋ።

29 ባረ ኦሱዋ ሎሀተላን ኦልያ አሳ በኦድ? እ ካተቶ ኦሌጥ አትና፣ ጮ አሳቶ ኦጋና።

23

1 ኔን አሳ ሞድያዋና እትጥ ቁማ ማናው ኡቲዳ ዋደ፣ ነ ሰንላን ደእያዋ ሎይላደ አከካ።

2 ኔን ዳሮ ዮራ አሳ ግደጥ፣ ናገታ።

3 እ ኔና ፓጫናው ዳንዳይያ ድራው፡ አዴዳ ማልኦ ቁማው ያወነቶ።
 4 ዱረታናው ዳቡርፓ፤ ሄዋ ማላ ከሰያ አጋናው ጭንጨ ግዳ።
 5 ሄዋ ማላ ዱረተላይ ኔን ዴልሽን ዳያና፤ ቀፍያ ከሲደ አርጋንላዋዳን፡ ሳሉዋ ፓላና።
 6 ኡዞያ ቁማ ሞፓ፤ አ ማልኦ ቁማካ ማናው አሞቶ።
 7 ማላትሳናው እ ኔና፡ “ማ፤ ኡሻ” ያጌፕ አትና፡ አ ዋዛናይ ኔናና ደኤና።
 8 ኔን ሜዳ ላፋ ቁማ ጮሻና፤ ነ ጋላታይካ መላ ግዳና።
 9 ቦዛዉ ሎኦባ ሃሳዮፓ፤ አያው ጎፕ፡ ነ አዴዳ ኤራ ሃሳያ እ ካዳ።
 10 በን ዛዋ ሸዶፓ፤ ቃይ አዉ ባይና ናናቱዋ ጋድያ ዛዋ ሱጎ።
 11 አያው ጎፕ፡ ኡንቱንታ አሽያ ጸሳይ ሞና፤ አ ኡንቱንቱ ድራው ኔናና ሞተታና።
 12 ነ አሰታማሪ ነዉ ኦድያዋ ሀይዛ፤ ነ ሀይላካ ኤራ ቃላኮ ዛራ።
 13 ናኦ ሴረናን አጎፓ፤ ኔን አ ቃይዴርያን ዋዶፕ፡ እ ሀይቀና።
 14 ኔን አ ቃይዴርያን ዋዶፕ፡ አ ሸሞፑዋ ሀይቁዋፕ አሻሻ።
 15 ታ ናኦው፡ ኔን ነ ዋዛናን አዴዳ ኤራንቻ ግደፕ፡ ታ ዋዛናይካ ናሽታና፤
 16 ነ አንጻርሳይ ሱረባ ሃሳዮፕ፡ ታ ዋዛናይ ናሽቱ።
 17 ናጋራንቻቱዋ ቃናቶፓ፤ ሸን ኡባ ገደ መድና ጎዳዉ ያይያዋ አጎ።
 18 ያቶፕ ነዉ ሰንላናው ሳኦይ ከካና፤ ነ ሀይታይካ ዳየና።
 19 ታ ናኦው፡ ሰሳ፤ ዋዛናማ ግዳ፤ ነ ዋዛና ሱረ ኦግያን ዋላ።
 20 ዳሮ ዋይንያ ኤሳ ኡሽያዋንቱና ከሹዋ ሙሳው ያረትያዋንቱና ዙፕቶ።
 21 አያው ጎፕ፡ ማላትያዋንቱን ዮራንቻቱ ማንቃና፤ ገሞአሹዋ ዳሩ አሳ ዉሬዳ ጨርቃ ማይዘሴ።
 22 ኔና የሌዳ ነ አቡ ኦድያዋ ሰሳ፤ ነ አታካ ኤጩዳ ዋይ ካዶ።
 23 ቱሙዋ፡ አዴዳ ኤራተላ፡ ትምርትያን አከካ ሻማፕ አትና፡ ኡባካ ዛልኦ።
 24 ጽሎ ናኦ አቡ ሎይሳ ናሽታና፤ ዋዛናማ ናኦ የሌዳ ኡራይካ አን ሀሹ ጋና።
 25 ነ አቡን ነ አታ ናሽቶና፤ ኔና የሌዳናካ ሀሹ ጉ።
 26 ታ ናኦው፡ ታ ዘርያ ሀይዛ፤ ታን ሀንያዋዳን ሀና።
 27 አያው ጎፕ፡ ዋሹምያ ሞሽራታ ጨሞ ኦላ ማላ፤ ጨራቱዋ ኦይቂያ ማቻታካ ኡንኦ ኦላ ማላ።
 28 እ ፓኑዋዳን ቆሰታ ኡታደ ናጋዉ፤ አማነተና አቱማ አሳ አሳ ግደን ዳርሳዉ።
 29 “ዋ!” ግያ ዋሱ ኦሴ? ካዩ ኦሴ? ዋላሳይ ኦሴ? ዙዙንላይ ኦሴ? ጋሱ ባይናን ማዱጽያዋ ኦሴ? አይፊ ዘእያዋ ኦሴ?
 30 ዋይንያ ኤሳ ኡሽደ ጋምእያዋንቱሳ ግደኔ? ዋላከቱዳ ዋይንያ ኤሳ ኡሽ ኡሽ በእያዋንቱሳ ግደኔ?

31 ዋይንያ ኤሳይ ዘኤዳ ዋይ፡ አ ማላይ ብርልያ ግደን ጸልያ ዋይ፡ ኡሽሽን ዋላላቲደ ገልያ ዋይ፡ አ ጸሎ።
 32 ዉርሰላን እ ሸሻዳን ዱኬ፤ ሙሉሙቀ ሸሻዳንካ ባረ ይሻ ፑኬ።
 33 ነ አይፊ በእ ኤረናዋ በእና፤ ነ ዋዛናይካ ሱረ ቆፓናዉን ሃሳያናው ዳንዳየና።
 34 ኔን አባ ግደን ሆቢ ቃልያ ማርካብያ ዴራን ግሴዳ ኡራ ማላ ግዳና።
 35 ኔን፡ “ኡንቱንቱ ታና ደቼድና፤ ሸን ታን ቆሃታበይከ። ኡንቱንቱ ታና ዋዴድና፤ ሸን ታዉ ኤረትቤና። ሀራ ኡሻ ኡሻናው ታን አዉደ ደንዳንድታሻ?” ያጋና።

24

1 ታ ናኦው፡ ኢታ አሳቱዋ ማላ ግዳርክታሻ ጎፓ፤ ኡንቱንቱና ዳቦታናዉካ አሞቶ።
 2 አያው ጎፕ፡ ኡንቱንቱ ኡባ ገደ ማካላባ ማቀቲና፤ ባረንቱ አንጻርሳን ገንያባ ሃሳዩና።
 3 ጎሊ አዴዳ ኤራተላን ከጸቱ፤ አከካንካ ሞኔ።
 4 ኡራይ ደኦፕ፡ ቆልኤ አልኦባንን ሎኦባን ኡባን ኩሜ።
 5 ዋዛናማ ኡራዉ ዋልቃማ ዋልቃይ ደኤ፤ ኤራንቻ አሳይካ ሞናተላ ጉጁ።
 6 ኔን ኦላዉ ከሳናፕ ካሰታደ ሀልቼዋ ሀልቻናው ኮሼ፤ ዳሮ ዘርያዋንቱ ዘርያን ጸኑ ቤቱ።
 7 ቦዛይ አዴዳ ኤራተላ አከካናዉ ዳንዳየና፤ ሀቃ ያእንካ ኦድያዋ አይን ባዋ።
 8 ኢታ ኦላናዉ ሀልቻያ ኡራይ ገናንቻ ጌተታና።
 9 ቦዛተላ ቆፋይ ናጋራ፤ አሳይ ቅሊጭያዋ አዴ።
 10 ኔን መቱዋ ጋላሰ ላፎፕ፡ ነ ዋልቃይ ጉላ ግያዋ።
 11 ሀይቃናዉ በሰናን፡ ሀይቆ ፕርዲደ አፍያዋንታ አሻ፤ ዋዳና ሀንያ ዋይ ጮኤ ጋደ ጸሎ።
 12 ኔን፡ “ኡን ሀዋ ኤርበይኮ” ያጎፕ፡ ዋዛና ኤርያዋ እ በኤኔ? ነ ደኡዋ ናግያዋ ኤረኔ? አሳ ኡባዉ አ ኦሱዋ ኦሱዋዳን ዛረኔ?
 13 ታ ናኦው፡ ኤሳ ማ፤ ኤሳይ ሎኦ። ኤሳ አልሉ ጎንጨዋን ማልኤ።
 14 አዴዳ ኤራተላይካ ሄዋ ማላ፤ እ ነ ሸሞፖ ማልኦ ግድያዋ ኤራ። ኔን አ ደምያዋ ግደፕ፡ ሰንላና ያና ሀይታይ ነዋ፤ ኔን አካና ጋደ ሀይታን ናግያዋካ ዳየና።
 15 ጽሎዋ ጎልያን ማጽዋ ቦንቃናዉ ቆፕያ ኢታ አሳዳን ሀና።
 16 ጽሎ አሳይ ላፑን ገደ ኩንደፕካ ደንዴ፤ ሸን ኢታቱ መቱዋን ዳየና።
 17 ነ ሞርኪ ኩንደያ ዋይ ናሽቶፓ፤ እ ቶበትያ ዋይካ፡ “ሀሹ!” ጎፓ።
 18 ኔን ናሽቶፕ፡ መድና ጎዳይ ሄዋ በኢደ ናሽተና፤ አ ሀንቀትያዋካ አግ አጋና።
 19 ኢታ ኦላያዋንቱ ድራው ሀርሳፓ፤ ኡንቱንቱ ማላ ግዳርክታሻ ጎፓ።
 20 አያው ጎፕ፡ ኢታ ኡራዉ ሰንላና ያና ሀይታይ ባዋ፤ ኢታቱዋ ጸምፒካ ቶኦና።

21 ታ ናአው፡ መድና ጎዳውን ካትያው ያያ፤ እንቱንቶ ማካልያዋንቱናካ ዙጥቶ፡፡

22 እያው ጎጥ፡ ሄዋ ማላ አሳቱዋ ቆጥና ሙቱ ጋኬ፤ ካትያጥን ጸላጥ ያና ሙቱዋ እኔ ኤርያዌ?

ሀራ አዴዳ ኤራ ሃሳያቱዋ

23 አዴዳ ኤራንቻቱ ጉጂደካ ሀዋዳን ያጌድኖ፡- ፕርዲደ ማድያዌ ሎእ ግደና፡፡

24 ባይዛንቻ፡ “ኔን ባይዛባካ” ያግያ ዳና አሳይ ሸቃና፤ ካውተላቱካ አ እጸና፡፡

25 ባይዛንቻ ሙርያዋንቱ ሎይል ናሽታናን እንጀታና፡፡

26 ሱረ ዛሩዋ ዛርያዌ ዳቦቶ ማላታ ማላ፡፡

27 ካሰታይ ነ ጋድያ ኦላ፤ ካላካ ዘራ፤ ሄዋጥ ጉይያን፡ ነ ጎልያ ኬጸ፡፡

28 ነ ሾሩዋ ቦላ ጋሱ ባይናን ማርካቶ፤ ነ ደናንካ ጭዋጋ፡፡

29 “እ ታው ኦሌዳዋዳን፡ ታን አው ኦላና፤ ታን አው አ ኦሱዋ ኩሽያ ዛራና” ያጎጥ፡፡

30 ታን እት ጋላሰ፡ እት አዛላን እኬካይ ፓጩዳ ብታንያ ጋደን ደእያ ወይንያ ቱራ ግዲዋና አዳድ፡፡

31 አድያ ወደ፡ አጉንላይን ሻራፋይ ጎዝ ዋሌዳ፤ ዩሹዋን ሹቻ ግምቢካ ኮለት ክቼዳ፡፡

32 ታን አ በኤዳ ወደ፡ ቆጋድ፤ ታን በኤዳዋጥ ትምርትያ ታማራድ፡፡

33 ኔን ጉላ ልጽ ጋ፤ ጉላ ገምእሻ፤ ነ ኩሽያካ ሺሻደ ጉላ ሸምጋ አካ፡፡

34 ሄዋጥ ጉይያን፡ ሀይሳተላይ ፓኑዋዳን ያና፤ ፓጩይካ ኦላ ሚሻ ኦይቄዳ አሳዳን ፑቱ ጋና፡፡

25

ሶሎሞን ጸፊዳ ሀራ ሌምሳቱዋ

1 ሀዋንቱካ ቃይ፡ ይሁዳ ካትያ ሀዘቄያሳ አሳቱ ዲቄደ ጸፊዳ ሶሎሞና ሌምሳቱዋ፡፡

2 ጹራ ገንለያዌ ጸሳው ቦንቸ፤ ጹራ ፕልጊደ ከሰያዌ ቃይ ካተቶ ቦንቸ፡፡

3 ሳሎቱዋ ቶቃተላን ሳኦ ጨማተላ አሳይ ጋከናዋዳን፡ ካተቱዋ ቆፋካ አሳይ ኤራናው ዳንዳየና፡፡

4 ብራጥ ቅታ ድጋ፤ ሄዋጥ ጉይያን፡ ዎጋጩ ቆጶደ፡ ሎአባ ከሳና፡፡

5 ካትያ ሰንላጥ ኢታቱዋ ድጋ፤ ያቶጥ፡ አ ካውተላ እራታይ ጽሎተላን ምን ኤቃና፡፡

6 ካትያ ሰንላ አድያ ወደ ጨቀቶ፤ ዎልቃማ አሳቱዋጥ ግዲዋን ሳኦ ኮዮጥ፡፡

7 ኔጥ ግታትያ አሳው ሳኦ እማናው ካፑ ኔና ደንለና ካውሸያዋጥ፡ ካፑ ኔና፡ “ሀዋኮ ቶቄ ጋ” ግያዌ ነው ኬካ፡፡

8 ነ አይፍያን በኤዳዋ ማርካታናው ዳባባ ባናው ኤሌሎጥ፤ አያው ጎጥ፡ ኔን ማርካታ ሰምና፡ ሀራ አሳይ ነ ማርካተላይ ባላ ግድያዋ ቆንጭሶጥ፡ ኔን ዬላታና፡፡

9 ኔጥን ነ ሾሩዋጥ ግዲዋን ፓሎሚ መቆጥጥ፡ እናና ሃሳያደ ነ ፓሎምያ ወርሳ፡፡ ሀራ አሳ ጹራ ቆንጭሶጥ፡፡

10 ሄዌ ቆዮጥ፡ ኔን ኦድያዋ ሰሴዳ አሳይ ኔና ካውሻና፤ ሄዋን ነ ሱንላይ ላኤንላ ሰመናዳን ባያና፡፡

11 ኮሽያ ዎድያን ሃሳየቱዳ ልክ ቃላይ ብራ ቦላ ትጌዳ ዎርቃ አሌቁዋ ማላ፡፡

12 ሀይዝያ ኡራ ኤራንቻ አሳይ ዞርያ ዞሪ ሀይላን ዎሌዳ ዎርቃ ወይ ጌሻ ዎርቃጥ ኦሌዳ አሌቁዋ ማላ፡፡

13 ካላ ጫክያ ቦንያን እርጸ ሃላይ ኡሽና አልያዋዳን፡ ኪትና አማነትያ አሳይ ባረና ኪትያዋንታ ናሽቼ፡፡

14 እመናባ “እማና” ያጊደ ጨቀትያ አሳይ እራይ ባይና ሻርያን ጫርኩዋ ማላ፡፡

15 ዳንዳያንቻ አሳይ ደርያ ዎድያዎ ኦዲደ አማንሌ፤ ሊቆ ቃላይ መቀላ አዲደ ገሌ፡፡

16 ኤሳ ደሞጥ፡ ካላና ጋካናው ማ፤ ሸን ዳርሶጥ፡ ኔን ጮሻና፡፡

17 ኔና ኡፊደ እጸናዳን፡ ነ ሾሩዋ ጎለ ኡባ ገደ ቦጥ፡፡

18 ባረ ሾሩዋ ቦላ ዎርዲዋን ማርካትያ አሳይ ጋትማይ፡ ማሻይን ቃራ አዳይ አሳ ቆሀያዋ ኬሻ ቆሄ፡፡

19 ሙቱዋ ወደ አማነተና ኡራን ዘምጥያዌ ቃጽያ ማታን ጮምያዋን ሰሌዳ ገድያን ሀመትያዋ ማላ፡፡

20 ካዮት ኡቲዳ አሳው የላ የጽያዌ ሜጉዋ ጋላሰ ማዩዋ ቃርያዋን ማዲላ ቦላ ጫላባ ትግያዋ ማላ፡፡

21 ነ ሞርኪ ኮሻቶጥ፡ ሞዛ፤ ሳመቶጥ፡ ኡሻ፡፡

22 አያው ጎጥ፡ ኔን ሄዋ ኦላያዌ አ ሁጲያን ታማ ቦንቁዋ ካሺደ ቆልያዋ ማላ፡፡ መድና ጎዳይካ ነው ወይታና፡፡

23 ደላሃ ባጋ ጫርኩ እራ አሀያዋዳን፡ ዝግርሳይ ሀንቁዋ አይ፡፡

24 ዋላቀትያ ማቻትና እት ጎልያን ደአናጥ ጎልያ ካሻን ደእያዌ ኬካ፡፡

25 ዳቡራዳ ኡራይ እርጸ ሃላ ኡሺደ አልያዋዳን፡ ሃኮ ቢታጥ ይያ ሎኦ ኦዲ ናሽቼ፡፡

26 ኢታ አሳ ሰንላን ኩንድያ ጽሎ አሳይ ቡሉቀቲዳ ፑልቲዋን ባይዳ ኦላ ሃላ ማላ፡፡

27 ደር ኤሳ ምያዌ ሎእ ግደና፤ ሄዋዳንካ፡ ባረ ቦንቸዋ ኮይያዌ ቦንቸሰና፡፡

28 ባረ ሁጲያ ናገና አሳይ ድርሳይ መኤዳ ካታማ ማላ፡፡

26

1 ቦንያን ሻቻይ፡ ካላ ጫክያ ዎድያንካ እራይ ኮሽናዋዳን፡ ቦዛው ቦንቸ ኮሽና፡፡

2 ካፎቱ ያን ሃን ፓሊደ፡ አሳ ቆሄናዋዳን፡ ጋሱ ባይናን ሸቄያ ሸቃይ አሳ ጋከና፡፡

3 ፓራው ልሱዋ፡ ሀርያው ፓጸሩዋ ኮሽያዋዳን፡ ቦዛ ዘክያው ዋቆ ኮሺ፡፡

4 ቦዛ ኡራው አ ቦዛተላዳን ዛርጥ፤ ዛርጥ ኔንካ አ ማላ ግዳና፡፡

5 ቦዛ ኡራው አ ቦዛተላዳን ዛራ፤ ሄዌ ቆዮጥ፡ አ ባረና ኤራንቻዳን ፓይዳና፡፡

6 ቦዛ አሳ ቦላ ኪታ ኪትያዌ ባረ ገድያ ቃንጽያዋን ወድያዋ ኡሽያዋ ማላ።

7 ቦዛ ኡራ ሌምሱ ዋባ ኡራ ገድያ ማላ ማደና።

8 ቦዛ ኡራ ቦንቶያ አሳይ ሹቻ ያምባርሻ ቦላ ቃቶ ዋሊደ ዩሽያ አሳ ማላ።

9 ቦዛ ኡራ ሌምሱ ማሶቲዳ አሳይ ባረ ኩሽያ ጫዴዳ አጉንፋ ከሳናው ባጸትያዋ ማላ።

10 ቦዛ አሳ ዋይ ባረው ኦግያና አድያ አሳ ኦሶ ቃጸርያ አሳይ ደሜዳ አሳ ኡባ ጫዳናዳን ዋንዳፍያ ዱክያ አሳ ማላ።

11 ካናይ ባረ ጮሻ ጉዩ ሰሚደ ምያዋዳን፣ ቦዛይ ባረ ቦዛተፋ ኦሱዋ ዛር ዛር ኦሌ።

12 ባረካ ባረና፣ “ታን አዴዳ ኤራንቻ” ግያ አሳ በእድ? አጥ ቦዛ ኡራው ሰንፋጥ ሎኦ ሀደታይ ደኤ።

13 እዛላይ፣ “ኦግያን ጋሙ ደኤ፤ ያሽያ ጋሙ አሶ ኦግያን ዩዬ” ያጌ።

14 ጥንጊ ባረ ማጻፍያን ያነ ሃነ ቃጽያዋዳን፣ እዛላይካ ባረ ሂጸን ያነ ሃነ አድ ዋዴ።

15 እት እት አሳቱ ዳር እዛላ፤ ኤንቱንቱ ሀራይ አትና፣ ዋጽያን ቱሼዳ ሶሉዋካ ፑደ ባራናው ዳቡሪኖ።

16 እዛላ አሳይ ማርካና ኦድያ ላቸን ኤራንቻቱዋጥካ ባረና አዴዳ ኤራንቻ ጊደ ቆፔ።

17 ባረና ጋሳያዌ ባይና ሳን ፓላማው አድያ አሳይ ኦግያና ብያ ካና ሀይፋ ኦይቂያ አሳ ማላ።

18-19 ባረ ሾሩዋ፣ “ታን ካሳው አላድ” ያጊደ ጭምያ አሳይ፣ ጎዬደ ታማ ጺፋ ኦልያ፣ ዋይ ዋድያ ጩብያ ደንሳያ አሳ ማላ።

20 ሞላይ ወርጥ፣ ታማይ ቶኤ፤ ዝግርያዌ ቆሮጥ፣ ዋላሳይ አቴ።

21 ጸጹንፋይ ቦንቁዋ ዳርሰያዋዳንን ሞላይ ታማ ዳርሰያዋዳን፣ ፓሉማንቻ አሳይ ዋላሳ ዳርሴ።

22 ዝግርሳ ቃላይ ማልኦ ቁማ ማላ፤ ናሽቺደ ዱገ ጋንጅያ ጋኬ።

23 ዋዛናን ኢታባይ ደእሺና፣ ባረ እንጸርሳን ጭሙዋ ቃላ ሃሳይያ አሳይ ብራን ሼሼዳ ኡርቃ ሚሻ ማላ።

24 ሎኦ ማላትያ ኢታ አሳይ ባረ ዋዛናን ደእያ ኢታተፋ ባረ ናሽ ሃሳያን ገንፏ።

25 አ ዋዛናን ላቸን ቱናተፋይ ኩም ኡቴዳ ድራው፣ እ ሎኦ ቃላ ሃሳሮጥካ እ አማኖ።

26 ባረ ሞርከተፋ እ ገንፎጥካ፣ እ ኦልያ ኢታተፋይ ሸቁዋን ቆንጫና።

27 ሀራቶ ኦላ ቦክያ ኡራይ ሄ ኦላን ባረው ኩንዳና፤ ሀራቱ ቦላ ሹቻ ጎንደርሰያ ኡራ ቦላ ሄ ሹቻይ ሰሚደ ጎንደረታና።

28 ዋርዶትያ እንጸርሳይ ባረ ቆሄዳ አሳቱዋ እጼ፤ ጭምያ ሃሳያይ ባየፋ አሄጥ አትን፣ ሀራባ አሄና።

2 ኔና ሀራ አሳይ ጋላቶጥ አትና፣ ኔን ኔና ኔረካ ጋላቶጥ፤ አሳይ ነ ድራው ማርካቶጥ አትና፣ ኔን ነ ኬካተፋ ኦድ።

3 ሹቻይ ዋልቃማ ቶኩዋ፤ ሻፈቱዋ ቶክያዌካ ዴጼ፤ ሽን ቦዛ ኡራይ ደንሳያ ዋላሳይ ኤንቱንቱ ላኡዋጥካ ዴጼ።

4 ሀንቆ ቃረት ባዋ፤ ይሉካ ባይዝያ ድኡዋ ማላ፤ ሽን ቃናትያን ኡባ ጋላ።

5 ጌሜዳ ሲቁዋጥ ባልያ ዋደ ቆንጭያን ሴርያዌ ኬካ።

6 ሞርኪ ኔና ዳር ገደ የርያዋጥ ሲቁ ኔና ደቆያዌ ኬካ።

7 ካሌዳ ኡራ ኤሳ እልሉ ኢቱ፤ ሽን ኮሻቴዳ ኡራ ጫምያባይካ ማልኤ።

8 ባረ ጎልያ አጊደ ዩይያ አሳይ፣ ባረ ጎልያጥ ሃካደ ፓልያ ካፋት ማላ።

9 ሽቱነ ሳዊያ እጸናይ አሳ ናሽቆያዋዳን፣ ሲቁዋ ላግያ ዘሪካ ናሽቆ።

10 ነ ሲቆ ላግያነ ነ አወዋ ሲቆ ላግያ አጎፓ፤ ኔና ሙቲዳ ዋደ ነ እሻ ጎላ ቦፓ። ሃኩዋን ደእያ እሻጥ ማታን ደእያ ሾሩ ኬካ።

11 ታ ናአው፣ ኔን አዴዳ ኤራንቻ ግዳ። ያትንቶ ታን ናሽታናን ታና ቦርያዋንቱ ኦሻካ ዛራና።

12 ጭንጫ አሳይ ሙቱ ይያ ዋደ በኢደ ቆሶቲ፤ ሽን አኬካይ ፓጩዳ አሳይ ሰት ግ ቢደ፣ ሙቲዋን ገሌ፤ ያቲደ ጉየጥ አዬ አና ያጌ።

13 ኤረና አሳው ዋሰያ ገልያ ኡራ ማዩዋ ቃር አክተ፤ እማፋ አሳው፣ ዋሰያ ገሌዳ ኡራ ማዩዋ ኦይቁተ።

14 ዋንታ ጉራን ባረ ቃላ ቶቁ ኦሊደ፣ ባረ ሾሩዋ ሳርትያዌ አ ሸቂያዋ ማላ።

15 ዋላቃታደ ዱጸና ማቻታነ እራይ ቡክያ ዋደ ጸኪደ አገና ጎሊ እት ማላ።

16 ጫርኩዋ ተአናው ዋይ ዛይትያ ጩጩሚደ ኦይቃናው ዳንዳየተናዋዳን፣ እዞ ጮኤ ኦላናው ዳንዳየተና።

17 ብራታይ ብራታ ፖሽያዋዳን፣ አሳይ እቱ እቱዋጥ ታማሬ።

18 ባላሰያ ግያ ሞላቶ እሻልሲደ ናጌዳ ኡራይ እ አይፍያ ማና፤ ባረና አይሴዳዋ ካቦይያ ቆማይ ቦንቼታና።

19 ሃሳይ ማሰቶትያዳን ሶምኡዋ በሰያዋዳን፣ አሳ ዋዛናይ እዛው ኤሻ በሴ።

20 ሀይቁን ባሻይ ካል ኤርክኖ፤ ሄዋዳንካ፣ አሳ አይፊ ካላና።

21 ብራይነ ዋርቃይ ታማን ፓጩቲደ ጌይያዋዳን፣ አሳይካ ባረ አክያ ጋላታን ፓጩቲ።

22 ቦዛ አሳ ካላና ኡዱላን የጋደ፣ ኡዱላ ሞላን ጫድንቶ፣ አጥ ቦዛተፋይ ክቺና።

23 ነ ደርሳቱ ደእያ ሀኖታ ሎይፋደ ኤራ፤ ነ ሙሀያ ወድያካ ዋዛናጥ ሄማ።

24 እያው ጎጥ፣ ዳረተፋይ ሙድናው ደኤና፤ ካላቻይካ የለታጥ የለታው አገናን አጋናው ዳንዳዩ።

25 ሙላ ማታይ ቡጩቲዳዋጥ፣ አጫ ማታይ ከሴዳዋጥን ደርያ ቦላን ደእያ ማታይ ሸቁዳዋጥ ጉይያን፣

27

1 ዋንት ሀናናባን ጨቀቶፓ፤ ዋንት አሀናባ ኔን ኤራካ።

27:1 ያቆባ 4:13-16

26 ደርሳቱዋ እስክያፕ ኔን ነው ማይያዋ ከሳና፤ አማራጭ ዳሻቱዋ ዛልኤዳ ብራንካ ነው ጋድያ ሻማና።

27 እትያ ዳሻቱዋ ማላይ ነው፤ ነ ሶ አሳውነ ነ ማጫ ቆማቶ ቁማ ግዳናዋ።

28

1 ኢታቱ ኦንነ የደርሰናን ባቃቲና፤ ሽን ጽሎቱ ጋሙዋ ማላ ጸላ።

2 እት ካውተላይ ማካላንቻ ግድፍ፤ አ ሞድያዋንቱ ለመት ለመት ሞድና። ሽን ካለልያዋንቱ አዴዳ ኤራንቻነ እኩካንቻ ግድያ ዋደ፤ ሞኖ ግዲደ፤ ዳሮ ዋድያ ታኬ።

3 ሀዬሳቱዋ ኡቁንያ ዳናይ ካላ ዳይሰያ ዋልቃማ እራ ማላ።

4 ሀግያ ቦንቸና ኡራይ ባይዛንቻ ሳቤ፤ ሽን ሀግያ ቦንቸናዋ ባይዛንቻቱዋ ቆፋ ጸልቆ።

5 ኢታ አሳቶ ሱረ ፕርዳባይ ገለና፤ ሽን መድና ጎዳው ጎይንያዋንቶ ኡባባይካ ገሌ።

6 ጌላ አሳ ግዲደ፤ ዳረ ግድያዋፕ ሱረ አሳ ግዲደ፤ ሀዬሳ ግድያዋ ኬካ።

7 ሀግያ ናግያ ዋዳላይ እኩካንቻ። ሽን ፓርና ሹፋሮቱዋና ዙፕትያዋ ባረ አወዋ ዬላዬ።

8 ሚሻ ድቻው እምያዋንነ የሉዋን ዲረትያ አሳይ ሄ ማጸዋ ሀዬሳቶ ኬክያ አሳው ሺሺ።

9 ሀግያ ሰሳናፕ ገደ፤ ባረ ሀይላ ዋራ ዛርያ ኡራ ዋሳይ ጸሳ ሽነይያዋ።

10 ሱረቱዋ ኢታ ኦግያ ካለልያ ኡራይ ባረ ቦኬዳ አላን ባረው ኩንዳና፤ ሽን ጌሻ አሳይ ሎኦባ ላታና።

11 ዳረ አሳይ ባረና አዴዳ ኤራንቻ ገደ ቆፔ፤ ሽን እኩካይ ደእያ ሀዬሳይ አ ፓጩ።

12 ጽሎቱ ጸኔዳ ዋደ፤ አሳይ ኡባይ ናሽቲ፤ ሽን ኢታቱ ማታ ኦይቁዳ ዋደ፤ አሳይ ቆሰቲ።

13 ባረ ናጋራ ገንልያ ኡራይ አጩና፤ ሽን ፓጽዋይነ ናጋራ አግያዋ ማረታናዋ።

14 መድና ጎዳው ኡባ ገደ ያይያ አሳይ እንጀቱዳዋ፤ ሽን ባረ ዋዛና ጉዙንልያ አሳይ መቱዋን ገላና።

15 ሀዬሳ አሳ ሞድያ ኢታ ዳናይ ጉድያ ጋሙዋን ኮሻቲዳ ባባርቂያ ማላ።

16 ዋዛን ፓጩዳ ዳናይ ባረ አሳ ናቁ፤ ሽን አሳ ናቁያዋ እጽያዋ ዳሮ ላይላ ሞዳና።

17 አሳ ዋዴዳ አሳይ ሀይቃና ጋካናው ባቃቲደ ደኤ፤ አ ኦንነ ሺሽ አከና።

18 ቦሪ ባይናን ሀመትያ ኡራይ ቆሄተናን አታናዋ፤ ሽን ጌላ አሳይ እት ኩላን ኩንዳና።

19 ባረ ጋድያ ኦልያ ኡራይ ካላ ካሌ። ሽን ሹፋሮቱዋ ካልያ ኡራይ ኡባ ገደ ሀዬሲደ ደኤ።

20 አማነቲዳ ኡራይ ዳሮ እንጀታና፤ ሽን ዳረታናው ጃምያዋ ሙረተናን አተና።

21 ሻኪደ ማድያዋ ሎኤና፤ ሽን አሳይ ጉላ ኡክላ ድራው ገደካ፤ ባላባ ኦላና።

22 ኡዘትያ ኡራይ ዳረታናው ጃሜ፤ ባረና ሀዬሳተላይ ኦይቃናዋካ ኤረና።

23 አሳ ጮ ሳቢያ ኡራፕ ሴርያ ኡራይ ጉየፕ ጋላተቲ።

24 ባረ አወዋፕነ ባረ እትፕ ወኢደ፤ “ታን አይነ ናጋራ ኦላባይከ” ያግያ ኡራይነ ባይዘያ ኡራይ እት ማላ።

25 ኡዘትያ ኡራይ ዋላሳ ደንሴ፤ ሽን መድና ጎዳን አማነትያዋ ካሌ።

26 ባረናን አማነትያ አሳይ ቦዛ፤ ሽን አዴዳ ኡራተላን ሀመትያዋ ሳሮ ደኤ።

27 ሀዬሳው እምያ ኡራው ፓጩና፤ ሽን ኡንቲንታ በአናፕ ገደ ጨልምያዋ ሽቃ አካና።

28 ኢታ አሳቱ ሱንትያ ዋደ፤ አሳይ ቆሰቲ፤ ሽን ኡንቲንቲ ዳይያ ዋደ፤ ጽሎቱ ጮራቲና።

29

1 ዳሮ ገደ ሴርና እጲደ፤ ሞርጊ ዱሌዳ ኡራይ ሀሳየናን መእና፤ ሄ ኡራው ፓጽካ ባዋ።

2 ጽሎ አሳቱ ሱንትያ ዋደ አሳይ ናሽቲ፤ ሽን ኢታቱ ቢታ ሞድያ ዋደ አሳይ ኦሌ።

3 አዴዳ ኡራ ደሰያ አሳይ ባረ አወዋ ናሽቲ፤ ሽን ዋሹምያ ማጫ አሳቱዋ ሄራን ዩይያ አሳይ ባረ ሚሻ ወርሴ።

4 ቱሙዋ ፕርድያ ካቲ ባረ ካውተላ ዋፑ ኦሌ፤ ሽን ማታይያ ማናው የራትያዋ ባረ ካውተላ ባይዜ።

5 ባረ ሾሩዋ ሳቢደ ሃሳይያ ኡራይ፤ አ ገድያው ግትያ የጌ።

6 ኢታ አሳይ ግቲ ኦይቁያዋዳን፤ ባረ ናጋራን ኦይቀቲ፤ ሽን ጽሎ አሳይ ናሽታናውነ የጸናው ዳንዳዬ።

7 ጽሎ አሳይ ሀዬሳ ማታ ቦንቸ፤ ሽን ኢታ አሳይ ሄዋ ማላ ኡራ ኡባካ ኤረና።

8 ቅለጭያዋንቲ ካታማን ዋላሳ ደንሴና፤ ሽን አዴዳ ኤራንቻ አሳቱ ሀንቁዋ እርጽሲና።

9 አዴዳ ኤራንቻ አሳይ ቦዛ አሳ ፕርዳ ጎለ አፎፕ፤ ቦዛይ ሀንቀቲነ ቅዴ፤ አወ ያቶፕ ሳሩ ዳዬ።

10 ሱላ ጉሳናው ጃምያ አሳቱ ሱረ አሳ እጲና፤ ቃይ ጽሎ አሳካ ዋዳናው ኮዪና።

11 ቦዛ አሳይ ባረ ሀንቁዋ የድ በሴ፤ ሽን አዴዳ ኡራ አሳይ ባረ ሀንቁዋ ሞቲ።

12 እት ሱንትያ ኡራይ ዋርዱዋ ኦዱዋ አኮፕ፤ አ ኦሳንቻቲ ኡባይ ኢታ ከሲና።

13 ሀዬሳይነ አሳ ናቁያ አሳይ እትባ ኮዲና፤ ኡንቲንቲ ላኦካ አይፍያ መድና ጎዳይ ጸልሴ።

14 እት ካቲ ሀዬሳው ሱረ ፕርድፕ፤ አ ባረ ካውተላን ጋምእና።

15 ቃይጸራነ ሴራይ ናናቶ አዴዳ ኡራ እሜ፤ ሽን የዳን ድጩዳ ናኦይ ባረ አቶ ካወሼ።

16 ኢታ አሳቱ ዳርያ ዋደ፤ ናጋራይ ዳሬ፤ ሽን ጽሎቱ ኡንቲንቲ ኩንደላ በአና።

17 ነ ናኦ ሴራ፤ ያቶፕ፤ አ ነው ሳሩዋ እማና፤ አ ኔና ናሽቻና።

18 ጸሳይ ካለልያ ካለሱዋ አከና ደሪ የዳ፤ ሽን ሀግያ ናግያ ኡራይ እንጀቱዳዋ።

19 ቆማይ ጮ ኦዶ ጸላን ሴረት ኤረና፤ ኦዶ አወ ገልንቶካ እ አዛዘተና።

20 ኤሌሌ ኤሌሌ ሃሳይያ ኡራ በአ ኤራይሻ? አፕ ቦዛ ኡራው ሰንላናው ዳሮ ሀይታይ ደኤ።

21 ነ ቆማው ናአተላፔ ደምና፤ እ ኮይያዎ ኡባ አው እማ ማዘዮፕ፤ እት ጋላሰ ነው ደእያዎ ኡባ አካናው እ ካጃላናዌ አተና።

22 ሀንቀትያ አሳይ ዋላሳ ደንፍ፤ ኤለ ይሎትያ አሳይ ዳሮ ናጋራ ኦሌ።

23 ኦቶሩ አሳ ካውሼ፤ ሽን ሆክያ አያናይ ደእያ አሳይ ቦንቹቴ።

24 ካይሱዋና ሻክያ ኡራይ ባረና እጽያ አሳ፤ እ ዳባባን ቱሙዋ ኦደፕካ ሙረቴ፤ ቱሙዋ ኦዳና ጳዮፕ ቃይ፤ ጸሳይ አ ሙራና።

25 አሳው ያይያዌ ሄ ኡራው ጸረ ግዴ፤ ሽን መጅና ጎዳን እማነትያ አሳይ ሳሮ ደኤ።

26 ዳሮቱ ሱንላተላይ ደእያ አሳቱዋ አውዳሺኖ፤ ሽን ሱረ ፕርዳይ መጅና ጎዳ ማታፕ ቤቴ።

27 ጽሎቱ ናጋራንቻቱዋ ሽነቲኖ፤ ናጋራንቻቱካ ሱረ ኡራ ሽነቲኖ።

30

አጉር ሃሳያ (30:1-33)

1 ሀዋፕ ካሊደ ጸፈቱዳዌ ያቃ ናአይ አጉር ሃሳዬዳ ሃሳያ። ሄ ብታኒ እቴላሰነ ኡካላው ሀዋ ሃሳዬዳ።

2 ቱሙ ታን አይ አሳፕካ ቦዛ ዳራይ፤ አሳው ደእያ አከካይ ታው ባዋ።

3 ታን አጼዳ ኤራ ታማራቦይከ፤ ጌሻ ጸሳባካ አያነ ኤርከ።

4 ሳሉዋ ፑደ ከሲደ፤ ዱገ ዋጼዳዌ ኦኔ? ጫርኩዋ ባረ ኩሽያን ኦይቁዳዌ፤ ሃላ ባረ አፍላን ዪጩዳዌ፤ ሳኦ ጋጸ አ ሳኦን ሳኦን ዋጼዳዌ ኦኔ? አነ ኤርፕ አ ሱንላ ታው ኦዳ። አ ናኦ ኦና ጋይ?

5 ጸሳይ ኦድያ ቃላይ ኡባይ ቱማ፤ ባረኮ ባቃቲደ ብያ ኡባው እ ጎንዳለ።

6 አ ቃላ ቦላ አያነ ጉጃፕ፤ ጉጃፕ እ ኔና ሴራና፤ ኔን ዋርዳንቻ ግድያዋካ እ ቆንጫሳና።

7 አቤት መጅና ጎዳው፤ ታን ኔና ላኡባቱዋ ኦቻይ፤ ታን ሀይቃና ጋካናው፤ ኡንቱንታ ታና ድጎፕ።

8 ኮይሩዋን፤ ታን አሳ ጭመናዳንነ ዋርዳዋ ሃሳየናዳን ታና ናጋ፤ ላኡንላዋን፤ ታው ኮሽያ ኬሻ ቁማ እማፕ አትና፤ ታና ዱረ ዋይ ማንቆ ከሰፕ።

9 ሄዌ ጳዮፕ፤ ዱረ ግዳደ፤ “መጅና ጎዳይ አኔ?” ጋደ ኔና ካዳና፤ ዋይ ማንቆ ግዳደ፤ ዉአና፤ ያታደ ታ ጸሳ ሱንላ ቦርሳና።

10 ኔና ሽቀና ማላነ እ ሽቂና ነው ጎመተና ማላ፤ ቆማ አ ጎዳን ሞቶፕ።

11 ባረንቱ አዎቱዋ ሽቂያነ ባረንቱ አየቱዋ አንጃና አሳቱ ደኢኖ።

12 ዳሮ ቱና ቱን ኡቲደ፤ ባረንታ ጌሻዳን ፓይድያ አሳቱ ደኢኖ።

13 ኦቶሩዋ ኩሜዳ አሳቱነ አሳ ካጲደ ጸልያ አሳቱ ደኢኖ።

14 ኡንቱንቱ አቻይ ማሻ ማላ ግድና፤ ኡንቱንቱ ጎንጩካ ጎሎዱዋ ማላ ግድና፤ ሀይሳቱዋነ መቶታንቻቱዋ ናቂደ፤ ኡንቱንቱዋ ቦንቂያ አሳቱ ደኢኖ።

15 ኡላላትው ላኡ ማጫ ናናቱ ደኢኖ። ኡንቱንቱ፤ “ሀማ! ሀማ!” ያጌደ ዋሲኖ።

ኡባካ ካል ኤረና ሄዙባቱ ደኢኖ፤ ኦይደንሉ ቃይ ኡባ፤ “ግዳና” ግ ኤረና።

16 ሄዋንቱካ፡

ዱፋዋ፡

ማይነ ማጫ አሳ፡

ሃላ ካልሰ ኤረና መላ ቢታነ፡

“ታው ግዳና!” ግ ኤረና ታማ።

17 ባረ አውዋ ቅለጭና ናኦ አይፍያ፤ ባረ አታ ጭምና ካጵያ ናኦ አይፍያ፤ ዛንጋራን ደእያ ቁርቱ ዋጫና፤ እ አሹዋ አንኮቱ ማና።

18 ታና ሄዙባቱ ማላልሲኖ፤ ኦይደንሉ ኡባ ታው ገለና።

19 ሄዋንቱካ፡

አርጋንሳይ ሳሉዋና ፓልያ ፓሉዋ፡

ሾሻይ ሹቻ ቦላና ሶሎልያ ሶሎላ፡

ማርካቢ አባ ቦላን ሶልድያ ሶልዲዋነ

ዋዳላይነ ወደራታ ሲቁዋ ደምያ ደመላ።

20 ዋሹምያ ሞሽራታ ሀንያ ሀኑካ ሄዋ ማላ። አ ሙሳ ማው፤ ሽን ሜዳዋፕ ጉይያን፤ ባረ ደና ቁጫ ድጋደ፤ “ታን አይነ ባይዛሰይከ” ያጋው።

21 ሄዙ የዎቱዋን ቢታይ ቃጼ፤ ኦይደንሉዋ ኡባ ቶካናውካ ዳንዳይቤና።

22 ሄዋንቱካ፡

አይሊ ካተቱዳ ዋደ፡

ቦዛይ ካላ ካሌዳ ዋደ፡

23 አሳይ እጼዳ ሞሽራታ አሰና ገሌዳ ዋደነ፤ ማጫ ቆማታ ባረ ጎዳቶ ላቲዳ ዋደ መፍትያ ሀኖታ።

24 ሳኦ ቦላ ኦይዳ ጉላ መፍትያ ደኢኖ፤ ሽን ኡንቱንቱ ሎይላ አጼዳ ኤራንቻ።

25 ሄዋንቱካ፡

ጨንጫለቱዋ፡ ጨንጫለቱ ዋልቃይ ባይና መፍትያ፤

ሽን ባረንቶ ሞያዋ ቦንያን ሺሺደ፤ ሞንጂኖ።

26 ጉፓለቱዋ፡ ጉፓለቱ ጉላ ዋልቃይ ደእያዋንታ፤ ሽን ባረንቱ ጎልያ ሹቻ ጎንጎሉዋን ኬጺኖ።

27 ቦለቱዋ፡ ቦለቶ ካቲ ባዋ፤

ሽን ኡንቱንቱ ኡባይካ ማራን ዛቲኖ።

28 ዛራቱዋ፡ ዛራቱ ኩሽያን ኦይቁናካ ኦይቀቲኖ፤ ሽን ኡንቱንቱ ሀራይ አትና፤ ካትያ ጎለንካ ደኢኖ።

29 ባረንቱ ማታ በሲደ ሀመትያ ሄዙ መፍትያ ደኢኖ፤ ኦይደንሉካ ሎኦ ሄመታ ሀመቱ።

30 ሄዋንቱካ፡

ደኦ ኡባፕ ሞንያነ ያዪደ ባቃት ኤረና ጋሙዋ፤

31 አየቱዋ ግደን አዪደ ሀመትያ አውረ ኩቱዋ፡ ዴሻ ኦርግያን፤ ባረ ኦላንቻቱዋ ግደን ኤቂያ ካትያ።

32 ኔን ቦዛደ ኦቶረቱዳዋ ግደፕነ፤ ኢታባ ኦላናው ሀልቹዳዋ ግደፕ፤ አነ ታክ ጋደ ቆፕ።

33 ማላ ቡክያዌ ኦይሳ ከሰያዋዳን፤ ሲድያ ይምፕያዌካ ሱላ አሀያዋዳን፤ ሄዋዳን ሀንቁዋ ደንፍ፤ ዋላሳ አዬ።

31

ልሙኤላ ዳያ ባረ ናኦ ታማርሴዳ ትምትትያ (31:1-31)

1 ሀዋጥ ካሊደ ጸፈቴዳ ሃሳያይ፥ ካትያ ልሙኤላ ኦታ ካትያ ልሙኤላ ታማርሴዳዎ።

2 “ላ ታ ናከው፥ ታ ኡሉዋጥ ዎጴዳዎ፥ ታን ሺቀታደ የሌዳዎ።

3 ማጫ አሳን ነ ዎልቃ ወርሶ፤ ሄ ካተቱዎ ባይዝያ ማጫ አሳቱዋን ነ አካታ ቆይሶ።

4 “ልሙኤላ፥ ሀዌ ካተቶ በሰና፤ ዎይንያ ኤሳ ኡሽያዌ ካተቶ በሰና፤ ማዳይያ ኡሻ ኡሽያዌ አሳ ቦላ ሱን፤ ተዳዋንቶ በሰና።

5 ኡንቱንቱ ኡሽያ ዎደ ሀግያ ባሊኖ፤ ናቀቴዳ አሳ ማታ ሸነኮ ጊኖ።

6 ማዳይያ ኡሻ ሀይቃና ሀንያ ኡራውነ ሳአይ ኢቴዳ ኡራው እምተ።

7 ኡንቱንቱ ባረንቱ ማንቆተላነ ባረንቱ ቱጋ ደኡዎ ደጋና ማላ ኡሽኖ።

8 “ባረንቱ መቱዎ ኦዳናው ዳንዳየናዋንቱ ድራው ኔን ኦዳ፤ ማድያዌ ባይናዋንቱ ማታ ድራው ኔን ደንዳ።

9 ኡንቱንቱ ሱረ ፕርዳ ፕርዳ፤ ሀዌሳቱዋነ መቶታንቻቱዎ ማታ ናጋ” ያጋደ ታማርሳዱ።

ዎዛናማ ማቻቶ

10 ዎዛናማ ማቻቶ ኦን ደማናው ዳንዳዪ? እንቁዎ ግያ አልኦ ሹቻጥካ እዛ አልአው።

11 እ አሰናይ እዞ ኡባባንካ አማኔ፤ አው ደአናው በሰያዎጥ አያይነ ፓጩና።

12 እ ባረ ደኡዎ ላይላ ኡባን አው ሎኦባጥ አትና፥ ኢታባ ኦሉኩ።

13 ሱፍያነ ላይኦዎ አ ኮያደ፥ ናሽታደ ባረ ኩሽያን ኦላው።

14 እ ዛልአንቻቱዎ ማርካባቱዎ ማላ፤ ባረ ቁማ ሃኮ ቢታጥ አያው።

15 እ ባረ ሶ አሳው ቁማ ካላናውነ ባረ ማጫ ቆማቶ ኦሱዎ ግሻናው፥ ሳአይ ብር ቃማ ደአሺና ደንዳው።

16 ጋድያ አ ኮያደ ሻማው፤ ባረ ኩሽያን ኦላደ ደሜዳ ሻሉዎን ዎይንያ ቱራ ቶካው።

17 እ ጎባ ኦሳንቻ ግድያዎ ጸላላ ግደናን፥ ሞኖነ ጭንጫ አሳ።

18 እ ባረ ዎድያ ደማናው ሞናደ ዛልአው፤ እ ኦላደ ቃምሰያ ድራው፥ ባረ ጸምፕያ ኤለ ቶይሱኩ።

19 እ ባረ ሰንድሪታን ሱቃደ፥ ባረ አፍላ ዳዳው።

20 እ ሀዌሳቶነ መቶታንቻቶ ባረዋጥ ጮ እማው።

21 እ ሶ አሳይ ኡባይ ሆእያ ማዩዎ ማዬዳ ድራው፥ ሻቻይ ቡክንቶ፥ እ ህርጉኩ።

22 አርሳ ቦላን ሂጽያ ማዩዎ ሰካው፤ ሊኦዋጥ ዳደቴዳ ኦቻ ቱራ ማላትያ ማዩዋካ ባረው ማያው።

23 ጋድያ ጭማቱ ሺቅያ ዱቡሻን እ አሰናይ ቦንቼቴዳ አሳ።

24 ሊኦዋጥ ማዩዋነ ሳቂያ ኦላ ኦላደ፥ ዛልአንቻቶ ዛልአው።

25 እዛ ሞኖነ ቦንቾ አሳ፤ ይያ ላይላቶ እዛ ኡባካ ህርጉኩ።

26 እጴዳ ኤራን እ ሃሳያው፤ አማንሰያ ዞሪ እ እንጻርሳጥ ከሴ።

27 እ ባረ ሶ አሳ ደኡዎ እንጀያናው ኡባ ገደ ኦሱዎ ኦላደ ደአው፤ አዛላ ሀኑ እ ቦላን ቤት ኤረና።

28 እዝ ናናቱ ደንድ ኤቂደ፥ እዞ ናሺኖ፤ እዝ አሰናይካ እዞ ጋላቲደ።

29 “ሎኦባ ኦሴዳ ዳር ማጫ አሳቱ ደአኖ፤ ሸን ኔን ኡንቱንቱ ኡባጥ አቆሳ” ያጌ።

30 ማላ ሎኦተላይ አላለ ከሰና፤ ፑልካ ቆያና፤ ሸን መድና ጎዳው ያይያ ሞሽራታ፥ እዛ ጋላተታናው በሳው።

31 እ ኦሴዳባው ኡባው እው እዝ ኩሽያ ዛርተ፤ እዛ ኦሴዳ ኦሱ ኡባይ ዳባባን እዞ ጋላትሶ።

ኤራንቻ ማጻፋ ገሉዋ

“ኤራንቻ ማጻፋ” ግደን ጸፈቲደ ቤትያዋንቱ፤ አሳ ደኡ ቃንሳ ግድያዋ ጸላላ ግድናን፤ ዳቡራይ፤ ሻቢርሳይ፤ ፕርዳ ጌላተላይነ አርጋጫይ ኩሜዳዋ ግድያዋ ኤሪይ፤ “አሳ ደኡ መላ” ያጊደ ቃቹዳ እት ኤራንቻ ቆፋቱዋ። ሀ ኤራንቻይ አሳ ደኡዋ ወርሰላ ጋካናወ ናግያ፤ ጸሳ ኦሱ አየንቶ ኤራናወ አዉ እጸቴዳ። ግደፕነ አሳይ ባረ ደኡዳ ላይላ ኡባንነ ባረዉ ዳንዳየቲዳ ኬሻ ኡባን፤ ምኒደ ኦላናዋን ጸሳይ እሜዳባቱዋን ናሽታናዋ ኮሽያዋ ዞሬ።

ኤራንቻ ቆፋቱዋፕ ዳርያ ባጋቱ እቱ እቱዋና ጋከተና ጸላቱ ደእያዋንታነ ሀደታ ቃንጽያ ሀናታቱ ደእያዋንታ። ግደፕነ ሀ ማጻፋይ ጌሻ ማጻፋ ግደ ገሌዳዋ፤ ጌሻ ማጻፋ ቦላ ኤቄዳ እማኑ ሀራይ አትና፤ ሀ እቱ እቱዋና ጋከተና ቆፋነ ሰጂ ኩሜዳ ማጻፋ ባረ ጎምፓን ኦይቄያ ኬሻ እኮ ግድያዋ በሴ። ሀዋ ሀ ኤራንቻ ማጻፋይ አሳ ደኡዋ ማሰቶትያዳን በሰያ ድራዉ፤ ዳር አሳቱ ሀ ማጻፋፕ ምን።ሉዋ ደሜድኖ። ሄዋዳንካ ሀ ቆፋቱዋ ኦይቄዳ ጌሻ ማጻፋይ፤ እነ አካ፤ ደኡ ዋልቃማ ብለላ እምያ ጸሳን ሀደታ ኦላናዳን ዘርያዋ እኬኬድኖ።

ሸምፓቱዋ ኡባቶ እመቴዳ ቃንሳ ቆፋቱዋ
ደኡዋ ብለላ 1:1—2:26
ደኡዋባዉ ጌተቲዳ ሃሳያቱዋ 3:1—11:8
ዘርያ ኡባ ዪቻ 11:9—12:8
ጸሳ ቦንቹሳን እዛዘቱሳ 12:9-14
ደኡዋ ብለላ

(1:1—2:26)

- ኡባባይካ ሀዳ
- 1 ሀዋ፤ ዳዊታ ናእ፤ የሩሳላመን ካተቴዳ ኤራንቻ ቃላ።
- 2 ሄ ኤራንቻይ፤ “ኡባባይካ መላ፤ ቃይ ኡባባይካ ሀዳፕ አጼዳ መላ፤ ኡባባይካ ኡባና መላ” ያጌዳ።
- 3 ባረ ደእያ ሳን ኡባን፤ አሳይ ዳቡራይ ኦላያዋን ኡባን አዉ ዋድ አይ?
- 4 እት የለታይ አድያ ዋይ፤ ሀራ የለታይ ሳኦ ኦይቄ። ሸን ሀ ቢታይ መድናዉካ ላመተናን ደኤ።
- 5 አዋይ ደሌነ ዉሌ፤ ቃይ ላኤንሉዋካ ደላናዉ ያ ደሊያ ሳኦ ኤሌሌ።
- 6 ጫርኩ እት ገደ ገድሳ እት ገደ ሁጺሳ ጫርኬ፤ ቃይ ዩይ ዩይ አጲደ፤ ሰመረቲደ ዬ።
- 7 ጎግያ ሃላይ ኡባይ አባን ገሌ፤ ሸን አባይ ኩም ኤረና። ሄ ሃላይ ቃይካ ሰሚደ ጎጋናዉ፤ ጉየ ባረ ፑልትያ ሳኦ ቤ።
- 8 ኡባባይካ ሳለላያባ። እ ዋይሳ ከናዉ ሳለላንቶካ ኦድ ዉርሳናዉ ዳንዳየተና። አይፊ ጸሊደ፤ ካል ኤረና፤ ሀይላይካ ሰሲደ፤ ታዉ ግዴዳ ግ ኤረና።

9 ካሰ ሀኔዳዌ ሰንላናዉካ ሰሚደ እ ሀናና፤ ቃይ ሀእ ሀኒደ ደእያባይካ ካሰ ሀኔዳዋ። ሄዋ ድራዉ፤ ሳሉዋ ጉፋንላን ኦራላባ ግያዌ እያይነ ባዋ።

10 ኦንነ፤ “በእተ! ሀዋ ኦራላባ” ጎፕ፤ ሄዋ ኦራላ ግድና፤ ሄዋ ኦን የለታናፕ ካሰ ባጋን ሀኔዳዋ።

11 ካሰ አጼዳ ዋደቱዋን ሀኔዳባቱዋ ዛሪደ ሀሳይያዋ ባዋ፤ ጉየፕ ሀናናባቱዋካ ኡንቱንቱፕ ጉይያን ኦንነ ሀሳየና።

አጼዳ ኤራተላይ አለና

12 ታን ኤራንቻይ፤ የሩሳላመን እሰራኤልያዉ ካተ ግዳደ ደኦድ።

13 ታን ቢታን ሳኦን ደእያዋ ኡባ ቆራ ቆራደ ኤራናዉን አጼዳ ኤራተላን ፕልጋ ጸላናዉ ታ ቆፋ ቃቻድ። ያታደ አሳ ኡባዉ ጸሳይ እሜዳ ደኡ ሎይላ ዳቡርሰያባን ናሽቶያባ ግድያዋ እኬካድ።

14 ሳሉዋፕ ጋርሳ ባጋን ሀኔዳዋ ኡባ ታን በኦድ፤ ሸን ኡባባይካ መላ፤ ጫርኩዋ ኦይቃናዉ የደርሰያዋ ማላ።

15 ጌላይ ሰታናዉ ዳንዳየና፤ ቃይ ባይናባካ ፓይዳናዉ ዳንዳየተና።

16 ታን ዋን ታ ዋዛናን ሀዋዳን ያጋደ ቆፓድ፤ “ታፕ ካሰ የሩሳላመ ሞዴዳ ኡባቱዋፕ ታን ዋልቃማን አጼዳ ኤራንቻ ግዳድ። ጭንጫተላን ኤራ ግያዌ እ አየንቶ ፓጫደ ኤራድ” ያጋድ።

17 ቃይ ታን አጼዳ ኤራተላፕ፤ ጎሻፕነ ኤያተላፕ ግዲዋን ደእያ ደማተላይ አየንቶ ኤራናዉ ሎይላ ዳቡራድ። ሸን ዉርሰላን ሄዋካ ጫርኩዋ ኦይቃናዉ የደርሰያባ ማላ መላ ግድያዋ ኤራድ።

18 አጼዳ ኤራተላይ ዳርያ ዋይ ካዮዪያባይ ዳሬ፤ ኤራይ ዳርያ ዋደካ ቃይ መቱ ዳሬ።

2

ባረና ናሽቶያዋካ ሀዳ

1 ታን ታ ዋዛናን፤ “እነ ታዉ ዋልቃማ ናሽቻ እምያዋ አየንቶ፤ ቃይ ደእያ ደኡዋ ግደንካ ሎኦባይ አየንቶ በኦና” ያጋደ ቆፓድ፤ ሸን ሄዋካ መላ።

2 ኡባ ገደ ሚጫያዋ ኤያተላ ግድያዋ፤ ቃይ ዳር ናሽቻይካ አይነ ጎኤናባ ግድያዋ እኬካድ።

3 ሄዋ ሄዋ ግድ ኡት ደእሸን፤ አጼዳ ኤራተላ ደማናዉ አዋታደ፤ ታ ዋዛና ዋይንያ ኤሳን ናሽቻደ፤ ሄዋ ሱጋናዉ ኤያተላን ቆፋ ቃቻድ። ቃይ አሳይ ሀ ሳኦ ቦላ ባረዉ ደእያ ቃንሳ ዋድያ አላያ፤ ኡባፕ አድያ ሎኦ ኦጊካ ሀዋ ጋደ ቆፓድ።

4 ቃይ ሀራ እት ዋልቃማባ ኦላድ፤ ታዉ ደእያ ኬላቱዋ ኬጻድ፤ ዋይንያ ቱራካ ቶካድ።

5 ዲማ ዲማ አታክልትያን አይፍያ አይፍያ ሞላቱዋ ቶክያ ሳኦ አሳይ ሸምፕያ ሳኦ ጋናትያዳን ሎይላደ ጊግሳድ። ሄ ሳኦን ዲማ ዲማ አይፍያ አይፍያ ሞላቱዋካ ቶካደ፤ ድቻድ።

6 ሄ ድጭያ ሞላቱዋ ኡሻናዉ፤ ሃላ ዳጋይያ ሳኦ ዜራደ ጊግሳድ።

7 አቱማን ማጫ አይለቱዋ ሻማድ፤ ቃይ ታ ሶን የለቱዳ ሀራ አይለቱካ ታዉ ደኦድ። ታፕ

ካሰ የሩሳላሙን ደኤዳ ኦቀጥነ ዳርያ መሆን፤ ዳሻን ደርሳ ወደያ ሃራድ።

8 ታን ሞድያ ዲማ ዲማ ቢታቱቀጥ ቦንቼቲዳ ካተ ጎልያ ዲረታ አይሳደ፤ ዳሮ ዋርቃነ ብራ ታወ ዳጋያድ። ቃይ፣ ታና ሳቢደ የጽያ ኦቱማን ማጫ የላንቻቱቀ ቃጸራድ፤ ሄዋ ቦላካ፣ አሳወ ናሽቻ እምያ ሎይሳ ዳሮ ማጫ አሳካ ሽሻድ።

9 ሄዋ ድራወ፣ ታን ታጥ ካሰ የሩሳላሙን ደኤዳ ኦቲነ አይዳ ዋልቃማ አሳ ግዳድ። ታ አይዳ ኤራተላይካ ታናና ወርሰላይ ጋካናወ ደኤዳ።

10 ታ አይፊ ጸሌዳባነ ታ ዋዛናይ አሞቲዳባ ኡባ ደማድ፤ ታ አሳተላይ ኮይያ ናሽቻ ኡባካ ድጋቢይከ። ታን ኦፊዳ ኦሱቀ ኡባን ናሽታይ፤ ታ ዳቡራወ ዋጂካ ሄዋ።

11 ግደ ሸን፣ ሄዋ ኡባ ኦላ ሰማደ ታን አኬክያ ዋደ፣ ሎይሳ ታን እወ ዳቡራዳዋ ኡባይካ መላ ግድያዋ በኣድ። ሳሉቀ ጉፋንላን ጎእያዋ አያይነ ባዋ፤ ኡባይካ ጫርኩቀ ኦይቃናወ የደርሰያባ ማላ።

ኤራንቻይ ባረ ደኡቀጥ ደሜዳ ኤራ

12 ሄዋጥ ጉይያን፣ ታን አይዳ ኤራተላይ፣ ኤያተላይነ ጎሻይ አየንቶ ፓጫደ ኤራናወ ቆፋ ደማድ። ካትያ ኮታን ካተትያ ሀራ ካቲ ካሰ ኦሰቲዳቀጥ አድያ ሀራባ አይ ኦላኔ?

13 ታን ሀዋዳን ያጋድ፤ “ቴሙካ ፖኤ ቋማጥ ኬክያዋዳን፣ አይዳ ኤራተላይ ኤያተላጥ ኬኬ።

14 ጭንጫ አሳቱ ባረንቱ ደንድያ ሳኣነ ቢደ ጋክያ ሳኣ ኤሪኖ፤ ሸን ኤያቱ ሄዋ ኡባ ኤርክኖ” ያጋድ። ግደጥ አትና፣ ኡንቱንቱ ላኡቀ ወርሰላይካ እቱዋ።

15 ታን ታ ዋዛናን፣ “ኤያ ጋክያ ካጫይ ታናካ ጋኬ፤ ያትና፣ ታን አይዳ ኤራንቻ ግድያዋ ታና አያ ማዲ?” ያጋደ ቆጋድ። ቃይ ታን ታ ዋዛናን፣ “ሀዋ ኡባባይካ መላ!” ያጋድ።

16 አያወ ጎጥ፣ ኤይና አይዳ ኤራንቻ ግድና፣ ሀይቁዋጥ ሄናንላን ሰሚደ፣ አ ሀሳይያዋ ባዋ፤ ሰንላጥ ይያ ላይላቱዋን ኑን ኡባይካ ደገት አታና። ኤያይ ሀይቁያዋዳን፣ አይዳ ኤራንቻይካ ሀይቁ።

ኦላ ዳቡርያዋካ ሀዳ

17 መቱቀጥ አትና፣ ጎእያዋ ባይና ድራወ፣ ሀ ሳኣ ደኤ ታና ኢቲዳ። ሄዋካ መላ፤ ጫርኩቀ ኦይቃናወ የደርሰያባ ማላ።

18 ሳሉቀ ጉፋንላን ታን ሎይሳ ዳቡራደ ደሜዳ ታ ማጸቀ ኡባ ታጥ ጉይያን ይያ ኡራወ የጋደ ብያ ድራወ፣ ታን ዳቡራዳዋ ኡባይ ታና ኢቲዳ።

19 ታጥ ጉይያን ይያ ብታኒ አይዳ ኤራንቻንቶ ኤየንቶ ኦን ኤሪ? ሸን እ ኦና ግድናካ፣ ታን ሎይሳ ዳቡራዳዋን ታ ጭንጫተላን ታን ደሜዳዋ ኡባ ባረወ አኪደ፣ ጎዳ ግዳናዋ፤ ያቶጥ፣ ሄዋካ መላ።

20 ሄዋ ድራወ፣ ሳሉቀ ጉፋንላን ሀዋ ኬሻ አያወ ዳቡራድታሻ ጋደ ታ ዋዛናን ካዮታድ።

21 አሰ ባረ ደኤዳ ላይላን ባረወ ደኤዳ አይዳ ኤራተላን፣ ኤራንነ ሂላን ዳቡሪደ ደሜዳዋ ኡባ

አይነ ዳቡርቤናዋ የገደ ቤ። ሄዋካ ቃይ፣ ሀዳነ ልክ ግደናዋ።

22 ያትና፣ ሳሉቀ ጉፋንላን አሳይ ሎይሳ ዳቡሪደ ኦፊዳቀጥ ኡባጥ አያ ጎኣ ደሜዳ?

23 እ ባረ ደኤዋ ላይላን ዳቡርያ ዳቡራይ ኡባይ ካዮቶጥነ ካዮጥ ሀራባ አይነ እወ ጉጅና፤ ሀራይ አቶ ቃማካ አ ሁጺ ቆፋጥ ሸምጥና፤ ግደ ሸን፣ ሄ ኡባይካ መላ።

24 ሄዋ ድራወ፣ አሳወ ጎኣ ግድያዋ አይ ጎጥ፣ አሳይ ባረ ዳቡራዳባጥ ሚድነ ኡሺደ ናሽቻያዋ። ሄ ናሽቻይካ ቃይ ጸሳ ኩሸያጥ እመቲዳዋ ግድያዋ ታን አኬክድ።

25 አያወ ጎጥ፣ አ ሸን ግዳናዋ ቋዮጥ፣ ሞን ኡሸናካ አሳወ ናሽቻይ ሀቃን ቤቲ?

26 ጸሳ ናሽቻያ ኡራወ ጸሳይ ጭንጫተላ፣ ኤራተላን ናሽቻ እሜ፤ ናጋራንቻወ ማታ እ ዳቡሪደ ሸሻናዳን፣ ዳቡራ እሜ፤ ሸን እ ሺሺዳዋ ጸሳይ አኪደ፣ ባረወ ያይያዋ ሀራወ እሜ። ሄዋ ድራወ፣ ሀ ኡባይካ ሀዳነ ጫርኩቀ ኦይቃናወ የደርሰያባ ማላ።

ደኡቀባወ ጌተቲዳ ሃሳያቱዋ

3

(3:1—11:8)

ኡባባወካ ዋዲ ደኤ

- 1 ኡባባወ ዋዲ ደኤ፤ ሳሉቀጥ ጋርሳ ባጋና ኦሰትያባወ ኡባወ፣ አ ላይላይ ላይላይ ደኤ።
- 2 ሄዋ ድራወ፣ የለታናወ ዋዲ ደኤ፤ ሀይቃናወካ ዋዲ ደኤ። ቶካናወ ዋዲ ደኤ፤ ቶኬዳዋ ሸዳናወካ ዋዲ ደኤ።
- 3 ዋጳናወ ዋዲ ደኤ፤ ፓላናወካ ዋዲ ደኤ። ኮላናወ ዋዲ ደኤ፤ ቃይ ኬጳናወካ ዋዲ ደኤ።
- 4 ዩካናወ ዋዲ ደኤ፤ ሚጫናወካ ዋዲ ደኤ። ካዮታናወ ዋዲ ደኤ፤ ቃይ ናሽቲደ የጳናወካ ዋዲ ደኤ።
- 5 ሹቻ ላላናወ ዋዲ ደኤ፤ ሹቻ ሸሻናወካ ዋዲ ደኤ። ቆመታናወ ዋዲ ደኤ፤ ቃይ ሻከታናወካ ዋዲ ደኤ።
- 6 ኮዪደ ደማናወ ዋዲ ደኤ፤ ባይካናወካ ዋዲ ደኤ። ሺሽ ኦይቃናወ ዋዲ ደኤ፤ ላላናወካ ዋዲ ደኤ።
- 7 ፔጳናወ ዋዲ ደኤ፤ ሰካናወካ ዋዲ ደኤ። ጮኤ ጋናወ ዋዲ ደኤ፤ ቃይ ሃሳያናወካ ዋዲ ደኤ።
- 8 ደሳናወ ዋዲ ደኤ፤ እጳናወካ ዋዲ ደኤ። አላወ ዋዲ ደኤ፤ ሳር ዋዲ ደኤ።

2:8 1 ካታ. 10:10፣ 14:22 2:9 1 ኦዲዋ 29:25 2:23 ኢዮባ 5:7፣ 14:1 2:24 ኤራ. 3:13፣ 5:18፣ 9:7፣ ሉቃሳ 12:19፣ 1 ቆር. 15:32 2:26 ኢዮባ 32:8፣ ለሞ. 2:6

9 ያትና፡ ኦሳንቻይ ባረ ዳቡራዳ ዳቡራፕ ኦያ ዎድያ ደሜዳ?

10 ታን ቃይ፡ አሳ ናናቱ ዳቡራዳ ኦሳና ማላ፡ ጸሳይ አሜዳ ገዲ ሎይሐ ዳጾ ግድያዎ በኣድ።

11 ጸሳይ ኡባባ አ ዎድያን ዎድያን ሎይሐደ ኦሴዳ። ጸሳይ አሳ ዎዛናን መድናተላ ኦሴዳ፤ ሄዎ ግድፕ፡ ጸሳይ ኦሴዳዎ ኡባ ኮይሩዎፕ ወርሰላይ ጋካናወ፡ አሳይ ወርሰደ ኤራናወ ዳንዳየና።

12 ሄዎ ድራወ፡ አሳይ ባረ ደኤዳ ላይላን ሎእያዎ ኦሳያዎፕ፤ ናሽትያዎፕ አድያዌ አያይነ ባይናዎ ታን አኬካድ።

13 ቃይ፡ አሳወ አወ አ ዳቡራወ ዎጋ ግድያዌ ሙሳንነ ኡሻን ባረና ናሽቻያዎ፤ ሄዌካ አወ ጸሳፕ እመቲዳ እዎታ።

14 ጸሳይ ኦሴዳዌ ኡባይ መድናወ ደእያዎ ግድያዎ ታን ኤራድ፤ እ ኦሴዳዎ ቦላን ጉጃናወ ዎይ አፕ ሃ ጉላናወ ዳንዳየተና። ጸሳይ ሄዎ ኦሴዳዌ፡ አሳይ ባረወ ያዪደ ቦንቻናሳ።

15 ሀእ ሀጊደ ደእያባይ ዎይ ሰንላፕ ሀናናወ ደእያባይ ኡባይ ካሰ አዴዳ ዎድያን ሀኔዳዎ፤ አያወ ጎፕ፡ ጸሳይ ካሰ ሀኔዳዌ ዛር ዛሪደካ ሀናናዳን ኦሴ።

ሀ ሳኣን ፕርዳይ ጌላቲዳባ

16 ቃይ ታን፡ ሳሉዎ ጉፋንላን ጌሻ ፕርዳ ሳኣን ኢታተላይ፡ ጽሎተላ ሳንካ ናጋራይ ደእያዎ በኣድ።

17 ታ ዎዛናን፡ “ጸሳይ ጽሉዎነ ኢታ ላኡዎካ ፕርዳወ ሽሻና፤ አያወ ጎፕ፡ ጸሳይ አላለ ኡባወነ ኦሉዎ ኡባወ ዎድያ ኬር ዎሴዳ” ያጋደ ቆገድ።

18 ቃይ ታን ታ ዎዛናን፡ “አሳይ ዶኡቲዎፕ ኬከናዌ ኡንቲንታ በሳናወ፡ ጸሳይ ኡንቲንታ ፓጮ” ያጋድ።

19 አያወ ጎፕ፡ አሳ ግድና፡ ዶኡቲዎ ግድናካ፡ ኡንቲንቲ ካጫይ እቲዎ፤ እቲ ሀይቁያዎዳን፡ የንኩካ ሀይቁ። ቃይ ላኡካ እት ጫርኩዎ ሸዎፕ፤ ሄዎ ድራወ፡ አሳቲካ ዶኡቲዎፕ ኬክክና፤ ሄዌካ መላ።

20 ኡንቲንቲ ላኡካ እት ሳኣ ቢና፤ ላኡካ ቢታፕ መቲዳ ድራወ፡ ቢታወ ሰሚና።

21 ያትና፡ አሳ ሸዎፕ ሳሉዎ ፑደ ከሰያዎነ ዶኡቲዎ ሸዎፕ ቢታ ጪማወ ዲገ ዎድያዎ ሻኪደ ኤራናወ ዳንዳይያዌ ኦኔ?

22 ሄዎ ድራወ፡ አሳይ ባረ ኦሴዳ ኦሉዎን ናሽትያዎፕ ኬክያዌ ሀራባይ አወ ባይናዎ በኣድ። አያወ ጎፕ፡ አወ ደእያ ሎኦ ካጫይ ሄዎ ጸላላ። አሰ ሀይቁ ክቸፕ አፕ ጉይያን ሀንያዎ በሳናወ፡ አ ሀይቁዎፕ ጉየ አሀናወ ዳንዳይያዌ ኦኔ?

4

ናቁዎ፡ ዳቡራን ላግያ ጳዩሳ

1 ታን ቃይካ፡ ሳሉዎ ጉፋንላን አሳይ አሳ አያ ኬሻ ናቂንቶነ ጸላድ። ናቁቲዳዎንቲ ባረገታ ምንጫያዎ ጳዩደ ዬኪና። ናቁያዎንቶ ዎልቃማ ማታይ ደእያዎፕ አትና፡ ናቁትያዎንታ ማድያዌ ኦንነ ባዎ።

2 ሄዎ ድራወ፡ ታን፡ “ሀእ ፓጻ ደእያዎንቲፕ ካሰ ሀይቁ ክቸዳዎንቲ ኬካ” ያጋድ።

3 ግደ ሸን፡ ሀ ላኡዎፕካ አዲደ ቃይ፡ ሙላ የለትቤናዎንቲ ካጫይ ሎኦ፤ አያወ ጎፕ፡ ኡንቲንቲ ሳሉዎ ጉፋንላን ኦሰትያ ናቁዎ ሙልያ በእበይክና።

4 አሳይ ባረ አዎቲዳባ ደማናወ ሎይሐ ዳቡራደ ኦሴ፤ ሸን ሄ ዳቡራይ ባረ ላግያ ቦላን ቃናትያ ቆፋፕ ደንዴዳዎና ግድያዎ ታን አኬካድ። ሄዌካ ቃይ መላ፤ ጫርኩዎ ኦይቃናወ የደርሰያባ ማላ።

5 ባረ ኩሽያ ጸጺደ፡ ኡት አግያ አዛላይ፡ ኮሻን ሀይቁ።

6 ዳቡራንነ ጫርኩዎ ኦይቃናወ የደርሰያባ ማላ ጃማን ዳቡራደ ደምያ ላኡ ኩሽያፕ፡ ዎፓን ደምያ እት ኩሽያ ዳሬ።

7 ቃይ ታን፡ ሳሉዎ ጉፋንላን መላ ግደዳዎ እት ሀራባካ በኣድ።

8 ሄዌካ እት ባረካ ዳእያ ብታንያባ፤ አወ እቲማ ናኦይ ዎይ እሽ ባዎ። ሸን እ ዳቡርያ ዳቡራወ ዛዎይ ባዎ፤ ቃይ ባረወ ደእያዎን አለና። እ ባረካ ባረና ኦቹደ፡ “እ ታ ሀዎ ኦሲ ዳቡራይታ? ታና ታ ሀጺያ አያወ ናሽቻ ድጋይታ?” ያጊደ ኦቹዳ። ሄዌካ ቃይ ሀዳባነ ቲጋ ደኡዎ።

9 እቲዎ ግድያዎፕ ላኦ ግድያዌ ሎኦ፤ አያወ ጎፕ፡ ኡንቲንቲ ኦሉ እቲዎዎፕ አዲደ፡ ሎኦ አይፍያ እማናወ ዳንዳይ።

10 ቃይ፡ ላኡዎፕ እቲ ኩንዶፕ እቲ ደንሐ፤ ሸን ባረካ ደእያ ኡራይ ኩንዶፕ እ ደንሐያዌ ባይና ድራወ፡ አወ አየ አና!

11 ማሳ ዎድያን ላኡ እትፕ ግሶፕ ሆኤ፤ ሸን ባረካ ግሰያ ኡራ ሀቃፕ ሆአናወ ዳንዳይ።

12 እት አሳይ ባረካ ተአናወ ዳንዳየ መቲዎ ላኡ አሳቲ እትፕ ኤቀቲደ፡ ተአናወ ዳንዳይና። ሄዙ ኩላን ዶቀቲዳ ዎዶራካ ኤለ ዱጸና።

13 ሎኦ ዘርያ አከና ጭማ ካትያፕ ሀዬሳ ግድፕ፤ አዴዳ ኤራንቻ ያላጋይ ኬካ።

14 አያወ ጎፕ፡ እ ሄ ሀዬሳ ግድያ ሳኣፕ ደንዲደ፡ ዎይ ቃሾ ጎልያፕ ከሲደ፡ ባረ ቢታን ካተ ግድያ ሳኣ ጋካናወ ዳንዳይ።

15 ሳሉዎ ጉፋንላን ደእያን ሀመትያ አሳ ኡባይ ካትያ ካወተላ አራታ ላትያ ያላጋ ካልያዎ በኣድ።

16 እት ካቲ ዎድያ አሳይ ፓይዱ ባይና ጮራ ግዳናወ ዳንዳይ። ሸን ካወታፕ እ ክቸያ ዎደ፡ እ ኦሴዳባወ ኦንነ እ ጋላተና። ሄዎ ድራወ፡ ሀ ኡባይካ መላ፤ ጫርኩዎ ኦይቃናወ የደርሰያባ ማላ።

5

ገፋ ገፕናወ ኤሌሎፓ

1 ጸሳ ጎልያ ገልያ ዎደ፡ ነ ገድያ አኬካደ ታንጋ። ሰሳናወ ማታ ሸቅያዌ፡ ኤያቲ ያርሹዎ ሸሽያዎፕ አዴ፤ አያወ ጎፕ፡ ኡንቲንቲ ኢታ ኦሉዎ ኦሴደ ደእያዎ ኤርክና።

2 ነ ደናን ሃሳያናወ፡ ጸሳ ሰንላንካ ብዳናወ ኤሌሎፓ። ቃይ እትባ ጸሳወ እማና ጋይ ነ ዎዛናን ኤሌላደ ገፕ ክቸፕ፤ አያወ ጎፕ፡ ጸሳይ ሳሉዎን፡ ኔን ቃይ ሀዎን ሳኣን ደኣሳ፤ ሄዎ ድራወ፡ ነ ሃሳይያ ቃላይ ጉላ ግድ።

3 ሀርጋይ ዳርያ ዎደ፡ ቃማን አኩሙካ ዳሬ፤ ሄዎዳንካ፡ ብደላ ዳሩ ኤያተላ ቃላ ከሴ።

4 ጸሳው ኔን ገፔዳዎ ፖላናው ጋምኦፓ፤ አያው ሳፕ፡ ጋምኦፓ ኤያቱዋን ጸሳይ ናሽተና። ሄዋ ድራው፡ ኔን ገፔዳዎ ኡባ ፖላ።

5 እትባ ጸሳው ገፒደ፡ ፖላናን አግያዎፕ ኮይር ገፒናን አግያዎ ሎኦ።

6 ኔና ነ ድናይ ናጋራን የገናዳን፡ ነ ድና ዛዋፕ አይዳ የዳ ኦሎፓ፤ ቃይ ጸሳው አልያዎ፡ “ካሰካ ሀዋ ታን አኬከናን ገፓድ” ሳፓ። አያው ሳፕ፡ ሄዋ ጸሳይ ሎይሎ ሀንቀልያ ድራው፡ ኔን ዳቡራደ ደሜዳዎ፡ ነ ኩሽያ ኦሎፕ ኡባ እ ባረ ሀንቁዋን ቁጨደ ቆይሳናው ዳንዳይ።

7 ዳር አኩሙዋ አኩሙቶፕን ዎይ ቃይ ዳርባ ሃሳዮፕን ሄ ኡባይካ ሙላ፤ ሄዋ ድራው፡ ኔን ሄዋ አጋ አጋደ ጸሳው ያያ።

ደኡዋ ሀዳተላ

8 እት ካወተላይ ባረ ቢታን ደእያ ሀይሳቱዋ ናቂሽን ፕርዳ ጌላይሽን ኔን በኦፕ፡ ዳርና ማላለቶፓ። እት እት ካፖ አፕ ቦላና ሱን። ቲደ፡ አ ዳልያ ሀራ ካፑ ደኤ። ቃይ ኡንቱንቱ ላኡዋፕካ ቦላና ሱን። ቲደ፡ ኡንቱንታ ዳልያ ሀራ ካፓቱካ ደኤና።

9 ሀራይ አትና፡ ካትያ ግደፕን፡ ሳሻፕ ቤትያ አይፈቱ ቆየፕ፡ ዎፓን ደእናው ዳንዳየና።

10 ብራ ደሰያ ኡራው ብር ግድ ኤረና፤ ዱረታናው ሲቅያ ኡራይካ ሚሻ ካል ኤረና። ሽን ሀ ኡባይካ ሙላ።

11 ዱረተላይ ዳርያ ዎይ፡ ምያባይካ ሄዋ ኬሻ ዳራ። ያትና፡ ባረ ማጹዋ ጮ አይፍያን ዳሊደ፡ “ታን ዱረ” ጋናፕ አትና፡ ሀራባ አው አያ ማዲ!

12 ኦሎፕ አልያ አሳይ ጉላ ምን፡ ዳር ምን፡ ሳር ገምእሹዋ ገምእሹደ አቁ፤ ሽን ዱሪ ባረ ዱረተላው ኡባ ዎይ ኡንኤቲደ ቆፕያ ድራው፡ ገምእሹዋ ቆይደ ደኤ።

13 ሳሎዋ ጉፋንላን ሎይሎ ካዮይያዎ ሀራባካ ታን በእድ፤ ኢታ ዎድያን ባረና ማደ ጌደ፡ አሳይ ባረው ደኤዳዎፕ ጉዮ ዎሊደ ዳጋይ።

14 ቃይ ሄ ዱረተላይ እት ኢታባይ ጋከትና ቆይ ክቼ። እ ናኦ የሎዳዎ ግደፕካ፡ ናኦ ላትሰያዎና ቆይደ፡ ሙላ አቱ።

15 አሰ ኡባይ ኮይር ካሎ የለቱዳዎዳን፡ ሙላ ኩሽያና ሰሚደ ባና፡ አይ ኬሻ እ ዳቡሪደ አላፕን፡ ባረ ዳቡሪዳባፕ አኪደ ብያባይ አያይነ ባዎ።

16 አሰ ካሎ የለቲደ፡ ካሎ ጉዮ ሰምያዎካ ቃይ ሎይሎ ካዮትያ ኢታባ። አ ዳቡራይ ኡባይ ጫርኩዋ ኡጫያዎዳን ሙላ ግደዎፕ ሰንላን፡ እ ሄዋን አያ ማደቲ?

17 እ ባረ ላይላ ኡባ ቆማ ደኡዋን፡ ካዩዋን፡ ይሎትያዎን፡ ሀርግያንን ሀንቁዋን ወርሴ።

18 ሄዎ ሄዎ ግደፕን፡ ታን አኬኬዳ እት ሎአባይ ደኤ፤ ሄዎካ ሳሎዋ ጉፋንላን ጸሳይ አሳይ ደእናዳን እሜዳ ቃንላ ላይላ ግደን፡ አሳይ ዳቡራፕ ምያዎ፡ ኡሽያዎን ናሽትያዎ ሎኦነ በሰያዎ። አያው ሳፕ፡ አ ካጫይ ሄዎ።

19 ጸሳይ አሳው ዱረተላን ማጹዋ አምያዎ፡ ባረ ዳቡራ ጋትያ ደሚደ፡ ሚድነ ኡሽደ ናሽታና። ሄዎካ ቃይ ጸሳፕ አው እሙቲዳ አዎታ።

20 ጸሳይ አ ዎዛናን ኡባ ዎደ ናሽቻ ኩንሎ ዎልያ ድራው፡ እ ባረ ደኡዋ ላይላባ ዳር ቆፕና።

6

1 ሳሎዋ ጉፋንላን አሳ ቦላ ጋክያ ሎይሎ ኢታባ ታን በእድ።

2 ጸሳይ አሳው ማጹዋ፡ ዱረተላን ቦንቹዋ ኡባ እሜ፤ አው ኮሽያባፕ አያነ ፓጭሰና። ሽን፡ አው እሙቲዳ ማጹነ ዱረተላ ኡባን ኬላው ናሽታና ማላ፡ ኩሙንላ ሽንያ አው እሙና። ሄዎ ጸላላካ ግደና፤ እ ዳቡሪደ ደሜዳዎን ሀራ ዳቡርቤናዎ ናሽታናዳን ኦሌ። ሄዎካ ሀዳነ ሎይሎ ካዮትያ ኢታባ።

3 እት አሳይ ጾቱ ናናቱዋ ጋካናው የሊደ፡ አዱሳ ላይላ ደኤደ ኤጫናው ዳንዳይ፤ ሽን እ ባረው እሙቲዳዎን ናሽትያ ካጫይ አው ቆየፕ፡ ቃይ ወርሰላን ቦንቹ ሞጉዋካ ሞገተናን አቶፕ፡ አፕ ባረ ዳይ ኡሎዋን ሀይቂደ የለቲዳ ቦሻይ ኬካ ጋይ።

4 አያው ሳፕ፡ ሄ ቦሻይ ጮ የለቲዳ፤ ሰሚደ ቃይ፡ አ ኦንነ ሀሳየና ቆማው ቤ፤ አ ሱንላይካ ሄ ቆማን ካሙቲደ አቱ።

5 እ አዎ ፖኡዋ በእቤና፤ ደኡዋባይካ አየንቶ ኤርቤና። ሀንኮ ብታንያዎፕ አቋደ ሽምፕያዎ አ።

6 ሄዎ ድራው፡ ናሽቻይ ባይናን ደእሺና፡ ላኡ ሻኡ ላይላ ደእያ አሳፕ ሄ ቦሻ ካጫይ ሎኦ። አያው ሳፕ፡ ወርሰላን ላኡካ እት ሳኦ ቢና።

7 አሰ ዳቡሪደ ኦልያ ኡባይ ባረው ምያዎ ደማናሳ፤ ሽን አ ኡሎ አውደነ ግዳናዎ ግ ኤረና።

8 ያትና፡ ጭንጫ አሳይ ኤያፕ አያን ኬኪ? ሀይሳይካ ሎይሎ ጭንጨደ፡ ሀራቱ ሰንላን ዎን ሰሙረታንንቶ ኤርያዎ አው አያ ማዲ?

9 አይፍያን በእያዎ አዎትያዎፕ ኬካ። ቃይ ሄዎካ ጫርኩዋ ኦይቃናው የደርሰያዎ ማላ ሙላ።

10 ሀንያባይ ኡባይካ ካሰቲደ ኩሽት ኡቲዳ። እት እት አሳይ ዋናናው ደእንቶ፡ አዱሳ ዎድያፕ ካሰ ባጋን ኤረት ኡቲዳ፤ ቃይ አይ አሳይነ ባረፕ ምንያዎና ጋዳታናው ዳንዳየና።

11 ሃሳያይ ጮራትያ ዎይ፡ ሀዳባይ ጮራቲ፤ ሄዎ ያትና፡ አሳ አያ ማዲ?

12 ሀዳ ግዲደ፡ ኩዋዳን ጮ አቋያ ጉላ ላይላ ባረ አሳይ ዎቲደ አላናው ኮሽንቶ ኤርያዎ ኦኔ? ቃይካ አሳይ ሀይቂደ ብ ክቻና፡ ሳሎዋ ጉፋንላን ሀናናው ደእያዎ አሳው ኦዳናው ዳንዳይያዎ ኦኔ?

7

ደኡዋባ ቆፕያዎ

1 ጋቲ አልኦ ግዳዳ ሎኦ ሽቱዋፕ ሎኦ ሱንላይ አይ፤ የለትያ ጋላሳፕካ ሀይቂያ ጋላሳይ ሎኦ።

2 ግብራ ጎልያ ብያዎፕ፡ ዬኮ ጎልያ ብያዎ ሎኦ፤ አያው ሳፕ፡ አሳ ኡባ ወርሰላይ ሀይቆ፤ ፓጻ ደእያ አሳይካ ሄዎ ባረ ዎዛናን ዎላናው ኮሼ።

3 ሚቻፕ ካዩ ኬካ፤ አያው ሳፕ፡ ካዩ ሰምኡዋ ካረጽሶፕካ ዎዛና ፖእሴ።

4 ኡባ ገደ ናሽቶም ደላላ ቆጥያ ኡራይ ደከተ፡ ሄ ኡራይ ቦዛ፤ ሽን ጭንጫ አሳይ ሀይቁባባ ቆጥ።

5 ኤያቱ ሳቢደ የጽያ የላ ሰሰያዋጥ፡ አዴዳ ኤራንቻ አሳይ ሴርያ ሴራ ሰሰያዋ ሎኦ።

6 ኤያ ሚቻይ፡ ሱፓ አጉንላ ታማን የግና ኤጲደ ቆእያዋ ማላ፡ ሄዌካ ቃይ መላ።

7 ሱገላ ኦሱ አዴዳ ኤራንቻ ቦዛ ከሴ፤ ማጋንጸ አሳጥ አክያዌካ ዋዛና ባይዜ።

8 አይ የዋ ግደጥ፤ ደመላጥ ዉርሰላይ ከካ፤ ቃይ ኦቶራንቻ ኡራጥካ ዳንዳያንቻ ኡራይ ከካ።

9 ሀንቁ አዛላቱ ሀሉዋ ከሳናዉ ጎኤትያ ሚሻ ግድያ ድራዉ፡ ኤላ ሀንቀቶ።

10 “ሀእ ዋድያጥ ካሰ አዴዳ ዋዲ አያዉ ከካ ግዴዳ?” ጋደ ኦቻ፤ አያዉ ጎጥ፡ ሄዋ ማላ ኦቻይ አዴዳ ኤራንቻ ግያ አሳይ ኦቻያ ኦቻ ግደና።

11 ሀ ሳኦን አሳይ ኡባይ አዴዳ ኤራንቻ ግደናዉ ኮሺ፤ አያዉ ጎጥ፡ አዴዳ ኤራተላ ደምያዌ ማጶዋ ላትያዋጥ ጉጸና።

12 ሚሻይ አሳ ኢታጥ ካሚደ አሽያዋዳን፡ አዴዳ ኤራተላይካ አሺ። ሽን፡ አዴዳ ኤራተላይ ሚሻጥ ዳርያዌ፡ እ አሳዉ ደኡዋ አማናዉ ዳንዳይያዋና።

13 እነ ጸሳይ ኦሌዳዋ አከካ! ጸሳይ ጌላዬዳባ ኦን ሱርሳናዉ ዳንዳይ?

14 ነዉ ኡባባይ ጊጌዳ ዋድያን ናሽታ፤ ቃይ መቱ ጋክያ ዋድያንካ አከካ፤ አያዉ ጎጥ፡ ናሽቻ ግድና፡ መቶ ግድና፡ ጸሳይ የድያ ዋድያን ዬ። ሽን ሀቃዌ ካሰቲደ ያነንቶ፡ ኔን ኤራካ።

15 ሀ መላ ግዴዳ ላይላን ታዋን ዳርባ ታን በኣድ። ሄዌካ፡ ጌላይ ባረ ጌላተላ ኦሊደ፡ አዲሳ ላይላ ደእያ ዋደ፡ ጽሎተላ ኦሊያ ጽሎ ቃንላ ላይላን ሀይቁ።

16 ሄዋ ድራዉ፡ ኔን ኤላ ጳየናዳን፡ ሎይላ ዳር ጽሎዋ ዋይ ሎይላ ዳር አዴዳ ኤራንቻ ግደጥ።

17 ቃይ ዋዲ ባይናን ኔን ሀይቀናዳን፡ ኡባ ባላ ኢታን ግደጥ፤ ኡባ ሞጆጃ ኤያን ግደጥ።

18 ሀ ኡባንካ ጸሳዉ ያይያ ኡራይ፡ መቶ ኡባጥ ጸኦዋን ከሳናዉ ዳንዳይያ ድራዉ፡ ኔን ዳር ኢታ ዋይ ዳር ጽሎዋን ግደናን ግደ አሳ ግደ።

19 አዴዳ ኤራተላይ አዴዳ ኤራንቻቶ እምያ ዋልቃይ ታሙ ካታማቱዋ ሞድያ አሳቶ ዋልቃጥ ዳራ።

20 ጽሎባ ጸላላ ኦሊደ፡ ናጋራ ኦ□ና አሳይ ሀ ሳኦ ሶላን ባዋ።

21 አሳይ ሃሳይያ ቃላ ሙልያ ሀይዛደ ፖላና ጎጥ፤ ኔን ሙልያ ሀይዛና ጎጥ፡ ነ ቆማይ ኔና ሽቁሽን፡ ኔን ሰሳና።

22 ቃይ ኔንካ ነ ሁጲያን ሀራቱዋ ሸቄዳዋ ነ ዋዛናይ ኤራ።

23 ሀዋ ኡባ ታን አዴዳ ኤራተላን ፕልጋደ ጸላድ፤ ያታደ፡ “ታንካ አዴዳ ኤራንቻ ግደና” ያጋድ። ሽን ታን ጌዳዋዳን ሀንቤና።

24 አዴዳ ኤራተላይ ኡባ ገደካ ሃኩዋን ደእያዋን ጨማባ፤ ያትና፡ አ ቆሪደ ደማናዉ ዳንዳይያዌ ኦኔ?

25 ታን ኤራናዉ፡ ፕልጋ ጸላናዉን አዴዳ ኤራተላን የዉዋ ኡባ ዉርሰላ ኤራናዉ፡ ቃይ ናጋራይ ኤያተላ ግድያዋን ኤያተላይካ ጎሻ ግድያዋ ኤራናዉ፡ ታ ዋዛናን ዩሻ ዩሻደ ቆጥድ።

26 ታን ሀይቁዋጥ አዲደ ጫምያ ሀራ እትባ ፕልጋ ጸላደ ደማድ፤ ሄዌካ፡ እዝ ዋዛናይ ጸረ ዋይ እግር ብራታ ግድና፡ እዝ ኩሺ ሳንሳላታ ማላ ግዴዳ እት ማጫ ሞሽራትባ። ጸሳ ናሽቶያ ኡራይ ኢጥ ከሰ አካና፤ ሽን ናጋራንቻ አ ባረ ጸረያ ዋጸደ ኦይቃና።

27 ኤራንቻይ ሀዋዳን ያጌዳ፤ “ታን ካላ ካላደ፡ ፕልጋ ጸላደ፡ ሀራ ደሚዳዌ ሀዋ።

28 ሄዌካ፡ ታን ሀቻ ጋካናዉ ኮያደ ደማቤናዋ። ሻኤ አቱማ አሳ ግደጥ ቦንቹ በሰያ እት አሳ ጸላላ ደማድ፤ ሽን ማጫ አሳ ግደጥ እትናን ደማናዉ ዳንዳይያቤከ።

29 ታን ቆራደ ደሚዳ ሀራባይ፡ ጸሳይ አሳ ሱረ ቆፋይ ደእያዋንታ ኦሊደ መዴዳ፤ ሽን አሳይ ዳር ሂላ ኦግያ ኮዪደ ቤዳ” ያጌዳ።

8

1 አዴዳ ኤራንቻ አሳ ማላ አሳይ ኦኔ? የዋቱዋ ኡባ ብለላ ኤርያዌ ኦኔ? አዴዳ ኤራተላይ ፓሽክሲደ፡ ቆሜዳ ሶምኡዋ ፖእሴ።

ካትያዉ አዛዘትያዋ

2 ካትያዉ አዛዘታ፤ አያዉ ጎጥ፡ አዛዘታናዉ ኔን ካሰ ጸሳ ሰንላን ጫቃ ኡታዳ።

3 ኡባ ዋደ ኢታ ኦሱዋ ኦላፓ፤ አያዉ ጎጥ፡ ካቲ ባረ ኮይዳዋ አላናዉ ዳንዳይያ ድራዉ፡ ኔን አ ሰንላጥ ኤላ ጳያና።

4 ኡባባ አላናዉ ካትያዉ ማታይ ደኤ፤ ያትና፡ “አያዉ ሀዋ አላዲ?” ያጊደ አ ኦቻናዉ ዳንዳይያዌ ኦኔ?

5 እ አዛዙዋ ፖልያ ኡራይ ሙረተና፤ አዴዳ ኤራንቻ አሳይ ልከ ግድያ ዋድያን ኦላያ ኦግያ ኤራ።

6 እት አሳ ቦላን ዳጶ መቱ ጋክንቶን፡ የዉዋ ኡባዉ አዉ አ ዋዲን አ ኦጊ ኦጊ ደኤ።

7 ሰንላጥ ሀናና ትምቢትያ ኤርያዌ ባዋ፤ ሄዋ ድራዉ፡ “ሀዌ ሀናና” ጊደ ኦዳናዉ ዳንዳይያዌ ኦኔ?

8 ሸምፑ ሻከቲደ ብያ ጋላሰ ኦይቂደ፡ ተአናዉ ዳንዳይያ አሳይ ባዋ፤ ዋይ ሀይቁ ባረ ጋላሳን ዬናዳን ድጋናዉ ዳንዳይያ አሳይካ ባዋ። ሄዌ ኦንን ከሰ አካናዉ ዳንዳየና ኦላ። ሄዋ ድራዉ፡ ሀይቁዋ ሰንላን ኢታተላ ኢታ ኦላያ ኡራ እሽ አሰና።

ኢታ አሳቱዋን ከካ አሳቱዋ ሀናታ

9 ሳሉዋ ጉፋንላን ሀንያዋ ኡባ ታን አከካደ ቆጥያ ዋደ፡ እት አሳይ ባረዉ ሞድያ ማታ ሀራ አሳ ቆሀናዉ ጎኤትያዋ በኣድ።

10 ቃይ ኢታ አሳቱ ቦንቹዋን ሞገቱሽና በኣድ። ሄዋጥ አድያዌካ ቃይ፡ ሞጉዋጥ ሰምያ ዋደ፡ ኡንቱንቱ ሄ ኢታተላ ኦሊደ ካታማ አሳይ ሸቂደ፡ ኡንቱንታ ሳቢሸና ሰሳድ። ሄዌ ኡባይካ መላ።

11 አስ ሀልቶደ ኢታባ ኦላያ ጋሱ። ኢታባ ኦላዳ አሳቱዋ ኤለካ ሙርያባይ ባይና ድራሳ።

12 ናጋራንቻይ ጾቱ ገደ ኢታባ አላሸና። አ ላይላይ አዲቆጥካ። ጸሳው ያይያዋንቶ ሳለይ ሎአናዋ ታን ኤራይ።

13 ኢታቱ ጸሳ ያየና ድራው። ሳርተላይ ኡንቱንቶ ባዋ፤ ጸሳው ኡንቱንቱ ያየና ድራው። ኡንቱንቱ ባረካ ኩዋዳን ቃማና።

14 ሀ ሳኣን ኦሰትያ እት ሀዳባይ ደኤ፤ ሄዌካ። ጌሻ አሳቱ ናጋራንቻቶ ይያ ሙሩዋ አክና። ናጋራንቻቱ ቃይ። ጌሻቶ ይያ ሎአባ አኪና። ሀ ኡባይካ መላ።

15 ሄዋ ድራው። አሳይ ባረ ደኡዋን ናሽቶጥ ሎአ ጋደ ቆፋ እማይ፤ አያው ሳጥ። አሳይ ምያዋጥ። ኡሽያዋጥን ባረና ናሽቶያዋጥ አይዳ ሎአባይ አው ሳሉዋጥ ጋርሳ ባጋና ሀራይ ባዋ። ጸሳይ አው እማዳ ላይላን እ ዳቡሪደ ደማዳዋን ሄዋዳን ኦላጥ። ናሽታናው ዳንዳይ።

16 ታን አይዳ ኤራተላይ አየንቶ ኤራናውን አሳይ ሀ ሳኣ ቦላን ዳቡርያ ዳቡራ አኬካናው ሀልቻድ፤ ወርሰላን አሳይ ገምእሹዋ ዳይደ ኦላያ ዲጸና ኦሱ ደእያዋ በኣድ።

17 ሄዋጥ ጉይያን። ጸሳይ ኦላዳዋ ኡባ በኣድ። ቃይ ሳሉዋጥ ጋርሳ ባጋን ኦሰቱዳ ኦሱዋ አሳይ ፕልጊደ ኤራናው ዳንዳየናዋ ኤራድ። አስ አይ ኬሻ ዳቡሪደ ፕልግ ጸሎጥ፤ አ ብለላ ኤራናው ዳንዳየና። ቃይ አይዳ ኤራንቻ አሳይ። “ታን ሀዋ ኤራይ” ሳጥ፤ እ ኤራናው ዳንዳየና።

9

1 ሀ ኡባ የዋቱዋባ አዲሳ ዋድያ ታን ቆጥዳዋጥ ጉይያን። አይዳ ኤራንቻን ጽሉዋ ግዴዳ አሳቱን ኡንቱንቱ ኦሰቱ ጸሳ ኩሽያን ደኢኖ ጋደ ቃቻድ፤ ሽን ሲቁናግያ። እጹ ናግያ ኦንነ ባረና ናግያዋ ካሰቲደ ኤረና።

2 ዲማተላይ ባይናን ደእሸና። ኡባ ጋክያ ካጫይ እቱዋ፤ ጽሉዋ ግድና ማካላንቻ ግድና። ሎአ ግድና ኢታ ግድና። ጌሻ ግድና ቱና ግድና። ያርሹዋ ያርሽያዋ ግድና ያርሸናዋ ግድና። ኡንቱንቱ ኡባ ካጫይ እቱዋ። ሎአ አሳው ናጋራንቻዋጥ ኬክያ ካጭ ባዋ፤ ጫቁዋ ጫቃናው ያይያዌካ ጫቃናው ጸልያዋጥ ዲማተና።

3 አሳ ኡባ ካጫይ እቱዋ ግድያዌ። ሀ ሳኣን ደእያ ሀራ ኢታተላካ ማላ ዳር ኢታ። አስ ደኡዋን ደኤዳ ላይላን ኡባን አ ዋዛናይ ኢታተላንነ ጎሻን ኩሚደ ደኤ፤ ወርሰላን ሀይቁ አጌ።

4 ሀይቁዳ ጋሙዋጥ ጋላ ደእያ ካናይ ኬካ፤ አያው ሳጥ። ጋላ ደእያዋንቱና ደእያ አሳው ሀዳታይ ደኤ።

5 ጋላ ደእያ አሳቱ እት ገደ ሀይቃናው ደእያዋ ኤራና፤ ሽን ሀይቁዳዋንቱ አያን ኤርክና። ኡንቱንቱ ሙለካ ደገት ክቼዳዋንቱ ግድያ ድራው። አይነ ማድክኖ።

6 ኡንቱንቱ ሲቁ። እጹነ ቃናቲ ኡባይ ኡንቱንቱና እትጥ ዳይክቼዳ። ሄዋ ድራው። ሀዋጥ ሀን ባጋን ሳሉዋ ጉፋንላን ኦሰትያ የወዋ ኡባን ኡንቱንቶ መድናውካ ካጭ ባዋ።

7 ባድ። ነ ቁማ ናሽቻን ማ፤ ነ ዋይንያ ኤሳካ ነ ዋዛናይ ፓሽክሽና ኡሻ። አያው ሳጥ። ጸሳይ ሄዋ ነው ካሰጥካ እም ዋሌዳ።

8 ኡባ ዋደ ነ ማዩ ቦላ ግድ፤ ነ ሁጺያንካ ዛይትያ ኦከታ።

9 ሳሉዋጥ ጋርሳ ባጋና ጸሳይ ነው እማዳ ሀ መላ ደኡዋን። ነ መላ ደኡቱዋ ኡባን ኔን ሰቅያ ነ ማቻትና ናሽታደ ደኤ፤ አያው ሳጥ። ኔን ሳሉዋጥ ጋርሳ ባጋና ዳቡራደ ኦላዳዋ ኡባጥ ኔና ጋክያ ሳማይ ሄዋ።

10 ነ ኩሽ ኦላናው ደማዳዋ ኡባ ነ ኩመንላ ዋልቃን ኦላ፤ አያው ሳጥ። ኔን ባናሳን ዲፋዋን ኦሱ። ዋይ ሀልቼ። ዋይ ኤራይ። ዋይ አይዳ ኤራተላ ባዋ።

11 ታን ሳሉዋጥ ጋርሳና ሀራባካ በኣድ፤ ሄዌካ። ኤሌልያ ዋላንቻቱ ኡባ ዋደ ጸንክና፤ ዋይ ምኖ ኦላንቻቱካ ኡባ ዋደ ኦላን ጸንክና፤ ዋይ አይዳ ኤራንቻቱ ኡባ ዋደ ቁማ ደምክና፤ ዋይ ጭንጫቱ ኡባ ዋደ ዲረትክና፤ ዋይ ታማራዳ አሳቱ ኡባ ዋደ ሳበትክና። ሽን ኡባይካ ካጫይነ ዋዲ ኦላዋዳን ሀኔ።

12 ሄዋ ቦላካ ቃይ። ሰንሳጥ ያናው ደእያ መቶ ዋዲ አውደ ጋካንቶ። ኤራናው ዳንዳይያ አሳይ ባዋ፤ ካፋ ፓሊደ ጸርያን ገልያዋዳን። ዋይ ሞሊ ማጋን ኦይቀትያዋዳን። አሳይ ኡባይ ቆጥናን ጋክያ ኢታ ዋድያን ኦይቀቱ።

አይዳ ኤራተላን ኤያተላ

13 ሳሉዋ ጉፋንሉዋን ታን በኤዳባይ ሀራባይካ ደኤ፤ ሄዌካ አይዳ ኤራተላይ ዋልቃማ ሊምሶ ግድያዋ።

14 እት ቢታን እት ጉላ አሳይ ደእያ ቁር ካታማታ ደእው፤ ሄ ካታማቶ እት ዋልቃማ ካቲ ኦላናው ደንዴ። እዘ ደዴዳ።

15 ቃይ። እት ሀይሳ ሽን ጭንጫ ግዴዳ ብታኒ። ሄ ካታማትን ደኤ፤ እ ባረ አይዳ ኤራተላን ሄ ካታማ አሼዳ። ሽን። ሄ ሀይሳ ብታንያ ዛረሲደ ሀሳዬዳባይ ባዋ።

16 ታን። “አይዳ ኤራተላይ ዋልቃጥ ዳራ” ያጋድ። ግድ ሽን። አይዳ ኤራንቻ ግድጥ፤ ሀይሳ አሳይ ካጫ፤ እ ሃሳይያዋካ ሀይዝያዌ ባዋ።

17 ሄዋ ግድጥካ። ደርያ ሞድያዌ አዛላቱዋ ሽቁዋን ዋሰያ ዋሱዋ ሰሰያዋጥ። ሌላን ኦደትያ አይዳ ኤራንቻ ቃላ ሰሰያዌ ሎአ።

18 አይዳ ኤራተላይ ኦላ ሚሻጥ ሎአ፤ ሽን እት ናጋራንቻ አሳይ ዳር ሎአባ ባይዘ።

10

1 ሀይቁዳ ኡዲንጸቱ ሳዊያ ዛይትያ ሽቱዋ ጽንቀላናው ዳንዳይና፤ ሄዋዳንካ። ጉላ ኤያተላይ አይዳ ኤራተላን ዋልቃማ ቦንቹዋ ባይዘ።

2 አይዳ ኤራንቻ አሳ ዋዛናይ አ ኡሽቻው ካለሌ፤ ሽን ቦዛ አሳ ዋዛናይ ሀድርሳው ካለሌ።

3 ኤያ አሳይ ኦግያን ሀመትያ ዋድካ። አው አኬክ ባዋ፤ ሄዋጥ ደንዴዳዋን እ ቦዛ ግድያዋ አሳይ ኡባይ ኤራ።

4 ነ ካፍ ነ ቦላን ሀንቀቶጥ፤ ነ ሱጫቱዳ ሳኣጥ ክቻ ክቻጥ፤ አያው ሳጥ። ጭኡ ገደ ዳንዳይያዌ ዋልቃማ ባይዘዋካ አቶ ጊሴ።

5 ሳሉዋ ጉፋንላን ታን በኤዳ ሀራ ኢታባይ ደኤ፤ ሄዌካ ደርያ ሞድያዎንቱ ኦሳያ ናቁዎ።

6 ኤያቱ ዳር ጾቃ ሱንላተላ ኦይቂደ ደእያ ዎደ፤ ዲረቱ ሀርክ ዝቃ ሳክን ኡቴድኖ።

7 ታን፤ አይለቱ ሞድያዎንቱዳን ፓራ ቶጊደ ቢሸና፤ ቃይ ሞድያዎንቱ አይለቱዋዳን ገድያን ሀመትሽን በእድ።

8 ኦላ ቦክያ ኡራይ ሄ ኦላን እ ኩንዳና፤ ቃይ ግሞቢያ ድርሳ ኮልያ ኡራ ሾሻይ ዱካና።

9 ሹቻ አ ሳክጥ አላ የግያ ኡራይ ሄ ሹቻን ደሸቱ፤ ቃይ ሞላ ቆእያ ኡራይካ ሄ ሞላን ደሸቱ።

10 ዱልዳሜዳ ካልታ ፖሽናን ጮ ቆክጥ፤ ዳር ዎልቃ ወርሴ፤ ሽን አዴዳ ኤራን ኦሳያዌ ኦሱዎ ዳርሴ።

11 ሾሻይ ዱክ ድግና፤ ሾሻ ጆልሳናዉ አያንቲያ አያንቱ ሄ ኡራዉ አይነ ማደና።

12 አዴዳ ኤራንቻ ሃሳይ አዉ ቦንቹዎ አምሴ፤ ሽን ኤያይ ባረ ደናጥ ከሴዳ ቃላን እ ባረዉ መቱዋን ገሌ።

13 ኤያይ ባረ ሃሳያ ቦዛ ቃላን ደሚደ፤ ኢታተላንነ ጎሻን ፖሌ።

14 ኤያይ ዳርባ ሃሳዬ። ግደጥ፤ ሰንላጥ ሀናናዉ ደእያዎ ኦንነ ኤረና። አሰ ሀይቂ ክቶና፤ ሀናናዉ ደእያዎ አዉ አዳናዉ ዳንዳይያዌ ባዎ።

15 ኤያ አሳይ ባረ ኦሱዋን ዳቡሬ፤ እ ባረ ጎላ ብያ ኦግያ ኤረና።

16 ቁር ናክ ግዳዳ ካዉነ ዎንታ ጉራና ግብራ ገገሲደ፤ ባረንቶ ምያ ካፓቱ ደእያ ቢታይ ነዉ አየ እና!

17 ቦንቹቲዳ ካዉነ ማሉዋሳ ግደናን ዎልቃነ ምናተላ ደማናዉ ማራን ምያነ ኡሽያ ካፓቱ ደእያ ቢታታ ጋላተቲዳና።

18 ብታኒ አዛላ ግደጥ፤ አ ካራይ ዎዴ፤ አ ኩሽ ኦሱዋ ብሎዋል ግደጥ፤ አ ጎሊ አሌ።

19 ቁማ ምያዎንነ ዎይንያ ኤሳ ኡሽያዎን ናሽቻይ ቤቱ፤ ሽን ሚሻይ ኡባባ ሻሜ።

20 ሰሰያዌ ባዎ ጋደ ነ ዎዛና ቆፋን ግደጥ፤ ካቶያ ቦርፓ፤ ዎይ ነ ግሰያ ክፍልያን ዱርያ ቦርፓ፤ አያዉ ጎጥ፤ ነ ጌዳዎ ሳሉዋ ካፋ ዎይ፤ ቀፍናና መጠታቱ ቢደ፤ ኡንቱንቶ ኦዳና።

11

አዴዳ ኤራንቻ ኡራይ ኦሳናዉ በሰያዎ

1 ነ ኡክላ ሃላ ቦላን ኦላ፤ ዳር ጋላሳቱዋጥ ጉይያን፤ ኔን ዘረላደ አ ደማና።

2 ነዉ ደእያ ማጺዋ ላፑን ዎይ፤ ኡባ ሆሰፑን ሳክን ሻካደ ዎላ፤ አያዉ ጎጥ፤ ሰንላጥ ሀ ሳክ ቦላ አይ ኢታባይ ያንንቶ፤ ኔን ኤራካ።

3 ሻሪ ሃላን ኩሜዳባ ግደጥ፤ ቢታ ቦላን እራ ትጌ።

ምላይ ሀ-ጲሳ ኩንድና ገድሳ ኩንድና፤ ሄ ባረ ኩንዴዳ ሳክን ደኤ።

4 ጫርኩዋ ሀኖታ ናግያ ኦንነ ካላ ዘረና፤ ቃይ ሻሪ ደንዳናዉ ናግያ ኦንነ ባረ ካላ ጫከና።

5 ጫርኩ ሀቃና ብንቶ፤ አ ኦግያ ኤራካ፤ ቃይ ናአይ አት ኡሉዋን ዋን መጠታንቶካ ኤራካ።

ሄዎዳንካ፤ ኡባባ መድያ ጸሳይ ባረ ኦሱዋ ዎት ኦላንቶ፤ ኤራናዉ ዳንዳያካ።

6 ዎንታ ጉራን ግድናካ ኦማርሳን፤ ነ ዘረላ ዘርያዎ አጎፓ፤ አያዉ ጎጥ፤ ዎንታዌ ሎኤ ኦማርሳዌ ሎኤ ኔን ኤራካ።

7 ፖኡ ናሽቶያዎ። አዎ አይፍያ በእያዌካ ሎኦባ።

8 አሰ ሎይላ አዲሳ ላይላ ሀ ሳክን ደኦጥ፤ ሄ ኡባ ላይላንካ ናሽቶ። ሽን ጴማ ዎደቱዎ ቆፓ። አያዉ ጎጥ፤ ሄ ዎደቱ አዲቃና። ያናዉ ኡባባይካ መላ።

ዘርያ ኡባ ዪቻ (ኤራ. 11:9—12:8)

9 ኔና ያላጋዉ፤ ያላጋተላይ ሎይላ ሎኦባ ግድያ ድራዉ፤ ነ ያላጋተላ ላይላን ናሽታ፤ ነ ዎዛናይካ ናሽቶ። ነ አይፊ ጴሌዳባነ ነ ዎዛናይ አሞቲዳባ ኡባ ፖላ። ሽን፤ ሄ ኔን ኦሌዳዎ ኡባ ድራዉ፤ ኔና ጸሳይ ፕርዳናዉ ደእያዎ ደጎፓ።

10 ሄዎ ድራዉ፤ ሰም ነ ዎዛናጥ ሀርጋ፤ ነ ቦላጥካ ሴላ ድጋ። አያዉ ጎጥ፤ ናክተላይን ያላጋተላይ መላ።

12

1 ነ ያላጋተላ ላይላን ኔና መዴዳዎ ቆፓ። መትያ ጋላሳቱ ዬናን ደእሸና፤ ኔን፤ “ታና ሀዌ ናሽቹና” ግያ ዎደቱ ጋከናን ደእሸና።

2 አዎይነ ፖኡ፤ አግናይነ ጸልንቲ ጴመናን ደእሸና፤ እራይ ቡክ አድናካ ሻሪ ሃ ሰመናን ደእሸና፤ ኔና መዴዳዎ ቆፓ።

3 አያዉ ጎጥ፤ ሄዌ ጎልያ ናግያዎንቱ ኮኮርያ ዎደ፤ ምኖ አሳይ ቁንያ ዎደ፤ ጋጭያዎንቱ ፓይዲዎን ጉጾዳ ጋሱዋን ጋቻ አግያ ዎደ፤ ቃይ ማሰኮትያና ጴልያዎንቱ ጋልጅያ ዎደ ግዳናዎ።

4 ሄ ዎደ ዎጋ ኦግያኮ ሰሚዳ ፕንገቱ ጎርደትያ ዎደ፤ ጋጭያ ዎጸቱዎ ኮሻይ ዝቂ ግያ ዎደ፤ ካፋዎ ዋሱ አሳ ገምእሹዋጥ ቤጎሊያ ዎደ፤ ሽን፤ የላንቻ ማጫ ናናቱዎ የላ ኮሻይ ለጥያ ዎደ ግዳናዎ።

5 ሄ ዎዲ አሳይ ጾቃ ሳክቱዎ ከሳናዉነ እኮ አገቱዋና ሄመታናዉ ያይያ ዎደ፤ ነ ሁጲ ፑሉምያ ዎደ፤ ኔን ኔና ዳንዳያደ ሄመትያዌ ነዉ እጽያ ዎደ፤ አሞይያባይ አግያ ዎደ ግዳናዎ። ሄ ዎዲ አሳይ ባረ መድና ጎልያ ብያ ዎደ፤ ዬክያዎንቱካ እኮ ኦግያና ዬኪደ ዩይያ ዎደ ግዳናዎ።

6 ብራ ቃጭናይ ዱጸናን፤ ዎርቃ ከሪካ መኤናን፤ ሃላ ኦቱካ ፑልቱዎ ላንቂያን መኤናን፤ ሃላ ፑደ ጎቶያ ዎደሩካ ዱጸናን ደእሸና።

7 ቢታይ ካሰ ባረ አከቲዳ ቢታኮ ሰመናን፤ ሽምፑካ ባረና እሚዳ ጸሳኮ ሰሚደ ቤና ደእሸና፤ ኔና መዴዳዎ ቆፓ።

8 ኤራንቻይ ኦዲደ፤ “ሀዳ! ሀዳ! ኡባባይካ መላ!” ያጌዳ።

ጸሳ ቦንቹሳነ አዛዘቱሳ (12:9-14)

9 ኤራንቻዉ አዴዳ ኤራተላይ ደእያ ድራዉ፤ ኤራተላ ደርያ አሳ ታማርሴዳ። እ ዳር ሌምሳቱዎ

10:8 ማዘ. 7:15፤ ሌም. 26:27

ፕልግ ቆሪድ፣ እቱዋ እቱዋ ኦ ማራን ማራን ዲማዪድ ኦሴዳ።

10 ኤራንቻይ ልክ ግዴዳ ቃላ ደማናዉ ኮዬዳ፤ ሄዋ ድራዉ፣ እ ጸፊዳዌ ሱረነ ቱማ።

11 ኤራንቻቱዋ ቃላይ ሄንሳንቻይ ዉድያ ላግያ ጸራ ሌኦ ጸምኦ ማላ። ቃይ እትፕ ሺሼዳ ሌምሶቱካ ጎምፓ ጋኪደ ገልያ ሞሰማረቱዋ ማላ።

12 ታ ናኦዉ፣ ሀ ኡባፕ ቦላና ኔን ናገታናዉ ኮሽያባይ ደኤ። ማጻፋ ጸፊደ ዉርሳናዉ ዳንዳየተና። ቃይ ዳርባ ፕልግ ጸሊደ አገናን እጽያዌካ አሳተሳ ዳቡርሴ።

13 ሄኮ ኡባባይ ኦደቱዳ፤ ሄዋ ድራዉ፣ ኡባባዉ ኮሻይ ሀዋ፣ ጸሳዉ ያያ፤ ኦ አዛዙዋ ናጋ። እያዉ ጎፕ፣ ሄዌ አሳዉ ዋና ኦሱዋ።

14 ጸሳይ ኦሱዋ ኡባ ቦላን፣ ቃይ ጌሜዳ የዉዋ ኡባ ቦላን፣ ሎኦ ግድና፣ ኢታ ግድናካ ፕርዳናዉ ደኤ።

ሲቁዋ ሳቢያ ማጻፋጽ ገሎቅ

“ሲቁዋ ሳቢያ ማጻፋጽ” ሲቁዋ ግንጹዋ ቆሪደ ሺሺዳዋ። ሀ ግንጹቱዋ ጻርያ ባጋቱ ማዘሙርያ ማላን ጻፈቱድኖ፤ ኢንቱንቱ እቱማዌ ማጫንዉ፣ ማጫውና ቃይ እቱማዋ ጻፈዳዋንታ። ሀ ማጻፋይ እት እት ብለላቱዋን “ሲቁዋ ሳባ” ዋይ “ማዘሙርያ ኡባጥ አድያ ማዘሙርያ” ጌተቲደ ኤረቱ። ሀራ ብለላቱዋን ቃይ “ሶሎሞና ማዘሙርያ” ጌተቲደ ኤረቱ። አያዉ ሳጥ፣ እብራይስጢ ቃላን ጻፈቱዳ ማጻፋይ ሶሎሞን ጻፈዳ ጊደ ኦድያ ድራሳ።

ሀ ማዘሙሪ ክርስቶስጥን ዋሳ ጎልያጥን ግዲዋን ደእያ ጋከቱሳ በሰያ ሌምሳቱዋ ኦይቁዳዋ። ሸን አይሁዳቱ፣ “ጸሳጥን እሰራኤልያ አሳጥ ግዲዋን ደእያ ጋከቱሳ በሰያ ሌምሳቱዋ ኦይቁያ ማጻፋጽ” ጊኖ።

- ሸምጋቱዋ ኡባቶ እመቴዳ ቃንሳ ቆፋቱዋ**
- ሲቁ ዋይንያ ኤሳጥ አዴ 1:1—2:7
 - ሲቁ ኡባ የወዋ ሎይሌ 2:8—3:5
 - ሶይዘዋባ 3:6—4:5
 - ሶይዘዋ እትጥተላ 4:6—5:16
 - ሲቁ ኡባጥ ደረቱ 6:1—7:6
 - ታንን ኔንን ጸላላይ 7:7—8:4
 - ሲቁዋ ሳባ 8:5-14

ሲቁ ዋይንያ ኤሳጥ አዴ (1:1—2:7)

1 ማዘሙርያ ኡባጥ አድያ ሶሎሞና ማዘሙሪ ሀዋ።

ወደራታ፡

2 “ሳ ሲቁ ዋይንያ ኤሳጥ አድ ናሸቻያ ድራዉ፣ ነ መተርሻን ዛራ ዛራደካ ታና የራ።

3 ነ ኦከትያ ሸቱ ዋት ሳዋ! ነ ሱንሳይ ጸሰትያ ዋደካ አያ ናሸቹ! ጌላዮቱ ኔና ሲቅያዌ ሄዋሳ።

4 ታና ኔናና አካደ ባ። ሃያ፣ አነ ላኡ እትጥ ዋጸይተ! ታ ካትያዉ፣ ታና ነ ሲርጸ ገልሳ” ያጋዱ።

የሩሳላመ ማጫ አሳቱ፡ አባን ኑን አይ ኬሻ ናሸቱደ!

ኑን አ ሲቁዋ ዋይንያ ኤሳጥካ አሊደ ናሸቶ። ቱሙካ ማጫ አሳይ ኡባይ ኔና ሲቃናዉ በሴ ያጌድኖ።

ወደራታ፡

5 ሀንተኖ፣ የሩሳላመ ማጫ አሳቶ፣ ሰሰተ፣ ታን ካረላ፤ ግደጥን፣ ማላንቻ። ታ ካረላተላይ ቁዳረ ዱንካንያ ማላ፤ ሸን ታ ማላይ ሶሎሞና ካትያ ጎልያ ጋርዳቱዋ ማላ።

6 ታ ማላ ካረጽሴዳዌ ጸግያ አዋ፤ ታን ካረላ ግዳዳ ድራዉ፣ ታና ካዶጋ። ታ እሻቱ፣ ታ አት ናናቱ ታናና ዋላቀቲደ፣ ታና ዋይንያ ቱራ ናጋንቻ ኦሌድኖ፤ ያትና፣ ታን ታና ናጋበይከ።

7 ታ ሲቆዉ፣ አነ ታዉ ኡዳ፤ ነ ደርሳ ዉድያ ኔን ሄምያዌ ሀቃኔ?

ጋላስ አዋጥ ነ ኡንቱንታ ሸምጥሰያዌ ሀቃኔ?

ኔና ደማናዉ ነ ላገቱዋ ዉድያ ካላደ፣ አያዉ የሻንቻ ማጫ አሳ ግደ? ያጋዱ።

የሩሳላመ ማጫ አሳቱ፡

8 ሀን፣ ማጫ አሳ ኡባጥ አዳ ሎእያ ማላንቻቱ! ሳኦ ኤራና ጳዮጥ፣ ደርሳይ ቤዳ ሳ ካላደ ባ፤ ነ ዴሻ ማራቱዋካ ሄንላንቻቱዋ ዱንካንያ ማታን ሄማ።

ዋዳላይ

9 ታ ሲቃቱ! ግብጾ ካትያ ጋራ ጋርያ ጎችያ ጋራቱዋ ግደን ደእያ ማጋያቲዳን ሎኦሳ።

10 አቤት፣ ነ ሀይላን ጎላካትያ አሌቁዋና ሸቁደ፣ ነ ጋጩ አያ ሎኦ! ነ ዚዚካ እንቁዋን አሌቁቱዳዋ።

11 ኑን ነዉ ብራን አሌቁቱዳ፣ ዋርቃ አሌቁዋ ኦሰሳና ያጌድኖ።

ወደራታ፡

12 ካቲ ማዳን ኡት ደእሸን፣ ታ ሸቱዋ ሳዉ ጎልያ ግደ ኡባን ቶሹኩ ጌዳ።

13 ታ ሲቁ ታ ጳንላቱዋጥ ግዲዋን ሸምጥያ ዋደ፣ አ ፔኑ ቃርጨትያና ደእያ ካዋራዳን ሳዌ።

14 ታ ሲቁ ኤንጋደ ጌተትያ ዋይንያ ሳኦን ደሌዳ፣ ባዙዋ ጨሻ ማላ ያጋዱ።

ዋዳላይ፡

15 ታ ሲቃቱ፣ ኔን ዋታ ሎኦይ! ኔን ዋታ ሎኦይ! ነ አይፈቱ ሀራጽያ አይፍያዳን ሎኦኖ ያጌዳ።

ወደራታ፡

16 ታ ሲቆዉ፣ ኔን አያ ሎኦይ! አያ ናሸቻይ፤ ኑ አርሳይካ አጩዳ ማታዳን ናሸቻያዋ።

17 ኑ ጎልያ ዛራ ዝጋ፤ ካራይካ ጸዳን ዳደቱዳዋ ያጋዱ።

2

ወደራታ፡

1 ታን፣ “ሳርና ግያ ሳኦን ደልያ ጨሻን፣ ዋምባን ደልያ ሎኦ ጨሻ ማላ” ያጋዱ።

ዋዳላይ፡

2 ኤ ታ ሲቃታ ማጫ አሳ ግደን ጸልያ ዋደ፣ አጉንሳ ግደን ቤትያ ሎኦ ጨሻ ማላታዉ ያጌዳ።

ወደራታ፡

3 ታ ሲቁ ሀራ ዋዳላቱዋ ግደን ጸልያ ዋደ፣ ዋራን ደእያ አፕልያ ግያ ሞላ ማላቲ፤ ታና ሎይሳ ናሸቶና፣ አ ኩዋ ግደን ኡታድ፤ አ አይፊ ሚና፣ ታና ሎይሳ ማልኤ።

4 እ ታና ቁማ ምያ አኮ ዉይግያ ገልሴዳ፤ ባረ ሲቁዋ ባንድራዳን ታ ቦላ ዶቁ ዶቁ አሌዳ።

5 ታን አ ሲቁዋን ኦከታደ ሀርጌዳ ድራዉ፣ ዛቢብያ አይፍያ ታና ሞዚደ ምንሰተ፤ አፕልያ ታና ሞዚደ፣ ታ ዋልቃ ኩንሳተ።

6 ባረ ሀድርሳ ኩሸያ ታና ቦርኮትሴዳ፤ ባረ ኡሸቻ ኩሸያን ታና ቆሜዳ።

7 ሀንተኖ የሩሳላመ ያላጋ ማጫ አሳዉ፣ ሲቁ ባረዉ ደሲደ ደንዳና ጋካናዉ።

አ ህንተ ቤጎና ማለ፡
ታን ህንተና ገንኤቱዋን ባዙዋ ደገቱዋን
ጫላይ።

**ሲቁ ኡባ የወዋ ሎይሌ
(ሲቁጥ 2:8—3:5)**

8 ሰሰተ፡ ሄዌ ታ ሲቁዋ ኮሻ! በእተ ደርያና
ፕሪደ፡

ዘዘቱዋ ቦላና ጸንገቲደ ጋኬዳ!

9 ታ ሲቁ ወሻ ማላ፤ ዋይ ገንእያ ማራ ማላቲ።
በእተ፡ እ ኑ ጎልያ ድርሳ ማታን ኤቁዳ፤
ማሰኮትያና ጎላ ጸሌ፤
ጋርዱዋ ጋርሳናካ ሉጻይ ጸሌ።

10 ታ ሲቁ ታና ሀዋዳን ያጌ፤ ታ ሲቃቲ፡ ደንዳ!
ታ ማላንቻቲ፡ ሃያ! እትፕ እነ ቦይተ።

11 በአ፡ ባልጉ አጼዳ፤ እራይካ ኤቁዳ።

12 ቢታን ጨሻይ ጨሼዳ፤ የላ የጽያ አገናይካ
ጋኬዳ፤
ሀራጽያ የላይ ኑ ቢታን ሰሰቲ።

13 ባላሲ አይፍያ ደሜዳ፤ ዋይኒ ጨሼዳ፤
አ ጨሻ ሳዉ ቢታን ቶሹኩ ጌ።
ሄዋ ድራዉ፡ ታ ሲቃቲ፡ ደንዳ፤ ታ
ማላንቻቲ፡ ሃያ፤
እነ እትፕ ቦይተ ያጌ ያጋዱ።

ዋዳላይ፡

14 ኔን አፋዋ ደና ዛላ ዛእን ቆሰቲዳ ሀራጻት
ማላ፤

እነ እት ገደ ታና ነ ሶምኡዋ በሳ፤ ነ ኮሻካ
ሰሳ።

አያዉ ጎፕ፡ ነ ኮሻይ ታና ቃረሌ፤
ነ ሶምኡካ ዳር ሎኤ ያጌዳ።

የሩሳላመ ዋደሮቲ፡

15 ኑ ዋይኒ ጨሼዳ፤ ሄዋ ድራዉ፡
ኑ ዋይንያ ግዱዋ ባይዝያ ዋራካናቱዋ፡
ሄ ቁር ዋራካናቱዋ ጸርያ ዋሊደ ኦይቂተ
ያጌድኖ።

ወደራታ፡

16 ታ ሲቁ ታዋ፤ ታንካ አኖ፤
ጨሻ ግደን እ ባረ ዉድያ ሄሜ።

17 ቃማ ቋማይ ቃረታናዉ፡ ዋንታ ጫርኩ
ጫርካናዉ፡

ታ ሲቆዉ፡ ገንእያዳን ዋይ ያላጋ ደግያዳን፡
አፎትያ ደርያና ዋጸደ ሃ ሰማ ያጋዱ።

3

ወደራታ፡

1 ቃማ ኩመንላ ታ ሂጸን ግሳይ፡
ታ ሲቁዋ ደማናዉ አዋታድ፤ ሞንሳደ
ኮያድ፤
ሽን ደማናዉ ዳንዳያበይከ።

2 ካታማ ግደን ደእያ አኮነ ጸንላ ኦገቱዋ ኡባን
ዩያድ፤
ታ ሲቁዋ ደማናዉ ኮያድ፤ ሞንሳደ ኮያድ፤
ሽን ደማናዉ ዳንዳያበይከ።

3 ካታማ ዩይ ናግያዋንቲ ታና ደሜድኖ፤
ታንካ፡ ታ ሲቁዋ በኤድቲ? ያጋደ ኡንቲንታ
ኦቻድ።

4 ኡንቲንቲፕ ያ አቆን ታ ሲቁዋ ደማ አጋድ።
እ ታፕ ከሰ አከናዳን፡ ሞንሳደ ኦይቃድ፤

ታ ዳይ ጎላ አካ አፋድ፤ ታ የለቲዳ ክፍልያ
ገልሳድ።

5 ህንተኖ የሩሳላመ ያላጋ ማጫ አሳዉ፡
ሲቁ ባረዉ ደሲደ ደንዳና ጋካናዉ፡

አ ህንተ ቤጎና ማለ፡
ታን ህንተና ገንኤቱዋን ባዙዋ ደገቱዋን
ጫላይ ያጋዱ።

ሲይዙዋባ

(3:6—4:5)

የሩሳላመ ዋደሮቲ፡

6 ሀዌ ባዙዋና ይያዌ፡ ጨዋ ቱሳ ማላትያዌ፡
ፔኑካ ዛልአንቻ እጸናዳን ካዋራዳን፡
ሳዊያዌ እ ኦኔ?

7 ሄዋ በእተ፡ ሶሎሞና ፓራ ጋሪ ዩ፤
ሄ ፓራ ጋሪ እሰራኤልያፕ ደረቲዳ
ዋልቃማቲ፡

ኡሱፑን ታሙ ቶራንቻቲ አጃቤድኖ።

8 ኡንቲንቲ ኡባይካ ማሻ ኦይቀላ
ሜዘቲዳዋንታ፤
ኦላንካ ፓጨቲዳዋንታ።

ቃማን ጋካና መቱዋ ኤቃታናዉ፡
ኡንቲንቲ እቲ እቲ ማሻ ግጺደ ጊጌዳዋንታ።

9 ካትያ ሶሎሞን ፓራ ጋርያ ግደን፡
ባረዉ ኡትያ ካዉተላ አራታ ገግሴዳ።
እ አራታ ለባኖሳ አሳፕ አሄዳ ሞላፕ
ኦሰሴዳ።

10 አራታ ቱሳቲ ብራን ሼሽቲድኖ፤
ገዲ ዋርቃን አሌቃቲዳ፤
ኡትያሳይ የሩሳላመ ዋደራቲ ኦቻ ቲራ
ማላትያ ቃጭናን፡
ሲቁዋን ዳዴዳ አፍላን ካመቲዳ ያጌድኖ።

ወደራታ፡

11 ህንተኖ፡ ጽዮን ዋደራቶ፡ ካትያ ሶሎሞና
በአናዉ ሃይተ!
እ ሎይሌ ናሽቲዳ፡ እ ቡላቻ ጋላሰ አ አታ
አ ሀጺያን፡
ዋሌዳ ካላቻ ዋሊደ ኡቲዳ ያጋዱ።

4

ዋዳላይ፡

1 ታ ሲቃቲ፡ ኔን አያ ማላንቻቲ! ኔን ዋታ
ሎአይ!
ነ አይፈቲ ነ ሶምኡዋ ካምያ ሻርበ ግዱዋና
በእያ ዋደ፡
ሀራጽያዳን ሎአኖ።
ነ ብናናይ ጋላአደ ደርያፕ ዋድያ ዴሻ ዉድያ
ማላ።

2 ነ አቻይ ሜደቲደ፡ ሃላን ሜጨቲዳ ኡባይካ
ማንትያ የልያ፡
ኡንቲንቲ ግደን ማይኒ ባይና ደርሳ ዉድያ
ማላ።

3 ነ መተርሻቲ ዘኦ ቃጭና ማላ፤
ነ ሃሳይያ ዋደ ዳር ናሽቲኖ።
ነ ላኡ ጋጮቱዋ ሻርቢያ ግዱዋና ጸልያ
ዋደ፡
እት ሮማንያ ላኡ ከሰ ጳልቁዳዋ ማላቲኖ።

4 ነ ቆጂ ኦላ ማሻ ካቃናዉ ግምቤዳ፡
ዳዊታ አዲሳ ግምቢያ ማላቲ፤

ሄ ግምቢ ሻኤ ምኖ ኦላንቻቱዋ ጎንደሊ ካቀትና፤
 አሌቀት ኡቴዳ።
 5 ነ ቆንላቱ ማንትያ የለቴዳ፤
 ዋራ ጨሻ ግደን ምያ ገንእያ ማራቱዋ ማላቲኖ።

ሶይዙዋ እትጥተላ
 (ሲቆዎ 4:6—5:16)

6 ቃማይ ዋንታናዉ፤ ኩዋይ ክቻናዉ፤
 ካርቢያ ደርያነ እጻና ዞዝያ ባደ ሸምጋሻና።
 7 ታ ሲቃቴ፤ ነ አሳተላይ ኡባይካ ማላንቻ፤
 ኔናን ዋልያዌ እያይነ ባዋ።
 8 ታ ሙሹራቴ፤ ሊባናሳ ደርያጥ ዋቆ።
 ጋሙካ ማሂ ጌሱ አማና ደርያጥ፤
 ሳኒራ ደርያጥነ ሄርሞነ ኪክያጥ ዋቆ።
 9 ታ ሲቆዋ ምቻቶ ግድያ ታ ሲቃቴ!
 ነ አይፍያ ጸሌነ ነ ቆድያ አሌቆ፤
 ታ ዋዛና ናሸቻን ጎሼዳ።
 10 ታ ሲቆዋ ምቻቶ ግድያ ታ ሙሹራተ!
 ነ ሲቆ ታና እያ ናሸቹ!
 ነ ሲቆ ዋይንያ ኤሳጥ አድ ናሸቹ፤
 ነ ሸቱ ኡባባጥካ አዲደ ሳዌ።
 11 ታ ሙሹራቴ፤ ነ መተርሻና ኤሳ እልሉ ጸኬ።
 ነ ደናጥ ኤሳይነ ማላይ ፑልቴ፤
 ነ ማዩ ሊባናሳ ጸዳይ ሳዊያዋዳን ሳዌ።
 12 ታ ሲቆዋ ምቻቶ ግድያ ታ ሙሹራት ዩሹ፤
 ድረቲደ ናገትያ አታክልትያ ሳኣ ማላ።
 ዩሹ ግምበቴዳ ፑልቴዋ፤
 ማታፋይ አታመቴዳ ጎግያ ሃላ ማላ።
 13 ነ አታክልተቱዋ ግድን፡ ርማኒ፤
 ደረቴዳ አታክልትያ አይፈቴ፤
 ሄናይነ ናርደሲያ ግያዋንቱ ደኢኖ።
 14 ሄዋዳንካ ቃይ ናርደሲ፤
 ላዲ፡ ሳዉዋ ማታይነ ቃራፋይ፤
 ሄዋዳንካ እጻናዳን ሳዊያባቱ ደኢኖ፤
 ሄዋዳንካ ቃይ ካርቢ፤
 ጎዳረ ኡላ ጨሻይነ ዲማ ዲማ ቅማምያ
 አታክልተቱ ሞኪኖ።
 15 ኔን አታክልትያ ሳኣ አልያ ፑልቴዋ ማላ፤
 ደኡዋ ሃላይ ቤትያ ኦላ ማላ፤
 ሊባናሳ ደርያጥ ጎግያ ሻፋ ማላ ያጌዳ።

ወደራታ፡

16 ሁጲሳ ባጋ ጫርኮ፡ ደንዳ!
 ገድሳ ባጋ ጫርኮ፡ ሃያ!
 ታ አታክልትያ ቦላ ጫርካ! አ ሳዉ ሄዋን
 ቶሹኩ ጎ።
 ታ ሲቆ ባረ አታክልትያ ግደ ዮ።
 ዳር ማልእያ ቴራቱዋ ዋ ያጋዳ።

5

ዋዳላይ፡

1 ታ ሲቆ ምቻቶ ግድያ ታ ምሽራተ፤
 በኣ፤ ታን ታ አታክልትያ ግደ ገላድ።
 ታ ካርቢያነ ታ ሸቱዋ ጨሻ ቆራይ።
 ኤሳ ኡክላ ዮልታያደ ማይ።

ታ ዋይንያ ኤሳነ ታ ማላ ኡሻይ ያጌዳ።
የሩሳላመ ዋደራቱ፡
 ሀንተኖ፡ አ ላገቶ፡ ሲቆዋ አላና ጋካናዉ ኡሸተ
 ያጌድኖ።

ወደራታ፡

2 ታን ቃማ ገምእሻድ፤ ሸን ታ ዋዛናይ ቤጎት
 ኡቴዳ።
 ታ አኩሙዋን ታ ሲቆ ሀዋዳን ያጊደ፤
 ጥንግያ ቆጶና ሰሳድ፤ ታ ሙሹራቴ፤ ታ
 ሲቃቴ፤
 ኔናን ዋልያዌ ባይና ታ ሀራጳተ፤ ታዉ ካርያ
 ደያ፤
 ታ ሁጲ ከተርሳን ካኤዳ።
 ታ ብናናይካ ቃማ ፑሰያን ናርካኬዳ ያጌ።
 3 ታን፡ ታ ማዩዋ ቃራ ድጋድ፤ ዛራ ማዮየ?
 ታ ገድያ ሜጨታ ክቻድ፤ ዛራደ ኡርቃዮየ?
 ያጋድ።
 4 ታ ሲቆ እፍላ ጸእያና ባረ ኩሸያ ጎለ ዩዴዳ፤
 ታ ዋዛናይ አ ድራዉ ፖድ ፖዴ።
 5 ያትና፡ ታ ሲቆ ካርያ ደያናዉ ደንዳድ።
 ካርያ ደይያ ኩልቡዋ ታን አይቂያ ዋደ፤
 ታ ኩሸያጥ ካርቢ፤ ታ ብራድያጥ ሸቱ ጸኬ።
 6 ታ ሲቆ ካርያ ደያድ፤ ሸን ደይያ ዋደ አ ባዋ
 ብ ክቹዳ።
 አ ከሻ ሰሳናዉ ሎይሐ አሞታድ።
 ምንላደ አ ከያድ፤ ሸን ደማናዉ
 ዳንዳያበይከ።
 ጸጋድ፤ ሸን ታዉ ኮይቤና።
 7 ዩዩደ ካታማ ናግያዋንቱ ታና ደሚደ፤
 ዋዴድኖነ ማዴጤድኖ፤
 ካታማ ድርሳ ናግያዋንቱ ታ ቁማዩዋ ቃር
 አኬድኖ።
 8 ሀንተኖ የሩሳላመ ጌላዮቶ፡ ታ ሲቆዋ ደሞጥ፤
 ታን አ ሲቆዋጥ ደንዳዳዋን ሀርግያዋ፤
 ሀዳራ፡ አዉ ኦድተ ያጋዳ።

የሩሳላመ ዋደራቱ፡

9 ኔኖ፡ ማጫ አሳ ኡባጥ አዴዳ ማላንቻቴ!
 ነ ሲቆ ቱሙ ሀራቱዋጥ ዋን ዲማቲ?
 ኔን ሀዋ ኬሻ ኦና ጫልያዌ፤
 እ ሀራቱዋጥ ዲማትያዌ አያኔ? ያጌድኖ።

ወደራታ፡

10 ታ ሲቆ ዳር ሎእያዋን ምና፤
 ታሙ ሻኤ አቱማ አሳ ግደን አ ማል ባዋ።
 11 አ ሁጲ ዋርቃ ሎልያ ማላቴ፤
 አ ብናናይካ ሎእነ ቁሩዋ ማላ ካረላ።
 12 አ አይፊ ሻፋ ላንቂያን ኤቆዳነ፤
 ማላን ሜጨቴዳዋ ማላትያ ሀራጳቱዋ
 ማላቴ።
 13 አ ጋጮቱካ ሳዉዋ ማታይነ፤
 ቅማሚ ቶከቴዳ አታክልትያዳን ሎኢኖ፤
 አ መተርሻቱ ካርቢያ ሸቱ ጸክያ ዋራ
 ጨሻዳን ሎኢኖ።
 14 አ ኩሸቱ እንቁዋን አሌቀቴዳ ዋርቃ ጸምኣዳን
 ሎኢኖ፤
 አ አሳተላይ ሳምፔርያ ግያ እንቁዋን
 አሌቀቴዳ፤
 ዳንጋርሳ አቻ ማላ።
 15 አ ገደቱ ዋርቃ ባሱዋን ቶከቴዳ፤
 አብናባራድያ ቱሳ ማላቲኖ፤

አ ማላይ ዝጋን አሌቀቲዳ ሊባኖሳ አሳ ማላ።
 16 እ ደናይ ኤሳዳን ማልኤ። እ ኡባናካ ሎእያዎ። ህንተኖ የሩሳላመ ዎደራቶ። ታ ሲቁን ታ ላጊ ሀዋ ማላቲ ያጋዱ።

6

ሲቁ ኡባጥ ደረቲ (6:1—7:6)
 የሩሳላመ ዎደራቶ።

1 ማጫ እሳ ኡባጥ ማላንቻቲ።
 ነ ላጊ ሀቃ ቤዴ? ኑንካ ኔናና እትጥ ኮያናወ።
 እ ቤዳ ሳ ኑወ ኑዳ ያጌድኖ።

ወደራታ።

2 ታ ሲቁ ደርሳ ወድያ ሄማናወነ። ሎእያ ጨሻ ሸሻናወ። ሸቱዋ ሳወዋ ማታይ ደእያ አታክልትያ ግደ ዎዴዳ።

3 ታን ታ ሲቁዋኖ፤ ታ ሲቁካ ታዎ። እ ጨሻ ግደን ወድያ ሄሜ ያጋዱ።

ዎዳላይ።

4 ታ ሲቃቲ፤ ኔን ትርጸ ካታማይ ሎእያዎዳን ሎአሳ፤ የሩሳላመዳን ዳሮ ሎአሳ፤ ባንድራ ኦይቂደ። ሳልጥያን ብያ አላንቻይ ያሸያዎዳን ያሻሻ።

5 ሀያና ነ አይፍያ ታጥ ዎራ ዛራርኪ። አያወ ጎጥ። ኡንቱንቲ ታና ዋይሲኖ። ነ ብናናይ ጋላአደ ደርያጥ ዎድያ ዴሻ ወድያ ማላቲ።

6 ነ አቻይ ሜጨቲደ ከሰያ። ኡባይካ ማንትያ የልያ። ኡንቱንቲ ግደን ማይኒ ባይና ደርሳ ወድያ ማላ።

7 ነ ላኡ ጋጮቱዋ ሻርቢያ ግዳዋና ዴልያ ዎደ። ላኡ ከሴዳ ሮማንያ ቲራ ማላቲኖ።

8 ኡሱፑን ታሙ ማጫ ካተቲነ ኡሱፑን ታሙ ባኮቲ። ቃይ ፓይዱ ባይና ዎደራቲ ታወ ደአኖ።

9 ሸን ታ ሀራጳታ። ታ ቶሺ ባይናና። አ ታወ ዲማ። አ ባረ አትሰካ መጽ እትኖ፤ እዞ የሌዳ አታካ አያጥነ አላደ እዞ ሲቃወ። ዎደራቲካ እዞ ዴሊደ። ሀና አንጀቲዳኖ ያጊኖ። ማጫ ካተቲካ ባኮቲካ እዞ ሳቢኖ።

የሩሳላመ ዎደራቶ።

10 ሀና ዎንታ ጳልቂያዳን ደልያና። አግናዳን ፖእያና። አዋዳን ጫድያና። ባንድራ ኦይቂደ ሳልጥያን ብያ አላንቻዳን። ያሸያና አዛ ኦኔ? ያጊኖ።

ዎዳላይ።

11 ታን ዎምባን ቶከቲዳ ሞላቲ ልጩዋ በአናወ። ዎይንያ ቲራይ አጩደንቶነ ቃይ ሮማኒካ ጨሺደንቶነ ዴላናወ። ዲገ አታክልትያ ሳኦ ዎዳይ።

12 ታን አኩከናን ደእሺና። ታ አሙ ታና አፊደ።

ታ ካትያ ማታን። ፓራ ጋርያን ታና ኡትሴዳ ያጌዳ።

የሩሳላመ ዎደራቶ።

13 ኔኖ ሹላመ ቢታጥ ዬዳወነ። ሃያ፤ ሃ ሰማ! ኔና ኑ ሎይሊደ ዴላና፤ ሃ ሰማ! ያጌድኖ።

ወደራታ።

ዳሮ አሳ ሰንፋን የጽያ አሳዳን። ታኮ አያወ ዴሊቲ? ያጋዱ።

7

ዎዳላይ።

1 ካትያ ናትዳን ሎእያኔ፤ ነ ገደቲ ኔን ናጸላ ጫማ ዎላ ደእሸን በእያ ዎደ።

አያ ሎእኖ! ነ ሹቺ ኤራንቻ ዎጋጪ ቆዲደ። ሎይላ አሌቂሴዳ እንቁዋ ማላቲ።

2 ነ ጉልአይ ዎይንያ ኤሳይ ኩሜዳ ብርልያ ማላቲ፤ ነ ዴሳ የሹ ጨሻን ቃሸቲዳ ዛርጋ ሞርቂያ ማላቲ።

3 ነ ቋንፋቲ ማንትያ የለቲዳ። ገንአት ማራቱዋ ማላቲኖ።

4 ነ ቆዲ ዳንጋርሳ ዛልያን አሌቀቲዳ አዲሳ ግምቢያ ማላ። ነ አይፊ ዎልቃማ ሀሰቦና ካታማ ጥንግያ ማታን ደእያ። ዜሩዋ ሃላ ማላቲ። ነ ሲዲ ዳማሰቆ ዴልሲደ ግምቤዳ ሊባኖሳ ግምቢያ ማላቲ።

5 ነ ሁጺ ቃርመሎሳ አሳ ማላቲ፤ ነ አላሳ ብናናይ ቃጭና ጳላ ማላቲ፤ ካትያካ ነ ሁጺያ ዳላይ ናሸቺዳ።

6 ታ ሲቃቲ። ነ አያ ሎአይ! ነ አያ ማላንቻቲ! ነ ሲቁ ታና አያ ናሸቺ!

ታን ኔን ጳላላይ (7:7—8:4)

7 ነ ጌሳይ ዛምባ ጌሳ ማላቲ። ነ ቋንፋይ ዛምባ አይፍያ ወርጬዋ ማላቲ።

8 ታን። ሀ ዛምባ ግአና፤ አ ማራቱዋ ኦይቃና ያጋድ። ነ ቋንፋይ ዎይንያ ቲራ ወርጬዋ ማላ፤ ቃይ ነ ሲድያና ከሰያ ፔኑ አፕልያ አይፍያዳን ሳቄ።

9 ነ የሩ መተርሻቱዋጥነ አቻጥ ግዳዋና። ዋላላቲደ ገልያ ዎይንያ ማላ።

ወደራታ።

ኡባጥ አዲደ ማልእያ ዎይንያ ኤሳ ማላ ያጌዳ።
 10 ታን ታ አልእ ሲቁዋኖ፤ እካ ታና አሞቲ።
 11 ታ ሲቆወ። ሃያ፤ ላኡ ካታማጥ ከሲደ ቢደ።

ጋጸርያን አቆይተ፤ ቃማ ላኡ ሄዋን አላና።
 12 ዎንታ ጉራን አነ ዎይንያ ቲራ ግደ ቦይተ፤ ዎይንያ ቲራይ ጨሺደንቶ። ጨሺደ አይፍያ ደርጸዴደንቶነ። ቃይ ሮማኒካ አይፊደንቶ አነ በአይተ። ታን ታ ሲቁዋ ኔና ሄዋን በሳና።

13 እንኮይያ አይፍያ ሳውነ ሀራ ናሽቶያ
 አታክልትያ አይፊ፡
 ኑ ካረን በሴዳ፤ ታ ሲቆ!
 ሀ አይፈቱዋፕ ቴሬዳዋንታነ ኦራዳ
 ማጼዳዋንታ፡
 ነው እሻ ዋላድ።

8

- 1 ነ ታው አላጋ ግደናን ታ ዳይ ቋንላ ቋሜዳ ታ
 እሻ ግዳርኪሻ!
 ያትንቶ ታን ኔና ኦግያን ደማደ ሺሻ አካ
 የርና፡
 ታና ኦንነ ቦረናሽን።
- 2 ታና ታማርሴዳ ታ ዳይ ጎለ ታን ኔና ካለላደ፡
 ታ ዳይ ቆልኦ ገልሳ አግና፡
 ሄዋን ታና ነ ሲቁዋባ ታማርሴዳዋ
 ግዳርኪ፤
 ሮማንያ ጉሞኤዳ ማልኢያዋ፡
 ሎእያ ዋይንያ ኤሳ ታን ኔና ሄዋን
 ኡሻርክታ።
- 3 ታና ሄዋን ነ ሀድርሳ ቁሰያ ቦርኮትሳደ፡
 ነ ኡሽቻ ኩሽያን ታና ቆሜዳዋ ግዳርኪ።
- 4 ህንተኖ የሩሳላመ ዋደራቶ፡
 ሲቁ ባረ ዋድያን ደንዳናው፡ ቃሰሐ
 ደን□□ናዳን፡
 ታ ህንተው ሀዳራ ጋይ ያጋዱ።

ሲቁዋ ሳባ
(8:5-14)

የሩሳላመ ዋደራቶ፡

5 ባረ ሲቁዋ ሀሽያን ዘምፓደ፡
 ባዙዋፕ ይያና ሀና ኦኔ? ያጌድኖ።

ወደራታ፡

- በን ነ አታ ኔና ባንካ የሌዳ፡
 አፕልያ ላንቂያን ነ ግሳ ደእሽን፡
 ኔና ታ ቃሰረላደ ደንላድ።
- 6 መድና ሲቁዋን ታና ነ ዋዘና ቦላ አታማ፤
 ነ ቀሰያንካ ማታፋዳን፡ ታ ጸላላ ኦይቃ።
 አያው ጎፕ፡ ሲቁ ሀይቁዋ ማላ ሞና፤
 ሞሹካ ዲፋዋ ማላ መቀላ ኢታ፤
 አ ላጩካ ጸሳ ታማ ላጩዋ ማላ።
- 7 ሃላ ዳሩ ሲቁዋ ታማ ቶይሳናው ዳንዳየና፤
 ድኡካ ሜጩደ አፋናው ዳንዳየና።
 አሳይ ሲቁዋ ሻማናው ባረው ደእያ አቁዋ
 ኡባ እሞፕካ፡
 ሲቁ ሻሉዋን ሻመተና ድራው፡
 አሳይ ሄዋ ካጼ ያጋዱ።

ዋደራት እሻቱ፡

- 8 ኑው ትራን ቋንላይ ኡትቤና ሞቻታ ደአው፤
 አሰናይ አዞ ኦቻፕ፡ ኑን አው ኦላናዌ አዬ?
- 9 እዛ ግምቢያ ድርሳ ግድንቶ፡ ኑን እ ቦላ ዋቻያ
 አዲሳ፡
 ብራ ግምቢያ ግምባና፤ አ ድርሳ ፐንገ
 ግድንቶ፡
 ዝጋ ሳንቃን እዞ ደድሳና ያጌድኖ።

ወደራታ፡

10 ሄኮ ታን ድርሳ ግምቢያ፤
 ታ ቋንላይካ ግምቢያ ቦላ ግምቡቲዳ ዋቻያ
 ሳ፤

ሄዋ ድራው፡ ታን ታ ሲቁዋና ደእያ ዋደ፡ እ
 ታናን ናሽቱ።

- 11 ሶሎሞንው ባኣል-ሀሞናን ዋይኒ ቶክቲዳ
 ሾይቃይ ደኤ፤
 ሄ ዋይንያ ግዲዋ አላያዋንቶ ከራ እሜዳ።
 ከራ እኩዳዋንቱ ቴራን ጎኤቲዳዋ ድራው፡
 ሀጺያን ሀጺያን ሻኡ ብራ አው አሂኖ።
- 12 ሽን ታው ታ ቡዞ ዋይኒ ቶክቲዳ ሾይቃይ
 ደኤ፤
 ሶሎሞና፡ ኔን ሻኡ ብራ አካ፤
 አታክልትያ አላያዋንቱ ላኡ ጾቱ ብራ አክኖ
 ያጋዱ።

ዋዳላይ፡

13 ኔና፡ አታክልትያ ግደን ደእያ ታ ሲቃቱ፡
 ነ ኮሻ ላገቱዋ ሰሳናው ኮዪኖ፤
 ነ ኮሻ ታና ሰሳ ያጌዳ።

ወደራታ፡

14 ታ ሲቆው፡ ታኮ ኤለካ ሃያ!
 ሳዊያ ማታይ ሞክያ ደረቱዋ ቦላና፡
 ጉፕያ ገንእያ ዋይ ደግያ ማራቱዋ ማላታደ
 ያጋዱ።

ኢሰያሳ ትምህርት ገሌጽ

ኢሰያሳ ማጻፋይ ክርስቶስ የለታናፕ ካስ፡ ሆሰፕን ጾቱ ላይላ ሄራን የሩሳላሙን ደኤዳ፡ ትምህርትን ኦድያ ኢሰያሳ ሱንላን ጾሰቴ። አ ሱንላ ብለላይካ፡ “ጸሳይ አሸያዎ” ግያዎ። ሀ ማጻፋ ሄዙ ሁጹ ሁጹ ክፍለቱዋን ሻኪደ በአናወ ዳንዳዬቴ።

1. ሸምፑዋ 1ፕ ቢደ 39 ጋካናወ ደእያዌ ገድሳ ሳጋና ደእያ ይሁዳ ካወተላ አሰረ ግያ ዎልቃማ ሸር ካወተላይ ዎልቃንሉዎ ኦዴ። ይሁዳ ሄዎ ማላ ሀዳን የጌዳዌ አሰረ ካወተላ ሞኖተላ ግደና፡ አሳ ናጋራ፡ ጸሳዉ አዛዘተናን እጽያዎ፡ ሄዎዳንካ ኤንቱንቱ ጸሳን አማነተናን አግያዎ ግድያዎ እሰያሰ ማላቴዳ። ትምህርትን ኦድያዌ ቆንጨ ሃሳያንን ኦሱዋን አሳን አሳ ካለሉዎንታ ጽሎተላይን ሱረ ፕርዳይ ኩሜዳ ደኤዋኮ ሰማና ማላ አኬክሴዳ፤ ቃይ ጸሳዉ አዛዘተናን አግያዌ ጋማ ሜተቱሳን ሳሻ ካለሉዎ ኤንቱንቱ ሞንሲደ ኦዴዳ። እሰያሰ ሄዎ ሶላካ ጉጂደ ኦዴዳ፡ ያና ዎደቱዋን ሳኦ ዩሹዋን ሳሩ ኩሜዳ፡ ፖኮባይ ባይናን ካለሉዎ፡ ዳዊታ ዛረ ግድያ ካቲ ያናዉ ደእያዎ ካስቲደ ኦዴዳ።

2. ሸምፑዋ 40ፕ ቢደ 55 ጋካናወ ደእያ ክፍልያፕ ዳርያ ሳጋይ ይሁዳ አሳይ አዎደቲደ ባብሎን ቤዳ ዎደ፡ ኤንቱንቱ ደኤ ኩንዴዳን ኤንቱንቱ ህድታ ቃንጾዳ ዎደቱዋ ባ ኦዴ። ትምህርትን ኦድያዌ ጸሳይ ባረ አሳ ሄ ሀኖታፕ ብል የዳና ዎዲን ኤንቱንቱ ኦራላ ደኤዎ ደማና ማላ፡ ኤንቱንታ የሩሳላሙ አፋና ዎዲ ማታቲዳዎ ኦዴዳ። ሀ ሸምፓቱዋ ግድን ቆንጨደ ቤትያ የዉ ጸሳይ ታርክያዉ ጎዳ ግድያዋን ባረ አሳዉ አዉ ደእያ ሀልቹዎ፡ ሄዋን እሰራኤልያ አሳ ሳጋና አንጀታናዉ ደእያ አሳኮ ኤንቱንቱ ቢደ፡ አሳናዉ በሰያዎ ኦድያ ክፍልያ።

3. ሸምፑዋ 56ፕ ቢደ 66 ጋካናወ ደእያ ክፍሊ ኦድያዌ ጉየን የሩሳላሙን ደእያ አሳዎ፤ ሄ አሳይ ጸሳይ ባረ አሳዉ ገሌዳ ቃላ ፖላናዎ ጌሺደ ኤራናዉ፡ ማርካ ግድያባ ደማናዉ ኮዱደ ኡቴዳ። ኤንቱንቱ ሎይላ ኦሳናዳን ኮየቴዳ ኦሶቱ ጽሎተላ፡ ሱረ ፕርዳ፡ ሳምባታ ቦንቶያዎ፡ ያርሹዋ ያርሸያዋን ዎሳን ሸክያዎ። ሀ ክፍልያን ኤረቲዳ ሸምፑ 61:1-2 ደእያዎ ግድሽን፡ የሱሰ ኮይሮ ኦሱዋ ደሚደ፡ ባረ ጸሳባዉ ማርካ ኦሊደ ሺሺዳ ቃላቱ ሀ ፓይደቱዋ ግድን ደኤድ።

ሸምፓቱዋ ኡባቶ እመቴዳ ቃንላ ቆፋቱዋ

- ገሌጽ 1:1-31
- ይሁዳዉን እሰራኤልያዉ አዴዳ ኪታቱዋ 2:1—5:30
- ኢሰያሳ ኦሱዋን ቤቴዳ የዎቱዋ 6:1—9:7
- ይሁዳዉን እሰራኤልያዉ ጉጂ ኪታቱዋ 9:8—12:6
- ጸሳ ሙራይ ሀራ አሳቱዋ ቦላ 13:1—23:18
- ዋየትያ እሰራኤልያ አሳቶ ህድታ ኪታ 24:1—27:13

- ጸሳይ ማካላንቻ አሳ ሙርያዎ ግድሳ 28:1—31:9
- ጸሳይ ኤዶማ ሙርያዎ እየሩሳሌዎ አንጅያዎ ግድሳ 32:1—35:10
- አሶራ፡ ባብሎና፡ ካትያ ህዝቁያሳን ኢሰያሳ 36:1—39:8
- ጸሳይ ባረ አሳ አሸያዎ ግድሳ 40:1—48:22
- ጸሳ ሀጋዝያዎባ 49:1—53:12
- ጸሳይ እሜዳ ህድታ ናግያዎ ግድሳ 54:1—55:13
- አሳ ዛሪ ኡባይ ጸሳ ባጋ ግዳናዉ ዳንዳዩሳ 56:1-8
- ጸሳዉ አማነተና ካለሉዎንቱ ሙረትያዎ 56:9—59:21
- የሩሳላሙ ሰንላ ቦንቶ ህድታ 60:1—62:12
- ጸሳ ኦራላ ማላልሰያ መጋታ 63:1—66:24

ገሌጽ (1:1-31)

1 እዝያን፡ እየኦታም፡ እካዝን ህዝቁያሰ ይሁዳ ካተቱዋ ግዴዳ ዎደ፡ አዎጸ ናእይ እሰያሰ ይሁዳባን የሩሳላሙ ባኤዳ ሳጸይ ሀዎ።

ጸሳይ ባረ አሳ ሴራዳ

2 ሳሎቱዋን ደእያዎንቶ፡ ሰሰተ፤ ሳኦን ደእያዎንቶ፡ ሰሰተ፤ አያዉ ጎፕ፡ መድና ጎዳይ ሀዎዳን ያጌዳ፤ “ታን ናናቱዋ ድቻ ጋላድ፤ ሸን ኤንቱንቱ ታዉ ማካሌድና።

3 ቦራይ ባረ ጎዳ ኤሬ፤ ሀሪካ ባረና ሞዴዳዎ ዛዳሉዋ ኤሬ፤ ሸን እሰራኤላቱ ኤርክና፤ ታ አሳቱ አኬክክና።

4 “ናጋራ ኦሳያ ካወተላዉ፡ ህንተ ናቁዋን ዳጸቴዳ አሳዉ፡ ኢታ ኦሳያ ዛርያዉ፡ ህንተ ማይዛቱዋ ቱናተላ ካልያ ናቶ፡ ህንተንቶ እየ አና! መድና ጎዳ ህንተ አጌድታ፤ እሰራኤልያ ጌሻ ሸንዬድታ፤ አዉ ዘክያ ዛሬድታ።

5 ህንተ አያዉ ማካላ ቦላ ማካላ ጉጅ ጉጅ ቢቴ? አያዉ ቃይካ ሙረታናዉ ኮዩቴ? ህንተ ኩሙንላ ሁጹ ሳከቴዳ፤ ህንተ ኩሙንላ ዎዛናይካ ዳቡራዳ።

6 ገድያ ብራድያፕ ሁጹያ ብናና ጋካናዉ ፓጸተላይ ባዎ፤ ማዲላይ፡ ጋፋን ጊይያባይ ደኤ፤ ኤንቱንቱን ጊይባይክና፡ ዎይ ሜጨት ቃሸትባይክና፡ ዎይ ዛይትያን ኦከቲደ ሹግባይክና።

7 “ህንተ ጋዲ ድርቃለቲደ ባያና፤ ህንተ ካታማቱካ ታማን ጸገቲድና፤ ህንተ ጎሻ ህንተ ጸልሸን፡ አላጋቱ አኪና፤ እማላ አሳቱ፡ መላ አሻና።

8 የሩሳላሙ ካታማይ ዎይንያ ቱራ ናግያ ዳሰያዳን፡ ሌክያ ናግያ ጎልያዳን ሞርክያን ድረቴዳ ካታማዳን ሀኒደ አቴዳ።

9 ኡባፕ ዎልቃማ መድና ጎዳይ ኦዉ አማራዳ ዛራቱዋ አሸነንቶ፡ ኦን ሶዶማ ካታማዳንን ጋሞራ ካታማዳን ሀኔድሸን” ያጌዳ።

10 ህንተና፡ ሶዶማ ሞድያዎንቶ ኡባቶ፡ መድና ጎዳ ቃላ ሰሰተ! ህንተና፡ ጋሞራ አሳ ኡባቶ፡ ኦ ጸሳ ሀግያ ሰሰተ!

1:1 2 ካታ. 15:1-7፤ 15:32—16:20፤ 18:1—20:21፤ 2 ኦዲዎ 26:1—32:33 1:9 ዶመላ 19:24፤ ርመ 9:29

11 መድና ጎዳይ ሀዋዳን ያጌ፤ “ህንተ ያርሹዋ ዳሩ ታወ እያ ጎኢ? ሀኖ ጋካናዉ ህንተ ታወ ሺሼዳ ጸገቲዳ ኦርገ ዳርሳቱዋን ጳኬዳ መሀያ ሞጹዋ ያርሹዋ ታን ካለድ፤ ኮሩማ ቦራቱዋ፡ ዳርሳ ማራቱን ዳሻቱዋ ሱላን ታን ናሸትከ።

12 ህንተ ታወ ጎይናናዉ ይያ ዋደ፡ ታ ጌሻ ጎልያ ዳባባ ህንተና የድተ ጌዳዌ ኦኔ?

13 ሰሞ ሀዳ ያርሹዋ አሀያዋ አግተ! ህንተ ጨውሰያ እጻናይ ታና ሸነዬ፤ አግና ጸሩዋ ህንተ ቦንቶያ ጋላሳ፡ ህንተ ሳምባታን ህንተ ኬሬዳ ያእቱዋ፡ ሀ ሺቃቱዋ ኡባ ኢታተላና እትፕ ዋላከቲዳዋንታ ታን ዳንዳይከ።

14 አግና ጸሩዋ ህንተ ቦንቶያ ጋላሳን ኬረቲዳ ህንተ ባላ ጋላሳቱዋ ታን እጻድ፤ ኤንቲንቲ ታወ ቶኩዋ ግዴድና፤ ታን ኤንቲንታ ቶካደ ዳቡራድ።

15 “ህንተ ኩሽያ ሞጪደ፡ ህንተ ዋሰያ ዋደ፡ ታን ታ አይፍያ ህንተፕ ገንፋና፤ ህንተ ዳር ዋሳ ዋሰንቶካ፡ ታን ሰሰከ፤ አያዉ ጎፕ፡ ህንተ ኩሺ ሱላን ሙናቀቲዳ።

16 ሜጨትተ፤ ጌይተ፤ ህንተ ኢታ ኦሱዋ ታ ሰንፋፕ ድግተ። ኢታ ኦሳያዋ አግተ፤

17 ሎኦባ አፋናዉ ታማርተ። ጽሎ ፕርዳ ኮይተ፤ ኤንኤቲዳዋንቲ ሞርግያ አይቂተ። አዉ ባይናዋንቶ ፕርድተ፤ አሰናይ ሀይቄዳ ማጫ አሳቶ ሞተትተ” ያጌ።

18 ቃይካ መድና ጎዳይ፡ “ሃይተ፤ እነ ዘረቶይተ። ህንተ ናጋራይ ባራዳን ዘእንቶካ፡ ሻቻዳን ቦጻና፤ ሱላዳን ዘእንቶካ፡ ፑቱዋዳን ቦጻና።

19 ህንተ ኤኖ ጊደ፡ ታዉ አዛዘቶፕ፡ ጋድያፕ ሞክያ ሙሩታ ማና።

20 ሸን ህንተ እጻድ ጊደ ማካሎፕ፡ ማሻን ሜተታና” ያጌ። መድና ጎዳይ ባረ ዶናፕ ሀዋ ሃሳዬዳ።

ናጋራይ ኩሜዳ ካታማ

21 አማነቲዳ ዋልቃማ ካታማታ ዋናደ ሻርሙጸ ግዳዳ! እዛ ካሰ ሱረ ፕርዳይ ኩሜዳና፤ ጽሎተላይ ካሰ እ ግደን ደኤዳ፤ ሸን ሀእ አሳ ዋድያዋንቲ እዝ ግደን ደኤና።

22 ነ ብራይ ሸእ ክቼዳ፤ ነ ሎኦ ዋይንያ ኤሳይካ ሃፋና ዬለቲዳ።

23 ህንተ ዳናቲ ማካላንቻቱዋን ካይሶቲዋ ላገቱዋ ግዴድና፤ ኤንቲንቲ ኡባቲካ ማታይያ ደሲናን ማሻ የደርሲና፤ አዉ ባይናዋንቶ ፕርድክና፤ አሰናይ ሀይቄዳ ማጫ አሳቲዋ ሞቲ ኤንቲንቲኮ ሺቀና።

24 ሄዋ ድራዉ፡ ጎዳይ፡ ኡባፕ ዋልቃማ መድና ጎዳይ፡ እሰራኤልያ ዋልቃማይ፡ ሀዋዳን ያጌ፤ “ሀእ ታን ታና እጽያዋንቲ ሸሞፓና፤ ታን ታ ሞርከቲዋ ቦላ ታ ሀሉዋ ከሳና።

25 ታን ታ ኩሽያ ነ ቦላ ዋላና፤ ነ ሸኦዋ ቁልጹጽሳደ ጌሻና፤ ኔናና ዋላከቲዳባ ኡባ ጌሻደ የድሳና።

26 ታን ቦንዋንቲ ማላ ዳናቲዋ፡ ኮይርዋንቲ ማላ ዘርያዋንታ ነዉ ዛራና። ሄዋፕ ጉይያን፡ ኔን ጽሎተላ ካታማ፡ አማነቲዳ ካታማ ጌተታና” ያጌ።

27 ጽዮኔ ሱረ ፕርዳን፡ ባረንቲ ናጋራ ፓጽያዋንቲካ ጽሎተላን ዋዘታና።

28 ሸን ማካላንቻቲ ናጋራንቻቲ ላኡካ መእና፤ መድና ጎዳ አግያዋንቲ ጳያና።

29 ዋላናዉ ደሴዳ ዋላ ድራዉ፡ ህንተ ዬላታና፤ ህንተ ደሬዳ ካሻ ግሻዉካ ህንተ ካዉሻና።

30 ቦንጪ ቆቆፊትያ ዋላዳን፡ ዋይ ዲቢ ባይና ሸይቃዳን፡ ህንተ ሀናና።

31 ሞኑ ዳላ ግዳናዋ፤ አ ኦሱካ ጸፋ ግዳናዋ፤ ኤንቲንቲ እትፕ ጸገታናዋንታ፤ ሄ ታማ ቶይሰያዌ ጳያና።

ይሁዳዉን እሰራኤልያዉ አዴዳ ኪታቲዋ

2

(2:1—5:30)

መድና ጎርተላ (ሚክ. 4:1-3)

1 ይሁዳ ቢታባን የሩሳላመ ካታማባ አሞጻ ናአይ እሰያሰ በኤዳዌ ሀዋ።

2 ዉርሰላ ጋላሳቱዋን መድና ጎዳ ጌሻ ጎሊ ኬጸቲዳ ደሪ ደረቲዋ ኡባፕ ጶቂይ ቤታና፤ ዘዘቲዋ ኡባቲዋፕካ ቦላና ጶቂ ጶቂ ጋና። ካዉተላቲዋን ደእያ አሳይ ኡባይ እኮ ዛታና።

3 ዳር አሳይ ዪደ፡ “ሃይተ! መድና ጎዳ ደርያ፡ ያቆባ መድና ጎዳ ጌሻ ጎልያ እነ ፑደ ከሶይተ። እ ኮይያዋዳን ኩን ባና ማላ፡ እ ኑና ባረ ኦግያ ታማርሳና” ያጋና። አያዉ ጎፕ፡ ህጊ ጽዮንፕ፡ ጸሳ ቃላይካ የሩሳላመፕ ከሳና።

4 ካዉተላቲዋፕካ ካዉተላቲዋፕ ግዲዋን እ ፕርዳናን ዳር አሳቲዋ ፓሉሞያ ሻካና። ኤንቲንቲ ባረንቲ ማሻ ማራሻ፡ ባረንቲ ቶራካ ባጫ ከሳናዉ ቆጻና። ካዉተላይ ካዉተላ ቦላ ማሻ ደን። ሄዋፕ ጉይያን ኤንቲንቲ ሙለካ ኦላ ትምርትያ ታማርክና።

5 ህንተና፡ ያቆባ ዛረቶ፡ ሃይተ! እነ መድና ጎዳ ፖኡዋን ሀመቶይተ።

መድና ጎዳ ጋላሳ

6 ጸሳዉ፡ ነ አሳ፡ ያቆባ ዛራቲዋ አጋዳ። ኤንቲንቲ አዋይ ደልያ ባጋ ጋድያ አሳቲዋ ቢታን ኩሜድና፤ ፕልሰጼማ አሳቲዋዳን ካዪና። ኤንቲንቲ አላጋ አሳቲዋና እትፕ ዙፕቲና።

7 ኤንቲንቲ ጋዲ ብራይነ ዋርቃይ ኩሜዳዋ፤ ኤንቲንቲ ሻሎ ዛዋይ ባዋ። ኤንቲንቲ ጋዲ ፓራይ ኩሜዳዋ፤ ኤንቲንቲ ፓራ ጋረቶ ዛዋይ ባዋ።

8 ኤንቲንቲ ጋዲ ኤቃቲዋን ኩሜዳዋ፤ ኤንቲንቲ ባረንቲ ኩሺ ኦጼዳ ኦሶ ሆኪደ ጌይኒና።

9 ሄዋ ድራዉ፡ አሳይ ኡባይ ቶሸታናን ካዉሻና። ኤንቲንቶ አቶ ጎፓ።

10 መድና ጎዳ ዳጋማፕካ አ አንጋ ቦንቹዋፕ አታናዉ ዛላኮ ቢተ፤ ቢታ ግደን ቆሰትተ!

11 አሳ ኦቶሩ ጊያና፤ አ ክላሁካ ሲላና፤ ሄ ጋላሰ መድና ጎዳ ጸላላይ ጶቂ ጶቂ ጋና።

12 ኡባጥ ዋልቃማ መድና ጎዳይ እት ጋላሳ ኬሬዳ። ሄ ጋላሰ ኦቶሪትያዎንታ። አይያዎንታን ዶቁ ዶቁ ጌዳዎንታ ካወሻና፤

13 እዲሳን ዶቃ ግድያ ለባሮሳ ዝጋቱዋን ባሳን ዋላ ኡባ ጳይሳና፤

14 ዶቃ ደረቱዋን ዘዘቱዋን ደምባያና፤

15 ካታማ ናግያ እዲሳ ሚጻቱዋ ኡባን ካታማ ዩሹዋን ደእያ ምኖ ግምቦቱዋ ዝቀሳና፤

16 ጸሳይ ግታን ሎእያ ማርካባቱዋን ሃላን ምትሳና።

17 አሳ ኦቶሪ ዝቀ ጋና፤ እ አዩካ ጳያና። ሄ ጋላሰ መድና ጎዳ ዳላላይ ዶቁ ዶቁ ጋና፤

18 ኤቃ ኡባይካ ኡባና ጳያና።

19 መድና ጎዳይ ሀ ጋድያ ቃላናዉ ደንድያ ዋደ። እ ዳጋማጥን እ አንጋ ቦንቹዋጥ አታናዉ አሳይ ሹቻ ጎንጎሎን ቢታ ኦላዉ ባቃታና።

20 ሄ ጋላሰ አሳይ ጎይናናዉ መዴዳ ባረንቱ ብራ ምሰለቱዋን ባረንቱ ዋርቃ ምሰለቱዋ ኡጮቶን ሀራ ካፎቶ ኦላና።

21 መድና ጎዳይ ሀ ጋድያ ቃላናዉ ደንድያ ዋደ። እ ዳጋማጥን እ አንጋ ቦንቹዋጥ አታናዉ ኡንቱንቱ ጎንጎሎ ግደን ሹቻ ኮፖ ግደ ባቃታና።

22 ሰም ሀይቂያ አሳን አማነትያዋ አግተ! አሳይ አይ ማዳኔ?

3

የሩሳላመ ጋካና መቱዋ

1 በእተ። ጎዳይ። ኡባጥ ዋልቃማ መድና ጎዳይ ምንጃን ማዲዋ ላኡዋካ የሩሳላመጥን ይሁዳጥ ድጋና ሀኔ። ካላ ምንጃን ሃላ ምንጃ ኡባ፤

2 ምኖቱዋን ኦላንቻቱዋ። ዳናቱዋን ትምቢትያ ኦድያዎንታ። ካይያዎንታን ጭማቱዋ።

3 ኦላ ጋዳዋቱዋን ጋድያ አይሰያዎንታ። ዘርያዎንታ። ሂላትያዎንታን ጭንጫ ብታንቻቱዋ ኡባ ድጋና ሀኔ።

4 ታን ያላጋ አቱማ ናናቱዋ ኡንቱንቱ ካፑዋ ከሳና፤ ጉላ ናናይ ኡንቱንታ ሞዳና።

5 አሳይ አሳ ቦላ። ሾሩ ሾሩዋ ቦላ ደንዲደ። እቱ እቱዋ ሱጋና። ያላጋይ ጭማ ቦላ። ካፒቱዳዋ ቦንቹቱዳዋ ቦላ ደንዳና።

6 እት አሳይ ባረ አዉዋ ጎልያን ባረ እሻቱዋጥ እቱዋ አይቂደ። “ነዉ ማዩ ደኤ፤ ነን ኡዉ ሱንላ ግዳ፤ ሀ ኮለቱዳ ሳኣ አዎተላ አካ” ያጋና።

7 እ ሄ ጋላሰ ባረ ቃላ ዶቂሲደ። “ታናን ጳሊ ባዋ፤ ታ ሶን ቁም ዋይ ማዩ ባዋ፤ ሀንተ ቦላ ታና ሱንላጥተ” ያጋና።

8 የሩሳላመ ጋንድጋሬ፤ ይሁዳይ ኩንዴ፤ እያዉ ጎጥ። ኡንቱንቱ ባረንቱ ኦዲዋንን ባረንቱ ኦሱዋን መድና ጎዳ ቦላ ደንዲደ። እ ቦንቹዋ ቶቹና።

9 ኡንቱንቱ ሰምኡዋ ማላይ ኡንቱንቱ ቦላ ማርካቱ፤ ኡንቱንቱ ባረንቱ ናጋራ ሰደማ አሳዳን አዋዪና፤ ባረንቱ ናጋራ ቆሰክና። ኡንቱንቶ አየ አና! እያዉ ጎጥ። ኡንቱንቱ ባረንቱ ቦላ ኢታባ አሄድና።

10 ጽሎቶ። “ሀንተዉ ሎእ ግዳናዋ” ጋደ ኦዳ፤ እያዉ ጎጥ። ኡንቱንቱ ባረንቱ ኦሱዋ አይፍያ ማና።

11 ኢታቶ አየ አና! ኡንቱንቶ ኢታና፤ እያዉ ጎጥ። ኡንቱንቱ ባረንቱ ኩሽያ ኦሱዋ ጋትያ አካና።

12 ያላጋቱ ታ አሳ ኡንኤሊና፤ ማጫ አሳቱካ ኡንቱንታ ሞዲና። ታ አሳዉ። ሀንተና ካለልያዎንቱ ሀንተና ዋራ ካለሊና፤ ሀንተ ብያ ኦግያካ ባለሊና።

ጸሳይ ባረ አሳ ፕርዳና

13 መድና ጎዳይ ዳናዳን። ቶሎታን ኡቱ፤ አሳ ፕርዳናዉ ደንዴ።

14 አሳ ጭማቱዋን ካለልያዎንታ ፕርዳናዉ ሺሺደ። መድና ጎዳይ። ኡባጥ ዋልቃማ መድና ጎዳይ ሀዋዳን ያጌ፤ “ታ ዋይንያ ቱራ ቶኬዳሳ ባይዜዳዎንቱ ሀንተና፤ ሀይሳቱዋጥ ቦንቁዳባይ ሀንተ ጎልያን ደኤ።

15 ታ አሳ አያዉ ክንቹረሊቱ? ሀይሳቱዋ ሰምኡዋ አያዉ ጋጩቱ?” ያጌ ጎዳይ። ኡባጥ ዋልቃማ መድና ጎዳይ።

ጸሳይ ጽዮን ማጫ አሳቱዋ ሴሬዳ

16 መድና ጎዳይ ቃይካ። “ጽዮን ማጫ አሳቱ ኦቶሪቲድና፤ ባረንቱ ዚዘያ ኤሰ አኪደ። ባረንቱ አይፍያን ሰምኡቲደ። ባረንቱ ሀመላ ማክሲደ። ባረንቱ ገድያ አልቡዋ ጊርሲደ ሀመቲና።

17 ሄዋ ድራዉ። ታን ጎዳይ ጽዮን ማጫ አሳቱዋ ሁጲያ ጭቱዋን ጎእሳና። ታን መድና ጎዳይ ኡንቱንቱ ሁጲያ ቦእያና” ያጌ።

18 ሄ ጋላሰ ጎዳይ ጽዮን ማጫ አሳቱዋ አሌቆቱዋ። ሄዋንቱን ኡንቱንቱ ገድያ አልቡዋ። ሻሽያ። ቆድያ አሌቆዋ።

19 ሀይላ ጉትቻ። ኩሽያ ሳጋዩዋ። ሰምኡዋ ካምያ ኩታ።

20 ሁጲያን ዋልያ አሌቆዋ። ቀሰያን ቃቶያ ሳንሳላታ። ጸሳን ዳንጭያ ዳንጩዋ። ሸቱዋ ጸራሙሰያ። ክታፋ።

21 ሲድያ ምግዲዋ። ብራድያን

22 ምንጃ ማዩዋ። አዲሳ ማዩዋ። ጃኦዋ። ቦርሳ።

23 ሄረጋ። ሊኦዋ ግያ ቃጭናጥ ዳደቲዳ። ግደና ማይያ ማዩዋ። ብናናን ዋልያ አሌቆዋን ሻርቢያ ኡባ ቦንቃ አካና።

24 ሸቱዋ ድራዉ ጽንቁዋ ግዳናዋ፤ ዳንጩዋ ድራዉ ዋደሩዋ። ጎፋርያ ድራዉ ቦእ። አዲሳ ማዩዋ ድራዉ ዋሩዋ። ፑላ ድራዉ ባቂያ ጸላላ ግዳናዋ።

25 ነ አሳቱ ማሻን። ነ ኦላንቻቱ ኦላን ሀይቃና።

26 ጽዮን ፐንገቱዋን ደእያ አሳይ ዬካናን ዘላላና፤ መላ አቲዳ። ጋድያን ኡታና።

4

1 ሄ ጋላሰ ላፑን ማጫ አሳቱ እት አቱማዋ አይቂደ። “ኦን ኦ ቁማ ማና፤ ኦ ማዩዋ ማያና፤ ነ ሱንላን ጴሰታና ማላ ኦላደ ኦ ካወሻ ኦጥ ቃራርኪ” ያጌደ ዋሳና።

መድና ጎዳይ የሩሳላመ ጌሻና

2 ሄ ጋላሰ መድና ጎዳ ምላ ታሺ ሎእናን ቦንቹታና፤ እሰራኤልያ አሳጥ አቲዳዎንቶ ሄ ጋድያ ካሳይ ጩቆን ቦንቹዋ ግዳናዋ።

3 ጽዮንን አትያዎንቱ። የሩሳላመን ጋምእያዎንቱ። የሩሳላመን ፓጸ ደእያዎንቱና ጸፈትያዎንቱ። “ኡንቱንቱ ጌሻቱዋ” ጌተታና።

4 ጎዳይ ጽዮን ማጫ አሳቱዋ ቅታ ማጫና፤ ፕርዳ አያናን ጸግያ አያናን ሱላ ጉሰያ ባይዙዋ የሩሳላመጥ እ ጌሻና።

5 መድና ጎዳይ ጽዮን ደርያ ኡባ ቦላን ያን ሺቅያዋንቱ ቦላ ጋላሰ ሻርያን ጩዋ። ቃማ ኤጽያ ታማ ፖኡዋ መጻፍ፤ ቦንቹ ኡባ ቦላ ካምያዋ ግዳናዋ።

6 እ ጋላሳ አዋ ሱሉዋጥ አሽያ ኩዋን ጎትያጥን እራጥ ባቃት አትያሳ ግዳናዋ።

5

ዎይንያ ቱራ ቶክያ ሳኦ ለምሱዋ

1 ታን ታ ሲቅያዎ አ ዎይንያ ቱራ ቶክያ ሳኦ ሲቁዋ የላ የጻፍ።

ታን ሲቅያዎ

ቱኤቲዳ ዘዝያን ዎይንያ ቱራ ቶክያ ሳኦ ደኤ።

2 ቢታ ቦኪደ።

ሹቻ ቆር ከሲደ።

ኡባጥ ሎእያ ዎይንያ ቱራ ቶክዳ።

ናግያ ሻኩዋ አ ግደን ሻኬዳ፤

ዎይንያ ኤሳ ጉምኢያሳ ዎጪደ ገግሴዳ።

ሄዋጥ ጉይያን፤ ሎኦ አይፍያ አይፌ።

ያገደ ናጌዳ፤

ሽን ጫልያ አይፍያ አይፌዳ።

3 ያትና፤ ታ ሲቁ ሀዋዳን ያጌዳ፤

“ሀንተኖ፤ የሩሳላመን ደእያዋንቶ።

ሀንተኖ፤ ይሁዳ አሳቶ።

ታጥን ታ ዎይንያ ቱራ ቶክያ ሳኦ ግዲዋን፤ ደእያ የወዋ አነ ሀእ ፕርድተ።

4 ታን ታ ዎይንያ ቱራ ሳኦ አጭዳዋጥ

ሀራ አያ ኦላናዊ አቴዳ?

ሎኦ አይፍያ አይፌ ያጋደ ናግሽን፤

አያወ ጫልያ አይፍያ አይፌዳዳ?

5 ሀእ ታን ታ ዎይንያ ቱራ ሳኦ፤

አልያዋ ሀንተንቶ ኦዳይ።

ታን ድርሳ ሾዳና፤

ሄ ቱራይካ ጳያናዳን ኦላና።

ታን ግምቢያ ኮላና፤

ሄ ሳኦይካ የ□ታና።

6 ታን ሄ ሳኦ ባዬዳ ቢታ ኦላና።

ሄ ቱራይ ጸንቀተናን ቡልኤተና፤

ያትና፤ ክንድቹን አጉንላይ ያን ሞካና።

እራይ አን ቡከናዳን፤ ታን ሻርቱዋ አዛዛና” ያጌዳ።

7 ኡባጥ ዎልቃማ መድና ጎዳይ፤

ዎይንያ ቱራ ሳኦ አሰራኤልያ አሳ።

ይሁዳ አሳይ እ ናሽታ ደርኩዋ።

ኡንቱንቱ ሱራ ፕርዲኖ ገደ ናጌዳ፤

ሽን ሱላ ጉሴድና።

ጽሎተላ ኦሲኖ ገደ ናጌዳ፤

ሽን ዋሶ ግዴዳ።

8 ሳኦይ ጳይና፤ ሀንተ ጸላላይ ጋድያ ቦላ ደአና ጋካናወ። ጎልያ ጎልያ ቦላ ጉጅያዋንቶ፤ ጋድያ ጋድያና ጋልያዋንቶ፤ ሀንተንቶ አየ አና!

9 ኡባጥ ዎልቃማ መድና ጎዳይ ታና ሀዋዳን ያጌዳ፤ “ሄ ዎልቃማ ጎለቱ ኦናና፤ ሄ ሎኦ ጎለቱዋን ደአናወ አሳይ ጳያና።

10 ታሙ ዋላ ቦራቱዋን ቶኬዳ ዎይንያ አይፍያጥ እት ኦቶ ግድያ ጉምኤቲዳ ዎይንያ ኤሳ ጸላላይ ከሳና፤ ታሙ ቁንኦ ካላ ዘርና፤ እት ቁንኦ ካላ ጸላላ አይፋና” ያጌዳ።

11 ማላይያ ኡሻ ኮያናወ ዎንታ ጉራና ደንድያዋንቶን ዎይንያ ኤሳን ጸገታና ጋካናወ። ሳኦ ቃምሰያዋንቶ አየ አና!

12 ኡንቱንቱ ሹብያን ማሰንቁ፤ ዲላይ፤ ደርቢ፤ ሀጽጸኒ ዎይንያ ኤሳይ ደኤ፤ ሽን ኡንቱንቱ መድና ጎዳ ኦሱዋ ጋተ ገክኖ፤ እ ባረ ኩሽያን ኦጭዳዋ ቦንቶክኖ።

13 ያትና፤ ታ አሳይ አከካ ጳዬዳ ድራወ፤ ኦምደቲደ ባና፤ ኡንቱንቱ ጋድያ አይሰያዋንቱካ ከሻን ሀይቃና፤ ኡንቱንቱ አኮ አሳይካ ኮፕሳ መላና።

14 ዱፋ ባረ ጎምፓ አሴ፤ ባረ ደናካ ዛዋይ ባይናዋ ሀንጌ፤ የሩሳላመን ደእያ ዎልቃማ አሳን የንኮ ዳር አሳ፤ ዋጭያዋንታን ናሽታያዋንታ ምታና።

15 አሳይ ኡባይ ቶሽታናን ካወሻና፤ ኦቶረትያዋንቱ ኡባይካ ካወሻና።

16 ሽን ኡባጥ ዎልቃማ መድና ጎዳይ፤ ሱራ ፕርዲን ቶቁ ቶቁ ጋና፤ ጌሻ ጸሳይ ጌሻ ግድያዋ ባረ ጽሎተላን ቦሳና።

17 ሄ ዎደ ደርሳቱ ባረንቱ ቆሩዋን ሄመትያዋዳን ሄመታና፤ ደርሳ ማራቱ ኮለቲዳ ዱረቱዋ ጎልያ ሳኦ ማና።

18 ጭሙዋ ዎደሩዋን ናጋራ፤ ጋርያ ዎደሩዋን ኢታተላ ጎቶያዋንቶ አየ አና!

19 “አነ ጸሳይ ኤሌሎ! ኑን ቦአና ማላ፤ ባረ ኦሱዋ ኤሌልሶ! ጋሶ! ኤ፤ ኑን ኤራና ማላ፤ አሰራኤልያ ጌሻይ ቆፔዳ ቆፋይ ፖለቶ” ያግያዋንቶ አየ አና!

20 ኢታ ሎኦ ሎኡዋ ኢታ ያግያዋንቶ፤ ቋማ ፖኦ ፖኡዋ ቋማ ኦልያዋንቶን ጫምያዋ ማልእያዋ ማልእያዋ ጫምያዋ ኦልያዋንቶ አየ አና!

21 ባረና፤ “ታን አጭዳ ኤራንቻ! ታን ጭንጫ ግድክታ!” ያግ ቆፕያዋንቶ አየ አና!

22 ዎይንያ ኤሳ ኡሽያዋን ኤረቲዳዋንቶን ማላይያ ኡሻ ዋላካናወ ጎብያዋንቶ አየ አና!

23 ማታይያ አኪደ፤ ባይዜዳዋንታ ጽልሰያዋንቶን ጽሎ አሳቶ ሱራ ፕርዲ ድግያዋንቶ አየ አና!

24 ታማ ላጩ ዳላ ኦይቂያዋዳንን መላ ማታይ ኤጽ ጳይያዋዳን፤ ሄዋዳን ኡንቱንቱ ጸጹ ዎቃና፤ ኡንቱንቱ ጪሻይካ ባናዳን ላለት ጳያና፤ አያወ ጎጥ፤ ኡንቱንቱ ኡባጥ ዎልቃማ መድና ጎዳ ሀግያ እጼድና፤ አሰራኤልያ ጌሻ ቃላካ ካጼድና።

25 ሄዋ ድራወ፤ መድና ጎዳ ሀንቁ አ አሳ ቦላ ኤጽ ከሴ፤ እ ባረ ኩሽያ ኡንቱንቱ ቦላ ደንሊደ፤ ኡንቱንታ ሹጩዳ። ደረቱ ቃሲና፤ ሀይቁዳ አሳ

አሃይ ኦግያን ቡራ ማላ ግዴ፤ ያንናካ አ ሀንቁ ሰመና፤ አ ኩሺ ሀእካ ደንዳዳሳን ደኤ።

26 ጸሳይ ሃኩዋን ደእያ ካውተላቶ ማላታ ጶቃን ኤሴ፤ ሳኦ ጋጸን ደእያ ሞርከቱካ ሱይቄ። ኢንቱንቱካ ኤለካ ጃሚደ፤ ፑቱ ገሩ።

27 ኢንቱንቱ ግደን ዳቡርያባይነ ዋቢያባይ ባዋ፤ ኢንቱንቱፕ እቱነ ገምእሸና ዋይ ግሰና። ዴሳን ዳንጭያ ሳቂካ ብለተና፤ ኢንቱንቱ ጫማ ዳፋካ ዲጸና።

28 ኢንቱንቱ ቶራይ ሳታና ደኤ፤ ኢንቱንቱ ዋንዳፊካ ዋጸቱዳ። ኢንቱንቱ ፓራቱዋ ጸጉንሳይ ዛላ ሹቻ ማላ፤ ኢንቱንቱ ፓራ ጋራቱዋ ይንግረላይ ጎትያ ማላ።

29 ኢንቱንቱ ጉዲካ ጋሞ ማላ፤ ዋዳላ ጋሞቱዋዳን ጉዲኖ፤ ኢንቱንቱ ደሪደ፤ ባረጢ ሞያዋ ኦይቁና፤ ቶክ እኪደ ቢና፤ ኢንቱንቱፕ ዋሐ አካናቄ ኦንነ ባዋ።

30 ሄ ጋላሰ ኢንቱንቱ ዋልቃማ አባ ጉንላዳን፤ እሰራኤልያ ቦላ ጉማና፤ እት አሳይ ሄ ጋድያ ዴሎፕ፤ ቆማነ ዋይያ በአና፤ ፖኤካ ሻርያን ሞተታና።

ኢሰያሳ ኦሱዋን ቤቴዳ የዋቱዋ

6

(6:1—9:7)

ኢሰያሳ ጸሳ

1 ካቲ አዘያነ ሀይቄዳ ላይሐ ጎዳይ ቦላንነ ጶቃ አራታን ኡቴዳዋ በአድ፤ አ ማዩ ጌሻ ጎልያ ኩሜዳ።

2 ሱራፌላ ጌተትያ ከታንቻቱ አፕ ቦላና ደኤኖ፤ እት እት ሱራፌልያው ኡሱፑን ቀፈቱ ደኤኖ፤ ላኡ ቀፈቱዋን ባረ ሶምኡዋ ካሜ፤ ላኡ ቀፈቱዋን ባረ ገድያ ካሜ፤ ላኡ ቀፈቱዋን ፓሌ።

3 እቱ እቱዋና፡ “ጌሻይ፡ ጌሻይ፡ ጌሻይ ኡባፕ ዋልቃማ መጵና ጎዳ! ሳኦ ኡባይ አ ቦንቹዋን ኩሜዳ” ያገደ ዴሰቲድና።

4 ኢንቱንቱ ጸሳ ኮሻን ጌሻ ጎልያ ባሱ ቃጶዳ፤ ቃይ ጌሻ ጎሊ ጩዋን ኩሜዳ።

5 ያትና፡ ታን፡ “ታው አየ አና! ታን ባያድ፤ እያው ጎፕ፡ ታን ደናይ ቱኔዳ አሳ፤ ቃይ ደናይ ቱኔዳ አሳቱዋ ግደን ደአይ፤ ታን ካትያ፡ ኡባፕ ዋልቃማ መጵና ጎዳ ታ አይፍያን በአድ” ያጋድ።

6 ሱራፌላቱዋፕ እቱ ያርሸያ ሳኦፕ ቃጶዳ ታማ ቦንቁዋ እኪደ ፓሊደ፤ ታኮ ዬዳ።

7 ታማ ቦንቁዋን ታ ደና ቦቹደ፡ “በእ፤ ሀ ታማ ቦንቁ ነ ደና ቦቹዳ፤ ነ ባይዙ ኔፕ ክቹዳ፤ ነ ናጋራይካ አቶ ጌተቱዳ” ያጌዳ።

8 ሄዋፕ ጉይያን ጎዳይ፡ “አና ኪቶ? ኑወ ኦኔ ባናቄ?” ያግሸን ሰሳድ። ሄዋካ፡ “ሄኮ፡ ታና ኪታ” ያጋድ።

9 ጎዳይ ሀዋዳን ያጌዳ፤ “ባ፤ ሀ አሳው፡ ህንተ ሰሳ ሰሲታ፤ ሸን ህንተንቶ ገለና፤ ዴሎዋካ ዴሊታ፤ ሸን በእክታ” ያጋደ ኡዳ።

10 ሀ አሳ ዋዛና ደንጭልሳ፤ ኢንቱንቱ ሀይላካ ቱልሳ፤ ኢንቱንቱ አይፍያካ ቆቅሳ፤ ሄዋ ጳዮፕ፡ ኢንቱንቱ ባረንቱ አይፍያን በአና፤ ባረንቱ ሀይላን ሰሳና፤ ባረንቱ ዋዛናንካ እኩካና፤ ያቲደ ኢንቱንቱ ታኮ ሰማናን ፓጸና” ያጌዳ።

11 ያትና፡ ታን፡ “አቤት ጎዳው! ሀዋ አይደ ጋካናሴ?” ያጋድ።

እ ዛረሊደ፡ “ካታማቱ ደእያ አሳ ጳዩደ፡ ኮለታና ጋካናሳ፡ ጎለቱካ አናና ጋካናውን ቢታይካ ኡባና መላ ግዳና ጋካናሳ።

12 ታን መጵና ጎዳይ አሳ ሃሳና፤ ቢታካ መላ ከሳና።

13 ታሙ አሳፕ እት አሳይ ጋድያ ቦላ አቶፕ፡ እካ ጳያና፤ ቃንጽ ድግና አቴዳ ዋላ ዲሩማ ማላ ግዳናዋ፤ ሄ ዲሩማይ ጌሻ ዘረላ ግዳናዋ” ያጌዳ።

7

ካትያ አካዛው ዬዳ ኪታ

1 አዘያና ናአይ እዮኦታሞ የሌዳ አካዘ ይሁዳ ጋድያን ካተቱዳ ዋደ፡ ሶርያ ጋድያ ካቲ ራጺንነ እሰራኤልያ ጋድያ ካቲ ራማልያ ናአይ ፓቁህ የሩሳላመ አላናው ዬድኖ፤ ሸን ጸናናው ዳንዳይባይክኖ።

2 ሶርያ ጋዲ ኤፍሬማ ቢታና እትፕ ኦላው ጫቀቱዳዋ ዳዊታ ዛርያፕ ካተቱዳ ካቲ ሰሴዳ ዋደ፡ ደርያን ጫርኩ ቃልያ ሞላዳን፤ አካዘ ዋዛናይነ አ አሳ ዋዛናይ ዳጋማን ሻቢራቱዳ።

3 ያትና፡ መጵና ጎዳይ ኢሰያሳ፡ “ኔን ነ ናኦ ሻኦር-ያሹባ* አካደ፡ አካዛና ጋከታናው ባ፤ ማዩዋ ሜጭያዋንቱ ጎሻኮ አፍያ ኦግያ ማታን ቆሞና ደእያ ሸቄዳ ሃላ ዴራን ኔን አ ደማና።

4 አው ሀዋዳን ያጋደ ኡዳ፤ “ናገታ፤ ሀርጎፕ፤ ሶርያ አሳ፡ ካትያ ራጺናን ራማልያ ናኦ ሀንቆ ያዮፕ፤ ነ ዋዛናይካ ሻባረቶፕ፤ እያው ጎፕ፡ ላኡ ካተቱ ታማፕ አሊደ ጩዋትያ ላኡ ሞላ ዲሩማ ማላ።

5 “ ሶርያ ጋድያ አሳይ ኤፍሬማ አሳናን ራማልያ ናኦ ነ ቦላ ኢታባ ማቀቲደ።

6 “እነ ይሁዳ ጋድያን ዋራጂደ፡ መንግጫልድነ ኑ ግደን ሻኪደ፡ ጸብኤላ ናኦ ካወሌቶ” ያገሎ ያጋ” ያጌዳ።

7 ግደፕ፤ ኡባ ሞድያ መጵና ጎዳይ ሀዋዳን ያጌ፤ “ሄ ኢንቱንቱ ማቁ ሞነና፤ ሙለካ ሄዋ ፖለተናዋ።

8 እያው ጎፕ፡ ዳማሰቁ ሶርያ ቢታው ሁጺያ፤ ካቲ ራጺንካ ዳማሰቆ ካታማው ሁጺያ። ኡሱፑን ታማነ እቹሹ ላይላ ግደን ኤፍሬማ ጋዲ ቡንቹቲደ፡ ካውተላ ግደናን አታና።

9 ቃይ ሳማሪ ኤፍሬማ ቢታው ሁጺያ፤ ራማልያ ናአይ ሳማርያ ካታማው ሁጺያ፤ ሀንተ አማኑዋን ሞኒደ ኤቀናን ጳዮፕ፡ ሀንተካ ኤቁክታ” ያጌ።

አማኑኤል ያናዋ በሰያ ማላታ

10 ቃይካ መጵና ጎዳይ አካዛው፤

6:1 2 ካታ. 15:7፤ 2 ኦዲዋ 26:23 6:3 ሳፃ 4:8 6:4 ሳፃ 15:8 6:9 ማቶሳ 13:14-15፤ ማር. 4:12፤ ሉቃስ 8:10፤ ዮሃ. 12:40፤ ኪታ 28:26-27 7:1 2 ካታ. 16:5፤ 2 ኦዲዋ 28:5-6 * 7:3 ሻኦር-ያሹባ- ሀ ሱንላ ብለላይ አብራዌሉዋን፡ “አማራዳዋንቱ ሰማና” (10:20-22 በእት) ግያዋ።

11 “መጅና ጎዳይ ነ ጸሳይ ነዉ ቦላ ሳሉዋ፡፡ ዋይ ጋርሳ ሳኣ ጨሙዋ፡፡ እት ማላታ እማና ማላ ኦቻ” ያጌዳ።

12 ሸን አካዝ፡ “ኦኹከ፤ መጅና ጎዳካ ፓጭከ” ያጌዳ።

13 ያትና፡ እሰያሰ፡ “ህንተኖ፡ ዳዊታ ዛረቶ፡ ሰሰተ! ህንተ እሳ ዳቡርሰያዌ አይ ጉጽና፡ ቃይ ታ ጸሳ ዳቡርሰቲ?”

14 ያቶ፡ ጎዳይ ባረ ሁጲያን ህንተንቶ ማላታ እማና፤ ወደራታ ሻሃራደ አቱማ ናኣ የላና፤ አ ሱንላካ እማኑኤላ † ያጋደ ሱንላና።

15 እ ኢታ እጸናዉን ሎኡዋ ደራናዉ ኤርያ ዋደ፡ መኤዳ ማሳነ ኤሳ ኡታና።

16 ሸን ናኣይ ኢታ እጸናዉን ሎኡዋ ደራናዉ ኤራና፡ ካሰቲደ፡ ኔን ሎይሳ ያዬዳ ላኡ ካተቱ ቢታቱ ኮለት መላ ግዳና።

17 “ኤፍሬማ ጋዲ ይሁዳ ጋድያ፡ ሻከቶደ፡ ደምና ሀንቤና መቶ ዋድያ መጅና ጎዳይ ነ ቦላ፡ ነ አሳ ቦላነ ነ እዉዋ ጎልያ ቦላ አሀና፤ ሄ ያናዌካ አሶረ ጋድያ ካትያ” ያጌዳ።

18 ሄ ጋላሳይ ጋክያ ዋደ፡ መጅና ጎዳይ ኡዲንጸቶ፡ ግብጸን ሃኮ ሻፋን ደእያ አሳቶ ማላታና፤ እ ማላቱዋ፡ አሶረ ጋድያ አሳቱዋ ጸሳና።

19 ያትና፡ ኡንቱንቱ ኡባይካ ዪደ፡ ዛንጋራ ሸባን፡ ሹቻ ጎንጎሎዋን፡ አጉንላይ ደእያ ቡራንን ሃላ ኦላን ኡታና።

20 ሄ ጋላሰ ጎዳይ ኤፍራዲሳ ሻፋ፡ ሄፍንላ ባጋ፡ ሁጲያ ቃንጽያ አሳ ጸሳና፤ እካ አሶረ ጋድያ ካትያ፤ እ ዪደ፡ ህንተ ሁጲያ ብናና፡ ህንተ አሳተላ ብናና፤ ህንተ ቡቻ ሜዳና።

21 ሄ ጋላሰ እት አሳይ መጽ እት ማላ ሚዛነ ላኡ ዳሻቱዋ ጸላላ አሻና።

22 ግደ፡ ኡንቱንቱ ማጽያ ማላይ ሎይሳ ዳር ግድያ ድራዉ፡ እ መኤዳ ማላ ኡታና፤ ሄ ጋድያን አቱዳ አሳይ ኡባይካ መኤዳ ማሳነ ኤሳ ኡታና።

23 ሄ ጋላሰ እት ሻኣ ብራን ዋሽትያ ሻኣ ዋይንያ አኖቱ ደእያ ሳን ኡባን ክንድቹን አጉንላ ጸላላይ ሞካና።

24 ቢታ ኡባን ክንድቹን አጉንላይ ኩሜዳ ድራዉ፡ አሳይ ያ ብያ ዋደ፡ ቶራን ዋንዳፍያ ኦይቀደ ባና።

25 ካሰ ጎማን ቡልኤዳ ዘዘቱዋን ሀእ ክንድቹን አጉንላይ ኩሜዳ ድራዉ ያዪደ፡ እት አሳይን ያ ቤና። መሃ የደትያሳን ደርሳይ ሄመትያሳ ግዳናዋ።

8

አሶረ ካትያ የሳ

1 መጅና ጎዳይ ታና ሀዋዳን ያጌዳ፤ “ዋልቃማ ጸላ ዋራቃታ አካደ፡ ኦሞደ ኤሌላ! ቦንቄያዉ ኤሌላ!” ያጋደ፡ ናባበትያ ፕደልያን ጸፋ።

2 ቄሰያ ኦርዮናን ይባራክያ ናኣ ዛካራሳ አማንሰያ ማርካቱዋ ኦላደ ታን ሱንላና” ያጌዳ።

3 ሄዋ፡ ጉይያን፡ ታን ትምቢትያ ኦድያ ታ ማቻትና ግሳድ፤ ያትና፡ አ ሻሃራደ እት ናኣ የላዲ፤ መጅና ጎዳይ ታና ሀዋዳን ያጌዳ፤ “አ ሱንላ፡ ‘ማሀር-ሻላል-ሀሽ-ባዝ’ ያጋደ ሱንላ።

4 ናኣይ፡ ታ አዋ፡ ታ አቱ’ ያጌደ ጸሰያዋ ኤራና፡ ካሰ፡ አሶረ ጋድያ ካቲ ዳማሰቆ ድራተላን ሳማርያ ኦሞዲዋ አኪደ አፋና” ያጌዳ።

5 መጅና ጎዳይ ቃይካ ታዉ ሀዋዳን ያጌደ ሃሳዬዳ፤

6 “ሀ አሳይ ሎዳን ጎግያ ሳልሆማ ሃላቱዋ እጲደ፡ ራጲናን ራማልያ ናኣ ናሽቲደ አኬድኖ።

7 ሄዋ ድራዉ፡ ታን ጎዳይ ሞኖን ዳር ግድያ ኤፍራዲሳ ሃላ፡ አሶረ ካትያ አ ቶራንቻቱዋ ኡባና አሀና ሀናይ። እ ሻፍያ ኡባ ኩሚደ ከሳና፤ ጋጸ ኡባ ማዪደ ጎጋና።

8 ክጲደ ጎጊደ፡ ይሁዳ ገላና፤ ኤሊደ ያና አሳና፤ ኩንሉ ቆጅያ ጋካና። አቤት እማኑኤላ፡ ካፋ ባረ ቀፍያ ሞጭያዋዳን፡ ሃላ ኩንሉ ነ ጋድያ ኡባ ቦላን ሞጬታና” ያጌዳ።

9 ህንተኖ ካዉተላቶ፡ እት፡ ሸቅተ! ሸን ህንተ መኤረታና! ሃኮ ቢታ ኡባን ደእያ አሳቶ፡ ሰሰተ! ኦላዉ ገግተ! ሸን ህንተ መኤረታና! ኤ፡ ኦላዉ ገግተ፤ ሸን ህንተ መኤረታና!

10 ኦላ ኦለታናዉ ማቀትተ፤ ሸን ህንተ ማቄ ላለታና፤ ህንተ ሀልቹዋ ሃሳይተ፤ ሸን ህንተ ሀልቹዋ ሀላና፤ እያዉ ጎ፡ ጸሳይ ኦናና ደኤ። *

ጸሳን እማኑኤሳ

11 መጅና ጎዳይ ባረ ሞኖ ኩሽያ ታ ቦላ ዋሊደ፡ ታዉ ሃሳዬዳ፤ ታን ሀ አሳ ኦግያ ካለና ማላ፡ ታና ሀዋዳን ያጌደ ሴራዳ፤

12 “ሀ አሳይ ማካላ ማቆ ግያዋ ኡባ ማካላ ማቆ ጎ፡ እት፤ ኡንቱንቱ ያይያባዉ ያኖ፡ ጎ፡ ዋይ ዳጋሞ፡፡

13 ህንተ ጌሻ ጋናዉ በሰያዋ ኡባ፡ ዋልቃማ መጅና ጎዳይ፤ ህንተ እዉ ያያናዉን ዳጋማናዉ በሰ።

14 እ ጌሻ ሳ ግዳናዋ፤ ሸን ይሁዳ ጋድያ አሳዉን እሰራኤልያ ጋድያ አሳዉ እ ቆቢያ ሹቻን ኩንድሰያ ዛላ ግዳናዋ፤ የራሳላመን ደእያ አሳዉ እ ግትያን ጲረ ግዳናዋ።

15 ኡንቱንቱ፡ ዳሩ ቆቢታና፤ ኩንዲደካ መእና፤ ጲርያን ኦይቀቲደካ ኦሞደታና” ያጌዳ።

16 ታን ኦዴዳዋ ናጋ፤ ታ ኤርሰያ ቆማቱ ግደን ሀግያ አታማ።

17 ታን ባረ ሶምኤዋ ያቆባ ዛራቱዋ፡ ገንሰያ መጅና ጎዳ ናጋና፤ ቃይ እን አማኑታና።

18 ታናን ታዉ መጅና ጎዳይ እሜዳ ናናቱዋ በእተ። ኦን ጽዮን ደርያን ደእያ ኡባ፡ ዋልቃማ መጅና ጎዳ፡ እሰራኤልያዉ ማላታን ማርካ።

19 “ሳሱኪደን ዙሙደ ሃሳይያ ሻራቻቱዋን ሞይትልያ ሃሳይሰያዋንታ ኦቻተ” ያጌደ ህንተና ዘርያ አሳይ ደኤ። ሀይቄዳዋንታ ፓጸ ደእያዋንቱባ ኦቻያዋ፡ አሳይ ባረንቱ ጸሳ ኦቻናዉ በሰኔ?

† 7:14 እማኑኤላ፡ ሀ ሱንላ ብለላይ እብራዌሉዋን፡ “ጸሳይ ኦናና ደኤ” ግያዋ። 7:14 ማቶሳ 1:23 * 8:10 ጸሳይ ኦናና ደኤ፡ ሀዌ እብራዌሉ ቃላን “እማኑኤላ” ግያዋ። 8:12 1 ጸጸ. 3:14-15 8:14 1 ጸጸ. 2:8 8:17 እብራ. 2:13 8:18 እብራ. 2:13

20 ህግያነ ጸላይ ኦድያዎ ሰሰተ! ሄ አሳቱ ሀ ቃላዳን ሃሳያና ጳዮፕ፡፡ ኡንቱንቶ ሳኦይ ዋንተና።

21 አሳይ ዋየቲድነ ኮሻቲድ፡፡ ጋድያን ቶይላካታና፤ ኡንቱንቱ ኮሻቲድ ዋደ ይሎቲድ፡፡ ፑደ ዴሊደ ባረንቱ ካትያነ ባረንቱ ጸሳ ሸቃና።

22 ሳኦኮ ዲገ ዴሊድ፡፡ ዋይያ፡፡ ጳማነ ያሽያ ሸኑዋ በኦና፤ ኡንቱንቱ ባራ ጳማዉ ኦላታና።

9

ሰንፋፕ ካተታና ካትያ

1 ግደፕነ፡፡ ዋየቲድዋንቶ ሀዋፕ ሰንፋዉ ጳመና። በን ዋደ ጸላይ ዛብሎና ቢታነ ንፍታሌማ ጋድያ ካዉሼዳ፤ ሸን ሰንፋፕ ሄ ሜድተራነ አባ ኦግያን ደኦያ ቢታነ ዮርዳኖሳ ሻፋፕ ሄፍንጎላ ባጋን ደኦያ “አይሁዳ ግደና አሳይ ደኦያ ጋለላ” ግያ ጋድያ እ ቦንቻና።

2 ጳማን ሀመትያ አሳይ ዋልቃማ ፖኡዋ በኤዳ፤ ቃይ ባራ ጳማ ጋድያን ደኦያዋንቶ ፖኡ ፖኤዳ።

3 ኔን ካዉተላ አሳ ዳርሳዳ፤ ኡንቱንቶ ናሽቻ ጉጃዳ፤ አሳይ ካላ ጫክያ ዋደ ናሽትያዋዳን፡፡ ዋይ ኦዋዲዋ ግሺደ አክያ ዋደ ናሽትያዋዳን፡፡ ነ ሰንፋን ናሽታና።

4 አያዉ ጎፕ፡፡ ኔን ምድያማ ጋድያ ጸኔዳ ጋላሳዳን፡፡ ኡንቱንታ ዴጽያ ሞርገ ምላ፡፡ ኡንቱንቱ ሀሽያ ሞርገ ምላነ ኡንቱንታ ናቂያዋንቱ ጸምኦ መንግራላዳ።

5 ዋራጅያ ኦላንቻቱዋ ጫማይነ ሱላን ሙናቀቲዳ ማዩ ኡባይ ታማን ኤሳያባ ግዳናዋ።

6 ናኦይ ኑዉ የለቲዳ! አቱማ ናኦ ኑዉ እመቲዳ! ካዉተላይ አ ሀሽያን ዋጳና፤ አ ሱንፋይ፡፡ “ማላልሰያ ዘርያዋ፡፡ ዋልቃማ ጸሳ፡፡ መድና አዉዋ፡፡ ሳርተላ ካቸዋ” ጌተታና።

7 አ ካዉተላ ዳራዋዉነ አ ሳርተላዉ ዛዋይ ባዋ፤ ሀኝፕ ደሚደ፡፡ መድና ጋካናዉ፡፡ ሱሪ ፕርዳንነ ጽሎተላን ምንሳናዉነ ኤሳናዉ ዳዋታ ካተቱዋ አራታንነ አ ካዉተላን እ ካተታና፤ ኡባፕ ዋልቃማ መድና ጎዳ ምሹ ሄዋ ፖላና።

ይሁዳዉነ እስራኤልያዉ ጉጃ ኪታቱዋ

(9:8—12:6)

ጎዳ ሀንቁዋ

8 ጎዳይ ያቆባ ዛራቱዋ ቦላ ፕርዳ ቃላ ኪቲዳ፤ እስራኤልያ ቦላ ኩንዴዳ።

9 አሳይ ኡባይ፡፡ ኤፍሬማ አሳይነ ሳማርያ ካታማን ደኦያዋንቱ፡፡ አዩዋንነ ኦቶራዋን ሃሳይያዋንቱ፡፡ ሀዋ ኦሌዳዋ ጎዳ ግድያዋ ኤራና።

10 ኡንቱንቱ፡፡ “ጸብያፕ ኬጸቲድዋንቱ ኮለቲድና፤ ሸን ኑን ኡንቱንታ ዛረሊድ፡፡ ማሰቲዳ ሹቻቱዋን ኬጸና፤ ኤላቱ ቃንጸቲድና፤ ሸን ኑን ኡንቱንቱ ሳኦነ ዘጋቱዋ ላማና” ያጌድና።

11 ሄዋ ድራዉ፡፡ መድና ጎዳይ፡፡ ራኦሰና ሞርከቱዋ ምንሳና፡፡ ኡንቱንቱና ኦለቲዳ ሞርከቱዋ ኡንቱንቱ ቦላ ደንግሌዳ።

12 አዋይ ደልያ ባጋፕ ሶርያ ጋድያ አሳቱነ አዋይ ዉልያ ባጋፕ ፕልሰጾማ ጋድያ አሳቱ ባረንቱ ደና ሀንጊደ፡፡ እስራኤልያ ሚድና። ሄ ኡባንካ ጸሳ ሀንቁ ሰምቤና፤ አ ኩሺካ ብር ደንዴዳሳን ደኤ።

13 ግደፕነ፡፡ አሳቱ ባረና ሸጩዳዋኮ ሰምቤክና፤ ኡባፕ ዋልቃማ መድና ጎዳካ ኮይበይክና።

14 ሄዋ ድራዉ፡፡ መጽ እት ጋላሰ መድና ጎዳይ እስራኤልያፕ ሁጲያነ ጎይና፡፡ ቶቃ ዛምባ ዳሻነ ዝቃ ማቃ ቃንጻና።

15 ጫማቲነ ቦንቱቲዳዋንቱ ሁጲያ፤ ዋርዲዋ ታማርሰያ ትምቢትያ ኦድያዋንቱ ጎይና።

16 ሀ አሳ ካለላያዋንቱ፡፡ ዋራ ካለሊና፤ ኡንቱንታ ካልያዋንቱካ ባለና።

17 ሄዋ ድራዉ፡፡ ጎዳይ ኡንቱንቱ ያላጋ አሳቱዋን ናሽተና፤ አዉ ባይና ናናቶነ አምኤቶ ቃረተና። አያዉ ጎፕ፡፡ አሳይ ኡባይ ኢታነ ጸሳ ኤረናዋ፤ አሳይ ኡባይ ባረ ደናን ኢታባ ሃሳዩ። ሄ ኡባንካ ጎዳ ሀንቁ ሰምቤና፤ አ ኩሺካ ብር ደንዴዳሳን ደኤ።

18 ኢታተላይ ታማዳን ጸጌ፤ ክንድቹዋነ አጉንጎላ ም ጳይሴ፤ ሰኬዳ ዋራይ ኤጽና፡፡ ጩዋይ ቱሳዳን ሰት ጊደ፡፡ ፑደ ከሴ።

19 ኡባፕ ዋልቃማ መድና ጎዳ ሀንቁዋን ጋዲ ጸጉታናዋ፤ አሳይካ ታማን ኤሳያባ ማላ ግዳናዋ፤ ኦንነ ባረ እሻ አሻናዉ ቆፕና።

20 ኡንቱንቱ ኡሸቻ ባጋፕ ቦንቃና፤ ሸን ኮሻታና፤ ሀድርሳ ባጋፕ ማና፤ ሸን ካልክና፤ ኡንቱንቱ ባረንቱ የሌዳ ናናቱዋ ማና።

21 ምናሰ ኤፍሬማ፡፡ ኤፍሬምካ ምናሳ ማና፤ ኡንቱንቱ እትፕ ግዲደ፡፡ ይሁዳ ቢታ ሞርካና። ሄ ኡባንካ ጸሳ ሀንቁ ሰምቤና፤ አ ኩሺካ ብር ደንዴዳሳን ደኤ።

10

1 ኢታ ህግያ ከሰያዋንቶነ ኡቁንያ ጸፍያ ጸፍያዋንቶ አየ አና!

2 ሄዋን ኡንቱንቱ ማንቆቱዋ ፕርዳ ጌላዩና፤ ሀዬሳቱዋ ማታካ ሱጊና። ያቲደ አምኤቱዋ አቁዋነ አታ አዉ ባይና ናናቱዋካ ቦንቁና።

3 ሃኮ ጋድያፕ ይያ መቱዋን እ ህንተና ሙሪያ ዋደ፡፡ ዋኒቲ? ማዲዋ ደማናዉ አኮ ባቃቲቲ? ህንተ ዲረተላ ሀቃን ቆሰቲ?

4 ህንተ ኦላን ሀይቃና፤ ቃቺደ ጎቻና፡፡ ህንተ ባና፡፡ ሄዋ ኡባይ ሀንናካ፡፡ ጸሳ ሀንቁ ዉርቤና፤ ሙራናዉ እ ባረ ኩሽያ የድ ዋሌዳ።

አሶሪ ካቲ ፕርደታና

5 ጎዳይ ሀዋዳን ያጌ፤ “ታ ይሎ ጋትማ ግዴዳነ ታ ኤጽያ ሀንቆ ጸምኦ ግዴዳ አሶሪ ጋድያ አሳዉ አየ አና!

6 ታን አሶሪቱዋ ጸሳ ኤረና ካዉተላ ቦላ ኪታና፤ ኡንቱንቱ ዲረታ ኡባ አምዳናዳንነ ቦንቃናዳን፡፡ ቃይ ኦግያን ደኦያ ኡርቃዳን፡፡ ኡንቱንታ የጳናዳን፡፡ ታና ሀንቁሌዳ አሳ ቦላ ታን አሶሪቱዋ አዛዛና” ያጌዳ።

9:1 ማቶሳ 4:15 9:2 ማቶሳ 4:16፤ ሉቃሳ 1:79 9:7 ሉቃሳ 1:32-33 10:5 ኢሳ. 14:24-27፤ ናሆማ 1:1—3:19፤ ሲፎ. 2:13-15

7 ሸን አሰረ ካቲ ሀዋ ሀልቶቤና፤ አ ዋዛናይካ ሀዋዳን ቆጥቤና። እ ሀልቶዳዌ ካወተላቱዋ ኡባና ቆይሳናሳ።

8 እ ጩቀቲደ፡ ሀዋዳን ያጌዳ፤ “ታ ጋዳዋቱ ኡባቱ ካትያ ግድክናየ?”

9 ካልኖ ካታማይ ካርካሚሻ ካታማ ማላ ግደኔየ? ሀማታ ካታማይ አርፋዳ ካታማ ማላ ግደኔየ? ሳማርያ ካታማይካ ዳማሰቆ ካታማ ማላ ግደኔየ?

10 የሩሳላመንን ሳማርያን ደእያ ማሰቲዳ ኤቃ ሞሰለቱዋጥ ዳርያ ሞሰለቶ ጎይንያ ካወተላቱዋ ሙራናው፡ ታን ታ ኩሸያ የዳድ።

11 ታን ሳማርያ ካታማ ቦላን እን ደእያ ኤቃ ሞሰለቱዋ ቦላ ኦሌዳዋዳን፡ የሩሳላመ ካታማ ቦላን አ ኤቃቱዋ ቦላ አላክታየ?” ያጌዳ።

12 ጎዳይ ጽዮን ደርያ ቦላን የሩሳላመ ቦላ ባረ አላያ ኡቡዋ ኡባ ፖሌዳዋጥ ጉይያን፡ አሰረ ጋድያ ካትያ አ አዩዋን አ ኦቶሩዋ ሙራና።

13 እያዉ ጎጥ፡ አሰረ ካቲ ሀዋዳን ያጌ፤ “ታ ኩሸያ ምኖተላን፡ ታ አይዳ ኤራተላንን ታዉ ደእያ እኩካን ታን ሀዋ ኡዳድ። ታን ካወተላቱዋ ግደን ደእያ ዛዋቱዋ ሸዳድ፤ ኡንቱንቱ ቢታቱዋን ደእያ አሳ አቆዋ ቦንቃድ፤ ታ ምኖ ቀሰያን፡ ካተቱዋ አራታቱዋን ኡቲዳዋንታ ኡባ ዲገ ዋላድ።

14 አሳይ ካፋዋ ጎልያን ኩሸያ የድያዋዳን፡ ታን ካወተላ ዱረተላ ቦላ ታ ኩሸያ የዳድ። ቃይ ደገቲደ አቲዳ ቁቁለቱዋ ሸሸያዋዳን፡ ታን ቢታ ኡባ ሸሻድ። ፓላናዉ ባረ ቀፍያ ባቂያባይ፡ ዋይ ሃሳያናዉ ባረ ዶና ፖግያባይ፡ ዋይ ቃይ ዋሰያዌ እቱነ ባዋ” ያጌዳ።

15 ቱሙ ካልታይ ባረናን ቃንጽያ ብታንያጥ፡ “ታን አቆይ” ጋናዉ ዳንዳዪየ? ዋይ ማጋዚ ባረና ጎቶያ ብታንያጥ፡ “ታን ዳራይ” ገየ? ጸምእይ ባረና ኦይቂያ አሳ ደንሉ? ጉፊ ኦይቂያ አሳይ ባይናን ሀመቲ?

16 ሄዋ ድራዉ፡ ጎዳይ፡ ኡባጥ ዋልቃማ መድና ጎዳይ፡ አ ምኖ ቶራንቻቱዋ ቦላ ላፈለያ ሀርግያ የዳና፤ እ ቦንቹዋጥ ጋርሳና ምሹ ኤጽያ ታማዳን ኤጽ ከሳና።

17 እሰራኤልያ ፖኡ ታማ ግዳናዋ፤ እሰራኤልያ ጌሻይካ ላጩዋ ግዳናዋ፤ ያቲደ አ አጉንላነ አ ክንድቹዋ እት ጋላሰ ጹጋናን ማና።

18 ጸሳይ ባረ ዋራ ምላ ቦንቹዋን ባረ አራዳ ጋድያ ቦንቹዋ ጳይሳና፤ ሰም ሄዌ ሀርግያ አሳይ ሰልያዋዳን ሰላና።

19 አ ዋራን አታና ምላቱ ሎይላ ጉላ ግድያ ድራዉ፡ እት ጉላ ናእይካ ፓይድ ወርሳናዋ።

አማራዳዋንቱ ሰሙዋ

20 ሄ ጋላሳን እሰራኤልያጥ አቲዳዋንቱ ባረና ሸጩዳዋንቱን ዘምጥክኖ፤ ሸን ኡንቱንቱ ቱሙዋጥ መድና ጎዳን፡ እሰራኤልያ ጌሻን ዘምጥና።

21 አተላይ፡ ይሁዳ አሳ አተላይ ዋልቃማ ጸሳኮ ሰማና።

22 ኔኖ እሰራኤልያዉ፡ ነ አሳይ አባ ማታን ደእያ ሻፍያ ኬሻ ግደጥካ፡ ኡንቱንቱጥ

አማራዳዋንቱ ጸላላይ ሰማና። ጽሎተላይ ኩም ፓላሄዳ ባሻይ አዋየቲዳ።

23 ኤ፡ ጎዳይ፡ ኡባጥ ዋልቃማ መድና ጎዳይ ሳኣ ኡባ ቦላን አሀናዉ ቃቹዳ ባሻ አሀና።

ጸሳይ አሰራ ሙራና

24 ሄዋ ድራዉ፡ ጎዳይ፡ ኡባጥ ዋልቃማ መድና ጎዳይ ሀዋዳን ያጌ፤ “ጽዮንን ደእያ ታ አሳቶ፡ ግብጹቱ ኦሌዳዋዳን፡ አሰረቱ ሀንተና ጸምእን ሸጩዋ ዋደነ ባረንቱ ጋትማ ሀንተ ቦላ ደንሰያ ዋደ ያዮጥተ።

25 ጺ ጉላ ዋድያጥ ጉይያን፡ ታን ሀንተና ሀንቀትያዋ አጋና፤ ሄዋጥ ጉይያን፡ ታ ሀንቁ ኡንቱንታ ቆይሳናዉ ባና” ያጌ።

26 ኡባጥ ዋልቃማ መድና ጎዳይ ኦሪባ ግያ ሹቻ ማታን ሚድያማቱዋ ሸጩዳዋዳን፡ ኡንቱንቱ ቦላ ልሱዋ ደንላና። እ ግብጹን ኦሌዳዋዳን፡ ባረ ጋትማ አባ ቦላ ደንላና።

27 ሄ ጋላሰ፡ አ ቶኩ ሀንተ ሀሸያጥ ዋሳና፤ አ ሞርገ ምላይካ ሀንተ ሞርግያጥ ክቻና። ሀንተ ኦርዳዳ ድራዉ፡ ሞርገ ምላይ መአና።

ዋራጅያዋንቱ ኦሌዳ ኦላ

28 ሞርክያ ዋታዳራቱ አታ ካታማ ገሌድኖ፤ ምግሮናን አይድኖ፤ ባረንቱ ኦላ ሚሻካ ምክማሳ ካታማን ዋሌድኖ።

29 ኡንቱንቱ ጋድያ አይያሳና ጥኒደ፡ ገባአ ካታማን አቁድኖ። ራማ ካታማን ደእያ አሳይ ኡባይ ኮኮራዳ፤ ካትያ ሳኦላ ካታማን ግብእን ደእያ አሳይካ ባቃቲዳ።

30 ጋሊማ አሳዉ፡ ዋሱዋ ጹልሰተ! ላይሻ አሳዉ፡ ሰሰተ! አናቶታ ካታማን ደእያ አሳዉ፡ ኦቶያዋ ኦድተ!

31 ማድሚና ግያ ካታማ አሳይ ባቃቲዳ፤ ገቢማ አሳይካ ባረ ሸምፖ ቆስቲዳ።

32 ሀቼ ሞርክያ ዋታዳራቱ ኖባ ካታማን ደእኖ፤ ያን ኡንቱንቱ ባረንቱ ኩሸያ ቃሊደ፡ ጽዮን ደርያ፡ የሩሳላመ ካታማ ባብሲኖ።

33 በእተ፡ ጎዳይ፡ ኡባጥ ዋልቃማ መድና ጎዳይ ቃንካቱዋ ዋልቃማ ዋልቃን ቃንጸና፤ አዲቁዳ ምላቱካ ቃንጸታና፤ ቃይ ቦንቹቲዳዋንቱካ ካወሻና።

34 ጸሳይ ሰኬዳ ዋራ ካልታን ቃንጸና፤ ሊባኖሰካ ዋልቃማ ሰንላን ኩንዳና።

11

ሳርተላይ ኩሚዳ ካወተላ

1 እሰይ ዱሩማጥ አጫይ ከሳና፤ አ ጸጹዋጥ አይፍያ ታሺ ከሳና።

2 መድና ጎዳ አያናይ፡ አይዳ ኤራተላነ እኬካ አያናይ፡ ዘርያን ዋልቃ አያናይ፡ ኤራተላነ መድና ጎዳዉ ያይያ አያናይ አ ቦላ ሸምጥና።

3 መድና ጎዳዉ ያይያዋን እ ናሸቲ፤ ባረ አይፊ በኤዳዋን ጮ ፕርደና፤ ዋይ ባረ ሀይላይ ሰሴዳዋን ጮ ፕርደና።

4 ሸን ሀዬሳቶ እ ጽሉዋን ፕርዳና፤ ሳኣን ደእያ መቶታንቻቱ የወዋካ እ ሱረተላን ፕርዳና።

እ ባረ እንጸርሳ ጋትማን ሳኦ ሾጫና፤ ባረ ዶና ሸምቸዋን ኢታቱዋ ዋዳና።

5 ጽሎተላይ እ ጸሳው ዳንጮ ግዳናዋ፤ አማነትያዌካ እ ምይያው ሳቂያ ግዳናዋ።

6 ጄሪ ዶርሳ ማራና እትጥ ደኦና፤ ማሂካ ዴሻ ማራና እትጥ ግሳና፤ ሚዛ ማራና፤ ጋሙዋ ማራናን እትጥ ሄመታና፤ ጉላ ናእ ኡንቱንታ ሄማና።

7 ሚዛታን ባባንላ ጌተትያ ደኦይ እትጥ ማና፤ ኡንቱንቱ ማራቱካ እትጥ ግሳና፤ ጋሙ ቦራዳን ኡቱላ ማና።

8 ዳንላ ዳምያ ናኦይ ሾሻ ኦላን ካኦና፤ ዳንላ ዱሌዳ ናኦይ ዋዳና ሾሻ ኦላን ባረ ኩሽያ የዳና።

9 ታ ጌሻ ደርያን ኦንን ቆሄተና፤ ዋይ ባየና፤ አያው ጎጥ፤ አባይ ሃላን ኩምያዋዳን፤ ሳኦይ መድና ጎዳ ኤርያዋን ኩማና።

በቱዳ አሳይ ሰምያ ሰሙዋ

10 ሄ ጋላስ እሰይ ጸጹ አሳው ማላታ ግዲደ ኤቃና፤ ካውተላ ኡባይ አ ኮያና፤ እ ደኦይ ሳኦይካ ቦንቼታና።

11 ሄ ጋላስ ጎዳይ ባረ አሳ አቶተላ አሶረጥ፤ ግብጾጥ፤ ፓትሮሳጥ፤ ቶጵያጥ፤ ኤላማጥ፤ ባብሎንጥ፤ ሀማታጥን አባ ዶናን ደኦይ ቢታቱዋጥ ላኤንሉዋ ዛር አካናው ባረ ኩሽያ የዳና።

12 ካውተላቶ ማላታ እ ቶቄ ኦሊደ ደንሳና፤ እሰራኤልያጥ ላላቱዳዋንታ እትጥ ጋላና፤ ይሁዳጥ ፕሰክ ጌዳዋንታካ ሳኦ ኦይዲ ሚዛናጥ እ ሺሻና።

13 ሄጥ ጉይያን፤ ኤፍሬማ ቃናቲ አጥ ሻከታና፤ ቃይ ይሁዳ ዋይሰያዋንቱካ ቶቆለት ዳያና። ኤፍሬሙ ይሁዳ ቃናተና፤ ይሁዳይካ ኤፍሬማ ዋይሰና።

14 ኡንቱንቱ አዋይ ወልያ ባጋን ደኦይ ፕልሰጾማ ጋድያ ቦላ ፓሊደ ዋዳና፤ አዋይ ዶልያ ባጋን ደኦይ አሳካ ኡንቱንቱ እትጥ ቦንቃና። ኡንቱንቱ ኤዶማ ቦላን ሞኦባ ቦላ ባረንቱ ኩሽያ ዋላና፤ አሞናቱካ ኡንቱንቶ አዛዘታና።

15 መድና ጎዳይ ግብጾ ምይያን ደኦይ ዞኦ አባ ኡባና መልሳና፤ ባረ ላጵያ ጫርኩዋና ባረ ኩሽያ ኤፍራዲሳ ሻፋ ቦላ ደንሳና። ያቲደ አሳይ መላ ኤለካ ፕናና ማላ፤ ላፑን ቄር ሻፋ ከሲደ ሾጫና።

16 እሰራኤልያ አሳይ ግብጾ ጋድያጥ ከሰያ ዋደ ኦጊ ደኤዳዋዳን፤ እ አሳጥ አቱዳዋንቶ አሶረ ጋድያጥ ከሰያ ኦጊ ደኦናዋ።

12

ጋላታ የላ

1 ሄ ዋደ ህንተ ሀዋዳን ያጋና፡-

“አቤት መድና ጎዳው፤ ኔን ታና ሀንቀታዳ፤ ሀንቁዋጥካ ሰማዳ፤ ያታደ ታና ሞንግላዳ፤ ሄዋ ድራው፤ ታን ኔና ጋላታይ።

2 “በእተ፤ መድና ጎዳይ ታ አቶተላ፤ ታን አን አማነታደ፤ ያይከ።

አያው ጎጥ፤ መድና ጎዳይ፤ ታው ዋልቃን የላ።

እ ታ አቶተላ ግዳዳ” ያጋና።

3 እሽያ ፑልቶቱዋጥ ሃላ ህንተ ናሽቻን ዱቃና።

4 ሄ ጋላስ ቃይ ህንተ ሀዋዳን ያጋና፡-

“መድና ጎዳ ጋላትተ!

እ ሱንላካ ጸሰተ።

አ ኦሪቱዋ ካውተላቱዋ ኡባ ግድን ኤርሰተ።

አ ሱንላይ ቶቄ ቶቄ ጌዳዋ አዋይተ።

5 መድና ጎዳይ ዋልቃማ ኦሪቱዋ ኦሪቱዋ ድራው፤ አው የጽተ።

ሀዋ ሳኦ ኡባን ኤረቶ።

6 እሰራኤልያ ጌሻይ ህንተ ግድን

ቶቄ ቶቄ ጌዳ ድራው፤

ህንተና፤ ጽዮንን ደኦያዋንቶ፤

ሆምቦጭተ! ናሽቻው የጽተ!”

ያጋና።

13

ጸሳ ሙራይ ሀራ አሳቱዋ ቦላ

(13:1—23:18)

1 አሞጾ ናኦ ኢሰያስ ወ ጸሳይ ባብሎንዋ ቆንጭሰና በኤዳዌ ሀዋ።

2 መላ ደርያ ቦላ ባንድራ ኤሰተ፤ ህንተ ቃላ ቶቄ ኦሊደ፤ ኡንቱንቶ ዋሰተ፤ ኡንቱንቱ ካፓቱዋ ጥንግያና ገላና ማላ፤ ወትተ።

3 ታን ሀንቀቱዳዋንታ ሙራና ማላ፤ ታ ጌሻቱዋ አዛዛድ፤ ታን ጸንያዋን ናሽትያ ታ ዋልቃማ ቶራንቻቱዋካ ጸሳድ።

4 ጮራ አሳይ ጫቦትያዋዳን፤ ደርያ ሁጲያን ጫቦትያ ዋላሳ ሰሰተ! ቃይ ካውተላቱ እትጥ ሺቄደ ሻቢረትያ ዋላሳ ሰሰተ! ኡባጥ ዋልቃማ መድና ጎዳይ ቶራንቻቱዋ ኦላው ሳልጥሲ።

5 መድና ጎዳይን እ ባረ ሀንቁዋ ፖልሳናው ጎኤትያ ሚሻቱ ቢታ ኡባ ዳይሳናው፤ ሃኮ ጋድያጥ፤ ሳሎቱዋ ጋጸጥ ዪና።

6 መድና ጎዳ ጋላሳይ ማቴዳ ድራው ዩክተ! ሄ ጋላሳይ ኡባጥ ዋልቃማ ጸሳ ማታጥ ባሻዳን ያና።

7 ሄዋ ድራው፤ ኩሽያ ኡባይ ህልሰ ጋና፤ አሳ ኡባ ዋዛናይካ ሲላና።

8 ኡንቱንቱ ዳጋማና፤ ኦይላይን ዩላይ ኡንቱንታ ኦይቃና። የሉ ኦይቄዳ ሞሽራቲዳን፤ ኡንቱንቱ ኦይቃታና። ኡንቱንቱ ዳጋሚደ፤ እቱ እቱዋ ጸላና፤ ኡንቱንቱ ሶምኢካ ዳጋማን ቦጻና።

9 በእተ፤ መቀላ ኢሲደ፤ ይሉዋንነ ሱሎ ሀንቁዋን ጋድያ መላ ከሳናውን አን ደኦይ ናጋራንቻቱዋ ዳይሳናው፤ መድና ጎዳ ጋላሳይ ዩ።

10 ሳሎዋ ጸልንተቱን ጸልንተቱዋ ጭታቱ ባረንቱ ፖኤዋ አመናን አጻና፤ አዋ አይፊ ዶሊደ ዱማና፤ አግናይካ ፖኤናን አጋና።

11 ጸሳይ ሀዋዳን ያጌ፤ “ታን ሀ ሳኦ አ ኢታተላ ድራው፤ ኢታቱዋካ ኡንቱንቱ ናጋራ

11:6 ኢሳ. 65:25 11:9 አምባ. 2:14 11:10 ሮሙ 15:12 11:15 ሳፃ 16:12 12:2 ከሳ 15:2፤ ማዘ. 118:14 13:1 ኢሳ. 47:1-15፤ ኤር. 50:1—51:64 13:6 ኢዱ. 1:15 13:10 ህዘ. 32:7፤ ማቶሳ 24:29፤ ማር. 13:24-25፤ ሉቃሳ 21:25፤ ሳፃ 6:12-13

ድራው ሙራና። ታን ኦቶራንቻቶ ኦቶራዋ ድጋና፤ መቀላ ኢታቱዋ ኦቶራዋካ ካወሻና።

12 አቲዳ አሳይ አልኦ ዋርቃጥ አዲደ አልአና፤ ኦፊራ ዋርቃጥካ አዲደ አልአና።

13 ሄዋ ድራው፣ ኡባጥ ዋልቃማ መድና ጎዳ ሀንቁዋን፣ አ ሀንቁዋ ሱሉዋ ጋላሰ ታን ሳሎቱዋ ኮኮርሳና፤ ሳኦይካ ባረ ደኢያሳጥ ካጸና” ያጌ።

14 ሻንካጥ ባቃትያ ጋራዳን፣ ዋይ ሄምያ አሳይ ባይና ደርሳ ወድያዳን፣ አሳይ ኡባይ ባረ አሳኮ አሳኮ ሰማና፤ ኡባይካ ባረ ቢታ ባቃታና።

15 ቤቴዳዌ ኦንነ ጫደታና፤ ኦይቀቴዳዌ ኦንነ ማሻን ሀይቃና።

16 ኡንቱንቱ ጉላ ናናይ ኡንቱንቱ ሰንላን ቡሳከታና፤ ኡንቱንቱ ጎለቱካ ቦንቀታናዋ፤ ኡንቱንቱ ማጫ አሳቱዋናካ ዋልቃን ሀራ አቱማ አሳቱ ጋከታና።

17 በአተ፣ ብራ ኮየና፣ ዋርቃንካ ናሽተና ሜዶና ጋድያ አሳቱዋ ታን ኡንቱንቱ ቦላን ደንላና።

18 ኡንቱንቱ ዋንዳፈቱ ዋዳላቱዋ ዋዳኖ፤ ጉላ ናናቱዋካ የድ ማርክና፤ ኡንቱንቱ አይፊ ፑርጋኢያ ናናቶካ ቃረተና።

19 ካወተላቶ ቦንቹዋ፣ ቃይ ባብሎን አሳወካ አሌቆነ አወ ግዳዳ ባብሎን ጋድያ ጸሳይ ሰደማዳንን ጋሞራዳን አል የጋና።

20 ሄ ጋድያን ሙላካ አሳይ ኡተና፤ ዋይ የለታጥ የለታ ጋካናወካ ያን አሳይ ደኤና፤ አራባ አሳይካ ያን ባረ ዳንካንያ ቶላና፤ ደርሳ ወድያ ሄምያዋንቱካ ያን ባረንቱ ወድያ አላጽሱና።

21 ሸን ያን ባዙዋ ደአቱ አላጸና። ዋራካናቱ ኡንቱንቱ ጎልያ ኩማና፤ ጉታቱ ሄዋን ደአና፤ ባዙዋ ዳሻቱ ሄዋን ጉጋና።

22 ኡንቱንቱ ጎለቱዋን ባባርቂ ዋሳና፤ ኡንቱንቱ ቦንቹ ካትያ ጎለቱዋንካ ዋራካናይ ቦጫና። አ ዋዲ ማታቱዳ፤ ጋላሳይካ ጋምኤና።

14

እስራኤልያ አሳይ አሞዴዋጥ ሰማና

1 መድና ጎዳይ እስራኤልያ አሳወ ቃረታና፤ እስራኤልያካ ዛረሳደ ደራና። ኡንቱንታ ኡንቱንቱ ቡዞ ጋድያን ዋሳና፤ አማላቱ ዪደ ኡንቱንቱና ጋከቲደ፣ እስራኤልያ አሳና እትጥ ደአና።

2 ዳር ካወተላይ እስራኤልያ አሳ አኪደ፣ ኡንቱንቱ ሳኦ አሀና፤ እስራኤልያ አሳይ ካወተላቱዋ ማጫነ አቱማ ቆማዳን፣ መድና ጎዳ ጋድያን ሞዳና። ኡንቱንቱ ባረና አሞዴዋንታ አሞዳና፤ ባረና ኡቁኔዳዋንታካ ሞዳና።

ባብሎን ካቲ ዲፋዋን ገሌዳ ገሌሳ

3 መድና ጎዳይ ሀንተና ሀንተ ቱጋጋ፣ መቱዋጥነ ሀንተ ሞደቴዳ ኢታ አይለተላጥ ሸምፕሴዳ ጋላሰ።

4 ሀንተ ባብሎን ካትያ ቦላ ሀዋዳን ያገደ ቅሊጫና፤ “ኡቁንያዌ ዋን አጌዴ፤ አ ሀንቁዋ ሱሉካ ዋን አቲዳ፤

5 መድና ጎዳይ ካወተላቱዋ ጸምኢነ ሞድያዋንቱ ጋትማ መንጮዳ።

6 ኡንቱንቱ አሳ ወርሰል ባይና ሀንቁዋን ሸጬድና። ባረንታ ጸኔዳ አሳቱዋ ቃንጸናን ኡንኤሌደ ደኤድና።

7 ቢታ ኡባይ ኡንቱንቱ ሸምጢደ፣ ዋጋን ደኤ፤ አሳይካ የላ የጸ።

8 ሀራይ አትና፣ ዝጋቱካ ሊባኖሳ ጽደቱካ፣ ካትያ ኩንደላን ናሽቲደ፤ ሄን ካወሻደ ዋዳደጥ፣ ኑና ቃንጸናወ ይያዌ ባዎ ያገና።

9 “ሄን ይያ ዋደ፣ ሰኦሊ ኔና ሞካናወ ሀርክን ጊጌዳ፤ አ ካሰ ጋድያ ካለጮዳ አሳቱዋ ሞይትለቱዋ ኔና ሳርታናዳን ደንጫ፤ ቃይ ካሰ ካወተላቶ ካትያ ግዴዳ ኡባቱዋካ ኡንቱንቱ አራታጥ ደንል ኤሴ።

10 ኡንቱንቱ ኡባይካ ሀዋዳን ያጋና፤ ሄኮ ኔንካ ኑዋዳን፣ ዋልቃ ጳያዳ፤ ኔንካ ኑ ማላ ግዳዳ!

11 ካሰ ዲላ ዲዲደ ሳቢያ ነ ቦንቹ ሰኦልያን ዲገ ገሌዳ። ዲቻቱ ኔን ግሰያ ግሱዋ፤ ጉጹንቱካ ኔን ማይያ አፍላ ግዳና፣ ያጋና።

12 “ሄኖ ዋንታ ናአወ፣ ባካልያወ፣ ሳሉዋጥ ዋና ኩንዳዲ! ኔኖ ካወተላ ካወሼዳዎ፣ ዋና ቃንጸታደ ሳኦን ዋዳኦዲ!

13 ኔን ነ ዋዛናን፣ ሓን ሳሉዋ ከሳና፤ ታ ካወተላ አራታካ ጸሳ ጸልንተቱዋጥ ቦላና ቶቃን ዋሳና፤ ሁጺሳ ባጋ ጋጸን፣ ያኦይ ሸቅያ ደርያ ሁጺያን ኡታና።

14 ሻረቱ ደኢያ ቶቃጥካ ሁጺያወ ፑደ አዳና፤ ታን ታና ኡባጥ ቶቂያ ጸሳ ማላ ኦላና፣ ያጋዳ።

15 ሸን ኔን ሰኦልያን፣ ሀርክ ጨማ ኦላን ዲገ የገታዳ።

16 “ሄና በኢያዋንቱ፣ ‘ቢታ ቃሌዳዌ፣ ካወተላቱዋ ኮኮርሴዳዌ፣

17 ሳኦ ባዙዋ ከሴዳዌ፣ ሳኦን ደኢያ ካታማቱዋካ አል የጌዳዌ፣ ባረ ቃሾ አሳቱዋካ ጎለ የደናን ድጌዳ ብታኒ ሀዌ?’ ያገደ ትሽ አል አኬሲደ ጸላና።

18 “ካወተላቱዋ ካተቱ ኡባይ ባረ ዲፋዋን ዲፋዋን ቦንቹዋን ግሳና።

19 ሸን ኔን እጸቴዳ ታሽያዳን፣ ነ ዲፋዋጥ ጋጸ ኦለታዳ፤ ነ አሃይ ማሻን ጫደት ሀይቄዳ አሃን፣ ቃይ ኦላን ደኢያ ሹቻቱዋኮ ዲገ ዋድያዋንቱ አሃን ካመቱዳ። ኔን ገድያን የደርሴዳ አሃ ማላ ግዳዳ።

20 ኔን ሞጉዋካ ኡንቱንቱና እትጥ ሞገታካ፤ አያወ ጎጥ፣ ኔን ነ ጋድያ ባይዛዳ፤ ነ አሳካ ዋዳዳ። ኢታ ኦልያዋንቱ ሱንሳይ ላኤንሉ ሙላካ ጸሰቶ።

21 ኡንቱንቱ አዋቱዋ ናጋራ ድራው፣ ናናቱዋ ዋዳናወ ገግሰተ፤ ሄዌ ጳዮጥ ኡንቱንቱ ደንዲደ፣ ጋድያ ላታና፤ ሳኦ ኡባካ ካታማ ሳላላ ኦላና። ያጋና።

ጸሳይ ባብሎን ቢታ ጳይሳና

22 ኡባጥ ዋልቃማ መድና ጎዳይ ሀዋዳን ያገ፤ “ታን ኡንቱንቱ ቦላን ደንዳና፤ ኡንቱንቱ ሱንላ፣ ኡንቱንቱ አቶተላ፣ ኡንቱንቱ ዘረላነ ኡንቱንቱ የለታ ባብሎንጥ ጳይሳና።

13:19 ደመላ 19:24 13:21 አሳ. 34:14፤ ሶፎ. 2:14፤ ሳፃ 18:2 14:12 ሳፃ 8:10፤ 9:1 14:13 ማቶሳ 11:23፤ ሉቃሳ 10:15

23 ታን ባብሎን ጉታታ ደኢያሳነ ሃላይ ኤልያሳ ኦሳና፤ ባሻ ጉዳን ታን ኦ ገታና። ታን ኡባጥ ዋልቃማ መድና ጎዳይ ሀዋ ኦዳይ” ያጌ።

ጸሐይ አሰረቱዋ ዳይሳና

24 ኡባጥ ዋልቃማ መድና ጎዳይ ሀዋዳን ያጊደ ጫቄዳ፤ “ታን ሀልቼዳዋዳን ሀናና፤ ታን ቆፔዳዋዳንካ ፖለታና።

25 ታን አሰረ ጋድያ ብታንያ ታ ጋድያን መንግሥታና፤ ታ ደረቱዋ ሁጲያን ታን ኦ የዳና፤ አ ሞርገ ሞላይ ኡንቱንቱ ቦላ፤ አ ቶኩካ ኡንቱንቱ ሀሽያ፤ ክቻና” ያጌዳ።

26 ሳኦ መላያው ቆፈቱዳ ቆፋይ ሀዋ፤ ካውተላቱዋ ኡባ ቦላን ሞጬቱዳ ኩሺካ ሀዋ።

27 ኡባጥ ዋልቃማ መድና ጎዳይ ሀዋ ቆፔዳ ድራው፤ አ ኦን ድጋናው ዳንዳዬ? አ ኩሺካ ሞጬቱዳ፤ ሄዋ ኦን ጉየ ዛራናው ዳንዳዬ?

ጸሐይ ፕልሰጾማቱዋ ዳይሳና

28 ካቲ አካዝ ሀይቄዳ ላይሰ ኦደቱዳ ቃላይ ሀዋዳን ያግያዋ፤

29 “ህንተኖ ፕልሰጾማ አሳቶ ኡባቱካ፤ ህንተና ሾጬዳ ጸምአይ መኤዳ ድራው ናሽቶፕተ፤ አያው ጎፕ፤ ሄ ሸሻ ዛርያ፤ ሀሱ ከሳና፤ አ ዘረፋይካ ቃይ ፓልያ ሸሻ ግዳናዋ።

30 ህይሳቱዋ ባይራ ናናይ ቁማ ማና፤ መቶታንቻቱ ዋፑ ጊደ ግሳና። ሸን ታን ነ ዛርያ ኮሻን ወርሳና፤ ቃይ ኔፕ አቱዳዋንታካ ዋዳ።

31 “ኔና ፕንግያው፤ ዬካ! ኔኖ ካታማው፤ ዋሳ! ህንተኖ ፕልሰጾማ አሳው ኡባው፤ ህንተ ኡባይካ ህርጋን ሙሽተ! አያው ጎፕ፤ ሁጲሳ ባጋፕ ጩዋይ ከሲደ ዬ፤ ሄ ጭታፕ ዱጲደ ጉየ አትያዌ ባዋ።

32 ካውተላይ ከቲዳዋንቶ ዋጊደ ዛራ? መድና ጎዳይ፤ ጽዮኖ ኬጾ፤ ቆሄቲዳ አ አሳይ አ ግደን ቆሰት አትያሳ ደሜዳ’ ያጋና” ያግያ ቃላይ ኦደቱዳ።

15

ጸሐይ ሞአባ ቢታ ዳይሳና

1 ሞአባ ቢታው ጸሐይ ኦዳዳ ቃላይ ሀዋ፤ ሞአባን ደኢያ ኤራ ግያ ካታማይ እት ቃማ ኮለቲደ ዳይዳ፤ ቃይ ሞአባን ደኢያ ቂራ ግያ ካታማይካ እት ቃማ ኮለቲደ ዳይዳ።

2 ድቦና ካታማ አሳይ ባረንቱ ኤቃ ጎልያን ዬካናው ጾቃ ሳኦ ከሴድኖ። ሞአባ ጋድያ አሳይ ናቦን መዳባ ግያ ካታማቶ ሄዋዳን ዬኬ። ሁጲ ኡባይ ቦአትክቼዳ፤ ቡቻ ኡባይካ ማደቱዳ።

3 ኦጊ ደኢያ ሳን ኡባን ኡንቱንቱ ማቃ ማዬድኖ፤ ጎልያ ቦላን ደምባይ ኬጾሳንን ዳባባ ቦላ ኡባን ኡንቱንቱ ዬኪኖን አፎላ ሆልሳዬኖ።

4 ሀሰቦና ካታማ አሳይን ኤልኦላ ካታማ አሳይ ዋሲኖ፤ ኡንቱንቱ ዋሱዋ ኮሻይካ ያሃጸ ግያሳ ጋካናው ሰሰቱ። ሄዋ ድራው፤ አላው ዳንጩዳ ሞአባ ዋታዳራቱ ባረንቱ ኮሻ ጾቂሲደ ዋሴድኖ፤ ኡንቱንቱ ሸምፑካ ኡንቱንቱ ጋርሳን ኮኮሬዳ።

5 ታን ሞአባው ዋዛና፤ ገዳና፤ አን ደኢያ አሳይ ጸኦርን ኤግላት-ሻሊሽያ ግያ ካታማቶ ባቃቲዳ። ኡንቱንቱ ሉሂታ ኦግያን ዬኪደ ቢኖ፤ ባጋቱ ቃይ ሆርናይማ ብያ ኦግያን፤ ባረንቱ ባሻ ድራው፤ ዋሱዋ ጹሊኖ።

6 ንምሪማ ሃላቱ ቶኤድኖ፤ ማታይ መሌዳ፤ አጫይካ ሹሌዳ፤ አርጸባይ ኡባይካ ዳይዳ።

7 ሄዋ ድራው፤ ኡንቱንቱ ባረንቱ ሸሹዳ አቁዋን ምንጃ ቶክ አኪደ፤ አሃያ ግያ ሞላይ ደኢያ ምምባ፤ ሄፍንላ አፊኖ።

8 ሞአባ ዩሹ ኡባይ ዋሶ ጸላላ ግዴዳ፤ ኡንቱንቱ ዋሱ ኤግላይማን ብኤር-ኤሊማ ጋካናው ሰሰቱ።

9 ድምና ካታማ ሃላቱ ሱላ ጸላላ ግዴድኖ፤ ታን ድምና ካታማ ቦላ ሄዋፕካ ዳርያዋ አሀና። ሞአባ፤ ከሰ አኪደ ይያዋንቱ ቦላን ሄ ጋድያን ፓጸ አቲደ ደኢያዋንቱ ቦላ ጋሙዋ የዳደ ወርሳና።

16

ሞአባው ህደታይ ባዋ

1 ሞአባ አሳይ ባዙዋ ብያ ኦግያን ደኢያ ሰላኦ ካታማ፤ ያላጋ ደርሳ ኦርገቱዋ የራሳላመን ደኢያ ቢታ ሞድያዎ የድተ።

2 ሞአባ ማጫ አሳይ ባረንቱ ደኢያ ጎልያ፤ ጋጸን ላለቲዳ ካፎቱዋዳን፤ አርኖና ሻፋ ፕንያ ሳን ላለታና።

3 ሞአባ አሳይ ይሁዳ አሳ ሀዋዳን ያጋና፤ “ኔና ዘርተ፤ ሱሪ ፕርድተ፤ ሴታ ጋላሳን ህንተ ኩዋ ቃማዳን ኩዋይተ። የደርሰትያዋንታ ቆሰተ፤ ባቃት ዬዳዋንታካ አሰ እሞፕተ።

4 ሞአባ፤ የደርሰቲዳዋንቱ ህንተ ግደን ደኢኖ፤ ኡንቱንታ ዳይሰያዋንቱ ኡንቱንቱ ቆሰት አትያሳ ግድተ። ኡንቱንታ ኡቁንያዋንቱ ወሬድኖ፤ ባሻይ አቲዳ፤ ኡንቱንቱ ቱጋይያዋንቱካ ጋድያ፤ ዳይድኖ።

5 ሄዋ፤ ጉይያን፤ እት ካተቱዋ አራታይ አገና ሲቁዋን ኤቃና፤ ሄ አራታን፤ ዳዊታ ዱንካንያን እት አማነትያ ዳናይ ኡታና። አ ሱሪተላ ኮያና፤ ጽሎተላ ኦላናውካ ኤሌላና” ያጋና።

6 ይሁዳ አሳይ ሀዋዳን ያጋና፤ “ሞአባ ጋድያ አሳይ አይ ኬና ኦቶሪትንቶ፤ ኦ ኡንቱንቱ ኦቶሪዋባ ሰሴደ፤ ኡንቱንቱ አዩዋን ኡንቱንቱ ሸቃካ ሰሴደ፤ ሸን ኡንቱንቱ ኦቶሪ ሀዳ” ያጋና።

7 ሄዋ ድራው፤ ሞአባ ዬኮ፤ አሳይ ኡባይካ ሞአባው ዬኮ፤ ቂርሃራሳ ካታማን ህንተ ደኢያ ዋደ ሜዳ ሎኦ ቁማ ሀሳዬደ ዬክተ።

8 ሀሰቦና ሸይቃቱን ሲብማ ዋይንያ ቶክያ ሳኦቲ ዳይድኖ፤ ኡንቱንቶ ታሺ ያእዜራ ጋኪደ፤ ባዙ ዛኤዳ ደረቲዳ ዋይንቱዋ ካውተላቱዋ ካፓቱ የደርሲደ ዳይሴድኖ፤ ኡንቱንቱ አጫይካ ዛኢደ፤ አባ ፕኔዳ።

9 ታን ያእዜራ ካታማው ዬክያዋዳን፤ ሲብማ ካታማ ዋይንቶካ ዬካይ። ሀሰቦና ኤልኦላ ካታማቶ፤ ታን ታ አፎላን ህንተና ሆልሳያይ።

14:24 ኢሳ. 10:5-34፤ ናሆማ 1:1—3:19፤ ሶፎ. 2:13-15 ኢር. 47:1-7፤ ሀዘ. 25:15-17፤ እዬ. 3:4-8፤ አሞጾ 1:6-8፤ ሶፎ. 2:4-7፤ ዛካ. 9:5-7 15:1 ኢሳ. 25:10-12፤ ኢር. 48:1-47፤ ሀዘ. 25:8-11፤ አሞጾ 2:1-3፤ ሶፎ. 2:8-11

እያው ጎጥ፡ ህንተ ምላ አይፍያነ ህንተ ቦቴዳ ካላ ቦላን ኦላ ዋሱ ደንዴዳ።

10 ካላ አይፍያን ኩሜዳ ሾይቃጥ ናሸቻይነ ሀሹ ጉሳይ አከቴዳ። ዋይንያ ቶክያ ሳንካ ማዝሙሪ የጸተና። ናሸቻን ዋይንያ ቴራ ጉምእያ ሳንን ጉምእያባይ ባዋ። ታን ጉምእያዋንቱ እልልያ እልልሳካ ጳይሳድ።

11 ሄዋ ድራው፡ ታ ዋዛናይ ሞኣባው፡ ታ ጋርሳ አሳተላይካ ቁርሄሪሳው ዲሳዳን ዋሴ።

12 ሞኣብ ባረ ጾቃ ሳኣ ቦጥነ፡ ጮ ባረና ዳቡርሴ፤ ቃይ እ ባረ ኤቃ ጎልያ ዋሳናው ቦጥካ፡ ሄዋ እ አይነ ማደና።

13 መድና ጎዳይ ካሰቲደ፡ ሞኣበዋ ኦዴዳ ቃላይ ሄዋ።

14 ሸን ሀእ መድና ጎዳይ ሀዋዳን ያጌ፤ “ኮንትራትያ አሳንቻ ላይላ ፓይዲዋዳን፡ ሞኣባ ቦንቹን እ ጮራተላይ ሄዙ ላይላቱዋ ግደን ወራራ፤ እን አትያ አሳቲካ አማራዳዋንታን ዋልቃይ ባይናዋንታ ግዳናዋንታ” ያጌ።

17

ጸሳይ ሶርያን እስራኤልያ ሙራና

1 ዳማሰቆ ካታማባ ጸሳይ ሀዋዳን ያጌ፤ “በእተ፡ ሀዋጥ ሰንላናው ዳማሰቆ ካታማ ግድያዌ አታና፤ እ ኮላላ ደርያ ግዳናዋ።

2 አሩራ ካታማቱ አሳይ ደኤና ሳኣ ግዳናዋንታ፤ ሄዋን መሀያ ወዲ አላጸና፤ ኡንቱንቱ ያሸሰያዌካ ደኤና።

3 ኤፍሪመጥ ጌሳቱ፡ ዳማሰቆጥካ ካወተላይ ጳያና፤ ሶርያ አሳጥ አቴዳዋንቱ እስራኤልያ አሳ ቦንቹዋ ማላ ግዳናዋንታ። ታን፡ ኡባጥ ዋልቃማ መድና ጎዳይ ሀዋ ኦዳይ” ያጌ።

4 ጸሳይ ሀዋዳን ያጌ፤ “ሄ ጋላሰ እስራኤልያ ቦንቹ ቃረታና፤ እ ሞጱካ ሾራና።

5 እስራኤሊ ጫክያዌ ኤቁዋን ደእያ ካላ ሺሽ አይቂደ፡ ማቃ ዛዋጥ ቃንጽ ቃንጽ ጫክያዋ ማላ ግዳናዋ፤ ዋይ ራፋይማ ዛንጋራን ካላ ጫኪደ፡ ፑሻሌዳ ሳ ማላ ግዳናዋ።

6 ዋጋራ ቃላ ሰምና፡ ጴራን ላኡ ዋይ ሄዙ ቃርመ አይፈቱ አትያዋዳን፡ ዋይ ዳሻ ግደን ኦይዱ ዋይ እቹሹ አይፈቱ አትያዋዳን፡ እስራኤልያጥ ቃርመቱ አታና” ያጌዳ። ሄዋ መድና ጎዳይ፡ እስራኤልያ ጸሳይ ሃሳዬዳ።

7 ሄ ጋላሰ አሳይ ባረና መዴዳዋኮ ጸላና፤ ባረንቱ አይፍያካ እስራኤልያ ጌሻኮ ዛራና።

8 ኡንቱንቱ ባረንቱ ኩሸያን ገግሴዳ ያርሸያ ሳኣ ጴልክና፤ አሼር ግያ ኤቃት ሞሰልያ ግድናካ፡ እጸና ጩዋይያ ሳኣ ግድናካ፡ ኡንቱንቱ ባረንቱ ብራድያን መዴዳዋን አማነትያዋ አጋና።

9 ሄ ጋላሰ እስራኤልያ አሳ ጋሱዋን ሄዌቱዋን አዋረቱዋ ካታማቱ ላለቱዳዋዳን፡ ኡንቱንቱ ሞና ካታማቱ ላለታና፤ ሄ ካታማቱ መላ ግዳናዋንታ።

10 አያው ጎጥ፡ ህንተ ህንተና አሸያ፡ ጸሳ ደጌድታ፤ ህንተ ባቃት አትያ ዋጋ ዛላካ ሀሳይባይክታ። ሄዋ ድራው፡ ኔን ሎኦ ሞላቱዋ ቶኮጥካ፡ ካረ ጋድያጥ ዬዳ ሎኦ አታክልትያ ቶኮጥካ፡

11 ነ ቶኬዳ ጋላሰ ኡንቱንቱ ድጩንቶካ፡ ቃይ ነ ዘራዳ ዋንታ ኔ ኡንቱንታ ጨሽሰንቶካ፡ ነ ካዩዋን ነ ፓጸናው ዳንዳየና ሳኩዋ ጋላሰ ሄ ጫኩ ጋኬዳ ካላይ ባቃት ጳያና።

ሞርከ ካወተላቱ ጸንቲድኖ

12 በእ፡ ዳር አሳይ ጉሜ፤ ኡንቱንቱ አባ ቤታዳን ጉሚና። ቃይ ካወተላቱ ዋሲኖ፤ ኡንቱንቱ ዋልቃማ ሃላዳን ዋሲኖ። ኡንቱንቶ እየ አና።

13 ካወተላቱ ዳር ሃላቱዋ ጉንላዳን ጉሚና፤ ሸን ጸሳይ ኡንቱንታ ሴራና፤ ኡንቱንቱ ደርያ ሁጲያን ደእያ ሱላይ ጫርኩዋን ደንድያዋዳንን ጎቲ ደንሰያ ባናዳን፡ የደርሰቲደ፡ ሃኮ ሳ ባቃታና።

14 ሳኣይ ቃምያ ዋደ፡ ኡንቱንቱ ሻቢረታና፤ ሳኣይ ዋንታናጥ ካሰቲደ፡ ኡንቱንቱ ጳያና፤ ኦዋ ዋልቃን እክያዋንቱ ካጫይነ ኦና ቦንቁያዋንቱ ሳማይ ሀዋ።

18

ጸሳይ ቶጵያ አሳባ ኦዴዳ ቃላ

1 ቶጵያ ሻፋቱዋጥ ሄፍንላ ባጋና ደእያ ቀፈቱ ገረትያ ቢታወ እየ አና!

2 ሄ ጋዲ ኪተትያ አሳቱዋ ናይሊ ሻፋ ቦላና ኪቲ፤ ቃይ ሾምቦቁዋ ዋልዋሉዋን ዋሊደ፡ ሃላቱዋ ቦላናካ ኪቲ። ህንተኖ፡ ድርቢያ ኪተትያዋንቶ፡ እት አዲሳነ ሊቆ አሳኮ ቢተ፤ ማታይ ሃኩ ያይያ አሳኮ፡ ዋልቃማን ጸንያ ካወተላ ግድያ፡ ሻፋይ ኡንቱንቱ ጋድያ ግዲዋን ሻኪደ ጎግያ ጋድያ አሳኮ ቢተ።

3 ህንተኖ፡ ሳኣን ደእያ ኡባ ገደ፡ ህንተኖ፡ ጋድያን ደእያዋንቶ፡ ደረቱዋ ቦላን ማላታይ ኤቂያ ዋደ፡ ህንተ በእና፤ ቃይ ማላካታይካ ፑነትያ ዋደ፡ ህንተ ሰሳና።

4 አያው ጎጥ፡ መድና ጎዳይ ታወ ሀዋዳን ያጌዳ፤ “ሳኣይ ሴታ ጋላሳ ግድያ ዋደ ከሰያ ዋልቃማ ሞሹዋዳን፡ ቃይ ካላ ጫክያ አግናን ሀዋቢያ ቃማን ሸቅያ ከተርሳዳን፡ ታን ጮኡ ገደ፡ ታ ደእያ ሳኣጥ ዴገ ጴላና” ያጌዳ።

5 ካላ ጫክያ ዋድያጥ ካሰ፡ ጨሻይ ኮለት ሰምና፡ ዋይንያ አይፊ ቱርያ ዋደ፡ እ ጸንቁያ ባጫን እ ጴራ ጸንቁክቻና፤ ዳሸያ ማራ ዳሻካ እ ድጋና።

6 ኡንቱንቱ ኡባይካ ደርያ ሁጲያን ደእያ፡ ሞያዋ ዋችያ ካፎቶነ ሳኣ ደኣቶ አታና፤ ሞያዋ ዋችያ ካፎቱ ባልጉዋ፡ ሳኣ ደኣቱ ቦንያ ኡንቱንታ ሚደ ሻጫና።

7 ሄ ዋደ አዲሳነ ሊቆ አሳጥ፡ ማታይ ሃኩ ያይያ አሳጥ፡ ዋልቃማን ጸንያ ካወተላጥ፡ ቃይ ሻፋይ ኡንቱንቱ ጋድያ ግዲዋን ሻኪደ ጎግያ ጋድያ አሳጥ፡ ኡባጥ ዋልቃማ መድና ጎዳው እዋታይ ጸዮነ ደርያ፡ መድና ጎዳ ሱንላይ ደእያ ሳኣ ያና።

19

ጸሳይ ግብጸ ሙራና

1 ግብጸ ቢታ ጸሳይ ሀዋዳን ያጌ፤ “በእተ፡ መድና ጎዳይ ድርቢያ ሻርያ ቶጊደ፡ ግብጸ ዬ።

17:1 ኤር. 49:23-27፤ አዋጸ 1:3-5፤ ዛካ. 9:1 18:1 ሶፎ. 2:12 19:1 ኤር. 46:2-26፤ ሀዘ. 29:1—32:32

ግብጾ ኤቃቱ አ ሰንፋን ኮኮራና፤ ግብጾ አሳ ዋዛናይካ ኤንቱንቱ ግደን ሲላና” ያጌ።

2 ኡባጥ ዋልቃማ ጸሳይ ሀዋዳን ያጌ፤ “ታን ግብጾ ጋድያ አሳ ግብጾ አሳ ቦላ ደንፋና፤ ኤንቱንቱ ባረንቱ ግደን እሻይ እሻና፤ ሾሩ ሾሩዋና፤ ካታማይ ካታማና፤ ካዉተላይ ካዉተላና ኦለታና።

3 ግብጾ አሳ አያናይ ጋገታና፤ ታን ኤንቱንቱ ሀልቼዋ ሀዳ አላና። ኤንቱንቱ ኤቃቱዋን ሞይትልያ ሃሳይሰያ አሳቱዋ፤ ካይያዋንታን ሻራቸቱዋ ዞረታ ኦቻና።

4 ቃይ ታን ግብጾ ጋድያ አሳ እት መቀላ ባይና ጎዳ ኩሽያን አላደ አማና፤ እት መቀላ ባይና ካቲ ኤንቱንታ ሞዳና” ያጌ ኡባጥ ዋልቃማ መቅና ጎዳይ።

5 ናይላ ሻፋ ሃላይ መላና፤ ሻፋይካ ሌላን ሌላን መላ አጋና።

6 ዜር ሃላቱ ጸንቃና፤ ግብጾ ፑልቶቱ ጉጸናን ቶአና። ሾምቦቶቱን ጨረቱ ሹላና፤

7 ናይላ ሻፋ ማታን ደእያ ሳአቱ፤ አባ ማታቱ ኡባይ ኮለት መላ ግዳና። ናይላ ሻፋ ማታን ዘራዳባይ ኡባይ መላና፤ ላለታናን ጳያና።

8 ሞልያ ኦይቂያዋንቱ ካዮታና። ናይላ ሻፋን ግትያ የግያ ኡባቱ ዬካና፤ ሃላን ግትያ የግያዋንቱካ ደጫና።

9 ፓተቱዳ ታልባጥ ሊኦዋ ኦልያዋንቱ፤ ቃይ ቦላ ፑቱዋ ማዩዋ ዳድያ ሸማይነቱካ ዬላታና።

10 ሸማይነቱን ከራ ኦልያ ኡባቱካ ካዮታና።

11 ጸአን ካታማ ሞድያዋንቱ ሙለካ ኤያ፤ አጴዳ ኤራንቻ ግያ ግብጾ ካትያ ዘርያዋንቱ ዘሪካ ዳማ። ያትና፤ ህንተ ግብጾ ካትያዉ፤ “ኩን አጴዳ ኤራንቻቱዋ ናናቱዋ፤ ኩን በን ካተቱ ናናቱዋ” ጋናዉ ዋኒደ ዳንዳዬቱ?

12 ነ አጴዳ ኤራንቻ አሳቱ ያትና ሀእ ሀቃን ደአና? ኡባጥ ዋልቃማ መቅና ጎዳይ ግብጾ ቦላ አላናዉ ሀልቼዳዋ አን ኤንቱንቱ ነዉ ኦድናን ኔና ኤርሰና።

13 ጸአን ካታማ ሞድያዋንቱካ ኤዬድና፤ መምጥሳ ካታማ ሞድያዋንቱካ ጭመቱድና። ግብጾ አሳ ዘርያ ግደጥ አሳ ካለልያዋንታ ገደ ዋጴዳዋንቱ ግብጾ ባለሌድና።

14 መቅና ጎዳይ ኤንቱንቱ ግደን ጌላ አያና ዋላኬዳ፤ ያትና፤ ኤንቱንቱ ማላቲደ አሳይ ባረ ጮሻን ጋንድጋርያዋዳን፤ ግብጾ ባረ ኦሶ ኡባን ጋንድጋራናዳን ኦጴድና።

15 ግብጾዉ አ ሁጲ ዋይ አ ጎይናይ፤ አ ዛምባ ታሺ። ዋይ አ ሾምቦቁ ኦላናባይ አያይን ባዋ።

ግብጾቱ ጸሳዉ ጎይንያ ጋላሳይ ያና

16 ሄ ጋላሰ ግብጾ ጋድያ አሳይ ማጫ አሳ ማላ ግዳናዋ። ቃይ ኡባጥ ዋልቃማ መቅና ጎዳይ ኤንቱንቱ ቦላን ዉጸክያ አ ኩሽያ በአደ፤ ኤንቱንቱ ያሻን ኮኮራና።

17 ይሁዳ ጋዲ ግብጾ ጋድያ አሳ ያሸያዋ ግዳናዋ፤ ኡባጥ ዋልቃማ መቅና ጎዳይ ኤንቱንቱ ቦላን አላናዉ ቆፔዳ ቆፋ ድራዉ፤ ይሁዳባ ሰሰያ ኡባይ ያያና።

18 ሄ ጋላሰ ግብጾ ጋድያን ደእያ እቸሹ ካታማቱ ካናን ቃላን ሃሳይያዋንታን ኡባጥ

ዋልቃማ መቅና ጎዳዉ አማንታናዉ ጫቂያዋንታ ግዳና። ሄ ካታማቱዋጥ እቱ፤ “አዋ ካታማ” ጌተቲደ ጴሰታና።

19 ሄ ጋላሰ ግብጾ ቢታዉ ግዲዋን፤ መቅና ጎዳዉ ያርሽያሳይ ገጋና፤ ቃይ ግብጾ ጋድያ ዛዋንካ መቅና ጎዳዉ ቱሳይ ኤቃና።

20 ሄዌ ኡባጥ ዋልቃማ መቅና ጎዳዉ ግብጾ ጋድያን ማላታን ማርካ ግዳናዋ፤ ኤንቱንቱ ባረና ኡቁንያዋንቱጥ ደንዴዳዋን መቅና ጎዳኮ ዋሰያ ዋደ፤ እ ኤንቱንቶ አሸያዋ ኪታና፤ ኤንቱንታ አሻና።

21 ሄ ዋደ ጸሳይ ግብጾ ጋድያን ኤረቲዳዋ ግዳናዋ፤ ግብጾ አሳይካ ሄ ጋላሰ ጸሳ ኤራናን ያርሹዋን ካላ ያርሹዋ አክ ዪደ፤ አዉ ጎይናና። ኤንቱንቱ ጸሳዉ ሸቃናን ባረንቱ ሸቆዋካ ጋላና።

22 መቅና ጎዳይ ግብጾ ሾጫና፤ ሾጫናን ፓላና። ኤንቱንቱካ መቅና ጎዳኮ ሰማና፤ እካ ኤንቱንቱ ዋትዋቱዋ ሰሲደ፤ ኤንቱንቱ ፓላና።

23 ሄ ጋላሰ ግብጾጥ አሶረ ጋካናዉ አኮ ኦገ ከሳና፤ አሶረ አሳይ ግብጾ፤ ግብጾ አሳይካ አሶረ ሰመረታና፤ ቃይ ግብጾ አሳይ አሶረ አሳና እትጥ ጎይናና።

24 ሄ ጋላሰ እሰራኤሊ ግብጾናን አሶረና ሄዘንሎ ቢታ ግዲደ፤ ሳኣ ግደን አንጆ ግዳናዋ።

25 ኡባጥ ዋልቃማ መቅና ጎዳይ ኤንቱንታ ሀዋዳን ያገደ አንጅና፤ “ታ አሳዉ ግብጾ፤ ታ ኩሺ መጴዳ አሶረን ታን ዶራዳ እሰራኤልያዉ አንጀቲዳዋንታ ግድተ” ያጋና።

20

ግብጾ ቦላን ቶጵያ ቦላ አደቲዳ ትምቢትያ

1 አሶረ ጋድያ ካቲ ሳርጎን ኪቲዳ አላ ጋዳዋይ ዪደ፤ አሸዶዳ ግያ ፕልሰጾማ ካታማ ኦሊደ ኦይቂዳ ሳይላ።

2 ሄ ዋደ መቅና ጎዳይ አሞጸ ናኣ ኢሰያሳ ሀዋዳን ያጌዳ፤ “ባ፤ ነ ቦላጥ ማቃ ቃራ፤ ነ ገደያጥካ ነ ጫማ ከሳ” ያጌዳ፤ እሰያሰ ጸሳይ ጌዳዋዳን ሀኒደ፤ ካሎ ጲራን መላ ገድያን ሀመቲዳ።

3 መቅና ጎዳይ ሀዋዳን ያጌዳ፤ “ታ ቆማይ እሰያሰ ግብጾን ቶጵያ ቦላን ጋክያባዉ ማላታ ግዳና ማላ፤ ሄዙ ላይላ ካሎ ጲራን መላ ገድያን ሀመቲዳ።

4 ሄዋዳን አሶረ ካቲ፤ ግብጾጥ ኦሞደቲዳዋንታን ቶጵያጥ በቲደ ከሴዳዋንታ ካሎ ጲራን መላ ገድያና፤ ዱሊካ ካሎ ደእሸን ላግ፤ ግብጾ ዬላዉ አፋና።

5 ቶጵያን አማንትያዋንቱን ግብጾን ጨቀትያዋንቱ ያዪደ ዬላታና።

6 አባ ማታን ደእያ አሳይ ሄ ጋላሰ ሀዋዳን ያጋና፤ ‘በእተ፤ ኩን አሶረ ካትያጥ አታናዉ ማዲኖ ገደ ኑ ሀደታ ዋጴዳን ኤንቱንቱኮ ባቃቲዳ አሳ ቦላ ሀዌ ጋኬዳ፤ ያትና፤ ኩን ዋን አታናዉ ዳንዳዬቶ?’ ያጋና” ያጌዳ።

21

ባብሎን ኩንደላ በሰያ ሳን

1 አባ ማታን ደእያ ባዞ ኦደቲዳ ጸሳ ቃላይ ሀዋ።

ገድሳ ባጋጥ ጎትያ ጫርኩ ሱራጊደ ይያዋዳን፤ ባሻይ መላ ቢታጥ፡ ያሽያ ጋድያጥ ይ።

2 እት ያሽያ ሳጸይ ታዉ ቆንጨዳ። አላ እምያዌ አላ እሜ፤ አምድያዌ አምዳ፤ ኤላማ ቢታዉ፡ ዋራጂ! ሜደና ቢታዉ፡ ካታማ ደዳ! ባብሎን ጋሱዋን ጋኬዳ ኦልያ ታን ግድሳና።

3 ሄዋ ድራዉ፡ ታ ጸሳይ ሳኮ ጸላላ ግዴዳ፤ ማጫ አሳ የሉ ኦይቂያዋዳን፤ ታና ኡንኡ ኦይቂዳ፤ ታን ሰሰያዋጥ ደንዴዳዋን ሆካድ፤ ታን በኤዳዋጥ ደንዴዳዋን ዳጋማድ።

4 ታና ዪጮዬ፤ ታና ያሻይ ኮኮርሴ፤ ታን አምቴዳ ኦማርሳይ ታዉ ኮኮርሳዉ ላመቴዳ።

5 ታን በኤዳ ሳጸን ኡንቲንቲ ግብራ ገግሴድና፤ ምንጸፍናካ ሂዴድና፤ ያቲደ ሚና ኡሺና። ያትሸን፡ “ህንተኖ ካፓቶ፡ ደንድተ! ህንተ ጎንዳለቱዋ ቁጭተ!” ያግያ አዛዙ ዬዳ።

6 ጎዳይ ታና ሀዋዳን ያጌዳ፤ “ባ፤ ጸዋሰያ አሳ ዋላ፤ እ ባረ በእያዋ ኦድ።

7 ጋማማ መሀያ ቶግያዋንታ፡ ላኡዋ ላኡዋ ግዲደ ብያ ፓራ አሳቱዋ፡ ሀረቱዋ ቶግያዋንታን ጋሎቱዋ ቶግያዋንታ በእያ ዋድ፡ ሎይሊደ ዴሎ፤ ድሽ ዴሎ” ያጌዳ።

8 ሄዋጥ ጉይያን፡ ዋቹዳዌ ሀዋዳን ያግ ዋሴዳ፤ “ጎዳዉ፡ ታን ዋቹያሳን ጋላሰ ጋላሰ ፓጭ ባይናን ኤቃድ፤ ታ ሳንታርያንካ ቃማ ሙልያ ቶለታድ።

9 በእተ፡ ጋማማ መሀያ ቶግያ ፓራ አሳቱ ላኦ ላኦ ግዲደ ዪና” ያጌዳ። እ ቃይካ ሀዋዳን ያጌዳ፤ “ባብሎን ኩንዴዳ፤ አ ጸሳቱዋ ምሰለቱካ ኩንዴድና፡ ኡንቲንቲ ኡባይካ ሳኦን ዲገ ኩንዲደ ጋጨቲድና” ያጌደ ዋሴዳ።

10 ህንተኖ፡ ታ ኡዳማን ቆጸቲዳ ታ አሳቶ፡ ኡባጥ ዋልቃማ መድና ጎዳጥ፡ እሰራኤልያ ጸሳጥ ሰሴዳዋ ታን ህንተንቶ ኤርሳይ።

ኤደማባዉ አደቲዳዋ

11 ኤደማ ቢታ ጸሳይ ሀዋዳን ያጌዳ፤ “እት ብታኒ ኤደማ ባጋና ታና ዴሴደ፡ ላ ዋቹያዋ፡ ሳኦይ ዋንታናዉ አፑኑ አቲዴ? ላ ዋቹያዋ፡ ሳኦይ ዋንታናዉ አፑኑ አቲዴ?” ያጌ።

12 ዋቹያዌ ዛሪደ፡ ሳኦይ ዋንታና ሀኔ፤ ቃይ ቃማና፤ ህንተ ኦቻናዉ ኮዮጥ፡ ሰም ዪደ ኦቻተ” ያጌ” ያጌዳ።

አራባ ቢታባዉ አደቲዳዋ

13 አራባ ግያ ቢታ ጎዳይ ሀዋዳን ያጌ፤ “ህንተኖ ዳደና ዛልእንቻቶ፡ ህንተ ህንተ ጫንያ ጋሎቱዋናካ አራባ ጋድያ ባዙዋን አቃና።

14 ህንተኖ፡ ቲማ ግያ ጋድያን ደእያ አሳቶ፡ ሳመቲዳዋንቶ ሃላ አህተ፤ በተቶ ምያዋ እምተ።

15 አያዉ ሳጥ፡ ኡንቲንቲ ማሻጥ፡ ሸኩዋጥ ሸዴዳ ማሻጥ፡ ዳፌዳ ዋንዳፍያጥን ምኖ ኦላጥ ባቃቲደ ዬድና” ያጌ።

16 ሄዋጥ ጉይያን፡ ጎዳይ ታና ሀዋዳን ያጌዳ፤ “ኮንትራትያ ኦሳንቻ ዋድያዳን፡ መጽ እት ላይላ ግድን ቄዳረ ቦንቹ ኡባይ ዉራና።

17 ቄዳረ ጋድያን ደእያ ዋንዳፍያን ዲክያ ዋልቃማ ኦላንቻቱዋጥ ጉላቱ አታና፤ ሄዋ መድና ጎዳይ እሰራኤልያ ጸሳይ ኦዴዳ” ያጌዳ።

22

የሩሳላመባይ አደቲዳ

1 ሳፃ ዋምባ ግያ ሳኦባዉ ጸሳይ ኦዴዳ ቃላ። ህንተ ኡባይ ጎልያ ቦላን ደምባዪደ ኦሌዳ ሳኦ ከሴዳዌ አያሴ?

2 ኔኖ ዋሱ፡ ድርባይነ ጫቡ ኩሜዳ ካታማዉ፡ ነ ግድን ሀይቄዳ አሳቱ ማሻን ሀይቄበይክኖ፤ ዋይ ኦላንካ ሀይቄበይክኖ።

3 ህንተ ካፓቱ ኡባይ እትጥ ባቃቲድና፤ ኡንቲንቲ ዋንዳፌ ባይናን ጮ አምደቲድና፤ ኡንቲንቲ ሃኮ ሳ ባቃቶጥነ ቤቴዳ ኡባቲ ኦይቄቲድና።

4 ሄዋ ድራዉ፡ ታን ሀዋዳን ያጋድ፤ “ታና ዴሎጥተ፤ አነ ታን አፎጸደ ምሾ ዬኩዋ ዬካይ፤ ጳዬዳ ታ አሳዉ ዬክያ ታና ምንግሳና ጊደ ደቡርጥተ” ያጋድ።

5 ጎዳይ፡ ኡባጥ ዋልቃማ መድና ጎዳይ ሀ ጋላሳ ሳፃ ዛንጋራን ዳጋማ፡ የደርሳነ ሻቢርሳ ጋላሳ ኦሌዳ፤ ቃይ ግምቡቲካ ኮለትያ ጋላሳን ደረቱዋኮካ ዋሰያ ጋላሳ።

6 ኤላመ ባረ ፓራ ጋረቱዋናን ፓራ አሳቱዋና ባረ ዋንዳፍያ ኦይቂደ ዬዳ፤ ቄራ ጋድያ ዋታዳራቲ ቃይ ባረንቲ ጎንዳለቱዋ ገግሴድና።

7 ሎይላ ሎእያ ህንተ ዛንጋራቲ ፓራ ጋረቱዋን ኩሜድና፤ ፓራ አሳቲ የሩሳላመ ካታማ ጥንግያ ሰንላን ኤቄድና።

8 እ ይሁዳ ጌሶቲዋ ቃሬዳ። ሄ ጋላሰ ህንተ ዋራ ጎልያን ደእያ ካትያ ኦላ ሚሻቲዋ ዴሌድታ።

9 ቃይ ህንተ ዳዊታ ካታማ ግድን ኮለቲዳሳይ ዳሬዳዋ በኤድታ፤ ዝቃ ሳኦ ሸቄዳ ሃላ ዳጋይ ደኢታ።

10 ያቲደ ህንተ የሩሳላመን ደእያ ጎለቱዋ ፓይዴድታ፤ ግምቢያ ምንላናዉ ጎለቱዋ ኮሌድታ።

11 ካሰ ኤጫ ዳልባንላን ደእያ ሃላ ዛሪደ፡ አ ምንጅያሳ ላኡ ግምቡቲዋጥ ግዲዋን ገግሴድታ። ሸን ህንተ ሄዋ መዴዳዌ ጸሳ ግድያዋ አኬክበይክታ፤ ዋይ ዳር ዋድያጥ ካሰ ሄዋ ሀልቹዳዋ ያይንበይክታ።

12 ሄ ጋላሰ ጎዳይ፡ ኡባጥ ዋልቃማ መድና ጎዳይ ህንተና ዬካናዉን ዝላላናዉ፡ ህንተ ሁጲያ ሜደታናዉን ዋሩዋ ማያናዉ ህንተና ዴሴዳ።

13 ሸን በእተ፡ ህንተ ናሽቲታን ፖጩ ጊታ፤ ቦራን ደርሳ ሹኪታ፤ አሹዋ ሚታ፤ ዋይንያ ኤሳካ ኡሺታ፤ “ኡን ዋንት ሀይቄያ ድራዉ፡ አነ ሜቶን ኡሹቶ” ያጊታ።

14 ኡባጥ ዋልቃማ መድና ጎዳይ ሀዋ ታዉ ኦዴዳ፤ እ፡ “ህንተ ሀይቃና ጋካናዉካ ሀ ናጋራይ ህንተንቶ አቶ ጌተተና። ታን ጎዳይ፡ ኡባጥ ዋልቃማ መድና ጎዳይ ሀዋ ኦዳይ” ያጌዳ።

ሹብና፡ “ኔና ኤራ!” ጌዳዋ

15 ጎዳይ፡ ኡባፕ ዋልቃማ መድና ጎዳይ ሀዋዳን ያጌዳ፤ “ባ፤ ካትያ ጎልያን ሱንግቴዳ ካፑዋ ሹብናኮ ባደ ሀዋዳን ያጋ፤

16 ሀዋን ኔን እያ ኦላይ? ቃይ ኔን ሀዋን ነዉ ዱፋዋ ቦካናዉ፡ ነዉ ሀዋን ኦኔ ደእያዋ? ኔኖ ቶቃ ሳኣን ነዉ ዱፋዋ ማሰያዎ፡ ቃይ ሹቻ ጎምፓጎ ነዉ ደእያ ሳኣ ዋጭያዎ፡

17 ነኖ ምኖ ብታንያዉ፡ ኔና መድና ጎዳይ ዋልቃን ዋራ ዛሪደ ኦላና። ኔና እ ጸርጾሐ ኦይቂደ፡

18 የሽ የሽ እሊደ ኩዋዳን፡ እት እኮ ጋድያን ኦል አጋና፡ ኔኖ ነ ጎዳ ጎልያዉ ዬላ ግዴዳ ብታንያዉ፡ ኔን ያን ሀይቃና፤ ነ ቦንቾ ፓራ ጋርቲካ ያን አታና፡

19 ታን ኔና ነ ኦሱዋፕ ከሳና፤ ነ ዳናተላፕካ ኔና ሻራና፤ ያጋ፡

20 “ሄ ጋላሰ ታን ሀልቂያ ናኣ ታ ቆማ ኤልያቂማ ጸሳና፡

21 ነ ማዩዋ እ ማይዛና፤ ነ ዳንጭያዋንካ እ ዳንጭሳና፤ ነ ሱንላተላካ እዉ አላደ እማና። እ የሩሳላመን ደእያ አሳዉነ ይሁዳ አሳዉ አዉዋ ግዳናዎ፡

22 ታን ዳዊታ ጎልያ ቁልፕያ እ ሀሽያን ዋላና፤ እ ደያና፤ ኦንነ ጎርደና፤ ቃይ እ ጎርደና፤ ኦንነ ደየና፡

23 ታን እ አማንሐያ ሳኣን ሸካልያዳን ቶጋና፤ እ ባረ አዉዋ ጎልያዉ ቦንቾ ካተቱዋ አራታ ግዳናዎ፡

24 ዋንጫፕ ቢደ፡ ቶቃባ ጋካናዉ ኮጫን ካቂዳዋዳን፡ ኡንቲንቲ እ አዉዋ ጎልያ ቦንቾዋ ኡባ፡ ናናቱዋ፡ ናኣ ናናቱዋካ፡ እ ቦላ ዋላና” ያጌዳ፡

25 ኡባፕ ዋልቃማ መድና ጎዳይ ሀዋዳን ያጌ፤ “ሄ ጋላሰ አማንታያ ሳኣን ቶጌዳ ሸካሊ ክቻና፤ ቃንጸታናን ኩንዳና፡ እ ቦላን ካቂዳ ቶኩዋ ኡባይ ዱጽ ዋቆና” ያጌ። ሀዋ መድና ጎዳይ ኦዴዳ፡

23

ጸርሳባይ ትምቢትያን ኦደቲዳዎ

1 ጸርሳ ካታማዉ ኦደቲዳ ጸሳ ቃላይ ሀዋ። ሀንተኖ ታርሴሳ ማርካብያ ላግያዋንቶ ዩክተ! እያዉ ጎፕ፡ ጸርሳ ካታማይ ጎሊ ዋይ ሸምፕያሳይ ባይና መላ ከሴዳ፤ ሄ ኦዱ ኡንቲንቶ ቆጶሪሳ ጋድያፕ ዬዳ፡

2 ሀንተኖ፡ አባ ማታን ደእያ አሳቶ፡ ሀንተኖ ሲደና ካታማ ዛልእንቻቶ፡ ጮኡ ገተ! ሀንተ ኪትያ አሳቱ አባ ፕኔድና፡

3 ሀንተዉ ይያ ካላይ ናይላ ሻፋፕ ጫከቲዳ ሸሆራ ጋድያ ካላ። ሀንተ ካዉተላቱ ዛልእያ ዛልእያ ሳ ግዳና፡

4 ኔኖ ሲደና ካታማዉ፡ አባ ጌሶ፡ አባይ፡ “ታን ናኣ የላቢይከ፤ ታን አቱማ ናኣካ ማጫ ናኣካ ድቻቢይከ” ያጌደ ሃሳዬዳ ድራዉ ዬላታ፡

5 ኦዱ ግብጼ ጋድያ ጋክያ ዋደ፡ ኡንቲንቲ ጸርሳባ ሰሲደ ሴላታና፡

6 ሀንተኖ አባ ማታን ደእያ አሳቶ፡ ዝላልተ፤ ሄፍንላ ታርሴሳ ቢታ ፕንተ፡

7 በን ዋደ ኬጾቲዳ፡ ካረ ጋድያ ኦይቂደ ሞዳናዉ እ ገዲ እ ሃሰ እፌዳ፤ ሀንተ እን ናሸትያ ጸርሳ ካታማይ ሀዋዳን ሀኔዳ?

8 ካላቻ ዋልሰያ ካታማ እ ዛልእንቻቱ ጋድያ ሞድያዋንታ ግዴዳን እ ግድን ዛልእያዋንቲን ላምያዋንቲ ጋድያ ቦላን ቦንቾቲዳዋንታ ግዴዳ ጸርሳ ካታማ ቦላ ሀዋ ሀልቻዳዌ ኦኔ?

9 ኦቶረትያዋንቲ ቦንቾዋ ኡባ ጉላናዉ፡ ቃይ ጋድያ ቦላን ቦንቾቲዳዋንታ ኡባ ካዉሻናዉ፡ ኡባፕ ዋልቃማ መድና ጎዳይ ሀዋ ሀልቻዳ፡

10 ሀንተኖ፡ ታርሴሳ ጋድያ አሳቶ፡ ሀንተና ተእያባይ ባይና ድራዉ፡ ናይላ ሻፋዳን፡ ሀንተ ጋድያ ቦላን ኩሚደ ጎግተ፡

11 መድና ጎዳይ አባ ቦላን ባረ ኩሽያ ምጮዳ፤ እ ካዉተላካ ቃሌዳ፤ ካናን ጋድያ ጌሶቲዋ ላላና ማላ፡ ጸሳይ አዛዙዋ እማዳ፡

12 ቃይ እ ሀዋዳን ያጌዳ፤ “ሀንተኖ፡ ኡንኤቲደ ሲደና አሳቶ፡ ሀንተ ናሸቻ ፖጩ ግያ ዋዲ ዉራዳ፡ ደንድተ፤ ሄፍንላ ቆጶሪሳ ፕንተ፡ ሀራይ እቶ ያንካ ሀንተንቶ ሸምፕ ቤተና” ያጌዳ፡

13 ባብሎን ጋድያ በእተ፤ ሄ ጋድያ አሳይ ሀእ ፓርባ ግዴዳ፡ አሶረ ጋድያ አሳቱ ሄ ጋድያን ደአይ ሲራናዳን ኦሌድና፡ ኡንቲንቲ ሄዋን ደእያ ዋጋ ጎለቱዋ ኮሊደ፡ ባረንቲ ጌሶቲዋ ግምቤድና፤ ቢታካ መላ ኦሌድና፡

14 ሀንተኖ፡ ታርሴሳ ጋድያ ማርካብያ አሳቶ፡ ሀንተ ጌሶ ላለቲዳ ድራዉ፡ ዝላልተ፡

15 ጸርሳ ካታማይ ላፑን ታሙ ላይላ ደገቲደ ደኣና ዋዲ ያና፤ ሄዌን፡ እት ካትያ ላይላ ኬሻ ግያዎ፡ ላፑን ታሙ ላይላይ ዉርያ ዋደ፡ ሻርሙጸ ምሽራትዉ የጸትያ የላ ማላይ፡ ጸርሳ ካታማዉ የጸታና፡ ኡንቲንቲ፡

16 “ሀን፡ ደገቲዳ ሻርሙጸተ፡ ነ ዲላ እካ፤ ካታማን ዩያ፡ ኔና አሳይ ሀሳና ማላ፡ ማልኦ ቃላን ዳር የላ የጸ” ያጋና፡

17 ላፑን ታሙ ላይላይ ፖለትያ ዋደ፡ መድና ጎዳይ ጸርሳ ጸሞሳና፡ ሸን ሄዋፕ ጉይያን፡ እ በን ባረ ሻርሙጸ ኦሶ ሰማና፤ ሳኣን ደእያ ካዉተላቱዋ ኡባና ሻርሙጸና፡

18 ግደፕን፡ እዚ ዛልእን እ ድርጉ መድና ጎዳዉ ዲማቲዳዋ ግዳና፤ እዚ ዛልእ ዳር ቁማን ሎኦ ማዩዋ ሻማናዉ፡ መድና ጎዳዉ ኦልያ አሳቶ እመታናፕ አትና፡ ሚሻ ጎልያንን ምንጃ ጎልያን ኡተና፡

ዋየትያ እሰራኤልያ አሳቶ ሀደታ ኪታ

24

(24:1—27:13)

መድና ጎዳይ ሳኣ ሙራና

1 በእተ፡ መድና ጎዳይ ጋድያ ኮሊደ መላ ከሳና፤ እ ጋድያ ባይዚደ፡ እን ደእያ አሳካ ላላና፡

2 ሀራ አሳ ቦላን ሀንያዋዳን ቁሳቱ ዋ ቦላንካ፡ ቆማ ቦላን ሀንያዋዳን ጎዳ ቦላንካ፡ ቆማት ቦላን ሀንያዋዳን ጎዳት ቦላንካ፡ ሻምያዋ ቦላን

22:22 ሳን 3:7 23:1 ሀዘ. 26:1—28:19፤ እዪ. 3:4-8፤ አሞጻ 1:9-10፤ ዛካ. 9:1-4፤ ማቶሳ 11:21-22፤ ሉቃሳ 10:13-14

ሀንዳዎችን ዛሬ እያወጣ ለሀንዳ፡ ታላላፍ እምነት ለሀን ሀንዳዎችን ታላላፍ እክያወጣ ለሀንዳ፡ አጩዋ እኙዎች ለሀን ሀንዳዎችን፡ አጩዋ አሸትያዎ ለሀንዳ ሀናና።

3 ቢታይ ኡባና መላ ከሳና፤ ቃይ ኡባናካ ቦንቀታና። አያው ጎጥ፡ ሀ ቃላ መጅና ጎዳይ ሃሳዬዳ።

4 ቢታይ ሎይሳ መልና፡ አ አጫይ ኡባይ ሹሌ፤ ጋድያን ደእያ ዋልቃማ አሳይካ ዳቡሬ።

5 ቢታይ ባረናን ደእያ አሳጥ ደንዳዎን ቱኔዳ። አያው ጎጥ፡ ኡንቱንቱ ሀግያ ኮሌድና፤ ዋጋ መንጩድና፤ መጅና ጫቁዋካ ኮሌድና።

6 ሄዋ ድራው፡ ጸሳ ሸቃይ ጋድያ ሜ፤ ቃይ እን ደእያ አሳቱካ ባረንቱ ባይዙዋ ጋሱዋን መረቱድና። ሄዋ ድራው፡ ሳኦን ደእያ አሳቱ ጸገቱድና፤ ያትና ፓይዳዋን ጉላ አሳይ አቱዳ።

7 ዋይንያ ቱራ ኡኑ መልና፡ ዋይንያ ኡሳይካ ወራዳ፤ ካሰ ናሸትያ ኡባይ ካዮቱዳ።

8 ካራቡዋ ባቃ ናሸቻይ ጮኡ ጌዳ። ናሸትያዋንቱ ሆምቦጩላይካ ኤቄዳ። ሎእያ ዲላ ናሸቻይካ ጮኡ ጌዳ።

9 ሀዋጥ ሰንሳናው የላ የጸድ፡ ኡንቱንቱ ዋይንያ ኡሳ ኡሸክና፤ ማላይያ ኡሻይ ኡሸያዋንቶ ጫዋ ግዳና።

10 መራ ማጫራ ቆይዳ ካታማይ ላለቱዳ፤ እን ገለናዳን፡ ጎልያ ኡባይ ጎርደቱዳ።

11 ዋይንያ ኡሳይ ቆይዳዋ አሳይ ዳባባን ዋሴ፤ ናሸቻ ኡባይ ካዮ ላመቱዳ፤ ሳኦ ናሸቻይ ኡባይ ክቼዳ።

12 ካታማይ ኮለቱዳ፤ ካታማ ፐንገቱካ መኤረቱድና።

13 ዋጋራ ቱራ ቃሊደ ቆቆፍያዎችን፡ ዋይ ዋይንያ ቱራ ማጽ ሰሚደ፡ ቃርምያ ማጽያዎችን፡ ጋድያ ለሀን ደእያ ካወተላቱዋ ግደን ሄዋዳን ሀናና።

14 ኡንቱንቱ ባረንቱ ቃላ ቶቄ ኦሊዳ፡ ናሸቻን የጸና፤ አዋይ ወልያ ባጋና ደእያ ኡባይ መጅና ጎዳ ግታተላ ኦዳና።

15 ሄዋ ድራው፡ አዋይ ዶልያ ባጋና ደእያዋንቶ፡ መጅና ጎዳው ቦንቱዋ እምተ፤ አባ ደናን ደእያ ቢታቱዋን ደእያዋንቶ፡ እሰራኤልያ መጅና ጎዳ፡ ጸሳ ሱንሳው ቦንቱዋ እምተ።

16 ቢታ ጋጸጥ፡ “ጽሎ ቦንቱ ግደ” ያግያ የላ ኑን ሰሴቶ።

ሸን ታን፡ “ታን ግልቃይ! ታን ግልቃይ! ታው እየ እና! አያው ጎጥ፡ ካድያዋንቱ ካዲና፤ ካድያዋንቱ ሎይሳ እላ እሚና” ያገይ።

17 ሀንተና፡ ሳኦ ለሀን ደእያ አሳቶ፡ ዳጋማይ፡ አፋን ጸራ ሀንተና ናጌ።

18 ሳሉዋ ማሰኮተቱ ደየቱዳ ድራውን፡ ጋድያ ባራቱካ ቃጽያ ድራው፡ ዳጋንሳያ ኮሻጥ ባቃትያዌ ኦላን ኩንዳና፤ ቃይ ኦላጥ ዩደ ከሰያዌ ጸርያን ኦይቀታና።

19 ቢታይ ዛኢደ ጸልቀቱዳ፤ ንፕ ጊደ መኤረቱዳ፤ ዋልቃጥ ቃይዳ።

20 ቢታይ ማሳቱደ አሳዳን ጋንድጋሬ፤ ጫርኩ ሱግዳ ዳሰያዳን፡ ዮንቁ ጌ። ማካላንቻቱ ባይዙ አ ሎይሳ ዳዴዳ ድራው፡ ላኤንላ ደንደናን ኩንዳ።

21 ሄ ጋላሰ መጅና ጎዳይ ሳሉዋ ዋልቃቱዋ ሳሉዋን፡ ቃይ ሳኦ ካተቱዋካ ሳኦን መራና።

22 ኡንቱንቱ ኦላን ደእያ ቃሾ አሳቱዋዳን፡ እትጥ ሺቃና፤ ቃሾ ጎልያን ጎርደቱደ ኡታና። ቃይ ዳር ጋላሳጥ ጉይያን፡ ኡንቱንቱ መረታና።

23 ሄዋጥ ጉይያን፡ አግናይካ አዋይካ ዬላታና። አያው ጎጥ፡ ኡባጥ ዋልቃማ መጅና ጎዳይ ጸዮን ደርያንን የሩሳላመን ካተታና፤ ቃይ አ የሩሳላመ ጫማቱዋ ሰንሳን ባረ ቦንቱዋ ቆንጫሳና።

25

ጋላታ የላ

1 አቤት መጅና ጎዳው፡ ኔን ታ ጸሳ። ታን ኔና ቶቄ ቶቄ ኦላና፤ ነ ሱንሳካ ጋላታና። አያው ጎጥ፡ ኔን ፖሎ አማነትያዋን ቦንጥ ሀልቼቲደ ደእያ ማላልሰያ አሳቱዋ ኦላዳ።

2 ኔን ካታማ ሹቻይ ኦለትያ ሳኦ ኦላዳ፤ ምኑዋን ግምቦቱዳ ካታማ ኮላዳ። አላጋቱዋ ካትያ ጎልያካ ላኤንላ ካታማ ግደናዳን ኦላዳ። ሰሚደ መላካ ኬጸተና።

3 ሄዋ ድራው፡ ምኖ አሳቱ ኔና ቦንቻና፤ መቀላ ባይና ካወተላቱዋ ካታማቱካ ነው ያያና።

4 ኔን ሀይሳው ባቃት አትያሳ። መቶታንቻውካ ባረ መቱዋ ዋደ ባቃት አትያሳ፡ ኡሹዋጥ አትያ ሳኦ አዋ ሴላጥ አትያ ኩዋ ግዳዳ። አያው ጎጥ፡ መቀላ ባይና አሳ ሀንቁ ግምቤያ ሹጫያ ኡሹዋ ማላ፤

5 ባዙዋ ጋድያ ምሹዋ ማላ። አዋ ምሹ ሻርያ ኩዋን ጋቢ ግያዋዳን፡ ኔን አላጋቱዋ ዋላሳ ሀይዘሳዳ፤ ያትና፡ መቀላ ባይና አሳቱዋ የላይ ጮኡ ጌዳ።

6 ኡባጥ ዋልቃማ መጅና ጎዳይ አሳ ኡባው ሀ ደርያ ለሀን ዋልቃማ ግብራ ገግሳና፤ ሄዌካ ሞቶቱዋ፡ ኮልዘያና ደእያባቱዋን ሎኦ ካኤዳ ዋይንያ ኡሳ ግብራ።

7 ሀ ደርያን አሳ ኡባ ጫሜዳዋ፡ ካወተላ ኡባ ቦላንካ ምጩቱዳ ጋርዲዋ እ ቆይሳና።

8 ሀይቁዋ እ መጅናው ምታና፤ ኡባ ሞድያ መጅና ጎዳይ አይፍያ ኡባጥ አርላ ቁጫና፤ ባረ አሳ ካወሻካ ቢታ ኡባጥ ድጋና። ሀዋ መጅና ጎዳይ ኦይዳ።

9 ሄ ጋላሰ ኡንቱንቱ ሀዋዳን ያጋና፤ “ሀዌ ቱሙ ኑ ጸሳ፤ ኔን እ ኑና አሻናዳን ናጌዳ፤ እ ኑና አሹዳ። ሀዌ መጅና ጎዳ፤ ኔን እ ናጌዳ። እነ አ አቶተላን ሀሹ ጌቶነ ናሸቱቶ” ያጋና።

ጸሳይ ሞኦባ ቢታ ሙራና

10 አያው ጎጥ፡ መጅና ጎዳ ኩሺ አሻናው ሀ ደርያ ለሀን ግዳና። ሸን ዳርጫ ፕቱዋ ኦላን የጊደ የጅያዋዳን፡ ሞኦባ ቢታ አሳይ ባረ ሳኦን የባታና።

11 ሃላ ዋጅያዌ ሃላ ዋቆናው ባረ ኩሽያ ፕድ ኦልያዋዳን፡ ኡንቱንቱ ሄዋ ግደን ባረንቱ ኩሽያ ፕድ ኦላና። ሸን ጸሳይ አ ኦቶሩዋ አ ኩሽያ ገንያናካ ጋሊደ ካወሻና።

25:8 1 ቆር. 15:54፤ ሳን 7:17፤ 21:4 25:10 ኢሳ. 15:1—16:14፤ ኤር. 48:1-47፤ ሀዘ. 25:8-11፤ አሞጸ 2:1-3፤ ሲር. 2:8-11

12 ኢንቲንቱ ጴቂሲድ፣ ሞኑዋን ግምቤዳ ግምቤያ እ ዲገ አሀናን ካወሻና፤ ዲገ ሳኢን፣ ኡባ ሀርክ ባናን ኦላና።

26

ጸሳይ ባረ አሳዉ ጸኑዋ እማና

1 ሄ ጋላሰ ይሁዳ ጋድያን ሀ የላይ የጸታና።

ኑዉ ሞኖ ካታማይ ደኤ፤
 ጸሳይ አቶተላ አ ዩሹዋን ግምቤያዳን፤
 ጌሱዋዳን ኤሴ።
 2 አማኑዋ ናግያ ጽሎ ካወተላይ ገላና ማላ፣
 ፕንግያ ደይተ።
 3 ባረ ቆፋ ኔናን ዋሌዳ አሳ
 ኔን ፖሎ ሳሮተላን ናገሳ፤
 አያዉ ጎፕ፣ እ ኔናን አማነቱ።
 4 መድና ጎዳን መድናዉ አማነትተ፤
 አያዉ ጎፕ፣ መድና ጎዳይ፣ መድና ጎዳይ
 መድና ዛላ።
 5 ጶቃን ደእያዋንታ፤
 ኢንቲንቱ ጶቃ ካታማ ዝቂ ኦሌዳ፤
 እ አ ካወሼ።
 ዲገ ሳኢ ጋካናዉ ዝቂ ኦሌ፤
 ቢታ ባናን ኦሌ።
 6 ማንቁዋ ገዲ፣ መቶታንቻ ገዲ፣ አ የጳና።

7 ጽሎቱዋ ኦጊ ሳላላ።
 እቤት ጽሎ፣ ኔን
 ጽሎቱዋ ኦግያ ሳላልሳሳ።
 8 ኤ መድና ጎዳዉ፣ ነ ሀግያ ኦግያን ሀመቲደ፣
 ኑን ኔና ናጌቶ።
 ኑ ዋዛና ለሙ፣
 ነ ሱንላ ቦንቻናዋ ጸላላ።
 9 ቃማን ታን ኔና ላሞታይ፤
 ዋንታን ታ ግደን ደእያ ታ አያናይ፣
 ቱሙዋፕ ኔና ሞንሲደ ኮዬ።
 አያዉ ጎፕ፣ ነ ፕርዳይ ሳኢን ደእያ ዋደ፣
 ሳኢን ደእያ አሳይ ጽሎተላ ታማሬ።
 10 ኢታ አሳዉ ከካተላ አፕፕካ፣
 እ ጽሎተላ ታማረና።
 ሱረ አሳቱዋ ጋድያን ኢታባ ኦሌ፤
 መድና ጎዳ ግታተላካ ኤረና።
 11 እቤት መድና ጎዳዉ፣ ኔን፣
 ነ ኩሽያ ጶቁ ኦላዳ፤
 ሸን ኢንቲንቱ በእክና።
 ነ አሳዉ ኔን ሞሽትያ ሞሹዋ በኢደ
 ዩላትና።
 ኔን ነ ሞርከቶ ዋሌዳ ታማይ፣
 ኢንቲንታ ሞ ጳይሶ።
 12 እቤት ጸሳዉ፣ ኔን፣
 ኑዉ ሳሮተላ ሞንላዳ፤
 ኑ ኦሶ ኡባ ኔን ኑዉ ኦላዳ።
 13 እቤት መድና ጎዳዉ፣ ኑ ጸሳዉ፣
 ኔፕ ሀራቱ ኔና ሞዴድና፤
 ሸን ኑን ነ ሱንላ ጸላላ ቦንቻቶ።
 14 ኢንቲንቱ ሀይቁድና፤
 ሰሚደ ፓጻ ደእክና።
 ኔን ጳይሶዳ ድራዉ፣

ሰሚደ ደንድክና።
 ኢንቲንቱ ሀሳየትያዋ ኡባ ቁጫ ጳይሳዳ።
 15 እቤት መድና ጎዳዉ!
 ኔን አሳ ዳርሳዳ።
 አሳ ዳርሳዳ፣ ኔን ቦንቻታዳ፤
 ቢታ ዛዋ ኡባካ አሳዳ።
 16 እቤት መድና ጎዳዉ!
 መቱዋ ዋደ ኢንቲንቱ ኔና ኮዬድና።
 ኔን ኢንቲንታ ሙራዳ ዋደ፣
 ኢንቲንቱ ኔና ሳሱክ ዋሴድና።
 17 እቤት መድና ጎዳዉ! ሻሃራዳ ሞሽራታ፣
 የልያ ዋዲ ጋክና፣
 የሉዋ ኡንኤታደ ዋሰያዋዳን፣
 ኑንካ ነ ሰንላን ሄዋዳን ሀኔደ።
 18 ኑን ሻሃራዳ፤ አይላ ኦይቀቱደ፤
 ሸን ጫርኩዋ የልያዋ ግዴደ።
 ኑን ሳኢዉ አቶተላ አሀበይኮ፤
 ሳኢን ደእያ አሳካ የልቡኮ።
 19 ሀይቁዳ ነ አሳይ ፓጻና፤
 ኢንቲንቱ አሃይ ደንዳና።
 ሀንተና፣ ቢታ ባና ግደን ደእያዋንቶ፣
 ሀንተ ጸሳይ ዋንታ ከተርሳ ማላ ግድያ
 ግሻዉን፣
 ሳኢይካ ሀይቁዳዋንታ ዛረሊደ አምያ
 ድራዉ፣
 ቤጎትተነ ናሸቻዉ የጽተ።

ፕርዳይ ኦሞዱዋፕ ሰምያዋ

20 ታ አሳቶ፣ ሃ ዩተ፤ ሀንተ ጎላ ገሊደ፣
 ፕንግያ ሀንተ ቦላ ጎርድተ። ጸሳ ሀንቁ አጳና
 ጋካናዉ፣ ጉላ ዋድያ ሀንተና ቆሰተ።
 21 ቢታ ቦላን ደእያ አሳ፣ ኢንቲንቱ ናገራ
 ድራዉ ሙራና፣ መድና ጎዳይ ባረ ደእያሳፕ
 ከሲደ ዬ። ቢታይካ ባረ ቦላን ጉኬዳ ሱላ
 ቆንጭሳና፤ ዋዴዳዋንታካ ላኤንሶ ገን።

27

1 ሄ ጋላሰ መድና ጎዳይ ባረ ሞኖ፣ ግታነ
 ዋልቃማ ማሻን ለዋታና ግያ ኮልጽያነ ጸጸትያ
 ሸሻ ሙራና፤ አባን ደእያ ዳዊያካ ዋጳና።
 2 ሄ ጋላሰ ሀዋዳን ጌተታና፤ “ሀዌ ደሰቴዳ
 ዋይንያ ቱራ ሳ፤ አባ የጽተ!
 3 ታን፣ መድና ጎዳይ አ ናግያዋ፤ ታን አ ሀእ
 ሀእ ሃላ ኡሻይ፤ ኦንነ አ ቆሃናዳን፣ ታን ቃማነ
 ጋላሰ አ ናገይ።
 4 ታን ሀንቀትከ፤ ታናና ኦለታናዉ፣ አጉንላይነ
 ጎምኦሪ ደኤርክናሻ! ታን ኢንቲንቱ ቦላ ከሳ
 ኤቃደ፣ ኢንቲንታ ጸጋ ወርሳና።
 5 ዋይ ባቃት ቆሰት አታናዉ ታኮ ዩና፤ ታናና
 ገግና፤ ኤ፣ ታናና ገግና” ያገታና።
 6 ያና ጋላሳቱዋን ያቆብ ጸጸዋ የዳና፤
 እሰራኤሊ እጫናነ ጪሻና፤ ያቲደ አይፌዳ አይፌ
 ሳኢ ኡባ ኩማና።
 7 ኢንቲንታ ሸጩዳዋንታ ሸጩዳዋዳን፣
 መድና ጎዳይ እሰራኤልያ አሳ ሸጩደየ? ዋይ
 ኢንቲንታ ዋዴዳዋንቱ ሀይቁዳዋዳን፣ ኢንቲንቱ
 ሀይቁድናየ?

8 ጸሳይ ባረ አሳ ኦሞዶ የድምጽን ሙራዳ፤ አዋይ ደልያ ባጋ ጫርኩዋ ጋላሰ ኢንቱንታ ባረ ያሽያ ጎትያን ላግ ከሴዳ።

9 ሄዋ ድራው፡ ያቆባ ባይዙ አቶ ጌተታናዌን አ ናጋራይ ፖሎ ቁጩታናዌ ሀዋና፡ ሄዌካ ያርሽያ ሳኦ ሹቻ ኡባ እ መኤረቲዳ ቦቅንላ ሹቻዳን ኦሳያ ዋደነ፡ አሽሮ ግያ ማጫ ጸሳት ምሰሊ፡ ዋይ እጻና ጩዋዪደ፡ ያርሽያ ሳኦይካ ኤቁዋን አተናዳን ኦሳያ ዋደ።

10 ምኑዋ ድረቲዳ ካታማይ ኦኔዳ፤ ካሰ አሳይ ደእያ ሳኦይ ሀእ ባዙዋዳን፡ መላ አቲዳነ ደገቲዳ፤ እ መሂ ሄመትያ ሳኦ ግዴዳ ድራው፡ ምላ ቦንጭያ ሚደ፡ ማራቱ ሄዋን አላጸድ።

11 ምላ ታሽቱ መልያ ዋደ መኤረቲዳ፤ ማጫ አሳይካ ዪደ፡ ኢንቱንታ ኤላናው አፊ። ሀ አሳይ አኬክ ባይና አሳ ግድያ ድራው፡ ኢንቱንታ መጴዳዊ ኢንቱንቶ ቃረተናነ ማረና።

12 ሄ ጋላሰ ኤፍራጺሳ ሻፋፕ ግብጼ ሻፋ ጋካናው፡ መጵና ጎዳይ ካላ ቡካና፤ ሀንተና፡ እሰራኤልያ አሳቶ፡ ሀንተካ ሀንተ ታራን ታራን ሺቃና።

13 ሄ ጋላሰ ዋልቃማ ማላካታይ ፑነታና፤ አሰረ ጋድያን ጳይያዋንቱን ግብጼ ቢታው የደርሴዳዋንቱ ያና፤ የሩሳላመን ጌሻ ደርያን መጵና ጎዳው ጎይናና።

ጸሳይ ማካላንቻ አሳ ሙርያዋ ግዱሳ

28

(ኢሳ. 28:1—31:9)

ሁጲሳ ካውተላ፡ “ኔና ኤራ!” ጌዳዋ

1 ኤፍሬማን ደእያ ማላትያዋንቱ ካላቻውነ፡ ዋይንያ ኤሳይ ጸኔዳዋንቱ አራዳ ዛንጋራን ደእያ፡ ሹልያ ጪሻ ማላ ግዴዳ አ ቦንቹዋ ፑላው አየ አና!

2 በእተ፡ ጎዳው ዋልቃማን ምኖ ግዴዳ እት አሳይ ደኤ፤ ጎዳይ አ ሻቻ ኡሹዋዳን፡ ባይዘያ ጎትያዳንነ ኩንሊደ ጎግያ ዋልቃማ ሃላዳን፡ ምኖ ኩሽያን ዲገ ሳኦ ኦላና።

3 ሄ ማላትያ ኤፍሬማ አሳቱዋ ኦቶሩዋ ካላቻይ ገድያን የታና።

4 አራዳ ዛንጋራ ሁጲያን ደእያ ቆቆፈትያ ጪሻይ፡ አ ቦንቹዋ ፑላይ ዋዲ ጋካናፕ ካሰቲደ ቴሬዳ ባላሰያ ማላ ግዳናዋ፤ እት አሳይ ሄ ባላሰያ በእያ ዋደ፡ ባረ ኩሽያን ኦይቆሳና ማና።

5 ሄ ጋላሰ ኡባፕ ዋልቃማ መጵና ጎዳይ ባረ አሳፕ አቲዳዋንቶ ቦንቹዋ ካላቻን ፑላው ሁጲያን ኡትያ አሌቁዋ ግዳናዋ።

6 እ ዳናቶ ልክ ፕርድያ አያና፡ ኦላ ሚጻፕ ዛርያዋንቶካ ዋልቃ ግዳናዋ።

ኢሰያሳ ነ ማላቲደ ትምቢትያ ኦድያ ይሁዳ አሳቱዋ

7 ሀዋንቱካ ዋይንያ ኤሳ ኡሺደ ዪጮቲናን ማላይያ ኡሻን ጋንድጋሪና። ቁሲነ ትምቢትያ ኦድያዌ ማላይያ ኡሻን ዪጮቲና፤ ኢንቱንቱ

ዋይንያ ኡሻን ሻዌቲና፤ ማላይያ ኡሻንካ ጋንድጋሪና። ሳፃ ልክ በእክና፤ ፕርዲደካ ጴብቲና።

8 ኢንቱንቱ ምያ ማዳ ኡባይ ጮሻ ጸላላ ግድያ ድራው፡ ባይቤና ሳኦይ ሙላካ ባዋ።

9 ኢንቱንቱ ሀዋዳን ያጋና፤ “ኤራተላ እ ኦና ታማርሳኔ? ኪታካ ኦሰ ቆንጭሳኔ? ማላ ፓኩዋ ብር አኔዳዋንቱሴየ፡ ዋይ ጳንላ ብር ዲሴዳዋንቱሴ?”

10 አያው ጎፕ፡ እ ግያዌ ሀዋ፤ አዛዙዋ ቦላ አዛዙዋ፡ አዛዙዋ ቦላ አዛዙዋ፡ ዋጋ ቦላ ዋጋ፡ ዋጋ ቦላ ዋጋ፡ ሀዋን ጉላ፡ ሄዋን ጉላ” ያጋና።

11 ሽን ጸሳይ አላጋቱዋ ቃላንነ እማላቱዋ ደናን ሀ አሳው ሃሳያና።

12 እ ኢንቱንቶ ሀዋዳን ያጌዳ፤ “ሀዌ ሸምፑዋ። ጸላሌዳዋ ሸምፕሰተ። ሀዌ ሸምፕ አክያ ሳ” ያጌዳ። ሽን ኢንቱንቱ ሰሰናን አጼድና።

13 ሄዋ ድራው፡ ኢንቱንቱ ቢደ ኩንዳና ማላ፡ መአና ማላነ ግትያን ኦይቀቲደ አዋዲዋ ባና ማላ፡ መጵና ጎዳ ቃላይ ኢንቱንቶ አዛዙዋ ቦላ አዛዙዋ፡ አዛዙዋ ቦላ አዛዙዋ፡ ዋጋ ቦላ ዋጋ፡ ዋጋ ቦላ ዋጋ ግዲደ፡ ሀዋን ጉላይ፡ ሄዋን ጉላይ ግዴዳ።

ጽዮንው ጎዳ ጸጸዋ ምንባያ ሹቻ

14 ሄዋ ድራው፡ ሀንተና፡ የሩሳላመን ደእያ አሳ ሞድያ ቅሊጭያዋንቶ፡ መጵና ጎዳ ቃላ ሰሰተ።

15 ሀንተ፡ “ኡን ሀይቁዋና ጊጌዳ፤ ሰኦልያናካ ጫቀቲደ፤ ኩን ዋርዲዋ ኦው ደኡዋ ኦሌዳ ድራውነ ማልትያ ኦው ቆሰት አትያሳ ኦሌዳ ድራው፡ ዋልቃማ ቦሻይ ዪደካ ኦና ቦቼናን አጳና” ያጌደ ጩቀቲታ።

16 ሄዋ ድራው፡ ኡባ ሞድያ መጵና ጎዳይ ሀዋዳን ያጌ፤ “በእተ፡ ታን ጽዮንን ባሱዋ ሹቻ፡ ፓጩቲዳ ሹቻ፡ ጎዳ ጸጸዋ ምንሰያ፡ አልኦ ሹቻ ዋላድ፤ እነ አማንያ ኦንነ ዪላተና።

17 ታን ሱረ ፕርዳ ባሱዋ ልክያ ዋደሩዋ፡ ጽሎተላካ ቱምቢያ ኦላና። ቃይ ሀንተ አማንትያ ዋርዲዋ ጌሱዋ፡ ሻቻይ ሾጫና፤ ሀንተ ቆሰት አትያሳካ ሃላይ ሙካና” ያጌ።

18 ሄዋፕ ጉይያን፡ ሀንተ ሀይቁዋና ጫቀቲዳ ጫቁ ላለታና። ሰኦልያናካ ጫቀቲዳ ጫቁካ ምነና። ዋልቃማ ቦሻይ ይያ ዋደ፡ ሀንተ እነ ሾጩታና።

19 ሄ ቦሻይ ዋንታ ዋንታ፡ ቃምነ ጋላሰ ሄዋና አጳና፤ ሄ አጵያ ዋደ ኡባንካ፡ ሀንተና አክ ባና። አ ኪታ አኬክያዌ ሀንተንቶ ሻቢርሳ ዳጋማ ግዳናዋ።

20 አርሳይ ገድያ ጮኅቲደ ግሳናው ቃንላ፤ አፍላይካ ጋላ ማያናው ጉላ።

21 አያው ጎፕ፡ ፓራጸማ ደርያ ቦላን መጵና ጎዳይ ኦሌዳዋዳን፡ ባረ ኦሱዋ፡ ባረ እማላ ኦሱዋ፡ ሄዌካ ባረ ኦራላ ኦሱዋ ኦላናው ደንዳና። ቃይ ጋባኦና ዛንጋራን ሀንቀቲዳዋን ሀንቀታናዋ።

22 ጎዳፕ፡ ኡባፕ ዋልቃማ መጵና ጎዳፕ እ ቦሻ ቢታ ኡባ ቦላ አሀናው ቃቹዳዋ ታን ሰሴዳ

28:11 1 ቆር. 14:21 28:16 ማዘ. 118:22-23፤ ሮሞ 9:33፤ 10:11፤ 1 ጳጵ. 2:6 28:21 ኢያሳ 10:10-12፤ 2 ሳሜላ 5:20፤ 1 ኦዲዋ 14:11

ድራው፡ ህንተ ቃሹ ምነና ማላ፡ ቅሊጭያዎ አገተ።

ጸሳ አዴዳ ኤራተላ

23 ህንተ ሀይላ ሃ የጊደ፡ ታን ኦድያዎ ሰሰተ፤ ታ ሃሳያካ እኩኪደ ሰሰተ።

24 ካላ ዘራናው ጎሽያ ጎሻንቻይ ኡባ ገደካ ጎሽደ ደኢ? ቃይ እ ኡባ ገደካ ጉሉዋ ክንቺደነ ሊቅሲድ ደኢ?

25 ጋድያ ሊቅሲደ፡ እኩጋ ላሌ፤ ካረላ ሳወዋካ ዘሬ፤ ዛርጋካ እ ይገን፡ ባንጋካ እ ቆሙዋን፡ ሞርገ ሞላካ እዉ በሰያ ሳእነ ዘሬ ግደኔ?

26 አያው ጎጥ፡ ሀ ሂላ ኦ ጸሳይ ኦ ኤርሴነ ታማርሴ።

27 ካረላ ሳወዋ ኡዱላ ሞላን ቆጸና፤ እኩጋካ ጩጉዋን ቡከና። ሄዋ አጊደ፡ ካረላ ሳወዋካ ጋትማን፡ እኩጋካ ጸምእን ቆጶ።

28 ኡክላ ኡክያ ካላ ቆጵያሳን ቆጵያዌ ሊቅሲየ? ግደና፡ እ ኦ ቆጶደ ቆጶደ፡ መድናው ደኤና። ቃይ እ ካላ ቡክያ ፓራ ጋራቱዋ ኦ ቦላና ላጊደካ ካላይ ጋጩታናዳን ኦ።

29 ሀዌካ ቃይ ማላልሰያ ዘርያ ዘርያ፡ ኦሱዋካ አዴዳ ኤራን ኦልያ ኡባጥ ዋልቃማ መድና ጎዳጥ ዩ።

29

ዳዊታ ካታማ የሩሳላምዉ እየ እና!

1 ኔኖ ዳዊተ ደኤዳ አሪኤላ ግያ ካታማው፡ ነዉ እየ እና! ላይላ ቦላን ላይላ ጉጃ፤ ባላቱዋካ ዛራ ዛራደ ቦንቻ።

2 ታን አሪኤላ ግያ ካታማ ብርካ ኡንኤላና፤ ኡንቱንቱ ዝላላናን ዩካና። ሄ ካታማይ ሱላይ ካሜዳ ያርሽያ ሳእ ማላ ግዳናዋ።

3 ታን ነ ዩሹዋን ደዳናን እዱሳ ግምቢያን ኔና ድራና፤ ነ ቦላን ኦላ ማማ ኬጸና።

4 ሄዋጥ ጉይያን፡ ኔን ቢታ ጨሙዋጥ ሃ ጉደ ሃሳያና፤ ሀርክ ባናጥ ነ ኮሻይ ያና። ነ ኮሻይ ሞይትልያ ኮሻ፡ ቢታ ግደጥ ከሳና፤ ነ ሃሳያይካ ባና ግደጥ ሳሱከታና።

5 ሽን ነ ሞርከቱ ሊቆ ባና ኬሻ ጮራን ነ መቀላ ባይናዋንቱ ፓይዱካ ጫርኩ እፍያ ሱላ ኬሻ ዳር ግዳናዋ። ቆጥናን ደእሽን ኤለካ።

6 ኡባጥ ዋልቃማ መድና ጎዳይ ጉጉንላን፡ ቢታ ቃላን፡ ዋልቃማ ኮሻን፡ ጎትያን፡ ጫርኩዋንን ምያ ታማ ላጩዋን ህንተና ጸሞሳና።

7 አሪኤላ ካታማ ኦልያ ጮራ ካውተላ ኡባይ፡ ሄ ካታማን ኦ ጌሱዋ ኦልያ ኡባይ፡ ኦ ዋይሰያ ኡባይ እኩሙዋዳን፡ ቃማ ሳጸዳን ሀናና።

8 ኮሻቱዳ አሳይ እኩሙዋን ሜ፤ ሽን ቤጎትያ ዋደ ኦ ኮሻይ አገና፤ ዋይ ሳመቱዳ አሳይ እኩሙዋን ኡሼ፤ ሽን ቤጎትያ ዋደ ዳቡሬ፤ ሳሙዋካ አልቤና፤ ጽዮን ደርያ ኦልያ ጮራ ካውተላ ኡባይ ሄዋዳን ሀናና።

ጸሳ አዛዙዋ ካድያዌ አሀያ ሙሩዋ

9 ህንተ ህንተረካ ዳመቲደ፡ ዳማ አሳ ግድተ፤ ህንተና ህንተረካ ቆቅሲደ፡ ቆቆ አሳ ግድተ።

ማላትተ፤ ሽን ዋይንያ ኤሳና ግደጥ። ጋንድጋርተ፤ ሽን ማላይያ ኡሻና ግደጥ።

10 አያው ጎጥ፡ መድና ጎዳይ ገምእሹዋ ሱኦ ኦልያ አያና ህንተ ቦላን ጉሴዳ። ትምቢትያ ኦድያዋንቶ፡ ያቲደ ህንተ አይፈቱዋ እ ጎዜዳ። ሳፃ በእያዋንቶ፡ ህንተ ሁጸቱዋካ ጉሎዬዳ።

11 ሀ ኡባ ሳጸይ ነዉ አታመቱዳ ማጻፋ ማላ ግዴዳ። አሳይ፡ “ሄይ፡ ሀዋ ናባባ” ያግ፡ እት ናባብ ዳንዳይያ ኡራው እምያ ዋደ እ፡ “ማጻፋይ አታመቱዳ ድራው፡ ታን ናባባናው ዳንዳይከ” ያጋና።

12 ቃይ ማጻፋ ናባብ ዳንዳየና ኡራው፡ “ሄይ፡ ሀዋ ናባባ” ያጊደ እምያ ዋደ፡ እ፡ “ታን ናባባናው ዳንዳይከ” ያጋና።

13 ያትና፡ ጎዳይ ሀዋዳን ያጋና፤ “ሀዌ አሳይ ባረ ቦላ ዳናን ታኮ ሺቄ፤ ባረ እንጸርሳን ታና ቦንቹ፤ ሽን ኡንቱንቱ ዋዛናይ ታጥ ሃኩዋን ደኤ። ኡንቱንቱ አሳይ መዴዳ ዋጋ ታማሪደ፡ ታዉ ጮ ገይኒና።

14 ሄዋ ድራው፡ በእተ፡ ታን ሀ አሳ ቦላ ዛረላደካ ማላልሰያባ አላና፤ ማላልያባን ኦራላባ አላና። ኡንቱንቱ ኤራንቻቱዋ አዴዳ ኤራተላይ ዳላማና፤ ኡንቱንቱ እኩካንቻቱዋ እኩካይካ ቆሰታና” ያጌዳ።

ሰንላጥ ያና ኬካ

15 ባረ ሀልቹዋ ጨማዪደ፡ መድና ጎዳጥ ቆሰያዋንቶ፡ ባረንቱ ኦሱዋ ጳማን ኦሊደ፡ “ኑና ኦን በኢ? ኑና ኦን ኤሪ?” ያግያዋንቶ እየ እና!

16 ህንተ የዋቱዋ ላሚታ፤ ኡርቃ መድያዌ ኡርቃ ማላ ጊደ ቆጥታ! መጠቱዳዌ መዴዳዋ፡ “እ ታና መድቤና” ጋኔ? ኦቱ ባረና መዴዳዋ፡ “እ አይነ ኤሪና” ጋናው ዳንዳዪ?

17 ሊባኖሳ ዋራይ አራዳ ጋድያው ላመታናው፡ አራዳ ጋዲ ቃይ ዋራ ግዳናው፡ ጉላ ዋዲ አቴዳ ግደኔየ?

18 ሄ ጋላሰ ቱለቱ ማጻፋ ቃላ ሰሳና፤ ለምእለምእጥን ጳማጥ ከሲደ፡ ቆቆቱዋ አይፊ ጶላና።

19 እሽከቱ ጉጂድካ መድና ጎዳን ናሽታና፤ አሳ ግደን ደእያ ህዬሳቱካ እሰራኤልያ ጌሻን ሀሹ ጋና።

20 መቀላ ባይናዋንቱ ዉራና፡ ቅሊጭያዋንቱ ትምእ ጋና። ኢታባ አላናው ዋኝያዋንቱ ኡባይ ጳያና።

21 ሄዋንቱ የዉዋን አሳ ባይዛንቻ ከሰያዋንታ፡ ቹሎታን አሳ ሴርያዋንቶ ግትያ ዋልያዋንታን ዋርዲዋን ጽሎ ብታንያ ፕርዳ ተእያዋንታ።

22 ሄዋ ድራው፡ አብራሃማ ዋዜዳ መድና ጎዳይ ያቆባ ዘርያው ሀዋዳን ያጌ፤ “ያቆባ ዛሪ ሀዋጥ ሰንላናው ዬላተና፤ ኡንቱንቱ ሶምኢካ ዬላቲደ፡ ሳእ ጶላና።

23 ሽን ኡንቱንቱ ታ ኩሽያ ኦሶ ግድያ ባረንቱ ናናቱዋ ባረንቱ ግደን በእያ ዋደ፡ ታ ሱንላ ጌሻተላን ናጋና፤ ኡንቱንቱ ያቆባ ጌሻ ጌሻተላ ባይዘክኖ። እሰራኤልያ ጸሳካ ያሻተላን ቦንቻና።

24 አያናን ባሌዳዋንቱ ሰሚደ እኩካና፤ ዙዙምያዋንቱካ ትምርትያ አካና” ያጌ።

30

ግብጾና ጫቀትያ ሀዳ ጫቁዋ

1 መድና ጎዳይ ሀዋዳን ያጌ፤ “ማካላንቻ ናናቶ አየ አና! ታን ሀልቻቤናባ ኦልያዋንቶ፡ ታ እያናፕ ግደና ኤጸ ባረጢ ገግሰያዋንቶ፡ ናጋራ ናጋራ ቦላ ጉጅያዋንቶ አየ አና።

2 ግብጾ ካትያ ጌሱዋን አታናወነ ግብጾ ኩዋን አትያሳ ኮያናወ፡ ታና ዘረታ በሰናን፡ ዲገ ግብጾ ዋድያዋንቶ አየ አና!

3 ሄዋ ድራወ፡ ግብጾ ካትያ ጌሱ ህንተንቶ ዬላ፡ ካቲካ ካወሻ ግዳናዋ።

4 ኡንቱንቱ ካፓቱ ጸኢንን ደኦፕካ፡ ኡንቱንቱ ኪቱዳዋንቱ ህኒሳ ግያ ካታማ ጋክንቶካ።

5 ዬላፕን ካወሻፕ አትና፡ ሀራባ አያን ዋና አሳ፡ አያን ማደና ዋይ ጎኤና አሳን አማነቴዳ አሳይ ኡባይ ካወሻና” ያጌ።

6 ኔጌባን ደእያ ዶኦቱዋባ ጸሳይ ግያዌ ሀዋ፤ ኪተትያዋንቱ መቱን ቱጋይ ደእያ ቢታ ግዲዋና፡ ጋሙን ጋማታ ዋድያ ሸሻቱን ፓልያ ዳዌቱ ኮልጽያ ኢታ ቢታና አዲደ ባና። ባረ ዱረተላ ሀረቱዋ ዘክያን፡ ባረንቱ አቁዋ ጋሎቱዋ ዝመላን ጫን አኪደ፡ ኡንቱንቶ አያን ዋድሰና ቢታ ባና።

7 አያወ ጎፕ፡ ግብጾ ማዲ ጋቲ ባይናባን መላ። ሄዋ ድራወ፡ ታን አ፡ “ጮኤ ጊደ ኡቴዳ ራአባ” ያጋደ ሱንላድ።

አዛዘተና አሳ

8 ሀእ ባ፤ ሰንላና ያና ዋድያወ መድና ማላታ ግዳና ማላ፡ ኡንቱንቱ ሰንላን ሹቻ ማሰላን ዋጫ፤ ማዘገባንካ ጸፋ።

9 አያወ ጎፕ፡ ሀዋንቱ ማካላንቻ አሳቱዋን ዋርዲዋ ናናቱዋ፤ ኡንቱንቱ መድና ጎዳይ ኦድያዋ ሰሳናወ ኮየና ናናቱዋ።

10 ኡንቱንቱ ሳያ ኦድያዋንታ፡ “ሳጸ በኦፕተ” ያጊና፤ ትምቢትያ ኦድያዋንታካ፡ “ናሸቶያባፕን ማላትያባፕ አትና፡ ኦወ ሱረባ ኦድፕተ።

11 አግያፕ ክቶተ፤ ሎሱዋፕካ አት ባጋ ሰምተ፤ ኦን አሰራኤልያ ጌሻባ ዛረሊደ ሰሶኮ” ያጊና።

12 ያትና፡ አሰራኤልያ ጌሻይ ሀዋዳን ያጌ፤ “ህንተ ሀ ቃላ እጲደ፡ አሳ ናቂያዋን አማነቴዳ ድራወን ጭምያዋን ጨቀቴዳ ድራወ።

13 ሀ ናጋራይ ህንተንቶ ዛኢደ ዋድያ፡ እኬከናን ኤለካ ኩንድያ አዲሳ ግምቢያ ማላ ግዳናዋ።

14 አ መኡ ኡርቃፕ መዴዳን ንፕ ጊደ መኤዳ ኦቱዋ ማላ ግዳናዋ፤ ሄ መኡዋ ግደን ታማ ካሽያ ዋይ ኦላፕ ሃላ ዱቂደ ከሰያ ኮንኢይነ ቤተና” ያጌ።

15 ኡባ ሞድያ መድና ጎዳይ፡ አሰራኤልያ ጌሻይ ሀዋዳን ያጌ፤ “ህንተ ታኮ ሰምያዋንን ሸምፕያዋን አታና፤ ጮኤ ግያዌን አማነትያዌ ህንተንቶ ዋልቃ ግዳናዋ፤ ሸን ህንተ እጾድታ።

16 ሀዋዳን ያጌድታ፤ ጭይት፡ ኦን ፓራቱዋን ኡቲደ ባቃታና፡ ያጌድታ፤ ሄዋ ድራወ፡ ህንተ ባቃታና፡ ቃይካ ህንተ፡ ሌሌል ፓራቱዋ ቶጊደ ብ ክቻና፡ ያጌድታ፤ ሄዋ ድራወ፡ ህንተና የደርሰያዋንቱ ኤሌላና።

17 እት ቶራንቻ በኢደ፡ ህንተፕ ሻኦ አሳይ ባቃታና፤ እቼሹ ቶራንቻቱ ህንተና ሙልያ የደርሳና። ደርያ ሁጲያን ኤሴዳ ባንድራ ሞላዳን፡ ህንተ ቶራንቻቱዋፕ ጉላቱ አታና” ያጌ።

18 ሸን መድና ጎዳይ ህንተንቶ ኬካናወ ናጌ፤ እ ህንተንቶ ቃረትያዋ በሳናወ ደንዴ። አያወ ጎፕ፡ መድና ጎዳይ ጽሎ ፕርድያ ጸሳ፤ አ ናግያዋንቱ ኡባቱ አንጀቴዳዋንታ።

ጸሳይ ባረ አሳ አንጃና

19 ህንተና፡ የራሳላመን ደእያ ጽዮን አሳቶ፡ ሀዋፕ ሰንላናወ ዬክክታ፤ ህንተ ዋሱዋን እ ህንተንቶ ቱሙዋፕ ቃረታና፤ እ ህንተ ዋሱዋ ሰሰያ ዋደ፡ ህንተንቶ ዛረቀ እማና።

20 ጎዳይ ህንተንቶ መቱዋ ኡክላን ቱጋ ሃላ እሞፕካ፡ ህንተ አሰታማሪ ሀዋፕ ሰንላን ባረና ቆሰና። ሸን ህንተ አይፊ ህንተ አሰታማርያ በአና።

21 ህንተ ኡሸቻ ዋይ ሀድርሳ ሰምያ ዋደ፡ ጉየና ህንተና፡ “ኦጊ ሀዋ፤ አን ቢተ” ያግያ ኮሻ ህንተ ሰሳና።

22 ሄዋፕ ጉይያን፡ ብራን አሌቀቴዳ ኤቃቱዋን ዋርቃን ካመቴዳ ሞሰለቱዋ ህንተ ቱንሳና። ቅታ ጩርቃዳን ህንተ ኡንቱንታ፡ “ኦፕ ሃክተ” ያጊደ ዋራ አላና።

23 ሄ ዋደ ህንተ ጋድያን ዘሬዳ ካላወ እ እራ ቡክሳና፤ ጋድያፕ ሞክያ ካላይካ ሙሩታን ደር ግዳናዋ። ሄ ጋላሰ ህንተ ሚዛይ አኮ ደምባን ሀመታና።

24 ጋድያ ጎሽያ ቦራቱን ሀረቱ ላይዳንን ግላን ፑነቲደ፡ ጌዬዳ ሀርቁዋ ማና።

25 ህንተ ሞርከቱዋ ጌሶቱ እሞደትና፡ አሳይ ጎራኤቲደ ወርያ ጋላሰ፡ ዋልቃማ ደረቱዋፕን ቆቃ ደረቱዋፕ ፑልቶ ሃላቱ ጎጋና።

26 ሄ ጋላሰ አገናት ፖኡ አዋ ፖኡዋዳን ሀናና፤ አዋ ፖኡካ ካሰዋፕ ላፑን ኩሸያ ዳራና፤ ላፑን ጋላሳ ፖኡዋ ኬና ፖኡና። ሄ ጋላሰ መድና ጎዳይ መኤዳ ባረ አሳ ኮላና፤ እ ደቶና ማዲጾዳ ማዲላካ ፓላና።

ጸሳይ አሰራ ሙራና

27 በአተ፡ መድና ጎዳ ሱንላይ ሱልያ ሀንቁዋና፡ ሰኬዳ ጩዋ ሻርያና ሃኮ ሳፕ ያና፤ አ ዶናይ ሀንቁ ኩሜዳዋ፤ አ እንጸርሳይካ ምያ ታማ።

28 ባረ ፔኦዋን ኡባባ ፕት እፍያ ድኡዋዳን፡ ቋይሰያ ሃላ ኩንሉዋ ማላ። እ ካወተላቱዋ ባሻ ዛዝርያን ዛዝራና፤ አሳ ጋፓታካ ዋራ እፍያ ብጸላ ባርሳና።

29 ጌሻ ባላይ ቦንቹትያ ቃማ የጽያዋዳን፡ ህንተ የጸና፤ መድና ጎዳ ደርያ አሰራኤልያ ዛላኮ ብያ ዋደ፡ ሱሱልያ ፑኒደ የጽያ አሳይ ናሸትያዋዳን፡ ህንተ ናሸታና።

30 ቃይ መድና ጎዳይ ባረ ያሸያ ኮሻ ሰሳና፤ አ ቀሲ ዋዲደ ሸጭያ ሸቻ ባረ ሱልያ ሀንቁዋን፡ ምያ ታማ ላጩዋን፡ ጎትያን፡ ኡሹዋንን ሻቻ ቡርጭያን ቆንጭሳና።

31 መድና ጎዳይ ባረ ኮሻን አሰራ ዳጋንላና። አ ጸምኢይካ ኡንቱንታ ሸጫና።

32 መድና ጎዳይ ኡንቱንታ ባረ ሙርያ ጸምኢን ሸጫና ሸቻይ ኡባይ ዳርቢያንን ዲላን ግዳና። ኦላን እ ባረ ቄሰያ ደንሊደ። ኡንቱንታ ኦላና።

33 ኢያዉ ጎፕ። ታማ ኤልያሳኦ ቶፊት በን ጊጌዳ፤ ሄ ሳኦይ ጊጌዳዌ ካትያሳ። ሄ ሳኦይ ዝቃነ እኮ ግዲደ። ታማይን ዳሮ ሞላይ ደረት ኡቴዳ ሳ። መድና ጎዳ ሸምፑ ዲንያ ሻፋዳን ዪደ። ሄ ታማ ኤል ከሳና።

31

ጸሳይ የሩሳላመ ናጋና

1 ማዲዋ ኮያናዉ ዲገ ግብጼ ዎድያዎንቶን ፓራን እማነትያዎንቶ እየ እና! ጮራ ግድያ ድራዉ ፓራ ጋረቱዎን። ዳሮፕ ሞኖ ግድያ ድራዉ ፓራ አሳቱዎን እማነትያዎንቶ እየ እና! ኡንቱንቱ እስራኤልያ ጌሻኮ ጸልክና፤ ዎይ መድና ጎዳፕ ማዲዋ ኮይክና።

2 ሸን እካ ባሻ እሀናዉ ዳንዳይያ እጄዳ ኤራንቻ፤ ባረ ጌዳዋካ አገና፤ ኢታቱዋ ጎልያ አሳ ቦላን ኢታባ ኦልያዎንታ ማድያዎንቱ ቦላ ደንዳና።

3 ግብጼ ጋድያ አሳቱ አሳፕ አትና። ጸሳ ግድክና። ኡንቱንቱ ፓራቱካ አሸፕ አትና። ኢያና ግድክና። መድና ጎዳይ ሀንቁዎን ባረ ኩሽያ ሞጫያ ዎይ። ማድያዌ ጹብታና፤ ማደትያዌካ ኩንዳና፤ ኡንቱንቱ ኡባይካ እትፕ ጳያና።

4 ጸሳይ ታና ሀዋዳን ያጌ፤ “ጋሙ ዎይ ዎዳላ ጋሙ መሀያ ኦይቁደ ጉድያ ዎይ። ዳሮ ሄንጎንቻቱ አ ቦላ ጸሰት ሸቆፕካ። እ ኡንቱንቱ ዋሶ ዳጋመና። ኡንቱንቱ ዋሶካ ያየና። ሄዋዳንካ። ኡባፕ ዎልቃማ መድና ጎዳይ ጽዮን ደርያንን አ ጴቃን ኦላ ጋከታናዉ ዲገ ዎጳና።

5 ካፋ ቦላና አዋልያዎዳን። ኡባፕ ዎልቃማ መድና ጎዳይ የሩሳላመ ጎንዳላናን አሸ አካና፤ እ አ ቦላና አጲደ። እ ዎል አካና” ያጌ።

6 ሀንተኖ እስራኤልያ አሳቶ። ሀንተ ሎይል ማካሌዳዎኮ ሰምተ።

7 ኢያዉ ጎፕ። አሳ ኡባይ ባረንቱ ናጋራንቻ ኩሽያን ብራፕን ዎርቃፕ መጄዳ ኤቃቱዎ ሄ ጋላሰ ኦላና።

8-9 ታማይ ጽዮን። ጮጪ የሩሳላመን ደኢያ ጸሳይ ሀዋዳን ያጌ፤ “አሶረ አሳዋ ግደና ማሻን ኩንዳና፤ አሳዋ ግደና ማሻይ ኡንቱንታ ማና። ኡንቱንቱ ማሻ ሰንጻፕ ባቃታና፤ ኡንቱንቱ ዎዳላ አሳቱ ጴጶ ኦሶ አዛዘታና። ዳጋማ ጋሱዎን። ኡንቱንቱ ሞኖ ጌሱ ላለታና፤ ኡንቱንቱ ኦላ ጋዳዋቱካ ዳጋማዉ ኦላ ባንድራ አግ ባሺደ ባና” ያጌ መድና ጎዳይ።

ጸሳይ ኤደማ ሙርያዎ የሩሳሌሞ አንጅያዎ ግዲሳ

32

(ኢሳ. 32:1—35:10)

ጽሎተላን አይሰያ ካትያ

1 በእተ። ካቲ ጽሎተላን ካተታና፤ ሞድያዎንቱካ ሱረተላን ሞዳና።

2 አሳይ ሁጲያን ሁጲያን ጫርኩዋፕ ጌምያ ሳ። ጎትያፕ ባቃትያ ሳ ግዳናዎ፤ መላ ሳኦን ጎግያ ሃላን ዘዘትያ ጋድያን ደኢያ ዎልቃማ ዛላ ኩዋ ማላ ግዳናዎ።

3 ጴልያ አሳቱ አይፊ ጪልመና፤ ሰሰያዎንቱ ሀይሳይካ ሀይዛና።

4 ታፍታፍያ አሳቱዋ ዎዛናይ ኤራናን አኬካና። ዴዶትያ አሳቱዋ እንጻርሳይካ ሱረ ጌሺደ ሃሳያና።

5 ሀዋፕ ሰንጻናዉ ኤይ ቦንቾ አሳ ጌተተና። ኢታ አሳይ ቦንቾተና።

6 ኢያዉ ጎፕ። ቦዛይ ቦዛተላ ሃሳየ፤ አ ዎዛናይካ ናጋራ አላናዉ። መድና ጎዳ ቦላ ጸላባ ሃሳያናዉ። ኮሻቱዳዎንታ ካልሰናን አጋናዉን ሳመቴዳዎንታ ኡሽናን ድጋናዉ። ኢታባ ማቀቱ።

7 ኡዘትያዎ ኡዚ ኢታ፤ መቶታንቻይ ሱረባ ሃሳዪደ። ዎርዱዎን ሀይሳ ጳይሳናዉ እ ኢታ ቆፋ ቆፔ።

8 ሎኦ ኡራይ ሎኦባ ሀልቼ፤ ሄ ሎኦ ሀልቼዎን ሞኒደ ደኤ።

ፕርዳን በትያፕ ሰምያዎ

9 ሀንተኖ ቆፋይ ባይናን ደኢያ ማጫዎንቶ። ደንድተ፤ ታ ኦድያዎ ሰሰተ፤ ሀንተኖ እማነቲደ ኡቴዳ ማጫ ናቶ። ታን ሀንተንቶ ኦድያዎ ሰሰተ።

10 እት ላይላፕ ጉላ አጵሽን። ሀንተ እማነቲደ ኡቴዳዎንቱ ኮኮራና፤ ዎይንያ አ ዎድያን ጸንቁያዎ አታና። ቶኬዳዋፕ ሀንተ አይፍያ ሺሻና ዎዲካ ዬና።

11 ሀንተኖ እሻሉዎን ደኢያ ማጫዎንቶ። ኮኮርተ። ሀንተኖ እማነቲደ ኡቴዳ ማጫ ናቶ። ጋጅ ጋጅተ። ሀንተ ማዩዎ ቃርተ፤ ካዩዋ አፍላ ሀንተ ጴሳን ዳንጭተ።

12 ሎኢያ ሸይቃይን አይፍያ ደርጾዴዳ ዎይኒ ጳይዳ ድራዉ። ካዮቲደ። ሀንተ ትራ ባቂተ።

13 አጉንላ ቡራይን ክንድቼ ታ አሳ ጋደን ሞኬዳ። አሳይ ናሽቲደ ደኤዳ ጎለቱዋሰን ናሽቻን ደኤዳ ሀ ካታማዉ ዬክተ።

14 ሚጻይ አታና፤ ዳር አሳይ ደኢያ ካታማቱካ ኦናና፤ ጌሱን ዎቾያ ግምቦቱ መድናዉ መላ ግዳናዎ፤ ኡንቱንቱ ዎራ ሀረቱ ናሽትያሳን ደርሳ ዉዲ ሀመትያሳ ግዳናዎ።

15 ሄዌን። ቦላ ጴቃፕ ኦ ቦላ ኢያናይ ጉካና ጋካናሳ። መላ ባዙ አራዳና ጋካናሳን አራዳ ቢታይካ ዎራ ግዴዳ ጌተቲደ ቆፊታና ጋካናሳ።

16 ሄዋፕ ጉይያን። ሱረ ፕርዳይ መላ ባዙዎን። ጽሎተላይካ አራዳ ጋድያን ደኢና።

17 ጽሎተላ ኦሱ ሳርተላ ግዳናዎ፤ ጽሎተላ አይፊካ መድናዉ ዎፓተላን እማነቲደ ደኢያዎ ግዳናዎ።

18 ታ አሳይ ሳርተላይ ደኢያ ሳኦን። ናገትያ ጎልያንን ዎፑ ጌዳ ሸምፕ ሳኦቱዎን ደኢና።

19 ሻቻን ዎራይ ዲፖፕ፤ ቃይ ካታማይ ኡባና ኮለቶፕ፤

20 ሄ ሃላ ኡባ ማታን ሀንተ ካላ ዘሪደ። ሀንተ መሀያካ ሀንተ ሀረቱዋካ ሄንላዉ ብል የዲደ። ሀንተ ሎይል አንጀታና።

33

ማዲዋ ዎሳ

1 ኔሮ፡ ኔሮ ጳይሰናን ደእሸን ጳይሰያዎ፡ ነዉ ኣየ ኣና! ኔሮ፡ ኔሮ ኣል እመናን ደእሸን፡ ኣላ እምያዎ፡ ነዉ ኣየ ኣና! ኔን ጳይሱዋ ኣኼዳ ዋደ ኔሮ ጳይሰናን፤ ኔን ኣላ እሙዋ ኣኼዳ ዋደ ኔሮ ኣል እማና።

2 ኣቤት መድና ጎዳዉ፡ ኑና ማራ፤ ኑን ኔና ናጌቶ፤ ዋንታ ዋንታ ኑዉ ዋልቃ ግዳ፤ መቱዋ ዋደካ ኑና ኣሸያዋ ግዳ።

3 ነ ኮሻይ ጉጉንጎዳን ጉምያ ዋደ ኣሳይ ባቃቴ፤ ኔን ኑና ማዳናዉ ደንዳ ኤቁያ ዋደ፡ ካዉተላቱ ላለቲኖ።

4 ጎንዱ ሸቆያዎዳን፡ ህንተ ኣሞዱ ሸቃና፤ ቦሊ ድርቢያዎዳን፡ ኣሳይ ኣ ቦላ ድርባና።

5 መድና ጎዳይ ቦላን ደእያ ድራዉ፡ ዶቁ ዶቁ ጌዳ፤ እ ጽዮን ሱሪ ፕርዳንን ጽሎተላን ኩንጎና።

6 እ ህንተንቶ ህንተ ዋድያ ምንሳያዎ፡ ህንተ ኩመንጎላ ኣቶተላ፡ ኣዴዳ ኤራተላን ኤራ ግዳናዎ፤ መድና ጎዳዉ ያይያዎ ኣዉ ኣቆ ግዳናዎ።

7 በእተ፡ ኣንቱንቱ ዋልቃማ ኣሳቱ ኦግያን ዋሲኖ፤ ስጋተላዉ ከቲዳዋንቱካ ምሸቲደ ዬኪኖ።

8 ኣኮ ኣገቱ ኦኔድኖ፤ ኦግያና ኣድያዎ ኣኼዳ። እ ባረ ጫቀቲዳ ጫቁዋ ኮሌዳ፤ ካታማቱዋካ ካዴዳ። ኣሳካ ደምቤና።

9 ቢታይ ካዮቴን ላባኔ። ለባናሰ ዬላቲደ መሌ፤ ሳሮና ግያ ኣራዳ ድልባይ መላ ቢታ ግዴዳ። ባሳን ግያ ደርያንን ቃርመሎሳ ደርያን ደእያ ምላቱዋ ሀይላይ ቆቆፈቲ።

ጳሳይ ባረና እጽያዋንታ ኡባ፡ “ኣዬ!”

10 መድና ጎዳይ ካዉተላቶ ሀዋዳን ያጌ፤ “ሀእ ታን ደንዳና፤ ሀእ ታን ቦንቹታና፤ ሀእ ታን ዶቁ ዶቁ ጋና።

11 ህንተ ኡቱላ ሻሃሪደ፡ ሱላ የሌድታ። ህንተ ሸምጥያ ሸምጥ ህንተና ምያ ታማ።

12 ኣሳይ ታማን ጸገቲዳ ብድንጎ ማላ ግዳናዎ፤ ቃይ ቃንጸቲደ፡ ታማን ኤጼዳ ኣጉንጎ ማላ ግዳናዎ።

13 ህንተኖ፡ ሃኩዋን ደእያዋንቶ፡ ታን ኡሌዳዎ ሰሰተ፤ ማታን ደእያዋንቶ፡ ታን ዋልቃማ ግድያዎ ኣኸክተ” ያጌ።

14 ጽዮንን ደእያ ናጋራንቻቱ ያዬድኖ፤ ጳሳዉ ግድናዋንታ ኮኮርሳይ ኦይቁዳ። ሄዋ ድራዉ፡ ኣንቱንቱ፡ “ምያ ታማና ደእናዉ ዳንዳይያ ኡራይ ኑ ግድን ኦኔ? ኤጼደ ደእ ኣግያዋና ደእናዉ ዳንዳይያ ኡራይ ኑ ግድን ኦኔ?” ያጌና።

15 ጽሎተላን ሀመትያዎ፡ ሱሪባ ሃሳይያዎ፡ ሱሪ ግድና ኦግያና ቤትያ ጎኣ እጽያዎ፡ ማታይያ ኣካናዉ ባረ ኩሸያ የደናዎ፡ ሱላ ጉሰያዎ ሰሰናዳን፡ ባረ ሀይላ ቱጭያዎ፡ ኢታባ ጸለናዳን፡ ባረ ኣይፍያ ጨለምያዎ።

16 ሄ ኡራይ ዶቃሳን ደእና። እ ባቃቲደ ኣታና ሳኣይካ ምኖ ዛላ ደኡዋ ግዳናዎ፤ ኣ ኡክላይካ ኣዉ እመታና፤ ኣ ኡሸያ ሃላይካ ፓጨና።

ቦንቹ ኩሜዳ ያና ላይላ

17 ህንተ ኣይፈቱ ካትያ ኣ ፑላና በኣና፤ ሃኪደ ደእያ ቢታካ በኣና።

18 ህንተ ዋዛናይ፡ “ፓይዴዳዎ ሀቃን ደኢ? ጌራ ይግ ጼሌዳዎ ሀቃን ደኢ? ኣዲሳ ግምቡቱዋ ፓይዴዳዎ ሀቃን ደኢ?” ያጌደ ያሸያ በንዋ ቆፓና።

19 ህንተ ቃረት ባይና ኣሳቱዎ፡ ህንተንቶ ገለና ሃሳያ ሃሳይያ ኣሳቱዋን እንጸርሳይ ዴዶትያ ኣሳቱዋ ሀዋፕ ሰንጎን በኣክታ።

20 ኑን ኑ ባላ ቦንቹያ ጽዮን ካታማ በኣተ! ዋፑ ጌደ ደኢያሳ፡ እ ሸካሊ ሾደተና፡ እ ዋዶሩካ ዲጸናን ቃጸና ዲንካንያ ማላ፡ የሩሳላመ ካታማ ህንተ ህንተ ኣይፍያን በኣና።

21 ሸን መድና ጎዳይ ኑዉ ሄ ሳኣን ባረ ዋልቃማ ዋልቃ ቆንጭሳና። ሄ ሳኣይ ኣኮ ሻፋቱን ጎግያ ሃላቱዋ ማላ ግዳናዎ። ላግያ ዋሉዋሉ ኣ ቦላና ባናዉ ዳንዳየና፤ ዋልቃማ ማርካቢካ ያና ኣዳናዉ ዳንዳየና።

22 ኣያዉ ጎፕ፡ መድና ጎዳይ ኑ ዳና፤ መድና ጎዳይ ኑዉ ሀግያ እሜዳዎ። መድና ጎዳይ ኑ ካትያ፤ እ ኑና ኣሻና።

23 ነ ዋዶሩዋ ቃሹ ሾልኤዳ፤ ማርካቢያ ቱሳ ኣ ሳኣን ምንሰ ኣይቃናዉ ዋይ ሻራካ ጸጋጋናዉ ዳንዳየና። ሄ ዋደ ዳር ኦሞዲደ ኣሄዳባይ ሻከታና፤ ሀራይ ኣትና፡ ዋባቱካ ኦሞዲዋ ኦሞዳና።

24 ጽዮንን ደእያ ኣንነ፡ “ታን ሀርጋይ” ያገና፤ ያን ደእያ ኣሳ ናጋራይ ኣቶ ጌተታና።

34

ጳሳይ ባረ ሞርከቱዋ ሙራና

1 ህንተኖ፡ ካዉተላቶ፡ ሸቂደ ሰሰተ! ህንተኖ ኣሳቶ ሰሰተ! ቢታይን ጋድያን ደእያባይ ኡባይ፡ ሳኣይን ሳኣን ደእያባይ ኡባይ ሰሰተ!

2 ኣያዉ ጎፕ፡ መድና ጎዳይ ካዉተላ ኡባ ሀንቀቱዳ፤ ኣ ይሉካ ኡንቱንቱ ቶራንቻቱዋ ኡባ ቦላና። እ ኡንቱንቱ ኡባና ጳይሰና፤ ኡንቱንታ ሲፍያዋንቶ ኣሊደ እማና።

3 ኡንቱንቱፕ ዋዴዳዋንቱ ኣለታና፤ ኡንቱንቱ ኣሃይ ጽንቃና። ዋጋ ደረቱ ኡንቱንቱ ሱላን ካመታና።

4 ሳሉዋ ጸልንተቱ ኡባይ ሲላና፤ ሳሎቱ ዋራቃታዳን ጸጸታና። ኡንቱንቱ ጸልንተቱ ኡባይ ዋይንያፕ ሀይላይ ቆቆፈትያዎዳን፡ ባላሰያፕ ኣይፊ ቆቆፈትያዎዳን ቆቆፈታና።

5 ታ ማሻይ ሳሎቱዋ ግድን ኣላና ጋካናዉ ኡሼዳ። በኣተ፡ እ ኤደማ ቦላ፡ ታን ሸቁዳ ኣሳ ቦላ ፕርዳናዉ ዋዴ።

6 መድና ጎዳዉ ቦጽራ ግያ ካታማን ያርሹ፡ ኤደማ ጋድያን ዋልቃማ ሹካይ ደእያ ድራዉ፡ መድና ጎዳ ማሻይ ሱላን ሜጨቲደ፡ ሞቆዋን ጸጸቲዳ። ደርሳቱዋን ዳሻቱዋ ሱላን ሜጨቲደ፡ ደርሳቱዋ ክላሆቱዋ ሞቆዋን ጸጸቲዳ።

7 ቃይ መንጎቱ፡ ማራቲን ኮሩማ ቦራቱ ኡንቱንቱና ኩንዳና። ኡንቱንቱ ቢታይ ሱላ ጸላላ ግዳና፤ ኡንቱንቱ ቢታይካ ሞቆዋን ሙናቀታና።

8 ኣያዉ ጎፕ፡ መድና ጎዳይ ሀሉዋ ከሰያ ጋላሳ፤ ጽዮን ኡሌዳ ሞርከቶ ኩሸያ ዛርያ ላይላ።

34:4 ማቶሳ 24:29፤ ማር. 13:25፤ ሉቃሳ 21:26፤ ሳዓ 6:13-14 34:5 ኣሳ. 63:1-6፤ ኤር. 49:7-22፤ ህዘ. 25:12-14፤ 35:1-15፤ ኣሞጾ 1:11-12፤ ኣብድ. 1-14፤ ሚልክ. 1:2-5

9 ጎጃያ ኤደማ ሃጻቱ ሸድያው፡ አ ቢታይካ ዲንያው ላመታናቸው፤ አ ቢታይ ኤጽያ ሸድያ ግዳናቸው።

10 ታማይካ ቃማን ጋላሳን ቶኤና፤ አ ጩቀይካ መድናው ጩቀታና። ኤደማ ቢታይ የለታ፣ የለታ ጋካናው፡ መላ ግዳናቸው፤ ኦን መድናው ሄቀና አ።

11 ሸን ጽንግሊን ቁጻርሳይ አ ላታና፤ ጉቶቱን ቁሩ አን ደከና። ጸሳይ ኤደማ ቦላ ኮለላ ልክያ ዋደሩቸው መላተላ ልክያ ቱምቢያ ፕድ ኦሊደ የደና።

12 ሄ ጋድያን ካተትያዌ ጳያና፤ ካፓቱካ ሄዋፕ ክቻና።

13 አ ጎለቱቸውን አጉንላይ፡ አ ሚጻቱቸውን አካይ አደሩ ሞካና። አ ዋራካናቱ አላጽያሳን ሶጎኒ ደኢያሳ ግዳናቸው።

14 ዋራ ደከቱ ጎዳረቱቸውን ጋከታና፤ ቱና አያናቱ እቱ እቱቸውን ጸሰታና፤ ቃማ ጸላሄቱ ዋዲደ፡ ያን ደከና።

15 ጉታታ ያን ጎልያ ኬጻና፤ ቁቁሌዳ ቁቁለቱቸውን ሀጸደ ቆጻና። ባረ ማራቱቸውን ባረ ቀፈቱቸውን ጋርሳን ሀጸና፤ ቃይ ጋጩቱ ባረንቱ ላግያና ላግያና ሄ ሳኦ ሺቃና።

16 መድና ጎዳ ማጻፋፕ ኮዪደ ናባብተ። ጸሳ ደናይ አዛዜዳ ድራውን አ አያናይ ሺሼዳ ድራው፡ ሀዋንቱ፣ እቱን ፓጩና፤ ቃይ እቱን ባረ ላገ ባይናን ደከና።

17 አ ኡንቱንቶ ሳማ ከሴዳ፤ አ ኩሺ ኡንቱንቶ ጋድያ ዋርዲቸውን ሻኬዳ፤ ኡንቱንቱ አ መድናው ሞዳና፤ የለታ፣ የለታ ጋካናው፡ ኡንቱንቱ አን ደከና።

35

ጽሎተላ ኦግያ

1 ቢታ ባዙነ መላ ቢታይ ናሽታና፤ መላ ቢታይ ናሽቻ ፖጩ ገደ፡ ጨሻ ጨሻና።

2 አ ዳርፕ ጨሻና፤ ፖጩ ገደ ናሽቻን የጻና። ሊባኖሳ ቦንቹን ቃርመሎሳን ሳርና ግታተላይ እመታና፤ ኡንቱንቱ መድና ጎዳ ቦንቹቸውን ኑ ጸሳ ግታተላ በከና።

3 ዳቡራዳ ኩሽቱቸውን አርጋጩዳ ጉልባታ ሞንግጠተ።

4 ዋዛናን ያሻይ ደእያቸውንታ፡ “ሞንተ! ያዮፕተ! ሄኮ፡ ሀንተ ጸሳይ ሀሉቀ ከሳናውን ባረ ጸሳተላን ኡንቱንታ ሙራናው ያና፤ አ ሀንተና አሻና” ያግተ።

5 ሄ ዋደ፡ ቆቀቱቸውን አይፊ ደየታና፤ ቱለቱቸውን ሀይላይካ ሰሳና።

6 ዋባቱቸውን ገንእያዳን ጉፓና፤ ዱደቱካ ናሽቻን የጻና፤ ባዙቸውን ሃላይ መሎሳን ፑልቱ ጳቃና።

7 ጸግያ ሻፊ ዳጋቱዳ ሃላ ግዳናቸው፤ መላ ቢታይ ሃላ ፑልታና፤ ዋራካናቱ አላጽያሳን ማታይ ማቃይን ጫሪ ደላና።

8 ያን አኮ ኦገ ደከና፤ እካ ጌሻተላ ኦግያ ጌተታና። ጌሻ ግደናቸውን ሄ ኦግያና አድክና። ሸን አ ጌሻቱቸውን ግዳናቸው፤ ኢታ ኤያቱ አን ሰመረትክና።

9 ያን ጋሙ ደኤና፤ ያሸያ ደከቱካ ሄቀና አድክና፤ ያንካ ቤትክና፤ ሸን ዋዘቱዳቸውንቱ ጸላላይ ሀመታና።

10 መድና ጎዳይ ዋዜዳቸውንቱ ሰማና፤ የጸድ፡ ጽዮን ያና፤ መድና ናሽቻይ ኡንቱንቱ ሁጲያን ዋዳና። ኡንቱንቱ ናሽቻን ሀሹ ግያዋ ደማና፤ ካዩን ኦሊ ዋራ ባቃታና።

አሶራ፡ ባብሎና፡ ካትያ ሀዘቅያሳን ኢሰያሳ

36

(36:1—39:8)

አሶራቱ የሩሳላም ናሴድና (2 ካታ. 18:13-27፤ 2 ኦዲዋ 32:1-19)

1 ካትያ ሀዘቅያሳ ካተቱዳ ታማን ኦይደንላ ላይላን፡ አሶራ ካቲ ሳናክሬብ ግምቦት ኡቴዳ ይሁዳ ካታማቱቸውን ኡባ ኦሊደ ኦይቄዳ።

2 ሄዋፕ ጉይያን፡ አሶራ ጋድያ ካቲ ላክሻ ግያ ካታማፕ እት ዋናትያ ኦላ ጋዳዋ ጮራ ኦላንቻቱቸውን ካትያ ሀዘቅያሳኮ የሩሳላም የዳዳ። ቢደ፡ ማዩዋ ማጫያዋ ጋደ አፍያ ኦግያፕ ቆሞ ባጋና ደእያ ዳጋቱዳ ሃላይ ጎግያ ሃላ ማታን ኤቄዳ።

3 ያትና፡ ሀልቄያ ናኦይ ካትያ ጎልያን አዋትያ ኤልያቄመ፡ ዋና ጸፊ ሹብንን አሳፋ ናኦይ ታርክያ ጸፍያ የኦህ አኮ ካረ ከሴድና።

4 አሶራቱቸውን ጋዳዋይ ኡንቱንታ፡ “ሀዘቅያሳው ሀዋዳን ያገደ ኦድተ፤ አሶራ ካቲ፡ ዋልቃማይ ኔና ሀዋዳን ያገ፤ “ኔን ሀዋ ኬሻ እያን አማነታዲ?”

5 ኔን ጮ መላ፡ ኦላ አለታናው ታው አጄዳ ኤራይን ዋልቃይ ደኤ ያጋሳ። ሸን ኔን ኦናን አማነታዲ ታ ቦላ ሀዋ ማካላዲ?

6 ኔን ግብጾ ካቲ ማዳና ጋደ ቆፔዳዋ ግደፕ፡ መኤዳ ማቃ ጋትማን ጉፈትያ አሳ ማላ። አያው ጎፕ፡ ጸምአይ መእና፡ ፕንጩ ኩሽያ ጫዳን ማዲጽሴ። ግብጾ ካቲ ባረናን አማነትያ አሳ ኡባው ሄቀ ማላ።”

7 ሸን ኔን ታው፡ “ኡን መድና ጎዳን፡ ኑ ጸሳን፡ አማነቱቶ” ያጎፕ፡ ሀዘቅያሳ ይሁዳ አሳን የሩሳላም አሳ፡ “ሀንተ የሩሳላምን ደእያ ያርሸያሳን ጎይናናው ኮሼ” ገደ፡ አው ጎይንያ ጴቃ ሳኦቱቸውን ያርሸያ ሳኦ ድጌዳ ጸሳ አ ግደኔ?

8 አን ሀእ ሃያ! ታ ጎዳ አሶራ ካትያና ናሰታ። ኔን ቶጋናው ዳንዳይያ፡ ግድያ አሳ ደሞፕ፡ ላኤ ሻእ ፓራቱቸውን ነው አማና።

9 ኔን፡ “ግብጾቱ ፓራ አሳቱቸውን ፓራ ጋረቱቸውን ታው የዳና” ጋደ አማኖፕ፡ ታ ጎዳ ኦላንቻቱቸውን ካፓቱቸውን እት ላፍያዋካ ዛራናው ዳንዳይያ።

10 ሄዋ ቦላካ ቃይ፡ ታን ሀእ ቱሙ መድና ጎዳ አዛዙ ባይናን ሀ ጋድያ ጳይሳናው ከሳድታ? መድና ጎዳይ ባረ ሁጲያን ታና፡ “ኔሪ፡ ሄ ጋድያ ባደ፡ ኦላደ ባይዛ” ያገደ ኦዳዳ ያጌ ያግተ ያጌዳ።

11 ሄዋፕ ጉይያን ኤልያቄመ፡ ሹብንን የኦህ አሶራቱቸውን ጋዳዋ ሀዋዳን ያገደና፤ “ኡን ብለላ ኤርያ ድራው፡ ሀያና ኔን ኡው ነ ቆማቶ ሶርያ ቃላን

አዳ። ድርሳ ግምቢያ ሁጺያን ደእያ አሳይ ሰሰና ማላ። እብራይስጥ ቃላን ኦዶ።” ያጌድኖ።

12 ሸን ጋዳዎይ ዛረላደ። “ሀ ቃላቱዎ ታን ህንተውን ህንተ ጎዳ ጸላላው ኦዳናው ታና ታ ጎዳይ ከቲዳየ? ህንተናና እትፕ ባረንቱ ኡርቃ ሼሻ ማናውን ባረንቱ ሃላ ሼሻ ኡሻናው ደእያ። ሀ ድርሳ ግምቢያ ቦላ ኡቲዳ አሳ ኡባው ኡዳናሳ ግደኔየ?” ያጌድኖ።

13 ሄዋፕ ጉይያን አሰረቱዎ ጋዳዎይ ደንድ ኤቁደ። ባረ ቃላ ጶቁ ኦላደ። እብራይስጥ ቃላን ሀዋዳን ያጌዳ፤ “አሰረ ካቲ ዎልቃማይ ህንተና ግያዎ ሰሰተ!”

14 ካቲ ህንተና ሀዋዳን ያጌ፤ ‘ህዝቁያሰ ህንተና ጭዋፖ፤ አያው ጎፕ። እ ህንተና ታ ኩሽያፕ ዎል አካናው ዳንዳየና።

15 እ ህንተና። “መድና ጎዳይ ቱማ ኑና አሻና፤ ሀ ካታማይካ አሰረ ካትያ ኩሽያን ገለና” ጊደ ህንተ መድና ጎዳን አማነታና ማላ ኦላፖ” ያጌ።

16 “ኤ። ህንተ ህዝቁያሰ ኦድያዎ ሰሰፕተ። አሰረ ካቲ ህንተና። ‘ታናና ሰገትተ፤ ሃ ታኮ ከሰተ። ያቶፕ። ህንተ ኡባይካ ህንተ ዎይንያ ቲራፕን ህንተ ባላሰያ ቲራፕ ማና፤ ህንተ ቦኬዳ ኦላፕካ ሃላ ኡሻና።

17 ሄዋፕ ጉይያን ታን ያደ። ህንተና ህንተ ቢታ ማላትያ ቢታ እካደ አፋና። ሄ ቢታይ ካላይነ ዎይንያ ኤሳይ። ኡክላይነ ዎይንያ አታክልቲ ኩሜዳ ቢታ” ያጌ።

18 “ህዝቁያሰ ህንተና። ‘መድና ጎዳይ ኑና አሻና’ ያጊደ ጭመናዳን ናገትተ። ጋድያ አሳቱዎ ጸሳቱዎፕ ባረ ቢታ አሰረ ካትያ ኩሽያፕ አሼዳ ጸሰ ደኢየ?

19 ሀማታ ጸሳቱን አርፋዳ ጸሳቱ ሀቃን ደኢኖ? ሳፋርዎይማ ግያ ካታማ ጸሳቱ ሀቃን ደኢኖ? ኡንቱንቱ ሳማርያ ታ ኩሽያፕ ዎል አኬድኖ?

20 ሀ ቢታቱዎ ጸሳቱዎ ኡባ ግደን ባረ ጋድያ ታ ኩሽያፕ አይ ጸሰ አሼዳዎ ሸን። መድና ጎዳይ የሩሳላመ ታ ኩሽያፕ አሻኔ?” ያጌድኖ።

21 ሸን አሳይ እት ቃላን አው ዛረናን ጮኡ ጌዳ። አያው ጎፕ። ካቲ ኡንቱንታ። “አው አይነ ዛረይ ኦዶፕተ” ያግ ዎሴዳ።

22 ሄዋፕ ጉይያን ህልቁያ ናአይ ካትያ ጎልያን አዎትያ ኤልያቁመ። ዋና ጸፊ ሼብንን ታርክያ ጸፊ አሳፋ ናአይ ዮኣህ ባረንቱ ማዩዎ ፔጲደ። ህዝቁያሳኮ ቤድኖ፤ አሰረቱዎ ጋዳዎይ ጌዳዎ ኡባ አው ኦዶድኖ።

37

ካቲ ህዝቁያሰ ኢሰያሳ ዞርያ ኦቼዳ (2 ካታ. 19:1-7)

1 ካቲ ህዝቁያሰ ሄዎ ሰሴዳ ዎደ። ባረ ማዩዎ ፔጲዳ፤ ማቃ ማዩደ። መድና ጎዳ ጌሻ ጎልያ ገሌዳ።

2 ካትያ ጎልያን አዎትያ ኤልያቁመ። ዋና ጸፊ ሼብንን ጭማ ቁሳቱ ማቃ ማዩደ። አዎጸ ናኣ ትዎቢትያ ኦድያ ኢሰያሳ ኮ ባና ማላ ከቲዳ።

3 ኡንቱንቱ ኢሰያሳ ኮ ቢደ። “ህዝቁያሰ ሀዋዳን ያጌ፤ ‘ሀቼ ጋላሳይ መቶ ጋላሳ። ሴራ ጋላሳን ዬላ ጋላሳ። ሄዌካ ናእ የለታናው ዎዲ

ጋክና። ባናደ የላናው ሞሽራትው ዎልቃይ ጳይያዎ ማላ።

4 ደኡዎ ጸሳ ሸቃናዳን። እ ጎዳይ። አሰረ ካቲ። ከቲዳ ጋዳዎ ቃላ መድና ጎዳይ ነ ጸሳይ ሰሰናን አገና። ቃይ መድና ጎዳይ ነ ጸሳይ ሄ ሰሴዳ ቃላ ሀዳን አ ሙረናን አገና። ሄዎ ድራው። ኑ አሳ ግደን ፓላህ አታናዎንቶ ዎሳ!” ያጌ” ያጌድኖ።

5 ካትያ ህዝቁያሳ ቆማቱ ኢሰያሳ ኮ ዬዳ ዎደ።

6 እሰያሰ ኡንቱንታ ሀዋዳን ያጌዳ፤ “ህንተ ጎዳው ሀዋዳን ያጊደ ኦድተ፤ መድና ጎዳይ ኔና። ‘አሰረ ካትያ ቆማቱ ታና ሸቅሸን። ኔን ሰሴዳ ቦርያ ቃላው ያዮፓ።

7 በእ። ኡዴዎ ሰሴዳ። እ ባረ ቢታ ሰማና ማላ። ታን አ ግደን እት አያና ዎላና። ያታደ እ ባረ ቢታ ቢደ። ያን ማሻን ሀይቃናዳን። ታን አ ኦላና ያጌ” ያግተ ያጌዳ።

አሰረቱ ሀራቱዎካ ናሴድኖ (2 ካታ. 19:8-19)

8 አሰረ ካቲ ላክሻ ካታማፕ ደንዲደ ብ ክቼዳዎ አሰረቱዎ ጋዳዎይ ሰሴዳ። ጉየ ሰሜዳ። ካቲ ሊብና ካታማን ኦለትያዎ ደሜዳ።

9 ካቲ ሳናክራብ። “ቶጵያ ካቲ ትርሃቅ ኔና ኦላናው ዬዳ” ያግያ ኡዴዎ ሰሴዳ። ህዝቁያሳው ሀዋዳን ያግ ከቲዳ፤

10 “ይሁዳ ካትያ ህዝቁያሳ። ኔን አማነትያ ጸሳይ ኔና። የሩሳላመ አሰረ ካትያ ኩሽያን ገለና’ ያግ ጭዋፖ።

11 በእ። አሰረ ካተቱ ቢታቱዎ ኡባ ኡባና ጳይሴደ። ኡንቱንቱ ኦሴዳዎ ኔን ሰሳዳ። ያትና። ኔን አታኒ?

12 በን ታ ማይዛ አዎቱ ባይዜዳ ቢታቱዎ ጸሳቱ። ሄዎንቱን ጎዳና። ካራነን ረጸፋ ቢታቱዎ ጸሳቱን ታላሳራን ደእያ ኤደነ አሳ ጸሳቱ ሄ ቢታቱዎ ባሻፕ አሼድኖ?

13 ሀማታ ካቲ። አርፋዳ ካቲ። ሳፋርዎይማ ካቲ። ሄናአ ካቲን ኢዎ ካቲ ሀቃን ደኢኖ?” ያግ ከቲዳ።

14 ህዝቁያሰ ዳብዳቢያ ከተቲዳ አሳቱዎፕ አከደ ናባቤዳ። ዳብዳቢያ መድና ጎዳ ጌሻ ጎልያ አክ አፊደ። መድና ጎዳ ሰንላን ሞጬዳ።

15 ያቲደ መድና ጎዳ ሀዋዳን ያግ ዎሴዳ፤

16 “አቤት ኡባፕ ዎልቃማ መድና ጎዳው። ክሩቡቱዎፕ ግዲዎን ኡትያ እሰራኤልያ ጸሳው። ሳኣ ካውተሳቱዎ ኡባ ቦላ ነ ጸላላይ ጸሳ። ሳሉዎን ሳኣ ኔን መጳዳ።

17 አቤት መድና ጎዳው። ነ ሀይላ ሃ የጋደ ሰሳ። አቤት መድና ጎዳው። ነ አይፍያ ፖጋደ ጸላ። ኔና። ደኡዎ ጸሳ ቦራናው ሳናክራብ ከቲዳ ቃላ ሰሳ።

18 “አቤት መድና ጎዳው። አሰረ ቢታ ካተቱ ካውተሳ ኡባን ኡንቱንቱ ጋድያ ባይዜዳዌ ኤ ቱማ።

19 ኡንቱንቱ ጸሳቱዎ ታማን ጹግ ጳይሴድኖ፤ አያው ጎፕ። ኡንቱንቱ ጸሳቱ ዎንካ አሳ ኩሽ ማሰደ ከሴዳ ሞላን ሹቻ ግድያ ድራው። ቱሙ ጸሳቱዎ ግድክና፤ ሄዎ ድራው። ኡንቱንቱ ኡንቱንታ ጳይሴድኖ።

37:16 ከሳ 25:22

20 ሀእ ሰሞ አቤት መድና ጎዳው፤ ኑ ጸሳው፤ ነ ጸላላይ ጸሳ ግድያዎ ሳኢ ካውተላቱ ኡባይ ኤራና ማላ፤ ኔን ኑና ኦ ኩሽያፕ ዋላ አካ!” ያግ ዋሴዳ።

እስያስ ካትያው የዴዳ ኪታ (2 ካታ. 19:20-37)

21 ሄዋፕ ጉይያን፤ አሞጸ ናኦይ እስያስ ሀዘቂያሳው ሀዋዳን ያግ ኪቴዳ፤ “መድና ጎዳይ እስራኤልያ ጸሳይ ሀዋዳን ያገ፤ “ኔን አሶረ ካትያ ሳናክሬባ ጋሱዋን ታና ዋሴዳ ዋሳ ሰሳድ” ያገ።

22 መድና ጎዳይ ሳናክሬባዎ ሀዋዳን ያግ ሃሳዩ፡-

“ጽዮንን ደእያ አሳይ ኔና ካዴ፤ የሩሳላመ አሳይ ባረ ሁጲያ ቃሊደ፤ ኔና ቅሊጮ።

23 ኔን ሸቂዳዌን ቶቹዳዌ ኦኔ?

- ኔን ኦ ቦላን ነ ቃላ
- ጶቄ ኦላደ ሃሳያዲ?
- ቃይ ኦቶሩዋን ኦና
- ጶቄ ጋደ ጸላዲ?
- ሄዋ ኔን ኦሌዳዌ ታ ቦላና፤

እስራኤልያ ጌሻ ቦላና ግደኔ!

24 ኔን ኪቴዳ አሳቱዋ ባጋና ጎዳ ሸቃዳ።

- ቃይ ሀዋዳን ያገዳ፤
- ጥን ታው ደእያ ጮራ ፓራ ጋረቱዋን
- ጶቃ ደረቱዋ ሁጲያ፤ ሊባናሳ ደርያ ኪክያ ከሳድ።

ከሳደ ኡባፕ አዲቂያ ዘጋቱዋን፤ ኡባፕ ሎእያ ጲዳቱዋ ቃንጸድ።

ታን ጶቃው ወርሰላ ጋጸነ፤ ጨልሞ ዋራ ጋካድ።

25 ታን አላጋ ቢታቱዋን

- ሃላ ኦላቱዋ ቦካደ፤
- ሃላ ኡንቱንቱፕ ኡሻድ።
- ግብጾ ጋደያን ጎግያ ሃላ ኡባ
- ታን ታ ገድያ ጎሞፓን የዳደ መልሳድ”

ያጋዳ።

26 “ዳር ዋድያፕ ካስ፤ ኔን ግሞቦቴዳ ካታማቱዋ ቆቆፋደ፤ ሹቻ ኬላ ከሳና ማላ፤ ታን ቆፋ ቃቻ ዋሌዳዋ ኔን ኤራቦይኪ?

ታን ሀእ ፖልያ ሀልቾቱዋ፤ በን ሀልቻ ዋላድ።

27 ሄዋ ድራው፤ ኡንቱንቱ አሳው ዋልቃይ እጽና፤ ኡንቱንቱ ካወሼድናን ዬላቴድና።

ኡንቱንቱ ጋደ ማላ፤ ጎሻን ሞኬዳ ጨርሻ ማላ።

ኡንቱንቱ ጎልያ ሁጲያን ሞክያ ሻራፋዳንን ካኤናን ደእሸን፤ ትሻን ዋግ ሜዳ ካላዳን ሀኔድና።

28 “ሸን ኔን ኡትያሳ፤ ከሰያሳ፤ ገልያሳ፤ ታ ቦላ ኔን ሀንቀቱዳ ሀንቁዋ ታን ኤራይ።

29 ኔን ታ ቦላ ሀንቀቱዳ ድራው፤ ነ ኦቶሩዋን ታን ሰሴዳ ድራው፤ ታን ነ ሲድያን ታ ማጋ አላና፤ ነ ደናንካ ታ ብጸላ ባርሳና።

ያታደ ኔን ዬዳ ኦግያና፤ ታን ኔና ጉየ ዛራና ያገ።

ያገዳ።

30 ሄዋፕ ጉይያን፤ እስያስ ካትያ ሀዘቂያሳ ሀዋዳን ያገዳ፤ “ሀዋ ነው ማላታይ ሀዋ፡ ሀ ላይሌ ሀንተ አዛባ ሞኬዳ ካላ ማና፤ ላይሌ ቃይ ሀ ላይሌ ሞኬዳዋ አዛባ ማና። ሸን ካላ ላይሌ ሀንተ ሀንተ ሁጲያን ዘርተን ጫክተ፤ ዋይንያ ቱራካ ቶክተን ኦ ቱራ ማተ።

31 ይሁዳ አሳፕ አትያዋንቱ ጸጸዋ ዲገ የዲደ፤ ቦላን አይፍያ አይፍያ ሞላ ማላ ግዳናዋ።

32 እያው ጎፕ፤ ወሪደ አቴዳዋንቱ የሩሳላመፕ፤ ፓላሄዳዋንቱካ ጽዮንፕ ከሳና። ኡባፕ ዋልቃው መድና ጎዳ ሞሹ ሄዋ ኦሊደ ፖላና።

33 “ሄዋ ድራው፤ አሶረ ካትያባ መድና ጎዳይ ሀዋዳን ያገ፤ “አሶረ ካቲ ሀ ካታማ ገለና፤ ዋይ ሀዋን ባረ ዋንዳፍያ ዴከና፤ ዋይ ባረ ጎንዳልያ ኦይቂደ፤ ሀ ካታማ ሰንላ አፍ፤ ዋይ ቃይ ካታማ ዩሹዋ ቢታ ደርያን ደደና።

34 አሶረ ካቲ ባረ ዬዳ ኦግያና ጉየ ሰማና፤ እ ሀ ካታማ ገለና። ታን መድና ጎዳይ ሀዋ ኦዳይ።

35 ታን ታ ቦንቹዋ ድራውን ታ ቆማ ዳዊታ ድራው፤ ሀ ካታማ ቦሽሰናን አሻ አካና” ያገ።

36 ሄ ጋላስ ቃማ መድና ጎዳ ኪታንቻይ ከሲደ፤ አሶረ አሳይ ዴንካኔዳሳን፤ እት ጸታን ሆሰፕን ታማን እቹሹ ሻኦ አቱማ አሳ ዋዴዳ። ያትና፤ አሳይ ዋንታ ሱሪደ በእያ ዋይ፤ ሀይቄዳ አሳ አሃይ ሄዋን ኩሜዳ።

37 ሄዋ ድራው፤ አሶረ ካቲ ሳናክሬብ ደንዲደ፤ ጉየ ሰሞ ቢደ፤ ናናዌ ካታማን ኡቴዳ።

38 እት ጋላስ ሳናክሬብ ባረ ጸሳ ንሰርካ ጎልያን ጎይኒድ ደእሸን፤ ኦ ናናይ አድራመሌክነ ሳርኤጸር ማሻን ኦ ዋዴድና። አራራተ ግያ ቢታ ባቃቱድና። ኦ ናኦይ አሰራዶን ኦ ሳኦን ካተቱዳ። 37:38 አሰራዶን፡ እ እብራዌላ ቃላን “ኤሳር-ሀደን” ጌተቱ።

38

ካቲ ሀዘቂያሳ ሀርጊደ ፓጾዳ (2 ካታ. 20:1-11፤ 2 ኦዲዋ 32:24-26)

1 ሄ ዋደ ካቲ ሀዘቂያሳ ሀርጊደ፤ ሀይቃና ማቲዳ። ያት ደእሸን አሞጸ ናኦይ ትሞቢትያ ኦድያ እስያስ አኮ ቢደ፤ “መድና ጎዳይ ኔና፤ ኔን ሀይቃሳፕ አትና ፓጸካ፤ ሄዋ ድራው፤ ነ ጎልያ ጊግሳ” ያገ።

2 ሀዘቂያሳ ጎዳኮ ሰሞ ግሲደ፤ መድና ጎዳ ዋሴዳ።

3 እ “አቤት መድና ጎዳው፤ ታን ነ ሰንላን ቱማተላንን ኩመንላ ዋዛናን ሄመቲዳዋን ቃይ ኔና ናሽቻያባ ኦሌዳዋ ታው ኔን ሀሳያና ማላ፤ ታን ኔና ዋሳይ” ያገደ ዋሴዳ፤ ሀዘቂያሳ ሎይሌ ሞሽቲደ ዬኬዳ።

4 ሄዋፕ ጉይያን፤ መድና ጎዳ ቃላይ ኢሰያሳ ኮ ሀዋዳን ያገድ ዬዳ።

5 “ባደ፤ ሀዘቂያሳ፤ መድና ጎዳይ ነ ማይዛ አወዋ ዳዊታ ጸሳይ ሀዋዳን ያገ፤ ጥን ነ ዋሳ ሰሳድ፤ ነ አፍላካ በእድ። ነ ላይላ ቦላ ታን ነው ታማን እቹሹ ላይላ ጉጃና።

6 ኔና ሀ ካታማ አሰረ ጋድያ ካትያ ኩሽያፕ አሻና፤ ታን ሀ ካታማው አለታደ አሻና ያጌ ።” ያጋ ያጌዳ።

7 እሰያሰ ጉጂድካ ሀዋዳን ያጌዳ፤ “መጅና ጎዳይ ባረ ጌዳ ቃላ ፖላናው መጅና ጎዳው ማለታይ ሀዋ።

8 በእ፣ አካዝ ፑደ ከሳናው ገግሴዳ ደላን ደእያ ኩዋይ ታሙ ታንጉዋ ጉየ ሰሚደ ባናዳን፣ ታን ኦላና” ያጌዳ። ኩዋይ ታሙ ታንጉዋ ጉየ ሰሚደ ቤዳ።

9 ይሁዳ ካቲ ህዝቂያሰ ሀርግ ፓጼዳዋፕ ጉይያን፣ ጸፊዳ ማዘሙሪ ሀዋ።

10 ታን፣ “ታ ደኦ ላይላው ብር ባጋ ጋክያ ዋደ፣ ሀይቁዋ ፕንግያና ገላና ሀናይታ? ታ አቲዳ ላይላ ቦንቂ ድግና፣ ሙላ አታና ሀናይታ?” ያጋድ።

11 ሄዋዳንካ ቃይ፣ “ታን ፓጸ ደእያዋንቱ ጋድያን መጅና ጎዳ በእከ፤ ሀ ሳኦን ደእያዋንቱ ግድንካ ላኦን፣ መጅና ጎዳ በእከ።

12 ዶርሳ ሄምያዋ ዲንካንያዳን፣ ታ ደኦ ሸደቲዳ። ሸማይኒ አፍላ ሀርባን ጸጽያዋዳን፣ ታን ታ ደኦዋ ጸጸድ፤ እካ ታና ሸማይንያ ሀርባፕ ዲሴዳ ጋላሳፕ ቃማ ጋካናው፣ ኔን ታና ቆይሳዳ ያጋድ።

13 ሳኦይ ዋንታና ጋካናው ታን ማዳዋ ደማናው ዋሳድ። ሸን ጋሙዋዳን እ ታ መቀላ ኡባ መንፊዳ። ቃይ ጋላሳፕ ቃማ ጋካናው፣ ኔን ታና ቆይሳዳ።

14 ታን ጭራሹዋዳን ሃላ ካፋዋዳን ዋሳድ፤ ሀራጽያዳንካ ዙዙማድ። ታ አይፈቱ ሳሉዋ ፑደ ጸሊደ ጸሊደ ዳቡራድና። አቤት ጎዳው፣ ታን ኡንኤታድ፤ ኔን ታና ሀ ኡንኤዋፕ ከሳ!” ያጋድ።

15 ሀዋ ኡባ ጸሳይ እ ባረ ሁጺያን ኦሴዳ፤ ያትና፣ ታን አያ ጋናው ዳንዳያይታ? ታ ሸምፑ ሎይሳ ኡንኤቲዳ ድራው፣ ታ ላይላ ኡባን አሽከተላን ሀመታና።

16 አቤት ጎዳው፣ ሀዋንቱ ማላ የዋቱዋን አሳይ ፓጸ ደኤ። ሀይ ታ ፓጸተላ ዛራዳ፣ ታና ፓጸ ዋላርኪ!

17 በእ፣ ታን ሀ ዋልቃማ ቱጋ ቱጋቲዳዌ ታው ሎእ ግዴዳ። ኔን ታ ሸምፑዋ ባሻ ኦላፕ ጉየ ዛራደ አሻዳ፤ ኔን ታ ናጋራ ኡባ ኔፕ ጉየ ዛራደ ኦላዳ።

18 አያው ጎፕ፣ ዱፋ ኔና ጋላተና፤ ሀይቁካ ኔና ሳበና። ጨማ አላው ዲገ ዋድያዋንቱ ኔና አማንፊ ጊደ ሀደታ አላክኖ።

19 ታን ሀጃ ኔና ጋላትያዋዳን፣ ፓጸ ደእያዋንቱ ጸላላቱ ኔና ጋላቲና፤ ኔን አማንፊያዋ አው ባረ ናናቶ ኦዴ።

20 መጅና ጎዳይ ታና አሻና፤ ሄዋ ድራው፣ ኑን ኑ ደኡዋ ላይላ ኡባን፣ መጅና ጎዳ ጎልያን ባቀቴዳ ክርያን ዋጸቲዳ ዲላን የጸና።

21 ሀዋፕ ካሰ እሰያሰ፣ “ባላሰያ ቲራ ዳጺደ፣ አ ጋፋዋ ቦላ ዋላተ። ያቶፕ፣ እ ፓጸና” ያግ ዋሴዳ።

22 ህዝቂያሰካ፣ “ታን ፓጸደ መጅና ጎዳ ጌሻ ጎልያ ፑደ ከሳናዋ ማለታይ አዬ” ያግ ኢሰያሳ ኦቶ ዋሴዳ።

39

ባብሎንፕ ከተቲደ ዬዳ አሳቱዋ (2 ካታ. 20:12-19)

1 ሄ ዋደ፣ ባላዳና ናኦይ፣ ባብሎን ካቲ ማርዳክ ባላዳን፣ ህዝቂያሰ ሀርጊደ ፓጼዳዋ ሰሴዳ ድራው፣ ዳብዳቢያን እሙዋ ህዝቂያሳው የዴዳ።

2 ህዝቂያሰ ከተቲደ ዬዳ አሳቱዋ ሞኬዳ። ያቲደ ባረ ሻሉዋ ምንጅያ ጎልያን ደእያ ብራ፣ ዋርቃ፣ ሳውዋ፣ አልኦ ዛይትያ፣ ባረ ኦላ ሚሻን ባረ ሻሉዋ ምንጅያ ጎልያን ደእያዋ ኡባ ኡንቱንታ በሴዳ። ባረ ሶን ዋይ ባረ ካውተላ ግድን ደእያዋ ኡባፕ ህዝቂያሰ ኡንቱንታ በሰናን አጌዳባይ አያይነ ባዋ።

3 ሄዋፕ ጉይያን፣ ትምቢትያ ኦድያ እሰያሰ ካትያ ህዝቂያሳኩ ዪደ፣ “ሀ አሳቱ ዋጌድና? ኡንቱንቱ ሀቃፕ ዬድና?” ያግ ኦቶዳ።

ህዝቂያሰ፣ “ኡንቱንቱ ታኮ ሃኮ ጋድያፕ፣ ባብሎንፕ ዬድና” ያጌዳ።

4 እሰያሰ ቃይካ፣ “ኡንቱንቱ ነ ሶን አያ አያ በኤድና?” ያጌዳ።

ህዝቂያሰ፣ “ኡንቱንቱ ታ ሶን ደእያ ኡባባ በኤድና፤ ታ ሻሉዋ ምንጅያ ጎልያን ደእያባፕ ታን ኡንቱንታ በሳቤናባይ አያይነ ባዋ” ያጌዳ።

5 ሄዋፕ ጉይያን፣ እሰያሰ ህዝቂያሳ፣ “ኡባፕ ዋልቃማ መጅና ጎዳይ ግያዋ ሰሳ።

6 መጅና ጎዳይ ሀዋዳን ያጌ፤ ሳ ካትያ ጎልያን ደእያባይ ኡባባይነ ነ ማይዛ አዋቱ ሀጃ ጋካናው ሺሼዳባይ ኡባባይ ኡባና ኦምደቲደ፣ ባብሎን ቢታ ባና ጋላሳቱ ያና፤ አፕ አያይነ አተና።

7 ቃይ ነው የለታና፣ ነ አሸን ነ ሱላ ግድያ፣ ነ አቱማ ዛራቱዋፕካ ኦምደቲደ ባና፤ ቢደ ባብሎን ካትያ ጎልያን ጎይሮ ግዲደ ኦላና ያጌ” ያጌዳ።

8 ህዝቂያሰ ዛሪደ፣ “ኔን ኦዴዳ መጅና ጎዳ ቃላይ ሎእ” ያጌዳ። አያው ጎፕ፣ ህዝቂያሰ፣ “ታን ደኤዳ ላይላን ሳሩን ዋፓይ ደእና ግደኔ” ያግ ቆፔዳ።

ጸሳይ ባረ አሳ አሸያዋ ግዲሳ

40

(40:1—48:22)

ምንፍሉ ኩሜዳ ቃላ

1 ህንተ ጸሳይ ሀዋዳን ያጌ፤ “ታ አሳ ምንፍሉ! ምንፍሉ!”

2 የሩሳላመውካ፣ እዛ ኦምደዋን ደኤዳ ዋዲ ፖላቲዳዋ፣ እዝ ናጋራይ አቶ ጌተቲዳዋ ኦድተ፤ እዝ ናጋራ ድራው፣ መጅና ጎዳይ እዙ ላኡ ዳኩዋ ሙራዳዋ ኦድተ” ያጌ።

3 እት ሀዋዳን ያግያ ኮሻ ሰሰቲ፤ “መላ ቢታን መጅና ጎዳ ኦግያ ገግሰተ፤ ኑ ጸሳው መላ ጋድያን አኮ ኦግያ ሰት አላተ።

4 ዋምባ ኡባይ ቶቁ ጋና፤ ደሪ ኡባይነ የው ኡባይ ዝቁ ጋና። ባዬዳ ኦጊ ሳላላና፤ ኮርጵኮርጵ ቢታይካ ደምባታና።

5 ሄ ዋደ፡ መድና ጎዳ ቦንቹ ቆንጫና፤ አሹዋ ማዬዳ ኡባይ ሄዋ እትጥ በእና፡ አያው ጎጥ፡ መድና ጎዳ ዶናይ ሄዋ ሃሳዬዳ” ያጌ።

6 እት ኮሻይ፡ “ዋሳ!” ያግያዋ ሰሳድ። ታን፡ “ዋጋደ ዋሶ?” ያጋድ።

“አሳይ ኡባይ ማታ ማላ፤ አ ቦንቹ ኡባይካ ደሞባ ጨሻ ማላ።

7 መድና ጎዳይ ባረ ሸምጥዋ አ ቦላን ሸምጥያ ዋደ፡ ማታይ መሌ፤ ጨሻይካ ቆቆፈቴ። አሳይ ቱሙ ማታ ማላ።

8 ማታይ መሌ፤ ጨሻይካ ቆቆፈቴ፤ ሸን ኑ ጸሳ ቃላይ መድናው ኤቂደ ደኤ” ያጋ ዋሳ።

9 ኔኖ ሞሽራቹዋ ኦድያ ጽዮኔ፡ ቶቃ ደርያ ጉደ ከሳ፤ ነኖ ሞሽራቹዋ ኦድያ የሩሳላመ፡ ነ ኮሻ ዋልቃጥ ቶቁ ኦላ፤ ያዮገ፤ ቶቁ ኦላ፤ ያታደ ይሁዳ ካታማቶ፡ “ሀንተ ጸሳይ ሀዌኮ” ያጋ ኦዳ።

10 በእተ፡ ኡባ ሞድያ መድና ጎዳይ ዋልቃና ዬ፤ አ ቀሲ አው ሞዳና። በእተ፡ አ ዋይታይ አናና ደኤ፤ አ ኦሱዋ ጋቲካ አ ሰንላና።

11 እ ባረ ዉድያ ሄንላንቻዳን ሞዜ፤ ባረ ዶርሳ ማራቱዋካ ባረ ቀሲያን ሺሺደ፡ ባረ ክዉዋን እድማና። ቆንጫናዎንታካ ሎዳን ካለላና።

ኡባጥ ቦላ ግዴዳ እስራኤልያ ጸሳ

12 ሃላቱዋ ባረ ኩሽያ ኮጵያን ማኬዳዌ፡ ሳሎቱዋ ታካድያን ልኬዳዌ፡ ቢታ ባና ቆንኦን ማኬዳዌ፡ ቃይ ደረቱዋን ዘዘቱዋን ሚዛናን ልኬዳዌ ኦኔ?

13 መድና ጎዳ እያና አዛዜዳዌ፡ ዋይ አ ዘርያዋ ግዲደ ታማርሴዳዌ ኦኔ?

14 እ ባረዉ ቆንጫናዳን፡ መድና ጎዳይ አናና ዘረቱዳ? ዋይ አ ሱረ ፕርዳ ኦግያ ታማርሴዳዌ ኦኔ? ዋይ አ አዴዳ ኤራተላ ታማርሴዳዌ ዋይ አ እኮካ ኦግያ በሴዳዌ ኦኔ?

15 በእተ፡ ካዉተላቱ ባሪታ ግደን ደእያ እት ጸክያ ሃላ ማላ። ኡንቱንቱ ሚዛናን ደእያ ጉላ ባናዳን ፓይደቲድና። በእተ እ ዳጋቲዳ ሃላካ ሊቆ ባናዳን ማዛኔ።

16 ሊባናሳ ሞላይ አው ኤላናው ግደና፤ አን ደእያ ዶክቲካ ጸግያ ያርሾ ግድክና።

17 ካዉተላቱ ኡባይ አ ሰንላን ባይናዋ ማላ፤ ኡንቱንቱ አ ሰንላን ኡባ ባይናባጥካ ጉላዳን ፓይደቲና።

18 ያትና፡ ጸሳ ሀንተ አናና ማላትሲቲ? ዋይ አይ ሞሰለቱዋና ልኪ ዶሊቲ?

19 ኤቃ ሞሰልያ ግደጥ፡ ኩሽያ ሂላ ኤርያ አሳይ አ ማሴ፤ ሄዋ ቃይ ዋርቃ ትግያዌ ዋርቃን ሺሺ፤ ብራ ትግያዌካ አ ቦላ ብራ ሳንሳላታ መዴ።

20 ሄዋ ሻሎ ባይና ሀዬሳይ ያርሾ ዋቀና ሞላ ዶሬ፤ ያተደ፡ ሄ ሞሰሊ ቃጸናዳን ኤሳናው ኩሽያ ሂላ ኤርያ አሳ ኮዬ።

21 ኤርበይክቲ? ዋይ ሰሰበይክቲ? ሀዌ ሀንተንቶ ኮይርጥ ኦደትቤኔ? ዋይ ሳእይ መቶደጥ ሀዋ ሀንተ እኬክበይክቲ?

22 እ ቢታ ዩሹዋጥ ቦላ ባጋን ባረ አራታን ኡቲ፤ ጋድያን ደእያዋንቱ አ ሰንላን ቡሞቡረላ

ማላ። ሳሎቱዋ ጋርዲዋዳን ፕድ ኦልያዌ፡ ቃይ ደእያሳ አሊደ፡ ዲንካንያዳን ቶልያዌ።

23 ካፓቱዋ ባይናባዳን ኦልያዌ፡ ቢታ ካለልያዋንታካ ሀዳ ኦልያዌ አ።

24 ብር ኡንቱንቱ ቶከቶሳናን ዘረቶሳና፡ ቃይ ጸጵዋካ ብር ጋድያን የዶሳና፡ ጸሳይ ኡንቱንቱ ቦላ ጫርኩዋ የድ አጌዳ፤ ኡንቱንቱካ መሌድና፤ ጎቲ ኡንቱንታ ሱላዳን አፊዳ።

25 ጌሻይ ኡንቱንታ፡ “ያትና፡ ታን አናና ልከታናው ታና አናና ማላትሲቲ?” ያጌ።

26 ሀንተ አይፍያ ቶቁ ኦሊደ፡ ሳሎዋ ዶልተ፤ ሄ ጸልንተቱዋ መዴዳዌ ኦኔ? እ ኡንቱንታ ኦላንቻዳን ካለሌ፤ ኡንቱንቱ ፓይደዋካ ኤሬ። እ ኡንቱንታ ኡባካ ኡንቱንቱ ሱንላን ሰንላን ዶሴ። አ አንጋ ግታተላጥ፤ አ ዋልቃ ሞኖተላጥ ደንዴዳዋን፡ ኡንቱንቱጥ እቲን ጻየና።

27 ኔኖ ያቆባ፡ ነኖ እስራኤልያው፡ “ታ ኦጊ መድና ጎዳጥ ጌሜዳ፤ ጸሳይ ታ ፕርዳ ሸንኮ ጌዳ” ያጋ አያው አማሳላይ? ቃይ አያው ሀዋዳን ሃሳይ?

28 ኤራበይኪ? ሰሳበይኪ? መድና ጎዳይ መድና ጸሳ፤ እ ቢታ ኡባካ መዴዳዋ። እ ዳቡረና፤ ዋይ ዋልቃይ አው ዉረና፤ ኦንነ አ ቆፋ ኤራናው ዳንዳየና።

29 ዳቡራንቻው ዋልቃ እሜ፤ ሞኖተላይ ባይናዋካ ሞኖተላ ጉጂ።

30 ሀራይ አቶ ያላጋ ናናይካ ዳቡሪና፤ ቃይ ዋልቃ ዉሪና። ዋዳላቲካ ኡባና ዳቡሪይ ኩንዲና።

31 ሸን መድና ጎዳ አማንቲደ ናግያዋንቱ፡ ባረንቱ ዋልቃ ኦራላና። ኡንቱንቱ አርጋንላቱዋዳን፡ ቀፍያን ጉደ ከሳና፤ ዋዲደ ዳቡርክና፤ ሀመቲደካ ዋልቃ ዉርክና።

41

እስራኤልያው ጸሳ ማዲዋ

1 ጸሳይ ሀዋዳን ያጌ፤ “ሀንተኖ አባ ዶናን ደእያ ቢታቶ፡ ጮኤ ጊደ፡ ታን ኦድያዋ ሰሰተ! አሳይ ባረንቱ ሞኖተላ ኦራጽሰና፤ ኡንቱንቱ ሃ ሸቂደ ሃሳዬና። አነ ኦን ፕርደታናው እትጥ ሸቆይተ።

2 “ብያሳ ኡባን ጸንያ እቱዋ አዋይ ዶልያ ባጋጥ ደንሌዳዌ ኦኔ? እ ካዉተላቱዋ አ ሰንላን አሊደ እሜ፤ ያትና፡ እ ካተቱዋ ገድያጥ ጋርሳና የዴ። እ ኡንቱንታ ባረ ማሻን ባናዳን ኦሌ፤ ቃይ ባረ ዋንዳፍያን ሱላዳን ኦሌ።

3 እ ኡንቱንታ የደርሲደ፡ አ ገዲ ካሰ የድቤና ኦግያናካ ሳር እዴ።

4 ሀዋ ኦሌዳዌን ፖሌዳዌ ቃይ የለታቱዋካ ኮይርጥ ዶሴዳዌ ኦኔ? ታን መድና ጎዳይ፡ ኮይሩ፡ ዉርሰላዋንቱናካ ደእያዌ፡ ታን ኦ” ያጌ።

5 አባ ዶናን ደእያ ቢታቱ በእደ ያዬድና፤ ሳኦ ጋጽቲካ ኮኮሬድና። ኡንቱንቱ እትጥ ሸቂደ፡ ታኮ ዬድና።

6 አሳ ኡባይ ባረ ሾሩዋ ሾሩዋ ማዴ፤ ቃይ ባረ አሻ፡ “ሞና” ያጌ።

7 ኩሽያ ሂላንቻይ ዋርቃ ትግያዋ ሞንጫ፤ ማደሻን ሌእሰያዌ ባቻን ብራታ ሴርሰያዋ፡

“ምና” ያጌ። እ ብራታ እትጥ ጋልያዎ። “ሀዋ ሎኦ” ያጌ፤ ቃይ ሄ ኤቃይ ቃጸናዳን፤ ኤንቱንቱ ሞሰማርያን ጁጊና።

8 ጸሳይ ሀዋዳን ያጌ። “ሸን ነኖ እሰራኤልያው፤ ታ ቆማው፤ ታን ዶራዳ ያቆባ፤ ታ ዳቡዋ አብራሃማ ዛርያው።

9 ታን ኔና ቢታ ጋጸጥ አካደ፤ ቃይ ወርሰላ ሃኮ ሳጥ ጸሳደ፤ ‘ኔን ታ ቆማ’ ያጌዳዎ፤ ታን ኔና ዶራድ፤ ቃይ ታን ኔና ኦልከ።

10 ታን ኔናና ደእያ ድራው ያዮ፤ ታን ነ ጸሳ ግድያ ድራው ዳጋሞ፤ ታን ኔና ሞንሳና፤ ቃይ ታን ኔና ማዳና። ታን ኔና ታ ጸንያ ኡሸቻ ኩሸያን ዘምጥሳደ ኦይቃና።

11 “በአ፤ ኔና ሀንቀትያ ኡባይ ዬላቲደ ካወሻና፤ ኔናና ኤቀትያዎንቱ ካሰካ ባይናዋዳን ሀኒደ ጳያና።

12 ኔናና ዋላቀትያዎንታ ኔን ኮያና፤ ሸን ኔን ኤንቱንታ ደማካ። ኔናና ኦለትያዎንቱ ካሰካ ባይናዋዳን፤ ሹፋር ግዲደ ጳያና።

13 እያው ሳጥ፤ ታን መድና ጎዳይ፤ ነ ጸሳይ፤ ነ ኡሸቻ ኩሸያ ኦይቃና። ኔና፤ ‘ያዮ፤ ታን ኔና ማዳና።

14 ኔኖ ጉጸንያው፤ ያቆባ፤ ሀንተኖ እሰራኤልያ አሳው፤ ያዮ፤ ታን ሀንተና ማዳና። መድና ጎዳይ፤ ሀንተና ዋዘያዎ፤ እሰራኤልያ ጌሻ’ ያጋይ።

15 በአ፤ ታን ኔና ኦራላ፤ ቃራነ አቻና ደእያ፤ ቆጸናው ጎኤትያ ሚሻ ኦላድ። ኔን ደረቱዋ ቆጸደ ሊቅሳና፤ ዘዘቱዋካ ሱላዳን ኦላና።

16 ኔን ኤንቱንታ ፑናና፤ ጫርኩ ኤንቱንታ አፋና፤ ጎቲካ ኤንቱንታ ላላና። ሸን ኔን መድና ጎዳን ናሸታና፤ ቃይ እሰራኤልያ ጌሻን ቦንቹታና።

17 “ሀዬሳቱን መቶታንቻቱ ሃላ ኮይና ኤንቱንቶ ጳይያ ዎደ፤ ቃይ ኤንቱንቱ ኮኪካ ሳሙዋን መልያ ዎደ፤ ታን መድና ጎዳይ ኤንቱንታ ሰሳና፤ ታን፤ እሰራኤልያ ጸሳይ ኤንቱንታ አግከ።

18 ታን መላ ጁቃ ሳኦቱዋን ሻፋ፤ ቃይ ዋምባቱዋ ግድንካ ፑልቱዋ ጁሳና። መላ ቢታይ ሃሳይ ኤልያሳ፤ ቃይ መላ ቢታካ ሃሳይ ጁቁያሳ አሳና።

19 ባዙዋን ዝጋን ጉጋንላ፤ ባርሴነትያን ዛይትያ ዎጋራ ደልሳና። ቃይካ ባዙዋን ጽድያ፤ ኦድሩዋን ዎጋራ እትጥ ዎላና ያጌ።

20 እሰራኤልያ ጌሻይ ሄዋ መዴዳዎ፤ ቃይ መድና ጎዳ ኩሺ ሄዋ ኦጼዳዎ አሳይ በአናን ኤራና ማላ፤ ቃይ ቆጥናን እትጥካ አከካና ማላ፤ ታን ሄዋ ኦላድ።

ጸሳይ ዎርዶ ጸሳቱዋ እጾ

21 “መድና ጎዳይ፤ ‘አነ ሀንተ ሞቱዋ ሃ አላት’ ያጌ። ያቆባ ካቲ፤ ‘አነ ሀንተ ጋሱዋካ ሃ አላት’ ያጌ።

22 አነ ኤንቱንቱ ባረንቱ ሞሰለቱዋ ሃ አይና፤ እያይ ሀናናው ደእንቶ፤ ኤንቱንቱ ሞሰለቱ ኑወ ኦድና። ኔን አከካና ማላን ኤንቱንቱ ወርሰላካ ኤራና ማላ፤ ካሰ የዎቱ አየንቶ ኑወ ኦድና፤ ዎይ ቃይ ሰንሳጥ ትምቢትያ ኑወ አዋይተ።

23 ሀንተ ጸሳቱዋ ግድያዎ ኔን ኤራና ማላ፤ ሰንሳጥ ያናው ደእያዎ ኑወ ኦድና። ኔን ዳጋማና ማላን ያያና ማላ፤ ሎኦ ግድና ኢታ ግድና፤ አነ እትባ አላት።

24 በአተ፤ ሀንተ ባይናዋ ማላ፤ ሀንተ ኦሱካ ሀዳ። ሀንተና ዶርያ አሳይካ ባረው ሸነይያዎ።

25 “ታን ሁጺሳ ባጋጥ እቱዋ ደንላድ፤ እ ዬዳ። ቃይ ታ ሱንሳ ጸሰያ እቱ አዋይ ዶልያ ባጋጥ ያና። ኡርቃ መድያዎ ኡርቃ የድያዎዳን፤ እ ካለልያዎንታ የጳና።

26 “ሀዋ ኔን ኤራና ማላ፤ ኮይር ኑወ አዋዬዳዎ ኦኔ? ዎይ ኔን፤ ‘አ ልከ’ ጋና ማላ፤ ካሰቲደ ኑወ ኦጼዳዎ ኦኔ? ኦንነ ሀዋ ኦጼዳዎ ባዎ፤ ኦንነ ትምቢትያ ኦድቤና። ቃይ ሀንተ ቃላካ ሰሴዳዎ ባዎ።

27 ታን ሀዋ ካሰታደ ጽዮንወ አዋያድ፤ ቃይ ታን የሩሳላመወካ ሞሸራቹዋ ኦድያዎ እማድ።

28 ሸን ታን ጸሌዳ ዎደ እቱን ባዎ፤ ታን ዘርያ ኦቻያ ዎደ፤ ኤንቱንቱ ሞሰለቱዋ ግድን ዛሩዋ እምያ እቱን ባዎ።

29 በአተ፤ ኤንቱንቱ ኡባይካ ሀዳ፤ ኤንቱንቱ ኦሱካ መላ፤ ሲልሲደ መዴዳ ኤንቱንቱ ሞሰለቱ መላ ጫርኩዋ” ያጌ።

42

መድና ጎዳ ቆማ

1 ታን ዘምጥሳደ ኦይኬዳ ታ ቆማይ፤ ታ ሸምፑ አን ናሸትያዎ፤ ታን ዶራዳዎ ሀዎኩ። ታን ታ አያና አ ቦላ ዎላድ፤ እ ካወተላቶ ሱረ ፕርዳ አሀር።

2 እ ዋሰና፤ ዎይ ባረ ቃላ ጁቂሰና፤ ዎይ ቃይ ባረ ቃላ ኦግያን ሰሰና።

3 ትንጨቱዳ ሸምቦቁዋ እ መንግጫ፤ ቃይ ሊአካቲደ ኤጽያ ሙቃዳካ እ ቶይሰና። እ አማነቲደ፤ ሱረ ፕርዳ አሀር።

4 እ ቢታን ሱረ ፕርዳ ኤሰናን ደኢደ አገና፤ ዎይ ጉየ ጌና። አባ ዶና ቢታቱዋን ደእያ አሳይ ኡባይ አ ሀግያ ሰሳናው ናጌ።

5 ጸሳይ መድና ጎዳይ፤ ሳሎቱዋ መዴደ ሞጩዳዎ፤ ሳአነ ሳአጥ ከሰያዎ ኡባ ኦጼዳዎ፤ ሳአነ ደእያ አሳው ሸምፑዋ እምያዎ፤ አን ሀመትያ ኡባወ ደኡዋ እምያዎ ሀዋዳን ያጌ፤

6 “ታን መድና ጎዳ፤ ታን ኔና ጽሎተላን ጸሳድ፤ ታን ነ ኩሸያ ኦይቃድ፤ ኔና ናጋና። ታን ኔና ካወተላቶ ፖኦ ኦላድ፤ ቃይ አሳውካ ጫቁዋ ኦላደ እማና።

7 ኔን ቆቅያ አይፍያ ዶያና ማላ፤ ኦምድቱዳዎንታ ኦምዱዋ ጎልያጥ ከሳና ማላ፤ ጁማን ደእያዎንታካ ቃሾ ጎልያጥ ከሳና ማላ።

8 ታን መድና ጎዳ፤ ሄዎ ታ ሱንሳ። ታ ቦንቹዋ ታን ሀራው እምከ፤ ታ ጋላታካ ማሰቲደ ጌዬዳ ሞሰለቶ እምከ።

9 በአተ፤ ካሰ ታን ኦጼዳዎንቱ ኡባይ ፖለቲድና። ሀእ ቃይ ታን ኦራላባ አዋያይ፤ ኤንቱንቱ ሀናናጥ ካሰታደ ታን ሀንተንቶ ኦዳይ” ያጌ።

41:8 2 ኦዲዋ 20:7፤ ያቆባ 2:23 42:1 ማቶሳ 3:17፤ 17:5፤ ማር. 1:11፤ ሉቃሳ 3:22፤ 9:35 42:1 ማቶሳ 12:18-21 42:5 ኪታ 17:24-25 42:6 ኢሳ. 49:6፤ ሉቃሳ 2:32፤ ኪታ 13:47፤ 26:23

ጋላታ የላ

- 10 መድና ጎዳዉ ኦራላ ማዘሙርያ የጽተ፤
ቢታ ጋጸጥ ደሚደ፡ አ ጋላታ ኦድተ።
አባ ቦላን ብያዋንቱ፤
አን ኩሜዳ ኡባይካ እነ ዋሰኖ።
አባ ዶና ቢታቱን ኡንቱንቱን ደእያ ኡባይካ የጽኖ።
- 11 መላ ቢታይን ባዙዋን ደእያ ካታማቱ፤
ቃይ ቁዳረ አሳይ ደእያ ሞላቱካ፤
ባረንቱ ቃላ ቶቁ ኦሳኖ።
ሰላክ ግያ ካታማን ደእያዋንቱካ፤
ደርያ ሁጲያጥ ባረንቱ እልልሳ ሰሰኖ።
- 12 ኡንቱንቱ ቦንቹዋ መድና ጎዳዉ እምኖ፤
አ ጋላታካ ጋጸ ቢታቱዋን አዋይኖ።
- 13 መድና ጎዳይ ምኖ አሳዳን ከሳና፤
ኦላንቻ አሳዳን፡ እ ባረ ሀንቁዋ ደንላና።
እ ዋሳና፤ ባረ ቃላካ ቶቁ ኦሳይ አዋያና።
እ ምኖ ግድያዋ ባረ ሞርከቱዋ በሳና።

ጸሳይ ባረ አሳ ማዳናዉ ቃላ ገሌዳ

- 14 ጸሳይ ሀዋዳን ያጌ፤
“አዲሳ ዋድያጥ ታን ሳሩዋን ታካድ፤
ጮኡ ጋደ ዳንዳያድ።
ሀእ የሉ ኦይኬዳ ምሽራቲዳን፤
ታን ዋሳና፤
ቶካ ቶካደ ሸምጥናን ፔኑቃና።
- 15 ታን ደረቱዋን ዘዘቱዋ ላላና፤
ኡንቱንቱን ሞኬዳዋ ኡባ መልሳና።
ሻፋቱዋ መላ ከሳና፤
ደልኤቱዋካ መልሳና።
- 16 “ታን ቆቀቱዋ ኡንቱንቱ ኤረና ኦግያና አሀና፤
ኡንቱንቱ ኤረና ሎሱዋናካ ካለላና።
ኡንቱንቱ ሰንላን ደእያ ቆማ ፖኦ ላማና፤
ኮርጶኮርጶ ሳኦካ ሳላልሳና።
ሄዋንታ ታን ኡንቱንቶ ኦላና፤
ታን ጌዳ ሀ የዋቱዋ ኦፍናን አግከ።
- 17 ሸን ማሲደ ገግሴዳ ምሰለቱዋን
አማነትያዋንቱ፤
ቃይ ሲልሲደ ገግሴዳ ምሰለቱዋ፤
‘ሀንተ ኑ ጸሳቱዋ’ ያግያዋንቱ፤
ጉየ ሰማና።
ኡንቱንቱ ሙላ ዬላታና”
ያጌ።

እስራኤልያ አሳይ ታማረናን እጹዳ እጹዋ

- 18 ጸሳይ ሀዋዳን ያጌ፤ “ሀንተኖ ቱለቶ፤
ሰሰተ፤ ሀንተኖ ቆቀቶ፤ ሀንተ በአና ማላ ጸልተ።
- 19 ታ ቆማጥ ሀራ ቆቁ ኦኔ? ታን ኪትያ ኡራጥ
ሀራ ቱሊ ኦኔ? ጸሳዉ ዲማቲዳ ኡራዳን፤ ዋይ
መድና ጎዳ ቆማዳን ቆቃይ ኦኔ?
- 20 ዳርባ ጸሊታ፤ ሸን አኬክክታ። ሀንተንቱ
ሀይላቱካ ዳያ፤ ሸን ሰሰክኖ” ያጌ።
- 21 መድና ጎዳይ ባረ ጽሎተላ ድራዉ፡ ባረ
ሀግያ ግታያናዉን ቦንቻናዉ ደሴዳ።
- 22 ሸን ሀዋ አሳይ ቦንቀቲዳን ዋሳ አከቲዳ።
ኡንቱንቱ ኡባይካ ዲዛን ኦይቀቲደ፤ ቃሾ ጎልያን
ቆሰቲድኖ። ኡንቱንቱ ቦንቀቲድኖ፤ ሸን ኡንቱንታ
አሸያዋ ባዋ። ቃይ ኦሞድቲድኖ፤ ሸን ኦን፤
“ዛርተ” ያግያዋ ባዋ።

23 ሀንተ ግድጥ ሀዋ ሰሳናዋ ኦኔ? ቃይ
ሰንላጥ ያና ዋድያባ ሀይዛናዋ ኦኔ?

24 ያቆባ ኦሞድያዎ፡ እስራኤልያ ቦንቁያዎ
አሊደ እሜዳዋ ኦኔ? አ ቦላን ኑን ናጋራ ኦሴዳ፤
አ ኦግያን ኡንቱንቱ ቤናን እጹዳ፤ አ ሀግያዉካ
ኡንቱንቱ አዛዘተናን እጹዳ መድና ጎዳ ግድኔየ?

25 ሄዋ ድራዉ፡ እ ኡንቱንቱ ቦላ ባረ ሀንቁዋ
ሱሉዋን ያሸያ ኦላ ጉሴዳ፤ እ ኡንቱንቱ ዩሹዋን
ታማ ኤሴዳ፤ ሸን ኡንቱንታ ኤርበይክኖ፤ እ
ኡንቱንቱ ጸጌዳ፤ ሸን ኡንቱንቱ አኬክበይክኖ።

43

ጸሳይ ባረ አሳ አሻና ጌዳ

1 ሸን ነኖ ያቆባ ኔና መጴዳዎ፡ ነኖ
እስራኤልያዉ፡ ኔና ገግሴዳ መድና ጎዳይ ሀዋዳን
ያጌ፤ “ታን ኔና ዋዜዳ ድራዉ ያየጥ። ታን ኔና
ነ ሱንላን ጸሳድ፤ ኔን ታዋ።

2 ኔን ሃላ ግዲዋና ፕንያ ዋደ፡ ታን ኔናና
ግዳና። ኔን ሻፋቱዋ ግዲዋና ፕንያ ዋደካ
ኡንቱንቱ ኔና ሙክክኖ። ኔን ታማ ግድና አድያ
ዋደ፡ ጸገታካ፤ ላጩካ ኔና ሜና።

3 እያዉ ጎጥ፡ ታን ኔና አሸያ እስራኤልያ ጌሻ፡
መድና ጎዳ ነ ጸሳ። ታን ግብጾ ነዉ ዋዞ ኦላደ፡
ቶጵያን ሳባ ነ ላምያ ኦላደ እማና።

4 ኔን ታ ሰንላን አልእነ ቦንቻ ግድያ ድራዉነ፡
ታንካ ኔና ሲቅያ ድራዉ፡ ነ ላምያዉ አሳ፡ ነ
ሸምቱዋ ላምያዉካ ካዉተላቱዋ እማና።

5 “ታን ኔናና ደእያ ድራዉ ያየጥ፤ ታን ነ
ዘረላቱዋ ዉላሃጥነ ደላሃጥ ሸሻደ አሀና።

6 ታን ሁጲሳ ባጋ፡ ‘ኡንቱንታ ዛራደ አሀ!’
ያጋና። ገድሳ ባጋካ፡ ‘ኡንቱንታ ተኦጋ’ ያጋና። ታ
አቱማ ናናቱዋ ሃኩዋጥ፡ ታ ማጫ ናናቱዋካ ሳኦ
ጋጸጥ አሀና።

7 ታ ሱንላን ጸገቲዳ ኡባቱዋ፡ ታን ታ ቦንቻ
መጴዳዋንታ፤ ታን ገግሴዳዋንታን ኦሴዳዋንታ
ሀምተ” ያጋና።

እስራኤሊ ጸሳ ማርካ

8 አይፊ ደእሸን ቆቁዳ አሳቱዋ፡ ሀይላይካ
ደእሸን ቱሌዳዋንታ ከሳ፤

9 ካዉተላቱ ኡባይ እትጥ ሸቅኖ፤ አሳይካ
ሸቁዋ ኡቶ። ኡንቱንቱ ግድጥ ሀዋ ኦዳናዉን
ካሰ አጴዳ የዋቱዋ ኔና በሳናዉ ዳንዳይያዋ
ኦኔ? ሀራ አሳይካ ሰሲደ፡ “ሀዋ ቱማ” ያጋና
ማላ፡ ኡንቱንቱ ልከ ግድያዋ በሳናዉ ባረንቱ
ማርካቱዋ አይኖ።

10 መድና ጎዳይ ሀዋዳን ያጌ፤ “ሀንተ ታ
ማርካቱዋ፤ ሀንተ ታና ኤራና ማላን እማናና
ማላ፡ ቃይ ታን ጸሳ ግድያዋ አኬካና ማላ፡ ታን
ደሬዳ ታ ቆማቱ ሀንተና። ታጥ ካሰ ሀራ ጸሰ
መጠቅቤና፤ ዋይ ታጥ ጉይያንካ ሀራ ጸሰ ደኤና።

11 “ታናቲ፤ ታን መድና ጎዳ። ታጥ ኦትና፡ ሀራ
አሸያዋ ባዋ።

12 ታን ኦዳድ፡ አሻድነ አዋያድ። ሀንተ ግድን
ሀራ አላጋ ጸሰ ደእቤና። ታን መድና ጎዳ ግድያዋ
ታዉ ሀንተ ማርካቱዋ።

13 ታን ጸሳ፤ ጸጹዋጥ ደማደካ ታን ታናቲ።
ታ ኩሸያጥ ኦንነ አሸና፤ ታን ኦሴዳዋ ላማናዉ
ዳንዳይያዋ ባዋ” ያጌ።

መድና ጎዳ ማርታን አማኑተና እስራኤልያ

14 መድና ጎዳይ፡ ህንተና ዋዝያዎ፡ እስራኤልያ ገሻይ ሀዋዳን ያገኘ፤ “ህንተ ድራው፡ ባብሎን ቦላ ኦላንቻቱዋ ኪታደ ባብሎናቱዋ ኡንቱንቱ ጩቀትያ ማርካብያና በትሳና።

15 ታን መድና ጎዳ፡ ህንተ ገሻ፡ እስራኤልያ መዴዳዎ፡ ህንተ ካትያ” ያገኘ።

16 መድና ጎዳይ ሀዋዳን ያገኘ፡ አባ ግደን ኦግያ፡ ዋልቃማ ሃላቱዋ ግደጥካ ሎሱዋ ከሲደ፡

17 ፓራ ጋረቱዋን ፓራቱዋ፡ ኦላንቻቱዋን ምኖ አሳቱዋ አባዉ አሂደ፡ ኡንቱንቱ ደንደናዳን ዛቆልሴዳ መድና ጎዳይ፡ ቃይ ኡንቱንቱ ሙቃዳ ላጩዋዳን ቶይሴዳ ያገኘ

18 “ካሰ የዋቱዋ ሃሳዮፕተ፤ በንዋካ ቆፖፕተ።

19 በእተ፡ ሀእ ታን ኦራላባ ኦላይ፤ አካ ሀእ ሞኬ። ህንተ ሄዋ ኤርክቱየ? ታን ባዙዋን ኦግያ፡ መላ ቢታንካ ሻፋቱዋ ከሳና።

20-21 ዋራ ደአቱ፡ ዋራካናቱን ሳጎናቱ ታና ቦንቻና። አያዉ ጎፕ፡ ታ ጋላታ አዋያና ማላ፡ ታ ጊግሴዳን ደሬዳ ታ አሳዉ ታን ባዙዋን ሃላ፡ መላ ቢታንካ ሻፋቱዋ እማይ።

22 “ሸን ነኖ ያቆባ፡ ኔን ታ ሱንላ ጸሳባካ፤ ነኖ እስራኤልያው፡ ኔንካ ታና ሳለታዳ።

23 ኔን ታዉ ጸግያ ያርሾ ደርሳ አሀባካ፤ ዋይ ሀራ ያርሾቱዋንካ ታና ቦንቻበይካ። ታን ኔና ካላ ያርሾቱዋ እማ ጋደ ዋይሳበይከ፤ ዋይ ቃይ እጻና እማ ጋደ ዳቡርሳበይከ።

24 ኔን ታዉ እጻና ሻሉዋን ሻማባካ፤ ዋይ ነ መሀያ ያርሾቱዋ ሞቋዋን ታና ካልሳባካ። ሸን ኔን ነ ናጋራን ታና ዋይሳዳ፤ ነ ናቁዋንካ ታና ዳቡርሳዳ።

25 “ታና፡ ነ ባይዙዋ ታ ድራዉ ጋደ ቁጭያዌ ታናቱ፤ ነ ናጋራካ ዛረላደ ሃሳይከ።

26 ታና ሀሳይሳ፤ አነ እትፕ ሀ የዉዋ ሞተቶይተ። ኔን ጽሉዋ ግድያዋ በአናዉ አነ ነ የዉዋ ብዳ።

27 ነ ኮይሮ አዉ ናጋራ ኦሌዳ፤ ኔና ታማርሰያዋንቱካ ታና ናቁድኖ።

28 ሄዋ ድራዉ፡ ታን ገሻ ማቅዳሰያ ካፓቱዋ ቱንሳድ፤ ያቆባ ባሻዉ፡ እስራኤልያካ ሸቃዉ አላደ እማድ” ያገኘ።

44

ጸሳይ ጸሳ ጸላላ

1 መድና ጎዳይ ሀዋዳን ያገኘ፤ “ታ ቆማዉ ያቆባ፡ ታን ደሬዳ ይሸሩና፡ ሀእካ ሰሳ።

2 ታን ኔና መቋድ፤ ነ ዳይ ኡሉዋን ኔና ጊግሳድን ማዳድ። ታ ቆማ ያቆባ፡ ታን ደሬዳዎ፡ ያዮፓ።

3 ታን ሳመቲዳ ጋድያን ሃላ ጉሳና፤ መላ ቢታንካ ፑልቱዋ ጎግሳና። ታን ታ አያና ነ ናናቱ ቦላ፡ ታ አንጂዋካ ነ ዘረላቱዋ ቦላ ጉሳና።

4 ሃላ ደናን ሞኬዳ ማታዳን፡ ቃይ ጎግያ ፑልቱዋ ማታን ደእያ ምላዳን፡ ኡንቱንቱ ሞካና።

5 እቱ፡ ‘ታን መድና ጎዳዋ’ ያጋና፤ ሀራይ ቃይ ባረና ያቆባ ሱንላን ጸሳና፤ ሀራይካ፡ ቃይ ባረ

ኩሽያ ቦላን፡ ‘ታን መድና ጎዳዋ’ ያገደ ጸፋና፤ እ ቃይ ባረና እስራኤሊ ጸሰትያ ሲቁዋ ሱንላን ጸሳና” ያገኘ።

6 መድና ጎዳይ፡ እስራኤልያ ካቱ፡ አ ዋዝያዎ፡ ኡባፕ ዋልቃማ መድና ጎዳይ ሀዋዳን ያገኘ፤ “ኮይሩ ታና፤ ዉርሰላይካ ታና። ታፕ ሀራ ጸሳይ ባዋ።

7 ታ ማላይ ኦኔ? ደአፕ አነ አዋዮ፤ ቃይ አነ ታ ሰንላን ኤቁደ ኦድ። በንፕ ደሚደ፡ ሰንላፕ ያናዋ ኦድያዌ ኦኔ? አነ ኡንቱንቱ ሰንላፕ ትምቢትያ ኑዉ ኦድኖ።

8 ያዮፕተ፤ ቃይ ዳጋሞፕተ። ታን ሀዋ ህንተንቶ በንፕ ደሚደ ኦዳበይክታ? ቃይ አዋያበይክታ? ሄዋ ታዉ ህንተ ማርካ። ታፕ አትና፡ ሀራ ጸሳይ ደኢ? ሀራ ዛል ባዋ፤ ታን ኦና ኤርከ” ያገኘ።

ኤቃ ጎይኑዋ ቦላ ሃሳዮቲዳ ቦረ ሃሳያ

9 ኤቃ ምሰለቱዋ ማሲደ መድና ኡባቱ ሀዳ፤ ኡንቱንቱ አን ናሽትያባቱ ኡንቱንታ ጎእክኖ። ኡንቱንቱ ማርካቱካ በእክኖ ኤርክኖ። ሄዋ ድራዉ፡ ኡንቱንቱ ይላታና።

10 ጸሳ ጊግሴዳዌ፡ ዋይ አያዉ ነኤና ምሰልያ ማሴዳዌ ኦኔ?

11 በእተ፡ አ ላገቱ ኡባይ ይላታና፤ ኩሽያ ሂላንቻቱ ኡባይ አሳ። አነ ኡንቱንቱ ኡባይካ እትፕ ሸቁደ ኤቁኖ። ኡንቱንቱ ያናና፤ ቃይ ኡንቱንቱ ኡባይካ እትፕ ይላታና።

12 ብራታ ቆጽያዌ ባረ ቡክያ ብራታ ታማን ዋሌ፤ ቦንቁዳዋ ባቻን ቆጸደ፡ ባረ ምኖ ቀሰያን አ መፍታ ጊግሴ። ሄዋ ጊግሴደ ኮሻቱ፤ አ ምኖተላይካ ዉሬ። ሃላካ ኡሸና፤ ላባኔ።

13 እናጺ ዋድሩዋን ልኬ፤ እርሳሰያን አ ቦላ ማላታ ዋሌ፤ ያቲደ ማሎግያን ልልእሴ። ልኪደ፡ ፑላና ደእያ አሳ ምሰልያ ማላትሰ ጊግሴደ፡ ባረ ሶን ዋሌ።

14 አ ሄዋ ኦላናዉ ዝጋ ቃንጾ፤ ዋይ ዋላ ዋይ ጽድያ ዋራ ግደፕ ደሪደ ድጫናዳን ኦሌ። ዋይ አጸፕ፡ አ ዝጋ ቶክና፡ እራይ አ ድቻናዉ ናገ።

15 ሄዋፕ ጉይያን፡ እ አሳይ ኤሉያ ምላ ግዴ፤ እካ አፕ ባጋ አኪደ፡ ኤሉደ ሆኤ፤ ቃይ ባጋ ኤሉደ፡ ኡክላ ኡኬ። አፕካ ጸሳ መቋድ፡ አዉ ጎይኔ፤ ቃይ ምሰልያ ማሲደ፡ አ ሰንላን ጉፋኔ።

16 አፕ ባጋ ታማን ኤሉደ፡ ቁማ ካሌ፤ ባጋን አሹዋ ጸጺደ፡ ካሊደ ሜ። ቃይ ታማ ሆእ ሰሚደ፡ “ሀሹ፡ ላ ሀዌ አያ ሆኢ!” ያገኘ።

17 ቃይ አቲዳ ምላ ማሲደ፡ ባረዉ ጎይንያ ጸሳ ምሰልያ ከሴ። ሄ ምሰልያ ሰንላን ጉፋኒደ፡ አዉ ጎይኔ፤ ያቲደ፡ “ኔን ታ ጸሳ ግዴዳ ድራዉ፡ ታና አሻ” ያገደ ዋሴ።

18 ኡንቱንቱ አይነ ኤርክኖ፤ አይነካ አኬክክኖ። አያዉ ጎፕ፡ ኡንቱንቱ በኤና ማላ፡ ኡንቱንቱ አይፊ ጎዙቲዳ፤ ቃይ አኬከና ማላ፡ ኡንቱንቱ ዋዛናይካ ጎርደቲዳ።

19 ኤቃ ኦላያ አሳይ ባረ ዋዛና፡ “አፕ ባጋ ታማን ኤላድ፤ አ ቦንቁዋንካ ኡክላ ኡካድ፤ አሹዋካ አን ጸጸደ ማድ። ያትና፡ አፕ አቲዳዋ ሸነይያ ኤቃ ኦላደ መቋ? ቃይ ምላ ሙደ ጉፋናደ ጎይኖ?” ያግያ ኤር ዋይ አኬክ ኦሰነ ባዋ።

44:6 ኢሳ. 48:12፤ ሳፃ 1:17፤ 22:13

20 እ ብድንሳ ሜ፤ እ ጭመቱዳ ዋዛናይ እ ዋራ ካለሌዳ። እ ባረ ሸምቸዋ አሻናዉ ወይ። “ታ ኡሸቻ ኩሸያን ደእያዌ ዋርዱዋ ግደኔ?” ጋናዉ ዳንዳየና።

ጸሳይ መጴዳዋን አሸያዋ

21 ጸሳይ ሀዋዳን ያጌ፤ “ያቆባ፡ ነኛ እስራኤልያዉ። ኔን ታ ቆማ ግድያ ድራዉ። ሀ የዋቱዋ ሀሳያ። ታን ኔና ገግሳድ፤ ኔን ታ ቆማ። ኔኛ እስራኤልያዉ። ታን ኔና ደግከ።

22 ታን ነ ባይዙዋ ሻርያዳን፤ ነ ናጋራካ ጫጋናዳን ቁጫድ። ታን ኔና ዋዜዳ ድራዉ። ታኮ ሰማ” ያጌ።

23 ህንተኖ ሳሎቶ፡ መድና ጎዳይ ሀዋ ኦሌዳ ድራዉ። ናሸቻን የጽተ። ህንተኖ ቢታ ጨማቶ፡ እልልተ። ህንተኖ ደረቶ፡ ዋራዉን እ ግደን ደእያ ሞላ ኡባዉ። ማዘሙርያ ክንቶተ። አያዉ ጎጥ። መድና ጎዳይ ያቆባ ዋዜዳ፤ ቃይ እስራኤልያ ግደንካ እ ቦንቼታና።

24 ኔና ዋዘያዌ፡ ዳይ ኡሎዋን ኔና መጴዳዌ መድና ጎዳይ ሀዋዳን ያጌ፤ “ታን መድና ጎዳ፡ ኡባ የዋቱዋ መጴዳዌ፤ ሳሎቱዋ ታረካ ሞጬዳዌ፤ ሳኣካ ታረካ ሞጬዳዌ ታና።

25 ታን ዋርዱዋ ትምቢትያ ኦድያዋንቱ ማላታ ሀዳ ኦላይ፤ ቃይ ሻሬቸቱዋካ ኤያ ከሳይ። ታን ኦሌዳ ኤራንቻቱዋ ጉየ ዛራይ፤ ኤንቱንቱን ኤራካ ኤያ ኦላይ።

26 ታን ታ ቆማ ቃላ ምንጫይ፤ ታ ከቲዳዋንቱ ሀናና ጌዳዋካ ፖላይ። ታን የሩሳላመ ካታማ፡ ሌን አሳይ ደኢያሳ ግዳና፡ ያጋይ፤ ይሁዳ ካታማቱዋካ፡ ህንተ ሰሚደ ኬጸታና፤ ህንተ ግምቢያካ ኦራጽሳና፡ ያጋይ።

27 ታን ሃላ ጨማቱዋካ፡ መልተ! ህንተ ጎግያ ሃላቱዋካ መልሳና፡ ያጋይ።

28 ቃይ ቂርሳ፡ ሌን ታ አሳ ሄምያዋ፤ ኔን የሩሳላመ ካታማ፡ “ነ ሰማደ ኬጸታና” ያጋይ። ጌሻ ጎልያካ፡ “ነ ባሱ ባሰታና” ያጋይ ታ ሀልቸዋ ፖልያዋ፡ ያጋይ” ያጌ።

45

ጸሳይ ቂርሳ ካትያ ከሳናዉ ደራዳ

1 መድና ጎዳይ ኦኬዳዎ፡ ካዉተላቱዋ አዉ ሞድሳና ማላ፡ ካተቱ ዳንጨዋ ብላና ማላን ፐንጊካ አዉ እ ሰንላን ደየታና ማላ፡ እ ኡሸቻ ኩሸያ ኦይቄዳ ቂርሳዉ ጸሳይ ሀዋዳን ያጌ፤

2 “ታን ነ ሰንላና ባና፤ ደረቱዋ ደምባያና። ናሃሰያ ብራታ ሳንቃቱዋ መንላና፤ ብራታ ኩልቦቱዋካ ቃንጸና።

3 ኔና ነ ሰንላን ጴሰያዌ ታና መድና ጎዳ፡ እስራኤልያ ጸሳ ግድያዋ ኔን ኤራና ማላ፡ ታን ነዉ ጴማ ሳኣን ደእያ አቁዋን ጌማን ቆስቲደ ዱረታ እማና።

4 ታ ቆማ ያቆባ ድራዉን ታን ደራዳ እስራኤልያ ድራዉ። ታን ኔና ነ ሰንላን ጴሰይ። ኔን ታና ኤራና ጳዮፐ፡ ታን ኔና ቦንቸ ሰንላን ጴሰይ።

5-6 “ታን መድና ጎዳ፤ ታፐ ሀራይ ባዋ፤ ታፐ ሀራ ጸሳይ ደኤና። አዋይ ሞክያሳፐ ቢደ፤ ዉልያሳ ጋካናዉ ደእያ አሳይ ታፐ ሀራይ ባይናዋ

ኤራና ማላ፡ ታን ኔና ግጽሳ። ግደፐነ፡ ኔን ታና ኤራባካ። ታን መድና ጎዳ፤ ታፐ ሀራይ ባዋ።

7 ታን ፖኡዋ ኦላይ፤ ጴማካ መጳይ። ሳርተላ ኦላይ፤ ባሻካ አያይ። ታን መድና ጎዳይ፡ ሀ ኡባ የዋቱዋ ኦላያዋ።

8 “ህንተኖ ሳሎቶ፡ ቦላፐ ዱገ ጽሎተላ ትግተ፤ ሻረቱካ እ ቡክኖ። ቢታይ ደየቶ፤ አቶተላይካ ፑደ ሞኮ። ጽሎተላይካ አናና እትፐ ድጮ። ታን መድና ጎዳይ ሀዋ መጳድ።

ጸሳይ መታዉን ታርክያዉ ጎዳ

9 “ባረና መጴዳዋና ባጸትያዋ አየ አና! አያዉ ጎፐ፡ እ ኡርቃ ሚሻፐ እቱዋ። ኡርቃይ መድያዋ፡ ሌይ ኦላይ?” ዋይ ቃይ፡ ሌይ ኩሺ ባዋ፡ ያጌ?

10 ባረ አዉዋ፡ ሌይ የላዲ?” ያግያ ኡራዉ፡ ዋይ ባረ ዳየ፡ ሌይ ሀዋዳን የላዲ?” ያግያ ኡራዉ አየ አና!

11 መድና ጎዳይ፡ እስራኤልያ ጌሻይ፡ እ መጴዳዌ፡ ሀዋዳን ያጌ፤ ሰንላፐ ትምቢትያ ኤራናዉን ታ ናናቱዋባ ታና ኦቻናዉ ህንተ በሲቱ? ታ ኩሸያን ታን ኦላናባካ ታና አዛዛናዉ በሲቱ?

12 ታን ሳኣ ኦላድ፤ አሳካ እ ቦላ መጳድ። ሳሎቱዋ ታን ታ ኩሸያን ቶላድ፤ ኤንቱንቱን ደእያ መታቱዋ ኡባካ አዛዛድ።

13 ታን ቂርሳ ጽሎተላን ደንላድ፤ እ ኦግያ ኡባካ ሱረ ኦላና። ሻሎዋ ጭገናን፡ ዋይ ማታይያ እመናን፡ እ ታ ካታማ ኬጸና፤ ታ አሳካ ኦሞዱዋፐ ከሳና፡ ያጌ። ታን ኡባፐ ዋልቃማ መድና ጎዳይ ሀዋ ኦላይ” ያጌ።

14 መድና ጎዳይ ሀዋዳን ያጌ፤ “ግብጹ ዱረታይን ቶጽያ ዛልኢ፡ ቃይ ጌሳ አዲሳ ግድያ ሳባኦ አሳቱካ ኔኮ ዪደ፡ ነባ ግዳናዋ። ኤንቱንቱ ሳንሳላታን ቃሸቲደ፡ ኔና ካላና። ኤንቱንቱ ነዉ ጎይኒድ፡ ጸሳይ ነ ጸላላና ደኤ፤ ሀራይ ባዋ፤ አፐ ሀራ ጸሰ ባዋ፡ ያጌደ ነዉ ዋትዋታና” ያጌ።

15 አቤት ጸሳዉ፡ እስራኤልያ አሸያዎ፡ ቱሙዋፐ ኔን ኔና ገንጸያ ጸሳ።

16 ኤቃ መድያዋንቱ ኡባይካ ዬላታና ካዉሻና። ኤቃ ሞሰልያ መድያዋንቱ ኡባይ እትፐ ካዉሻዉ ባና።

17 ሸን እስራኤልያ መድና ጎዳይ መድና አቶተላን አሸ ድጌዳ፤ ህንተ መድናዉካ ዬላትክታን ካዉሸክታ።

18 ሳሎቱዋ መጴዳ መድና ጎዳይ፡ ቢታካ ገግሲደ ኦሌዳዌ፡ ቃይ አሳይ ደአናዳናፐ እትና፡ ቢታ ጮ መድቤና መድና ጎዳይ ሀዋዳን ያጌ፤ “ታን መድና ጎዳ፤ ታፐ ሀራይ ባዋ፤

19 ታን ጌማን፡ ሀቃነንቶ እት ጴማ ጋድያን ሃሳያበይከ። ያቆባ ዘረላዉካ፡ ሓና ጮ ኮይተ፡ ጋበይከ። ታን መድና ጎዳይ ቱሙዋ ሃሳያይ፤ ልከባ ኦዳይ።

ሳሎዋ ሳኣ መጴዳ ጸሳን ባብሎን ኤቃቱዋ

20 “ህንተኖ ካዉተላቱዋፐ እቲዳዋንቶ፡ እትፐ ሺቂደ ሃይተ፤ ማታ ሸቅተ። ሞላፐ ኦስቲዳ ኤቃ ሞሰልያ ቶክ ዩይያዋንቶን፡ አሻናዉ ዳንዳየና ጸሳ ዋሰያዋንቶ ኤር ባዋ።

21 እነ አድተ፤ ህንተ ሞቱዋ ሺሽተ፤ እንቱንቱካ እነ እትጥ ዘረትኖ። እዲሳ ዋድያጥ ካሰ ሀዋ ኦዴዳዊ ኦኔ? በንጥ ሀዋ አዋዬዳዊ ኦኔ? ታና መድና ጎዳ ግድክታየ? ታጥ እትና ሀራ ዳሳይ ባዋ። ታን ጽሎ ዳሳነ አሸያዋ። ታጥ ሀራይ ባዋ።

22 “ህንተኖ ቢታ ጋጸን ደእያ ኡባ አሳቱ። ታኮ ሰሚደ። አትተ። እያዉ ጎጥ። ታን ዳሳ፤ ታጥ ሀራይ ባዋ።

23 ታን ታ ሁጺያን ጫቃድ፤ ጉዩ ሰመና ቃላይ ታ ደናጥ ጽሎተላን ከሴዳ። ላሳይ ኡባይ ታዉ ጉልባታና፤ እንጸርሳ ኡባይካ ታናን ጫቃና፣ ያጋድ።

24 “እንቱንቱ ታዋ ሃሳዪደ። ጽሎተላይነ ሞኖተላይ መድና ጎዳ ጸላላን ደኤ፣ ያጋና” ያጌ።

እ እጽያዋንቱ ኡባይ አኮ ዪደ ዬላታና።

25 ሸን እስራኤልያ ዘረላይ ኡባይ መድና ጎዳን። ጸኑዋን ቦንቹዋ ደማና።

46

ባብሎና ኤቃቱዋ

1 ቤላ ግያ ባብሎን ኤቃይ ጎይኔ፤ ናባ ግያ ኤቃይካ ሆኬ። ካሰ ህንተ ቶክያ ኤቃቱ ሀእ ጫና መሀያ ቦላን ጫነቲደ። ኡንቱንቶ ዳጾ ቶኩዋ ግዴድኖ።

2 ጫና መሄቱ ዳጾዋጥ ደንዳዳዋን። ጫናና እትጥ ኩንዳድኖ፤ ኤቃቱ ባረና አሻናዉ ዳንዳየና ድራዉ። ባረንቱ ሁጺያዉካ ኦሞደቲደ ቤድኖ።

3 ጸሳይ ሀዋዳን ያጌ፤ “ህንተኖ። እስራኤልያጥ አቴዳዋንቶ። ያቆባ ዛረቶ። ታን ኦድያዋ ሰሰተ፤ ህንተ የለቴዳ ዋድያጥ ደማደ ታን ህንተና ቶካድ።

4 ህንተ ጭማና ጋካናዉካ ታን ታናካ፤ ህንተ ጉሉማና ጋካናዉካ። ታን ህንተና ማዳና። ታን ህንተና መጻድ፤ ታን ህንተና ደንላና፤ ታን ህንተና ቶካናን አሻና።

5 “ታና ኦ ማላ ገተ? ቃይ ኦናና ልኪቱ? ኦን እት ማላ ግዳናዳን። ታና ኦናና ጋሐ ጸሊቱ?

6 ዋርቃ ባረንቱ ቃርጪታጥ ቆልያዋንቱን ብራ ሚዛናን ዋሊደ ልክያዋንቱ ሄዋ ኡንቱንቶ ጸሳ ኦሊደ መጻና ማላ። ዋርቃ ትግያዋ ቃጸሪኖ። እካ ጸሳ ኦሊደ መጻ፤ ያትና። ኡንቱንቱ ሄ ኤቃ ሰንላን ሆኪደ ጎይኒኖ።

7 ኡንቱንቱ አ ደንሊደ። ባረንቱ ሀሸያን ቶኪኖ፤ አ ሳእን አ ዋሊኖ። ያቶጥ እ ሄዋን ኤቁ አጌ፤ ሄዋጥ ያ ሃ ቃጸና። እት አሳይ አዉ ዋሶጥካ። ዛሩዋ እመና፤ ቃይ አ መቱዋጥካ አ አሸና።

8 “ህንተኖ ናጋራንቻቶ። ሀዋ ሀሳይተን ቆጥተ፤ ህንተ ዋዛናን ካህን ዋሐተ።

9 በን ዋደ ሀኔዳ የዋቱዋ ሀሳይተ። እያዉ ጎጥ። ታን ዳሳ፤ ሀራይ ባዋ። ታን ዳሳ፤ ታ ማላይ ኦንን ባዋ።

10 ታ ቆፋይ ሞናና፤ ቃይ ታንካ ታ ሀልቹዋ ኡባ ፖላና፣ ያጋይ። ዉርስላን ትሞቢትያ ደመላን። ቃይ ብር ሀንቤና የዋቱዋ በን ዋድያጥ ደማደ አዋያይ።

11 አዋይ ደልያ ባጋጥ ቦንቂያ ካፋዋ። ሃኮ ጋድያጥ ታ ቆፋ ፖልያ አሳ ታን ጸሳደ። ታን ጌዳዋ ታን ፖላና፤ ታን ሀልቹዳዋካ ታን ኦላና።

12 “ህንተኖ ዋዛናይ ሙሚዳዋንቶ። ጽሎተላጥካ ሃኬዳዋንቶ። ታን ኦድያዋ ሰሰተ፤

13 ታን ታ ጽሎተላ ማታ እያይ፤ እካ ሀሳኮ ግደና። ታ አቶተላይ ጋሞኤና፤ ታን ታ አቶተላ ጽዮንዉ። ታ ቦንቹዋካ እስራኤልያዉ እማና” ያጌ።

47

ባብሎን ቦላ ይያ ፕርዳ

1 ጸሳይ ሀዋዳን ያጌ፤ “ሀነ ባብሎን ዋደራተ። ዲገ ዋጳ፤ ባናን ኡታ። ሀነ ካላዳዌቱዋ ናተ። ነ ካተቱዋ አራታ አጋደ ሳእን ኡታ። እያዉ ጎጥ። ሀዋጥ ሰንላናዉ ኔን ኦቶርትያኖን ሹጋቶ ጌተታካ።

2 ዋጸ አካደ ካላ ጋጫ። ነ ጉለላ ቃራ፤ ነ አዲሳ ማዩዋካ ከሳ። ነ ጸፕያ በሳ፤ ያታደ ሻፋቱዋ ፕና።

3 ነ ካሉ ቃረታና፤ ነ ፖኩካ ቤታና። ታን ሀሉዋ ከሳና፤ ኦሰካ ቃረትከ” ያጌ።

4 ኦና ዋዘያዌ። አዉ ሱንላይ ኡባጥ ዋልቃማ መድና ጎዳ ግድያዌ። እስራኤልያ ጌሻ።

5 ጸሳይ ሀዋዳን ያጌ፤ “ሀነ ካላዳዌቱዋ ናተ። ባ፤ ጳማን ጮኤ ጋደ ኡታሻ። እያዉ ጎጥ። ሀዋጥ ሰንላዉ ኔን ካዉተላቱዋ ካታቶ ጌተታካ።

6 ታን ታ አሳ ሀንቃታድ፤ ታ ላታካ ቱንሳድ፤ ታን ኡንቱንቱ ነ ኩሸያን አላደ እማድ። ኔን ኡንቱንቶ ቃረታባካ፤ ጭሚዳዋንቱ ቦላንካ ነ ሞርገ ሞላን ሎይላ ዳጸታዳ።

7 ኔን። ታን መድናዉ ካታቶ ግዳና፣ ያጋዳ። ሄዋ ድራዉ። ሀ የዋቱዋ ነ ዋዛናን ቆጋባካ፤ ኡንቱንቱ ዉርስላካ ሀሳያባካ።

8 “ኔኖ ዋፑ ጋደ ኡቴዳን አሻሉዋ ደሰያ። ሰሳ። ነ ዋዛናን። ታና፤ ታጥ አትና። ሀራይ ባዋ። ታን አምኤ ግድከ፤ ዋይ የላደ ናአ ባይና ማይነ ግድከ” ያጋዳ።

9 ሀ ላኡ የዋቱ እት ጋላሰ አይፊ ልጻናዉ። ነ ቦላ ያና። ነ ብታይ ዳራ። ነ ሙሩኑካ ዋልቃማ ዋልቃማ ግደጥ። ኔን ነ ናናቱዋጥ መላ አትያዌነ አምኤተላይ ነ ቦላ ኩመንላን ይያዌ አተና።

10 “ኔን ነ ኢታተላን አማነታ ኡታዳ፤ ቃይ። ታና ኦንን በኤና” ያጋዳ። ነ አዴዳ ኤራተላይነ ጭንጫተላይ ኔና ዋራ ካለሐና። ኔን ነ ዋዛናን። ታና። ታጥ አትና። ሀራይ ባዋ” ያጋዳ።

11 ሸን ኔን ዋታ ሙሩኑዋን ሃሳንንቶ ኤረና ኢታይ ነ ቦላ ያና። ኔን ጋትያ ጭጋናዉ ዳንዳየና ቦሻይ ነ ቦላን ዋጳና፤ ቃይ ኔን እያን ኤረና ባሻይ ቆጥናን ነ ቦላ ያና።

12 “እነ ኔን ነ ናአተላደጥ ኦላደ ደኤዳ ነ ብታን ነ ሙሩኑዋ ሀእካ አጎጥ። ኦን ኤራ። ነ ጎዋዳን ሀናንንቶ፤ ዋይ ኔን አን ዳጋንላንንቶ።

13 ዞረ ጸላላን ነ ዳቡራዳ። ሳሉዋ ጸልንትያ ፓይድያዋንቱ። አ ጸሊደ ትሞቢትያ ኦድያዋንቱ። ቃይ። አግና ጸሩዋን ጸሩዋን ነ ቦላን ያናዋ ኦድያዋንቱ አነ ኔና አሸና።

14 በአ። ኡንቱንቱ ዲርጫ ማላ፤ ታማይ ኡንቱንታ ማና። ኡንቱንቱ ታማ ላጩዋጥ ባረና

አሻናው ዳንዳይክኖ። ሄዋ አሳይ ባረ ቦላ ሆኔላናው ሆኔላና ቦንቆ ዋይ ቃይ አሳይ አ ሰንላን ኡታናው ዳንዳይያ ታማ ግደና።

15 ኔን ኡንቱንቱና ዳቡራዳዋንቱ፣ ነናከተላደፕ ደሚደ፣ ኔናና ዛልኤዳዋንቱ ነው ሄዋ ማላ። ኡንቱንቱ ኡባይካ ባረ ባጋና ባጋና ላለታና፤ ኔና አሸያዌካ እቱነ ባዋ።

48

ጸሳይ ሰንላፕ ሀናናዋ ኤርያ ጸሳ

1 “ሀንተኖ ያቆባ ዛረቶ፣ እስራኤልያ ሱንላን ጸሰትያዋንቶ፣ ቃይ ይሁዳ ዘረላፕ ይዳዋንቶ፣ ሀዋ ሰሰተ። ሀንተ መድና ጎዳ ሱንላን ጫቂታ፤ እስራኤልያ ጸሳ ጸሰታ፤ ሽን ቱማተላንነ ጽሎተላን ግደና።

2 ሀንተ ሀንተና ጌሻ ካታማ ሱንላን ጸሰታ፤ እስራኤልያ ጸሳን ዘምፒታ፤ አ ሱንላይ ኡባፕ ዋልቃማ መድና ጎዳ።

3 “ታን ካሰ ሀኔዳዋንታ ዳሮ ዋድያፕ ካሰ ኦዳድ፤ ታ ደናፕ ኡንቱንቱ ከሴድኖ። ኡንቱንቱ ኤላካ ፖለታናዳን፣ ታን ኦላድ።

4 አያው ጎፕ፣ ኔን ኦድና ሰሰናዋ፣ ነ ሞርጊ ብራታ ማላ ግድያዋ፣ ነ ሰምኢካ ናሃሰያ ግያ ብራታዳን ሌቃመናዋ ታን ኤራድ።

5 ሄዋ ድራው፣ ኔን፣ ሀዋ ታ ኤቃይ ኦሌዳ፤ ቃይ ታ ማሰቱዳ ሞሰለቱነ ታ ሲልሲደ ኦሌዳ ሞሰሊ ኦሌዳ ጌናዳን፣ ታን ሄዋ ነው በንፕ ደማደ ኦዳድ። ቃይ ኡንቱንቱ ሀናናፕ ካሰታደ፣ ታን ኡንቱንታ ነው አዋያድ።

6 “ኔን ካሰ ሰሳዳ፤ ሀኔ ሰም ሀዋ ኡባ በከ። ያትና፣ ኔን ሀዋ ኡባ ቱማ ጊኪ? ሀኔፕ ደማደ ሰንላው ኔን ኦራላባ ሰሳናዳን፣ ታን ኦላና።

7 ኡንቱንቱ ሀኔ መጠቱድኖፕ አትና፣ በን መጠቱበይክኖ። ኔን፣ ሰከ፣ ታን ኡንቱንታ ኤራይ፣ ጌናዳን፣ ሀኔፕ ካሰ ኔን ሙላካ ኡንቱንቱባ ሰሳባካ።

8 ኔን ሙላካ ሰሳባካ፤ ቃይ ሙላካ ኤራባካ። ነ ሀይላይ በንፕካ ደየትቤና። አያው ጎፕ፣ ኔን ጭምያዋ ግድያዋ ታን ኤራይ፤ ቃይ የለቶደፕካ ኔን ማካላንቻ ጌተታደ ጸሰታዳ።

9 “ታ ሱንላ ድራው፣ ታን ታ ሀንቁዋ ዛራና፤ ታን ኔና ጳይሰናዳን፣ ታ ሀንቁዋ ተኣና።

10 በከ፣ ታን ኔና ፓጫድ፤ ሽን ብራዳን ግደና፤ ታን ኔና መቱዋ ታማን ፓጫድ።

11 ታን ታ ድራው፣ ሀዋ ኦላይ። አያው ጎፕ፣ ታ ሱንላይ ቶሽታናው ታን ኮይከ። ታን ታ ቦንቹዋ ሀራው እምከ።

ጸሳይ ደራዳ ቆማ

12 “ኔኖ ያቆባ፣ ታን ጸሴዳ እስራኤልያው፣ ታን ግያዋ ሰሳ። ታን እ፤ ኮይሩካ ታና ዉርሰላይካ ታና።

13 ቢታ ባሱዋ ታ ኩሺ ባሴዳ። ሳሎቱዋካ ታ ኡሽቻ ኩሺ ሞጬዳ። ታን ኡንቱንታ ጸሰያ ዋደ፣ ኡንቱንቱ እትፕ ኤቂኖ።

14 “ሀንተ ኡባይ እትፕ ሺቂደ ሰሰተ፤ ኤቃቱዋፕ ሀዋ ሀናናዋ ካሰቲደ ኦዳዳዌ ኦኔ?

መድና ጎዳይ ደራዳዌ አ ቆፋ ባብሎን ቦላ ፖላና፤ አ ቀሲካ ባብሎን ቢታ አሳ ቦላ ግዳናዋ።

15 ታን ታ ሁጲያው አ ጸሳድን አው ኦዳድ፤ አ አሄዳዌ ታና። ቃይ አ ኦላያባይ ኡባይ አው እንጀታና።

16 “ታከ ሃ ሺቂደ፣ ሀዋ ሰሰተ፤ ታን ኮይሮፕ ደማደካ ጌማን ሃሳያበይከ፤ ሄዋ ሀኔዳ ዋድያፕካ ደማደ ታን ያን ደአይ” ያጌ።

ቃይ ኡባ ሞድያ መድና ጎዳይነ አ አያናይ ሀኔ ታና ኪቱድኖ።

ጸሳይ ባረ አሳው ሀልቼዳ ሀልቼዋ

17 መድና ጎዳይ፣ ኔና ዋዝያዌ፣ እስራኤልያ ጌሻይ ሀዋዳን ያጌ፤ “ታን መድና ጎዳይ፣ ነ ጸሳይ፣ ኔና ማድያዋ ታማርሰያዋ። ኔን ባናው በሰያ ኡግያንካ ኔና ካለላያዌ ታና።

18 ኔን ታ አዛዙዋ ሰሴዳዋ ግድንቶነ፣ ነ ሳሮተላይ ሻፋ ሃላዳን ጎጋና ሽን፤ ነ ጽሎተላይካ አባ ቤታዳን ሀናና ሽን።

19 ነ ዛሪ አባ ሻፍያዳን፣ ነ ናናይካ ፓይዳ ባይና ሳኦ ባናዳን ጮራታና ሽን፤ ኡንቱንቱ ሱንላይካ ታ ሰንላፕ ጳየናን ዋይ ክቼናን አጋና ሽን” ያጌ።

20 ባብሎን ጋድያፕ ከሰተ፤ ባብሎን አሳፕካ ባቃትተ! ቃላ ቶቁ ኦሌዳ፣ ናሽቻን ሀዋ ሃሳይተ፤ ሳኦፕ ሳኦ ጋጸ ጋካናው፣ ሀዋ ከትተ። “መድና ጎዳይ ባረ ቆማ ያቆባ ዋዜዳ” ያጌደ ኦድተ።

21 እ ኡንቱንታ መላ ቢታ ግድና ካለሌዳ ዋደ፣ ኡንቱንቱ ሳመትበይክኖ። ዛላፕ ሃላካ ኡንቱንቶ ፑልትሴዳ፤ ዛላ እ ጳልቂና፣ ሃላይ ቶቁዳ።

22 መድና ጎዳይ፣ “ኢታቶ ሳሩ ባዋ” ያጌ።

ጸሳ ሀጋዝያዋባ

49

(49:1—53:12)

እስራኤሊ ቢታን ደእያ አሳው ፖኦ

1 ሀንተኖ፣ አባ ደናን ደእያ ቢታቶ፣ ታን ኦድያዋ ሰሰተ። ሀንተኖ፣ ሃኩዋን ደእያ ካውተላቶ፣ ሰሰተ። ታን የለታናፕ ካሰ መድና ጎዳይ ታና ጸሴዳ፤ ቃይ ታ ዳይ ኡሉዋን ደእሸን፣ ታ ሱንላ ሱንሌዳ።

2 ታ እንጻርሳ ሳታና ደእያ ማሻዳን ኦሌዳ፤ ባረ ኩሽያ ኩዋን ታና ገንሌዳ፤ እ ታና ፖሼዳ ቶራዳን ኦሌዳ፤ ያቲደ ባረ ሾኩዋ ግደን ታና የጊደ ቆሴዳ።

3 እ ታና፣ “ኔን ታን ኔናን ቦንቹትያ ታ ቆማ እስራኤልያ” ያጌዳ።

4 ሽን ታን ሀዋዳን ያጋድ፤ “ታን መላ ጮ ዳቡራድ፤ ታ ዋልቃካ ጎኤናባን ሀዳባን ጮ ዉርሳድ። ታ ፕርዳይ ጸሳ ማታና፤ ታ ጋቲካ ታ መድና ጎዳ ማታና” ያጋድ።

5 ሀኔካ፣ ታን መድና ጎዳ አይፍያ ሰንላን ቦንቹቱዳ ድራውነ ታ ጸሳይ ታው ዋልቃ ግዳዳ ድራው፣ ያቆባ እኮ ዛራናውነ እስራኤልያ እኮ ሺሻናው፣ ታን አው ቆማ ግዳናዳን፣ ታና ታ ዳይ ኡሉዋን መዳዳዌ መድና ጎዳይ ሀዋዳን ያጌ፤

48:12 ኢሳ. 44:6፤ ሳፃ 1:17፤ 22:13 48:20 ሳፃ 18:4 48:22 ኢሳ. 57:21 49:1 ኤር. 1:5 49:2 ኢሳ. 4:12፤ ሳፃ 1:16

6 “ኔን ያቆባ ዛርያ ደንፋናውን እስራኤልያፕ እቲዳዎንታ ዛራደ አሀናው፡ ኔን ታው ቆማ ግድያዌ ቁር ጉፋባ። ሄዋ ቦላ ጉጃደ፡ ታ አቶተላይ ቢታ ጋጸ ጋካናዳን፡ ታን ኔና ካውተላቶ ፖኦ ኦላና” ያጌ።

7 እሳይ ካጄዳዎ፡ እጄዳዎን ደርያ ሞድያዎንቶ ቆማው፡ መድና ጎዳይ፡ እስራኤልያ ዋዝያዌ፡ እስራኤልያ ጌሻይ ሀዋዳን ያጌ፤ “አማነትያ መድና ጎዳ ድራውን ኔና ደራዳ እስራኤልያ ጌሻ ድራው ካተቱ በኢደ፡ ደንድ ኤቃና። ደርያ ሞድያዎንቱካ በኢደ ጎይናና” ያጌ።

የሩሳላመ ዛርሳ አሰታና

8 መድና ጎዳይ ሀዋዳን ያጌ፤ “ታን ደራዳ ዋድያን ነ ኦሻ ዛራድ። አቶተላ ጋላሰ ታን ኔና ማዳድ። ታን ኔና ናጋና፤ ኔን ቢታ ዛርሳደ ኤሳና ማላ፡ አሳይ ደኤና ቢታቱዋካ ኔን ላትሳና ማላ፡ ታን ኔና አሳይ ጫቁዋ አላደ እማድ።

9 አሞዳዎን ደእያዎንታ፡ ‘ከሰተ!’ ጁማ ቃሹዋን ደእያዎንታካ፡ ‘ብለትተ!’ ጋና ማላ፡ አሳው ጫቁዋ አላደ ኔና እማና። ኡንቱንቱ ኦግያ ማታን ሄመታና፤ ዘዘትያ ከራ ኡባ ቦላ አላጸና።

10 ኡንቱንቱ ከሻትክኖ ዋይ ሳመትክኖ። ኡንቱንቱ ባዙዋ ሞሹ ጸገና፤ አዋይካ ኡንቱንታ ሜና። ኡንቱንቶ ቃረሰያዌ ኡንቱንታ ካለላና፤ ፑልቶ ሃላኮካ ኡንቱንታ ላጋና።

11 “ታን ታ ደረቱዋ ኡባ ኦገ ከሳና፤ ታ ዋጋ አገቱካ ዛንጋራፕ ጁቁ ጋና።

12 በአ፡ ታ አሳይ ሃኮ ሳፕ ያና፡ ሁጲሳ ባጋፕን አዋይ ዉልያ ባጋፕ ያና። ቃይ አሰዋና ቢታፕካ ያና” ያጌ።

13 ህንተኖ ሳሎቶ፡ ናሽቻን የጽተ። ኔኖ ቢታው ናሽታ። ህንተኖ ደረቶ፡ እልልተ! አያው ጎፕ፡ መድና ጎዳይ ባረ አሳ ሞንግጡዳ፤ ቃይ ባረ መቶታንቻቶካ ቃረቱ።

14 ሽን ጽዮና፡ “መድና ጎዳይ ታና አጌዳ፤ ጎዳይ ታና ደጌዳ” ያጋው።

15 ጸሳይ ሀዋዳን ያጌደ ዛሬ፤ “አታ ባረ ቆንሰያ ናኦ ደጋናው ዳንዳያይ? ባረ ኡሎዋፕ የሌዳ ናኦው ቃረተከዮ? ጌላዳን አ ደግንቶካ፡ ታን ኔና ደግከ!

16 በአ፡ ታን ኔና ታ ኩሽያ ጎምፓን ጸፋ ዋላድ፤ ነ ድርሳ ግምበቱካ ኡባ ገደ ታ ሰንላን ደአኖ።

17 “ኔና ዛርሳደ ከጽያዎንቱ ያና፤ ኔና ኮሌዳዎንቱ ከሲደ ባና።

18 እነ ጁቁ ጋደ፡ ነ የሹዋ ጾላ፤ ነ ናናይ ኡባይ እትፕ ሸቂደ፡ ኔኮ ያና። ታን መድና ጎዳይ ታ ደኡዋን ጫቃይ፡ ኔን ኡንቱንቱ ኡባ አሌቁዋዳን ማያና፤ ቡላቼታናው ሀንያ ሞሽራቲዳን፡ ኔን ኡንቱንታ ማያና።

19 “ነ ባሻ ሳኦቱን መላ ቢታቱ ሀእ ኔናን ደእያ አሳው ሎይሳ ኡንኦና፤ ቃይ ኔና ኮሌዳዎንቱካ ኔፕ ሃካና።

20 ኔን ካዮትያ ላይላቱዋን ነው የለቱዳ ናናይ ነ ሀይላን ኦዲደ፡ ህዌ ሳኦይ ኦው ሎይሳ ኡንኦ፤ ሄዋ ድራው፡ ኦው ደአናው እኮ ሳኦ እማ” ያጋና።

21 ኔን ነ ዋዛናን፡ ህዋንታ ናናቱዋ ኡባ ታው ኦኔ የሌዳዌ? ታን የላደ ማንላ አታድ ሽን፤

ታን ማይናድ ሽን፤ ታን አሞደታደ ዋራ ባድ ሽን። ያትና፡ ሀዋንታ ኦኔ ድቼዳዌ? በአ፤ ታን ታረካ አታድ፤ ያትና ሀዋንቱ ናናይ ኡባይ ሀቃፕ ዬድኖ? ያጋና” ያጌ።

22 ኡባ ሞድያ መድና ጎዳይ ሀዋዳን ያጌ፤ “በአ፡ ታን ካውተላቶ ማላታ በሳና፤ ታን እሳው ታ ባንድራ ኤሳና። ኡንቱንቱ ነ አቱማ ናናቱዋ እድም አሀና፤ ነ ማጫ ናናቱዋካ ባረንቱ ሀሽያን ቶኪደ አሀና።

23 ካተቱ ኔና ድቻያ አዎቱዋ ግዳና፤ ኡንቱንቱ ማጫ ካተቱካ ኔና ቆንሰያዎንታ ግዳና። ኡንቱንቱ ጉፋኒደ፡ ነው ጎይናና፤ ቃይ ነ ገድያ ባናካ ላጫና። ታን መድና ጎዳ ግዴዳዋ ኔን ሄዋን ኤራና፤ ታናን አማነቲደ ናግያዎንቱ ዬላትክኖ” ያጌ።

24 አሞዳዎን አኬዳዋ ዋልቃማ ኩሽያፕ ዛርሳና ዳንዳዪቱየ? ዋይ አሞዲደ አፌዳ አሳይ መቀሰ ባይና ኢታ ኩሽያፕ ከሰ አካናው ዳንዳዪቱየ?

25 ሽን መድና ጎዳይ ሀዋዳን ያጌ፤ “ዋልቃማይ አሞዲደ አፌዳባይ ሰማና፤ መቀሰ ባይና ኢታቱዋ ኩሽያን አሞደቱዳ አሰካ ከሰ አካና። አያው ጎፕ፡ ኔናና ኦለትያዎንቱና ታን ኦለታና፤ ነ ናናቱዋካ ታን አሻና።

26 ኔና ኡቁንያዎንቱ ባረንቱ አሹዋ ማናዳን፡ ታን አላና፤ ቃይ ዋይንያ ኤሳ ኡሺደ ማላትያዎዳን፡ ኡንቱንቱ ባረንቱ ሱላ ኡሺደ ማላታና። ያቶፕ አሳ ኡባይ ታን መድና ጎዳ፡ ኔና አሽያዋ፡ ዋዝያዎን፡ ያቆባ ዋልቃማ ግድያዋ ሄዋን ኤራና” ያጌ።

50

1 መድና ጎዳይ ሀዋዳን ያጌ፤ “ታን ህንተ ዳዮ የዴዳ ፕርማይ ሀቃን ደኢ? ዋይ ኦሰ ህንተና ታን ዛልኦድታ? በአተ፡ ህንተ ናጋራ ድራው፡ ህንተ ዛልኦቲድታ፤ ህንተ ባይዙዋ ድራው፡ ህንተ ዳያ ብለታዲ።

2 ታን ዬዳ ዋደ፡ አያው ሄዋን አሳይ ቆይዳ? ታን ጾሴዳ ዋደ፡ ‘ዬ!’ ጋናው እያው አሳይ ሄዋን ደእኤኔ? ታን ህንተና ዋዛናው ታ ኩሺ ቃንሌየ? ዋይ ህንተና አሻናው ታው ዋልቃይ ባዌየ? በአተ፡ ታን ሴራደ አባ መልሳይ። ሻፋቱዋካ መላ ቢታ አላይ። ኡንቱንቱን ደእያ ሞለቱ ሃላይ ቆይና ዋቂኖ፤ ሳሙ ዋድና ሀይቂኖ።

3 ታን ሳሎቱዋ ካረላባ ማይዛይ፤ ዋሩዋካ ኡንቱንቱ ካመትያባ አላይ” ያጌ።

ጸሳ ቆማይ አዛዘትያዋ

4 ዳቡራዳዋ ታን ቃላን ዋታደ ሞንግጡንቶ ኤራና ማላ፡ ኡባ ሞድያ መድና ጎዳይ ታው ታማራዳ እንጸርሳ እማዳ። እ ታና ዋንታ ዋንታ ቤጎላደ፡ ታን ታማርያ አሳዳን ሰሳናዳን፡ ታ ሀይላ ደዬ።

5 ኡባ ሞድያ መድና ጎዳይ ታ ሀይላ ደዬዳ፤ ታንካ ማካላንቻ ግዳበይከ፤ ጉየካ ሰማበይከ።

6 ታን ታ ዘክያ ሾጭያዎንቶ፡ ታ ጋጩዋ ቡቻ ሾድያዎንቶ አላደ እማድ። ታ ሶምኡዋ ካውሻፕን ጩቻ ጩሽትያሳፕ ገንላበይከ።

49:6 እሳ. 42:6፤ ሉቃሳ 2:32፤ ኪታ 13:47፤ 26:23 49:8 2 ቆር. 6:2 49:10 ሳን 7:16-17 50:6 ማቶሳ 26:67፤ ማር. 14:65

7 ኡባ ሞድያ መድና ጎዳይ ታና ማድያ ድራው። ታን ዩላታበይከ፤ ሄዋ ድራው። ታን ታ ሶምኡዋ ሳልያ ግያ ሹቻዳን ኡዳድ። ታን ዩላተናን አታናዋካ ኡራይ።

8 ታና ሻትንልያዌ ማታን ደኤ፤ ያትና። ታና ሞትያዌ ኦኔ? አነ እትፕ ታናና ኤቆ! ታ ሞርኪ ኦኔ? አነ ታናና ጋከቶ!

9 በአተ። ኡባ ሞድያ መድና ጎዳይ ታና ማዳ፤ ያትና። ታና ባይዛንቻ ጋናዌ ኦኔ? በአተ። ኡንቱንቱ ኡባይካ ማዩዋዳን ኤጭ ዉራና፤ ብልኦይ ኡንቱንታ ማና።

10 ህንተ ግደፕ መድና ጎዳዉ ያይያዌን አ ቆማ ቃላዉ አዛዘትያዌ ኦኔ? ጹማን ሀመትያዌን ፖኡ ባይናዌ እ ኦኔ? ሄ ኡራይ መድና ጎዳ ሱንጎን አማነቶ፤ ባረ ጸሳንካ ዘሞፖ።

11 በአተ። ህንተኖ ታማ ኤልያ ኡባ ገደ። ዩቻ ጸሞፕያ ላጩዋ ህንተንቶ ሸሽያዋንቶ። ህንተ ኤጩዳ ታማ ፖኡዋን ሄመትተ! ህንተ ዩጩዳ ጸሞፕያ ላጩዋ ፖኡዋን ሰመረትተ! ህንተ ታ ኩሽያፕ አካናዉ ደእያባይ ሀዋ። ህንተ ዋልቃማ ሴላን ግሳና።

51

የሩሳላመ ምንጭ ልያ ቃላ

1 ጸሳይ ሀዋዳን ያጌ፤ “ህንተኖ ጽሎተላ ካልያዋንቶ። ህንተኖ ታና። መድና ጎዳ ኮይያዋንቶ። ሰሰተ። ህንተ ጸልቀቲደ አከቴዳ ሹቻን ህንተ ቦከቴዳ ከሴዳ ኦላ ይልተ።

2 ህንተ አዉዋ አብራሃማኮን ህንተና የሌዳ ሳርኮ ይልተ። እ ባረካ ደእሸን። ታን አ ይሳድ፤ አንጃድነ ፓይዳዋን ጮራያድ።

3 “መድና ጎዳይ ጽዮነንነ አ ኮለቴዳ ሳኦቱዋን ደእያ ኡባ አሳ ምንጭ። እ ባዘዋ ኤደነ ገነትያዳን። እ መላ ሳኦቱዋካ መድና ጎዳ አታክልትያ ሳኦዳን ኦላና። ናሸቻይነ ሀሹ ጉሳይ ያን ደእና፤ ጋላታነ ማዘሙርያ ኮሻይ ያን ሰሰታና።

4 “ታ አሳዉ፤ ታን ኦድያዋ ሰሰተ። ታ ካዉተላዉ። ነ ሀይላ ታኮ የጋደ ሰሳ። እያዉ ጎፕ። ሀጊ ታፕ ከሴ፤ ታ ሱረ ፕርዳይካ ካዉተላቶ ፖኡ ግዳናዋ።

5 ታ ጽሎተላይ ኤሌሊደ ሺቃና፤ ታ አሹካ ከሲደ። ኦግያን ደኤ። ታ ቀሲ አሳ ሞዳና፤ አባ ደና ቢታቱዋን ደእያ አሳይ ኡባይ ታናን አማነቲደ ናጋና፤ ቃይ ታን ኡንቱንታ ታ ዋልቃን አሻናዋ። ናሸቻ አላደ ናጋና።

6 ፑደ ጶቁ ጊደ። ሳሎቱዋ ይልተ፤ ዲን ሳኦካ ይልተ። እያዉ ጎፕ። ሳሎቱ ጩዋዳን ፕሰክ ጊደ ጳያና፤ ሳኦይካ አፍላዳን ዉራና፤ አን ደእያ አሳይ ኡባይ ኡዲንጸቱዋዳን ሀይቃና። ሸን ታ አሹ መድናዉ ደእና፤ ታ ጽሎተላይካ ዉረና።

7 “ህንተኖ ጽሎተላ ኤርያዋንቶ። ታ ሀጊካ ህንተ ዋዛናን ደእያዋንቶ። ሰሰተ። አሳ ቦርናሾ ያዮፕተ፤ ኡንቱንቱ ቦርያዉካ ዲጋሞፕተ።

8 እያዉ ጎፕ። ማዩዋ ምያዋዳን። ብልኦይ ኡንቱንታ ማና፤ ደርሳ እክሰያ ምያዋዳን። ጉጹኒ

ኡንቱንታ ማና። ሸን ታ ጽሎተላይ መድናዉ ደእና፤ ታ አሹካ የለታ ኡባዉ ጋካና” ያጌ።

9 አቤት ጸሳዉ። ቤጎታ! ቤጎታ! መድና ጎዳ ቀሰያዉ። ዋልቃ ማያ፤ ካሰ አጴዳ ዋደቱዋንነ የለታቱዋን ቤጎታዳዋዳን ቤጎታ። ራኣባ ግያ ዳዊያ ቃንጸሬጩዳዌ። ሚምንትያካ ጫዴዳዌ ኔና ግድኪየ?

10 አባነ ዋልቃማ ጪሙዋ ሃላ መልሴዳዌ ኔና ግድኪየ? ኔን ዋዜዳዋንቱ ፕናና ማላ። ጪማ አባ ኦጎ ኦጩዳዌ ኔና ግድኪየ?

11 መድና ጎዳይ ዋዜዳዋንቱ ሰሚደ። የጺድ ጽዮነ ያና፤ ዩደ መድና ናሸቻይ ኡንቱንቱ ቦላን ደእና፤ ኡንቱንቱ ናሸቻነ ሀሹ ግያዋ ደማና። ቃይ ካየነ ዬኩ ኡንቱንቱፕ ሃካና።

12 ጸሳይ ሀዋዳን ያጌ፤ “ህንተና ምንጭ ልያ ታና። ያትና። ሀይቁያ አሳዉ ያያናዉ። ማታዳን ኤለካ መልያ አሳ ናአዉ ያያናዉ ህንተ ኦኔ?

13 ህንተ ሳሎቱዋ ምጩዳን ሳኦ ባሱዋካ ባሴዳ መድና ጎዳ። ህንተናካ መጴዳዋ ደጌድቲ? ኡንቱንቱ ህንተና ጳይሳናዉ ጊግሴዳ። ህንተና ኡቁንያ አሳቱዋ ሀንቁዋ ጋሱዋን ጋላሳ ኩሙንላ ያዬድታ። ሸን ህንተና ኡቁንያዋ ሀንቁ ሀቃን ደኢ?

14 አሞደቲዳዌ ኤለካ ብለታና፤ ሀይቀና፤ አላንካ ገለና፤ አዉ ኡክላይካ ፓጩና።

15 እያዉ ጎፕ። ታን መድና ጎዳ ነ ጸሳቲ። ቤታይ ዋሳናዳን። አባ ቃላይ። ታ ሱንጎይ ኡባፕ ዋልቃማ መድና ጎዳ።

16 ሳሎቱዋ ምጩዳዳን። ቢታ ባሱዋካ ባሳናዳን። ቃይ ጽዮነ። ሳን ታ አሳ። ጋናዳን። ታን ታ ቃላ ነ ደናን ዋላድ፤ ታ ኩሽያ ኩዋን ታን ኔና ገንጎድ” ያጌ።

መድና ጎዳ ሀንቁዋ ጸኦ

17 ኔና። መድና ጎዳ ኩሽያፕ አ ሀንቁዋ ጸኦ ኡሼዳ የሩሳላመ። ቤጎታ! ደንዳ! ኔን ጋንድጋርሰያ ጸኦ ጭንግርሳደ ኡሻዳ።

18 አ የሌዳ ናናቱ ኡባፕ እዞ ካለልያባይ እቱነ ባዋ፤ ቃይ አ ድቼዳ ናናቱ ኡባፕካ እ ኩሽያ ኦይቁያዌ እቱነ ባዋ።

19 ዳኮ ዳር ባሻይ ነ ቦላን ጋኬዳ፤ ያትና። ኔና ኦኔ ምንጎናዉ ዳንዳይያዌ? ሄዋንቱካ ኮለላ። ኮሻነ ማሻ። ያትና። ታን ኔና ዋታደ ምንጭ?

20 ነ ናናይ ሳባኔድኖ፤ ኡንቱንቱ ግትያ ግደን ገሌዳ ገንእያዳን። ኦጎ ኡባ ጋጸን ኩንዴድኖ። ኡንቱንቱ መድና ጎዳ ሀንቁዋንነ ነ ጸሳ ሴራን ኩሜድኖ።

21 ሄዋ ድራዉ። ነና። ዋይንያ ኤሳ ኡሸናን ማላቲዳ መቶታንቻቲ። ሀዋ ሰሳ።

22 ነ ጸሳይ። ባረ አሳዉ ሞተትያ ኡባ ሞድያ መድና ጎዳይ ሀዋዳን ያጌ፤ “በአ፤ ኔና ጋንድጋርሰያ። ታ ሀንቁዋ ጸኦ ታን ነ ኩሽያፕ አካድ፤ ኔን ላኤንሱዋ አ ሙለካ ኡሻካ።

23 ታን ሄዋ ኔና ቱጋይያዋንቱ ኩሽያን ዋላና። ኡንቱንቱ ኔና። ሳን ነ ቦላና ሀመቲደ አጳና ማላ። ዛቁላ” ያጌድኖ። ኔን አጳና ጋካናዉ። ነ ዘክያ ኡንቱንቶ ቢታዳንነ ኡግያዳን ኦላዳ” ያጌ።

52

ጸሐፊ የሩሳላም አሻና

1 ኔሮ ጽዮን ካታማው፣ ቤጎታ፤ ሞኖተላ አፍላዳን ማያ። ኔሮ፣ ጌሻ ካታማው፣ የሩሳላም፣ ነ ሦንቸዋ ማዩዋ ማያ፤ እያው ጎጥ፣ ሀዋጥ ሰንፋናው ቃጸረትቤናዊን ቱናይ ነ ግዶ ገለና።

2 ኔሮ፣ አሞድቲዳ የሩሳላም፣ ነ ባና ቆቆፋ። ደንዳይ ነ ካተቱዋ አራታን ኡታ። ሀንተኖ፣ አሞዲዋን ደእያ ጽዮን አሳቶ፣ ሀንተ ቆድያን ቃሽቲዳ ሳንሳላታ ብርሸተ።

3 እያው ጎጥ፣ ኡባ ሞድያ ጸሐፊ ሀዋዳን ያጌ፤ “ሀንተ ካሰካ ጋትያ አከናን ዛልኤቲድታ፤ ቃይ ሀእካ ሚሻ እመናን ጮ ዋዘታና።

4 ታ አሳይ ኮይሮ በተ ግዲድ፣ ግብጾ ቢታ ቤዳ፤ ሽን አሰረቲ ታ አሳ ጮ ኡቁኔድና።

5 መድና ጎዳይ፣ ታ አሳይ ጋትያ ጭገናን ጮ አሞዲዋን ብ ክቻና፣ ታው ሀዋን አይ ደእያዋ? ኡንቲንታ ሞድያዋንቲ ዋሲኖ፤ ታ ሱንፋይካ ኡባ ገደ ጋላሳ ኩመንፋ ቦረቲ ያጌ መድና ጎዳይ።

6 ሄዋ ድራው፣ ታ አሳይ ታ ሱንፋ ኤራና፤ ሄ ጋላሰ ሃሳይያዋ ታና ግድያዋ ኡንቲንቲ ኤራና። ኤ ሄዋ ታና። ታን ጸሐፊ ሀዋ ኦዲይ” ያጌ።

7 ሎኦ ሞሽራቸዋ አህያ፣ ሳርተላ ኦድያ፣ ናሽቻያ ሞሽራቸዋ ኦድያ፣ አቶተላ ኦድያ፤ ጽዮኖካ፣ “ሳ ጸሐፊ ካተቲ” ገደ ደረቱዋ ቦላና ይያ ብታንያ ገደቲ ዋት ሎእኖ!

8 ሰሰተ፣ ሀንተ ካታማ ናግያዋንቲ ባረንቲ ቃላ ጶቁ አሊደ፣ ናሽቻው እትጥ የጸኖ፤ መድና ጎዳይ ጽዮን ሰሞያ ዋድ፣ እ ሰሞዋ ኡንቲንቲ ባረንቲ አይፍያን በእና።

9 ሀንተኖ የሩሳላምን ኮለቲዳ ሳቶ፣ እትጥ ናሽቻው የጽተ፤ እያው ጎጥ፣ መድና ጎዳይ ባረ አሳ ሞንግጤዳ፤ የሩሳላም ካታማካ ዋዜዳ።

10 መድና ጎዳይ ባረ ጌሻ ቀሰያ ካውተላቲዋ ኡባ ሰንፋን ቆንጭሴዳ፤ ቃይ ቢታ ጋጸይ ኡባይካ ኑ ጸሳ አቶተላ በእና።

11 ሀንተኖ መድና ጎዳ ጎልያ ሚሻቲዋ ቶክያዋንቶ፣ ክቻተ፣ ክቻተ፤ ያጥ ከሰተ። ቱናባ ቦቾጥተ፤ እ ግደጥ ከሰ ክቻተ። ሀንተ ሁጺያውካ ጌይተ።

12 ሽን ከሲደ፣ ኤለካ ከሰክታ፤ ዋይ በቲደ ቢክታ፤ እያው ጎጥ፣ መድና ጎዳይ ሀንተጥ ሰንፋው አዲደ ካለፋና፤ እሰራኤልያ ጸሐፊካ ገዮና ግዲድ፣ ሀንተና ናጋና።

መቲ ጋክያ ቆማ

13 ጸሐፊ ሀዋዳን ያጌ፤ “በእተ፣ ታ ቆማይ አኬካን ኦላና፤ እ ቦንቸቲደ፣ ጶቁ ጶቁ ጋና፤ እ ሎይሰ ግታታና።

14 እ ሰሞኢ አሳ ኡባዋጥ፣ እ ማላይካ አሳ ናና ኡባጥ ቆሄቲዳ፤ እ በኢደ፣ ዳሮ አሳይ ዳጋማዳ።

15 ሽን ሀእ ዳሮ ካውተላቲ ኡባይ አባን ማላለታና፤ አጥ ደንዳዳዋን፣ ካተቲ ባረንቲ ዶና ኦይቃና፤ እያው ጎጥ፣ ኡንቲንቲ ባረው ኦደትቤናዋ በእና፤ ሰሰቤናዋካ አኬካና” ያጌ።

53

1 ኑን ኦዴዳዋ ኑን አማኔዴ? መድና ጎዳይ ባረ ዋልቃ ኦና በሴዴ?

2 እ እ ሰንፋን መላ ጋድያን ደእያ ዲሩማጥ ጸጸዋ የዲደ፣ አጭያ ያላጋ አጭዳን ድጩዳ። ኑን አ ሎይሰ ጸላናው፣ እው ማላይ ዋይ ፑላይ ባዋ፤ ኑን አኮ ሺቃናው እው ፑል ባዋ።

3 እ አሳን ካግጥቲዳ፤ እ ለጸቲዳ፤ እ ሀርግያጥን መቲዋጥ ሻከት ኤረና ካዮትያ አሳ ግዴዳ። እ አሳይ አ በአናጥ ገደ፣ ባረ ሶሞኡዋ ዋራ ዛርያ አሳዳን ካግጥቲዳ፤ ኑንካ አ ቦንቸብይኮ።

4 እ ቲሙ ኑ ሀርግያ ባረው አኬዳ፤ ቃይ ኑ ካዩዋካ ቶኬዳ። ሽን አ ጋኬዳ መቲ፣ ደሸላይነ ዋዪ ጸሳጥ እው ዬዳዋ ገደ ኑን ቆፔደ።

5 ሽን እ ኑ ባይዙዋ ድራው፣ ጫደቲደ ማዲንጾዳ፤ ኑ ናጋራ ድራውካ ሾጩቲደ ለቆዳ። እ መራረቲዳዋን፣ ኑን ሳሩዋ ደሜዳ፤ እ ማዲላን ኑን ፓጾደ።

6 ኑን ኡባይ ኦግያ ባሌዳ ደርሳቲዋዳን ዋራ ቤዳ፤ ኑን ኡባይካ ኑ ኦግያው ኦግያው ሰሜዳ። መድና ጎዳይ ኑ ኡባይ ናቄዳ ናቄዋ አ ቦላ ዋሌዳ።

7 እ ኡንኤቲዳን ቆሄቲዳ፤ ሽን ባረ ዶና ፖክቤና። ሹካናው አፍያ ደርሳዳን ላገቲዳ፤ ባረ እሰክያ ሜድያዋንቲ ሰንፋን ጮኡ ግያ ደርሳ ማራዳን፣ እካ ባረ ዶና ፖክቤና።

8 ኡንቲንቲ እ ኡቁኒደነ አ ቦላ ሱገላ ፕርዳ ፕርዲደ አፊድና። እ ታ አሳ ባይዙዋ ድራው ሾጩቲደ፣ ፓጾ ደእያዋንቲ ቢታጥ እ ክቼዳዋ አ ዛርያጥ ኦኔ አኬኬዳዋ?

9 እ ባረ ሀይቁዋን ኢታ አሳቲዋና ፓይደቲዳ፤ ሀይቁደካ ዲረ አሳ ዲፋዋን ሞገቲዳ። ግደጥ፤ ኢታባ እ አላቤና፤ ባረ ዶናካ ዋርዶዋ ሃሳይቤና።

10 ሽን እ ቆሄታናዊ መድና ጎዳ ሽን ግዴዳ፤ ቃይ መድና ጎዳይ እ ቲጋታናዳን ኦሌዳ። እ ባረና ናጋራው ያርሹዋ ኦልያ ዋድ፣ ባረ ዘረላ በእና። እ ባረካ አዲቃና፤ መድና ጎዳ ሽኒካ አ ኩሽያን ፖለታና።

11 እ ሽሞፑ ዋየቲዳዋጥ ጉይያን፣ እ ደኡዋ ፖኡዋ በእና፤ ናሽታና። ታ ጽሎ ቆማይ ባረ ኤራተላን ዳሮቲዋ ጽልሳና፤ ኡንቲንቲ ባይዙዋካ ቶካና።

12 ሄዋ ድራው፣ ዋልቃማ አሳቲ ግዲዋን ታን አው ቦንቾ ሳኣ ሻካደ እማና፤ ቃይ ሞኖቲዋና እ ኦሞዲዋ ሻካና። እያው ጎጥ፣ እ ባረ ሽሞፑዋ ሀይቆ አሊደ እሜዳ፤ ያቲደ ባይዘንቻቲዋና ፓይደቲዳ። ግደጥ፣ እ ዳሮ አሳ ናጋራ ቶኬዳ፤ ባይዘንቻቶካ ጋናቲዳ።

ጸሐፊ እሜዳ ህደታ ናግያዋ ግዲሳ

54

(ኢሳ. 54:1—55:13)

52:5 ሮመ 2:24 52:7 ናሆማ 1:15፤ ሮመ 10:15፤ ኤፈ. 6:15 52:11 2 ቆሮ. 6:17 52:15 ሮመ 15:21 53:1 ዮሀ. 12:38፤ ሮመ 10:16 53:4 ማቶሳ 8:17 53:5 1 ጳጳ. 2:24 53:6 1 ጳጳ. 2:25 53:7 ሳፃ 5:6 53:7 ኪታ 8:32-33 53:9 1 ጳጳ. 2:22 53:12 ማር. 15:28፤ ሉቃሳ 22:37

ጸሳይ እስራኤልያ ሲቅያ ሲቁዋ

1 መድና ጎዳይ ሀዋዳን ያጌ፤ “ሀን፣ የለቤና ማይናቱ፣ የጸ! ኔኖ፣ ኦይላይ ኦይቁ ኤረና፤ ነ ቃላ ቶቁ ኦላደ እልላ! እያው ጎጥ፣ ባረ አሰናና ደእያ ማጫን ናናቱዋጥ፣ ባረካ ደእያ ማጫን ናናይ ዳራና።

2 ነ ዲንካንያ ሳኦ አሳ፤ ቃይ ኔን ደእያ ሳኦን ጋርዳቱዋካ ፕድ ኦላደ ሞጫ። ጉየ ጎጥ፤ ዋደሩዋካ እዱሳ፤ ሸካልያካ ምንሳ።

3 ኔን ኡሸቻ ባጋና ነ ሀድርሳ ባጋና አካና፤ ነ ዛራቱ ካውተላቱዋ ላታና፤ ኡንቱንቱ መላ ካታማቱዋን ኬጺደ ኡታና።

4 “ያዮጋ፤ እያው ጎጥ፣ ኔን ዬላታካ። ዳጋዋጋ፤ እያው ጎጥ፣ ኔን ካውሻካ። ኔን ነ ያላጋተላ ዬላ ደጋና፤ ነ እምኤተላ ቦርያካ ሀዋጥ ሰንላን ሀሳያካ።

5 እያው ጎጥ፣ ኔን መዴዳዌ ነው አሰና፤ አው ሱንሳይካ ኡባጥ ዋልቃማ መድና ጎዳ። እስራኤልያ ጌሻይ ኔን ዋዜዳዋ፤ እ ቢታ ኡባ ጸሳ ጌተቱ” ያጌ።

6 ነ ጸሳይ ሀዋዳን ያጌ፤ “አሰናይ ኡባና አግ ባሸና፣ ደገታደ ካዮትያ ማጫ ምሽራቲዳንን ያላጋተላን አሰና ጎለጥ ከሴዳ ምሽራቲዳን ኔን ሀና ደእሸን፣ ታን መድና ጎዳይ ኔን ዛራ ጸሳድ።

7 “እት ጉላ ዋድያው ታን ኔን አጋድ፤ ሸን ዋልቃማ ማርታን ኔን ታን ዛራ ሸሻና።

8 ሱልያ ሀንቁዋን፣ ታን ታ ዴሙዋ ኔጥ ጉላ ዋድያው ገንላድ፤ ሸን መድና ሲቁዋን ታን ነው ቃረታና” ያጌ። መድና ጎዳይ፣ ኔን ዋዜያዌ ሀዋ ኦዴ።

9 ነው ቃረትያ መድና ጎዳይ ሀዋዳን ያጌ፤ “ሀዌ ታው ኖሄ ዋድያ ማላ። ሄ ዋደ ታን ኖሄ ዋዴ ባሻ ሃላይ ላኤንሱዋ ሳኦ ምተናዳን ጫቃድ፤ ሄዋዳንካ፣ ኔን ላኤንሱ ሀንቀተናንን ሴረናን አጋናው ታን ጫቃድ።

10 ደረቱ ቃጸናው፣ ዘዘቱካ ባረንቱ ደኢያሳጥ ክቻናው ዳንዳዩና፤ ሸን ታ አገና ሲቁ ኔጥ ሻከተና፤ ታ ሳርተላ ጫቁካ ክቼና” ያጌ።

11 ጸሳይ ሀዋዳን ያጌ፤ “ኔኖ፣ መቶቲዳ ካታማቲ! ጎቲ ያነ ሃነ ሾጩዳነ፣ ምንጫያብ ቆዬዳነ፣ በአ፣ ታን ኔን ቦንቾ ሹቻን አሌቁሳደ ኬጸና፤ ነ ባሱዋንካ ሳምፔርያ ግያ ሹቻ ሂጸና።

12 ነ አዱሳ ሹቻ ግምቢያን ደእያ ጉምቡዋ ታን እንቁዋ ግያ ዳር አልኦ ዘኦ ሹቻን ግምባና፤ ነ ጥንግያ ጸልያ አልኦ እንቁዋን፣ ነ ድርሳ ኡባካ ቦንቾ ሹቻን ግምባና።

13 ነ አቱማ ናናቱዋ ኡባ መድና ጎዳይ ታማርሳና፤ ነ ናናቱ ሳርተላይካ ዳራና።

14 ኔን ጽሎተላን ምናደ ኤቃና፤ ሱገላይነ ኡቁናይ ኔጥ ሃካና። ኔን እያውካ ያያካ፤ ዳጋማይካ ኔኮ ሸቀና።

15 ኔን ኦላናው ደንድያዌ ደኦጥ፣ ሄዌ ታ ሸንያ ኦጫ፤ ታን ነ ባጋ ግድያ ድራው፣ ኔን ኦላናው ደንድያ ኡባይ ኩንዳና።

16 “በአ፣ ዋምጥናን ታማ ፑኒደ፣ ባረ ሀልቾ ሀንያ ኦላ ሚሻ ቆጽያ አሳቱዋ ታን መዳድ። ቃይ ባይዛናዳን፣ ባይዘያዋንታካ ታን መዳድ።

17 ኔን ቆሀናው ኦሌዳ አይ ሚሻይነ ኔን ቆሂደ ካንሐ ከሰና። ኔን ሞትያ እንጸርሳ ኡባው ግድያ ዛሩዋ ኔን እማና። መድና ጎዳ ቆማቱ ላታይ ሀዋ፤ ኡንቱንታ ታን ሻትንላና” ያጌ። መድና ጎዳይ ሄዋ ኦዴ።

55

ጸሳጥ ቤትያ ማርታ

1 ጸሳይ ሀዋዳን ያጌ፤ “ሀንተኖ ሳመቲዳዋንቶ፣ ኡባይካ ሃላኮ ሃ ዪተ፤ ሻሉ ባይናዋንቶ፣ ሃይተ። ሻምተ፤ ሚተ። ሃ ዪደ፣ ሚሻ ጫገናን ጮ ዋይንያ ኤሳካ ማላካ ሻምተ።

2 ሀንተ ሚሻ ቁማ ግደናባው እያው ከሲቲ? ካልሰናዋን ሀንተ ዋልቃ እያው ወርሲቲ? እነ ሎይሊደ፣ ታን ኦድያዋ ሰሰተ፤ ሎኦባ ሚተ፤ ቃይ ሞዱዋን ሀንተ አሳተላ ናሸቶተ።

3 “ታ አሳው፣ ሰሰተ፤ ታኮ ሃ ዪተ። ሸምፑዋና ፓጸ ደእና ጎጥ፣ ታን ኦድያዋ ሰሰተ። ታን ሀንተናና መድና ጫቁዋ ጫቀታና። ታን እንጃና ጋደ ዳዊታ እንጃዳዋዳን፣ ሀንተናካ እንጃና።

4 በእተ፣ ታን አ አሳው ማርካ፣ ካለልያዋ ካፑዋ ኡዳድ።

5 በአ፣ ኔን ኤረና ካውተላቱዋ ጸሳና፤ ቃይ መድና ጎዳ ነ ጸሳ እስራኤልያ ጌሻ ጋሱዋን፣ ኔን ኤረና ካውተላቱ ኔኮ ኤሌሊደ ያና። እያው ጎጥ፣ ጸሳይ ኔን ቦንቾዳ” ያጌ።

6 መድና ጎዳይ ቤትያ ዋደ አ ኮይተ፤ ማታን ደእያ ዋደ አ ጸሰተ።

7 ኢታይ ባረ ኦሱዋ፣ ናጋራንቻይካ ባረ ቆፋ አጎ፤ ጸሳኮ እ ሰሞ። እ አ ማራና። እ ኦ መድና ጎዳኮ ሰሞ። እ አው ጮ አቶ ጋና።

8 እያው ጎጥ፣ መድና ጎዳይ፣ “ታ ቆፋይ ሀንተ ቆፋ ማላ ግደና፤ ሀንተ ኦጊካ ታ ኦግያ ማላ ግደና።

9 ሳሎቱ ሳኦጥ ቶቂያዋዳን፣ ታ ኦጊ ሀንተ ኦግጥ ቶቂ፤ ታ ቆፋይካ ሀንተ ቆፋጥ ቶቂ።

10 እራይነ ሱጥ ሻቻይ ሳሎዋጥ ዋዴደ፣ ቢታ አሊደ፣ ሞካናዳንን አይፋናዳን አልያዋዳን፣ ቃይ ዘርያዋ ዘረላ፣ ምያዋውካ ካላ እመናን ጉየ ሳሎዋ ሰመናዋዳን።

11 ታ ደናጥ ከሰያ ቃላይካ ሄዋ ማላ። እ ታን ሀልቼዳዋ ፖላና፤ ቃይ ኪቲዳዋ ኦላናጥ አትና፣ ታኮ ጮ ሰመና።

12 “ሀንተ ናሸቻን ከሳና፤ ሳሩዋን ሞይዘታና። ደረቱን ከራቱ ሀንተ ሰንላን ናሸቲደ የጸና፤ ደምባን ደእያ ሞላቱ ኡባይካ ባረንቱ ኩሸያ ባቃና።

13 አጉንላ ድራው ጺዳይ፣ ጎምኦርያ ድራካ ጸይላይ ሞካና። ሄዌ መድና ጎዳይ ሀሳየትያዋን መድናው ቆየና ማላታ ግዳናዋ” ያጌ።

54:1 ጋሊ. 4:27 54:9 ደመላ 9:8-17 54:11 ሳፃ 21:18-21 54:13 ዮሃ. 6:45 55:1 ሳፃ 21:6፤ 22:17 55:3 ኪታ 13:34 55:10 2 ቆር. 9:10

56

አሳ ዛሬ ኡባይ ጸሓ ባጋ ግዳናዉ ዳንዳዩሳ (56:1-8)

1 መድና ጎዳይ ሀዋዳን ያጌ፤ “ቱሙ ፕርዳ ናግተ፤ ጽሎባ ሀንተ፤ አያው ጎጥ፤ ታ አሹ ኤሌሊደ ያና፤ ታ ጽሎተላይካ ማታን ቆንጫና።

2 ሀዋ ኦሳያ ኡራ፤ ሳምባታ ቱንሰናዳን ቦንቶያ ኡራን ኢታባ ኦፍን ለጽያ ኡራ ታን አንጃና” ያጌ።

3 መድና ጎዳኮ ሸቄዳ በቱ፤ “መድና ጎዳይ ታና ባረ አሳጥ ቱሙ ሻካና” ጎጥ። ቃይ ሙይሬሳይካ፤ “በአ፤ ታን መሌዳ ሞላ” ጎጥ።

4 መድና ጎዳይ ሀዋዳን ያጌ፤ “ታ ሳምባታቱዋ ቦንቶያ፤ ታና ናሽቶያባ ደርያን ታ ጫቁዋ ሞንሲደ ናግያ ሙሬሳቶ፤

5 ኡንቱንቶ ታን ታ ጌሻ ጎልያ ግዳዋንን ታ ድርሳ ግምቢያ ግደን፤ ኡንቱንቱ ሀሳየትያዋ እማና። ማጫ ናናቱዋጥን አቱማ ናናቱዋጥ ሎእያ ሱንላ ታን ኡንቱንቶ እማና፤ ታን ኡንቱንቶ መድናዉ ጳየና ሱንላ እማና።

6 መድና ጎዳዉ አላናዉ፤ መድና ጎዳ ሱንላ ደሳናዉን አ ቆማ ግዳናዉ፤ ባረንታ አኮ ሺሽያ በተቱዋ፤ ቃይ ሳምባታ ቱንሰናን ቦንቶያዋንታን ታ ጫቁዋ ሞንሲደ ናግያዋንታ ኡባቱዋ

7 ታን ታ ጌሻ ደርያ አሀና፤ ታ ዋሳ ጎልያን ኡንቱንታ ናሽቶና። ኡንቱንቱ ታ ያርሽያ ሳኦ ቦላን ሺሽያ፤ ጸግያ ያርሹካ ሀራ ያርሹ አከታና፤ አያው ጎጥ፤ ታ ጎሊ አሳይ ኡባይ ጸሓ ዋሰያ ጎልያ ጌተታና” ያጌ።

8 እሰራኤልያጥ ላለቱዳዋንታ ሺሽያ፤ ኡባ ሞድያ መድና ጎዳይ፤ “ሸቄዳዋንቱ ቦላ ጉጃደ፤ ታን ሀራቱዋካ ሺሻና” ያጌ።

ጸሓዉ አማኒተና ካለልያዋንቱ ፕርደቱሳ (ኢሳ. 56:9—59:21)

9 ሀንተኖ ባዙዋ ደአቶ፤ ሀንተኖ ዋራን ደእያ ደአቶ፤ ኡባይካ ሃ ዪደ ሚተ።

10 እሰራኤልያ አሳ ናግያዋንቱ ቆቀ፤ ኡንቱንቶ ኡባዉካ ኤር ባዋ። ኡንቱንቱ ኡባይካ ቦጫናዉ ዳንዳየና ዱደ ካናቱዋ ማላ። ኡንቱንቱ ግሲደ አኩሙተኖ፤ ኡንቱንቱ ገምእሹዋ ደሲኖ።

11 ኡንቱንቱ ሚደ ካለና ካና ማላ፤ ካል ኤርክኖ። ኡንቱንቱ አኬክ ፓጩዳ ሃንላንቻ፤ ኡንቱንቱ ኡባይ ባረንቱ ኦግያ ኦግያ ሰሜድኖ፤ ኡባይካ ባረንቱ ጎእ ጸላላ ኮዪኖ።

12 ኡንቱንቱ ኡባይካ፤ “ሃ ዪተ፤ ዋይንያ ኤሳ እን ኡሼቶ። እን ኦ ማላይያ ኡሻ ኩሙንላ ጋነቶ! ዋንታይካ ሀቶ ማላ ግዳናዋ፤ ዋይ ሀቶጥካ አድ ሎአና” ያጌና።

57

እሰራኤላቱ ኤቃዉ ጎይንያ ጎይኑ ፕርደቱ

1 ጽሎ አሳይ ሀይቄ፤ ሸን ሄዋ አኬኪደ ቆጥያዋ ባዋ። ባረና ጸሓዉ እሜዳ አሳቱ ጋድያጥ ጳዪኖ፤ ሸን ጽሎ አሳይ ባሻይ ያናጥ ካሰቲደ አከትያዋ ኦንን አኬከና።

2 እ ቢደ ሳርተላይ ደእያ ሳኦ ገሌ። ሱረተላን ሀመትያዋንቱ ሀይቄደ ሸምጥዋ ደሚኖ።

3 ጸሓይ ሀዋዳን ያጌ፤ “ሀንተኖ፤ ሻሬቻት ናቶ፤ ሀንተኖ ዋሹምያንን ሻርሙጽያን ዘረላቶ፤ ሃይተ።

4 ሀንተ ኦ ቦላ ቅሊጫቱ? ሀንተ ኦና ሀንተ ደናን ቦቹቱ? ሀንተ እንጸርሳካ ኦ ቦላ ከሲቱ? ሀንተ ማካላንቻቱዋ ናናቱዋን ዋርዳንቻቱዋ ናናቱዋ ግድክቱ?

5 ሀንተ ዋላ ግዳዋንን ዳሻ ሞላ ኡባ ጋርሳን አሙዋን ጸገቲታን ቱናባ አሊታ፤ ሀንተ ናናቱዋካ ዛንጋራ ሾባንን ሹቻ ጎንጎሎዋን ሹኪደ ያርሺታ።

6 ዛንጋራ ሾባን ደእያ ሊቆ ሹቻቱ ሀንተ ጸሓቱዋ። ሀንተ ኡንቱንቶ ኡሻ ያርሹዋ ትጌድታ፤ ካላ ያርሹዋካ እሜድታ። ያትና፤ ታን ሀዋን ኡባን ናሽቶያዋ ሀንተንቶ ማላቲ?

7 ሎይላ ጾቃን አዳሳ ደርያ ሀጺያን ሀንተ ግሱዋ የጌድታ፤ ያን ያርሻናዉ ፑደ ከሴድታ።

8 ሀንተ ጥንግያጥን ቆሰለላጥ ሶ ባጋና ኤቃ ሞሰለቱዋ ኤሴድታ። ታና አግ ባሺደ፤ ሀንተ አርሳ አሲደ፤ ያ ፑደ ከሴድታ። ኡንቱንቱና ጫቁዋ ጫቀቲድታ፤ ያቲደ ኡንቱንቱ አርሳ ደሴድታ፤ ኡንቱንቱ ካሉዋካ በኤድታ።

9 ዛይትያ አኪደ፤ ሞሎካ ግያ ኤቃኮ ቤድታ፤ ሀንተ ሸቱዋካ ዳርሴድታ፤ ሀንተዉ ኪተትያዋንታ ሃኮ ሳ ኪቲድታ፤ ሀራይ አትና፤ ሰኦልያ ጋካናዉ ዋጄድታ።

10 ሀንተ ሀራ ጸሓቱዋ ኮዪደ ዳቡሬድታ፤ ሸን፤ ሓይት ባዋ ያግበይክታ። ሀንተ ዋልቃይ ሃ ኦራጳዳ፤ ሄዋ ድራዉ፤ ላባኒደ ኩንድበይክታ።

11 “ሀንተ አሰ ያዪደ፤ ታዉ ዋርደቲድቲ? ሀንተ ታና ሀሳይበይክታ፤ ሀንተ ዋዛናንካ ቆጥበይክታ። ታን ዳሮ ዋድያ ጮኡ ጌዳ ድራዉ ግደኔ፤ ሀንተ ታዉ ያየናን እጌዳዌ?

12 ታን ሀንተ ጽሎተላን ሀንተ ኦሶቱዋ ቆንጭሳና፤ ሸን ሀንተና አይን ጎእክኖ።

13 ሀንተ ዋሰያ ዋደ፤ ሀንተ ሺሼዳ ኤቃቱ ሀንተና አሸኖ! ኡንቱንታ ኡባካ ጫርኩ እክ አፋና፤ እቶደን ሸምጥያ ሸምጥ ኡንቱንታ ፑን ጳይሳና። ሸን ታና ባረዉ ባቃት አትያሳ ኦሳያ አሳይ ቢታ ላታና፤ ታ ጌሻ ደርያካ እ አካና” ያጌ።

ጸሓይ ባረ አሳ ማዳናዉን ፓላናዉ እሜዳ ሀይታ

14 ጸሓይ ሀዋዳን ያጌ፤ “ግምቢተ፤ ግምቢተ! ኦግያካ ገግሰተ፤ ታ አሳ ኦግያጥ ጴቢያዋ ኡባ ድግተ” ያጌ።

15 አያው ጎጥ፤ መድናዉ ደእያዋ፤ ግታይ፤ ጾቃን ደእያዋ፤ አ ሱንላይካ ጌሻ ጌተትያዋ፤ ሀዋዳን ያጌ፤ “ታን ጾቁ ጌዳን ጌሻ ሳኦን ደእይ፤ ግደጥን፤ ባረንቱ ኦሌዳ ናጋራዉ ካዮቲደ ሰምያዋንቱናን ባረና ዝቄ ኦሳያዋንቱና ደእይ። ያታደ ታን ባረንቱ ኦሌዳ ናጋራዉ ካዮቲደ ሰምያዋንቱ አያናን ባረና ዝቄ ኦሳያዋንቱ ዋዛና ኦራጽሳይ።

56:7 ማቶሳ 21:13፤ ማር. 11:17፤ ሉቃሳ 19:46

16 ታን መድናው ሞትከ፤ ኡባ ገደካ ሀንቀትከ። አሳ አያናይ፣ ታን መዴዳ አሳ ሸምቼ ዳቡራና።

17 ኡንቱንቱ ናጋራ ጋሱዋንን ኡንቱንቱ ያርያ ጋሱዋን፣ ታን ኡንቱንታ ሀንቀታድ። ኡንቱንታ ሸጫድ፤ ታ ሰንላካ ኡንቱንቱ፣ ገንላድ። ሸን ኡንቱንቱ ሀእካ ሰሚደ፣ ባረንቱ ዋዛና ቆፋን ቤድኖ።

18 ታን ኡንቱንቱ ኦገቱዋ በኣድ፤ ሸን ታን ኡንቱንታ ፓላና፣ ካለላናን ዩክያዋንታ ምንግሳና።

19 እሰራኤልያ ጋድያን ዩክያዋንቱ መተርሻን ጋላታ ዋላና። ሃኩዋንን ማታን ደእያዋንቶ ሳሩ ግድ። ታን ኡንቱንታ ፓላና” ያጌ መድና ጎዳይ።

20 ሸን ኢታቱ ቡሉቂያን ኡርቃ ፑደ ፑሻክያ፣ ዋቹ ጋናውካ ዳንዳየና አባ ቤታ ማላ።

21 ታ ጸሳይ፣ “ኢታቶ ሳሩ ባዋ” ያጌ።

58

ቱሙ ጸማ

1 ጸሳይ ሀዋዳን ያጌ፤ “ነ ቃላ ቶቁ ኦላደ ዋሳ፤ ጉየ ጎፓ። ነ ኮሻ ማላካታዋዳን ቶቁሳ። ታ አሳው ኡንቱንቱ ማካላ፣ ያቆባ ጎልያ አሳውካ ኡንቱንቱ ናጋራ ኦዳ።

2 ሸን ኡንቱንቱ ታና ሀኙ ሀኙ ኮዩኖ፤ ታ ኦግያካ ካላናው ደሰያዋ ማላቲኖ። ጽሎባ ኦሌዳ ካተተላዳንን ጸሳ አዛዙዋ ኦልቤና አሳዳን፣ ኡንቱንቱ ታና ቡረ ፕርዳ ኦቲኖ፤ ታኮ ጸሳኮ ሸቃናውካ ደሰኖ” ያጌ።

3 ኡንቱንቱ ሸቂደ ጸሳ፣ “ኡን ጸማዳ፤ ሸን ኔን አያው ኦና ዴላቢይኪ? ኡን ኦናተላ ካውሸድ፤ ሸን ኔን ኦና አያው ኡራቢይኪ?” ያጌኖ።

ጸሳይ ዛሪደ፣ ኡንቱንታ ሀዋዳን ያጌ፤ “በእተ፣ ሀንተ ጸምያ ጋላስ ሀንተና ናሽቶያባ ኦላታ፤ ሀንተ ኦሳንቻ ኡባ ኡቁኒታ።

4 በእተ፣ ሀንተ ዋላሳውን ዋጋታው ጸማታ፤ ቃይ መቀላ ባይና ደሸላ ደቻናው ጸማታ። ሀቼ ሀንተ ጸምያ ሀዋ ማላ ጸማይ፣ ሀንተ ቃላይ ቦላን ሰስታናዳን ኦጋና።

5 ታን ድርያ ጸማይ ሀዋ ማላየ? እት አሳይ ባረናተላ ካውሸያዌ ሀዋ ማላ ጋላሳኔየ? ቃይ ታን ኮይያ ጸማይ አሳይ ባረ ሁጲያ ጩጩዳን ዲገ ሆክሰያዌየ? ብድንላ ቆሊደ፣ ማቃ ሂጲደ ግሰያዌየ? ያትና፣ ሄዋ ጸማ ጊደ ጸጊቱየ? ቃይ ሄ ጸምያ ጋላሳይካ መድና ጎዳይ ናሽትያ ጋላሳ ጌተቲየ?

6 “ታን ደራዳ ጸማ ሀዋ በእተ፡- ፕርዳን ናቂደ ቃቼዳዋንቱ ሳንሳላታ ለፕያዋ፣ ሞርገ ምላ ጎንያ ብልያዋ፣ ኡቁንቱዳዋንታ ኡቁኑዋ፣ ከሰያዋን ሞርገ ምላ ኡባ መንሳያዋ።

7 ቃይ ታን ደራዳ ጸማይ ኮሻቲዳዋ ሀንተ ቁማ ሻክያዋ፣ ጎሊ ባይና ሀዩሳቲዋ ጎልያ አክያዋ፣ ካሎቲዳዋንታ በእያ ዋደ፣ ማይዝያዋ፣ ማዲዋ ኮይያ ሀንተ ዳቡዋ፣ ሀንተ ዳሙዋ ገንጋናን አግያዋ።

8 “ያቶ፣ ሀንተ ፖኡ ዋንታ ጸልቂያዳን ፖኦና፤ ሀንተ ፓጸተላይካ ኤለካ ያና። ሀንተ

ጽሎተላይ ሀንተ፣ ሰንላና ባና፤ መድና ጎዳ ቦንቹካ ሀንተ፣ ጉየና ግዲደ፣ ሀንተና ናጋና።

9 ሄ ዋደ ሀንተ ጸሳና፤ መድና ጎዳይ ሀንተንቶ ኮያና። ሀንተ ማዲዋ አካናው ዋሳና፤ እካ፣ ‘ሄኮ፣ ታን ሀዋን ደእይ!’ ያጋና።

“ሀንተ ግደ፣ ሀንተ ኡቁንያ ሞርገ ምላ ድሳ፣ ቃይ ብራቲያን ማላትያዋን ኢታባ ሃሳይያዋ አጎ፣

10 ኮሻቲዳዋ ቁማ ሙዚደ ካልሶ፣ ናቀቲዳዋ እ ኮይያዋ ካልሶ፣ ሄ ዋደ ሀንተ ፖኡ ቆማን ፖኦና፤ ሀንተ ቃማይካ ሴታ ጋላሳ ግዳናዋ።

11 መድና ጎዳይ ሀንተና ኡባ ገደ ካለላና፤ ሀንተና መላ ባዙዋን ኮሸያዋካ እ ሀንተው ኩንላና። ሀንተ ቦላ ጸጸዋካ ምንሳና። ቃይ ሀንተ ሃላ ኡሸያ ገነትያ ማላን አ ሃላይ ሙላካ ቶኤና ፑልቱዋ ማላ ግዳናዋ።

12 በን ኮለቲዳዋንታ ሀንተ ዛረሊደ ኬጸና፤ ዳሮ ዋድያ፣ ካሰ ባሰቲዳ ባሰቲካ ኬጸቲደ ቶቁ ጋና። ሀንተካ ኮለቲዳ ግምቦቲዋ ዛረሊደ ግምቢያዋንታን አሳይ ደእያ ሳክቱዋን ኦግያ ከሰያዋንታ ጌተት ጸሰታና” ያጌ።

ሳምባታ ቦንቶያዋ ዋይቱዋ

13 ቃይካ ጸሳይ ሀዋዳን ያጌ፤ “ሳምባታ መድና ጎዳው ዳማ ጋላሳዳን ጸሎ፣ ሄ ታ ገሻ ጋላስ ሀንተ ጎኦ የደርሰያዋንታ ግዳና ቆየ፣ ሳምባታ ናሽቶያን ቦንቶቲዳ ጸሳ ጋላሳ ቦንቶዋ ጊደ ጸሶ፣ ቃይካ ሀንተ ሀንተ ኦግያ ቤናን አጊደ፣ ቦንቶያዋ ግደ፣ ዋይ ሀንተና ናሽቶያባ ኡናን ሀዳባ ሃሳየናን አጎ፣

14 ሄ ዋደ ሀንተ መድና ጎዳን ናሽታና። ቃይ ታን ሀንተና ዳሮ ቦንቶቲዳዋንታ ኦላና፤ ሀንተ አውዋ ያቆባ ጋድያ፣ ላተቲዳዋ ሀንተ ማናዳን፣ ታን ሀንተና ኦላና። ታን መድና ጎዳይ ሀዋ ሃሳያድ” ያጌ።

59

ትምቢትያ ኦድያዌ አሳ ናጋራ ፕርዳዳ

1 በእተ፣ መድና ጎዳ ኩሺ ሀንተና አሻናው ቃምቤና፤ አ ሀይላይካ ሰሰናን እጸናው ቱልቤና።

2 ሸን ሀንተ ናጋራይ ሀንተ፣ ሀንተ ጸሳ፣ ግዲዋን ሻኮተላ መዴዳ። ቃይ እ ሰሰና ማላ፣ ሀንተ ናጋራይ አ ዳሙዋ ሀንተ፣ ገንጫዳ።

3 አያው ጎ፣ ሀንተ ኩሺ ሱላን፣ ሀንተ ብራቲካ ናቁዋን ቱኔዳ፤ ሀንተ ደናይ ዋርዲዋ ሃሳየ፤ ሀንተ እንጸርሳይካ ኢታባ ዙዙሜ።

4 ጽሎተላን ሞትያዌ ባዋ፤ ቱማተላን ፕርድያዌካ ባዋ። ኡንቱንቱ መላ ፓሎምያን ጩቀቲኖ፤ ዋርዲዋ ሃሳዩኖ። ቃይ መቲዋ ሻሃሪደ፣ ኢታተላ የሊኖ።

5 ኡንቱንቱ ሸሻ ቁቁልያ ቆጲኖ፤ ሻራሮትያ ጎልያካ ኬጲኖ። ኡንቱንቱ ቁቁለቲዋ ምያ አሳይ ሀይቁ፤ ቁቁልያ፣ እቲ መኦ፣ ሸሻይ አ ግደ፣ ከሴ።

6 ኡንቱንቱ ኬጲዳ ሻራሮታት ጎሊ ማያናው ኡንቱንታ ጎኤና። ኡንቱንቱ ባረንቱ መዴዳዋን

ባረና ካምክኖ። ኡንቱንቱ ኦሱ ኢታ ኦሶ፤ ማካላ ኦሱ ኡንቱንቱ ኩሽያን ደኤ።

7 ኡንቱንቱ ገደቱ ኢታባ ኦላናው ዋጺኖ፤ ጽሉዋ ሱላ ጉሳናውካ ጃሚኖ። ኡንቱንቱ ቆፋይ ኢታ ቆፋ። ኡንቱንቱ ቤዳ ሳ ኡባን ቆሁነ ባሻይ ደኤ።

8 ኡንቱንቱ ሳሮተላ ኦግያ ኤርክኖ፤ ኡንቱንቱ ብያ ኦግያን ሱረ ፕርድ ባዋ፤ ኡንቱንቱ ባረንቱ ኦግያ ጌላዬድኖ፤ ሄ ኦንቱዋና ሀመትያ ኡን ሳሮተላ ኤረና።

አሳይ ባረ ናጋራ ፓጾ

9 ሄዋ ድራው፣ ሱረ ፕርዳይ ኑፕ ሃኬዳ፤ ጽሎተላይካ ኑኮ ጋከና። ኑን ፖኡዋ ኮዬቶ፤ ሽን በእተ፣ ቆሚ ግዳዳ፤ ዋልቃማ ፖኡዋ ኮዬቶ፤ ሽን ቆሚን ሀመቱቶ።

10 ኑን አይፊ ባይና ቆቅያዳን፣ ድርሳ ግምቢያኮ ታታፊቶ። ሳአይ ለምእለምእና ሀመትያዋዳን፣ ሴታ ጋላስ ቆብቱቶ። ቃይ ኩመንላ ዋልቃና ደእያ አሳቱዋ ግዳን ኑን ሀይቁዳ አሳቱዋ ማላ ግዳድ።

11 ኑን ኡባይካ ጋሙዋዳን ጉዳቶ፤ ሀራጳቱዋዳንካ ካዮቲደ ኦሌቶ። ኑን ሱረ ፕርዳ ኮዬዳ፤ ሽን ደምበይኮ። ቃይ አቶተላካ ኮዬዳ፤ ሽን እ ኑፕ ሃኬዳ።

12 አያው ሳፕ፣ ኑ ባይዙ ነ ሰንላን ዳሬዳ፤ ኑ ናጋራይካ ኑ ቦላ ማርካቱ። ኑ ባይዙ ኑናና ደኤ፤ ኑ ናቁዋካ ኑን ኤሬቶ።

13 ኑን ማካሊድ፣ ጸሳ ካዳዳ፤ ኑ መድና ጎዳ ካልያዋ አገደ፣ ጉዮ ሰሜዳ፤ ሱገላነ ገንያ ሃሳዬዳ። ቃይ ኑን ሻሃሬዳ ዋርዶ ቃላ ኑ ዋዛናፕ የሌድ።

14 ሱረ ፕርዳይ ጉዮ ሱገቱዳ፤ ጽሎተላይካ ኑፕ ሃኬዳ፤ አያው ሳፕ፣ ቱማተላይ ጉታራን ቆብቱ፤ አማንትያ ሀናታው ገልያ ሳአይ ቆዬዳ።

15 ቱማተላይ ሀቃንነ ቤተና፤ ኢታተላፕ ሃክያ አሳይ ባረው አዋደቱ።

ጸሳይ ባረ አሳ አሻናዉ ገግ ኡቲዳ

መድና ጎዳይ በኢድ፣ ሱረ ፕርዳይ ባይናዋ ካዮቲዳ።

16 ኡቁነቱዳዋንታ ማድያ አሳይ ባይናዋ ጸሳይ በኤዳ፤ ጋናትያ አሳይ ባይናዋ ጋራመቱ። ሄዋ ድራው፣ አ ቀሲ አው አቶተላ አሄዳ። አ ጽልቶተላይ አ ዘምፕሲደ አይቁዳ።

17 ጸሳይ ጽሎተላ ትራን ዋልያ ኦላ ሚሻዳን ማዬዳ፤ ባረ ሁጺያንካ አቶተላ ቆብያ ዋሌዳ። ሀሉዋ ከሰያ ማዩዋካ ማዬዳ፣ ምሹዋ ቁማዩዋ ቁማዬዳ።

18 እ ኡንቱንቶ ኡንቱንቱ ኦሱዋዳን ኡሱዋዳን ዛራና፤ ባረ ዋርከቶ ሀንቁዋ፣ ባረ ባልጋራቶካ ሙሩዋ ዛራና፣ አባ ዶና ቢታቱዋን ደእያዋንቶ ኡንቱንቱ ኦሶ በሰያዋ አማና።

19 ሄዋ ድራው፣ አዋይ ዉልያ ባጋና ደእያዋንቱ መድና ጎዳ ሱንላው ያያና፤ አዋይ ዶልያ ባጋና ደእያዋንቱካ አ ቦንቹዋ ያያና። አያው ሳፕ፣ መድና ጎዳ ጫርኩ ጋጋንሐ የድና፣ ጎግያ ድኡዋዳን አ ያና።

20 መድና ጎዳይ ሀዋዳን ያጌ፤ “ታን ጽዮነውን ያቆባ ዛራቱዋን ባረንቱ ናጋራፕ ሰምያዋንቶ ዋዝያዋ ግዳደ ያና” ያጌ።

21 ቃይካ መድና ጎዳይ ሀዋዳን ያጌ፤ “ታና ግደፕ፣ ታን ኡንቱንቱና ጫቀትያ ጫቁ ሀዋ። ሀንተ ቦላን ደእያ ታ አያናይነ ታን ሀንተ ዶናን ዋሌዳ ታ ቃላይ ሀቕፕ ደሚደ፣ መድና ጋካናው፣ ሀንተ ዶናፕ፣ ሀንተ ናናቱ ዶናፕነ ሀንተ ናናቱ ናናቱ ዶናፕ ሻከተና። ታን መድና ጎዳይ ሀዋ ኦዳይ” ያጌ።

60

የሩሳላመ ሰንላ ቦንቾ ህደታ (60:1—62:12)

1 ጸሳይ ሀዋዳን ያጌ፣ “ደንዳ! ደንዳደ ፖእሳ፤ አያው ሳፕ፣ ነ ፖኡ ዬዳ። መድና ጎዳ ቦንቹካ ነ ቦላን ፖኤዳ።

2 በእ፣ ቆሚይ ሳአ ካማና፤ ባራ ቆሚይካ አሳ ቦላን ዋዳና። ሽን መድና ጎዳይ ነ ቦላ ደንዳና፤ አ ቦንቹካ ነ ቦላ ፖአና።

3 ካዉተላቱ ነ ፖኡዋኮ፣ ካተቱካ ነ ዋንታ ዋጃጃኮ ያና።

4 “ቆቁ ጋደ ነ ዩሹዋ ጾላ። ኡንቱንቱ ኡባይ እትፕ ሺቂደ፣ ኔኮ ያና። ነ አቱማ ናናይ ሃኩዋፕ ያና፤ ነ ማጫ ናናይካ ባኤቲደ፣ ኔኮ ያና።

5 ሄ ዋደ ኔን በአደ ናሽታና፤ ነ ዋዛናይካ ሎይሐ ፖጩ ጋና። አያው ሳፕ፣ አባ ቦላን ደእያ ግዳይ ኔኮ ሰማና፤ ካዉተላቱዋ ዱረተላይካ ኔኮ ያና።

6 ምድያማ ቢታፕነ ኤፋ ጋድያፕ ዬዳ ያላጋ ጋሎቱዋ ዉዲ ነ ቢታ ካማና። ቃይ ዋርቃነ እጻና ጫነቲዳ ጋሎቱ መድና ጎዳ ጋላታ አዋዪደ፣ ሳባፕ ያና።

7 ቁደረነ ናባዮታ ዶርሳ ዉደቱ ኡባይ ያርሾ ታ ያርሹዋ ሳአ ኔኮ ሺቃና፤ ቃይ ታንካ ታ ቦንቾ ጌሻ ጎልያ ቦንቻና።

8 “ሀ ሻርያዳንካ ባረንቱ ጎልያኮ ፓልያ ሀራጳቱዋዳን ፓልያዋንቱ ኦኔ?

9 ሀዋንቱ ሃላን ደደቲዳ ቢታቱ ታናን ህደታ አላና። እስራኤልያ ጌሻይ መድና ጎዳይ ሀንተ ጸሳይ ሀንተና ቦንቹዳ ድራው፣ ተርሴሰ ማርካባቱ ሰንላት ከሲደ ነ ናናቱዋ ሃኮ ቢታፕ ኡንቱንቱ ብራናነ ዋርቃና ጸሳ ቦንቾ አሀና።

10 “አላጋ ጋድያ አሳይ ነ ድርሳ ግምባና፤ ኡንቱንቱ ካተቱ ነዉ አላና። ኔና ታን ታ ሀንቁዋን ካሰ ሾጩዳዋ ግደፕካ፣ ሀእ ታ ቃረታን ታን ኔና ማራድ።

11 ነ ፕንገቱ ኡባ ገደ ደያ ደአና። ካዉተላቱዋ ዱረተላነ አዋደቲዳ ካተቱዋ ኔኮ አሀና ማላ፣ ጋላሰካ ቃማካ ጎርደትክኖ።

12 ነዉ ኦፍ አሳይ ዋይ ካዉተላይ ኡባይ ኡባና ቆያና።

13 ታ ጌሻ ጎልያ ሳአ ሎይላና ማላ፣ ለባሩሳ ቦንቹ፣ ዝጋይ፣ ጺዳይነ ጸይላይ ኔኮ ያና፤ ታን ታ ገድያ ዋልያ ሳአ ቦንቻና።

14 ኔና ኡቁኔዳዋንቱ አቱማ ናናይ ነዉ ሆኪደ፣ ኔኮ ያና፤ ኔና ካዬዳ ኡባቱ ነ ሰንላን ጎይናና።

59:7 ሮመ 3:15-17 59:16 ኢሳ. 63:5 59:17 ኤፈ. 6:14፣ 17፣ 1 ተሰ. 5:8 59:20 ሮመ 11:26 60:11 ሳዩ 21:25-26 60:14 ሳዩ 3:9

ኢንቱንቱ ኔና፡ «መድና ጎዳ ካታማቱ ጽዮኔ፡ እስራኤልያ ጌሻ ካታማቱ» ያጊደ ይሰና።

15 «ኦንነ ነ ግደና እርፍዋ ከና ኔን ካሰ ኦለታዳነ እጸታዳ። ሸን ሀእ ታን ኔና መድናው ዋልቃማ ኦላና፤ ቃይ የለታ ኡባይ ናሸትያ ሳ ኦላና።

16 ኔን ካወተላቱዋ ማላ ኡሻና፤ ካተቱ ቆንላካ ቆማና። ሄዋፕ ጉይያን፡ ታን መድና ጎዳይ ኔና እሸያዋ፤ ዋዝያዋ፡ ያቆባ ዋልቃማ ግድያዋ ኔን ኤራና።

17 ናሃሰያ ድራው ዋርቃ፡ ብራታ ድራካ ብራ፡ ሞላ ድራው ናሃሰያ፡ ሹቻ ድራው ብራታ ታን ነዉ አሀና። ታን ኔና ሞድያዋንታ ሳር፡ ነ ካፖቱዋካ ጽሉዋ ኦላና።

18 ሀዋፕ ጉይያን፡ ሱገላ ኦሱ ነ ጋድያን ሰሰተና፤ ነ ዛዋንካ ላለላይነ ባሻይ ሰሰተና። ኔን ነ ድርሳ ግሞቢያ፡ «አቶተላ» ነ ፕንገቱዋካ፡ «ጋላታ» ያጊደ ይሰና።

19 «ሄዋፕ ጉይያን፡ ጋላሰ ነዉ አዋ ፖኡዋ ኮሸና፤ ቃማካ አግና ፖኡዋ ኮሸና። አያው ጎፕ፡ መድና ጎዳይ ነዉ መድና ፖኡ ግዳናዋ፤ ነ ጸሳይ ነዉ ቦንቾ ግዳናዋ።

20 ነ አዋይ ላኤንሶ ዉለና፤ ነ አግናይካ ፖኡያዋ አገና። አያው ጎፕ፡ መድና ጎዳይ ነዉ መድና ፖኡ ግዳናዋ፤ ኔን ዩኬዳ ጋላሳቱካ ዉራና።

21 ነ አሳይ ኡባይ ጽሉዋ ግዳናዋ፤ ኢንቱንቱ ቢታቶካ መድናው ላታና። ኢንቱንቱ ታን ታ ቦንቾዋ ቆንጭሳናዉ ቶኬዳ ፑተቱዋ፤ ኢንቱንቱ ታ ኩሸያ ኦሶቱዋ።

22 ህንተ ግደን እት ጎልያን ደእያ ፓይዳዋን ጉላ አሳቱዋ ታን ሻእሳና፤ ኡባፕ ፓይዳዋን ጉጽያዋንታካ ዋልቃማ ካወተላ ኦላና። ታን መድና ጎዳ፤ ዋዲ ጋክያ ዋደ፡ ታን ሀዋ ኤለካ ፖላና» ያጊ።

61

አቶተላ ሞሽራቹዋ

1 ኡባ ሞድያ መድና ጎዳ አያናይ ታ ቦላን ደኤ፤ አያው ጎፕ፡ ቆሄቲዳዋንቶ ሎኦ ሞሽራቹዋ ኦደና ማላ፡ ጸሳይ ታና ኦኬዳ። እ ታና ዋዛናይ መኤዳዋንቶ ኮለትያዋን ኦሞድቲዳዋንቶ ኦሞዲዋፕ ከሰያዋ አዋያና ማላ ነ ቃሽቲዳዋንቶ ብለላ አዋያና ማላ ኪቲዳ።

2 መድና ጎዳይ ደራዳ ላይላን ኦ ጸሳይ ሀሉዋ ከሰያ ጋላሳ አዋያና ማላ ካዮትያዋንታ ኡባቱዋ ሞንግላና ማላ፡ ታና ኪቲዳ።

3 ሄዋዳንካ ቃይ፡ ጽዮንን ካዮትያዋንቶ፡ ብድንላ ድራው ካላቻ፡ ካዩ ድራው ናሸቻ ዛይትያ፡ ላባና አያና ድራው ጋላታ ቁማዩዋ እማና ማላ፡ ታና ኪቲዳ። ኢንቱንቱ መድና ጎዳይ ባረ ቦንቾ ቶኬዳ ጽሎ ሞላ ጌተቲደ ይሰታና።

4 ኢንቱንቱ በን ኮለቲዳዋንታ ዛረሲደ ኬጸና፤ በን ኩንዴዳዋንታካ ዛረሲደ ኤሳና። ኢንቱንቱ ኦኤዳዋንታን ዳር የለታፕ ካሰ ኮለቲዳ ካታማቱዋ ዛረሲደ ኬጸና።

5 አላጋ ቢታ አሳቱ ህንተ ደርሳ ዉድያ ሄማና፤ እማላቱካ ህንተ ጋድያ ጎሻና፤ ህንተ ዋይንያ ቱራ ናግያዋንታ ግዳና።

6 ህንተ ቃይ፡ «መድና ጎዳ ቁሳቱ ዋ» ጌተቲደ ይሰታና፤ አሳይካ ህንተና፡ «ኦ ጸሳ ኦሳንቻቱዋ» ያጊደ ይሰና። ህንተ ካወተላቱዋ ዲረተላ ማና፤ ኢንቱንቱ ዲረተላንካ ህንተ ጨቀታና።

7 ህንተ ዩላ ድራው ህንተ ላኤ ኩሸያ ሳማ አካና፤ ካወሸዳዋ ድራውካ ህንተ ካጫን ህንተ ናሸታና። ሄዋ ድራው፡ ህንተ ህንተ ጋድያን ላኤ ዳኩዋ ላታና፤ ህንተ ናሸቻይካ መድና ናሸቻ ግዳናዋ።

8 ጸሳይ ሀዋዳን ያጊ፤ «ታን መድና ጎዳይ ሱረ ፕርዳ ደሳይ፤ ቦንቁያን ባይዙዋ እጸይ። ታን አማነታደ፡ ኢንቱንቱ ኦሱዋ ጋትያ ኢንቱንቶ ጫጋና። ታን ኢንቱንቱና መድና ጫቁዋ ጫቀታና።

9 ኢንቱንቱ ዛራቱ ካወተላቱዋ ግደን፡ ኢንቱንቱ ናናይካ ጋደ አሳቱዋ ግደን ኤረታና፤ ኢንቱንታ በኤዳ ኡባይ ታን፡ መድና ጎዳይ እንጂዳ አሳቱዋ ኢንቱንቱ ግድያዋ ጌሺደ ኤራና» ያጊ።

10 ታን መድና ጎዳን ሎይላ ናሸታይ፤ ታ ሸሞፑካ ታ ጸሳን ሀሹ ጌ። አያው ጎፕ፡ ቡላቻያዊ ባረ ሀጲያን ቁሲ ሻሸያ ዋልያዋዳን፡ ቡላቻትያናካ ዲማ ዲማ አሌቁዋን አሌቀትያዋዳን፡ እ ታና አቶተላ ማዩዋ ማይዜዳ፤ ጽሎተላ ቁማዩዋካ ቦላና ታዉ ጉጂዳ።

11 ቢታይ ጫርሻ ሞክያዋዳን ኢታክልትያ ሳክይካ ቶኬዳዋ ድቻያዋዳን፡ ሄዋዳንካ፡ ኡባ ሞድያ መድና ጎዳይ ጽሎተላን ጋላታ ካወተላ ኡባ ሰንላን ፑልትሳና።

62

1 ጽዮን ድራው፡ ታን ጮኤ ጊከ፤ የሩሳላመ ጽሎተላይ ዋልቃማ ፖኡዋዳን፡ እ አቶተላይካ ኤጽያ ጸሞፕያዳን ፖኡና ጋካናዉ፡ ታን ጮኤ ጊከ።

2 ካወተላቱ ነ ጽሎተላ፡ ካተቱ ኡባይካ ነ ቦንቾዋ በአና። መድና ጎዳይ ባረ ደናፕ ሱንሰያ ኦራላ ሱንሳን ኔን ይሰታና።

3 ኔን መድና ጎዳ ኩሸያን ሎኤዳ አሌቁዋን ካወተላ ካላቻ ማላ ግዳና።

4 ሀዋፕ ሰንሳናዉ ኔን፡ «ደገታ አቲዳኖ» ጌተታካ። ቃይ ነ ቢታታካ፡ «መላ አቲዳኖ» ጌተቱኩ። ሸን ኔን፡ «ታ ናሸቻይ እን ደእያኖ» ነ ቢታታካ፡ «አሰና ገሌዳኖ» ጌተታና። አያው ጎፕ፡ መድና ጎዳይ ኔናን ናሸታና፤ ነ ቢታታውካ እ አሰና ማላ ግዳናዋ።

5 ዋዳላይ ዋደራቶ ማቻያዋዳን፡ ነ ናናይ ኔና አካና፤ ማቻቶ ቡላቻያዊ ቡላቻትያንን ናሸትያዋዳን፡ ሄዋዳንካ፡ ነ ጸሳይ ኔናን ናሸታና።

6 ኔኖ የሩሳላመ፡ ነ ድርሳ ግሞቢያ ቦላን ዋቻያዋንታ ታን ዋላድ፤ ኢንቱንቱ ጋላሰካ ቃማካ ጮኤ ጊክኖ።

7 ህንተኖ፡ የሩሳላመባ መድና ጎዳ ሀሳይሰያዋንቶ፡ እ የሩሳላመ ኬጸና ጋካናዉን

ቢታ ኡባ ቦላን ናሸቴዳ ካታማ ኦፋና ጋካናው፡ ህንተውካ ሸምፖፕተ፤ እካ ሸምፕሶፕተ።

8 መድና ጎዳይ ባረ ኡሸቻ ኩሸያንነ ባረ ዋልቃማ ቀሰያን ሀዋዳን ያገደ ጫቄዳ፤ “ታን ላኤንሉ ህንተ ካፋ ህንተ ሞርከቶ ቁማ ኦፋደ እምከ፤ ቃይ ህንተ ዳቡራዳ ህንተ ዋይንያ ኤሳካ አላጋቱ ኡሸክና።

9 ሸን ጫኬዳዋንቱ ባረንቱ ካፋ ማና፤ ያቲደ መድና ጎዳ ኡንቱንቱ ጋላታና፤ ዋይንያ ቴራ ማጼዳዋንቱ ታ ጌሻ ጎልያ ዳባባን ኡሻና” ያጌ።

10 አድተ! ፐንግያና ከሲደ ቢተ! አሳው ኦግያ ከሰተ! ከሰተ፡ ዋጋ ኦግያ ከሰተ! ሹቻቱዋካ ድግተ፤ ካውተፋቱ ኦግያ ደማና ማላ፡ ባንድራ ኤሰተ።

11 በአተ፡ መድና ጎዳይ ቢታ ሳኦ ጋጾን ሀዋዳን ያገደ አዋዬዳ፤ “ጽዮን አሳው ሀዋዳን ያግተ፤ በአተ፡ ህንተና አሸያዌ ጋኬዳ! በአተ፡ አ ጋቲ አናና ደኤ፤ አሶ እ እምያ ኬርሱካ አ ሰንፋን ደኤ” ያጌ።

12 ህንተ፡ “መድና ጎዳይ ዋዜዳ ጌሻ አሳቱዋ” ጌተቲደ ጸሰታና፤ የሩሳላመካ፡ “ኮየቴዳና፡ አግ ባሸቤና ካታማቶ” ጌተታና።

ጸሓ ኦራላ ማላልሰያ መጠታ

63

(63:1—66:24)

አይሁዳ ግድና አሳቱዋ ጸሓይ ጸንያ ጸኑዋ

1 ኤደማ ጋድያን ደእያ ቦጽራ ግያ ካታማፕ ዘኦ ማዩዋ ማዩደ ይያዌ፡ ሄዌ እ ኦኔ? ሀ ፑላና ደእያ ማዩዋ ማዩደ፡ ባረ ዋልቃ ምኖተፋን ሰንፋው ሀመትያዌ ኦኔ?

ጸሓይ፡ “ሄዌ ጽሉዋ ሃሳይያዌነ ዋልቃን አሸያዌ ታና ግድክታ!” ያጌ።

2 ዋይንያ ጉምኢያሳን ዋይንያ የድያ ብታንያ ማዩዋዳን፡ ነ ማዩ አያው ዘኤዳ?

3 ጸሓይ ሀዋዳን ያገደ ዛራና፤ “ዋይንያ ጉምኢያሳ ታን ታረካ የዳድ፤ ካውተፋቱዋፕ እት አሳይነ ታናና ባዋ፡ ታን ኡንቱንታ ታ ሀንቁዋን የዳድ፤ ታ ይሉዋንካ ኡንቱንታ ድርጸረፋድ። ኡንቱንቱ ሱላይ ታ ማዩዋ ቦላን ዳጩትና፡ ታ ማዩ ኡባይ ባዬዳ።

4 ታን ታ አሳ ዋዝያ ጋላሳይነ ኡንቱንቱ ሞርከቶ ሀሉዋ ከሰያ ላይላይ ጋኬዳ።

5 ታን ጸላድ፤ ሸን ታና ማድያ እት አሳይነ ቤትቤና። ማድያዌ ዳዬዳ ድራው፡ ታን ማላለታድ። ሄዋ ድራው፡ ታ ቀሲ ታው ጸኑዋ አሄዳ፤ ታ ሀንቁካ ታና ማዳዳ።

6 ታን ታ ሀንቁዋን ካውተፋቱዋ የዳድ፤ ታ ይሉዋንካ ኡንቱንታ መገጠራዳድ፤ ኡንቱንቱ ሱላካ ታን ጋድያን ጉሳድ” ያጋና።

ጸሓይ እሰራኤልያው ኬክያ ኬካ

7 መድና ጎዳይ ኑው ኦሌዳ ኦሱዋ ኡባ ድራው፡ መድና ጎዳ አገና ሲቁዋነ አ ጋላታ ታን ኦዳና፤ ኤ፡ ባረ ማርታን ባረ ኬካተፋ ዳሩዋን እሰራኤልያ አሳው እ እሜዳ ጮራ ሎኦባ ታን ኦዳና።

8 ጸሓይ ኦዲደ፡ “ኡንቱንቱ ቱሙ ታ አሳቱዋን ታ ናናቱዋ ግድያ ድራው፡ ታና ጭማናው ከይክና” ያጌዳ። ሄዋ ድራው፡ እ ኡንቱንታ አሸያዋ ግዳዳ።

9 ኡንቱንቱ ዋይያ ኡባን እ ዋየቴዳ። እ ደኡሳ ኪታንቻይ ኡንቱንታ አሸዳ። እ ኡንቱንታ ባረ ሲቁዋን ባረ ማርታን ዋዜዳ። ካሰ አዴዳ ዋደቱዋ ኡባን እ ኡንቱንታ ደንሏደ ቶኬዳ።

10 ሸን ኡንቱንቱ ማካሌድና፤ እ ጌሻ አያናካ ካዮዬድና። ሄዋ ድራው፡ እ ሰሚደ፡ ኡንቱንቶ ሞርከ ግዳዳ፤ ኡንቱንቱናካ ኦላቴዳ።

11 ሄዋፕ ጉይያን አሳይ በንዋ፡ እ ባረ ቆማ ሙሴ ዋይ ኦሌዳዋ ሀሳዬዳ፤ ሀዋዳን ያጌዳ፤ “ባረ ወድያ ሄንፋንቻቱዋናካ ኡባ አባ ግድና አሏደ ከሴዳዌ ሀቃን ደኢ? ቃይ ሄ ዋይ ባረ ጌሻ አያና ኡንቱንቱ ግድን ዋሌዳዌ ሀእ ሀቃን ደኢ?

12 ባረ ቦንቹዋ ቀሰያ ዋልቃማ ዋልቃ ሙሴው ኡሸቻ ኩሸያ ግዳናዳን ኪቴዳዌ፡ ባረ መድና ሀይላ ከሳናው፡ ኡንቱንቱ ሰንፋን ደእያ ሃፋ ሻኬዳዌ።

13 ኡንቱንቱ ጨሙዋ ግድና ፕንሌዳዌ ሀቃን ደኢ?” ያጌድና።

ባዙዋና አድያ ፓራዳን፡ ኡንቱንቱ ዱበትባይክና።

14 ዋምባ ዲገ ዋድያ መሀያዳን፡ መድና ጎዳ አያናይ ኡንቱንታ ሸምፕሶዳ። ሄዋዳን ኔን ነ ሱንፋ ቦንቶሳናው ነ አሳ ካላላዳ።

ማርታን ማዲዋ ደማናው ዋሰያ ዋሳ

15 አቤት ጸሓው፡ ሳሉዋና ዲገ ጸላ፤ ኔን ደእያ ጌሻን ቦንቾ ግዳዳ ሳፕ ኤለካ በኦ። ኔን ሞሸትያ ሞሸኑ ነ ዋልቃይ አኔ? ነ ዋዛናይ ኑና ላሞትያ ላሞታይ ነ ቃረታይ ኑፕ ሃኬዳ።

16 አብራሃመ ኑና ኤራና ዳዮፕካ፡ ያቆብ ኑና አኬከናን ዳዮፕካ፡ አቤት መድና ጎዳው፡ ኔን ኑ አውዋ። በን ዋደፕካ ደሚደ፡ ነ ሱንፋይ ኑና ዋዝያዋ።

17 አቤት መድና ጎዳው፡ ኑን ነ ኦግያፕ ባያናዳን፡ አያው ኦላዳ? ቃይ ኑን ነው ያየናዳን፡ ኑ ዋዛና አያው ዱሌፋያዳ? ጸሓው፡ ነ ቆማቱ ድራው፡ ነ ቢታ ላቴዳ ዛራቱዋ ድራው፡ ኑኮ ሰማ።

18 ነ ጌሻ አሳይ ነ ጌሻ ጎልያ ጉላ ዋድያው ላቴድና፤ ሸን ኑ ሞርከቱ እ ዲገ ዛሪደ የዴድና።

19 ኑን በንፕካ ነዋንታ፤ ኡንቱንታ ኔን ዋዳባካ፤ ኡንቱንቱ ነ ሱንፋን ጸሰትባይክና።

64

1 አቤት መድና ጎዳው፡ ኔን ሳሎቱዋ ዳካደ ዲገ ዋዳ! ደረቱካ ጋጅ ጋጂደ ኮኮርና።

2 ታማይ ቃይጾርያ ሚደ፡ ሃፋ ፕንትሰያዋዳን፡ ዲገ ዋዳአደ፡ ነ ሱንፋ ነ ሞርከቶ ኤርሳ፤ ካውተፋቱዋካ ነ ሰንፋን ኮኮርሳ።

3 ካሰካ ኔን ኑን ናግቤና ማላልሰያባ ኦሌዳ ዋይ ዋዳኦዳ፤ ደረቱ ነ ሰንፋን ጋጅ ጋጂደ ኮኮርና።

62:11 ኢሳ. 40:10፤ 22:12 63:1 ኢሳ. 34:5-17፤ ኤር. 49:7-22፤ ህዝ. 25:12-14፤ 35:1-15፤ አሞጾ 1:11-12፤ አብድ. 1-14፤ ሚልክ. 1:2-5 63:3 ሳዓ 14:20፤ 19:13፤ 15 63:5 ኢሳ. 59:16 63:12 ከሳ 14:21 64:4 1 ቆር. 2:9

4 በንጥ ደሚደ፣ ኔናን አማካኝደ፣ ናግያዋንቶ ማላልሰያባ ኦሌዳ ኔጥ አትና፣ ሀራ ጸሳ አሳ ሀይላይ ሰሰቤና፤ አሳ አይፊካ በእቤና።

5 ጽሎተላ ናሸቲደ አልያዋንታነ ነ ኦግያን ኔና ሀሳይያዋንታ ኔን ጋካደ ማዳሳ። በአ፣ ኔን ሀንቀታዳ፤ ሸን ናጋራ አልያዋ አግባይኮ። ኔን ናጋራ አሊደ፣ አዲሳ ዋድያ ደኤደ፤ ያትና፣ ኔን ዋኒደ አታኔ?

6 ኔን ኡባይካ ቱና አሳ ግዴደ፤ ኑ ጽሎተላ ኦሶ ኡባይካ ቅታ ጨርቃ ማላ። ኔን ኡባይካ ቦንጭያዳን ሹሌደ፤ ኑ ናጋራይ ኑና ጫርኩዋዳን፣ ፕቲደ አፊደ።

7 ነ ሱንላ ጸሰያዋ፣ ዋይ ኔና ምንሰ ኦይካናዉ ኮይያዋ ባዋ። አያዉ ጎጥ፣ ኔን ነ ደሙዋ ኑጥ ገንሳደ ናጋራይ ቆይሳናዳን፤ ኑና ኑ ናጋራ ድራዉ፣ አጋዳ።

8 ግድገና፣ አቤት መድና ጎዳዉ፣ ኔን ኑ አዉዋ፤ ኔን ኡርቃ፤ ኔን ኡርቃ መዴዳዋ፤ ኔን ኡባይካ ነ ኩሸያን መጠታደ።

9 አቤት መድና ጎዳዉ፣ ሎይላ ሀንቀታገ፤ ኑ ናጋራካ መድናዉ ሀሳዮገ። ኑና በአ፣ ኔን ኡባይካ ነ አሳ።

10 ነ ጌሻ ካታማቱ ባዙዋ ግዴድና፤ ሀራይ አትና፣ ጽዮን ካታማይካ ባዙዋ ግዴዳ፤ የሩሳላመካ መላ ሳ ግዴዳ።

11 ኑ አዋቱ ኔና ጋላቲዳ ጌሻን ሎኦ ግዴዳ ኑ ጌሻ ጎሊ ታማን ጸገቴዳ፤ ቃይ ኑ ሎኦ ሳአቱ ኡባይካ ባይድና።

12 አቤት መድና ጎዳዉ፣ ኔን ሀዋ ኡባ በአደካ ኑና አጋኒ? ኔን ጮኡ ጋደ፣ ኑና ዛዋይ ባይና ሙሩዋ ሙራኒ?

65

ጸሳይ ማካላንቻቱዋ ሙራ

1 ጸሳይ ሀዋዳን ያጌ፤ “ታን ታና ኦኑቤናዋንቶ ቆንጫድ፤ ቃይ ታና ኮይቤናዋንቶ ቤታድ። ታን ታ ሱንላ ጸሰቤና ካዉተላዉ፣ ታ ሀዋና! ታ ሀዋና!” ያጋደ ኮያድ።

2 ባረ ቆፋ ካሊድ፣ ሎኦ ግድና ኦግያን ሀመትያ ማካላንቻ አሳቱዋኮ ጋላሳ ኡባን ታ ኩሸያ ምጫድ።

3 ሀ አሳይ አታክልትያ ግድን ያርሺደነ ጸብያ ቦላን እጻና ጨዋዬደ፣ ታን ጸልሸን፣ ታና ኡባ ዋደ ሀንቀሊና።

4 ቃይ ኡንቱንቱ ዱፋዋ ግድን ኡትያዋንታ፤ ጌማ ሳአን ቃማ አቅያዋንታ። ጉዲንላ አሹዋ ምያዋንታ፤ ኡንቱንቱ ጸሩዋን ቱና አሹዋ ጫባይ ደአያዋንታ።

5 ሄዋ ኦሊደ፣ ኡንቱንቱ ቃይ ሀራቱዋ፣ ናን ሀንተንቶ ደአተ፤ ኔን ሀንተጥ ጌሻ ግድያ ድራዉ፣ ኑኮ ሸቆፕተ! ያጊና። ኡንቱንቱ ታ ሲግ ግድገ ከሰያ ጨዋን ጋላሳ ኡባ ኤጽያ ታማ።

6 “በአተ፣ ታ ሰንላን ጸፈት ኡቲዳ፤ ታን ኡንቱንቶ ዛራናጥ አትና፣ ጮኡ ጊከ፤ ኡንቱንታ ሙራናዉ ቃቻድ።

7 ኤ፣ ታን ኡንቱንቱ ባይዙዋን ኡንቱንቱ አዋቱዋ ባይዙዋ አጩዋ እትጥ ኡንቱንቶ ዛራና። አያዉ ጎጥ፣ ኡንቱንቱ ደርያ ቦላን እጻና ጨዋዬድና፤ ቃይ ዘዘቱዋ ቦላን ታና ቦሬድና። ኡንቱንቱ ካሰ ኦሌዳ ኦሶዋ አጩዋ ታን ኡንቱንቶ ዛራና” ያጌ መድና ጎዳይ።

8 መድና ጎዳይ ሀዋዳን ያጌ፤ “ዋይንያ አይፊ ዋይንያ ቱራን ደአያ ዋደ አሳይ፣ ኦኦ ግድን አንጂ ደአያ ድራዉ፣ አ ቆይሶፕተ” ግያዋዳን፣ ታን ታ ቆማቱ ድራዉ፣ ሄዋዳን አላና፤ ታን ኡንቱንቱ ኡባ ቆይሰከ።

9 ታን ያቆጣጥ ዘረላ፣ ይሁዳጥካ ታ ደረቱዋ ላትያዋንታ ከሳና፤ ታን ደራዳዋንቱ አ ላታና፤ ታ ቆማቱካ ያን ደአና።

10 ታና ኮይደ ታ አሳዉ ሳርና ግያ ደምባይ ደርሳ ዉድያ ሄምያ ሳ ግዳናዋ፤ ቃይ አኮራ ዋምባይ ሚዛ ዉድያ አላጽሰያ ሳ ግዳናዋ።

11 “ሸን ሀንተና፣ መድና ጎዳ አኔዳዋንቶ፣ ታ ጌሻ ደርያ ደጌዳዋንቶ፣ ካጫ ግያ ኤቃዉ ማዳ ጊግሴዳዋንቶ፣ ቃይ ሀንተ ዉርሰላ ኤራናዉ፣ ሳማ ግያ ኤቃዉ ዋላካ ዋይንያ ኤሳ ዋንጫን ኩንሴዳዋንቶ።

12 ታን ሀንተ ዉርሰላ ማሻዉ አላደ አማና፤ ሀንተ ኡባይካ ጎራኤታናዉ ሆካና። አያዉ ጎጥ፣ ታን ሀንተና ጸሰና ኮይቤይክታ፤ ሃሳዬደ ሰሰቤይክታ” ያጌ። ሀንተ ታ ሰንላን ኢታባ ኦሌድታ፤ ታን ደሰናባካ ደሬድታ።

13 ሄዋ ድራዉ፣ ኡባ ዋድያ መድና ጎዳይ ሀዋዳን ያጌ፤ “በአተ፣ ታ ቆማቱ ማና፤ ሸን ሀንተ ኮሻታና። ታ ቆማቱ ኡሻና፤ ሸን ሀንተ ሳመታና። ታ ቆማቱ ናሸታና፤ ሸን ሀንተ ዬላታና።

14 በአተ፣ ታ ቆማቱ ዋዛናን ናሸቲደ የጻና፤ ሸን ሀንተ ዋዛናን ካዮቲደ ዋሳና። ቃይ ሀንተ አያናይ መኤዳ ድራዉ፣ ሀንተ ዝላሊደ ዬካና።

15 ሀንተ ሀንተ ሱንላ ታ ደረቱዳዋንቶ ሸቃዉ አማና። ኡባ ዋድያ መድና ጎዳይ ሀንተና ዋቆና፤ ሸን እ ባረ ቆማቱዋ ዱማ ሱንላን ጸሳና።

16 ሄ ጋድያን አንጂዋ ኮይያ ኡባይ ቱማተላ ጸሳይ አንጅናዳን ዋሳና። ሄ ጋድያን ጫቁዋ ጫቁያ ኡባይካ ቱማተላ ጸሳን ጫቃና፤ አያዉ ጎጥ፣ ካሰ መቶቱ ደገቲድና፤ ታ አይፍያ ሰንላጥካ ጌሜድና” ያጌ።

ኦራላ መጠታ

17 ጸሳይ ሀዋዳን ያጌ፤ “በአተ፣ ታን ኦራላ ሳሎቱዋን ኦራላ ሳአ መቆይ፤ ካሰባይ ኡባይ ሀሳየተናን ቆፈተና።

18 ሸን ታን መድያባን መድናዉ ናሸትተነ ሀሹ ጌተ። አያዉ ጎጥ፣ ታን መዴዳ የሩሳላማ ናሸቻን ኩሜዳና ግዳና፤ የሩሳላመ አሰካ ሀሹተነ ግያዋ ግዳና።

19 ታን የሩሳላመን ናሸታና፤ ታ አሳንካ ሀሹ ጋና። ሀዋጥ ሰንላናዉ ዬክያዋ ኮሻይነ ኡንኤቲደ ዋሰያዋ ኮሻይ ያን ሰሰተና።

20 “የሩሳላመ ግድን ሀዋጥ ሰንላናዉ፣ ጉላ ዋደ ጸላላ ደኢደ ሀይቂያ ቁር ናእ፣ ዋይ ባረ ላይላ ዉርሰናን ሀይቂያ ጭማ አሳይ ደኤና። ጴቱ ላይላና ሀይቂያ ኡራይ ዳር ያላጋን

65:1 ሮመ 10:20 65:2 ሮመ 10:21 65:10 ኢያሳ 7:24-26 65:17 ኢሳ. 66:22፤ 2 ጳጳ. 3:13፤ ሳዓ 21:1
65:19 ሳዓ 21:4

ሀይቁዳ ጌተታና፤ ጾቱ ላይላ ጋርን ሀይቁያዎ ሸቀቱዳዎዳን ፓይደታና።

21 ሄ ዎደቱዎን አሳቱ ጎለቱዎ ኬጸደ፡፡ ኢንቱንቱን ደእና፤ ዎይንያ ቱራቱዎካ ቶኪደ፡፡ ኢንቱንቱ አይፍያ ማና።

22 ኢንቱንቱ ኬጸና፡፡ ሀራይ ደኤና፤ ሀራይ ማናዉ ቶክያዎ ቶክክና። ታ አሳ ላይላይ ሞላ ላይላዳን አዲቃና፤ ቃይ ታን ዶሬዳዎንቱ ባረንቱ አዲሳ ዎድያዉ ባረንቱ ኩሽያ ኦሱዎን ናሽታና።

23 ኢንቱንቱ ጮ ዳቡርክና፤ ዎይ ናናቱዎ ቦሻዉ የልክና፤ አያዉ ጎፕ፡፡ ኢንቱንቱ ባረንቱ ናናቱዎናካ መድና ጎዳን አንጀቱዳ ዘረላ ግዳናዎ።

24 ኢንቱንቱ ታና ጸሳና፤ ካሰታደ ታን ኢንቱንቶ ኮያና፤ ቃይ ኢንቱንቱ ብር ሃሳይሽን፡፡ ታን ኢንቱንታ ሰሳና።

25 አኮሩን ደርሳ ማራይ እትፕ ሄመታና፤ ጋሙካ ቦራዳን፡፡ ኡቱላ ማና። ቃይ ሸሻዉ ባናይ ቁማ ግዳናዎ። ሄ ዎደቱዎን ታ ጌሻ ደርያን ኡባን፡፡ ኢንቱንቱ ቆሄትክናን ባይክና። ታን መድና ጎዳይ ሀዎ ኡዳይ” ያጌ።

66

ጸሳይ አይሁዳ ግደና አሳ ቦላ ፕርዳና

1 መድና ጎዳይ ሀዎዳን ያጌ፤ “ሳሉ ታ አራታ፤ ሳአይካ ታ ገዲ የድያ ሳ፡፡ ያትና ሀንተ ታዉ ኬጸና ጎሊ አይ ማላ ጎሊ? ታን ሸሞፓና ሳአይ ሀቃን?

2 ሄዎንታ ኡባባካ ታ ኩሺ ኦጼዳ ግደኔ? ሄዎ ድራዉ፡፡ ሀዎንቱ ኡባቱካ ታዎንታ። ሸን ታን ባረና ዝቁ አልያዎኮ፡፡ ባረ ኦጼዳ ናጋራዉ ካዮቲደ ሰሞያዎኮን ታ ቃላን ኮኮርያዎኮ ጸላና ያጌ መድና ጎዳይ።

3 “አሳይ ኡባይ ባረዉ ባረዉ አንጀትያ ኦግያ ዶሬዳ ጋሱዎን፡፡ ኮሩማ ያርሽያዌ አሳ ዎድያ ኡራ ማላ፤ ደርሳ ማራ ያርሽያዌካ ካና ጎራእያ አሳ ማላ፤ ካላ ያርሹዎ ያርሽያዌካ ጉዲንላ ሱላ ያርሽያ አሳ ማላ፤ ቃይ ሀሳይሰያ እጸና ጨዎይያ ኡራይካ ኤቃዉ ጎይንያ አሳ ማላ። ኢንቱንቱ ሸሞፕካ ኢንቱንቱ ቱናተላን ናሽቱ።

4 ሄዎ ድራዉ፡፡ ታን መቱዎ ኢንቱንቶ ድራና፤ ኢንቱንቱ ያይዳዎካ ታን ኢንቱንቱ ቦላን አሀና። አያዉ ጎፕ፡፡ ታን ጸሴዳ ዎደ፡፡ ኦን ኮይቤና፤ ታን ሃሳይዳ ዎደካ ኦን ሀይዝቤና። ኢንቱንቱ ታ ሰንላን ኢታባ ኦጼድና፤ ታን ናሽተናዎ ዶሬድና” ያጌ።

5 ሀንተኖ፡፡ ጸሳ ቃላዉ ያዪደ ኮኮርያዎንቶ፡፡ መድና ጎዳ ቃላ ሰሰተ፤ “ሀንተ እሻቱ፡፡ ሀንተና እጽያዎንቱ፡፡ ታ ሱንላ ድራዉ፡፡ ሀንተና ቦሀያዎንቱ፡፡ ሀንተ ናሽቻ ኦን በአና ማላ፡፡ መድና ጎዳይ እን ቦንቼትና በአና ያጌድና፤ ሸን ኢንቱንቱ ዬላታና።

6 ካታማፕ ይያ ዎሱዎ ሰሰተ፤ ጌሻ ጎልያፕ ይያ ኮሻካ ሰሰተ። ሄዌ ኮሻይ ባረ ሞርከቶ ኢንቱንቱ ኦሱዎ ማላ ኩሽያ ዛርያ መድና ጎዳ ኮሻ።

7 “ባንከናን ናኣ የልያ ማጫ አሰ ደኢ? ኦይላይ ኡንኤርን አቱማ ናኣ የልያ ማጫ አሰ ደኢ?

8 ሀዎ ማላባ ኦኔ ሰሴዳዌ? ቃይ ሀዎ ማላባ ኦኔ በኤዳዌ? እት ቢታ አሳይ ፕጽ እት ጋላሰ የለታናዉ ዳንዳዪየ? ዎይ ካዉተላይ እት ኩላን የለቲ? የሩሳላማ ባንኮ ሳናካ፡፡ እት ኩላን ባረ ናናቱዎ የላዱ።

9 የላና ዎድያ ጋልያ ታን ኢንቱንቱ የላናዳን ኦልክታየ? ያጌ መድና ጎዳይ። ቃይ የላናዳን ኦልያ ታን የልያ ኡሉዎ ጎርዳይታየ? ሀዎ ግያዌ ታና፡፡ ጸሳ።

10 “ሀንተኖ የሩሳላሞ ሲቅያ ኡባቶ፡፡ አናና ናሽተተ፤ እ ድራዉካ ናሽቻን ፖጩ ጌተ። ሀንተኖ እሲ ዬክያ ኡባቶ፡፡ አናና ሎይላ ናሽተተ።

11 አያዉ ጎፕ፡፡ ሀንተ እ ሞንጋልያ ቆንላ ቆሚደ ካላና፤ ቃይ እ ዳር ቦንቼዎፕ ሎይላ ኡሺደ፡፡ ሀንተ ናሽታና” ያጌ።

12 መድና ጎዳይ ሀዎዳን ያጌ፤ “በእተ፡፡ ታን እዝዉ ሳርተላ ሻፋዳን ዳርሳና፤ ካዉተላቱዎ ዱረተላካ ኩሚደ ጎግያ ፑልቱዎዳን፡፡ እዝዉ አሀና። ያቶፕ ሀንተ ሄዎ ቆማና፤ እ ሀሽያን ሀንተ ቶከታና፤ እ ክዉዎን ኡቲደ፡፡ ሀንተ እሻለታና።

13 አታ ባረ ናኣ ሞንጋልያዎዳን፡፡ ታንካ ሀንተና ሞንጋላና፤ ሀንተ የሩሳላሙን ሞንታና።

14 ሀንተ ሄዎ በእያ ዎደ፡፡ ሀንተ ዎዛናይ ናሽታና፤ ሀንተ መቀላይካ ማታዳን አጫና። ቃይ መድና ጎዳ ኩሺ አ ቆማቱዎና ደእያዌን አ ሀንቁ አ ሞርከቱዎ ቦላን ደእያዌ ኤረታና” ያጌ።

15 በእተ፡፡ መድና ጎዳይ ታማ አኪደ ያና። ባረ ሀንቀቱዳዎንታ ሙራናዉን ታማ ላጩዎን ሴራናዉ ሳራጋላ ቶጊደ፡፡ እ ያና።

16 አያዉ ጎፕ፡፡ መድና ጎዳይ አሹዎ ማዬዳ ኡባ ታማንን ማሻን ፕርዳና። ቃይ መድና ጎዳ ማሻን ሀይቁዳዎንቱ ፓይዱ ዳራና።

17 መድና ጎዳይ ሀዎዳን ያጌ፤ “አታክልትያ ሳአን ባረንቱ ኤቃዉ ጎይናናዉ፡፡ ባረንቱ ግደን ደእያ እቱዎ ካሊደ፡፡ ባረና ዲማዪደ ጌሽያዎንቱ፡፡ ቃይ ጉዲንላ አሹዎ፡፡ ሸንይያዎን ኤጨርያ ሞያዎንቱ ኡባይ እትፕ ቆያና።

18 “ታን ኢንቱንቱ ኦሱዎን ኢንቱንቱ ቆፋ ኤርያ ድራዉ፡፡ ካዉተላቱዎ ኡባን ዲማ ዲማ ቃላን ሃሳይያዎንታ እትፕ ሸሻናዉ ያይ፤ ኢንቱንቱ ሸቁደ፡፡ ታ ቦንቼዎ በአና።

19 ታን ኢንቱንቱ ግደን ማላታ ኦላና፤ ኢንቱንቱፕ አቱዳዎንታካ ታ ግታተላ ሰሰቤናን ታ ቦንቼዎ በእቤና ካዉተላቱዎኮ፡፡ ታርሴሳኮ፡፡ ሊብያኮ፡፡ ሊድያኮ፡፡ ቱባላኮ፡፡ ያዋናኮን አባ ደናን ደእያ ሃኮ ቢታቱዎኮ ኪታና፤ ኢንቱንቱ ታ ቦንቼዎ ካዉተላቱዎ ግደን ኡዳና። 66:19 ሊብያኮ፡፡ አብራዌሱዎን ፑጸ ጌተቱ።

20 አሰራኤልያ አሳይ ካላ ያርሹዎ ጌሻ ሚሻን ዎሲደ፡፡ መድና ጎዳ ጌሻ ጎልያ አሀያዎዳን፡፡ ኢንቱንቱ ሀንተ እሻቱዎ ኡባ ካዉተላቱዎ ኡባ ግደፕ ፓራቱዎን፡፡ ፓራ ጋረቱዎን፡፡ ጋሎቱዎን፡፡ ባቁሎቱዎንን ሚሻቱዎ ጫንያ ጋረቱዎን ኡትሲደ፡፡ ታዉ እሙዎ

ግዳናዳን፣ መድና ጎዳ ጌሻ ደርያ የሩሳላመ
አሀና።

21 ኡንቱንቱፕ እቱዋ እቱዋ ታን ቄሳቱ ዋነ
ሌዋቱዋ ከሳና። ታን መድና ጎዳይ ሀዋ ኡዳይ”
ያጌ።

22 ቃይካ መድና ጎዳይ ሀዋዳን ያጌ፤ “ታን
መድና ኡራላ ሳሎቱነ ኡራላ ሳኦይ ታ ሰንላን
ምኒደ ደእያዋዳን፣ ሄዋዳንካ፣ ህንተ ዘረላይነ
ህንተ ሰንላይ ምኒደ ደኦና።

23 አግና ዪሩዋፕ ቢደ ሀራ ዪሩዋ ጋካናዉነ
እት ሳምባታፕ ቢደ ሀራ ሳምባታ ጋካናዉ፣ አሳይ
ኡባይ ታ ሰንላን ጎይናናዉ ያና ያጌ መድና ጎዳይ።

24 ኡንቱንቱ ከሲ ቢደ፣ ታ ቦላ ማካሌዳ
አሳቱ አሃ በእና። ሄዋንታ ምያ ጉጹኒ ሀይቀና፤
ኡንቱንታ ዱግያ ታማይካ ቶኤና። ኡንቱንቱ አሳ
ኡባዉ ሸነይያባ ግዳናዋ” ያጌ።

ኤርማሳ ትምቢትያ ገሌቆ

ትምቢትያ ኦድያ ኤርማስ፣ ክርስቶስ የለታናፕ ካስ ላቸን ጾቹ ላይላ ወርሰላንነ ኡቡቸንሎ ጾቹ ላይላ ደመላ ሄራን ደኤዳ። ኤርማስ ዳር ዎድያ ኦሌዳ ባረ ኡቡቸን ኡንቲንቲ ኤቃ ጎይኑቸን ኡንቲንቲ ናጋራ ኡቡቸን ጋሱቸን ጸሳ አሳ ቦላ ዎልቃማ ባሻይ ዪደ ደእያዎ ኡንቲንታ ምንሲደ ኤርሴዳ። ባረ ኡዳዳዎ ኡባይ ፖለቲዳዎ ፓጸ ደኤደ ባረ አይፍያን በኤዳ። ባብሎን ካቲ ናቡካዳናጾር የሩሳላመ ኦይቀደ፣ ካታማነ ጌሻ ጎልያ ላሌዳ። ይሁዳ ካወነ አሳፕካ ዳርያ ባጋይ አዎደቲደ ባብሎን ቤዳ። ጉጂደካ ኤርማስ አሳይ አዎደቲደ ሰማናዎን እስራኤልያ ካወተላይ ኤቃናዎ ካስቲደ ኦዳዳ።

ኤርማሳ ማጻፋ ኦይዱ ከሲደ በአናወ ዳንዳየቲ።

1. ናብያ ጸሳባ፣ እዮሰያሳ፣ ዮአቄማ፣ ዮአኪናን ሰደቅያሳ ካወተላ ላይላቲዎን ይሁዳ አሳስነ ኡንቲንታ ካለላዎንቶ ጸሳፕ ዬዳ ቃላ።
2. ሀናናወ ኦይቲዳ ዱማ ዱማ ቃላቲዎን ኤርማሳ ደኡቸን ፖለቲዳ ዎና ዎና የዎቲዎ ጉጂደ፣ ኤርማሳ ጸፍያ ባሩክ ጸፊደ ኦይቄዳ ቁር ዳወታርያፕ ቤቲዳ ጸፈቲዎ።
3. ዱማ ዱማ አላጋ ቢታ አሳወ ጸሳፕ ኦይቲዳ ትምቢትያ ቃላቲዎ።
4. የሩሳላመ ኦይቀላባነ አሳይ አዎደቲደ ባብሎን ባናዎ ኦድያ ጉጂ ታርከቲዎ።

ኤርማስ ባረ አሳ ሎይላ ሲቅያነ ኡንቲንቲ ቦላ ባየላ ፕርዳ አላናወ ሎይላ ዳር እጽያ አሳ። ትምቢትያ ኦድያ አሳ ግዲደ አላና ማላ ጸሳይ አ ጸሴዳ ድራወ። ባረና ጋኬዳ መቲዎ ጋሱቸን እ ካዮቲዳ ምኖ ካዩ አ ማጻፋ ግደን ዳር ሳእን ጸፈት ኡቲዳ። ጸሳ ቃላይ አ ዎዛና ግደን ታማዳን ጹግያ ድራወ። ሄዎ ባሪደ ዎሐ አጋናወ ዳንዳይቤናዎ ቆንጭሴዳ።

ሀ ማጻፋን ጸፈቲዳ ትምቢትያ ኦዳዳ ዎልቃማ ዎልቃማ ቃላቲዎፕ እቲ እቲ መቲ ኩሜዳ ኤርማሳ ላይላፕ እጂደ፣ ዎዛናን ጸፈተደ ድራወ። ሀሳይሰያ አስታማሪ ኮሸናን፣ ኡባ ገደ ናግያ ኦራላ ጫቄ ጸሳ አሳወ እመትያ ዎዲ ያናወ ደእያዎ ማላቲኖ (31:31-34)።

ሸምፓቲዎ ኡባቶ እመቲዳ ቃንላ ቆፋቲዎ

- ጸሳይ ኤርማሳ ደሬዳ 1:1-19
- ጸሳይ ይሁዳነ እስራኤልያ አሳ ሙርያዎ 2:1—25:38
- ኤርማስ ዎርዶ ናባቲዎ ኤቀቲዳ 26:1—29:32
- ጸሳይ ባረ አሳ ባረንቲ ቢታወ ዛራና 30:1—33:26
- ኤርማሳ ዱማ ዱማ ኦሶቲዎ 34:1—38:28
- የሩሳላመ ኩንደላነ ይሁዳን መጠቲዳ ሀናታቲዎ 39:1—42:22
- ኤርማስ ግብጾ ቤዳ 43:1—44:30

ባርካወ ኦይቲዳ ትምቢትያ 45:1-5
ናቢ ዱማ ዱማ አሳወ ኦዳዳ ትምቢትያ 46:1—51:64
የሩሳላመ ኩንደላባወ ከተቲዳ ጉጂ ኦዳዎ 52:1-34

ጸሳይ ኤርማሳ ደሬዳ (1:1-19)

- 1 ቢንያማ ቢታን አናቶታ ካታማን ደእያ ቄሳቲ ዎፕ እቲዎ ግድያ ሀልቂያ ናኦ ኤርማሳ ቃላይ ሀዎ።
- 2 አዎና ናኦይ፣ ይሁዳ ካቲ እዮሰያሰ ካተቲዳ ታማነ ሄዘንሎ ላይላን መድና ጎዳ ቃላይ ኤርማሳወ ዬዳ።
- 3 ቃይ እዮሰያሳ ናኦይ፣ ይሁዳ ካቲ እዮአቄዎ ካተቲዳ ላይላቲዎን ጸሳ ቃላይ ኤርማሳወ ዬዳ። ቃይካ እዮሰያሳ ናኦይ፣ ሰደቅያሰ ካተትና፣ ታማነ እት ላይላ ጋካናወ፣ ጸሳ ቃላይ ዳር ገደ አወ ዬዳ። ሄ ላይላ እቸሻንላ አግናን የሩሳላመ አሳይ አዎደቲደ ቤዳ።

ኤርማስ ጸሰቲዳ

- 4 መድና ጎዳ ቃላይ ታኮ ሀዎዳን ያገደ ዬዳ፤
- 5 “ታን ኔና ነ እት ኡሉዎን አታናፕ ካስ ኤራድ። ኔን ኡሉዎፕ የለታናፕ ካስ ታን ኔና ጌሻደ ዱማያ ዎላድ። ቃይ ካወተላቶ ትምቢትያ ኦድያዎ አሳይ ኔና ሱንላድ” ያጌዳ።
- 6 ታን፣ “ሀእ ኡባ ዎድያ መድና ጎዳወ፣ ታን ናኦ። ታን ዎት ሃሳይንቶካ ኤርከ” ያጋድ።
- 7 ሸን መድና ጎዳይ ታና ሀዎዳን ያጌዳ፤ “ታን ናኦ ጎፓ። ታን ኔና ኪትያ አሳ ኡባኮ ባ። ታን አዛዝያዎ ኡባካ ኦዳ።
- 8 ኡንቲንቶ ያዮፓ። አያወ ጎፕ፣ ታን ኔና አሻናወ ኔናና እትፕ ደአና። መድና ጎዳይ ሀዎ ኦዳድ” ያጌዳ።
- 9 መድና ጎዳይ ባረ ኩሸያ የዲደ፣ ታ ደና ቦቼዳ። ያቲደ፣ “በአ፤ ታን ታ ቃላ ነ ደናን ዎላድ።
- 10 ኔን ሸዳናወነ ኮላናወ፣ ጳይሳናወነ አላ የጋናወ፣ ኬጸናወነ ቶካናወ፣ ደርያ አሳ ቦላነ ካወተላቲዎ ቦላ ታን ሀቶ ኔና ሱንላድ” ያጌዳ።
- 11 መድና ጎዳ ቃላይ ታኮ ዬደ፣ “ኤርማሳ፣ ነወ እያይ ቤቲ?” ያጌዳ። ታን ዛራደ፣ “ላወዝያ ግያ ምላፕ ከሴዳ ጋትማይ ቤቲ” ያጋድ።
- 12 መድና ጎዳይ ታና፣ “ኔን ልከ በአዳ። አያወ ጎፕ፣ ታንካ ታ ቃላይ ፖለትና፣ ሄዎዳን በአናወ ናጋይ” ያጌዳ።
- 13 ላኤንሉዎካ መድና ጎዳ ቃላይ ታኮ ዬደ፣ “ሀራባይ ቃይ እያይ ቤቲ?” ያጌዳ። ታን ዛራደ፣ “እት ፕንትያ ጸሩ ሀጲሳ ባጋፕ ሃ ሰሚደ፣ ኩንዳናወ ማት ኡቲዳዎ ቤቲ” ያጋድ።
- 14 መድና ጎዳይ ታና፣ “ሀጲሳ ባጋፕ ባሻይ ፖዲደ፣ ቢታን ደእያ አሳ ኡባ ቦላ ጉካና።
- 15 ታን ሀጲሳ ባጋ ካወተላቲዎን ደእያ አሳ ኡባ ጸሳና ሀናይ። ታን መድና ጎዳይ ሀዎ ኦዳድ። ኡንቲንቲ ካተቲ ዬደ፣ የሩሳላመ

ገልጾ ገንገቱዋን፡ ድርሳ ዩሹዋ ኡባን ለሁዳ ካታማቱዋ ኡባን ባረንቱ አራታቱዋ ዋላና።

16 ለሁዳ አሳይ ታና አገደ፡ ሀራ ጸሳቶ ያርሺደነ ባረንቱ ኩሽያን ኡንቱንቱ አሌዳባዉ ጎይኒደ፡ አሌዳ ኡንቱንቱ ኢታተላ ኡባ ድራዉ፡ ታን ታ ፕርዳ ኡንቱንቱ ቦላ ኦዳና።

17 “ሸን ኔን ነ ሁጲያዉ ገጋ! ደንዳ ኤቃደ፡ ታን ኔና አዛዝያዋ ኡባ ኡንቱንቱ ኦዳ። ኡንቱንቱ ያዮፓ። ኔን ኡንቱንቱ ያዮፐ፡ ታን ኔና ኡንቱንቱ ሰንላን ጉጃ ያሸሳና።

18 ሀቶ ታን ኔና ሀ ቢታ ኡባ ቦላ፡ ለሁዳ ካተቱ ቦላ፡ ካፖቱዋ ቦላ፡ ቁሳቱ ዋ ቦላን ሀ ቢታ አሳ ቦላ ግምቡቱዳ ካታማዳን፡ ብራታ ቱሳዳንን ናሃሰያ ብራታን ድሬዳ ድርሳዳን ኦላደ ሞንሳድ።

19 ኡንቱንቱ ኔናና ኦላታና። ሸን ታን አሻናዉ ኔናና እትፐ ደእያ ድራዉ፡ ኔና ጸንክና። መጅና ጎዳይ ሀዋ ኦዳድ” ያጌዳ።

ጸሳይ ለሁዳን እስራኤልያ አሳ ሙርያዋ

2

(ኤር. 2:1—25:38)

እስራኤልያ አሳ ናጋራ

1 መጅና ጎዳ ቃላይ ታዉ ዪደ፡
2 “ባደ የሩሳላሙ አሳ ሀይላን ሀዋዳን ያጋደ አዋያ፤ ሩኔን ያላጋተላን ታዉ አይ ኬሻ አማነቲደንቶ፡ ቃይ ኔን ብር ሞሽራን ደእያ ዋደ፡ ታና አይ ኬሻ ሲቁደንቶ፡ ታን ጸሳይ ሀሳያይ። ኔን ባዞ ግዱዋና፡ ዘረላይ ዘረት ኤረና ቢታና ታና ካላዳ።

3 ሄ ዋደ እስራኤሊ መጅና ጎዳዉ ጌሻ። አዉ ባይራ ካላ ማላ፤ አፕ ሜዳ ኡባቱ ባይዛንቻ ግዲና። ያትና፡ ኡንቱንቱ ቦላ ኢታባይ ዬዳ። መጅና ጎዳይ ሀዋ ኦዳድ” ያጋ” ያጌ።

4 ህንተኖ፡ ያቆባ አሳቶ፡ እስራኤልያ ዛረቶ፡ ኡባይካ መጅና ጎዳ ቃላ ሰሰተ!

5 መጅና ጎዳይ ሀዋዳን ያጌ፤ “ካሰ ህንተ አዋቱ ታናን አይ ባይዙዋ ደሚደ፡ ታፕ ሃኪደ ቤድና? ኡንቱንቱ ፓና ኤቃቶ ጎይኒደ፡ ፓናባ ግዴድና።

6 ኡንቱንቱ፡ ሩና ግብጾፕ ከሴዳዌ፡ መላ አፎ ግዴዳ ባዙዋና፡ ኮሻይነ ጅጽ ጎ ጁማይ ደእያ ቢታና፡ አይ አሳይነ አና ዋይ ደእና ሳና ካለሌዳ መጅና ጎዳይ ሀቃን ደኢ?” ያግባይክና።

7 ህንተ አፕ ቱራን ሎኦባ ማና ማላ፡ ታን ህንተና ቱኤ ቢታዉ አሃድ፤ ሸን ህንተ ዪደ፡ ታ ቢታ ቱንሴድታን ታ ላታ ኢሴድታ።

8 ቁሳቱ ካ፡ ‘መጅና ጎዳይ ሀቃን ደኢ?’ ያግባይክና። ታ ህጊ ኡንቱንቱ ኩሽያን ደእያ አሳቱካ ታና ኤርባይክና። አሳ ሞድያዋንቱካ ታ ቦላ ማካሌድና። ትምቢትያ ኦድያዋንቱካ ባኣላ ሰንላን ትምቢትያ ኦዲደ፡ ፓና ኤቃቶ ጎይኒድና” ያጌ።

9 ቃይካ መጅና ጎዳይ ሀዋዳን ያጌ፤ “ሄዋ ድራዉ፡ ታን ህንተና ብርካ ሞታና፤ ህንተ ናናቱዋ ናናቱዋካ ሞታና።

10 እነ አዋይ ደልያ ባጋ ቢደ፡ ቆጲርሳ ግያ ሃላን ደደቱዳ ቢታ ጸልተ። ዋይ አዋይ ዉልያ ባጋ ቁዳረ ግያ ቢታ አሳ ከቲደ ጸሞሰሰተ። ያቲደ እነ ሀዋ ማላባይ ሀዋፕ ካሰ ባጋን ሀኔደንቶን በአተ።

11 ኡንቱንቱ ቱሙ ጸሳቱዋ ግዳና ጳዮፕነ፡ ደሪ ባረ ጸሳቱዋ ላምቤና። ሸን ታ አሳይ ታና ባረ ቦንቱዋ ፓና ኤቃቱዋን ላሜዳ” ያጌ።

12 ቃይካ መጅና ጎዳይ ሀዋዳን ያጌ፤ “ሳሎቶ፡ ‘ፖራ!’ ገተ፤ ዳጋሚደ ኮኮርተ!

13 አያዉ ጎፕ፡ ታ አሳይ ላኡ ኢታባቱዋ ኦሌዳ፤ ሄዋንቱነ፡ ደኡዋ ሃላ ፑልቱዋ ታና ኤጌዳ፤ ሃላ ኦይቃናዉ ዳንዳየና፡ ጸኤት ድጌዳ ኦላ ባረዉ ቦኬዳ።

14 “እስራኤሊ ቆማነ ግደና፤ ሶን የለቱዳ አይለነ ግደና። ያትና፡ እ አያዉ ደአይ ኦይቁያዋ ግዴዳ?

15 አ ሞርከቱ ጋሙዋዳን፡ አ ቦላን ጉዳድና። ኡንቱንቱ ባረንቱ ቃላ ቶቁ ኦሊደ ዳሬድና፤ ኡንቱንቱ አ ቢታ መላ ከሴድና፤ አ ካታማቱካ ላለቲደ፡ ደእያዋ ጳዬድና።

16 ሄዋ ቦላካ መምፕሳነ ጸፍናሳ አሳቱ አ ሊጲያ ሜዴድና።

17 ኔና እስራኤልያዉ፡ እ ኔና ኦግያን ካለሸን፡ መጅና ጎዳ ነ ጸሳ አጌዳዋን ሀዋ ነ ቦላ አሄዳዌ ኔና ግድኪ?

18 ናይለ ሻፋፕ ሃላ ኡሻናዉ ግብጾ ብያዌ ኔና አያ ማዳኔ? ዋይ ኤፍራጲሳ ሻፋፕ ሃላ ኡሻናዉ አሰረ ቢታ ብያዌ ኔና አያ ጎኦኔ?

19 ሰሞ ነ ኢታተላይ ኔና ሙራና፤ ኔን ታና አጌዳዌ ነ ቦላ ፕርዳና” ያጌ።

መጅና ጎዳይ፡ ኡባፕ ዋልቃማ ጸሳይ ሀዋዳን ያጌ፤ “ኔን ታና መጅና ጎዳ ነ ጸሳ አጌዳዌ አይ ኬሻ ኢታነ ጫማ ግድንቶ፡ እነ ኤራነ በአ። ኔን ታዉ ያይያ ያሻይ ኔናን ባዋ።

20 “ታን ነ ሞርገ ሞላ በን መንላድ፤ ነ ቃሹዋካ ዲላድ። ያትናካ፡ ‘ታን ነዉ ኦሐከ’ ያጋዳ። ደርያ ኡባ ቦላን ዳሻ ሞላ ኡባ ጋርሳን ሻርሙጸዳን ግሳዳ።

21 ታን ኔና በርተ ዘረላፕ አካደ፡ ሎኦ ዋይንያ ቱራዳን ቶካድ። ያትና፡ ዋና ጉየ ሰማደ፡ ዋራን ደሌዳ፡ ባዬዳ ዋይንያ ቱራ ግዲዳ?” ያጌ።

22 ቃይካ ኡባ ሞድያ መጅና ጎዳይ ሀዋዳን ያጌ፤ “ኔን ሀንጨጭን ሜጨታንቶካ፡ ሳሙና ዳርሳደ ጎርፕታንቶካ፡ ነ ባይዙዋ ቅታይ ሀእካ ታ ሰንላና።

23 ኔን ዋናደ፡ ‘ታን ቱናበይከ፤ ታን ባኣላ ኤቃቶ ጎይናናዉ ዋጸበይከ’ ጋናዉ ዳንዳያይ? እነ ኔን ዋምባን ሀኔዳዋ ጸላ፤ ኔን ኦሌዳዋን አኬካ። ኔን ያነ ሃነ ዋላ ጃምያ ጋላት ማላ።

24 ኔን ባዙዋ ሜዘቱዳ፡ ባረ ዚታ ዋደ ጫርኩዋ ሰንገለያ ሀራት ማላ። አ ብራሳዉ ኤቃ ክቶና፡ ኦን አዘ ተአናዉ ዳንዳዪ? አዘ ዚትያ አይ ዋዳላ ሀሪነ ዳቡረና፤ እ አዘ ጨገናን አዘ ደም አጌ።

25 ኔና፡ እስራኤልያ፡ ነ ጫማይ ዉራና ጋካናሰነ ነ ኮኪ መላና ጋካናዉ፡ ሀራ ጸሳቱዋ ጌዲዋ ሀዋዳን ዋጸ። ሸን ኔን፡ ‘አጸዳ፤ ሄዌ ታና አይነ ማደና። አያዉ ጎፕ፡ ታን እማላ ጸሳቱዋ ሲቃ ድጋድ፤ ታን ኡንቱንቱ ጎእናና’ ያጋዳ።

26 “ካይሱ ኦይቀቲዳ ዋደ ዩላትያዋዳን፡ እስራኤልያ አሳይ ዩላቲ፤ ኡንቱንቱካ፡ ኡንቱንቱ ካተቱ፡ ኡንቱንቱ ካፓቱ፡ ኡንቱንቱ ቄሳቱ ነ ኡንቱንቱ ትምቢትያ ኦድያዋንቱ ኡባይ ዩላቲኖ።

27 ኡንቱንቱ ሞላ፡ ሄን ታ አወሞ፣ ያጊኖ፤ ቃይ ሹቻ፡ ሄን ታና የላዳ፣ ያጊኖ። ኡንቱንቱ ታወ ባረንቱ ሶሞኡዋ አጊደ፡ ባረንቱ ዘክያ ዛሬድኖ። ሽን ኡንቱንቱ መቶትያ ዋደ ታና፡ ‘ደንዳ! ኑና አሻ!’ ያጊኖ።

28 ሽን አነ፡ ህንተ ህንተዉ መጴዳ ጸሳቱ ሀቃን ደእኖ? ህንተ መቶትያ ዋደ ህንተና አሻናዉ ዳንዳዮ፡ አነ ደንድኖ! ህንተኖ፡ ይሁዳ አሳቶ፡ ህንተ ጸሳቱ ህንተ ካታማቱዋ ኬሻ ጮራ” ያጊኖ።

29 መጵና ጎዳይ ሀዋዳን ያጊ፤ “ህንተ ታናና አያዉ ሞተቲቱ? ህንተ ኡባይካ ታወ ማካሌድታ።

30 ታን ህንተና ጮ መላ ሙራድ፤ ህንተ ባይበይክታ። ኮሻቲዳ ጋሙዋዳን፡ ህንተ ማሻይ ህንተ ትምቢትያ ኦድያዋንታ ሞ ድጌዳ” ያጊ።

31 ህንተኖ፡ ሀ ዋድያ የለታቶ፡ መጵና ጎዳ ቃላ ሰሰተ! እ ሀዋዳን ያጊ፤ “ታን ህንተዉ፡ እስራኤላቶ ባዘ ማላ ዋይ ድጵ ጎ ጴማ ቢታ ማላ ግዳድታየ? ያትና፡ አያዉ ታ አሳይ፡ ሄን ኑ ሽንያዳን ባና፤ ላኤንሉ ኡባካ ኔኮ ሰሞኮ” ያጊ?

32 ወደራታ ባረ አሌቁዋ ዋይ ቡላቼትያና ባረ ቡላቻ ማየዋ ደጋይ? ሽን ታ አሳይ ታና ፓይዳ ባይና ጋላሳ ድጌዳ።

33 ኔን ነ ላገላቶ ጌዱዋ ዋጽያዋ አያ ሜዘታዲ! ሎይሰ ኢታ ማጫ አሳቲካ ነ ኦግያፕ ታማራናዉ ዳንዳዩኖ።

34 ቃይ መንፈደ ገልሽና ኦይቄዳ አሳ ሱላን ግደናን፡ ጽሎ ሀይሳቲዋ ሱላ ጳጩዋን ነ ማየ ባይ ኡቲዳ።

“ሄን ሀዋ ኡባ አላደካ፡

35 ‘ታን ጽሎ፤ ቱሙዋፕ ጸሳይ ታ ቦላ ሀንቀተና’ ያጋሳ። ኔን፡ ‘ታን ናጋራ ኦላበይኮ’ ግያ ድራዉ፡ ታን ነ ቦላን ፕርዳና።

36 ያትና ኔን ነ ኦግያ ላማናዉ አያዉ ብቻራይ? ካሰ ኔና አሰረ ቢታይ ዩላዩዳዋዳን፡ ግብጾ ቢታይካ ዩላያና።

37 ኔን ሀዋፕካ ነ ሁጺያ ኦይቃደ ከሳና። አያዉ ጎፕ፡ መጵና ጎዳይ ኔን አማኑትያዋንታ እጾዳ። ኔን ኡንቱንቱን ማደታካ” ያጊ።

3

አማኑተና እስራኤላቶ

1 መጵና ጎዳይ ሀዋዳን ያጊ፤ “አት አሳይ ባረ ማቻቶ የድና፡ እዛ ባደ ሀራ አሰና ገሎፕ፡ ሄ ብታኒ ላኤንሉ እዘ ዛሬ? ዛርፕ ሄ ቢታይ አጴዳ ቱና ቱኔ! ሽን ኔን ሻርሙጸዳን፡ ጮራ ላገላቲዋና ደአዳ፤ ያናደካ ሀእ ኔን ታኮ ሰማኒ!

2 አነ ጴቁ ጋደ፡ አያይነ ባይና ደረቱዋ ጸላ። ኔን ሻርሙጸዳን ግሳቤናሳይ ሄዋን ደኢ? አራብያ አሳይ ባዙዋን ኡቲደ ናግያዋዳን፡ ኔን ላገላቲዋ ናጋደ ኦግያ ጋጸን ኡታዳ። ያታደ ነ ሻርሙጸን ነ ኢታተላን ቢታ ቱንሳዳ።

3 ሄዋ ድራዉ፡ ባጴሳይ ተኤቲዳ፤ ባልጉዋ እራይካ ቡከናን አጌዳ። ሄዋ ሀኖፕካ፡ ነዉ ሻርሙጸያ ማላይ ደኤ፤ ኔን ዩላተናን እጸዳ።

4 “ሀእ ኔን ታና፡ ‘ታ አዎ፡ ታ ናከተላደፕ ደሞና፡ ኔን ታና ሲቃሳ።

5 ኔን ኡባ ገደ ታ ቦላ ይሎታይ? ነ ሀንቁ መጵናዉካ አገኔ?’ ያጋሳ። ኤ፡ ኔን ሀዋ ያጋሳ፤ ሽን ኔን አላናዉ ዳንዳይያ ኢታ ኡባ አላሳ” ያጊ።

6 ካቲ እዮሰያሰ ካተቲዳ ላይሉ፡ መጵና ጎዳይ ታና ሀዋዳን ያጊዳ፤ “ሀና አማኑ ባይና እስራኤላታ ኦጴዳዋ ኔን በአድ? እ ደርያ ኡባ ቦላን ዳሻ ሞላቱ ኡባ ጋርሳ ባደ፡ ያን ሻርሙጸዳ።

7 እዛ ሀዋ ኡባ አላደካ፡ ታኮ ሰማናኑ ጋደ ቆፓድ፡ ሽን ሰማበይኩ። ቃይ እ ሞቻታ፡ አማኑተና ይሁዳካ ሄዋ በአዳ።

8 አማኑ ባይና እስራኤላ ዳር ገደ ሻርሙጸዳ ድራዉ፡ ፓራማ እማደ እዘ የዳድ። ሄዋ ግድናካ እስራኤላ ሞቻታ፡ አማኑተና ይሁዳ ያየናዋ ታን በአድ፤ አካ ከሳደ ሻርሙጸዳ።

9 ሻርሙጸያዌ እዉ ጺ ላፋባ ግድያ ድራዉ፡ ሞላና ኩቻና ሻርሙጸደ ቢታ ቱንሳዳ።

10 ሄዋን ኡባንካ እ ሞቻታ፡ አማኑተና ይሁዳ፡ ጮ ሰሜዳዋ ማላታዉፕ አትና፡ ኩመንላ ዋዛናፕ ታኮ ሰማበይኩ። ታን መጵና ጎዳይ ሀዋ ኦዳድ” ያጊዳ።

11 መጵና ጎዳይ ታዉ ሀዋዳን ያጊዳ፤ “አማኑተና ይሁዳትፕ አማኑ ባይና እስራኤላታ ጽላ።

12 ባ፤ ሁጺሳ ባጋዉ ሀዋዳን ያጋደ አዋያ፤ መጵና ጎዳይ ሀዋዳን ያጊ፤ ‘ሀነ፡ አማኑ ባይና እስራኤላቲ፡ ሰማ! ታን ማርታይ ኩሜዳዋ ግድያ ድራዉ፡ ታን ኔና ኢታ አይፍያን ጸልከ። መጵናዉ ሀንቀትከ።

13 ግደፕ፡ ኔን፡ ታን መጵና ጎዳ ታ ጸሳ ቦላ ማካላድ። አላጋ ጸሳቲዋና ዳሻ ሞላ ኡባ ጋርሳን ሻርሙጸድ። ነ ቃላዉ አዛዘታበይኮ’ ጋደ ነ ባይዙዋ አማናናዉ ኮሼ። ታን መጵና ጎዳይ ሀዋ ኦዳድ” ያጊ ያጋ ያጊዳ።

14 “ቃይካ መጵና ጎዳይ ሀዋዳን ያጊ፤ ህንተኖ፡ አማኑተና አሳቶ፡ ሰሞተ፤ አያዉ ጎፕ፡ ታን ህንተ አሰና። ህንተና አቲዋ እት ካታማፕ፡ ላኡዋ እት ያራፕ ድራደ አካና፤ ህንተና ጽዮነ አሀና።

15 ሄዋፕ ጉይያን፡ ታን ታ ዋዛናዳን፡ ህንተና ሄሞያ ሄንላንቻቲዋ ህንተዉ እማና። ኡንቱንቱ ህንተና ኤራተላን ከኬካን ሄማና” ያጊ።

16 ቃይካ መጵና ጎዳይ፡ “ሄ ጋላሳቲዋን ህንተ ሄ ቢታን ጮራትያ ዋደ፡ አሳቲ፡ ‘መጵና ጎዳ ጫቁዋ ታቦታ’ ገደ ሃሳይክና፡ እ ኡንቱንቶ ካርህነ ጌና፡ ዋይ ሀሳየተና፡ ዋይ ባይናዌካ ኡንቱንቶ ቆፊተና፤ ቃይ ሀራይ አሰተና።

17 ሄ ዋድያን ኡንቱንቱ የሩሳላመ መጵና ጎዳ ካተቲዋ አራታ ገደ ጸሳና። ካዉተላ ኡባፕ አሳይ መጵና ጎዳ ሱንላ ቦንቻናዉ የሩሳላመ ሺቃና። ሄዋፕ ሰንላን ኡንቱንቱ እጾዳ ገደ፡ ባረንቱ ኢታ ቆፋ ካልክኖ።

3:6 2 ካታ. 22:1—23:30፤ 2 ኦዳዋ 34:1—35:27

18 ሄ ጋላሳቱዋን ይሁዳ አሳቱ እስራኤልያ አሳቱዋና እትጥ ጋከቲደ፡ ሁጺሳ ሳጋ ቢታጥ ታን ካሰ ህንተ አዋቱዋ ላትሴዳ ቢታ እትጥ ያና” ያጌ።

ጸሓጊ አሳይ ኤቃ ሞሰለቶ ጎይኔዳ

19 መድና ጎዳይ፤ “ታን ህንተና አቱማ ናናቱዋዳን ዋታ ዋሳነንቶነ፡ ፓጻ ቢታ፡ ካውተላ ኡባጥ አዲደ፡ ሎእያ ቢታ ዋታ ላትሳነንቶነ ቆፓድ። ቃይ ታና፡ ጥ አቦ ጊደ ጸሓናነ ታና ካልያሳጥ ጉዮ ሰምክኖ ጋደ ቆፓድ።

20 ሸን እስራኤልያ አሳቶ፡ ህንተ ባረ አሰናው አማነተና ማቻቲዳን ታው አማነትባይክታ” ያጌ።

21 አየንቶ ባይና ጶቃ ደረቱዋ ቦላን ኮሻይ ሰሰቱ፤ ሄዋነ፡ እስራኤልያ አሳ ዩኩዋነ ዋትዋቱዋ። አያው ጎጥ፡ ኡንቱንቱ ባረንቱ ኦግያ ጌላዬድኖን መድና ጎዳ ባረንቱ ጸሓ ደጌድኖ።

22 ጸሓይ ኡንቱንታ፡ “ህንተኖ፡ አማኑ ባይና አሳቶ፡ ታኮ ሰምተ። ህንተ አማነታና ማላ፡ ታን ህንተና ፓላና” ያጌዳ።

ኡንቱንቱ፡ “ኤኖ፡ ኩን ኔኮ ሰማና። አያው ጎጥ፡ ኔን መድና ጎዳ ኑ ጸሓ።

23 ኩን ዘዘቱዋ ሁጺያንነ ደረቱዋ ሁጺያን ኤቃው ጎይንያዌ ቱሙዋጥ ጭሙዋ። ቱሙጥ ኑው፡ እስራኤላቶ አቶተላይ መድና ጎዳና፡ ኑ ጸሓና።

24 ኑ ያላጋተላደጥ ደምና፡ ኑ አዋቱ ዳቡሪደ ደሚዳዋ፡ ኡንቱንቱ ደርሳነ ሚዛ፡ ኡንቱንቱ ማጫነ አቱማ ናናቱዋ፡ ዩላይያ ኤቃቱ ሞ ጳይሴድኖ።

25 ኑ ያላጋተላደጥ ደሚደ፡ ሀቕ ጋካናው፡ ኩንካ ኑ አዋቱካ መድና ጎዳ ኑ ጸሓ ቦላ ናጋራ ኦፊደ። መድና ጎዳ ኑ ጸሓ ቃላው አዛዘትባይኮ። ሄዋ ድራው፡ እነ ኩን ዩላው ዱገ ጉፋኔቶ፤ ቃይ ካውሻይ ኑና አፍላዳን ካሞ” ያጌኖ።

4

ሰምተ ግያ ጸሓ

1 መድና ጎዳይ ሀዋዳን ያጌ፤ “እስራኤልያ አሳው፡ ሰሞጥ፡ ሃ ታኮ ሰምተ። ህንተ ታን ሸነትያ ህንተ ኤቃቱዋ ታ ሰነሳጥ ድጎጥ፡ ታጥ ዋራ ባና ጳዮጥነ

2 ህንተ ቱሙዋን፡ ሱረተላንነ ጽሎተላን፡ ‘መድና ጎዳይ ኤር!’ ጊደ ጫቆጥ፡ ሄ ዋደ ካውተላቱ አን አንጀታናነ አን ጩቃና” ያጌ።

3 መድና ጎዳይ ይሁዳ አሳውነ የሩሳላመን ደእያዋንቶ ሀዋዳን ያጌ፤ “ህንተ ኦላ ቢታ ጎሸተ፤ አኩንላ ቦላ ዘርጥተ።

4 ህንተኖ፡ ይሁዳ አሳቶ፡ የሩሳላመን ደእያዋንቶ፡ ህንተ ህንተ ሁጺያ መድና ጎዳው ቃጸርተ፤ ህንተ ዋዛና ሸኩዋ ድግተ። ሄዌ ጳዮጥ፡ ህንተ ኦፊደ አታተላ ድራው፡ ታ ህንቁ ታማዳን ኤጽ ከሳና። አ ኩን ቶይሳናው ዳንዳየና” ያጌ።

ጸሓይ ሁጺሳ ሳጋ ቢታጥ ኢታባ አዬ

5 ጸሓይ ሀዋዳን ያጌ፤ “ይሁዳን ኦድተ። የሩሳላመን፡ ‘ቢታ ኡባን ማላካታ ፑንተ!’ ያጌደ አዋይተ። ህንተ ቃላ ጶቂሲደ፡ ሀዋዳን

ጊደ ዋሰተ! ጳትጥ ሸቅተ! እነ ግምቢ ዩይ አዲዳ ካታማ ደንድተ!’ ያግተ።

6 አሳይ ጽዮነ ባና ማላ ማላትተ! ህንተው ሳር አታናው ባቃትተ! ጋምኦጥተ! አያው ጎጥ፡ ታን ሁጺሳ ሳጋ ቢታጥ ኢታባነ ዋልቃማ ባሻ አሀና ሀናይ።

7 ጋሙ ባረ ደእያ ቡራጥ ከሰያዋዳን፡ ካውተላቱዋ ጳይሰያዌ ባረ ሳኦጥ ደንዳ። ህንተ ቢታ ጳይሰናው ዩዳ። ህንተ ካታማቱ ባዪደ ኦና ግዳናዋ።

8 ሄዋ ድራው፡ ማቃ ማዪደ፡ ‘አዬ! አየ!’ ያጌደ ዝላልተነ ዩክተ። አያው ጎጥ፡ መድና ጎዳ ህንቁ ሱልያዌ ኑ ቦላጥ ክቕቤና” ያጌ።

9 ቃይካ መድና ጎዳይ፡ “ሄ ጋላሰ፡ ካትያ ዋዛናይነ ካፖቱዋ ዋዛናይ ያያና። ቁሳቱ ካ ዳጋማና። ትምቢትያ ኦድያዋንቱካ፡ ‘ፖራ!’ ጊደ ደና ኦይቃና” ያጌ።

10 ታን፡ “ሀእ ኡባ ሞድያ መድና ጎዳው፡ ማሻይ ኡንቱንቱ ቆድያን ዋድያ ዋደ፡ ‘ህንተው ሳኦጥ ሳር ግዳና’ ያጋደ፡ ሀ አሳነ የሩሳላመ ሎይሳ ጭሙዋ ጭማዳ” ያጋደ።

11 ሄ ዋድያን ሀ አሳሰነ የሩሳላመው፡ መድና ጎዳይ ሀዋዳን ያጌ ጌተታና፤ “ባዙዋን አያይነ ባይና ጶቃ ደረቱዋጥ ሞቕያ ጫርኩ ታ አሳ ቦላ ጫርካና፤ ሸን ሄዌ ካላ ሰጸናውነ ጌሻናሳ ግደና።

12 ሄዋጥ ሎይሳ ዋልቃምያ ጫርኩ ታ አዛዙዋን ጫርካና፤ ሀእ ታን ኡንቱንቱ ቦላ ፕርዳና” ጌ ጌተታና።

ይሁዳ ቢታይ ሞርክያን ደደቲዳ

13 በእተ፡ ሞርኪ ሻርያዳን ከሴ። አ ፓራ ጋረቱካ ጎትያ ማላ፤ አ ፓራቱ አርጋንላጥካ አድ ኤሌሊኖ። አየ አና ኑኖ! ባዋ ጳዬደ!

14 ኔኖ የሩሳላመ፡ አታና ማላ፡ ነ ዋዛና ማጫደ ኢታተላጥ ጌሻ ድጋ! ኢታ ቆፋይ ነ ዋዛናን አውደ ጋካናው ጋምኦኔ?

15 ዳና ካታማጥነ ኤፍሬማ ደርያጥ ዩዳዋንቱ ኢታባ አዋዪኖ።

16 መድና ጎዳይ ሀዋዳን ያጌ፤ “ካውተላቶ ኦድተ፤ የሩሳላምውካ ሀዋዳን ያጌደ አዋይተ፤ ይሁዳ ካታማቱዋ ቦላን፡ ሃኮ ቢታጥ ኦላ አዋይያ ኦላንቻቱ ይ ደኢኖ፤

17 እ ታ ቦላ ማካሌዳ ድራው፡ ጋደን ደእያ ካላ ናግያዋንቱዳን፡ ሄ ኦላንቻቱ ይሁዳ የሹዋን ዩይ አዲኖ ያግተ” ያጌ።

18 ይሁዳ አሳቶ፡ ህንተ ሀኔነ ህንተ ኦሱ ሀዋ ኡባ ህንተ ቦላ አሄዳ። ሀዌ ህንተው ሙር። እ አይ ኬሻ ጫምያቤ! ህንተ ዋዛና አይ ኬሻ ጫድያቤ!

ኤርምያ ባረ አሳ ግሻው ዝላሌዳ

19 አየ ታኖ! ታን ሀዋ ዋታ ዳንዳያኔ! አየ ታ ዋዛናው! ታ ዋዛናይ ድድቄ፤ ታን ጫኡ ጋናው ዳንዳይከ። አያው ጎጥ፡ ታን ማላካታ ፑኩዋን ኦላ ዋሱዋ ሰሳድ።

20 ኢታባይ ኢታባ ካሌ፤ ሙላ ቢታይ ባዬዳ። ታ ዳንካነቱነ ጋርዳቱ ኤላካ ጳዬድኖ።

21 አውደ ጋካናው ኦላ ማላታ ጸላኔነ ማላካታ ፑኩሳ ሰሳኔ?

22 ጸሐይ ሀዋዳን ያጌ፤ “ታ አሳይ ቦዛ፤ ኢንቱንቱ ታና ኤርክኖ። ኢንቱንቱ ቆፍ ባይና ናናቱዋ፤ ኢንቱንቱ አኩክ ባዋ። ኢንቱንቱ ኢታባ ኦላናው ኤራንቻ፤ ሽን ሎኦባ ኦላናው ኤርክኖ” ያጌ።

ኤርማሳ በኤዳ ሳፃ

23 ታን ሳኦ ጸሐይ፤ ሳኦ ገባቤናዋን አያይነ ባይና መላ ግድያዋ በአድ። ቃይ ሳሎቱዋ ጸሐይ፤ ኢንቱንቱን ፖኤ ባይናዋ በአድ።

24 ደረቱዋ ጸሐይ፤ ኢንቱንቱ ቃጽያዋን ዘዘቱ ኡባይ ጉዩን ሰንፋው ጋጅ ጋጅያዋ በአድ።

25 ታን ጸሐይ፤ ሽን አይ አሳን በአባይክ፤ ሳሎዋ ካፎቱካ ኡባይ ፓሊደ ባቃቱድኖ።

26 ጸሐይ፤ አራዳ ቢታይ መላ ግዴዳዋ በአድ፤ መድና ጎዳ ሰንፋን፤ እ ሱሎ ሀንቁዋ ሰንፋን ሄ ቢታ ካታማቱካ ያደቱድኖ።

27 መድና ጎዳይ ሀዋዳን ያጌ፤ “ሙላ ቢታይ ባያና፤ ሽን ታን አ ወርሳ ጳይሰከ።

28 ሄዋ ድራው፤ ሳኦይ ዩካና፤ ሳሎቱካ ቦላን ጳማና። አያው ጎጥ፤ ታን ጋ ድጋድ፤ ማርሰትከ። ታን ቆፋ ቃቻ ክቻድ፤ አግከ” ያጌ።

29 ፓራ አሳቱን ዋንዳፍያ አሳቱ ጋርማሙዋን፤ አሳይ ካታማ ኡባጥ ባቃታና። ባጋቱ ዋጺደ ዋራ ጋርሳ ገልና፤ ባጋቱ ቃይ ዛላ ሸቢኖ። ካታማይ ኡባይ ኦኒደ፤ ደአያ አሳ ጳይዳ።

30 ኔና፤ ባያ ክቻዳ፤ ኔን አይ አሳይ? ነ ዘአ ማዩዋ አያው ማያይ? ዋርቃ አሌቁዋ አያው ዋሳይ? ነ አይፍያ ሰጺንፋ አያው አካይ? ኔን ጮ መላ ኔና ሎይላዳ። ነ ላገላቱ ኔና ካጼድኖ፤ ኢንቱንቱ ኔና ዋጳናው ኮዪኖ።

31 ታን የሉዋ አይቀቱዳ ሞሽራታ ዋሰያዋ ማላ ዋሱዋ ሰሳድ። እ ዋሱ ኮይሮ ናእ የልያ ማጫ ሞሽራት ኦልያ ማላ። ሄ ዋሱ፤ የሩሳላማ ሸምቱዋ ተኤታደ፤ ባረ ኩሽያ ሞጫደ፤ “አየ ታና! ሄኮ ታና ዋጳናው ሀኒኖ!” ያጋደ ዋሰያ ዋሱዋ።

5

የሩሳላመ አሳ ናጋራ

1 ጸሐይ ሀዋዳን ያጌ፤ “አነ የሩሳላመ ኦግያ ፑደነ ዱገ ሀመትተ፤ አነ ዩይ አጺደ ጸልተነ አኩክተ፤ አ ጉታራንካ ኮይተ። ጽሉዋ ፕርድያን ቱሙዋ ኮይያ እት አሳ ሀንተ ደሞጥ፤ ታን የሩሳላመ ማራና።

2 ሽን ኢንቱንቱ፤ “መድና ጎዳይ ኤር’ ጎጥካ፤ ኢንቱንቱ ቱሙዋጥ ዋርዱዋን ጫቁኖ” ያጌ።

3 አቤት መድና ጎዳው፤ ነ አይፈቱ ቱሙዋ ጸልክኖ? ኔን ኢንቱንታ ደቻዳ፤ ሽን ኢንቱንታ ሳክቤና። ኔን ኢንቱንታ ክንቼራላዳ፤ ሽን ኢንቱንቱ ሴራ አከናን እጾድኖ። ኢንቱንቱ ባረንቱ ሰምኡዋ ዛላጥ አሐ ሞንሲደ፤ ባረንቱ ናጋራጥ ሰመናን እጾድኖ።

4 ሄዋጥ ጉይያን፤ ታን ሀዋዳን ያጋደ ቆጋድ፤ “ሀዋንቱ ሀዬሳ ጸላላ፤ ሀዋንቱ ቦዛ። አያው ጎጥ፤ ኢንቱንቱ መድና ጎዳ ኦግያ፤ ባረንቱ ጸሳ ሀግያ ኤርክኖ።

5 ሰም ታን ዋልቃማ አሳቱዋኮ ባናን ኢንቱንቱ ኦዳና። አያው ጎጥ፤ ኢንቱንቱ መድና ጎዳ ኦግያ፤ ባረንቱ ጸሳ ሀግያ ኤሪኖ” ያጋደ ቆጋድ።

ሽን ኢንቱንቱ ኡባይካ እትጥ አ ሞርገ ሞላ መንጫድኖን ቃሹዋካ ዱጫድኖ።

6 ሄዋ ድራው፤ ጋሙ ባረ ዋራጥ ከሲደ፤ ኢንቱንታ ዋጳና። ጄሪ ባዙዋጥ ከሲደ፤ ኢንቱንቱ ሞ ጳይሳና። ማሂ ኢንቱንቱ ካታማቱዋ ዙጊደ ናጋና። ሄ ካታማቱዋጥ ከሲያ ኡባይ ፑዘት ወራና። አያው ጎጥ፤ ኢንቱንቱ ማካላይ ዳልጌዳ፤ ኢንቱንቱ ቶሺካ ዳራዳ።

7 ጸሐይ ሀዋዳን ያጌ፤ “ታን ሀንተ ናጋራ አያው አቶ ጎ? ሀንተ ናናቱ ታና አጊደ፤ ዋርዶ ጸሳቱዋን ጫቁድኖ። ታን ኢንቱንታ ሞዛደ ካልሳድ፤ ሽን ኢንቱንቱ ሻርሙጾድኖን ሻርሙጻቱዋ ጎልያ ሲራድኖ።

8 ኢንቱንቱ ጺከቱዳ ኮራማ ፓራዳን ዚቲደ፤ ሀራ አሳ ማቻቶ ዋሹማናው አሞቲኖ።

9 ቱሙ ታን ሀ የዋቱዋ ድራው፤ ኢንቱንታ ሙራናው በሰክታ? ሀዋ ማላ ካወተላው ታ ሀሉዋ ከሰክታ?” ያጌ መድና ጎዳይ።

10 ቃይካ መድና ጎዳይ ሀዋዳን ያጌ፤ “እ ዋይንያ ቱራ ማራ ግዴዋና ቢደ ባይዘተ፤ ሽን ወርሰ ጳይሶጥተ። እ ታሸቱዋ ፕንጊ ኦልተ፤ አያው ጎጥ፤ ኢንቱንቱ መድና ጎዳሳ ግድክኖ።

11 እሰራኤልያ አሳቱን ይሁዳ አሳቱ ሙላካ አማነትብይክኖ” ያጌ።

12 ኢንቱንቱ ሀዋዳን ጊደ፤ መድና ጎዳ ቦላ ዋርዱዋን ሃሳዬድኖ፤ “እ አይነ ኦ□ና፤ ቆሀያባይ አያይነ ኑ ቦላ ዩና። ሞርክያ ማሻ ዋይ ኮሻ ኑን ሙላካ በአኮ።

13 ትምቢትያ ኦድያዋንቱ ጫርኩዋ ማላ፤ ኢንቱንቱን ጸሳ ቃላይ ባዋ። ሄዋ ድራው፤ ኢንቱንቱ ግያዌ ኡባይ ኢንቱንታ ጋኮ” ያጊኖ።

14 ሄዋ ድራው፤ መድና ጎዳይ፤ ኡባጥ ዋልቃማ ጸሳይ እሰራኤልያ አሳ ሀዋዳን ያጌ፤ “ኢንቱንቱ ሀ ቃላ ሃሳዬዳ ድራው፤ ታን ታ ቃላ ነ ደናን ታማ ከሳና። ሀ አሳካ ሞላ ከሳና፤ ሄ ታማይ ኢንቱንታ ሞ ጳይሳና” ያጌ።

15 መድና ጎዳይ ሀንተና ሀዋዳን ያጌ፤ “ሀንተና፤ እሰራኤልያ አሳቶ፤ ታን ሀንተ ቦላ ሃኮ ቢታጥ እት ካወተላ አሀና። እነ ዋልቃማን በን ካወተላ። ኢንቱንቱ ቃላ ሀንተ ኤረና፤ ኢንቱንቱ ሃሳያይካ ሀንተው ገለና ካወተላ።

16 ኢንቱንቱ ጨብያ ሸኩ ደያ ዱፎ ማላ። ኢንቱንቱ ኡባይካ ዋልቃማ አሳ።

17 ኢንቱንቱ ሀንተ ካሳን ቁማ ቦንቂደ ማና። ሀንተ አቱማ ናናቱዋካ ማጫ ናናቱዋካ ዋጳና። ሀንተ ዶርሳካ ማዛካ ቦንቂደ ማና። ሀንተ ዋይንያ ቱራ ቱራካ ባላሰያ ግያ ሞላ ቱራካ ቦንቂደ ማና። ሀንተ አማነትያ፤ ግምቡቱዳ ካታማቱዋካ ኢንቱንቱ ባረንቱ ማሻን ኦሊደ ባይዛና” ያጌ።

18 መድና ጎዳይ ኤርማሳ ሀዋዳን ያጌ፤ “ሽን ሄ ጋላሳቱዋን ግድገካ፤ ታን ታ አሳ ኡባና ወርሳ ጳይሰከ።

19 አሳይ ኔና፤ “መድና ጎዳይ ኑ ጸሳይ ኑ ቦላ ሀዋ ኡባ አያው ኦጼዳ?” ጊደ ኦቻያ ዋደ፤ ኔን ኢንቱንቱ፤ “ሀንተ ታና፤ ጸሳ አጊደ፤ ሀንተ ማታን እማላ ጸሳቶ ኦጼዳዋዳን፤ ሄዋዳን ሀንተካ አሳ ማታን እማላ አሳቶ ኦላና” ያጋ” ያጌዳ።

ጸሐይ ባረ አሳ፤ “ሀንተና ኤርተ” ጌ

20 ቃይካ ጸሳይ፡ “ሀዋ ያቆባ አሳቶ ኦዲ፤ ይሁዳ ቢታገኝ ሀዋዳን ያጋደ አዋያ፤

21 ህንተኖ፡ አይፊ ደእሺና ጸላናዎንቶ፡ ሀይላይ ደእሺና ሰሰናዎንቶ፡ ኤያነ ደንጭሎዎንታ አሳቶ፡ ሀዋ ሰሰተ!

22 ላ ህንተ ታዉ አያዉ ያይክቴ? ያጌ መድና ጎዳይ፡ ህንተ ታ ሰንላን አያዉ ኮርክክቴ? አያዉ ጎጥ፡ ታን ሻፈቱዋ አባዉ ዛዋ፡ መድናዉ አ ፕንግ ድርሳ አላድ፡፡ ቤታቱ ፑሻከቶጥካ ጸናናዉ ዳንዳይክኖ፡፡ ኤንቱንቱ ጉዋጥካ ፕናናዉ ዳንዳይክኖ፡፡

23 ሸን ሀ አሳቶ ሙሙነ ማካላ ዋዛናይ ደኤ፡፡ ኤንቱንቱ እት ባጋ ሰሚደ፡ ዋራ ቤድኖ፡፡

24 ኤንቱንቱ ባረንቱ ዋዛናን፡ “ኑዉ አድልያ እራነ አሱራ እራና ዋድያን ዋድያን እምያ፡ ኑና ኑ ካላ ዳቡርሰሰናን ሺሸሰያ መድና ጎዳዉ፡ ኑ ጸሳዉ፡ አነ ያዬቶ” ግበይክኖ፡፡

25 ህንተ ኢታ አሱ ሀዋንታ ተኤዳ፡፡ ህንተ ናጋራይ ህንተና ሎኣባጥ አሺዳ፡ ያጋ” ያጌ፡፡

26 ጸሳይ ሀዋዳን ያጌ፤ “ታ አሳ ግደን ኢታ አሳቱ ደእኖ፡፡ ካፎቱዋ ኦይቃናዉ ናግያ አሳቱዋዳን ዘገደ ናገኖ፡፡ ኤንቱንቱ ግትያ የገኖ፤ አሳቱዋ ኦይቁኖ፡፡

27 ኮላን ካፋ ኩሜዳዋዳን፡ ኤንቱንቱ ጎልያን ጭሙ ኩሜዳ፡፡ ሄዋ ድራዉ፡ ኤንቱንቱ ዋልቃማነ ዲረ ግዴድኖ፡፡

28 ኤንቱንቱ ኦርደነ ሞጶ ግዲደ ድጩድኖ፡፡ ኤንቱንቱ ኢታ አሱ ዛዋይ ባዋ፡፡ ኤንቱንቱ አዉ ባይና ናናቱዋ ሻትንላናዉ ኤንቱንቱ ድራዉ ሞተትክኖ፤ ሀዬሳቱዋ ማታካ ናግበይክኖ፡፡

29 ያትና፡ ታን መድና ጎዳይ ኤንቱንታ ሄዋ ድራዉ፡ ሙራናዉ በሰክታ? ሀዋ ማላ ካዉተላ ቦላ ታ ሀሉዋ ከሳናዉ በሰክታ?” ያጌ፡፡

30 ቃይካ ጸሳይ ሀዋዳን ያጌ፤ “ዳር ኢታባይነ ዳጋንሰያባይ ቢታ ቦላን ሀኔዳ፡፡

31 ትምቢትያ ኦድያዎንቱ ዋርዲዋ ኦዲኖ፤ ቁሳቱ ካ ኤንቱንቱ ዘርያን አይሰኖ፡፡ ታ አሳይካ ሄዋ ማላባ ዶሴ! ሸን ዉርሰላን ዋኒቱ?” ያጌ፡፡

6

የሩሳላመ ሞርክያን ደደቱዳ

1 ቃይካ ጸሳይ፡ “ህንተኖ፡ ቢንያማ አሳቶ፡ ህንተ ሸምጥዋ አሻናዉ ባቃትተ! የሩሳላመጥ ከሰተ! ታቆአ ካታማን ማላካታ ፑንተ! ቤት-ሀካሬማ ግያ ሳን ማላታ በሰተ! አያዉ ጎጥ፡ ሁጲሳ ባጋጥ ኢታባይነ ባላ ባሻይ ያና ሀኔ፡፡

2 ታን ሎአያነ ናሸኝያ ጽዮነ ካታማቱዋ ጳይሳና፡፡

3 ሞርክቱ ሄንላንቻቱዋዳን ባረንቱ ዉድያ አኪደ፡ አ ቦላ ያና፡፡ አ ዩሹዋን ባረንቱ ዲንካንያ ኤሳና፤ ባረንቱ ዉድያነ ባረንቱ ሳክን ሳክን ሄማና፡፡

4 ኤንቱንቱ እቱ እቱዋ፡ የሩሳላመና ኦላታናዉ ገግተ! ደንድተ! አነ ኑን አ ሴታ ጋላሰ ኦሌቶ፡፡ ሸን እየ አና! ሳአይ ቃሜ፤ ኦማርሳ ኩዋይ አዲቁ አዲቁ ቤ፡፡

5 ሄዋ ድራዉ፡ ደንድተ! አነ ቃማ ኦሌቶ፤ አ ጌሱዋ ላሌቶ፡ ያገደ ማቀቲኖ” ያጌ፡፡

6 ኡባጥ ዋልቃማ መድና ጎዳይ ሀዋዳን ያጌ፤ “ምላቱዋ ቃንጽተ፡፡ የሩሳላመ ግምቢያ ማታን ቢታ ደሪደ ድድቅተ፡፡ ሄ ካታማን ናቁ ኩሜዳ ድራዉ፡ እ ሙረታናዉ በሴ፡፡

7 ኦላይ ባረ ሃላ ፑልትያዋዳን፡ እካ ባረ ኢታተላ ፑልቱ፡፡ ማካላባይነ ባሻባይ አ ግደን ሰሰቱ፡፡ ኡባ ገደ አ ሳአይነ ማዲላይ ታ ሰንላን ቤቱ፡፡

8 ኔኖ የሩሳላመ፡ ታን ኔና ሴርያዋ አካ፡፡ አከናን እጸጥ፡ ታን ኔጥ ሻከታናነ ነ ቢታ እት አሳይነ ደኤና ባድነ ቢታ ከሳና” ያጌ፡፡

እስራኤልያ አሳ ማካላ

9 ኡባጥ ዋልቃማ መድና ጎዳይ ሀዋዳን ያጌ፤ “ዋይንያ ቱራ ማጽያዋዳን፡ እስራኤልያ አሳ አቱዳዋንታ ሎይሊደ ማጽተ፡፡ ዋይንያ ቱራ ቆርያ አሳዳን፡ ህንተ ኩሸያ ዳሻቱዋ ግደ ላኤንሉዋካ የድተ” ያጌ፡፡

10 ታን ኦሰ ኦደሻ? ኦና ሴርሻ? ኦን ሰሳንዴሻ? በእተ፡ ኤንቱንቱ ሰሰና ማላ፡ ኤንቱንቱ ሀይላይ ባረት ኡቱዳ፡፡ በእተ፡ መድና ጎዳ ቃላይ ኤንቱንቶ ቅሊጭያዋ ግዴዳ፤ ኤንቱንቱ አነ ናሸትክኖ፡፡

11 ሄዋ ድራዉ፡ መድና ጎዳ ሀንቁ ታናን ኩም ኡቱዳ፡፡ ታን ሀ ሀንቁዋ ተአናዉ ዳንዳይከ፡፡

ያትና፡ ጸሳይ ታና ሀዋዳን ያጌ፤ “ታ ሀንቁዋ ኦግያን ደእያ ናናቱዋ ቦላነ ሸቄዳ ያላጋ አሳ ቦላ ትጋ፡፡ ማቻቶካ አሰናካ፡ ጭም ዉሬዳ አሳካ እ አክ ባና፡፡

12 ታን ሄ ቢታን ደእያዎንቱ ቦላ ታ ኩሸያ የድያ ዋደ፡ ኤንቱንቱ ጎለቱ፡፡ ኤንቱንቱ ጎሻናካ ኤንቱንቱ ማቼቱዋናካ ኡባይ ሀራቶ እመታና” ያጌ መድና ጎዳይ፡፡

13 ቃይካ ጸሳይ ሀዋዳን ያጌ፤ “ጉላይካ ዳሩካ ኡባይ ዋድያ ማናዉ ይርገቱ፡፡ ትምቢትያ ኦድያዎንቱካ ቁሳቱ ካ ኡባይ አሳ ጭሚኖ፡፡

14 ታ አሳ ማዲላ ሳከናባ ገደ፡ ጉላ ጳልያ ዋሊኖ፡፡ ሳሩ ባይናን፡ ‘ሳር፤ ሳር!’ ያገኖ፡፡

15 ሀ ሸነይያ ኦሱዋ አሊደ፡ ኤንቱንቱ ዬላቲድኖ? ቱይት፡ ኤንቱንቱ ሙላካ ዬላትቦይክኖ፡፡ ኤንቱንቱ ዬላይ አየንቶካ ኤርክኖ፡፡ ሄዋ ድራዉ፡ ኤንቱንቱካ ኩንዴዳዎንቱ ግደን ኩንዳና፡፡ ታን ኤንቱንታ ሙርያ ዋደ፡ ኤንቱንታ ካዉሻና” ያጌ መድና ጎዳይ፡፡

16 መድና ጎዳይ ሀዋዳን ያጌ፤ “ኦግያን ኤቂደ ጸልተ፤ በን ሎሶቱ ደእያሳ ኦቾተ፡፡ ‘ሎኦ ኦጊ ሀቃን ደኢ?’ ያገደ ኦቾተነ አን ሀመትተ፡፡ ያቲደ ህንተዉ ሸምጥ አክተ፡፡ ያግና ህንተ፡ ኡን ሄ ኦግያን ሀመቶኮ!” ያጌድታ፡፡

17 ታን ናግያዎንታ ህንተ ቦላ ሱንላደ፡ ‘ማላካታይ ፑነትያ ዋደ ሰሰተ!’ ያጋደ ኦዲድ፡፡ ሸን ህንተ፡ ኡን ሰሶኮ” ያጌድታ፡፡

18 “ሄዋ ድራዉ፡ ካዉተላቶ፡ ሰሰተ! ማባራቶ፡ ታን ታ አሳ አላያዋ ኤርተ!

19 ሳክን ደእያ አሳቶ፡ ሀዋ ሰሰተ! ታን ኤንቱንቱ ኢታ ቆፋ ድራዉ፡ ኢታባ ሀ አሳ ቦላ

አሃድ። አያው ጎጥ፣ አንቱንቱ ታ ቃላ ሰሰናን እጹድኖ፤ ታ ህግያካ ኦል ባሼድኖ።

20 ሳባ ግያ ቢታጥ ዬዳ እጻናይ ዋይ ሃኮ ቢታጥ ዬዳ ሳዊያ ቅማማ ታወ አይሴ? ህንተ ጹግያ ያርሹካ አከተና። ህንተ ያርሹ ታና ናሽቼና” ያጌ።

21 ሄዋ ድራው፣ መድና ጎዳይ ሀዋዳን ያጌ፤ “በእት፣ ታን ሀ አሳ ሰንፋን ጹብቱዋ ዋላና። አዋቱን ናናቱ እትጥ አንቱንቱን ጹብታና። ሾርቱን ሳገቱ ጳያና” ያጌ።

ሁጲሳ ባጋጥ ደድያ አላንቻቱዋ

22 ቃይካ መድና ጎዳይ ሀዋዳን ያጌ፤ “በእት፣ ሁጲሳ ባጋ ቢታጥ አላንቻቱ ዩኖ፤ እት ዋልቃማ ካውተላይ ሳኦ ጋጸጥ ደንዳ።

23 አንቱንቱ ዋንዳፍያን ቶራ ኦይቄድኖ። አንቱንቱ ቃረት ባይናዋንታን የድ ማረናዋንታ። አንቱንቱ ባረንቱ ፓራን ፕሪጽያ ዋደ፣ አባይ ጉምያዋዳን ጉሚኖ። ህንተኖ፣ ጽኖን ካታማ አሳቶ፣ አንቱንቱ ህንተና ኦላናው እት አሳዳን ሳልፔድኖ” ያጌ።

24 ኑን ሄ ኦዲዋ ሰሰና፣ ኑ ኩሺ ሀልሰ ጌዳ። ሞሽራቶ ኦይላይ ኦይቄያዋዳን፣ ኑና መቱ አንኤዳ።

25 ሾይቃ ከሶፕተ፤ አግያናካ ሀመቶፕተ። አያው ጎጥ፣ ሞርኪ ማሻ ኦይቄዳ፤ ያና ሃናካ ዳጋንክያባይ ደኤ።

26 ሀእ ታ አሳው፣ ማቃ ማዪደ፣ ብድንፋን ጎንደረትተ፤ ባረ መጽ እት ናኦው ዬክያዋዳን ሴላ ዬኩዋ ዬክተ። አያው ጎጥ፣ ጳይሰያዌ አኬከናን ደአሽና፣ ኑ ቦላ ያና።

27 ጸሳይ ኤርማሳ ሀዋዳን ያጌ፤ “ኤርማሳ፣ ኔን አንቱንቱ ኦግያ ጸሞሳና ማላን ፓጫና ማላ፣ ታን ኔና ብራታ ፓጭያ አሳ ከሳድ፤ ታ አሳካ ፓጫትያ ብራታ ከሳድ።

28 አንቱንቱ ኡባይ ዝግር ዩይያ፣ ኦድና አከና ማካላንቻ። አንቱንቱ ናሃሰያን ብራታ፤ አንቱንቱ ኡባይካ ባይዙዋ ኦላኖ።

29 ብራታ ቦላን ደእያ ሽኦ ጸጊደ ጌሻና ማላ፣ ዋሞፕናይ ዋልቃጥ ዋሞፕናቱ። ሽን ጌሻናው ዋየቱዳ ዋዪ ኡባይካ መላ፤ ታ አሳ ግዶን ደእያ ኢታቱ ክቸባይክኖ።

30 መድና ጎዳይ አንቱንታ ኦል አጌዳ ድራው፣ አንቱንቱ ኦላቱዳ ብራ ጌተቲኖ” ያጌ።

7

ኤርማሰ ጌሻ ጎልያን አዋዬዳ

1 መድና ጎዳጥ ኤርማሳኮ ዬዳ ቃላይ ሀዋ፤

2 “መድና ጎዳ ጌሻ ጎልያ ፕንገን ኤቃ። ሀ ቃላ ሀዋዳን ያጋደ አዋያ፤ ህንተኖ፣ መድና ጎዳው ጎይናናው ሀ ፕንገቱዋና ገልያ ይሁዳ አሳቶ፣ ኡባይካ መድና ጎዳ ቃላ ሰሰተ!

3 ኡባጥ ዋልቃማ መድና ጎዳይ፣ እሰራኤልያ ጸሳይ ሀዋዳን ያጌ፤ “ህንተ ኦግያን ህንተ ኦሱዋ ላሞተ፤ ታን ህንተና ሀ ሳኦን ዋላና።

4 ጭሞ ቃላን፣ ሀዋ መድና ጎዳ ጌሻ ጎልያ! ሀዋ መድና ጎዳ ጌሻ ጎልያ ያጊደ አማካቶፕተ።

5 ህንተ ህንተ ኦግያን ኦሱዋ ቱሙዋጥ ላሞፕ፣ እቱ እቶ ቱሙዋ ፕርዶፕ።

6 በተቱዋን አው ባይና ናናቱዋ፣ አሰናይ ሀይቄዳ አሞኤ ማጫ አሳ ናቀናን አጎፕ፣ ሀ ሳኦን ጽሎ አሳቱዋ ሱላ ጉሰናን አጎፕ፣ ህንተ ቆሃተናዳን፣ ሀራ ጸሳቶ ጎይናን አጎፕ።

7 ታን ህንተ ማይዛ አዋቶ መድናው አሜዳ ቢታን ህንተና ዋላና።

8 በእት! ህንተ አይነ ፓና ጭሙዋ ቃላን አማካቶፕ” ያጌ’ ያጋ” ያጌ።

9 ጸሳይ ሀዋዳን ያጌ፤ “ህንተ ወኢታ፣ ዋዲታ፣ ሻርሙዲታ፣ ጫቄደ ዋርዲዋ ማርካቲታ፣ ባኦላ ግያ ኤቃው ያርሹዋ ያርሺታ፣ ሀዋጥ ካሰ ህንተ ኤረና ሀራ ጸሳቶ ጎይኒታ።

10 ያቲደ ታ ሱንፋን ጸገቱዳ ጌሻ ጎልያ ዩደ፣ ታ ሰንፋን ኤቄደ፣ ሓን ሳር አቱደ!፣ ያጌታ። ሽን ሀ ሽነይያ ኦሱዋ ኡባ ኦላናው ሳር አቱደቱ?

11 ታ ሱንፋን ጸገቱዳ ሀ ጌሻ ጎሊ ህንተው ፓንጋቱ ቆሰትያ ጎንጎሎ ጌድቱየ? ህንተ ኦላያዋ ኡባ ታን ታ ሁጲያን በኦድ” ያጌ መድና ጎዳይ።

12 ጸሳይ ሀዋዳን ያጌ፤ “ታን ታ ሱንፋው ደኢያሳ ኦላደ ኮይር ዶሬዳ፣ ሴሎን ታ ሳኦ አነ በተ። ታ አሳ እሰራኤልያ ኢታተላ ድራው፣ ታን ሄ ሳኦ ዋቲደንቶ በእት።

13 ህንተ ሀ ኡባባ ኦላድታ። ታን ህንተው ዛራ ዛራደ ኦዳድ፤ ሽን ሰሰናን እጹድታ። ታን ህንተና ጸሳድ፤ ሽን ታው ኮይባይክታ ያጌ መድና ጎዳይ።

14 ሄዋ ድራው፣ ታን ሴሎ ቦላ ኦላዳዋ፣ ሀዋን ህንተ አማካቶ፣ ታ ሱንፋን ጸገቱዳ ሀ ጌሻ ጎልያ ቦላካ ኦላና። ህንተውን ካሰ ህንተ አዋቶ እሜዳ ሳኦን ሀዋን፣ ታን ሴሎ ቦላ ኦላዳዋ ማላ ዛረላደ ኦላና።

15 ህንተ ዳቦቱዋ፣ ኤፍሬማ ዘረላቱዋ ታን ድጌዳዋዳን፣ ታ ሰንፋፕ ህንተናካ ድጋና” ያጌ።

አሳይ አዛዘተናን እጹዳ

16 ጸሳይ ሀዋዳን ያጌ፤ “ኤርማሳ፣ ሄዋ ድራው፣ ሀ አሳቶ ዋሶፕ፤ አንቱንቱ ግሻታ ኦቶፕ ዋይ ዋሶፕ፤ ኔን አንቱንቶ ጋናቶፕ። አያው ጎጥ፣ ታን ነው ሰሰከ።

17 አንቱንቱ ይሁዳ ካታማቱዋን የሩሳላመ ክገቱዋን ኦላያዌ እየንቶ በእኪየ?

18 ናናይ ሞላ ሞጲኖ፤ አዋቱ ታማ ኤሊኖ፤ ማጫ አሳቱ፣ ሳሎዋ ካታቶ’ ግያ ጸሳትው ኡክላ ኡካናው ጳልያ ሙናቂኖ። አንቱንቱ ታና ቆሀና ጊደ፣ ኡሻ ያርሹዋ ሀራ ጸሳቶ ጉሰኖ።

19 ሀዋን ቱሙ ቆሃትያዌ ታኔ? ሀዋን ቆሃቲደ ዬላትያዌ ባረንቱ ሁጲያው አንቱንታ ግድክኖ?” ያጌ መድና ጎዳይ።

20 ሄዋ ድራው፣ ኡባ ሞድያ ጸሳይ ሀዋዳን ያጌ፤ “በእት፣ ታ ይሉነ ታ ህንቁ ሀ ሳኦ ቦላ፣ አሳ ቦላነ መሀያ ቦላ፣ ጋደን ደእያ ሞላ ቦላነ ቢታን ደእያ ካላ ቦላ ጉካና። ጉኪደ ኤጻና፤ ቶአናውካ ዳንዳየና” ያጌ።

7:11 ማቶሳ 21:13፤ ማር. 11:17፤ ሉቃሳ 19:46 7:12 ኢያሳ 18:1፤ ማዝ. 78:60፤ ኤር. 26:6 7:18 ኤር. 44:7-19

21 ኡባጥ ዋልቃማ መድና ጎዳይ፣ እስራኤልያ ጸሓይ ሀዋዳን ያጌ፤ “ህንተ ጸግያ ያርሹዋ ሀራ ያርሹዋና ጉጂደ፣ ሄ አሹዋ ህንተዉ ሚተ።

22 ታን ኡንቱንታ ግብጼ ቢታጥ ከሰያ ጋላሰ፣ ጸግያ ያርሹዋባ ግድና፣ ሀራ ያርሹዋባ ግድና፣ ህንተ ማይዛ አዋቶ ኦዳበይከ ዋይ አዛዛበይከ።

23 ሸን ታን ኡንቱንቶ ሀ አዛዙዋ እማድ፤ ግዳዉ አዛዘትተ። ያቶጥ፣ ታን ህንተ ጸሓ ግዳና፤ ህንተካ ታ አሳ ግዳና። ህንተዉ ሎእና ማላ፣ ታን ህንተና አዛዘያ ኦግያ ኡባን ሀመትተ፣ ያጋድ።

24 ሸን ኡንቱንቱ ታዉ ሰሰናን ዋይ ሀይዘናን እጾድና። ኡንቱንቱ ባረንቱ ኢታ ዋዛና ሙመተላዳን ሀመቱድና፤ ኡንቱንቱ ሰንሳዉ ብያዋ አጊደ፣ ጉየ ቤድና።

25 ህንተ ማይዛ አዋቱ ግብጼ ቢታጥ ከሴዳ ጋላሳጥ ደሚደ፣ ሀኛ ጋካናዉ፣ ታን ታ ቆማቱዋ፣ ትምቢትያ ኦድያዋንታ ዋንትና ዋንትና ህንተዉ ኪታደ ታካድ።

26 ሸን ህንተ ታዉ ሰሰናን ዋይ ሀይዘናን እጾድታ። ህንተ ሞርግያ ቆልሴድታን ህንተ ማይዛ አዋቱዋጥካ አዲደ፣ ኢታባ ኦጾድታ።

27 “ሀዋ ኡባ ኔን ኡንቱንቶ ኦዳና፤ ሸን ኡንቱንቱ ነ ግያዋ ሰሰክና። ኔን ኡንቱንታ ጾሳና፤ ሸን ኡንቱንቱ ነዉ ኮይክና።

28 ሄዋ ድራዉ፣ ኤርማሳ፣ ኔን ኡንቱንቶ ሀዋዳን ያጋ፤ መድና ጎዳዉ ባረ ጸሓዉ አዛዘተና ዋይ ሴርና ሰመና ካዉተላይ ሀዋ። ቱሙ ቆዬዳ፤ ቱማይ ኡንቱንቱ እንጸርሳጥ ባዬዳ።

29 ህንተ ሁጲያ ሜዲደ ኦልተ። አያይነ ባይና ቆቃ ደረቱዋ ቦላ ከሲደ ዘላልተ። አያዉ ሳጥ፣ መድና ጎዳይ ባረና ይሎዬዳ የለታ እጾዳን አግ ባሹዳ ያጋ” ያጌ።

30 ቃይካ መድና ጎዳይ ሀዋዳን ያጌ፤ “ይሁዳ አሳቱ ታ ሰንላን ኢታባ ኦጾድና። ኡንቱንቱ ታ ሱንላን ጸገቱዳ ጌሻ ጎልያ ቱንሳናዉ፣ ታና ሸይያ ኤቃቱዋ አሂደ፣ አ ግድን ዋጼድና።

31 ኡንቱንቱ ባረንቱ አቱማ ናናቱዋን ማጫ ናናቱዋ ታማን ጸጊደ ያርሻናዉ፣ ህኖማ ዛንጋራ ቆቃን ቶፊታ ግያ ያርሹዋ ሳኦ ግምቤድና። ሸን ሄዋ ታን ኡንቱንቱ አዛዛበናባነ ታ ቆፋን ባይናዋ።

32 ሄዋ ድራዉ፣ ሄ ሳአይ ህኖማ ዛንጋራ ዋይ ቶፊታ ጌተትያዌ አቲደ፣ ሹካ ዛንጋራ ያገቲደ ጸሰታና ጋላሳቱ ዪኖ ያጌ መድና ጎዳይ። አያዉ ሳጥ፣ ሞግያ ሳአይ ባይና ድራዉ፣ ቶፊት ኡንቱንቱ ባረንቱ አሂ ሞግያ ሳኦ ግዳናዋ።

33 ሄ ዋደ ሄ አሳቱዋ አሂይ ሳሉዋ ካፎቶነ ሳኦ ደአቶ ቁማ ግዳና፤ ኡንቱንቱ ያሸሲደ የደርሰያዌ ደኤና።

34 ታን እልልሳነ ናሸቻ ኮሻይ፣ ቡላኛያዋን ቡላኛትያን ኮሻይ ይሁዳ ካታማቱዋን የሩሳላመ አገቱዋን ሰሰተናዳን ድጋና። አያዉ ሳጥ፣ ቢታይ መላ አታና” ያጌ።

8

1 መድና ጎዳይ ሀዋዳን ያጌ፤ “ሄ ዋድያን ይሁዳ ካተቱዋ መቀላይ፣ ካፖቱዋ መቀላይ፣

ቁሳቱ ዋ መቀላይ፣ ትምቢትያ ኦድያዋንቱ መቀላይነ የሩሳላመን ደእያ አሳቱዋ መቀላይ ኡባይ ዱፋዋጥ ማጸቲደ ከሳና።

2 ኡንቱንቱ ሰቁዳ፣ ከተቱዳ፣ ካሌዳ፣ ዞርያ ኦቼዳነ ጎይኔዳ አዋዉ፣ አግናዉነ ሳሉዋ ጸልንትያ ኡባዉ ሞጨታና። ኡንቱንቱ መቀላይ ሸቀና ዋይ ሞገተና፤ ሸን ቢታ ቦላን ፕቱዋ ማላ ግዳናዋ።

3 ላሌዳ ሳኦቱዋን ደእያ፣ ሀ ኢታ ካዉተላጥ አቱዳ አሳቱ ኡባይ ደኡዋጥ ሀይቁዋ ደራና። ታን ኡባጥ ዋልቃማ መድና ጎዳይ ሀዋ ኦዳይ” ያጌ።

ናጋራነ ሙሩዋ

4 መድና ጎዳይ ታና ሀዋዳን ያጌዳ፤ “አሳቶ ያጋ፤ ጸሓይ ሀዋዳን ያጌ፤ እት አሳይ ኩንደጥ፣ ሰሚደ ደንደኔየ? ዋይ እት አሳይ ዋራ ቦጥ፣ ጉየ ሰመኔየ?

5 ያትና፣ ሀ አሳይ አያዉ ዋራ ቤዳ? የሩሳላመ አያዉ ኡባ ገደ ዋራ ቤዳ? ኡንቱንቱ ጭሙዋ ባቂ ኦይቁድና፤ ሄ ሰመናን እጾድና።

6 ታን ሞንሳደ ሀይዛድ፤ ሸን ኡንቱንቱ ቱሙዋ ሃሳይክና። ታ አያ ኦላድታሻ? ጊደ ባረ ኢታ ኦሱዋ ፓጽያዌ አቱነ ባዋ። ኡባይካ ኦላዉ ፕሪጽያ ፓራዳን ባረዉ ባረዉ ዋጾ።

7 ሀራይ አቶ፣ ሸማላ ግያ ካፎቱ ባረንቱ ዋድያ ኤሪና፤ ሀራጸቱ፣ ዳግጨቱነ ዋልያ ግያ ካፎቱ ባረንቱ ሰምያ ዋድያ ናጊና፤ ሸን ታ አሳይ መድና ጎዳ ዋጋ ኤረና።

8 “ያትና፣ ዋሂደ፣ ሉን እጼዳ ኤራንቻ፤ አያዉ ሳጥ፣ መድና ጎዳ ሀጊ ኦናና ደኤ’ ጋናዉ ደንደየተ? ዋርዳንቻ ጸፈቱ ባረንቱ ቢርያን ታ ሀግያ ዋርዳዋ ከሴዳዋ በእክቱየ?

9 እጼዳ ኤራንቻቱ ይላታና፤ ኡንቱንቱ ካዉሻናነ ኦይቃታና። ኡንቱንቱ መድና ጎዳ ቃላ ኦል አግና፣ ኡንቱንቶ አይ ጭንጫተላይ ደኢ?

10 ሄዋ ድራዉ፣ ታን ኡንቱንቱ ማቼቱዋ ሀራቶ፣ ኡንቱንቱ ጋድያካ ኡንቱንታ ጸኔዳዋንቶ እማና። አያዉ ሳጥ፣ ጉላይካ ዳሩካ ኡባይ ዋድያ ማናዉ ይርገቲና። ትምቢትያ ኦድያዋንቱካ ቁሳቱ ካ ኡባይ አሳ ጭሚና።

11 ኡንቱንቱ ታ አሳ ማዲላ ሳከናባ ጊደ፣ ጉላ ቆልያ ዋላና። ሳሩ ባይናን፣ ‘ሳር፣ ሳራ!’ ያጊና።

12 ሀ ሸይያ ኦሱዋ ኦላደ፣ ኡንቱንቱ ይላቲድና? ቱይት፣ ኡንቱንቱ ሙላካ ይላትቢይክና። ኡንቱንቱ ይላይ እየንቶካ ኤርክና። ሄዋ ድራዉ፣ ኡንቱንቱካ ኩንዴዳዋንቱ ግድን ኩንዳና፤ ኡንቱንቱ ቃጸየትያ ዋደ ካዉሻና። መድና ጎዳይ ሀዋ ኦዳይ” ያጌ ያጋ ያጌዳ።

13 መድና ጎዳይ ሀዋዳን ያጌ፤ “ታን ኡንቱንቱ ቱሙዋጥ ዳፋ አካና። ኡንቱንቱ ዋይንያ ቱራን አይፊ ቆያና፤ ባላሰያ ግያ ሞላንካ አይፊ ቆያና። አዉ ቦንጪካ ሹላና፤ ታን ኡንቱንቶ እሜዳባይ ኡንቱንቱጥ እከት ክቻና” ያጌ።

14 አሳቱ ሀዋዳን ያጊና፤ “ኩን ጮኤ ጊደ አያዉ ኡቲና? አነ እትጥ ሸቅተ፤ ህን ግምቤቱዳ ካታማቱዋ ገሊደ፣ ያን ሀይቁቶ። መድና ጎዳይ ኑ ጸሓይ ኑ ሀይቆ ፕርድ ድጌዳ፤ ኩን አ ቦላ

7:31 ዋጋ 18:21፤ 2 ካታ. 23:10፤ ኤር. 32:35 7:34 ኤር. 16:9፤ 25:10፤ ሳፃ 18:23 8:10 ኤር. 6:12-15 8:11 ህዘ. 13:10

ናጋራ ኦሴዳ ድራው፡ ኑወ ኡሻናወ ዎድያ ሃላ እም ድጌዳ።

15 “ሳአይ ሳሮ ግዳና ጊደ ናሽቻን ናጌዳ፤ ሸን ሎኦባይ ይቤና። ሓን ፓጻና ጊደ ናጌዳ፤ ሸን ዳጋማ ግዳዳ።

16 ኑ ሞርከቱ ፓራ ዳረላይ ዳና ግያ ካታማን ሰሰቱ፤ ኡንቱንቱ ዎታራ ፓራቱዎ ጫገላን ቢታይ ኡባይ ቃጾ። ቢታን ቢታን ደእያዎ ኡባ፡ ካታማን ካታማን አሳ ኡባ ሞ ጳይሳናወ ዬድኖ” ያጊኖ።

17 መድና ጎዳይ ሀዋዳን ያጌ፤ “በእተ፡ ታን ሸሻቱዎ ሀንተ ግደ የዳና። ሙሩንያዎንቱ ሙሩኑ ተአናወ ዳንዳየና ሀሰቱዎ ሀንተ ግደ የዳና፤ ኡንቱንቱ ሀንተና ዱካና” ያጌ።

ኤርማሰ ካዮቱዳ

18 ፓጻናወ ዳንዳየና ኬሻ ታን ካዮታድ፤ ታ ዎዛናይካ ታ ግደን ሴሬ።

19 ታ አሳይ ሃኮ ቢታን ዋሰያ ዋሱዎ ሰሰተ። ኡንቱንቱ፡ “መድና ጎዳይ ጽዮንን ባዌ? ሀ ጽዮን ካቲ ላኤንሉ ያን ደኤኔ?” ያጊደ ዋሰኖ።

ጳሳይ ኡንቱንቱ ካቲ፡ “ኡንቱንቱ ባረንቱ ማሴዳ ሞሰለቱዎን፡ ባረንቱ ፓና አላጋ ኤቃቱዎን ዎን ታና አያወ ይሎዬድኖ?” ያጌ።

20 አሳይ፡ “ሃኮ ጫካ ዎዲነ አዲዳ፤ ቢነ ወሬዳ፤ ኑንነ አትቦኮ” ያጊደ ዋሰኖ።

21 ሰም ታ አሳይ ማዲንጾዳ ድራው፡ ታ ዎዛናይካ ማዲንጾዳ፡ ታን ካዮታይ፤ ያሻይ ታና ኦይቄዳ።

22 ጋላኣደን ትግያ ጳሊ ባዌየ? ያን አክሚ ደኤኔ? ያትና፡ ታ አሳ መኡ አያወ ፓጻኔ?

9

1 ታ ሁጲ ሃላ ኦላ ግዴረኔሻ! ታ አይፈቱካ አፎላ ፑልቶ ግዴርክናሻ! ያትንቶ ታን ታ አሳቱዋፕ ሞርከቱ ኩሽያን ሀይቄዳዎንቶ ቃማን ጋላሰ ዬካና ሸን!

2 ታ አሳፕ ሻከታደ ባና ማላ፡ ታወ ባዙዋን ሲራይ አቅያ ሳአይ ደኤረኔሻ! አያወ ጎፕ፡ ኡንቱንቱ ኡባይ ሻርሙጻ፤ ኡንቱንቱ ማካልያ አሳ ዛታ።

3 መድና ጎዳይ ሀዋዳን ያጌ፤ “ታ አሳቱ ባረንቱ እንጻርሳን ኦዳናወ ኡባ ዎደ ገግ ኡቱድኖ፤ ኡንቱንቱ ቢታን ቱሙዎ ድራወ ዎርዱ ሞኔዳ። ኡንቱንቱ ኢታፕ ኢታወ አዲኖ፤ ታና ኤርክና” ያጌ።

4 ቃይካ ጳሳይ ሀዋዳን ያጌ፤ “ሾሩ ሾሩዋፕ ናገትተ፤ ሀንተ እሻቱዎካ አማነቶፕተ። አያወ ጎፕ፡ እሻይ ኡባይ ጭምያዎን ሾሮ ኡባይ ዝግርያዎ።

5 ሾሩ ሾሩዎ ጭሜ፤ እቱነ ቱሙዎ ሃሳየና። ኡንቱንቱ ባረንቱ እንጻርሳ ሃሳየናወ ታማርሰ ዎሌድኖ። ኡንቱንቱ ናጋራ ኦሴዳ ዳቡሪኖ።

6 ኔን ጭሙዎ ግደን ደአሳ፡ ኡንቱንቱ ባረንቱ ጭሙዎን ታና ኤረናን እጾድኖ” ያጌ መድና ጎዳይ።

7 ሄዎ ድራው፡ ኡባፕ ዎልቃማ መድና ጎዳይ ሀዋዳን ያጌ፤ “ታን ኡንቱንታ ሴርሳደ ፓጫና። ታ አሳ ድራው፡ ሰም ታን ሀራባ አያ ኦላናወ ዳንዳይታ?

8 ኡንቱንቱ እንጻርሳይ ዎድያ ዎንዳፍያ ማላ፤ ኡንቱንቱ እን ጭሙዎ ሃሳየኖ። ባረንቱ ደናን እቱ እቶ ሳሮ ቃላን ሃሳየኖ፤ ሸን ባረንቱ ዎዛናን ጲርያ ዎሊኖ።

9 ያትና፡ ታን ሀ የዎ ኡንቱንታ ሙራናወ በሰክታ? ታን ታ ሁጲያወ ሀዋ ማላ ካወተላ ቦላ ሀሉዎ ከሰክታ?” ያጌ መድና ጎዳይ።

10 ታን ዶቃ ደረቶ ዬካናን ዋሳና፤ ባዙ ሄንላ ጋደቱዎ ዘላላና። አያወ ጎፕ፡ ኡንቱንቱ ባሽድኖ፤ ያና እት አሳይነ አፍ። መሀያ ጸጉነ ሰሰተና፤ ሳሉዎ ካፎቱነ ደአቱ ባቃቲደ ብ ክቼድኖ።

11 ጳሳይ ሀዋዳን ያጌ፤ “የሩሳላመ ካታማ ታን ኮለቱዳ ኬላነ ዎራካናቱ ጌሱ ኦና ኦላና። ይሁዳ ካታማቱዎካ ኦንነ ደኤና መላ ሳኦ ኦላና” ያጌ።

12 ሀዋ አኬካናወ አዲዳ ኤራንቻይ ኦኔ? እ ሀራ አሳወ ኦዳና ማላ፡ መድና ጎዳይ ባረ እንጻርሳን ኦሰ ኦዴዳ? እት አሳይነ አ ግዴዋና አፍ። ማላ፡ ቢታይ ባዪደ፡ ባዙዋዳን ኦኔዳዌ አያሴ?

13 መድና ጎዳይ ያጌዳ፤ “ሀዌ ሀኔዳዌ፡ ኡንቱንቶ ታን እሚዳ ሀግያ ኡንቱንቱ አጌዳ ድራሳ፡ ኡንቱንቱ ታወ አዘዘተናን ሀ ሀግያ ካለናን እጾዳ ድራሳ።

14 ሄዎ አጊደ፡ ኡንቱንቱ ባረንቱ ዎዛና ሙሙተላ ካሌድኖ፤ ኡንቱንቱ ባረንቱ አዎቱዎ ታማርሴዳዎዳንካ ባኦላ ግያ ኤቃቶ ጎይኔድኖ” ያጌዳ።

15 ሄዎ ድራው፡ ኡባፕ ዎልቃማ መድና ጎዳይ፡ እሰራኤልያ ጳሳይ ሀዋዳን ያጌ፤ “በእተ፡ ታን ሀ አሳ ጫምያ ቁማ ሚዛናን ዎድያ ሃላ ኡሻና።

16 ኡንቱንቱ ዎይ ኡንቱንቱ አዎቱ ኤረና ካወተላቱዎ ግደን ታን ኡንቱንታ ላላና። ታን ኡንቱንታ ጳይሳና ጋካናወ፡ ማሻን የደርሳና” ያጌ።

የሩሳላመ አሳይ ዝላሌዳ

17 ቃይካ ኡባፕ ዎልቃማ መድና ጎዳይ ሀዋዳን ያጌ፤ “እነ ቆፕተ። ዬኩዎ ዬክያ ማጫ አሳቱዎ ጾሴደ አይሰተ፤ ዝላሳ ዝላልያ ኤራንቻ ማጫ አሳቶ ኪትተ።

18 ኡንቱንቱ ኤለካ ዪደ፡ ኑ አይፊ አፎላ ጽሉዎ ጸካና ጋካናሰነ ኑ አይፍያ ጭሩ ሃላ ፑልታና ጋካናወ ኑ ቦላ ዝላልኖ።

19 ጽዮንን ሀዋዳን ግያ ዝላሳ ኮሻይ ሰሰቱ፤ ሓዬር! ኑን ባዬደ! ኑን ሙለካ ካወሼደ! ኑ ጎሊ ኮለት ክቼዳ ድራው፡ ኑን ቢታ አጊደ ባናወ ኮሼ’ ያጊኖ” ያጌ።

20 ሀንተኖ፡ ማጫ አሳቶ፡ መድና ጎዳ ቃላ ሰሰተ! ሀንተ ሀይላይ አ ደናፕ ከሰያ ቃላ ሀይዘ። ሀንተ ማጫ ናናቱዎ ዝላሳ ታማርሰተ፤ ሾራታ ሾራቶ ኮይሱዎ ታማርሱ።

21 አያወ ጎፕ፡ ሀይቄ ናናቱዎ ኦግያን፡ ዎዳላቱዎካ ጉታራን ቁጲደ ዪደ፡ ኑ ማሰኮተቱዎ ጋኬዳ፤ ኑ ካተ ጎለቱዎንካ ገሌዳ።

22 መድና ጎዳይ ታና ሀዋዳን ያጊደ አዛዜዳ፤ “ጳሳይ ሀዋዳን ያጌ፤ ሓሳ አሃይ ፕቱዎዳን ደምባን ላለታና፤ ኡንቱንቱ ጫክያዎንቱ ጫኪደ ኦሌዳ ካላ ማላ፤ ኡንቱንታ ኦንነ ሺሸና ያጋ” ያጊደ አዛዜዳ።

23 መድና ጎዳይ ሀዋዳን ያጌ፤ “አዲዳ ኤራንቻይ ባረ ኤራን ጩቆፖ፤ ዋልቃማይ ባረ ዋልቃን ጩቆፖ፤ ዋይ ዱሪ ባረ ዱረተላን ጩቆፖ።

24 ሸን ጩቁያ ኡራይ ኦንነ ታና ኤርያዋንነ አኩክያዋን ጩቆ። አገና ሲቁዋ፣ ሱረ ፕርዳነ ጽሎተላ ሳኣ ቦላን ኦልያ መድና ጎዳ፣ ታና ኤርያዋን ጩቆ። አያው ጎፕ፣ ታን ሀዋንቱን ናሸታይ። ታን መድና ጎዳይ ሀዋ ኦዳድ” ያጌ።

25 ቃይካ መድና ጎዳይ ሀዋዳን ያጌ፤ “በእተ፣ ባረንቱ አሹዋ ጸላላ ቃጸረቱዳ አሳቱዋ ታን ሙራና ጋላሳቱ ዪና።

26 ሄዋንቱካ ግብጾ፣ ይሁዳ፣ ኤዶማ፣ አሞናነ ሞአባ ቢታ አሳቱዋነ ባረንቱ ሁጲያ ሹፊርያ ሜዲዳ፣ ባዙዋን ደእያ አሳቱዋ ኡባቱዋ። አያው ጎፕ፣ ሀ ካውተላቱዋ ኡባ አሳይ ቱሙዋፕ ቃጸረትቤና፤ እሰራኤልያ አሳይ ኡባይካ ባረ ዋዛናን ቃጸረትቤና” ያጌ።

10

ጸሳነ ኤቃ

1 ሀንተኖ፣ እሰራኤልያ አሳቶ፣ መድና ጎዳይ ሀንተው ኦድያ ቃላ ሰሰተ!

2 መድና ጎዳይ ሀዋዳን ያጌ፤ “ደረቱዋ ኦግያ ሀንተ ታማርፕተ። ደረቱ ሳሉዋ ቦላ ማላታ በእደ ዳጋሞፕተ፣ ሀንተ ዳጋሞፕተ።

3 አያው ጎፕ፣ ደረቱዋ ዋጋይ መላ። ኡንቱንቱ ሞላ ዋራፕ ቃንጸድ፤ ማሰያዌ ካልታን ማሴ።

4 ኡንቱንቱ ብራንነ ዋርቃን አሌቂሲኖ፤ ቃጸናዳን ማደሻን ሞሰማርያ ድሺደ ኦይሊኖ።

5 ኡንቱንቱ ኤቃቱ ኡንቱንቱ ሌክያ ጋርሳን ካፋዋ ዳጋንላናው ኤሰያ ሞሰልያ ማላ። ሃሳያናው ዳንዳይክኖ። ሀመታናው ዳንዳየና ድራው፣ አሳይ ኡንቱንታ ቶኬ። ኡንቱንቶ ሙለካ ያዮፕተ። አያው ጎፕ፣ ኡንቱንቱ ሀንተና ቆሀናው ዳንዳይክኖ፤ ቃይ ማዳናውካ ዳንዳይክኖ” ያጌ።

6 አቤት መድና ጎዳው፣ ነ ማላይ ኦንነ ባዋ። ኔን ዋልቃማ፤ ነ ሱንላይካ ዋልቃማነ ዋልቃማ።

7 አቤት ካውተላቱዋ ካትያው፣ ኔና ቦንቹናን አጋናዌ ኦኔ? ኔና ቦንቻናው በሴ፤ አያው ጎፕ፣ አዲዳ ኤራንቻ አሳ ግዶንነ ኡንቱንቱ ካውተላ ኡባ ግዶን ነ ማል ባዋ።

8 ኡንቱንቱ ኤያነ ደንጭሎዋንታ፤ ኡንቱንቱ ሞላፕ ማሴዳ፣ ፓና ኤቃቱዋፕ አያ ታማሪና?

9 ሄ ኤቃቱ ታርሴሳፕ ዬዳ ብራንነ ኡፋዘፕ ዬዳ ዋርቃን አሌቁቱድኖ። ኡንቱንቱ ዋይንያ ኤሳነ ሳሉዋ ማላትያ መጶዋና ማዩዋን ካመቱድኖ። ኡንቱንቱ ኡባይ ኩሸያ ኦሱዋ ሂላቱዋን ኦሰቱድኖ።

10 ሸን መድና ጎዳይ ቱሙ ጸሳነ፤ እ ደኡዋ ጸሳነ መድና ካትያ። አ ሀንቁዋን ቢታይ ቃጾ፤ ካውተላቱካ አ ሀንቁዋ ዳንዳይክኖ።

11 ጸሳይ ሀዋዳን ያጌ፤ “ኡንቱንቶ ሀዋዳን ያጋደ ኦዳ፤ ሄዋንቱ ሳሉዋን ሳኣ መድቤና ጸሳቱ ሳኣፕነ ሳሉዋ ጋርሳፕ ጳያና” ያጌ።

ጸሳ ሳቢያ ሳባ

12 ባረ ዋልቃን ሳኣ መዲዳዌ፣ ባረ አዲዳ ኤራን ሳኣ ኤሴዳዌ፣ ባረ አኩካን ሳሉቱዋ ሞጩዳዌ አ።

13 እ ዋልቃምያ ዋደ፣ ሳሉቱዋን ደእያ ሃላቱ ጉሚኖ። አ ሻረቱዋ ሳኣ ጋጸፕ ፑደ ደንሌ።

እ አራ ቡክሲደ፣ ዋልቃንላ ዋልቃሞሴ። ጫርኩዋካ ባረ ሞንጃ ሳፕ ከሴ።

14 አሰ ኡባይ ኤራ ጳዩደ ዳሜዳ፤ ዋርቃ ትግያ አሳይ ኡባይ ባረ ኤቃቱዋን ዬላቱዳ። አያው ጎፕ፣ ሄ ኤቃቱ ጭሙዋ፤ ኡንቱንቱን ሸምፑ ባዋ።

15 ኡንቱንቱ ፓናና፤ ኡንቱንቱ ቅ ኦሱዋ። ኡንቱንቱ ሙረትያ ዋድያን ጳያና።

16 ሸን ያቆባ ሳማ ግድያዌ ሄዋንቱ ማላ ግደና።

አያው ጎፕ፣ እ ኡባባ መዲዳዌ፤ እሰራኤሊ እ ባረው ደራዳ ካውተላ። አ ሱንላይካ ኡባፕ ዋልቃማ መድና ጎዳ።

ይያ ኢታ

17 ሀንተኖ፣ ሞርኪ ደዴዳዋንቶ፣ ቢታፕ ከሳናው ሀንተው ደእያዋ ቆሪደ ሺሸተ።

18 አያው ጎፕ፣ መድና ጎዳይ ሀዋዳን ያጌ፤ “ታን ሀ ዋድያን ሀ ቢታን ደእያ አሳቱዋ ከሳደ ያምባራና። ሀንተ ኦሞደታና ማላ፣ ታን ሀንተ ቦላ ኢታባ አሀና” ያጌ።

19 አየ ታ ማዲላወ! ታ ማዲላይ ፓጸናዋ። ሸን ታን፣ “ሀዌ ታ ሀርግያ፤ ታን ዳንዳያናው በሴ” ያጋድ።

20 ታ ዱንካኒ ኮለት ጳዩዳ፤ አ ዋደሩ ኡባይ ዱጸረቱዳ። ታ ናናቱ ኡባይ ታፕ ሻከቲደ ብ ክቼድኖ፤ ኡንቱንቱ ባዋ። ታ ዱንካንያ ዛሪደ ቶላናው ዋይ ታ ጋርዱዋ ካቃናው ሀእ እት አሳይነ አትቤና።

21 ሂንላንቻቱ ዳሜድኖ፤ ኡንቱንቱ መድና ጎዳ ኦቻቦይክኖ። ሄዋ ድራው፣ ኡንቱንቶ እንጀተናን እጾዳነ ኡንቱንቱ ዉዲ ኡባይ ላለቱዳ።

22 ሰሰተ! ኦራላ ኦዲ ዬዳ፤ ሄዋን፣ “ሁጲሳ ባጋና ደእያ ካውተላን ዋልቃማ ድርባይ ደንዴ” ያግያዋ። አ ኦላንቻቱ ዪደ፣ ይሁዳ ካታማቱዋ ባዙዋን ዋራካናቱ ጌሶይያሳ ከሳና።

23 አቤት መድና ጎዳው፣ አሳ ደኡ ሄ አዋ ቡዘ ግደናዋን ባረ ሄመታ ሱርሳናዌ አዉ ሸን ግደናዋ ታን ኤራይ።

24 አቤት መድና ጎዳው፣ ታና ሴራ፤ ሸን ልክያን ግዶ። ነ ሀንቁዋን ግዶ፤ ሄዌ ጳዮፕ ኔን ታና ጉላደ ጳይሳና።

25 ነ ሀንቁዋ ኔና ኤረና ካውተላቱዋ ቦላነ ነ ሱንላ ጾሰና አሳቱዋ ቦላ ትጋ። አያው ጎፕ፣ ኡንቱንቱ ያቆባ አሳ ሜድኖ፤ ኡንቱንቱ ኡንቱንታ አሸናን ሞ ድጌድኖነ ኡንቱንቱ አዉዋ ቢታ ጳይሴድኖ።

11

ኤርማሳን ጸሓፊው ጫቁ

1 መድና ጎዳጥ ኤርማሳው ዬዳ ቃላይ ሆኖ፤
2 “ሀ ጫቁ ቃላቱ ሰላ፤ ይሁዳ አሳውን የሩሳላም ካታማን ደእያዋንቶ ኦዳ።

3 መድና ጎዳይ እስራኤልያ ጸሓይ ሆዋዳን ያጌ ጋደ ኦዳ። ሀ ጫቁ ቃላው እዛዘተናዌ ሸቀቲዳዋ ግደ።

4 ታን ካሰ ህንተ አዎቱዋ ግብጹ ቢታ፡ ብራታ ሴርሰያ ጮጭያ፡ ከሰያ ዋደ፤ ታው ኤኖ ጊተ፤ ታ ህንተና እዛዘያዋ ኡባ ኦሐተ። ያቸ፡ ህንተ ታ አሳ ግዳና፤ ታንካ ህንተ ጸሓ ግዳና ያጋድ።

5 ሄዋዳንካ፡ ማላን ኤሳ ጎግያ ቢታ ካሰ ህንተ አዎቶ እማናው፡ ታን ጫቁዳ ጫቁዋ ፖላና ያጋድ። ሄዌን፡ ሆች ህንተ ላቲዳ ቢታ ያጋ” ያጌ።

ታን፡ “ኤኖ፡ መድና ጎዳው፡ አመንእ” ያጋድ።

6 መድና ጎዳይ ታው ሆዋዳን ያጌዳ፤ “ሀዋ ታ ቃላ ኡባ ይሁዳ ካታማቱዋን የሩሳላም አገቱዋን ሆዋዳን ያጋደ አዋያ፤ ‘ሀ ጫቁ ቃላ ሰሰተ፤ አ ካሐተ።

7 ካሰ ህንተ አዎቱዋ ታን ግብጹ ቢታ፡ ከሶደ፡ ሆች ጋካናው፡ ዛራ ዛራደ፡ “ታው እዛዘትተ!” ጋደ ሴራድ።

8 ሸን ኡንቲንቲ ታ ቃላ ሰሰበይክኖ ዋይ ሀይዘበይክኖ። ሄዋ አጊደ፡ ኡንቲንቲ ባረንቲ ኢታ ዋዛና ሙሙተላ ካሌድና። ታን ታ ጫቁ ቃላ ኡንቲንቲ ናጋና ማላ እዛዘድ፤ ሸን ኡንቲንቲ እጹድና። ሄዋ ድራው፡ ሄ ጫቁ ግደን ጸፈቲዳ ሸቃ ኡባ ኡንቲንቲ ቦላ አሃድ” ያጋ” ያጌዳ።

9 ዛሪደካ መድና ጎዳይ ታው ሆዋዳን ያጌዳ፤ “ይሁዳ አሳ ግደን የሩሳላምን ደእያዋንቶ ግደን ማቁ ደኤ።

10 ኡንቲንቲ ካሰ ታ ቃላ ሰሰናን እጹዳ ባረንቲ ማይዛ አዎቱዋ ናጋራው ጉየ ሰሜድና። ኡንቲንቲ ሀራ ጸሓቶ ጎይኔድናን ኡንቲንቲ ኦሌድና። እስራኤልያ አሳቲካ ይሁዳ አሳቲካ ታን ካሰ ኡንቲንቲ ማይዛ አዎቱዋና ጫቁቲዳ ጫቁዋ ካንሌድና።

11 ሄዋ ድራው፡ መድና ጎዳይ ኡንቲንታ ሆዋዳን ያጌ፤ “ኡንቲንቲ ባቃቲደ አታናው ዳንዳየና መቱዋ ታን ኡንቲንቲ ቦላ አሀና። ኡንቲንቲ ታው ዋሰናካ፡ ታን ኡንቲንቶ ሰሰከ።

12 ሄ ዋደ ይሁዳ ካታማቱዋ አሳቲን የሩሳላም አሳቲ ቢደ፡ ባረንቲ እጻና ጩዋይያ ጸሓቶ ዋሳና። ሸን መቱዋ ዋደ ሄ ጸሓቲ ሙላካ ኡንቲንቲ ማድክኖ።

13 ህንተና፡ ይሁዳ አሳቶ፡ ህንተ ጸሓቲ ህንተ ካታማቱዋ ኬሻ ጮራ። ቃይ ባኣላ ግያ ሄ ዬላ ጸሓው እጻና ጩዋያናው ህንተ ኤሴዳ ያርሸያ ሳኦቲ የሩሳላም አገቱዋ ኬሻ ጮራ” ያጌ።

14 “ኤርማሳ፡ ሀ አሳቶ ታና አይነ ዋሶ፡ ኡንቲንቲ ድራው ጋናቶ፡ ዋይ ኦቾ፡ እያው ጎ፡ ኡንቲንቲ ባረንቲ መቱዋ ጋላሰ ታና ጴሰያ ዋደ ታን ኡንቲንቶ ሰሰከ።

15 “ዳርቲዋና ባረ ኢታ ማቁ ማቀትደ ታ ሲቅያ አሳይ ታ ጌሻ ጎልያን ቤታናው በሲ? ህንተ ህንተ ኢታ ኦሱዋ ኦሐሸን፡ ያርሸቲዳ

መሀያ አሹ ህንተና ሙሩዋ፡ አሻኔ? አሸንቶ ህንተ ናሸታና ሸን” ያጌዳ።

16 መድና ጎዳይ ኔና፡ ድጭያ፡ ሎኦ አይፍያ አይፍያ ዋጋራ ያጊደ ሱንሌዳ። ሸን እ ሀ ዋጋራ ዋለቃ ማዳ ጉንላን፡ ታማን ጸጋና፤ አ ቃንካቲካ መኤረታና።

17 ታን፡ ህንተና ቶኬዳ ኡባ፡ ዋለቃ ማዳ ጎዳይ ህንተ ቦላ ኢታባ አሀናው አዋያድ። አያው ጎ፡ እስራኤልያ አሳቲን ይሁዳ አሳቲ ባኣላው እጻና ጩዋይደ፡ ታና ይሎዬድና።

ኤርማሳ ዋዳናው ማቀቲዳ ማቁ

18 መድና ጎዳይ ኡንቲንቲ ማቁ ታው ቆንጭሴዳ ድራው፡ ታን ኤራድ። ሄ ዋደ ኡንቲንቲ ኢታ ኦሐያዋ እ ታና በሴዳ።

19 ታን ሹካው ካላላደ አፍያ አዳ ደርሳ ማራ ማላ ግዳድ። ኡንቲንቲ ታ ቦላ፡ “እነ ኩን ሞላካ አ አይፍያካ ቆይሴቶ። አ ሱንላይ ሙላካ ሀሳየተና ማላ፡ እነ ኩን አ ፓጻ ደእያዋንቲ ግደ፡ ቆላሊደ ቆይሴቶ” ያጊደ ማቀቲዳዋ ታን ኤራብይከ።

20 ሸን አቤት ኡባ፡ ዋለቃ ማዳ መድና ጎዳው፡ ጽሉዋ ፕርድያዎ፡ አሳ ዋዛና ካሃ ቆርያዎ፡ ኔን ኡንቲንቲ ቦላ ከ ሀሉዋ ከሰያዋ ታና በሳ። አያው ጎ፡ ታን ታ ቆሁዋ ነው ማጋናድ።

21 ሄዋ ድራው፡ “መድና ጎዳ ሱንላን ትምቢትያ ኦደ፡ ኔን ኩሽያን ሀይቃና” ያጊደ፡ ኔና ዋዳናው ኮይያ አናቶታ አሳው መድና ጎዳይ ግያዋ ሆ።

22 ኡባ፡ ዋለቃ ማዳ መድና ጎዳይ ሆዋዳን ያጌ፤ “ታን ኡንቲንታ ሙራና። ኡንቲንቲ ዋዳላቲ ማሻን ሀይቃና፤ ኡንቲንቲ ማጫ ናናቲን አቲማ ናናቲ ከሻን ሀይቃና፤

23 ኡንቲንቲ፡ እቲን ደኤና። አያው ጎ፡ ታን ሙርያ ላይሐ አናቶታ አሳ ቦላ ኢታባ አሀና” ያጌ።

12

ኤርማሳ አሻ

1 አቤት መድና ጎዳው፡ ታን ኔናና ሞተትያ ዋደ፡ ኡባባንካ ኔን ጽሉዋ። ግደ፡ ታን ጽሎ ፕርዳባ ኔናና ሃሳያናው ኮሺ። ኢታ አሳቲ ኦሐያዋ ኡንቲንቲ አያው እንጀቲ? አማነተናዋንቲ አያው እሻሊደ ደእኖ?

2 ኔን ኡንቲንታ ቶክና፤ ጸጶዋ የዳድና፤ ድጩደ አይፍያ አይፊድና። ኡንቲንቲ ኔና ደና፡ የግክኖ፤ ሸን ኡንቲንቲ ዋዛና፡ ኔን ሃኩዋን ደእሳ።

3 ሸን አቤት መድና ጎዳው፡ ኔን ታና ኤራሳ። ታና በእሳ፤ ታን ነው አያ ቆፕንቶ ፓጫሳ። ሹክያ ደርሳቲዋዳን፡ ኔን ሄ ኢታ አሳቲዋ ጎቻደ ከሳ! ሹካ ጋላሳው ኡንቲንታ ዲማያደ ዋላ!

4 ቢታይ መላናዌን ደምባ ኡባን ደሌዳ ማታይ ሹላናዌ አውደ ጋካናሴ? ቢታን ደእያ አሳ ኢታተላ ድራው፡ ደአይነ ካፋ ወሬዳ። ሄዋ ቦላካ አሳቲ፡ “ጸሓይ ኩን ኦሐያዋ ደመና” ያጊና።

ጸሓ ዛሩዋ

5 ጸሓይ ኤርማሳው ሆዋዳን ጊደ ዛሬዳ፤ “ኔን ጊድያን ዋዳያ አሳቲዋና ዋላ ናሰታደ ዳቡር፡

ፓራና ዋና ናሰታይ? ኔን ሳሮ ቢታን ጹብቶ፡፡ የርዳኖሳ ዋራ ጋርሳን ዋና ሀመታይ?

6 ነ እሻቱ፡ ህንተ ሶ አሳቱ ኔና አሊደ እሜድኖ፤ አንቱንቱ ነ ቦላ ደንዴድኖ፡፡ ሄዋ ድራው፡ አንቱንቱ ነዉ ሎኮባ ሃሳዮ፡፡ አንቱንቱን አማነቶ፡፡

7 “ታን እሰራኤልያ አጋድ፤ ታን ታ ደረቱዳ ካወተላ ኦላድ፡፡ ታን ታ ሲቅያ አሳ አ ሞርከቱ ኩሽያን አላደ አማድ፡፡

8 ታ ደረቱዳ አሳይ ታዉ ባዙዋን ጋሙዋ ማላ ግዴዳ፡፡ እ ታ ቦላ ጉዴዳ፤ ሄዋ ድራው፡ ታን አ እጻድ፡፡

9 ታ ደረቱዳ አሳይ ታዉ ሀራ ጋጩቱ ደዲደ ዱክያ ሻቻ ጋጩት ማላ ግዴዳ? ቢተ፤ ደአቱዋ ኡባ ሸሽተ፤ አ ማና ማላ አህተ፡፡

10 “ዳሮ አላጋ ካተቱ ታ ዋይንያ ቱራ ሳኣ ባይዜድኖ፤ ታ ጋድያ የጴድኖ፤ ታ ሎኮ ቢታ ባዙ አፊድኖ፡፡

11 ሄ ቢታይ ባዩደ ኦጶዳ፤ ታ ሰንላን መላነ እይነ ባይናዋ ግዴዳ፡፡ ቃረትያዌ ባይና ድራው፡ ሙላ ቢታይካ ባዩዳ፡፡

12 ባዙዋን አያይነ ባይና ቶቃ ደረቱዋ ኡባ አጲደ፡ ቦንቁያዋንቱ ዬድኖ፤ አያዉ ሳ፡፡ መጵና ጎዳ ማሻይ ቢታ ሀ ጋጸ፡፡ ህን ጋጸ ጋካናዉ ማዳ፡፡ ሄዋ ድራው፡ ኦን ሳሮ አታናዉ ዳንዳየና፡፡

13 አንቱንቱ ዛርጋ ዘሪደ፡ አጉንላ ጫኬድኖ፡፡ አንቱንቱ ዳሮ ዳቡራድኖ፤ ሸን እይነ ዋድሰቦይክኖ፡፡ መጵና ጎዳ ሀንቁዋ ቦሻን ጋሱዋን አንቱንቱ ካላይ ቆዬዳ” ያጌዳ፡፡

14 መጵና ጎዳይ ሀዋዳን ያጌ፤ “ታን ታ አሳቶ እሰራኤላቶ እሜዳ ቢታ ኦይቁዳ፡ ታ ኢታ ሸሮ ካወተላቱዋ ግድ፡፡ ታን አንቱንታ አንቱንቱ ቢታ፡ ቶቆላና፡፡ ቃይ ይሁዳ አሳቱዋካ አንቱንቱ ግድ፡ አሻና፡፡

15 ሸን አንቱንቱ ቢታ፡ ቶቆሌዳዋ፡፡ ጉይያን፡ ዛረላደ ታን አንቱንቶ ቃረታና፤ ታን አንቱንቱ ሁጲያን ሁጲያን አንቱንቱ ላታ ጋድያ፡ አንቱንቱ ካወተላ ቢታ ዛራደ አህና፡፡

16 ካሰ ታ አሳ ባኣላ ሱንላን ጫቃናዳን ታማርሴዳዋዳን፡ አንቱንቱ ታ አሳ ኦግያ ሎይሐ ታማር፡፡ ታ ሱንላን፡ “መጵና ጎዳይ ኤሮ!” ያጌደ ጫቆ፡፡ አንቱንቱ ታ አሳ ግድን ሞኒደ ደኣና፡፡

17 ሸን እይ ካወተላይነ አዛዘተናን እጸ፡፡ ታን አ ኡባና ቶቆላደ ቆይሳና፡፡ ታን መጵና ጎዳይ ሀዋ ኦዳድ” ያጌ፡፡

13

ሊኑዋ ዳንጩዋ

1 መጵና ጎዳይ ታና፡ “ባ፤ ባደ ላይኑዋ ግያ ቃጭና፡፡ ደደቱዳ ዳንጩዋ ሻማደ፡ ነ ጶሳን ዳንጩ፤ ሸን ሃላን ቦሽሶ፡፡” ያጌዳ፡፡

2 ሄዋ ድራው፡ ታን መጵና ጎዳይ አዛዘዳዋዳን ዳንጩዋ ሻማደ፡ ታ ጶሳን ዳንጩድ፡፡

3 መጵና ጎዳ ቃላይ ላኤንሐ ታኮ ዬዳ፤ ዩደ፡

4 “ኔን ሻማዳ ዳንጩዋ፡ ነ ጶሳን ኔን ዳንጩዳዋ አካደ፡ ኤፍራዲሳ ሻፋ አፋ፡፡ ሹቻ ጎንጎሉዋን ቆሳ” ያጌዳ፡፡

5 ታን መጵና ጎዳይ ታዉ ኦዳዳዋዳን አፋደ፡ ኤፍራዲሳ ሻፋ ማታን ቆሳድ፡፡

6 ዳሮ ጋላሳ፡፡ ጉይያን መጵና ጎዳይ፡ “ደንዳ፤ ኤፍራዲሳ ሻፋ ባደ፡ ታን ኔና፡ ‘ያን ቆሳ’ ጌዳ ዳንጩዋ አካ” ያጌዳ፡፡

7 ታን ኤፍራዲሳ ሻፋ ባደ፡ ቦካደ፡ ዳንጩዋ ታ ቆሴዳሳ፡፡ ከሳደ አካድ፡፡ ሸን ሄ ዳንጩ ሀእ ባዩደ፡ ኡባና እይነ ጎኤናባ ግዴዳ፡፡

8 ሄዋ፡፡ ጉይያን፡ መጵና ጎዳ ቃላይ ታኮ ዬዳ፤

9 “መጵና ጎዳይ ሀዋዳን ያጌ፤ ‘ታን ሄዋዳን ይሁዳ አሳ አዩዋን የሩሳላመ ዋልቃማ ኦቶሩዋ ጊሻና፡፡

10 ታ ቃላ ሰሰናን እጲደ፡ ባረንቱ ዋዛና ሙመተላ ካሊደ፡ ሀራ ጸሳቶ ኦላናዉን ጎይናናዉ ብያ ሀ ኢታ አሳቱ፡ ሀ ዳንጩዋዳን ሙላካ ጎኤናባ ግዳናዋ፡፡

11 ዳንጩ አሳ ጶሳ ባቂ ኦይቁያዋዳን፡ ይሁዳ አሳይ ኡባይነ እሰራኤልያ አሳይ ኡባይ ታ አሳ ግዳና ማላነ ታ ሱንላዉ ጋላታን ቦንቾ ግዳና ማላ፡ አንቱንቱ ታና ባቂ ኦይቁያዳን ኦላድ፡፡ ሸን አንቱንቱ ሰሰናን እጶድኖ” ያጌ መጵና ጎዳይ” ያጌዳ፡፡

ዋይንያ ኤሳ ጹጋ

12 ቃይካ እ፡ “ኤርማሳ፡ አሳዉ ሀዋዳን ያጋ፤ መጵና ጎዳይ እሰራኤልያ ጸሳይ፡ ‘አት እት ጹጋን ዋይንያ ኤሳይ ኩማና’ ያጌዳ ያጋ፡፡ አንቱንቱ ኔና፡ ‘ዋን ኮን እት እት ጹጋን ዋይንያ ኤሳይ ኩማናዋ ኤርኮየ?’ ያጎ፡፡

13 ኔን አንቱንቶ ያጋደ ኦዳ፡ መጵና ጎዳይ ያጌ፤ ‘ታን ሀ ቢታን ደአያ አሳ ኡባ፡ ሀራይ እቶ ዳዊታ ካተቱዋ አራታን ኡትያ ካተቱዋ፡ ቁሳቱ ዋ፡ ትምቢትያ ኦድያዋንታን የሩሳላመን ደአያ አሳ ኡባ፡ አንቱንቱ ማሶታና ጋካናዉ፡ ዋይንያ ኤሳን ኩንላና፡፡

14 ታን አንቱንታ፡ አሳ አሳና፡ አዉዋ ናእና ደምእሳና፡፡ ታን አንቱንታ ቆይሳና፡፡ አንቱንቶ ኬክከ፡ ቃረትከን ማርከን ያጌ መጵና ጎዳይ ያጋ” ያጌዳ፡፡

ኦዋዳዋባ

15 ሰሰተነ ሀይዘተ፤ አግተ ኦቶሩቶተ፡፡ አያዉ ጎ፡፡ ሀዋ መጵና ጎዳይ ኦዳዳ፡፡

16 መጵና ጎዳይ ህንተ ጸሳይ ቆምሳና፡፡ ካሰቲደ፡ ህንተ ገዲካ ቆምያ ደርያን ቆበታና፡፡ ካሰቲደ፡ አ ቦንቶተ፡፡ ህንተ፡ “ፖኤ ያና” ገደ ናጊታ፤ ሸን እ ጵጵ ጎ ቆማዉ ላማና፡፡

17 ሸን ህንተ ሰሰናን እጸ፡፡ ህንተ ኦቶሩዋ ድራው፡ ታን ጌማን ዬካይ፡፡ መጵና ጎዳ ዉዲ ኦምደቲደ ብ ክቼዳ ድራው፡ ታን ዬካይ፤ ታ አይፊካ አፍላ ሆልሳዬ፡፡

18 ጸሳይ ታና፡ “ካትያዉን ካትያ እትዉ፡ ካታትዉ ሀዋዳን ያጋደ ኦዳ፤ ‘ህንተ ቦንቾ አሌቆ ካላቻይ ህንተ ሁጲያ፡፡ ኩንዴዳ ድራው፡ ህንተ ካተቱዋ አራታ፡፡ ዲገ ዋድተ፡፡

19 ኔጌባ ቢታን ደአያ ካታማቱ ኡባይ ጎርደት ክቼድኖ፡፡ አንቱንቱ ደያናዉ እት አሳይካ ያን ባዋ፡፡ ይሁዳ አሳይ ኡባና በቲደ ብ ክቼዳ” ያጋ” ያጌዳ፡፡

20 ቃይካ ጸሳይ፡ “እነ ጾቁ ጋደ፡ ሁጲሳ ባጋፕ ይያዋንታ ጸላ፡፡ ነዉ እመቲዳ ዉዲ፡ ኔን ጨቀቲዳ ደርሳቱ ሀቃን ደእኖ?

21 ኔን ነዉ ለገ ግዳና ማላ፡ ኮዬዳዋንቱ ኔና ጸኒደ ሞድያ ዋደ ዋጋይ? የሉዋ ኦይሳይ ኔና ኦይቀኔ?

22 ኔኖ የሩሳላመ፡ ነ ዋዛና፡ “ሀዌ ኡባይ ታ ቦላ ኢያዉ ጋኬዳ?” ሳፕ፡ ነ ማዩ ቃረቲዳዋን ኢሳይ ኔና ቦንቄዳዋን ነ ናጋራይ ዳሬዳ ድራሳ፡፡

23 ቱሙ ቶጵያ አሳይ ባረ ቦላ ማላ፡ ዋይ ማሂ ባረ ሻቻተላ ላማናዉ ዳንዳዪ? ዳንዳየና! ሄዋዳንካ፡ ኢታ ኦሱዋ ኦሳ ማዘቲዳዋንቱ ሀንተ፡ ሎኦ ኦሱዋ ኦሳናዉ ሙለካ ዳንዳይክታ” ያጌዳ፡፡

24 መጅና ጎዳይ ሀዋዳን ያጌ፤ “ታን ሀንተና ባዘ ጫርኩ ኡፍያ ሱላዳን ላላና፡፡

25 “ሀንተ ሳማይ፡ ታን ሀንተዉ እምያ ግሹ ሀዋ፡ ሀንተ ታና ዶጌዳ ድራዉን ዋርዶ ጸሳቲዋን እማነቲዳ ድራሳ፡፡

26 ሀንተ ካሉ ቤታና ማላ፡ ታን ሀንተ ቦላፕ ማዩዋ ቃራ የጋና፡፡

27 ኔን ዋሹምያዋ፡ ኔን ዋታራ ፓራዳን፡ ዚታዉ ጫግያዋን ነ ዬላይ ባይና ሻርሙጸተላ፡ ኔን ደርያንን ደምባን ኦሳያ ሸነይያ ኦሱዋ ታን በኣድ፡ የሩሳላመ፡ ነዉ አየ! ኔን እዉደ ጋካናዉ ጌየናን ደእይ?” ያጌ፡፡

14

ኮሻባ

1 ኮሻባ መጅና ጎዳይ ኤርማሳዉ ኦዳዳ ቃላይ ሀዋ፤

2 “ይሁዳ ቢታይ ካዮቲ፤ እ ካታማቱ ላባኒኖ፡፡ እን ደእያ አሳቱ ቢታን ኡቲደ ዬኪኖ፤ የሩሳላመ አሳይ ዋሱዋ ጸ-ልሴ፡፡

3 ዱረ አሳቱ ሃላ ትካናዉ ባረንቱ ቆማቱዋ ከቲኖ፡፡ ኢንቲንቱ ሃላ ኦላ ቢኖ፤ ሸን ሃላ ደምክኖ፡፡ ባረንቱ ኦቲዋ መላ ቶክ አኪደ ሰሚኖ፡፡ ሀንያዋ ጳይ ዬላቲደ፡ ባረንቱ ሁጲያ ጉለቲኖ፡፡

4 እራይ ቡከና ድራዉ፡ ቢታይ መሊደ ዛኤ፡፡ ጎሻንቻቱ ዬላቲደ፡ ባረንቱ ሁጲያ ጉለቲኖ፡፡

5 ማታይ ባይና ድራዉ፡ ደጋታ ባረ የሌዳ ጋሎ ማራቶ ደምባን ኦላደ ባዉ፡፡

6 ዋራ ሀረቱ እያይነ ባይና ጾቃ ደረቲዋን ኤቂደ፡ ዋራካናቲዋዳን ያረቲኖ፡፡ ኢንቲንቶ ምያባይ ጳይና፡ ኢንቲንቱ አይፊ ጸላናዉ ዳቡራዳ” ያጌዳ፡፡

7 አሳይ ሀዋዳን ያጌደ ዋሴዳ፤ “አቤት መጅና ጎዳዉ፡ ኦ ናጋራይ ኦ ቦላን ማርካቶፕነ፡ ነ ሱንላ ድራዉ፡ ኦዉ እትባ ኦላ፡ ኦን ኔፕ ዳር ገደ ጉየ ሰሜዳ፤ ነ ቦላን ናጋራ ኦሌዳ፡፡

8 አቤት እሰራኤሊ ናግያ ናሸቻዉ፡ መቱዋ ዋድያን እ አሸያዋ፡ ኔን ቢታን እማላዳን፡ እት ቃማ አቃናዉ ገሌዳ ኦግያ አሳዳን እያዉ ሀናይ?

9 ኔን ዳጋማዳ አሳዳን፡ አሻናዉ ዳንዳየና ምኖ አሳዳን እያዉ ሀናይ? አቤት መጅና ጎዳዉ፡ ኔን ኦ ግዲዋን ደእሳ! ኦን ነ ሱንላን ጸሰቲዳ፤ ኦና ኔን አጎፕ!” ያጌዳ፡፡

10 ሀ አሳቲዋባ መጅና ጎዳይ ሀዋዳን ያጌ፤ “ኢንቲንቱ ቶይላካትያዋ ሎይሳ ሲቂኖ፤ ባረንቱ ገድያ ተእክኖ፡፡ ሄዋ ድራዉ፡ መጅና ጎዳይ

ኢንቲንቱን ናሸተና፡፡ እ ኢንቲንታ ኢታ ኦሱዋ ሀሳዪደ፡ ኢንቲንቱ ናጋራ ድራዉ፡ ኢንቲንታ ሙራና” ያጌ፡፡

11 ሄዋፕ ጉይያን፡ መጅና ጎዳይ ታና፤ “ሀ አሳቲዋ ሳርተላዉ ታና ዋሶፕ፡፡

12 ኢንቲንቱ ጸሞፕካ፡ ታን ኢንቲንቱ ዋሱዋ ሰሰከ፡፡ ጸግያ ያርሹዋን ካላ ያርሹዋ ኢንቲንቱ ያርሹፕካ፡ ታን ኢንቲንቱ ያርሹዋ አክከ፡፡ ታን ኢንቲንቱ ኦላን፡ ኮሻንን ኢታ ሀርግያን ጳይሳና” ያጌዳ፡፡

13 ታን ሀዋዳን ያጋድ፤ “አቤት ኡባ ሞድያ መጅና ጎዳዉ፡ ትምቢትያ ኦድያዋንቱ ኢንቲንቶ፡ ሳህንተ ኦላ በእክታ ዋይ ኮሻይ ሀንተና ኦይቀና፡፡ ታን ሀንተዉ ሀ ቢታን ፓጨና ሳርተላ እማና’ ያጌ ያጌኖ” ያጋድ፡፡

14 መጅና ጎዳይ ታዉ ሀዋዳን ያጌዳ፤ “ትምቢትያ ኦድያዋንቱ ታ ሱንላን ዋርዲዋ ኦዲኖ፡፡ ታን ኢንቲንታ ከታቢይከ፡ ዋይ አዛዘቢይከ፡ ዋይ ኢንቲንቶ ኦዲቢይከ፡፡ ኢንቲንቱ ሀንተዉ ትምቢትያ ገደ ኦድያዌ ዋርዲዋ ሳጸ፡ ፓና ካዩዋን ቆፕ አኪደ ኦድያ ዋርዲዋ፡፡

15 ሄዋ ድራዉ፡ ታ ሱንላን ትምቢትያ ኦድያዋንቱ ባዶፕ፡ ታን ኢንቲንታ ከታቢይከ፡ ሸን ኢንቲንቱ፡ ሳላይ ዋይ ኮሻይ ሀ ቢታ ቦቼና’ ያጌኖ፡፡ ሄ ትምቢትያ ኦድያዋንቱ ባረንቱ ሁጲያዉ ኦላንን ኮሻን ጳያና ያጌ መጅና ጎዳይ!

16 ቃይ ኢንቲንቱ ትምቢትያ ኦድያ አሳይ ኮሻን ኦላ ጋሱዋን ሀይቃና፤ ኢንቲንቱ አሃይ ካረን የሩሳላመ ኦግያን ኦላታና፡፡ ኢንቲንቱ ዋይ ኢንቲንቱ ማጫ አሳ፡ ኢንቲንቱ አቲማ ናናቲዋ ዋይ ኢንቲንቱ ማጫ ናናቲዋ ሞግያዌ ጳያና፡፡ ታን ኢንቲንቶ በሰያ ዋይያ ኢንቲንቱ ቦላ ትጋና” ያጌዳ፡፡

17 ታ ካዩዋባ ታን አሳዉ ሀዋዳን ያጋደ ኦዳና ማላ፡ ጸሳይ ታና አዛዜዳ፤ “ ታ አሳይ ዳር ደሸቲደ፡ ሎይሳ ማዲንጾዳ ድራዉ፡ ታ አይፈቲ ቃማን ጋላሰ ሸምፕናን አፎጽኖ፡፡

18 ታን ደምባ ቦፕ፡ ማሻን ሲፈቲዳዋንታ በእይ፡፡ ካታማ ገሎፕ፡ ቃይ ኮሻን ግልቁዳዋንታ በእይ፡፡ ትምቢትያ ኦድያዋንቱን ቁሳቲ፡ “ኦን ፓጭ ባይናን ኦሌቶ” ጌኖ፤ ሸን ኢንቲንቱ ባረንቱ ኦሳያዋ ኤርክኖ’ ያጋ” ያጌዳ፡፡

አሳይ ጸሳ ዋሴዳ

19 አቤት ጸሳዉ፡ ኔን ይሁዳ ሙለ አጋዲ? ጽዮን አሳ እጸዲ? ኔን ኦና ፓጸናዳን ኦሳደ እያዉ ደቻዲ? “ሳር ግዳናዋ” ገደ ናጌደ፤ ሸን እያይነ ሎኦባይ ኦዉ ጋክቤና፡፡ “ፓጸና ዋዲ ያና” ገደ ናጌደ፤ ሸን ዳጋማ ጸላላይ ዬዳ፡፡

20 አቤት መጅና ጎዳዉ፡ ኦን ኦ ኢታተላ ኤሬደ፤ ኦ አዋቲዋ ባይዙዋካ አኬኬደ፤ ኦን ቱሙዋፕ ነ ቦላ ናጋራ ኦሌዳ፡፡

21 ኦና ነ ሱንላ ድራዉ ካጾፕ፤ ነ ቦንቻ አራታይ ደእያ የሩሳላመ ካዉሾፕ፡፡ ኔን ኦናና ጫቀቲዳ ጫቁዋ ሀሳያ፤ ነ ጫቁዋ ካንሶፕ፡፡

22 ዋን ካዉተላቲዋ ኤቃቲዋፕ እቲ እራ ቡክሳናዉ ዳንዳዪ? ሳሉ ባረ ሸንያን ፑሰያ ዲገ ከታናዉ ዳንዳዪ? ዳንዳየና! አቤት መጅና ጎዳዉ፡ ኦ ጸሳዉ፡ ሄዋ ዳንዳይያዌ ኔና! ሀዋ

ኡባ ኦሳያዊ ኔና ግድያ ድራው፡ ኑን ኔናን ናሽቻ ኦሴቶ።

15

ይሁዳ አሳ ቦላ ጋክያ ፕርዳ

1 ሄዋጥ ጉይያን፡ መድና ጎዳይ ታወ ሀዋዳን ያጌዳ፤ “ሀራይ አቶ ሙሴነ ሳሜል ታ ሰንገን ኤቁንቶነ፡ ታ ዋዛናይ ሀ አሳቱዋኮ ሰመና። ኡንቱንታ ታ ሰንገጥ ድጋ፤ ኡንቱንቱ ቢኖ።

2 ቃይ ኡንቱንቱ ኔና፡ “ኑን ሀቃ ባኔ?” ጊደ አቸጥ፡ መድና ጎዳይ ሀዋዳን ያጌ ጋደ ኡንቱንቶ ኦዳ፤ “ሀይቆ ፕርደቲዳዋንቱ፡ ሀይቆ ቢኖ። ማሻወ ፕርደቲዳዋንቱ፡ ማሻወ ቢኖ። ኮሻወ ፕርደቲዳዋንቱ፡ ኮሻወ ቢኖ። ኦሞደታናወ ፕርደቲዳዋንቱ፡ ኦሞደ ቢኖ” ያጌዳ።

3 መድና ጎዳይ ሀዋዳን ያጌ፤ “ታን ኦይዱ ቆሞ ባየላ ኡንቱንቱ ቦላ አሀና፤ ሄዋንቱነ፡ ኡንቱንታ ዋቆናወ ማሻ፡ ኡንቱንቱ አሃ ጎቻናወ ካናቱዋ፡ ኡንቱንቱ አሹዋ ማደ ጳይሳናወ ሳሉዋ ካፎቱዋነ ሳኦ ደአቱዋ።

4 ሀዘቁያሳ ናኦይ፡ ይሁዳ ካቲ ምናሰ የሩሳላመን አሌዳ ፓላ ድራው፡ ታን ኡንቱንታ ሳኦ ካወተላ ኡባወ ዳጋማ አላና።

5 “የሩሳላመ አሳቶ፡ ሀንተወ ኦኔ ቃረታናዊ? ሀንተወ ካዮታናዊ ኦኔ? ‘ሀንተ አይ ማሌ?’ ጊደ ሀንተና ኦቻናወ ኤቃናዊ ኦኔ?” ያጌ።

6 መድና ጎዳይ ሀዋዳን ያጌ፤ “ሀንተ ታና አኔድታ፤ ሀእ ሀእካ ሀንተ ጉየ ሰሜድታ። ሄዋ ድራው፡ ታን ሀንተ ቦላ ታ ኩሽያ የዳደ ሀንተና ጳይሳድ፤ ታን ሀንተወ ቃረታደ ዳቡራድ።

7 ታን ኡንቱንታ ሄ ቢታ ካታማቱዋ ፐንግያን ላይዳ አካደ ሰጸድ። ኡንቱንቱ ናናቱዋካ ዋቆ ወርሳድ፤ ታን ታ አሳ ጳይሳድ። አያወ ሳፕ፡ ኡንቱንቱ ባረንቱ ኢታ ኦግያፕ ሰመናን እጾድኖ።

8 ታን ኡንቱንቱ አምኤቱዋ ፓይዱዋ አባ ሻፍያፕካ ዳርሳድ። ታን ጋላሳ ሴታን ኡንቱንቱ ዋዳላቱዋ ዋቆ ጳይሰያዋንታ ኡንቱንቱ አየቱዋ ቦላ አሃድ። ቆፐናን ደእሸና፡ ምሹዋነ ዳጋማ ታን ኡንቱንቱ ቦላ ዱገ የዳድ።

9 ላፑን ናናቱ ሀይቁዳ አታ ሸምቱዋ ላባናዱ። አዘወ ጋላሳይ ቃሜዳ፤ አ ካወሻዱነ ዬላታዱ። ብር ፓጸ ደእያዋንታካ ታን ኡንቱንቱ ሞርከቱዋ ሰንገን ማሻን ሲፍሳድ። ታን መድና ጎዳይ ሀዋ ኦዳድ” ያጌ።

ኤርማሰ ባረ መቱዋ ጸሳወ ማጋኔዳ

10 ታወ አየ ታ አቲ! ታና የለናን አጋርከሻ! ታን ቢታ ኡባን ደእያ አሳና ዋላቀትያነ ባጸትያ አሳ ግዳድ። ታን ኦሰነ ታልአበይከ፡ ዋይ ኦፐነ ታልአደ አካበይከ፤ ግደፕነ፡ አሳይ ኡባይ ታና ሸቁ።

11 መድና ጎዳይ ሀዋዳን ያጌዳ፤ “ቱሙፕ ታን ኔና ሎኦባወ አሻ አካና። ቱሙፕ ነ ሞርከቱ መቱዋ ዋደነ ዋይያ ዋደ ነወ ዋትዋታናዳን፡ ታን አላና።

12 “ሞን አሳይ ብራታ፡ ሁጲሳ ባጋና ይያ ብራታ ዋይ ናሰያ መንፋናወ ዳንዳዪ?”

13 ቢታ ኡባን ሀንተ ኦሴዳ ናጋራ ድራው፡ ታን ሀንተ አቁዋ ፔሻ፡ ጮ ቦንቁያዋንቶ እማና።

14 ታን ሀንተና ሀንተ ኤረና ቢታን ሀንተ ሞርከቶ አይለያና፤ አያወ ሳፕ፡ ታ ሀንቁ ምያ ታማ ግዳድ፡ መድናወ ኤጸና” ያጌዳ።

15 አቤት መድና ጎዳወ፡ ኔን ኤራሳ። ታና ሀሳያደ ማዳ፤ ታና የደርሰያዋንቱ ቦላ ታ ሀሉዋ ከሳ። ኔን ኡንቱንቶ ዳንዳያደ፡ ታና ዋራ የሳፕ። ታን ነ ድራው ሸቀትያዋ ቆፓ።

16 አቤት መድና ጎዳወ፡ ኡባ ዳንዳይያ ጸሳወ፡ ታን ነ ሰንገን ጴሰቴዳ ድራው፡ ነ ቃላይ ታኮ ዪና ማድ። ታና ፓሽክሴዳነ ታ ዋዛና ናሽቼዳ።

17 ጮ ፖጩምያዋንቱ ጩጉዋን ኡታበይከ፤ ኡንቱንቱና ናሽታበይከ። ኔን ነ ኩሽያ ታ ቦላ ዋሌዳ ድራውነ ታወ ይሎቴደ ድራው፡ ታን ታረካ ዲማ ኡታድ።

18 ሳኩ ታፕ ዱጸናን እጽያዌነ ታ ማዱላይ ፓጸናን እጽያዌ አያሴ? ኔን ታወ መልያ ሻፋዳን፡ ቶእያ ፑልቱዋዳን፡ ሀናና ሀናይዬ?

19 ሄዋ ድራው፡ መድና ጎዳይ ሀዋዳን ያጌ፤ “ኔን ታኮ ሰሞፕ፡ ታን ዛራደ ኔና አካና፤ ኔን ታወ አላና። ሀዳ የወዋ አጋደ፡ ቦንቾ ቃላ ጸላላ ኦደፕ፡ ኔን ታ ደና ግዳናሳ። ሀዋንቱ አሳቱ ኔኮ ሰማና፤ ሸን ኔን ኡንቱንቱኮ ሰማካ።

20 ታን ኔና ሀ አሳወ ናሰያ ግያ ብራታና ግምቡቲዳ ግምቢያ አላና። ኡንቱንቱ ኔናና ኦላታና፤ ሸን ኔና ጸንክኖ። አያወ ሳፕ፡ ታን መድና ጎዳይ ኔና አሻናወነ ዋላ አካናወ ኔናና ደአይ።

21 ኢታቱዋ ኩሽያፕ ታን ኔና አሻና፤ ቃረት ባይናዋንቱፕካ ታን ኔና ዋዛና” ያጌ።

16

ጸሳይ ኤርማሳ አዛዜዳዋ

1 መድና ጎዳ ቃላይ፡ ሀዋዳን ያጌደ፡ ታኮ ዬዳ፤

2 “ኔን ማቻቶ አኮፓ፤ ማጫዋ አቱማዋካ ሀ ሳኦነ የሎፓ።

3 ሀ ሳኦነ የለቲዳ ማጫ ናናቱነ አቱማ ናናቱ፡ ኡንቱንታ የሌዳ አየቱነ አዋቱ ትምቢትያ ታን መድና ጎዳይ ነወ ሀዋ ኦዳይ።

4 ኡንቱንቱ ኢታ ሀርግያን ሀይቃና፤ ኡንቱንቶ ዬከተና፡ ዋይ ኡንቱንቱ ሞገትክኖ፤ ኡንቱንቱ አሃይ ቢታ ቦላን ፕቱዋ ማላ ግዳናዋ። ኡንቱንቱ ማሻን ኩሻን ወራና፤ ኡንቱንቱ አሹ ሳሉዋ ካፎቶነ ሳኦ ደአቶ ቁማ ግዳናዋ” ያጌዳ።

5 መድና ጎዳይ ታወ ሀዋዳን ያጌዳ፤ “ዬኮ ጎልያ ገሎፓ፤ ዬካናወ ዋይ ቃረታናወ ቦፓ። አያወ ሳፕ፡ ታን መድና ጎዳይ ሀ አሳ ቦላፕ ታ ሳርተላ፡ አገና ታ ሲቁዋነ ታ ማርታ ድጋ ክቻድ።

6 ዋጋቱካ ጉላቱካ ሀ ቢታን ሀይቃና፤ ኡንቱንቱ ሞገትክኖ። አይ አሳይነ ኡንቱንቶ ዬከና፤ አይ አሳይነ ኡንቱንቶ ጎምኦረና ዋይ ሁጲያ ሜድሲደ ካዮተና።

7 ዬክያ አሳወ ሃላ ኡሻወ አፊደ፡ ቁማ አናና እትፕ ሚድነ ኡሺደ፡ ካዩዋ ባለላያዊ እቱነ ደኤና። ሀራይ አቶ አታ ዋይ አወ ሀይቁዳ ኡራካ ባለላያባይ ባዋ።

15:1 ሀዘ. 32:11-14፤ ፓይ. 14:13-19፤ 1 ሳሜላ 7:5-9 33:1-9 15:2 ሳፍ 13:10 15:4 2 ካታ. 21:1-16፤ 2 ኦዳዋ

8 “ግብረይ ደእያ ጎልያካ ገሎፓ፤ ማናውን ኡሻናው ኡንቱንቱና እትፕ ኡቶፓ።

9 ኡባፕ ዋልቃማ መድና ጎዳይ፣ እሰራኤልያ ጸሳይ ሀዋ ኡዳይ። በእ፣ ታን ናሽቻን እልልሳ ኮሻ፣ ማቻቶ ቡላቻያዋን ቡላቻትያን ኮሻ ሀ ሳኣፕ ድጋና። ሄዋ አሳይ ባረ ላይላን ባረ አይፍያን በእና።

10 “ኔን ሀ ቃላ ኡባ ሀ አሳው ኡድያ ዋይ፣ ኡንቱንቱ ኔና፣ መድና ጎዳይ አያው ሀዋ ማላ ዋልቃማ ኡታባ ኑ ቦላ አዋዬዳ? ኑን አያ ባይዜድ? መድና ጎዳው፣ ኑ ጸሳው፣ ኑን ኡሌዳ ናጋራይ እዬ?” ያጋና።

11 ሄ ዋይ ኔን ኡንቱንቶ ያጋ፤ “ታን መድና ጎዳይ ሀዋ ኡሌዳዌ ካሰ ሀንተ አዋቱ ታና እኔዳ ድራሳ፣ ኡንቱንቱ ሀራ ጸሳቱዋ ካሌዳ ድራሳ፣ ኡንቱንቶ ኡሌዳን ጎይኔዳ ድራሳ፣ ታና እኔዳን ታ ሀግያ ናገናን እጼዳ ድራሳ።

12 ሀንተ ካሰ ሀንተ አዋቱዋፕካ እድ ኢቱዳ ድራሳ። በእተ፣ ሀንተ ሀ-ጲያን ሀ-ጲያን ሀንተ ኢታ ዋዛና ሙመተላ ካሌድታ፤ ታው አዛዘተናን እጼድታ።

13 ሄዋ ድራው፣ ታን ሀንተና ሀ ቢታፕ ደንላድ፣ ሀንተ ዋይ ሀንተ አዋቱ ኤረና ቢታ ኡላና። ያን ሀንተ ሀራ ጸሳቶ ጋላሰነ ቃማ ሀጋዛና። ሙላካ ሀንተው ቃረትከ” ያጌ” ያጋ” ያጌዳ።

ጸሳይ እሰራኤላቱዋ ዛሪደ አሀና

14 መድና ጎዳይ ሀዋዳን ያጌ፤ “ኡሰራኤልያ አሳ ግብጼ ቢታፕ ከሴዳ መድና ጎዳይ ኤሮ” ያጊደ ጫቀና ዋዲ ያና።

15 “ኡሰራኤልያ አሳ ሀ-ጲሳ ባጋ ቢታፕን ኡንቱንታ እ ላሌዳ ቢታቱዋ ኡባፕ ዛሪደ አሄዳ መድና ጎዳይ ኤሮ” ያጊደ ጫቀና። አያው ጎፕ፣ ታን ኡንቱንቱ ካሰ ኡንቱንቱ አዋቶ እሜዳ ቡዞ ቢታ ዛሪደ አሀና” ያጌ።

ይያ ሙሩዋ

16 መድና ጎዳይ ሀዋዳን ያጌ፤ “በእተ፣ ታን ሞልያ ኡይቂያ ዳሮ አሳቶ ኪታይ፤ ኡንቱንቱ ኡንቱንታ ኡይቃና። ሄዋፕ ጉይያን፣ ታን ዳሮ ሻንካንቻቶ ኪታና፤ ሻንካንቻቱ ደርያ ኡባፕ፣ ዞዝያ ኡባፕን ሹቻ ኮፖቱዋፕ ኡንቱንታ ሻንካቲደ ከሳና።

17 አያው ጎፕ፣ ታን ኡንቱንቱ ኦግያ ኡባ በአይ። ኡንቱንቱ ታፕ ቆሰትበይክና፤ ኡንቱንቱ ናጋራይካ ታ አይፍያፕ ጌምቤና።

18 ታን ኡንቱንቱ ኢታተላን ኡንቱንቱ ናጋራ ድራው ኡንቱንቶ ላኡ ኩሽያ ዛራና። አያው ጎፕ፣ ኡንቱንቱ ባረንቱ እጸቱዳ ኤቃቱዋን፣ ሄ አሃ ማላትያዋንቱን ታ ቢታ ቱንሴድናን ባረንቱ ሸነይያ ምሰለቱዋን ታ ላታ ኩንጼድና” ያጌ።

ኤርማሳ ዋሳ

19 አቤት መድና ጎዳው፣ ታ ዋልቃው፣ ታ ዋልቃማ ሚጸው፣ መቱዋ ጋላሳን ታን ባቃታ አትያ ሳአው፣ ካውተላቱ ሳአ ጋጸፕ ኔኮ ያና። ዪደ ሀዋዳን ያጋና፤ “ኑ አዋቱ ፓናና ማደና ዋርደ ጸሳቱዋ ጸላላ ላቱድና።

20 ዋን አሳይ ባረው ጸሳቱዋ መቆናው ዳንዳዪየ? ዳንዳየና! እ መድናንቶካ ኡንቱንቱ ቱሙ ጸሳቱዋ ግድክና!” ያጋና።

21 ጸሳይ ሀዋዳን ያጌ፤ “ሄዋ ድራው፣ ታን ኡንቱንታ ኤርሳና። እት ገደን ታ ዋልቃን ታ ሞኖተላ ኡንቱንታ ኤርሳና፤ ያቶፕ ኡንቱንቱ ታ ሱንሳይ መድና ጎዳ ግድያዋ ኤራና” ያጌ።

17

ይሁዳ ናጋራን ሙሩዋ

1 ጸሳይ ሀዋዳን ያጌ፤ “ይሁዳ ናጋራይ ብራታ ቢርያን ጸፈቱዳ፤ ኡንቱንቱ ዋዛና ቦላን ኡንቱንቱ ያርሽያሳን ደእያ ካጭያ ቦላ አልማዝያ ግያ ሹቻ ጼራን ቃጩቲደ ጸፈቱዳ።

2 ኡንቱንቱ ናናቱ እርጸ ሞላ ኡባ ጋርሳን፣ ቶቃ ዞዘቱዋ ቦላንን ቢታን ደእያ ደረቱዋ ቦላን፣ ጊግሴዳ ያርሽያ ሳአቱዋን አሽሮ ግያ ጸሳትው ኤሴዳ ምሰልያው ጎይኒና።

3 ሀንተ ቢታ ኡባ ቦላን ኡሌዳ ናጋራ እጮ ጭጋ ኦላደ፣ ሀንተ ሚሻን ሀንተ አቆቱዋ ኡባ ታን ሀንተ ሞርከቶ እማና።

4 ታን ሀንተና ላትሴዳ ቢታፕ ሀንተ ባና፤ ታን ሀንተና ሀንተ ኤረና ቢታን ሀንተ ሞርከቶ አይለያና። አያው ጎፕ፣ ሀንተ ታ ሀንቁዋ ኦይሰጼድታ፤ እ መድናው ኤጻና” ያጌ።

ዳማ ዳማ ሌምሳቱዋ

5 መድና ጎዳይ ሀዋዳን ያጌ፤ “አሳን፣ ሀይቂያ አሳ ዋልቃን አማነትያዌን ባረ ዋዛና መድና ጎዳፕ ዋራ ዛርያዌ ሸቀቱዳዋ።

6 ሄ አሳይ ባዙዋን ደሌዳ ሱፓ ሞላ ማላ። ኬካባይ ይያ ዋይ በኤና። እ ባዙዋን፣ መላ ሳአን፣ አሳይ ደኤና ማጽነ ቢታን ደአና።

7 “መድና ጎዳን አማነትያ አሳይ፣ እ አማነትያዌ ጸሳ ግድያ አሳይ አንጀቱዳዋ።

8 እ ሃላ ማታን ቶከቲደ፣ ባረ ጸጹዋ ጎግያ ሃላው የዳዳ ሞላ ማላ። አዋ ሱሎካ እ ያየና። አያው ጎፕ፣ ሄ ሞላ ሀይላይ እርጽ እርጸሽን ደኤ። እራይ ቡከና ላይላንካ ሀርገና፤ አይፍያ አይፍያዋካ ቃንጸና።

9 “አሳ ዋዛናይ ኡባባፕ አድ ጭምያዋን ሎይሰ ኢታ። አ ኦን ኤራናው ዳንዳዪየ?

10 መድና ጎዳይ አሳው ኡባው አ ኦግያዳንን አ ኦሱዋዳን ዛራናው፣ አሳ ዋዛና ብዳይነ አ ካሃ ፓጫይ” ያጌ።

11 ጽለና ኦግያና ዳረትያ አሳይ ባረዋ ግደና ቁቁልያ ቆጽያ አካት ማላ። እ ባረ ላይላ ብሮ ባጋዪደ፣ አ አጊደ ጳያና፤ ወርሰላን እ ቦዛ ግዳናዋ።

12 ኑ ጌሻ ጎሊ ኮይሮፕ ደሚደ፣ ቦንቾ ካተቱዋ አራታዳን፣ ቶቃ ደርያ ሀ-ጲያን ቤቱ።

13 አቤት መድና ጎዳው፣ እሰራኤሊ ሀድታን ናግያዋ፣ ኔና እኔዳ ኡባቱ ይላታና። ኔና አጊደ ዋራ ብያዋንቱ፣ ኔና መድና ጎዳ፣ ደኡዋ ሃላ ፑልቱዋ አኔዳ ድራው፣ ኡንቱንቱ ባና ቦላ ጸፈታና።

ኤርማሳ ዋሳ

14 እቤት መድና ጎዳው፡ ታና ፓላ፤ ታን ፓጻና፡፡ ታና አሻ፤ ታን አታና፡፡ አያው ጎጥ፡ ኔን ታን ጋላትያዎ፡፡

15 እሳቱ ታና፡ “መድና ጎዳይ ኑና ናሴዳ ናሴ ሀቃን ደኢ? እነ ፖሎ!” ያገኛ፡፡

16 ሄንጻንቻ ግዳደ ነዉ አለያዎ አጋበይከ፤ ኡንቱንቱ መቶታና ጋላሳ ታን አሞታበይከ፡፡ ታ ዶናፕ ከሴዳ ቃላ ኔን ኤራሳ፡፡

17 ታና ዳጋንጻፓ፡፡ ኔን መቱዋ ጋላስ ታዉ ባቃታ አትያ ሳኢ፡፡

18 ታና የደርሰያዋንታ ዬላያ፤ ሸን ታና ዬላየፓ፡፡ ኡንቱንታ ዳጋንጻ፤ ሸን ታና ዳጋንጻ፡፡ ኡንቱንቱ ቦላ መቶ ጋላሳ አያ፤ ኡንቱንታ ላኡ ኩሸያ ሙሩዋ ሙራ፡፡

ሳምባታ ቦንቶያዎ

19 መድና ጎዳይ ታና ሀዋዳን ያጌዳ፤ “ባ፡ ይሁዳ ካተቱ ካታማ ገልያነ ከሰያ አሳይ ገልያ ፕንግያንነ ሀራ የሩሳላመ ፕንገቱዋ ኡባን ባደ ኤቃ፡፡

20 ኡንቱንታ ሀዋዳን ያጋ፤ ‘ህንተኖ ይሁዳ ካተቶ፡ ህንተኖ ይሁዳ አሳቶ፡ ህንተኖ የሩሳላመ አሳቶ፡ ህንተኖ ሀ ፕንገቱዋና ገልያ አሳቶ፡ ኡባይካ መድና ጎዳ ቃላ ሰሰተ!፡፡

21 መድና ጎዳይ ሀዋዳን ያጌ፤ “ሳምባታ ጋላሳን ቶኩዋ ቶከና ማላነ አያነ ቶኪደ፡ የሩሳላመ ፕንግያና ገለና ማላ፡ ህንተዉ ናገትተ!፡፡

22 ሳምባታ ጋላሳን ህንተ ጎልያፕ ቶኩዋ ቶኪደ ከሶፕተ፡ ዋይ አይ ኦሱዋነ ኦሶፕተ፡፡ ካሰ ህንተ አዎቱዋ ታን አዛዜዳዋዳን፡ ሳምባታ ጋላሳ ዲማዪደ ቦንቶ፡፡

23 ግዶፕነ፡ ኡንቱንቱ ሰሰበይክኖ፤ ባረንቱ ሀይላካ ታኮ የግበይክኖ፡፡ ኡንቱንቱ ሰሰናንነ ታፕ ታማረናን እጼድኖ፡፡

24 “ ‘ “ሸን ህንተ ታን መድና ጎዳይ ኦድያዎ ሰሶፕ፡ ሳምባታ ጋላሳን አይ ቶኩዋነ ቶኪደ፡ ሀ ካታማ ፕንገቱዋና ገለናን አጎፕ፡ ሳምባታ ጋላሳ ዲማዪደ፡ እነ አይ ኦሱዋነ ኦፍናን ቦንቶ፡፡

25 ዳዊታ ካተቱዋ አራታን ኡትያ ካተቱ ባረንቱ ዋድያዋንቱና ፓራቱዋነ ፓራ ጋረቱዋ ቶጊደ፡ ሄ ፕንገቱዋና ገለና፡፡ ኡንቱንቱ ይሁዳ አሳና የሩሳላመ ካታማን ደኢያ አሳና ገለና፤ ሀ ካታማይ መድናዉ አሳይ ደኢያ ካታማ ግዳናዎ፡፡

26 “ ‘ “አሳይ ጸግያ ያርሹዋነ ሀራ ያርሹዋ፡ ካላ ያርሹዋ፡ እጸናን ጋላታ ያርሹዋ እኪደ፡ ይሁዳ ካታማቱዋ፡ የሩሳላመ ዩሹዋን ደኢያ ሞላቱዋ፡ ቢንያማ ቢታ፡፡ ጋዳ፡፡ ገዘያፕነ ኔጌባፕ መድና ጎዳ ጌሻ ጎልያ ያና፡፡

27 “ ‘ “ሸን ህንተ ሳምባታ ጋላሳቱዋ ዲማዪደ ቦንቶዳንነ ሳምባታ ጋላሳቱዋን ቶኩዋ ቶኪደ፡ የሩሳላመ ፕንገቱዋና ገለናዳን፡ ታን ኦዴዳዎ ሰሰናን እጸ፡፡ ታን ሄ ፕንገቱዋን ታማ ኦይላና፡ የሩሳላመ ካትያ ጎላቱዋ ማና፡፡ ሄ ታማይ ቶኤና” ያጌ’ ያጋ” ያጌዳ፡፡

18

ኤርማስ ኡርቃ መድና ብታንያ ሶ ቤዳ

1 መድና ጎዳፕ ኤርማሳዉ ዬዳ ቃላይ ሀዋ፤
2 “ደንዳ፤ ኡርቃ መድና ብታንያ ጎለ ባ፡ ያን ታን ኔና ታ ቃላ ሰሳና” ያጌዳ፡፡

3 ታን ዲገ ኡርቃ መድና ብታንያ ጎለ ባደ፡ እ ባረ መድና ይንግርያዋን ኡርቃ መድናዋ በአድ፡፡

4 እ መድሸና፡ ሚሻይ አ ኩሸያን ባዬዳ፡፡ እ ሄ ኡርቃ ዛሪደ ሙናቂደ፡ ባረና ሎኢያ ሀራ ሚሻ ከሲደ መዴዳ፡፡

5 ሄ ዋድያን መድና ጎዳ ቃላይ፡ ሀዋዳን ያጊደ፡ ታኮ ዬዳ፤

6 “እሰራኤልያ አሳቶ፡ ሀ ኡርቃ መድና ብታኒ ኦልያዋዳን፡ ታን ህንተና ኦላናዉ ዳንዳይክታ? ያጌ መድና ጎዳይ፡፡ እሰራኤልያ አሳቶ፡ በአተ፤ ኡርቃይ ባረና መድናዋ ኩሸያን ደኢያዋዳን፡ ህንተካ ታ ኩሸያን ደኢታ፡፡

7 አይ ዋደ ግዶፕነ፡ ታን እት ቢታባ ዋይ እት ካዉተላባ፡ ታን ህንተና ቶቆላና፡ ዮዳናን ጳይሳና፡ ጋደ ኦድና፡፡

8 ሄ ታን ኦዴዳ ካዉተላይ ባረ ኢታተላፕ አጊደ ሰሞፕ፡ ታን ኡንቱንቱ ቦላ አሀና ጌዳ ኢታባ አሄናን አጋ ባሻና፡፡

9 ቃይ አይ ዋደ ግዶፕነ፡ ታን እት ቢታባ ዋይ እት ካዉተላባ፡ ታን ህንተና ኬጻናን ቶካና ጋደ ኦድና፡፡

10 ሄ ካዉተላይ ታን ኦድያዎ ሰሰናን እጸፕ ታ ሰንላን ኢታባ አሳፕ፡ ታን ኦላና ጌዳ ሎኦባ ኦፍናን አጋሻና፡፡

11 “ሄዋ ድራዉ፡ ሀእ ይሁዳ አሳቶነ የሩሳላመን ደኢያዋንቱ ሀዋዳን ያጋ፤ መድና ጎዳይ ያጌ፤ በአተ፡ ታን ህንተ ቦላ ኢታባ መዳይነ ሀልቻድ፡፡ ህንተ ኡባይካ ህንተ ኢታ ኦግያፕ ሰሞተ፤ ህንተ ኦግያነ ህንተ ኦሱዋ ሳምተ ያጌ ያጋ፡፡

12 ሸን ኡንቱንቱ፡ ‘ሄዌ አይነ ማደና! ኦን ኦ ሀልቻዳዋዳን ሀናና፤ ኦን ሁጲያን ሁጲያን ኦ ኢታ ዋዛና ሙመተላዳን ኦላና’ ያጋና” ያጌዳ፡፡

13 ሄዋ ድራዉ፡ መድና ጎዳይ ሀዋዳን ያጌ፤ “ሀዋ ማላባ ሰሰ ኤሪቴ? ያጊደ እነ ካዉተላቱዋ ግዶን ላልአተ፡፡ ወዶራታ እሰራኤልያ ሎይላ ሸነይያዎ አላዲ፡፡

14 እ ባረዉ፡ ሊባኖሳ ደርያ ቦላን ደኢያ ሻቻይ፡ ዛላ ጸራፕ ጳይ ኤሪ? ሄ ደርያፕ ጎግያ እርጻ ሃላይ መል ኤሪ?

15 ሸን ታ አሳቱ ታና ዶጌድኖ፤ ኡንቱንቱ ፓፍና ጸሳቶ እጸና ጨዋዬኖ፡፡ ባረንቱ ኦግያፕ፡ ባረንቱ በን ሎሱዋፕ ቶብቴድኖ፤ ኡንቱንቱ ኦግያ አጊደ፡ ጋጻና ቤድኖ፡፡

16 ኡንቱንቱ ባረንቱ ቢታ ዳጋንጻዋን፤ መድናዉ ካፍቱዳዎ ከሴድኖ፡፡ ያና አድያ ኦንነ ሸነቱነ ባረ ሁጲያ ቃጼ፡፡

17 አዋይ ዉልያ ባጋ ጫርኩዋዳን፡ ታን ኡንቱንታ ኡንቱንቱ ሞርከቱዋ ሰንላን ላላና፡፡ ኡንቱንቱ መቱዋ ጋላስ ታን ኡንቱንቶ ዘክያ ዛራናፕ አትና፡ ታ ሰሞኡዋ ሃሳይከ” ያጌ፡፡

ኤርማሳ ቦላ ማቀጥጥ ማቁጠ

18 አሳቱ ሀዋዳን ያጌድኛ፤ “ሃ ዩተ፤ እነ ኤርማሳ ቦላ ማቀጥጥ። እያዉ ጎጥ፤ ቁሳቱ ታማርሲያ ሀጌ፤ እዴዳ ኤራንቻቱ እምያ ዘሪ፤ ትምቢትያ ኦድያዋንቱ ኦድያ ቃላይ ቆየና። ሃ ዩተ፤ እነ እኩ እንጸርሳን ጲሮይተ። እ ኦድያ ቃላ ሰሰናን ከጌቶ” ያጌድኛ።

19 አቤት መድና ጎዳዉ፤ ታ ኦድያዋ ሰሳ፤ ታ ሞርከቱ ታ ቦላ ሃሳይያዋ ሀይዛ።

20 ሎኦ ኦሌዳ አሳዉ ኢታ ዛሪእ? ሸን ኡንቱንቱ ታዉ አላ ቦቢኖ። ታን ነ ሀንቁ ኡንቱንቱ ሰማና ማላ፤ ኡንቱንቱ ድራዉ ሎኦባ ሃሳያናዉ ነ ሰንሳን ኤቄዳዋ ቆጋ።

21 ሄዋ ድራዉ፤ ኡንቱንቱ ናናቱዋ ኮሻዉ አላደ እማ፤ ኡንቱንታካ ማሻዉ አላደ እማ። ኡንቱንቱ ማጫ አሳቱካ ናኦይ ባይናዋንታን እምኤ ግድና። ኡንቱንቱ አቱማ አሳቱካ ዋድያ ሀርግያን ጋከትኛ፤ ኡንቱንቱ ዋዳላቱካ ኦላን ሲፈትኖ።

22 ኡንቱንቱ ቆጥናን ኔን ኡንቱንቱ ቦላ ቦንቁያዋንታ የድና፤ ኡንቱንቱ ጎልያን ዋሱ ከሶ። እያዉ ጎጥ፤ ኡንቱንቱ ታና ኩንድሳናዉ ኦላ ቦኬድኖ፤ ታ ገድያዉካ ጲርያ ዋሌድኖ።

23 ሸን አቤት መድና ጎዳዉ፤ ኡንቱንቱ ታና ዋዳናዉ ማቀጥጥ ኡባ ኔን ኤራሳ። ኔን ኡንቱንቱ ኢታተላ አቶ ጎጥ፤ ዋይ ኡንቱንቱ ናጋራ ነ ሰንሳጥ ቁጮጋ። ኡንቱንቱ ነ ሰንሳን ጸነቲደ ኩንድኖ። ነ ሀንቁዋ ዋደ ኔን ኡንቱንታ ሀዋዳን ኦላ።

19

መኤዳ ባረታ ለምሉዋ

1 መድና ጎዳይ ሀዋዳን ያጌ፤ “ባ፤ ኡርቃ መድያዋጥ ባሬታ ሻማ። ኔናና አማራዳ ጋድያ ጭማቱዋን አማራዳ ቁሰያ ጭማቱዋ አካደ።

2 ኮንኦ መኡዋ ጥንግያ ግያ ጥንግያ ላንቁያና አዳኦደ፤ ህኖማ ዛንጋራ ባ፤ ያን ታን ነዉ ኦድያ ቃላ አዋያ።

3 ሀዋዳን ያጋ፤ ህንተኖ ይሁዳ ካተቶ፤ ህንተኖ የሩሳላመ ካታማ አሳቶ፤ መድና ጎዳ ቃላ ሰሰተ! ኡባጥ ዋልቃማ መድና ጎዳይ፤ እሰራኤልያ ጸሳይ ሀዋዳን ያጌ፤ “ቦአተ፤ ሰሰያ ኡባዉ ሀይላዉ ኢትያ ፓላባ ሀ ቢታ ቦላ ታን አሀና።

4 እያዉ ጎጥ፤ አሳቱ ታና አጌድኖ፤ ኡንቱንቱ ዋይ ኡንቱንቱ አዋቱ፤ ዋይ ይሁዳ ካተቱ ኤሪና ሀራ ጸሳቶ እጸና ጨዋዬደ ያርሸያዋን ሀ ሳኦ ቱንሴድኖ። ኡንቱንቱ ጸሎ አሳቱዋ ሱላ ሀ ሳኦን ኩንሌድኖ።

5 ቃይ ታን ኡንቱንታ አዛዛቤናባ፤ ዋይ ኦዳቤናባ፤ ዋይ ታ ዋዛናን ቆጋቤናባ ኦሌድኖ፤ ኡንቱንቱ ባረንቱ አቱማ ናናቱዋ ባኦላዉ ታማን ጸግያ ያርሹዋ ኦሌደ ያርሻናዉ፤ ጎይንያ ቶቃ ሳኦቱዋን ያርሸያ ሳ ግምቤድኖ።

6 ሄዋ ድራዉ፤ ሀ ሳኦይ ቶሬታ ዋይ ህኖማ ዛንጋራ ጌተትያዌ አቲደ፤ ሹካ ዛንጋራ ያገቲደ ጸገታና ጋላሳቱ ዩኖ ያጌ መድና ጎዳይ።

7 “ ር “ ደሁደነ የሩሳላመ አሳ ሀልቼዋ ታን ሀ ሳኦን ፖለተናዳን ኦላና። ኡንቱንቱ ባረንቱ

ሞርከቱዋ ማሻን ባረንታ ዋዳናዉ ኮይያዋንቱ ኩሸያን ሀይቃናዳን ታን ኦላና። ኡንቱንቱ አሃ ሳሎዋ ካፎቶን ሳኦ ደኦቶ ቁማ አላደ እማና።

8 ሀ ካታማ ባዙዋን ቅለጭያዋ ከሳና። ሄዋና አድያ ኡባይ አ ባሻን ማላለቲደ፤ ፖራ! ያጋና።

9 ኡንቱንቱ ባረንቱ ማጫ ናናቱን አቱማ ናናቱዋ አሹዋ ማናዳን ታን ኦላና። ኡንቱንቱ ዋዳናዉ ኮይያ ሞርከቱ ኡንቱንታ ዋይሰያ ዋይያንን ድድያ ድዳን፤ ኡንቱንቱ ኡባይ አቱ አቱዋ አሹዋ ማና” ያጌ።

10 “ሄዋጥ ጉይያን፤ ኔናና እትጥ ቤዳ አሳቱዋ ሰንሳን ሄ ባረታ መንላ።

11 ኡንቱንታ ሀዋዳን ያጋ፤ ሉባጥ ዋልቃማ መድና ጎዳይ ሀዋዳን ያጌ፤ “ዛሪደ ኮልና አይቀናዳን ኦሌደ፤ እት አሳይ ባረታ መንሐያዋዳን፤ ታን ሀ ካወተላን ሀ ካታማ መንግራላና። አሳቱ አሃ ሞግያ ሳኦይ ባይና ድራዉ፤ ቶሬታን ሞጋና።

12 ታን ሀ ሳኦን እን ደእያ አሳ ኦላናዌ ሀዋ፤ ታን መድና ጎዳይ ሀ ካታማ ቶሬታዳን ኦላና።

13 የሩሳላመ አሳ ጎለቱን ይሁዳ ካተቱዋ ጎለቱ፤ ጎልያ ቦላን ደምባዬደ ኦሌድኖ ሳሎዋ ጸልንተቶ እጸና ጨዋዬዳን ሀራ ጸሳቶ ኡሻ ያርሹዋ ጉሴዳ ጎለቱ ኡባይ ቶሬታ ግያ ሳኦዳን ቱኔዳዋንታ ግዳና” ያጌ።

14 ሄዋጥ ጉይያን፤ ኤርማሰ መድና ጎዳይ ትምቢትያ ኦዳናዉ ከቲዳ ቶሬታጥ ሰሚደ ዩደ፤ መድና ጎዳ ጌሻ ጎልያ ግደን ደእያ ዳባባን ኤቄዳ። አሳ ኡባዉ ሀዋዳን ያጌዳ፤

15 “ኡባጥ ዋልቃማ መድና ጎዳይ፤ እሰራኤልያ ጸሳይ ሀዋዳን ያጌ፤ ሰሰተ፤ ታን ሀ ካታማ ቦላን ኦ ሄራን ደእያ ሞላቱ ኡባ ቦላ አሀና ጌዳ ኢታባ ኡባ ኡንቱንቱ ቦላ አሀና ሀናይ። እያዉ ጎጥ፤ ኡንቱንቱ ሞርጊ ማካላ ግዲደ፤ ታን ኦዳዳባ ሰሰናን እጾድኖ ያጌ” ያጌዳ።

20

ኤርማሳን ፓሽሁራ

1 ሄ ዋደ መድና ጎዳ ጌሻ ጎልያን ካፑዋ ግድያ፤ እማራ ናኦ ፓሽሁራ ግያ ቁሴ፤ ኤርማሰ ሀ የዋቱ ትምቢትያ ኦድሸን ሰሴዳ።

2 ፓሽሁር ትምቢትያ ኦድያ ኤርማሳ ደሸሴዳ፤ ቆዋ ቢንያማ ጥንግያ ግያ መድና ጎዳ ጌሻ ጎልያ ገልያሳን ደእያ ዱላ ሉኩዋን ቃሸሴዳ።

3 ዋንተላ ጋላሰ ፓሽሁር ኤርማሳ ቃሹዋጥ ብልና፤ ኤርማሰ አዉ ሀዋዳን ያጌዳ፤ “ሀቸጥ ደምና፤ መድና ጎዳይ ነ ሱንሳ ፓሽሁራ ያገና፤ እ ነ ሱንሳ ያን ሃን ዳጋማ ያጋና።

4 እያዉ ጎጥ፤ መድና ጎዳይ ሀዋዳን ያጌ፤ ታን ኔና ነ ሀ-ጲያዉን ነ ላገቱዋ ኡባዉ ዳጋማ ከሳና። ኡንቱንቱ ኔን ጸልሸን፤ ባረንቱ ሞርከቱዋ ማሻን ዉራና። ይሁዳ አሳ ኡባ ባብሎን ካትያ ኩሸያን አላደ እማና። እ ኡንቱንታ ኦሞዲደ፤ ባብሎን አፋና፤ አፊደ ያን ማሻን ኡንቱንታ ዋዳና።

5 ሄዋዳንካ፤ ሀ ካታማ አቁዋ ፔሻ ኡባ፤ ኦሐ ከሴዳባ ኡባ፤ ዲረተላ ኡባን ይሁዳ ካተቱዋ ሚሻ ኡባ ታን ኡንቱንቱ ሞርከቶ አላደ እማና።

ኤንቱንቱ ኤንቱንታ ቦንቂ ኦይቂድ፡ ባብሎን አፋና።

6 ቃይ ኔን ፓሽሁርካ ነ ሶን ደእያ አሳይ ኡባይ አዋደቲድ፡ ባብሎን ባና። ኔን ትምቢትያ ኦይዳ ነ ላገቱዋ ኡባናካ ያን ሀይቃናን ያን ሞገታና ያን” ያጌዳ።

ኤርማሳ ጸሳው ማጋኔዳ

7 አቤት መቅና ጎዳው፡ ኔን ታና ጭማዳ፤ ታንካ ጭመታድ። ኔን ታፕ ሞናድ፡ ታና ጸናድ። ጋላሳ ኩመንሳ ታን አሳይ ሚጭያዋ ከሳድ፤ ኡባይ ታና ቅሊጩ።

8 ታን ሃሳይያ ዋድያን ኡባን ቆቂሳድ፡ “ማካላባይን ባሻይ ጋኬዳ” ያጋደ ዋሳይ። መቅና ጎዳ ቃላይ ታወ ጋላሳ ኩመንሳን ካቲያን ቅሊጩዋ አሄዳ።

9 ታን፡ “ታን ጸሳባ ደንላደ ሃሳይከ” ዋይ፡ “አ ሱንሳን ላኤንሳ ኦድከ” ጎፕ፡ ጸሳ ቃላይ ታ መቀላ ግደን ቁምኤቲድ፡ ኤጽያ ታማ ማላ ግዲድ፡ ታ ዋዛናን ሞቼ። ታን ግደን ኦይቃደ አሻና ጋደ ዳቡራድ፤ ሽን ተአናው ዳንዳያበይከ።

10 ታን ዳር ሳሱከላ ሰሳድ፤ “ያን ሃን ዳጋማይ ደኤ! አን አ ሞትተ! ኮንካ አ ሞቶይተ” ያጌና። ታወ ማታ ላገቱ ኡባይ ታ ኩንደላ ናጊድ፡ “ኦን ኤሪ፡ ኮን አ ኦይቃና ማላን ኑ ሀሉዋ ከሳና ማላ፡ አ ጭመታናው ዳንዳዬ” ያጌና።

11 ሽን መቅና ጎዳይ ያሽሰያ ቶራንቻዳን ታናና ደኤ። ሄዋ ድራው፡ ታና የደርሰያዋንቱ ቆብታና፤ ኤንቱንቱ ታና ጸንክኖ። ኤንቱንቶ ጊና ድራው፡ ኤንቱንቱ ዋልቃማ ዬላ ዬላታና። ኤንቱንቱ ካወሻይ ሙላካ ደገተና።

12 አቤት ኡባፕ ዋልቃማ መቅና ጎዳው፡ ጽሎቱዋ ፓጭያዎ፡ ዋዛና ካሃ በእያዎ፡ ኔን ታ ሞርከቱዋ ቦላን ታ ሀሉዋ ከሳደ ታና በሳ። አያወ ጎፕ፡ ታን ታ ሞቱዋ ነወ አሳድ።

13 መቅና ጎዳው የጽተ! መቅና ጎዳ ጋላትተ! አያወ ጎፕ፡ አ ሀይሳቱዋ ኢታቱዋ ኩሽያፕ አሹ።

14 ታን የለቲዳ ጋላሳይ ሸቀቲዳዋ ግደ! ታ አታ ታና የሌዳ ጋላሳይ አንጀቶፕ!

15 ታ አዎ፡ “ነወ ሞሽራቾ፤ ነወ አቱማ ናአይ የለቲዳ!” ያግ ኦዲድ፡ ዳር ናሽቼዳ ብታኒካ ሸቀቲዳዋ ግደ!

16 ሄ ብታኒ መቅና ጎዳይ ቃረተናን አሳ የጊደ ቆይሴዳ ካታማቱዋዳን ሀኖ። ሄ ብታኒ ዋንታ ዋሱዋ፡ ጋላሳ ሴታን፡ “ኦላይ ጋኬዳ!” ግያ ኦዲዋ ሰሶ።

17 አያወ ጎፕ፡ ታ አታ ታወ ዳፎ ግዳና ማላን አ ኡሉካ ታና ዋጋ ኦይቂ ኡታና ማላ፡ ታና ኡሉዋን ዋቲቤና።

18 ታን መቱዋን ካዩዋ በአናውኒ ላይላ ኡባ ዬላታደ ወርሳናው፡ አያወ ታ አት ኡሉዋፕ ከሳድታሻ?

21

የሩሳላመ ጸነታናዋ ትምቢቲ ኦይቲዳ

1 ካቲ ሰደቅያሰ ማልክያ ናኣ ፓሽሁራን ማእሴያ ናኣ ቁሰያ ሶፎናሳ ሀ ኦሻ ኦቻና ማላ፡ መቅና ጎዳይ ኤርማሳኮ ኪቲዳ።

2 ኤንቱንቱ፡ “ባብሎን ካቲ ናቡካዳናጸር ባረ ኦላንቻቱዋና ሀ ካታማ ዩይ አቋደ ደይዳ ድራው፡ አን ኡወ መቅና ጎዳ ኦቻ። ኦን ኤሪ፡ መቅና ጎዳይ በንዋዳን፡ ማላልሰያ ኦሱዋ ኑ ድራው ኦሊድ፡ አ ጉየ ዛራንንቶን” ያጌድኖ።

3 ኤርማሳ ኤንቱንቶ ዛሪድ፡ ሀዋዳን ያጌዳ፤ “ቢደ ሰደቅያሳው ያግተ፤

4 መቅና ጎዳይ እስራኤልያ ጸሳይ ሀዋዳን ያጌ፤ “ኔን ባብሎን ካትያናን ግምቢያፕ ካረና ነ ካታማ ደድያ አ ኦላንቻቱዋና ኦለትያ፡ ነ ኩሽያን ደእያ ኦላ ሚሻ ታን ጉየ ነ ቦላ ዛራና። ቃይ ኤንቱንታ ኡባካ ሀ ካታማትወ ግደ ገልሳና።

5 ታን ታ ሁጺያን የዳዳ ኩሽያን፡ ዋልቃማ ቀሰያን፡ ይሉዋን፡ ሀንቁዋንን ዋልቃማ ሴራን ኔና አላና።

6 ታን ሀ ካታማን ደእያዋንታ፡ አሳካ መሀያካ ሾጫና። ኤንቱንቱ ኢታ ሀርግያን ወራና።

7 ሄዋፕ ጉይያን፡ ይሁዳ ካትያ ሰደቅያሳ፡ አ ኦላንቻቱዋን ኢታ ሀርግያፕ፡ ማሻፕ ኩሻፕ ፓላሄዳ፡ ሀ ካታማ አሳ ኡባ፡ ባብሎን ካትያ ናቡካዳናጸራውኒ ኤንቱንታ ዋቆናው ኮይያ ሞርከቶ ታን መቅና ጎዳይ አላደ እማና። አ ኤንቱንቱ ቃራ ማሻን ሲፋና። አ ኤንቱንቶ ቃረተና፡ ዋይ ሳሊደ አገና፡ ዋይ ማረና ያጌ ያግተ” ያጌዳ።

8 መቅና ጎዳይ ኤርማሳ፡ “ጉጃደካ አሳወ ሀዋዳን ያጋደ ኦዳ፤ ጸሳይ ሀዋዳን ያጌ፤ ብእተ፡ ታን ሀንተ ሰንሳን ደኡዋ ኦግያን ሀይቁዋ ኦግያ ዋላድ።

9 ሀ ካታማ ግደን ታክያ አሳይ ኦንነ ማሻን፡ ኩሻን ዋይ ኢታ ሀርግያን ሀይቃና። ሽን ካታማፕ ከሲደ ቢድ፡ ካታማ ደዲደ ኦይቂዳ ባብሎንቶ ባረ ኩሽያ እምያ አሳይ ኦንነ ፓጸ አታናዋ፤ ሄ ኡራይ ባረ ሸምቼዋ ጸላላ አሻና።

10 አያወ ጎፕ፡ ታን ሀ ካታማወ ኬካናው ግደናን ኢታናው ታ ቆፋ ቃቻድ። ባብሎን ካትያው አ አላደ እማና፤ እካ ሀ ካታማ ታማን ጹጋና። ታን መቅና ጎዳይ ሀዋ ኦዲድ ያጌ” ያጋ።

11 ቃይካ ይሁዳ ካትያ ጎልያ አሳወ ሀዋዳን ያጋ፤ መቅና ጎዳ ቃላ ሰሰተ!

12 ሀንተኖ፡ ዳዊታ ዛረቶ፡ መቅና ጎዳይ ሀንተና ሀዋዳን ያጌ፤ “ዋንትና ዋንትና ሱረ ፕርድተ፤ ቦንቀቲዳዋንታ ኡቁንያዋንቱ ኩሽያፕ አሽተ። ሄዌ ቆዮፕ፡ ሀንተ ኢታ ኦሱዋ ጋሱዋን ታ ሀንቁ ታማዳን ኤጽ ከሳና፤ ኦንነ አ ቶይሰና ያጌ ያጋ” ያጌዳ።

13 መቅና ጎዳይ ሀዋዳን ያጌ፤ “ኔኖ፡ የሩሳላመ፡ ኔን ደምባን ደእያ ዛላዳን፡ ዛንጋራፕ ፑደ ቆቁ ጋደ ቤታሳ፤ ሽን ታን ኔናና ኦለታና። ኔን፡ “ኦንነ ታ ቦላ ጸለና ዋይ ታ ደኢያሳ ገለና ያጋሳ፤

14 ሽን ታን መቅና ጎዳይ ኔና ነ ኦሱዋዳን ሙራና። ታን ነ ካተ ጎልያን ታማ ኦይላና፤ ነ ዩሹዋን ደእያዋ ኡባ ሞ ቆይሳና” ያጌ።

22

ኤርማስ ይሁዳ ካትያ ሶ አሳው አዴዳ ቃላ
1 መድና ጎዳይ ሀዋዳን ያጌ፤ “ባ፤ ዱገ ይሁዳ ካትያ ጎላ ባድ፣ ያን ሀ ቃላ ኦዳ።

2 ኔሩ ይሁዳ ካትያው፣ ዳዊታ ካውተላ አራታን ኡትያዎ፣ ኔንካ ነ ቆማቱካ ሀ ፐንግያና ገልያ ነ አሳይ ኡባይካ መድና ጎዳ ቃላ ሰሰተ!

3 መድና ጎዳይ ሀዋዳን ያጌ፤ “ሱረ ፕርዳነ ጽሎባ ኦሐተ። ቦንቀቲዳዋንታ ኡቁንያዋንቱ ኩሽያፕ አሸተ። በተቱዋ ቦላ፣ አው ባይና ናናቱዋ ቦላነ አሰናቱ ሀይቄዳ ማጫ አሳቱዋ ቦላ ገንያባ ዋይ ማካላባ ኦሐተ። ቃይ ጽሎ አሳ ሱላ ሀ ሳኣን ጉሰተ።

4 ሀንተ ታን ጌዳዋዳን ቱሙ አዛዘቶ፣ ዳዊታ ካውተላ አራታን ኡትያ ካተቱ ፓራነ ፓራ ጋርያ ቶጊድ፣ ባረንቱ ኦሳንቻቱዋና ባረንቱ አሳና ሀ ካትያ ጎልያ ፐንገቱዋና ገላና።

5 ሸን ሀንተ አዛዘተናን አጸ፣ ሀ ካትያ ጎላ ኦና ግዳና ያጋደ ታን መድና ጎዳይ ታ ሁጲያን ጫቃይ” ያጌ፣ ያጌ” ያጌ።

6 መድና ጎዳይ ይሁዳ ካትያ ጎልያባ ሀዋዳን ያጌ፤ “ኔን ታው ጋላኣደ ቢታን ሊባኖሳ አሳ ጼራ ማላ ግዳፕካ፣ ታን ኔና ባዙዋነ አሳይ ደኤና ካታማ ኦላና።

7 ታን ኔና ኮልያዋንታ ሁጲያን ሁጲያን ኦላ ሚሻ ኦይላድ፣ ነው ኪታና። ኡንቱንቱ ዘጋፕ ማሰቲዳ ነ ቱቀቱዋ ቃንጸራሊድ፣ ታማን ኦላና።

8 “ጫራ ካውተላፕ አሳይ ሄ ካታማ ላንቁያና አጻና። እቱ እቱዋ፣ ‘መድና ጎዳይ አያው ሀ ዋልቃማ ካታማ ሀዋዳን ኦሌዴ?’ ያጊደ ኦቻና።

9 ኡንቱንቱ፣ ኡንቱንቱ መድና ጎዳ ባረንቱ ጸሳና ጫቀቲዳ ጫቀዋ አጌዳ ግሻሳን ሀራ ጸሳቶ ጎይኔዳነ ኦሌዳ ግሻሳን ያጋና” ያጌ።

ኤርማስ ሻሎማባ ኦዴዳ ቃላ

10 ሀይቄዳ ካትያ እዮሰያሳው ዩኮፕተ ዋይ ካዮቶፕተ። ሄዋ አጊድ፣ ኦሞደቲደ ቤዳ ሻሎማው * ሴለቲደ ዩክተ። አያው ጎፕ፣ እ ኡባካ ጉዮ ሰመና፤ ባረ የለቲዳ ቢታ ላኤንላ በኤና።

11 ባረ አውዋ ድራው ይሁዳን ካተቲደ ደኢድ፣ ሀ ሳኣፕ ቤዳ እዮሰያሳ ናኣ ሻሎማባ መድና ጎዳይ ሀዋዳን ያጌ፤ “እ ኡባካ ጉዮ ሰመና።

12 እ ኦሞደቲደ ቤዳ ቢታን ሀይቃና። ኡባካ ሀ ቢታ በኤና” ያጌ።

ኤርማስ እዮአቄማባ ኦዴዳ ቃላ

13 ባረ ጎልያ ናቁዋን ኬጽያዎ፣ ጽሎ ግደና ኦግያን ፖቅያ ቦላ ፖቅያ ጉጅያዎ፣ ባረ ጋድያ አሳው አይነ አመናንን ዋልቃ ጋትያ ጭገናን ኦሰሰያዎ፣ አው አዮ!

14 እ፣ “ታን ታው አኮ ፖቅያና ደእያ ዋልቃማ ጎልያ ኬጻና” ያጌ። ባረ ጎልያው ዋልቃማ ማሰኮተቱዋ፤ ከሰደ ዘጋ ማሰላን ቦላ ካሚደ፣ ዘኦ ቃላምያ ኦኬ።

15 ባረው ኔን ዳር ዘጋን ኬጾዳዊ ኔና ሎኦ ካትያ ከሴ ጋደ ቆፓዲ? ነ አውዋ እዮሰያሳው

ምያዌነ ኡሽያዌ ጳዩዴ? እ ሱረ ፕርዳነ ጽሎባ ኦሌዳ። ሄዋ ድራው፣ አው ኡባባይካ እንጀቲዳ።

16 እ ሀይሳቶነ መቶታንቻቶ ሱረ ፕርድያ ድራው፣ አው ኡባባይካ ሀኔዳ። መድና ጎዳ ኤሬ ያግያዌ ሀዋ።

17 ሸን ሀራባ አጊድ፣ ነ አይፊነ ነ ዋዛናይ ጀምያዌ ነ ጎኣ ደማናሳነ ጽሎ ሱላ ጉሳናሳ፣ አሳ ናቃናሳነ ኡቁናናሳ።

18 ሄዋ ድራው፣ መድና ጎዳይ እዮሰያሳ ናኣ፣ ይሁዳ ካትያ እዮአቄማባ ሀዋዳን ያጌ፤ “እ ሀይቄያ ዋደ ኡንቱንቱ አው፣ ‘አዬ! አዮ! ታ አሻው!’ ያጊደ ዩክክኖ። ቃይ፣ ‘ታ ጎዳው፣ አዮ! ታ ካትያው፣ አዮ!’ ያጊደ ዘላልክኖ።

19 እ ሞጉካ ሀርያ ሞጉዋ ማላ ግዳናዋ። አ አሃይ ጎሽቲደ፣ የሩሳላመ ፐንገቱዋፕ ያ ባጋን ኦለታና” ያጌ።

የሩሳላመ ጋክያ መቱዋባ ኤርማስ ኦዴዳ ቃላ

20 ጸሳይ የሩሳላመባ ሀዋዳን ያጌ፤ “ባ፤ ፑደ ሊባኖሳ ባድ፣ ያን ዋሳ። ባሳነ ቢታን ዋሱዋ ጽልሳ። አባርማ ደርያንካ ዋሳ። አያው ጎፕ፣ ኦላው ኔናና ዙፕትያዋንቱ ኡባይ ጸነቲድኖ።

21 ኔን ሳር ደእሺና፣ ታን ነው ኦዳድ፤ ሸን ኔን፣ ‘ታን ሰሰከ’ ያጋዳ። ነ ያላጋተላደፕ ደሚደካ ነ ሀኩ ሀዋ፤ ኔን ታው አዛዘተናን አጻዳ።

22 ነ ሄንላንቻቱዋ ኡባ ጫርኩ አፋና፤ ኦላው ኔናና ዙፕትያዋንቱካ ኦሞደቲደ ባና። ሄ ዋደ ነ ኢታተላ ኡባ ድራው፣ ዩላታና ካውሻና።

23 ሀንተኖ፣ ሊባኖሳ ዘጋን ኬጸቲዳ ጎልያን ደእያዋንቶ፣ ኦይላይ ኦይቄዳ ማጫ ሞሽራቶዋ ማላ ኡንኤ ሀንተ ቦላ ፑቱ ግንቶ፣ ዋን ኦላንድቲሻ!” ያጌ።

24 መድና ጎዳይ ሀዋዳን ያጌ፤ “ታ ደኤ ኤር! ኔን እዮአቄማ ናኣይ፣ ይሁዳ ካቲ ዮኣኪን፣ ታ ኡሽቻ ኩሽያን ደእያ ታ አታምያ ሞግዴዋ ግድንቶካ ታ ኔና ከሳ የጋና።

25 ኔና ዋጻናው ኮይያዋንቶ፣ ኔን ያይያ ባብሎነ ካትያ ናቡካዳናጸራውነ አ ኦላንቻቶ ታን ኔና አላደ አማና።

26 ታን ኔናካ ኔና የሌዳ ነ አቶካ ሀንተ የለታ ቢታ ግደና ሀራ ቢታው ኦላና፤ ሀንተ ላኡካ ያን ሀይቃና።

27 ሀንተ ሰማናው ላሞትያ ቢታ ኡባካ ሰምክታ” ያጌ።

28 ባረው ሀ ብታኒ ዮኣኪን፣ ካጴዳነ መኤዳ ባረቲ? እ ኦንነ ኮየና ሚሹ? አያው እነ አ ናናቱ የደርሰቲደ፣ ባረንቱ ኤረና ቢታን ኦለቲደ አቲድኖ?

29 ሀነ ቢታቱ፣ ቢታቱ፣ ቢታቱ! መድና ጎዳ ቃላ ሰሳ!

30 መድና ጎዳይ ሀዋዳን ያጌ፤ “ሀ ብታንያ፣ ‘ናኣይ ባይና አሳ፣ ባረ ላይላ ኡባን ደኤ እንጀተና አሳ’ ጋደ ጸፋ። አያው ጎፕ፣ እ ዘረላፕ እቶነ እንጀተና፤ ዳዊታ ካውተላ አራታን ኡትያዌ ዋይ ይሁዳን ካተትያዌ ኡንቱንቱፕ እቱነ ደኤና” ያጌ።

22:5 ማቶሳ 23:38፤ ሉቃሳ 13:35 * 22:10 ሻሎማ- ሀ ሰንሳይ ሀራ ሳኣን፣ “እዮአካዛ” ጌተቲዳ። 22:11 2 ካታ. 23:31-34፤ 2 ኦዲዋ 36:1-4 22:18 2 ካታ. 23:36—24:6፤ 2 ኦዲዋ 36:5-7 22:24 2 ካታ. 24:8-15፤ 2 ኦዲዋ 36:9-10

23

ጸሐይ ባረ ሁጺያው አላና ጌዳዋንታ

1 መጅና ጎዳይ ሀዋዳን ያጌ፤ “ታ ሄንላ ጋደን ደእያ ደርሳቱዋ ባይዘያ ላልያ ሄንላንቻቶ አየ አና!” ያጌ።

2 መጅና ጎዳይ እስራኤልያ ጸሐይ ባረ አሳ ሄምያ ሄንላንቻቱዋ ሀዋዳን ያጌ፤ “ህንተ ታ ደርሳቱዋ ላሊደ፣ ዋራ የደርሴድታ። ህንተ ኡንቱንታ ጸዋሰቤና ድራው፣ ታን ህንተ ኦሴዳ ኢታተላው ኡባወ ህንተና ሙሩዋን ጸዋሳና ያጌ መጅና ጎዳይ።

3 ሄዋጥ ጉይያን፣ ታ ወድያጥ አቲዳዋንታ ካሰ ላሌዳ ቢታ ኡባጥ ታን ታ ሁጺያን ሸሻና። ኡንቱንታ ጉየ ኡንቱንታ ሄንላ ጋደያ ዛራና። ኡንቱንቱካ ሀዋን የለቲደ ጮራታና።

4 ታን ኡንቱንታ ሎይላ ሄምያ ሄንላንቻቱዋ ኡንቱንቶ ዋላና። ኡንቱንቱ ላኤንላ ያይክናን ዳጋምክና፤ ኡንቱንቱጥ አቱን ባየና። ታን መጅና ጎዳይ ሀዋ ኦዳድ” ያጌ።

5 መጅና ጎዳይ ሀዋዳን ያጌ፤ “ታን ዳዊተው ጽሎ አጫ ደንላና ጋላሳቱ ያና። እ ካትያዳን ካውታናን እጄዳ ኤራተላን ዋዳና፤ ቢታን እ ሱረባን ጽሎባ አላና።

6 እ ካተትያ ላይላን ይሁዳይ አታና፤ እስራኤሊካ ሳሮ ደአና። እ ጴሰታና ሱንላይ መጅና ጎዳይ፣ ኦ ጽሎተላ ጌተታና” ያጌ።

7 ሄዋ ድራው፣ ጸሐይ ሀዋዳን ያጌ፤ “አሳይ፣ ኢስራኤልያ አሳ ግብጾ ቢታጥ ከሲደ እሄዳ መጅና ጎዳይ ኤሮ” ያጌደ ጫቂያዋ አጋና።

8 ሸን፣ ኢስራኤልያ ዘረላ ሁጺሳ ባጋ ቢታጥ እ ላሌዳ ቢታቱዋ ኡባጥ እሄዳ መጅና ጎዳይ ኤሮ” ያጌደ ጫቂና ጋላሳቱ ያና። ሄዋጥ ጉይያን ኡንቱንቱ ባረንቱ ቡዞ ቢታን ደአና” ያጌ።

ዋርድ ትምቢትያ ኦድያዋንቱባ

9 ትምቢትያ ኦድያዋንቱባ ታን ቆጥያ ዋድ፣ ታ ዋዛናይ ካዩዋን መኤ፤ ታ መቀላቱ ኡባይካ ኮኮሪና። መጅና ጎዳ ድራውን እ ጌሻ ቃላ ድራው፣ ታን ማላቲዳ አሳ ማላ፣ ዋይንያ ኤሳይ ዋልቃ ድጌዳ አሳ ማላ ግዳድ።

10 እያወ ጎጥ፣ ቢታይ ሻርሙጻቱዋን ኩሜዳ። ሸቃ ድራው፣ ቢታይ ዩኬ፤ ባዞ ሄንላ ጋደቱካ መሌድና። ትምቢትያ ኦድያዋንቱ ኢታ ኦግያ ሀመቲና፤ ባረንቱ ዋልቃካ ልከ ግደናሳን ጎኤቲና።

11 መጅና ጎዳይ፣ “ትምቢትያ ኦድያዋን ቁሲን ላኡካ ቱኔድና፤ ሀራይ አትና፣ ታ ጌሻ ጎልያንካ ኡንቱንቱ ኢታተላ ታን ደማድ” ያጌ።

12 ቃይካ መጅና ጎዳይ፣ “ሄዋ ድራው፣ ኡንቱንቱ ኦግ ሀልጻና፤ ኡንቱንቱ ቋማወ ላገቲደ፣ እን ኩንዳና። ኡንቱንቱ ቃጻየትያ ላይላ ታን ኡንቱንቱ ቦላን ኢታባ አሀና” ያጌ።

13 ቃይካ እ ሀዋዳን ያጌ፤ “ሳማርያን ደእያ ትምቢትያ ኦድያዋንቱ ግደን ሸይያዋ በአድ። ኡንቱንቱ ባኣላ ሱንላን ትምቢትያ ኦዳናን ታ አሳ እስራኤልያ ዋራ ካለሊና።

14 ቃይ የሩሳላሙን ደእያ ትምቢትያ ኦድያዋንቱ ግደንካ ዳጋንሰያባ በአድ።

ኡንቱንቱ ሻርሙጺናን ዋርድቲደ ሀመቲና። ኦንነ ባረ ኢታ ኦሱዋጥ ሰመናዳን፣ ኡንቱንቱ ኢታ ኦልያዋንታ ገደ ምንጫና። ኡንቱንቱ ኡባይካ ታው ሰደማ ማላ፤ የሩሳላሙ አሳይካ ጋምራ ማላ” ያጌ።

15 ሄዋ ድራው፣ ኡባጥ ዋልቃማ መጅና ጎዳይ ትምቢትያ ኦድያዋንቱባ ሀዋዳን ያጌ፤ “የሩሳላሙን ደእያ ትምቢትያ ኦድያዋንቱጥ ቱናባይ ከሲደ፣ ቢታ ኡባን ላለቲዳ ድራው፣ ታን ኡንቱንታ ጫምያ ቁማ ምዛና፤ ታን ኡንቱንታ ዋድያ ሃላ ኡሻና” ያጌ።

16 ኡባጥ ዋልቃማ መጅና ጎዳይ ሀዋዳን ያጌ፤ “ትምቢትያ ኦድያዋንቱ ኦድያባ ሰሶጥተ። ኡንቱንቱ ሀነናባ፣ ሀናና ጌደ፣ ዋርድዋ ኦዳና። መጅና ጎዳይ ባረ ደናጥ ኦድና ግደናን፣ ኡንቱንቱ ባረጥ ቆጥ አኪደ፣ ሳፃ ኦዳና።

17 ታና ካድያዋንታ ኡንቱንቱ፣ ‘መጅና ጎዳይ፣ ህንተ ሳሮ ደአና’ ያጌ ያጌና። ቃይ ባረንቱ ዋዛና ሙመተላ ካለላያዋንታ ኡባ ኡንቱንቱ፣ ‘ህንተ ቦላ አያ ኢታባይን ዩና’ ያጌና” ያጌ።

18 ሸን በአናወ ዋይ አ ቃላ ሰሳናወ መጅና ጎዳይ ዘርያሳን ኡንቱንቱጥ ኦንነ ኤቁቤና። አ ቃላ ሀይዜዳዌ ዋይ ሰሴዳዌ ኦንነ ባዋ።

19 መጅና ጎዳ ጎቲ፣ አላ የግያ ቤታይ ሀንቁ ሀዌሾ ከሴዳ! እ ኢታ አሳቱዋ ሁጺያን ኤቃና።

20 አ ዋዛና ቆፋ ኦሊደ ፖለናን ደኢድ፣ መጅና ጎዳ ሀንቁ ሰመና። ወርሰላ ጋላሳቱዋን ሀዋ ህንተ አኬካና።

21 ጸሐይ ሀዋዳን ያጌ፤ “ታን ትምቢትያ ኦድያዋንታ ኪታበይከ፤ ሸን ኡንቱንቱ ዋዲና። ታን ኡንቱንቶ ኦዳበይከ፤ ሸን ኡንቱንቱ ትምቢትያ ኦዳና።

22 ኡንቱንቱ ታን ዘርያሳን ኤቁዳዋ ግድንቶ፣ ታ ቃላ ታ አሳወ ኦዳና ሸን! ኡንቱንቱ ኡንቱንቱ ኢታ ኦግያጥን ኡንቱንቱ ኢታ ኦሱዋጥ ዛራና ሸን!” ያጌ።

23 ቃይካ መጅና ጎዳይ፣ “ታን ማታ ጸላላ ጸሴ? ሃኮ ሳን ጸሳ ግድክታ?

24 ታን በኤናዳን፣ ጌማ ሳኣን ባረና ቆሳናወ አሳይ ዳንዳዪ? ሳሉዋንን ሳኣን ኩሜዳዌ ታና መጅና ጎዳ ግድክታ?” ያጌ መጅና ጎዳይ።

25 ጸሐይ ሀዋዳን ያጌ፤ “ታ ሱንላን ዋርድዋ ትምቢትያ ኦድያዋንቱ ግያዋ ሰሳድ። ኡንቱንቱ፣ ‘ታን አኩመታድ፤ ታን አኩመታድ!’ ያጌና።

26 ሀ የወ ባረ ዋዛና ጭሙዋ ትምቢትያ ኦድያ ዋርድ ናበቱዋ ዋዛናን አወደ ጋካናወ ጋምኣኔ?

27 ኡንቱንቱ አዋቱ ባኣላ ግያ ኤቃ ጋሱዋን ታ ሱንላ ደጌዳዋዳን፣ ኡንቱንቱ አቱ አቶ ኦድያ አኩሙዋን ታ አሳይ ታ ሱንላ ደጋናዳን ኦላናወ ቆጥና።

28 አኩሙዋ አኩመቲደ ትምቢትያ ኦድያዌ ባረ አኩሙዋ ኦድ። ሸን ታ ቃላ ሰሴዳዌ ሄ ቃላ አሸናን ጉጀናን ኦድ። ዳላይን ዘርጋይ ሀቃን ጋከቲ? ያጌ መጅና ጎዳይ።

29 ታ ቃላይ ታማ ማላ ግደኔ? ዛላ መንጫልያ ማደሻ ማላ ግደኔ?” ያጌ መጅና ጎዳይ።

30 መድና ጎዳይ ሀዋዳን ያጌ፤ “ሄዋ ድራው፡ ታን ታ ቃላ እቱ እቱዋጥ ወእያ ትምቢትያ ኦድያዋንቱ ቦላ ደአይ።

31 ሄዋዳንካ፡ ባረንቱ እንጸርሳን ሃሳዪደ፡ መድና ጎዳይ ያጌ ያግያ ትምቢትያ ኦድያዋንቱ ቦላ ደአይ ያጌ መድና ጎዳይ።

32 ታን መድና ጎዳይ ሀዋ ኦዳይ! ዋርዱዋ አኩመቲደ፡ ትምቢትያ ኦድያዋንቱ ቦላ ታን ግዳና፡ አንቱንቱ ሄ አኩሙዋ ኦዳይ፡ ባረንቱ ዋርዱዋን፤ ባረንቱ ጩቁዋን ታ አሳ ዋራ ካለፈና፡ ታን አንቱንታ ኪታቢይከ ዋይ፡ ኦድተ ጋቢይከ፡ አንቱንቱ ሀ አሳ አይ፤ ማድክና፡ መድና ጎዳይ ሀዋ ኦዳይ” ያጌ።

ጸሓ ኪታ

33 መድና ጎዳይ ታና ሀዋዳን ያጌዳ፤ “ኤርማሳ፡ ሀ አሳጥ እቱ፡ ዋይ ትምቢትያ ኦድያዋ፡ ዋይ ቁሲ፡ ‘መድና ጎዳ ኪታይ አይ?’ ጊደ እቸጥ፡ ነን አንቱንታ፡ ‘መድና ጎዳ ኪታይ ሀንተና፤ ሄዋ ድራው፡ ታ ሀንተና አጋ ባሻና’ ያጌ ያጋ።

34 ትምቢትያ ኦድያዋ፡ ዋይ ቁሲ፡ ዋይ አሳጥ እቱ፡ ‘ሀዋ መድና ጎዳ ኪታ’ ያጊደ ሃሳዮጥ፡ ታን ሄ ብታንያን አ ሶ አሳ ሙራና።

35 ሄዋ አጊደ አሳይ፡ ‘መድና ጎዳይ ዋጌዴ?’ ዋይ፡ ‘መድና ጎዳይ ኦዳዳባይ አይ?’ ያጊደ ባረ ለገቱዋን ባረ ዳቦቱዋ እቸናወ በሴ።

36 ሄዋ ድራው፡ ኦን፤ ‘መድና ጎዳ ኪታ’ ያጊደ ላኤንሉ ሃሳያናወ በሰና። አያወ ጎጥ፡ አወ ደናጥ ከሰያ ቃላይ አዋ ኪታ ግዴ። ሄዋን ደአዋ ጸሓ፡ ኡባጥ ዋልቃማ መድና ጎዳ፡ ኑ ጸሓ ቃላ ሀንተ ምርቂታ።

37 “ኔንካ ትምቢትያ ኦድያዋንታ፡ ‘መድና ጎዳይ ሀንተና ዋጌዴ? ዋይ፡ መድና ጎዳይ አያ ኦዳዴ?’ ያጋደ እቸናወ በሴ።

38 ሸን ሀንተ፡ ‘ሀዋ መድና ጎዳ ኪታ’ ጎጥ፡ መድና ጎዳይ ሀዋዳን ያጌ፤ ‘ታን ሀንተና፡ ሀዋ መድና ጎዳ ኪታ ጎጥተ’ ያግናካ ሀንተ፡ ‘ሀዋ መድና ጎዳ ኪታ’ ጌድታ።

39 ሄዋ ድራው፡ ቱሙዋጥ ታን ሀንተና ደጋና፤ ሀንተውን ሀንተ አዋ እሜዳ ካታማ ታ ሰንሳጥ ዋራ አላና።

40 ታን ሀንተ ቦላ መድና ካወሻን መድናወ ደገተና ዬላ አሀና ያጌ” ያጌዳ።

24

ባላሰያ ቴራ ቆቆና ላኡ ኬሻቱዋ ሌምሱዋ

1 እዮአቄማ ናኣ፡ ይሁዳ ካትያ ዮአኪና ይሁዳ ሞድያዋንቱና፡ ኩሸያ ኦሱዋ ሂላቱዋናን ብራታ ቆጵያዋንቱና የሩሳላመጥ ባብሎን ካቲ ናቡካዳናጸር ኦሞዳደ፡ ባብሎን አፋ ሰምና፡ መድና ጎዳይ ታና ሳፃ በሴዳ፤ ታን መድና ጎዳ ጌሻ ጎልያወ ሰንሳ ባጋና ባላሰያ ቴራ ኦይኬዳ ላኡ ኬሻቱዋ በኣድ።

2 እት ኬሻን ኮይሮ ቴራዳዋ ማላትያ ዳሮ ሎኦ ባላሰያ ቴራይ ደኤ። ላኤንሉ ኬሻን ቃይ ማናወ ገና ዳሮጥ ኢታ ባላሰያ ቴራይ ደኤ።

3 መድና ጎዳይ ታና፡ “ኤርማሳ፡ ሄዋ ኔን በእያዋ አይ?” ያጊደ ኦቹዳ።

ታን፡ “ባላሰያ ቴራ በአይ። ሎኦ ቴራይ ሎይላ ሎኦኤ ኢታ ቴራይ ቃይ ማናወ ገና ሎይላ ኢታ” ያጋደ ኦዳድ።

4 ሄዋጥ ጉይያን፡ መድና ጎዳ ቃላይ ታኮ ዬዳ፤

5 “መድና ጎዳይ እስራኤልያ ጸሓይ ሀዋዳን ያጌ፤ ‘ታን ይሁዳ ቢታጥ ኦሞዳዋን ባብሎን ቢታ የዴዳ አሳቱዋ፡ ሀ ሎኦ ባላሰያ ቴራዳን ሎኦ ኃና።

6 ታን ኬካ አይፍያን አንቱንታ ጸላና፤ ቃይ ታን አንቱንታ ዛራደ ሀ ቢታ አሀና። ታን አንቱንታ ኬጸናጥ አትና ኮልከ። ታን አንቱንታ ቶካናጥ አትና ሸድከ።

7 ታን መድና ጎዳ ግድያዋ አንቱንቱ ኤራናዳን፡ ታን አንቱንቶ ዋዛና እማና። አንቱንቱ ባረንቱ ኩመንሳ ዋዛናጥ ታኮ ሰማናወ ደእያ ድራው፡ አንቱንቱ ታ አሳ ግዳና፤ ታንካ አንቱንቱ ጸሓ ግዳና’ ያጌ።

8 “ቃይ መድና ጎዳይ ሀዋዳን ያጌ፤ ‘ይሁዳ ካትያ ሰደቅያሳ፡ አ ካፓቱዋ፡ ሀ ቢታን አቲዳ የሩሳላመ አሳ አቲዳዋንታን ግብጼ ቢታን ደእያዋንታ፡ ማናወ ገና ሄ ሎይላ ኢታ ባላሰያ ቴራዳን ኢታ ጋና።

9 ላላደ የድያ ቢታ ኡባን ታን አንቱንታ ሀ ሳኣ ካወተላቱዋን አንቱንታ በእያ ኡባወ ዳጋማን ሸቃ፡ ቦርያን ሌምሱዋ፡ ቅሊጩዋን ቦሄቲዳዋ አላና።

10 ታን አንቱንቶን አንቱንቱ ማይዛ አዋቶ እሜዳ ቢታጥ አንቱንቱ ኡባና ጳያና ጋካናወ፡ ማሻ፡ ኮሻን ኢታ ሀርግያ አንቱንቱ ቦላ የዳና’ ያጌ” ያጌዳ።

25

ላፑን ታሙ ላይላ አዋዱዋ ትምቢትያ

1 እዮሰያሳ ናኣይ፡ ይሁዳ ካቲ እዮአቄዋ ካተቲዳ አይደንሉ ላይላን፡ ባብሎን ካቲ ናቡካዳናጸር ካተቲዳ ኮይሮ ላይላን፡ ይሁዳ አሳ ኡባ ጸልያዋን ኤርማሳኮ ዬዳ ቃላይ ሀዋ።

2 ትምቢትያ ኦድያ ኤርማሰ ይሁዳ አሳ ኡባወን የሩሳላመን ደእያ ኡባቶ ሀዋዳን ያጌዳ፤

3 “አዋጸ ናኣይ፡ ይሁዳ ካቲ እዮሰያሰ ካተቲዳ ታማን ሄዘንሉ ላይላጥ ደሚደ፡ ሀቶ ጋካናወ፡ ላታማን ሄዙ ላይላ መድና ጎዳ ቃላይ ታኮ ዬዳ። ታንካ ዛራ ዛራደ ሀንተው ኦዳድ፤ ሸን ሀንተ ሰሰናን እጼድታ።

4 “መድና ጎዳይ ባረ ቆማቱዋ፡ ትምቢትያ ኦድያዋንታ ኡባ ዛር ዛሪደካ ሀንተው ኪቲዳ፤ ሸን ሀንተ ሀይዚደ ሰሰናን እጼድታ።

5 አንቱንቱ ሀዋዳን ያጌድና፤ ‘ሀንተ ኡባይካ ሀንተ ኢታ ኦግያጥን ሀንተ ኢታ ኦሱዋጥ ሀእ ሰምተ። ሰምጥ፡ መድና ጎዳይ ሀንተውን ሀንተ ማይዛ አዋቶ መድ መድናወ እሜዳ ቢታን ሀንተ ደአና።

6 ሀራ ጸሓቶ አላናወን ጎይናወ ካሎጥተ። ቃይ ሀንተ ኩሺ ኦሌዳባን ጸሓ ይሎጥተተ። ያቶጥ ጸሓይ ሀንተና ቆሄና’ ያጌድና።

24:1 2 ካታ. 24:12-16፤ 2 ኡዱዋ 36:10 25:1 2 ካታ. 24:1፤ 2 ኡዱዋ 36:5-7፤ ዳኔላ 1:1-2

7 “መድና ጎዳይ ሀዋዳን ያገ፤ ህንተ ታን ኦድያዎ ሰሳናዎ አገደ፤ ህንተ ኩሺ ኦፊዳባን ታና ይሎዬድታ፤ ያቲደ ህንተና ቆህያዎ ህንተ ሁጲያን አሄድታ” ያገ።

8 “ሄዎ ድራወ፡ ኡባጥ ዎልቃማ መድና ጎዳይ ሀዋዳን ያገ፤ ህንተ ታ ቃላወ አዛዘተናን እጹዳ ድራወ።

9 ታን ሁጲሳ ባጋ አሳ ኡባነ ታ ቆማ፡ ባብሎነ ካትያ ናቡካዳናጾራ ጸሳና። ኡንቱንታ ሀ ቢታ ቦላ፡ ሀ ቢታን ደእያ አሳ ቦላነ ሀዋ ሄራን ደእያ ካወተላቱዎ ኡባ ቦላ አሀና። ታን ሀ ቢታቱዎ ኡባና ቆይሳና፤ ቃይ በኤዳዌ ዳጋዎያባ፡ “ፖራ!” ግያባነ መድናወ እይነ ባይናዎ አላና። ታን መድና ጎዳይ ሀዋ ኦዳድ።

10 ታን ኡንቱንቱፕ እልልሳነ ናሽቻ ኮሻ፡ ቡላቻያዎነ ቡላቻትያን ኮሻ፡ ዎጸን ጋጭያ ኮሻነ ጸዎፕያ ፖኡዎ ቆይሳና።

11 ሀ ቢታይ ኡባና ባሻ አይነ ባይና ቢታ ግዳናዎ፤ ሀ ካወተላቱካ ባብሎነ ካትያወ ላቸን ታሙ ላይላ ሞደታና።

12 “ ላቸን ታሙ ላይላይ ፖለት ሰሞና፡ ታን መድና ጎዳይ ባብሎነ ካትያን አ ካወተላ አሳ ኡንቱንቱ ባይዙዎ ድራወ ሙራና፤ ኡንቱንቱ ቢታካ መድናወ እይነ ባይናዎ አላና።

13 ታን ሄ ቢታ ቦላን ሃሳዬዳዎ ኡባ፡ ኤርማሰ ካወተላቱዎ ኡባ ቦላ፡ “ሀናና” ጊደ ኦዳዳ፡ ሀ ማጻፋን ጸፊቲዳዎ ኡባ ሄ ቢታ ቦላን አሀና።

14 ዳሮ ካወተላቱነ ዎልቃማ ካተቱ ባብሎነቱዎ አይለዩደ ሞዳና። ታን ኡንቱንቱ ኡንቱንቱ ሀኑዎዳንነ ኡንቱንቱ ኩሽያ ኦሱዎዳን ቃንጻና” ያገ።

ጸሳይ ካወተላቱዎ ቦላ አሀያ ፕርዳ

15 መድና ጎዳይ፡ እስራኤልያ ጸሳይ ታወ ሀዋዳን ያገዳ፤ “ሀዎ ታ ሀንቁዎ ዎይንያ ኤሳይ ኩሜዳ ዋንጫ ሄይ። አፋደ ታን ኔና ኪትያ ካወተላቱዎ ኡባ ኡሻ።

16 ኡንቱንቱ ኡሺደ፡ ታን ኡንቱንቱ ግደ የድያ ማሻ ጋሱዋን ጋንድጋራናነ ጎያና” ያገዳ።

17 ታን መድና ጎዳ ኩሽያፕ ዋንጫ አካደ፡ አ ታና ኪቲዳ ካወተላቱዎ ኡባ ኡሻድ።

18 ሀቻ ሀኔዳዎዳንካ ኡንቱንቱ ኡባ ባሻነ ዳጋማ፡ ጫሻነ ቃንገላ አላና ማላ፡ የሩሳላመነ ይሁዳ ካታማቱዎ፡ አ ካተቱዎነ አ ካፓቱዎ ኡባ ኡሻድ።

19 ግብጾ ቢታ ካትያ፡ አ ቆማቱዎ፡ አ ካፓቱዎ፡ አ ቢታ አሳ ኡባነ

20 ያን ደእያ አላጋ አሳቱዎ ኡባ ኡሻድ። ኡጾ ቢታ ካተቱዎ ኡባ ኡሻድ። ፕልሰጾማ ቢታን ደእያ አስቃሎና፡ ጋዛ፡ ኤቅሮናነ አሽዶዳፕ አቴዳ ባጋ ካተቱዎ ኡባ ኡሻድ።

21 ኤዶማ፡ ሞኣባነ አሞና ኡሻድ።

22 ጲሮሳ ካተቱዎ ኡባ፡ ሲደና ካተቱዎ ኡባነ ሜድተራነ አባጥ ሄፍንላ ጋጸን ደእያ ቢታ ካተቱዎካ ኡሻድ።

23 ዳዳና፡ ተማና፡ ቡዛነ ባረንቱ ሁጲያ ሹፊርያ ሜድያ አሳቱዎ ኡባቱዎ ኡሻድ።

24 አራባ ቢታ ካተቱዎ ኡባነ ባዙዎን ደእያ ዛራቱዎ ካተቱዎ ኡባ ኡሻድ።

25 ዝምራ፡ ኤላማነ ሜዳና ካተቱዎ ኡባ ኡሻድ።

26 ሁጲሳ ባጋ ቢታ ካተቱዎ ኡባ፡ ሃኩዋንነ ማታን ደእያ ካተቱዎ ኡባ ኡንቱንቱ ካል ካል፡ ሳአ ቦላን ደእያ ካወተላቱዎ ኡባ ኡሻድ። ኡንቱንቱ ኡባጥ ጉይያን፡ ባብሎነ ካወካ ኡሻና።

27 ጸሳይ፤ “ሄዎ ድራወ፡ ኡንቱንቱ ኦዳ፤ ኡባጥ ዎልቃማ መድና ጎዳይ፡ እስራኤልያ ጸሳይ ህንተና፡ “ኡሽተነ ማላትተ። ጮሽተነ ኩንድተ። ታን ህንተ ግደ የድያ ማሻ ጋሱዋን ላኤንሶ ደንድፕተ” ያገ።

28 ሽን ኡንቱንቱ ነ ኩሽያፕ ዋንጫ አከናንነ ኡሽናን እጾፕ፡ ኡንቱንቱ ሀዋዳን ያጋደ ኦዳ፤ ኡባጥ ዎልቃማ መድና ጎዳይ ህንተና፡ “ህንተ ኡሻናወ ኮሼ!

29 በእተ፡ ታን ታ ሱንላን ጸሰቲዳ ካታማ ቦላ ኢታባ አላናወ ደማይ። ያንና ህንተ ሙረተናን አቲደ ቢቲ? ህንተ ሙረተናን አቲደ ቢክታ! አያወ ጎፕ፡ ታን ሳአን ኡባ ቦላ ማሻ ጸሳይ። ታን ኡባጥ ዎልቃማ መድና ጎዳይ ሀዋ ኦዳድ” ያገ።

30 “ሄዎ ድራወ፡ ኤርማሳ፡ ሀ ቃላይ ኡባይ ኡንቱንቱ ቦላ ሀናናዎ ኡንቱንቱ ኦዳ። ጸሳይ ቦላ ቲቃን ጉማና። መድና ጎዳይ ባረ ደእያ ገሻ ሳአፕ ባረ ጉንላ ሰሳና። አ ባረ ሄንላ ጋድያ ቦላን ዎልቃፕ ጉማና። አ ዎይንያ ቴራ የዲደ፡ ጉምእያዎንቱ ዋሰያዎዳን፡ ሳአን ደእያ ኡባ ቦላ ዋሳና።

31 አ ጫቡ ሳአ ጋጸ ጋኪደ ሰሰቲ። አያወ ጎፕ፡ መድና ጎዳወ ካወተላቱዎና ሞቱ ደኤ። ጸሳይ አሳ ኡባና ፕርደታና፤ አ ኢታቱዎ ማሻወ አሊደ እማና። ታን መድና ጎዳይ ሀዋ ኦዳድ ያገ” ያገዳ።

32 ኡባጥ ዎልቃማ መድና ጎዳይ፡ “በእ፡ ኢታባይ ካወተላፕ ካወተላወ ላለቲ፤ ሳአ ጋጸፕ ጎትያ ጫርኩ ደንዳ” ያገ።

33 ሄ ዎድያን ጸሳይ ዎጴዳዎንቱ አሃይ፡ ቢታ ቦላን ሀ ጋጸፕ ህን ጋጸ ጋካናወ ላለታና። ኡንቱንቱ ዩከተና፡ ኡንቱንቱ አሃይ ሸቀና ዎይ ሞገተና። ኡንቱንቱ ቢታን ፕቱዎ ማላ ግዳናዎ።

34 ህንተና፡ ሄንላንቻቶ፡ ዩክተነ ዋሰተ። ህንተና፡ ወድያ ካለላያዎንቱ፡ ብድንላን ጎንደረትተ። አያወ ጎፕ፡ ህንተ ሹከትያ ዎዲ ጋኬዳ፤ ህንተ ኩንዳናነ ሎኦ ኡርቃ ሚሻዳን መኤረታና።

35 ሄንላንቻቱ ባቃቲደ ብያሳአይ ባዎ፤ ወድያ ካለላያዎንቱካ ከሰ አክያ ሳአይ ባዎ።

36 መድና ጎዳይ ኡንቱንቱ ሄንላ ጋድያ ቆይሰያ ድራወ፡ ሄንላንቻቱ ዋሰያ ዋሱዎነ ወድያ ካለላያዎንቱ ዩክያ ዩኩዎ ሰሰተ።

37 መድና ጎዳ ሱሎ ሀንቁዎ ጋሱዋን ሳር ደእያ ሄንላ ጋዲ ኦናና።

38 ጋሙ ባረ ደእያ ዎራፕ ከሰያዎዳን፡ ጸሳይካ ባረ ደእያሳፕ ከሳና። ኡንቱንቱ ቢታይካ ናቂያዎንቱ ማሻንነ መድና ጎዳ ሱሎ ሀንቁዎን አይነ ባይናዎ ቢታ ግዳናዎ።

ኤርማሳ ዋርዶ ናባቱዋ ኤቀቲዳ

26

(26:1-24)

ኤርማሳ ሀይቁዋ ፕርዳፕ አቲ

1 እየሰያሳ ናእይ ይሁዳ ካቲ እየአቁም ኮይር ካተቲዳ ዋደ፡ ሀ ቃላይ መጅና ጎዳፕ ዬዳ።

2 መጅና ጎዳይ ታና ሀዋዳን ያጌዳ፤ “መጅና ጎዳ ጎልያ ዳባባን ኤቃ። መጅና ጎዳ ጎልያን ጎይናናዉ ይሁዳ ካታማቱዋፕ ይያ ኡባዉ ኦዳ። ታን፡ ሓዳ፣ ጋደ አዛዜዳ ቃላ ኡባፕ እቱዋን አሸፓ።

3 ኦን ኤሪ፡ ኡንቱንቱ ሰሲደ፡ ባረንቱ ኢታ ኦግፕፕ ሰማነንቶን። ያትንቶ ታንካ ኡንቱንቱ ኡሱዋ ኢታተላ ድራዉ፡ ኡንቱንታ ቆይሳናዉ ቆፔዳዋ አጋ ባሻና።

4 “ኡንቱንቶ ኦዳ፤ መጅና ጎዳይ ሀዋዳን ያጌ፤ ህንተ ታን ኦድያዋ ሰሰናን እጾፕ፤ ታን ሀንተዉ እሜዳ ህግያን ቤናን እጾፕ።

5 (ሀንተ ሰሰናን እጾናካ) ታን ዛራ ዛራደ ሀንተኮ ከቲዳ፡ ትምቢትያ ኦድያ ታ ቆማቱዋ ቃላ ሰሰናን እጾፕ።

6 ያቶፕ ታን ሀ ጌሻ ጎልያ ሴሎዳን ኦላና። ሀ ካታማካ ሳኦን ደእያ ካዉተላቶ ኡባዉ ቃንገላ ኦላና ያጌ” ያጋ ያጌዳ።

7 ኤርማሳ መጅና ጎዳ ጎልያን ሀ ቃላ ኦድሸን፡ ቁሳቱ፡ ትምቢትያ ኦድያዋንቱን አሳይ ኡባይ ሰሴድና።

8 ቃይ ኤርማሳ መጅና ጎዳይ፡ “አሳ ኡባዉ ኦዳ” ጌደ አ አዛዜዳ ቃላ ኡባ ኦዲደ ፖሌዳ ዋደ፡ ቁሳቱ፡ ትምቢትያ ኦድያዋንቱን አሳይ ኡባይ አ ኦይቁድና። ኦይቁደ፡ “ኔን ሀይቃናዉ በሳሳ!

9 ኔን፡ ህ ጎሊ ሴሎዳን ሀናና፤ ቃይ ሀ ካታማይካ ባዙዋን ኦና ግዳና፣ ያጋደ፡ መጅና ጎዳ ሱንላን እያዉ ትምቢትያ ኦዳዲ?” ያጌድና። መጅና ጎዳ ጎልያን ሸቁዳ አሳቱ ኡባይ ኤርማሳ ደዴድና።

10 ይሁዳ ካፓቱ ሄዋ ሰሴዳ ዋደ፡ ካትያ ጎልያፕ ከሲደ፡ መጅና ጎዳ ጎልያ ዬድና። ዪደ መጅና ጎዳ ጎልያ ዩሹዋ ግምቢያዉ ኦራላ ፕንግያ ግያ ፕንግያን ኡቲድና።

11 ቁሳቱ ነ ትምቢትያ ኦድያዋንቱ ካፓቶን አሳ ኡባዉ ሀዋዳን ያጌድና፤ “ህንተ ሀንተ ሀይላን ሰሴዳዋዳን፡ ሀ ብታኒ ሀ ካታማ ቦላን ትምቢትያ ኦዳድ ድራዉ፡ እ ሀይቃናዉ በሴ!” ያጌድና።

12 ኤርማሳ ካፓቶን አሳ ኡባዉ ሀዋዳን ያጌደ ሃሳዬዳ፤ “ሀ ሀንተ ሰሴዳ ቃላይ ኡባይ ሀ ጎልያ ቦላን ሀ ካታማ ቦላ፡ ህናና፣ ጋደ ታን ኦዳና ማላ፡ መጅና ጎዳይ ታና ከቲዳ።

13 ሄዋ ድራዉ፡ ሀእ ሀንተ ኦግያካ ሀንተ ኡሱዋካ ላምተ፤ መጅና ጎዳ ሀንተ ጸሳ ቃላዉ አዛዘትተ። ያቶፕ፡ መጅና ጎዳይ ሀንተ ቦላ አሀና ጌዳ ኢታባ አግ ባሻና።

14 ታና ግደፕ፡ ታን ሀንተ ኩሸያን ደእይ። ሀንተዉ ሎእነ ሱረ ማለቲዳባ ታ ቦላ ኦላተ።

15 ሀንተ ማታ ሰጂ ባይናን እትባ ኤርተ። ሀንተ ታና ዋዶፕ፡ ሀንተ ሀንተ ቦላ፡ ሀ ካታማ ቦላን አ ግደን አሳ ቦላ ጽሎ ሱላ አጩዋ አሀና። እያዉ ጎፕ፡ ታን ሀ ቃላ ኡባ ሀንተ ሀይላን የጋና ማላ፡ ቱሙዋፕ መጅና ጎዳይ ታና ከቲዳ” ያጌዳ።

16 ካፓቱን አሳይ ኡባይ ቁሳቶን ትምቢትያ ኦድያዋንቶ ሀዋዳን ያጌድና፤ “ሀ ብታኒ ሀይቃናዉ በሰና! እያዉ ጎፕ፡ እ መጅና ጎዳ ኑ ጸሳ ሱንላን ኑዉ ኦዳዳ” ያጌድና።

17 ጋድያ ጭማቱዋፕካ እቱ እቱ ኤቁደ፡ ሸቁዳ አሳዉ ኡባዉ ሀዋዳን ያጌደ ኦዳድና፤

18 “ሀዘቁያሰ ይሁዳን ካተቲዳ ላይላን ሞረሸታፕ ዬዳ ሚክያሰ ይሁዳ አሳዉ ኡባዉ ሀዋዳን ያጌደ፡ ትምቢትያ ኦዳዳ፤ ሓባፕ ዋልቃማ መጅና ጎዳይ ሀዋዳን ያጌ፤ “ጽዮኔ ሸይቃዳን ጎሸታና። የሩሳላመ ካታማይካ ኮለቲደ፡ ሹቻ ዶርያ ግዳናዋ፡ ጌሻ ጎሊ ከጸቲዳ ደሪ ዋራ ማያና” ያጌ ያጌዳ።

19 ያትና፡ ይሁዳ ካቲ ሀዘቁያሰን ይሁዳ አሳይ ኡባይ አ ዋዶዳ? ቱይት፡ ሀዘቁያሰ መጅና ጎዳዉ ያዪደ፡ ጸሳዉ ዋትዋቲዳ። መጅና ጎዳይ ባረ ኦላና ጌዳ ኢታባ አግ ባሸዳ። ሸን ኑን ኑረካ ኑ ቦላ ሎይላ ኢታባ አሀና ሀኔቶ” ያጌዳ።

እየአቁመ ኦርዮና ዋድሴዳ

20 (ቅርያት-ይኦሪማ ግያ ሳን ደእያ ሻማእያ ናኣ ኦርዮና ግያ እት ሀራ ብታኒ ደኤ፤ እካ ኤርማሰ ኦዳዳዋዳን፡ ሀ ካታማ ቦላን ሀ ቢታ ቦላ መጅና ጎዳ ሱንላን ትምቢትያ ኦዳዳ።

21 ካቲ እየአቁም፡ አ ኦላንቻቱ፡ አ ኦላንቻቱ ኦርዮን ኦዳዳዋ ሰሴዳ ዋደ፡ ካቲ አ ዋዳናዉ ኮይዳ። ኦርዮን ሄዋ ሰሲደ ያዪደ፡ ግብጾ ቢታ ባቃቲዳ።

22 ግደ ሸን፡ ካቲ እየአቁም አክቦራ ናኣ ኤልናታናን ሀራ አሳቱዋ ግብጾ ከቲዳ።

23 ኡንቱንቱ ኦርዮና ግብጾፕ ከሲደ፡ ካትያ ዮአቁማዉ አፊድና። ማሻን እ አ ዋድሴዳ፡ አ አሃ ጋድያ ማካናን ኦልሴዳ።)

24 ሸን ሳፋና ናኣ አሀቃም ኤርማሳ ማዴዳ ድራዉ፡ አሳይ አ ዋዳናዉ አላደ እምቤና።

27

ኤርማሳ ባረ ሞርግያን ዋሌዳ ሞርግ ምላ

1 እየሰያሳ ናእይ ሰደቅያሰ፡ ይሁዳን ካዉተላ ደሜዳ ሄራን፡ ሀ ቃላይ መጅና ጎዳፕ ኤርማሳኮ ዬዳ።

2 መጅና ጎዳይ ታዉ ኦዳዳዋ ሀዋ፤ “ነዉ ሞርግ ምላን ጎንያ ዳፋዋ ዋደሩዋና ደእያ ቅንቁሪትያ መቆ፤ ነ ሞርግያን ዋላ።

3 ይሁዳ ካትያ ሰደቅያሳኮ የሩሳላመ ከተቲዳ አሳቱዋ ቦላ፡ ኤደማ ካትያዉ፡ ሞኦባ ካትያዉ፡ አሞና አሳቱዋ ካትያዉ፡ ጸረሳ ካትያዉን ሲደና ካትያዉ ከታ።

4 ኡንቱንቱ ባረንቱ ጎዳቶ ሀዋዳን ያጌደ ኦዳና ማላ፡ ኡንቱንታ አዛዛ፤ ሓባፕ ዋልቃማ መጅና ጎዳይ፡ እሰራኤልያ ጸሳይ ሀዋዳን ያጌ፤

26:1 2 ካታ. 23:36—24:6፤ 2 ኦዱዋ 36:5-7 26:6 ኢያሳ 18:1፤ ማዘ. 78:60፤ ኤር. 7:12-14 26:18 ሚክ. 3:12 27:1 2 ካታ. 24:18-20፤ 2 ኦዱዋ 36:11-13

5 “ታ ዋልቃማ ዋልቃንነ ታ የዴዳ ኩሽያን ሀ ሳኦ፡ ሳኦን ደእያ አሳ፡ መሀያን ደእ ታን መቆድ። አ ታን ታ ኮይያ ኡራው እማይ።

6 ሰሞ ሀእ ታን ቢታ ኡባ ታ ቆማው፡ ባብሎን ካትያ ናቡካዳናጾራው አላደ እማድ። ቃይ ታን ባዞ ደአቱካ አው ሞደታና ማላ አላድ።

7 አ ቢታይ ሞደትያ ዋዲ ጋካናው፡ ካውተላቱ ኡባይ አው፡ አ ናአውነ አ ናአ ናአው ሞደታና። ሄዋፕ ጉይያን፡ ዳር ካውተላቱን ዋልቃማ ካተቱ አ ሞዳና።

8 “ ለ “ሸን አይ ቢታይነ ዋይ አይ ካውተላይነ ሀ ባብሎን ካትያ ናቡካዳናጾራው አዛዘተናን እጸፕ አ ሞርገ ሞላን ገለናን እጸፕ፡ ታን መቆና ጎዳይ ሄ ካውተላ አ ኩሽያን ቆይሳና ጋካናው፡ ማሻን፡ ኮሻንነ ኢታ ሀርግያን ሙራና።

9 ሄዋ ድራው፡ ሀንተና፡ ባብሎን ካትያው ሃረትክታ ያግያ ሀንተ ትምቢትያ ኦድያዋንታ፡ ሀንተው ካይያዋንቱ፡ ሀንተ አኩሙዋ ብልያዋንታ፡ ሀንተ ሻራቾቱን ማልያዋንቱ ኦድያዋ ሰሶፕተ።

10 አያው ጎፕ፡ ኡንቱንቱ ሀንተው ዋርዲዋ ኦዲና፤ ሄዋ ሀንተና ሀንተ ቢታፕ ሃሲና። ሀንተና ላጋደ ከሳና፤ ሀንተካ ቆያና።

11 ሸን አይ ካውተላይነ ባብሎን ካትያ ሞርገ ሞላን ገሊደ፡ አው ሞደቶፕ፡ ታን መቆና ጎዳይ ሄ ካውተላ አ ቢታን አሻና፤ ኡንቱንቱ ሄ ቢታ ጎሻናን ያን ደአና” ያጌ” ያጋ” ያጌዳ።

12 ታን ይሁዳ ካትያ ሰደቅያሳውካ ሀዋ ማላትያ ቃላ ኦዲና፤ “ባብሎን ካትያ ሞርገ ሞላን ሆካደ ገላ። አውነ አ አሳው ሞደታ። ያቶፕ፡ ኔን ፓጸ ደአና።

13 መቆና ጎዳይ ባብሎን ካትያው ሞደተናን እጸያ ካውተላው ጌዳዋዳን ማሻን፡ ኮሻንነ ኢታ ሀርግያን ኔንነ ነ አሳይ አያው ሀይቂቱ?

14 ህንተ ባብሎን ካትያው ሃረትክታ ግያ ትምቢትያ ኦድያዋንቱ ቃላ ሰሶፕተ። አያው ጎፕ፡ ሄዋ ኡንቱንቱ ሀንተው ኦድያዋ ዋርዲዋ።

15 መቆና ጎዳይ ሀዋዳን ያጌ፤ ሓን ኡንቱንቱ ከታቦይከ፤ ሸን ኡንቱንቱ ታ ሱንላን፡ “ትምቢትያ” ጊደ ኦዲና። ሄዋ ድራው፡ ታን ሀንተና ላጋደ ከሳና፤ ሀንተካ ሀንተው ትምቢትያ ኦድያዋንቱካ ቆያና” ያጌ” ያጋድ።

16 ሄዋፕ ጉይያን፡ ታን ቄሳቶነ ሀ አሳ ኡባው ሀዋዳን ያጋደ ሃሳያድ፤ “መቆና ጎዳይ ሀዋዳን ያጌ፤ መቆና ጎዳ ጎልያ ሚሻይ ባብሎንፕ ሀእ ማታና ሰሚደ ያና” ያጊደ ኦድያ ሀንተ ትምቢትያ ኦድያዋንቱ ቃላ ሰሶፕተ። አያው ጎፕ፡ ኡንቱንቱ ሀንተው ኦድያዋ ዋርዲዋ።

17 ኡንቱንቱ ግያዋ ሰሶፕተ፤ ባብሎን ካትያው ሞደትተን ፓጸ ደአት! ሀ ካታማይነ አያው ኮለት ክቼዳ ሳኦ ግዳኔ?

18 ኡንቱንቱ ትምቢትያ ኦድያዋንታ ግደፕነ መቆና ጎዳ ቃላይ ኡንቱንቱን ደአፕ፡ መቆና ጎዳ ጎልያን፡ ይሁዳ ካትያ ጎልያንነ የሩሳላመን አቲዳ ኬሻ ሚሻይ ባብሎን ቤናዳን ታና፡ ኡባፕ ዋልቃማ መቆና ጎዳ ዋሰኖ ያጌ።

19 ኡባፕ ዋልቃማ መቆና ጎዳይ፡ “ጌሻ ጎልያፕ ሰንላ ባጋን ኤቄዳ ላኡ ናሰያ ቱሳቱዋባ፡ አኩ-ከርያባ፡ ጫና ጋረቱዋባነ ሀራ ሚሻቱዋ ኡባቱዋባ ሀዋዳን ያጌ።

20 ባብሎን ካቲ ናቡካዳናጾር እዮአቄማ ናኦ፡ ይሁዳ ካትያ የኦኪናነ ይሁዳንነ የሩሳላመን ደእያ ዋልቃማ አሳ ኡባ ኦሞዲደ አፌዳ ዋዲያና።

21 “ኡባፕ ዋልቃማ መቆና ጎዳይ፡ እሰራኤልያ ጸሳይ መቆና ጎዳ ጎልያን፡ ይሁዳ ካትያ ጎልያንነ የሩሳላመን አቲዳ ሚሻቱዋባ ሀዋዳን ያጌ፤

22 “ኡንቱንቱ ባብሎን ቢታው ኬዘታና፤ ታን ኡንቱንቱ ድራው ያና ጋላሳይ ጋካናው፡ ኡንቱንቱ ያን ደአና። ሄ ዋደ ታን ኡንቱንታ ጉየ ዛራደ ኡንቱንቱ ሳኦን ዋላና። ታን መቆና ጎዳይ ሀዋ ኦዲና” ያጌ” ያጋድ።

28

ኤርማሳን ትምቢትያ ኦድያ ሀናንያ

1 ሄ ላይሐ፡ ይሁዳ ካቲ ሰደቅያሰ ካውተላ ደሜዳ ሄራን፡ ኦይደንላ ላይላን፡ እቼሸንላ አግናን ጋባኦናፕ ዬዳ አዙራ ናአይ ትምቢትያ ኦድያ ሀናን፡ መቆና ጎዳ ጎልያን ቄሳቱ ዋነ አሳቱዋ ኡባ ሰንላን ታው ሀዋዳን ያጊደ ሃሳዬዳ፤

2 “ኡባፕ ዋልቃማ መቆና ጎዳይ፡ እሰራኤልያ ጸሳይ ሀዋዳን ያጌ፤ ሓን ባብሎን ካትያ ሞርገ ሞላ መንላና።

3 ባብሎን ካቲ ናቡካዳናጾር ሀዋፕ ደንሊደ፡ ባብሎን አፌዳ፡ መቆና ጎዳ ጎልያ ሚሻ ኡባ ታን ላኡ ላይላ ግደን ዛራደ፡ ሀ ሳኦ አሀና።

4 ቃይ ታን እዮአቄማ ናኦ ይሁዳ ካትያ እዮኦኪናካ፡ ይሁዳፕ ኦሞደቲደ፡ ባብሎን ቤዳ አሳ ኡባ ዛራደ ሀ ሳኦ አሀና። አያው ጎፕ፡ ታን ባብሎን ካትያ ሞርገ ሞላ መንላና። መቆና ጎዳይ ሀዋ ኦዲና” ያጌ” ያጌዳ።

5 መቆና ጎዳ ጎልያ ግደን ኤቄዳ ቄሳቱ ዋነ አሳቱዋ ኡባቱዋ ሰንላን ትምቢትያ ኦድያ ኤርማሰ ትምቢትያ ኦድያ ሀናንያው

6 ሀዋዳን ያጌዳ፤ “አመንአ! መቆና ጎዳይ ያቶ! መቆና ጎዳ ጎልያ ሚሻቱዋነ ኦሞደቲደ ቤዳ አሳ ኡባ ባብሎንፕ ዛራደ፡ ሀ ሳኦ አሂደ፡ ኔን ኦዴዳ ቃላ መቆና ጎዳይ ፖሎ!

7 ግደፕነ፡ አነ ታን ነውካ ሀ አሳ ኡባውካ ኦድያዋ ሰሳ።

8 ባን ኔፕነ ታፕ ካሰ ደኤዳ ትምቢትያ ኦድያዋንቱ ኦላይ፡ ኢታባይነ ኢታ ሀርግያ ዳር ቢታቱዋ ቦላነ ዋልቃማ ካውተላቱዋ ቦላ ሀናናዋ ኦዴድና።

9 ሸን፡ ሳርባይ ሀናና” ጊደ ኦድያ ትምቢትያ ኦድያዋባ ግደፕ፡ ሄ ኦድያዋ ቃላይ ፖለትያ ዋደ፡ ሄ ዋደ ቱሙዋፕ መቆና ጎዳይ አ ከቲዳዋ ኤረታና” ያጌዳ።

10 ሄዋፕ ጉይያን፡ ትምቢትያ ኦድያ ሀናን ትምቢትያ ኦድያ ኤርማሳ ሞርግያፕ ሞርገ ሞላ አኪደ መንሌዳ።

11 ሀናን አሳ ኡባ ሰንላን ሀዋዳን ያጊደ ሃሳዬዳ፤ “መቆና ጎዳይ ሀዋዳን ያጌ፤ ሓን ላኡ ላይላቱ ግደን ባብሎን ካትያ ናቡካዳናጾር

ሞርገ ሞላ ካወተላቱሞ ኡባ ሞርገያፕ ደንላደ ሀዋዲን መንላና ያጌ” ያጌዳ። ያትና፣ ትምቢትያ ኦድያ ኤርማሰ ደንዲደ፣ ባረ ብያሳ ቤዳ።

12 ትምቢትያ ኦድያ ሀናኒ ትምቢትያ ኦድያ ኤርማሳ ሞርገያፕ ሞርገ ሞላ መንላዳሞፕ ጉይያን፣ መድና ጎዳ ቃላይ ትምቢትያ ኦድያ ኤርማሳዉ ዬዳ፤

13 “ባ፤ ባደ ሀናንያዉ ኦዳ፤ መድና ጎዳይ ሀዋዲን ያጌ፤ ሕን ሞላ ሞርገ ሞላ መንላዳ፤ ሸን ኔን ኦ ድራዉ ብራታ ሞርገ ሞላ መዳና ያጌ።

14 ቃይካ ኡባፕ ዋልቃማ መድና ጎዳይ፣ እስራኤልያ ጸሳይ ሀዋዲን ያጌ፤ ሕንቱንቱ ባብሎን ካትያ ናቡካዳናጸራዉ ሞደታና ማላ፣ ታን ሀ ካወተላቱሞ ኡባ ሞርገያን ብራታ ሞርገ ሞላ ዋላና፤ ኡንቱንቱካ ኦዉ ሞደታና። ሀራይ ኦትና፣ ባዘ ዶኦቱሞካ ኦዉ እማድ” ያጌ ያጋ” ያጌዳ።

15 ሄሞፕ ጉይያን፣ ትምቢትያ ኦድያ ኤርማሰ ትምቢትያ ኦድያ ሀናንያ ሀዋዲን ያጌዳ፤ “ሀናንያዉ፣ ሰሳ! መድና ጎዳይ ኔና ከትቤና፤ ሸን ኔን ሀ ኦሳይ ዋርደባን እማነታና ማላ ኦላዳ።

16 ሄሞ ድራዉ፣ መድና ጎዳይ ሀዋዲን ያጌ፤ ሕን ኔና ሀ ሳኦ ሰላፕ ድጋና። ኔን ሀ ኦሳይ ታ ቦላን ማካላናዳን ዘሬዳ ድራዉ፣ ኔን ሀ ላይላ ሀይቃና” ያጌ” ያጌዳ መድና ጎዳይ።

17 ሄ ላይላካ ላፑንላ ኦግናን ትምቢትያ ኦድያ ሀናኒ ሀይቆዳ።

29

ኤርማሰ ባብሎንን ደእያ ኦሞደቱዳ አሳዉ የዴዳ ዳብዳቢያ

1 ትምቢትያ ኦድያ ኤርማሰ ኦሞደቱዳዋንቱ ግደን ደእያ ኦቱዳ ጭማቶ፣ ቁሳቶ፣ ትምቢትያ ኦድያዋንቶን ናቡካዳናጸር የሩሳላመፕ ኦሞዲደ፣ ባብሎን ኦሬዳ ሀራ ኦሳቶ ኡባዉ የሩሳላመፕ የዴዳ ዳብዳቢ ሀሞፕ ካሊደ ጸፈቱዳዋ።

2 ሀዋ ሀኔዳዌ፣ ካቲ ዮኦኪን፣ ካታታ ኦ ኦታ፣ ኦ ኦሳንቻቱ፣ ይሁዳን የሩሳላመ ካፓቱ፣ ኩሸያ ኦሱሞ ሂላንቻቱን ብራታ ቆጽያዋንቱ የሩሳላመፕ ከሰ ሰሞና።

3 ኤርማሰ ይሁዳ ካቲ ሰደቅያሰ ባብሎን ካትያ ናቡካዳናጸራዉ ኪትያ ሳፋና ናኦ ኤልኦሳን ሀልቂያ ናኦ ጋማርያ ቦላን ሄ ዳብዳቢያ ኪቱዳ። ዳብዳቢ ሀዋዲን ያጌዳ፤

4 “ኡባፕ ዋልቃማ መድና ጎዳይ፣ እስራኤልያ ጸሳይ፣ ታን የሩሳላመፕ ባብሎን ኦሞድሳደ የዴዳ አሳዉ ኡባዉ ሀዋዲን ያጋይ፤

5 ጎለቱሞ ኬዲደ፣ ኡንቱንቱን ደእተ። ካላ ዘራደ፣ ኦይፍያ ሚተ።

6 ማጫ አሳ እክተ፤ እኪደ ማጫዋ አቱማዋ የልተ። ሀንተ ናናቶካ ማጫ አሳ ጊግሲደ እሞተ፤ ሀንተ ማጫ ናናቱሞካ አሰናዉ እሞተ። ኡንቱንቱካ ማጫዋ አቱማዋ የልና። ያን ፓይዲሞ ጮራትተ፤ ጉጸፕተ።

7 ቃይ ታን ሀንተና ኦሞደ የዴዳ ካታማዉ ሳሩ ደእናዳን ኮይተ። ሄ ካታማዉ መድና ጎዳ

ዋሰተ። ኦያዉ ጎፕ፣ ሕዉ ሳሩ ደኦፕ፣ ሀንተዉካ ሳሩ ደኦፕ ያጋይ።

8 “ኡባፕ ዋልቃማ መድና ጎዳይ፣ እስራኤልያ ጸሳይ ሀዋዲን ያጌ፤ ሕንተ ግደን ሀንተ ትምቢትያ ኦድያዋንቱን ሻሪቾቱ ኦድያባን ጭመቶፕተ። ኡንቱንቱ እኩመትያ እኩሙሞካ ሰሰፕተ።

9 ኦያዉ ጎፕ፣ ኡንቱንቱ ታ ሱንላን “ትምቢትያ” ጊደ ዋርደባ ኦዲና፤ ታን ኡንቱንታ ኪታብይከ” ያጌ መድና ጎዳይ።

10 “መድና ጎዳይ ሀዋዲን ያጌ፤ ባብሎን ላይላይ ላፑን ታሙ ፖለትያ ዋደ፣ ታን ሀንተ ድራዉ ያና፤ ታን ሀንተና ሀንተ ቢታ ዛራደ እሀና ጌዳ ሎኦ ቃላ ፖላና።

11 ኦያዉ ጎፕ፣ ታን ሀንተዉ ሀልቻያ ሀልቻዋ ታን መድና ጎዳይ ኤራይ፤ ሄሞካ፣ ሀንተዉ ሰንላ ሀደታን ናሸቻ እማና ማላ፣ ሳር ሀልቻዋፕ አትና፣ ኢታ ሀልቻዋ ግደና።

12 ሄሞፕ ጉይያን፣ ሀንተ ታና ጸሳና፤ ታኮ ያናን ታና ዋሳና፤ ታንካ ሀንተዉ ሰሳና።

13 ሀንተ ታና ኮያና፤ ሀንተ ታና ሀንተ ፖሎ ሞዛናፕ ኮዬዳ ዋደ ደማና።

14 ታን ሀንተዉ ቤታና። ታን ሀንተና ኦሞዲሞፕ ዛራና። ታን ሀንተና ላሌዳ ካወተላቱሞ ኡባፕን ሳኦ ኡባፕ ሸሻና ያጌ መድና ጎዳይ። ታን ሀንተና ኦሞደ የደናፕ ካሰ ሀንተ ደኤዳ ሳኦ ጉየ ዛራደ እሀና። ታን መድና ጎዳይ ሀዋ ኦዲድ” ያጌ።”

15 ሀንተ፣ “መድና ጎዳይ ትምቢትያ ኦድያባ ኡዉ ባብሎንን ደንሌዳ ያጌድታ።

16 ሄሞ ድራዉ፣ ዳዊታ ካወተላ ኦራታን ኡትያ ካትያባ፣ ሀ ካታማን ደእያ አሳ ኡባባን ሀንተናና ኦሞዲሞን ከሰቤና ሀንተ ዳቦቱሞባ መድና ጎዳይ ሀዋዲን ያጌ።

17 ኤ፣ ኡባፕ ዋልቃማ መድና ጎዳይ ሀዋዲን ያጌ፤ ሕን ኡንቱንቱ ቦላ ማሻ፣ ኮሻን ኢታ ሀርግያ እሀና። ቃይ ታን ኡንቱንታ ማናዉ ጊገና ዋቄዳ ባላሰያ ቱራ ማላ ኦላና።

18 ታን ኡንቱንታ ማሻን፣ ኮሻን ኢታ ሀርግያን የደርሳና፤ ታን ኡንቱንቱ ሳኦን ደእያ ካወተላ ኡባዉ ዳጋማ ኦላና። ቃይ ታን ኡንቱንታ ከሳደ የዴዳ ቤታ ኡባን ቃንገላ፣ ዳጋማ፣ ቦርያን ሸቃ ኦላና።

19 ኦያዉ ጎፕ፣ ትምቢትያ ኦድያ ታ ቆማቱሞ ቦላ ታን ኡንቱንቶ ዛራ ዛራደ ኪቱዳ ታ ቃላ ኡንቱንቱ ሰሰናን እጼድኖ ያጌ መድና ጎዳይ። ሀንተካ ኦሞደት ቤዳዋንቱ ሰሰናን እጼድታ ያጌ መድና ጎዳይ።

20 ታን የሩሳላመፕ ባብሎን ኦሞድሳደ የዴዳ አሳቶ፣ ሀንተ ኡባይካ ታ ቃላ፣ መድና ጎዳ ቃላ ሰሰተ” ያጌ።

21 “ሀናናዋ ጊደ ሀንተዉ ታ ሱንላን ዋርደባ ኦድያ ቆላያ ናኦ ኦካባባን ማእሴያ ናኦ ጽድቅያባ ኡባፕ ዋልቃማ መድና ጎዳይ፣ እስራኤልያ ጸሳይ ሀዋዲን ያጌ፤ ሕን ኡንቱንታ ባብሎን ካትያ ናቡካዳናጸራዉ ኦላደ እማና። ሀንተ ጸልሸን፣ ኦ ኡንቱንታ ዋቆና።

29:1 2 ካታ. 24:12-16፤ 2 ኦዲሞ 36:10 29:10 2 ኦዲሞ 36:21፤ ኤር. 25:11፤ ዳኤላ 9:2 29:13 ዛረ. 4:29

22 ሃዋጥ ጉይያን፣ ይሁዳጥ አሞደቲድ፣ ባብሎን ቤዳ አሳይ እት ኡራ ሸቃናው ኮኖ፡፡ “መጅና ጎዳይ ኔና ባብሎን ካቲ ታማን ጹጌዳ ጽድቅያዳንን አካባዳን አሉ” ያጋና።

23 እያው ጎፕ፣ ኡንቱንቱ እስራኤልያን ሎይላ ናጋራ አሌድና። ኡንቱንቱ ባረንቱ ሾርቱዋ ማጫ አሳ ዋሹሜድና፤ ያቲደ ታን ኡንቱንታ አዛዛቤና ዋርደባ ታ ሱንጎላን ሃሳዪና። ሄዋ ኤርያዌ ታና፤ ሄዋ ታን ማርካ። ታን መጅና ጎዳይ ሀዋ ኡዳድ” ያጌ” ያጌዳ።

ሻማእያ ዳብዳቢያ

24 ጸሳይ ነሄላምያ ሻማእያው ሀ ኪታ ኪታና ማላ፣ ኤርማሳው ኦዴዳ።

25 “ኡባጥ ዋልቃማ መጅና ጎዳይ፣ እስራኤልያ ጸሳይ ሀዋዳን ያጌ፤ ሩን ነ ሱንጎላን ዳብዳቢያ የሩሳላሙን ደእያ አሳው ኡባው፣ ማእሴያ ናክ ቄሰያ ጸፋንያውን ሀራ ቄሳቱ ዋ ኡባው የዳዳ። ኔን ጸፋንያ ሀዋዳን ያጋዳ፤

26 “መጅና ጎዳ ጎልያን ካቸዋ ግዳና ማላ፣ ኔና መጅና ጎዳይ ዮዳሄ ድራው ቄሰያ ኦሊደ ሱንጎላዳ። ትምቢትያ ኦዴቶ ግያ ጎይያ አሳቱዋ፣ ቃሲያንን ቶላን ገልሳናው በሴ።

27 ሄዋ ድራው፣ ህንተ ግዳን ትምቢትያ ኦድያ አናቶታፕ ዬዳ ኤርማሳ እያው ሄዋዳን አሳበይኪ?”

28 ኑን ባብሎንን ደእሸና፣ ኤርማሰ ጸፊድ፣ ኑው ሀዋዳን ያጌደ ኪቱዳ፤ ያን ህንተ ጋምኦና። ጎለቱዋ ኬጲደ፣ ደእተ። ካላ ዘሪደ፣ አይፍያ ሚተ” ያጌዳ።”

29 ቄሰያ ጸፋኒ ትምቢትያ ኦድያ ኤርማሳው ሀ ዳብዳቢያ ናባቤዳ።

30 መጅና ጎዳ ቃላይ ኤርማሳው ሀዋዳን ያጌደ ዬዳ፤

31 “ኪታ አሞዱዋን አሳው ኡባው ሀዋዳን ያጋደ ኪታ፤ ሳሄላምያ ሻማእያባ መጅና ጎዳይ ሀዋዳን ያጌ፤ “ታን ኪተናን ሻማኢ ህንተው፣ ሀናናዋ ጌደ ኦዴዳ ድራውን ህንተና ዋርዱዋ አማንጴዳ ድራው፣

32 ታን መጅና ጎዳይ ነሄላምያ ሻማእያን አ ሶ አሳ ሙራና። ታ ቦላ እ ማካላባ ሃሳዬዳ ድራው፣ ሀ አሳ ግዳን እው እት ኡራይን ፓጸ ደኤና። ቃይ እ ባረ ሁጲያንካ ታን ታ አሳው ኦሳና ኬካተላ በኤና። ታን መጅና ጎዳይ ሀዋ ኡዳድ” ያጌ” ያጌዳ።

ጸሳይ ባረ አሳ ባረንቱ ቢታው ዛራና

30

(30:1—33:26)

ጸሳይ ባረ አሳው እማና ጌዳ ህድታ

1 መጅና ጎዳጥ ኤርማሳው ዬዳ ቃላይ ሀዋ።

2 መጅና ጎዳይ እስራኤልያ ጸሳይ ሀዋዳን ያጌ፤ “ኤርማሳ፣ ታን ነው ኦዴዳ ቃላ ኡባ ጸላ ማጸፋን ጸፋ።

3 ታ አሳ እስራኤልያን ይሁዳ አሞዱዋፕ ጉየ ዛራደ እሻልሰያ ጋላሳቱ ያና፤ ታን ኡንቱንቱ ማይዛ አዋቶ እሜዳ ቢታው ኡንቱንታ ዛራና ያጌ መጅና

ጎዳይ፤ ኡንቱንቱካ ላታናዋንታ። መጅና ጎዳይ ሀዋ ኡዳይ” ያጌ።

4 መጅና ጎዳይ እስራኤልያ አሳባን ይሁዳ አሳዋ ኦዴዳ ቃላይ ሀዋ።

5 መጅና ጎዳይ ሀዋዳን ያጌ፤ “ታን አሳይ ያሻው ዋሰያ ዋሱዋ ሰሳድ፤ ዳጋማ ዋሶፕ አትና፣ ሀዋ ሳር ዋሶ ግደና።

6 እነ ላልእተነ ዎቾተ! አቱማ አሰ ባንኪደ፣ ናኦ የላናው ዳንዳዬ? ያትና፣ አቱማ አሳይ ኡባይ ኦይላይ ኦይቄዳ ማጫ አሳዳን፣ ባረ ኩሽያን ባረ ኡሉዋ ኦይቃ ደእሸን ታን በእያዌ አዬ? አሳ ኡባ ሰምኢ እያው ቶሱ ጌዳ?

7 እየ እና! ሄ ጋላሳይ ኢታ ጋላሳ፤ ሄዋ ማላ ጋላሰ ኡባካ ባዋ። ሄ ጋላሳይ ያቆባ ዛረቶ መቶ ዎደ ግዳናዋ። ግደፕን ኡንቱንቱ ሄዋፕ አታና” ያጌ።

8 ኡባጥ ዋልቃማ መጅና ጎዳይ ሀዋዳን ያጌ፤ “ሄ ጋላሰ ታን ኡንቱንቱ ዋርግያፕ ዋርግ ምላ መንፋና፤ ኡንቱንቱ ቃሸቱዳ ሳንሳላታካ ዲፋና። ሀዋፕ ሰንፋናው አላጋ ቢታ አሳይ ኡንቱንታ አይለየና።

9 ሄዋ አጌደ ኡንቱንቱ መጅና ጎዳው፣ ባረንቱ ጸሳው፣ ኦሳና፤ ታን ኡንቱንቶ ደንልያ ካትያ ዳዊተው ኡንቱንቱ ዋደታና።

10 “ሄዋ ድራው፣ ታ ቆማቶ፣ ያቆባ ዛረቶ፣ ያዮፕተ! ህንተኖ፣ እስራኤላቶ፣ ዳጋሞፕተ! ህንተ ሃኮ ሳን ደእሸና፣ ታን ህንተና አሻና፤ ህንተ ዛራቱዋካ ኡንቱንቱ አሞደቲደ ቢታፕ የድሳና። ያቆባ ዛረላ ሰሚደ፣ አዮንቶ ቦቼናን ሳር ደእና፤ ኡንቱንታ አይ አሳይን ያሸሰና። ታን መጅና ጎዳይ ሀዋ ኡዳይ።

11 ታን ህንተና አሻናው ህንተናና ደእይ። ታን መጅና ጎዳይ ሀዋ ኡዳይ። ታን ህንተና ላሌዳዋ ኡባ ኡባና ጳይሳና፤ ሸን ህንተና ኡባና ጳይሰከ። ታን ህንተና ልክ ፕርዳን ሙራና፤ ሙራዋ ባይናን ህንተና ኡባና ጮ የድከ” ያጌ።

12 መጅና ጎዳይ ሀዋዳን ያጌ፤ “ህንተ ደሸላይ ፓጸናዋ፤ ህንተ ማዲላይካ ኢታ።

13 ህንተ የወዋን ህንተና ማድያዌ ባዋ፤ ህንተ ማዲላይካ ጳሊ ባዋ፤ ህንተው ፓጸ ባዋ።

14 ህንተ ሲቆቱ ኡባቱ ህንተና ደጌድና፤ ኡንቱንቱ ህንተባ ግድክና። ህንተና ዋርክያዳን ሸጫድ፤ መቀላ ባይና አሳይ ሙራያዋዳን ሙራድ። እያው ጎፕ፣ ህንተ ባይዙ ዳልጌዳ፤ ህንተ ናጋራይካ ዳሪዳ።

15 ሀ ፓጸና ህንተ ደሸላው እያው ዋሲቱ? ህንተ ባይዙ ዳልጌደ ድራውን ህንተ ናጋራይ ዳሪደ ድራው፣ ሀዋ ህንተ ቦላ ታን አላይ።

16 “ሸን ህንተና ቢታ ከሰ ሜዳ ኡባቱ ሜተታና፤ ህንተ ዋርከቱ ኡባቱካ አሞደ ባና። ህንተና ቦንቄዳዋንቱ ቦንቀታና፤ ህንተባ ኦላን አኬዳዋንቱባካ ኦላን አካና።

17 ታን ህንተው ኬክሳና፤ ህንተ ማዲላካ ፓላና። እያው ጎፕ፣ ኡንቱንቱ ህንተና፣ ሳዋንቱ ኦለቱዳዋንታ፤ ጽዮኖ ጌደ ኮይያዌ ባዋ” ያጌና። ታን መጅና ጎዳይ ሀዋ ኡዳይ” ያጌ።

18 መጅና ጎዳይ ሀዋዳን ያጌ፤ “ታን ያቆባ ዛራቱዋ ጎልያ አሞደቶደፕ ጉየ ዛራደ፣ እሻልሳና፤ ኡንቱንቱ ደእያ ሳአውካ ቃረታና። የሩሳላሙ

ካታማይካ ካስ ባረ ኮለቲድኖ፡ ካትያ ጎሊካ ካስ ባረ ሳኒን ሰሚዶ ኬጸታና።

19 ያን ደእያ አሳይ ኡባይ ጋላታ ማዘሙርያን ናሽቻ የላ የጸና። ታን ኡንቲንቲ ፓይዲዎ ዳርሳና፤ ኡንቲንቲ ፓይዲ ላኤንላ ጉጸና። ታን ኡንቲንቲ ቦንቼቲዳ ደርያ ኦላና፤ ኡንቲንቲ ካፍትክኖ።

20 ኡንቲንቲ ዘረላይ በን ዎደ ደኡዎዳን ደኣና፤ ኡንቲንቲ ማባራይካ ታ ሰንላን ሞን ኤቃና። ኡንቲንቲ ኡንኤልያዎንታ ኡባካ ታን ሙራና።

21 ኡንቲንቲ ካፍ ኡንቲንቲ አሳፕ እቲዎ ግዳናዎ፤ ኡንቲንቲ ሞድያዎ ኡንቲንቲ ግደፕ ከሳና። ታን እ ታ ማታ አሀና፤ እ ታኮ ሺቃና። ታን ሺሸናን ደእሺና፡ ጸሊደ ታኮ ሺቃናዉ ዳንዳይያዎ ኦኔ? ታን መጅና ጎዳይ ሀዋ ኦዳይ።

22 ሄዎ ድራዉ፡ ህንተ ታ አሳ ግዳና፤ ታንካ ህንተ ጸሳ ግዳናዎ” ያጌ።

23 በእተ፡ መጅና ጎዳ ህንቁ ጎትያዳን ሀይ፤ እካ ሰርመቲደ፡ ኢታቲዎ ሁጲያን ያና።

24 መጅና ጎዳይ ባረ ዎዛና ሀልቼዎ ወርሲደ ፖላና ጋካናዉ፡ እ ኤጵያ ህንቁ ጉየ ሰመና። ሄዎ ጉየፕ ይያ ዎደቲዎን ህንተ አኬካና።

31

እስራኤልያ አሳይ ባረ ቢታ ሰማና

1 መጅና ጎዳይ ሀዋዳን ያጌ፤ “ሄ ዎደ ታን እስራኤልያ ያራቶ ኡባዉ ጸሳ ግዳና፤ ኡንቲንቲካ ታ አሳ ግዳናዎ” ያጌ።

2 መጅና ጎዳይ ሀዋዳን ያጌ፤ “አዳፕ ፓላሃዳ አሳይ ታፕ አጵ ኬካተላ መላ ቢታን ደሚዳ። እስራኤልያ አሳይ ሸሞፕ አካናዉ ኮዬዳ ዎደ።

3 ታን መጅና ጎዳይ ኡንቲንቲ ሃኮ ሳፕ ሀዋዳን ያጋደ ቆንጫድ፤ ኡንቲንቲ አሳዉ፡ ታን ህንተና መጅና ሲቁዎን ሲቃይ፤ ታ አገና ሲቁዎን ታን ህንተና ታኮ ሺሻድ።

4 እስራኤልያ አሳዉ፡ ታን ህንተና ዘረላይ ኬጸና፤ ህንተካ ኬጸታና። ዘረላይካ ካራቡዎ ኦይቂደ፡ ናሽቻዎንቲና የጸናን ዱራና።

5 ህንተ ዘረላይካ ሳማርያ ዘዘቲዎ ቦላ ዎይንያ ቲራቲዎ ቶካና፤ ቶኬዳዎንቲ አ ቲራን ናሽታና።

6 ኤፍሬማ ገዘያን ናግያዎንቲ፡ “ሃይተ፤ መጅና ጎዳኮ፡ ኦ ጸሳኮ፡ ፑደ ጽዮን እነ ቦይተ!” ያጌደ ጸሰያ ዎዲ ያና’ ያጋድ” ያጌ።

7 መጅና ጎዳይ ሀዋዳን ያጌ፤ “ያቆባ አሳዉ ናሽቻን የጽተ፤ ካዉተላቲዎ ኡባፕ አጵያ እስራኤልያዉ ሆሞቦጭተ። መጅና ጎዳይ እስራኤልያ አሳፕ አቲዳዎንታ አሼዳ ያጌደ ጋላታ ማዘሙርያ የጽተ።

8 በእተ፡ ታን ኡንቲንቲ ሁጲሳ ባጋ ቢታፕ አሀና፤ ሳኦ ጋጸፕካ ታን ኡንቲንቲ ሺሻና። ቆቀቲ፡ ዎባቲ፡ ሻሃራ ማጫ አሳቲ፤ ኦይላይ ኦይቂዳ ማጫ አሳቲ ኡንቲንቲና እትፕ ያና፤ ሎይላ ዳር አሳይ ባረ ቢታ ሰማና።

9 ታን ኡንቲንቲ ዘራደ አሀያ ዎደ፡ ኡንቲንቲ ናሽቻ ዳሩዎን ዬኪደን ዎሲደ ያና። ታን ኡንቲንቲ ሻፋ ሳንቂያና፡ ኡንቲንቲ ጵብና ሰታ ኦግያና ካለላና። እያዉ ጎፕ፡ ታን እስራኤልያ አሳዉ አዉዎ፤ ኤፍሬምካ ታዉ ባይራ ናኦ።

10 “ህንተኖ፡ ካዉተላቶ፡ መጅና ጎዳ ቃላ ሰስተ! ሃኮ ሳን፡ አባ ደናን ደእያ ቢታቲዎን ሀዋዳን ያጌደ አዎይተ፤ ኡስራኤላቲዎ ላሌዳዌ እ ኡንቲንቲ ሺሻና፤ ቃይ ሄንላንቻይ ባረ ዉድያ ደርሳ ሄሞያዎዳን፡ እ ኡንቲንቲ ሄማና’ ያግተ።

11 እያዉ ጎፕ፡ መጅና ጎዳይ ያቆባ ዘራቲዎ ዎዜዳ፤ እ ኡንቲንቲ ኡንቲንቲፕ ሞንያዎንቲፕ ኩሸያፕ አሼዳ።

12 ኡንቲንቲ ዪደ ጽዮን ደርያን ናሽቻዉ የጸና፤ ኡንቲንቲ መጅና ጎዳይ እምያ ኬካተላን፡ ካላን፡ ዎይንያ ኤሳን፡ ዘይትያን፡ ደርሳ ማራቲዎንነ ሚዛ ማራቲዎን ናሽታና። ኡንቲንቲ ሃላ ሎይላ ኡሼዳ አታክልትያ ሳኦ ማላ ግዳናዎ፤ ኡንቲንቲ ላኤንላ ሹልክኖ።

13 ሄ ዎደ ጌላዮቲ ናሽቲደ ዱራና፤ ዎዳላቲካ ጭማቲካ ናሽታና። ታን ኡንቲንቲ ዬኩዎ ናሽቻዉ ላማና፤ ታን ኡንቲንቲ ሞንባላና፤ ኡንቲንቲ ካዩዎ ድራዉ ታን ኡንቲንቲ ናሽታና።

14 ታን ቁሳቶ ዳር ቁማ እማና፤ ታ አሳይካ ታ ኬካተላን ካላና። ታን መጅና ጎዳይ ሀዋ ኦዳይ” ያጌ።

ጸሳይ እስራኤልያ ማራዳ

15 መጅና ጎዳይ ሀዋዳን ያጌ፤ “ዬኩነ ዘላሳይ ራማ ግያ ካታማን ሰስቲዳ፤ ራሄላ ባረ ናናቶ ዬካዉ፤ ኡንቲንቲ ጳዬዳ ድራዉ፡ አጋ ገና፡ አገናን እጸዱ” ያጌ።

16 መጅና ጎዳይ ሀዋዳን ያጌ፤ “ዬክያዎ አጌደ፡ ህንተ አይፍያ አፎላ ቁጭተ። እያዉ ጎፕ፡ ህንተ ኦሌዳ ኦሶ ዎይቲዎ ህንተ አካና፤ ሞርክያ ቢታፕ ህንተ ናናቲካ ሰማና። ታን መጅና ጎዳይ ሀዋ ኦዳይ።

17 ህንተ ናናቲ ባረንቲ ቢታ ሰማናዉ ደእያ ድራዉ፡ ህንተዉ ሰንላናዉ ህደታይ ደኤ። ታን መጅና ጎዳይ ሀዋ ኦዳይ።

18 “ኤፍሬማ ዘረላ ካዮቲደ፡ ሀዋዳን ያጌደ ኦድያዎ ቲሙዎፕ ታን ሰሳድ፤ ኦን ኦና ዎትቤና ኮሩማዳን ዎዳዳ፤ ኦንካ አዛዘትቦኮ። ኦን መጅና ጎዳ ኦ ጸሳ ግድያ ድራዉ፡ እነ ኦና ዘራ፤ ኦን ኦኮ ሰማና።

19 ኦን ካስ ኔፕ ዎራ ሰሚደ ቤደ፤ ሸን ሀእ ፓጾደ። ኦን ኦና ሙራ ሰሞና ዬላቲደ፡ ኦ ትራ ባቂደ፤ ኦን ኦ ያላጋተላ ላይላ ናጋራ ድራዉ፡ ካዉሼደን ዬላቲደ’ ያጌድኖ።

20 “ቲሙ ኤፍሬመ ታዉ አልኦ ናኦ ግደኔ? እ ታን ሲቅያ ናኦ ግደኔ? ኤ! ታን ዳር ገደ እ ሱንላ ደንሌዳ ዎደ ኡባን፡ እ ሀሳይያዎ አጋቢይከ። ሄዎ ድራዉ፡ ታ ዎዛናይ አ ላሞቲ፤ ታን አዉ ሎይላ ቃረታይ። ታን መጅና ጎዳይ ሀዋ ኦዳይ።

21 “ኦግያን ማላ ዎላተ፤ ማላ ሞላቲዎካ ኤሰተ። ያቲደ ህንተ ቤዳ ኦግያ እኬክተ። እስራኤልያ አሳዉ፡ ሰሞተ፤ ህንተ ካታማቲዎኮ ሰሞተ።

22 ህንተኖ፡ አማኑ ባይና እስራኤላቶ፡ አዉደ ጋካናዉ ቶይላካታንቲ? መጅና ጎዳይ ሳኦ ቦላን እት ኦራላባ መዳና፤ ሄዌን፡ ማጫ አሳይ አቲማ አሳ ዩሹዎን ኤቃና።”

ጸሳ አሳይ ሰንላናዉ እሻላና

23 ኡባጥ ዋልቃማ መድና ጎዳይ፡ እስራኤልያ ጸሳይ፡ ሀዋዳን ያጌ፤ “ታን እስራኤልያ አሳ አዋዲዋጥ ዛራደ እሀያ ዋደ፡ ይሁዳ ቢታንነ አ ካታማቱዋን ኡንቱንቱ ላኤንሱዋ፡ ኔኖ ጽሎተሳይ ደእያ ሳአው፡ ነኖ ጌሻ ደርያው፡ መድና ጎዳይ ኔና አንጆ” ያጋና።

24 ይሁዳነ ይሁዳን ደእያ ካታማቱዋን ኡባን አሳይ ደአና፤ ጎሻንቻቱካ ዉድያና ዩይያ ሄንሳንቻቱካ ያን ደአና።

25 ታን ዳቡራንቻቱዋ ዋልቃ ኦራላና፤ ቃይ ኮሻቲደ ግልቁዳዋንታካ ካልሳና” ያጌ።

26 ሄዋን ቤጎታደ ታ ዩሹዋ ጴላድ፤ ታ ገምእሹካ ታዉ ማልኦ ገምእሹዋ ግዴዳ።

27 መድና ጎዳይ ሀዋዳን ያጌ፤ “ታን እስራኤልያ ቢታንነ ይሁዳ ቢታን አሳነ መሀያ ኩንሳያ ዋዲ ያና።

28 ኡንቱንቱ ጶቆላናው፡ ኮላናው፡ አሳ አሳ የጋናው፡ ጳይሳናውነ ባየሳ አሀናው ደሳደ ናጌዳዋ ኬሻ፡ ኡንቱንታ ዛራደ ግምባናውነ ቶካናው ደሳደ ናጋና። ታን መድና ጎዳይ ሀዋ ኦዳይ።

29 “ሄ ዋደ አሳይ፡ ሓዋቱ ጋምኤ ዋይንያ ቴራ ሚና፡ ናናቱዋ አቻይ ዘልኤዳ፡ ያጌደ ሃሳይያዋ አጋና።

30 ሸን አሳይ እቱ እቱ ባረ ናጋራን ናጋራን ሀይቃና፤ ጋምኤ ዋይንያ ቴራ ምያ አሳ ኡባዉ አ አቻይ አቻይ ዘልአና” ያጌ።

31 መድና ጎዳይ ሀዋዳን ያጌ፤ “ታን እስራኤልያ አሳናነ ይሁዳ አሳና ኦራላ ጫቁዋ ጫቀትያ ጋላሳቱ ያና።

32 ሄ ጫቁ ታን ኡንቱንታ ግብጾጥ ከሳናው ኡንቱንቱ ኩሸያ ኦይቁዳ ዋደ፡ ኡንቱንቱ ማይዘ አዋቱዋና ጫቀቱዳ ጫቁዋ ማላ ግደና፤ ታን ኡንቱንቱ ለሰና ማላ ግዳ ኡትናካ ኡንቱንቱ ታ ጫቁዋ መንሌድና። ታን መድና ጎዳይ ሀዋ ኦዳይ።

33 ሸን ታን መድና ጎዳይ ሄ ጋላሳቱዋጥ ጉይያን እስራኤልያ አሳና ጫቀታና ጫቁ ሀዋ፡ ታን ታ ሀግያ ኡንቱንቱ ግዳን ዋላና፤ ቃይ ኡንቱንቱ ዋዛናንካ ጸፋና። ታን ኡንቱንቱ ጸሳ ግዳና፤ ቃይ ኡንቱንቱካ ታ አሳ ግዳና።

34 አሳይ ባረ ሸሩዋ ዋይ ባረ አሻ፡ «መድና ጎዳ ኤራ» ያጌደ ታማርሰያዋ አጋና፤ እያዉ ጎጥ፡ ጉላጥ ደሚደ፡ ዋጋ ጋካናው፡ ኡንቱንቱ ኡባይ ታና ኤራና። ታን ኡንቱንቱ ናቁዋ አቶ ጋና፤ ኡንቱንቱ ናጋራካ ላኤንሱ ሀሳይከ። ታን መድና ጎዳይ ሀዋ ኦዳይ” ያጌ።

35 መድና ጎዳይ፡ አዋ ጋላሳን ፖእሴዳዋ፡ አግናይነ ጸልንተቱ ቃማን ፖእናዳን ሀግያ ዋሌዳዋ፡ አባካ ቃሊደ፡ ቤታይ ጉማናዳን አሳያዋ፡ ኡባጥ ዋልቃማ መድና ጎዳ ጌተትያዋ፡ ሀዋዳን ያጌ፤

36 “ሀ ኤቁደ ደእያ መ□ታ ሀጌ ታ ሰንሳጥ ክቸጥ፡ ሄ ዋደ እስራኤልያ ዘረላቱ ታ ሰንሳጥ መድናው ታ አሳ ግዲደ ደእያዋ አታናዋ። መድና ጎዳይ ሀዋ ኦዳይ” ያጌ።

37 መድና ጎዳይ ሀዋዳን ያጌ፤ “ቦላ ሳሎቱ ልከታናው፡ ዋይ ጋርሳ ሳአ ባሱካ ኤረታናው ዳንዳዮጥ፡ ሄ ዋደ ታን እስራኤልያ ዘረላቱዋ ኡባ፡ ኡንቱንቱ ኦሌዳ ባይዙዋ ኡባ ድራው፡ ታ ሰንሳጥ ድጋና። ታን መድና ጎዳይ ሀዋ ኦዳይ” ያጌ።

38 መድና ጎዳይ ሀዋዳን ያጌ፤ “ሀናንኤላ አዲሳ ግምቢያጥ ደሚደ፡ ዘዘያ ጥንግያ ጋካናው፡ የሩሳላመ ካታማይ ታዉ፡ ጸሳው፡ ካታማ ግዲደ፡ ሰሚደ ኬጸትያ ጋላሳቱ ያና።

39 ሄ ካታማ ዛዋይካ አዋይ ዉልያ ባጋጥ ካል ቢደ፡ ጋራባ ዘዘያነ ጎአ ዩሹዋ ጋካናው አካና።

40 አሃ ሞግያነ ብድንሳ ኦልያ ዛንጋራይነ ቀድሮና ዛንጋራጥ ቆሞና አዋይ ደልያ ባጋ ባጋና ቢደ፡ ፓራ ጥንግያ ዘዘያ ጋካናው ደእያ ጋድያ ኡባይ መድና ጎዳው ዲማቲደ፡ ጌሻ ግዳናዋ። ሀዋጥ ሰንሳናው ካታማይ መድናው ሸደተናነ ኮለተና” ያጌ።

32

ኤርማሳ ጋድያ ሻማዳ

1 ይሁዳ ካቲ ሰደቅያሰ ካተቲዳ ታማንሳ ላይላን፡ ባብሎን ካቲ ናቡካዳናጾር ካተቲዳ ታማን ሆሰቸንሳ ላይላን መድና ጎዳጥ ኤርማሳው ካላይ ዬዳ።

2 ሄ ዋደ ባብሎን ካትያ ኦላንቻቱ የሩሳላመ ደዴድኖ፤ ትምቢትያ ኦድያ ኤርማሰ ይሁዳ ካትያ ጎልያን ደእያ፡ ናግያዋንቱ ዳባባን ጎርደት ኡቴዳ።

3 ይሁዳ ካቲ ሰደቅያሰ አ ሄዋን ቃቺደ፡ ሀዋዳን ያጌዳ፤ “ኔን እያዉ ሀዋዳን ያጋደ ትምቢትያ ኦዳይ? መድና ጎዳይ ሀዋዳን ያጌ፤ ‘ቦአ፡ ታን ሀ ካታማ ባብሎን ካትያ ኩሸያን አላደ እማና ሀናይ፤ እምና አ አዋዳና።

4 ይሁዳ ካቲ ሰደቅያሳው ባብሎናቱዋ ኩሸያጥ ከሰ አከና፤ እ ቱሙዋጥ ባብሎን ካትያ ኩሸያን ገላና። እ አ ሰንሳን ኤቁደ፡ አናና ሃሳያና፤ እ አ ባረ አይፍያን በአና።

5 ሄዋጥ ጉይያን፡ ናቡካዳናጾር ሰደቅያሳ ባብሎን አፋና፤ ታን አባ በአና ጋካናው፡ እ ያን ደአና። ታን መድና ጎዳይ ሀዋ ኦዳይ። ኔን ባብሎንቱዋና ኦለትያዋ ግደጥ፡ ሄዋ ኔና ከሰና ያጌ” ያጋዳ” ያጌዳ።

6 ኤርማሰ፡ “መድና ጎዳ ቃላይ ሄ ዋደ ታኮ ሀዋዳን ያጌደ ዬዳ፤

7 ሳ አዉዋ እሻ ሻሉማ ናአይ፡ ሀናምኤል ኔኮ ዩደ፡ “አናቶታ ካታማን ደእያ ታ ጋድያ ሻማ፤ እያዉ ጎጥ፡ ዋዛናው ዳቦታይ ጋልያዋ ኔና” ያጋናዋ” ያጌዳ።

8 “መድና ጎዳይ ጌዳዋዳን፡ ታ አዉዋ እሻ ናአይ ሀናምኤል ታኮ ናግያዋንቱ ዳባባ ዩደ፡ ‘ቦንያማ ቢታን አናቶታን ደእያ ታ ጋድያ ሻማ፤ ጋድያ ዋዛናውነ ቡዘታናው በሰያዋ ኔና’ ያጌዳ። ታን ሄዋን መድና ጎዳ ቃላ ግድያዋ ኤራድ።

31:29 ሀዘ. 18:2 31:31 ማቶሳ 26:28፤ ማር. 14:24፤ ሉቃሳ 22:20፤ 1 ቆር. 11:25፤ 2 ቆር. 3:6 31:31 እብራ. 8:8-12 31:33 እብራ. 10:16 31:34 እብራ. 10:17 32:1 2 ካታ. 25:1-7

9 ያታደ አናቶታ ካታማን ደእያ ጋድያ ታ አወዋ እሻ ናኣ ሀናምኤላፕ፤ ሻማደ እ ክክያ ጋትያ አወ ሚዛናን ልካድ፤ ታማነ ላፑን ጸጋራ ብራ ግዴዳ።

10 ሻማ ፓራማ ማርካቱ ደእያ ሳን ፓራማደ፡ አሻጋደ ማታፋ አን ዋላድ፤ ሚሻካ ሚዛናን ልካደ እማድ።

11 “ሄዋፕ ጉይያን፡ ታን አሻገቲደ አታመቲዳ ሻማ ሀናታ ቆንጭሰያ ፓራማን አታመትቤና ሻማ ሀናታ ቆንጭሰያ ፓራማ አካድ።

12 ታ አወዋ እሻ ናኣይ ሀናምኤል፡ ሻማ ፓራማ ፓራማዳ ማርካቱን ናግያዋንቱ ዳባባን ኡቲዳ አይሁዳቱ ኡባይ ጸልሸን፡ ሄ ሻማ ፓራማ ማሀሴያ ናኣ ናኣ፡ ኔርያ ናኣ ባርካወ እማድ።

13 ኡንቱንታ ሰንላን ታን ባርካ ሀዋዳን ያጋደ አዛዛድ፤

14 “ኡባፕ ዋልቃማ መድና ጎዳይ፡ እሰራኤልያ ጸሳይ፡ ሀዋዳን ያጌ፤ “ዳሮ ዋድያ ጋምአና ማላ፡ ሀ ሻማ ሀናታ ቆንጭሰያ አሻገቲደ አታመቲዳ ፓራማን ሻማ ሀናታ ቆንጭሰያ አታመትቤና ፓራማ አካ አፋደ፡ ኡርቃፕ መጠቲዳ ኦቲዋን ዋላ” ያጌ።

15 እያወ ጎፕ፡ ኡባፕ ዋልቃማ መድና ጎዳይ፡ እሰራኤልያ ጸሳይ፡ ሀዋዳን ያጌ፤ “ሀ ቢታን አሳይ ዛሪደካ ጎልያ፡ ጋድያን ዋይንያ ቱራ ቶክያ ሳኣ ሻማና” ያጌ ያጋድ” ያጌዳ።

ኤርማሳ ዋሳ

16 ታን ኔርያ ናኣ ባርካወ ሻማ ፓራማ ዋራቃታ እማዳዋፕ ጉይያን፡ መድና ጎዳ ሀዋዳን ያጋደ ዋሳድ፤

17 “አቤት ኡባ ሞድያ መድና ጎዳወ፡ ኔን ሳሎቱዋን ሳኣ ነ ዋልቃማ ዋልቃንነ ነ ሞጬቲዳ ኩሸያን መዳዳ! ነወ ዳንዳየተናዌ ኡባካ ባዋ።

18 ኔን ሻኦቶ አገና ሲቁዋ በሳሳ፤ ሸን አዋቱዋ ባይዙዋ ኡንቱንቱ ናናቱዋ ቦላ ዛራሳ። አቤት ጴቃን ዋልቃማ ጸሳወ፡ ነ ሱንላይ ኡባፕ ዋልቃማ መድና ጎዳ ጌተቱ።

19 ነ ዞሪ ዋልቃማ፤ ነ ኦልያ ኦሱካ ዋልቃማ። አሳ ኦግያ ኡባ ኔን በኣሳ፤ አሳወ ኡባወካ ኦ ኦግያዳንነ አ ኦሱዋዳን ዛራሳ።

20 “ኔን ግብጾን ማላታን ኦራላባ ኦላዳ፤ ሀኙ ጋካናወካ ሀ ኦራላ ኦሱቱዋ እሰራኤልያ አሳ ግደንነ ሀራ ካወተላቱዋ ኡባ ግደን ኦልያዋ አጋ በይካ። ሄዋፕ ደንዴዳዋን ነ ሱንላይ ኡባ ሳን ኤረቲዳ።

21 ኔን ነ አሳ እሰራኤልያ ግብጾፕ ማላታንነ ኦራላባን፡ ነ ሞና ቀሰያንነ ነ የዴዳ ኩሸያን፡ ቃይ ዋልቃማ ዳጋማን ከሳዳ።

22 ኡንቱንቱ ማይዛ አዋቶ ኔን እማናወ ጫቄዳ ቢታ፡ ማላይነ ኤሳይ ጎግያ ሀ ቢታ ኡንቱንቶ እማዳ፤

23 ኡንቱንቱ ሀ ቢታ ገሊደ ላቲድና። ሸን ኡንቱንቱ ነወ አዛዘትባይክና፤ ነ ህግያካ ካልበይክና፤ ኡንቱንቱ ኦላናዳን ኔን አዛዜዳዋ ኡባካ ኦልበይክና። ሄዋ ድራወ፡ ኔን ኡንቱንቱ ቦላ ሀ ባሻ ኡባ አሃዳ።

24 “በኣ፡ ባብሎንቱ ካታማ ኦይቃናወ ግምቢያ ዩሹዋን ቢታ ዶሪደ ዶድ ደኢና፤ ኦላፕ፡

ኮሻፕነ ኢታ ሀርግያፕ ደንዴዳዋን፡ ካታማይ ኡንቱንቱና ኦላትያ ባብሎናቱዋ ኩሸያን አዲደ እመት ደኤ። ኔን ሀእ በእያዋዳን፡ ነ ጌዳዌ ኡባይ ፖላቲዳ።

25 አቤት ኡባ ሞድያ መድና ጎዳወ፡ ካታማይ ባብሎንቶ እመታናወ ሀናደካ፡ ኔን ታና፡ ማርካቱዋ ጸሳደ፡ ሻሉዋን ሀ ጋድያ ሻማ ያጋደ” ያጋደ ዋሳድ።

26 ሄዋፕ ጉይያን፡ መድና ጎዳ ቃላይ ኤርማሳወ ሀዋዳን ያጌደ ዬዳ፤

27 “ታን መድና ጎዳ፡ አሳ ኡባ ጸሳ። ታወ ዳንዳየተናዌ ደኢ?” ያጌዳ።

28 ሄዋ ድራወ፡ መድና ጎዳይ ሀዋዳን ያጌ፤ “ታን ሀ ካታማ ባብሎንቶን ባብሎን ካትያ ናቡካዳናጸራወ አላደ እማና፤ ኡንቱንቱ አ ኦይቃና።

29 ሀ ካታማ ቦላ ኦላወ ከሴዳ ባብሎንቱ ዪደ፡ ካታማ ታማን ጸጋና፤ ጎልያ ቦላን ደምባዪደ ኦልድና ባኣላወ እጻና ጩዋይሲድነ ሀራ ጸሳቶ ኡሻ ያርሹዋ ጉሲደ፡ ታና ሀንቀሌዳ አሳቱ ደኤዳ ጎለቱዋካ ጸጋና።

30 “እሰራኤልያ አሳይነ ይሁዳ አሳይ ባረንቱ ያላጋተላፕ ደሚደ፡ ታ ሰንላን ኢታባ ኦልድናፕ አትና፡ ሀራባ ኦልበይክና፤ ኡንቱንቱ ባረንቱ ኩሸያን ኦልዳ ኦሱዋን ታና ሀንቀሌድና ያጌ መድና ጎዳይ።

31 ከጸቲዳ ዋድያፕ ሀኙ ጋካናወ፡ ሀ ካታማ አሳቱ ታና ሀንቀሌድናን ይሎዬድና፤ ሄዋ ድራወ፡ ታን ሀ ካታማ ታ ሰንላፕ ቆይሳና።

32 እሰራኤልያ አሳይነ ይሁዳ አሳይ፡ ኡንቱንቱ ካተቱን ካፓቱ፡ ኡንቱንቱ ቄሳቱ ነ ትምቢትያ ኦድያዋንቱ ኦልዳ ኢታ ኦሱዋ ኡባን ታና ሀንቀሌድና።

33 ኡንቱንቱ ባረንቱ ሶምኡዋ አገደ፡ ባረንቱ ዘክያ ታወ ዛሪድና። ታን ኡንቱንታ ዛሪ ዛራደ ታማርሰንቶካ፡ ኡንቱንቱ ሰሰበይክናን ሴራካ አክበይክና።

34 ኡንቱንቱ ሸንይያ ባረንቱ ኤቃቱዋ ታ ሱንላን ጸሰቲዳ ጌሻ ጎልያ ግደን ኤሲደ ቱንሴድና።

35 ኡንቱንቱ ባረንቱ አቱማ ናናቱዋን ማጫ ናናቱዋ ሞሎካ ኤቃወ ያርሻናወ ሀናማ ዘንጋራን ባኣላወ ያርሸያ ጴቃ ሳኦቱዋ ገግሴድና። ኡንቱንቱ ሄዋ ኦላና ማላ፡ ታን ኡንቱንታ አዛዘበይከ፤ ይሁዳ አሳ ኡንቱንቱ ናጋራ ኦሰሳናወ ሄዋ ማላ ሸንይያዋ ኦላናዌ ታ ዋዛናን ኡባካ አድቤና” ያጌዳ።

ጸሳይ እሰራኤልያ አሳ ዛራደ እሻልሳና ያጌዳ

36 ህንተ የሩሳላመ አሳይ፡ “ሀ ካታማይ ኦላን፡ ኮሻንነ ኢታ ሀርግያን ባብሎን ካትያ ኩሸያን አዲደ እመታና” ያጌዳ ሀ ካታማባ መድና ጎዳይ እሰራኤልያ ጸሳይ ሀዋዳን ያጌ፤

37 “በአተ፡ ታን ታ ሱሎ ሀንቀዋንነ ታ ዋልቃማ ይሉዋን ኡንቱንታ ላሌዳ ቢታ ኡባፕ ሸሻና፤ ሀ ሳኣ ዛራደ አሃደ፡ ኡንቱንቱ ሳርተላን ደኢናዳን ኦላና።

38 ኢንቴንቱ ታ አሳ ግዳና፤ ታንካ ኢንቴንቱ ጸሳ ግዳና።

39 ኢንቴንቱ ታዉ መድናዉ ያያና ማላ፡ ታን ኢንቴንቶ እት ዋዛናን እት ኦግያ እማና፤ ሄዌ ኢንቴንቶን ኢንቴንቱፕ ጉይያን፤ ኢንቴንቱ ናናቶ ሎኦ ግዳናዋ።

40 ታን ኢንቴንቱና መድናዉ ቃላ ጫቁዋ ጫቀታና። ሄ ጫቁዋን ታን ኢንቴንቶ ሎኦባ ኦሎዎዋ አግከ፤ ኢንቴንቱ ታፕ ዋራ ሰመና ማላ፡ ታን ኢንቴንቱ ታዉ ያያናዳን ኦላና።

41 ታን ኢንቴንቶ ሎኦባ ኦሎዎዋዳን ናሽታና፤ ቃይ ታን ታ ኩመንሳ ዋዛናፕን ታ ኩመንሳ ሽምፕዋፕ ሀ ቢታን ኢንቴንታ ቱሙዋፕ ቶካና” ያጌ።

42 ቃይካ መድና ጎዳይ ሀዋዳን ያጌ፤ “ታን ሀ አሳ ቦላ ሀ ኢታ ባየላ ኡባ አሄዳዋዳን፡ ሄዋዳንካ ታን ኢንቴንቶ እማና ጌዳ ሎኦባ ኡባ እማና።

43 ህንተ፡ ‘ሀ ቢታይ አሳይካ መሂካ ደኤና፡ አይነ ባይና ቢታ ግዳናዋ፤ እ ባብሎንቶ እመት ክቼዳ’ ያጌዳ ቢታን አሳይ ዛረሏደ፡ ጋድያ ሻማና።

44 አሳይ ጋድያ ሻሉዋን ሻማና፤ ማርካ ሰንላን ፓራማ ፓራሚደ፡ ማታፋ ዋላና። ሀዌ ኡባይ ቢንያማ ቢታን፡ የሩሳላመ የሹዋን ደእያ ሄራቱዋን፡ ይሁዳ ካታማቱዋን፡ ገዘያን ደእያ ካታማቱዋን፡ ዘዘያፕ ጋርሳና ደእያ ካታማቱዋን ኔጌባ መላ ቢታ ካታማቱዋ ኡባን ሀናና። አያዉ ጎፕ፡ ታን ኢንቴንቱ ዛራደ እሻልሳና። መድና ጎዳይ ሀዋ ኦዳይ” ያጌ።

33

ጸሳይ ላኤንሉዋካ እስራኤልያ አሳ እሻልሳና ያጌዳ

1 ኤርማስ ብሮ ናግያዋንቱ ዳባባን ደእሺና፡ መድና ጎዳ ቃላይ ላኤንሉዋካ ዬዳ።

2 ሳኦ መጴዳ መድና ጎዳይ፡ ጊግሲደ አ ሳኦን ዋሴዳ መድና ጎዳይ፡ አ ሱንላይካ መድና ጎዳ ጌተትያዌ ታና ሀዋዳን ያጌ፤

3 “ኔን ታና ጸሳይ፤ ታን ነዉ ኮያና፤ ኔን ኤሪና ዋጋባን ዋልቃማባ ታን ነዉ ኦዳና።

4 ባብሎናቱዋ ቢታ ዶሪታ፡ ዶደላነ ማሻ ድጋና ማላ፡ ድርሳ ግምቢያ ምንሳናዉ ኮሌዳ ሀ ካታማ ጎለቱዋባን ይሁዳ ካተቱዋ ጎለቱዋባ ታን መድና ጎዳይ፡ እስራኤልያ ጸሳይ ኦዳይ።

5 ህንተናና ኦለታናዉን ታን ታ ህንቁዋንነ ይሉዋን ሾጫና አሳቱዋ አሃ ሄ ሳኦቱዋን ኩንላናዉ ባብሎንቱ ገሊና። አያዉ ጎፕ፡ ኢንቴንቱ ኢታተላ ኡባ ድራዉ፡ ታን ሀ ካታማፕ ታ ሰምኡዋ ገንላድ።

6 “ግደፕን፡ ታን ሀ ካታማን አን ደእያ አሳ ዛራደ ፓላና፤ ኢንቴንቱ ፓጸተላካ ዛራና፤ ሎይሶ ዳሮ ሳሩዋን ዋፓ ደኡዋ ታን ኢንቴንቶ እማና።

7 ይሁዳ አሳን እስራኤልያ አሳ ኦዋዱዋፕ ዛራደ እሻልሳና፤ ኢንቴንቱ ካሰ ደኤዳዋዳን ኦላደ ታን ኢንቴንታ ግምባና።

8 ኢንቴንቱ ታና ናቄዳ ናጋራ ኡባፕ ታን ኢንቴንታ ጌሻና፤ ጌሻደ ኢንቴንቱ ታና ናቄዳ ናቄዋን ማካሌዳ ማካላ ኡባ አቶ ያጋና።

9 ሄዋፕ ጉይያን፡ የሩሳላመ ካታማይ ታዉ ናሽቻ፡ ቦንቹዋን ጋላታ ሳኦን ደእያ ካዉተላቱዋ ኡባ ሰንላን አሀና። ታን የሩሳላመ አሳዉ ኦሎዎ ሎኦባን ሄ ካታማዉ አሀያ ዱረተላነ ሳሮተላ ሰሲደ፡ ካዉተላቱ ኡባይ ያሻን ኮኮራና” ያጌ።

10 መድና ጎዳይ ሀዋዳን ያጌ፤ “ህንተ፡ ‘ኦሳይነ መሂ ባይና መላ ቢታ’ ጌዳ ሀ ሳኦቱዋን፡ አሳይነ መሂ ባይና ይሁዳ ካታማቱዋን የሩሳላመ ኦገቱዋን፡ ናሽቻን እልልሳ ኮሻይ።

11 ቡላቹያዋን ቡላቹትያን ኮሻይነ መድና ጎዳ ጌሻ ጎልያ ጋላታ ያርሹዋ አሂደ፡ ሀዋዳን ያጌደ የጽያ አሳ ኮሻይ ሰሰታና።

“ኡባፕ ዋልቃማ መድና ጎዳ ጋላትተ፤ አያዉ ጎፕ፡ እ ኬካ። አገና አ ሲቁ መድናዋ” ያጌና።

አያዉ ጎፕ፡ “ታን ኢንቴንታ ኦዋዱዋፕ ዛራደ ኢንቴንቱ ቢታ አሀና፤ ኢንቴንታ ካሰ ደኤዳዋዳን ኦላደ፡ ታን እሻልሳደ ዋላና” ያጌ መድና ጎዳይ።

12 ኡባፕ ዋልቃማ መድና ጎዳይ ሀዋዳን ያጌ፤ “ሀ አሳይነ መሂ ባይና አይነ ባይና ቢታን አን ደእያ ካታማቱዋን ሄንላንቻቱ ባረንቱ ዶርሳ ዉድያ አላጽሰያ ጋዳ ደእና።

13 ገዘያን ደእያ ካታማቱዋን፡ ዘዘያፕ ጋርሳና ደእያ ካታማቱዋን፡ ኔጌባ መላ ቢታን ደእያ ካታማቱዋን፡ ቢንያማ ቢታን፡ የሩሳላመ የሹዋን ደእያ ሄራቱዋንነ ይሁዳ ካታማቱዋን ሄንላንቻቱ ባረንቱ ዶርሳ ዛረሏደ ፓይዳዋን። ታን መድና ጎዳይ ሀዋ ኦዳይ” ያጌ።

14 መድና ጎዳይ ሀዋዳን ያጌ፤ “ታን እስራኤልያ አሳዉን ይሁዳ አሳዉ ኦላና ጌዳ ሎኦ ቃላ ፖልያ ጋላሳቱ ያና፤

15 ሄ ጋላሳትዋንነ ሄ ዋደቱዋን ታን ዳዊታ ዛርያፕ እት ጽሎ አጫ ደንላና፤ እ ሄ ቢታን ሱረ ፕርዳን ጽሎተላ ኦላና።

16 ሄ ዋደ ይሁዳ አሳይ አታና፤ የሩሳላመ አሳይካ ዋፕ ጌደ ደእና፤ ሀ ካታማይካ መድና ጎዳ፡ ኦ ጽሎተላ ያገት ጸሰታና።

17 ዳዊታ ዘረላፕ እስራኤልያ ካዉተላ አራታን ኡትያ አሳይ ኡባካ ጳየና።

18 ሄዋዳንካ፡ ጸግያ ያርሹዋ፡ ካላ ያርሹን ሀራ ያርሹዋ ኡባ ገደ ያርሻናዉ ሌዌያ ዛርያፕ ቄሰያ ግድያ አሳይ መድናዉካ ታ ሰንላን ጳየና። ታን መድና ጎዳይ ሀዋ ኦዳይ” ያጌ።

19 መድና ጎዳ ቃላይ ኤርማሳኮ ዬዳ።

20 መድና ጎዳይ ሀዋዳን ያጌ፤ “ታን ጋላሳናን ቃማና ቃላ ጫቁዋ ጫቀታድ፤ ሄ ጫቁዋን ኢንቴንቱ ባረንቶ ኬረቱዳ ዋድያን ሰመረቱድና። ሄ ጋላሳን ቃማ ጫቁዋ ህንተ ለማናዉ ዳንዳዮፕ።

21 ታን እ ዛርያፕ ካዉተላ አራታን ኡታና አሳይ ኡባካ ጳየናዳን፡ ታ ቆማ ዳዊተና ጫቀቱዳ

33:11 1 ኦዲዋ 16:34፤ 2 ኦዲዋ 5:13፤ 7:3፤ እዘራ 3:11፤ ማዘ. 100:5፤ 106:1፤ 107:1፤ 118:1፤ 136:1 33:14 ኤር. 23:5-6 33:18 2 ሳሜላ 7:12-16፤ 1 ካታ. 2:4፤ 1 ኦዲዋ 17:11-14

ጫቁዋ ለማና፤ ቃይ ኡባቶ ታዉ አልያ፤ ሌዊያ ዛረ ግድያ ቄሳቱ ዋና ጫቁቲዳ ጫቁዋካ ለማና።

22 ታን ታ ቆማ ዳዊታ ዘረላቱዋን ታ ስንላን አልያ ሌዊያ ዛረ ቄሳቱ ዋ ፓይዳናዉ ዳንዳየተና ሳሉዋ ጸልንተቱዋዳንን ማክና ዉረና አባ ሻፍያዳን ጮራያና” ያጌ።

23 መድና ጎዳ ቃላይ ቃይካ ኤርማሳኮ ሀዋዳን ያጌደ ዬዳ፤

24 “ሀ አሳይ፡ ሙድና ጎዳይ ባረ ዶሬዳ ላኡ ካዉተላቱዋ፡ እስራኤልያን ይሁዳ እግ ባሼዳ፣ ያጌደ ሃሳይያዋ ኔን እኩካባይኪ? ኡንቲንቲ ታ አሳ ካዲደ፡ ባረና ዳንዳዬዳ ካዉተላ ከሰክኖ ጌደ ቆጥኖ።

25 ታን መድና ጎዳይ ጋላሳናን ቃማና ጫቁቲዳ ጫቁዋን ሳሉዋን ሳኦ ህግያ ምንላቤናባ ግድንቶ፡

26 ታን ያቆባ ዘረላቱዋን ታ ቆማ ዳዊታ ዘረላቱዋ አጋ ባሻና፤ ያታቤናዋ ግድንቶ፡ አብራሃማ፡ ይሳቃን ያቆባ ዛራቱዋ ቦላ ካተያናዉ ዳዊታ ዘረላ ዶረናን አጋና። ታን ታ አሳ ማራና፤ ታን ኡንቲንቲ ዛራደ እሻልሳና” ያጌዳ።

ኤርማሳ ዲማ ዲማ ኦሶቱዋ ካትያ ሰደቅያሳዉ ኦደቲዳ ትምቢትያ

34

1 ባብሎን ካቲ ናቡካዳናጾር፡ አ ኦላንቻቱ ኡባይን እ ሞድያ ካዉተላቱዋን አሳይ ኡባይ፡ የሩሳላመን የሩሳላመ ዩሹዋን ደእያ ካታማቱዋ ኡባ አልያ ዋደ፡ ሀ ቃላይ መድና ጎዳጥ ኤርማሳዉ ዬዳ፤

2 መድና ጎዳይ እስራኤልያ ጸሳይ ሀዋዳን ያጌዳ፤ “ባ፤ ባደ ይሁዳ ካትያ ሰደቅያሳ ሀዋዳን ያጋ፤ መድና ጎዳይ ሀዋዳን ያጌ፤ ብእ፡ ታን ሀ ካታማ ባብሎን ካትያ ኩሽያን አላደ እማና፤ እ ሀ ካታማ ታማን ጸጋና።

3 ኔን አ ኩሽያጥ ከሳ አካካ፤ ኔን አሞደታናን አዉ አቋ እመታና። ኔን ነ አይፍያን ባብሎን ካትያ በእና፤ እካ ኔናና ሃሳያና። ሄዋጥ ጉይያን፡ ኔን ባብሎን ቢታ ባና ያጌ።

4 “ ግደጥን፡ ይሁዳ ካትያዉ ሰደቅያሳ፡ መድና ጎዳይ ግያዋ ሰሳ! ነዋ መድና ጎዳይ ሀዋዳን ያጌ፤ “ኔን ኦላን ሀይቃካ፤

5 ኔን ሳር ሀይቁዋ ሀይቃና። ኔጥ ካሰ ደኤዳ ካተቱዋ ቦንቾ፡ ነ ማይዛ አዋቶ እጻና ጨዋዬዳዋዳን፡ አሳይ ነ ቦንቾካ እጻና ጨውሳና። ያቲደ፡ አዬ ኑ ካትያዉ ያጌደ ነዉ ዩካና። ታን መድና ጎዳይ ሀዋ ኦዳይ” ያጌ፣ ያጋደ ኦዳ” ያጌዳ።

6 ሄዋጥ ጉይያን፡ ትምቢትያ ኦድያ ኤርማሰ ሀ ትምቢትያ ኡባ ይሁዳ ካትያ ሰደቅያሳዉ የሩሳላመን ኦዳዳ።

7 ሄ ዋደ ባብሎን ካትያ ኦላንቻቱ የሩሳላመ ካታማን ይሁዳን አቲዳ ካታማቱዋ ኦሌድኖ። ላክሻን አዜቃ ጌተትያ ካታማቱዋ ጸላላይ ይሁዳን አቲዳ ግምበቲዳ ካታማቱዋ።

አይለቱዋ አይለተላጥ ከሰያ አዋዩዋ

8 ካቲ ሰደቅያሰ አይለቱዋ አይለተላጥ ከሰያ አዋዩዋ አዋያናዉ የሩሳላመን አሳ ኡባና ቃላ ጫቁዋ ጫቁቲዳዋጥ ጉይያን፡ ኤርማሳዉ መድና ጎዳጥ ቃላይ ዬዳ። ሄ አዋዩ።

9 “አሳይ ኡባይ ባረ እብራዌ አቱማ አሳቱዋን ማጫ አሳቱዋ አይለተላጥ ከሰ፤ ኦንን አይሁዳ አሳ ግዴዳ ባረ እሻ አይለ ኦሶጥ” ያጌ።

10 ሄዋጥ ጉይያን፡ መድና ጎዳ ቃላይ ኤርማሳኮ ዬዳ።

11 ሸን ባረንቲ ቆፋ ላሚደ፡ አይለተላጥ ከሰዳ ባረንቲ አቱማን ማጫ አይለቱዋ ዛሪደ አይለዬድኖ።

12 ሄዋጥ ጉይያን፡ መድና ጎዳ ቃላይ ኤርማሳኮ ዬዳ።

13 መድና ጎዳይ እስራኤልያ ጸሳይ ሀዋዳን ያጌ፤ “ታን ህንተ ማይዛ አዋቱዋ ግብጾጥ፡ አይለተላ ቢታጥ ከሰዳ ዋደ፡ ኡንቲንቲና ቃላ ጫቁዋ ጫቃ ኡታድ።

14 ሄ ቃላ ጫቁዋ ማራን፡ ሩብራዌ አይሊ ደእያ አሳይ ኡባይ፡ አይለቱዋ ኡሱፑን ላይላ ኦሰሰ ሰሚደ፡ ላፑንላ ላይላ አይለተላጥ ከሰ የድተ” ያጋደ አዛዛድ። ሸን ህንተ ማይዛ አዋቱ ታን ኦድያዋ ሰሰናን እጾድኖ ታዉ አዛዘትባይክና።

15 ህንተካ ማታ ዋድያጥ ካሰ ህንተ ናጋራ አጌደ፡ አይለቱዋ አይለተላጥ ከሳናዉ አዋዬድታ፤ ታ ሰንላን ልከባ ኦጼድታ። ቃይ ሄዋ ኦላናዉ ታ ሰንላን፡ ታ ሱንላይ ጸሰትያ ታ ጌሻ ጎልያን ጫቁዋ ጫቁቲድታ።

16 ሸን ሀእካ ህንተ ህንተ ቆፋ ላሚደ፡ ታ ሱንላ ቱንሴድታ። ዋቲደ ጎጥ፡ ኡንቲንቲ ኮዬዳዋዳን፡ አይለተላጥ ከሰዳ ህንተ አቱማን ማጫ አይለቱዋ ዛሪደ አይለዬድታ።

17 “ሄዋ ድራዉ፡ ታን መድና ጎዳይ ኦድያዌ ሀዋ፡ ህንተ ታዉ አዛዘተናን እጺደ፡ ህንተ እሻ ዋይ ህንተ ሾሩዋ አይለተላጥ ከሰያ አዋዩዋ አዋይባይክታ። በእተ፡ ህንተ ቦላ ኦላይ ኢታ ሀርጌን ኮሻይ ከሳና ማላ፡ ታን አዋያይ። ታን ህንተና ሳኦ ቦላ ደእያ ካዉተላቶ ዳጋማ ኦላና።

18 ታ ቃላ ጫቁዋ መንጹዳ አሳ፡ ታ ሰንላን ቃላ ጫቁቲዳ ጫቁዋ ቃላቱዋ ናገናን እጾዳ አሳ፡ ኡንቲንቲ ጫቆ ሹኪደ፡ ባጋ ባጋ ከሰ ማራን ዋሊደ፡ ላኡ ባጋጥ ግዲዋና አዲደ፡ ሄ ማራዳን ታን ኡንቲንቲ ኦላና።

19 ሄ አሳቱካ ይሁዳ ካጋቱዋ፡ የሩሳላመ ካጋቱዋ፡ ቢታ ሞድያዋንታ፡ ቄሳቱ ዋን ማራን ዋሊደ ማራ አሹዋ ግዲዋና መንጹዳ አሳ ኡባ።

20 ታን ኡንቲንቲ ኡንቲንቲ ሞርከቱዋ ኩሽያንን ኡንቲንቲ ዋላናዉ ኮይያ አሳቱዋ ኩሽያን አላደ እማና፤ ኡንቲንቲ አሃይ ሳሉዋ ካፎቶን ሳኦ ደኡቶ ቁማ ግዳናዋ።

21 “ታን ይሁዳ ካትያ ሰደቅያሳን አ ካጋቱዋካ ኡንቲንቲ ሞርከቱዋ ኩሽያን፡ ኡንቲንቲ ዋላናዉ ኮይያዋንቲ ኩሽያንን ህንተና ኦልያዋ አጌዳ ባብሎን ካትያ ኦላንቻቱዋ ኩሽያን አላደ እማና።

22 ታን መድና ጎዳይ ባብሎን ኦላንቻቱዋ አዛዛና፤ ኡንቱንቱ ሀ ካታማ ሰማና። ኡንቱንቱ ሀ ካታማ አላና፤ አሞዳናን ታማን ጸጋና። ይሁዳን ደእያ ካታማቱዋካ አሳይ ደኤና እይነ ባይና ሳኦ አላና” ያጌ።

35

ኤርማሳነ ረካባ ያራቱዋ

1 እዮሰያሳ ናኦ ይሁዳ ካትያ እዮአቄማ ላይላን፤ ኤርማሳዉ መድና ጎዳጥ ቃላይ ሀዋዳን ያጌደ ዬዳ፤

2 “ረካባ ያራ ግድያ አሳኮ ባደ፤ ኡንቱንቱና ሃሳያ። ጌሻ ጎልያ ክፍለቱዋጥ እቱዋ ግድ ገልሳደ ዋይንያ ኤሳ ኡንቱንቱ እማ” ያጌዳ።

3 ባደ፤ ሀባዲንያ ናኦ ናኦ፤ ኤርማሳ ናኦ ያእዛንያ፤ አ እሻቱዋነ አ አቱማ ናናቱዋ ኡባ፤ ሄዋ ግያዌ ረካባ ያራ ሙልያ አካደ፤

4 መድና ጎዳ ጎልያ አሃድ። ይግዳልያ ናኦ፤ ትምቢትያ ኦድያ ሀናና ኤርሰያ ቆማቱዋ ክፍልያ ኡንቱንታ ገልሳድ። ሄ ክፍሊ ጥንግያ ናግያ ሻሉማ ናኦ ማእሴያ ክፍልያጥ ቦላ ባጋና፤ ካፖቱዋ ክፍልያ ማታን ደኤ።

5 ሄዋጥ ጉይያን፤ ታን ረካባ ያራቱዋ ሰንላን ዋይንያ ኤሳይ ኩሜዳ ጸጋቱዋነ ጸአቱዋ ዋላደ፤ “ዋይንያ ኤሳ ኡሸተ” ያጋድ።

6 ሸን ኡንቱንቱ ዛሪደ፤ “ኡን ዋይንያ ኤሳ ኡሸኮ፤ አያዉ ጎጥ፤ ኦ ማይዛ አዉዋ ረካባ ናኦይ ዮናዳብ ኦና፤ ህንተካ ህንተ ናናቱካ ዋይንያ ኤሳ መድናዉ ኡሸጥተ።

7 ቃይ ጎልያ ኬጸጥተ፤ ዘረላ ዘርጥተ፤ ዋይንያ ቱራካ ቶኮጥተ። ሄዋ አጊደ፤ ዲንካነ ግድን ደአተ። ያቶጥ ህንተ አዲሳ ላይላ ሀ ቢታን ደአና” ያጌዳ።

8 ኦ ማይዛ አዉዋ ረካባ ናኦይ ዮናዳብ ኦና አዛዜዳ ኡባዉ ኦን አዛዘቱደ። ኦን፤ ዋይ ኦ ማጫ አሳቱ፤ ዋይ ኦ አቱማ ናናቱ፤ ዋይ ኦ ማጫ ናናቱ ኦ ደኡዋ ላይላ ኡባን ዋይንያ ኤሳ ኡሸበይኮ፤

9 ደእያ ጎልያካ ኬጸበይኮ፤ ዋይንያ ቱራ ሳእይ፤ ዋይ ጎሻይ፤ ዋይ ዘረላይካ ኡዉ ባዋ።

10 ኦን ዲንካነ ግድን ደኤደ፤ ኦ ማይዛ አዉ ዮናዳብ አዛዜዳ ኡባዉካ አዛዘቱደ።

11 ሸን ባብሎን ካቲ ናቡካዳናጸር ኦ ቢታ ቦላ ዋራጄዳ ዋደ፤ “ባብሎንቱዋነ ሶረቱዋ ኦላንቻቱዋጥ አታናዉ፤ ሃ ዮናሳላመ አነ ቦይተ” ያጌዳ። ሀእ ኦን ዮናሳላመን ደእያዌ ሄዋሳ” ያጌድና።

12 ሄዋጥ ጉይያን፤ መድና ጎዳ ቃላይ ኤርማሳዉ ዬዳ።

13 ኡባጥ ዋልቃማ መድና ጎዳይ፤ እሰራኤልያ ጸሳይ ሀዋዳን ያጌ፤ “ባ፤ ባደ ይሁዳ አሳነ ዮናሳላመ አሳ ሀዋዳን ያጋ፤ ታ ቃላ ሰሰያዋነ ታን ታማርሴዳዋ አዛዘትያዋ አያዉ እጼድቱ? ታን መድና ጎዳይ ሀዋ ኦዳይ።

14 ረካባ ናኦይ ዮናዳብ ባረ አቱማ ናናቱዋ ዋይንያ ኤሳ ኡሸናዳን አዛዜዳ አዛዘቱዋ ኡንቱንቱ ናጌድና፤ ኡንቱንቱ ባረንቱ ማይዛ አዉዋ አዛዘ አዛዘቱዳ ድራዉ፤ ሀቶ ጋካናዉ ዋይንያ ኤሳ

ኡሸኮ። ህንተዉ ዛራ ዛራደ ኦዳይ፤ ሸን ህንተ ታን ኦድያዋ ሰሰበይክታ።

15 ቃይ ታን ዛራ ዛራደ ትምቢትያ ኦድያ ታ ቆማቱዋ ኡባ ህንተኮ ዮዳድ፤ ኡንቱንቱ፤ “ህንተ ኡባይካ ህንተ ኢታ ኦግያጥ ሀእ ሰምተ፤ ህንተ ኦሱዋካ ሎይላተ፤ ሀራ ጸሳቶ ጎይናጥተነ አላጥተ። ያቶጥ፤ ታን ጸሳይ ህንተዉነ ህንተ ማይዛ አዋቶ እሜዳ ቢታን ህንተ ደአና” ያጌድና። ሸን ህንተ ታን ኦድያዋ ሰሳናዉ ህንተ ሀይላ ታኮ የግክታ።

16 ረካባ ናኦ ዮናዳብ ዘረላቱ ኡንቱንቱ ማይዛ አዉ ኡንቱንታ አዛዜዳ አዛዘቱዋ ፖሌድና፤ ሸን ሀ አሳይ ታዉ አዛዘትቤና” ያጋ” ያጌ።

17 ሄዋ ድራዉ፤ መድና ጎዳይ ጸሳይ፤ ኡባጥ ዋልቃማይ፤ እሰራኤልያ ጸሳይ ሀዋዳን ያጌ፤ “ሰሰተ፤ ታን ይሁዳ አሳ ቦላነ ዮናሳላመን ደእያዋንቱ ቦላ አሀና ጌዳ ኢታባ አሀና። አያዉ ጎጥ፤ ታን ኡንቱንቱ ኦዳድ፤ ኡንቱንቱ ሰሰናን እጼድና። ታን ኡንቱንታ ጸሳድ፤ ጸሰና ኡንቱንቱ ኮየናን እጼድና” ያጌ።

18 ሄዋጥ ጉይያን፤ ኤርማሰ ረካባ ያራቱዋ ሀዋዳን ያጌዳ፤ “ኡባጥ ዋልቃማ መድና ጎዳይ፤ እሰራኤልያ ጸሳይ ህንተና ሀዋዳን ያጌ፤ ህንተ ህንተ ማይዛ አዉዋ ዮናዳብዉ አዛዘቱዳ ድራዉ፤ አ ዋጋ ካሌዳ ድራዉነ እ አዛዜዳዋ ኡባካ ፖሌዳ ድራዉ።

19 ረካባ ናኦይ ዮናዳብ ታዉ ኡባጥ ዋልቃማ መድና ጎዳዉ እሰራኤልያ ጸሳዉ ኦልያ አቱማ አሳ አዉደነ ቆየና” ያጌ” ያጌዳ።

36

ባሩክ ጸላ ማጻፋ አሳዉ ናባቤዳ

1 እዮሰያሳ ናኦይ ይሁዳ ካቲ እዮአቄም ካተቱዳ ኦይደንላ ላይላን፤ መድና ጎዳይ ኤርማሳ ሀዋዳን ያጌዳ፤

2 “እት ጸላ ማጻፋ አካደ፤ ታን እዮሰያሳ ዋድያን ኮይር ነዉ ኦዳዳ ጋላሳጥ ደማደ፤ ሀቶ ጋካናዉ እሰራኤልያ ቦላ፤ ይሁዳ ቦላነ ሀራ ካዉተላቱዋ ኡባ ቦላ ሃሳዬዳ ቃላ ኡባ ጸፋ።

3 ታን ይሁዳ አሳ ቦላ አሀና ጋደ ሀልቼዳ ቦሻ ኡባ ሰሲደ፤ ኦን ኤሪ፤ ኡንቱንቱ ባረንቱ ኢታ ኦሱዋጥ ሰማንቶን። ታን ኡንቱንቱ ናቁዋነ ኡንቱንቱ ናጋራ አቶ ጋና” ያጌዳ።

4 ሄዋ ድራዉ፤ ኤርማሰ ኔርያ ናኦ ባርካ ጸሴዳ፤ መድና ጎዳይ አዉ ኦዳዳባ ኡባ ባርካዉ ኦድና፤ እ ጸላ ማጻፋን ጸፊዳ።

5 ሄዋጥ ጉይያን፤ ኤርማሰ ባርካ፤ “ታን ቃሾ ጎልያን ደእያ ድራዉ፤ መድና ጎዳ ጌሻ ጎልያ ገላናዉ ዳንዳይከ።

6 ሄዋ ድራዉ፤ ኦን አሳይ ጸምያ ጋላሰ መድና ጎዳ ጎልያ ባደ፤ ታን ኦድና፤ ኦን ጸላ ማጻፋን ጸፊዳ መድና ጎዳ ቃላ ኡንቱንቱ ናባባ፤ ባረንቱ ካታማቱዋጥ ዬዳ ይሁዳ አሳዉ ኡባዉካ ናባባ።

7 ሀ አሳ ቦላ መድና ጎዳይ አዋዬዳ ሀንቀነ ይሉ ኢታ ግድያ ድራዉ፤ ኦን ኤሪ፤ ኡንቱንቱ ባረንቱ ኢታ ኦሱዋጥ ሰሚደ፤ መድና ጎዳ ዋሳንቶን” ያጌዳ።

8 ኔርያ ናአይ ባሩክ ትምቢትያ ኦድያ ኤርማስ አዛዜዳዋዳን፤ መድና ጎዳ ጎልያን መድና ጎዳ ቃላ ኡባ ናባቤዳ።

9 እዮሰያሳ ናአይ ይሁዳ ካቲ እዮአቄም ካተቲዳ እቼሸንሎ ላይላን፤ ኡዲፑንላ አግናን፤ የሩሳላመን ደእያ አሳውነ ይሁዳ ካታማቱዋፕ ዬዳ አሳው ኡባው መድና ጎዳ ሰንላን ጸማናዳን አዋዬድኖ።

10 ባሩክ መድና ጎዳ ጌሻ ጎልያን፤ ቆሞ ባጋ ዳባባን፤ ኦራላ ፐንግያ ግያ ሳን ደእያ፤ ጸፍያ ሳፋና ናአ፤ ጋማርያ ክፍልያን ኤቁደ፤ ኤርማሳ ቃላይ ጸፈቲደ ጸላ ማጻፋ አሳው ኡባው ናባቤዳ።

ባሩክ ጸላ ማጻፋ ካፓቶ ናባቤዳ

11 ሳፋና ናአ ናአይ፤ ጋማርያ ናአይ ምካይ ማጻፋፕ መድና ጎዳ ቃላ ባሩክ ናባብሸና ሰቤዳ ዋደ፤

12 ካትያ ጎልያን ጸፊ ኡትያ ክፍልያ ቤዳ። እ ብያ ዋደ፤ ጸፊ ኤልሻማእ፤ ሻማእያ ናአይ ዳላይ፤ እክቦራ ናአይ ኤልናታን፤ ሳፋና ናአይ ጋማሪ፤ ሀናንያ ናአይ ጽድቁነ ሀራ ካፓቱ ሄዋን ኡቲድኖ።

13 ባሩክ አሳው ማጻፋፕ ናባብሸና ሰቤዳ ቃላ ኡባ ምካይ ኡንቱንቶ ኦዳዳ።

14 ካፓቱ ናታንያ ናአ ይሁዳ ባሩካኮ ከቲደ፤ “አሳው ኔን ናባቤዳ ማጻፋ አካደ ሃያ” ያጌድኖ። ናታኒ ሸሌምያ ናአ፤ ሸሌም ኩሻ ናአ። ያግና ባሩክ ማጻፋ አከደ፤ ኡንቱንቱኮ ዬዳ።

15 ኡንቱንቱካ አ፤ “አነ ኡታደ፤ ኑዉ ማጻፋ ናባባ” ያጌድኖ።

ባሩክ ማጻፋ ናባቤዳ።

16 እ ናባቤዳ ቃላ ኡባ ሰቤድኖ፤ ኡባይካ ያዩደ፤ እቱ እቱዋ ያሊደ፤ ባሮካ፤ “ሀ ቃላ ኡባ ኑን ካትያው ኦዳናው ኮሼ” ያጌድኖ።

17 ቃይካ ዛሪደ፤ “ኔን ሀ ቃላ ኡባ ዋታደ ጸፊደንቶ ኑዉ ኦዳ። ሀዋ ነዉ ኤርማስ ባሪ ደናፕ ኦድና ጸፋዲ?” ያጌድኖ።

18 ባሩክ፤ “ኤ፤ ሀ ቃላ ኡባ ኤርማስ ባሪ ደናፕ ታው ኦዳዳ፤ ታን ቃላምያን ሀ ጸላ ማጻፋን ጸፋድ” ያጌድኖ።

19 ኡንቱንቱ ባሮካ፤ “ኔን ኤርማስ ቢደ ቆሰትተ፤ ሀንተ ደእያ ሳእካ ኦን ኤር?” ያጌድኖ።

ካቲ ጸላ ማጻፋ ጸጌዳ

20 ካፓቱ ማጻፋ ጸፍያ ኤልሻማእ ክፍልያን ዋላዋፕ ጉይያን፤ ካቲ ደእያ ዳባባ ቢደ፤ ሀኔዳዋ ኡባ ካትያው ኦዳድኖ።

21 ሄ ማጻፋ አሀና ማላ፤ ካቲ ይሁዳ ከቲዳ፤ ይሁዳይ ጸላ ማጻፋ ኤልሻማእ ክፍልያፕ አሂደ፤ ካትያውነ እ ዩሹዋን ኤቄዳ ካፓቶ ናባቤዳ።

22 ኡዲፑንላ አግናን ሳእይ ባልጉዋ ግድያ ድራው፤ ካቲ ባልጉዋ አላያ ጎልያን ኡቲዳ። ሄ ዋደ ካትያ ሰንላን ደእያ ጮጭያን ታማይ ኤዴ።

23 ይሁዳይ ሄዙ ዋይ ኦይዲ ሳእቱዋ ናባቤዳዋፕ ጉይያን፤ ካቲ ሄ ሳእቱዋ ጸላ ማጻፋፕ ሰንጽያን ቃንጽ ቃንጸደ፤ ታማን ኦሊደ፤ ሄዋዳን ኦሊደ፤ ሄ ማጻፋ ሙለናካ ጸግ አጌዳ።

24 ሀ ቃላ ኡባ ሰሲደካ ካውነ አናና አላያ ካፓቱ አይነ ያይባይክኖ፤ ዋይ ካዮቲደ፤ ባሪንቱ ማዩዋ ፔቲባይክኖ።

25 ሀራይ አቶ ኤልናታን፤ ዳላይነ ጋማሪ ካቲ ሄ ማጻፋ ጸጌናዳን ዋሰናካ፤ ኡንቱንቱ ዋሳ ሰሰናን እጹዳ።

26 ካትያ ናአ ይራሀማኤላ፤ አዘርኤላ ናአ ሳራያን አብድኤላ ናአ ሸሌምያ፤ ጸፍያ ባሮካን ትምቢትያ ኦድያ ኤርማሳ ኦይቃና ማላ ካቲ አዛዜዳ። ሸን መድና ጎዳይ ኡንቱንታ ቆሴዳ።

ኤርማስ ዛር ጸፊዳ ጸላ ማጻፋ

27 ኤርማስ ኦድና፤ ባሩክ ጸፊዳ ቃላይ ደእያ ማጻፋ ካቲ ጸግ ሰምና፤ መድና ጎዳ ቃላይ ኤርማሳኮ ሀዋዳን ያጌደ ዬዳ፤

28 “ሀእካ ሀራ ጸላ ማጻፋ አካደ፤ ይሁዳ ካቲ እዮአቄም ካሰ ጸጌዳ ጸላ ማጻፋ ግደን ደእያ ቃላ ኡባ ጸፋ።

29 ቃይ ይሁዳ ካትያ እዮአቄማ ሀዋዳን ያጋ፡ “መድና ጎዳይ ሀዋዳን ያጌ፤ “ኔን፤ ባብሎን ካቲ ቱሙዋፕ ዩደ፤ ሀ ቢታ ባይዛና፤ ቃይ እዝ ግደን ደእያ አሳን መሀያካ ዉርሳና” ጋደ አያዉ ጸፋዲ?” ያጋደ ማጻፋ ጸጋደ።

30 ሄዋ ድራው፤ ታን መድና ጎዳይ ነዉ ይሁዳ ካትያ ዮአቄማው ሀዋ ኦዳይ፤ ዳዊታ ካውተላ አራታን ኡትያ ዛሪ ነዉ ኡባካ ደኤና። ነ አሃይካ ጮ ኦለቲደ፤ ጋላሰ አዋ ሱሉዋንነ ቃማ ማጉዋን ሾጬታና።

31 ሀንተ ናጋራ ድራው ኔና፤ ነ ዛርያን ኔናና ኦላያ ኡባ ታን ሙራና። ሀንተ ታን ኦዳዳዋ ሰሰናን እጹዳ ድራው፤ ታን ኦዳዳ ኡታባ ኡባ ሀንተ ቦላነ ይሁዳን የሩሳላመን ደእያ አሳ ቦላ አሀና ያጌ ያጋ” ያጌድኖ።

32 ሄዋፕ ጉይያን፤ ኤርማስ ሀራ ጸላ ማጻፋ አከደ፤ ኔርያ ናአ ጸፍያ ባሮካዉ እጫዳ። ባሩክ ይሁዳ ካቲ እዮአቄም ታማን ጸጌዳ ጸላ ማጻፋ ቃላ ኡባ ኤርማስ አዉ ደናን ኦድና ጸፊዳ። ቃይ ኤርማስ ሄዋ ማላትያ ሀራ ቃላካ ጉጅን፤ ኡባካ ባሩክ ጸፊዳ።

37

ኤርማሳን ካትያ ሰደቅያሳ

1 ባብሎን ካቲ ናቡካዳናጾር እዮአቄማ ናአ ዮአኪና ሳእን እዮሰያሳ ናአ ሰደቅያሳ ይሁዳ ቢታን ካዉጧዳ።

2 ሰደቅያሳ፤ አናና ኦላያ ካፓቱነ ሄ ቢታን ደእያ አሳይ ኡባይካ መድና ጎዳይ ትምቢትያ ኦድያ ኤርማሳ ባጋና ኦዳዳ ቃላው አዛዘትባይክኖ።

3 ሸን ካቲ ሰደቅያሳ ሸሌምያ ናአ የሁካላነ ማእሴያ ናአ ቄሰያ ጸፋንያ ሀዋዳን ያጌደ፤ ኤርማሳኮ ከቲዳ፤ “ሀያና ኑ ድራው መድና ጎዳ ኑ ጸሳ ዋሳ” ያጌድኖ።

4 ሄ ዋደ ኤርማስ ብር ቃሸት ቤና ድራው፤ አሳ ግደን ሰመረቲ።

5 ግብጾ ካትያ ኦላንቻቱ፤ ግብጾፕ ከሲደ ይያዋ የሩሳላመ ደዳዳ ባብሎን ኦላንቻቱ ሰቤዳ ዋደ፤ ኡንቱንቱ የሩሳላመፕ አጌደ፤ ጉዮ ሰጫድኖ።

6 ሄዋፕ ጉይያን፤ መድና ጎዳ ቃላይ ትምቢትያ ኦድያ ኤርማሳኮ ዬዳ።

7 መድና ጎዳይ እሰራኤልያ ጸሳይ ሀዋዳን ያጌ፤ “ታና ሀንተ ኦቻና ማላ፤ ሀንተና ከቲዳ ይሁዳ ካትያው ሀዋዳን ያግተ፤ ብእተ፤ ሀንተና

37:1 2 ካታ. 24:17፤ 2 ኦዳዋ 36:10

ማዳናዉ ከሴዳ ግብጹ ካትያ ኦላንቻቱ ባረንቱ ቢታ ሰሚደ ባና።

8 ቃይ ባብሎን ኦላንቻቱ ሰሚደ ያና፤ ኦላቲደ፤ ሀ ካታማ ኦይቃና፤ ታማንካ ኦ ጸጋና፣ ያግተ” ያጌ።

9 መድና ጎዳይ ሀዋዳን ያጌ፤ “ ባብሎን ኦላንቻቱ ላኤንሎ ሰሚደ ዪክኖ፣ ያጌደ ሀንተና ሀንተረካ ጭምጥተ። ኦያዉ ጎጥ፣ ኤንቱንቱ ሰሚደ ያናዌ ደኤና!

10 ሀንተ ባብሎን ኦላንቻቱ ሙልያ ጸንንቶን ኤንቱንቱጥ አቲደ፤ ኦላን ማዲዲደ፤ ዲንካንያ ግደን ግሴዳዋንቱካ ደንዲደ፤ ሀ ካታማ ታማን ጸጋና” ያጌ።

ኤርማሳ ቃሽቲዳ

11 ግብጹ ካትያ ኦላንቻቱ ማቲዳ ድራዉ፤ ባብሎን ኦላንቻቱ የሩሳላመ አጌደ፤ ባረንቱ ደኤያ ሳኣጥ ጉየ ሰሜድና።

12 ሄ ዎደ ኤርማሳ ባረና ጋክያ ጋድያ ኦካናዉ ቢንያማ ቢታ ባናዉ የሩሳላመጥ ደንዴ።

13 ግደ ሸን፣ ኦ ቢደ፤ ቢንያማ ጥንግያ ግያ ጥንግያ ጋክሸና፤ ጥንግያ ናግያዋንቱጥ እቱ፤ ሀናንያ ናኦ ሸሌምና ናኦ፤ ዪርያ ግያዌ ኦ፤ “ካ ኑና ካዳደ ባብሎን ባሳ ግድኪ?” ያጌደ ኦይቁዳ።

14 ኤርማሳ ዛሪደ፤ ሀዋዳን ያጌዳ፤ “ኔን ግያዌ ዎርዱዋ፤ ታን ባብሎን ብያ ኦሳ ግድከ” ያጌዳ። ሸን ዪሪ ኦ ግያዎ ሰሰናን እዱዳ፤ ኤርማሳ ኦይቁ ኦኪደ፤ ካፓቱዋኮ ኦፊዳ።

15 ካፓቱካ ሎይሎ ሀንቀቲደ፤ ኤርማሳ ዋዴድና፤ ኤንቱንቱ ቃሽ ጎልያ ከሴዳ፤ ጻፍያ ዮናታና ጎልያን ኦፊደ ዋፊድና።

16 ኤርማሳ ሄዋን ቢታ ግደን ደኤያ ክፍልያን ዳር ዎድያ ጋምኤዳ።

17 ሄዋጥ ጉይያን፣ ካቲ ሰደቅያሰ ኦሳ ኪቲደ፤ ኤርማሳ ባረ ደኤያሳ ካትያ ጎልያ ጸሰሴዳ፤ ኦሳይ ኤረናን ኦ፤ “መድና ጎዳይ ነዉ ኦይዳዌ ኦየንቶ ደኤ?” ያጌደ ኦቼዳ።

ኤርማሳ ዛሪደ፤ “ኤ ደኤ፤ ኔን ባብሎን ካትያ ኩሸያን ኦፊደ ኦመታና” ያጌዳ።

18 ቃይካ ኤርማሳ ካትያ ሰደቅያሳ ሀዋዳን ያጌደ ኦቼዳ፤ “ታና ሀንተ ቃሽ ጎልያን የጋናዉ ታን ነ ቦላን፤ ነዉ ኦፊደ ካፖቱዋ ቦላን ዎይ ሀ ኦሳ ቦላን ኦያ ባይዙዋ ኦፊድታ?

19 ቃይ፣ “ባብሎን ካቲ ሀንተ ቦላን ሀ ቢታ ቦላን ዪደ ኦላና፣ ያጌደ ነዉ ትምቢትያ ኦይዳ ነ ናባቱ ሀእ ሀቃን ደኤና?

20 ሄዋ ድራዉ፤ ታ ጎዳዉ ካትያዉ፤ ሰሳ! ታን ኦቼያዎ ኔን ፖላና ማላ፤ ኔና ዎሳይ። ታን ሄ ሳኦን ሀይቀናዳን፤ ቃሽ ጎልያ ግድያ ጻፍያ ዮናታና ጎልያዉ ታና ጉየ ዛርፓ” ያጌዳ።

21 ሄዋ ድራዉ፤ ካቲ ሰደቅያሰ ናግያዋንቱ ዳባባን ኤርማሳ ዎላና ማላ ኦዛዜዳ። ሄዋን ኦ ዎላ ደኤሸን፤ ካታማጥ ዳቡ ጳያና ጋካናዉ፤ ሀቼ ሀቼ እት እት ዳቡዋ ኤክያሳጥ ኦይ ኦሂደ፤ ኦዉ ኦሜድና። ሄዋ ድራዉ ኤርማሳ ካትያ ዛባን ናጉዋን ጋምኤዳ።

38

ኤርማሳ ሃላ ኦላን ኦላቲዳ

1 ማታና ናኦይ ሻፋጸ፣ ፓሽሁራ ናኦይ ጋዳሌ፤ ሸሌምና ናኦይ የሁካልን ማልክያ ናኦይ ፓሽሁር ኤርማሳ ኦሳ ኤባዉ ኦይዳ ቃላቱዋ ሰሴድና።

2 ኤርማሳ ጌደ፤ “መድና ጎዳይ ሀዋዳን ያጌ፤ “ሀ ካታማን ኦትያ ኦንን ኦላን፤ ኮሻንን ኢታ ሀርግያን ሀይቃና። ሸን ባብሎንቱዋኮ ብያ ኦንን ሀይቀና። ባረ ሁጲያ ኦሻና፤ ፓጻካ ደኤና” ያጌ።

3 ቃይካ መድና ጎዳይ፤ “ሀዌ የሩሳላመ ካታማይ ቱሙጥ ባብሎን ካትያ ኦላንቻቱዋ ኩሸያን ኦፊደ ኦመታና፤ ኤንቱንቱካ ኦ ኦዎዳና ያጌ” ያጌዳ።

4 ሄዋጥ ጉይያን፣ ካፓቱ ካትያኮ ቢደ፤ ሀዋዳን ያጌድና፤ “ሀ ብታኒ ሀይቃናዉ ኮሼ፤ ሀዋ ማላ ጸላ ቃላ ሃሳዪደ፤ ሀ ካታማን ደኤያ ኦላንቻቱን ኦሳይ ኤባይ ሸጋናዳን ኦፊዳ። ኦ ኦሳ ቆህያዋ ኦዎቱጥ ኦትና፤ ሳርባ ኦዎተና” ያጌድና።

5 ካቲ ሰደቅያሰ ዛሪደ፤ ሀዋዳን ያጌዳ፤ “ሀንተ ኦ ቦላ ኦላና ጌዳዋ ኦያን ታን ሀንተና ድጋናዉ ዳንዳይከ” ያጌዳ።

6 ኤንቱንቱ ኤርማሳ ካትያ ጎልያ ዳባባን ደኤያ፤ ካትያ ናኦ ማልክያ ሃላ ኦላን የጌድና፤ ኤንቱንቱ ዎድሩዋን ኦ ዲገ ዎፊድና። ሄ ዎደ ሄ ኦላን ሰልሙዋጥ ኦትና፤ ሃላ ባዋ፤ ኤርማሳ ሄ ሰልሙዋ ግደ ገሌዳ።

7 ሸን ቶጵያ ኦሳ ግድያ፤ ካትያ ጎልያን ኦፊዳ፤ ኦበድመሌክ ግያዌ ኤርማሳ ኦላን ኦላቲዳዋ ሰሴዳ። ሄ ዎደ ካቲ ቢንያማ ጥንግያን ፕርዳ ቶሎታን ኦቲዳ።

8 ኦበድመሌክ ካትያኮ ቢደ፤ ሀዋዳን ያጌዳ፤

9 “ታ ጎዳዉ ካትያዉ፤ ሀ ኦሳቱ ዎልቃማ ኢታባ ኦፊድና፤ ሄዌካ ኦይ ጎጥ፤ ትምቢትያ ኦድያ ኤርማሳ ሃላ ኦላን የጌድና። ቃይ ካታማን ቁም ባይና ድራዉ፤ ኦ ሄዋን ኮሻን ሀይቁ” ያጌዳ።

10 ካቲ ዛሪደ፤ ቶጵያ ኦሳ ግድያ ኦበድመሌክ፤ “ሀዋጥ ሀታሙ ኦሳ ኔናና ኦካደ ባደ፤ ኤርማሳ ሀይቀናን ደኤሸና፤ ሃላ ኦላጥ ከሰተ” ያጌዳ።

11 ኦበድመሌክ ኦሳ ኦኪደ ቤዳ፤ ካትያ ጎልያን ዲረታ ሞንጅያ ክፍልያጥ ጋርሳ ባጋና ደኤያ ክፍልያ ገሊደ፤ ኤጫ ማዩዋ ጩርቃ ኦኪደ። ሄ ጩርቃ ዎድሩዋ ጸራን ቃቺደ፤ ኤርማሳዉ ዲገ ኦሳ ግደ የዴዳ።

12 ቶጵያ ኦሳ ግድያ ኦበድመሌክ ኤርማሳ ኦላ ግደ ዲገ ጸጌደ፤ “ሀዋ ማዩዋ ጩርቃ ዎድሩዋጥ ጋርሳ ባጋና ነ ሸጵያን ዎላ” ያጌዳ። ኤርማሳካ ኦ ጌዳዋዳን ኦፊዳ።

13 ያትና፤ ሄ ዎድሩዋን ጎቼደ፤ ኤርማሳ ኦላጥ ከሴድና። ናግያዋንቱ ዳባባ ገልሲደ ጎርዴድና።

ሰደቅያሰ ኤርማሳ ላኤንሎዋካ ኦቼዳ

14 ሄዋጥ ጉይያን፣ ካቲ ሰደቅያሰ ኤርማሳኮ ኪት ኦህሲደ፤ መድና ጎዳይ ጌሻ ጎልያ ገልያ ሄዘንሎ ጥንግያ ማታን ኦ፤ “ታን እትባ ኔና ኦቻና። ኔን ታጥ ኦያን ቆሶፓ” ያጌዳ።

15 ኤርማሳ ዛሪደ ሰደቅያሳዉ፤ “ታን ኦደጥ፤ ኔን ታና ዎድኪ? ታን ዘርናካ፤ ኔን ሰሳካ” ያጌዳ።

16 ካቲ ሰደቅያሰ ኤርማሳዉ ቆሱዋን ሀዋዲን ያገደ ጫቄዳ፤ “ታን ኔና ዋናዋን ቃይ ኔና ዋቆናዉ ኮይያዋንቶ አላደ እመናዋ ኑዉ ደኡዋ እሜዳ መጅና ጎዳ ሱንላን ጫቃይ” ያጌዳ።

17 ኤርማሰ ሰደቅያሳዉ ዛሪደ፡ “መጅና ጎዳይ፡ ኡባጥ ዋልቃማ ጸሳይ፡ እሰራኤልያ ጸሳይ ሀዋዲን ያጌ፤ “ባብሎን ካትያ ካፖቶ ኩሽያ እዋጥ፡ ኔን ፓጾ አታና፤ ሀ ካታማይካ ታማን ጹገተና፤ ኔንካ ነ ጎልያ አሳይካ ፓጾ ደአና።

18 ሸን ኔን ኡንቱንቶ ኩሽያ እመናን እጾጥ፡ ሀ ካታማ ባብሎንቱ ኦዋዳና፤ ኡንቱንቱ አ ጹጋና፤ ኔንካ ኡንቱንቱጥ ከሳ አካካ” ያጌዳ።

19 ቃይካ ካቲ ሰደቅያሰ ኤርማሳ፡ “ታን ያይያዋ ሀ ቢታጥ ካዲደ፡ ባብሎንቱዋኮ ቤዳ አይሁዳቱዋሳ፡ አያዉ ጎጥ፡ ባብሎንቱ ታና ኡንቱንቱ ኩሽያን አሊደ እዋጥ፡ አይሁዳቱ ታና ቱጋያና” ያጌዳ።

20 ኤርማሰ ዛሪደ፡ “አየንቶ ባዋ! ኡንቱንቱ ኔና ኡንቱንቶ አሊደ እዋክና። ኦድያ መጅና ጎዳ ቃላዉ ሀያና አዛዘታ። ሄዌ ነዉ ሎኦ ግዳናዋ፤ ኔንካ ፓጾ አታናሳ።

21 ሸን ኔን ኩሽያ እመናን እጾጥ፡ መጅና ጎዳይ ታና በሴዳ ሳጸይ ደኤ።

22 ሄዌካ አዬ ጎጥ፡ ይሁዳ ካትያ ጎልያን አቲዳ ማጫ አሳቱ ኡባይ አዋደቲደ፡ ባብሎን ካፓቱዋኮ ባና። ኡንቱንቱ ኔና ሀዋዲን ያጋና፤ ሳዉ ማታ ላገ ግድያዋንቱ ኔና ባለጤድና፤ ኡንቱንቱ ኔና ጸኔድና። ሸን ሀእ ነ ገዲ ሰልሙዋ ግደ ገልና፡ ሄ ላገቱ ኔና የጊደ ቤድና” ያጋና።

23 ቃይ ነ ማቼቱን ነ ናናቱ ኡባይ ባብሎንቱዋን አዋደቲደ ባና። ኔንካ ኡንቱንቱ ኩሽያጥ ከሳ አካካ፤ ባብሎን ካቲ ኔና ኦይቃና። ሀ ካታማይካ ታማን ጹገታና” ያጌዳ።

24 ሰደቅያሰ ኤርማሳዉ ዛሪደ፡ ሀዋዲን ያጌዳ፤ “ሀዋ ኔን ታዉ ኦዳዳዋ አሳዉ ኦዳና ቆዮጥ፡ ኔን ሀይቃካ።

25 ካፓቱ ታን ኔናና ሃሳዬዳዋ ሰሲደ ዪደ፡ ሓናና ካትያና አያ ሃሳዬደንቶ፡ ኑዉ ኦዳ። ኔን ኑዉ ቆሰናን ኦደጥ፡ ኑን ኔና ዋቆኮ” ያጊደ ኔና አቻና።

26 ኔን፡ ታን ሄ ሳአን ሀይቃናዳን፡ ታና ዛራደ ቃሾ ጎልያ ግድያ ዮናታና ጎልያ የደናዳን፡ ካትያ ዋሳደ” ያጋደ ዛራ” ያጌዳ።

27 ሄዋጥ ጉይያን፡ ካፓቱ ኡባይ ኤርማሳኮ ዪደ፡ ሄ አሻ አቼድና። ካቲ አ አዛዜዳዋዳን፡ አካ ኡንቱንቶ ኦዳዳ። ኡንቱንቱካ ጮኡ ጊደ ባሽ አጌድና፤ አያዉ ጎጥ፡ ኤርማሰ ካትያና ሃሳይሸን ሰሴዳዌ ኦንከ ባዋ።

28 የሩሳላመ ኦይቃታና ዋዲ ጋካናዉ፡ ኤርማሰ ናግያዋንቱ ዳባባን ጎርደቲደ ጋምኤዳ።

ናቡካዳናጾርን አ ኦላንቻቱ ኡባይ ዪደ፡ የሩሳላመ ደዴድና።

2 ሰደቅያሰ ካተቲዳ ታማን እተንላ ላይላን፡ አይደንላ አግናን፡ ኡዲቸንላ ጋላሳን ባብሎን ኦላንቻቱ ካታማ ግምቢያ መንጫድና።

3 ሄ ዋደ ባብሎን ካትያ ካፓቱ፡ ነርጋል-ሻሬጾር፡ ሳምጋር-ነባ፡ ሳርሰከማን ሀራ ነርጋል-ሻሬጾር ጌተትያዋንቱ፡ ሀራ ጮራ ሞድያዋንቱና እትጥ ዬድና፤ ግደ ጥንግያ ግያ ጥንግያን ኡቲድና።

4 ይሁዳ ካቲ ሰደቅያሰን አ ኦላንቻቱ ኡባይ ባብሎን ኦላንቻቱዋ በኤዳ ዋደ፡ ቃማን ካታማጥ ከሲደ፡ ካትያ አታክልትያ ሳአ አፍያ ኡግያ ኦይቄደ፡ ላኡ ድርሳ ግምቡቱዋ እትጥ ጋልያ ጥንግያና ባቃቲድና። ኡንቱንቱ ዮርዳናሳ ድልቡዋኮ ሰሚደ ቤድና።

5 ሸን ባብሎን ኦላንቻቱ ኡንቱንታ ጉየና የደርሲደ፡ እያርኮ ደምባ ጋሊደ፡ ሰደቅያሳ ኦይቄድና። ሀማታ ቢታን፡ ርብላ ካታማን ደአያ ካትያ ናቡካዳናጾራኮ አፊድና። ካቲ ናቡካዳናጾር ያን ሰደቅያሳ ቦላ ፕርዴዳ።

6 ቃይ ሰደቅያሳ አቲማ ናናቱዋ ሰደቅያሰ ጸልሸን፡ ያን ርብላ ካታማን ዋቆዳ፤ ይሁዳ ካፓቱዋ ኡባካ ዋቆዳ።

7 ሄዋጥ ጉይያን፡ ሰደቅያሳ አይፈቱዋ ዋጭ ከሲደ፡ አ ባብሎን ቢታ አፋናዉ ሳንሳላታን ቃቼዳ።

8 ሄ ዋደ ባብሎን ኦላንቻቱ ካትያ ጎልያን አሳይ ደአያ ኩላቱዋ ኡባ ታማን ጹጌድና፤ የሩሳላመ ግምቢያካ ኮሌድና።

9 ካትያ ናግያዋንቱ ካፑ ናቡካዳናን ካታማን አቲዳ አሳቱዋን ካዲደ ባረናን ጋከቲዳ አሳቱዋ ኡባ እትጥ አዋዲዋን ባብሎን ቢታ አፊዳ።

10 ሸን ካትያ ናግያዋንቱ ካፑ ናቡካዳናን አያይን ኡንቱንቶ ባይና ሀዬሳቱዋጥ አማራዳዋንታ ይሁዳን አጊደ፡ ኡንቱንቶ ዋይንያ ቱራ ሳአቱዋን ጎሽያ ጋደቱዋ እሜዳ።

ኤርማሳ ብለላ

11 ናቡካዳናጾር ካትያ ናግያዋንቱ ካፑዋ ናቡካዳና ሀዋዲን ያጊደ አዛዜዳ፤

12 “ባደ ኤርማሳ ኮያ ደማደ፡ አዉ ኮሽያባ ኡባ ኦላ፤ አ ቦላ ሀራ ኢታባ አያን ኦላፓ” ያጌዳ።

13 ሄዋ ድራዉ፡ ናቡካዳናን፡ ናቡሻዘባን፡ ነርጋል-ሻሬጾርን ባብሎን ካትያ ካፓቱ ኡባይ እትጥ ግዲደ ከቲደ።

14 ኤርማሰ ቃሸት ኡቲዳ፡ ናግያዋንቱ ዳባባጥ ከሴድና። ባረ ጎላ አፊደ ዋላና ማላ፡ ሳፋና ናአ ናአ፡ አሀቃማ ናአ ጋዳልያዉ ሀዳራ እሜድና። ሄዋጥ ደንዴዳዋን ኤርማሰ ባረ ቢታ አሳና እትጥ ደኤዳ።

አበመሌካዉ ኦደቲዳ ሀደታ

15 ኤርማሰ ናግያዋንቱ ዳባባን ጎርደት ኡት ደአሸን፡ መጅና ጎዳ ቃላይ አኮ ሀዋዲን ያጊደ ዬዳ፤

16 “ባደ ቶጵያ አሳ ግድያ አበድመሌካዉ ሀዋዲን ያጋ፤ ኡባጥ ዋልቃማ መጅና ጎዳይ፡ እሰራኤልያ ጸሳይ፡ ሀዋዲን ያጌ፤ “ሀዋጥ ካሰ

39

የሩሳላመ ኩንደላ ይሁዳን መጠቲዳ ሀናታቱዋ

(2 ካታ. 25:1-12፤ ኤር. 52:4-16)

1 ሰደቅያሰ ይሁዳን ካተቲዳ ኡዲቸንላ ላይላን፡ ታማንላ አግናን፡ ባብሎን ካቲ

ታን ኦዴዳዋዳንካ ሀ ካታማ ቦላን ሎኦባ ግደናን፡ ባየላ አሀና፡ ሄዌ ኡባይ ሀንያ ዋደ፡ ኔንካ ሀ ካታማን ኡታደ፡ ነ አይፍያን በእና፡

17 ግደ ሸን፡ ሄ ጋላሳን ታን መድና ጎዳይ ኔና ዋላ እካና፤ ኔን ያይያ ነ ሞርከቱዋ ኩሽያንካ አዳላደ እመታካ፡

18 ታን ኔና አሻና፤ ኔን ኦላን ሀይቃካ፤ ኔን ታናን እማነቱዳ ድራው፡ ሀይቁዋጥ አታናሳ፡ ታን መድና ጎዳይ ሀዋ ኦዳይ” ያጌ” ያጋ” ያጌዳ፡

40

ኤርማሳ ጋዳልያና ደኤዳ

1 ካትያ ናግያዋንቱ ካፑ ናቡዛራዳን ኤርማሳ ራማን ብል ሰሞና፡ መድና ጎዳ ቃላይ ኤርማሳኮ ዬዳ፡ ኤርማሳ ካሰ ናቡዛራዳን የሩሳላሙጥን ይሁዳጥ አሞዲደ፡ ባብሎን ቢታ አፋናው ሳንሳላታን ቃቹዳ አሳ ግደን ደኤ፡

2 ካትያ ናግያዋንቱ ካፑ ኤርማሳ ዲማ ከሲደ፡ ሀዋዳን ያጌዳ፤ “መድና ጎዳይ ነ ጸሳይ ሀ ባየላ ሀ ቢታ ቦላን አሀና ጌዳ፡

3 ጌዳዋዳን ሀእ መድና ጎዳይ አሄዳ፤ መድና ጎዳ ቦላን ሀንተ ናጋራ ኦሌዳ ድራውን እዉ አዛዘተናን እጾዳ ድራው፡ ሀዋ ኡባይ ሀኔዳ፡

4 በእ፡ ሀእ ታን ነ ኩሽያን ደእያ ሳንሳላታ ብላደ ኔና የዳድ፡ ታናና ባብሎን ቢታ ባና ጎጥ ደንዳ፤ ታን ነዉ ኩሽያባ ኡባ ኩንሳና፡ ባብሎን ቢታ ባናዉ ኮያና ዳዮጥ ቦጋ፡ ቢታይ ኡባይ ነ ሰንሳን ደኤ፤ ኔና ሎኤዳ ሳኦ ሀቃን ባ” ያጌዳ፡

5 ኤርማሳ አ ማታጥ ቤናን ደእሺና፡ ናቡዛራዳን ጉጂደካ ያጌዳ፤ “ሳፋና ናኦ ናኦ፡ አሀቃማ ናኦ ጋዳልያኮ ባ፤ እያዉ ጎጥ፡ ባብሎን ካቲ ናቡካዳናጸር እ ይሁዳ ካታማቱዋ ሞድያዋ ኦሊደ ሱንጮዳ፡ ሄዋ ድራው፡ እናና እትጥ ግዳደ፡ ሄዋን አሳና ደኤ፡ ዋይ ኔና ሎኤዳ ሳኦ ሀቃን ባ” ያጌዳ፡ ሄዋጥ ጉይያን፡ ካትያ ናግያዋንቱ ካፑ አዉ ቁማን ሀራ ሸንቃ እሚደ የዳዳ፡

6 ኤርማሳ ሞጽጻን ደእያ አሀቃማ ናኦ ጋዳልያኮ ቤዳ፡ እ ሄዋን አቲዳ አሳና እትጥ ደኤዳ፡

ጋዳሊ ይሁዳ ሞዴዳ (2 ካታ. 25:22-24)

7 ይሁዳ ኦላ ጋዳዋቱዋጥን ኦላንቻቱዋጥ አማራዳዋንቱ ባረንቱ ኩሽያ ባብሎን ካትያዉ ብር እሞበይክና፡ ኡንቱንቱ ባብሎን ካቲ ጋዳልያ ሄ ቢታ ሞድያዋ ኦሊደ ሱንጮዳዋን ባብሎን ቢታ አሞደቲደ ቤናን ይሁዳን አቲዳ ሀዬሳቶ ካፑዋ ኦሊዳዋ ሰሴድና፡

8 ናታንያ ናኦይ እሰማኤል፡ ቃሪሀ ናናቱ የሀናንን የናታን፡ ታንሁሜታ ናኦይ ሳራይ፡ ናጸፋ ካታማጥ ዬዳ ኤፋያ ናናቱን ማእካ ካታማጥ ዬዳ እት ብታንያ ናኦይ ያዛኒ ባረንቱ ኦላንቻቱዋ ኡባና ጋዳልያኮ ሞጽጻ ዬድና፡

9 ሳፋና ናኦ ናኦይ፡ አሀቃማ ናኦይ ጋዳሊ ኡንቱንቶ ሀዋዳን ያጌደ ጫቁዳ፤ “ባብሎንቶ ኩሽያ እማናዉ ያዮጥተ፤ ሀ ቢታን ኡቲደ ደእተ፤ ባብሎን ካትያዉካ ሞደትተ፡ ያቶጥ፡ ኡባባይ ሀንተዉ ሎእ ግዳናዋ፡

10 ታን ሞጽጻን ኡታደ፡ ባብሎን ቢታጥ ሀንተናና ጋከታናዉ ይያ ኡባና ሀንተ ደና ግዳደ ሃሳያና፡ ሸን ሀንተ ሀንተ ደእያ ሄራን ሄራን ዋይንያ፡ ዋጋራ ዛይትያን ሀራ ኦፍንላ ካላ አይፍያ ኡባ ሺሺደ ዳጋይተ” ያጌዳ፡

11 ሄ ዋደ ሞኦባ ቢታን፡ አሞና ቢታን፡ ኤደማ ቢታንን ሀራ ቢታቱዋን እይሁዳ ኡባይ ባብሎን ካቲ እማራዳ ይሁዳ አሳቱ ይሁዳን አታና ማላ ኦሊዳዋን ኡንቱንታ ሞድያዋ ኦሊደ፡ ሻፋና ናኦ አሀቃማ ናኦ ጋዳልያ ሱንጮዳዋ ሰሴድና፡

12 ባረንቱ ላለቲደ ደእያ ቢታቱዋጥ ይሁዳ ሰሚደ፡ ጋዳሊ ደኢያሳ ሞጽጻ ዬድና፡ ሄዋን ኡንቱንቱ ዳር ዋይንያን ሀራ ኦፍንላ ካላ አይፍያ ሺሺደ ዳጋዬድና፡

እሰማኤል ጋዳልያ ዋዴዳ (2 ካታ. 25:25-26)

13 ሄዋጥ ጉይያን፡ ቃሪሀ ናኦይ የሀናንን ኩሽያ እሞቤና ኦላ ጋዳዋቱ ኡባይ ጋዳልያኮ ሞጽጻ ዬዳ፡

14 “አሞና ካቲ ባአሊሰ ናታንያ ናኦ እሰማኤል ኔና ዋዳና ማላ የዳዳዋ ኤራይ?” ያጌድና፡ ሸን እ ኡንቱንቱ ግያዋ አማናንን እጾዳ፡

15 ሄዋጥ ጉይያን፡ ቃሪሀ ናኦይ የሀናን ሞጽጻን ደእያ ጋዳልያኮ ዬዳ፡ ጹራን ሀዋዳን ያጌዳ፤ “ኦንን ኤረናን ደእሺና ባደ፡ ናታንያ ናኦ እሰማኤል ታን ዋዳና፡ አያዉ ጎጥ፡ እ ኔና ዋድያዋ ግደጥ፡ ነ ማታን ሸቁዳ እይሁዳ ኡባይ ላለታና፤ ቃይ ይሁዳን አቲዳ አሳይ ኡባይካ ዉራና” ያጌዳ፡

16 ሸን አሀቃማ ናኦይ ጋዳሊ ዛሪደ፡ ሀዋዳን ያጌዳ፤ “እሰማኤልባ ኔን ኦድያባይ ኡባይ ዋርዳዋ ግድያ ድራው፡ ሄዋ ማላባ ኦላጥ” ያጌዳ፡

41

1 ላፑንላ አግናን ካትያ ዛረ ግዳደ፡ ካትያና ኦላያ ካጥቱዋጥ እቱ፡ ኤልሻማኦ ናኦ ናኦይ፡ ናታንያ ናኦይ እሰማኤል ታሙ አሳቱዋና እትጥ ቢታ ሞድያ ጋዳልያና ጋከታናዉ ሞጽጻ ቤዳ፡ ኡባይካ እትጥ ኡቲደ ቁማ ሚሸን፡

2 ናታንያ ናኦይ እሰማኤልን እናና ደእያ ታሙ አሳቱ ባረንቱ ማሻ ማሻ ከሲደ፡ ባብሎን ካቲ ይሁዳ ሞድያዋ ኦሊደ ሱንጮዳ አሀካማ ናኦ ጋዳልያ ዋዴድና፡

3 ሄዋ ቦላካ ቃይ እሰማኤል ሞጽጻን ጋዳልያና ደእያ እይሁዳቱዋን ባብሎን ኦላንቻቱዋ ኡባ ዋዴዳ፡

4 ጋዳሊ ሀይቁዳ ዋንተላ ጋላሰ፡ አ ሀይቁዋ ኦንን ኤራናጥ ካሰቲደ፡

5 ሰኬማጥ፡ ሴሎጥን ሳማርያጥ ሆሰፑን ታሙ አሳቱ ካዮቲደ፡ ባረንቱ ቡቻ ማዲደ፡ ባረንቱ ማዮዋ ፔዲደን ባረንቱ ቦላካ ፑዚደ ዬድና፡ ኡንቱንቱ መድና ጎዳ ጎልያዉ እሞያ ካላ ያርቩዋን እጻና እሞታ አሄድና፡

6 እሰማኤል ሞጽጻጥ ከሲደ፡ ዬኪደ ኡንቱንቱና ጋከታናዉ ቤዳ፤ ኡንቱንቱና ጋከቱዳ

ወደ፡ “አሁንም ናክ ጋዳልያኮ ሃ ዪተ፤ አ በእተ” ያጌዳ።

7 እንቲንቱ ካታማ ግድ ገልያንን፡ እሰማኤልን እናና ደእያ አሳቱ ሄ አሳቱዎ ዋዲደ፡ ሃላ ዳጋይያ ኦላን ኦል አጌድኖ።

8 ሸን ሄ ሆሰፑን ታሙ አሳቱዋ፡ ታማቱ እሰማኤል ሀዋዳን ያጌደ ዋሴድኖ፤ “ሀእ ኑና ዋዲ፡ ኑን ኑ ሸይቃን ቆሴዳ ዳር ዛርጋይ፡ ባንጋይ፡ ዋጋራ ዛይቲን ኤሳይ ደኤ” ያጌድኖ። እ እንቲንቱ ዋፍናን የድ አጌዳ።

9 እሰማኤል ዋዴዳ አሳ ኡባ ኦሌዳ ሃላ ዳጋይያ ኦላይ፡ እሰራኤልያ ካቲ ባእሸ ኦላናው ዬዳ ዋደ፡ ካቲ አሳ ቦክሴዳ ዋልቃማ ሃላ ዳጋይያው ግምቤዳ ኦላ። ናታንያ ናክይ እሰማኤል ሄ ኦላ አሃን ኩንሌዳ።

10 እሰማኤል ካትያ ማጫ ናናቱዋን ምጽጳን አቲዳ አሳ ኡባ አሞዴዳ። ሄዋንቱ ካትያ ናግያዋንቱ ካፑ ናቡዛራዳን አሁንም ናክ ጋዳልያና እትፕ ምጽጳን ዋሌዳዋንታ። እ እንቲንታ ኦሞዲደ፡ ባረናና አኪደ፡ አሞና ቢታ ባናው ደንዴ።

11 ቃሬሀ ናክይ የሀናንን አናና እትፕ ደእያ ኦላ ጋዳዋቱ እሰማኤል ኦሌዳ ኢታባ ኡባ ሰሴድኖ።

12 ባረንቱ አሳ አኪደ፡ አናና ኦላታናው ቤድኖ፤ እሰማኤልካ ጋባኑናን ደእያ ዋልቃማ ደልእያ ማታን ጋኪደ ኦይቄድኖ።

13 እሰማኤል አሞዲደ ባረናና አፊዳ አሳይ ኡባይ ቃሬሀ ናክ የሀናንን አናና ደእያ ኦላ ጋዳዋቱዎ በኤዳ ዋደ፡ ሎይሳ ናሸቲድኖ።

14 ሄ አሞዲቲዳዋንቱ ኡባይ ጉየ ሰሚደ ቢደ፡ ቃሬሀ ናክ የሀናንን ጋከቲድኖ።

15 ሸን እሰማኤልን ሀራ ሆሰፑን አሳቱ እትፕ የሀናናፕ ከሰ አኪደ፡ አሞና ቢታ ባቃቲድኖ።

16 ሄዋፕ ጉይያን፡ እሰማኤል ጋዳልያ ዋድ ሰሚደ፡ ምጽጳፕ ኦሞዲደ አሄዳ ኦላንቻቱ፡ ማጫ አሳቱ፡ ናናቱን ሙሬሳቱ ኡባይ ቃሬሀ ናክ የሀናንን ሀራ ኦላ ጋዳዋቱዋና ደንዲደ ቤድኖ።

17 እንቲንቱ ያፕ ደንዲደ፡ ግብጼ ባናው ቤተሌመ ማታን ደእያ ጌሩታ-ክምሃማ ግያ ሳክን ሸምፔድኖ።

18 እንቲንቱ ግብጼ ቤዳዌ ባብሎና ካቲ ሱንሌዳ አክቃማ ናክ ጎድልያ እሰማኤል ዋዴዳ ድራው ባብሎናቶ ያዪደ ባብሎናፕ ባቃቲደ፡ ግብጼ ባናው ዳንዳዬድኖ።

42

ግብጼ ቤናዳን ጸሳይ ኦዴዳ

1 ኦላ ጋዳዋቱ ኡባይ፡ ቃሬሀ ናክይ የሀናን፡ ሆሻያ ናክይ አዛርያሰን አሳይ ኡባይ፡ ጉላፕ ዋጋ ጋካናው ዪደ።

2 ትምቢትያ ኦድያ ኤርምያ ሀዋዳን ያጌድኖ፤ “ኑን ኔና ኦትያዎ ኑው ኦላርኪ! ሀ አቲዳ ኑ ድራው መድና ጎዳ ነ ጸሳ ዋሳርኪ! ኑን ካሰ ዳራ፤ ሸን ሀእ ኔን በእያዋዳን፡ ጉላቱዎ ጸላላይ አቲድ።

3 ኑን ብያ ኦግያን ኑን ኦላናባ እ ኑና በሳናዳን፡ መድና ጎዳ ነ ጸሳ ኑ ድራው ዋሳ” ያጌድኖ።

4 ትምቢትያ ኦድያ ኤርምያ ዛሪደ፡ “ሎክ። ሀንተ ጌዳዋዳንካ፡ መድና ጎዳ ሀንተ ጸሳ ታን

ዋሳና፤ ቃይ ሀንተፕ አያን ቆሰናን፡ መድና ጎዳይ ኦድያባ ኡባካ ሀንተው ኦዳና” ያጌዳ።

5 እንቲንቱ ዛሪደ፡ ኤርምያው ሀዋዳን ያጌድኖ፤ “መድና ጎዳይ ነ ጸሳይ ነ ባጋና ኑው ኪትያዎ ኡባ ኑን ፖላና ቆየፕ፡ ጸሳይ ባረ ሁጲያን ኑ ቦላ ቱሙን አማነቲዳ ማርካ ግድ።

6 ኑን ደሰያዎ ግድና፡ እጽያዎ ግድናካ፡ ኑን ኔና አኮ ኪትያ መድና ጎዳይ ኑ ጸሳይ አዛዝያዎ ኑን ኦላና። አያው ጎፕ፡ መድና ጎዳይ አዛዝቶፕ፡ ኑው ኡባባይ ሎክ ግዳናዎ” ያጌድኖ።

7 ታሙ ጋላሳፕ ጉይያን፡ መድና ጎዳ ቃላይ ኤርምያኮ ዬዳ።

8 ያትና፡ እ ቃሬሀ ናክ የሀናና፡ አናና ደእያ ኦላ ጋዳዋቱዋን አሳ ኡባ፡ ጉላፕ ዋጋ ጋካናው ጸጊደ።

9 ሀዋዳን ያጌዳ፤ “ሀንተ ዋሳ ታን አኮ ሸሻና ማላ፡ ሀንተ ታና ኪቲዳ መድና ጎዳይ እሰራኤልያ ጸሳይ ሀዋዳን ያጌ፤

10 ‘ሀንተ ሀእ ሀ ቢታን ኡቶፕ፡ ታን ሀንተና ኬጸናፕ አትና ኮልከ፤ ቶካናፕ አትና፡ ሸድከ። አያው ጎፕ፡ ታን ካሰ ሀንተ ቦላን አሄዳ ኢታባይ ታና ካዮዬዳ።

11 ሀንተ ሀእ ያይያ ባብሎን ካትያው አይን ያዮፕተ! ሀንተና አ ኩሸያፕ አሻናው ታን ሀንተናና ደእያ ድራው ያዮፕተ! ታን መድና ጎዳይ ሀዋ ኦዳይ።

12 ታን ሀንተው ቃረታና፤ ያታደ እ ሀንተው ቃረቲደ፡ ሀንተና ሀንተ ቢታው ዛራናዳን ኦላና’ ያጌ።

13 “ሸን ሀንተ መድና ጎዳው፡ ሀንተ ጸሳው፡ አዛዘተናን እጲደ፡ ‘ሀ ቢታን ኡቶኮ’ ጎፕ።

14 ቃይ ሀንተ፡ ‘ኦላ ዋርያን ኦላው ፑንያ ማላካታ ሰሰናሳንን ኮሻይ ባይናሳ ግብጼ ቢደ፡ ያን ደእና’ ጎፕ።

15 ሀንተና ይሁዳን አቲዳዋንቶ፡ መድና ጎዳይ ሀንተና ግያዎ ሰሰተ። ኡባፕ ዋልቃማ መድና ጎዳይ፡ እሰራኤልያ ጸሳይ ሀዋዳን ያጌ፤ ‘ሀንተ ግብጼ ቢደ፡ ያን ደእናው ቆፋ ቃቸፕ።

16 ሄ ሀንተ ያዬዳ ኦላይ ግብጼን ሀንተና ኦይቃና፤ ሀንተ ሀርጌዳ ኮሻይካ ሀንተና ካሊደ ባና፤ ሀንተካ ያን ግብጼን ሀይቃና።

17 ግብጼ ቢታ ቢደ ደእናው ቆፋ ቃቸዳ አሳይ ኡባይ ኦላን፡ ዋይ ኮሻን ዋይ ኢታ ሀርግያን ሀይቃና። ታን እንቲንቱ ቦላን አሁያ ኢታባፕ አቲ ከሰ አከና፤ አቲ አተና’ ያጌ።

18 “ኡባፕ ዋልቃማ መድና ጎዳይ፡ እሰራኤልያ ጸሳይ ሀዋዳን ያጌ፤ ‘የሩሳላመን ደእያዋንቱ ቦላን ታ ሀንቁን ታ ይሉ ጉኬዳዋዳን፡ ሀንተ ግብጼ ገልያ ዋደ ሀንተ ቦላንካ ታ ሀንቁ ሄዋዳን ጉካና። ሀንተ ዳጋማ፡ ሸቃ፡ ቶሸያን ቅሊጭያዎ ግዳንታ፤ ሀ ሳክ ላኤንሎ ኡባካ በእክታ’ ያጌ።

19 “ይሁዳን አቲዳዋንቶ፡ መድና ጎዳይ ሀንተና፡ ‘ግብጼ ቦፕተ!’ ያጌዳ። ታን ሀቕ ሀንተና፡ ‘የኤ!’ ጌዳዎ ኤርተ።

20 ሀንተ ታና፡ ‘ኑ ድራው መድና ጎዳ ኑ ጸሳ ዋሳ፤ እ ነው ኦድያባ ኡባካ ኑው ኦዳ፤ ኑን ኦላና’ ያጌደ፡ ታና መድና ጎዳኮ፡ ሀንተ ጸሳኮ፡ ኪቲድታ፤ ሄዋን ዋልቃማ ባላ ባሌድታ።

21 እ ጌዳዎ ኡባ ሀቕ ሀንተው ኦዳድ። ሸን መድና ጎዳይ ሀንተ ጸሳይ ታ ባጋና ሀንተው ኪቲዳ ቃላው ሀንተ አዛዘተናን እጲድታ።

22 ሰዎ ሆዋ ኤርተ፡ ህንተ ቢደ ደአናው ኮይያ ቢታን ህንተ ኦላን፡ ኮሻን ኢታ ሀርግያን ሀይቂደ ወራር” ያጌዳ።

43

ኤርማሳ ግብጹ ቤዳ

1 መድና ጎዳይ ኡንቱንቱ ጸሳይ ኪቲዳ ቃላ ኡባ ኤርማሳ ኡንቱንቱ ኦዲደ ወርሴዳዋፕ ጉይያን።

2 ሆሻያ ናአይ አዛርያሰ፡ ቃሬሀ ናአ ዮሀናን ኡቶራንቻ አሳይ ኡባይ ኤርማሳ ሀዋዳን ያጌድኖ፤ “ኔን ዋርዲዋ እዳሳ! መድና ጎዳይ ኑ ጸሳይ ኑን ግብጹ ቢደ ኡተና ማላ ኦዳናው፡ ኔና ኑቦ ሙላ ኪትቤና።

3 ሸን ባብሎን ቢታ አሳይ ኑና ዋዳናዳን ዋይ አዋዲደ ባርንቱ ቢታ አፋናዳን፡ ኔን ኑና ኡንቱንቱ ኩሽያን አሳደ እማና ማላ፡ ኔና ኑ ቦላን ደንፊዳዌ ኔርያ ናአ ባርካ” ያጌድኖ።

4 ሄዋ ድራው፡ ቃሬሀ ናአይ ዮሀናን፡ ኦላ ጋዳዋቱ ኡባይን አሳይ ኡባይ ይሁዳ ቢታን ደአናው፡ መድና ጎዳይ ኡንቱንታ አዛዜዳ አዛዙዋ ፖላናን እጾድኖ።

5 ቃሬሀ ናአይ ዮሀናን ኦላ ጋዳዋቱ ኡባይ ባርንቱ ላለቲዳ ካወተላቱዋ ኡባፕ ይሁዳን ደአናው ሰሜዳ ይሁዳ አሳ ባርንቱና አኪደ፡ ግብጹ ቤድኖ።

6 ቃይ ካትያ ናግያዋንቱ ካፑ ናቡዛራዳን ሳፋና ናአ፡ አህቃማ ናአ ጋዳልያና እትፕ ደአና ማላ አሽዳ አቱማ አሳቱዋ፡ ማጫ አሳቱዋ፡ ናናቱዋን ካትያ ማጫ ናናቱዋ ኡባ አፌድኖ። ቃይካ ትምቢትያ ኦድያ ኤርማሳን ኔርያ ናአ ባርካካ አፌድኖ።

7 ሄዋዳን ሀኒደ፡ መድና ጎዳይ አዛዜዳዋ እጾድ፡ ግብጹ ቢታ ገሊደ፡ ጸፍናሳ ግያ ካታማ ጋካናው ቤድኖ።

8 ጸፍናሳን መድና ጎዳ ቃላይ ኤርማሳኩ ሀዋዳን ያጌደ ዬዳ፤

9 “ዋልቃማ ሹቻቱዋ ነ ኩሽያን ኦይቃ አካደ፡ ይሁዳ አሳይ በእሸና፡ ጸፍናሳን ደእያ ግብጹ ካትያ ጎልያ ገልያ ሳፕ ሰንላ ባጋና ደእያ ባሱዋን ዋጋ።

10 ኡንቱንታ ሀዋዳን ያጋ፤ “ኡባፕ ዋልቃማ መድና ጎዳይ፡ እሰራኤልያ ጸሳይ ሀዋዳን ያጌ፤ “ታን ኪታደ፡ ታ ቆማ ባብሎን ካትያ ናቡካዳናጾራ አህሳና፤ ሀ ዋገቱዳ ሹቻቱዋ ቦላን አ ካወተላ አራታ ዋላና። ያቶፕ እ ባር ካወተላ ዲንካንያ አ ቦላን ኤሳና።

11 እ ዩደ ግብጹ ቢታ ኦላና። ሀይቆ ደእያዋንቱ ሀይቃና፤ አሞዶ ደእያዋንቱካ አሞዶታና፤ ቃይ ኦላን ሀይቃናው ደእያዋንቱካ ኦላን ሀይቃና።

12 ግብጹ ጸሳቱዋ ኬላቱዋ እ ታማን ኦይላና፤ ኤቃቱዋካ ጸጋና፡ ዋይ አሞዶ አኪደ አፋና። ሄንላንቻይ ባር ጫላ ማይያዋዳን፡ እ ግብጹ ቢታ ማያና፡ ያቲደ ሄዋፕ ሳር ባና።

13 ግብጹ ቢታን ሄልዮፖልሳ ግያ ካታማን ደእያ ሀወልትያ እ መንግሥታና፤ ግብጹ ጸሳቱዋ ጎለቱዋካ ታማን ጸጋና” ያጌ ያጋ” ያጌዳ።

44

ግብጹን ደእያ አይሁዳቶ ኦድቲዳ ጸሳ ቃላ

1 ግብጹ ቢታን ሞግዶላ፡ ጸፍናሳን መምጥሳ ጌተትያ ካታማቱዋን ገድሳ ባጋና ደእያ ፓትሮሳ ቢታን ደእያ አይሁዳቱዋ ጾልያዋን ጸሳ ቃላይ ኤርማሳኩ ሀዋዳን ያጌደ ዬዳ፤

2 “ኡባፕ ዋልቃማ መድና ጎዳይ፡ እሰራኤልያ ጸሳይ፡ ሀዋዳን ያጌ፤ “የሩሳላመ ቦላንን ይሁዳ ካታማቱዋ ኡባ ቦላን ታን አሄዳ ባየላ ኡባ ህንተ ህንተ ሁጺያን በኤድታ። ኡንቱንቱ ሀቕ ጋካናው፡ ኮለት ኡቲድኖ፤ ኦንን ያን ደኤና።

3 ሄዋ ሀኔዳዌ ኡንቱንቱ ኢታ ኦሱዋ ኦሊደ፡ ታና ህንቀሰሲደ ድራሳ። ኡንቱንቱ ግድና፡ ህንተና ግድና፡ ዋይ ህንተ ማይዛ አዋቱዋ ግድና፡ ኦንን ኤረና ሀራ ጸሳው እጻና ጨዋዬደ፡ አወ ጎይኔድኖ።

4 “ሀዋ ማላ ታን ጸሳይ እጻያ ሸንይያባቱዋ አላፕተ!” ያጌደ ኦዳና ማላ፡ ዛራ ዛራደ ታ ቆማቱዋ፡ ትምቢትያ ኦድያዋንታ፡ ኪታድ።

5 ሸን ኦድያዋ ኡንቱንቱ ሰሰናን ዋይ ሀይዘናን እጾድኖ። ኡንቱንቱ ሀራ ጸሳቶ እጻና ጨዋይያ ኢታ ኦሱዋ አገናን እጾድኖ።

6 ሄዋ ጋሱዋን ታ ሱልያ ህንቁን ይሉ ትገቲዳ፤ ይሁዳ ካታማቱዋን የሩሳላመ አገቱዋን ኤጾዳ። ኡንቱንቱካ ሀቕ ህንተ በእያዋዳን፡ ኮለቲዳዋንታን አይነ ባይናዋንታ ግዴድኖ ያጌ።

7 “ሀእካ መድና ጎዳይ፡ ኡባፕ ዋልቃማ ጸሳይ፡ እሰራኤልያ ጸሳይ፡ ሀዋዳን ያጌ፤ “ህንተው ዘርሳይ ደኤና ማላ፡ ማጫ አሳ፡ አቱማ አሳ፡ ናናቱዋን ዘርሳ ይሁዳ ቢታፕ ዳይሳናዳን፡ ሀ ሎይሳ ኢታባ ህንተ ህንተ ቦላ አያው ኦሊቲ? ”

8 ህንተ ደአናው ገሌዳ ሀ ግብጹ ቢታን ሀራ ጸሳቶ እጻና ጨዋይያዋን ታና አያው ህንቀሊቲ? ዋይ ሳአን ደእያ ካወተላቱዋ ኡባ ግድን ሸቃን ቦር ግዲደ፡ ህንተ ሁጺያ ባይዘናው አያው ኮይቲ?

9 ካሰ ህንተ አዋቱ፡ ይሁዳ ካተቲ ኡንቱንቱ ማቼቱ፡ ቃይ ህንተነ ህንተ ማቼቱ ይሁዳ ካታማቱዋን የሩሳላመ አገቱዋን ኦሊዳ ኢታተላ ኡባ ዶጌድቲዮ?

10 ህንተ ሀቕ ጋካናው፡ ህንተናተላ ሆክሰበይክታ፤ ታወካ ያይበይክታ። ቃይ ታን ህንተውነ ህንተ ማይዛ አዋቶ እሜዳ ህግያንነ ዋጋን ብበይክታ” ያጌ።

11 “ሄዋ ድራው፡ ኡባፕ ዋልቃማ መድና ጎዳይ፡ እሰራኤልያ ጸሳይ፡ ሀዋዳን ያጌ፤ ታን ህንተና ይሁዳ ዘርሳ ኡባ፡ ዳይሳናው ቆፋ ቃቻድ።

12 ይሁዳን አቲዳዋንቱ ግድፕ፡ ግብጹ ቢደ፡ ያን ደአናው ቆፋ ቃቻዳዋንታ ታን ዳይሳና። ኡንቱንቱ ኡባይ ግብጹን ወራና፤ ኦላን ኮሻን ሀይቃና። ዋጋፕ ጉላ ጋካናው ደእያ ኡባይ ኦላን ኮሻን ወራና። ኡንቱንቱ ዳጋማ፡ ሸቃ፡ ቶሽያን ቅሊጫዎ ግዳናዋንታ።

13 ታን የሩሳላመ ኦላን፡ ኮሻን ኢታ ሀርግያን ሙራዳዋዳን፡ ግብጹ ቢታን ደእያዋንታካ ሙራና።

14 አቲዳ ይሁዳ አሳቱዋፕ ግብጹን ደአናው ዬዳዋንቱ ግብጹቱዋ ኩሽያፕ ከሰ አክክና። ኡንቱንቱ ሰዎ ዩደ ደአና ጌደ አሞትያ ይሁዳ

ቢታ ከይ አሳይነ ሰመና፤ ሀይቁዋጥ ፓላሃዳ እት አማራ አሳጥ እትና፤ ሰሚደ ያና ሀራ አሳይ ደኤና ያጌ” ያጌዳ።

15 ባረንቱ ማጫ አሳቱ ሀራ ጸሳቶ እጸና ጨዋይያዎ ኤርያ አቱማ አሳቱ ኡባይነ ሄዋን ኤቄዳ ማጫ አሳቱ ኡባይ ዋልቃማ ማባራ ግዲደ፤ ግብጾን ገድሳ ባጋና ፓትሮሳ ግያ ሳን ደእያ አሳይ ኡባይ ኤርማሳ ሀዋዳን ያጌድና፤

16 “ኔን መድና ጎዳ ሱንጎን ኑዉ ኦድያባ ኡባ ኑን ሰሰኮ።

17 ኑን አፋና ጌዳዎ ኡባ አፋና። ኑን፣ ኑ ማይዛ አዎቱ፣ ኑ ካተቱን ኑ ካፓቱ ይሁዳ ካታማቱዋንን የሩሳላሙ ኦገቱዋን ካሰ ኦገቱዋዳን፤ ሳሉዋ ካታቶ ጌተትያ ኑ ጸሳትዉ እጸና ጨዋሳና፤ ኡሻ ያርሹዋካ እዉ ጉሳና። እያዉ ጎጥ፣ ኑን ካሰ ሄዋ አሳያ ዋደ፣ ኑዉ ዳሮ ቁማይ ደኤ፤ ሄ ዋደ ኑዉ ሳኦይ ኮካ፤ ኑና አያይነ መትቤና።

18 ሸን ሳሉዋ ካታትዉ እጸና ጨዋይያዋን ኡሻ ያርሹዋ ጉሰያዎ አጎደጥ ሃ ሰምና፣ ኑዉ ኡባባይካ ፓጩዳ፤ ኑን ኦላን ኮሻን ዉሬድ” ያጌድና።

19 ማጫ አሳቱ ጉጂደካ ሀዋዳን ያጌድና፤ “ኑን ሳሉዋ ካታቶ ማላትያ ኡክሳ ኡክያ ዋደ፣ እጸና ጨዋይያ ዋደነ ኡሻ ያርሹዋ እዉ ጉሰያ ዋደ ኡባን፣ ኑ አሰናቱ ኤረናን ደእሺና፣ ኑን ኦገቱዋዳ አያይነ ባዎ” ያጌድና።

20 አዉ ሄዋዳን ጊደ ዛሬዳ አሳዉ ኡባዉ፣ ማጫን አቱማዎ፣ ኤርማሰ ሀዋዳን ያጌዳ፤

21 “ህንተነ ህንተ ማይዛ አዎቱ፣ ህንተ ካተቱን ህንተ ካፓቱ፣ ቃይ ቢታን ደእያ አሳይ ኡባይ ይሁዳ ካታማቱዋንን የሩሳላሙ ኦገቱዋን እጸና ጨዋይያዎ መድና ጎዳይ ኤረና ዋይ ደጌዳ ጊደ ቆጥቱ?

22 ህንተ አሳያ ኢታነ ሸነይያ ኦሱዋ መድና ጎዳይ ጮኤ ጋና ዳንዳይቤና ድራዉ፣ ህንተ ቢታይ ባዬዳ፣ ባዙዋን ሸቀቱዳ ቢታ ኦገቱ። ሀቶ ህንተ በእያዋዳን፣ ህንተ ቢታይ አሳይ ደኤና ቢታ ግዴዳ።

23 ሀ ባሻይ ኡባይ ህንተና ጋኬዳዎ ህንተ ሀራ ጸሳቶ እጸና ጨዋይዳ ድራሳ፣ መድና ጎዳና ቁዳ ድራሳ፣ መድና ጎዳ ቃላ ሰሰናን እጾዳ ግሻሳን ኦ ሀግያዉን ኦ ዋጋዉ አዛዘተናን እጾዳ ድራሳ” ያጌዳ።

24 ሄዋጥ ጉይያን፣ ኤርማሰ አሳዉ ኡባዉ፣ ማጫን አቱማዎ ሀዋዳን ያጌዳ፤ “ህንተና፣ ይሁዳጥ ዱደ፣ ግብጾ ቢታን ደእያ አሳቶ፣ ኡባይካ መድና ጎዳይ ግያዎ ሰሰተ!

25 ኡባጥ ዋልቃማ መድና ጎዳይ፣ እሰራኤልያ ጸሳይ፣ ሀዋዳን ያጌ፤ “ህንተነ ህንተ ማቼቱ፣ “ኑን ሳሉዋ ካታትዉ እጸና ጨዋሳና፤ ኡሻ ያርሹዋካ እዉ ጉሳና” ጊደ ጫቄዳ ጫቁዋ ፖሊደ፣ ኦሱዋን በሴድታ። ሀእካ ግደጥ፣ ህንተ ጫቁዎ ምንሰተነ ፖልተ” ያጌ።

26 “ግደጥነ፣ ህንተና፣ ግብጾ ቢታን ደእያ ይሁዳ አሳቶ፣ መድና ጎዳይ ግያዎ ሰሰተ! መድና ጎዳይ ሀዋዳን ያጌ፤ “ሀዋጥ ህን ባጋን ግብጾ ቢታን ደእያ ይሁዳ አሳጥ አቱን ታ ሱንጎን፣

“ኡባ ሞድያ መድና ጎዳይ ኤር!” ጊደ ጫቀና ማላ፣ ታን ታ ዋልቃማ ሱንጎን ጫቃድ።

27 ታን ኡንቱንቱ ቦላ ሎኦባ አሀናዉ ግደናን፣ ኢታባ አሀናዉ ጾላይ። ግብጾን ደእያ ይሁዳ አሳይ ኡባና ዉራና ጋካናዉ፣ ኦላን ኮሻን ሀይቃና።

28 ሸን ኦላጥ አቱዳ እት አማራዳዋንቱ ግብጾጥ ይሁዳ ሰማና። ሄ ዋደ ግብጾን ደእያ ይሁዳ አሳይ ታ ቃላጥነ ኡንቱንቱ ቃላጥ ኦግ ቱማቲደንቶን አኬቢደ ኤራና።

29 “ ናን ህንተና ሀ ሳኦን ሙራናን፣ “ታን ህንተ ቦላ ኢታባ አሀና” ጌዳዎ ቱማታናዎ፣ ታን መድና ጎዳይ ህንተዉ ማላ እማይ።

30 ታን ይሁዳ ካትያ ሰደቅያሳ አዉ ሞርከ ግዲደ፣ ኦ ዋቃናዉ ኮይያ ባብሎን ካትያ ናቡካዳናጸራዉ አሳደ እማዳዋዳን፣ ግብጾ ካትያ ሆፍራካ ኦ ዋቃናዉ ኮይያ ኦ ሞርከቶ አሳደ እማና። መድና ጎዳይ ሀዎ ኦዳይ’ ያጌ” ያጌዳ።

45

ባሮካዉ ኦደቲዳ ትምቢትያ (45)

1 እዮሰያሳ ናኦይ እዮአቁም ይሁዳን ካተቱዳ ኦይደንሎ ላይላን፣ ኔርያ ናኦይ ባሩክ ሀ ቃላቱዎ ኤርማሰ ኦድና ሰሰደ፣ ማጸፋን ጸፊዳ። ሄ ዋደ ኤርማሰ እዉ ኦዳዳ ቃላይ ሀዎ።

2 “ባሮካ፣ ኔና መድና ጎዳይ፣ እሰራኤልያ ጸሳይ ሀዋዳን ያጌ፤

3 “ኔን፣ “መድና ጎዳይ ታ ሳኩዋ ቦላን ካዩ ጉጃዳ ድራዉ፣ አዮ ታኖ! ኦልያን ዳቡራደ ሸምጥዋካ ቃያድ” ያጋዳ’ ያጌ።

4 “ባሮካ፣ ኔና መድና ጎዳይ ሀዋዳን ያጌ፤ ናን ኬጾዳዎ ታን ኮላና፤ ታን ቶኬዳዋካ ታን ሸዳና። ሄዋካ ቃይ ታን ቢታን ሳኦን ኡባን ኦላና።

5 ያትና፣ ኔን ነዉ ዋልቃማካ ኮያይየ? ሄዎ ኮዮፓ። እያዉ ጎጥ፣ አሳ ኡባ ቦላን ታን ኢታባ አሀና። ታን ጸሳይ ሀዎ ኦዳይ። ሸን ኔን ቤዳሳን ኡባን ታን ኔና ሀይቁዋጥ አሻና’ ያጌ” ያጌዳ።

ናቢ ዲማ ዲማ አሳዉ ኦዳዳ ትምቢትያ

46

1 ካዉተላቱዋባ ኦዳናዉ መድና ጎዳይ ኤርማሳዉ ኪቲዳ ቃላይ ሀዎ።

ግብጾ ፕርዳ

2 እዮሰያሳ ናኦይ እዮአቁም ይሁዳን ካተቱዳ ኦይደንሎ ላይላን፣ ኤፍራጺሳ ሻፋ ማታን፣ ካርካሚሻ ግያ ሳኦን፣ ባብሎን ካቲ ናቡካዳናጸር ጸኔዳ ግብጾ ካትያ ናኮ ኦላንቻቱዋባ ጸሳይ ሀዋዳን ያጌ፤

3 “ህንተ ዋጋ ጎንዳልያን ቁር ጎንዳልያ ገግሰተ፤ ኦላዉ ሳልተተ!

4 ህንተ ፓራ ብጸሊደ ቶግተ፤ ህንተ ሁጺያን ብራታ ቆብያ ዋሊደ፣ ህንተ ሳኦ ሳኦ ኦይቁተ!

44:30 2 ካታ. 25:1-7 45:1 2 ካታ. 24:1፤ 2 ኦዲዎ 36:5-7፤ ዳኔላ 1:1-2 46:2 አሳ. 19:1-25፤ ህዘ. 29:1—32:32

ህንተ ቶራ ሌፍተ፤ ህንተ ኦላ ማዩዋካ ማይተ! ያገኛ።

5 “ሽን ሀዌ ታን በእያዌ አዬ? ግብጾ አላንቻቱ ያዩደ፣ ጉየ ሰሜድኖ። ዋልቃማቱ ጸነቲድኖ፤ ጉየን ጸለናን ኤሌሊደ ባቃቲድኖ። ኡንቲንቱ ዩሾ ኡባን ዳጋማይ ደኤ! መጵና ጎዳይ ሀዋ ኦዳይ።

6 ኤሌሊደ ዋጽያዋንቱ ከሰ አካናዉ ዳንዳይክኖ፤ ሞኖ አላንቻቱካ አታናዉ ዳንዳይክኖ። ሁጲሳ ባጋ ቢታን፣ ኤፍራጲሳ ሻፋ ማታን ኡባይካ ጴብቲደ ኩንድ አገኛ።

7 “ሄዌ ናይሊ ሻፋይ ኩሚደ፣ ዩሾዋ ኡባ ኩምያዋዳን፣ ቢታ ኡባ ኩሚዳዌ ኦኔ?

8 ሄዌ ናይሊ ሻፋይ ኩሚደ፣ ዩሾዋ ኡባ ኩምያዋዳን፣ ቢታ ኡባ ኩሚዳዌ ግብጾ! ግብጾ ሀዋዳን ያገ፤ ‘ታን ክጸደ፣ ቢታን ሳክን ኤላና፤ ካታማቱዋን ካታማቱዋን አሳ ኡባ ባይዛና።

9 ፓራቶ፣ ፕሪጽተ! ፓራ ጋረቱዋ ላግያዋንቶ፣ ኤለካ ላግተ! ጎንዳልያ ኮይቄዳ ቶጽያፕን ሊብያፕ * ዩዳ አላንቻቶ፣ ከሰተ! ሊድያፕ ዩዳ ዋንዳፍያ ዱከላን ሎሄዳ አላንቻቶ፣ ዋራጅተ! ያገ። ያገ።

10 ሄ ጋላሳይ ጎዳይ፣ ኡባፕ ዋልቃማ መጵና ጎዳ ጋላሳ፣ ጸሳይ ባረ ሞርከቱዋ ቦላን ሀሉዋ ከሰያ ጋላሳ። አ ማሻይ ካላና ጋካናዉ፣ ኡንቲንታ ማና፤ አላና ጋካናሰካ ኡንቲንቱ ሱላ ኡሻና። አያዉ ጎፕ፣ ጎዳይ፣ ኡባፕ ዋልቃማ መጵና ጎዳይ ሁጲሳ ባጋ ቢታን፣ ኤፍራጲሳ ሻፋ ማታን ኡንቲንታ ያርሹዋ ኦሊደ አካና።

11 ህንተኖ፣ ግብጾ አሳቶ፣ ጋላኣደ ቢታ ቢደ፣ ህንተዉ ኦከትያ ጳልያ ደሞተ። ግደ ሽን፣ ህንተ ጮ መላ ጳልያ ዳርሲታፕ አትና፣ ህንተዉ ፓጾ ሙሊ ባዋ።

12 ህንተ ዩላ ካዉተላቱ ሰሴድኖ፤ ህንተ ዩክያ ዩኩዋ ቢታይ ሳኦይ ሰሴዳ። አያዉ ጎፕ፣ ህንተ ኦላንቻቱ እቱ እቱዋን ጴብቲደ፣ ኡባይ እትፕ ኩንዴድኖ።

ናቡካዳናጸራ ዩሳ

13 ባብሎን ካቲ ናቡካዳናጸር ግብጾ ቢታ አላናዉ ይያ ዋደ፣ መጵና ጎዳይ ትምቢትያ ኦድያ ኤርማሳዉ ኦዴዳ ቃላይ ሀዋ።

14 “ሀዋ ግብጾን ኦዳ፤ ቃይ ግብጾ ካታማቱዋን ሞግደላን፣ መምፕሳንን ጸፍናሳን አዋያ። ‘ኦላይ ህንተ ዩሾዋን ደእያ አሳ ኡባ ዉርሲድ ደእያ ድራዉ፣ ደንድ ኤቂደ ገገትተ!’ ያጋ።

15 ህንተ ዋልቃማ ኦላንቻቱ አያዉ ኩንዴድኖ? መጵና ጎዳይ ኡንቲንታ ሱጌዳ ድራዉ ኩንዴድኖ።

16 ህንተ ኦላንቻቱ ጴብቲደ ኩንዴድኖ። እቱ እቱዋ፣ ደንድተ! ሀ ሞርክያ ማሻፕ አታናዉ፣ ኑ አሳኮ፣ ኑ ቢታ አን ሰሜቶ’ ያገኛ።

17 ኡንቲንቱ ያን ግብጾ ካትያ ፓርና፣ ‘ባረ ካጫን ጎኤተናን ጮ አልያ ኦዳንቻ’ ጊደ ሱንላና” ያገ።

18 ኡባፕ ዋልቃማ መጵና ጎዳ ጌተትያ ካቲ ሀዋዳን ያገ፤ “ታን ታ ደኡዋን ጫቃይ፣ ደረቱዋ ግዴዋን ታቦራ ደሪ፣ ዋይ አባ ላንቄያን ደእያ ቃርመሎሳ ደሪ አዲቄያዋዳን አዲቄያ ሞርኪ ህንተ ቦላ ያና።

19 ህንተኖ፣ ግብጾ ቢታን ደእያዋንቶ፣ አሞዲዋን ባናዉ ገግተ። አያዉ ጎፕ፣ መምፕሳ ካታማይ ኮለቲደ፣ ኦንነ ደኤና ባዘ ግዳናዋ።

20 “ግብጾ ቢታይ ሎእያ ኡሳት ማላ፤ ሽን ሁጲሳ ባጋ ቢታፕ ይያ ዱክያ ኡዴንጽያን አ ሳኤታና።

21 ግብጾን ሚሻይ ጭንቅያ ኦላንቻቱ ሞጴዳ ኮሩማቱዋ ማላ። ኤ፣ ኡንቲንቱካ እትፕ ጉየ ሰሚደ ባቃቲድኖ፤ ኡንቲንቱ ባረንቱ ሳክን ኤቂቦይክኖ። አያዉ ጎፕ፣ ኡንቲንቱ ባየላ ጋላሳይ፣ ኡንቲንቱ ሙረታና ዋዲ ጋክ ክቼዳ።

22 “ሞርከቱ ዋልቃን ገልያ ዋደ፣ ግብጾ አሳይ ባቃትያ ሾሻዳን ሶልዳና፤ ሄ ሞርከቱ ሞላ ቃንጽያ አሳቱዋዳን፣ ካልታ አኪደ፣ አ ቦላ ያና።

23 አሳይ ሰጽማ ዋራ ቡሊደ ጳይሰያዋዳን፣ ግብጾ አሳ ሲፍ ዉርሳና። ታን መጵና ጎዳይ ሀዋ ኦዳይ። ሞርከቱዋ ፓይዲ ቦልያፕካ ጮራቱ፤ ኡንቲንታ ፓይዳናዉ ዳንዳየተና።

24 ግብጾ አሳይ ካዉሻና፤ ሁጲሳ ባጋፕ ይያ አሳቱዋ ኩሽያንካ አጲደ እመታና” ያገ።

25 ኡባፕ ዋልቃማ መጵና ጎዳይ፣ እሰራኤልያ ጸሳይ ሀዋዳን ያገ፤ “ታን ቴብሳ ካታማ ጸሳ አሞና፣ ግብጾ ካትያ፣ ግብጾ ቢታን ግብጾ ጸሳቱዋ፣ ግብጾ ካተቱዋን ግብጾ ካትያን ዘምፕያዋንታ ኡባ ሙራና።

26 ኡንቲንቱ ዋጽናዉ ኮይያ ባብሎን ካትያ ናቡካዳናጸራ ኩሽያንካ አ ኦላንቻቱዋ ኩሽያን አላደ እማና።

“ሄዋፕ ሰምና፣ ግብጾ ቢታይ ካሰዋዳን አሳይ ደእያ ቢታ ግዳናዋ። መጵና ጎዳይ ሀዋ ኦዳይ።

ጸሳይ ባረ አሳ አሻና

27 “ህንተኖ፣ ታ ቆማቶ፣ ያቆባ ዛረቶ፣ ያዮፕተ! ህንተኖ፣ እሰራኤላቶ፣ ዳጋሞፕተ! ህንተ ሃኮ ሳን ደእሸና፣ ታን ህንተና አሻና፤ ህንተ ዛራቱዋካ ኡንቲንቱ አሞደቲደ ቢታፕ የድሳና። ያቆባ ዛራቱ ሰሚደ፣ አየንቶ ቦቼናን ሳር ደእና። ኡንቲንታ አይ አሳይን ያሸሰና።

28 ህንተኖ፣ ታ ቆማቶ፣ ያቆባ ዛረቶ፣ ታን መጵና ጎዳይ ህንተናና ደእያ ድራዉ፣ ያዮፕተ! ታን ህንተና ሳሌዳ ካዉተላቱዋ ኡባ ኡባና ጳይሳና፤ ሽን ህንተና ኡባና ጳይሰከ። ታን ህንተና ልከ ፕርዳን ሙራና፤ ሙራይ ባይናን ህንተና ኡባና ጮ የድከ። ጸሳይ ሀዋ ኦዳይ” ያገ።

47

ፕልሰጾማ ፕርዳ

1 ግብጾ ካቲ ጋዛ ኦሊደ ጸናናፕ ካሰቲደ፣ ፕልሰጾማ ቢታ ጸልያዋን መጵና ጎዳፕ ትምቢትያ ኦድያ ኤርማሳኮ ዩዳ ቃላይ ሀዋ።

* 46:9 ሊብያፕ፦ እብራዌሉዋን “ፑጸ” ጌተቱ። 46:13 ኤር. 43:10-13 46:27 ኤር. 30:10-11 47:1 እሳ. 14:29-31፤ ህዘ. 25:15-17፤ እዪ. 3:4-8፤ አሞጸ 1:6-8፤ ሶፎ. 2:4-7፤ ዛካ. 9:5-7

2 መድና ጎዳይ ሀዋዳን ያጌ፤ “በእተ፡ ሁጲሳ ባጋ ቢታጥ ሃላይ ጳቃናን ድኡ ገሌዳ ኩንሶ ሃላዳን ጎጋና። ቢታን ቢታ ቦላን ደእያዎ ኡባ፡ ካታማቱዎን ካታማቱዎ ግደን ደእያ አሳ ኡባካ ሙካና። ያቶጥ አሳይ ዋሳና፤ ሄ ቢታን ደእያ ኡባይ ዩካና።

3 አያው ጎጥ፡ ኡንቱንቱ ፓራቱዎ ኮትያ፡ ፓራ ጋራቱዎ ገረላነ ጋራቱዎ ይንግርያዎን ጎንዶርሳ ሰሳና፤ አዎቱ ባረንቱ ኩሺ አርጋጩዳ ድራው፡ ባረንቱ ናናቱዎ ማዳናው ጉየ ሰምክኖ።

4 ፕልሰጾማ አሳ ጳይሳናውን ጸረሳነ ሲደና አሳይ ፕልሰጾማቱዎን ማደተናዳን፡ አቲዳዎንታ ቢታጥ ዎቆናው ዎዲ ጋኬዳ። መድና ጎዳይ ፕልሰጾማ አሳቱዎ፡ ሄዎንቱካ ሜድተራነ አባ ሃላን ደደቲዳ ሳእን አቲዳዎንታ ካፍቶራጥ ዩዳዎንታ ጳይሳና ሀኔ።

5 ጋዛ አሳይ ዎልቃማ ካዩዎ ካዮቲዳ፤ አሰቃሎና አሳይካ ሰርጵ ጌዳ። ህንተኖ፡ አባ ዛንጋራን ባሻጥ አቲዳዎንቶ፡ ህንተ አውደ ጋካናው፡ ህንተ ቦላ ቃንጸረሴደ ካዮቲቲ።

6 “ህንተ፡ ሄኖ መድና ጎዳ ማሻው፡ ኔን ጮኡ ጌናን እጽያዌ አውደ ጋካናሴ? ነ ሾኩዎን ሰማ ገለ! ጮኡ ጋደ ሸምፓ!” ያጊታ።

7 ሸን መድና ጎዳይ አ አዛዝና፡ አ ዋን ጮኡ ጎ ጊቲ? አሰቃሎና ቦላን አባ ዛንጋራን ቢታን ደእያ አሳ ቦላ እ አ ሱንሐድጌዳ” ያጌ።

48

ሞክሳ ፕርዳ

1 ሞክሳ ቢታ ጸልያዎን ኡባጥ ዎልቃማ መድና ጎዳይ፡ እስራኤልያ ጸሳይ ሀዋዳን ያጌ፤ “ናቦ ካታማው አየ አና! አያው ጎጥ፡ አ ባያና። ቅርያታይማ ካታማይ ካወሻናን ኦምደታና፤ ኡንቱንቱ ጌሱካ ካወሻናን መኤረታና።

2 ሀዋጥ ህን ባጋን ሞክሳ ጩቁ ጳያና። አያው ጎጥ፡ ሀሰቦና ካታማን ደእያ አሳይ ሞክሳ ቦላ፡ ሃይተ! ሄ ቢታ እን ኡባና ጳይሴቶ” ያጊደ ኢታባ ማቀቲዳ። ኔና፡ ማድሜና ካታማትው፡ ኔናካ ሰርጵ አላና፤ ነ ጌዴዎ አላይ ካላና።

3 “ሆርናይማ አሳይ፡ ላለላይነ ዎልቃማ ባሻይ ጋኬዳ” ያጊደ ዋሰያ ዋሱዎ ሰሰተ!

4 ሞክሳ መኤረታና፤ እ ናናቱ ዩክያ ዩኩዎ ሰሰተ!

5 ኡንቱንቱ ዩኪደ፡ ሉሂታ ፑደላ ከሳና፤ ሆርናይማ ዲገላካ ባሻው ዋሰያዎንቱ ዋሱዎ ሰሰደ ዎቆና።

6 ኡንቱንቱ እቱ እቱዎ፡ ሳቃትተ! ህንተ ሸምፑዎ አሸተ! መላ ደምባን ደእያ አርኤራ ካታማ ማላ ግድተ።

7 ኔና፡ ሞክሳ ቢታው፡ ኔን ነ ዎልቃን ነ ዱረተላን ጩቀቲዳ ድራው፡ ኔንካ ኦምደታና። ቃይ ካሞሻ ግያ ጸሳይካ ባረ ቄሳቱ ዋን ባረ ሞድያዎንቱና እትጥ ኦምደቲደ፡ ሀራሳ ባና።

8 መድና ጎዳይ ኡዳዳዎዳን፡ ካታማቱዎ ኡባ ጳይሰያዌ ያና፤ እት ካታምነ ደኤና፤ ዎምባይነ ደምባይ ኡባይ እትጥ ጳያና።

9 ሞክሳው እ ፓሊደ አትያ ቀፍያ እምተ። አ ካታማቱ ኡባይ አይነ ባይናዎ ግዳና፤ እት አሳይነ ኡንቱንቱን ደኤና።

10 “መድና ጎዳ ኡሱዎ ሸነኮ ጊደ ኦልያ ኡራይ ሸቀቲዳዎ ግደ! ጸሳይ አዛዝ ዎሐና፡ ሱላ ጉሰናዳን ባረ ማሻ ተእያ ኡራይካ ሸቀቲዳዎ ግደ!

11 “ሞክሳ ስያላጋተላጥ ደሚደ፡ እሻሉዎን ደኤዳ አሳ ማላ፤ እ ሀራ ቢታው ኦምደትቤና። ሞክሳ ባላጥ ባላው ትገተናንን ቃጸናን፡ ማልኡ ላመተናንን ሳው አገናን፡ ኡቲደ ደእያ ዎይንያ ኤሳ ማላ።

12 ሞክሳ አሐ የግያዎንታ ታን መድና ጎዳይ ከትያ ጋላሳቱ ያና። ኡንቱንቱ አ አሐ የጊደ፡ ባላጥ ጭንግርሳና፤ አ ባላ መንግራላና።

13 ያትና፡ እስራኤልያ አሳይ ባረ አማነቲዳ፡ ቤቴለን ደእያ ኤቃን ካወሸዳዎዳን፡ ሞክሳ አሳይካ ባረ ጸሳን ካሞሻን ካወሻና።

14 “ህንተ፡ ሄን ዎልቃማ አሳን ሞኖ ኦላንቻ” ጊደ አያው ጩቀቲቲ።

15 በእተ፡ ሞክሳ ቢታይነ ያን ደእያ ካታማቱ ባዩድና። አ ያላጋ አቲማ አሳቲካ ሸከታናው ዲገ ቤድና። ታን ካቲ፡ ኡባጥ ዎልቃማ መድና ጎዳ ጌተትያዌ ሀዎ ኦዳይ።

16 ሞክሳ ባሻይ ማታቲዳ፤ ቲጋይ አ ቦላን ይያ ዎዲካ ኤሌሊደ ጋኬዳ።

17 “አ ዩሹዎን ደእያ አሳው፡ አ ዎጋተላካ ኤርያ ኡባው፡ ሞኖ ግዴዳ ካወተላ ጸምአይ ዋን መኤዳ! ቦንቲቲዳ ጸምአይ ዋን ክንቲቲዳ!” ያጊደ ዝላልተ።

18 “ህንተና፡ ድቦና ካታማን ደእያዎንቶ፡ ህንተ ቦንቶ ሳአጥ ዎቂደ፡ መላ ቢታን ኡትተ። አያው ጎጥ፡ ሞክሳ ጳይሰያዌ ህንተ ቦላንካ ያና፤ ህንተ ጌሱዎ ኡባካ ላላና።

19 “አርኤራ ካታማን ደእያዎንቶ፡ ኦግያ ደናን ኤቂደ ጸልተ፤ ከሰ አኪደ ባቃትያ አቲማ አሳን ማጫ አሳ፡ ሄኤ ከሴዳዌ?” ያጊደ ኦትተ።

20 “ኡንቱንቱ፡ ሞክሳ መኤዳ ድራው ካወሸዳ፤ አው ዩክተነ ዝላልተ! ሞክሳ ባዩዳዎ አርናና ሻፋ ላንቂያን አዋይተ!” ያጊደ ዛራና።

21 “ገዝያን ደእያ ሆሎና፡ ያህጻ፡ መፋአታ፡

22 ድቦና፡ ናቦ፡ ቤት-ድብላታይማ፡

23 ቅርያታይማ፡ ቤት-ጋሙላ፡ ቤት-ማኦና፡

24 ቅርያታነ፡ ቦጽራ ጌተትያ ካታማቱዎ ቦላንን ማታንን ሃኩዎን ደእያ ሞክሳ ካታማቱዎ ቦላን ፕርዳይ ዩዳ።

25 ሞክሳ ካጪ ቃንጸቲዳ፤ አ ቀሲካ መኤዳ።

26 “መድና ጎዳ ቦላን ኡቶረቲዳ ድራው፡ ሞክሳ ኡሺደ ማላይተ። ባረ ጮሼዳ ጮሻ ቦላን ጎንዶረቶ፤ አሳይ ኡባይካ አ ቦላን ቅሊጮ።

27 ካሰ ኔን እስራኤልያ ቦላን ቅሊጫቢይኪ? አባ ሃሳይያ ዎደ፡ ኔን ካቆደ ሁጲያ ቃፊዳዌ እስራኤሊ ካይሶቲዎ ግድጥ ኦይቀቲኔየ?

28 “ህንተና፡ ሞክሳን ደእያዎንቶ፡ ካታማጥ ከሰ ቢደ፡ ሹቻ ጎንጎሉዎ ግድን ደእተ። አፋዎ ደናን ባረ ጎልያ ኬጽያ ሀራጳት ማላ ግድተ።

48:1 እሳ. 15:1—16:14፤ 25:10-12፤ ህዘ. 25:8-11፤ አሞጻ 2:1-3፤ ሶፎ. 2:8-11

29 ሞአበ ሎይሳ ኦቶረቲዳ፤ ሞአባ አሳይ አይ ኬሻ አይነቶ፣ አሌቅንቶን ኦቶረትንቶ፣ ቃይ ባረንታ ኦንቱንቱ አይ ኬሻ ዶቂሰ ዎሌደንቶ፣ ታን ሰሳድ።

30 ታን መድና ጎዳይ ኦንቱንቱ አሌቁዎ ኤራይ፤ ሸን አይነ ማደና፤ ኦንቱንቱ ጩቁካ አያካ ኦፍ።

31 ሄዎ ድራው፣ ታን ሞአባዉ ዋሳይ፤ ቂርሄራሳ አሳዉካ ካዮታደ ዬካይ።

32 “ህንተኖ፣ ሲብማ አሳዉ፣ ያእዜራ አሳዉ ዬክያዎ፣ አሳደ ታን ህንተዉ ዬካይ። ህንተ ታሺ ዳሺደ፣ ማጽያ አባ ፕኒደ፣ ያእዜራ ጋኬዳ ዎይንያ ቱራ ማላ፤ ሸን ህንተ ኦፍንላ ቱራ፤ ህንተ ዎይንያ ዉርጩዎ ቦንቂያዎንቱ ዪደ ዳይሰድጌድኖ።

33 ሎኦ ካላይ አይፍያ ሞአባ ቢታ፣ ፓሽካይነ ናሽቻይ አከት ክቼዳ። ዎይንያ ቱራ ጉምእያ ሳኦቱዎ፣ ዎይንያ ኤሳይ ጎንናዳን ተአ ድጋድ። ኦን ላኤንሶ አ አልሊድ ጉምኤና። አሳ ኮሻይ ሰሰቶ፣ ናሽቻ ኮሻ ግደና።

34 “ኦንቱንቱ ሀሰቦናን ኤልኣሊን ዋሰያ ዋሱ ያሃጸ ጋካናዉ ሰሰቱ። ቃይ ጸኣር፣ ቢደ፣ ሆርናይማን ኤግላት-ሻሊሽያ ጋካናዉ ሰሰቱ። ሀራይ አቶ ንምሪማ ሃላይካ መሌዳ።

35 “ታን ሞአባን አሳይ ጎይንያ ዶቃ ሳኦቱዎን ያርሽያዎንታ ባረንቱ ጸሳቶ እጻና ጩዎይያዎንታ ዳይሳና። ታን መድና ጎዳይ ሀዎ ኦዳይ።

36 ኦንቱንቱ ካሰ ደማዳ ዱረተላይ ኡባይ ሀእ ዳይክቼዳ ድራው፣ ታ ዎዛናይ ሞአባዉን ቂርሄራሳ አሳዉ ባልያን ሀጽጽያን ዬክያዎዳን ዬኬ።

37 ኦንቱንቱ ኡባይ ባረንቱ ሁጺያነ ባረንቱ ቡቻ ሚዳድኖ፤ ባረንቱ ኩሽያካ ቃንጺደ ማዲሌድኖ፤ ቃይ ባረንቱ ጴሳንካ ማቃ ዳንጩድኖ።

38 ሞአባን ደእያ ጎልያ ሁጺያ ኡባንን ዳባባን ዬኩዎ፣ አትና፣ ሀራባይ ባዎ። አያዉ ጎ፣ ሞአባ ታን ኦን ኮየና ኦቱዎዳን መንሳድ። ታን መድና ጎዳይ ሀዎ ኦዳይ።

39 “ሞአበ አይ መኡዎ መኤዳ! አ አሳይነ አይ ዋሱዎ ዋሰ! ሞአበ ዬላቲደ፣ ባረ ዞክያ ዎራ አይ ዛሩዎ ዛሪ! ሄዎ ድራው፣ ሞአበ ባረ ዩሹዎን ደእያ ኡባቶ ሚጫዎን ዳጋምያባ ግዴዳ” ያጌ።

40 መድና ጎዳይ ሀዎዳን ያጌ፤ “አርጋንላይ ባረ ቀፍያ ፕድ ኦሳ ፓሊደ ይያዎዳን፣ ሞርኪ ሞአባ ቦላን ያና።

41 አ ካታማቱ አይቃታና፤ አ ጌሳቱካ አከታና። ሄ ጋላሰ ሞአባ ምኖ ኦላንቻቱዎ ዎዛናይካ ኦይላይ አይቁዳ ማጫ ምሽራት ዎዛና ማላ ግዳናዎ።

42 ሞአበ ታ ቦላን፣ መድና ጎዳ ቦላን ማካሌዳ ድራው ዳያና፤ ሀዎ፣ ሰንሳዉ አ ካዉተላ ግደና።

43 “ህንተኖ፣ ሞአባን ደእያዎንቶ፣ ያሽያዎ፣ ኦላይነ ጺሪ ህንተና ናጌ። ታን መድና ጎዳይ ሀዎ ኦዳይ።

44 ያሽያዎ፣ ባቃቲደ ዎጽያ ኦንነ ኦላን ኩንዳና፤ ቃይ ኦላ፣ ፑደ ከሰያ ኦንነ ጺርያን አይቃታና። አያዉ ጎ፣ ታን ሞአባ መርያ ዎድያን ሄዎ ኦላና። መድና ጎዳይ ሀዎ ኦዳይ።

45 “ባቃቲደ ቤዳዎንቱ ዎልቃ ዳዪደ፣ ሀሰቦና ካታማ ኩዎን ኤቁድኖ። አያዉ ጎ፣ ሀሰቦና ካታማ፣ ታማይ፣ ቃይ ካቲ ሰሆን ቦን ደኤዳ ጎልያ፣ ላጩ ከሲደ፣ ሞአባ ቢታ ኡባነ አን ደእያ ማካላንቻ አሳ ማና።

46 ሞአባ አሳዉ፣ ህንተዉ አየ አና! ካሞሻ ግያ ጸሳዉ ጎይንያዎንቱ ዳዪድኖ፤ ኦንቱንቱ አቱማ ናናቱን ማጫ ናናቱ ኦሞደቲደ ቤድኖ።

47 “ግደ፣ ዉርሰላ ዎደቱዎን ታን ሞአባ አሳዉ ዛራደ ሳኦ አሻልሳና። ታን መድና ጎዳይ ሀዎ ኦዳይ” ያጌ።

ሞአባ ቦላ ኦደቲዳ ትምቢቲ ሀዎን ዉሬዳ።

49

አሞና ፕርዳ

1 አሞና አሳ ጴልያዎን መድና ጎዳይ ሀዎዳን ያጌ፤ “አሰራኤልያዉ አቱማ ናአይ ባዌ? ዎይ ላትያዌ ባዌ? ያትና፣ ሞሎካ ግያ ጸሳዉ ጎይንያ አሳቱ ጋዳ ቢታ አያዉ ኦይቁድኖ? ኦንቱንቱ ካታማንካ አያዉ ኡቲድኖ?

2 አሞና አሳይ ደእያ ራባ ካታማ ቦላን ኦላ ዋሱ ሰሰታናዳን፣ ታን መድና ጎዳይ ኦላና ጋላሳቱ ያና። ሄ ካታማይ ኮለቲደ፣ መላ አታናዎ። አ ዩሹዎን ደእያ ቂር ካታማቱካ ታማን ጸገታና። አሰራኤልያ አሳይካ ባረና ባረ ላታ፣ የደርሴዳዎንታ የደርሳና። ታን መድና ጎዳይ ሀዎ ኦዳይ።

3 “ህንተኖ፣ ሀሰቦና አሳቶ፣ አታ ካታማይ ኮለት ክቼዳ ድራው ዝላልተ! ህንተኖ፣ ራባ አሳቶ፣ ዬክተ! ማቃ ማዪደ ካዮትተ! ቃይ ዎዛና ባዪደ፣ ካታማ ግምቢያ ግደን ዎጸረትተ! አያዉ ጎ፣ ህንተ ጸሳይ ሞሎክ ባረ ቁሳቱ ዋነ ባረ ሞድያዎንቱና ኦሞደታና።

4 ህንተኖ፣ አማኑ ባይና አሳቶ፣ ህንተ፣ ኑ ቦላን ኦን ዎራጂ? ያጌደ ህንተ ዱረተላንን ህንተ አራዳ ዎምባቱዎን አያዉ ጩቀቲቱ?

5 ታን ነ ዩሹዎን ደእያዎንቱ ኡባይ ኔና ዳጋንላናዳን ኦላና። ታን መድና ጎዳይ፣ ኡባ፣ ዎልቃማ መድና ጎዳይ ሀዎ ኦዳይ። ህንተ ኡባይካ ከሲደ ባቃታና፤ ቃይ ባቃቲደ ቤዳዎንታ ሺሽያዌ ዳያና።

6 “ግደ፣ ዉርሰላ ዎደቱዎን ታን አሞና አሳዉ ዛራደ አሻልሳና። ታን መድና ጎዳይ ሀዎ ኦዳይ” ያጌ።

ኤደማ ፕርዳ

7 ኤደማ ቢታ ጴልያዎን ኡባ፣ ዎልቃማ መድና ጎዳይ ሀዎዳን ያጌ፤ “ተማና አሳዉ አዴዳ ኤራተላይ ባዌ? ጭንጫ አሳቱዎ፣ ዞሪ ዳይ ክቼዳ? ኦንቱንቱ አዴዳ ኤራተላይ ኦንቱንቱ፣ ጎዘት ክቼዳ?

49:1 ህዘ. 21:28-32፤ 25:1-7፤ አሞጸ 1:13-15፤ ሲሮ. 2:8-11 49:7 ኢሳ. 34:5-17፤ 63:1-6፤ ህዘ. 25:12-14፤ 35:1-15፤ አሞጸ 1:11-12፤ ኦብድ. 1-14፤ ሚልክ. 1:2-5

8 ህንተኖ፡ ዳዳናን ደእያዋንቶ፡ ባቃቲደ ጨማ ጎንጎሎዋን ቆስትተ! እያው ጎጥ፡ ታን ኤሳ ዘረፋ ሙርያ ዋድያን፡ አ ቦላ ባየላ አሀና።

9 ዋይንያ ማጽያዋንቱ የጥ፡ ማጺደ ቃርምያ አሽክኖ? ካይሳቱ ቃማ ገሎጥካ፡ ባረንታ ኮሽያዋ ጸላላ አክክኖ?

10 ሸን ታን ኤሳ ዘረፋ ቃራደ ካሎ አሻና፤ ኡንቱንቱ ቆስታናው ዳንዳየና ማላ፡ ኡንቱንቱ ቆስትያ ሳኦቱዋካ ታን ቃራደ፡ ቆንጨ ሳኦ ኦላና። ኤሳ ዘረፋይ፡ አ ዳቦቱን አ ሾርቱ ኡባይ ጳያና።

11 ህንተ ግደን ደእያ አው ሀይ ድጌዳ ናናቱዋ ታው አግ ባሸተ፤ ኡንቱንታ ታን ድቻና። ቃይ ህንተ አምኤቱካ ታናን አማነትኖ” ያጌ።

12 መድና ጎዳይ ሀዋዳን ያጌ፤ “ሰም ሙረታናው በሰና አሳቱ ሙሩዋ ጸኦ ኡሽያዋንታ ግደዋጥ አትና፡ ህንተ ዋን ሙረተናን አታና ጊደ ቆጥቱ? ቱማ ህንተካ ሙሩዋ ጸኦጥ ኡሽታጥ አትና፡ ጮ አትክታ።

13 ቦጽራ ካታማይ መላ ግዲደ አታና፤ አ በኤዳ አሳው ኡባው ዳጋንሐያባ፡ ቅለጭያባን ቦርያባ ግዳናዋ። ቃይ አ የሹዋን ደእያ ቄር ካታማቱ ኡባይካ መድናው ኮለቲደ አታናዋ። ሀዋ ታን መድና ጎዳይ ታ ሱንሳን ጫቃይ” ያጌ።

14 ታን መድና ጎዳጥ ዬዳ እት ኪታ ሰሳድ። ካውተላቱዋ ግደ ከተቲዳዋ፡ “ኤደማ ቦላ ደዳናው ሸቅተ! አናና ኦለታናው ደንድተ!” ያጌድ።

15 መድና ጎዳይ ሀዋዳን ያጌ፤ “ሰም ታን ህንተና ካውተላቱዋ ግደን ጉላና፤ አሳ ግደንካ ካጠቲዳዋንታ ኦላና።

16 ህንተኖ፡ ሹቻ ጎንጎሎዋን ደርያ ቦላን ደእያዋንቶ፡ ህንተ ያሽሰያ ያሻይነ ህንተ አቶሩ ህንተና ጭማዳ። ህንተ ህንተ ጎልያ አርጋንላዋዳን ቆቃን ኬጸጥካ፡ ታን ህንተና ሄዋጥካ ዲገ ዋላና።

17 “ኤደማ ቢታይ አሳ ዳጋንሐያ ቢታ ግዳናዋ። ያና አድያ አሳይ ኡባይ አ ባየላ በኢደ፡ ዳጋማናን፡ ‘ፖራ!’ ጋና።

18 ሰደምን ጋዋር ባረንቱ የሹዋን ደእያ ካታማቱዋና ባይያ ዋደ ሀኔዳዋዳን፡ ኦንነ ያን ደኤና፤ አሳይ ኡባካ ያን ኡተና። ታን መድና ጎዳይ ሀዋ ኦዳይ።

19 “የርዳናሳ ሻፋ ላንቁያን ደእያ ዋራጥ ሎኦ ቆሩ ደኢያሳ ቆጥናን ከሰያ ጋሙዋዳን፡ ታን ያደ፡ ኤደማ አሳቱዋ ቆጥናን ኡንቱንቱ ቢታጥ የደርሳና። ሄዋጥ ጉይያን፡ ታ ደራዳ አሳ አ ቦላን ሱንሳና። ታ ማላይ ባዋ፤ ታን ኦላና ጌዳዋካ ተአናው ዳንዳይያ አሳይ ባዋ። አይ ሄንሳንቻይ ታናና ኤቀታናው ዳንዳይ?

20 “ሄዋ ድራው፡ ታን መድና ጎዳይ ኤደማ ቦላንን ተማና ካታማ አሳ ቦላን ኦላናው ሀልቼዳዋን ቆጥዳዋ ሰሰተ! ኡንቱንቱ ናናቱዋ ዋልቃን ጎቼደ አፋና፤ ሄዋ ጋሱዋን ኡንቱንቱ ሶ አሳይ ኡባይ ዳጋማና።

21 ኤደማ ኩንደላ ገረላይ ቢታ ቃላና፤ ኤደማቱዋ ዋሱካ ዘኦ አባ ጋካናው ሰሰታና።

22 አርጋንላይ ባረ ቀፍያ ፕድ ኦላይ፡ ቦላጥ ዲገ ኤላካ ፓሊደ ይያዋዳን፡ ዋርኪ ቦጽራ ቦላን

ያና። ሄ ጋላሰ ኤደማ ኦላንቻቱ ኦይላይ ኦይቄዳ ሞሽራቲዳን ሀርጋና” ያጌ።

ዳማሰቆ ፕርዳ

23 ዳማሰቆ ጸልያዋን ጸሳይ ሀዋዳን ያጌ፤ “ኢታ ኦዲዋ ሰሴዳ ድራው፡ ሀማታን አርፋዳ ካታማቱዋን ደእያ አሳይ ዬላቲዳን ያዬዳ። በታይ ሸጭያ አባዳን፡ ኡንቱንታ ዋዛናይ ሸምጥዋ ደማናው ዳንዳይቤና።

24 ዳማሰቆ አሳይ ዳቡራዳ፤ ኡንቱንቱ ዳጋማን ሻባረቲደ ባቃቲድኖ፤ ሞሽራቶ ኦይላይ ኦይቄያዋዳን፡ መቱነ ቱጋይ ኡንቱንታ ኦይቄዳ።

25 ናሽቻይ ኩሜዳ ሄ ኤረቲዳ ካታማይ አሳይ ደኤና ሳኦ ግዳናዋ!

26 ሄዋ ድራው፡ ሄ ጋላሳን ሄ ካታማን ደእያ ያላጋ አቱማ አሳ ኡባይ ካታማ ግደ ኡገቱዋን ሀይቃና፤ ኦላንቻቱ ኡባይካ ውራና። ታን፡ ኡባጥ ዋልቃማ መድና ጎዳይ ሀዋ ኦዳይ።

27 ታን ዳማሰቆ ካታማ ድርሳ ግምቢያን ታማ የዳና፤ ሄ ታማይ በንሀዳዳ ካውተላ ጎልያ ኡባ ማና” ያጌ።

ቄዳረ ያራቱዋ ቦላን ሀጸራ ካውተላቱዋ ቦላ ያና ፕርዳ

28 ባብሎን ካቲ ናቡካዳናጸር ኦሊደ ጸኔዳ ቄዳረን ሀጸራ ካውተላቱዋ ጸልያዋን መድና ጎዳይ ሀዋዳን ያጌ፤ “ደንድተ፤ ቄዳረ አሳ ኦልተ! ሄ አዋይ ደልያ ባጋና ደእያ አሳ ወርሰተ!

29 ኡንቱንቱ ዳንካንቱዋን ኡንቱንቱ ወደቱዋ አክተ! ኡንቱንቱ ጋርዳቱዋ፡ ኡንቱንቱ ማጽዋ ኡባን ኡንቱንቱ ጋሎቱዋ አክተ! ያቲደ ኡንቱንቶ፡ ‘ህንተ የሹ ኡባን ሻቢርሳይ ደንዳዳ!’ ያጌደ ኦድተ።

30 “ህንተኖ፡ ሀጸራን ደእያዋንቶ፡ ባብሎን ካቲ ናቡካዳናጸር ህንተ ቦላን ኢታባ ኦላናው ማቀት ኡቲዳ ድራው፡ ባቃትተ፤ ሃኮ ሳ ቢደ፡ ጨማ ጎንጎሎዋን ቆስትተ! መድና ጎዳይ ሀዋ ኦዳድ።

31 “ናቡካዳናጸራ፡ ደንዳ! ሀርግ ባይናን ሳሮ ደእያ ካውተላቱዋ ቦላ ዋራጃ! ታን መድና ጎዳይ ሀዋ ኦዳይ። ኡንቱንቱ ካታማ ግምቢያው እፍላይ ዋይ ኩሎቡ ባዋ። ኡንቱንቱ ባረካ ደኤና።

32 “ኡንቱንቱ ጋሎቱ ቦንቀታና፤ ኡንቱንቱ ወዲካ አምደታና። ባረንቱ ሁጺያ ሹፊርያ ማድሰያዋንታ ኡባ ታን ጫርኩዋን ላላና፤ ታን ኡባ ሳና ኡንቱንቱ ቦላ ባየላ አሀና። ታን መድና ጎዳይ ሀዋ ኦዳይ።

33 ሀጸር መድናውካ ዋራካናቱ ደእያ ባዞ ግዲደ አታናዋ። ኦንነ ያን ደኤና፤ አሳይ ኡባካ ያን ኡተና” ያጌ።

ኤላማ ፕርዳ

34 ይሁዳ ካቲ ሰደቅያሰ ኮይር ካተቲዳ ዋደ፡ ኤላማ ቢታ ጸልያዋን መድና ጎዳጥ ኤርማሳኮ ዬዳ ቃላይ ሀዋ።

35 ኡባጥ ዋልቃማ መድና ጎዳይ ሀዋዳን ያጌ፤ “ኤላማው ዋና ዋልቃ ግድያ ኡንቱንቱ ዋንዳፍያ አሳቱዋ ታን ዋቆና።

36 ኡባ ሳና ታን ኤላማ ቦላን ጫርኩዋ አሀና፤ ኡንቱንታካ ሄ ጫርኩዋን ኡባሳ ላላና።

ሄዋ ድራው፡ ኤላማ አሳይ ላለቲደ ጋከና ቢታይ ደኤና።

37 ኢንቲንቲ ሞርከቱዋ ሰንሳንን ኢንቲንታ ዋቋናው ኮይያዋንቲ ሰንሳን ታን ኤላማ ዳጋንሳና። ታን ታ ዋልቃማ ሀንቁዋን ኢንቲንቲ ቦላ ባየላ አሀና። ታን መድና ጎዳይ ሀዋ ኦዳይ። ታን ኢንቲንታ ቆይሳና ጋከናው፡ ማሻን የደርሳና።

38 ታን ኤላማ ካትያን ኢንቲንቲ ካፖቱዋ ቆይሳይ፡ ታ ካወተላ አራታ ያን ዋላና ያጌ መድና ጎዳይ።

39 “ግደጉን፡ ወርሰላ ዋደቱዋን ታን ኤላማ አሳ ዛራደ እሻልሳና። ታን መድና ጎዳይ ሀዋ ኦዳይ” ያጌ።

50

ባብሎን ፕርዳ

1 ባብሎን ቢታን ባብሎን አሳ ጸልፈዋን ትምቢትያ ኦድያ ኤርማሳ ባጋና መድና ጎዳይ ኦዳይ ቃላይ ሀዋ።

2 “ካወተላቱዋ ግደን ኦድተን አዋይተ። ባንድራ ቆቁ ኦል ኦይቂደ፡ አያን ቆሰናን፡ ሀዋዳን ያጌደ ኦድተ፤ ባብሎን ኩንዴዳ! ቤላን ማርዲካ ጌተትያ አ ጸሳቲካ ዬላቴድናን መኤረቴድና። ቃይ አ ሞሰለቱን አ ኤቃቱ መኤረቴድና።

3 ሁጲሳ ባጋ ቢታፕ እት ካወተላይ ያና፤ ባብሎን ቢታ ባይዛና። ያቶፕ አሳይካ መሂካ ኡባይ ባቃታና፤ ኦንን ያን ደኤና’ ያግተ” ያጌዳ።

እስራኤልያ አሳይ ሰማና

4 መድና ጎዳይ ሀዋዳን ያጌ፤ “ሄ ዋድያንን ሄ ጋላሳቱዋን እስራኤልያ አሳይን ይሁዳ አሳይ እትፕ ግዲደ፡ ዬኪደ ያና፤ መድና ጎዳ ባረንቱ ጸሳ ኮያና።

5 ኢንቲንቲ ጽዮን አፍያ ኦግያ ኦቺደ፡ ባረንቲ ሰንሳ ያ ዛሪደ፡ ‘ሃይተ!’ ኩን ኡባካ ደገተና መድና ጠቁዋ መድና ጎዳና አን ጫቀቱቶ ያጋና።

6 “ታ አሳይ ባዬዳ ደርሳቱዋ ማላ ግዴዳ፤ ኢንቲንቲ ሄንሳንቻቱ ኢንቲንታ ባለሌደ፡ ደርያን ዋራ የዴድና። እት ሳፕ ሀራ ደርያ ቶይላካቲደ፡ ባረንቲ አቅያ ሳኦ ደጌድና።

7 ደሜዳ ኡባይ ኢንቲንታ ሻንካቲዳ። ኢንቲንቲ ሞርከቱ፡ ፋን አይን ባይዝቢይኮ፤ ሀዋ መቱ ኡባይ ኢንቲንታ ጋኬዳዌ፡ ኢንቲንቲ መድና ጎዳ፡ ባረንቲ ሸምቱዋ ሳኦ፡ መድና ጎዳ ባረንቲ ማይዛ አዋቱዋ ሀድታ ናቁዳ ግሻሳ’ ያጌድና።

8 “ህንተና፡ እስራኤልያ አሳቶ፡ ሀእ ስም ባብሎን አሳ ግደፕ ከሲደ ባቃትተ! ባብሎናቱዋ ቢታፕ ቢተ! ያቲደ ወድያ ካለላያ ዴሻ ኦርግያ ማላ ግድተ።

9 አያወ ጎፕ፡ ታን ሁጲሳ ባጋ ቢታፕ ዋልቃማ ዋልቃማ ካወተላቱዋ ጭታቱዋ ደንሳደ፡ ባብሎን ቦላ አሃደ ደአይ። ኢንቲንቲ አ ኦሊደካ ኦይቃና፤ ኢንቲንቲ ዋንዳፊ ዴኪደ የዴዳ ሂላንቻ ኦላንቻ ማላ።

10 ባብሎን ቢታይ ቦንቀታና፤ አ ቦንቁያ ኡባይ ካላና። ታን መድና ጎዳይ ሀዋ ኦዳይ።

ባብሎን ኩንደላ

11 “ህንተና፡ ባብሎን አሳቶ፡ ታ አሳ ቦንቁያዋንቶ፡ ህንተ ናሸቲደ፡ ፖጩ ጌድታ። ቆሩዋ ካሌዳ ኡሳቲዳን፡ ህንተ ጲጽሌድታ፤ ዋታራ ፓራዳን ጫጌድታ።

12 ሸን ሀእ ህንተ ዋና ካታማይ ዬላታና ካወሻና። ቃይ ካወተላቱዋ ግደንካ ባብሎን ኡባፕ ወርሰላ ግዳናዋ፤ ሃላ ባይና መላ ቢታ ግዳናዋ።

13 መድና ጎዳ ሀንቁዋ ጋሱዋን፡ ባብሎን አሳይ ደኤናሳ ግዳናዋ፤ አ ኡባና ኮለተና። አ ላንቁያና አድያ ኡባይ አ ቦላን ጋኬዳ ቦሻ በኢደ፡ ዳጋማናን፡ ‘ፖራ!’ ጋና።

14 “ህንተና፡ ዋንዳፍያ ዴክያዋንቶ፡ ባብሎን ኦላናወ አ ዩሹዋን ሳልፕተ፤ አ መድና ጎዳ ቦላን ናጋራ ኦፊዳ ድራው፡ ህንተ ፖላቱዋን ኡባን አ ዴክተ።

15 ኡባ ባጋናካ ባብሎን ቦላን ኦላ ዋሱዋ ዋሰተ! ባብሎን ኩሸያ እሜዳ፤ አ አዲሳ ግምቦቱ ኩንዴድና፤ አ ግምቢያ ድርሳይካ ኮለቲዳ። መድና ጎዳይ አ ቦላን ሀሉዋ ከሲደ ደአያ ድራው፡ ህንተካ አ ቦላን ሀሉዋ ከሰተ! አ ሀራቱ ቦላን ኦፊዳዋ ህንተካ አ ቦላን ኦላተ!

16 ዘረላ ዘርያዋን ጫካ ዋደ ሸሻናወ ከሰያዋ ኡባ ባብሎንፕ ቆይሰተ። ኡንኤላያዋንቲ ማሻወ ያዬዳ ድራው፡ ሄ ቢታን ደአያ አሳይ ኡባይ ባረ ያራኮ ያራኮ ሰሚደ፡ ባረ ቢታ ቢታ ባቃታና።

እስራኤልያ አሳይ ሰማና

17 “እስራኤሊ ጋሙ የደርሲደ ላሌዳ ደርሳ ማላ። ኮይሮ አሶረ ካቲ አ እሹዋ ሜዳ፤ ወርሰላን ቃይ ባብሎን ካቲ ናቡካዳናጾር አ መቀላ ቆጌዳ።

18 ሄዋ ድራው፡ ኡባፕ ዋልቃማ መድና ጎዳይ፡ እስራኤልያ ጸሳይ፡ ታን ሀዋ ኦዳይ፡ አሶረ ካትያ ታን ሙረዳዋዳን፡ ባብሎን ካትያካ አ ቢታካ ሙራና።

19 ሸን እስራኤልያ እ ሄመትያ ሳኦ ዛራና፤ ቃርመሎሳን ባሳን ደረቲቱዋን እ ሄመታና። ቃይ ኢንቲንቲ ኤፍራማ ገዝያንን ጋላኦደ ገዝያን ካሊደ ማና።

20 ሄ ዋድያንን ሄ ጋላሳቱዋን አሳይ እስራኤልያን ባይዙዋ ኮያና፤ ሸን ባይዙ ቆያና፤ ይሁዳን ናጋራ ኮያና፤ ሸን ቤተና። አያወ ጎፕ፡ ሀይቁዋፕ ታን አሼዳ እስራኤልያ አሳ አቴዳዋንቲ ናጋራ ታን አቶ ያጋና። ታን መድና ጎዳይ ሀዋ ኦዳይ” ያጌ።

ባብሎን ፕርዳ

21 ቃይካ መድና ጎዳይ ሀዋዳን ያጌ፤ “ምራታይማ ቢታን ፕቆዳ ቢታን ደአያ አሳ ቦላን ደንድተ፤ ኢንቲንታ ኦልተ፡ ዋድተን ኢንቲንታ ሙላ ቆይሰተ። ታን ህንተና አዛዜዳዋዳን ኡባባ ኦልተ።

22 ሄ ቢታን ኦላ ዋሱ ሰሰቲ፤ ዋልቃማ ባሻይካ ጋኬዳ።

23 ቢታ ሳኦ ኡባ ሊቅሰያ ድጅኑ አይ መኡዋ መኤዴ! አይባ ሊቁዋ ሊቁዴ! ካወተላቱዋ ኡባ ግደን ባብሎን አይባ ዳጋንሳያባ ግዴዴ!

24 ኔኖ፡ ባብሎን፡ ታን ኔና ኦይቃናው ጸርያ ዋላድ፤ ኔን ኤረናን ደኣደ ገላደ ኦይቃታዳ። ኔን ታናና፡ መድና ጎዳና ጋዳቲዳ ድራው ኦይቃታዳ።

25 ታን መድና ጎዳይ ታ ኦላ ሚሻ ዋላያ ጎልያ ደያድ፤ ታ ሀንቁዋ ኦላ ሚሻ አፕ ከሳድ። አያው ጎፕ፡ ታን ጎዳይ፡ ኡባፕ ዋልቃማ መድና ጎዳይ ባብሎን ቢታን ኦላያ ኦሱ ደኤ።

26 ያና ሃና አ ቦላ ደድተ! ካላይ ደኣያ አ ጎታራቱዋ ፖግተ፤ አዋዲዋካ ካላዳን እት ዲራን ፑፕተ! አያን አሸናን ወርሰ ጳይሰተ!

27 ቦራቱዋ ሹክያዋዳን፡ ኡንቱንቱ ኦላንቻቱዋ ሲፍተ! ባብሎን አሳው አየ አና! አያው ጎፕ፡ ኡንቱንቱ ጋላሳይ፡ ኡንቱንቱ ሙረትያ ዋዲ ጋኬዳ።

28 “አዎደቲዳ አሳቱ ባብሎን፤ ከሰ አኪደ፡ የሩሳላመ ባቃታና። ባብሎን ቢታ አሳይ ጌሻ ጎልያ ቦላን ኦሌዳባው መድና ጎዳይ ኡንቱንቱ ጸሳይ ሀሉዋ ከሰያዋ ኡንቱንቱ ጽዮንን ሃሳያና።

29 “ባብሎን ኦላናው ዋንዳፍያ ዲክያዋንታ ኡባ ጸግተ፤ እቲ ከሰ አከናዳን፡ ኡንቱንቱ አ የሹዋን ደድኖ። መድና ጎዳ ቦላ፡ እሰራኤልያ ጌሻ ቦላ፡ አ ኦቶረቲዳ ድራው፡ አው አ ኦሱዋዳን ዛርተ። አ ሀራቱ ቦላን ኦሌዳዋዳን፡ አ ቦላንካ ኦሳተ።

30 ሄዋ ድራው፡ አ ያላጋ አቱማ አሳቱ ካታማ ግደ ኦግያን ሀይቃና፤ ሄ ጋላሰ አ ኦላንቻቱ ኡባይ ጳያና። ታን መድና ጎዳይ ሀዋ ኦዳይ” ያጌ።

31 ጎዳይ፡ ኡባፕ ዋልቃማ መድና ጎዳይ ሀዋዳን ያጌ፤ “ኔኖ፡ ኦቶራንቻው፡ ታን ነ ቦላ ደንዳድ። አያው ጎፕ፡ ነ ጋላሳይ፡ ኔን ሙረትያ ዋዲ ጋኬዳ።

32 ኦቶራንቻይ ጳብቲደ ኩንዳና፤ አ ፑደ ደንሰያዋካ ደኤና። ታን አ ካታማቱዋ ግደን ታማ ኤላና፤ ሄ ታማይ የሹዋን ደኣያ ኡባ ሞ ድጋና” ያጌ።

33 ኡባፕ ዋልቃማ መድና ጎዳይ ሀዋዳን ያጌ፤ “እሰራኤልያ አሳይነ ይሁዳ አሳይ እትፕ ናቀቲዳ። ኡንቱንታ ኦዎዲደ አፌዳዋንቱ ኡንቱንታ ዋልቃፕ ሞንሰ ኦይቄድኖ፤ የደናን ድጌድኖ።

34 ሸን ኡንቱንታ ዋዝያዌ ሞና፤ አ ሱንላይካ ኡባፕ ዋልቃማ ጸሳ። አ ኡንቱንቱ ቢታው ሸምቱዋ እማናው፡ ኡንቱንቱ ድራው ሞተቱ። ሸን ባብሎን ቢታን ደኣያዋንቱ ሻቢርሳ እማና።

35 “ባብሎን አሳይነ ባብሎን ቢታን ደኣያዋንቱ ማሻን ሀይቄኖ!

“አ ካፓቲ አ አዴዳ ኤራንቻቱ ማሻን ሀይቄኖ! ታን መድና ጎዳይ ሀዋ ኦዳይ።

36 “አ ዋርዱዋ ትምቢትያ ኦድያዋንቱ፡ ኤያቱ ማሻን ሀይቄኖ!

“አ ዋልቃማ ኦላንቻቱ፡ ዳጋሜዳዋንቱ ማሻን ሀይቄኖ!

37 “አ ፓራቱዋ ቦላን አ ፓራቱዋ ጋረቱዋ ቦላ፡ ቃይ ማጫ አሳ ማላ ግዴዳ አ አላጋ ኦላንቻቱዋ ቦላ ማሻይ ዮ!

“አ ዱረታ ሞንጅያ ጎልያ ቦላ ማሻይ ዮ! ያቶፕ አ ዱረታይ ኡባይ ቦንቀታና።

38 “አ ቦላ ኮሻይ ዮ! ያቶፕ አ ሃላይ መላና። አያው ጎፕ፡ ባብሎን ቢታይ ኤቃ ሞሰለቱ ኩሜዳ ቢታ፤ ሄ ሞሰለቱ አሳ ዳጋንሴኖን ኤያይኖ።

39 “ሄዋ ድራው፡ ባብሎን ባዞ ደኣቲነ ዋራካናቱ ደኣያ ሳኣ ግዳናዋ፤ ቃይ ሶንነቱካ አን ደኣና። አን መድናውካ አሳይ ደኤና፤ የለታ ኡባንካ አሳይ አን ኡተና።

40 ጸሳይ በን ሶዶማን ጋሞራ ኡንቱንቱ የሹዋን ደኣያ ካታማቱዋና እትፕ ጳይሴዳዋዳን፡ ባብሎንን ኦንነ ደኤና፤ አሳይ ኡባካ ያን ኡተና። ታን መድና ጎዳይ ሀዋ ኦዳይ።

41 “በእተ፡ አሳይ ሁጲሳ ሳጋ ቢታፕ ዬ፤ ሞኖ ካውተላቲነ ዳር ካተቱ ሳኣ ጋጸፕ ያናው ደንዲኖ።

42 ኡንቱንቱ ባረንቱ ዋንዳፍያን ቶራ ኦይቄድኖ፤ ኡንቱንቱ መቀላ አታነ የድ ማረና አሳ። ኡንቱንቱ ባረንቱ ፓራ ቶጌደ ብያ ዋደ፡ ቤታይ ሸጭያ አባ ጉንላዳን ሀኔ። ኔኖ፡ ባብሎን፡ ኡንቱንቱ ኡባይካ ኦላው ጌጌዳ አሳ ግዲደ፡ ነ ቦላን ሳልፔድኖ።

43 “ባብሎን ካቲ ኡንቱንቱ ኦዲዋ ሰሴዳ፤ አ ኩሺ ዳቡሪደ፡ ሀልሰ ጌዳ፤ ኦይላይ ኦይቄዳ ሞሽራቲዳን፡ ኡንኤ አ ኦይቄዳ።

44 “ዮርዳኖሳ ሻፋ ላንቄያን ደኣያ ዋራፕ ሎኦ ቆሩ ደኣያሳ ቆፕናን ከሰያ ጋሙዋዳን፡ ታን ያደ፡ ባብሎን አሳ ኡንቱንቱ ቢታፕ የደርሳና። ሄዋፕ ጉይያን፡ ታ ደራዳ አሳ አ ቦላን ሱንላና። አያው ጎፕ፡ ታ ማል ባዋ፤ ታን ኦላና ጌዳዋካ ተአናው ዳንዳይያ አሳይ ባዋ። አይ ሄንላንቻይ ታናና ኤቀታናው ዳንዳይ?

45 ሄዋ ድራው፡ ታን መድና ጎዳይ ባብሎን አሳ ቦላን ባብሎን ቢታ ቦላን ሀልቼዳዋን ቆፔዳዋ ሰሰተ! ኡንቱንቱ ናናቱዋ ዋልቃን ጎቼደ አፋና፤ ሄዋ ጋሱዋን ኡንቱንቱ ሶ አሳይ ኡባይ ዳጋማና።

46 ባብሎን ኩንደላ ገረሳይ ቢታ ቃላና፤ ባብሎናቱዋ ዋሱካ ካውተላቱዋ ኡባን ሰሰታና” ያጌ።

51

ባብሎን ቦላን ጉጃ ፕርዳ

1 መድና ጎዳይ ሀዋዳን ያጌ፤ “ባብሎን አሳነ ባብሎን ቢታ ጳይሰያ ጫርኩዋ ታን ኪታና።

2 ታን ባብሎን ቦላ አላጋቱዋ፡ ጫርኩዋዳን ፑንያዋንታ ኪታና፤ አ ቢታ አይነ ባይናዋ ኦላና። አ ባላ ጋላሰ ኡንቱንቱ ኡባ ሳና አ ደዳና።

3 አ ኦላንቻቱ ዋንዳፍያ ዲካናው ዋይ ባረንቱ ኦላ ሚሻ ዳንጫናው ናጎፕተ። አ ያላጋቱዋ አሸፕተ፤ አ ኦላንቻቱዋ ሙልያ ጳይሰተ።

4 ኡንቱንቱ ባብሎን ቢታን ሲፈት ወራና፤ ኡንቱንቱ ካታማቱዋ ኦገቱዋንካ ጫደት ኩንዳና።

5 እሰራኤልያ ቢታይነ ይሁዳ ቢታይ እሰራኤልያ ጌሻ፡ ታና፡ ናቄዳ ናጋራን ኩሜዳዋ ግድፕነ፡ እሰራኤልያ ግድና፡ ይሁዳ ግድና፡ ላኡዋካ ታን ኡንቱንቱ ጸሳይ፡ ኡባፕ ዋልቃማ መድና ጎዳይ አምኦቲዳን የጋበይከ።

6 “ባብሎን፤ ባቃትተ! አሳይ ኡባይ ባረ ሸምቱዋ ሸምቱዋ አሸ! አ ኦሌዳ ናጋራ ጋሱዋን ሀንተ ዋዲፕተ! ሀዌ ዋዲ ታን መድና ጎዳይ ታ ሀሉዋ ከሰያ ዋደ።

7 ባብሎን ሳኦን ደእያ አሳይ ኡባይ ኡቪደ ማሉትያ ወይንያ ኡሳይ ትገትያ፡ መድና ጎዳ ኩቪያን ደእያ ወርቃ ዋንጫ ማላ፡ ካወተላቱ ኡባቱ ሄ ወይንያ ኡሳ ኡቪደ ጎዴድኖ፡፡

8 ባብሎን ቆጥናን ኩንዲደ መኤዳ፡ ሄዋ ድራወ፡ አወ ዬክተ! አ ማዲላወ ቆልያ እምተ፡፡ ኦን ኤሪ፡ አ ፓጸንንቶን፡፡

9 ባብሎንን ደእያ አላጋ አሳቱ፡ ናኑን ባብሎን ፓላናወ ኮዬዳ፤ ሸን ፓጸናወ ዳንዳይቤና፡፡ አነ አ አግ ባሺደ፡ ኑ ቢታ ቢታ ሰሜቶ፡፡ አያወ ጎጥ፡ አ ፕርዳይ ሃኪደ፡ ሳሉዋ ጋኬዳ፤ ቦላ ሻርያ ጋካናወ ቸደ ቆቆዳ ያጌድኖ” ያጌ፡፡

10 እስራኤልያ አሳይ፡ “መድና ጎዳይ ኑና ሻትንጤዳ! አነ ጽዮን ቢደ፡ መድና ጎዳይ ኑና ጸሳይ ኦሌዳዋ አሳወ ኦዶይተ!” ያጋና፡፡

11 መድና ጎዳይ ባብሎን ቆይሳናወ ቆፋ ቃቹዳ ድራወ፡ ሜደናቱዋ ካተቱዋ አላወ ደንጤዳ፤ መድና ጎዳይ ባረ ጌሻ ጎልያ ሀሉዋ ሀዋዳን ኦሊደ ጭገታና፡፡ ሜደናቱዋ ጋዳዋቱ ሀዋዳን ያጌድኖ፤ “ዋንዳፍያ ሌፍተ፤ ጎንዳላቱዋ ኦይቁተ!

12 ባብሎን ቦላ ኦላ ባንድራ ደንጸተ፤ ናግያዋንታካ ምንጸተ! ዋቶያዋንታካ ኡንቱንቱ ሳኦን ሳኦን ዋሐተ፤ ዙጊደ ናግያ ኦላንታቱዋካ ገግሰተ!” ያጌድኖ፡፡ አያወ ጎጥ፡ መድና ጎዳይ ባብሎንን ደእያ አሳ ቦላ ሃሳዬዳዋን ቆፕዳዋ አላና፡፡

13 ባብሎን፡ ኔን ዳር ሻፋቱን ዳር ማጺ ኩሜዳ ቢታ፤ ሸን ነ ወርሰላይ ጋኬዳ፤ ኔን በሰና ኦግያን ደምያ ጎእይካ ዱጾዳ፡፡

14 ኡባጥ ዋልቃማ መድና ጎዳይ፡ “ቦሊ ቢታ ኩምያዋዳን፡ ታን አሳቱዋ ነ ቢታን ኩንጎላና፤ ኡንቱንቱካ ኔና ጸኔዳ ናሸቻ ባረንቱ ቃላ ቆቆ ኦሊደ፡ ነ ቦላን ጋይራና” ያጊደ ባረ ሱንጎን ጫቄዳ፡፡

ጋላታ የላ

15 ጸሳይ ባረ ዋልቃን ሳኦ መዴዳ፤ ባረ አዴዳ ኤራተላን ቢታ ባሴዳ፤ ሳሎቱዋካ ባረ አኬካን ምጮዳ፡፡

16 አ ሃሳይያ ወደ፡ ሳሉዋን ደእያ ሃላቱ ጉሚኖ፡፡ ሻራቱዋ አ ሳኦ ጋጸጥ አይ፡፡ ቃይ አራይ ቡክያ ወደካ፡ ዋልቃንሳ ዋልቃምሴ፡፡ ባረ ምንጅያ ሳኦጥካ ጫርኩዋ ከሴ፡፡

17 አሳይ ኡባይ አኬካይን ኤራይ ባይናዋ፡፡ ቃይ ዋርቃ ትጊደ፡ ኤቃ ምሰለቱዋ መድያዋንቱ ኡባቱ ዬላቱድኖ፡፡ አያወ ጎጥ፡ ኡንቱንቱ ምሰለቱ ዋርዶን ሸምፑ ባይናዋንታ፡፡

18 ሄ ምሰለቱ ፓርናዋንታን፡ ካጠቱዳዋንታ፡፡ ኡንቱንቱ ቦላን ፕርዳይ ይያ ወደ፡ ኡንቱንቱ ቆያና፡፡

19 ሸን ያቆባ ጸሳይ፡ ሄዋ ማላ ግደና፡፡ አያወ ጎጥ፡ አ ኡባባ መዴዳዋ፡፡

እስራኤልያ አሳይ አ ባረወ ደራዳ ዛረ፡፡ አ ሱንጎላይካ ኡባጥ ዋልቃማ መድና ጎዳ፡፡

ጸሳ ድጅኑዋ

20 ጸሳይ ሀዋዳን ያጌ፤ “ባብሎን፡ ኔን ታ ድጅኑዋን ታ ኦላ ሚሻ፡፡ ኔናን ጎኤታደ ታን ቢታቱዋ መንገራዳ፤ ካወተላቱዋካ ቆይሳድ፡፡

21 ኔናን ጎኤታደ ፓራቱዋን ፓራ ቶግያዋንታ፡፡ ፓራ ጋረቱዋን ኡንቱንታ ላግያዋንታ መንገራዳ፡፡

22 ኔናን ማጫዋን አቱማዋ፡ ጭማን ናናቱዋ፡ ዋዳላቱዋን ጌላዮቱዋ መንገራዳ፡፡

23 ኔናን ሄንጎንታን አ ወድያ፡ ጎሽያዋን አ ዋላ ቦራቱዋ፡ ደርያ ሞድያዋንታን ካፖቱዋ መንገራዳ፡፡” ያጌ፡፡

ባብሎን ፕርዳ

24 መድና ጎዳይ ሀዋዳን ያጌ፤ “ባብሎን አሳይን ባብሎንን ደእያዋንቱ ጽዮን ቦላ ኦሌዳ ኤታ ሀሉዋ ታን ሀንተ ጸልሸን ከሳና፡፡

25 “ኔኖ፡ ባብሎን፡ ኔን ቢታ ሳኦ ባይዘያ ዋጋ ደርያ ማላ፤ ሸን ታን መድና ጎዳይ ኔና ሞርካይ፡፡ ታንታ ኩቪያ የዳደ፡ ኔና ደርያ ቦላጥ ዲገ ጎንደርሳና፤ ሄዋጥ ጉይያን፡ ኔን ጸገቱዳ ደርያ ግዳደ አታና፡፡

26 ላኤንሳ ኔጥ ባሱዋን የግያ ወይ ግምቢያወ አክያ ሹቻይ ደኤና፤ ኔን መድናወካ አይን ባይናዋ ግዳናዋ፡፡ ታን መድና ጎዳይ ሀዋ ኦዳይ፡፡

27 “ባብሎን ቦላ ኦላ ባንድራ ደንጸተ፤ አሳ ኡባ ግደን ማላካታ ፑንተ፡፡ አ ኦላናወ አሳ ኡባ ገግሰተ፤ አራራተ፡ ሚናን አሸካናዛ ካወተላቱዋ ጸሰተ፡፡ ኦላ ጋዳዋካ ሱንጸተ፤ ቦልያ ኬሻ ዳር ፓራቱዋካ አሀተ፡፡

28 ባብሎን ኦላናወ ካወተላቱዋ ኡባ ገግሰተ፤ ሜደና ካተቱዋ፡ ኡንቱንቱ ካፖቱዋ፡ ደርያ ሞድያዋንታን ኡንቱንቱ ሞድያ ቢታ አሳ ኡባ ደንጸተ፡፡

29 “ባብሎን ኦንን ደኤና ባዞ ኦላናወ መድና ጎዳይ ሀልቹዳ ሀልቹዋ ፖልያ ድራወ፡ ቢታይ ኡባይ ኮኮረን ፖርቃካቱ፡፡

30 ባብሎን ኦላንታቱ ኦላ ኦለትያዋ አጌድኖ፤ ባረንቱ ጌሱዋን ኡት ባሸድኖ፡፡ ኡንቱንቱ ዋልቃይ እጽና፤ ኡንቱንቱ ማጫ አሳ ማላ ግዴድኖ፡፡ ኡንቱንቱ ጎላቱካ ጸገቱድኖ፤ ኡንቱንቱ ካታማ ዩሹዋ ግምቢያ ፕንገቱዋ ኩልቡካ መኤድኖ፡፡

31 ሀ ጋጸጥ ሀን ጋጸ ጋካናወ፡ ካታማይ ሞርክያን ኦይቀቱዳዋ ባብሎን ካትያወ ኦዳናወ፡ ዋጽያዊ ዋጽያዋ ካሊደ፡ ኪተቱዳዊካ ኪተቱዳዋ ካሊደ ቢኖ፡፡

32 ቃይ ሻፋና ፕንያ ሳኦቱ ኦይቀቱዳዋ፡ ሻፋ ዩሹዋን ደእያ ዋራይ ጸገቱዳዋን ኦላንታቱ ዳጋሜዳዋ ኡንቱንቱ ካትያወ ኦዳናወ ቢኖ” ያጌ፡፡

33 ኡባጥ ዋልቃማ መድና ጎዳይ፡ እስራኤልያ ጸሳይ ሀዋዳን ያጌ፤ “ባብሎን ቢታይ ካላ ቆጵያ ኡዲማ ማላ፤ ጉላ ዋድያጥ ጉይያን፡ አ ጫከትያ ዋዲ ያና” ያጌ፡፡

ጸሳይ እስራኤልያ አሳ ማዳና

34 ባብሎን ካቲ ናቡካዳናጾር ኑና ወርሲደ ሜዳ፤ ኑ ካታማካ መላ ደእያ ኦቲዎ ማላ ከሴዳ። ዳዊ ምትያዎዳን፣ ኦ ምቲዳ፤ ማልኦ ማላ ከኑሴዳዎዳን፣ ኦ ኑ ኦቲዎን ባረ ጋንጅያ ከኑሴዳ፤ ያቲደ ኦቲዳዎ ሙጨደ ጨቼዳ።

35 ሄዎ ድራወ፣ ጽዮን አሳይ፣ “ባብሎን ኑ ቦላን ኑ አሳ ቦላ ኦሴዳ ኢታባይ ኡባይ አ ቦላ ሰዎ።” የሩሳላመ አሳይ፣ “ኑ ሱላ ኦጩ ባብሎንን ደእያ አሳ አቸ” ያጌ።

36 ሄዎ ድራወ፣ መድና ጎዳይ የሩሳላመ አሳወ ሀዋዳን ያጌ፤ “ኣ ድራወ ታን ሞተታና፤ ነ ሀሉዋካ ታን ከሳና። ታን ባብሎን ሃላ መልሳና፤ አ ፑልቶቲዋካ ቶይሳና።

37 ባብሎን ሹቻ ከላነ ዎራካናቱ ደእያ ጌሶ ግዳናዎ። ቃይ አ በኤዳ ኡባይ ዳጋማና፣ ‘ፖራ!’ ጋና። እን እት አሳይነ ላኤንሶ ደኤና።

38 ባብሎን አሳይ ኡባይ ጋሙዋዳን ጉዳና፤ ቃይ ጋሙዋ ማራዳን ዳራና።

39 ኡንቲንቶ ቦላይ ሆእያ ዎደ፣ ታን ኡንቲንቶ ናሽቶያ ኡሻ ግብራ ገግሳና፤ ኡንቲንቲ ሄዋፕ ኡሺደ፣ ባረንታ ደጋና ጋካናወ፣ ታን ኡንቲንታ ማሳና። ኡንቲንቲ ላኤንሶ ደንደናዳን፣ መድናወ ገምእሻና። ታን መድና ጎዳይ ሀዋ ኦዳይ።

40 ሹካናወ አፍያ ደርሳቲዎዳን፣ ደርሳ ኦርገቲዎዳንን ዴሻ ኦርገቲዎዳን፣ ታን ኡንቲንታ ሹካወ አፋና።

ባብሎን ቦላ ጋካናባ

41 “አሳይ ኡባይ ሳቢያ ባብሎን ኦይቀቲዳ! ባብሎን ካወተላቲዎ ኡባ ግዳን አይባ ዳጋንሉያባ ግዴዳ!

42 ባብሎን ሞርከቲ አባ ቤታይ ደንድያዎዳን ደንዲደ፣ ካታማን ኤሌድና።

43 አ ካታማቲ ኮለቲደ፣ ዳጋንሉያባ ግዴድና፤ አራይ ቡከና ባዞ ቢታ፣ አይ አሳይነ ደኤና ቢታን አሳ ናአይ ግዳዋና አ□ና ቢታ ግዴድና።

44 ቤላ ግያ ባብሎን ጸሳ ታን ሙራና፤ አ ሞቲዳዋካ ታን አ ኡሉዋፕ ከሰሳና። ሄዋፕ ጉይያን፣ ካወተላቲ አኮ ዙልያዎ አጋና፤ ባብሎን ግምቢካ ኩንዳና።

45 “ታ አሳወ፣ አ ግደፕ ከሰተ! ህንተ ኡባይካ መድና ጎዳ ህንቁዎ ሱሉዋፕ ህንተ ሁጲያ ሁጲያ አሸተ!

46 ቢታን ኦደትያ ኦዱዎ ሰሰያ ዎደ፣ ሀርጎፕተነ ያዮፕተ! ሳይላን ሳይላን ኦዱ ኦዱዎ ካል ካሊደ ያና። ሄ ዎደ ካቲ ካትያ ቦላ ደንድያ ማካላ ኦዱ ቢታን ሰሰታና።

47 “ሄዎ ድራወ፣ ታን ባብሎን ኤቃ ምሰለቲዎ ሙርያ ጋላሳቲ ያና። ሄ ቢታይ ኡባይካ ዬላታና፤ ሲፈቲዳዎንቲ ኡባይ ካታማ ግዳን ኩንዳና።

48 ሁጲሳ ባጋፕ ይያ ባይዘያዎንቲ ኩሽያን ባብሎን ኦይቀትያ ድራወ፣ ሳሉነ ሳአይ ቃይ ኡንቲንቲ ግዳን ደእያ ኡባባይ አልላና። ታን መድና ጎዳይ ሀዋ ኦዳይ።

49 ባብሎን እሰራኤልያ አሳነ ሀራ ቢታን ደእያ አሳ ኡባ ዎዴዳዎዳን፣ ባብሎን አሳይካ ሀይቃናወ ኮሽ።

ባብሎንን ደእያ እሰራኤላቶ ኦደቲዳ ትምቢትያ

50 “ታ አሳወ፣ ህንተ ኦላፕ ከሰ አኬድታ። ሄዎ ድራወ፣ ቢተ! ሀዋን ኤቆፕተ! ህንተ ደእያ ሃኮ ቢታንካ ታና መድና ጎዳ ሀሳይተ፤ የሩሳላመካ ቆፕተ።

51 ህንተ፣ ኦኑን ቦረቲዳ ድራወ ካወሽደ፤ አላጋቲ መድና ጎዳ ጎልያን ጌሻ ሳአቲዎ ገሌዳ ድራወ፣ ኑን ዬላ ማዬዶ ያጌድታ።

52 “ሸን ታን መድና ጎዳይ ባብሎን ኤቃቲዎ ሙርያ ዎዱ ያና። ደሽቲዳዎንቲ ቢታ ኡባን ኦላና።

53 ባብሎን ሳሉዎ ፑደ ከሰደ፣ ያን ጌሱዎ መቆናወ ዳንዳይንቶ፣ ያ ጋካናወ ከሰደ፣ አ ያን ባይዘያ አሳ ታን ኪታና። ታን መድና ጎዳይ ሀዋ ኦዳይ።

ባብሎን ጳያና

54 “ባብሎንፕ አሳ ዋሱዎ ኮሻይ፣ ባብሎን ቢታፕ ዎልቃማ ባየላ ኮሹንቻይ ሰሰታና!

55 እያወ ጎፕ፣ መድና ጎዳይ ባብሎን ባይዘና፤ አ ዎልቃማ ኮሻካ ጮኤ ኦላና። አባ ቤታዳን ጉምያ ሞርከቲ ዎራጂደ ጋርማማና።

56 ባይዘያዎንቲ ባብሎን ቦላ ያና፤ አ ኦላንቻቲ ኦይቀታና፤ ኡንቲንቲ ዎንዳፊካ መእና። ታን መድና ጎዳይ ሀሉዎ ከሰያ ጸሳ ግድያ ድራወ፣ ኡንቲንቲ ኦሱዎዳን ታን ኡንቲንቶ ዛራና።

57 ታን አ ካፖቲዎ፣ አ አዴዳ ኤራንቻቲዎ፣ አ ደርያ ሞድያዎንታ፣ አ ኦላ ጋዳዎቲዎን አ ኦላንቻቲዎ ማሳና፤ ኡንቲንቲ ላኤንሶ ደንደናዳን፣ መድናወ ገምእሻና። ታን ካቲ፣ ኡባፕ ዎልቃማ መድና ጎዳ ጌተትያዌ ሀዋ ኦዳይ” ያጌ።

58 ኡባፕ ዎልቃማ መድና ጎዳይ ሀዋዳን ያጌ፤ “ኦርድያን ግምቢቲዳ ባብሎን የሹዎ ግምቢ ሳእን ዋላከታና፤ አ አዲሳ ፕንገቲካ ታማን ጸገታና። አሳይ ኡሴዳዌ ኡባይ መላ፤ ካወተላቲካ ታማይ ማናባወ ጮ ዳቡሪና” ያጌ።

ኤርማሰ ባብሎን ኪታ የዴዳ

59 ማህሴያ ናአ ኔርያ ናአይ ሳራይ ካትያ ሰደቅያሳወ አላያ ካፑዎ። ሰደቅያሰ ይሁዳን ካተቲዳ ኦይደንሶ ላይላ፣ ሳራይ አናና ባብሎን ብያ ዎደ ኤርማሰ ሳራያ ቦላ ኪታ የዴዳ።

60 ባብሎን ቦላን ጋካናወ ደእያ ኢታባ ኡባን ባብሎን ጴልያ ሀራባ ኡባ ኤርማሰ እት ጸላ ማጻፋን ጸፊዳ።

61 ሳራያ ሀዋዳን ያጌዳ፤ “ኔን ባብሎን ቢታ ጋኬዳ ዎደ፣ ነ ቃላ ቶቁ ኦላደ፣ አሳወ ሀ ማጻፋ ናባባ።

62 ቃይ ሀዋዳን ያጋደ ዎሳ፤ ኦኤቲ መድና ጎዳወ፣ ኔን፣ “ታን ሀ ሳአ ባይዘና፤ ሀ ሳእን ፓጻ ቃጽያ መ□ት፣ አሳይካ፣ መሂካ ደኤና፤ ሀ ሳአይ መድናወ ባዞ ግዳናዎ” ያጋዳ፣ ያጋ።

63 ሀ ጸላ ማጻፋ ናባባደ ወርሴዳዋፕ ጉይያን፣ ሹቻ ሄ ማጻፋና ጋላ ቃቻደ፣ ኤፍራጲሳ ሻፋን ኦላ።

64 ጥን ጸሳይ አ ቦላን አህያ ኢታ ጋሱዋን፤ ባብሎንካ ሀዋዳን ላኤንሶ ደንደናዳን ሙከታና ያጋይ ያጋ” ያጌዳ። ኤርማስ ሃሳዬዳ ቃላይ ሀዋን ፖለቲዳ።

52

የሩሳላመ ኩንደላባዉ ከተቲዳ ጉጂ ኦዲዋ (52፤ 2 ካታ. 24:18—25:7፤ ኤር. 39:1-10)

1 ሰደቅያሰ ካተትያ ዋደ፣ ላይላይ አዉ ላታማን አታ፤ የሩሳላመን አ ታማን አት ላይላ ካተቲዳ። አ አት ሱንላይ ሀሙጸሎ፤ አ ሊብና ካታማን ደእያ ኤርማሳ ናቶ።

2 እዮአቁም ኤዲዋዳን፣ ሰደቅያሰካ መድና ጎዳ ሰንላን ኢታባ አሉዳ።

3 መድና ጎዳይ የሩሳላመ አሳ ቦላን ይሁዳ አሳ ቦላ ሀንቀቲዳ ድራዉ፣ ወርሰላን ኤንቲንታ ባረ ሰንላጥ ድጌዳ።

ሰደቅያሰ ባብሎን ካትያ ቦላ ማካሊደ ደንዴ።

4 ሰደቅያሰ ካተቲዳ ኡዲፕንላ ላይላ፣ ታማንላ አግናን፣ ታማንላ ጋላሰ ባብሎን ካቲ ናቡካዳናጸር ባረ ኦላንቻቲዋ ኡባ አክ ዪደ፣ የሩሳላመ ደዴዳ። ኤንቲንቲ አ ዩሹዋንካ ቢታ ኬላ ኬሌድኖ።

5 ሰደቅያሰ ካተቲዳ ታማን አተንላ ላይላ ጋካናዉ፣ የሩሳላመ ካታማይ ደደቲደ ጋምኤዳ።

6 ሄዋ ጋሱዋን ቢታን ኮሻይ ሱልና፣ ሄ ላይላ ኦይደንሶ አግናን፣ ኡዲፕንላ ጋላሳን፣ ሄ ቢታ አሳዉ ምያባይ ጳዬዳ።

7 ያን ደእሸን ካታማ ዩሹዋ ግምቢ እት ባጋና ኮለቲዳ። ባብሎን አሳይ ካታማ ዩይ አዲደ ናጎጥካ፣ ይሁዳ ካትያ ኦላንቻቲ ሙላ ኡባይ ቃማ ካትያ አታክልትያ ሳኦ አፍያ ኦግያ ኦይቆደ፣ ላኡ ድርሳ ግምባቲዋ እትጥ ጋላያ ፐንግያና ከሲደ ባቃቲድኖ። ኤንቲንቲ ዮርዳኖሳ ድልቡዋኮ ሰሚደ ቤድኖ።

8 ሸን ባብሎን ኦላንቻቲ ካትያ ሰደቅያሳ የደርሲደ፣ እያርኮ ደምባ ጋሊደ ኦይቆድኖ። አ ኦላንቻቲ ኡባይ አጥ ሻከቲደ ላለቲድኖ።

9 ሄዋጥ ጉይያን፣ ኤንቲንቲ አ ሀማታ ቢታን፣ ርብላ ካታማን ደእያ ባብሎን ካትያኮ አፊድኖ። ያን ናቡካዳናጸር ሰደቅያሳ ቦላ ፕርዴዳ።

10 ቃይ ሰደቅያሳ ናናቲዋ ሰደቅያሰ ጸልሸን፣ ባብሎን ካቲ ዋዴዳ። ይሁዳ ካፖቲዋ ኡባካ ኤንቲንቲ ያን ርብላ ካታማን ዋዴድኖ።

11 ሄዋጥ ጉይያን፣ ሰደቅያሳ አይፈቲዋ ዋጭ ከሲደ፣ ሳንሳላታን አ ቃቺደ፣ ባብሎን ቢታ አኪደ አፊድኖ። አ ሀይቃና ጋካናዉ፣ ያን ቃሾ ጎልያን አ ዋፊድኖ።

ጌሻ ጎሊ ኮለቲዳ (2 ካታ. 25:8-17)

12 ናቡካዳናጸር ባብሎን ካተቲዳ ታማን ኡዲፕንላ ላይላን፣ እቺሸንሶ አግናን፣ ታማንሶ ጋላሳን፣ ካትያ ኦላንቻቲዋጥ እቲ፣ ካትያ ናግያዋንቲ ካቲ ናቡካዳናን የሩሳላመ ገሌዳ።

13 መድና ጎዳ ጌሻ ጎልያ፣ ካትያ ጎልያን የሩሳላመን ደእያ ኬላቲዋ ኡባ ታማን ጸጌዳ፤ ዋልቃማ ጎልያ ግያ ጎልያ ኡባ ጸጌዳ።

14 ባብሎን ኦላንቻቲ ኡባይ ካትያ ናግያዋንቲ ካቲዋ አዛዙዋን፣ የሩሳላመ ካታማ ዩሹዋን ደእያ ድርሳ ግምቢዋ ኡባ ቆሌድኖ።

15 ናቡካዳናን አማሬዳ ህዬሳቲዋ፣ ካታማን አቲዳ አሳቲዋን ካዲደ ባብሎን ኦላንቻቲዋን ጋከቲዳ አሳቲዋ ኩሽያ ሂላ ኤርያ አሳቲዋናካ ጉጂደ፣ አዋዶ አፊዳ።

16 ሸን ናቡካዳናን ህዬሳቲዋጥ አማሬዳዋንታ ዋይንያ ቲራ ቶካናዳን ጋድያ ጎሻናዳን፣ ይሁዳን አሸዳ።

17 ባብሎን አሳቲ መድና ጎዳ ጌሻ ጎልያ ሰንላን ደእያ ናሃሰያጥ መዴዳ ቲሳቲዋ፣ ሚሻቲዋ ዋልያ ጋረቲዋን አኮ-ከርያ መንግጫድኖ፤ ናሰያ ኡባ ባብሎን አፊድኖ።

18 ሄዋዳንካ፣ ቃይ ከረቲዋ፣ አካፋቲዋ፣ ጸምጥያ ሻሉዋ ጼራ ፕትያባቲዋ፣ ኩይጸርቲዋ፣ እጻና ሳነቲዋን ያርሸያ ዋደ ጎኤትያ ናሃሰያ ሚሻቲዋ ኡባ አክ አፊድኖ።

19 ካትያ ናግያዋንቲ ካቲ ናቡካዳናን ቃይካ ዋርቃጥን ብራጥ ኦሰቲዳ ድሰተቲዋ፣ ታማ አክያ ሚሻቲዋ፣ ኩይጸርቲዋ፣ ከረቲዋ፣ ጸምጥያ ዋልያ ባላቲዋ፣ እጻና ሳነቲዋን ኡሻ ያርሾ ጎኤትያ ኦቶቲዋ አክ ቤዳ።

20 ካቲ ሶሎሞን መድና ጎዳ ጌሻ ጎልያን ኦሰትያባቶ መዴዳ ላኡ ቲሳቲ፣ አባ ጋጸቲ፣ አጥ ጋርሳና ደእያ ታማን ላኡ ኮሩማቲዋ ምሰለቲነ ሚሻቲዋ ዋልያ ጋረቲ መጠቲዳ ናሃሰያ ብራታቲ ሚዛናን ልካናዉ ዳንደየተናዋ ኬሻ ዳራ።

21 ላኡ ቲሳቲካ እት ማላ ግዲደ፣ እቲ እቲ ታማን ሆሰፑን ዋዳ አዲሳ። ኤንቲንቲ ጼሳ ዩሹ ታማን ላኡ ዋዳ። ኤንቲንቲ ግዲ ኮፋ ግዲደ፣ ብራታይ ኦይዲ ብራቲያ ኬሻ ኦርድ።

22 ላኡ ቲሳቲዋ ሁጲያንካ ናሃሰያጥ ኦሰቲዳ ጉምባቲ ደእኖ። እት ጉምባቲ ጌሳይ እቺሹ ዋዳ ግዲደ፣ ዩሹ ግትያ ምሰልያን ርማንያ ቲራ ምሰልያን አሌቀት ኡቲዳ። ላኤንሶ ጉምባቲካ አ ማላ።

23 ጉምባቶ ምይያን ምይያን ደእያ ርማንቲዋ ምሰለቲ ኡዲፕን ታማን ኡሱፑና፤ ዩሹዋን ደእያ ግትያ ማላትያ ምሰለቲዋጥ ቦላ ባጋና ደእያ ርማንያ ምሰለቲ ኡባና እት ጼታ።

ይሁዳ አሳይ አዋደቲደ ባብሎን ቤዳ (2 ካታ. 25:18-21፣ 27-30)

24 ካትያ ናግያዋንቲ ካቲ ናቡካዳናን ቄሰያ ኡባቲዋ ካቲዋ ሳራያ፣ አጥ ካልያ ቄሰያ ጸፋንያን ፐንግያ ናግያ ሀራ ሄዙ አሳቲዋ ኦይቆዳ።

25 ቃይ ሄ ዋደ ጋካናዉ፣ ካታማን ደእያ አሳጥ ኦላ ጋዳዋ፣ ካትያ ዞርያዋንቲ ላፑን አሳቲዋ አፊዳ። ኦላ ጋዳዋ ጸፍያ፣ ሄዋን ኦላንቻቲዋ አሳ ግደጥ ቆሪደ ከሰያዋን ሀራ ኡሱፑን ታሙ ዋልቃማ አሳቲዋ አፊዳ።

26 ካቲ ናቡካዳናን ኤንቲንታ ኡባ አኪደ፣ ባብሎን ካትያኮ፣ ርብላ ካታማ አፊዳ።

27 ያን ርብላ ካታማን፣ ሀማታ ቢታን ባብሎን ካቲ ኡንቱንታ ኡባ ዎጂዳ። ሄዋዳን ሀኒደ፣ ይሁዳ እሳይ ባረ ቢታፕ ደንዲደ፣ ኦሞዶ ቤዳ።

28 ናቡካዳናጾር ካተቴዳ ላቸንሳ ላይሳን ሄዙ ሻእነ ላታማን ሄዙ እሳ ይሁዳፕ ኦሞዶዳ።

29 ቃይ ታማን ሆሰቸንሳ ላይሳን ሆሰቸን ጾታን ሀታማን ላኡ እሳ የሩሳላመፕ ኦሞዶዳ።

30 ናቡካዳናጾር ካተቴዳ ላታማን ሄዘንሶ ላይሳን ካትያ ናግያዎንቱ ካቸ ናቡዛራዳን ላቸን ጾታን ኦይታማን እቼሹ እሳ ኦሞዶዳ። እሳ ፓይዱ ኡባና ኦይዱ ሻእነ ኡሱቸን ጾታ።

31 ኤዊል-ማሮዳክ ካተቴዳ ላይሳ ይሁዳ ካትያ ዮኣኪና ቦንቹደ፣ ቃሹዋፕ ብሌዳ። ሄዋ ሀኔዳዌ ዮኣኪን ኦሞዶት ቃሽቲደ ቤዳ ሀታማን ላቸንሳ ላይሳ፣ ታማን ላኤንሶ እግናን፣ ላታማን እቼሹንሶ ጋላሳና።

32 ኤዊል-ማሮዳክ ዮኣኪናና ማልኦ ቃላ ሃሳዪደ፣ ባብሎንን ኦሞዶዎን ደእያ ሀራ ካተቱዋ ኡባፕ አሏደ፣ አ ቦንቹዳ።

33 ሄዋ ድራዉ፣ ዮኣኪን ቃሹ ጎልያን ማዬዳ ማዶዋ ላሜዳ። እ አቴዳ ባረ ደኡዋ ላይሳ ኡባን ካትያ ማዳፕ ሜዳ።

34 ዮኣኪን ሀይቃና ጋካናዉ፣ ሀቕ ሀቕ አዉ ኮሽያባ ኡባ ባብሎን ካቲ እሜዳ።

ኤርማሳ ሴላ ኦድያ ማጻፋ ገሉዋ

ኤርማሳ ሴላ ኦድያ ማጻፋይ፡ ክርስቶስ የለታናፕ ካስ እቼሹ ጾታነ ሆሰቸን ታማነ ኡሱቸን ላይላን የሩሳላመ ላለቲዳ ጋሱዋን አሳይካ አዋደቲደ ቤዳ ጋሱዋን፡ ጸሳይ ጸሳተላ ሙሩዋ ፖላናው ባብሎናቱዋ ባረ ሾጭያ ጸምኔ ኦሲደ ጎኔቲዳ ጋሱዋን፡ ግንጾዋን ጊጌዳ እቼሹ ካዩዋ ዘላሳቱዋ ኦይቆዳዋ። ሀ ማጻፋው ዳርያ ባጋይ ዩኩዋባነ ካዩዋባ ኦድያዋ ግደፕ፡ ጸሳን አማኒትያዋነ ህይታን ደእያዋ ኦድያ ክፍለቲካ እን ደእኖ። ሀ ግንጾቱዋ እይሁዳ አሳቲ ክርስቶስ የለታናፕ ካስ እቼሹ ጾታነ ሆሰቸን ታማነ ኡሱቸን ላይላን፡ ሄ ቢታ ቦላ ጋኬዳ ባየላ ሀሳያናው፡ ላይላን ላይላን ጸምያነ ካዮትያ ዋጋቱዋ ፖልያ ጋላሳቱዋን ጎኔቲኖ።

ሸምፓቱዋ ኡባቶ እመቴዳ ቃንላ ቆፋቱዋ
የሩሳላመ መቱዋነ ካዩዋ 1:1-22
ጸሳይ የሩሳላመ ቦላ አሄዳ ሙሩዋ 2:1-22
ብሮ ህደታይ ደእያዋ ግዱሳ 3:1-66
የሩሳላመ ባሻ 4:1-22
ማርታ ደማናው ዋሳ 5:1-22

የሩሳላመ መቱዋነ ካዩዋ
(1:1-22)

1 ካስ አሳይ ኩሜዳ የሩሳላመ ካታማታ ሀእ ዋናደ መላ አታዴ! ካስ ካወተላቱዋ ግደን ዋልቃማ ግዴዳና ሀእ አሰናይ ሀይቄዳ ምሽራቲዳን፡ ዋናደ ባረካ አታዴ! ካታማቱዋ ኡባ ግደን ካታቶ ግዴዳና ሀእ ዋናደ አይለ ግዳዴ!

2 ቃማ ኡባን አርላይ እ ጋጩዋና ሆላሳካትሽን፡ ዩካደ አቃዱ። ካስ እዞ ደሰያዋንቱፕ ሀእ እዞ ምንጫያዎ እቲነ ባዋ። እ ላገቱ እዞ አላ እሚደ፡ እዉ ሞርከ ግዴድኖ።

3 ይሁዳታ ናቀታደነ አይለታደ አዋደታደ ባዴ። እዞ ሀእ ካወተላቱዋ ግደን ደእዉ፤ ሽን ሸምፕያ ሳኣ ደማበይኩ። እዞ የደርሴዳዋንቱ እዞ መቶታ ደእሸን ጋኪደ ደማድኖ።

4 ላይላ ግደን ቦንቾያ ባለቱዋ ይያዎ ባይና ድራው፡ ጽዮን ኦገቱ ካዮቲኖ። ካታማ ፕንገቱ መላ አቲድኖ፤ እ ቁሳቱ ካ ኦሊኖ። እ ዋደሮ ናናቱካ ቱጋቲድኖ፤ ቃይ እዞ ባረ ሁጺያዉካ ኢታ ቱጋ ቱጋታዲ።

5 እ ሞርከቱ እዉ ጎዳ ግዴድኖ፤ ኡንቱንቶ እንጅና ደኤድኖ። እያዉ ጎፕ፡ እ ናጋራ ዳሩዋ ጋሱዋን መጅና ጎዳይ እዞ ቱጋዬዳ፤ እ ጉላ ናናቱ ሞርከያን አዋደቲደ ቤድኖ።

6 ጽዮን ቦንቾ ኡባይ አፕ ቃረት ክቼዳ፤ እ ካፓቱካ ማታ ምያ ሳኣ ቆይዳ ጋራ ማላ ግዴድኖ። ኡንቱንቱ ዋልቃ ቆይዳ፡ ባረንታ የደርሰያዋንቱ ሰንሳፕ ባቃቲድኖ።

7 የሩሳላማ ሀእ ባረ ቱጋነ ባረ ኡንኣ ጋላሳቱዋን በን ባረ ቦንቾ ዱረታ ሀሳያዉ። እ አሳይ ኡባይ ሞርከቱዋ ኩሽያን አዲደ እመቴዳ

ዋደ፡ እዞ ማድያዎ እቲነ አትቤና። እ ሞርከቱ እዞ ጸሊደ፡ እ ባሻን ሚጩድኖ።

8 የሩሳላማ ዋልቃማ ናጋራ ኦላዲ፤ ሄዋ ድራው፡ እዞ ቱናባ ግዳው። ካስ እዞ ቦንቾዳ ኡባይ ሀእ እ ካሉዋ በኤዳ ድራው፡ እዞ ካዴ። አካ ኦላዉነ ጉየ ሰማው።

9 እ ቱናተላይ እ አፍላ ጸራ ባቂ ኦይቄዳ። ሰንሳፕ ባረ ቦላ ያናባ እዞ ቆፓበይኩ። ሄዋ ድራው፡ እዞ ኩንደላይ ዳጋንላያዋ። እዞ፡ “አቤት መጅና ጎዳው፡ ታ ቱጋ በእ! ታ ሞርከቱ ታና ጸኔድኖ” ጊናካ፡ እዞ ምንጫያዎ እቲነ ባዋ።

10 ሞርከቱ እዞ ቦንቾ ዱረታ ኡባ ቦላን ባረንቱ ኩሽያ የዴድኖ። ጋድያ ካወተላቱ፡ ካስ ኔን ጸሳ ማባራ ግደ ገልሰናን ድጌዳ አሳቲ፡ እ ጌሻ ጎልያ ገልሸን በኣዳ።

11 እዞ አሳቲ ኮሻቲደ፡ ቁማ ደማናው ኦሊኖ። ኡንቱንቱ ፓጻ ደእና ድራው ጊደ፡ ባረንቱ ቦንቾ ዱረታ ኡባ ቁማን ላሚኖ።

የሩሳላማ ሀዋዳን ያጋዉ፤ “አቤት መጅና ጎዳው፡ ጸላ፤ ታን ካጫቲዳዋ በእ!

12 ህንተኖ፡ ሀዋና አዲያዋንቶ፡ ሀዋ ህንተዉ ኡባዉ እያነ ግደኔ? መቱ ኡባይ መጅና ጎዳይ ባረ ኤጽያ ሀንቁዋ ጋላስ ታ ቦላ አሄዳ መቱዋ ማሌ?

13 ጸሳይ ቦላ ቆቃፕ ታማ ዲገ የዴዳ፤ ሄ ታማይ ታ መቀላ ግደ ገሌዳ። ታ ገድያ አይቃናው ጲርያ ዋሌዳ፤ ታና ጉየ ዛሬዳ። እ ታና ጋላሳ ኡባን ላባንላደ፡ የግ ባሼዳ።

14 ታን ኦሌዳ ናጋራ ኡባ ሺሽ ቃቺደ፡ ሞርገ ምላዳን ታ ሞርግያን ዋሌዳ። ያቲደ ታ ዋልቃ ዉርሴዳ። ታን ኤቀታናዉ ዳንዳየናዋንቶ ጎዳይ ታና አላ እሚዳ።

15 ጎዳይ ታ ግደን ዋልቃማ ኦላንቻቱዋ ኡባ እጾዳ። ታ ያላጋቱዋካ ቆይሳናዉ ዋድያ ኬሬዳ። ዋይንያ ቲራ ጉምእያ ሳኣን የድያዋዳን፡ ጎዳይ ይሁዳ አሳ የዴዳ።

16 ታን ዩክያዌነ ታ አይፊ አርላ ሆላሳይያዎ ሄዋሳ። ታና ምንጫናዉነ ታ ዋልቃ ምንሰያዎ እት አሳይነ ባዋ። ሞርከ ጎቤዳ፤ ታ ናናቱነ መላ አቲድኖ” ያጋዉ።

17 ጽዮና ባረ ኩሽያ ምጫዲ፤ ሸን እዞ ምንጫያዎ ባዋ። እ ዩሹዋን ደእያዋንቱ እዞ ሞርከናዳን፡ መጅና ጎዳይ ኦሌዳ። የሩሳላማ ኡንቱንቱ ግደን ቱናባ ግዳዲ።

18 እዞ ሀዋዳን ያጋዉ፤ “መጅና ጎዳይ ጽሉዋ፤ አ ቃላዉ አዛዘተናን ማካሌዳና ታና። ህንተኖ፡ አሳቶ ኡባይካ ሰሰተ! ታ መቱዋካ በእተ። ታ ዋዳላቲነ ታ ጌላዮቱ አዋደቲደ ቤድኖ።

19 ታን ታና ደሰያዋንታ ጸሳድ፤ ሸን ኡንቱንቱ ታና ጭማድኖ። ታ ቁሳቱ ነ ታ ጭማቱ ባረንቱ አካታ ምንሳናዉ ቁማ ኮዪደ፡ ካታማ ግደን ሀይቄድኖ።

20 አቤት መጅና ጎዳው፡ ታ ዋይያ በእ! ታ ጋርሳይ ሻቢረቲዳ። ታን ሎይላ ማካሌዳ ድራው፡ ታ ዋዛናይ መኤዳ። ካረን ማሻይ ዉርሴ፤ ሶንካ ሀይቆ ጸሳላይ ደኤ።

21 አሳይ ታን ዘላልያዋ ሰሴዳ፤ ሸን ታና ምንጫያ እት አሳይነ ባዋ። ታ ሞርከቱ ኡባይ ታን መቶትያዋ ሰሴድኖ፤ ኔን ኦሌዳባን

ናሽቱድኖ። ኢንቱንቱካ ታናዳን ሀናና ማላ። ኢንቱንቱ ቦላ ኔን አዋዬዳ ጋላሳ አያ!

22 ኢንቱንቱ ኢታተሳይ ኡባይ ነ ሰንላ ጋኮ፤ ታ ናጋራ ኡባ ድራው። ኔን ታና ሙሬዳዋዳን፤ ኢንቱንታካ ሙራ! አያው ጎጥ፤ ታ ዝላሳይ ዳሬዳ፤ ታ ዋዛናይካ ሙኤዳ” ያጋው።

2

ጸሳይ የሩሳላመ ቦላ አሄዳ ሙሩዋ (2:1-22)

1 ጎዳይ ባረ ሀንቁዋን ሻርያፕ ጋርሳና ጽዮኖ ዋት ዋሌዳ! እ እሰራኤልያ ፑላ ሳሉዋፕ ዲገ ሳኦ ኦሌዳ። እ ባረ ሀንቁዋ ጋላሳን ባረ ጌሻ ጎልያካ ቆፕቤና።

2 ጎዳይ ይሁዳን ደእያ ኬላቱዋ ኡባ ቃረተናን ጳይሴዳ። ቃይ ባረ ሀንቁዋን ሄ ቢታ ጌሱዋ ኡባ ኮሌዳ። ሄ ካውተላን እ ካፖቱዋ ሳኦን ዲገ ዋሌዳ ካውሸሴዳ።

3 ባረ ሱልያ ሀንቁዋን እሰራኤልያ ዋልቃ ኡባ መንግራሌዳ። ሞርኪ እ ኦላናው ይያ ዋድ። ጎዳይ ባረ ኡሸቻ ኩሸያ ኢንቱንቱ ቦላፕ ድጌዳ። ባረ ዩሹዋን ደእያዋ ኡባ ምያ ላጮትያ ታማዳን፤ ያቆባ ቦላ ኤጽ ከሴዳ።

4 ሞርክያዳን እ ባረ ዋንዳፍያ ኢንቱንቱ ቦላ ዳሬዳ። ኡቁንያዋንቱዋዳን እ ባረ ኡሸቻ ኩሸያ ምንሲዳ፤ ጾልና ሎእያ አሳ ኡባ ዋዴዳ። ጽዮን ጎለቱዋ ቦላ ባረ ሀንቁዋ ሱሉዋ ታማዳን ጉሴዳ።

5 ጎዳይ ሞርክያዳን ሀኒዳ፤ እሰራኤልያ ጳይሴዳ። እ ካትያ ጎለቱዋን ጌሶቱዋ ኡባ ኮሌዳ። ይሁዳ አሳ ቦላን ካዩዋን ዩኩዋ ጉጃዳ።

6 እ ባረ ጌሻ ጎልያ አታክልትያ ግዳን ደእያ ዳሰያዳን፤ ሾድ ኦሌዳ። ላይላ ግዳን ቦንቶያ ባላቱን ሳምባታቱ ሙላ ደገታናዳን፤ መድና ጎዳይ ኦሌዳ። ባረ ዋልቃማ ሀንቁዋን ካትያን ቄሰያ ካዴዳ።

7 ጎዳይ ባረው ያርሹዋ ያርሸያ ሳኦ እጾዳ፤ ባረ ጌሻ ጎልያካ ባሾዳ። ካትያ ጎለቱዋ ግምቢያ ሞርከቱዋ ኩሸያን አሊደ እሜዳ። አሳይ ላይላ ባላ ቦንቶደ ዋሰያዋዳን፤ ሞርከቱ መድና ጎዳ ጎልያን ዋሴድኖ።

8 መድና ጎዳይ ጽዮን ግምቢያ ኮላናው ቃቼዳ፤ እዘ ልክያ ዋድሩዋ ምጩዳ፤ እዘ ጳይሴናን ደኢድ፤ ባረ ኩሸያ ዛረና። ሄዋ ድራው፤ ግምቢን ጌሱ እትፕ ኩንዳናዳን ኦሌዳ።

9 የሩሳላመ ፕንግያ ሳንቃቱ ቢታን ዲገ ሞገቱድኖ፤ ኢንቱንቱ ኩልቦቱዋን እ መንግራሊደ ጳይሴዳ። እ ካቲን ካፓቱ አዋደቲደ፤ ካውተላቱዋ ግደ ቤድኖ። ሀግያ ታማርሰያዌካ ባዋ፤ እዘ ትምቢትያ ኦድያዋንቶካ መድና ጎዳፕ ሳጸይ ይያዋ አጌዳ።

10 ጽዮን ጭማቱ ጮኡ ጊደ፤ ቢታን ኡት አጌድኖ፤ ባረንቱ ሁጲያን ባና ቆሊደ፤ ማቃካ ማዬድኖ። የሩሳላመ ዋድሮቱ ሳኦው ዲገ ሆኬድኖ።

11 ታ አይፊ አፎጽ አፎጺደ ጀሌዳ፤ ታ ዋዛናይካ ካዩዋን ሻቢረቱዳ። አያው ጎጥ፤ ታ አሳይ ጳዬዳ፤ ጉላ ናናቱን ዩኦ ናናቱ ካታማ ኦግያን ላባኒደ ኩንዳድኖ።

12 ኢንቱንቱ ባረንቱ አየቱዋ። “ቁማ እማ! ዋይንያ ኤሳ እማ!” ያጊደ ዋሲኖ። ካታማ ኦግያን ደሸቲደ ላባንያ አሳቱዋዳን ኢንቱንቱ ላባንና፤ ኢንቱንቱ አየቱዋ ክወዋን ኢንቱንቱ ሸምቹ ከሴ።

13 ኔኖ፤ የሩሳላመ፤ ታን ነባ አይ ጋናው ዳንዳያይታ? ዋይ ቃይ ነ ቆሁዋ ታን አያና ልካናው ዳንዳያይታ? ኔኖ፤ ደሰቱዳ ጽዮኔ፤ ቃይ ታን ኔና ዋታ ምንግራሌዳ ዳንዳያይታ? ነ ማዲላይ አባ ኬሻ ጨማ። ያትና፤ ኔና ኦን ፓላናው ዳንዳዩ?

14 ነ ትምቢትያ ኦድያዋንቱ ነው ዋርደን ፓግና ሳፃ በኤድኖ፤ ኢንቱንቱ ኔን አዋደ ቤና ማላ፤ ነ ናጋራ ቆንጭሲደ ኦድቤይክኖ። ኢንቱንቱ ባለላያ ዋርደ ሳፃ ነው በኤድኖ።

15 ነ ማታና አድያ ኡባይ ባረ ብራድያ ነ ቦላን ዲኬ። ቃይ፤ “ቢታን ሳኦን ኡባፕ አዳኦ ሎእያ ካታማታ ሀኒ? ኩመንላ ቢታው ናሸቻ ጌተቱዳ ካታማታ ሀኒ?” ያጊደ ኔና ቅሊጩድኖ፤ ባረንቱ ሁጲያካ ቃሊኖ።

16 ነ ሞርከቱ ኡባይ ባረንቱ ደና ነ ቦላ ደዬድኖ፤ ቅሊጩደን ይሉዋን ባረንቱ አቻ ጋርጩደ፤ “ኔን እዘ ጳይሴደ! ኔን ናጌዳ ጋላሳይካ ሀዋ፤ ሀኦ ጋኪደ በኤዳ!” ያጊኖ።

17 መድና ጎዳይ ባረ ሀልቼዳዋ ኦሌዳ፤ በን ዋደ እ አዋዬዳ ባረ ቃላካ ፖሌዳ። የሩሳላመው ቃረተናን እዘ ኮሌዳ። እ ሞርከቱዋካ ናሸቼዳ፤ እዘ ኡቁንያዋንቱ ዋልቃካ ቶቁ ቶቁ ኦሌዳ።

18 ኔኖ፤ ጽዮኔ፤ ጎዳኮ ነ ድርሳ ግምቢ ዋሶ! ነ አፎላይካ ቃማን ጋላሰ ሻፋዳን ጎጎ! ኔን ኔና ሸምፕሶፕ፤ ነ አይፍያውካ ሸምቹዋ እሞፕ!

19 ደንዳ፤ ቃማ ደንዳደ ዋሳ። ጎዳ ሰንላን ነ ዋዛና ሃላዳን ጉሳ። ኦግያ ደናን ኡባን ኮሻቲደ፤ ላባኔዳ ነ ናናቱዋ ሸምፕ ነ ኩሸያ አኮ ፑደ ደንላደ ዋሳ!

20 እቤት መድና ጎዳው፤ በአ! ኔን ኦ ቦላ ካሰ ሀዋዳን አላድንቶ፤ አነ ቆፓ። አየቱ ባረንቱ ክወዋን እሻልሲደ ድቼዳ ባረንቱ ናናቱዋ ማኖ ጋይ? ቃይ ቆሳቱ ነ ናበቱ ጎዳ ጌሻ ጎልያ ግዳን ሀይቁኖ ጋይ?

21 ጭማይን ናናይ ካታማ ግደ ኦግያ ባናን ግሴዳ፤ ታ ዋድሮቱን ታ ዋዳላቱ ማሻን ወሬድኖ። ኔን ነ ሀንቁዋ ጋላሰ ኢንቱንታ ዋዳዳ፤ ኢንቱንቶ ቃረተናን ኢንቱንታ ሲፋዳ።

22 ግብራ ጋላሳው አሳ ጾሰያዋዳን፤ ኔን ታና ዳጋንላያዋንታ ኡባ ሳፕ ጾሳዳ። መድና ጎዳ ሀንቁዋ ጋላሳን ከሰ እክ ፓጻ አቱዳዌ እቱን ባዋ። ታን ታ ክወዋን እሻልሳደ ድቼዳ ናናቱዋ ኡባ ሞርኪ ዋድ ጳይሴዳ።

3

ብር ሀደታይ ደእያዋ ግዳሳ (3:1-66)

1 ጸሳ ሀንቁዋ ጋትማን መቱዋ በኤዳ አሳይ ታና።

2 እ ታና ላግ ከሲደ፤ ፖኡ ባይና ቋማው አፊዳ።

3 እ ዛር ዛሪደካ ጋላሳ ሙልያ ታና ሾጫናው ባረ ኩሸያ ታ ቦላን ደንሌዳ።

4 እ ታ ጋልባነ ታ አሹዋ ኤጭሴዳ፤ ታ መቀላካ መንጩዳ።
 5 እ ታና ድሬዳ፤ መቼዋንን ዳቡራን እ ታና ደዴዳ።
 6 በን አይደንቶ ሀይቁዳ አሳዳን፣ ታና ቆማ ግደን ዋሌዳ።
 7 ታን ከሰናዳን፣ ታ የሹዋ ድሬዳ፤ ዳጾ ሳንሳላታንካ ታና ቃቼዳ።
 8 ታን እ ጸሳድ፤ አኮ ዋሰናካ፣ እ ታ ዋሳ ስሰናን አጼዳ።
 9 ታ ኦግያን ማስቲዳ ሹቻ ዋሊደ ጎርዳዳ፤ ታ ኦግያካ ጌላዬዳ።
 10 እ ታወ ሙግያ ባባንላ ማላ፣ ዋይ ቆስቲደ ናግያ ጋሙዋ ማላ ግዴዳ።
 11 እ ታና ታ ኦግያፕ ከሰ አሊደ፣ ዱስረሌዳ። ያቲደ ታና አሳይ ባይና ሳን የግ ባሹዳ።
 12 ባረ ዋንዳፍያ ዳፊደ፣ ታና ዱካናወ ማሌዳ።
 13 እ ባረ ዋንዳፍያ ዳፊደ፣ ታ ዋዛና አይፍያ ጫዴዳ።
 14 ታን አሳ ኡባወ ሚቻነ ጋላሳ ኩመንላ ቦሪደ የጽያዋ ግዳድ።
 15 እ ታና ጫሙዋን ኩንጫዳ፤ ቃይ ጎዳረ ኡላዳን ጫምያ ጸኣ ኡሺደ፣ ታና ካልሴዳ።
 16 እ ታ አቻ አንጩዋን መንጫዳ፤ ባና ግደን እ ታና የጴዳ።
 17 ሳሩ ታፕ ሃኬዳ፤ ታን እንጀ ደኡዋ ደጋድ።
 18 ሄዋ ድራወ፣ ታን፣ “ታ ዋልቃይ ታፕ ክቼዳ፤ ታን መጵና ጎዳን ህደታ ዋሌዳዌ ኡባይካ ጳዬዳ” ያጋድ።
 19 ታ መቼዋን ታን ቶይላካትያዋ ሀሳይና፣ ደኡ ታና ጫሚዳ።
 20 ሄዌ ታን ኡባካ ደገናባነ ታ ሸምቸካ ካዮትያዋ።
 21 ግደፕን፣ ታን ሀ እትባ ታ ዋዛናን ቆፕያ ዋደ፣ ታወ ሰንላናወ ህደታይ ደኤ።
 22 ሄዌነ፣ መጵና ጎዳ አገና ሲቁዋፕ ደንዴዳዋን ኩን ጳይቦኩ። አ ቃረታይካ ሙላ ወር ኤረና፤
 23 ኡንቲንቲ ዋንታ ዋንታ ኡራላ። ኔን ሎይላ አማነትያዋ።
 24 ታን ታወ፣ “መጵና ጎዳይ ታና ጋኬዳ ሳማ፤ ሄዋ ድራወ፣ ታን እን ህደታ ዋሳይ” ያጋድ።
 25 ባረንቲ ህደታ አን ዋላያዋንቶነ አ ኮይያዋንቶ መጵና ጎዳይ ሎኦ።
 26 ሄዋ ድራወ፣ አሳይ መጵና ጎዳይ አሸያ አሹዋ ዳንዳያን ናጎፕ ሎኦ።
 27 ቃይ አሳይ ባረ ያላጋተላን ደኤድ፣ ዳንዳያ ታማርፕ ሎኦ።
 28 መጵና ጎዳይ መቼዋ አህያ ዋደ፣ እ ጮኡ ጊደ፣ ባረካ ኡት አጎ።
 29 እ ባረ ሶምኡዋ ቢታ ጋሊደ ሀይዞ። ኦን ኤሪ፣ አወ ሰንላናወ ህደታይ ደአነንቶነ።
 30 እ ባረ ሻይያ ባቂያዋ በሶ፤ ባረ ሞርከቲ ሸቂያ ሸቃካ ካሎ።
 31 አያወ ጎፕ፣ ጎዳይ አሳ መጵናወ ኦላና፤
 32 እት ዋደ ካዩዋ አሆፕ፤ እ ባረ አገና ሲቁዋ ዳሩዋዳን ቃረቲ።
 33 አያወ ጎፕ፣ እ አሳ ቲጋይያዋን መቶይያዋን ናሸተና።

34 እ አሳ ካለላያዋንቲ ቃሸቲዳዋንታ ባረንቲ ገድያፕ ጋርሳ ባጋና የጴድኖ፤
 35 ቃይ ኡባፕ ቆቂያ ጸሳ ሰንላን አሳወ ደአያ ማታ ድጊኖ፤
 36 ቃይካ ቶሎታን ፕርዳ ጌላዬኖ። ኡንቲንቲ ጎዳይ ሄዋ ኡባ በኤና ጊደ ቆፕኖየ?
 37 ጎዳይ አዛዝቤናዋ አዛዚደ፣ ፖልሳናወ ዳንዳይያዋ ኦኔ?
 38 ኡታባ ግድና ሎኡባ ግድናካ፣ ሃሳዬደ ፖልያዋ ኡባፕ ቆቂያ ጸሳ ግደኔየ?
 39 ያትና፣ ኩን አሳ ግድያዋንቲ ኩ ናጋራ ድራወ፣ እ ኩና ሙርያ ዋደ፣ አያወ ዙዙሜቶ?
 40 ሄዋ አጊደ፣ አነ ኩ ኦግያ ፓጮይተነ ቆርይተ፤ መጵና ጎዳኮካ አነ ሰሞይተ።
 41 አነ ኩ ዋዛናን ኩ ኩሸያ ሳሉዋን ደአያ ጸሳኮ ደንሊደ፣ ሀዋዳን ያጎይተ፤
 42 “ኡን ኔና ናቂደ፤ ነወ ማካሌደ፤ ኔንካ ኩወ አቶ ጋባካ።
 43 ነ ሀንቁዋን ኩና የደርሳዳ፤ ቃይ ኔን ኩወ ቃረተናን ኩና ሲፋዳ።
 44 ኩ ዋሳይ ኔኮ አ፳ናዳን፣ ነ ሁጲያ ሻርያን ካማዳ።
 45 አሳ ግደን ኩና ፕቶነ ቡራ ኦላዳ።
 46 ኩ ሞርከቲ ኡባይ ኩ ቦላን ሃሳዬድኖ።
 47 ኩን ዳጋሚደነ ግትያን ገሌደ፤ ባዬደነ ጳዬዳ” ያጌቶ።
 48 ታ አሳይ መቼዋን ጳዬዳ ድራወ፣ ታ አይፊ ሻፋዳን አፎላ ጎጌ።
 49 ታ አይፊ ሙላ ዋደ አገናን አፎላ ትጌ።
 50 መጵና ጎዳይ ሳሉዋፕ ዱገ ጸሊደ በአና ጋካናወ ሄዌ ሀኔ።
 51 ታ ካታማን ደአያ ማጫ አሳቲዋ ኡባ ቦላን ጋኬዳዋ ታ አይፊ በኤዳ ዋደ፣ ታ ዋዛናይ ካዮቲዳ።
 52 ጮ ታና ሞርክያዋንቲ ታና ካፋዋ ሻንካትያዋዳን ሻንካቲድኖ።
 53 ኡንቲንቲ ታና ፓጸ ደአሸና ኦላን የጊደ፣ ኦላ ዶና ሹቻን ጎርዳድኖ።
 54 ሃላይ ኩሚደ፣ ታ ሁጲያና ጎግያ ዋደ፣ ታን ጳያድ ጋደ ቆፕድ።
 55 አቤት መጵና ጎዳወ፣ ታን ጪማ ኦላ ግደን ደኤደ ነ ሱንላ ጸሳድ።
 56 ታ ዋሱዋ ሰሳናዳን ታን ኔና ዋሰያ ዋደ፣ ኔን ታወ ሰሳዳ።
 57 ታን ኔና ጸሴዳ ዋደ፣ ታኮ ሺቃደ፣ “ያዮፓ” ያጋዳ።
 58 አቤት ጎዳወ፣ ኔን ታ ሞቲዋ ሞተታደ፣ ታና ዋዛዳ።
 59 አቤት መጵና ጎዳወ፣ ኔን ታ ቲጋ በኣዳ። ሄዋ ድራወ፣ ታ ሞቲዋ ኔን ፕርዳ።
 60 ኡንቲንቲ ሀሉዋ ከሳናወ ታ ቦላን ማቀትያ ማቁዋ ኡባ በኣዳ።
 61 አቤት መጵና ጎዳወ፣ ኡንቲንቲ ታና ሸቂያ ሸቃነ ታ ቦላን ማቀትያ ማቁዋ ኡባ ሰሳዳ።
 62 ቃይ ታ ሞርከቲ ጋላሳ ኩመንላ ታ ቦላን ዙዙምያዋን ሳሱክያዋ ሰሳዳ።
 63 በአ፣ ኡንቲንቲ ኡቲድነ ኤቂደ፣ ታና ቦር ቦሪደ የጲኖ።
 64 አቤት መጵና ጎዳወ፣ ኡንቲንቲ ኡሌዳ ኦሶ በሰያ ጋትያ ኡንቲንቶ ጭጋ!

65 ኢንቴንቴ ዋዛና ደምሳ! ነ ሸቃይ ኢንቴንታ ጋኮ!

66 አቤት መድና ጎዳው፤ ኔን ኢንቴንታ ነ ሀንቁዋን የደርሳ፤ ሳሎቱዋፕ ጋርሳና ኢንቴንቴ ደኢያሳፕ ኢንቴንታ ጳይሳ!

4

የሩሳላመ ባሻ (4:1-22)

1 ጳልያ ዋርቃይ ባረ ማላ ዋኒደ ታሴዳ። ጌሻ ዋርቃይ ዋኒደ ማላ ጳይደ። ጌሻ ጎሊ ከጸቴዳ ሹቻይ ካታማቱዋ ኦግያ ኡባ ደናን ላለት ኡቴዳ።

2 ካሰ ቦንቼቱዳ ዋርቃ ላገ ግዴዳ ጽዮን ናናቱ ሀእ ኩሽያ ሂላይ ኡርቃፕ መዴዳ ሚሻ ማላ ግዴድ።

3 ሀራይ አቶ ዋራካናቱዋን ባረ ማራ ጳንፋው፤ ሸን ታ አሳይ ባዙዋን ደእያ ሶጎንያዳን፤ ባረ ናናቶ መቀላ ኢቱዳ።

4 ሳሙዋ ጋሱዋን ጳምያ ናናቱዋ እንጻርሳይ ኮክያና ኦይቀቱዳ፤ ናናቱ ቁማ ዋሴድና፤ ሸን ኢንቴንቶ እምያዌ እቱነ ባዋ።

5 ካሰ ማልእያ ቁማ ጸላላ ሜዳዋንቱ ሀእ ኦግያ ደናን ኮሻን ወሪና፤ ቃይ ካሰ እሻሉዋን ድጩዳዋንቱ ሀእ ብድንፋ ቦላ ዛቁሌድና።

6 ታ አሳ ናጋራይ ኦ ኩሽን ቦቼናንን ቆፕናን አድ ዋዴዳ ሶዶማ ካታማ አሳ ናጋራፕካ ዳራዳ

7 ይሁዳ ካፓቱ ካሰ ሻቻፕ እዴዳ ጌሻን ማላፕ እዴዳ ቦላ። ኢንቴንቴ ቦላይ ዘኦ እንቁዋፕ እዴዳ አርሳ፤ ኢንቴንቴ ማላይካ ሳምፔርያ ግያ አልኦ እንቁዋ ማላ።

8 ሸን ሀእ ኢንቴንቴ ሶምኢ ሻላፕ አዲደ ካረጹዳ፤ አሳይ ኦግያን በኢደ ኢንቴንታ ኤረና። ኢንቴንቴ ጋልባይካ ኢንቴንቴ መቀላና ኦይቀቱደ፤ ሞላዳን መሌዳ።

9 ምያባ ጳይደ፤ ሎዲ ጊደ፤ ኮሻን ሀይቁዳዋንቱፕ ኦላን ሀይቁዳዋንቱ ኬካ።

10 ታ አሳ ቦላን ዬዳ ባየላ ጋሱዋን፤ ቃረትያ እየቱ ባረንቴ የሌዳ ናናቱዋ ዶይሲደ፤ ባረንቶ ቁማ ከሲደ ሜድና።

11 መድና ጎዳ ሀንቁዋ ጸአይ ኩሜዳ፤ እ ባረ ሱልያ ሀንቁዋ ትጌዳ። የሩሳላመ ካታማ ባሱዋና ሜዳ ታማ ኤል ከሴዳ።

12 ሀ ሳኣን ደእያ ካተቱዋፕ ዋይ ካወተላቱዋ ግደን ደእያ አሳፕ ኦንን ሞርኪ የሩሳላመ ፕንግያና ገላና ጊደ እማንቤና።

13 ሸን ሀዌ ሀኔዳዌ እ ናበቱን እ ቁሳቱ ኦሌዳ ናጋራ ድራሳ፤ ቃይ ኢንቴንቴ ጽሎቱዋ ሱላ አ ግደን ጉሴዳ ድራሳ።

14 ኢንቴንቴ ቆቀ አሳዳን፤ ኦግያን ታታፊና፤ ቃይ ኢንቴንቴ ሱላን ቱኔዳ ድራው፤ ኢንቴንቴ ማዩዋ ኦንን ቦቻናው ኮየና።

15 ሄዋ ድራው፤ አሳይ ኢንቴንታ፡ “ክቶተ! ሀንተ ቱና! ክቶተ! ኦና ቦቻፕተ!” ያጊደ ኢንቴንቴ ቦላ ዋሴዳ።

ያትና፡ ኢንቴንቴ ባቃቲደ ቶይላካቲዳ ዋደ፤ ካወተላቱዋ ግደን ደእያ አሳይ ኢንቴንታ።

“ሀንተ ኦናና ሀዋን ደአናው ዳንዳይክታ” ያጊድና።

16 መድና ጎዳይ ባረ ሀጺያን ኢንቴንታ ላሌዳ፤ እ ኢንቴንቶ ላኤንሎ ቆፕና። ኢንቴንቴ ቁሳቱ ካ ቦንቼትቦይክና፤ ኢንቴንቴ ጭማቱካ ናሸትቦይክና።

17 ኦ አይፊ ማዲዋ ደማናው ጸሊደ፤ ጮ መላ ዳቡራዳ። ኦና አሻናው ዳንዳየና ካወተላቱዋ፡ ኢንቴንቴ ያና ጊደ ዋቼደ።

18 አሳቱ ኦ ቃታማ ካልያ ድራው፤ ኦ ካታማ ኦግያን ሄመታናው ዳንዳይቦይኮ። ኦ ወርሰላይ ማታቱዳ፤ ኦ ላይላይ ወራዳ፤ ኦ ጳይያ ዋዲካ ጋኬዳ።

19 ኦና የደርሰያዋንቱ ሳሎዋና ፓልያ አርጋንላፕካ አዲደ ኤሌሊና። ኢንቴንቴ ኦና ደርያ ሀጺያና የደርሴድና፤ ቃይ ባዙዋን ዙጊደ፤ ኦና ናጌድና።

20 መድና ጎዳይ አኬዳ ካትያ፤ ኦን ሲድያና ሸምፕያ ኦ ሸምፕዋ፡ ኢንቴንቴ ባረንቴ ጲርያን ኦይቁድና። ኦን አ ኩዋ ጋርሳን ኡቲደ፤ ካወተላቱዋ ግደን ደአና ጊደ ቆፔደ።

21 ሀንተና፡ ኡጻ ቢታን ደእያ ኤዶማ አሳቶ፤ ናሸትተነ ፖጩ ጊተ። ሸን ሀንቁዋ ጸአይ ሀንተኮካ ጋካናዋ፤ ሀንተካ ማሶቲደ፤ ካሎ አታና።

22 ሀንተና፡ ጽዮን አሳቶ፤ ሀንተ ባይዙዋ ሙሩ ፖለቱዳ። ሀዋፕ ሰንላን እ ሀንተና ኦምዴዋን ዋጋና።

ሸን ኤዶማ አሳቶ፤ ሀንተ ባይዙዋ እ ሙራና፤ ሀንተ ናጋራካ ቆንጭሳና።

5

ማርታ ደማናው ዋሳ (5:1-22)

1 አቤት መድና ጎዳው፤ ኦ ቦላ ጋኬዳዋ ኡባ ሀሳያ፤ ኦና ጸላ፤ ኦ ካወሻካ በአ!

2 ኦ ላታ ቢታይ አላጋቶ፤ ኦ ጎሊካ በተቶ እመቱዳ።

3 ኦን አዉ ሀይቁዳ ናናቱዋ ግዴዳ፤ ኦ አየቱካ አምኤ ማጫ አሳ ግዴድና።

4 ኦ ኡሽያ ሃላው ሚሻ ጭጌቶ፤ ኤልያ ሞላካ ሻም አኬቶ።

5 ኦና የደርሰያዋንቱ ኦ ግንድያ ጸጶዋ ጋኬድና። ኦን ዳቡራደ፤ ሸን ሸምፓናው ዳንዳይቦይኮ።

6 ኦን ቁማ ካላና ጊደ፤ ግብጾ አሳቶን አሶረ አሳቶ ኩሽያ እሜዳ።

7 ናጋራ ኦሌዳዋንቱ ኦ ማይዛ አዋቱዋ፤ ሸን ኢንቴንቴ ሀእ ደእክና። ኢንቴንቴ አካናው በሰያ ሙሩዋ አክያዋንቱ ኦና።

8 አይለቱ ኦና ሞድያዋንታ ግዴድና፤ ኢንቴንቴ ኩሽያፕካ ኦና ዋል አክያዌ እቱነ ባዋ።

9 ማሻን ዋድያዋንቱ ባዙዋን ደእያ ድራው፤ ኦን ኦ ሸምፕዋ ሸኩ ጊደ፤ ኦ ቁማ ደሜዳ።

10 ኮሻይ ሱሌዳ ጋሱዋን ሀርግና፤ ኦ ጋልባይ ታማ ጮጭያዳን ሞቼ።

4:6 ደመሳ 19:24 4:10 ዛር. 28:57፤ ህዝ. 5:10

11 ጽዮንን ማጫ አሳቱዋ፡ ይሁዳ ካታማቱዋንካ ዋደሮቱዋ ዋልቃን ኦይቂደ ባይዜድኖ።

12 ካፓቱዋ አፊደ ካቂድኖ፤ ጭማቱካ ቦንቼትቦይክኖ።

13 ያላጋ አቱማ አሳቱ ዋጸን ጋጩድኖ፤ አቱማ ናናቱካ ዴጸ ሞላ ቶኪደ ጋንድጋሬድኖ።

14 ጭማ አሳቱ ካታማ ፕንገን ፕርዳናዉ ኡትያዋ አጌድኖ፤ ያላጋ አቱማ አሳቱ የላ የጽያዋ አጌድኖ።

15 ኑ ዋዛናፕ ናሽቻይ ብ ክቼዳ፤ ኑ ዲሩሳይካ ዬኮ ላመቲዳ፤

16 ካላቻይ ኑ ሁጲያፕ ኩንድ ክቼዳ። ኑን ናጋራ ኦሌዳ ድራዉ፡ ኑዉ አየ አና!

17 ሄዋ ድራዉ፡ ኑ ዋዛናይ ዳቡሬዳ፤ ኑ አይፊካ ጋልጄዳ።

18 አያዉ ጎፕ፡ ጽዮን ደሪ መላ ግዴዳ፤ ዋራካናቱካ አን ሰመረቲኖ።

19 ሸን አቤት መድና ጎዳዉ፡ ኔን መድናዉ ካዉታሳ፤ ነ ካዉተላ አራታይካ የለታ ኡባ ጋካናዉ ደኤ።

20 ኔን ኑና አያዉ ኡባ ዋደ ደጋይ? ቃይ ሀዋ ኬሻ አዲሳ ዋድያ ኑና አያዉ አጋይ?

21 አቤት መድና ጎዳዉ፡ ኑና ኔኮ ዛራ፤ ኑንካ ሰማና! ኑ ዋድያካ ቦንዋዳን ዛራደ ኦራላ!

22 ኔን ኑና ኡባ መላ አጋዲየ? ነ ሀንቆካ ዛዋይ ባዌየ?

ህዝቄላ ትምህርት ገሎጥ

ትምህርትን ኦድያ ህዝቄል የሩሳላም ክርስቶስ የለታገ ካሰ፡ እቼሹ ጾታን ሆሰቸን ታማነ ኡሱቸን ላይላን ላለታናገ ካሰነ ላለቲዳዋጥ ጉየ፡ አዎዲዋን ባብሎንን ደኤዳ፡ እ ትምህርትን ኦድዳዊ ባብሎንን አዎዲዋን ደኤያ አሳሳነ የሩሳላምን ደኤያ አሳሳ፡ ህዝቄላ ማጻፋው ኦድዳ ክፍለቱ ደኤዳ፡

1. ጸሳ ፕርዳይ አሳ ቦላ ያናው ማቴዳዋን የሩሳላም ኦድቀትያን ላለትያ ዎዲ ጋኬዳዋ ሞንሲደ ኤርሰያ ኪታ፡
2. ጸሳይ ባረ አሳ ኡቁኔዳን ባለቲዳ ዲማ ዲማ ካወተላቱዋ ሙርይያዋ ግድያዋ ኦድያ ቃላቱዋ፡
3. የሩሳላም ኩንደላጥ ሰምና እሰራኤልያ አሳ ሞንግላናው እመቲዳ ኪታን ሰንላጥካ ሎኦ ካጫይ ጋካናው ደኤያዋ ኦድያ ህደታ ቃላ፡
4. ጌሻ ጎሊን እሰራኤልያ ካወተላይ በን ባረ ሳኦ ሰማናዋ ህዝቄል ሞሰልያዳን በሴዳዋ፡ ህዝቄል ዋልቃማ አማኑነ አሰ ቆጥያ ዎዛናይ ደኤያ አሳ፡ ሰንላጥ ትምህርትን እ ሳጸን በኤዳ፡ እ ኪታጥ ዳርያ ባጋይ ቆንጫ ግዴዳ ሊምሶ ኦሱዋን ኦድቲዳ፡ ህዝቄል አሳይ ባረ ግዴ አሳተላን፡ ባረ ዎዛናንን ባረ አያናን ኦራጸናው ኮሽያዋን አሳይ ኡባይ ባረ ናጋራን ናጋራን ኦሽታናው ደኤያዋ ሞንሲደ ኦድዳ፡ ሄዋናካ ጉጂደ፡ አሳ ደኤ ኦራጸናው ደኤያ ህደታ ቆንጫሴዳ፡ ህዝቄል ቄሰነ ትምህርትን ኦድያዋ ግድያዋዳን፡ ጌሻ ጎልያባን ጌሻተላባ ዲማ ሀናታን ጾልያ አሳ እ ግድያዋ በሴዳ፡

ሸምጋቱዋ ኡባዳ እመቲዳ ቃንላ ቆፋቱዋ

1. ህዝቄል ናበተላው ጾሰቲሳ 1:1—3:27
2. የሩሳላም ቦላ ጸሳ ፕርዳ 4:1—24:27
3. አይሁዳ ግድና አሳ ቦላ ጸሳ ፕርዳ 25:1—32:32
4. ጸሳይ ባረ አሳው እዋ ህደታ 33:1—37:28
5. ጎጋ ቦላ ኦድቲዳ ትምህርትያ 38:1—39:29
6. ያናው ደኤያ ጌሻ ጎልያን ቢታ ሳፃ 40:1—48:35

ህዝቄል ናበተላው ጾሰቲሳ (1:1—3:27)

1 ሀታማንላ ላይላን፡ ኦድደንላያ አግናን፡ እቼሸንላያ ጋላሳን፡ ታን ካባራ ሻፋን አዎደት ቤዳዋንቱ ግድን ደእሸን፡ ሳሎቱ ደየትና፡ ጸሳ ሳፃ በኤዳ፡

2 ካቲ ዮኦኪን አዎደቶደጥ እቼሻንላያ ላይላን፡ ሄ አግናጥ እቼሸንላያ ጋላሳን፡

3 ባብሎን ቢታን ካባራ ሻፋ ማታን ደኤያ ታኩ፡ ቡዛ ናኦ፡ ቄሰያ ህዝቄላኮ መድና ጎዳ ቃላይ ዬዳ፤ ሄዋን መድና ጎዳ ኩሺ ታና ሞዴዳ፡

4 ታን ጾልያ ዎደ፡ ጎቲ ሁጲሳና ይያዋ በኤድ፤ ዋልቃማ ፖኡ ዋልቃማ ሻርያ ደድ ዎሴዳ፤ ሄ ሻርያ ግዲዋን ዋልቃንላይ ፖኩ ጌ፡ ዋልቃንላው ግዴ ዎዛናይ ጾልያ ናሰያ ማላቲ፡

5 ሄዋ ግድን ኦድዳ ፓጸ መጋታቱ ደኤዳ፡ ኡንቲንቲ አሳ ማላቲና፤

6 ሸን ኡንቲንቲ እቶ እቶ ኦድዳ ኦድዳ ሶምኡነ ኦድዳ ኦድዳ ቀፊ ደኤ፡

7 ኡንቲንቲ ገዲ ሰት ጌዳዋ፤ ኡንቲንቲ ገድያ ያቻይ ማራ ገድያ ማላነ ቁጫደ ጌሹዳ ናሰያ ብራታዳን ጸሌ፡

8 ኡንቲንቲ ቀፍያጥ ጋርሳና ኦድዳ ባጋናካ አሳ ኩሽያ ማላትያ ኩሺ ደኤ፡ ሄ ኦድዳቶካ ዳሙነ ቀፊ ደኤ፡

9 ኡንቲንቲ ቀፊ እቲ እቲዋ ቦቼ፤ ኡንቲንቲ ኡባይካ ያነ ሃነ ሰመናን ሰት ጌደ ሰንላው ቢና፡

10 ኡንቲንቲ እቶ እቶ ሰንላ ባጋና አሳ ሶምኤ ደኤ፤ ኡሸቻ ባጋና ጋሙዋ ሶምኤ ደኤ፤ ቃይ ሀድርሳ ባጋና ቦራ ሶምኤ ደኤ፤ ቃይ ጉየ ባጋና አርጋንላ ሶምኤ ደኤ፤

11 ኡንቲንቲ ሶምኤ ሄዋ ማላቲ፡ ኡንቲንቲ ቀፊ ቦላው ሞጬት ኡቲዳ፤ ኡንቲንቲ እቶ እቶ ላኡ ቀፊ ላኡ ባጋናካ ህንኮ መጋታ ቀፍያ ቦቼ፤ ቃይ ላኡ ቀፊ ኡንቲንቲ ቦላ ቦላ ካሜ፡

12 ኡንቲንቲ ኡባይካ ሰት ጌደ ሰንላው ቤድና፤ ያነ ሃነ ሰመናን፡ ጸሳ አያናይ ብያሳ ሀቃነ ቢና፡

13 ሀ ፓጸ ደኤያ መጋታቱ ግድን እት ኤጽያ ታማ ቦንቁዋ ማላትያዋን ሰንላውን ጉየ ቃጽያ፡ ኤጽያ ጸምጥያ ማላትያዋ ደኤ፤ ሄ ታማይ ጸሌነ አ ግድገካ ዋልቃንላይ ከሴ፡

14 ሀ ፓጸ መጋታቱ ዋልቃንላዳን፡ ሰንላውን ጉየ ኤሌል ሰመረቲና፡

15 ሀ ኦድዳ መጋታቱዋ ታን ጾልሸን፡ ኡንቲንቲ ሞየ ባጋ ሳኦን ደኤያ ይንግረትያዋንታ በኤድ፤ እት እት መጋታ ሞየ ባጋን እት እት ይንግረትያዋ ደኤ፡

16 ሀ ይንግረትያዋንቲ አልኦ ሹቻዳን ጸሊና፤ ኡንቲንቲ ኦድዳካ መቆንነ ማላን እቲ እቲዋ ማላቲና፡ እት ይንግረላይ ላኡ ይንግረላ ግዲደ መጋቲዳ፤ እቲ እቲዋ ግዲዋና ካንላ አጾዋ ማላቲ፡

17 ኡንቲንቲ ብያ ዎደ ባረንቲ ሰንላ ዛር ዎሴዳ ኦድዳ ባጋጥ እቲዋኮ ሀቃዋ ግድገካ ቢና፤ ሀ መጋታቱ ብያ ዎደ ይንግረትያዋ ዎራ ሰመና፡

18 ዎጋነ ያሸያ ኦድዳ ይንግረላቱ ደኤዳ፤ ሄ ይንግረላቱዋ ጋጸ ዩሹዋ ኡባን ጾልያ አይፊ ኩሜዳ፡

19 ሀ መጋታቱ ብያ ዎደ፡ ኡንቲንቲ ሞይያን ሀ ይንግረላቱ ጎንደረቲና፤ ሄ መጋታቱ ቢታጥ ፑደ ደንድያ ዎደ፡ ሀ ይንግረላቱካ ደንዲና፡

1:1 ሳፃ 19:11 1:2 ካታ. 24:10-16፤ 2 ኦዲዋ 36:9-10 1:5 ሳፃ 4:6 1:10 ህዘ. 10:14፤ ሳፃ 4:7 1:15 ህዘ. 10:9-13 1:18 ሳፃ 4:8

20 ደኤቀ አያናይ ብያ ሀቃነ ሀ ይንግረላቱካ ደንዲደ ቢኖ፤ አያው ጎጥ፤ ሀ ደኤቀ አያናይ ይንግረላቱቀ ግደን ደእያ ድራሳ።

21 ሀ መጠታቱ ብያ ወደ፤ ይንግረላቱካ ቢኖ፤ መጠታቱ ኤቂያ ወደ፤ ይንግረላቱካ ኤቂኖ፤ ቃይ መጠታቱ ቢታጥ ጉደ ደንድያ ወደ፤ ይንግረላቱ ኤንቱንቱና እትጥ ደንዲኖ። አያው ጎጥ፤ ደኤቀ አያናይ ይንግረላቱቀ ግደን ደኤ።

22 ሀ ገጸ መጠታቱቀ ሁጲያጥ ቦላ ባጋና ማሰቶትያዳን ጳሊደ አይፍያ ጫድያ ሞጬቴዳ ሳሉቀ ጉፋንሉቀ ማላትያባይ ደኤ።

23 ሄ ጉፋንሉቀጥ ጋርሳ ባጋና ኤንቱንቱ ቀፊ ስት ጊደ፤ እቱቀዌ እቱቀኮ ሞጬት ኡቴዳ፤ ቃይ ኤንቱንቱ ኡባወካ ኤንቱንቱ ቦላ ካምያ ላኡ ላኡ ቀፊ ደኤ።

24 ሀ መጠታቱ ገልያ ወደ፤ ኤንቱንቱ ቀፍያ ጊረላይ ሃላ ኩንሉቀ ጉንሳዳን፤ ቃይ ኡባ ዳንዲይያ ጸሳ ኮሻዳንነ ጮራ ኦላንቻቱቀ ጫቡቀዳን ሀንያቀ ሰሳድ። ኤንቱንቱ ገሉቀ አገያ ወደ፤ ባረንቱ ቀፍያ ሺሽ አኪኖ።

25 ኤንቱንቱ ባረንቱ ቀፍያ ሺሽ አኪደ፤ ሄ ሳኣን ኤቂደአሽን፤ ኤንቱንቱ ሁጲያጥ ቦላ ባጋና ደእያ ሄ ጉፋንሉቀ ማላትያቀ ቦላ ባጋጥ ኮሻይ ዬዳ።

26 ሄ ጉፋንሉቀ ማላትያቀጥ ቦላ ባጋና ሳምፔርያ ግያ እንቁቀጥ መጠታቱ ካወተሳ አራታ ማላትያቀ ደኤ፤ ሄ ካወተሳ አራታ ማላትያቀ ቦላ አሳ ማላትያቀ ኡቴዳ።

27 ታን አ በእያ ወደ፤ አ ጸሳ ማላትያሳጥ ቦላ ባጋይ ታማን ቦንቄዳ ናሰያ ብራታዳን ጳሌ፤ ቃይ ጸሳጥ ጋርሳ ባጋይ ታማ ማላቴ፤ አ ዩሹቀን ጳልያ ፖኡ ደኤ።

28 አ ዩሹቀን ጳልያ ፖኡ አራ ጋላሰ ሻርያን ኤቄዳ ዙሉቀ ማላቴ።

ሀቀ መጅና ጎዳ ቦንቄቀ ቆንጨላ ማላቴ። ሄቀ በኤዳ ወደ፤ ቢታን ዲገ ጉፋናደ፤ እቱ ሃሳይያ ኮሻ ሰሳድ።

2

1 እ ታና ሀቀዳን ያጌዳ፤ “ላ አሳ ናአወ፤ ደንዲደ ነ ገድያን ኤቃ። ነወ ኦዳና” ያጌዳ።

2 እ ሃሳይዳ ወደ ጸሳ አያናይ ታ ግደ ገሊደ፤ ታና ታ ገድያን ኤሴዳ። እ ታወ ኦድያቀካ ሰሳድ።

3 ሀቀዳን ያጌዳ፤ “ኔኖ አሳ ናአወ፤ ታን ኔና እሰራኤልያ አሳኮ፤ ታ ቦላ ማካሌዳ ማካላንቻ ካወተሳኮ ኪታይ፤ ኤንቱንቱ ኤንቱንቱ አቀቱ ሀቕ ጋካናወካ ታ ቦላ ማካሊደ ደኤና።

4 ኤንቱንቱ ዋዛና ሙመን ዬላይ ባይናቀንታ ግድያ ድራወ፤ ታን ኔና ኤንቱንቱኮ ኪታይ። ባደ፤ ኡባ ሞድያ መጅና ጎዳይ ሀቀዳን ያጌ ያጋ።

5 ኤንቱንቱ ማካላንቻ አሳ ግድያ ድራወ፤ ኤንቱንቱ ሰሰናካ እጽናካ፤ ናቢ ኤንቱንቱ ግደን ደእያቀ ኤንቱንቱ ኤራና።

6 ኔኖ አሳ ናአወ፤ ኤንቱንቱካ ኤንቱንቱ ቃላወካ ያኖጥ! ኮናይ ደእያን አጉንሳይ ነ ዩሹቀን ደእያቀ ግድገካ፤ ቃይ ሰሳቱቀ ግድቀን

ኔን ኡቶጥካ፤ ያኖጥ። ኤንቱንቱ ማካላንቻ አሳ ግድያ ድራወ፤ ኤንቱንቱ ቃላወ ያኖጥ፤ ወይ ኤንቱንቱ ሻቢረቶጥ።

7 ኤንቱንቱ ማካላንቻ አሳ ግድያ ድራወ፤ ሰሰናካ እጽናካ፤ ታ ቃላ ኤንቱንቱ ኦዳ።

8 “ሸን፤ አሳ ናአወ፤ ታን ነወ ኦድያቀ ሰሳ! ሄ ማካላንቻቀዳን፤ ኔንካ ማካላንቻ ግደጥ፤ ነ ደና ደያደ፤ ታን ነወ እምያቀ ማ” ያጌዳ።

9 ሄቀጥ ጉይያን፤ ታን ጳልያ ወደ፤ ኩሺ ታኮ ሞጬት ኡቴዳቀ በኣድ፤ ሄ ኩሸያን ጳላ ማጻፋይ ደኤ።

10 እ ታ ሰንላን ሄ ጳላ ማጻፋ ብሌዳ፤ ሄ ጳላ ማጻፋን ላኡ ባጋናካ ዬኩ፤ ካዩነ ሴላ ዋሱ ጳልት ኡቴዳ።

3

1 ቃይ እ ታወ ሀቀዳን ያጌዳ፤ “ላ አሳ ናአወ፤ ሄ ነ ሰንላን ደእያቀ ማ፤ ሀ ጳላ ማጻፋ ማ። ባደ፤ እሰራኤልያ አሳወ ኦዳ” ያጌዳ።

2 ታን ሀንጋድ፤ ታን ማናዳን፤ ጳላ ማጻፋ እ ታና ባርሴዳ።

3 ታና፤ “ላ አሳ ናአወ፤ ሀ ታን ኔና ባርሴያ ጳላ ማጻፋ ማ፤ ነ ኡሉቀ አን ኩንላ” ያጌዳ። ታን ምያ ወደ፤ ታ ደናን ኤሳዳን ማልኤዳ።

4 ሄቀጥ ሰሚደ፤ እ ታና ሀቀዳን ያጌዳ፤ “ኔኖ አሳ ናአወ፤ ሀእ እሰራኤልያ አሳኮ ባ፤ ታ ቃላ ኤንቱንቱ ኦዳ።

5 ኔን ኪተቴዳቄ እሰራኤልያ አሳሳጥ አትና፤ ደናይ ኤረተናነ ቃላይ ገለና ሃሳይያ አኬከተና አሳኮ ግደና።

6 ቃይ ታንካ ኔና ኤንቱንቱ ቃላይ ገለና፤ ኤንቱንቱ ሃሳይያካ ኤረተና ኤንቱንቱ ቃላ ኔን ኤራናወ ዳንዳያና ዳሮ አሳኮ ኪታበይከ አላጋ ቢታ ቃላ ዴጶቀ ሃሳይያ ዳሮ አሳኮ ኪታበይከ። ቱሙ ታን ኔና ሄቀንቱኮ ኪታድታንቶ፤ ኤንቱንቱ ኔን ግያቀ ሰሳና ሸን!

7 እሰራኤልያ አሳይ ታን ኦድያቀ ሰሳናወ ኮኖና ድራወ፤ ኤንቱንቱ ኔን ኦድያቀካ ሰሰክኖ። አያው ጎጥ፤ ኩመንላ እሰራኤልያ አሳይ ሞርጊ ዞዛነ ዬላይ ባይናቀንታ ግድያ ድራወ፤ ነ ኦድያቀ ሰሰክኖ።

8 ሸን ታን ኔናካ ኤንቱንቱቀዳን ዋዛና ሞና ዬላይ ባይናቀ ኦላና።

9 ታን ኔና ያሻይ ባይና አሳ ኦላና፤ ዛላጥካ አጶ ሞኖ ከሳና። ኤንቱንቱ ማካላንቻ አሳ ግደጥካ፤ ኤንቱንቱ ያኖጥ፤ ወይ ኤንቱንቱ ዳጋጋጥ” ያጌዳ።

10 ቃይ እ ታና ሀቀዳን ያጌዳ፤ “ላ አሳ ናአወ፤ ታን ነወ ኦድያ ቃላ ኡባ ሞንሳደ ሀይዛነ ነ ዋዛናን ዋላ።

11 ሀእ ደንዳ ባደ፤ ኦሞዲቀን ደእያ ነ አሳወ ኦዳ። ኤንቱንቱ ሰሰና እጽናካ ኤንቱንቱ፤ ኡባ ሞድያ መጅና ጎዳይ ሀቀዳን ያጌ ያጋደ ኦዳ” ያጌዳ።

12 ሄቀጥ ጉይያን፤ ታና አያናይ ጉደ ደንሌዳ፤ “መጅና ጎዳ ቦንቄ ደእያሳጥ ደንድያ ወደ” ታጥ ጉኖና፤ ወልቃማ ኮሻ ሰሳድ።

13 ቃይ ፓጸ መጠቀሱ ቀሬ እቱ እቱዋና ሸጨትያ ኮሻይ፡ ኡንቱንቱ ምይያን ደእያ ይንግርያዎ ኮሻና ጋከቲደ፡ ጉጉንጎ ኮሻዳን ሀንያ ኮሻ ሰሳድ።

14 ሄዋፕ ጉይያን፡ እያናይ ታና ፑደ ደንሒደ፡ ሀራ ሳኣ አፊዳ። ያትና፡ ታን መድና ጎዳ ዋልቃይ ታና ሞድ ደእሸን፡ ታ እያናን ጫመታደነ ይሎታደ ባድ።

15 ከባራ ሻፋ ማታን፡ ተል-አቢባን አዋደቲዳዋንቱኮ ጋካድ። ታን ሄዋን ዳጋማደ፡ ኡንቱንቱና ላፑን ጋላሳ ጋምአድ።

ህዝቁል ዋችያ አሳ ግዴዳ (ህዝ. 33:1-9)

16 ላፑንጎ ጋላሳ ወርሰላን መድና ጎዳ ቃላይ ታኮ ሀዋዳን ያጊደ ዬዳ፤

17 “ኔኖ አሳ ናአው፡ ታን ኔና እስራኤልያ አሳዉ ዋችያዎ አላድ። ታ ደናፕ ከሰያ ቃላ ሰሴዳ ፓይዱዋ ኡባን፡ ኡንቱንቱካ ናገታናዳን ሴራ።

18 ታን ናጋራንቻ፡ ጭሙዋ ኔን ሀይቃና፡ ያግያ ዋደ፡ ኔን ባደ እ ሴራና ጳዮፕ፡ እ ሸምፑካ አታና ማላ፡ እ ባረ ናጋራ ኦግያፕ ሰማናዳን ኔን አ፡ ‘ኔና የኤ!’ ጋና ጳዮፕ፡ ሄ ናጋራንቻይ ባረ ናጋራን ሀይቃና፤ ሸን እ ሱላ ታን ኔፕ ጭገታና።

19 ሸን ኔን ናጋራንቻ ሴርና፡ እ ባረ ናጋራፕ ዋይ ባረ ኢታ ኦግያፕ ሰመናን እጸፕ፡ እ ባረ ናጋራን ሀይቃና፤ ሸን ኔን ነ ሁጺያ አሻና።

20 “ቃይ ጽሎ አሳይ ባረ ጽሎተላፕ ጉየ ሰሚደ፡ ኢታ ኦላያ ዋደ፡ ታን አ ሰንላን ጸብያ ዋላና፡ እ ሀይቃና። እ ሰማናዳን ኔን አ፡ ‘ኔና የኤ!’ ጋቤና ድራው፡ እ ባረ ናጋራን ሀይቃና፤ እ ካሰ ኦሌዳ ጽሎ ኦሱ ዛሪደ ቆፈተና፤ ሸን ታን አ ሱላካ ኔፕ ጭገታና።

21 ቃይ ኔን ጽሎ አሳይ ናጋራ ኦናዳን ሴርና፡ እካ ናጋራፕ ባረና ናገፕ፡ ቱማ እ ፓጸ ደአና። እያዉ ጎፕ፡ እ ኔን ሴራዳዋ ሰሴዳ፤ ኔንካ ነ ሁጺያ አሻና” ያጊደ ዬዳ።

ህዝቁል ጸሳይ ዲድሴዳ

22 ሄ ሳኣን መድና ጎዳ ዋልቃይ ታና ሞዴዳ፤ ቃይ እ ታና፡ “ደንዳ፤ ዛንጋራ ባ፡ ነዉ ያን ኦዳና” ያጊደ።

23 ታን ደንዳደ፡ ዛንጋራ ባድ። ሄ ሳኣን ካሰ ካባራ ሻፋ ማታን ታን በኤዳዋዳን፡ ሄዋን መድና ጎዳ ቦንቹ ኤቁዳዋ በኣድ፤ ታን ታ ሶምኡዋ ቢታ ጋላደ ጉፋናድ።

24 ሄዋፕ ጉይያን፡ እያናይ ታ ግደ ገሊደ፡ ታና ታ ገድያን ኤሲደ፡ ታና ሀዋዳን ያጊደ፤ “ባ፤ ነ ጎላ ባደ፡ ነ ቦላ ካርያ ጎርዳደ ኡታሻ።

25 ኔኖ አሳ ናአው፡ ኔን ዋደሩዋን ቃሸታና፤ ኔን አሳኮ ከሳናዉ ዳንዳያካ።

26 ቃይ ኔን ዲደ ግዳናዳንከ ኡንቱንታ ሴርናዳን፡ ታን ነ እንጸርሳ ነ ኮክያና ጋላ ኦይላና። እያዉ ጎፕ፡ ኡንቱንቱ ማካላንቻ አሳ።

27 ሸን ታን ነዉ ኦድያ ዋደ፡ ታን ነ ደና ደይና፡ ኔንካ ኡንቱንቶ፡ ጭባ ሞድያ መድና ጎዳይ ሀዋዳን ያጊደ ያጋና። ሰሰያ ኦንከ ሰሰ፤ ሰሰናን እጸያ ኦንከ እጸ። እያዉ ጎፕ፡ ኡንቱንቱ ማካላንቻ አሳ።

4

የሩሳላመ ቦላ ጸሳ ፕርዳ (4:1—24:27)

1 “ኔኖ አሳ ናአው፡ ኡርቃፕ መዴዳ ጸብያ አካደ፡ ነ ሰንላን ዋላ፤ ያታደ የሩሳላመ ካታማ ሞሰልያ አ ቦላ መቆ።

2 እ ደዳ፤ ድርሳ ኦንከ ከሰ አከናዳ ድራ፡ ካታማ ግምቢያ ዩሹዋን ቢታ ደራ፤ ኦላንቻቱ ኤቁያሳ ገግሳ፤ ግምቢያ ላልያ ኦላ ሚሻ ዩሹዋን ገግሳ።

3 ቃይ ብራታ ባሸያ አካደ፡ ብራታ ጎዳዳን ኔፕከ ካታማፕ ግዲዋን ኤሳ፡ ነ ሶምኡዋካ ሀንቁዋን አኮ ዛራ። ሄ ካታማይ ደደታና፤ ቃይ ደዴዳዌካ ኔና። ሀዌ እስራኤልያ አሳዉ ማላ ግዳናዋ።

4 “ሄዋፕ ጉይያን፡ እስራኤልያ አሳዉ ሙሩዋ ማላ ግዳና ማላ ነ ሀድርሳ ሞይያን ግሳ። ኔን ነ ሀድርሳ ሞይያን ግሴዳ ጋላሳቱዋ ፓይዱዋ ኬሻ እስራኤልያ አሳ ኡንቱንቱ ዋን ሙረታንንቶ በሳሳ።

5 ቃይ ኔን ግሳደ እስራኤሊ ዋት ሙረታንንቶ በሳናዳን 390 ጋላሳ ነዉ እማድ። ሄ እት እት ጋላሳይ ኡንቱንቱ ሙረትያ እት እት ላይላና ቃራ።

6 “ሄ ጋላሳ ነ ወርሴዳዋፕ ጉይያን፡ ቃይ ዛራደ ነ ኡሸቻ ሞይያን ይሁዳ አሳይ ዋት ሙረታንንቶ በሳናዉ ግሳ፤ እት እት ጋላሳይ እት እት ላይላ ሙሩዋና ቃራ ግድያ ድራው፡ ሄዋዳን ኡንቱንቱ ኦሌዳ ናጋራ ሙሩዋ ኦይታሙ ጋላሳ ኔን ግሳናዳን፡ ታን ነዉ እማድ።

7 ነ ሶምኡዋ የሩሳላመ ደዳላኮ ሀንቁዋን ዛራደ፡ ነ ኩሸያ ደንላ ማንዳደ፡ የሩሳላመ ቦላ ትምቢትያ ኦዳ።

8 ሄ ደዳላን ኔን ጋምእያ ጋላሳይ ዉራናዉ፡ እት ሞይያፕ ሀራ ሞይያዉ እቆ ዋናዳን፡ ታን ኔና ዋደሩዋን ቃቻና።

9 “ሀእ ኔን፡ ዛርጋከ ባንጋ፡ ባኤላነ ሞሰርያ፡ ማልዱዋነ ሞርገ ዋላ አካደ፡ ካላ ዋላያ እት ባላን ቆላደ፡ አፕ ነዉ ቁማ ካላደ፤ ሄዋ ኔን ሞይያን ግሰያ 390 ጋላሳ ማና።

10 ሀች ሀች ኔን ሞያ ኡክላ ልካ፤ እካ 230 ግራምያ ዴጸያዋ ግደ፤ ሄዋ አ ዋድያን ዋድያን ማ።

11 ቃይ ኔን ሀች ሀች ኡሸያ ሃላካ ልካ፤ እካ ላኡ ቡርጩኮ ግደ፤ ሄዋ አ ዋድያን ዋድያን ኡሻ።

12 ሄ ዋላኬዳ ካላ ባንጋ ኡክላ ኡክያዋዳን ኡካ፤ አሳይ ጴልሸን፡ አሳ ዋራ ሼሻ መላ ኤላደ ኡካ፤ ያታደ ማ።

13 ሄዌ እስራኤልያ አሳይ ታን ኡንቱንታ ላልያ ካዉተላቱዋ ግደን ደኢድ፡ ቱኔዳ ቁማ ማናዋ ማላታ” ያጊደ መድና ጎዳይ።

14 ያትና፡ ታን ዛራደ ሀዋዳን ያጋድ፤ “ሀይ! ኡባ ሞድያ መድና ጎዳዉ፡ ሄዌ ሀናፕ! ታን ታና ቱንሳ ኤርከ። ታ ናአተላፕ ደማደ ሀች ጋካናዉ፡ ባኩታ ዋይ ባዞ ደአይ ፑዚደ ዋዴዳዋ ማ ኤርከ፤ ቱኔዳ እሹ ታ ደናኮ ሸቅ ኤርና” ያጋድ።

15 እ ዛሪደ፡ ታና ሀዋዳን ያጊደ፤ “ዳር ሎአ፡ ያቶፕ፡ አሳ ዋራ ሼሻ መላን ኡክያዋ አጋደ፡ ሚዛ ኦሻ ከዊያን ነ ኡክላ ኡካሳ” ያጊደ።

16 እ ቃይካ ሀዋዳን ያጌዳ፤ “ኔኖ አሳ ናአው፡ በእ፤ የሩሳላመ ካታማ ካል ገለናዳን፡ ታን ድጋና ሀናይ፡ አሳይ ካላ ሀርጊደ፡ ማኪደ ማና፤ ቃይ ሃላካ ያዩደ፡ ልኪደ ኡሻና፡

17 ሄዋ ኡንቱንቱ ደእያ ካላይነ ሃላይ ወራና፤ ኡንቱንቱ እቱ እቱዋ፡ ‘ፖራ!’ ጊደ ዴላና፤ ኡንቱንቱ ባረንቱ ናጋራ ሙሩዋን ግልቃና፡

5

የሩሳላመ ቦላ ይያ ባሻ ማላታ

1 “ኔኖ አሳ ናአው፡ ቃራ ማሻ አካደ፡ ነ ሁጺያነ ነ ቡቻ ሁጺያ ገግሰያዋንቱ ሞላጭያዳን አን ማዳ፡ ያታደ ሚዛናን ልካደ፡ ነ ብናና ሄዙ ከሳይ ሻካ፡

2 ኔን ደድያ ዋዲ ወርያ ዋደ፡ ነ ሻኬዳ ብናናወ እት ኩሽያ የሩሳላመ ካታማ ሞሰልያወ ግዲዋን ታማን ጸጋ፡ ላኤንሉ ኩሽያ ካታማ የሹዋን ኡባን ማሻን ቃንጸሬላ፡ ሄዘንሉ ኩሽያ ቃይ ጫርኩ ላላ፤ አያወ ጎጥ፡ ታን ኡንቱንታ ማሻን የደርሳና፡

3 ቃይ ሄዋጥ ጉላ ብናና አካደ፡ ነ ማዩዋ ዴራን ቃቻ፡

4 ሄ ኔን ቃቹዳዋጥ ጉላ አካደ፡ ታማን ኦላደ ጸጋ፡ ሄዋን ደሚዳ ታማይ እሰራኤልያ አሳ ኡባ ጋካናዋ” ያጌዳ፡

5 ኡባ ሞድያ መድና ጎዳይ ሀዋዳን ያጌ፤ “ሀዋ የሩሳላመ ካታማ፤ ታን ቢታቱዋ እዝ የሹዋን ዋላደ፡ ካወተላቱዋ ኡባወ ግደ ጉልኤን እዝ ዋላድ፡

6 ሽን እዛ ባረ ኢታ ኦሱዋን፡ ባረ የሹዋን ደእያ ቢታቱዋጥን ካወተላቱዋጥ ያ ኢታደ፡ ታ ሀግያነ ታ ዋጋ ናገናን እጻዱ፤ ቱሙካ እዛ ታ ሀግያወ ማካላዱ፤ ታ ዋጋካ ካለናን እጻዱ” ያጌ፡

7 ሄዋ ድራወ፡ ኡባ ሞድያ መድና ጎዳይ ሀዋዳን ያጌ፤ “ሀንተንቱ ሀንተ የሹዋ ካወተላጥ እሊደ መቱዋ መዴድታ፤ ታ አዛዙዋ ካለናን ታ ዋጋ ናገናን እጻድታ፡ ሀራይ አቶ ሽን ሀንተንቱ የሹዋን ደእያ ካወተላቱዋ ዋጋካ ናግባይክታ” ያጌ፡

8 ሄዋ ድራወ፡ ኡባ ሞድያ መድና ጎዳይ ሀዋዳን ያጌ፤ “ኔኖ፡ የሩሳላመ፡ ታን ነወ ሞርከ፤ ሀራ ካወተላቱ ኡባይ በእሸና፡ ነ ቦላ ታ ፕርዳ አሀና፡

9 ኔን ታን እጻያ ኤቃ ጎይና ኡባ አሌዳ ድራወ፡ ታን ሀዋጥ ካስ ሀንቤናዋ፡ ቃይ ሀዋጥ ሰንላወካ ሀና ፕርዳ ነ ቦላ አሀና፡

10 ሄዋጥ ደንዴዳዋን፡ ሀንተ ግደን አዎቱ ባረንቱ ናናቱዋ ማና፤ ቃይ ናናቱካ ባረንቱ አዎቱዋ ማና፡ ታን ሀንተ ቦላ ፕርዳ አሀና፤ ሀንተጥ አቱዳዋንታካ ኦይዱ ጫርኩዋ ሚዛና ኡባወ ላላና፡

11 “ሄዋ ድራወ፡ ታን ኡባ ሞድያ መድና ጎዳይ ታ ደኡዋን ጫቃይ፡ ሀንተ ሀንተ ሽንይያ ኤቃቱዋን ቱና አሱቱዋን ታ ጌሻ ጎልያ ቱንሴዳ ድራወ፡ ታንካ ሀንተና ቡላ ጳይሳና፡ ሀንተወ ቃረትከነ ሀንተጥ እቱዋን አሸከ፡

12 ነ አሳጥ እት ኩሺ ካታማ ግደን ኢታ ሀርግያን ዋይ ኮሻን ሀይቃና፤ ላኤንሉ ኩሺ ካታማጥ ካረና ኦላን ወራና፤ ቃይ ሄዘንሉ ኩሽያ ታን ኦይዱ ጫርኩዋ ሚዛናወ ኡባወ ላላደ፡ ኡንቱንታ ማሻን የደርሳና፡

13 “ታ ይሉ ወራና፤ ታን ኡንቱንቱ ቦላ ሀንቀቱዳ ሀንቁካ ኤቃና፤ ያቶጥ ታ ሀንቁ ደቻና፡ ታን ኡንቱንቱ ቦላን ሀንቀቱዳ ሀንቁዋ ወርሰያ ዋደ፡ ታን መድና ጎዳይ ቃናትያን ሃሳዬዳዋ ኡንቱንቱ ኤራና፡

14 “ሀንተንቱ የሹዋን ደእያ ካወተላቱዋ ግደን ሀንተ ማታና አድያ ኡባ ሰንላን ታን ሀንተና ባዙዋን ቅሊጭያዋ አላና፡

15 ታን ሀንተና ታ ሀንቁዋን፡ ታ ይሉዋን ቃረታይ ባይና ሴራን ፕርድያ ዋደ፡ ሀንተ ሀንተ የሹዋን ደእያ ካወተላቶ ቅሊጫነ ሸቃወ፡ ሀንተና በኤዳ አሳወ ናገትያባነ ዳጋምያባ ግዳና፡ ታን መድና ጎዳይ ሀዋ ኦዳድ፡

16 ታን ሀንተ ቦላ ዋድያን ጳይሰያ ኮሻ ዋንዳፍያ ዱክያ ዋደ፡ ሀንተና ጳይሳናወ ዱካና፡ ሀንተወ ኮሻ ያ ያ ዳርሳና፤ የሩሳላመ ካታማ ካላይ ገለናዳን፡ ታን ድጋና፡

17 ታን ኮሻነ ባዘ ደአ ሀንተ ቦላ የድና፡ ኡንቱንቱ ሀንተ ናናቱዋ ጳይሳና፡ ታን ኢታ ሀርግያ፡ ሱላ ጉሰያዋን ኦላ ሀንተ ቦላ አሀና፡ መድና ጎዳይ ሀዋ ኦዳድ” ያጌ፡

6

ጸሳይ ኤቃወ ጎይንያዋ ፕርዳዳ

1 መድና ጎዳ ቃላይ ታኮ ሀዋዳን ያጌደ ዬዳ፤

2 “ኔኖ አሳ ናአው፡ እሰራኤልያ ዘዘቱዋኮ ነ ሶምኡዋ ደረቃን ዛራደ፡ ኡንቱንቱ ቦላ ትምቢትያ ኦዳ፡

3 ሀዋዳን ያጋ፡ ‘ሀንተና፡ እሰራኤልያ ዘዘቶ፡ ኡባ ሞድያ መድና ጎዳ ቃላ ሰሰተ! ኡባ ሞድያ መድና ጎዳይ እሰራኤልያ ዘዘቶነ ከራቶ፡ ቡቡሀቶነ ዛንጋራቶ ሀዋዳን ያጌ፤ በአተ፡ ታን፡ ታ ማሻ ሀንተ ቦላ የዳና፤ ቃይ ሀንተ ኤቃ ጎይንያ ሳኣካ ጳይሳና፡

4 ሀንተ ያርሽያ ሳኣቱ ኮለተና፤ ቃይ ሀንተ እጻና ጩዋይያ ሚሻቱካ መኤረታና፡ ታን ሀንተ አሳ ሀንተ ኤቃቱዋ ሰንላን ዋላና፡

5 ታን እሰራኤልያ አሳ አሃ ኡንቱንቱ ኤቃቱዋ ሰንላን ግሰሳና፤ ሀንተ መቀላካ ሀንተ ያርሽያ ሳኣቱዋ የሹዋን ላላና፡

6 ሀንተ ደእያ ሳን ኡባን፡ ሀንተ ካታማቱነ ሀንተ ጎይንያ ሳኣቱ ኮለተና፡ ሄዋዳንካ ሀንተ ያርሽያ ሳኣቱ ቱናና ላለታና፤ ሀንተ ኤቃቱ መኤረታናን ጳያና፤ ሀንተ እጻና ጩዋይያ ሳኣቱካ መኤረት ዋላና፤ ሀንተ ኦሌዳ ኦሱ ኡባይ ፕተት ጳያና፡

7 ሀንተ አሳይ ሹከቲደ፡ ሀንተ ግደን ኩንዳና፡ ታን መድና ጎዳ ግድያዋ ሀንተ ሄዋን ኤራና፡

8 “ ታን ሀንተጥ አማሬዳዋንታ ፓጻ አሻና፤ ማሻጥ አቱዳዋንቱ ቢታነ ካወተላ ግደን ላለታና፡

9 ማሻገጥ አቴዳዎንቱ ያን አዎዲዎን ደክና። ያን ደእያ ዎደ። አንቱንቱ ታና ሀሳያና፤ ቃይ ዎሹምያ ዎዛናን ባረንቱ አይፍያን ኤቃ ጎይናናው ጉዩ ሰምያዎን። አንቱንቱ ታ ዎዛና መንጩዳዎ ሀሳያና። አንቱንቱ ባረንቱ ኦጫዳ ኢታ ኦሱዋጥን አንቱንታ ዩላይያ ሀናታጥ ደንዴዳዎን። ባረና ባረ ሁጺያው ሻታና።

10 ቃይ ታን መድና ጎዳ ግድያዎ አንቱንቱ ኤራና። ታን አንቱንቱ ቦላ ኢታባ አሀና ጌዳዎ ጮ መላ ባብሱዋ ግደና። ” ያጌ።

11 አባ ሞድያ መድና ጎዳይ ታና ሀዋዳን ያጌ፤ “ነ ብራድያ ሀንቁዎን ጸርሳ! ይሉዋን ነ ገድያንካ ቢታ ቃካ! ቃይ ሀዋዳን ያጋ፤ ‘አሰራኤልያ አሳ ሸነይያ ኦሶ አየ አና!’ ያጋ። አያው ጎጥ። አንቱንቱ ኦላን። ኮሻንን ኢታ ሀርግያን ወራና።

12 ሃኩዋን ደእያዎ ኢታ ሀርግያን ሀይቃና፤ ማታን ደእያዎ ኦላን ሀይቃና፤ ቃይ ፓጻ አቴዳዎ ኮሻን ሀይቃና። ሄዋዳን ኦላይ። ታን ታ ሀንቁዎ አንቱንቱ ቦላ ወርሳና።

13 አንቱንቱ አሳ አሃይ አንቱንቱ ኤቃቱዋ ግዲዋ ኡባን። አንቱንቱ ያርሽያ ሳ ዩሹዋ ኡባን። ቋቃ ዘዘቱዋ ቦላን ደረቱዋ ኪክያ ኡባ ቦላን። እርጻ ሞላ ጋርሳ ኡባን። ዳር ቦንጪ ደእያ ኤላ ጋርሳ ኡባን። ባረንቱ ኤቃቶ ሳዊያ ያርሹዋ ጸጌዳ ሳኦ ኡባን ኩንዴዳ ዎደ። አንቱንቱ ታን መድና ጎዳ ግድያዎ ኤራና።

14 ቃይ ታን ታ ኩሽያ አንቱንቱ ቦላ ሞጫይ። አንቱንቱ ደእያ ቢታ ኡባ። ገድሳ ባጋ ባዘዋጥ ቢደ ሁጺሳ ባጋ ርብላ ግያ ካታማ ጋካናው። መላ ኦላና። ታን መድና ጎዳ ግድያዎ አንቱንቱ ሄዋን ኤራና ያጌ ያጋ” ያጌደ ዬዳ።

7

እስራኤልያው ወርሰላይ ጋኬዳ

1 መድና ጎዳ ቃላይ ታኮ ሀዋዳን ያጌደ ዬዳ፤

2 “ኔኖ አሳ ናአው። ኡባ ሞድያ መድና ጎዳይ እስራኤልያ ቢታው ሀዋዳን ያጌ፤ ‘ወርሰላይ በእት! ኡባ ባጋና ቢታ ቦላን ወርሰላይ ጋኬዳ።’

3 ሄኮ። ወርሰላይ ህንተ ቦላ ጋኬዳ! ታን ታ ሀንቁዋ ህንተ ቦላ ዩዳና። ታን ህንተ ኦሱዋዳን። ህንተ ቦላ ፕርዳና፤ ህንተ ቱና ሀናታዳን። ታን ህንተና ሙራና።

4 ታን ህንተው ቃረትከነ ህንተጥ እቱዋን አሸከ። ህንተ ኢታ ኦሱዋ ድራውካ ሙራና፤ ህንተ ግዲዋን ደእያ እጻቴዳ ኤቃ ጎይኑዋካ ቆንጭሳና። ታን መድና ጎዳ ግድያዎ ህንተ ሄዋን ኤራና ያጌ።

5 “ኡባ ሞድያ መድና ጎዳይ ሀዋዳን ያጌ፤ ‘ባሻ! ባሻ ቦላን ባሻይ ዬ።’

6 ወርሰላይ ጋኬዳ! ወርሰላይ ጋኬዳ! እ ህንተ ቦላን ደንዴዳ። በእት። እ ጋኬዳ!

7 ሀ ቢታን ደእያዎንቶ። ህንተ ፕርዳይ ጋኬዳ፤ ዎዲ ጋኬዳ፤ ጋላሳይ ማታቱዳ! ሄዎ ሻቢርሳ ጋላሳጥ አትና። ዘዝያ ቦላን ናሽቻን አልልያ ጋላሳ ግደና።

8 ሀእ ማታን ታን ታ ሀንቁዋ ህንተ ቦላ ጉሳና፤ ታ ይሉዋካ ህንተ ቦላን ወርሳና። ታን ህንተ ኦሱዋዳን። ህንተ ቦላ ፕርዳና፤ ህንተ ቱና ሀናታዳን። ህንተና ሙራና።

9 ታን ህንተው ቃረትከነ ህንተጥ እቱዋን አሸከ። ህንተ ኢታ ኦሱዋ ድራውካ ሙራና፤ ህንተ ግዲዋን ደእያ ኤቃ ጎይኑዋካ ቆንጭሳና። ያቶጥ ህንተ ህንተና ሾጮዳዊ ታና መድና ጎዳ ግድያዎ ኤራና።

10 “ ሄኮ ጋላሳይ! ሀዋሽ ጋኬዳ! ህንተ ባዩላይ ህንተ ጥንግያ ጋኬዳ! ህንተ ኢታተላይ ኩኩሜዳ፤ ህንተ ኦቶሩካ ጨሼዳ።

11 ማካላ ጋሱዋን ኢታ ኦሱ ዳሬዳ፤ አንቱንቱጥ እቱነ አተና፤ አንቱንቱ ጮራተላጥ። ዎይ አንቱንቱ ዲረተላጥ። ዎይ አንቱንቱ ቦንቹዋጥ አይነ አተና።

12 ዎዲ ጋኬዳ፤ ጋላሳይካ ማታቱዳ! ሀንቁ አሳ ኡባ ቦላና ግድያ ድራው። ሻምያዎ ናሽቶግ፤ ዎይ ዘልእያዎካ ካዮቶግ።

13 አንቱንቱ ላኡ ፓጻ ደእያ ዎድያን። ዘልኤዳዊ ባረ ዘልኤዳዎ ጉዩ ሰመና። እራኤልያ አሳ ኡባ ቦላ ኦደቴዳ ሀ ሳጸይ ላመተና፤ አንቱንቱ ናጋራጥ ደንዴዳዎን አንቱንቱጥ እቱነ ባረ ሸምቹዋ አሸና።

14 ታ ሀንቁ አሳ ኡባ ቦላ ደእያ ድራው። አንቱንቱ አላው ኡልቱዋ ፑኒደ። ኡባ ባግሶጥካ። ኦንነ አላው ከሰና።

እስራኤልያ አሳ ናጋራ ጋሱዋን ይያ ሙሩዋ

15 “ ሳረና ኦላይ። ሶና ኢታ ሀርጊነ ኮሻይ ደኤ። ካታማጥ ጋጸን ደእያዎ ኦላን ሀይቃና፤ ካታማ ግደን ደእያዎንቱ ኮሻንን ኢታ ሀርግያን ወራና።

16 አንቱንቱጥ አቴዳዎንቱ። ደምባ ጋድያጥ ያሻን ባቃቱዳ ሀራጸቱዋዳን ባረንቱ ናጋራ ጋሱዋን ደርያ ቦላን ኦላና።

17 ኩሽያ ኡባይ ደንጭላና፤ ጉልባታይ ኡባይ ኮልድና ያሻን ሙሻና።

18 አንቱንቱ ማቃ ማያና፤ ቃይ ያሻን ኮኮራና። አንቱንቱ ኡባ ሰምኢካ ዬላ ማያና፤ አንቱንቱ ኡባ ሁጺካ ሜደታና።

19 አንቱንቱ ባረንቱ ብራ ኦግያን ኦላና፤ አንቱንቱ ዎርቃይካ ቱናባ ግዳናዎ። ኤጽያ መድና ጎዳ ሀንቁዋ ጋላሰ። አንቱንቱ ብራይነ አንቱንቱ ዎርቃይ አንቱንታ አሻናው ዳንዳዩና። አንቱንቶ ቆብ ግዲደ። ናጋራን ገልሴዳ ብራይነ ዎርቃይ አንቱንቱ ኡሉዋ ኩሚደ። አንቱንታ ኮሻጥ አሸና።

20 “ ሳንቱንቱ ባረንቱ ሎኦ አሌቁዋን ኦቶረቴድና፤ ሄዋንታ ባረንቱ እጻቴዳ ቱና ኤቃነ ዬላይያ ሞሰልያ መቆናው ጎኤቴድና። ሄዋ ድራው። ታን ሄ ሎኦ አሌቁዋ አንቱንቶ ቱናባ ከሳድ።

21 ታን አንቱንቱ አሌቁዋ አዎዲዋ ኦላይ። አላጋውነ ቢታ ኡባን ደእያ ኢታቶ አላይ እምና። አንቱንቱ እ ቱናባ ከሳና።

22 ሄ ዎደ ታን ታ ሰምኡዋ ዎራ ዛራና፤ ቃይ ታ ቦንቾ ጌሻ ጎልያ ፓንጋቱ ገሊደ ቱንሳና።

23 “ ሱረ ፕርዳ ቆዩሳን። ቢታይ ኡባይ ሱላን ኩሜዳ ድራውካ ካታማይካ ማካላ ኦሱዋን ኩሜዳ ድራው። ሳንሳላታ ገግሳ።

24 አንቱንቱ ጎለቱዋ ባረሳ ኦላና ማላ። ታን ኡባጥ ኢታ ካውተላ አሀና። ዎልቃማቱዋ ኦቶሩዋካ ታን ቆይሳና፤ አንቱንቱ ጌሻ ሳኦቱካ ቱናና።

25 ደጋማይ ይያ ወደ፡ ኡንቱንቱ ሳሩዋ ኮያና፤ ሸን ደምክና።

26 ባሻይ ባሻ ቦላ፡ ቃይ ኢታ ኦዲ ኢታ ኦዲዋ ቦላ ያና። ኡንቱንቱ ትምቢትያ ኦድያዋ፡ “ነ ሳፃ ኦዲ” ያጋና። ቁሳቶ ታማርሰያ ትምርቲ ቆያና፤ ጭማቶካ ዘርያዌ ቆያና።

27 ካቲ ዬካና፤ ካቲ ህድታ ቃንጻና፤ ሄ ቢታ አሳ ኩሺ ያሻን ኮኮራና። ታን ኡንቱንቶ ኡንቱንቱ ኡሱዋዲን አላና፤ ኡንቱንቱ ፕርዳዲን፡ ኡንቱንቱ ቦላ ፕርዳና። ታን መድና ጎዳ ግድያዋ ኡንቱንቱ ሄዋን ኤራና፤ ያጌ” ያጌደ ዬዳ።

8

ጌሻ ጎልያን ኤቃ ጎይና (8:1—10:22)

1 ኩን ኦሞድቲዳ ኡሱቸንላ ላይላን፡ ኡሱቸንላ አግናን፡ እቼሻንላ ጋላሳን፡ ታን ታ ሶን ኡት ደእሸን፡ ይሁዳ ጭማቱካ ታ ሰንላን ኡት ደእሸን፡ ኡባ ሞድያ መድና ጎዳ ዋልቃይ ታና ሞዴዳ።

2 ታን ትሽ ኡዳደ ጸልያ ወደ፡ አሳ ማላትያዋ በኣድ፤ አዉ ጸሳፕ ጋርሳ ባጋ ማላትያ ሳኦይ ታማ ማላቲ፤ ቃይ ጸሳፕ ቦላ ባጋ ማላትያ ሳኦይ ጸልያ ናሰያ ብራታ ማላቲ።

3 እ ኩሽያ ማላትያዋ ታኮ የዲደ፡ ታ ሁጲያ ብናና ኦይቄዳ። እያናይ ታና ሳኦፕን ሳሉዋፕ ግዶ ፑደ ደንሏደ፡ ጸሳ ሳጸን ታና የሩሳላመ አፊዳ። ሁጲሳ ባጋና ጌሻ ጎልያ ግዶ ዳባባ ገልያ ፕንግያና ገልሲደ፡ ጸሳ ቃናትያ ደንባላያ ኤቃይ ኤቄዳዋ በሴዳ።

4 ካሰ ታን ካባራ ሻፋ ማታን ሳጸን በኤዳዋዲን፡ እሰራኤልያ ጸሳ ቦንቹዋ ሄዋን በኣድ።

5 ሄዋን እ ታዉ ሀዋዲን ያጌዳ፤ “ኔኖ አሳ ናአዉ፡ ሁጲሳ ባጋ ጸላ” ያጌዳ። ታን ጸልያ ወደ፡ ጸሳ ቃናትያ ደንባላያ ኤቃ ሞሰልያ ሰንላን ደእያ ያርሽያ ሳ ማታን ደእያዋ በኣድ።

6 ቃይካ እ ታዉ ሀዋዲን ያጌዳ፤ “ኔኖ አሳ ናአዉ፡ ኡንቱንቱ ኦልያዋ በኣይ? ታና ታ ጌሻ ጎልያፕ ሃሳናዉ እሰራኤልያ አሳይ ኦልያ ዋልቃማ እጸትያ ኤቃ ጎይኑዋባ በኣይ? ሄዋፕካ አድያ አትያ ኤቃ ጎይኑዋባ ጎይና ኔን ብር በኣና” ያጌዳ።

7 ሄዋፕ ጌይያን፡ ታና ጌሻ ጎልያ ዳባባ ፕንግ አሄዳ፤ ሄኮ ታን ጸልያ ወደ፡ ጎዳን ጸኢ ደእያዋ በኣድ።

8 እ ታና፡ “ላ አሳ ናአዉ፡ ጎዳ ቦካ” ያጌዳ፤ ታን ቦክያ ወደ፡ እት ፕንጌ ሄዋን ደእያዋ በኣድ።

9 ቃይ እ ታና፡ “ገላ፤ ኡንቱንቱ ሀዋን ኦልያ ኢታን ሸንይያ ኤቃ ጎይኑዋ ጎይኑዋ በኣ” ያጌዳ።

10 ታን ግዶ ገላደ ጸልያ ወደ፡ ጎዳ ቦላን ዩይ አዲደ ቢታና ጎሽትያ መታቲ ሞሰሊ፡ ጌሻ ግደና ዶአቲዋ ሞሰሊ ኡባይን እሰራኤልያ አሳ ኤቃቲዋ ኡባ ሞሰሊ ኩሜዳዋ በኣድ።

11 ኡንቱንቱፕ ሰንላ ባጋና እሰራኤልያ አሳፕ ላቸን ታሙ ጭማቲ ኤቄድና፤ ቃይ ሻፋና ናኣ ያዛኒካ ኡንቱንቱ ግዶን ኤቄዳ። ኡባይካ እጸና

ጩዋይያዋ ባረንቱ ኩሽያን ኦይቄድና፤ እጸና ጩዋይካ ቱሉ ጌ።

12 ቃይ እ ታና ሀዋዲን ያጌዳ፤ “ላ አሳ ናአዉ፡ ሀዋ እሰራኤልያ አሳ ጭማቲ ኡባይካ ቆማን ባረንቱ ኤቃ ሞሰልያ ጎልያን ኡንቱንቱ ኦልያዋ በኣይ? እያዉ ጎፕ፡ ኡንቱንቱ፡ መድና ጎዳይ ኑና በኤና፤ መድና ጎዳይ ሀ ቢታ አጌዳ ያጌና” ያጌዳ።

13 ቃይካ እ ታና፡ “ሄዋፕካ አድያ እጸቲዳ ኤቃ ጎይኑዋ ኔን ብር በኣና” ያጌዳ።

14 ሄዋፕ ጌይያን፡ እ ታና ጌሻ ጎልያ ሁጲሳ ባጋ ፕንግያኮ አፍና፡ ሄዋን ታሙዛ ግያ ባረንቱ ጸሳዉ ኡቲደ ዬክያ ማጫ አሳቲዋ በኣድ።

15 እ ታና፡ “ኔኖ አሳ ናአዉ፡ ሀዋ በኣይ? ሄዋፕ አድያ እጸቲዳ ኤቃ ጎይና ኔን ብር በኣና” ያጌዳ።

16 ሄዋፕ ጌይያን፡ እ ታና መድና ጎዳ ጎልያ ግዶ ዳባባ አፊዳ፤ ሄዋን ጌሻ ጎልያ ፕንግን ባራንዳፕን ያርሽያ ሳፕ ግዳዋን ላታማን እቼሹ አቲማ አሳ ግድያዋ በኣድ። ኡንቱንቱ ባረንቱ ዘክያ መድና ጎዳ ጌሻ ጎልያኮ፡ ባረንቱ ሶምኡዋ አዋይ ዶልያ ባጋ ዛሪደ፡ አዋይ ዶልያ ባጋና አዋዉ ጎይኒና።

17 እ ታና ሀዋዲን ያጌዳ፤ “ኔኖ አሳ ናአዉ፡ ሀዋ በኣድ? ይሁዳ አሳዉ ሀ እጸቲዳ ኤቃ ጎይኑዋ ሀዋን ኦልያዋ ኡባይ ላፋባ ግዴዴ? ኡንቱንቱ ቢታ ማካላ ኡሱዋን ኩንሏደ፡ ዘር ዛሪደ ታና ሀንቀትሳናዉ በሰ? በኣ፡ ኡንቱንቱ ባረንቱ ዳንዳዬዳ ኬናን ታና ኢሲደ ጫሺኖ።

18 ሄዋ ድራዉ፡ ታን ኡንቱንቱና ሀንቁዋን ጋከታና። ታን ኡንቱንቶ ቃረትከን ኡንቱንቱፕ እቲዋን እሸከ። ኡንቱንቱ ባረንቱ ኮሻ ጶቄ ኦሏደ፡ ታ ሀይላን ዋሰናካ፡ ታን ኡንቱንቶ ሰሰከ” ያጌዳ።

9

ኤቃዉ ጎይንያዋንታ ዋዴድኖ

1 ሄዋፕ ጌይያን፡ ቆቃ ኮሻን፡ ታን ሰሰሸን፡ “ሀዋንቱ፡ ካታማቶ ሙራናዉ ኪተቲዳዋንቱ፡ ኡባይካ ባረንቱ ዋዴያ ኦላ ሚሻ ባረንቱ ኩሽያን ኩሽያን ኦይቄደ፡ ሃ ዪኖ” ያጌዳ።

2 ሄዋፕ፡ ሁጲሳ ጸልያ ቆሞ ባጋ ፕንግያና ዋዴያ ኦላ ሚሻ ኦይቄደ፡ ይያ ኡሱቸን አሳቲዋ በኣድ። ኡንቱንቱና እትፕ ሊኑዋፕ ዳደቲዳ ማዩዋ ማዩደ፡ ባረ ሞይያን ጸፍያዋ ኮርጂዋን ኦይቄዳ እት ብታኒ ደኤ። ኡንቱንቱ ግዶ ገሊደ፡ ናሃሰያፕ ኦሰቲዳ ያርሽያ ሳ ማታን ኤቄድኖ።

3 እሰራኤልያ ጸሳ ቦንቹ ካሰ ባረ ደእያ ክሩበቲዋፕ ደንዲደ፡ ጌሻ ጎልያ ፕንግያ ጉባንያኮ ቢደ ኤቄዳ። ሄዋን መድና ጎዳይ ላይኑዋ ማዩደ፡ ባረ ሞይያን ጸፍያዋ ኮሩጂዋን ኦይቄዳ ብታንያ ጸሴዳ።

4 እ ሀዋዲን ያጌዳ፤ “የሩሳላመ ካታማ ግዲዋ ባደ፡ ያን ኦሰትያ እጸቲዳ ኤቃ ጎይኑዋ ድራዉ፡ ኦሊድን ካዮቲደ ደእያ አሳ ሶምኡዋን ማላ ዋላ” ያጌዳ።

5 ታን ሰሰሽን፤ እ ሀራቱዋካ ሀዋዳን ያጌዳ፤ “እ ጌዳ ካሊደ፤ ካታማ ግዲዋ አዲደ ዋድተ! እቱዋነ አሾፕተ፤ ኦሰነ ቃረቶፕተ።

6 ጭማቱዋ፣ ዋዳላቱዋነ ዋዳሮቱዋ፣ ማጫ አሳቱዋነ ናናቱዋ ኡባካ ሹክተ፤ ሽን ሰምኡዋነ ማላይ ደእያ አሳ ኦናነ ቦቾፕተ። ዋዳዋ ታ ጌሻ ጎልያን ደሞተ” ያጌዳ። ኡንቱንታ ዋዳዋ ጌሻ ጎልያ ሰንሳን ኤቄዳ ጭማቱዋን ደሚድኖ።

7 ሄዋፕ ጉይያን፣ እ ኡንቱንታ ሀዋዳን ያጌዳ፤ “ጌሻ ጎልያ ቱንሰተ፤ ዳባባቱዋካ አሃን ኩንሰተ፤ ከሰተ” ያጌዳ። ኡንቱንቱ ከሲደ፣ ካታማ ግዲን ኡባን ዋዳዋ ደሚድኖ።

8 ኡንቱንቱ ዋድ ደእሸን፣ ታን ታረካ አታደ፣ ታ ሰምኡዋ ቢታ ጋላ ጉፋናደ፣ ታ ቃላ ዶቁ አላደ፣ “አቤት ኡባ ሞድያ መድና ጎዳወ፣ ሀ ኔን የሩሳላመ ቦላን ጉሰያ ነ ሀንቁዋን፣ እሰራኤልያፕ አቱዳ ሙልያካ ወርሳየ?” ያጋድ።

9 እ ዛሪደ፣ ታወ ሀዋዳን ያጌዳ፤ “እሰራኤልያን ይሁዳ ናጋራይ ሎይላ ዳራዳ፤ ቢታ ኡባይ ሱላን ኩሚዳ፤ ቃይ ካታማ ኡባን ሱሪ ፕርዳይ ባዋ። አያወ ጎፕ፣ ኦሳይ፣ መድና ጎዳይ ሀ ቢታ አጌዳ፤ መድና ጎዳይ በኤና” ያጌዳ።

10 ሄዋ ድራወ፣ ታን ኡንቱንቶ ቃረትከነ ኡንቱንቱ፣ እቱዋነ አሸከ። ታን ኡንቱንቶ ኡንቱንቱ አግያዳ አላና” ያጌዳ።

11 ሄዋፕ ጉይያን፣ ላይኑዋ ማዴደ፣ ባረ ሞይያን ጸፍያዋ ኮሮጃዋን ኦይቄዳ ብታኒ ጉየ ሰሚደ፣ “ኔን ታና አዛዜዳዋዳን አላድ” ያጌዳ።

10

ጸሓ ቦንቹ ጌሻ ጎልያፕ ሻከቱዳ

1 ታን ጸልያ ዋደ ሳምፔርያ ግያ እንቁዋፕ አሰቱዳ ካወተላ አራታ ማላትያ ክሩብቱዋ ሁጲያፕ ቦላ ባጋና ደእያ ሞጬቱዳ ሳሉዋ ጉፋንሉዋ ማላትያዋን ደእያዋ በኣድ።

2 ሊኑዋ ማዴዳ ብታንያ መድና ጎዳይ ሀዋዳን ያጌዳ፤ “ክሩብቱዋፕ ጋርሳ ባጋና ይንግርያዋን ግዲዋና አጳ ባ፤ ሄዋፕ ጸጸንላ ቦንቁዋ ነ ኩሽያን ኮጳታ አካደ፣ ካታማ ቦላ ላላ” ያጌዳ።

ታን ጸልሸን፣ ታማ አካናወ ገሌዳ።

3 ብታኒ ገልያ ዋደ፣ ክሩብቱ ጌሻ ጎልያፕ ገድሳ ባጋና ኤቄድኖ፤ ግደ ዳባባካ ሻሪ ኩሚዳ።

4 መድና ጎዳ ቦንቹ ክሩብቱዋ ቦላፕ ደንዲደ፣ ጌሻ ጎልያ ፕንግያ ጉባንያኮ ቢደ ኤቄዳ። ሻሪ ጌሻ ጎልያ ኩሚዳ፤ ዳባባይካ መድና ጎዳ ቦንቹዋ ጸለላን ኩሚዳ።

5 ክሩብቱዋ ቀፍያ ገረሳይ ኡባ ሞድያ ጸሳይ ሃሳዮደ ሰሰትያ ኮሻዳን፣ ካረ ዳባባን ሰሰቱ።

6 ሊኑዋ ማዴዳ ብታንያ መድና ጎዳይ፣ “ክሩብቱዋ ጋርሳ ባጋ ይንግርያዋ ግደፕ ታማ አካ” ያጌደ አዛዝና፣ እ ገሊደ እት ይንግርትያዋ ሞይያን ኤቄዳ።

7 ክሩብቱዋፕ እቱ ባረንቱ ግደን ደእያ ታማኮ ባረ ኩሽያ የዲደ፣ አፕ ጉላ አኪደ፣ ላይኑዋ ማዴዳ ብታንያ ኩሽያን ዋላና፣ እካ አኪደ ከሴዳ።

8 ክሩብቱዋ ቀፍያፕ ጋርሳ ባጋና አሳ ኩሽያ ማላትያዋ ደኤ።

9 ታን ጸልያ ዋደ፣ ክሩብቱዋ ሞየ ባጋ ኦይዲ ይንግርቱ ደኢኖ፤ እት ክሩብያ ሞይያን እት እት ይንግሪ ደእያዋ በኣድ፤ ሄ ይንግረላቱ እንቁዋዳን ጸለኖ።

10 ኡንቱንቱ ኦይዲካ እቱ እቱዋ ማላቲኖ፤ እት እርዙ ላኡ እርዙዋ ግዲደ መፍቱዳ፤ እቱ እቱዋ ግዲዋና ካንሰ ኡቱዳ።

11 ክሩብቱ ብያ ዋደ፣ ኦይዲ ባጋወካ ያነ ሃነ ሰመናን ቢኖ፤ እት ይንግረላይ ቤዳ ጌዲዋ የንኮ ይንግረትያዋንቱ ያነ ሃነ ሰመናን ኦይዲዋፕ እቱዋ ሁጲ ሰሞ ሳኣ ሰት ገደ ቢኖ።

12 ኡንቱንቱ ኩሚዳ ቦላን፣ ሄዋን ኡንቱንቱ ዘኩዋን፣ ኡንቱንቱ ኩሽያን፣ ኡንቱንቱ ቀፍያንን ኡንቱንቱ ኦይዲ ይንግረትያዋንቱን አይፊ ኩሚዳ።

13 ታን ሰሰሽን፣ ይንግረትያዋንቱ ኤሌልያ ይንግረትያዋንታ ጌተት ጸሰቱድኖ።

14 እት እት ክሩብያወ ኦይዲ ሰምኢ ደኤ። እት ሰምኢ ክሩብያ ሰምኡዋ፣ ላኤንሉ አሳ ሰምኡዋ፣ ሄዘንሉ ጋሙዋ ሰምኡዋን፣ ኦይደንሉ አርጋንላ ሰምኡዋ።

15 ሄዋፕ ጉይያን፣ ክሩብቱ ፑደ ደንዴድኖ። ሀዋንቱ ታን ካባራ ሻፋ ማታን በኤዳ ፓጸ ደእያ መፍታቱዋ።

16 ቃይ ክሩብቱ ብያ ዋደ፣ ኡንቱንቱ ሞየ ባጋን ደእያ እርዙቱካ ቡሉሊኖ፤ ቃይ ክሩብቱ ቢታፕ ፑደ ደንዳናወ ባረንቱ ቀፍያ ሞጬያ ዋደካ ይንግረትያዋንቱ ኡንቱንቱ ሞይያፕ ሻከትክኖ።

17 ኡንቱንቱ ኤቄያ ዋደ፣ ይንግረላቱካ ኤቄኖ፤ ቃይ ኡንቱንቱ ቢታፕ ፑደ ደንድያ ዋደ፣ ኡንቱንቱካ ደንዲኖ። ሄዋካ ፓጸ ደእያ መፍታቱ ኢናናቱ ኡንቱንቱን ደእያ ድራሳ።

18 ሄዋፕ ጉይያን፣ መድና ጎዳ ቦንቹ ጌሻ ጎልያ ፕንግያፕ ደንዲደ፣ ክሩብቱዋፕ ቦላ ባጋን ኤቄዳ።

19 ታን ጸልሸን፣ ክሩብቱ ባረንቱ ቀፍያ ሞጬደ፣ ይንግረትያዋናካ እትፕ ቢታፕ ፑደ ደንዴድኖ። ኡንቱንቱ መድና ጎዳ ጎልያ አዋይ ደልያ ባጋን ደእያ ድርሳ ፕንግያና ኤቄድኖ፤ እሰራኤልያ ጸሓ ቦንቹካ ኡንቱንቱፕ ቦላ ባጋና ደኤ።

20 ሀዋንቱ ካባራ ሻፋን ታን እሰራኤልያ ጸሳፕ ጋርሳ ባጋና በኤዳ ፓጸ መፍታቱዋ፤ ቃይ ኡንቱንቱ ክሩብቱዋ ግድያዋ ታን ኤራድ።

21 ኡንቱንቶ ኡባወካ ኦይዲ ኦይዲ ሰምኡቱን፣ ኦይዲ ኦይዲ ቀፊቱ ደኢኖ፤ ኡንቱንቱ ቀፊቱዋፕ ጋርሳ ባጋና አሳ ኩሽቱዋ ማላትያዋ ደኤ።

22 ኡንቱንቱ ሰምኡቱ ካባራ ሻፋ ማታን ታን በኤዳ ሰምኡቱዋ ማላቲኖ። ኡንቱንቱ ኡባይካ ሰት ገደ፣ ሰንላወ ቢኖ።

11

የሩሳላመ ቦላ ጋኬዳ ፕርዳ

1 ሄዋፕ ጉይያን፣ አያናይ ታና ደንሳደ፣ አዋይ ደልያ ባጋ ጸልያ መድና ጎዳ ጎልያ ድርሳ ፕንግ

አፌዳ። ሄዋን ሄ ጥንግያ ገልጻሳን ላታማን እቸቹ እቸማ አሳይ ደኤ፤ ኡንቱንቱ ግደን አሳ ካለልያ እዙራ ሩኣ አዛንያን ባናያ ሩኣ ፓላጽያ በአድ።

2 መድና ጎዳይ ታና ሀዋዳን ያጌዳ፤ “ላ አሳ ሩኣው፤ ሀ እቸማ አሳቱ ሀ ካታማን ኢታ ሀልቸዋ ሀልቸያዋንታን ኢታ ዘርያ ዘርያዋንታ።

3 ኡንቱንቱ ሀዋዳን ያጌዳ፤ ሩኣ ጎልያ ዛረሐ ኬጸና ዋዲ ሀኣ ግደና። ሀ ካታማይ አቸዋ ጸሩዋ፤ ቃይ ኩን አቸ፣ ያጌዳ።

4 ሄዋ ድራው፤ አሳ ሩኣው፤ ትምቢትያ ኦዳ! ኡንቱንቱ ቦላ ትምቢትያ ኦዳ!” ያጌዳ።

5 ሄዋጥ ጉይያን፤ መድና ጎዳ አያናይ ታ ቦላ ዋዲዳ፤ ታና ሀዋዳን ያጌዳ፤ “ኡንቱንታ ያጋ፤ መድና ጎዳይ ሀዋዳን ያጌ፤ ሩኣሰራኤልያ አሳው፤ ሀንተ ሄዋዳን ጊታ፤ ታን ሀንተ አያ ቆጥንቶ ኤራይ።

6 ሀ ካታማን ሀንተ ዳር አሳ ዋዲዳ፤ ኦግያ ኡባን አሃ ኩንሌድታ ያጌ።

7 “ሄዋ ድራው፤ ኡባ ሞድያ መድና ጎዳይ ሀዋዳን ያጌ፤ “ሀንተ ዋዲዳ ሄዋን ኦሌዳ አሃይ አቸዋ፤ ቃይ ሀ ካታማይካ አቸዋ ደይሰያ ጸሩዋ፤ ሸን ታን ሀንተና ሀ ካታማጥ የደርሳደ ከሳና።

8 ሀንተ ኦላው ያዬድታ፤ ታን ሄ ሀንተ ያዬዳ ኦላ ሀንተ ቦላ አሀና። ኡባ ሞድያ መድና ጎዳይ ሀዋ ኦዳይ።

9 ታን ሀንተና ሀ ካታማጥ ከሳደ፤ አላጋቱዋ ኩሸያን አላ አማና፤ ታን ሀንተ ቦላ ፕርዳና።

10 ሀንተ አላን ዉራና፤ ታን ሀንተና ሀንተ ቢታን ፕርዳና። መድና ጎዳ ግድያዋ ሀንተ ሄዋን ኤራና።

11 ሀ ካታማይ ሀንተው አቸዋ ጸሩዋ ግደና፤ ሀንተካ አ ግደን አቸዋ ግድክታ። ሀንተ ቦላ እሰራኤልያ ቢታን ፕርዳና።

12 መድና ጎዳ ግድያዋ ሀንተ ሄዋን ኤራና። አያው ጎጥ፤ ሀንተ ታ አዛዙዋ ካለናን እጆድታ፤ ታ ዋጋካ ሩገናን እጸደ፤ ሀንተ ዩቸዋን ደእያ ካወተላቸዋ ዋጋዳን ደኤድታ” ያጌ፣ ያጋ” ያጌዳ።

13 ታን ትምቢትያ ኦድሸን፤ ባናያ ሩኣ ፓላጾ ሀይቄዳ፤ ታን ዲገ ጉፋናደ፤ ታ ቃላ ቶቄ አላደ፤ ሀዋዳን ያጋደ ዋሳደ፤ “አቤት ኡባ ሞድያ መድና ጎዳው፤ እሰራኤልያጥ አቱዳዋንታ ኡባና ዉርሳና ሀናይዬ?” ያጋድ።

ጸሳይ አዋዳዋን ደእያዋንቶ እሜዳ ሀደታ

14 ሄዋጥ ጉይያን መድና ጎዳ ቃላይ ታኮ ሀዋዳን ያጌደ ዬዳ፤

15 “ላ አሳ ሩኣው፤ የሩሳላመን ደእያ እሰራኤልያ አሳይ ነ እሻቱዋባነ ነ ዳቦቱዋባ፤ አዋዳዋን ደእያ እሰራኤላቱዋባ ሩኣንቱንቱ መድና ጎዳጥ ሃኬድና፤ ሀ ቢታይካ ኑው ላታ ግዲደ እመቱዳ፣ ያጌደ ሃሳዪና።

16 “ሄዋ ድራው፤ ኡን ሀዋዳን ያጋ፤ ሩኣ ሞድያ መድና ጎዳይ ሀዋዳን ያጌ፤ “ኡንቱንታ ሃኮ ካወተላቸዋ ግደ የደጥካ፤ ቃይ ቢታቱዋን ላሎጥካ፤ ቤዳ ቢታቱዋን ጉላ ዋድያው ታን ኡንቱንቱና ግዳና” ያጌ፣ ያጋ።

17 “ሄዋ ድራው፤ ኡን ሀዋዳን ያጋ፤ ሩኣ ሞድያ መድና ጎዳይ ሀዋዳን ያጌ፤ “ታን ሀንተና

ካወተላቸዋጥን ሀንተ ላለቱዳ ቢታቱዋጥ ሸሻና፤ ቃይ እሰራኤልያ ቢታ ታን ዛራደ ሀንተው እማና” ያጌ፣ ያጋ።

18 “ኡንቱንቱ ጉዩ ሰሚደ ዪደ፤ ሸንይያ ሞሰልያን ቱና ኤቃ ቢታጥ ቆይሳና።

19 ታንካ ኡንቱንቶ እት ዋዛና እማና፤ ቃይ ኦራላ እያናካ ኡንቱንቱ ግደን ዋላና። ኡንቱንቱጥ ሹቻ ዋዛና ድጋደ፤ አቸዋ ዋዛና ኡንቱንቶ እማና።

20 ሄ ዋድያን ኡንቱንቱ ታ ሀግያ ካላና፤ ታ አዛዙዋካ ሩጋና። ኡንቱንቱ ታ አሳ ግዳና፤ ታንካ ኡንቱንቱ ጸሳ ግዳና።

21 ሸን ሄ ሸንይያ ሞሰልያውን ቱና ኤቃው ጎይናናው ደሴዳዋንታ ግደጥ፤ ታን ኡንቱንቱ ኦሱዋዳን ኡንቱንቶ ኦላና። ታን ኡባ ሞድያ መድና ጎዳይ ሀዋ ኦዳይ” ያጌደ ዬዳ።

ጸሳ ሶንቹ የሩሳላመጥ ሻክቲዳ

22 ሄዋጥ ጉይያን፤ ኡንቱንቱ ሞይያን ይንግረትያዋንቱ ደእያ ክሩባቱ፤ ባረንቱ ቀፍያ ሞጩድና፤ እሰራኤልያ ጸሳ ሶንቹካ ኡንቱንቱጥ ቦላና ደኤ።

23 መድና ጎዳ ሶንቹ ካታማ ግደጥ ደንዲደ፤ አዋይ ዶልያ ባጋ ደርያ ቦላ ኤቄዳ።

24 ጸሳ አያናይ ታው እሜዳ ሳጸን አያናይ ታና ቢታጥ ፑደ ደንሌደ፤ ባብሎንን አዋደቱዳዋንቱኮ አፌዳ። ሄዋጥ ጉይያን፤ ሳጸይ ታጥ ሻክቲዳ።

25 ታንካ መድና ጎዳይ ታና በሴዳዋ ኡባ አዋዳዋን ደእያዋንቶ ኦዳድ።

12

ህዝቄላ አሳይ አዋደቲደ ብያዋ ማላታ በሴዳ

1 መድና ጎዳ ቃላይ ታኮ ሀዋዳን ያጌደ ዬዳ፤

2 “ላ አሳ ሩኣው፤ ኡን ማካላንቻ አሳ ግደን ደአሳ። ኡንቱንቱ ማካላንቻ አሳ ግድያ ድራው፤ ኡንቱንቶ አይፊ ደኤ፤ ሸን ደምክና፤ ኡንቱንቶ ሀይላይ ደኤ፤ ሸን ሰሰክና።

3 ሄዋ ድራው፤ አሳ ሩኣው፤ አዋዳዋን ብያ አሳዳን፤ ኡን አፋናው ዳንዳይያዋ ኡባ ሸሻ ቃቻደ፤ ጋላሰ ኡንቱንቱ ጸልሸን ከሳደ፤ ነ ደኢያሳጥ ሀራ ሳኣ ባ። ኡንቱንቱ ማካላንቻ አሳ ግደጥ፤ ኦን ኤሪ፤ ኡንቱንቱ አኬካና።

4 ጋላሰ ኡንቱንቱ ጸልሸን፤ አዋዳዋ ብያ አሳዳን፤ ኡን ቃቹዳዋ ካረ ከሳ፤ ቃይ አማርሰ ኡንቱንቱ ጸልሸን፤ አዋዳዋ ብያ አሳዳን ከሳ።

5 ኡንቱንቱ ጸልሸን፤ ነ ጎልያ ጎዳ መንላደ፤ ሄ መኣ ሳኣና ሙሉላደ ከሳ።

6 ኡን ከሴዳ ሚሻ ኡንቱንቱ ጸልሸን፤ ነ ሀሸያን ቶካደ፤ ለምእ ለምእሸን ከሳ። ቢታ በኤናዳን፤ ነ ሶምኡዋ ካማ። ሀ ኡን ሀንያዌ እሰራኤልያ አሳው ማላታ ግዳናዳን፤ ታን ኦላድ” ያጌዳ።

7 ታንካ እ ታና አዛዜዳዋዳን ኦላድ። አዋዳ ብያ አሳዳን፤ ጋላሰ ታን ቃቹዳዋ ካረ ከሳድ። አማርሳን ቃይ ታ ጎልያ ጎዳ ታ ኩሸያን መንላደ

ከሳድ፤ ታን ከሴዳ ሚሻ ኤንቱንቱ ጸልሸን፤ ታ ሀሽያን ቶካደ፤ ለምእ ለምእሽና ባድ።

8 ዋንተላ መድና ጎዳ ቃላይ ታኮ ሀዋዳን ያገደ ዬዳ፤

9 “ላ አሳ ናአው፤ ሄ ማካላንቻ ዛራቱ፤ እስራኤልያ አሳቱ ኔና፤ ‘ኔን ኦላያዌ አዬ?’ ጊደ አቼድኖ ግድክና?

10 ኔን ኤንቱንታ ሀዋዳን ያገ፤ ሓባ ሞድያ መድና ጎዳይ ሀዋዳን ያገ፤ “ሀ ትምቢቲ የሩሳላመን ካፑዋባን እስራኤልያ አሳ ኩመንላባ” ያገ’ ያገ።

11 ኔን ኤንቱንታ፤ ታን ሀንተው ማላታ። ታን ኦሌዳዋዳን፤ ኤንቱንቱ ቦላ ሀናና፤ ኤንቱንቱ አዋደቲደ፤ ሀራ ቢታ ባና’ ያገ።

12 “ኤንቱንቱ ግድን ደእያ ካፑ ጎዳ ሉክ ከሲደ፤ ባረ ሚሻ ባረ ሀሽያን ቶኪደ፤ ለምእ ለምእሽና ባና፤ እ ቢታ በኤናዳን፤ ባረ ሶምኤዋ ካማና።

13 ታን ግትያ እ ሰንላን የገና ታ ጲርያንካ ኦይቃና። ታን እ ባብሎን ካታማ አሀና፤ ሸን እ ካላዳዌቱዋ ቢታ ባብሎን ካታማ በኤናን ሀይቃና።

14 እ ዩሹዋን ደእያ እ ማድያዋንታን እ ኦላንቻቱዋ ኤባ ታን ኤባ ሳእ ፕሰክ ኦላና፤ ታን ኤንቱንታ ማሻን የደርሳና።

15 “ኤንቱንታ ታን ሀራ ቢታቱን ካውተላቱዋ ግደ ላልያ ዋደ፤ ታን መድና ጎዳ ግድያዋ ኤንቱንቱ ኤራና።

16 ኤንቱንቱ ባረንቱ ብያ ካውተላቱዋ ግድን ባረንቱ ቱና ኦሱዋ ፓዳና ማላ፤ ታን ኤንቱንቱፕ አማራዳዋንታ ኦላፕ፤ ኮሻፕን ኢታ ሀርግያፕ ከሰ አካናዳን ኦላና። ሄ ዋደ ታን መድና ጎዳ ግድያዋ ኤንቱንቱ ሄዋን ኤራና” ያገደ ዬዳ።

ያሻ ኮኮርያ ትምቢትያ ኦድያዋ ማላታ

17 መድና ጎዳ ቃላይ ታኮ ሀዋዳን ያገደ ዬዳ፤

18 “ላ አሳ ናአው፤ ነ ኤክላ ዳጋማን ማ፤ ቃይ ነ ሃላካ ያሻን ኮኮራደ ኡሻ።

19 ቢታን ደእያ አሳው ሀዋዳን ያገ፤ ሓባ ሞድያ መድና ጎዳይ እስራኤልያ ቢታን ደእያ የሩሳላመ አሳባ ሀዋዳን ያገ፤ “ኤንቱንቱ ባረንቱ ኡክላ ሀርጋን ማና፤ ባረንቱ ሃላካ ሻቢርሳን ኡሻና። እያው ጎፕ፤ ያን አሳይ ኡባይ ገናንቻን ማካላንቻ ግዴዳ ድራው፤ ኤንቱንቱ ቢታይ ኦና ግዳናዋ።

20 ሀእ አሳይ ኩሜዳ ካታማቱ ጳያና፤ ቃይ ቢታይካ ኦና ግዳናዋ። ሄ ዋደ ታን መድና ጎዳ ግድያዋ ሀንተ ሄዋን ኤራና” ያገ’ ያገ” ያገደ ዬዳ።

አሳ ሌምሶ ጸሳይ እሜዳ ዛረዋ

21 መድና ጎዳ ቃላይ ታኮ ሀዋዳን ያገደ ዬዳ፤

22 “ላ አሳ ናአው፤ እስራኤልያ ቢታባው፤ ማላሳይ አዲዳ፤ ሳጸይ ኡባይካ መላ ግዴዳ’ ያገደ ሀንተንቱ ሌምሰያዌ እ አዬ?

23 ሄዋ ድራው፤ ኤንቱንቶ ኔን፤ ሓባ ሞድያ መድና ጎዳይ ሀዋዳን ያገ፤ “ታን ሀ ሌምሶ ላኤንሶ ሀሳየተናዳን ኦላና፤ ኤንቱንቱ ዛረፊደ፤ ሄዋ እስራኤልያ ቢታን ሌምሰክኖ” ያገ’ ያገ።

ቃይ ኤንቱንቶ፤ ማላሳይ ማታቲዳ፤ ሳጸይ ኡባይካ ፖለታና ሀኔ’ ያገ።

24 ሀዋፕ ሰንላው እስራኤልያ አሳ ግድን ዋርዲዋ ሳጸይን ሙሩኑ ኡባይ ደኤና።

25 ታን መድና ጎዳይ፤ ኦዳና ኮዮዋ ኦዳይ፤ ሄዋካ ጋምኤናን ፖለታና። ሀንተና፤ ማካላንቻ አሳቶ፤ ታን ኦድያባ ኡባ ሀንተ ላይላን ታን ፖላና። ታን ኡባ ሞድያ መድና ጎዳይ ሀዋ ኦዳይ” ያገደ ዬዳ።

26 ቃይካ መድና ጎዳ ቃላይ ታኮ ሀዋዳን ያገደ ዬዳ፤

27 “ላ አሳ ናአው፤ እስራኤልያ አሳይ ሀዋዳን ያገ፤ ሓ በኤዳ ሳጸይ ሰንላናው ዳሮ ላይላሳ፤ ቃይ እ አዲሳ ዋድያን ሀናናዋ ኦዴ’ ያገ።

28 ሄዋ ድራው፤ ኔን ኤንቱንቶ ሀዋዳን ያገ፤ ሓባ ሞድያ መድና ጎዳይ ሀዋዳን ያገ፤ “ታን ኦድያ ቃላይ ፖለታናፕ አትና፤ አቱካ ጋምኤና። ታን ኡባ ሞድያ መድና ጎዳይ ሀዋ ኦዳይ” ያገ’ ያገ” ያገደ ዬዳ።

13

ዋርዲ ትምቢትያ ኦድያ አቱማ አሳቶ ኦድቴዳ ትምቢትያ

1 መድና ጎዳ ቃላይ ታኮ ሀዋዳን ያገደ ዬዳ፤

2 “ላ አሳ ናአው፤ እስራኤልያን ሀእ ትምቢትያ ኦድያዋንቱ ቦላ ትምቢትያ ኦዴ። ባረንቱ ቆፋፕ ደንዲደ፤ ትምቢትያ ኦድያዋንታ ሀዋዳን ያገ፤ ‘መድና ጎዳ ቃላ ሰሰተ!

3 ኡባ ሞድያ መድና ጎዳይ ሀዋዳን ያገ፤ አያን በኤናን ጮ ባረንቶ ደንድያ ቦዛ ትምቢትያ ኦድያዋንቶ አየ አና!

4 እስራኤልያ አሳው፤ ሀንተ ትምቢትያ ኦድያዋንቱ ኮለቴዳ ካታማ ግድን ደእያ ዋራካናቱዋ ማላ።

5 መድና ጎዳ ጋላሰ ድርሳይ ኦላን ሞን ኤቃናዳን፤ እስራኤልያ አሳይ ድርሳ ግምቢያ ዛር ግምቢ ሞንሳናው፤ ግምቢ ኮለቴዳሳ ፑደ ብባይክኖ።

6 ኤንቱንቱ ሳጸይ ዋርዲዋ፤ ቃይ ኤንቱንቱ ሙሩኑካ ዋርዲዋ። ኤንቱንቱ መድና ጎዳይ ኪተናን፤ መድና ጎዳይ ሀዋዳን ያገ ያገና። ያቲደ ኤንቱንቱ ኦዴዳዋ ጸሳይ ፖላና ያገደ ናገና።

7 ታን ኦደናን ደእሸና፤ መድና ጎዳይ ሀዋዳን ያገ ያገደ ኦድያ ሀንተ ዋርዲዋ ሳጸይ ዋርዲዋ ሙሩኑዋ በእባይክቱ?’ ” ያገ።

8 ሄዋ ድራው፤ ኡባ ሞድያ መድና ጎዳይ ሀዋዳን ያገ፤ “ሀንተ ዋርዲባ ሃሳዬዳ ድራውን ሀንተ በኤዳ ሳጸይ ዋርዲ ግደ ድራው፤ ኡባ ሞድያ መድና ጎዳይ ሀንተው ሞርከ።

9 ታ ኩሺ፤ ዋርዲ ሳጻ በኢደ፤ ዋርዲዋ ሙሩንያዋንቱ ቦላ ፕርዳናው ደንዲዳ። ኤንቱንቱ ታ አሳ ዘርያ ግድን ቆፋ ቃቻናው ገልክኖ፤ ዋይ እስራኤልያ አሳይ ጸፊቴዳ ማዘገብያን ጸፊትክኖ፤ ዋይ ኤንቱንቱ እስራኤልያ ቢታካ ገልክኖ። ሄ ዋደ ታን ኡባ ሞድያ መድና ጎዳ ግድያዋ ሀንተ ሄዋን ኤራና።

10 “ሳሩ ባይናን ደእሸና፤ ኤንቱንቱ ታ አሳ፤ ‘ሳአይ ሳራ!’ ያገደ ዋራ ካለፊድኖ። ቃይ አሳይ

ሹቻ ጮ ከሌደ ድርር፣ ኤንቱንቱ ቦሹንቻ ኦኪኖ።

11 ሄዋ ድራወ፣ ሄ ቦሹንቻ ኦኪኖንታ፣ ሄ ሀንተ ኦኪኖ ግምቢ ኩንዳና! ዋልቃማ እራይ ቡካና፤ ቃይ ታን ጸሳይ ኦርዶ ሻቻ ዱገ የጋና፤ ኢታ ጎቲካ ደንዳና፣ ያጊደ ኦድተ።

12 ሄ ግምቢ ኩንዳና ዋደ፣ አሳይ ሀንተና፣ ሀንተ ኦኪኖ ቦሹንቻይ አነ? ጊደ ኦቼናን አጋኔ? ያጌ።

13 ሄዋ ድራወ፣ ኡባ ሞድያ መድና ጎዳይ ሀዋዳን ያጌ፤ “ታን ታ ሀንቁዋን ኢታ ጎቲያ የዳና፤ ቃይ ግምቢያ ድርሳ ኮላናዉ ታ ይሉዋን ኦርዶ ሻቻን ዋልቃማ እራ ሱልያ ሀንቁዋና ኪታና።

14 ሀንተ ቦሹንቻ ኦኪኖ ግምቢያ ታን መንግራፋና፣ ቢታን ላላናን ባሱዋ መላ አሻና። እ ኩንድያ ዋደ ሀንተ ኦ ግደን ሀይቃና። ሄ ዋደ ታን መድና ጎዳ ግድያዋ ሀንተ ሄዋን ኤራና።

15 ሄዋዳን ሀኒደ፣ ታ ሀንቁ ግምቢያ ቦላን ግምቢያ ቦሹንቻ ኦኪኖ አሳቱዋ ቦላ ዋዳና። ታን ሀንተና፣ ሀእ ግምቢ ባዋ፤ ግምቢያ ቦሹንቻ ኦኪኖዋንቱካ ደእክኖ።

16 እሰራኤልያን ደእያ፣ የሩሳላመባ ትምቢትያ ኦዳዳዋንቱ፣ ሳሩ ባይናን አዉ ሳሩዋ ሳፃ በኤዳዋንቱ፣ ኤንቱንቱ ደእክኖ ያጋይ። ታን ኡባ ሞድያ መድና ጎዳይ ሀዋ ኦዳይ” ያጌ ያጋ።

ዋርዶ ትምቢትያ ኦድያ ማጫ አሳቶ ኦድቴዳ ትምቢትያ

17 “ላ አሳ ናአዉ፣ ባረንቱ ቆፋጥ ደንዲደ፣ ትምቢትያ ኦድያ ነ አሳ ማጫ አሳቱዋኮ ሀእ ነ ስምኡዋ ደረቃን ዛራ፤ ኤንቱንቱ ቦላ ትምቢትያ ኦዳ።

18 ሀዋዳን ያጋ፤ ኡባ ሞድያ መድና ጎዳይ ሀዋዳን ያጌ፤ “ሀራ አሳ ቦላን አሳዉ ዋልቃይ ደአናዳን፣ ኤንቱንቱ ኩሽያን ኡባን ሙሩኑዋባ ስኪደ ዋልያን አሳ ኡባዉ ሁጵያ ሻሽያ ጊግሰያ ማጫ አሳቶ፣ ሀንተዉ አየ አና! ሀንተ ታ አሳ ሽምቱዋ ጸሪይ ሀንተ ሀንተ ሽምቱዋ አሻንቱ?።

19 እት ኮጵያ ባንጋ ዋይ እት ባሶ ኡክላ ደማናዉ፣ ዬላይያዋ ኦሊደ፣ ታ አሳ ሰንላን ታና ካዉሸሲታ። ሄዋ ግያዌ ሀንተ ሀይቃናዉ በሰናዋንታ ዋዳደ፣ አታናዉ በሰናዋንታ አሺታ ግያዋ። ያቲደ ታ አሳዉ ዋርዶዋ ኦዳታ፤ ኤንቱንቱካ ሀንተ ዋርዶዋ ሰሲኖ” ያጌ።

20 “ሄዋ ድራወ፣ ኡባ ሞድያ መድና ጎዳይ ሀዋዳን ያጌ፤ “ሀንተ ሀራ አሳ ቦላን አሳዉ ዋልቃይ ደአናዳን፣ ሀንተ ኩሽያን ዋሌዳ ሙሩኑዋ ታን ደንላና። ታን አ ሀንተ ኩሽያጥ ዱላ ኦላና፤ ጸርያጥ ከሰ አክያ ካፋዋዳን፣ ታን ኤንቱንታ ሀንተ ዋልቃጥ አሻ አካና።

21 ታን ሀንተ ቢታ ሻሽያካ ዳፋ አካደ፣ ታ አሳ መድናዉ ሀንተ ኩሽያጥ ዋላ አካና። ሄ ዋደ ታን መድና ጎዳ ግድያዋ ሀንተ ሄዋን ኤራና።

22 ታን ካዮያቤና ጽሎ አሳ ዋዛና ሀንተ ዋርዶዋን ካዮዬታ፤ ናጋራንቻቱካ ባረንቱ ኢታ ኦሱዋጥ ሰሚደ፣ ባረንቱ ሽምቱዋ አሸናዳን፣ ሀንተ ኤንቱንታ ምንጫድታ።

23 ሄዋ ድራወ፣ ላኤንሳ ዋርዶ ሳፃ በእክታ፤ ሙሩኑዋባካ ኦላክታ። ታን ታ አሳ ሀንተ ኩሽያጥ

ዋላ አካና። ሄ ዋደ ታን መድና ጎዳ ግድያዋ ሀንተ ሄዋን ኤራና” ያጌ ያጋ” ያጊደ ዬዳ።

14

ጸሳይ ኤቃዉ ጎይንያዋንታ ዳይሳና

1 እሰራኤልያ ጭማቱዋጥ አማራዳዋንቱ ታኮ ዬደ፣ ታ ሰንላን ኡቱድኖ።

2 ያትና መድና ጎዳ ቃላይ ታኮ ሀዋዳን ያጊደ ዬዳ፤

3 “ላ አሳ ናአዉ፣ ሀ አሳቱ ባረንቱ ዋዛናን ኤቃ ኤሴድኖ፤ ቃይ ኤንቱንቱ ናጋራይ ኤንቱንቶ ዱቢያ ሹቻ ማላ ግዳዳ። ያትና፣ ታን ኤንቱንቱ ታና ኤቻናደን አላየ?

4 ሄዋ ድራወ፣ ኔን ኤንቱንቶ ሀዋዳን ያጋይ ኦዳ፤ ኡባ ሞድያ መድና ጎዳይ ሀዋዳን ያጌ፤ “እሰራኤልያ አሳጥ ኦንኒ ኤቃ ባረ ዋዛናን ዋላጥ፣ አ ናጋራይ አዉ ዱቢያ ሹቻ ማላ ግደጥ፣ ቃይ ትምቢትያ ኦድያዋኮ እ ቦጥ፣ ታን መድና ጎዳይ ታ ሁጲያን አ ኤቃቱዋ ጮራተላዳን አዉ ዛራና።

5 ሄ ኤቃቱ ኡባቱ እሰራኤልያ አሳ ታጥ ዋራ ዛራድኖ፤ ሽን ሀእ ታን ኤንቱንቶ እምያ ዛሩዋን ኤንቱንቱ ዋዛና ታኮ ዛራና” ያጌ ያጋ።

6 “ሄዋ ድራወ፣ እሰራኤልያ አሳዉ ሀዋዳን ያጋይ ኦዳ፤ ኡባ ሞድያ መድና ጎዳይ ሀዋዳን ያጌ፤ “ናጋራ ፓጽተ! ሀንተ ኤቃጥ ሰምተ! ሀንተ ቱና ኦሱዋ ኡባጥካ ሰምተ!

7 “ ‘ “እሰራኤልያ አሳ ግድና፣ ዋይ እሰራኤልያ ቢታን ደእያ አላጋ አሳ ግድናካ፣ ታጥ ሻከቲደ፣ ባረ ዋዛናን ኤቃ ዋላጥ፣ አ ናጋራይ አዉ ዱቢያ ሹቻ ማላ ግደጥ፣ ቃይ እ ታ ዘርያ ኤቻናዉ ትምቢትያ ኦድያዋኮ ቦጥ፣ ታን መድና ጎዳይ ታ ሁጲያን አዉ ዛሩዋ እማና።

8 ታን ሄ ኡራና ኤቃታና፤ ታን አ ለምሶን ማላታ ኦላና፤ ታን አ ታ አሳ ግደጥ ዳይሳና። ሄ ዋደ ታን መድና ጎዳ ግድያዋ ሀንተ ሄዋን ኤራና።

9 “ ‘ “ትምቢትያ ኦድያዋ ጭመቲደ፣ ትምቢትያ ኦድጥ፣ ሄ ትምቢትያ ኦድያዋ ጭሜዳዌ ታና መድና ጎዳ። ታን አ ቦላ ታ ኩሽያ የዳደ፣ ታ አሳ ግደጥ አ ዳይሳና።

10 ኤንቱንቱ ላኡካ ባረንቱ ናጋራ ናጋራ ሙሩዋ ቶካና፤ ትምቢትያ ኦድያዋ ሙሩኒ ትምቢትያ ኦቻያዋ ሙሩካ እት ማላ ግዳናዋ።

11 ሄዋ ድራወ፣ እሰራኤልያ አሳቱ ታጥ ዋራ ቢክኖ፤ ባረንቱ ናጋራን ኡባን ባረንታ ቱንሰክኖ። ኤንቱንቱ ታ አሳ ግዳና፤ ታንካ ኤንቱንቱ ጸሳ ግዳና። ሄ ዋደ ታን ኡባ ሞድያ መድና ጎዳይ ሀዋ ኦዳይ” ያጌ ያጋ” ያጊደ ዬዳ።

ኖሀ፣ ዳኔላን ኢዮባ

12 መድና ጎዳ ቃላይ ታኮ ሀዋዳን ያጊደ ዬዳ፤

13 “ላ አሳ ናአዉ፣ እት ቢታ አሳይ ናጋራ ኦሊደ፣ ታዉ አማነተናን እጾጥ፣ ታን ታ ኩሽያ የዳደ፣ ኤንቱንቶ ቁማ ዳይሳደ፣ ኮሻ አሀና፤ ሄ ቢታ አሳን መሀያ ዋዳና።

14 ሀራይ አቶ ሀ ሄዙ አሳቱ፣ ኖሄ፣ ዳኔላን ኢዮብ ሄ ቢታን ደእንቶካ፣ ኤንቱንቱ ባረንቱ ጽሎተላን ባረንቱ ሽምቱዋ ጸላላ አሻና። ታን ኡባ ሞድያ መድና ጎዳይ ሀዋ ኦዳይ።

15 “ዋይ ታን ኤንቱንቱ ቢታ ቦላን ባዙዋ ደአቱዋ የድና፣ ሄ ዶአቱ እን ደእያ አሳ ዳይሰና።

ሄ ደአቱዋ ጋሱዋን ኮን ግዲዋና አገርዳን፡ ሄ ቢታይ ኦና ግደጥ፡

16 ታን ኡባ ሞድያ ጸሳይ ታ ደኡዋን ጨቃይ፡ ሀራይ አቶ፡ ሀ ሄዙ አሳቱ ሄ ቢታን ደእንቶካ፡ ኡንቱንቱ ባረንቱ አቱማነ ባረንቱ ማጫ ናናቱዋ አሻናዉ ዳንዳይክኖ፡ ኡንቱንቱ ጸላላይ አታናዋ፤ ሽን ቢታይ ኦና ግዳናዋ፡ ታን ኡባ ሞድያ መድና ጎዳይ ሀዋ ኦዳይ፡፡

17 “ዋይ ታን ሄ ቢታ ቦላን ማሻ አሃደ፡ ሀ ቢታና ማሻይ አቶ ጋደ፡ አን አሳነ መሀያ ዋቆጥ፡

18 ታን ኡባ ሞድያ መድና ጎዳይ ታ ደኡዋን ጨቃይ፡ ሀ ሄዙ አሳቱ ሄ ቢታን ደእንቶካ፡ ባረንቱ አቱማነ ባረንቱ ማጫ ናናቱዋ አሻናዉ ዳንዳይክኖ፡ ኡንቱንቱ ጸላላይ አታናዋ፡ ታን ጸሳይ ሀዋ ኦዳይ፡፡

19 “ዋይ ታን ሄ ቢታ ቦላን ኢታ ሀርግያ ዩዳደ፡ ታ ሀንቁዋን አሳይ ሱላ ጉሳና ማላ ኦላጥ፡ አን ደእያ አሳነ መሀያ ዋቆጥ፡

20 ታን ኡባ ሞድያ መድና ጎዳይ ታ ደኡዋን ጨቃይ፡ ሀራይ አቶ፡ ኖሄ፡ ዳኔልነ ኢዮብ ሄ ቢታን ደእንቶካ፡ ኡንቱንቱ ባረንቱ ጸሎተላን ባረንቱ ሽምቸዋ ጸላላ አሻናጥ አትና፡ ባረንቱ አቱማነ ባረንቱ ማጫ ናናቱዋ አሻክኖ፡ ታን ኡባ ሞድያ ጸሳይ ሀዋ ኦዳይ፡፡ ያጊደ ዬዳ፡፡

21 ኡባ ሞድያ መድና ጎዳይ ሀዋዳን ያጌ፤ “ታን አሳነ መሀያ ዋቆጥና የሩሳላመ ቦላ ታ ኦይዱ ኢታ ሙርቱዋ፡ ማሻ፡ ኮሻ፡ ባዘ ደእነ ኢታ ሀርግያ የድያ ዋደ፡ እ አይ ኬሻ አቶ ኢታባ ግዳንዳሻ!

22 ግደ ሽን አቲደ ከሴዳ አማሬዳ አሳቱ ደአና፤ አቱማነ ማጫ ናናቱዋካ ያጥ ከሳና፡ ኡንቱንቱ ሀንተኮ ይያ ዋደ፡ ኡንቱንቱ ሀናታነ ኡንቱንቱ ኦሱዋ ሀንተ በኢደ፡ ታን የሩሳላመ ቦላ አሄዳ ባሻይ ኡባይ በሰያዋ ግድያዋ አኬካና፡፡

23 ሀንተ ኡንቱንቱ ሀናታነ ኡንቱንቱ ኦሱዋ በኢደ፡ ታን ኡንቱንቱ ቦላ ጮ ፕርዳቤናዋ ኤራና፡ ታን ኡባ ሞድያ መድና ጎዳይ ሀዋ ኦዳይ፡፡ ያጌ፡፡

15

ዋይንያ ቱራ ለምሱዋ

1 መድና ጎዳ ቃላይ ታኮ ሀዋዳን ያጊደ ዬዳ፤
2 “ላ አሳ ናአዉ፡ ዋይንያ አኑ ባዙዋን ደእያ ሀራ ሞላጥ እያን ኬኪ?

3 ጎአይ ደእያባ ኦላናዉ አ አኑዋጥ ቃንጸት ኤሪ? አየንቶ ካቂያ ኮጫ አጥ ከሳ ኤራይ?

4 አ ኦይሰሉዋዳን ታማን የግና፡ ያ ባጋይነ ሀ ባጋይ ታማን ማተትና፡ ግዲዋን አቱዳ ጸዱንላይ አይ ማዳኔ?

5 ጸገተናን ደኢድ፡ ካሰ አየንቶ ማድቤናዋ፡ ታማይ ሚና ኤጽ ክቺደ አየንቶ ማደና፡፡

6 “ሄዋ ድራዉ፡ ኡባ ሞድያ መድና ጎዳይ ሀዋዳን ያጌ፤ ታን ባዘ ሞላ ግድን ደእያ ዋይንያ አኑዋ ታማዉ ኦይሰሉ ኦላደ እሚዳዋዳን፡ የሩሳላመን ደእያ አሳካ ሄዋዳን ኦላና፡፡

7 ታን ታ ሰምኡዋ ኡንቱንቱ ቦላን ዛራና፡ ኡንቱንቱ አት ታማጥ ከሰጥካ፡ ሀራ ታማይ ኡንቱንታ ማና፡ ታን ታ ሰምኡዋ ኡንቱንቱ ቦላ

ዛርያ ዋደ፡ ታን መድና ጎዳ ግድያዋ ሀንተንቱ ኤራና፡፡

8 ኡንቱንቱ ታናን አማነተናን አኤዳ ድራዉ፡ ታን ኡንቱንቱ ቢታ ኦና ከሳና፡ ታን ኡባ ሞድያ መድና ጎዳይ ሀዋ ኦዳይ ያጌ፡፡ ያጊደ ዬዳ፡፡

16

አማነተና የሩሳላዋ

1 መድና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናአዉ፡ የሩሳላዋ እ ቱና ኦሶቱዋ ኤርሳ፡፡

3 ሀዋዳን ያጋ፤ “ኡባ ሞድያ መድና ጎዳይ የሩሳላዋ ሀዋዳን ያጌ፤ “ነ ማይዛይነ ነ ሽሻይ ካናን ቢታና፤ ነ አዉ አሞረ ቢታ አሳ፤ ነ አታካ ሂተ ቢታ አሳ፡፡

4 ነ የለታይ ጋላሰ ነ ጉልአይ ቃንጸትቤና፤ ዋይ ኔና ጌሻናዉ ሃላን ማጨታባካ፤ ዋይ ማጽንያን ጎርገጥደ ጫርቁያን ጸጸታባካ፡፡

5 ሀ ጌተቱዳዋንቱጥ አቱዋን ኦላናዉ ነዉ ካዮቱዳዌ ባዋ፡፡ ኔን የለቱዳ ጋላሰ ካጌቱዳ ድራዉ፡ ደምባን ኦለታዳጥ አትና፡ ነዉ ኦንነ ቃረትቤና፡፡

6 “ “ሄዋና ታን ካንላደ፡ ኔን ነ ሱላ ግድን ሙርቁቃደ ዙሄትሽና በኢድ፤ ኔን ነ ሱላ ግድን ግሳ ደእሽና፡ ፓጸ ደአ ያጋድ፡፡

7 ታን ኔና ሽይቃን ደእያ ካላዳን ድቻድ፡፡ ኔን ድጫ አዱቃደ፡ ጋማ ጋካዳ፡፡ ነ ቆንላይ ኡቱዳ፤ ነ ብናናይካ ድጩዳ፤ ሽን ኔን ጸራ ካሎ አታዳ፡፡

8 “ “ላኤንሉዋ ታን ሄዋና አቆደ፡ ኔና ጸልያ ዋደ፡ ኔን ዋደር ጋካደ ቦርሴዳ አሳ ግዳዳ፡ ያትና፡ ታ ማዩዋ ነ ቦላ የጋደ፡ ነ ካሉዋ ካማድ፡፡ ታን ነዉ ጨቃደ ኔናና ጫቁዋ ጫቀትና፡ ኔን ታኖ ግዳዳ፡፡ ታን ኡባ ሞድያ መድና ጎዳይ ሀዋ ኦዳይ፡፡

9 “ “ “ታን ነ ቦላይ ሱላን ባዬዳዋ ሃላን ማጫ ጌሻደ፡ ዛይትያን አካድ፡፡

10 ታን ኔና ጽባብያ ቃምሽያ ማይዛድ፤ ቃይ ሎኦ ጋልባጥ ኦሰቱዳ ጫማካ ዋሰሳድ፤ ቃይ ላይኑዋ ሻሽያካ ኔና ጎዘሳድ፤ ቃይ አልኦ ኩታካ ቁማይሳድ፡፡

11 ኔና ታ አሌቁዋን አሌቃድ፤ ነ ኩሽያን ሳጋዩዋ ዋላድ፤ ነ ቆድያንካ ቆድያ አሌቁዋ ዋላድ፡፡

12 ቃይ ነ ሲድያን ጉትቻ፡ ነ ሀይላንካ ጉትቻ፡ ነ ሁጲያንካ ሎኦ ካላቻ ዋላድ፡፡

13 ኔን ዋርቃንነ ብራን አሌቃታዳ፤ ነ ማዩ ኡባይ ፓጸ ላይኑዋ፡ አልኦ ኩታነ አሌቆ ቃምሽያ፡፡ ነ ሞያ ቁማይ በርተ ጳልያ፡ ኤሳነ ዛይትያ፡፡ ኔን ሎይላ ዳሪ ፑላንቻ ግዳደ፡ ካታቶ ከሳናዉ ደንዳዳ፡፡

14 ኔን ፑላንቻ ግድያ ድራዉ፡ ካዉተላቱዋን ኤረታዳ፡፡ አያዉ ጎጥ፡ ታን ነዉ እሜዳ ቦንቹ ኔና ሀዋዳን ፖሎ አሌዳ፡፡ ታን ኡባ ሞድያ መድና ጎዳይ ሀዋ ኦዳይ፡፡

15 “ “ “ሽን ኔን ነ ፑላን አማነታዳ፤ ሀራቱዋን ኤረቱዳዋጥ ደንዴዳዋን ሻርሙጸ ግዳዳ፤ ኦግያና አድያ ኡባዉ ኔና አላ አማዳ፡፡

16 ነ ማዩዋፕ አማራዳዋ አካደ፡ ጎይንያ ሳኦ መቆይ አሌቁሳዳ፤ ያታደ ያን ሻርሙጻዳ። ሄዋ ማላ ሆኖታይ ሆዋፕ ካሰ ሀንቤና፤ ሆዋፕ ሰንፋናዉካ ሆናናዉ በሰና።

17 ነዉ እሜዳ ዋርቃፕነ ብራፕ ኦሰቴዳ ሎኦ አሌቁዋ፡ አቱማ ሞሰለቱዋ ኦላደ መቆዳ፤ ያታደ ኡንቱንቱና ሻርሙጻዳ።

18 ታን እሜዳ አሌቆ ማዩዋ ሄ ሞሰለቱዋ ማይዛደ። ቃይ ታ ዛይትያነ ታ እጻና ኡንቱንቱ ቪሻዳ።

19 ቃይ ታን ነዉ እሜዳ ቁማ፡ በርተ ጳልያ፡ ዛይትያነ ኤሳ ኡንቱንቱ ሰንፋን ሳዉዋ ቶሹኩ ግያ ያርሹዋ ኦላደ ቪሻዳ። ሆዌካ ሀኔዳ። ታን ኡባ ሞድያ መጅና ጎዳይ ሆዋ ኦዳይ።

20 “ ለ “ “ቃይካ፡ ኔን ታዉ የሌዳ አቱማ ናናቱዋነ ማጫ ናናቱዋ አፋደ፡ ኤቃቱ ማና ማላ ቁማ ኦላደ ያርሻዳ። ኔን ሻርሙጻ ከሴዳዌ ነዉ ጉዴዳ?

21 ኔን ታ ናናቱዋ ሹካደ፡ ኤቃዉ ታማን ያርሻዳ።

22 ኔን ቱናተላን ነ ሻርሙጻን ኡባን ደአደ፡ ካሰ ነ ያላጋተላ ላይላ፡ ጸራ ካሎ ነ ሱላን ሙርቁቃደ፡ ዘሄቴዳ ዋድያ ደጋዳ።

23 “ ለ “ “አየ አና! ነዉ አየ አና! ታን ኡባ ሞድያ መጅና ጎዳይ ሆዋ ኦዳይ። ሀ ነ ኢታተላ ኡባ ቦላ ቃይ፡

24 ደባባ ኡባን ጳቃ ሳኦ ግምባደ ኤቃዉ ጎይንያ ሳኦቱዋ ነዉ ጊግሳዳ።

25 አገ ደናን ኡባን ሻርሙጻን ሳኦቱዋ ከጻዳ፡ ነ ፑላ ቱንሳዳ፤ ኦግያና ካንላያ ኡባዉ ነ አሳተላ አላ እማደ፡ ሻርሙጻዋ ደርሳዳ።

26 ኔን አሞ ጸላላን ኩሜዳ፡ ነ ሸር ግብጽቱዋና ሻርሙጻዳ፤ ነ ሻርሙጻዋ ዳሩዋንካ ታና ሀንቀላዳ።

27 ሄዋ ድራዉ፡ ታን ታ ኩሽያ ነ ቦላ የዳድ፤ ኔና ጋክያ ነ ሻኩዋካ ጉላድ። ታን ኔና ነ ፖኮ ሆኖታን ዩላትያ፡ ኮዮዋ ኦላናዳን ነ ሞርከቱዋ ፕልሰጾማ ማጫ አሳቱዋ ሸንያዉ አላደ እማድ።

28 ኔን አለና አሳ ግድያ ድራዉ፡ አሶረ ቢታ አሳናካ ሻርሙጻዳ። ሄ ኡባንካ ሆዌ ታዉ ግዳና ጋባካ።

29 ሄዋፕ ቃይ፡ ዛልእያን አቁዳ ባብሎንቱዋናካ ሻርሙጻዋ ዳርሳዳ፤ ሄዋንካ ግዳናዋ ጋባካ።

30 “ ለ “ “ኔን ሀ ዩላይ ባይና ሻርሙጻቲዳን ሀንያና፡ ነ አይባ ላፋ አሴ! ታን ኡባ ሞድያ መጅና ጎዳይ ሆዋ ኦዳይ።

31 ኔን ኦግያ ደናን ሻርሙጻን ሳኦቱዋ ነዉ ከጻዳን ደባባ ኡባን ኤቃዉ ጎይንያ ሳኦቱዋ ጊግሳዳ። ሸን ሀራ ሻርሙጻቱዋዳን፡ ሻርሙጻቱ አክያ ሚሻካ አካባካ።

32 “ ለ “ “ሀን ሀ ሻርሙጻ ማጫ ሞሽራቱ፡ ኔን ነ አሰና ጭማደ፡ አላጋቱዋና ግሳዳ!

33 አቱማ አሳይ ሻርሙጻቶ ሚሻ ጭጌ፤ ሸን ኔን ኔናና ግሰያዋንቶ እሞታ እማሳ፤ ኡንቱንቱ ኡባ ሳፕ ኔኮ ያናዳን፡ ማጋንጸ ኡንቱንቶ እማሳ።

34 ሄዋን ነ ሻርሙጻተላይ ሀራ ማጫ አሳቱዋፕ ዲማ፤ ኔናና ሻርሙጻናዉ ኔና ካልያዌ

እቱነ ባዋ። ሀራይ ነዉ ጭገናን፡ ያ ጭጋደ ሻርሙጻያዋን፡ ሀራቱዋፕ ኔን ዲማ” ያጌ።

ጸሳይ የሩሳላሙ ቦላ ፕርዳና

35 “ ሄዋ ድራዉ፡ ሀኔ ሻርሙጻቱ፡ መጅና ጎዳ ቃላ ሰሳ!

36 ኡባ ሞድያ መጅና ጎዳይ ሆዋዳን ያጌ፤ “ኔን ነ ሻርሙጻተላ እሙዋን ነ ላገላቶ ነ ቦላ ቃራዳ ድራዉ፡ ነ ቱና ኤቃቱዋ ኡባ ድራዉን ነ ናናቱዋ ሱላ ኔን ኡንቱንቶ ጉሴዳ ድራዉ፡

37 ኔን ኡንቱንቱን ናሽቴዳ ነ ላገላቱዋ ኡባ፡ ኔን ሲቅያዋንታን ኔን እጻያዋንታ ታን ነዉ ሞርከ ኦላደ ቪሻና። ታን ኡንቱንታ ነ ቦላ ኡባ ሳና ቪሻደ፡ ኡንቱንቱ ሰንፋን ኔና ሙልጶ ኦላደ ቃራና፤ ኡንቱንቱ ነ ካሉዋ በአና።

38 ታን ሻርሙጻዳ ማጫ አሳቱዋ ቦላን ሱላ ጉሴዳ ማጫ አሳቱዋ ቦላ ፕርድያዋዳን፡ ነ ቦላ ፕርዳና፤ ታን ታ ሀንቁዋንካ ታ ሞሹዋን ነ ቦላ ሀይቁዋ አሀና።

39 ታን ኔና ነ ላገላቶ አላ እማና፤ ኡንቱንቱ ነ ሻርሙጻን ሳኦቱዋን ኤቃዉ ጎይንያ ሳኦቱዋ ኮል ቆይሳና። ኡንቱንቱ ነ ማዩዋ ሙልጶ አላ ቃሪደ፡ ነ ሎኦ አሌቁዋካ ዋላ አኪደ፡ ኔና ካሎ ጸራ አሻና።

40 ኡንቱንቱ ኔና ሹቻን ጫድ ዋድያን ባረንቱ ማሻን ቃንጸሬላያ ጉይተ አሳ ነ ቦላ ኡንቱንቱ አሀና።

41 ኡንቱንቱ ነ ጎልያ ጸጊደ፡ ደር ማጫ አሳ ሰንፋን ነ ቦላ ፕርዳና። ታን ነ ሻርሙጻተላ አግሳና፤ ኔንካ ነ ላገላቶ ላኤንላ ያ ሚሻ ጭጋካ።

42 ሄዋዳን አላና፡ ታን ነ ቦላ ሀንቀቱዳ ሀንቁ ዛርባና፤ ታን ነ ሆኖታን ሞሽቴዳ ሞሹካ ሄዋን አቆና፡ ታን ሄዋን ዋፑ ጋደ፡ ላኤንላ ሀንቀትከ።

43 “ ለ “ “ኔን ነ ያላጋተላ ላይላ ደጋይ፡ ሀ ኢታ ኦሱዋ ኡባን ታና ሀንቀላዳ። ሄዋ ድራዉ፡ ቱሙዋፕ ነ ኦሌዳዋ ኡባ ታን ነ ቦላን ዛራና። ኔን ነ ቱና ኦሱቱዋ ኡባ ቦላ ሻርሙጻተላ አያዉ ጉጃዲ? ታን ኡባ ሞድያ መጅና ጎዳይ ሆዋ ኦዳይ።

ናታካ እትዳን

44 “ ለ “ “ሀን የሩሳላሙ፡ አሳይ ነ ቦላ፡ ናታካ እት ማላ ጊደ ሌምሱዋ ኦዳና።

45 ቱሙ ኔን ባረ አሰናን ባረ ናናቱዋ ሸነቱዳ ነ እት ማላ፤ ቃይ ባረንቱ አሰና አሰናን ባረንቱ ናናቱዋ ናናቱዋ ሸነቱዳ ነ ሞቼቱዋ ማላ። ነ እታ ሂተ ቢታ አሳ፤ ነ አዉ ቃይ አሞረ ቢታ አሳ።

46 ነ ባይራ ሞቻታ ባረ ማጫ ናናቱዋና ኔፕ ሁጲሳ ባጋና ደእያ ሳማርያ፤ ቃይ ኔፕ ቱፋ ሞቻታ ባረ ማጫ ናናቱዋና ኔፕ ገድሳ ባጋና ደእያ ሳደዋ።

47 ኔን ኡንቱንቱ ኦግያ ካሌዳዌን ኡንቱንቱ ቱና ኦሱቱዋ ኦሌዳዌ ኔና አልቤና። ሸን ኔን ጉላ ዋድያን ኦሌዳ ኦሱ ኡንቱንቱዋፕ ኢታ ዳሬ።

48 “ ለ “ “ታን ኡባ ሞድያ መጅና ጎዳይ ታ ደኡዋን ጫቃይ፡ ኔንካ ነ ማጫ ናናቱ ኦሌዳዋዳን፡ ነ ሞቻታ ሶደማን እ ማጫ ናናቱ አለበይክና።

49 ነ ሞቻታ ሶደማ ኦሌዳ ናጋራይ ሆዋ፡ አን እ ማጫ ናናቱ ኦቶራንቻ፡ ካሌዳዋንታን እሻሉዋን

ደእያዋንታ ግደጥነ፣ ኡንቱንቱ ናቀቲዳዋንታን ህይዳ ማድበይክኖ።

50 ኡንቱንቱ ኦቶራንቻ ግዲደ፣ ታ ሰንፋን ቱና ኦሶቱዋ ኦሴድኖ። ሄዋ ድራው፣ ህንተ በኤዳዋዳን፣ ታን ኡንቱንታ ጳይሳድ።

51 “ ፣ “ሳማራታ ኔን ኦሴዳ ናጋራው ባጋካ ኦላበይኩ፤ ኔን ኡንቱንቱዋጥ ኦሴዳ ቱና ኦሶቱዋ ኦሳዳ። ያታደ ሄ ነ ኦሴዳ ቱና ኦሶቱዋ ኡባ ጋሱዋን፣ ነ ሞቼቱ ጽሉዋ ማላታናዳን ኦሳዳ።

52 ኔን ነ ሞቼቱዋ ሱረ ኦሳ ከሴዳ ድራው፣ ካወሻ ማያ። ኦሳው ጎጥ፣ ነ ናጋራዊ ኡንቱንቱዋጥ ኦሴ ኡትና፣ ሄዋን ኡንቱንቱ ኔጥ ጽሉ ማላቲድኖ። ሄዋ ድራው፣ ዬላታደ፣ ካወሻ ማያ።

53 “ ፣ “ግደጥነ፣ ሳደዋን እ ማጫ ናናቱዋ፣ ቃይ ሳማርያን እ ማጫ ናናቱዋ ታን ዛራደ እሻልሰያ ዋደ፣ ኔናካ እሻልሳና።

54 ነባን ኔን ሎይላ ዬላታና፤ ኔን ካወሹዳዋን፣ ነ ሞቼቱ ኔጥ ኬክያዋ ኤሪደ ሞነታና።

55 ነ ሞቼቱ፣ ሶደማ ባረ ማጫ ናናቱዋና፣ ቃይ ሳማራታካ ባረ ማጫ ናናቱዋና ባረንቱ ካሰ እሻሎ ሰማና፤ ኔንካ ነ ማጫ ናናቱዋና ህንተ ካሰ እሻሎ ሰማና።

56 ነ ኢታተላይ ቆንጫናጥ ካሰ፣ ነ ኦቶራዋ ዋደ፣ ኔን ሀራይ ኦቶ፣ ነ ሞቻት ሳደሞ ቦላ ቅሊጫበይኪ?

57 ግደጥነ፣ ሀእ ኔን ኤደማ ማጫ ናናቱን ኦሶ ሾሮ ኡባይ፣ ቃይ ፕልሰጾማ ማጫ ናናቱን ነ ዩሹዋን ደእያ፣ ኔና እጽያ ኡባይ ቅድያባ ከሳዳ።

58 ነ ሻርሙጽተላንን ነ ቱና ኦሶቱዋ ጋሱዋን ሙረታና፣ ታን ሙድና ጎዳይ ሀዋ ኦዳይ” ያጌ።

59 “ ፣ኡባ ሞድያ ሙድና ጎዳይ ሀዋዳን ያጌ፤ “ኔን ቃላ ጫቁዋ ካዲ ድራውን ህደታ ቃላ ኮሌዳ ድራው፣ ኔን ኦሴዳ ኦሶቱዋዳን፣ ታን ነዉ ኦሳና።

60 ግደጥነ፣ ታን ነ ያላጋተላ ዋድያን ኔናና ጫቀቲዳ ቃላ ጫቁዋ ሀሳያና፤ ቃይ ሙድና ጫቁዋካ ኔናና ጫቀታናዋ።

61 ሄዋጥ ጉይያን፣ ታን ነ ባይራን ነ ቲፋ ሞቼቱዋ ኔኮ አህያ ዋደ፣ ኔን ነ ሄመታ ሀሳያደ ዬላታና። ታን ኡንቱንታ ነዉ ማጫ ናናቱዋ ኦሳደ እማና፤ ሸን ሄዋ ታን ኔናና ጫቀቲዳ ጫቁዋዳን ግደና።

62 ሄዋ ታን ታ ጫቁዋ ኔናና ዋላና። ታን ሙድና ጎዳ ግድያዋ ኔን ሄዋን ኤራና።

63 ታን ኔን ኦሴዳ ናጋራ ኡባ ኦቶ ያግያ ዋደ፣ ኔን ነ ኦሴዳዋ ሀሳያደ፣ ዬላው ነ ደና ኦይቃና። ታን ኡባ ሞድያ ሙድና ጎዳይ ሀዋ ኦዳይ” ያጌ ያጌ” ያጌደ ዬዳ።

17

ላኡ አርጋንላቱዋን ዋይንያ ቱራ ሊምሱዋ

1 ሙድና ጎዳ ቃላይ ታኮ ሀዋዳን ያጌደ ዬዳ፤

2 “ላ አሳ ናእው፣ እሰራኤልያ አሳ ቃንእሸያ ቃንእሻ፤ ኡንቱንቶ ሊምሱዋን ኦዳ።

3 ሀዋዳን ያጌ፤ “ኡባ ሞድያ ሙድና ጎዳይ ሀዋዳን ያጌ፤ “ዲማ ዲማ ማላና ደእያ ባለቲን ዋልቃማ ዋልቃማ ቀፈቱ ደእያ እት አርጋንላይ

ደኤ። ሄ አርጋንላይ ሊባኖሳ ዪደ ዝጋ ጼራ ኦይቁዳ።

4 ሄ ዝጋ ልጩዋ ሙንሌዳ፤ ሄ ሙንሌዳ ልጩዋ አኪደ፣ ዛልኢ ዳርያ ቢታ፣ ዛልኢንቻቱዋ ካታማ አፌዳ።

5 “ ፣ “እ እሰራኤልያ ቢታጥ ዘረላ አፊደ፣ ቱኤ ቢታን፣ ዳሮ ሃላይ ደኢያሳ ማታን ቶኬዳ።

6 ጉደ አጩዳ ቱራይ ዳሪ አዲቀናን ዳሼዳ። አ ዳሻይ አርጋንላኮ ሰሚደ ዳሼዳ፤ ሸን አ ጸጹ ቢታ ግደ ገሌዳ። ሄ ቱራይ ማራ የሌዳ፤ ሀይላካ ከሴዳ።

7 “ ፣ “ሄዋዳንካ፣ ጩራ ቀፈቲን ዋልቃማ ዋልቃማ ባለቱ ደእያ ሀራ እት አርጋንላይ ደኤ። ሃላ ደማና ጌደ፣ ሄ ቱራይ ባረ ቶከቲዳ ሳጥ ሄ አርጋንላይ ደኢያሳኮ፣ ባረ ጸጹዋን ባረ ዳሻ የዴዳ።

8 ሸን ኮይሮ አርጋንላይ ቶከቲዳዊ አጫናው፣ አይፋናውን ሎይላ ሎኦ ዋይንያ ግዳናው ዳንዳይያሳን፣ ቱኤ ቢታን፣ ዳሮ ሃላይ ደኢያሳና” ያጌ ያጌ።

9 “ኡንቱንቶ ኔን ሀዋዳን ያጌ፤ ፋኪ ሞድያ ሙድና ጎዳይ ሀዋዳን ያጌ፤ “ሄ ቱራይ ድጫኔ? ኮይሮ አ ቶኬዳ አርጋንላይ አ ሾደኔ? አ አይፈቱዋ ቆቆፊደ፣ አ እርጸ ሀይላቱዋ ሙልሰኔ? አ ሄ ሳኦጥ ጸጹዋና ጉደ ሾዳናው ዋልቃማ ዋልቃ፣ ዋይ ዳሮ አሳ ኮሸና።

10 አ ሾዴደ፣ ሀራ ሳኦጥ ቶክንቶ፣ እ ድጫኔ? አዋይ ደልያ ባጋ ባዘ ጫርኩ ሾጮና፣ ባረ ቶከቲዳሳን ኡባና ሙለኔ?” ያጌ ያጌ” ያጌደ ዬዳ።

ሊምሱዋ ብለላ

11 ሄዋጥ ጉይያን፣ ሙድና ጎዳ ቃላይ ታኮ ሀዋዳን ያጌደ ዬዳ፤

12 “ሀ ማካላንቻ አሳው ሀዋዳን ያጌ፤ ፋሄ ሊምሱዋ ብለላይ አየንቶ ኤርክቱ? ሄዋ አዬ ጎጥ፣ ባብሎን ካቲ የሩሳላሙ ዪደ፣ ኡንቱንቱ ካትያን ኡንቱንቱ ካፖቱዋ ኦሞዲደ፣ ባብሎን አፌዳ።

13 ቃይ ካትያ ጎልያ አሳጥካ እቱዋ አኪደ፣ አና እትጥ ጫቁደ ጫቀቲዳ፤ ያቲደ አሳ ግደን ኤረቲዳዋንታ ኦሞዲደ አፌዳ።

14 ሄዋ ኦሴዳዊ ኡንቱንቱ ካወተላይ ዋልቃ ጳይደ፣ ላኤንላ ደንደናዳን፣ ባረንቱ ጫቁዋ ጸላላ ናጌደ ደእናዳና።

15 ሸን ይሁዳ ካቲ ማካል ደንዲደ፣ ፓራቱዋን ዳሮ ኦላንቻቱዋ የዳናዳን፣ ግብጾ ከቲዳ። አዉ ሄዋ ሀናንዴሻ? ሀዋ ማላባ ኦሴዳዊ እ ባረዉ ከሰ አካንዴ? ቃይ ጫቁዋ አዲደ፣ እ ባረዉ ከሰ አካንዴ?

16 “ ፣ታን ኡባ ሞድያ ሙድና ጎዳይ ታ ደኡዋን ጫቃይ፣ ባረና ካተዬዳ ካትያና ማየቲዳ ቃላ ድራውን ጫቁዋ ካዲዳ ድራው፣ ሄ ካትያ ቢታን፣ ባብሎንን እ ሀይቃና።

17 ባብሎን ኦላንቻቱ ዳሮ አሳ ዋዳናው ግምቢያ ማታን ቢታ ድድቂደ ገገሶጥን ድርጥካ፣ ግብጾ ካቲ ባረ ኦላንቻቱዋናን ባረ ዳሮ አሳና ዪናካ፣ አይነ ማደና።

17:12 2 ካታ. 24:15-20፤ 2 ኦዲዋ 36:10-13

18 እ ጫቁዋ ካዴዳ፤ ጫቁዋ መንጮዳ። እ ባረ ኩሽያካ እሚደ። ባረ ጌዳዋ ፖልቤና። ሄዋ ድራው። እዉ ከሰ እክያ ሳክይ ባዋ።

19 “ ሄዋ ድራው። ታን ኡባ ሞድያ መድና ጎዳይ ታ ደኡዋን ጫቃይ፤ እ ካዴዳ ታ ጫቁዋን እ መንጮዳ ታ ጫቁዋ ታን አ ሁጲያ ቦላ ዛራደ አሀና።

20 ታን ታ ጲርያ አ ቦላ የጋና። እ ታ ጲርያን አይቀታና። እ ታዉ አማነተናን እጼዳ ድራው። ታን አ ባብሎን አፋደ። ሄዋን አ ቦላ ፕርዳና።

21 ደረቲዳ አ ኦላንቻቱ ኡባይ ማሻን ሀይቃና፤ ፓጻ አቲዳዋንቱ ዲማ ዲማ ሳክ ላለታና። ሄ ዋደ ሀዋ ሃሳዬዳዌ ታና መድና ጎዳ ግድያዋ ህንተ ኤራና።

22 “ ሉባ ሞድያ መድና ጎዳይ ሀዋዳን ያጌ፤ “ታን ታ ሁጲያዉ አዲሳ ዝጋ ጼራ ልጩዋፕ ጸንቃ አካደ። ዶቃን አዲሳ ደርያ ሁጲያን ቶካና።

23 ታን አ እሰራኤልያ ደርያ ሁጲያን ቶካና፤ ሄዋን ማራ የሊደ። አይፍያካ አይፋናን ሎኦ ዝጋ ግዳናዋ። ካፎ ዛሪ ኡባይ አን ኬጻና፤ አንቲንቱ አ ቃንካ ኩዋን ሸምፓና።

24 ዶቃ ሞላ ዝቁ አልያዌ። ዝቃ ሞላ ዶቁ አልያዌ። እርጻ ሞላ መልሰያዌን መላ ሞላካ አጭሰያዌ። ታን መድና ጎዳ ግድያዋ ባዘ ሞላ ኡባይ ኤራና። ታን መድና ጎዳይ ሀዋ ኦዳድ፤ ታን ኦዳዳዋ ታንካ ኦላና” ያጌ’ ያጋ” ያጌደ ዬዳ።

18

ጸሓይ አሳ አ ኦሱዋዳን ኦሱዋዳን ፕርዳ

1 መድና ጎዳ ቃላይ ታኮ ሀዋዳን ያጌደ ዬዳ፤

2 “እሰራኤልያ ቢታባ ህንተ። ሳዎቱ ጋምኤ ዋይንያ ሚና። ናናቱዋ አቻይ ዘልኤዳ’ ጌደ ህንተ ሌምሰያዌ አዬ?

3 ታን ኡባ ሞድያ መድና ጎዳይ ታ ደኡዋን ጫቃይ። ሀዋፕ ሰንሓዉ ህንተ እሰራኤልያ ቢታን ሀ ሌምሱዋ ሌምሰክታ።

4 አሳ ኡባ ሸምፑ ታዋ፤ አዉዋ ሸምፑካ ናኦ ሸምፑካ ታዋ። ናጋራ ኦልያ ሸምፑ እ ባረዉ ሀይቃና።

5 “አት አሳይ ጽሎ ግደፕ። ቱሙ ፕርዳነ ሱረተላ ኦላፕ።

6 እ ደርያ ቦላ ደእያ ኤቃዉ ጎይንያ ሳክቱዋን ማና ዳዮፕ። እ እሰራኤልያ አሳ ኤቃዉ ጎይናና ዳዮፕ። ባረ ሸሩዋ ማጫ አሳ ቱንሳና ዳዮፕ። ቃይ ፒላይ ዬዳ ማጫሳና ግሳና ዳዮፕ።

7 አናን ኡቁናና ዳዮፕ። አጮ ኦይቁዳዋ ጉየ ዛርፕ። እት ኡራን ቦንቃና ዳዮፕ። ባረዉ ደእያዋፕ ኮሻቲዳ አሳ ሞዘፕ። ካሎቲዳዋ ማይዘፕ።

8 እ ዋድያ አካናዉ ድቻዉ ታልኦና ዳዮፕ። ባረ ኩሽያ ባላፕ ሺሽ አኮፕ። አሳ ግደን ቱሙዋ ፕርደፕ።

9 ታ ህግያን ሄመቶፕ። ታ ዋጋካ አማነቲደ ናጎፕ። ያቶፕ። እ ጽሎ አሳ። እ ቱሙ ፓጻ ደኦና። ታን ኡባ ሞድያ መድና ጎዳይ ሀዋ ኦዳይ።

10 “ሀ ብታንያዉ ሸምፑዋ ዋድያ። ዋይ ሀዋፕ ካሊደ ደእያዋንቱፕ ሀቃዋ ግድናካ ኦልያ እት ኢታ ናኦይ ደኦፕ።

11 ባረ አዉ ኦልቤናዋ ኡባባ ኦሌ። እ ደርያ ቦላ ደእያ ኤቃዉ ጎይንያ ሳክቱዋን ማ፤ እ ባረ ሸሩዋ ማጫ አሳ ቱንሴ፤

12 እ ሀዬሳን ማንቁዋ ኡቁኔ፤ እ አሳባ ቦንቁ፤ አጮ ኦይቁዳዋ ዛረና፤ ኤቃዉካ ጎይኔ፤ ቱናባካ ኦሌ፤

13 እ ድቻዉ ታልኦደ። ዋድያ አኬ። ሄዋ ማላ አሳይ ፓጻ ደኦኔ? ቱይት። እ ፓጻ ደኦና! እ ሄዋ ማላ ቱናባ ኦሌዳ ድራው። እ ቱማ ሀይቃና፤ አ ሱላ አጩካ አ ቦላና ግዳናዋ።

14 “ሀ ኢታ ብታንያዉ ናኦይ ደኦፕ ሄ ናኦይ ባረ አዉ ኦልያ ሀ ናጋራ ኡባ ቦኢደ። እ ሄዋ ማላባ አላና ዳዮፕ።

15 እ ደርያ ቦላ ኤቃዉ ጎይንያ ሳክቱዋን ማና ዳዮፕ። እሰራኤልያ አሳ ኤቃዉ ጎይናና ዳዮፕ። እ ባረ ሸሩዋ ማጫ አሳ ቱንሳና ዳዮፕ።

16 እ አናን ኡቁናና ዳዮፕ። አጮ ኦይቁዳዋ ጉየ ዛርፕ። እ አሳዋ ቦንቃና ዳዮፕ። ባረዉ ደእያዋፕ ኮሻቲዳዋንታ ሞዘፕ። ካሎቲዳዋንታካ ማይዘፕ።

17 እ ባላፕ ኩሽያ ሺሽ አኮፕ። ዋድያ አካናዉ ድቻዉ ታልኦና ዳዮፕ። እ ታ ሀግያ ናጎፕ። ታ ዋጋንካ ሀመቶፕ። ያቶፕ። እ ፓጻ ደኦናፕ አትና። ባረ አዉዋ ናጋራን ሀይቃና።

18 ሸን አ አዉ አሳ ማታ ቦንቆቤና ድራው። ባረ እሻቲዳዋካ ዋልቃን ቦንቁዳ ድራውን ባረ አሳ ግደን ኢታ ኦሌዳ ድራው። ባረ ናጋራን ሀይቃና።

19 “ሸን ህንተ። ናኦይ ባረ አዉዋ ናጋራን አያዉ ሙረተኔ ያጌታ። ናኦይ ቱሙ ፕርዳነ ሱረተላ ኦሌደ። ታ ሀግያ ሞንሲደ ናጎፕ። እ ቱሙ ፓጻ ደኦና።

20 ናጋራ ኦልያ ሸምፑ እ ባረዉ ሀይቃና። ናኦይ አዉዋ ናጋራን ሙረተና፤ ሄዋዳንካ። አዉ ናኦ ናጋራን ሙረታና። ጽሎ አሳ ጽሎተላይ ሄ አዉዋሳ ግዳናዋ፤ ኢታ አሳ ኢታተላይካ ሄ አዉዋሳ ግዳናዋ።

21 “ ሸን ናጋራንቻይ ባረ ኦሌዳ ናጋራ ኡባፕ ሰሚደ። ታ አዛዙዋ ናጎፕን ቱሙ ፕርዳነ ሱረተላ ኦላፕ። እ ቱሙ ፓጻ ደኦናፕ አትና ሀይቃና።

22 እ ኦሌዳ ናጋራፕ እቱን ቆፈተና። ባረ ኦሌዳ ጽሎ ኦሱዋ ድራው። እ ፓጻ ደኦና።

23 ናጋራንቻይ ባረ ኦግያፕ ሰሚደ። ፓጻ ደእያዋን ናሸታይፕ አትና። ታን ኡባ ሞድያ መድና ጎዳይ አ ሀይቁዋን ናሸትከ።

24 “ ሸን ጽሎ አሳይ ባረ ጽሎተላፕ ጉየ ሰሚደ። ናጋራንቻ አሳይ ኦልያ ናጋራን ቱና ኦሱዋ ኦላፕ። እ ፓጻ ደኦኔ? ቱይት። እ ኦሌዳ ጽሎ ኦሱዋፕ እቱን ቆፈተና፤ እ አማነተናን እጼዳ ድራውን እ ኦሌዳ ናጋራ ኡባ ድራው። እ ሀይቃና።

25 “ ሸን ህንተ። ጸሓ ኦጊ ሱረ ግደና ያጌታ። ህንተና። እሰራኤልያ አሳቶ። ሀእ ሰሰተ! ሱረ ግደናዌ ታ ኦጌ? ሱረ ግደናዌ ህንተ ኦግያ ግደኔ?

26 ጽሎ አሳይ ባረ ጽሎተላፕ ጉየ ሰሚደ። ናጋራ ኦልያ ዋደ። ባረ ናጋራን ሀይቁ። እ ባረ ኦሌዳ ናጋራ ድራው ደኡዋን ደኦና።

27 ሸን ኢታ አሳይ ባረ ኢታተላፕ ጉየ ሰሚደ፡ ቱሙ ፕርዳነ ሱረተላ ኦልያ ዎደ፡ እ ባረ ሸምፑዎ አሻና።

28 እ ባረ ኦልዳ ናጋራ ኡባ አኬኪደ ሰሜዳ ድራው፡ እ ቱሙ ፓጻ ደአናፕ አትና ሀይቀና።

29 ሸን እሰራኤልያ አሳቱ፡ ጸሳ ኦጊ ሱረ ግደና ያጌድና። ህንተኖ፡ እሰራኤልያ አሳቱ፡ ሱረ ግደናዌ ታ ኦጌ? ሱረ ግደናዌ ህንተ ኦግያ ግደኔ?

30 “ሄዎ ድራው፡ ህንተኖ፡ እሰራኤልያ አሳቱ፡ ታን ህንተና ኡባካ ህንተ ኦግያዳን ኦግያዳን ፕርዳና፡ ናጋራይ ህንተ ጳዮ ጋሶ ግደናዳን ፓጻተ፤ ህንተ ባይዘዋ ኡባፕካ ሰሞተ። ታን ኡባ ሞድያ መድና ጎዳይ ሀዋ ኦዳይ።

31 ህንተ ናቁዳ ናቁዋ ኡባ ህንተፕ ሃሲደ፡ ኦራላ ዎዛናነ ኦራላ አያና አክተ። ህንተኖ እሰራኤልያ አሳቱ፡ አያወ ሀይቁቴ?

32 ታን እት አሳ ሀይቁዋንነ ናሸትከ። ሄዎ ድራው፡ ህንተ ናጋራ ፓጻ ሰሚደ፡ ፓጻ ደአተ! ታን ኡባ ሞድያ መድና ጎዳይ ሀዋ ኦዳይ” ያጌዳ።

19

እሰራኤልያ ዳናቱዋ ዝላሳ

1 ጸሳይ ህዝቁላ፡ “እሰራኤልያ ካፓቶ ሀዋዳን ያጋደ ዝላላ፤

2 “ህንተ አታ ጋሞቱዋ ግደን፡ እዛ አይባ ጋማቲ!

ያላጋ ጋሞቱዋ ግደን ግሳደ፡ ባረ ማራቱዋ ድቻዱ።

3 እዛ ባረ ማራቱዋፕ እቱዋ ድቻና፡ ዎዳላ ጋሙዋ ከሴዳ።

እ ሻንካ ታማሪደ፡ አሳ ሜዳ።

4 ካወተላቱ ኡባይ አባ ሰሲደ፡ ኦላን ገሊደ ኦይቀቴዳ።

ኡንቱንቱ አ ማጋን ጎቹደ፡ ግብጾ ቢታ አፌድና።

5 “አ አታ ናገዌ ፖለተናን እጽና፡ ሀደታይ ጳዬዳዎ በአደ፡ ባረ ማራቱዋፕ ላኤንሉዋ ድቻደ፡ ዎዳላ ጋሙዋ ከሳዱ።

6 እ ዎዳላ ጋሙዋ ግዲደ፡ ሀራ ጋሞቱዋ ግደን፡ ያነ ሃነ ሰመረቴዳ።

እ ሻንካ ታማሪደ፡ አሳ ሜዳ።

7 እ ኡንቱንቱ ዎልቃማ ጌሱዋ መንግሥታዊደ፡ ካታማካ ባይዘዳ።

ቢታይነ ቢታን ደእያ አሳይ ኡባይ፡ አ ጉደላን ሻቢረቴዳ።

8 ዩሹዋን ደእያ ካወተላቱ ኡባይ፡ አ ኦይቃናወ ጲርያ የጌድና።

ባረንቱ ግትያካ ሞጩድና፤ ባረንቱ ኦላን አ ኦይቁድና።

9 ኡንቱንቱ ባረንቱ ማጋን አ ጎቹደ፡ ኮላዳን ጊጌዳ ጉላ ጎልያን የጊደ፡ ባብሎነ ካትያኮ አፌድና።

ላኤንሉ አ ጉደላይ እሰራኤልያ ደረቱዋን ሰሰተናዳን፡ ኡንቱንቱ አ ቃሾ ጎልያ ገልሴድና።

10 “ ሳ አታ ሃላ ደናን፡ ቶከቱዳ ዎይንያ ቱራ ማላ።

ዳሮ ሃላይ ደእያ ድራው፡ ሄ ዎይንያ ቱራይ አይፍያ ዳርጸጽ ኡቱዳ፤ ቃይ ዳሮ ዳሻና ደኤ።

11 እ ማራቱዋፕ ሞንያዎ፡ ሞድያዎንቱ ጸሞአ ግዴዳ።

አ ማራይ ዎልቃማ ማራቱዋፕ አዱቁደ፡ ቦላወ አጴዳ።

ባረ ማራቱዋ ጮራተላንነ ቶቃተላን ቦላና ቤቱዳ።

12 ሸን ሄ ቱራይ ሀንቁዋን ሾደቲደ፡ ቢታን ኦለቱዳ።

አዎይ ደልያ ጫርኩ አ አይፍያ መልሰና ቆቆፈቱዳ፤

አ ሞኖ ታሺ መልና፡ ታማይ ሜዳ።

13 ሀእ ቃይ እ ሃላ ባይና፡ መላ ቢታን ቶከቱዳ።

14 ታማይ አ ማራቱዋፕ እቱዋ ኦይቁደ፡ አ አይፍያናካ ድፕ ኦሊደ ሜዳ።

ያትና፡ ካወተላ ጸሞአ ግድያ፡

አይ ሞኖ ማራይካ አ ቦላን አትቤና።

“ ሳወ ዩኩዋ ዝላላ፤ ሀዋ ዝላላዳን ጎኤታናወ በሴ’ ያጋ” ያጌዳ።

20

ማካላንቻ እሰራኤልያ

1 ኦን አሞደቱዳ ላፑንላ ላይላን፡ እቼሻንላ አግናን፡ ታማንላ ጋላሳን፡ እሰራኤልያ ጭማቱዋፕ አማራዳዋንቱ መድና ጎዳ አቻናወ ዪደ፡ ታ ሰንላን ኡቱድና።

2 ያትና፡ መድና ጎዳ ቃላይ ታኮ ሀዋዳን ያጊደ ዬዳ፤

3 “ላ አሳ ናአው፡ እሰራኤልያ ጭማቶ ሀዋዳን ያጋደ ኦዳ፤ ኡባ ሞድያ መድና ጎዳይ ሀዋዳን ያጌ፤ “ህንተ ዬዳዌ ታና ኦቻናሴ? ታን ኡባ ሞድያ መድና ጎዳይ ታ ደኡዋን ጫቃይ፡ ታን ህንተናን ኦሸትከ” ያጌ’ ያጋ።

4 “ኡንቱንቱ ቦላ ፕርዲቱ? ላ አሳ ናአው፡ ቱሙ ኡንቱንቱ ቦላ ፕርዲቱ? ሄዎ ግደፕ፡ ኡንቱንቱ ማይዛ አዎቱዋ ቱና ኡሱዋ ኡንቱንታ ኤርሳ።

5 ኡንቱንቶ ሀዋዳን ያጋ፤ ኡባ ሞድያ መድና ጎዳይ ሀዋዳን ያጌ፤ “ታን እሰራኤልያ ዶራዳ ዎደ ታ ኩሽያ ደንላደ ጫቃድ፡ ያቆባ ዛረቶ ግብጾን ደእሺና፡ ታናተላ ኤርሳደ፡ ታ ኩሽያካ ደንላደ ጫቃደ፡ ታን መድና ጎዳ ህንተ ጸሳ” ጋደ ኦዳድ።

6 ታን ህንተና ግብጾፕ ከሳደ፡ ህንተወ ዶራዳ ቢታ፡ ማላይነ ኤሳይ ጎግያ ቢታ፡ ቢታ ኡባፕ አጴዳ ሎኦ ቢታ አሀና ጋደ ጫቃድ።

7 ቃይ ታን ኡንቱንታ፤ “ህንተፕ እቱ እቱ ባረ ሲቅያ ቱና ኤቃቱዋ ድጎ፤ ግብጾ ኤቃቱዋን ቱናፕተ። ታን መድና ጎዳ ህንተ ጸሳ” ያጋድ።

8 “ ሸን ኢንቱንቱ ታወ ማካሊደ፣ ታ ኦድያዎ ሰሰናን እጹድና። ኢንቱንቱ ባረንቱ አሞቲዳ ቱና ኤቃቱዋ ድግባይክና፤ ግብጹ ኤቃወካ ጎይንያዋ አግባይክና። ሄዋ ድራወ፣ ኢንቱንቱ ግብጹን ደእሸና፣ ታ ሀንቁዋ ኢንቱንቱ ቦላ ጉሳናወ፣ ታ ይሉዋካ ኢንቱንቱ ቦላ ወርሳናወ ቆጋድ።

9 ሸን ኢንቱንቱ ደእያ ካወተላቱዋ ግድንን እሰራኤልያ አሳ ግብጹጥ ከሰያዋን፣ ታን ታናተላ ኤርሴዳ አሳ ሰንላን ታ ሱንላይ ቱናዳን ኣላድ።

10 ሄዋ ድራወ፣ ታን ኢንቱንታ ግብጹጥ ከሰደ፣ መላ ቢታ ለሃድ።

11 አዛዘትያ ኡባወ ደኡዋ እምያ ታ ዋጋ ታን ኢንቱንቶ እማድ፤ ታ ሀግያካ ኢንቱንቱ ታማርሳድ።

12 ቃይ ኢንቱንታ ጌሽያዌ ታና መቅና ጎዳ ግድያዋ ኢንቱንቱ ኤራና ማላ፣ ታን ታ ሳምባታ ታጥነ ኢንቱንቱጥ ግዲዋን ማላ ኣላደ እማድ።

13 “ ሸን እሰራኤልያ አሳይ ሀ መላ ቢታንካ ታ ቦላን ማካሊድና። አዛዘቲዳ ኡባወ ደኡዋ እምያ ታ ዋጋዳን ሀመትባይክና፤ ታ ሀግያካ መንጮድና፤ ታ ሳምባታካ ዳሮ ቱንሴድና። ያትና፣ ታን መላ ቢታን ታ ሀንቁዋ ኢንቱንቱ ቦላ ጉሳደ፣ ኢንቱንታ ወርሳናወ ቆጋድ።

14 ሸን ታን ኢንቱንታ ግብጹጥ ከሰያዋ በኤዳ ካወተላቱዋ ሰንላን ታ ሱንላይ ቱናዳን፣ ኢንቱንታ ቆይሳባይከ።

15 ቃይ ኢንቱንቶ እማዳ ቢታ፣ ማላይን ኤሳይ ጎግያ ቢታ፣ ቢታ ኡባጥ ሎእያ ቢታ ኢንቱንታ ገልሰናዳን መላ ቢታን ደእሸን ጫቃድ።

16 አያወ ጎጥ፣ ኢንቱንቱ ኤቃወ ጎይኒደ፣ ታ ሀግያ እጹዳ ድራሳ፣ ታ ዋጋዳን ሀመትባይና ድራሳን ታ ሳምባታካ ቱንሴዳ ድራሳ።

17 ግድጥን፣ ታን ኢንቱንቶ ቃረቲዳ ድራወ፣ መላ ቢታን ኢንቱንታ ወርሳ ቆይሳባይከ።

18 “ ሎንቱንቱ መላ ቢታን ደእሸና፣ ታን ኢንቱንቱ ናናቱዋ ሀዋዳን ያጋድ፤ “ህንተ አዎቱዋ ዋጋዳን ሀመትጥተ፤ ኢንቱንቱ ሀግያካ ናጎጥተ፤ ዋይ ኢንቱንቱ ኤቃቱዋን ቱናጥተ።

19 ታን መቅና ጎዳ ህንተ ጸሳ፣ ታ ዋጋዳን ሀመትተ፤ ታ ሀግያካ ናጎጥተ።

20 ታጥነ ህንተጥ ግዲዋን ማላ ግዳና ማላን ታን መቅና ጎዳ ህንተ ጸሳ ግድያዋ ህንተ ኤራና ማላ፣ ሳምባታ ሀራ ጋላሳጥ ዲማይተ” ያጋድ።

21 “ ሸን ሄ ናናቱካ ታ ቦላን ማካሊድና፤ አዛዘትያ አሳ ኡባወ ደኡዋ እምያ ታ ዋጋዳን ሀመትባይክና፤ ታ ሀግያካ ኢንቱንቱ ናግባይክና፤ ታ ሳምባታካ ቱንሴድና። ያትና፣ ታን መላ ቢታን ታ ሀንቁዋ ኢንቱንቱ ቦላ ጉሳናወ፣ ታ ይሉዋካ ኢንቱንቱ ቦላ ወርሳናወ ኮያድ።

22 ሸን ታን ታ ኩሽያ ሸሻ አካድ። ታን ኢንቱንታ ግብጹጥ ከሰያዋ በኤዳ ካወተላቱዋ ሰንላን ታ ሱንላይ ቱናዳን፣ ኢንቱንታ ቆይሳባይከ።

23 ቃይ ኢንቱንታ ሀራ ካወተላቱን ሀራ ቢታቶ ላላናወ መላ ቢታን ጫቃድ።

24 አያወ ጎጥ፣ ኢንቱንቱ ታ ዋጋወ አዛዘተናን እጹድና፤ ታ ሀግያካ መንጮድና፤ ታ ሳምባታ ቱንሴድናን ባረንቱ አዎቱዋ ኤቃ አሞቲድና።

25 ሄዋዳንካ፣ ቃይ ኢንቱንቶ ሎኦ ግዳና ዋጋቱዋን ደኡዋ እመና ሀገቱዋ እማድ።

26 ኢንቱንቱ ባረንቱ ያርሹዋን ቱናናዳን፣ ባረንቱ ባይራ ናናቱዋ ያርሻናዳን፣ ታን ኢንቱንታ የዳ በሳድ። ታን ሄዋ ኤሌዳዌ ኢንቱንታ ዳጋንላናሳን ታን መቅና ጎዳ ግድያዋ ኢንቱንታ ኤርሳናሳ ያጌ ያጋ።

27 “ሄዋ ድራወ፣ አሳ ናከወ፣ እሰራኤልያ አሳወ ሀዋዳን ያጋደ ኦዳ፤ ሎባ ሞድያ መቅና ጎዳይ ሀዋዳን ያጌ፤ ህንተ አዎቱካ ታናን አማነተናን እጹድ፣ ሄ የዎቱዋን ታና ቦራድና።

28 ኢንቱንቶ እማናወ ታ ኩሽያ ደንላ ጫቄዳ ቢታ ኢንቱንታ አሄዳ ዋድ፣ ኢንቱንቱካ ቆቃ ደርያ ኡባን እርጸ ሞላ ኡባ በኤድና። ኢንቱንቱን ኡባን ባረንቱ ያርሹዋ ያርሹድና። ባረንቱ ጩዋይያ እጸናንን ባረንቱ ጉሰያ ኡሻ ያርሹዋን ታና ሀንቁሌድና።

29 ያትና፣ ታን ኢንቱንታ፣ ሀዌ ህንተ ብያ ቆቃ ሳኦይ አዬ? ያጋደ ኦቻድ። ሀኙ ጋካናወ ሄ ሳኦይ ባማ ጌተቱ፤ ሄዋ ጉሳይካ ጎይንያ ቆቃ ሳኦ ጉሳ” ያጌ ያጋ።

30 ሄዋ ድራወ፣ እሰራኤልያ አሳወ ሀዋዳን ያጋደ ኦዳ፤ “ኡባ ሞድያ ጸሳይ ሀዋዳን ያጌ፤ “ህንተ ማይዛ አዎቱ ኤሌዳ ናጋራ ኡባ ኦሊድ፣ አያወ ህንተና ቱንሴቱ? ኢንቱንቱ ቱና ኤቃ ጎይናናወ አሞቲደ አያወ ካሊቲ።

31 ሀኙካ ሄዋ ማላ እመብ ሸሽያ ዋደን ህንተ አቱማ ናናቱዋ ታማን ጸጊደ ያርሸያ ዋደ፣ ህንተ ኤቃን ኡባን ህንተና ቱንሴታ። ህንተና፣ እሰራኤልያ አሳቶ፣ ታን ህንተናን ኦሽቶ? ታን ኡባ ሞድያ መቅና ጎዳይ ታ ደኡዋን ጫቃይ፣ ታን ህንተናን ኦሽቶከ።

32 ህንተ፣ “ኡን ሞላወን ሹቻወ ጎይንያ ሀራ ካወተላቱዋ ማላን ጸሳ አማና ኢሳ ማላ ግዳና” ያጊደ ቆጥታ። ሸን ህንተ ቆፋይ ኡባካ ሀነና።

ጸሳይ ሙሬነ ማሬ

33 “ ጭን ኡባ ሞድያ መቅና ጎዳይ ታ ደኡዋን ጫቃይ፣ ታን ታ ሞኖ ቀሰያን፣ ታ ሙራናወ ደንጮዳ ኩሽያንን ታ ጉሴዳ ሀንቁዋን ህንተ ቦላ ካተታና።

34 ካወተላቱዋ ግድጥ ታን ህንተና ከሳና፤ ህንተ ላለቲዳ ቢታ ኡባጥ ታ ሞኖ ቀሰያን፣ ታ ሞጩቲዳ ኩሽያንን ታ ጉሴዳ ሀንቁዋን ታን ህንተና ሸሻና።

35 ታን ህንተና ካወተላቱዋ መላ ቢታ ግያ ባዙዋ እሀና፤ ህንተና ታ ሰንላን ኤሳደ፣ ህንተ ቦላ ፕርዳና።

36 ግብጹ ቢታ ባዙዋን ህንተ ማይዛ አዎቱዋ ቦላ ፕርዳዳዋዳን፣ ሄዋዳንካ ህንተ ቦላ ፕርዳና። ታን ኡባ ሞድያ መቅና ጎዳይ ሀዋ ኦዳይ።

37 ታን ህንተና ታ ካወተላ ጸምእ ጋርሳን ዋላና፤ ታ ጫቄዋ ህንተ ናጋናዳን፣ ታን ህንተና ኦላና።

38 ማካላንቻቱዋን ናጋራንቻቱዋ ታን ህንተ ግድጥ ድጋና፤ ሀእ ኢንቱንቱ ደእያ እማላተላ ቢታጥ ታን ኢንቱንታ ከሳና፤ ሸን ኢንቱንቱ

እስራኤልያ ቢታ ገለናዳን ድጋና። ሄ ዎደ ታን መድና ጎዳ ግድያዎ ህንተ ሄዋን ኤራና ያጌ።

39 “ኡባ ሞድያ መድና ጎዳይ ሀዋዳን ያጌ፤ ህንተና፣ እስራኤልያ አሳቶ፣ ህንተ ሀእ ታን ኦድያዎ ሰሰናን እጸጥ፣ ቢደ ኡባይካ ህንተ ኤቃዉ ጎይንተ። ሸን ሄዋጥ ጉይያን፣ ህንተ እሙዋንን ህንተ ኤቃን ታ ጌሻ ሱንጎ ቱንሰክታ።

40 ታ ጌሻ ደርያን፣ ጵቁ ጌዳ እስራኤልያ ደርያ ቦላን ህንተ እስራኤልያ አሳይ ኩመንጎይ ታዉ፣ ኡባ ሞድያ መድና ጎዳዉ ሄ ቢታን ጎይናና። ታንካ ህንተና ሞካ አካና፤ ህንተ ያርሹዋ፣ ህንተ ደረቲዳ እሙዋን ህንተ ጌሻ እሙዋ ታን ህንተጥ ኮያይ።

41 ህንተ ላለቲዳ ካዉተጎቱዋ ግደጥ ታን ህንተና አህያ ዎደን ሀራ ቢታቱዋጥ ታን ህንተና ሸሽያ ዎደ፣ ሳዉዋ ቶሹኩ ግያ ያርሹዋ አክያዋዳን፣ ታን ህንተና አካና። ካዉተጎቱ ይልሸን፣ ታን ህንተ ግደን ጌሻ ግድያዎ ኤርሳና።

42 ታን ካሰ ህንተ ማይዛ አዋቶ እማና ጋደ ጫቄዳ እስራኤልያ ቢታ ህንተና ዛራደ አሄዳ ዎደ፣ ታን መድና ጎዳ ግድያዎ ህንተ ኤራና።

43 ህንተ ህንተ ኢታ ሀመታን ህንተ ቱና ኦሱዋ ህንተ ሄ ሳኢን ሀሳያና፤ ህንተ ኦፊዳ ኢታ ኦሱዋ ኡባ ህንተ ሸነታና።

44 ህንተና፣ እስራኤልያ አሳቶ፣ ታን ህንተ ኢታ ሀመታዳንን ህንተ ቱና ኦሱዋዳን ግደናን፣ ታ ሱንጎ ድራዉ ታን ኦልያ ዎደ፣ ታን ጸሳ ግድያዎ ህንተ ኤራና። ታን ኡባ ሞድያ መድና ጎዳይ ሀዋ ኦዳይ ያጌ ያጋ” ያጊደ ዬዳ።

ገድሳ ባጋ ታማ ፕርዳ

45 መድና ጎዳ ቃላይ ታኮ ሀዋዳን ያጊደ ዬዳ፤

46 “ላ አሳ ናኦዉ፣ ገድሳ ባጋ ሰማደ ይላ፤ ገድሳ ባጋዉ ኦዳ፤ ገድሳ ዎራ ቦላ ትምቢትያ ኦዳ።

47 ገድሳ ዎራዉ ሀዋዳን ያጋ፤ መድና ጎዳ ቃላ ሰሳ! ኡባ ሞድያ መድና ጎዳይ ሀዋዳን ያጌ፤ ታን ነ ግደን ታማ ኦይጎና፤ ሄ ታማይ ነ እርጸ ሞላካ ነ መላ ሞላካ ኡባ ማና። ሄ ኤጽያ ታማይ ቶኤና፤ ገድሳጥ ቢደ፣ ሁጺሳ ጋካናዉ ደእያ አሳ ሰምኡዋ ኡባ ሄ ላጩ ላባና።

48 ታን መድና ጎዳይ አይፊዳ ታማ ግድያዎ አሳይ ኡባይ በእና። ሄ ታማይ ቶኤና ያጌ ያጋ” ያጊደ ዬዳ።

49 ታን ዛራደ፣ “ሀእ ኡባ ሞድያ መድና ጎዳዉ፣ ሀዋ ታ ኦዳናዉ ታና አዛዘጋ። ኡንቱንቱ ታና፣ ‘እ ኡባቶ ለምሱዋ ኦዳ ግደኔ?’ ያጊደ ሃሳዪና” ያጋድ።

21

መድና ጎዳ ማሻ

1 መድና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናኦዉ፣ ነ ሰምኡዋ የሩሳላመኮ ዛራደ፣ አሳይ ጎይንያ ሳኦቱዋ ቦላ ቃላ ኦዳ፤ እስራኤልያ ቢታ ቦላን ትምቢትያ ኦዳ።

3 ሀዋዳን ያጋ፤ መድና ጎዳይ ሀዋዳን ያጌ፤ ታን ነዉ ሞርከ። ታን ታ ማሻ ሸኩዋጥ ሸዳደ፣ ጽሎ አሳን ኢታ አሳ ኡባ ነ ግዳዋጥ ዉርሳና።

4 ጽሎዋን ናጋራንቻ ኡባ ጳይሳናዉ ሁጺሳጥ ገድሳ ጋካናዉ ደእያ አሳ ኡባ ቦላ ታ ማሻ ሸዳና።

5 ሄዋን ታን መድና ጎዳይ ታ ማሻ አ ሸኩዋጥ ሸዳዳዋን ጉዮ ዛረናዋ አሳይ ኡባይ ኤራና ያጌ” ያጋ።

6 ሄዋ ድራዉ፣ “አሳ ናኦዉ፣ አሳይ ኡባይ ይልሸን፣ ነ ዎዛናይ መእና ኦላ፣ ጫዋ ኡንእን ኦላ።

7 ኡንቱንቱ ኔና፣ ‘አያዉ ኦላይ?’ ጊደ ኦቶያ ዎደ፣ ሀዋዳን ያጋ፤ ‘ሰንጎና ይያ ኢታ ኦዳ ኦላይ። ዎዛን ኡባይ ያሻን ሙሻና፤ ኩሽያ ኡባይ አርጋጫና፤ ኡንቱንቱ ጎባተጎይ ኡባይ ኡንቱንቱጥ ክቻና፤ ጉልባታይ ኡባይካ ኮኮራና። ሄ ዎዲ ጋኬዳ! እ ኤለ ፖለታና! ታን ኡባ ሞድያ መድና ጎዳይ ሀዋ ኦዳይ ያጋ” ያጊደ ዬዳ።

8 መድና ጎዳ ቃላይ ታኮ ሀዋዳን ያጊደ ዬዳ፤

9 “ላ አሳ ናኦዉ፣ ሀዋዳን ያጋደ ትምቢትያ ኦዳ፤ ጸሳይ ሀዋዳን ያጌ፤ ማሻ! ሌፊቲዳን ቁጩቲዳ ማሻ!

10 ሹካናዉ ሌፊቲዳ፣ ዋልቃንጎዳን ጸልቁ ጋናዉ ቁጩቲዳ። ታ አሳይ እመቲዳ ሴራን ሙሩዋ ኡባ እጾዳ ድራዉ፣ ሀዋጥ ጉይያን፣ ኦንነ ናሸተና።

11 ጎኤታናዉ ማሻይ ቁጩቲዳ፤ ሌፊቲዳን ቁጩቲዳ፣ ሹክያዎ እመቲዳ።

12 “ላ አሳ ናኦዉ፣ ዬካነ ዝላላ! አያዉ ጎጥ፣ ሄ ማሻይ ገገቲዳዌ ታ አሳ ቦላናን እስራኤልያ ካፖቱዋ ኡባ ቦላና። ካፓቱካ ታ አሳና እትጥ ማሻን ሀይቃና። ሄዋ ድራዉ፣ ነ ትራ ባቃ።

13 ታን ታ አሳ ፓጫና፤ ኡንቱንቱ ናጋራ ፓጸናን እጸጥ፣ ሀ መቱ ኡባይ ኡንቱንቱ ቦላ ጋካናዎ። ታን ኡባ ሞድያ መድና ጎዳይ ሀዋ ኦዳይ ያጌ ያጋ።

14 “ሀእካ አሳ ናኦዉ፣ ትምቢትያ ኦዳ፤ ነ ኩሽያካ ባቃ። ሄ ዎደ ማሻይ ላኡ ሄዙ ዛራደ ሸጫና፤ ሄዌካ ዩሹዋ ኡባና ዩዪደ፣ ዳጋንሰያ፣ ዎድያን ሹክያ ማሻ።

15 ሄዌ ኡንቱንቱ ዎዛናይ ሙሻናዳንን ኡንቱንቱጥ ዳርቱ ጳብታናዳን ኦላና። አየ አና! ማሻይ ኡባይ ገልያ ግምቢያ ጥንገቱዋን ዋልቃንጎዳን ጸልቁ ጌ፤ ሸኩዋጥ ሸደቲደ ሹካናዉ ቁጩቲዳ።

16 ኔና፣ ቃራ ማሻዉ፣ ኡሸቻዉን ሀድርሳዉ፣ ነ ሰሜዳ ባጋ ኡባ ቡሳካ።

17 ታንካ ቃይ ታ ኩሽያ ባቃና፤ ታ ሀንቁካ ደቻና። ታን መድና ጎዳይ ሀዋ ኦዳድ” ያጊደ ዬዳ።

ባብሎን ካትያ ማሻ

18 መድና ጎዳ ቃላይ ታኮ ሀዋዳን ያጊደ ዬዳ፤

19 “ላ አሳ ናኦዉ፣ ባብሎን ካትያ ማሻይ ይያ ላኡ ኦገቱዋን ማላ ዎላ። ላኡ ኦገቱካ እት ቢታጥ ደንዲና። ላኡ ኦገቱ ጋከትያ ዳንፉዋን ካታማኮ አፍያ ሳኢን ማላ ግድያ ቱሳ ኤሳ።

20 እት ኦግያን ደእያ ማላይ ራባ ግያ አሞናቱዋ ካታማ ብያሳ ማሌ፤ ህንኩ ቃይ ይሁዳን ግምቢቲዳ የሩሳላመ ካታማ ብያሳ ማሌ።

21 ባብሎን ካቲ ኦገቱ ጋከትያ ዳንፉዋን፣ ማላ ቱሳቱዋ ማታን ኤቁ። እ ሀቃ ኦግያ ባንንቶ ኤራናዉ፣ ዎንዳፍያ ማሻቱዋ ሳማ የጋና፤ ባረ ኤቃቱዋና ዘረታና፤ መሀያ ማራጭያካ ይላና።

22 ድርሳ ግምብቱዋ ጥንግያ ላልያ ዲሩማ እሀና ማላ፡ ዋዳናዉ አዛዙዋ አላና ማላ፡ ጨቆቀ ጨቆታና ማላ፡ ድርሳ ግምብቱዋ ጥንግያ ላልያ ዲሩማቱዋ ካታማ ጥንግያን ኤሳና ማላን ቢታ ኬላና ማላ፡ ግምቢያና ጋሊደ ሚጸ ገግሳና ማላ፡ የሩሳላመ ሳማይ አ ኡሸቻ ኩሸያን ዋዳዳ።

23 የሩሳላመ አሳይ ባብሎን ካትያና ጨቆቱዳ ድራዉ፡ ሀዌ ባረንቱ ቦላ ጋኬ ጊደ ቆጥበይክኖ። ሸን ባብሎን ካቲ ኡንቱንታ ኡንቱንቱ ናጋራ ሀሳይሲደ፡ ኦሞዶ አፋና።

24 “ሄዋ ድራዉ፡ ኡባ ሞድያ መድና ጎዳይ ሀዋዳን ያጌ፤ ህንተ ናጋራይ ቆንጨዳ፤ ህንተ ባይዛንቻ አሳ ግድያዋ አሳይ ኡባይ ኤሬ፤ ህንተ ኦሱ ህንተ ናጋራንቻ ግድያዋ በሴ። ሄዋ ድራዉ፡ ህንተ ባይዙ ሀሳየታና፤ ህንተካ ህንተ ሞርክያዉ አዲደ እመታና” ያጌ።

25 “ኔና ኢታነ ቱና ግዴዳ እሰራኤልያ ካፖ፡ ነ ዉርሰላ ፕርዳ ጋላሳይ ጋኬዳ።

26 ኡባ ሞድያ መድና ጎዳይ ሀዋዳን ያጌ፤ ሳ ሁጲያፕ ካላቻ ደንላ፤ ነ ሁጲያን ጸጸዳዋካ ቃራ። ሀዋፕ ሰንላናዉ ካሰዋዳን ሀናናዌ ባዋ፤ ዘቂ ጌዳዌ ቶቆ ጋና፤ ቶቆ ጌዳዌካ ዘቂ ጋና።

27 ባሻ! ባሻ! ታን ሀ ካታማ ባይዛና! ፕርድያ ማታይ ደእያዌ ያና ጋካናዉ፡ ሀ ካታማይ ላኤንላ ኬጸተና። እ ይያ ዋደ ታን አዉ አላደ እማና” ያጌ።

28 “ላ አሳ ናአዉ፡ ሀዋዳን ያጋደ ትምቢትያ ኦዳ፤ ላእሰራኤልያ ቦርያ አሞናቶ ኡባ ሞድያ መድና ጎዳይ ሀዋዳን ያጌ፤ “ማሻ! ማሻይ ዋዳናዉ ሸኩዋፕ ሸደቱዳ፤ ዉርሳናዉን ዋልቃንላዳን ጸልቆ ጋናዉ ቁጨቱዳ።

29 ህንተ በእያ ሳዳይ ዋርዱዋ፤ ህንተ ኦድያ ትምቢቲካ ዋርዱዋ። ህንተ ኢታነ ቱና አሳ፤ ህንተ ዉርሰላ ፕርዳ ጋላሳይ ጋኬዳ። ህንተ ቆድያን ማሻይ ዋዳና ሀ፤።

30 ማሻ ሸኩዋን ዛርተ። ህንተ መጠቴዳ ሳኣን፡ ህንተ የለቱዳ ቢታን ታን ህንተ ቦላ ፕርዳና።

31 ታ ሀንቁዋ ህንተ ቦላ ጉሳና፤ ታ ሀንቁዋ ታማይ ህንተ ቦላ ኤጽ ከሳና። ህንተና ባይዝያዋን ሎሄዳ፡ መቀላ ባይና አሳቶ አላ እማና።

32 ህንተ ታማዉ ኤልያ ሞላ ግዳና፤ ህንተ ሱላይ ህንተ ቢታን ጉካና፤ ህንተ ላኤንላ ሀሳየትክታ። ታን መድና ጎዳይ ሀዋ ኦዳድ” ያጌ” ያጌ” ያጌ ይዳ።

ኤቃዉ ጎይንያዋን ኔና ቱንሴዳ ድራዉ፡ ነ ዋዳ ይዳ።

4 ኔን ጉሴዳ ሱላን ባይዛንቻ ግዳዳ፤ ነ መዴዳ ኤቃንካ ቱናዳ። ያትና፡ ነ ፕርዳ ጋላሳይ ማታቱዳ፤ ነ ዉርሰላ ላይላይካ ጋኬዳ። ሄዋ ድራዉ፡ ታን ኔና ካዉተላቶ ካድያዋን ሀራ ቢታቶካ ቅሊጭያዋ ከሳና።

5 ኔኖ፡ ሱንላ ባይዳን ሻቢረቱዳ ካታማትዉ፡ ማታንን ሃኩዋን ደእያዋንቱ ኔና ቅሊጫና።

6 “ ሳ ግድን ደእያ እሰራኤልያ ካፓቱ ኡባቱ ሱላ ጉሳናዉ ባረንቱ ዋልቃ አይ ኬሻ ጎኤትንቶ በአ።

7 ነ ግድን ደእያዋንቱ ባረንቱ አዉዋን ባረንቱ አቶ ቦንቶክኖ፤ ኡንቱንቱ በተቱዋካ ኡቁኔድኖ፤ አምኤቱዋን አዉ አታ ባይና ናናቱዋ ናቁኖ።

8 ኡንቱንቱ ታ ጌሻ የዋቱዋ ካዲኖን ታ ሳምባታካ ቱንሲኖ።

9 ነ ግድን ደእያዋንቱፕ እቱ እቱ ሀራቱዋ ዋድሳናዉ ዋርዱዋ ኦዳና፤ ሀራቱ ደርያ ቦላ ደእያ ኤቃዉ ጎይንያ ሳኣቱዋን ሚኖ፤ ቃይ ሀራቱ ኡባባን ቱንያዋንቱ ነ ግድን ደእኖ።

10 ነ ግድን ደእያዋንቱፕ እቱ እቱ ባረ አዉዋ ማቻትና ግሲኖ፤ ሀራቱ ቃይ ፕላይ ይዳ ማጫ ሞሽራትና ዋልቃን ጋከቲኖ።

11 ነ ግድን ደእያዋንቱፕ እቱ እቱ ባረ ሸሩዋ ማቻትና ግሲኖ፤ ባረ ናአ ማቻትና ግሲኖ፤ ባረ አዉዋ ናት፡ ባረ ሞቻትና ዋልቃን ግሲኖ።

12 ነ ግድን ደእያዋንቱፕ እቱ እቱ ሚሻ አኪደ፡ ሸምቱዋ ዋዳና፤ ሀራቱ ባረንቱ ሚሻ ድቻዉ እሚኖን፡ ባረንቱ ሸሩዋ ሚሻ ያሸሲደ አኪኖ። ቃይ ህንተ ታና ኡባካ ደጌድታ። ታን ኡባ ሞድያ መድና ጎዳይ ሀዋ ኦዳይ።

13 “ ሳ ግድን ደእያ አሳይ በሰና ሚሻ አክያ ድራዉን ሸምቱዋ ዋዳና ድራዉ፡ ታን ሀንቁዋን ታ ኩሸያ ባቃና።

14 ታን ኔና ሙርያ ጋላሰ ነ ጎባተላይ ኔናና ደእኔ? ዋይ ነ ኩሸ ሞኖ ግዳኔ? ታን መድና ጎዳይ ሀዋ ኦዳይ፤ ታን ኦዳዳዋ ታንካ አላና።

15 ታን ነ አሳ ካዉተላቱዋ ግድንን ሀራ ቢታቱዋ ግድን ላላና፤ ነ ቱናተላካ ታን ነ ቦላፕ ዳይሳና።

16 ሀራ ካዉተላቱዋ ሰንላን ኔን ካዉሻና፤ ሸን ሄ ዋደ ታን መድና ጎዳ ግድያዋ ኔን ኤራና” ያጌ” ያጌ” ያጌ ይዳ።

ጸሓ ታማይ ጌሼ

17 ሄዋፕ ጉይያን፡ መድና ጎዳ ቃላይ ታኮ ሀዋዳን ያጌ ይዳ፤

18 “ላ አሳ ናአዉ፡ እሰራኤልያ አሳይ አይነ ፓፍና ብራታ ሸኣ ማላ፤ ኡንቱንቱ ኡባይካ ብራ ሙሽሲደ ጌሸያ ዋደ፡ ሸኣ ግዲደ አትያ ናሃሲያ፡ ቆርቆሩዋ፡ ብራታን እርሳሲያ ማላ።

19 ሄዋ ድራዉ፡ ኡባ ሞድያ መድና ጎዳይ ሀዋዳን ያጌ፤ ህንተ ኡባይካ ብራታ ሸኣ ማላ ግዴዳ ድራዉ፡ ታን ህንተና ኡባካ የሩሳላመ ግዶ ሸሻና።

22

የሩሳላመ ናጋራ

1 መድና ጎዳ ቃላይ ታኮ ሀዋዳን ያጌ ይዳ፤

2 “ላ አሳ ናአዉ፡ ሱላ ጉሰያዋንቱ ኩሚዳ ካታማ ቦላ ፕርዳናዉ ገጋዲ? ያቶፕ፡ እ አሌዳ ቱና ኦሱዋ ኡባ አዉ ኢዳ።

3 ሀዋዳን ያጌ፤ ሳ ኡባ ሞድያ መድና ጎዳይ ሀዋዳን ያጌ፤ “ኔን ዳር አሳ ሱላ ጉሴዳ ድራዉን

21:28 ኤር. 49:1-6፤ ህዝ. 25:1-7፤ አሞጸ 1:13-15፤ ሶር. 2:8-11 22:7 ከሳ 20:12፤ 22:21-22፤ ዛረ. 5:16፤ 24:17 22:8 ዋጋ 19:30፤ 26:2 22:10 ዋጋ 18:7-20 22:12 ከሳ 22:25፤ 23:8፤ ዋጋ 25:36-37፤ ዛረ. 16:19፤ 23:19

20 አሳይ ብራ፣ ናሰያ፣ ብራታ፣ እርሳሰያን ቆርቆሩዎ ታማ ጮጭያኮ ሺሺደ ዋምፒናን ፑኒደ ሙሽሰያዋዳን፣ ታን ታ ሀንቁዋንነ ታ ይሉዋን ሀንተና ሺሻደ፣ ካታማ ግደን ሙሽሳና።

21 ታን ሀንተና ሺሻደ፣ ታ ሀንቁዋ ታማ ሀንተ ቦላ ዋምፒና ፑንና፣ ሀንተ ሄዋን ሙሻና።

22 ብራይ ጮጭያን ሙሽያዋዳን፣ ሀንተ የሩሳላመን ሙሻና። ሄ ዋደ ታን መጅና ጎዳይ ታ ሀንቁዋ ሀንተ ቦላ ጉሴዳዋ ሀንተ ኤራና ያጌ” ያጌደ ዬዳ።

እስራኤልያ አሳ ካለልያዋንቱ ናጋራ

23 መጅና ጎዳ ቃላይ ታኮ ዛሪደካ ሀዋዳን ያጌደ ዬዳ፤

24 “ላ አሳ ናአዉ፣ ኡንቱንቱ ቢታይ ቱኔዳ ድራዉ፣ ታ ሀንቁዋን እራይ ቡከናዳን ድጋደ፣ ታን እስራኤልያ አሳ ሙራዋ ደዋዋ ኡንቱንቱ ኦዳ።

25 ኡንቱንቱ ካፓቱ ባረ ዋጄዳዋ ጉዲደ መንጋልያ ጋሙዋ ማላ፤ ኡንቱንቱ አሳ ዋጄና፤ አልኦ ሚሻ ግድና፣ ሀራ ዲረታ ግድና፣ ኡባ ባረንቶ አኪኖ፤ ኡንቱንቱ ሄ ቢታን ዳር ማጫ አሳ አምኤ ከሴድና።

26 ቄሳቱ ታ ሀግያ መንጫድና፤ ታ ጌሻባካ ቱንሴድና፣ ጌሻን ቱና ሻክክኖ፤ ቃይ ቱናፒን ቱና ግደናዋፒ ግዲዋን ደእያ ዲማተላ ታማርሰክኖ፤ ታ ሳምባታዉ ጋትያ እምባይክና። ሄዋፒ ደንዴዳዋን፣ ታን እስራኤልያ አሳ ግደን ቦንቼታባይከ።

27 አ ግደን ደእያ ካፓቱ ባረንቱ ዋጄዳዋ ዲሰረልያ ኦኮርቱዋ ማላ፤ ኡንቱንቱ ባረንቶ በሰና ዲረተላ ደማናዉ ሸምቱዋ ዋጄና።

28 የሩሳላመ ካታማን ትምቢትያ ኦድያዋንቱ ጎዳ ቦሽንቻ ኦክያ አሳዳን፣ ዋርዲዋ ሳፃ በእያዋንነ ዋርዲዋ ትምቢትያ ኦድያዋን፣ ኡንቱንቱ ናጋራ ገንፈና። መጅና ጎዳይ ኦድናን ደእሸና፣ ኡባ ዋድያ መጅና ጎዳይ ሀዋዳን ያጌ ያጌና።

29 ሄ ቢታ አሳቱ ቦንቁና፤ ዛራፍና፤ ሀዬሳቱዋን መቶታንቻቱዋ ኡቁኒና፤ ኡንቱንቱ በተቱዋካ ኡንኤላደ ሱረ ፕርዳ ጌላዪና።

30 “ታን ቢታ ጳይሰናዳን፣ ድርሳ ግምቢያ ኬጽያ፣ ኮላቴዳ ድርሳ ፕንግያ ባጋና ኤቁደ ናግያ እት አሳ ኮያድ፤ ሸን ኦናን ደማባይከ።

31 ሄዋ ድራዉ፣ ታ ሀንቁዋ ኡንቱንቱ ቦላ ጉሳና፤ ታን ታ ሀንቁዋ ታማን ኡንቱንታ ጳይሳና፤ ታን ኡንቱንቱ ኦፊዳ ኦሱዋ ኡንቱንቱ ቦላ ዛራና። ኡባ ዋድያ መጅና ጎዳይ ሀዋ ኦዳይ” ያጌደ ዬዳ።

23

ላኡ ሻርሙጽያ ምቼቱዋ ሊምሱዋ

1 መጅና ጎዳ ቃላይ ታኮ ሀዋዳን ያጌደ ዬዳ፤

2 “ላ አሳ ናአዉ፣ እት እትፒ የለቴዳ ላኡ ማጫ አሳቱ ደእኖ።

3 ኡንቱንቱ ግብጾን ደእድ፣ ባረንቱ ያላጋተላፒካ ደሚደ፣ ሻርሙጽ ግዴድና። ሄ

ቢታን ኡንቱንቱ ጳንላን አቱማ አሳይ ካኤዳ፤ ኡንቱንቱ ዋድርተላይካ እከቱዳ።

4 ኡንቱንቱፒ ባይራት ሱንላይ ኦሆሎ * ቃይ እ ምቻት ቱፋት ሱንላይ ኦሆልቦ † ኡንቱንቱ ላኡዋካ ታን አክና፣ ታዉ አቱማን ማጫ ናናቱዋ የሌድና። ኦሆላ ሳማራቶ፤ ኦሆልባ ቃይ የሩሳላዋ።

5 “ኦሆላ ታዉ ማቻቶ ግዳደ ደእደካ ሻርሙጽዲ፤ እዛ ባረ ላገላት አሶረ ዋታዳራቱዋ አሙዋን ጸገታደ ካላዲ።

6 ኡንቱንቱ ሳሉዋ ማላትያ ማዩዋ ማዬዳ ኦላንቻቱዋ፣ ቢታ ሞድያዋንታን ኦላ ጋዳዋቱዋ፤ ኡንቱንቱ ኡባይካ ማልሳሳ፣ ያላጋ አቱማ አሳቱዋን ፓራ ቶግያ ፓራ አሳቱዋ።

7 እዛ ባረና ሻርሙጽ አላደ፣ ኡባፒ ሎእያ አሶረ አቱማ አሳቶ እማዲ። እ ሻርሙጽተላይ አሶረ ቢታ ኤቃቶ ጎይናደ፣ ቱናናዳን እዘ ኦፊዳ።

8 አ ግብጾን ደሚዳ ሻርሙጽተላ ሀእካ አጋ በይኩ፤ እ ያላጋተላፒ ደሚደ፣ አቱማ አሳቱ እ ጳንላ ካኢኖን ኢናና ሻርሙጽዲና።

9 “ሄዋ ድራዉ፣ እዛ ምንሳደ አሙዋን ሲቅያ አሶረ ቢታ ላገላቶ ታን እዘ አላደ እማድ።

10 ኡንቱንቱ እዘ ቃሪደ ካሎዬድና፤ እዘ አቱማን ማጫ ናናቱዋ ኦምድ ኦይቄድና፤ እዘካ ማሻን ዋጄድና። ባረና ጋኬዳ ፕርዳ ጋሱዋን፣ ማጫ አሳቱዋ ግደን ቅለጭያዋ ግዳዲ።

11 “እ ምቻታ ኦሆልባ ሀዋ በኦዲ፤ እዛ ባረ አሙዋን ባረ ሻርሙጽን ባረ ምቻትፒ ቱና ዳራዲ።

12 እካ ቃይ አሶረ ቢታ ሞድያዋንታ፣ ኦላ ጋዳዋቱዋ፣ ሎኦ ማዩዋ ማዬዳ ኦላንቻቱዋን ፓራ ቶግያ ፓራ አሳቱዋ፣ ኡባቱካ አምይያ፣ ያላጋ አሳቱዋ ምንሳደ ሲቃዲ።

13 እካ ባረና ቱንሴዳዋ በኦዲ፤ ኡንቱንቱ ላኡካ እት ኦግያ ቢና።

14 “እዛ ባረ ሻርሙጽተላ ያ ዳርሳዲ፤ እዛ አቱማ አሳቱዋ ምሰሊ ጎዳ ቦላን ዋጫት መጠቱዳዋ፣ ዞኦ ቃላምያን ኦከት ኡቴዳዋ በኦዲ።

15 ኡንቱንቱ ባረንቱ ጸሳን ዝናርያ ዳንጮዳዋንታን ባረንቱ ሁጲያንካ ሎእያ ጫርቄያ ጸጾዳዋንታ። ኡንቱንቱ ኡባይካ ካላዳዋናቱዋ ቢታፒ ዬዳ ባብሎን ካፖቱዋ ማላቱና።

16 እዛ ኡንቱንቱ ምሰላቱዋ በኦሳናካ ዳር አሙዋ ጸገታደ፣ ኡንቱንታ ጸሳናዉ ባብሎን ቢታ አሳ ኪታዲ።

17 ያትና፣ ባብሎንቱ ኢኮ ዪደ፣ ኢናና ሻርሙጽዲ፣ እዘ ቱንሴድና። ቱኔዳዋፒ ጉይያን፣ እዛ ኡንቱንታካ ሸነታደ፣ ዋራ ሰማዲ።

18 እዛ ባረ ሻርሙጽተላ ቆንጭያን ኦፊዳ ዋደን ባረ ካሉዋ ቃራ በሴዳ ዋደ፣ ታን እ ምቻትፒ ዋራ ሰሜዳዋዳን፣ ኢፒካ ሸነታደ ዋራ ሰማድ።

19 ሸን እዛ ግብጾን ሻርሙጽ ግዳደ ደእያ፣ ባረ ያላጋተላ ዋድያ ሀሳያደ፣ ባረ ሻርሙጽ ካሰዋፒ ያ ዳርሳዲ።

22:26 ዋጋ 10:10 * 23:4 ኦሆሎ- ሀ ሱንላ ብለላይ አብራዌላዋን፣ “እ ጌሻ ጎልያ” ግያዋ። † 23:4 ኦሆልቦ- ሀ ሱንላ ብለላይ አብራዌላዋን፣ “ታ ጌሻ ጎላ እዘና” ግያዋ።

20 ኢንቴንቴ አቱማተላይ ሀርያዎ ማላ፡ ኢንቴንቴፕ ከሰያ ዘርላይካ ፓራዎ ማላ ግዴዳ ባረ ላገላቱዎ እውዋን ካላዲ።

21 (ኔኖ፡ ኦሆልቤ፡ ነ ያላጋተላ ዎደ፡ አቱማዎንቴ ነ ቆንላን ካእሸና፡ ነ ዎደሮተላካ ካእሸና፡ ኔን ፖሌዳ ሻርሙዳተላ ዛራደካ ሀእ ኦላናዉ አዎታሳ።)

መድና ጎዳይ ላኡ ሞቼቱዎ ቦላ ፕርዴዳ

22 “ሄዎ ድራዉ፡ ኦሆልቤ፡ ኡባ ሞድያ መድና ጎዳይ ሀዎዳን ያጌ፤ ታን ነ ላገላቱዎ፡ ሄ ኔን ሸነታደ ዎራ ሰሜዳዎንታ ነ ቦላ ደንላና፤ ታን ኢንቴንታ ነ ቦላ ኡባ ሳና አሀና።

23 ኢንቴንቴካ ባብሎንቴዎን ካላዳዌቱዎ ኡባ፡ ፓቆዳ፡ ሾእን ቆእና አቱማ አሳቱዎ፡ አሰረቱዎ ኡባ፡ አዎይያ ያላጋ አሳቱዎ፡ ቢታ ሞድያዎንታ፡ አላ ጋዳዎቱዎ፡ አላንቻቱዎ፡ ካፓቱዎን ፓራ ቶግያ ፓራ አሳቱዎ።

24 ኢንቴንቴ አላ ፓራ ጋረቱዎና፡ ጫና ጋረቱዎናን ዳሮ አላንቻቱዎና ሁጲሳ ባጋፕ ሀንተ ቦላ ያና። ኢንቴንቴ ዎጋ ጎንዳልያን ቁር ጎንዳልያ ኦይቁደ፡ ብራታ ቆብያ ዎሊደ፡ ነ ዩሹዎን ሳልፓና። ታን ኔና ኢንቴንቴን ፕርድሳና፤ ኢንቴንቴካ ኔና ባረንቴ ዎጋዳን ፕርዳና።

25 ሀንቁዎ ነ ቦላ የዳና፤ ኢንቴንቴካ ኔናና ሀንቁዎ ሱሉዎን ጋከታና። ኢንቴንቴ ነ ሲድያን ነ ሀይላ ቃንጸና፤ ኔፕ አቱዳዎንቴካ ማሻን ቡሳክታና። ኢንቴንቴ ነ አቱማ ናናቱዎን ነ ማጫ ናናቱዎ ኦይቃና፤ ኔፕ አቱዳዎንታካ ታማን ጹጋና።

26 ኢንቴንቴ ነ ማዩዎ ኡባ ኔፕ ቃር አካና፤ ነ አሌቆ ኡባካ ኔፕ ከሰ አካና።

27 ሄዎዳን አላደ፡ ኔን ግብጾፕ አሄዳ ሻርሙዳተላ ቃቃን ነ ሻርሙዳተላ ኡባ ታን ኔና አግሳና። ኔን ላኤንሉ ግብጾቱዎ ኤቃ ሞሰለቱዎ ቶቁ ጋደ ጸለናዳን፡ ዎይ ኢንቴንታ ሀሳየናዳን፡ ታን ኔና ኦላና፡ ያጌ።

28 “ኡባ ሞድያ መድና ጎዳይ ሀዎዳን ያጌ፤ ታን ኔና ኔን እጽያዎንቶ፡ ኔን ሸነታደ፡ ኢንቴንቴፕ ዎራ ሰሜዳዎንቶ አላደ እማና።

29 ኢንቴንቴ ኔና እጸናን ኔን ዳቡራደ ደሜዳዎ ቦንቁ ድጌደ፡ ኔና ካሎ ጲራ አሻና። ነ ሻርሙዳተላ ፖኩ ቆንጫናዳን ኦላና። ነ ዚታይን ነ ሻርሙዳተላ አሙ።

30 ሀዎ ነ ቦላ አሄዳ። አያዉ ሳፕ፡ ኔን ካወተላቱዎና ሻርሙዳዳ፤ ኢንቴንቴ ኤቃቱዎን ኔና ቱንሳዳ።

31 ነ ሞቻታ ቤዳ ኦግያ ኔንካ ባዳ። ሄዎ ድራዉ፡ ኔናካ ታን እ ጹኦ ኡሻና፡ ያጌ።

32 “ኡባ ሞድያ መድና ጎዳይ ሀዎዳን ያጌ፤ ሓን ነ ሞቻት ጹኦፕ ኡሻና፤ ሄ ጹኦይካ ዎልቃማን ጭንኦ። እ ትግና፡ ዳራዎ አክያ ድራዉ፡ ነ ቦላ ቅድያን ሚቻ አሀና።

33 ኔን ማሉዎ ጀላናን ካዮታና። ሄዎ ሄ ነ ሞቻት ሳማርያ ጹኦይ ዳጋማን ባየላ ጹኦ።

34 ነ አ ጭንግርሳደ ኡሻና፤ ጹኦካ መንላና፤ መንጫዳ ኮንኦካ ነ ቆንላ ጋራና። ኡባ ሞድያ መድና ጎዳይ ሀዎ ኦዳይ፡ ያጌ።

35 “ሄዎ ድራዉ፡ ኡባ ሞድያ መድና ጎዳይ ሀዎዳን ያጌ፤ ሓን ታና ዶጌዳ ድራዉን ታዉ ዘክያ

ዛራዳ ድራዉ፡ ኔን ነ አሙዎን ነ ሻርሙዳዎ ጋትያ አካና፡ ያጌ። ያጌደ ዬዳ።

36 መድና ጎዳይ ታና ሀዎዳን ያጌዳ፤ “ላ አሳ ናእዉ፡ ኦሆል ቦላን ኦሆልብ ቦላ ፕርዲቱ? ፕርደፕ፡ ኢንቴንቴ ኦሌዳ ቱና ኦሱዎ ኢንቴንቶ ኦዳ።

37 ኢንቴንቴ ላኡካ ሻርሙዳድናን ሸምቱዎ ዎዴድና። ኢንቴንቴ ባረንቴ ኤቃዉ ጎይኔድና። ሀራይ አትና፡ ኢንቴንቴ ታዉ የሌዳ ባረንቴ አቱማ ናናቱዎካ ባረንቴ ኤቃቶ ቁማ ኦሊደ ያርሼድና።

38 ሄዎፕካ ሀራባ ኢንቴንቴ ታ ቦላ ኦሌድና፤ ኢንቴንቴ ታ ጌሻ ጎልያ ቱንሴድና፤ ኤቃቶ ያርሼዳ ጋላሰ ታ ሳምባታካ ሻራድና።

39 ኢንቴንቴ ባረንቴ ናናቱዎ ኤቃቶ ያርሼዳ ጋላሰ፡ ሄ ጋላሰ ኢንቴንቴ ታ ጌሻ ጎልያ ገሊደ ቱንሴድና። ኢንቴንቴ ታ ጎልያን ኦሌዳዌ ሀዎ።

40 “ሄዎዳንካ ቃይ፡ ኢንቴንቴ ሃኮ ሳፕ አቱማ አሳቱ ያናዳን፡ አሳ ከቴድና፤ ኢንቴንቴካ ዬድና። ሀንተ ላኡ ሞቼቱ ሀንተ ቦላ ሜጨቱድታ፤ ሀንተ አይፍያካ ቃላምያ ኦኬድታ፤ አሌቁዎካ ዎሌድታ።

41 ጸርጶዛይ ሰንላን ደእያ ሎኦ አርሳ ቦላ ኡቴድታ፤ ሀንተ ሄ ጸርጶዛ ቦላን ታ እጸናን ታ ዎጋራ ዛይትያ ዎሌድታ።

42 ሀርግ ባይና አሳ ኮሻይ ሀንተ ማታን ሰሰቱ፤ ማሉዳዎንቴካ ማራይ ባይና አሳና ባዙዎፕ ዬድና። ሀንተ ኩሸያን ሳጋየቱዎ ዎሌድና፤ ቃይ ሎእያ ካላቻቱዎካ ሀንተ ሁጲያን ዎሌድና።

43 “ታን ታ ዎዛናን፡ ሓዎንቴ አቱማ አሳቱ ሀ ቦላይ ሻርሙዳን ዉር ክቼዳ ማጫ አሳቱዎና ደኡካ አ ግዴዳዎንቴና ሻርሙዳና ጌደ ሀኒና? ያጋድ።

44 አቱማ አሳይ ሻርሙዳትና ሻርሙዳያዎዳን፡ ኢንቴንቴ ኢንቴንቴና ሻርሙዳድና። ኤ፡ ኢንቴንቴ ሄ ሻርሙዳናዉ ቃቃትያ ኦሆሊናን ኦሆሊብና ሻርሙዳድና።

45 ኢንቴንቴ ሻርሙዳ ግድያ ድራዉን ሸምቱዎ ዎድያ ድራዉ፡ ጽሎ አሳቱ ሻርሙዳቱዎ ቦላን ሸምቱዎ ዎድያዎንቴ ቦላ ፕርድያ ፕርዳ ኢንቴንቴ ቦላ ፕርዲና። ያጌዳ።

46 ኡባ ሞድያ መድና ጎዳይ ሀዎዳን ያጌ፤ “ኢንቴንቴ ቦላ ዳሮ አሳቱዎ ደንባ አካደ ያ። ኢንቴንታ ሻቢርሰያን ኢንቴንታ ቦንቁያ አሳቶ አላደ እማ።

47 ሀ ሻቢርያ አሳቱ ዬደ፡ ኢንቴንታ ሹቻን ጫድናን ማሻን ቡሳክና፤ ኢንቴንቴ ኢንቴንቴ አቱማን ማጫ ናናቱዎ ዎቆና፤ ኢንቴንቴ ጎልያካ ታማን ጹግና።

48 ማጫ አሳይ ኡባይ ሀንተና ቁለናዳን ዲላናዉ፡ ታን ቢታ ኡባፕ ሻርሙዳተላ ኤሳና።

49 ሀንተ ላኡ ሞቼቱ ሀንተ ሻርሙዳተላ ሙሩዎን ኤቃቶ ሀንተ ጎይኔዳ ናጋራ ጋትያ አካና። ሄ ዎደ ታን ኡባ ሞድያ መድና ጎዳ ግድያዎ ሀንተ ሄዎን ኤራና። ያጌ።

24

ድሰትያ ሌምሱዎ

1 ኑን ኦሞድቲዳ ኡዲፑንጎ ላይላን፡ ታማንጎ አግናን፡ ታማንጎ ጋላሳን፡ መጅና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናኦ፡ ሀዋ ሀቕ ጋላሳ ማዘገብያን ጸፋ። አያው ጎፕ፡ ባብሎን ካቲ የሩሳላም ደዳዳዌ ሀቕ።

3 ሀ ማካላንቻ አሳው ሀ ለምሱዋ ኦዳ፤ ሓባ ሞድያ መጅና ጎዳይ ሀዋዳን ያጊ፤ “ማዳብያ ድስትያ ታማን ዋላዳ፡ ሃላ እን ትጋ።

4 ያታደ ገድያን እንጎሱዋ ማላትያ ሎኦ አሹዋ ኡባ ሙዳደ፡ እን የጋ፤ ሎኦ መቀላካ ቃንጸሬላደ፡ እን ኩንጎ።

5 ሄዋ ኔን አካና ዶርሳይነ ዳሻይ ወድያፕ ዶርቲዳዋ ግደ። ሞላ ድስትያፕ ጋርሳና ማራደ፡ አሹዋካ መቀላካ ካእና ጋካናወ ዶይሳ” ያጊ ያጊደ ኦዳ።

6 “ኡባ ሞድያ መጅና ጎዳይ ሀዋዳን ያጊ፤ ሱላ ጉሰያዋንቱ ካታማትወ አየ አና! ሸኢደ ኡባካ ገየናን እጹዳ ማዳብያ ድስትያ ማላ እዛ ግዳዲ። እ ግደን ደእያ ሙጸቲዳ አሹዋ ኡባ ሳማ የገናን ኩሸያን ጋከቲዳዋ፡ እቲዋ እቲዋ ከሳደ አካ።

7 “ሓያው ጎፕ፡ ሄ ካታማታ ዋዴዳ እሳ ሱላይ ሀና ጋካናሰካ አናን ደኤ፤ ሱላ ጉሳደ፡ ባናን ካማናው ቢታን ጉሰናን፡ አያይነ ካመና ዛላ ቦላን ጉሳዲ።

8 ሀሉዋ ከሳናው፡ ታ ሀንቁዋ ደን ላናዳን፡ እ ካመተና ማላ፡ እዛ ጉሴዳ ሱላ ታን ዛላ ቦላን ዋላድ” ያጊ።

9 “ሄዋ ድራው፡ ኡባ ሞድያ መጅና ጎዳይ ሀዋዳን ያጊ፤ ሱላ ጉሰያ ካታማትወ አየ አና! ታንካ ሞላ ሎይላ ጉፓና።

10 ሄዋ ድራው፡ ዳሮ ሞላ ዋላ፤ ታማካ ኤላ። አሹዋ ሎይላደ ዶይሳ፤ ጫባካ ማልኤላ፤ መቀላይ ጸገቶ።

11 እ ሱሊደ ፐንትና፡ አ ቦላን ደእያ ማዳቢካ ቦንቁና፡ አ ቦላን ደእያ ቅታይ ሴራናዳንን አ ቦላን ደእያ ሸኢይ ጸገት ቆያናዳን፡ መላ ድስትያ ታማ ቦንቁዋ ቦላ ዋላ።

12 ሄ ዳቡራይ ኡባይ ጮ መላ ግዳዳ፤ አ ቦላን ደእያ ዳሮ ሸኢይ ሀራይ አቶ፡ ታማንካ ክቕቤና።

13 ሀን የሩሳላም፡ ኔን ቲኔዳዌ ነ ኢታ ኦሱዋና። ታን ኔና ገሻናው ዳቡርናካ፡ ኔን ነ ቲናተላፐን ነ ኢታ ኦሱዋፕ ገየናን እጹዳ ድራው፡ ነ ቦላን ታ ሀንቁ ወራና ጋካናው፡ ኔን ላኤንሶ ገያካ።

14 ታን መጅና ጎዳይ ሀዋ ኦዳድ፤ ሀዋ ሀናና። ታን ገዮ ሰምከ፤ ቃረትከ፤ ታ ቆፋ ላምከ። ነ አግያዳንን ነ ኦሱዋዳን፡ ታን ኔና ፐርዳና። ታን ኡባ ሞድያ መጅና ጎዳይ ሀዋ ኦዳይ’ ያጊ” ያጊደ ዬዳ።

ህዝቁላ ማቻታ ሀይቃዳ

15 መጅና ጎዳ ቃላይ ቃይካ ታኮ ሀዋዳን ያጊደ ዬዳ፤

16 “ላ አሳ ናኦ፡ ኔን ሲቅያን ነ አይፍያው ሎእያ ነ ማቻቶ ታን እት ኩላን ዋላ አጋና። ሄዋን ካዮቶፓ፡ ዬኮፓ ነ አርጸፓ።

17 ኦላ፡ ሸን ነ ኦልያ አሳይ ሰሶፖ፤ ሀይቁዳዋ ካዮቶፓ። ኔን ነ ሁጲያን ጸጵያዋ ጸጸ፤ ነ ገድያንካ ጫማ ዋላ። ነ ደና ካሞፓ፤ ሸቻካ ሞፓ” ያጊደ ዬዳ።

18 ዋንታ ታን አሳው ኦዳድ፤ ሄ ጋላሰ አማርሰ ታ ማቻታ ሀይቃዳ። ዋንተላ ጋላሰ ዋንታ ጸሳይ ታና አዛዜዳዋዳን ኦላድ።

19 ያትና፡ አሳይ ታና፡ “ሀ ኔን ኦልያዋ ብለላይ አየንቶ ኑወ አያው ኦድከ?” ያጊደ ኦቼዳ።

20 ታን ኡንቲንቶ ሀዋዳን ያጋደ ዛራድ፤ “መጅና ጎዳ ቃላይ ታኮ ሀዋዳን ያጊደ ዬዳ፤

21 ላሰራኤልያ አሳ ሀዋዳን ያጋ፤ ኡባ ሞድያ መጅና ጎዳይ ሀዋዳን ያጊ፤ ሀንተ ጩቀትያ፡ ሀንተ አይፍያው ሎእያን ሀንተ ሸምፑ አሞትያ ታ ጌሻ ጎልያ ታን ቲንሳና ሀናይ። ሀንተ ገዮ አሹዳ ሀንተ አቲማ ናናቲን ሀንተ ማጫ ናናቲ ማሻን ወራና።

22 ሄ ዋደ ታን ኦሌዳዋዳን፡ ሀንተካ ኦላና። ሀንተ ደና ካምክታ፤ ሸቻካ ሚክታ።

23 ሀንተ ሁጲያ ጸጸታ፤ ሀንተ ገድያን ጫማ ዋላታ። ካዮትክታ ዋይ ዬክክታ። ሸን ሀንተ ሀንተ ናጋራ ጋሱዋን ግልቃናን እቲ እቶ ኦላና።

24 ሄ ዋድያን ህዝቁል ሀንተው ማላታ ግዳናዋ፤ ኡባባካ እ ኦሌዳዋዳን፡ ሀንተ ኦላና። ሀዋ ሀንያ ዋደ፡ ታን ኡባ ሞድያ መጅና ጎዳ ግድያዋ ሀንተ ኤራና’ ያጊ” ያጋ።

25 ጸሳይ ታና ሀዋዳን ያጊደ፤ “ላ አሳ ናኦ፡ ታን ኡንቲንቲ ናሸቻን ቦንቹዋ፡ ኡንቲንቲ አይፍያው ሎእያባን ኡንቲንቲ ዋዛናይ አሞትያባ፡ ቃይ ሞኖ ግዳዳ ጌሻ ጎልያ፡ ኡንቲንቲ አቲማ ናናቲዋን ኡንቲንቲ ማጫ ናናቲዋ ኡንቲንቲፕ ዋላ አካና።

26 ሄ ጋላሰ ነወ ዋርያ ኦዳናው እት ከሰ አኪደ አቲዳ አሳይ ያና።

27 ሄ ጋላሰ ነ ደናይ ደየታና፤ ኔንካ አናና ሃሳያና፤ ላኤንሶ ዲደ ከሳካ። ሄዋዳን ሀናደ፡ ኔን አሳው ማላታ ግዳናሳ። ታን መጅና ጎዳ ግድያዋ ኡንቲንቲ ሄዋን ኤራና ያጊዳ ያጊደ ዬዳ” ያጋድ።

አይሁዳ ግደና አሳ ቦላ ኦደቲዳ ፕርዳ

25

(ህዝ. 25:1—32:32)

አሞናቲዋ ቦላ ኦደቲዳ ትምቢትያ
1 መጅና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናኦ፡ ነ ሶምኡዋ አሞና ቢታኮ ዛራደ፡ አሞናቲዋ ቦላ ትምቢትያ ኦዳ።

3 ሀዋዳን ያጋ፤ ሓባ ሞድያ መጅና ጎዳ ቃላ ሰሰተ። ኡባ ሞድያ መጅና ጎዳይ ሀዋዳን ያጊ፤ “ሀንተ ታ ጌሻ ጎሊ ቲንያ ዋደ፡ አሰራኤልያ ቢታይ መላ አትያ ዋደነ ይሁዳ አሳይ ኦሞዶ ብያ ዋደ፡ ሀሹ! ጌዳ ድራው፡

4 ታን ሀንተና አሞይ ዶልያ ባጋ ቢታ አሳው ላታ ኦላደ እማና። ያቶፕ ኡንቲንቲ ሀንተ ግደን

ካምቢያ ኬጸና፤ ደአና። ህንተ ማና ቴራ ኡንቱንቱ ማና፤ ህንተ ማላካ ኡንቱንቱ ኡሻና።

5 ታን ራባ ካታማ ጋሎቱ ሄመትያ ሳኣ ከሳና፤ አሞናቱዋ ጋድያካ ድርሳ ወዲ አላጽያ ሳኣ ኦላና። ታን መድና ጎዳ ግድያዋ ህንተ ሄዋን ኤራና” ያጌ።

6 “ኣያወ ጎጥ፡ ኡባ ሞድያ መድና ጎዳይ ሀዋዳን ያጌ፤ “ህንተ እሰራኤልያ ባሻን ኩሽያ ባቄዳ ድራወ፡ ጉፔዳ ድራወን ናሽቲደ ቅሊጩዳ ድራወ።

7 ታን ህንተ ቦላ ታ ኩሽያ የዳድ። ህንተና ካወተላቶ አሞዲዋ ኦላደ እማና። ታን ህንተና አሳ ግደጥ ሾዳና፤ ካወተላቱዋ ግደጥካ ጳይሳና። ታን መድና ጎዳ ግድያዋ ህንተ ሄዋን ኤራና” ያጌ።

ሞኣባ ቢታ ቦላ ኦደቲዳ ትምቢትያ

8 “ኡባ ሞድያ መድና ጎዳይ ሀዋዳን ያጌ፤ “ሞኣብን ሰኢር፡ በእተ፡ ይሁዳይ ሀራ ካወተላቱዋ ማላ ያጌዳ ድራወ።

9 ታን ሞኣባ ቢታ ቦላን ገላደ፤ ዋራጃደ አ ዛዋ ናግያ፡ ቤት-ያሸሞታ፡ ባኣል-ማኦናን ቅርያታይማ ጌተትያ፡ ኤሪቲዳ ካታማቱዋ ጳይሳና።

10 ሀዋጥ ሰንላናዉ አሞናቱዋናካ ጉጃደ፡ ኡንቱንቱ ካወተላቱዋ ግደን ሀሳየተናዳን፡ ታን ኡንቱንታ አዋይ ዶልያ ባጋ ቢታጥ ዬዳ አሳቶ ዱሪታዳን አላደ እማና።

11 ታን ሞኣባ ፕርዳና። ሄ ዋደ ታን መድና ጎዳ ግድያዋ ኡንቱንቱ ሄዋን ኤራና” ያጌ።

ኤደማ ቢታ ቦላ ኦደቲዳ ትምቢትያ

12 “ኡባ ሞድያ መድና ጎዳይ ሀዋዳን ያጌ፤ “ኤደማቱ ይሁዳ ቦላ ሀሉዋ ከሴዳ ድራወን ዳር ባይዛንቻ ግዴዳ ድራወ።

13 ታን ኡባ ሞድያ መድና ጎዳይ ታ ኩሽያ ኤደማ ቦላ የዳና። እን ደእያ አሳን መሀያ ሙለ ጳይሳና፤ ጳይሳደ መላ ከሳና። ተማና ካታማጥ ቢደ፡ ዳዳና ካታማ ጋካናወ፡ ኡንቱንቱ ማሻን ቡሳከታና።

14 ታን ኤደማዉ ታ አሳ እሰራኤልያ ባጋና ሀሉዋ ከሳና። እሰራኤላቱ ኡንቱንቱ ቦላ ታ ሀንቁዋን ታ ሀንቁዋ ኬሻ ኦላና። ታን ሀሉዋ ከሴዳዋ ኡንቱንቱ ኤራና። ታን ኡባ ሞድያ መድና ጎዳይ ሀዋ ኦዳይ” ያጌ።

ፕልሰጾማቱዋ ቦላ ኦደቲዳ ትምቢትያ

15 “ኡባ ሞድያ መድና ጎዳይ ሀዋዳን ያጌ፤ “ፕልሰጾማቱ ባረንቱ ዋዛና ኢታተላን ሀሉዋ ከሴዳ ድራወን ጋምኤዳ ሞርከተላን ይሁዳ ካጁደ ጳይሳናዉ ኮዬዳ።

16 ሄዋ ድራወ ኡባ ሞድያ መድና ጎዳይ ሀዋዳን ያጌ፤ ታን ታ ኩሽያ ፕልሰጾማቱዋ ቦላ የዳደ ከሊታዌቱዋ ቃንጸና። ታን ኡንቱንታን አባ ዶናን አቲዳዋንታ ኡባ ጳይሳና።

17 ታን ኡንቱንቶ ዋልቃማ ሀሉዋ ከሳና፤ ታ ሀንቁዋን ኡንቱንታ ሙራና። ታን ኡንቱንቶ ሀሉዋ

ከሰያ ዋደ፡ ታን መድና ጎዳ ግድያዋ ኡንቱንቱ ኤራና” ያጌ ያጋ” ያጌደ ዬዳ።

26

ጲርሳ ካታማ ቦላ ኦደቲዳ ትምቢትያ

1 ኑን አሞደቲዳ ታማን እተንላ ላይላን፡ አግናዉ ኮይሮ ጋላሳን፡ መድና ጎዳ ቃላይ ታኮ ሀዋዳን ያጌደ ዬዳ፤

2 “ላ አሳ ናአወ፡ ጲርሳ ካታማ አሳይ ናሽቲደ፡ ሀሹ! የሩሳላመ ኩንዳዲ፤ እዛ ላለታደ ጳዬዳን፡ እዝ ጥንጊ ዋጋግ ጊደ ዶየቲዳ ድራወ ሀዋጥ ሰንላን ኑን ዱሪታና” ያጌና።

3 ሄዋ ድራወ፡ ኡባ ሞድያ መድና ጎዳይ ሀዋዳን ያጌ፤ “ኔና፡ ጲርሳ ካታማቱ፡ ታን ነወ ሞርከ። አባ ቤታይ ይያዋዳን፡ ታን ዳር ካወተላቱዋ ነ ቦላን አሀና።

4 ኡንቱንቱ ነ ድርሳ ግምቢያ ኮላና፤ ነ ሚጸካ ላላና። ታን ኔና ቢታ ኡባ ቁጭ አፍ ድግና፡ ካሎ ደእያ ዛላ ኦላና።

5 ያቶጥ ኔን አባ ግደን አሳቱ ባረንቱ ሞልያ ግትያ መልሳናዉ ሞጭያ ሳኣ ግዳና። ታን ኡባ ሞድያ መድና ጎዳይ ሀዋ ኦዳይ። ሀራ ካወተላቱ ጲርሳ ካታማ ቦንቃናዋንታ።

6 ሄ ቢታን ሁጳትያ ካታማቱዋን ደእያ ቄር ካታማቱ አባጥ ጉላ ሃክያዋንቱ ማሻን ወርሳና። ሄ ዋደ ታን መድና ጎዳ ግድያዋ ኡንቱንቱ ሄዋን ኤራና” ያጌ።

7 “ኡባ ሞድያ ጸሳይ ሀዋዳን ያጌ፤ “ጲርሳ ቦላ ኦላ ደንላና ማላ፡ ካተቶ ካትያ ግድያ ባብሎን ካትያ ናቡካዳናጾራ ታን ሁጳሳ ባጋጥ አሀና፤ አ ታን ፓራቱዋና፡ ፓራ ጋሪቱዋና፡ ፓራ አሳቱዋናን ዳር ኦላንቻቱዋና አሀና።

8 ኡንቱንቱ ሁጳትያ ቢታን ቄር ካታማቱዋ ማሻን ወርሳና፤ ኡንቱንቱ ኔና ዶዲደ፡ ነ ድርሳ ግምቢያና ጋሊደ፡ ቢታ ካፋና። ያቲደ ባረንቱ ኅንዳልያ ነ ቦላ ደንላና።

9 ድርሳ ግምቢቱዋ ዶምኢደ ላልያ ሚሻን ድርሳ ግምቢያ መንግራላና፤ ባረንቱ ኦላ ሚሻንካ ነ ሚጸ ላላና።

10 አ ፓራቱ ዳር ግድያ ድራወ፡ ኡንቱንቱ ደንላያ ባናይ ኔና ካማና። ፓራቱን ፓራቱዋ ጋሪቱ ላለቲዳ ካታማ ድርሳ ጥንግያ ገልያዋዳን፡ ገልያ ዋደ፡ ኡንቱንቱ ሰሰያ ጋርማሱን ጊረላይ ነ ድርሳ ግምቢያ ቃላና።

11 ኡንቱንቱ ፓራቱ ነ ግደን ደእያ ኦገቱዋ ኡባ የጳና። ነ አሳካ ማሻን ወርሳና፤ ነ ዋልቃማ ቱሳቱካ ሳኣን ኩንዳና።

12 ባብሎንቱ ነ አቁዋን ነ ዛልእያ ሚሻቱዋ ቦንቃናዋንታ። ነ ድርሳ ግምቢቱዋን ነ ሎኦ ኬላቱዋ ኡባ ኮላና፤ ሄ ሹቻ፡ ሄ ሞላን ሄ ላለቲዳ ቡርጨ ኡባ አፊደ፡ አባን ኦላና።

13 ነ ማልኦ የላ ታን ድጋና፤ ነ ዲላ ኮሻይካ ላኤንሶ ሰሰተና።

14 ታን ኔና ካሎ ደእያ ዛላ ኦላና፤ ቃይ ኔን አሳቱ ባረንቱ ሞልያ ግትያ መልሳናዉ ሞጭያ ሳኣ

25:8 አሳ. 15:1—16:14፤ 25:10-12፤ ኤር. 48:1-47፤ አሞጾ 2:1-3፤ ሶር. 2:8-11 25:12 አሳ. 34:5-17፤ 63:1-6፤ ኤር. 49:7-22፤ ህዝ. 35:1-15፤ አሞጾ 1:11-12፤ አብድ. 1-14፤ ሚልክ. 1:2-5 25:15 አሳ. 14:29-31፤ ኤር. 47:1-7፤ ኢዩ. 3:4-8፤ አሞጾ 1:6-8፤ ሶር. 2:4-7፤ ዛካ. 9:5-7 26:1 አሳ. 23:1-18፤ ኢዩ. 3:4-8፤ አሞጾ 1:9-10፤ ዛካ. 9:1-4፤ ማቶሳ 11:21-22፤ ሉቃሳ 10:13-14 26:13 ሳፃ 18:22

ግዳና። ታን መድና ጎዳይ ሀዋ ኦዳዳ ድራው። ኔን ላኤንሶ ኬጸታካ። ታን ኡባ ሞድያ መድና ጎዳይ ሀዋ ኦዳይ' ያጌ።

15 “ኡባ ሞድያ መድና ጎዳይ ጸረሳ ካታማዉ ሀዋዳን ያጌ፤ ሳ ሞርከቱ ነ ሶላን ገልያ ዎደ። አባ ድና ቢታቱዋን ደእያ ነ አሳይ ሲፈቲድ ገርሞያ ገርንላ ሰሲደ። ያሻዉ ኮኮራና።

16 ሄዋፕ ጉይያን። አባ ድና ቢታቱዋን ደእያ ሞድያዎንቱ ባረንቱ ኦይድያፕ ዎዳና። ባረንቱ ቁማዩዋን ኩሸያን ሰኪደ አሌቂሴዳ ባረንቱ ማዩዎ ቃራና፤ ያሻዉ ኮኮሪደ። ቢታን ኡታና። ነ ሶላ ጋኬዳ መቱዎ ቆፒደ። ኡንቱንቱ ዳር ሻቢረታና፤ ኮኮርሳይካ ኡንቱንታ አገናን እጻና።

17 “ ሄዋፕ ጉይያን። ኡንቱንቱ ነዉ ሀዋዳን ያጊደ ዝላላና፤

“ ላዩ። ኤረቲዳ ካታማቲ። አባ ግድን ዎልቃምያ አሳቱ ደእያ ካታማቲ። ኔን ዋና ላለታዲ! ኔን ነ ግድን ደኤዳ አሳቱ አባ ላንቁያን ደእያ አሳ ኡባ ያሸሴድታ ሸን!

18 ኔን ኩንድያ ጋላሰ። አባ ጋጸን ደእያዎንቱ ኮኮሬድና። አባ ግድን ደእያ አሳቱካ። ኔን ላለቲዳ ጋሱዋን ዳጋሜድና' ያጋናዎ ያጌ።

19 “ኡባ ሞድያ መድና ጎዳይ ሀዋዳን ያጌ፤ ሳአ አሳይ ደኤና ካታማቲዎዳን። ታን ኔና መላ ከሳና። ቃይ ታን ጨማ አባ ነ ሶላን አህና። ሄ ዳር ሃላይ ኔና ካማና።

20 ሄ ዎደ ታን ኔና ዲገ ጨማ ኦላዉ ብያዎንቱና እትፕ። አዲሳ ዎድያፕ ካሰ ሀይቁዳ አሳቱዋኮ ዲገ የጋና። ኔን ቢታፕ ጋርሳን። በን ሞገቲዳ ቡርጨቱ ደእያ ሳን። ጨማ ኦላዉ ብያዎንቱና እትፕ ደእናዳን። ታን ኔና ኦላና። ኔን ላኤንሶ አሳይ ደእያ ካታማ ከሳካ፤ ፓጻ ደእያዎንቱ ቢታንካ ሰማደ። ነ ሳኦ ኦይቃካ።

21 ታን ነ ዉርሰላ ዳጋንሉያ ዉርሰላ ኦላና፤ ኔን ላኤንሶ ኡባካ ደእካ። አሳይ ኔና ኮያና፤ ሸን ኔን ላኤንሶ ኡባካ ቤታካ። ታን ኡባ ሞድያ መድና ጎዳይ ሀዋ ኦዳይ' ያጌ” ያጊደ ዬዳ።

27

ጸረሳዉ ከሴዳ ዝላላ

1 መድና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናአዉ። ጸረሳዉ ዝላላ።

3 አባ ድናን ደእያን አባ ድና ዳር ቢታቱዋን ደእያ አሳና ዘልእያ። ሄ ካታማዉ ሀዋዳን ያጊደ ኦዳ፤ ኡባ ሞድያ መድና ጎዳይ ሀዋዳን ያጌ፤ “ኔኖ ጸረሳ። ኔን። ታን ፑላን ልከትያዌ ባይና ኩመንላ ያጊደ ኦቶረታዳ።

4 ነ ዛዋይ አባ ፑልኦና፤ ኔና ኬጵያዎንቱ ኔና ሎይሲደ ኬጵድና።

5 ነ ሳንቃ ሳኒራ ግያ ሳኦፕ ቃንጾዳ ጸዳን ኦሌድና፤ ነ ማርካብያ ቱሳ ሊባኖሳፕ ዬዳ ዝጋፕ ገግሴድና።

6 ማርካብያ ሶልድሳናዉ ሃላ ጉየ ፑሻክያ ነ ሞቀቱዎ ባሳን ኤላፕ ኦሌድና፤ ነ ዉይግያ

ቆጶረሳፕ ዬዳ ዲማ ጸዳ ሳንቃን ኦሌድና፤ ሄ ዉይግያ ዳንጋርሳ ዘልያን አሌቀቲዳ።

7 ነ ሻራይ ባንድራዳን ሃኩዋን ቤታና ማላ። ኩሸያን ሰኪደ አሌቂሴዳ ግብጾቱዎ ሊኦዋፕ ኦሰቲዳዎ፤ ኔና ካምያ ጋርዶቲካ ኤሊሻ ዎምባፕ ዬዳ። ሳሉዎ ማላትያን ኦቻ ቲራ ማላትያ ጫርቂያፕ ኦሰቲዳዎንታ።

8 ነ ማርካብያ ሶልድሰያዎንቱ ሲድና ኦርዎዳ ጌተትያ ካታማቲዎፕ ዬዳዎንታ፤ ነ ማርካብያ ላግያዎንቱ ሎሄዳ ነ አሳቱዎ።

9 ማርካብያ ግድን ዘኤዳሳ ሸድያዎንቱ ገባላፕ ዬዳ ጭማቲዎን ኤራንቻ አሳቱዎ፤ አባን ብያ ማርካብያ ኡባን ደእያ ኦሳንቻቱ ነ ግድን ዎዳ ዎይ ጉጃ ጊደ ፓሉመቲደ ዘልእና።

10 “ ‘ “ፓረሳፕ። ሊድያፕ ኢብያፕ ዬዳ ኦላንቻቱ ነ ኦላንቻቱዎ ማዲደ ኦላቲድና፤ ባረንቱ ጎንዳልያን ባረንቱ ኦላ ቆብያ ነ ግድን ካቁድና፤ ኡንቱንቱ ኔና ቦንቶሴዳዎንታ።

11 አርዎደፕ ነ ሄሌካፕ ዬዳ ኦላንቻቱ ነ ድርሳ ግምቢያን ናጊና፤ ጋማዳፕ ዬዳ አሳቱ ነ አዲሳ ግምቢያን ናጊና። ኡንቱንቱ ባረንቱ ጎንዳልያ ነ ግምቢያ ዩሹዎን ካቁድና፤ ነ ፑላና ልከትያዌ ባይና ኩመንላ ግዳናዳን ኦሌዳዎንቱ ኡንቱንታ።

12 “ ‘ “ነ ዲረተላ ዳሩዎ ጋሱዋን ታርሴስ ኔናና ዘልኤዳ፤ እ ብራ። ብራታ። ቆርቆሩዎን አርሳሰያ እሚደ። ነ ሚሻና ላሜድና።

13 ግሪኪ። ቱባል ነ መሸክ ኔናና ዘልኤድና፤ አይለቲዎን ናሰያ ብራታፕ ኦሰቲዳ ሚሻ እሚደ። ነ ሚሻና ላሜድና።

14 ቤት-ቶጋርሞ ቶግያ ፓራቲዎ። ኦላ ፓራቲዎን ባሉቆቲዎ እሚደ። ነ ሚሻና ላሜድና።

15 ሮዳ ቢታ አሳይ ኔናና ዘልኤዳ፤ ቃይ አባ ድና ቢታቱዋን አሳይ ዳንጋርሳ ዘልያን ዞጵያ ግያ ሞላ አሂደ። ነዉ ቃንጾዳ።

16 “ ‘ “ነ ዲረተላ ዳሩዎ ጋሱዋን። ሶርያ አሳቲካ ኔናና ዘልኤድና፤ ኡንቱንቱ ማታ ማላትያ እንቁዎ። ዞኦ እንቁዎ። የሌሉዋፕ ኦሰቲዳ አሌቁዎ። ኦቻ ቲራ ማላትያ ጫርቂያ። ሌኦ ሊኦዋን አሌቁዎ ሰኬዳ ማዩዎ እሚደ። ነ ሚሻና ላሜድና።

17 ይሁዳን እሰራኤልያ አሳቲ ኔናና ዘልኤድና፤ ኡንቱንቱ ሞንተ ጋደ ዛርጋ። ማልዱዎ። ኤሳ። ዛይትያን ባላሳመ ግያ ቆልያ ዛይትያ እሚደ። ነ ሚሻና ላሜድና።

18 ነ ዲረተላ ዳሩዎ ጋሱዋን ነ ሺሼዳ ዲማ ዲማ ሚሻቲዎ ጋሱዋን ዳማሰቆ አሳቲ ኔናና ዘልኤድና፤ ኡንቱንቱ ሄልቦና ዎይንያ ኤሳን ሳሆራ ድርሳ እሰክያ እሚደ።

19 ኡዛላን ደእያ ዳናዌቲን ግሪክ አሞናቲ ነ ሚሻና ላሜድና። ሄዎዳንካ ቃይ። ቆጵዳ ብራታን ዲማ ዲማ ቆማመቲዎ ነዉ እሚደ ላሜድና።

20 “ ‘ “ዳዳና አሳቲ ኮራ ግላሰያ አሂደ ዘልኤድና።

21 አራባቲን ቁዳረ ቢታ ካፓቲ ኡባይ ነ ዘልእያ ሚሻዉ ድርሳ ማራቲዎ። ድርሳ ኦርገቲዎን ዴሻቲዎ አሂደ ዘልኤድና።

22 ሳባን ራእሳዎ ዛልአንቻቱ እንቁዎ፣ ዋርቃነ ሎኦ ደረቱዳ ቅማመቱዎ እሚደ፣ ነ ሚሻና ላሜድኖ።

23 ካራነ፣ ካኔሀ፣ ኤደነ፣ ሳባ፣ አሶረነ ክልማዳ ጌተትያ ካታማቱ ኡባይ ኔናና ዛልኤድኖ።

24 ኡንቱንቱ ሎኦ ማዮቱዎ፣ ሳሉዋ ማላትያ ማዮዎ፣ አሌቁዋ ሰኬዳ ማዮዎ፣ ጋዛ ምንጻፈቱዎ፣ ሎይሶ ዶቄዳ ባቀላን ዋዶሩዋ እሚደ፣ ነ ገያን ሚሻና ላሜድኖ።

25 “ ሳ ሚሻቱ ተርሴሰ ዛልአንቻቱዎ ዎልቃማ ማርካባቱዎን ጫነቲደ ቤድኖ። ኔንካ ዳርባይ ጫነትና ኩማደ፣ አባ ቦላን ብያ ማርካብያ ማላ ግዳዳ።

26 ነ ማርካብያ ሶልድሰያዎንቱ ኔና አኪደ፣ አባዉ ግዶ ግሻቻ አፌድኖ፤ ሽን አዋይ ዉልያ ባጋ ጫርኩ ኔና አባዉ ግዶ ግሻቻን መንግራሌዳ።

27 ኔን መኤረቱዳ ጋላሰ ነ ዱረተላይነ ነ ዛልእያ ሚሻይ ኡባይ፣ ነ ማርካብያ ሶልድሰያዎንቱ፣ ነ ማርካብያ ላግያዎንቱ፣ ነ ማርካብያ ግዶን ዛኤዳሳ ሽድያዎንቱ፣ ነ ዛልአንቻቱን ነ ግዶን ኦላንቻቱ ኡባይ አባ ግዶ ሙከቱድኖ።

28 ማርካብያን ብያ አሳቱዎ ዋሱዎ ኮሻይ አባ ጋጸ ጋካናዉ ሰሰቱ።

29 “ ሳ “ማርካብያ ሶልድሰያዎንቱን ላግያዎንቱ ኡባይ ባረንቱ ማርካባቱዎ፣ ከሰደ፣ አባ ጋጸን ኤቄድኖ።

30 ኡንቱንቱ ኡባይካ ባረንቱ ሁጺያን ባና ቆሊደ፣ ብድንሳን ጎንዶረቲደ፣ ነ ባየሳ ድራዉ፣ ኡታ ዬኩዎ ዬኬድኖ።

31 ነዉ ካዮቲደ፣ ባረንቱ ሁጺያ ሜዲደ፣ ማቃ ማዬድኖ፣ ኡንቱንቱ ዳር ሴለቲደ፣ ነዉ ዬኬድኖ።

32 ነዉ ኡንቱንቱ ሀዋዳን ያጊደ ዝላሌድኖ፤ “ ሳ “ሀእ አባ ግዶን ሰርጽ ጌዳ፣

33 ነ ዛልእያ ሚሻይ አባ ፕኒደ ይያ ዎደ፣ ቢታን ደእያ ዳር አሳ ካልሳዳ፤ ነ ማጺዎን ካተቱ ዱረቱድኖ።

34 ሸን ሀእ አባ ጨማን መኤረታዳ፣ ነ ዛልእያ ሚሻይካ፣ ነዉ ኦላያ አሳቱ ኡባቱካ፣

35 አባ ዶና ቢታቱዎን ደእያ አሳይ ኡባይ፣ ነ ቦላ ጋኬዳዎ በኢደ ዳጋሜድኖ። ኡንቱንቱ ካተቱካ ዳር ያዬድኖ፤ ኡንቱንቱ ሶሞኢ ያሻ ኤርሴ።

36 ነ ዉርሰሳይ ዳጋንሰያዎ ግዳዳ፤ ኔን ላኤንሶ ኡባካ ደእካ። ሄዎ ድራዉ፣ ቢታ ኡባን ደእያ፣ ዛልአንቻቱ፣ ፖራ! ጌድኖ ያጊደ ዝላሌድኖ” ያጌ’ ያጋ” ያጊደ ዬዳ።

28

ጸረሳ ሞድያዎንቱ ቦላ ያና ፕርዳ
1 መድና ጎዳ ቃላይ ታኮ ሀዋዳን ያጊደ ዬዳ፤
2 “ላ አሳ ናኦዉ፣ ጸረሳ ካቱዎ ሀዋዳን ያጊደ ኦዳ፤ ሳሉዎ ሞድያ መድና ጎዳይ ሀዋዳን ያጌ፤ “ነ ዎዛናይ ኦቶረቱዳ ድራዉ፣ ታን ጸሳ፤ ታን አባ

ግዶ ግሻቻን፣ ጸሳቱዎ አራታን ኡታድ ያጋዳ። ኔን፣ ታን ጸሳዳን፣ አጴዳ ኤራንቻ ከሳድ ጋደ ቆፖፕ፣ ኔን አሳፕ አትና፣ ጸሳ ግዳካ።

3 ኔን ዳኔላፕካ አጴዳ ኤራንቹ? አይ ጸራይካ ኔፕ ጌመኔ?

4 ቱሙካ ኔን ነ አጴዳ ኤራን ነ አኬካን ዱረ ግዳዳ፤ ብራነ ዎርቃ ነ ዱረታ ምንጅያ ጎልያ ሺሻዳ።

5 ነ ዛልእያ ኤራን ዳር ዎድያ ደማዳ፤ ነ ዱረታፕ ደንዴዳዎን ነ ዎዛናይ ኦቶረቱዳ” ያጌ።

6 “ ሳዎ ድራዉ፣ ኡባ ሞድያ መድና ጎዳይ ሀዋዳን ያጌ፤ “ኔን፣ ታን ጸሳዳን፣ አጴዳ ኤራንቻ ጋደ ቆፖያ ድራዉ።

7 ታን ነ ቦላ ካዉተላቱዎ ኡባፕ መቀሰ ባይና፣ ኡታ ሞርከቱዎ አሀና፤ ኔን ነ አጴዳ ኤራን ሺሹዳ ማጺዎ ኡባ ኡንቱንቱ ባረንቱ ማሻን ዳይሳና፤ ነ ቦንቹዎካ ኡንቱንቱ ቱንሳና።

8 ኔና ኡንቱንቱ ዎዲደ፣ አባ ጨማን ኦላና።

9 ያትና፣ ኔና ዎዳና ሀንያዎ ሰንሳን ኔን፣ ቱሙ ታን ጸሳ ጋኒ? ኔና ዎድያዎንቱ ኩሸያን ኔን አሳፕ አትና፣ ጸሳ ግዳካ።

10 ኔን አላጋቱዎ ኩሸያን አማና አሳይ ሀይቂያ ሀይቁዎ ሀይቃና። ታን ኡባ ሞድያ መድና ጎዳይ ሀዋ ኦዳድ” ያጌ’ ያጋ” ያጊደ ዬዳ።

ጸረሳ ካትያ ኩንደላ

11 ቃይካ መድና ጎዳ ቃላይ ታኮ ሀዋዳን ያጊደ ዬዳ፤

12 “ላ አሳ ናኦዉ፣ ጸረሳ ካትያዉ ሀዋዳን ያጋደ ዝላላ፤ ሳሉዎ ሞድያ መድና ጎዳይ ሀዋዳን ያጌ፤ “ኔን ካሰ አጴዳ ኤራን ኩሜዳዎ፤ ኔን አሳይ ሌምሲደ ኦድያ አጴዳ ፑላንቻ ግዳዳ።

13 ኔን ኤደነን፣ ጸሳ ገነትያን ካሰ ደእዳ፤ ሳርድዮን፣ ቶጸዝዮን፣ አልማዘ፣ ብራላ፣ ማርግደ፣ ያሰጸደ፣ ሳምፔረነ ባሉራ ጌተትያ አልኦ ሹቻን አሌቀታደ፣ ሎኦ ዎርቃ አሌቁዎ ካሰ ማያዳ፤ ኔን መግቱዳ ጋላሰ ሀዋ ኡባይ ነዉ ጊጌዳ።

14 ታን ኔና ናግያ ክሩብ ኦላደ ሰንሳዳ፤ ያታደ ኔና አካድ። ታ ጌሻ ደርያ ቦላን ኔን ደእዳ፤ ቃይ ታማዳን ጸልያ አልኦ ሹቻቱዎ ግዶን ሰመረታዳ።

15 “ ሳ “ኔን መግቱዳ ጋላሳፕ ደማደ፣ ኡታባይ ነ ቦላ ቤቱዳ ጋላሳይ ጋካናዉ፣ ነ ኦግያ ኡባን ቶሺ ባይናን ደእዳ።

16 ነ ዳር ዛልእያፕ ደንዴዳዎን፣ ማካላን ኩማደ፣ ናጋራ ኦላዳ። ሄዎ ድራዉ፣ ታ ጌሻ ደርያፕ ቱናባዳን፣ ኔና ዎልቃን ከሳድ። ኔና፣ ናግያ ክሩብያዉ፣ ሄ ታማዳን ጸልያ አልኦ ሹቻቱዎ ግዶፕ ታን ኔና የደርሳድ።

17 ኔን ፑላንቻ ግድያ ድራዉ፣ ዳር ኦቶረታዳ፤ ነ ቦንቹዎ ጋሱዎን፣ ነ አጴዳ ኤራ ቱንሳዳ። ሄዎ ድራዉ፣ ታን ኔና ሳኦን ኦላድ፤ ሀራ ካተቱ ኔና በኢደ ሴረታናዳን ኦላድ።

18 ነ ናጋራ ዳሩዎን ነ ጭሙዎ ዛልእያን፣ ነ ጎይንያ ሳኦቱዎ ኡባ ቱንሳዳ። ሄዎ ድራዉ፣ ታን ታማይ ነ ግዶፕ ከሳናዳን ኦላድ፤ አካ ኔና ሜዳ። ኡባቱ ጸልሸን፣ ታን ኔና ሳኦ ቦላን ብድንሳ ከሳድ።

27:25 ሳ9 18:11-19

19 ኔና ካሰ ኤርያ ካወተላቱ ኡባይ ነባን ዳጋማድኖ። ነ ወርሰሳይ ያሽያዎ ግዴዳ፤ ኔን ላኤንሶ ኡባካ ደኦካ” ያጌ” ያጋደ ዝላላ” ያጊደ ዬዳ።

ሲድና ቦላ ያና ፕርዳ

20 መድና ጎዳ ቃላይ ታኮ ሀዋዳን ያጊደ ዬዳ፤

21 “ላ አሳ ናኦ። ነ ሶምኡዋ ሲድና ካታማኮ ዛራደ። አ ቦላ ትምቢትያ ኦዳ።

22 ሀዋዳን ያጋ፤ “ኡባ ሞድያ መድና ጎዳይ ሀዋዳን ያጌ፤ “ኔና። ሲድና። ታን ነዉ ሞርከ! ነ ቦላ ኦላያዋን ታ ቦንቹ ቆንጫና። ነ ግድን ደኦካዋንታ ፕርድያዋን ታን ታ ጌሻተላ በሰያ ዋደ። ታን መድና ጎዳ ግድያዋ ኡንቱንቱ ኡባይ ኤራና።

23 ታን ነ ግድን ኢታ ሀርግያ ያዳና፤ ነ ኦግያን ሱላይ ጉካናዳን ኦላና። ኡባ ባጋና ይያ ኦላ ጋሱዋን ነ አሳይ ማሻን ሀይቃና። ታን መድና ጎዳ ግድያዋ ኡንቱንቱ ሄዋን ኤራና።

24 “ “ሀዋፕ ሰንላናዉ እስራኤልያ ዩሹዋን ደኦካ። አ ካዲደ ዴልያ ቢታ ኡባፕ። አጉንላ ማላን ካሽያ ማላ ግዲደ ቆሀያባይ ኦን ደኤና። ታን ኡባ ሞድያ መድና ጎዳ ግድያዋ ኡንቱንቱ ሄዋን ኤራና” ያጌ” ያጋ” ያጊደ ዬዳ።

እስራኤልያ አሳ አንጂዋ

25 ኡባ ሞድያ መድና ጎዳይ ሀዋዳን ያጌ፤ “እስራኤልያ አሳ ኡንቱንቱ ላለቲዳ ካወተላ ኡባፕ ሸሻደ። ታን አሀያ ዋደን ኡንቱንቱ ሄ ካወተላቱዋ ኡባ ሰንላን ታን ታ ጌሻተላ በሰያ ዋደ። ታን ታ ቆማ ያቆባዉ አማዳ ባረንቱ ቢታን ኡንቱንቱ ደኦና።

26 ሄዋን ኡንቱንቱ ሳሩዋን ደኦና፤ ጎልያ ኬዳና፤ ዋይንያ ቱራካ ቶካና። ኡንቱንታ ካዲደ ዴልያ ኡንቱንቱ ሸርቱዋ ኡባካ ታን ፕርድያ ዋደ። እስራኤልያ አሳይ ሳሩዋን ደኦና። ሄ ዋደ ታን መድና ጎዳይ ኡንቱንቱ ጸሳ ግድያዋ ኡንቱንቱ ሄዋን ኤራና” ያጌ።

29

ግብጹ ቦላ ያና ፕርዳ

1 ኦን ኦሞደቲዳ ታማንላ ላይላን፣ ታማንላ አግናን፣ ታማን ላኤንላ ጋላሳን፣ መድና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናኦ። ነ ሶምኡዋ ግብጹ ካትያኮ ዛራደ። አ ቦላን ግብጹ ቢታ ኡባ ቦላ ትምቢትያ ኦዳ።

3 ሀዋዳን ያጋ፤ “ኡባ ሞድያ መድና ጎዳይ ሀዋዳን ያጌ፤ “ኔና። ፓርኦና፤ ናይላ ሻፋ ግድን ግሴዳ። ሎይላ ዋልቃማን ያሽያ ደኦካ። ናይላ ሻፋይ ታዋ፤ አ መዴዳዌ ታና ያግያ ግብጹ ካትያዉ። ታን ነዉ ሞርከ!

4 ታን ነ ጎንጩዋን ሀንግላ ገልሳና፤ ነ ሻፋን ደኦካ ሞለቱ ነ ጋልባ ፖቁዋና ኦይቃታናዳን ኦላና፤ ሞለቱ ነ ጋልባና ኦይቃት ኡት ደኦካን፣ ታን ኔና ሃላቱዋፕ ጎቻደ ጋዳ ከሳና።

5 ታን ኔና ነ ሻፋን ደኦካ ሞለቱዋ ኡባ መላ ቢታን ኦላና፤ ነ አሃይ ደምባን ኦለት አታናዋ፤ ነ አሃ ሺሺደ ሞግያዌ ዳያና። ታን ኔና ሳሉዋ ካፎቶን ሳኦ ደኦካ ቁማ ኦላና።

6 ግብጹን ደኦካ አሳይ ኡባይ ታን መድና ጎዳ ግድያዋ ሄዋን ኤራና።

“ “ኔን እስራኤልያ አሳዉ ማቃ ጉፍያ ግዳዳ፤

7 ኡንቱንቱ ኔና ኦይቁዳ ዋደ መኦደ። ኡንቱንቱ ሀሽያ ጫዳዳ፤ ኡንቱንቱ ኔናን ዘምፔዳ ዋደ መኦደ። ኡንቱንቱ ዘክያ ዲላዳ።

8 ሄዋ ድራዉ። ታን ኡባ ሞድያ መድና ጎዳይ ነ ቦላን ማሻ ደንላያዋንታ አሀና፤ ኡንቱንቱ ነ አሳን ነ መሀያ ኡባ ወርሳና።

9 ግብጹ ቢታይ አሳይ ባይና መላን ኦና ቢታ ግዳና። ታን መድና ጎዳ ግድያዋ ኡንቱንቱ ሄዋን ኤራና።

“ “ሄዋካ ኔን፣ ናይላ ሻፋይ ታዋ፤ አ መዴዳዌ ታና ያጌዳ ድራዉ።

10 ታን ነ ቦላን ነ ሻፋ ቦላ ደንዳድ። ታን ሀዲሳ ባጋና ሞግደላፕ ደማደ። ገድሳ ባጋና አሰዋን ካታማ። ሄዋፕካ ቶጵያ ዘዋ ጋካናዉ ግብጹ ኡባ አሳይ ባይና መላን ኦና ሳኦ ከሳና።

11 አሳ ግድና መሀያ ግድና፣ ሄዋና አፍና፤ ኦይታሙ ላይላይ ወራና ጋካናዉ። አያይን ሄዋን ደኦና።

12 ታን ግብጹ ቢታይ ቢታ ኡባፕ አዴዳ መላን ኦና ቢታ ኦላና፤ አ ካታማቱካ ኦይታሙ ላይላይ ወራናዉ። ሀራ ኮለቲዳ ካታማ ኡባፕ አዴዋ ኮለቲደ ደኦና። ግብጹ አሳ ታን ካወተላቱዋ ግድን ሀራ አሳ ግድን ላላና” ያጌ።

13 “ “ኡባ ሞድያ መድና ጎዳይ ሀዋዳን ያጌ፤ “ኦይታሙ ላይላፕ ጉይያን፣ ታን ግብጹቱዋ ላሌዳ ካወተላቱዋ ግደፕ ሸሻና።

14 ታን ኡንቱንታ ዛራደ እሻልሳና፤ ኡንቱንቱ የለቲዳ ገድሳ ግብጹን ደኦካ ፓትሮሳ ቢታ ዛራና፤ ሄዋን ኡንቱንቱ ላፋ ካወተላ ግዲደ ደኦና።

15 ግብጹ ሀራ ካወተላቱዋ ኡባፕ አዴዳ ላፋ ካወተላ ግዳና። ላኤንሶ ሀራ ካወተላቱዋ ቦላ ባረና ቆቁ ቆቁ ኦፍና። ላኤንሶ አ ሀራ ካወተላ ሞደናዳን፣ ታን እዘ ጉላና።

16 እስራኤልያ አሳይ ላኤንሶ ማዲዋ ደማናዉ ኡንቱንቱን አማንተና፤ ግብጹን አማንቲዳዌ አይ ኬሻ ባይዘንቶ እስራኤልያ አሳይ አኬካና። ኡባ ሞድያ መድና ጎዳ ግድያዋ ኡንቱንቱ ሄዋን ኤራና” ያጌ” ያጋ” ያጊደ ዬዳ።

ካቲ ናቡካዳናጾር ግብጹ ጸናና

17 ኦን ኦሞደቲዳ ላታማን ላፑንላ ላይላን፣ ኮይር አግናን፣ ኮይር ጋላሳን፣ መድና ጎዳ ቃላይ ታኮ ሀዋዳን ያጊደ ዬዳ፤

18 “ላ አሳ ናኦ። ባብሎን ካቲ ናቡካዳናጾር ጸርሳ ቦላ ኦላ ደንግላናዉ ጊጌዳ፤ ኡንቱንቶ ሀዲ ቦኦታና ጋካናሰን ሀሸካ ማዴጸና ጋካናዉ። ኦላንቻቱ ዴጾ ቶኩዋ ቶካናዳን ኦፊድኖ፤ ግደ ሸን፣ ካዉካ ኦላንቻቱካ ሀ ዳቡራ ኡባን ኡንቱንቱ ጸርሳፕ ደማዳዌ ባዋ።

28:20 እጾ. 3:4-8፤ ዛካ. 9:1-2፤ ማቶሳ 11:21-22፤ ሉቃሳ 10:13-14 29:1 አሳ. 19:1-25፤ ኤር. 46:2-26 29:6 አሳ. 36:6

19 ሄዋ ድራው፡ ኡባ ሞድያ መድና ጎዳይ ሀዋዳን ያጌ፤ ግብጹ ቢታ ባብሎን ካትያ ናቡካዳናጸራው አላደ እማና፤ እካ ባረ ኦላንቻቱዋ ድርጉዋ ግዳና ማላ፡ ኦሞዱዋን ቦንቁያን እኬዳዋ ኡባ እኪደ ባና።

20 እነ እ ኦላንቻቱ ታወ ኦሴዳ ድራው፡ ታን አዉ ግብጹ ቢታ ኡንቱንቱ ዳቡራው ድርጉዋ አላደ እማና። ታን ኡባ ሞድያ መድና ጎዳይ ሀዋ ኦዳይ፣ ያጌ።

21 “ሄ ጋላሰ ታን እሰራኤልያ አሳ ሞንላና። ህዝቄላ፡ ኔንካ አሳዉ ኦዳናዳን፤ ታን ኔና ሞንላና። ታን መድና ጎዳ ግድያዋ ኡንቱንቱ ሄዋን ኤራና” ያጌደ ዬዳ።

30

ጸሓይ ግብጹ ሙራና

1 ቃይካ መድና ጎዳ ቃላይ ታኮ ሀዋዳን ያጌደ ዬዳ፤

2 “ላ አሳ ናኦው፡ ሀዋዳን ያጋደ ትምቢትያ ኦዳ፤ ኡባ ሞድያ መድና ጎዳይ ሀዋዳን ያጌ፤ “ሄ ጋላሳው፡ አየ አና! ያጌደ ዘላልተ!

3 አያዉ ጎጥ፡ ሄ ጋላሳይ ማቴዳ! መድና ጎዳ ጋላሳይ ጋኬዳ! ሄ ጋላሳይ ሻሪ ሰኬዳ ጋላሳን ካወተላቱዋ ኡባዉ መቶ ጋላሳ ግዳናዋ።

4 ግብጹ ቦላ ኦላይ ያና፤ ቶጵያ ቦላንካ ቱጋይ ያና። ዳሮቱ ግብጹ ቢታን ሀይቃና፤ ሄ ቢታ ዱረተላይ ቦንቀታና፤ አ ባሱካ ባያና።

5 ሄ ኦላይ ቶጵያ፡ ሊድያ፡ ሊብያ፡ አራባን ታ ጫቆ ቢታ አሳ ኡባ ግብጹና ጋላደ ወርሳና” ያጌ።

6 “ መድና ጎዳይ ሀዋዳን ያጌ፤ “ግብጹ ማድያዋንቱ ኩንዳና፤ አ ኡቶረትያ ዋልቃይ ወራና። ሞግደላጥ ቢደ አሰዋን ጋካናው፡ ኡንቱንቱ ማሻን ሀይቃና። ታን ኡባ ሞድያ መድና ጎዳይ ሀዋ ኦዳይ።

7 ግብጹ ቢታይ ቢታ ኡባጥ አጼዳ መላ ቢታ ግዳናዋ፤ አ ካታማቱካ ሀራ ኮለቴዳ ካታማ ኡባጥ አጼዋ ኮለቴደ ደከና።

8 ታን ግብጹ ታማን ኦይልያ ዋደን አ ማድያዋንቱ ኡባይ ሀይቁ ወርያ ዋደ፡ ታን መድና ጎዳ ግድያዋ ኡንቱንቱ ኤራና።

9 “ ሄ ጋላሰ ታን ሳሮ ደእያ ቶጵያ አሳ ዳጋንላናዉ አሳቱዋ ማርካብያን ኪታና። ግብጹ ሙረትያ ጋላሰ ቶጵያ አሳ ቦላ ቱጋይ ያና። በአተ፡ ሄ ጋላሳይ ጋኬዳ!” ያጌ።

10 “ ኡባ ሞድያ መድና ጎዳይ ሀዋዳን ያጌ፤ “ባብሎን ካትያ ናቡካዳናጸራ ኩሽያን ታን ግብጹ ዱረተላ ጳይሳና።

11 ካወተላቱዋ ኡባጥ አጼደ፡ መቀላ ኢትያ ኦላንቻቱዋ ካለፈደ ዪደ፡ እ ቢታ ጳይሳና፤ ኡንቱንቱ ግብጹ አሳ ቦላን ማሻ ሾዲደ፡ ቢታን አሃ ኩንላና።

12 ናይለ ሻፋ ታን መልሳና፤ ታን ግብጹ ኢታ አሳቱዋ ኩሽያን አላደ እማና፤ ኡንቱንታ፡ ሄ ቢታን አን ደእያዋ ኡባ አላጋቱዋ ኩሽያን ጳይሳና። ታን መድና ጎዳይ ሀዋ ኦዳይ፣ ያጌ።

13 “ ኡባ ሞድያ መድና ጎዳይ ሀዋዳን ያጌ፤ “መምጥሳ ካታማን ደእያ ኤቃቱዋን ሞሰላቱዋ ኡባ ታን ጳይሳና፤ ግብጹ ቢታን ላኤንሎ ካፖ ግድያዋ ደኤና፤ ቢታ ኡባ ታን ያሸሳና።

14 ታን ፓትሮሳ ግያ ገድሳ ባጋ ግብጹ መላ ከሳና፤ ሁጺሳ ባጋና ደእያ ጸኢን ካታማን ታማ የዳና፤ ቴብሳ ካታማካ ሙራና።

15 ግብጹዉ ጌሶ ግዴዳ ፕሉሰያማን ታ ሀንቁዋ ጉሳና፤ ቴብሳ አሳ ኡባ ወርሳና።

16 ታን ግብጹን ታማ ኦይላና፤ ፕሉሰያማካ ሎይል ቱጋታና፤ ቴብሳ ድርሳ ግምቢ ኮለታና፤ መምጥሳ ካታማን ዱጸና መቱ ጋካናዋ።

17 አና ካታማ ያላጋ አሳቱን ብባሰታ ካታማን ደእያ ያላጋይ ኡባይ ማሻን ወራና፤ ሄ ካታማቱካ ኦሞደቲደ ባና።

18 ግብጹ ዋልቃ ታን መንግራልያ ዋደ፡ ጸፍናሳን ጋላሳይ ቃማና፤ እ ኡቶረትያ ዋልቃይ ወራና፤ ግብጹ ሻሪ ካማና፤ ጸፍናሳ የሹዋን ደእያ ካታማቱዋ ኡባን ደእያ አሳይ ኦሞዱዋን ባና።

19 ታን ግብጹ ሄዋዳን ሙራና። ሄ ዋደ ታን መድና ጎዳ ግድያዋ ኡንቱንቱ ሄዋን ኤራና” ያጌ፣ ያጋ” ያጌደ ዬዳ።

ግብጹ ካቲ ጸንቲዳ

20 ኩን ኦሞደተዳ ታማን አተንላ ላይላን፡ ኮይሮ አግናን፡ ላፑንላ ጋላሳን፡ መድና ጎዳ ቃላይ ታኮ ሀዋዳን ያጌደ ዬዳ፤

21 “ላ አሳ ናኦው፡ ታን ግብጹ ካትያ ቀሰያ መንላድ፤ አ ዋሻን ጨርቃን ጸጽ ኮሊደ ፓልያ ሂላይካ ባዋ፤ ሀዋጥ ሰንላናዉ እ ሞናተላ አሂደ፡ ማሻ ኦይቃናዉ ዳንዳየና።

22 ሄዋ ድራው፡ ኡባ ሞድያ መድና ጎዳይ ሀዋዳን ያጌ፤ ግብጹ ካትያዉ ሞርከ። አዉ ካሰ መኦ ቀሰያን ፓጸ ደእያ ቀሰያ ላኡዋካ ታን መንላና፤ አ ማሻይካ አ ኩሽያጥ ሳኢን ዋጳናዳን ኦላና።

23 ግብጹቱዋ ካወተላቱዋ ግድን ሀራ ቢታቱዋን ላላና።

24 “ ግብጹን ካትያ ላኡ ቀሰያ ሞንሳደ፡ ታ ማሻ አ ኦይላና። ሽን ግብጹ ካትያ ቀሰያ መንላና፤ ባረ ሞርክያ ሰንላን እ ሀይቃና ሀንያዌ ኦልያዋዳን ኦላና።

25 ኤ፡ ታን ግብጹ ካትያ ላኡ ቀሰያ ዳቡርሳደ፡ ባብሎን ካትያ ቀሰያ ሞንላና። ታን ባብሎን ካትያ ታ ማሻ ኦይልያ ዋደን እ ግብጹ ቦላ አ ደንልያ ዋደ፡ ግብጹቱ ታን መድና ጎዳ ግድያዋ ኤራና።

26 ግብጹቱዋ ታን ካወተላቱዋ ግድን ቢታ ኡባን ላላና። ሄ ዋደ ታን መድና ጎዳ ግድያዋ ኡንቱንቱ ሄዋን ኤራና” ያጌ፣ ያጋ” ያጌደ ዬዳ።

31

ግብጹ ዘጋን ሊምሰቴዳ

1 ኩን ኦሞደቲዳ ታማን አተንላ ላይላን፡ ሄዘንላ አግናን፡ ኮይሮ ጋላሳን፡ መድና ጎዳ ቃላይ ታኮ ሀዋዳን ያጌደ ዬዳ፤

2 “ላ አሳ ናኦው፡ ግብጹ ካትያዉን አሳ ኡባዉ ሀዋዳን ያጋደ ኦዳ፤ ሳ ግታተላን ኔና ታን ኦናና ልኮ?

3 “ ሳን ሎኦ ዳሻ ኩዋይ ደእያ ሊባናሳ ዘጋ ማላ። እ አድቂደ ድጩዳ፤ አ ጸራይካ ሻርያ ጋኬዳ።

4 ሃዋን አ ድቻያ ሃላይ ደኤ፤ ጨሙዋጥ ከሰያ ፑልቶቱካ እ ቶከቱዳ ሳኦን የሹዋን ኡባን ጎጊኖ፤ ሄ ፑልቶቱ ሞላይ ሞክያሳ ኡባ ጋኪደ ኡሺኖ።

5 ሄ ሞላይ ሃላይ ዳሬዳ ድራው፣ ዋራን ደእያ ሀራ ሞላ ኡባጥ ጌሳ አዲቄ፤ አ ዳሻቱካ ኦርደነ አዲሳ።

6 ሳሉዋ ካፎቱ ኡባይ አ ዳሻን ባረንቱ ጎልያ ኬጼድኖ፤ ባዙዋ ደአቱካ አ ዳሻ ጋርሳን ማራ የሌድኖ፤ ዋልቃማ ካወተላቱ ኡባይ አ ኩዋን ኡቲኖ።

7 ሄ ሞላይ ባረ ግታተላናን ባረ ዳሻ አዲሳተላና አያ ሎኢ! ባረ ጸጸዋካ ሃላ ጨማወ ዲገ የድ ዋሴዳ።

8 ሀራይ አቶ ጸሳ ጋናትያንካ ሄ ዝጋና ልከትያ ዝግ ባዋ፤ አዋ ማላ ዳሻይ ደእያ ጸዲይካ ባዋ፤ ሄዋ ማላ ቦእያ ሞላካ ባዋ። ጸሳ ጋናትያንካ ሄዋ ማላ ሎኦ ሞላይ ባዋ።

9 “ ታን አ ዳር ዳሻን ፑላንቻ አላድ። ኤደነ ግያ ጸሳ ገነትያን ደእያ ሞላቱ ኡባይ አ ቃናቱድኖ።

10 “ ሄዋ ድራው፣ ኡባ ሞድያ መድና ጎዳይ ሀዋዳን ያጌ፤ “ሄ ሞላይ አዲቄደ ድጨዳ ድራው፣ አ ጸራይካ ሻርያ ጋኬዳ ድራውነ አ ባረ ጌሳን ኦቶረቱዳ ድራው።

11 ታን አ አጋ አጋድ፤ ያታደ ዋልቃማ፣ አላጋ ካወተላዉ አላደ እማድ። ሄ ካወተላይ አዉ አ ኢታተላዳን አላና።

12 መቀላ ኢታ አላጋቱ ሄ ሞላ ቃንጽ አላና፤ ቃንጼዳ ታሸቱ ደረቱዋን፣ ዋምባቱዋንነ ዛንጋራቱዋን አለት አታና። አ ኩዋን ኡትያ ሀራ ካወተላቱ ኡባይ ሄ ሳኦ አጊደ ባና።

13 ሳሉዋ ካፎቱ ዪደ ኩንዴዳ ሞላ ቦላ ኡታና፤ ባዙዋ ደአቱካ አ ታሸቱዋ የሳና።

14 ሃላ ማታን ድጭያ ሞላቱ ግድን አዋዳን አዲቄደ፣ ጸራይ ሻርያ ጋክያ ሞላይ ደኤና። ሀይቄያ አሳ ቦላ ጋክያ ሀይቄዋ ፕርዳይ ሄ ሞላ ቦላ ጋካናዋ፤ ሄ ፕርዳይ አ ሀይቄደ፣ ዲፋዋን ገልያዋንቱና ሰኦልያን ገላናሳ” ያጌ።

15 “ ሄዋ ሞድያ መድና ጎዳይ ሀዋዳን ያጌ፤ “ሄ ሞላይ ሰኦልያን ገልያ ጋላሰ ጨሙዋጥ ከሰያ ፑልቶቱ አዉ ካዮታናዳን ታን አላና፤ ሄ ፑልቶቱዋ ሃላይ ጎጊናዳን ታን አላና፤ ለባኖሰካ አ ድራው ካዮታናዳን አላና። ቃይ ዋራ ሞላይ ኡባይ ሹላና።

16 ታን ሄ ሞላ ሰኦልያን ኦልያ ዋደ፣ አ ኩንደላ ኮሻን ካወተላይ ኡባይ ቃጸና። ኩንዲደ ሰኦልያን ገሌዳ ኤደነ ሞላቱነ ሃላ ኡሽያ ደረቱዳነ ሎኦ ለባኖሳ ሞላቱ ኡባይ አ ኩንደላን ሞነታና።

17 ካወተላቱዋ ግድን አናና ማደቱዳነ አ ኩዋን ኡቱዳ ኡባይ ካሰ ማሻን ሀይቄዳዋንቱና ጋከታናዉ አናና እትጥ ሰኦልያን ገላና።

18 ኤደነ ጋናትያ ግደ ሞላቱዋንካ ሄዋ ኬሻ ግታይነ ሎኡ ባዋ፤ ሸን ሀኦ ኤደነ ሞላቱዋዳን፣ እካ ሀይቄ ሰኦልያን ገሌ፤ ሄዋን አ ማሻን ሀይቄዳ አማንቤናዋንቱ ኡባን ጋከታና።

“ ሄ ሞላይ ግብጼ ካትያን አ አሳ ኡባ ሌምሶ። ታን ኡባ ሞድያ መድና ጎዳይ ሀዋ ኡዳይ” ያጌ ያጋ” ያጊደ ዬዳ።

32

ግብጼ ጸድያን ሌምሶቱዳ

1 ኩን አሞደቱዳ ታማነ ላኤንሎ ላይላን፣ ታማነ ላኤንሎ አግናን፣ ኮይሮ ጋላሳን፣ መድና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናአው፣ ግብጼ ካትያዉ ዝላላ! ሀዋዳን ያጋ፤ ሄን ካወተላቱዋ ግድን ኔና ጋሙዋ ከሳዳ፤ ሸን ኔን አባ ግድን ደእያ ጸድያ ማላ። ኔን ሃላቱዋጥ ከሳዳ፤ ነ ገደቱዋን ፑርቻካደ፣ ሃላ ቡሉቃዳ።

3 “ ሄዋ ሞድያ መድና ጎዳይ ሀዋዳን ያጌ፤ “ዳር አሳይ ሸቅያ ዋደ፣ ታን ታ ግትያን ኔና ኦይቃና፤ ሄ አሳይ ኔና ጎቹደ፣ ሃላጥ ጋጸ ከሳና።

4 ታን ኔና ቢታን ኦላ አጋና፤ ደምባ ቦላካ ሞጫና፤ ያታደ ሳሉዋ ካፎቱዋ ኡባይ ነ ቦላ ኡትሳና፤ ቢታ ኡባን ደእያ ባዙዋ ደአቱዋካ ነ አሹዋ ካልሳና።

5 ታን ነ አሹዋ ደረቱዋ ቦላን ላላና፤ ነ ዋምባቱዋካ ነ አሃን ኩንላና።

6 ደረቱዋ ካሚደ፣ ሻፋቱዋ ኩማና ጋካናው፣ ነ ሱላይ ጉካናዳን አላና።

7 ታን ኔና ጳይሰያ ዋደ፣ ሳሉዋ ጎዛና፤ ጸልንተቱዋካ ጳምሳና፤ አዋካ ሻርያን ካማና፤ አግናይካ ባረ ፖኡዋ ድጋና።

8 ኔጥ ቦላና ደእያ ሳሉዋ ፖኡቱዋ ኡባ ጳይሳደ፣ ነዉ ቢታ ጳምሳና። ታን ኡባ ሞድያ መድና ጎዳይ ሀዋ ኡዳይ።

9 “ ሄ “ታን ነ ቦላ ጋኬዳ ባየላ ኦዲዋ ኔን ኤረና ካወተላቱዋ ኡባ ሰሰያ ዋደ፣ ጮራ አሳ ዋዛናይ ሻቢረታና።

10 ታን ነ ቦላ ጋላያዌ ካወተላቱዋ ኡባ ዳጋንላና። ታን ታ ማሻ ኤንቱንቱ ሰንላን ለለሰያ ዋደ፣ ካተቱ ያሻን ኮኮራና፤ ኔን ኩንድያ ጋላሰ ኤንቱንቱ ኡባይካ ባረንቱ ሸምፖ ሸምፖ ያያና” ያጌ።

11 “ ሄዋ ሞድያ መድና ጎዳይ ግብጼ ካትያዉ ሀዋዳን ያጌ፤ “ባብሎነ ካትያ ማሻይ ነ ቦላን ያና።

12 ሀራ ካወተላጥ አዲደ፣ መቀላ ኢትያ ኦላንቻቱ ባረንቱ ማሻን ነ ጮራ አሳ ዉርሳናዳን ታን አላና። ኤንቱንቱ ግብጼ ኦቶራዋ ጳይሳና፤ አ ጮራ አሳይካ ዉራና።

13 ዳር ሃላ ማታን ደእያ መሀያ ኡባካ ታን ጳይሳና፤ ሄዋጥ ጉይያን፣ ሃላ ቡሉቄያ አሳ ግድና መሀያ ግድና፣ ኡባካ ደኤና።

14 ሄ ዋደ ታን ነ ሃላቱዋ ጽልሳና፤ ነ ሻፋቱዋካ ዋፑ አላደ ጎግሳና። ታን ኡባ ሞድያ መድና ጎዳይ ሀዋ ኡዳይ።

15 ታን ግብጼ መላ ከሰያ ዋደ፣ አን ደእያዋ ኡባ ቁጫደ ጳይሰያ ዋደነ አን ደእያ አሳ ኡባ ሸጭያ ዋደ፣ ታን መድና ጎዳ ግድያዋ ኤንቱንቱ ኤራና።

16 “ ሄ “ሄዋ ኡባይ ኤንቱንቶ ዝላልያ ዝላሳ ግዳናዋ። ካወተላቱዋ ማጫ አሳቱ ግብጼሰነ አ

31:8 ደመላ 2:2-9 32:7 ኢሳ. 13:10፤ ማቶሳ 24:29፤ ማር. 13:24-25፤ ሉቃሳ 21:25፤ ሳዓ 6:12-13፤ 8:12

ጮራ አሳው ዝላላና። ታን ኡባ ሞድያ መድና ጎዳይ ሀዋ ኦዳይ” ያጌ፣ ያጋ” ያጊደ ዬዳ።

ዱፋዋ ገልጻ አሳቱዋባ

17 ኑን ኦሞድቴዳ ታማነ ላኤንላ ላይላን፣ ሄ አግናን፣ ታማነ እቼሸንላ ጋላሳን፣ መድና ጎዳ ቃላይ ታኮ ሀዋዳን ያጊደ ዬዳ።

18 “ላ አሳ ናኦ። ግብጹ ጮራ ኦላንቻቱዋ ድራው ዬካ! ግብጹን ዋልቃማ ካውተላቱዋ ማጫ ናናቱዋ። ሀራ ሀይቂደ ዱፋዋን ገሌዳዋንቱና እትጥ ሰኦልያ ሞይዛ።

19 ኡንቱንቱ፣ ህንተኖ ግብጹቶ፣ ህንተ ሀራቱዋጥ አቲ ሎኢቱ? ህንተ ሰኦልያን ገላና፤ ሄዋን ህንተ ጸሳ አማነቤናዋንቱና እትጥ ሞገታና።”

20 “ግብጹ ቢታወ ማሻይ ሸደት ኡቴዳ ድራው፣ ኡንቱንቱ ማሻን ሀይቂዳዋንቱ ግደ ኩንዳና፤ ግብጹ ባረ ጮራ አሳ ኡባና ዱገ ጎሽታና።

21 ሰኦልያን ደእያ ዋልቃማ ካጋቱ ግብጹባነ ግብጹ ማዳዳዋንቱባ ሃሳዪደ፣ ኡንቱንቱ ሃ ዱገ ዬድኖ፤ ጸሳ አማነናን፣ ማሻን ሀይቂዳዋንቱና ኡንቱንቱ ግሌድኖ” ያጊና።

22 “አሶረ ሰኦልያን ደኤ። ኦላን ሀይቂዳ አሶረ ኦላንቻቱዋ ዱፎቱ አ የሹዋን ደድ ኡቴድኖ።

23 ሄ ዱፎቱ ጨማ አላቱዋጥ ወርሰላን ደኤኖ። አ ኦላንቻቱ፣ ካሰ ካውተላቱዋ ኡባ ያሻን ኮኮርሴዳዋንቱ፣ ሀእ አ ኦላንቻቱ ዱፋዋ የሹዋን ሺቄድኖ። ደኡዋን ደእያዋንቱ ቢታን ሻብረላ መጪዳዋንቱ ኡባቱ ማሻን ወሬድኖ።

24 “ኤላሞካ ሰኦልያን ደኤ። ኤላማ ኦላንቻቱ ኡባይ አ ዱፋዋ የሹዋን ደድ ኡቴድኖ። ኡባቱ ሹከቲድኖ፣ ማሻን ኩንዳድኖ፤ ደኡዋን ደእያ አሳ ቢታን ሻባርሳ ደንጮዳ ኡባይ አማነናዋንታ ግዲደ ዬላን ቢታ ጋርሳ አጭድኖ፤ ዱፋዋ ጋርሳ ገሊደ ግሌድኖ።

25 ሀይቂዳዋንቱ ግዲዋን ኤላማው ሳእይ ጊግ ኡቴዳ። ኤላማ ኦላንቻቱዋ ኡባ ዱፎቱ አ የሹዋን ደኤኖ፤ ኡንቱንቱ ኡባይካ ማሻን ሀይቂድኖ። ኡንቱንቱ ኡባይካ ጸሳ አማነቤናዋንታ። ኡንቱንቱ ደኡዋን ደእያዋንቱ ግደን ሻብረላ ደንጮዳ ድራው ዱፋዋ ገሌዳዋንቱና እትጥ ግሌድኖ።

26 “መሸክነ ቱባል ኦላንቻቱዋ አሳቱዋ ዱፋ እትጥ ሄዋን ደኤኖ፤ ኡንቱንቱ ካሰ ደኡዋን ደእያዋንቱ ቢታን ካውተላቱዋ ኡባ ያሻን ሻባርሴዳዋንታ ግደጥካ፣ ኡንቱንቱ ኡባይካ ማሻን ሀይቂድኖ። ኡንቱንቱ ኡባይካ ጸሳ አማነናዋንታ።

27 ካሰ ኦላንቻቱ ሞገትያዌ ባረንቱ ኩመንላ ኦላ ሚሻና፤ ኡንቱንቱ ጎንዳለቱዋ ኡንቱንቱ ትራን ዋሰና፣ ኡንቱንቱ ማሻቱዋ ኡንቱንቱ ሁጺሳን ዋሰና፣ ሞገቱድኖ። ሸን ሀዋንቱ ሄዋ ማላ ኩመንላ ቦንቹ እመትና ሞገትብይክኖ። ኡንቱንቱ ካሰ ደኡዋን ደእያዋንቱ ካውተላቱዋ ሻባርሴድኖ።

28 “ህንተ ግብጹ አሳቱካ ጸነታናን ማሻን ሀይቂዳ፣ አማነና አሳቱዋና እትጥ ግሳና።

29 “ኤደሞ ባረ ካተቱዋናን ባረ ሞድያዋንቱና እትጥ ሰኦልያን ደኤ፤ ኡንቱንቱካ ካሰ ሞኖ

ኦላንቻቱዋ፤ ሸን ሀእ ኦላን ሀይቂዳ፣ አማነና አሳቱዋና ጨማ ኦላን ገሌድኖ።

30 “ሁጺሳ ባጋ ካጋቱነ ሲደና አሳቱ ኡባይ ዱፋዋን ደኤኖ። ኡንቱንቱ ካሰ ባረንቱ ዋልቃን አሳ ያሸሴድኖ፤ ሸን ሀእ ኡንቱንቱካ ሹከቲዳዋንቱና ባረንቱ ዬላና ያ ገሌድኖ። ጸሳ አማነናዋንታ ግዲደ፣ ማሻን ሀይቂዳ አሳቱዋና እትጥ ጋከቲደ፣ ዬላቲደ ዱፋዋ ገሊና።

31 “ግብጹ ካውነ አ ኦላንቻቱ ማሻን ሀይቂዳ ኦላንቻቱዋ ያን በኢደ ሞነታና። ታን ኡባ ሞድያ መድና ጎዳይ ሀዋ ኦዳይ።

32 ታን ሀዋጥ ካሰ ካውተላቱ ኡባይ ግብጹ ካትያው ደኡዋን ደእያዋንቱ ቢታን ያያናዳን ኦጭዳዋ ግደጥካ፣ እነ አ ኦላንቻቱ ጸሳ አማነናን፣ ማሻን ሀይቂዳ አሳቱዋና እትጥ ግሳና። ታን ኡባ ሞድያ መድና ጎዳይ ሀዋ ኦዳይ” ያጌዳ።

ጸሳይ ባረ አሳው እሞ ሀደታ

33

(33:1—37:28)

ጸሳይ ህዝቁላ ዋቻያ አሳ ኦሊደ ሱንጮዳ (ህዝ. 3:16-21)

1 መድና ጎዳ ቃላይ ታኮ ሀዋዳን ያጊደ ዬዳ፤

2 “ላ አሳ ናኦ። ነ ቢታ አሳው ሀዋዳን ያጋደ ኦዳ፤ ታን እት ቢታ ቦላን ኦላ አህያ ዋደ፣ ሄ ቢታ አሳይ ባረንቱ ቦላ ይያዋ ዋቻያ አሳ ደር።

3 ሄ ዋቻያዌ ሞርኪ ይያዋ በእነ አሳይ ናገታናዳን፣ ማላካታ ፑኖጥ፤

4 አይ አሳይነ ሄ ማላካታ ኮሻ ሰሲደ፣ ናገተናን እጽና፣ ኦላይ ዪደ አ ዋዶጥ፣ ሱላ አጩ አዋ።

5 አ ማላካታ ኮሻ ሰሲደ፣ ናገተናን እጾዳ ድራው፣ አ ሱላ አጩ አ ቦላና። አ ሰሲደ ናገቲደንቶ፣ ሀይቂዋጥ አትያዋ ሸን!

6 ሸን ሄ ዋቻያዌ ሞርኪ ይያዋ በኢደ፣ ማላካታ ፑናን አጎጥነ አሳ ኤርሳና ጳዮጥ፣ ኦላይካ ዪደ፣ ሄ አሳጥ እት ኡራ ዋዶጥ፣ ሄ ኡራይ ባረ ናጋራን ሀይቂ፣ ሸን ታን አ ሱላ ዋቻያዋ አቻና” ያጋ።

7 “ላ አሳ ናኦ። ታን ኔና አሰራኤልያ አሳው ዋቻያዋ ኦላድ፤ ታን ነው ኦድያዋ ሰሳደ አሳካ ኤርሳ።

8 እት ኢታ አሳ ታን፣ ‘ላ ኔን ቱሙ ሀይቃና’ ያግያ ዋደ፣ አ ባረ ናጋራጥ ሰማና ማላ፣ ኔን አው ኦዳና ጳዮጥ፣ ሄ ናጋራንቻይ ባረ ናጋራን ሀይቂ፤ ሸን ታን አ ሱላ ኔጥ ጭገታና።

9 ሸን ናጋራንቻይ ባረ ናጋራጥ ሰማናዳን ኔን ኦድና፣ አ እጾጥ፣ ባረ ናጋራን ሀይቂ፤ ሸን ኔን ነ ሸሞጥዋ አሻዳ።

ጸሳይ ልክያ ፕርዳ

10 “ላ አሳ ናኦ። አሰራኤልያ አሳው ሀዋዳን ያጋ፤ ህንተ፣ “ኑን ኦጭዳ ናጋራይነ ናቄ ኑ ቦላ ደኤ፤ ሄዋጥ ደንዴዳዋን ኑን ግልቂ ወሬድ። ያትና፣ ኑን ዋኒደ ፓጾ ደኤናው ዳንዳዬቶ?” ያጊታ።

11 ታን መድና ጎዳይ ደኡዋን ሀዋዳን ያጋደ ጫቃይ፤ “ናጋራንቻይ ባረ ናጋራ አጊደ፣ ፓጾ ደኤና ማላ ኮያይጥ አትና፣ ናጋራንቻ ሀይቂዋን ናሸትኩ።

ታን ኡባ ሞድያ መድና ጎዳይ ሀዋ ኦዳይ። ህንተኖ፣ እስራኤልያ አሳው፣ ሰምተ፤ ህንተ ኢታ ኡሱዋ፣ ጉየ ሰምተ! አያው ሀይቃናው ኮዪቴ?።” ያገይ፣ ያገ።

12 “ላ አሳ ናአው፣ ነ ቢታ አሳው ሀዋዳን ያገደ ኦዳይ፣ ጽሎ አሳይ ናገራ ኦላ፣ አ ጽሎተላይ አ አሸና፤ ቃይ ናገራንቻይ ባረ ናገራ፣ ሰም ክቸ፣ ካሰ ናገራን እ ሙራተና። ጽሎ አሳይካ ናገራ ኦላ፣ ካሰ ጽሎተላ ድራው ደኡዋን ደአናው ዳንዳየና።

13 ታን ጽሎ አሳ፣ “ኔን ቱሙ ፓጻ ደአና” ያገዳ ወደ፣ እ ባረ ጽሎተላን አማነቲደ ናገራ ኦላ፣ ባረ ኦሌዳ ናገራን እ ሀይቃና፣ አትና፣ ካሰ ጽሎተላይ አው ቆፈተና።

14 ቃይ ታን ናገራንቻ አሳ፣ “ኔን ቱማ ሀይቃና” ያገዳ ወደ፣ እ ባረ ናገራ፣ ሰሚደ፣ ፕርዳነ ሱረ ኡሱዋ ኦላ፣

15 ሚሻ ታልአናው ኦይሌዳዋ ዛር፣ ወኤዳባካ ጉየ ዛር፣ ናገራ ኦላዳዋ አገደ፣ ደኡዋ እምያ ሀገያ ካሎ፣ ያቶ፣ እ ቱማ ፓጻ ደአና፣ አትና ሀይቃና።

16 እ ካሰ ኦሌዳ ናገራይ እቱን ቆፈተና፤ ሀእ ፕርዳነ ሱረ ኡሱዋ ኦሌዳ ድራው፣ እ ቱማ ፓጻ ደአና።

17 “ሸን ነ ቢታ አሳይ፣ “ጎዳ ኦጊ ልከ ግደና” ያገደ፤ ሸን ልከ ግደናዌ ኡንቱንቱ ኦገያ።

18 ጽሎ አሳይ ባረ ጽሎተላ አገደ፣ ናገራ ኦላ፣ እ ባረ ናገራን ሀይቃና።

19 ቃይ ናገራንቻ አሳይ ባረ ናገራ፣ ሰሚደ፣ ፕርዳነ ሱረ ኡሱዋ ኦላ፣ ሄ ኡሱዋን እ ፓጻ ደአና።

20 ሸን ህንተ፣ “ጎዳ ኦጊ ልከ ግደና” ያገታ። እስራኤልያ አሳው፣ ታን እቱዋ እቱዋ ቦላ ህንተ ኡሱዋዳን ኡሱዋዳን ፕርዳና ያገ” ያገደ ዬዳ።

የሩሳላመ ኩንደላይ ኦደቴዳ

21 ኩን ኦሞደቲደ ታማነ ላኤንላ ላይላን፣ ታማንላ አገናን፣ እቼሸንላ ጋላሳን፣ የሩሳላመ፣ ከሰ እክ ዬዳ እት አሳይ ካታማይ ኩንደዳዋ ታው ኦደዳ።

22 ሄ ብታኒ ያና፣ እት ጋላሳ ካሰቲደ ደአያ ኦማርሰ መድና ጎዳ ኩሺ ታ ቦላን ሸምፔዳ፤ ታ ደናይካ ደየቲዳ፤ ዋንተላ ጋላሰ ሄ ብታኒ ታኮ ጋካና፣ ካሰታደ፣ ታንካ ሃሳያናው ዳንዳየና።

23 ያትና፣ መድና ጎዳ ቃላይ ታኮ ሀዋዳን ያገደ ዬዳ፤

24 “ላ አሳ ናአው፣ እስራኤልያ ቢታን ኮላቴዳ ካታማቱዋን ደአያ አሳቱ ሀዋዳን ያገደ፤ ሎብራሃመ ባረካ ደአያ እት አሳ፤ ሀ ቢታ ላቴዳ፤ ሸን ኩን ጮራ፤ ቢታይካ ቱማ ኑው ላታ ጋድያ ግዲደ እመቲዳ” ያገደ።

25 “ሄዋ ድራው፣ ኡንቱንቶ ሀዋዳን ያገ፤ ሎብ ሞድያ መድና ጎዳይ ሀዋዳን ያገ፤ “ህንተ ሀእካ ሹኪደ፣ ሱላይ ከሰቤና አሹዋ ሚታ፤ ቃይ ኤቃው ጎይኒታ፤ ሸምፔዋ ዋዲታ። ሀዋ ኡባ ኦላደ፣ ቱሙ ህንተ ቢታ ላቴቴ?”

26 ህንተ ህንተ ማሻን አማነቲታ፤ ህንተ ቱና ኡሱዋ ኦላታ፤ ህንተ ኡባይካ ህንተ ሸሩዋ ሸሩዋ

ማጫ አሳ ቱንሲታ። ሄዋ ኡባ ኦላደ፣ ቱሙ ህንተ ቢታ ላቴቴ?” ያገ፣ ያገ።

27 “ኡንቱንቶ ሀዋዳን ያገ፤ ሎብ ሞድያ መድና ጎዳይ ሀዋዳን ያገ፤ “ታን ታ ደኡዋን ጫቃይ፣ ኮላቴዳ ካታማቱዋን ደአያ አሳቱ ማሻን ሀይቃና፤ ካታማ፣ ጋጸን ደአያ አሳቱዋ ታን ባዙዋ ደአው ቁማ ኦላደ እማና፤ ደረቱዋ ቦላ ጎንጎሎቱዋን ደአያ አሳቱ ኢታ ሀርግያን ሀይቃና።

28 ታን ሄ ቢታ ባዬዳነ መላ ቢታ ከሳና፤ ኡንቱንቱ ኦቶረትያ ዋልቃይ ወራና፤ እስራኤልያ ደረቱ አይ አሳይነ አፍና መላ ሳእ ግዳና።

29 ኡንቱንቱ ኦሌዳ ቱናባ ጋሱዋን ታን ቢታ ባዬዳነ መላ ቢታ ከሰያ ወደ፣ ታን መድና ጎዳ ግድያዋ ኡንቱንቱ ኤራና” ያገ፣ ያገ።

30 “ላ አሳ ናአው፣ አሳይ ካታማ ድርሳ ሞይያንነ ባረንቱ ጎለቱዋ ፕንግያን ኤቁደ፣ እቱ እቱዋና ሀዋዳን ያገደ፣ ነባ ሃሳዬ፤ ሃይተ፤ መድና ጎዳ ማታ፣ ዬዳ ቃላይ አየንቶ እነ ሰሴቶ” ያገደ።

31 ኡንቱንቱ ካሰ አሳይ ይያዋዳን ኔኮ ዬና፤ ታ አሳዳን ነ ሰንላን ኡቲኖ፤ ኔን ኦድያዋካ ሰሲኖ፤ ሸን ኦላክና። ኡንቱንቱ ሲቁዋባ ሃሳዬና፤ ሸን ኡንቱንቱ ዋዛናይ ጎእ ጸላላው ያረቱ።

32 በእ፣ ኔን ኡንቱንቶ እት ሲቁዋ ማዛሙርያ ሎኦ ኮሻን የጽያነ ዲላ ሎይሊደ ዲጽያ አሳ ማላ። አያው ጎ፣ ኡንቱንቱ ኔን ኦድያዋ ሰሲኖ፤ ሸን እቱዋካ ኦላክና።

33 “ሸን ኔን ኦደዳዌ ቱሙ ፖለታና፤ ፖለትያ ወደ፣ ትምቢትያ ኦድያዌ ኡንቱንቱ ግድን ደአያዋ ኡንቱንቱ ኤራና” ያገደ ዬዳ።

34

እስራኤልያ ሄንላንቻቱዋ

1 መድና ጎዳ ቃላይ ታኮ ሀዋዳን ያገደ ዬዳ፤

2 “ላ አሳ ናአው፣ እስራኤልያ ሄንላንቻቱዋ ቦላን ሀዋዳን ያገደ ትምቢትያ ኦዳ፤ ሎብ ሞድያ መድና ጎዳይ ሀዋዳን ያገ፤ “ህንተኖ፣ ህንተና ሄምያ እስራኤልያ ሄንላንቻቶ፣ ህንተው አየ አና! ህንተ ወድያ ሄማናው በሰኔ?”

3 ኡንቱንቱ ማላ ኡሺታ፤ ኡንቱንቱ እሰክያ፣ ዳደቲዳ ሱፍያ ማዪታ፤ ኡንቱንቱ፣ ሞዴዳዋንታ ሹኪደ ሚታ፤ ሸን ወድያ ሱረ ሄምክታ።

4 ዳቡራዳዋንታ ሞንሰበይክታ፤ ሀርጌዳዋንታ ፓለበይክታ፤ መኤዳዋንታ ኮልበይክታ፤ ዋራ ቤዳዋንታ ዛርበይክታ፤ ባዬዳዋንታ ኮይበይክታ። ህንተ ኡንቱንታ ዋልቃን መቀላ ኢቲደ ሞዴዳታ።

5 ወዲ ኡባይ ሄምያዌ ሳይና ላለቲድና፤ ባዙዋ ደአቶ ኡባው ቁማ ግዴድና።

6 ታ ወደቱ ላለቲድና፤ ኡንቱንቱ ዘዘቱዋ ኡባ ቦላን ቶቃ ደረቱዋ ኡባ ቦላ ብቻሬድና። ቢታ ኡባ ጋጸ ጋካናው ላለቲድና፤ ሸን ኡንቱንታ ጸሞሰያዌ ወይ ኮይያዌ ባዋ” ያገ።

7 “ ሄዋ ድራው፣ ህንተኖ፣ ሄንላንቻቶ፣ መድና ጎዳ ቃላ ሰሰተ!

33:21 2 ካታ. 25:3-10፤ ኤር. 39:2-8፤ 52:4-14 34:5 ፓይ. 27:17፤ 1 ካታ. 22:17፤ ማቶሳ 9:36፤ ማር. 6:34

8 ኡባ ሞድያ መድና ጎዳይ ሀዋዳን ያጌ፤ “ታን ታ ደኡዋን ጫቃይ፡ ታ ወድያ ሄምያዌ ቆይና፡ ታ ዶርሳቱ ኦይቀቲደ፡ ባዙዋ ደኡቶ ኡባወ ቁማ ግዴድና፡ ታ ሄንላንቻቱ ታ ወደቱዋ ኮይቤና ድራውን ኡንቱንቱ ታ ወደቱዋ ሄመናን ኡጊደ፡ ባረንታ ሄሜዳ ድራው፡

9 ሀንተኖ፡ ሄንላንቻቶ፡ መድና ጎዳ ቃላ ስሰተ!

10 ታን ሀንተ ሄንላንቻቶ ሞርከ፤ ታ ወደቱዋ ታን ሀንተ፡ ለካና፤ ታን ሀንተና ለኤንላ ኡንቱንቶ ሄንላንቻ ከሰከ፡ ሀዋ፡ ስንላወ ሀንተ ሀንተ ጸላላ ሄሚደ ደኡክታ፡ ታ ወደቱዋ ታን ሀንተ፡ ሞላ ኡካና፤ ሀዋ፡ ስንላን ኡንቱንቱ ሀንተወ ቁማ ከሰክና፡ ታን ኡባ ሞድያ መድና ጎዳይ ሀዋ ኦዳይ” ያጌ፡

ሎኦ ሄንላንቻ

11 “ ላያወ ጎ፡ ኡባ ሞድያ መድና ጎዳይ ሀዋዳን ያጌ፤ “ታን ታ ሁጲያን ታ ወደቱዋ ጸሞሳና ኮያና፡

12 ሄንላንቻይ ባረ ወደቱዋ፡ ባይና ኮይያዋዳን፡ ታንካ ታ ወደቱዋ ኮያና፤ ሻሪ ጎዜዳን ቆማይ ስኬዳ ጋላስ ኡንቱንቱ ላለቱዳ ሳኦ ኡባ፡ ታን ኡንቱንታ ሺሻና፡

13 ቃይ ታን ካወተላቱዋ ግድ፡ ሀራ ቢታ ኡባ፡ ከሳይ ሺሻና፤ ኡንቱንቱ ቢታ ኡሀና፡ እስራኤልያ ደረቱዋን፡ ፑልቶቱዋን፡ ኡሳይ ደኡያ ሳኦቱዋ ኡባን ታን ኡንቱንታ ሄማና፡

14 ታን ኡንቱንታ ሎኦ ቆሩዋን ሄማና፤ ቃይ እስራኤልያ ቆቃ ደረቱ ኡንቱንቱ ሄመትያ ሳኦ ግዳናዋ፡ ሄዋን ኡንቱንቱ ሎኦ ቆሩ ደኡያ እስራኤልያ ዘዘቱዋ ቦላ ሄመታና ኡላጸና፡

15 ታን ታ ሁጲያን ታ ወደቱዋ ሄማናን ኡላጸሳና፡ ታን ኡባ ሞድያ መድና ጎዳይ ሀዋ ኦዳይ፡

16 ባዬዳዋ ኮያና፤ ሞራ ቤዳዋ ዛራና፤ መኤዳዋ ኮላና፤ ሀርጌዳዋካ ፓላና፡ ሸን ሞዴዳዋን ሞኔዳዋ ቆይሳና፤ እያወ ጎ፡ ታን ሱረ ፕርድያ ሄንላንቻ” ያጌ፡

17 “ ሀንተኖ፡ ታ ወድያ ዶርሳቶ፡ ሀንተባ ግድ፡ ኡባ ሞድያ መድና ጎዳይ ሀዋዳን ያጌ፤ “ሀንተና ኡባካ ታን ፕርዳና፤ ኬካ ኢታ፡ ዶርሳ ዳሻ፡ ታን ሻካና፡

18 ሀንተ ሎኦ ቆሩዋን ሄመትያዌ ግዳና ቆይኔ፡ ኦቱዳ ማታ ሀንተ ገድያን የግራልያዌ? ቃይ ሀንተ ጽሎ ሃላ ኡሸያዌ ግዳና ቆይኔ፡ ኦቱዳ ሃላ ገድያን ቡሉቂያዌ?

19 ታ ወደቱ ሀንተ ሀንተ ገድያን የግራሌዳ ማታ ማናውን ሀንተ ሀንተ ገድያን ቡሉቆየዳ ሃላ ኡሻናው በሲ?” ያጌ፡

20 “ ሄዋ ድራው፡ ኡንቱንቶ፡ ኡባ ሞድያ መድና ጎዳይ ሀዋዳን ያጌ፤ “በእተ፡ ሞዴ መሀያ ግድን ግልቃ መሀያ ግዳዋን ታን ታ ሁጲያወ ፕርዳና፡

21 ላፋቱዋ ሀንተ ሀንተ ሞይያንን ሀንተ ሞርግያን ሱግያ ድራውን ጋጸ ከሳና ጋካናው፡ ሀንተ ኡንቱንታ ሀንተ ካጭያን ቃይጭያ ድራው፡

22 ታን ታ ወደቱዋ ኡሻና፡ ሀዋ፡ ስንላወ ኡንን ኡንቱንታ ኦይቀና፤ ታ ኬካ መሀያ፡ ታ ኢታ መሄቱዋ፡ ግዳዋን ታን ፕርዳና፡

23 ታን ኡንቱንቱ ቦላን እት ሄንላንቻ፡ ታ ቆማ ዳዊታ ሱንላና፤ እ ኡንቱንታ ሄማናን ኡንቱንቶ ሄንላንቻ ግዳናዋ፡

24 ሄዋ፡ ስንላን ታን መድና ጎዳይ ኡንቱንቱ ጸሳ ግዳና፤ ታ ቆማይ ዳውት ኡንቱንቱ ግድን ካፑዋ ግዳና፡ ታን መድና ጎዳይ ሀዋ ኦዳይ፡

25 “ ፣ “ታን ኡንቱንቱና ሳርተላ ጫቁዋ ጫቃታና፤ ኢታ ደኡቱዋካ ታን ቢታ፡ ድጋና፤ ያቶ፡ ታ ወዲ ባዙዋን ሳር ደኡና፤ ሞራ ጋርሳንካ ሀርግ ባይናን ኡላጸና፡

26 ኡንቱንታን ታ ደርያ ዩቩዋን ደኡያ ሳኦቱዋ ኡንቻና፡ ኡንቱንቶ ኮሸያ እራካ ሞድያን እማና፤ ሄ እራይ ኡንቱንቶ ኡንቻ ግዳና፡

27 ጋድን ደኡያ ሞላቱ ኦይፋና፤ ቢታይካ ካላ ሞካና፡ ኡሳይ ኡባይ ባረንቱ ቢታን ሳር ደኡና፡ ታን ኡንቱንቱ ሞርግ ሞላ መንላደ፡ ኡንቱንታ ኦይለዬዳዋንቱ ኮሸያ፡ ከሰያ ሞድ፡ ታን መድና ጎዳ ግድያዋ ኡንቱንቱ ኤራና፡

28 ሄዋ፡ ጉይያን፡ ኡንቱንቱ ሀራ ካወተላቶ ቦንቂያባ ግድክና፤ ቢታን ደኡያ ደኡቱካ ኡንቱንታ ሚክና፡ እያይን ዳጋን፡ ኡንቱንቱ ሳር ደኡና፡

29 ታን ኡንቱንቶ እራዳ ጋድያ እማና፤ ኡንቱንቱ ላኤንላ ኮሻን ወርክና፤ ሞይ ቃይ ሀራ ካወተላቶ ሸቂያባ ከሰክና፡

30 ሄ ሞይ ኡንቱንቱ ታን መድና ጎዳይ፡ ኡንቱንቱ ጸሳይ ኡንቱንቱና ደኡያዋን እስራኤልያ ኡሳይ ታ ኡሳ ግድያዋ ኤራና፡ ኡባ ሞድያ ጸሳይ ሀዋ ኦዳይ፡

31 ሀንተኖ፡ እስራኤልያ ኡሳቶ፡ ሀንተ ታ ወደቱዋ፤ ታ ቆሩዋን ሞያ ወደቱዋ፤ ሀንተ ታ ኡሳ፤ ታንካ ሀንተ ጸሳ፡ ታን ኡባ ሞድያ መድና ጎዳይ ሀዋ ኦዳይ” ያጌ’ ያጋ” ያጊደ ዬዳ፡

35

ኤደማ ፕርዳ

1 መድና ጎዳ ቃላይ ታኮ ሀዋዳን ያጊደ ዬዳ፤

2 “ላ ኡሳ ናኡወ፡ ኤደማ ቢታን ደኡያ ስኢራ ደርያ ቦላ ነ ሰምእያ ዛራደ ትምቢትያ ኡዳ፡

3 ሀዋዳን ያጋ፤ “ኡባ ሞድያ መድና ጎዳይ ሀዋዳን ያጌ፤ ኔና፡ ስኢራ ደርያወ፡ ታን ነወ ሞርከ፤ ታን ታ ኮሸያ ነ ቦላ የዳደ፡ ኔና ባዬዳን መላ ሳኦ ከሳና፡

4 ታን ነ ካታማቱዋ ኮላና፤ ኔንካ መላ ግዳና፡ ታን መድና ጎዳ ግድያዋ ኔን ሄዋን ኤራና፡

5 “ ሳወ እስራኤልያና ወረና ሞርከተላይ ደኡያ ድራው፡ ኡንቱንቱ መቱዋ ሞድ፡ ኡንቱንቱ ወርሰላ ሙሩዋ ሞድ፡ ኡንቱንታ ኔን ማሻወ ኡላደ እማዳ ድራው፡

6 ታን ኡባ ሞድያ መድና ጎዳይ ታ ደኡዋን ጫቃይ፤ ታን ኔና ሀይቁዋን ሙራና፤ ኔን ሀይቁዋ፡ ከሳ ኡካናወ ኡባካ ዳንዳያካ! ኔን ኡሳ ሞድያዋ እጸና ድራው፡ ኔና ሞድያ ኡሳይ ኔና ካላና!

34:23 ሳፃ 7:17 34:24 ህዝ. 37:24 35:1 ኡሳ. 34:5-17፤ 63:1-6፤ ኤር. 49:7-22፤ ህዝ. 25:12-14፤ እሞጸ 1:11-12፤ ኡባድ. 1-14፤ ሚልክ. 1:2-5

7 ታን ስኢራ ደርያ ባዬዳ መላ ከሳና፤ ቃይ ሄዋና ያነ ሃነ አድያ ኡባካ ድጋና።

8 ታን ነ ደረቱዋ ኡባ አሃን ኩንላና፤ ነ ዘዘያ፡ ነ ዎምባቱን ነ ዛንጋራቱ ማሻን ሀይቄዳዎንቱ አሃን ካመታና።

9 ታን ኔና መድናዉ መላ ኦላና፤ ነ ካታማቱ ኦና ግዳና። ታን መድና ጎዳ ግድያዎ ህንተ ሄ ዎደ ኤራና።

10 “ ታን መድና ጎዳይ እስራኤልያን ይሁዳ ቢታቱዋን ደእሸና ህንተ፡ ሀ ላኡ ካዉተላቱዋን ሀ ላኡ ቢታቱዋ ኩን ኦይቃና፤ ኡንቱንቱ ኩሳ ግዳና ጌዳ ድራዉ።

11 ታን ኡባ ዎድያ መድና ጎዳይ ታ ደኡዋን ጫቃይ፤ ህንተ ኡንቱንታ ዎርኪደ፡ ኡንቱንቱ ቦላ ይሎተዳ ይሎዎዳንን ቃናቱዳ ቃናትያዳን፡ ታን ህንተዉ ዛራና። ታን ህንተና ፕርድያ ዎደ፡ ታን ታናተላ ህንተና ኤርሳና።

12 ቃይ ህንተ፡ እስራኤልያ ደረቱ መላ አቴድና፤ ኩን ኡንቱንታ ማና ማላ፡ ኑዉ እመቱድኖ ጊደ፡ ሃሳዬዳ ቦርያ ኡባ ታን መድና ጎዳይ ስሴዳዋ ህንተ ሄ ዎደ ኤራና።

13 ኔን ታ ቦላ ኡቶረታዳን ዳርሳደ ሃሳያዳ፤ ታንካ ሄዋ ሰሳድ” ያጌ።

14 ኡባ ዎድያ መድና ጎዳይ ሀዋዳን ያጌ፤ “ቢታይ ሳኦይ ናሽታና ማላ፡ ታን ህንተና መላ ከሳና።

15 እስራኤልያ አሳ ላታይ መላ ግዳዳዋን ህንተ ናሽቱዳ ድራዉ፡ ሰኢራ ደርያን ኤደማ ቢታ ኡባ ታን መላ ኦላና። ታን መድና ጎዳ ግድያዎ ህንተ ሄዋን ኤራና ያጌ ያጋ።”

36

ጳሳይ እስራኤልያ አንጃና

1 “ላ አሳ ናኦዉ፡ እስራኤልያ ደረቶ ትምቢትያ ሀዋዳን ያጋደ ኦዳ፤ ህንተኖ፡ እስራኤልያ ደረቶ፡ መድና ጎዳ ቃላ ሰሰተ!

2-3 ኡባ ዎድያ መድና ጎዳይ ህንተ ዎርከቱ፡ ሀሹ! “በን ዲቃ ደረቱ ኡባይ ኑዉ ላታ ግዳድኖ!” ያጌድኖ። ሄዋ ድራዉ ያግ ትምቢትያ ኦድተ፡ ኡንቱንቱ ህንተና ኡባ ሳኦና መንግራሊደ መላ ኦሌዳ ድራዉ፡ ህንተ ጮራ ካዉተላቱዋን ዎደታናዳን ኦሌዳ ድራዉ፡ ህንተ ዳር ቦረትያባን ቅሊጬትያባ ኦሰቱድታ ያጌ ኡባ ዎድያ መድና ጎዳይ።

4 መድና ጎዳ ቃላ ሰሰተ! ኡባ ዎድያ መድና ጎዳይ ደረቶን ዘዘቶ፡ ዛንጋራቶን ዎምባቶ፡ ዩሹዋን ደእያ ሀራ ካዉተላቱ ኦይቄዳን ቅሊጬዳ ሳኦቶን ባዬዳን መላ ግዳዳ ካታማቶ ሀዋዳን ያጌ።

5 ኡባ ዎድያ መድና ጎዳይ ቱሙዋፕ ሀዋዳን ያጌ፤ “ታን ታ ኡጸያ ሀንቁዋን ሀራ ካዉተላቱዋ ቦላን ኤደማ ኡባ ቦላ ሃሳያድ፡ ኡንቱንቱ ዎዛናፕ ናሽቲደን ካዲደ፡ ታ ቢታ ባረንቶ አኬድኖ፤ ሄንላ ጋደቱዋካ ላቴድኖ።

6 ሄዋ ድራዉ፡ እስራኤልያ ቢታባ ትምቢትያ ኦዳ፡ ካዉተላቱዋ ቦርያ ድራዉ፡ ኡባ ዎድያ መድና ጎዳይ ሀንቁዋን ዎሽታደ ግያዎ ኡባ ደረቶ ዘዘቶ፡ ዛንጋራቶን ዎምባቶ ኦዳ።

7 ዩሹዋን ደእያ ካዉተላቱ ኡባይ ቦረታናዎ ታን ኡባ ዎድያ መድና ጎዳይ ቱሙዋፕ ጫቃደ ኡዳይ።

8 “ ሩ “ሸን ህንተኖ፡ እስራኤልያ ደረቶ፡ ህንተ ዳሻና፤ ታ አሳዉ እስራኤልያዉ አይፋና። አያዉ ጎፕ፡ ኡንቱንቱ ኤለካ ባረንቱ ቢታ ሰማና።

9 ታን ህንተና ደአይ፤ ታን ህንተኮ ሰማና፤ ህንተ ቢታይ ጎሽታናን ዘረታና።

10 ታን እስራኤልያ አሳ ፓይዳዎ ሀ ቢታን ዳርሳና፤ ካታማቱዋን አሳይ ደአና፤ ላላቴዳ ሳኦቱ ሰሚደ ግምቦታና።

11 ታን አሳካ መሀያካ ህንተ ቦላ ዳርሳና፤ ኡንቱንቱ የለታናን ጮራታና። በንዎዳንካ ህንተ ቦላ አሳይ ደአናዳን ታን ኦላና። ታን ህንተዉ ካሰዋፕ እድያ ሎኦባ ኦላና። ታን መድና ጎዳ ግድያዎ ህንተ ሄዋን ኤራና።

12 ታን ታ አሳይ እስራኤሊ ህንተ ቦላን ዛር ደአናዳን ኦላና። ላኤንላ ሄ ቢታይ ህንተ ናናቱዋ ዳይሰና። ኡንቱንቱ ህንተና ላታና፤ ህንተካ ኡንቱንቶ ላታ ግዳና” ያጌ።

13 “ ኡባ ዎድያ መድና ጎዳይ ሀዋዳን ያጌ፤ አሳይ ሄ ቢታ፡ ህንተ ካዉተላይካ ናኦይ ባይናዎ ኦሌዳ ህንተ ቢታይካ አሳ ዎምዎ ያግያዎ ቱማ።

14 ሄዋ ድራዉ፡ ሀዋፕ ሰንላናዉ ሀ ቢታቱ አሳ ሚክታን ህንተ ካዉተላ ናኦይ ባይናዎ ከሰክታ። ታን ኡባ ዎድያ መድና ጎዳይ ሀዋ ኦዳይ።

15 ቃይ ካዉተላቱዋ ቦርያ ሀዋፕ ሰንላናዉ ታን ህንተና ሰሰከ፤ ህንተ አሳ ዬላካ ሀዋፕ ሰንላናዉ ቶክክታ፤ ቃይ ሄ ቢታይ ህንተዉ ዱቦ ግዳና። ኡባ ዎድያ መድና ጎዳይ ሀዋ ኦዳይ ያጌ ያጋ” ያጊደ ዬዳ።

16 ቃይካ መድና ጎዳ ቃላይ ታኮ ሀዋዳን ያጊደ ዬዳ፤

17 “ላ አሳ ናኦዉ፡ እስራኤልያ አሳቱ ባረንቱ ቢታን ደእያ ዎደ፡ ኡንቱንቱ ባረንቱ ኦግያንን ባረንቱ ኦሱዋን ቢታ ቱንሴድኖ፤ ታ ሰንላን ኡንቱንቱ ኤሻይ ማጫ አሳ ፒላ ቱናተላ ማላ።

18 ኡንቱንቱ ቢታን ሱላ ጉሴዳ ድራዉን ባረንቱ ኤቃን ቢታ ቱንሴዳ ድራዉ፡ ታ ሀንቁዋ ኡንቱንቱ ቦላን ጉሳድ።

19 ታን ኡንቱንታ ካዉተላቱዋ ግደን ላላድ፤ ኡንቱንቱካ ቢታ ኡባን ላላቴድኖ። ታን ኡንቱንታ ኡንቱንቱ ኤሻዳንን ኡንቱንቱ ኦሱዋዳን ፕርዳድ።

20 ኡንቱንቱ ቤዳ ሳኦ ኡባን አሳይ ኡንቱንታ፡ ህዋንቱ መድና ጎዳ አሳቱዋ፤ ሸን ኡንቱንቱ አ ቢታፕ ከሴዳዋንታ” ያጌ፤ ሄዋን ኡንቱንቱ ታ ጌሻ ሱንላ ቱንሴድኖ።

21 ሸን እስራኤልያ አሳይ ቤዳ ካዉተላቱዋ ኡባ ግደን ቱንሴዳ ታ ጌሻ ሱንላባይ ታና ዎቹ።

22 “ሄዋ ድራዉ፡ ኔን እስራኤልያ አሳዉ ሀዋዳን ያጋ፤ ኡባ ዎድያ መድና ጎዳይ ሀዋዳን ያጌ፤ “ህንተኖ፡ እስራኤልያ አሳቶ፡ ታን ሀዋ ኦላያዎ፡ ህንተ ቤዳ ካዉተላቱዋ ኡባ ግደን ቱንሴዳ ታ ጌሻ ሱንላ ድራሳፕ አትና፡ ህንተ ድራሳ ግደና።

23 ህንተ ቱንሰና፡ ካዉተላቱዋ ግደን ቱኔዳ ታ ዎልቃማ ሱንላ ጌሻተላ ታን ቦሳና። ኡንቱንቱ ጼልሸን፡ ህንተ ባጋና ታን ታ ጌሻተላ ቦሰያ ዎደ፡ ታን መድና ጎዳ ግድያዎ ኡንቱንቱ ኤራና። ታን ኡባ ዎድያ መድና ጎዳይ ሀዋ ኦዳይ።

24 “ ሮ “እያው ጎጥ፣ ታን ህንተና ካወተላቱዋ ግደጥ ከሰላ፤ ቢታ ኡባጥካ ሸሻና። ህንተ ቢታ ዛራደ እሆና።

25 ታን ህንተና ጽሎ ሃላን ፑሻካና፤ ህንተካ ጌያና፤ ያታደ ህንተና ህንተ ቱናተላ ኡባጥን ህንተ ኤቃ ኡባጥ ጌሻና።

26 “ ሮ “ታን ህንተዉ ኦራሳ ዋዛና እማና፤ ኦራሳ እያናካ ህንተ ግደን ዋላና፤ ቃይ ሹቻ ዋዛና ህንተጥ ከሰላ፤ እሹዋ ዋዛና እማና።

27 ታን ታ እያና ህንተ ግደን ዋላና፤ ያታደ ህንተ ታ ዋጋ ካላናዳንን ታ ህግያ ሞንሲደ ናጋናዳን ኦላና።

28 ታን ህንተ ማይዛ አዋቶ እማዳ ቢታን ህንተ ደእና፤ ህንተ ታ አሳ ግዳና፤ ታንካ ህንተ ጸሳ ግዳና።

29 ህንተ ቱናተላ ኡባጥ ታን ህንተና አሻና፤ ካላይ ህንተዉ ዳራናዳን ኦላና፤ ኮሻካ ላኤንላ ህንተ ቦላ አሀከ።

30 ኮሻ ጋሱዋን ህንተ ካወተላቱዋ ግደን ካወሸናዳን፣ ታን ህንተ ሞላ አይፍያን ህንተ ሸይቃ ካላ ዳርሳና።

31 ሄ ዋደ ህንተ ህንተ ኢታ ኦግያን ህንተ ሎኦ ግደና ኦሱዋ ሀሳያና፤ ህንተ ናጋራን ህንተ ቱና ኦሱዋ ድራዉ። ህንተ ህንተና ሸነታና።

32 ታን ሀዋ ኡባ አላያዌ ህንተ ድራሳ ግደናዋ ኤርተ። ህንተኖ፣ እሰራኤልያ አሳቶ፣ ህንተ ህንተ ሀናታን ዬላትተነ ካወሸተ። ታን ኡባ ሞድያ መድና ጎዳይ ሀዋ ኦዳይ” ያጌ።

33 “ ኡባ ሞድያ መድና ጎዳይ ሀዋዳን ያጌ፤ “ታን ህንተና ህንተ ናጋራ ኡባጥ ጌሸያ ጋላሰ፣ ህንተ ካታማቱዋን ዛረሊደ አሳይ ደእናዳን ኦላና፤ ኮለቱዳዋንቱካ ሰሚደ ግምበታና።

34 አ ማታና አድያ አሳ ሰንላን መላ ግዲደ ደእያ ቢታይ መላ ግድያዋ አጊደ ጎሸታና።

35 አሳይ ሃሳዪደ፣ ሀዌ ካሰ መላ ግዴዳ ቢታይ ሀእ ኤደን ገነትያ ማላ ግዴዳ፤ ካሰ ኮለቱዳ፣ አሳይ ደኤናን መላ ካታማቱካ ሀእ ዩሹ ግምበቱዳን አሳይ ደእያ ካታማቱዋ ግዴድኖ ያጋና።

36 ሄ ዋደ ህንተ ዩሹዋን ደእያ አቱዳ ካወተላቱ፣ ታን መድና ጎዳይ ኮለቱዳ ካታማቱዋ ዛራደ ኬጾዳዋን መላ ቢታይ ሰሚደ ካላ ሞካናዳን ኦሴዳዋ ኤራና። ታን መድና ጎዳይ ሀዋ ኦዳድ፤ ታን ኦዳዳዋ ታንካ ኦላና” ያጌ።

37 “ ኡባ ሞድያ መድና ጎዳይ ሀዋዳን ያጌ፤ “እሰራኤልያ አሳይ ቃይካ እት ገደነ ታና ማዲዋ ኦቻናዳን ኦላና፤ ያታደ ኡንቱንቱ ፓይዲዋ ዉድያዳን ጮርሳና።

38 ያርሸያ መሀያ ዉድያዳን፣ ዩሩሳላመን ባላ ጋላሳን ያርሸ ሸሺዳ ዉድያዳን፣ ኡንቱንቱ ኮለቱዳ ካታማቱዋን አሳ ዉዲ ኩማና። ታን መድና ጎዳ ግድያዋ ኡንቱንቱ ሄ ዋደ ኤራና” ያጌዳ” ያጋ” ያጊደ ዬዳ።

37

መላ መቀላይ ደእያ ዛንጋራ

36:26 ህዘ. 11:19-20 37:10 ሳፃ 11:11

1 መድና ጎዳ ኩሺ ታ ቦላ ዋዴዳ፤ እ ታና መድና ጎዳ እያናን ከሲደ፣ መቀላይ ኩም ኡቱዳ ዋምባን ዋሴዳ።

2 እ ታና ኡንቱንቱ ግደን ያን ሃን ካለሌዳ፤ ታንካ ክንቶል መሌዳ ዳር መቀላቱ ኩማዳዋንታ ዋምባ ግደን በአድ።

3 እ ታና፣ “ላ አሳ ናአዉ፣ ሀ መቀላቱ ሰሚደ፣ ፓጻ ሸምቱዋና ደእናዉ ዳንዳዪኖ?” ያጌዳ።

ታን፣ “ኡባ ሞድያ መድና ጎዳዉ፣ ሀዋ ኔን ኤራሳ” ያጋድ።

4 እ ታና ሀዋዳን ያጌዳ፤ “ሀ መቀላቶ ሀዋዳን ያጋደ ትምቢትያ ኦዳ፤ ህንተኖ፣ መላ መቀላቶ መድና ጎዳ ቃላ ሰሰተ።

5 ኡባ ሞድያ መድና ጎዳይ ሀ መቀላቶ ሀዋዳን ያጌ፤ “ታን ሸምቱዋ ህንተ ግደ ገልሳና፤ ያቶጥ ህንተ ፓጻ ደእና።

6 ታን ህንተ ቦላ ግልዳይያ (ጸጵቱዋ) ዋላደ፣ አሹካ ህንተ ቦላ ሰማናዳን ኦላደ፣ ህንተና ጋልባ ማይዛና። ህንተ ፓጻ ሸምቱዋና ደእና ማላ፣ ታን ህንተ ግደ ሸምቱዋ ገልሳና። ሄ ዋደ ህንተ ታን መድና ጎዳ ግድያዋ ኤራና” ያጌ’ ያጋ” ያጌዳ።

7 እ ታና አዛዜዳዋዳን ትምቢትያ ኦዳድ፤ ታን ትምቢትያ ኦድሸን፣ ቃልጭቃልጭያ ኮሻይ ሰሰቱዳ፤ ቃይ መቀላቱ ሸቂደ፣ ባረ ሳኦን ሳኦን ኦይቀቱድኖ።

8 ታን ጾልያ ዋደ፣ ኡንቱንቱ ቦላን ጸጵቱ ደእና፤ አሹካ ኡንቱንቱ ቦላን ሰማዳ፤ ጋልባካ ማዬድኖ፤ ሸን ሸምቱ ኡንቱንቱን ደኤና።

9 ያትና፣ እ ታና ሀዋዳን ያጌዳ፤ “ላ አሳ ናአዉ፣ ጫርኮ ትምቢትያ ሀዋዳን ያጋደ ኦዳ፤ ኡባ ሞድያ መድና ጎዳይ ሀዋዳን ያጌ፤ “ኔና፣ ጫርኮ፣ ኦይዱ ዘዘያናካ ሃያ፤ ኡንቱንቱ ሸምቱዋና ደእናዳን፣ ሀ ሀይቄዳዋንቱ ግደ ዛራደ ቸና” ያጌ’ ያጋ” ያጌዳ።

10 እ ታና አዛዜዳዋዳንካ፣ ታን ትምቢትያ ኦዳድ፤ ሸምቱ ኡንቱንቱ ግደ ገልና ፓጺደ፣ ሎይሳ ዳር ኦላንቻቱዋ ግዲደ ኤቄድኖ።

11 ሄዋጥ ጉይያን፣ እ ታዉ ሀዋዳን ያጌዳ፤ “ላ አሳ ናአዉ፣ ሀ መቀላቱ ኩመንሳ እሰራኤልያ አሳ ሌምሶ፤ እሰራኤልያ አሳይካ፣ ኑ መቀላቱ መሌድኖ፤ ኑ ሰንላ ናሸቻይካ ክቼዳ፤ ኑን ኡባና ቆይዶ” ያጊኖ።

12 ሄዋ ድራዉ፣ ኡንቱንቶ ሀዋዳን ያጋደ ትምቢትያ ኦዳ፤ ኡባ ሞድያ መድና ጎዳይ ሀዋዳን ያጌ፤ “ህንተኖ፣ ታ አሳቶ፣ ታን ህንተ ዱፋዋ ደያና፤ ህንተና ሄዋጥ ከሰላ፤ ታን ህንተና ዛራደ፣ እሰራኤልያ ቢታ አሆና።

13 ታ አሳቶ፣ ታን ህንተ ዱፋዋ ደይያ ዋደን ህንተና ከሰያ ዋደ፣ ታን መድና ጎዳ ግድያዋ ህንተ ኤራና።

14 ታን ታ እያና ህንተ ግደን ዋላና፤ ህንተ ፓጻ ደእና። ቃይ ታን ህንተና ህንተ ቢታን ዋላና። ሄ ዋደ ታን መድና ጎዳይ ኦድያዋን ኦዳደ ኦሴዳዋ ህንተ ኤራና። ታን መድና ጎዳይ ሀዋ ኦዳይ” ያጌ’ ያጋ” ያጌዳ።

እት ካትያን እት አሳ

38

15 ዛሬደካ መድና ጎዳ ቃላይ ታኮ ሀዋዳን ያገደ ዬዳ፤

16 “ላ አሳ ናአው፡ እት ሞላ ጸምኦ አካደ፡ አ ቦላ፡ ሳህዌ ይሁዳዋን አናና ደእያ እሰራኤልያ አሳዋ” ያገያዋ ጸፋ። ቃይ ሀራ ጸምኦ አካደ፡ አ ቦላ፡ ሳህዌ ኤፍሬማዋ፤ እካ ቃይ ዮሴፎዋን አናና ደእያ እሰራኤልያ አሳዋ” ያገያዋ ጸፋ።

17 ሄዋፕ ጉይያን፡ ኤንቱንቱ ነ ኩሽያን እት ጋትማ ግዳናዳን፡ ኤንቱንቱ ላኡዋ እትፕ ጋላ።

18 “ነ ቢታ አሳይ ኔና፡ ሳህዌ ኔን ኦልያዌ አዬ? ኑዉ ብለላ ኦዳ” ያገደ ኦኝያ ዋደ፡

19 ኤንቱንቶ ሀዋዳን ያገ፤ ሳህዌ ሞድያ መድና ጎዳይ ሀዋዳን ያገ፤ “ታን ኤፍሬማ ኩሽያን ደእያ ዮሴፎ ጋትማን አናና ደእያ እሰራኤልያ ዛራቱዋ አካናዉ ሀናይ፤ አካደ ኤንቱንቱ ላኡዋ እት ጋትማ ኦላናዉ፡ ይሁዳ ጋትማና ጋላና። ያቶፕ ኤንቱንቱ ላኡ ታ ኩሽያን እቱዋ ግዳና” ያገ፡ ያገ።

20 “ሄ ኔን ኤንቱንቱ ቦላ ጸፊዳ ላኡ ጋትማቱዋ ኤንቱንቱ ሰንላን ኦይቃደ፡

21 ኤንቱንታ ሀዋዳን ያገ፤ ሳህዌ ሞድያ መድና ጎዳይ ሀዋዳን ያገ፤ “እሰራኤልያ አሳ ኤንቱንቱ ቤዳ ካዉተላቱዋ ግደፕ ከሳና፤ ታን ኤንቱንታ ኡባ ሳፕ ሸሻደ፡ ኤንቱንቱ ቢታ ዛራደ እሀና።

22 እሰራኤልያ ደረቱዋ ቦላ፡ ኤንቱንቱ ቢታን ታን ኤንቱንታ እት ካዉተላ ኦላና፤ ኤንቱንቱ ኡባ ቦላ እት ካቱ ካተታና። ቃይ ኤንቱንቱ ላኤንሎ ላኡ ቢታ ከሰክና፤ ዋይ ላኡ ካዉተላ ግዲደ ሻከትክና።

23 ሄዋፕ ጉይያን፡ ኤንቱንቱ ባረንቱ ኤቃቱዋን ባረንቱ ሸነይያባቱዋን፡ ዋይ ባረንቱ ናቁዋን ባረንታ ቱንሰክና። ዋኒደ ጎፕ፡ ታን ኤንቱንታ ኤንቱንቱ ጉዮ ሰሜዳ ናጋራ ኡባፕ አሻና፤ ቃይ ታን ኤንቱንታ ጌሻና። ኤንቱንቱ ታ አሳ ግዳና፤ ታንካ ኤንቱንቱ ጸሳ ግዳና።

24 “ ሳህዌ ሳህዌ ዳውት ኤንቱንቶ ካትያ ግዳና፤ ኤንቱንቶ ኡባዉ እት ሄንላንቻ ጸላላይ ደእና። ኤንቱንቱ ታ ሀግያ ካላና፤ ታ ዋጋካ ሞንሲደ ናጋና።

25 ታን ታ ቆማ ያቆባዉ እሜዳን ህንተ ማይዛ አዋቱ ደኤዳ ቢታን ኤንቱንቱ ደእና። ሄ ቢታን ኤንቱንቱ፡ ኤንቱንቱ ናናቱን ኤንቱንቱ ናናቱዋ ናናቱ መድናዉ ደእና፤ ታ ቆማይ ዳውት ኤንቱንቱ ቦላን መድናዉ ካቱዋ ግዳና።

26 ታን ኤንቱንቱና ሳርተላ ጫቁዋ ጫቃታና፤ ሄ ጫቁካ ኤንቱንቱና መድና ጫቁዋ ግዳናዋ። ታን ኤንቱንታ ሞንሳደ ኤሳና፤ ኤንቱንቱ ፓይዲዋካ ጮርሳና፤ ታ ጌሻ ጎልያካ መድናዉ ኤንቱንቱ ግደን ዋላና።

27 ያታደ ታን ሄዋን ኤንቱንቱና ደእና። ታን ኤንቱንቱ ጸሳ ግዳና፤ ኤንቱንቱካ ታ አሳ ግዳና።

28 ታ ጌሻ ጎሊ ኤንቱንቱ ግደን መድናዉ ደእያ ዋደ፡ እሰራኤላቱዋ ጌሽያዌ ታና፡ መድና ጎዳ ግድያዋ ካዉተላቱ ኤራና” ያገ፡ ያገ” ያገደ ዬዳ።

ጎጋ ቦላ ኦይቱዳ ትምቢትያ (38:1—39:29)

1 መድና ጎዳ ቃላይ ታኮ ሀዋዳን ያገደ ዬዳ፤

2 “ላ አሳ ናአው፡ ማጎጋ ቢታን ደእያ ጎጋኮ፡ መሸካን ቱባላ አሳዉ ዋና ካቱዋኮ ሰማደ፡ አ ቦላ ትምቢትያ ኦዳ።

3 ሀዋዳን ያገ፤ ሳህዌ ሞድያ መድና ጎዳይ ሀዋዳን ያገ፤ ሳህዌ ሳህዌ፡ መሸካን ቱባላ አሳዉ ዋና ካፖ፡ ታን ነዉ ሞርከ።

4 ታን ኔና ጉዮ ዛራና፤ ነ ጎሳጩዋን ማጋ ገልሳደ፡ ኔና ነ ኩመንላ ኦላንቻቱዋና፡ ነ ፓራቱዋና፡ ኩመንላ ኦላ ሚሻ ማዬዳ ነ ፓራ አሳቱዋናን ባረንቱ ማሻ ለለሰያ፡ ዋልቃማን ጉላ ጎንዳልያ ኦይቁዳ ጉይተ አሳና ኔና ጎቻደ ከሳና።

5 ፓርሰፕ፡ ቶጵያፕኒ ሊብያፕ ዬዳ አሳይ ጎንዳልያ ኦይቁደ፡ ሁጲያን ብራታ ቆብያ ዋሊደ፡ ኤንቱንቱና ግዳና። *

6 ቃይ ጎመርን አ ኦላንቻቱ ኡባይ፡ ሁጲሳ ጋጸን ቤት-ቶጋርሞን አ ኦላንቻቱ ጉይቲ፡ ሄ ጮራ አሳቱ ኔና ግዳና።

7 “ ሳህዌ ኔኮ ሸቁዳ አሳይ ኡባይ ጊግተ፤ ህንተና ማክተ። ያታደ ኔን ኤንቱንታ አዛዝያዋ ግዳና።

8 ዳር ዋድያፕ ጉይያን፡ ኔን ኮዮታና፤ ሰንላፕ ያና ላይላቱዋን ኔን ዳር ዋድያ መላ ግዲደ ደኤዳ ቢታ፡ ኦላፕ ሸምፔዳ ቢታ፡ እን አሳይ ዳር ካዉተላቱዋፕ እሰራኤልያ ደረቱዋኮ ሸቁዳ ቢታ ገሌዳ። ኤንቱንቱ ዳር ካዉተላቱዋፕ ሸቁዳዋንታን ኡባይካ ሀእ ሳሩዋን ደእያዋንታ።

9 ኔን፡ ነ ኦላንቻቱን ኔናና ደእያ ዳር ካዉተላቱ ጎትያዳን ደንዳና፤ ህንተ ሻርያዳን፡ ቢታ ካማና ” ያገ።

10 ኡባ ሞድያ መድና ጎዳይ ሀዋዳን ያገ፤ “ሄ ዋደ ቆፋይ ነ ዋዛና ግደ ዪና፡ ኔን ኢታባ ሀልቻና።

11 ኔን ሀዋዳን ያገና፤ ሳህዌ ሄ ድረትቤና ቁር ካታማቱ ደእያ ቢታ ገላደ፤ ሄ ዋፑ ጊደ፡ ሀርግ ባይናን ደእያ አሳቱዋ፡ ኤንቱንቶ ኡባዉካ ድርሳ፡ ፕንጊ ዋይ ኩሉቡ ባይናዋንታ ታን ኦላና።

12 ታን ኤንቱንታ ኦሞዳናን ቦንቃና፤ ካሰ መላ ግዴዳ ቢታ ሰሚደ ኡቱዳ፡ ካዉተላቱዋ ግደፕ ሸቁዳ፡ ሚዛን ሚሻ ሞዴዳ፡ ቢታዉ ጉልኦን ኡቱዳ አሳ ቦላን ታ ኩሽያ ደንላና ያገና።

13 ሳባ አሳይ፡ ዳዳና አሳይን ታርሴሰ ካታማቱዋ ዛልኦንቻቱ ያላጋ ኦላንቻቱ ኡባይ፡ ኔን ቦንቃናዉ ያድ? ኔን ነ ኦላንቻቱዋ ኦሞዴዋ ቶሳናዉ፡ ብራን ዋርቃ አፍሳናዉ፡ ሚዛን ሚሻ አካናዉን ሎይሎ ዳር ኦሞዴዋ ኦይቃናዉ ሸሻዲ? ያገና ያገ።

14 ሄዋ ድራዉ፡ “አሳ ናአው፡ ጎጋ ቦላ ትምቢትያ ኦዳ። ሀዋዳን ያገ፤ ሳህዌ ሞድያ መድና ጎዳይ ሀዋዳን ያገ፤ ሄ ዋደ፡ ታ አሳይ እሰራኤሊ ሀርግ ባይናን ደእያ ዋደ፡ ኔን አኬካና።

37:24 ህዘ. 34:24 37:27 2 ቆር. 6:16፤ ሳፃ 21:3 38:2 ሳፃ 20:8 * 38:5 ሊብያፕ- አብራዌላዋን ሄ ቢታይ “ፑጸ” ጌተቱ።

15 ኔን ደእያ ሁጲሳ ጋጸ ቢታጥ ያና። ኔንነ ኔናና ጮራ ካወተላቱ ፓራ ቶጊደ፣ ሞኖ ኦላንቻ ግዲደ፣ ጉይቲ ያና።

16 ቢታ ካምያ ሻርያዳን፣ ኔን ታ አሳ እሰራኤልያ ቦላ አላና። ላ ጎጋ፣ ሰንሳጥ ያና ወደ፣ ታን ኔና ታ ቢታ ቦላ ወራጅሳና። ሄዋ ታን አልያዌ ካወተላቱ ታና ኤራናሳን ታን ነ ባጋና አልያዋን ታ ጌሻተላይ ኤንቱንቱ ሰንሳጥ ቤታናሳ ” ያጌ።

17 ኡባ ሞድያ መድና ጎዳይ ሀዋዳን ያጌ፤ “ታን ታ ቆማቱዋ ባጋና፣ እሰራኤልያን ትምቢትያ አድያዋንቱ ባጋና ካሰ አጄዳ ወደ ኦዴዳዌ ኔና። ኤንቱንቱ ሄ ወደ ዳር ላይላ ታን ኔና ኤንቱንቱ ቦላ አሀናዋ ኦዴድና” ያጌ።

ጎጋ ቦላ ይያ ፕርዳ

18 ኡባ ሞድያ መድና ጎዳይ ሀዋዳን ያጌ፤ “ጎጋ እሰራኤልያ ቦላ ገልያ ወደ፣ ታ ሀንቁ ሱላና።

19 ሄ ወደ እሰራኤልያ ቢታን ወልቃማ ቢታ ቃላይ ሀናና፤ ሄዋ ታን ታ ሞሹዋንነ ታ ኤጽያ ሀንቁዋን አዋያይ።

20 አባ ሞሊ፣ ሳሉዋ ካፋ፣ ደርያን ደእያ መሀነ ደአይ፣ ሳኦ ቦላን ወጽ ቃጽያ መታ ኡባይነ ሳኦን ደእያ አሳይ ኡባይ ታ ሰንሳጥ ኮኮራና። ደረቱ ኩንዳና፤ አፎቱካ ወዳና፤ ቃይ ድርሳ ግምቢ ኡባይካ ኮለተና።

21 ታን ታ ደረቱዋ ኡባን ጎጋ ቦላ ማሻይ ደንዳናዳን አላና፤ ኦላንቻቱ ባረንቱ ማሻ ባረንቱ ቦላ ዛሪደ፣ እቱ እቱዋ ሲፋና። ታን ኡባ ሞድያ መድና ጎዳይ ሀዋ ኦዳይ።

22 ታን ኢታ ሀርግያንነ ሀይቁዋን አ ሙራና፤ ቃይ ወልቃማ እራ፣ ሻቻ፣ ኤጽያ ዲንያ ታን አ ቦላ፣ አ ኦላንቻቱዋ ቦላን አናና ደእያ ጮራ ካወተላቱዋ ቦላ ቡክሳና።

23 ሄዋዳን አላደ፣ ታን ታ ግታተላን ታ ጌሻተላ በሳና። ቃይ ዳር ካወተላቱዋ ታን ታናተላ ኤርሳና። ታን መድና ጎዳ ግድያዋ ኤንቱንቱ ሄዋን ኤራና” ያጌ ያጋ።

39

ጎጋ ጸነታና

1 “ኡባ ሞድያ መድና ጎዳይ ሀዋዳን ያጌ፤ ላ አሳ ናአዉ፣ ጎጋ ቦላ ትምቢትያ ኦዳ። ሀዋዳን ያጋ፤ “መሸካነ ቱባላ አሳዉ ዋና ካፖ ጎጋ፣ ታን ነዉ ሞርከ።

2 ታን ኔና ጉዩ ዛራና፤ ሁጲሳ ሃኮ ቢታጥ ጎቻ ከሳደ፣ እሰራኤልያ ደረቱዋ ቦላ ታን ኔና አሀና።

3 ሄዋጥ ጉይያን፣ ታን ነ ሀድርሳ ኩሽያጥ ዋንዳፍያ፣ ነ ኡሸቻ ኩሽያጥ ዋንዳፍያ ፖላ ሸጫደ አልሳና።

4 ኔን፣ ነ ኦላንቻቱን ኔናና ደእያ ካወተላቱ ኡባይ እሰራኤልያ ደርያ ቦላን ኩንድ አታና። ታን ሀንተ አሹዋ ሞያ ካፎቶነ ባዙዋ ደአቶ ቁማ አላደ እማና።

5 ታን ኡባ ሞድያ መድና ጎዳይ ኦዴዳ ድራዉ፣ ሀንተ ሞልጽ ጌዳ ደምባን ኩንድ አታና።

6 ማጎጋ ቢታንነ አባ ደናን፣ ሀርግ ባይናን ኡቱዳ አሳ ቦላን ታን ኤጽያ ታማ ዩዳና። ታን መድና ጎዳ ግድያዋ ኤንቱንቱ ሄዋን ኤራና።

7 ታን ታ ጌሻ ሱንሳይ ታ አሳ እሰራኤልያ ግድን ኤረታናዳን አላና። ሀዋጥ ሰንሳጥ ታ ጌሻ ሱንሳይ ሸቀተና። ሄዋጥ ጉይያን፣ ካወተላቱ ታን መድና ጎዳ፣ እሰራኤልያ ጌሻ ግድያዋ ኤራና” ያጋ ያጌ።

8 “ኡባ ሞድያ መድና ጎዳይ ሀዋዳን ያጌ፤ ላ ሄ ጋላሳይ ያና፤ አተና” ያጋደ ታን ኦዴዳ ጋላሳይ ሀዋ።

9 ሄ ወደ እሰራኤልያ ካታማቱዋን ደእያ አሳይ ከሲደ፣ አላ ማሻቱዋ ኡባ ታማን ኤላና፤ ሄዋንቱካ ወልቃማን ጉላ ጎንዳለቱዋ፣ ዋንዳፈቱዋን ማሻቱዋ፣ ቶራቱዋን ዲላቱዋ። ላፑን ላይላ ኩመንሳ ኤንቱንቱ ሄዋንታ ኤልያ ሞላ ከሲደ ጎኤታና።

10 ኤንቱንቱ ሞላ ሞጻናዉ ወይ ወራጥ ኤልያ ሞላ ቃንጻናዉ ኮሸና። አያዉ ጎጥ፣ ኤንቱንቱ ሺሼዳ ኦላ ማሻቱዋ ኤልያ ሞላ ኦሊደ ጎኤታና። ባረንታ ቦንቄዳዋንታ ኤንቱንቱ ቦንቃና፤ ባረንቱባ አኬዳዋንቱ ኤንቱንቱዋ አካና። ታን ኡባ ሞድያ መድና ጎዳይ ሀዋ ኦዳይ።

11 “ ሄ ጋላሳ ጎግ ሞገትያ ሳኦ ታን አዉ እሰራኤልያ ቢታን እማና። ሄ ሳኦይ አባጥ አዋይ ደልያ ባጋና ደእያ ኦግያ አሳቱዋ ወምባ ግያ ወምባ ግድና ግዳናዋ። ጎግነ አ ኦላንቻቱ ኡባይ ሄዋን ሞገትያ ድራዉ፣ ኤንቱንቱ ዲፋ ሄዋና ሀመትያ አሳዉ ኦግያ ጎርዳና። ሄ ሳኦይካ ቃይ፣ “ጎጋ ኦላንቻቱዋ ወምባ” ጌተቲደ ጸገታና።

12 ሄዋጥ ጉይያን፣ እሰራኤልያ አሳይ ቢታ ጌሻናዉ፣ ላፑን አግና ኩመንሳ ሄ አሃ ሞጊደ ጋምኦና።

13 ሄ ቢታን ደእያ አሳይ ኡባይ አሃ ሞግያዋን ማደታና፤ ሄዋ ድራዉ፣ ታን ታ ቦንቄዋ ቆንጭሰያ ወደ ኤንቱንቶ ቦንቄ ሱንሳ ግዳናዋ። ታን ኡባ ሞድያ መድና ጎዳይ ሀዋ ኦዳይ።

14 ላፑን አግናጥ ጉይያን፣ አቱዳ አሃይ ደአጥ፣ ቢታይ ጌያናዳን፣ ዩይ ዩዪደ አቱዳ አሃ ኮይ ሞጋናዉ፣ አሳይ ደረታና።

15 ኤንቱንቱ ቢታን ዩይሸና፣ አሳ መቀላይ ቤቶጥ፣ ሄ መቀላ ሞይያን ማላታ ዋላና። ሞግያዋንቱ ዩደ፣ ጎጋ ኦላንቻቱዋ ወምባን ሞጋና።

16 ሄዋዳን አላና ቢታይ ሰሚደ ጌያና። ሄዋ ሄራን፣ “ኦላንቻቱዋ ካታማ” ጌተት ጸገትያ ካታማይ ደአና” ያጌ።

17 “ኡባ ሞድያ መድና ጎዳይ ሀዋዳን ያጌ፤ ላ አሳ ናአዉ፣ ካፋዋ ዛረ ኡባን ሳኦ ደአቱዋ ኡባ ሀዋዳን ያጋደ ጸሳ፤ “ታን ሀንተዉ እሰራኤልያ ደረቱዋ ሁጲያን ገግሴዳ ወልቃማ ያርሹዋ ኡባ ሳጥ ሸቂደ፣ እትጥ ሃይተ። ሄዋን ሀንተ አሹዋ ማና፤ ሱላካ ኡሻና።

18 ሀንተ ሞኖ አሳቱዋ አሹዋ ማና፤ ቢታ ካፖቱዋ ሱላካ ኡሻና። ኤንቱንቱ ሀንተዉ ደርሳ ጋልሳ፣ አንቃራ ደርሳ፣ ዴሻ ኮልያን አርዶ ቦራ ማላ ግዳና። ኤንቱንቱ ኡባይካ ጳከቱዳ ባሳን መሄቱዋ ማላ።

19 ታን ህንተው ገገሰያ ያርሹዋጥ ካላና ጋካናው፡ ሞዲዋ ህንተ ማና፤ ቃይ ማጾታና ጋካናው፡ ሱላ ህንተ ኡሻና።

20 ታን ህንተው አልያ ማዳጥ ፓራቱዋ፡ ፓራ አሳቱዋ፡ ሞና አሳቱዋን ዲማ ዲማ ቆሞ ዋታዳራቱዋ ህንተ ጋንጂ ካላና ጋካናው ህንተ ማና” ያጋደ ጸላ። ኡባ ሞድያ መድና ጎዳይ ሀዋ ኦዳይ።

21 “ ታን ካወተላቱዋ ግደን ታ ቦንቹዋ ቆንጭሳና። ቃይ ታን ሙርያ ሙሩዋን ታን ኡንቱንቱ ቦላን ደንጮዳ ታ ኩሽያ ካወተላቱ ኡባይ በአና።

22 ሄ ጋላሳጥ ደሚደ፡ እስራኤልያ አሳይ ታን መድና ጎዳ ኡንቱንቱ ጸላ ግድያዋ ኤራና።

23 ቃይ እስራኤልያ አሳይ አሞዲዋን ቤዳዌ ባረንቱ ናጋራ ጋሱዋና ግድያዋ ሀራ ካወተላቱ ኤራና። ኡንቱንቱ ታው አማነተናን እጹዳ ድራው፡ ታን ታ ሶምኡዋ ኡንቱንቱጥ ገንፋደ፡ ኡንቱንታ ኡንቱንቱ ሞርከቶ አላደ አማድ፤ ኡንቱንቱ ኡባይካ ኦላን ሀይቂ ወሬድኖ።

24 ኡንቱንቱ ቱናተላን ኡንቱንቱ ኢታተላ ኬሻ ኡንቱንቶ በሰያ ሙሩዋ ሙራድ፤ ታ ሶምኡዋካ ኡንቱንቱጥ ገንፋድ” ያጌ።

25 “ኡባ ሞድያ መድና ጎዳይ ሀዋዳን ያጌ፤ ሀእ ታን ያቆባ ዛራቱዋ አሞዲዋጥ ዛራደ ዱሪያና፤ ቃይ እስራኤልያ አሳ ኡባው ቃረታና። ታን ታ ጌሻ ሱንጻይ ሸቀተናዳን አላና።

26 ኡንቱንቱ ኡንቱንታ ያሸያዌ እቱን ባይና ሳን፡ ባረንቱ ቢታን ሳር ደኡሳ ደምያ ዋደ፡ ካሰ ባረንቱ ዬላን ታው ኡንቱንቱ አማነተናን እጹዳዋ ደጋና።

27 ታን ኡንቱንቱ ካወተላቱዋ ኡባ ግደጥ ዛራደ አሀና፤ ቃይ ኡንቱንቱ ሞርከቱዋ ቢታጥካ ኡንቱንታ ሸሻና። ሄዋዳን አላደ፡ ታን ጌሻ ግድያዋ ኡንቱንቱ ባጋና ካወተላቱዋ ኡባ በሳና።

28 ታን ኡንቱንቱ ካወተላቱዋ ግደ ኦሞዶ የዳዳ ድራውን ኡንቱንታ ሸሻደ፡ ኡንቱንቱ ቢታ ዛራዳ ድራው፡ ታን መድና ጎዳ ኡንቱንቱ ጸላ ግድያዋ ኡንቱንቱ ኤራና። ታን ኡንቱንቱጥ እቱዋን ካወተላቱዋ ግደን እግከ።

29 ታን ታ አያና እስራኤልያ አሳ ቦላ ጉሳና፤ ላኤንላ ታ ሶምኡዋ ኡንቱንቱጥ ኡባካ ገንሐከ። ታን ኡባ ሞድያ መድና ጎዳይ ሀዋ ኦዳይ” ያጌ ያጌደ ዬዳ።

ያናው ደእያ ጌሻ ጎልያን ቢታ ሳፃ

40

(40:1—48:35)

ህዝቁል ሳጸን የሩሳላመ ቤዳ

1 ኩን አሞደቱዳ ላታማን እቱሸንላ ላይላን፡ የሩሳላመ ጸንቱዳ ታማን ኦይደንላ ላይላን፡ ኦራላ ላይላይ ገሌዳ ኮይር አግናን ታማንላ ጋላሳን፡ መድና ጎዳ ዋልቃይ ታ ቦላ ደኤ። እ ታና ደንሐደ የሩሳላመ አፌዳ።

2 ጸላ ሳጸን እ ታና እስራኤልያ ቢታ አፊደ፡ እት ዳር ጶቃ ደርያ ሁጲያን ኤሴዳ። ሄ ደርያጥ

ገድሳ ባጋና ካታማ ማላትያ ግምቢያ ጎለቱዋ በአድ።

3 እ ታና ያ እኪደ አፌዳ፤ ታን ናሰያ ብራታዳን ጸልያ እት ብታንያ በአድ። ሄ ብታኒ ሊኑዋጥ ኦሰቱዳ ሜትርያን ልክያ ጸምእ ኦይቂደ፡ ድርሳ ጥንገን ኤቄዳ።

4 እ ታና ሀዋዳን ያጌዳ፤ “ላ አሳ ናአው፡ ኔና ታን ሀ ሳኦ አሄዳዌ ታን ኔና በሰያዋ ኡባ ኔን ሞንሳ አኬካናሳ። ሄዋ ድራው፡ ነ አይፍያን ጸላ፤ ነ ሀይላን ሰሳ፤ ነ ዋዛናን ዋላ። ኔን በእያዋ ኡባ እስራኤልያ አሳው ኦዳ” ያጌዳ።

አዋይ ደልያ ባጋ ጥንግያ

5 ታን ጌሻ ጎልያ ኡባና ዩይ አዴዳ ድርሳ ግምቢያ በአድ። ሄ ብታንያ ኩሽያን ልክያ ኡሱፑን አዲሳ ዋቆ ጸምእይ ደኤ። እት አዲሳ ዋቆይ እት ዋቆ ቦላ ኦይዱ ብራቱዋ ጉጂዳዋ። እ ግምቢያ ልኬዳ፤ ግምቢያው ጌሳይ 6 ዋቆ፤ ጎምፓይካ 6 ዋቆ ግዴዳ።

6 ሄዋጥ ጉይያን፡ አዋይ ደልያ ባጋና ደእያ ድርሳ ጥንግያኮ ቤዳ። ደላቱዋ ፑደ ከሲደ፡ ጥንግያ ጎጭላ ልክና 6 ዋቆ ግዴዳ።

7 ሄዋጥ አድና፡ ሎሱኑ ኡሸታናን ሀድርሳና ጥንግያ ናግያዋንቱ ኤቄያ ሄዙ ሄዙ ክፍለቱ ደእና፤ እት እት ክፍሊ 6 ዋቆ አዲሳን 6 ዋቆ አካ። ኡንቱንቱ ግደን ደእያ ጎዳቱ 5 ዋቆ ኦርዱዋ። ጥንግያ ናግያዋንቱ ክፍለቱዋጥ ያ ባጋና፡ ጌሻ ጎልያ ጸልያ ባራንዳ ጎጭላይ 6 ዋቆ።

8 ሄዋጥ ጉይያን፡ ሄ ብታኒ ገልያሳ ባራንዳ ልኬዳ፤ 8 ዋቆ ግዴዳ።

9 ሄዋ ጌሻ ጎልያ ጸልያ ጥንግያ ወርሰላን ደኤ። ሄ ባራንዳ ቆሰለላቱዋ ኦርዶተላይ ላኡ ላኡ ዋቆ።

10 አዋይ ደልያ ባጋ ጥንግያን ሶ ባጋና፡ ገልያ ሎሱዋ ጥንግያ ናግያዋንቱ ክፍለቱ፡ ሀ ባጋና ሄዙ ያ ባጋና ሄዙ ደእና። ኡንቱንቱ ጎምፓይ ኡባዌካ ቃራ፤ ኡንቱንታ ሻክያ ድርሳ ግምቢያ ኦርዶተላይካ ቃራ።

11 ሄዋጥ ጉይያን፡ ሄ ብታኒ ድርሳ ጥንግያ አድና ሳኦ ጎምፓ ልኬዳ፤ ኡባና 10 ዋቆ ግዴዳ። ጥንገቱዋጥ ግዲዋን ደእያ ሎሱ 13 ዋቆ።

12 እት እት ጥንግያ ናግያዋንቱ ክፍልያ ሰንላን ደእያ ግምቢያ ጌሳይ እት ዋቆ፡ ጎምፓይካ እት ዋቆ ግዴዳ ጎዳይ ደኤ፤ ናግያዋንቱ ክፍለቱ ላኡ ባጋናካ ኡሱፑን ኡሱፑን ዋቆ።

13 ሀፍንላን ደእያ ናግያዋንቱ ክፍለቱዋ ጉዩ ጋጸጥ ሄፍንላን ደእያ ናግያዋንቱ ክፍለቱዋ ጉዩ ጋጸ ጋካናው ደእያ ሳኦ ልክና 25 ዋቆ ግዴዳ።

14 ሄ ብታኒ ዳባባ ጸልያ ወርሰላ ክፍልያ ልክና 20 ዋቆ ግዴዳ።

15 ጥንግያ ገልያ ሳጥ ቢደ፡ ህን ወርሰላን ደእያ እ ባራንዳ ጋካናው ደእያ አድሳተላይ 50 ዋቆ።

16 ክፍለቱዋ ኡባን ካረ ባጋ ጸልያ ጉላ ጉላ ማሰኮተቱ ደእና፤ ቃይ ክፍለቱዋጥ ግዲዋን ደእያ ጎዳውካ ማሰኮተቱ ደእና። ያን ሃን ሻክያ ጎዳቱዋ ቦላን ዛምባ ሞሰሊ መቅ ኡቱዳ።

ካረ ዳባባ

17 ሃዋጥ ጉይያን፣ ሄ ብታኒ ታና ካረ ዳባባኮ አፌዳ። ሃዋን ታን ዳባባ ዩሹዋን ሹቻ ሂጸቴዳ ባሱዋን ሄ ባሱዋ ዩሹዋን ኬጸቴዳ ሀታሙ ክፍለቱዋ በእድ።

18 ሹቻይ ሂጸቴዳ ባሱ ዳባባ ዩሹዋ ኡባ ጋኬዳ፤ ሃዋ ካረ ዳባባይ ግዶ ዳባባጥ ዝቄ።

19 ግዶ ዳባባኮ ጋልያ፣ ዶቃን አሰቴዳ፣ ድርሳ ጥንጊ ደኤ። ሄ ብታኒ ላኡ ጥንገቱዋጥ ግዱዋን ደእያ ሳኣ ልክና ሁጲሳ ባጋን ገድሳ ባጋ ጎምጋይ 100 ዋቋ ግዴዳ።

ሁጲሳ ጥንግያ

20 ሃዋጥ ጉይያን፣ ሄ ብታኒ ታና ሁጲሳ ባጋ አፌዳ። ሁጲሳ ባጋ ጸልያ ድርሳ ጥንግያ ጉታራን ጎምጋ እ ልኬዳ። ሄ ድርሳ ጥንጊ ካረ ዳባባኮ ጋልያዋ።

21 ሎሱዋጥ ኡሸቻን ሀድርሳ ባጋና ደእያ ሄዙ ሄዙ ናግያዋንቱ ክፍለቱ፣ ኡንቱንቱጥ ግዱዋን ደእያ ጎዳቱን ኣ ባራንዳይ ኮይሮ አዋይ ዶልያ ጥንግያ ባጋን ልኬዳዋንቱና ብጸ ላገ ግዴድኖ። ድርሳ ጥንግያ ጉታራይ ኡባና 50 ዋቋ፤ ጎምጋይካ 25 ዋቋ።

22 ባራንዳይ፣ ማሰኮተቱን መጠቱዳ ዛምባ ሞሰሊ ካሰ አዋይ ዶልያ ጥንግያ ባጋን በኤዳዋንቱና እት ማላ። ያ ጋልያ ላፑን ደላቱ ደእኖ። ባራንዳይ ዳባባ ሰንፋን ወርሰላ ባጋና ደኤ።

23 አዋይ ዶልያ ባጋዳን፣ ሀ ሁጲሳ ባጋንካ ግዶ ዳባባወካ ሀራ ጥንጊ ደኤ። ሄ ብታኒ ሀ ላኡ ድርሳ ጥንገቱዋጥ ግዱዋን ሳኣ ልክና 100 ዋቋ ግዴዳ።

ገድሳ ጥንግያ

24 ሃዋጥ ሰሚዶ፣ ሄ ብታኒ ታና ገድሳ ባጋ ድርሳ ጥንገ ካለለና ባዶ፣ ሃዋን ሀራ ድርሳ ጥንግያ በእድ። እ እ ልክያ ዋዶ፣ ግዶ ግምቡቱዋን ሀራቱዋ ልክና እካ ሀራቱዋ ኬሻ ግዴዳ።

25 ልክያ ሀራቱዋዳን፣ ሀ ድርሳ ጥንግያ ማታን ደእያ ክፍለቶ ኡባወ ማሰኮተቱ ደእኖ። ድርሳ ጥንግያ አዲሳተላይ 50 ዋቋ፤ ጎምጋይካ 25 ዋቋ።

26 ያ ጋልያ ላፑን ደላቱ ደእኖ። ባራንዳይ ዳባባ ሰንፋን ወርሰላ ባጋና ደኤ። ጥንግያ ቦላ ያ ባጋናን ሀ ባጋና ዛምባ ሞሰሊ መጠቱ ኡቱዳ።

27 ግዶ ዳባባወካ ሀራ ጥንጊ ደኤ። ሄ ብታኒ ሀ ላኡ ድርሳ ጥንገቱዋጥ ግዱዋን ደእያ ሳኣ ልክና 100 ዋቋ ግዴዳ።

ግዶ ዳባባወ ገድሳ ባጋ ጥንግያ

28 ሄ ብታኒ ታና ገድሳ ድርሳ ጥንግያ ባጋና ሀን ግዶ ዳባባኮ አፌዳ። እ ድርሳ ጥንግያ ልክና፣ ሀራ ጥንገቱዋና ልክ ግዴዳ።

29 ሃዋ ናግያዋንቱ ክፍለቱ፣ ጎዳቱን ባራንዳይ ኡባይ ሀራ ድርሳ ጥንገቱዋና እት ማላ። ሄ ድርሳ ጥንግያ ዩሹዋን ክፍለቱዋ ኡባወ ማሰኮተቱ ደእኖ። ሀ ጥንግያ አዲሳተላይ 50 ዋቋ፤ ጎምጋይካ 25 ዋቋ።

30 እ ዩሹዋን ባራንዳይ ደእኖ፤ ኡንቱንቱ አዲሳተላይ 25 ዋቋ፤ ጎምጋይካ 5 ዋቋ።

31 ሄ ባራንዳይ ካረ ባጋ ዳባባ ጸሊኖ። ጥንግያ ቦላ ያ ባጋናን ሀ ባጋና ዛምባ ሞሰሊ መጠቱ ኡቱዳ። ያ ጋልያ ሆሰፑን ደላቱ ደእኖ።

ግዶ ዳባባወ አዋይ ዶልያ ባጋ ጥንግያ

32 ሄ ብታኒ ታና አዋይ ዶልያ ባጋ ድርሳ ጥንግያና ሀን ግዶ ዳባባኮ አፌዳ። እ ሄ ድርሳ ጥንግያ ልክና፣ ሀራ ጥንገቱዋና ልክ ግዴዳ።

33 ናግያዋንቱ ክፍለቱ፣ ጎዳቱን ባራንዳይ ኡባይ ሀራ ድርሳ ጥንገቱዋና እት ማላ። ሄ ድርሳ ጥንግያ ዩሹዋን ደእያ ክፍለቱዋ ኡባወ ማሰኮተቱ ደእኖ። ሄ ጥንግያ አዲሳተላይ 50 ዋቋ፤ ጎምጋይካ 25 ዋቋ።

34 ባራንዳይ ካረ ባጋ ዳባባ ጸሊ። ጥንግያ ቦላ ያ ባጋናን ሀ ባጋና ዛምባ ሞሰሊ መጠቱ ኡቱዳ። ያ ጋልያ ሆሰፑን ደላቱ ደእኖ።

ግዶ ዳባባወ ሁጲሳ ባጋ ጥንግያ

35 ሄ ብታኒ ታና ሁጲሳ ባጋ ድርሳ ጥንግያኮ አፌዳ። እ ሄ ድርሳ ጥንግያ ልክና፣ እካ ሀራ ጥንገቱዋና ልክ ግዴዳ።

36 ናግያዋንቱ ክፍለቱ፣ ጎዳቱን ባራንዳይ ኡባይ ሀራ ድርሳ ጥንገቱዋና እት ማላ። ሄ ድርሳ ጥንግያ ዩሹዋን ማሰኮተቱ ደእኖ። ሄ ጥንግያ አዲሳተላይ 50 ዋቋ፤ ጎምጋይካ 25 ዋቋ።

37 ባራንዳይ ካረ ባጋ ዳባባ ጸሊ። ጥንግያ ቦላ ያ ባጋናን ሀ ባጋና ዛምባ ሞሰሊ መጠቱ ኡቱዳ። ያ ጋልያ ሆሰፑን ደላቱ ደእኖ።

ያርሹዋ ጊግሰያ ክፍለቱዋ

38 ካረ ዳባባወ ሁጲሳ ባጋና፣ ግዶ ድርሳ ጥንግያ ባራንዳና ኦይቀቱዳ፣ ሀራ ክፍለካ ደኤ። ጸግያ ያርሹ አህያ መሀያ እሹ ሜጨትያዌ ሄ ክፍለያና።

39 ሄ ባራንዳን ሀ ባጋና ላኡ ጸርጴዛቱ፣ ያ ባጋናካ ላኡ ጸርጴዛቱ ደእኖ፤ ጸግያ ያርሹ፣ ናጋራ ያርሹን ናቁዋ ያርሹ ሹክያ መሀያ ኡባይ ሹከትያዌ ሄ ጸርጴዛቱዋ ቦላና።

40 ባራንዳጥ ካረ ባጋና ሁጲሳ ድርሳ ጥንግያ ማታን ላኡ ጸርጴዛቱ ሀ ባጋና፣ ላኡ ጸርጴዛቱ ያ ባጋና ደእኖ።

41 ሃዋ ድራወ፣ ያርሹ ሺቄዳ መሄ ሹከትያ ኡባና ሆሰፑን ጸርጴዛቱ ደእኖ፤ ኡንቱንቱጥ ኦይዳቱ ባራንዳን ደእኖ፤ ኦይዳቱ ቃይ ካረ ዳባባን ደእኖ።

42 ቃይ ጸግያ ያርሹዋ ዋላናወ ጊግሴዳ፣ ሹቻጥ ማሰቲዶ ኦሰቴዳ ኦይዳ ጸርጴዛቱ ደእኖ። ኡንቱንቶ ጌሳይ እት ዋቋ፤ አዲሳተላይ እት ዋቋን ታካ፤ ቃይ ጎምጋይካ እት ዋቋን ታካ። ጸግያ ያርሹዋን ሀራ ያርሹቱዋ ኡባ ሹክያ ሚሻቱ ሄ ጸርጴዛቱዋ ቦላን ኡቱኖ።

43 ኦይዳ ብራድያ አዲቄያ ካቂያ ማጋቱ ጎዳ ቦላ ዩይ አዲዶ ድሸት ኡቱድኖ። ያርሹ ሺሸያ አሹ ኡባይ ሄ ጸርጴዛቱዋ ቦላ ዋዴ።

44 ሃዋጥ ጉይያን፣ ሄ ብታኒ ታና ግዶ ዳባባ ገልሴዳ። ሃዋን ጥንገቱ ግዶ ዳባባኮ ዶየትያ ላኡ ክፍለቱ ደእኖ። ኡንቱንቱጥ እት ክፍሊ ሁጲሳ ድርሳ ጥንግያ ማታና ገድሳ ባጋ ጸሊ፤ ላኡንቱ ቃይ ገድሳ ድርሳ ጥንግያ ማታና ሁጲሳ ባጋ ጸሊ።

45 ሄ ብታኒ ታና ሀዋዲን ያጌዳ፤ “ገድሳ ባጋ ጸልፍ ክፍሊ ጌሻ ጎልያን ኦልያ ቁሳቱ ዋ።

46 ሁጲሳ ባጋ ጸልፍ ክፍሊ ቃይ ያርሽያሳን ኦልያ ቁሳቱ ዋ። ቁሳቱ ኡባይ ጸደቃ ያራጥ የለቴዳ ሌዋቱዋ፤ መድና ጎዳኮ ሺቂድ፣ አሰ ኦላናው በሲኖ ጌተቴዳዌ ኡንቱንቱ ጸላላ” ያጌዳ።

ግድ ደባባን ጌሻ ጎልያ

47 ሄ ብታኒ ደባባ ልክና አዲሳተላይ 100 ዋቆ። ጎምጋይካ 100 ዋቆ ግዴዳ። ደባባን ጌሻ ጎልያጥ ሰንሳ ባጋና እት ያርሽያሳይ ደኤ።

48 ሄዋጥ ጉይያን፣ እ ታና ጌሻ ጎልያ ባራንዳ አፌዳ። ባራንዳ ገልያ ቆሰለላ ልክና ጌሳይ 5 ዋቆ፤ ጎምጋይካ 14 ዋቆ። ሀድርሳናን ኡሸቻና ደእያ ጎዳቱዋ ኦርድተላይ ሄዙ ሄዙ ዋቆ ግዴዳ።

49 ባራንዳ አዲሳተላይ 20 ዋቆ፤ ጎምጋይካ 12 ዋቆ። ያ ጋልያ 10 ደላቱ ደእኖ። ገልያሳን ኡሸቻናን ሀድርሳና ኤቄዳ ላኡ ቱቀቱ ደእኖ።

41

1 ሄዋጥ ሰሚደ፣ ሄ ብታኒ ታና ጌሻ ጎልያን ደእያ ጌሻ ሳኦ ገልሴዳ። ሄ ጌሻ ሳኦ ጎዳ ኦርድተላ ልክና 6 ዋቆ ግዴዳ።

2 ጥንግያ ጎምጋይ ቃይ 10 ዋቆ ግዴዳ። ሀድርሳናን ኡሸቻና ደእያ ጎዳቱዋ ጎምጋይ እቼሹ እቼሹ ዋቆ። ቃይ እ ጌሻ ሳኦ ልክና 40 ዋቆ፣ ጎምጋይካ 20 ዋቆ ግዴዳ።

3 ሄዋጥ ጉይያን፣ ቆልኦ ገሌዳ። ሄ ገልያ ጥንግያ ጎዳ ኦርድተላ ልክና 2 ዋቆ ግዴዳ። ጥንግያ ጎምጋይ 6 ዋቆ ግዴዳ፤ ሀድርሳናን ኡሸቻና ደእያ ጎዳቱዋ አኮተላይ ላፑን ላፑን ዋቆ።

4 ቃይ እ ቆልኦዋ ልክና አዲሳተላይ 20 ዋቆ፣ ጎምጋይካ 20 ዋቆ ግዴዳ። ሄዋጥ ጉይያን እ ታና፣ “ሀዌ ኡባጥ አድያ ጌሻ ሳኦ” ያጌዳ።

ጌሻ ጎልያ የሹዋን ኬጸቴዳ ክፍለቱዋ

5 ሄ ብታኒ ጌሻ ጎልያ ጎዳ ልክና ኦርድተላይ 6 ዋቆ ግዴዳ። ሄ ጎዳና ኦይቀቲደ፣ ጌሻ ጎልያ የሹዋን ኬጸቴዳ ኦይዱ ኦይዱ ዋቆ አክያ ዳር ክፍለቱ ደእኖ።

6 ሄ ክፍለቱ እቱ እቱዋ ቦላ ኬጸቴዳ ሄዙ ፖቀ ገድሸና፣ እት እት ፖቅያው ሀታሙ ክፍለቱ ደእኖ። ዘንጎልሰ የግያ ምላይ ጌሻ ሳኦ ግድ ገለና ማላ፣ ኮይር ጎዳና ኦይሰሊደ፣ ሀራ ሹቻ ዋሴድኖ።

7 ሄ ሹቻይ ጋርሳ ወርሰላ ፖቅያን ኦርዴዳ ድራውን ፑደ ሺቂደ ሌእያ ድራው፣ ክፍለቱካ ፑደ ሺቅያ ዋደ፣ እክ አኪደ ቢኖ። ኮይር ወይግያጥ ግድ ፖቅያና እዲደ፣ ክል ወርሰላ ፖቅያ ጋካናው አፍያ ደላቱ ደእኖ።

8 ታን ጌሻ ጎልያ የሹዋን ቶቄ ጌዳ ባሱ ደእያዋ በኦድ። እ የሹዋን ደእያ ክፍለቱ ሄ ባሱዋ ቦላን ኬጸቴድኖ፤ ሄ ባሱ ግድ ደባባጥ 6 ዋቆ ቶቄ።

9-11 ሄ ክፍለቱዋ ካረ ባጋ ጎዳ ኦርድተላይ 5 ዋቆ። ክፍለቱዋ ገልያ ላኡ ጥንገቱ፣ እቱ ሁጲሳ ባጋና፣ እቱ ቃይ ገድሳ ባጋና ደእኖ፤ ቃይ ሄ ክፍለቱዋ የሹዋን ደእያ ባሱዋ አኮተላይ 5

ዋቆ። ጌሻ ጎልያ ባሱዋጥን ግድ ደባባን ደእያ ክፍለቱዋጥ ግድዋን ደእያ መላ ሳኦይ 20 ዋቆ።

አዋይ ወልያ ባጋና ኬጸቴዳ ጎልያ

12 ጌሻ ጎልያጥ አዋይ ወልያ ባጋና ደእያ መላ ሳኦጥ ሄፍንሳ ባጋና እት ጎሊ ደኤ። ሄ ጎልያ 90 ዋቆ፤ ጎምጋይካ 70 ዋቆ። ሄ ጎልያ ጎዳይ 5 ዋቆ ኦርዳ።

ጌሻ ጎሊ ልክቴዳ

13 ሄ ብታኒ ጌሻ ጎልያ ካረ ባጋ ልክና አዲሳተላይ 100 ዋቆ። ጌሻ ጎልያ ዘክሳጥ ቢደ፣ ሀን አዋይ ወልያ ባጋ ጎልያ ዘክሳ ጋካናው ሳኦ ልክና፣ 100 ዋቆ ግዴዳ።

14 አዋይ ደልያ ባጋና ደእያ ጌሻ ጎልያ ጎምጋይ ላኡ መላ ሳኦቱዋ ጉጂደ ልክና፣ 100 ዋቆ እኬ።

15 ላኡ ባጋናካ ደእያ አድያ ሳኦቱዋ ጉጂደ፣ አዋይ ወልያ ባጋና ደእያ ጎልያ ልክና 100 ዋቆ ግዴዳ።

ጌሻ ጎልያው ግድ ኦሶቱዋ

ጌሻ ጎልያ ጌሻ ሳኦይ፣ አ ቆልኦን አ ባራንዳይ 16 ወይግያጥ ቢደ፣ ማሰኮተቱዋ ጋካናው፣ ምላን ሌጸት ኡቴዳ፤ ማሰኮተቱካ ምላን ሌጸት ኡቴድኖ።

17-18 ጌሻ ጎልያው ሶ ባጋ ክፍለቱዋ ጎዳይ ጥንገቱዋጥ ቦላው አቆና ጋካናው፣ ዘምባቱዋን ክሩባቱዋ ምሰለቱዋን አሌቀት ኡቴዳ፤ ክፍልያን ዩይ አቆናውካ ዘምባ ምሰሊን ክሩብያ ምሰሊ ዋሳካን መጠት ኡቴዳ። ክሩባቱ ኡባው ላኡ ላኡ ሶምኢ ደኤ።

19 እት ባጋና አሳ ሶምኡዋ ማላትያዌ ዘምባ ምሰልያኮ ጸሌ፤ ቃይ ሀራ ባጋና ጋሙዋ ሶምኡዋ ማላትያዌ ዘምባ ምሰልያኮ ጸሌ።

20 ወይግያጥ ደንድ ቢደ፣ ጥንገቱዋጥ ቦላ ባጋን ደእያ ሳኦ ጋካናው፣ ጎዳ የሹዋ ኡባይ ሄዋዲን አሌቀቱዳ።

21 ጌሻ ጎልያ ጥንገ ቆሰለላቱ ኡባይ ኦይዱ ማረ ግዲደ ማሰቴዳዋንታ፤ ኡንቱንቱ ኡባይካ እት ልከ።

ምላጥ መጴዳ ያርሽያ ሳ

ኡባጥ አጴዳ ጌሻ ሳኦ ገልያሳ ሰንሳን 22 ምላጥ መጠቱዳ ያርሽያ ሳ ማላትያዌ ቤቴ። አካ ኦይዱ ማረ ግዲደ፣ አዲሳተላይ ጎምጋይካ ቃራ፤ ኡንቱንቱ ላኡካ ላኡ ላኡ ዋቆ፤ አው ጌሳይ ቃይ ሄዙ ዋቆ። ማዛናቱዋ ቱሳቱ፣ ገደቱን ምይያና ደእያ ሳንቃቱ ኡባይካ ምላጥ ኦሰቴዳዋንታ። ሄ ብታኒ ታና፣ “ሀዌ መድና ጎዳ ሰንሳን ደእያ ጸርጾዛ” ያጌዳ።

ጌሻ ጎልያ ጥንገቱዋ

23 ጌሻ ሳኦው እት ጥንገ ደኤ፤ ቃይ ኡባጥ አጴዳ ጌሻ ሳኦው እት ጥንገ ደኤ።

24 እት እት ጥንግያው ግድዋን ዳኮቲደ ደየትያ ላኡ ሳንቃቱ ደእኖ።

25 ጌሻ ሳኦ ጎዳቱዋ ቦላ መጠቱዳዋን፣ ጥንገቱዋ ሳንቃቱዋ ቦላካ ክሩባቱዋን ዘምባቱዋ ምሰሊ መጠት ኡቴዳ። ባራንዳጥ ቦላ ባጋና ሰንሳና ደእያ ሳንቃ ካራይ ምላጥ ኦሰቴዳዋ።

26 ሄ ባራንዳ ጎዳቱዋ ምይያን ማሰኮተቱ ደእኖ። ላኡ ባጋ ጎዳቱካ ዘምባ ምሰልያን

አሌቀቱድና። ሀድርሳ ባጋና ኡሸቻ ባጋና ደእያ ደላ ክፍለቶ ካሜዳ ካራይ ደኤ።

42

ጌሻ ጎልያ ማታን ኬጸቱዳ ላኡ ጎለቱዋ

1 ሄዋጥ ጉይያን፣ ሄ ብታኒ ታና ሁጲሳ ባጋ ጥንግያና ካረ ዳባባ ካለሊደ ጌሻ ጎልያ ግድ ዳባባ ግምቢያና ኦይቀቱዳ ጎልያኮ፣ ታና አሄዳ።

2 ሄ ጎልያ ጥንግያ ፑደ ባጋ ሰሚደ፣ ሄ ጎሊ 100 ዋቋ አዲሳን 50 ዋቋ አኮ።

3 ግድ ዳባባጥ ላታሙ ዋቋ ሃኪደ፣ ቃይ ሰንላ ባጋና ካረ ዳባባን ደእያ ሂጸቱዳ ሹቻጥ ሰንላ ባጋና እቱ እቱዋና ጸለትያ ሄዙ ደላይ ደእያ ፖቁ ደኤ።

4 ሄ ክፍለቱዋ ጥንግቱ ሁጲሳ ጸሊኖ። ኡንቱንቱጥ ሰንላ ባጋና 10 ዋቋ አኮን 100 ዋቋ አዲሳ ግዴዳ፣ ግዴዋና አላያ ኦጊ ደኤ።

5 ሄ ጎልያ ቦላ ሃዘንሎ ፖቁ ላኡንሎጥጥ ጸሚ፤ ላኡንሎ ቃይ ኮይሩጥጥ ጸሚ። ጋሶታይካ ኡንቱንቱ እቱ እቱጥጥ ጉዮ ሺቅ ሺቁደ ግምቢቱዳ ድራሳ።

6 ቃይ ኡንቱንቱ ሄዙ ፖቅያን ደእያ ክፍለቱ ቆሞዋንቱጥ ጋርሳዋንቱን ግድ ዛዋን ደእያ ክፍለቱ ጸምያ ድራዉ ካረ ዳባባን ደእያ ሀራ ጎለቱዋዳን፣ ኡንቱንቶ ቱሳይ ባዋ።

7 ሄ ክፍለቱጥ ሰንላ ባጋና፣ 50 ዋቋ አዲቂያ ካረ ዳባባ ባጋና ደእያ እት ግምቢ ደኤ።

8 ካረ ዳባባ ባጋና ደእያ ክፍለቱዋ አዲሳተላይ 50 ዋቋ አዲቂያዋ ግድሽን ጌሻ ጎልያ ሰንላን ደእያ ክፍልያ አዲሳተላይ 100 ዋቋ።

9 ካረ ዳባባጥ ሶ ገልያ ዋደ አዋይ ዶልያ ባጋና ጋርሳ ክፍለቱዋ ገልያ ጥንግያ ደኤ።

10 ሄዋዳንካ፣ ጌሻ ጎልያጥ ገድሳ ባጋና ካረ ዳባባ ግምቢያ ካሊደ ጌሻ ጎልያ ዳባባና ኦይቀቱዳን ካረ ዳባባኮ ጸልያ ሀራ ክፍለቱ ደኤኖ።

11 ሄ ጎልያ ክፍለቱዋ ሰንላን አሳይ ሀመትያ ኦጊ ደኤ። ሄ ጎሊ ሁጲሳ ባጋን ደእያ ጎልያና እት ማላ፤ አዲሳተላይ፣ አኮተላይ፣ ክፍለቱን ጥንግቱ ኡባይ እት ማላ።

12 ድርሳ ግምቢ ዉርያ አዋይ ዶልያ ባጋ ጋጸጥ ደሚደ ግምቢ ደምያ ገድሳ ባጋና ደእያ ክፍለቱዋ ገልያ ጥንግያ ደኤ።

13 ሄዋጥ ጉይያን፣ ሄ ብታኒ ታና ሀዋዳን ያጌዳ፤ “ሀዋንቱ ክፍለቱ፣ ሁጲሳና ገድሳና ጌሻ ጎልያ ካረ ዳባባኮ ጸልያዋንቱ ቁሳቱ ዋ ክፍለቱዋ። ኡንቱንቱ ግድን መድሩ ጎዳ ሰንላን አላያ ቁሳቱ ኡባጥ አይዳ ጌሻ ቁማ ማና። ሄ ክፍለቱ ጌሻ ግዴዳ ድራዉ፣ ኡባጥ አይዳ ጌሻ እምታ፣ ሄዋንቱን ካላ ያርሹዋ፣ ናጋራ ያርሹዋን ናቁዋ ያርሹዋ ኡባ፣ ኡንቱንቱ ሄዋን ዋላና።

14 ጌሻ ጎልያ ገሌዳ ቁሳቱ ካረ ዳባባ ከሰያ ዋደ፣ ጸሳዉ አላያ ዋደ ማዬዳ ጌሻ ማዩዋ ከሲደ፣ ሄ ክፍለቱዋን ዋግናን ከሰክኖ። አያዉ ጎጥ፣ ማዮቱ ጌሻ። ኡንቱንቱ ካረ አሳኮ ከሲደ፣ ካሰ ማይያ ሀራ ማዮቱዋ ማዩደ ከሳናዉ ኮሼ” ያጌዳ።

ጌሻ ጎልያ ዩሹዋ ልክያ

15 ሄ ብታኒ ጌሻ ጎልያ ጋርሳ ዳባባን ደእያ ኬላቱዋ ልኪ ዉርሲደ፣ አዋይ ዶልያ ባጋ ጸልያ ድርሳ ጥንግያና ታና ካረ ከሴዳ። ጌሻ ጎልያ ዩሽ አሊደ ልኬዳ።

16 ጸምኢ አኪደ፣ አዋይ ዶልያ ባጋ ልክና፣ 500 ዋቋ ግዴዳ።

17 ሰሚደ ሁጲሳ ባጋ ሄ ጋትማን ልክና 500 ዋቋ ግዴዳ።

18 ሰሚደ ገድሳ ባጋ ልክና 500 ዋቋ ግዴዳ።

19 ሰሚደካ አዋይ ዉልያ ባጋ ልኬዳ፤ እካ 500 ዋቋ ግዴዳ።

20 ሄዋዳን አሊደ፣ እ ኦይዱ ባጋቱዋካ ልኬዳ። እ ዩሹዋን 500 ዋቋ አዲቂደ፣ 500 ዋቋ አክያ ድርሳ ግምቢ ደኤ። ሄ ግምቢ ጌሻ ሳኦ የንኮ ጮ ሳኦጥ ሻካናሳ።

43

ጸሳ ቦንቹ ጌሻ ጎልያ ሰሚዳ

1 ሄዋጥ ጉይያን፣ ሄ ብታኒ ታና አዋይ ዶልያ ባጋ ጸልያ ጥንግያኮ አሄዳ።

2 ታን እሰራኤልያ ጸሳ ቦንቹ አዋይ ዶልያ ባጋጥ ይያዋ በኣድ። አ ዩሳ ኮሻይ ዳር ሃላ ኩንሎዋ ጉንላ ማላ፤ ቃይ ቢታይካ አ ቦንቹዋን ፖኤዳ።

3 በኤዳ ሳጸይ ካሰ ጸሳይ የሩሳላመ ካታማ ጳይሳናዉ ዬዳ ዋደ በኤዳ ሳፃ ማላቱ፤ ቃይ ኮባራ ሻፋ ማታን ታን በኤዳ ሳጸካ ማላቱ። ሄዋ በኣደ፣ ታን ታ ሶምኡዋ ቢታ ጋላደ ጉፋናድ።

4 መድሩ ጎዳ ቦንቹ አዋይ ዶልያ ባጋ ጸልያ ጥንግያና ጌሻ ጎልያ ግድ ገሌዳ።

5 ሄ ዋደ ጸሳ አያናይ ታና ፑደ ደንሊደ፣ ግድ ዳባባ ገልሴዳ፤ በእ! መድሩ ጎዳ ቦንቹ ጌሻ ጎልያ ኩሜዳ።

6 ሄዋን ሄ ብታኒ ታ ምይያን ኤቁደእሸን፣ እቱ ጌሻ ጎልያ ግድጥ ታዉ ሃሳይሸን ሰሳድ።

7 እ ሀዋዳን ያጌዳ፤ “ላ አሳ ናኣዉ፣ ሀዋ ታ አራታ ሳን ታ ገዲ የድያ ሳኣ። ታን እሰራኤልያ አሳ ግድን መድሩዉ ደኣና። ሀዋጥ ሰንላዉ እሰራኤልያ አሳ ግድና፣ ኡንቱንቱ ካተቱዋ ግድና፣ ሀራ ጸሳቶ ጎይንያዋን፣ ዋይ ሸምፑ ባይና ባረንቱ ካተቱዋ ሀዉልትያዉ ጎይንያዋን ታ ጌሻ ሱንላ ቱንሰክኖ።

8 ዋቲደ ጎጥ፣ እት ጎዳ ጸላላይ ታና ኡንቱንታን ሻክና፣ ባረንቱ ጥንግያ ታዋ ምይያን፣ ባረንቱ ጥንግ ሞላካ ታዋ ምይያን ኤሴድኖ። ባረንቱ ሸነይያ ኦሱዋን ታ ጌሻ ሱንላ ቱንሴድኖ። ሄዋ ድራዉ፣ ታን ታ ሀንቁዋን ኡንቱንታ ጳይሳድ።

9 ሀእ ሰም ሀራ ጸሳቶ ጎይንያዋ አግኖ፤ ባረንቱ ካተቱዋ ሀዉልትያ ጎይንያዋ ታ ማታጥ ድግኖ። ያቶጥ፣ ታን ኡንቱንቱ ግድን መድሩዉ ደኣና።

10 “ላ አሳ ናኣዉ፣ ታን ኔና በሴዳ ጌሻ ጎልያ እሰራኤልያ አሳዉ ኦዳ፤ ኡንቱንቱ ባረንቱ አሌዳ ናጋራን ዬላታና ማላ፣ እ መጳባን እ ኬጸቱዳ ማራ ኡንቱንቶ ኦዳ።

11 ኡንቱንቱ ባረንቱ ኦሌዳባን ዬላትያዋንታ ግድጥ፣ ጌሻ ጎልያ ማላ፣ እ ኬጸቱዳ ማራ፣ ከሰያ ሳኦቱዋ፣ ገልያ ሳኦቱዋን እ ኩመንላ ሞሰልያ

43:2 ህዝ. 10:3-4፣ 18-19፤ 11:22-23፤ ሳፃ 1:15

ኢንቱንቶ ቆንጭሳ። ሄዋዳንካ ቃይ፡ አ ዋጋ ኡባነ አ ህግያ ኡባ ኢንቱንታ ኤርሳ። ቃይካ ሄ ጎሊ ዋት ኬጸቲደንቶነ ኢንቱንቱ አ ዋጋ ኡባነ ህግያ ኡባ ናጋናውነ ፖላናው ዳንዳያና ማላ፡ ኔን ኢንቱንቱ ጸልሽን ጻፉ።

12 “ጌሻ ጎልያ ህጊ ሀዋ፡ ጌሻ ጎሊ ኬጸቲዳ ደርያ ሁጺነ አ የሹዋን ደእያ ሄራይ ኡባይ ኡባ፡ ለጌዳ ጌሻ ግዳናዋ። ኤ፡ ጌሻ ጎልያ ህጊ ሀዋ።

ያርሽያ ሳኦ

13 “ያርሽያሳይ ካሰ ጌሻ ጎልያ ልክያዳንካ፡ እት ዋቆ ቦላ ኦይዱ ብራቱዋ ጉጃዳ፡ አዱሳ ዋቆን ልከቲዳ። ያርሽያ ሳኦ ባሱዋ የሹዋን እት ዋቆ ዝቂያን እት ዋቆ አክያ ኦላይ ደኤ፤ ሄ ኦላው ካረ ባጋ ደላይ እት ታካድያ ዶቄ። ያርሽያ ሳኦ ጌሳይ ሀዋ ማላ።

14 ባሱዋ፡ ስይሮ ደላ ጋካናው 2 ዋቆ፤ ላኤንላ ደላይ እት ዋቆ ያርሽያ ሳኦ ስቅ ደሚደ፡ 4 ዋቆ ዶቄ፤ ቃይካ እት ዋቆ ያርሽያ ሳኦ ስቅደ፡

15 ያርሹ ጸገትያ ጮጪ ደእያ ሄዘንላ ደላይ 4 ዋቆ ዶቄ። እ ኦይዱ ሞዛና ግዲደ፡ ኦይዱ ማርያንካ እት እት ካጪ ደኤ።

16 ያርሹዋ ጸግያ ጮጪ ኦይዱ ሚዛናን ግዲደ፡ 12 ዋቆ፡ ጎምፓይካ 12 ዋቆ።

17 ላኤንላ ደላይካ ሄዋ ማላ ኦይዱ ሞዛና ግዲደ፡ 14 ዋቆ፡ ጎምፓይካ 14 ዋቆ። ሄ ደላው ካረ ባጋ ጋጸይ እት ታካ ዶቄ። የሹዋ ኡባን እት ዋቆ ግዴዳ ኦላይ ደኤ። ያርሽያ ሳኦ ፑይ አፍያ ደላቱ አዋይ ደልያ ባጋን ደኤኖ” ያጌዳ።

18 ቃይካ እ ታና ሀዋዳን ያጌዳ፤ “ላ አሳ ናከው፡ ኡባ ሞድያ መድና ጎዳይ ሀዋዳን ያጌ፤ ‘ያርሽያ ሳኦ ዋጋይ ሀዋ። ጸግያ ያርሹዋ ያርሻናውነ ሱላ ፑሻካው፡ ያርሽያ ሳኦ ግምቢደ ፖልያ ጋላሰ።

19 ታኮ ስቅደ፡ ታው ኦላያ ጸደቃ ያራፕ የለቲዳ ሌዋያ ዛረ ቁሳቶ ናጋራ ያርሹዋ ኦላደ፡ እት ኮሩማ እማ። ኡባ ሞድያ መድና ጎዳይ ሀዋ ኦዳይ።

20 ኔን ሄ ሱላፕ አካደ፡ ኦይዱ ካጪቱዋ፡ ላኤንላ ደላ ኦይዱ ሚዛናን ሄ ደላው ጋጸ ኦካ። ሄዋዳን ኦላደ፡ ያርሽያ ሳኦ ቱናተላፕ ጌሻ።

21 ቃይ ናጋራ ያርሹ እመቲዳ ሄ ኮሩማ አካደ፡ ጌሻ ጎልያዋ ግዲደ፡ ጌሻ ሳኦፕ ካረ ባጋና አው አዛዘቲዳ ሳኦን ጹጋ።

22 “ ሞንተላ ጋላሰ ትላ ቦላና ደእያ እት ዳሻ ኦርግያ አካደ፡ ናጋራ ያርሹ ያርሻ። ካሰ ኮሩማ ሱላን ጌሹዳዋዳን፡ ሄ ዳሻ ኦርግያ ሱላን ያርሽያ ሳኦ ጌሻ።

23 ጌሽያዋ ፖላደ፡ ትላ ቦላና ደእያ እት ኮሩማን ትላ ቦላና ደእያ እት ደርሳ ኦርግያ አካደ፡

24 ላኤዋካ መድና ጎዳ ሰንላ ሸሻ። ያቶፕ ቁሳቱ ኢንቱንቱ ቦላ ማጽንያ ቆሊደ፡ መድና ጎዳው ጸግያ ያርሹዋ ኦላደ ያርሹና።

25 “ ላፑን ጋላሳ ኩመንላ፡ ሀቶ ሀቶ እት ዳሻ ኮልያ ናጋራ ያርሹ፡ ቃይ ትላ ቦላና ደእያ

እት ኮሩማን ትላ ቦላና ደእያ እት ደርሳ ኦርግያ ሸሻ።

26 ቁሳቱ ላፑን ጋላሳ ኩመንላ ያርሽያ ሳኦ ቱናተላፕ ጌሽና። ያቲደ ጸሳው አ ዲማይና።

27 ሀ ጋላሳቱ ወርያ ዋይ፡ ሆሰፑንላ ጋላሳፕ ደሚደ፡ ቁሳቱ ህንተ ጸግያ ያርሹዋን ህንተ እትተላ ያርሹዋ ያርሽያ ሳኦ ቦላን ያርሽና። ሄ ዋይ ታን ህንተናን ናሽታና። ታን ኡባ ሞድያ መድና ጎዳይ ሀዋ ኦዳይ ያጌ” ያጌዳ።

44

አዋይ ደልያ ጉንግያ ዋጋ

1 ሄዋፕ ጉይያን፡ ሄ ብታኒ ታና ጉየ ዛሪደ፡ ጌሻ ጎልያው አዋይ ደልያ ባጋና ደእያ ካረ ባጋ ድርሳ ጉንግያኮ አህያ ዋይ፡ ድርሳ ጉንጊ ጎርደት ኡቲዳ።

2 መድና ጎዳይ ታና ሀዋዳን ያጌዳ፤ “ሀ ጉንጊ ጎርዱዋን ደእ ባሻናፕ አትና፡ ላኤንላ ደየተና። አሳይካ አናና ገላና፤ አያው ጎፕ፡ መድና ጎዳይ እሰራኤልያ ጸሳይ አናና ገሌዳ። ሄዋ ድራው፡ ሄ ጉንጊ ጎርዱዋን ደኤና።

3 ግደፕ፡ እሰራኤልያ ቁሰያ ጸላላይ መድና ጎዳ ሰንላን ኡክላ ማናው ሄዋን ኡታና ዳንዳይ። ጉንግያ ባራንዳና እ ገላናውነ ከሳናው ዳንዳይ” ያጌዳ።

ጌሻ ጎልያ ገልያ ዋጋ

4 ሄዋፕ ጉይያን፡ ሄ ብታኒ ታና ሁጺሳ ጉንግያኮ አፍያ ኦግያና አፊደ፡ ጌሻ ጎልያ ሰንላ ባጋ ጋሌዳ። ሄዋን ታን ጸልያ ዋይ፡ መድና ጎዳ ቦንቹ መድና ጎዳ ጎልያ ኩም ኡቲዳዋ በኦድ፤ ሄኮ፡ ታ ስምኡዋ ቢታ ጋላደ ጉፋናድ።

5 ያትና፡ መድና ጎዳይ ታና ሀዋዳን ያጌዳ፤ “ላ አሳ ናከው፡ መድና ጎዳ ጌሻ ጎልያ ዋጋቱዋ ኡባነ አ ህገቱዋ ኡባ ጸልያዋን ታን ነው ኦድያዋ ነ ሀይላን ሎይላደ ሰሳ፤ ነ አይፍያንካ ሎይላደ ጸላ። ጌሻ ጎልያ ገላናውነ ከሳናው በሰያ አሳቱን በሰና አሳቱ ሀቃዋንተንቶ ሎይላደ አኬካ።

6 ማካላንቻ እሰራኤልያ አሳው ሀዋዳን ያጋይ ኦዳ፤ ኡባ ሞድያ መድና ጎዳይ ሀዋዳን ያጌ፤ “ህንተና፡ እሰራኤልያ አሳቶ፡ ህንተ ኦላያ ቱና ኦሱ ኤቆ።

7 ህንተ ታው ታ ቁማ፡ ሞቆዋን ሱላ ያርሹዋ ኦላደ ሸሽያ ዋይ፡ ዋዛናይነ አሹ ቃጸረትቤና አላጋ አሳቱዋ ታ ጌሻ ጎልያ ገልሲደ፡ ኢንቱንቱ አ ቱንሳናዳን ኦሌድታ። ህንተ ቱናተላ ኡባ ቦላንካ ጉጃደ፡ ታ ቃላ ጫቁዋ ኮሌድታ።

8 ቃይ ታ ጌሻ ሚሻቱዋ ቦላ አዋተናን እጸደ፡ ታ ጌሻ ጎልያን አላጋቱዋ አዋዬድታ” ያጌ።

9 “ ሄዋ ድራው፡ ኡባ ሞድያ መድና ጎዳይ ሀዋዳን ያጌ፤ “እሰራኤልያ አሳ ግደን ደእያ አላጋ አሳይ፡ ባረ ዋዛናን ባረ አሹዋን ቃጸረትቤናዋ፡ ኦንነ ታ ጌሻ ጎልያ ገሎፕ።

ሌዋቱ እክያ ሙሩዋ

10 “ ሩ “ ታፕ ሃኬዳ ሌዋቱ፡ እሰራኤልያ አሳይ ታና አጊደ ዋራ ሰምና፡ ባረንቱ ኤቃቶ

ጎይናናው ዋራ ስሜዳዋንቱ፤ ባረንቱ ሙሩዋ እክኖ።

11 ግድግዳ፤ ኢንቱንቱ ታ ጌሻ ጎልያን ኦሳንቻ ግድግዳ፤ ታ ጌሻ ጎልያ ድርሳ ፕንገቱዋ ናግኖ፤ ጌሻ ጎልያ ኦሱዋካ ኦሶኖ። ኢንቱንቱ ጸግያ ያርሹዋን አሳይ አህያ ሀራ ያርሹዋ ሹክኖ፤ ቃይ አሳው ኦሳናው፤ ኢንቱንቱ አሳኮ ሸቅኖ።

12 ሸን ኢንቱንቱ ካሰ እስራኤልያ አሳ ኤቃቶ ጎይንሴዳ ድራውን አሳ ናጋራን ኩንድሰያ ቆብ ግዳዳ ድራው፤ ኢንቱንቱ ባረንቱ ናጋራ ሙሩዋ አካናዳን፤ ታን ኩሸያ ደንሳደ ጫቃድ። ታን ኡባ ሞድያ መድና ጎዳይ ሀዋ ኦዳይ።

13 ኢንቱንቱ ቄሰያ ግዲደ ኦሳናው ታኮ ሸቆጥኖ፤ ዋይ ታው ዳማቲዳ ጌሻባኮን ኡባፕ አዴዳ ጌሻባኮ ሸቆጥኖ። ኢንቱንቱ ባረንቱ ኦሴዳ ቱና ኦሱዋ ድራው፤ ዬላ ማይኖ።

14 ግድግዳ፤ ኢንቱንቱ ጌሻ ጎልያን አዋታናዳንን አ ግድን ኦሳናው ደእያ ኦሱዋ ኡባካ ኦሳናዳን፤ ታን ኢንቱንታ ሱንሳና።

ቄሳቱ ዋ ዎጋ

15 “ ‘ “ሸን እስራኤልያ አሳይ ታና አገደ፤ ዋራ ስሜዳ ዋይ፤ ታ ጌሻ ጎልያ ዎጋ አማነቲደ ፖሌዳ፤ ሌዊያ ዛረ ቄሳቱ፤ ጸደቃ ያራቱ፤ ኢንቱንቱ ታው ኦሳናው ታኮ ሸቅኖ። ሞቆዋን ሱላ ሸሺደ፤ ኢንቱንቱ ታ ሰንሳን ኦሶኖ። ታን ኡባ ሞድያ መድና ጎዳይ ሀዋ ኦዳይ።

16 ታ ጌሻ ጎልያ ኢንቱንቱ ገልኖ፤ ታው ኦሳናው ታ ያርሸያ ሳ ኢንቱንቱ ሸቅኖ፤ አዋተላካ ኢንቱንቱ ኦይቂኖ።

17 ኢንቱንቱ ጌሻ ጎልያው ግድ ዳባባ ገልያ ዋይ፤ ሊኦዋፕ ዳደቲዳ ማዩዋ ማይኖ፤ ግድ ዳባባ ፕንገን ዋይ ጌሻ ጎልያ ግድን ኦሶኖ ዋይ፤ ሱፍያ ማዩዋ ማዩፕኖ።

18 ኢንቱንቱ ባረንቱ ሁጺያን ላይኦዋ ሻሸያ ጸጽኖ፤ ባረንቱ ጸሳንካ ላይኦዋ ቃንላ ሱርያ ዳንጭኖ። ባረንታ ጫዋይያዋ እያን ማዩፕኖ።

19 አሳይ ደእያ ካረ ዳባባ ኢንቱንቱ ከሰያ ዋይ፤ ጌሻ ጎልያን ኦሴደ ማዬዳ ማዩዋ ቃሪደ፤ ጌሻ ክፍላቱዋን ዋሰኖ። ሃዌ ቆጥፕ፤ ኢንቱንቱ ባረንቱ ጌሻ ማዩዋን አሳ ጸሳው ጌሻኖ።

20 “ ‘ “ቄሳቱ ባረንቱ ሁጺያ ሜደቶፕኖ፤ ዋይ ባረንቱ ብናና አዲሶፕኖ፤ ባረንቱ ሁጺያ ልክያን ቃንጽሰኖ።

21 አይ ቄሲን ግድ ዳባባ ገልያ ዋይ፤ ዋይንያ ኤሳ ኡሾፖ።

22 ኢንቱንቱ አሰናይ ሀይቄዳ፤ ዋይ የደቲዳ ማጫ አሳ አኮፕኖ። እስራኤልያ አሳፕ ጌላያቶ እክኖ፤ ዋይ አሰናይ ቄሰያ ግዲደ ደኢድ ሀይቄዳ ማጫ አሳ እክኖ።

23 “ ‘ “ቄሳቱ ጸሳው ዳማቲዳዋፕን ዳማተናን ጮ ደእያዋፕ ግዲዋን ደእያ ዳማተላ ታ አሳ ታማርሰኖ። ቃይ ጌሻፕን ቱናፕ ግዲዋን ደእያ ዳማተላ ኢንቱንቱ በሰኖ።

24 አይ ሞቱ ደንደፕካ፤ ቄሳቱ ታ ሀጊ ኦድያዋዳን ፕርድኖ። ታ ሀግያን ታ ዎጋ ናገደ፤

ታ ባላቱዋ ቦንኹኖ፤ ታ ሳምባታካ ዳማዪደ ቦንኹኖ።

25 “ ‘ “ቄሲ ሀይቄዳ እሃኮ ሸቂደ፤ ባረና ቱንሶፖ። ግድግዳ፤ ሀይቄዳዌ አወዋ፤ ዋይ አቶ፤ ዋይ የሌዳ አቱማ ናኦ፤ ዋይ ማጫ ናኦ፤ ዋይ እሻ፤ ዋይ እሰና ገላቤና ሞቻቶ ግድፕ፤ እሃ ቦቻናው ዳንዳዬ።

26 አ ባረ ቱናተላፕ ጌዬዳዋፕ ጉይያን፤ ላፑን ጋላሳ ፓይዲደ ታኮ። ሄዋፕ ጉይያን፤ እ ጌሻ ግዳኖ።

27 ሄዋፕ ሰሚደ፤ ጌሻ ሳኦን ኦሳናው ግድ ዳባባ ብያ ጋላሰ፤ ባረ ናጋራ ያርሹዋ ሸሸ። ታን ኡባ ሞድያ መድና ጎዳይ ሀዋ ኦዳይ።

28 “ ‘ “ቄሳቶ ላታይ ባዋ፤ ታን ኢንቱንቶ ላታ። እስራኤልያ ቢታን ኢንቱንቶ አይ ላታን እሞፕተ፤ ኢንቱንቱ ላታይ ታና።

29 ኢንቱንቱ ካላ ያርሹዋ፤ ናጋራ ያርሹዋን ናቄዋ ያርሹዋ ሚኖ። እስራኤልያ ቢታን መድና ጎዳው ዳማዬዳዌ ኡባይ ኢንቱንቱሳ።

30 ኮይሮ ጋክያ ዳማ ዳማ ካላው ኮይሮ አይፊን ህንተ ጸሳው እሞያ እሞታ ኡባይ ቄሳቱ ዋሳ። ህንተ ጎልያን አንጂ ሸምፓና ማላ፤ ህንተ ጲልያፕ ኮይሮ ኩሸያ ኢንቱንቶ እሞተ።

31 ቄሳቱ ባኩቲዳዋ ዋይ ዶክይ ዋዴዳዋ ካፉዋ አሹዋ ግድና፤ መሀያ አሹዋ ግድና፤ እያን ሞፕኖ።

45

መድና ጎዳው ዳማዬዳ ሳማ

1 “ ‘ “ቢታ ህንተ ላታናው ሳማን ሻክያ ዋይ፤ ሄ ቢታፕ እት ሳማ መድና ጎዳው ዳማዪደ ዋሰተ። ሄዌካ ታማን ላኡ ክሎ ሜትረን ባጋ አዲቄያን ታሙ ክሎ ሜትረ አክያ ሳኦ ግድ። ሄ ሳኦይ ኡባይካ ጌሻ ሳኦ ግድ።

2 ሄ ሳኦፕ ኦይዳ ማዛን ቃራ ግዳዳ አዲሳተላይ 500 ዋቆ፤ ጎምፓይካ 500 ዋቆ ግዳዳ ሳኦይ ጌሻ ጎልያሳ ግድ፤ አ ዩሹዋን 50 ዋቆ ግዳዳ መላ ሳኦይ ደኦ።

3 ሄ ጸሳው ዳማዬዳ ሳኦፕ አዲሳተላይ ታማን ላኡ ክሎ ሜትረን ባጋ፤ ጎምፓይ ቃይ እቼሹ ክሎ ሜትረ ግዳዳ ሳኦ ልካይ ሻካ። ሄዋን ጌሻ ጎሊ፤ እካ፤ ኡባፕ አዴዳ ጌሻይ ደእያ ጌሻ ጎልያው ሳኦ ግዲደ ደኦ።

4 ሄዌ ጌሻ ጎልያ ግድን መድና ጎዳው ኦሳናው፤ አኮ ሸቅያ ቄሳቶ ዳማቲዳ ጌሻ ሳኦ ግድ፤ ቃይ ኢንቱንቱ ባረንቱ ጎልያ ኬጽያ ሳን ጌሻ ጎልያውካ ጌሻ ሳኦ ግድ።

5 ቃይ አትያ ታማን ላኡ ክሎ ሜትረ ባጋ አዲቄያን እቼሹ ክሎ ሜትረ ባጋ አክያ ሳኦይ ጌሻ ጎልያን ኦሶኖ ሌዋቱዋሳ ላታ ግድ፤ ኢንቱንቱ ባረንቶ ደእያ ካታማቱዋ ሄዋን ኬጽኖ።

6 “ ‘ “ሄ መድና ጎዳው ዳማዬዳ ሳኦ ሞይያን ታማን ላኡ ክሎ ሜትረን ባጋ አዲቄያን ላኡ ክሎ ሜትረን ባጋ አክያ ሳኦይ ካታማ ኬጽናው ደኡዋ፤ ሄ ሳኦይ እስራኤልያ አሳው ኡባው ግድ።

44:17 ከሳ 28:39-43፤ ዎጋ 16:4 44:19 ዎጋ 16:23 44:20 ዎጋ 21:5 44:21 ዎጋ 10:9 44:22 ዎጋ 21:7፤ 13-14 44:23 ሳፃ 10:10 44:25 ዎጋ 21:1-4 44:28 ፓይ. 18:20 44:29 ፓይ. 18:8-19 44:31 ዎጋ 22:8

እስራኤልያ ካፖ እመቲዳ ሳማ

7 “ ል “እስራኤልያ ካፖ እመቲዳ ሳማይ ላኡ ባጋናካ ጸሳው ዲማዬዳ ሳኦን ካፓማ ሳኦን ዛዋቲ። እ አዋይ ወልያ ባጋና ሜድተራን አባ ጋኬ፤ አዋይ ደልያ ባጋና እስራኤልያ ቢታ ዛዋ ጋኬ። አወ እስራኤልያ ዛርያፕ እቲዋ ሳማዳን፤ አዋይ ወልያ ባጋ ዛዋፕ ቢደ፤ አዋይ ደልያ ባጋ ዛዋ ጋኬ።

8 ሄ ሳማይ እስራኤልያ ቢታ ካፖ ላታ ጋድያ ግደ። ሀዋፕ ሰንሳን ታ ካፓቲ ታ አሳ ኡቁኖፕኖ፤ ኡንቲቲቲ እስራኤልያ አሳይ ኡባይ ባረ ዛርያን ዛርያን ጋድያ አካናዳን አልኖ” ያጌ።

ካፕ እዛዘትያ ሀግያ

9 “ ልኡባ ሞድያ መድና ጎዳይ ሀዋዳን ያጌ፤ “ህንተኖ፤ እስራኤልያ ካፓቶ፤ ህንተወ ሀእ ግዳና! ህንተ ሻቢረሳነ አሳ ኡቁንያዋ አግተ፤ ሱረ ፕርዳነ ጽሎተላ አሳተ። ታ አሳ ኡንቲቲቲ ላታ ቢታፕ ጹቆሊ ደ ዩደርሰያዋ አግተ። ታን ኡባ ሞድያ መድና ጎዳይ ሀዋ ኡዳይ።

10 “ ል “ህንተ ኡባወካ ልከ ሚዛናይነ ቃራ ግዴዳ ማክያባይ ደኡ።

11 ልክያባቲ ኡባወ ግደ ግድያ ጎሞረ * ያግያ ልክያ ሚሻ ግደ። መላባ ማክያ ኤፋ ግያ ሚሻይ ጎሞረ ኦይቁያዋ ታሙዋፕ እት ኩሽያ ግደ፤ ቃይ ጉክያዋ ማክያ ባትያ ግያ ሚሻይካ ጎሞርያወ ታሙዋፕ እት ኩሽያ ግደ። ሄዋ ግያዌ አፋይነ ባቲ ብጸ ላገ ግያዋ።

12 ጉላባ ልክያ ዋደ፤ ህንተ ልክያ ሚሻይ ሳቅለ † ግደ። ላታሙ ጌራይ እት ሳቅለ ግደ፤ ቃይ ኡሱፑን ታሙ ሳቅለ እት ሞናነ ግደ።

13 “ ል “ህንተ እሙዋ እሚደ፤ ሀዋዳን እምተ። ህንተ ቆጽ ሺሽያ ዛርጋፕ ኡሱፑን ታሙዋፕ እት ኩሽያ፤ ባንጋፕ ኡሱፑን ታሙዋፕ እት ኩሽያ።

14 ቃይ ዋጋራ ዛይትያፕ ጸቲዋፕ እት ኩሽያ እምተ። ሀዋንታ ልክያ ዋደ፤ ኔን ማክያ ሚሻይ ባተ ግደ። ታሙ ባቲ እት ጎሞረ ዋይ እት ኮረ ግዴ።

15 እስራኤልያ አሳይ ሄምያ ላኡ ላኡ ጸቲ መሀያ ወዲ ደእያዋፕ እት ወድያፕ እት እት ድርሳ እምተ። ሄዋንቲ አሳ ናጋራ አቶ ጊሳናወ፤ ካላ ያርሹዋ፤ ጸግያ ያርሹዋነ እትፕተላ ያርሹ ግድኖ። ታን ኡባ ሞድያ መድና ጎዳይ ሀዋ ኡዳይ።

16 ቢታን ደእያ አሳይ ኡባይ ሀዋ ኡባ እስራኤልያ ካፖ እም።

17 ካፕ አላናወ በሰያ ኡሱ፤ እስራኤልያ አሳይ ቦንቶያ ባላቲዋን፤ አግናይ ጸርያ ጋላሳትዋን፤ ሳምባታቲዋን ጸግያ ያርሹቶ፤ ካላ ያርሹቶነ ኡሻ ያርሹቶ ኮሽያዋ እም። እስራኤልያ አሳ ናጋራ አቶ ጊሳናወ፤ ናጋራ ያርሹቲዋ፤ ካላ ያርሹቶ፤ ጸግያ ያርሹቶነ እትፕተላ ያርሹቶ ኡባወ ኮሽያዋ እ እም” ያጌ።

18 “ ልኡባ ሞድያ መድና ጎዳይ ሀዋዳን ያጌ፤ “ኮይሮ አግናን፤ ኮይሮ ጋላሰ ትላ ቦላና እት ኮሩማ ጌሻ ጎልያ ጌሻናወ ሺሻ።

19 ቄሲ ሀ ናጋራ ያርሹዋ ሱላፕ አኪደ፤ ጌሻ ጎልያ ፕንግያ ቆሰለላቲዋ፤ ያርሹያ ሳ ዩሹዋን ደእያ ደላወ ኦይዲ ሞዛናወነ ግደ ዳባባ አፍያ ድርሳ ፕንግያ ቆሰለላቲዋ ኦኮ።

20 አንነ ቆፕናን ዋይ ኤራና ጳዪደ ኦሌዳ ናጋራ አቶ ጊሳናወ፤ አግናወ ላፑንላ ጋላሳን ሄዋዳንካ ኦላ። ያታደ ጌሻ ጎልያ ቲናተላፕ ጌሻ።

21 “ ል “ኮይሮ አግናን፤ ታማነ ኦይደንላ ጋላሳን ፓሰጋ ባላ ቦንቶተ፤ ቃይ ላፑን ጋላሰ ጋካናወ፤ እርሹ ገልቤና ኡክላ ሚተ።

22 ሄ ኮይሮ ጋላሳን ካፕ ባረ ግሻነ ባረ አሳ ድራወ ናጋራ ያርሹዋ ኦሌደ ኮሽያዋ፤ እት ኮሩማ እም።

23 ሄ ባላይ ቦንቲትያ ላፑን ጋላሳቲዋን ሀቶ ሀቶ ላፑን ኮሩማቲዋነ ላፑን ደርሳ ኦርገቲዋ ኡባይካ ትላ ቦላና ደእያዋንታ ጸግያ ያርሹዋ ኦሌደ፤ መድና ጎዳወ ኮሽያዋ እም። ሄዋናካ እትፕ ናጋራ ያርሹ ሀቶ ሀቶ እት ዴሻ ኦርግያ እም።

24 እት እት ኮሩማነ እት እት ደርሳ ኦርግያ ያርሹያ ዋደ፤ ካላ ያርሹ 17 ክሎ ግራመ ዛርጋነ ሄዙ ሊትሮ ዛይትያ እም።

25 “ ል “ላፑንላ አግናን፤ ታማነ እቲሻንላ ጋላሳን ደምያ ላፑን ጋላሳ ባላ ዋድያን ኡባን፤ ናጋራ ያርሹዋ፤ ጸግያ ያርሹዋ፤ ካላ ያርሹዋነ ዛይትያ ካሰዋፕ ዲማየናን ካፕ እም” ያጌ።

46

ያርሹዋ ዋጋ

1 “ ልኡባ ሞድያ መድና ጎዳይ ሀዋዳን ያጌ፤ “ግደ ዳባባ ገልሰያ አዋይ ደልያ ባጋ ድርሳ ፕንጌ ኡሱዋ ጋላሳቲዋን ኡሱፑናቲዋንካ ጎርደቲደ ጋምኦ፤ ሽን ሳምባታ ጋላሰነ አግናይ ጸርያ ጋላሰ ደዩቶ።

2 እስራኤልያ አሳ ካፕ ድርሳወ ፕንጌ ባጋ ዳባባፕ ገልያ ባራንዳ ባጋና ገሊደ፤ ድርሳ ፕንጌ ሞላ ማታን ኤቆ። ቄሳቲ እ እሜዳ ጸግያ ያርሹዋነ እትፕተላ ያርሹዋ ያርሹኖ። እ ሄዋን ድርሳ ፕንጌን ጎይኒደ፤ ሰሚደ ካረ ከሶ። ሽን ድርሳ ፕንጌ ኦማርሳናሰካ ጎርደቶ።

3 ሄ ቢታ አሳይካ ሳምባታንነ አግናይ ጸርያ ዋድያን ግደ ዳባባ ድርሳ ፕንግያ ገልያሳን፤ መድና ጎዳ ሰንሳን ጎይንኖ።

4 “ ል “ካፕ ሳምባታ ጋላሰ መድና ጎዳወ ጸግያ ያርሹዋ ኦሌደ፤ ኡሱፑን ደርሳ ማራቲዋነ እት ደርሳ ኦርግያ፤ ኡባይካ ትላ ቦላና ደእያዋንታ እም።

5 እት ደርሳ ኦርግያና 17 ክሎ ግራመ ካላ ያርሹዋ እም። ድርሳ ማራቲዋና ሺቆያ ካላ ያርሹ ካፕ ባረወ ሺሻናወ ኮይዳዋ ኬሻ ግደ። ቃይ እት እት 17 ክሎ ግራመ ካላና ሄዙ ሄዙ ሊትሮ ዛይትያ እም።

45:10 ዋጋ 19:36 * 45:11 ጎሞረ፦ እት ጎሞረ 220 ክሎ ግራመ ዋይ 220 ሊትሮ ግዴ። † 45:12 ሳቅለ፦ እት ሳቅለ ታማነ እት ግራመነ ባጋ ዴጴ። 45:21 ከሳ 12:1-20፤ ፓይ. 28:16-25 45:25 ዋጋ 23:33-36፤ ፓይ. 29:12-38

6 “ ልላግናይ ጸርያ ጋላስ ጋላስ ቃይ እት ኮሩማ፡ ኡሱቱን ደርሳ ማራቱብን እት ደርሳ ኦርግያ፡ ኡባይካ ትላ ቦላና ደእያዋንታ እሞ።

7 እት እት ኮሩማን እት እት ደርሳ ኦርግያ ያርሽያ ዎደ፡ ካላ ያርሹ እት እት 17 ክሎ ግራመ ዛርጋን ሄዙ ሄዙ ሊትሮ ዛይትያ እሞ። ደርሳ ማራቱብና ሺቅያ ካላ ያርሹ ካቸ ባረዉ ሺሻናዉ ኮዬዳዎ ኬሻ ግደ።

8 ካቸ ገሊደ፡ ድርሳ ገንግያ ባራንዳና አዲደ ገሎ፤ ከሲደካ ሄዋና ከሶ።

9 “ ልላግና ሄ ቢታ አሳይ ባላ ጋላስ መድና ጎዳ ሰንላን ጎይናናዉ ይያ ዎደ፡ ጎይኖ ሁጺሳ ገንግያና ገሌዳዋንቱ ገድሳ ገንግያና ከሰኖ፤ ቃይ ገድሳ ገንግያና ገሌዳዋንቱ ሁጺሳ ገንግያና ከሰኖ። እይ አሳይን ባረ ሰንላን ደእያ ገንግያና ስት ገደ ከሶጥ አትና፡ ባረ ገሌዳ ሳና ከሶጥ።

10 ኡንቱንቱ ገልያ ዎደ፡ ካቸ ኡንቱንቱና ገሎ፤ ኡንቱንቱ ከሰያ ዎደካ፡ ኡንቱንቱና ከሶ።

11 “ ልላግና ጋላሳትዋንን ላይላ ባላቱዋን እት እት ኮሩማናን እት እት ደርሳ ኦርግያና ሺቅያ ካላ ያርሹ እት እት 17 ክሎ ግራመ ዛርጋን ሄዙ ሄዙ ሊትሮ ዛይተ ግደ። ቃይ ደርሳ ማራቱብና ሺቅያ ያርሹ ካቸ ባረዉ ሺሻናዉ ኮዬዳዎ ኬሻ ግደ።

12 ካቸ ባረ ደሱዋን እምያ ያርሹዎ፡ ጸግያ ያርሹዎ፡ ዎይ እትተላ ያርሹዎ መድና ጎደዉ እህያ ዎደ፡ አዋይ ደልያ ባጋ ግደ ዳባባ ድርሳ ገንገሊ አዉ ደየቶ። ባረ ጸግያ ያርሹዎ ዎይ እትተላ ያርሹዎ ሳምባታ ጋላስ እ እምያዎዳን እሞ። ያቲደ እ ከሲደ ቢና፡ ድርሳ ገንገሊ ጎርደቶ።

ሀኛ ሀኛ ሺሽያ ያርሹዎ

13 “ ልላግና ሀኛ ሀኛ ትላ ቦላና ደእያ እት ላይላ ግዴዳ እት ደርሳ ጸግያ ያርሹዎ ኡሊደ፡ መድና ጎደዉ እሞ፤ እ ሄዋ ዎንታ ዎንታ ፓጨናን እህ።

14 ሄዋናካ ላኡ ክሎ ግራመ ዲሊ እት ሊትሮ ዛይትያን ሙናቀቲደ፡ ዎንታ ዎንታ ካላ ያርሹዎ ግዲደ ሺቆ። ሀዌ ህንተ መድና ጎደዉ ሀኛ ሀኛ ሺሽያ ያርሹዎ ዎጋ።

15 ሀዌ ስሞ ኦርገ ደርሳይ፡ ካላ ያርሹካ ዛይቲ ፓጭ ባይናን ዎንታ ዎንታ ሺቃናዉ በሰያ ጸጉትያ ያርሹዎ” ያጌ።

ካቸዎ ጋድያባዉ እመቲዳ ዎጋ

16 “ ልላግና ሞድያ መድና ጎዳይ ሀዋዳን ያጌ፤ “ካቸ ባረ ጋድያጥ ሻኪደ፡ ባረ አቱማ ናናቱዋጥ እቶ እሞጥ፡ ሄዌ ሄ ናኣሳን አ ናናቱዋሰ ላታ ግዴ።

17 ሸን ካቸ ባረ ጋድያጥ ሻኪደ፡ ባረ ቆማቱዋጥ እቶ እሞጥ፡ እሻታማንላ ላይላ ባላይ ጋካናዉ፡ ሄ ጋዲ እሞ። ሄዋጥ ጉይያን፡ ካፖ ሰሞ፤ ሄዌ ካፖ ግድያ ድራዉ፡ መድናዉ አሳን አ ናናቶ ላታ ግዴ።

18 ካቸ አሳ ሱጊደ፡ አሳ ላታ ጋድያ ዎልቃን አኮፖ። ታ አሳይ ባረ ላታ ጋድያጥ ዲቆለተና ማላ፡ እ ባረ አቱማ ናናቶ ባረ ጋድያጥ እሞ” ያጌ’ ያጋ” ያጌዳ።

ያርሹዎ ደይሰያ ሳአቱዎ

19 ሄዋጥ ጉይያን፡ ሄ ብታኒ ታና ሁጺሳ ጸልያ፡ ቁሳቱ ዋ ጌሻ ክፍለቱዋኮ ገልያሳ አሄዳ። ሄዋንቱካ ግደ ዳባባዉ ጋልያ ዲገ ባጋ ድርሳ ገንግያ ማታን ደእያዋንታ። ኡንቱንቱጥ አዋይ ዉልያ ባጋና ታን እት ሳኦ በኣድ። እ ታና ሀዋዳን ያጌዳ፤

20 “ሀ ሳአይ ቁሳቱ ናጋራ ያርሹዋን ናቁዎ ያርሹዎ ደይሰያ ሳን ካላ ያርሹዎ ኡክያ ሳኦ። ሀ ሳኦን ጎኤትያ ጋሱ ሄ ጌሻ ያርሹዎ አሳኮ ካረ ዳባባ ከሰና፡ አሳይ ጌሻባ ቦቺደ ጌየናዳን ናጋናሳ” ያጌዳ።

21 ሄዋጥ ጉይያን፡ ሄ ብታኒ ታና ካረ ባጋ ዳባባዉ አፊደ፡ ሄ ዳባባዉ ኦይዲ ማዛንያ ታና ዩሼዳ። ሄ ዳባባ ማርያን ኡባንካ ቁር ዳባባቱ ደእያዋንታ በኣድ።

22 ኡንቱንቶ ኡባዉካ 40 ዎቆ፤ ጎምፓይካ 30 ዎቆ፤ ኦይዲ ማርያን ደእያ ዳባባቱካ እት ላገ።

23 ሄ ኦይዲ ዳባባቱዎ ዩሹዋንካ ሹቻ ግምቢ ደኤ፤ ቃይ ግምቢያ ላንቁያን አኮ ሺቁደ ኦስቲዳ፡ ታማ ኡልያ ሳአቱ ደኢኖ።

24 ሄ ብታኒ ታና፡ “ሀዋንቱ ኡባይ ጌሻ ጎልያን ኡልያዋንቱ እህያ ያርሹዎ ደይሰያ ሳአቱዎ” ያጌዳ።

47

ጌሻ ጎልያ ጋርሳጥ ፑልትያ ሃላ

1 ሄ ብታኒ ዛሪደ፡ ታና ጌሻ ጎልያ ገልያሳ አፊደ። ጌሻ ጎልያ ገልያ ገንግያጥ ጋርሳና ሃላይ ፑልቲደ፡ ጌሻ ጎልያጥ አዋይ ደልያ ባጋ ጎጌ። ጋሱካ መድና ጎዳ ጌሻ ጎሊያ ገንገሊ አዋይ ደልያ ባጋጥ ሰንላና ደኤ። ጌሻ ጎልያዉ ገድሳ ባጋና ዲገ ጎጊደ፡ ያርሽያ ሳጥ ገድሳ ባጋና እዴ።

2 እ ታና ሁጺሳ ገንግያ ባጋና ከሲደ፡ አዋይ ደልያ ባጋ ጸልያ ገንግያ ዩሹዋና ካለሊደ አፊደ። ሄ ገንግያጥ ገድሳ ባጋና ሃላይ ጎጌ።

3 ሄ ብታኒ ልክያ ሜትርያ ባረ ኩሽያን ኦይቁደ፡ አዋይ ደልያ ባጋ ቢደ፡ ጎጊያ ሃላ ካሊደ፡ 1,000 ዎቆ ልኪደ። ታና ሃላ ግዲዋና ካለሌዳ፤ ሃላይ ታዉ ሚሽ መቀላ ጋኬ።

4 ላኤንሉዋካ 1,000 ዎቆ ልኪደ፡ ሃላ ግዲዋና ታና ካለሌዳ። ሃላይ ታዉ ጉልባታ ጋኬደ። ቃይ 1,000 ዎቆ ልኪደ፡ ታና ሃላ ግዲዋና ካለሌዳ። ሄ ዎደ ሃላይ ታዉ ጸሳ ጋኬደ።

5 እ ቃይካ 1,000 ዎቆ ልኪደ። ሸን ሄ ሃላይ ዳር ጨማ ግዴዳ ድራዉ፡ ታን ፕናናዉ ዳንዳያበይከ፤ እ አሳይ ዋናን ፕናናዉ ዳንዳየና ሻፋ ግዴዳ።

6 ሄ ብታኒ ታና፡ “ላ አሳ ናአዉ፡ ሀዋ በኣድ?” ያጌዳ።

ሄዋጥ ጉይያን፡ እ ታና ሻፋ ጋጸዉ ጉየ ዛሪዳ።

7 ታን ሰማደ ያ ጋክያ ዎደ፡ ሻፋ ደናን ሀ ባጋናን ያ ባጋና ሎይሳ ዳር ሞላይ ደእያዎ በኣድ።

8 እ ታና ሀዋዳን ያጌዳ፤ “ሀ ሃላይ አዋይ ደልያ ባጋ ቢታዉ ጎጊደ፡ አራባ ዎምባን ገሌ።

እ ሄዋን ጎገና ማጽንያ አባን ገልያ ዋደ፡ ሄ ሃላይ ኦራዲድ፡ ጽሎ ሃላ ከሴ።

9 ሀ ሻፋይ ጎገደ ብያ ሳኣን ደእያ፡ ሻምእ ግያ መጠታቱ ኡባይ ፓጻ ደእና፤ ቃይ ሄ ሻፋይ ያ ጎገደ፡ አባ ሃላ ኦራዲድ ጽልሲያ ድራው፡ ፓይዲዋን ዳሮ ጮራቴዳ ሞለቱ ያን ደእና። ሄዋፕ ደንዴዳዋን፡ ሄ ሻፋይ ጎገያሳን ደእያባይ ኡባይ ፓጻ ደእና።

10 ሞልያ ኦይቂያዋንቱ አባ ደናን ኤቃና፤ ኤንጋዳፕ ቢደ ኤን-ኤግላይማ ጋካናው ደእያ ሳኣይ ግትያ ሞጫያ ሳኣ ግዳና። ሜድተራን አባን ደእያ ሞለቱዋዳን፡ ሄዋንካ ዳሮ ዲማ ዲማ ቆሞ ሞለቱ ደእና።

11 ሸን አባ ደናን ደእያ ጫሪን ሃላይ ኩሞ ኦላይ ማጽነ ግዲደ አታናፕ አትና፡ ኦራጽክኖ።

12 ሄ ሻፋ ደናን ሀ ባጋናን ያ ባጋና ሞያ አይፍያ አይፍያ፡ ዳሮ ዲማ ዲማ ቆሞ ሞላቱ ደእና። ኡንቱንቱ ሀይላይ ቆቆፈተና፤ አይፍያዋካ አግክኖ። ጌሻ ጎልያፕ ከሰያ ሃላይ ኡንቱንቱኮ ጎገያ ድራው፡ ኡንቱንቱ አግናን አግናን ኦራላ አይፍያ አይፋና። ኡንቱንቱ አይፊዳ አይፊ ቆማ ግዳናዋ፤ ኡንቱንቱ ሀይላይካ ቆላ ግዳናዋ” ያጌ።

ቢታ ዛዋቱዋ

13 ኡባ ሞድያ መድና ጎዳይ ሀዋዳን ያጌ፤ “እስራኤልያ ዛረቶ ታማነ ላኦቶ ቢታ ላታ ጋድያ ኦላድ፡ ኔን ሻካና ዛዋይ ሀዋ። ዮሴፎ ዛረቶ ላኦ ሳማይ እመቶ።

14 ታን ካሰ ህንተ ማይዛ አዋቶ ሀ ቢታ ላትሳናው ታ ኩሸያ ደንላደ ጫቃድ፤ ሀእ ህንተ ኡባይካ ልክያን ሻኪደ ላትተ።

15 “ቢታው ሁጲሳ ባጋ ዛዋይ ሀዋ፡ ሜድተራን አባፕ ደንዲድ፡ ሄትሎና ካታማነ ሀማታ ፕኑዋ አዲድ፡ ጸዲደ ካታማ ጋኬ።

16 ሄዋፕ ቃይ ዳማሰቆፕን ሀማታፕ ግደ ዛዋን ደእያ በርታን ሰብራይማ ካታማቱዋ አዲድ፡ ሀውራና ዛዋን ደእያ ቲኮና * ካታማ ጋኬ።

17 ሄዋ እስራኤልያ ቢታው ዛዋይ ሀማታ ቢታ ሁጲሳ ባጋው አገደ፡ ሜድተራን አባፕ አዋይ ዶልያ ባጋ ቢደ፡ ዳማሰቆ ቢታ ዛዋን ደእያ ሀጸር-ኤናና ካታማ ጋኬ።

18 “አዋይ ዶልያ ባጋ ዛዋይ ሀጸር-ኤናናፕ ደንዲድ፡ ዳማሰቆፕን ሀውራናፕ ግዲዋና አዲ። ሄዋፕ ቃይ እስራኤልያፕን ጋላኣደፕ ግዲዋን ደእያ ዮርዳኖሳ ሻፋን ዛዋቲድ፡ ማጽንያ አባ አዲደ ቢደ፡ ታማራ ካታማ ጋኬ።

19 “ግድሳ ባጋ ዛዋይ ታማራፕ ደንዲደ ቢደ፡ ማሪባ-ቃዳሳን ደእያ ፑልቱዋ ጋኬ። ሄዋፕ ሁጲሳና አዋይ ወልያ ባጋ ኦይቅክቂድ፡ ግብጾ ሻፋ ካሊደ ቢደ፡ ሜድተራንያ አባ ጋኬ።

20 “አዋይ ወልያ ባጋ ዛዋይ ሜድተራን አባ ግዲድ፡ ሁጲሳ ባጋና አዲደ ሀማተን ዛዋቱ።

21 “ሄዋ ድራው፡ ሀ ቢታ እስራኤልያ ዛራቱዋ ፓይዲዋ ልክያን ሻክ አክተ።

22 ህንተውን ህንተ ግደን ናናቱዋ የሊደ ደእያ በተቶ ቢታ ላታ ኦላደ ሻክተ። ኡንቱንታ ህንተ ህንተ ቢታን የለቲዳ እስራኤልያ አሳዳን ጾልተ።

ኡንቱንቱ ህንተናና እትፕ እስራኤልያ ዛራቱዋና ጋድያ ሳማን አክና።

23 በቲ እስራኤልያን አይ ዛርያና ደኦፕካ፡ ሄ እ ደእያ ዛርያ ግድን አው ላታ ቢታ እምተ። ታን ኡባ ሞድያ መድና ጎዳይ ሀዋ ኦዳይ።

48

ቢታ ሻኩዋ

1 “ቢታ ሻካናው ማዘጋበቴዳ ዛራቱዋ ሱንላይ ሀዋ፡ ሁጲሳ ባጋና እት ሳማይ ዳና ዛርያው እመቶ። ሄዋካ ሄትሎናፕ ሀማታው አፍያ ኦግያ ካሊደ፡ ሄዋፕካ ዳማሰቆ ዛዋን ደእያ ሀጸር-ኤናና ማታ ካታማ አዲደ ሀማተ ማታን ዛዋቱ። ሄዋ አዋይ ዶልያ ባጋፕ ቢደ አዋይ ወልያ ባጋ ጋካናው ደእያ ሳኣው ሁጲሳ ባጋ ዛዋ ግዳና።

2 ዳና ዛዋና ኦይቅቲድ፡ አዋይ ዶልያ ባጋፕ አዋይ ወልያ ጋካናው ደእያ እት ሳማይ አሴራ ዛርያው እመቶ።

3 አሴራ ዛዋና ኦይቅቲድ፡ አዋይ ዶልያ ባጋፕ አዋይ ወልያ ጋካናው ደእያ እት ሳማይ ንፍታሌማ ዛርያው እመቶ።

4 ንፍታሌማ ዛዋና ኦይቅቲድ፡ አዋይ ዶልያ ባጋፕ አዋይ ወልያ ጋካናው ደእያ እት ሳማይ ሞናሰ ዛርያው እመቶ።

5 ሞናሰ ዛዋና ኦይቅቲድ፡ አዋይ ዶልያ ባጋፕ አዋይ ወልያ ባጋ ጋካናው እት ሳማይ ኤፍሬማ ዛርያው እመቶ።

6 ኤፍሬማ ዛዋና ኦይቅቲድ፡ አዋይ ዶልያ ባጋፕ አዋይ ወልያ ጋካናው እት ሳማይ ሮቤላ ዛርያው እመቶ።

7 ሮቤላ ዛዋና ኦይቅቲድ፡ አዋይ ዶልያ ባጋፕ አዋይ ወልያ ጋካናው እት ሳማይ ይሁዳ ዛርያው እመቶ።

8 “ይሁዳ ዛዋና ኦይቅቲድ፡ አዋይ ዶልያ ባጋፕ አዋይ ወልያ ባጋ ጋካናው ደእያ እት ሳማ ዳማያ ዋላ። አው ሳምፓይ ታማነ ላኦ ክሎ ሜትሪን ባጋ ግዴ። አዋይ ዶልያ ባጋፕ አዋይ ወልያ ባጋ ጋካናው ደእያ እት ዛርያ ሻክና ጋክያ ሳማና ቃራ። አው ግደ ግሸቻን ጌሻ ጎሊ ደኤ።

9 “ሄ ሳማፕ ኔን መድና ጎዳው ዲማያደ ዋላያ ሳኣይ ታማነ ላኦ ክሎ ሜትሪን ባጋ አዲሳን ታሙ ክሎ ሜትሪ እኮ ግደ።

10 ሄ ሳኣይ ቁሳቶ ዲማዬዳ ሳኣ ግደ፤ እ ሁጲሳ ባጋና ታማነ ላኦ ክሎ ሜትሪን ባጋ አዲሳ፤ አዋይ ወልያ ባጋና እቼሹ ክሎ ሜትሪ እኮ፤ አዋይ ዶልያ ባጋናካ እቼሹ ክሎ ሜትሪ እኮ፤ ቃይ ገድሳ ባጋና ታማነ ላኦ ክሎ ሜትሪን ባጋ አዲሳ። መድና ጎዳ ጌሻ ጎሊ አው ግደ ግሸቻን ደኤ።

11 ሀ ዲማይ ዋላዳ ሳኣይ እስራኤልያ አሳይ ታ ኦግያፕ ዋራ ሰምያ ዋደ፡ ኡንቱንቱና ዋራ ሰሜዳ ሊዋቱዋዳን ግደናን፡ እማነቲደ ታው ኦላደ ጋምኤዳ፡ ጌሻ ቁሳቶ፡ ጸደቃ ያራቶ እመቶ።

12 ሄዋ መድና ጎዳው ዲማዬዳ ቢታፕ ኡንቱንቶ ዲማ ሳማ፤ እ ኡባፕ አዲዳ ጌሻ። ኡንቱንቱ ሳማይ ሊዋቶ ሳማን ዛዋቶ።

47:12 ሳፃ 22:2 * 47:16 ቲኮና- እብራዌሉዋን ሀዘር-ሀትኮን ጌተቱ።

13 “ቁሳቱ ዋ ዛዋና ኦይቀቲደ፡ ሌዋቶካ ኦዲሳተላ ታማነ ላኡ ክሎ ሜትረነ ባጋ፡ ጎምፓይካ እቼሹ ክሎ ሜትረ ግዴዳ እት ሳማይ እመቶ።

14 ኡንቱንቱ ሄ ጋድያፕ እያነ ባይዘፕኖ ዋይ ላዋፕኖ። ሄዌ ቢታ ኡባን ዲማቴዳዋ ግድያ ድራወ፡ ሀራ እሳ ኩሸያን ገላናዉ በሰና፤ መጅና ጎዳዉ እ ጌሻ ሳኦ።

15 “እቲዳ ላኡ ክሎ ሜትረነ ባጋ ኦዲሳ ተማነ ላኡ ክሎ ሜትረነ ባጋ ኦዲሳ ሳኦይ ካታማ ኦሳይ ኡባይ ኮላን ጎኡትያ ጎልያ ኬጽያነ መሀያ ሄምያ ሳኦ ግድ፤ ካታማይ ሄ ቢታዉ ግድ ግሸቻን ደኦ።

16 ሄ ካታማይ ኦይዲ ሚዛናን ደኦ። ሁጲሳ ባጋይ 4 ክሎ ሜትረነ ባጋ፤ ገድሳ ባጋይ 4 ክሎ ሜትረነ ባጋ፤ እዋይ ዶልያ ባጋይ 4 ክሎ ሜትረነ ባጋ፤ እዋይ ዉልያ ባጋይካ 4 ክሎ ሜትረነ ባጋ።

17 ካታማዉ ሄንላ ጋዲ ደኦ፤ ሄ ጋዲ ሁጲሳ ባጋና፡ ገድሳ ባጋና፡ እዋይ ዶልያ ባጋና፤ እዋይ ዉልያ ባጋና 250 ዋታ እኮ ግድ።

18 ጌሻ ሳኦ ባጋና እቲዳ ሳኦይ እዋይ ዶልያ ባጋ ዋቲያ ዋይ፡ ኦዲሳተላይ እቼሹ ክሎ ሜትረ፤ እዋይ ዉልያ ባጋ ዋቲያ ዋይ፡ ኦዲሳተላይ እቼሹ ክሎ ሜትረ። ሄ ሳኦን ሞኬዳዌ ኡባይ ሄ ካታማን ኦልያዋንቶ ቁማ ግዳና።

19 እሰራኤልያ ዛረ ኡባፕ ሄ ካታማን ኦላናዉ ይያዋንቱ ሄ ቢታ ጎሸኖ።

20 ህንተ ዲማይያ ሳኦይ ኡባና ኦይዲ ማርያናካ ታማነ ላኡ ክሎ ሜትረነ ባጋ ኦዲቁ። ሄ ሳኦይ ካታማይ ኬጸቲዳ ሳኦን ጌሻ ሳኦ ባረናን ጉጁ።

21-22 “ጌሻ ጎልያፕ፡ ቁሳቱ ዋ ሳማፕ፡ ሌዋቲዋ ሳማፕነ ካታማ ሳኦፕ እዋይ ዶልያ ባጋና፤ እዋይ ዉልያ ባጋና ደእያ እቲዳ ቢታይ ካፕ ግድ። ሄ ቢታዉ ጎምፓይ ታማነ ላኡ ክሎ ሜትረነ ባጋ። ሄ ካፕዋ ቢታይ ሁጲሳ ባጋና ይሁዳ ጋኬዳ ሳማን፡ ገድሳ ባጋና ቢንያማ ጋኬዳ ሳማን ዛዋቲ።

23 እቲዳ ዛረቶ ቢታይ ሀዋዳን ሻከቲ። እዋይ ዶልያ ባጋፕ እዋይ ዉልያ ባጋ ጋካናዉ፡ እት ሳማይ ቢንያማ ዛርያዉ እመቶ።

24 ቢንያማ ዛዋና ኦይቀቲደ፡ እዋይ ዶልያ ባጋፕ እዋይ ዉልያ ባጋ ጋካናዉ ደእያ እት ሳማይ ሰዋና ዛርያዉ እመቶ።

25 ሰዋና ዛዋና ኦይቀቲደ፡ እዋይ ዶልያ ባጋፕ እዋይ ዉልያ ባጋ ጋካናዉ ደእያ እት ሳማይ ይሳኮራ ዛርያዉ እመቶ።

26 ይሳኮራ ዛዋና ኦይቀቲደ፡ እዋይ ዶልያ ባጋፕ እዋይ ዉልያ ባጋ ጋካናዉ ደእያ እት ሳማይ ዛብሎና ዛርያዉ እመቶ።

27 ዛብሎና ዛዋና ኦይቀቲደ፡ እዋይ ዶልያ ባጋፕ እዋይ ዉልያ ባጋ ጋካናዉ ደእያ እት ሳማይ ጋዲ ዛርያዉ እመቶ።

28 ጋዲ ገድሳ ዛዋይ ታማራ ካታማፕ ደንዲደ፡ ማሪባ-ቃዴሳን ደእያ ፑልቲዋና ኦዲደ፡ ግብጹ ሻፋ ካሊደ ቢደ፡ ማድተራነ እባ ጋኬ።

29 “ህንተ እሰራኤልያ ኦሳዉ ላታ ኦላደ ሻካና ቢታይ ሀዋ፤ ሀዋንቱ ኡንቱንታ ጋካና ሳማቲዋ። ታን ኡባ ሞድያ መጅና ጎዳይ ሀዋ ኦዲይ።

ካታማ ፕንገቱዋ

30 “ካታማፕ ከሰያ ፕንገቱ ሀዋንታ። ኡንቱንቱ እሰራኤልያ ዛራቲዋ ሱንላን ጸገታና። ሁጲሳ ድርሳ ግምቢ 4,500 ዋታ ኦዲቃና፤

31 ካታማ ፕንገቱ እሰራኤልያ ዛረላ ሱንላን ጸገታና። ሁጲሳ ባጋና፤ ርቤላ ፕንግያ፡ ይሁዳ ፕንግያነ ሌዌያ ፕንግያ ጌተትያ ሄዙ ፕንገቱ ደእና።

32 እዋይ ዉልያ ድርሳ ግምቢ 4,500 ዋታ ኦዲቃና፤ ሄ ግምቢያን ዮሴፎ ፕንግያ፡ ቢንያማ ፕንግያነ ዳና ፕንግያ ጌተትያ ሄዙ ፕንገቱ ደእና።

33 ገድሳ ድርሳ ግምቢ 4,500 ዋታ ኦዲቃና፤ ሄ ግምቢያን ሰዋና ፕንግያ፡ ይሳኮራ ፕንግያነ ዛብሎና ፕንግያ ጌተትያ ሄዙ ፕንገቱ ደእና።

34 እዋይ ዉልያ ድርሳ ግምቢ 4,500 ዋታ ኦዲቃና፤ ሄ ግምቢያን ጋዳ ፕንግያ፡ እሴራ ፕንግያነ ንፍታሌማ ፕንግያ ጌተትያ ሄዙ ፕንገቱ ደእና።

35 “ካታማ ዩሹ ኡባና ልክና፡ 18,000 ዋታ ግዳናዋ። ሄ ዋድያፕ ዶሚደ ሄ ካታማይ፡ “መጅና ጎዳይ ሄዋን ደኤ’ ያጌቲደ ጸሰታና” ያጌ።

ዳኔላ ትምህርት ገሌጽ

ዳኔል የሩሳላም አዋደቴዳ ዋደ እትጥ አዋደት ቢደ ባብሎንን ደእያ ናብያ። ዳኔላ ትምህርት ጸፈቴዳዌ አይሁዳ አሳቱ አይሁዳ ግደና ካውተላቱዋ ሞዲዋ ጋርሳን አቁደ፣ ዋልቃማ የደሳይነ ኡቁናይ ጋክና፣ ኢንቱንቱ መቱዋ በእያ ዋድያና። ማጻፋ ጸፊዳዌ ሳጸጥ ቤቴዳ ታርከቱዋን ኦሶቱዋን ጎኤቲደ፣ ሄ ዋደ ደእያ አሳ ምን። ዳሳይ ኡቁኒደ ሞድያ ካትያ ሳይሲደ፣ አሳ ኡቁና ቃሹዋጥ ከሳናዋ ሀድታ እሜ።

- 1. ዳኔልን እናና እትጥ አዋደዋን ደእያ አማሬዳ አሳቱ ጸሳ አማንያ ምኖ አማኑዋንን አው አዛዘትያ ሀኖታን ባረንቱ ሞርከቱዋ ጸኔዳዋ ኦድያ ታርከቱዋ ግድሽን፣ ኢንቱንቱካ ፖለቴዳዌ ባብሎን ፓርሰ ካውተላ ላይላና።
- 2. ዳኔል ዲማ ዲማ ሳፃ በኤዳ። ሄ ሳጸቱዋ ለምሱዋን በሲደ፣ ባብሎንጥ ደሚደ፣ ዲማ ዲማ ካውተላቱ ደንድ ደንዲደ ኩንዳናዋን ኢንቱንታ ሞድያ አይሁዳ ግደና ካቲ ሳይና፣ ጸሳ አሳይ ጸኑዋ ደማናዋ በሰ።

ሸምጋቱዋ ኡባቶ እመቴዳ ቃንሳ ቆፋቱዋ

- 1. ዳኔላን እ ሄዙ ላገላቱዋ 1:1-21
- 2. ካትያ ናቡካዳናጸራ እኩሙዋ 2:1-49
- 3. ሰድራቃ፣ ሞሳቃን አብድናጉዋ ጸሳይ ኤጽያ ታማጥ አሼዳ 3:1-30
- 4. ናቡካዳናጸረ ላፑ ላይላ ባረ ካውተላ ሳይዳ 4:1-37
- 5. ካትያ በልሻጸራን ጎዳ ቦላ ጸፋዋ 5:1-31
- 6. ጸሳይ ዳኔላ ጋሙዋ ደናጥ አሼዳ 6:1-28
- 7. ዳኔል በኤዳ ኦይዱ ደአቱዋ ሳፃ 7:1-27
- 8. ዳኔል በኤዳ ደርሳ ኦርግያን ዳሻ ኦርግያ ሳፃ 8:1-27
- 9. ዳኔል ባረ አሳ ድራው ዋሴዳ 9:1-27
- 10. ዳኔል ጸግርሳ ሻፋ ማታን በኤዳ ሳፃ 10:1—11:45
- 11. ዉርሰሳ ዋድያባ 12:1-13

ዳኔላን እ ሄዙ ላገላቱዋ (1:1-21)

1 ይሁዳ ካቲ ዮአቁም ካተቴዳ ሄዘንሉ ላይላ፣ ባብሎን ካቲ ናቡካዳናጸር የሩሳላም ካታማ ቦላ ደንዲደ፣ ሄ ካታማ ደዴዳ።

2 ጎዳይ ይሁዳ ካትያ ዮአቁማን ጸሳ ጌሻ ጎልያን ደእያ ሚሻቱዋጥ ኡንደነዳዋ አ ኩሽያን አሉደ እሜዳ። እካ ሄ ሚሻቱዋ ባብሎን ጋድያን ደእያ ባረ ጸሳቱዋ ኤቃ ጎልያ አሄዳ፤ ባረ ጸሳ ሚሻ ምንጅያ ጎልያን ዋሴዳ።

3 ሄዋጥ ጉይያን፣ ካቲ አሽፋናዛ ግያ ባረ ኦሳንቻቱዋ ካፑዋ ሀዋዳን ያገደ አዛዜዳ፤ “እሰራኤልያ አሳ ግደጥ ካትያ ዛረ ግድያዋንታን ዋልቃማ አሳቱዋ ዛረ ግድያዋንታ ደራ።

4 ያላጋቱ አሳተላን ፓጫይ ባይናዋንታ፣ ማላንቻቱዋ፣ እያ ታማርሶጥካ ኤራናው ዳንዳይያዋንታ፣ እኬክያዋንታ፣ ኤራተላይ ኩሚዳዋንታን ካትያ ጎልያን አላናው ዳንዳይያዋንታ። ኢንቱንታ ባብሎንቱዋ ቃላን ጽፋትያ ታማርሳ” ያጌዳ።

5 ቃይ ኢንቱንቱ ሀቶ ሀቶ ማና ቁማይነ ኡሻና ዋይንያ ኤሳይ ካትያው ካኤዳ ቁማጥን ኡሻጥ ግደናዳን፣ ካቲ አዛዜዳ። ሄዋዳንካ፣ ሄዙ ላይላ ሎሄደዋጥ ጉይያን፣ ካትያ ሰንሳ ሸቂደ፣ ኦሱዋ ደማናዳን ቃቹዳ።

6 ደረቴዳዋንቱ ግደጥ ይሁዳ ዛረ ግድያዋንቱ ዳኔላ፣ ሀናንያ፣ ሞሻኤላን አዛርያ ግያዋንቱ ደእኖ።

7 ኦሳንቻቱዋ ካፑ ኢንቱንቱ ሱንሳ ላሚደ፣ ዳኔላ ብልጸሶራ፣ ሀናንያ ሰድራቃ፣ ሞሻኤላ ሞሳቃ፣ አዛርያ አብዳናጎ ገደ ሱንሴዳ።

8 ዳኔል ካትያ ቁማ ምያዋንን ዋይንያ ኤሳ ኡሽያዋን ባረና ቱንሰና ማላ፣ ባረ ዋዛናን ቆፋ ቃቹዳ፤ ሄ ቆፋን ማያናዳን፣ ኦሳንቻቱዋ ካፑዋ ዋሴዳ።

9 ሄ ካፑ ዳኔላ ሳባና ማላን አው ቃረታና ማላ፣ ጸሳይ ኡሴዳ።

10 ግደ ሸን፣ ኦሳንቻቱዋ ካፑ ዳኔላው ኦዲደ፣ “ታን ሀንተንቶ ሀ ቁማን ኡሻ አዛዜዳ ታ ጎዳ ካትያው ያያይ። ሀንተናና ላገትያ ያላጋቱ ሶምኡዋጥ ሀንተ ሶምኤ ግልቁ ቤቶጥ፣ ሀንተ ጋሱዋን ካቲ ታና ዋሳና” ያጌዳ።

11 ሄዋጥ ጉይያን፣ ኦሳንቻቱዋ ካፑ ሱንሴና ዳኔላ፣ ሀናንያ፣ ሞሻኤላን አዛርያ ሀደራ እኬዳ ብታንያ ዳኔል ሀዋዳን ያጌዳ።

12 “ኡው ማናው አታክልትያ፣ ኡሻናውካ ሃላ ጸላላ እማደ፣ ኑና ነ ቆማቱዋ ታሙ ጋላሳቱዋን ፓጫ።

13 ሄዋጥ ጉይያን፣ ኑ ሶምኡዋን ካትያ ቁማ ምያ ያላጋ አሳቱዋ ሶምኡዋ ጌደራ ጸላደ፣ ኑና ነ ቆማቱዋ ነው ማላት ቤቴዳዋዳን ኦላ” ያጌዳ።

14 እ ሄዋ ማዴደ፣ ታሙ ጋላሳ ኢንቱንታ ፓጫዳ።

15 ታሙ ጋላሳጥ ጉይያን ኢንቱንቱ፣ ካትያ ቁማ ሜዳ ያላጋቱዋ ኡባጥ ፓጺደን አንቃሪይ ቤቴድኖ።

16 ያትና፣ ኢንቱንቶ ገጌዳ ቁማን ዋይንያ ኤሳ ድገደ፣ አታክልትያ እሜዳ።

17 ሀ ኦይዱ ያላጋቶ ጸሳይ ኤራን ኡባ ቆሞ ጽፋቲን ትምርቲ ገልያ እኬካ እሜዳ። ዳኔል ቃይ ሳጸን እኩሙዋ ኡባ ብለላ ኤሬ።

18 ካቲ ያላጋቱ ባረኮ ገላናዳን አዛዜዳ ዋዴ ፖለትና፣ ኦሳንቻቱዋ ካፑ ኢንቱንታ ናቡካዳናጸረ ሰንሳ አሴዳ።

19 ካቲ ኢንቱንታ ሃሳይሴዳ ዋደ፣ ዳኔላ፣ ሀናንያ፣ ሞሻኤላን አዛርያ ማላ አሳይ ኢንቱንቱ ግደን ቤትቤና። ያትና፣ ኢንቱንቱ ካትያው ኦላናው ገሌድኖ።

20 ካቲ ኢንቱንታ ኦቹዳ አይ አይዳ ኤራተላን እኬካ ኦሻን፣ አ ካውተላን ደእያ ሻሬቾቱዋጥን ሙሩንያዋንቱ ኡባጥ ኢንቱንቱ ታሙ ኩሽያ አዲይ ቤቴድኖ።

1:1 2 ካታ. 24:1፤ 2 ኦዲዋ 36:5-7 1:2 2 ካታ. 20:17-18፤ 24:10-16፤ 2 ኦዲዋ 36:10፤ አሳ. 39:7-8

21 ዳኔል ካቲ ቂርሰ ካተቲዳ ኮይር ላይላይ ጋካናው ጋምኤዳ።

2

ካትያ ናቡካደናጾር እኩሙዋ (2:1-49)

1 ናቡካደናጾር ባረ ካተቲዳ ላኤንሉ ላይላ እኩሙዋ እኩሙቲዳ። ሄ እኩሙዋ እ ሎይላ ሻቢርና፣ ገምእሹ እ እፊናን እጾዳ።

2 ያትና፣ እ እኩሙቲዳ እኩሙዋ አው ኦዳና ማላ፣ ሻሬቾቱ፣ ሙሩንያዋንቱ፣ ብትያዋንቱን ጸልንትያ ጸሊደ ካይያዋንቱ ጸገት ያናዳን ካቲ አዛዜዳ። ዪደ፣ እ ሰንላን ኤቄድና።

3 ካቲ ኤንቱንታ፣ “ታን ታና ሻቢርሰያ እኩሙዋ እኩሙታድ፤ ሄ እኩሙዋ እየንቶ ኤራናው ኮያይ” ያጌዳ።

4 ጸልንትያ ጸሊደ ካይያዋንቱ ካትያ ሶራቱዋ * ቃላን፣ “ካትያው፣ መድናው ደእ! ነ እኩሙዋ ኑው ነ ቆማቶ ኦዳ፤ ኑን ነው እ ብለላ ኦዳና” ያጌድና።

5 ካቲ ጸልንትያ ጸሊደ ካይያዋንታ ሀዋዳን ያጌዳ፤ “ታን ሎይላደ ቃቼዳ ቆፋይ ሀዋ። ሀንተ ሀ እኩሙዋን እ ብለላ ታና ኤርሳና ቆዮ፣ ታን ሀንተና ቃንጸ የጋና፤ ሀንተ ጎለቱካ ቡራ ኦልያ ሳኦ ከሳና።

6 ሸን ሀንተ እኩሙዋን እ ብለላ ታው ኦደ፣ እሙዋ፣ ዋይቱዋን ዳር ቦንቾዋ ታ፣ ሀንተ እካና። ሄዋ ድራው፣ እን እኩሙዋን እ ብለላ ታና ኤርሰተ” ያጌዳ።

7 ላኤንሉ-ዋካ ኤንቱንቱ ዛሪደ፣ “ካቲ እኩሙዋ ኑው ባረ ቆማቶ ኦዳ፤ ኑን እ ብለላ ኤርሳና” ያጌድና።

8 ካቲ ኤንቱንቶ ዛሪደ፣ “ታን ሀንተ ሀልቼዋ ኤራይ፤ ታን ሎይላደ ቃቼዳ ቆፋ ሀንተካ ኤራዳ ድራው፣ ሀዋ ሱጋና ጊደ ሀኒታ ያጌዳ።

9 ሀንተ እኩሙዋ ታው ኦዳና ቆዮ፣ እት ቀጩ ሀንተና ናጌ። ሀናታይ ሳመታናዋ ጊደ ሀንተ ሀደታ ኦልያ ድራው፣ ታው ዋርዶን ገንያ ቃላ ኦዳናው ማቀቱድታ። ሄዋ ድራው፣ እኩሙዋ ታው ኦድተ፤ ያቶ፣ ሀንተ እ ብለላ ኤርሳናው ዳንዳይያዋ ታን ኤራይ” ያጌዳ።

10 ጸልንትያ ጸሊደ ካይያዋንቱ ካትያው ዛሪደ፣ “ካቲ ኦቾያ ኦቻ ዛራናው ዳንዳይያ እት አሳይን ጋድያን ባዋ። አይ ግታቲዳን ዋልቃሜዳ ካወካ ሀዋ ማላባ ሻሬቾቱዋ፣ ሙሩንያዋንታ ዋይ ጸልንትያ ጸሊደ ካይያዋንታ ኦቾ ኤረና።

11 ካቲ ኦቾዳ ኦቻይ ዳጸ፤ አሳና እት፣ ደኤና ጸሳቱዋ እትና፣ ሀዋ ካትያው ቆንጭሳናው ዳንዳይያዋ ሙላካ ባዋ” ያጌድና።

12 ሄዋ ድራው፣ ካቲ ሎይላ ሀንቀቲደ ባብሎን ደእያ ካትያ ዘርያዋንታ ኡባ ወርሳናዳን አዛዜዳ።

13 ካትያ ዘርያዋንታ ዋቆናው አዋዩ ከሴዳ። ዋቆናዋንቱ ዳኔላን እ ሳገቱዋ ዋቆናው ኮዬድና።

ጸሳይ ዳኔላ እኩሙዋ ብለላ ኤርሴዳ

14 ካትያ ናግያ ኦላንቻቱዋ ካቲ አርዮክ፣ ባብሎን ደእያ ካትያ ዘርያዋንታ ዋቆናው ከሰያ ዋደ፣ ዳኔል እ እኩካንን ሂላን ሃሳይሴዳ።

15 እ ካትያ ናግያ ኦላንቻቱዋ ካቲ አርዮካ፣ “ካትያ አዋዩ አያው ሀዋዳን ፓላቲዳ?” ጊደ ኦቾዳ። አርዮክ ሀናታ ዳኔላው ኦዳዳ።

16 ሄዋን ዳኔል ካትያኮ ገሊደ፣ እኩሙዋ ብለላ ኤርሳናው፣ ባረው ዋዲ እመታና ማላ ዋሴዳ።

17 ሄዋ፣ ጉይያን፣ ዳኔል ባረ ጎለ ሰሚደ፣ ባረ ሄዙ ሳገቶ፣ ሀናንያው፣ ሞሻኤላውን አዘርያው ሀናታ ኦዳዳ።

18 ኤንቱንቱ ባብሎን ደእያ የንኮ ካትያ ዘርያዋንቱና እት፣ ሀይቀናዳን፣ ሳሉዋ ጸሳይ ማርታ ኤንቱንቶ ኦሊደ፣ ሀ ዱራ ኤንቱንቶ ቆንጭሳናው ዋሳና ማላ፣ ኤንቱንቶ ኦዳዳ።

19 ሄ ቃማን ዱራይ ዳኔላው ሳጸን ቆንጭዳ። ያትና፣ ዳኔል ሳሉዋ ጸሳ ሀዋዳን ያጊደ ጋላቲዳ፤

20 “አዴዳ ኤራተላይን ዋልቃይ፣ ጸሳሳ ግድያ ድራው፣

እ ሱንሳይ መድና፣ መድና ጋካናው ጋላተቲዳዋ ግድ።

21 ዋደቱዋን አግናቱዋ እ ላሜ። ካተቲዋ ካወተላ፣ ድጌ፤ ቃይ ካተቲዋ ካወተላን ኤትሴ። አዴዳ ኤራንቻቶ አዴዳ ኤራ፣ እኩክያዋንቶካ ኤራ እ እሜ።

22 ጨማ ዱራን ጌሜዳ የወዋ፣ እ ቆንጭሴ።

ጳማን ደእያዋካ እ ኤራ፤ ፖኡካ አናና ደኤ።

23 አቤት ታ ማይዛ አዋቱዋ ጸሳው፣ ታን ኔና ጋላታይን ሳባይ።

አያው ጎ፣ ኔን ታው፣ አዴዳ ኤራን ዋልቃ እማዳ።

ኑን ኔና ኦቾዳዋ፣ ታና ሀእ ኤርሳዳ።

ካትያ እኩሙዋ ኑና ኤርሳዳ” ያጌዳ።

ዳኔል እኩሙዋን እ ብለላ ካትያ ኤርሴዳ

24 ሄዋ፣ ጉይያን፣ ዳኔል ባብሎን ደእያ ካትያ ዘርያዋንታ ወርሳናው ካትያ፣ አዛዙዋ እኩዳ አርዮካኮ ቢደ፣ “ካትያ ዘርያዋንታ ዋቆ፣ ታና ካትያኮ ገልሳ፤ ያቶ ታን እ እኩሙዋ ብለላ እ ኤርሳና” ያጌዳ።

25 አርዮክ ኤለካ ዳኔላ ካትያኮ ገልሲደ፣ ካትያው፣ “ይሁዳ፣ አዋደቲደ ዬዳ አሳ፣ ካትያ እኩሙዋ ብለላ ኤርሳናው ዳንዳይያ አሳ ደማድ” ያጌዳ።

26 ካቲ ብልጸሶራ ጌተትያ ዳኔላ፣ “ታን እኩሙቲዳ እኩሙዋን እ ብለላ ታና ኤርሳናው ዳንዳይያ?” ጊደ ኦቾዳ።

27 ዳኔል ሀዋዳን ያጊደ ዛሪዳ፤ “ካትያው፣ ኔን ኦቾዳ ዱራ ቆንጭሳናው ዳንዳይያ አዴዳ ኤራንቻይ፣ ሻሬቾ፣ ሙሩንያዋ፣ ዋይ አያንታያዋ ባዋ።

2:2 ደመላ 41:8 * 2:4 ዳን። 2:4 ፐ ቢደ ሸምቱዋ 7 ጋካናው ደእያዋ፣ ሶራቱዋ አሳ ቃላን ጸፈቲዳ።

28 ሸን ጸራቱዋ ቆንጭሰያ እት ጸሳይ ሳሉዋን ደኤ። ወርሰላ ጋላሳቱዋን ሀናናባ እ ኔና በሴዳ። ነን እርሳን ዛቆላደ። ኔን እኩሙቲዳ እኩሙን ሳጸይ ሀዋ።

29 “ካትያዉ፡ ኔን እርሳን ዛቆላደ፡ ሰንላጥ ሀናናባ ቆገዳ። ሄ ዋደ ጸራ ቆንጭሰያ ጸሳይ ሰንላጥ ሀናናባ ኔና በሴዳ።

30 ሀ ጸራይ ታዉ ቆንጭዳዊ ታን ሀራ አሳጥ አዴዳ ኤራንቻ ግድና ግድናን፡ ኔን ካቲ እኩሙዋ ብለላ ኤራናዳና ነ ሁጺያ ግድን ሰመረቲዳ ቆፋ እኩካናዳና።

31 “ካትያዉ፡ ኔን ሎይላ ዋልቃማ፡ ጸልያን ጸላናዉ ያሸያ ምሰሊ ነ ሰንላን ኤቆዳዋ በአዳ።

32 ሀ ምሰልያ ሁጺ ጌሻ ዋርቃጥ፡ አ ትራይነ ኩሸቱ ብራጥ፡ ኡሉነ ዋድረቱ ናሃሰያ ግያ ብራታጥ።

33 ሱይሊ ብራታጥን ገድያዉ ያቻይ ባጋይ ብራታጥ ባጋይ ኡርቃጥ መጠቲዳ።

34 ኔን ሀ ምሰልያ ጸልሸን፡ እት ሹቻይ አሳ ኩሺ ቦቹናን ደርያጥ ዶቆለቲደ፡ ብራታጥን ኡርቃጥ መጠቲዳ ምሰልያ ገድያ ያቻቱዋ ቦላ ዋዴደ ጋጩዳ።

35 ሄ ዋደ ብራታይ፡ ኡርቃይ፡ ናሃሰ ግያ ብራታይ፡ ብራይነ ዋርቃይ ኡባይ ጋጩቲደ፡ ቦንያን ኡዲማን ደእያ ሱላ ማላ ግዴዳ፤ አያን አሸናን ጫርኩ ፕቲደ አፌዳ። ሸን ምሰልያ ቦላ ዋዴዳ ሹቻይ ዋጋ ደርያ ከሲደ፡ ቢታ ሳኦ ኩሜዳ።

36 “ሀዌ ነ እኩሙዋ፤ ቃይ ሀእ ብለላ ኑን ነዉ ኦዳና።

37 ካትያዉ፡ ኔን ካተቶ ካትያ። ሳሉዋ ጸሳይ ነዉ ካዉተላነ ዋልቃ፡ ምናተላነ ቦንቹዋ እሜዳ።

38 ቢታ ኡባ ቦላን ኔና ምናተላነ ኡሴዳ፤ አሳ፡ ባዙዋ ደእነ ሳሉዋ ካፋዋ ነ ኩሸያን ዋሌዳ። ሄዋ ድራዉ፡ ዋርቃ ሁጺ ኔና።

39 “ኔጥ ጉይያን፡ ምናተላን ኔና ጋከና ሀራ ካዉተላይ ደንዳና። ካሊደ፡ ቢታ ኡባ ምናተላ፡ ናሃሰ ብራታ ግድያ፡ ሄዘንሳ ካዉተላይ ደንዳና።

40 ወርሰላን ኡባባ ጋጩሬላ ሊቅሰያ ብራታዳን ምኔዳ አይደንሳ ካዉተላይ ደንዳና። ብራታይ ኡባባ ጋጩሬላደ ሊቅሰያዋዳን፡ እካ ባረጥ ካሰ ደንዳዳ ካዉተላቱዋ ጋጩሬላደ ሊቅሳና።

41 “ገደቱን ገድያ ብራታጥ ባጋይ ብራታጥ፡ ባጋይ ኡርቃጥ መጠቲዳዋን ኔን በኤዳዋዳንካ፡ ሄ ካዉተላይ ሻከቲደ ካዉተላ ግዳናዋ። ብራታይ ኡርቃና ዋላከቲዳዋ ነ በኤዳዋዳንካ፡ ባጋይ ብራታዳን ምኔዳዋ ግዳና።

42 ገድያ ብራታጥ ባጋይ ብራታ፡ ባጋይ ኡርቃ ግዴዳዋዳን፡ ሄዋዳንካ ሀ ካዉተላዉ ባጋይ ምና፡ ባጋይ ላፋ ግዳናዋ።

43 ብራታይ ኡርቃና ዋላከቲዳዋ ነ በኤዳዋዳን፡ ሄ ላኡ ባጋ አሳይ ገሉዋን እኩዋን ዋላከታና፤ ሸን ብራታይ ኡርቃና ዋላከታናዉ ዳንዳየናዋዳንካ፡ ኡንቱንቱ እቱዋ ግዲደ ጋምአናዉ ዳንዳይክኖ።

44 “ሄ ካተቱዋ ላይላን፡ ሳሉዋ ጸሳይ ሙላካ ኩንደና፡ ሀራ አሳዉካ እመተና ካዉተላ ኤሳና። ሄ ኤቆዳ ካዉተላይ ሄ ካዉተላቱዋ ኡባ ጋጩሬላ ዳይሳና፤ ሸን እ መድናዉ ኤቁደ ደአና።

45 አሳ ኩሺ ቦቹናን ደርያጥ ዶቆለት ዋዴደ፡ ብራታጥ፡ ናሃሰያጥ፡ ኡርቃጥ፡ ብራጥን ዋርቃጥ መጠቲዳ ምሰልያ ጋጩሬላዳ ሹቻ ብለላይ ሄ ካዉተላ።

“ዋልቃማ ጸሳይ ሰንላናዉ ሀናናባ ካትያ በሴዳ። እኩሙካ ቱማ፤ ብለላይካ እማነቲዳዋ” ያጊደ ዛሬዳ።

ካቲ ዳኔላስ ዋይቲዳ

46 ሄዋጥ ጉይያን፡ ካቲ ናቡካዳናጸር ዳኔላ ቦንቹደ፡ ሰምኡዋ ቢታ ጋሊደ ጉፋኔዳ፤ ያጥደ አሳይ አ ሰንላን ያርሹዋ ያርሻናዳን እጸና ጩዋያናዳን አዛዜዳ።

47 ካቲ ዳኔላ፡ “ቱሙዋጥ ነ ጸሳይ ጸሳቱዋ ጸሳ፡ ካተቱ ጎዳነ ጸራ ቆንጭሰያዋ። ኔን ሀ ጸራ ቆንጭሳናዉ ዳንዳይያዊ ሄዋሳ” ያጊዳ።

48 ሄዋጥ ጉይያን፡ ካቲ ዳኔላ ሎይላ ቦንቹዳ፤ ዳሮነ አልኦ እሞታቱዋካ አዉ እሜዳ፤ ባብሎን ቢታ ሞድያዋ ኡሴዳ። ቃይ ባብሎንን ደእያ አዴዳ ኤራንቻቱዋ ኡባ ቦላ ካፑዋ ኡሊደ፡ አ ሱንሴዳ።

49 ዳኔል ኦቻና፡ ካቲ ሰድራቃ፡ ምሳቃነ አብዳናጋ ባብሎን ቢታ አይሰያዋንታ ኡሊደ ሱንሴዳ፤ ሸን ዳኔል ካትያ ጎልያን ጋምኤዳ።

3

ሰድራቃ፡ ምሳቃ፡ አብድናጉዋ ጸሳይ ኤጾያ ታማጥ እሼዳ (3:1-30)

1 ካቲ ናቡካዳናጸር ጌሳይ ኡሱቱን ታሙ ዋቋ፡ ጎምጋይ ኡሱቱን ዋቋ ግድያ ምሰልያ ዋርቃጥ መዴደ፡ ባብሎን ጋድያን ዲራ ደምባን ኤሴዳ።

2 ሄ ምሰልያ አንጅሳናዉ ያናዳን፡ ካትያጥ ጋርሳና ጋድያ ሞድያዋንታ፡ ሱንሳቱዋ፡ አዉራጃ ሞድያዋንታ፡ ካትያ ዘርያዋንታ፡ ሚሻ ጎልያን ኡልያዋንታ፡ ፕርዳ ዳናቱዋ፡ ሀገ ኤራንቻቱዋን አዉራጃን አዉራጃን ደእያ ሀራ ካገቱዋ ጸጌዳ።

3 ያትና፡ ካትያጥ ጋርሳና ጋድያ ሞድያዋንታ፡ ሱንሳቱ፡ አዉራጃ ሞድያዋንታ፡ ካትያ ዘርያዋንታ፡ ሚሻ ጎልያን ኡልያዋንታ፡ ፕርዳ ዳናቱ፡ ሀገ ኤራንቻቱን አዉራጃን አዉራጃን ደእያ ሀራ ካገቱ እትጥ ሄ ምሰልያ አንጅሳናዉ ሸቂደ፡ ካቲ ናቡካዳናጸር ኤሴዳ ምሰልያ ሰንላን ኤቆድኖ።

4 ሄ ዋደ አዋዩዋ አዋይያዊ ባረ ቃላ ቆቆ ኡሊደ፡ ሀዋዳን ያጌዳ፤ “ሀንተኖ፡ አሳዉ፡ ካዉተላቶ፡ ዲማ ዲማ ቃላን ሃሳይያ ዛረቶ፡

5 ኡባይካ ማላካታ፡ ሱሱልያ፡ ዛይያ፡ ማሰንቁዋ፡ ዲላነ ጮራ ባቀቲዳ ክርያን ዋጸቲዳ ዲላነ ሀራ ሙዚቃ ሚሻቱዋ እትጥ ካእያ ዋደ ሰሶ ሳናካ፡ ካቲ ናቡካዳናጸር ኤሴዳ ዋርቃ ምሰልያዉ ጉፋኒደ ጎይንተ።

6 ምሰልያ ሰንላን ጉፋኒደ ጎይንና ኦንነ ሄ ሳትያን ኤጾያ እቶንያ ታማ ግደ ኦለታና” ያጌዳ።

7 አሳይ ኡባይ፡ ካዉተላቱ ኡባይን ዲማ ዲማ ቃላን ሃሳይያ ዛራቱ ኡባይ ማላካታ፡ ሱሱልያ ዛይያ፡ ማሰንቁዋ፡ ዲላነ ጮራ ባቀቲዳ ክርያን ዋጸቲዳ ዲላ እትጥ ካእያ ዋደ ሰሶ ሳናካ፡ ሳኦን ጉፋኒደ፡ ካቲ ናቡካዳናጸር ኤሴዳ ዋርቃ ምሰልያዉ ጎይኔድኖ።

ምስልያው ጎይነናን እጽና ሄዙ አይሁዳቱዋ ሞቲድኖ

8 ሄዋ ድራው፡ ሄ ዋደ እት እት ባብሎን አሳቱ ሰንፋው አዲድ፡ አይሁዳቱዋ ሞቲድኖ።

9 ኡንቱንቱ ካትያ ናቡካዳናጸራ ሀዋዳን ያጌድኖ፤ “ካትያው፡ መድኖው ደእ።

10 ካትያው፡ ኔን ማላካታ፡ ሱሱልያ፡ ዛይያ፡ ማሰንቁዋ፡ ዲላነ ጮራ ባቀቴዳ ክርያን ዋጸቴዳ ዲላ እትጥ ካእያ ዋደ፡ ሰሰያ ኦንነ ሳኔን ጉፋኒድ፡ ዋርቃ ምስልያው ጎይናናዳን።

11 ቃይ ሳኔን ጉፋኒድ ጎይናና አሳይ ደኦ፡ ኤጽያ እቶን ታማ ግዶ ኦለታናዳን አዋዩዋ ከሳዳ።

12 ሸን ካትያው፡ ኔን ባብሎን ቢታ ቦላ ሱንሌዳ አይሁዳቱ፡ ሰድራቅ፡ ምሳቅነ አብዳናጉ ነ አዛዙዋ እጾድኖ፤ ነ ጸሳቶ ኦላክኖ፤ ቃይ ነ ኤሴዳ ዋርቃ ምስልያውካ ጎይንክኖ” ያጌድኖ።

13 ናቡካዳናጸራ ሄዋ ሰሴዳ ዋደ፡ ሀንቁዋ ኤጽ ከሲድ፡ ሰድራቅ፡ ምሳቅነ አብዳናገ አሀናዳን አዛዜዳ። ኡንቱንታ ካትያ ሰንፋ አሄድኖ።

14 ናቡካዳናጸራ ኡንቱንታ ሀዋዳን ያጌዳ፤ “ሰድራቅ፡ ምሳቅ፡ አብዳናገ፡ ሀ ሀንተ ታ ጸሳቶ ኦርቁይ ታ ኤሴዳ ዋርቃ ምስልያው ጎይናናዋ ቱሚ?”

15 ሀእ ማላካታ፡ ሱሱልያ፡ ዛይያ ማሰንቁዋ፡ ዲላነ ጮራ ባቀቴዳ ክርያን ዋጸቴዳ ዲላነ ሀራ ሙዚቃ ሚሻቱዋ ካእያዋ ሰሶ ዋደ፡ ታን ኤሴዳ ምስልያው ጉፋኒድ ጎይናና፡ ዳር ሎኦ። ሸን ሀንተ ጎይናናን እጽ፡ ኤላካ ኤጽያ እቶን ታማ ግዶን ኦለታና፡ አይ ጸሳቱ ሀንተና ታ ኩሸያ፡ አሻናዋ?” ያጌዳ።

16 ሸድራቅ፡ ምሻቅነ አብዳናጉ ካትያው ዛሪድ፡ “ካትያው፡ ናቡካዳናጸራ፡ ሀ የወዋ ኦን ነው ዛሩዋ እማናው በሰና።

17 ካትያው፡ ኦን ኤጽያ እቶን ታማ ግዶ ኦለትንቶካ፡ ኦን አው ኦላያ ጸሳይ ሄ ታማ፡ አሻናው ዳንዳዬ። ቃይ ካትያው፡ እ ኦና ነ ኩሸያ፡ አሻና።

18 ሸን ካትያው፡ ኡባ እ ኦና አሸናን እጽንቶካ፡ ኦን ነ ጸሳቶ ኦርቁይ ኔን ኤሴዳ ዋርቃ ምስልያው ጎይናናዋ ኤራ” ያጌድኖ።

ሄዙ አይሁዳቱዋ ሀይቆ ፕርዴድኖ

19 ሄ ዋደ ናቡካዳናጸራ ሸድራቅ፡ ምሻቅነ አብዳናገ ቦላ ሀንቁዋ ሱሴዳ፤ እ ሶምኤ ኡንቱንቶ ካሰዋ፡ ዲማቴዳ። ታማይ ካሰ ኤጽያዋ፡ ላፑን ኩሸያ አዲድ ኤጻናዳን አዛዜዳ።

20 ሸድራቅ፡ ምሻቅነ አብዳናገ ቃቺድ፡ ኤጽያ እቶን ታማ ግዶ ኦላናዳን፡ ባረ ኦላንቻቱዋ ግደ፡ ምኖ አሳቱዋ አዛዜዳ።

21 ያትና፡ ሀ አሳቱዋ፡ ኡንቱንቱ ማዩዋና፡ ሱርያና፡ ሁጲያን ጸጾዳ ጸላናገ ሀራ ማዩዋ ኡባና ጋላ ቃቺድ፡ ኤጽያ እቶን ታማ ግዶ ኦሌድኖ።

22 ካትያ አዛዙ ሎይላ ኤሌልሰያዋ ግዴዳ ድራውን እቶን ታማይካ ካሰዋ፡ አድ ኤጽያ ድራው፡ ሰድራቅ፡ ምሳቅነ፡ አብዳናገ ታማን ኤሴዳ ሄ ምኖ አሳቱዋ ታማ ላጩ ላቢደ ዋዴዳ።

23 ሀ ሄዙ ቃሸቴዳ አሳቱ፡ ሸድራቅ፡ ምሻቅነ አብዳናገ፡ ኤጽያ እቶን ታማ ግዶ ዋዴድኖ።

24 ሄዋ፡ ጉይያን፡ ካቲ ናቡካዳናጸራ ባረና ማላልሰና ኤላካ ደንድ ኤቂድ፡ “ኦን ቃቺድ ኤጽያ እቶን ታማ ግዶ ኦሌዳ አሳቱ ሄዛ ግድክኖ?” ያጌደ ባረና ዘርያዋንታ ኦቼዳ።

ኡንቱንቱ፡ “ካትያው፡ ኤ ሄዛ” ያጌደ ዛሪድኖ።

25 ካቲ ዛሪድ፡ “በእተ፡ ታን ቃሸዋ፡ ካቲ ብለቴዳ፡ ታማ ግዶን ያ፡ ሄ ሀመትያ፡ ታማይካ አይነ ቦቼና ኦይዱ አሳቱዋ በአይ! ኦይደንሉ ቃይ ጸሳቱዋ ናእ ማላቲ” ያጌዳ።

ሄዙ አይሁዳቱ ታማ፡ ከሴድኖ

26 ያትና፡ ናቡካዳናጸራ ኤጽያ እቶን ታማ ማታ ሸቂድ፡ ባረ ቃላ ቶቁ ኦሊድ፡ “ኡባ፡ ቶቁያ ጸሳ ቆማቶ፡ ሸድራቅ፡ ምሻቅ፡ አብዳናገ፡ ከሰተ! ሃይተ!” ያጌደ ጸጌዳ። ያትና፡ ሸድራቅ፡ ምሻቅነ አብዳናገ ታማ ግዶ፡ ከሴድኖ።

27 ካትያ፡ ጋርሳና ቢታ ሞድያዋንቱ፡ ሱንጎቱ፡ አውራጃ ሞድያዋንቱ፡ ካትያው ኦላያ ሀራ ካፓቱ ኡባይ ኡንቱንቱኮ ሸቂድኖ። ታማይ ኡንቱንቱ ቦላ ቦቹቤናዋ፡ ኡንቱንቱ ሁጲያ ብናና፡ እቲካ ማላተቤናዋ፡ ኡንቱንቱ ማዩካ ብሸትቤናዋን ታማ ፔኮካ ኡንቱንቱን ባይናዋ በኤድኖ።

28 ሄዋ፡ ጉይያን፡ ናቡካዳናጸራ ሀዋዳን ያጌዳ፤ “ሰድራቅ፡ ምሳቅነ አብዳናገ ጸሳይ ጋላተቶ! እ ባረ ኪታንቻ ኪቲድ፡ ባረናን አማነቴዳ ባረ ቆማቱዋ አሼዳ። ኡንቱንቱ ካትያ አዛዙዋ እጾድኖ፤ ባረንቱ ጸሳቲ አትና፡ ሀራ ጸሳው ኦላና፡ ጎይናና፡ ሀይቃናዋ ደሴድኖ።

29 ሄዋ ድራው፡ ሸድራቅ፡ ምሻቅነ አብዳናገ ጸሳ ቶቺድ ሃሳይያ አይ አሰካ፡ ዋይ አይ ካውተሳይካ፡ ዋይ ዲማ ዲማ ቃላን ሃሳይያ አይ ዛሪካ ቃንጸታናገ ሙጸታና ማላ፡ ኡንቱንቱ ጎሊካ ላለቲድ፡ ፕቱ ኦለትያ ሳኦ ግዳና ማላ፡ ታን አዋደኖ። አያው ጎፕ፡ ሀራ አይ ጸሰነ ሀዋዳን ኦሊድ፡ አሳ አሸና” ያጌዳ።

30 ሄዋ፡ ጉይያን፡ ካቲ ሸድራቅ፡ ምሻቅነ አብዳናገ ባብሎን ጋድያን ቶቁ ቶቁ ኦሊድ ሱንሌዳ።

ናቡካዳናጸራ ላፑ ላይሳ ባረ ካውተሳ ዳዬዳ

4

(4:1-37)

ናቡካዳናጸራ ላኤንሉ እኩሙዋ

1 ካቲ ናቡካዳናጸራ አሳ ኡባው፡ ካውተሳቱዋ ኡባውን ዲማ ዲማ ቃላን ሃሳይያ ዛራቱዋ ኡባው ሀዋዳን ያግ፡ ዳብዳቢያ ኪቲዳ።

“ሳር ደኢቲ!

2 “ኡባ፡ ቶቁያ ጸሳይ ታው ኦሊዳ ማላልሰያን ኦራላባ ታን ሀንተንቶ ኦዳናው ኮያይ።

3 “እ ማላታይ ዋት ግቲ!

እ ኦላያ ኦራላባይ ዋት ምኔ!

አ ካውተሳይ መድና ካውተሳ፤ አ ማታይካ የለታ፡ የለታ ጋካና።

4 “ታን ናቡካደናጾር፣ ታ ጎልያ እንጅያን፣ ታ ካወተላ ጎልያን ሚኩዋን ደአይ።

5 እት ጋላሲ ታን ያሽያ ከኩሙዋ ከኩሙታድ። ታን ታ ኦርሳን ዛቁላደ፣ በኤዳ ከኩሙን ሳዳይ ታና ዲጋንሴዳ።

6 ሄዋ ድራወ፣ ሀ ከኩሙዋ ብለላ ታና ኤርሳና ማላ፣ ባብሎንን ደእያ ካትያ ዘርያዋንታ ኡባ ታኮ አሀናዳን አዛዛድ።

7 ሄ ዎደ ሻሬቾቱ፣ ሙሩንያዋንቱ፣ እያንትያዋንቱን ጸልንትያ ጸሊደ ካይያዋንቱ ታኮ ዩና፣ ታ ከኩሙዋ ኡንቱንቶ ኦዳድ፤ ሸን ኡንቱንቱ ብለላ ታና ኤርሳናዉ ዳንዳይበይክኖ።

8 ወርሰላን ታ ጸሳ ሱንላን ብልጸሶራ ጌተት ጸገትያ፣ ጌሻ ጸሳቱዋ አያናይ እን ደእያ ዳኔል ታኮ ገልና፣ አዉ ታ ከኩሙዋ ሀዋዳን ጋደ ኦዳድ።

9 “አዴዳ ኤራንቻቱዋ ካፑዋ ብልጸሶራ፣ ጌሻ ጸሳቱዋ አያናይ ኔናን ደእያዋን አያ ጸርነ ኔፕ ጌመናዋ ታን ኤራይ። ታን ከኩሙቱዳ ከኩሙ ሀዋ፤ እነ ታዉ አ ብለላ ኦዳ።

10 “ታን ታ ኦርሳን ዛቁላደ፣ ቢታዉ ግዶ ልክያን እት ሞላይ ኤቁዳዋ ሳዳን በአድ፤ ሄ ሞላዉ ጌሳይ ዳሮ አዳሳ።

11 ሄ ሞላይ ድጩደ ግታቱዳን ሞኔዳ፤ አዉ ጸራይ ሳሉዋ ጋኬ፤ ሳኣፕ ሳኣ ጋጸ ጋካናዉ ቤቱ።

12 ሄ ሞላ ሀይላይ ጸላናዉ ሎእያዋ፤ አ አይፊካ ሎይላ ዳራ፤ ኡባዉካ ሞያባይ እን ደኤ። ዎራ ደአቱ አ ኩዋን ሸምፔድኖ፤ ሳሉዋ ካፎቱካ አ ዳሻ ግዶን ኬጺደ ደኤድኖ። ፓጸ ደእያ ኡባይ አፕ ሜዳ።

13 “ታ ኦርሳን ዛቁላደ፣ ጌሻ ኪታንቻይ ሳሉዋፕ ዎድሸን ሳዳን በአድ።

14 እካ ባረ ቃላ ቶቁ ኦላደ፣ ሀዋዳን ያጌዳ፤ ህዋ ሞላ ቃንጽተ፤ አ ታሽያ ካርተ፤ አ ሀይላካ ፕሪጽተ፤ አ አይፍያካ ላልተ። አ ጋርሳን ደእያ ደአቱን አ ዳሻን ደእያ ካፎቱ ኡባይ ባቃትኖ።

15 ሸን ዳራማነ አ ጸጸዋ፣ ብራታፕነ ናሃሲያፕ ቆጶዳ ሳንሳላታን ቃቺደ፣ ሳኣን፣ ማታ ግዶን አግ ባሸተ። ሳሉዋፕ ዎድያ ከተርሳን ካሎ፤ ቃይ ባዙዋን ማታ ግዶን ደአና ደኤ።

16 አ ዎዛናይ ካሀይ አሳዋፕ ደአዉ ላመቶ። ሄዋዳን ሀን ደእሸን፣ አ ቦላ ላፑን ላይላይ ወር።

17 ኡባፕ ቶቁያ ጸሳይ አሳ ናናቱ ካወተላ ኡባ ሞድያዋ፣ ካወተላ አ ባረ ኮይያ ኡራዉ እምያዋን ሀራይ አቶ፣ አሳ ኡባፕ ካፍቱዳዋንታካ አ ሱንላያዋ ፓጸ ደእያ አሳይ ኡባይ ኤራና ማላ፣ ቃሸቱዳ ቆፋ ኪታንቻቱ አዋዬድኖ። ፕርዳካ ጌሻቱ ኦዳድኖ” ያጌዳ።

18 “ታን ካቲ ናቡካደናጾር ከኩሙቱዳ ከኩሙ ሀዋ። ሀእ ሰም ብልጸሶራ፣ ታዉ አ ብለላ ኦዳ። እያዉ ጎፕ፣ ታ ካወተላ ግዶን ደእያ ካትያ ዘርያዋንቱፕ እቱነ ታና ብለላ ኤርሳናዉ ዳንዳይበይኖ፤ ሸን ጌሻ ጸሳቱዋ አያናይ ኔናን ደእያ ድራወ፣ ኔን ዳንዳያሳ” ያጋድ።

ዳኔል ከኩሙዋ ብሉዳ

19 ሄ ዎድያን ብልጸሶራ ጌተትያ ዳኔል ዳጋሚደ፣ ሀንያዋ ጳዬዳ። አ ባረ ቆፋን ሻባረቱዳ ድራወ፣ ጉላ ዎድያ ጮኤ ጊደ ታኬዳ። ያትና፣ ካቲ፣ “ብልጸሶራ፣ ሀ ከኩሙን አ ብለላይ ኔና ዳጋንላፕ” ያጌዳ።

ብልጸሶር ዛሪደ፣ “ታ ጎዳዉ፣ ሀ ከኩሙ ኔና እጽያዋንቶ፣ አ ብለላይካ ቃይ ነ ሞርከቶ ግዳሪኔሻ!

20 ኔን ከኩሙዋን በኤዳ ሞላይ፣ ድጩደ ሞኔዳዎ፣ ጸራይ ሳሉዋ ጋኬዳዎ፣ ሳኣፕ ሳኣ ጋጸ ጋካናዉ ቤቱዳዎ።

21 ሀይላይ ጸላናዉ ሎኤዳዎ፣ አይፊካ ሎይላ ዳራዳዎ፣ ኡባዉ ሞያባይ እን ደእያዎ፣ ባዙዋ ደአቱ አ ኩዋን ሸምፔዳዎን ሳሉዋ ካፎቱካ አ ዳሻ ግዶን ኬጺደ ደኤዳዎ።

22 ካትያዉ፣ ሄ ሞላይ ኔና! ኔን ግታታዳን ሞናዳ፤ ነ ግታተላይ ድጩደ፣ ሳሉዋ ጋኬዳ፤ ነ ካተተላ ማታይካ ሳኣ ጋጸ ጋኬዳ።

23 “ካትያዉ፣ ኔን ጌሻ ኪታንቻይ ሳሉዋፕ ዎድደ፣ ህ ሞላ ቃንጺደ ጳይሰተ፤ ሸን አ ዳራማነ አ ጸጸዋ ብራታፕነ ናሃሲያፕ ቆጶዳ ሳንሳላታን ቃቺደ፣ ሳኣን፣ ማታ ግዶን አግ ባሸተ። ሳሉዋፕ ዎድያ ከተርሳን አ ካሎ፤ ላፑን ላይላይ ወራና ጋካናዉ፣ ባዙዋ ደአዳን ደኤ!” ግያ ዎደ በአዳ።

24 “ካትያዉ፣ አ ብለላይ ሀዋ። ሀዋ ኡባፕ ቶቁያ ጸሳይ ታ ጎዳ ካትያ ቦላ ፖላናዉ ኪቱዳ ፕርዳ።

25 ኔን አሳ ግዶፕ የደርሴታደ፣ ባዙዋ ደአቱዋና እትፕ ደአና። ኔን ቦራዳን ማታ ማናን ሳሉዋፕ ዎድያ ከተርሳን ካላና። ቃይ ኡባፕ ቶቁያ ጸሳይ አሳ ናናቱ ካወተላ ኡባ ሞድያዋን ካወተላ ባረ ኮይዳ ኡራዉ እምያዋ ኔን ኤራና ጋካናዉ፣ ላፑን ላይላይ ነ ቦላን አቆና።

26 “ዳራማይ ባረ ጸጸዋና ጋድያን አታናዳ አዛዘቱዳዎ፣ ኔን ሳሉዋ ጸሳይ ቢታ ኡባ ሞድያዋ ኤርያ ዎደ፣ ነ ካወተላይ ነዉ ሰማናዋ በሰ።

27 ሄዋ ድራወ፣ ካዎ፣ ታ ዘርያ አካ። ናጋራ አልያዋ አጋደ፣ ጽሎባ አላ፤ ሙቱዋን ኡቁነቱዳዋንታ ናቁያዋ አጋደ፣ ኡንቱንቶ ቃሪታ። ያቶፕ፣ ኔን ሳሮ ደአና ዎዲ አዳቀናን አገና” ያጌዳ።

28 ሀዋ ኡባይ ካትያ ናቡካደናጾር ቦላ ጋኬዳ።

29 ታማነ ላኤ አግናፕ ጉይያን፣ ካቲ ባብሎንን ደእያ ካትያ ጎልያ ቦላ ደምባይ ኬጶዳሳን ሀመቲደ

30 ሀዋዳን ያጌዳ፤ ሀዋ ታ ካወተላ ጎሊ እን ደአና ማላ፣ ታን ታ ዎልቃማ ዎልቃን፣ ታ ግታተላ ቦንቾ ግምቢሴዳ ባብሎን ካታማ ግታ ግደኔ? ያጌዳ።

31 አ ሃሳዬደ ወርሰናን ደእሸን፣ ሳሉዋፕ ሀዋዳን ግያ ቃላይ ፑቱ ጌዳ፤ ካትያ ናቡካደናጾር፣ ነ ቦላን ፕርደቱዳ ፕርዳይ ሀዋ፣ ነ ካወተላይ ኔፕ አከቱዳ።

32 ኔን አሳ ግዶፕ የደርሰታደ፣ ባዙዋ ደአና ደአና፤ ኔን ቦራዳን ማታ ማና። ኡባፕ ቶቁያ ጸሳይ አሳ ናናቱ ካወተላ ኡባ ሞድያዋን ካወተላ አ ባረ ኮይዳ ኡራዉ እምያዋ ኔን ኤራና ጋካናዉ፣ ላፑን ላይላይ ነ ቦላ አቆና ያጌዳ።

33 ናቡካደናጾር ቦላ ጌዳዌ ባሱዋናካ ፖለቱዳ። አሳ ግዶፕ ጎደቲደ፣ ቦራዳን ማታ ሜዳ። አ ቦላይካ ሳሉዋፕ ዎድያ ከተርሳን ካሌዳ። አ ብናናይ አንኩዋ ባልያዳን፣ አ ጸጉንላይካ ካፉዋ ጸጉንላዳን ድጩዳ።

ናቡካደናጾር ጸሳ ጋላቱዳ

34 ሄ ላፑን ላይላይ ወሬዳ ዋደ፣ ታን ናቡካዳናጾር ጴቁ ጋደ ሳሉዋ ጾላድ፤ ታ ዋዛናይ ካሀይካ ሰሜዳ። ኡባፕ ጴቁያ ጸሳ ጋላታድ፤ መጵናወ ደእያዋካ ቦንቻድን ሳባድ።

እ ማታይ መጵና ማታ፤ እ ካወተላይካ የለታፕ የለታ ጋካናሳ።

35 ሳኣን ደእያ አሳይ ኡባይ እዉ አያን ግደና።

ሳሉዋን ደእያ መጋታቱዋ ቦላነ ሳኣን ደእያ አሳ ቦላ

እ ባረ ደሶዋ ኦሌ። እ ኩሽያ ተእናወ ዳንዳይያዌ ባዋ፣ ዋይ ኦ አያ ኦላይ? ያጊደ ኦቻያዌ ባዋ።

36 ታ ዋዛናይ ሰሚና፣ ታ ካወተላ ቦንቹዋ ድራወ፣ ታ አንጋይነ ታ ፑላይ ታዉ ሰም እጌዳ። ካሰ ታና ዘርያዋንቱነ ታ ካፓቱ ታና ኮይድና። ታን ታ ካወተላን ምናድ፤ ካሰዋፕካ እጵያ ግታተላይ ታዉ ጉጀቱዳ።

37 ሀእ ሰም ታን ናቡካዳናጾር ሳሉዋ ካትያ ጋላታይ፤ እ ጴቁ ጴቁ ኦላይነ ቦንቻይ። እያዉ ሳፕ፣ እ ኦላያባይ ኡባይ ልከ፤ እ ኦገቱ ኡባይካ ጽሉዋ፤ ቃይ ኦቶሩዋን ብያዋንታ እ ካወሻናዉ ዳንዳይ ያጌዳ።

5

ካትያ በልሻጸራነ ጎዳ ቦላ ጸፋዋ (5:1-31)

1 እት ጋላሰ ካቲ በልሻጸር ባረ ኦሳንቻቱዋፕ እት ሻእቶ ግብራ ጊግሲደ ኡንቱንቱና እትፕ ዋይንያ ኤሳ ኡሼዳ።

2 በልሻጸር ዋይንያ ኤሳ ኡሼደ ማላቲዳ ዋደ፣ ባረ እዉ ናቡካዳናጾር የሩሳላመን ደእያ ጌሻ ጎልያፕ እሄዳ ዋርቃፕነ ብራፕ ኦሰቲዳ ኡሻ ሚሻቱዋ አሀና ማላ አዛዜዳ። እያዉ ሳፕ፣ እነ አ ኦሳንቻቱ፣ አ ማቹቱነ አ ባኮቱ ኡባይ ሄ ኡሻ ሚሻቱዋን ኤሳ ኡሻና ማላ፣ እ ኮይዳ።

3 ያትና፣ ኡንቱንቱ ሄ የሩሳላመን ደእያ ጸሳ ጌሻ ጎልያፕ እሄዳ ዋርቃፕ ኦሰቲዳ ኡሻ ሚሻቱዋ ካትያዉ እሄድና። ካቲ፣ አ ኦሳንቻቱ፣ አ ማቹቱነ አ ባኮቱ ሄ ሚሻቱዋን ትገቱዳ ዋይንያ ኤሳ ኡሼድና።

4 ኡንቱንቱ ሄ ዋይንያ ኤሳ ኡሼደ፣ ዋርቃፕ ብራፕ፣ ናሃሰያፕ፣ ብራታፕ፣ ሞላፕነ ሹቻፕ ኦሰቲዳ ጸሳቱዋ ጋላቲድና።

5 ሄ ዋደ ቆፕናን ደእሸን፣ አሳ ኩሽያ ብራታቱ ሀቃፕንቶ ከሲደ ዪደ፣ ካትያ ጎልያን ላሳነቲዳ ጎዳ ቦላን፣ ጸምፕያ ዋልያ ባላ ሰንሳን ጸፊዳ። ሄ ኩሼ ጸፍያ ዋደ፣ ካቲ ባረ ሁጲያን በኤዳ።

6 እ ሶምኢ ላመቲደ፣ ብድንሳ ማላቲዳ፤ ቃይ ያሻን አ ጋዲ ኮኮሬዳ፤ አ ጉልባታይካ እጾዳ።

7 ካቲ ባረ ቃላ ጴቁ ኦላደ፣ ሙሩንያዋንታ፣ ጸልንትያ ጸሊደ ካይያዋንታን ሻሬቻቱዋ አሀናደን እዛዜዳ። ኡንቱንቱ ዪና ባብሉኅን እጴዳ ኤራንቻቱዋ ሀዋዳን ያጌዳ፤ “ሀ ጸፋትያ ናባቢደ፣ እ ብለላ ታዉ ኦድያ ኡራይ ኦንነ፣ ኦቻ ቲራ ማላትያ ማዩዋ ማያና፤ አ ቆጵያን ዋርቃ

ሀብልያ አላና፤ ቃይ እ ታ ካወተላ ሞድያ ሄዘንሎ አሳ ግዳናዋ” ያጌዳ።

8 ሄዋፕ ጉይያን፣ ካትያ ዘርያዋንቱ ኡባይ እ ሰንሳ እጴድና፤ ሸን ኡንቱንቱፕ ኦንነ ሄ ጸፋትያ ናባባናዉ፣ ዋይ እ ብለላ ኦዳናዉ ዳንዳይቤና።

9 ሄዋን ካቲ በልሻጸር ካሰዋፕ አጵ ዳጋምና፣ አ ሶምኢካ ካሰዋፕ አጵ ብድንሳ ማላቲዳ። አ ካፓቱካ ሀንያዋ ጳይድና።

10 ካቲነ አ ካፓቱ ጫቡዋ አ ዳያ ካታታ ሰሳደ፣ ኡንቱንቱ ግብራ ምያ አኮ ጎልያ ገላደ፣ ሀዋዳን ያጋዲ፤ “ካትያዉ፣ መጵናወ ደእ! ሀ ቆፋን ሎይላ ሻባረቶፓ፤ ነ ሶምኢካ ላመቶ።”

11 ጌሻ ጸሳቱዋ አያናይ አን ደእያ እት አሳይ ነ ካወተላ ግድን ደኤ። ኤራይ፣ እኬካይነ ጸሳቱዋ ማላ እጴዳ ኤራተላይ አን ደኤ። ካሰ ነ አዉ ካቲ ናቡካዳናጾር አ ሻሬቻቶ፣ ሙሩንያዋንቶ፣ ጸልንትያ ጸሊደ ካይያዋንቶን አያንትያዋንቶ ካፑዋ ኦላደ ሱንሴዳ።

12 እያዉ ሳፕ፣ አዉ ሎኦ አያናይ፣ ኤራይነ እኬካይ ደኤ፤ እኩሙዋ ብላናዉ፣ ቃንእሸያ ኦዳናዉን ጸራ ቆንጭሳናዉ እ ዳንዳይ። ሄዋ ድራወ፣ ካቲ ብልጸሶራ ጊደ ሱንሴዳ ዳኔላ ጾሳ። እ ነዉ ጸፋትያ ብለላ ኦዳና” ያጋዲ።

ዳኔል ጸፋትያ ብሌዳ

13 ሄ ዋደ ዳኔላ ካትያኮ አሀና፣ ካቲ አ ሀዋዳን ያጌዳ፤ “ኔን ዳኔሌ? ታ አዉ ካቲ ይሁዳፕ ኦምዲደ እሄዳዋንቱፕ እቲዋ ግያዌ ኔኔ?”

14 ጸሳቱዋ አያናይ ኔናን ደእያዋን ኤራይ፣ እኬካይነ ሎይላ እጴዳ ኤራተላይ ነዉ ደእያዋ ታን ሰሳድ።

15 ሀ ጸፋትያ ናባባናዉን አ ብለላ ታዉ ኦዳናዉ ሙሩንያዋንቱነ ካትያ ዘርያዋንቱ ዬድና፤ ሸን ኡንቱንቱ ብለላ ታዉ ኦዳናዉ ዳንዳይቤቤክና።

16 ኔን ብለላ ኦዳናዉን ጭጾ አሻቱዋ ዛሩዋ እማናዉ ዳንዳይያዋ ታን ሰሳድ። ሀእ ሰም ኔን ሀ ጸፋትያ ናባባናዉን አ ብለላ ታዉ ኦዳናዉ ዳንዳዮፕ፣ ኦቻ ቲራ ማላትያ ማዩዋ ማያና፤ ነ ቆጵያን ዋርቃ ሀብሊ እጻ፤ ቃይ ኔን ካወተላ ሞድያ ሄዘንሎ አሳ ግዳናሳ” ያጌዳ።

17 ዳኔል ካትያዉ ዛሪደ፣ “ኔን እምያ እሙ ኔሳ ግድ፤ ነ ዋይቱዋካ ሀራ ኡራዉ እማ። ሀናፕነ ታን ጸፋትያ ካትያዉ ናባባና፤ ብለላካ ኦዳና።”

18 “ካትያዉ፣ ኡባፕ ጴቁያ ጸሳይ ነ እዉዋ ናቡካዳናጾራዉ ካተቱዋ፣ ግታተላ፣ ቦንቹዋን አንጋ እማዳ።”

19 እ አዉ እማዳ ግታተላ ጋሱዋን ሄ አሳቱነ ዳማ ዳማ ቃላ ሃሳይያ ዛራቱ አዉ ያይድናን ኮኮሬድና። ባረ ዋሳናዉ ኮይያዋ ዋዴዳ፤ አሻናዉ ኮይያዋካ አሼዳ፤ ባረ ጴቁሳናዉ ኮይዳዋካ ጴቁሴዳ፤ ካወሻናዉ ኮይዳዋካ ካወሼዳ።

20 ሸን እ ኦቶራቲዳ ዋደነ አ ዋዛናይ ሙሜዳ ዋደ፣ ባረ ካወተላ አራታፕ ዋዴዳ፤ አ ቦንቹካ ቃረቲዳ።

21 አሳ ግድፕ የደርሰቲዳ፤ አ ዋዛናይ ካሀይካ ላመትና፣ ደእ ማላ ግዴዳ። ቦራዳን ማታ ሚደ፣ ደምባ ሀረቱዋና እትፕ ደኤዳ። አ ቦላይካ ሳሉዋፕ ዋዴያ ከተርሳን ጸርክኬዳ። ሄዋካ ኡባፕ ጴቁያ ጸሳይ አሳ ናናቱ ካወተላ ኡባ

ሞድያዎን እ ባረ ኮዬዳ ኡራው እምያዎ እ ኡራና ገካናሳ።

22 “ሸን ነኖ፣ በልሻጸራ፣ ኔን አ ናኦይ ሄ ኡባ ኡራደካ፣ ነ ሁጺያ ዝቂ ኦላባካ።

23 ቃይ ሳሉዎ ጎዳ ቦላን ኦቶረታደ፣ ነ ሁጺያ ጶቁ ጶቁ ኦላዳ። አ ጌሻ ጎልያ፣ ጦንቁያን ዬዳ ዋርቃ ሚሻቱዋ ኔን አህሰና፣ ነ ኦሳንቻቱ፣ ነ ማቼቱን ነ ባኮቱ ዋይንያ ኤሳ ኡንቱንቱን ኡሼድኖ። ቃይ ጸላናው፣ ሰሳናውን ኡራናው ዳንዳየና ጸሳቱዋ፣ ብራ፣ ዋርቃ፣ ናሃሰያ፣ ብራታ፣ ሞላ፣ ሹቻ፣ ኦሰቱዳዋንታ ጋላታዳ። ነ ሸምቱዋን ነ ገላ ከሳ ባረ ኩሽያን ኦይቄዳ ጸሳ ቦንቻቦይካ።

24 ሄዋ ድራው፣ ሀ ኩሽያ ብራቱ አፕ ኪተትና፣ ሀ ጽፋቲ ጸፈቱዳ።

25 “ጸፋካ፣ ማን፣ ማን፣ ተቀል፣ ፓሪስ፣ ያግያዎ።

26 እ ብለላይካ ሀዋ።

“ማን ግያዎ፣ ጸሳይ ነ ካተተላ ላይላ ፓይዲደ፣ ዉራናዳን ኦሴዳ ግያዎ።

27 ተቀል ግያዎ ሚዛናን ልከታደ፣ ካዉሻደ ቤታዳ ግያዎ።

28 ፓሪስ ግያዎ ነ ካዉተላይ ሻከቲደ፣ ሚዳናቶን ፓርሰቶ እመቲዳ ግያዎ” ያጌዳ።

29 ሄዋ፣ ጉይያን፣ በልሻጸር አዛዝና፣ ኦቻ ቲራ ማላታያ ማዩዋ ዳኔላ ማይዜድኖ፣ አ ቆድያንካ ዋርቃ ሀብልያ አሴድኖ፣ ቃይ ካዉተላ ሞድያ ሄዘንሎ አሳ ግዳናዳን አዋዬድኖ።

30 ሄ ጋላስ ቃማ ሞርከቱ ገሊደ፣ ባብሎን ካትያ በልሻጸራ ዋዴድኖ።

31 አ ካዉተላ ሚዳንያ ዳርዮስ እኬዳ። ሄ ዋደ ዳርዮሳዉ ላይላይ ኡሱቸን ታማነ ላእ።

6

ጸሳይ ዳኔላ ጋሞቱዋ ደናፕ አሼዳ (6:1-28)

1 ካቲ ዳርዮስ ባረ ካዉተላ ኡባ ግደን ባረፕ ጋርሳና ቢታ ሞድያ ጸታን ላታሙ አሳቱዋ ሱንሰያዌ ሎእ ገደ ቆፔዳ።

2 ቃይ ካትያዉ እያን ፓጭሰናዳን፣ ሄ ቢታ ሞድያዋንታ ጸላና ማላ፣ ሄዙ አሳቱዋ ካቸዋ ኦሴደ ደራዳ፣ ደረቲዳዋንቱ፣ እቱ ዳኔላ።

3 ዳኔል ኦሱዋ ኦላናዉ ባረዉ ደእያ ዲማ ኡራን ሀራ ካፓቱዋ፣ ቢታ ሞድያዋንቱ፣ አዲደ ቤቱዳ። ሄዋ ድራው፣ ካቲ አ ባረ ኩሙንላ ካዉተላ ቦላ ጶቃ ኦሴደ ሱንላናዉ ሀልቼዳ።

4 ያትና፣ ቢታ ሞድያዋንቱን ካፓቱ ዳኔላ ሞታናው፣ እ አይሰያ አይሱዋ ቦላ ባላ ደማና ገደ ኮዬድኖ። ሸን እ ሎይሎ ሱረን አማነትያ አሳ፣ ቃይ ጌላባ ኦቻና አሳ ግዳዳ ድራው፣ አ ሞታናዉ አ ቦላ አይ ባላን ደምቦይክኖ።

5 ዉርሰላን ኡንቱንቱ ገደ፣ “አ ጸሳ ሀግያ ባጋና ግደፕፕ አትና፣ ሀራ ባጋና ዳኔላ ሞትያባ ደሞኮ” ያጌድኖ።

6 ሄዋ፣ ጉይያን፣ ቢታ ሞድያዋንቱን ካፓቱ እትፕ ካትያኮ ቢደ፣ ሀዋዳን ያጌድኖ፣ “ካትያዉ ዳርዮሳ፣ መድናዉ ደእ።

7 ኦን ነ ካዉተላ ኦሱዋ ኦላያ ካፓቱ፣ ቢታ ሞድያዋንቱ፣ ኦላ ጋዳዋቱ፣ ዘርያዋንቱን አዉራጃ ሞድያዋንቱ ኡባይ ማዬዳ እት ዘረታይ ደእ። ሄዋካ ሀቸፕ ቢደ ሀታሙ ጋላሳይ ጋካናዉ፣ አይ አሳይን ኔና ካትያ ዋሳና፣ ሀራ አይ አሳካ ዋይ አይ ጸሳካ ዋሰናዳን፣ ኔን አዋዩዋ ሰሳናዳን ኡዬዳ ዋሰያዌ ደአ፣ ጋሞቱዋ ኦላን ኦላታናዳን ኔን አዛዛናሳ።

8 ሰም ካትያዉ፣ ሀ አዋዩ ሻረተና ሚዳናቱዋን ፓርሰቱዋ ሀግያዳን፣ ሞኖን ላመተናዋ ግዳና ማላ ፓራማ” ያጌድኖ።

9 ሄዋ ድራው፣ ካቲ ዳርዮስ አዋዩዋ ጸፊደ ፓራሚዳ።

10 ዳኔል አዋዩ ፓራሚት ከሴዳዋ ኡራዳ ዋደ፣ ባረ ጎለ ቤዳ፣ ፖቅያን ደእያ ክፍልያ ገሌዳ። ሄ ክፍልያ ማሰኮቲ የሩሳላመ ባጋ ሰሚደ ደየት ደእሸን፣ ባረ ካስ ዋሰያዋዳንካ ጉልባቲደ፣ ባረ ጸሳ ጋላቲደ፣ ሀቸ ሀቸ ሄዙ ገደ ዋሴዳ።

11 ሄዋ፣ ጉይያን፣ ሀ አሳቱ እትፕ ቢደ፣ ዳኔል ባረ ጸሳ ዋሰሺናን ማዲዋ ኦቻሸን ደሚድኖ።

12 ካትያኮ ቤድኖ፣ ካትያ፣ “ካትያዉ፣ ሀ ሀታሙ ጋላሳቱዋ ግደን ኔና ዋሳና፣ ሀራ አይ አሳካ ዋይ አይ ጸሳካ ዋሰያዌ ጋሞቱዋ ኦላን ኦላታናዳን አዋያቦይኪየ?” ያገደ አዋዩዋ ሃሳዬድኖ።

ካቲ ዛሪደ፣ “አዋያድ፣ አዋዩ ሻረተና ሚዳናቱዋን ፓርሰቱዋ ሀግያዳን ሞኔዳዋ” ያጌድኖ።

13 ኡንቱንቱ፣ “ካትያዉ፣ ያትና ሄኮ ይሁደፕ አሞደቲደ፣ ዬዳዋንቱ፣ እቱዋ ግደያ ዳኔል፣ ነዉካ ኔን ፓራማደ ከሴዳ ነ አዋዩካ አዛዘተና። እ ሀእካ ሀቸ ሀቸ ሄዙ ገደ ባረ ጸሳ ዋሴ” ያጌድኖ።

14 ካቲ ሄዋ ሰሴዳ ዋደ ሎይሎ ካዮቲዳ፣ ዳኔላ አሻናዉ ቆፋ ቃቺደ፣ አዋይ ዉላና ጋካናዉ፣ አሸያ ኦግያ ኡባ ኮዬዳ።

15 ሄ ዋደ አሳቱ እትፕ ካትያኮ ቢደ፣ “ካትያዉ፣ ሚዳናቱዋን ፓርሰቱዋ ሀግያዳን ግደ፣ ካቲ አዋዩዳ አዋዩ ዋይ አዛዜዳ አዛዙ ላመተናዋ ነዉ ኡራ” ያጌድኖ።

16 ሄዋ ድራው፣ ካቲ አዛዝና፣ ዳኔላ አሂደ፣ ጋሞቱዋ ኦላን ኦሌድኖ። ካቲ ዳኔላ፣ “ኔን ኡባ ገደ ጎይንያ ጸሳይ ኔና አሸ” ያጌድኖ።

17 ኡንቱንቱ ሹቻ አሂደ፣ ኦላ ደና ባራድኖ፣ ዳኔላ ቦላ ኦሰቲዳባይ ላመተና ማላ፣ ካቲ ባረ ማታፋን ባረ ካዉተላ ካፓቱዋ ማታፋ ጎርዴዳ ሹቻ ቦላ ዋሴዳ።

18 ሄዋ፣ ጉይያን፣ ካቲ ባረ ጎልያ ሰሚደ፣ ቁማ ሚናንን ፓሽክሰያዋ ኦያካ ባረኮ ሺሸናን፣ ገምእሹዋና ቆዩደ አቄዳ።

19 ዋንታ ጉራን ካቲ ደንዲደ፣ ኤሌሊደ ጋሞቱዋ ኦላኮ ቤዳ።

20 ኦላኮ ጋኪደ ካዩዋን፣ “ደኡዋ ጸሳ ቆማዉ ዳኔላ፣ ኔን ኡባ ገደ ጎይንያ ነ ጸሳይ ኔና ጋሞቱዋ፣ አሻናዉ ዳንዳዬዳ?” ያገደ ጸሴዳ።

21 ዳኔል ዛሪደ፡ “ካትያው፡ መድናው ደእ!
 22 ታ ጸሳይ ባረ ኪታንቻ ኪቲደ፡ ጋሞቱዋ ደና ጎርዳዳ፤ ኡንቱንቱ ታና ቦቻብይክና። እያው ጎጥ፡ ታን ኦ ሰንላን ጽሉቱ። ቃይ ካዋ፡ ታን ነ ሰንላንካ ኢታባ ኦላብይከ” ያጌዳ።

23 ካቲ ሎይሳ ናሽቲዳ፤ ዳኔላ ኦላጥ ከሳናዳን አዛዜዳ። ዳኔል ኦላጥ ከሴዳ፤ ባረ ጸሳን ኦ ኦማነቲዳ ድራው፡ ኦ ቦላን ኦያ ደሸቲዳ ሳኦይካ ቤትቤና።

24 ሄዋጥ ጉይያን፡ ዳኔላ ሞቲዳ አሳቱዋ አሀናዳን ካቲ አዛዜዳ። ኡንቱንቱ ኦይቀቲደ፡ ባረንቱ ማጫ አሳናን ባረንቱ ናናቱዋና እትጥ ዪደ፡ ኡባይካ ጋሙዋ ኦላን ኦላጥድና። ኡንቱንቱ ኦላ ወርሰላ ጋከናን ደእሸን፡ ጋሞቱ ሶጺ አኪደ፡ ኡንቱንቱ መቀላ መንግራጫድና።

25 ሄዋጥ ጉይያን፡ ካቲ ዳርዮሰ አሳ ኡባው፡ ካውተላቶ ኡባውን ዲማ ዲማ ቃላን ሃሳይያ ዛረቶ ኡባው ሀዋዳን ያጌደ ጸፊዳ፡-

“ሳሮ ደኢቲ!

26 “ታ ካውተላን ደእያ አሳይ ኡባይ ዳኔላ ጸሳው ያያና ማላን ኮኮራና ማላ፡ ታን አዋዩዋ ከሳድ።

“እያው ጎጥ፡ እ ደኡዋ ጸሳ፤
 ቃይ እ መድናው ደእያዋ።
 እ ካውተላይ ሙላካ ጳየና፤
 እ ካትቱዋ ማታይካ ሙላ አተና።

27 እ አሽኔ፡
 መቱዋጥ ከሰ አኩ።
 ሳሉዋንካ ሳንካ፡ ማላታን ኦራሳባ ኦሌ።
 ዳኔላ ጋሞቱዋ ደናጥ፡
 አሽዳዌ አ!” ያጌዳ።

28 ሄዋ ድራው፡ ሀ ዳኔል ዳርዮሳ ካውተላ ዋደን ፓርሰያ ቂርሳ ካውተላ ዋደ ኡባን እሻሊደ ደኤዳ።

7

ዳኔል በኤዳ ኦይዱ ደአቱዋ ሳፃ (7:1-27)

1 ባብሎን ካቲ በልሻጸር ካተቲዳ ኮይሮ ላይሳ፡ ዳኔል ባረ አርሳን ዛቆሊደ፡ አኩሙዋን ሳፃ በኤዳ። እ ባረ አኩሙዋን በኤዳ አይፈ የዋቱዋ ጸፊዳ።

2 ዳኔል ሀዋዳን ያጌደ ጸፊዳ፤ “ቃማ ታን ታ ሳጸን ሳሉዋጥ ዬዳ ኦይዱ ጫርኮቱ ዋጋ አባ ቡልአክሽን በኣድ።

3 ቃይ እቱ እቱዋጥ ዲማትያ ኦይዱ ዋልቃማ ደአቱ አባጥ ከሴድና።

4 “ኮይሮ ደአይ ጋሙዋ ማላቲ፤ ቃይ አው አንኩዋዳን ቀፊ ደኤ። ታ ጸልሸን፡ እ ቀፊ ሸደትና፡ ሳኦጥ ደንዲደ፡ አሳዳን ላኡ ገድያን ኤቃናዳን ኦሰቲዳ፤ ቃይ አሳ ዋዛናይካ አው እመቲዳ።

5 “ቃይ ላኤንሳ ደአይ እት ባጋ ቶቄ ጊደ ኤቄዳ ባባንሳ ግያ ኢታ ደኣ ማላቲ። ሄ ደአይ ሄዙ ጋይልያ መቀላ ባረ ደናን ባሪደ፡ ባረ ማታን

ሳእ ኦይቄዳ። ያቲዳዋ፡ ‘ደንዳደ ዳሮ አሹዋ ማ’ ጌተቲዳ።

6 “ሄዋጥ ሰምና ቃይ፡ ማሀያ ማላትያ ሀራ ደኣ በኣድ። እ ዘክያን ካፋዋ ቀፍያ ማላትያ ኦይዱ ቀፊቱ ደኢና። ቃይ አው ኦይዱ ሁጸቱ ደኢና። ሀ ደአው ሞድያ ማታይ እመቲዳ።

7 “ሄዋጥ ሰምና፡ ቃማ ሳጸን ያሸያ፡ ዳጋንሳያን ሎይሳ ሞንያ ኦይደንሳ ደኣ በኣድ። አው ዋልቃማ ብራታ አቻቱ ደኢና። እ ባረናን ጋከቲዳዋ ኡባ ኡንቱንቱን መንግራጫደ ማን እቲዳዋ ባረ ገድያን የግራጫ። ካሰ ታ በኤዳ ደአቱዋ ኡባጥ እ ዲማቲ፤ አው ታሙ ካጪ ደኤ።

8 ታን ሀ ካጪቱዋባ ቆጥሸና፡ ሄ ካጪቱዋ ግደጥ ሀራ እት ጉላ ካጪ ከሰሸን በኣድ፤ ሄ ካጪ የንኮ ካጪቱዋጥ ሄዛቱዋ ቶቆሊደ ኦሌዳ። ሀ ካጭያው አሳ ኦይፍያ ማላትያ አይፊን ኦቶራዋን ሃሳይያ እንጸርሳይ ደኤ።

መድናው ደእያዋጥ ቆንጮዳ ሳፃ

9 “ታን ሄዋ ጸልሸን፡ ካተቱዋ አራታቱ ኡተላው ጊጌድና። መድናጥ ደእያዌ ባረ አራታን ኡቲዳ። እ ማዩ ሻቻዳን፡ እ ሁጺያ ብናናይካ ፑቲዋዳን ቦላ። እ አራታይን አራታ ይንግረላቱ ታማዳን ላጮቲና።

10 ታማ ሻፋይ እ ሰንላጥ ፑልቲደ ከሴ። ሻእ ገደ ሻእቱ አው ኦሌና፤ ቃይ ዳሮ ሚሎንቱ እ ሰንላን ኤቄድና። ያት ደእሸን ፕርዳ ፕርድያዌ ደመቲዳ፤ ማጸፋቱካ ደየቲድና።

11 “ሀ ጉላ ካጪ ሃሳይያ ኦቶሮ ቃላይ ታው ሰሰትያ ድራው፡ ታን ሀእካ ቲሸሻሳይ ጸላድ። ታን ጸልሸን ሀ ደአይ ሀይቂደ፡ ኤጽያ ታማን ኦላቲደ ጳዬዳ።

12 የንኮ ሄዙ ደአቱዋጥ፡ ኡንቱንቱ ማታይካ አከቲዳ፤ ሸን ኡንቱንቱ ኬሪቲዳ ዋድያ ፓጸ ደእኖ ጌተቲድና።

13 “ቃይካ ታን ሄ ቃማ ሳጸን፡ አሳ ናኣ ማላትያዌ ሳሉዋ ሻርያና ይያዋ በኣድ። መድናጥ ደእያዋኮ ሺቅና፡ ኡንቱንቱ እ ኦ ሰንላ አሌድና።

14 አው ማታይ፡ ቦንቹን ካውተላይ እመቲዳ፡ አሳይ ኡባይ፡ ካውተላቱ ኡባይን ዲማ ዲማ ቃላን ሃሳይያ ዛራቱ ኡባይ አው ሞደቲድና። እ ማታይ መድናው ሻረተና ማታ፤ እ ካውተላይ ሙላካ ጳየናዋ።

ሳፃ ብለላ

15 “ታና ዳኔላ ግደጥ፡ ታ በኤዳዋን ኡባን ዳጋማድ፤ ታ ሳጸይካ ታና ሻባርሴዳ።

16 ታን ሄዋ ኤቄዳዋንቱጥ እቱዋኮ ሺቃደ፡ ሀ ኡባው ቱሙ ብለላይ አየንቶ ኦቻድ። እ ታው እ ብለላ ኡባ ሀዋዳን ያጌደ ኦይዳ፤

17 “ሀ ኦይዱ ዋልቃማ ደአቱ ሀ ሳኣን ሰንላጥ ደንዳና ኦይዱ ካውተላቱዋ።

18 ሸን ኡባጥ ቶቄያ ጸሳ ጌሻቱ እ ካውተላ አኪደ፡ መድናው ባረሳ ኦላና፤ መድና ካውተላ ኡንቱንቱ ላታና፡ ያጌዳ።

7:3 ሳፃ 13:1፤ 17:8 7:4 ሳፃ 13:2 7:7 ሳፃ 12:3፤ 13:1 7:8 ሳፃ 13:5-6 7:9 ሳፃ 20:4፤ 1:14 7:10 ሳፃ 5:11፤ 20:12 7:13 ማቶሳ 24:30፤ 26:64፤ ማር. 13:26፤ 14:62፤ ሉቃሳ 21:27፤ ሳፃ 1:7፤ 13፤ 14:14 7:14 ሳፃ 11:15 7:18 ሳፃ 22:5

19 “ሕዋተ ጉይያን፣ ታን ሀራ ደአቱዋ ኡባፕ ዲማቲደ ያሽያ ኦይደንሶ ደአው ደእያ ቱሙ ብለላ ኤራናው ኮያድ። ሄ ደአው ብራታ አቻይነ ናሃሰ ብራታ ጸጉንሳይ ደኤ፤ እ ባረናን ጋከቱዳዋ ኡባ ሙን። ራሴ ወይን ሚሽን አቱዳዋ ባረ ገድያን የ።ሬሌ።

20 ቃይ ሀ ደአ ሁሲያን ደእያ ታሙ ካጨቱዋባነ ቃይ ጉየፕ ከሲደ፣ ኡንቱንቱፕ ሂዛቱዋ ጶቆል ኦሌዳ ቁር ካጭያባካ ኤራናው ኮያድ። ሄ ቁር ካጭያው አይፈቱነ ኦቶሮ ቃላ ሃሳይያ እንጸርሳይ ደኤ። ሄ ካጪ የንኮቱዋ ኡባፕ አቱ ያሽያዋ።

21 ታን ጸልሽን፣ ሀ ካጪ ጌሻቱዋና ኦላ ጋከቲደ፣ ኡንቱንታ ጸኔዳ።

22 ሄዋ ሀኔዳዋ፣ ሙድናፕ ደእያዋ ያና ጋካናውን፣ ኡባፕ ጶቁያ ጸሳ ጌሻቶ ፕርዳይ ፕርደታና ጋካናሳ፤ ኡንቱንቱ ካወተላ ላትያ ዋዲካ ጋኬዳ።

23 “እ ታወ ብለላ ሀዋዳን ያግ ኦዳዳ፤ ሓይደንሶ ደአይ ሀ ሳኦን ሰንሳፕ ደንዳና ኦይደንሶ ካወተላ። ሄ ካወተላይ ሀራ ካወተላ ኡባፕ ዲማ፤ ቢታ ሳኦ እ ማና፣ የቆናን ሙን። ራሴ።

24 ቃይ ታሙ ካጪቱ ሀ ካወተላቱዋፕ ደንዳና ታሙ ካተቱዋ። ሕዋፕ ጉይያን፣ ካሰ ታሙ ካተቱዋፕ ዲማትያ ሀራ ካቲ ደንዳና። እ ኡንቱንቱፕ ሂዙ ካተቱዋ ጸኔደ ሞዳና።

25 እ ኡባፕ ጶቁያ ጸሳ ቦላ ጸሊደ ሃሳያና፤ እ ጌሻቱዋካ ኡቁናና። ቃይ ዋደቱዋን ዋጋ ላማናው ቃቃታናዋ። ዋዲ፣ ዋደቱን ዋድያ ባጋይ ጋካናው ጌሻቱ እ ማታፕ ጋርሳና ሞደታና።

26 “ ሸን ሕዋፕ ጉይያን፣ ፕርዳ ፕርድያዋ ደሙታና፤ እ ማታይ ሙሊ አከታና፤ እ ሙድናው ቆያና።

27 ሳሉዋፕ ጋርሳና ደእያ ካወተላቱዋ ኡባ ማታይ፣ ዋልቃይነ ግታተላይ ኡባፕ ጶቁያ ጸሳ ጌሻ አሳቶ እመታና። እ ካወተላይካ ሙድና ካወተላ ግዳናዋ፤ ሳኦ ሞድያዋንቱ ኡባቱ አወ አዛዘታናን አወ አላና፣ ያጌዳ።

28 “ታ ሳጸባይ ሀዋን ወራዳ። ታን ዳኔል፣ ታ ቆፋን ዳር ሻባረታድ፤ ታ ሶምኢካ ሕዋ ኤርሴ። ሸን ኡባባካ ታን ታ ዋዛናን ዋላድ” ያጌደ ጸፊዳ።

8

ዳኔል በኤዳ ደርሳ ኦርግያን ዳሻ ኦርግያ ሳፃ

(8:1-27)

1 በልሻጸር ካተቱዳ ሂዘንሶ ላይሶ፣ ታን ዳኔል ሀዋፕ ካሰ በኤዳ ሳጸፕ ሀራ ሳፃ በኦድ።

2 ሄ ሳጸን አያ በኦድታ ሳፕ፣ ኤላማ ጋድያን ሱሳ ግያ ካታማን፣ ኡላያ ግያ ሻፋ ማታን ኤቁዳ ታና በኦድ።

3 ሄ ሻፋ ማታን ላኡ አዲሳ ካጪቱ ደእያ ደርሳ ኦርግ ኤቁዳ። ላኡ ካጪቱዋፕ እቱ ጉየፕ ደሌዳ፤ ሸን ኮይሮ ደሌዳዋፕ አዲቁ።

4 ሄ ደርሳ ኦርግ ባረ ካጭያን ቃይጫናው፣ አዋይ ወልያ ባጋ፣ ሁሲሳ ባጋናን ገድሳ ባጋ ።ግግሽን በኦድ። አናና ኤቀታናውን አ ዋልቃፕ ከሰ አካናው አይ ሙሂካ ደንዳይቤና። እ ባረ ኮዬዳዋ ኦሌዳ፤ ያቲደ ባረና ግታዬዳ።

5 ታን ሀ ሳጸባ ቆፕሸን፣ እት ዳሻ ኦርግ አዋይ ወልያ ባጋፕ ከሲደ፣ ቢታ ሳኦ አዲደ፣ ገዲ ሳኦ የ።ናን ዬዳ፤ አወ ላኡ አይፈቱዋፕ ግዲዋን እት ዋጋ ካጪ ደኤ።

6 እካ ዳር ሀንቁዋና ዲሲደ፣ ሻፋ ማታን ታን በኤዳ ላኡ ካጭያና ደእያ ደርሳኮ፣ ዋ።ታወ ።ግግረደ ዬዳ።

7 ጋኪደ፣ ዳር ይሎቲደ፣ ታን ጸልሽን፣ ደርሳ ኦርግያ ካጪቱ ላኡካ ሙአና ጋካናው፣ ኢታ ደምኤላ ደምኤዳ። ደርሳ ኦርግያው አናና ኤቀታናው ዋልቃይ ባዋ፤ ሕዋ ድራው፣ ዳሻ ኦርግ አ ከንድሲደ፣ የቱ ኤቁዳ። ዳሻ ኦርግያ ዋልቃፕ ሄ ደርሳ ኦርግያ አሸያዋ ባዋ።

8 ሄ ዳሻ ኦርግ ሎይሶ ግታቱዳ፤ ሸን አ ዋልቃይ ዳር ዳር ብያ ዋደ፣ አ ዋጋ ካጪ ሙኤዳ፤ ኤለካ፣ ኦይዲ ዋጋ ካጪቱ ቢታወ ኦይዲ ባጋ ሰሚደ ድጩድድ።

9 ሀ ኦይዲ ካጪቱዋፕ እቱዋ ቦላ ሀራ ጉላ ካጪ ደሊደ፣ ዋልቃን ገድሳኮ፣ አዋይ ደልያ ባጋ እሰራኤልያ ጋድያኮ ሰሚደ ድጩድድ።

10 እ ቢደ ሳሉዋን ደእያ ኦላንቻቱዋ ጋካናው ድጩድዳ፤ ሳሉዋ ጸልንተቱዋፕ ኡንደናዋንታ ሳኦን ዲግ ኦሊደ፣ ኡንቱንታ የቆዳ።

11 ቃይ እ ባረና ጶቁ ኦሊደ፣ ኦላንቻቱዋ ጋደወዋ ጸሳና ልክሴዳ። ሀቼ ሀቹ አሳይ ያርሸያ ጸጉትያ ያርሹዋካ ተኤዳ። ቃይ እ ጌሻ ጎልያካ ቱንሴዳ።

12 ማካላ ጋሱዋን ጌሻቱዋ ኦላንቻቱን ሀቹ ሀቹ ያርሸያ ያርሹ ሄ ካጭያው እመቲዳ። ቱሙካ ሳኦን ኦለቲዳ፤ ሄ ካጪ ኦላንባይ ኡባይ አወ እንጀቲዳ።

13 ሕዋፕ ጉይያን፣ እት ጌሻ ኪታንቻይ ሃሳይሸን ታን ሰሳድ። የንኮ ጌሻ ኪታንቻይ ሀ ኪታንቻ፣ “ሀ ሀቹ ሀቹ ያርሸያ ያርሹዋባ፣ ሀ ማካላይ አህያ ባሻባነ ሳሉዋ ኦላንቻቱን ጌሻ ሳኦይ የ።ቲደ ደአናባ ኦድያ ሳጸይ አወደ ፖለታኔ?” ያጌደ ኦቼዳ።

14 እ ዛሪደ፣ “ላኡ ሻኦን ሂዙ ጾቱ ዋንታይነ ኦማርሳይ ጋካናው ጋምአና፤ ሕዋፕ ጉይያን፣ ጌሻ ጎሊ ጌያና” ያጌደ ኦድሸን ሰሳድ።

ኪታንቻይ ጋብሬል ሳፃ ብሌዳ

15 ታን፣ ዳኔል፣ ሀ ሳፃ በኦደን አ ብለላ ኤራናው ቆፓደ ደእሸን፣ እት አሳ ማላትያዋ ታ ሰንሳን ኤቁዳዋ በኦድ።

16 ቃይ ታን ኡላያ ሻፋ፣ “ጋብሬል፣ ሀ ብታንያወ ሀ ሳፃ ብለላ ኦዳ” ያግያ ኮሻ ሰሳድ።

17 እ ዪደ ታን ኤቁዳ ሳኦ ማቲዳ ዋደ፣ ታን ዳጋማደ፣ ታ ሶምኤዋ ቢታወ ዲግ ዛሪደ

7:21 ሳፃ 13:7 7:22 ሳፃ 20:4 7:24 ሳፃ 17:12 7:25 ሳፃ 12:14፤ 13:5-6 7:27 ሳፃ 20:4፤ 22:5
8:10 ሳፃ 12:4 8:16 ሉቃሳ 1:19፣ 26

ኩንዳድ። እ ታና። “አሳ ናአው። ሀ ሳጸይ ወርሰላ ዋድያባ በሰያዋ ግድያዋ አኬካ” ያጌዳ።

18 እ ታናና ሃሳይያ ዋድ። ታን ሳኣን ጉፋናድ። ገምእሹዋ ካይርታድ። ያትና። እ ታና ሳኣጥ ፑደ ደንሏድ። ታ ገድያን ኤሴዳ።

19 ታና። “ሰሳ። ታን ጸሳ ሀንቁዋ ወርሰላን ሀናናወ ደእያዋ ኦዳይ፤ አያወ ሳጥ። ሀ ሳጸይ ጸሳይ ኬር ዋሌዳ ወርሰላ ዋድያን ሀናናባ ኦዳ።

20 “ኔን በኤዳ ላኡ ካጭያና ደእያ ድርሳ ኦርጊ ሜድና ፓርሰ ካተቱ ለምሱዋ።

21 ዴሻ ኦርጊ ቃይ ግርከ ካትያ ሌምሱዋ፤ እ ላኡ አይፈቱዋጥ ግድዋን ደእያ ዋጋ ካጪ ኮይሮ ካትያ።

22 ካጪ መእ ዋድና። አ ሳኣን ደሌዳ ኦይዱ ካጪቱ አ ካወተላጥ ሻከቲደ ከሳና ኦይዱ ካወተላቱዋ ሌምሱዋ፤ ሽን ኡንቱንቱ ዋልቃይ ኮይሮዋ ዋልቃ ጋክና።

23 “ኡንቱንቱ ካወተላ ወርሰላይ ጋክያ ዋድነ ኡንቱንቱ ማካላይ ዛዋ ጋክያ ዋድ። እት መቀላ ኢታን ጭምያ ጭንጫ ካቲ ደንዳና።

24 እ ሎይሳ ምኖ ግዳና፤ ሽን ባረ ዋልቃና ግድና። ዳጋንሳያ ባሻ እ ባይዛና፤ እ ኦሳያባይ ኡባባይ አወ እንጀታና። እ ምኖ አሳቱዋን ጌሻ አሳቱዋ ጳይሳና።

25 እ ጭምያ ድራወ። አወ እንጀታና፤ ቃይ እ ባረና ኡባጥ ጳቁ ጳቁ ኦሳና። ኡንቱንቱ ሳእይ ሳራ ግ ደእሸን። ኡንቱንቱጥ ዳሮቱዋ ዋዳና፤ ቃይ ካጥቱዋ ካፑዋና ኤቃታና። ሽን አሳይ ቦቼናን እ ባረወ ጳያና።

26 “ካወ ኦደቲዳ ላኡ ሻእነ ሄዙ ጾቱ ዋንታን ኦማርሳ ጾልያ ሳጸይ ቱማ፤ ሽን ዳሮ ዋድያጥ ጉይያን ፖለታናወ ደእያ ድራወ። ሳርዳደ ማታፋ አ ቦላ ዋላደ ናጋ” ያጌዳ።

27 ታን ዳኔል። ሎይሳ ዳቡራዳ ድራወ። ሳከታደ ዳሮ ጋላሳ ግሳድ። ሄዋጥ ጉይያን ደንዳድ። ካትያ ኦሱዋ ባድ። ሀ ሳጸን ታን ሎይሳ ሻቢረታድ፤ አኬካናወካ ዳንዳያበይከ።

9

ዳኔል ባረ አሳ ድራወ ዋሴዳ (9:1-27)

1 ሜድና ቢታ አሳ ግድያ አርጸክሰሳ ናአይ ዳርዮሰ ባብሎንን ካተቱዳ።

2 እ ካተቱዳ ኮይሮ ላይሳ። ታን ዳኔል። ጌሻ ማጻፋቱዋ ናባባድ፤ ትምቢትያ ኦድያ ኤርማሳወ መድና ሳይይ ኦይዳዋዳን የሩሳላመ ላፑን ታሙ ላይሳ ኮለቲደ ጋምእናወ ደእያዋ አኬካድ።

3 ሄዋ ድራወ። ታን ሳዳ ጸሳኮ ሰማደ፤ ማቃ ማያደ። ብድንላ ታ ሁጲያ ቦላ ቆላደ። ጸማደ። አ ዋሳይነ አወ ዋትዋታይ።

4 ታን ናጋራ ፓጸደ። መድና ሳዳ ታ ጸሳ ሀዋዳን ያጋደ ዋሳድ፤ “አቤት ሳዳወ። ዋልቃማን ያሽያ ጸሳወ። ኔና ሰቅያዋንቶነ ነ አዛዙ ኤኖ ግያዋንቶወ ነ አገና ሰቁዋን ጫቁዋ ናግያዋ።

5 ኔን ናጋራ ኦሌደነ ባሌደ፤ ኔን ኢታባ ኦሌደነ ማካሌደ፤ ነ አዛዙዋጥነ ነ ዋጋጥ ዋራ ሰሜድ።

6 ኑ ካተቶ። ኑ ካጥቶ። ኑ አዋቶነ ሳኣን ደእያ አሳ ኡባወ ነ ሱንላን ትምቢትያ ኦይዳ ነ ቆማቱ ኦይዳዋ ሰሰናን እጾድ።

7 “አቤት ሳዳወ። ኔን ጽሉዋ፤ ሽን ኔን ሀቶ ዬላ ማዬድ። ይሁዳንን የሩሳላመን ደእያ አሳይ ኡባይ። ኔን ነወ አማነተናን እጽና። ኔን ሃኮ ቢታንን ማታ ጋድያን ላሌዳ እሰራኤልያ አሳይ ኡባይ ዬላቱድ።

8 አቤት መድና ሳዳወ። ኔን። ኑ ካተቱ። ኑ ካጥቱ፤ ኑ አዋቱ ኔና ናቁዳ ጋሱዋን ዬላ ማዬድ።

9 ሽን ኔን አወ ማካሌዳባ ግድገካ። ሳዳይ ኑ ጸሳይ ማርያዋን አቶ ያግያዋ።

10 ኔን መድና ሳዳወ። ኑ ጸሳወ። አዛዙትቦኮ፤ ቃይ ትምቢትያ ኦድያ ባረ ቆማቱ ባጋና እ እሜዳ አ ህግያ ናግበይኮ።

11 እሰራኤልያ አሳይ ኡባይ ነ ህግያ መንሏድ። ዋራ ሰሜድና፤ ነ አዛዙካ ኤኖ ግበይክና።

“ኔን ነ ቦላ ናጋራ ኦሌዳ ድራወ። ጸሳ ቆማ ሙሴ ህግያ ማጻፋን ጸፈቲዳ ሸቃይነ ፕርዳይ ኑ ቦላ ትገቱዳ።

12 ቃይ ኑ ቦላን ኔና ካለላያዋንቱ ቦላ ዋልቃማ ባሻ አሀናወ ኔን ሃሳዬዳ ቃላ ኑ ቦላ ፖላዳ። እያወ ሳጥ። የሩሳላመ ቦላ ጋኬዳዋ ማላይ ሳሉዋጥ ጋርሳን ሀራ ጋድያ ቦላ ሙላካ ጋክቤና።

13 ሙሴ ህግያን ጸፈቲዳዋዳን። ሀ ባሻይ ኡባይ ኑ ቦላ ጋኬዳ። ኑ ናጋራጥ ሰምበይኮ፤ ነ ቱሙዋ ሰሰበይኮ፤ ኔና። መድና ሳዳ ኑ ጸሳካ ማርታ ኦቶበይኮ።

14 መድና ሳዳይ ሀ ባሻ ኑ ቦላን አሀናወ ጉዮ ግቤና፤ እያወ ሳጥ። መድና ሳዳይ ኑ ጸሳይ ባረ ኦሳያባን ኡባን ጽሉዋ፤ ሽን ኔን አወ አዛዙተናን እጾድ።

15 “አቤት ሳዳወ። ኑ ጸሳወ። ካሰ ነ አሳ ነ ምኖ ኩሽያን ግብጾጥ ከሳደ። ሀቼዋዳንካ ነ ሱንላ ጾሰሴዳዋ። ኔን ናጋራ ኦሌዳ፤ ኔን ባሌድ።

16 አቤት ሳዳወ። ኔን ካሰ ነ ጽሉ ኦሱዋ ኡባ ኦሌዳዋዳን። ሀእ ነ ሀንቁዋን ነ ቦሻን ነ ካታማጥ። የሩሳላመጥ። ነ ጌሻ ደርያጥ። ዋራ ዛራ። ኔን ኦሌዳ ናጋራይነ ኑ አዋቱ ኦሌዳ ባይዙ የሩሳላመን ነ አሳን ኑ ዩሹዋን ደእያ ኡባወ ቅሊጤዋ ከሴዳ።

17 “ሰም ሀእ ኑ ጸሳወ። ታን ነ ቆማይ ዋሰያ ዋሳን ዋትዋቱዋ ሰሳ። ጸሳወ። ነ ሱንላ ድራወ ጋደ። ሀ ኮለቲዳ ነ ጌሻ ሳልያ ነ ኬካ አይፍያን ጾላ።

18 አቤት ታ ጸሳወ። ነ ሀይላ ኑኮ የጋደ ሰሳ፤ ነ አይፍያካ ደያደ። ነ ሱንላን ጾሰቲዳ ካታማ ባየላ ጾላ። ኔን ነወ ዋትዋትያዎ። ኑ ጽሎተላ ድራወ ግድናን። ነ ዋልቃማ ማርተላ ድራሳ።

19 “አቤት ጸሳወ። ሰሳ! አቤት ጸሳወ። አቶ ጋ! አቤት ጸሳወ። ሀይዛነ አሳ! ነ ካታማይነ ነ አሳይ ነ ሱንላን ጾሰቲዳ ድራወ። አቤት ታ ጸሳወ። ነ ሱንላ ድራወ ጋምኦጋ” ያጋድ።

ጋብሬል ዳኔላወ ሰንላጥ ሀናናባ ኦይዳ

20 ታን ዋሳደ። ታ ናጋራነ ታ አሳ እሰራኤልያ ናጋራ ፓጸደነ ታ ጸሳ ጌሻ አሳባ። የሩሳላመባ መድና ሳዳወ ታ ጸሳወ ዋትዋታደ ታካድ።

21 ሄዋዲን ሀናደ ታን ደእሺና፡ ካሰ ሳጸን ታን በኤዳ ጋብሬል፡ ታኮ ኤለካ ፓሊደ፡ ኦማርሳ ያርሹዋ ያርሹያ ሳትያን ፑቱ ጌዳ።

22 እ ሀዋዲን ያጊደ፡ ታዉ ኦዴዳ፤ “ዳኔላ፡ ታን ኤራነ እኩካ ነዉ እማናዉ ሀእ ያድ።

23 ኔን ብር ዋሳ ደመደ ነ ዋሳ ዛሩ እመቲዳ፤ ታንካ ሄዋ ነዉ ኦዳናዉ ያድ። እያዉ ጎፕ፡ ጸሳይ ኔና ሎይሳ ደሴ። ሄዋ ድራዉ፡ ታን ኦድያዋ ቆፓ፤ ሳጸካ እኩካ።

24 “ላፑ ገደ ላፑን ታሙ ላይሳይ ጸሳይ ነ እሳዉን ነ ጌሻ ካታማዉ ከሬዳ ዋድያ። ሄ ዋድቱዋን ናቁ ዉራና፤ ናጋራ ኦሱ እታና፤ ባይዙ ማረታና፤ መድና ጽሎተሳይ ገላና፤ ሳጸይነ ትምቢቲ ፖለታና ኡባፕ አዴዳ ጌሻ ሳኦይ ኦከታና።

25 “ሄዋ ድራዉ፡ ሀዋ ኤራነ እኩካ። የሩሳላመ ካታማይ ኦራጸናዳንን ከጸታናዳን እዛዙ ከሴዳ ጋላሳፕ ቢደ ካፑ ኦከቶዌ ያና ጋካናዉ፡ ላፑን ገደ ላፑኑን ኡሱፑን ታማነ ላኡ ገደ ላፑን ላይሳይ አጻና። ሄዋን የሩሳላመ ካታማይ ኦራጸና፤ ኦገቱካ ዩሹዋ ግምቡቱካ ኦሰታና። ሸን ግምቡትያ ዋዲ መቶ ዋደ ግዳናዋ።

26 “ኡሱፑን ታማነ ላኡ ገደ ላፑን ላይሳፕ ጉይያን፡ ኦኩቲዳዋ አሳይ ዋጻና። እ ማታን እያይነ ባዋ፡ ይያ ካፑዋ አሳይ፡ ካታማነ ጌሻ ጎልያ ላላና። ሄ ካታማ ዉርሰሳይ ድኡዋዳን እኩከናን ያና። ሄ ዋድያፕ ቢደ ዉርሰሳይ ጋካናዉ፡ ኦላነ ባሻ አዋዬዳ።

27 ሄ ካፑ ላፑን ላይሳይ ግደን አሳና ምና ጫቁዋ ጫቀታናዋ። ሄ ላፑን ላይሳቱዋ ግደ ግሸቻን እ ያርሹዋ ያርሹያዋን እሞታ እምያዋ ድጋና። ጌሻ ጎልያዉ ግደ ግሸቻን ባየላ ቱናተላ እ ኤሳና። ዉርሰሳን አዋየቲዳ ቦሻይ አ ቦላ ትገታናዋ” ያጌዳ።

10

ዳኔል ጸግርሳ ሻፋ ማታን በኤዳ ሳፃ (10:1—11:45)

1 ፓርሰ ካቲ ቁርሰ ካተቲዳ ሄዘንሉ ላይሳ፡ ብልጸሰረ ግያ ዳኔላዉ ሀራ ሳጸይ ቆንጩዳ። ሄ ሳጸን ቆንጩዳዊ ቱማ፤ ቆንጩዳዊካ ዋልቃማ ኦላሳ። ሄ እኩካይ አዉ እመቲዳዊ ሳጸና።

2 ሄ ዋደ ታን፡ ዳኔል፡ ሄዙ ሳምንታ ዬካድ።

3 ሄዙ ሳምንታይ ዉራና ጋካናዉ ሎኦ ቁማ ማበይከ፤ እሹ ዋይ ዋይንያ ኤሳይ ታ ደናኮ ሸቅቤና። ታ ሁጺያካ እያነ ኦከታበይከ።

4 ኮይሮ አግናን ላታማነ ኦይደንሉ ጋላሳን፡ ጸግርሳ ግያ ዋልቃማ ሻፋ ማታን ታን ኤቃደ ጸላድ፤

5 ላይኑዋ ግያ ማዩዋ ማዬዳ እት ብታንያ በእድ። እ ባረ ጸሳን በርተ ዋርቃፕ ኦሰቲዳ ሳቂያ ዳንጩዳ።

6 አ ቦላይ ጸልያ እንቁዋ ማላቲ፤ አ ሶምኢ ዋልቃንሳዳን ጸልቁ ጌ፤ አ አይፈቲካ ታማ ላጩዋ ማላቲና፤ አ ኩሺነ አ ገዲ ቁጩቲዳ ናሰያ ብራታዳን ፖእሴ፤ አ ቃላይካ ዳር አሳይ ሃሳይያ ቃላዳን ሀኔ።

7 ሀ ሳፃ ታን ዳኔል ታረካ በእድ። ታናና ደእያ አሳቱ በእበይክና፤ ኡንቱንቱ ሎይሳ ዳጋማዳ ድራዉ፡ ባቃት ቆሰቲድና።

8 ታን ሀ ዋልቃማ ሳፃ ጸላደ፡ ታረካ አታድ፤ ታዉ ዋልቃይ እጽና ዳቡራድ፤ ታ ሶምኢ ሎይሳ ቡላቲዳ።

9 ሄ ዋደ ታን እ ሃሳይያዋ ሰሳድ፤ ቢታን ዳገ ታ ሶምኡዋን ጉፋናድ፤ ገምእሹዋ ታይርታድ።

10 ሄዋፕ ጉይያን፡ እት ኩሺ ታና ቦቹዳ፤ ታን ኮኮራደ ደእሺና፡ ታና ታ ኩሸያንን ታ ጉልባታን ደንሳደ ኤሴዳ።

11 እ ታና፡ “ላ፡ ጸሳይ ሎይሳ ሰቁዳ ዳኔላ፡ ታን ነዉ ኦድያ ቃላ ሎይሳይ እኩካ፤ ደንዳ ኤቃ። እያዉ ጎፕ፡ ታን ኔኮ ከተታደ ያድ” ያጌዳ። እ ታና ሀዋዲን ያግና፡ ታን ኮኮራደ ደንዳ ኤቃድ።

12 ቃይካ እ ሀዋዲን ያጌዳ፤ “ዳኔላ፡ አይነ ያዮፕ! እያዉ ጎፕ፡ ኔን እኩካ ደማናዉ ቆፋ ቃቹዳነ ነ ጸሳ ሰንሳን ነ ሁጺያ ካዉሼዳ ኮይሮ ጋላሳፕ ደሚደ፡ ነ ዋሳይ ሰሰቲዳ፤ ታንካ ሄዋ ዛሩዋ አካደ ያድ።

13 ሸን ፓርሰ ካዉተላ ካፑዋ ግድያ እያናይ ላታማነ እት ጋላሳ ታና ተኤዳ። ታን ታረካ ፓርሰ ካዉተላ ካፑዋና ያን አታድ። ሄዋ ድራዉ ኪታንቻቱዋ ካፓቱዋፕ እቱ፡ ሞካኤል ታና ማዳናዉ ዬዳ።

14 ታን ሀእ ኔኮ ዬዳዌ፡ ዉርሰሳ ጋላሳቱዋን ነ አሳ ቦላ ሀናናዉ ደእያዋ ነዉ ቆንጭሳናሳ፤ እያዉ ጎፕ፡ ሀ ሳጸይ ሰንሳፕ ሀናናዉ ደእያዋ” ያጌዳ።

15 እ ሄዋ ታዉ ኦድያ ዋደ፡ ታን ታ ሶምኡዋን ጸጉናደ፡ ግያዋ ጻያድ።

16 ሄዋፕ ጉይያን፡ አሳ ማላትያ እቱ ታ መተርሻ ቦቹዳ፤ ታ ደናይ ደየትና፡ ሃሳያ ደማድ። ታ ሰንሳን ኤቁዳዋ ሀዋዲን ያጋድ፤ “ታ ጎዳዉ፡ ሀ ሳጸን ታን ሎይሳ ዳጋማዳ ድራዉ፡ ዳር ዳቡራድ።

17 ታን ነ ቆማይ ኔናና ታ ጎዳና ሃሳያናዉ ዋታ ዳንዳያይታ? ታ ዋልቃይ ዉራዳ፤ ሸምፓናዉካ ታዉ እጸቲዳ” ያጋድ።

18 ሄ አሳ ማላትያ እቱ ላኤንሉዋካ ታና ቦቹደ፡ ታዉ ዋልቃ እማዳ።

19 ያፑደ ታና፡ “ላ፡ ጸሳይ ሎይሳ ሰቁዳ ብታንያዉ፡ አይነ ያዮፕ! ሳሩ ነዉ ግደ። ሀእ ሰም ምና፤ ኤ ምና” ያጌዳ።

እ ሄዋዲን ጊና፡ ታን ምናድ፤ “ታ ጎዳዉ፡ ኔን ታና ምንሶ ድራዉ፡ ሀእ ኦዳ” ያጋድ።

20 እ ዛሪደ፡ “ታን ኔኮ እያዉ ያድታንቶ ኤራይ? ሀእ ታን ሰማደ ባደ፡ ፓርሰ ካፑዋ ግድያ እያናና ኦለታና፤ ቃይ ታን ቢና፡ ግሪከ ካፑዋ ግድያ እያናይ ያና።

21 ሸን ታን ነዉ ቱሙዋ ማጻፋን ጸፈቲዳዋ ኦዳና። ታን ኡንቱንቱና ኦለትያ ዋደ፡ ሀንተ ካፑዋ ሞካኤላፕ አትና፡ ታና ማድያ ሀራይ እቲነ ባዋ።

11

ሁጺሳ ቢታ ካትያን ገድሳ ቢታ ካትያ

1 “ሜደና ቢታ አሳ ግድያ ዳርዮስ ካተቲዳ ኮይሮ ላይላን፣ ታን አ ማዳናውን ምንሳናው አ ምይያን ኤቃድ።

2 “ሀእ ሰም ታን ነው ቱሙዋ ኦዳይ። ሀራ ሄዙ ካተቱ ፓርስ ቢታን ካተታና፤ ቃይ ኢንቱንቱ፣ ጉይያን ካተትያ ኦይደንላ ካቲ፣ ካሰዋንቱ ኡባቱዋ፣ አዴዳ ዲረ ግዳናዋ። አ ባረ ዱረተላ ጋሱዋን ዋልቃ ደምያ ዋይ፣ አሳይ ኡባይ ግሪክ ካውተላና ኦለታና ማላ ደንግላና።

3 “ሄዋ፣ ጉይያን፣ ዋልቃን ሞድያ ሞና ካቲ ደንዳናዋ፤ ባረ ኮይዳዋ ኡባ ኦላና።

4 አ ደንዳዳዋ ጉይያን፣ አ ካውተላይ ዱደረቲድ፣ ኦይዱ ሳኦን ሻከታና። አ ዛረላ አ ካውተላ ላትክኖ፤ አ ኦይሰያ ዋደዋዳን ካውተላው ዋልቃይ ደኤና። አያው ጎ፣ አ ካውተላይ አፕ አከቲድ፣ ሀራቶ እመታና።

5 “ገድሳ ቢታ ካቲ ሞና ግዳናዋ፤ ሸን አ ካፓቱዋ፣ አቱ አፕ አድ ሞኒድ፣ ሄ ዋልቃማ ካውተላ ሞዳና።

6 “ጉላ ላይላ፣ ጉይያን፣ ገድሳ ቢታ ካቲ፣ ሀዲሳ ቢታ ካቲ ባረንቱ ግደን ዳቦተላ ጫቁዋ ጫቃታናዋንታ። ገድሳ ቢታ ካትያ ናታ ሀዲሳ ቢታ ካትያ ገላናኑ፤ ሸን እዝ ዋልቃይካ ሞነና፤ ቃይ እካ አ ዋልቃይካ ዳሮ ዋድያ ጋምኤና። ሄ ዋይ እዞ፣ እዞ አጃብያዋንቱ፣ እዝ ናኦይን እዝ አሰይ ኡባይ አዲድ እመታና።

7 “ሄዋ፣ ሰም፣ እዝ ዳቦቱዋ፣ አቱ ገድሳ ቢታን ካተታና። ሀዲሳ ቢታ ካትያ ቦላን ገሊደ፤ አ ጌሱዋ መንላ ገሊደ፣ አ ጸናና።

8 ቃይ ኢንቱንቱ ጸሳቱዋ፣ ሞሰለቱዋን ብራፒን ዋርቃ፣ ኦሰቱዳ ሚሻቱዋ አከደ፣ ግብጾ አፋና። ያቲድ አማራዳ ዋድያው ሀዲሳ ቢታ ካትያ ቦቼናን አጋና።

9 ሄዋ፣ ጉይያን፣ ሀዲሳ ቢታ ካቲ ገድሳ ቢታ ካውተላ ቦላ ገላና፤ ሸን ድግና፣ ጉዮ ባረ ቢታ ሰማና።

10 “ሀዲሳ ቢታ ካትያ አቱማ ናናቱ ኦላው ገሊደ፣ ዳሮ ኦላንቻቱዋ ሸሻና፤ ሰንላን ጋከትያዋ ኡባ ሜጫያ ዋልቃማ ድኡዋዳን፣ አዲድ ኦሊደ፣ ገድሳ ካትያ ጌሱዋ ኦላናዋንታ።

11 ሄ ዋድያን ገድሳ ቢታ ካቲ ሎይላ ሀንቀቲድ፣ ሀዲሳ ቢታ ካትያ ኦላናው ደንዳናዋ። ሀዲሳ ቢታ ካቲ ሸሹዳ ዳሮ ኦላንቻቱዋና ኦለቲድ፣ ኢንቱንታ ጸናና።

12 ዳሮ ኦላንቻቱዋ ኦሞዴዳዋ፣ ጉይያን፣ ገድሳ ቢታ ካቲ ኦቶሩዋን ፑገታና። ያቲድ ዳሮ ሻኦ ዋቆና፤ ሸን አ ጾኑ አና ጋምኤና።

13 “ዋኒድ ጎ፣ ሀዲሳ ቢታ ካቲ ካሰዋ፣ አድያ ሀራ ኦላንቻቱዋ ገግሳና፤ አማራዳ ላይላቱዋ ጋምኤድ፣ ኩሙንላ ኦላ ሚሻ ኦይቄዳ ሀ ኦላንቻቱዋ አከደ፣ ኦላው ከሳና።

14 ሄ ዋድያን ዳራ ገድሳ ቢታ ካትያ ቦላ ደንዳናዋ። ሳጾይ ፖለታና ማላ፣ ነ አሳፕካ እት እት ማካላንቻ አሳቱ ደንዳናዋንታ፤ ሸን ጸንክና።

15 “ሄዋ፣ ጉይያን፣ ሀዲሳ ቢታ ካቲ ገድሳ ቢታ ዪድ፣ ዩቩ ግምበት ኡቲዳ እት ካታማ ኦሊደ ኦይቃና። ገድሳ ቢታ ካትያ ኦላንቻቱ

ዋልቃ ቆያና፤ ሀራይ አቶ ኢንቱንቱ፣ ሞና ኦላንቻቱካ ኢንቱንቱና ኤቃታናው ዳንዳይክና።

16 አናና ኤቃትያዌ ሙለካ ባይና ድራው፣ ሀዲሳ ቢታ ካቲ ባረ ኮይያዋ ኡባ ኦላና። አ እሰራኤልያ ግያ ሎኦ ቢታን ባረው ሞን ኤቄድ፣ አ ቆይሰያ ዋልቃ ደማና።

17 አ ባረ ካውተላው ደእያ ዋልቃ ኡባ አከደ ያናው ቆፋ ቃቻና፤ ዪድ፣ ገድሳ ቢታ ካትያና ዳቦተላ ጫቁዋ ጫቃታናዋ። ሄ ካውተላ ኢንጋናው ሀልቸድ፣ ባረ ናቶ አው እማና፤ ሸን አ ሀልቸ ፖለተና።

18 “ሄዋ፣ ጉይያን፣ አ ባረ ቆፋ አባ ጋጾን ደእያ ቢታቱዋኮ ዛሪድ፣ ኢንቱንቱ፣ ዳሮቱዋ ኦሊደ፣ ባረው አካና። ሸን እት ኦላ ጋዳው አ ኦቶሩዋ ገሻና፤ ያቲድ አ ኦቶሩዋ አ ቦላ ዛሪና።

19 ሄዋ፣ ጉይያን፣ ሀዲሳ ቢታ ካቲ ባረ ቢታ ባረ ጌሱዋ ሰማና። ሸን አ ሄዋን ቆብቲደ ኩንዳና፤ አ ላኤንላ ኦንን ቦኤና።

20 “አ ሳኦን ካተቲዳዌ ባረ ካውተላ ቦንቹዋ ናጋናው ጌራ ጌርሰያ አሳ ካውተላ ግድ ኪታና። ግድፕ፣ ቃንላ ዋድያ፣ ጉይያን፣ ቆንጫያን ዋይ ኦላን ግደናን አ ጮ ሀይቄ ቆያና።

ሀዲሳ ቢታ ካትያ ካቲዳዋ

21 “አ ሳኦን ቃይ እት ካቲዳ አሳይ ደንዳናዋ፤ ሸን ኢንቱንቱ ካውተላ ቦንቹዋ አው እምክና። አሳይ ሳኦይ ሳራ ገደ ደእሸን፣ ጭም ገሊደ፣ ካውተላ አ ኦይቃና።

22 ሄዋ፣ ጉይያን፣ ዳሮ ኦላንቻቱ አ ሰንላ፣ ፕተቲድ ቆያና፤ ጫቁዋ ካቸካ ሀይቃና።

23 አናና ጫቁዋ ጫቃት ሰሚድ፣ ባረ ኦላያዋ ጭሙዋን ኦላና፤ አማራዳ አሳቱዋ ጸላላና አ ሞናና።

24 አሳይ ሳኦይ ሳሮ ገደ ደእሸን፣ ሄ ቢታን ዳሮ ዱረትያ እት ባጋ አ ገላና። ካሰ ባረ አው ዋይ ባረ ማይዛ አዋቱ ኦላቤናዋ ኦላና፤ ባረ ኦሞድ ሸሹዳ ዱረተላን አቁዋ ባረና ካልያዋንቶ ግሻና። ጌሱቱዋካ ላላናው አ ሀልቻናዋ፤ ሸን ሄዋ አ ኦላያዋ ጉላ ዋድያሳ።

25 “ሄዋ፣ ጉይያን ጸሊድ፣ ባረ ዋልቃካ ሞንሲድ፣ ዳሮ ኦላንቻቱዋና ገድሳ ቢታ ካትያ ቦላ ደንዳናዋ። ቃይ ገድሳ ቢታ ካቲ ሎይላ ዳሮን ዋልቃማ ኦላንቻቱዋና ኦላው ደንዳይ፣ አናና ኦለታና። ሸን አ ቦላ ኢንቱንቱ ካሰቲደ ማቄዳ ማቄዋ ጋሱዋን፣ አ ኢንቱንቱና ኤቃታናው ዳንዳየና።

26 ካትያና እት ማዳን ሞያዋንቱ አ ቆይሳና፤ አ ኦላንቻቱ ፕተታና፤ አ ኦላንቻቱዋ፣ ዳሮቱ ኦላን ሀይቃና።

27 ሀ ላኡ ካተቲካ ባረንቱ ዋዛናን ኢታ ቆፕያ ድራው፣ ኢንቱንቱ እት፣ እት ኦይድያን ኡቲደ ሃሳዪድ፣ እቱ እቶ ዋርደታና። ሸን ኢንቱንቱ ኦላና ግያዎ ኢንቱንቶ እንጀተና፤ አያው ጎ፣ ጸሳይ ኬራዳ ዋዲ ብር ጋክቤና።

28 “ሀዲሳ ቢታ ካቲ ዳሮ ዱረተላና ባረ ቢታ ሰማና። ሸን አ ባረ ዋዛናን ጌሻ ጫቁዋ እጸና። አ ቆሀናው እትባ አ ቦላ ኦሊደ፣ ባረ ቢታ ሰማና።

29 “ጸሳይ ኬራዳ ዋዲ ጋክና፣ አ ዛሪድ ገድሳ ቢታ ቦላ ገላና፤ ሸን አው ካሰዋዳን እንጀተና።

30 እያው ጎጥ፣ አዋይ ወልያ ባጋ ቢታጥ ይያ ኦላ ማርካባቱ አ ዳጋንላና። ያቶጥ እ ጉየ ሰሚደ፣ ጌሻ ጫቁዋ ቦላ ሀንቀታና። ቃይ ሄዋጥ ሰሚደ፣ ጌሻ ጫቁዋ አግያዋንቱና ዳቦታና።

31 “አ ኦላንቻቱ ጌሻ ጎልያካ አ ዩሹዋ ግምቢያካ ቱንሳናን ሀቶ ሀቶ ያርሽያ ያርሹዋካ ድጋና። ያቲደ ኤንቱንቱ ባየላ ቱናተላ ያን ኤሳና።

32 ጫቁዋ ኮልያዋንታ እ ባረ ጭሙዋ ቃላን ባረ ባጋ ኦላና፤ ሽን ባረንቱ ጸሳ ኤርያ አሳይ ሞናናን አናና ኤቀታና።

33 “አሳ ግደን ደእያ አዴዳ ኤራንቻቱ ዳሮ አሳ ታማርሳና፤ ሽን ጉላ ዋድያ ጋርሳን ሀ ታማርሳያዋንቱ ማሻን ቡሳከታና፣ ታማን ጸገታና፣ አዋደታና ዋይ ቦንቀታና።

34 ሄ መቶቱዋ ግደን ደእድ፣ ኤንቱንቱ ጉላ ማዲዋ ደማና፤ ዳሮ አሳይካ ኤንቱንቱ ባጋ ማላቲደ፣ ኤንቱንቱኮ ሺቃና፤ ሽን ዋዛናጥ ግደና።

35 አዴዳ ኤራንቻቱዋጥ ኤንደናዋንቱ ቆብታና። ሄዋዳን ሀኒደ፣ ወርሰላ ዋዲ ጋካናወ፣ ኤንቱንቱ ፓጨቲደ ከሳና፣ ጌያናን ቶሺ ባይናዋንታ ግደና። እያው ጎጥ፣ ጸሳይ ኬራዳ ዋዲ ብሮ ጋክቤና።

ባረና ቶቂሰያ ካትያ

36 “ካቲ ባረና ኮሾዋ ኦላና፤ ጸሳቱዋ ኡባጥ ቦላ ባረና ቶቂ ኦላደ ዳርሳና፤ ቃይ ጸሳቱዋ ጸሳ ቦላ ካሰ ሰሰት ኤረና ኢታ ቃላ ሃሳያና። ሀናናወ ቆፋን ቃሽት ኡቲዳዌ ሀናናወ ደእያ ድራወ፣ ጸሳ ሀንቁ ፖለታና ጋካናወ፣ እ ኦልያዌ ኡባይ አወ እንጀታና።

37 እ ካሰ ባረ ማይዛ አዋቱዋ ጸሳቱዋ፣ ዋይ ማጫ አሳይ ሲቅያ ጸሳ ካቆና፤ እ ባረ ጸላላ ሀራ ኡባጥ ኦላደ ቶቂ ኦላናጥ አትና፣ ሀራ አይ ጸሳን ኮየና።

38 እ ኤንቱንታ ቦንቻናዋ አገደ ጌሱዋ ጸሳ ቦንቻና፤ አ ማይዛ አዋቱ ኤረና ጸሳወ ዋርቃ፣ ብራ፣ አልኦ ሹቻን ሎኦ እሙዋ እሚደ ቦንቻና።

39 እማላ ጸሳ ማዲዋን ሞኖ ጌሱዋ ቦላ እ ደንዳና። ቃይ ባረ ማታ ኤርያዋንታ እ ዳሮ ቦንቻና። እ ኤንቱንታ ዳሮ አሳ ሞድያዋንታ ኦላደ ስንሳና፤ ቃይ ቢታካ ዋይቱዋ ኦላደ፣ ኤንቱንቶ ሻክ ሻኪደ እማና።

40 “ወርሰላ ዋዲ ጋክና፣ ገድሳ ቢታ ካቲ ደንዲደ፣ ሁጺሳ ቢታ ካትያ ኦላና። ሽን ሁጺሳ ቢታ ካቲ ፓራ ጋረቱዋ፣ ፓራ አሳቱዋን ዳሮ ማርካባቱዋ አኪደ፣ አ ቦላ ጎትያዳን ያና። ዳሮ ቢታ ቦላ ገሊደ፤ ድኡዋዳን ኤንቱንታ ሜጪደ አቆና።

41 ቃይ እ እሰራኤልያ ግያ ሎኦ ቢታ ቦላንካ ገላና። ዳሮ ቢታቱ አ ኩሽያን ኩንዳና፤ ሽን ኤደማ፣ ሞእባን አሞና ቢታቱ አ ኩሽያጥ አታና።

42 እ ዳሮ ቢታቱዋ ቦላ ገልያ ዋደ፣ ግብጾካ አጥ ከሰ አከና።

43 ግብጾ ቢታ ዋርቃ፣ ብራን ዲረተላ ኡባ እ ባረ ኩሽያ አላና። ሊቢን ቶጶ አወ ሞደታና።

44 “ሽን አዋይ ድልያ ባጋጥን ሁጺሳ ባጋጥ ይያ ኦላ አ ዳጋንላና፤ ሀንቁዋ ኤጽ ከሲደ፣ ዳሮቱዋ ዋቆናወን ሙላ ቆይሳናወ ደንዳናዋ።

45 እ ባረ ካተቱዋ ዲንካንያ አባጥን ፑላንቻ ጌሻ አሳጥ ግዲዋን ቶካና። ሽን አ ወርሰላይ ጋካናዋ፤ አ ማድያዌካ ቆያና።

12

ወርሰላ ዋድያባ (12:1-13)

1 “ሄ ዋድያን፣ ነ አሳ ሄሞያ ዋልቃማ ካፑ ሞካኤል ደንዳናዋ። ካወተላይ ደሞደጥ ደሞና፣ ሄ ዋደ ጋካናወ፣ በእ ኤረና መቶ ዋዲ ሀናና። ግድገና፣ አ ስንሳይ ጸሳ ማጻፋን ጸፈቲዳ ነ አሳይ ኡባይ ሄ ዋደ አታናዋ።

2 ካሰ ሀይቂደ ሞገቲዳ አሳጥ ዳሮቱ ደንዳና። ኤንቱንቱጥ ባጋቱ መድና ደኦ፣ ባጋቱ ቃይ ዬላወን መድና ካወሻወ ደንዳና።

3 አዴዳ ኤራንቻቱ፣ ሳሉዋ ፖኡዋዳን፣ ቃይ ዳሮቱዋ ጽሎተላ ኦግያ ካለጭዳዋንቱ መድ መድናወ ጸልንትያዳን ፖኦና።

4 “ሽን ነኖ ዳኔላ፣ ኔን ወርሰላ ዋዲ ጋካናወ፣ ሀ ማጻፋ ቃላ ጎርዲደ፣ ማታፋ ዋላ። ዳሮቱ ያን ሃነ ብንኮታና፤ ኤራይካ ዳራና” ያጌዳ።

5 ሄዋጥ ጉይያን፣ ታን ዳኔል፣ ሀራ ላአቱዋ፣ እቱ ሻፋጥ ሀፍንላ ላንቂያን፣ እቱ ሻፋጥ ሄፍንላ ላንቂያን ኤቁዳዋንታ በኦድ።

6 ኤንቱንቱጥ እቱ ላይኑዋ ማዪደ፣ ሻፋ ሃላጥ ቦላ ባጋና ኤቁዳዋ ኦቲደ፣ “ሀ ማላልሰያዋንቱ ፖለታናወ ዋይሳ ዋድያ ጋምእንዳሻ?” ያጌዳ።

7 ሄ ላይኑዋ ማዪደ፣ ሻፋ ሃላጥ ቦላ ባጋና ደእያዌ ባረ ኡሽቻ ኩሽያን ባረ ሀድርሳ ኩሽያ ሳሉዋ ዛር ደንሰደ፣ መድናወ ደእያዋ ስንሳን ሀዋዳን ያገደ ጫቁዳ፤ “ሀዌ ዋዲ፣ ዋደቱን ዋድያ ባጋይ ጋካናወ ጋምእና፤ ቃይ ጌሻ አሳቱ ዋልቃይ ክንቹቲደ ወርያ ዋደ፣ ሀ ኡባባይካ ፖለታና” ያጌዳ።

8 ሀዋ ኡባ ታን ሰሳድ፤ ሽን ታወ ገልቤና። ያትና፣ ታን፣ “ታ ጎዳወ፣ ሀ የዋ ኡባወ ወርሰላይ አያ ግዳኔ?” ጋደ ኦቻድ።

9 እ ዛሪደ፣ ሀዋዳን ያጌዳ፤ “ዳኔላ፣ ባ። እያው ጎጥ፣ ሀዌ ማጻፋይ ወርሰላ ዋዲ ጋካናወ ጎርደቲዳዋን ማታፋይ እ ቦላ ዋዴዳዋ።

10 ዳሮቱ ፓጨቲደ ከሳና፣ ጌያናን ቶሺ ባይናዋንታ ግደና፤ ሽን ኢታቱ ኢታባ ኦላና። ኢታቱዋጥ እት ኡራይነ አኬከና፤ ሽን አዴዳ ኤራንቻቱ አኬካና።

11 “ሀቶ ሀቶ ያርሽያ ያርሹ ድገቶደጥን ባየላ ቱናተላይ ሄ ሳኦን ኤቆደጥ 1,290 ጋላሳ።

12 ገንጪደ 1,335 ጋላሳቱ ወራናወ ጋላያ ኡራይ እንጀቲዳዋ።

11:31 ዳኤላ 9:27፤ 12:11፤ ማቶሳ 24:15፤ ማር. 13:14 11:36 2 ተሰ. 2:3-4፤ ሳዓ 13:5-6 12:1 ማቶሳ 24:21፤ ማር. 13:19፤ ሳዓ 7:14፤ 12:7 12:2 ኢሳ. 26:19፤ ማቶሳ 25:46፤ ዮሃ. 5:29 12:4 ሳዓ 22:10 12:7 ሳዓ 10:5፤ 12:14 12:10 ሳዓ 22:11 12:11 ዳኤላ 9:27፤ 11:31፤ ማቶሳ 24:15፤ ማር. 13:14

13 “ኔና ግደፕ፣ ኔን ወርሰላይ ኃካናዉ ባ።
ኔን ሸምፓና፤ ኃላሳቱዋ ወርሰላን ኔና ኃክያ ላታ
እካናዉ ደንዳናሳ” ያጌዳ።

ሆሰ ትምህርት ገሌጽ

ሆሰ ትምህርት፡ ሳሜሪ ክርስቶስ የለታት ካስ 721 ላይላን ኩንዳና፡ ካስቲደ፡ ሆኖታቱ መቶ ግድ ኡቲዳ ዋድያን፡ ትምህርት ኦዴዳ፤ እ ትምህርት ኦዴዳ ትምህርት ኦድያ አሞጸ፡ ጉየ ግድሽን፡ ሆሰሳ ሳጋ እስራኤልያ ካወተላን ኦዴዳ፡ ሆሰኤ ሎይላ ዳርሲደ ኦዴዳዌ አሳይ ኤቃወ ጎይኔዳዋን ጸሳ አማንያ አማኑዋ ፓጭሴዳዋ፡ ሆሰኤ ሆሞ አሳይ ጸሳወ አማነተናን አግያዋ ቆንጭሲደ ኦዳናወ፡ እት አማነተና ሞሽራቶ ማቼ ኦሊደ እኩዳዋ ሎሞሱዋ ኦሊደ ጎኤቲ፡ አ ማቻታ ጎሜራ አወ አማነተናን እጾዳዋዳን፡ ጸሳ አሳይካ ጸሳ አግ አጌዳ፡ ሄዋ ጋሱዋን እስራኤልያ አሳ ሶላ ፕርዳይ ያና ሆኔ፡ ግደፕን ወርሰላን ጸሳይ ባረ አሳ ሲቅያ ሲቁ ዳርያ ድራወ፡ ባረ አሳ ባረኮ ዛሪደ፡ ባረን ባረ አሳ፡ ግዳዋን ደእያ ሲቁዋ ኦራጽሴ፡ አ ዋልቃማ ሲቁ ሆሞ፡ ካልያ ሃሳያን ቆንጭዳ፤ “እስራኤልያ አሳቶ፡ ታን ሆነተና ዋታ ኦሎ? ታን ሆነተና ዋታ አሳይ እሞ? ታን ሆነተና ሲቅያ ሲቁ ዋልቃማ ግድያ ድራወ፡ ታን ሆነ ሉባ ኦሳናወ ታ ዋዛናይ ኤኖ ጌና” (11:8) ያጌዳ፡

ሸምጋቱዋ ኡባቶ እመቲዳ ቃንሳ ቆፋቱዋ

1. ሆሰ ሶ አሳይ አማኑ ባንታ ጸሳ አሳወ ሎሞሶ ግዴድኖ 1:1—3:5
2. ጸሳይ እስራኤልያ፡ ይሁዳነ ኡንቲንታ ካለልያዋንታ ሴራዳ 4:1—5:15
3. አሳይ ጸሳኮ ሰሞዋ ማላትሴዳ 6:1—7:10
4. እስራኤልያ አሳይ ጸሳን አማነትቤና 7:11—8:14
5. እስራኤልያ አሳይ በሰያ ሙሩዋ ደማና 9:1-16
6. እስራኤልያ አሳወ እመቲዳ ሴራ 9:17—10:15
7. ጸሳይ ባረ አሳወ ደእያ ሲቁዋ 11:1-11
8. ጸሳይ ባረ አሳ ሶላ አሌዳ ፕርዳ 11:12—13:16
9. ናጋራ ማርታነ አንጂዋ ህደታ 14:1-9

ሆሰ ሶ አሳይ አማኑ ባይና ጸሳ አሳወ ሎሞሶ ግዴድኖ (1:1—3:5)

1 ኦዲያን፡ እዮአታም፡ አካዝነ ህዝቁያሰ ካል ካሊደ ይሁዳን ካተቲዳ ዋደ፡ ቃይ ዮአሻ ናእይ እዮርባም እስራኤልያን ካተቲዳ ዋደ፡ ብኤራ ናእ ሆሰኮ ዬዳ መድና ጎዳ ቃላይ ሆሞ፡

ሆሰ ማቻቶና ናናቱዋ

2 መድና ጎዳይ ኮይሮ ሆሰኤ ባጋና ሃሳዬዳ ዋደ፡ መድና ጎዳይ ሆሰኤ፡ “ባ፤ ሻርሙጸ ሞሽራቶ ነወ አካ፤ ሻርሙጸት፡ ናናቱዋ የላ፡፡

1:1 2 ካታ. 14:23—15:7፤ 15:32—16:20፤ 18:1—20:21፤ 2 ሉዳዋ 26:1—27:8፤ 28:1—32:33 1:4 2 ካታ. 10:11 * 1:9 ሎአማ- ሎአማ ግያዌ ታ አሳ ግደና፡ 1:10 ሮመ 9:26 † 1:11 እዝራኤላ- ሀ ሱንሳ ብለላይ እብራዌሉዋን፡ “ጸሳይ ዘሪ” ጉሳ ግዲደ ጸሳይ ድቻያዋን እሻሉዋን ዋልያዋ በሴ፡፡

አያወ ጎፕ፡ ሻርሙጸያ ሞሽራታ ባረ አሰናፕ ሻከትያዋዳን፡ ታ አሳይ ታፕ ሻከቲዳ” ያጌ መድና ጎዳይ፡፡

3 ቢደ፡ ድብላይማ ናቶ ጎሜር አኬዳ፤ ሻሃራደ፡ አቱማ ናእ አወ የላዲ፡፡

4 ያትና፡ መድና ጎዳይ ሆሰኤ፡ “ናእ ሱንሳ ሳእዝራኤላ” ያጋደ ሱንሳ፡ አያወ ጎፕ፡ እዝራኤላን ጉኬዳ ሱሳ አጩዋ ታን ዬሁ ዛራቱዋ ቃንሳ ዋድያን አቻና፤ እስራኤልያ ካወተላካ ጳይሳና፡፡

5 ሄ ጋላሰ ታን እዝራኤላ ዛንጋራን እስራኤልያ ኦላንቻቱዋ መንግራላና” ያጌዳ፡፡

6 ጎሜራ ላኤንሉዋ ሻሃራደ፡ ማጫ ናቶ የላዲ፡፡ ያትና፡ መድና ጎዳይ ሆሰኤ፡ “እ ሱንሳ ሎሩሃሞ” ያጋደ ሱንሳ፡ አያወ ጎፕ፡ ሆሞ ሰንሳናወ ታን እስራኤልያ አሳወ ቃረትከ፤ ኡንቲንቶ ሙለካ አቶ ጊከ፡፡ 1:6 ሎሩሃሞ፡ ሎሩሃሞ ግያዌ ቃረተናኖ ግያዋ፡፡

7 ሸን ታን ይሁዳ አሳወ ቃረታና፤ ታን መድና ጎዳን፡ ኡንቲንቲ ጸሳን፡ ኡንቲንታ አሻናፕ አትና፡ ዋንዳዳያን ዋይ ማሻን ዋይ ኦላን ዋይ ፓራቱዋን ዋይ ፓራ አሳቱዋን አሸከ” ያጌዳ፡፡

8 ጎሜራ ሎሩሃሞ ቃንሳ ዴሌዳዋ፡ ጉይያን፡ ሀራ ሻሃራደ፡ አቱማ ናእ የላዲ፡፡

9 ያትና፡ መድና ጎዳይ ሆሰኤ፡ “እ ሱንሳ ሎአማ” ያጋደ ሱንሳ፡ አያወ ጎፕ፡ ሆነተ ታ አሳ ግድክታ፤ ታንካ ሆነተ ጸሳ ግድከ” * ግያዋ፡፡

እስራኤልያ አሳይ ኦራጽና
10 ግደፕን “እስራኤልያ አሳይ ልካናወን ፓይዳናወ ዳንዳየተና አባ ሻፍያ ኬሻ ግዳናዋ፡፡ ኡንቲንቶ፡ ሆነተ ታ አሳ ግድክታ” ጌተት ኦደቲዳሳን፡ ሆነተ ደኤዋ ጸሳ ናናቱዋ” ጌተታና፡፡

11 ይሁዳ አሳይን እስራኤልያ አሳይ እትፕ ሺቃና፤ ባረወ እት ካፑዋ ድራና፤ ኦሞዱዋ ጋድያፕ ሰማናን እሻሊደ ደእና፡፡ አያወ ጎፕ፡ እዝራኤላ † ጋላሳይ ዋልቃማ ጋላሳ ግዳናዋ፡፡

2

1 “ሆነተ እሻቱዋ፡ ጸሳይ ሆነተና፡ ሳእም (ታ አሳ ግያዋ) ያጌ’ ያግተ፡፡ ቃይ ሆነተ ሞቼቱዋ፡ ጸሳይ ሆነተና፡ ሩሃማታ (ሆነተንቶ ቃረታይ ግያዋ) ያጌ’ ያግተ፡፡

እስራኤልያ አሳይ ሻርሙጸት ጎሜር ማላ አማነተናዋ

2 “ሆነተ ዳዮ ሴርተ፤ እዘ ሴርተ፡፡ አያወ ጎፕ፡ አ ታ ማቼ ግዲኩ፤ ታንካ እ አሰና ግድከ፡፡ እዛ ባረ ሶሞኡዋ ሻርሙጸዳን በሰያዋ አጉ፤ ባረ ሻርሙጸ ኦሱዋካ ባረ ቃንሳቱዋ ግዳዋ፡፡ ድጉ፡፡

3 ሄዋ ቃዮ፡ እዛ የለቲዳ ጋላሳዳን፡ ታን እዘ ጸራ ካሎ አሻና፡፡ ቃይ መሌዳ ቢታዳን እዘ ኦሳና፤ ታን እዘ ሳሙዋን ዋቃና፡፡

4 ኡንቲንቲ ሻርሙጸት፡ የለቲዳ ናናቱዋ ግዴዳ ድራወ፡ ታን እ ናናቶ ቃረትከ፡፡

5 ኤንቲንቱ ዲያ ሻርሙጻዲ፤ ኤንቲንታ ባረ ኡሉዋን ቶኬዳና ካወሻባ ሀናዲ። ዋናደ ጎጥ፡ እዛ፡ ታን ታ ቁማነ ታ ሃፋ፡ ታ ሱፍያነ ታ ሊኑዋ፡ ታ ዛይትያነ ታ ኡሻ ታወ እምያ ታ ለገፋቱዋ ካላደ ባና ያጋዲ።

6 “ሄዋ ድራወ፡ ታን እ ኦግያ እጉንፋን ጎርዳና፤ እዛ ባረ ሎሱዋ ደመና ማላ፡ ታን ግምቢያ ግምባና።

7 እዛ ባረ ለገፋቱዋ ጌዲዋ ዋጸና፡ ሸን ጋኩኩ፤ ኤንቲንታ ኮያና፡ ሸን ደሙኩ። ሄዋጥ ጉይያን እዛ፡ ታወ ሀእ ደኡሳጥ በንዌ ኬክያ ድራወ፡ ሰማደ ታ ኮይሮ አሰናኮ ባና ያጋና።

8 “ካፋ፡ ዋይንያ ኤሳነ ዛይትያ እዘወ እማዳዋነ ኤንቲንቱ ባኣላ ግያ ኤቃወ ሺሸያ ብራነ ዋርቃ እዘወ ዳርሴዳዌ ታና ግድያዋ እዛ ኤረናን እጻዲ።

9 ሄዋ ድራወ፡ ካእያ ዋደ ታ ካፋ፡ ቃይ ቱርያ ዋደ ታ ዋይንያ ታን ኢፕ ዛራደ አካና። ሄዋዳንካ፡ እዝ ካሉዋ ማይዛናወ፡ ሱፍያጥነ ሊኑዋጥ ደደቱዳ ማዩዋካ ኢፕ ቃራ አካና።

10 ቃይ እዝ ሲቃቱዋ ሰንፋን ታን እዝ ካሉዋ በሳና፤ ታ ኩሸያጥ ኦንነ እዝ አሸና።

11 ታን እዝ ናሸቻይ ኡባይ፡ እዝ ባላይ፡ እዝ አግናይ ጸርያ ጋላሳቱ፡ እዝ ሳምባታ ጋላሳቱ፡ ላይፋን ላይፋን ቦንቹትያ እዝ ባላቱ ኡባይ አታናዳን፡ አፋና።

12 እዛካ፡ ታ ሲቃቱ ታወ እማዳ የወ ሀዋ ያጌዳ እዝ ዋይንያ ቱራቱዋነ ባላሰያ ጌተትያ ሞፋቱዋ ታን ጳይሳና፤ ታን ኤንቲንታ ዋራ ኦፋና፤ ባዙዋ ደአቱ ኤንቲንታ ማና።

13 እዛ ታና ደጋደ፡ ባረ ሲቃቱዋ ካላደ፡ ጉቱቻቱዋንነ አሌቆቱዋን ባረወ አሌቃታደ፡ ባኣላ ግያ ኤቃወ እጻና ጩዋዬዳ ባላ ጋላሳቱዋ ድራወ፡ ታን እዝ ሙራና። ታን መድና ጎዳይ ሀዋ ኦዳድ።

ጸሳይ እስራኤልያ አሳ ሲቁዳ

14 “ሄዋ ድራወ፡ ታን እዝ ላባደ መላ ቢታ አሀና፤ ታን እዘወ ሲቁዋ ቃላን ኦዳና።

15 ያን ታን እዝ ዋይንያ ቱራ ሳኦ እዘወ ዛራደ እማና፤ መቱዋ ዛንጋራ እዛ ሀደታን ናግያባይ ገልያ ፕንግያ አፋና። ግብጾ ጋድያጥ ከሴዳ ዋድያዳን፡ የጾዳዋዳ ባረ ዋደሮተፋ ላይፋዳን፡ እዛ ያን የጻና” ያጌ።

16 ቃይካ መድና ጎዳይ ሀዋዳን ያጌ፤ “ሄ ጋላሰ እዛ ታና፡ ታ አሰና’ ያጋ ጸሳናጥ አትና፡ ሀዋጥ ሰንፋናወ፡ ታ ባኣላ’ ያጋ ጸሱኩ።

17 አያወ ጎጥ፡ ታን እዝ ዶናጥ ባኣላ ሱንፋ ድጋና፤ ሀዋጥ ሰንፋናወ ታን እዝ ባኣላ ሱንፋ ጸሰሰከ።

18 ሄ ጋላሰ ታን ታ አሳ ድራወ ሳኦ ደአቱዋና፡ ሳሉዋ ካፎቱዋናነ ቢታና ጎሸትያ መታቱዋና ጫቁዋ ጫቃታና። ታን ጋድያጥ ዋንዳፍያ፡ ማሻነ ኦላ ጳይሳና፤ ያቶጥ ኤንቲንቱ ዋፑ ጊደ፡ ሳሮ ደአና።

19 “ታን ኔና መድናወ ታወ ገግሳና፤ ጽሎተፋንነ ሱረ ፕርዳን፡ አገና ሲቁዋንነ ማርታን ታወ ገግሳና፤

20 ታን አማነታደ ኔና ታወ ገግሳና። ኔንካ መድና ጎዳ ኤራና” ያጌ።

21 ቃይካ መድና ጎዳይ፡ “ሄ ጋላሰ ታን ዛረዋ እማና፤ ታን ሳሎቶ ዛረዋ እምና፡ ኤንቲንቱ ሳኦወ ዛረዋ እማና።

22 ሳኦይካ ካፋወ፡ ዋይንያ ኤሳወነ ዛይትያወ ዛረዋ እማና፤ ኤንቲንቱ እዘራኤልያወ ዛረዋ እማና።

23 ታን እዘ ጋድያን ታወ ቶካና። ካሰ ታን ‘ሎሩሃማ ጎንወ’ (ቃረታቤናንወ) ሀእ ቃረታና። ቃይ ‘ሎአም’ ጎዋወ (ታ አሳ ግደናዋንታ)፡ ‘አም’ (ታ አሳ) ጋና፤ ኤንቲንቱካ ታና፡ ‘ኔን ኑ ጸሳ’ ያጋና” ያጌ።

3

ሆሶእነ ሻርሙጻ ሞሽራቶ

1 መድና ጎዳይ ታና፡ “እስራኤልያ አሳይ ሀራ ጸሳቱዋኮ ሰሚደ፡ ዋይንያ ቱራ መላ ኡክፋ ሲቅሸንካ መድና ጎዳይ ኤንቲንታ ሲቅያዋዳን፡ ባ፤ ባደ ለገፋቱዋ ሲቃደ፡ ሻርሙጻደ ደእያ በን ነ ማቻቶ ኔንካ ዛረፋደ ሲቃ” ያጌዳ።

2 ታን እዘ ታማነ እቼሹ ጸጋራ ብራንነ ጾታነ እሻታሙ ኪሎ ግራመ ደጽያ ዛርጋን ሻማድ።

3 እዘ፡ “ኔን ሻርሙጻናንነ ሀራ አሳና ደኤናን ታናና ዳሮ ዋድያ ደአናወ ኮሼ። ታንካ ኔና ደአና” ያጋድ።

4 ሄዋዳንካ፡ እስራኤልያ አሳይ ካቲ ዋይ ካፑ ባይናን፡ ያርሹ ዋይ ኤቃ ቱሰ ባይናንነ ኤፋድያ ግያ ማዩ ዋይ ሶ ግደ ኤቃ ሞሰሊ ባይናን ዳሮ ዋድያ ደአና።

5 ሄዋጥ ጉይያን፡ እስራኤልያ አሳይ ሰሚደ፡ መድና ጎዳ ባረንቱ ጸሳነ ዳዊታ ባረንቱ ካትያ ኮያና፤ ወርሰፋ ጋላሳቱዋን ኤንቲንቱ ኮኮሪደ፡ መድና ጎዳኮነ አ አንጂዋኮ ያና።

ጸሳይ እስራኤልያ፡ ይሁዳነ ኤንቲንታ ካለለያዋንታ ሴራዳ

4

(4:1—5:15)

ጸሳይ እስራኤልያ ሞቱዳ

1 ሀንተኖ፡ እስራኤልያ አሳቶ፡ መድና ጎዳ ቃላ ሰሰተ! አያወ ጎጥ፡ ሀ ጋድያን ደእያ አሳ ኡባ መድና ጎዳይ ሞትያባይ ደኤ። ሄዋካ፡ ሀ ጋድያን አማኑ፡ ሲቁነ ጸሳ ኤርያዌ ባዋ።

2 ሀ ጋድያን ደእያባይ ሸቃ፡ ዋርዱዋ፡ አሳ ዋድያዋ፡ ወኤላነ ሻርሙጻ ጸላላ። ኤንቲንቱ ጫቁዋ ኡባ ኮሌድኖ፤ አሳ ዋጁ ዋጁዋ ካሌ።

3 ሄዋ ጋሱዋን ቢታይ መላና፤ ጋድያን ደእያ ኡባይ ዳቡራና። ሳኦ ደአቱካ፡ ሳሉዋ ካፎቱካ፡ ሀራይ አትና፡ አባ ሞለቱካ ሀይቃና።

ጸሳይ ቁሳቱ ዋ ሞቱዳ

4 ጸሳይ ሀዋዳን ያጌ፤ “ሀንተኖ፡ ቁሳቶ፡ ታን ሀንተና ሞትያባይ ደኤ። ሄዋ ድራወ፡ ኦንነ ሀራ አሳና ፓሎሙቶ፤ ቃይ ኦንነ ሀራ አሳ ሞቶ።”

2:15 ኢያሳ 7:24-26 2:23 ሮመ 9:25፤ 1 ጳጳ. 2:10

5 ህንተ ጋላስ ቆበታና፤ ትምቢትያ ኦድያዎንቱካ ህንተናና ቃማ ቆበታና። ሄዋ ድራው፡ ታን ህንተ ዳዮ ቆይሳና።

6 ታ አሳይ ኤራተላይ ቆይና ባዬዳ። ህንተ ኤራተላ እጹዳ ድራው፡ ታንካ ህንተ ታው ቁሰያ ግዳናዋ እጸይ። ህንተ ጸሳ ህግያ ህንተ ደጌዳ ድራው፡ ታንካ ህንተ ናናቱዋ ደጋና።

7 “ቁሳቱ ዳር ዳር ቤዳ ከና፡ ታና ዳርሰ ናቂድና፤ ታንካ ኤንቱንቱ ቦንቹዋ ዬላው ለማና።

8 ታ አሳ ናጋራይ ኤንቱንቱ ቁማ ግዴዳ፤ ሄዋ ድራው፡ ኤንቱንቱ ታ አሳ ኢታባ ኦሰሳናው ጀሚና።

9 ቁሳቱ ካ አሳይ ህንያዋዳን ሀናና። ታን ኤንቱንቱ ሀናታ ድራው፡ ኤንቱንታ ሙራና፤ ቃይ ኤንቱንቱ ኦሱዋዳን፡ ኤንቱንቶ ዛራና።

10 ኤንቱንቱ መድና ጎዳ አጌዳ ድራው፡ ማና፡ ሽን ካልክና፤ ሻርሙጻና፡ ሽን ናናቱዋ ጮርሰክና።

ጸሳይ ኤቃው ጎይንያዋ እጸ

11 “ሻርሙጻተላይ፡ ጋምኤዳ ዋይንያ ኤሳይነ ያላጋ ዋይንያ ኤሳይ ታ አሳ ዋዛና ባይዜ።

12 ታ አሳይ ሞፋፕ ኦሰቲዳ ኤቃ ሞሰልያ ዘርያ ኦቼ፤ ኤንቱንቱ ጸምአይ ኤንቱንቱ ኦሻ ዛሬ። ሻርሙጻ እያናይ ኤንቱንታ ባለሌ፤ ኤንቱንቱ ባረንቱ ጸሳፕ ሻከቲደ ሻርሙጻድና።

13 ደረቱዋ ሁጲያን ያርሹዋ ያርሹኖ፤ ዘዘቱዋ ቦላንካ ኩዋይ ሎኦ ግድያ አዲሳን ዳሻ ሞፋቱዋ ጋርሳንካ እጸና ጩዋዬና።

“ሄዋ ድራው፡ ህንተ ማጫ ናናይ ሻርሙጻ ግዲና፤ ህንተ ናናቱዋ ማጫ አሳቱካ ሻርሙጻና።

14 ህንተ ማጫ ናናይ ሻርሙጻዎ ዋይነ ህንተ ናናቱ ማጫ አሳቱ ሻርሙጻዎ ዋይ፡ ታን ቃጸይከ፤ እያው ጎፕ፡ አቱማ አሳቱ ባረንቱ ሁጲያን ሻርሙጻዎንቱና ዘፕቲና፤ ሻርሙጻዎንቱና ያርሹዋ ያርሹኖ። ሄዋ ድራው፡ አከካይ ባይና አሳይ አድ ዋዳና።

15 “እሰራኤልያ አሳቶ፡ ህንተ ሻርሙጻ ከሶፐካ፡ ይሁዳ አሳይ ህንተዋዳን፡ ባይዘንቻ ግደፖ። ገልጋላ ቦፕተ፤ ቤት-አዌነካ ፑደ ከሶፕተ፤ ደኡዋን ደእያ መድና ጎዳይ ኤር! ያገደ ጫቆፕተ።

16 እሰራኤልያ አሳይ ማካላንቻ ኡሳትዋዳን ማካሌዳ። ያትና፡ መድና ጎዳይ ኤንቱንታ አኮ ደምባን ደርሳ ማራቱዋዳን ዋቲደ ሄማኔ?

17 ኤፍሬማ አሳይ ኤቃቱዋን ጋከቲዳ፤ ኤንቱንታ አግ ባሽተ።

18 ኤንቱንቱ ዳር ዋይንያ ኡሽ ሰሚደ፡ ሻርሙጻዎ አግክና፤ ኤንቱንታ ሞድያዎንቱካ ዬላይያዋ ሎይሰ ደሲና።

19 ጫርኩ ኤንቱንታ አፋና፤ ባረንቱ ኤቃው ያርሹዳ ያርሹቱ ጋሱዋን ኤንቱንቱ ዬላታና።

5

1 “ህንተና፡ ቁሳቶ፡ ሀዋ ሰሰተ! ህንተና፡ እሰራኤልያ አሳቶ፡ ሰሰተ! ካትያ ጎልያ አሳቶ፡ አኬክተ! ሀ ፕርዳይ ህንተ ቦላ ፕርደቲዳ። ህንተ ሞጽጸን ጲርያዳን ሀኔድታ፤ ታቦራ ደርያ ቦላካ ሞጩዳ ግትያዳን ሀኔድታ።

2 ማካላንቻቱ ዋድያ ዲዛዳን ሀኔድና፤ ሄዋ ድራው፡ ታን ኤንቱንታ ኡባ ሙራና።

3 ኤፍሬማ ታን ኤራይ፤ እሰራኤልካ ታፕ ጌምቤና። ኤፍሬማ፡ ኔን ሀእ ሻርሙጻ ከሳዳ፤ እሰራኤልካ ቱኔዳ” ያጌ።

ሆሰኤ አሳይ ኤቃው ጎይናዳን ሴሬዳ

4 እሰራኤልያ አሳይ ባረንቱ ጸሳኮ ሰመናዳን፡ ኤንቱንቱ ኢታ ኦሱ ኤንቱንታ ተኤዳ፤ ሻርሙጻ እያናይ ኤንቱንቱ ግደን ደኤ። ሄዋ ድራው፡ ኤንቱንቱ መድና ጎዳ ኤርክና።

5 እሰራኤልያ አሳ ኦቶራ ኤንቱንቱ ቦላን ማርካቲ፤ ሄዋ ድራው፡ እሰራኤልያ አሳይነ ኤፍሬማ አሳይ ባረንቱ ናጋራን ቆበቲና፤ ይሁዳ አሳይካ ኤንቱንቱና ቆበቲ።

6 ኤንቱንቱ መድና ጎዳው ያርሻናው ባረንቱ ደርሳቱዋ ዉድያን መሀያ ዉድያ ላግ አከደ ባና፤ ሽን ኤንቱንቱ አ ደምክና። እያው ጎፕ፡ እ ኤንቱንቱፕ ሻከቲዳ።

7 ኤንቱንቱ መድና ጎዳው አማነትቦይክና፤ ኤንቱንቱ የሌዳ ናናይካ ሻርሙጻ ናና። ሄዋ ድራው፡ ሀ አግናይ ጸራናው፡ ኤንቱንቱካ ኤንቱንቱ ቢታይካ ቆያና።

እሰራኤልነ ይሁዳይ ኦለትያ ኦላ

8 ግብኣ ካታማን ማላካታ፡ ራማ ካታማን ጸራምባ ፑንተ። “ቢንያማ አሳው፡ ህንተ ጉይያን ደእያባ ጸልተ፤ ሄዋ ኤርተ!” ያገደ፡ ቤት-አዌናን ዋሱዋ ጸልሰተ።

9 ቃጸየትያ ጋላስ ኤፍሬመ መላ አታና፤ እሰራኤልያ ዛራቱ ግደን ቱሙ ትምቢትያ ታን ኦዳይ።

10 ጸሳይ ሀዋዳን ያጌ፤ “ይሁዳ ካፓቱ ዛዋ ሹቻ ሱግያዎንቱ ማላ ግዴድና፤ ታን ታ ህንቁዋ ኤንቱንቱ ቦላን ሃላዳን ጉሳና።

11 ኤፍሬማ አሳይ ማዳናው ዳንዳየና ካውተላቱዋፕ ማዲዋ ኦቻናው ቃቼዳ ድራው፡ ናቀቲዳን ፕርዳን ቆሃቲዳ።

12 ሄዋ ድራው፡ ታን ኤፍሬማ አሳው ብልኣ ማላ፡ ይሁዳ አሳውካ ቁቱዋ ማላ።

13 “ኤፍሬመ ባረ ሀርግያ፡ ይሁዳይካ ባረ ማዲላ በኤዳ ዋይ፡ ኤፍሬመ አሶረ ቢታ ቤዳ፤ ሄ ቢታ ሞድያ ዋልቃማ ካትያ ማዲዋ ኦቼዳ። ሽን እ ኤንቱንቱ ሀርግያ ቆላናው ዋይ ኤንቱንቱ ማዲላ ፓላናው ዳንዳይቤና።

14 ሄዋ ድራው፡ ታን ኤፍሬማው ጋሙዋዳን ሀናና፤ ይሁዳውካ ዋዳላ ጋሙዋዳን ሀናና። ታን ኤንቱንታ መንግጫዳይ፡ ቶካ አካደ ባና፤ ኦንነ ኤንቱንታ ታፕ ዋላ አከና።

15 ኤንቱንቱ ባረንቱ ባይዙዋ አከካና ጋካናውን ታና ኮያና ጋካናው፡ ታን ጉዮ ታ ሳኣ ሰማሻና። ኤንቱንቱ ባረንቱ ቱጋው ታና ሞንሲደ ኮያና” ያጌ።

6

አሳይ ጸሳኮ ሰሞዋ ማላትሴዳ (6:1—7:10)

1 እሰራኤልያ አሳይ ሀዋዳን ያጌ፤ “ሃይተ! አነ መድና ጎዳኮ ሰሞይተ። እ ኦና መንግጫዳ፡

ሸን እ ኑና ፓላና፤ እ ኑና ማዲጤዳ፤ ሸን እ ኑ ማዲላ ቃቻና።

2 ለኡ ጋላሳ፣ ጉይያን፣ እ ኑና ፓላና፤ ሄዘንላ ጋላሳ ኑን እ ሰንላን ደእና ማላ፤ እ ኑና ደንላና።

3 መድና ጎዳ እነ ኤርይተ፤ እ ኤራና ማላ፤ ሞንሲደ እነ እ ካሎይተ። አዋይ ሞክያዌ ቱማ ግድያዋዳን፤ እካ ቱሙ ቤታና። ባዴሳ እራዳን፤ ቢታ አልያ ባልጉዋ እራዳን፤ እ ኑኮ ያና” ያጌ።

4 ጸላይ ሀዋዳን ያጌ፤ “ኤፍሬማ አሳወ። ታን ሀንተና ዋቶሻ! ይሁዳ አሳወ። ታን ሀንተና ዋቶሻ! አያዉ ጎፕ። ሀንተ ሲቁ ዋንታ ሻርያ ማላ፤ ኤለካ ጳይያ ጉራ ከተርሳ ማላ።

5 ሄዋ ድራወ። ታን ትምቢትያ ኦድያዋንቱ ባጋና ሀንተና ቃንጸሬላድ፤ ታ ደናፕ ከሴዳ ቃላን ታን ሀንተና ዋቶድ። ታ ፕርዲይካ ሀንተ ቦላ ዋልቃንላዳን ዋልቃማና።

6 አያዉ ጎፕ። ታን አገና ሲቁዋ ኮያይፕ አትና፤ ያርሹዋ ኮይከ፤ ጸላ ኤርያዋ ኮያይፕ አትና፤ ጸግያ ያርሹዋ ኮይከ።

7 “ሸን ኡንቱንቱ አደመዋዳን፤ ጫቁዋ ኮሌድና፤ ያን ታዉ አማነተናን እጹድና።

8 ጋላእደ ካታማይ ኢታ ኦሱዋ ኦሳያ አሳቱ ደእያ ካታማ፤ ሄ ካታማይ አሳ ሱላን ባይ ኡቱዳ።

9 ፓንጋቱ አሳ ዋቆናዉ ቆሰት ኡቲደ ናግያዋዳን፤ ቁሳቱ ዋ ጭታይካ ሄዋዳን ናጌ፤ ሰከማ ካታማ አፍያ ኦግያን አሳ ዋዴ። ኤ፤ ኡንቱንቱ ዩላይያ ኮባባ ኦሊና።

10 ታን እስራኤልያ አሳን ዲጋንሳያ ባ በአድ። ኤፍሬማ ግድን ሻርሙጸተላይ ደኤ፤ እስራኤልካ ቱኔዳ።

11 “ይሁዳ ቢታ አሳቶ፤ ሀንተናካ ሙራና ጋላሳ ታን ኬራ ዋላድ።

7

1 “ታን እስራኤልያ ፓላናዉን ዘረላደ እሻልሳናዉ ኮይያ ዋድ፤ ኤፍሬማ ናጋራይነ ሳማርያ አሳ ኢታ ኦሱ ቆንጭ ቤቱ። አያዉ ጎፕ፤ ኡንቱንቱ ዋርድቲና፤ ካይሳቱ ሶን ጎልያ መንሐ ገሊደ ዉኢና፤ ፓንጋቱካ ካረን ቦንቁና።

2 ሸን ታን ኡንቱንቱ ኢታ ኦሱዋ ኡባ ሀሳይያዋ ኡንቱንቱ አኬክክና። ኡንቱንቱ ኢታ ኦሱቱ ኡንቱንታ ደድ ዋሌድና፤ ሄ ኢታ ኦሱቱ ኡባ ዋደካ ታ ሰንላን ደኢና።

ካትያ ጎለን ደንዴዳ ማቁዋ

3 “ኡንቱንቱ ካትያ ባረንቱ ኢታተላን፤ ካፓቱዋካ ባረና ዋርዲዋን ናሸቺና።

4 ኡንቱንቱ ኡባይካ ሻርሙጸቱዋ፤ ዳቡዋ ኡክያዌ ጮጭያን ኤሌዳ ታማዳን፤ ኡንቱንቱ ሀንቁዋን ኤጽ ከሲና። ሄ ኡክያዌ ሙናቂያዋ ፖሊደ፤ ሙናቃይ ደንዳና ጋካናዉ፤ ታማ ኤ።

5 ኑ ካትያ ባላ ቦንቶያ ጋላሰ፤ ማካላንቻቱ ካፓቱዋ ዋይንያ ኤሳን ማላደደ ሀርግሴድና፤ ኡክያዌ ባረ ኩሽያ ደንላደ፤ ቅሊጭያዋንቶ ሞጬ።

6 ኡንቱንቱ ዋዛናይ ታማ ጮጬ ማላ፤ ኡንቱንቱ ሸቂደ ማቀቱድና። ኡክያዌ ቃማ

ኡባ ገምእሺደ አቁ፤ ሳአይ ዋንትያ ዋደ ታማ ላጩዋዳን፤ እ ሀንቁ ኤጽ ከሴ።

7 ኡንቱንቱ ኡባይካ ታማ ጮጭያዳን ሞቺና፤ ባረና ሞድያዋንታ ሚና። ኡንቱንቱ ካተቱ ኡባይካ ኩንዴድና፤ ኡንቱንቱፕ ኦንነ ታና ጸሰያዌ ባዋ።

እስራኤልያ አሳን ሀራ ካዉተላቱዋ አሳ

8 “ኤፍሬማ አሳይ ሀራ ካዉተላቱዋ አሳና ዋላከቱዳ፤ ኤፍሬማ አሳይ አሐ የግቤና ኡክላ ማላ ግዴዳ።

9 አላጋቱ አ ዋልቃ ሜድና፤ ሸን እ ሄዋ ኤርቤና፤ እ ሀ-ጸካ ፑሉሜዳ፤ ሸን እ ሄዋ ኤርቤና።

10 እስራኤልያ አሳ ኦቶሩ ኡንቱንቱ ቦላን ማርካቱ። ሄዌ ኡባይ ሀንናካ ኡንቱንቱ መድና ጎዳኮ፤ ባረንቱ ጸሳኮ፤ ሰምቢይክና ዋይ እ ኮይቢይክና።

እስራኤልያ አሳይ ጸሳን አማነትቤና (7:11—8:14)

11 “ኤፍሬማ አሳይ ቆፋይ ባይና ኤያ ሀራጽያ ማላ። ማዲዋ ደማናዉ እቶደን ግብጾ ጸሴ፤ እቶደን ቃይ አሶረኮ ሰሜ።

12 ኡንቱንቱ ብያ ዋድ፤ ታን ኡንቱንቱ ቦላን ግትያ የጋና፤ ታን ኡንቱንቱ ሳሉዋ ካፎቱዋዳን፤ ዲገ ጎቻደ ዋላና። ኡንቱንቱ ኢታ ኦሱዋ ድራወ፤ ታን ኡንቱንታ ሙራና።

13 “ኡንቱንቱ አየ አና! አያዉ ጎፕ፤ ኡንቱንቱ ታፕ ዋራ ሰሜድና። ኡንቱንታ ባይዘያባይ ዮ! አያዉ ጎፕ፤ ኡንቱንቱ ታ ቦላ ማካሌድና። ታን ኡንቱንቱ ዋዛናዉ ኮያድ፤ ሸን ኡንቱንቱ ታ ቦላ ዋርዲዋ ሃሳዴና።

14 ባረ ሂጸን ግሲደ ዝላላናፕ አትና፤ ባረንቱ ዋዛናፕ ታና ዋሰክና። ካላዉን ዋይንያ ኤሳዉ ባረንቱ ቦላ ማሻን ቃንጸደ፤ ሀራ ጸሳቱዋ ዋሲና፤ ሸን ኡንቱንቱ ታ ቦላ ማካሌድና።

15 “ታን ኡንቱንታ ሎሀሳድነ ሞንሳድ፤ ያትናካ ታዉ ኢታባ ማቀቲና።

16 ኡንቱንቱ ሰሚና፤ ሸን ታኮ ሰምክና። ኡንቱንቱ ዋራ ጸንግያ ዋንዳፍያ ማላ። ኡንቱንቱ ካፓቱ ኢታባ ሃሳይያዋ ሀዳን፤ ማሻን ዉራና፤ ሄዋን ኡንቱንቱ ግብጾ አሳን ቅሊጬታና።

8

መድና ጎዳይ እስራኤልያ ኤቃ ጎይኑሳን ፕርዴዳ

1 “ማላካታ ፑና! አያዉ ጎፕ፤ ኡንቱንቱ ታ ጫቁዋ እዲደ፤ ታ ሀግያ መንሐዳ ድራወ፤ መድና ጎዳ አሳ ቦላ ሞርኪ አርጋንላዳን ኩዌዳ።

2 ኡንቱንቱ፤ “አቤት ኑ ጸሳዉ፤ ኑን እስራኤልያ አሳይ ኔና ኤራቶ” ያጌደ ታዉ ዋሲና።

3 ሸን እስራኤልያ አሳይ ሎኦባ እጹዳ ድራወ፤ ሞርኪ ኡንቱንታ የደርሳና።

4 “ኡንቱንቱ ታና ኦቼናን ባረዉ ካተቱዋ ካተዬድና፤ ታን ኦደናን ደእሸን፤ ካፓቱዋ ደሬድና። ባረ ጳዮ ጋሱዋ ግድያ ኤቃ ሞሰለቱዋ ባረንቱ ብራፕን ዋርቃፕ መዴድና።

6:6 ማቶሳ 9:13፤ 12:7

5 ሳማርያ አሳው፡ ማራ ማላትሲደ ህንተ መጭዳ ኤቃ ታን እጻድ፤ ታ ህንቁ ህንተ ቦላ ኤጽ ከሴዳ። ኢንቱንቱ ጌሻ ግደናን አወደ ጋካናወ ደእኔ?

6 ኩሽያ ሂላንቻይ እስራኤልያፕ አ መጭዳፕ አትና፡ እ ጸሳ ግደና። ሳማርያ ኤቃ ሞሰሊ መኤሪታና።

7 “ኢንቱንቱ ጫርኩዋ ዘሪኖ፤ ጎትያ ቆይጪና። ኤቁዋን ደእያ ኢንቱንቱ ካላወ አይፊ ባዋ፤ ሄዋ ድራወ፡ ጂሊ ባዋ፤ ጂሊ ደእንቶካ አላጋቱ ማና።

8 እስራኤልያ አሳይ ሞተቱዳ፤ ሀእ ኢንቱንቱ አላጋ አሳቱዋ ግደን ደእና፤ ኢንቱንቱ መኤዳ ሚሻዳን፡ ፓ□ና አሳ ግደና።

9 ኢንቱንቱ ባዶ ሀርዲዳይ ባረካ ዩይያዋዳን ዩዩደ፡ አሶሪ ቢታ ቤድኖ፤ ኤፍሬማ አሳይ ባረና ማድያ አሳ ሻሉዋን ሻሚዳ።

10 ታን ኢንቱንታ ሺሻና። ካሪ ጋድያ ካተቱን ካፓቱ ኢንቱንታ ኡቁኖ፤ ኢንቱንቱ ኤላካ ግልቃና።

11 “ኤፍሬማ አሳይ ናጋራ ያርሹዋ ያርሽያ ዳር ሳእ ኬጼ፤ ሽን ሄ ያርሹዋ ሳእቱ ናጋራ ኦልያ ሳ ግዴድና።

12 ታን ኢንቱንቶ ታ ሀግያን ዳርባ ጸፋድ፤ ሽን ኢንቱንቱ ሄ ሀግያ አላጋባዳን ጼሌድኖ።

13 ኢንቱንቱ ያርሻናወ ደሲኖ፤ ያርሹዋ አሹዋካ ሚኖ፤ ሽን መድና ጎዳይ ኢንቱንቱን ናሽትቤና። እ ሀእ ኢንቱንቱ ባይዙዋ ሀሳያና፤ ቃይ ኢንቱንቱ ናጋራ ግሻወካ ኢንቱንታ ሙራና፤ ኢንቱንቱ ግብጼ ቢታ ባና።

14 እስራኤልያ አሳይ ባረና መጭዳዋ ደጊደ፡ ካትያ ጎለቱዋ ኬጼ፤ ይሁዳ አሳይካ ግምበቱዳ ዳር ካታማቱዋ ኬጼ። ሽን ታን ሄ ካታማቱዋን ታማ ዩዳና፤ ኢንቱንቱ ጌሶቱዋ ማና” ያጌ።

9

እስራኤልያ አሳይ በሰያ ሙሩዋ ደማና (9:1-16)

1 እስራኤልያ አሳቶ፡ ናሽቶፕተ! ሀራ ካወተላቱዋዳን፡ ፖጩ ጎፕተ! አያወ ጎፕ፡ ህንተ ህንተ ጸሳፕ ሻከቲደ፡ ሻርሙጾድታ፤ ካላ ቡክያ ኡዲማ ኡባን ሻርሙጾታ እምያ ጋትያ ደሴድታ።

2 ሄዋ ሀዳን ህንተ ኡዲማፕ ካላ፡ ዋይንያ ጉምኢያሳፕካ ኤሳ ደምክታ፤ ቃይ ዋይንያ ቱራይካ ኢንቱንቶ አይፈና።

3 ኢንቱንቱ መድና ጎዳ ቢታንካ ጋምእክና። ሽን ኤፍሬመ ግብጼ ቢታ ሰማና፤ ቃይ አሶሪ ጋድያን ቱና ቁማ ማና።

4 ኢንቱንቱ መድና ጎዳወ ዋይንያ ኤሳ ያርሹዋ ጉሰክና፤ ኢንቱንቱ ያርሹካ እ ናሽቶና። ሄ ያርሹ ኢንቱንቶ ሾቻ ማላ ግዳናዋ፤ ሄዋ ምያ ኡባይ ቱናና። ሄ ኡክላይ ኢንቱንቱ ማናሳፕ አትና፡ መድና ጎዳ ጌሻ ጎልያ ገለና።

5 ኬሬዳ ባላ ጋላሰነ መድና ጎዳ ቦንቶያ ባላ ጋላሰ፡ ህንተ አያ ኡዳንቱ?

6 ኢንቱንቱ ባሻፕ ከሰ አኮፕካ፡ ግብጼ ኢንቱንታ ሺሻና፤ መምፒሳ ግያ ካታማይ

ኢንቱንታ ሞጋና። ኢንቱንቱ ሺሹዳ ብራ ሚሻ ኡባይ ሻራፋ ማይ አታና፤ ኢንቱንቱ ዲንካንያ ግደንካ ቡሉ ቡዙ ሞካና።

7 ሙሩዋ ጋላሳይ ዩዳ፤ ጸሳይ አሳወ አ ኡሱዋዳን ኡሱዋዳን ዛርያ ዋዲ ጋኬዳ። እስራኤልያ አሳይ ሄዋ ኤሮ! ህንተ አታ ናጋራ ድራወን ህንተ ሞርከተላ ድራወ ህንተ፡ “ትምቢትያ ኦድያዋንቱ ኤያ፤ ሳፃ በእያዋንቱካ ጎይያዋንታ” ያጌድታ።

8 ትምቢትያ ኦድያዋ ታ ጸሳና እትፕ ግዲደ፡ ኤፍሬማ ናግያዋ። ሽን ሀመትያ አገ ኡባን ኤፍሬማወ ካፋዋ አይቂያዋዳን፡ ጲሪ ዋድ ኡቱዳ፤ አ ጸሳ ጎልያንካ ሞርከተላይ ደኤ።

9 በን ግብአ ካታማን ሀኔዳዋዳን፡ ኢንቱንቱ ሎይላ ቱኔድኖ። ጸሳይ ኢንቱንቱ ባይዙዋ ሀሳያና፤ ኢንቱንቱ ናጋራ ሙራና።

እስራኤልያ አሳ ናጋራን አ ካልያ ፕርዳ

10 ጸሳይ ሀዋዳን ያጌ፤ “ታን እስራኤልያ አሳ መላ ቢታን ዋይንያ ቱራ ደምያዋዳን ደማድ። ታን ህንተ አዋቱዋ ባላሰያ ግያ ምላን ደእያ ኮይር አይፍያ በእያዋዳን በእድ። ሽን ኢንቱንቱ ባኣል-ፓኦራ ግያሳ ዩደ፡ ባኣላ ግያ ኤቃወ ጎይኔድኖ፤ ያቲደ ባረንቱ ደሴዳ ኤቃዳንካ ቱኔድኖ።

11 ኤፍሬማ ቦንቶ ካፋዋዳን ፓል ቋያና፤ ሀዋፕ ሰንላናወ የልያባይ ባዋ፤ ሻሃራይካ ባዋ፤ ሻሃርያባይ ባዋ።

12 ኢንቱንቱ ናናቱዋ የሊደ ድቸፕካ፡ እቱን አተናን ዋቋ ድጋይ፡ ኢንቱንቱ የሉ ባይና አሳ ከሳና፡ ታን ኢንቱንቱፕ ሃኬዳ ዋደ፡ ኢንቱንቶ አየ አና።

13 ኤፍሬማ አሳይ ሎይላ ሎእያ ታየሪ ቢታ ማትያዋ በእድ፤ ኤፍሬማ አሳይ ባረንቱ ናናቱዋ ሹክያዋንቶ ከሲደ እማናወ ኮሼ” ያጌ።

14 እቤት መድና ጎዳወ፡ ኢንቱንቶ እማ! ኔን ኢንቱንቶ እያ እማኒ? ኔን ኢንቱንቶ ቦሽትያ ቃንሳነ መሌዳ ቋንሳ እማ።

15 ጸሳይ ሀዋዳን ያጌ፤ “ኢንቱንቱ ኢታተላ ኡባይ ገልጋላ ግያ ሳና፤ ታን ኢንቱንታ እጽያዋ ያን ደማድ። ኢንቱንቱ ኡሱዋ ኢታተላ ድራወ፡ ታን ኢንቱንታ ታ ጎልያፕ የደርሳና፤ ሀዋፕ ሰንላናወ ታን ኢንቱንታ ሲቅከ፤ ኢንቱንታ ሞድያዋንቱካ ማካላንቻ።

16 ኤፍሬማ አሳይ ደሽትና፡ ኢንቱንቱ ጸጺ መሌዳ፤ አይፍያካ አይፍክና። ኢንቱንቱ ናናቱዋ የሎፕካ፡ ታን ኢንቱንቱ ሲቅያ ናናቱዋ ዋቋና” ያጌ።

እስራኤልያ አሳወ እመቱዳ ሴራ (9:17—10:15)

17 ኢንቱንቱ ታን ጸሳይ ግያዋ ሰሰና ድራወ፡ እ ኢንቱንታ ፕጽ ኦላና፤ ኢንቱንቱ ካወተላቱዋ ግደን ቶይላካትያዋንታ ግዳና።

10

1 እስራኤልያ አሳይ ደሹዳ ዋይንያ ቱራ ማላ፤ ኢንቱንቱ ባረወ አይፍያ አይፊና። ኢንቱንቱ አይፍያ አይፊ ዳራዳ ኬና ያርሽያ ሳእ ዳርሰ

ከጌደኛ። ኢንቴንቲ ቢታይ ዲረቲዳ ከና። ጎይንያ ኤቃ ቱሳቱዋ አሌቂሲደ መጄድኛ።

2 ኢንቴንቲ ዋዛናን ገዢ ኩሜዳ፤ ሀእ ኢንቴንቲ ባረንቲ ባይዙዋ ሙሩዋ አካናዉ ኮሼ። መጅና ጎዳይ ኢንቴንቲ ያርሸያ ሳኦ ላላና፤ ኢንቴንቲ ኤቃ ቱሳቱዋ ጳይሳና።

3 ሄ ዋደ ኢንቴንቲ፣ “ኑን መጅና ጎዳዉ ያይቤና ድራዉ፣ ኑዉ ካቲ ባዋ፤ ሸን ኑዉ ዋን ካቲ ደእንቶነ እያ ኦላኔ?” ያጋና።

4 ኢንቴንቲ ሀደባ ሃሳዪኖ፤ ጫቁዋ ጫቀቲደካ ዋርዲዋን ጫቁኖ። ሄዋ ድራዉ፣ ዋጅያ ሻራፋይ ሸይቃን ደልያዋዳን፣ ኢንቴንቲ ቦላን ፕርዳይ ደላና።

5 ሳማርያ ካታማን ደእያ አሳይ ቤት-አዌናን ደእያ ማራ ምሰልያዉ ያዪኖ። አ ቦንቹ አፕ ሻከት ክቼዳ ድራዉ፣ አሳይ አዉ ዬካና፤ ሄ ኤቃ ምሰልያዉ ኦልያ ቁሳቱ ካ ዋሳና።

6 ሄ ኤቃ ምሰሊ አሶረ ቢታ ቶከት ቢደ፣ ዋልቃማ ካትያዉ ገራዲን እመታና። ኤፍሬማ አሳይ ዬላታና፤ እሰራኤልያ አሳይካ ባረ ኤቃ ምሰሊቱዋ ሀዳን ካዉሻና።

7 ሳማርያ ካቲ ሃላ ቦላን ቃይጾሪ ቶከትያዋዳን፣ ቶከት ጳያና።

8 ቃይ እሰራኤልያ አሳይ አዌና ግያ ካታማን ኤቃዉ ጎይኒደ፣ ናጋራ ኦልያ ጵቃ ሳኦቲካ ኮለታና፤ ኢንቴንቲ ያርሸያሳን አጉንሳይነ ጎምኦሪ ዋካና። ያትና፣ ኢንቴንቲ ደረቱዋ፣ “ኑና ገንሳት!” ያጋና። ከራቱዋካ፣ “ኑ ቦላ ኩንድተ!” ያጋና።

ጳሳይ እሰራኤልያ ቦላ ፕርዳዳ

9 ጳሳይ ሀዋዳን ያጌ፤ “እሰራኤላቶ፣ ሀንተ ግብእን ናጋራ ኦልዳ ጋላሳፕ ደሚደ፣ ናጋራ ኦልያዋ አግቦይክታ። ሄዋ ድራዉ፣ ግብእ ካታማን ሀንተ ቦላ ኦላይ ደንዳና።

10 ታን ኮይያ ዋደ፣ ሄ ማካላንቻቱዋ ሙራና። ኢንቴንቲ ኦልዳ ላኡ ናጋራ ጋሱዋን ታን ኢንቴንታ ሙሪያ ዋደ፣ ካዉተላቱ ኢንቴንቲ ቦላን ሺቃና።

11 “ኤፍሬመ ካላ የሰላ ደሰያ፣ ዋጂደ ከሴዳ ኮሩማ ማላ፤ ሸን ታን አ ፑላ ሞርግያን ሞርገ ምላ ዋላደ ዋጻና። ይሁዳ አሳይ ጎሻናዉ ኮሼ፤ ያቆባ አሳይካ ጋድያ ጳልቃናዉ ኮሼ።

12 መጅና ጎዳይ ዪደ፣ ጽሎተላ ሀንተ ቦላ እራዳን ቡክሳና ጋካናዉ፣ ሀንተ አ ኮይያ ዋደ ግድያ ድራዉ፣ ሀንተዉ ጽሎተላ ዘርተ፤ አገና ሲቁዋ ጫክተ፤ አላ ቢታካ ጳልቁተ።

13 “ሀንተ ኢታተላ ዘሪደ፣ ናጋራ ጫኬድታ፤ ሀንተ ዋርዲዋ አይፍያካ ሜድታ።

“ሀንተ ሀንተ ዋልቃንነ ሀንተ ዳር ኦላንቻቱዋን አማነቲዳ ድራዉ።

14 ሀንተ አሳ ቦላ ኦላ ድርባይ ደንዳና፤ ቦን ኦላ ዋደ ካቲ ሻልማን ቤት-አርቤላ ካታማ ኦሊደ ባይዜዳዋዳንነ አየቱዋናና ናናቱዋና ጋላ መንግራጫዳዋዳን፣ ሀንተ ጌሶቱ ሄዋዳን ኦልና ባያና።

15 ሀንተና፣ ቤቱላ ካታማ አሳቶ፣ ሀንተ ዋልቃማ ኢታተላ ሀዳን ሀንተ ቦላካ ሀዋ ማላባይ ጋካና። ሄ ጋላሰ ሳኦይ ዋንትያ ዋደ፣ እሰራኤልያ ካቲ ኡባና ጳያና።

11

ጳሳይ ባረ አሳዉ ደእያ ሲቁዋ (11:1-11)

1 “እሰራኤሊ ናከተላን ደእያ ዋደ፣ ታን አ ሲቃድ፤ ታን ታ ናኦ ግብጾ ጋድያፕ ጾሳድ።

2 ታን ኢንቴንታ ዳርሳደ ጾሰና፣ ኢንቴንቲ ታፕ ዳር ሃኪደ ቤድኖ። ባኦላ ጌተትያ ኤቃቶ ያርሹዋ ያርሹድኖ፤ ቃይ ኤቃ ምሰላቶ እጻና ጨዋዬድኖ።

3 ኤፍሬማ አሳ ሀራቅያ ኦይቃደ ሀመላ ታማርሴዳዌ ታና፤ ሸን ኢንቴንቲ ፓሌዳዌ ታና ግድያዋ ኢንቴንቲ ኤርክኖ።

4 ታን ኢንቴንቲ ቃረታንነ ሲቁዋ ዋደሩዋን ጎቻድ፤ ኢንቴንቲ ሞርግያፕ ሞርገ ምላ ደንሳድ፤ ሆካደ ኢንቴንታ ሙዛድ።

5 “ኢንቴንቲ ታኮ ሰመናን እጾዳ ድራዉ፣ ግብጾ ቢታ ሰማና፤ ቃይ አሶረ ቢታ ካቲ ኢንቴንቲ ቦላ ካተታና።

6 ኢንቴንቲ ሞርክያ ማሻይ ኢንቴንቲ ካታማቱዋ ኦላና። ኢንቴንቲ ካታማቱዋ ፕንገቱዋካ መንግራላና፤ ኢንቴንቲ ዘረታይካ ላለታና።

7 ታ አሳይ ታፕ ሃኪደ ባናዉ ቆፋ ቃቼዳ። ሁቁና ሞርገ ምላ ጋሱዋን ኢንቴንቲ ዋሳና፤ ሸን ኦንነ ሄ ሞርገ ምላ ኢንቴንቲ ሞርግያፕ ደንጋና።

8 “ኤፍሬማ፣ ታን ኔና ዋታደ አጎ? እሰራኤልያዉ፣ ታን ኔና ዋታደ አላ እሞ? ታን ኔና ዋታደ አዳማ ግያ ካታማዳን አሉ? ታን ኔና ዋታደ ጸቦይማ ግያ ካታማዳን አሉ? ታን ኔና ሎይላ ሲቅያ ድራዉ፣ ታ ዋዛናይ ሄዋ ኤኖ ጌና።

9 ታን ታ ሱልያ ሀንቁዋን ኢንቴንታ አይነ ኦልክ፤ ቃይ ኤፍሬማ ላኤንሉዋ ጳይሰከ። አያዉ ጎፕ፣ ታን ጳሳፕ አትና፣ አሳ ግድከ። ታን ጌሻ ጳሳይ ሀንተ ግድን ደአይ፤ ሀንተኮ ሱሎ ሀንቁዋን ዪከ።

10 “ኢንቴንቲ መጅና ጎዳ ካላና፤ እካ ጋሙዋዳን ጉዳና። እ ጉድያ ዋደ፣ አ ናናይ አዋይ ዉልያ ባጋፕ ያና፤

11 ግብጾ ጋድያፕ ካፎቱዋዳን፣ አሶረ ቢታፕካ ሀራጳቱዋዳን፣ ፓሊደ ያና። ታን ኢንቴንታ ኢንቴንቲ ጎልያን ጎልያን ዋላና። ታን መጅና ጎዳይ ሀዋ ኦዳድ” ያጌ።

ጳሳይ ባረ አሳ ቦላ ኦልዳ ፕርዳ (11:12—13:16)

12 ኤፍሬማ አሳይ ዋርዲዋን፣ እሰራኤልያ አሳይካ ጭሙዋን ታና ደዳድኖ። ይሁዳ አሳይካ አማንሳያ ጌሻ ጳሳ ቦላ ጳልታሜዳ።

12

1 ኤፍሬማ አሳይ ዋንታፕ ኦማርሰ ጋካናዉ ኦልያባይ ኡባይ፣ አዋይ ዉልያ ባጋፕ ይያ ጫርኩዋ ኩጭያዋዳን ዋይ የደርሰያዋ ማላ ጎኤና። ኢንቴንቲ ዋርዲዋን ማካላ ኦሱዋ ዳርሲኖ፤ አሶረ ቢታና ጫቁዋ ጫቀቲኖ፤ ዋጋራ ዛይትያ ግብጾ ቢታ የዲኖ።

2 መጅና ጎዳው ይሁዳ አሳና ሞቱ ደኤ፤ እ ያቆባ አሳ ኡንቱንቱ ኦግያዳን ሙራና፤ ኡንቱንቱ ኡሱዋዳንካ እው ዛራና።

3 ያቆብ ባረ ዳይ ኡሉዋን ደኤደ፤ ባረ እሻ ግንድያ ኦይቄዳ። ቃይ ጋማ ጋኪደ፤ ጸሳና ባጸቲዳ፤

4 ኪታንቻናካ ባጸቲዳ ጸኔዳ። ባረና ኬካ አይፍያን ጸላናዳን፤ ዩኪደ ዋሴዳ። ያቆብ ጸሳ ቤቲላን ደሜዳ፤ ጸሳይ ያን አናና ሃሳዬዳ።

5 ሄዋ መጅና ጎዳ፤ ኡባጥ ዋልቃማ ጸሳ። እ ኤረቲዳ ሱንጎይካ መጅና ጎዳ ጌተቱ።

6 ሄዋ ድራው፤ ህንተ ጸሳኮ ሰሞተ፤ ሲቁዋን ሱረ ፕርዳ ሞንሰ ኦይቄተ፤ ህንተ ጸሳይ አላናው ናግተ።

7 ዛልአንቻ ኩሽያን ዋርዶ ሚዛናይ ደኤ፤ አሳ እ ጭምም ደሴ።

8 ኤፍሬመ፤ “ታን ዳሮ ዱረ፤ ታን ታው ዱረታ ደማድ። ታ አቁዋ ኡባ ግደን ታናን ኡንቱንቱ ባላ ዋይ ናጋራ ግድያባ ደምክኖ” ያጌዳ።

9 መጅና ጎዳይ ሀዋዳን ያጌ፤ “ታን ህንተና ግብጾ ጋድያጥ ከሳደ አሄዳ መጅና ጎዳ ህንተ ጸሳ፤ ዳሰያ ባላ ጋላሳዳን፤ ታን ህንተና ላኤንሉዋካ ዱንካንያን ዋላና።

10 ታን ትምቢትያ ኦድያዋንቶ ሃሳያድ። ዳሮ ሳጸካ ኡንቱንቶ እማድ፤ ቃይ ኡንቱንቱ ባጋና ዳሮ ሌምሳቱዋ ኦዳድ” ያጌ።

11 ጋላአደን ናጋራይ ደኤ፤ ጋላአደ አሳቱ ቱሙዋጥ ፓርፍዋንታ። ኡንቱንቱ ገልጋላን ኮሩማቱዋ ያርሺኖ። ሄዋ ድራው፤ ኡንቱንቱ ያርሺያ ሳአቱ ጎሻ ግደን ኬሌዳ ሹቻ ማላ ግዳናዋ።

12 ያቆብ ሶርያ ቢታ ባቃቲዳ፤ እስራኤሊ ማጫ አሳ አካናው ከራ ኦሌዳ። ማጫ አሳ አካና ድራው፤ እ ያን ደርሳ ሄሜዳ።

13 መጅና ጎዳይ እስራኤልያ አሳ ትምቢትያ ኦድያዋ ባጋና ግብጾ ጋድያጥ ከሴዳ፤ ሄ ትምቢትያ ኦድያዋ ባጋና ኡንቱንታ ናጌዳ።

14 ሽን ኤፍሬመ ጸሳ ሎይሳ ህንቀሰሴዳ፤ ሱላ እ ጉሴዳዋ አጩዋ አ ጎዳይ አ አቻና፤ ቃይ አ ጫሻ እው ዛራና።

13

እስራኤልያ ወርሰላ ፕርዳ

1 ኤፍሬማ አሳይ ሃሳዬዳ ዋደ፤ ሰሴዳ አሳይ ያሻው ኮኮራዳ፤ እስራኤልያ ጋድያን ኡንቱንቱ ቦንቼቲዳ አሳ። ሽን ባኣላ ግያ ኤቃው ጎይኔድኖ፤ ሄ ባይዙዋ ጋሱዋን ሀይቄድኖ።

2 ሀእካ ናጋራ ቦላ ናጋራ ኦሊኖ፤ ቃይ ባረው ጎይናው፤ ሲልሲደ ሞሰለቱዋ መጁኖ። ሄ ሞሰለቱ ሂላን ብራጥ መጫቲዳዋንታ፤ ኡንቱንቱ ኡባይካ ኩሽያ ሂላይ መጁዳዋንታ። ኡንቱንቱዋ አሳይ ሃሳዬዳ፤ “አሳ ያርሹዋ ያርሸተ፤ ሀ ማራ ሞሰልያካ የርተ” ያግኖ።

3 ሄዋ ሀዳን ኡንቱንቱ ዋንታ ሻርያ ማላ፤ ዋይ ጉራን ቆለትያ ዋንታ ከተርሳ ማላ ዋይ

ጫርኩ ኡዲማጥ ደንሊደ አፍያ ሱላ ማላ ዋይ ማሰኮትያና ከሰያ ፔኑዋ ማላ ግዳናዋ።

4 ጸሳይ ሀዋዳን ያጌ፤ “ታን ህንተና ግብጾ ጋድያጥ ከሳደ አሄዳ መጅና ጎዳ ህንተ ጸሳ። ህንተ ታጥ አትና፤ ሀራ ጸሳ ኤርክታ፤ እሽያዌካ ታጥ አትና፤ ሀራይ ባዋ።

5 መላ ቢታን፤ መላ ጋድያን ታን ህንተና ናጋድ።

6 ታን ህንተና ሞዝና፤ ሚደ ካሌድታ፤ ካሊደ ኡቶረቲድታ፤ ሄዋጥ ጉይያን፤ ታና ደጌድታ።

7 ሄዋ ድራው፤ ታን ህንተ ቦላ ጋሙዋ ማላ ግዳናዋ፤ ቃይ ማህያዳን፤ ኦግያ ዳናን ዙጋና።

8 ማራቲዋ ዋሳ እኬዳ ማሀቲዳን፤ ታን ህንተናና ጋከታና፤ ህንተና ዳከራላና። ቃይ ታን ህንተና ጋሙዋዳን ያን ማና፤ ባዙዋ ደኣዳን፤ ህንተና ፖሽረላና።

9 “እስራኤልያ አሳቶ፤ ህንተ ታ ቦላ፤ ህንተና ማድያዋ ቦላ ሞርከተላን ደንድያ ድራው፤ ታን ህንተና ቆይሳና።

10 ህንተ ታና፤ ሓው ካትያን ጋድያ ሞድያዋንታ እማ፤ ያጌደ አቼድታ። ህንተና እሻናው ህንተ ካቲ አኔ? ህንተ ጋድያ ሞድያዋንቱ ህንተ ካታማቱዋ ግደን ሀቃን ደኣኖ?

11 ታን ታ ህንቁዋን ህንተንቶ ካትያ እማድ፤ ታ ይሉዋን አ ድጋድ።

12 “ኤፍሬማ ባይዙካ ናጋራይ ጸፈቲደ፤ ማዘጎባ ጎልያን ኡቲዳ።

13 የሉ ኦይቄዳ ሞሽራታ ቱጋትያዋ ማላ ቱጋይ አ ቦላ ያና። ሽን እ ኤር ባይና ናኣ፤ አያው ጎጥ፤ እ የለትያ ዋዲ ጋክና፤ ባረ ዳይ ኡሉዋጥ ዋርፍን እጽያ ናኣ ማላ።

14 ኡንቱንታ ታን ዱፋዋጥ እሻና፤ ሀይቁዋ ዋልቃጥካ ዋዛና። ሀይቆ፤ ነ ኢታ ሀርገቱ ሀቃን? ዱፎ፤ ነ ባሻይ ሀቃን?

“ታን ታ አሳው ቃረትከ።

15 ኤፍሬመ ባረ እሻቱዋ ግደን ሞንንቶካ፤ መጅና ጎዳይ የዴዳ አዋይ ደልያ ባጋ ጫርኩ መላ ቢታጥ ጫርኪደ ያና። አ ፑልቶቱ ቶኣና፤ አ ሃላ አላቱካ መላና። እ ሞንጅያ ጎለቱዋን ደኣያ አልኦ ሚሻ ኡባይ ቦንቀታናዋ።

16 ሳማርያ አሳይ ባረንቱ ጸሳ ቦላ ማካሌዳ ድራው፤ ባረንቱ ባይዙዋ ሙራ አካናው በሰ። ኡንቱንቱ ማሻን ቡሳከታና፤ ኡንቱንቱ ጉላ ናናይካ ክንቼታና፤ ኡንቱንቱ ሻሃራ ማጫ አሳቱዋ ኡሉካ ጸልቀታና” ያጌ።

14

ናጋራ ማርታኑ እንጂዋ ሀደታ (14:1-9)

1 እስራኤልያ አሳው፤ ህንተ ናጋራ ጋሱዋን ቆብቲደ ኩንዴድታ። ህንተ ሀእ መጅና ጎዳኮ፤ ህንተ ጸሳኮ ሰሞተ።

2 መጅና ጎዳኮ ሰሚደ፤ ሀዋዳን ያጌደ ዋሰተ፤ “ኑ ናጋራ ኡባጥ ኑና ማራ፤ ኔን ኑና ነ ኬካተላን ሺሻ እካ፤ ያትና ኑን ኑ እንጻርሳን ኔና ጋላታና።

12:3 ደመላ 32:24-26 12:4 ደመላ 28:10-22 12:9 ዋጋ 23:42-43 12:12 ደመላ 29:1-20 12:13 ከሳ 12:50-51 13:5 ዛረ. 8:11-17 13:10 1 ሳሜላ 8:5-6 13:11 1 ሳሜላ 10:17-24፤ 15:26 13:14 1 ቆር. 15:55

3 አሶረ ጋዲ ኑና አሸናፊ፤ ኑን ኦላ ፓራቱዋካ ቶሳኩ። ኑን ኑ ኩሸያን መጭዳ ኤቃ ምሰለቱዋ ሙለካ፣ ‘ሀዋንቱ ኑ ጸሳቱዋ’ ሳኩ። አዉ ባይናዋንቶ ቃረሰያዌ ኔና” ያግተ።

ጸሳይ እስራኤልያ አሳ ኦራጽሳናዉ ህደታ እሚዳ

4 ጸሳይ ሀዋዳን ያጌ፤ “ታ ሀንቁ ኡንቱንቱፕ ሰሚዳ፤ ሄዋ ድራዉ፣ ታን ኡንቱንቱ ማካላ ሀኑዋፕ ኡንቱንታ ፓላና፤ ኡንቱንታ ዋዛናፕ ሲቃና።

5 ታን እስራኤልያ አሳዉ ጮኩዋ ማላ ግዳና፤ ኡንቱንቱ ጨሻዳን ጨሺደ፣ ሊባኖሳ ዝጋዳን፣ ጸጹዋ የዳና።

6 ኡንቱንቱ ያላጋ ማራቱ ዳሻና፤ ዋጋራዳን ኡንቱንቱ ሎአና። ኡንቱንቱ ሳዉካ ሊባኖሳ ዝጋዳን ቶሹኩ ጋና።

7 አሳይ ሰሚዳ፣ ታ ኩዋ ጋርሳን ደአና፤ ካላ ጫርሻዳን፣ ኡንቱንቱ ሳልክሳልካና፤ ቃይ ኡንቱንቱ ዋይንያ ቱራዳን ጨሻና፤ ሊባኖሳ ዋይንያ ኤሳዳን፣ ደሪ ኤርያዋ ግዳናዋ።

8 ሀዋፕ ሰንላን ኤፍሬማ አሳይ ኤቃ ምሰላትና ጋከተና፤ ታን ህንተ ዋሳ ሰሳና፤ ህንተና ናጋና። ታን እርጸ ዝጋ ማላ፤ ህንተንቶ አንጅ ኡባይ ታፕ ቤታና” ያጌ።

9 እጭዳ ኤራይ ደእያ ኦንነ ሀዋ አኬኩ፤ ዋዛን ደእያ ኦንነ ሀዋ ኤር። መድና ጎዳ ኦጊ ሱረ፤ ጽሎቱ ሄ ኦግያና ሀመቲኖ። ሸን ናጋራንቻቱ አን ጭብቲኖ።

አዩኤል ትምቢትያ ገሎጥ

ትምቢትያ ኦድያ አዩኤል አወደ ደኤደንቶ አ ደኤጥ ታርክያን ዳሮ ኤሪትያዌ ባዎ። ግደ ሸን፣ አ ሱንሳ ብለላይ፣ “መድና ጎዳይ ታ ጸሳ” ግያዎ ግደደ ጸሳይ አናና ደእያዎ በሴ። ሀ ማጻፋ ትምቢትያዉ ሀራ ጌሻ ማጻፋቱዋና ቃራ ማታይ ደኤ። ማጻፋይ ቤቴዳዌ ክርሰቶሳ የለታፕ ካሰ፣ ኦይደንሶ ዎይ እቼሸንሶ ጾቱ ላይሳ ሄራና ጌተቲደ ቆፈቱ። ሄ ዎዲ ፓርሰ ካተተላይ ደእያ ዎደ። አዩኤል ኦዲደ፣ እስራኤልያ ገድያን ዳሮ ቦሊ ያናዋን ገድያ ባይዘያ አዋይ አዋጽና ገዲ ኮሻታናዎ ኦዲ። ሀ ሀሮታቱ ቃይ ጎዳ ገላሳይ ማታቲዳዎ ኦዲና። ጎዳ ገላሳይ ገክያ ዎደ፣ አ ጌሻ ሸኒ ፖለተናዳን ዋትያዎንታ ኡባ አ ሙራናዋካ ጉጂደ ኦዲና። ትምቢትያ ኦድያዌ አሳይ ናጋራፕ ሰምያዎ ግደፕ፣ ጸሳይ ኡንቱንታ ካሰ ኡንቱንቱ ደእያ ሀሮታኮ ዛሪደ፣ አንጃናዎ ሀሳይሴዳ። ሀናና ጊደ አ ኦዲዳዎፕ ግታቲደ ቤትያ ሀይታይ ጸሳይ አቱማ አሳቱዋን ማጫ አሳቱዎ ቦላ፣ ያለጋቱዋን ጭማቱዎ ቦላ፣ ባረ አሳ ኡባ ቦላ ባረ አናና ጉሳናዎ ኦድያ ሳኦ።

ሸምፓቱዎ ኡባቶ እመቴዳ ቃንሳ ቆፋቱዎ

1. ቦልያን ዋርክያ ዎታዳራ 1:1—2:17
2. ጎዳ ገላሳ 2:18-32
3. ጎዳይ አማናዋንታ ሙርያዎ 3:1-21

ቦልያን ዋርክያ ዎታዳራ
(ሆስ 1:1—2:17)

1 ፑቱኤላ ናኦ አዩኤላኮ መድና ጎዳይ ከቴዳ ቃላይ ሀዎ።

2 ሀንተኖ ጭማቶ፣ ሀዎ ሰሰተ! ይሁዳ ገድያን ደእያ አሳዉ ኡባዉ፣ ሰሰተ! ሀዎ ማላባይ ሀንተ ዎደ ዎይ ሀንተ አዎቱዎ ዎደ ሀን ኤሪ?

3 ሄዎ ሀንተ ናናቶ ኦድተ፣ ሀንተ ናናይ ባረንቱ ናናቶ ኦድና፣ ቃይ ኡንቱንቱ ናናይካ ካልያ የለታዉ ኦድና።

4 ጎንዲዎፕ አቴዳ ካሳ ወደ ቦሊ ሜዳ፣ ወደ ቦልያፕ አቴዳ ካሳ ቡምቡራሳይ ሜዳ፣ ቃይ ቡምቡራሳፕካ አቴዳ ካሳ ኩኩባይ ሜዳ።

5 ሀንተኖ ማሶትያዎንቶ፣ ቤጎቲደ ዩክተ! ሀንተኖ፣ ዎይንያ ኤሳ ኡሸያዎንቶ ኡባ ገደ፣ ዘላልተ! አያዉ ጎፕ፣ ማልእያ ዎይንያ ኤሳይ ሀንተ ደናፕ አቴዳ።

6 ፓይዲ ባይና ኦላንቻይ ታ ገድያ ማዬዳ። ኡንቱንቱ አቻይ ጋሙዎ አቻ ማላ፣ ቃይ ኡንቱንቱ ካሰሊካ ጋማት ካሰልያ ማላ።

7 ኡንቱንቱ ታ ዎይንያ ቱራ ባይዜድና፣ ታ ባላሰያ ምላካ ጮሜድና። ኡንቱንቱ ፖቁዎ ኡባ ም ድጌዳ ድራዉ፣ ዎይንያን ባላሰያ ታሸቱ ኡባይ ቦጺድና።

8 አቱማዎ፣ ባረ ያለጋተላን አ ጊጌዳ አሰናይ ሀይቁና፣ ዋሩዎ ማያደ ዩክያ ጌላያቲዳን፣ ኡባይካ ዩክተ!

9 ካሳ ያርሹኑ ኡሻ ያርሹ መድና ጎዳ ጌሻ ጎልያ ብያዎ እጌዳ፣ ሄዎ ድራዉ፣ መድና ጎዳዉ ኦልያ ቁሳቱ ዩኪኖ።

10 ሸይቃይ መላ አቴዳ፣ ቢታይካ ዩኬ። አያዉ ጎፕ፣ ካሳይ ጳዬዳ፣ ዎይንያ ቱራይ መሌዳ፣ ዛይቲካ ላፌዳ።

11 ሀንተኖ ጎሻንቻቶ፣ ካዮትተ! ሀንተኖ፣ ዎይንያ ቱራ ቶክያዎንቶ፣ ዘላልተ! አያዉ ጎፕ፣ ጫኩ ገኬዳ ዛርጋይን ባንጋይ ገደን ጳይክቼዳ።

12 ዎይንያ ቱራይ መሌዳ፣ ባላሰያ ምላይካ ሹሌዳ፣ ርማንያ ግያ ምላይ፣ ተምርያ ግያ ምላይ፣ አፕልያ ግያ ምላይን ቃይ ሸይቃን ደእያ ሀራ ምላ ኡባይካ መሌዳ። ሄዎ ድራዉ፣ አሳፕ ናሸቻይ ሃኬዳ።

ሰማናዳንን ዎሳናዳን ሸቆ ጸሳ
(ሆስ 1:11—2:17)

13 ሀንተኖ ቁሳቶ፣ ዋሩዎ ማዬደ ዩክተ! ሀንተኖ፣ ያርሸያሳን ኦልያ ቁሳቶ፣ አዬ! አዬ! ጌተ፣ ሀንተኖ፣ ታ ጸሳ ሰንሳን ኦልያዎንቶ፣ ጌሻ ጎልያ ገልተ፣ ዋሩዎ ማዬደ አቅተ። አያዉ ጎፕ፣ ካሳ ያርሹዋን ኡሻ ያርሹዎ ጸሳ ጌሻ ጎልያን ያርሸያዌ ባዎ።

14 ጸማ አዎይተ፣ ጌሻ ያኦዉ አሳ ጸሴደ ሺሸተ፣ ጭማቱዋን ገድያን ደእያ አሳ ኡባ መድና ጎዳ ሀንተ ጸሳ ጌሻ ጎልያ ሺሸተ፣ ያቲደ ያን መድና ጎዳኮ ዋሰተ!

15 መድና ጎዳ ገላሳይ ማቲዳ፣ ሄ ገላሳዉ አየ አና! ሄ ገላሳይ ኡባ ዳንዳይያ ጸሳፕ ባሻ ገላሳ ግዲደ ዩ።

16 ኑ አይፍያ ሰንሳፕ ካሳይ፣ ኑ ጸሳ ጌሻ ጎልያፕ ናሸቻይን እልልሳይ ጳዬዳ ግደኔ?

17 ዘረቲዳ ዘረላይ ቢታ ግደን ቡቁዳ፣ ካሳይ መል ክቼዳ ድራዉ፣ ዩሲካ ኡባይ መላ ግዴዳ፣ ድየቱካ ኮለቴድና።

18 መሄቱ ሎይሎ ዋሲኖ፣ ሚዛ ዉድያዉካ ማታይ ባይና ድራዉ፣ ያን ሃን ብቻሪና። ሀራይ አቶ፣ ደርሳ ዉደቱካ ቱጋቲና።

19 አቤት መድና ጎዳዉ፣ ታማይ ባዙዋን ደእያ ሄንሳ ገደቱዎ ም ድጌዳ ድራዉን ደምባን ደእያ ምላ ኡባ ላጩ ጸግ ድጌዳ ድራዉ፣ ታን ኔኮ ዋሳይ።

20 ጎግያ ሃላይ መሌዳ ድራዉን ታማይ ባዙዋን ደእያ ማታ ም ድጌዳ ድራዉ፣ ሀራይ አቶ፣ ባዙዎ ደአቱካ ኔኮ ዋሲኖ።

2

1 ጽዮንን ማላካታ ፑንተ፣ ታ ጌሻ ደርያንካ ማላካታ ሰሰተ! ይሁዳ ገድያን ደእያ አሳይ ኡባይ ያሻዉ ኮኮር፣ አያዉ ጎፕ፣ መድና ጎዳ ገላሳይ ዩ፣ ማታቲዳ።

2 ሄ ገላሳይ ጳማን ሻኖቻ ገላሳ፣ ሻርያን ባራ ጳማ ገላሳ! ጮራን ምኖ ኦላንቻቱ ደረቱዎ ቦላን ጸልቁ ከሰያዎዳን ከሰ ዎጺድና። ኡንቱንቱ ማላይ በንፕ ደምና ደእቤና፣ ሀዎፕ ሰንሳናዉ ዳሮ የለታ ጋካናዉካ ኡንቱንቱ ማላይ ደኤና።

3 ኡንቱንቱ ባረፕ ሰንሳና ደእያ ጫርሻ ኡባ ታማዳን ሚኖ፣ ቃይ ኡንቱንቱፕ ጉየና ደእያባ

ላጩዋዳን ጸጊኖ፤ ኡንቱንቱፕ ሰንፋና ደእያ ሳኦይ ኤደነ ገነትያ ማላ፤ ሸን ኡንቱንቱፕ ጉዩ መላ ባዙዋ ማላ፤ ኡንቱንቱፕ ኢያይነ አተና።

4 ኡንቱንቱ ማላይ ፓራ ማላ ማላ፤ ኡንቱንቱ ኦላ ፓራቱዋዳን፣ ኤለካ ዋጺኖ።

5 ፓራይ ጎኝያ ጋሪቱዋ ኮሻ ገሪኖ፤ ኡንቱንቱ ደረቱዋ ጸራና ጉፒኖ፤ ዳላ ምያ ታማ ላጩዋዳን ጸራጊኖ፤ ኦላ ባናዉ ሳልፔዳ ዋልቃማ ኦላንቻቱዋዳን ማራን ሀመቲኖ።

6 ኡንቱንቱፕ ሰንፋና አሳይ ኮኮሬ፤ ኡንቱንቱ ያሻዉ ኡባ ሶምኢ ላመቱዳ።

7 ኡንቱንቱ ኦላንቻቱዋዳን ዋጺኖ፤ ድርሳ ግምቢያካ ግኢኖ። ኡንቱንቱ ኡባይካ ባሪ ማራን ሳልፒኖ፤ ባሪንቱ ሳልፒያፕ ጋጸ ከሰክኖ።

8 ኡንቱንቱ እቱ እቱዋና ሱገትክኖ፤ ኡባይካ ባሪ ሳልፒያን ሳልፒያን ሰት ገደ፤ ሰንፋዉ ሀመቲኖ። ኡንቱንቱ ባሪናና ኦላትያዋንቱ ግዳዋና ጱሲደ አዲኖ፤ ሄ ዋደ ኡንቱንታ ተእያባይ ባዋ።

9 ኡንቱንቱ ካታማ ኤለካ ዋራጂኖ፤ ድርሳ ግምቢያ ቦላንካ ዋጺኖ። ኡንቱንቱ ጎልያ ቦላካ ከሲኖ፤ ቃይ ካይሱዋዳን፣ ማሰኮትያና ገሊኖ።

10 ኡንቱንቱፕ ሰንፋና ጋዲ ቃጾ፤ ሳሎቱካ ኮኮሪኖ። አዋይነ አግናይ ጱሚኖ፤ ቃይ ጸልነትቱካ ባሪንቱ ፖኡዋ ገነሏኖ።

11 መድና ጎዳይ ባሪ ኦላንቻቱዋ ሰንፋን ጉሚ፤ አዉ አዛዘትያ ኦላንቻቱ ጮራነ ዋልቃማ። መድና ጎዳ ጋላሳይ ግታነ ዳርፕ ያሸያዋ። ሄ ጋላሳ ዳንዳያናዊ ኦኔ?

ናጋራፕ ሰማናዳን ጾሳ

12 መድና ጎዳይ ሀዋዳን ያጌ፤ “ሀአካ ጸሚደ፣ ዩኪድነ ካዮቲደ ፖሎ ዋዛናፕ ታኮ ሰምተ።

13 ሀንተ ዋዛናፕ አትና፣ ሀንተ ማዩዋ ፔጵፕተ” ያጌ።

መድና ጎዳኮ፣ ሀንተ ጸሳኮ፣ ሰምተ፤ አያዉ ጎፕ፣ እ ቃሪታይነ ማርታይ ኩሚዳዋ፤ ሀንቆ ኤሌለናዋነ ሲቁ ዳሬዳዋ፤ እ ሀንተና ሙራናዉ ኮየናዋ።

14 ኦን ኤሪ፣ ጸሳይ ሀንተ ጸሳይ፣ ባሪ ሀንቁዋፕ ሰሚደ፣ ሀንተንቶ ዳር ካላ አንጂዋ እማነንቶነ። ሄ ዋደ መድና ጎዳዉ፣ ሀንተ ጸሳዉ፣ ካላ ያርሹዋነ ኡሻ ያርሹዋ ሀንተ ያርሻና።

15 ጽዮነን ማላካታ ፑንተ፤ ያአዉ አሳ ሺሸተ! ጸማ አዋይተ፤

16 ሺቁዋ ጌሸተ፤ ጭማቱዋ እትፕ አሀተ፤ ጉላ ናናቱዋነ ጳምያዋንታካ አሾፕተ። አክያዌ ቡላቻ ጎልያፕ ከሶ፤ ቡላቻትያናካ ባሪ ሲርጸፕ ከሱ።

17 መድና ጎዳዉ ኦላያ ቁሳቱ ጌሻ ጎልያ ባራንዳፕነ ያርሸያ ሳኦፕ ግዲዋን ኤቂደ ዩክኖ። ኡንቱንቱ ሀዋዳን ያጊደ ዋሰኖ፤ “አቤት መድና ጎዳዉ፣ ነ አሳዉ ቃሪታ፤ ነ አሳ ካዉተላቱዋ ግደን ቦርያባነ ቅሊጭሰያዋ ከሶፕ። አሳይ ባሪ ግደን አያዉ፣ ‘ኡንቱንቱ ጸሳይ ሀቃን ደኢ?’ ያጋኔ?” ያግኖ።

ጎዳ ጋላሳ (2:18-32)

18 ያትና፣ መድና ጎዳይ ባሪ ቢታዉ ሴላታና፤ ቃይ ባሪ አሳዉካ ቃሪታና።

19 መድና ጎዳይ ዛሪደ ባሪ አሳ ሀዋዳን ያጌ፤ “በእተ፣ ታን ሀንተንቶ ካላ፣ ዋይንያ ኤሳነ ዛይትያ ሀንተና አዳ ካልሰያዋ የዳና፤ ታን ሀንተና ሙለካ ካዉተላቱዋ ግደን ቦርያ ከሰከ።

20 “ሁጲሳ ባጋና ዬዳ ቦልያዳን ግዴዳ ሞርከቱዋ ታን የደርሳደ፣ ሀንተፕ ሃሳና፤ ባዙዋነ መላ ቢታ ታን ኡንቱንታ የደርሳና። አዋይ ደልያ ባጋና ደእያዋንታ ማጽነ አባዉ፣ አዋይ ወልያ ባጋና ደእያዋንታ ቃይ ሜድተራነ አባዉ ዛራደ የዳና፤ ኡንቱንቱ አሃይ ጽንቁዋ ጸኡ ጋና። ሄዋ ኡባይ ኡንቱንቱ ሀንተ ቦላ ዋልቃማ ኢታባ ኦሌዳ ግሻሳ” ያጌ።

21 ቢታዉ፣ ሰም ያዮፕ፤ መድና ጎዳይ ግታባ ኦሌዳ ድራዉ፣ ናሸታነ ሀሹ ጋ!

22 ሀንተኖ ሳእ መሄቶ፣ ያዮፕተ፤ አያዉ ጎፕ፣ ባዙዋን ደእያ ሄንላ ጋዲ አጩዳ፤ ምሳይካ ባሪ አይፍያ አይፊ፤ ኤላ ምሳይነ ዋይንያ ቱሪይካ አይፍያ ደርጸጾ።

23 ሀንተኖ ጽዮነ አሳቶ፣ ናሸትተ፤ መድና ጎዳን፣ ሀንተ ጸሳን፣ ሀሹ ገተ! አያዉ ጎፕ፣ እ ባልጉዋ እራ ሀንተንቶ ዳርሲደ እሚዳ፤ ቃይ እ ካሰዋዳን፣ ሀንተንቶ ባልጉዋ እራነ አድልያ እራ ግድሲደ እሚዳ።

24 ካላ ቡክያ ኡዲማቱዋን ካላይ ኩማና፤ ዋይንያ ኤሳይነ ዋጋራ ዛይቲ ጉምእያ ኦላቱዋ ኩሚደ ፓላሀና።

25 መድና ጎዳይ ሀንተ ጸሳይ ሀዋዳን ያጌ፤ “ካሰ ታን ሀንተ ግደ የዴዳ፣ ታ ዋልቃማ ኦላንቻቱዋ፣ ጎንዶቱ፣ ቦለቱ፣ ቡምቡርቱነ ኩኩቡቱ ሚዳ ላይላቱዋ አጩዋ ታን ሀንተንቶ ጭጋና።

26 ማናዉ ሀንተንቶ ዳር ቁማይ ደአና። ሄዋ ድራዉ፣ ሀንተ ካላናነ ማላልሰያባ ሀንተንቶ ኦሌዳ ታና መድና ጎዳ ሀንተ ጸሳ ሱንላ ጋላታና። ቃይ ታ አሳይ ላኤንላ ሙለካ ዬላተና።

27 ሄ ዋደ ታን እሰራኤልያ ግደን ደእያዋ፣ ታን መድና ጎዳይ ሀንተ ጸሳ ግድያዋነ ታፕ አትና፣ ሀራ ጸሰ ባይናዋ ሀንተ ኤራና። ቃይ ታ አሳይ ላኤንላ ሙለካ ዬላተና።

28 “ሄዋፕ ጉይያን ሀዋዳን ሀናና፤ ታን አሳ ኡባ ቦላ ታ አያና ጉሳና። ሀንተ አቱማ ናናቱነ ሀንተ ማጫ ናናይ ትምቢትያ ኦዳና፤ ሀንተ ጭማቱካ አኩሙዋ አኩመታና፤ ሀንተ ዋዳላ ናናይካ ሳዎ በአና።

29 ሄ ጋላሳቱዋን ታ አቱማ ቆማቱ ቦላነ ታ ማጫ ቆማቱ ቦላ ታን ታ አያና ጉሳና።

30 “ቃይ ታን ቦላ ሳሎዋን ማላልሰያባ፣ ጋርሳ ሳንካ ሱላ፣ ታማነ ሰት ገደ ፑደ ደንድያ ጩዋ በሳና።

31 ግታነ ዳርፕ ያሸያ መድና ጎዳ ጋላሳይ ጋካናፕ ካሰ አዋይ ጱማና፤ አግናይካ ሱላ ማላታና።

32 ሄ ዋደ ሀዋዳን ሀናና፤ መድና ጎዳ ሱንላ ጾሰያ ኡባይ አታና። መድና ጎዳይ ጌዳዋዳን፣ ጽዮነ ደርያንነ የሩሳላመን አትያዋንቱ ደአና።

ህዋንቱጥካ መድና ጎዳይ ዴሴዳዋንቱ ፓጻ ደአና።”

3

ጎዳይ አማካኝነት ሙርያዎ (3:1-21)

1 መድና ጎዳይ ሀዋዳን ያጌ፣ “ህ ጋላሳቱዋንን ህ ዋድያን ታን ይሁዳነ የሩሳላመ አሳ ኦሞዲዎ ዛራናነ እሻልሳደ ዋላና።

2 ታን ካወተላቱዎ ኡባን ደእያ አሳ ሺሻደ፣ ዲገ እዮሳፈጻ ዋሞባ ዋላና፤ ኡንቱንቱ ታ አሳ እስራኤልያ ቦላ ኦሌዳ ባይዙዎ ኡባ ድራወ። ታን ኡንቱንታ ያን ፕርዳና። እያወ ጎጥ፣ ኡንቱንቱ ታ አሳ ካወተላቱዎ ግደን ላሌድና፤ ቃይ ታ ቢታካ ባረወ ግሽ አኬድና፤

3 አዎደቱዳ ታ አሳ ቦላን ሳማ የጌድና፤ ሻርሙጻ ማጫ አሳ ደማናወ። አቱማ ናኦ እማድና፤ ቃይ ዋይንያ ኤሳ ኡሻናወ። ማጫ ናቶ ባይዘድና።

4 “ህዋዳንካ፣ ህንተና፣ ጸርሳ፣ ሲደናነ ፕልሰጾማ ጋድያ አሳቶ፣ ህንተ ታ ቦላ አይ አላናወ ቆፕድቱ? ታን ኦሌዳዎ ሀሉዎ ከሳናወ ኮዪቱ? ህዋ ህንተ ኮዮፕ፣ ታን ኤሌላደ ህንተ ኦሌዳ ኦሱዎ ህንተ ቦላ ዛራና።

5 እያወ ጎጥ፣ ህንተ ታ ብራነ ታ ዋርቃ አኬድታ፤ ታ አልኦ ሚሻካ ህንተ ኤቃ ጎላቱዎ ገልሴድታ።

6 ይሁዳ ጋድያ አሳነ የሩሳላመ ካታማ አሳ ኡንቱንቱ ጋድያፕ ሃሰ አፊደ፣ ግሪከ ጋድያ አሳወ ዛልኤድታ።

7 በእተ፣ ህንተ ዛልኤዳ ሳኦፕ ታን ኡንቱንታ ሀእ ደንባና፤ ህንተ ኦሌዳዎ ኡባ ህንተ ሁጲያን ዛራና።

8 ታን ህንተ አቱማ ናናቱዋነ ህንተ ማጫ ናናቱዎ ይሁዳ ጋድያ አሳወ ዛልኤታናዳን አላና፤ ቃይ ኡንቱንቱካ ሃኮ ጋድያን ደእያ ሳባ ጋድያ አሳወ ኡንቱንታ ዛልኦና። ታን መድና ጎዳይ ሀዋ ኦዳድ።

ጸሳይ አማካኝ አሳ ቦላ አሄዳ ፕርዳ

9 “ሀዋዳን ያጌደ አይሁዳ ግደና አሳቱዎ ግደን አዋይተ፤ ኦላወ ጊግተ፤ ሞኖ አሳቱዎ ደንባተ! ኦላንቻቱ ኡባይ ሺቅናነ ከሰና።

10 ህንተ ማራሻ ማሻ፣ ህንተ ባጫካ ቶራ ከሳናወ ቆጽተ! ዳቡራንቻይ፣ ታን ሞና! ያጎ።

11 ህንተና፣ የሹዋን ደእያ ካወተላ ኡባቶ፣ ኤለካ ሃ ዪተ፤ ህዋን ሺቅተ” ያግተ” ያጌ።

አቤት መድና ጎዳወ፣ ነ ኦላንቻቱዎ ያ ዲገ ዋላ!

12 ቃይካ ጸሳይ ሀዋዳን ያጌ፤ “ካወተላቱ ደንዲደ፣ እዮሳፈጻ ዋሞባ ቢና፤ እያወ ጎጥ፣ የሹዋን ደእያ ካወተላቱዎ ኡባ ቦላን ፕርዳናወ ታን ያን ኡታና።

13 ኡንቱንቱ ኢታተላይ ሎይሐ ዳሬዳ። ህዋ ድራወ፣ ጫካ ዋዲ ጋክና ባጫን ጫክያዋዳን፣ ኡንቱንታ ጫክተ፤ ዋይንያ አይፊ ጉሞእያ ኦላን ኩሞና የድያዋዳንካ፣ ኡንቱንታ የድተ።”

14 ፕርዳ ዛንጋራን መድና ጎዳ ጋላሳይ ጋኬዳ፤ ህዋ ድራወ፣ ዳር ዳር አሳይ ፕርዳ ዛንጋራን ደኤ።

15 ህ ጋላስ አዋይነ አግናይ ቆማና፤ ጸልንተቱካ ባረንቱ ፖኡዎ ገንሳና።

16 መድና ጎዳይ ጽዮነን ግዲደ ጉማና፤ የሩሳላመንካ ባረ ኮሻ ሰሳና፤ ሳሉነ ሳአይ ኮኮራና። ሽን መድና ጎዳይ ባረ አሳወ እስራኤላወ ባቃት አትያ ሳኦነ ደኤዎ ግዳናዎ።

ጸሳይ ባረ አሳ አንጃና

17 መድና ጎዳይ፣ “ታን ታ ጌሻ ደርያን ጽዮነን ደእያ መድና ጎዳ ህንተ ጸሳ ግድያዎ ህንተ ህ ዋደ ኤራና። የሩሳላመ ካታማይ ጌሻ ግዳናዎ፤ ቃይ አላጋቱዎ ኦላንቻቱ ላኤንሶ የሩሳላመ ዋራጅክና።

18 “ህ ጋላስ ደረቱ አይፍያ ዋይንያ ቱራን ካመታና፤ ደረቱዎ ቦላንካ ዳር ማላ እሞያ ሚዛይ ህመታና። ይሁዳ ጋድያን ደእያ ሻፋ ኡባና ሃላይ ፑልታና። መድና ጎዳ ጌሻ ጎልያፕ ፑልቱ ጎጋና፤ ሺጽማ ዛንጋራ ኡሻና።

19 “ግብጾ ጋዲ መላ ግዳናዎ፤ ኤደማ ቢታይካ አይነ ደለና ቢታ ግዳናዎ። እያወ ጎጥ፣ ኡንቱንቱ ይሁዳ አሳ ቦላ ኢታባ ኦሌድና፤ ቃይ ይሁዳ ጋድያን ጽሎ አሳ ሱላካ ጉሴድና።

20 ሽን ይሁዳ ጋዲ መድናወ፣ የሩሳላመካ የለታ ኡባ ጋካናወ፣ አሳይ ደኢያሳ ግዳናዎ።

21 ታን ጭገተናን አጌዳ ኡንቱንቱ ሱላ ሀሉዎ ብር ከሳና፤ እያወ ጎጥ፣ ጸሳይ ጽዮነን ደኤ” ያጌ።

3:4 አሳ. 14:29-31፤ 23:1-18፤ ኤር. 47:1-7፤ ሀከ. 25:15—28:26፤ አሞጾ 1:6-10፤ ሶፎ. 2:4-7፤ ዛካ. 9:1-7፤ ማቶሳ 11:21-22፤ ሉቃሳ 10:13-14 3:10 አሳ. 2:4፤ ሚክ. 4:3 3:13 ሳፃ 14:14-16፤ 19-20፤ 19:15 3:16 አሞጾ 1:2

አሞጾ ትምህርት ገሌጻ

ሀ ትምህርትን አደቴዳ ከታይ ጌሻ ማጻፋ ግድን ሀራቱዋጥ አዲሳ ዋድያጥ ካሰና ጸፈቴዳ ማጻፋይ አሞጾ ትምህርት ማጻፋ። አሞጾ ይሁዳን ደእያ እት ካታማጥ ዬዳ አሳ ግድገ። ክርስቶስ የለታጥ ካሰ። ሆሰፕንጻ ጾቱ ላይላው ባጋ ሄራን ሀ ከታ ሁጸሳ ባጋና ደእያ እሰራኤልያ ካውተላው አሌዳ። ሄ ዋዲ ዳሮ ዳረተላይ። አያና ደኡዋንካ አሳይ ድጩዳን አማንሉያ ሀኖተላይ ቤቱዳ ዋድ። ግድገ። አሞጾ ዳረተላይ ዳረ አሳ ጸላላው እመቲዳዋ በኤዳ፤ ቃይ ሀራ ባጋና ሱሪ ፕርዳይ ቆይያዌን ሀዬሳቱዋ ኡቁንያዌ ጋድያን ዳራዳዋ በኤዳ። አማኑዋ ኦቆላ ግድገካ ቱሙዋጥ ሃኤዳዋ። ሎኦ ማላትያ ኢታይ ኩሚዳዋን አኑ ባይና ሳሮተላይ ደእያዋን በኤዳ። ሄዋ ጋሱዋን ጸሳይ ባረ አሳ ቦላ ሙሩዋ አሀናዋ ሀንቁዋን ጸላን ኩሚዳ ኦዳዳ። ሄዋናካ። “ሱሪ ፕርዳይ ሻፋ ሃላዳን ጎጎ” ያገደ ቆፍሴዳ። ሄዋዳን ሀኖጥ። “ኡባ ዋድያ ጎዳይ አቴዳ እሰራኤልያ አሳው ቃረቲደ ማራንጎቱን ኦን ኤሪ!” ያገደዳ (5:15)።

ሸምጋቱዋ ኡባቶ እመቲዳ ቃንላ ቆፋቱዋ

1. አሳ ዘረላ ኡባይ ባረ ዋንጃላን ኦሽትያዋ 1:1—3:2
2. እሰራኤልያን ሳማርያ ባሻ 3:3—6:14
3. እሰራኤልያ ሙሩዋባ አሞጾ በኤዳ እቴሹ ሳጸቱዋ 7:1—9:10
4. እሰራኤልያ ፖኦ ሀደታ 9:11-15

አሳ ዘረላ ኡባይ ባረ ዋንጃላን ኦሽትያዋ (1:1—3:2)

1 ኦዘያን ይሁዳ ጋድያን ካትያ። ቃይ ዮአሻ ናአይ እዮርባም እሰራኤልያ ጋድያን ካትያ ግዲደ ደኤዳ ላይላን ታቆኦ ጋድያን ደርሳ ሄምያዋንቱፕ እቱ አሞጾ። ቢታይ ቃጸናጥ ላኤ ላይላፕ ካሰ እሰራኤልያ ባ በኤዳ ሳጸይ ሀዋ።

2 እ ሀዋዳን ያገደዳ። “መድና ጎዳይ ጽዮን ደርያን ጉዴ፤ የሩሳላመ ካታማንካ ባረ ኮሻ ሰሴ። ሄንላንቻቱ መሀያ ሄምያ ሄንላ ጋድቱ መሊኖ፤ ቃርመሎሳ ደርያ ሁጸያን ደእያ እርጸይካ ሹሌ” ያገደዳ።

እሰራኤልያ የሹዋን ደእያ ጋድቱዋ ቦላን ጸሳይ ፕርዳያ ፕርዳ ሶርያ

3 መድና ጎዳይ ሀዋዳን ያገደ፤ “ዳማሰቆ አሳይ ዘር ዘሪደ ኦሌዳ ናጋራ ድራው። ታን ኡንቱንታ ሙረናን አግከ። አያው ጎጥ። ኡንቱንቱ ጋላኦደ

ቢታ አሳ ብራታ አቻና ደእያ ጋርያን የድሲደ ቆጼድኖ።

4 ሄዋ ድራው። ታን ካትያ ሀዘኤላ ጎልያን ታማ የዳና፤ የድና ሄ ታማይ ካትያ በንሀዳዳ ጌሱዋካ ማና።

5 ታን ዳማሰቆ ካታማ ፕንግያ ኩልቡዋ መንላና፤ አዌና ዘንጋራን ደእያ አሳ የደርሳና ካተቱዋ ጸምኦ ኦይቁዳዋካ ቤት-ኤዳና፤ ጸይሳና፤ ቃይ ሶርያ ጋድያ አሳይካ አሞደቲደ። ቁራ ግያሳ ባና” ያገደ መድና ጎዳይ።

ፕልሰጾማ

6 መድና ጎዳይ ሀዋዳን ያገደ፤ “ጋዘ ካታማ አሳይ ዘር ዘሪደ ኦሌዳ ናጋራ ድራው። ታን ኡንቱንታ ሙረናን አግከ። አያው ጎጥ። ኡንቱንቱ ጋድያን ደእያ አሳ ኡባ አሞዲደ። ኤደማ ጋድያ አሳው ባይዜድኖ።

7 ሄዋ ድራው። ታን ጋዘ ካታማ ድርሳን ታማ የዳና፤ ሄ ታማይ ካታማ ጌሱዋካ ማና።

8 አሽድዳን ደእያ አሳ ታን የደርሳና ካተቱዋ ጸምኦ ኦይቁዳዋካ አሰቀሎና፤ ጸይሳና። ኤቅሮና ካታማን ደእያ አሳካ ሙራና፤ ቃይ ፕልሰጾማ ጋድያ አሳ፤ አቴዳዋንቱካ ሀይቃና። ታን ኡባ ዋድያ መድና ጎዳይ ሀዋ ኦዳይ” ያገደ።

ጸረሳ

9 መድና ጎዳይ ሀዋዳን ያገደ፤ “ጸረሳ ካታማ አሳይ ዘር ዘሪደ ኦሌዳ ናጋራ ድራው። ታን ኡንቱንታ ሙረናን አግከ። አያው ጎጥ። ኡንቱንቱ ጌቆቱዳ እሻተላ ጌቆዋ ኦዳደ። አሞደቲዳ አሳ ኡባ ኤደማ አሳው ባይዜድኖ።

10 ሄዋ ድራው። ታን ጸረሳ ካታማ ድርሳን ታማ የዳና፤ ሄ ታማይ ካታማ ጌሱዋካ ማና” ያገደ።

ኤደማ

11 መድና ጎዳይ ሀዋዳን ያገደ፤ “ኤደማ ጋድያ አሳይ ዘር ዘሪደ ኦሌዳ ናጋራ ድራው። ታን ኡንቱንታ ሙረናን አግከ። አያው ጎጥ። ኡንቱንቱ ባረንቱ እሻቱዋ እሰራኤላቱዋ ማሻን የደርሴድኖ፤ ኡንቱንቱ ኡንቱንቶ ቃረትበይክና። ኡንቱንቱ ኡባ ገደ ሀንቀቲኖ፤ ኡንቱንቱ ይሉ መድናውካ ሰመና።

12 ሄዋ ድራው። ታን ቱማና ካታማ ቦላ ታማ የዳና፤ ሄ ታማይ ቦጽራ ካታማ ጌሱቱዋ ማና” ያገደ።

አሞና

13 መድና ጎዳይ ሀዋዳን ያገደ፤ “አሞና ጋድያ አሳይ ዘር ዘሪደ ኦሌዳ ናጋራ ድራው። ታን ኡንቱንታ ሙረናን አግከ። አያው ጎጥ። ኡንቱንቱ ባረንቱ ዘዋ አሳናው ጋላኦደ ጋድያን ደእያ ሻሃራ ማጫ አሳቱ ኡሉዋ ዳኬድኖ።

14 ሄዋ ድራው። ታን ራባ ካታማ ድርሳን ታማ የዳና፤ ሄ ታማይ ካታማ ጌሱቱዋ ማና። ሄዋጥ ጉይያን። ኦላ ጋላሰ ዋሱ ዳራና፤ ቃይ ኦላንቻቱ ጎትያዳን ዋልቃማና።

1:1 2 ካታ. 15:1-7፤ 2 ኦዲዋ 26:1-23፤ 2 ካታ. 14:23-29 1:2 እዩ. 3:16 1:3 አሳ. 17:1-3፤ ኤር. 49:23-27፤ ዛካ. 9:1 1:6 አሳ. 14:29-31፤ ኤር. 47:1-7፤ ሀዘ. 25:15-17፤ እዩ. 3:4-8፤ ሶፎ. 2:4-7፤ ዛካ. 9:5-7 1:9 አሳ. 23:1-18፤ ሀዘ. 26:1—28:19፤ እዩ. 3:4-8፤ ዛካ. 9:1-4፤ ማቶሳ 11:21-22፤ ሉቃሳ 10:13-14 1:11 አሳ. 34:5-17፤ 63:1-6፤ ኤር. 49:7-23፤ ሀዘ. 25:12-14፤ 35:1-15፤ አብድ. 1-14፤ ሚልክ. 1:2-5 1:13 ኤር. 49:1-6፤ ሀዘ. 21:28-32፤ 25:1-7፤ ሶፎ. 2:8-11

15 ኢንቴንቱ ካቲነ አናና ኦልያ ካፓቱ ኡባይ አሞደቲደ እትፕ ባና” ያጌ መድና ጎዳይ።

2

ሞአባ

1 መድና ጎዳይ ሀዋዳን ያጌ፤ “ሞአባ ጋድያ አሳይ ዛር ዛሪደ ኦሌዳ ናጋራ ድራው። ታን ኢንቴንታ ሙረናን አግከ። አያው ጎፕ፣ ኢንቴንቱ ኤደማ ጋድያ ካትያ መቀላ ብድንላ ከሳና ጋካናው ጸጌድኖ።

2 ሄዋ ድራው፣ ታን ሞአባ ጋድያን ታማ የዳና፤ ሄ ታማይ ቅርዮታ ካታማ ጌሶቱዋ ማና። ሞአባ ጋድያ አሳይ ሻቢርሳ ግደን፣ ኦላ ዋሱዋ ግዲዋን ማላካታ ፑኑዋ ግደን ሀይቂ ወራና።

3 ታን ሞአባ ጋድያ ሞድያዋ ጳይሳና፤ ቃይ ካፓቱዋ ኡባካ አናና እትፕ ዋዳና” ያጌ መድና ጎዳይ።

4 መድና ጎዳይ ሀዋዳን ያጌ፤ “ይሁዳ ጋድያ አሳይ ዛር ዛሪደ ኦሌዳ ናጋራ ድራው። ታን ኢንቴንታ ሙረናን አግከ። አያው ጎፕ፣ ኢንቴንቱ መድና ጎዳ ህገያ እጾድኖ፤ አ አዛዙዋካ ናግቢይክኖ። ኢንቴንቱ አዋቱ ካሌዳ ዋርዶ ጸሳቱ ኢንቴንታካ ባለጼድኖ።

5 ሄዋ ድራው፣ ታን ይሁዳ ጋድያ ቦላ ታማ የዳና፤ ሄ ታማይ የሩሳላመ ጌሶቱዋ ማና” ያጌ።

እስራኤልያ ሰላን ጸሳይ ፕርድያ ፕርዳ

6 መድና ጎዳይ ሀዋዳን ያጌ፤ “እስራኤልያ አሳይ ዛር ዛሪደ ኦሌዳ ናጋራ ድራው። ታን ኢንቴንታ ሙረናን አግከ። አያው ጎፕ፣ ኢንቴንቱ ሚሻ አካና ድራው፣ ጽሉዋ ዛልኢኖ፤ ቃይ ጫማ አጩዋ አካና ግሻወካ ህይሳ ዛልኢኖ።

7 ማንቆቱዋ ጋድያ ባናን ኩንድሲደ፣ ኢንቴንቱ ሁጲያ የጲኖ፤ ናቀቱዳዋንቱ ፕርዳካ ጌላዪኖ። ቃይ አወነ ናኦይ ላኡ እት ሞሽራቶ ዋሹምያዋን ታ ጌሻ ሱንላ ሎይላ ቱንሲኖ።

8 ኢንቴንቱ አሳፕ አጮ ኦይቄዳ ማዩዋ ያርሽያ ሳኦን ኡባ ማታን ሂጲደ፣ እን ግሲኖ፤ ቃይ አሳፕ ማቃጮ ኦሊደ አኡዳ ዋይንያ ኤሳ ባረንቱ ጸሳ ጎልያን ኡሺኖ።

9 “ግድፕ፣ ዝጋዳን አዲቄደ፣ ዋላዳን ምኔዳ አሞረ ጋድያ አሳቱዋ ኢንቴንቱ ሰንላፕ ጳይሴዳዌ ታና። ታን ኢንቴንቶ ቦላ አይፍያናካ ጋርሳ ጸጲዋናካ ኡባ ጳይሳድ።

10 ታን ህንተና ግብጾ ጋድያፕ ከሳደ፣ ባዙዋን ኦይታሙ ላይላ ካለላድ፤ ቃይ አሞረቱ ቢታካ ህንተንቶ ላታ ኦላደ አማድ።

11 “ህንተ አቱማ ናናቱ ግድፕ ትምቢትያ ኦድያዋንታ፣ ህንተ ያላጋ አሳ ግድፕካ ባረና ጸሳው ዲማዬዳ ናዘራዌቱዋ ደንላድ። ህንተኖ፣ እስራኤልያ አሳቶ፣ ሀዌ ቱማ ግደኔ? ሀዋ ታን ጸሳይ ኦዳድ።

12 ሸን ህንተ ሄ ናዘራዌቱዋ ጫቁዋ ኮልሲደ፣ ዋይንያ ኤሳ ኡሺድታ፤ ትምቢትያ ኦድያዋንታካ፣ ትምቢትያ ኦድፕተ” ያጌደ አዛዜድታ።

13 “በእት፣ ካላ ዳርሲደ ጫኔዳ ጋሪ መእያዋዳን፣ ታን ህንተና መንሳና።

14 ፓላ ዋጽያዌ ባቃቲደ ከሰ አከና፤ ሞኖ ዋልቃይ እጻና፤ ኦላንቻይካ ባረ ሸምፑዋ አሸና።

15 ዋንዳፍያን ዲክያዌ ባረ ሳኦን ኤቃናው ዳንዳየና፤ ገድያ ኤሱካ ከሰ አከና፤ ፓራውካ ባረ ሸምፑዋ አሸና።

16 ሄ ጋላሰ ሀራይ አቶ ኦላንቻቱዋ ግደን ሎይላ ጸላንቻ ግያዋንቱካ ካሎ ጸራ ባቃታና” ያጌ መድና ጎዳይ።

3

1 ህንተኖ እስራኤልያ አሳቶ፣ መድና ጎዳይ ህንተ ቦላ፣ ግብጾ ጋድያፕ እ ከሴዳ አሳ ኡባ ቦላ ሃሳዬዳዋ ሰሰተ።

2 “ሳኦን ደእያ አሳ ኡባፕ ታን ህንተ ጸላላ ደራድ። ሄዋ ድራው፣ ህንተ ኦሌዳ ናጋራ ኡባው ታን ህንተና ሙራና” ያጌ።

እስራኤልያን ሳማርያ ባሻ

(3:3—6:14)

3 ላኡ አሳቱ ቆፋይ እታ ግደናን ደኢደ እትፕ ሀመቲኖ?

4 ጋሙ ኦይቄያዋ ደመናን ዋራን ጮ ጉዲየ? ዋይ ዋዳላ ጋሙ አየንቶ የደርሲደ ኦይቀናን ባረ ጌሱዋን ዳሪየ?

5 ኦይቃናው የጌዳ ግትያ ግደን ካላይ ጳዮፕ፣ ካፋ ጮ ኦይቀቲ? ዋይ ጲሪ አየንቶ ኦይቄያባይ ባይናን ጮ ፕሪ?

6 ካታማ ግደን ኦላ ማላካታይ ፑነትያ ዋደ፣ አሳይ ያሻን ኮኮሪኔየ? ዋይ መድና ጎዳይ ኪተናን ደእሸን፣ ባሻይ እት ካታማ ቦላን ዪየ?

7 ቱሙዋፕ ኡባ ሞድያ መድና ጎዳይ ባረ ጹራ ትምቢትያ ኦድያ ባረ ቆማቶ ካሰቲደ ቆንጭሰናን ደኢደ፣ አያን ኦ□ና።

8 ጋሙ ጉድና፣ ያየናዌ ኦኔ? ኡባ ሞድያ መድና ጎዳይ ኦድና፣ ትምቢትያ ኦድናዌ ኦኔ?

ሳማርያ ኩንደላ

9 አሸደዳ ካታማን ግብጾ ካትያ ጎለቱዋን ደእያ ኡባቶ ሀዋዳን ያጌደ አዋይተ፤ “ሳማርያ ደረቱዋ ቦላ ሸቅተ፤ ሸቄደ ያን ህንያ ዋልቃማ ዋጩላን ሱገላ ኦሱዋ በእት” ያግተ።

10 መድና ጎዳይ ሀዋዳን ያጌ፤ “ሀ አሳቱ ሱረባ ኦልያዋ ኤርክኖ፤ ሱገላንን ቦንቄደ አሄዳ ሻሉዋን ባረንቱ ጎልያ ኩንላ ዋሌድኖ” ያጌ።

11 ሄዋ ድራው፣ ኡባ ሞድያ ጸሳይ ሀዋዳን ያጌ፤ “ሞርኪ ህንተ ቢታ ዶዳና፤ ህንተ ጌሱዋ ላላና፤ ህንተ ዱረቱዋ ጎልያካ ቦንቃና” ያጌ።

12 መድና ጎዳይ ሀዋዳን ያጌ፤ “ሄንላንቻይ ጋሙዋ ደናፕ ደርሳ ዋላ አክያ ዋደ፣ ደርሳው ላኡ ገደቱዋ ዋይ ዲጸ ሀይላ ዋላ አክያዋዳን፣ ሄዋዳንካ ሳማርያ ጋድያን እሻሉዋን ኡቱዳ እስራኤልያ አሳፕ አማራዳዋንቱ ጸላላይ አታና” ያጌ።

13 መድና ጎዳይ፣ ኡባፕ ዋልቃማ ጸሳይ መድና ጎዳይ ሀዋዳን ያጌ፤ “ሀዋ ሰሰተ፤ ያቆባ ዛራቱዋ ቦላ ማርካትተ።

14 ታን እስራኤልያ አሳ ኢንቴንቱ ናጋራ ድራው ሙራያ ጋላሰ፣ ቤቴላ ካታማን ደእያ ያርሽያ ሳኦ

2:1 አሳ. 15:1—16:14፤ 25:10-12፤ ኤር. 48:1-47፤ ሀዘ. 25:8-11፤ ሶፎ. 2:8-11 2:9 ዛረ. 3:8-11 2:11 ፓይ. 6:1-8 3:14 2 ካታ. 23:15

ኮላና፤ ያርሽያ ሳኦን ደእያ ካጨቱካ መኢደ፤ ሳኦን ዋቆና።

15 ባልጉዋን ኡንቱንቱ ደእያ ጎልያን ቦንያን ኡንቱንቱ ደእያ ጎልያ ኡባ ታን ቆይሳና። ዳንጋርሳ ዛልያን አሌቂሲደ፤ ኡንቱንቱ ኬጼዳ ጎሊካ ኮለታና፤ ቃይ ዋልቃማ ዋልቃማ ጎለቱ ኡባይካ ቆያና። ያጌ መድና ጎዳይ።

4

1 ህንተኖ፣ ሳማርያ ማጫዋንቶ፣ ባሳነ ጋድያ ማጫ ማዘቱዋዳን ሞዴዳዋንቶ፣ ሀዋ ሰሰተ! ህንተ ህዬሳቱዋ ኡቁኒታ፤ ማንቆቱዋካ ቱጋዪታ። ህንተ አሰናቱዋካ፣ “ኑዉ ኡሻ ሀምተ” ያጌታ።

2 ኡባ ሞድያ መድና ጎዳይ ሀዋዳን ያጌደ፣ ባረ ጌሻተላን ጫቃ፤ “ህንተ ማጋን ኦይቂደ ጎሽታና ጋላሳይን ህንተጥ አቲዳ አማራዳዋንቱካ ማጋን ኦይቂደ ብያ ሞለቱዋዳን ሀናና ጋላሳይ ያና።

3 ህንተ ኡባይካ ድርሳ ጸእያና ጎቶና ከሲደ፣ ሄርዋንን ኦለታና” ያጌደ ጫቂዳ መድና ጎዳይ።

እስራኤልያ አሳይ ባረ ባላጥ ታማራናው ዳንዳይባይክኖ

4-5 ኡባ ሞድያ መድና ጎዳይ ሀዋዳን ያጌ፤ “ህንተኖ፣ እስራኤልያ አሳቶ፣ ቢተ፤ ቤቴለ ቢደ፣ ናጋራ ኦለተ፤ ጋልጋላካ ቢደ፣ ናጋራ ጉጂደ ኦለተ። ዋንታ ዋንታ ህንተ ያርሹዋ ያርሸተ፤ ሄዘንሎ ጋላሰ ጋላሰ ህንተ አሰራታ አህተ። እርሹዋ የጊደ ኡኬዳ ኡክላ ጸጊደ፣ ጋላታ ያርሹዋ ያርሸተ። ህንተ ህንተ ደሱዋን እምያዋ ድራው፣ ኦቶረቲደ አዋይተ። አያው ጎጥ፣ ህንተ ኦላናው ደሰያዋ ሄዋ” ያጌ።

6 ቃይካ መድና ጎዳይ ሀዋዳን ያጌ፤ “ህንተ ካታማ ኡባን ታን ኮሻ የዳደ፣ ሀራይ አቶ ህንተ ማታን ዳጽያባካ ቆይሳና፤ ሽን ህንተ ሄዋንካ ታኮ ሰምባይክታ።

7 ካላ ጫክያ ዋዲ ጋካናው ብር ሄዙ አግናይ ደእሸን፣ ታን ህንተንቶ እራ ተእድ። ታን እት ካታማን እራ ቡክሳደ ሀራ ካታማን ቡክናዳን ድጋድ፤ እት ሾይቃን ቡኬዳ፤ ሀራ ቡክቤና ሾይቃይ ቃይ መሌዳ።

8 ሄዋ ድራው፣ ላኡ ዋይ ሄዙ ካታማቱዋ አሳይ ሃላ ኡሻናው እት ካታማ ቤድኖ፤ ሽን አልባይክኖ። ሄዋንካ ቃይ ህንተ ታኮ ሰምባይክታ” ያጌ መድና ጎዳይ።

9 መድና ጎዳይ፣ “ታን ህንተ ካላ ቦላን ሀርግያ የዳድ፤ ህንተ አታክልትያን ህንተ ዋይንያ ቱራ፣ ህንተ ባላሰያ ሞላን ህንተ ዋጋራ ኡባ ቦሊ ሜዳ፤ ሽን ህንተ ሄዋንካ ታኮ ሰምባይክታ” ያጌ።

10 መድና ጎዳይ፣ “ታን ግብጾ አሳቱዋ ቦላ ኢታ ሀርግያ የዳዳዋዳን፣ ህንተ ቦላንካ ቦሻ የዳድ፤ ህንተ ዋዳላ ናናቱዋ ማሻን ዋቆድ፤ ህንተ ፓራቱካ አሞደታናዳን ኡዳድ። ህንተ ሞላን ሀይቂዳ አሳ አሃ ጽንቁዋን ህንተና ኡላድ፤ ሽን ህንተ ሄዋንካ ታኮ ሰምባይክታ” ያጌ።

11 መድና ጎዳይ፣ “ሶዶማን ጋሞራ ካታማቱዋ ቆይሴዳዋዳን፣ ህንተጥካ ዳርቱዋ ቆይሳና፤ ሀ

አቲዳ ህንተካ ታማጥ ኤጲደ አቲዳ ጲፋ ማላ፤ ሽን ህንተ ሄዋንካ ታኮ ሰምባይክታ” ያጌ።

12 ጸሳይ፣ “ሄዋ ድራው፣ እስራኤልያ አሳቶ፣ ታን ህንተና ሄዋዳን ኦላደ ሙራና ሀናይ። ታን ህንተና ሀዋዳን ኦላደ ሙራና ሀንያ ድራው፣ እስራኤልያ አሳው፣ ህንተ ጸሳና ጋከታናው ጊግተ” ያጌ።

13 ደረቱዋ ጊግሴዳዌ፣ ጫርኩዋካ መዴዳዌ፣ ባረ ዋዛና ቆፋ አሳው ቆንጭሰያዌ፣ ዋንታ ፖኡዋ ቆማው ላምያዌ፣ ጋድያን ደእያ ቆቃ ደረቱዋ የድያዌ፣ አዉ ሱንላይ መድና ጎዳ፣ ኡባጥ ዋልቃማ ጸሳ።

5

እስራኤልያ አሳይ ናጋራ ፓጸና ማላ አደቲዳ

1 እስራኤልያ አሳቶ፣ ታን ህንተ ቦላ ዝላልያ ዝላሳ ሰሰተ!

2 “ወደር እስራኤላታ ኩንዳዲ፤ ሰም ላኤንሎ ደንዱኩ።

ሳኦን ኦለታዲ፤ እዘ ደንሰያዌካ ባዋ!” ያጋድ።

3 ኡባ ሞድያ መድና ጎዳይ ሀዋዳን ያጌ፤ “ሻኡ ኦላንቻቱዋ ኦላው የድያ እስራኤልያ ካታማው ጾቱ ኦላንቻቱዋ ጸላላይ አታና፤ ጾቱ ኦላንቻቱዋ ኦላው የድያ እስራኤልያ ካታማው ቃይ ታሙ ኦላንቻቱዋ ጸላላይ አታና” ያጌ።

4 መድና ጎዳይ እስራኤልያ አሳው ሀዋዳን ያጌ፤ “ታና ኮይተ፤ ያቶጥ፣ ህንተ ደኡዋን ደእና።

5 ሽን ቤቴለ ኮዮጥተ። ገልጋላ ገሎጥተ። በርሳበሄ ፕኖጥተ። አያው ጎጥ፣ ገልጋል ኦሞደታና፤ ቤቴልካ ቆያና” ያጌ።

6 መድና ጎዳ ኮይተ፤ ያቶጥ፣ ህንተ ደኡዋን ደእና። ሄዌ ቆያጥ፣ እ ዮሴፎ ዛርያ ታማዳን ጸጋና፤ ቤቴለን ደእያ አሳካ ታማይ ማና። ሄ ታማ ኡንቱንቶ ኦንነ ቶይሰና።

7 ህንተኖ፣ ሱረ ፕርዳ ጌላዬዳዋንቶ፣ ጽሎተላካ ሳኦን ኦልያዋንቶ፣ ሀዋ ሰሰተ።

8 ፕልያድሳ ጌተትያ ላፑን ጸልንተቱዋን ኦርዮና ጌተትያ ጸልንተቱዋ ጭታ መዴዳዌ፣ ባራ ቆማ ዋንታው፣ ጋላሳ ፖኡዋካ ቃማው ላምያዌን አባን ደእያ ሃላቱዋ ፑደ ሳሎዋ ጾሲደ፣ ሳኦ ሞጨላ ቦላ ዲገ ትግያዌ፣ አዉ ሱንላይ መድና ጎዳ።

9 እ ጌሶቱዋ ላላናው ዋልቃማቱዋ ቦላ ባሻ አዬ።

10 ህንተ ፕርዳ ጌታራን ሴርያዋ እጲታ፤ ቱሙዋ ኦድያዋካ ሽነቲታ።

11 ህንተ ህዬሳቱዋ የዲደ፣ ኡንቱንቱ ካላካ ኡንቱንቱጥ ቦንቂደ አኬድታ። ያቲደ ማሰቴዳ ሹቻን ጎለቱዋ ግምቤድታ፤ ሽን ህንተ ሄ ጎለቱዋን ደእክታ። ሎእያ ዋይንያ ቱራቱዋካ ቶኬድታ፤ ሽን ህንተ ሄ ዋይንያ ኤሳ ኡሸክታ።

12 አያው ጎጥ፣ ህንተ ናቁ አፑንጎቶን ህንተ ናጋራይካ እይ ኬሻ ዋልቃመንቶ ታን ኤራይ። ህንተ ጽሎቱዋ ናቂታ፤ ማታይያካ አኪታ፤ ቃይ ጌታራን ህዬሳቱዋ ፕርዳ ጌላዬታ።

13 ሄዋ ድራው፣ ሀዋ ማላ ዋድያን ጭንጫ አሳይ ጮኡ ጌ፤ አያው ጎጥ፣ ዋዲ ኢታ።

14 ደኢዋን ደአናው ሎኦባጥ አትና፡ ኢታባ አላጥተ፤ ያቶ፡ ህንተ ግያዋዳን፡ መድና ጎዳይ፡ ኡባጥ ዋልቃማ መድና ጎዳይ ህንተናና ግዳናዋ።

15 ኢታባ እጽተ። ሎኦባ ደሰተ። ፕርዳ ጉታራንካ ሱረ ፕርዳ ፕርድተ። ያቶ፡ ኦን ኤሪ፡ ጸሳይ፡ ኡባጥ ዋልቃማ ጸሳይ ዮሴፎ ዘረላቱዋጥ አቴዳ አማራዳዋንቶ ቃረታንንቶ።

16 ሄዋ ድራው፡ ጎዳይ፡ ኡባጥ ዋልቃማ መድና ጎዳይ ሀዋዳን ያጌ፤ “ዳባባ ኡባን ዋሱ ከሳና፤ ኦገ ኡባንካ አሳይ፡ ላየ፡ አየ!” ጋና። ጎሻንቻቱ ዬኮ፡ ዘላልያዋንቱካ ዘላሳወ ዴሰታና።

17 ዋይንያ ቱራ ሳ ኡባን ዬኮ ደአና፤ አያው ጎጥ፡ ታን ህንተና ሙራናው ህንተ ግዳና አላና” ያጌ መድና ጎዳይ።

18 ህንተኖ፡ መድና ጎዳ ጋላሳይ ያዳዳን አሞትያዋንቶ፡ ህንተንቶ አየ አና! መድና ጎዳ ጋላሳ አያው አሞቲቱ? ሄ ጋላሳይ ጭማጥ አትና፡ ፖኦ ጋላሳ ግዳና።

19 ሄ ጋላሳ ህንተ ጋሙዋጥ ባቃት አትያ ዋደ፡ ማሄ ጋከትያ አሳ ማላ፡ ሄዋጥካ ቃይ ባቃት ባረ ጎላ ገሊደ፡ ባረ ኩሽያ ጎዳን ዘሞፕሰያ ዋደ፡ ሾሻይ ዲክያ አሳ ማላ ግዳናዋ።

20 መድና ጎዳ ጋላሳይ ጭማጥ አትና፡ ፖኦ ግዳና፤ ባራ ጭማጥ አትና፡ ፖኦ ሾራይ ሙላካ ባዋ!

21 ጸሳይ ሀዋዳን ያጌ፤ “ታን ህንተ ቦንቶያ ባላቱዋ እጻድን ሸነታድ፤ ህንተ ጌሻ ሸቁካ ታና ሸሽቶክና።

22 ህንተ ታው ጸግያ ያርሹዋን ካላ ያርሹዋን ያርሹታ፤ ሸን ታን ሄዋ አክከ። ቃይ ህንተ ታው ጋላታው አህያ እትጥተላ ያርሹዋ ሞጶ መሄቱዋን ዴላከ።

23 ህንተ ማዘሙርያ ጫንጨላ ታ ማታጥ ሃሰተ፤ ህንተ ዲጽያ ዲላካ ሰሰከ።

24 ሸን ሱረ ፕርዳይ ፑልቶ ሃላዳን፡ ጽሎተላይካ ቶኤና ሻፋ ሃላዳን ጎጎ።

25 “ህንተኖ፡ እስራኤልያ አሳቶ፡ ታን ህንተና ባዙዋን ኦይታሙ ላይላ ካለሌያ ዋደ፡ ታው ያርሹዋ ያርሹድቱ? ዋይ አሞታ እሚድቱ?

26 ሄ ዋደ ህንተ ህንተ ኩሽያን መዴዳ ካትያ ሳኩታ ግያ ኤቃን ኬዋና ግያ ህንተ ጸልንትያ ጸሳ ኤቃ ቶኬድታ።

27 ሄዋ ድራው፡ ታን ህንተና አሞድሳደ ዳማሰቆ ካታማጥ አላደ ሃኮ ሳ የዳና” ያጌ። ሀዋ ግያዌ አው ሱንላይ ኡባጥ ዋልቃማ ጸሳ ጌተትያ መድና ጎዳይ።

6

እስራኤልያ ጳዩዋ

1 ህንተኖ፡ እስራኤልያ አሳይ ማዲዋ ኦችያ ቦንቹቲዳ እስራኤልያ ጋድያ ካፓቶ፡ ህንተኖ፡ ጽዮንን እሻሉዋን ደአያዋንቶ፡ ሳማርያ ካታማንካ ሀርግ ባይናን ኡቲዳዋንቶ፡ ህንተንቶ አየ አና!

2 አን ካልን ግያ ካታማ ቢደ በአተ። ሄዋጥ ቃይ ሀማታ ግያ ዋልቃማ ካታማ ቢደ፡ ያና ቃይ ዲገ ፕልሰጸማቱዋ ካታማ ጋተ ዋድተ። ኡንቱንቱ ህንተ ላኡ ካውተላቱዋጥ ኬኪኖ? ኡንቱንቱ ጋዲ ህንተ ጋድያጥ አኪ?

5:21 እሳ. 1:11-14 5:25 ኪታ 7:42-43

3 ህንተኖ፡ ኢታ ጋላሳይ ኤላካ ዬና ጊደ፡ ሱገላ ኦሱዋ አላያዋንቶ።

4 ዳንጋርሳ ዘልያጥ ኦሌዳ አርሳን ግሰያዋንቶ፡ ሞንጻፍያንካ እንጀቲደ ኡትያዋንቶ፡ ቃይ ደርሳ ዉድያጥ ቦልት ቦልታቱዋን ሚዛ ዘዳሉዋጥ ሞጶ ማራ አሹዋ ሞያዋንቶ።

5 ዳዊተዳን የላ ሚሻ ህንተንቶ ጊገሲደ፡ ማሰንቁዋን ዲማ ዲማ የላ የጽያዋንቶ።

6 ዋይንያ ኤሳ ከርያና ጋንያዋንቶ፡ ሎይላ አልኦ ሸቱዋካ ኦከትያዋንቶ፡ ዮሴፎ ዘራቱዋ ባይዘድ አይነ ካዮተናዋንቶ፡ ህንተንቶ አየ አና!

7 ሄዋ ድራው፡ አሞድቲደ ባናዋንቱጥ ኮይርቱ ህንተና ግዳና፤ ሄ ዋደ ህንተ እንጀ ደኡሳይነ ህንተ እሻልያዌ አታና።

8 መድና ጎዳይ፡ ኡባጥ ዋልቃማ መድና ጎዳይ ጸሳይ ሀዋዳን ያጊደ፡ ባረካ ባረናን ጫቁዳ፤ “ታን ያቆባ ኦቶሩዋ እጻይ፤ ኡንቱንቱ ጌሱዋካ ሸነታድ፤ ታን ካታማን ካታማን ደአያ ኡባ ኡንቱንቱ ሞርከቶ አላደ እማና” ያጌዳ።

9 እት ጎልያን ታሙ አሳይ አቶ፡ ኡንቱንቱካ ሀይቃና።

10 ኡንቱንቱ ዳቦቱዋጥ እቱ አሃ ሞጋናው ጎላጥ ከሲደ አፋና፤ ሄ ጎልያ ቆልኦን ደአያ ብታንያ፡ “ኔናና አቴዳ ሀራ አሳይ ደአ?” ያጊደ አቻና። እ ዛሪደ፡ “ባዋ” ያጋና። ኦችያዌ፡ “ሀይዛ፡ ሀይዛ! መድና ጎዳ ሱንላ ኦን ዴሳናው ኮሸና” ያጋና።

11 መድና ጎዳይ አዛዝና፡ ዋጋ ጎላቱ ኮለታና፤ ቁር ጎላቱካ መኤረታና።

12 ፓራቱ ዘላ ቦላን ጋልፋናው ዳንዳዪኖ? ዋይ ቃይ ጎሻንቻይ ቦራ ዋዲደ፡ አባ ጎሻናው ዳንዳዪኖ? ሸን ህንተ ቱሙ ፕርዳ ማርዘያው፡ ጽሎተላ አይፍያካ ጫሞ ላሚድታ።

13 ህንተ ሎዳባራ ካታማ ጸኔዳ ድራው ናሸቲታ፤ ቃይ፡ “ኡን ቃርናይማ ካታማካ ኦ ሞኖተላን ኦይቁደ” ያጊታ።

14 መድና ጎዳይ፡ ኡባጥ ዋልቃማ ጸሳይ ሀዋዳን ያጌ፤ “ህንተኖ፡ እስራኤልያ አሳቶ፡ ታን ህንተ ቦላ እት ካውተላ ደንላና፤ ኡንቱንቱ ህንተና ሀማታ ፕኩዋጥ ደሚደ፡ አራባ ዋሞባ ጋካናው ቱጋያና” ያጌ።

እስራኤልያ ሙሩዋባ አሞጽ በኤዳ እቼሹ ሳጻቱዋ

7

(7:1—9:10)

ቦሊ ያናዋ በሰያ ሳፃ

1 ኡባ ሞድያ መድና ጎዳይ ታና ሳፃ በሴዳ። ሄ ሳጻን ታን ካትያ ጋክያ ካላይ ጫከቲዳዋጥ ጉይያን፡ ላኤንሱዋ ጫሬዳ ጫርሻ ቦላ እ ቦልያ ዉድያ መድሸን በኣድ።

2 ኡንቱንቱ እርጸባ ኡባ ሚደ ዉርሴዳ ዋደ ታን፡ “አቤት ኡባ ሞድያ መድና ጎዳው፡ ሀያና አቶ ጋርኪ! ያቆባ ዘራቱ ዋኒደ አታናው ዳንዳዪኖ? ኡንቱንቱ ቁር ጉላቱዋቴ!” ያጋድ።

3 ሄዋ ድራው፡ መድና ጎዳይ ቃረቲዳ፡ ባረ ቆፋ ላሚዳ፤ ላሚደ ሀዋዳን ያጌዳ፤ “ሀ ኦን በኤዳባይ ፖለተናዋ” ያጌዳ መድና ጎዳይ።

ታማን ፕርዳናዎ በሰያ ሳፃ

4 ኡባ ሞድያ መድና ጎዳይ ታና ሀራ ሳፃ በሴዳ። ኡባ ሞድያ መድና ጎዳይ ባረ እሳ ፕርዳናዎ ታማ ጸሴዳ፤ ሄ ታማይ ዋለቃማ ጨማ እባ ሞ ድጊደ። ቢታካ ጸጋናዎ ደሜዳ።

5 ያትና ታን ሀዋዳን ያጋድ፤ “አቤት ኡባ ሞድያ መድና ጎዳዉ። ሀያና ሀ ታማ ቶይሳርኪ! ያቆባ ዛራቱ ዋኒደ አታናዉ ዳንዳዪና? ኡንቱንቱ ቄር ጉላቱዋቲ!” ያጋድ።

6 ሄዋ ድራዉ። መድና ጎዳይ ቃረቱዳ። ባረ ቆፋ ላሚዳ፤ ላሚደ ኡባ ሞድያ መድና ጎዳይ ሀዋዳን ያጌዳ፤ “ሀዌካ ቃይ ፖለተናዋ” ያጌዳ።

ግምቢያ ስታተላ ልክያ ቱምቢያ በሰያ ሳፃ

7 ቃይካ እ ታና ሀራ ሳፃ በሴዳ። ታን ሄ ሳጸን በእያ ዋደ። ጎዳይ ግምቢያ ስታተላ ልክያ ቱምቢያ ኦይቂደ። ቱምቢያን ልከቲደ ግምቢያ ግምቢያ ማታን ኤቄዳ።

8 መድና ጎዳይ ታና። “አሞጾ። ሀ ኔን ጸልያዌ አዬ?” ያጊደ ኦቼዳ።

ታን። “ቱምቢያ” ያጋድ።

መድና ጎዳይ ታና። “በአ። ታን ታ አሳ እስራኤልያ ግደን ቱምቢያ የጋይ፤ ታን ኡንቱንቱ ሙረናን አድከ።

9 ይሳቃ ዛራቱ ጎይንያ ቶቃ ሳአቱ ኮለታና፤ እስራኤልያ ጌሻ ሳአቱካ ቆያና፤ ቃይ እዮርባማ ካዉተላ ቦላካ ታን ማሻና ደንዳና” ያጌዳ።

አሞጾን አሜሰያሳ

10 ቤቴለ ካታማን ቄሰያ ግዲደ ደእያ አሜሰያሴ እስራኤልያ ካትያ እዮርባማ ሀዋዳን ያጊደ ኪቲዳ፤ “አሞጾ እስራኤልያ አሳ ግደን ደኢደ። ነ ቦላ ማቀቱዳ፤ እ ባረ ኦዲዋን ጋድያ ባይዜ።

11 አያዉ ጎፕ። እ ሀዋዳን ያጌ፤ “እዮርባማ ማሻን ሀይቃና፤ እስራኤልያ አሳይካ ባረንቱ ጋድያፕ አሞደቲደ ባና” ያጌ። ያጌዳ።

12 ያትና አሜሰያሴ አሞጾ ሀዋዳን ያጌዳ፤ “ኔኖ ትምቢትያ ኦድያዎ። ባ፤ ህን ይሁዳ ቢታ ባቃታ ባደ። ያን ቁማ ማ፤ ትምቢትያ ያን ኦዳ።

13 ሽን ሀዌ ቤቴለ ካቲ ጎይንያ ሳአን ካዉተላ ጌሻ ሳ ግድያ ድራዉ። ላኤንሶ ሀ ሳአን ትምቢትያ ኦድፓ” ያጌዳ።

14 አሞጾ ዛሪደ። አሜሰያሴ ሀዋዳን ያጌዳ፤ “ታን መሀያ ሄምያዎን ኡንቱንቱ አይፍያ ማጽያዎፕ አትና። ትምቢትያ ኦድያዎ ዋይ ትምቢትያ ኦድያዎ ናእ ግድከ።

15 ሽን መድና ጎዳይ ታና ደርሳ ዉድያ ሄምያ ሳፕ እኪደ። ሳደ ታ አሳዉ እስራኤልያዉ ትምቢትያ ኦዳ” ያጌዳ።

16 ሀእ ሰም መድና ጎዳይ ግያዎ ሰሳ! ኔን። “እስራኤልያ ቦላ ትምቢትያ ኦድፓ፤ ይሳቃ ዛራቱዋ ቦላካ ማርካቶፓ” ያጋድ።

17 ሄዋ ድራዉ። መድና ጎዳይ ሀዋዳን ያጌ፤ ሳ ማቻታ ካታማ ግደን ሻርሙጾ ግዳናዎ፤ ነ አቱማ ናናቱን ነ ማጫ ናናይ ማሻን ሀይቃና፤ ነ ቢታይካ ዋደሩዋን ሻከታና፤ ቃይ ኔን ነ ሁጲያዉካ አላጋ ጋድያን ሀይቃና። እስራኤልያ አሳይካ ባረንቱ ጋድያፕ አሞደቲደ ቱማ ባና” ያጌ። ያጌዳ።

8

ቴራይ ኩሜዳ ኬሻ በሰያ ሳፃ

1 ኡባ ሞድያ መድና ጎዳይ ታና ሀራ ሳፃ በሴዳ፤ ሄዌካ። ቴራይ ኩሜዳ ኬሻ።

2 እ ታና። “አሞጾ። ሀ ኔን በእያዌ አዬ?” ያጊደ ኦቼዳ።

ታን። “ቴራይ ኩሜዳ ኬሻ በአይ” ያጋድ።

ያትና መድና ጎዳይ ታዉ ሀዋዳን ያጌዳ፤ “ታ አሳ እስራኤላዉ ዉርሰላይ* ጋኬዳ፤ ሀዋፕ ሰንላናዉ ታን ኡንቱንቱ ሙረናን አድከ” ያጌዳ።

3 ኡባ ሞድያ መድና ጎዳይ ሀዋዳን ያጌ፤ “ሄ ጋላስ ካትያ ጎልያን የጽያ የላይ ዬኮ ላመታናዎ፤ ሀይቄዳ አሳ አሃይ ሙላ ሳአን ዳራና፤ ቃይ ጮኤ ጊና። ያን ሃን ኦለታና” ያጌ።

እስራኤልያ ኩንደላ

4 ህንተና። መቶታንቻቱዋ የድያዋንቶ። ጋድያን ደእያ ሀይሳቱዋካ ቆይሳናዉ ኮይያዋንቶ። ሀዋ ሰሰተ!

5 ህንተ ሀዋዳን ያጊታ፤ “ኩን ካላ ዛልአናዉ አገናይ ጸርያ ባላይ አዉደ አቆኔ! ቃይ ኩን ኩ ዛልእያ ደማናዉ ሳምባታይ አዉደ አቆንዳሻ! ያትንቶ ኩን ካላ ጉላባን ማክ ማኪደ። ዳር ሚሻ አኪደ ባይዛና። ቃይ ዋርደ ሚዛናን ልኪ ልኪደ። አሳ ጮማና።

6 ኩን ሀይሳ ብራን። መቶታንቻካ መጽ ላኤ ገድያ ጫማን ሻማና፤ ቃይ ዛርጋ ሀርቁዋ ሙሩታ ዛርጋ ጋትያን ባይዛና” ያጊታ።

7 መድና ጎዳይ ያቆብ ጨቀትያ ባረ ሱንላን ሀዋዳን ያጊደ ጫቄዳ፤ “ታን ኡንቱንቱ ኦጼዳ ኢታ ኦሱዋ ሙላካ ደግከ።

8 ቢታይ ቃጽያዌን ጋድያን ደእያ አሳይ ኡባይ ዬክያዌ ሄዋ ጋሱዋና ግደኔየ? ኤ ናይለ ሻፋይ ኩንሊደ ቃጽያዋዳን። ቢታ ኡባይ ቃጲደ ባልቡቀታና፤ ቃይ ሄ ኩንሉ ዋድያዋዳን ዋቆና” ያጌዳ።

9 ኡባ ሞድያ መድና ጎዳይ ሀዋዳን ያጌ፤ “ሄ ጋላስ ታን አዋ ሴታ ጋላስ ዉልሳና፤ ሳአካ ጋላስ ጴምሳና።

10 ታን ህንተ ባላ ናሽቻ ካዮ። ህንተ የላካ ዬኮ ላማና። መጽ እት ናአይ ሀይቄና ዬክያ አሳዳን። ህንተ ህንተ ሁጲያ ሜደቲደ ዋሩዋ ማናዳን። ታን ህንተና ኦላና። ሄ ጋላሳ ዉርሰላይ ዳር ጫዋ ግዳናዎ” ያጌ።

11 ኡባ ሞድያ መድና ጎዳይ ሀዋዳን ያጌ፤ “በአተ። ታን ቢታ ኡባ ቦላን ኮሻ የድያ ጋላሳቱ ዪና። ታን ኮሻ የድያ ጋላሰ። አሳይ ሰሳናዉ መድና ጎዳ ቃላ ቆይደ ኮሻታናፕ አትና። ካላ ቆይደ ኮሻተና ዋይ ሃላ ቆይደ ሳመተና።

12 አሳይ አዋይ ዉልያ ባጋ አባፕ አዋይ ደልያ ባጋ አባ ጋካናዉን ሁጲሳፕ ገድሳ ጋካናዉ ብቻራና። ኡንቱንቱ መድና ጎዳ ቃላ ኮያናዉ ያን ሃን ዋጸና። ሽን ደምክና።

13 ሄ ጋላሰ ማላ ሎኦ ዋደራቱን ዋዳላቱ ሳሙዋን ዚል አጋና።

14 ሳማርያ ኤቃቱዋን ጫቄያዋንቱ። ‘ዳና ጸሳይ ኤር!’ ያግያዋንቱ። ‘በርሳቤሀ ጸሳይ

* 8:2 ዉርሰላይ፡- ግያዌ እብራይስጽ ቃላን “ቴራ” ማላቲ።

ኤሮ፣ ያግያዎንቱ ኩንዳና። ኡንቱንቱ ላኤንላ ሙሉካ ደንድክኖ” ያጌ።

9

ጳጳር ፕርዳ

1 ያርሸያ ሳኦ ማታን ጎዳይ ኤቃ ደእሸን፣ ታን በኣድ። እ ታና ሀዋዳን ያጌዳ፤ “ባሱ ቃጻናዳን፣ ጌሻ ማቅዳሰያ ጉምቡዋ ሾጫ፤ አሳ ኡባ ሁጺያን መንግራፋ። ሄዋጥ አትያ አሳ ታን ማሻን ዋጻና። ባቃትያ አሳይ ከሰ አከና፤ ከሰ አኤዳ አሰካ ፓጾ አተና።

2 ኡንቱንቱ ጋድያ ቦኪደ፣ ሰኦልያዉ ዲገ ዋጽጥካ፣ ታን ኡንቱንታ ሄዋጥ ከሰና። ሳሉዋ ፑደ ከሰጥካ፣ ታን ኡንቱንታ ሄዋጥ ዲገ ዋጻና።

3 ኡንቱንቱ ቃርመሎሳ ደርያ ጸራን ቆሰቶጥካ፣ ታን ኡንቱንታ ኮያደ ሄዋጥ ከሰና። አባ ጨሙዋ ግደ ገሊደ፣ ታ ሰንፋጥ ጌሞጥካ፣ ታን ዳዊያ አዛዝና፣ እ ኡንቱንታ ዲካና።

4 ቃይ ባረንቱ ሞርከቱዋን አሞደቲደ፣ ኡንቱንቱ ቦጥካ፣ ያን ኡንቱንቱ ማሻን ሀይቃናዳን፣ ታን አዛዝና፤ ታን ኡንቱንታ ኢታ አይፍያን ጸላናጥ አትና፣ ሎኦ አይፍያን ጸልከ” ያጌዳ።

5 ጎዳይ፣ ኡባጥ ዋልቃማ መድና ጎዳይ ሳኦ ቦቹ፤ ሳኦይ ሴሬ፤ ቃይ ሳኦን ደእያባይ ኡባይካ ዩኬ። ናይላ ሻፋይ ኩንጢደ ባልቡቀትያዋዳን፣ ቢታ ኡባይ ባልቡቀቱ፤ ቃይ ሄ ኩንጡ ዋጽያዋዳንካ ዋጽ።

6 እ ባረዉ ደእያ ሳኦ ሳሉዋን ገግሴ፤ አ ባሱዋካ ሳኦን ባሴ። ቃይ እ አባ ሃፋቱዋ ጸሴደ፣ ጋድያ ቦላን ዲገ ጉሴ፤ አዉ ሱንፋይ መድና ጎዳ።

7 መድና ጎዳይ ሀዋዳን ያጌ፤ “ሀንተኖ፣ እሰራኤልያ አሳቶ፣ ሀንተ ታዉ ቶጽያ አሳ ማላ ግድክቱየ? ታን ሀንተና ግብጾ ጋድያጥ ከሴዳዋዳን፣ ፕልሰጾማ አሳ ካፍቶራጥ፣ ቃይ ሶርያ አሳካ ቂራጥ ከሳድ” ያጌ።

8 መድና ጎዳይ ሀዋዳን ያጌ፤ “በእተ፣ ኡባ ሞድያ መድና ጎዳ አይፊ ናጋራንቻ ካዉተፋ ቦላን ደኤ። ታን አ ጋድያ ቦላጥ ጳይሳና፤ ሸን ታን ያቆባ ዛርያ ኡባና ጳይሰከ።

9 “በእተ፣ ካፋ ዛዝርያን ዛዝርያዋዳን፣ እሰራኤልያ አሳ ካዉተፋቱዋ ኡባ ግደን ዛዝራናዳን፣ ታን አዛዝና፤ ሸን ኡንቱንቱ ግደን አማነትያዋንቱጥ እቱነ ሳኦን ዋጽደ ጳየና።

10 ኡና አያ ኢታባይነ ጋከና ዋይ ደመና፣ ያግያ ታ አሳ ግደን ደእያ ናጋራንቻቱ ኡባይ ማሻን ዉራና” ያጌ።

እሰራኤልያ ፖኦ ሀደታ (9:11-15)

11 ቃይካ ጸሳይ፣ “ሄ ጋላሰ ታን ኮለቲደ ኩንዳዳ ጎልያዳን ሀኔዳ ዳዋታ ካዉተፋ ደንፋና፤ ጸኤቱዳ ሳኦቱዋካ ባራና፤ ቃይ ኮለቲዳሳካ ኦራፋና፤ ታን አ በንዋዳን ኦፋደ ኬጻና።

12 ሄዌነ እሰራኤልያ አሳይ ኤደማ ጋድያጥ እቲዳዋንታን ታ ሱንፋን ጸሰቲዳ ካዉተፋቱዋ ኡባ ላታናሳ” ያጌ። ሀዋ ኦልያዊ ታና መድና ጎዳ።

13 መድና ጎዳይ ሀዋዳን ያጌ፤ “በእተ፣ ካፋ ጫክያዋንቱ ጫኪደ ዉርሰናን ደእሸን፣

ጋድያ ጎሽያዋንቱ ጋክያ ዋዲ፣ ዋይንያ ቲራ ጉምእያዋንቱካ ጉምኢደ ዉርሰናን ደእሸን፣ ዋይንያ ዛርያዋንቱ ጋክያ ጋላሳቱ ያና። ሄ ዋደ ደረቱ ማልኦ ዋይንያ ኤሳ ጸካና፤ ዘዘቱዋ ኡባጥካ ዋይንያ ኤሳይ ጎጋና።

14 አሞዳዋን ቤዳ ታ አሳ እሰራኤልያ ዛራደ እሻልሳና። ኡንቱንቱ ኮለቲዳ ካታማቱዋ ዛረሳ ኬጺደ፣ ኡንቱንቱን ደእና። ዋይንያ ቱራካ ቶኪደ፣ አጥ ዋይንያ ኤሳ ኡሻና። ቃይ አታክልተቱዋካ ቶኪደ፣ ኡንቱንቱ አይፍያ ማና።

15 ታን እሰራኤልያ ኡንቱንቱ ጋድያን ቶካና፤ ኡንቱንቱ ታን ኡንቱንቶ አሜዳ ጋድያጥ ላኤንላ ሙሉካ ሾደትክኖ” ያጌ። ሀዋ ኦድያዌ መድና ጎዳ ሀንተ ጸሳ።

አብድዩ ትምህርት ገሌጽ

አብድዩ ግን ሱንሳ ብለላይ፡ “ጸሓ ቆማ” ግን። ሀ ቃንሳ ማጻፋይ የሩሳላመ ኦላ ጋሱባን ላለታና። ካሰ፡ ዳሪ ኤረተና ዋድያን ጸፈቱዳ። ሄ ዋደ ገድሳወ ባቂያ አዋይ ወልያ ባጋ ባጋን ደእያን ይሁዳና አዳሳ ዋድያ ሞርከቲደ ደኤዳ ኤደም የሩሳላመ ላለላን ናሽቲደ፡ አ ቦላን አላወ ከሴዳ ሞርከቲቱ ማዲድን ካታማ ዳረታካ ቦንቂደ ደኤ። አብድዩ፡ ኤደም እስራኤልያ ሞርከቲቱ ሀራቱቀካ ጸነታናወን ኢታ ሙሩዋ አካናወ ደእያዋ ኦዳዳ።

ሸምጋቱዋ ኡባቶ እመቴዳ ቃንሳ ቆፋቱዋ

1. ኤደማ ኦቶሩዋን ሙሩዋ 1-9
2. ኤደማ ጸላተሳ 10-14
3. እስራኤልያ ጸኑዋ 15-21

ኤደማ ኦቶሩዋን ሙሩዋ (1-9)

1 ኡባ ሞድያ መድና ጎዳይ ኤደማ አሳባ አብድዩስ ቆንጭሴዳ ሳጸይ ሀዋ።

ኤደማባ መድና ጎዳይ ሀዋዳን ያገደ፡ ባረ ኪታያ ኡራ ቦላን ካወተላቱዋኮ ኪቲዳዋ ኑን ሰሴደ፤ “ደንድተ! ኤደማ ቢታ ኦሌቶ” ያገደ ኪቲዳ።

2 መድና ጎዳይ ኤደማ ሀዋዳን ያገ፤ “በአ፡ ካወተላቱዋ ግድን ታን ኔና ላፋ ከሳና፤ ኔን ሎይላ ካጋታና።

3 ኔና፡ ምና ዛላን ጌሱ ከጸቴዳ ካታማ ግድን ደእያዋ፡ ነ ጎልያ ጶቃ ደረቱዋ ቦላን ከጶዴዋ፡ ቃይ ነ ዋዛናን፡ ጎታና ሀዋ፣ ደገ ኦን ዋሊ?” ያግያዋ፡ ኔና ነ ዋዛና ኦቶሩ ጭሜዳ።

4 ኔን አርጋንሳ ጎልያዳን፡ ነ ጎልያ ጶቃሳን ከጸገካ፡ ነ ደእያሳ ጸልንተቱዋ ግድን አሰገካ፡ ታን ኔና ሀዋ፣ ደገ ዋላና” ያገ መድና ጎዳይ።

5 “ካይሳቱ ዋይ ቦንቂያዋንቱ ቃማ ዮ፣ ባረንቶ ኮሽያዋ ከሻ ጸላላ ወእኖ፤ ዋይንያ ቴራ ማጽያዋንቱካ ማጸደ፡ ቃርሞያ አሸኖ፤ ሽን ኔኮ ይያ ባይዛንቻቱ ኔና ኡባና ጳይሳና።

6 ሀንተን ኤደማ አሳቶ ኤሳ ዘረላቶ፡ ዋን ቦንቃታንድቴሻ! ቆሱዋን ደእያ ሀንተንቱ አቁካ ዋን ቆጭረታንዳሻ!

7 ኔናና ጫቁዋን ደእያዋንቱ ኡባይ ኔና ነ ቢታ፣ ጋጸ የደርሳና፤ ቃይ ነ ላገላቱካ ጭሚደ ኔና ጸናና። ኔናና ምያዋንቱካ ነወ ጲርያ ጲራና፤ ሽን ኔን ሄዋ አከካካ” ያገ።

8 መድና ጎዳይ ቃይካ ሀዋዳን ያገ፤ “ኤደምያስ ሙረታያ ሄ ጋላስ ታን ኤደማ፣ አዴዳ ኤራንቻቱዋን ኤሳ ደርያ፣ ኤራ ጳይሳና።

9 ሀንተኖ፡ ተማና አሳቶ፡ ሀንተ ኦላንቻቱ ዳጋማና፤ ኤሳ አሳ ቦላ ደእያ አሳይ ኡባይካ ሹከታና።

ኤደማ ጸላተሳ (10-14)

10 “ያቆባ ዛረ ግድያ ነ እሻቱዋ ኔን ዋዴዳን ቦንቂዳ ድራወ፡ ኔን ዬላ ማያና፤ ኔን መድናወ ጳያና።

11 ሞርከቲቱ ዬደ ኡንቲንቱ አቁዋ ቦንቂያ ዋደ፡ ሄ ጋላስ ኔን ጋጸ ሺቃደ ኤቃ ጸላዳ። ቃይ ፕንግያና ገሊደ፡ የሩሳላመ ካታማ ሳማ የጊደ ሻኬዳ አላጋቱዋ፣ ኔን እቱዋ ማላታሳ።

12 ኔን ነ እሻይ መቶትያ ጋላስ አ መቱዋን ናሽታናወ በሰና፤ ቃይ ይሁዳ ጋድያን ደእያ ነ እሻቱዋ ቦላ ባሻይ ጋክያ ጋላስ ሀሹ ጋናወ በሰና፡ ኤ፡ ኡንቲንቱ ኡንኦ ጋላስ ኡንቲንቱ ቦላ ማጫናወን ኦቶረታናወ በሰና!

13 ኡንቲንቱ ቱጋ ጋላስ ታ አሳይ ደእያ ካታማ ገላናወን ኡንቲንቱ ዋይያ ጋላስ ኔን ናሽታናወ በሰና ሽን! ቃይ ኡንቲንቱ ባሻ ጋላስ ኔን ኡንቲንቱ ዳረታ ቦንቃናወ በሰና፤

14 ኡንቲንቱ፣ ባቃትያዋንታ ዋጻናወ ኔን ባላ ኦግያን ቆሰታ ኡታደ ናጋናወን አቲዳዋንታካ ኡንቲንቱ ኡንኦ ጋላስ ሞርከቶ አላደ እማናወ በሰና ሽን!

እስራኤልያ ጸኑዋ (15-21)

15 “አይሁዳ ግድና አሳቱዋ ኡባ ቦላ መድና ጎዳ ጋላሳይ ጋኬዳ። ኔና ኤደማ፡ ኔን ሀራቱ ቦላ ኦሌዳዋ ነ ቦላ አሰታና፤ ነ ኮባይካ ነ ሁጲያን ሰማና።

16 ታ ጌሻ ደርያ ቦላን ኡሼዳዋዳን፡ ሄዋዳንካ ኡንቲንቱ ዩሹዋን ካወተላቱ ዛር ዛሪደካ መቱዋ ጸኦ ኡሻና፤ ኡሼደ ኡንቲንቱ ኡባይካ ካሰ ሀን ኤረናዋ ሀናና።

17 “ሽን ጽዮን ደርያን ባሻ፣ ከሰ አክያዋንቱ ደእና፤ ጽዮንካ ጌሻ ግዳናዋ፤ ያቆባ ዛራቱካ ባረንቱ ቢታ ላታና።

18 ያቆባ ዘረላይ ታማ ግዳና፤ ዮሴፎ ዛራቱካ ላጮ ግዳና፤ ኤሳ ዛራቱ ኡቱላ ግዳናዋንታ። ታማይ ኡቱላ ሞያዋዳን፡ ያቆባ ዛራቱን ዮሴፎ ዛራቱ ኤሳ ዛራቱዋ ሚደ ኡባናካ ጳይሳና” ያገ መድና ጎዳይ።

19 ይሁዳ፣ ገድሳ ባጋን ደእያ አሳይ ኤሳ አሳ ላታና፤ ጋቆትያ ቢታን ደእያ አሳይ ፕልሰጾማቱዋ ቢታ ላታና። ኡንቲንቱ ኤፍሪማ ቢታን ሳማርያ ቢታ ላታና። ቃይ ቢንያማ ዛራቱካ ጋላኦ ቢታ ላታና።

20 አሞደቲደ ደኤዳ እስራኤልያ አሳይ ሰሚደ፡ ካናን ቢታ ሰራፍታ ግያ ካታማ ጋካናወ ላታና፤ ቃይ የሩሳላመ፣ አሞደቲደ፡ ሳፋራዳ ግያ ሳኦን ደእያ አሳቱ ይሁዳ፣ ገድሳ ባጋን ደእያ ካታማቱዋ ላታናዋንታ።

21 አሸያ እስራኤልያ አሳቱ ኤሳ ቢታ ሞዳናወ ጽዮን ቢታ ቦላ ከሳና፤ ካወተላይካ መድና ጎዳዋ ግዳናዋ።

1:1 እሳ. 34:5-17፤ 63:1-6፤ ኤር. 49:7-22፤ ሀዘ. 25:12-14፤ 35:1-15፤ አሞጾ 1:11-12፤ ሚልክ. 1:2-5

ዮና ሕምቤትና ገሎቅ

ዮና ማጻፋይ ጸሓፊ አዛዙ ገሎቅ ገሎቅ እት ናብያ ቦላ ጋኬዳ ዲማ ዲማ መቱቀ ኦድያ ታርኪያ ማጻፋ ግድያ ግሻው፡ ሀራ ማጻፋቱቀጥ እ ዲማቱ፡፡ ጸሓፊ ዮና፡ “እስራኤልያው ዋና ሞርከ ግዴዳነ ዋልቃማ፡ እሲሪ ካውተላው ዋና ካታማ ግዴዳ ነነዌ ባ” ያገደ አዛዜዳ፤ ሸን ዮናስ፡ “ጸሓፊ ካስ ሄ ካታማ ጳይሳና ገደ ኦዴዳ ሞኖ ኦዴቀ ከታን ፔሸናን አጋናው ሀኔዳ” ገደ ቆፔዳ ድራው፡ ጸሓፊ ቃላ አኪደ ነነዌ ባናው ኮይቤና፡ ዳር ታርከባቱ ፖሎቲካዎጥ ጉዮ ናሸተናን ደኢደ አዛዜቱዳ፡፡ ካስ ኦድቲዳ ባሻ ሀናናዌ ፖሎቲካና ግሻው ሀንቀቲዳ፡፡

ሀ ማጻፋይ ኡባባ ቦላን ጸሓፊ ማታይ ደእያዎ ኦዴዳ፡፡ ኡባ ቃይ ጎዳይ ሲቁነ ማርተላይ ኩሜዳ ጸሓፊ ግድያ ግሻው፡ ባሪ አሳ ሞርከቱቀ ሙርያዎጥን ጳይሰያዎጥ፡ ኡንቱንቶ አቶ ግያዎን ኡንቱንታ አሸያዎ ደሰያዎ ቆንጭሴዳ፡፡

ሸምጋቱቀ ኡባቶ እመቲዳ ቃንሳ ቆፋቱቀ

1. ዮናስ ጎዳጥ ባቃቲሳ 1:1-17
2. ዮናስ ዋሳ 2:1-10
3. ዮናስ ናናዌ ቡሳነ አሳ ናጋራ ፓጸላ 3:1-10
4. ጸሓፊ እሜዳ ማርታን ዮናስ ሀንቀቀ 4:1-11

ዮናስ ጎዳጥ ባቃቲሳ (1:1-17)

1. 1 መድና ጎዳ ቃላይ አሚታያ ናኣ ዮናሳኮ ሀዋዳን ያገደ ዬዳ፤

2 “ደንዳ! ሄ ዋልቃማ ካታማ ነነዌ ባ፤ ባደ ሄ ካታማ አሳ ኢታተላይ ታ ሰንላ ጋኬዳ ግሻው፡ ኡንቱንቶ ማርካታ” ያገደ፡፡

3 ሸን ዮናስ መድና ጎዳ ሰንላጥ ባቃቲደ፡ ታርሴስ ግያ ጋድያ ባናው ደንዴዳ፤ እ ዮጳ ካታማ ዋዲደ፡ ታርሴስ ብያ ማርካብያ ደሜዳ፡፡ መድና ጎዳ ሰንላጥ ባቃቲደ፡ ኡንቱንቱና ታርሴስ ባናው ሚሻ ጭገደ፡ ማርካብያን ገሌዳ፡፡

4 ሸን ማርካብ ቢሸን፡ መድና ጎዳይ አባ ቦላ ዋልቃማ ጫርኩቀ ደንሌዳ፤ ደንሌና አባ ቤታይ ሎይሳ ዳራዳ ግሻው፡ ማርካብ መእና ሀኔዳ፡፡

5 ያትና፡ ማርካብያ ላግያዎንቱ ያዩደ፡ ኡባይካ ባረንቱ ጸሓኮ ጸሓኮ ዋሴድና፡፡ ቃይ ማርካብ ካውሻና ማላ፡ አ ግደን ደእያ ጫና ደንሌደ፡ አባን ኦሌድና፡፡ ሸን ዮናስ ማርካብያው ግድ ክፍልያ ገሊደ፡ ያን ግሲደ፡ ገሞእሹቀ ፓኩራዳ፡፡

6 ማርካብያ ካፑ ገሞእሻድ ቢደ፡ “አያው ገሞእሻዲ? ደንዳ፡ ነ ጸሓ ዋሳ! ኡን ኤሪ፡ አ ባሪ ሎኦ ኦይፍያን ጸሊደ፡ ኑና አሻናዌንቶን” ያገደ፡፡

7 ማርካብያ ላግያዎንቱ እቱ እቶ ሀዋዳን ያገደና፤ “ሃይተ፤ ሀ ኢታባይ ኑና ኦ ጋሱቀን ጋከደንቶን ኤራናው ሳማ የጎይተ” ያገደና፡፡ ሳማ የግና፡ ሳማይ ዮናስ ቦላን ዋዲዳ፡፡

8 ኡንቱንቱ ዮናስ ሀዋዳን ያገደ ኦቼድና፤ “ሀ ኢታባይ ኦ ጋሱቀን ኦ ቦላ ጋከደንቶን፡ አነ ኑው ኦዳ፡ ነ ከታይ አዬ? ሀቃጥ ያድ? ነ ጋዲ ሀቁ? ኔን ኦ ዛሪ?” ያገደና፡፡

9 ዮናስ ዛሪደ፡ ሀዋዳን ያገደ፤ “ታን አብራዌ አሳ፤ አባነ ጋድያ መዴዳ መድና ጎዳው፡ ሳሉቀ ጸሓው ጎይናይ” ያገደ፡፡

10 መድና ጎዳ ሰንላጥ እ ባቃትያዎ እ ኡንቱንቶ ኦዴዳባጥ አሳቱ ኤራዳ ግሻው ያዬድና፡፡ አ፡ “ላ አይባ ፓላባ ኦላዲ?” ያገደና፡፡

11 ቃይ አባ ቤታይ ካሰዋጥ ሃ ዳራዳ ግሻው፡ አሳቱ ዮናስ፡ “ኑው አባይ ዋፓና ማላ፡ ኔና ኑን ዋታን?” ያገደ ኦቼድና፡፡

12 እ ኡንቱንቶ፡ “ሀ ዋልቃማ ቤታይ ሀንተንቱ ቦላን ደንዲደ ታ ጋሱቀና ግድያዎ ታን ኤራይ፡ ሄዎ ግሻው፡ ታና ደንሌደ፡ አባን ኦልተ፡ ያቶጥ፡ አባይ ሀንተንቶ ዋፑ ጋናዎ” ያገደ፡፡

13 ሸን ማርካብያ ላግያዎንቱ ማርካብያ ጉዮ አባ ዳናው ከሳናው ዋልቃጥ ባጸቲድና፤ ግደጥነ፡ አባ ቤታይ ሎይሳ ዳራዳ ግሻው፡ ከሳናው ዳንዳይብሰይክና፡፡

14 ሄዎ ግሻው፡ ኡንቱንቱ ሀዋዳን ያገደ፡ መድና ጎዳኮ ዋሴድና፤ “አቤት መድና ጎዳው፡ ሀ ብታንያ ሸምጥዎ ግሻው፡ ኔን ኑና ጳይሰናዳንነ ሀ ጌሻ ሱላ አጩዎ ኔን ኑጥ አቼናዳን፡ ኑን ኔና ሞንሲደ ዋሴቶ፡ አያው ጎጥ፡ መድና ጎዳው፡ ኔን ነ ኮዮዋዳን ኦላዳ” ያገደና፡፡

15 ሄዋጥ ጉዮ፡ ዮናስ ደንሌደ፡ አባን ኦሌድና፤ ኦልና አባ ቤታይ ዋፑ ጌዳ፡፡

16 ያትና፡ አሳቱ መድና ጎዳው ሎይሳ ያዬድና፤ መድና ጎዳው ያርሹቀ ያርሹድና፤ ሸቁዋካ ሸቁድና፡፡

17 ዮናስ ሞታና ማላ፡ እት ዋልቃማ ዋልያ መድና ጎዳይ ገግሴዳ፤ ሄ ዋልያ ኡሉቀን ዮናስ ሄዙ ጋላሳን ሄዙ ቃማ ደኤዳ፡፡

2

ዮናስ ዋሳ (2:1-10)

1 ዮናስ ዋልያ ኡሉቀን ደኢደ፡ ሀዋዳን ያገደ፡ መድና ጎዳኮ፡ ባሪ ጸሓኮ፡ ዋሴዳ፤

2 “ታን ታ ቱጋ ግደን ደኢደ መድና ጎዳ ጸሓድ፤ ጸሐና እ ታው ኮዬዳ፡፡ ታን ሰኦልያ ኡሎ ግደን ደኢደ ዋሳድ፤ ኔንካ ታ ዋሱቀ ሰሳዳ፡፡

3 ኔን ታና ጪማ አባ ጋርሳን ዲገ ኦላዳ፤ ሃላይ ታ ዩሹቀ ደዴዳ፤ ነ ኡሞቡለትያ ነ ቤታይ ታ ቦላና አዴድና፡፡

4 ሄዎ ግሻው፡ ታን ሀዋዳን ያጋድ፤ ታን ነ ሰንላጥ ዋራ ኦለታድ፤ ግደጥነ፡ ታን ነ ጌሻ ጎልያ ዛራደ ቦእና፡ ያጋድ፡፡

5 “ሃላይ ታው ቆድያ ጋካናው ሞቲዳ፤ ጪማ አባይ ታና ሙኩዳ፤ አባን ደእያ ማታይካ ታ ሀዲያን ጸጸቲዳ፡፡

6 ታን ደር ባሰቲዳ ሳኣ ዲገ ዋዳኢድ፤ ቢታንነ ኦ ኩቡቀን መድናው ጎርደታድ፡፡ ሸን አቤት መድና ጎዳው፡ ታ ጸሓው፡ ኔን ታ ሸምጥዎ ጪማ ኦለጥ ከሳዳ፡፡

1:1 2 ካታ. 14:25 1:17 ማቶሳ 12:40

7 “ታን ዋደ፣ ኔና መድና ጎዳ ሀሳያድ። ታ ዋሳይካ ኔኩ፣ ነ ጌሻ ጎልያ ማቅዳሰያ ጋኬዳ።
 8 ሀዳ ኤቃቶ ጎይንያዋንቱ ግኦድኣን እማነትያዋ አጌድና።
 9 ሸን ታን ጋላታና ነዉ ያርሻና፤ ታን ሸቄዳዋ ኡባካ ጋላና። እያዉ ጎፕ፣ እቶተላይ መድና ጎዳፕ ዬ” ያጌዳ።
 10 ሄዋፕ ጉዮ፣ መድና ጎዳይ ሞልያ አዛዝና፣ ሞሊ ዮናሳ ቢታ ቦላን ጮሼዳ።

3

ዮናስ ናናዌ ቡሳነ አሳ ናጋራ ፓጸላ
 (3:1-10)

1 መድና ጎዳ ቃላይ ላኤንሉዋ ዮናሳኩ ሀዋዳን ያጌደ ዬዳ፤
 2 “ደንዳ! ሄ ዋልቃማ ካታማ ነነዌ ባ፤ ታን ነዉ ኦድያ ቃላ ኤንቱንቶ ማርካታ” ያጌዳ።
 3 ዮናስ ደንዲደ፣ መድና ጎዳ ቃላዳን ነነዌ ቤዳ። ናናዌ ሎይሉ ዋልቃማ ካታማ፤ ሀ ጋጸፕ ያ ጋጸ ጋካናዉ ሄዙ ጋላሳ ሀመትሴ።
 4 ዮናስ ካታማ ብ ጋኪደ፣ እት ጋላሳ ኦግያ ካታማ ግዴዋኮ ሀመቲዳ፤ ሀመቲደ፣ “ኦይታሙ ጋላሳፕ ጉዮ፣ ናናዌ ጳያና” ያጌደ አዋዬዳ።
 5 ያትና፣ ነነዌ አሳይ ጸሳ አማኔዳ፤ ጸማ አዋዬዳ። ዋጋፕ ቄራ ጋካናዉ፣ ኡባይካ ማቅያ ማዬድና።
 6 ኦዲ ነነዌ ካትያኮ ጋኬዳ፤ እ ባረ ካዉተላ አራታፕ ዋዲደ፣ ካዉተላ ማዩዋ ማዬዳዋካ ቃሪደ፣ ማቅያ ማዩደ፣ ብድንላን ኡቴዳ።
 7 ያትደ ነነዌ አሳዉ ሀዋዳን ያጌደ አዋይሴዳ፤ “ካትያፕ ካትያ ኦሳንቻቱዋፕ እመቲዳ አዛዙዋ ማራን፣ ሀቼፕ ደሚደ፣ አሳይነ መሄ፣ ሚዛይነ ደርሳይካ ኡባይ አያነ እንጻርሳን ላጮፕና፤ ሃሳካ ጋንጾፕና።
 8 አሳይካ መሄካ ማቅያ ማዮ፤ አሳይ ኡባይ ሞንሲደ ጸሳኩ ዋሶ፤ ባረንቱ ኢታ ኦግያፕነ ናቆ ኦሱዋፕካ ሰሞና።
 9 ያትንቶ ኦን ኤሪ፣ ጸሳይ ኑዉ ቃረቲደ፣ ኑን ጳያናዳን፣ ባረ ዋልቃማ ሀንቁዋፕ ሰማነንቶን” ያጌዳ።
 10 ኤንቱንቱ ባረንቱ ኢታ ኦግያፕ ሰሜዳዋ ጸሳይ ቤዳ ዋደ፣ ኤንቱንቶ ቃረቲደ፣ ኤንቱንቱ ቦላ አሀና ጌዳ ኢታባ አግ ባሼዳ።

4

ጸሳይ እሜዳ ማርታን ዮናሳ ሀንቁዋ
 (4:1-11)

1 ሸን ሄዌ ዮናሳ ኡባካ ናሽኛቤና። ሄዋ ግሻዉ፣ እ ሎይሉ ሀንቁቲዳ፤
 2 መድና ጎዳ ሀዋዳን ያጌደ ዋሴዳ፤ “አቤት መድና ጎዳዉ፣ ታን ብሮ ታ ጋደን ደእደ ጌዳዌ ሀዋ ግደኔ? ታን ነ ሰንሳፕ ባቃታደ ታርሴሰ ባናዉ ኤሌሌዳዌ ሀዋሳ። ኔን ቃረታይነ ማርተላይ ኩሜዳ ጸሳ ግድያዋ፣ ሀንቆ ኤሌሊናዋነ አገና ሲቁዋን ኩሜዳዋ፣ ቃይ አሀና ጌዳ ኢታባካ አግያ ጸሳ ግድያዋ ታን ካሰካ ኤራድ።

3 አቤት መድና ጎዳዉ፣ ሀእ ሰሞ ሀይ ሀያና ታና ዋዳ፤ ፓጸ ደእያዋፕ ሀይቁያዌ ታዉ ሎኦ” ያጌዳ።
 4 መድና ጎዳይ አ ሀዋዳን ያጌዳ፤ “ቱሙ ኔን ሀዋ ሀንቁታናዉ በሲ?” ያጌዳ።
 5 ዮናስ ካታማፕ ከሲደ ቤዳ፤ ቢደ ካታማፕ አዋይ ደልያ ባጋን ኡቴዳ። ሄዋን ባረዉ ዳሰያ ዳሴዳ፣ እ ኩዋን ኡቴዳ፣ ካታማ ቦላ ጋክያዋ በእናዉ ናጌዳ።
 6 አዋ ሱሉዋፕ ዮናሳ አሻና ማላ፣ መድና ጎዳይ ጸሳይ እት ጎሰያ ደልሲደ ገግሴዳ፤ ሄ ጎሰያ ሀይላይካ ዮናሳ ሁጲያፕ ቦላ ባጋና ኩዋ ግዳናዳን ኦፊዳ። ዮናስ ሄ ጎሰያ ጋሱዋን ሎይሉ ናሽቲዳ።
 7 ሸን ዋንተላ ጋላሰ ዋንታ ጸሳይ ጉጹንያ ገግሴዳ፤ ሄ ጉጹኒ ጎሰያ ሞዋን፣ ጎሲ መል አጌዳ።
 8 አዋይ ከሶ ዋደ፣ ጸሳይ ሞቕያ ጫርኩዋ አዋይ ደልያ ባጋፕ ዩዴዳ፤ ሄዋፕ ደንደዳዋን ዮናስ ላባናና ጋካናዉ፣ አዋይ ዮናሳ ሁጲያ ጸጌዳ። ያትና እ፣ “ፓጸ ደእያዋፕ ሀይቁያዌ ታዉ ሎኦ” ያጌደ ሀይቃናዉ ዋሴዳ።
 9 ጸሳይ ዮናሳ ሀዋዳን ያጌዳ፤ “ቱሙ ኔን ሀ ጎሰያ ግሻዉ ሀንቁታናዉ በሲ?” ያጌዳ።
 ዮናስ፣ “ኤ በሰ፤ ኡባ ሀይቃና ጋካናዉ ሀንቁታናዉ በሰ” ያጌዳ።
 10 መድና ጎዳይ ዮናሳ ሀዋዳን ያጌዳ፤ “እት ቃማን ደላደ፣ ላኤንሉ ቃማ መሌዳ ጎሰያዉ፣ ኔን አን ዳቡራቤናባዉን ድቻቤናባዉ ሀዋ ኬሻ ቃረታዳ።
 11 ኡሸቻን ሀድርሳ ሻክ ኤርቤና ጴታን ላታሙ ሻእ አሳይነ ዳር መሄ ናናዌን ደኤ። ያትና ታን ሀ ዋልቃማ ካታማዉ ቃረታናዉ በሰኔ?” ያጌዳ።

3:4 ማቶሳ 12:41፤ ሉቃሳ 11:32 4:2 ከሳ 34:6 4:3 1 ካታ. 19:4

ሚክያ ትምህርት ገላጭ

ትምህርትን እድያ ሚክያስ አሰያሳ ዋደ ደኤዳ አሳ። እ የለቴዳዌ ገድሳ ባጋ ይሁዳ ካወተላ ግደን ደእያ እት ጉላ ጋጸረ ካታማና። አዎጽ ሁጲሳ ካወተላ ቦላ ባሻይ ያናዋ ኦዳዳዋዳን። ሚክያስካ ሄ ጋሶቱዋን ይሁዳ ካወተላ ቦላ ባሻይ ጋካናዋ ኦዳዳ። አሳይ ፕርዳ ጌላይያ። ሄ ሸይያ ኦሱዋ ቦላ ጸሳይ ፕርዳ አሁናዋ ሞንሲደ ኤርሴዳ። ግደፕን ሚክያሳ ትምህርትን ቃላይ ሰንላፕ ሎኦባቱ ያናወ ደእያዋ በሰያ ዳር ማላታቱዋካ ጉጂደ ኦይቄዳ።

ዲማዪደ ሞንሰ ጸላናወ በሰያ ክፍላቱ ጸሳ ሞዲዋ ጋርሳን ኩመንላ ሳኦይ ሳሩዋ ደማናዋ (4:1-4)፤ ዳዊታ ካወተላ ቱራፕ ዋልቃማ ካቲ ደንዲደ፤ አሳወ ሳሩዋ እማናዋ (5:2-4)፤ ሄዋዳንካ ቃይ እሰራኤልያን ትምህርትን ኦዳዳዋንቱ ቃላይ መጽ እት ጽቅሰያን ኩሸትያዋ ኦድያዋንታ። ሄ ጽቅሲ ኦዲደ፤ “እ ኦፕ ኮይያዌ፡ ኦን ልከባ ኦላናዋ፡ ኬካተላይ ኩሜዳ ሲቁዋ በሳናዋን ኦ ጸሳና ኩመንላ አሸከተላን ሀመታናዋ” (6:8)።

ሸምፓቱዋ ኡባቶ እመቴዳ ቃንላ ቆፋቱዋ

1. ጎዳይ ባረ እሳ ሙራና 1:1—2:11
2. ሰንላ ሀደታ 2:12-13
3. ጸሳይ ኢታ ካለልያዋንታን ዋርዶ ናባቱዋ ሙራና 3:1-12
4. ኦራሳ እሰራኤላትን ኦራላ ጌሻ ጎልያ 4:1—5:15
5. እሰራኤልያ ናቁ ቆንጩሳ 6:1—7:7
6. አሳይ ጸሳኮ ሰሙሳ 7:8-20

ጎዳይ ባረ እሳ ሙራና (1:1—2:11)

1 እዮኦታም፡ እካዝን ሀዝቂያስ ካል ካሊደ ይሁዳን ካተቱዳ ዋደ፡ ዋረሸታ ካታማ እሳ ግድያ ሚክያሳኮ ይዳ መጅና ጎዳ ቃላይ ሀዋ፤ እ በኤዳ ሳጸይ ሳማርያዋን የሩሳላመባ።

2 ሀንተኖ፡ አሳወ ኡባወ፡ ሰሰተ! ቃይ ሳኦወን ሳኦን ደእያ ኡባ ገደ፡ ሀዋ ሰሰተ! ኡባ ሞድያ መጅና ጎዳይ ሀንተ ቦላ ማርካቱ፤ እ ባረ ጌሻ ጌሻ ጎልያን ሀንተዋ ሃሳዮ።

3 በእተ፡ መጅና ጎዳይ ባረ ደእያ ጌሻ ሳኦፕ ዬ፤ ዲገ ዬደ፡ ደረቱዋ ሁጲያን ሀመቱ።

4 ኤሳ ሙቃዳይ ታማን ሴርያዋዳን፡ ደረቱ እ ገድያፕ ጋርሳና ሲላና፤ ኡንቱንቱ ደርያፕ ዛንጋራይ ዲገ ጎግያ ሃላዳን ጎጋና።

5 ሀዋ ኡባይ ሀንያዌ ያቆባ ዛራቱዋ ባይዙዋ ግሻሳን እሰራኤልያ አሳ ናጋራ ግሻሳ። ያቆባ ዛራቱዋ ባይዙ ጋሱዋ ግዳዳዌ ኦኔ? ኡንቱንቱ ካታማ ሳማርያ ግደኔ? ይሁዳ አሳይ ጎይንያ ጹቃ ሳኦይ ሀቁ? የሩሳላመ ግደኔየ?

6 ሄዋ ድራወ፡ ጸሳይ ሀዋዳን ያጌ፤ “ታን ሳማርያ፡ ደምባን ኬለቴዳ ቡርጩ ሹቻን ዋይንያ

ቱራ ቶክያ ሳ ኦላና። ቃይ ታን ኦ ሹቻ ቡርጩዎ ዲገ ዛንጋራወ ኦላና፤ እ ባሱዋካ ካሎያና።

7 ኦ ኤቃ ሞሰለቱ ኡባይ ክንቼታና፤ ኦ ኤቃ ጎልያን ኦልያ ሻርሙጻቶ እመቴዳ ሻርሙጻ የወ ኡባይ ታማን ጸገታናዋ፤ ታን ኦ ኤቃቱዋ ኡባ ቆይሳና። እያወ ጎፕ፡ ሄ የወ ኡባይካ ሻርሙጲደ ደሜዳዋ ግድያ ድራወ፡ እካ ቃይ ሰሚደ፡ ሀራ ሻርሙጻወ እመታና” ያጌ።

ዬኩዋን ዋሱዋ

8 ሄዋ ድራወ፡ ታን ዬካናን ዋሳና፤ ካሎ ጲራን መላ ገድያን ሀመታና፤ ዋራካናዳን ዋሳና፤ ቃይ ሶጎንያዳንካ እየ ጋና።

9 እያወ ጎፕ፡ ሳማርያ ማዲላይ ፓጻናወ ዳንዳየናዋ። ሄ ቱጋይ ይሁዳ ጋድያ ጋኬዳ፤ ቃይ ታ አሳይ ደእያ የሩሳላመ ካታማ ፕንግያካ ማቴዳ።

10 ጋተ ካታማን ደእያ ኦ ሞርከቶ ሄዋ ኦደፕተ፤ ኡንቱንቱ ሰንላን ሙላ ዬኮፕተ። ቤት-ኦፍራ ካታማን ባናን ጎንደረትተ።

11 ሀንተኖ፡ ሻፊራ ካታማን ደእያዋንቶ፡ ካሎቲደ ዬላቲደ፡ ኦሞደ ቢተ። ጸእናና ካታማን ደእያዋንቱ ያፕ ከሳናወ ጸልክና። ቤት-ኤጾላ ካታማይ ዬኩ ደእያሳ ግድያ ድራወ፡ እ ሀንተንቶ እትያሳ ግደናወ ዳንዳየና።

12 መቱ መጅና ጎዳፕ የሩሳላመ ፕንገ ጋካናወ ዬዳ ድራወ፡ ማርታን ደእያ አሳይ፡ “ሎኦባይ ያንዴሻ!” ጊደ ናጊደ ዳቡራዳ።

13 ሀንተኖ፡ ላክሻ ካታማን ደእያዋንቶ፡ ጋርያ ጎቾያ ፓራቱዋ ዋጽተ። የሩሳላመ አሳይ ናጋራ ኦላናዳን ጋሱዋ ግዳዳዌ ሀንተና፤ እያወ ጎፕ፡ ጽዮን እሳ ናጋራይ ኮይር ሀንተ ቦላ ቤቱዳ።

14 ሄዋ ድራወ፡ ሀንተኖ ይሁዳ አሳቶ፡ ሀንተ ቢደ፡ ዋረሸታ-ጋተ ካታማ አሳወ እዎታ እማና። እክዘባ ካታማ አሳይካ እሰራኤልያ ካተቱዋ ጭምያዋንታ ግዳና።

15 ሀንተኖ፡ ማራሻ ካታማን ደእያዋንቶ፡ መጅና ጎዳይ ሀንተና ጸንያዋ ሀንተ ቦላ አሀና፤ ቦንቼቱዳ እሰራኤልያ ካለልያዋንቱ ኦዲላማ ጎንጎሉዋን ቆሰታና።

16 ሀንተኖ፡ ይሁዳ አሳቶ፡ ሀንተ ሲቅያ ናናይ ሀንተፕ ኦሞደቲደ ባናወ ደእያ ድራወ፡ ሀንተ ሁጲያ ማደትተ፤ ሀንተ ሁጲያካ እንኩዋ ሁጲያዳን ቦኦይተ።

2

ሀዬሳቱዋ ኡቁንያዋንቱ ቦላን ጋካናወ ደእያ ኢታ ካጫ

1 ኢታባ ሀልቾያዋንቶ፡ ቃይ ባረንቱ ሄጸን ደኢደ፡ ኢታባ ዋት ኦላንቶ ቆፕያዋንቶ እየ እና! ዋልቃይ ኡንቱንቱ ኩሸያን ደእያ ድራወ፡ ሳኦይ ዋንትያ ዋደ፡ ባረንቱ ሀልቾዋ ፖሊና።

2 ኡንቱንቱ ጎሻ ጋድያ ኦሞቶፕ፡ አሳዋ ዋልቃን እክ አጊና፤ ጎለቱዋ ኮዮፕካ እክ አጊና። አሳ ማታ የጲደ፡ ኦ ላታ ጮ ቦንቁኖ።

3 ሄዋ ድራወ፡ መጅና ጎዳይ ሀዋዳን ያጌ፤ “በእተ፡ ታን ሀንተ ቦላን ኢታባ አሀናወ ሀልቻይ፤

1:1 2 ካታ. 15:32—16:20፤ 18:1—20:21፤ 2 ኦዲዋ 27:1-7፤ 28:1—32:33

ህዋጥ ህንተ ከሰ አካናወ ዳንዳይክታ። ህዋ ኢታ ዋደ ግድያ ድራወ። ህንተ ኦቶረቲደ ሰመረታናወ ዳንዳይክታ።

4 ሄ ጋላስ ኡንቱንቱ ህንተ ቦላን ሌምስ ሌምሲደ ቅሊጫና፤ ቃይ ሀዋዳን ያግ ዘላሊደ፤ ህንተና ህድታ ቃንጽሳና፤

“ኑን ኡባይካ ኡባና ጳዴድ።
መድና ጎዳይ ኑ ጋድያ አኪደ፤
ማካላንቻቶ ግሽ ግሺደ፤
እም ድጌዳ ያጋና” ያጌ።

5 ህዋ ድራወ። ጋድያ ኤጸን ግሽያ ዋደ፤ መድና ጎዳ ሺቁዋ ግደን ነ ሳማ ከሰያ እት አሳይነ ደኤና።

6 አሳይ ታና ሀዋዳን ያጌ፤ “ኑ ቦላ ትምቢትያ ኦድፓ። ‘ሀዋ ሀዋ ህንተ ቦላ ሀናና’ ጊደ ኦንነ ሃሳያናወ ኮሸና። ህዋ ማላ ካወሻይ ኑ ቦላ ሙለካ ዬና” ያጊና።

7 ታን ኡንቱንታ፤ “ህንተኖ ያቆባ ዛረቶ፤ ‘መድና ጎዳ አያናይ ዳንዳያንቻ ግደኔየ? እ ህዋ ማላባ አሏየ?’ ያጊደ ህንተ ኦቻናወ በሲ?” ያጋድ።

ጸሳይ ሀዋዳን ያጌ፤ “ሱረ ኦግያን ብያዋንቶ ታ ቃላይ ሎኮባ ኦሌ ግደኔ?”

8 ሽን ማታ ዋድያፕ ደሚደ፤ ታ አሳይ እቱ እቱዋ ቦላ ሞርክያዳን ደንዴዳ። ህንተ ሳሮ አሳቱዋ ማዩዋ፤ ኦላ ቆፋይ ሙለካ ባይናን አማነቲደ አድያ አሳቱዋ ማዩዋ ቃር አኪታ፤

9 ታ አሳ ግደን ደኤያ ማጫ አሳቱዋ ኡንቱንቱ ሎኦ ጎልያፕ ላግ ከሲታ፤ ታ አንጃዋካ ኡንቱንቱ ናናቱ ቦላፕ መድናወ አክ ድጊታ።

10 ደንዲደ ቢተ! ሀዋ ህንተንቶ ሸምፕያ ሳ ግደና። አያወ ጎፕ፤ ሀ ሳኦይ ቱናተላፕ ደንዴዳዋን ዳር ባዬዳ።

11 “እት ጭምያ ዋርዳንቻይ ዩደ፤ ‘ህንተወ ሰንላፕ ዋይንያ ኤሳይነ ማላይያ ኡሻይ ጉፈታና’ ያጊደ ዋርዲዋ ትምቢትያ ኦድንቶ፤ እ ህንተንቶ ትምቢትያ ኦድያዋ ግዳና።

ሰንላ ህድታ (2:12-13)

12 “ህንተኖ፤ ያቆባ ዛረቶ፤ ታን ህንተና ኡባካ ሺሻና፤ ታን አሰራኤልያ አሳፕ አቴዳዋንታ ቱሙዋፕ ኡባካ ሺሻና። ደርሳቱ ካሉዋን ሺቅያዋዳንን ደርሳ ወዲ ህንላ ጋደን ሺቅያዋዳን፤ ታን ኡንቱንታ እትፕ ሺሻደ ዋላና። ሄ ሳኦይ ዳር አሳ ሻባረቱሳን ኩማና።

13 ኡንቱንታ ከሰያዌ ኡንቱንቱፕ ሰንላቲደ ከሳና፤ ኡንቱንቱካ ፕንግያ መንሏደ፤ ህዋና ከሲደ ባና። መድና ጎዳይ ባረ ሁጺያን ኡንቱንቶ ካትያ ግዲደ፤ ኡንቱንታ ሰንላወ አዲደ፤ ኡንቱንታ ካለላና” ያጌ።

3

ጸሳይ ኢታ ካለላያዋንታን ዋርደ ናባቱዋ ሙራና (3:1-12)

1 ታን ሀዋዳን ያጋድ፤ “ህንተኖ፤ ያቆባ ዛረቱዋ ካፓቶን እሰራኤልያ አሳ ካለላያዋንቶ፤

ሰሰተ! ህንተ ሱረ ፕርዳ ኤራናወ ህንተንቶ በሰኔየ?

2 ህንተ ሎኡዋ እጺደ፤ ኢታ ደሲታ። ታ አሳፕ ኡንቱንቱ ጋልባ ቃሪታ፤ ኡንቱንቱ አሹዋካ ኡንቱንቱ መቀላፕ ሻኪታ።

3 ህንተ ታ አሳ አሹዋ ሚታ፤ ኡንቱንቱ ጋልባካ ኡንቱንቱፕ ቃሪታ፤ ኡንቱንቱ መቀላ መንጋሌደ፤ ኡንቱንቱ አሹዋካ ጸሩዋን የጋናወ ሙጽያዋዳን ሙጸረቲታ” ያጋድ።

4 ሄ ዋደ ኡንቱንቱ መድና ጎዳኮ ዋሳና፤ ሽን እ ኡንቱንቶ ዛረና፤ እ ባረ ዴሙዋ ሄ ዋደ ኡንቱንቱፕ ቆሳና፤ አያወ ጎፕ፤ ኡንቱንቱ ኢታ ኦሱዋ ኦሌድና።

5 ባረ አሳ ዋራ ካለላያ ትምቢትያ ኦድያዋንቱባ መድና ጎዳይ ሀዋዳን ያጌ፤ “ህንተወ ምያዋ እምያ ዋደ፤ ናወ ሳኦይ ሳራ” ያጊታ፤ ሽን ህንተና ቁማ ምዘናዋ ቦላ ኦላ አዋዪታ።

6 ህዋ ድራወ፤ ህንተንቶ ጋላሳይ ቃማ ግዳናፕ አትና፤ ሳፃ በእክታ፤ ሳኦይካ ጳማናፕ አትና፤ ላኤንላ ሙሩንክታ። ትምቢትያ ኦድያዋንቶ አዋይ ወልና፤ ጋላሳይ ጳማና።

7 ሳፃ በእያዋንቱ ዬላታና፤ ሙሩንያዋንቱካ ካወሻና። ጸሳ ማታፕ ኡንቱንቶ ዛሩ ባይና ድራወ፤ ኡንቱንቱ ዬላቲደ፤ ኡባይካ ባረንቱ ደና ኦይቃና” ያጌ።

8 ሽን ታና ግደፕ፤ ታን ያቆባ ዛረቶ ኡንቱንታ ባይዙዋ፤ እሰራኤልያ አሳሰካ ኡንቱንቱ ናጋራ ኦዳና ማላ፤ ዋልቃን፤ መድና ጎዳ አያናን፤ ሱረ ፕርዳንን ምኖተላን ኩማና።

9 ህንተኖ፤ ሱረ ፕርዳ እጽያን ሰታ የወዋካ ደቂያዋንቶ ያቆባ ዛራቱዋ ካፓቶን እሰራኤልያ አሳ ሞድያዋንቶ፤ ሀዋ ሰሰተ።

10 ህንተ ጽዮን ካታማ ሱላ ጉሲደ ኬጺታ፤ የሩሳላመ ካታማካ ማካላን ኬጺታ።

11 እ ካፓቱ ማታይያን ፕርዲና፤ እ ቁሳቱ ድርጉዋን ታማርሲና፤ ቃይ እ ትምቢትያ ኦድያዋንቱካ ሚሻ ቃንጽና ሙሩኒና። ሽን ያቲደካ፤ “መድና ጎዳይ ኑ ግደን ደኤ ግደኔ? ኑ ቦላ አያ ኢታባይካ ዬና” ያጊደ መድና ጎዳን አማነቲኖ።

12 ህዋ ድራወ፤ ህንተ ጋሱዋን ጽዮን ደርያ ሸይቃዳን ጎሽታና፤ የሩሳላመ ካታማይካ ኮለቲደ እትሳን ደረቱዳ ሱፓ ሹቻ ግዳናዋ። ጌሻ ጎልያ ኬጺቱዳ ሳኦይካ ዋራ ግዳናዋ።

4

ኦራላ እሰራኤላትን ኦራላ ጌሻ ጎልያ (ሆሰ 4:1-5:15)

1 ወርሰላ ጋላሳቱዋን መድና ጎዳ ጌሻ ጎልያ ኬጺቱዳ ደሪ ደረቱዋ ኡባፕ ጴቂደ ቤታና፤ ከራ ኡባቱዋፕካ ቦላና ጴቂ ጴቂ ጋና። ጋድያ አሳይ አኮ ዛታና።

2 ዳሮ ካወተላቱዋ አሳይ ዩደ፤ “ሃይተ፤ መድና ጎዳ ደርያ፤ ያቆባ ጸሳ ጌሻ ጎልያ እነ ፑደ ከሰይተ። እ ኮይያዋዳን ኑን ባና ማላ፤ እ ኑና ባረ ኦግያ ታማርሳና” ያጋና። አያወ ጎፕ፤ ህጊ ጽዮን፤ መድና ጎዳ ቃላይካ የሩሳላመፕ ከሳና።

3:12 ኤር. 26:18 4:3 ኤዩ. 3:10

3 እ ዳር አሳቱ ግዲዎን ፕርዳና፤ ሃኩዎን ደእያ ምኖ ካወተላቱዎ ፓሉምያካ ሻካና። ኢንቱንቱ ባረንቱ ማሻ ማራሻ፣ ባረንቱ ቶራካ ባጫ ከሳናዉ ቆጸና፤ ካተተላይ ካወተላ ቦላ ማሻ ደን። ሀዋፕ ጉይያን፣ ኢንቱንቱ ኡባና ኦላ ትምርትያ ታማርክና።

4 ሸን እሳይ ኡባይ ባረ ዎይንያ ቱራ ኩዋንን ባላሰያ ኩዋን ዎቸ ጊደ ኡታና፤ እይ እሳይን ኢንቱንታ ያሸሰና። እያዉ ጎፕ፣ ኡባፕ ዎልቃማ መጅና ጎዳይ ሀዋ ሃሳዬዳ።

5 አሳይ ኡባይ ባረ መጅና ጎዳ ጸሳ ሱንላን ሀመታና፤ ሸን ኡን መጅና ጎዳ ኑ ጸሳ ሱንላን መጅፕ መጅናዉ ሀመታና።

እስራኤልያ አሳይ ኦሞዲዎፕ ሰማና

6 መጅና ጎዳይ ሀዋዳን ያጌ፤ “ሄ ጋላስ ታን ዎባቱዎ ሸሻና፤ ቃይ ኦሞዲዎን ሃኩ ሳኦ ቤዳዋንታን ታን ቱጋይዳዋንታካ ሸሻና።

7 ታን ዎባቱዎ ወሪደ አቱዳ አቶዋንታ ኦላና፤ ቃይ ኦሞዲዎን ሃኩ ሳኦ ቤዳዋንታካ ምኖ ካወተላ ከሳና። ሄ ዎድያፕ ደማደ መጅና ጋካናዉ፣ ታን መጅና ጎዳይ ጽዮን ደርያን ኢንቱንቱ ቦላ ካተታና” ያጌ።

8 ኔኖ፣ መጅና ጎዳ አሳ ዎቻያ የሩሳላመ ጶቃ ግምቢያዉ፣ ነዉ ካሰ ነ ሞድያ ማታይ፣ ቃይ የሩሳላመ ካወተላ ዛዎይ ኡባይካ ሰማና።

9 ሀእ ኔን ኮሻ ጶቁ ኦላደ ዋሰያዌን የሉ ኦይቄዳ ምሽራቲዳን ኡንኤልያዌ እያሴ? ነዉ ካቲ ባይና ግሻሴየ? ዎይ ኔና ዘርያዌ ጳዬዳ ድራሴ?

10 ሀንተኖ፣ ጽዮን አሳቶ፣ የሉ ኦይቄዳ ምሽራቲዳን ኦሊደ ጎንደረትተ። እያዉ ጎፕ፣ ሀንተ ካታማፕ ከሰያዌ አተና፤ ከሲደ ደምባን ደአና፤ ሄዋፕካ ባብሎን ባና። ግደፕ፣ ያን ሀንተ አታና፤ መጅና ጎዳይ ሀንተና ሀንተ ሞርከቱዎ ኩሸያፕ ዎዛና።

11 ሸን ሀእ ዳር ካወተላቱ ነ ቦላ ሸቄድኖ፤ ሸቄደ፣ “የሩሳላመ ቱኖ፤ ኑ አይፊካ ጽዮን ደረቆ” ያጊኖ።

12 ሸን ኢንቱንቱ መጅና ጎዳ ቆፋ ኤርክኖ፤ እ ሀልቹዎካ እኬክክና። ካላ ቡክያ ኡዲማዉ ሸሼዳ ምርቄያዳን፣ መጅና ጎዳይ ኢንቱንታ ሙራናዉ ሸሼዳ።

13 ሀንተኖ፣ የሩሳላመ አሳቶ፣ ደንድተ፤ ደንዲደ፣ ሀንተ ሞርከቱዎ ቆጵተ። ታን ሀንተ ካጭያ ብራታ፣ ሀንተ ቅንጫፍልያካ ናሃሰ ኦላና። ሀንተ ዳር ካወተላቱዎ ክንቹሬላና፤ ኢንቱንቱ ሱገላን ሸሼዳባ ኡባ ሀንተ መጅና ጎዳዉ ዲማያና፤ ሀንተ፣ ኢንቱንቱ አቁዎካ ሳኦ ኡባ ጎዳዉ እማና ያጌ።

5

1 ሀንተኖ፣ የሩሳላመ አሳቶ፣ ሀንተ ኦላንቻቱዎ ሸሸተ! እያዉ ጎፕ፣ ኡን ሞርከቱዎን ዲደቱደ፤ ኢንቱንቱካ እስራኤልያ ካለልያዎ ጋፓታ ጋትማን ሸጫናዉ ሀኒኖ።

ቤተሌመፕ ካለልያዌ ከሳናዌ ትምቢትያን ኦደቱዳ

2 መጅና ጎዳይ ሀዋዳን ያጌ፤ “ኔኖ ኤፍራታ፣ ቤተሌመ ካታማዉ፣ ኔን ይሁዳ ካታማቱዎ ግደን ጉላ፤ ሸን አዉ ደንዲ በንፕ ደማደ፣ መጅናፕ ግዴዳዌ፣ እስራኤልያ አሳ ሞድያዌ ታዉ ኔፕ ከሳና” ያጌ።

3 ሄዎ ድራዉ፣ የሉዎ ኦይቀትያ ምሽራታ ሄ ናኦ የላና ጋካናዉ፣ መጅና ጎዳይ እስራኤልያ አሳ ሞርከቱዎ ኩሸያን አሊደ እማና። ሄዋፕ ጉይያን፣ ኦሞዲዎን ደእያ አ እሻቱ ሰማደ፣ ባረንቱ አሳና ዋላከታና።

4 እ ያና፤ መጅና ጎዳ ሞኖተላን፣ መጅና ጎዳ ባረ ጸሳ ሱንላ ግታተላን ባረ አሳ ሄማና። እ ሳኦ ጋጸ ጋካናዉ ዎልቃማ ግድያ ድራዉ፣ ኢንቱንቱ ሳርተላን ደአና።

5 እ ኢንቱንቶ ሳርተላ ግዳናዎ።

መጅና ጎዳይ እስራኤልያ አሳ አሻና ኢንቱንቱ ሞርከቱዎካ ጳይሳና

አሰረ ጋድያ አሳቱ ኑ ጋድያ ዎራጅያ ዎደን ኑ ጌሱዋካ የደርሲደ ገልያ ዎደ፣ ኡን አሳ ሄማናዉን ካለላናዉ ግድያን ግዲደ ፓላሀያ አሳ ደንሊደ፣ ኢንቱንቱና ኦላ ጋከታና።

6 ኢንቱንቱ አሰረ ጋድያ ኦላን ጸናና፤ ቃይ ሄ ጋድያን ደእያ ናምሩድ ኬጶዳ ጋድያ ሞዳና። አሰረ ጋድያ አሳቱ ኑ ጋድያ ዎራጅያ ዎደን ኑ ዛዋካ የጅያ ዎደ፣ ኑ ጋድያ ሞድያዌ ኑና ኢንቱንቱፕ አሻና።

7 ያቆባ ዛራቱ አትያዋንቱ ዳር ጋደ አሳ ግደን መጅና ጎዳይ ኪቱዳ ጮኩዎ ማላን ማታ ቦላን ዎጅያ ፑሰያ ማላ ግዳናዎ። ጮኩነ ፑሰ ያናዉ አሳ አዛዙዎ ናገናዎዳን፣ እስራኤልያ አሳይካ መጅና ጎዳፕ አትና፣ አሳ ናገና።

8 ያቆባ ዛራቱ አትያዋንቱ ካወተላቱዎ ግደን፣ ዳር አሳ ግደን፣ ባዙዎ ደአቱዎ ግደን ደእያ ጋሙዎ ማላን ደርሳ ዉድያ ግደን ደእያ ዎዳላ ጋሙዎ ማላ ግዳናዎ። እ ሄዋና ካንልያ ዎደ የረረቱን መንግጫ፤ ኦንነ አሻናዉ ዳንዳየና።

9 ነ ኩሺ ኔናና ኤቀትያዋንቱ ቦላ ደንዳና፤ ነ ሞርከቱ ኡባይካ ጳያና።

10 መጅና ጎዳይ ሀዋዳን ያጌ፤ “ሄ ጋላስ ታን ነ ፓራቱዎ ነ ግደፕ ጳይሳና፤ ነ ፓራ ጋረቱዎካ መንግጫና።

11 ታን ነ ጋድያ ካታማቱዎ ጳይሳና፤ ነ ጌሱዋካ ኡባ ላላና።

12 ቃይ ነ ካዩዎ ታን ጳይሳና፤ ሙሩንያዎንቱካ ሀዋፕ ሸንላናዉ ነ ግደን ደእክና።

13 ታን ነ ኤቃ ምሰለቱዎን ነ ጎይናዉ ኤሴዳ ሹቻቱዎ ነ ግደፕ ጳይሳና፤ ሀዋፕ ሸንላናዉ ኔን ነ ኩሸያን መጴዳባዉ ጎይናካ።

14 ታን አሸር ግያ ጸሳት ምሰልያ ነ ግደፕ ጶቆላና፤ ነ ካታማቱዎካ ጳይሳና።

15 ታዉ አዛዘትቤና ካወተላቱዎ ቦላ ይሉዋንን ሀንቁዎን ታን ሀሉዎ ከሳና” ያጌ።

6

እስራኤልና ሩቁ ቆንጩን (6:1-7:7)

1 መድና ጎዳይ እስራኤልና አሳና ሞተትም ሰሰተ።

“ደንዳ! ደንዳደ ዶቃ ደረቱዋ ሰንፋን ፕርደታ፤ ኔን ግያዋ ደረቱካ ሰሰኖ።

2 ህንተኖ ደረቶ፣ ህንተኖ፣ ሳይይ ኤቄዳ ሞኖ ባሶቶ፣ መድና ጎዳይ ሞትያ ሞቱዋ ሰሰተ። መድና ጎዳይ ባረ አሳና ሞተቱ፤ እስራኤልና አሳና እ ፓሉመቱ።”

3 መድና ጎዳይ ኡንቱንታ ሀዋዳን ያጌ፤ “ታ አሳወ፣ ታን ህንተና ሞታታ? ታን ህንተንቶ ዋናደ ቶኩዋ ግዳታ? እነ ታወ ኦድተ!

4 ታን ህንተና ግብጹ ጋድያፕ ከሳድ፤ ቃይ ህንተና አይለተፋፕ ዋዛድ። ህንተና ካለፋና ማለ ሙሳ፣ እርናን ሚርያዋ ህንተወ ኪታድ።

5 ታ አሳወ፣ ሞኣባ ካትያ ባላቅ ሀልቼዳዋን ብኡራ ናኦይ ባለም እወ ዛሬዳዋ ሀሳያ። ሺጽማ ግያ ሳፕ ገልጋል ኔን ብያ ዋደ፣ ኦግያን ሀኔዳዋ እነ ሀሳያ። ሄዋ ሀሳዮፕ፣ ታን መድና ጎዳይ ኔና አሻናወ ኡፊዳ ኦሱዋ ኔን አኩካና” ያጌ።

መድና ጎዳይ ባረ አሳፕ ኮይያዋ

6 መድና ጎዳ፣ ዶቃ ሳኦን ደእያ ጸሳ ሰንፋን ጎይናወ ያደ ታን እያ አካደ ሺቆ? እወ ጸገትያ ያርሹዋ ግዳና ማላ፣ እት ላይላ ግዴዳ ኮሩማቱዋ አካደ፣ እ ሰንፋ ዮሻ?

7 መድና ጎዳይ ሻእ ዶርሳ ኦርገቱዋን ዋይ ታሙ ሻእ ሻፋቱዋን ደእያ ሃላ ኬሻ ዋጋራ ዛይትያን ናሽታንዴ? ታ ናቅዋ ድራወ፣ ታ ባይራ ናኦ፣ ታ ሸምቱዋ ናጋራ ግሻወካ ታ የሉዋ አምሻ?

8 ሀይ አሳወ፣ መድና ጎዳይ ነወ ሎኦባ ኦድ ዋፊዳቱ። መድና ጎዳይ ኔፕ ኮይያዋ አዬ ጎፕ፣ ኔን ሱረባ ኦላናዋ፣ እገና ሲቁዋ በሳናዋን አሸከተላን ነ ጸሳና ሀመታናዋ።

9 መድና ጎዳወ ያይያዋ አዴዳ ኤራተላ። የሩሳላመ ካታማ አሳ ጸሳይ ሀዋዳን ያጌ፤ “ሙራና ጋትማን ሄ ጋትማ ገግሴዳዌካ ኦንንቶ እኬክተ።

10 ናጋራንቻ ጎልያን ደእያ ናጋራን ሺሺዳ ሻሉዋን ታ እጽያ ዋርዶ ማክያ ሚሻቱዋ ታን ደጋኔየ?

11 ያትና፣ ሀ ዋርዶ ሚዛናን ልክያዋን ዋርዶ ሚሻን ማክያ አሳ ናጋራ ታን ዋታደ አቶ ጋናወ ዳንዳያይታ?

12 ሄ ካታማ ዲረቱ ማካላን ኩሚዳዋንታ፤ እን ደእያ አሳይ ኡባይ ዋርዶዋ። ኡንቱንቱ ዶና ግዴን ደእያ ኡንቱንቱ እንጸርሳይካ ባረ ሀጲያወ ጌላ።

13 “ሄዋ ድራወ፣ ታን ህንተ ናጋራ ጋሱዋን ህንተና ጳይሳናወን ድጋናወ ደንዳድ።

14 ህንተ ማና፣ ሸን ካልክታ፤ ናፍሳይካ ህንተፕ ዱጸና። ህንተ ቡሪደ ሺሻና፣ ሸን ህንተንቶ ደጋተና፤ ህንተ ዳጋዬዳዋን ታን ኦላ የዳደ ጳይሳና።

15 ህንተ ካላ ዘራና፣ ሸን ጋክና ጫክክታ፤ ዋጋራ ቱራ ጉምኦና፣ ሸን ሄ ዛይትያ ኦከትክታ፤ ዋይንያ ቱራካ ህንተ ጉምኦና፣ ሸን ኦ ኤሳ ኡሸክታ።

16 ህንተ ካትያ ኦምራ ዋጋ፣ ኦ ናኦ ካትያ አካባ ጎለ ኢታ ኦሱዋን ኡንቱንቱ ዞርያ ካሌዳ ድራወ፣ ታን ህንተና ጳይሳና፤ ታን ህንተና አሳይ ኡባይ ቦርያባ ኦላና። አሳይ ኡባይ ህንተና ሸቂያ ሸቃካ ህንተ ቶካና” ያጌ።

7

እስራኤልና አሳ ቱናተላ

1 እየ እና ታና! ታን ቱራይ ማጸት ወር ክቶና ዪደ፣ ዋይንያ ቱራፕን ባላሰያ ሞላፕ ባረ አምቱዳዋ ደማናወ ዳንዳይቤና ኮሻቱዳ ብታንያ ማላ ግዳ ክቻድ።

2 ጸሳ ዶሰያ ኬካ አሳይ ጋድያን ሙለካ ባዋ፤ አሳ ጋርሳን ሱረ አሳይ ጳዬዳ። አሳይ ኡባይ አሳ ሱላ ጉሳናወ ዙጊድ ናጌ፤ ቃይ ኡባይካ ባረ እሻ ግትያን ኦይቃናወ ካሌ።

3 ኡንቱንቱ ኩሸቱ ላኡካ ኢታባ ኦላናወ ሎሀ ኡቱድኖ። ካፕን ዳናይ ማታይያ ኦቻኖ፤ ዋልቃማ አሳቱ ባረንቱ አምቱዳዋ ኦዲኖ፤ ኡንቱንቱ ኡባይካ እትፕ ኢታ ኦሊኖ።

4 ኡንቱንቱ ጋርሳን ኤበሎ ኬካ ግያዌ አጉንላ ማላ፤ ቃይ ኤበሎ ሱረ ግያዌ ጎምኦርያ ማላ። ጸሳይ ትምቢትያ ኦድያዋንቱ ባጋና ኦዴዳዋዳን፣ እ ባረ አሳ ሙሪያ ጋላሳይ ጋኬዳ፤ ኡንቱንቱ ሻቢረትያ ዋዳካ ሀኦ።

5 ነ ሸሩዋ አማኖ፤ ነ ላግያካ አማኖ፤ ኔን ቆማደ አቅያ ነ ማቻትወካ ኦድያዋካ እኬካደ ኦዳ።

6 እያወ ጎፕ፣ ናኦይ ባረ አወዋ ካዴ፤ ናታ ባረ ዳይ ቦላ፣ ናኦ ማቻታካ ባረ ቦሎታት ቦላ ደንድኖ፤ አዋ እወ ሶ አሳይ ሞርከ ግዴ።

7 ሸን ታና ግደፕ፣ ታን ሀደታን መድና ጎዳ ጸላሻና፤ ታና አሸያ ጸሳ ታን ናጋሻና፤ ታ ጸሳይ ታዋ ሰሳና።

አሳይ ጸሳኮ ሰሙሳ (7:8-20)

8 ታ ሞርክያወ፣ ታ መቱዋን ናሸቶ። ታን ኩንደፕካ ደንዳና፤ ታን ጳማን ኡቶፕካ፣ መድና ጎዳይ ታወ ፖኦና።

9 ታን ጸሳ ናቃድ፤ ሄዋ ድራወ፣ እ ታወ ሞተቲደ፣ ታ ፕርዳ ከሳና ጋካናወ፣ ታን እ ሀንቁዋ ዳንዳያና። እ ታና ፖኡዋ ከሳና፤ ታንካ እ አሸያ አሹዋ በኦና።

10 ሄ ዋደ ታ ሞርኪካ በኦና፤ ቃይ ታና፣ “መድና ጎዳይ ነ ጸሳይ ሀቃን ደኢ?” ያግ ያግ ቅሊጭያዊ ዬላ ማያና፤ እ ኦግያን ደእያ ኡርቃዳን የ□ትሸንካ ታን ታ አይፍያን በኦና።

11 ህንተኖ፣ እስራኤልና አሳቶ፣ ህንተ ካታማ ግምቢያ ድርሳቱ ድረትያ ጋላሳይ ያና፤ ሄ ጋላሰ ህንተ ዛዋይካ አካና።

6:4 ከሳ 4:10-16፤ 12:50-51፤ 15:20 6:5 ፓይ. 22:2-24:25፤ ኢያሳ 3:1-4:19 6:16 1 ካታ. 16:23-34፤ 21:25-26 7:6 ማቶሳ 10:35-36፤ ሉቃሳ 12:53

12 ሄ ጋላስ ህንተ አሳይ ህንተኮ ሰማና።
ኡንቱንቱ አሰረ ጋድያ፣ ግብጾ ካታማቱዋ፣
ኤፍራይሳ ሻፋ ሄራን ደእያ ሳክቱዋ፣ ቃይ ሃኮ
ሳን ደእያ አባቱዋ ዶና፣ ጾቃ ደረቱዋ፣ ህንተኮ
ሰማና።

13 ሸን ቢታይ አን ደእያ አሳ ኢታተፋ ጋሱዋን
አሳይ ባይና መላ ግዳና።

መድና ጎዳይ እስራኤልያው ቃረቱዳ ቃረታ

14 ኔን ነ አሳ፣ አራዳ ቢታይ ዩሹዋን ደእያ
ባዙዋን ባረካ ደእያ ነ ቡዞ ዶርሳ ወድያ ነ
ጋትማን ሄማ። ኡንቱንቱ ካሰዋዳንካ ባሳነን
ጋላኣደን ሄመትና።

15 መድና ጎዳይ፣ “ህንተ ግብጾ ጋድያ፣
ከሴዳ ዋድያዳን፣ ታን ህንተና ማላልሰያባ
በሳና” ያጌ።

16 ካወተላቱ ኡባይ ሄዋ በኢደ ዩላታና፤
ኡንቱንቱ ዋልቃይካ ሀዳ ግድያ ድራው፣ ኡንቱንቱ
ዩላቲደ፣ ባረንቱ ዶና ኦይቃና፤ ኡንቱንቱ
ሀይላይካ ቱላና።

17 ኡንቱንቱ ሸሻዳን፣ ቢታ ላጫና፤ ሳኣና ትራን
ጎሽትያ መታቱዋዳን ኮኮሪደ፣ ባረንቱ ጌሱዋ፣
ከሳና። ዋልቃማ ዳጋማን መድና ጎዳኮ፣ ኑ ጸሳኮ፣
ሰማና፤ ኡንቱንቱ ኔና ያዪደ ደኣና።

18 ናቁዋ እቶ ያግያዋ፣ ባረ አሳ አቴዳዋንቱ
ማካላ ፓይደናዋ ነ ማላ ጸሳይ ኦኔ? ኔን ሀንቁ
ሀንቆሽን፣ መድናወ ደእ አጋካ፤ አያው ጎ፣ ኔን
ነ አሳው ነ አገና ሲቁዋ በሰያዋን ናሽታሳ።

19 ኔን ኑወ ቃይካ ቃረታና፤ ኑ ናቁዋ ነ ገድያን
የዳና፤ ኤ ኑ ናጋራካ አባ ጨሙዋን ኦላና።

20 ኔን በንፕካ ደማደ ኑ ማይዛ አዋቶ ገፓደ
ጫቄዳዋዳን፣ አብራሃማን ያቆባ ዛረ ግዴዳ ነ
አሳው ነ አማነትያዋን ነ አገና ሲቁዋ በሳና።

ናሆማ ትምህርት ገሉዋ

ናሆማ ግን ሱንሳ ብለላይ፡ “ጸሳይ ምንግልጽ ግን፡” ናሆማ ማጻፋይ በገጥ ደሚደ እስራኤልያው ሞርከ ግዲደ ደኤዳ አሰሪ ካውተላ ዋና ካታማ ነነዌ ኩንደላ ናሽቻ ግጽምያን ኦዴ፡፡ መቀላ ኢታነ ኦቶራንቻ ግዴዳ ነነዌ ካታማይ፡ የሱሳ የለታፕ ካሰ ላፑንሳ ጸቱ ላይላ ወርሰላን ኦላን ባዬዳ፡፡ ሄዌካ መቀላ ኢታነ ኦቶራንቻ አሳ ቦላ ጸሳይ ዋት ፕርድንቶ በሴ፡፡

ሸምፓቱዋ ኡባቶ እመቴዳ ቃንሳ ቆፋቱዋ

1. ያሽያ ጸሳ ሀንቁዋ 1:1-6
2. አሰራ ቦላ አዴዳ ፕርዳይ እስራኤልያ አሳው ሀደታ ቤትሴዳ 1:7-15
3. አሰራ ሁጸ ካታማ ናናዌ ባየላ 2:1—3:19

ያሽያ ጸሳ ሀንቁዋ (1:1-6)

1 ኤልቆሻ ጌትትያ ሳን ደእያ ናሆመ ነነዌ ቦላ ጸሳፕ አኬዳ ኪታይን በኤዳ ሳፃ ማጻፋይ ሀዋ፡፡

ነነዌ ቦላን ጸሳይ ሀንቁቱዳ ሀንቁዋ

2 መድና ጎዳይ ቃናትያን ሀሉዋ ከሰያ ጸሳ፤ መድና ጎዳይ ሀሉዋ ከሰያዋን ሀንቁዋን ኩሜዳዋ፤ መድና ጎዳይ ባረናና ኤቀትያዋንቶ ሀሉዋ ከሴ፤ ቃይ ባረ ሞርከቱዋ ሙራናው ባረ ሀንቁዋ ገግሰ ዋጴዳ፡፡

3 መድና ጎዳይ ሀንቁታናው ኤሌላና፤ ዋልቃይካ አዌ ዋልቃማ፤ እ ባይዛንቻ አያ ግደፕ፤ ሙረናን አገና፡፡

መድና ጎዳው ጎቱዋንን ቤታ ግደን ኦጊ ደኤ፤ ሻሪካ አ ገዲ የድና ደንድያ ባና፡፡

4 እ አባ ሴሪደ መልሴ፤ ሻፋቱዋ ኡባካ ቶይሴ፡፡ ባሳንን ቃርመሎሳን ደእያ ሞላቱን ማታቱ ሹሊኖ፡፡ ለባናሳ ጨሻይካ ቆቆፈቱ፡፡

5 እ ሰንሳን ደረቱ ቃጺኖ፤ ዘዘቱካ ሲሊኖ፡፡ እ ቆንጭያ ዋደ ቢታይ ሳአይ ቃጺና፤ ሳአን ደእያባይ ኡባይካ ኮኮራና፡፡

6 እ ሀንቁዋ ሰንሳን ኤቃናዌ ኦኔ? እ ሀንቁዋ ሱሉዋካ ዳንዳያናዌ ኦኔ? እ ሀንቁ ታማዳን ቡክያ ዋደ፡ ዛላቱ ዛኢደ ጸልቀቱኖ፡፡

አሰራ ቦላ አዴዳ ፕርዳይ እስራኤልያ አሳው ሀደታ ቤትሴዳ (1:7-15)

7 መድና ጎዳይ ከካ፤ መቱዋ ጋላሰካ ባቃት አትያሳ፤ እ ባረኮ ባቃት አታናው ኮይያዋንታ ኤራ፡፡

8 ሸን እ ባረ ሞርከቱዋ ድኡዋን ሙክሲደ ጳይሳና፤ ባረናና ኤቀትያዋንታካ ጳማው የደርሳና፡፡

9 ሀንተ መድና ጎዳ ቦላ ማቀትያዌ እ አይ? እ ሀንተና ኡባና ጳይሳና፤ ላኤንሉዋ ጳይሳናው ደንደና፡፡

10 ሀንተንቱ፡ ባጽባለቱዳ አጉንሳ ማላቱ፡ ቃይ ኡሺደ ማሳቱዳዋዳን ጋንድጋርያዋንቱ፡ መላ ኡቱላዳን ታማን ጸገት ጳያና፡፡

11 ነነዌ፡ መድና ጎዳ ቦላ ኢታባ ቆፕያዌ፡ ኢታ ዘርያ ዘርያዌ ነ ግደፕ ከሴዳ፡፡

12 መድና ጎዳይ ሀዋዳን ያጌ፤ “ናናዌቱ ሞናን ጮራ ግደፕካ፡ ቶቆለቲደ ጳያና፡፡ ይሁዳ አሳው፡ ታን ሀንተና ካሰ ቱጋያድ፤ ሸን ሀዋፕ ሰንሳናው ቱጋይከ፡፡

13 ሀእ ታን አሰራቱዋ ሞርገ ሞላ ሀንተ ሞርግያፕ መንሳና፤ ሀንተ ኡቁና ቃሹዋካ ታን ዲሰረላና” ያጌ፡፡

14 ነነዌ፡ መድና ጎዳይ ነ ቦላ ፕርዳይ ፕርዳይ ሀዋዳን ያግያዋ፤ “ሀዋፕ ሰንሳናው ነ ሱንሳ ጸሰሰያ ዘረላይ ነው ደኤና፡፡ ነ ጸሳቱዋ ጎልያን ደእያ ሞሰለቱዋን ኤቃቱዋ ታን ጳይሳና፡፡ ኔን ደምባናዋ ግዴዳ ድራው፡ ታን ነ ዲፋዋ ቦካና” ያግያዋ፡፡

15 በአተ፡ አት ከተቱዳዌ ሎኦ ሞሽራቹዋ ኡዲድን ሳርተላ አዋዪደ፡ ቶቃ ደረቱዋ ቦላና ጋኬዳ፡፡ ሀንተኖ፡ ይሁዳ አሳቶ፡ ሀንተና ጳይሰያ ሞርከቱ ኡባና ጳይድኖ፤ ኡንቱንቱ ላኤንሉ ሀንተ ቢታ ዋራጅክኖ፡፡ ሄዋ ድራው፡ ሀንተ ባላቱዋ ቦንቶተ፤ ሀንተ ሺቱዳዋካ ጋላተ፡፡

2

አሰራ ሁጸ ካታማ ናናዌ ባየላ (2:1—3:19)

1 ኔኖ ናናዌ ካታማው፡ ጳይሰያባይ ዬዳ! ሄዋ ድራው፡ ነ ጌሱዋ ናጋ፤ ነ ኦግያካ ዋቻ፤ ነ ዳንጩዋ ሞንሳ፤ ነ ዋልቃካ ሎይላ ሞንሳ፡፡

2 ጳይሰያዋንቱ፡ እስራኤልያ አሳን ዋይንያ ቱራ ጳይሶፕካ፡ መድና ጎዳይ እስራኤልያ ቦንቹዋን ያቆባ ቦንቹዋ ዛራና፡፡

3 ኦላንቻቱዋ ጎንዳላቱ ዘኦ፤ ኦላንቻቱካ ዘኦ ማዳዋ ማዬድኖ፡፡ ኡንቱንቱ ኦላው ገግያ ዋደ፡ ፓራ ጋረቱዋ ብራታይ ታማ ላጩዋዳን ጸልቁ ጊኖ፤ ኡንቱንቱ ባረንቱ ቶራ ቶማካ ገግሴድኖ፡፡

4 ፓራ ጋረቱ ኦግያን አንዳራሱዋ ክንቹኖ፤ ኡንቱንቱ ያን ሃነ ጃሚደ፡ ካታማ ኦግያን ዩዪኖ፡፡ ቃይ ኡንቱንቱ ላጩ ፖዱ ግያ ጸምፕያ ማላቲኖ፤ ዋልቃንሳዳንካ ኤሌሊኖ፡፡

5 እ ባረ ኦላ ካፓቱዋ ጸሰደ ሺሼ፤ ሸን አ ካፓቱ ሀመቲደ ጳብቲኖ፡፡ ኡንቱንቱ ካታማ ግምቢያ ድርሳኮ ኤሌሊኖ፤ ኡንቱንታ ሞርከቱዋ ቆሁዋፕ ናግያ ዋልቃማ ጎንዳሊ ጊጌዳ፡፡

6 ሻፋ ባጋና ደእያ ካታማ ድርሳ ፕንገቱ ደየቱድኖ፤ ካትያ ጎሊካ ሻቢረቱዳ፡፡

7 ካታማታ ኦምደታደ ባዲ፤ እዝ ማጫ ቆማቱካ ካዮቲደ፡ ሀራጸቱዋዳን ዋሲኖ፤ ባረንቱ ትራካ ባቂኖ፡፡

8 ዳጋት ኡቱዳ ሃላይ ፖክ በሰና ጎግያዋዳን፡ ነነዌ አሳይ ካታማፕ ባቃታና፡፡ አሳይ ኡንቱንቱ ባረ ቃላ ቶቁ ኦላደ፡ “ኤቁተ፤ ኤቁተ!” ያጊደ ጸሳና፤ ሸን ኦንነ ጉየ ጸለና፡፡

9 ሄ ካታማ አቆ፡ አን ምንጀቱዳ ቦንቾ ሚሻሰካ ፓይዱ ባዋ፡፡ ሄዋ ድራው፡ ሄ ብራ ቦንቁተ! ሄ ዋርቃካ ቃይ ቦንቁተ!

1:1 ኢሳ. 10:5-34፤ 14:24-27፤ ሶር. 2:13-15 1:15 ኢሳ. 52:7

10 ነነዌ ካታማይ መላ ግዴዳ፤ ቃይ ኦኒደ ባዬዳ! ኦሳ ዋዛናይ ያሻን ሲሌዳ፤ ጋዲካ ኮኮሬዳ፤ ኦሳ ኡባ ጸሳይ ጋጅ ጋጄዳ፤ ሶምኢካ ቡላቴዳ!

11 ጋማቱዋ ጌሱዋ ማላ፡ ዋዳላ ጋማቱ ደኢያሳ ማላን አቱማን ማጫ ጋማቱ ባረንቱ ማራቱዋና ኡንቱንቱ ያሽሰያዌ ባይናን፡ ዩይያ ዋራ ማላ ግዴዳ ናናዌ ካታማይ ሀእ ሀቃን ደኢ?

12 ጋሙ ባረ ማራቶ ግድያባ ኦይቄዳ፤ ማጫ ጋማትሰካ መን። ራሊደ እሜዳ። ባረ ጌሱዋ ሃሰ ኦይቄዳዋን፡ ባረ ጎንጎሉዋካ ሃሰ አሄዳ አሹዋን ኩንሴዳ።

13 ኡባጥ ዋልቃማ መድና ጎዳይ ሀዋዳን ያጌ፤ “በአ፡ ታን ነ ቦላን ደንዳድ! ታን ነ ፓራ ጋረቱዋ ታማን ጸጋና፤ ነ ዋዳላ ጋማቱዋካ ማሻይ ማና። ኔን ሃሳይያዋ ታን ቢታ ኡባጥ ቆይሳና፤ ነዉ ኪትትያዋንቱ ቃላይካ ላኤንሉ ሙላካ ሰሰተና” ያጌ።

3

ናናዌ ካታማትዉ አየ አና!

1 ዳር አሳ ሱላ ጉሴዳ ነነዌ ካታማትዉ አዩር! ዋርዱ እዘን ኩም ኡቱዳ። እዛ ዋልቃን እኬዳን ቦንቄዳ ዲረታዉ ፓይዱ ባዋ።

2 ናናዌ ካታማትን ልሱዋ አርፔሉ፡ ፓራ ጋርያ ገድያ ጉንላይ፡ ፓራቱዋ አንዳራሱነ ፓራ ጋረቱዋ ጉፋይ ሰሰቱ።

3 ፓራ አሳቱ ነ ቦላ ዬድኖ፤ ማሻይ ጸሉጸሌ፤ ቶራቱካ ጸለኖ። ዳር አሳይ ሀይቄዳ! አሃይ አሃ ቦላ ደረቱዳ! ሀይቄዳባዉ ፓይዱ ባዋ! ሄዋና አጂደ ብያ አሳይካ አሃን ቆብቱ።

4 ሀዌ ኡባይ ሀኔዳዌ ዛዋይ ባይና ነነዌ ጫራተላ ጋሱዋና። እዛ ጮራ ሙሩኖ አቶ፤ ካዉተላቱዋ ባረ ጫራተላን፡ አሳካ ባረ ሙሩኑዋን አይለያዱ።

5 ኡባጥ ዋልቃማ መድና ጎዳይ፡ “በአ፡ ታን ነ ቦላን ደንዳድ! ታን ነ ማዩዋ ነ ቦላጥ ቃራና፤ ነ ካሉዋ ጋደ አሳ፡ ነ ፖኩዋካ ካዉተላቱዋ በሳና።

6 ታን ኔና ፕቱዋ ኦልያ ሳ ከሳና፤ ታን ኔና ካቆና፤ ቃይ አሳይ ኡባይ ኔናን ቅሊጭያዋ ኦላና።

7 ኔና በእያ ኡባይ ኔጥ ሸልእ ጊደ፡ “በእተ፡ ናናዌ ካታማታ መላ ግዳዱ። እዘዉ ካዮትያዌ ኦኔ? እዘ ምን። ለያዌካ ሀቃጥ ቤታንዳሻ! ያጋና” ያጌ።

8 ኔና ነነዌ ካታማቱ፡ ኔን ቱብሶ ግያ ግብጾ ካታማትጥ ዳራይ? እዘ ናይለ ሻፋይ ደድ ዋሴዳ። ሻፋይ እዘዉ ተእያ ግምቢያ፤ ሃላቱካ እዘዉ ድርሳ።

9 ቶጸኒ ግብጾ እዘዉ ዛዋይ ባይና ዋልቃ፤ ፑጸኒ ሊቢ እዘ ማድያዋንታ።

10 ግድገነ፡ እዛ አሞደታደ ባዱ፤ እዘን ደእያ ጉላ ናናይካ ዳራጸቲደ፡ ኦግያ ጋጸን ኡባን ኩንዴድኖ። እዘ ቦንቄቱዳ አሳቱዋ ቦላን ሳማይ የገቱዳ፤ እዘ ዋልቃማ አሳቱ ኡባይካ ሳንላላታን ቃሽቱድኖ።

11 ኔና ነነዌ ካታማቱ፡ ኔን ቃይ ማላቲደ ጋንድጋርያ አሳዳን ሀናና። ነ ሞርከቱዋ ሰንላጥ ቆሰታደ አትያሳ ኔን ኮያና።

12 ነ ጌሳቱ ኡባይ ኮይር ቱራዳ ቱራይ ጋዉጫቲዳ ባላሰያ ምላቱዋ ማላ፤ ሄ ባላሰያ ምላ ቃልያ ዋደ፡ ቱራይ ምያዋ ደናን ዋጴ።

13 በአ፡ ነ ኦላንቻቱ ኡባይ ማጫ አሳ ማላ። ነ ዛዋ ፕንገቲካ ነ ሞርከቶ እኪደ ደየቱድኖ፤ ጎርድያ ምላካ ታማይ ም ድጌዳ።

14 ነ ሞርከቱ ኔና ደዲደ ኡንኤልያ ዋደ ኡሻናዉ ሃላ ትካ። ነ ጌሱዋካ ምንሳ፤ ኡርቃ የቆ፤ አጥ ጸብያ መድያ ማሻን ጸብያ ገግሳ።

15 ኔና ያን ታማይ ማና፤ ቦሊ ካላ ምያዋዳን፡ ኔና ማሻን ቃንጸሬላና።

ኔን ቦልያዳን ዳራ፤ ቦልያዋዳንካ ጮራታ።

16 ኔን ነ ዛልአንቻቱዋ ሳሉዋ ጸልንተቱዋጥ አላደ ጮራያዳ። ሽን ሄዋንቱ ኡባይ ቦልያዳን ኡባባ ም ድጌደ፡ ፓል ቆያና።

17 ነ ካፓቱን ማታይ ደእያዋንቱ፡ ሜሳ ጋላሰ ድርሳ ቦላን ኡቲደ፡ አዋይ ከሰያ ዋደ ፓል ቆይያ ቦለቱዋ ማላ፤ ኡንቱንቱ ቤዳ ሳካ ኡርያዌ ባዋ።

18 ኔና አሶረ ካተዉ፡ ነ ሄንላንቻቱ ገምእሼድኖ፤ ነ ቦንቄቱዳ አሳቱካ ጌርቱድኖ። ነ አሳይ ደረቱዋ ቦላን ላለቱዳ፤ ኡንቱንታ ሺሽያዌካ ባዋ።

19 ነ መኡ ኮለተና፤ ነ ማዲላይካ ፓጸና። ነባ ሰሴዳ ኡባይ ናሽቲደ፡ ኩሽያ ባቃና። አያዉ ጎጥ፡ ነ ዛዋይ ባይና ኢታተላጥ ከሰ እኬዳ አሳይ ሙላካ ባዋ።

እምባቆማ ትምቢትያ ገሌቀ

ትምቢትያ ኦድያ እምባቆማው ትምቢትያ ቃላይ ዬዳዌ ባብሎናቱ ዳሪ ምኔዳ ዎድያን፡ ክርስቶስ የለታ፡ ካስ፡ ላፑን፡ ጾቱ ላይ፡ ወርሰላ፡ ሀ መቀላ ኢታ አሳቱ አሊደ ደእያ ሱገላ ኦሱዋን እምባቆም ሎይላ ዳር ኡንኤቱዳ ድራው፡ “ያትና ሀዋንታ ማካላንቻቱዋ ዎታ ጮኡ ጋደ ዴላይ? ናጋራንቻቱ ባረፕ ጽሉዋ ዳርያዋንታ ዳይሳናው ደንድያ ዎደ፡ እያው ጮኡ ጋድ?” ያገደ ጸሳ ኦቼዳ (1:13)። ጸሳይ እው ዛሩዋ እሚደ፡ “ታን ኡባባካ ታ ዎድያን አላይ” ያግ ዛራዋፕ ጉይያን፡ ሄዌ ጋካናው፡ “ጽሉ እማኑዋን ደኡዋ ደማ” ያጌዳ (2:4)።

ማጻፋው አትያ ክፍሊ ማካላንቻቱዋ ቦላን ጋክያ ባሻባው አደቱዳ ትምቢትያ ግድሽና፡ ወርሰላ ሄራን ጸሳ ግታተላባን ሀ ግጽምያ ጸፊዳ ብታንያ እማኑዋ ምኖተላባ ቆንጭስያ ማዛሙሪ ደኤ።

ሸምጋቱዋ ኡባቶ እመቲዳ ቃንሳ ቆፋቱዋ

1. እምባቆማ ማጋናን ጎዳ ዛሩዋ 1:1—2:4
2. ናጋራንቻቱዋ ቦላ አዴዳ ፕርዳ 2:5-20
3. እምባቆማ ዎሳ 3:1-19

እምባቆማ ማጋናን ጎዳ ዛሩዋ (1:1—2:4)

1 ትምቢትያ ኦድያ እምባቆማው መድና ጎዳይ ሳጸን እሚዳ ኪታይ ሀዋ።

እምባቆም ሱረ ፕርዳይ ዳይዳዋ መድና ጎዳው ማጋኔዳ

2 እምባቆመ፡ “አቤት መድና ጎዳው፡ ኔን ማዳናዳን ታን ዴስያ ዎደ፡ አውደ ጋካናው ሰሰናን እጸይ? ቃይ ታን ማካላው ነው ዋሰያ ዎደ፡ አውደ ጋካናው አሸናን እጸይ?

3 ሀ ናቁዋን ባይዙዋ ታና እያው በሳይ? ማካላን ባሻ ዴላይ ኔን እያው ጮኡ ጋደ ዳንዳያይ? ዋጋታይን አሻይ ቢታ ኡባን ዳሬዳ።

4 ሄዋ ድራው፡ ሀጊ ለፔዳ፤ ቱሙ ከሰ ኤረና። ቃይ ናጋራንቻቱ ጽሉ አሳቱዋ ደድ ኦይቄዳ ድራው፡ ፕርዳይ ጌላቱ” ያጌዳ።

መድና ጎዳይ እምባቆማው እሚዳ ዛሩዋ

5 ጸሳይ ዛራደ፡ “ሀንተ ዩሹዋን ደእያ ካውተላ ዴሊደ ማላለትተ! እያው ጎፕ፡ ሀንተው ኦድንቶካ ሀንተ እማና ኦሱዋ ታን ሀንተ ዎድያን አላና ሀናይ።

6 ታን ባብሎናዊቱዋ፡ ሄ መቀላ ባይና ድርቢያ አሳቱዋ ደንሳይ። ኡንቱንቱ ባረንቱባ ግደና ቢታ ኦሊደ ኦይቃናው ቢታ ኡባን ዩዩና።

7 ኡንቱንቱ ያሸሰያዋንታን ዳጋንሰያዋንታ። ኡንቱንቱ ፕርዳይን ቦንቹ ኡንቱንቱፕ ከሴ።

8 ኡንቱንቱ ፓራቱ ማሄቱዋፕካ አዴዳ ድርቢያን ኦማርሳ ኦኮራቱዋፕካ አዴዳ ኢታ። ኡንቱንቱ ፓራ አሳቱ ፕሪዲደ፡ ሃኮ ሳፕ ዩና፤

ኡንቱንቱ አርጋንላይ አየንቶ ኦይቃናው ፓልያዋዳን ፓሊና።

9 ኡንቱንቱ ኦላንቻቱ ኡባይ ማካላባ አላናው ባዘ ጫርኩዋዳን ጫርኪደ ዩና። አሳ ኦምዲደ፡ ሻፍያዳን ሺሺና።

10 ኡንቱንቱ ካተቱዋ ቦላ ቅሊጪና፤ ሞድያዋንታካ ሚቻ ከሲና፤ ቃይ ሹቻን ድረቱዳ ጌሳቱዋ ኡባን ኡንቱንቱ ሚጪና። ሄ ጌሶቱዋ ኦምዳናው ኡንቱንቱ ላንቂያን ቢታ ኬሊና።

11 ሄዋፕ ጉይያን፡ ኡንቱንቱ ጫርኩዋዳን አሳና። ሄ ናቂያዋንቶ ኡንቱንቱ ዎልቃይ ኡንቱንቱ ጸሳ” ያጌዳ።

እምባቆም ላኤንሎዋካ ጸሳው ማጋኔዳ

12 አቤት መድና ጎዳው፡ ታ ጸሳው፡ ታ ጌሻው፡ ኔን መድናፕ ደማደ ደእያ መድና ጎዳ ግድኪ? ኔን ኦ ዛላ ግድያ ድራው፡ ኔን ሀይቆኮ። አቤት ጸሳው፡ ባብሎናዊቱዋ ኦ ቦላ ፕርዳ ፖላናዳን፡ ኔን ደንሳደ ዎልቃካ ኡንቱንቶ እማዳ።

13 ነ አይፈቱ ዳር ጌሻ ግድያ ድራው፡ ኢታባ ዴላናው ደሰክና፤ ኢታባይ ኦሰትያ ዎደ በአደ ጮኡ ጋናው ዳንዳያካ። ያትና፡ ሀ ጭምያዋንታ እያው ጮኡ ጋደ ዴላይ? ናጋራንቻቱ ባረፕ ጽሉዋ አሳቱዋ ሞትያ ዎደ እያው ጮኡ ጋይ?

14 ኔን አሳ አባ ሞለቱዋዳን፡ ካለሰያዊ ኡንቱንቶ ባይና ትራን ጎሽትያ መጋታቱዋዳን ኦሳዳ።

15 ባብሎናዊቱ ጋድያ አሳ ኡባ ቃጺያን ቆሪደ ከሳና፤ ኡንቱንቱ ኡንቱንታ ባረንቱ ቀሪ ግትያን ኦይቃና፤ ቃይካ ኡንቱንቱ ኡንቱንታ ባረንቱ ዎጋ ግትያን ቡሪደ ሺሻና፤ ያቲደ ኡንቱንቱ ናሽታናን ሀሹ ጋና።

16 ሄዋ ድራው፡ ኡንቱንቱ ባረንቱ ቄሪ ግትያው ያርሺና፤ ባረንቱ ዎጋ ግትያው እጸና ጩዋዩና። እያው ጎፕ፡ ኡንቱንቱ እሻሉዋን ደእያዌን ማልኡዋ ሞያዌ ሄ ግተቱዋ ዎልቃና።

17 ያትና፡ ኡንቱንቱ ባረንቱ ግትያ ቆቆፊደ ካውተላቱዋ ኡባ ዎደ ቃረት ባይናን ዎጺደ ደእኔ?

2

1 ዎቻያ አዲሳ ግምቢያ ቦላ ከሳ ኤቃደ ታን ናጋና። ሄ ሳክን ጸሳይ ታና ግያባን ታ ማጋናው እ እምያ ዛሩዋ ሰሳናው ዴላሻና።

መድና ጎዳይ እምባቆማው እሚዳ ላኤንሎ ዛሩዋ

2 መድና ጎዳይ ታው ዛራደ፡ “ዎጽያ ኡራይካ ናባባና ማላ፡ ማሰቲዳ ሹቻ ቦላ ታን ነው ቆንጭስያ ሳፃ ኦርዱዋን ጸፋ።

3 እያው ጎፕ፡ ሳጸን ቤቲዳዌ ባረ ኬረቲዳ ዎድያ ናጌ። ሄ ሳጸይ ፖለትያ ዎዲ ኤለካ ጋካናዋ፤ ዎርዱዋ ግዲደ ደኤና። ታክያባ ማላትንቶካ ናጋ፤ እያው ጎፕ፡ እ ቱሙዋፕ ያና፤ ጋምኤና።

4 “በእ፡ እ ኦቶረቲዳ፤ እ ቆፋ ኡባይካ ሱረ ግደና፤ ሸን ጽሉ ባረ ኦማኑዋን ደእና።”

1:5 ኪታ 13:41 1:6 2 ካታ. 24:2 2:3 እብራ. 10:37 2:4 ሮመ 1:17፤ ጋላ. 3:11፤ እብራ. 10:38

ናጋራንቻቱዋ ቦላ አጼዳ ፕርዳ (2:5-20)

5 ዲረተላይ አሳ ጭሜ፤ ኦቶራንቻ አሳዉ ሸምፖ ባዋ። እ ዲፋዋዳን ዮራ ግድያ ድራዉነ ሀይቁዋዳን ካል ኤረና አሳ ግድያ ድራዉ። ካዉተላቱዋ ኡባ ባረዉ ሺሼ፤ አሳ ኡባካ ባረዉ አዋዴ።

6 “አሳይ ባረንታ ኦምዴዳዋንታ፡ ‘ባረዋ ግደና ሚሻ ሺሺደ ዳጋይያዋን አጩዋ አሳፕ ዋልቃን አኬዳ ማጹዋን ዲረትያዋ አየር! ሀዌ ሀዋዳን ሀኒደ፡ አዉደ ጋካናዉ ደአኔ?’ ያግ ቅሊጫናን ቶቻና።

7 ኔን ኡንቱንቶ ታልኤዳ አሳቱ ነ አኬከናን ነ ቦላ ደንዲደ፡ ኔና ኮኮርሳና። ሄዋፕ ጉይያን፡ ኡንቱንቱ ነ ማጹዋ ኡባ ቦንቃናዋንታ።

8 ኔን ጮራ ያራ ማጹዋ ቦንቁዳ ድራዉ፡ ኡንቱንቱ፣ አቱዳዋንታ ነ ማጹዋ ቦንቃናዋንታ። አያዉ ጎፕ፡ ነ ዳር አሳ ሱላ ጉሳዳ፤ ቃይ ሳኣ ኡባን፡ ካታማቱዋ ቦላን ኡንቱንቱን አሳ ቦላካ ሱገላ ኦሱዋ ኦላዳ።

9 “መቱ ኔና ጋከናዳን፡ ነ ጎልያ ዶቃሳን ኬጻናዉ ናቁዋን ሚሻ ሺሺያዋ፡ ነዉ አየር!

10 ዳር አሳ ነ ገናደ ዳይሴዳዋ ጋሱዋን ነ ሶ አሳ ካዉሻዳ፤ ኔን ነ ቦላ ባየላ አሃዳ።

11 ሀራይ አቶ ነ ጎልያ ግምቢያ ሹቻይካ ነ ቦላ ዋሳና፤ ቱሳቱካ ዋሱዋ አላናዋንታ።

12 “ካታማ ማካላን ባሲደ፡ አሳ ሱላን ኬጹያዋንቶ፡ ሀንተዉ አየ አና!

13 ኡባፕ ዋልቃማ መድና ጎዳይ አሳይ አላያዌ ኡባይ ታማ ካተ ግዳናዳን፡ ቃይ ካዉተላቱ ኡባይ ዳቡርያዌ ጮ መላ ግዳናዳን፡ ቆፋ ቃቕ ዋጹዳ።

14 አያዉ ጎፕ፡ ሃላይ አሳ ካምያዋዳን፡ መድና ጎዳ ቦንቹዋ ኤራተላይ ሳኣ ኩማና።

15 “ባረ ሾር አሳይ ካሎትና በአና ጊደ፡ ኢታባ ጉጃንን ኡንቱንታ ኡሺደ ማላይያ ኡራዉ አየ አና!

16 ኔን ቦንቹዋ ድራዉ ካዉሻ ማያና። ሀእ ሰም ላ ኔኖ፡ ኡሻ! ኡሻደ ጋንድጋራ! መድና ጎዳዉ ኡሸቻ ኩሸያን ደአያ ጸአይ ኮኮ ያና፤ ነ ቦንቹ ካዉሻዉ ላመታና።

17 ኔን ሊባናሳ ዳይሴዳዋዳን፡ ኔንካ ዳያና። ኔን ደአቱዋ ዋራ ዉርሳዳ፤ ሀእ ቃይ ኡንቱንቱ ኔና ያሸሳና። አያዉ ጎፕ፡ ነ ዳር አሳ ሱላ ጉሳዳ፤ ቃይ ሳኣ ኡባን፡ ካታማቱዋ ቦላን ኡንቱንቱን ደአያ አሳ ቦላካ ሱገላ ኦሱዋ ኦላዳ።

18 “እ ባረዉ ኤቃይ አያ ማዲ? አ አሳይ ጊባሴዳ ግደኔ? ዋርዲዋፕ አትና፡ አን ሀራባይ አያይነ ቤተና። ያትና፡ አ መጼዳ ብታኒ ሀ አይነ ሃሳየና ኤቃ አማንያዌ አ አያ ማዳናሴ?

19 ሞላፕ ማሰቱዳዋ ‘ቤሳታ!’ ግያዋ፡ ቃይ ሹቻፕ ማሰቱዳ ዲድያ፡ ‘ደንዳ ኤቃ!’ ግያዋ፡ ነዉ አየ አና! እ ዋን ነዉ አየንቶ ቆንጫሳናዉ ዳንዳዪ? በአ፡ እ ዋርቃንን ብራን ሼሼዳዋ፤ አዉ ሸምፕ ባዋ።

20 “ሸን መድና ጎዳይ ባረ ጌሻ ጌሻ ጎልያና። ሄዋ ድራዉ፡ ቢታን ሳኣን ደአያ አሳይ ኡባይ አ ሰንላን ጮኡ ጎ” ያጌዳ።

3

እምባቆማ ዋሳ (3:1-19)

1 ትምቢትያ ኦድያ እምባቆም ማዝሙርያዳን የጸደ፡ ዋሴዳ ዋሳይ ሀዋ።

2 አቤት መድና ጎዳዉ፡ ኔን ካሰ አሌዳዋ ታን ሰሳደ ያያድ። አቤት መድና ጎዳዉ፡ ኦ ዋድያንካ ሄ አሶቱዋ ዛረላደ ኦላ፤ ኡንቱንቱ ኦ ዋድያንካ ኤረትኖ። ኔን ሀንቀላያ ዋደ ነ ማርታ ቆፓ።

3 ጸሳይ ተማና ግያ ሳኣፕ ዬ፤ ሄ ጌሻይ ፓራና ደርያፕ ዬ። አ ቦንቹ ሳሉዋ ካሜዳ፤ አ ጋላታይካ ሳኣ ኩሜዳ።

4 አ ጸለላይካ አዋ ፖኡዋ ማላ፤ አ ዋልቃይ ቆሰት ኡቱዳ አ ኩሸያፕ ፖዡ ግያ ፖኡ ከሴ።

5 ጸሳይ ኢታ ሀርግያ ባረፕ ሰንላዉ ኪቱ፤ ሀይቁዋካ ባረ ጌዲዋ ካለሌ።

6 አ ኤቁደ ቢታ ቃሌዳ። ቃይ አ ጸሊደ ካዉተላቱዋ ኮኮርሴዳ። መድናደፕ ደኤዳ ደረቱ መኤረቱድኖ፤ ቃይ አ ኡንቱንቱ ቦላን ሀመትያ በኒደፕ ደኤዳ ደረቱካ ላለቱድኖ።

7 ታን ቶጵያ አሳይ ቱጋትሸን በአድ፤ ሞድያማ ቢታ አሳይካ ኮኮርሺና በአድ።

8 አቤት መድና ጎዳዉ፡ ኔን አያዉ ሀንቀታዲ? ሻፋቱ ኔና ሀንቀላሴድኖ? ዋይ አባ ቦላ ሀንቁዋ ኤጸ ከሳዲ? ቱይት፡ ኔን ነ ፓራቱዋን ነ ፓራ ጋረቱዋ ቶጌዳዌ ነ አሳዉ ጸኦዋ እማናሳ።

9 ኔን ነ ዋንዳናያ ጊግሳዳ፤ ፖላቱዋ ዲካናዉ ዳፋዳ። ቢታ ጸልቃደ ሃላ ከሳዳ።

10 ደረቱ ኔና በኢደ፡ ያሻዉ ኮኮሬድኖ፤ ሃላ ክጸይካ አጼዳ። ቃይ ሃላ ጨማቱካ ዋሲኖ፤ ዋሲደ ባረንቱ ዳምባላ ሃ ሃ ዳርሴድኖ።

11 አ ጸንጊደ የዴዳ ፖላቱ ፖኡዋንን ነ ቶራቱዋ ጸለላን አዋይነ አግናይ ባረንቱ ደአያ ሳን ደአያ ሳን ኤቁድኖ።

12 ኔን ሀንቀታደ ቢታ ኡባን ዩያዳ፤ ካዉተላቱዋካ ሀንቁዋን የቆዳ።

13 ኔን ነ አሳ አሻናዉን ነ ኦከቱዳዋ አሻናዉ ከሳዳ፤ ኢታቱዋ ካፑዋ ሾጫዳ፤ አ ማዩዋ ቃራደ አ ካሎ ጸራ አሻዳ።

14 አ ኦላንቻቱዋ ጋዳዋ ኔን አ ቶራን አ ጫዳዳ። ኡንቱንቱ ኦና ላላናዉ ጎትያዳን ዪኖ፤ መቶታንቻካ ጌማን ሞታናዉ ደሲኖ።

15 ኔን ነ ፓራቱዋን አባ የቆደ አጵያ ዋደ፡ ዳር ሃላይ ሆሙዋ ጎፕ ጌ።

16 ታን ሀዋ ኡባ ሰሰና፡ ታ ቦላይ ጋጅ ጋጃዳ፤ ታ መተርሻይ ኮኮሬዳ፤ ታ መቀላይካ ዋቁዳ፤ ታ ገደቱካ ቃይ ጉንዴድኖ። ኦና ቱጋይያዋንታ ጸሳይ ሙራና ጋካናዉ፡ መቱዋ ጋላሳ ታን ዳንዳያን ናጋና።

17 ባላሰያ ግያ ሞላይ አይፋና ቆዮፕካ፡ ዋይንያ ቱራን አይፊ ቆዮፕካ፡ ዋጋራይ አይፊናን አጸፕካ፡ ጋዲ ካላ ሞከናን አጸፕካ፡ ሰኩዋን ደርሰ ቆዮፕካ፡ ቃይ አቁዋን መሂ ቆዮፕካ፡

18 ሄዌ ኡባይ ቆዮፕካ፡ ታን መድና ጎዳን ናሸታና፤ ታና አሸያ መድና ጎዳን ታን ናሸቻ ፖጩ ጋና።

19 ኡባ ሞድያ መድና ጎዳይ ታዉ ዋለቃ፤ ታ
 ገድያ ጋራ ገድያዳን ሞንሴ፤ ታን ቶቃ ሳኦቱዋን
 ሄመታናዉ ታና ዳንዳይሴ።
 (የጽያዋንታ ካለሰያዋ ሀሳይሰያዋ፡ ሀ
 ማዛሙሪ ዲጽያዋ ዲጲደ የጽያ ማዝሙርያ።)

ሶፎና ትምህርት ገሎ

ትምህርት ኦድያ ሶፎና ሰር ኪታ አሌዳዌ ክርስቶስ የለታፕ ካስ ላፑንግ ጸቱ ላይላው ለእነሱ ሻኩዋና ግድሽን፤ ሄዌ እኖሰሰ ክርስቶስ የለታፕ ካስ፤ ኡሱፑን ጸታነ ላታማን እት ላይላን፤ አማኑዋ ዋጋ ኦራፋናፕ ታሙ ላይላ ካስቲደ ግድናን አገና። ማጻፋይ ካሴደፕ አሳይ ሰስ ሜዘቲያ ትምህርት ሃሳብ ኦይቄዳ። ሄዋንቱካ ሀቃዋንቲ ጎፕ፤ ይሁዳይ አላጋ ጸሳቶ ጎይኔዳ ጋሱዋን ሙረትያ ዋደ፤ እ ባያናዋን ደማናዋ በሰያዋንታ። ቃይ ጸሳይ ሄ ዋደ ሀራ አሳካ ጉጂደ ሙራና። የሩሳላሙ ላልያ ዳባን ጋክቶፕ፤ ዋድያፕ ካታማይ ኦራጺድ፤ በጎ ባረ ሳኦ ሰማና፤ አሽከቱን ጽሎተላ ካልያ አሳቱ አን ደአና።

- ሸምጋቱዋ ኡባቶ አመቲዳ ቃንሳ ቆፋቱዋ**
1. ይሁዳ ሶላ አቲያ ፕርዳ 1:1-18
 2. ናጋራ ፓጹሳ 2:1-3
 3. አሰራኤልያ የሹዋን ደአያ ካወተላቱዋ ኩንደላ 2:4-15
 4. ይሁዳይን ሀራ አሳቱ ጎዳኮ ሰሙሳ 3:1-20

ይሁዳ ሶላ አቲያ ፕርዳ (1:1-18)

1 አዋና ናአይ እኖሰሰ ይሁዳን ካተቲዳ ዋደ ሶፎናሳኮ ዬዳ መቲና ጎዳ ቃላይ ሀዋ። ሶፎናስ ኩሻ ናኣ፤ ኩሽ ጋዳልያ ናኣ፤ ጋዳሊ አማርያ ናኣ፤ አማር ካትያ ሀዘቁያሳ ናኣ።

2 መቲና ጎዳይ ሀዋዳን ያጌ፤ “ታን ጋድያ ሶላን ደአያዋ ኡባ ሙልጶ ኦላደ ጳይሳና።

3 ታን አሳነ መሀያ፤ ሳሉዋ ካፎቱዋን አባ ሞለቱዋን ጳይሳና። ቃይ ታን ኢታ አሳቱዋ አሳ የጋና፤ አሳ ዛርያካ ቢታ ሶላፕ ጳይሳና” ያጌ መቲና ጎዳይ።

4 ቃይካ ጸሳይ ሀዋዳን ያጌ፤ “ታን ይሁዳንን የሩሳላሙን ደአያ ኡባ ሙራናዉ ታ ኩሽያ ደንላና፤ ባኣላ ግያ ኤቃዉ ጎይንያ አቲዳዋንታን አዉ አልያ ቄሳቱ ዋ ሄ ሳኣፕ ሙልጶ ኦላደ ጳይሳና።

5 ጎልያ ሁጲያ ደምባዪደ ኦሌድና፤ ሄዋ ሶላ ከሲደ፤ አዋዉ፤ አግናሰነ ጸልንተቶ ጎይንያዋንታ ታን ጳይሳና። መቲና ጎዳዉ ጎይኔድን አ ሱንላን ጫቂደ፤ ቃይ ሞሎካ ግያ ኤቃ ሱንላን ጫቂያዋንታ ታን ጳይሳና።

6 መቲና ጎዳ ካልያዋ አገደ ጉየ ሰሜዳዋንታ፤ መቲና ጎዳ ኮይቤናዋንታን ኡንቲንታ ካለላናዳን ኦቶቤናዋንታካ ታን ጳይሳና” ያጌ።

7 መቲና ጎዳ ጋላሳይ ማቲዳ ድራዉ፤ ኡባ ሞድያ መቲና ጎዳ ሰንላን ጮኤ ገተ! መቲና ጎዳይ ባረ አሳ ያርሾ ገጌዳ መሀያዳን አሉ አማናዉ ገግሴዳ፤ ቃይ ይሁዳ ሶንቁያ ሞርከቱዋካ ዲማዪደ ገግሴዳ።

8 መቲና ጎዳይ ሀዋዳን ያጌ፤ “ታ አሳ አላ እምያ ጋላስ ካፓቱዋ፤ ካትያ ናናቱዋን አላጋ ቢታ ዋጋ ካልያዋንታ ኡባቱዋ ታን ሙራና።

9 ሄ ጋላስ አላጋ ቢታ አሳቱዋዳን፤ ኤቃዉ ጎይንያዋንታን ባረንቲ ጎዳ ጎልያ ማካላንን ጫሙዋን ኩንላያዋንታ ታን ሙራና” ያጌ።

10 መቲና ጎዳይ ሀዋዳን ያጌ፤ “ሄ ጋላስ የሩሳላሙ ድርሳን ሞልያ ፕንግያ ማታን ደአያ ኦራላ ካታማ ሻኩዋን ዋሱን ዬኩ ሰስታና፤ ዘዘቱዋ ሶላንካ ቶቁ ጌዳ ደምኤላ ኮሻይ ገሩማና።

11 ሀንተኖ፤ ካታማዉ ሀርክ ባጋና ደአያዋንቶ፤ ዬክተ፤ አያዉ ጎፕ፤ ሄዋን ዘልእያ ኡባቱ ጳይድና፤ አሌቆ ሀንያ ብራ ዘልእያዋንቱካ ሀይቂ ዉሬድና።

12 ሄ ጋላስ ታን የሩሳላሙ ግዲዋ ጸምፕያን ኮያና፤ ሀርግ ባይናን ዋፑ ግ ኡቲደ፤ ባረንቲ ዋዛና፤ “መቲና ጎዳይ ሎኦባን ኦፍ፤ ኢታባን ኦፍ፤ ያግያዋንታ ታን ሙራና።

13 ኡንቲንቲ ማጶ ሶንቀታናዋ፤ ኡንቲንቲ ጎሊካ ኮለታና። ኡንቲንቲ ጎልያ ኬጻና፤ ሽን ሄ ጎልያን ደአክኖ፤ ቃይ ዋይንያ ቲራቱዋካ ቶካና፤ ሽን ሄ ዋይንያ ኤሳ ኡሽክኖ” ያጌ።

14 መቲና ጎዳ ዋልቃማ ጋላሳይ ማቲዳ፤ ቃይ ሎይሉ ኤሌሊደ ዬ። መቲና ጎዳ ጋላሳይ ጫዋ ጋላሳ። ሄ ጋላስ ሞኖ ኦላንቻቱካ ዋሱዋ ደልሳና።

15 ሄ ጋላሳይ ሀንቁዋ ጋላሳ፤ መቶን ኡንኦ ጋላሳ፤ ባሻን ኮለላ ጋላሳ፤ ጳማን ሻኖቻ ጋላሳን ሻርያን ባራ ጳማ ጋላሳ ግዳናዋ።

16 ሄ ጋላሳይ የሹዋ ድረቲዳ ካታማቱዋ ሶላን አዲሳ ግምበቱዋ ሶላ ኦላ ማላካታይ ፑንቲያ ጋላሳን ኦላንቻቱ ኦላ ኮሻይ ሰስቲያ ጋላሳ ግዳናዋ።

17 መቲና ጎዳይ ሀዋዳን ያጌ፤ “ኡንቲንቲ ጸሳ ናቄዳ ድራዉ፤ ቆቅያዳን ታታፋና ጋካናዉ፤ አሳቱዋ ሶላን ታን መቱዋ አሀና። ኡንቲንቲ ሱላይ ድኡዋዳን ጎጋና፤ ኡንቲንቲ አሃይ ፕቱዋዳን ኦለታና።

18 መቲና ጎዳ ሀንቁዋ ጋላስ ኡንቲንቲ ብራ ግድና፤ ኡንቲንቲ ዋርቃይካ ኡንቲንታ አሻናዉ ዳንዳየና። እ ሳኣን ደአያ ኡባ አኬከናን ደአሽን፤ ዉርስ ጳይሳና፤ ቢታ ኡባይካ አ ሀንቁዋ ታማን ሜተታና” ያጌ።

2

ናጋራ ፓጹሳ (2:1-3)

1 ሀንተኖ፤ ዬላይ ባይና አሳቶ፤ አነ አትፕ ሽቅተ፤

2 ጫርኩ ፑኒደ አፍያ ሱላዳን ቤናን ደኢደ፤ ያሽያ መቲና ጎዳ ሀንቁ ሀንተ ሶላ ዋፍናን ደአሽን፤ መቲና ጎዳ ሀንቁዋ ሱሉዋ ጋላሳይካ ሀንተ ሶላን ጋክናን ደአሽን፤ መቲና ጎዳኮ ሰምተ።

3 ሀንተኖ፤ ጋድያን ደአያ አሽከቶን አ አዛዙዋ ኦልያ ኡባ ገደ፤ መቲና ጎዳ ኮይተ፤ ጽሎተላ ኮይተ፤ ቃይ አሽከተላካ ኮይተ። ያቶፕ፤ ኦን

1:1 2 ካታ. 22:1—23:30፤ 2 ኦዲዋ 34:1—35:27

ኤሪ፡ መድና ጎዳ ሀንቁዋ ጋላስ ሀንተና ቆሲደ አሻነንቶነ።

3

እስራኤልያ የሹዋን ደእያ ካወተላቱዋ ኩንደላ (2:4-15)

4 ጋዛ ካታማይ ኦናና፤ አስቃሎና ካታማይካ መላ ግዳናዋ፤ እሽደዳ ካታማ አሳይ ሴታ ጋላስ ጎደታና፤ ኤቅርና ካታማይካ ዶቆለታናዋ።

5 ሀንተኖ፡ አባ ደናን ደእያ ፕልሰጾማ አሳቶ፡ ሀንተንቶ አየ አና! ኔኖ፡ ፕልሰጾማቱ ደእያ ካናን ቢታወ፡ መድና ጎዳ ፕርዳይ ነ ቦላን ዬ። ታን ኔና ቆይሳና፤ ኔናን እት አሳይነ አተና።

6 አባ ደናን ደእያ ሀንተ ቢታይ መሀያ ሄምያ ሳ፡ ሄንላንቻቱ ደእያሳነ መሀያ ወድያ ባሉዋ ግዳናዋ።

7 አባ ደናይ ይሁዳ አሳፕ አቲዳዋንቶ ላታ ግዳናዋ፤ ሄዋን ኤንቱንቱ ሄመታና። ሳአይ ቃምያ ዋደ ኤንቱንቱ አስቃሎና ካታማን ደእያ ጎለቱዋን አቃና፤ እያወ ጎፕ፡ መድና ጎዳይ ኤንቱንቱ ጸሳይ ኤንቱንቱዋ ቆፓና፤ እ ኤንቱንታ ዛሪደ አሻልሳና።

8 ኡባፕ ዋልቃማ መድና ጎዳይ፡ እስራኤልያ ጸሳይ፡ ሀዋዳን ያጌ፤ “ታን ሞኣባ እሳ ቅሊጩዋን አሞና አሳ ቦርያ ሰሳድ። ኤንቱንቱ ታ አሳ ቅሊጩድኖ፤ ኤንቱንቱ ቢታ ቦላንካ ኦቶሪቲድኖ።

9 ሄዋ ድራወ፡ ታ ደኤዋ ሱንላን ጫቃይ፡ ሞኣብ ሶደማዳን ሀናና፤ አሞና አሳይካ ጋሞራ አሳዳን ሀናና። ኤንቱንቱ መድናወ ማጽንያ ቦክያ ኦላን አፕላይ ማዬዳ ባዙዋ ግዳናዋ። ታ አሳፕ አቲዳዋንቱ ኤንቱንቱ ዱሬታ ቦንቃናዋንታ፤ ኤንቱንቱ ቢታካ ላታናዋንታ” ያጌ።

10 አሞናን ሞኣብ አሳይ ኡባፕ ዋልቃማ መድና ጎዳ አሳ ቦላ ቅሊጩድን ኦቶሪቲደ ሃሳዬዳ ድራወ፡ ኤንቱንቱ ቦላ ሀ መቱ ጋካናዋ።

11 መድና ጎዳይ ኤንቱንቱን ያየቲዳዋ ግዳናዋ፤ ቢታን ደእያ ጸሳቱዋ ኡባ እ ቆይሳና፤ ቃይ ሳአን ደእያ ካወተላቱዋን ደእያ አሳይ ኡባይ ባረ ደእያ ሳን ደእያ ሳን አወ ጎይናና።

12 ሀንተኖ፡ ቶጵያ አሳቶ፡ ሀንተካ ታ ማሻን ሀይቃና።

13 መድና ጎዳይ ባረ ኩሽያ ሁጲሳ ባጋ ዛሪደ የዳና፤ አሶሪ ቢታ ቆይሳና። ቃይ ናናዌ ካታማካ መላ ባዙዋዳን፡ መላ ሳአ አላና።

14 ወዲን ደአቱ ኡባይ እ ግደን አላጸና፤ ጉቱን ቁጸርሳይ እ ኮለቲዳ ግምቡቱዋ ግደን ደአና፤ ኤንቱንቱ ኮሻይ ማስኮትያናን ፕንግያና ሰሰታና። ጎለቱ ኬጸቲዳ ዝጋይ ካሎታና።

15 ሀ ካታማይ፡ “ታና! ታፕ አትና፡ ሀራይ ባዋ” ያጌደ ኦቶሪቲደ ደኤዳዋ፤ ሽን እ ሀእ ደአቱ ጌሱ መላ ሳአ ግዳዳ፡ አ ሞይያና አቲያ ኡባይ ዳርፕ ማላላቲደ፡ ባረንቱ ኩሽያ ጸርሲደ፡ “ባርቼ!” ጋና።

ይሁዳይነ ሀራ አሳቱ ጎዳኮ ሰሙሳ (3:1-20)

1 ማካላንቻትወ፡ ቱኔዳንወነ ባረ አሳ ቱጋዬዳ የሩሳላመ ካታማትወ አየ አና!

2 እዛ ኦናን ሰሱኩ፤ ሴርና ሰሙኩ፤ መድና ጎዳን አማነቱኩ፤ ባረ ጸሳኮካ ሺቁኩ።

3 እዝ ግደን ደእያ ካፓቱ ጉድያ ጋሞቱዋ ማላ፤ ዳናቱካ ዋንትወ እሸናን ደሜዳዋ ኡባ ወርሰ ሞ ድግያ ኦማርሳ ዋንግሬሎቱዋ ማላ።

4 እዝን ናባቱ ኦቶሪንቻን ገናንቻ። እዝ ቁሳቱ ካ ጌሻባ ቱንሰያዋንታ፤ ቃይ ኤንቱንቱ ጸሳ ሀግያ ባረንቶ እንጀትያዋዳን፡ ሞርቂደ ብሊኖ።

5 ሽን እዝ ግደን ደእያ መድና ጎዳይ ጽሉዋ፤ እ ባላባ ኦፍ፤ ዋንትና ዋንትናካ እ ባረ ጽሎ ፕርዳ ፕርዳ፤ እይ ዋንታንካ አግ ኤሪና። ግደፕነ፡ እዝን ደእያ ማካላንቻይ አይነ ዬላ ኤሪና።

6 ጸሳይ ሀዋዳን ያጌ፤ “ታን ካወተላቱዋ ቆይሳና፤ ኤንቱንቱ ግምቡቲዳ ሳአቱካ ኮለት ክቼድኖ። ኤንቱንቱ ካታማቱዋ እት አሳይነ ደኤና ኦና ቢታ ኦላድ፤ ኦገቱካ ኦንነ ሄዋና ኦፍ፤ ግዳድኖ።

7 ታን ሀዋ ኡባ የሩሳላመወ ኦላድ፡ ሰም ታ አሳይ ታና ቦንቻና፤ ታን ሴርያ ሴራካ አካና፤ ታን እዛዜዳዋካ ደገና ያጋድ። ሽን ኤንቱንቱ ካሰዋፕካ ያ ያ ባረንቱ ኦሱዋን ቱኒደ ቤድኖ” ያጌ።

8 መድና ጎዳይ ሀዋዳን ያጌ፡ “እነ ታን ፕርድያ ጋላሳይ ጋካናወ፡ ታክ ጊተ። እያወ ጎፕ፡ ታን አሳቱዋን ካወተላቱዋ ሺሻናወ ቃቻድ፤ ሺሻደ ታ ሀንቁዋ ሱሉዋ ኤንቱንቱ ቦላ ጉሳና። ሳአይ ሙሉናካ ታ ሀንቁዋ ታማን ጸገታና።

9 “ሄ ዋደ ታን አሳ ኡባይ ጌሻ ሃሳያ ሃሳያና ማላ ኦላና፤ ያትና፡ ኤንቱንቱ ኡባይካ መድና ጎዳ ሱንላ ጾጋናን እትፕ አወ ኦላና።

10 ላለቲዳ ታ አሳቱ፡ ታወ ቱሙ ጎይንያዋንቱ ቶጵያ ሻፋቱዋፕ ሄፍንላ ባጋፕ ታወ እሞታ አሀና።

11 ሄ ዋደ ሀንተ ታ ቦላ ማካሊደ ኦሌዳ አሶቱዋ ጋሱዋን ዬላትክታ፤ እያወ ጎፕ፡ ኦቶሪትያን አይያዋንታ ታን ሀንተ ግደፕ ድጋ ድጋና። ቃይ ሀንተካ ሀዋፕ ሰንላን ታ ጌሻ ደርያን ኦቶሪትክታ።

12 ታን ሀንተ ግደፕ ባረንቱ ሁጲያ ካወሽያዋንታን ዘቂ ኦላያ አሳቱዋ አሻና፤ ኤንቱንቱካ መድና ጎዳ ሱንላን አማነትያዋንታን ታፕ ማዲዋ ኮይያዋንታ ግዳና።

13 እስራኤልያ አሳፕ አቲዳዋንቱ ኦ ቦላን ኢታባ ኦላክና፤ ዋርዲዋ ሃሳይክና፤ ኤንቱንቱ እንጸርሳንካ ጭሙ ቤተና። ሄዋ ግሻወ፡ ኤንቱንቱ ሄመታናን አላጸና፤ ኤንቱንታ ያሽሰያባይካ ደኤና” ያጌ።

ናሽቻ የላ

2:4 እሳ. 14:29-31፤ ኤር. 47:1-7፤ ሀዘ. 25:15-17፤ እዩ. 3:4-8፤ አሞጾ 1:6-8፤ ዛካ. 9:5-7 2:8 እሳ. 15:1—16:14፤ 25:10-12፤ ኤር. 48:1—49:6፤ ሀዘ. 21:28-32፤ 25:1-11፤ አሞጾ 1:13-15 2:9 ደመላ 19:24 2:12 እሳ. 18:1-7 2:13 እሳ. 10:5-34፤ 14:24-27፤ ናህ. 1:1—3:19 3:13 ሳፃ 14:5

14 ጽዮን ናቱ፣ ማዛሙርያ የጸ! እስራኤልያ
አሳው፣ እልልተ! የሩሳላመ ናቱ፣ ነ ፖሎ ዋዛናፕ
ናሽታ፤ ሀሹካ ጋ!

15 መድና ጎዳይ ህንተ ቦላ ፕርዴዳ ፕርዳ
አጌዳ፤ ህንተ ሞርከቱዋካ ድጌዳ። መድና
ጎዳይ፣ እስራኤልያ ካቲ፣ ህንተ ግደን ደኤ፤
ሀዋፕ ሰንፋናዉ ህንተና ያሽሰያዌ ባዋ።

16 ሄ ጋላሰ የሩሳላመባይ ሀዋዳን ያገታና፤
“ጽዮኔ፣ ያዮፓ! ነ ኩሽቱካ አርጋጮፕኖ።

17 መድና ጎዳይ ነ ጸሳይ ነ ግደን ደኤ፤ እ
ነዉ ጸኑዋ እምያ ኦላንቻ። እ ኔናን ናሽታና፤ እ
ባረ ስቁዋን ኔና ኦራጽሳና፤ አሳይ ባላ ጋላሰ
የጽያዋዳን፣ እ ኔናን ናሽቱዳዋ ማዛሙርያ የጸደ
በሳና” ያጋና።

18 ጸሳይ ሀዋዳን ያጌ፤ “ሀዋፕ ሰንፋናዉ ነ
ቦላ ባሻይ ጋከናዳን ታን ኦፋና፤ ነ ዬላካ ቁጫና።

19 በእ፣ ሄ ዋደ ታን ኔና ኦቁኔዳዋንታ ኡባ
ሙራና። ታን ዋባቱዋ አሻና፤ ላለቱዳዋንታካ
ሺሻና። ታን ኡንቱንቱ ካዉሻ ቦንቾ ላማና፤ ያቶፕ
ሳኣን ደእያ አሳ ኡባ ማታን ኡንቱንቱ ሱንሳይ
ኤረቱዳዋ ግዳናዋ።

20 ሄ ዋደ ታን ህንተና ሺሻና፤ ታን ህንተና
እትፕ ሺሻደ ዛራና፤ ያታደ ታን ህንተ አይፊ
በእሽን ህንተና እሻልሰያ ዋደ፣ ህንተ ሀ
ሳኣን ደእያ አሳ ኡባ ማታን ቦንቾቱዳዋንታን
ኤረቱዳዋንታ ግዳናታ” ያጌ መድና ጎዳይ።

ሃገ ትምቢትያ ገሉዋ

ትምቢትያ ኦድያ ሃገ ማጻፋን ጻፈቴዳ ቃንጻ ቃንጻ ኪታቱ ክርሰቶሳ የለታጥ ካሰ፡ እቼሹ ጸታነ ላታሙ ላይላን ጸሳይ ትምቢትያ ኦድያ ሃገ ባጋና ኦድቴዳዋንታ። እሳይ ኦዋዲዋጥ ሰሚደ የሩሳላሙን ደኡዋ ደዋደጥ እት አማራዳ ላይላቱ እጴዳዋ ግደጥነ፡ ጌሻ ጎሊ ሳለቶሳናካ ደኤ። ሄዋ ድራው፡ ኪታይ እሳ ካለልያዋንቱ ጌሻ ጎልያ ኦሳናዳን ደንባልያዋ። እሳይ ኦራጸጥን ጌዮጥ፡ ሰንገላጥ ጸሳይ ኡንቱንቶ ሳሩዋን እንጂዋ እማናዋ ኦድ።

ሸምጋቱዋ ኡባቶ እመቴዳ ቃንጻ ቆፋቱዋ

1. መድና ጎዳይ ጌሻ ጎሊ ዛረላ ኬጻናዳን እዛዙዋ 1:1-15
2. ጎዳይ ባረ እሳዉ እሜዳ እንጂዋን ምንባሉዋ ህደታ 2:1-19
3. ጸሳይ ዛሩባቤላዉ እሜዳ ህደታ 2:20-23

መድና ጎዳይ ጌሻ ጎልያ ዛረላደ ኬጻናዳን እዛዙዋ (1:1-15)

1 ካቲ ዳርዮስ ካተቴዳ ላኤንሶ ላይላ፡ ኡሱፑንጎ አግናን ኮይሮ ጋላስ መድና ጎዳ ቃላይ ትምቢትያ ኦድያ ሃገ ባጋና ሳላትያላ ናኦ፡ ይሁዳ ጋድያ ሞድያ ዛሩባቤላኮን እዮጸዴቃ ናኦ፡ ቁስ ኡባቱ ካፑዋ ኢያሱኮ ዬዳ፤

2 ኡባጥ ዋልቃማ መድና ጎዳይ፡ “ሀዌ እሳይ፡ ‘መድና ጎዳ ጌሻ ጎልያ ዛረላደ ኬጻና ዋዲ ብሮ ጋክቤና’ ያጌ።”

3 ያትና፡ መድና ጎዳ ቃላይ ትምቢትያ ኦድያ ሃገ ባጋና፡

4 “ታ እሳዉ፡ ታ ጌሻ ጎሊ ኮለት ደእሸን፡ ህንተ ህንተ እሌቀቴዳ ጎለቱዋን ደእናዉ ሀዌ ህንተንቶ ዋዴየ?” ያጌድ ዬዳ።

5 ሄዋ ድራው፡ ኡባጥ ዋልቃማ መድና ጎዳይ፡ “እነ ህንተ ህንተና ጋኪደ ደእያዋ ቆጥተ።

6 ህንተ ዳሩዋ ዘራድታ፤ ሸን ጉላ ሺሺድታ። ሚታ፡ ሸን ካልክታ፤ ኡሺታ፡ ሸን አልክታ። ማዴታ፡ ሸን ህንተና ሆኤና፤ ድርጉዋ አክያዌ ዳከቶ ቃርጨትያን የጋናዉ እኬ” ያጌ።

7 ቃይካ ኡባጥ ዋልቃማ መድና ጎዳይ፡ “እነ ህንተ ህንተና ጋኪደ ደእያዋ ቆጥተ።

8 ሰም ደርያ ፑደ ከሲደ፡ ምላ ቃንጺደ እህተ፤ ጌሻ ጎልያ ዛረላደ ኬጻተ። ያቶጥ ታን እን ናሸታናን ቦንቼታና” ያጌ መድና ጎዳይ።

9 ቃይካ ኡባጥ ዋልቃማ መድና ጎዳይ፡ “ህንተ ዳሮ ካላ ሺሻናዉ ሀልቼድታ፤ ሸን ጉላ ግዴዳ፤ እካ ህንተ ጎሊ ገልሴዳ ዋደ፡ ታን ፑንያዋን ጳይ አጌዳ። ሀዌ አያዉ ሀኔዳ? ታን ሀዋ ኦሌዳዌ፡ ህንተ ኡባይካ ህንተ ጎልያ ጎልያ ኦሶ ዋጽሸን፡ ታ ጎሊ ኮለቲደ አቴዳ ግሻሳ።

10 ሄዋ ድራው፡ ቦላ ሳሉ እራ እመናን፡ ቢታይካ ካላ ሞከናን እጴድና።

11 ቃይ ቢታነ ደረቱዋ ቦላ፡ ካላ ቦላ፡ ዋይንያ ቱራነ ዛይትያ ዋጋራቱ ቦላ፡ ቢታይ ፑደ ሞክያዋ ቦላ፡ እሳነ መሀያ ቦላነ ህንተ ዳቡራደ ኦሌዳዋ ኡባ ቦላ ታን እራ ጳይሳድ” ያጌ።

እሳይ ጸሳዉ እዛዙቴዳ

12 ሄዋጥ ጉይያን፡ ሳላትያላ ናኦይ ዛሩባቤላ፡ እዮጸዴቃ ናኦይ፡ ቁስያ ኡባቱ ካፑ ኢያሱነ ሀራ እሳይ ኡባይ መድና ጎዳ ባረንቱ ጸሳ ቃላዉን መድና ጎዳይ ኡንቱንቱ ጸሳይ ትምቢትያ ኦድያ ሃገ ባጋና ኪታይ ቃላዉ እዛዙቴድና፤ እሳይካ መድና ጎዳዉ ያዬድና።

13 ያትና፡ መድና ጎዳይ ኪታዳ ሀጊ እሳ፡ “እሳዉ፡ መድና ጎዳይ ህንተና፡ ‘ታን ህንተናና ደእይ’ ያጌ” ያግ መድና ጎዳ ኪታ እሳዉ ኦዴዳ።

14 ያትና፡ መድና ጎዳይ ሳላትያላ ናኦ፡ ይሁዳ ቢታ ሞድያ ዛሩባቤላ፡ እዮጸዴቃ ናኦ፡ ቁስያ ኡባቱ ካፑዋ ኢያሳነ ሀራ እሳ ኡባ ደንባሉዳ፤ ኡንቱንቱ ዬደ፡ ኡባጥ ዋልቃማ መድና ጎዳ፡ ባረንቱ ጸሳ ጌሻ ጎልያ ኬጻዋ ደሚድና።

15 ሀዌ ሀኔዳዌ ካቲ ዳርዮስ ካተቴዳ ላኤንሶ ላይላን፡ ኡሱፑንጎ አግናን ላታማነ ኦይደንሶ ጋላሳና።

2

ጎዳይ ባረ እሳዉ እሜዳ ምንባሉዋን እንጂዋ ህደታ (2:1-19)

1 ሄ ላይላን ላፑንጎ አግናን ላታማነ እተንጎ ጋላሳን መድና ጎዳ ቃላይ ትምቢትያ ኦድያ ሃገ ባጋና ሀዋዳን ያጌድ ዬዳ፤

2 “ሳላትያላ ናኦ፡ ይሁዳ ሞድያ ዛሩባቤላዉ፡ እዮጸዴቃ ናኦ፡ ቁስያ ኡባቱ ካፑዋ ኢያሱዉነ ሀራ እሳዉ ሀዋዳን ያጋደ ኦዳ፤

3 ‘ሀ ጌሻ ጎልያ ቦንቼ ካስ አያ ማለንቶ ቦኤዳ አሳጥ አቴዳዌ ህንተ ግደን ደኢ? ሀቼ ህንተ ኦ ጸልያ ዋደ፡ ዋን ኡቴዴ? ህንተ አይፍያን እ ባይናዋ ማላቱ ግደኔ?

4 “‘ዛሩባቤላ፡ ሀእ ምና! ታን መድና ጎዳይ ሀዋ ኦዳይ። እዮጸዴቃ ናኦዉ፡ ቁስያ ኡባቱ ካፑ ኢያሱ፡ ኔንካ ምና! ቢታን ደእያ እሳ ኡባዉ፡ ህንተካ ምንተ! ምኒደ ኦሳተ፤ አያዉ ጎጥ፡ ታን ህንተናና ደእይ። ታን ኡባጥ ዋልቃማ መድና ጎዳይ ሀዋ ኦዳይ።

5 ህንተ ግብጾጥ ከሰያ ዋደ፡ ታን ህንተናና ጫቀቴዳ ጫቁዋዳን፡ ታ አያናይ ህንተናና ደእያ ድራዉ ያዮጥተ!

6 “‘ቃይካ ታን ኡባጥ ዋልቃማ መድና ጎዳይ ሀዋ ኦዳይ። ታን ማታ ዋድያን እት ገደ ጉጃደ፡ ሳሎቱዋን ሳኦ፡ አባነ መላ ቢታካ ቃላና።

7 ካዉተላቱዋ ኡባካ ቃላና፤ ካዉተላቱዋ ኡባን ደእያ ዱረታይ ሃ ያናዳን ኦላና። ታን ኡባጥ ዋልቃማ መድና ጎዳይ ሀ ጌሻ ጎልያ ቦንቼዋን ኩንፋና።

8 ብራይ ታዋ፤ ዋርቃይካ ታዋ።

9 ከይርዋ ቦንቹዋጥ ሀ ላኤንሉ ጌሻ ጎልያ ቦንቹ ዳራና፤ ታን ኡባጥ ዋልቃማ መድና ጎዳይ ሀ ሳኦን ሳርተላካ እማና፣ ያጋደ ኦዳ” ያጌዳ መድና ጎዳይ።

10 ዳርዮስ ካተቱዳ ላኤንሉ ላይላን፣ ኡዲፑንላ አገናን ላታማነ ኦይደንሉ ጋላሳን መድና ጎዳ ቃላይ ትምቢትያ ኦድያ ሃገ ባጋና ሀዋዳን ያጊድ ዬዳ፤

11 “ኡባጥ ዋልቃማ መድና ጎዳይ ሀዋዳን ያጌ፤ ህጊ ዋግንቶ ኤራናው እነ ቄሳቱ ዋ ሀዋ ኦቻ።

12 እት ኡራይ ያርሾ ጌሽ ዋሌዳ አሹዋ ባረ አፍላ ጼራን ጸጽ አኪደ አፍሽን፣ ሄ አፍላ ጼራይ ኡክላ፣ ዋይ ዋጽያ፣ ዋይ ዋይንያ ኤሳነ ዛይትያ፣ ዋይ ሀራ እያ ቆሞ ቁማነ ቦቾጥ፣ ሄ ቦሽቲዳ ቁማይ ቱሙ ጌሻ ግዳናው ዳንዳዪ?” ያጋ” ያጌዳ።

ቁሳቱ፣ “ግዳናው ዳንዳዪና” ያጊደ ዛሬድና።

13 ሀጊ ቃይካ፣ “አሃ ቦቾደ ቱኔዳ እት ኡራይ ሀዋንቱጥ እት ቆሞ ቁማነ ቦቾጥ፣ ሄ ቁማይ ቱሙ ቱናኔ?” ያጊደ ኦቻዳ።

ቁሳቱ፣ “ኤ ቱናና” ያጊደ ዛሬድና።

14 ያትና፣ ሀጊ ዛረሲደ፣ “መድና ጎዳይ ሀዋዳን ያጌ፤ ህ አሳይነ ሀ ካውተላይ ታ ሰንላን ሄዋካ ማላ፤ ኡንቱንቱ ኦላያ ኦሱነ ኡንቱንቱ ሺሽያ ያርሹ ኡባይካ ሄዋካ ማላ ቱና” ያጌ” ያጌዳ።

ጸሳይ ባረ አሳ አንጃና

15 ጸሳይ፣ “ሀቼጥ ደሚደ፣ ህንተ ቦላን ጋኬዳዋአ አኬክተ! መድና ጎዳ ጌሻ ጎልያ ግምባቱዋ ደማናጥ ካሰ።

16 ህንተ ላኡ ኩንታለ ካላ አካና ጊደ፣ ካላ ዋላሳ ቤድታ፤ ሽን እት ኩንታለ ጸላላ ደሚድታ። ቃይ እት ጼቱ ሊትሮ ዋይንያ ኤሳ አካናው ዋይንያ ጉምእያ ኦላኮ ቤድታ፤ ሽን ህንተ መጽ ኦይታሙ ሊትሮ ጸላላ ዋይንያ ኤሳ ደሚድታ።

17 ታን ህንተ ኩሺ ኦሌዳ ኦሱዋ ኡባ ቦላን መልሰያ ጫርኩዋ፣ ካላ ሀርግያነ ሻቻ የዳደ ጳይሳድ። ሽን ህንተ ሀ ኡባንካ ታኮ ሰምባይክታ” ያጌ መድና ጎዳይ።

18 “ሀቼ ጋላሳጥ፣ ሀ ኡዲፑንላ አገናን ላታማነ ኦይደንላ ጋላሳጥ ደሚደ፣ እነ አኬክተ፤ ቃይ መድና ጎዳ ጌሻ ጎልያ ባሱ ባሰቱዳ ጋላሳጥ ደሚደ ቆጥተ።

19 ሀእ ዘረላው ሀንያ ካላይ ህንተ ዬሰያን ጳዮጥ፣ ቃይ ዋይንያ ቱራይ፣ ባላሰያ ጌተትያ ሞላ፣ ሮማንያ ጌተትያ ሞላነ ዋጋራ ዛይትያ ሞላይካ ሀቼ ጋካናው አይፍያ አይፋና ጳዮጥ፣ ሀቼጥ ደማደ ታን ህንተና አንጃና” ያጌ።

ጸሳይ ዛረባቤላው እሜዳ ህደታ (2:20-23)

20 ሄ አገናን ላታማነ ኦይደንሉ ጋላሳን መድና ጎዳ ቃላይ ላኤንሉዋ ሃገኮ ሀዋዳን ያጊድ ዬዳ፤

21 “ይሁዳ ሞድያ ዛረባቤላው ሀዋዳን ያጋደ ኦዳ፤ ታን ሳሎቱዋነ ሳኦ ቃላና፤

22 ካውተላቱዋ አራታቱዋ አላ የጋና፤ ኡንቱንቱ ዋልቃ ጳይሳና። ፓራ ጋረቱዋ ኡንቱንቱ

ላግያዋንቱና አላ የጋና፤ ፓራቱነ ፓራ አሳቱካ ኡባይ ባረንቱ ግደን ሀይቃታና።

23 ታ ቆማው፣ ሳላትያላ ናእው ዘረባቤላ፣ ታን ኡባጥ ዋልቃማ መድና ጎዳይ ኔና ሄ ጋላሰ አካደ ታ ማታፋ ሞግዲዋ ማላ ኦላና። እያው ጎጥ፣ ታን ኔና ደራድ” ያጋደ ኦዳ” ያጌ ኡባጥ ዋልቃማ መድና ጎዳይ።

ዛካራ ሕምቢትያ ገሉዋ

ሕምቢትያ ኦድያ ዛካራ ማጻፋይ ላኡዋወ ሻከቲ።

1. ሸምጥጥ 1ፐ ቢደ 8 ጋካናወ ደእያ ሳእይ ክርሰተሳ የለታፐ ካሰ እቼሹ ጴታነ ላታሙ ላይላፐ ዪደ እቼሹ ጴታነ ታማነ እቼሹ ላይላ ጋካናወ ደእያ ላይላቱዋ ግደን። ዲማ ዲማ ዋደቱዋን ሕምቢትያ ኦድያ ዛካራሰ ኦዳዳ ሕምቢትያ ቃላቱዋ ኦይቄዳ ክፍልያ። ሄዋ ጉሳይ እሳይ ኦሞዲዋፐ ሰሜዲዋፐ ጉይያና ጉሳ። ሀ ሕምቢትያ ኦዳዳ ቃላቱ ሳፃ ማላን ሺቄዳዋንታ ግድሽን። የሩሳላሙ ኦራጻናዋ። ጌሻ ጎልያ ሰሚደ ግምቢታናዋ። ጸሳ እሳይ ጌያናዋን ሰንላፐ ያና ማሰያ ላይላባ ኦድያዋንታ።

2. ሸምጥጥ 9ፐ ቢደ 14 ጋካናወ ደእያ ክፍሊ ጉላ ታክሺን ኦይቲዳ ሕምቢትያ ቃላቱዋ ኦይቄዳዋ። ሀ ሕምቢትያ ኦዳዳ ቃላቱ ሰንላፐ ያና ማሰያባን ወርሰላ ፕርዳባ ኦዲኖ።

ሸምጥጥ ኡባቶ እመቲዳ ቃንሳ ቆፋቲዋ

1. ገሉዋ 1:1-6
2. ቃማ ቤቲዳ ሆሰፑን ሳጻቲዋ 1:7—6:8
3. ቄሰያ ኡባ ካፑዋ ኢያሱ ቦላ ጫነቲዳ ሀሳይሱዋ ካላቻ 6:9-15
4. ልከ ግደና ጸማን ሰንላወ እመቲዳ ህደታ 7:1—8:23
5. ማሰህያ ዩሳነ ጸሳ ካወተላይ በሰያዋዳን ኤረቲሳ 9:1—14:21

ገሉዋ (1:1-6)

1 ዳርዮሰ ካተቲዳ ላኤንሎ ላይላን። ሆሰፑንላ ኦግናን መቲና ጎዳ ቃላይ እዶ ናኦ በረክያ ናኦ ሕምቢትያ ኦድያ ዛካራሳኮ ዬዳ።

2 “መቲና ጎዳይ ህንተ ማይዛ ኦዋቲዋ ቦላን ሎይሎ ሀንቀቲዳ።

3 ሸን ሀእ ኦሳወ ሀዋዳን ያጋደ ኦዳ፤ ታኮ ሰምተ፤ ቃይ ታንካ ህንተኮ ሰማና።” ታን ኡባፐ ዋልቃማ መቲና ጎዳይ ሀዋ ኦዳይ።

4 ካሰ ሕምቢትያ ኦድያዋንቲ። “ኡባፐ ዋልቃማ መቲና ጎዳይ፤ ህንተ ኢታ ኦግያፐን ኢታ ኦሱዋፐ ሰምተ” ያገደ ኦድና ሰሰናን እጴድናን ታናካ ሰሰናን እጴዳ ህንተ ማይዛ ኦዋቲዋዳን ሀናፕተ። ታን መቲና ጎዳይ ሀዋ ኦዳይ።

5 ህንተ ማይዛ ኦዋቲ ሀእ ሀቃን ደእኖ? ሄ ሕምቢትያ ኦዳዳዋንቲ መቲናወ ፓጻ ደእኖ?

6 ግደ ሸን። ሕምቢትያ ኦድያ ታ ቆማቲ ባጋና ታን ኦዳዳ ቃላቲን ህገቲ ኡባይ ህንተ ማይዛ ኦዋቲዋ ቦላን ጋክበይክና? ያትና። ኡንቲንቲካ ካዮቲደ። ኡባፐ ዋልቃማ መቲና ጎዳይ ኦ ኦግያዳንከ ኦ ኦሱዋዳን ኦወ እማና ጌዳዋዳን። ባረ ጌዳዋ ኦሌዳ ያገደ ያገደ።

ቃማ ቤቲዳ ሆሰፑን ሳጻቲዋ (1:7—6:8)

7 ዳርዮሰ ካተቲዳ ላኤንሎ ላይላን። ሻባጻ ግያ ታማነ እተንላ ኦግናን። ላታማነ ኦይደንሎ ጋላሰ መቲና ጎዳይ ቃላይ እዶ ናኦ በረክያ ናኦ ሕምቢትያ ኦድያ ዛካራሳኮ ዬዳ።

8 ታን ቃማ ሳጻን ዞኦ ፓራ ቶጌዳ እት ብታንያ በኦድ፤ እካ ዛንጋራን ደእያ ባርሴነትያ ግያ ሞላቲዋ ጋርሳን ኤቄዳ፤ ቃይ ኦፐ ጉየ ባጋና ዳማ። ዞኦን ቦላ ፓራቲ ደእኖ።

9 ያትና። ታን። ታ ጎዳወ። ሀዋንቲ ኦይ? ያጋደ።

ታናና ሃሳይያ ኪታንቻይ ዛሪደ ታና። “ሀዋንቲ ኦየንቶ ታን ኔና በሳና ያጌዳ።

10 “ያትና። ባርሴነትያ ጋርሳን ኤቄዳ ብታኒ። ሀዋንቲ ሳኦ ኡባ ዩይ ዩዪደ ጸሞሳና ማላ። መቲና ጎዳይ ኪቲዳዋንታ ያጌዳ።

11 “ኡንቲንቲካ ባርሴነትያ ጋርሳን ኤቄዳ መቲና ጎዳ ኪታንቻወ ሀዋዳን ያጌድኖ፤ ሓን ሳኦ ኡባ ዩይ ዩዪደ ጸሞሲደ፤ ቢታይ ሳኦ ዋፑ ጊደ። ሳር ደኤ” ያጌድኖ።

12 “ሄዋፐ ጉይያን። መቲና ጎዳ ኪታንቻይ ሀዋዳን ያጌዳ፤ ሓኤት ኡባፐ ዋልቃማ መቲና ጎዳወ። ኔን ሀንቀቶደፐ ላፑን ታሙ ላይላ ግዴዳ ሀ የሩሳላሙን ይሁዳ ካታማቲዋ ማረናን ኦወደ ጋካናወ ጋምኦይ?” ያጌዳ።

13 መቲና ጎዳይ ታናና ሃሳይያ ኪታንቻወ ሎኦን ሞን። ላይ ቃላን ዛረዋ እሚዳ።

14 ሄዋ ድራወ። ታናና ሃሳይያ ኪታንቻይ ታና። “ሀ ቃላ ኦዋያ፤ ኡባፐ ዋልቃማ መቲና ጎዳይ ሀዋዳን ያጌ፤ ታን የሩሳላሙን ጸዮንወ ዳሮ ሞሽታይ።

15 ኔን ሳር ደኤቶ ግያ ካወተላቲዋ ቦላ ታን ዳሮ ሀንቀታድ። ታን ታ ኦሳ ቦላ ጉላ ሀንቀታድ ሸን ኡንቲንቲካ ታ ኦሳ ቦላ ዳሮ ቲጋ ጋሌድኖ።

16 ሄዋ ድራወ። ታን መቲና ጎዳይ ሀዋ ኦዳይ፤ ታን የሩሳላሙ ማሮታን ሰማድ። ታ ጌሻ ጎሊ ያን ኪጸታና፤ የሩሳላሙ ካታማይካ ዋደሩዋን ልከታና። ታን ኡባፐ ዋልቃማ መቲና ጎዳይ ሀዋ ኦዳይ” ያጌ። ያጋደ ኦዋያ።

17 “ዛረላደካ ሀዋዳን ያጋደ ኦዋያ፤ ሓኡባፐ ዋልቃማ መቲና ጎዳይ ታ ካታማቲዋ ዲረተላይ ኩሞ ጎጋና ቃይ ታን መቲና ጎዳይ ጸዮን ዛረላደ ሞን። ላና፤ የሩሳላሙን ዛረላደ ደራና ያጌ” ያጋደ ኦዋያ” ያጌዳ።

ዛካራሰ ሳጻን ኦይዳ ካጨቲዋ በኤዳ

18 ቃይካ ታን ሳጻን ኦይዳ ካጨቲዋ በኦድ።

19 ታናና ሃሳይያ ኪታንቻ። “ሀዋንቲ ኦይ?” ያጋደ ኦቻድ።

እካ ታወ ዛሪደ። “ሀ ካጨቲ ይሁዳ፤ እሰራኤላን የሩሳላሙ ላሌዳ ካወተላቲዋ” ካወተላቲዋ ሌምሳቲዋ ያጌዳ።

20 ሄዋፐ ጉይያን። መቲና ጎዳይ ታና ብራታ ቆጵያ ኦይዳ ሂላቲዋ በሴዳ።

21 ታን። “ሀዋንቲ ኦይ ኦላናወ ዬድኖ?” ያጋደ ኦቻድ።

1:1 እዘራ 4:24—5:1፤ 6:14 1:8 ሳፃ 6:2-8

እ ዛሬደ፡ “ሀዋንቱ ኦንነ ቶቄ ጊደ ጸለናዳን፡ ይሁዳ ቢታ ላሌዳ ካጨቱዋ ያሸሳናው ዬድኖ፤ ቃይ ይሁዳ ቢታ ላላናው ባረንቱ ካጭያ ደንጮዳ እይሁዳ ግደና ካወተላቱዋ ካጭያ ቆጶደ፡ ሳኦን የገናው ዬድኖ” ያጌዳ።

2

ዛካርያ ሳጳን ልክያ ዋድሩዋ በኤዳ

1 ቃይካ ሀራ ሳጳን ባረ ኩሽያን ልክያ ዋድሩዋ ኦይቄዳ እት ብታንያ በኦድ።

2 ታን፡ “ኔን ሀቃ ባይ?” ያጋደ አ ኦቻድ።

እ፡ “ታን የሩሳላመ ጎምፓይነ ጌሳይ አይ ኬሽንቶ በአናው፡ ልካናው ባይ” ያጌዳ።

3 ሄዋፕ ጉይያን፡ ታናና ሃሳይያ ኪታንቻይ ከሲደ ቤዳ፤ ቃይ አናና ጋከታናው ሀራ ኪታንቻይካ ዬዳ።

4 እ ሀዋዳን ያጌዳ፤ “ዋጸ፤ ባደ ሄ ያላጋ ብታንያ፡ መድና ጎዳይ ሀዋዳን ያጌ፤ ላሳሳ መሀያ ዳርተላፕ ደንዳዳዋን የሩሳላመ ካታማ የሹ ድርሳ ግምቢ ባይና ካታማዳን ደክና።

5 ታን አ የሹዋን ታማ ድርሳ ግዳና፤ ታን አ ግደን ቦንቹዋ ግዳና ያጌ ያጋ” ያጌዳ መድና ጎዳይ።

መድና ጎዳይ ባረ አሳ ባረንቱ ቢታ ስማናዳን ጸሴዳ

6 መድና ጎዳይ ባረ አሳ ሀዋዳን ያጌ፤ “ታን ሀንተና ኡባ ሳን ላላድ። ሸን ሀእ ሁጲሳ ባጋ ጋድያፕ ባቃቲደ ክቶተ!” ያጌ መድና ጎዳይ።

7 ቃይካ ጸሳይ፡ “ኔኖ፡ ጽዮኔ፡ ባብሎን ማጫ ናናቱዋና ደእያን ከሳ አካደ ሃያ!” ያጌ።

8 አያው ጎፕ፡ ኡባፕ ዋልቃማ መድና ጎዳይ ባረ ቦንቹዋ ቆንጭሳና ማላ፡ ባረ አሳ ቦንቹዳ ካወተላቱዋኮ ታና ኪቲደ፡ ሀዋዳን ያጌዳ፤ “ሀንተና ቦቶያዋ ታ አይፍያ ቡሉዋ ቦቹ።

9 በእተ፡ ታን ታ ኩሽያ ኡንቱንቱ ቦላን ደንላና፤ ቃይ ኡንቱንቱካ ካሰ ባረንቱ ቆማቱዋን አዋደታና” ያጌዳ።

ሄ ዋደ ሀንተ ኡባፕ ዋልቃማ መድና ጎዳይ ታና ኪቲዳዋ ኤራና።

10 መድና ጎዳይ ሀዋዳን ያጌ፤ “ጽዮን አሳው፡ የጽተነ ናሸትተ! አያው ጎፕ፡ ታን ያደ ሀንተ ግደን ደክና” ያጌ።

11 ሄ ዋደ ዳሮ አይሁዳ ግደና ካወተላቱ መድና ጎዳና ጋከቲደ፡ አ አሳ ግዳና፤ እካ ኡንቱንቱ ግደን ደክና። ቃይ ሀንተካ ኡባፕ ዋልቃማ መድና ጎዳይ ታና ሀንተኮ ኪቲዳዋ ሄ ዋደ ኤራና።

12 ጌሻ ቢታን መድና ጎዳይ ይሁዳ ባረና ጋኬዳ ግሹዋ አሊደ ላታና፤ የሩሳላመካ አ ዛረሊደ ደራና።

13 መድና ጎዳይ ባረ ደእያ ጌሻ ሳኦን ደንዳዳ፤ ሄዋ ድራው፡ አሹዋ ማዬዳ ኡባይ አ ሰንላን ጮኡ ጎ!

3

ዛካርያ ሳጳን ቄሰያ ኡባቱዋ ካፑዋ በኤዳ

1 ሄዋፕ ጉይያን፡ ቄሰያ ኡባቱ ካፑ ኢያሱ መድና ጎዳ ኪታንቻ ሰንላን ኤቄዳዋን ሴጸናይካ ኢያሳ ሞታናው አፕ ኡሸቻ ባጋና ኤቄዳዋ መድና ጎዳይ ሳጳን ታና በሴዳ።

2 መድና ጎዳይ ሴጸና፡ “ሴጸናው፡ መድና ጎዳይ ኔና ሴሮ፤ የሩሳላመ ደሬዳ መድና ጎዳይ ኔና ሴሮ! ሀ ብታኒ ታማፕ ከሲደ አቴዳ ጲፋ ማላ ግደኔ?” ያጌዳ።

3 ኢያሱ ኪታንቻ ሰንላን ኤቄዳ ዋደ፡ ቅታ ማዩዋ ማይ ኡቴዳ።

4 ኪታንቻይ ባረ ሰንላን ኤቄዳዋንታ፡ “አፕ ሀ ቅታ ማዩዋ ቃርተ” ያጌዳ። ቃይ አ ኢያሳ፡ “በእ፡ ታን ነ ባይዙዋ ኔፕ ድጋድ፤ ቦንቹዋ ማዩዋካ ኔና ማይዛና” ያጌዳ።

5 ቃይካ ታን፡ “ጌሻ ሻሸያ አ ሁጲያን ጸጽተ” ያጋደ። አንቱንቱካ አ አዛዜዳዋዳን አሌድኖ፤ ማዩዋካ አ ማይዜድኖ። መድና ጎዳ ኪታንቻይ ሄ ዋደ አ ሞይያን ኤቄዳ።

6 ሄዋፕ ጉይያን፡ መድና ጎዳ ኪታንቻይ ኢያሱው ሀዋዳን ያጌደ ጲሸሴዳ፤

7 “ኡባፕ ዋልቃማ መድና ጎዳይ ሀዋዳን ያጌ፤ ኔን ታ ኦግያን ሀመቶፕነ ታ አዛዙዋ ናጎፕ፡ ኔን ታ ጌሻ ጎልያ አይሳና፤ ታ ዳባባንካ አዋታና። ቃይ ሀዋን ኤቄዳዋንቱና እትፕ ኔን ገልያ ማታ ታን ነው እማና።

8 “ ናኖ ቄሰያ ኡባቱዋ ካፑዋ ኢያሱ፡ ሀዋ ሰሳ! ሰንላና ያና ኬካባው ማላታ ግድያ ኔናና ኦልያዋንቱካ ሀዋ ሰሰኖ! ታን ታሸያ ጌትትያ ታ ቆማ አሀና።

9 በእ፡ ታን ኢያሱ ሰንላን ሹቻ ዋላና፤ ሄ ሹቻ ቦላ ላፑን አይፈቱ ደክኖ፤ ታን አ ቦላን ዋጫደ ጸፍያ ጸፋና። ታን ኡባፕ ዋልቃማ መድና ጎዳይ ሀዋ ኦዳይ። ሄ ጋድያ ናጋራካ ታን እት ጋላስ ድጋና” ያጌ።

10 “ኡባፕ ዋልቃማ መድና ጎዳይ ሀዋዳን ያጌ፤ ሄ ጋላስ ሀንተ ኡባይካ ሀንተ ዋይንያ ቱራነ ሀንተ ባላሰያ ሞላ ጋርሳን ኡቲደ፡ ሀንተ ሸሮቱዋ ሸባና” ያጌዳ።

4

ዛካርያ ሳጳን ጸምፕያ ዋልያ ባላነ ዋጋራ ሞላ በኤዳ

1 ሄዋፕ ጉይያን፡ ታናና ሃሳዬዳ ኪታንቻይ ሰም ዬደ፡ ገምእሹዳ አሳ ቤጎልያዋዳን፡ ታና ቤጎሌዳ።

2 እ ታና፡ “ኔን በእያዌ አይ?” ያጌዳ። ታን፡ “ታን ዋርቃ ጸላላፕ ኦስቴዳ ጸምፕያ ዋልያ ባላ በአይ፤ አ ጴራን ዛይትያ ጸሩ ደኤ፤ ቃይ አ ቦላን ላፑን ጸምፕቱ ደክኖ፤ ሄ ላፑን ጸምፕቱካ ላፑን ላፑን ሉኮቱ ደክኖ።

3 ሄ ጸምፕያ ዋልያ ባላ ማታን ላኡ ዋጋራቱ ደክኖ፤ ኡንቱንቱ ዛይትያ ጸሩዋፕ ኡሸቻ ባጋና ሀድርሳ ባጋና ደክኖ” ያጋድ።

4 ታን ታናና ሃሳይያ ኪታንቻ ቃይካ፡ “ታ ጎዳው፡ ሀዋንቱ አይ?” ያጋደ ኦቻድ።

5 ታናና ሃሳይያ ኪታንቻይ ዛሬደ፡ “ሀዋንቱ አየንቶ ኤርኪ?” ያጌዳ።

3:1 እዝራ 5:2፤ ሳፃ 12:10 3:2 ዳና. 9 3:8 ኤር. 23:5፤ 33:15፤ ዛካ. 6:12 3:10 ሚክ. 4:4 4:3 ሳፃ 11:4

ታን፡ “ታ ጎዳው፡ ታን ኤርከ” ያጋድ።

ጳጳሪ ዛርባቤላው ኦዲዳ ቃላ

6 ቃይካ እ፡ “ዛርባቤላው መድና ጎዳይ ኦዲዳ ቃላይ ሀዋ፤ ታ ኢያናና ለትና፡ ዋልቃን ዋይ ምኖተላን ግደና። ታን ኡባፕ ዋልቃማ መድና ጎዳይ ሀዋ ኦዲዳ።

7 ዋልቃማ ደርያው፡ ኔን አይ? ኔን ዛርባቤላ ስንላን ልጲ ጌዳ ደምባ ግደና። ቃይ ዛርባቤላ ጌሻ ጎልያ ኬጽ ፖሊድ፡ ወርሰላ ሹቻ ፑደ ከሰያ ዋይ አሳይ፡ “ሀሹ! ሀሹ ፖላቴ!” ያጋና ያጌዳ።”

8 ቃይካ መድና ጎዳ ቃላይ ዛካራሳኮ ዩዳ።

9 ዛካራሰ ሀዋዳን ያጌዳ፤ “ሀ ጌሻ ጎልያ ባሱዋ ዛርባቤላ ኩሸቱ ባሴድኖ፤ ቃይ ፖላዋካ አ ኩሸቱ ኬጲደ ፖላና። ሄዋፕ ጉይያን፡ ኡባፕ ዋልቃማ መድና ጎዳይ ታና ሀንተኮ ከቲዳዋ ሀንተ ኤራና።

10 ሀ ጉላ ደመላ ካድያ ኦናን ግደፕ ዛርባቤላ ኩሸያን ቱምቢያ በኤዳ ዋይ ናሸታና፤ ሀዋንቱ ላፑን ጸምፕቱ ቢታ ኡባ ዩዩደ ጸልያ መድና ጎዳ አይፈቱዋ” ያጌዳ።

11 ታን ከታንቻ ዛራደ፡ “ሀ ጸምፕያ ዋልያ ባላፕ ኡሸቻ ባጋናን ሀድርሳ ባጋና ደእያ ሀ ላኡ ዋጋራቱ አይ?” ያጋደ አቻድ።

12 ታን ላኤንሉዋካ፡ “ሀ ዛይቲ ኤንቲንቲፕ ጎግያ ላኡ ዋርቃ ቦምባቱዋ ማታን ደእያ ላኡ ዋጋራ ታሸቲካ አይ?” ያጋደ አቻድ።

13 እካ ዛሪደ፡ “ሀዋንቱ እየንቶ ኔን ኤርከ?” ያጌዳ።

ታንካ፡ “ታ ጎዳው፡ ታን ኤርከ” ያጋድ።

14 እ ዛሪደ፡ “ሀዋንቱ ሳኦ ኡባ ጎዳው አልያ፡ ላኡ ኦከቲዳ አሳቱዋ” ያጌዳ።

5

ዛካራሰ ሳጸን ጸጸት ኡቲዳ ማጻፋይ ፓልያዋ በኤዳ

1 ቃይካ ታን ቶቁ ጋደ ጸልያ ዋይ፡ እት ጸጸት ኡቲዳ ማጻፋይ ቦላና ፓልያዋ በኦድ።

2 ከታንቻይ ታና፡ “ሀ ኔን በእያዌ አይ?” ያጊደ አቻድ።

ታን፡ “ታን እት ጸጸት ኡቲዳ ፓልያ ማጻፋ በአይ፤ አዉ ጌሳይ ላታሙ ዋቆ፤ ጎምፓይካ ታሙ ዋቆ” ያጋድ።

3 እ ታና ሀዋዳን ያጌዳ፤ “ሀ ጸላ ማጻፋ ግደን ደእያዌ ቢታ ኡባ ቦላን ይያ ሸቃ። ሄ ማጻፋን እት ባጋና፡ ‘ዉእያ ኡባይ ጋድያፕ ቆያና’ ያግያዌ ጸፈቲዳ፤ ቃይ የንኮ ባጋና፡ ‘ዋርዱዋን ጫቂያ ኡባይ ቆያና’ ያግያዌ ጸፈቲዳ።

4 ኡባፕ ዋልቃማ መድና ጎዳይ ሀዋዳን ያጌ፤ ታን ሄ ሸቃ ከታና፤ እ ቢደ፡ ካይሱዋ ሶነ ታ ሱንላን ዋርዱዋን ጫቂያዋ ጎላ ገላና፤ ያን ደኢደ፡ ሄ ጎልያ እ ኬጸቲዳ ምላናን ሹቻና ጋሊደ፡ ም ቆይሳና’ ያጌ” ያጌዳ።

ዛካራሰ ሳጸን ቁንኦ ግደን ኡቲዳ ምሽራቶ በኤዳ

5 ሄዋፕ ጉይያን፡ ሄ ታናና ሃሳይያ ከታንቻይ ታኮ ዩደ፡ “እነ ቶቁ ጋደ፡ ሀ ይያዌ እየንቶ በኦ” ያጌዳ።

6 ታን፡ “እ አይ?” ያጋደ አቻድ።

እ ዛሪደ፡ “ሀዌ ማክያ ቁንኦ” ያጌዳ። ቃይካ ጉጂደ፡ “ሀዌ አሳይ ሀ ቢታ ኡባን ኦሌዳ ናቁዋ ማላታ” ያጌዳ።

7 እርሳሰያ ግያ ብራታፕ ኦስቲዳ ቁንኦ ቁምኢ ፖከቲዳ ዋይ እት ምሽራታ ቁንኦ ግደን ኡቲዳኖ በኦድ።

8 ከታንቻይ ታዉ ኦዲደ፡ “ሀና ኢታተላቶ ጌተታዉ” ያጌዳ። እዙ ጉየ ቁንኦ ግደ ሱግ ገልሲደ፡ እርሳሰያ ቁምኢያካ ዱገ ናቂደ፡ ቁንኦ ቁምኤዳ።

9 ሄዋፕ ጉይያን፡ ታን ቶቁ ጋደ ጸልያ ዋይ፡ ኤንቲንቲ ቀፍያን ጫርኩ ደእያ ላኡ ማጫ አሳቲ ይያዋንታ በኦድ፤ ኤንቲንቲ ቀፊ ሾርትያ ቀፍያ ማላ። ኤንቲንቲ ሄ ኬሻ ሳኦፕን ሳሉዋፕ ግደ ፑደ ደንሌድኖ።

10 ያትና፡ ታን ታናና ሃሳይያ ከታንቻ፡ “ሀዋንቲ ቁንኦ ሀቃ አፊኖ?” ያጋደ አቻድ።

11 እ፡ “ኤንቲንቲ ቁንኦ ጎልያ ኬጸናዉ ባብሎን ቢታ አፊኖ፤ ጎሊ ኬጸቲዳ ዋይ፡ ኤንቲንቲ ሄ ቁንኦ አዉ ጊጌዳ ሳኦን ዋላና” ያጌዳ።

6

ዛካራሰ ሳጸን ኦይዱ ፓራ ጋራቲዋ በኤዳ

1 ቃይካ ታን ቶቁ ጋደ ጸልያ ዋይ፤ ጸልያ ዋይ ኦይዱ ፓራ ጋራቲ ላኡ ደረቲዋፕ ግዱዋና ይያዋንታ በኦድ፤ ደረቲካ ቃይ ናሃሰ ግያ ብራታ ደረቲዋ።

2 ኮይሮ ፓራ ጋርያ ዙጉ ፓራቲ ጎቹኖ፤ ላኤንሉ ፓራ ጋርያ ካረላ ፓራቲ ጎቹኖ፤

3 ሄዘንሉ ፓራ ጋርያ ቦላ ፓራቲ ጎቹኖ፤ ኦይደንሉ ፓራ ጋርያ ዋንጮ ፓራቲ ጎቹኖ፤ ኤንቲንቲ ኡባቲካ ዋልቃማ።

4 ታን ታናና ሃሳይያ ከታንቻ፡ “ታ ጎዳው፡ ሀዋንቲ አይ?” ያጋደ አቻድ።

5 ከታንቻይ፡ “ሀዋንቲ ሳኦ ኡባ ጎዳ ስንላን ባረና ሺሺደ ከሰያ ኦይዱ ሳሉዋ ጫርኮቲዋ።

6 ካረላ ፓራቲ ጎቹያ ጋሪ ሁጲሳ ባጋ ቢታ ቤ፤ ቦላ ፓራቲ ጎቹያ ጋሪ አዋይ ደልያ ባጋ ቤ፤ ዋንጮ ፓራቲ ጎቹያ ጋሪ ቃይ ገድሳ ባጋ ቤ” ያጊደ ዛሪዳ።

7 ሄ ፓራቲ ከሴዳ ዋይ፡ ቢታ ኡባ ዩዩደ ጸምሳናዉ ፓቹሪኖ። ከታንቻይ ኤንቲንቲ፡ “ቢተ፡ ቢታ ኡባ ዩዩደ ጸምሰተ” ያጌዳ። ኤንቲንቲ ቢታ ኡባ ዩዩደ ዋቹድኖ።

8 ሄዋፕ ጉይያን፡ ከታንቻይ ባረ ቃላ ቶቁ ኦሐ ታኮ ዋሲደ፡ “በኦ፡ ሁጲሳ ባጋ ቢታ ቤዳ ፓራቲ ባረንቲ ቤዳ ሁጲሳ ባጋ ጋድያን ጸሳ አያና ሸምፕሴድኖ” ያጌዳ።

ቁስያ ኡባ ካፑዋ ኢያሱ ቦላ ጫንቲዳ ሀሳይሱዋ ካላቻ (6:9-15)

9 መድና ጎዳ ቃላይ ታኮ፡ ቃይካ ሀዋዳን ያገድ ዬዳ፤

10 “ባብሎን እምደዋጥ ሰሜዳ ሄልዳይ፡ ጸቢን ያዳይ እምያ እምታ እካ፤ ሄ ጋላሰካ ጸፋንያ ናኣ እዮሰያ ጎላ ባ።

11 ኡንቱንቱጥ አኬዳ ብራጥን ዋርቃጥ ካላቻ ሙቆ፤ እዮጸዴቃ ናኣ፡ ቄሰያ ኡባቱ ካፑዋ ኢያሱ ሁጲያን ዋላ።

12 አዉ፡ ሉባጥ ዋልቃማ መድና ጎዳይ ሀዋዳን ያገ፤ “በእ፡ እ ሱንላይ ታሽያ ጌተትያ እት ብታኒ ባረ ደእያ ሳን ድጫና፤ እ መድና ጎዳ ጌሻ ጎልያ ዛር ኬጸና።

13 መድና ጎዳ ጌሻ ጎልያ ኬጸናዊ እ፤ እ ካትያዳን ቦንቹዋ ማዪደ፡ ባረ ካትቱዋ አራታን ኡታናን ሞዳና። ቃይ እ ባረ አራታን ኡቲደ ቄሰተላን ኦላና፤ ኡንቱንቱ ላኡ ባረንቱ ቆፋን እቱዋ ግዳና” ያጌ፡ ያጋ።

14 ሄ ካላቻይ ሄልዳይ፡ ጸቢያ፡ ያዳያን ጸፋንያ ናኣ እዮሰያ ሀሳይሰያዋ ግዲደ፡ መድና ጎዳ ጌሻ ጎልያን ደእና” ያጌዳ።

15 ሄ ዋደ ሃኮ ሳን ደእያዋንቱ መድና ጎዳ ጌሻ ጎልያ ኬጸደ ማዳናዉ ያና። ኡባጥ ዋልቃማ መድና ጎዳይካ ታና ሀንተኮ ኪቱዳዋ ሀንተ ሄዋን ኤራና። መድና ጎዳዉ፡ ሀንተ ጸሳዉ፡ ሀንተ ፖሎ እዛዘቶጥ፡ ሄዋ ሀናና።

7

ልከ ግደና ጸማን ሰንላዉ እመቲዳ ሀደታ

1 ዳርዮሰ ካተቲዳ ኦይደንሉ ላይላን፡ ክሰሌዋ ግያ ኡዲፑንላ አግናን፡ ኦይደንሉ ጋላሳን መድና ጎዳ ቃላይ ዛካራሳኮ ዬዳ።

2 ቤቴላ ካታማ አሳይ ሳርጾጸና፡ ረጌም-መለካን ኡንቱንቱና እትጥ ደእያ አሳቱዋ መድና ጎዳጥ አንጂ ያና ማላ ዋሳናዉ ኪቲድና።

3 ቃይ ኡባጥ ዋልቃማ መድና ጎዳ ጌሻ ጎልያን አላያ ቄሳቱ ዋን ትምቢትያ ኦድያዋንታ፡ “ዳር ላይላጥ ኦላደ ጋምኤዳዋዳን፡ ታን ሀእካ አገናን እቼሽንሉ አግናን ዬካናዉን ጸማናዉ በሲ?” ያገደ ኦቻናዳን ኪቲድና።

4 ሄዋጥ ጉይያን፡ ኡባጥ ዋልቃማ መድና ጎዳ ቃላይ ሀዋዳን ያገድ ታኮ ዬዳ፤

5 “ቢታን ደእያ አሳ ኡባን ቄሳቱ ዋ ሀዋዳን ያጋደ ኦቻ፤ ሀንተ ሄ አጴዳ ላፑን ታሙ ላይላ ግደን እቼሽንሉ አግናንን ላፑንላ አግናን ጸሜዳዋን ዬኬዳዋ ታዉ ጸሜድቱ?”

6 ሀንተ ሞያ ዋደን ኡሽያ ዋደ፡ ሀንተንቶ ሚታክ ኡሺታ ግደኔ።

7 የሩሳላመ ካታማንን እ የሹዋን ደእያ ካታማቱዋን አሳይ ደኤዳ ዋደ፡ ኡንቱንቱ እሻሊደ ደኤዳ ዋደን ኔጌበንን አዋይ ደልያ ባጋ ዝቃ ጋድያን አሳይ ደኤዳ ዋደ፡ መድና ጎዳይ ባረ ትምቢትያ ኦድያዋንቱ ባጋና ኦዴዳ ቃላይ ሀዋ ግደኔ? ያጋ” ያጌዳ።

እዛዘተናን እጼዳዊ አምደታናዉ ጋሶ ግዴዳ

8 መድና ጎዳ ቃላይ ቃይካ ዛካራሳኮ ሀዋዳን ያገድ ዬዳ፤

9 “ኡባጥ ዋልቃማ መድና ጎዳይ ካሰ ሀዋዳን ያገዳ፤ ሉታ ፕርዳ ፕርድተ። ሀንተ ግደን እቱ እቶ ኪካተላን ማርተላ አላተ።

10 አምኤቱዋ፡ አታ አዉ ባይና ናናቱዋ፡ በተቱዋን ሀዬሳቱዋ ናቆጥተ። ቃይ ሀንተጥ ኦንን ባረ እሻ ቦላን ኢታባ ኦላናዉ ባረ ዋዛናን ቆፖፖ ያጌዳ” ያገድ ዬዳ።

11 ሽን ኡንቱንቱ ሰሰናን እጼድና፤ ቃይ ዘክያ ዛሬድናን ሰሰናዳን፡ ባረንቱ ሀይላካ ቱጩድና።

12 ኡባጥ ዋልቃማ መድና ጎዳይ ባረ እያናን ካሰ ባረ ትምቢትያ ኦድያዋንቱ ባጋና ኪቲዳ ሀግያን ቃላ ሰሰና ማላ፡ ኡንቱንቱ ባረንቱ ዋዛና ዛላዳን ሞንሴድና። ሄዋ ድራዉ፡ ኡባጥ ዋልቃማ መድና ጎዳ ማታጥ ዋልቃማ ሀንቁ ኡንቱንቱ ቦላ ዬዳ።

13 ኡባጥ ዋልቃማ መድና ጎዳይ ሀዋዳን ያገ፤ “ታን ጾሴዳ ዋደ፡ ኡንቱንቱ ሰሰናን እጼዳዋዳን፡ ኡንቱንቱ ጾሴዳ ዋደ፡ ታንካ ሰሰከ።

14 ታን ጎትያ አሃደ፡ ኡንቱንታ ኡንቱንቱ ኤርቤና ካዉተላቱዋ ግደን ላላድ፤ ቢታይ አሳይ ያን ሃን ሰመረተና መላ ቢታ ግዴዳ፤ ሄዋዳን ሀኒደ፡ ሀ ሎኦ ቢታይ መላ ግዴዳ” ያጌ።

8

የሩሳላመ ኦራጸና

1 ኡባጥ ዋልቃማ መድና ጎዳ ቃላይ ቃይካ ታኮ፡ ሀዋዳን ያገድ ዬዳ፤

2 “ኡባጥ ዋልቃማ መድና ጎዳይ፡ ታን ጽዮንዉ ሎይላ ሞሽታይ፤ ታና እ ሞሹ ጹጌ ያጌ።

3 መድና ጎዳይ ሀዋዳን ያገ፤ ታን ጽዮን ሰማና፤ የሩሳላመ ግደን ደእና። ቃይ የሩሳላመካ አማንትያ ካታማ ጌተታና፤ ኡባጥ ዋልቃማ መድና ጎዳ ደሪ ቃይ ጌሻ ደርያ ጌተቲደ ጾሰታና” ያጌ።

4 “ኡባጥ ዋልቃማ መድና ጎዳይ ሀዋዳን ያገ፤ ጭሚደ ጉፍያን ብያ አቱማ አሳይን ማጫ አሳይ ካሰዋንቱዋዳን ቃይካ የሩሳላመ ዳባባን ኡታና።

5 የሩሳላመ ካታማ ኦንቱ ካሳ ካእያ አቱማ ናናቱዋንን ማጫ ናናቱዋን ኩማና” ያጌ።

6 ኡባጥ ዋልቃማ መድና ጎዳይ፡ ሀዋ ሀቃ አሳጥ አቱዳዋንቶ ማላልሰያባ ግደጥን፡ ታዉ ማላልሰያባ ግደና” ያጌ ኡባጥ ዋልቃማ መድና ጎዳይ።

7 ኡባጥ ዋልቃማ መድና ጎዳይ ሀዋዳን ያገ፤ “በእተ፡ ታን ታ አሳ አዋይ ዉልያ ባጋ ቢታጥን አዋይ ደልያ ባጋ ጋድያጥ አሻና።

8 ኡንቱንቱ የሩሳላመ ግደን ደእናዳን አሀና። ኡንቱንቱ ታ አሳ ግዳና፤ ታንካ ኡንቱንቱ ጸሳ፡ አማንትያን ጽሎ ጸሳ ግዳና” ያጌ” ያገድ ዬዳ።

9 ኡባጥ ዋልቃማ መድና ጎዳይ ሀዋዳን ያገ፤ “ሀንተና፡ ኡባጥ ዋልቃማ መድና ጎዳ ጌሻ ጎልያ ባሱዋ ባሰያ ጋላሳጥ ደሚደ፡ ትምቢትያ ኦድያዋንቱ ኦዴዳ ቃላ ሰሴዳዋንቶ፡ ሀንተ ኩሽያ ሞንሲደ ፖለተ።

10 አያዉ ጎጥ፡ ሄ ጋላሳቱዋጥ ካሰ ባጋን አሳዉ ድርጉ ባዋ፤ መሀያዉካ ከራ ጭጋይ ባዋ፤ ቃይ

6:12 ኤር. 23:5፤ 33:15፤ ዛካ. 3:8

ታን አሳ ኡባ እቱዋ እቱዋ ቦላ ሞርከተላን ደንላ ዋሌዳ ድራው፡ ገልጻዋውን ከሰያዎ ሳሩ ባዎ።

11 ሸን ሀእ ታን ሀ አሳጥ አቲዳዋንታ ካሰ አሌዳዋዳን አላከ። ታን ኡባጥ ዋልቃማ መቅና ጎዳይ ሀዋ ኦዳይ።

12 “ኡንቲንቲ ባረንቲ ዘረላ ሳሩዋን ዘራና፤ ኡንቲንቲ ዋይንያ ቲራይካ ባረ አይፍያ አይፋና፤ ቢታይካ ካላ ዳርሲደ ሞካና፤ ሳሎቲካ እራ ቡካና። ሀ አሳጥ አቲዳዋንቶ ታን ሀ ኡባ አንጂዋ እማና።

13 ህንተኖ ይሁዳ አሳቶ፡ ህንተኖ እሰራኤልያ አሳቶ፡ ካውተላቱዋ ግደን ህንተ ሸቀቲዳዋንታ ግደደ ደኤድታ፤ ሸን ሀእ ታን ህንተና አሻና፤ ህንተካ አንጀቲዳዋንታ ግዳና። ያዮፕተ! ህንተ ኩሸያካ ሞንሰተ!” ያጌ።

14 ኡባጥ ዋልቃማ መቅና ጎዳይ ሀዋዳን ያጌ፤ “ህንተ ማይዛ አዋቱ ታና ህንቀሌዳ ዋይ፡ ኡንቲንቲ ቦላን ኢታባ አሀና ጋደ ቃቼዳ ቆፋ ላመናን አሌዳዋዳን፤

15 ሄዋዳንካ ሀእ ታን የሩሳላመውን ይሁዳው ሎኦካ ኦላናው ቆፋ ቃቻድ። ሰም ያዮፕተ!

16 ህንተ ኦላናው ኮሸያዌ ሀዋንታ፡ እቱ እቱዋና ቱሙዋ ሃሳይተ፤ ህንተ ፕርዳ ጎልያንካ ቱሙዋን ሳሩዋ አሀያ ፕርዳ ፕርድተ፤

17 እቱ እቱዋ ቆሀናው ኢታባ ህንተ ዋዛናን ማቀቶፕተ፤ ዋርዱዋን ጫቂያዋ ደሰፕተ። ሄዋንታ ኡባ ታን መቅና ጎዳይ እጳይ” ያጌ።

18 ኡባጥ ዋልቃማ መቅና ጎዳ ቃላይ ቃይካ ታኮ፡ ሀዋዳን ያጌድ ዬዳ፤

19 “ኡባጥ ዋልቃማ መቅና ጎዳይ ሀዋዳን ያጌ፤ ሓይደንሎ፡ እቼሸንሎ፡ ላፑንሎን ታማንሎ አግናቱዋን ህንተ ጸሜዳ ጸማቱ ይሁዳ አሳው ፓሸክሰያ ዋደን ናሸቻያ ግብራ ግዳናዋ። ሄዋ ድራው፡ ህንተ ቱማተላን ሳርተላ ደሰተ” ያጌ።

20 “ኡባጥ ዋልቃማ መቅና ጎዳይ ሀዋዳን ያጌ፤ ሓሳይ፡ ኡባ ቃይ ዳር ካታማቱዋን ደእያ አሳይ ብር የሩሳላመ ያና።

21 እት ካታማን ደእያ አሳይ ሀራ ካታማን ደእያ አሳኮ ቢደ፡ “መቅና ጎዳ አንጂ ያና ማላ ዋሳናውን ኡባጥ ዋልቃማ መቅና ጎዳ ኮያናው አነ ቤቶ፤ ታንካ ባይ” ያጋና።

22 ቃይ ዳር አሳይን ዋልቃማ ካውተላቱ ኡባጥ ዋልቃማ መቅና ጎዳ ኮያናውን ዋሳናው የሩሳላመ ያና ያጌ።

23 “ኡባጥ ዋልቃማ መቅና ጎዳይ ሀዋዳን ያጌ፤ ሓ ጋላሳቱዋን ዱማ ዱማ ቃላን ሃሳይያ ካውተላቱዋ ኡባጥ ታሙ አሳቱ ዪደ፡ እት አይሁዳ ብታንያ ማዩዋ ማጫራ አይቂደ፡ “ጸሳይ ህንተናና ደእያዋ ኩን ሰሴዳ ድራው፡ አነ ኩንካ ኔናና ቤቶ” ያጋና ያጌ” ያጌድ ዬዳ።

9

ማሰህያ ዩሳነ ጸሳ ካውተላይ በሰያዋዳን ኤረቱሳ

1 ሀድራካ ግያ ቢታይን ዳማሰቆ ካታማይ ሙረታናዋ ጸሳይ ኦዳዳ ፕርዳ ቃላይ ሀዋ። ሰርያ ዋና ካታማይ ዳማሰቆካ መቅና ጎዳሳ ግድያ ድራው፡ እሰራኤልያ ዛራቱዋ ጸሳላ ግደናን አሳ ኡባ አይፊ ፑደ መቅና ጎዳኮ ጼሌ።

2 ቃይ ሄ ፕርዳይ ሀድራካና ዛዋትያ ሀማታ ካታማ ቦላካ ጋካና፤ ኡንቲንቲ አይዳ ኤራንቻ ግደፕነ፡ ጸርሳነ ሲደና ካታማቱዋካ ሀ ፕርዳይ ጋካና።

3 ጸርሳ ካታማይ ዳር ሞኖ ጌሱዋ ግምቤዳ። ቃይ ብራ ቢታዳን ደራዳ፤ ዋርቃካ ኦግያ ኡርቃዳን ጉፔዳ።

4 ሸን እዛ ሸሼዳዋ ኡባ ጎዳይ ወርሰ አካና፤ እዘ አባ ዋልቃ ጳይሳና፤ ካታማይካ ታማን ማተታና።

5 አሰቃሎና ካታማይ ሄዋ በኢደ ያያና፤ ጋዛ ካታማይካ በኢደ ኡንኤላና፤ ቃይ ኤቅርና ካታማይካ ህደታ ጳያና። ጋዛ ባረ ካትያ ጳያና፤ አሰቃሎና ካታማይካ መላ ግዳናዋ።

6 አሸደዳ ካታማን ዋላካ አሳይ ደአና። ታን፡ “ፕልሰጾማቱዋ ኦቶሩዋካ ጳይሳና።

7 ታን ሱላ ኡንቲንቲ ደናፕ፡ ድገቲዳ ቁማ ኡንቲንቲ አቻፕ ድጋና። ኡንቲንቲፕ አቲዳዋንቱ ኑ ጸሳ አሳ ግዳና። ቃይ ይሁዳ ያራ ማላ ግዳና። ኤቅርና አሳይ ያቡሳ አሳዳን፡ ታ አሳ ግዳና።

8 ሄዋፕ ጉይያን፡ ኦላንቻቱ ካንባዳን፡ ታን ታ ጋድያ ናጋና። ታን ታ ሁጲያን ናግያ ድራው፡ ላኤንሎ ኦንነ ታ አሳ ኡቁንና” ያጌ።

ይያ ካትያ

9 ኔኖ ጽዮን ካታማቲን የሩሳላመ ካታማቲ፡ አልላ! በአ፡ ጸኔዳ ነ ጽሎ ካቲ ኔኮ ዬ። ነ ካቲ አሸከ ግዲደ፡ ሀርያ ቦላ፡ ሀርያ ማራ ቦላ ኡቲደ፡ ኔኮ ዬ።

10 ታን፡ “ፓራ ጋረቱዋ እሰራኤልያፕ፡ ኦላ ፓራቱዋካ የሩሳላመፕ ጳይሳና፤ ኦላ ዋንዳፊካ መኤረታና። ቃይ ነ ካቲ ካውተላቶ ሳሩዋ አዋና፤ እ ሀ አባ ጋጸፕ ህን አባ ጋጸ ጋካናውን ኤፍራጲሳ ሻፋፕ ሳኦ ጋጸ ጋካናው ሞዳና ያጌ።

ጸሳይ ባረ አሳ አሻና

11 “ኔና ግደፕ፡ ቃይ ታን ኔናና ጫቀቲዳ ጫቁዋ ሱላ ድራው፡ ነ አሳቱዋ ኡንቲንቲ ቃሸቲዳ ሃላይ ባይና ኦላፕ ታን ከሳደ የዳና።

12 ህንተኖ ህደታን ደእያ ቃሸቶ አሳቶ፡ ህንተ ጌሱዋኮ ሰምተ፤ ካሰዋ ድራው ዳኩዋ አቁዋ ህንተንቶ እማናዋ ሀቶ ታን ህንተንቶ አዋያይ።

13 አያው ጎፕ፡ ታን ይሁዳ ዋንዳፍያዳን፡ እሰራኤልያካ ዋንዳፍያ ፖላዳን ጎኤታና። ጽዮኔ፡ ታን ነ ናናቱዋ ግሪከ ጋድያ ናናቱ ቦላ ደንላና፤ ኔናካ ዋልቃማ ኦላንቻ ማሻ ማላ ኦላና” ያጌ።

14 ሄ ዋደ መቅና ጎዳይ ኡንቲንቲ ቦላ ቆንጫና፤ አ ዋንዳፊካ ዋልቃንላዳን ዋልቃማና። ኡባ ማርያ መቅና ጎዳይ ማላካታ ፑናና፤ ገድሳ ባጋ ጎቲ አድያዋዳንካ አሳና።

8:16 ኤፌ. 4:25 9:1 ኤሳ. 17:1-3፤ ኤር. 49:23-27፤ አዋጸ 1:3-5 9:1 ኤሳ. 23:1-18፤ ህዘ. 26:1—28:26፤ ኢዪ. 3:4-8፤ አዋጸ 1:9-10፤ ማቶሳ 11:21-22፤ ሉቃሳ 10:13-14 9:5 ኤሳ. 14:29-31፤ ኤር. 47:1-7፤ ህዘ. 25:15-17፤ ኢዪ. 3:4-8፤ አዋጸ 1:6-8፤ ሲር. 2:4-7 9:9 ማቶሳ 21:5፤ ዮሃ. 12:15 9:10 ማዘ. 72:8 9:11 ከሳ 24:8

15 ኡባፕ ዋልቃማ መድና ጎዳይ ኡንቱንታ ናጋና። ኡንቱንቱካ ባረንቱ ሞርከቱዋ ዉርሳና፤ ያምባርሻን ኦልያዋንታካ የጳና። ኡንቱንቱ ባረንቱ ሞርከቱዋ ሱላ ዋይንያ ኤሳዳን ኡሻና፤ ሱላይ ከርያን ኩምያዋዳን ኩማና፤ ቃይ ያርሽያ ሳኣን ፕክያዋዳን ፕካና።

16 ሄ ጋላሰ መድና ጎዳይ ኡንቱንቱ ጸሳይ ኡንቱንታ አሻና፤ አያዉ ጎፕ። ኡንቱንቱ አ አሳ ዉደቱዋ። ካላቻ ቦላ ደእያ አሌቁዋዳን። ጸሳ ጋድያ ቦላን ኡንቱንቱ ጸላና።

17 ኡንቱንቱ ዋኒደ ሎኣነ ማላ ፑላ ግዳንድኖሻ! ዋዳላ ናናቱዋ ካላይ። ዋድር ናናቱዋካ ዋይንያ ኤሳይ አጭሳና።

10

መድና ጎዳይ ባረ አሳ አንጃና

1 ባልፕ ጋክያ ዋደ። መድና ጎዳይ እራ እማናዳን ዋሰተ። መድና ጎዳይ እራ ቶኬዳ ሻርያ ኪቱ፤ ቃይ አ አሳዉ እራ እማ፤ አታክልትያካ ሾይቃን ሞክሴ።

2 ሶ ኤቃ ሞሰለቱ ኦድያዌ ሀዳ፤ ካይያዋንቱ ዋርዶ ሳፃ በኢኖ፤ አኩመትያዋንቱካ ዋርዶ አኩሙዋ ኦዲኖ፤ ሀዳ ሞን።ሉዋካ ሞን።ሉኖ። ሄዋ ድራዉ። አሳይ ዲጾዳ ዶርሳዳን ቶይላካቱ፤ ኡንቱንታ ሄምያዌ ባይና ድራዉ። ኡንቱንቱ ቆሄቲኖ።

3 ታ ሀንቁ ሄንላንቻቱዋ ቦላ ኤጽ ከሴዳ፤ ሄ ካለላያዋንታ ታን ሙራና። አያዉ ጎፕ። ኡባፕ ዋልቃማ መድና ጎዳይ ባረ ዶርሳ ዉደ ግድያ ይሁዳ አሳ አ ሄማ፤ እ ኡንቱንታ ኦላዉ ሳልፔዳ ባረ ዋልቃማ ፓራ ማላ ኦላና።

4 ይሁዳ አሳ ግዶፕ ካለላያዋንቱ ከሳና፤ ኡንቱንቱ ጎልያዉ ጎዳ ጸጸዋ ሞንሰያ ሹቻዳን፤ ዲንካንያ ቶጌዳዋዳንን ኦላ ሚሻዳን ሞኖ ግዳናዋ።

5 ኡንቱንቱ ኦግያ ኡርቃ የድያ ሞኖ ኦላንቻቱዋ ማላ ግዳናዋንታ፤ መድና ጎዳይ ኡንቱንቱና ደእያ ድራዉ። ኡንቱንቱ ኦለታና፤ ፓራ አሳቱዋካ ጸናና።

6 “ታን ይሁዳ አሳ ሞን።ላና፤ ኖሴፎ አሳካ አሻና፤ ታን ኡንቱንቶ ቃረትያ ድራዉ። ኡንቱንቱ ዛራደ አሀና፤ ቃይ ኡንቱንቱካ ታን ኡንቱንታ ካሰካ አጋቤናባ ማላ ግዳናዋ። ታን መድና ጎዳ ኡንቱንቱ ጸሳ ግድያ ድራዉ። ኡንቱንቱ ዋሳ ሰሳና።

7 ኤፍሬማ አሳይ ሞኖ ኦላንቻ ማላ ግዳናዋ፤ ዋይንያ ኤሳ ኡሼዳ አሳዳን፤ ኡንቱንቱ ዋዛናይ ናሽታና። ኡንቱንቱ ናናይካ ሄዋ በኢደ። ሀሹ ጋና፤ ኡንቱንቱ ዋዛናይ መድና ጎዳን ናሽታና።

8 “ታን ታ አሳ ሱይቃደ ጸሳና፤ ያታደ። ኡንቱንታ እትፕ ሺሻና። አያዉ ጎፕ። ታን ኡንቱንታ ዋዛድ፤ ኡንቱንቱ ካሰዋዳንካ ጮራ ግዳናዋንታ።

9 ታን ኡንቱንታ አይሁዳ ግደና ካዉተላቱዋ ግደን ላልንቶካ፤ ኡንቱንቱ ባረንቱ ደእያ ሃኮ ጋድያን ታና ሀሳያና፤ ቃይ ኡንቱንቱካ ኡንቱንቱ ናናይካ ፓጸ አታናን ባረንቱ ቢታ ሰማና።

10 ታን ኡንቱንታ ግብጾ ጋድያፕ ዛራና፤ አሶሪ ቢታፕካ ታን ኡንቱንታ ሺሻና። ኡንቱንቶ ኡትያ

ሳአይ ጳያና ጋካናዉ። ታን ኡንቱንታ ጋላኦደ ቢታንን ለባኖሳ ጋድያን ኩንላና።

11 ኡንቱንቱ መቶ አባ ግደና አድሸን። ታን ጸሳይ አባ ቤታ ሾጫና፤ ጨማ ግዴዳ ናይለ ሻፋይካ መላና። አሶሪ ቢታ ኦቶሩ ጊያና፤ ግብጾ ካተቱዋ ጸምአይካ መአና።

12 ታን ኡንቱንታ መድና ጎዳን ሞንሳና፤ ኡንቱንቱካ አ ሱንላን ሀመታና። ታን መድና ጎዳይ ሀዋ ኦዳይ” ያጌ።

11

ፕርዳ ሌምሱዋ

1 ኔኖ፤ ልባኖሳ፤ ታማይ ነ ዝጋቱዋ ማና ማላ፤ ነ ፕንገቱዋ ዶያ!

2 ኔኖ ጽድያዉ። ዝጋይ ኩንድ ክቼዳ ድራዉ። ቃይ ሄ ቦንቹዋ ሞላቱካ ጳይክቼዳ ድራዉ። አየ ጋደ ዩካ! ሀንተኖ ባሳን ጋድያ ዋላቶ። ሄ ኩንሶሴዳ ዋራይ ቃንጸት ክቼዳ ድራዉ። አየ ጊደ ዬክተ።

3 ሄንላንቻቱ ዝላሳ ሰሰተ፤ አያዉ ጎፕ። ኡንቱንቱ ቦንቹ ጳይዳ! ጋሞቱ ጉድያዋካ ሰሰተ፤ አያዉ ጎፕ። ኖርዳኖሳ ዋራይ ጳይክቼዳ።

ኬካነ ኢታ ሄንላንቻቱዋ

4 መድና ጎዳይ ታ ጸሳይ ታና ሀዋዳን ያጌዳ፤ “ሄ ሹከታናዉ ደእያ ዶርሳቱዋ ዉድያ ሄማ።

5 ኡንቱንታ ሻምያዋንቱ ሹክና፤ ሙረተናን አትኖ። ቃይ ዛልእያዋንቱካ፤ ሱን ዲረቲዶ፤ መድና ጎዳይ ጋላተቶ፤ ያጊኖ፤ ሀራይ አትና፤ ኡንቱንቱ ሄንላንቻቱካ ኡንቱንቶ ቃረትክኖ” ያጌዳ።

6 መድና ጎዳይ ሀዋዳን ያጌ፤ “ታንካ ሀዋፕ ሰንላናዉ ሀ ጋድያን ደእያ አሳዉ ቃረትከ፤ ታን አሳ ኡባ እቱዋ እቱዋ ኩሽያንን ካትያ ኩሽያን አላደ እማና። ኡንቱንቱ ጋድያ ባይዛና፤ ታንካ እት አሳን ኡንቱንቱ ኩሽያፕ አሽከ” ያጌ።

7 ሄዋ ድራዉ። ታን ሹከታናዉ ደእያ ዶርሳቱዋ። ኡባ ቃይ ዉድያ ግደን ቱጋቱዳዋንታ ሄምያዋ ግዳድ። ቃይ ላኡ ጋትማቱዋ አካደ ኡንቱንቱፕ እቱዋ ኬካተላ ጋደ ሱንላድ፤ ላኤንሉዋካ እትፕተላ ጋደ ሱንላድ። ያታደ ዶርሳ ዉድያ ሄማድ።

8 ሄዋፕ ጉይያን፤ ታን እት አግና ግደን ሄዙ ሄንላንቻቱዋ ድጋድ። አያዉ ጎፕ። ኡንቱንቱ ሀኖተላይ ታዉ ዳንዳየትቤና፤ ያትና፤ ኡንቱንቱካ ታና እጾድኖ።

9 ያታ ሰማደ ታን ዶርሳቱዋ፤ “ታን ሀንተና ላኤንሉ ሄምከ፤ ሀይቁያዌ ሀይቆ፤ ባይያዌ ባኖ፤ አትያዌካ እቱ እቱዋና ሜተቲደ ዉር” ያጋድ።

10 ሰማደ ታን ካዉተላቱዋ ኡባና ጫቁቱዳ ጫቁዋ መንሌዳዋ በሳናዉ ኬካተላ ግያ ታ ጋትማ አካደ መንላድ።

11 ሄዋ ድራዉ። ሄ ጋላሰካ ጫቁዋ መንሉ አጌዳ፤ ያትና፤ ሄ ዋደ ኡንኤት ኡቱዳ ታና ጾልያ ዶርሳቱ በኢደ፤ ሀዌ መድና ጎዳ ቃላ ግድያዋ ኤሬድኖ።

12 ታን ኡንቱንቱ፡ “እማናው በሰ ጎጥ፡ ታ ድርጉዎ ሀምተ፤ ኮሸና ጎጥካ፡ አግ ባሸተ” ያጋድ። ኡንቱንቱ ታ ድርጉዎ ሀታሙ ጸጋራ ብራ ታው እሜድኖ።

13 ያትና፡ መድና ጎዳይ ታና፡ “ኡንቱንቱ ሄዎ ከሰና ግ ማየቲደ እሜዳ ሄ ካፍቲዳ ብራ መድና ጎዳ ጎልያ ሻሉዎ ምንጅያ ጎልያ ግዲዎ ኦላ” ያጌዳ። ታን ሄ ሀታሙ ጸጋራ ብራ አፋድ፡ መድና ጎዳ ጎልያ ሻሉዎ ምንጅያ ጎልያ ግዲ ኦላድ።

14 ሄዋጥ ጉይያን፡ ታን ይሁዳጥነ እስራኤልያጥ ግዲዋን ደእያ እሻተላይ መኤዳዎ በሰናው እትተላ ግያ ታ ላኤንላ ጸምኦ መንላድ።

15 ቃይካ መድና ጎዳይ ታና፡ “ላኤንላዋካ አዛላ ሄንላንቻ ሚሻቱዎ አካ።

16 እያው ጎጥ፡ ታን ሀ ጋድያን እት ሄንላንቻ ደንላና። ሸን እ ዋየትያ ደርሳቱዎ ማደና፤ ላለቱዳዋንታ ሺሸና፤ ዋቢያዎ ኮለና፤ ፓጸካ ምዘና። እ ሄዎ አገደ፡ ሞዴዳዋንታ ሹክ ሹኪደ ሜ፤ ኡንቱንቱ ሹቁልያካ ቃንጾ።

17 ደርሳ ዉድያ የግ ባሹዳ ሄ ላፋ ፓፍ ሄንላንቻው አየ አና! አ ቀሰያነ አ ኡሸቻ አይፍያ ቦላን ማሻይ ዎዶ። አ ቀሲ ሰሎ፤ አ ኡሸቻ አይፊካ ትፕ ጊደ ቶኦ” ያጌዳ።

12

የሩሳላመ ጸኑዋ

1 ሀዌ እስራኤልያባ ኦድያ መድና ጎዳ ቃላ። ሳሎቱዎ ምጩዳዎ፡ ሳኦካ መዴዳዎ፡ አሳ ግደንካ እያና መዴዳ መድና ጎዳይ ሀዋዳን ያጌ፤

2 “በእ፡ ታን የሩሳላመ ካታማ አ የሹዋን ደእያ አሳ ኡባ ኡሸና ጋንድጋርሰያ ዎይንያ ኤሳ ትግያ ዋንጫ ማላ ኦላና፤ የሩሳላመ ደደትያ ዎደ፡ ይሁዳ ካታማቱካ ደደታና።

3 ሄ ጋላሰ ታን የሩሳላመ ካታማ አሳ ኡባው ደጸ ሹቻ ማላ ኦላና፤ አ ደንሰያ ኡባይ ባረው ደሸታና። ቃይ ሳኦ ካወተላቱ ኡባይ አ ኦለታናው እትጥ ሺቃና።

4 ሄ ጋላሰ ታን ፓራ ኡባ ዳጋንላና፤ ፓራ ቶግያዋንታካ ጎሻና። ሄዎ ታን መድና ጎዳይ ኦዳይ። ይሁዳ አሳ ታን ታ ኬካ አይፍያን ጸላና፤ ሸን ሞርከቱዎ ፓራቱዎ ኡባካ ቆቅሳና።

5 ሄ ዎደ ይሁዳን ካለሰዎንቱ ባረንቱ ዎዘናን፡ የሩሳላመ አሳይ ኡባጥ ዎልቃማ መድና ጎዳን፡ ባረንቱ ጸሳን፡ ሞኖተላ ደሜድኖ ያጋና።

6 “ሄ ጋላሰ ታን ይሁዳን ካለሰዎንታ ሞላ ደርያ ግደን ደእያ ጸፋነ ሞርቀቱዎ ግደን ላጮትያ ጸምፕያ ኦላና። ኡንቱንቱ ባረንቱ ኡሸቻን ሀድርሳንነ ባረንቱ የሹዋን ደእያ አሳ ኡባ ማና፤ ሸን የሩሳላመ ካታማይ አሳይ ሳር ደኢያሳ ግዳናዎ።

7 “ዳዊታ ጎልያ ቦንቹነ የሩሳላመን ደእያዎንቱ ቦንቹ ይሁዳ አሳ ቦንቹዎጥ አፍ ማላ፡ ታን መድና ጎዳይ ካሰታደ ይሁዳ አሳው ጸኑዎ እማና።

8 ሄ ጋላሰ ኡንቱንቱ ግደን ዳር ላፋ ግያ አሰካ ዳዊታ ማላ ሞኖ ግዳናዳን፡ ታን መድና ጎዳይ የሩሳላመን ደእያዎንቶ ጎንዳላ ግዳና። ዳዊታ

ጎለቱካ ጸሳ ማላ፡ ኡንቱንታ ካለሰዎ መድና ጎዳ ኪታንቻ ማላ ግዳና።

9 ሄ ጋላሰ ታን የሩሳላመ አላናው ደንድያ ካወተላቱዎ ኡባ ቆይሳናው ደንዳና።

ባረንቱ ጫዴዳዎ ዩኬዳ ዩኩዎ

10 “ታን ዳዊታ ጎለቱዎ ቦላነ የሩሳላመን ደእያ አሳ ቦላ እዶ ኬካተላነ ዎሳ አያና ጉሳና፤ ሄዎ ድራው፡ ኡንቱንቱ ባረንቱ ጫዴዳዎ በእያ ዎደ፡ አሳይ ባረ መጽ እት ናኦው ዩክያዎዳን ዩካና፤ ቃይ ባረ ባይራ ናኦውካ ካዮትያ አሳዳን ካዮታና።

11 ሄ ጋላሰ የሩሳላመን ዩከትያ ዩኩ ማግዶ ደምባን ሀዲድ-ርሞናሰ ዩከቱዳ ዩኩዎ ኬሻ ዎልቃማ ግዳናዎ።

12 ቢታን ደእያ እት እት ዛሪ ባረው ባረው ዩካና፤ ዳዊታ ዛራቱ ባረው፡ ኡንቱንቱ ማቼቱካ ባረው፡ ናታና ዛራቱ ባረው፡ ኡንቱንቱ ማቼቱካ ቃይ ባረው ዩካና።

13 ቃይካ ሌዊያ ዛራቱ ባረው፡ ኡንቱንቱ ማቼቱካ ባረው፡ ሸምኦ ዛራቱ ባረው፡ ኡንቱንቱ ማቼቱካ ባረው ዩካና።

14 ቃይ አቱዳ ዛሪ ኡባይካ ባረው ባረው ዩካና፤ ኡንቱንቱ ማቼቱካ ባረው ባረው ዩካና” ያጌ።

13

ናጋራጥ ጌዩሳ

1 ኡባጥ ዎልቃማ መድና ጎዳይ ሀዋዳን ያጌ፤ “ሄ ጋላሰ ዳዊታ ጎለቱዎን የሩሳላመን ደእያዎንታ ናጋራጥነ ቱናተላጥ ጌሻናው ፑልቱ ፑልታና።

2 ሄ ጋላሰ ታን ኡንቱንቱ ላኤንላ ሀሳየተናዳን፡ ኤቃቱዎ ሱንላ ጋድያጥ ቆይሳና። ቃይ ትምቢትያ ኦድያዎንታን ቱና አያና ጋድያጥ ቆይሳና። ታን ኡባጥ ዎልቃማ መድና ጎዳይ ሀዋ ኦዳይ።

3 ቃይካ ኦንነ፡ ታን ትምቢትያ ኦድያዎ ጎጥ፡ አ የሌዳ አዉነ አታ አ፡ ኔን መድና ጎዳ ሱንላን ዎርዲዎ ኦድያ ድራው፡ ፓጸ ደአካ ያጋና፤ ያገደ እ ትምቢትያ ኦድሸን፡ አ የሌዳ አዉነ አታ አ ጫዲደ ዎቆና።

4 ሄ ጋላሰ ዎርዶ ትምቢትያ ኦድያ ዎደ፡ ባረ በኤዳ ሳፃ ጋሱዋን ዩላታና፤ ቃይ ጭማናው እሰክያና ደእያ ዎሩዋካ ማየና።

5 ሸን እ፡ ‘ታን ናኦተላደጥካ ደማደ ቢታ ኦልያ ጎሻንቻጥ አትና፡ ትምቢትያ ኦድያዎ ግድኩ ያጋና።

6 እት አሳይ አ፡ ‘ያትና፡ ሀ ነ ቦላን ደእያ ማዲላይ አዬ?’ ያገደ ኦቾጥ፡ እ፡ ‘ሀዌ ታን ታ ላገቱዎ ሱን ማዲዴዳዎ’ ያጋና” ያጌ።

ሄንላንቻይ ሹጩቱዳ

7 ኡባጥ ዎልቃማ ጎዳይ ሀዋዳን ያጌ፤ “ማሻው፡ ታው ማታ ግድያ ታ ደርሳ ሄምያዎ ቦላ ቤጎታ! ደርሳቱ ላለታናዳን፡ ደርሳ ሄምያዎ ሹጩ። ታንካ ሄ ጉላ ደርሳቱዎ ቦላን ታ ኩሸያ ደንላና።

8 ቢታ ኡባን ደእያ ሄዙ ኩሽ አሳጥ ላኡ ኩሽ ሾጮቲደ ሀይቃና፤ እት ኩሽ ጸላላይ ፓጸ አታና። ታን መድና ጎዳይ ሀዋ ኡዳይ።

9 ሀ አቲዳ ሄዘንሉ ኩሽ አሳ ታን ታማን የጋና፤ ብራይ ታማን ጌይያዋዳን፤ ኡንቱንታ ጌሻና፤ ቃይ ዋርቃይ ፓጮትያዋዳንካ ፓጮና። ሄዋጥ ጉይያን፤ ኡንቱንታ ታ ሱንላን ዋሳና፤ ታንካ ኡንቱንታ ሰሳና። ታን፤ ‘ሀዋንቱ ታ አሳቱዋ’ ያጋና። ኡንቱንቱካ፤ ‘መድና ጎዳይ ኑ ጸሳ’ ያጋና’ ያጌ።

14

የሩሳላምን ካወተላቱዋ

1 በእተ፤ መድና ጎዳ ጋላሳይ ዬ፤ ሄ ዋደ ህንተጥ ቦንቄዳዋ ህንተ ጸልሸን፤ ኡንቱንቱ ሻክ አካና።

2 ጸሳይ ካወተላቱዋ ኡባ የሩሳላም ቦላን አላዉ ሺሻና፤ ካታማይ ኦይቃታና፤ ጎለቱካ ቦንቃታናዋ፤ ማጫ አሳናካ አሳይ ዋልቃን ጋከታና። ካታማ አሳጥ ባጋይ ኦሞደቲደ ባና፤ ሸን አቲዳ አሳይ ካታማጥ ከሰና።

3 ሄዋጥ ጉይያን መድና ጎዳይ ከሲደ፤ ካሰካ አላ ጋላሰ አለትያዋዳን፤ ሄ ካወተላቱዋና አለታና።

4 ሄ ጋላሰ አ ገደቱ የሩሳላምጥ አዋይ ዉልያ ባጋና ደእያ ዳብረ ዛይተ ደርያ ቦላ ኤቃና። ዳብረ ዛይተ ደሪካ አዋይ ዉልያ ባጋጥ አዋይ ደልያ ባጋ ጋካናዉ፤ ላኡ ከሲደ ጳልቃታና፤ ሎይላ አኮ ዋምባና መታና፤ ያቶጥ ደርያዉ ባጋይ ሁጹሳ ባጋ፤ ቃይ ባጋይካ ገድሳ ባጋ ሸርእ ጋና።

5 ሄ ዋምባይ ቢደ ባቃታና። ቦን ይሁዳ ካትያ አዘያና ላይላ ቢታይ ቃጽና፤ ህንተ ማይዛ አዎቱ ባቃቱዳዋዳን፤ ህንተካ ባቃታና። ሄዋጥ ጉይያን፤ መድና ጎዳይ ታ ጸሳይ ያና፤ ቃይ ጌሻቱ ኡባይካ አናና እትጥ ያና።

6 ሄ ጋላሰ ማጉ፤ ሻቻይን ጳማይ ደኤና፤

7 ሄ ጋላሳይ ቃምን ጋላሰ ባይና፤ መድና ጎዳይ ኤርያ ዲማ ጋላሳ ግዳናዋ፤ ሄ ጋላሰ ቃማይካ ፖኦ ግዳናዋ።

8 ሄ ጋላሰ ደኡዋ ሃላይ የሩሳላምጥ ጎጋና፤ አጥ ባጋይ ማጽንያ አባን ገላና፤ ቃይ ባጋይ ሜድተራን አባን ገላና። ሄ ሃላይ ባልጉዋን ቦንያን ጎጊደ ደአና።

9 ቃይ መድና ጎዳይ ሳኦ ኡባ ቦላ ካተታና፤ ሄ ጋላሰ እት መድና ጎዳ ጸላላይ ደአና፤ አ ሱንላይካ መጽ እቱዋ ግዳናዋ።

10 ገባአጥ ደሚደ፤ የሩሳላምጥ ገድሳ ባጋና ደእያ ርሞና ግያ ካታማ ጋካናዉ ደእያ ቢታይ ኡባይ ደምባታና። ሸን የሩሳላም ቢንያማ ፐንግያጥ ቢደ፤ ቦን ፐንግያ ባጋና ዞዘያ ፐንግያ ጋካናዉ፤ ቃይ ሀናንኤላ አዲሳ ግምቢያጥ ቢደ፤ ካትያ ዋይንያ ጉምኤያሳ ጋካናዉ፤ ባረ ሳኦን ጶቁ ጊደ ደአና።

11 የሩሳላም፤ አሳይ ደኤያሳ ግዳና፤ ሄዋጥ ጉይያን እዛ ጳዩኩ፤ እዘን ደእያ አሳይካ ህርግ ባይናን ሳር ደአና።

12 መድና ጎዳይ የሩሳላምና ኦለቲዳ አሳ ኡባ ሾጮና ቦሻይ ሀዋ፤ ኡንቱንቱ ኤቁዋን ደእሸን፤ ኡንቱንቱ አሹ ዋቃና፤ ኡንቱንቱ አይፊ ጮጭያን፤ ኡንቱንቱ እንጸርሳይካ ኡንቱንቱ ኮክያን ዋቃና።

13 ሄ ጋላሰ መድና ጎዳይ ኡንቱንቱ ዋልቃማ ዳጋማ ዳጋንላና፤ አሳይ ኡባይ እቱ እቱዋ ኩሽያ ኦይቁደ፤ እቱ እቱዋና አለታና።

14 ይሁዳ አሳይ የሩሳላም ባጋ ግዲደ አለታና። ቃይ ዩሹዋን ደእያ ካወተላቱዋ ኡባቱዋ አቁዋ፤ ዋርቃ፤ ብራን ማዩዋ ፓይዱ ባይናዋ ኦሞዲደ ሺሻና።

15 ሀ ቦሻ ማላ ቦሻይ ፓራቱዋ ቦላ፤ ባቁሎቱዋ ቦላ፤ ጋሎቱዋ ቦላ፤ ሀረቱዋ ቦላ፤ ሞርከቱ ዱንካኔዳሳን ደእያ መህያ ኡባ ቦላ ያና።

16 ሄዋጥ ጉይያን፤ የሩሳላምና ኦለቲዳ ካወተላቱዋ ኡባጥ ፓጸ አቲዳ ኡባይ ካትያዉ፤ ኡባጥ ዋልቃማ መድና ጎዳዉ ጎይናናዉን ዳሰያ ባኣላ ቦንቻናዉ ላይላን ላይላን የሩሳላም ባና።

17 ቃይ ሀ ሳኦን ደእያ አሳጥ ኦንካ ካትያዉ፤ ኡባጥ ዋልቃማ መድና ጎዳዉ ጎይናናዉ የሩሳላም ቤናን ጳዮፐ፤ ሄ አሳዉ እራይ ቡከና።

18 ግብጾ ቢታ አሳይካ ቢደ ጎይናናን እጸጥ እራይ ቡከና፤ ዳሰያ ባላ ቦንቻናዉ ቤናን እጸያ አሳ መድና ጎዳይ ሾጮና ቦሻይ ኡንቱንቱ ቦላንካ ያና።

19 ዳሰያ ባላ ቦንቻናዉ ቤናን እጸያ ግብጾን ሀራ ካወተላቱ ኡባይ ሙረታና ሙሩ ሀዋ ግዳናዋ።

20 ሄ ጋላሰ ፓራቱዋ ቆድያን አለያ ዳላቱዋ ቦላንካ፤ “መድና ጎዳዉ ጌዬዳዋ” ጌተቲደ ጸፈታና። መድና ጎዳ ጌሻ ጎልያን ደእያ ካለያ ኦቶቱካ ያርሸያ ሳኦ ሰንላን ደእያ ጌሻ ከረቱዋ ማላ ግዳናዋ።

21 የሩሳላምን ይሁዳን ደእያ ኦቶ ኡባይ ኡባጥ ዋልቃማ መድና ጎዳዉ ጌሻ ግዳናዋ፤ ያቶጥ ያርሹዋ ያርሸያ አሳይ ኡባይ ዩደ፤ ሄ ኦቶቱዋ እኪደ፤ ያርሹዋ እሹዋ ኡንቱንቱን ካላና። ሄ ጋላሰ ኡባጥ ዋልቃማ መድና ጎዳ ጌሻ ጎልያ ግደን አይ ዛልአንቻይን ደኤና።

ሚልክያሳ ትምህርት ገሌጽ

ትምህርትን ኦድያ ሚልክያሳ ማጻፋይ ቤቴዳዌ ክርስቶስ የለታናጥ ካሰ አቼሽን፦ ጾቱ ላይላና ግድሽን፣ የሩሳላሙን ደእያ ጌሻ ጎሊ ላኔን፦ አሰቴዳዋጥ ጉይያና። ሚልክያሳ ግያ ሱንፋ ብለላይ፡ “ታን ከቴዳዋ” ጉሳ። ትምህርትን ኦድያዌ ምንሲደ ቆፍሰያዌ ቁሳቱ ካ የንኮ አሳይካ ጸሳና ጫቀቴዳ ጫቁዋ ኦራፋናዋ። ጸሳ አሳይ ባረ ደኡዋንካ ባረ ጎይናንካ የዳ ግዲደ፣ ባዬዳዌ ኤረቴዳዋ። ቁሳቱ ካ የንኮ አሳይካ በሰያ ያርሹዋ ሺሸናን አግያዋንን እ ኡንቱንቶ እሚዳ ካለሱዋን ቤናንን ደኤናን እጽያዋን ጸሳ ናቁድና። ሄዋ ድራው፣ ጸሳይ ኦግያ ገግሳናውን ባረ ጫቁዋ አዋያናው ኪተትያዋ ካሰቴደ ናብያ ባጋና ኦዴ፤ አሳ ቦላ ፕርዳናውን አሳ ጌሻናው እ ያና።

- ሸምጋቱዋ ኡባቶ አመቴዳ ቃንፋ ቆፋቱዋ**
1. ጎዳይ እሰራኤልያው ደእያ ቃላ ጫቁዋ ሲቁ ጂሸቱሳ 1:1-5
 2. እሰራኤላታ አማነታቤና ድራው ሴራይ ጋኬዳ 1:6—2:16
 3. ጎዳ ዩሳይ አዋየቱሳ 2:17—4:6

ጎዳይ እሰራኤልያው ደእያ ቃላ ጫቁዋ ሲቁ ጂሸቱሳ (1:1-5)

- 1 መድና ጎዳይ ሚልክያሳ ባጋና እሰራኤልያ አሳ ቦላ ኦዴዳ ትምህርትን ኪታይ ሀዋ።
- 2 መድና ጎዳይ ባረ አሳ፡ “ታን ህንተና ሲቃድ” ያጌ። ሸን ህንተ፡ “ኔን ኑና እያን ሲቃድ?” ያጌታ። መድና ጎዳይ፡ “ኤሳይ ያቆባ እሻ ግድኔዬ? ግድግዳ ታን ያቆባ ሲቃድ፤
- 3 ሸን ኤሳ እጸድ። ታን ኤሳ ደረቱዋ መላ ኡዳድ፤ አ ጋድያካ ዋራካናቱ ደእያ ባዙዋ ኡዳድ” ያጌ።
- 4 ኤሳ ዘረፋ ግድያ ኤደማቱ፡ “ኑ ካታማቱ ኮለቴድና፤ ሸን ኑን ኡንቱንታ ዘረፈደ ኬጸና” ያጋና። ኡባጥ ዋልቃማ መድና ጎዳይ፡ “ኡንቱንቱ ዘረፈደ ኬጸናዋንታ፤ ሸን ታን ኮላና። አሳይ ኡንቱንታ፡ ‘ሀ ቢታይ፣ ኢታ ቢታ፤ ሀ ቢታ አሳይካ መድና ጎዳይ መድናው ሀንቀቴዳ አሳ’ ያጋና” ያጌ።
- 5 ሄዋ ህንተ ህንተ አይፍያን በእደ፡ “መድና ጎዳይ እሰራኤልያ ቢታ ዘዋጥ ካረናካ ዋልቃማ” ያጋና።

እሰራኤላታ አማነታቤና ድራው ሴራይ ጋኬዳ (1:6—2:16)

6 ኡባጥ ዋልቃማ መድና ጎዳይ፡ “ህንተና፡ ታ ሱንፋ ካወሸያ ቁሳቶ፣ ናኢይ ባረ አወዋ፣ ቆማይካ ባረ ጎዳ ቦንቹ። ያትና፡ ታን ህንተንቶ አወዋ

ግድግዳ፡ ህንተ ታና ቦንቹያ ቦንቹ አን? ቃይ ታን ህንተንቶ ጎዳ ግድግዳ፡ ህንተ ታዉ ያይያ ያሻይ አኔ? ያቲደ ቃይ፡ ‘ኑን ነ ሱንፋ ዋቲደ ካወሸደ?’ ያጌታ።

7 ህንተ ታዉ ያርሸያ ሳ ቦላን ቱኔዳ ያርሹዋ ሺሸያዋን ታ ሱንፋ ካወሸደታ።

“ቃይካ ህንተ፡ ‘ኑን ኔና ዋቲደ ቱንሴደ?’ ያጌታ።

“ህንተ መድና ጎዳው ሺሸያ ጋይታይ ካ፳ቴዳዋ ግድኔ ያጌደ ቆጥያዋን ታና ቱንሴደታ።

8 ህንተ ያርሹዋ ያርሸያ ዋይ፡ ቆቃ ዋይ ሀርጋንቻ ዋይ ዋባ ግዴዳ መሀያ ያርሸጥ፡ ሄዋ ኢታባ ግድኔ? ህንተ ሄዋ ማላ መሀያ ህንተ ካፖ እዋታ ኦሊደ እምንቶ፡ እ ሄዋ ናሸቻን አካናዋ ህንተንቶ ማላቲ?” ያጌ መድና ጎዳይ።

9 ቃይካ ኡባጥ ዋልቃማ መድና ጎዳይ፡ “ጸሳይ ህንተንቶ ቃረታና ማላ፡ ሀእ አ ዋሰተ። ዋን ህንተ ሄዋ ማላባ ኦላና፡ እ ህንተው ዘራናዋ ማላቲ?” ያጌ።

10 ኡባጥ ዋልቃማ መድና ጎዳይ፡ “ህንተ ታዉ ያርሸያ ሳ ቦላን ጮ ታማ ኤልያዋጥ፡ ህንተጥ እት ኡራይ ጌሻ ጎልያ ጥንግያ ጎርድያዋ ግዴረኔሻ! ታን ህንተናን ናሸትከ፤ ህንተ ያርሸያ ያርሹዋካ አክከ” ያጌ።

11 ቃይካ ኡባጥ ዋልቃማ መድና ጎዳይ፡ “አዋይ ደልያሳጥ ቢደ ወልያሳ ጋካናው፡ ታ ሱንፋይ ካወተፋቱዋ ግድን ዋልቃማ። ሳኦ ኡባን አሳቱ ታዉ እጸና ጩውሲና፤ ጌሻ ያርሹዋካ ያርሸኖ፤ እያው ጎጥ፡ ታ ሱንፋይ ካወተፋቱዋ ግድን ዋልቃማ” ያጌ።

12 ኡባጥ ዋልቃማ መድና ጎዳይ፡ “ሸን ህንተ፡ ‘መድና ጎዳው ሺሸያ ጋይታይ ቱና፤ እን ዋልያ ያርሹካ ካ፳ቴዳዋ ያጌደ አ ካወሸደታ።

13 ቃይ ህንተ፡ ‘ሀዌ ዳቡርሰያዋ’ ያግ ቅሊጪደ፡ ህንተ ሲድያን ሰምኢታ።

“ህንተ ቦንቁ አኬዳዋ ዋይ ዋባ ዋይ ሀርጋንቻ እዋታ ኦሊደ ሺሺታ። ያትና፡ ታን ህንተ ኩሸያጥ ሄዋ እኮ?

14 ታዉ ያርሻና ጌደ ሺቀቴዳ አቱማ ዶርሳይ አ ወድያ ግድን ደእሸን፡ ሸንይያባይ ደእያ ዶርሳ ያርሸያ ሄ ጭምያዌ ሸቀቴዳዋ ግድ! እያው ጎጥ፡ ታን ኡባጥ ዋልቃማ መድና ጎዳይ ዋልቃማ ካትያ፤ ታ ሱንፋይካ ካወተፋቱዋ ግድን ያየቴዳዋ” ያጌ።

2

1 ቃይካ ኡባጥ ዋልቃማ ጸሳይ ሀዋዳን ያጌ፤ “ቁሳቶ፡ ሀእ ሀ አዛዙ ህንተሳ።

2 ታ ሱንፋ ቦንቻናው ህንተ ሰሰናን እጸጥን ህንተ ዋዛናን ቆጥናን እጸጥ፡ ታን ህንተ ቦላ ሸቃ ኪታና፤ ህንተ አንጂዋካ ታን ሸቃና። ህንተ ህንተ ዋዛናን ታና ቦንቻናው ቆጥቤና ድራው፡ ታን ሀእካ ህንተና ሸቃ ድጋድ።

3 በእተ፡ ታን ህንተ ዘረፋቱዋ ሙራና። ህንተ ያርሸ አሄዳ መሀያ ቶጭያካ ህንተ ሰምኢያን

1:2 ሮመ 9:13 1:2 ኢሳ. 34:5-17፤ 63:1-6፤ ኤር. 49:7-22፤ ሀዘ. 25:12-14፤ 35:1-15፤ አዋጾ 1:11-12፤ አብድ. 1:14 1:8 ዛረ. 15:21

ላላና፤ ህንተካ ሄ ቶጭያና እትጥ አ ኦልያ ሳ ባና።

4 ሄ ዋደ ታ ጫቁ ሌዊያና ሞኒደ ደአናዳን፤ ታን ህንተካቶ ሀ አዛዙዋ ኪቴዳዋ ህንተ ኤራና” ያጌ።

5 “ታን ሌዊያና ጫቁቴዳ ጫቁ ደአዋን ሳርተላ ጫቁዋ፤ እ ታዉ ያያናዳን፤ ታን ኤንቴንታ አዉ እማድ፤ እካ ታዉ ያዬዳነ ታ ሱንላካ ቦንቼዳ።

6 ቱሙዋ ህጊ አ ደናን ደኤዳ፤ አ እንጸርሳንካ ዋርዱ ቤትቤና። እ ታናና ሳርተላን ሱረተላን ሀመቴዳ፤ ቃይ ጮራቱዋካ ናጋራጥ ዛሬዳ።

7 ቁሳይ ኡባጥ ዋልቃማ መድና ጎዳይ ኪቴዳዋ ግዴዳ ድራዉ። አ ደናይ ኤራተላን ኩማናዉ ኮሼ፤ አሳይካ ህግያ አ ደናጥ ታማራናዉ በሴ” ያጌ ኡባጥ ዋልቃማ መድና ጎዳይ።

8 ኡባጥ ዋልቃማ መድና ጎዳይ ሀዋዳን ያጌ፤ “ሽን ቁሳቶ፤ ህንተ ኦግያጥ ዋራ ሰሜድታ፤ ህንተ ትምርትያንካ ጮራቱዋ ቆቤድታ፤ ታን ሌዊያና ጫቁቴዳ ጫቁዋካ ኮሌድታ።

9 ሄዋ ድራዉ፤ ህንተ ታ ኦግያን ሀመተናን እጼዳንዳን፤ ህንተ ታማርሰያ ህግያንካ አሳ ኡባ እት ልከ ጸለናን እጼዳንዳን፤ ታን ህንተና አሳ ኡባ ሰንላን ካጠቴዳዋንታ ካዉሼዳዋንታ ኡዳድ” ያጌ።

አሳይ መድና ጎዳን አማነትቤና

10 ኑዉ ኡባዉ እት አዉ ደኤ ግደኔየ? ኑና እት ጸሳይ መዴዳ ግደኔየ? ያትና፤ ኑን ኑ ማይዛ አዋቱዋ ጫቁዋ ኮልያዋን እቱ እቶ አያዉ አማነተናን እጼቶ?

11 ይሁዳ አሳይ አማነትቤና፤ ቃይ እሰራኤልያንካ የሩሳላሙን አሳይ ቱናተላ ኦሌዳ፤ አያዉ ጎጥ፤ ይሁዳ አሳይ ጸሳይ ደሰያ ጌሻ ጎልያ ቱንሴዳ፤ ቃይ አላጋ ጸሳዉ ጎይንያ ማጫ ናናቱዋካ እኬዳ።

12 ሀዋ ኦልያዋ ኦና ግደጥካ፤ መድና ጎዳይ አ ያቆባ ማባራጥ ቆይሶ፤ ሄ አሳይ ኡባጥ ዋልቃማ መድና ጎዳዉ ያርሹዋ አህያዋ ግደጥካ፤ መድና ጎዳይ አ ሸድ።

13 ቃይ ህንተ ኦልያ ሀራባይ አዬ ጎጥ፤ መድና ጎዳይ ህንተ ያርሹዋኮ ጸለና ድራዉ፤ ዋይ አ አከና ድራዉ፤ ያርሸያ ሳኦ ዬኩዋን፤ አፎላንካ ዝላሳን ኩንላታ።

14 ህንተ፤ “አ አያዉ ኑ ያርሹዋ አከኔ?” ያጊደ እቸጥ፤ ጋሱ ሀዋ፤ ህንተ ህንተ ያላጋተላን አከና እታ ግዴዳ ማቻትና ማቻትና ሄ ዋደ ጫቁቴዳ ጫቁዋ ኮሌድታ፤ ሄዋ መድና ጎዳይ ማርካ።

15 መድና ጎዳይ ህንተዉን ህንተ ማቻትዉካ ማቻትዉካ እት ቦላይነ እት አያናይ ደአናዳን አላቤኔየ? ሄዋ አያዉ ኦሌዳ? ጌሻ ዘረሳይ ደአናዳና ግደኔ? ሄዋ ድራዉ፤ ህንተጥ ኦንካ ባረ ያላጋተላን እኬዳ ማቻትና ጫቁቴዳ ጫቆ አማነተናዋ ግደናዳን ናገቶ።

16 አያዉ ጎጥ፤ “ታን መድና ጎዳይ፤ እሰራኤልያ ጸሳይ፤ አሰናይነ ማቻታ ብለትያዋ እጸይ፤ ሄዋ ኢታባ” ያጌ። ሄዋ ድራዉ፤

ኡባጥ ዋልቃማ መድና ጎዳይ፤ “ህንተ ማቻትና ማቻትና ጫቁቴዳ ጫቆ አማነተናዋንታ ግደናዳን ናገትተ” ያጌ ኡባጥ ዋልቃማ መድና ጎዳይ።

ጎዳ ዩሳይ አዋየቱሳ (2:17—4:6)

17 ህንተ ህንተ ሃሳያን መድና ጎዳ ደቡርሴድታ።

ሽን ህንተ፤ “ኑን አ ዋቲደ ደቡርሴድ?” ያጊታ።

ህንተ አ ደቡርሴዳዋ፤ “ኢታ ኦልያዋንቱ ኡባይ መድና ጎዳ ሰንላን ሎኦ፤ ቃይ እካ ኤንቴንቱን ናሸቱ” ያግያዋን ዋይ፤ “ቱሙዋ ፕርድያ ጸሳይ ሀቃን ደኢ?” ያግያዋና።

3

1 ኡባጥ ዋልቃማ መድና ጎዳይ፤ “በእተ፤ ታ ብያ ኦግያ ጊግሳናዳን፤ ታን ኪትያ አሳ ካሰታደ የዳና፤ ቃይ ህንተ ኮይያ ጎዳይካ ህንተ ቆጥናን ደእሸን፤ ባረ ጌሻ ጎልያ ፑቱ ጋና። ህንተ ናሸትያ፤ ቃላ ጫቁዋ ኪታንቻይ ያና” ያጌ።

2 ሽን እ ብራነ ዋርቃ ሲልሲደ ጌሸያ ታማ ማላነ ማየዋ ሚጭያ ሳሞና ማላ ግድያ ድራዉ፤ እ ይያ ጋላሰ ዳንዳያናዌ ኦኔ? ቃይ አ ቆንጭያ ዋደ አ ሰንላን ኤቃናዉ ዳንዳይያዌ ኦኔ?

3 እ ብራነ ዋርቃ ጌሸያዋዳንካ ትግያዋዳን ኡቲደ፤ ሌዊያ ዛራቱዋ ጌሻና፤ ኤንቴንቱ መድና ጎዳዉ ልከ ያርሹዋ ያርሻና ጋካናዉ፤ እ ኤንቴንታ ጌሻና።

4 ያቶጥ በን ዋደቱዋዳንካ እጴዳ ላይላቱዋዳን፤ ይሁዳ አሳይነ የሩሳላሙ አሳይ ያርሸያ ያርሹ መድና ጎዳ ናሸቶያዋ ግደናዋ።

5 ኡባጥ ዋልቃማ መድና ጎዳይ፤ “ሄዋጥ ጉይያን፤ ታን ፕርዳ ፕርዳናዉ ህንተኮ ያደ፤ ሙሩንያዋንቱ ቦላ፤ ዋሹምያዋንቱ ቦላ፤ ዋርዱዋን ጫቁያዋንቱ ቦላ፤ ኦሳንቻቶ በሰያ ድርጉዋ እመናን ድግያዋንቱ ቦላ፤ አሰናይ ሀይቄዳ አምአቶን አታ አዉ ሀይቄዳ ናናቱዋ ቱጋይያዋንቱ ቦላ፤ በትያ ፕርዳ ጌላይያዋንቱ ቦላ፤ ታዉ ያየናዋንቱ ቦላ ኤላካ ማርካታና” ያጌ።

አሰራታ እሞታ

6 ቃይካ ኡባጥ ዋልቃማ መድና ጎዳይ፤ “ታን መድና ጎዳይ ላመትከ፤ ሄዋ ድራዉ፤ ህንተኖ ያቆባ ዛረቶ፤ ህንተ ቆይክታ።

7 ህንተ ማይዛ አዋቱዋ ዋድያጥ ደሚደ፤ ህንተ ታ ዋጋጥ ዋራ ሰሜድታ፤ እካ ናግበይክታ። ሀእ ታኮ ሰሞተ፤ ታንካ ህንተኮ ሰማና” ያጌ።

ሽን ህንተ፤ “ኑን ዋን ሰማን?” ያጊደ ኦቹታ።

8 መድና ጎዳይ፤ “አሳይ መድና ጎዳ ዉኢ? ሽን ህንተ ታና ዉኢታ” ያጌ።

ቃይካ ህንተ፤ “ኑን ኔና ዋት ዉኢቶ? ያጊታ” ያጌ።

ኡባጥ ዋልቃማ ጸሳይ፤ “ህንተ አሰራታንካ እሞታን ታና ዉኢታ።

2:4 ገይ. 3:11-13 2:5 ገይ. 25:12 3:1 ማቶሳ 11:10፤ ማር. 1:2፤ ሉቃሳ 1:76፤ 7:27 3:2 ኢዩ. 2:11፤ ሳዓ 6:17

9 ህንተ እስራኤልያ አሳይ ኡባይ ታና ወእያ ድራው። ህንተ ሸቀቴዳዋንታ።

10 ታ ጌሻ ጎልያን ቁማይ ደአናዳን። አስራታ ኡባ ዩሰያን የግተ። ያቲደ ታን ሳሉዋ ማሰኮትያ ደያደ እንጂዋ ህንተንቶ ፓላህሳደ ጉሳና ቆየፕ። ታና ሄዋን ፓጭተ።

11 ህንተ ቢታይ ሞክያ ካላ ባይዘናዳን። ታን ህንተ ድራው ካላ ባይዝያባ ኡባ ሴራና፤ ጋደን ደእያ ዋይንያ ቱራይካ አይፍያ ድገና። ታን ኡባፕ ዋልቃማ መድና ጎዳይ ሀዋ ኦዳይ።

12 ህንተ ቢታይ ደአናው ናሸችያ ቢታ ግድያ ድራው። ካወተሳቱ ኡባይ ህንተና። ላንጀቴዳዋንታ። ያጋና” ያጌ።

መድና ጎዳይ ባረ አሳ ማራናው ኦዳዳ ቃላ

13 መድና ጎዳይ ሀዋዳን ያጌ፤ “ህንተ ታ ቦላ ጸላ ቃላ ሃሳዬድታ።

“ያቲደ ቃይ። ሉን ነ ቦላ ዋግ ሃሳዬድ?” ያጊደ ኦቺታ።

14 “ቃይካ ህንተ። ጸሳው ኦልያዌ ሀዳ። አ አዛዙዋ ናግያዋንን ኡባፕ ዋልቃማ መድና ጎዳ ሰንላን ካየቲደ ሀመትያዋን ኩን አያ ጎኤቱቶ?

15 ኩን ኦቶሪትያዋንቱ እንጀቲና በኤቶ፤ ኢታ ኦልያዋንቱካ እሻሊደ ደእያዋ ጸላላ ግደናን። ጸሳ ፓጩደካ ከሰ አኪኖ” ያጊታ” ያጌ።

16 ሄ ዋደ መድና ጎዳው ያይያዋንቱ እቱ እቱዋና ሃሳዬድና፤ መድና ጎዳይካ ሀይዚደ ሰሴዳ። መድና ጎዳው ያይዳዋንቱን አ ሰንላካ ቦንቼዳዋንታ ሀሳይሰያ ማጻፋይ አ ሰንላን ጸፈቱዳ።

17 ኡባፕ ዋልቃማ መድና ጎዳይ። “ኡንቱንቱ ታዋ ግዳናዋንታ፤ ታን ኦልያ ጋላሰ ኡንቱንቱ ታው ደማቲዳ አሳ ግዳናዋንታ፤ አው ባረው ኦልያ ባረ ናአ ማርያዋዳን። ታን ኡንቱንታ ማራና።

18 ሄ ዋደ ህንተ ዛረሊደካ ጽሉዋፕን ናጋራንቻፕ ግዲዋን ደእያ ዛዋን ጸሳው አዛዛትያዋንቱ፤ አዛዛተናዋንቱ፤ ግዲዋን ደእያ ዛዋ በአና” ያጌ።

4

መድና ጎዳ ጋላሳይ ማታቲዳ

1 ኡባፕ ዋልቃማ መድና ጎዳይ ሀዋዳን ያጌ፤ “በእተ። ጮጭያ ታማዳን ኤጽያ ጋላሳይ ማታቲዳ፤ ኦቶሪትያዋንቱን ኢታ ኦልያዋንቱ ኡባይ ኡቱላ ማላ ግዳናዋ። ሄ ይያ ጋላሳይ ኡንቱንታ ጸጋና፤ ኡንቱንቶ ጸጸዋ ጸራካ አሸና።

2 ሸን ህንተንቶ። ታ ሰንላው ያይያዋንቶ አ ቀፍያ ግደን ፓሰያባይ ደእያ ጽሎተላ አዋይ ሞካና። ህንተካ አቁዋፕ ብለቲዳ ጋሎ ማራዳን ቡራቃና።

3 ታን ኦልያ ጋላሰ። ናጋራንቻቱ ህንተ ገድያፕ ጋርሳ ባጋና ብድንላ ማላ ግዳናዋንታ፤ ህንተካ ኡንቱንታ የቆንታ። ታን ኡባፕ ዋልቃማ መድና ጎዳይ ሀዋ ኦዳይ።

4 “እስራኤልያ አሳ ኡባው ሰና ደርያ ቦላን ታን ታ ቆማ ሙሴ ባጋና አዛዜዳ አዛዙዋን ሀግያ ሀሳይተ።

5 “በእተ። ግታን ቦንቼቲዳ ጸሳ ጋላሳይ ያናፕ ካሰታደ። ታን ህንተው ትምቢትያ ኦድያ ኤላሳ ኪታና።

6 እ ዩደ። ታን ያደ ቢታ ሸቃን ሾጩናዳን። አዋቱዋ ዋዛና ናናቱዋኮ። ናናቱዋ ዋዛናካ አዋቱዋኮ ዛራና” ያጌ ኡባፕ ዋልቃማ መድና ጎዳይ።

3:10 ዋጋ 27:30፤ ፓይ. 18:21-24፤ ዛረ. 12:6፤ 14:22-29፤ ናህ. 13:12 4:5 ማቶሳ 11:14፤ 17:10-13፤ ማር. 9:11-13፤ ሉቃሳ 1:17፤ ዮሃ. 1:21

ማቶሳ ጻፊዳ ምሽራቹዋ ቃላ ገሌዋ

ማቶሳ ጻፊዳ ምሽራቹ፡ የሱስ ያና ጌተትያ ህይወት ካስ ኦደት ኡቴዳ ጳጳያ ግድያዋን ጸሳይ ካስ ኤጫ ጫቁዋን ባረ አሳው እሜዳ ህይወት ቃላ ፖሌዳዌ የሱሳ ባገና ግድያዋ ኦድያ ምሽራቹዋ ቃላ ኦይቄዳዋ። ሀ ምሽራቹዋ ቃላይ የሱስ ኡንቱንቱ ግድን የለቲደ ድጩዳዌ አይሁዳቱ ጸላላሳ ግድናን፡ አላምያ ኡባን ደእያ አሳሳ።

ማቶሳ ጻፊዳ ምሽራቹዋ ቃላይ ዳር አኬካን ጸፈቲዳ ማጻፋ። የሱሳ የለታን ደሚደ፡ እ ጸማቀቲዳዋን እ ፓጨቲዳዋ ኦድ ሰሚደ፡ ጋሊላን እ ቃላ ኦይዳዋ፡ ታማርሴዳዋን ሀርጋንቻቱዋ ፓጱዳዋ ኦይ። ሄዋፕ ካሊደ የሱስ ጋሊላፕ የሩሳላመ ቤዳዋን እ ሀ አላምያን ጋምኤዳ ዉርሰሳ ሳምንታን ሀኔዳ የዋቱዋ ቆንጭሴ። ሄዋንቱካ እ ካቀቶዋ፡ ሀይቄዳዋን ደንዳዳዋ ኦዲና።

ሀ ምሽራቹዋ ቃላይ የሱሳ፡ ጸሳ ህግያ ብሊላ እማናዉ ማታይ ደእያዋን ጸሳ ካዉተላባ ኤርሰያ ዋልቃማ ታማርሰያዋ ኦፊደ ሺሼዳ። አ ትምርትያፕ ጸርያ ባጋይ፡ ዲማ ዲማ ኦግያን ገገቲዳ እቼሹ ሳን ሻከቲ።

1. ጸሳ ካዉተላን ደእና አሳ ኤሻ፡ ኦሱዋ፡ ማታን ዉርሰሳ ካጫ ኦድያ ደርያ ቦላ ትምርትያ (ማቶሳ 5:1—7:28)።
2. ታማን ላኡ የሱሳ ካልያዋንቱ ምሽራቹዋ ቃላ ታማርሳናዉ ቤዳ ዋደ ኡንቱንቶ እመቲዳ ካለፉዋ (ማቶሳ 10)።
3. ጸሳ ካዉተላባ ታማርሰሽን ሺቄዳ ዲማ ዲማ ለምሳቱዋ (ማቶሳ 13)።
4. የሱሳ ካልያዋንቱባ ብል ኦድያ ትምርትያ (ማቶሳ 18)።
5. ሀእ ዋድያ ዉርሰሳን ጸሳ ካዉተላ ዩሳ ጴጳያዋን እመቲዳ ትምርትያ (ማቶሳ 24-25)።

ሸምፓቱዋ ኡባቶ እመቲዳ ቃንሳ ቆፋቱዋ

የሱስ ክርስቶሳ ጉየ ዘረላን የለታ 1:1—2:23
 ጸማቅያ ዮሃንሳ ኦሱዋ 3:1-12
 የሱስ ጸማቀቶዋን ፓጨቶዋ 3:13—4:11
 የሱስ ኦሱዋ ጋሊላን ደሞዋ 4:12—18:35
 የሱስ ጋሊላፕ የሩሳላመ ቦዋ 19:1—20:34
 የሩሳላመን እዘ የሹዋን የሱሳ ዉርሰሳ ሳምንታ 21:1—27:66
 ኑ ጎዳ የሱሳ ደንዳዋን ቆንጨላ 28:1-20

የሱስ ክርስቶሳ የለታ ማራ (ሉቃሳ 3:23-38)

- 1 ሀዌ ዳዊታ ዛርያን ኡብራሃመ ዛረ ግዴዳ የሱስ ክርስቶሳ የለታ ኦድያ ማጻፋ።
- 2 ኡብራሃመ፡ ይሳቃ የሌዳ፤ ይሳቅ፡ ያቆባ የሌዳ፤ ያቆብ፡ ይሁዳን እ እሻቱዋ የሌዳ።
- 3 ይሁዳይ ትእማርፕ ፓሬሳን ዛራሀ የሌዳ፤ ፓሬስ፡ ሄጽሮና የሌዳ፤ ሄጽሮን፡ ራማ የሌዳ።
- 4 ራመ አምናዳባ የሌዳ፤ አምናዳብ፡ ናኦሶና የሌዳ፤ ናኦሶን፡ ሰልሞና የሌዳ።
- 5 ሰልሞን፡ ራኣቦ ጌተትያ ምሽራትፕ ቦኤዛ የሌዳ፤ ቦኤዛ፡ ኡሩቶ ጌተትያ ምሽራትፕ እዮቤዳ የሌዳ፤ እዮቤዳ፡ እስይ የሌዳ።
- 6 እስይ ካትያ ዳዊታ የሌዳ። ካትያ ዳዊተ፡ ኦርያ ማቻትፕ ሶሎሞና የሌዳ።
- 7 ሶሎሞን፡ ርብኣማ የሌዳ፤ ርብኣመ፡ አብያ የሌዳ፤ አብ፡ አሳፋ የሌዳ።
- 8 አሳፋ፡ ዮሳፌዳ የሌዳ፤ ዮሳፌዳ፡ እዮራማ የሌዳ፤ እዮራመ፡ ኦዘያና የሌዳ።
- 9 ኦዘያን፡ እዮኣታማ የሌዳ፤ እዮኣታመ፡ አካዛ የሌዳ፤ አካዛ፡ ሀዘቄያሳ የሌዳ።
- 10 ሀዘቄያሳ ምናሳ የሌዳ፤ ምናሳ፡ አሞጻ የሌዳ፤ አሞጻ፡ እዮሰያሳ የሌዳ።
- 11 እስራኤልያ አሳይ ኦሞደቲደ፡ ባብሎን ጋድያ ቤዳ ዋደ፡ እዮሰያሳ እኮንያናን * እ እሻቱዋ የሌዳ።
- 12 ባብሎን አሞዴዋፕ ጉይያን፡ እኮንያናን ሳላትያላ የሌዳ፤ ሳላትያላ፡ ዘሩባቤላ የሌዳ።
- 13 ዘሩባቤል፡ አብዩዳ የሌዳ፤ አብዩደ፡ ኤልያቄማ የሌዳ፤ ኤልያቄሞ፡ አዘራ የሌዳ።
- 14 አዘረ ሳዶቃ የሌዳ፤ ሳዶቃ፡ አኪማ የሌዳ፤ አኪመ ኤልዩዳ የሌዳ።
- 15 ኤልዩደ፡ አልኣዛራ የሌዳ፤ አልኣዛረ፡ ማታና የሌዳ፤ ማታን፡ ያቆባ የሌዳ።
- 16 ያቆብ፡ ክርስቶሳ ጌተትያ የሱሳ የሌዳ ማይራሞ ኦቼዳ ዮሴፋ የሌዳ።
- 17 ሰም የለታይ ኡባይ ኡብራሃሞፕ ዳዊታ ጋካናዉ ታማን ኦይዳ የለታ፤ ዳዊተፕ ደሚደ፡ አሳይ ባብሎን ጋድያ ኦሞደቲደ ቤዳ ዋድያ ጋካናዉ ታማን ኦይዳ የለታ፤ አሳይ ባብሎን ጋድያ ኦሞደቲደ ቤዳ ዋድያፕ ክርስቶስ † የለቲዳ ዋድያ ጋካናዉ ታማን ኦይዳ የለታ።

የሱስ ክርስቶሳ የለታ (ሉቃሳ 2:1-7)

- 18 የሱስ ክርስቶሳ የለታይ ሀዋ ማላ፤ እ ዳያ ማይራማ ዮሴፎ ኦሽታ ቃሽታ ኡታዴ። ሄ ዋደ ዮሴፎና ጋከተናን ደኣደ፡ ጌሻ እያናን ሻሃራዴ።
- 19 እዘ ጊግሰ ዋጼዳ ዮሴፎ ጽሎ አሳ † ግዴዳ ድራዉ፡ እዘ ካዉሻናዉ ኮይቤና፤ ኢባ ቆንጭሰናን እዘ አጋናዉ ቆፕዳ።
- 20 ሽን እ ሄዋ ቆፕሽን፡ ጎዳ ኪታንቻይ አኩሙዋን § አናና ጋከቲደ፡ “ዳዊተ ናኣ ዮሴፎ፡

1:5 ኡሩቶ 4:18-22፤ 1 ኦዲዋ 2:13-15 * 1:11 ሄዋ ጉሳይ፡ ዮኣክና ግያዋ፤ ቃይ ፓይዴዋ 12 ደእያዋን ብሊላይ እቱዋ።
 1:11 2 ካታ. 24:14-15፤ 2 ኦዲዋ 36:10፤ ኤር. 27:20 † 1:17 ክርስቶሳ፡ ግያዌ ግሪክ ቃላና ግደደ፡ መሰሀ ጉሳይ ኡብራይስጽ ቃላና ግዲደ ላኡዋ ብሊላይካ “ኦከቲዳዋ” ጉሳ። ‡ 1:19 ዮሴፎ ጽሎ አሳ ግያ ቆፋዉ ሄዙ ኦግያን ብሊላይ እመታና ዳንዳዬ፡ 1. ጸሳባዉ ኡባዉ ኤና ጊደ እዘዘትያ አሳ፤ አማልያ ሎኦ አሳ። 2. ጋራ (ቃረታንቻ)። 3. ሎኡዋ። ሄዋ ጉሳይ፡ ኡባ ካላ ሎኦባ ኦጳያ አሳ ጉሳ። § 1:20 አኩሙዋን ጉሳይ፡ ጮካ ጎኤና አኩሙዋ ግደናን አይሁዳቱዋ አኩሙዋ ጉሳይ፡ ጸሳይ ልክ ቆንጭያ ኦግያ። * 1:20 ጌሻ እያናን ሻሃራዳ ድራዉ፡ ጉሳይ እዘ ሀዋ ጋካናሽን የለታናን ናግያ ናኣይ፡ ጸሳ ጌሻ እያናፕ ዬ ጉሳ።

ማይራማ ጌሻ አያናን ሻሃራዳ ድራው * እዛ እካናው ያዮፓ።

21 እዛ እቱማ ናኣ የላናውኑ፤ ኔንካ፣ እ እሳ ናጋራፕ እሽያ ድራው እ ሱንሳ የሱሳ ጋደ ጸሳናሳ” ያጌዳ።

22-23 ቃይ ጎዳይ ናብያ ባጋና፡ “ወደራታ ሻሃራናውኑ፤ ናኣካ የላናውኑ፤ እ ሱንሳይካ አማኔላ ጌተታናታ” ያጌዳዌ ፖለታና ማላ፡ ሀዌ ኡባይ ሃኔዳ፤ “አማኔላ” ያግያዌ፡ “ጸሳይ ኑናና ደኤ” ያግያዌ።

24 ዮሴፎ ገምእሹዋፕ ቤተሰብ፡ ጎዳ ኪታንቻይ ባረና እዛዘዋዳን፡ ማይራሞ ባረ ጎላ አፌዳ።

25 ሸን ናኣይ የለታና ጋካናው ዮሴፎ እዘኮ ሸቅቤና፤ ቃይ ናኣካ የሱሳ ጊደ ሱንሴዳ።

2

ደላሃ ባጋፕ ዬዳ ጸልንትያ ፓይድያ አሳቱዋ

1 የሱስ ይሁዳ ጋድያን ቤተሌመ ጌተትያ ካታማን ሄሮድስ ካወቲደ ደእያ ዋደ የለቲዳ፤ ሄዋፕ ጉይያን፡ ጸልንትያ ፓይድያ አሳይ * አዋይፊ ደልያ ባጋፕ የሩሳላመ ዪደ።

2 “አይሁዳ ካትያ ግዳናው የለቲዳ ናኣይ ሀቃን ደኢ? ኑን አዋይፊ ደልያ ባጋና ከሴዳ እ ጸልንትያ በኢደ፡ አወ ጎይናናው ዬደ” ያጌደ ኦቹድኖ።

3 ካትያ ሄሮድስ፡ ሄዋ ሰሲደ ዳጋማዳ፤ የሩሳላመን ደእያ አሳይ ኡባይካ ዋዛና ባዬድኖ።

4 ሄሮድስ ቁሳቱዋ ካፓቱዋ ኡባቱዋን ሙሴ ሀግያ ታማርሰያዋንታ ጸሲደ፡ “ክርሰቶስ ሀቃን የለታንዳሻ?” ያጌደ ኦቹዳ።

5-6 ኡንቱንቱ ዛሪደ፡ “ይሁዳ ጋድያን ቤተሌመ ካታማን የለታናዋ። ናቤ፡ “ይሁዳ ጋድያን ደእያ ቤተሌመ፡ ኔን ይሁዳ ጋድያን ደእያ ዋልቃማ ካታማቱዋፕ ላፋካ።

እስራኤልያ ሞድያዌ ኔፕ ከሳናዋ ጊደ ጸፊዳ” ያጌድኖ።

7 ሄዋፕ ካላ፡ ሄሮድስ አዋይፊ ደልያ ባጋፕ ዬዳ አሳቱዋ ጌማን ጸሲደ፡ ጸልንቲ ኡንቱንቶ ቤቲዳ ዋድያ ኡንቱንቱፕ ጌሽደ ኤሬዳ።

8 ያቲደ ቤተሌመ ኡንቱንታ የዲደ፡ “ቢደ ናኣ ሎይሳ ኮይተ፤ እ ደማዳ ዋደ ታንካ ባደ አወ ጎይናናዳን፡ ታናካ ኤርሰተ” ያጌዳ።

9 ኡንቱንቱ ካቲ ጌዳዋ ሰሰ ቢደ ኦግያን አዋይፊ ደልያ ባጋና ኡንቱንቱ ካሰ በኤዳ ጸልንትያ በኤድኖ፤ ናኣይ ደኢያሳ ጋኪደ ኤቃና ጋካናው፡ ጸልንቲ ኡንቱንታ ካለሌዳ።

10 ኡንቱንቱ ሄ ጸልንትያ በኤዳ ዋደ፡ ዛዋይ ባይና ዳሮ ናሽቻ ናሽቲድኖ።

11 ጎላ ገሊደ፡ ናኣይ ባረ ዳይ ማይራሞና ደእያዋ በኤድኖ፤ ጉልባቲደ አወ ጎይኔድኖ፤ ሄዋፕ ካላ፡ ባረንቱ ሳጽንያ ደዪደ፡ ዋርቃ፡ እጻናን ካዋራ ተ አወ እሞታ ሸሸድኖ።

12 ኡንቱንቱ ሄሮድስኮ ሰመና ማላ፡ ጸሳይ እኩሙዋን ኡንቱንታ፡ “ህንተና ኤርተ” ጊና ሀራ ኡግያና ባረንቱ ጋደ ሰማድኖ።

ግብጾ በቱሳ

13 ኡንቱንቱ ቤዳዋፕ ጉይያን፡ ጎዳ ኪታንቻይ እኩሙዋን ዮሴፎ ቤቲደ፡ “ሄሮድስ ናኣ ዋዳናው ኮይያ ድራው፡ ደንዳደ ናኣን እ ዳዮ አካደ ግብጾ ጋድያ በታ፤ ታን ነወ ኦዳና ጋካናው፡ ያን ደኢሻ” ያጌዳ።

14-15 ዮሴፎ ቃማ ደንዲደ፡ ናኣን እ ዳዮ አኪደ፡ ግብጾ ጋድያ ቤዳ፤ ጎዳይ ናብያ ባጋና፡ “ታን ታ ናኣ ግብጾ ጋድያፕ ጸሳድ” ያጌዳዌ ፖለታና ማላ፡ ሄሮድስ ሀይቃና ጋካናው እ ያን ደኤዳ።

ሄሮድስ ቄር ናና ዋድሴዳ

16 ሄዋፕ ጉይያን፡ ሄሮድስ አዋይፊ ደልያ ባጋፕ ዬዳዋንቱ ባረና ጭማዳዋ ኤሬዳ ዋደ፡ ዳሮ ሀንቀቲደ፡ ጸልንቲ ካሰ ቤቲዳ ዋድያ ኡንቱንቱፕ ሰሴዳዋዳን፡ ዋታዳራቱዋ የዲደ፡ ቤተሌመንካ ዩሹዋን ደእያ ላኡ ላይሳ አቱማ ናናን ላኡ ላይሳፕ ጋርሳና ደእያ አቱማ ናና ኡባ ዋድሴዳ።

17-18 ናብያ ኤርማሰ፡ “ዬኩነ ዝላሳይ ራማ ጌተትያ ካታማን ሰሰቲዳ፤ ራሄላ ባረ ናናው ዬካወ።

ኡንቱንቱ ሀይቁድጎ ድራው፡ አጋ ጊና፡ አገናን እጻዱ”

ጊደ ኦዳዳዌ ፖለቲዳ።

ግብጾፕ ሰማ

19 ሄሮድስ ሀይቁዳዋፕ ጉይያን፡ ጎዳ ኪታንቻይ ግብጾን ዮሴፎ እኩሙዋን ቤቲደ

20 አ፡ “ደንዳ፤ ናኣን እ ዳዮ አካደ፡ እስራኤልያ ጋድያ ሰማ። ናኣ ዋዳናው ኮይያዋንቱ ሀይቁ ድጌድኖ” ያጌዳ።

21 ዮሴፎ ደንዲደ፡ ናኣን እ ዳዮ አኪደ፡ እስራኤልያ ሰማዳ።

22 ሸን ዮሴፎ እርከላዋሰ ባረ አወዋ ሄሮድሳ ኦይድያን ይሁዳ ጋድያን ካወቲዳዋ ሰሴዳ ዋደ፡ ያ ባናው ያዬዳ፤ ጸሳይ አወ እኩሙዋን ህንተና ኤርተ ጊና፡ ጋሊላ ጋድያ ቤዳ።

23 ናባቱ፡ “አሳይ አ፡ ናዝራትያ አሳ። ጊደ ጸሳና” ያጌዳዌ ፖለታና ማላ፡ ናዝራተ ጌተትያ ካታማ ቢደ ደኤዳ።

3

ጸማቅያ ዮሃንስ ቃላ ኦዳዳ

(ማር. 1:1-8፤ ሉቃሳ 3:1-18፤ ዮሃ. 1:19-28)

1-2 ሄ ዋደ ጸማቅያ ዮሃንስ አሳ፡ “ሳሉዋ ካወተላይ ማታቲዳ ድራው፡ ህንተ ናጋራፕ ሰሞተ” ያጌደ፡ ይሁዳ ሙላ ቢታን ኦዲደ ዬዳ።

3 እያወ ጎፕ፡ ናብያ ኢሰያሰ፡ ዮሃንሳባ ኦዲደ፡

1:21 ሉቃሳ 1:31 1:22-23 አሳ. 7:14 1:25 ሉቃሳ 2:21 * 2:1 ጸልንትያ ፓይድያ አሳ ጉሳይ፡ ኤርቲዳ ማራ ብላሳን ኤራንቻ አሳቱዋ ጉሳ። 2:5-6 ሚክ. 5:2 † 2:11 እጻናን ካዋራ፡ እጻናይ፡ ማድያ ጳልያ ግዲደ፡ ታማን የግያ ዋደ ሳዋናሳ፤ ካዋራይካ ሳዋ ማድያ ጳልያ ግዲደ ሸቱዋዳን ማዳ። 2:14-15 ሆስ 11:1 2:17-18 ኤር. 31:15 ‡ 2:23 ሀዋ ጌዳዌ ኦንጎቶ ኤርተና። 2:23 ማር. 1:24፤ ሉቃሳ 2:39፤ ዮሃ. 1:45 3:1-2 ማቶሳ 4:17፤ ማር. 1:15

“እቱ መላ ቢታን ባረ ቃላ ቶቁ ኦሊደ፡
ኅዳ ኦግያ ገግሰተ።

እ ሄመታና ሎሱዋካ
አዉ ሰት ኦሉተ። ጌዳ።”
ያጌዳ።

4 ዮሃንሳው ጋሉዋ እስክያ ዳደቱዳ ማዩ ደኤ፤
ቃይ ባረ ጸሳን ዳፉዋ ዳንጩዳ፤ እ ምያ ቁማይካ
ቦልያን ባዙዋ ኤሳ።

5 አሳይ ሄ ዎደ ዮሩሳሌም፡፡ ይሁዳ ጋድያ ኡባ
ሳጥን ዮርዳኖሳ ሻፋ ሄራን ደእያ ጋድያ ኡባጥ አኮ
ዪኖ።

6 ባረንቱ ናጋራ ፓጽና፡ ዮርዳኖሳ ሻፋን እሳ
ጸማቁዳ።

7 ሸን ዮሃንስ ዳር ፓርሳዋቱ፤ * ሳዲቃዋናቱ †
ጸማቃታናው ባረኮ ይያዋንታ በኢደ፡ “ሀ ሸሻቶ፡
ጸሳ ሀንቁ ያና ሀንያዋጥ አታና ማላ፡ ሀንተው ኦኔ
ኦዲደዌ?”

8 ሰም ሀንተ፡ ሀንተንቱ ናጋራጥ ሰሜዳዋ
ኤርሰያ ኦሱዋ፡ አሉተ።

9 ሀንተ ሀንተንቱ ዎዛናን፡ ኦሎራሃመ ኦ አባ፤
ጊደ ቆጥያዋ ሀንተው ማላቶ። አያው ሳጥ፡ ታን
ሀንተንቶ ኦዲይ፤ ጸሳይ ሀ ሸቻቱዋጥ አብራሃዎ
ናና አሉ ደንፋናው ዳንዳዬ።

10 ቤጽ ምላ ጸጹዋን ቃንጸናው ገግ ኡቱዳ፤
ሎኦ አይፍያ አይፈና ምላ ኡባይ ቃንጸቲደ፡
ታማን የገታና።

11 “ሀንተ ሀንተንቱ ናጋራጥ ሰምያዋ በሳናው፡
ታን ሀንተና ሃላን ጸማቃይ፤ ሸን ታጥ ጉየና
ይያዌ፡ ሀንተንታ ጌሻ አያናን ታማን ጸማቃና።
‡ አ ታጥ ዳር ምኔ፤ አ ጫማ ቶካናውካ ታን
በሰያ አሳ ግድከ።

12 አ ኩሽያን ካላ ሰጽያ ላይዳይ ደኤ።
ኡዲማን ደእያ ካላ ሎይሉ ጌሽ፤ ባረ ዛርጋ
ድይያን ቆላና፤ ሸን ዳላ ቶኤና ታማን ጉዳና”
ያጌዳ።

የሱስ ጸማቃቱዳ
(ማር. 1:9-11፤ ሉቃሳ 3:21-22)

13 የሱስ ሄ ዎደ ዮሃንሳን ጸማቃታናው፡
ጋሊላጥ ዮርዳኖሳ ጌተትያ ሻፋ አኮ ቤዳ።

14 ሸን ዮሃንስ፡ “ታን ኔናን ጸማቃታናው በሰያ
ዎደ፡ ኔን ታኮ ያይ?” ያጌደ፡ አ ድጋናው ኮዬዳ።

15 ሸን የሱስ ዛሪደ አ፡ “ኔን ጽሎተላ ኦሱዋ
ኡባ ሀዋዳን ፖላናው በሰያ ድራው፡ ሀእ ታው
ኤኖ ጋ” ያጌዳ። ዮሃንሰካ አዉ ኤኖ ጌዳ።

16 የሱስ ጸማቃቶዋጥ ጉይያን፡ ኤለካ ሃላጥ
ከሴዳ፤ ሳሉ ደየትና፡ ጸሳ አያናይ ሀራጽዳዳን
ሳሉዋጥ ዎጂደ ባረ ቦላ ይያ ዎደ በኤዳ፤

17 ቃይ ሳሉዋጥ፡ “ታን ሲቅያ፡ ታና ናሽቾያ፡
ታ ናኦይ ሀዋ” ያግያ ቃላይ ዬዳ።

4

የሱስ ፓጩቱዳ
(ማር. 1:12-13፤ ሉቃሳ 4:1-13)

1 ሄዋጥ ጉይያን፡ ጸላህያን ፓጩታና ማላ፡
ጌሻ አያናይ አሳይ ደኤና ሳኦ የሱሳ አፊዳ።

2 የሱስ ኦይታሙ ጋላሳን ኦይታሙ ቃማ
ጸሞዋጥ ጉይያን ኮሻቲዳ።

3 ጸላሂ ዪደ አ፡ “ኔን ጸሳ ናኦ ግደጥ፡ አነ ሀ
ሹቻቱዋ ኡክላ ግደና ማላ ጋ” ያጌዳ።

4 ሸን የሱስ ዛሪደ፡ “ጸሳ ማጸፋን፡ ኦሳይ
ጸሳይ ሃሳይያ ቃላ ኡባን ደአናጥ አትን፡ ኡክላ
ጸላላን ደኤና፡ ያገት ጸፈቲዳ” ያጌዳ።

5 ሄዋጥ ጉይያን፡ ጸላሂ የሱሳ ጌሻ ካታማ አፍ
ጌሻ ጎልያ ጸራን ኤሲደ፤

6 “ኔን ጸሳ ናኦ ግደጥ፡ አነ ዲገ ኩንዳ። አያው
ሳጥ፡ ጸሳ ማጸፋን፡

“ ጸሳይ ባረ ኪታንቻቱዋ
ነው አዛዛናዋ”

ቃይ ኡንቲንቱ ነ ገዲ ሹቻን ጱበተና ማላ፡
ባረንቱ ኩሽያን ኔና ደንፋናዋንታ”

ያገት ጸፈቲዳ” ያጌዳ።

7 የሱስ ዛሪደ አ፡ “ቃይካ ጸሳ ማጸፋን፡ ኅዳ
ነ ጸሳ ፓጩጥ” ያገት ጸፈቲዳ” ያጌዳ።

8 ቃይ ጸላሂ የሱሳ እት ዳር ዎልቃማ ደርያ
ጸራ ከሲደ፡ ሀ አላምያን ደእያ ካውተላ ኡባን
ኡንቲንቱ ቦንቹዋ

9 በሲደ አ፡ “ኔን ታው ጉልባታደ ሳይኖጥ፡
ታን ሀዋ ኡባ ነው አማና” ያጌዳ።

10 ሄ ዎደ የሱስ ዛሪደ አ፡ “ላ ሀ ሴጸናው
ሃካ፤ አያው ሳጥ፡ ጸሳ ማጸፋን፡ ኅዳው፡ ነ ጸሳው
ሳይና፤ አ ጸላላ ጎሽታ” ጌተት ጸፈቲዳ” ያጌዳ።

11 ሄዋጥ ጉይያን፡ ጸላሂ የሱሳ አግና፡
ኪታንቻቱ ዪደ፡ አዉ ኦሌድኖ።

የሱስ ባረ ታማርሰያ ኦሱዋ ጋሊላን ደሜዳ
(ማር. 1:14-15፤ ሉቃሳ 4:14-15)

12 ዮሃንስ ቃሽቲዳዋ የሱስ ሰሴዳ ዎደ፡
ጋሊላ ጌተትያ ጋድያ ቤዳ።

13 ናዘሬተጥ ከሲደ፡ ቅፍርናሆማ ካታማ
ቢደ፡ ያን ደኤዳ፤ ቅፍርናሆም ዛብሎናንነ
ንፍታሌመ ጋድያን ደእያ ጋሊላ አባ ማታን ደኤ።

14 ሀዋ ሀኔዳዌ ናብያ ኢሰያስ፤

15 “ዛብሎን ጋድያንነ ንፍታሌመ ጋድያን፡
አባ ኦግያን ዮርዳኖሳ ሻፋጥ ሄፍንላ ባጋን፡
አይሁዳ ግደና አሳይ ደእያ ጋሊላን፡

16 ጱማን ደእያ አሳይ፡
ዎልቃማ ፖኤዋ በኤዳ።

ቃይ ሀይቁዋ ኩዋይ ደእያ ጋድያን ኡቲዳዋንቶ
ፖኤ ከሴዳ”

ያጌዳዊ ፖለታና ማላሳ።

17 ሄ ዎድያጥ ደሚደ የሱስ፡

3:3 እሳ. 40:3 3:4 1 ካታ. 1:8 * 3:7 ፓርሳዋቱዋ- ጉሳይ አይሁዳ አሳቱዋ ካለልያ አሳቱዋ ግደጥ ግዲደ ጌሻ ቃላን ካስ ኤጫ ጫቁዋ ግደን ደእያ ቃላ ዎጋ ኡባን አማንያዋንታ። † 3:7 ሳዲቃዋናቱዋ- ጉሳይ አይሁዳ አሳቱዋ ካለልያ አሳቱዋ ግደጥ ግዲደ ጌሻ ቃላን ካስ ኤጫ ጫቁዋ ግደን ደእያ ቃላ ዎጋጥ ሙሴ ጸፊዳ ኮይር እቼሹ ማጸፋቱዋ ግደን ደእያ ዎጋቱዋ ጸላላን አማንያዋንታ። ‡ 3:11 ጌሻ አያናን ታማን ጸማቃና፡ ጉሳይ የሱስ ዪደ አሳ ጋርሳ አያና አሳተላ ላምያዋ ታማርሰያዋ። 3:17 ደመላ 22:2፤ ማዘ. 2:7፤ እሳ. 42:1፤ ማቶሳ 12:18፤ 17:5፤ ማር. 1:11፤ ሉቃሳ 9:35 4:4 ዛረ. 8:3 4:6 ማዘ. 91:11-12 4:7 ዛረ. 6:16 4:10 ዛረ. 6:13 4:16 እሳ. 9:1-2

“ህንተ ናጋራ ፓጽተ፤ አያው ጎጥ፤ ሳሉዋ ካወተላይ ማታቲዳ ድራሳ” ጊደ ቃላ ኦዲዋ ደሜዳ።

የሱስ ባረና ካልያ ኦይዳቱዋ ጾጌዳ (ማር. 1:16-20፤ ሉቃሳ 5:1-11)

18 የሱስ ጋሊላ አባ ማታና አዲድ፤ ላኦ አሻቱ ጸጽርሳ ጌተትያ ሰሞንን አ አሻ እንድራሰ፤ ሞልያ ኦይቂያዋንታ ግዶ ድራው፤ ዳባ * አባን የግያዋንታ በኤዳ።

19 ኡንቱንታ፡ “ታና ካልተ፤ ታን ህንተና ሞልያ ኦይቂያዋዳን አሳ ታኮ አህያ ኦግያ ታማርሳና” ያጌዳ።

20 ኡንቱንታ ኤለካ ባረንቱ ዳባ አገደ፤ የሱሳ ካሌድኖ።

21 የሱስ ሄዋጥ ሰንሳኮ ቢደ፤ ሀራ ላኦ አሻቱዋ፤ ዛብድኖሳ ናና ያቆባን አ አሻ ዮሃንሳ በኤዳ፤ ኡንቱንታ ባረንቱ አወዋ ዛብድኖሳና ሃላ ቦላን ብያ ዋንግርያ ግዶን ባረንቱ ዳባ ግገሰያዋንታ በኤዳ፤ ጾሴዳ።

22 ኡንቱንታ ኤለካ ሃላን ብያ ዋንግርያን ባረንቱ አወዋ አገደ፤ የሱሳ ካሌድኖ።

የሱስ ጮራ አሳ ታማርሴዳን ፓሌዳ (ሉቃሳ 6:17-19)

23 የሱስ አይሁዳ ዋሳ ጎለቱዋን ታማርሴዳ፤ ካወተላ ሞሽራቸዋ ቃላ ኦዲድን ቃይ ሀርግያ ኡባጥን ሳኩዋ ኡባጥ አሳ ፓሌዳ፤ ጋሊላ ጋድያ ኡባን ዩዬዳ።

24 አ ዋሪ ሶርያ ጋድያ ኡባ ጋኬዳ፤ ዲማ ዲማ ሀርግያን ኦይቀቲደ ሀርጌዳ አሳ ኡባ፤ ጸላሀቱዋን ኦይቀቲዳዋንታ፤ ዪጩዋ ሳኩ ደአያዋንታ፤ ቃይ ጉንዴዳዋንታ አሳይ የሱሳኮ አሄዳ፤ አ ኡንቱንታ ፓሌዳ።

25 ጮራ አሳይ ጋሊላጥ፤ ታሙ ካታማቱዋጥ፤ የሩሳላመጥ፤ ይሁዳጥን ዮርዳኖሳጥ ሄፍንላን ደአያ ጋድያጥ የሱሳ ካሌድኖ።

5

የሱስ ደርያ ቦላን ግዲደ ታማርሴዳ ትምርትያ (5:1—7:29)

1 የሱስ ጮራ አሳ በኤዳ፤ ፑደ ደርያ ከሲደ ኡቲዳ። አ ካልያዋንታ እኮ ሸቂድኖ።

2 ኡንቱንታ ሀዋዳን ያግ ታማርሴዋ ደሜዳ።

ቱሙ አንጂዋ አክያ አሳቱዋ (ሉቃሳ 6:20-23)

3 “ባረንቱ አያና ደኡዋን፤ ሀዬሳ ግዴዳዋ ኤርያዋንታ አንጀቲዳዋንታ፤ አያው ጎጥ፤ ሳሉዋ ካወተላይ ኡንቱንታ።

4 ካዮትያዋንታ አንጀቲዳዋንታ፤ አያው ጎጥ፤ ጸሳይ ኡንቱንታ ሞንሳና።

5 አሸከ ግዴዳዋንታ አንጀቲዳዋንታ፤ አያው ጎጥ።

ኡንቱንታ ሳኦ ላታና።

6 ጽሎተላ ኮሻትያዋንታ ሳመትያዋንታ፤ * አንጀቲዳዋንታ፤ አያው ጎጥ፤ ጸሳይ ኡንቱንታ ካልሳና።

7 ማርያዋንታ አንጀቲዳዋንታ፤ አያው ጎጥ።

8 ጸሳይ ኡንቱንታ ማራና።

8 ዋዛና ጌሻቱ አንጀቲዳዋንታ፤ አያው ጎጥ፤ ኡንቱንታ ጸሳ በአና።

9 አሳ ሰገልያዋንታ አንጀቲዳዋንታ፤ አያው ጎጥ፤ ጸሳይ ኡንቱንታ፤ ባረ ናና ጊደ ጾሳና።

10 ጽሎተላ ድራው፤ የደርሰትያዋንታ አንጀቲዳዋንታ፤ አያው ጎጥ፤ ሳሉዋ ካወተላይ ኡንቱንታ።

†

11 “ህንተ ታና ካልያ ድራው፤ አሳይ ህንተና ቦርያ ዋደን ዋይሰያ ዋደ፤ ቃይ ህንተ ቦላ ኢታባ ኡባ ዋርዲዋን ሃሳይያ ዋደ፤ ህንተ አንጀቲዳዋንታ።

12 ህንተው ሳሉዋን ዋልቃማ ዋይታይ ደአያ ድራው፤ ናሸትተ፤ ሀሹ ጊተ፤ አያው ጎጥ፤ አሳይ ህንተጥ ካሰ ደኤዳ ናባቱዋ ሄዋዳን የደርሴድኖ።

ማጽንያን ፖኡዋ ሌምሱዋ (ማር. 9:50፤ ሉቃሳ 14:34-35)

13 “አሳ ኡባው ህንተ ማጽን ማላ፤ ሸን ማጽን ማልአና ጳዮጥ፤ ዛሪደ አ ዋት ማልኤላኔ? ካረ ኦልና፤ አሳይ አ የድ ሀመታናጥ አትን፤ ሰንሳው አይነ ማደና።

14 “ሀ አላመው ህንተ ፖኡ፤ ደርያ ሁጲያን ኬጸቲዳ ካታማይ ጌማና ዳንዳየና።

15 ጸምጥያ ጸምጥደ፤ ሰይን ደአያ አሳ ኡባው ፖኡና ማላ፤ ቶቂያ ሳን ዋሌጥ አትን፤ ካምያ ሚሻ ግዶን ቁምእ ዋሰያ አሳይ ኦንነ ባዋ።

16 ሄዋዳንካ፤ አሳይ ህንተ ኦልያ ሎኦ ኦሱዋ በኤዳ፤ ሳሉዋን ደአያ ህንተ አወዋ ቦንቻና ማላ፤ ህንተ ፖኡ አሳ ሰንሳን ፖኡ።

ሙሴ ህግያባ

17 “ታን ሙሴ ህግያን ናባቱ ታማርሴዋ ቶ ጳይሳናው ዩዳዋ ህንተው ማላቶፖ፤ ታን ፖላናው ዩዳዋጥ አትን፤ ጳይሳናው ያበይከ።

18 አያው ጎጥ፤ ታን ህንተው ቱሙዋ ኦዳይ፤ ሳሉን ሳኦይ አቆና ጋካናው፤ ቃይ ኡባባይካ ፖላታና ጋካናው፤ § ህግያጥ እት ጫቻይካ ዋይ ቄር ፕደሊካ አ□ና።

19 ሄዋ ድራው፤ ሀ አዛዙዋ ኡባጥ ጉጽያ እት አዛዙዋ መንሰያ ኡራይ ኦንነ፤ ቃይ ሀራቱካ ባረዋዳን ሀናናዳን ታማርሴዳ ኡራይ ኦንነ፤ ሳሉዋ ካወተላን ኡባጥ ጉላ ግዳና፤ ሸን አዛዙዋ ኦልያዋን ሀራንቱካ ኦላናዳን ታማርሴዳዋ ኦንነ ሳሉዋ ካወተላን ቶቃ ግዳና።

* 4:18 ዳባ- ሀዋ ጉሳይ ሞልያ ጲራናው ዋይ ኦይቃናው ሃላን የግያ አማራቱዋን ማራብያ ግያዋ። 5:4 አሳ. 61:2 5:5 ማዘ. 37:11 * 5:6 ሀዋ ብለላይ ጸሳው ኤኖ ግያዋንታ ዋይ ሎኦባ ዋይ ቱሞባ ኦልያዋንታ ጉሳ። † 5:10 ሳሉዋ ካወተላይ ኡንቱንታ- ጉሳይ ሄ አሳቱ ሳሉዋ ካወተላ ላታናው ዳንዳይያዋንታ ግድያዋ በሴ። ‡ 5:17 ሙሴ ህግያን ናባቱ ታማርሴዋ- ጉሳይ አይሁድያ ጌሻ ማጽፋ፤ ሄዋይካ ኤጫ ጫቆዋ። § 5:18 ኡባባይካ ፖላታና ጋካናው- ጉሳይ ቃላይ ታማርሴዳ ኡባይ ቱማተላን ቆንጫና ጋካናው።

20 እያው ጎጥ፡ ህንተ ጽሎተላይ ሙሴ ህግያ ታማርሰያዋንቱ ጽሎተላጥን ፓርሳዋቱዋ ጽሎተላጥ ዳራና ቆየጥ፡ ሳሉዋ ካውተላ ህንተ ሙላ ገለናዋ ታን ኦዳይ።

21 “በን አሳው፡ ላሳ ዋዶፓ፤ አሳ ዋዶዳ ኦን ፕርደታና፣ ጌዳዋ ሰሴድታ።

22 ሸን ታን ህንተው ኦዳይ፤ ባረ እሻ ህንቀትያ ኡባይ ፕርደታና፤ ባረ እሻ ቦርያ ኡባይ ሻንጉዋ ፕርዳው ሺቃና፤ ቃይ ባረ እሻ፡ ሉሎዌ፣ ግያ ኡባይ ጋናምያ ታማ ፕርዳው ሺቃና።

23 ሄዋ ድራው፡ ኔን ያርሸያሳን ያርሸሸን፡ ነ እሻ ናቄዳባይ ነው ሄዋን ሀሳየቶጥ።

24 ነ ያርሸዋ ሄዋን አጋደ ባ፤ ካሰታደ ነ እሻና ሰገታ ድጋ፤ ሄዋጥ ካላ ያደ፡ ነ ያርሸዋ ያርሻ።

25 “ኔና ሞትያዋና ዋዲ ደእሸን ኤላ አናና ሰገታ ድጋ፤ ሄዋ ቆየጥ፡ እ ኔና ዳና ሰንሳ አላና፤ ቃይ ዳናይ ኔና ፖለሰው አላ እምና፡ ፖለሲ ኔና ቃሾ ጎለን የጋና።

26 ታን ነው ቱሙዋ ኦዳይ፤ ኔን እት ሳንትሚ አተናን፡ ነ ማጋጨዋ ወርሳደ ጭጋና ጋካናው፡ ሙላካ ቃሾ ጎለጥ ከሳካ።

ዋሹማባው እመቶ ትምርትያ

27 “ ዋሹዋፓ፣ ጌዳዋ ሰሴድታ።

28 ሸን ታን ህንተው ያጋይ፤ ማጨዋድ ጸሊደ አሞትያ ኡባይ፡ ባረ ዋዛና ግድን ሄ ዋደ አናና ዋሹሜዳ።

29 ነ ኡሸቻ አይፊ ኔና ናጋራ ኦሰሶጥ፡ ኔጥ ዋጫደ ኦላ አጋ፤ እያው ጎጥ፡ ነ ቦላይ ሙላካ ጋናምያ ታማን ኦለትያዋጥ፡ አጥ እቱ ፓጭንቶ ነው ሎኦ።

30 ቃይ ነ ኡሸቻ ኩሺ ኔና ናጋራ ኦሰሶጥ፡ ኔጥ ቃንጸደ ኦላ አጋ፤ እያው ጎጥ፡ ነ ቦላይ ሙላካ ጋናምያ ታማን ኦለትያዋጥ፡ አጥ እቱ ፓጭንቶ ነው ሎኦ።

ማኝያ የደናዳን እመቶ ትምርትያ

(ማቶሳ 19:9፤ ማር. 10:11-12፤ ሉቃሳ 16:18)

31 “ ቃይ ባረ ማቻቶ የድያ ኦንን እዘ የድያ ፓራማ እሞ፣ ጌተቱዳ።

32 ሸን ታን ህንተው ያጋይ፤ ‘ባረ ማቻታ ዋሹመናን ደእሸን የድያ ኦንን እዘ ዋሹማ ከሴ፤ ቃይ አሰናይ የዳዳ ሞሽራቶ አክያዌ ኦንን ዋሹሜ።’

ጨቀናዳን እመቶ ትምርትያ

33 “ቃይ በን አሳው፡ ዋርዲዋን ጨቆፓ፤ ሸን ነ ጎዳው ጨቆዳዋ ፖላ፣ ጌዳዋ ሰሴድታ።

34 ሸን ታን ህንተው ያጋይ፤ ሉባካ ጨቆጥተ። ሳሉ ጸሳ ካውተላ ኦይድያ ግድያ ድራው፡ ሳሉዋን ጨቆጥተ።

35 ቃይ ሳእይ አ ገዲ የድያ ሳ ግድያ ድራው፡ ሳአን ጨቆጥተ፤ ቃይካ፡ የሩሳላመ ዋልቃማ

ካትያ ካታማ ግድያ ድራው፡ የሩሳላመንካ ጨቆጥተ።

36 ኔን እት ብናናካ ቦላ ዋይ ካረላ ከሳናው ዳንዳየና ድራው፡ ሳ ሁጲያንካ ጨቆፓ።

37 ሸን ህንተ፡ ሉኦ ዋይ፡ ማደና ጊተ፤ ሀዋንቱጥ ሀራይ ሴጸናጥ ዩ።

ኢታ ኢታን ዛረናዳን እመቶ ትምርትያ (ሉቃሳ 6:29-30)

38 “ ላይፍያ ድራው አይፍያ፤ አቻ ድራው አቻ ጌዳዋ ሰሴድታ።

39 ሸን ታን ህንተው ያጋይ፤ ህንተው ኢታባ ኦልያ ኡራው ኢታን ዛርጥተ፤ ኦንን ነ ኡሸቻ ባጋ ሻይያ ባቆጥ፡ ነ ሀድርሳ ባጋ ሻይያካ አ በሳ፤

40 ነ ሻምጭያ አካናው እት ኡራይ ኔና ሞቶጥ፡ ሄ ኡራው ነ ጦትያካ ጉጃ እማ።

41 ኦንን ኔና እት ሳትያ ኦግያ ባረናና ባናዳን ዋልቃንላጥ፡ አናና ላኡ ሳትያ ኦግያ ባ።

42 ኔና ዋሰያ ኡራው እማ፤ ቃይ ኔጥ ታልአና ኮይያ ኡራውካ ድጎፓ።

ሞርክያ ሲቃና ማላ እመቶ ትምርትያ (ሉቃሳ 6:27-36)

43 “ ሳ ላገላቱዋ ሲቃ፤ ነ ሞርክያ ሞርካ፣ ጌዳዋ ሰሴድታ።

44-45 ሸን ታን ህንተው ያጋይ፤ ሳሉዋን ደእያ ህንተ አዋ ናና ግዳና ማላ፡ ህንተ ሞርክቱዋ ሲቅተ፤ ህንተና ሸቆያዋንታ አንጅተ፤ ህንተና እጽያዋንቶ ሎኦባ ኦለተ፤ ህንተና የደርሰያዋንቶ፡ ጸሳ ዋሰተ፤ እያው ጎጥ፡ ኢታ አሳውካ ሎኦ አሳውካ ጸሳይ ባረ አዋ አዋጽሴ፤ ቃይ ጽላቶካ ናጋራንቻቶካ ባረ እራ ቡክሴ።

46 ህንተ ህንተና ሲቅያዋንቱ ጸላላ ሲቆጥ፡ ህንተው አይ ዋይታይ ደኢ? ሀራይ አቶ፡ ናጋራንቻቱካ ሄዋዳን ኦሊና።

47 ህንተ ህንተንቱ እሻቱዋ ጸላላ ሳርቶጥ፡ ሀራቱ አልያዋጥ አድያባ እያ ኦሊድቱ? ሀራይ አቶ፡ አይሁደ ግደና አሳይካ ሄዋዳን ኦሊ።

48 ሄዋ ድራው፡ ሳሉዋን ደእያ ህንተ አው ፖሎ ግደዋዳን፡ ህንተካ ፖሎ ግድተ።

6

ሀይሳው እምያ ማራ ታማርሱዋ

1 “ህንተ ሎኦ ኦሉዋ አሳ በሳናው አሳ ሰንሳን ኦጋና ማላ ናገትተ፤ ሄዌ ቆየጥ፡ ሳሉዋን ደእያ ህንተ አው ህንተው ጋትያ እመና።

2 “ሄዋ ድራው፡ ህንተ አውደነ ሀይሳው እምያ ዋደ፡ ሎኦ ማላትያ ኢታቱ ባረንታ ቦንቶሳናው፡ አይሁዳ ዋሳ ጎለንን ኦግያን ሀራን በኤታናው ኦልያዋዳን ኦለተተ፤ ታን ህንተው ቱሙዋ ኦዳይ፤ ኡንቱንቱ ባረንቱ ጋትያ እክ ድጌድና።

3-4 ሸን ኔን ሀይሳው እምያ ዋደ፡ ጌማን እማናዳን፡ ነ ኡሸቻ ኩሺ ኦልያዋ ሀድርሳ ኩሺ

5:21 ከሳ 20:13፤ ዛረ. 5:17 5:27 ከሳ 20:14፤ ዛረ. 5:18 5:29 ማቶሳ 18:9፤ ማር. 9:47 5:31 ዛረ. 24:1-4፤ ማቶሳ 19:7፤ ማር. 10:4 5:32 ማቶሳ 19:9፤ ማር. 10:11-12፤ ሉቃሳ 16:18፤ 1 ቆር. 7:10-11 5:33 ዋጋ 19:12፤ ፓይ. 30:2፤ ዛረ. 23:21 5:35 ኢሳ. 66:1፤ ማዘ. 48:2 5:38 ከሳ 21:24፤ ዋጋ 24:20፤ ዛረ. 19:21 5:43 ከሳ 19:18 5:48 ከሳ 19:2፤ ዛረ. 18:13 * 6:3-4 ኡሸቻ ኩሺ ኦሊዳዋ ሀድርሳ ኩሺካ ኤርፖ፡ ጉሳይ ጸሳጥ አትን፡ ኦንን ኤርፖ ጉሳ።

ኤርፖ። * ጌማን ኦሎዳዋ በእያ ነ አቡ፡ ነ ሎኦ አሱዋ ጋትያ ዛራናዋ።

ዋሳባ (ሉቃሳ 11:2-4)

5 “ጸሳ ዋሲደ፡ ሎኦ ማላትያ ኢታቱዋዳን ሆኖ፣ እያው ጎጥ፡ ባረንታ አሳይ በእና ማላ፡ አይሁዳ ዋሳ ጎለን ኦግያ ደናን ኤቂደ፡ ጸሳ ዋሲያዋ ደሲኖ፤ ታን ህንተው ቱሙዋ ኦዳይ፤ ኡንቱንቱ ባረንቱ ጋትያ ኡባካ አኬድኖ።

6 ሸን ኔን ጸሳ ዋሲያ ዋደ፡ ነ ጎለ ገላ፤ እፍላ ቃቻደ፡ ቤተና ነ አወዋ ዋሳ፤ ጌማን ኦሎዳዋ በእያ ነ አቡ ነዉ እማናዋ።

7 “ጸሳ ህንተ ዋሲያ ዋደ፡ ጸሳ አማና አሳዳን፡ ጮ መላ ዛረፍዋ ዳርሶ፣ ኡንቱንቱ ሃሳያ ዳሩዋን ሰስቱ ገደ ቆፕኖ።

8 ሄዋ ድራው፡ ሄ አሳዳን ሆኖ፣ እያው ጎጥ፡ ህንተ አቡ ህንተና ኮሽያዋ ህንተንቱ ዋሳና፣ ካሰቲደ ኤሬ።

9 “ሰም ህንተንቱ ሆዋ ማላ ዋሳ ዋሰተ፤

“ ሳሉዋን ደእያ ኦ አቡ፡ ነ ጌሻ ሱንሳይ አንጀቶ።

10 ነ ካውተላይ ዮ፤ ነ ሸኒ ሳሉዋን ሀኔዳዋዳን፡ ሳንካ ሆኖ።

11 ጋላሳን ጋላሳን ኮሽያ ቁማ ኦው ሆቼ እማ።

12 ኦን ኦና ናቆዋንቶ አቶ ያግያዋዳን፡ ኔንካ ኦ ናቆዋ አቶ ጋ።

13 ኦና ኢታባ፣ አሻ፣ አትን፡ ፓጭያን ገለሰ።

ካውተላይ፡ ዋልቃይን ቦንቼ መድናዉካ ኔሳ።

አመንእ።።

14 “ህንተንቱ ህንተና ናቆዳ ሀራ አሳ ናቆዋ አቶ ጎጥ፡ ሳሉዋን ደእያ ህንተንቱ አዉካ ህንተው አቶ ጋና።

15 “ሸን ህንተንቱ ህንተና ናቆዳ ሀራ አሳ ናቆዋ አቶ ጋና ቆፕኖ፡ ህንተንቱ አዉካ ህንተ ናቆዋ አቶ ጌና።

ጸማባ

16 “ቃይ ህንተንቱ ጸምያ ዋደ፡ ሎኦ ማላትያ ኢታቱዋዳን፡ ካዮትያዋ ማላቶ፣ እያው ጎጥ፡ ኡንቱንቱ ጸምያዋ አሳይ በእና ማላ፡ ባረንቱ ሰምእያ ቡላልሲኖ፤ ታን ህንተንቶ ቱሙዋ ኦዳይ፤ ኡንቱንቱ ባረንቱ ጋትያ አኬድኖ።

17-18 “ሸን ህንተንቱ ጸምያ ዋደ፡ ህንተንቱ አቡ ህንተ ጸምያዋ ኤርፖ አትን፡ አሳይ ኤረና ማላ፡ ህንተ ሰምእያ ሜጨትተ፤ ህንተ ሁጺያካ አከትተ፤ ያቶ፡ ቤተና ህንተ አዉ ህንተንቱ አልያዋ ጌማን በኢደ፡ ህንተ ጋትያ እማናዋ።

ሳሉዋን ደእያ ሚሻባ (ሉቃሳ 12:33-34)

19 “ሚሻ ብልአይ ምያሳን ብራታይ ሸኢደ ባይዘያሳን፡ ካይሱካ ቦኪደ ዉኢያሳን፡ ሀ ሳኔን ህንተንቱ ሁጺያዉ ዳጋዮ፣።።

20 ሸን ብልአይ ሚናሳን ሸኢና ሳን፡ ካይሱካ ቦኪደ ዉኢና ሳን ህንተንቱ ሁጺያዉ ሳሉዋን ሚሻ ዳጋይተ።

21 እያው ጎጥ፡ ነ ዋዛናይ ነ ሚሻይ ደእያ ሳን ደእና።

ቦላ ፖኡዋባ (ሉቃሳ 11:34-36)

22 “ቦላ ፖኡ አይፍያ፤ ሄዋ ድራው፡ ነ አይፊ ፓጻ ግደ፣ ነ ቦላ ኡባይ ፖኡ ግደና።

23 ሸን ነ አይፊ ፓጻ ግደና ቆፕኖ፡ ነ ቦላ ኡባይ ቆማና፤ ሰም ኔናን ደእያ ፖኡ ቆሞ፣ ቆማይ አይ ኬና ዳራኔ።

ደኦ ህርጋናዉ በሰና (ሉቃሳ 16:13፤ 12:22-31)

24 “ላኡ ጎዳቶ ሞደታናዉ ዳንዳይያዋ ኦንን ባዋ፤ እያው ጎጥ፡ እቱዋ እጺደ፡ ዮኩዋ ሲቁ፤ ዋይ እቱዋ ቦንቼደ፡ ዮኩዋ ካጴ፤ እት አሳይ ጸሳዉን ሻሎ ሞደታናዉ ዳንዳየና።

25 “ሄዋ ድራው፡ ታን ህንተንቶ ኦዳይ፤ ህንተ ደኦ ማናባዉን ኡሻናባዉ፡ ዋይ ህንተ ቦላዉ ማያናባዉ ህርጎ፣ ሸምፑ ቁማ፣ አፍ? ቃይ ቦላይ ማዩዋ፣ አፍ?

26 ፓልያ ካፋቱዋ ጸልተ፤ ኡንቱንቱ ዘርክኖ፤ ጫክክኖ፤ ድይያንካ ቆልክኖ፤ ሸን ሳሉዋን ደእያ ህንተንቱ አዉ ኡንቱንታ ሞኬ፤ ህንተንቱ ኡንቱንቱ፣ ሎይሳ ዳርክቱ።

27 ህንተንቱ ግደን ዳርሰ ህርጊደ፡ ባረ ጌሳ ቦላ እት ዋቆ ጉጃናዉ ዳንዳይያዋ ኦኔ?

28 “እያው ማዮ ህርጊቱ? ደምባን ደእያ ጨሻቱ ዋት ድጨኖንቶ፡ አኬክ ጸልተ፤ ኡንቱንቱ ዳቡርክኖ ዋይ ፑቱዋ ሱቁክኖ።

29 ሸን ታን ህንተንቶ ኦዳይ፤ ሀራይ አቶ፡ ሰሎሞን ሄዋ ኬና ቦንቼቱዳዋ ግዲደ፡ ሄ ጨሻቱዋ፣ እቱዋ ማላካ ማይቤና።

30 ሸን ላፋ አማኑ ደእያዋንቶ፡ ጸሳይ፡ ሆቼ ደኢደ፡ ዋንት ታማን ኤጽያ ደምባ ማታ ማይዘያዋ፡ ህንተና ኡንቱዋ፣ አዲደ ዋት ማይዘኔ?

31 ሰም፡ ሩን እያ ማኔ? ዋይ እያ ኡሻኔ? ዋይ እያ ማያኔ? ያጊደ ህርጎ፣።።

32 እያው ጎጥ፡ ሄ ኡባባ ጸሳ አማናዋንቱ ዳርሲደ ኮዩኖ፤ ሄ ኡባይ ህንተና ኮሽያዋ ሳሉዋን ደእያ ህንተንቱ አዉ ኤሬ።

33 ሸን ካሰቲደ፡ ጸሳ ካውተላን አ ጽሎተላ ኮይተ፤ እ ህንተንቶ ሄ ኡባባ አማና።

34 ሄዋ ድራው፡ ዋንትባዉ ህርጎ፣ እያው ጎጥ፡ ዋንት ጋላሳይ ባረዉ ህርጋና፤ ጋላሳ ኡባዉካ አ ሁጺዉ ግድያ ዋዩ ደኤ።

7

ሀራ አሳ ቦላ ፕርዳናዉ ኮሽና (ሉቃሳ 6:37-42)

1 “ጸሳይ ህንተንቱ ቦላ ፕርደና ማላ፡ ህንተካ ሀራቱዋ ቦላ ፕርደ፣።።

2 እያው ጎጥ፡ ህንተንቱ ሀራቱዋ ቦላ ፕርደያዋዳን፡ ጸሳይ ህንተንቱ ቦላ ፕርደና፤ ቃይ

ህንተንቱ ሀራቶ እማናው ማክያባን እ ህንተው ማካና።

3 ነ አይፍያን ደእያ ቱሳ በአካ፤ ሸን ነ እሻ አይፍያን ደእያ ሱላ እያው ይላይ?

4 ዋይ ነ አይፍያን ቱሳይ ደእሸን፤ ኔን ነ እሻ፤ ታን ነ አይፍያፕ ሱላ ከሶ ዋናደ ጋናው ዳንዳያይ?

5 ላ ሀ ሎኡዋ ማላትያ ኢታው! ካሰታደ ነ አይፍያፕ ቱሳ ከሳ ድጋ፤ ሄዋፕ ጉይያን፤ ነ እሻ አይፍያፕ ሱላ ከሳናው ጌሻደ ይላናው ዳንዳያ።

6 “ጌሻባ ካናቶ እሞፕተ፤ አንቱንቱ ጉዮ ሰሚደ፤ ህንተና ሳክና። ቃይ እንቁዋ ጌተትያ ህንተንቱ አልኦ ሹቻ ጉዲንላቱዋ ሰንላን ኦሎፕተ፤ አንቱንቱ ባረንቱ ገድያን የቆና።

ዋሰተ፣ ኮይተ፣ ካርያኮ ዪደ ይሰተ
(ሉቃሳ 11:9-13)

7 “ዋሰተ፤ ህንተ አካና። ኮይተ፤ ህንተ ደማና። ካርያኮ ዪደ ይሰተ፤ ህንተው ፐንጊ ደየታና።

8 አያው ጎፕ፣ ዋሰያ ኡባይ አካና፤ ኮይያ ኡራይ ደማና፤ ቃይ ካርያኮ ዪደ ይሰያ ኡራው ፐንጊ ደየታና።

9 ዋይ ህንተንቱ ግዶን ባረ ናኦይ፣ ኡክላ እማ፣ ጎፕ፣ ሹቻ እምያ አው ደኢ?

10 ቃይ፣ ሞልያ እማ፣ ጎፕ፣ አው ሹሻ እማናዋ?

11 ህንተንቱ ኢታ ግዲደ፣ ህንተንቱ ናናቶ ሎኦባ እምያዋ ኤርፕ፣ ያትና፣ ሳሉዋን ደእያ ህንተንቱ አው ባረና ዋሰያዋንቶ ሎኦባ ዋት ዳርሰ እመኔ!

12 “ሄዋ ድራው፣ ሀራ አሳይ ህንተው አላናው ኮይያ ኡባባ ህንተካ አሳው አላተ፤ አያው ጎፕ፣ ሙሴ ህግያ ብለላይነ ናባቱ ታማርሰያዋ ሀዋ።

አንኦ ፐንግያባ
(ሉቃሳ 13:24)

13 “አንኦ ፐንግያና ገልተ። አያው ጎፕ፣ ባየላው አፍያ ፐንጊ አኩዋ፤ ኦጊካ ዋጋ። ሄዋና ገልያ አሳይካ ጮራ።

14 “ሸን፣ ደኦ አፍያ ፐንጊ አንኦ፤ ኦጊካ ጸንላ። ቃይ ሄዋ ደምያዋንቱካ ጉላ።

ምላይ ባረ አይፍያን ኤረቱ
(ሉቃሳ 6:43-44)

15 “ቦላ ባጋና ደርሳ ማላቲደ፣ ህንተኮ ይያ ዋርዶ ናባቱዋፕ ናገትተ፤ ሸን አንቱንቱ ጋርሳ ባጋና ዋላቱዋ ማላ።

16 አንቱንቱ አይፍያ አይፍያዋን ህንተ አንቱንታ ኤራና፤ አጉንላይ ዋደንላ አይፍያ አይፈና፤ ጎምኦሪካ ኮክያ አይፍያ አይፈና።

17 ሄዋዳንካ፣ ሎኦ ሞላ ኡባይ ሎኦ አይፍያ አይፊ፤ ሸን ኢታ ሞላይ ኢታ አይፍያ አይፊ።

18 ሎኦ ሞላይ ኢታ አይፍያ አይፋናው ዳንዳያና፤ ቃይ ኢታ ሞላይካ ሎኦ አይፍያ አይፋናው ዳንዳያና።

19 ሎኦ አይፍያ አይፈና ሞላ ኡባይ ቃንጸቲደ፣ ታማን የገታና።

20 ሄዋ ድራው፣ ህንተ አንቱንቱ አይፍያ አይፍያዋን አንቱንታ ኤራንታ።

21 “ሳሉዋን ደእያ ታ አቡ ጌዳዋ ኦልያ ኡራይ ሳሉዋ ካውተላ ገላናፕ አትን፣ ሳዳው፣ ጎዳው ግያ ኡባይ ገለና።

22 ፕርዳ ጋላሰ ዳር አሳይ ታና፣ ሳዳው፣ ጎዳው፣ ኑን ነ ሱንላን ጸሳይ ኪቶዋ ኦድበይኮ? ነ ሱንላን ጸላሀቱዋ ከሰበይኮ? ቃይ ኑን ጸሳይ ኦልያ ማላልሰያባ ነ ሱንላን ኦልበይኮ? ያጋናዋንታ።

23 ታን ሄ ዋደ አንቱንታ፣ ታን ህንተና ኡባካ ኤርከ፤ ኢታባ ኦልያዋንቱ ህንተ ታ ማታፕ ሃክተ ያጋና።

ላኡ ማላ ጎላቱዋ
(ሉቃሳ 6:47-49)

24 “ሄዋ ድራው፣ ሀዋ ታ ቃላ ሰሲደ ኦልያ ኡባይ ምኖ ዛላ ቦላ ባረ ጎልያ ኬዶዳ ዋዛናማ አሳ ማላ።

25 እራይ ቡኪደ፣ ድኡ ድኡዳ፤ ጫርኩካ ጫርኪደ፣ ሄ ጎልያ ሱጌዳ። ሸን ጎሊ ምኖ ዛላ ቦላ ኬጸቲዳ ድራው፣ ኩንድቤና።

26 “ሀዋ ታ ቃላ ሰሲደ ኦፊና አሳይ ኡባይ፣ ባረ ጎልያ ሻፍያ ቦላ ኬዶዳ ቦዛ አሳ ማላ።

27 እራይ ቡኪደ፣ ድኡ ድኡዳ፤ ጫርኩካ ጫርኪደ፣ ሄ ጎልያ ሱግና፣ ጎሊ ኤለካ ኩንዴዳ። ሄ ጎሊ ዋልቃማ ኩንደላ ኩንዴዳ።”

28 የሱሰ ባረ ሃሳይያዋ ወርሴዳ ዋደ፣ አሳይ እ ታማርሰያዋን ማላለቲድና።

29 አያው ጎፕ፣ እ አንቱንታ ታማርሲደ፣ ሙሴ ህግያ ታማርሰያዋንቱዳን ግደናን፣ ማታይ ደእያ አሳዳን ታማርሶ ድራሳ።

8

የሱሰ ኦሎ ኦይቄዳ ብታንያ ፓሌዳ
(ማር. 1:40-45፤ ሉቃሳ 5:12-16)

1 የሱሰ ደርያፕ ዋዴዳ ዋደ፣ ጮራ አሳይ አ ካሌዳ።

2 ሄ ዋደ ኦሎ * ኦይቄዳ እት ብታኒ የሱሳኮ ይ አ ሰንላን ጉልባቲደ፣ “ጎዳው፣ ነ ሸን ግደፕ፣ ታና ፓላደ ጌሻናው ዳንዳያ” ያጌዳ።

3 የሱሰ ባረ ኩሽያ የድ አ ቦቺደ፣ “ታን ኮያይ፤ ፓጸደ ጌያ!” ያጌዳ። ኤለካ ኦሎ ብታንያ የድ አጌዳ።

4 የሱሰ አ፣ “ሰም ሀዋ ኦሰነ ኦዶፓ፤ ሸን ቄሳኮ ባደ ነ ፓጸደ ጌዬዳዋ አ በሳ፤ ነ ፓጸደ ጌዬዳዋ አሳ ኤርሳናው ሙሴ አዛዜዳ ያርሹዋ ጸሳው ያርሻ” ያጌዳ።

የሱሰ ጾቱዋ ካፑዋ ቆማ ፓሌዳ
(ሉቃሳ 7:1-10)

5-6 የሱሰ ቅፍርናሆማ ካታማ ገሌዳ ዋደ፣ እት ሮማ ጋደ ጾቱዋ ካፑ አኮ ዪደ፣ “ታ ጎዳው፣ ታ ቆማ ቦላይ ጉንድና፣ ዳር ሳከቲደ፣ ሶይን ግሴዳ፤ ሀያ ጎዶ ታው ፓላርኪ” ያግ ዋሴዳ።

7 የሱሰ፣ “ታን ባደ አ ፓላና” ያጌዳ።

8 ሸን ጾቱዋ ካፑ ዛሪደ፣ “ታ ጎዳው፣ ኔና ታ ሶይ ገልሳናው ታው በሰና፤ ሸን ኔን ቃላ ጸላላ ሃሳይ፤ ታ ቆማይ ፓጸናዋ።

7:23 ማዘ. 6:8 * 8:2 ኦሎ ኦይቄዳ አሳ ቦላይ ቦጼ። ሀዋ ሳክያ አሳይ ሄ ዋደ ደኡዋን አሳና ደእያ ዋጋ ኡባፕ ሻከቲደ ደኤ። ቃይካ ጌሻ ግደና ጌተቲደ ሀራ አሳን ይሰቱ። 8:4 ዋጋ 14:1-32

9 እያወ ጎተ፡ ታን ታጥ ቦላና ደእያዋንቶ ኤኖ ግያ አሳ፤ ቃይ ታጥ ጋርሳና ዋታዳራቱ ደእኖ። ታን እቱዋ፡ ‘ባ!’ ጎጥ ቤ፤ ቃይ የኩዋ፡ ‘ሃያ!’ ጎጥ ዬ፤ ታ ቆማ፡ ‘ሀዋ ኦላ!’ ጎጥ ኦላ” ያጌዳ።

10 የሱስ ሄዋ ስሴዳ ዋደ ማላለቲደ፡ ባረና ካልያ አሳ፡ “ታን ህንተዉ ቱሙዋ ኦዳይ፤ ታን ሀዋ ማላ አማኑዋ ሀራይ አቶ፡ እስራኤልያ ጋድያንካ በአበይከ።

11 ጮራ አሳይ አዋይፊ ዶልያ ባጋጥነ ዉልያ ባጋጥ ዪደ፡ አብራሃሞና፡ ይሳቃናን ያቆባና ሳሉዋ ካዉተላ ጋይታን እትጥ ኡታናዋንታ ያጋይ።

12 ሸን ካዉተላን ደእናዉ በሰያ አሳይ ዋልቃማ ቋማ ጋርሳ ካረ ኦለታና፤ ሄዋን ኡንቱንቱ ዬካናን ባረንቱ አቻ ቋቃናዋንታ” ያጌዳ።

13 ሄዋጥ ካላ የሱስ ጾቱዋ ካቸዋ፡ “ሳ ሶይ ባ፤ ኔን አማኔዳዋዳን ነዉ ሀኖ” ያጌዳ፤ ጾቱዋ ካቸዋ ቆማይ ሄ ሳትያንካ ፓጽ አጌዳ።

የሱስ ጮራ አሳቱዋ ኡንቱንቱ ሀርግያጥ ፓሌዳ

(ማር. 1:29-34፤ ሉቃሳ 4:38-41)

14 የሱስ ጸጽሮሳ ሶይ ቢደ፡ አ ቦሎታታ ቆጶዋ ሀርጋይ ግሴዳዉና በኤዳ።

15 እዝ ኩሽያ የሱስ ቦቾና፡ ቆጶ እዝ ባሽ አጌዳ፤ አዛካ ደንዳደ እዉ ምያባ ጊግሳዱ።

16-17 ሳእይ አማርሴዳ ዋደ፡ አሳይ ኢታ አያናቱ ኦይቄዳ ጮራ አሳ የሱሳኩ አሄዳ፤ ናብያ ኢሰያሰ፡ “አ ኑ ዳቡራ ባረዉ አኬዳ፤ ቃይ ኑ ሀርግያካ ቶኬዳ” ያጌዳዌ ፖለታና ማላ፡ የሱስ ኢታ አያናቱዋ ባረ ቃላን ከሲደ፡ ሀርጌዳ አሳ ኡባካ ፓሌዳ።

የሱሳ ካልያዋንታ ጋክያ ሙቱዋ (ሉቃሳ 9:57-62)

18 የሱስ ጮራ አሳይ ባረ የሹዋን ደእያዋንታ በኢደ፡ አባጥ ሄፍንላ ፕናና ማላ፡ ባረና ካልያዋንታ አዛዜዳ።

19 ሄዋጥ ጉይያን ሙሴ ሀግያ ታማርሰያ እቱ አኮ ዪደ፡ “ታማርሰያዋ፡ ኔን ብያሳ ኡባ ታን ኔና ካላና” ያጌዳ።

20 የሱስ አ፡ “ዋራካናቶ ኦላይ ደኤ፤ ካፋቱዋሰካ ኮላይ ደኤ፤ ሸን ታዉ፡ አሳ ናእዉ፡ ሸዋፓ አክያሳይካ ባዋ” ያጌዳ።

21 ቃይ ካልያዋንቱጥ እቱ የሱሳ፡ “ጎዳዉ፡ ታን ሰንሳታ ባደ ታ አባ ሞጋናዉ ባ ያጋርኪ” ያጌዳ።

22 ሸን የሱስ አ፡ “ኔን ታና ካላ፤ ሀይቄዳዋንቱ ባረንቱ አሃ ሞግኖ” ያጌዳ።

የሱስ ጎቱዋን ቤታ ጮኤ አሌዳ (ማር. 4:35-41፤ ሉቃሳ 8:22-25)

23 የሱስ ዋንግርያን ገሎደ፡ አ ካልያዋንቱ አናና ቤድኖ።

24 ቤታይ ዋንግርያ ምታና ጋካናዉ፡ አባን ዋልቃማ ሆቢ ደንዳዳ፤ ሸን የሱስ ገምእሹዳ።

25 አ ካልያዋንቱ አኮ ቢደ፡ ገምእሹዋጥ ደንሌድኖ፤ ሄዋጥ ሰሚደ አ፡ “ጎዳዉ፡ ኑን ቋዬቶ፤ ኑና አሻርኪ” ያጌድኖ።

26 የሱስ ኡንቱንታ፡ “ሀ አማኑ ፓጮዳዋንቶ፡ አያዉ ያዩቱ?” ያጌዳ። ሄዋጥ ጉይያን ደንዳደ፡ ጎቱዋን ቤታ አግተ ጊና፡ ጎቱን ቤታይ ጮኤ ጌዳ።

27 አሳይ ማላለቲደ፡ “ሀዋ ላ ሀራይ አቶ፡ ጎቱን ቤታይ አዛዘትያዌ አይባ አሴ?” ያጌድኖ።

የሱስ ኢታ አያናይ ኦይቄዳ ላኡ አሳቱዋ ፓሌዳ

(ማር. 5:1-20፤ ሉቃሳ 8:26-39)

28 የሱስ ጋለላ አባጥ ሄፍንላን ደእያ ገርገሰኖና ጌተትያ ጋድያ ፕኔዳ፤ ኢታ አያናቱ ኦይቄዳ ላኡ አሳቱ ሄ ጋድያን ደእያዋንቱ ዲፋዋጥ ከሲደ፡ አናና ጋከቱድኖ። ኡንቱንቱ ዳር ኢታ ግድያ ድራዉ፡ ኦንነ ሄ ኦግያና አቋናዉ ዳንዳይቤና።

29 ኡንቱንቱ ባረንቱ ቃላ ቶቄ አሌደ፡ “ጸሳ ናእዉ፡ ኑናና ነዉ አይ አላሊ ደኤ? ዋዲ ጋከናን ኑና ሙራራዉ ያዲ?” ያጌድኖ።

30 ኡንቱንቱጥ ላፋ ሃክያሳን ጉዲንላ ዉዲ ሄመቱ።

31 ኢታ አያናቱ የሱሳ፡ “ኔን ኑና ከሰያዋ ግድገ፡ ህን ጉዲንላ ዉድያ ግድ የዳርኪ” ያጌደ ዋሴድኖ።

32 የሱስ ኡንቱንታ፡ “ቢተ!” ጊና ኡንቱንቱ ብታናቱዋጥ ከሰ ቢደ፡ ጉዲንላቱዋን ገሌድኖ። ጉዲንላ ዉዲ ኡባይ ካካ ላንቄያና ካጆቲደ፡ አባን ገሊደ፡ ምተት አጌድኖ።

33 ጉዲንላ ዉድያ ሄምያዋንቱ ባቃቲደ ካታማ ብ አጌድኖ፤ ቤዳሳን ኢታ አያናቱ ኦይቄዳ አሳቱ ሀይዳባ ኡባ ኦይድኖ።

34 ሄዋ ስሴዳ ካታማን ደእያ አሳይ ኡባይ የሱሳና ጋከታናዉ ከሴድኖ፤ አ በኤዳ ዋደ፡ ባረንቱ ጋድያጥ ባና ማላ ዋሴድኖ።

9

የሱስ ቦላይ ጉንዴዳ ብታንያ ፓሌዳ (ማር. 2:1-12፤ ሉቃሳ 5:17-26)

1 ሀዋጥ ካላ የሱስ ዋንግርያን ገሊደ፡ አባ ፕኒደ፡ ባረ ካታማ ዬዳ።

2 አማራዳ አሳይ ቦላይ ጉንዴዳ እት ብታንያ ሻንቻማን ቶኪደ፡ የሱሳኩ አሄድኖ፤ የሱስ ኡንቱንቱ አማኑዋ በኢደ፡ ቦላይ ጉንዴዳ ብታንያ፡ “ታ ናእዉ፡ ያኖፓ፤ ነ ናጋራይ አቶ ጌተቱዳ” ያጌዳ።

3 ሀግያ ታማርሰያዋንቱ እቱ እቱ ባረንቱ ዋዛና፡ “ላ ሀ ብታኒ ጸሳ ቦላ ኢታባ ሃሳዬቱ!” ያግ ቆፔድኖ።

4 የሱስ ኡንቱንቱ ቆፋ ኤሪደ፡ ኡንቱንታ ሀዋዳን ያጌዳ፤ “ህንተንቱ ህንተ ዋዛናን ሀዋ ማላ ኢታባ አያዉ ቆፕቱ?”

5 ሳ ናጋራይ አቶ ጌተቱዳ፡ ያግያዌ ማቴዬ? ዋይ፡ ደንዳ ኤቃደ ሀመታ፡ ያግያዌ ማቴ?

6 ሸን ሳኣ ቦላን ናጋራ አቶ ጋናዉ ታዉ፡ አሳ ናእዉ፡ ማታይ ደእያዋ ታን ህንተና ኤርሳና” ያጌደ፡ ሄዋጥ ጉየ እ ሄ ቦላይ ጉንዴዳ ብታንያ፡ “ደንዳ ኤቃ፤ ያታደ ነ ሻንቻማ ቶካደ፡ ነ ጎለ ባ” ያጌዳ።

7 ጉንዴዳ ብታኒካ ደንድ ኤቄደ፡ ባረ ጎለ ቤዳ።

8:16-17 አሳ. 53:4

8 ሸን ዳር አሳይ ሄዋ በኢደ ያዬድኖ፤ አሳወ ሀዋ ማላ ማታ እሜዳ ጸሳ ጋላቴድኖ።

የሱስ ሌዊያ ማቶላ ጴጥራ (ማር. 2:13-17፤ ሉቃስ 5:27-32)

9 የሱስ ሄዋና አዲድ፤ ማቶላ ያግያዌ ቃራጸ ቃንጽጎ ሳን ኡቴዳዋ ደሚደ ከ፡ “ታና ካላ” ያጌዳ።

ማቶሳካ ደንድ ኤቂድ፡ አ ካሌዳ።

10 የሱስ ማቶላ ጎሊን ቁማ ማናወ ኡት ደእሸን፡ ቃራጸ አክያ ጮራ አሳይነ ናጋራንቻቱ ዪድ፡ አናና ከ ካልያዋንቱና እትጥ ጋይታን ኡቴድኖ።

11 እት እት ጋርሳዋቱ ሄዋ በኢደ፡ የሱሳ ካልያዋንታ፡ “ሀንተና ታማርሰያዌ ቃራጸ ቃንጽጎዋንቱና ናጋራንቻቱዋና ቁማ አያወ እትጥ ማ?” ያጌድኖ።

12 ሸን የሱስ ኡንቱንቱ ያግያዋ ሰሲደ፡ “ሀርጋንቻቱዋጥ አትን፡ ገጸቶ አክሚ ኮሸና።

13 ሸን ሀንተንቱ ቢደ፡ ጸሳ ማጻፋይ፡ ታን ማርተላ ኮያይጥ አትን፡ ያርሹዋ ኮይከ፡ ያግያዌ ዋግያዌንቶ ኤርተ፤ አያወ ጎጥ፡ ታን ናጋራንቻቱዋ ዪሳናወ ዬዳዋጥ አትን፡ ጽላቱዋ ዪሳናወ ያበይከ” ያጌዳ።

ጸማባ ኦቼዳ ኦሻ (ማር. 2:18-22፤ ሉቃስ 5:33-39)

14 ሄ ዋደ ዮሃንሳ ካልያዋንቱ የሱሳኮ ዪድ፡ “ኑን ጋርሳዋቱ ኡባ ዋደ ጸሜቶ፤ ሸን ኔና ካልያዋንቱ አያወ ጸምክኖ?” ያጌደ አ ኦቼድኖ።

15 የሱስ ኡንቱንታ፡ “ቡላቻ ዬዳ አሳይ ማቻቶ አክያዌ ባረንቱና ደእሸን፡ ካዮታናወ ዳንዳዪኖ? ዳንዳይክኖ፤ ሸን ማቻቶ አክያዋ ኡንቱንቱ ማታጥ አፋና ዋዲ ያና፤ ኡንቱንቱ ሄ ዋደ ጸማናዋንታ” ያጌዳ።

16 “ኤጫ ማዩዋ ቦላ ኦራላ ፍያ ዋሊደ ሰክያ አሳይ ባዋ፤ አያወ ጎጥ፡ ኦራላ ጌ ኤጫ ማዩዋ ፔጌላና፤ ፔጌላይካ ካሰዋጥ ዳራናዋ።

17 ሆኦ ዋይንያ ኤሳ ኤጫ ኦጎሩዋን ናእያ አሳይ ባዋ። ሸን ናኦጥ፡ ሄ ዋይንያ ኤሳይ ኦጎሩዋ ዳካና፤ ባረወካ ዋፈታና፤ ኦጎሩካ ባያናዋ። ሸን፡ ሆኦ ዋይንያ ኤሳ ኦራላ ኦጎሩዋን ናእናወ በሴ፤ ላኡካ ባይክኖ” ያጌዳ።

ያእርሳ ናትባነ የሱሳ ማዩዋ ቦቼዳ ሞሽራትባ (ማር. 5:21-43፤ ሉቃስ 8:40-56)

18 የሱስ ኡንቱንቶ ሄዋ ኦድሸን፡ አይሁዳ ዋሳ ጎሊ ካገቱዋጥ እቱ እኮ ይ አ ሰንሳን ጉልባቴድ፡ “ታ ናታ ሀእ ሀይቃዲ፤ ሸን ኔን ያደ ነ ኩሸያ እዘ ቦላ ዋላርኪ፤ እዛ ደኡዋን ደአናወኡ” ያጌዳ።

19 የሱስ ደንዲድ፡ ባረና ካልያዋንቱና እትጥ ብታንያ ካሊደ ቤዳ።

20 ሄ ዋደ ታማነ ላኡ ላይላ ኩመንላ፡ እዘ ቦላጥ ሱላይ ጎግያ እት ሞሽራታ ጉየና ሸቃድ፡ የሱሳ ማዩዋ ማጫራ ቦቻዲ።

21 ሀዋ እዛ አላዌ፡ እዛ ባረ ዋዛናን፡ “ታን አ ማዩዋ ጸላላ ቦቻንቶ ገጸና” ያጋደ ቆገዲ።

22 ሸን የሱስ ዩይ እዘ ዪሊድ፡ “ታ ናቱ፡ ያዮገ፤ ኔና ነ አማኑ ገሌዳ” ያጌዳ። ሄ ማንእያን ሞሽራታ ገጸ አጋዲ።

23 የሱስ አይሁዳ ዋሳ ጎሊ ካገቱዋ ሰይ ጋኬዳ ዋደ፡ ዬኩዋን ድንካ ጉንያ አሳነ ዬክያ አሳ በኢድ።

24 “ካረ ከሰተ፤ ጉላ ናታ ገምእሻዲጥ አትን፡ ሀይቃበይኩ” ያጌዳ። ሄዋጥ ጉይያን አሳይ አ ቦላ ዳሪ ሚጮዳ።

25 ሸን ጮራ አሳ ካረ እ ከሴዳዋጥ ጉይያን፡ ጎሊ ገሊድ፡ ናት ኩሸያ ኦይቄዳ፤ ናታካ ደንዳ አጋዲ።

26 ሄ ዋሪ፡ ሄ ማንእያን ሄ ጋድያን ኡባን ሰሰቴዳ።

የሱስ ላኡ ቆቃቱዋ ገሌዳ

27 የሱስ ሄዋና አዲድ ብያ ዋደ፡ ላኡ ቆቃቱ ባረንቱ ቃላ ጶቄ አሊድ፡ “ዳዊተ ናአወ፡ ኑና ማራርኪ” ያጌደ አ ካሌድኖ።

28 የሱስ ጎሊ ገሌዳ ዋደ፡ ቆቃቱ እኮ ዬድኖ፤ የሱስ ኡንቱንታ፡ “ታን ሀዋ ኦላናወ ዳንዳይያዋ አማኒቱ?” ያጌዳ።

ኡንቱንቱ፡ “ኤ ጎዳወ” ያግ ዛሬድኖ።

29 ሄዋጥ ጉይያን፡ የሱስ ኡንቱንቱ አይፍያ ባረ ኩሸያን ቦቼደ ኡንቱንታ፡ “ሀንተወ ሀንተንቱ አማኑዋዳን ሀኖ” ያጌዳ።

30 ኡንቱንቱ አይፊ ደየት አጌዳ፤ የሱስ ኡንቱንቶ፡ “ሀዋ ኦሰነ ኦድጥተ” ያጌደ ሞንሲደ ኦዴዳ።

31 ሸን ኡንቱንቱ ቢደ፡ ሄ ጋድያ ኡባን የሱሳ ጎዴድኖ።

የሱስ እት ዲድያ ገሌዳ

32 ኡንቱንቱ ከሲደ ብያ ዋደ፡ አማሬዳ አሳይ ኢታ አያናይ ኦይቄና ዲዴዳ ብታንያ የሱሳኮ አሄድኖ።

33 የሱስ ኢታ አያና ከሴዳዋጥ ጉይያን፡ ዲደ ብታኒ ሃሳዬዳ፡ አሳይ፡ “ሀዌ ኦራላባ፤ ሀዋ ማላባይ እሰራኤልያ ጋድያን ኡባካ ሀንቤና” ያግ ማላለቴድኖ።

34 ሸን ጋርሳዋቱ፡ “እ ኢታ አያናቱዋ ካገቱዋ ዋልቃን ጸላሀቱዋ ከሴ” ያጌድኖ።

የሱስ አሳወ ቃረቴዳ

35 የሱስ ኡንቱንታ አይሁዳ ዋሳ ጎሊቱዋን ታማርሲደነ ካወተላ ዋንጋላ ሞሽራቹዋ ኦዲድ፡ ቃይ ሀርግያ ኡባጥነ ሳኩዋ ኡባጥ አሳ ገሊድ፡ ዋጋ ካታማቱዋንን ቄር ካታማቱዋ ኡባን ዩዬዳ።

36 ጮራ አሳ በኢድ፡ ሄምያ አሳይ ባይና ደርሳዳን አሳይ ሀርገትያ ድራወነ አሳ ማድያባይ ባይና ድራወ፡ አሳወ ቃረቴዳ።

37 ያቲደ ባረና ካልያዋንታ፡ “ቆይቻወ ጋካ ካላይ ዳራ፤ ሸን ጫክያ አሳይ ጉላ።

38 ሰም ካላ ጎዳይ ካላ ጫካናወ ኦሳንቻቱዋ የዳና ማላ፡ አ ዋሰተ” ያጌዳ።

9:34 10:25፤ 12:24፤ ማር. 3:22፤ ሉቃስ 11:15 9:35 ማቶላ 4:23፤ ማር. 1:39፤ ሉቃስ 4:44 9:36 ገይ. 27:17፤ 1 ካታ. 22:17፤ 2 ኦዲዋ 18:16፤ ሀዘ. 34:5፤ ማር. 6:34

10

የሱስ ኪቲዳ ታማነ ላኤ አሳቱዋባ
(ማር. 3:13-19፤ ሉቃስ 6:12-16)

1 የሱስ ባረ ታማነ ላኤ ካልያዋንታ ጸሲደ፣
ኤንቲንቱ ኢታ እያና ከሳና ማላ፣ ቃይ ሀርግያ
ኡባነ ሳኩዋ ኡባ ፓላና ማላ፣ ኤንቲንቶ ማታ
እሜዳ።

2 የሱስ ኪቲዳ ታማነ ላኤቱዋ ሱንላይ፣
ኮይሮዌ ጸጽሮሳ ጌተትያ ሰሞናነ ኦ እሻ
እንድራሳ፣ ዛብድዮሳ ናና፣ ያቆባነ ዮሃንሳ፣

3 ፕልጶሳ፣ ባርታላሞሳ፣ ቶማሳ፣ ቃራጶ አክያ
ማቶሳ፣ እልፕዮሳ ናኦ ያቆባነ ታድሳ፤

4 ባረ ጋደዉ ቃረትያ ሰሞናነ የሱሳ አል እሜዳ
አስቆሮቱ ይሁዳ።

የሱስ ኪቲዳ ታማነ ላኤቱ ታማርሳናዉ
ኪተቲድና
(ማር. 6:7-13፤ ሉቃስ 9:1-6)

5 የሱስ ሀ ታማነ ላኤቱዋ ሀዋዳን ያጊደ
ኪቲዳ፤ “አይሁዳ ግደና አሳ ጋድያ ቦፕተ፤ ቃይ
ሳማረቱዋ ካታማካ ገሎፕተ፤

6 ሄዋ ድራ ባዬዳ ደርሳኩ፣ እስራኤልያ አሳኩ
7 ቢደ፣ ሳሉዋ ካዉተላይ ማቴዳ፣ ያጊደ
ኦድተ።

8 ሀርጋንቻቱዋ ፓሐተ፤ አሃ ሀይቁዋፕ ደንሐተ፤
ኦሉ ኦይቁዳዋንታ ፓሐተ፤ ኢታ አያናቱዋካ
ከሰተ። ህንተንቱ ጮ አኬድታ፤ ጮ እምተ።

9 ዋርቃ ዋይ ብራ ዋይ ሳንትምያ ህንተንቱ
ኪሰያን ኦይቆፕተ፤

10 ዋይ አገዉ ቃርጨትያ፣ ዋይ ላኤንሐያ
ማዩዋ፣ ዋይ ጫማ ዋይ ጸምኦ ኦይቆፕተ። አያዉ
ሳፕ፣ ኦሳንቻዉ ከሽያባይ ቁማ።

11 “ህንተንቱ ገልያ ካታማን ዋይ ቁር ካታማ
ኡባን ህንተና ሞካናዉ ናሽትያዌ ኦንቶ አኬካን
ጸዋሰተ፤ ህንተንቱ ሄዋፕ ከሳና ጋካናዉ፣ ሄዋን
ኡትተ።

12 ቃይ ጎለ ገሊደ ሳሮትተ።

13 ሄ ጎለን ደእያ አሳይ ህንተና ሞኮፕ፣
ህንተንቱ ሳሮቲዳ ሳርታይ ኤንቲንታ ጋኮ። ሸን
ኤንቲንቱ ህንተና ሞከናን እጸፕ፣ ህንተንቱ
ሳሮቲዳ ሳርታይ ህንተዉ ጉዮ ሰሞ።

14 ቃይ እት እት ጎለ ዋይ ካታማይ ህንተና
ሞከናን ዋይ ህንተንቱ ኦድያዋ ሰሰናን እጸፕ፣ ሄ
ጎለፕ ዋይ ሄ ካታማፕ ከሲደ፣ ህንተንቱ ገድያፕ
ባና ሾጭተ።

15 ታን ህንተዉ ቱሙዋ ኦዳይ፤ ጸሳይ ፕርድያ
ጋላሰ ሄ ካታማ አሳፕ፣ ሶደማ ካታማ አሳዉን
ጋሞራ ካታማ አሳዉ ፕርዳ ካዉሸሳና።

ጎዳይ ያናፕ ካሰቲደ፣ የደርሱነ ሙቱ ሀናና
(ማር. 13:9-13፤ ሉቃስ 21:12-17)

16 “በእተ! ታን ህንተና ደርሳ ዋላቱዋ ግደ
የድያዋዳን የዳይ። ሄዋ ድራዉ፣ ሾሻዳን ጭንጫ
ግድተ፤ ቃይ ሀራጵያዳን፣ አሽከ ግድተ።

17 ሸን አሳፕ ናገትተ። አያዉ ሳፕ፣ አሳይ
ህንተና ፕርዳ ጎለዉ አሊደ እማና፤ ቃይ ባረ

አይሁዳ ዋሳ ጎለቱዋንካ ህንተና ልሱዋን
ፔዳና።

18 ጋድያ አይሰያዋንቱ ሰንላንነ ካታቱዋ
ሰንላን ታ ድራዉ ህንተንቱ ኤቂደ፣ ኤንቲንቶነ
አይሁዳ ግደና አሳ ሰንላን ታዉ ማርካ ግዳንታ።

19 ሸን ኤንቲንቱ ህንተና ፕርዳዉ አሐያ ዋይ፣
ህንተንቱ ሃሳያናባ ሄ ሳትያን ጸሳይ ህንተዉ
እምያ ድራዉ፣ ህንተንቱ ጋናባዉን ዋይ ዋጊደ
ሃሳያንቶነ ሀርሳፕተ።

20 አያዉ ሳፕ፣ ህንተንቱን አቂደ ሃሳይያዌ
ህንተንቱ አዉዋ ጌሻ አያናፕ አትን፣ ሃሳይያዋንቱ
ህንተንታ ግድክታ።

21 “አሻይ ባረ እሻ፣ አዉ ባረ ናኦ ቦላ ደንዳና፤
ናናይ ባረንቱ አትነ አዉዋ ቦላ ደንዲደ፣ ኤንቲንታ
ዋድሳና።

22 ቃይ አሳይ ኡባይ ህንተንታ ታ ሱንላ ድራዉ
አጻና፤ ሸን ዉርሰላይ ጋካናዉ ገንጭያዌ አታናዋ።

23 ኤንቲንቱ ህንተና እት ካታማፕ የደርሶፕ፣
ሀራ ካታማ ቢተ። አያዉ ሳፕ፣ ታን ህንተዉ
ቱሙዋ ጋይ፤ ታን፣ አሳ ናኦይ፣ ያና ጋካናዉ፣
ህንተንቱ ህንተ ኦሱዋ እስራኤልያ ካታማ ኡባን
ኦሊደ ዉርሰክታ።

24 “ታማርያዌ ባረና ታማርሰያዋፕ ዳረና፤
ቆማይካ ባረ ጎዳፕ ዳረና።

25 ታማርያዌ ባረና ታማርሰያዋ ከና ግድያዌ፣
ቆማይካ ባረ ጎዳ ከና ግድያዌ አዉ ግዳና፤
ኤንቲንቱ ጎለ ጎዳ ብኤል-ዘቡላ ጊደ ጸሶፕ፣
ኦ ጎለ አሳ ዋግ ጸሳይሻ!

ኦስ ያያናዉ በሰንቶ
(ሉቃስ 12:2-7)

26 “ሰሞ አሳዉ ያዮፕተ፤ አያዉ ሳፕ፣ ገንሐ
ዋሌዳባይ ቆንጭያ ከሰናን አተና፤ ቆሴዳባይካ
ኤረተናን አተና።

27 ታን ህንተንቶ ጳማን ኦድያባ ፖኡዋን
ሃሳይተ፤ ህንተዉ ሀይላን ሳሱኪደ ኦዴዳዋ፣
ጳቃሳን አዋይተ።

28 አሹዋ ዋድያዋንቶ ያዮፕተ፤ ኤንቲንቱ፣
ሸምፑዋ ዋዳናዉ ዳንዳይክና። ሸን ሸምፑዋን
አሹዋ ጋናምያን ጳይሳናዉ ዳንዳይያ ጸሳዉ
ያይተ።

29 ላኤ ሱንያ ካፋቱ ሳንትምያን ዛልኤትክና?
ህንተንቱ አዉዋ ሸንያ ግዳና ጳዮፕ፣ ሄ ሱንያ
ካፋቱዋፕ እትናካ ሳኦን ዋዳደ ባዩኩ።

30 ሸን ሀራይ አቶ፣ ህንተንቱ ሁጺያን ደእያ
ብናናይ ኡባይካ ፓይዱዋን ደኤ።

31 ሰሞ ያዮፕተ፤ ዳሮ ሱንያ ካፋቱዋፕ
ህንተንቱ አዳታ።

ክርሰቶሳባ ማርካታናዉ በሴ
(ሉቃስ 12:8-9)

32 “ሄዋ ድራዉ፣ አሳ ሰንላን ታባ ማርካትያ
ኦስ ግድፕነ፣ ታንካ ሳሉዋን ደእያ ታ አቡ ሰንላን
ማርካታና፤

33 ሸን አሳ ሰንላን ታና ካድያ ኦናን ታንካ
ቃይ ሳሉዋን ደእያ ታ አቡ ሰንላን ኦ ካዳና።

10:7 ሉቃስ 10:4-12 10:10 1 ቆር. 9:14፤ 1 ጽዋ. 5:18 10:15 ማቶላ 11:24፤ ደመሳ 19:24-28 10:17 ማር. 13:9-11፤ ሉቃስ 12:11-12፤ 21:12-15 10:33 2 ጽዋ. 2:12 10:35 ሚክ. 7:6

34 “ታን ሳአዉ ሳርተላ አሀናዉ ዬዳዋ ሀንተዉ ማላቶፖ፤ ታን ቶራ አሀናዉ ዬዳዋፕ አትን፤ ሳርተላ አሀናዉ ያበይከ።

35 አያዉ ጎፕ፤ ታን ናአ አ አቡፕ፤ ናቶ አዝ ዳይፕ፤ ናአ ማቻቶካ አዝ ቦሎታትፕ ሻካናዉ ያድ፤

36 አሳዉ ሞርከቱ አ ጎላ አሳቱዋ ግዳናዋንታ።

37 “ባረ አባ ዋይ ባረ ዳዮ ታፕ አሊደ ሲቅያዌ ታዋ ግዳናዉ በሰና፤ ባረ አቱማ ናአ ዋይ ባረ ማጫ ናቶ ታፕ አሊደ ሲቅያዌ ታዋ ግዳናዉ በሰና።

38 ባረ ማስቃልያ ቶኪደ፤ ታ ጌዱዋ ካለናዌ ታዋ ግዳናዉ በሰና።

39 ባረ ሸምፑዋ አሸያዌ ባይዛናዋ፤ ሸን ታ ድራዉ ባረ ሸምፑዋ ባይዝያዌ አሻናዋ።

40 “ህንተንታ ሞክያዌ ታና ሞኬ፤ ቃይ ታና ሞክያዌ ታና ኪቱዳዋ ሞኬ።

41 ናብያ፤ ናብያ ሱንላን ሞክያዌ፤ ናብያ ጋትያ አናና ግሸታናዋ፤ ቃይ ጽሉዋ፤ ጽሉዋ ሱንላን ሞክያዌ፤ ጽሉዋ ጋትያ አናና ግሸታናዋ።

42 ኦንነ ሀ ታና ካልያዋንቱፕ ጉጽያ አቶ፤ ሀራይ አቶ ቡልያ ሃላ ጸላላ ኡሻናዉ አሞፕካ፤ ታን ህንተንቶ ቱሙዋ ጋይ፤ አ ባረ ጋትያ አካና” ያጌዳ።

11

ጸማቅያ ዮሃንሳፕ የሱሳኮ ኪተቱዳ አሳቱዋ (ሉቃሳ 7:18-35)

1 የሱስ ባረ ታማነ ላኡ ካልያዋንታ አዛዝያዋ ፖሌዳ ዋይ፤ ሄዋፕ ደንዲደ፤ ካታማቱዋን ታማርሳናዉን ኡዳናዉ ቤዳ።

2 ጸማቅያ ዮሃንስ ቃሾ ጎላን ደኢደ፤ የሱስ አሌዳዋ ሰሲደ፤ ባረና ካልያዋንታ አኮ ኪቲደ፤

3 “ያናዌ ኔኔየ? ዋይ ሀራ ናጋኔ?” ያግ አቻናዳን አሌዳ።

4 የሱስ ዛሪደ፤ ኡንቱንቶ ሀዋዳን ያጌዳ፤ “ቢደ ህንተንቱ በአያዋነ ሰሰያዋ ዮሃንሳዉ አድተ፤

5 ቆቃቱ ጴሊኖ፤ ዋባቱ ሀመቲኖ፤ ኦሉ አይቆዳዋንቱ ፓጺደ ጌዪኖ፤ * ቱላቱ ሰሲኖ፤ ሀይቆዳዋንቱ ደንዲኖ፤ ሀዬሳቱ ዋንጋላ ሞሽራቸዋ ሰሲኖ።

6 ታባ ሰፍ ኡራይ አንጀቱዳዋ” ያጌዳ።

7 ዮሃንሳ ካልያዋንቱ ሰም ቤዳ ዋይ፤ የሱስ ዮሃንሳባ ሸቆዳ አሳዉ ሀዋዳን ያግ ሃሳዬዳ፤ “አያ በአናዉ አሳይ ደኤና መላ ቢታ ከሴድቱ? ጫርኩ ቃልያ ማቃ በአናዉ ከሴድቱ?

8 ያትና፤ አያ በአናዉ ከሴድቱ? ሎእያ ማዩዋ ማዬዳ ብታንያ በአናዉ ከሴድቱ? ሎእያ ማዩዋ ማዬዳዋንቱ ካታቱዋ ጎላን ደኢኖ።

9 ያትና፤ አያ በአናዉ ከሴድቱ? ናብያ በአናዉ ከሴድቱ? ኤ፤ ታን ህንተዉ ኡዳይ፤ ናብያፕካ አድያዋ በኤድታ።

10 አያዉ ጎፕ፤ ጸሳ ማጸፋን፤

“ ጸሳይ፤ “በአ፤ ታን ኪትያዋ ኔፕ ሰንሳዉ የዳና።”

አ ነዉ ኦግያ ገግሳናዋ’ ያጌዳ ጌተቲደ ዮሃንሳባይ ጸፈቱዳ።”

11 ታን ህንተንቶ ቱሙዋ ኡዳይ፤ አት ኡሉዋፕ የለቱዳ አሳ ኡባን ጸማቅያ ዮሃንሳፕ አድያዌ ኦንነ ደንድቤና፤ ሸን ሳሉዋ ካዉተላን ኡባፕ ላፍያዌ አፕ አዳና።

12 ጸማቅያ ዮሃንሳ ዋድያፕ ደሚደ፤ ሀቼ ጋካናዉ፤ ሳሉዋ ካዉተላታ ዳር ናቃታዉ፤ ሞን ባጸትያዋንቱ አዘ ደሚኖ።

13 አያዉ ጎፕ፤ ናባቱ ኡባቱን ሙሴ ህጊ ዮሃንሳ ዋዲ ጋካናዉ፤ ትምቢትያ ሃሳዬድኖ፤

14 ሰም ህንተንቱ ኡንቱንቱ ሃሳዮዋ አማናናዋ ግድፕ፤ ያናዋ ጌተቱዳ ኤላስ ሀ ዮሃንሳ።

15 ሰሰያ ሀይላይ ደእያዌ ሰሰ!

16 “ሸን ታን ሀ ዋድያ አሳ አያና ሌምሶ? ኡንቱንቱ ቆጫን ኡትያ ናና ማላቲኖ፤ ኡንቱንቱ ባረንቱ ላገላቱዋ ዴሲደ፤

17 ኡን ህንተንቶ ህጽጽያ ፑኔደ፤ ሸን ዲርበይክታ፤ ዬኩዋ የላካ ከሴደ፤ ሸን ዬክበይክታ’ ያጌዳ።

18 አያዉ ጎፕ፤ ዮሃንስ ጸሚደነ ዋይንያ ኤሳ ኡሸናን ዪና ኡንቱንቱ፤ ኡ ሰላ ኡታ አያናይ ደኤ’ ያጌድኖ።

19 ታን፤ አሳ ናአይ፤ ማደነ ኡሻደ ዪና፤ ኡንቱንቱ ታና፤ ህ ናፍሳማነ ዋይንያ ኤሳ ኡሸያዋ በአተ፤ ቃራጸ ቃንጸያዋንቱና ናጋራንቻቱዋና ሰቃቱ’ ያጌዳ፤ ሸን ጸሳ አዴዳ ኤራተላይ ባረ ኦሱዋን ቱማ ግዲደ ቤቱ” ያጌዳ።

አማናናን እጼዳ ድራዉ ቶሸቱዳ ካታማቱዋ (ሉቃሳ 10:13-15)

20 ሄዋፕ ጉይያን፤ የሱስ ባረ ማላታፕ ዳርያ ባጋ አሌዳ ካታማቱዋን ደእያ አሳይ ባረንቱ ናጋራፕ ሰምቤና ድራዉ፤ ኡንቱንታ ሀዋዳን ያጌደ፤ ቶሸያ ደሚዳ፤

21 “ኮራዚን ካታማዉ፤ ነዉ አየር፤ ቤተሳይዳ ካታማዉ፤ ነዉካ አየር፤ አያዉ ጎፕ፤ ህንተንቱ ሰላ ጸሳይ አሌዳ ማላታይ ጺርሳ ካታማንነ ሲደና ካታማን ኦሰቶዋ ግድንቶ፤ ኡንቱንቱ ማቅያ ማዪደ፤ ብድንላ ኦከቲደ፤ በን ባረንቱ ናጋራፕ ሰማናዋንታሸን።

22 ታን ህንተዉ ኡዳይ፤ ፕርዳ ጋላስ ጸሳይ ህንተፕ ጺርሳ ካታማዉን ሲደና ካታማዉ ፕርዳ ካዉሸሳና።

23 ቃይ ቅፍርናሆማ ካታማዉ፤ ኔን ሳሉዋ ፑደ ቶቁ ጋናዉ ኮያድ? ኔን ሰኦልያ ዲገ የገታና፤ አያዉ ጎፕ፤ ነ ሰላ ጸሳይ አሌዳ ማላታይ ሶዶማ ካታማን ኦሰቶዋ ግድንቶ፤ ሶዶማ ካታማይ ሀቼ ጋካናሰካ ደአናዋሸን።

24 ታን ህንተዉ ኡዳይ፤ ፕርዳ ጋላስ ጸሳይ ኔፕ ሶዶማዉ ፕርዳ ካዉሸሳና” ያጌዳ።

የሱሳን ሸምፑዋ ደምያዋ (ሉቃሳ 10:21-22)

* 11:5 ፓጺደ ጌዪኖ ግያዋ ሎይል አኬካናዉ 8:2 ጸደና ደእያ ብለላን ጸፈቱዳዋ በአና ዳንዳየቱ። 11:5 እሳ. 35:5-6፤ 61:1 11:10 ሚልክ. 3:1 11:14 ሚልክ. 4:5፤ ማቶሳ 17:10-13፤ ማር. 9:11-13 11:21 እሳ. 23:1-18፤ ሀዘ. 26:1—28:26፤ እዪ. 3:4-8፤ አሞጾ 1:9-10፤ ዛካ. 9:2-4 11:23 እሳ. 14:13-15፤ ደመላ 19:24-28

25 የሱሰ ሄ ዎደ ዛሪድ፣ ሀዋዳን ያጌዳ፤ “ታ አቦ፣ ሳሉዋ ሳኦ ሳዳወ፣ ኔን ሀዋ አጄዳ ኤራንቻቱዋ፣ እኩካንቻቱዋ፣ ገንፋድ፣ ኤሪና ናናቶ ቆንጭሴዳ ድራወ፣ ኔና ጋላታይ፤

26 ኤ ታ አቦ፣ አያወ ሳፕ፣ ሀዌ ነ ሸንያዳን አሰቴዳ።

27 “ታ አቦ ታወ ኡባባ እሜዳ፤ አወዋፕ ሀራይ ናኦ ኤሪና፤ ናኦፕ ናኦይ አወዋ ቆንጭሳናወ ኮይያ አሳፕ አትን፣ ሀራይ አወዋ ኤሪና።

28 “ዳቡራንቻቶ፣ ዳጶዋ ቶኮዋንቶ ኡባቶ፣ ታኮ ሃ ዪተ፤ ታን ሀንተንታ ሸምፕሳና።

29 ታን ጋራነ ታ ዋዛናን አሸከ ግደ ድራወ፣ ታ ሞርገ ሞላን ዋጸትተ፤ ታፕ ታማርተ፤ ሀንተንታ ሸምፕካ ሀንተ ሸምፕዋ ደማና።

30 አያወ ሳፕ፣ ታ ሞርገ ሞላይ ጊጋ፤ ቃይ ታን ሀንተንታ ቶሴዳዌካ ካወሻ” ያጌዳ።

12

ሳምባታባወ ሸቄዳ አሻ (ማር. 2:23-28፤ ሉቃሳ 6:1-5)

1 የሱሰ ሄ ዎደ ሳምባታ ጋላሰ፣ ትሻ ባንጋ ግደና አጅሸን አ ካልያዋንቱ ኮሻቲድ፣ ትሻ ባንጋ ዱሲድ፣ ሙሳ ደሜድና።

2 ሸን ፓርሳዋቱ ሄዋ በኢደ የሱሳ፣ “በእ፣ ኔና ካልያዋንቱ ሳምባታ ጋላሰ አላናወ ዋጋ ግደናባ አሲና” ያጌድና።

3 ሸን የሱሰ ኡንቱንቶ ሀዋዳን ያጌዳ፤ “ዳዊተን እናና ደእያዋንቱ ኮሻቲዳ ዎደ፣ ዳዊተ አሴዳዋ ናባብ በይክቲ፣

4 ዳዊተ ጸሳ ጎለ ገሊድ፣ ቄሳቱዋ ጸላላይ ማናፕ አትን፣ እነ አናና ደእያዋንቱ ማናወ ዋጋ ግደና ጸሳወ ያርሼዳ ቁማ ሜዳ።

5 ዎይ ሳምባታ ኡባን ጌሻ ጎልያን ደእያ ቄሳቱ ሳምባታ ዋጋ ሙንሰያዋ፣ ቃይ ኡንቱንቶ ሄዋ ባይዘ ግደናዋ ሙሴ ሀግያን ናባብ በይክቲ፣

6 ሸን ታን ሀንተወ ኡዳይ፤ ጌሻ ጎልያፕ አጅያዌ ሀዋን ደኤ።

7 ጸሳ ማጸፋይ፣ ታን ማርተላ ኮያይፕ አትን፣ ያርሹዋ ኮይከን ያግያዌ ዋግያዌንቶ ሀንተንታ ኤራተንቶ፣ ባይዘ ባይና አሳ ቦላ ፕርድክታ።

8 አያወ ሳፕ፣ ታን፣ አሳ ናኦይ፣ ሳምባታ ጎዳ” ያጌዳ።

የሱሰ ኩሺ ጉንዴዳ ብታንያ ፓሌዳ (ማር. 3:1-6፤ ሉቃሳ 6:6-11)

9 የሱሰ ሄዋፕ ደንዲድ፣ አይሁዳ ዎሳ ጎለ ቤዳ።

10 ሄዋን ኩሺ ጉንዴዳ እት ብታኒ ደኤ፤ የሱሳ ሞታናወ ጋሱዋ ኮይያ አሳቱ፣ “ሳምባታን፣ ሀርጋንቻ ፓሰያዌ ዎጌ?” ያጌደ አ ኦቼድና።

11 የሱሰ ኡንቱንታ፣ “ሀንተንታ ግደን እት ደርሳይ ደእያ ኡራይ፣ ሄ ደርሳይ ሳምባታ ጋላሰ አላን ኩንድፕ፣ አይቂደ ከሰናዌ ኦኔ?”

12 ያትና፣ አሳይ ደርሳፕ ዎት ሎይሊደ ደረኔ! ሄዋ ድራወ፣ ሳምባታ ጋላሰ ሎኦባ አልያዌ ዋጋ” ያጌዳ።

13 ሄዋፕ ጉይያን ብታንያ፣ “ነ ኩሺያ ፕድ ኦላ” ያግና ብታኒ ፕድ ኦላዋፕ ጉይያን፣ አ ኩሺ የኮ ኩሺያዋዳንካ ፓጽ አጌዳ።

14 ሸን ፓርሳዋቱ ካረ ከሲድ፣ የሱሳ ዎት ዎታንቶ ማቀቲድና።

ጸሳይ ደራዳ አይልያ

15 ሸን የሱሰ ኡንቱንታ ዘረታ ኤሪድ፣ ሄዋፕ አጌደ ብያ ዎደ፣ ዳር አሳይ አ ካሌዳ፤ ሀርጌዳ ኡባ ፓሌዳ።

16-17 ጸሳይ ናብያ ኢሰያሳ ባጋና ኦዴዳዌ ፖሊታና ማላ፣ የሱሰ አሳቶ፣ “ታባ ሀራ አሳወ ኦድፕተ” ያጌዳ።

18 ጸሳይ ኢሰያሳ ባጋና ሀዋዳን ያጌዳ፤ “ታን ደራዳ ታ አይሊ፣

ታን ሲቅያ፣ ታና ናሽቻያዌ ሀዌኩ። ታን ታ አያና አ ቦላ ዎላና።

19 እ ፓሌመተና፤ ዎይ ዋሰና። ስራ ፕርዳ አሳወ ኡባወ ኦዳናዎ።

20 ስራ ፕርዳይ ጸን ከሳና ጋካናወ፣ ትንጨቲዳ ማቃ መንግግና፤*

ቃይ ጨዋትያ ሙቃዳ ቁንጨትያካ እ ቶይሰና።

21 አይሁዳ ግደና አሳይ ኡባይ፣ አ ቦላ ባረንቱ ሀድታ ዎላና” ያጌዳ።

የሱሳባነ ብኤል-ዘቡላባ (ማር. 3:20-30፤ ሉቃሳ 11:14-23)

22 ሄዋፕ ጉይያን፣ አማራዳ አሳቱ ኢታ አያናይ ኦይቁና ዱዴዳ እት ቆቃ ብታንያ የሱሳኮ አሄድና፤ የሱሰ ሄ ዱደ ብታንያ ፓሌዳ፤ ብታኒካ ሃሳያን ጼላ ደሜዳ።

23 አሳይ ኡባይ ማላለቲድ፣ “ላ ሀዌ ዳዊተ ናኦ ግዳንዴሻ?” ያጌድና።

24 ሸን ፓርሳዋቱ ሄዋ ሰሲድ፣ “ሀ ብታኒ ኢታ አያናቱዋ ካፕ ‘ብኤል-ዘቡላ’ ባረወ ዎልቃ እምና፣ ጸላሀቱዋ ከሴ” ያጌድና።

25 ሸን የሱሰ ኡንቱንታ ቆፋ ኤሪድ፣ ኡንቱንታ ሀዋዳን ያጌዳ፤ “ባረ ግደን ሻከትያ ካወተላይ ኡባይ ቆያና፤ ቃይ ባረ ግደን ሻከትያ ካታማይ ዎይ ጎለን ደእያ አሳይካ ሞንና።

26 ቃይ ሴጸናይ ሴጸና ከሰያዋ ግደፕ፣ ባረ ግደን ሻከቲ፤ ያትና፣ አ ካወተላይ ዋኒደ ሞን ኤቃናዌ?

27 ታወ ብኤል-ዘቡል ዎልቃ እምና፣ ታን ጸላሀቱዋ ከሰያዋ ግደፕ፣ ሀንተንታ አሳወ ዎልቃ ኮን እምና ጸላሀቱዋ ከሳኔ? ሄዋ ድራወ፣ ኡንቱንታ ሀንተ ቦላ ፕርዳና።

28 ሸን ጸሳ ጌሻ አያናይ ታወ ዎልቃ እምና፣ ታን ጸላሀቱዋ ከሰያዋ ግደፕ፣ ሰም ጸሳ ካወተላይ ሀንተ ቦላ ይ ድጌዳ።

11:29 ኤር. 6:16 12:1 ዛር. 23:25 12:3 1 ሳሜላ 21:1-6 12:4 ዋጋ 24:9 12:5 ፓይ. 28:9-10 12:7 ማቶሳ 9:13፤ ሆሰ 6:6 12:18 ኢሳ. 42:1-4 * 12:20 እ። ትንጨቲዳ ማቃ መንግግና፤ ሀዋ ጉሳይ፣ ማዳ. ባይናዋንቶን ዳቡራንቻቶ የሱሰ ኬካ ጋራ ጉሳ። ብ። ጨዋትያ ሙቃዳ ቁንጨትያካ እ ቶይሰና ጉሳይ፣ የሱሰ ዳቡራንቻቶ ጉዙማ ግደናዳን ኬካ ጉሳ።

29 “ወይ አሳይ ካስቲደ፡ ዋልቃማ አሳ ቃቸናን ደኢደ፡ አ ጎሊ ገሊደ፡ አ ሚሻ ጦንቃናው ዋኒደ ዳንዳዩ? ቃቸዳዋፕ ጉይያን፡ አ ሚሻ ጦንቃናው ዳንዳዩ።

30 “ታ ባጋ ግደና ኡራይ ታዋ እጹ፤ ቃይ ታናና እትፕ ሺሽናዌ ላሌ።

31 ሄዋ ድራው፡ ታን ህንተው ኦዳይ፤ ጸሳይ አሳው እይ ናጋራ ግድናካ፡ ቃይ እይ ቦረ ግድናካ አቶ ጋና፤ ሽን ጌሻ አያና ቦርያዋ አቶ ጌና።

32 ታ ቦላ፡ አሳ ናኦ ቦላ፡ ኢታባ ሃሳይያ ኦ ናጋራን ጸሳይ አቶ ጋና፤ ሽን ጌሻ አያና ቦላ ኢታባ ሃሳይያ ኦ ናጋራን ሳኦን ግድና፡ ሳሉዋንካ ጸሳይ አቶ ጌና።

ሎኦ ሞላይ ባረ እይፍያን ኤረቲ (ሉቃሳ 6:43-45)

33 “ሎኦ እይፍያ ደማናው ሎኦ ሞላ ድቻናው በሴ፤ ኢታ ሞላ ህንተንቱ ድቻፕ፡ ኢታ እይፍያ ደማንታ፤ አያው ጎፕ፡ ሞላይ ኤረትያዌ ባረ እይፍያ እይፍያዋና።

34 ሸሻቶ፡ ህንተንቱ ኢታ ግዲደ፡ ዋት ሎኦባ ሃሳያናው ዳንዳዩቱ? አያው ጎፕ፡ ዶናይ ዋዛና ግደን ኩሜዳዋ ሃሳይ።

35 ሎኦ አሳይ ባረ ሎኦ ሞንጂዋፕ ሎኦባ ከሴ፤ ቃይ ኢታ አሳይ ባረ ኢታ ሞንጂዋፕ ኢታባ ከሴ።

36 ታን ህንተንቶ ኦዳይ፤ አሳይ ባረ ሃሳይዳ ማደና ሃሳያ ኡባው ፕርዳ ጋላስ ዛሩዋ እማናዋ።

37 አያው ጎፕ፡ ነ ሃሳይይ ኔና ጽልሳና፤ ዋይ ነ ሃሳይይ ነ ቦላ ፕርድሳና” ያጌዳ።

ማላታ በአናው ሸቄዳ ኦሻ (ማር. 8:11-12፤ ሉቃሳ 11:29-32)

38 ሄዋፕ ጉይያን፡ ህግያ ታማርሰያ እት እት አሳይነ ፓርሳዋቱ ዛሪደ የሱሳ፡ “ታማርሰያዎ፡ ኔን ማላታ ኦላሽን፡ ኑን በአናው ኮዬቶ” ያጌድኖ።

39 ሽን እ ዛሪደ፡ ኡንቱንቶ ሀዋዳን ያጌዳ፤ “ሀ ዋድያ አሳይ ኢታን ጸሳ እማነና ድራው፡ ማላታ ኮዬ፤ ናብያ ዮናሳ ማላታፕ አትን፡ ሀራ ማላታይ እመተና።

40 ዮናስ ዋጋ ሞልያ ኡሉዋን ሄዙ ጋላሳነ ሄዙ ቃማ ደኤዳዋዳን፡ አሳ ናኦይካ፡ ቢታ ግደን ሄዙ ጋላሳነ ሄዙ ቃማ ደኦናዋ።

41 ነዌ አሳይ ዮናስ ኦዳዳዋን ባረንቱ ናጋራፕ ሰሜዳ ድራው፡ ፕርዳ ጋላስ ደንዲደ፡ ህንተንታ ሞታናዋንታ፤ በይተ፡ ዮናሳፕ አድያዌ ሀዋን ደኤ።

42 ዲገ ባጋ ጋድያ ካታታ ሶሎሞንው ደእያ አቶ ኤራተላ ሰሳናው ሳኦ ጋጸፕ ዬዳ ድራው፡ ፕርዳ ጋላስ ደንዲደ፡ ህንተንታ ሞታናውኡ፤ በይተ፡ ሶሎሞንፕካ አድያዌ ሀዋን ደኤ።

ኢታ አያናይ አሳ ጋርሳ ሰሚደ ገልያዋ (ሉቃሳ 11:24-26)

43 “ኢታ አያናይ አሳፕ ከሴዳ ዋደ፡ ባረው ሸሞፕያ ሳ ኮዬደ፡ ሃላይ ባይና መላሳና ዩዬ፤ ሽን ደመና።

44 ሄ ዋደ፡ ‘ታን አጋደ ዬዳ ታ ጎሊ ሰማና’ ያጌ፤ ሰሚደ ይያ ዋደ፡ ጎሊ መላ ደእያዋን ፕተት ጌዬደ፡ ጊግ ኡቲዳዋ ደሜ።

45 ሄዋፕ ጉይያን፡ ቢደ ባረፕ ኢትያ ላፑ ሀራ አያናቱዋ አኪደ ዬ፤ ሄ አያናቱ ገሊደ፡ ሄዋን ደኤና። ሄ ብታንያ ደኤ ካስዋፕ ዳሪ እቲ። ሀ ዋድያ ኢታ አሳውካ ቃይ ሄዋዳን ሀናና” ያጌዳ።

የሱሳ ዳዮን አ እሻቱዋ (ማር. 3:31-35፤ ሉቃሳ 8:19-21)

46 የሱሰ ዳር አሳው ሃሳይሽን፡ አ ዳያነ አ እሻቱ አናና ሃሳያናው ኮዬደ፡ ካረን ኤቄድኖ።

47 ሄዋን ደእያ አሳፕ እቲ አ፡ “ነ ዳያነ ነ እሻቱ ኔናና ሃሳያናው ኮዬደ፡ ካረን ኤቄድኖ” ያጌዳ።

48 ሽን የሱሰ ዛሪደ፡ “ታ ዳያ ኦኔ? ታ እሻቱ ኦኔ?” ያጌዳ።

49 ባረ ኩሽያን ባረና ካልያዋንቱኮ ጸርሲደ፡ “በይተ፡ ታ ዳያነ ታ እሻቱ ሀዋንቱሽ።

50 አያው ጎፕ፡ ሳሉዋን ደእያ ታ አቡ ሽንያ ኦልያ ኡባይ፡ ታ እሻ፡ ታ ሞቻቶነ ታ ዳዮ” ያጌዳ።

13

ዘርያዋ ሌምሱዋ (ማር. 4:1-9፤ ሉቃሳ 8:4-8)

1 የሱሰ ሄ ጋላስ ሶይፕ ከሲደ፡ አባ ጋጸን ኡቲዳ።

2 ዳር ጮራ አሳይ ባረ ዩሹዋን ዩይ አዲደ ሸቅና፡ ዋንግርያ ግደ ገሊደ ኡቲዳ፤ አሳይ ኡባይ አባ ጋጸን ኤቄዳ።

3 አሳው ሌምሱዋን ዳርባ ሀዋዳን ያጌደ ኦዳዳ፤ “እት ብታኒ ዘረላ ዘራናው ከሴዳ።

4 እ ዘርሽን፡ እት እት ዘረላይ ኦግያ ዶናን ዋዴዳ፤ ያትና ካፋ ዩደ ሜዳ።

5 ቃይ እት እት ዘረላይ አንጮ ግዳዳ ቢታ ቦላ ዋዴዳ፤ ዳር ቢታይ ባይና ድራው፡ ሄ ዘረላይ ኡላካ ደሌዳ።

6 ሽን አዋይ ከሴዳ ዋደ ጫርሻይ ሹሌዳ፤ አዳሳ ጸጹዋ የድቤና ድራው መል አጌዳ።

7 እት እት ዘረላይ አጉንላ ግደን ዋዴዳ፤ ሄዋን ደሌዳዋ አጉንላይ ድጩደ ጩሌዳ።

8 እት እት ዘረላይ ቱኤ ቢታን ዋዴደ ደሌዳ፤ እቲ ዬቲ እይፍያ፡ እቲ ኡሱፑን ታሙዋ፡ እቲ ሀታሙዋ አይፊዳ።

9 ሰሰያ ሀይላይ ደእያ ኡራይ ሰሶ!” ያጌዳ።

የሱሰ ሌምሱዋን ኦደ ጋሱዋ (ማር. 4:10-12፤ ሉቃሳ 8:9-10)

10 የሱሰ ካልያዋንቱ እኮ ሸቄደ፡ “ኔን አያው አሳው ሌምሱዋን ኦዳደ?” ያጌድኖ።

11 የሱሰ ዛሪደ፡ ኡንቱንቶ ሀዋዳን ያጌዳ፤ “ህንተንቶ ሳሉዋ ካውተላ ጹራ ኤራሳይ እመቲዳ፤ ሽን ኡንቱንቶ እመትቤና።

12 አያው ጎፕ፡ ደእያዋ ጉጀታና፤ አው ዳራናዋ፤ ሽን ባይናዋፕ ሀራይ አቶ፡ ሄ ደእያዋካ አከታናዋ።

12:42 1 ካታ. 10:1-10፤ 2 ኦዱዋ 9:1-12 † 12:47 እት እት ጌሻ ማጻፋ ብለላን ሀ ፓይዳ ባዋ።

13 ታን ኤንቱንቱ ጸሊደ ጸለናዋዳን፡ ሰሲደ ሰሰናዋዳን ሀንያ ድራው፡ ዋይ ቃይ ኦኬከና ድራው ኤንቱንቱ ለምሱዋን ኦዲይ።

14 “እስያስ ኤንቱንቱባ ሀዋዳን ኦዲዌ ፖለታናዋ፤

“ ህንተንቱ ሰሳ ሰሳና፤
ሽን ሀንተንቱ ገለና፤
ሀንተንቱ ጸላ ጸላና፤
ሽን በእክታ።

15 እያው ጎጥ፡ ሀ አሳ ዋዛናይ ጉዙሜዳ፤
ባረንቱ ሀይላ ቱልሴድና፤
ባረንቱ አይፍያካ ጨሎሜድና።
ሀዌ ባዌንቶ፡ ኤንቱንቱ ባረንቱ አይፍያን በእና፤

ባረንቱ ሀይላን ሰሳና፤
ባረንቱ ዋዛናንካ እኬካና፤
ኤንቱንቱ ታኮ፡ ጸሳኮ ሰማና፤
ታንካ ኤንቱንታ ፓላና።

ያጌ።

16 “ሽን ሀንተንቱ አይፊ ጸልያ ድራውን ሀንተንቱ ሀይላይካ ሰሰያ ድራው፡ ሀንተንቱ እንጅቱዳዋንታ።

17 ታን ሀንተንቱ ቱሙዋ ኦዲይ፤ ዳር ናባቱን ጽላቱ ሀንተንቱ በእያዋ በእናው አሞቱድና፤ ሽን በእበይክና። ሀንተንቱ ሰሰያዋ ሰሳናው አሞቱድና፤ ሽን ሰሰበይክና።

የሱስ ዘርያዋ ለምሱዋ ብለላ ኦዲዳ
(ማር. 4:13-20፤ ሉቃሳ 8:11-15)

18 “ሰም ካላ ዘርያዋ ለምሱዋ ብለላይ ግያዋ ሰሰተ።

19 ካውተላ ቃላ ሰሲደ፡ እኬከና ኦንን ኦግያ ደናን ዋዴዳ ዘረላ ማላ፤ ጸላህያ ካፑ ዪደ፡ ኤንቱንቱ ዋዛናን ዘረቱዳዋ ማጽ ድጌ።

20 እንጮ ቢታን ዋዴዳ ዘረላይ ቃላ ሰሲደ፡ ኤለካ ናሽቻን አክያዋንታ ማላቱ።

21 ሽን ሄ አሳቱ ሀእሳጥ አትን፡ ኤንቱንቱን ጸጹ ባዋ፤ ቃላ ጋሱዋን ሙቱ ዋይ የደሳይ ይያ ዋይ፡ ኤለካ ጹበት አገና።

22 ቃይ አጉንላ ግድን ዋዴዳዌ ቃላ ሰሰያዋ በሴ፤ ሽን ሀ ሳኦ ደኦ ሀርጉሳይን ዱረተላ ሲቆሳይ ቃላ ጩላ፤ ሀ ጋሱዋን ሄ ዘረላይካ አይፈናን አት አጌ።

23 ቱኤ ቢታን ዘረቱዳዌ፡ ቃላ ሰሲደ፡ እኬከያ አሳ በሴ፤ እካ አይፊ፤ እቱ ጸቱዋ፡ እቱ ኡሱፑን ታሙዋ፡ እቱ ሀታሙዋ አይፊ” ያጌዳ።

ዘርንግያ ለምሱዋ

24 የሱስ ኤንቱንቱ ሀራ ለምሱዋ ሀዋዳን ያገደ ኦዲዳ፤ “ሳሉዋ ካውተላይ ባረ ጎሻን ሎኦ ዘረላ ዘራዳ ብታንያ ማላቱ።

25 ሽን ቃማ አሳይ ገምእሸድግና፡ አ ሞርኪ ዪደ፡ ዘርጋ ዘራዳዋ ቦላ ዘርንግያ ዘራደ ቤዳ።

26 ሽን ዘርጋይ ዶል አይፊዳ ዋይ፡ ዘርንግ ሄ ዋይ ቤቱዳ።

27 “አ ቆማቱ አኮ ዪደ፡ ሳዳው፡ ኔን ነ ጎሻን ሎኦ ዘረላ ዘራብይኪ? ያትና፡ ዘርንግ ሀቃጥ ዪዳ?” ያጌድና።

28 “ሄዋጥ ጉይያን ጎዳይ፡ ሄዋ ሞርኪ ኦፊዳ” ያጌዳ።

ቆማቱ፡ ሓን ቢደ ሾዳናዳን ደሳይ?” ያጌድና።

29 “ሽን እ፡ ሓግተ፡ ዘርንግያ ሀንተንቱ ሾዲደ፡ ዘርጋና ሾዳንታ።

30 ቦቾጥተ፤ ቆይጭያ ዋዲ ጋካናው፡ እትጥ ድጭና። ቆይጭያ ዋዲ ጋኮደ፡ ታን ቆይጭያዋንታ፡ ካሰቲደ ዘርንግያ ማጽተ፤ ታማን ጉዳናው ፖቾያን ፖቾያን ቃቾተ፤ ሽን ዘርጋ ሺሺደ ድይያን ቆልተ፡ ጋና” ያጌዳ።

ሳናፍጭያ ጌተትያ ሞላት ዘረላ ለምሱዋ
(ማር. 4:30-32፤ ሉቃሳ 13:18-19)

31 የሱስ ኤንቱንቱ ሀራ ለምሱዋ ያገደ ኦዲዳ፤ “ሳሉዋ ካውተላይ ሳናፍጭያ ጌተትያ ጉላ ሞላት አይፍያ ማላቱ፤ ሄ ሞላት አይፍያ አሳይ እኪደ፡ ባረ ጎሻን ዘራዳ።

32 ሄ ዘረላታ ሀራ ዘረላ ኡባጥ ጉጸው፤ ሽን ድጩዳ ዋይ፡ ሀራ አታክልትያ ኡባጥ ዳራው፤ ካፋ ዪደ፡ እዝ ቃንካን ኬጽያዋ ኬና ዋጋ ሞላ ግዳዲ” ያጌዳ።

እርሹዋ ለምሱዋ
(ሉቃሳ 13:20-21)

33 ቃይ የሱስ ሀራ ለምሱዋ ኤንቱንቱ ያገደ ኦዲዳ፤ “ሳሉዋ ካውተላይ እት ሞሽራታ ሄዙ ከርያ ጸልያ አካደ፡ ሙናቄዳ ሙናቃይ ኡባይ ደንዳና ጋካናው፡ እን ትጌዳ እርሹዋ ማላቱ” ያጌዳ።

የሱስ ለምሱዋን ታማርሴዳ ጋሱዋ
(ማር. 4:33-34)

34-35 የሱስ አሳው ሄ ኡባ ለምሱዋን ኦዲዳ፤ ለምሱ ባይናን እ እትባካ ኦደና፤ ናቢ፡ “ታን ኤንቱንቱ ሃሳይያ ዋይ፡ ለምሱዋን ሃሳይያ።

አላሚ መጠቀሚያ ደሚደ ጌሜዳ የዋቱዋ ኦዲይ” ያጌዳዌ ፖለታና ማላ፡ ሄዋ እ ኦዲዳ።

የሱስ ዘርንግያ ለምሱዋ ብለላ ኦዲዳ

36 ሄዋጥ ጉይያን፡ የሱስ አሳ አገደ፡ ሶይ ገሌዳ፤ አ ካልያዋንቱ አኮ ቢደ፡ “ጎሻን ደእያ ዘርንግያ ለምሱዋ ብለላ ኡው ኦዲ” ያጌድና።

37 የሱስ ዛሪደ፡ ሀዋዳን ያጌዳ፤ “ሎኦ ዘረላ ዘርያዌ አሳ ናኦ፤

38 ጎሻይ ሀ አላምያ፤ ሎኦ ዘረላይ ጸሳ ካውተላ አሳ፤ ዘርንግ ጸላህያ ካፑዋ ናና።

39 ዘርንግያ ዘራዳዌ ሞርክያ ጸላህያ፤ ቆይቻ ዋዲ፡ ዋድያ ዉርሰላ፤ ቃይ ቆይጭያዋንቱ ኪታንቻቱዋ።

40 “ሄዋ ድራው፡ ዘርንግያ ማጸደ፡ ታማን ጉድያዋዳን፡ ዋድያ ዉርሰላን ሄዋ ማላ ግዳናዋ።

41 አሳ ናኦይ፡ ኪታንቻቱዋ ኪታናዋ፤ ኤንቱንቱ አ ካውተላ ግደን ናጋራው ጋሶ ግድያ ኡባቱዋን ኢታባ አልያዋንታ ማጸደ ከሳናዋንታ።

42 ያቲደ ቶኤና ታማን ኦላናዋንታ፤ ሄዋን ኤንቱንቱ ዪካናዋንታን አቻ ጳቃናዋንታ።

43 ሄ ዋይ ጽላቱ ባረንቱ አቡ ካውተላን አዋዳን ፖኦና። ሰሰያ ሀይላይ ደእያ ኡራይ ሰሶ!

ሞገቲዳ ሚሻ ሊምሱዋ

44 “ሳሉዋ ካወተላይ ጎሻን ሞገቲዳ ሚሻ በሴ፤ እት ብታኒ ሄ ሚሻ ደሚደ፡ ዛሪደ ሞግ እጌዳ፤ ዳር ናሽቲደ ቢደ፡ ባረዉ ደእያዋ ኡባ ዛልኢደ፡ ሄ ጎሻ ሻሚዳ።

እንቁዋ ጌተትያ ዳር አልኦ ሹቻ ሊምሱዋ

45 “ቃይ ሳሉዋ ካወተላይ እንቁዋ ጌተትያ ዳር አልኦ ሹቻ ሻማናዉ ኮይያ ዛልእንቻ ማላቲ።

46 ሄ ዛልእንቻይ ዳር አልኦ እንቁዋ ደሚደ፡ ቢደ ባረዉ ደእያዋ ኡባ ዛልኢደ፡ አ ሻሚዳ።

ዳባ ሊምሱዋ

47 “ቃይ ሳሉዋ ካወተላይ ኡባ ቆሞ ሞልያ ኦይቁያ፡ አባን የገቲዳ ዳባ ማላቲ።

48 ሞሊ ዳባ ኩሜዳ ዎደ፡ ሞልያ ኦይቁያ አሳቱ አባጥ ጋዳ ከሲደ ኡቴድኖ፤ ያቲደ ሎኦ ሞልያ ቆሪደ፡ የግያ ሚሻን የጌድኖ፤ ሽን ኢታ ሞልያ ዎራ ኦሌድኖ።

49 ዎድያ ወርሰላን ሄዎዳን ሀናና፤ ኪታንቻቱ ዪደ፡ ናጋራንቻቱዋ ጽላቱዋ ግደጥ ቆሪደ፤

50 ቶኤና ታማን ኦላናዋንታ፤ ሄዎን ኡንቱንቱ ዩካናዋንታን እቻ ጳቃናዋንታ።

51 “ሀዌ ኡባይ ህንተንቶ ገሌዳ?” ያጊደ ኡንቱንታ ኦቼዳ።

ኡንቱንቱ፡ “ኤ” ያጊድኖ።

52 እ፡ “ሄዎ ድራዉ፡ ሳሉዋ ካወተላ ጹራ ሎይላ ኤርያ፡ ህግያ ታማርሰያ ኡባይ፡ ባረ ሚሻ ሺሽ ዎሌዳ ጎልያጥ ኦራላ ሚሻን ኤጫ ሚሻ ሻክ ከሰያ እዛዋ ማላቲ” ያግ ዛሪዳ።

ናዝራተን የሱሳ ጋኬዳ እጹዋ (ማር. 6:1-6፤ ሉቃሳ 4:16-30)

53 የሱስ ሀ ሊምሳቱዋ ኦድ ወርሶዋጥ ጉይያን፡ ሄዋጥ ደንዲደ፤

54 ባረ ካታማ ናዝራተ ቤዳ። አይሁዳ ዎሳ ጎላን ታማርሰያዋ ሰሴዳ አሳይ ማላለቲደ፡ ሀዋዳን ያጌዳ፤ “ሀዌ ሀ አጼ ኤራተላን ጸሳይ ኦልያ ማላታ ኦላናዉ ዎልቃ ሀቃጥ አኬዳ?

55 ሀዌ አናጽያ ናኦ ግደኔ? አ ዳያ ማይራዋ ግደኔ? አ እሻቱ ያቆባ፡ የሱፎ፡ ሰሞናን ይሁዳ ግድክኖ?

56 አ ሞቻቱ ኡባይ ኦናና ደእክኖ? ያትና፡ አ ሀ ኤራ ኡባ ሀቃጥ ደሚዳ?” ያጊድኖ።

57 ኡንቱንቱ እ ግያባ አከናን እጹድኖ።

ሽን የሱስ ሄ አሳዉ፡ “ናቢ ባረ ጋድያንን ባረ ሶይ አሳን ቦንቼተና፤ ሽን ሀራሳ ኡባን ቦንቼቱ” ያጊዳ።

58 ኡንቱንቱ አማንቤና ድራዉ፡ የሱስ ዳር ማላታ ሄ ሳን ኦልቤና።

14

ጸማቅያ ዮሃንሳ ሀይቁዋ (ማር. 6:14-29፤ ሉቃሳ 9:7-9)

1 ሄ ዎደ ጋሊላ ጋድያ አይሰያ ሄርድስ የሱሳባ ሰሴዳ፤

2 ያቲደ ባረ ቆማቶ፡ “ሀዌ ሀይቁዋጥ ደንዴዳ ጸማቅያ ዮሃንሳ፤ ጸሳይ ኦልያ ዎልቃማ ማላታ አ ኦልያዌ ሄዎሳ” ያጊዳ።

3 አያዉ ጎጥ፡ ሄርድስ ባረ እሻ ፕልጶሳ ማቻት ሄርድያድ ጋሶታን ዮሃንሳ ኦይላ ቃሽሲደ፡ ቃሾ ጎላን የግ ዎሌዳ።

4 አያዉ ጎጥ፡ ዮሃንሰ ሄርድሳ፡ “ኔን ሄርድያዳ፡ ነ እሻ ማቻቶ አካናዉ ሀጊ ድጌ” ያጊዳ።

5 ሄርድስ ዮሃንሳ ዎጻናዉ ኮይዳ፤ ሽን ይሁዳ አሳይ ናብያዳን ዮሃንሳ ጸሌዳ ድራዉ፡ አሳዉ ያይዳ።

6 ሽን ሄርድስ የለቲዳ ጋላሳ ባላይ ጋክና፡ ሄርድያድ ናታ አሳ ሰንላን ዱራደ ሄርድሳ ናሽቻዉ።

7 ሄርድስ ናቶ፡ “ኔና ሎኤዳዋ አያን ግደጥ፡ ታና ኦቻ፤ ታን ነዉ እማና” ያጊደ እዝዉ ጫቁዳ።

8 ናታ ባረ ዳይ ዘርያ አካደ ሄርድሳ፡ “ጸማቅያ ዮሃንሳ ሁጲያ ሀ ዎጪትያን ዎላደ ታዉ እማ” ያጋዳ።

9 ካቲ አዉ ቃረቲዳ፤ ሽን ባረ ጫቁዋ ድራዉን ባረናና ማዳን ኡቴዳ እማላ ድራዉ፡ እዝዉ ዮሃንሳ ሁጲ እመታና ማላ አዛዜዳ።

10 ካቲ ከቲደ፡ ዮሃንሳ ቆድያ ቃሾ ጎላን ሙጭሴዳ።

11 ሁጲያ ዎጪትያን ዎላ አሂደ፡ ናትዉ እማድኖ፤ ናታ ሄ ሁጲያ ባረ አትኮ አፋዳ።

12 ዮሃንሳ ካልያዋንቱ ዪደ፡ አ አሃ አፊደ ሞጌድኖ፤ ሄዋጥ ሰሚደ ሀ የዉዋ የሱሳዉ ቢደ ኦዳድኖ።

የሱስ እቼሹ ሻኦ አሳ ሞዜዳ (ማር. 6:30-44፤ ሉቃሳ 9:10-17፤ ዮሃ. 6:1-14)

13 የሱስ ሄዎ ሰሲደ፡ ዎንግርያን ገሊደ፡ ሄዋጥ ባረካ አሳይ ባይናሳ ቤዳ፤ አሳይ ሄዎ ሰሲደ፡ ካታማጥ ደንዲደ፡ ገድያን አ ካሌድኖ።

14 የሱስ ዎንግርያጥ ከሴዳ ዎደ፡ ዳር አሳ በኢደ፡ ሄ አሳዉ ቃረቲዳ፤ ያቲደ ኡንቱንቱና ደእያ ሀርጋንቻቱዋ ገሌዳ።

15 ሳኦይ ኦማርሰያ ዎደ፡ የሱሳ ካልያዋንቱ አኮ ዪደ፡ “ሀዌ ሳኦይ አሳይ ባይናሳ፤ ሀእ ሳኦይ ቃሞ ድጌዳ፤ አሳይ ኡባይ ቁር ካታማቱዋ ቢደ፡ ባረንቶ ቁማ ሻማና ማላ፡ አሳ ሞይዛ” ያጊድኖ።

16 ሽን የሱስ ኡንቱንታ፡ “አሳይ ባናዉ ኮሸና፤ አሳዉ ሜተትያባ ህንተንቱ እምተ” ያጊዳ።

17 ኡንቱንቱ ዛሪደ እ፡ “ኦዉ ሀዋን እቼሹ ኡክላጥን ላኡ ሞልያጥ አትን፡ ሀራይ ባዋ” ያጊድኖ።

18 የሱስ ኡንቱንታ፡ “ሄዋንታ፡ ሃ ታኮ አህተ” ያጊዳ።

19 አሳይ ማታን ኡታና ማላ፡ የሱስ አዛዜዳ፤ እቼሹ ኡክላን ላኡ ሞልያ ኦይቁደ፡ ሳሉዋ ፑደ ጸሊደ፡ ጸሳ ጋላቲዳ፤ ሄ ኡክላ መንሊደ፡ ባረና ካልያዋንቶ እምና፡ ኡንቱንቱ ጮራ አሳዉ ግሼድኖ።

20 አሳይ ኡባይ ሚደ ካሌዳ፤ አቲዳ ሱፓ ደካ ታማን ላኡ ዛምቤልያ ኩሜዳዋ ደንሌድኖ።

21 ሚዳ አሳይ ማጫ አሳን ናና ገይደናን፡ እቼሹ ሻኦ ግድያዋ ከና።

የሱስ አባ ቦላና ሀመቲደ ቤዳ (ማር. 6:45-52፤ ዮሃ. 6:15-21)

22 የሱስ ጮራ አሳ ሞይዚድ፣ ባረና ካልያዋንታ ዋንግርያን ገሊደ፣ ባረጥ ሰንፋቲድ፣ አባጥ ሄፍንግ ፕናና ማላ አዛዜዳ።

23 አሳ ሞይዚድ፣ ጸሳ ዋሳናው ደርያ ሁጲያ ባረካ ከሴዳ፤ ሳኦይ ቃዎ ድግናካ ሄዋን ባረካ ደኤ።

24 ሸን ዋንግሪ ሄ ዎደ፣ አባ ቦላን ደአሸን፣ ሰንፋ ባጋና ጫርኩ ጫርክያ ድራው፣ ቤታይ ዋንግርያ ያነ ሃነ ሱጌ።

25 ባይራ ኩቱ ዋሰ ሰምና፣ የሱስ አባ ቦላ ሀመቲድ፣ ኡንቱንቱኮ ዬዳ።

26 አ ካልያዋንቱ አባ ቦላ አ ሀመትሸን በእ ዳጋሚድ፣ “ሀዌ ሞይትልያ ግደኔ!” ግ ያዬደ ዋሴድና።

27 ሸን የሱስ ኤለካ ኡንቱንታ፣ “አይነ ባዋ፤ ታናተ፤ ያዮፕተ!” ያጌዳ።

28 ጳጳርሰ ዛሪደ አ፣ “ታ ጎዳው፣ ሀዌ ኔና ግደፕ፣ ታን ሃፋ ቦላና ኔኮ ባና ማላ፣ ታና አዛዛርኪ” ያጌዳ።

29 የሱስ ጳጳርሳ፣ “ሃያ!” ያጌዳ። ጳጳርሰ ዋንግርያፕ ዎጲድ፣ ሃፋ ቦላና ሀመቲድ፣ የሱሳኮ ቡሳ ደሜዳ።

30 ሸን ጫርኩዋ ዎልቃ በኢደ፣ ያዬዳ፤ ሃፋይ ባረና ሞቱዋ ደሜዳ ዎደ፣ ባረ ኮሻ ጶቁ ኦሊደ፣ “ታ ጎዳው ታና አሻርኪ!” ያግ ዋሴዳ።

31 ሄ ማንእያን የሱስ ባረ ኩሽያ የድ ጳጳርሳ ኦይቂድ፣ “ላ ሀ አማኑ ላፊዳዎ! እያው ሰቆዲ?” ያጌዳ።

32 ኡንቱንቱ ላኑ ዋንግርያን ገሌዳ ዎደ፣ ጫርኩ ዎፕ ጌዳ።

33 ዋንግርያ ግደን ደእያ አ ካልያዋንቱ የሱሳ፣ “ኔን ጸሳ ናአ ግዴዳዌ ቱማ” ያጌደ አው ጎይኔድና።

የሱስ ገንጎሬጸን ሀርጋንቻ ፓሌዳ (ማር. 6:53-56)

34 ኡንቱንቱ አባ ፕኒደ፣ ገንጎሬጸ ጌተትያ ጋድያ ጋኬድና።

35 ሄ ጋድያ አሳይ የሱሳ ግድያዎ ኤሬድና፤ ሄዎ ሄራ ጋድያ ኡሳ ኪቲደ፣ ሀርግያ አሳ ኡባ አኮ አሄድና።

36 ሀርግያ አሳይ አ ማዩዋ ማጫራ ጸላላ ቦቻና ማላ፣ አ ዎሴድና፤ አ ማዩዋ ማጫራ ቦቹዳ ኡባይካ ፓጾዳ።

15

አዎቱዋ ዎጋባ (ማር. 7:1-13)

1 ሄዋጥ ጉይያን፣ ሀግያ ታማርሰያ እት እት አሳይነ ፓርሳዋቱ የሩሳላመፕ የሱሳኮ ዬደ።

2 “ኋና ካልያዋንቱ እያው ኑ አዎቱዋ ዎጋ ባይዚና? እያው ጎፕ፣ ኡንቱንቱ ቁማ ማናፕ ካሰቲድ፣ ባረንቱ ኩሽያ ሚጫትክና” ያጌድና።

3 የሱስ ዛሪደ፣ ኡንቱንታ ሀዋዳን ያጌዳ፤ “ሀንተንቱ ሀንተ ዎጋ ድራው፣ ጸሳ አዛዙዋ ፖልያዎ እያው እጲቱ?”

4 እያው ጎፕ ጸሳይ፣ ና አባነ ነ ዳዮ ቦንቻ ቃይ፣ ባረ አባ ዎይ ባረ ዳዮ ቦርያዌ ሀይቆ ያጌዳ።

5-6 ሸን ሀንተንቱ፣ “እት አሳይ ባረ አባ ዎይ ባረ ዳዮ ማድያባይ ባረው ደኢና፣ ሄዌ ጸሳዋ ጎፕ፣ ባረ አባ ዎይ ባረ ዳዮ ቦንቻናው በሰና፣ ያጌታ፤ ያቲደ ሀንተንቱ ሀንተንቱ ዎጋ ፖላናው ጸሳ ቃላው አዛዘትክታ።

7 ሀ ሎአ ማላትያ ኢታ አሳቶ፣ እሰያሰ ባለናን ሀንተንቱባው ትምቢትያ ኦዲደ።

8 “ ጸሳይ ሀዋዳን ያጌዳ፤

“ሀዌ አሳይ ታና፣

ባረ ቦላ ደናን ቦንቹ፤

ሸን ኡንቱንቱ ዎዛናይ፤

ታፕ ሃኩዋን ደኤ።

9 አሳይ ታው መላ ጎይኔ፤

እያው ጎፕ፣ አሳይ ኦሌዳ አዛዙዋ፣

ጸሳ ሀግያ ማላትሲደ፣

ታማርሴድና” ጌዳ፣ ”

ያጌዳ።

አሳ ቱንሰያዋንታ (ማር. 7:14-23)

10 የሱስ ዳር አሳ ባረኮ ጾሲደ፣ “ሰሰተነ አኬክተ፤

11 አሳ ቱንሰያዌ ደና ግደ ገልያዎ ግደና፤ ሸን አሳ ቱንሰያዌ ደናፕ ከሰያዎ” ያጌዳ።

12 ሄዋጥ ጉይያን፣ አ ካልያዋንቱ አኮ ዬደ፣ “ፓርሳዋቱ ኔን ሃሳዬዳዎ ሰሲደ፣ ሀንቀቱዳዎ አኬካይ?” ያጌድና።

13 ሸን የሱስ ዛሪደ፣ “ሳሉዋን ደእያ ታ አቡ ቶክቤና ሞላ ኡባይ ሸደታናዎ።

14 ኡንቱንቶ ሀርጎፕተ፤ ኡንቱንቱ ቆቃ ካለላያ ቆቃቱዋ፤ ቆቃይ ቆቃ ካለሳፕ፣ ላኡካ ኦላን ኩንዴ” ያጌዳ።

15 ጳጳርሰ ዛሪደ፣ “ሀ ሌምሱዋ ብለላ ኑው አዳርኪ” ያጌዳ።

16 የሱስ ኡንቱንታ ሀዋዳን ያጌዳ፤ “ሀንተንቶ ቃይ ሀእ ጋካናውካ ገልቤኔ?

17 ደናና ገልያ ኡባይ ኡሉዋ ግደ ቢደ፣ ቃይ ኡሉዋፕ ካረ ከሰያዎ ኤርክቱ?

18 ሸን ደናፕ ከሰያዌ ዎዛናፕ ከሴ፤ አሳ ቱንሰያዌ ሄዋ ማላ።

19 እያው ጎፕ፣ ዎዛና ግደፕ ኢታ ቆፋይ፣ ዎድያዎ፣ ዎሹምያዎ፣ ቃይ ዎሹማናው ካጄልያዌ ኡባይ፣ ወእያዎ፣ ዎርዱዋን ማርካትያዎ፣ ቦሪ ከሴ።

20 ሄዋ ማላትያዌ አሳ ቱንሰያዋፕ አትን፣ ማጫቤና ኩሽያን ሞያዌ አሳ ቱንሰና” ያጌዳ።

ካናን አሳ ግዴዳ እት ማጫውን አማኑዋ (ማር. 7:24-30)

21 ሄዋጥ ጉይያን፣ የሱስ ሄዋጥ አገደ፣ ጲርሳነ ሲደና ጌተትያ ካታማቱ ደእያ ጋድያ ቤዳ።

22 ካናን ጌተትያ ጋድያ ማጫውና እትና ሄዋጥ የሱሳኮ ያደ፣ ባረ ኮሻ ጶቁ ኦላደ፣ “ታ ጎዳው፣ ዳዊታ ናአው፣ ታው ቃረታርኪ፤ ታ ናቶ ኢታ አያናይ ሎኤና ኦይላ ኦይቂዳ” ያጋድ።

23 ሸን የሱስ አዝው አይ ቃላነ ቃትቤና፤ አ ካልያዋንቱ አኮ ዬደ፣ “ሀ ሞሽራታ ኑ ጌዱዋ ካላ ካላደ፣ ባረ ኮሻ ጶቁ ኦላደ አዳው፤ ሄዋ ድራው፣ ኔን እዞ የዳርኪ” ያጌደ ዎሴድና።

15:4 ከሳ 20:12፤ 21:17፤ ዛረ. 5:16፤ ዎጋ 20:9 15:9 አሳ. 29:13

24 የሱስ ዛሪድ፡ “ታን ባዬዳ ደርሳው፤ እስራኤልያ አሳ ጸላላው ከተታድ” ያጌዳ።

25 ሸን እዛ ያደ፡ “ታ ጎዳው፡ ታና ማዳርኪ!” ያጋደ እው ጎይናድ።

26 ቃይ እ ዛሪድ፡ “ናና ቁማ እኪድ፡ ካና ማራው ኦልያዌ ሎኦ ግደና” ያጌዳ።

27 ሞሽራታ፡ “ኤ ታ ጎዳው፡ ሄዌ ቱማ፤ ሸን ሀራይ አቶ ካና ማራቱ ባረንቱ ጎዳቱ ማና፡ ሳሞፓፕ ላለቱዳ ሱፓ ማናተኔ” ያጋድ።

28 የሱስ ዛሪድ እዞ፡ “ሀ ሞሽራቱ፡ ነ አማኑ ዋልቃማ፤ ኔን ኮዬዳዋዳን ነው ሀና” ያጌዳ። እዞ ናታ ኤለካ ፓጸ አጋድ።

የሱስ ጮራ ሀርጋንቻቱዋ ፓሌዳ

29 የሱስ ሄዋፕ ደንዲድ፡ ጋሊላ አባ ማታ ቤዳ፤ ቃይ እት ደርያ ቦላ ከሲድ፡ ሄዋን ኡቲዳ።

30 ደሮ አሳይ ዋባቱዋ፡ ቆቃቱዋ፡ ቁናቱዋን ዲደቱዋ፡ ቃይ ሀራ ጮራቱዋ እኮ አሂድ፡ አ ማታን ዋሌዳ። የሱስ ኡንቱንታ ፓሌዳ።

31 ሄዋ ድራው፡ አሳይ ዲዳቱ ሃሳይሸን፡ ቁናቱ ሱርሸን ዋባቱ ሀመትሸን፡ ቆቃቱ ጸልሸን በእ ማላለቲድ፡ እስራኤልያ ጸሳ ጋላቲድና።

የሱስ ኦይዲ ሻእ አሳ ሞዜዳ (ማር. 8:1-10)

32 የሱስ ባረና ካልያዋንታ ባረኮ ጸሲድ፡ “ሀ ጮራ አሳይ ታናና ሄዙ ጋላሳይ ጋካናው ጋምኤዳ ድራው፡ ታን ሀ አሳው ቃረታይ፤ ኡንቱንቶ ሀእ ሞያዌ ባዋ። ቃይ ኡንቱንቱ ኦግያን ዳቡሪድ ኩንደና ማላ፡ ቁማ ሞዘናን ኡንቱንታ ሙላ የዳናውካ ኮይከ” ያጌዳ።

33 አ ካልያዋንቱ ዛሪድ የሱሳ፡ “ኑን ሀ ባዙዋን ሀዋ ኬና አሳ ካልሰያ ቁማ ሀቃፕ ደማኔ?” ያጌድና።

34 ቃይ የሱስ ኡንቱንታ፡ “ሀንተንቶ አፑን ኡክላይ ደኢ?” ያጌደ ኦቼዳ።

ኡንቱንቱ፡ “ላፑ ኡክላይነ ሞለቱዋፕ አማራዳዋንቱ ደኢና” ያጌድና።

35 የሱስ አሳ፡ “ሳኣን ኡትተ” ያጌዳ።

36 ሄ ላፑ ኡክላነ ሞልያ ኦይቂድ፡ ጸሳ ጋላቲዳ፤ ሙን ራልደ ባረና ካልያዋንቶ እሜዳ፤ ቃይ ኡንቱንቱ ጮራ አሳው እሜድና።

37 አሳይ ኡባይ ሚደ ካሌዳ፤ ሚና አቲዳ ላፑ ዛምቤልያ ኩሜዳ ሱፓ አ ካልያዋንቱ ደንጫድና።

38 ሚዳ አሳይ ማጫ አሳነ ናና ፓይደና፡ ኦይዲ ሻእ አቱማ አሳ።

39 የሱስ አሳ የደዋፕ ጉይያን፡ ዋንግርያን ገሊድ፡ ሙገደነ ጌተትያ ጋድያ ቤዳ።

16

ማላታ በአናው ኦቼዳ ኦሻ (ማር. 8:11-13፤ ሉቃሳ 12:54-56)

1 እት እት ፓርሳዋቱን ሳዲቃዋናቱ የሱሳኮ ዪድ፡ እ ፓጫናው ኮዬድና፤ ያቲደ ባረንታ ሳሉዋፕ ማላታ በሳና ማላ ዋሴድና።

2 ሸን የሱስ ዛሪድ፡ ኡንቱንታ ሀዋዳን ያጌዳ፤ “ሳእይ ቃምያ ዋደ ሀንተንቱ፡ ሳሉ ዘኤዳ ድራው፡ ሳእይ ሻማናዋ” ያጌታ፤

3 ዋንቱማላን ቃይ፡ ሳሉ ዘኢደ ጉባኔዳ ድራው፡ ሀቼ እራይ ቡካናዋ” ያጌታ፤ ሳሉዋ ጸሊድ፡ ሳእይ ሀናናዋ ኤራናው ዳንዳዪታ፤ ሸን ታ ዩሳ ዋድያ ማላታ ሻክ ኤራናው ዳንዳይክቲ?*

4 ሀ ዋድያ አሳይ ኢታይነ ዋሹምያዌ፡ ጸሳው አማነተናዌ፡ ማላታ ኮዬ፤ ናብያ ዮናሳ ማላታፕ አትን፡ ሀራ ማላታይ እው እመተና” ያጌዳ። ሄዋፕ ሰሚድ፡ ኡንቱንታ አጊደ ቤዳ።

ፓርሳዋቱዋን ሳዲቃዋናቱዋ እርሹዋ (ማር. 8:14-21)

5 አ ካልያዋንቱ አባ ፕኔዳ ዋደ፡ ቁማ አፋናዋ ደጌድና።

6 የሱስ ኡንቱንታ፡ “ፓርሳዋቱዋ እርሹዋፕ ሀንተንታ ኤሪደ ናገትተ” ያጌዳ።

7 ኡንቱንቱ ባረንቱ ግደን፡ “እ ሀዋ ያግያዌ ኑን ቁማ አሀቤና ድራሳ” ያጌደ ሃሳያ ደሜድና።

8 ሸን ኡንቱንቱ ግያዋ የሱስ ኤሪድ፡ “ሀ አማኑ ፓጫዳዋንቶ፡ ቁማይ ባይና ድራው፡ አያው ሀንተንቱ ግደን ሃሳዪቲ?”

9 ሀእካ ሀንተንቶ ገልቤኔ? ታን እቼሹ ኡክላ እቼሹ ሻእ አሳ ሞዛደ ካልሴዳዋ፡ ቃይ ሀንተንቱ አፑን ዛምቤልያ ኩንጪደ አቲዳ ሱፓ ደንጫድተንቶ ዋዛና አልክቲ?”

10 ዋይ ታን ላፑ ኡክላ ኦይዲ ሻእ አሳ ሞዛ ካልሴዳዋ፡ ቃይ ሀንተንቱ አፑን ዛምቤልያ ኩንጪደ አቲዳ ሱፓ ደንጫድተንቶ ዋዛና አልክቲ?”

11 ታን ሀንተንታ ፓርሳዋቱዋ እርሹዋፕ ሳዲቃዋናቱዋ እርሹዋፕ ናገትተ ግያዋፕ አትን፡ ኡክላባ ሀንተንቶ ሃሳያቤናዋ ሀንተንቱ ዋኒደ አኬክክቲ?” ያጌዳ።

12 አ ካልያዋንቱ የሱስ ባረንቶ ኦዴዳዋ፡ ፓርሳዋቱዋ ትምርትያፕ ሳዲቃዋናቱዋ ትምርትያፕ ኡንቱንቱ ናገታና ማላ ኦይቶዋፕ አትን፡ ሙናቃን ትግያ እርሹዋፕ ናገታና ማላ ግደናዋ ሄ ዋደ አኬኬድና።

ጸጽሮሳ አማኑዋን ማርካተሳ (ማር. 8:27-30፤ ሉቃሳ 9:18-21)

13 የሱስ ቁሳርያ ፕሊጸሳ ጌተትያ ጋድያ ጋኬዳ ዋደ፡ ባረና ካልያዋንታ፡ “አሳይ ታና፡ አሳ ናአ ኦና ገ?” ያጌደ ኦቼዳ።

14 አ ካልያዋንቱ ዛሪድ፡ “ኔና እት እት አሳይ፡ ጸማቅያ ዮሃንሳ ያጌ፤ ሀራንቱ ቃይ ኤሳሳ ያጌና፤ ቃይ ሀራንቱ ኤርማሳ ዋይ ናባቱዋፕ አቲዋ ያጌና” ያጌድና።

15 የሱስ ኡንቱንታ፡ “ያትና ሀንተንቱ ታና ኦና ገቲ?” ያጌዳ።

16 ሰሞን ጸጽሮሳ ዛሪድ፡ “ኔን ደኡዋ ጸሳ ናአ ክርሰቶሳ” ያጌዳ።

17 የሱስ ዛሪድ፡ ሀዋዳን ያጌዳ፤ “ዮና ናአ ሰሞና፡ ሀዋ ነው ሳሉዋን ደኢያ ታ እቡ ኤርሴዳዋፕ አትን፡ አሳይ ኦንነ ኔና ኤርሰቤና ድራው፡ ኔን አንጀቲዳዋ።

* 16:3 እት እት ጌሻ ማጸፋ በን ብለላቱዋን የሱሳ ቃላቱ ሀ ፓይዳቱዋን ባዋ።

18 ጳጳሮች፡ ታን ነጩ ኦዳይ፤ ኔን ሹቻ፤ ታን ሀ ዛላ ቦላ ታ ዋሳ ጎልያ ኬጻና፤ ታ ዋሳ ጎልያ ሀራይ እቶ፡ ስኦልያ ዋልቃይካ ጸናናግ ዳንዳየና።

19 ታን ነጩ ሳሉዋ ካወተላ ቁልጥያ እማና፤ ኔን ሳኣን ሀኖ ጎዌ ኡባይ ሳሉዋን ጸሳ ሰንላን ሀናና፤ ሸን ኔን ሳኣን ሀኖ፡ ጌዳዌ ሳሉዋንካ ሀናና” ያጌዳ።

20 ሄዋጥ ጉይያን፡ እ ክርስቶሳ ግዴዳዋ ኦ ካልያዋንቱ ኦሰን ኦደና ማላ፡ ኡንቱንታ ኦዛዜዳ።

የሱስ ባረና ጋካና መቼዋባን ሀይቁዋባ ኮይር ኦዲዋ ኦዲዳ

(ማር. 8:31-33፤ ሉቃሳ 9:22-27)

21 ሄ ዋድያጥ ደሚደ የሱስ፡ “ታን የሩሳላመ ቢና፡ ታና ጭማቱ፡ ቁሳቱዋ ካፓቱን ሀግያ ታማርሰያዋንቱ ዳሪ ዋይሳናግ በሴ፤ ኡንቱንቱ ታና ዋቆናግ ታን ሄዘንሉ ጋላሰ ሀይቁዋጥ ደንዳናግ በሴ” ያጌደ፡ ባረና ካልያዋንቶ ጌሺደ ኦዲዋ ደሚዳ።

22 ጳጳሮስ ኦ እት ባጋ ዛሪደ፡ “ታ ጎዳግ፡ ጸሳይ ኔና ሄዋጥ ኦሸ፤ ሀዌ ነ ቦላ ኡባካ ዬና” ያጌደ ኦ ዘራናግ ደሚዳ።

23 ሸን የሱስ ጉየ ሰሚደ ጳጳሮች፡ “ሀ ሴጻናግ፡ ኔን ታ ማታጥ ክቻ፤ ኔን ኦሳይ ደሰያዋ ቆጥያዋጥ ኦትን፡ ጸሳይ ደሰያዋ ቆጥና ድራግ፡ ታዉ ቆቦ ግዳዳ” ያጌዳ።

የሱሳ ካላናግ ኮሸያ ኦግያ (ማር. 8:34—9:1፤ ሉቃሳ 9:23-27)

24 ሄዋጥ ጉይያን፡ የሱስ ባረና ካልያዋንታ ሀዋዳን ያጌዳ፤ “ታና ካላናግ ኮይያ ኡራይ ደኦ፡ ባረና ካዳ፤ ያቲደ ባረ ማሰቃልያ ቶኪደ፡ ታና ካሎ።

25 ኦያዉ ጎጥ፡ ባረ ሸምጥዋ ኦሻናግ ኮይያ ኡራይ ባይዛናዋ፤ ሸን ባረ ሸምጥዋ ታ ድራግ ባይዘያ ኡራይ ኦሻናዋ።

26 እት ኡራይ ሳኣን ደኦያ ኡባባ ባረግ ሸሸደ፡ ባረ ሸምጥዋ ባይዘጥ፡ ኦ ኦያ ማዳኔ? ዋይ እት ኡራይ ባረ ሸምጥዋ ዋዛናግ ኦያ እማና ዳንዳዪ?

27 ኦያዉ ጎጥ፡ ታን፡ ኦሳ ናኦይ፡ ታ ኦቡ ቦንቹዋን ታ ኪታንቻቱዋና ያና ሀናይ፤ ኦሳ ኡባዉ ሄ ዋደ ኦ ኡቡዋ ጋትያ እማና።

28 ታን ሀንተንቶ ቱሙዋ ጋይ፤ ኦማራዳ ኦሳቱ፡ ታን፡ ኦሳ ናኦይ፡ ካትያ ግዳደ ይያዋ በኦና ጋካናግ፡ ሀይቀናዋንቱ ሀዋን ደኦና” ያጌዳ።

17

የሱሳ ማላይ ላመቱዳ (ማር. 9:2-13፤ ሉቃሳ 9:28-36)

1 የሱስ ኡሱቱን ጋላሳጥ ጉይያን፡ ባረናና ጳጳሮች፡ ያቆባን፡ ያቆባ እሻ ዮሃንሳ ኦኪደ፡ ኡንቱንቱ ጸላላ ዋጋ ደርያ ሁጲያ ከሴዳ።

2 ቃይ ኡንቱንቱ ጸልሸን፡ ኡንቱንቱ ሰንላን ላመቱዳ፤ ኦ ዳሙ ኦዋይፍያዳን ፖኤዳ፤ ኦ ማዮካ ፖኤዋዳን ጳሌዳ።

3 ሙሴን ኤላሰ የሱሳና ሃሳይሸን፡ ሀ ሄዙ ኦ ካልያዋንቱ በኤድና።

4 ጳጳሮስ የሱሳ፡ “ታ ጎዳግ፡ ኔን ሀዋን ደኦያዋ ኡዉ ሎኦ፤ ኔን ደሰጥ፡ ኔን ሀዋን ሄዙ ደሰያ እቱዋ ነግ፡ እቱዋ ሙሴግ፡ እቱዋ ኤላሳዉ ኬጻና” ያጌዳ።

5 እ ሃሳይሸን፡ ፖኦያ ሻሪ ዪ ኡንቱንታ ካም ኦጌዳ፤ ሻርያ ግዳጥ፡ “ሀዌ ታን ሲቅያ ታና ናሸቻያ ታ ናኦ፤ እ ግያዋ ሰሰጥ” ግያ ቃላይ ዬዳ።

6 ኦ ካልያዋንቱ ሄ ቃላ ሰሴዳ ዋደ፡ ዳር ያዪደ፡ ጉፋን ኦጌድና።

7 የሱስ ኡንቱንቱኮ ዪደ፡ ኡንቱንታ ቦቺደ፡ “ደንድተ፤ ያዮጥጥ” ያጌዳ።

8 ኡንቱንቱ ቶቁ ጊደ ጸልያ ዋደ፡ የሱሳ ጸላላጥ ኦትን፡ ሀራ ኦሳ ኦናን በኦይክና።

9 ኡንቱንቱ ደርያጥ ዋቆሸን፡ የሱስ ኡንቱንታ፡ “ታን ኦሳ ናኦይ፡ ሀይቁዋጥ ደንዳና ጋካናግ፡ ሀ ሀንተንቱ በኤዳዋ ኦሰን ኦደጥጥ” ያጌደ ኦዛዜዳ።

10 ኦ ካልያዋንቱ የሱሳ፡ “ያትና፡ ሀግያ ታማርሰያዋንቱ ኦያዉ፡ ‘ኤላሰ ካሰቲደ ያናግ በሴ’ ጊና?” ያጌደ ኦቹድና።

11 ኦ ዛሪደ ያጌዳ፤ “ኤላሰ ካሰት ዪደ፡ ኡባባ ጊግሳናዋ።

12 ሸን ታን ሀንተንቶ ኦዳይ፤ ኤላሰ ሀዋጥ ካሰ ይ ድጌዳ። ሄ ዋደ ኦሳይ ኦ፡ ባረንቶ ኮዬዳዋዳን ኡባ ኦዬዳዋጥ ኦትን ኦ ኤርባይክና፤ ሄዋዳንካ፡ ቃይ ታና፡ ኦሳ ናኦ፡ ኦሳይ ዋይሳናዋ” ያጌዳ።

13 ኦ ካልያዋንቱ ሄ ዋደ ባረንቶ የሱስ ጸማቅያ ዮሃንሳባ ኦድያዋ ኦኬኬድና።

የሱስ ኢታ ኦያናይ ኦይቁዳ ናኦ ፓጱዳ (ማር. 9:14-29፤ ሉቃሳ 9:37-43)

14 ኡንቱንቱ ዳር ኦሳኮ ዬዳ ዋደ፡ እት ብታኒ የሱሳኮ ዪደ፡ ኦ ሰንላን ጉልባቲደ።

15 “ታ ጎዳግ፡ ታ ናኦ ዋዛና ባይዘያ ሀርጊ ኦይቁና፡ እ ዳር ዋደ ታማን፡ ቃይ ዳር ዋደ ሃላን ኩንድያ ድራግ፡ እ ዳር ሳከቲ፤ ኦ ፓላርኪ።

16 ኔና ካልያዋንቱኮካ ኦ ኦሃድ፤ ሸን ፓላርኪ ዳንዳይበይክና” ያጌዳ።

17 የሱስ ዛሪደ ኡንቱንታ፡ “ኦማና ሀ ዋድያ ጌላ ኦሳግ! ታን ሀንተናና ኦዉደ ጋካናግ ደኦኔ? ቃይ ሀንተንቱባ ኦዉደ ጋካናግ ዳንዳያኔ? ናኦ ታኮ ሃ ኦኪደ ዪጥ” ያጌዳ።

18 የሱስ ኢታ ኦያና፡ “ኦጥ ከሳ” ጊደ ኦዛዘና፡ ኢታ ኦያናይ ናኦጥ ከሰ ኦጌዳ፤ ኤላካ ናኦይ ፓጽ ኦጌዳ።

19 ሄዋጥ ጉይያን፡ ኦ ካልያዋንቱ ባረንቱ ጸላላ የሱሳኮ ዪደ፡ “ኔን ኢታ ኦያና ከሳናግ ኦያዉ ዳንዳይበይኮ?” ያጌድና።

20 የሱስ ኡንቱንታ ያጌዳ፤ “ሄዌ ሀንተንቱ ኦማኑ ጉጾዳ ድራሳ፤ ታን ሀንተንቶ ቱሙዋ ኦዳይ፤ ሀንተንቶ ሳናፍጭያ ጌተትያ ጉላ ሞላት ኦይፍያ ከና ኦማኑ ደኦንቶ፡ ሀንተንቱ ሀ ደርያ፡ ላዋጥ ያ ሸቃ ያግንቶ ኦ ሸቃና፤ ሀንተንቱ ኦያን ኦላናግ ዳንዳያንታ።

21 ሸን ሀዋ ማላ ዋሳጥን ጸማጥ ሀራባይ ከሳናግ ዳንዳየና” ያጌዳ።

16:27 25:31፤ ማዘ. 62:12፤ ሮመ 2:6 17:1 2 ጳጳ. 1:17-18 17:5 ደመላ 22:2፤ ዛረ. 18:15፤ ማዘ. 2:7፤ ኢሳ. 42:1፤ ማቶሳ 3:17፤ 12:18፤ ማር. 1:11፤ ሉቃሳ 3:22 17:10 ሚልክ. 4:5

የሱስ ባረ ሀይቁዋ ላኤንሱዋ ኦዴዳ (ማር. 9:30-32፤ ሉቃስ 9:43-45)

22 አ ካልያዋንቱ ጋለላን፡ እትጥ ሺቅ ኡት ደእሸን፡ የሱስ ኡንቱንታ፡ “ታና፡ አሳ ናኣ፡ አሳይ አሳው አሊደ እማና።

23 አሳይ ታና ዋቆናዋ፤ ሄዋጥ ጉይያን ታን ሄዘንሉያ ጋላስ ሀይቁዋጥ ደንዳና” ያጌዳ። አ ካልያዋንቱ ዳሮ ቃረቲድና።

ጌሻ ጎልያ ገራ ገርያዋ

24 የሱስን አ ካልያዋንቱ ቅፍርናሆማ ካታማ ዬዳ ዋደ፡ ጌሻ ጎልያስ ቃራጸ አክያዋንቱ ጸጽሮሳኮ ዪደ፡ “ሀንተንታ ታማርሰያዌ ጌሻ ጎልያ ገራ ገርኔ?” ያጌድና።

25 እ ዛሪደ፡ “ገራ” ያጌዳ።

ጸጽሮስ ሰይ ገሌዳ ዋደ፡ የሱስ ካስቲደ አ፡ “ሰሞና፡ ነ ቆፋይ አዬ? ሀ ሳኣ ካታቱ ቃራጸ ዋይ ገራ ኦጥ አኪኖ? ባረንቱ ጋድያ አሳጥ አኪኖ ዋይ ሀራ ጋድያ አሳጥ አኪኖ?” ያጌዳ።

26 ጸጽሮስ፡ “ሀራ ጋድያ አሳጥ አኪኖ” ያጌዳ።

የሱስ ጸጽሮሳ፡ “ያቶጥ፡ ጋድያ አሳይ ገራናው በሰና።

27 ሸን ኡን ሀ አሳቱዋ ሀንቀፋናው ኮዮኮ፤ ኔን አባ ባደ አን ዳባ የጋ፤ ያታደ ኮይሮ ከሰያ ሞልያ ኦይቃደ፡ አ ደና ፖቅያ ዋደ፡ ገራው ግድያ ሚሻ ኔን ደማና። ሄዋ አካደ፡ ታ ገራነ ነ ገራ ኡንቱንቶ እማ” ያጌዳ።

18

ኡባጥ አድያዌ ኦኔ? (ማር. 9:33-37፤ ሉቃስ 9:46-48)

1 አ ካልያዋንቱ የሱሳኮ ሄ ዋደ ዪደ፡ “ሳሉዋ ካውተላን ኡባጥ አድያዌ ኦኔ?” ያጌድና።

2 የሱስ እት ጉላ ናኣ ጼስ ኡንቱንቱ ግድን ኤሲደ፡ ሀዋዳን ያጌዳ፤

3 “ታን ሀንተንቶ ቱሙዋ ኦዳይ፤ ጸሳኮ ሀንተንቱ ሰሚደ፡ ጉላ ናናዳን ሀናና ቆጥጥ፡ ሳሉዋ ካውተላ ኡባካ ገላናው ዳንዳይክታ።

4 ሰሞ ሀ ጉላ ናኣዳን፡ ባረና ካውሸያ ኡን ሳሉዋ ካውተላን ኡባጥ አድያዋ።

5 ቃይ ሀዋ ማላ ናኣ ታ ሱንላን ሞክያ ኡን ታና ሞኬ።

6 ሸን ታና አማንያ ሀ ጉላ ናናጥ እቱዋ ባለሉያ ኡን፤ ጋጭያ ዋጋ ዋጸ ባረ ቆድያን ቃቺደ፡ አባ ጨሙዋን ሞተትያዌ አው ሎኣ።

ዱቦ ጋሶ ግድያዋ (ማር. 9:42-48፤ ሉቃስ 17:1-2)

7 “አላሚ አሳ ዱቢያ ድራው፡ ሳአው አየር፤ አያው ጎጥ፡ ዱቢያባይ ዩሳ አገና፤ ሸን ዱቡ አ ጋሶታን ይያ ኡራው አየር።

8 “ኔና ኩሺ ዋይ ነ ገዲ ኔና ባለሉጥ፡ ኔጥ ቃንጸ ኦላ፤ ኔን ላኡ ኩሸያናን ላኡ ገድያና መድና ታማን ኦለትያዋጥ ዋባ ዋይ ዱጸ ኩሸያና መድና ደኡዋ ገልያዌ ነው ሎኣ።

9 ቃይ ነ አይፊ ኔና ባለሉጥ፡ ኔጥ ዋጫ ከሳ ኦላ፤ ኔን ላኡ አይፍናና ጋናሞያ ታማን

ኦለትያዋጥ እት አይፍናና መድና ደኡዋ ገልያዌ ነው ሎኣ።

10 “ሀንተንቱ ሀ ጉላቱዋጥ እቱዋን ካፍ ማላ፡ ሀንተንታ ናግተ፤ አያው ጎጥ፡ ታን ሀንተንቶ ኦዳይ፤ ሳሉዋን ኡንቱንቱ ኪታንቻቱ ኡባ ዋደ፡ ሳሉዋን ደእያ ታ አቡ ሰንላን ደእኖ።

11 አያው ጎጥ፡ ታን፡ አሳ ናኣይ፡ ባዬዳዋ አሻናው ያድ።

ባዬዳ ደርሳ ሌምሱዋ (ሉቃስ 15:3-7)

12 “እት አሳው ጼቱ ደርሳቱ ደእያዋንቱጥ እቱ ባዮጥ፡ ኡዲፑ ታማን ኡዲፑኑዋ ደርያን አገደ፡ ሄ ባዬዳዋ ኮያናው ቤኔ? ሀንተንቱ ዋጊቱ?

13 ታን ሀንተንቶ ቱሙዋ ጋይ፤ እ ደሞጥ፡ ባይቤና ኡዲፑ ታማን ኡዲፑ ደርሳቱዋጥ አሊደ፡ ሄ እት ደርሳን ናሸቱ።

14 ሄዋዳንካ፡ ሳሉዋን ደእያ ሀንተንቱ አቡ ሀ ጉላቱዋጥ እቱ ባያናዋካ ኮየና።

ባይዜዳ አሳው ኦፋናው በሰያባ

15 “ነ እሻይ ኔና ናቆጥ፡ ኔረካ አኮ ባደ፡ አ ናቁዋ አው ኦዳ፤ እ ነዋ ሰሶጥ፡ ነ እሻ ባላጥ ዛራዳ።

16 ሸን እ ነዋ ሰሰናን እጸጥ፡ ላኡ ዋይ ሄዙ ማርካይ ማርካቶዋን የው ኡባይ ቱማትያ ድራው፡ ሀራ እት ዋይ ላኡ አሳ ኔናና እትጥ አፋ።

17 እ ኡንቱንቱባ ሰሰናን እጸጥ፡ ኡባባ አማንያ አሳው ኦዳ፤ ቃይ አማንያ አሳይ ግያዋካ እ ሰሰናን እጸጥ፡ አማንና አሳዳንን ቃራጸ ሺሸያ አሳዳን አ ፓይዳ።

18 “ታን ሀንተንቶ ቱሙዋ ጋይ፤ ኔን ሳኣን ሀና ጎዌ ኡባይ ሳሉዋን ጸሳ ሰንላን ሀናና፤ ሸን ኔን ሳኣን ሀናፖ” ጌዳዌ ሳሉዋንካ ሀናና።

19 “ቃይካ ታን ሀንተንቶ ኦዳይ፤ ሀንተጥ ላኡ ኡራይ ሳኣን ጸሳ ዋሰያዋን አይ የውዋንን እት ዋዛና ግደጥ፡ ሳሉዋን ደእያ ታ አቡ ሄዋ ሀንተንቶ እማና።

20 አያው ጎጥ፡ ላኡ ኡራይ ዋይ ሄዙ ኡራይ ታ ሱንላን ሸቅያሳን፡ ታን ሄዋን ኡንቱንቱ ግዲዋን ደእይ” ያጌዳ።

አቶ ግያዋ

21 ጸጽሮስ፤ ሄ ዋደ የሱሳኮ ዪደ፡ “ጎዳው፡ ታ እሻይ ታና አፑ ካላ ናቆጥ ታን አው አቶ ጋናው በሲ? ላፑኑዋ ጋካናው ናቁኔዬ?” ያገደ አ ኦቺዳ።

22 የሱስ ዛሪደ አ፡ “ግደና፡ ታን ኔና ላፑን ታሙ ካላ ላፑኑዋ ጋይጥ እትን፡ ላፑኑዋ ጸላላ ገከ።

23 “አያው ጎጥ፡ ሳሉዋ ካውተላይ ባረ ቆማቱዋና ሚሻ ሄተታናው ቆፔዳ ካትያ በሴ።

24 ሄ ካቲ ሚሻ ሄተታናው ደሜዳ ዋደ፡ ዳሮ ሚሎን ብራ አጩ ደእያ እት ብታንያ እኮ አሄድና።

25 ሸን ሄ ቆማው አጩዋ ጭግያዌ ጳይና፡ አ ጎዳይ ሄ አጩዋ ጭጋናው፡ አ ማቻታን እን አ ናናይ፡ ቃይ አው ደእያ ኡባባይ ዛልኤታና ማላ፡ አ አዛዜዳ።

26 ሄዋ ድራው፡ ቆማይ ባረ ጎዳ ሰንፋን ጉልባቲደ፡ ታ ጎዳው፡ ሀያ ጎዳ ጉፋ ዋድያ ናጋርኪ፤ ታን ነው ኡባባካ ጭጋና ያጊደ አ ዋሴዳ።

27 እ ጎዳይ አው ቃረቲደ፡ አ የድ አጌዳ፤ አ አጩዋካ አው ማር አጌዳ።

28 “ሸን ሄ ቆማይ ከሲደ፡ ባረ ላገፋ ቆማቸዋጥ እቱ ባረጥ ጾቹ ብራ ሳንትሞያ ታልኤዳዋና ጋከቲደ፡ ኅ ቦላ ደእያ ታ ሚሻ ጭጋ’ ያግ አይቂደ፡ አ ጩሌዳ።

29 “ያትና ሄ አ ላገፋ ቆማይ አ ሰንፋን ጉልባቲደ፡ ላሁ ታይሻይ ጉፋ ዋድያ ናጋርኪ፤ ታን ነው ኡባባካ ጭጋና’ ያጊደ አ ዋሴዳ።

30 “ሸን እጽ እክ ቢደ፡ አ ላገፋይ ሄ አጩዋ ቃንጸና ጋካናው፡ ቃሾ ጎለ ገልሴዳ።

31 ሄዋ ድራው፡ አ ላገፋ ቆማቱ ሄዋ በአደ፡ ዳር ይሎቲድኖ፤ ባረንቱ ጎዳኮ ቢደ፡ አ አሌዳ ኡባባ አው አይድኖ።

32 “ሄዋጥ ጉይያን፡ ጎዳይ ሄ ቆማ ጾሲደ፡ ላሁ አታ ቆማው፡ ኔን ታና ዋሴዳ ድራው፡ ታን ሄ አጩዋ ኡባ ነው ማራ አጋድ።

33 ታን ነው ሄ አጩዋ ማራዳዋዳን፡ ኔንካ ነ ላገፋ ቆማው ማራናው በሰኔ?” ያጌዳ።

34 ሄዋጥ ሰሚደ አው ዳር ሀንቀቲደ፡ ባረ አጩዋ ኡባ እ ጭግ ወርሳና ጋካናው፡ ጋጸ ካኤታና ማላ፡ ቃሾ ጎለ ገልሴዳ።

35 “ሀንተንቱ ሁጲያን ሁጲያን ሀንተንቱ እሻው ዋዛናጥ አቶ ጋና ቆየጥ፡ ሄ ጎዳይ ባረ ቆማ አሌዳዋዳን፡ ሳሉዋን ደእያ ታ አቡካ ሀንተንታ ሄዋዳን አላና” ያጌዳ።

19

የሱስ ገሉዋባን አካባ ታማርሴዳ (ማር. 10:1-12)

1 የሱስ ሄ ሃሳያ ወርሶዋጥ ጉይያን፡ ጋለጣጥ ደንዲደ፡ ዮርዳኖሳ ሻፋጥ ሄፍንፋን ደእያ ይሁዳ ጋድያ ቤዳ።

2 ዳር አሳይ አ ካሊደ ቤዳዋ ሄዋን ገሌዳ።

3 እት እት ጋርሳዋቱ ገጫናው የሱሳኮ ዪደ፡ “እት አሳይ አይ ጋሱዋን፡ ባረ ማቻቶ የዳናው ኮ ሀጊ አዛዘ?” ያጊደ አ ኦቼድኖ።

4 የሱስ ዛሪደ፡ ሀዋዳን ያጌዳ፤ “ጸሳይ ኮይር አንቱንታ መጲደ፡ አቱማዋን ማጫወኖ አሌዳ።

5 ሄዋ ድራው፡ ላሁ አሳይ ባረ አባን ባረ ዳዮ አጊደ፡ ባረ ማቻትና እትጥ ደኤ፤ አንቱንቱ ላኡ እት አሳ ግዲኖ’ ያግያ ቃላ ናባብበይክቲ?

6 ሄዋ ድራው፡ አንቱንቱ እት አሳ ግድያዋጥ አትን፡ ላኡ አሳ ግድክኖ፤ ሄዋ ድራው፡ ጸሳይ እትጥ ደእናዳን ጋላዋ አሳይ ሻኮፖ” ያጌዳ።

7 ጋርሳዋቱ የሱሳ፡ “ያትና፡ ሙሴ አያው እት ኡራይ ባረ ማቻቶ ፕርማ ፔጲደ የዳና ማላ አዛዘዳ?” ያጌድኖ።

8 የሱስ ዛሪደ፡ “ሀንተንቱ ሀንተንቱ ማቻቱዋ የዳና ማላ፡ ሙሴ ሀንተንታ አዛዘዳዊ፡ ሀንተንቱ ኦድና ሰሰና ጉዙማ ግዶ ድራጥ አትን፡ ኮይር ሄዋ ማላ ግደና።

9 ታን ሀንተንቶ ኦዳይ፤ ባረ ማቻቶ ዋሹመናን ደእሸን የዲደ፡ ሀራር አክያ ኦንን ዋሹሜ፤ ሀራይ የዴዳወኖ አክያዋካ ዋሹሜ” ያጌዳ።

10 የሱሳ ካልያዋንቱ አ፡ “አሰና ግዲዋንን ማቻት ግዲዋን ደእያ ዋጋይ ሄዋ ማላ ግደጥ፡ አከናን ገለናን ደእያዋ ሎአ” ያጌድኖ።

11 ሸን የሱስ አንቱንታ ያጌዳ፤ “ሄዋ ማላ ትምርቲ ጸሳይ እሞዋንቱሳጥ አትን፡ አሳ ኡባሳ ግደና፤

12 አያው ጎጥ፡ ባረንቱ ዳይ ኡሉዋጥ የለትያ ዋደካ፡ ሹፋ ግዴዳዋንቱ ደእኖ፤ ቃይ አሳይ ቃራትና ሙራሳ ግዴዳዋንቱ ደእኖ፤ ቃይ ሳሉዋ ካወተላ ድራው፡ ባረንታ ሹፋ አሌዳዋንቱ ደእኖ፤ ሀ ትምርትያ አካናው ዳንዳይያዋ ኦንን አኮ” ያጌዳ።

የሱስ ቁር ናና ቦላ ባረ ኩሽያ ዋሌዳ (ማር. 10:13-16፤ ሉቃሳ 18:15-17)

13 የሱስ ሄ ዋደ ባረ ኩሽያ ጉፋ ናና ቦላ ዋሌዳ፡ ጸሳ ዋሳና ማላ፡ እት እት አሳይ ናና አኮ አሄዳ፤ ሸን የሱሳ ካልያዋንቱ ሄ አሳ አሄና ማላ ሀንቀቲድኖ።

14 ሸን የሱስ፡ “ቁር ናናይ ታኮ ይያዋ ድጎጥተ፤ አያው ጎጥ፡ ሳሉዋ ካወተላይ ሄዋንቱ ማላሳ” ያጌዳ።

15 ሄዋጥ ሰሚደ ባረ ኩሽያ አንቱንቱ ቦላ ዋሌዳዋጥ ጉይያን፡ ሄዋጥ ባሽ ቤዳ።

ያላጋ፡ ዱረ ብታንያ ኦሻ (ማር. 10:17-31፤ ሉቃሳ 18:18-30)

16 እት ብታኒ የሱሳኮ ዪደ፡ “ታማርሰያዎ፡ ታን መድና ደኡዋ ደማናው ሎኦባ አያ አሉ?” ያጌዳ።

17 የሱስ አ፡ “ሎኦባይ አየንቶ ታና አያው ኦቻይ? እቱዋ ጸላላይ ሎኦ፤ ሸን ኔን መድናው ደእናው ኮዮጥ፡ አዛዛቱዋ ናጋ” ያጌዳ።

18 ብታኒ፡ “ሀቃዋንታ?” ያጊደ ኦቼዳ። የሱስ ዛሪደ፡ “ዋጲጋ፤ ዋሹዋጋ፤ ወኦጋ፤ ዋርዲዋ ማርካቶጋ፤

19 ነ አባን ነ ዳዮ ቦንቻ፤ ነ ሾሩዋካ ነ ሁጲያዳን ሲቃ” ያጌዳ።

20 ሄ ያላጋ ብታኒ የሱሳ፡ “ታን ሄዋ ኡባካ ጉፋተላጥ ደማደ ናጋድ፤ ያትና፡ ታው ጋጭያዋ አዬ?” ያጌዳ።

21 የሱስ ብታንያ፡ “ኔን ፖሎ አሳ ግዳናው ኮዮጥ፡ ባደ ነው ደእያዋ ዛልአደ፡ ሄ ሚሻ ሀዬሳው እማ፤ ኔን ሳሉዋን ዱረታና፤ ያታደ ያደ ታና ካላ” ያጌዳ።

22 ሸን ሄ ያላጋ ብታኒ ሄዋ ሰሴዳ ዋደ፡ እ ዳር ዱረ ግድያ ድራው፡ ቃረቲደ ባሽ ቤዳ።

23 የሱስ ባረና ካልያዋንቶ፡ “ታን ሀንተንቶ ቱሙዋ ጋይ፤ ዱረ አሳይ ሳሉዋ ካወተላ ገለናዋ ዳር መቶ ግዳናዋ።

24 ታን ጉጃደካ ሀንተንቶ ኦዳይ፤ ዱረ አሳይ ጸሳ ካወተላ ገለናጥ፡ ጋሉ ማርጥያ ሎኩዋና አቆናዋ ማታቱ” ያጌዳ።

25 አ ካልያዋንቱ ሄዋ ሰሰ ማላለቲደ፡ “ያትና፡ ኦን አታናው ዳንዳዪ?” ያጌድኖ።

19:4 ደመላ 1:27፤ 5:2 19:5 ደመላ 2:24 19:18 ከሳ 20:13-16፤ ዛረ. 5:17-20 19:19 ከሳ 20:12፤ ዛረ. 5:16፤ ዋጋ 19:18

26 የሱስ ኤንቲንታ ጫድ ደሊድ፡ “ሀዋ ኢሳው ዳንዳየተና፤ ሸን ጸሳው ኡባባይ ዳንዳየቱ” ያጌዳ።

27 ጸጽሮስ ሄ ዋደ ዛሪደ የሱሳ፡ “በእ፡ ኑን ኑው ደእያ ኡባባ ባሺደ፡ ኔና ካሌዳ፤ ያቲደ ኑን እያ ደማኔሻ?” ያጌዳ።

28 የሱስ ኤንቲንታ ሀዋዳን ያጌዳ፤ “ታን ሀንተንቶ ቱሙዋ ጋይ፤ ታን፡ እሳ ናክይ፡ ኦራላ ጋድያን ታ ካውተላ ኦይድያን ኡትያ ዋደ፡ ታና ካሌዳ ሀንተንቲካ ታማነ ላኡ እስራኤልያ ዛራቱዋ ቦላ ፕርዳናው፡ ታማነ ላኡ ካውተላ ኦይድያን ኡታንታ።

29 ታ ሱንሳ ድራው፡ ጎልያ ዋይ እሻቱዋ ዋይ ሞቻቱዋ፡ ዋይ አውዋ ዋይ አቶ ዋይ ማቻቶ፡ ዋይ ናና ዋይ ጋድያ እጌዳ ኦንነ፡ ጾቱ ዳኩዋፕ ዳሩዋ አካና፤ ቃይ መድና ደኡዋካ ላታና።

30 ሸን ጮራቱ ሀእ ሰንሳቲዳዋንቲ ጉየታናዋንታ፤ ቃይ ጮራቱ ሀእ ጉየን ደእያዋንቲ ሰንሳታናዋንታ።

20

ዋይንያ ቱራ ግድን ኦልያ ኦሳንቻቱዋ ሌሞሱዋ

1 “ሳሉዋ ካውተላይ ዋይንያ ጌተትያ ቱራ ግድዋ ኦልያዋንታ ኤንያ ኦሰሳናው፡ ዋንታ ጉራን ከሴዳ ዋይንያ ቱራ ጎዳ በሴ።

2 እ ሄ ኦሳንቻቶ ሀቼ ሀቼ ኦሌዳዋ ዋልቃ ጋትያ ጭጋናው ኤንቲንቲና ጊጊደ፡ ባረ ዋይንያ ቱራ ግድዋ ኦሰሳናው ኤንቲንታ የዳዳ።

3 “ቃይ ሄዙ ሳትያ ግድደ ከሲደ፡ ኦሱ ባይናን ቆጫን ኤቄዳ ሀራ አሳቱዋ በኢደ።

4 ኤንቲንታ፡ ‘ሀንተንቲካ ቃይ ታ ዋይንያ ቱራ ግድዋ ኦሳናው ቢተ፤ ታን ሀንተንቶ በሰያ ጋትያ ጭጋና’ ያጌዳ፤ ሄዋፕ ጉይያን ኤንቲንቲ ቤድኖ።

5 ላኤንሉዋካ ኡሱቸን ሳትያን ኡዲፕ ሳትያን ከሲደ፡ ሄዋዳን ኦሌዳ።

6 ታማነ እት ሳትያ ሄራን እ ከሰያ ዋደ፡ ሀራንቲ ሄዋን ኤቄዳዋንታ ደሚደ፡ ‘ኦሱዋ ኦፍን ኩሙንላ ጋላሳ ሀዋን እያው ኤቄ ፔሼድቱ?’ ያጌዳ።

7 “ኤንቲንቲ፡ ኡና ኦሰሰያ አሳይ ጳዬዳ ድራው ኤቄ ፔሼደ’ ያጌድኖ።

“እ፡ ኡንቲንታካ ቃይ ታ ዋይንያ ቱራ ግድዋ ኦሳናው ቢተ’ ያጌዳ።

8 “ሳእይ ኦማርሰያ ዋደ፡ ዋይንያ ቱራ ጎዳይ ኦልያዋንቲ ካቸዋ፡ ‘ኦሳንቻቱዋ ጾሳደ፡ ወርሰላን ኡሱዋን ገሌዳዋንቲፕ ደማደ ኮይሮ ገሌዳዋንታ ጋካናው፡ ኤንቲንቲ ኡሱዋ ድርጉዋ ጭጋ’ ያጌዳ።

9 “ታማነ እት ሳትያ ሄራን ኡሱዋ ደሚዳዋንቲ ዪደ፡ ሀ-ጲያን ሀ-ጲያን ኡሌደ ፔሼዳ ዋልቃ ጋትያ እኬድኖ።

10 ኮይሮ ኡሱዋ ደሚዳ አሳይ ዬዳ ዋደ፡ ዳሩዋ አካናው ቆፔድኖ፤ ሸን ኤንቲንቲካ ሀ-ጲያን ሀ-ጲያን ባረንቲ ኡሱዋ ዋልቃ ጋትያ እኬድኖ።

11-12 ሄዋፕ ጉይያን፡ ‘ሀ ጉየፕ ዬዳዋንቲ እት ሳትያ ጸላላ ኡሌድኖ፤ ኩሙንላ ጋላሳ ዳቡሪደ ጫዋቲዳ ኑዋና ኤንቲንቲ ኡሱዋ ድርጉዋ ቃራ

ኦሳዳ’ ያጊደ ባረንታ ኡሱዋን ገልሴዳዋ ቦላ ዙዙሜድኖ።

13 “ሸን እ ኤንቲንቲፕ እቱዋ ሀዋዳን ያጌዳ፤ ‘ታ ላገደ፡ ታን ኔና ናቃበይከ፤ ኦሳደ ፔሼዳ ዋልቃ ጋትያ ታናና ጊጋበይክዬ?’

14 ነዋ አካደ ባ፤ ታን ሀእ ወርሰላን ኡሱዋን ገሌዳዋካ ነዋ ኬና እማናው ኮያይ።

15 ታን ታ ሚሻን ታ ኮይዳዋዳን ኦሳናው ታው ማታይ ባዌ? ዋይ ታን ሎአ ግዳዳ ድራው፡ ኔን ቃናታይ?’ ያጌዳ።

16 “ሄዋዳንካ፡ ቃይ ጉየቲዳዋንቲ ሰንሳታናዋንታ፤ ሰንሳቲዳዋንቲ ቃይ ጉየታናዋንታ፤ እያው ጎፕ፡ ጾሰቲዳዋንቲ ጮራ፤ ሸን ድረቲዳዋንቲ ጉላ” ያጌዳ።

የሱስ ባረ ሀይቁዋባ ሄዘንሉዋ ኦይዳ (ማር. 10:32-34፤ ሉቃሳ 18:31-34)

17 የሱስ የሩሳላሙ ቢደ፡ ኦግያን ባረናና ብያ ታማነ ላኡ ባረና ካልያዋንታ ጋጸ ከሲደ፡ ዲማ ኤንቲንቲ ያጌዳ።

18 “በእተ፡ ኑን የሩሳላሙ ሀእ ከሴቶ። ያን ታና፡ አሳ ናኦ ቄሳቱዋ ካፓቶን ሀግያ ታማርሰያዋንቶ ኡሌደ እማናዋንታ፤ ኤንቲንቲ ታ ቦላ ሀይቁዋ ፕርዳ ፕርዳናዋንታ።

19 ቃይ አይሁዳ ግድና አሳውካ ታና ኡሌደ እማናዋንታ፤ ሄ አይሁዳ ግድና አሳይ ታ ቦላ ቅሊጫናዋንታን ታና ልሱዋን ሸጫናዋንታ፤ ያቲደ ማሰቃልያ ቦላ ሞሰማርያን ድሺደ፡ ታና ካቃናዋንታ፤ ታን ሄዘንሉዋ ጋላሰ ሀይቁዋፕ ደንዳና” ያጌዳ።

ዛብድኖሳ ናና ዳይ ዋሳ (ማር. 10:35-45)

20 ሄ ዋደ ዛብድኖሳ ናና ዳይ ባረ ናናና የሱሳኮ ያዲ፤ እ ሰንሳን ጉልባታደ እትባ እ ዋሳዲ።

21 የሱስ እዘ፡ “እያ ኮያይ?” ያጊደ ኦቼዳ። እዛ ዛራደ፡ “ሀ ታ ላኡ ናናይ ነ ካውተላን እቲ ኔፕ ኡሸቻ ባጋና፡ ቃይ እቲ ኔፕ ሀድርሳ ባጋና ኡትኖ ያጋርኪ” ያጋደ ዋሳዲ።

22 ሸን የሱስ ዛሪደ ናና፡ “ሀንተንቲ እያ ዋሳናው በሰንቶ ኤርክታ። ታና ጋክያ ዋልቃማ ሙቱዋ ሙቶታንቲ? ታን ጸማቃታና ጽንቃታ ጸማቃታናው ዳንዳዬቲ?” ያጌዳ።

ኤንቲንቲ፡ “ኤ ዳንዳያና” ያጌድኖ።

23 የሱስ፡ “ታና ጋክያ ዋልቃማ ሙቱዋ ቱማካ ሀንተንቲ ሙቶታንታ፤ ሸን ታፕ ኡሸቻ ባጋናን ሀድርሳ ባጋና ኡታናዋንታ ደራናው ታው ማታይ ባዋ፤ ሸን ሄ ሳእይ ታ አቡ እማናው ግግሰ ዋሌዳዋንቲሳ” ያጌዳ።

24 የኮ ታሙ የሱሳ ካልያዋንቲ ሄዋ ሰሴዳ ዋደ፡ ሄ ላኡ እሻቶ ሀንቀቲድኖ።

25 ሸን የሱስ ኤንቲንቲ ኡባቱዋካ ባረኮ ጸሲደ፡ ሀዋዳን ያጌዳ፤ “አህዛበ አሳቱዋ ካፓቱን ሀዋንታ ካለላያ አሳቱ ባረንቲ አሳ አይሰያዋ ኤሪታ።

26 ሀንተንቲ ግድዋን ሄዋ ማላ ግድና፤ ሸን ሀንተንቲ ግድዋን ዶቃተላ ኮይያ ኦንነ ሀንተንቶ ቆማ ግዳናው በሴ።

27 ቃይ ሀንተንቲ ግድዋን ኡባፕ ቦላ ግዳናው ኮይያዌ ኦንነ ሀንተንቶ አይለ ግዳናው በሴ።

28 ሄዋዳን ታን፡ አሳ ናአይ፡ አሳዉ ኦላናዉን ዳር አሳ ዋዛናዉ ታ ሸምቸዋ እማናዉ ዬዳዋጥ አትን፡ አሳይ ታዉ ኦላና ማላ ያበይከ” ያጌዳ።

የሱስ ላኤ ቆቃቸዋ ፓሌዳ (ማር. 10:46-52፤ ሉቃሳ 18:35-43)

29 የሱስን አ ካልያዋንቱ እያርኮፕ ከሰሸን፡ ዳር አሳይ ኤንቱንታ ካሌዳ።

30 ላኤ ቆቃ አሳቱ ኦግያ ደናን ኡቴዳዋንቱ የሱስ ሄዋና አድያዋ ሰሲደ፡ ባረንቱ ኮሻ ቶቁ ኦሊደ፡ “ጎዳዉ፡ ዳዊታ ናአዉ፡ ኑዉ ቃረታርኪ” ያጌድኖ።

31 ዳር አሳይ ኤንቱንታ፡ “ሀይዘተ” ጊደ ሀንቀቱዳ፤ ሸን ኤንቱንቱ ባረንቱ ኮሻ ዳሪ ቶቁ ኦሊደ፡ “ጎዳዉ፡ ዳዊታ ናአዉ፡ ኑና ማራርኪ!” ያጌድኖ።

32 የሱስ ኦግያን ኤቂደ፡ ኤንቱንታ ጸሲደ፡ “ታን ሀንተንቶ እያ ኦላና ማላ ኮቁቱ?” ያጌዳ።

33 ቆቃቱ፡ “ጎዳዉ፡ ኑ አይፍያ ፓላርኪ” ያጌድኖ።

34 የሱስ ኤንቱንቶ ቃረቲደ፡ ኤንቱንቱ አይፍያ ቦቹዳ፤ ኤለካ ኤንቱንቱ አይፊ ጸል አግና፡ አ ካል አጌድኖ።

21

የሱስ ዋልቃማ ቦንቹዋን የሩሳላመ ገሌዳ (ማር. 11:1-11፤ ሉቃሳ 19:28-40፤ ዮሃ. 12:12-19)

1 ኤንቱንቱ የሩሳላመ ማቲደ፡ ደብረ ዛይተ ጌተትያ ደርያ ላንቂያን ደእያ ቤተፋገ ጌተትያ ቁር ካታማ ጋኬድኖ፤ የሱስ ባረና ካልያዋንቱፕ ላኤዋ ሰንላዉ ከቲደ፡

2 ኤንቱንታ ሀዋዳን ያጌዳ፤ “ሀንተንቱፕ ሰንላን ደእያ ቁር ካታማ ቢተ፤ ሄዋን እት ሀራታ ቃሹዋን ደኤዉኖ እዘ ማራና ሀንተንቱ ብ ሰዋ ሳንካ ደማንታ፤ ኤንቱንታ ብሊደ፡ ታዉ እክ ዪተ።

3 ኦንነ ሀንተንታ ኦቾፕ፡ “ጎዳይ ሀዋንታ ኮዬ” ያግተ፤ ኤለካ እ ኤንቱንታ የድ አጋናዋ።”*

4-5 ትምቢትያ ኦድያ ናቢ፡ “ጽዮነ ካታማ አሳዉ፡

ብእ፡ ነ ካቲ አሸከ ግዲደ፡ ሀርያ ቦላ፡ ሀረ ማራ ቦላ ኡቲደ፡ ኔኮ ዬ” ያግተ”

ያጊደ ሃሳዬዳዌ ፖላታና ማላ፡ ሀዌ ሃኔዳ።

6 አ ካልያዋንቱ ቢደ፡ የሱስ ባረንታ አዛዘዋዳን አሌድኖ።

7 ሀራቶን ሀረ ማራ አሂደ፡ ባረንቱ ማዩዋ ኤንቱንቱ ዘክያን ዋሌድኖ፤ ሄዋፕ ሰምና የሱስ ቶጌዳ።

8 ሄ ጮራ አሳፕ ዳርያ ባጋይ ባረ ማዩዋ ኦግያን ሃዬዳ፤ ቃይ ሀራንቱ ሞላ ሀይላ ካር ካሪደ፡ ኦግያን የጌድኖ።

9 የሱሳፕ ሰንላና ሀመትያ ጮራ አሳይነ ቃይ አ ጌዱዋ ካልያ ጮራ አሳይ፡ ባረንቱ ኮሻ ቶቁ ኦሊደ፡ “ዳዊታ ናአይ ጋላተቶ!

ጎዳ ሱንላን ይያዌ አንጀቱዳዋ! ጸሳይ ጋላተቶ!” ያጌዳ።

10 የሱስ የሩሳላመ ካታማ ገሌዳ ዋደ፡ ካታማን ደእያ አሳይ ኡሳይ፡ “ሀዌ ኦኔ?” ያጊደ ሻቢረቱድኖ።

11 አሳይ፡ “ሀዌ ጋሊላን ደእያ ናዝሬተ ጌተትያ ካታማፕ ዬዳ ናብያ የሱሳ” ያጌዳ።

የሱስ ጌሻ ጎልያ ገሌዳ (ማር. 11:15-19፤ ሉቃሳ 19:45-48፤ ዮሃ. 2:13-22)

12 የሱስ ጌሻ ጎልያ ገሌዳ፡ ሄዋን ዛልእያዋንታን ሻምያዋንታ ኡባ ካረ የደርቤዳ፤ ቃይ ሚሻ ላምያዋንቱ ጸራጴዛነ ደጎሙዋ ዛልእያዋንቱ አይድያ ጉጵ የጊደ፡

13 ኤንቱንታ፡ “ጸሳ ማጸፋን፡ ታ ጎሊ ጸሳ ዋሰያ ጎልያ ጌተታና” ያገቲደ ጸፈት ኡቴዳ፤ ሸን ሀንተንቱ አ ቦንቂያዋንቱ ቆሰትያ ጎንጎሉዋ ከሴድታ” ያጌዳ።

14 ቆቃቱን ገዲ ሰሌዳዋንቱ የሱሳኮ ጌሻ ጎልያ ዪና፡ አ ኤንቱንታ ፓሌዳ።

15 ሸን ቁሳቱዋ ካፓቱን ሀግያ ታማርሰያዋንቱ የሱስ አልያ ኦራላባ በኤዳ ዋደነ፡ ጉላ ናናይ ጌሻ ጎልያን ባረንቱ ኮሻ ቶቁ ኦሊደ፡ “ዳዊታ ናአይ ጋላተቶ” ያግያዋ በኤዳ ዋደ ሀንቀቱድኖ።

16 ያቲደ የሱሳ፡ “ሀዋንቱ ግያዋ ሰሳይ?” ያጌድኖ።

የሱስ፡ “ኤ ሰሳይ፤ ጸሳ ማጸፋይ፡ ጉላ ናናይን ጸምያ ናናይ ኔና ጋላታና ማላ፡ ኤንቱንታ ኤርሳዳ” ያግያዋ ኡባካ ናባብ በይክቱ?” ያጌዳ።

17 የሱስ ኤንቱንታ አጊደ፡ ሄ ካታማፕ ቢታንያ ጌተትያ ካታማ ቢደ፡ ያን አቁዳ።

አይፊ ጳዬዳ ባላሰያ ሞላቶ (ማር. 11:12-14፤ 20-24)

18 የሱስ ዋንታ ጉራና ካታማ ቤዳ ድራዉ ኮሻቱዳ።

19 ኦግያ ደናን እት ባላሰያ ጌተትያ ሞላቶ በኢደ፡ ኢኮ ቤዳ፤ ብ ጋክያ ዋደ ሄ ሞላትን ሀይላ ጸላላፕ አትን፡ አይፍያ አይነ ደምቤና፤ እዘ፡ “ላኤንሉዋ መድናዉካ አይፎፕ” ያግና፡ ሄ ባላሳታ ኤለካ መላ አጋዴ።

20 አ ካልያዋንቱ ሄዋ በኢደ ማላለቲደ፡ “ሀ ባላሳታ ዋናደ እት ኩላን መላ አጋዴ?” ያጌድኖ።

21 የሱስ ዛሪደ፡ “ታን ሀንተንቶ ቱሙዋ ጋይ፤ ሀንተንቱ አማኑ ደእያዋንታን ሰፍዋንታ ግደፕ፡ ሀ ባላሳቶ ታን ኦሌዳዋ ማላ ጸላላ ኦልክታ፤ ሸን ሀራይ አቶ ሀንተንቱ ሀ ደርያ፡ ‘ደንዳደ አባን ኩንዳ’ ግንቶካ ሀናና፤

22 ሀንተንቱ አማኒደ ጸሳ ዋሰያዋ እያ ግድንቶካ አካና” ያጌዳ።

የሱሳ ማታይ ዬዳሳ (ማር. 11:27-33፤ ሉቃሳ 20:1-8)

23 የሱስ ጌሻ ጎልያ ዪደ ታማርሰሸን፡ ቁሳቱዋ ካፓቱን አይሁዳ ጭማቱ አኮ ዪደ፡ “ኔን ሀዋ

* 21:3 ጎዳይ፡ ሀራቱዋ ጎዳ ጉሳ። 21:4-5 ዛካ. 9:9 21:9 ማዘ. 118:25፤ 26 21:13 ኢሳ. 56:7፤ ኤር. 7:11 21:16 ማዘ. 8:2

አላናው ነው አይ ማታይ ደኢ? ነው ሀ ማታ ኦኔ እማዳዌ?” ያጌድኖ።

24 የሱስ ዛሬደ ኡንቱንታ፡ “ታንካ ህንተንታ እትባ እቻና፤ ህንተንቱ ታው ሄዋ ኦደ፡ ታን ሀዋ አይ ማታን ኦላይታንቶ፡ ህንተንቶ ኦዳና፤

25 የሃንሰ ጸማቅያ ማታይ ሀቃ፡ ደዳ? ጸሳ፡ ደዳ? አሳ፡ ደዳ?” ያጌድኖ።

ኡንቱንቱ ባረንቱ ግዲዋን ፓሉማ ደሚደ፡ “ኡን፡ ጸሳ፡ ደዳ? ያሳ፡ ደዳ? ኦዳ፡ ያሳ፡ ደዳ? የሃንሰ ኦዳዳዋ አያው እማንበይክቱ?” ያጋናዋ።

26 ሸን ኡን፡ ጸሳ፡ ደዳ? ያሳ፡ ደዳ? አሳይ ኡባይ የሃንሰ ናብያ ግዲዳዋ ኤርያ ድራው፡ አሳው ያጌድኖ።

27 ኡንቱንቱ የሱሳው፡ “ኡን ኤርኮ” ያጌደ ዛሬድኖ።

የሱሳ፡ “ታንካ ሀዋ አይ ማታን ኦላይታንቶ፡ ህንተንቶ ኦድከ” ያጌድኖ።

ላኡ ናና ሌምሱዋ

28 “ሸን ህንተንቱ እያ ቆፒቱ? ላኡ ናናይ ደእያ እት ብታኒ ደኢ፤ ሄ ብታኒ ባይራ ናኦብ ቢደ፡ ታ ናኦብ፡ ሀቼ ባደ ታ ዋይንያ ቱራ ኦሳ” ያጌድኖ።

29 ናኦይ ዛሬደ፡ “ቢከ” ጌዳ፤ ሸን ጉየ፡ ባረ ዋዛናን ቆፒ እከደ፡ ዋይንያ ቱራ ኦላናው ቤዳ።

30 አው የኮ ናኦብ ቢደ፡ ባይራው ጌዳዋዳንካ አው ጌዳ፤ ቱፋ ናኦይ ዛሬደ፡ “ሎኦ ታ ጎዳው” ያጌድኖ፤ ሸን ብቤና።

31 ሀ ላኡ ናና፡ ባረ አው ኮዳዳዋ ኦላዳዋ ሀቃዋ?” ያጌድኖ።

ኡንቱንቱ፡ “ባይራ” ያጌድኖ።

የሱሳ ኡንቱንታ ሀዋዳን ያጌድኖ፤ “ታን ህንተንቶ ቱሙዋ ጋይ፤ ቃራጸ እክያዋንቱን ዋሹምያዋንቱ ህንተ፡ ሰንሳቲደ፡ ጸሳ ካውተላ ገላና።

32 አያው ጎ፡ ጸማቅያ የሃንሰ ጸሎተላ ኦግያ ታማርሲደ፡ ህንተኮ ዪና፡ እ ግያዋ እማንበይክታ። ሸን ቃራጸ እክያዋንቱን ዋሹምያዋንቱ እ ግያዋ እማኔድኖ፤ ህንተንቱ ሀራይ አቶ ሄዋ በኢደካ፡ ህንተንቱ ናጋራ፡ ሰሚደ፡ እ ግይያዋ እማንበይክታ” ያጌድኖ።

ዋይንያ ቱራ ግደን ኦላያ ጎሻንቻቱዋ ሌምሱዋ

(ማር. 12:1-12፤ ሉቃሳ 20:9-19)

33 ቃይካ የሱሳ ሀዋዳን ያጌድኖ፤ “ሀራ ሌምሱዋካ ሰሰተ፤ ዋይንያ ጌተትያ ቱራ ቶኬዳ እት ብታኒ ደኢ፤ ዋይንያ ቱራ የሸ አሊደ ድሬዳ፤ ቃይ ሄ ዋይንያ ጉምእያ ኦላካ ቦኬዳ፤ ሄዋ ናግያ አሳው አዲሳ ሹቻ ግምቤዳ። ሄዋ፡ ጉይያን፡ ኮላ ኦላያ አሳው እሚደ፡ ሀራ ጋደ ቤዳ።

34 ዋይንያ አይፍያ ማጽያ ዋዲ ጋክና፡ ባረና ጋክያዋ እከደ ያና ማላ፡ ባረ ቆማቱዋ ባረ ኮላዋቱዋኮ ከቱዳ።

35 ኮላዋቱ እ ቆማቱዋ ኦይቁደ፡ እቱዋ ዋዲድኖ፤ ቃይ የኩዋ ሹቻን ጸላቁድኖ።

36 ቃይካ ሄ ብታኒ ካሰዋንቱ፡ ዳርያ ሀራ ቆማቱዋ ከቱዳ፤ ኮላዋቱ ሄ ቆማቱዋካ ካሰዋንቱዋዳን ኦላድኖ።

37 “ሸን ወርሰላን እ፡ ታ ናኦ ኡንቱንቱ ቦንቻናዋንታ ያጌደ ባረ ናኦ ኡንቱንቱኮ ከቱዳ።

38 “ሸን ኮላዋቱ ናኦ በኢደ፡ ባረንቱ ግዲዋን፡ ጋድያ ላታናዋ ሀዋ፤ ቢደ እ ዋዲደ፡ ጋድያ ኡን ላታና ያጌድኖ።

39 ናኦ ኦይቁደ፡ ዋይንያ ቱራ ግደ፡ ጋጸ ከሲደ ዋዲድኖ።

40 “ሰም ዋይንያ ቱራ ጎዳይ ይያ ዋደ፡ ሄ ኮላዋቱዋ ዋታኔ?” ያጌደ ኦቼዳ።

41 ኡንቱንቱ፡ “እ ሄ ኢታ አሳቱዋ ዋድ ወርሲደ፡ ዋይንያ ቱራይ አይፍያ ዋደ ባረና ጋክያዋ ዋድያን ሹድያ ሀራ ኮላዋቶ እማና” ያጌድኖ።

42 የሱሳ ኡንቱንታ ሀዋዳን ያጌዳ፤

“ ግምቤያዋንቱ ካዲደ እጾዳ ሹቻይ፡ ጎዳ ጸጸዋ ምንሰያ፡ ኡባ፡ አድያ ሹቻ ግዳዳ።

ሀዋ ጎዳይ ኦላዳዋ፤

ቃይ ኦ ጸላውካ ማላልሰያዋ

ያግያዋ ጸሳ ማጸፋ፡ ኡባካ ናባብ በይክቱ?

43 “ሄዋ ድራው፡ ታን ህንተንቶ ኦዳይ፤ ጸሳ ካውተላይ ህንተ፡ አከቲደ፡ ሎኦ አይፍያ እምያ አሳው እመታናዋ።

44 ሄ ሹቻ ቦላ ኩንድያ ኡባይ መኤረታና፤ ቃይ ሄ ሹቻይ አሳ ቦላ ኩንድ፡ ሄ ኩንዳዳ ኡራ ሊቅሳና” ያጌድኖ።

45 ቆሳቱዋ ካፓቱን ፓርሳዋቱ የሱሳ ኦዳዳ ሌምሱዋ ሰሰዳ ዋደ፡ ባረንቱዋ ሃሳይያዋ ኤሬድኖ።

46 ኡንቱንቱ የሱሳ ኦይቃናው ኮዳድኖ፤ ሸን የሱሳ ዳር አሳይ ናብያ ጌደ ቆፒ ኡቱዳ ድራው፡ ሄ አሳው ያጌድኖ።

22

አካን ገሉዋ ኦዳዳ ሌምሱዋ (ሉቃሳ 14:15-24)

1 የሱሳ አሳው ላኤኩዋ ሌምሱዋን ሀዋዳን ያጌደ ሃሳይዳ፤

2 “ሳሉዋ ካውተላይ ባረ ናኦው ማጽያ እማናው ኡባባ ማኬዳ ካትያ ማላ።

3 ሄ ካቲ ቡላቻው ኦድ ዋዲዳ አሳቱዋ ጸሳናው ባረ ቆማቱዋ ከቱዳ፤ ሸን አሳቱ ያናው ከይበይክኖ።

4 “ቃይ ሀራ ቆማቱዋ፡ ጸሰቲዳዋንታ፡ “ታን ቁማ ገገሳድ፤ ታ ሳንጋቱን ታ ሞዶ ሞያቱ ሹከቲድኖ፤ ኡባባይካ ማከቲዳ። ቡላቻ ሃ ዪተ” ያግተ’ ያጌደ ከቱዳ።

5 ሸን ጸሰቲዳዋንቱ ኮየናን እጸደ፡ ባረንቱ ኦሶ ቤድኖ፤ እቱ ባረ ጎሻው ቢና፡ የኩ ባረ ዛልኤው ቤዳ።

6 እቱዳዋንቱ ቃይ ካትያ ቆማቱዋ ኦይቁ ዋዲደ ዋዲድኖ።

7 “ካቲ ዳር ሀንቀቲዳ፤ ቃይ ባረ ዋታዳራቱዋ የዲደ፡ ሄ ሸምፑዋ ዋዲዳዋንታ ዋድሲደ፡ ኡንቱንቱ ካታማ ጉድሴዳ።

8 ሄዋ፡ ጉይያን፡ ባረ ቆማቱዋ፡ “ቡላቻይ ማከቲዳ፤ ሸን ጸሰቲዳዋንቱ ቡላቻው በሰያ አሳ ግድክኖ።

9 ሄዋ ድራው፡ ዋጋ ቃቆ ቢደ፡ ህንተንቱ ደሜዳ አሳ ኡባ ቡላቻው ደሰተ፡ ያጌዳ።

10 ሄ ቆማቱ ቃቆ ቢደ፡ ባረንቱ ደሜዳ አሳ ኡባ ሎኡዋ ኢታ ሺሺደ፡ ቡላቻ ዳሰያ ኩንሴድኖ።

11 “ሸን ካቲ ቁማ ማናው ኡቴዳ አሳ በእናው ገሌዳ ዋደ፡ ቡላቻ ማዩዋ ማይቤና እት ብታንያ ሄዋን በኢደ።

12 ሓ ላገው፡ ቡላቻ ማዩዋ ማየናን ዋናደ ሀዋ ገላዲ፡፡ ያግና ብታኒ ጮኡ ጌዳ።

13 “ሄዋጥ ጉይያን፡ ካቲ ባረ ቆማቱዋ፡ ህ ብታንያ ኩሽያን ገድያ ቃቸደ፡ ካረ ቋማ ከሰ ኦልተ፤ እ ሄዋን ዩካናን አቻ ቋቃና፡ ያጌዳ።

14 “አያው ጎጥ፡ ደሰቴዳዋንቱ ዳራ፤ ሸን ደረቴዳዋንቱ ጉላ” ያጌዳ።

ገራ ዋት ገራነንቶ ኦቼዳ ኦሻ (ማር. 12:13-17፤ ሉቃሳ 20:20-26)

15 ሄዋጥ ጉይያን፡ ፓርሳዋቱ ቢደ፡ እ ሃሳያጥ ባላ ደሚደ፡ እ ኦይቃና ማላ ማቀቲድኖ።

16 ቃይ ባረንታ ካልያዋንቱጥ ሄርድሳ ባጋቱዋጥ አማራዳዋንታ አኮ ኪቴድኖ። ኡንቱንቱ፡ “ታማርሰያዎ፡ ኔን ቱሙዋ ሃሳይያዋን ደሳ ኦግያ ቱማተላን ታማርሰያዋ ኩን ኤራቶ፤ አያው ጎጥ፡ ኔን አሳጥ አሳ ሻካካን ዱማያካ።

17 ነ ቆፋይ አየንቶ ኑው ኦዳ፤ ኩን ሮመ ጋድያ ካትያ ቁሳረው ገራ ገርያዌ ዋጌዩ ዋጋ ግደኔ?” ያጌድኖ።

18 ሸን የሱስ ኡንቱንቱ ኢታ ቆፋ ኤሪደ፡ “ሀ ሎአ ማላትያ ኢታ አሳቶ፡ አያው ታና ፓጩቱ?”

19 ገራ ገርያ ሚሻ ታና በሰተ” ያጌዳ። ሄዋጥ ጉዩ ኡንቱንቱ ብራ ሳንትሞያ አው አሄድኖ።

20 እ፡ “ሀ ማላይን ሱንሳይ ኦዌ?” ያጌዳ።

21 ሄዋጥ ሰሚደ ኡንቱንታ ኦችና፡ ኡንቱንቱ፡ “ሮመ ጋድያ ካትያ ቁሳረዋ” ያጌድኖ።

ሄዋጥ ጉይያን፡ የሱስ ኡንቱንታ፡ “ያቶጥ፡ ቁሳረዋ ቁሳረው፡ ደሳዋ ደሳው እሞተ” ያጌዳ።

22 ኡንቱንቱ ሄዋ ሰሴዳ ዋደ፡ ማላለቲደ እ አገደ ቤድኖ።

ሀይቄዳዋንቱ ደንዲዋባ (ማር. 12:18-27፤ ሉቃሳ 20:27-40)

23 ሀይቄዳ አሳይ ደንደና ግያ ሳዲቃዋናቱዋጥ እት እት አሳቱ ሄ ጋላሰ የሱሳኮ ዪደ፡ ሀዋዳን ያገደ፡ እ ኦቼድኖ፤

24 “ታማርሰያዎ፡ ሙሴ፡ ሓት አሳይ ናኣ የለናን ሀይቆጥ፡ ሄ ሀይቄዳዋ እሻይ እ ማቻቶ ላቲደ፡ ባረ እሻው ናኣ የለናው በሴ” ያጌዳ።

25 ኑናና ላቸ እሻቱ ደኢኖ፤ ባይራይ ማቻቶ አኪደ፡ ናኣ የለናን ሀይቄዳ፤ ሄዋጥ ጉይያን እ ማቻቶ እ እሻይ አኪደ።

26 ቃይ ላኤንሳያዊካ ሀይቄዳ፤ ሄዘሳዊካ፡ ላቸንሳ ጋካናውካ ሄዋዳን ሀኔድኖ።

27 ኡባጥ ጉይያን፡ ሄ ሞሽራታ ሀይቃዲ።

28 ያትና፡ ሀይቄዳ አሳይ ሀይቄዋጥ ደንድያ ጋላሰ ሄ ሞሽራታ ላቸናቱዋጥ ሀቃዎ ማቼ ግዳኔ? አያው ጎጥ፡ ላቸናቱ ኡባይካ እዘ አኪድኖ” ያጌድኖ።

29 የሱስ ዛሪደ፡ ሀዋዳን ያጌዳ፤ “ደሳ ማጻፋቱዋ ዋይ እ ዋልቃ ህንተንቱ ኤረና ድራው ባሊታ።

30 አያው ጎጥ፡ ሀይቄዳ አሳይ ሀይቄዋጥ ደንድያ ጋላሰ፡ ሳሉዋን ደኢያ ኪታንቻቱዋ ማላ ግዳናጥ አትን፡ አቱማ አሳይን አከና፤ ማጫ አሳይን ገለና።

31-32 ሸን ሀይቄዳዋንቱ ደንዲዋባ ግደጥ፡ ደሳይ፡ ሓን አብራሃመ ደሳ፡ ይሳቃ ደሳ፡ ያቆባ ደሳ፡ ያገደ ህንተው ኦይዳዋ ኡባካ ናባብ በይክቱ? ደሳይ ፓጻ ደኢያዋንቱ ደሳ ግድያዋጥ አትን፡ ሀይቄዳዋንቱ ደሳ ግደና” ያጌዳ።

33 ዳር አሳይ ሄዋ ሰሴደ፡ እ ትሞርትያን ማላለቲድኖ።

ኡባጥ አድያ አዛዙዋ (ማር. 12:28-34፤ ሉቃሳ 10:25-28)

34 ሸን የሱስ ሳዲቃዋናቱዋ ጮኡ ኦሴዳዋ ፓርሳዋቱ ሰሴዳ ዋደ፡ እትሳ ሸቄድኖ።

35 ኡንቱንቱ ግደጥ ሀግያ ታማርሰያ እቱ፡ የሱሳ ፓጫናው እትባ ኦቼዳ።

36 “ታማርሰያዎ፡ ሀግያ ግዲዋን ኡባጥ አድያ አዛዙ ሀቃዌ?” ያገደ እ ኦቼዳ።

37 የሱስ ዛሪደ፡ ሀዋዳን ያጌዳ፤ “ ሓን ጎዳ ነ ደሳ ነ ኩመንሳ ዋዛናጥ፡ ነ ኩመንሳ ሸሞቸዋጥ፡ ነ ኩመንሳ ቆፋጥ ሲቃ” ያጌዳ።

38 ሄዌ ኡባጥ ዳርያ አዛዙዋን ቃይ ኡባጥ አድያ አዛዙዋ።

39 ቃይ ላኤንሳያ አዛዙካ እ ማላ፤ ሄዌ፡ ሓን ነ ሸሩዋ ነ ሀጲያዳን ሲቃ ግያዋ።

40 ሙሴ ሀግያ ኡባይን ናባቱዋ ትሞርቲ ሀ ላኡ አዛዙዋን ቃሸቱ” ያጌዳ።

ክርሰቶሳባ ኦቼዳ ኦሻ (ማር. 12:35-37፤ ሉቃሳ 20:41-44)

41-42 ፓርሳዋቱ እትሳ ሸቄዳሳን የሱስ ኡንቱንታ፡ “ክርሰቶሳባ ዋጊደ ቆጥቱ? እ ኦ ናኤ?” ያገደ ኦቼዳ።

ኡንቱንቱ፡ “ክርሰቶስ ዳዊታ ናኣ” ያጌድኖ።

43 የሱስ ኡንቱንታ፡ “ያትና፡ ዳዊተ ባረና ጌሻ አያናይ ሃሳይሰና ክርሰቶሳባ ዋጊደ፡ ሓዳ፡ ገደ ዴሲ?”

44 ቃይካ ዳዊተ፡

“ጎዳይ ታ ጎዳ፡ ታን፡ ሓ ሞርከቱዋ፡ ኔን የቋ ኤቄያዋ ኦላና ጋካናው፡

ሀዋን ታጥ ኡሸቻ ባጋና ኡታደ ታናና እትጥ ዳናታ ጌዳ፡

ያጌዳ።

45 ዳዊተ ክርሰቶሳ፡ ሓዳ፡ ገደ ዴሲጥ፡ ያትና፡ ክርሰቶስ ዋጊደ ዳዊታ ናኣ ግዲ?” ያጌዳ።

46 የሱሳው እት ቃላ ዛራናው ዳንዳዬዳ እት አሳይን ባዋ፤ ቃይ ሄ ጋላሳጥ ደሞና፡ ሀራ ኦሻ እ ኦቻናው ዳሌዳዌ ኦንን ባዋ።

23

ሙሴ ህግያ ታማርሰያዎንቱን ፓርሳዎቹዋ ኢታተላ (ማር. 12:38-39፤ ሉቃሳ 11:43-46፤ 20:45-46)

1 ሄዋጥ ጉይያን፣ የሱሰ ሺቄዳ አሳውን ባረና ካልያዎንቶ ሀዋዳን ያጊደ ሃሳዬዳ፤

2 “ህግያ ታማርሰያዎንቱን ፓርሳዎቹ ሙሴ ህግያ ታማርሰያ ማታና ደኢኖ።

3 ሄዋ ድራው፣ ህንተንቱ ኦላና ማላ፣ ኡንቱንቱ ህንተንታ አዛዘያ ኡባባ ኦላተን ቃይ ናግተ፤ ሸን ኡንቱንቱ ኦላያዎዳን ኦላጥተ፤ አያው ሳጥ፣ ኡንቱንቱ ባረንቱ ኦላያዎ ኦላክኖ።

4 ቶካናው ዳጽያ ቶኩዋ ኡንቱንቱ ቃቺደ፣ አሳ ቶሲኖ፤ ሸን ባረንቱ ሁጲያን ሀራይ አቶ፣ ሄ ቶኩዋ ብራድያን ቦቻናውካ ኮይክኖ።

5 “ሸን ኡንቱንቱ ባረንቱ ኦላዎ ኡባ አሳይ በአናዳን ኦላኖ፤ አያው ሳጥ፣ ባረንቱ ሰሞኢያንን ባረንቱ ኩሽያ ቀሰያን ቃቻያ ጽቅሰያና ደኢያ ክታፋ አሲኖን ባረንቱ ማዩዋ ማጫራካ ኡዱሲኖ።

6 አሳይ ባረንታ ሾቢደ አፎሳን ቦንቾ ኡቱዋ ደሲኖ፤ ቃይ አይሁዳ ዋሳ ጎለቱዋንካ ዳር ሎኢያ ኦይድያ ደሲኖ።

7 አሳይ ገዋን ባረንታ ቦንቾደ ሳርታና ማላነ ታማርሰያዎን ጊደ ባረንታ ዳሳናዳን ኮይኖ።

8 “ሸን ህንተንታ ታማርሰያዎ እቱዋ ጸላላ ግዴዳ ድራውን ህንተንቱ ኡባይ እሻቱዋ ግዴዳ ድራው፣ እቱ እቱዋ፣ ታማርሰያዎን ጊደ ዳሶጥተ።

9 ሀ ሳኣን ኦናን ኦላውዋን ጊደ ዳሶጥተ፤ አያው ሳጥ፣ ህንተንቶ ሳሉዋን ደኢያ እት አው ደኤ።

10 እቱ እቱዋ፣ ታማርሰያዎን ጊደካ ዳሶጥተ፤ አያው ሳጥ፣ ህንተንቶ እት ጎዳይ፣ ክርሰቶሳ ጸላላይ ደኤ።

11 ህንተንቱ ግደን ኡባጥ ዳርያዎ ህንተንቶ ቆማ ግዳናው በሴ።

12 ባረና ዳርሰያዎ ኦንን ቶሽታና፤ ቃይ ባረና ቶቻያዎ ኦንን ቶቁ ጋና።

ህግያ ታማርሰያዎንቱን ፓርሳዎቹ ቦረቱድኖ (ማር. 12:40፤ ሉቃሳ 11:39-42፤ 44፤ 52፤ 20:47)

13 “ሎኢ ማላትያ ኢታቶ፣ ህግያ ታማርሰያዎንቱን ፓርሳዎቹ፣ አሳው ሳሉዋ ካውተላ ህንተንቱ ጎርድያ ድራው፣ ህንተንቶ አየር፤ አያው ሳጥ፣ ህንተንቱ ሁጲውን ገልክታ፤ ቃይ ገላናው ኮይያዎንታካ ገልሰክታ።

14 “ሎኢ ማላትያ ኢታቶ፣ ህግያ ታማርሰያዎንቱን ፓርሳዎቹ አምኤቱዋ ጎልያ ህንተንቱ ቦንቁይ፣ ህንተንቶ ሎኢ ማላታናው ጸሳ ዋሳ ኡዱሲታ፤ ሄዋ ድራው፣ ህንተንቶ አየር፤ ኡባጥ አድያ ፕርዳ ህንተንቱ አካና።

15 “ሎኢ ማላትያ ኢታቶ፣ ህግያ ታማርሰያዎንቱን ፓርሳዎቹ ህንተንቱ እት ኡራ አማንላናው አባንን ሳኣን ዩይያ ድራውን ቃይ ህንተንቱ አ አማንላያ ዋይ፣ ሄ ኡራ ህንተንቱዋጥ ላኡ ኩሽያ እቱዳ ጋናው ስኣ ኦላያ ድራው፣ ህንተንቶ አየር።

16 “ ኦንን ጌሻ ጎልያን ጫቆጥ፣ አይነ ባዋ፤ ሸን ጌሻ ጎልያን ደኢያ ዋርቃን ጫቆጥ፣ ሄ ጫቁ አ ጋኬ’ ግያ ህንተንቶ ቆቅ ኡቲደ አሳ ካለላያዎንቶ፣ ህንተንቶ አየር።

17 ሀ ኤያቱ፣ ሀ ቆቃቱ፣ ዋርቃይ አዲዬ? ዋርቃ ጌሻ ኦላያ ጌሻ ጎሊ አዲ?

18 ቃይ ህንተንቱ፣ ኦንን ያርሹዋ ያርሸያባን ጫቆጥ፣ አይኔካ ባዋ፤ ሸን ኦንን አ ቦላ ደኢያ ያርሹዋን ጫቆጥ፣ ሄ ጫቁ አ ጋኬ’ ያጊደ ታማርሰታ።

19 ሀ ኤያቱ፣ ሀ ቆቃቱ፣ ያርሹ አዲዬ? ዋይ ያርሹዋ ጌሻ ኦላያ አ ያርሸያባይ አዲ?

20 ሄዋ ድራው፣ ያርሹዋ ያርሸያባን ጫቁያ ኡራይ ሄ ያርሸያዎንካ ጫቁ፤ ቃይ አ ቦላ ደኢያ ኡባባንካ ጫቁ።

21 ጌሻ ጎልያን ጫቁያ ኡራይ፣ ሄ ጌሻ ጎልያንን አ ግደን ደኢያ ጸሳን ጫቁ።

22 ሳሉዋን ጫቁያ ኡራይ፣ ጸሳ ካውተላ ኦይድያን ሄ ኦይድያን ኡትያዎን ጫቁ።

23 “ሎኢ ማላትያ ኢታቶ፣ ህግያ ታማርሰያዎንቱን ፓርሳዎቹ፣ ህንተንቶ አየር። አያው ሳጥ፣ ካረላ አኑጋጥ፣ ሸላርያጥን ኦካሽያጥ አሰራታ ህንተንቱ አሚታ፤ ሸን ህግያን ደኢያ ዳሪ ኮሽያዎንታ አጊታ፤ ሄዋንቱ ፕርዳ፣ ማሮተላን ጽሎተላ፣ ሀራንታካ አገናን፣ ህንተንቱ ኦላናው በሰያ የዋቱ ሀዋንታ።

24 ህንተንቶ ቆቅ ኡቲደ፣ አሳ ካለላያዎንቶ፣ ህንተንቱ ኡሻጥ ኡዱንጽያ ጋጪደ፣ ጋሉዋ ሞቲታ።

25 “ሎኢ ማላትያ ኢታቶ፣ ህግያ ታማርሰያዎንቱን ፓርሳዎቹ፣ ህንተንቶ አየር። አያው ሳጥ፣ ህንተንቱ ሻታን ከርያ ቦላ ባጋ ጌሺታ፤ ሸን አ ግዳዎን ቦንቁያንን ኡዘተላን ኩሻድታ።

26 ሀ ቆቃ ፓርሳዎው፣ ሻታን ከርያ ጋርሳ ካሰታደ ጌሻ ድጋ፤ ሄዋጥ ጉይያን፣ ቦላ ባጋይካ ጌሻ ግዳናዎ።

27 “ሎኢ ማላትያ ኢታቶ፣ ህግያ ታማርሰያዎንቱን ፓርሳዎቹ፣ ህንተንቶ አየር። አያው ሳጥ፣ ካረ ባጋና ቦሽንቻን ኦከቲደ፣ ሎኢ ኡቲደ፣ ቃይ ጋርሳ ባጋና ሀይቁዳ አሳ ሙቀላይን ዋቁዳባይ ኡባባይ ኩሜዳ ዱፎቱዋ ማላቲታ።

28 ሄዋዳንካ፣ ቃይ ቦላ ባጋና አሳ ኡባው ጽሎዋ ማላቲታ፤ ሸን ህንተንቶ ጋርሳ ባጋና ሎኢ ማላትያ ኢታተላይን ማካላይ ኩም ኡቲዳ።

29 “ሎኢ ማላትያ ኢታቶ፣ ህግያ ታማርሰያዎንቱን ፓርሳዎቹ፣ ህንተንቶ አየር። አያው ሳጥ፣ ናባቱዋ ዱፋዋ ቦላ ጎልያ ኬጲታ፤ ቃይ ጽላቱዋ ዱፋዋካ ሎይሊታ።

30 ቃይ ህንተንቱ፣ ኦንን በን ኦ አዎቱዋ ዋደ ደኤዳዎንታ ግድንቶ፣ ኡንቱንቱና እትጥ ናባቱዋ ዋዶኮ ሸን ያጊታ።

31 ሄዋ ግደጥ፣ ናባቱዋ ዋዶዳዎንቱ ናና ህንተንቱ ግዴዳዋ ህንተንቱ ሁጲያን ማርካቲታ።

32 ሰም ህንተንቱ አዎቱ ደሜዳዋ ፖልክቲ!

33 “ሀ ሾሻቶ፣ ሾሻ ናናው፣ ጋናምያ ፕርዳፕ ዋኒደ እታንቲ፣

34 ሄዋ ድራው፣ በይተ፣ ታን ናባቱዋ እቶ ኤራንቻቱዋን ሀግያ ታማርሰያዋንታ ህንተኮ ኪታና። ኤንቲንቲፕ እቱዋ እቱዋ ህንተንቲ ዋቆናን ማስቃልያ ቦላ ሞስማርያን ድቪደ ካቃንታ፤ ቃይ እቱዋ እቱዋ ህንተንቲ ዋሳ ጎለቲን ልሱዋን ሾጫንታን ካታማፕ ካታማ የደርሳንታ።

35 ሄዋ ድራው፣ ጽሉዋ እቤላ ዋቆደፕ ደሚደ፣ ጌሻ ጎልያፕን ያርሽያ ሳፕ ግዴዋን ህንተንቲ ዋቆዳ ባራክያ ናእ ዛካራሳ ዋቆያ ጋካናው፣ ሀይቆዳ ጽላቱዋ ኡባቱዋ ሱላ ድራው፣ ህንተንቲ ሙረታንታ።

36 ታን ህንተንቶ ቱሙዋ ኦዳይ፤ ሀ ኡባባይ ሀ ዋቆያ እሳ ቦላ ጋካናዋ።

የሩሳላመዉ ኦደቲዳ ሞኖ ኦዲዋ (ሉቃሳ 13:34-35)

37 “የሩሳላመ ካታማ እሳው፣ የሩሳላመ ካታማ እሳው፣ ናባቱዋ ህንተንቲ ዋቆታ፤ ጸሳይ ህንተንቲኮ ከቲዳዋንታካ ሹቻን ጫዲታ፤ ኩታታ ባረ ማራቱዋ ባረ ቀፍያን ሀጽያዋዳን፣ ታን ህንተንቲ እሳ እትሳ ሽሻናው እፑ ካላ ኮያድታ! ሽን ታና ድጌድታ።

38 በእተ፣ ህንተንቲ ጎሊ ኡባካ ኦና ግዳናዋ።

39 እያዉ ጎፕ፣ ታን ህንተንቶ ኦዳይ፤ ህንተንቲ፣ ግዳ ሱንላን ይያዌ እንጀቲዳዋ ጋና ጋካናው፣ ላኤንሉዋ ታና በእክታ” ያጌዳ።

24

የሱስ ጌሻ ጎሊ ኮለታናዋ ካስቲደ ኦዴዳ (ማር. 13:1-2፤ ሉቃሳ 21:5-6)

1 የሱስ ጌሻ ጎልያፕ ከሲደ ብያ ዋደ፣ ጌሻ ጎልያ ድርሳ ግደን ደእያ ጎልያ በሳናዉ እ ካልያዋንቲ እኮ ዬድኖ።

2 የሱስ ዛሪደ ኤንቲንታ፣ “ሄዋ ኡባ በእቲ? ታን ህንተንቶ ቱሙዋ ኦዳይ፤ ሀ ጎለቲዋን ደእያ እት ሹቻይን እተናን ኡባይ ኮለታና” ያጌዳ።

ዋቆያ ወርሰላባ (ማር. 13:3-13፤ ሉቃሳ 21:7-19)

3 የሱስ ደብረ ዛይተ ጌተትያ ደርያ ቦላን ኡት ደእሽን፣ እ ካልያዋንቲ ባረንቲ ጸላላ እኮ ዬደ እ፣ “ሄዌ እዉደ ሀናንቶ፣ ኡዉ ኦዳርኪ፤ ቃይ ነ ዩሳዉን ዋቆያ ወርሰላዉ ማላይ እያ ግዳኔ?” ያጌድኖ።

4 የሱስ ዛሪደ፣ ኤንቲንታ ሀዋዳን ያጌዳ፤ “ህንተንታ ኦንን ባለፍ ማላ ናገትተ።

5 እያዉ ጎፕ፣ ዳሮ እሳይ ታ ሱንላን፣ ታን ክርሰቶሳ” ያጌደ ያና፤ ያቲደ ዳሮ እሳ ባለላና።

6 ማታን ደእያ ኦላ ዋሱዋን ሃኩዋን ደእያ ኦላ ኦዲዋ ሰሳናዉ ህንተንቲ ደኢታ፤ ሄዋ ማላባይ ሀናናዉ በስያ ድራው፣ ናገትተ፤ ሀርሳፕተ፤ ሽን ወርሰላይ ብራ።

7 እያዉ ጎፕ፣ እት ጋድያ እሳይ ሀራ ጋድያ እሳና ኦለታና፤ ቃይ እት ካዉተላይ ሀራ ካዉተላና ኦለታና፤ ኮሻይን ቢታ ቃላይ ኡባ ሳን ደእናዋ።

8 ሄዌ ኡባይካ ኮይሮ ኦይላ ማላ።

9 “እሳይ ሄ ዋደ ህንተንታ ዋይሳናን ዋቆናዋ፤ ታ ሱንላ ድራው፣ ጋደ ኡባይ ህንተንታ እጸናዋ።

10 ሄ ዋደ ጮራ እሳይ አማኑዋ አጋናዋንታ፤ ባረንቲ ግደን እቲ እቲዋ እሊደ እማናን እቲ እቲዋ እጸናዋ።

11 ቃይ ዋርደ ናባቲ ጮራቲ ደንዲደ፣ ዳር እሳ ጭማናዋንታ።

12 ማካላይ ዳርያ ድራው፣ ጮራ እሳ ሲቁ እርጸናዋ።

13 ሽን ወርሰላይ ጋካናዉ ገንጭያ ኡራይ አታናዋ።

14 እሳዉ ኡባዉ ማርካ ግዳና ማላ፣ ካዉተላ ዋንጋላ ሞሽራቸ ሳእ ኡባን ኦደታናዋ፤ ሄዋፕ ጉይያን፣ ወርሰላይ ጋካናዋ።”

ባሻ ቱናተላ (ማር. 13:14-23፤ ሉቃሳ 21:20-24)

15 “ሄዋ ድራው፣ ናብያ ዳኔል ኦዴዳ ባሻ ቱናተላይ ጌሻ ሳን ኤቄዳዋ ህንተንቲ በእና፤ ሄዌ ዋግያዋንቶ፣ ናብብያዌ እኬኮ።

16 “ይሁዳ ጋድያን ሄ ዋደ ደእያዋንቲ ደርያኮ ከሰኖ።

17 ጎልያ ሁጲያን ደእያ ኡራይካ ባረ ሶይን ደእያዋ አካናዉ ዋቆ።

18 ጋደን ደእያዌ ባረ ማዩዋ አካናዉ ጉዩ ሰሞ።

19 ሄ ዋደ ሻሃራ ማጫዋንቶን ቆንሰያ ማጫዋንቶ አየር።

20 ባልጉዋን ዋይ ሳምባታን ህንተንቲ በተና ማላ፣ ጸሳ ዋሰተ፤

21 እያዉ ጎፕ፣ አላሚ መቆደፕ ሀቼ ጋካናዉ ደእቤናባይን ቃይ ሀዋፕ ሰንሳዉካ ኡባ ደኤና ኢታ ዋዩ ሄ ዋደ ደእናዋ።

22 ጸሳይ ሄ ጋላሳቱዋ ፓይዲዋ ጉሰያዌ ባዌንቶ፣ እሳ ግዴዳ ኦንን እተና፤ ሽን እ ባረ ደራዳ እሳቱዋ ድራው፣ ሄ ጋላሳቱዋ ፓይዲዋ ጉሳናዋ።

23 “ሄ ዋደ ኦንን ህንተንታ፣ ‘በእተ፣ ክርሰቶስ ሀዋን ደኤ’ ዋይ፣ ‘ሄዋን ደኤ’ ያጎፕ አዋ አማናፕተ።

24 እያዉ ጎፕ፣ ዋርደ ክርሰቶሳቱን ዋርደ ናባቲ ደንዳና፤ ያቲደ ባረንቶ ዳንዳየቶፕ፣ ሀራይ እቶ ጸሳይ ደራዳዋንታካ ባለላናዉ ዋልቃማ ማላታን ማላልሰያባ በሳናዋ።

25 በእተ፣ ታን ህንተዉ ሄዋ ካስታደ ኦዳድ።

26 “ሄዋ ድራው፣ እሳይ ህንተንታ፣ ‘በእተ፣ ክርሰቶስ ባዙዋን ደኤ’ ጎፕ፣ ያ ቦፕተ፤ ዋይ ህንተንታ፣ ‘በእተ፣ ቆልኦን ደኤ’ ግንቶካ፣ ኤንቲንቲባ አማናፕተ።

27 እያዉ ጎፕ፣ ዋልቃንላይ አዋይፊ ደልያ ባጋፕ ዋልቃሚደ፣ አዋይፊ ዉልያ ባጋ ጋካናዉ ጸልቁ ግያዋዳን፣ ታ ዩሳይ፣ እሳ ናእ ዩሳይ፣ ሄዋዳን ሀናናዋ።

28 “ባኩታይ ደኢያሳ ሾርቲ ሺቃና።”

23:35 ደመላ 4:8፤ 2 ኦዲዋ 24:20-21 23:38 ኤር. 22:5 23:39 ማዘ. 118:26 24:9 ማቶሳ 10:22 24:15 ዳኔል 9:27፤ 11:31፤ 12:11 24:21 ዳኔል 12:11፤ ሳን 7:14

አሳ ናአይ፡ ክርስቶስ ላኤንሉብ ያና (ማር. 13:24-27፤ ሉቃሳ 21:25-28)

29 “ሄ ዋደ ዋይያፕ ጉይያን፡ ኤለካ አዋይ ጳማና፤ አገናይ ፖእያዋ አጋናዋ፤ ጸልንታቱ ሳሉዋፕ ኩንዳናዋንታ፤ ቃይ ሳሉዋን ደእያ ዋልቃቱካ ቃጸታናዋንታ።

30 ሄ ዋደ ታ ማላይ፡ አሳ ናአ ማላይ፡ ሳሉዋን ቤታናዋ፤ ሳኣን ሄ ዋደ ደእያ አሳ ዛሪ ኡባይ ዩካናዋንታ። ቃይ ታን፡ አሳ ናአይ፡ ዋልቃናን ዋልቃማ ቦንቹዋና ሳሉዋፕ ሻርያ ግዶና ዩሸን፡ ኡንቱንቱ በአና።

31 እ ባረ ኪታንቻቱዋ ዋልቃማ ማላካታና ኪታና፤ ኪታንቻቱ አላመዉ ሀ ጋጸፕ ያ ጋጸ ጋካናዉ፡ ቃይ ሳኣን ኦይዱ ባጋፕ አዉ ዶረቱዳ አሳ ሺሻናዋ።

ጎዳይ ያና ጋላሳ ማላታ (ማር. 13:28-31፤ ሉቃሳ 21:29-33)

32 “ሌምሱዋ ባላሳቶ ጌተትያ ሞላትፕ አኬክተ፤ ባላሳታ አጭያ ዋደነ እዝ ሀይላይ ቆለትያ ዋደ፡ ቦኒ ማቱዳዋ ሀንተንቱ ኤራንታ።

33 ሄዋዳንካ፡ ሀንተንቱ ሄ ኡባባ በእያ ዋደ፡ እ ማቲደ ፕንግያ ሺቆዳዋ ኤርተ።

34 ታን ሀንተንቶ ቱሙዋ ኦዳይ፤ ሀ ኡባባይ ሀናና ጋካናዉ፡ ሀ ዋደያ አሳይ ሀይቁድገና።

35 ሳሉነ ሳአይ አጳና፤ ሸን ታ ቃላይ ኡባካ አ□ና።

ጎዳይ ያና ጋላሳ ኦንነ ኤሪና (ማር. 13:32-37፤ ሉቃሳ 17:26-30፤ 34-36)

36 “ሸን ሄ ጋላሳነ ሄ ሳትያ አዉዋ ጸላላፕ አትን፡ ሀራይ አቶ ሳሉዋን ደእያ ኪታንቻቱዋ ግድና፡ ዋይ ታና ናአ ግድናካ ኦንነ ኤርያዌ ባዋ።

37 ታ ዩሳይ፡ አሳ ናአ ዩሳይ፡ ኖሄ ዋደ ሀናዋ ማላ ግዳናዋ።

38 እያዉ ጎፕ፡ ባሻ ሃላ ዩሳፕ ካሰ ዋደ፡ ኖሄ ማርካብያን ገሌዳ ጋላሳይ ጋካናዉ፡ አሳይ ሜነ ኡሼነ፤ ቃይ አቱማ አሳይ አኬነ ማጫ አሳይ አሰና ገሌ።

39 ባሻ ሃላይ ዩደ፡ ኡንቱንታ ኡባ አፋና ጋካናዉ፡ ኡንቱንቱ አኬክበይክኖ፤ ታን፡ አሳ ናአይ፡ ይያ ዋደ፡ ሄዋ ማላ ግዳናዋ።

40 “ሄ ዋደ ላኡ አሳቱ ጋደን ኦላያዋንቱፕ አቱዋ አፋና፤ እቱ አታናዋ።

41 ላኡ ማጫዋንቱ ዋጸን ጋጭያዋንቱፕ አትኖ አፋና፤ እትና አታና።

42 “ሰም ሀንተ ጎዳይ አይ ጋላሰ ያናዌንቶ ሀንተንቱ ኤሪና ድራዉ፡ ናግ ኡትተ።

43 ሸን ካይሱ ቃማፕ ዋይሳ ዋድያን ያነንቶ ጎልያ ጎዳይ ኤሬደንቶ፡ ባረ ጎሊ ቦከተና ማላ፡ ቤጎቲደ ናግ ኡታናዋ ኤርተ።

44 ሄዋ ድራዉ፡ ሀንተንቱካ ገግ ኡትተ፤ እያዉ ጎፕ፡ ታን፡ አሳ ናአይ፡ ሀንተንቱ ቆፕና ሳትያን ያና።

ኢታን ሎኦ ቆማ ሌምሱዋ (ሉቃሳ 12:41-48)

45 “ያትና፡ ባረ ሰይ አሳዉ ቁማ ኮሸያ ዋድያን እማና ማላ፡ አ ጎዳይ ሱንሌዳ እማነቱዳ ዋዛናማ ቆማይ ኦኔ?

46 እ ሄዋዳን አላሸን፡ አ ጎዳይ ዩደ ደምያ ቆማይ እንጀቱዳዋ።

47 ታን ሀንተንቶ ቱሙዋ ኦዳይ፤ ጎዳይ ሄ ቆማ ባረዋ ኡባ ቦላ ሱንላና።

48 ሸን ቆማይ ኢታ ግድፕ፡ ታ ጎዳይ ጋምኢደ ያናዋ ያጊደ ባረ ዋዛናን ቆፕደ።

49 ባረ ላገላ ቆማቱዋ ዋቆ ደሞፕ፡ ማላትያዋንቱና ሞፕነ ኡሸፕ።

50 ሄ ቆማ ጎዳይ እ ቆፕቤና ጋላሳንነ እ ኤርቤና ሳትያን ያና።

51 ሄዋፕ ጉይያን እ ቃንጸሬሊደ፡* ሎኦ ማላትያ ኢታ አሳቱ ደእያ ሳን ዋላና፤ ሄዋን እ ዩካናነ አቻ ቆቃና።

25

ታሙ ዋድራቱዋ ሌምሱዋ

1 “ሄ ዋደ ሳሉዋ ካዉተላይ ባረንቱ ኩራዝያ አይቁደ፡ ማቻቶ አክያዋ ሞካናዉ ካረ ከሴዳ ታሙ ዋድራቱዋ ማላታና።

2 ኡንቱንቱፕ እቼሻቱ ቦዛቱዋ፤ ቃይ እቼሻቱ ጭንጫ።

3 ቦዛቱ ባረንቱ ኩራዝያ አይቁድኖ፤ ሸን ላምባ አይቁበይክኖ።

4 ሸን ጭንጫቱ ባረንቱ ኩራዝያን ጸራሙሰያን ላምባ አይቁድኖ።

5 ማቻቶ አክያዌ ዩናን ጋምእና፡ ሄ ዋድራቱ ባረንታ ገምእሸሰና ግሰ አጌድኖ።

6 “ብላሄ ግዴዳ ዋደ፡ ብእተ፡ ማቻቶ አክያዌ ጋኬዳ፤ አ ሞካናዉ ካረ ከሰተ፡ ያግያ ዋልቃማ ጫቡ ደንዴዳ።

7 “ሄ ዋደ ሄ ዋድራቱ ኡባቱ ቤጎቲደ፡ ባረንቱ ኩራዝያ ገግሴድኖ።

8 ቦዛቱ ጭንጫቱዋ፡ ኡ ኩራዝ ቶአና ሀንያ ድራዉ፡ ሀንተንቱ ላምባፕ ኡዉ እጫርክቱ፡ ያጌድኖ።

9 “ሸን ጭንጫቱ ዛሪደ ኡንቱንታ፡ ኣግተ፡ ኡዉነ ሀንተንቶ ግድና፤ ሄዋ ድራ ሀንተዉ ዛልእያዋንቱኮ ቢደ ሻም አክተ፡ ያጌድኖ።

10 ሄዋፕ ጉየ ቦዛ ዋድራቱ ላምባ ሻማናዉ ብድግና፡ ማቻቶ አክያዌ ፑቱ ገና፡ ገግ ኡቱዳ እቼሹ ዋድራቱ አናና እትፕ ቡላቻ ጎልያ ገሌድኖ፤ እፍሳይካ ጎርደት አጌዳ።

11 “ጉየፕ ቃይ የኮ ዋድራቱ ዩደ፡ ኣግዳዉ፡ ጎዳዉ፡ ኡዉ ደያርኪ፡ ያጌድኖ።

12 “ሸን ማቻቶ አክያዌ ዛሪደ፡ ታን ሀንተንቶ ቱሙዋ ኦዳይ፤ ታን ሀንተንታ ኤርከ፡ ያጌዳ።

13 “ሰም ታን፡ አሳ ናአይ፡ ያና ጋላሳ ዋይ ሳትያ ሀንተንቱ ኤሪና ድራዉ፡ ናግ ኡትተ።

ሄዙ ቆማቱዋ ሌምሱዋ (ሉቃሳ 19:11-27)

24:29 እሳ. 13:10፤ 34:4፤ ሀዘ. 32:7፤ እዪ. 2:10፤ 31፤ 35:15፤ ሳፃ 6:12-13 24:30 ዳኤላ 7:13፤ ዛካ. 12:10-14፤ ሳፃ 1:7 24:37 ደመላ 6:5-8 24:39 ደመላ 7:6-24 * 24:51 እ ቃንጸሬሊደ- ጉሳይ ከሰ ካረ አላናዋ ግያዋ።

14 “እያው ጎጥ፡ ሳሉዋ ካወተላይ ባረ ቆማቱዋ ጸሲደ፡ ባረዉ ደእያዋ ኡንቱንቶ ሹዲደ፡ ኦግያ ባና ሀንያ ብታንያ በሴ።

15 ኡንቱንቱ ሁጲያን ሁጲያን ኡንቱንቱ ዋልቃ ኬና እቶ እቼሹ ሻእ ብራ፡ እቶ ላኡ ሻእ ብራ፡ ቃይ እቶ እት ሻእ ብራ እሚደ፡ ባረ ኦግያ ቤዳ።

16 እቼሹ ሻእ ብራ እኩዳ ቆማይ ኤለካ ቢደ ዛልኢደ፡ ሀራ እቼሹ ሻእ ብራ ዋድሴዳ።

17 ሄዋዳንካ፡ ቃይ ላኡ ሻእ ብራ እኩዳ ቆማይ ሀራ ላኡ ሻእ ብራ ዋድሴዳ።

18 ሸን እት ሻእ ብራ እኩዳዌ ቢደ፡ ኦላ ቦኪደ፡ ባረ ጎዳ ሚሻ ሞግ አኬዳ።

19 “ዳሮ ዋድያፕ ጉይያን፡ ሄ ቆማቱዋ ጎዳይ ዪደ፡ ባረ ሚሻ ኡንቱንቱና ሄተቱዳ።

20 እቼሹ ሻእ ብራ እኩዳ ቆማይ ዪደ፡ ሀራ እቼሹ ሻእ ብራ ሹዲደ፡ ሓ ጎዳዉ፡ ኔን ታዉ እቼሹ ሻእ ብራ እማዳ፤ በአ፡ ሀራ እቼሹ ሻእ ብራ ዋድሳድ፡ ያጌዳ።

21 እ ጎዳይ አ፡ ሳያናሾ! ኔን ሎእነ አማነትያ ቆማ፤ ኔን ጉላባን አማነታዳ። ታን ኔና ዳሮባዉ ካፕ ኦላና፤ ሃ ገላደ ነ ጎዳና ናሽታ፡ ያጌዳ።

22 “ቃይ ላኡ ሻእ ብራ እኩዳዌካ ዪደ፡ ሓ ጎዳዉ፡ ኔን ታዉ ላኡ ሻእ ብራ እማዳ፤ በአ፡ ታን ሀራ ላኡ ሻእ ብራ ዋድሳድ፡ ያጌዳ።

23 እ ጎዳይ አ፡ ሳያናሾ! ኔን ሎእነ አማነትያ ቆማ፤ ኔን ጉላባን አማነታዳ። ታን ኔና ዳሮባዉ ካፕ ኦላና፤ ሃ ገላደ ነ ጎዳና ናሽታ፡ ያጌዳ።

24 “እት ሻእ ብራ እኩዳዌ ቃይ ዪደ፡ ሓ ጎዳዉ፡ ኔን ዘራቤናሳፕ ቆይጭያ አሳ ግድያዋን ካላ ላላቤናሳፕ ማጽያ መቀሰ ባይና አሳ ግድያዋ ታን ኤራይ።

25 ታን ያያድ፤ ያታደ ባደ ነ ብራ ቢታን ሞጋድ፤ በአ፡ ነ ብራይ ሀዌኩ፡ ያጌዳ።

26 “እ ጎዳይ ዛሪደ፡ አ ሀዋዳን ያጌዳ፤ ሳ ኢታ አዛላ ቆማዉ፡ ታን ዘራቤናሳፕ ቆይጭያ አሳ ግድያዋን ካላ ላላቤናሳፕ ማጽያ አሳ ግድያዋ ኤራይ? ”

27 ያትና፡ ኔን ታ ሚሻ ዋድሰያዋንቱ ማታን ዋሌዳዋ ግድንቶ፡ ታን ሰምያ ዋደ ታ ሚሻ ዋድያና አካናዋሽን አቱዳ።

28 ሄዋ ድራዉ፡ ሄ ሚሻ አፕ ዋሐ አኪደ፡ ታሙ ሻእ ብራይ ደእያዋ እምተ።

29 እያው ጎጥ፡ ደእያ ኡባዉ ሀራይ ጉጀታና፤ እ ባረዉ ግድያዋፕ ዳርሲደ አካና፤ ሸን ባይናዋ ሀራይ አቶ፡ ሄ አዉ ደእያ ጉላይካ አፕ አከታናዋ።

30 ጎኤና ቆማ ካረ ጳማ ከሰ ኦልተ፤ ሄዋን እ ዬካናን ባረ አቻ ጳቃና፡ ያጌዳ።

ዋድያ ዉርሰላን ሀናና ፕርዳ

31 “ታን፡ አሳ ናእይ፡ ኪታንቻቱዋ ኡባቱዋና ቦንቹዋን ይያ ዋደ፡ ታ ቦንቹ ካወተላ ኦይድያን ኡታና።

32 ሳአን ደእያ አሳይ ኡባይ ታ ሰንላ ሺቃናዋንታ፤ ሄምያዌ ደርሳቱዋ ዳሻቱዋፕ ሻክያዋዳን፡ ታን ሄ አሳ ላኡ ከሳደ ሻካና።

33 ቃይ ደርሳቱዋ ታፕ ኡሸቻ ባጋና ኤሳደ፡ ዳሻቱዋ ታፕ ሀድርሳ ባጋና ኤሳና።

34 “ሄዋፕ ጉይያን፡ ታን ካቲ ታፕ ኡሸቻ ባጋና ደእያዋንታ ሀዋዳን ያጋና፤ ሓ አቡ አንጄዳዋንቶ፡ ሃ ዪደ ሳአይ መቐደፕ ሀቼ ጋካናዉ፡ ሀንተንቶ ጊጌዳ ካወተላ ላትተ።

35 እያው ጎጥ፡ ታን ኮሻትና ሞዜድታ፤ ሳመትና ኡሹድታ፤ እማላ ግዳደ ቢናካ ሞኬድታ።

36 ታን ካሎትና ማይዜድታ፤ ሀርግና በኤድታ፤ ቃሸትና ታኮ ጋኪደ ኦቼድታ፡ ያጋና።

37 “ሄዋፕ ጉይያን፡ ጽላቱ ዛሪደ፡ አ ሀዋዳን ያጋና፤ ሓዳዉ፡ ኔን ኮሻትና፡ አዉደ በኢደ ሞዜድ? ዋይ ኔን ሳመትና፡ አዉደ በኢደ ኡሹድ?

38 ኔን እማላ ግዳደ ዪና አዉደ በኢደ ሞኬድ? ዋይ ኔን ካሎትና አዉደ ማይዜድ?

39 ቃይ ኔን ሀርግና፡ ዋይ ቃሸትና ኔኮ ቢደ አዉደ ኔና በኤድ? ” ያጋናዋንታ።

40 ታን ካቲ ዛሪደ፡ ሓን ሀንተንቶ ቱሙዋ ኦዳይ፤ ሀንተንቱ ሀ ታ እሻቱዋ ኡባፕ ሀራይ አቶ፡ ላፍያ እቶ ኦሌዳዋ ግድንቶካ፡ ሄዋ ታዉ ኦሌድታ፡ ያጋና።

41 “ሄ ዋደ፡ ታፕ ሀድርሳ ባጋና ደእያዋንታ ታን ያጋና፤ ሳ ሸቀቱዳዋንቶ፡ ታ ማታፕ ክቶተ፤ ቢደ ዳላሀያ ካፕን አ ኪታንቻቶ ጊጌዳ መድና ታማን ገልተ።

42 እያው ጎጥ፡ ታን ኮሻትና፡ ታና ሞክበይክታ፤ ሳመትና ኡሸበይክታ።

43 ታን እማላ ግዳደ ቢና፡ ታና ሞክበይክታ፤ ካሎትና ማይዜድክታ፤ ቃይ ሀርግና፡ ቃሸትናካ ታና በእበይክታ፡ ያጋና።

44 “ሄ ዋደ ኡንቱንቱ ቃይ ሀዋዳን ያጌደ ዛራናዋንታ፤ ሓዳዉ፡ ኔን ኮሻትና ዋይ ሳመትና፡ ዋይ እማላ ግዳደ ቢና ዋይ ካሎትና፡ ዋይ ሀርግና ዋይ ቃሸትና፡ አዉደ በኢደ፡ ኔና ማደናን እጼድ? ” ያጋናዋንታ።

45 “ሄ ዋደ ታን ካቲ ዛሪደ ኡንቱንታ፡ ሓን ሀንተንቶ ቱሙዋ ኦዳይ፤ ሀንተንቱ ሀ ኡባፕ ላፍያ እቱዋ ማደናን እጼዳዌ፡ ታና ማደናን እጼዳዋ፡ ያጋና።

46 ሄዋንቱ መድና ሙራዉ ባና፤ ሸን ጽላቱ መድና ደኦ ባና” ያጌዳ።

26

የሱሳ ቦላ ማቀቲድና (ማር. 14:1-2፤ ሉቃሳ 22:1-2፤ ዮሃ. 11:45-53)

1 የሱሳ ሀ ትምርትያ ኡባ ዉርሴዳ ዋደ፡ ባረና ካልያዋንታ፡

2 “ላኡ ጋላሳፕ ጉይያን፡ ፓሰጋ ባላ ቦንቹያ ጋላሳ ግድያዋ ኤሪታ። ሄ ጋላሰ ታና፡ አሳ ናአ፡ አሳይ ማሰቃልያ ቦላ ሞሰማርያን ድሺደ ካቃናዉ አሲደ እማና” ያጌዳ።

3 ሄ ዋደ ቁሳቱዋ ካፕቱን ጋድያ ጭማቱ ቃያፋ ጌተትያ ቁሳቱዋ ኡባቱዋ ካፕቱዋ ዋጋ ጎልያን ሺቂደ፡

4 አሳይ ኤሪናን የሱሳ ኦይቂደ፡ ዋቋናዉ ማቀቲድና።

5 ሸን ኢንቱንቱ፡ “አሳይ ዋላሳ ከሰና ማላ፡ ፓሰጋ ለንቶያ ጋላሰ ሄዋ ኦሎኮ” ያጌድኖ።

እት ማጫ ሞሽራታ የሱሳ ሸቱዋ ጫጫፋዲ (ማር. 14:3-9፤ ዮሃ. 12:1-8)

6 የሱሰ ሲታንያ ካታማን ኦሎዋ ሀርግያ ሰሞና ሶይን ደእሸን፡

7 እት ሞሽራታ አልባሰጽሮሳ ጌተትያ ሹቻፕ ኦሰቱዳ አልባሰጽሮሳ ባሬታ ኩሜዳ ዳሪ አልኦ ሸቱዋ አካደ ዬዳግና ቁማ እ ሚና፡ ሄ ሸቱዋ የሱሳ ሁጺያን ጫጫፋዲ።

8 ሸን የሱሳ ካልያዋንቱ ሄዋ በኢደ፡ “ሀ ሸቱዋ ጮ ባይዘሳይ እያሴ?

9 እያወ ሳፕ፡ ሀ ሸቱዋ አልኦ ጋትያን ዛልኢደ፡ ሚሻ ህይዳወ እማናወ ዳንዳየቱ” ያጌድኖ።

10 የሱሰ ኢንቱንቱ ግያዋ ኤሪደ፡ ኢንቱንታ ሀዋዳን ያጌዳ፤ “ሀ ሞሽራቶ እያወ ዋይሲቱ? እዛ ታወ ሎኮሳ ኦላዳ።

11 ህይዳቱ ኡባ ዋደ ህንተናና ደኢና፤ ሸን ታን ህንተናና ኡባ ዋደ ደእከ፤

12 እዛ ሀ ሸቱዋ ታ ሶላ ትግያዌ ታና ሞጋናወ ገግሳናሳ።

13 ታን ህንተንቶ ቱሙዋ ኦዳይ፤ ሳኦ ኡባን ሀ ዋንጋላ ሞሽራቹዋ ኦድያሳን ሀቃን፤ አሳይ እዘ ዋዛና አላና ማላ፡ እዛ ኦሎዳዌ ኦደታናዋ” ያጌዳ።

ይሁዳይ የሱሳ አሊደ እማናወ የወዋን ጌዳ (ማር. 14:10-11፤ ሉቃሳ 22:3-6)

14 ሄ ዋደ ታማን ላኡ የሱሳ ካልያዋንቱፕ እቱ ይሁዳ አሰቆሮቱ ያገትያዌ ቁሳቱዋ ካፓቱዋኮ

15 ቢደ፡ “ታን ህንተንቶ የሱሳ ኦይሶፕ፡ ታወ እያ እማንቱ?” ያግና ኢንቱንቱ አወ ሀታሙ ብራ ቆፒደ እሜድኖ።

16 ሄዋፕ ጉይያን፡ ይሁዳይ የሱሳ አላ እማናወ እንጀትያ ዋድያ ዋቹ።

የሱሰ አይሁዳቱ ፓሰጋ ካወዋ ባረና ካልያዋንቱና ሜዳ

(ማር. 14:12-21፤ ሉቃሳ 22:7-14፤ 21-23፤ ዮሃ. 13:21-30)

17 ባላ ዳቡዋ ምያ ጋላሳ ለንቶያ ኮይሮ ጋላሰ፡ የሱሳ ካልያዋንቱ አኮ ዪደ፡ “ፓሰጋ ለንቶያ ጋላሰ ኔን ማና ቁማ ሀቃን ገግሳኔ?” ያጌድኖ።

18 ሄዋፕ ጉየ የሱሰ ኢንቱንታ፡ “ካታማ ቢደ፡ እት ብታንያ፡ ታማርሰያዌ ኔና፡ “ታወ ዋዲ ጋኬዳ፤ ታን ታና ካልያዋንቱና ፓሰጋ ለንቶያ ጋላሳ ነ ሶይን አላና” ጌዳ፡ ጌተ” ያጌዳ።

19 አ ካልያዋንቱ የሱሰ ባረንታ አዛዞዋዳን አሊደ፡ ፓሰጋ ለንቶያ ጋላሰ ማና ቁማ ገግሴድኖ።

20 ሳኦይ ኦማርሴዳ ዋደ፡ የሱሰ ታማን ላኡ አ ካልያዋንቱና ቁማ ማናወ ኡቱዳ።

21 ኢንቱንቱ ሚሸን፡ የሱሰ ኢንቱንታ፡ “ታን ህንተንቶ ቱሙዋ ኦዳይ፤ ህንተፕ እት ኡራይ ታና አሊደ እማናዋ” ያጌዳ።

22 ኢንቱንቱ ዳሪ ዳጋሚደ፡ ሁጺያን ሁጺያን፡ “ሳዳወ፡ ቱሙ ታኔሻ?” ጉሳ ደሚድኖ።

23 የሱሰ ዛሪደ፡ “ባረ ኩሸያ ታናና እትፕ ዋጪትያፕ የዲደ ቱሸያዌ ታና አላ እማና።

24 ታን፡ አሳ ናኦይ፡ ጸሳ ማጻፋይ ሀይቃና ጌዳዋዳን ሀይቃና፤ ሸን ታና፡ አሳ ናኦ፡ አላ እምያ ኡራወ እየሮ፤ ሄ ኡራይ የለተናን አቱደንቶ አወ ሎኦ ሸን” ያጌዳ።

25 እ አላ እምያ ይሁዳይ ዛሪደ፡ “ታማርሰያዋ፡ ኔን ግያዌ ታኔ?” ያጌዳ።

የሱሰ ዛሪደ አ፡ “ኔን ነ ሁጺያን ጋዳ” ያጌዳ።

ጎዳ ካወዋ አክያ ዋጋ

(ማር. 14:22-26፤ ሉቃሳ 22:15-20፤ 1 ቆር. 11:23-25)

26 ኢንቱንቱ ሚሸን፡ የሱሰ ዳቡዋ አኪደ፡ ጸሳ ጋላቱዳ፤ ሄ ዳቡዋ ሙን፤ ራሊደ፡ ባረና ካልያዋንቶ እሚደ፡ “ሄይተ፤ ሚተ፤ ሀዌ ታ አሹዋ” ያጌዳ።

27 ጹኦ አኪደ፡ ጸሳ ጋላቱዳ። ኢንቱንቶ እሚደ፡ “ኡባይ ሀዋፕ ኡሸተ፤

28 እያወ ሳፕ፡ ሀዌ ዳር አሳ ናጋራይ አቶ ጌተታና ድራወ ጉክያ ታ ሱላ፤ ታ ሱላይ ኦራላ ጫቁዋ።

29 ሸን ታን ህንተንቶ ኦዳይ፤ ታን ታ አቡ ካወተላን ኦራላ ዋይንያ ኤሳ ህንተንቱና ኡሻና ጋላሳይ ጋካናወ፡ ላኤንሱዋ ሀ ዋይንያ ኤሳ ኡባካ ኡሸከ” ያጌዳ።

30 ማዘሙርያ የጸዋፕ ጉይያን፡ ደብረ ዛይተ ጌተትያ ደርያ ቤድኖ።

የሱሰ ጳጳርሰ ካዳናዋ ካሰቲደ ኦዳዳ

(ማር. 14:27-31፤ ሉቃሳ 22:31-34፤ ዮሃ. 13:36-38)

31 የሱሰ ሄ ዋደ ኢንቱንታ፡ “ሀቹ ቃማ ህንተንቱ ኡባይ ታና አጊደ ክቻና፤ እያወ ሳፕ፡ ጸሳ ማጻፋይ፡

“ ጸሳይ ደርሳ ሄምያዋ ዋቆና፤ ሄዋፕ ጉይያን ደርሳ ወዲ ላለታናዋ” ያጌ።

32 ሸን ታን ሀይቁዋፕ ደንደዋፕ ጉይያን፡ ህንተፕ ካሰታደ ጋላላ ባና” ያጌዳ።

33 ጳጳርሰ ዛሪደ፡ “ኢንቱንቱ ኡባቱ ኔና አጊደ ክቻናዋንታ፤ ታን ኔና ኡባካ የጋደ ክቻከ” ያጌዳ።

34 የሱሰ ጳጳርሳ፡ “ታን ነወ ቱሙዋ ኦዳይ፤ ሀቹ ቃማ ኩቱ ዋሳናፕ ካሰ፡ ኔን ታና ሄዙ ካላ ካዳናሳ” ያጌዳ።

35 ጳጳርሰ ዛሪደ፡ “ታን ሀራይ አቶ፡ ኔናና እትፕ ሀይቁንቶካ፡ ኔና ኡባካ ካድከ” ያጌዳ። ቃይ የሱሳ ካልያዋንቱ ኡባቱካ ሄዋዳን ጌድኖ።

የሱሰ ጌተሰማንያን ዋሴዳ

(ማር. 14:32-42፤ ሉቃሳ 22:39-46)

36 የሱሰ ሄ ዋደ ባረና ካልያዋንቱና ጌተሰማንያ ጌተትያሳ ቢደ ኢንቱንታ፡ “ታን ህን ባደ ጸሳ ዋሰሸን፡ ህንተንቱ ሀዋን ኡትሸተ” ያጌዳ።

37 ሄዋፕ ጉየ ጳጳርሳን ዛብድኖሳና ላኡዋ ባረናና አፊደ፡ ዳር ካዩዋን ኡጋ ደሚዳ።

38 ቃይ ኡንቱንታ፡ “ታን ሀይቃና ጋካናወካ ካየታይ፤ ሀዋን ቤጎቲደ፡ ታናና ናግተ” ያጌዳ።

39 ላፋ ሰንገሎ ሸቂደ፡ ሳኣን ጉፋኒደ፡ “ታ ኣቦ፡ ዳንዳየትያዋ ግደ፡ ሀ ጸኣ ታፕ ድጋ፤ ሸን ኔን ኮይያዋዳን ሀናፕ ኣትን፡ ታን ኮይያዋዳን ሀናፕ” ያጌደ ጸሳ ዋሴዳ።

40 የሱሰ ባረና ካልያዋንቱኮ ሰሚደ ዬዳ፤ ገምእሾዋንታ ደሚደ ጳጳርሳ፡ “ሀንተንቱ እት ሳተንቶካ ገምእሾናን ታናና ናጋናወ ዳንዳይቢይክታ?”

41 ፓጭያን ሀንተንቱ ገለና ማላ፡ ምንተነ ጸሳ ዋሰተ፤ እያናይ ገግ ኡቱዳ፤ ሸን ኣሳተፋ ኤሻይ ዳቡራንቻ” ያጌዳ።

42 የሱሰ ቃይ ላኤንሱዋ ቢደ፡ “ታ ኣቦ፡ ታን ሀ ዋልቃማ መቱዋ ኣከናን ደእሸን ጸኣ ደንጎናወ ዳንዳየተናዋ ግደ፡ ኔን ግያዌ ሀና” ያጌደ ጸሳ ዋሴዳ።

43 ቃይካ ሰም ዪደ፡ ኣ ካልያዋንቱ ኣይፍያ ገምእሾ ጎዝ ዋጭዳ ድራወ፡ ገምእሾዋንታ ደሚዳ።

44 ቃይካ ኡንቱንታ የግ ቢደ፡ ሄዘንሱዋ ካሰ ቃላ ዛሪደ፡ ጸሳ ዋሴዳ።

45 ሄዋፕ ጉይያን፡ ባረና ካልያዋንቶ ዪደ፡ “ሀእ ጋካናወካ ገምእሾቲኔ ሸምፕቲ? በእተ፡ ታና፡ ኣሳ ናኣ፡ ናጋራንቻ ኣሳቶ ኣሌደ እምያ ዋዲ ጋኬዳ።

46 ደንድና ቦይተ፤ በእተ፡ ታና ኣሳ እምያዌ ሀዌኩ ጋኬዳ” ያጌዳ።

የሱሰ ባረ ሞርከቱዋን ኣይቀቲዳ (ማር. 14:43-50፤ ሉቃሳ 22:47-53፤ ዮሃ. 18:3-12)

47 የሱሰ ሄዋ ብር ሃሳይሸን፡ ታማነ ላኡ ኣ ካልያዋንቱ፤ እቲ፡ ይሁዳይ፡ ጋክ ዋዴዳ፤ ቃይ ቄሳቱዋ ካፓቲኔ ጋድያ ጭማቱ ኪትና፡ ማሻነ ጸምእ ኣይቄዳ ጮራ ኣሳይ ኣናና እትፕ ዬዳ።

48 የሱሳ ኣሳ እምያዌ ሄ ጮራ ኣሳ፡ “ታን የርያዌ እ፤ ኣ ኣይቄተ” ያጌደ ማላ ኦድ ዋጭዳ።

49 ኤለካ የሱሳኮ ሸቂደ፡ “ታማርሰያዎ፡ ሳር ደእይ” ያጌደ ኣ የር እኬዳ።

50 የሱሰ ይሁዳ፡ “ታ ላገወ፡ ኔን ኣላናባ ኦላ ኣጋ” ያጌዳ።

ሄዋፕ ጉይያን፡ ሄ ጮራ ኣሳይ ሸቂደ፡ የሱሳ ሎይሳ ኣይቄዳ።

51 የሱሳና ደእያዋንቱ፤ እቲ ባረ ማሻ ከሲደ ቄሳቱዋ ኡባቱዋ ካፕዋ ቆማ ሀይላ ቃንጽ ኣሌዳ።

52 የሱሰ ሄ ዋደ ኣ ሀዋዳን ያጌዳ፤ “ነ ማሻ እኬዳሳን ዛሪደ ዋሳ፤ ኣያወ ጎፕ፡ ማሻ ደንሳያ ኡባይ ማሻን ሀይቃና።

53 ታ ኣቡ ዳር ሻኣ ኪታንቻቱዋ እት ኩላን የዲደ፡ ታና ማዳና ማላ፡ ታን ኣ ዋሳናወ ዳንዳይያዋ ኤርኪ?

54 ያትና፡ ጸሳ ቃላይ ሀዋዳን ሀናናወ በሴ ያጌዳዌ ዋኒደ ፖለታናወ ዳንዳይ?” ያጌዳ።

55 ሄዋፕ ጉይያን፡ የሱሰ ሄዋን ሸቂዳ ጮራ ኣሳ ሀዋዳን ያጌዳ፤ “ታና ካይሶ ከሲደ፡ ካይሱዋ ኣይቄያዋዳን ኣይቃናወ ማሻነ ጸምኣ

ኣይቄደ ዬድቲ? ታን ጌሻ ጎልያን ታማርሳደ፡ ጋላሳን ጋላሳን ሀንተንቱና ኣሳያ ዋደ ታና ኣይቄቢይክታ፤

56 ሸን ሀዌ ኡባይ ሀኔዳዌ ናባቲ ጸሳ ቃላን ጸፊዳዌ ፖለታናሳ” ያጌዳ።

የሱሳ ካልያዋንቱ ሄ ዋደ ኡባቲ ኣ የግ ቤድና።

የሱሰ ፕርዳ ሻንጎ ኣዴዳ (ማር. 14:53-65፤ ሉቃሳ 22:54-55፤ 63-71፤ ዮሃ. 18:13-14፤ 19-24)

57 የሱሳ ኣይቄዳዋንቱ ቄሳቱዋ ኡባቱዋ ካፕዋ ቃያፋኮ፡ ሀግያ ታማርሰያዋንቲኔ ጭማቱ ሸቂዳሳ ኣኪደ ቤድና።

58 ሸን ጳጳርሰ ቄሳቱዋ ኡባቱዋ ካፕዋ ድርሳ ግደ ጋካናወ፡ ሃኩዋን ኣ ካሌዳ፤ የወዋ ወርሰላ በኣናወ ድርሳ ግደ ገሊደ፡ ናግያዋንቱና ኡት ኣኬዳ።

59 ቄሳቱዋ ካፓቲኔ ሸቂዳ ኣሳይ ኡባይ የሱሳ ዋዳናወ ኣ ቦላ ዋርዲዋ ማርካ ደማናወ ኮዬድና።

60 ሸን ሀራይ እቶ ጮራ ኣሳይ ዪደ፡ ኣ ቦላ ዋርዲዋን ማርካትናካ ኣፕ እይነ ደምቢይክና። ጉየፕ ላኣቲ ዪደ።

61 “ሀ ብታኒ፡ ታን ጸሳ ጌሻ ጎልያ ኮላደ፡ ሄዙ ጋላሳን ዛሪደ ኬጻናወ ዳንዳይያ” ጌዳ” ያጌድና።

62 ቄሳቱዋ ኡባቱዋ ካፕ ደንድ ኣቂደ የሱሳ፡ “ሀዋንቱ ኔና ሞትያ ሞቶ ነዉ ዛርያባይ ባዌ?” ያጌዳ።

63 ሸን የሱሰ ጮኡ ጌዳ፤ ቃይካ ቄሳቱዋ ኡባቱዋ ካፕ ኣ፡ “ታን ኔና ደኡዋ ጸሳ ሱንጎን ጫላይ፤ ኔን ጸሳ ናኣ ክርሰቶሳ ግደፕ ኑዉ ኦዳ” ያጌዳ።

64 የሱሰ ዛሪደ፡ “ኔን ነ ሁጳወካ ጋዳ፤ ሸን ታን ሀንተንቶ ኦዳይ፤ ሀዋፕ ሰንጎን፡ ሀንተንቱ ታና፡ ኣሳ ናኣ፡ ዋልቃማ ጸሳፕ ኡሸቻ ባጋና ኡቲዳዋን ሳሉዋ ሻርያና ዪሸን በኣና” ያጌዳ።

65 ሄዋፕ ጉይያን፡ ቄሳቱዋ ኡባቱዋ ካፕ ባረ ማዳዋ ፔጵ ኣሊደ፡ “ሀዌ ቦራዳ፤ ኑና ሀዋፕ ሰንጎን ኣያወ ሀራ ማርካ ኮሺ? ኣ ሀእ ቦርያዋ ሀንተንቱ ሰሴድታ።

66 ሀንተንቱ ቆፋይ ኣዬ?” ያጌዳ። ኡንቲንቲ፡ “ኣዉ ሀይቁ በሴ” ያጌደ ዛሬድና።

67 ሄዋፕ ጉይያን፡ ኡንቲንቲ ኣ ዳሙዋን ጩቺደ፡ ኣ ደቺድና፤ ሀራንቲ ቃይ ኣ ባቂደ፡

68 “ክርሰቶሳ! ኔን ኔና ናበ ጋሳሸን፡ ኔና ሾጩዳዌ ኦንጎቶ ኣነ ኑዉ ኦዳ!” ያጌድና።

ጳጳርሰ የሱሳ ካዴዳ (ማር. 14:66-72፤ ሉቃሳ 22:56-62፤ ዮሃ. 18:15-18፤ 25-27)

69 ጳጳርሰ ጎልያፕ ካረና ድርሳ ግደን ኡት ደእሸን፡ እት ቆማታ ኣኮ ያደ፡ “ኔንካ ጋሊላ የሱሳና እትፕ ደኣ” ያጋዲ።

70 ሸን እ ኡንቱንቱ ኡባ ሰንጻን ሄ ቆማቶ፡ “ኔን ግያዌ እየንቶ ታን ኤርከ” ያጊደ ካዴዳ።

71 ቃይ ቢደ ድርሳ ፕንግያኮ ከሰሸን፡ ሀራ ቆማታ እ በኣደ፡ ሄዋን ደእያ አሳቶ፡ “ሀ ብታኒ ናዝሬትያ የሱሳና ደኤ” ያጋዱ።

72 ጳጳሮስ ላኤንሉዋ ጫቂደ፡ “ታን ሄዋ ብታንያ ኤርከ” ያጊደ።

73 ላፋ ጋምእሸን፡ ሄዋን ኤቄዳ አሳይ ጳጳሮሳኮ ዪደ፡ “ኔንካ ቱማ ኡንቱንቱና እትፕ ደኣ፤ አያዉ ጎፕ፡ ኔን ሃሳይያ ሃሳያይካ ኔና ኤርሴ” ያጊድኖ።

74 ሄዋፕ ጉይያን ጳጳሮስ፡ “ታን ሄዋ ብታንያ ኤርከ!” ያጊደ፡ ባረና ሸቃን ጫቁዋ ደማዳ።

ሄ ዋደ ኤለካ ኩቱ ዋሰ አኤዳ።

75 ጳጳሮስ ባረና የሱስ፡ “ኔን ኩቱ ዋሳናፕ ካሰ ሄዙ ካላ ታና ካዳናሳ” ጌዳዋ ሀሳዪደ፡ ካረ ከሲደ፡ ሴለት ዩኬዳ።

27

የሱስ ጵላጸሳ ሰንጻ ፕርዳዉ ሸቄዳ (ማር. 15:1፤ ሉቃሳ 23:1-3፤ ዮሃ. 18:28-32)

1 ዋንታ ጉራን ቄሳቱዋ ካፓቱ ኡባቱን ጋድያ ጭማቱ የሱሳ ዋቆናዉ ማቀቱድኖ፤

2 ኡንቱንቱ የሱሳ ቃች አፊደ፡ ጋድያ አይሰያ ጵላጸሳዉ አላ እማድኖ።

3 የሱሳ ሄ ዋደ ኦይጫዳ ይሁዳይ ጵላጸሰ የሱሳ ቦላ ፕርዳዳዋ በኢደ፡ “አዬሮ! ኦይፍን አጋርክታ!” ያጊደ፡ ሄ ማንእያን ሀታሙ ብራ ቄሳቱዋ ካፓቱን ጋድያ ጭማቶ ጉየ ዛሪደ፡

4 “ታን ጌሻ አሳ ኦይላደ ናጋራ ኦላድ” ያጊደ። ሸን ኡንቱንቱ ኦ፡ “ሄዋ ኦዉ አያ መቱ? ሄዋ ነ ሸን” ያጊድኖ።

5 ይሁዳይ ብራ ጌሻ ጎልያን ኦል አኤዳ፤ ኡንቱንቱ ማታፕ ቢደ፡ ሱለት ሀይቄዳ።

6 ቄሳቱዋ ካፓቱ ብራ አኪደ፡ “ሀ ብራይ ሱላ ሚሻ ግድሸን፡ ኩን ጌሻ ጎልያ ሚሻና ጋለያዌ ዋጋ ግደና” ያጊድኖ።

7 ሄዋፕ ጉየ እትፕ ዘረቲደ፡ እማላ አሳዉ ዋሳ ጋድያ ኦላናዉ ኡርቃፕ ሚሻ መድያዋንቱ ጋድያ ሻማድኖ።

8 ሄዋ ድራዉ፡ ሄ ጋዲ ሀቼ ጋካናዉካ፡ ሱላ ጋድያ ጌተቲደ ዴሰቱ።

9 ናብያ ኤርማሰ፡ “ኡንቱንቱ አዉ እማናዉ ቆፔዳ ሀታሙ ሹቻ ብራ አኪደ፡

10 ጎዳይ ታና አዛዞዋዳን፡ ኡርቃፕ ሚሻ መድያዋንቱ ጋድያ ሻማናዉ እማድኖ” ጌተቶዌ ሄ ዋደ ፖለቲዳ ጌዳ።

ጵላጸሰ የሱሳ ኡባባ ኦቼዳ (ማር. 15:2-5፤ ሉቃሳ 23:3-5፤ ዮሃ. 18:33-38)

11 የሱስ ጋድያ አይሰያዋ ሰንጻ ሸቅና፡ ጋድያ አይሰያዌ ኦ፡ “ኔን አይሁዳቱዋ ካቱ?” ያጊደ ኦቼዳ።

የሱስ ኦ፡ “ኔንካ ጋደኣ” ያጊደ።

12 ቄሳቱዋ ካፓቱን ጋድያ ጭማቱ ኦ ሞትና፡ ኡንቱንቶ አይነ ዛረዋ እምቤና።

13 ሄ ዋደ፡ ጵላጸሰ የሱሳ፡ “ሀዋንቱ ኔና ሞትያባ ኡባ ሰሰኪ?” ያጊደ።

14 የሱስ ሀራይ አቶ፡ እት ቃላካ ዛረናን እጽና፡ ጋድያ አይሰያዋንቱ ዳሪ ማላለቲዳ።

የሱስ ሀይቆ ፕርደቲዳ (ማር. 15:6-15፤ ሉቃሳ 23:13-25፤ ዮሃ. 18:39-40፤ 19:1-16)

15 ጋድያ አይሰያዌ ፓሰጋ ቦንቶያ ጋላሳን፡ አሳይ ኮይያ እት ኡራ ቃሹዋፕ ብልያ ዋጋይ ደኤ።

16 ሄ ዋደ እት ባርባና ጌተትያ የሱስ ዳሮ ኤረቲዳ ኢታ ብታኒ ቃሹ ጎለን ደኤ።

17 ሄዋ ድራዉ፡ ጮራ አሳይ እትሳ ሸቄዳሳን ጵላጸሰ፡ “ታን ሀንተንቶ ባርባና ግያ የሱሳ ብሎ፡ ዋይ ክርሰቶሳ ጌተትያ የሱሳ ብሎ?” ያጊደ አሳ ኦቼዳ።

18 አያዉ ጎፕ፡ ኡንቱንቱ ቃናቲደ የሱሳ ኦጫዳዋ ኦ ኤሬ።

19 ጵላጸሰ ፕርዳ ጎለን ኡት ደእሸን፡ ኦ ማቻታ አዉ፡ “ሄ ጽሎ ብታንያ አይነ ኦላፓ፤ አያዉ ጎፕ፡ ታን ሀቼ ቃማ አኩሙዋን አባን ዳሮ መቶታድ” ያጋደ ኪታዱ።

20 ሸን ቄሳቱዋ ካፓቱን ጋድያ ጭማቱ ጵላጸሰ ባርባና ብሊደ፡ የሱሳ ዋቆናዳን፡ ሸቄዳ አሳይ ኦ ዋሳና ማላ፡ አሳ ጭማድኖ።

21 ጵላጸሰ ዛሪደ ኡንቱንታ፡ “ታን ኡንቱንቱ ላአቱዋፕ ሀንተዉ ኦና ብላናዳን ኮዪቱ?” ያግና ኡንቱንቱ፡ “ባርባና ብላናዳን ኮዪቶ” ያጊድኖ።

22 ጵላጸሰ፡ “ያትና፡ ክርሰቶሳ ጌተትያ የሱሳ ዋቶ?” ያጊደ ኡንቱንታ ኦቼና ኡባይ፡ “ማሰቃልያ ቦላ ሞሰማርያን ድሸቲደ ካቀቶ” ያጊድኖ።

23 ጵላጸሰ አሳ፡ “አያዉ? አይ ኢታባ ኦጫዳ?” ያጊደ።

ሸን አሳይ ካሰዋፕካ ባረንቱ ኮሻ ቶቄ ኦሊደ፡ “ማሰቃልያ ቦላ ሞሰማርያን ድሸቲደ እ ካቀቶ” ያጊድኖ።

24 ዋላሳይ ደንዳናዋፕ አትን፡ አይነ ሀነናዋ ጵላጸሰ በኢደ፡ ሃላ አኪደ፡ “ሀ ብታኒ ሀይቄያዋን ታን ገልከ፤ ሄዋ ሀንተንቱ ኤርተ” ያጊደ ሸቄዳ አሳ ሰንጻን ባረ ኩሸያ ማጨቲዳ።

25 ሸቄዳ አሳይ ኡባይ ዛሪደ፡ “አ ሱላ ጎሚ ኮና ኮ ናና ጋኮ” ያጊደ።

26 ሄዋፕ ጉይያን፡ ጵላጸሰ ባርባና ኡንቱንቶ ብሌዳ፤ ልሱዋን የሱሳ ሾጪደ፡ ማሰቃልያ ቦላ ሞሰማርያን ድሸቲደ ካቃናዉ ኡንቱንቶ አሊደ እማዳ።

ዋታዳራቱ የሱሳ ቦላ ቅሊጩድኖ (ማር. 15:16-20፤ ዮሃ. 19:2-3)

27 ሄዋፕ ጉይያን፡ ጵላጸሳ ዋታዳራቱ የሱሳ ጋድያ አይሰያዋ ቤሩዋ አፍና፡ ዋታዳራቱ ኡባይ ኦ ሞይያን ዩይ አዲደ ኤቄድኖ።

28 ኦ ማዩዋ ቃር አኪደ፡ ዞኦ ማዩዋ ኦ ማይዜድኖ።

29 ቃይ አጉንጻ ካላቻ ጊግሲደ፡ ኦ ሁጲያን ዋጫድኖ፤ ኦ ኡሸቻ ኩሸያን ማቃ ጸምኦ ኦይሊደ፡

አ ሰንፋን ጉልባቲደ፡ “አይሁዳቸዋ ካተወ፡ ሳር ደአይ!” ያገደ፡ አ ቦላ ቅሊጩድድ።

30 አ ቦላ ጩቹድድ፤ ሄ ማቃ ጸምኦ አኪደ፡ አ ሁጲያ ሾጩድድ።

31 ኡንቱንቱ አ ቦላ ቅሊጩዳዋጥ ጉይያን፡ ዘአ ማዩዋ አጥ ቃር አኪደ፡ አ ማዩዋ አ ማይዜድድ፤ ቃይ ማስቃልያ ቦላ ሞሰማርያን ድሺደ አ ካቃናዉ አፌድድ።

የሱስ ካቀቲዳ
(ማር. 15:21-32፤ ሉቃሳ 23:25-43፤ ዮሃ. 19:17-27)

32 ኡንቱንቱ ካረ ከሲደ፡ እት ሰሞና ጌተትያ ቀሪና ጋደ አሳ ደሚደ፡ የሱሳ ማስቃልያ ዋልቃን ተሴድድ።

33 ጎልጎታ ጌተትያሳ ጋኬድድ፡ “ጎልጎታ” ያገትያዋ “ሁጲያሳ” ግያዋ።

34 ሄዋን ኡንቱንቱ ጫሜዳ ዋይንያ ኤሳ የሱሳዉ ኡሻናዉ እሜድድ፤ እ ሄዋ ጋንጽ ጸሊደ፡ ኡሸናን እጾዳ።

35 ኡንቱንቱ ማስቃልያ ቦላ ሞሰማርያን ድሺደ አ ካቆዋጥ ጉይያን፡ አ ማዩዋ ሻኪደ፡ ሳማ የገደ አኬድድ።

36 ሄዋጥ ጉይያን፡ አ ናጋናዉ ሄዋን ኡት አኬድድ።

37 ቃይ፡ “ሀዌ አይሁዳቱ ካትያ የሱሳ” ያገደ ሞቱ ጸፈቶዋ አ ሁጲ ሳጋና ዋሌድድ።

38 የሱሳና ሄ ዋደ ላኡ ካይሳቱዋ እቱዋ አጥ ኡሸቻ ሳጋና፡ ቃይ እቱዋ አጥ ሁድርሳ ሳጋና፡ ማስቃልያ ቦላ ሞሰማርያን ድሺደ ካቆድድ።

39 ኦግያና አድያ አሳይ የሱሳ ካዲደ፡ ባረንቱ ሁጲያ ቃሊደ ቦሬድድ።

40 “ጌሻ ጎልያ ኮላደ ሄዙ ጋላሳ ግደን ኬጽያዎ፡ ነ ሁጲያ አሻ፤ ኔን ጸሳ ናኦ ግደጥ፡ እን ማስቃልያ ቦላጥ ዋቆ” ያገድድ።

41 ሄዋዳንካ፡ ቄሳቱዋ ካገቱ ሀግያ ታማርሲያዋንቱና፤ ጭማቱዋና እትጥ የሱሳ ቦላ ቅሊጩደ፡ ሀዋዳን ያገድድ።

42 “ሀራንታ አሾዳ፤ ሸን ባረና አሻናዉ ዳንዳየና፡ እ እሰራኤልያ ካትያ፤ እን ማስቃልያ ቦላጥ ሀእ ዋቆ፤ ኮንካ ቃይ እን አማናና።

43 ጸሳን እ አማነቱ፤ ጸሳይ አ አሻናዉ ኮዮጥ እን አሾ፤ እያዉ ጎጥ፡ እ ባረና፡ “ታን ጸሳ ናኦ ጌ” ያገድድ።

44 ቃይ ሀራይ አቶ፡ አናና ማስቃልያ ቦላ ሞሰማርያን ድሸቲደ ካቀቲዳ ካይሳቱካ ሄዋዳን ገደ፡ አ ቦላ ቅሊጩድድ።

የሱስ ሀይቄዳ
(ማር. 15:33-41፤ ሉቃሳ 23:44-49፤ ዮሃ. 19:28-30)

45 ኡሱፑን ሳትያጥ ደሚደ፡ ኡዱፑ ሳትያ ጋካናዉ፡ ቢታይ ኡባይ ቆሚዳ።

46 ኡዱፑ ሳተ ግድያ ሄራን የሱስ ባረ ቃላ ቶቄ ኦሊደ፡ “ኤሎሄ፡ ኤሎሄ፡ ላማ ሳባቅታኒ?”

ያገደ። ሄዋ ጉሳይ፡ “ታ ጸሳዉ፡ ታ ጸሳዉ፡ ታና አያዉ ጮኡ ጋድ?” ጉሳ።

47 ሄዋን ኤቄዳ አሳጥ እቱ ሄዋ ሰሲደ፡ “ሀ ብታኒ ኤሳሳ ጾሴ” ያገደ።

48 ሄ ማንእያን ኡንቱንቱጥ እቱ ዋዲደ፡ እሰጉንድያ አኪደ፡ ጫላ ዋይንያ ኤሳ ግደ የገደ፡ ሄዋ ማቃ ጸምኦ ጸራን ዋሊደ፡ ኡሻናዉ አ ደናኮ ሺሼዳ።

49 ሸን የኮንቱ፡ “አነ ደአሻ፡ ኤላሰ አ አሻናዉ ያናዌንቶ በአና” ያገድድ።

50 የሱስ ላኤንሱዋ ባረ ቃላ ቶቄ ኦሊደ፡ ሀይቄ አኬዳ።

51 አኬክተ፤ ጌሻ ጎልያን ካቀቲዳ ጋርዱ ቆሞጥ ዲገ ጋካናዉ፡ ላኡ ከሲደ፡ ፖሸት ዋቆዳ፤ ሳአይ ቃጾዳ። ቃይ ዛላይካ ጸልቀቲዳ፤

52 ጮራ ዱፋ ደየቲዳ። ጸሳ አሳጥ ጮራቱ ሀይቄዳዋንቱ፡ ሀይቄዋጥ ደንዴድድ።

53 ኡንቱንቱ ዱፋዋጥ ከሲደ፡ የሱስ ሀይቄዋጥ ደንደዋጥ ጉይያን፡ ጌሻ ካታማ ቤድድ፤ ሄዋን ኡንቱንታ ጮራ አሳይ በኤዳ።

54 ጾቱዋ ካፑን እናና የሱሳ ናግያ ዋታዳራቱ ሳአይ ቃጽያዋን ሄዋን ሀኔዳዋ ኡባ በኤዳ ዋደ ዳር ያዬድድ፤ ያሻ ጋሱዋን፡ “ቱሙ ሀዌ ጸሳ ናኦ” ያገድድ።

55 ሄዋን ጮራ ማጫዋንቱ፡ ጋሊላጥ ደሚደ፡ የሱሳ ማዲደ ካልያዋንቱ፡ ሃኩዋን ኤቄደ ጾሊና።

56 ኡንቱንቱ ግደን ማግዳላ ጌተትያ ካታማጥ ዬዳ ማይራማ፡ ያቆባን ዮሴፎ ዳያ ማይራማን ዛብድዮሳ ናና ዳያ ደአና።

የሱስ ሞገቲዳ
(ማር. 15:42-47፤ ሉቃሳ 23:50-56፤ ዮሃ. 19:38-42)

57 ሳአይ አማርሲያ ዋደ፡ ዮሴፎ ጌተትያ እት ዱረ ብታኒ፡ አርማትያሳ ካታማ ብታኒ ዬዳ፤ እ ባረ ሁጲዉካ የሱሳ ካልያዋ።

58 ዮሴፎ ጽላጸሳኮ ቢደ፡ የሱሳ አሃ አካናዉ ዋሴዳ፤ ጽላጸሰ ዮሴፎ እመታና ማላ አዛዜዳ።

59 የሱሳ አሃ አኪደ፡ ጌሻ ሞጉዋ ማዩዋን

60 ጸጺደ ባረዉ ሞገታናዉ ሹቻ ዋጩዳ ኦራላ ጎንጎሉዋ ግደን እ አሃ ዋሌዳ፤ ቃይ ሄ ጎንጎሉዋ ደናን ዋጋ ሹቻ ጎንዶርሰ ዋሊደ፡ ባሽ ቤዳ።

61 ማግዳላ ካታማጥ ዬዳ ማይራማን የኮ ማይራማ ሄዋን ጎንጎሉዋኮ ሰሚደ ኡቲድድ።

62 ሳሞባታዉ ገገትያ ጋላሳጥ ዋንተላ ጋላሰ፡ ቄሳቱዋ ካገቱን ፓርሳዋቱ ጽላጸሳና ጋከቲደ፡ ሀዋዳን ያገድድ።

63 “ሳዳዉ፡ ሄ ዋርዱ ፓጻ ደእያ ዋደ፡ “ታን ሄዙ ጋላሳጥ ጉይያን፡ ሀይቄዋጥ ደንዳና’ ያሳዋ ኡን ሀሳዬዳ።

64 ሄዋ ድራዉ፡ አ ሞጌዳ ጎንጎሉዋ ሄዙ ጋላሳ ጋካናዉ፡ ሎይላ ናጋና ማላ አዛዛርኪ፤ ሄዌ ቆዮጥ አ ካልያዋንቱ ቢደ፡ አ አሃ ዉኢደ አሳዉ፡ ሳይቄዋጥ ደንዴዳ’ ያጋናዋንታ፤ ላኤንሱያ ባላይ ካሰ ባላጥ ኡባ ያ ኢታና” ያገድድ።

27:34 ማዘ. 69:21 27:35 ማዘ. 22:18 27:39 ማዘ. 22:7፤ 109:25 27:40 ማቶሳ 26:61፤ ዮሃ. 2:19
27:43 ዛረ. 22:8 27:46 ማዘ. 22:1 27:48 ማዘ. 69:21 27:51 ከሳ 26:31-33 27:63 ማቶሳ 16:21፤
17:23፤ 20:19፤ ማር. 8:31፤ 9:31፤ 10:33-34፤ ሉቃሳ 9:22፤ 18:31-33

65 ጵላጸስ ኢንቱንታ፡ “ህንተንቶ ናግያዋንቱ ደኢኖ፤ ቢደ ህንተንቶ ዳንዳየትያ ኬና ናግሸተ” ያጌዳ።

66 ሄዋጥ ጉዩ ኢንቱንቱ ቢደ፡ ሹቻ ቦላ ማታፋ አታሚደ፡ ቃይ ናግያዋ ያን ዋሲደ፡ የሱሳ ሞጌዳ ጎንጎሉዋ ናግሴድኖ።

28

የሱስ ሀይቁዋጥ ደንዳዳ (ማር. 16:1-10፤ ሉቃሳ 24:1-12፤ ዮሃ. 20:1-10)

1 ሳሞባታይ አድና ዋጋ ጋላስ ዋንታ ባካልያን፡ ማግዳላ ጌተትያ ካታማጥ ዬዳ ማይራማነ የኮ ማይራማ የሱስ ሞጌቱዳ ጎንጎሉዋ በአናዉ ቤድኖ።

2 ጎዳ ኪታንቻይ ሳሉዋጥ ዋዴዳ ድራዉ፡ ሳአይ ዳር ቃዴዳ፤ ሄ ኪታንቻይ ዬደ፡ ሹቻ ጎንደርስ ኮሊደ፡ አ ቦላ ከስ ኡቴዳ።

3 አ ማላይ ዋልቃንፋ ማላቲ፤ አ ማዩካ ሻቻዳን ቦላ።

4 ናግያዋንቱ ኪታንቻዉ ያሻ ኮኮሪደ፡ ሀይቁዳ አሳዳን ሀኔድኖ።

5 ኪታንቻይ ማጫዋንታ ሀዋዳን ያጌዳ፤ “ያዮፕተ፤ አያዉ ጎጥ፡ ማስቃልያ ቦላ ሞሰማርያን ድሺደ ካቁዳ የሱሳ ህንተንቱ ኮይያዋ ታን ኤራይ።

6 እ ሀዋን ባዋ፤ አያዉ ጎጥ፡ እ ባረ ጌዳዋዳንካ ሀይቁዋጥ ደንድ ድጌዳ፤ ሃ ዬደ፡ እ ሞጌት ግሶሳ በአተ።

7 ህንተንቱ ሀእ ኤለካ ቢደ፡ የሱሳ ካልያዋንቶ፡ የሱስ ሀይቁዋጥ ደንድ ድጌዳ። ቃይ እ ህንተጥ ካሰቲደ፡ ጋሊላ ቤ፤ ህንተንቱ አ ያን በአና፡ ያጌደ ኦድተ። በአተ፡ ታን ህንተንቶ ኦዳድ” ያጌዳ።

8 ኢንቱንቱ ያዩድነ ቃይ ዳር ናሸቲደ፡ የሱስ ሞጌቱዳ ጎንጎሉዋ ማታጥ ኤለካ ክቺደ፡ የሱሳ ካልያዋንቶ ኦዳናዉ ዋዴድኖ።

9 ሄ ማንእያን የሱስ ኢንቱንቱና ጋከቲደ ኢንቱንታ፡ “ሳር ደኢቱ” ያግ አጌዳ፤ ኢንቱንቱ አኮ ሺቅ አ ገድያ ኦይቂደ፡ አዉ ጎይኔድኖ።

10 የሱስ ሄ ዋደ ኢንቱንታ፡ “ያዮፕተ፤ ታ እሻቱ ጋሊላ ባና ማላ፡ ቢደ ኢንቱንቶ ኦድተ፤ ኢንቱንቱ ታና ያን በአናዋንታ” ያጌዳ።

11 ሄ ማጫዋንቱ ብያ ዋደ፡ ጎንጎሉዋ ናግያ ዋታዳራቱዋጥ አማሬዳዋንቱ ካታማ ቢደ፡ ሀኔዳዋ ኡባ ቄሳቱዋ ካፓቶ ኦዴድኖ።

12 ቄሳቱዋ ካፓቱ ጭማቱዋና እትጥ ሺቅ ዘረቲደ፡ ዋታዳራቶ ዳር ሚሻ እሚደ፡

13 “ ኑን ገሞእሹዋን ደእሸን አ ካልያዋንቱ ቃማ ዬደ፡ አ አሃ ዉኤድኖ ያግተ።

14 ሀ የዉዋ ጋድያ አይሰያዌ ሰሶጥ፡ ኑን አዉ ኦድ አማንፋና፤ ቃይ ህንተንታ አይነ ሀርግሰናዳን አፋና” ያጌድኖ።

15 ዋታዳራቱ ሚሻ አኪደ፡ ባረንቶ ኦዴዳዋዳን ኦሴድኖ። ሀ የዉ አይሁዳቱዋ ማታን ሀቼ ጋካናዉ፡ ኦደቲደ ደኤ።

የሱስ ባረና ካልያዋንቶ ቤቴዳ (ማር. 16:14-18፤ ሉቃሳ 24:36-49፤ ዮሃ. 20:19-23፤ ኪታ 1:6-8፤ 1 ቆር. 15:3-8)

16-17 ሸን ታማነ እት አ ካልያዋንቱ የሱስ ባረንታ ቤተ ጌዳ ጋሊላ ጋድያ ቢደ አ በኤዳ ዋደ፡ አዉ ጎይኔድኖ፤ ሸን ኢንቱንቱጥ አቱ አቱ ሰዴድኖ።

18 የሱስ ኢንቱንቱኮ ሺቂደ፡ ኢንቱንታ ሀዋዳን ያጌዳ፤ “ማታይ ኡባይ ሳሉዋንነ ሳአን ታዉ እመቲዳ።

19 ሄዋ ድራዉ፡ ህንተንቱ ቢደ፡ አሳ ኡባ ታና ካልያዋንታ ኦሰተ፤ አዉዋ ሱንፋን፡ ናኦ ሱንፋንነ ጌሻ አያና ሱንፋን ኢንቱንታ ጸማቅተ።

20 ታን ህንተንታ አዛዜዳባ ኡባ ኢንቱንቱ ናጋና ማላ፡ ኢንቱንታ ታማርሰተ፤ ታን ዋድያ ዉርሰላይ ጋካናዉካ ኡባ ዋደ ህንተንቱና ደእያዋ አኬክተ” ያጌዳ።

28:16-17 ማቶሳ 26:32፤ ማር. 14:28 28:19 ኪታ 1:8

ማርቆስ ጻፊዳ ምሽራቹዋ ቃላ ገሉዋ

ማርቆስ ጻፊዳ ምሽራቹ ኮይሮ ደሚድካ፡ “ሀዌ ጸላ ናኣ የሱስ ክርስቶስ ምሽራቹዋ ቃላዉ ደመላ” ያጌ። ሀ ምሽራቹዋ ቃላ ግደን የሱስ ኡሱዋ አሳነ ማታይ ደእያ አሳ ግዲደ ሺቄዳ። የሱሳ ማታይ ኣ ትምርትያን፡ ጸላህያ ጭታ ቦላ ኣዉ ደእያ ዋልቃን ኣሳ ናጋራ ኣቶ ግያዋን በኤቲዳ። የሱስ፡ “ታን ኣሳ ናኣይ ዬዳዌ፡ አሳ፡ ናጋራ ኣይለተላጥ ላኣ ከሳናዉ ታ ደኡዋ አላደ እማናሳ” ያጌደ እ ባረ ሀጻዉ ሃሳዬዳ።

ማርቆስ የሱሳ ታርክያ ሱረነ ዋልቃ ኩሜዳ ኦግያን ኦዴዳ። እ ጋናዉ ኮዮ ቆፋይካ የሱሳ ቃላነ ትምርትያ ግደናን እ ኦፊዳ ማላልስያ አሳቱዋ ቦላና። ጸማቅያ ዮሃንሳ ታርክያ፡ የሱሳ ጽንቃታን ገጭያ ቃንላን ኤርስ ሰሚደ፡ የሱሳ ትምርትያን ገሉዋዋ አሲደ ኦዴዳ። ዋድያጥ ጉይያን የሱሳ ካልያዋንቱ ኣ ሎይላ ኤር ቤዳዋ ኬና ኣና ኤቀትያዋንቱ ኣ ሎይላ እጾድና። ዉርስላ ሸምገቱ የሱሳ ደኡዋን ዉርስላ ሳምንታ ግደን ፖለቲዳ አሳቱዋ፤ ሄዋንቱካ ኣ ካቀላባነ ኣ ደንዲዋባ ኦድያዋንታ።

ማርቆስ ምሽራቹዋ ዉርስላን ቅንፍያ ግደን ደእያ 16:9-20 ገይዳቱ ጌሻ ቃላ እት እት ብለላ ጸላላን ደእያዋንታ።

ሸምገቱዋ ኡባቶ እመቲዳ ቃንላ ቆፋቲዋ

ምሽራቹዋ ደመላ 1:1-13
የሱስ ኡሱዋ ጋሊላን ደሜዳዋ 1:14—9:50
የሱስ የሩሳላሙን ኦላዋ 10:1-52
የሩሳላሙን እዝ ዩሹዋን የሱሳ ዉርስላ ሳምንታ 11:1—15:47
ጎዳ የሱሳ ደንዲዋ 16:1-8
ሀይቁዋጥ ደንዲዳ ጎዳ ቆንጨላን ሳሉዋ ቡሳ 16:9-20

ጸማቅያ ዮሃንሳ አዋዩዋ (ማቶሳ 3:1-12፤ ሉቃሳ 3:1-18፤ ዮሃ. 1:19-28)

1 ጸላ ናኣ * የሱስ ክርስቶስ ዋንጋላ ምሽራቹዋ ደመላ።
2 ናብያ እስያስ ጻፊዳ ማጻፋን ጸሳይ፡ “በኣ፤ ታ ኪትያዋ ታን ኔጥ ሰንላዉ የዳና፡ እ ነዉ ኦግያ ከሳናዋ።
3 እት ብታኒ ቢታ ባዙዋን ባረ ኮሻ ቶቄ ኦሊደ፡ “ጎዳ ኦግያ ገግሰተ። እ ሀመታና ሎሱዋካ፡ ኣዉ ሱርስተ” ጌዳዋዳን” ሀኔዳ።

4 ጸማቅያ ዮሃንሳ አሳ ጸማቂድን፡ “ጸሳይ ሀንተ ናጋራ ኣቶ ጋና ማላ፡ ሀንተንቱ ናጋራጥ ሰሚደ ጸማቀትተ” ያግ ቃላ ኦዲደ ቢታ ባዙዋን ከስ ዋዴዳ።

* 1:1 ጸላ ናኣ- በን ጸፈቲዳ እት እት ብለላን ሀዌ ባዋ። 1:2 ሚልክ. 3:1 1:6 2 ካታ. 1:8 1:11 ደመላ 22:2፤ ማዝ. 2:7፤ ኢሳ. 42:1፤ ማቶሳ 3:17፤ 12:18፤ ማር. 9:7፤ ሉቃሳ 3:22

5 ይሁዳ ጋድያን ደእያ አሳይ ኡባይነ የሩሳላሙ ካታማ አሳይ ኡባይ ዮሃንሳኮ ዬድና። ባረንቱ ናጋራካ ገጽና፡ ዮሃንሳ ሄ አሳ ዮርዳኖሳ ሻፋን ጸማቄዳ።

6 ዮሃንሳ ጋሉዋ እስክያጥ ዲደቲዳ ማዩዋ ማዩደ፡ ባረ ጸሳን ዳፋዋ ዳንጨዳ፤ ቃይ ቦልያን ዋራ ኤሳ ሜዳ።

7 ዮሃንሳ ቃላ ኦዲደ፡ “ታጥ ጉየና ዳር ምንያዌ ዬ፤ ሀራይ ኣቶ፡ ኣ ጫማካ ገድያጥ ከሳ ቶካናዉ ታን በሰከ።

8 ታን ሀንተንታ ሃላን ጸማቃይ፤ ሸን እ ሀንተንታ ጌሻ ኣያናን ጸማቃናዋ” ያጌዳ።

የሱስ ጸማቀቲዳዋን ገጨቲዳዋ (ማቶሳ 3:13-17፤ 4:1-11፤ ሉቃሳ 3:21-22፤ 4:1-13)

9 የሱስ ሄ ዋደ ጋሊላ ጋድያን ደእያ ናዝሬተ ካታማጥ ዪና፡ ዮሃንሳ ዮርዳኖሳ ሻፋን ኣ ጸማቄዳ።

10 የሱስ ሃላጥ ከሶሳና ሳሉ ደየትሺናን ጌሻ ኣያናይ ባረ ቦላ ሀራጽያዳን ዋድሸን በኤዳ።

11 ቃይ ሳሉዋጥ፡ “ታን ሲቅያ ታ ናኣይ ኔና፤ ታና ነባይ ናሸቼ” ያግያ ቃላይ ሰሰቲዳ።

12 ኤለካ ጌሻ ኣያናይ አሳይ ባይና መላ ሳ ኣ ዩዴዳ።

13 የሱስ አሳይ ባይና ሳን ባረና ሴጻናይ ገጭሸን፡ ኦይታሙ ጋላሳ ጋሌዳ፤ ዱኣናካ ደኤዳ፤ ኪታንቻቱካ ዪደ፡ ኣዉ ኦሌድና።

የሱስ ዋልያ ኦይቂያ ኦይዱ አሳቱዋ ጴሴዳ (ማቶሳ 4:12-22፤ ሉቃሳ 4:14-15፤ 5:1-11)

14 ዮሃንሳ ቃሸቶዋጥ ጉይያን፡ የሱስ ጸሳ ካዉተላ ዋንጋላ ምሽራቹዋ ኦዲደ፡ ጋሊላ ጋድያ ቢደ።

15 “ዋዲ ጋኬዳ፤ ጸሳ ካዉተላይካ ማታቲዳ። ሀንተንቱ ናጋራጥ ሰሚደ፡ ዋንጋላ ምሽራቹዋ ኣማንተ” ያጌዳ።

16 የሱስ ጋሊላ ኣባ ላንቂያና ኣዲደ፡ ዋልያ ኦይቂያዋንታ፡ ሰሞናን ኣ እሻ ኣንድራሳ፡ ባረንቱ ዳባ እባን የግያዋንታ በኤዳ።

17 ያቲደ ኤንቲንታ፡ “ታና ካልተ፤ ታን ሀንተንታ ዋልያ ኦይቂያዋዳን ኣሳ ታኮ ኣህያ ኦግያ ታማርሳና” ያጌዳ።

18 ሄዋጥ ጉይያን ኤንቲንቱ ኤለካ ባረንቱ ዳባ ኣጌደ፡ የሱሳ ካሌድና።

19 የሱስ ጉላ ሰንላዉኮ ቢደ፡ ዛብድዮሳ ናና ላኡ እሻቲዋ፡ ያቆባነ ዮሃንሳ ዋንግርያ ግደን ባረንቱ ዳባ ገግሰያዋንታ በኤዳ።

20 እ በኣሳንካ ኤንቲንታ ጴሰና፡ ባረንቱ ኣዉዋ፡ ዛብድዮሳ፡ ኣ ኣሳንቻቲዋና ዋንግርያ ግደን ኣጌደ፡ የሱሳ ካሊደ ቤድና።

ኣታ ኣያናይ ኦይቂዳ ብታኒ ገጴዳ (ሉቃሳ 4:31-37)

21 ኣንቲንቱ ቅፍርናሆማ ጌተትያ ካታማ ዪደ ገሌድና፤ የሱስ ሳምባታ ጋላሳይ ጋኮ ዋደ።

* 1:1 ጸላ ናኣ- በን ጸፈቲዳ እት እት ብለላን ሀዌ ባዋ። 1:2 ሚልክ. 3:1 1:6 2 ካታ. 1:8 1:11 ደመላ 22:2፤ ማዝ. 2:7፤ ኢሳ. 42:1፤ ማቶሳ 3:17፤ 12:18፤ ማር. 9:7፤ ሉቃሳ 3:22

አይሁዳ ዋሳ ጎላ ገሊደ፣ ታማርሱዋ ደም እጌዳ።

22 ባረወ ማታይ ደእያ አሳዳን፣ አሳ እ ታማርሱያዋት እትን፣ ህግያ ታማርሱያዋንቱዳን ታማርሱና ድራወ፣ አሳይ እ ትምርትያን ማላለቲዳ።

23 ሄ ዋደ ኢታ አያናይ ደእያ እት ብታኒ አይሁዳ ዋሳ ጎላ ገሊዳናካ ባረ ኮሻ ጾቄ ኦሲደ።

24 “ናዝሬትያ የሱሳ፣ ኔን ኑፕ አያ ኮያይ? ኑና ጳይሳናወ ያድ? ኔን ኦነንቶ ኤራይ፣ ኔን ጸሳፕ ኪተቲዳ ጌሻ ግድኪ!” ያጌዳ።

25 የሱስ ሄ ኢታ አያና፣ “ሀይዛ፤ ብታንያፕ ከሳ” ያጌደ አዛዜዳ።

26 ኢታ አያናይ ብታንያ ቡጨሬል፣ ዳሪ ዋሰሲደ፣ እፕ ከሰ እጌዳ።

27 አሳይ ኡባይ ማላለቲደ፣ “ሀዌ አይ? ሀ ብታኒ ባረ ማታን ሀራይ አቶ፣ ኢታ አያናቱዋካ አዛዜዳ፤ እንቱንቱካ ቃይ እወ አዛዘቲኖ፤ ሀዌ አይበ ኦራላ ትምርቲ?” ያጌደ፣ ባረ ግድን እቲ እቲዋ ኦቼዳ።

28 ጋሊላ ጋድያን ደእያ ሄራይ ኡባይ ኤለካ የሱሳ ዋርያ ሲሴድኖ።

የሱስ ዳር ሀርጋንቻቱዋ ፓሌዳ
(ማቶሳ 8:14-17፤ ሉቃሳ 4:38-41)

29 የሱስ አይሁዳ ዋሳ ጎልያፕ ከሶሳን፣ ያቆባናን የሃንሳና እትፕ ሰሞናን እንድራሳ ሶይ ብ እጌዳ።

30 ሰሞና ቦሎታታ ቆጶዋ ሀርጋይ ግሴዳወንባ እ ያ ጋኮሳናካ እወ ኦድ እጌድኖ።

31 እ እዘኮ ሺቂደ፣ እዘ ኩሽያ ኦይቂደ፣ እዘ ደንል ኤሴዳ፤ ቆጶ እዘ አግና፣ እዘ ኡንቱንቶ አሳዳ።

32 ሀርጌዳ አሳ ኡባን ኢታ አያናቱ ኦይቂዳ አሳ ኡባ አማርስ አዋይ ወሌዳዋፕ ጉይያን፣ አሳይ እኮ አሄድኖ።

33 ካታማን ደእያ አሳይ ኡባይ ሄ ካርያ ሺቂዳ።

34 የሱስ ዲማ ዲማ ሀርግያን አይቀቲዳ ጮራ አሳ ፓሊደ፣ ጮራ ጸላሀቲዋካ ከሴዳ። እ ክርስቶሳ ግድያዋ ኢታ አያናቱ ኤራዳ ድራወ፣ ኡንቱንታ ሃሳይሰናን ድጌዳ።

የሱስ ጋሊላን ታማርሴዳ
(ሉቃሳ 4:42-44)

35 የሱስ ጉራ ዋንቱማላን ደንዲደ፣ ሶይፕ ከሲደ፣ አሳይ ባይናሳ ቢደ ያን ጸሳ ዋሴዳ።

36 ሰሞንን እናና ደእያዋንቱ እ ኮዪደ ቤድኖ።

37 ኡንቱንቱ አ ደሚደ፣ “አሳይ ኡባይ ኔና ኮይ” ያጌድኖ።

38 ሄዋፕ ጉየ የሱስ ቃይ ኡንቱንታ፣ “ሄዋ ሄራን ደእያ ሀራ ካታማቲዋ ቦይተ፤ ታን ሄዋን ቃላ ኦዳናወ በሴ፤ አያወ ጎፕ፣ ታን ዬዳዌ ሄዋሳ” ያጌዳ።

39 አይሁዳ ዋሳ ጎለቲዋን ቃላ ኦዲድን ኢታ አያናቱዋ ከሲደ፣ ጋሊላ ጋድያ ኡባ ዩዬዳ።

የሱስ ኦሎ ኦይቂዳ ብታንያ ፓሌዳ
(ማቶሳ 8:1-4፤ ሉቃሳ 5:12-17)

40 ኦሎ ኦይቂዳ እት ብታኒ የሱሳኮ ዪደ፣ አ ሰንላን ጉልባቲደ፣ “ኔን ኮዮፕ፣ ታና ጌሻ ፓላናወ፣ ዳንዳያ” ያጌደ ዋሴዳ።

41 የሱስ እወ ቃረቲዳ፤ ባረ ኩሽያ የድ፣ አ ቦቼደ፣ “ታን ኮያይ፤ ጌያ፤ ፓጸ!” ያጌዳ።

42 ኤለካ ኦሎ ብታንያ የድ አግና፣ ብታኒ ጌይ ፓጸ እጌዳ።

43 የሱስ ዳሪ ሀንቀቲደ፣ ኤለካ አ ከሰ የዴዳ።

44 እ ብታንያ፣ “ኔና ኤራ! ሀዋ ኦሰን ኦድፓ፤ ሽን ባደ ነ ቦላ ቄሳ ቦሳ፤ ቃይ ኔን ሀእ ጌሻ ግዴዳዋ አሳ ኤርሳናወ፣ ሙሴ አዛዜዳ ያርቹዋ ያርሻ” ያጌዳ።

45 ሽን ብታኒ ቢደ፣ የወዋ ኡባ ሳን አሳ ኡባወ ኦዲዋን ላላላ ደሚዳ፤ ሄዋ ድራወ፣ የሱስ ቆንጮያ ከሲደ፣ ካታማ ገላናወ ዳንዳይቤና፤ ሽን አሳይ ባይናሳ ጋጸን ደኤዳ፤ ቃይ አሳይ ኡባ ሳፕ እኮ ዩድኖ።

2

የሱስ ቦላይ ሰሌዳ ብታንያ ፓሌዳ
(ማቶሳ 9:1-8፤ ሉቃሳ 5:17-26)

1 አማራዳ ጋላሳፕ ጉይያን፣ “የሱስ ቅፍርናሆማ ጉየ ሰሚደ፣ ሶይን ደኤ” ግያ ሃሳይ ሰሰቲዳ።

2 ጎሊ አከናን እጽና፣ ሀራይ አቶ፣ ካሪካ ኡንእና ጋካናወ ጮራ አሳይ ሺቂዳ፤ ሄዋንቶ የሱስ ቃላ ኦዴ።

3 ኦይዳ አሳቲ ቦላይ ሰሌዳ እት ብታንያ ቶኪደ፣ እኮ አሄድኖ።

4 አሳይ ጮራዳ ድራወ፣ ብታንያ የሱሳኮ አፋናወ ኡንቱንቶ ዳንዳየተናን እጽና፣ የሱስ ደእያ ባጋና ጎልያ ቃሪደ፣ ካራ ሉኬድኖ፤ ሄ ሉኬዳሳና ብታንያ እ ግሴዳ ሻንቻማና ዳገ ዋሌድኖ።

5 የሱስ ኡንቱንቱ አማኑዋ በኢደ፣ ሄ ቦላይ ሰሌዳ ብታንያ፣ “ታ ናአወ፣ ነ ናጋራይ አቶ ጌተቲዳ” ያጌዳ።

6 ህግያ ታማርሱያዋንቲ ሄዋን ኡቲዳ እቲ እቲ ባረንቲ ዋዛናን።

7 “ላ ሀ ብታኒ ሀዋ ማላ ኢታባ ጸሳ ቦላ አያወ ሃሳዪ? ጸሳ ጸላላፕ እትን፣ ሀራይ ኦኔ ናጋራ አቶ ጋናወ ዳንዳይያዋ?” ያጌደ ቆፔድኖ።

8 ኡንቱንቱ ባረንቲ ዋዛናን ሄዋዳን ቆፖዋ የሱስ ኤለካ ባረ አያናን ኤራደ፣ ኡንቱንታ “ህንተንቲ ህንተ ዋዛናን አያወ ሄዋዳን ቆፕቲ?”

9 ቦላይ ሰሌዳ ብታንያ፣ “ካ ናጋራይ አቶ ጌተቲዳ፣ ግያዌ ማቲዬ? ዋይ፣ ደንዳ ኤቃደ ነ ሻንቻማ ቶካደ ሀመታ፣ ግያዌ ማቲ?”

10 ሽን ታን፣ አሳ ናአወ፣ ሳእ ቦላን ናጋራ አቶ ጋናወ ማታይ ደእያዋ ታን ህንተንታ ኤርሳና” ያጌደ ሄ ቦላይ ሰሌዳ ብታንያ።

11 “ኔና ጋይ፤ ደንዳ ኤቃ፤ ያታደ ነ ሻንቻማ ቶካደ ነ ሶይ ባ” ያጌዳ።

12 ብታኒ ኤለካ ደንድ ኤቂደ፣ ባረ ሻንቻማ ቶኪደ፣ አሳይ ኡባይ ጸልሸን ቢና አሳይ ኡባይ ማላለቲደ፣ “ኡን ሀዋ ማላባ ኡባካ በእ ኤርኮ” ያጌደ ጸሳ ጋላቲድኖ።

† 1:40 ታና ጌሻ ፓላ- ሀዋ ጉሳይ፣ ሀ ሀርጌ ቆፈቲዳዌ ላመታናወ ዳንዳየና ኤራቲዳ ጋደ ዋጋን ማራን፣ ሀራ አሳ ቆፋን እት አሳይ ጌሻ ግድና ጋና ማላ ኦድያዋ።

የሱስ ሌዊያ ጸሎዳ
(ማቶሳ 9:9-13፤ ሉቃሳ 5:27-32)

13 የሱስ ጉጅካ ጋሊላ አባ ደና ቤዳ፤ አሳይ ኡባይ እኮ ዬዳዋንታ ታማርሴዳ።

14 ሄዋና አዲድ፤ እልጥዮሳ ናኦ ሌዊያ፤ ግያዌ ቃራጸ ቃንጽያ ሳን ኡቴዳዋ ደሚድ፤ “ታና ካላ” ያጌዳ። ሄዋጥ ጉየ ሌዊ ደንድ ኤቁድ፤ አ ካሌዳ።

15 የሱስ ቁማ ማናው ሌዊያ ሶይን ኡቴዳ ዋድ፤ ቃራጸ አክያ ጮራ አሳይነ ናጋራንቻቱ አናና አ ካልያዋንቱና እትጥ ኡቴድኖ። አ ካልያዋንቱ ግደን ሄዋንቱ ማላ አሳቱ ዳሬድኖ።

16 ሀግያ ታማርሴያ እት እት ፓርሳዋቱ የሱስ ናጋራንቻቱዋና ቃራጸ አክያዋንቱና ቁማ ማሸን በኢደ፤ “እ አያው ናጋራንቻቱዋና ቃራጸ አክያዋንቱና ቁማ ማሸን?” ያጌደ፤ አ ካልያዋንታ ኦቼድኖ።

17 የሱስ ኡንቱንቱ ግያዋ ሰሲደ፤ “ሀርጋንቻቱዋጥ አትን፤ ፓጸ አሳው አክሚ ኮሸና፤ ታን ናጋራንቻቱዋ ጸሳናው ዬዳዋጥ አትን፤ ጽላቱዋ ጸሳናው ያበይከ” ያጌደ ኡንቱንቶ ዛሬዳ።

ጸማባ ኤራናው ሺቄዳ ኦሻ
(ማቶሳ 9:14-17፤ ሉቃሳ 5:33-39)

18 ጸማቄያ ዮሃንሳ ካልያዋንቱን ፓርሳዋቱ ጸሚኖ፤ አማራዳ አሳቱ የሱሳኮ ዪደ፤ “ዮሃንሳ ካልያዋንቱን ፓርሳዋቱዋ ካልያዋንቱ ጸሚኖ፤ ሸን ኔና ካልያዋንቱ አያው ጸምክኖ?” ያጌድኖ።

19 የሱስ ኡንቱንታ “ቡላቻ ዬዳ አሳቱ ማቻቶ አክያዌ ባረንቱና ደእሸን፤ ጸማናው ዳንዳዪኖ? ማቻቶ አክያዌ ኡንቱንቱና ደእሸን፤ ጸማናው ዳንዳይክኖ።

20 ሸን ማቻቶ አክያዋ ኡንቱንቱ ማታጥ አፋና ዋዲ ያናዋ፤ ኡንቱንቱ ሄ ዋደ ጸማናዋንታ።

21 “ኤጫ ማዩዋ ቦላ ኦራላ ፍያ ዋሳ ሰክያ አሳይ ባዋ፤ ኤጫ ዋሳ ሰኮጥ፤ ኦራላ ፊ ኤጫ ማዩዋ ፔሬሬ፤ ፔሬሬካ ኮይሮዋጥ ዳራና።

22 ቃይ ሆኦ ዋይንያ ኤሳ ኤጫ ኦጎሩዋን ናኦ አሳይ ባዋ፤ ሸን ናኦ፤ ሄ ዋይንያ ኤሳይ ኦጎሩዋ ዳኬ፤ ባረውካ ዋሪቱ፤ ኦጎሩካ ባዬ፤ ሸን ሆኦ ዋይንያ ኤሳ ኦራላ ኦጎሩዋን ናኤቱ” ያጌዳ።

ሳምባታባ ኤራናው ሺቄዳ ኦሻ
(ማቶሳ 12:1-8፤ ሉቃሳ 6:1-5)

23 የሱስ እት ሳምባታ ጋላሰ ትሻ ባንጋ ግደና አድሸን፤ አ ካልያዋንቱና አናና ቢደ፤ ባንጋ ትሻጥ ዲሳ ደሚድኖ።

24 ፓርሳዋቱ የሱሳ፤ “በአ፤ ኔና ካልያዋንቱ ሳምባታ ጋላሰ ሀገ ግደናባ አያው ኦሊኖ?” ያጌድኖ።

25 የሱስ ኡንቱንታ፤ “ዳዊተ ኮሻቲደ፤ ምያባ ኮዬዳ ዋደ፤ ባረናና ደእያዋንቱና ኦሌዳዋ ኡባካ ናባብ በይክቱ?

26 አብያታር ቄሳቶ ኡባቶ ካፖ ግዴዳ ዋደ፤ ዳዊተ ጸሳ ጎልያ ገሊደ፤ ቄሳቱዋ ጸላላይ ማናጥ አትን፤ ኦንነ ማናው ሀገ ግደናዋ ጎዳ ሰንሳን ዋሌዳ ቁማ ማሸ፤ ባረናና ደእያዋንቶካ እሜዳ” ያጌዳ።

27 ቃይካ የሱስ ኡንቱንታ፤ “ሳምባታይ አሳው መጠቅዳዋጥ አትን፤ አሳይ ሳምባታው መጠቅቤና።

28 ሄዋ ድራው፤ ታን፤ አሳ ናኦይ፤ ሀራይ አቶ፤ ሳምባታውካ ጎዳ” ያጌዳ።

3

ኩሺ ሰሌዳ ብታንያ
(ማቶሳ 12:9-14፤ ሉቃሳ 6:6-11)

1 የሱስ አይሁዳ ዋሳ ጎልያ ሸረትካ ገሌዳ፤ ሄዋን ኩሺ ሰሌዳ እት ብታኒ ደኤ።

2 እት እት አሳይ የሱሳ ሞታናው ኮዪደ፤ ኩሺ ሰሌዳ ብታንያ ሳምባታን እ ፓላጥ በአናው ናጌ።

3 የሱስ ሄ ኩሺ ሰሌዳ ብታንያ፤ “ደንዳ ኤቃደ ሰንሳው ሃያ” ያጌዳ።

4 ሄዋጥ ጉይያን አሳ፤ “ሳምባታን ሎኦባ ኦልያዌ ዋጌየ ኢታባ ኦልያዌ ዋጌ? አሳ ሸምጥዋ አሸያዌ ዋጌየ ዋድያዌ ዋጌ?” ያጌደ ኦቼዳ።

ሸን አሳይ ጮኡ ጌዳ።

5 የሱስ ሀንቀቲደ፤ ኡንቱንታ ዩሽ አሳ ጸሊደ፤ ኡንቱንቱ ኦድና ሰሰናዋንታ ግድያ ድራው፤ ኡንቱንቶ ዳሪ ካዮቲዳ፤ ሄ ብታንያ፤ “ካ ኩሺያ ፕድ ኦላ” ያጌዳ፤ ብታኒ ፕድ ኦላና፤ አ ኩሺ ፓጽ አጌዳ።

6 ፓርሳዋቱ አይሁዳ ዋሳ ጎልያጥ ካረ ከሲደ፤ የሱሳ ዋት ዋታንቶ ሄርድሳና ደእያዋንቱና ማቀቲድኖ።

አሳይ አባ ላንቄያን የሱሳኮ ሺቄድኖ

7 የሱስ ባረና ካልያዋንቱና ጋሊላ አባ ቤዳ፤ ጋሊላጥ ጮራ አሳይ አ ካሌዳ።

8 ቃይካ ጮራ አሳይ ይሁዳጥ፤ ዮሩሳላሙጥ፤ ኤደምያሳጥ፤ ዮርዳኖሳ ሻፋጥ ሄፍንሳ ባጋጥ፤ ጸርሳ ካታማጥነ ሲደና ካታማጥ የሱስ ኦሌዳዋ ሰሲደ፤ አኮ ዬዳ።

9 የሱስ ጮራ አሳይ ባረና ሱግ ኡንኤግና ማላ፤ ባረና ካልያዋንታ ዋንግርያ ባረው ጋምኤላና ማላ አዛዜዳ።

10 ዳሮ አሳ እ ፓሌዳ ድራው፤ ሀርግያ አሳይ ኡባይ አ ቦቻናው ሱገረቲ።

11 ኢታ አያናይ ደእያ አሳቲካ አ በኤዳ ዋደ ኡባን አ ሰንሳን ጉፋኒደ፤ ባረንቱ ቃላ ቶቁ ኦሊደ፤ “ኔን ጸሳ ናኦ ግድኪ!” ያጌድኖ።

12 የሱስ ሄ ኢታ አያናቱ ባረባ አሳው ኦዲደ፤ ባረና ቆንጮያ ከሰና ማላ፤ ኡንቱንታ ምንሲደ አዛዜዳ።

የሱስ ባረ ከትያዋንታ ደሬዳ
(ማቶሳ 10:1-4፤ ሉቃሳ 6:12-16)

13 የሱስ ደርያ ቦላ ከሲደ፤ ባረ ኮዬዳ አሳቱዋ ባረኮ ጸሎዳ፤ ሄዋጥ ጉየ እኮ ቤድኖ።

14-15 ኡንቱንቱ ባረናና ደእና ማላነ ቃላ ኦዳናው ኡንቱንታ ኪታና ማላ፤ ኢታ አያናቱዋ አሳጥ ከሳናው ኡንቱንቶ ማታይ ደእና ማላ፤ ታማነ ላኡ አሳቱዋ ደሬዳ።

16 እ ደሬዳ ታማነ ላኦቱ ሀዋንታ፤ ጸጽሮሳ ያጌደ ሱንጮዳ ሰሞና።

17 ቦኒኒርጌሳ ያጊደ ሱንጭዳ ዛብድኖሳ ናና ያቆባነ ያቆባ እሻ ዮሃንሳ። “ቦኒኒርጌሳ” ግያዎ “ዎልቃማ አሳቱዎ” ግያዎ።

18 እንድራሳን ፕልጶሳ፣ ባርታላሞሳን ማቶሳ፣ ቶማሳን እልፕኖሳ ናኦ ያቆባ፣ ታደሳን ባረ ቢታዉ ሴለትያ ሰሞና።

19 የሱሳ አሐ እሜዳ ይሁዳ አሰቆርታ።

የሱሳን ብኤል-ዘቡላ (ማቶሳ 12:22-32፤ ሉቃሳ 11:14-23፤ 12:10)

20 የሱሳ ሶይ ቤዳ፤ ላኤንሉዎካ ቃይ ጮራ አሳይ ሸቅና፣ እነ አ ካልያዎንቱና ሀራይ አቶ፣ ቁማ ማናዉካ ዳንዳይቢይክና፤

21 አሳይ አ፣ “ጎዬ” ግያ ድራዉ፣ አ ዳባቱ ሄዎ ሰሲደ፣ አ አካናዉ ቤድኖ።

22 ሀግያ ታማርሲያ እት እት አሳቱ የሩሳላመፕ ዪደ፣ “የሱሳ ቦላ ብኤል-ዘቡላ ደኤ” ያጌድኖ፤ ቃይ፣ “ጸላሀቱዎ ካፑ ባረዉ ዎልቃ እሞና፣ ኢታ እያናቱዎ ከሴ” ያጊደ ሃሳዬድኖ።

23 የሱሳ አሳ ባረኮ ጸሲደ፣ ሌምሱዎ ኦዲደ፣ “ሴጻናይ ሴጻና ዎት ከሳናዉ ዳንዳይ?”

24 እት ካዉተላይ ባረ ግደን ሻከቶ፣ ሄ ካዉተላይ ኤቃናዉ ዳንዳይና፤

25 ቃይ እት ጎለ አሳይካ ባረ ግደን ሻከቶ፣ ሄ ጎለ አሳይካ ኤቃናዉ ዳንዳይና።

26 ሴጻናይ ባረናና ዎላቀቲደ ሻከቶ፣ ባያናፕ እትን፣ ደአና ዳንዳይና።

27 “ሸን ዎልቃማ አሳ ጎለ ገሊደ ካሰቲደ አ ቃቼናን ደኢደ፣ አ ሚሻ ቦንቃናዉ ዳንዳይያ አሳይ ባዎ፤ ቃቼዳዎፕ ጉይያን፣ አ ጎልያ ቦንቃናዉ ዳንዳይ።

28 “ታን ህንተንቶ ቱሙዎ ጋይ፤ ጸሳይ አሳ ናናዉ ናጋራ ኡባነ ኡንቱንቱ ቦርያ ቦርያ * ኡባ አቶ ጋና፤

29 ሸን ጌሻ አያና ቦላ ኢታ ቦርያ ሃሳይያ ኦሰነ መድናዉ ናጋራ ግዳናፕ እትን፣ ጸሳይ ኡባካ አቶ ጌና” ያጌዳ።

30 የሱሳ ሄዎ ጌዳዌ፣ እት እት አሳቱ፣ “የሱሳ ቦላ ኢታ አያናይ ደኤ” ያጌዳ ድራሳ።

የሱሳ ዳዮን እሻቱዎ (ማቶሳ 12:46-50፤ ሉቃሳ 8:19-21)

31 የሱሳ ዳያን አ እሻቱ ዪደ፣ ካረን ኤቁ አኮ አሳ ከቲደ፣ አ ጸሰሴድኖ።

32 ጮራ አሳይ አ ማታን ኡቴድኖ፤ ሄ ከተቱዳዌ አ፣ “በአ፤ ነ ዳያን ነ እሻቱ ካረን ኤቁደ፣ ኔናና ጋከታናዉ ኮዪኖ” ያጌዳ።

33 የሱሳ ዘሪደ፣ “ታ ዳያ ኦኔ? ቃይ ታ እሻቱ ኦኔ?” ያጌዳ።

34 ባረ ማታን ኡቴዳ አሳ ዩሽ አሐ ጸሊደ፣ “በአተ፤ ታ ዳያን ታ እሻቱ ሀዎንቱሽ።

35 ጸሳይ ኮይያዎ ኦሐያ ኡባይ ታ እሻ፣ ታ ሞቻቶን ታ ዳዮ” ያጌዳ።

4

ዘረላ ዘርያዎ ሌምሱዎ (ማቶሳ 13:1-9፤ ሉቃሳ 8:4-8)

1 የሱሳ ሸረትካ ጋሊላ አባ ማታን ታማርሱዎ ደሜዳ፤ ጮራ አሳይ ባረ ሞይያን ዩይ አዲደ ሸቅ ኡትና፣ አባን ደእያ ዎንግርያ ግደ ገሊደ፣ አን ኡቴድኖ፤ ቃይ ሄ አሳይ ኡባይ አባ ሞይያን ደኤ።

2 እ ኡንቱንታ ዳርባ ሌምሱዎን ታማርሲደ፣

3 “ሰሰተ፤ እት ብታኒ ዘረላ ዘራናዉ ከሴዳ።

4 እ ዘርሸን፣ እት እት ዘረላይ ኦግያ ደናን ዎዴዳ፤ ሄዎ ካፋ ዪደ ሜዳ።

5 እት እት ዘረላይ አንጮ ቢታ ቦላ ዎዴዳ፤ ዳር ቢታይ ባይና ድራዉ፣ ሄ ዘረላይ ኤለካ ሞኬዳ።

6 አዎይ ከሴዳ ዎደ ሹሌዳ፤ አዲሳ ጸጶዎ የድቤና ድራዉ፣ መል አጌዳ።

7 እት እት ዘረላይ አጉንሳ ግደን ዎዴዳ፤ ሄዎን ሞኬዳዎ አጉንሳይ ድጨደ ጨልና፣ አይፈናን አቴዳ።

8 እት እት ዘረላይ ቱኤ ቢታን ዘረቲደ ሞኬዳ፤ ድጨደ እቱ ሀታሙዎ፣ እቱ ኡሱቸን ታሙዎ አይፍና፣ እቱ ጸቱዎ አይፊዳ።”

9 ቃይካ የሱሳ፣ “ሰሳናዉ ሀይላይ ደእያ ኡራይ ሰሶ” ያጌዳ።

የሱሳ ሌምሱዎን ኦዴዳ ጋሱዎ (ማቶሳ 13:10-17፤ ሉቃሳ 8:9-10)

10 ታማን ላኤ የሱሳ ካልያዎንቱን እ ኦዴዳዎ ሰሴዳ ሀራ አሳቱ እ ባረካ ደእሸን አኮ ሸቁደ፣ ሄ ሌምሱዎ ብለላ አ አቱድኖ።

11-12 የሱሳ ኡንቱንቶ፣ “ሀንተንቶ ጸሳ ካዉተላ ጸራ የዉዎ ኤራይ እመቲዳ፤ ሸን ሀራቱ ካዉተላፕ ካረና ደእያዎንቱ፣ ጸላ ጸሊደ በኤና ማላ፣ ቃይ ሰሳ ሰሲድካ አኬከና ማላ፣ ኡንቱንቱ ሸረቲደ ጸሳኮ ሰሞና፣ እ ኡንቱንቱ ናጋራ አቶ ጌና ማላ፣ ኡንቱንቶ ኡባባይ ሌምሱዎን ኦድቲ” ያጌዳ።

ዘርያዎ ሌምሱዎ ብለላ (ማቶሳ 13:18-23፤ ሉቃሳ 8:11-15)

13 የሱሳ ኡንቱንታ፣ “ሀ ሌምሱዎ ኤርክቲ? ያትና፣ ሌምሱዎ ኡባ ዎት ኤራንቲ?”

14 ዘርያዎ ጸሳ ቃላ ዘሬ።

15 ቃላይ ዘረትያ ኦግያ ደናን ደእያዎንቱ ሀዎንታ፤ ኡንቱንቱ ቃላ ሰሰያ ዎደ፣ ሴጻናይ ኤለካ ዪደ፣ ኡንቱንቱ ዎዛናን ዘረቲዳ ቃላ እፍ ድጌዳ።

16 ሀዎዳንካ ቃይ አንጮትያ ቢታን ዘረቲዳዎንቱ ሀዎንታ፤ ኡንቱንቱ ቃላ ሰሲደ፣ ኤለካ ናሸቻን አከኖ።

17 ኡንቱንቱ ሀእዉ ደኢኖፕ እትን፣ ኡንቱንቶ ሞኖ ጸጶ ባዎ፤ ጉየፕ ቃላ ጋሱዎን ዎዪ ዎይ የደርሱ ይያ ዎደ፣ ኡንቱንቱ ኤለካ ቆበት አጊኖ።

18 ቃይ አጉንሳ ግደን ዘረቲዳዎንቱ ሀዎንታ፤ ኡንቱንቱ ቃላ ሰሰያዎንታ።

3:19 14:10 3:22 ማቶሳ 9:34፤ 10:25 * 3:28 ቦርያ ቦርያ- ጉሳይ ጸሳ ቦላን አሳይ ሃሳይያ ኢታ፣ ባላን ጌላ ሃሳያ። 3:29 ሉቃሳ 12:10 4:1 ሉቃሳ 5:1-3 4:11-12 ኢሳ. 6:9-10

19 ሸን ሀ ሳኦ ደኦ ሀርግያዌ ደረተላ ደሰያዌን ሀራባ አሞትያዌ ኤንቱንቱ ዋዛናን ገሊደ። ቃላ ጩልና አይፈናን አት አኔዳ።

20 ሸን ቱኤ ቢታን ዘረቱዳዋንቱ ቃላ ሰሲደ አክያዋንታ፤ እቱ ሀታሙዋ። እቱ ኡሱቱን ታሙዋ አይፍና። እቱ ጾቱዋ አይፊዳ” ያጌዳ።

ጸምጥያ ሌምሱዋ (ሉቃስ 8:16-18)

21 የሱስ ጉጂደ። “ጸምጥያ አሂደ። ግላጥ ዋይ አርሳጥ ጋርሳና ዋልያ አሳይ ደኢ? ቆቃሳን ዋጫ?”

22 አያዉ ጎጥ። ቆሴዳባይ ኡባይ ቆንጭያ ከሳናዋ፤ ቃይ ጌማን ዋሌዳባይ ኡባይ ቤተናን አተና።

23 ሰሳናዉ ሀይላይ ደእያ ኡራይ ደኦጥ ሰሶ” ያጌዳ።

24 ቃይካ ኤንቱንታ። “ሀንተንቱ ሰሰያዋ አኬኪደ ሰሰተ፤ ጸሳይ ሀንተ ማኬዳ ቁንኣን ሀንተንቶ ማካናዋ። እ ሀንተንቶ ዳርሲደ እማና፤

25 ደእያ ኡራዉ ጉጅ እማና፤ ባይናዋጥ ሀራይ አቶ። አዉ ደእያ ሄ ጉላቶካ እክ ድጋና” ያጌዳ።

ድጭያ ዘረላ ሌምሱዋ

26 የሱስ ቃይካ። “ጸሳ ካዉተላይ ጋደን ካላ ዘርያ አሳ ማላ።

27 ሄ ብታኒ ቃማ ገምእኼ፤ ጉራ ደንዳ፤ እ ባረ ሀጸዉ ዋንንቶ ኤረናን። ሄ ዘረላይ ሞኬነ ድጩ።

28 ቢታይ ካላ ባረካ ሞኬነ አይፊ፤ ኮይሮ ጫርሻይ ጫሬ፤ ጉየጥ አይፋናዉ ኩኩሜ፤ ቃይ ዉርሰላን ኩሙንላ አይፍያ አይፊ።

29 ሸን ካላይ ጋክያ ዋደ። ካላ ሺሽያ ዋዲ ጋኬዳ ድራዉ። ብታኒ ኤለካ ባጫን ጫኩዋ ገል እኔዳ” ያጌዳ።

ሳናፍጭያ ዘረላ ሌምሱዋ (ማቶስ 13:31-34፤ ሉቃስ 13:18-19)

30 የሱስ። “ኑን ጸሳ ካዉተላ አያ ማላቱ ጋይ? ዋይ አያና ሌምሳኔ?”

31 ጸሳ ካዉተላይ ሳናፍጭያ አይፋቶ ማላቱ። ሄ አይፋታ ዘርያ ዋደ። ሳኣን ደእያ ሞላ አይፊያ ኡባጥካ ጉጸዉ፤

32 ሄኖ ዘርና ሞካደ ሀራ አታክልትያ ኡባጥ ዳራዉ፤ ዳሮ ዳሻ ዳሻዉ። ካፋ እዘ ቃንካ ኩዋን ጎልያ ኬጸና ዳንዳዬ” ያጌዳ።

33 የሱስ ሀዋ ማላ ዳሮ ሌምሱዋን አሳይ ሰሳናዉ ዳንዳይያዋ ኬና። ባረ ቃላ ኦዴዳ።

34 አሳዉ ሌምሱ ባይናን ኦደና፤ ሸን የሱስ ባረና ካልያዋንቱ ጸላላና ደእያ ዋደ። ኤንቱንቶ ኡባባ ብሊደ ኦዴ።

የሱስ ቤታ ጮኤ አሌዳ (ማቶስ 8:23-27፤ ሉቃስ 8:22-25)

35 ሄ ጋላሰ ሳኦይ ኦማርሰና። የሱስ ባረና ካልያዋንታ “አባጥ ሄፍንላ ፕናይተ” ያጌዳ።

36 አ ካልያዋንቱ አሳ አገደ። የሱስ ካሰ ገል ኡቱዳ ዋንግርያን ገሊደ። የሱስ ባረንቱና አፊድኖ፤ ሀራ ዋንግራቱካ ሄዋን ደኢኖ።

37 ዋልቃማ ጎቱ ደንድና። ቤታይ ዋንግርያ ሸጭና። ሃላይ ኩማና ጋካናዉ ዋንግርያ ግደ ገሊዳ።

38 ሄ ዋደ የሱስ ዋንግርያን ጉየ ባጋና ቦርኮላ ቦርኮቲደ ገምእኼዳ። የሱስ ካልያዋንቱ አ ደንሳደ። “ታማርሰያዎ። ኑን ቆይያ ዋደ ጮኤ ጋደ ጸላይ?” ያጌድኖ።

39 እ ቤጎቲደ ጎቱዋ። “ጮኤ ጋ” ገደ። አባካ። “ዋጥ ጋ” ጌዳ፤ ጎቱካ ጮኤ ገና። ኡባባይካ ዋጥ ጌዳ።

40 የሱስ ባረና ካልያዋንታ “አያዉ ሀዋዳን ያዩቱ? ሀንተንቱ ዋን አማንክቱ?” ያጌዳ።

41 ኤንቱንቱ ዳሮ ያዩደ ባረንቱ ግደን። “ሀዋ ላ ሀራይ አቶ። ጎቱን አባይ አዛዘትያዋ ኦኔ?” ያጌድኖ።

5

የሱስ ኢታ አያናይ አይቁዳ ብታንያ ፓሌዳ (ማቶስ 8:28-34፤ ሉቃስ 8:26-39)

1 የሱስን አ ካልያዋንቱ አባጥ ሄፍንላዉ ጥኒደ። ገርገሰኖና ጌተትያ ጋድያ ጋኬድኖ።

2 አሳ ሞግያ ዱፋ ደኢያሳጥ ኢታ አያናይ ደእያ እት ብታኒ ከሲደ። የሱስ ዋንግርያጥ ከሴዳ ዋደ። የሱስና ጋክቱዳ።

3 ብታኒ ሄ ዱፋ ደእያ ሳን አቅ ፔሺደ። ያን ደኤ፤ እ ኦን ሀራይ አቶ። ሳንላላታን ቃቻናዉካ ዳንዳይቤና።

4 አያዉ ጎጥ። እ ዳሮ ዋደ ኡቁናን ሳንላላታን ቃሸቲደ ደኤ፤ ሸን ሳንላላታ ዱሰረሌዳ፤ ኡቁናካ ሙንጫሌዳ፤ አ ጸናናዉ ዳንዳይዳዌ ኦን ሳዋ።

5 እ ኡባ ዋደ ጋላሰን ቃማ። ሄ ዱፋ ደኢያሳንን ደርያ ቦላ ዋሴ፤ ባረ ቦላካ ሹቻን ጋሬ።

6 የሱስ ሃኩዋን በኤዳ ዋደ። አኮ ዋጽ ዪደ አዉ ጎይኔዳ።

7 ሄ ብታኒ ባረ ኮሻ ቆቁ አሊደ። “ኡባጥ ቦላ ጸሳ ናእዉ። የሱስ። ኔናን ታና አዬ ጋሊ? ታና ሙረና ማላ። ታን ኔና ጸሳ ሱንላን ዋሳይ” ያጌዳ።

8 እ ሄዋ አያዉ ጌዴ ጎጥ። የሱስ አ። “ላ ሀ ኢታ አያናዉ። ሀ ብታንያጥ ከሳ” ያጌዳዋሳ።

9 የሱስ አ። “ነ ሱንላይ ኦኔ?” ያገደ ኦቼዳ። አ። “ኑን ጮራ ግድያ ድራዉ። ታ ሱንላይ ሌግኖና” ያጌዳ።

10 ኢታ አያናቱዋ ሄ ጋድያጥ ከሰ የደና ማላ። የሱስ ሞንሲደ ዋሴዳ።

11 ሄ ደርያ ቦላን ጮራ ጉዲንላ ዉዲ ሄመቱ፤

12 ኢታ አያናቱ የሱስ። “ኑና ሀን ጉዲንላ ዉድያኮ የዳርኪ፤ ኤንቱንቱን ቢደ ገላና” ያገደ ዋሰና።

13 የሱስ። “ቢተ” ያጌዳ። ኢታ አያናቱ ብታንያጥ ከሲደ። ጉዲንላቱዋን ገሊድኖ፤ ላኤ ሻእ ግድያ ጉዲንላ ዉዲ ካካ ሀጲያና ካጀቲደ። አባን ገሊደ። ሞተት አኔዳ።

14 ጉዲንላ ዉድያ ሄምያዋንቱ ባቃቲደ። ሀኔዳዋ ካታማንን ካታማጥ ጋጸ ጋድያን ኦዴድኖ፤ ሄዋ በአናዉ አሳይ ዬዳ።

15 አሳይ የሱስኮ ዪደ። ጮራ ኢታ አያናቱ በን ኦይቁዳ ብታኒ ባረ ዋዛናይ ሰምና። ማዩዋ ማዩደ። ሄዋን ኡቱዳዋ በኢደ። ኡባይ ያዬዳ።

16 ሄዋ በኤዳ አሳቱ ኢታ አያናቱ ኦይቄዳ ብታኒ ሀኔዳዋን ቃይ ጉዲንላ ዉድያባ ሄ አሳዉ ኦዲድኖ።

17 ሄዋ ድራዉ፡ አሳይ ባረንቱ ጋድያፕ የሱስ ባና ማላ፡ ዋሳ ደሜዳ።

18 የሱስ ዋንግርያን ገልሽን፡ ኢታ አያናቱ ኦይቄዳ ብታኒ የሱሳና ደአና ማላ፡ የሱሳ ዋሴዳ።

19 ሽን የሱስ እጸደ አ፡ “ነ ሶይ ሰሚደ፡ ጎዳይ ነዉ አይ ማላ ዋልቃማባ ኦፊደንቶን ቃይ እ ነዉ አይ ማላ ኬከንቶ ነ ሶይ አሳዉ ኦዳ” ያጌዳ።

20 ብታኒ ቢደ፡ ታሙ ካታማ * ግያ ሳን ዩዩደ፡ የሱስ ባረዉ አይ ማላ ዋልቃማባ ኦፊደንቶ፡ ኦዲዋ ደሜዳ፤ እ ኦዲዋ ሰሴዳ አሳይ ኡባይ ማላለቱዳ።

ያእርሳ ናቶን የሱሳ ማዩዋ ቦቹዳ ምሽራቶ (ማቶሳ 9:18-26፤ ሉቃሳ 8:40-56)

21 የሱስ ሰሚደ፡ ዋንግርያን ገሊደ፡ አባ ፕኔዳዋፕ ጉይያን፡ ጮራ አሳይ አባ ማታን አኮ ዩይ እጳደ ሺቄድኖ።

22 ያእርሳ ግያዌ፡ አይሁዳ ዋሳ ጎልያ ካፓቱዋፕ እቱ፡ የሱሳ በኤዳ ዋደ አኮ ይ እ ገድያን ኩንዲደ፡

23 “ታ ናታ ሀርጋደ ሀይቃናዉ፤ እዛ ፓጺደ ሎኦ ደአና ማላ፡ ያደ ነ ኩሽያ እዝ ቦላ ዋላርኪ” ያገደ የሱሳ ምንሲደ ዋሴዳ።

24 የሱስ ያእርሳና ቤዳ፤ እ ቢሸን ጮራ አሳይ እ ካሊደ ሙቶፊድኖ።

25 ታማነ ላኡ ላይላ ኡባ እዝ ቦላፕ ሱላይ ጎግያ እት ምሽራታ ደአዉ።

26 ጮራ እክማቱ እዞ እክምሽንካ፡ እዛ ፓጺ ካኤታዲ፤ ባረ ሚሻ ኡባ ዉርሰናካ እዝዉ ሃ ኢቱዳዋፕ እትን፡ አይነ እዞ ማድቤና።

27 ሄ ምሽራታ የሱሳ ሰሳደ፡ አሳ ግዶና የሱሳፕ ጉየና ያደ፡ አ ማዩዋ ቦቻዲ።

28 እያዉ ጎፕ እዛ፡ “ታን ሀራይ አቶ፡ አ ማዩዋ ቦቻፕካ ፓጺና” ያገደ ቆፓዲ።

29 እፕ ጎግያ ሱላይ ኤለካ ኤቂ አጌዳ፤ እዛ ባረ ዋይያፕ ፓጺዳዋ ባረ ቦላን ኤራ አገዲ።

30 የሱስ ባረፕ ዋልቃይ ከሴዳዋ ባረ ሀጳዉ ኤሪደ፡ ኤለካ ጮራ አሳ ግደን ጉየ ሰሚደ፡ “ታ ማዩዋ ቦቹዳዌ ኦኔ?” ያጌዳ።

31 የሱስ ካልያዋንቱ አ፡ “አሳይ ኔና ሱግያ ዋደ በአደ፡ ታና ኦኔ ቦቹዳዌ?” ያጋይ?” ያጌዳ።

32 የሱስ ሄዋ ኦኔ ኦፊደንቶን በአናዉ ዩሽ አሊደ ዪሌዳ፤

33 ሽን ምሽራታ ባረዉ ሀኔዳዋ ኤራደ፡ ያሻ ኮኮራደ ያደ የሱሳ ሰንላን ጉፋናዲ፤ ቃይ ቱማተላን ሀኔዳዋ ኡባ እዉ ኦዲዲ።

34 የሱስ እዞ፡ “ታ ናቱ፡ ኔና ነ እማኑ ፓጺዳ፤ ሳሩዋን ባ፤ ነ ዋይያፕኑ ፓጺ” ያጌዳ።

35 የሱስ ብር ሄዋ ጊሸን፡ አይሁዳ ዋሳ ጎልያ ካፕዋ ሶይፕ ከተቱዳ አሳቱ ዩደ፡ “ነ

ናታ ሀይቃድጋዲ፤ ሰም ታማርሰያዋ አያዉ ደቡርሳይ?” ያጌድኖ።

36 ሽን የሱስ ኡንቱንቱ ግያዋ ሰሲደ፡ አይሁዳ ዋሳ ጎልያ ካፕዋ፡ “አማኖ ጸላላ አማናፕ አትን፡ ያዩፕ” ያጌዳ።

37 የሱስ ጳጵርሳፕ፡ ያቆባፕኑ ያቆባ እሻ ዮሃንሳፕ ሀራይ ኦንነ ባረና ካለና ማላ ድጌዳ።

38 ኡንቱንቱ አይሁዳ ዋሳ ጎልያ ካፕዋ ሶይ ጋኬዳ ዋደ፡ የሱስ አሳይ ሎይላ ዩክያዋን ዝላልያዋ በኤዳ።

39 ገሊደ አሳ፡ “አያዉ ሎይላ ዩከቱ? ናታ ገምእሻዲፕ አትን፡ ሀይቃበይኩ” ያጌዳ።

40 ሄዋፕ ጉየ አሳይ አ ቦላ ሚጨዳ፤ ሽን አሳ ኡባ ካረ ከሲደ፡ ናት አዉዋን አቶ ሄዋን ባረና ደእያ አ ካልያዋንታን አኪደ፡ ናታ ደኢያሳ ገሊዳ።

41 የሱስ ናት ኩሽያ ኦይቄደ፡ “ጸልታ፡ ቁሚ”† ያጌዳ፤ ሄዋ ብለላይ፡ “ጉላ ናቱ፡ ታን ኔና ደንዳ ጋይ” ግያዋ።

42 ናታ ኤለካ ደንዳ ኤቃደ ሀመታዲ፤ እዛ ታማነ ላኡ ላይላ ናቶ፤ ሄዌ ሀንያዋን አሳይ ዳር ማላለቱዳ።

43 የሱስ ሄዋ ኡንቱንቱ ኦስነ ኦደና ማላ፡ ኡንቱንታ ምንሰ አዛዚደ፡ “አዝዉ ምያባ እምተ” ያጌዳ።

6

የሱሳ ናዝሬተን አከናን እጸድኖ (ማቶሳ 13:53-58፤ ሉቃሳ 4:16-30)

1 የሱስ ሄዋፕ ከሲደ፡ ባረ ጋድያ ናዝሬተ ካታማ ቤዳ፤ አ ካልያዋንቱካ አ ካሊደ ቤድኖ።

2 ሳምባታ ጋላስ አይሁዳ ዋሳ ጎልያን ታማርሱዋ ደሜዳ፤ እ ታማርሰያዋ ሰሴዳ ጮራ አሳይ ማላለቱደ፡ “ሀዌ ሀ ኡባ ሀቃፕ ደሜዳ? ሀ እዉ እመቱዳ አጼ ኤራተላይ አይ? ጸሳይ ኦልያ ማላታ እ ዋት ኦሊ? 3 ሀዌ አናጽያ * ግደኔ? ማይራም ናኦ፡ ያቆባ እሻ፡ ዮሳ እሻ፡ ይሁዳ እሻ፡ ሰሞና እሻ ግደኔ? አ ምቻቱ ኦናና ሀዋን ደእያዋንታ ግድክኖ?” ያገደ፡ እ ግያዋ አከናን እጸድኖ።

4 የሱስ ሄ አሳዉ፡ “ናቢ ባረ ጋድያን፡ ባረ ዳባቱዋንነ ባረንቱ ሶይ አሳን ቦንቼተናዋፕ አትን፡ ኡባ ሳን ቦንቼቱ” ያጌዳ።

5 እ ሄዋን ባረ ኩሽያ አማራዳ አሳቱዋ ቦላ ዋሊደ፡ ኡንቱንታ ፓጺዳዋፕ አትን፡ ጮራ ማላታ ኦላናዉ አይነ ዳንዳይቤና።

6 አሳይ አማንቤና ድራዉ ማላለቱዳ።

የሱስ ታማነ ላኡ ባረና ካልያዋንቱ ታማርሳናዳን ኪቱዳ (ማቶሳ 10:5-15፤ ሉቃሳ 9:1-6)

ሄዋፕ ጉይያን፡ የሱስ ሄዋ ሄራን ደእያ ቄር ካታማቱዋን ዩይ ዩዩደ፡ አሳ ታማርሴዳ።

* 5:20 ታሙ ካታማ- ሀዋንቱ እት ጭታ ግዴዳ ካታማቱ ሳማርያፕኑ ጋላላ ጋድያ አዋይ ደልያ ባጋና ደእያዋንታ ግዲደ፡ ሄዋንቱን ደእያ አሳቱዋ ኤሻይካ ግሪክ አሳቱዋ ደኡዋ ኦግያ ካልያዋ በሴ። † 5:41 ጸልታ፡ ቁሚ- ሀ ቃላቱ አራማይክ ጌተትያ ቃላን የሱሳ ዋድያን ፓላስቲን ጋደን ሃሳየትያዋ። ጸልታ ግያዌን ቁም ግያዌ አማራጭ ቃላ ግድና። ሽን ግሪክያ ቃላ። * 6:3 አናጽያ- ግሪክ ብላላን ሹቻ ዋይ ኡርቃ መልሲደ መድያ አሳ ገደ ጎኤ።

7 የሱስ ታማነ ላኤ ባረና ካልያዋንታ ባረኮ ጸሐይ፤ ላኤዋ ላኤዋ ከቲዳ፤ ቃይ ኡንቲንቶ ኢታ እያናቱዋ ከሰያ ማታ እሜዳ።

8 ኡንቲንታ፡ “ኦግያ ጸምአፕ አትን፤ ቁማ፡ ቃርጨትያ፡ ህንተው ሚሻ ኢያኔካ ኦይቆፕተ።

9 ህንተንቱ ገድያን ጫማካ ዋሐተ፤ ሸን ላኤ ማዖዋ ማዖፕተ” ያጌዳ።

10 ቃይካ ኡንቲንታ፡ “ህንተንታ አሳይ ሀቃን ሞኮፕ፤ ሄዋፕ ከሳና ጋካናው፤ ሄ ጎልያን ኡት አግተ።

11 ህንተንታ አሳይ ሞከናሳ ዋይ ህንተ ኦድያባ ሰሰናሳ ሀቃ ግድፕካ፤ ሄ ጋድያን ደእያ አሳው ሄዋ ማርካ ግዳና ማላ፤ ሄዋፕ ከሲደ፤ ህንተ ገድያፕ ባና ሸጭተ” ያጌዳ።

12 ታማነ ላኤ አ ካልያዋንቱ ቢደ፤ አሳይ ባረንቱ ናጋራፕ ሰማናዳን፤ ቃላ ኦዳድኖ።

13 ኡንቲንቱ አሳፕ ዳሮ ኢታ እያናቱዋ ከሲደ፤ ሀርግያ አሳ ጮራ ዛይትያ ኦኪደ ፓሌድኖ።

ጸማቅያ ዮሃንስ ሀይቁዋ (ማቶሳ 14:1-12፤ ሉቃሳ 9:7-9)

14 አሳይ የሱሳ ሱንሳ ደንሐያ ድራው፤ ካትያ ሄሮድስ ሄዋ ኡባ ሰሴዳ፤ እት እት አሳይ፤ “ጸማቅያ ዮሃንስ ሀይቁዋፕ ደንዴዳ፤ ሄዋ አው ዋልቃማ ማላታ ኦሐያ ዋልቃይ ደኤ” ያጌዳ።

15 ሸን ሀራንቱ አ፡ “ሀዌ ኤላሳ” ያጌድኖ። ሀራንቱ ቃይ፡ “ሀዌ በን ዋደ ናባቱዋ ማላትያ ናብያ” ያጌድኖ።

16 ሸን ሄሮድስ ሄዋ ሰሴዳ ዋደ፡ “ሄዌ ታን ቆድያ ሙጭሴዳ ጸማቅያ ዮሃንስ። እ ሀይቁዋፕ ፓዴዳ” ያጌዳ።

17 እያው ጎፕ፡ ሄሮድስ ባረ እሻ ፕልጶሳ ማቻቶ ሄሮድያዶ እክ ዋሌዳ፤ ሄሮድስ እዝ ድራው፤ ባረ ሁጶው አሳ ከቲደ፤ ዮሃንስ ኦይሌዳ፤ ቃሽሰ ዋሌዳ።

18 እያው ጎፕ፡ ዮሃንስ ሄሮድሳ፡ “ኔን ነ እሻ ማቻቶ አካናው በሰና” ያግ ዋሌዳ።

19 ሄሮድያዶ ዮሃንሳው ኡሉዋን ሞርክያ ኦይቃደ እ ዋድሳናው ኮያዱ፤ ሸን ዳንዳያበይኩ።

20 ዮሃንስ ጽሎ አሳን ጌሻ አሳ ግዴዳዋ ሄሮድስ ኤሬዳ ድራው፤ አው ያዩደ፤ ሎይሐ ናግ ዋሌዳ፤ ዮሃንስ ግያዋ ሰሲደ፤ ባረ ዋዛናን ዳርሰ ሙቶቲደካ አባ ናሽቻን ሰሴዳ።

21 ሄሮድስ ባረ የለቱዳ ጋላስ፡ ጋድያ አይሰያዋንቶ፤ ሻላቃቶን ጋላላን ደእያ ዋልቃማ አሳው ሸብያ ጊግሴዳ ዋደ፤ ዉርሰሳን ሄሮድያዳ እንጀ ጋላሳ ደማዱ።

22 ሄሮድያድ ናታ እማላ ሞክያሳ ገላ ዱራደ፤ ሄሮድሳን እ እማላቱዋ ናሽቻዳ፤ ሄዋፕ ጉየ ካቲ ናትው፤ “ኔና ሎኤዳዋ እያ ግድፕካ ታና ኦቻ፤ ታን ነው እማና” ያጌዳ።

23 ቃይ እዝው ዳሪ ጫቁደ፡ “ኔን ኦቻዳዋ እያ ግድፕካ፤ ታን ነው እማና፤ ሀራይ አቶ፤ ታ ካውተላፕ ባጋ ግድፕካ፤ ታን ነው እማና” ያጌዳ።

24 ናታ ካረ ከሳደ ባረ ዳዮ፡ “አያ እማ ጎ?” ያጋደ ኦቻዳ።

እ ዳያ፡ “ጸማቅያ ዮሃንስ ሁጶያ እማ ጋ” ያጋደ።

25 ናታ ኤለካ ካትያኮ ባደ አ፡ “ጸማቅያ ዮሃንስ ሁጶያ ዋጪትያን ዋላደ፤ ኔን ሀእ ታው እማናዳን ኮያይ” ያጋደ።

26 ሄዋፕ ጉየ ካቲ ዳሪ ቃረቲዳ፤ ሸን ባረ ጫቁዋ ድራውን ባረ እማላቱዋ ድራው እዝው ጫቁዳ ጫቁዋ ኮላናው ኮይቤና።

27 ሄዋ ድራው፡ ኤለካ ናግያዋ ከቲደ፤ ዮሃንስ ሁጶያ እሀና ማላ አዛዜዳ፤ ናግያዋ ቃሾ ጎለ ቢደ፤ ዮሃንስ ቆድያ ሙጭዳ።

28 ሄ ሙጭዳዋ ዋጪትያን ዋሐ አሂደ፤ ናትው እሜዳ፤ ናታ ቃይ ባረ አትው እማዱ።

29 ዮሃንስ ካልያዋንቱ ሄዋ ሰሴዳ ዋደ ዩደ፤ አ አሃ አፊደ ሞጌድኖ።

የሱስ እቼሹ ሻእ አሳ ሞዚደ ካልሴዳ ታርክያ

(ማቶሳ 14:13-21፤ ሉቃሳ 9:10-17፤ ዮሃ. 6:1-14)

30 የሱስ ከቲዳዋንቱ ሰሚደ፤ የሱሳና ጋከቲደ፤ ባረንቱ ኦሌዳባን ባረንቱ ታማርሴዳባ ኡባ የሱሳው ኦዳድኖ።

31 ብያ አሳይነ ይያ አሳይ ዳርና፤ ሀራይ አቶ ቁማ ማናውካ ኡንቲንታ ጋናን እጼዳ ድራው፤ የሱስ ኡንቲንታ፡ “ኦረካ ጉላ ሸምፕ አካናው አሳይ ባይናሳ ቦይተ” ያጌዳ።

32 የሱስን ኡንቲንቱ ባረንቱ ጸላላ ዋንግርያን ኡቲደ፤ አሳይ ባይናሳ ቤድኖ።

33 ኡንቲንቱ ቢሸን፤ ጮራ አሳይ ኡንቲንታ በኢደ ኤሬዳ፤ ካታማ ኡባፕ ገድያን ዋዲደ፤ ኡንቲንቱ ብያሳ ኡንቲንቱፕ ካሰቲደ ጋኬድኖ።

34 የሱስ ዋንግርያፕ ከሲደ፤ ጮራ አሳ በኤዳ፤ አሳይ ሄምያ አሳይ ባይና ዶርሳ ማላ ግዴዳ ድራው፤ ቃረቲደ አሳ ዳርባ ታማርሴዋ ደሚዳ።

35 ሳኦይ ኦማርሰያ ዋደ፤ የሱሳ ካልያዋንቱ አኮ ዩደ፤ “ሀዌ ሳኦይ አሳይ ባይና ሳኦ፤ ሀእ ሳኦይካ ቃም ድጌዳ፤

36 አሳይ ሄራነ ቄር ካታማቱዋ ግደ ቢደ፤ ባረንቶ ምያባ ሻማና ማላ፤ አሳ ሞይዛ” ያጌድኖ።

37 ሸን የሱስ ዛሪደ ኡንቲንታ፡ “አሳው ሞያባ ህንተ እምተ” ያጌዳ።

ሄዋፕ ጉየ ኡንቲንቱ፡ “ኑን ቢደ፤ ላኤ ጾቱ ብራ ሳንትምያ ስ ቁማ ሻሚደ፤ አሳይ ማናው እማኔ?” ያጌደ አ ኦቻድኖ።

38 የሱስ ኡንቲንታ፡ “ህንተንቶ አፑን ዳቡ ደኢ? ቢደ በእተ” ያጌዳ።

ኡንቲንቱ በኢደ፤ “እቼሹ ዳቡዋን ላኤ ሞልያ” ያጌድኖ።

39 የሱስ ባረና ካልያዋንታ አሳ ኡባ ጭታን ጭታን ሻክ ሻኪደ፤ ማታን ኡትሳና ማላ አዛዜዳ።

† 6:11 ህንተ ገድያፕ ባና ሸጭተ- ሀዌ አሳይ እጼዳዋ በሰያዋ። 6:13 ያቆባ 5:14 ‡ 6:31 አሳይ ባይናሳ- ሀዌ ጋላላ ጌተትያ ዋሞባፕ ፑደሃ ዶላ ባጋና ደኤ። 6:45 ጸልተ። 6:34 ፓይ. 27:17፤ 1 ካታ. 22:17፤ 2 ኦዳዋ 18:16፤ ሀዘ. 34:5፤ ማቶሳ 9:36 § 6:37 ብራ ሳንትምያ- በን ዋድያን አሳ ጋድያን እት ጋላሳ ኡንያ ኦሐ ፔሹዳ አሳው እት ብራ ሳንትሚ እመቱ። ማት። 20:2 ጸልተ።

40 አሳይ ደቱ ደቱን እሻታሙ እሻታሙ ጭታን ጭታን ኡቲድኖ።

41 የሱስ እቼሹ ዳቡዋን ላኡ ሞልያ ኦይቂድ፡ ፑደ ሳሉዋ ደሊደ፡ ጸሳ ጋላቲዳ፤ ዳቦቹዋ መንፈደ አሳዉ ግሻና ማላ፡ ባረና ካልያዋንቶ እሜዳ፤ ቃይ ላኡ ሞልያካ ኡንቲንቲ ኡባዉ ሻኬዳ።

42 አሳይ ኡባይ ሚደ ካሌድኖ።

43 ሄዋፕ ጉየ አቲዳ ዳቦቹዋ ደካይን ሞልያ ደካይ ታማን ላኡ ዛምቤልያ ኩሜዳዋ የሱሳ ካልያዋንቲ ደንፊድኖ።

44 ዳቡዋ ሜዳ አቲማ አሳይ እቼሹ ሻኦ።

የሱስ አባ ቦላን ሀመቲደ ቤዳ (ማቶሳ 14:22-33፤ ዮሃ. 6:15-21)

45 ኤለካ የሱስ ሄ ጮራ አሳ ሞይዚደ፡ ባረና ካልያዋንቲ ዋንግርያን ገሊደ፡ አባፕ ሄፍንላን ደእያ ቤተሳይዳ ግያ ካታማ ባረፕ ሰንሳቲደ ባናዳን አዛዜዳ።

46 ኡንቲንቲ ዋይዜዳዋፕ ጉይያን፡ ጸሳ ዋሳናዉ ዞዝያ ከሴዳ።

47 ሳኦይ ቃምያ ዋይ ዋንግሪ ዋምባ ግዲዋን ደእሸን፡ የሱስ ዋምባፕ ጋጸን ባረካ ደኤ።

48 ጫርኩ እ ካልያዋንቲኩ ጫርክያ ድራዉ፡ ባረና ካልያዋንቲ ዋምባ ቤታይ መቶልያዋ የሱስ በኢደ፡ ኩቱ ዋሳና ሀንያ ዋይ ዋምባ ቦላን ሀመቲደ፡ ኡንቲንቲኩ ዬዳ፤ ኡንቲንቲ የግ አቆናዉ ኮዬዳ።

49 ሸን ዋምባ ቦላን እ ሀመትሸን፡ ኡንቲንቲ እ በኢደ፡ ባረንቶ ሞይትልያ ማላትና ዋሴድኖ።

50 እያዉ ጎፕ፡ ኡንቲንቲ ኡባይ እ በኢደ፡ ያሻ ኮኮራድኖ፤ ሸን ኤለካ የሱስ ኡንቲንቲ፡ “አይነ ባዋ፤ ታናተኔ ያዮፕተ” ያጌዳ።

51 የሱስ ኡንቲንቲና እትፕ ዋንግርያን ገልና፡ ጫርኩ ዋፑ ጌዳ፤ ኡንቲንቲ ዳሮ ማላለቲድኖ።

52 እያዉ ጎፕ፡ ኡንቲንቲ ዋዛናይ ጀሌዳ ድራዉ፡ ኡንቲንቲ ኡክላባ አኬክበይክኖ።

የሱስ ገንሳሬጸን ሀርጋንቻቱዋ ፓፊዳ (ማቶሳ 14:34-36)

53 ኡንቲንቲ አባ ፕኒደ፡ ገንሳሬጸ ግያ ቢታ ጋኬድኖ፤ ያን ዋንግርያ ጋጸ ሸሽ ቃቼድኖ።

54 ኡንቲንቲ ዋንግርያፕ ዋቋያዋን፡ አሳይ ኤለካ የሱሳ ኤርነ

55 ሄዋ ሄራን ደእያ ጋድያ ኡባን ዋጸረቲደ፡ ሀርጋንቻቱዋ ሻንቻማን ቶኪደ፡ “የሱስ ደኤ” ገና ሰሴዳሳ አሁዋ ደሚዳ።

56 የሱስ ቤዳ ሳ ኡባን ቄር ካታማን ግድና፡ ዋልቃማ ካታማን ግድና፡ ሄራ ግድን ግድናካ፡ ገያ ደንባን አሳይ ሀርጋንቻቱዋ እኮ አፌ። የሱስ ባረ ማዩዋ ማጫራ ግድፕን ሀርጋንቻቱዋ ቦሻሳና ማላ፡ አሳይ እ ዋሴዳ፤ ቦቼዳ ኡባይ ፓዬዳ።

7

የሱስ አሳ ዋጋፕ ኮሸናዋ ጳልቄዳ (ማቶሳ 15:1-9)

1 ፓርሳዋቱን የሩሳላመፕ ዪደ፡ ሙሴ ህግያ ታማርሰያ አማሬዳ አሳቱ የሱሳኮ ሸቄድኖ።

2 የሱሳ ካልያዋንቲ እቱ እቱ ቱና ኩሸያን፡ ሄዋ ግያዌ ሜጨተናን ቁማ ምያዋንታ * በኤድኖ።

3 እያዉ ጎፕ፡ ፓርሳዋቱን አይሁዳ አሳይ ኡባይ ባረንቲ አዋቱዋ ዋጋ ናጊደ፡ ባረንቲ ኩሸያ ሎይል ሜጨተናን ሚክኖ።

4 ቃይ ገያፕ ዪደካ ሜጨተናን ደኢደ ሚክኖ። ቃይ ኡንቲንቲ ባረንቲ አዋቱዋፕ እኬዳ ሀራ ጮራ ዋጋይ ደኤ፤ ሄዌካ ዋንጫ፡ ከርያ፡ ብራታፕ መጴዳ ሚሻን አርሳ ሚጫያ ዋጋ።

5 ፓርሳዋቱን ሙሴ ህግያ ታማርሰያዋንቲ የሱሳ፡ “ኔና ካልያዋንቲ እያዉ ኑ አዋቱዋ ዋጋ ካለናን እጲደ፡ ባረንቲ ኩሸያ ሜጨተናን ቁማ ሚኖ?” ያጊደ እቼድኖ።

6-7 የሱስ ኡንቲንቲ ሀዋዳን ያጌዳ፤ “አሰያስ ትምቢትያ ኦዴዳ ዋይ፡ ሀንተንቲባ፡ ሎአ ማላትያ ኢታቲባ ጸፌዳዋዳንካ፡ “ጸሳይ፡ “ሀዌ አሳይ ታና፡

ባረ ቦላ ደናን ቦንቼ።

ሸን ኡንቲንቲ ዋዛናይ ታፕ ሃኩዋን ደኤ፤

አሳይ ታዉ መላ ጎይኔ።

እያዉ ጎፕ፡ አሳይ ኦፊዳ አዛዙዋ፡

ጸሳ ህግያ ማላትሲደ ታማርሴ” ጌዳ።

ያጊደ ትምቢትያ ቱሙዋ ኦዴዳ።

8 “ጸሳ አዛዙዋ ሀንተ አጊደ፡ አሳ ዋጋ ምንሲደ ናጊታ” ያጌዳ።

9 ቃይካ የሱስ፡ “ሀንተንቲ ሀንተ ዋጋ ናጋናዉ ጸሳ አዛዙዋ አጊታ።

10 እያዉ ጎፕ ሙሴ፡ ና አባነ ነ ዳዮ ቦንቻ፡ ቃይ፡ “ባረ አባነ ባረ አቶ ቦርያዌ ሀይቁዋን ሙረቶ” ያጌዳ።

11 ሸን እት ኡራዉ ባረ አዉዋ ዋይ ባረ አቶ ማድያባይ ደእሸን እ፡ “ሀዌ ቁርባንያ፤ ሀዋ ጉሳይ ጸሳባ ግያዋ” ጎፕ።

12 እ ባረ አዉዋ ዋይ ባረ አቶ ዋደፕ ማዳናዋ አይነ ኮይክታ።

13 ሀ ሀኖታን ሀንተ ሀንተንቲ ዋጋ ናጋናዉ፡ ጸሳ ቃላ ኮሊደ፡ ሄዋ ማላ ዳሮባ ኦሊታ” ያጌዳ።

አሳ ቱንሰያዋንታ (ማቶሳ 15:10-20)

14 የሱስ ጮራ አሳ ቃይካ ባረኮ ጴሲደ፡ “ኡባይ ታን ግያዋ ሰሰተነ አኬክተ።

15 አሳፕ ከሰያዌ አሳ ቱንሰያዋፕ አትን፡ ካረፕ አሳ ግድ ገሊደ፡ አሳ ቱንሰያባይ አይነ ባዋ፤

16 ሰሳናዉ ሀይላይ ደእያ ኡራይ ኦንነ ሰሶ” ያጌዳ።

17 የሱስ ጮራ አሳ አጊደ ሶይ ገሌዳ ዋይ፡ አ ካልያዋንቲ ሄ ሌምሱዋባ እ እቼድኖ።

18 እ ኡንቲንቲ፡ “ሀንተንቲካ ቃይ ገልቤኔ? ካረፕ አሳ ዋዛናን ገልያባይ አይነ አሳ ቱንሰናዉ ዳንዳየናዋ አኬኪቲ?

19 እያዉ ጎፕ፡ ቁማይ አሳ ኡሉዋ ግድ ገሊደ፡ ካረዉ ከሰያዋፕ አትን፡ አሳ ዋዛና ግድ ገሊና”

* 7:2 ሜጨተናን ቁማ ምያዋንታ፡- አይሁደ አሳቱዋ ዋጋን ሜጨተና ኩሸያን ቁማ ሙሳይ ቱናዳን ፓይደቲ። ሄዋ ቁማ ማናፕ ካሰና ኩሸያ ሜቻ ሎይል ምንሲኖ። 7:6-7 አሳ. 29:13 7:10 ከሳ 20:12፤ 21:17፤ ዋጋ 20:9፤ ዛረ. 5:16

ያገዳ። ሀዋዳንካ የሱስ ቁማ ኡባይ ቱና ግደናዎ ኤርሴዳ።

20 ቃይካ የሱስ ሀዋዳን ያገዳ፤ “አሳ ቱንሰያባይ አሳ ዎዛና ግደፕ ከሰያባ።

21 እያው ጎፕ፣ አሳ ዎዛና ግደፕ ከሰያባ ኢታ ቆፋ፤ ዎሹምያዎ፤ ወእያዎ፤ ዎድያዎ፤ ጫራተላ፤

22 የራተላ፤ ኡዝያ ዎይ ባረና ደሰያዎ፤ ኢታተላ ዎይ ጫምያዎ፤ ገንያ፤ ማጫዎ አዎትያዎ፤ ቃናትያዎ፤ ቦርያዎ ዎይ ዝግርያዎ፤ እዩዎ፤ ኤያተላ።

23 ሀ ኢታባይ ኡባይ አሳ ዎዛና ግደፕ ከሲደ፣ አሳ ቱንሴ” ያገዳ።

እት ግሪክ ምሽራት አማኑዋ (ማቶሳ 15:21-28)

24 የሱስ ሄዋፕ አገደ፣ ጸርሳነ ሲደና ግያ ካታማቱዋ ማታን ደእያ ጋድያ ቢደ፣ እት ጎልያ ገሌዳ፤ ቃይ እ ያን ደእያዎ ኮንነ ኤራናዎ ኮይቤና፤ ሽን ቆስቲደ ጋምኦናው ዳንዳይቤና።

25 ሽን ባረ ጉላ ናት ቦላ ኢታ አያናይ ደእያ እት ምሽራታ የሱሳባ ሰሳደ፣ ኤለካ አኮ ያነ አ ገድያን ጉፋና አጋዱ።

26 ሄ ምሽራታ አይሁዳ አሳ ግዱኩ፤ አ የለቲዳዊካ ሶርያ ግያ ጋድያና፤ አ ባረ ናትፕ ጸላህያ ከሳና ማላ፣ የሱሳ ዎሳዱ።

27 ሽን የሱስ ዛሪደ፣ “ናናይ ካስቲደ ቁማ ካልና፤ እያው ጎፕ፣ ናና ቁማ አኪደ፣ ካናቶ ተ ኦልያዎ ሎአ ግደና” ያገዳ።

28 ምሽራታ ዛሪደ፣ “ቱማካ ታ ጎዳው፣ ሀራይ አቶ ሳምፓ ምይያን ደእያ ካናቱካ ናናቱዋፕ እቲዳ ሱፓ ሚኖ” ያገዱ።

29 የሱስ ቃይ እዞ፣ “ሀ ኔን ሃሳዬዳ ቃላ ድራው፣ ጸላሂ ነ ናትፕ ከሴዳ፤ ሰም ነ ሶይ ባ” ያገዳ።

30 ምሽራታ ባረ ሶይ ብያ ዎደ፣ እዝ ናትፕ ጸላሂ ከሰና፣ ሂጸን ግሴዳውኖ ደማዱ።

የሱስ ቱለነ ዱደ ግዴዳ እት ብታንያ ፓሌዳ

31 የሱስ ጸርሳ ጋድያፕ ከሲደ፣ ሲደናናነ ታሙ ካታማ ግያ ጋድያና ካንሌደ፣ ጋለላ አባኮ ቤዳ።

32 አሳይ ቱለነ ዱደ ግዴዳ ብታንያ የሱሳኮ አሂደ፣ ባረ ኩሽያ አ ቦላን ዎላና ማላ፣ የሱሳ ዎሴድኖ።

33 የሱስ ባረካ ሄ ብታንያ ጮራ አሳፕ ጋጸ ከሲደ፣ ባረ ብራድያ አ ሀይላን የዴዳ፤ ቃይ ጩቻ ጩቻደ፣ አ እንጸርሳ ቦቼዳ።

34 ሳሉዋ ፑደ ጴሊደ፣ ቶክ ሸምፕደ፣ “ኤፍታህ”፤ ያገዳ፤ ሄዎ ግያዌ ደየታ ግያዎ።

35 ብታንያ ሀይላይ ኤለካ ደየት አጌዳ፤ ቃይ አ ሃሳየና እንጸርሳይካ ብለት አጌዳ፤ ብታኒ አይነ ዋየተናን ሃሳዪ አጌዳ።

36 የሱስ አሳው፣ “ሀዎ ኦስነ ኦድፕተ” ያገደ ኦዴዳ፤ ሽን እ ዳርሰ ምንሰ ኦድና፣ አሳይ ቃይ ኦዱዋ ያ ዳርሴዳ።

37 ሄዎ ሰሴዳ አሳይ ኡባይ ዳር ማላለቲደ፣ “ኡባባካ እ ሎይሶ ኦሌ። ሀራይ አቶ ቱልያካ ሰሴ፤ ቃይ ዱድያካ ሃሳይሴ” ያገድኖ።

8

የሱስ ኦይዱ ሻእ አሳ ምዜዳ (ማቶሳ 15:32-39)

1 ሄ ዎደ፣ ጮራ አሳይ ቃይ የሱሳኮ ሸቆዳ፤ አሳው ምያባይ ጳይና፣ የሱስ ባረና ካልያዎንታ ባረኮ ጴሲደ።

2 “ሀ ጮራ አሳይ ታናና ሄዙ ጋላሳይ ጋካናው ጋምኢደ፣ ምያባ እይነ ደምቤና ድራው፣ ታን ኡንቱንቶ ቃረታይ።

3 ታን ኡንቱንታ ኮሻና ሶይ የደፕ፣ ቢደ ኦግያን ዳቡሪደ ኩንዳና፤ እያው ጎፕ፣ እቱ እቱ ሃኮ ሳፕ ዬዳ” ያገዳ።

4 አ ካልያዎንቱ ዛሪደ፣ “ሀ አሳይ ባይና ሳን ሀ አሳ ኡባ ምዛናው ግድያ ቁማ ደማናው ዳንዳይያዎ ኦኔ?” ያገድኖ።

5 የሱስ ኡንቱንታ፣ “ሀንተንቶ አፑን ዳቡ ደኢ?” ያገደ ኦቼዳ።

ኡንቱንቱ፣ “ላፑ ዳቡ ደኢ” ያገድኖ።

6 የሱስ አሳ፣ “ሳእን ኡትተ” ያገደ አዛዜዳ፤ ቃይ ላፑ ዳቡዋ አኪደ፣ ጸሳ ጋላቲዳ፤ ሄ ዳቡዋ ሸንሏደ፣ አሳው ግሻና ማላ፣ ባረና ካልያዎንቶ እሜዳ። የሱሳ ካልያዎንቱ ሄ ጮራ አሳው ግሼድኖ።

7 ኡንቱንቶ ቃይካ አማራዳ ሱፓ ሞለቱ ደኢኖ፤ የሱስ ሄዎንቶካ ጸሳ ጋላቲደ፣ አሳው ግሻና ማላ፣ ባረና ካልያዎንታ አዛዜዳ።

8 አሳይ ኡባይ ሚደ ካልና አቲዳ ደካይ ላፑ ዛምቤልያ ኩሜዳዎ አ ካልያዎንቱ ደንሏድኖ።

9 ቁማ ሜዳ አሳይ ኦይዱ ሻእ ግዳና፤ ሄዋፕ ጉይያን፣ የሱስ አሳ የዴዳ።

10 እ ቃይ ባረና ካልያዎንቱና ኤለካ ዎንግርያን ገሊደ፣ ዳልማኑታ * ግያ ጋድያ ቤዳ።

ፓርሳዋቱ ባረንቶ ማላታይ ኦስታና ማላ ኦቼድኖ

(ማቶሳ 16:1-4)

11 ፓርሳዋቱ ዪደ፣ የሱሳና ፓሉማ ደሜድኖ። የሱሳ ፓጫናው ኮዪደ፣ ሳሉዋፕ ማላታ ባረንታ በሳና ማላ ኦቼድኖ።

12 የሱስ ዳርሰ ቶክ ሸምፕደ፣ “ሀ ዎድያ አሳይ እያው ማላታ ኮዪ? ታን ሀንተንቶ ቱሙዋ ኦዳይ፤ ሀ ዎድያ አሳው ማላታይ ኡባካ እሙተና” ያገዳ።

13 ቃይ ኡንቱንታ ሄዋን አገደ፣ ዛር ዎንግርያን ገሊደ፣ አባፕ ሄፍንሳ ፕኔዳ።

ፓርሳዋቱዋ እርሹዋነ ሄርድሳ እርሹዋ (ማቶሳ 16:5-12)

14 የሱሳ ካልያዎንቱ ቁማ አፋናዎ ደገድኖ፤ ኡንቱንቶ ዎንግርያ ግድን እት ኡክላፕ ሀራይ ባዎ።

† 7:27 ካናቶ- ሀ ቃላ እት እት አይሁደ አሳይ፣ አይሁደ ግደና አሳቶ ጎኤትያዎ። ‡ 7:34 ኤፍታህ- ሀ ቃላይ የሱስ ሀ አላምያን ደኢደ ታማርሰያ ዎደ፣ ጎኤትያ አራማይክ ያገትያ ቃላን ሃሳዬዳዎ። * 8:10 ዳልማኑታ- ሀዌ ኤረተና ሳኢ። † 8:15 ሄርድሳ- ሀዌ ሄርድሰ እንትጸሳ ጌተትያ ዎጋ ሄርድሳ ጌተትያዎ ናኢ።

15 የሱስ ኢንቱንታ፡ “ህንተንታ ኤርተ፤ ፓርሳዋቱዋ እርሹዋፕነ ሄርድሳ ተ እርሹዋፕ ናገትተ” ያጊደ አዛዜዳ።

16 ኢንቱንቱ ባረንቱ ግደን፡ “እ ሀዋ ግያዌ ኑዉ ቁማይ ባይና ድራሳ” ያጊደ ሃሳያ ደሜድ።

17 የሱስ ኢንቱንቱ ግያዋ ኤሪደ፡ “ህንተንቶ ዳቡ ባይናዋ እያዉ ሃሳዪቱ? ሀእ ጋካናዉ ህንተዉ ገለኔ? ዋይ አኩክክቱ? ህንተ ዋዛናይ ጀሌዴ?”

18 ህንተንቶ አይፊ ደኤ፤ በእክቱ? ቃይ ሀይሳይ ደኤ፤ ሰሰክቱ? ህንተንቶ ሀሳየተኔ?

19 ታን እቼሹ ዳቡዋ እቼሹ ሻአ አሳዉ መንሳ እሜዳ ዋይ፡ አቸን ዛምቤልያ ኩሜዳ ደካ ደንሴድቱ?” ያጊደ።

ኢንቱንቱ፡ “ታማነ ላኡ ዛምቤልያ ኩሜዳ ደካ ደንሴድ” ያጊድ።

20 “ታን ቃይካ ላቸ ዳቡዋ ኦይዱ ሻአ አሳዉ መንሳደ እሜዳ ዋይ፡ አቸን ዛምቤልያ ኩሜዳ ደካ ደንሴድቱ?” ያጊደ።

ኢንቱንቱ፡ “ላቸ ዛምቤልያ ኩሜዳ ደካ ደንሴድ” ያጊድ።

21 እ ቃይ፡ “ሀእካ አኩክበይክቱ?” ያጊደ።

የሱስ ቤተሳይዳን እት ቆቃ ፓጼዳ

22 የሱስን አ ካልያዋንቱ ቤተሳይዳ ግያ ካታማ ቤድኖ፤ አሳቱ ቆቃ ብታንያ የሱሳኩ አሂደ፡ ሄ ብታንያ ቦቻና ማላ፡ አ ዋሴድ።

23 የሱስ ቆቃ ብታንያ ኩሽያ ኦይቂደ፡ ሄራፕ ጋጸ ከሴዳ፤ አ አይፍያን ጨቹደ፡ ባረ ኩሽያ አ ቦላ ዋሊደ፡ “ነዉ አየንቶ ቤቱ?” ያጊደ አቹዳ።

24 ብታኒ ቶቂደ፡ “ታን አሳ በአይ፤ ሽን አሳይ ሀመቲደ፡ ሞላ ማላቱ” ያጊደ።

25 ሄዋፕ ጉይያን፡ የሱስ ሽረቲደ ብታንያ አይፍያን ባረ ኩሽያ ዋሴዳ። አ አይፊ ፓጼዳ፤ ብታኒካ ሎይሳ ጴሌዳ፤ ቃይ ኡባባካ ጌሺደ በኤዳ።

26 የሱስ ብታንያ፡ “ሄራ ገሎፓ” ያግ አ ሶይ የዴዳ።

ጳጵሮሳ አማኑዋን አ ማርካተላ (ማቶሳ 16:13-20፤ ሉቃሳ 9:18-21)

27 የሱስ ባረና ካልያዋንቱና ቂሳርያ ፕሊጶሳ ደእያ ቁር ሄራቱዋ ቤዳ፤ እ ቢሸን ኦግያን የሱሰ፡ “ታና አሳይ ኦና ጌ?” ያጊደ ባረና ካልያዋንታ አቹዳ።

28 አ ካልያዋንቱ፡ “እት እት አሳይ ኔና፡ ጳማቅያ ዮሃንሳ” ጌ፤ ሀራንቱ፡ “ኤላሳ” ጊና፤ ቃይ ሀራንቱ፡ “ናባቱዋፕ እቱዋ” ጊና” ያጊድ።

29 የሱስ ኢንቱንታ፡ “ህንተሽ ታና ኦና ጌቱ?” ያጊደ አቹዳ።

ጳጵሮስ፡ “ኔን ዶረቲዳ ክርሰቶሳ” ያጊደ ዛሬዳ።

30 የሱስ፡ “ታባ ኦስነ ኦድፕተ” ያጊደ ኢንቱንታ አዛዜዳ።

የሱስ ባረና ጋካና መቱዋባነ ዋይያባ ኮይሩዋ ሃሳዬ

(ማቶሳ 16:21-28፤ ሉቃሳ 9:22-27)

31 የሱስ ባረና ካልያዋንታ፡ “ታን፡ አሳ ናአይ፡ ዳሪ ዋየታናዉ በሴ፤ ጭማቱ፡ ቁሳቱዋ ካፓቱን ህግያ ታማርሰያዋንቱ ታና እጻናዉ በሴ፤ ኢንቱንቱ ታና ዋቆናዉን ታን ሄዘንልያ ጋላሳፕ ጉይያን፡ ሀይቁዋፕ ደንዳናዉ በሴ” ያጊደ ታማርሱዋ ደሜዳ።

32 ሄዋ እ ኢንቱንቶ ጌሺደ ኦይዳ፤ ጳጵሮስ አ እት ባጋ ዛሪደ፡ ዘረታ ደሜዳ።

33 ሽን የሱስ ጉየ ሰሚደ፡ ባረና ካልያዋንታ ጴሊደ ጳጵሮሳ፡ “ሀ ሴጻናዉ፡ ክቻ ታ ማታፕ! ኔን አሳይ ቆፕያዋ ቆፓሳፕ አትን፡ ጸሳይ ቆፕያዋ ግደና” ያጊደ።

የሱሳ ካሉሳይ ኦቶያ ጋትያ

(ማቶሳ 10:38-39፤ 16:24-28፤ ሉቃሳ 9:23-27፤ 14:26-27)

34 የሱስ ጮራ አሳነ ባረና ካልያዋንታ ባረኮ ጴሊደ፡ “ታና ካላና ኮይያ ኡራይ ደአፕ፡ ባረና ካደ፤ ያቲደ ባረ ማስቃልያ ቶኪደ፡ ታና ካሎ።

35 አያዉ ጎፕ፡ ባረ ሸምቱዋ ቶ አሻና ኮይያ ኡራይ ባይዛናዋ፤ ሽን ታ ድራዉን ዋንጋላ ሞሽራቹዋ ድራዉ ባረ ሸምቱዋ ባይዘያ ኡራይ አሻናዋ።

36 እት ኡራይ ሳአን ደእያ ኡባባ ባረዉ ሺሺደ፡ ባረ ሸምቱዋ ባይዘፕ፡ አ አያ ማዳኔ?

37 እት ኡራይ ባረ ሸምቱዋ ዋዛናዉ አያ እማና ዳንዳይ?

38 ጸሳ አማነና ሀ ናጋራንቻ የለታ ዋድያን፡ እት ኡራይ ታናንነ ታ ቃላን ዬላቶፕ፡ ታንካ፡ አሳ ናአይ፡ ቃይ ታ አዉዋ ቦንቹዋን ጌሻ ኪታንቻቱዋና ይያ ዋደካ፡ አን ዬላታና” ያጊደ።

9

የሱሳ ማላይ ላመቲዳዋ ኦድያ ታርክያ (ማቶሳ 17:1-13፤ ሉቃሳ 9:28-36)

1 የሱስ ኢንቱንታ፡ “ታን ህንተንቶ ቱሙዋ ጋይ፤ አማራዳ አሳቱ ጸሳ ካዉተላይ ዋልቃና ይያዋ በኤናን ሀይቀናዋንቱ ሀዋን ደአና” ያጊደ።

2 የሱስ ኡሱቸን ጋላሳፕ ጉይያን፡ ባረናና ጳጵሮሳ፡ ያቆባነ ዮሃንሳ አኪደ፡ ኢንቱንቱ ጸላላ ዋልቃማ ደርያ ቦላ ከሴዳ፤ ኢንቱንቱ ሰንሳን ላመቲዳ፤

3 አ ማዩካ ጳሌዳ፤ ሳአን ማዩዋ ሜጭያ ኦንነ ጌሻናዉ ዳንዳየናዋ ኬና ዳሪ ቦጴዳ።

4 ሄ ሄዙ የሱሳ ካልያዋንቱ፡ ኤላሰነ ሙሴ የሱሳና ሃሳይያዋንታ በኤድ።

5 ጳጵሮስ የሱሳ፡ “ታማርሰያዋ፡ ኑን ሀዋን ደእያዌ ኑዉ ሎክ፤ ኑን ሄዙ ዳሳቱዋ እቱዋ ነዉ፡ እቱዋ ሙሴዉ፡ ቃይ እቱዋ ኤላሳዉ ኬጻና” ያጊደ።

6 አ ዋጋንንቶነ ኤርቤና፤ አያዉ ጎፕ፡ እካ የኮንቱካ ዳሪ ያዬድ።

8:18 ኤር. 5:21፤ ሀዘ. 12:2፤ ማር. 4:12 ቶ 8:35 ሸምቱዋ- ግሪክያ ቃላን እዛዋ ዋይ አሳ ሸምቱዋ ጌተት ብለቲዳ። 9:2 2 ጳጵ. 1:17-18

7 ሄዋጥ ጉይያን፡ ሻሪ ዪደ ኡንቱንታ ካምና ሻርያጥ፡ “ሀዌ ታን ሲቅያ ታ ናኣ፤ እ ግያዋ ስሰተ” ግያ ቃላይ ዬዳ።

8 ኤለካ ኡንቱንቱ ዩሽ አሐ ጼልያ ዎደ፡ የሱሳጥ አትን፡ ሀራ ኦናነ ባረንቱ ማታን በእበይክኖ።

9 ኡንቱንቱ ደርያጥ ዎድሽን፡ የሱሰ ኡንቱንታ፡ “ታን፡ አሳ ናኣይ፡ ሀይቁዋጥ ደንዳና ጋካናው፡ ሀንተ በኤዳባ ኦሰነ ኦደጥተ” ያጊደ አዛዜዳ።

10 እ አዛዜዳዋ ኡንቱንቱ፡ “ኤኖ ጊደ፡ ሀ ሀይቁዋጥ ደንድያዋ ግያዌ ዋግያዌ” ያጊደ፡ ባረንቱ ግደን ሃሳየቲድኖ።

11 ኡንቱንቱ የሱሳ፡ “ሀግያ ታማርሰያዋንቱ አያው፡ ኤላሰ ካሰቲደ ያናው በሴ ጊኖ?” ያጊደ ኦቼድኖ።

12 እ ዛሪደ ያጊደ፤ “ቱማካ፡ ኤላሰ ካሰት ዪደ፡ ኡባባ ጊግሴ፤ ያትና፡ አያው ጸሳ ማጸፋይ፡ ኣሳ ናኣይ ዳሪ ዋየታናነ እጸታና” ያጊ?

13 ሸን ታን ሀንተንቶ ኦዳይ፤ ኤላሰ ዬዳ፤ ቃይ አባይ ጸሳ ማጸፋን ጸፈቲዳዋዳንካ፡ አሳይ አ ባረ ኮዬዳባ ኦሌዳ” ያጊደ።

የሱሰ ኢታ አያናይ ኦይቁዳ ናኣ ፓሌዳ (ማቶሳ 17:14-21፤ ሉቃሳ 9:37-43)

14 የሱሰ፡ ጸጽርሰ፡ ያቆብነ ዮሃንስ የኮ የሱሳ ካልያዋንቱሮ ሰሚደ ይያ ዎደ፡ ጮራ አሳይ ሄ ካልያዋንቱ ዩሹዋን ኤቁዳዋን ሀግያ ታማርሰያ አማራዳ አሳቱ ኡንቱንቱና ፓሌ-መትያዋንታ በኤድኖ።

15 ሄ ጮራ አሳይ የሱሳ በኤዳ ዎደ ማላለት ዳጋሚደ፡ ኤለካ አኮ ዎጽ ዪደ፡ አ ሳርቲዳ።

16 የሱሰ ባረና ካልያዋንታ “ኡንቱንቱና አያ ፓሌ-መተቲ?” ያጊደ ኦቼዳ።

17 ሄ ጮራ አሳ ግደጥ እት ብታኒ ዛሪደ፡ “ታማርሰያዎ፡ ታ ናኣ ቦላን ሃሳያ ድግያ ኢታ አያናይ ደእያ ድራው፡ አ ኔኮ አካደ ያድ።

18 ሀ ኢታ አያናይ አ ኦይቁያ ዎደ ኡባን፡ አ ኦሌ፤ አ ደናናካ ሆሙ ፓርቲ፤ ቃይ እቻ ጋርጭሴ፤ ቦላካ ዘልሴ። አጥ ሀ ኢታ አያና ከሳና ማላ፡ ኔና ካልያዋንቶ ኦዳድ፡ ሸን ከሳናው ዳንዳይበይክኖ” ያጊደ።

19 የሱሰ ዛሪደ ኡንቱንታ፡ “አማነና ሀ ዎድያ አሳው! ታን ሀንተንቱና አውደ ጋካናው ደኣኔ? ቃይ ሀንተንቱባ አውደ ጋካናው ዳንዳይኔ? ናኣ ታኮ ሃ አክ ዪተ” ያጊደ።

20 ኡንቱንቱ ናኣ አኮ አሃድኖ፤ ሄ ኢታ አያናይ የሱሳ በኤዳ ኤለካ ናኣ ኮኮርሲ አጌዳ፤ ናኣይ ሳኣን ኮንዲደ፡ ደናና ሆሙ ጎፑ ጊሸን ጎንደረቲዳ።

21 የሱሰ ሄ ናኣ አውዋ፡ “ሀዌ ነ ናኣ ኦይቆደጥ ዎይሳ ዎደ ግዳኔ?” ያጊደ ኦቼዳ።

ናኣ አቡ፡ “እ ናአተላን ደእያ ዎድያጥ ደሚዳ።

22 አ ዎዳናው ዳር ዎደ ታማንነ ሃላን ኦሌዳ፤ ሸን ኔን ዳንዳዮጥ፡ ኦው ቃረታደ ኦና ማዳርኪ” ያጊደ።

23 የሱሰ አ፡ “ኔን ዳንዳዮጥ ጋይ? አማንያ አሳው ኡባባይ ዳንዳየቲ” ያጊደ።

24 ኤለካ ናኣ አቡ ባረ ኮሻ ጶቁ አሊደ፡ “ታን አማናይ፤ ሸን ጉጃ አማናዳን፡ ታና ማዳርኪ” ያጊደ።

25 የሱሰ አሳይ ዳር ዳር ብያዎ በኢደ፡ ኢታ አያና፡ “ናኣ ቱለነ ዲደ ኦሌዳ አያናው፡ ሀ ናኣጥ ከሳ ጋደ ኔና ታ አዛዛይ፤ ቃይ ዛረሳደ እን ገሎጥ” ያጊደ።

26 ሄ ኢታ አያናይ ዋሲደ፡ ናኣ ዳርሰ ኮኮርሲደ፡ አጥ ከሴዳ። ናኣይ ሀይቁዳዋ ማላትና፡ ዳር አሳይ፡ “ናኣይ ሀይቁዳ” ያጊደ።

27 ሸን የሱሰ ናኣ ኮሸያ ኦይቁደ ደንሐና፡ ናኣይ ደንድ ኤቁዳ።

28 የሱሰ ሰይ ገሌዳዋጥ ጉይያን፡ አ ካልያዋንቱ የሱሳ ዲማ፡ “ኦን ሄ ኢታ አያና ከሳናው አያው ዳንዳይበይኮ?” ያጊደ ኦቼድኖ።

29 የሱሰ ዛሪደ፡ “ሄዋ ማላይ ዎሳጥን ጸማጥ አትን፡ ሀራባን ከሳናው ዳንዳየና” ያጊደ።

የሱሰ ባረና ጋካና መቱዋባነ ሀይቁዋባ ላኤንሉዋ ኦዳዳ (ማቶሳ 17:22-23፤ ሉቃሳ 9:43-45)

30 ኡንቱንቱ ሄዋጥ ደንዲደ፡ ጋሊላና አዲደ ቤድኖ፤ የሱሰ ባረ ደኢያሳ ኦንነ ኤራና ማላ ኮይቤና።

31 አያው ጎጥ፡ እ ባረና ካልያዋንታ “ታና፡ አሳ ናኣ፡ አሳይ አሳው አሊደ አማናነ ዎዳና፤ ታን ቃይ ሄዙ ጋላሳጥ ጉይያን፡ ሀይቁዋጥ ደንዳና” ያጊደ ታማርሴ።

32 ሸን ኡንቱንቶ እ ግያዌ ገልቤና፤ ቃይ አ ኦቻናውካ ያዬድኖ።

ኡባጥ አድያዌ ኦኔ? (ማቶሳ 18:1-5፤ ሉቃሳ 9:46-48)

33 ኡንቱንቱ ቅፍርናሆማ ግያ ካታማ ቤድኖ፤ ሰይ ገሌዳዋጥ ጉይያን፡ የሱሰ ኡንቱንታ፡ “ኦግያን አያ ፓሌ-መተቲ?” ያጊደ ኦቼዳ።

34 ሸን ኡንቱንቱ ቢደ ኦግያን፡ “ኦ ግደን ኦ ኡባጥ አድያዌ ኦኔ?” ያጊደ ፓሌ-መተቲዳ ድራው፡ ጮኤ ጌድኖ።

35 የሱሰ ኡቲደ፡ ታማነ ላኡ ባረና ካልያዋንታ ጸሲደ ኡንቱንታ፡ “ኦንነ ሰንሳው አዳና ኮዮጥ፡ ኡባጥ ጉየ አዲደ፡ ሄ ኡባው ቆማ ግዳናው በሴ” ያጊደ።

36 እት ጉላ ናኣ ኦይቁደ፡ ኡንቱንቱ ግደን ኤሴዳ፤ ሄ ጉላ ናኣ እድሚደ ኡንቱንታ፡

37 “ሀዋንቱ ማላ ጉላ ናናጥ እቱዋ ታ ሱንላን ሞክያ ኦንነ ታና ሞኬ፤ ቃይ ታና ሞክያ ኦንነ ታና ኪቲዳዋ ሞክያዋጥ አትን፡ ታ ጸላላ ሞከና” ያጊደ።

የሱሰ፡ “ኦባ ኤቀተና ኡራይ ኦ ባጋ” ያጊደ (ሉቃሳ 9:49-50)

38 ዮሃንስ አ፡ “ታማርሰያዎ፡ እት አሳይ ነ ሱንላን ኢታ አያናቱዋ ከሰያዋ ኦን በኢደ፡ ኦ ባጋ ግደና ድራው፡ አ ድጌደ” ያጊደ።

39 ሸን የሱሰ ያጊደ፤ “ኦንነ ታ ሱንላን ማላታ ኦሊደ፡ ኤለካ ታ ቦላ ኢታባ ሃሳያናው ዳንዳይያዌ ባይና ድራው ድጎጥተ፤

40 አያው ጎጥ፡ ኦባ ኤቀተና ኡራይ ኦ ባጋ።

41 ታን ሀንተንቶ ቱሙዋ ኦዳይ፤ ሀንተ ታዋንታ ክርሰቶሳዋንታ ግድያ ድራው፡ ኦንነ ሀንተንቶ ታ ሱንላን ቡልያ ሃላ ኡሻናው አሞጥካ፡ ባረ ጋትያ አካናዋ።

ናጋራ ጋሱዋ
(ማቶሳ 18:6-9፤ ሉቃሳ 17:1-2)

42 “ታና አማንያ ሀ ጉላቱዋጥ እቱዋ ባለልያ ኦናነ፡ ጋጭያ ዋጋ ዋጸ እ ቆድያን ቃቺደ፡ አባን እ ኦልያዋ አዉ ሎአ።

43-44 ነ ኩሺ ኔና ባለላጥ፡ ቃንጸ ኦላ፤ ኔን ላኡ ኩሽያና * ቃይ ኡባካ ቶኤና ጋናምያ ታማን ገልያዋጥ፡ ዱጸ ኩሽያና ደኡዋ ገልያዋ ነዉ ሎአ።

45-46 ነ ገዲ ኔና ባለላጥ፡ ቃንጸ ኦላ፤ ኔን ላኡ ገድያና ኡባካ ቶኤና ጋናምያ ታማን የገትያዋጥ፡ ደማ ግዳደ ደኡዋ ገልያዋ ነዉ ሎአ።

47-48 ነ አይፊ ኔና ባለላጥ፡ ዋጫ ኦላ፤ ኔን ላኡ አይፍናና ኡባካ ቶኤና ጋናምያ ታማን የገትያዋጥ፡ እት አይፍናና ጸሳ ካዉተላ ገልያዋ ነዉ ሎአ።

49 “ቁማን ማጽንያ የግያዋዳን፡ ታማይ አሳ ኡባ ቦላ የገታና።

50 ማጽኒ ሎአ፤ ሽን እ ማልእና ቆዮጥ፡ ዛሪደ እ ዋት ማልኤላንቱ? ህንተንቱን ማጽኒ ደኔ፤ † ያቲደ እቱ እቱዋና ሳርተላን ደእተ” ያጌዳ።

10

ማቻቶ የዳናዉ በሰና
(ማቶሳ 19:1-2፤ ሉቃሳ 16:18)

1 የሱሰ ሄዋጥ ደንዲደ፡ ዮርዳኖሳ ሻፋጥ ሄፍንላ ባጋና ይሁዳ ጋድያ ቤዳ። ጮራ አሳይ ሽረቲደ እኮ ሽቅና፡ ካሰ እ ኦልያዋዳንካ ሄ አሳ ታማርሱዋ ደማዳ።

2 እት እት ፓርሳዋቱ ፓጫናዉ የሱሳኮ ዪደ፡ “እት አሳይ ባረ ማቻቶ የዳናዉ ኑዉ ህገ አዛዚ?” ያጌደ አ ኦቼድና።

3 እ ዛሪደ፡ “ሙሴ ህንተንታ ዋግ አዛዜዴ?” ያጌዳ።

4 ኡንቱንቱ፡ “ሙሴ፡ ላት አሳይ ባረ ማቻቶ ፓራማ እሚደ የዶ፣ ጌዳ” ያጌድና።

5 የሱሰ ዛሪደ ኡንቱንታ፡ “ህንተንቱ ኦድና ሰሰናዋንታ ግድያ ድራዉ፡ ሙሴ ሀ አዛዙዋ ህንተንቶ ጸፊዳ።

6 ሽን ጸሳይ ኮይሮ መድያ ዋደ፡ እቱማ አሳነ ማጫ አሳ ኦላደ፡ ኡንቱንታ መጴዳ።

7 ሄዋ ድራዉ፡ እት አሳይ ባረ አባነ ባረ ዳዮ አጊደ፡ ባረ ማቻትና እቱዋ ግዳ፤

8 ኡንቱንቱ ላእቱ እት አሻ ግዲና፤ ሄዋ ድራዉ፡ ኡንቱንቱ እት አሳ ግድያዋጥ አትን፡ ላኡ አሳ ግድክና።

9 ሄዋ ድራዉ፡ ጸሳይ እትጥ ጋሌዳዋ አሳይ ሻኮፖ” ያጌዳ።

10 ኡንቱንቱ ሶይ ሰሜዳ ዋደ፡ የሱሳ ካልያዋንቱ ሀ የዉዋባ የሱሳ ዛር ኦቼድና።

11 የሱሰ ኡንቱንታ፡ “ባረ ማቻቶ የዲደ፡ ሀራሮ እክያ ኡራይ ኡን እዝና ዋሹሜ።

12 ቃይ ማጫዉናካ ባረ አሰናጥ ከሳደ ሀራ አሰና ገሎጥ ዋሹማዉ” ያጌዳ።

የሱሰ ጉላ ናና አንጄዳ
(ማቶሳ 19:13-15፤ ሉቃሳ 18:15-17)

13 የሱሰ ጉላ ናና ቦቻና ማላ፡ እት እት አሳይ ናና እኮ አሄዳ፤ ሽን የሱሳ ካልያዋንቱ ሄ አሳ ሴራድና።

14 የሱሰ ሄዋ በኢደ፡ ባረና ካልያዋንታ ሀንቀቱዳ፤ ኡንቱንታ፡ “ጉላ ናናይ ታኮ ይያዋንታ ድጎጥጥ፤ አያዉ ጎጥ፡ ጸሳ ካዉተላይ ሀዋንቱ ማላሳ።

15 ታን ህንተንቶ ቱሙዋ ጋይ፤ ጸሳ ካዉተላ ጉላ ናናዳን አሰና ኡራይ ኡን ሄ ካዉተላ ኡባካ ገላና” ያጌዳ።

16 ጉላ ናና እድሚደ፡ ባረ ኩሽያ ኡንቱንቱ ቦላ ሀ-ጲያን ሀ-ጲያን ዋላደ፡ ኡንቱንታ አንጄዳ።

ሚሻ ሲቁሳይ አህያ መቱዋ
(ማቶሳ 19:16-30፤ ሉቃሳ 18:18-30)

17 የሱሰ ባናዉ ከሴዳ ዋደ፡ እት ብታኒ ዋጲደ ይ አ ሰንላን ጉልባቲደ፡ “ሎኦ ታማርሰያዎ፡ መድና ደኡዋ ላታናዉ ታን አያ ኦላ?” ያጌደ አ ኦቼዳ።

18 የሱሰ፡ “አያዉ ታና ሎኦ ጋይ? ጸሳ ጸላላጥ አትን፡ ሀራ ሎኦ ኡን ሳዋ።

19 ጸሳ አዛዙዋ፡ “ዋጶጋ፤ ዋሹዋጋ፤ ዉኦጋ፤ ዋርዱዋ ማርካቶጋ፤ ጭዋጋ፤ ነ አባነ ነ ዳዮ ቦንቻ” ያግያዋ ኡራሳ” ያጌዳ።

20 ብታኒ የሱሳ፡ “ታማርሰያዎ፡ ታን ሄዋ ኡባ ናኦተላጥ ደማደ ሀእ ጋካናዉካ ናጋይ” ያጌዳ።

21 የሱሰ ብታንያ ድሴዳ፤ አ ጫድ ጸሊደ፡ “ነዉ እትባይ ፓጩዳ፤ ባደ ነዉ ደእያባ ኡባ ዛልኦደ፡ ሄ ሚሻ ህይሳዉ እማ፤ ኔን ሳሉዋን ዱረታና። ያቶዋጥ ጉይያን ያደ ታና ካላ” ያጌዳ።

22 ሽን ብታኒ ሄዋ ሰሲደ፡ እ ዳሮ ዱረ ግድያ ድራዉ፡ ባረ ሶምእያ ጴምሲደ፡ ናሽተናን አጊደ ቤዳ።

23 የሱሰ ባረና ካልያዋንታ ዩሽ አላ ጸሊደ፡ “ዳሮ ዱረ አሳይ ጸሳ ካዉተላ ገላናዉ ዋን መታንዴሻ!” ያጌዳ።

24 አ ካልያዋንቱ አ ሃሳያ ሰሲደ ማላላቲድና፤ ሽን የሱሰ ቃይካ ኡንቱንታ፡ “ናቶ፡ ጸሳ ካዉተላ ገላናዉ ዋት መታንዴሻ!” *

25 ዱረ አሳይ ጸሳ ካዉተላ ገላናዋጥ፡ ጋሉ ማርጥያ ጸእያና አቆናዋ ማታቱ” ያጌዳ።

26 የሱሳ ካልያዋንቱ ማላላቲደ፡ “ያትና፡ ኦኔ አታናዉ ዳንዳይያዎ?” ያጌደ እቱ እቱዋ ኦቼድና።

27 የሱሰ ኡንቱንታ ጫድ ጸሊደ፡ “ሀዋ ጸሳዉ ዳንዳየትያዋጥ አትን፡ አሳዉ ዳንዳየተና፤ አያዉ ጎጥ፡ ጸሳዉ ኡባባይካ ዳንዳየቱ” ያጌዳ።

28 ጳጳርሰ የሱሳ፡ “በአ፤ ኑን ኑባ ኡባ አጊደ፡ ኔና ካሌደ” ያጌዳ።

29 የሱሰ፡ “ታን ህንተንቶ ቱሙዋ ጋይ፤ ታ ድራዉነ ዋንጋላ ምሽራቸዋ ድራዉ፡ ጎልያ ዋይ

* 9:43-44 ሀራ ጌሻ ማጸፋ ብለላቱ፡ ጉጹኒ ሙላ ሀይቀናሳነ ቃይ ሙላካ ቶኤና ጋናምያ ታማን፡ ያጌ። 9:45፡ 47 ጸልተ። † 9:50 ህንተንቱን ማጽኒ ደኔ፡ ሀዋ ጉሳይ የሱሳን አማንያዋንቱ ባረንቱ አማኑዋጥ ደንደ ጋሱዋን ኡንቱንቱ ቦላ መቱ ጋክንቶካ እቱ እቱዋና ሳርተላን ደእናዉ በሴ። 10:4 ዛረ. 24:1-4፤ ማቶሳ 5:13 10:6 ደመላ 1:27፤ 5:2 10:8 ደመላ 2:24 10:19 ከሳ 20:12-16፤ ዛረ. 5:16-20 * 10:24 ዋት መታንዴሻ፡ ሀዋ እት እት ብለላይ ባረዉ ደእያባን አማንትያ አሳ ያጌ።

እሻቱዋ ወይ ምቻቱዋ፡ ወይ አዉዋ ወይ አቶ ወይ ማቻቶ፡ ወይ ናና ወይ ጋድያ አጌዳ አሳይ ኦን።

30 ሀእ ሀ ዋድያን ጾቱ ዳኩዋፕ ዳርያ ጎለቱዋ፡ እሻቱዋ፡ ምቻቱዋ፡ አቶ፡ ናና፡ ጋድያ፡ ቃይ መቱዋካ እካናዋ። ሰንሳፕ ያና ዋድያንካ መድና ደኡዋ አካናዋ።

31 ሸን ጮራቱ ሀእ ሰንሳን ደእያዋንቱ ጉየ አቆና፤ ቃይ ጮራቱ ሀእ ጉየን ደእያዋንቱ ሰንሳዉ አቆና” ያጌዳ።

የሱስ ባረና ጋካና መቱዋባነ ሀይቁዋባ ሄዘንሉዋ ኦዴዳ (ማቶሳ 20:17-19፤ ሉቃሳ 18:31-34)

32 ኡንቱንቱ የሩሳላመ ቢደ፡ ኦግያን ደኢኖ፤ የሱስ ባረና ካልያዋንቱፕ ሰንሳና ሀመቱ። ኡንቱንቱ ማላለቱድኖ፤ እ ካልያዋንቱ ያዬድኖ። ዛሪደ ታማነ ላኡ ባረና ካልያዋንታ ጋጸ ከሲደ፡ ባረና ጋካናባ ዲማዬደ ኡንቱንቶ ሀዋዳን ያጌደ ኦዴዳ፤

33 “በእተ፤ ኩ የሩሳላመ ሀእ ከሶይተ፤ ያን ታና፡ አሳ ናኦ፡ ቁሳቱዋ ካፓቶነ ሙሴ ሀግያ ታማርሰያዋንቶ አሊደ እማና። ኡንቱንቱ ታ ቦላን ሀይቁዋ ፕርዳ ፕርዳና፤ ቃይ አይሁዳ ግደና አሳዉካ ታና አሊደ እማና።

34 ሄ አይሁዳ ግደና አሳይ ታ ቦላ ቅለጫናነ ጩቻና፤ ታና ልሱዋን ሸጫናነ ዋቆና፤ ታን ቃይ ሄዙ ጋላሳፕ ጉይያን፡ ሀይቁዋፕ ደንዳና።”

ያቆብነ ዮሃንስ ዋሴዳ ዋሳ (ማቶሳ 20:20-28)

35 ዛብድዮሳ ናናይ ያቆብነ ዮሃንስ የሱሳኩ ዬደ፡ “ታማርሰያዋ፡ ኩን ኔና ዋሰያባ ኡባባ ኑዉ አሳርኪ” ያጌድኖ።

36 የሱስ ኡንቱንታ፡ “ታን ሀንተንቶ አያ አሉ?” ያጌዳ።

37 ኡንቱንቱ አ፡ “ኅ ቦንቾ ካዉተላን ኔን ኡትያ ዋደ፡ ኑፕ እቱዋ ኔፕ ኡሸቻ ባጋና ቃይ እቱዋ ሀድርሳ ባጋና ኡትሳርኪ” ያጌድኖ።

38 ሸን የሱስ ኡንቱንታ፡ “ሀንተንቱ አያ ዋሳናዉ በሰንቶካ ኤርክታ፤ ታን ኡሻናዉ በሰያ መቱዋ ጸኦ ኡሻናዉ ዳንዳዪቱ? ቃይ ታን ጸማቅታናዉ በሰያ ጽንቃታ ተ ጸማቅታናዉ ዳንዳዪቱ?” ያጌዳ።

39 ሄዋፕ ጉየ ኡንቱንቱ ዛሪደ፡ “ኤ ዳንዳዪቶ” ያጌድኖ።

የሱስ ቃይ፡ “ታን ኡሻናዉ በሰያ መቱዋ ጸኦ ሀንተ ኡሻና፤ ታን ጸማቅታናዉ በሰያ ጽንቃታካ ሀንተ ጸማቅታና።

40 ሸን ታፕ ኡሸቻ ባጋና ሀድርሳ ባጋና ኡታናዋንታ ዳርያዌ ታና ግድከ፤ ሸን ሄ ሳእይ ጸሳይ እማናዉ ጊግሰ ዋጴዳዋንቱሳ” ያጌዳ።

41 የኩ ታሙ የሱሳ ካልያዋንቱ ሄዋ ሰሴዳ ዋደ፡ ያቆባነ ዮሃንሳ ሀንቀቱድኖ።

42 የሱስ ኡንቱንታ ኡባ ባረኩ ጸሲደ፡ ሀዋዳን ያጌዳ፤ “ ኣይሁዳ ግደናዋንታ ሞድያዋንታ ጌደ ቆፕያዋንቱን ሄዋንታ ካለሉያ አሳቱ ባረንቱ አሳ ሞድያዋ ኤሪታ።

43 ሸን ሀንተ ግደን ሄዋ ማላ ግደና፤ ሀንተ ግደን ዋጋታና ኮይያ ኦን፤ ሀንተንቶ ቆማ ግደናዉ በሴ።

44 ቃይ ሀንተ ግደን ኡባፕ ቦላ ግደና ኮይያ ኦን፤ ሀንተ ኡባዉ አይለ ግደናዉ በሴ።

45 አያዉ ጎፕ፡ ሀሪይ አቶ ታን፡ አሳ ናአይካ፡ አሳዉ አላናዉን ጮራቱዋ ዋዛናዉ ዬዳዋፕ አትን፡ አሳይ ታዉ አላና ማላ ያበይከ” ያጌዳ።

የሱስ ቆቃ ባርጸሞሳ አይፍያ ፓጴዳ (ማቶሳ 20:29-34፤ ሉቃሳ 18:35-43)

46 ኡንቱንቱ እያርኩ ግያ ካታማ ቤድኖ፤ የሱስ ባረና ካልያዋንቱናነ ጮራ አሳና እያርኩፕ ከሰሸን፡ ጽሞሳ ናአይ ቆቃይ፡ ባርጸሞሳ ግያዌ፡ ኦግያ ደናን ዋሲደ ኡቱዳ።

47 ባርጸሞሳ ናዘራትያ የሱሳ ግዴዳዋ ሰሲደ፡ ባረ ኮሻ ቆቁ አሊደ፡ “ዳዋተ ናኦ ፣ የሱሳ፡ ታና ማራርኪ!” ያጌሳ ደማዳ።

48 ጮራ አሳይ አ፡ “ሀይዛ!” ጌደ ሀንቀቱዳ።

ሸን፡ እ ባረ ኮሻ ካሰዋፕካ ዳርሰ ቆቁ አሊደ፡ “ዳዋተ ናኦ፡ ታና ማራርኪ!” ያጌዳ።

49 የሱስ ኦግያን ኤቁደ፡ “ኦ ሃ ጸሰተ” ያጌዳ።

ኡንቱንቱ ቆቃ፡ “አይነ ባዋ፤ ደንዳ ኤቃ፤ ኔና ጸሴ” ያጌደ ጸሴድኖ።

50 ቆቃይ ባረ ማዩዋ አል አጌደ፡ ጉፕ ደንድ ኤቁደ፡ የሱሳኩ ቤዳ።

51 የሱስ አ፡ “ታን ነዉ አያ አላናዉ ኮያይ?” ያጌዳ።

ቆቃይ፡ “ታማርሰያዋ፡ ታን ጸላናዋ ኮያይ” ያጌዳ።

52 የሱስ አ፡ “ባ፤ ነ አማኑ ኔና ፓጴዳ” ያጌዳ። ኤለካ አ አይፊ ጸል አግና፡ ኦግያን የሱሳ ካል አጌዳ።

11

የሱስ ዋልቃማ ቦንቾዋን የሩሳላመ ገሌዳ (ማቶሳ 21:1-11፤ ሉቃሳ 19:28-40፤ ዮሃ. 12:12-19)

1 ኡንቱንቱ የሩሳላመ ማቲደ፡ ደብረ ዛይተ ደርያ ማታን ደእያ ቤተላብነ ቤታንያ ጋኬድኖ፤ የሱስ ባረና ካልያዋንቱፕ ላኡዋ ሰንሳዉ ከቲደ፡

2 “ሀንተንቱፕ ሰንሳን ደእያ ሄራ ቢተ፤ ያ ገሎሳና ኦን፤ ኡባ ቶግቤና ቃሹዋን ደእያ ሀረ ማራ ሀንተ ደማና፤ አ ብል ሃ አኪደ ዬተ።

3 ኦን፤ ሀንተንታ፡ “ሄዋ አያዉ አሉተ?” ያጌደ ኡቾፕ፡ “ኅዳዉ* ሀዌ ኮሼ፤ ኤለካ ዘር ሃ የዳናዋ ያግተ” ያጌዳ።

4 ኡንቱንቱ ቢደ፡ ሀረ ማራ ፕንግያ ማታን ኦግያን ቃቾ ዋጴዳዋ ደሚደ ብሌድኖ።

5 ሄዋን ኤቆዳ እት እት አሳቱ ኡንቱንታ፡ “ሀረ ማራ ዋታናዉ ብሊቱ?” ያጌድኖ።

6 የሱሳ ካልያዋንቱ የሱስ ባረንታ አዛዜዳዋ ኦድና፡ አሳቱ የድ አጌድኖ።

7 ኡንቱንቱ ሀረ ማራ የሱሳኩ አሂደ፡ ባረንቱ ማዩዋ አ ዘክያን ዋጴድኖ፤ የሱስ ሄ ሀረ ማራ ቶጌዳ።

† 10:38 ጽንቃታ- ሀዋ ጉሳይ የሱሳ ጋኬዳ መቱዋ ጸኦ ጉሳ። ‡ 10:47 ዳዊተ ናኦ- አይሁደ አሳቱ ጸሳን ኦከቶዌ ዳዊተ ዘረላፕ የለታናዋ ያጌደ ቆፕያ ድራዉ፡ ጸሳን ኦከቶዌ “ዳዊተ ናኦ” ያገት ጸሰቱ። * 11:3 ጎዳ- ሀዋ ጉሳይ ሀርያ ጎዳ።

8 ጮራ አሳይ ባረንቱ ማዩዋ ኦግያን ሂደዳ፤ ቃይ ሀራንቱ ሞላ ሀይላ ካር ካሪደ፤ ኦግያን ሂደዳ።

9 የሱሳጥ ሰንፋና ሀመትያ አሳይነ አ ጌዱዋ ካልያ አሳይ ባረንቱ ኮሻ ጶቁ አሊደ፤ “ጸሳይ ጋላተቶ!

ጎዳ ሱንፋን ይያዌ አንጀቴዳዎ።

10 ጎዳ ሱንፋን ይያ ኑ አዉዋ

ዳዊተ ካዉተላይ አንጀቴዳዎ።

ሳሉዋ ኡባጥ ቦላ ሳሉዋን

ደእያ ጸሳይ ጋላተቶ”

ያጌድኖ።

11 የሱሳ የሩሳላመ ቢደ፤ ጌሻ ጎልያ ገሌዳ፤ ቃይ ኡባባ ዩይ ዩይ ጸሌዳዋጥ ጉይያን፤ ሳአይ ቃምያ ድራዉ፤ ታማነ ላኡ የሱሳ ካልያዋንቱና ቢታንያ ቤዳ።

የሱሳ ሸቄዳ ባላሰያ ሞላቶ
(ማቶሳ 21:18-19)

12 ዋንተላ ጋላሰ ኡንቱንቱ ቢታንያጥ ከሲደ ቢሸን፤ የሱሳ ኮሻቴዳ።

13 ሃኩዋን እት ባላሰያ ግያ ሞላቶ ሀይላ ማያ ኡቴዳዉና በእደ፤ እን ኤር እ ቦላ አይፊ ቤቶጥን ገደ፤ በአናዉ እዘኮ ቤዳ፤ ሸን እዘኮ እ ብያ ዋደ፤ ሀይላ ጸላሳጥ አትን፤ አይነ አይፍያ ደምቤና፤ አያዉ ጎጥ፤ ባላሰ አይፍያ ዋዲ ጋክቤና።

14 የሱሳ ሄ ባላሳቶ፤ “ኔጥ ሸረቲደ መድናዉ ኦንነ አይፍያ ሞፖ” ያጌዳ። የሱሳ ካልያዋንቱ እ ግያዋ ሰሴድኖ።

የሱሳ ጌሻ ጎልያን ዛልእያዋንታ ከሴዳ
(ማቶሳ 21:12-17፤ ሉቃሳ 19:45-48፤ ዮሀ. 2:13-22)

15 ኡንቱንቱ የሩሳላመ ቤድኖ፤ የሱሳ ጌሻ ጎልያ ገሊደ፤ ሄዋን ዛልእያዋንታን ሻምያዋንታ ካረ የደርሱዋ ደሜዳ፤ ቃይ ሚሻ ላምያዋንቱ ጸራጴዛነ ደጎሙዋ ዛልእያዋንቱ አይድያ አላ የገደ።

16 ኦንነ እየንቶ ቶኪደ፤ ጌሻ ጎልያ ግቢያ ግደና አቆናዋ ድጌዳ።

17 የሱሳ አሳ ሀዋዳን ያገደ ታማርሴዳ፤ “ጸሳ ማጸፋን፤ ታ ጎሊ አይሁዳ ግደና አሳይ ኡባይ ጸሳ ዋሰያ ጎሊ ጌተታና ያገቲደ ጸፊት ኡቴዳ፤ ሸን ሀንተ አ ቦንቃንቻቴ ቆሰትያ ጎንጎሉዋ ከሴድታ።”

18 ቄሳቱዋ ካፓቱነ ሙሴ ሀግያ ታማርሴዋንቱ ሄዋ ሰሲደ፤ አ ዋቆና ኦግያ ኮሻ ደሜድኖ፤ ሸን ጮራ አሳይ እ ታማርሴዋን ማላለትያ ድራዉ፤ አዉ ያዬድኖ።

19 ሳአይ ኦማርሴዳ ዋደ፤ የሱሳነ አ ካልያዋንቱ ካታማጥ ጋጸ ከሴድኖ።

ባላሰያ ግያ ሞላታ መላዱ
(ማቶሳ 21:20-22)

20 ኡንቱንቱ ዋንተላ ጋላሰ ጉራ ኦግያና አቋደ፤ ሄ ባላሳታ ጸጸዋና መላ ድጌዳዉና በኤድኖ።

21 ጸጽሮስ ሀሳዩደ፤ “ታማርሴዋ፤ በአ፤ ኔን ሸቄዳ ባላሳታ መላ ድጋዱ” ያጌዳ።

22 የሱሳ ዛሪደ፤ ኡንቱንታ ሀዋዳን ያጌዳ፤ “ጸሳ እማንተ።

23 ታን ሀንተንቶ ቱሙዋ ጋይ፤ ኦንነ ባረ ዋዛናን ሰፍን ባረ ጌዳባይ ሀናናዋ እማኒደ፤ ሀ ደርያ፤ ‘ደንዳደ አባን ኩንዳ’ ጎጥ ሀናና።

24 ሄዋ ድራዉ፤ ጸሳ ሀንተ ዋሰያባነ ኡቶያባ ኡባ እክ ድጎዋዳን እማንተ፤ ሀንተ አካና።

25 ጸሳ ዋሳናዉ ሀንተ ኤቄያ ዋደ፤ ሳሉዋን ደእያ ሀንተ አዉ ሀንተ ናጋራ አቶ ጋና ማላ፤ ኦንነ ሀንተንታ ናቄዳባይ ደኡጥ፤ አዉ አቶ ገተ።

26 ሸን አሳ ናጋራ ሀንተ አቶ ጋና ቆየጥ፤ ሳሉዋን ደእያ ሀንተ አዉካ ሀንተ ናጋራ ሀንተንቶ አቶ ጌና።”

የሱሳ አያ ማታን ኦሊ ግያ አሻ
(ማቶሳ 21:23-27፤ ሉቃሳ 20:1-8)

27 ኡንቱንቱ ቃይካ የሩሳላመ ቤድኖ፤ የሱሳ ጌሻ ጎልያን ሀመትሸን፤ ቄሳቱዋ ካፓቱ፤ ሙሴ ሀግያ ታማርሴዋንቱነ ጭማቱ የሱሳኮ ዩድኖ።

28 አ፤ “ኔን ሀዋ ኦላናዉ ነዉ አይ ማታይ ደኢ? ዋይ ነዉ ሀ ማታ እሜዳቄ ኦኔ?” ያጌድኖ።

29 የሱሳ ዛሪደ ኡንቱንታ፤ “ታንካ ሀንተንታ አትባ አቻና፤ ታዉ ኦድተ፤ ታን ቃይ ሀዋ አይ ማታን ኦላይታንቶ፤ ሀንተንቶ ኦድና።

30 ዮሃንስ ጸማቅያ ማታ አኬዳቄ ጸሳጌየ ዋይ አሳጌ? ታዉ ኦድተ” ያጌዳ።

31 ኡንቱንቱ ባረንቱ ግደን ፓሉማ ደሚደ፤ “ኑን፤ ‘ጸሳጥ ዬዳ’ ያጎጥ፤ እ ኑና፤ ‘ያትና፤ ዮሃንስ ኡዴዳዋ አያዉ አማንበይክቴ?’ ያጋና።

32 ሸን፤ ‘አሳጥ ዬዳ ጋይ?’ ” ያጌድኖ፤ ቃይ አሳይ ኡባይ ዮሃንስ ናብያ ግዴዳዋ ኤርያ ድራዉ፤ አሳዉ ያዬድኖ።

33 ሄዋ ድራዉ፤ ኡንቱንቱ የሱሳዉ፤ “ኑን ኤርኮ” ያገደ ዛሪድኖ።

የሱሳ፤ “ታንካ ሀዋ አይ ማታን ኦላይታንቶ፤ ሀንተንቶ ኦድከ” ያጌዳ።

12

ዋይንያ ቱራ ቶክያ ኦሳንቻቱዋ ሊምሱዋ
(ማቶሳ 21:33-46፤ ሉቃሳ 20:9-19)

1 የሱሳ ኡንቱንቶ ኡዴዋ ሊምሱዋን ያገደ ደሜዳ፤ “እት ብታኒ ዋይንያ ግያ ቱራ ቶኪደ፤ ድርሳ ዩሽ አሊደ ድራዳ፤ ቃይ ሄ ዋይንያ ጉምእያ ኦላካ ቦኬዳ፤ ሄዋ ናግያ አሳዉ ናግያሳ ኬዴዳ፤ ሄዋጥ ጉይያን፤ ኮላ ኦላያ አሳዉ እሚደ፤ ሀራ ጋይ ቤዳ።

2 ዋይንያ አይፍያ ማጽያ ዋዲ ጋክና፤ ባረና ጋክያዋ አኪደ ያና ማላ፤ እት ቆማ ባረ ኮላዋቱዋኮ ከቲዳ።

3 ኮላ ኦላያዋንቱ አ ቆማ ኦይቂ ዋዲደ፤ ኩሽ መላ የዴድኖ።

4 ላኤንሉዋ ሀራ ቆማ ኡንቱንቱኮ ከቲዳ፤ ኡንቱንቱ ሄ ቆማ ሁጲያ ጳልቂደ ፖክሰ የዴድኖ።

5 ዋይንያ ቱራ ጎዳይ ቃይካ ሀራ ቆማ ከቲዳ፤ ሄ ቆማ ዋዲድኖ፤ ቃይ ሀራ ጮራቱዋካ ሄዋዳን ኦሊድኖ፤ እቱዋ እቱዋ ዋዲደ፤ ሀራቱዋ ዋዲድኖ።

6 “ወይንን ቱራ ጎዳው ኪታናው ኡባጥ ወርሰላን እ ዳሪ ሲቅያ እ ናኦ ጸላላይ አቱዳ፤ እ፤ ላኑቱንቱ ታ ናኦ ቦንቹናን አግክኖ ገደ፤ ባረ ናኦ ኡንቱንቱኮ ኪቱዳ።

7 “ሸን ኮላ ኦሳዎንቱ ባረንቱ ግደን፤ ላታናዌ ሀዋ፤ ቢደ እ ዎዲይተ፤ አዉ ደእያዎ ኦዋ ግደና!” ያጌድኖ።

8 ናኦ ኦይቂ ዎዲደ፤ አ አሃ ዎይንያ ቱራ ግደጥ ጋጸ ከሰ ኦሌድኖ።

9 “ሰዎ ዎይንያ ቱራ ጎዳይ ዎታኔ? ዪደ ሄ ኮላዎቱዎ ዎድ ወርሲደ፤ ዎይንያ ቱራ ኮላ ኦሳዎ ሀራ አሳዉ እማናዎ።

10-11 “ ማግቢያዎንቱ ካድ እጹዳ ሹቻይ ጎዳ ጸጸዎ ምንሰያ፤ ኡባጥ አድያ ሹቻ ግዳዳ። ሀዌ ጎዳይ ኦሌዳዎ፤ ቃይ ኦናካ ማላልሰያዎ ያግያዎ ጸሳ ማጸፋጥ ናባብ በይክቱ?” ያጌዳ።

12 ቄሳቱዎ ካገቱ፤ ሀግያ ታማርሰያዎንቱን ጭማቱ የሱሰ ሄ ለምሱዋ ባረንቱን ለምሴዳዎ ኤራዳ ድራዉ፤ አ ኦይቃናዉ ኮዬድኖ፤ ሸን አሳዉ ያዪደ፤ ባሽ በድኖ።

ገራ ገራኔ አጋኔ ግያ ኦሻ (ማቶሳ 22:15-22፤ ሉቃሳ 20:20-26)

13 ቃይ አ ሃሳያጥ ባላ ደማና ማላ፤ ፓርሳዎቱዎጥን ሄርድሳ ባጋቱዎጥ * አማራዳዎንቱ እኮ ኪትና ዪደ፤

14 “ታማርሰያዎ፤ ኔን ቱሙዎ ሃሳይያዎን አሳጥ አሳ ሻከናዎ ኩን ኤራቶ፤ አያዉ ጎጥ፤ ኔን አሳ ዲማያካ፤ ቃይ ጸሳ ኦግያ ቱማተላን ታማርሳ። ኩን ሮማ ካትያ ቄሳረዉ ገራ ገርያዌ ዎጌዮ ዎጋ ግደኔ? ገራ ገራኔዬ ድጋኔ?” ያጌድኖ።

15 ሸን ኡንቱንቱ ሎኦ ማላትያ ኢታ አሳ ግዳዳዎ የሱሰ ኤሪደ፤ “ታና አያዉ ፓጩቱ? እት ሳንትምያ ሃ ታኮ አሀተ፤ ታን አነ በአና” ያጌዳ።

16 ኡንቱንቱ አዉ አሄድኖ፤ “ሀ ማላይነ ሱንላይ ኦዎ?” ያገደ ኡንቱንታ ኦቼዳ።

ኡንቱንቱ፤ “ቄሳረዎ” ያጌድኖ።

17 የሱሰ ዛሪደ ኡንቱንታ፤ “ያቶጥ፤ ቄሳረዎ ቄሳረዉ፤ ጸሳዎ ጸሳዉ እምተ” ያግና ኡንቱንቱ አባ ማላለቱድኖ።

ሀይቁዎጥ ደንዲዎ ኦሻ (ማቶሳ 22:23-33፤ ሉቃሳ 20:27-40)

18 ሀይቁዳ አሳይ ደንደና ግያ ሳዲቃዎናቱዎጥ እት እት አሳቱ የሱሳኮ ዪደ፤ ሀዋዳን ያገደ፤ አ ኦቼድኖ፤

19 “ታማርሰያዎ፤ ሙሴ ኦዉ ሀግያ ጸፊደ፤ ማቻቶ እኬዳ አሳይ ናኦ የለናን ሀይቆጥ፤ ሄ ሀይቁዳዎ እሻይ አ ማቻቶ ላቲደ፤ ባረ እሻዉ ናኦ የላናዉ በሴ’ ያግያዎ ጸፊዳ።

20 እት ዎደ ላፑ እሻቱ ደእያዎንቱጥ ባይራይ ማቻቶ እኪደ፤ ናኦ የለናን ሀይቁዳ።

21 ላኤንሳያ እሻይ እዞ እኬዳ፤ እካ ናኦ የለናን ሀይቁዳ፤ ሄዘንሳያዌካ ሄዎዳን ሀኔዳ።

22 ላፑናቱካ እዞ እኪደ፤ ናኦ የለናን ሀይቁድኖ፤ ኡባጥ ጉይያን፤ ቃይ ሄ ምሽራታ ሀይቃዳ።

23 ያትና፤ ሀይቁዳ አሳይ ሀይቁዎጥ ደንድያ ዎደ፤ እዛ ኡንቱንቱጥ ሀቃዎ ማቼ ግዳኔ? አያዉ ጎጥ፤ ላፑናቱካ እዞ እኬድኖ።

24 የሱሰ ዛሪደ ኡንቱንታ፤ “ሀንተንቱ ባለትያዎ፤ ጸሳ ማጸፋቱዎን አ ዎልቃ ኤርና ድራሳ!

25 አያዉ ጎጥ፤ ሀይቁዳ አሳይ ሀይቁዎጥ ደንድያ ዎደ፤ ሳሉዎን ደእያ ኪታንቻቱዎ ማላ ግዳናጥ አትን፤ አቱማ አሳይነ አከና፤ ማጫ አሳይነ ገለና።

26 ሸን ሀይቁዳዎንቱ ደንዲዎባ ግደጥ፤ ሙሴ ማጸፋን ጸፊቱዳ ጸራጋይ ምያ ቡራባ ኦድያ ሳኦን፤ ጸሳይ ሙሳ፤ ‘ታን አብራሃመ ጸሳ፤ ይሳቃ ጸሳ፤ ያቆባ ጸሳ’ ግድያዎ ኡባካ ናባብ በይክቱ?

27 እ ጋጸ ደእያዎንቱ ጸሳ ግድያዎጥ አትን፤ ሀይቁዳዎንቱ ጸሳ ግደና፤ ሀንተ ዳርሰ ባሌድታ” ያጌዳ።

ኡባጥ አድያ አዛዙዎ

(ማቶሳ 22:34-40፤ ሉቃሳ 10:25-28)

28 ሀግያ ታማርሰያዎንቱጥ እቱ ኡንቱንቱ ፓሉመትያዎ ሸቂደ ሰሴዳ፤ ቃይ የሱሰ ኡንቱንቶ ሎኦ ዛሪዳዎ ሰሴደ፤ “አዛዙዎ ኡባጥ አድያ አዛዙ ሀቃዎ?” ያገደ የሱሳ ኦቼዳ።

29 የሱሰ ዛሪደ፤ እ “አዛዙዎ ኡባጥ አድያ አዛዙዎ፤ ‘አሰራኤልያ አሳይ ሰሰተ፤ ጎዳይ ኦ ጸሳይ እት ጎዳ።

30 ሀንተንቱ ጎዳ ሀንተ ጸሳ ሀንተ ኩመንላ ዎዛናጥ፤ ሀንተ ኩመንላ ሸምጥጥ፤ ሀንተ ኩመንላ ቆፋጥ፤ ሀንተ ኩመንላ ዎልቃጥ ሲቅተ” ያጌ።

31 ቃይ አዛዙዎ ኡባጥ አድያ ላኤንላ አዛዙ ሀዋ፤ ‘ኔን ነ ሾሩዎ ነ ሁጲያዳን ሲቃ’ ግያዎ፤ ሀዋንቱጥ አድያ ሀራ አዛዙ ባዎ” ያጌዳ።

32 ሀግያ ታማርሰያዎ የሱሳ ያጌዳ፤ “ታማርሰያዎ፤ ቱሙዎ ጋዳ፤ ኔን ‘ጸሳይ እት ጸሳ ጸላላ። አጥ አትን፤ ሀራይ ባዎ ጌዳዌ ቱማ።

33 ጸሳ ኩመንላ ዎዛናጥ፤ ኩመንላ ቆፋጥ ኩመንላ ዎልቃጥ ደሰያዌን ቃይ ባረ ሾሩዎካ ባረ ሁጲያዳን ሲቅያዎ፤ ጉድያ ያርሹዎጥን ሀራ ያርሹዎ ኡባጥ አድያ” ያጌዳ።

34 የሱሰ ሀግያ ታማርሰያዎ ዛሩ አዶ ኤራንቻ አሳ ዛሩዎ ግዳዳዎ በኢደ፤ “ኔን ጸሳ ካዉተሳጥ ሃካበይካ” ያጌዳ፤ ሄዎጥ ጉይያን፤ የሱሳ ሀራባ ኦቻናዉ ኦንነ ጸልቤና።

“የሱሰ ኦ ናኤ” ያግያ ኦሻ (ማቶሳ 22:41-46፤ ሉቃሳ 20:41-46)

35 የሱሰ ጌሻ ጎልያን ታማርሲደ፤ “ሀግያ ታማርሰያዎንቱ ክርሰትሳ ዎት ዳዊተ ናኦ ገና? 36 ዳዊተ ባረና ጌሻ አያናይ ሃሳይሰና፤ “ጎዳይ ታ ጎዳ፤ “ታን ነ ሞርከቱዎ፤

12:10-11 ማዘ. 118:22-23 * 12:13 ሄርድሳ ባጋቱዎ- ሀዋንታ ጉሳይ ሄ ዎደ ደእያ ካዉተላ ገሎትካ ባጋና ካሰ ዎጋ ሄርድሳነ አ ናኦ ሄርድ እንትጸሳ ባጋቱዎን ኡንቱንታ ካልያ አሳቱዎ። 12:19 ዛረ. 25:5 12:26 ከሳ 3:6 12:29 ዛረ. 6:4-5 12:31 ዎጋ 19:18 12:32 ዛረ. 4:35 12:33 ሆሰ 6:6

ኔን የቆ ኤቂያባ ኦላና ጋካናው፡፡
ሀዋን ታፕ ኡሽቻ ባጋና፡ ቦንቹታደ ኡታ”
ጌዳ፡፡

ያጌዳ፡፡
37 ዳዊተ ባረ ሁጳው ክርስቶስ፡ “ኅዳ፡ ጊደ
ጸሎተ፡ ያትና፡ ክርስቶስ ዋኒደ፡ ዳዊተ ናኦ
ግዲ?” ያጌዳ፡፡

ጮራ አሳይ የሱስ ግያዋ ናሽቻን ሰሴዳ፡፡

የሱስ፡ “ሙሴ ህግያ ታማርሰያዋንቱፕ
ናገትተ” ያጌዳ
(ማቶሳ 23:1-36፤ ሉቃሳ 20:45-47)

38 የሱስ ታማርሰደ፡ “ህግያ ታማርሰያዋንቱፕ
ናገትተ፤ ኡንቱንቱ ኡዳሳ ማዩዋ ማዩደ ዩይያዋን
ገያ ሄራንካ አሳይ ኡንቱንታ ቦንቹደ ሳርትያዋ
ደሲና፡፡

39 ኡንቱንቱ አይሁዳ ዋሳ ጎለቱዋን ዳሪ ሎእያ
ኦይድያ ደሲና፤ ቃይ አሳይ ባረንታ እማላተላን
ሞክያሳንካ ቦንቹ ሳኦ ደሲና፡፡

40 ኡንቱንቱ አሞኤቱ ጎልያ ቦንቁደ፡ ባረንቶ
ሎኦ ማላታናው ጸሳ ዋሳ አዲሲና፤ ኡንቱንቱ
ኡባፕ አድያ ሙራ አካናዋንታ” ያጌዳ፡፡

አምኦት ምጽዋታ
(ሉቃሳ 21:1-4)

41 የሱስ ጌሻ ጎልያን አሞታ የግያ ሳጽንያ
ማታን ኡቲደ፡ አሳይ ባረ ሚሻ ሄ ሳጽንያን
የግያዋ በኤዳ፤ ጮራ ዱረ አሳይ ዳር ሚሻ ሄ
ሳጽንያን የጌድና፡፡

42 እት ህዬሳ አምኦታ ያደ፡ እት ሳንትምያን
ላመትያ ላኡ ሰምበራቱዋ ሄ ሳጽንያን የጋዱ፡፡

43 የሱስ ባረና ካልያዋንታ ጸሲደ፡ “ታን
ህንተንቶ ቱሙዋ ጋይ፤ እሞታ ሳጽንያን የጌዳ
አሳ ኡባፕ ሀ ህዬሳ አምኦታ ዳርሳደ የጋዱ፡፡

44 አያው ጎፕ፡ ሀራቱ ኡባይ ባረንቶ ፓላሄዳ
ሚሻፕ የጌድና፤ ሽን እዛ ባረ ፓጫፕ፡ ባረው
ደእያ ደኡዋ ሙላካ እማ አጋዱ” ያጌዳ፡፡

13

የሱስ ጌሻ ጎለ ኮለታናዋ ካሰቲደ ኦዴዳ
(ማቶሳ 24:1-2፤ ሉቃሳ 21:5-6)

1 የሱስ ጌሻ ጎልያፕ ከሰሸን፡ ኦ ካልያዋንቱፕ
እቱ እ፡ “ታማርሰያዋ፡ ሀዌ አይበ ሎኦ
ሹቻተንቶን ቃይ አይበ ሎኦ ሹቻ ጎላቱዋ
በአይ!” ያጌዳ፡፡

2 የሱስ ዛሪደ፡ “ሀ ዋልቃማ ሹቻ ጎላቱዋ
በአይ? ሀ ጎላቱዋን ደእያ እት ሹቻይን አተናን
ኡባይ ኮለታና” ያጌዳ፡፡

ጎዳይ ያናፕ ካሰቲደ ጋካና የደርሱዋን ዋይያ
(ማቶሳ 24:3-14፤ ሉቃሳ 21:7-19)

3 የሱስ ጌሻ ጎልያፕ ህን ባጋና ደብረ ዛይተ
ደርያ ቦላን ኡቱዳ ዋይ፡ ጳጽርሰ፡ ያቆብ፡
የሃንሰን አንድራስ ባረንቱ ጸላሳ እኮ ዪደ እ፡

4 “ሄዌ አዉደ ሀናንንቶ፡ ኑዉ ኦዳርኪ፤ ቃይ
ሄዌ ኡባይ ፖለታና ዋድያ ኤርሰያ ማላቱ አያ
ግዳኔ?” ያጌደ ኦቹድና፡፡

5 የሱስ ቃይ ኡንቱንቶ ሀዋዳን ያጌደ፡ ኦዲዋ
ደሚዳ፤ ህንተንታ ኦንነ ባለፍ ማላ ናገትተ፡፡

6 ጮራ አሳቱ ታ ሱንላን፡ “ታን ክርስቶስ”
ያጌደ ያናዋ፤ ጮራ አሳ ባለላና፡፡

7 ማታን ደእያ ኦላ ኮሻን ሃኩዋን ደእያ ኦላ
ኦዲዋ ህንተ ሰሰያ ዋይ፡ ህርገፕተ፤ ሄዋ ማላባይ
ሀናናው በሴ፤ ሽን ዉርሰላይ ብራ፡፡

8 አያው ጎፕ፡ እት ጋይ አሳይ ሀራ ጋይ አሳና
ኦለታና፤ ቃይ እት ካዉተላይ ሀራ ካዉተላና
ኦለታና፤ ቢታ ቃላይ ኡባ ሳን ደአና፤ ኮሻይካ
ደአና፤ ሽን ሄዌ ኮይር የሉዋ ኦይላ ማላ፡፡

9 ሽን ህንተ ህንተንቱ ሁጳው ናገትተ፤ አያው
ጎፕ፡ አሳይ ህንተንታ ኦይቂደ፡ ፕርዳ ጎለዉ
አሊደ አማና፤ ቃይ ባረ አይሁዳ ዋሳ ጎለቱዋንካ
ህንተንታ ልሱዋን ሾጫና፤ ጋድያ ሞድያዋንቱ
ሰንላንካ ካታቱዋ ሰንላን ታ ድራው ህንተ
ማርካታናው ኤቃና፡፡

10 ምሽራቸው ቃላይ ኮይርና አሳው ኡባው
ኦደት ድጋናው በሴ፡፡

11 ኡንቱንቱ ህንተንታ ፕርዳ ጎለ አህያ ዋደነ
አሊደ እምያ ዋይ፡ ዋት ሃሳያንተንቶ ኮይርና
ህርገፕተ፤ ሄ ሳትያን ጸሳይ ህንተንቶ እምያባ
ሃሳይተ፡፡ አያው ጎፕ፡ ጌሻ አያናይ ሃሳያናፕ አትን፡
ሃሳይያዋንቱ ህንተንታ ግድክታ፡፡

12 አሻይ ባረ እሻ፡ አዉ ባረ ናኦ ዋድሳና፤ ቃይ
ናናይ ባረንቱ አዋቱዋ ቦላንነ ባረንቱ አየቱዋ ቦላ
ደንዲደ፡ ኡንቱንታ ዋድሳና፡፡

13 አሳይ ኡባይ ህንተንታ ታ ሱንላ ድራው
እጻና፤ ሽን ዉርሰላይ ጋካናው ገንጭያዌ አታና፡፡

የሩሳላመ ጋካና ዋልቃማ ኢታ መቱዋ
(ማቶሳ 24:15-28፤ ሉቃሳ 21:20-24)

14 ሽን ናብያ ዳኔል ኦዴዳ ባሻ ቱናተላይ
ኤቃናው በሰናሳን ኤቂሽን ህንተ በአያ ዋይ፡ ሄዌ
ዋግያዌንቶ፡ ናብብያዌ አኬኮ፤ ይሁዳ ጋድያን ሄ
ዋደ ደእያዋንቱ ደርያኮ በትና፡፡

15 ጎልያ ሁጲያን ደእያ ኡራይካ እትባ አካናው
ዲገ ዋዲደ፡ ባረ ሶይ ገሎፕ፡፡

16 ጋደን ደእያዌካ ባረ ማዩዋ አካናው ጉየ
ሰሞፕ፡፡

17 ሄ ዋደ ሻሃራ ማጫዋንቶን ቆንሳያ
ማጫዋንቶ አይር፡፡

18 ሽን ሀዌ ኡባይ ህንያ ዋዲ ባልጉዋ ግደና
ማላ፡ ጸሳ ዋሰተ፤

19 አያው ጎፕ፡ ጸሳይ ሳኦ ኮይር መዴዳዋፕ
ደሚደ፡ ሀእ ጋካናው፡ ኡባካ ደእቤና መቱ፡ ቃይ
ሀዋፕ ሰንላዉካ ኡባ ደኤና መቱ አሳ ቦላ ሄ
ዋደ ደአና፡፡

20 ጎዳይ ሄ ጋላሳቱዋ ፓይዲዋ ጉልያዌ
ባዌንቶ፡ አሳ ግዴዳ ኦንነ አተና፤ ሽን እ ባረ
ደራዳ አሳቱዋ ድራው፡ ሄ ጋላሳቱዋ ፓይዲዋ
ጉሌዳ፡፡

21 ሄ ዋደ ኦንነ ህንተንታ፡ “በእተ፤ ክርስቶስ
ሀዋን ደኤ” ዋይ፡ “በእተ፤ ክርስቶስ፡ ሄዋን
ደኤ” ያጎፕ፡ ሄዋ እማኖፕተ፡፡

22 አያው ጎፕ፡ ዋርዳንቻ ክርስቶሳቱን ዋርዶ
ናባቱ ደንዲደ ባረንቶ ዳንዳየቶፕ፡ ሀራይ

አቶ ጸሐይ ደሬዳዎንታካ ባለፋናው ማላታን ማላልሰያባ በሰና።

23 ሽን ህንተ ናገትተ፤ ታን ህንተንቶ ኡባባ ካሰታደ ኦዳድ።

ክርስቶስ ላኤንሎ ዩሳ (ማቶሳ 24:29-31፤ ሉቃሳ 21:25-28)

24 ሽን ሄ ዎደ ሄ ዋይያፕ ጉይያን፤

አዋይ ጳ.ማና፤ አገናይ ፖእያዋ አጋና፤

25 ጸልንታቱ ሳሎፕፕ ኩንዳና። ቃይ ሳሎፕን ደእያ ዋልቃቱካ ቃጸታና።

26 ሄ ዎደ ታን፤ አሳ ናእይ፤ ዋልቃማ ዋልቃናን ቦንቸዋና ሻርያ ግድና ዩሽን፤ ኡንቱንቱ በእና።

27 ሄ ዎደ ታን ኪታንቻቱዋ ሳኦ ኦይዱ ባጋ ኪታና፤ ሳኦ ጋጸፕ ሳሎፕ ጋጸ ጋካናው፤ ጸሐይ ደሬዳ አሳ ሺሻና።

ዎድያ ዉርሰላይ ጋኬዳዋ ማላታ በሰያ ባላሰያ ምላቶ

(ማቶሳ 24:32-35፤ ሉቃሳ 21:29-33)

28 ሊምሱዋ ባላሳቶ ግያ ምላትፕ ታማርተ፤ ባላሳታ አጭያ ዎደን እዝ ሀይላይ ሀይትያ ዎደ፤ ቦኒ ማቴዳዋ ህንተ ኤሪታ።

29 ሀዋዳንካ ህንተ ሄ ኡባባይ ህንያዋ በእያ ዎደ፤ እ * ማታቲደ ፐንግያ ሺቄዳዋ ተ ኤርተ።

30 ታን ህንተንቶ ቱሙዋ ኦዳይ፤ ሀ ኡባባይ ሀናና ጋካናው፤ ሀ ዎድያ የለታይ ሀይቂድገና።

31 ሳሎን ሳኦይ አቆና፤ ሽን ታ ቃላይ ኡባካ አ□ና።

ዉርሰላ ጋላሳን ሳትያ ኦንነ ኤሪና (ማቶሳ 24:36-44)

32 ሽን ሄ ጋላሳን ሄ ሳትያ አዉዋ ጸላላፕ አትን፤ ሀሪይ አቶ ሳሎፕን ደእያ ኪታንቻቱዋ ግድና፤ ዎይ ታና ናኦ ግድናካ ኦንነ ኤርያባይ ባዋ።

33 ሄ ዎዲ አዉደ ግዳንንቶ፤ ህንተ ኤሪና ድራው፤ ናገትተ፤ ምንተ፤ ጸሳ ዎሰተ።

34 ታ ዩሳይ ባረ ጎልያ አጊደ፤ ኡግያ ብያ ብታንያ ማላ፤ ብታኒ ባረ ቆማቶ ሁጲያን ሁጲያን ኡሱዋ እሚደ፤ ኡንቱንታ ባረ ኦሶ ካፖ ኦፊዳ፤ ቃይ ካርያ ናግያዌካ ምንሲደ ናጋና ማላ አዛዜዳ።

35 ሄዋ ድራው፤ ምንተ፤ አያዉ ጎፕ፤ ጎልያዉ ኦማርሳ ግድና፤ ዎይ ቃማ ብላሄ ግድና፤ ዎይ ኩቱ ዋሰያ ዎደ ግድና፤ ዎይ ጉራ ዎንቱማላን ግድና አዉደ ያንንቶ፤ ህንተ ኤርክታ።

36 ህንተንቱ አኬበናን እ ዮፕ፤ ህንተንታ ገምእሼዳዋንታ ደመና ማላ ምንተ።

37 ታን ህንተንቶ ኦድያዋ አሳ ኡባዉ ኦዳይ፤ ምንተ።

14

ክርስቶስ ቦላ ማቀቴድና (ማቶሳ 26:1-5፤ ሉቃሳ 22:1-2፤ ዮሃ. 11:45-53)

1 ፓሰጋ ባላ ግያዋ ቦንቻያ ጋላሳይነ ጫልቤና ኡክላ ሙሳ ቦንቻያ ባላ ጋላሳይ ጋካናው ላኡ ጋላሳይ አቴዳ፤ ቄሳቱዋ ካፓቱነ ህግያ ታማርሰያዋንቱ አሳይ ኤሪናን የሱሳ ኦይቂደ ዎቆና ኡግያ ኮዪና።

2 “አሳይ ዋላሳ ከሰና ማላ፤ ፓሰጋ ቦንቻያ ጋላሰ ሄዋ ኦሎኮ” ያጌድና።

የሱሳ ሽቱዋ ኦኬዳ ምሽራቶ (ማቶሳ 26:6-13፤ ዮሃ. 12:1-8)

3 የሱሰ ቢታንያ ጋድያን ኦሎዋ ሀርግያ ሰዋና ሶይን ቁማ ማናው ኡቴዳ ዎደ፤ እት ምሽራታ አልባሰጽርሳ ባሬታ ኩሜዳ ናርዶሳ ግያ ዳሪ አልኦ ሽቱዋ * አካደ ያዱ፤ ሄ አልባሰጽርሳ ባሬታ መንላደ ሽቱዋ የሱሳ ሁጲያን ትጋዱ።

4-5 ሄዋን ደእያ አሳፕ እቱ እቱ ሀንቀቲደ፤ “ሀ ሽቱዋ ጮ አያዉ ባይዛይ? ሀ ሽቱዋ ሄዙ ጴቱ ብራ ሳንትምያን † ዛልኢደ፤ ሚሻ ህይሳዉ እማናው ዳንዳየቱ” ያጊደ ባረገንቱ ግድን ሃሳዪና፤ ያቲደ ሄ ምሽራቶ ዳርሰ ሀንቀቴድና።

6 ሽን የሱሰ ሀዋዳን ያጌዳ፤ “ሀ ምሽራቶ አይነ ጎፕተ፤ እዘ አያዉ መቶሊቱ? እዛ ታዉ ሎኦባ አላዱ።

7 ህይሳቱ ኡባ ዎደ ህንተንቱና ደኢና፤ ህንተ ኮዬዳ ዎደ አዉደነ ኡንቱንታ ማዳናው ዳንዳዪታ፤ ሽን ታን ኡባ ዎደ ህንተንቱና ደእከ።

8 እዛ ባረዉ ዳንዳየቱደዋ አላዱ፤ ቃይ ታ አሳተላይ ሞገታናፕ ካሰታደ ሞሳ ጊገሳናው ሽቱዋ አካዱ።

9 ታን ህንተንቶ ቱሙዋ ኦዳይ፤ ሳኦ ኡባን ዎንጋላ ምሽራቸው ኦድያሳን ሀቃንኔካ፤ አሳይ እዘ ቆፓና ማላ፤ ሀ እዛ ኦፊዳዌ ኦደታና” ያጌዳ።

ይሁዳ አሰቆርቱ የሱሳ አሊደ እማናው ዘረታ ኤኖ ጌዳ

(ማቶሳ 26:14-16፤ ሉቃሳ 22:3-6)

10 ታማነ ላኡ የሱሳ ካልያዋንቱፕ እቱ ይሁዳ አሰቆርቱ ‡ ግያዌ፤ የሱሳ ቄሳቱዋ ካፓቶ አሊደ እማናው ኡንቱንቱኮ ቤዳ።

11 ኡንቱንቱ ሄዋ ሰሴዳ ዎደ ናሽቲደ፤ “ኦን ነዉ ሚሻ እማና” ያጌድና፤ ይሁዳ አሰቆርቱ የሱሳ አሊደ እማናው እንጀትያ ዎድያ ዎቹ።

የሱሰ ባረና ካልያዋንቱና ፓሰጋ ቁማ ሜዳ (ማቶሳ 26:17-25፤ ሉቃሳ 22:7-14፤ 21-23፤ ዮሃ. 13:21-30)

12 ጫልቤና ኡክላ ምያ ባላ ጋላሳ ቦንቻያ ኮይሮ ጋላሰ፤ ፓሰጋ ቁማ ማናው ደርሳ ሹክያ ዎደ፤ የሱሳ ካልያዋንቱ አ፤ “ፓሰጋ ቦንቻያ ጋላሰ

13:24 ኢሳ. 13:10፤ ሀዘ. 32:7፤ ኢዪ. 2:10፤ 31፤ 3:15፤ ሳፃ 6:12 13:25 ኢሳ. 34:4፤ ኢዪ. 2:10፤ ሳፃ 6:13
13:26 ዳኔላ 7:13፤ ሳፃ 1:7 * 13:29 እ- የሱሳ ጉሳ። † 13:29 ማታቲደ ፐንግያ ሺቄዳዋ- ጉሳይ፤ የሱሳ ዩሳይ ማቴዳ ጉሳ። 14:1 ከሳ 12:1-27 * 14:3 ዳሪ አልኦ ሽቱዋ- ጉሳይ ሎይሎ ሳዊያዋ ጉሳ። † 14:4-5 ብራ ሳንትምያ- 6:37 ጴልተ። 14:7 ዛረ. 15:11 ‡ 14:10 ይሁዳ አሰቆርቱ- 3:19 ጴልተ።

ኔን ማና ቁማ ኑን ሀቃ ቢደ ገግሳኔ?” ያጊደ ኦቼድኖ።

13 የሱስ ባረና ካልያዋንቱ ላይቱ ሀዋዳን ያጊደ ከቲዳ፤ “ካታማ ቢተ፤ ሀንተ ቢሸን፤ ኦቼድኖን ሃላ ቶኬዳ እት ብታኒ ሀንተንቱና ጋከታናዋ፤ እ ካልተ።

14 እ ቢደ ገልጻ ጎልጻወዋ፤ ታማርሰያዌ ኔና፤ “ታን ታና ካልያዋንቱና ፓሰጋ ቁማ ማናወ ታ እማላ ክፍሊ ሀቃኔ?” ያጊ ያግተ።

15 ጎልጻወ ሀንተንታ ፖቅያ ቦላን ደእያ ገግ ኡቲዳ እኮ ክፍልያ በሳና፤ ሄዋን ኑወ ገግሰተ” ያጊድ።

16 ሄ ላኡ የሱሳ ካልያዋንቱ ከሲደ፤ ካታማ ቤድኖ፤ የሱስ ባረንቶ ኦዳዳዋዳንካ ኡባባ ደሚደ፤ ፓሰጋ ቁማ ገግሴድኖ።

17 ሳእይ ኦማርሰያ ዋደ የሱስ ታማነ ላኡ ባረና ካልያዋንቱና ያ ቤዳ።

18 ኡንቱንቱ ኡቲደ ሳምፓፕ ቁማ ሚሸን፤ የሱስ ኡንቱንታ፤ “ታን ሀንተንቶ ቱሙዋ ኦዳይ፤ ሀንተንቱ፤ እቲ ታናና ምያዌ፤ ታና አሊደ እማናዋ” ያጊድ።

19 እ ካልያዋንቱ ሎይላ ሰሰትና፤ ሁጲያን ሁጲያን እ፤ “ቱሙ ታኔሻ?” ግያዋ ደሚድኖ።

20 የሱስ ዛሬደ፤ “እ ሀ ሀንተንቱ ታማነ ላይቱዋ፤ እቲዋ፤ እ ታናና እትፕ ቱሻናወ ባረ ዳቡዋ ሻታን የድያዋ።

21 ታን፤ አሳ ናእይ፤ ጳሳ ማጻፋይ ሀይቃና ጌዳዋዳን ሀይቃና፤ ሸን ታና፤ አሳ ናእ፤ አሊደ እምያ ኡራወ እዬሮ፤ ሄ ኡራይ የለተናን አቲደንቶ፤ አወ ሎእ ሸን” ያጊድ።

ጎዳ ካወዋ አክያ ዋጋ

(ማቶሳ 26:26-30፤ ሉቃሳ 22:14-20፤ 1 ቆሮ. 11:23-25)

22 ኡንቱንቱ ሚሸን፤ የሱስ ዳቡዋ አኪደ፤ ጳሳ ጋላቲዳ፤ ሄ ዳቡዋ መንሊደ፤ ባረና ካልያዋንቶ እሚደ፤ “ሄይተ፤ ሀዌ ታ አሹዋ” ያጊድ።

23 ጸኡ አኪደ፤ ጳሳ ጋላቲደ፤ ኡንቱንቶ እሜዳ፤ ኡባይ ሄ ጸኡ፤ ኡሹድኖ።

24 የሱስ፤ “ሀዌ ኦራላ ጫቁዋን § ጮራ አሳ ድራወ ጉክያ ታ ሱላ።

25 ታን ሀንተንቶ ቱሙዋ ኦዳይ፤ ታን ጳሳ ካወተላን ኦራላ ዋይንያ ኤሳ ኡሻና ጋላሳይ ጋካናወ፤ ላኡንሉዋ ሀ ዋይንያ ኤሳ ኡባካ ኡሸከ” ያጊድ።

26 ማዘሙርያ የጸዳዋፕ ጉይያን፤ ደብረ ዛይተ ደርያ ቤድኖ።

ጳጳርስ ካዳናዋ የሱስ ካሰቲደ ኦዳዳ

(ማቶሳ 26:31-35፤ ሉቃሳ 22:31-34፤ ዮሃ. 13:36-38)

27 የሱስ ባረና ካልያዋንቶ፤ “ሀንተንቱ ኡባይ ታና የጊደ ዋጻንታ፤ እያወ ጎፕ፤ ጳሳ ማጻፋይ፤ ጳሳይ ደርሳ ሄምያዋ ዋጻና፤ ሄዋፕ ጉይያን ደርሳይ ኡባይ ላለታና ጌ” ያጊድ።

28 ሸን ታን ሀይቁዋፕ ደንዴዳዋፕ ጉይያን፤ ሀንተንቱ፤ ካሰታደ ጋሊላ ባና” ያጊድ።

29 ጳጳርስ ዛሬደ፤ “ኡንቱንቱ ኡባቲ ኔና የጊደ ቦፕካ፤ ታን ኔና ሙሊካ የግከ” ያጊድ።

30 የሱስ ጳጳርሳ፤ “ታን ነወ ቱሙዋ ኦዳይ፤ ሀቼ ቃማ ኩቱ ላኡንሉዋ ዋሳናፕ ካሰ፤ ኔን ታና ሄዙ ገደ ካዳናሳ” ያጊድ።

31 ሸን ጳጳርስ ካሰዋፕካ ምንሲደ፤ “ታን ሀራይ አቶ፤ ኔናና እትፕ ሀይቁንቶካ፤ ኔና ሙሊካ ካድካ” ያጊድ። ቃይ ሀራቱ ኡባቲካ ሄዋዳን ጌድኖ።

የሱስ ጌተሰማንያን ዋሴዳ

(ማቶሳ 26:36-46፤ ሉቃሳ 22:39-46)

32 ጌተሰማን ግያ ሳእ ቤድኖ፤ የሱስ ባረና ካልያዋንታ “ታን ጳሳ ዋሳናወ፤ ሀንተንቱ ሀዋን ኡትሸተ” ያጊድ።

33 የሱስ ጳጳርሳ፤ ያቆባን ዮሃንሳ ባረናና አፌዳ፤ ዳሪ ካዮቲዳን መቶቲዳ።

34 ቃይ ኡንቱንታ፤ “ታን ሀይቃና ጋካናወካ ካዮታይ፤ ሀዋን ታክሸተ፤ ገምእሸፕተ” ያጊድ።

35 ጉላ ሰንላኮ ሸቂደ፤ ሳኔን ጉፋኒደ፤ ዳንዳየትያዋ ግደፕ፤ ሄ ዋዲ ባረፕ አቆና ማላ፤ ጳሳ ዋሴዳ።

36 ቃይካ፤ “አባቦ፤* ታ አቦ፤ ኡባባይ ነወ ዳንዳየቲ፤ ሀ ጸኡ ታፕ ድጋ፤ ሸን ነ ሸንያዳን ሀኖፕ አትን፤ ታ ሸንያዳን ሀኖፕ” ያጊድ።

37 የሱስ ባረና ካልያዋንቱ ሰም ዪደ፤ ገምእሹዳዋንታ ደሚደ ጳጳርሳ፤ “ሰሞና፤ ገምእሻዲ? ኔን እት ሳተንቶነ ናጋናወ ዳንዳያበይኪ?”

38 ፓጭያን ሀንተ ገለና ማላ፤ ናገትተነ ጳሳ ዋሰተ፤ አያናይ ገግ ኡቲዳ፤ ሸን አሹ ዳቡራንቻ” ያጊድ።

39 ቃይካ ቢደ ካሰዋዳንካ ጳሳ ዋሴዳ።

40 እ ካልያዋንቱ ጉየ ሰሚደ እ ይያ ዋደ፤ ገምእሹዳዋንታ ደሚዳ፤ ኡንቱንቱ አይፍያ ገምእሹ ጎዘ ዋሴዳ ድራወ፤ አወ አያ ሃሳዩኖንቶካ ኤርበይክኖ።

41 ሄዘንሉዋ ኡንቱንቱ ዪደ፤ “ሀእ ጋካናወካ ገምእሹቲነ ሸምፕቲ? ግዳና፤ ዋዲ ጋኬዳ፤ በእተ፤ ታና፤ አሳ ናእ፤ ናጋራንቻ አሳቲዋ ኩሸያን አሊደ እምያ ዋዲ ጋኬዳ።

42 ደንድና ቦይተ፤ በእተ፤ ታና አሊደ እምያዋ ሀዌኩ ጋኬዳ” ያጊድ።

የሱስ ባረ ሞርከቱዋ ኩሸያን ኦይቀቲዳ

(ማቶሳ 26:47-56፤ ሉቃሳ 22:47-53፤ ዮሃ. 18:3-12)

43 የሱስ ሄዋ ብሮ ሃሳይሸን፤ ታማነ ላኡ እ ካልያዋንቱ እቲ፤ ይሁዳ አሰቆሮቲ፤ ኤለካ ጋክ ዋዴዳ፤ ቃይ ቄሳቲዋ ካፓቲ ሀግያ ታማርሰያዋንቱን ጭማቲ ከትና፤ ማሻን ጸምእ ኦይቄዳ ጮራ አሳይ እናና እትፕ ዬዳ።

14:18 ማዘ. 41:9 § 14:24 ኦራላ ጫቁዋ፡- ጳሳይ ባረ አሳወ የሱሳ ሀይቁዋ ባጋና ቃላ ገሌዳ ኦራላ ቃላ ጫቁዋ። ሄዌኔካ እ ጋክያ ጸኡ፤ እ ባረ ሱላ ጉሲደ አላ እሜዳ እ ደኡዋ። ሄዌኔካ፡ ኑ ኤጫ አሳተላይ ኡባይ ላመትና፤ ኦራዴዳ ጳሳ ሀገ ኑ ዋዛናን ጳጳርሳዋ ኦዳ። 14:24 ከሳ 24:8፤ ኤር. 31:31-34 14:27 ዛካ. 13:7 * 14:36 አባ፡- ጉሳይ ግሪክ ቃላንካ “አባ” ግድያ ዋደ፤ አራማይክ ቃላን “አባ” ግያዋ።

44 የሱሳ አለ እምያዎ ሄ ጮራ አሳው። “ታን የርያዎ እ፤ አ ኦይቁደ ሎይሉ ናጊደ። አፍተ” ያጊደ ማላ ኦድ ዋሴዳ።

45 ይሁዳ አስቆርቱ ጋኮሳናካ የሱሳኮ ሺቁደ። “ታማርሰያዎ” ያጊደ የሱሳ የር እኬዳ።

46 ሄ ጮራ አሳይ የሱሳ ምንሰ ኦይቁዳ።

47 ሽን ማታን ኤቁዳዋንቱ፣ እቱ ባረ ጨብያ ሾድን ቁሳቱዋ ኡባቱዋ ካፑዋ ቆማ ሾጨደ። አ ሀይላ ቃንጽ ኦሌዳ።

48 የሱሰ ዛሪደ። ሄ ሺቁዳ ጮራ አሳ። “ታና ቦንቃንቻ ከሲደ። ቦንቃንቻ ኦይቁያዎዳን ኦይቃናው ጨብያን ጸምኦ ኦይቁደ ዬድቱ?”

49 ታን ጌሻ ጎልያን ታማርሳደ። ጋላሳን ጋላሳን ህንተንቱና ደእያ ዋደ ታና ኦይቁበይክታ፤ ሽን ጸሳ ማጸፋቱ ጌዳዌ ፖለታናው በሴ” ያጊደ።

50 የሱሳ ካልያዋንቱ ኡባቱ አ የጊደ ብ እኬድና።

51 ናጸላ ጸላላ ማዬዳ እት ያላጋ ብታኒ የሱሳ ካልያዎ አሳይ ኦይቁዳ።

52 ሽን ሄ ብታኒ ናጸላ ኦሊደ። ካሎ ጸራ ዋዬዳ።

የሱሳ ፕርድያ ሻንጋቱዋኮ አፊድኖ (ማቶሳ 26:57-68፤ ሉቃሳ 22:54-55፤ 63-71፤ ዮሃ. 18:13-14፤ 19-24)

53 አሳይ የሱሳ ቁሳቱዋ ኡባቱዋ ካፑዋ ሶይ። ቁሳቱዋ ካፓቱዋ ኡባቱ። ጭማቱን ሀግያ ታማርሰያዎንቱ ሺቁዳሳ አፊድኖ።

54 ጳጳርሰ ቁሳቱዋ ኡባቱዋ ካፑዋ ድርሳ ግዲዋ ጋካናው ሃኩዋን አ ካሌዳ፤ ያን ናግያዎና ታማ ካሺደ። ኡት እኬዳ።

55 ቁሳቱዋ ካፓቱን ሄዋን ሺቁዳ አሳይ ኡባይ የሱሳ ዋዳናው አ ቦላ ማርካ ኮዬድና፤ ሽን አይነ ደምበይክና።

56 አያው ጎፕ። ጮራ አሳቱ አ ቦላን ዋርዲዎ ማርካቱድና፤ ሽን ኡንቱንቱ ማርካተላይ እት ማላ ግደና።

57-58 እት እት አሳቱ ደንድ ኤቁደ የሱሳ ቦላ። “አ። ታን አሳይ ኬዬዳ ሀ ጌሻ ጎልያ ኮላደ። አሳይ ኬጽቤና ሀራ ጌሻ ጎልያ ሄዙ ጋላሳ ግደን ኬጸና” ጌሽን። ኑን ሰሴደ” ያጊደ ዋርዲዎ ማርካቱድና።

59 ሽን ሀራይ አቶ ኡንቱንቱ ማርካተላይ ሄዋን እት ማላ ግድቤና።

60 ቁሳቱዋ ኡባቱዋ ካፑ አሳ ኡባ ሰንላን ደንድ ኤቁደ የሱሳ። “ሀዋንቱ ኔና ሞትያ ሞቶ ነው ዛርያሳይ ባዌ?” ያጊደ ኦቼዳ።

61 ሽን የሱሰ ጮኤ ጊደ። አይነ ዛርቤና፤ ቁሳቱዋ ኡባቱዋ ካፑ አ። “አንጀቱዳ ጸሳ ናአይ ክርሰቶሰ ኔኔ?” ያጊደ ላኤንሉዋ ኦቼዳ።

62 የሱሰ ዛሪደ። “ኤ። ታና፤ ህንተ ታና። አሳ ናአ። ዋልቃማ ጸሳ፣ ኡሽቻ ባጋና ኡትደእሽናን ሳሉዋ ሻርያና ዪሽን በአና” ያጊደ።

63 ቁሳቱዋ ኡባቱዋ ካፑ ባረ ማዩዋ ፒድ ኦሊደ። “ኑና ሀዋ፣ ሰንላን አያው ሀራ ማርካ ኮሺ?”

64 ህንተንቱ አ ቦርያ ሰሴድታ፤ ህንተ ቆፋይ አዬ?” ያጊደ፤ ኡንቱንቱ ኡባይ። “አ ሀይቃና በሴ” ያጊደ አ ቦላ ፕርዴድና።

65 ኡንቱንቱ፣ እቱ እቱ አ ቦላ ጨሽላ ደሜድና፤ አ አይፍያ ካም ደቺደ። “ኔና ደቺዳዌ ኦኔ? እነ ትሞቢትያ ኦዳ!” ያጊደና፤ ቃይ ናግያዋንቱካ አ ቅንጻልያ ባቁደ አፊድኖ።

ጳጳርሰ የሱሳ ካዴዳ (ማቶሳ 26:69-75፤ ሉቃሳ 22:56-62፤ ዮሃ. 18:15-18፤ 25-27)

66 ጳጳርሰ ድርሳ ግደን ሀርክና ደእሽን። ቁሳቱዋ ኡባቱዋ ካፑዋ ማጫ ቆማቱዋ፣ እትና ያዲ።

67 ጳጳርሰ ታማ ካሽያዎ በአደ። ጫዳ ጸላደ። “ኔንካ ናዘሬትያ የሱሳና እት፣ ደእ” ያጋዲ።

68 ሽን ጳጳርሰ። “ኔን ግያዌ አየንቶ ታን ኤርከ፤ ታው አኬከተና” ያጊደ ካዴዳ፤ ያቲደ ድርሳ ፕንግያኮ ከሴዳ፤ ኩቱካ ዋሴዳ። †

69 ሄ ቆማታ ጳጳርሰ በአደ። አ ማታን ኤቁዳ አሳቱዋ። “ሀ ብታኒካ ኡንቱንቱና ደኤ” ጋደ ጉጃደ ኦዲዋ ደማዳ።

70 ሽን ጳጳርሰ ቃይካ ካዴዳ።

ጉላ ጋምእሽን። ማታን ኤቁዳ አሳቱ ላኤንሉዋ ጳጳርሰ። “ኔን ቱማ ኡንቱንቱና እት፣ ደእ፤ አያው ጎፕ። ኔን ጋሊላ ጋድያ አሳ” ያጊደና።

71 ሽን ጳጳርሰ። “ታን ሄዋ ህንተ ግያ ብታንያ ኤርከ!” ያጊደ ባረና ሽቃን ጫቁዋ ደሜዳ።

72 ኤለካ ኩቱ ላኤንሉዋ ዋሰ አኬዳ፤ ጳጳርሰ ባረና የሱሰ። “ኔን ኩቱ ላኤንሉዋ ዋሳና፣ ካሰ ሄዙ ገደ ታና ካዳናሳ” ጌዳዋ ሀሳዪደ። ዳሪ ዬኬዳ።

15

የሱሳ ጽላጸሳኮ አፊድኖ (ማቶሳ 27:1-2፤ 11-14፤ ሉቃሳ 23:1-5፤ ዮሃ. 18:28-38)

1 ዋንታ ጉራን ኤለካ ቁሳቱዋ ካፓቱ ጭማቱዋና፤ ሙሴ ሀግያ ታማርሰያዎንቱና ሄዋን ሺቁዳ አይሁዳ ሻንጋቱዋ ኡባና ማቀቲደ። የሱሳ ቃቾ አፊደ። ጽላጸሳው አሊደ እምድና።

2 ጽላጸሰ አ። “ኔን አይሁዳቱዋ ካቱ?” ያጊደ ኦቼዳ።

የሱሰ ዛሪደ አ። “ካ ግያዋዳና” ያጊደ።

3 ቁሳቱዋ ካፓቱ የሱሳ ዳርባን ሞቲድና።

4 ጽላጸሰ ሽረቲደ የሱሳ። “ካው ዛርያሳይ ባዌ? ኡንቱንቱ ነ ቦላ ዋይሳ ሞቱዋ አህንቶ በእኪ?” ያጊደ ኦቼዳ።

5 ሽን የሱሰ ሀራባ ዛረናን እጽና። ጽላጸሰ ማላለቲዳ።

የሱሳ ቦላ ሀይቁዋ ፕርዴድኖ (ማቶሳ 27:15-26፤ ሉቃሳ 23:13-25፤ ዮሃ. 18:39-40፤ 19:1-16)

6 ጽላጸሳው ፓሰጋ ባላ ቦንቻያ ጋላሳን አሳይ ኮይያ እት ኡራ ቃሹዋ፣ ብልያ ዋጋይ ደኤ።

14:62 ዳኔላ 7:13 14:64 ዋጋ 24:16 † 14:68 ኩቱካ ዋሴዳ፡- ሀ ቃላይ በን ብለቲዳ እት እት ብለላን ባዋ።

7 ሃ ወደ እት ባርባና ግያ ብታኒ ዋላሳ ከሲደ ሸምቸዋ ዋዴዳ አሳቱዋና እትፕ ቃሾ ጎልያን ደኤ።

8 ሺቄዳ ጮራ እሳይ ጵላጸሰ ካሰ ኤረቶዋዳንካ ባረንቶ ማርታ ኦፋና ማላ፣ አ ኦቼድኖ።

9 ጵላጸሰ አሳ ዛሪደ፣ “ታን ሀንተንቶ አይሁዳቱዋ ካትያ ብልያዋ ኮዩቱ?” ያጊደ ኦቼድኖ።

10 አያወ ጎፕ፣ ቄሳቱዋ ካፓቱ የሱሳ ቃናቲደ አላ እሜዳዋ ጵላጸሰ ኤሬዳ።

11 ሸን ቄሳቱዋ ካፓቱ የሱሳ ኮታ ባርባና ብላናዳን፣ ሄ ሺቄዳ አሳይ ጵላጸሰ ዋሳና ማላ፣ አሳ ማቄድኖ።

12 ጵላጸሰ ላኤንሉዋ ዛሪደ፣ “ያትና፣ ሀ አይሁዳ ካትያ ሀንተንቱ ግያዋ ዋቶ?” ያጊደ።

13 አሳይ ጵላጸሰ ዛር ዛር ባረንቱ ኮሻ ቶቄ ኦሊደ፣ “አ ካቃ” ያጊድኖ።

14 ጵላጸሰ አሳ፣ “አያወ? እ አይ ኢታባ ኦሊደ?” ያጊድኖ።

ሸን አሳይ ካሰዋፕካ ባረ ኮሻ ቶቄ ኦሊደ፣ “አ ካቃ” ያጊድኖ።

15 ጵላጸሰ አሳ ናሽቻናወ ኮዩደ፣ ባርባና አሳወ ብሌዳ፤ ያቲደ ልሱዋን የሱሳ ዋታዳራቱዋን ሸጮሲደ፣ ካቃና ማላ ኡንቱንቶ አላ እሜዳ።

ዋታዳራቱ የሱሳ ቅሊጮድኖ (ማቶሳ 27:27-31፤ ዮሃ. 19:2-3)

16 ሄዋፕ ጉይያን፣ ዋታዳራቱ የሱሳ ጋድያ ሞድያዋ ግቢያ አፊደ፣ ሀራ ዋታዳራቱዋ ኡባ እትፕ ጸሴድኖ።

17 ቃይ ዘኦ ማዩዋ አ ማይዜድኖ፤ አጉንፋ ካላቻ ገግሲደ፣ አ ሁጲያን ዋሴድኖ።

18 ሄዋፕ ጉይያን አ፣ “አይሁዳቱዋ ካተወ፣ ሳርታይ ነዉ ግደ” ያግ ሳርቲደ፣ አ ቅሊጮዋ ደሜድኖ።

19 የሱሳ ሁጲያ ማቃ ጸምኦን ሸጮድኖ፤ ቃይ አ ቦላን ጮቼድኖ፤ ጉልባቲደ አዉ ጎይኔድኖ።

20 አ ቦላ ቅሊጮዳዋፕ ጉይያን፣ ዘኦ ማዩዋ አፕ ቃር አኪደ፣ አ ማዩዋ አ ማይዜድኖ፤ ያቲደ ማሰቃልያ ቦላን ምስማርያን ጵሺደ፣ አ ካቃናወ አፊድኖ።

የሱሳ ካቄድኖ (ማቶሳ 27:32-44፤ ሉቃሳ 23:26-43፤ ዮሃ. 19:17-27)

21 ኡንቱንቱ ቢደ፣ እስክንድራን ሩፎሳ የሌዳ አዉዋ፣ እት ሰሞና ግያ ቀሬና ጋድያ አሳይ፣ ጋጸፕ ካታማ ይያዋና ጋከቲደ፣ የሱሳ ማሰቃልያ ዋልቃን ቶሴድኖ።

22 ያቲደ ጎልጎታ ጌተትያሳ የሱሳ አፊድኖ። “ሳልጎታ” ግያዌ “ሁጲያ ጎሰያሳ” * ግያዋ።

23 ካዋራ ግያ ጳሊ ዋላከቱዳ ዋይንያ ኤሳ የሱሳዉ ኡሻናዉ እሜድኖ፤ ሸን እ ኡሸናን እጼዳ።

24 ኡንቱንቱ አ ካቄድኖ፤ ቃይ አና አና ጋካንንቶ ኤራናዉ አ ማዩዋ ሻኪደ፣ ሳማ የጌድኖ።

25 ኡንቱንቱ አ ካቄያ ዋደ፣ ዋንታፕ ሄዙ ሳተ።

26 “አይሁዳቱዋ ካትያ” ያግ አ ሞትያ ጸፋ ጸፊት ኡቲዳ።

27 የሱሳና ላኤ ካይሳቱዋ እቱዋ አፕ ኡሸቻ ባጋና፣ ቃይ እቱዋ አፕ ሀድርሳ ባጋና ማሰቃልያ ቦላ ምስማርያን ጵሺደ ካቄድኖ።

28 ጸሳ ማጸፋይ፣ “ኢታባ ኦሊዳ አሳቱዋና እ ፓይደቲዳ” ያግያዌ ፖለቲዳ።

29 ኦግያና አጵያ አሳይ የሱሳ ካጲደ፣ ባረንቱ ሁጲያ ቃሊደ ቦሬድኖ፤ “ሰም፣ ጌሻ ጎልያ ኮላደ ሄዙ ጋላሳ ግደን ኬጸያዎ።

30 እነ ማሰቃልያ ቦላፕ ዋዳደ፣ ነ ሁጲያ አሻ” ያጊድኖ።

31 ሀዋዳንካ ቄሳቱዋ ካፓቱ ሙሴ ህግያ ታማርሰያዋንቱና እትፕ የሱሳ ቦላ፣ “ሀራ አሳቱዋ አሼዳ፤ ሸን ባረና አሻናዉ ዳንዳየና፤

32 ኦን በኢደ አማናና ማላ፣ ክርሰቶስ እስራኤልያ ካቲ፣ አነ ማሰቃልያ ቦላፕ ሀኦ ዋዶ” ጊደ ቅሊጮድኖ። ቃይ ሀራይ አቶ፣ አናና ማሰቃልያ ቦላ ምስማርያን ጵሽቲደ ካቀቱዳዋንቱካ አ ቦላ ቅሊጮድኖ።

የሱሳ ሀይቁዋባ (ማቶሳ 27:45-56፤ ሉቃሳ 23:44-49፤ ዮሃ. 19:28-30)

33 ኡሱቸን ሳትያፕ ደሚደ፣ ኡዲቸ ሳትያ ጋካናወ፣ ጋድያ ኡባይ ጳሜዳ።

34 ኡዲቸ ሳትያን የሱሰ ባረ ቃላ ቶቄ ኦሊደ፣ “ኤሎሄ፣ ኤሎሄ፣ ላማ ሳባቅታኒ?” * ያጊደ። ሄዋ ግያዌ፣ “ታ ጸሳወ፣ ታ ጸሳወ፣ ታና አያወ አጋዲ?” ግያዋ።

35 ሄዋን ኤቄዳ አሳፕ እቱ እቱ ሄዋ ሰሲደ፣ “በእተ፤ ኤላሳ ጸሴ” ያጊደ።

36 ሄ አሳፕ እቱ ዋጽ ዩደ፣ ዛንዛ ማላትያዋን ጫላ ዋይንያ ኤሳ ኩንጫዳ፤ ሄዋ ማቃ ጋትማ ጸራን ዋሊደ፣ “ደእሽተ አነ፤ ኤላሰ ማሰቃልያፕ አ ዋፋናዉ ያንንቶን አነ በኦይተ” ያጊደ የሱሳ ደናኮ ኡሻናዉ ሺሼዳ።

37 የሱሰ ቃላ ቶቄ ኦሊደ፣ ሀይቁ አጌዳ።

38 ጌሻ ጎልያን ቃሽቲዳ ጋርዱ ቆሞፕ ዳገ ጋካናወ፣ ላኤ ከሲደ ፖሽት ዋዴዳ።

39 ማሰቃልያፕ ሰንፋ ባጋና ሄዋን ኤቄዳ እት ጸቱዋ ካቸ፣ ሄዋ ኬና የሱሰ ዋሲደ ሀይቁዳዋ በኤዳ ዋደ፣ “ሀ ብታኒ ቱሙ ጸሳ ናኦ” ያጊደ።

40 ሄዋን ሃኩዋን ኤቄደ ጸልያ አማራዳ ማጫዋንቱ ደኢኖ፤ ኡንቱንቱ ግደን ማግዳላ ግያ ካታማፕ ዬዳ ማይራማ፣ ቲፋ ያቆባን ዮሳ ዳያ ማይራማን ሳሎማ ደኢኖ።

41 ሄ ማጫ አሳቱ የሱሰ ጋሊላን ደኢያ ዋደ፣ አ ካሌዳዋንታን አ ማዴዳዋንታ፤ ቃይ የሱሳና

15:21 ሮሞ 16:13 * 15:22 “ሁጲያ ጎሰያሳ” ጌተትያዌ፣ አሳ ሁጲያ ማላትያ ሹቻይ ሄዋን ደኢያ ድራዉ፣ ሁጲያ ጎሰያሳ ጌተቲዳ። 15:24 ማዘ. 22:18 15:28 እሳ. 53:12 15:29 ማዘ. 22:7፤ 109:25፤ ማር. 14:58፤ ዮሃ. 2:19 † 15:34 ኤሎሄ፣ ኤሎሄ፣ ላማ ሳባቅታኒ፡- ሀ ቃላቱ የሱሰ ሀ አላምያን አሹዋ ማዴደ ሰመረትያ ዋደ ሃሳየትያ አራማይክ ጌተትያ ቃላን ሃሳየቶዋ። 15:34 ማዘ. 22:1 15:36 ማዘ. 69:21 15:38 ከሳ 26:31-36

እትጥ የሩሳላሙ ቤዳ ሀራ ጮራ ማጫ አሳቱ ሄዋን ደኢኖ።

የሱሳ ሞጉዋባ (ማቶሳ 27:57-61፤ ሉቃሳ 23:50-56፤ ዮሃ. 19:38-42)

42-43 ሳኦይ አማርሴዳ ዋደ፣ ሄዋን ሸቄዳ አሳን ቦንቹቴዳ እት ዮሴፎ ግያ ብታኒ፣ ጸሳ ካውተላይ ያናዋ ናግ ኡቴዳዌ፣ አርማትያሳ ግያ ካታማ አሳይ ዬዳ፤ ሄ ጋላሳይ ዋንተላ ሳምባታው ገዢትያ ጋላሳ ግዴዳ ድራው፣ ዮሴፎ ጸሊደ ጽላጸሳጥ ቢደ፣ የሱሳ አሃ አካናው ዋሴዳ።

44 ጽላጸሰ፣ የሱሳ ኤለካ ሀይቂ ድጌዳዋ ሰሴዳ ዋደ ማላለቴዳ፤ ጾቱዋ ካቸዋ ጸሲደ፣ “እ ሀይቆደጥ ጋምኤዴ?” ያገደ ኦቹዳ።

45 ጽላጸሰ የሱሳ ሀይቂዳዋ ጾቱዋ ካቸዋጥ ሰሲደ፣ እ አሃ ዮሴፎ አካናዳን አሉዳ።

46 ዮሴፎ ሞጉዋ ማዩዋ ሻሜዳ፤ የሱሳ አሃ ማሰቃልያጥ ዋሐ ማዩዋን ጸጸደ፣ ሹቻ ዋጩዳ አሳ ሞግያ ጎንጎሉዋ ግደን እ አሃ ዋሴዳ፤ ቃይ ሄ ጎንጎሉዋ ዶናን ዋልቃማ ሹቻ ጎንዶርሲደ ዋሴዳ።

47 ማግዳላ ካታማጥ ዬዳ ማይራማን ዮሳ ዳያ ማይራማ የሱሳ አሃ ኡንቱንቱ ሀቃን ዋሐንቶ በኢኖ።

16

የሱሳ ሀይቂዋጥ ደንዴዳ (ማቶሳ 28:1-8፤ ሉቃሳ 24:1-12፤ ዮሃ. 20:1-10)

1 ሳምባታይ አጭዳዋጥ ጉይያን፣ ማግዳላ ካታማጥ ዬዳ ማይራማ፣ ያቆባ ዳያ ማይራማን ሳሎማ ቢደ፣ የሱሳ አሃ አካናው ሸቱዋ ሻሜድኖ።

2 ዋጋ ጋላሰ ዋንቱማላ ዳሮ ጉራን ጸልቂ ከሰሸን፣ ሄ ጎንጎሉዋ ቤድኖ።

3 ኡንቱንቱ ባረንቱ ግደን እቱ እቱዋና፣ “ጎንጎሉዋ ዶናጥ ኑው ሹቻ ኦኔ ጎንዶርሲደ ድጋናዌሻ?” ያገደ ሃሳዪኖ።

4 ኡንቱንቱ ጸልያ ዋደ፣ ሄ ዳሮ ዋልቃማ ሹቻ ጎንዶርሲድጌዳዋ በኤድኖ።

5 የሱሳ ሞጉቱዳ ጎንጎሉዋ ግደ ገልያ ዋደ፣ እት ዋዳላ ብታኒ ቦላ ማዩዋ ማዪደ፣ ኡሸቻ ባጋና ኡቴዳዋ በኢደ ዳጋማድኖ።

6 ሸን እ ኡንቱንታ፣ “ዳጋሞጥተ። ማሰቃልያ ቦላ ካቀቱዳ ናዘራትያ የሱሳ ሀንተንቱ ኮይያዋ ኤራይ። እ ሀዋን ባዋ፤ ደንድ ድጌዳ። ኡንቱንቱ እ ዋሴዳሳ ሀዋ በእተ።

7 ሸን ቢደ የሱሳ ባረና ካልያዋንቶን ጸጽሮሳው፣ የሱሳ ሀንተንቱጥ ካሰቲደ ጋሊላ ቤ፤ እ ሀንተንቶ ኦዴዳዋዳንካ ሀንተንቱ እ ያን በእና፣ ያገደ ሀዋ ኦድተ” ያገደ።

8 ማጫ አሳቱ ያሻን ከኮሪደ፣ የሱሳ ሞጉቱዳ ጎንጎሉዋጥ ከሲደ ባቃት አጌድኖ፤ ቃይ ኡንቱንቱ ያዬዳ ድራው፣ አሳው ሄዋ ኦሰነ አይነ ኦድብይክኖ።

ማጫ አሳቱ ቢደ፣ ባረንቶ ኦደቲዳባ ኡባ ጸጽሮሳውን አናና ደኢያዋንቶ ቃንላን ኦዴድኖ፤

ሄዋጥ ጉይያን፣ የሱሳ ባረ ሁጸው ባረና ካልያዋንቱ ቦላ፣ መድናው አሸያ ላመተና ጌሻ ምሽራቸው ቃላ፣ አዋይ ሞክያሳጥ ዉልያሳ ጋካናው ኪቲዳ።

የሱሳ ማግዳላ ማይራምዉ ቤቴዳ (ማቶሳ 28:9-10፤ ዮሃ. 20:11-18)

9 የሱሳ ሀይቂዋጥ ደንዴዳዋጥ ጉይያን፣ ዋጋ ጋላሰ ጉራ፣ ላቸ ኢታ አያናቱዋ ከሴዳ ማግዳላ ካታማጥ ዬዳ ማይራምዉ ካሰቲደ ቤቴዳ።

10 እዛ ባደ ካሰ አናና ደኢያዋንቶ፣ ቃረቲድን ዬኪደ ኡቴዳዋንቶ ኦዳዲ።

11 ሸን የሱሳ ጋጸ ደኢያዋን እዘው ቤቴዳዋ ኡንቱንቱ ሰሴዳ ዋደ፣ እዘ ኡዲዋ ቱማ ግብይክኖ።

የሱሳ ላኡ ባረና ካልያዋንቶ ቤቴዳ (ሉቃሳ 24:13-35)

12 ሄዋጥ ጉይያን፣ ኡንቱንቱጥ ላአቱ ካታማጥ ከሲደ ቢሸን፣ ኦግያን የሱሳ ኮይሮዋጥ ዲማቲደ፣ ኡንቱንቶ ቤቴዳ።

13 ኡንቱንቱ ጉዩ ሰሚደ፣ ሀራቶ ኦዴድኖ፤ ሸን ሄዋንቱ ኡንቱንቱ ኦዲዋ ቱማ ግብይክኖ።

የሱሳ ታማን እት ባረና ካልያዋንቶ ቤቴዳ (ማቶሳ 28:16-20፤ ሉቃሳ 24:36-49፤ ዮሃ. 20:19-23፤ ኪታ 1:6-8)

14 ጉዩጥ ታማን እት የሱሳ ካልያዋንቱ ቁማ ሚሸን፣ የሱሳ ኡንቱንቶ ቤቴዳ። ኡንቱንቶ አማኑ ባይና ድራው፣ እ ኡንቱንታ ሴሬዳ፤ ቃይ ሀይቂዋጥ እ ደንዴዳዋ በኤዳዋንቱ ኡንቱንቶ ኦድና፣ ኡንቱንቱ አማንናን እጼዳ ድራውን ኦድና ሰሰናዋንታ ግድያ ድራው፣ እ ኡንቱንታ ሴሬዳ።

15 እ ኡንቱንታ ሀዋዳን ያጌዳ፤ “አላምያ ኡባ ቢደ፣ አሳ ኡባው ዋንጋላ ምሽራቸው ቃላ ኦድተ።

16 አማኖዌን ጸማቀቶዌ አታና፤ ሸን አማንናዋ ቦላ ጸሳይ ፕሮዳና።

17 ታናን አማንያዋንቱ ሀ ማላታቱዋ ኦላናዋንታ፣ ኡንቱንቱ ታ ሱንላን ኢታ አያናቱዋ ከሳናዋንታ፤ ቃይ ኡንቱንቱ ዲማ ዲማ ኦራላ ቃላን ሃሳያናዋንታ።

18 ኡንቱንቱ ሸሻ ኦይቆጥካ፣ ዋይ አያን ዋድያ ማርዘያ ኡሸንቶካ ኡንቱንታ ቆሄና። ቃይ ኡንቱንቱ ባረንቱ ኩሸያ ሀርጋንቻቱዋ ቦላ ዋላና፤ ሄ ሀርጋንቻቱ ጋጸና” ያገደ።

የሱሳ ሳሎዋ ፑደ ከሴዳ (ሉቃሳ 24:50-53፤ ኪታ 1:9-11)

19 ጎዳ የሱሳ ባረና ካልያዋንቱና ሃሳዬዳዋጥ ጉይያን፣ ጸሳይ እ ፑደ ሳሎዋ አፍና፣ ጸሳጥ ኡሸቻ ባጋና ኡቴዳ።

20 እ ካልያዋንቱ ቢደ፣ ኡባ ሳን ዋንጋላ ምሽራቸው ኦዴድኖ። ጎዳይካ ኡንቱንቱና እትጥ ኦሴ፤ ኡንቱንቱ ኦድያ ቃላይካ ቱማ ግዴዳዋ ኡንቱንቱ ኦላያ ማላታቱዋን ኤርሴዳ። *

* 16:20 እት እት በን ጌሻ ማጸፋቱዋን ሀ ጋይዳቱ ባዋ።

ሉቃስ ጻፊዳ ምሽራቸው ቃላ ገሉቀ

ሉቃስ ጻፊዳ ምሽራቸው፡ የሱሳ ኮይሮ ያናዋ ያገት ናባቱዋን አባይ ኦደቲዳዋ፡ ዳሮ ዋድያ፡ ናገቲዳ ህደታው ሁጰ ግዴዳዋ፡ እስራኤልያ አሳይ ናገደ ደእያ ጸሳን ኦከቲዳዋ፡ አሳ ዘረፋ ኡባ አሸያዋ ግድያዋ ቆንጭሴ። የሱስ ጸሳ አወዋ፡ ህይዳቶ ምሽራቸው ቃላ ኦደናው ከተቲዳዋ ግድያዋ ህ ምሽራቸው ቃላይ አሳው ደእያ ዲማ ዲማ መቱዋ ቃርያ ዋልቃ ኦይቄዳዋ ግድያዋ ሉቃስ ኦደ። ሉቃስ ምሽራቸው ቃላ ግድን፡ የሱሳ ዩሳባ ኦድያ ኮይሮ ሸምፓቱዋንን ቃይካ የሱስ ሳሉዋ ፑደ ከሴዳዋ ኦድያ ወርሰላ ሸምፓቱዋን ሎይሊደ፡ ኦደቲዳዋ ናሸቻባ። የሱስ ሳሉዋ ከሴዳዋ፡ ጉይያን አማኡዋባይ ዋን ድጩደንቶን ዋን አኬደንቶ ኦድያ ታርክያ ህ ማጻፋ ጻፊዳ ብታኒ የሱስ ከቲዳዋንቱ ኦሱዋ ማጻፋን ኦደዳ።

ከታንቻቱዋ የሳባይ፡ የሱስ የለቲዳ ዋደ ወድያ ሄምያዋንቱ ቢደ በኤዳዋ ኦድያ ታርኪ፡ የሱስ ናአተላን ደእደ ጌሻ ጎልያ ቤዳባይ፡ ቃርታንቻ ሳምራውያን ባዩደ ቤቲዳ ናአ ታርኪ ሉቃስ ምሽራቸው ጸላላን ቤትያዋንታ። ህ ምሽራቸው ቃላ ግድን ህ ጋጸ፡ ህን ጋጸ ጋካናው ሁጰ ግዲደ ጸለቲዳባይ ዋሳባ፡ ጌሻ አያናባ፡ የሱሳ ኦሱዋ ግድን ማጫ አሳው ደእያ ሳባን ጸሳይ ናገራ አቶ ያግያባ።

ሸምፓቱዋ ኡባቶ እመቲዳ ቃንላ ቆፋቲዋ ገሉቀ 1:1-4

- ጸማቅያ ዮሃንሳስ የሱሳ የለታ 1:5—2:52
- ጸማቅያ ዮሃንሳ ኦሱዋ 3:1-20
- የሱሳ ጽንቃታን ፓጭያ 3:21—4:13
- የሱስ ኦሱዋ ጋሊላን ደሞዋ 4:14—9:50
- የሱስ ጋሊላ፡ የሩሳላመ ሶዋ 9:51—19:27
- የሩሳላመን እዘ ዩሹዋን የሱሳ ወርሰላ ሳምንታ 19:28—23:56
- ጎዳ የሱሳ ደንዲዋ፡ ቆንጩላን ሳሉዋ ቡሳ 24:1-53

1-4 ቦንቹቲዳ ቶፍሎሳ፡ ኮይሮ ባረንቱ አይፍያን በኤዳዋንቱን ባረንቱ ቃላን ማርካቲዳዋንቱ ኦው ኦደድ። ጸፊቲዳ የወዋ ታ ባጋን ኡባ ጸጶዋ፡ ብዳ ጸሎዋ፡ ጉዮ፡ ታርክያ ማራ ናጌዳ ኦግያን ነው ጸፋናው ሎአ ግዴዳዋ ታው ቤቲዳ።

ጸማቅያ ዮሃንሳ የለታይ ኮይሮ ኦደቲዳ

5 ይሁዳ ጋድያ ካትያ ሄሮድሳ ዋድያን፡ * አብያ ቄሳተላ ኦሱዋ ባጋ፡ ግዴዳ ዛካራሳ

* 1:5 ይሁዳ፡ ሀዋን ይሁዳ ጋድያ ጌተቲዳዋ ፍልሰጾመ ጋድያ ኡባ በሰያዋ። 1:5 1 ኦደዋ 24:10 † 1:9 አጻና ጩውሱዋ፡ ሀዋ ጉሳይ ጩዋይ ዋሳ ኮታ ጸሳኮ ጋኬ ገደ ዋንታን ኦማርሰ ዋደ ጩውሰያ ዋጋ። 1:15 ፓይ. 6:3 ‡ 1:17 ኡላሳ፡ ሀዋ ጌተቲዳዋ፡ ካሰ ኤጫ ጫቁዋ ማጻፋን ናብያ ኡላሰ ኦራላባ ኦልያ ዋልቃን ኤረቲዳዋ ድራሳ። 1:17 ሚልክ. 4:5፡ 6 1:19 ዳኔላ 8:16፤ 9:21 § 1:25 ታ ቶሽያ አሳ ግደ፡ ድጋናው፡ አሰና ገሌዳ ምሽራታ ናአ የለናን አቶ፡ እስራኤልያ አሳ ቆፋን፡ “ጸሳይ እዘ ሙር ደኤ” ያገታው።

ጌተትያ እት ቄሳይ ደኤ። ማቻታካ ኤልሳቤጸ ጌተትያ አርነ ያራ፡ የለቲዳወና።

6 ለአቲካ ጎዳ አዛዙዋን ሴራ ዳርሲደ ናግያዋንታን ካዴ ባንታን ጸሳ ሰንላን ደእያ ጽላቲዋ።

7 ግደ፡ እትን ኤልሳቤጸ ማንላ ግደ ድራው፡ የሉ ኡንቲንቶ ባዋ። ለአቲካ ላይላ ሱጌዳዋንታ።

8 እት ጋላሰ ዛካራሰ ባረ ባጋ ካላን ጸሳ ሰንላን ቄሳተላን ኦልያ ዋደ።

9 ባረ ቄሳተላ ዋጋ ደያዳን ጌሻ ጎልያ ገሊደ እጻና ጩውሱዋ † ሳማይ አ ጋኬዳ።

10 እጻናይ ጩውያ ዋደ አሳይ ኡባይ ካረን ኤቄደ ዋሰ ደኤ።

11 ጎዳ ከታንቻይ እጻና ያርሹዋ ሳ፡ ኡሸቻና ኤቄደ አው ቤቲዳ።

12 ዛካራሰካ በኤዳ ዋደ ዳጋሚደ ያሻን ምተቲዳ።

13 ከታንቻይካ ቃይ ያጌዳ፡ “ዛካራሳ፡ ያዮፓ፤ ነ ዋሳይ ሰሰቲዳ፡ ነ ማቻታ ኤልሳቤጸ አቲማ ናአ የላናውኑ።

14 አ የለታን ናሸታይን እሻሉ ነው ሀናናዋ፤ ጩቲቲካ አ የለቶ ድራው ሀሹ ጋናዋንታ፤

15 እካ ጎዳ ሰንላን ዳራ ግዳናዋ። ማላይያ ዋይንያ ኡሻ ግደ ሀራ ማላይያ ኡሻ አይን ኡሸና፤ ባረ ዳይ ኡሉዋን ደእሸን አያና ጌሻይ አን ኩማናዋ።

16 “እስራኤልያ አሳቲዋ፡ ጩቲቲዋ ኡንቲንቲ ጎዳ ጸሳኮ፡ እ ዛራናዋ።

17 እካ ገገና አሳ ጎዳው ገገሳናው፡ አዋቲዋ ዋዛና ናናቲዋኮ፡ አዛዘተናዋንታካ ጽሎተላ ኤራኮ ዛራናው፡ ኤላሳ ‡ አያናን ዋልቃን ጎዳ፡ ሰንላና ቤ።”

18 ዛካራሰካ ከታንቻ፡ “ታን ጭማድ፡ ታማቻታካ ባረ ላይላን ሱጌዳውና፡ ሀዋ ታን አያን ኤራንታ?” ጌዳ።

19 ከታንቻይካ ዛሪደ፡ “ታን ጸሳ ሰንላን ኤቄያ ጋብራላ፤ ሀዋ ምሽራቸው ነው ኦደናው ኔኮ ከተታድ፤

20 ሄኮ ሄ ዋድያን ሀናና ታ ቃላ ነ አማናቤና ድራው፡ ሀ የው ሀናና ጋላሳይ ጋካናው ኔን ዱደ ግዳናሳ፤ ሃሳያናውካ ዳንዳያካ” ጌዳ።

21 ሄ ዋደ አሳይ፡ ዛካራሰ ጌሻ ጎልያ፡ ስሰናን አያው ጋምኤደንቶ ማላለቲደ ናገሮ።

22 ከሴዳ ዋድያንካ ሃሳያናው ዳንዳይቤና፤ ጌሻ ጎልያን ሳ፡ እ በኤዳዋ አኬኬድኖ፤ እካ ሃሳያናው ዳንዳይቤናዋ ጸርሰ በሲደ፡ ዱደ ግዲደ ደኤዳ።

23 ዛካራሰካ ባረ ኦሱዋ ዋድያ ወርሶ ዋደ፡ ባረ ጎላ ሰሜዳ።

24 ሄዋ፡ ጉይያን አ ማቻታ ኤልሳቤጸ ሻሃራደ እቺሹ አገና ባረና ገንላዳ።

25 ኤልሳቤጸካ፡ “ታ ቶሽያ አሳ ግደ፡ ድጋናው ስ ጎዳይ ባረ ማርተላን ታና ጸሎ ዋደ፡ ሀዋዳን ታው ኦሴዳ” ጋዳ።

† 1:9 አጻና ጩውሱዋ፡ ሀዋ ጉሳይ ጩዋይ ዋሳ ኮታ ጸሳኮ ጋኬ ገደ ዋንታን ኦማርሰ ዋደ ጩውሰያ ዋጋ። 1:15 ፓይ. 6:3 ‡ 1:17 ኡላሳ፡ ሀዋ ጌተቲዳዋ፡ ካሰ ኤጫ ጫቁዋ ማጻፋን ናብያ ኡላሰ ኦራላባ ኦልያ ዋልቃን ኤረቲዳዋ ድራሳ። 1:17 ሚልክ. 4:5፡ 6 1:19 ዳኔላ 8:16፤ 9:21 § 1:25 ታ ቶሽያ አሳ ግደ፡ ድጋናው፡ አሰና ገሌዳ ምሽራታ ናአ የለናን አቶ፡ እስራኤልያ አሳ ቆፋን፡ “ጸሳይ እዘ ሙር ደኤ” ያገታው።

የሱሳ የለታይ ካስቲደ ኦዲቲዳ
26 ኡሱቸንግ አገናን ጸሳ ኪታንቻ ጋሊሬል ጋሊላ ጋድያን ናዝሬት ካታማ

27 ዳዊታ ያራጥ ግዴዳ ዮሴፎ ጌተትያ ብታነዉ ኦሽታ ቃሽቲዳ ዋድራትኮ ጸሳ ማታጥ ኪተቲዳ፤ ዋድራት ሱንጎይካ ማይራዎ ጌተቲ።

28 ኪታንቻይካ ማይራዎኮ ዪደ፡ “ዳርሳደ ደስታዉ፤ ሳርተሳይ ነዉ ግደ፤ ጎዳይካ ኔና ጋሶ ደኤ፤ ኔንካ ማጫዋንቱ ግደን አንጀቲዳዉና” * ያጌዳ።

29 ማይራማካ አ ሃሳያጥ ደንደዋን ዳርሳ ዳጋማደ፡ “ሀዌ አያ ማላ ሳርታ ግዳኔ” ጋደ የወዋ ቆጋድ።

30 ኪታንቻይ አዘ፡ “ሀነ ማይራማ፡ ጸሳ ማታን ሳባ ደማዳ ያዮጋ።

31 ኔን ሻሃራደ፡ አቲማ ናኣ የላናሳ፤ አ ሱንጎካ የሱሳ ጋናሳ።

32 እካ ዳራ ግዳናዋ፤ ኡባጥ ቶቃ ጸሳ ናኣ ጌተታና፤ ጎዳ ጸሳይ አ አቡ ዳዊታ ካዉተላ ኦይድያ አዉ እማናዎ።

33 እካ ያቆባ ጎለን መድናዉ ካዉታናዎ፤ አ ካዉተላዉካ ዉርሰሳይ ባዎ” ያጌዳ።

34 ማይራማካ ኪታንቻ፡ “ታን ዋድራቶ ግደ ድራዉ፡ ሀዌ ዋት ሀናናዌ?” ያጋድ።

35 ኪታንቻይካ ዛሪደ እዝዉ፡ “አያና ጌሻይ ነ ቦላ ያናዎ፤ ቶቃ ጸሳ ዋልቃይ ኔናን ሸምጋናዎ። ሄዋ ድራዉ፡ ኔጥ የለትያዌ ጌሻ ጸሳ ናኣ ጌተታና።

36 ነ ዳባታ ኤልሳቤጸ ባረ ጭማተላ ዋድያን አቲማ ናኣ ሻሃራድ። ማንጎ ጌተቲዳዉና ኤልሳቤጸ ሻሃራደጥ ኡሱቸንግ አገና ኦይቃድ።

37 ጸሳ ጸንያ የዉ ባዎ” ያጌዳ።

38 ማይራማካ፡ “ታን ጎዳ አይላቶ፤ ኔን ጎዋዳን ሀኖ” ጋድ። ሄዋጥ ጉይያን ኪታንቻይ እዝ ማታጥ ቤዳ።

ማይራማካ ኤልሳቤጸ አቻናዉ ባድ

39 ማይራማካ ሄ አገና ግደን ደንዳደ ክል ዘዘትያ ይሁዳ ጋደን ደእያ እት ካታማ ኤሌላ ከሳድ።

40 ዛካራሳ ጎለ ገላደ ኤልሳቤጸ ሳርታድ።

41 ኤልሳቤጸካ ማይራም ሳርታ ሰሴዳ ዋደ፡ እዝ ኡሉዋን ደእያ ሻሃራይ ጉፔዳ፤ ኤልሳቤጸካ አያና ጌሻን ኩማድ።

42 ባረ ኮሻካ ቶቁ አላደ፡ “ኔን ማጫዋንቱ ግደጥ አንጀቲዳዉና። ኔጥ የለትያዌካ አንጀቶዎ።

43 ኔን ታ ጎዳ ዳያ ታኮ ያናዉ ታን ኦኔ?

44 ሄኮ ነ ሳርታ ኮሻይ ታ ሀይላን ሰሰቲዳ ዋደ፡ ታ ኡሉዋን ደእያ ሻሃራይ ናሽቻን ጉፔዳ።

45 ጎዳይ ፖለቲ ጌደ እዝዉ ኦዲዳዎ አማኔዳዉና እዛ አንጀቲዳዉና” ያጋድ።

ማይራም ጋላታ የላ (1:46-53)

46 ማይራማካ፡

“ታ ሸምጋታ ታ ጎዳ ቦንቻዉ፡

47 ታ አያናይካ ታ ጸሳ፡ ታ ቶልያን፡

ሎይላ ናሽታዉ።

48 እካ ባረ አይላት ቶሽያ ጸሌዳ። ሀቼጥ ደሚደ የለታይ ኡባይ አንጀቲዳዉኔ ጌና።

49 ዋልቃማ ግዴዳ እ፡ ዳሮ የወዋ ታዉ ኦሴዳ፤

አ ሱንጎይካ ጌሻ።

50 አ ማርታይ ያይያዋንቶ፡ የለታጥ የለታይ ጋካናዉ ደኤ።

51 ባረ ዋልቃን ሞኖ ኪታ ኪተቲዳ፤ ባረንቱ ዋዘና ቆፋን ኦቶረትያዋንታ፡ ላሌዳ።

52 ሞድያዋንታ ካዉተላ ማታ ኦይድያጥ ዋሌዳ፤ አሽካቲዋካ ቃይ ቶቁ ቶቁ ኦሴዳ።

53 ኮሻቲዳዋንታ ሎኦ የወዋን ካልሴዳ፤ ዲራቲዋ ቃይ መላ የደርሴዳ።

54 ባረ ማርተላ ቆጥደ፡ ባረ አይልያ እሰራኤልያ ማዴዳ።

55 ኦ አዋቶ አ ኦዲዳዋዳን፡ አብራሃመዉን አ ያራዉ ጌዳዎ፡ መድናዉ ናጋና ድራሳ”

ያጋድ።

56 ማይራማካ ሄዙ አገና ኬና ኤልሳቤጸ ማታን ጋምኦዎጥ ጉይያን ባረ ጎለ ሰማድ።

ጸማቅያ ዮሃንሳ የለታ

57 ኤልሳቤጸዉካ የልያ ዋዲ ጋክና፡ አቲማ ናኣ የላድ።

58 እዝ ሾራቲን እዝ ዳቦ ግዴዳዋንቱ፡ ጎዳይ ማርተላ እዝዉ ኦሴዳዎ ሰሴደ እዝና እትጥ ናሽቲድና።

59 ሆሰቸንግ ጋላሳን ናኣ ቃጸራናዉ ዬድና፤ አ፡ አዉዋ ሱንጎካን ዛካራሳ ጌደ ሱንጎካናዉ ኮዬድና።

60 አ ዳያ ቃይ፡ “ሀነና፡ ዮሃንሳ ጌተታናዉ ኮሼ” ያጋድ።

61 ኡንቲንቲካ እዘ፡ “ነ ዳባቲዎጥ ሀቼ ጋካናዉ እቲካ ሀ ሱንጎካን ጸሰትቤና” ያጌድና።

62 አ አባ፡ ኦና ግያ ሱንጎካን ጸገታናዉ ኮይንቶ ጸርሰ ኦቼድና።

63 አ እቡካ ጸፍያባ ኦቻ አኪደ፡ “ናኣ ሱንጎይ ዮሃንሳ” ጌደ ጸፍና፡ ኡባቲካ የወዋን ማላለቲድና።

64 ሄዋንካ ዛካራሳ ደናይ ደየቲዳ፡ አ እንጸርሳይካ ብለትና ሃሳያ ደሚዳ፡ ጸሳካ ጋላቲዳ።

65 አ ሾራቲካ ደኢያሳ ኡባን ያሻን ኩሚድና። ሀ የወካ ዘዘትያ ይሁዳ ጋድያ ኡባን ዳሪ ሃሳየቲዳ።

66 ሀዋካ ሰሴዳዋንቱ ኡባቲ፡ “ሀ ናኣይ አያ ግዳኔሻ?” ያጌደ የወዋ ባረንቲ ዋዘናን ኦይቁድና፤ ጸሳይካ አናና ደእያዎ ኤሬድና።

ዛካራሳ ጋላታን ትምቢትያ ኦዲዳ

67 ዮሃንሳ እቡ ዛካራሰ አያና ጌሻን ኩሚደ ትምቢትያ ያግ ኦዲዳ፡

68 “እሰራኤልያ ጎዳይ ጸሳይ አንጀቶ፤

1:27 ማቶሳ 1:18 * 1:28 ኔንካ ማጫዋንቱ ግደን አንጀቲዳዉና- ሀ ቆፋይ በን ጭሚዳ ግሪክያ ማጸፋን ባይናዎ ግድያ ድራዉ፡ እት እት እንግልዜሉዋንን አማራሉዎ ማጸፋንካ ባዎ። 1:31 ማቶሳ 1:21 1:33 2 ሳሜላ 7:12፣ 13፣ 16፤ አሳ. 9:7 1:37 ደመሳ 18:14 1:59 ዋጋ 12:3

ዪደ ባረ አሳ ጸሞሴዳነ ዋዜዳ።
 69 ባረ አይልያ ዳዊተ ጎልያን፤
 ዋልቃማ አሸያዎ ኑዉ ገግሴዳ።
 70 ሀዌካ በን ጎዳ ጌሻ ናባቱዋ ደናን
 ኦደቶዋዳን።
 71 እ ኑና፣ ኑ ሞርከቱዋጥ፤
 ኑናና ኤቀትያዋንቱ ኩሸያጥ አሻናሳ።
 72 ሀዋካ እ ኦሌዳዌ፣ ኑ አዋቶ፣
 ማርተላ በሳናሳ፤
 ባረ ጌሻ ጫቁዋ ዋዛና አላናሳ።
 73 ኑ አዉዋ አብራሃም፣
 ጫቁዳ ጫቁዋ ቆጥናዉ።
 74 ኑ ሞርከቱዋ ኩሸያጥ ከሲደ፣
 ያሻይ ባንታን አዉ ኦላናዳን፣
 ማታ ኑዉ እሜዳ።
 75 ሀዌኔካ፣ ኑና ኑ ዋድያ ኡባን፣
 ጌሻተላን፤ ጽሎተላን፣
 ባረ ሰንላን ኤሳና ድራሳ።
 76 ዛሪደካ፣ ኔኖ፣ ታ ናአዉ፣
 ጶቃ ጸሳ ናብያ ጌተታናሳ፤
 ኦግያ ገግሳናዉ ጎዳጥ ሰንላና፣
 ባናሳ።
 77 አሳ ናጋራ ማርያ አቶተላ ኤራ፣
 ኡንቱንቶ እማናሳ።
 78 ሄዌካ ክልጥ ዬዳ ፖኡ፣
 ኑና ጸሞሴዳዌ፣
 ኑ ጸሳ ማርተላን ቃረታ ጋሱዋና።
 79 እ ፖኡካ ጱማን፤ ሀይቁዋ ኩዋን፣
 ኡቲዳዋንቶ ፖአሴ፤
 ኑ ገድያካ ሳርተላ ኦግያን ሱርሴ።”
 80 ናአይካ ድጩደ፣ አያናን ምኔዳ፤
 እሰራኤልያ አሳዉ ቤቲዳ ጋላሳይ ጋካናዉ መላ
 ቢታን ደኤዳ።

2

የሱሳ የለታባ (ማቶሳ 1:18-25)

1 ሄ ዋደ * ሮማ ካዉተላ ጋርሳን ደእያ
 አሳይ ኡባይ ሱንላ ጸፈታናዳን፤ ፓይደታናዳን
 አዉግሰጸሰ ቁሳረጥ † አዛዙ ከሴዳ።
 2 ሄዌኔካ፣ ቀረገዮሳ ‡ ሶርያ ጋድያ ሞድያ ዋደ
 ሀኔዳ ኮይሮ አሳ ፓይዳዋ።
 3 ሀዋ ድራዉ እት እት አሳይ ጸፈታናዉ ባረ
 ካታማ ባረ ካታማ ቤዳ።
 4 ዮሴፎካ ዳዊታ ጎልያጥ፤ ያራጥ ግድያ
 ድራዉ ጋሊላ አዉራጃን ደእያ ናዘራተ ካታማጥ
 ደንዲደ ዳዊታ ካታማ ግዴዳዉንኮ ይሁዳን
 ደእያ ቤተሌመ ጌተትያ ካታማ ከሴዳ።
 5 ሄ ዋደ የልያ ዋዲ ማቴዳ አዉ አሸታ ኡቲዳ
 ማይራማካ አናና እትጥ ባዱ።
 6 ኡንቱንቱ ሄዋን ደእሸን እዘዉ የልያ ዋዲ
 ጋኪ አኔዳ።

7 እዛካ ባይራ ናአ § ግዴዳ አቱማ ናአ የላዲ፤
 እማላይ ሸምጥያ ሳ ደማቤና ድራዉ፣ ናአ ማዩዋን
 ጸጸደ ጋጸትያን * ቀራዲ።

ዉድያ ሄምያዋንታን ኪታንቻቱዋ

8 ሄ ጋድያን ቃማ ባረንቱ ዉድያ ሄሚደ
 ደምባን አቅያዋንቱ ደኢና።
 9 ጸሳ ኪታንቻይ ቆጥናን ዪደ ኡንቱንቱ
 ምይያን ኤቁዳ፤ ጎዳ ቦንቹ ኡንቱንቱ የሹዋን
 ፖኤዳ ዋደ፣ ዋልቃማ ያሻይ ኡንቱንታ ኦይቁዳ።
 10 ኪታንቻይ ኡንቱንታ፣ “ያዮጥተ፣ አሳዉ
 ኡባዉ ሀንያ ዳሮ ናሸቶያ ምሽራቸው ታን
 ሀንተንቶ አሃድ።
 11 ሀቹ ዳዊታ ካታማን አሸያዌ የለቲዳ። እካ
 ጎዳ ክርሰቶሳ።
 12 ሀዌ ሀንተንቶ ማላ ግዴ፣ ጋጭኖ
 ናአይ ማዩዋን ጸጸቲደ ጋጸትያ ግዴን ግሴዳዋ
 ደማንታ” ያጌዳ።
 13 ቆጥናን ጮራ ጸሳ ኪታንቻቱ ኮይሮ
 ኪታንቻና እትጥ ቆንጩድኖ።
 14 ጸሳካ ጋላቲደ፣ ሀዋዳን ጌድኖ።
 “ቦንቹ ጸሳዉ
 ቦላ ሳሉዋን ግዴ።
 ሳኣን እ ደሰያ አሳዉ
 ሳርተላይ ግዴ”
 ያጌድኖ።

15 ኪታንቻቱ ኡንቱንቱጥ ሻከቲደ ሳሉዋ
 ከሶዋጥ ጉዮ፣ ዉድያ ሄምያዋንቱ፣ “ጎዴይ
 ኑዉ ቆንጭሴዳዋ፣ ሀዋ ሀኔዳ የዉዋ በአናዉ
 ቤተሌመ ቦይተ” ጌተቲድኖ።

16 ኡንቱንቱካ ኤሌሊደ ቤድኖ። ማይራማን
 ዮሴፎ ደሚደ፣ ጋጭኖ ናአይካ ጋጸትያን ግሴዳዋ
 በኤድኖ።

17 ሄዋጥ ጉይያን ጉላ ናአ ድራዉ ኦደቲዳዋ
 ቆንጭሴደ ኦዴድኖ።

18 ሀዋ ሰሴዳ ኡባይ ኡንቱንቱ ኦዴዳ የዉዋን
 ማላለቲድኖ።

19 ማይራማ ቃይ ሀዋ ኡባ ባረ ዋዛናን
 ኦይቃደ ቆጥደ ጋምኣዲ።

20 ዉድያ ሄምያዋንቱካ ኡባ የዉ ኡንቱንቶ
 ኦደቲዳዋዳን ሀንና ደሞ ድራዉ፣ ሰሴዳዋን
 በኤዳዋ ኡባዉ ጸሳ ቦንቹድን ጋላቲደ ሰሜድኖ።

21 ናአዉ ሆሰፑን ጋላሳ ግድና ቃጸረትያ
 ዋዲ ጋኮ ዋደ፣ እ እት ኡሉዋን አታናጥ ካሰ፣
 ኪታንቻይ ከሶ ሱንላን፣ የሱሳ ጌተቲዳ።

የሱሳ ጌሻ ጎልያን ጸሳዉ ሼጳቲዳ

22 ሙሴ ዋጋ ማራዳን ጌይያ ዋዲ † ፖለቲዳ
 ዋደ ዮሴፎን ማይራማ ጋጭኖ ናአ ጸሳዉ ሼጳናዉ
 የሩሳላመ እክ ቤድኖ።

* 2:1 ሄ ዋደ፣ ጌተቶዌ ጸማቅያ ዮሃንስ የለት ሰሚደ ብሮ ጉላተላን ደእሸን የሱሳ የለቶ ዋድያና። † 2:1 ቁሳራ፡- ግያ ሱንላይ ካትያ ጉሳ፡- ሄዌኔካ ጮራ ጋድያ ሞድያ ዋልቃይ ደእያ ጮራ ካታቱዋ ካትያ ጉሳ፡- ‡ 2:2 ቀረገዮሳ፡- ጌተትያዌ ሮማ ካቲ አዉግሰጸሰ፡ ሶርያ ጌተትያ ይሁዳን ጋሊላ አዉራጃቱዋ ኦይቁዳ ጋድያን ሱንላዬዳዋ። § 2:7 ባይራ ናአ፡- እሰራኤልያ አሳይ የለቲዳ ናአ ኡባ ጎልያንካ ጸሳዉ በሰያዋ ገኖ። * 2:7 ጋጸትያ፡- ሀ ሚሻይ ምያይ ምያባይ ሳኣን ላለተናን ማና ማላ የጊደ እምያባ። 2:21 ዋጋ 12:3፤ ሉቃስ 1:31 † 2:22 ጌይያ ዋዲ፡- እይሁዳቱዋ ማጫ አሳይ አቱማ ናአ የሎዋጥ ጉይያን፣ “ጌሻ ግዴኩ” ያግ ቆጥኖ። ቃይካ ሄ ናአይ ቃጸረታና ጋካናዉ እካ ሶይጥ ከሰናዳን ኦሰታዉ። ሀ ዋዲ፣ ጌይያ ዋድያ ጌተቲ። ‡ 2:23 ባይራ ናአይ፡- 2:7 ጸልተ። 2:23 ከሳ 13:2፣ 12

23 ሄዌይካ ጎዳ ዋጋን፡ “አቱማ ናኦ ግዴዳ ባይራ ናኦይ ት ኡባይ ጸሳው ዲማቱዳዋ ግዳናዋ” ጌተት ጸፈቱዳዋዳን፡፡

24 ቃይካ ጎዳ ዋጋን፡ “ላኡ ደጎማቱዋ ዋይ ላኡ ሀራጸ ማራቱዋ” ጌተቶዋዳን፡ ጎዳው ያርሹዋ ያርሻናው አፊድና፡፡

25 ሄ ዋይ ጽሎን ገንጫ ግዴዳ ሰሞና ጌተትያ እት ብታኒ የሩሳላሙን ደኤ፡፡ እካ፡ እስራኤልያ አሳው አቶተላ ህደታ ናግያዋን እያና ጌሻይ አ ቦላን ሸምፔዳ አሳ፡፡

26 ጎዳን ኦከቱዳ ክርስቶሳ በኤናን ሀይቀናዋ እያና ጌሻን አው ቆንጭሴዳ፡፡

27 እካ ሄ ዋይ እያና ጌሻይ ካለለና፡ ጌሻ ጎልያ ገሌዳ፡፡ ናኦ የላዋንቱ ኤርያ ዋጋ ማራዳን፡ ኮሽያዋ አው ፖላናው ጉላ ናኦ የሱሳ ኦይቂደ ገሎ ዋይ፡፡

28 ሰሞን ሞክ እክ ናኦ እድሚደ ጸሳ ጋላቲደ ሀዋ ያጌዳ፡፡

29 “ጎዳው፡ ኔን ቃላ ገሎ ማራዳን፡ ሀእ ታና ነ እይልያ ሳሩዋን ኔኮ አፋ፡፡

30-31 ጋሱካ፡ ታ አይፋቱ፡ አሳ ኡባ ሰንሳን ኔን ገግሴዳ፡ አሽያ ሀደታ በኤድና፡፡

32 ሄዌይካ እስራኤልያ ግደና አሳው፡ ቆንጭላ እምያ ፖኤዋ፡፡

ቃይ ነ አሳው እስራኤላው ቦንቸዋ፡፡፡

33 ዮሴፎን አ ዳያ አ ድራው ሃሳየቱዳ የዋ ማላለቲድና፡፡

34 ሰሞንካ እንጂደ ማይራዋ፡ “ሀዌ ናኦይ እስራኤልያን ጮራቶ ደንዲዋሰን ኩንደላው ጋሶ ግዳናው፡ ቃይካ ኢታ ሃሳይያዋንቶ ማላ ግዳናው ደረቲዳ፡፡

35 ጮራቶካ ዋዛና ቆፋይ ቆንጭዋ ግዳናው፡ ነ ሸምፔካ ማሻን ቃንጸዋዳን ሴለታናዋ” ያጌዳ፡፡

36 ቃይካ እሴራ ያራፕ ግዴዳ ፓኤኤላ ናታ ሃኖ ጌተትያ ናባታ ደአው፤ እዛካ ሎይላ ጭማዳ፡፡ ባረ ዋድሮተላን ገሌዳ አሰናና ላፑ ላይላ ደኤዳውና፡፡

37 እዝ ላይላይካ ሆሰፑን ታማን ኦይዲዋ ግዳና ጋካናው ጋላሳን ቃማ ጌሻ ጎልያፕ ሻከተናን ጸማንነ ዋሳን ኪተታደ አምኤ § ግዳደ ጋምኤዳ፡፡

38 ሄ ዋይካ ሺቃይ ጸሳ ጋላታዲ፤ ቃይካ የሩሳላሙ አሳይ ዋዘታናው ናግያዋንቶ ኡባቶ ጋጭኖ ናኦ የሱሳባ ኦዳዳ፡፡

ዮሴፎን ማይራማ ናዝሬተ ሰሜድኖ

39 ዮሴፎን ማይራማ ጎዳ ሀግያን አዛዘቱዳዋ ኡባ ፖሎዋፕ ጉየ ጋለላ አውራጃን ደእያ ባረንቱ ካታማ ናዝሬተ ሰሜድኖ፡፡

40 ጉላ ናኦይካ ድጩደነ ምኒደ ቤዳ፤ እቶ ኤራንካ ኩሜዳ፤ ጸሳ እቶ ኬካተላይ አ ቦላን ሸምፔዳ፡፡

ጉላ ናኦ የሱሳ ጌሻ ጎልያን

41 ዮሴፎን ማይራማ ላይላን ላይላን ፓሰጋ ባላ ቦንቻናው የሩሳላሙ ካታማ ቢኖ፡፡

42 ናኦይካ ታማን ላኡ ላይላ ግደ ዋይ ደያዳን ባላው ህን የሩሳላሙ ከሴድኖ፡፡

43 ባላ ፖሎዋፕ ካላ ባረንቱ ጎለ ኡንቱንቱ ሰሞደ ጉላ ናኦ የሱሳ ዮሴፎን ማይራማ ኤረናን የሩሳላሙን አት አጌዳ፡፡

44 ኡንቱንቱና እትፕ ደእያዋ ማላትና እት ጋላሳ ኦግያ ሀመቲድና፡፡ ጉየፕ ቃይካ ባረንቱ ዳባቱዋናን ባረንቱ ሲቀትያዋንቱ ማታን ኮሻ ደሜድኖ፡፡

45 ቆዮ ዋይ ኮዪደ ህን የሩሳላሙ ሰሜድኖ፡፡

46 ሄዙ ጋላሳፕ ጉየ፡ ታማርሰያዋንቱ ግደን የሱሳ ኡቲደ ኡንቱንቱ ግያዋ ሰሲደነ ኡንቱንታ ኦቺደ ጌሻ ጎልያ ጋርሳን ደእያዋ በኤድኖ፡፡

47 ሰሰያዋንቱ ኡባቱካ፡ አ አኬካንነ አ ዛሩዋን ማላለቲድና፡፡

48 ዮሴፎን አ ዳያ አ በኦ ዋይ ማላለቲድና፡፡ አ ዳያካ፡ “ታ ናኦው፡ እያው ኡና ሀዋዳን ኦላይ? ነ አቡነ ታን ኔና ኮዪደ፡ ዳሮ ሙቶቲደ” ያጋዲ፡፡

49 የሱሳካ ኡንቱንቶ፡ “እያው ታና ኮዪቲ? ታ አቡ ጎለን * ደአናው ታው ኮሽያዋ ኤርበይክቲ?” ያግ ዛሬዳ፡፡

50 ሄዋ ያግ ኦደፕ አትን፡ ኡንቱንቶ እ ኦዴዳ የው እያ ግንቶ ገልቤና፡፡

51 ሄዋፕ ሰሚደ፡ ኡንቱንቱና እትፕ ህን ናዝሬተ ቤዳ፤ ሄዋንካ ኡንቱንቶ አዛዘቲ፡፡ አ ዳያካ ሄዋ ኡባ ባረ ዋዛናን ዋላዳ፡፡

52 የሱሳካ ኤራንነ ጌሳን፡ ሳባንካ ጸሳን አሳ ሰንሳን ድጩዳ፡፡

3

ጸማቅያ ዮሃንስ የሱሳው ኦግያ ገግሴ (ማቶሳ 3:1-12፤ ማር. 1:1-8)

1 ጽባርዮሳ ጌተትያ ካቲ ካውቲዳ ታማን እቼሽልያ ላይላን ጸንጸናውያ ጽላጸሰ ይሁዳ ሞድያ ዋይ፡ ሄርድስ ጋለላን ኦይደንልያ ሻኩዋ ሞድያ ዋይ፡ አ እሻይ ፕልጸሰካ እጹርያንነ ጽርኮንደሳን ኦይደንልያ ሻኩዋ ሞድያ ዋይ፡ ልሳንዮሰካ አብሌንነ ኦይደንልያ ሻኩዋ ሞድያዋ ግዲደ ሞድ ደእሸን፡፡

2 ሃንነ ቀያፋይ ቄሳቱዋ ካፓቱዋ * ግዲደ ደእሸን፡ ጸሳ ቃላይ ዛካራሳ ናኦ ዮሃንሳኮ ሙላ ቢታን ዬዳ፡፡

3 ዮሃንስ ዮርዳኖሳ ሻፋ ሄራ ኡባ ቢደ፡ “ህንተ ናጋራይ አቶ ጌተታና ማላ ናጋራ ፓጺደ ጸማቅትተ” ያግ ታማርሴዳ፡፡

4 ናብያ ኢሰያሳ ማጻፋን ጸፈቲዳ ቃላዳን፡ “ሙላ ቢታን ዋሰያ ብታንያ ኮሻይ፡ ጎዳው ኦግያ ገግሰተ፤ አ ኦግያካ ሱርሰተ፡፡

5 ኦላይ ኡባይ ኩሞ፤ ደሪነ ዘዚ ደንባ ግደ፡፡

§ 2:37 አምኤ፡- አምኤ ጉሳይ አሰናይ ሀይቁና ገለናን ጋምኤዳ ማጫውና፡ ሀ ፓይዲዋን ጸፈቲዳ ምሽራታ ላፑ ላይላ ጸላላ አሰናና ጋምኤዋፕ ጉየ 84 ላይላ ኡባ አምኤ ግዳደ ጋምኤዳ፡፡ 2:39 ማቶሳ 2:23 2:41 ከሳ 12:1-27፤ ዛረ. 16:1-8 * 2:49 ታ አቡ ጎለን፡- ጉሳይ፡ ታ አቡ ኪቲዳ ኦሱዋ ፖላናው በሴ ጉሳ፡፡ 2:52 1 ሳሚላ 2:26፤ ለም. 3:4 * 3:2 ቄሳቱዋ ካፓቱ ሃንነ ቀያፋይ፡- ሃና ካፖተላ ዋዲ የሱሳ የለታናፕ ካሰ 6-15 ላይላ ጋካናሳ፡፡ ቀያፋ ጌተትያ ሃና ቦሉ 18-37 ላይላ ካፖ ግዲደ የሱሳ የለታፕ ካሰ ጋምኤዳ፡፡ 3:4 አሲ. 40:3-5

ገባና ኦጊ ኡባይ ገባ።
 ሀንቸሮ ኦጊ ኡባይ ሊቆ።
 6 ሄዋ ግደጥ።
 አሳይ ኡባይ ጸሳይ አሸያዎ በአና። ”
 ያጌዳ።

7 ሀዋ ድራው የሃንሰ አ ኩሽያን ጸማቀታናው ከሴዳ አሳው ሀዋዳን ኡዲዎ ደሜዳ። “ሄንተኖ፣ ሸሻ ናቶ፤ ይያ ሀንቁዋጥ አታና ማላ ሀንተንታ ኦን ማቄዴ?”

8 ሰም ሀንተንቱ ናጋራጥ ሰሜዳዋንቶ በሰያ አይፍያ አይፍተ። ሀንተንቱ ዋዛናን አብራሃም ኑ አቡ ደኤ ጎፕተ። ጸሳይ አብራሃም † ናና ሀ ሹቻቱዋጥ ደንፋናው ዳንዳዬ ያጋደ ታን ሀንተንቶ ኡዲይ።

9 ሀእ ኡባ በጽ ምላ ጸጹዋን ቃንጸናው ገግ ኡቲዳ፤ ሰም ሎኑ አይፍያ አይፈና ምላይ ኡባይ ቃንጸቲደ ታማን አለታናዋ።”

10 “ያትና ሀእ ኑ አያ ኡዳኔ?” ያጊደ አ ጮራ አሳይ ኦቼዳ።

11 የሃንሰካ፣ “ላኡ ማዩ ደእያዌ ባይናዎ አሞ፤ ቁማይ ደእያዌካ ባይናዎ ግሾ” ያግ ዛሬዳ።

12 ቃራጸ ሺሽያዋንቱካ ጸማቀታናው ዪደ፣ “ታማርሰያዎ፣ ኑ አያ ኡዳኔ?” ያግ ኦቼድኖ።

13 እ ኡንቱንቶ፣ “ጌተቶዋጥ አዶ ቃራጸ አላ ሺሾፕተ” ያግ ኡዳዳ።

14 ሄዋጥ ካላ ዋታዳራቱ፣ “ኑንሽ፣ አያ ኡዳኔ?” ያግ አ ኦቼድኖ።

የሃንሰካ፣ “አሳ ሻሉዋ ናቁዋን ቦንቁ አኮፕተ፣ እናን ዋርዲዋን ሞቶፕተ፣ ሀንተንቱ ድርጉ ሀንተንቶ ግዳና” ያግ ዛሬዳ።

15 ሄ ዋደ አሳይ ኡባይ ክርሰቶሳ ዩሳ ናጊደ ደእያ ድራው የሃንሳ፣ “ሀዌካ ክርሰቶሳ ግደናን አተና” ያጊደ ባረንቱ ዋዛናን ማሌድኖ።

16 የሃንሰ ኡባቱዋካ፣ “ታን ሃሳን ጸማቃይ፤ ግደጥ አትን ታጥ ዋልቃማይነ ታንካ አ ጫማ ቃሹዋ ብላና ዳንዳየናዌ † ብር ያናዋ፤ እካ አያና ጌሻንነ ታማን ጸማቃናዋ፤

17 አ ኩሽያን ካላ ዳላጥ ሻክ ጌሽያ ላይዳይ ደኤ። ካላ ኡዲማን ቡኮዋ ጌሽ ፑኒደ አይፍያ ድይያን ቆሌ፤ ሽን ዳላ ቶኤና ታማን ጉዴ።”

18 የሃንሰካ ሀራ ጮራ ቃላን ጮራ አሳ ማቂደ ሞሽራቸው ቃላ ኡዳዳ።

ሄሮድስ ጸማቅያ የሃንሳ ቃቹዳ

19 ጋሊላ ሞድያ ሄሮድሳ ቃይ ባረ እሻ ፕልጶሳ ማቻቶ ሄሮድያዶ እ አኩዳ ድራውን ሀራካ ጮራ ኢታ ኪታ ኪተቶ ድራው፣ የሃንሰ ሴሬዳ።

20 ሀዋ ድራው ሀ ኡባ ጉጂደ ሄሮድስ የሃንሳ ቃሾ ጎላ ገልሴዳ።

የሃንሰ የሱሳ ጸማቁዳ (ማቶሳ 3:13-17፤ ማር. 1:9-11)

21 አሳይ ኡባይ ጸማቀት ሰሞዋጥ ጉይያን የሱስ ጸማቀቲዳ። እ ዋሰ ደእሸንካ ሳሉ ደየት አጌዳ።

22 ጌሻ አያናይካ ሀራጵያ ማላቲደ አ ቦላን ዋዴዳ። ሳሉዋጥካ፣ “ታ ዶሰያ ናአይ ኔና፤ ኔናን ታን ናሽታይ” ያግያ ቃላይ ዬዳ።

የሱሳ የለታይ ካስ ጉየ ማይዛጥ ደእያ ፓይዲዋ

(ማቶሳ 1:1-17)

23 የሱስ ታማርሱዋ ደሞደ አው ሀታሙ ላይላ ግዴዳ፤ ጮራ አሳይካ ባረንቶ ማላቶዋዳን አ የሴፎ ናኣ ያጊኖ፤ የሴፎ ኤለ ናኣ፤

24 ኤለ ማተ ናኣ፤ ማተ ሌዊያ ናኣ፤ ሌዊ ሞልከ ናኣ፤ ሞልከ ዮና ናኣ፤ ዮን የሴፎ ናኣ፤

25 የሴፎ ማታትያ ናኣ፤ ማታት አሞጶ ናኣ፤ አሞጶ ናሆመ ናኣ፤ ናሆመ ኤሰሊመ ናኣ፤ ኤሰሊመ ናገ ናኣ፤

26 ናገ ማአተ ናኣ፤ ማአተ ማታትዩ ናኣ፤ ማታትዩ ሴመየ ናኣ፤ ሴመይ የሴፎ ናኣ፤ የሴፎ ዮዳ ናኣ፤

27 ዮድ ዮናና ናኣ፤ ዮናን ሬስ ናኣ፤ ሬስ ዘሩባቤላ ናኣ፤ ዘሩባቤል ሳላትያላ ናኣ፤ ሳላትያላ ኔለ ናኣ፤

28 ኔል ሞልከ ናኣ፤ ሞልከ ሃደ ናኣ፤ ሃደ ዮሳስ ናኣ፤ ዮሳስ ቆሳማ ናኣ፤ ቆሳም ኤልማዶመ ናኣ፤ ኤልማዶመ ኤረ ናኣ፤

29 ኤረ የሴኤ ናኣ፤ የሴኤ፣ ኤልኤዘራ ናኣ፤ ኤልኤዘረ፣ ዮራመ ናኣ፤ ዮራም ማጶተ ናኣ፤ ማጶተ ሌዊያ ናኣ፤

30 ሌዊ ሰሞና ናኣ፤ ሰሞን ይሁዳ ናኣ፤ ይሁዳ የሴፎ ናኣ፤ የሴፎ ዮናና ናኣ፤ ዮናን ኤልያቄማ ናኣ፤

31 ኤልያቄም ሜልያ ናኣ፤ ሜልያ ማይናና ናኣ፤ ማይናን ማጶተ ናኣ፤ ማጶተ ናታን ናኣ፤ ናታን ዳዊተ ናኣ፤

32 ዳዊተ እስይ ናኣ፤ እስይ እዮቤዳ ናኣ፤ እዮቤድ ቦኤዛ ናኣ፤ ቦኤዝ ሳልሞና ናኣ፤ ሳልሞን ናህሾና ናኣ፤

33 ናህሾን አሞናዳባ ናኣ፤ አሞናዳብ ራማ ናኣ፤ ራም አሪና ናኣ፤ አሪናይ ሄዘርና ናኣ፤ ሄዘርን ፐሬዛ ናኣ፤ ፐሬዝ ይሁዳ ናኣ፤

34 ይሁዳይ ያቆባ ናኣ፤ ያቆብ ይሳቃ ናኣ፤ ይሳቃ አብራሃም ናኣ፤ አብራሃም ታራ ናኣ፤ ታር ናኮራ ናኣ፤

35 ናኮራ ሴሮሄ ናኣ፤ ሴሮህ ራጋዋ ናኣ፤ ራጋው ፐሊጋ ናኣ፤ ፐሊግ አቤራ ናኣ፤ አቤር ሳላ ናኣ፤

36 ሳል ቃይናና ናኣ፤ ቃይናን አርፋክሲደ ናኣ፤ አርፋክሲደ ሴመ ናኣ፤ ሴም ኖሄ ናኣ፤ ኖሄ ላሜሄ ናኣ፤

37 ላሜህ ማቱሳላ ናኣ፤ ማቱሳል ሄኖከ ናኣ፤ ሄኖከ ያሬዳ ናኣ፤ ያሬድ ማላልኤላ ናኣ፤ ማላልኤል ቃይናና ናኣ፤

38 ቃይናን ሄኖሳ ናኣ፤ ሄኖሰ ሴተ ናኣ፤ ሴት አዳማ ናኣ፤ አዳም ጸሳ ናኣ።

3:7 ማቶሳ 12:34፤ 23:33 † 3:8 አብራሃም ናና- አይሁዳ አሳቱ ባረንታ ጸሳይ ዶሬዳ አሳ ያግ ቆጥኖ። ጋሱካ፣ በን ሀዶታ ቃላይ ጸሳጥ ኑ አቡ አብራሃም እመቲዳ ያጊደ ቆጥያ ድራሳ። 3:9 ማቶሳ 7:19 3:12 ሉቃስ 7:29 † 3:16 አ ጫማ ቃሹዋ ብላና ዳንዳየናዌ- ሀዌ ቆማ ዋይ ዳንጋጽራት ኡሱዋ። 3:20 ማቶሳ 14:3-4፤ ማር. 6:17-18 3:22 ደመላ 22:2፤ ማዘ. 2:7፤ እሳ. 42:1፤ ማቶሳ 1:17፤ ማር. 1:11፤ ሉቃስ 9:35

4

የሱሳው ሺቄዳ ጸላህያ ፓጭያ
(4:1-13፤ ማቶሳ 4:1-11፤ ማር. 1:12፤

13)

1 የሱሳ ጌሻ እያናን ኩሚደ ዮርዳኖሳ ሻፋፕ ሰሜዳ፤ እያናን መላ ሳኦ ካለሰቲደ ቤዳ።

2 ሄዋን ኦይታሙ ጋላሳ ዳብሎሳን ፓጭቲዳ። ሄ ጋላሳቱዋን እያን ምቤና ድራው ወርሰላ ፖሉዋ ሄራን እ ኮሻቲዳ።

3 ዳብሎሰካ፡ “ኔን ጸሳ ናኦ ግደፕ ሀ ሹቻ፡ ‘ኡክላ ግዳ’ ጋደ አዛዛ” ያጌዳ።

4 የሱሰካ፡ “ ኡሳይ ጸሳ ቃላ ኡባፕ አትን ኡክላ ጸላላን ደኤና ጌተት ጸሳ ቃላን ጸፈቲዳ” ያግ ዛሬዳ።

5 ዳብሎሰካ ጶቃ ግዳዳ ደርያ የሱሳ ከሲደ አላምያ ካወተላ ኡባ ልጾ አይፊ ሰማናው በሴዳ።

6 ዳብሎሰካ፡ “ሀ ካወተላ ማታይን ቦንቹ ኡባይ ታወ እመቲዳ። ታን ታ ደሰያ ኦሰን እማና፤ ነወካ እማና።

7 ሄዋ ግድያ ድራው፡ ነ ታ ሰንላን ታወ ጎይናፕ ሀ ኡባይ ኔሳ ግዳናዋ” ያጌዳ።

8 የሱሰካ ዛሬደ፡ “ ኅዳ ጸሳው ጎይና፡ አ ጸላላ ጎዳያን ጌተት ጸሳ ቃላን ጸፈቲዳ” ያጌዳ።

9-11 ዳብሎሰካ የሱሳ የሩሳላመ አፊደ ጌሻ ጎልያ ሁጺያ ከሲደ፡

“ ጸሳይ ኔና ናጋና ማላ፡
ኪታንቻቱዋ ኪታናዋ፡
ኡንቱንቱካ ነ ገዲ ሹቻን ጳብተና ማላ፡
ባረንቱ ኩሽያን ኔና ደንላናዋንታ” ያገቲደ።
ጌሻ ማጻፋን ጸፈቲዳ፤
እነ ኔን ጸሳ ናኦ ግደፕ፡
ሀዋፕ ዱገ ኔና ኦላ”

ያጌዳ።

12 የሱሰካ ዛሬደ፡ “ ኅ ጎዳ ጸሳ ፓጭፓ ጌተቲዳ” ያጌዳ።

13 ዳብሎሰካ ፓጭያ ኡባ ወርሶዋፕ ጉዮ ጉላ ዋደው የሱሳፕ ሻከቲዳ።

የሱሰ ጋሊላን ኦሱዋ ደሜዳ
(ማቶሳ 4:12-17፤ ማር. 1:14፤ 15)

14 የሱሰካ እያና ዋልቃን ጋሊላ ጋድያ ሰሜዳ። አ ዋሪካ የሹዋን ደእያ ኡባ ጋኬዳ።

15 የሱሰካ አይሁዳቱዋ ዋሳ ጎልያን ታማርሲደ አሳን ኡባን ጋላተቲዳ።

ናዝሬተን የሱሳ እጾድኖ
(ማቶሳ 13:53-58፤ ማር. 6:1-6)

16 እ ባረ ድጮ ካታማ ናዝሬተ ዬዳ፤ ካሰ አላምዳንካ ሳምባታ ጋላሰ አይሁዳቱዋ ዋሳ ጎላ ገሊደ ናባባናው ደንዲደ ኤቄዳ።

17-19 ናብያ ኢሰያሳ ን ጸፈቲደ ጸጸቲዳ ማጻፋ አዉ እሜድኖ። ሄ ማጻፋ ብሊደ፡ “ታን ህየሳቶ ምሽራቸው ኦዳናው

ኦከቲዳ ድራው ጎዳ አያናይ ታ ቦላን ደኤ። ቃሽቲዳዋንቶ ብለላ፡

ቆቃቶ ጸላና ማላ ኦዳናው፡
ቃይካ ናቀቲዳዋንታ ናቁዋፕ
ከሳና ማላ ደሰቲዳ ጎዳ ላይሳ
ኦዳና ማላ፡ ታና ከቲዳ”

ጌተት ጸፈቲዳሳ ደሜዳ።

20 ማጻፋካ ጸጺደ አይሁዳቱዋ ዋሳ ጎልያን አላምዳ እሚደ ኡቲዳ። አይሁዳቱዋ ዋሳ ጎልያን ደእያ አሳይ ኡባይ አ ጮድ ጸሌዳ።

21 የሱሰካ፡ “ሀቹ ህንተው ናባበትና ህንተንቱ ሰሴዳ ቃላይ ፖለቲዳ” ያጌዳ።

22 ኡባይ አዉ ማርካቲድኖ። አ ደናፕ ከሰያ አጾ ከካተላ ቃላፕ ደንዳዳዋን ማላለቲደ፡ “ሀዋ ዮሴፎ ናኦ ግደኔ?” ጌድኖ።

23 የሱሰካ ሰባ ባንታን ሀ ለምሱዋን፡ “ህንተንቱ ታወ ‘ጳልያ ጎዳው፡ ነ ሁጺያ ፓላ፡ ኔን ቅፍርናሆማን አላና ኑ ሰሶዋ ኡባ ሀ ነ ካታማንካ ቃይ ኦላ’ ያጌደ ኦዲታ” ያጌዳ።

24 ቃይካ፡ “ቱሙዋ ያጋይ፡ ናቢ ባረ የለቶ ጋድያን ጋማካ ቦንቹተና።

25 “የወዋን ቃይ ቱሙዋ ኦዳይ፡ ኤላሳ ዋድያን ሄዙ ላይሳን ኡሱቸን አገና እራይ ቡከናን እጽና ሳኦ ኡባን ዋልቃማ ኮሻይ ገሌዳ ዋደ፡ እሰራኤላን ጮራ አምኦቱ ደኢኖ።

26 ኤላሰካ ሲዶና ጋድያን ደእያ ሰራፍታ ሄራ እት አምኦትኮ ከተቲዳፕ አትን ኦኮን ከተትቤና።

27 ናብያ ኤልሳኦ ዋድያንካ እሰራኤልያን ጮራ ኦሉዋ ሀርግያን * አይቀቲዳዋንቱ ደኢኖ፤ ሶርያ ቢታን ደእያ ንእማነፕ አትን ኡንቱንቱፕ ኦንነ ፓጽ ቤና” ያጌዳ።

28 አይሁዳቱዋ ዋሳ ጎልያን ደእያዋንቱ ኡባቲ ሀዋ ሰሲደ ዳርሲደ ሀንቀቲድኖ።

29 ኡንቱንቱ ደንዲደ የሱሳ ካታማፕ ጋጸ ከሲደ ዱገ ኦላናው ካታማይ ኬጸቲዳ ደርያ ሁጺያ አፊድኖ።

30 ሸን የሱሰ ኡንቱንቱ ግድዋና አጺደ ቤዳ።

ኢታ አያናይ አይቄዳ ብታንያ
(4:31-37፤ ማር. 1:21-28)

31 ሄዋፕ ጉይያን የሱሰ ጋሊላ ጋድያን ደእያ ቅፍርናሆማ ካታማ ቤዳ። ሳምባታ ጋላሳንካ አሳ ታማርሴዳ።

32 እ ታማርሴዳ ትምርቲ ማታን ግድያ ድራው ሰሴዳ አሳይ ኡባይ ማላለቲድኖ።

33 አይሁዳቱዋ ዋሳ ጎልያን ኢታ አያናይ አይቄዳ ብታኒ ደኤ፤ ባረ ኮሻ ጶቄ ኦላ ዋሲደ፡

34 “ሀያ ጎድ አጋርኪ ናዝሬትያ የሱሳ፤ ኑው ኔናና አይ እትፕተላይ ደኢ? ኑና ባይዛናው ያድ? ኔን ኦንንቶ ኤራድ፤ ኔን ጸሳ አዉ ከቲዳ ጌሻ ግድኪ!” ያጌዳ።

35 የሱሰካ፡ “ጮኡ ጋ፡ አፕካ ከሳ” ያግ ሴሬዳ። ኢታ አያናይ ብታንያ ኡንቱንቱ ግድዋን ኩንድሲደ እይነ ቆሄናን አፕ ከሴዳ።

36 አሳይ ኡባይ ማላለቲደ እቱ እቶ፡ “ሀዋ አያ ቃሌ? ባረው ደእያ ማታንነ ዋልቃን ኢታ

4:4 ዛረ. 8:3 4:9-11 ማዘ. 91:11-12 4:17-19 አሳ. 61:1-2 4:24 ዮሃ. 4:44 4:25 1 ካታ. 17:1 4:26 1 ካታ. 17:8-16 * 4:27 ኦሉዋ ሀርግያ፡- ጸሳ ቃላይ ታማርሴትያ ዋድያ ኡባን፡ “ኦሉዋ” ግያ ቃላይ ጋልባ ቦላን ሳክያ ሳኩዋ ኡባዉ አከትያዋ። 4:27 2 ካታ. 5:1-14 4:32 ማቶሳ 7:28፤ 29

አያናቱም ሴሬ፤ ቃይ ኢታ አያናይካ ከሴ” ያገደ ሃሳዬድኖ።

37 እ ዋሪካ ሄ ዩሹዋን ደእያ ጋድያ ኡባ ጋኬዳ።

የሱስ ጮራ ሀርጋንቻ አሳ ፓሌዳ (ማቶሳ 8:14-17፤ ማር. 1:29-34)

38 የሱስ አይሁዳቱም ዋሳ ጎልያፕ ደንዲደ ሰሞና ጎልያ ገሌዳ፤ ሰሞና ቦሎታታ ዋልቃማ ቆጶም ሀርጋንቻ ሀርጋታደ ግሴዳውንግ የሱስ እዘ ፓላናዳን አሳይ አ ዋሴዳ።

39 እ ማታን ኤቁደ ቆጶም ሀርጋንቻ ሴርና፤ ሀርጊ የዲሼዳ፤ ሄ ዋድያንካ ደንዲደ ኡንቱንቶ ኪተታዲ።

40 አዋይ ወሎ ዋድያን ዲማ ዲማ ሀርጋንቻ አይቀቱዳ ሀርጋንቻቱም ኡባ አኮ አሄድኖ፤ እካ እቱም እቱም ቦላ ባረ ኩሽያ ዋሊደ ፓሌዳ።

41 ኢታ አያናቱካ፡ “ኔን ክርስቶስ ጸሳ ናኣ” ያግ ዋሲደ ጮራ አሳፕ ከሴድኖ። እ ክርስቶስ ግደም ኡንቱንቱ ኤሬዳ ድራው ሃሳየና ማላ ድጌዳ።

የሱስ ጋሊላን ታማርሴዳ (ማቶሳ 4:23-25፤ ማር. 1:35-39)

42 ሳአይ ዋንቶ ዋደ አሳይ ባይናሳ ቤዳ፤ አሳይ ኡባይ አ ኮዪደ እ ደኢያሳ ዬድኖ። ባረንቱፕ ሻከት ቤናዳን ድጋናው ኮዬድኖ።

43 እ ቃይ፡ “ሀን ሀራ ካታማቶ ባደ ጸሳ ካውተላ ሞሽራቸው ቃላ ኦዳናው ኮሼ፤ ታን ኪተቱዳዋ ሀዋ ድራሳ” ያጌዳ።

44 ጋሊላን ደእያ አይሁዳቱም ዋሳ ጎሊን ቃላ ታማርሴደ ጋምኤዳ።

5

የሱስ ኮይር ባረና ካልያዋንታ ደሬዳ (ማቶሳ 4:18-22፤ ማር. 1:16-20)

1 እት ጋላስ የሱስ ገንሳሬጸ አባ * ጋጸን ኤቁደ ደእሽን ጮራ አሳይ አኮ ሺቁደ ጸሳ ቃላ ሰሳናው ሱገት ደእኖ።

2 ሄ ዋደ ላኡ ዋንግራቱ † አባ ጋጸን ኤቆዋ እ በኤዳ፤ ሞልያ ጸርያዋንቱ ቃይ ዋንግራቱዋፕ ዋዲደ ባረንቱ ዳባ ማጭ ደእኖ።

3 የሱስ ዋንግራቱም ግደፕ ሰሞናውኖ ግዴዳውን ገሊደ ሳኦፕ ያ አባኮ ጉላ ሺሻናዳን ኦቼዳ። ሄዋፕ ጉየ ዋንግርያ ቦላን ኡቲደ አሳ ታማርሴዋ ደሚዳ።

4 ታማርሴዋ በሰሞና ጉይያን ሰሞና፡ “ዋንግርያ ያ አባ ጨሙዋኮ ሺሽተ፤ ሀንተንቱ ዳባካ ሞልያ ጸራናው ኦልተ” ያጌዳ።

5 ሰሞናካ፡ “ጎዳው፡ ቃማ ኩሙንላ ዳቡር አቁደ አይነካ አይቁበይኮ፤ ሽን ሀእ ኔን ጎዋዳን ዳባ አሌቶ” ያግ ዛሬዳ።

6 ሄዋዳንካ ኦሌዳ ዋደ፡ ዳር ጮራ ሞልያ አይቁድኖ። ኡንቱንቱ ዳባቱካ ዲጸረታናው ሀኔድኖ።

7 ሀራ ዋንግርያን ደእያ ላገላቱ ዪደ ማዳናዳን ወቱድኖ፤ ኡንቱንቱ ላኡ ዋንግራቱዋንካ ሞልያ ኩንሰና ዋንግራቱ ሞተቱሳ ደሚድኖ።

8 ሰሞን ጸጽርሰካ ሀዋ በኤዳ ዋደ የሱስ ጉልባታን ኩንዲደ፡ “ጎዳው፡ ታን ናጋራንቻ አሳ ግደ ድራው ታፕ ሻከታ” ያጌዳ።

9 ሀዋ ጌዳዌ እነ አናና እትፕ ደእያዋንቱ ኡባይ ባረንቱ አይቁዳ ሞልያ ጮራተላን ማላለቱድኖ።

10 ሄዋዳንካ ቃይ ሰሞና ላገላ ግዴዳዋንቱ ዛብድዮሳ ናናቱ ያቆብነ ዮሃንስ ማላለቱድኖ።

የሱስካ ሰሞና፡ “ያዮፕ ሀዋፕ ጉይያን አሳ ጸርያዋ ግዳናሳ” ጌዳ።

11 ኡንቱንቱካ ዋንግራቱዋ ሃላፕ ጋጸ ከሲደ፡ ኡባባ አገደ የሱስ ካሌድኖ።

የሱስ ኦሌ አይቁዳ ብታንያ ፓሌዳ (ማቶሳ 8:1-4፤ ማር. 1:40-45)

12 የሱስ ካታማቱዋፕ እቱዋን ደእሸን ኦሌ † ቦላ ኡባ ሜዳ ብታኒ ደእያዌ የሱስ በኢደ አ ሰንላንካ ኩንዲደ፡ “ጎዳው፡ ኔን ኮዮፕ ታና ፓላናው ዳንዳያ” ያገደ ዋሴዳ።

13 የሱስካ ባረ ኩሽያ የድ ቦቹደ፡ “ዳሳይ ጌያ!” ጌዳ። ሄማንእያንካ ኦሌ አ የዴዳ።

14 የሱስ አ፡ “ሀዋ አሰነ ኦደፕ። ሽን ቁሳኮ ባደ ኔና በሳ። ሄዋፕ ጉየ ኦሌዋ ሀርጋንቻ ፓጶዳዋ ማርካ ግዳናዳን ሙሴ ሀግያን አዛዘቱዳ ያርሹዋ ሺሻ” ጌዳ።

15 ግደ ሽን አ ዋሪ ሎይሰ አኪደ ቤዳ፤ ዳር ጮራ አሳይካ የሱስ ኦድያዋ ሰሳናውን ባረንቱ ሀርጋንቻ ፓጸናው ሺቁድኖ።

16 የሱስ ጮራ ዋደ ጌማሳ ቢደ ዋሴ።

የሱስ ቦላይ ሰሌዳ ብታንያ ፓሌዳ (5:18-26፤ ማቶሳ 9:2-8፤ ማር. 2:3-12)

17 እት ጋላስ የሱስ ታማርሴደ ደእሸን ጋሊላፕነ ይሁዳ ሄራ ኡባፕ፤ የሩሳላሙ ዬዳ ፓርሳዋቱነ ሀግያ ታማርሴዳዋንቱ ኡት ደእሸን ሀርጋንቻቱዋ ፓላና ማላ ጸሳ አወዋ ዋልቃይ አወ እሙቱዳ።

18 ሄ ዋደ ቦላይ ሰሌዳ § እት ብታንያ አማራዳ አሳይ ሻንቻማን ቶክ አሀ ጎሊ ገልሲደ የሱስ ሰንላን ዋላናው ኮዬድኖ።

19 አሳ ጮራተላፕ ደንዴዳዋን የሱስኮ ሺቃናው ዳንዳይበይክኖ። ሄዋ ድራው ቦላው ግእ ጎልያ ካራ * ቃሪደ አ፡ ሻንቻማና አሳ ግደን የሱስ ሰንላን ዋሌድኖ።

20 የሱስካ ኡንቱንቱ አማኑዋ በኢደ፡ “ሀ ብታንወ፡ ነ ናጋራይ አቶ ጌተቱዳ” ያጌዳ።

* 5:1 ገንሳሬጸ አባ፡- ጋሊላ አባወ እሙቱዳ ዲማ ሱንላ። 5:1 ማቶሳ 13:1፤ 2፤ ማር. 3:9፤ 10፤ 4:1 † 5:2 ዋንግርያ- ዋንግርያ ጌተቶዌ፡ ዋጋ ሃላ ዋይ አባ ቦላን አሳይ ሄፍንላ ባጋ ፕናናው ጎኤትያ ሚሻ። ሀይቆ አሳይ ሞገትያዋ ግደናዋ ኤራናው ኮሼ። 5:5 ዮሃ. 21:3 5:6 ዮሃ. 21:6 ‡ 5:12 ኦሌዋ፡- 4:27 ጸልተ። § 5:18 ቦላይ ሰሌዳ፡- ሀዋ ጉሳይ ግሪክ ቃላን “ፓራሉሞአይ” ጌተትያዋ። ሀ ቃላ ብለሳይ እንግሊዘኛውን “ፓራላይዘድ” ጉሳ። ሀ ላኦቱዋካ ዳወርሱዋን ብለላ አሞደ፤ ኬቼዳዋ ዋይ ቃጸና ማላ ዳቡራዳዋ ጉሳ። * 5:19 ካራ፡- ሀ ፓይዳዋን ጌተቱዳ ጎልያ ካራይ ዳወርዋ ማላ ግደናዳን፤ ፓላስቲን ጋደን ጎልያ ቦላን ደእያ ካራይ ገደ ቀረቲደ ኬጸቱ። ሄዋ ያቲደ ቃይ ዱፈቲደ ጋጸን ጋጸን ሀራ ሞላይ ተጨትና ሎይሰ ኬጸቱ። ሄዋ ማላ ኬጸይ ኦራሳ ቃላ ጫቁዋ ዋድያን ኤረቱዳዋ።

21 ሙሴ ህግ ታማርሰያዎንቱን ፓርሳዎቹ፡ “ሀዌ ጸሳ ጦርያዌ ኦኔ? እት ጸሳፕ አትን ናጋራ አቶ ጋናዉ ኦን ዳንዳዪ?” ያግ ቆፋ ደሜድኖ።

22 የሱሰካ ኡንቱንቱ ቆፋ ኤሮ ድራዉ ሀዋዳን ጌዳ፡ “አያዉ ህንተንቱ ዋዛናን ሀዋዳን ቆፕቱ?”

23 ሳ ናጋራይ አቶ ጌተቱዳ፣ ጋናዋፕን ‘ደንዳዪ ባ’ ጋናዋፕ ሀቃዌ ማቲ?

24 የወዋን ቃይ ሀዋ ታን ጌዳዌ፡ አሳ ናአይ ቢታ ቦላን ናጋራ ማራናዉ ማታይ ደአያዋ ህንተንቱ ኤራናዳና።” ሄዋፕካ ጉንዴዳ ብታንያ፡ “ደንዳ ነ ሻንቻማ ቶካደ ነ ጎላ ባ ጋይ” ያጌዳ።

25 ጉንዳይካ አሳ ሰንፋን ደንደዋሽን ባረ ሻንቻማ ቶኪደ ጸሳ ጋላቲደ ባረ ሶይ ቤዳ።

26 ሀ ዋደ ኡባቱካ ዳሪ ማላላቲድኖ፤ ጸሳካ ጋላቲደ፡ “ሀቼ ማላባ በኤደ” ያጌደ ያሻን ኩሜድኖ።

የሱሰ ሌዊያ ደራዳ (5:27-32፤ ማቶሳ 9:9-13፤ ማር. 2:13-17)

27 ሄዋፕ ጉይያን የሱሰ ከሲደ ቤዳ፤ ሌዊያ ጌተትያ ቃራጸ ሺሽያዌ፡ ቃራጸ ሺሽያሳን ኡቶዋ በኢደ፡ “ታና ካላ” ጌዳ።

28 እካ ደንዲደ ኡባባ አጊደ አ ካሌዳ።

29 ሄዋፕ ሰሚደ ሌዊ ባረ ጎላን ዳሮ ሹብያ ጊባሴዳ፤ ጮራ ቃራጸ ሺሽያዋንቱን ሀራ ጮራ አሳይካ ኡንቱንቱና ኡቲደ ሞ ደአኖ።

30 ፓርሳዎቹን ህግ ታማርሰያ፡ ኡንቱንቱና አላያዎንቱ፡ የሱሳ ካልያዎንቱ ቦላን፡ “አያዉ ቃራጸ ቃንጽያዎንቱናን ናጋራንቻቱዋና ሚቴኔ ኡሺቲ?” ያጌደ ዙዙሜድኖ።

31 የሱሰካ፡ “ሀርጋንቻ አሳፕ አትን ፓጸ አሳዉ አክምያ ኮሸና።

32 ታን ዬዳዌ፡ ናጋራንቻቱ ባረንቱ ናጋራ ፓጸደ ሰማናዳናፕ አትን፡ ጽላቱዋ ጸሳናዉ ያበይከ” ያግ ዛሬዳ።

የሱሰ ጸማባ ኦሽቲዳ (5:33-39፤ ማቶሳ 9:14-17፤ ማር. 2:18-22)

33 ሀዋፕ ጉይያን የሱሳ፡ “ዮሃንሳ ካልያዎንቱን ፓርሳዎቹዋ ካልያዎንቱ ኡባ ዋደ ጸሚኖን ዋሲኖ፤ ሽን ኔና ካልያዎንቱ ቃይ ኡባ ጋላሰ ሚኖን ኡሺኖ” ያጌደ ኦቼድኖ።

34 የሱሰካ፡ “ምሽራይ ኡንቱንቱና ደአሽን ምያታቱ ጸማናዉ ዳንዳዪኖ?”

35 የወዋን ቃይ ምሽራይ ኡንቱንቱ፣ ሻከቲደ ባና ዋዲ ያናዋ፤ ሄ ዋደ ጸማናዎንታ” ያግ ዛሬዳ።

36 የሱሰካ ካልያ ሌምሱዋ ኦዳዳ፡ “ኦራሳ ማዩዋፕ ፔጵ አኪደ ኤጫ ማዩዋ ቦላን □ፕያዌ ባዋ፤ ጋሱካ ሀዋዳ አሳፕ ኦራሳ ማዩዋ ፔጵ፤ ኦራሳ □ፊካ ኤጫ ማዩዋን ገገና።

37 ሀዋዳንካ ኤጬዳ ጭልግያን ተ ኦራሳ ዋይንያ ኤሳ ዋላያዌ ባዋ፤ ዋሳፕ ቃይ ኦራሳ ዋይንያ ኤሳይ ጭልግያ ጵሴ፤ ኤሳይካ ጉኬ፤ ጭልጋይካ ባዬ።

38 ኦራሳ ዋይንያ ኤሳ፡ ኦራሳ ጭልግያን ዋላናዉ በሴ።

39 ኤጫ ዋይንያ ኤሳ ኡሺደ ኦራሳ ኮይያዌ አንነ ባዋ፤ ጋሱካ ኤጫይ ማልኤ ግያ ድራዉ።”

6

የሱሳ ካልያዎንቱ ሳምባታን ትሻ ዱጭድኖ (ማቶሳ 12:1-8፤ ማር. 2:23-28)

1 ሳምባታ ጋላሰ የሱሰ ባረና ካልያዎንቱና አትፕ እት ጎሻ ግዱዋና አጵያ ዋደ አ ካልያዎንቱ ዛርጋፕ ትሻ ዱጭደ ባረንቱ ኩሽያን ሽገቺደ ሙሳ ደሜድኖ።

2 ፓርሳዎቹዋ ግደፕ፡ “ሳምባታ ጋላሳን አላናዉ ዋጋ ግደናዋ አያዉ ኡሲቲ?” ያጌድኖ።

3 የሱሰ፡ “ካትያ ዳዊተን እትፕ ደአያዎንቱ ኮሻቲዳ ዋደ አጭዳዋ ናባብ በይክቲ?”

4 ዳዊተ ጸሳ ጎልያ ገሊደ ቄሳቲዋፕ አትን ሀራ አሳይ ሚናዳን ድገቲዳ፡ ጸሳዉ ያርሸቲዳ ቁማ ሜዳ። እትፕ ደአያዎንቱካ እ እምናደ ሜድኖ” ያግ ዛሬዳ።

5 ሀዋፕ ካሊደ የሱሰ፡ “አሳ ናአይ ሳምባታዉ ጎዳ!” ጌዳ።

የሱሰ ኩሺ ጉንዴዳ ብታንያ ፓጭዳ (ማቶሳ 12:9-14፤ ማር. 3:1-6)

6 ሀራ ሳምባታ ጋላሳን የሱሰ አይሁዳቲዋ ዋሰያ ጎልያ ገሊደ ታማርሰ ደኤ። ሄዋንካ ኡሸቻ ኩሺ ሰሌዳ ብታኒ ደኤ።

7 ህግ ታማርሰያዎንቱን ፓርሳዎቹ የሱሳ ሞትያ ጋሱዋ ደማናዉ እ ሳምባታን አሳ ፓሳፕ በአና ጊደ ናግ ደአኖ።

8 እካ ኡንቱንቱ ቆፋ ኤሪደ ኩሺ ሰሌዳ ብታንያ፡ “ደንዳ አሳ ግዱዋን ኤቃ” ያጌዳ። ብታኒካ ደንድ ኤቄዳ።

9 ሄዋፕ ሰሚደ የሱሰ፡ “ሀንንቶን ሳምባታ ጋላሳን ሎኦባ አላናዉ በሲዬ ኢታባ አላናዉ በሲ? ሸምቸዋ አሻናዉ በሲዬ ዋቆናዉ በሲ?” ያጌዳ።

10 የሱሰ ባረ ዩቹዋን ደአያ አሳ ኡባ ጸሎዋፕ ጉይያን ብታንያ፡ “ኅ ኩሽያ ምጫ!” ያጌዳ። እካ ምጪደ ፓጸዳ።

11 ኡንቱንቱ ሎይላ ሀንቄቲደ የሱሳ ቦላ አላናዋ ባረንቱ ግደን ማቀቲድኖ።

የሱሰ ታማን ላኤ ኪተቲዳዋንታ ደራዳ (ማቶሳ 10:1-4፤ ማር. 3:13-19)

12 ሄ ዋድያን የሱሰ ደርያ ቦላ ዋሳናዉ ከሴዳ፤ ሄዋንካ ቃማ ኩሙንላ ጸሳኮ ዋሲደ አቄዳ።

13 ሳአይ ዋንቶዋን ባረና ካልያዎንታ ጸሴዳ። ሄዋንቲፕካ ታማን ላኤቲዋ ደሪደ፡ “ኪተቲዳዋንታ”* ያጌደ ሱንጭዳ።

14 ኡንቱንቱ ሱንጭዳይካ፡ ጸጽሮሳ ጊደ እ ሱንጭዳ ሰሞና፡ አ እሻ እንድራሳ፡ ያቆባ፡ ዮሃንሳ፡ ፕልጳሳን ባርታላሞሳ፡

15 ማቶሳ፡ ቶማሳ፡ አልፕዮሳ ናኦ ያቆባ፡ ባረ ጋደዉ ሴለትያ ሰሞና፡

5:30 ሉቃስ 15:1፣ 2 † 5:37 ጭልግያ፡- ሀዋ ዳወርላዎን እመትያ ጉጃ ብለላይ ኤሳ ናአያ አጎሩዋ። 6:4 ዋጋ 24:9

* 6:13 ኪተቲዳዋንታ፡- ሀዋ ጉሳይ ታማን ላኤ የሱሰ ኪቲዳ ሀዋራቲዋ ጉሳ።

16 ያቆባ ናኦ ይሁዳነ የሱሳ አል እሜዳ አስቆሮቱ ይሁዳ። †

የሱስ ጮራ እሳ ታማርሴዳነ ፓሌዳ (ማቶሳ 4:23-25)

17 የሱስካ ኤንቲንቲና እትፕ ደርያፕ ዋዲደ ደምባሳን ኤቄዳ። አ ካልያዋንቲፕካ ጮራ እሳይ ሄዋን ደኤ። ቃይካ አፕ ሰሳናውነ ባረንቲ ሀርግያፕ ፓጻናው ይሁዳ ጋድያፕ፣ የሩሳላመ ካታማፕ፣ አባ ማታን ደእያ ጸርሳፕነ ሲደናፕ ዬዳ ጮራ እሳይ ሄዋን ደኤ።

18 ሀ እሳይካ አ ሰሳናውነ ባረንቲ ሀርግያፕ ፓጻናው ዬድና። ቱና እያናን ኦይቀቲደ መቶትያዋንቲካ ፓጸድና።

19 ዋልቃይ አፕ ከሲደ ኡባ ፓልያ ድራው አሳይ ኡባይ አ ቦቻናው ኮዬ።

እንጂዋባነ መቲዋባ (ማቶሳ 5:1-12)

20 ባረና ካልያዋንታ ጸሊደ ያጌዳ።

“ህንተንቲ ማንቃቲ እንጀቲዳዋንታ፤ እያው ጎፕ፣ ጸሳ ካውተላይ ህንተንቲዋ።

21 ህንተንቲ ሀእ ኮሻትያዋንቲ እንጀቲዳዋንታ፤ ግድን ካላንታ፤ ህንተንቲ ሀእ ዬክያዋንቲ እንጀቲዳዋንታ፤ ግድን ማጫንታ።

22 “አሳ ናኦ ድራው ህንተንታ አሳይ እጽያ ዋደነ ቶቻያ ዋደ፣ ህንተንቲ ሱንጻካ ኢታን ደንልያ ዋደ፣ እንጀቲድታ።

23 ሳሉዋን ህንተንቲ አካና ዋይታይ ዳራ ግድያ ድራው ሄ ጋላስ ናሽቻን ጉፕተ፤ ጋሱካ ካስ ህንተንቲ አዋቲ ናባቲዋ ቦላን ሀዋዳን ኦሊደ ደኤድና።

24 “የወዋን ቃይ፣ ዱረ አሳቶ ህንተንቶ አየ፤ ህንተንቲ እሻሎ ደኤዋን ደኤድታ።

25 ህንተንቶ ሀእ ካሌዳዋንቶ አየ፤ ግድን ኮሻታንታ፤ ህንተንቶ ሀእ ማጫያዋንቶ አየ፤ ግድን ካዮታንታን ዬካንታ።

26 አሳይ ኡባይ ህንተንቲ ሎኦተላባ ሃሳይያ ዋደ፣ ህንተንቶ አየ፤ ካስ ህንተንቲ አዋቲ ዋርደ ናባቶ፣ ሀዋዳን ኦሌድና።

ዋርክያ ሲቃናው በሴ (ማቶሳ 5:38-48፤ 7:12)

27 “ሽን ታን ኦድያዋ ሰሰያዋንቶ ያጋይ፣ ህንተንቲ ዋርከቲዋ ደሰተ፤ ህንተና እጽያዋንቶ፣ ሎኤዋ ኦሰተ፤

28 ህንተና ሽቂያዋንታ እንጅተ፣ ህንተና ናቂያዋንቶ፣ ዋሰተ።

29 እት ባጋ ሻይያ ባቂያዋ፣ ላኤንሉዋካ በሳ፤ ኦንነ ነ ኮትያ አክያዋ፣ ነ ሻምጫያካ ድጎፕ።

30 “ኅው ደእያዋ ኔና ዋሰያዋ፣ እማ፤ ነዋ አኬዳዋ፣ ዛራ ጋይ ኦቾፕ።

31 አሳይ ህንተንቶ ኦላና ማላ ህንተንቲ ደሰያዋዳን፣ ህንተንቲካ ሀራው ሀዋዳን ኦሰተ።

32 “ህንተንታ ደሰያዋንታ ጸላላ ደሶፕ አይ ጋላታይ ደኤ? ሀዋ ግድፕ ናጋራንቻቲካ ባረና ደሰያዋንታ ደሲና።

33 ህንተንቶ ሎኦባ አልያዋንቲ ጸላላው ህንተንቲ ሎኦባ አላፕ ሄዋ አይ ጋላታይ ደኤ? ናጋራንቻቲካ ሀዋዳን ኦሊና።

34 ታልኢደ ህንተው ዛራናው ዳንዳይያዋንቲ ጸላላው ታልኦፕ አይ ጋላታይ ደኤ? ባረ ታልኤዳዋ ዛሪደ አካናው ናጋራንቻቲካ ባረንቲ ጋርሳን ታልኤቲና።

35 ሽን ህንተንቲ፣ ህንተንቲ ዋርክያ ደሰተ፤ ኤንቲንቲካ ሎኦባ ኦሰተ፤ ህንተንቲፕ ታልኦዋ ዛሪድ አካናው ቆፖፕተ። ሀዋ ህንተንቲ ፖሎፕ ህንተንቶ ጋቲ ዳራናዋ። ቃይ ህንተንቲ ኡባፕ ቦላ ጸሳ ናና ግዳንታ። እ ኢታቶነ ጋላተናዋንቶካ ኬካ።

36 ህንተንቲ አቡ ማርያዋ ግደዋዳን ህንተንቲካ ማርያዋንታ ግድተ።

ሀራ እሳ ፕርዳናው በሰና (ማቶሳ 7:1-5)

37 “ኦ ቦላንካ ፕርደፕተ፣ ህንተንቲ ቦላንካ ፕርደተና፤ ሀራ ቦላ ኩናንያ ኦላፕተ፤ ህንተንቲ ቦላንካ ኩናን ኦሰተና። አቶ ጌተ፤ ጸሳይ ህንተንቶ አቶ ጋና።

38 እምተ፤ ህንተንቶ እመታና። ህንተንቲ ማኬዳ ማካን ህንተንቶ ማከታና። ባቂ ናቂና ሲል ኩም ፓላህ ላለትያ ማካ ህንተንቲ ክወዋን እድንጻና” ጌዳ።

39 ቃይካ የሱስ ሀዋፕ ካልያ ለምሱዋ ኦዴዳ፤ “ቆቃይ ቆቃ ካለጻናው ዳንዳዬ? ቆቃይ ቆቃ ካለላፕ ላአቲካ ኦይቀቲደ ኦላን ኩንድክና?

40 ታማርያዋ ባረና ታማርሰያዋፕ አፍና፤ ታማርያዋ ምን ታማርፕ ባረና ታማርሶዋ ማላ ግዳናው ዳንዳዬ።

41 “ኅ አይፍያ ግድን ደእያ ቲሳ ከሰናን ደኤደ ሀራ ነ ላግያ አይፍያ ግድን ደእያ ሱላ አያው ጸላይ?

42 ነ አይፍያ ጋርሳን ደእያ ቲሳ በኤናን ሀራ አሳኮ ሽቃደ፣ ታ እሻው፣ ነ አይፍያ ጋርሳፕ ሱላ ታ ከሶ?” ያጋናው ዋታ ዳንዳያይ? ሀ ሎኤዋ ማላትያ ኢታው፣ ኮይርታደ ነ አይፍያ ግድን ደእያ ቲሳ ከሳ። ሄዋፕ ጉይያን ነ እሻ አይፍያ ግድን ደእያ ሱላ ከሳናው ጌሻደ ጸላናው ዳንዳያ።

ምላቶነ እዛ አይፊዳ አይፍያ (ማቶሳ 7:16-20፤ 12:33-35)

43 “ሎኦ ምላይ ኢታ አይፍያ አይፊና፤ ሄዋዳንካ ኢታ ምላይ ሎኦ አይፍያ አይፋናው ዳንዳየና።

44 ምላይ ኡባይ ባረ አይፍያ አይፍያዋን ኤረቲ። አጉንጻፕ ዋደንጻ አይፊ ማጸተና፤ ሀዋዳንካ፣ ጸንዴቂያፕ ፤ ላድያ አይፍያ ማጻናው ዳንዳየተና።

45 ሎኦ አሳይ ባረ ሎኦ ዋዛናፕ ሎኦ የወዋ ሃሳይ። ቃይ ኢታ አሳይ ባረ ኢታ ዋዛናፕ ኢታ የወዋ ሃሳይ። አያው ጎፕ፣ አሳይ ባረ ደናን

† 6:16 እስቆሮቲ- ሀዋ ጉሳይ አይሁዳ ጋድያን ደእያ እስቆሮቲ ቃይካ፣ “ሀይቆ አል እምያዋ” ጉሳ። 6:39 ማቶሳ 15:14 አያውነ ማደናዋ። 6:44 ማቶሳ 12:34

ጌተትያ ጋድያፕ ዬናን አተና ጉሳ። ሀ ሰንጻ ሰላላይ፣ “ዋርዳንቻ”። ፤ 6:44 ጸንዴቂያ- ሀ ምላይ ጎምኦርያ ዛርያ ግዳደ አ አይፊ

ሃሳይያዊ ባረ ዋዛናን ኩሜዳዋ ደናይ ሃሳይያ ድራሳ።

ላኡ ቆሞ ጎልያ ኬጽያ እሳ (ማቶሳ 7:24-27)

46 “ታን ኦዶዋ ኦልክታ፣ ሸን አያው ጎዳው፣ ጎዳው፣ ያጊደ ታና ጸጊቲ፣

47 ታኮ ይያ ኡባይ ታ ቃላካ ሰሲደ ኦሱዋን ፔሽያዌ ኦና ማላትንቶ ታ ህንተንታ በሳና፤

48 እካ ጎልያ ኬጸደ ዳሮ ኦላ ቦኪደ ዛላ ቦላ ግንቢደ ኬጸዳ እሳ ማላቲ፤ ድኡ ድኡደ ሄ ጎልያ ሱግናካ፣ ምኖ ዛላ ቦላ ኬጸቶ ድራው ቃላናው ዳንዳይቤና።

49 ቃይ ታ ቃላ ሰሲደ ኦሱዋን ፔሽና ኡራይ ባሱ ባንታሳ ሻኖያ ቦላን ጎልያ ኬጸዳዋ ማላቲ። ድኡ ድኡደ ሄ ጎልያ ሱግ ዋደ ኤለካ ኩንዴዳ፤ ሄ ጎሊካ ኢታ ዋዳ ዋዲደ ባዬዳ” ያጌዳ።

7

የሱስ ጾቱዋ ካፑዋ ቆማ ፓጴዳ (ማቶሳ 8:5-13፤ ዮሃ. 4:43-54)

1 የሱስካ ሀዋ ኡባ አሳ ሰንላን ሃሳይ ወርሰዋፕ ጉይያን ህን ቅፍርናሆማ ቤዳ።

2 ሄዋንካ እት ጾቱዋ ካፑ ደኤ። እ ዳሮፕ ደሰያ እ ቆማይ ሀርጊደ ሀያናው ማቲዳ።

3 እካ የሱሳባ ሰሴዳ ዋደ፣ ባረ ቆማ ዋሲደ ፓላና ማላ ይሁዳ ጭማቱዋ ህን እኮ ከቲዳ።

4 ኡንቲንቲካ የሱሳኮ ዪደ፣ “ሀ ብታኒ፣ ኔን አ ማዳናዳን ዳሮፕ ኮዬዳ፤

5 ጋሱካ ኑ አሳ እ ዳሮፕ ደሲደ አይሁዳቱዋ ዋሰያ ጎልያ ኬጽሶዌካ እ” ያጊደ ዳሮፕ ዋሴድና።

6 የሱስካ ኡንቲንቲና እትፕ ቤዳ። እካ ህን ጎልያ ሄራ ጋኬዳ ዋደ ጾቱዋ ካፑ ባረ ላገላቱዋ ባረኮ ጸሲደ፣ “ታ ጎዳው፣ ዳቡርፓ፤ አያው ጎፕ፣ ኔና ታ ጎልያ ካራፕ ጋርሳ ባጋና ገልሳናው ታው በሰና።

7 ሀዋ ድራው ነ ሰንላን ኤቃናውካ ሀራይ አቶ በሰያዋ ግድከ። ሸን ኔን ቃላ ጸላላ ኦዳ፤ ታ ቆማይካ ፓጸናዋ።

8 ታን ታፕ ቦላና ማታይ ደአያዋንቶ ኤኖ ጋደ ደአያ አሳ። ታፕ ጋርሳናካ ታን ከትሰያ ዋታዳራቱ ደአኖ። እቱዋ፣ “ባ ያግያ ዋደ፣ ቤ፤ ሀራካ ቃይ፣ ‘ሃያ’ ጎፕ ዬ። ታ ቆማይካ፣ ሀዋ ‘ኦላ’ ግያ ዋደ እዛዘቲ፤ ኦጼ” ያጌዳ።

9 የሱስካ ሀዋ ሰሲደ አ የወዋን ማላለቲዳ፤ ጉየ ሰሚደ አ ካልያ ዳሮ አሳ፣ “ታን ህንተንቶ ቱሙዋ ጋይ፤ ታን ሀዋ ማላ አማኑዋ ሀራይ አቶ፣ እሰራኤልያ ጋርሳንካ በአበይከ” ያጌዳ።

10 ካሰ ከተቲዳ አሳቲካ ጾቱዋ ካፑዋ ጎላ ጉየ ሰምያ ዋደ፣ አ ቆማይ ፓጸዋ በኤድና።

የሱስ አምእት ናኣ ሀይቁዋፕ ደንጴዳ

11 ዋንትሳ ጋላሰ የሱስ ባረና ካልያዋንቲናን ጮራ አሳና እትፕ ናይኖ ጌተትያ ካታማቶ ቤድና።

12 የሱስ ካታማ ጋካና ጾቱዋ ዋደ፣ አሳይ ሀይቁዳ አሃ ቶኪደ ከሴድና። ሀይቁዌካ ባረ ዳይው ሙጽ እት ናኣ፤ አታካ አሰናይ ባይና አምእቶ። ዳሮ ካታማ አሳይካ እዞ ካሌድና።

13 የሱስካ እዞ በኤዳ ዋደ ቃረቲደ፣ “ዬኮፓ!” ያጌዳ።

14 ሸቂደ ሻንቻማ ቦቼዳ፤ ቶኮዋንቲካ ኤቁድና። የሱስ፣ “ኔኖ ያላጋው፣ ደንዳ ጋይ!” ያግና።

15 ብታኒ ሱር ኡቲዳ። ሃሳያካ ደሜዳ። የሱስካ አ፣ አ ዳይው እሜዳ።

16 ኡባይካ ያሻን ኩሚደ፣ “ዋልቃማ ናቢ ኑ ጋርሳን ደንዴዳ፤ ጸሳይካ ባረ አሳ አሻናው ዬዳ!” ያጊደ ጸሳ ጋላቲድና።

17 ሄዌኔካ የሱሳ ዋሪ ይሁዳ ዩሹዋን ደአያ ጋድያ ኡባን ሰሰቲዳ።

ጸማቅያ ዮሃንሳ (ማቶሳ 11:1-19)

18 ዮሃንሳ ካልያዋንቲ ሀኖዋ ኡባ አው አዴድና። ዮሃንሰካ ባረና ካልያዋንቲፕ ላአቲዋ ጸሲደ፤

19 “ያናዌ ኔኔየ? ዋይ ኑን ሀራ ናጋኔ?” ያግ፣ ኡንቲንቲ ኦቻና ማላ ህን የሱሳኮ ከቲዳ።

20 አሳቲካ የሱሳኮ ዪደ፣ “ጸማቅያ ዮሃንሰ፣ ያና ጌተቲዳዌ ኔኔየ? ዋይ ሀራ ናጋኔ? ያጊደ ኦቻና ማላ ኔኮ ከቲዳ” ያጌድና።

21 ሄ ዋድያን የሱስ ጮራ አሳ ዲማ ዲማ ሀርግያፕ ፓጴዳ፤ ቲና አያናቱዋካ አሳፕ ከሴዳ፤ ጮራ ቆቃቲዋ አይፍያ ደዬዳ።

22 የሱስካ ዮሃንሰ ከቶዋንቶ፣ “ቢደ ህንተንቲ በኤዳዋን ሰሴዳዋ ዮሃንሳው አድተ፤ ቆቃቲ ጸላናዋንታ፤ ጉንዳቲ ሀመታናዋንታ፤ ኦሉ ኦይቆዋንቲ ጌያናዋንታ፤ ቱሌዳዋንቲ ሰሳናዋንታ፤ ሀይቁዳዋንቲ ደንዳናዋንታ፤ ሀዬሳቶካ ሞሽራቸው ቃላይ አደታናዋ።

23 ታናን ጴበተና አሳይ ኡባይ አንጀቲዳዋንታ” ያጌዳ።

24 ዮሃንሰ ከቲዳዋንቲ ብድጎዋፕ ጉይያን የሱስ አሳው ዮሃንሳባ አዲዋ ደሜዳ፣ “አያ በአናው ቢታ ባዙዋ ከሴድቲ? ጫርኩ ቃልያ ኡሱንላ?

25 ዋይ አያ በአናው ከሴድቲ? ሎኦ ማዩዋ ማዬዳ አሳ ደኡዋ? ሎኦ ማዩዋ ማዬዳዋንቲ ባረና ጊግሰያዋንቲ ካትያ ጎሊን ደአኖ።

26 ዋይ አያ በአናው ከሴድቲ? ናብያ በአናው ከሴድቲ? ኤ፤ ታን ህንተንቶ ያጋይ፤ ህንተንቲ በአናው ከሶዌ ናብያፕካ አጴዋ።

27 ጸሳ ማጸፋን፣ ‘ኅ ኦግያ ኔፕ ሰንላና ጊግሰያ ከታንቻ ኔፕ ሰንላያደ ከታኖ ጌተት ዮሃንሳባይ ጸፈቲዳዌ ሀዋ።

28 ማጫዋንቲፕ የለቲዳዋንቲ ጋርሳን ጸማቅያ ዮሃንሳፕ አድያ ኦንነ ባዋ። ጸሳ ካውተላን ቃይ ኡባፕ ላፋ ጌተትያዌካ አፕ አጸናዋ” ያጌዳ።

29 ሀራይ አቶ ሸን ቃራጸ ከሰያዋንቲ አተናን ሀዋ የሱስ ሃሳዮዋ ሰሴዳ ኡባይ ዮሃንሳ ኩሸያን ጸማቅቶዋንቲ ጸሳው በሰያ ቦንቹዋ እሜድና።

30 ሸን ህግያ ታማርሰያዋንቲ፤ ፓርሳዋቲ ዮሃንሳን ጸማቅትቤና ድራው፣ ጸሳይ ኡንቲንቶ ቆፔዳዋ እጾድና።

31 የሱስ፣ “ሰም ታን ሀ ዋድያ አሳ አያና ለምሶ? ኡንቲንቲ አያ ማላቲና?

32 ኤንቲንቲ ገያሳን ኡቲደ እቲ እቲዋ ዴሲደ፣
 ‘ሱሱልያ ህንተንቶ ፑንናካ
 ካእበይክታ፤
 ዩኩዋ የላ ከሴዶሽንካ
 ዩክበይክታ
 ያገትያ ናና ማላቲኖ፣ ጌዳ።

33 ጸማቅያ ዮሃንስ ቁማ ሜናን ዋይንያ ኤሳካ
 ኡሸናን ዪና፣ ‘ላ ቦላን ጋሌናይ ደኤ” ያጌድታ።

34 ታን አሳ ናኦይ ማደን ኡሻደ ዪና፣ ‘ሀዌ
 ናፍሳማ፤ ዋይንያ ኤሳካ ኡሸያዋ፤ ቃራጽያዋንቶነ
 ናጋራንቻቶ ዳቡዋ” ያጌታ።

35 ግደጥ እትን ጸሳ አቶ ኤራተላይ ባረ ኡሱዋን
 ቱማ ግዲደ ቤቱዳ” ያጌዳ።

ፓርሳዊያ ሰሞና

36 ፓርሳዊቱዋጥ እቲ ባረናና ቁማ ማና ማላ
 ሸቢና፣ የሱሱ አ ሶይ ቢደ ማናዉ ኡቲዳ።

37 ሄ ካታማን ናጋራንቻ ጌተቲዳ እት
 ምሽራታ ደኤዉና፣ የሱሱ አ ሶይን ኡቲዳዋ
 ሰሳደ፣ አልባስጽሮሳ ባራታ ኩሜዳ ሸቱዋ አካ ያዳ።

38 ጉየና አ ገድያ ማታን ኤቃደ፣ ዩካደ አ
 ገድያካ ባረ አፎላን ኦካ ደማዲ፤ እዝ አፎላይ
 ባይዜዳ አ ገድያካ ባረ ሁጲያ ብናናን ቁጫደነ
 አ ገድያ የራደ ገድያን ሸቱዋካ ጫጫፋዲ።

39 የሱሳ ባረ ሶይ ዴሴዳ ፓርሳዊካ ሀዋ
 በኢደ፣ “ሀዌ ናብያ ግዴደንቶ፣ ሀና አ ቦቶያ
 ምሽራታ ኦነንቶነ ቃይካ እዛ ናጋራንቻ ግድያዋ እ
 ኤራና ሸን” ያጌዳ።

40 የሱሰካ ዛሪደ፣ “ሰሞና፣ ታን ነዉ ኦድያ
 የዉ ደኤ” ያግና፣

ሰሞንካ፣ “ታማርሰያዎ፣ ኦዳ” ያጌዳ።

41 የሱሰ፣ “እት ብታንያጥ ሚሻ ታልኤዳ ላኡ
 አሳቲ ደኢኖ። እቲዋ ማታን እቲሹ ዴቲ ዲናር፣
 ቃይ የኩዋ ማታን እሻታሙ ደኤ።

42 ላኦቶካ ጭግያዌ ቆይና፣ ላኦቶዋ አጩዋካ
 ማር አጌዳ። ሀዋንቲጥ ሀቃዌ ሎይሳ ደሰያዋ
 ማላቲ?” ያጌዳ።

43 ሰሞንካ ዛሪደ፣ “ዳሩዋ አጎዋ ማላቲ”
 ያጌዳ። የሱሰካ፣ “ቱሙዋ ዛራዳ” ያጌዳ።

44 የሱሰ ምሽራቶኩ ዴሊደ፣ ሰሞና ሀዋዳን
 ያጌዳ፤ “ሀኖ ምሽራቶ በኦዲ? ታን ነ ጎለ ዪና
 ሀራይ አቶ ሸን ሃላካ ታ ገድያዉ እማ በይካ፤
 ሸን እዛ ባረ አፎላን ታ ገድያ እርጽሳዲ፤ ባረ
 ሁጲያ ብናናንካ ቁጫዲ።

45 ኔን ታና የራ በይካ፤ ሸን እዛ ታን ገሎደጥ
 ደማደ ታ ገድያ የርያዋ አጋ በይኩ።

46 ኔን ታ ሁጲያን ዛይትያ ኦካ በይካ፤ ሸን
 እዛ ታ ገድያን ሸቱዋ ጫጫፋዲ።

47 ሀዋ ድራዉ ታ ህንተንቶ ኦዳይ፣ ዳርጥ
 እዛ ደሴዳዋ ድራዉ፣ ዳር ናጋራይ እዝዉ ደእያዌ
 ማረቲዳ፤ ጉላይ ማረትያዌ ጉላ ደሴ” ያጌዳ።

48 የሱሰ ምሽራቶ፣ “ነ ናጋራይ ቁጩቲዳ”
 ያጌዳ።

49 የሱሳና እትጥ ቁማ ማናዉ ኡቲዳዋንቲ
 ባረንቲ ዋዛናን፣ “ናጋራ ማራናዉ ዳንዳይያዌ
 ሀዌ ኦኔ?” ያጌድና።

50 የሱሰ ምሽራቶ፣ “ነ አማኑ ኔና አሼዳ፣
 ሳርተላን ነ ጎለ ባ” ያጌዳ።

8

የሱሳ ካሌዳ ማጫዋንታ

1 የሱሰ ሀዋጥ ሰሚደ፣ ሳባኪድነ ጸሳ ካዉተላ
 ምሽራቸው ቃላ ካታማንነ ሄራን ኦዲደ አቆዳ።
 ታማነ ላኡ የሱሳ ካልያዋንቲካ እናና እትጥ
 ደኢኖ።

2 ኢታ አያናጥነ ዋልቃማ ሀርግያጥ
 ፓጺዳዋንቲ እት እት ማጫዋንቲካ ደኢኖ።
 ሄዋንቲካ፣ ላፑ ጸላሂ ከሴዳ ማግዳላ ጌተትያ
 ካታማጥ ዬዳ ማይራዋን፣

3 ሄርድሳ ጎልያን ሱንላ ግዴዳ ኩዛ ማቻት
 ዮሃኖ፣ ሶስና ጌተተዉናን ሀራ ጮራቱዋና እትጥ
 ግዲደ፣ የሱሳን አ ካልያዋንታ ሚሻን ማዴድና።

ዘረላ ሌምሱዋ

(ማቶሳ 13:1-9፤ ማር. 4:1-9)

4 ጮራ አሳይ ዳሮ ካታማቱዋጥ ሸቂደ፣
 የሱሳኩ ዬዳ ዋድያን ሌምሱዋን፣

5 “ዘርያዌ ዘረላ ዘራናዉ ከሴዳ። ዘርያ ዋደ
 እት እት ዘረላይ፣ ኦግያ ደናን ዋዲደ የ□ቲዳ።
 ያትና ሳሉዋ ካፋ ሄዋ ሜዳ።

6 ሀራይ ቃይ ዛላ ቦላ ዋዲደ ደሌዳ ዋደ
 ኩሸያ ሃላ ደመና ድራዉ መሊዳ።

7 ሀራ ዘረላይ አጉንላ ጋርሳን ዋዴዳ። አጉንላይ
 እትጥ ድጩደ ምቲዳ።

8 ሀራይ ሎእያ ቲኤ ቢታን ዋዴዳ። ደሎዋጥ
 ጉይያን፣ ዘረቶዋጥ ዴቲ ኩሸያ ዳኩዋ ሞኬዳ”
 ያጌዳ።

የሱሰ ሌምሱዋን ሃሳዬዳ ጋሱዋ

(ማቶሳ 13:10-17፤ ማር. 4:10-12)

የሱሰ ሀዋ ሃሳዬዳ፣ “ሀይላይ ደእያ ኡባይ
 ሰሶ” ያግ ቃላ ቶቁ ኦሊደ ዋሴዳ።

9 አ ካልያዋንቲ፣ “ሀ ሌምሱ አያ ጉሴ?”
 ያግ አ ኦቲድኖ።

10 እካ ዛሪደ፣

“ህንተንቶ ጸሳ ካዉተላ ጹራ ኤራይ እመቲዳ፤
 ሸን ሀራቶ፣ ዴሊድካ ኤረና ማላ፣ ሰሰድካ
 አኬከና ማላ ሌምሱዋን ኦዳይ” ያጌዳ።

የሱሰ ዘረላ ሌምሱዋ ብሊደ ኦዴዳ

(ማቶሳ 13:18-23፤ ማር. 4:13-20)

11 የሱሰ፣ “ዘረላ ሌምሱ ሀዋ፣ ዘረላይ ጸሳ
 ቃላ።

12 ኦግያ ጋጸን ዋዴዳ ዘረላይ፣ ጉላ ዋደዉ ቃላ
 ሰሰን አሳ፤ ኤለካ ጸላሂ ዪነ፣ ኤንቲንቲ ሰሶዋን
 አማን አተና ማላን ቃላይ ዋዛናጥ ደገታና ማላ
 ኦሴ።

13 ዛላ ቦላን ዋዴዳ ዘረላይ፣ ኮይሮ ቃላ
 ናሸቻን ሰሰያዋንታ። ሄዋንቲካ ጉላ ዋድያ
 አማንኤ ፓጩ ጋክያ ዋድያን ጸጹ ባንታ ድራዉ
 ኤለካ አማኑዋ ካዲኖ።

14 አጉንላ ጋርሳን ዋዴዳ ዘረላይ፣ ቃላ
 ሰሰያዋንታ፤ ሸን ደኡዋ ሀርጋይነ ዲረተላ እሻሉ
 ጩሌዳዋንታ። ሄዋንቲ ሎኦ አይፍያ እማናዉ
 ዳንዳይክኖ።

15 ሎኦ ቱኤ ቢታን ዋዴዳ ዘረፋይ በሰያዋ፤ ሎኦን ጽሎ ዋዛናን ቃላ ሰሲደ ናግያ አሳነ ሄ ቃላን ምን ኤቂደ ሎኦ እይፍያ እይፍያዋንታ።

ጸምጥያ
(ማር. 4:21-25)

16 “ጸምጥያ ሳሊደ እትባን ቁምእ አግያዋ ዋይ አርሳጥ ጋርሳና ዋሳያዋ ኦንነ ባዋ።

17 ቆንጨናን ቆሱዋን አትያባይ እት የወነ ባዋ። ኤረተናንን ቤትያሳ ከሰናን አታናባይ እይነ ባዋ።

18 ሄዋ ግድያ ድራዉ ሎይሳ አኬካን ሰሰተ። ዋዛናጥ ሰሰያዋ ኡባዉ ጉጅ አኬካይ እመታና፤ አኬከናዋጥ ሄ አዉ ደእያዋ ማላትያ አኬካይካ አከታናዋ” ያጌዳ።

የሱሳ ዳዮነ አ እሻቱዋ
(ማቶሳ 12:46-50፤ ማር. 3:31-35)

19 ሄ ዋድያን አታን እሻቱ የሱሳና ጋከታናዉ አኮ ዬድኖ፤ ሸን አሳ ጮራተላጥ ደንዶ ጋሱዋን አ ደማናዉ ዳንዳይበይክኖ።

20 እት ብታኒ፡ “ኣ ዳያነ ነ እሻቱ ኔናና ጋከታናዉ ኮኖ ድራዉ ካረን ዪደ ኤቁድኖ” ያግ ኦዴዳ።

21 እካ፡ “ታ ዳያነ ታ እሻቱ፡ ጸሳ ቃላ ሰሲደ ኦሱዋ ቦላን ፔሽያዋንታ” ያግ ዛሬዳ።

የሱሰ ቤታ ጮኡ አሌዳ
(ማቶሳ 8:23-27፤ ማር. 4:35-41)

22 እት ጋላሰ የሱሰ ባረና ካልያዋንቱና እትጥ ዋንግርያ ገሊደ፡ “አባጥ ሄፍንሳ ቦይተ” ጌዳ። ኡንቱንቱካ ደንዲደ ሀመታ ደመድኖ።

23 ጥን ደእያ ዋድ፡ የሱሰ ገምእሼዳ። አባን ጎቱዋ ጫርኩ ደንዶ ድራዉ፡ ዋንግርያ ጋርሳን ሃላይ ኩምና ዳር መቶቱድኖ።

24 ኡንቱንቱ የሱሰኮ ሸቂደ፡ “ጎዳዉ፡ ጎዳዉ! ኦን ባኖይተቱ!” ያገደ አ ቤጎሌድኖ።

እካ ቤጎቲደ ጎቱዋን ሃላ ቤታ ሴርና፡ ጎቱን ሃላ ቤታይ ኤቁዳ፤ ኡባባይካ ጮኡ ጌዳ።

25 እካ፡ “ሀንተንቶ አማኑ ሀቃን ደኢ?” ያጌዳ።

ኡንቱንቱካ ያይ ማላለቲደ እቱ እቱዋ፡ “ሀዋዳን ጫርኩን ሃላይ ጮኡ ጌተ ጌና አዛዘትያዋ ሀዋ ኦኔ?” ያገቱድኖ።

የሱሰ ጸላሂ ኦይቁዳ ብታንያ ፓሌዳ
(ማቶሳ 8:28-34፤ ማር. 5:1-20)

26 ጋሊላ አባጥ ሄፍንሳና ደእያ ገርገሰኖና ጌተትያ ጋድያ፡ የሱሰነ አ ካልያዋንቱ፡ ዋንግርያን ጥኒደ ጋኬድኖ።

27 ሄ ሃላጥ ጥን ሳኦ ዋዶ ዋድ፡ ኢታ አያናን ኦይቁቲዳ እት ብታኒ፡ ካታማጥ ከሲደ አናና ጋከቱዳ። ዳር ዋድያጥ ደመደ ማዩዋ ማየናን ካሎ ጎልያ አጊደ ዱፋዋን ደኤ።

28 የሱሳ ደዋዋጥ ጉይያን፡ ዋሰ አ ሰንላን ጉፋኒደ ዋልቃማ ኮሻን፡ “ዋልቃማ ጸሳ ናኦ የሱሳ፡ ታዉነ ነዉ አይበ እትጥተላይ ደኢ? ታና ዋይሰጋርከ፤ ታ ኔና ዋሳይ” ያጌዳ።

29 እ ሄዋ አያዉ ጌዴ ጎጥ፡ ብታንያ የግ ከሳና ማላ የሱሰ አ አዛዘ ድራሳ።

ኢታ አያናይ ብታንያ ኦይቆደጥ ዳር ዋደ ግዶ ድራዉ፡ ብራታ ሳንላላታን ገድያን ኩሸያ ቃሸቲደ ናገቱ። ሳንላላታ ዱሳ አኪደ ኢታ አያናይ ካለሰና ባዙዋ ቤ።

30 የሱሰካ፡ “ኣ ሱንላይ ኦኔ?” ያግ ኦቹዳ። እካ ጮራ ኢታ አያናይ ገል ኡቶ ድራዉ፡ “ሌግኖና” ያጌዳ።

31 ባረንታ የሱሰ፡ “ሀን ጨዋ ኦላ ቢተ” ያገና ማላ ዋሴድኖ።

32 ሄዋን ደእያ ዞዝያ ጋጸን ሄመትያ ጮራ ጉዲንላቱ ደኢኖ። ጮራ ቱና አያናቱ፡ ሄ ጉዲንላቱዋ ጋርሳ፡ “ገልተ” ጋና ማላ የሱሳ ዋሴድኖ። እካ፡ “ቢደ ገልተ” ጌዳ።

33 ኢታ አያናቱካ ብታንያጥ ከሲደ ጉዲንላቱዋ ጋርሳ ገሊድኖ። ጉዲንላ ዉዲካ ላንቂያጥ ካጅቲደ ኤለካ አባን ምተቲድኖ።

34 ጉዲንላ ሄምያዋንቱ ሀኖዋ ኡባ በኦ ዋደ ሀራሳ ቢደ፡ ሄ ካታማንን ዩሹዋን ሀኖዋ ኦዴድኖ።

35 አዬ ሀኔደንቶ በአናዉ ከሲደ፡ አሳይ የሱሰኮ ዬድኖ። ኢታ አያናይ ከሴዳ ብታኒ፡ አ ዋዛና ሰምና ማዩዋ ማዩደ የሱሳ ገድያ ማታን ኡቶዋ በኢደ ያዬድኖ።

36 ኢታ አያናን ኦይቁቲዳ ብታኒ ዋት ፓዴደንቶ በኤዳ አሳይ፡ ሀራ አሳዉ ኦዴድኖ።

37 ገርገሰኖና ጋድያንን ሄ ሄራን ደእያ አሳይ ኡባይ ዳር ያዬዳ ድራዉ፡ የሱሰ ባረንቱ ማታጥ ባና ማላ ዋሴድኖ። እካ ዋንግርያን ገሊደ ቤዳ።

38 ኢታ አያናይ ከሴዳ ብታኒካ የሱሳና ባና ጊደ፡ አ ዋሴዳ፤ ሸን የሱሰ።

39 “ኣ ጎላ ሰማደ ጸሳይ ነዉ ኦሉ ዋልቃማባይ አየንቶ ማርካታ” ያግ ያዬዳ።

ሀይቁዳ ናቶነ ሳከትያ ምሽራቶ
(ማቶሳ 9:18-26፤ ማር. 5:21-43)

40 የሱሰ ሰሜዳ ዋደ አሳይ ኡባይ ናግ ደእያ ድራዉ፡ አ ሞክ እኬድኖ።

41 ሄ ዋደ፡ አይሁደ አሳ ዋሳ ጎለዉ ሱንላ ግዴዳ ያእርሳ ያገትያ ብታኒ አኮ ዬዳ። እካ የሱሳ ገድያ ሰንላን ኩንዲደ፡ ባረ ጎላ ገላና ማላ ዋሴዳ።

42 ጋሶተላይካ ታማነ ላኡ ላይላይ ኩሜዳ አዉ ደእያ እት ናታ ሀይቃናዉ ማታ ኡቶ ድራሳ።

የሱሰ ብያ ዋደ ጮራ አሳይ አ ዩሹዋን ሱገቲደ መቶሌድኖ።

43 ሄ አሳ ግደን ሄ ዋድያን ታማነ ላኡ ላይላ ኡባ ሱላይ ጎግያ ምሽራታ ደኢዉ። ባረ ደእያ ሻሉዋ ኡባ ቆልያ ኤርያዋንቶ ዉርሰናካ ፓላናዉ ዳንዳኖዋ ኦንነ ባዋ።

44 ጉየና ያደ አ ማዩዋ ማጫራ ቦቻዳ፤ ሄ ማንእያን ኢጥ ጎግያ ሱላይ ኤቁ አጌዳ።

45 የሱሰ፡ “ኦኔ ታና ቦቻዋ?” ያጌዳ።

ኡባይ ካድና ጸጽሮሰ፡ “ጎዳዉ፡ አሳይ ሱገቲደ መቶትያ ዋደ፡ ኦኔ ታና ቦቻዋ ያገይ?” ጌዳ።

8:16 ማቶሳ 5:15፤ ሉቃስ 11:33 8:17 ማቶሳ 10:26፤ ሉቃስ 12:2 8:18 ማቶሳ 25:29፤ ሉቃስ 19:26 * 8:30 ሌግኖና፡ ሀ ሱንላይ ግሪክ ጌተትያ ቃላጥ አከቲዳ። ሱንላ ብለላይ “ጮራ” ጉሳ።

46 ሸን የሱስ፡ “እት አሳይ ታና ቦቹዳ፤ ዋልቃይካ ታጥ ከሶዋ ታን ኤራይ” ያጌዳ።

47 ምሽራታካ፡ የሱሳ እዛ ቦቹዋ ኤራተናን አትቤናዋ ኤራድ፡ ኮኮራድ ዮና የሱሳ ሰንፋን ኩንዳ አጋዳ። እያ ጋሱዋን የሱሳ ቦቹደንቶ እዛ ፓጾዋ ኡባ እሳ ሰንፋን ኦዳዳ።

48 እካ እዘዉ፡ “ሀ ምሽራቱ! ነ አማኑ ኔና ፓሌዳ፤ ሳሮ ባ” ያጌዳ።

49 የሱስ ሃሳይ ደእሸን፡ አይሁዳ እሳ አማንያዋንቱ ሱንፋ ሶይጥ እት ብታኒ ዬዳዋ፡ “ነ ናታ ሀያዳ፤ ሰም ታማርሰያዋ መቶላፓ” ያጌዳ።

50 የሱስ ሀዋ ሰሲድ፡ “ያእርሳ፡ አማናጥ አትን፡ ያዮፓ! እዛ ፓጻናዉኑ” ያግ ዛሬዳ።

51 ሰይ ገሊደ፡ ጳጵሮሳጥ፡ ያቆባጥ፡ ዮሃንሳጥ፡ ናት አሱጥነ ናት ዳይጥ አትን፡ ኦንነ ገላናዳን ኤና ግቤና።

52 ኡባይ ሄ ናትዉ ዬኪደነ ካዮቲድ ደእና። ሸን የሱስ፡ “ዬኮፕተ፡ ግሳዲጥ አትን ሀያቢይኩ” ያጌዳ።

53 እዛ ሀይቁዳዋ ኤሪደ አ ቦላ ሚጩድና።

54 ግድጥ አትን የሱስ እዘ ኩሽያ ኦይቂድ፡ “ሀ ናቱ፡ ቤጎታ!” ያጌዳ።

55 እዘ ሸምቸካ ሰምና ኤለካ ደንዳ ኤቂና ማናባ እማና ማላ፡ የሱስ አዛዜዳ።

56 እዘ አሱነ እዘ ዳያ ማላለቲድና፤ ሸን የሱስ ኡንቱንታ፡ ሀኖ የዉዋ አሰነ ኦደና ማላ አዛዜዳ።

9

የሱስ ባረና ካልያ ታማነ ላአቱዋ ኪቱዳ (ማቶሳ 10:5-15፤ ማር. 6:7-13)

1 የሱስ ታማነ ላኡ አ ካልያዋንታ እትጥ ባረኮ ጴሲድ፡ ጸላሀያ ኡባ አሳጥ ከሳናዉነ ሀርግያዋንታ ፓላና ማላ ዋልቃነ ማታ እሚዳ።

2 ጸሳ ካዉተላባ ኦደናዉነ ሀርጋንቻቱዋ ፓላና ማላ ኡንቱንታ ኪቱዳ።

3 አ ኡንቱንታ ኪቲድ፡ “ኡግያ ቢድ፡ ጸምኦ ግድናካ፡ ዋይ ቃርጨትያ፡ ዋይ ቁማ፡ ዋይ ሚሻ ግድናካ እያነ ኦይቆፕተ፤ ላኤንሰያ ማዩዋካ ኦይቆፕተ።

4 ሀንተና አሳይ ሀቃን ሞኮፕነ፡ ሄዋጥ ከሳና ጋካናዉ፡ ሀንተንቱ ገሌዳ ጎልያን ጋምእተ።

5 ሄ ካታማ አሳይ ሀንተና ሞከናን እጸጥ፡ ሄዋጥ ከሲድ፡ ኡንቱንቱ ሀንተና ሞከናን እጸዋ ማርካ ግድና ማላ፡ ሀንተንቱ ገድያጥ ባና ሾጭ ድጊደ ቢተ” ያጌዳ።

6 አ ካልያዋንቱ ቢድ፡ ቁር ካታማ ኡባን ምሽራቸው ቃላ ኡዲደነ ሀርጋንቻ ፓሊደ ዩዬድና።

ሄርድስ ኦሌዳባ (ማቶሳ 14:1-12፤ ማር. 6:14-29)

7 ሀእ ጋሊላ ቢታ ካትያ ሄርድስካ ሀኔዳ የዉዋ ሰሲድ ያት ጌዳ። ጋሶተላይነካ እት እት አሳይ፡ “ዮሃንስ ሀይቁዋጥ ደንዴዳ” ያጌ።

8 ሀራ አሳይ፡ “ኤላስ ከሲደ ቤቱዳ” ያግያ ዋይ፡ ሀራንቱ ቃይ፡ “ቦን ናባቱዋጥ እቱ ሀይቁዋጥ ደንዴዳ” ያጌና።

9 ሄርድስካ፡ “ታን ዮሃንሳ ቆድያ ቃንጽሳ ድጋድሸን፡ ሀዋዳን አሳይ ሃሳይያ ብታኒ ኦኔ?” ያጌድ፡ የሱሳ በእናዉ ኮዬዳ።

የሱስ እቼሹ ሻእ አሳ ምዚደ ካልሴዳ (ማቶሳ 14:13-21፤ ማር. 6:30-44፤ ዮሃ. 6:1-14)

10 የሱስ ኪቶዋንቱ ሰሚድ፡ ኡንቱንቱ ኦሌዳዋ ኡባባ የሱሳዉ ኦዴድና። እካ ኡንቱንታ አኪድ፡ ቤተሳይዳ ያገትያ ካታማ ማታን ደእያ ታካሳ ቤዳ።

11 አሳይ እ ደእያሳ ኤሪደ ካልና፡ ኡንቱንታ ሞክ አኪደ ጸሳ ካዉተላባ ኦዴዳ፤ ሀርግያጥ ፓጻናዉ በሰያዋንታካ ፓሌዳ።

12 ሳኦይ አማርሰያ ዋይ፡ የሱሳ ካልያ ታማነ ላአቱ አኮ ዩድ፡ “ሀ አሳይ ኡባይ ኑ ዩሹዋን ደእያ ሄራ ግድነ ቁር ካታማቱዋ ግድ ቢድ፡ አቅያሳነ ቁማ ደማና ማላ ሞይዛ፤ እያዉ ጎጥ ኑን ሀዋን አሳይ ባይናሳን ደኤቶ” ያጌድና።

13 ሸን የሱስ ኡንቱንታ፡ “አሳዉ ሜተትያባ ሀንተንቱ እምተ” ያጌዳ።

ኡንቱንቱ ዛሪድ፡ “አነ ቢድ፡ ሀ ኡባ አሳዉ ቁማ ሻመናን ቆዮጥ ኑዉ እቼሹ ሶሉዋጥነ ላኡ ሞልያጥ ሀራይ ባዋ፤ ሄዋ ኑን ሀ ጮራ አሳዉ ቁማ ሻማና ማላ ኮያይ?” ያጌድና።

14 (ጋሱካ፡ ሄዋን ደእያ አሳይ እቼሹ ሻእ ኪና።)*

የሱስ ባረና ካልያዋንታ፡ “አሻታሙ እሻታሙ አሳ ጭታን ጭታን ሻክ ሻክ ኡትሰተ” ያጌዳ።

15 ኡንቱንቱካ እ ጎዋዳን ኡባ አሳካ ኡትሴድና።

16 የሱስካ እቼሹ ሶሉዋን ላኡ ሞልያ ኦይቂድ፡ ቸደ ሳሉዋ ሶንጎት ጴሊደ ጸሳ ጋላቲዳ፤ ዲሊድ፡ አሳዉ ግሻና ማላ አ ካልያዋንቶ እሚዳ።

17 አሳይ ኡባይካ ሚደ ካሌድና። ኡንቱንቱጥ አቲዳ ደካ፡ ታማነ ላኡ ሳምፓ ኩሚዳዋ ደንሌድና።

ጳጵሮስ የሱሳባ አዋዬዳ (ማቶሳ 16:13-19፤ ማር. 8:27-29)

18 እት ጋላስ የሱስ ባረካ ዋሰያ ዋይ፡ አ ካልያዋንቱካ እናና እትጥ ደእሸን፡ “አሳይ ታና ኦና ጊና?” ጊደ ኡንቱንታ ኦቼዳ።

19 ኡንቱንቱ ዛሪድ፡ “አሳይ ኔና ጸማቅያ ዮሃንሳ ያጌ፤ ሀራ አሳይ ቃይ ኤላሳ ተ ያጌ፤ ሀራይ ቃይ ቦን ናባቱዋጥ እቱ ደንዴዳ ያጌ” ያጌድና።

20 የሱስ ኡንቱንታ፡ “ሀንተሽ፡ ታና ኦና ጊቱ?” ያጌዳ።

ጳጵሮስካ ዛሪድ፡ “ኔን ጸሳይ ኦኬዳ ክርሰቶሳ” ያጌዳ።

9:3 ሉቃስ 10:4-11 * 9:14 እቼሹ ሻእ፡ እስራኤልያ ዋጋን ማጫዋነ ቁር ናናይ ፓይደተና ድራዉ፡ እቼሹ ሻእ ጉሳይ ማጫዋነ ቁር ናና ፓይደናን ኩሚዳዋ። ሀ ፓይዳ ደእያ ኮይር ማራይ ቦን ማጻፋ እቱዋ እቱዋን ባዋ። † 9:19 ኤላሳ፡ ሀ ናቢ እ ሀይቆይጥ ዳር ዋይጥ ጉዮ፡ የሱስ ክርሰቶስ ቢታ ቦላን ታማርሲደ ደርያ ቦላ ዋሳዉ ከሲደ ላመት ቦዴዳዋጥ ጉዮ ባጋን እናና ሙሲና ሃሳዬዳ። ሄዋ ጉሳይ ሀይቁ ሰሚደ ዳር ጮራ ዋይያጥ ጉዮ ፓጻ ቆንጨዳ ጉሳ። 9:19 ማቶሳ 14:1፤ 2፤ ማር. 6:14፤ 15፤ ሉቃስ 9:7፤ 8 9:20 ዮሃ. 6:68፤ 69

የሱሳ ካልያዋንቱ ሀናናው በሰያባ (ማቶሳ 10:38-39፤ 16:24-26፤ ማር. 8:34-38፤ ሉቃስ 14:26-27)

21 የሱሳካ ኢንቲንታ፡ “ሀዋ ኦስነ ኦዶፕተ” ያግ ምንስ አዛዚደ።

22 “ታን፡ አሳ ናኦይ፡ ዳር መቱዋ አካናው በሴ፤ ጭማቱዋን፡ ቄሳቱዋ ካፓቱዋን፤ ሙሴ ህግያ ታማርሰያዋንቱን እጸታናው ኮሼ፤ ኢንቲንቱ ታና ዋጳናዋንታ፤ ታንካ ሄዘንሉ ጋላስ ሀይቁዋፕ ደንዳናው በሴ” ያጌዳ።

23 የሱሳካ አሳ ኡባ፡ “ታና ካላናው ደሰያዌ ደኦፕ፡ ባረ ሁጺያ ካደ፤ ባረ ማስቃልያ ቶ ጋላሳን ጋላሳን ቶኪደ ታና ካሎ።

24 ባረ ሸምቱዋ አሻናው ደሰያዌ ኡባይ ባይዜ፤ ሸን ታ ድራው ባረ ሸምቱዋ ባይዘያዌ ኡባይ አሹ።

25 እት ኡራይ ሀ አላምያባ ኡባ አሸደ ባረ ሸምቱዋ ባይዘፕ ዋይ ባረው ፓጭሶፕ፡ አያ ማዲ?

26 አሳይ ታናንነ ታ ቃላን ዬላቶፕ፡ ታን አሳ ናኦይ፡ ታ ቦንቱዋና ጌሻ ኪታንቻቱዋ ቦንቱዋና ይያ ዋደ እን ዬላታናዋ።

27 ታን ህንተንቶ ቱሙዋ ያጋይ፤ ሀዋን ደእያ አሳፕ፡ ጸሳ ካውተላ በአና ጋካናው ሀይቁዋ ሀይቁናዋንቱ እቱ እቱ ደኢኖ” ያጌዳ።

የሱሳ ማላይ ላመቲዳ (ማቶሳ 17:1-8፤ ማር. 9:2-8)

28 የሱሳ ሀዋ ጎዋፕ ጉይያን፡ እት ሳምንታ ኬና ጋምኢደ፡ ጳጳርሳን ዮሃንሳ፡ ያቆባካ አኪደ፡ ዋሳናው ደርያ ሁጺያ ከሴዳ።

29 እ ዋሰሽን፡ አ ዳሙዋ ማላይ ላመቲዳ፤ አ ማዩካ ቦጺደ ጳልቄዳ።

30 ቆፕናን ላኡ አሳቱ፡ ሙሴነ ኤላስ ከስ ቤቲደ፡ የሱሳና ሃሳይ ደኢኖ።

31 ኢንቲንታ ቦንቱዋን ቆንጭ ቤቲደ፡ የሱሳ ጸሳ ቆፋ ፖላናው የሩሳላመን ሀይቃናዋ ስ አና ሃሳዬድኖ።

32 ጳጳርሳን አናና እትፕ ደእያዋንታ ገምእሹ ጌርዬዳሽን፡ ኤላካ ቤጎቲደ እ ቦንቱዋን አናና ጋሶ ኤቄዳ ላኡ አሳቱዋ በኤድኖ።

33 ሄ ላኡ አሳቱ፡ የሱሳ ምይያፕ ሻከትያ ዋደ፡ ጳጳርሰ የሱሳ፡ “ጎዳው፡ ሀዋን ደእያዌ ኑው ሎኦ ግድያ ድራው፡ ሄዙ ዳሰያ እቱዋ ነው፡ እቱዋ ሙሴው፡ እቱዋ ኤላሳው ኬጸና” ያጌዳ።

34 ጳጳርሰ ሄዋ ሃሳይ ደኢሽን፡ ሻሪ ዪደ ኢንቲንታ ካም አግና የሱሳ ካልያዋንቱ ያዬድኖ።

35 ሻርያፕካ፡ “ታን ደራዳ ታ ናኦይ ሀዋ፤ እ ግያዋ ሰሰተ” ያግያ ቃላይ ዬዳ።

36 ቃላይ ሰሰቶዋፕ ጉይያን፡ የሱሳ ባረ ጸላላ ግዲደ ቤቲዳ፤ ኢንቲንቱካ የወዋ ባረንቱ ዋዛናን ኦይቄደ ሄ ዋድያን ኦንካ አያን ኦድቤና።

የሱሳ ኢታ አያናን ኦይቀቲዳ ላኡ አሳቱዋ ፓሴዳ

(ማቶሳ 17:14-18፤ ማር. 9:14-27)

37 ዋንተላ ጋላስ፡ የሱሳን ሄዙ አ ካልያዋንቱ ደርያፕ ዱገ ዋድያ ዋደ፡ ጮራ አሳይ የሱሳና ጋከቲዳ።

38 ሄ ዋደ አሳፕ እት ብታኒ ባረ ኮሻ ቆቁ ኦሊደ፡ “ታማርሰያዋ፡ ታው ደእያዌ እት ናኦ ግድ ድራው፡ ኔን አ በአና ማላ ኔና ዋሳይ፤

39 ቃይ ኢታ አያናይ ዋዛና አ ስናን ደንዲደ አ ዋሰሴ፤ ደናና ፓርያና ጋካናው አ ኮኮርሲደ፡ ኡባ ጋላስ መቶልያዋፕ አትን፡ አ ኤላ የደና።

40 ኔና ካልያዋንቱ ሄ ኢታ አያና ከሳና ማላ፡ ታን ኢንቲንታ ዋሳድ፤ ሸን ዳንዳይበይክኖ” ያጌዳ።

41 የሱሳ ዛሪደ ኢንቲንታ፡ “አማና ሀ ዋድያ ደሻ አሳው፡ ታን ህንተናና አውደ ጋካናው ደኢኔ? ቃይ ህንተንቱባ አውደ ጋካናው ዳንዳይን? ነ ናኦ ሃ አካያ” ያጌዳ።

42 ናኦይ ዪደ ደኢሽን፡ ኢታ አያናይ አ ሳኦን ኦሊደ ኮኮርሴዳ፤ የሱሳ ኢታ አያና አጋ ግ ናኦ ፓሊደ አ አቦ ዛሪደ እሜዳ።

43 አሳይ ኡባይካ ጸሳ ዋልቃማ ዋልቃፕ ደንዶዋን ማላለቲድኖ።

የሱሳ ባረ ሀይቁዋባ ላኢንሉዋ ኦዳዳ (ማቶሳ 17:22-23፤ ማር. 9:30-32)

44 “ታና አሳ ናኦ፡ አሳይ አሳ ኩሽያን አሊደ እማናዋ፤ ህንተንቱ ሀ የወዋ ደጎፕተ” ያጌዳ።

45 ሸን እ ግያዋ ኢንቲንቱ አኬክበይክኖ። ኢንቲንቶ ገለና ማላ ኢንቲንቱፕ ጌሜዳ ድራው፡ ሀ የወዋ የሱሳ ኦቻናው ያዬድኖ።

ኡባፕ አድያዌ ኦኔሻ? ያግያ ኦሻ (ማቶሳ 18:1-5፤ ማር. 9:33-37)

46 አ ካልያዋንቱ፡ “ኑ ግድፕ ዳርያዌ ኦኔ?” ያጌደ ፓሉመቲድኖ።

47 የሱሳ ኢንቲንቱ ዋዛና ቆፋ ኤሪደ፡ ጉላ ናኦ አሂደ፡ ባረ ማታን ኤሲደ።

48 “ሀ ጉላ ናኦ ታ ሱንላን ሞክያዌ ኦንነ ታና ሞኬዳ፤ ቃይ ታና ሞክያ ኡባይ፡ ታና ኪቲዳ ታ አባ ሞኬ። ህንተንቱ ኡባፕ ጉጳያዌ ኡባፕ ዳራ” ያጌዳ።

ህንተንቱ ግያዋ ጳልቀና ኡራይ ህንተንቱ ባጋ (ማር. 9:38-40)

49 ዮሃንስካ ዛሪደ፡ “ጎዳው፡ እት አሳይ ነ ሱንላን ኢታ አያናቱዋ ከሰያዋ ኑን በኢደ፡ ኑ ባጋ ግደና ድራው፡ አ ድጌደ” ያጌዳ።

50 ሸን የሱሳ አ፡ “ህንተንቱ ግያዋ ጳልቀናዌ ህንተንቱ ባጋ ግድያ ድራው፡ አ ድጎፕተ” ያጌዳ።

ሳማርያ ካታማ አሳቱ የሱሳ ሞካናው ኮይበይክኖ

51 የሱሳ ሳሉዋ ብያ ዋዲ ማትና፡ ባረ ዋዛና ቆፋ የሩሳላመኮ ዛሪዳ።

52 ባረፕ ሰንላው ኡባ የወዋ ግጎሳና ማላ፡ ኪተትያ አሳ ሳማርያ ካታማ ኪቲዳ።

53 ሸን እ የሩሳላመ ባናው ደንዳዳ ድራው፡ አሳይ አ ሞክበይክኖ።

9:23 ማቶሳ 10:38፤ ሉቃስ 14:27 ቶ 9:23 ማስቃልያ- ሀዋ ጉሳይ፡ እት አሳይ ባረ ላይላ ኡባን ጸሳ ካሊደ ሻከተናን ቶካናው በሰያ መቱዋን ዋይያ። 9:28 2 ጳጳ. 1:17፣ 18 ስ 9:31 ሀይቃናዋ- ግሪክ ማጻፋ ቆፋን ሀዋ ጉሳይ፡ “የሱሳ ሳሉዋ ብያዋ”፤ ሀዋ ቃይ እ ሀይቁዋፕ ደንድያዋን ያቲደ ሳሉዋ ብያዋ ኡባ ሸሽ ኦይቄዳ ቆፋ። 9:46 ሉቃስ 22:24

54 አ ካልያዋንቱ ያቆብነ የሃንሰ ሄዋ በኢደ፡ “ጎዳው፡ ኑን ኤላስ አላዋዳን፡* ታማይ ሳሉዋ፡ ጁደ ኡንቱንታ ማናዳን ጸሳና ማላ ኮያይ?” ያጌድኖ።

55 ሸን የሱስ ጉየ ሰሚደ፡ ኡንቱንታ ሴሬዳ።

† 56 “ታን፡ አሳ ናኦይ፡ አሳ ሸምቸዋ አሻናወ የዋ፡ አትን፡ ባይዘናወ ያበይከ” ያጌዳ። ኡንቱንቱ ሀራሳን ደእያ ቄር ካታማ ቤድኖ።

የሱሳ ካልያዋንታ ጋክያ ፓጭያ (ማቶሳ 8:19-22)

57 ኡንቱንቱ ኦግያና ቢሸን፡ እት ብታኒ የሱሳ፡ “ጎዳው፡ ኔን ብያሳ ኡባ ታን ኔና ካላና” ያጌዳ።

58 የሱስ አ፡ “ዋራካናቶ ኦላይ፡ ሳሉዋ ካፋቶካ ጎሊ ደኤ፤ ሸን ታን፡ አሳ ናኦይ፡ ገላ ሸምፓ አክያ ሳኦይ ታወ ባዋ” ያጌዳ።

59 የሱስ ሀራ ኡራ፡ “ታና ካላ” ያጌዳ። ሸን፡ ብታኒ፡ “ጎዳው፡ ታን ካሰያን ባደ ታ አባ ዋጋና” ያጌዳ።

60 የሱስ፡ “ሀይቆዋንታ ባረንቱ ሀይቆዋንቱ ሞግኖ፤ ኔን ባደ፡ ጸሳ ካወተላባ ኦዳ” ያጌዳ።

61 ቃይ ሀራ ብታኒ፡ “ጎዳው፡ ታን ኔና ካላና፤ ሸን ኮይሩዋን ታ ሶይ አሳ ባደ ሳርታና” ያጌዳ።

62 ሸን የሱስ አ፡ “ቦራ ጎሻናወ ደሞዌ ኦንገ ጉየ ጸሎፕ ጸሳ ካወተላወ በሰና” ያጌዳ።

10

ሞሽራቸዋ ቃላወ ኪተቲዳ አሳቱዋ

1 ሀዋ፡ ካላ ጎዳይ ሀራ ላቸን ታሙ * አሳ ሱንሲደ ላኡዋ ላኡዋ ኡሊደ አ ባናወ ደእያ ካታማ ኡባ ኪቲዳ።

2 የሱስ ኡንቱንታ፡ “ቆይቻወ ጋኬዳ ካላይ ዳራ፤ ኪተትያ አሳይ ጉላ። ሰም ቆይጨትያ ካላ ጎዳይ፡ ቆይቻወ ኪተትያዋንታ የዳና ማላ ዋሰተ።

3 ታን ደርሳቱዋዳን ዋላቱዋ ግዶ ህንተና ኪታይ፡ ቢተ።

4 ህንተንቱ ኦገወ አያን ኦይቆፕተ፡ ቦርሳ፡ ቃርጨትያ፡ ጫማ፡ ግድናካ ኦይቆፕተ፤ አሳና ሳርተቲደ ኦግያን ዋድያ ወርሶፕተ። †

5 “ህንተንቱ ገልያ ጎላ ኡባ ካሰያን፡ ሳርተላይ ሀ ጎላወ ግደ፡ ያግተ።

6 ሄ ጎልያን ሳርተላ ደሰያ አሳይ ደኦ፡ ህንተንቱ ሳርታይ ሄ ጎልያን አቃናዋ፤ ኮየናዋ ግደ፡ ህንተንቱ ሳርታይ ህንተንቶ ሰማናዋ።

7 ሄ ጎልያን ኡንቱንቶ ደእያዋ፡ ሚድና ኡሺደ ደእሸተ፤ ኦሳንቻወ አ ድርጉዋ ጭጋይ ኮሼ፤ እት ጎልያ፡ ሀራ ጎልያ የዮፕተ።

8 “አይ ካታማን ህንተንቱ ገልያ ዋደ፡ አሳይ ህንተና ሞክ አኪደ ሞዘናወ ሸሸዋ አያን ሚተ።

9 ሄ ካታማትን ደእያ ሀርጋንቻቱዋ ፓሊደ አሳወ፡ ጸሳ ካወተላይ ህንተኮ ማቴዳ። ያጌደ ኦድተ።

10 የወዋን ቃይ አይ ካታማን ገሎደ፡ አሳይ ህንተንታ ሞክ አከናዋንታ ግደ፡ ሄ ካታማ ቃጳእኮ ከሰኔ፡

11 ጉን ህንተና ዩላያናወ፡ ሀራይ አቶ ኑ ገድያ ቦላን ደእያ ህንተንቱ ካታማ ባናካ ህንተንቶ ቆቆፊቶ ስ፤ የወዋን ቃይ፡ ጸሳ ካወተላይ ህንተንቱኮ ማቴዳዋ ኤርተ፡ ያግተ።

12 ፕርዳ ጋላስ ሀ ካታማት፡ ሶደማ ካታማ ጋኬዳ ሙራይ ካወሻናዋ ያጋደ ታን ህንተወ ኡዳይ።

አማናን እጼዳ ካታማቱዋ (ማቶሳ 11:20-24)

13 “አየ ነወ ኮራዚነ፤ አየ ነወ ቤተሳይደ፤ ህንተንቱን ሀኔዳ ማላታቱ ጸርሳ ካታማን፤ ሲደና ካታማን ሀኔደንቶ፡ ሄዋን ደእያ አሳቱ ካዩዋ ማዩዋ ማዩደ፡ ብድንላ ቦላን ኡቲደ፡ በንፕ ባረንቱ ናጋራፕ ሰማናዋንታሸን።

14 ሀዋ ድራወ፡ ሙራትያ ጋላስ ህንተንቱ፡ አሊደ ጸርሳ ካታማወን ሲደና ካታማወ ሙራይ ካወሻናዋ።

15 ሀን ቅፍርናሆመ፡ ኔን ሳሉዋ ፑደ ቶቄ ጋናወ ኮያድ? ዲገ ሰኦልያ ዋጳናሳ።

16 “ህንተንቱ ግያዋ ሰሰያ አሳይ፡ ታን ግያዋ ሰሰ፤ ህንተንታ እጽያ ኡራይ ታና እጼ፤ ታና እጽያ ኡራይ ታና ኪቲዳዋካ እጼ” ያጌዳ።

አ ካልያዋንቱ ኪተቲዳሳፕ ሰሜድኖ

17 ላቸን ታሙ አሳቱካ፡ “ጎዳው፡ ኢታ አያናቱካ ነ ሱንላን ኑወ አዘዘቲድኖ” ያጌደ ናሸቻን ሰሜድኖ።

18 የሱስካ ኡንቱንቶ፡ “ሴጻናይ ዋልቃንላዳን ሳሉዋ፡ ዋድሸን በኣድ።

19 ሰም ሸሻን ሰጉዋ የጳናዳን ህንተንቱ ሞርክያ ጸላህያ ዋልቃ ጸናና ማላ ማታ እማድ። ህንተንታ ቆሀናዌ አይኔካ ደኤና።

20 ግደ፡ አትን ህንተንቱ ሱንላይ ሳሉዋ ማዘገብያን ጸፈቶ ድራወ፡ ናሸትተ፡ አትን ኢታ አያናቱ አዘዘቶ ድራወ ናሸቻ፡ ያጌዳ።

የሱስ ባረ ናሸቻ ቆንጭሴዳ (ማቶሳ 11:25-27፤ 16:13-17)

* 9:54 ኤላስ አላዋዳን፡- እት እት ጌሻ ማጻፋ ብላላን፡ “ሀ አሳ ወርሳናወ” ያጌ። † 9:55 ኡንቱንታ ሴሬዳ፡- እት እት ጌሻ ማጻፋን ደእያ ብላላይ፡ “ኔን አይ ማላ አያንቶ፡ ኔና ኤርኪ? አሳ ናኦይ አሳ ሸምቸዋ አሻናወ ዩደ፡ አትን፡ ባይዘናወ ይቤና” ያጌ። 9:61 1 ካታ. 19:20 * 10:1 ላቸን ታሙ፡- እት እት ጌሻ ማጻፋ ብላላን፡ “ላቸን ታማን ላኦ”። አይሁዳ ዋጋን ቢታ ቦላን ደእያ አሳ ዘርላይ ላቸን ታማ። ሸን ካሰ ኤጫ ግሪክ ማጻፋ ብላላን ደእያዋ፡ “ላቸን ታማን ላኦ”። ኦን ኤር የሱስ ባረ ቃላ አላምያ የሸዋን ጋላናወ ሀ ፓይዳዋና ቃራ አሳ ሱንሲደ ኪተናን አገና ያግያ ቆፋይ ደኤ። 10:2 ማቶሳ 9:37፡ 38 10:3 ማቶሳ 10:16 † 10:4 አሳና ሳርተቲደ ኦግያን ዋድያ ወርሶፕተ፡- ሄ ጋላሳን ጋራተላን ኦልያ ሳርታይ ዋድያ ሎይላ ምያ ድራወ፡ ሀዋ ሃሳዮቲዳ። 10:4 ማቶሳ 10:7-14፤ ማር. 6:8-11፤ ሉቃሳ 9:3-5 10:7 1 ቆር. 9:14፤ 1 ጽዋ. 5:18 † 10:9 ጸሳ ካወተላይ ህንተኮ ማቴዳ፡- ሀዋ ጉሳይ፡ “ጸሳ ካወተላይ ሀዋን ዋይ ህንተንቱ ግድን ደኤ” ጉሳ። § 10:11 ባናካ ህንተንቶ ቆቆፊቶ፡- ሀዋ ጉሳይ፡ እጼዋ በሰያዋ። 10:11 ኪታ 13:51 10:12 ደመላ 19:24-28፤ ማቶሳ 10:15፤ 11:24 10:15 አሳ. 14:13-15 10:16 ማቶሳ 10:40፤ ማር. 9:37፤ ሉቃሳ 9:48፤ የሃ. 13:20

21 ሄ ዋድያን የሱስ እያና ጌሻን ዳር ናሽቲደ፡ “ሳሉዋን ሳእ ጎዳው፡ ኔን ሀ የወዋ ታማርዋንቲ፡ እጹ ኤራንታቸዋ፡ ገንሳደ፡ ቁር ናናው ቆንጭሶ ድራው፡ ኔና ጋላታይ፤ ኤ፡ ታ አቦ፡ እያው ጎ፡ ሀዋ ኦላናው ነ ሎኦ ሽነ ግዴዳ።

22 “ኡባ የወ ታወ ታ አቡ፡ እመቲዳ። ናእይ እነንቶ አወዋ፡ አትሽነ ኦንነ ኤርያዌ ባዋ፤ ሄዋዳንካ አወ እነንቶ ናኦ፡ እ ቆንጭሳናው ኮዮ ኡራ፡ አትነ፡ ሀራይ ኦንነ ኤርያዌ ባዋ” ያጌዳ።

23 ካሊደካ የሱስ ባረና ካልያዋንቲኮ ሰም ዋዲደ፡ ኡንቲቲቲ ጸላላ፡ “ሀንተንቲ በእያዋ ጸልያ አይፋቲ እንጀቲዳዋንታ።

24 ታ ሀንተው ኦድያዌ እዬ ጎ፡ ጮራ ናባቲነ ካታቲ ሀንተንቲ በእያዋ በእናው አምቲድኖሽን በእበይክኖ፤ ሀንተንቲ ሰሰዋዋካ ሰሳናው አምቲድኖ፤ ሽን ሰሰበይክኖ” ያጌዳ።

አሳወ ቃረትያ ሳማርያ ብታንያ

25 እት ጋላስ ሀግያ ኤርያዌ እቲ የሱሳ ፓጫናው እኮ ዪደ፡ “ታማርሰያዋ፡ መድና ደኡዋ ላታናው፡ ታን እያ ኦሎ?” ያግ ኦቼዳ።

26 የሱስ ዛሪደ፡ “ሙሴ ሀግያ ማጸፋን ጸፈቶዌ እዬ? ኔን እያ ጋደ ብላይ?” ያጌዳ።

27 ብታኒካ፡ “ሙሴ ሀግያ ማጸፋይ፡ ጸሳ ነ ጎዳ ፖሎ ነ ዋዛና፡ ፖሎ ነ ሽምቸዋ፡ ፖሎ ነ ዋልቃ፡ ፖሎ ነ ቆፋ፡ ሲቃ፤ ሄዋዳንካ ነ ላገላካ ነ ሁጲያዳን ደሳ ጌ” ያጌዳ።

28 የሱስ አ፡ “ልክ፡ ቱሙዋ ጋደ፤ ሰም ኔንካ ሀዋ ኦላ፤ ደኡዋን ደእናሳ” ያጌዳ።

29 ሙሴ ሀግያ ታማርሰያ ብታኒ ቃይ ባረና ጽሎ ኦላናው ኮዪደ የሱሳ፡ “ሀኖሽን፡ ታ ላገላይ ኦኔ?” ያጌደ ኦቼዳ።

30 የሱስ ዛሪደ፡ “እት ብታኒ የሩሳላመ፡ እያርኮ ቢደ ደእሽን፡ ኦግያ ቦላን ፓናቲ አ ደሚደ፡ አ ማዩዋ ቃርዋ፡ ጉየ ሾጪደ፡ ሀይቃናው ፖሎ ጎደ ኦሊደ ቤድኖ።

31 ቆፕናን እት ቁሳይ ሄ ኦግያና ብደእያዌ፡ ሾጪቲደ ኩንዴዳ ብታንያ በኤዳ ዋደ፡ እያን ኦፍን ምይያና አዲደ ቤዳ።

32 ሄዋዳንካ እት ሌዌ ሄ ኦግያና ብደኤ። እካ ብታንያ በእደ፡ ሞየት አዴዳ።

33 ሽን ሳማርያ አሳ ግዴዳ እት ብታኒ፡ ሄ ባጋና አዲደ፡ ሀ ብታንያኮ ዬዳ። አ በኤዳ ዋደ አወ ቃረቲዳ።

34 አኮካ ሽቂደ፡ ዛይትያን ዋይንያ ኤሳ * አ ማይላን ትጊደ፡ ቃቼዳ። ሄዋ፡ ጉየ ባረ ሀርያ ቶግሲደ፡ እማላይ አቅያ ጎልያ አክ ቤዳ፤ ሄዋን ብዳዪደ ናጌዳ።

35 ዋንተላ ጋላስ ጉላ ብራ ባረ ኪሰያ፡ ከሲደ፡ እማላይ አቅያ ጎልያ ጎዳው እሚደ፡ ‘ሀ ብታንያ ታወ ሎይላ ብዳያ፤ ሀዋ፡ ዳሩዋ ኔን ከሶፐካ፡ ታን ሰምያ ዋደ ነወ ጭጋና’ ያጌዳ።

36 “ሰም ሀ ሄዙ አሳቲዋ፡ ፓናቲዋ ኩሽያን ሾጪቲደ ኩንዴዳ ብታንያ፡ ላገ ግዴዳዌ ሀቃዋ ማላቲ?” ያጌዳ።

37 ሀግያ ታማርሰያዌካ፡ “ሄ አወ ቃረቶዋ” ያጌዳ።

የሱሰካ አ፡ “ሰም ባደ ኔንካ ሄዋዳን ኦላ” ያጌዳ።

የሱስ ማርትነ ማይራም ሶይ ቤዳ

38 የሱስ ባረና ካልያዋንቲኮ ኦግያ ቢደ፡ እት ሄራ ጋርሳ ጋኬዳ። ሄዋን ማርቶ ጌተትያ እት ሞሽራታ ባረ ጎላን ሞካዲ።

39 እዘወካ ማይራም ጌተትያ ሞቻታ ደእወ፤ ሄናካ የሱሳ ገድያ ማታን ኡታደ፡ እ ኦድያዋ ሀይዛደ ደእወ።

40 ማርታ ቃይ ሶይባ ገግሳደ ዳቡራ ደእወ፤ ሄዋ ድራው የሱሳኮ ሽቃደ፡ “ሀና ታ ሞቻታ፡ ኪታ ኡባ ታ ቦላ ኦልና፡ ታን ታረካ ላባኖደ ጸላደ ጮኡ ጋይ? ሀያና ታና ማዳናን እዘወ ኦዳ” ያጋዲ።

41 የሱሰካ ዛሪደ እዘ፡ “ማርቲ፡ ማርቲ፡ ኔን ጮራ የወዋ ቆፓደ ሀርጋ፤ ቃይካ መቶታ።

42 ሽን ኮሽያዌ እትባ፤ ማይራማ ባረፕ ኦንነ አከና ሎኦባ ደራዲ” ያጌዳ።

11

የሱስ ዋሳባ ታማርሴዳ (ማቶሳ 6:9-13፤ 7:7-11)

1 እት ጋላስ የሱስ እትሳን ዋሳ ዋሳ ደኤ። ዋሳ ወርሶዋ፡ ጉየ አ ካልያዋንቲ አቲ፡ “ጎዳወ! ዮሃንስ ባረና ካልያዋንታ ዋሳ ታማርሶዳን፡ ኮናካ ኔን ዋግ ዋሳንቶ ታማርሳ” ያጌዳ።

2 እካ ኡንቲቲቲ፡ “ጸሳ ዋሲደ ያግ ዋሰተ፡ “ሳሉዋን ደእያ ኦ አቦ፡ ነ ሱንላይ እንጀቶ፤ ነ ካወተላይ ዮ፤ ነ ሽኒ ሳሉዋን ሀኖዳን ሳንካ ሀኖ፤

3 ጋላሳን ጋላሳን ኮሽያ ቁማ፡ ኦወ ሀቼ እማ፤

4 ኦን ኮና ናቁዳዋንቲዋ፡ ኡባ አቶ ጎዋዳን፡ ኔንካ ኦ ናቁዋ አቶ ያጋ፤

ኦና ኢታ፡ ናጋ፡ አትነ፡ ፓጭያን ገልሶ፡

ያግተ” ያጌዳ።

5 ቃይካ የሱስ ባረና ካልያዋንታ፡ “ሀንተንቲ እቶ ሲቆ ላገ ደእንቶ ግደ ብላህያን እኮ ዪደ፡ ታ ሲቆ ላገወ፡ ታወ ሄዙ ሶሉዋ ታልእ፤

6 እያው ጎ፡ እት ታ ላገላይ ዪና አ ሞዝያዋ ዳያድ” ያግ ዋሴዳ ጎይተ።

7 ባረ ጎላን ደእያ አ ሲቆ ላገ ሶይ፡ ሃሳዪደ፡ ታና መቶሳ፤ ፕንጊ ቃሽቲዳ፤ ታናናይካ ታናና ግሴድኖ፤ ሄዋ ድራው ታን ደንዳደ ነወ አይነ እማናው ዳንዳይኮ፡ ጋናዌ?

8 ታን ሀንተንቶ ኦድያዌ እዬ ጎ፡ እ አወ ሲቆ ላግያ ግደ ድራው፡ እመንቶኔካ ኡንኤላ ድራው አ ኮይያዋ ኡባ እሜ።

10:27 ዋጋ 19:18፤ ዛረ. 6:5 10:33 2 ኦዲዋ 28:15 * 10:34 ዛይትያን ዋይንያ ኤሳ- ኦራላ ጫቁዋ ዋድያን ሀዋንቲ ዳልያዋንታ ጌተቲደ አከቲኖ። ኡባ ሀዋን ጸፈቲዳ ዛይቲ፡ ኦራላ ዳልያ ማላታ ጌተቲ። ያይ። 5:14 ጸልተ። 10:38 ዮሃ. 11:1

9 ሀዋ ድራው፡ ሞሰተ፡ ህንተንቶካ እመታናዋ፤ ኮይተ፡ ደማንታ፤ ካርያ ዪደ ዴሰተ፡ ህንተንቶ ደየታናዋ፡ ያጋይ።

10 ጋሱካ፡ ዋሰያ ኡባይ አካናዋ፤ ኮይያ ኡራይካ ደማናዋ፤ ካርያ ዪደ ዴሰያ ኡራው፡ ፕንጊ ደየታናዋ።

11 “ህንተንቱ ግደፕ ባረ ናአው፡ ሞልያ ዋሰና ሸሻ፡ ቁማ እማ ገና ሹቻ እምያ አው ደኢ?”

12 ዋይ ቁቁልያ ዋሰና ሱጉዋ እምዬ?

13 ህንተንቱ ኢታ ግድ ደኢደ ህንተንቱ ናናው ሎአባ እምያዋ ኤርፕ፡ ያትና ሳሉዋን ደኢያ ህንተንቱ አው ባረና ዋሰያዋንቶ አያና ጌሻ ዋት ዳርሲደ እማንዴሻ?” ያጌዳ።

የሱሳን ብኤል-ዘቡላ
(ማቶሳ 12:22-30፤ ማር. 3:20-27)

14 እት ጋላስ የሱስ እት ብታንያፕ ዲድሰያ አያና ከሶዋፕ ጉየ ዱደ ብታኒ ሃሳያ ደምና፡ አሳይ ማላለቲዳ።

15 ሽን ኡንቱንቱፕ እቱ እቱ፡ “ጋሌናቱዋ ካፑዋ ብኤል-ዘቡል አው ዋልቃ እምና ጋሌናቱዋ ከሴ” ያጌድኖ።

16 እቱ እቱ ቃይ የሱሳ ፓጫናው ሳሉዋፕ ማላታ በሳናዳን አፕ ኮዬድኖ።

17 ሽን የሱስካ ኡንቱንቱ ቆፋ ኤሪደ ኡንቱንታ ሀዋ ያጌዳ፡ “ባረ ግደን ሻከትያ ካውተላይ ኡባይ ቆያናዋ፤ ሻከትያ ጎሊካ ኩንዴ።

18 ያትና ሴጸና ካውተላይ ባረ ግደን ሻከትፕ አ ካውተላይ ዋት ኤቃናዋ? ህንተንቱ ታና፡ ጸላህያ ካፑዋ ብኤል-ዘቡል ነው ዋልቃ እምና ከሳ፡ ያግ ሃሳዪታ።

19 ሰም ታን ብኤል-ዘቡላ ዋልቃን ጋሌናቱዋ ከሰያዋ ግደፕ ህንተንቱ ናናይ ኦ ዋልቃን ከሳናዋንቱ? ሀዋ ግድያ ድራው፡ ኡንቱንቱ ህንተንቱ ቦላን ፕርድያዋንታ ግዳናዋንታ።

20 ሽን ታን ጋሌናቱዋ ከሰያዋ ጸሳ ዋልቃና ግደፕ፡ ሰም ጸሳ ካውተላይ ህንተንቱኮ ዬዳዋ ኤርተ።

21 “ዋልቃማ አሳይ በሰያዋዳን ምኒደ ባረ ጎልያ ናጎፕ፡ አ ሻሉ ሎይል ናጎታናዋ።

22 የወዋን ቃይ አፕ ምኑዋ ዳርያዋ ዪደ አ ቆሆፕን ጸናፕ እ እማነቲዳ ቶራን ጎንዳልያ አፕ ዋል አኪደ፡ አው ደኢያ ሚሻ ግሸት አኬ።

23 “ታ ባጋ ግደናዋ ታናና ኤቀቱ፤ ታናና ሺሽ ቤናዌካ ላሌ።

ቱና አያናይ ካስ የግ ቤዳ አሳኮ ሰሚደ ይያ ጋሱዋ
(ማቶሳ 12:43-45)

24 “ቱና አያናይ አሳፕ ከሴዳ ዋይ፡ ባረው ሸምፕያ ሳ ኮዪደ፡ ሃላይ ባንታሳና አቱ ቤ። ሸምፕያ ሳ ደመናን አቶፕ፡ ታን ካስ የጋ ከሴዳ ታ ጎልያ ሰማና፡ ያጌ፤

25 ሰምያ ዋይካ ጎሊ ፕተቲደ ገሰዋ ደሚ።

26 ሄዋፕ ካላ፡ ቢደ ሀራ አፕ ኢታ ላፑ ቱና አያናቱዋ እክ ያ ገሊደ፡ ሄዋን ደኢኖ፤ ሄ ብታንያ ደኡ ኮይርዋፕ ካላዌ ኢቶዋ ግዴ” ያጌዳ።

27 የሱስ ሀዋ ሃሳይ ደኢሸን፡ እት ሞሽራታ ጮራ አሳ ግደፕ ባረ ኮሻ ቆቁ አላደ፡ “ኔና የሌዳውናን ቆንጮዳ ነ ዳያ አንጀቲዳውኖ” ያጋዲ።

28 የሱስ ቃይ፡ “አንጀቲዳዋንቱ ጸሳ ቃላ ሰሲደ አዛዘትያዋንታ” ያግ ዛሬዳ።

ጸሳፕ ኦሰቶ ማላታ
(ማቶሳ 12:38-42፤ ማር. 8:12)

29 ጮራ አሳይ ሺቆ ዋይ የሱስ፡ “ሀ የለታይ ኢታ፤ ኦራላ ማላታ ኮዬ፤ ሽን ናብያ ዮናሳ ማላታፕ ሀራይ እመተና።

30 ጋሱካ ዮናስ ነነዌ ካታማ አሳው ማላታ ግደዋዳን፡ ታን፡ አሳ ናአይካ፡ ሀ የለታው ማላታ ግዳና።

31 አዋይ ሞክያሳ ጸልያ ዋይ፡ ኡሸቻ ዲገ ባጋና ደኢያ ጋድያ ካታታ ሰሎሞነው ደኢያ እቆ ኤራተላ ሰሳናው ቢታ ጋጸፕ ዬዳ ድራው፡ ፕርዳ ዋይ ሀ የለታን ደንዲደ ፕርዳናውኑ፤ በአተ፡ ሰሎሞነፕካ አቲያዌ ሀዋን ደኢ።

32 ነነዌ አሳይ ፕርዳ ዋይ ህንተንቱ ቦላ ደንዲደ ፕርዳናዋንታ፤ አያው ጎፕ፡ ኡንቱንቱ ዮናስ ኦደዋ ሰሲደ ባረንቱ ናጋራ ፓጽ ሰሜዳ ድራሳ፤ በአተ፡ ዮናሳፕ አቲያዌ ሀዋን ደኢ።

ቦላ ፖአሰያ ጸምፕያ
(ማቶሳ 5:15፤ 6:22-23)

33 “ሶይ ገልያ አሳው ፖአናዳን፡ ጸምፕያ ጸምፕደ ቆቃሳን ዋላናፕ እትን፡ ጌማሳን ዋይ ፖኡዋ ካምያ የወዋፕ ጋርሳና ዋልያዌ ኦንነ ባዋ።

34 ነ አሳተላው ነ አይፊ ጸምፕያ ማላ፤ ነ አይፊ ፓጸ ግደፕ ነ ኩሙንላ አሳተላይካ ፖኡዋ ደሚ፤ ሽን ነ አይፊ ሀርጎፕ ነ ኩሙንላ አሳተላይካ ቆማ።

35 እኬካ፤ ሄዋ ግድያ ድራው፡ ነ ጋርሳን ደኢያ ፖኡ ቆመናዳን ናጎታ።

36 ሰም ነ አሳተላይ ኡባይ ፖኡዋን ኩሜዳዋ ግደፕ፤ ቆሜዳ አሳተላይ ኔናን ባይናዋ ግደፕ፡ ነ አሳተላይ ኡባይ፡ ጸምፕ ባረ ፖኡዋ ነ ቦላን ፖአሰያዋዳን፡ ነ ቦላን ዋጋጋ ፖኡዋ ግዳናዋ” ያጌዳ።

የሱስ ፓርሳዋቱዋን ሙሴ ህግያ ታማርሰያዋንታ ኩናኔዳ
(ማቶሳ 23:1-36፤ ማር. 12:38-40፤ ሉቃስ 20:45-47)

37 የሱስ ሃሳያ ወርሶዋፕ ካላ፡ እት ፓርሳዌ ብታኒ ባረ ጎሊን ቁማ ማናዳን አታሌዳ፤ የሱስካ እትፕ ገሊደ ጋይታን ኡቲዳ። *

38 ፓርሳዌካ የሱሳ ቁማ ማናፕ ካሰያን ኩሸያ ሜጨት ቤናዋ በኢደ ማላለትና፡

39 ጎዳይካ፡ “ህንተንቶ ፓርሳዋቶ፡ ጹኣነ ሻታ ቦላ ባጋ ጌሺታ፤ ሽን ህንተንቱ ጋርሳይ ኡዘያንነ ኢታተላን ኩሜዳ።

40 ህንተንቶ ኤያቶ! ቦላ ባጋ መጴዳዌ ጋርሳ መጵቤኔ?

11:15 ማቶሳ 9:34፤ 10:25 11:16 ማቶሳ 12:38፤ 16:1፤ ማር. 8:11 11:23 ማር. 9:40 11:29 ማቶሳ 16:4፤ ማር. 8:12 11:30 ዮናሳ 3:4 11:31 1 ካታ. 10:1-10፤ 2 ኦዲዋ 9:1-12 11:32 ዮናሳ 3:5 11:33 ማቶሳ 5:15፤ ማር. 4:21፤ ሉቃስ 8:16 * 11:37 ጋይታን ኡቲዳ፡ ቁማ ማናው ኡቲዳ ጉሳ።

41 ሸን ህንተንቱ ጸ-አንነ ሻታ ጋርሳን ደእያዎ ህዬሳቶ እምተ፤ ሄ ዎደ ኡባባይካ ህንተው ጌሻ ግዳናዎ።

42 “ሸን ህንተንቶ ፓርሳዎቶ፣ ህንተው አየ! እያው ጎፕ፣ አኑጋፕነ ጸሎትያፕ፣ አፕፕያ ዶኡዋፕ፣ ታሙ ኩሸያፕ እት ኩሸያ ጸሳው እሚታ፤ ሸን ቱሙ ፕርዳነ ጸሳ ሲቅያዎ ህንተንቱ አጊታ። የወዋን ቃይ ሄዎ አገናን ሀዋ አላናው በሴ።

43 “ህንተንቶ ፓርሳዎቶ፣ ህንተው አየ! እያው ጎፕ፣ አይሁዳ አሳ ዎሳ ጎለን ቦንቾ ኡቱዎ፣ ገያ ግዳንካ ቦንቾ ሳርታ ኮዪታ።

44 “አሳይ ኤረናን ቦላና ሀመትያ ቤተና ዱፋዎ ማላትያ ድራው ህንተው አየ!” ያጌዳ።

45 ሙሴ ህግያ ታማርሰያዎንቱፕ እቱ፣ “ታማርሰያዎ፣ ኔን ሀዋ ያጋ ሃሳዮ ድራው ኑና ቦራዳ” ያግ ዛሬዳ።

46 የሱስ፣ “ህንተኖ ህግያ ኤርያዎንቶ፣ ሄንተው አየ! እያው ጎፕ፣ አሳይ ቶኪደ ዳንዳየና ዳጾ ቶኩዋ ሀራ ቶሲታ፤ ሸን ህንተንቱ ህንተ ሁጳው ብራድያንካ ቦቾክታ።

47 “ህንተንቱ አዎቱ ዎዲዳ ናባቱዋ ዱፋዎ ሎይሳያ ድራው ህንተው አየ!

48 ሰም ህንተንቱ አዎቱ ናባቱዋ ዎድና፣ ህንተንቱ ኤንቱንቱ ዱፋዎ ቦላን ጎልያ ኬጽያ ድራው፣ ናባቱዋ ኦሱ ሎአ ያጊደ፣ ኤንቱንቱዋ ማርካቲታ።

49 ሀዋ ድራው፣ ጸሳ አዶ ኤራተላይ፣ ታን ናባቱዋን የሱስ ኪቶዋንታ ኤንቱንቱኮ ኪታና፤ ኤንቱንቱካ ሄዎንቱፕ እቱዋ እቱዋ ዎዳናዎንታ፤ እቱዋ እቱዋ ሙቶላናዎንታ ያጌዳ።

50 ሀዋ ግድያ ድራው፣ ሀ አላሚ ሙቶደፕ ደሚደ ፕኬዳ ናባቱዋ ሱላው ሀ የለታይ አሸቱ።

51 አቤላፕ ደሚደ ያርሹዋሳፕነ ጌሻ ጎልያፕ ግዱዋን ፕኬዳ ዛካራሳ ሱላ ጋካናው ኮየቱ። † ኤ! ታን ጋይ፤ ሀ የለታይ ሀዋ አሸትያዎ።

52 “ህንተንቶ ሙሴ ህግያ ኤርያዎንቶ፣ ህንተው አየ! እያው ጎፕ ኤራ ፕንግያ ዶይያ ቁልፕያ እኬድታ። ህንተንቱ ህንተ ሁጳውካ ገልበይክታ፤ ቃይ ገላናው ኮይያዎንታካ ድጌድታ” ያጌዳ።

53 የሱስ ሄዋፕ ከሶዋፕ ጉይያን፣ ህግያ ታማርሰያዎንቱን ፓርሳዎቱ አ ኦሻን ኡርፕንሉሳን ኤቀቱሳ ደሚደኖ።

54 አ ደናፕ ሎኤናባይ ከሶፕ ኦይቃናው ጌዲና፤ ሸን ደምበይክኖ።

12

ሎአ ማላትያ ኢታተላፕ ናገታና ማላ ሴራ (ማቶሳ 10:26፣ 27)

1 ሄ ዎድያን ጮራ ሻኦን ፓይደትያ አሳይ እቱ እቱዋ የዳና ጋካናው ሺቅ ደእሸን፣ የሱስ ባርና ካልያዎንቶ ኮይር ኦዳናው ደሚደ፣ “ፓርሳዎቱዋ እርሹዋፕ ናገትተ፤ ሀዋካ ሎአ ማላትያ ኤንቱንቱ እምያ ኢታ ትምርትያ።

2 ሸን አያንነ ካመቱዳ የወ ቆንጭያ ከሰናን አተና፤ ቃይካ ጌሜዳ የወ ኤረተናን አተና።

3 ሄዎ ድራው ህንተ ጳማን ሃሳዮዌ ኡባይ፣ ጋላስ ፖኡዋን ሰሰታናዎ፤ ህንተንቱ አሳይ ባይናሳን ህን ግሶ ጎልያን ሀይላን ሳሱኮዌ ኡባይ ዶቁ ጌዳ ሰሰትያ ቆንጨሳን አዋየታናዎ።

እት ጸሳ ጸላላው ያያና በሴ (ማቶሳ 10:28-31)

4 “ታናዳን አማንያዎንቶ፣ ታን ህንተው ያጋይ፤ ሀእ አሹዋ ዎድያዎንታ፣ ሄዋፕ ካላ ቃይ አያን አላናው ዳንዳየናዎንታ ያዮፕተ።

5 የወዋን ቃይ ህንተንቱ ኦስ ያያናው በሰንቶ ታን ህንተንታ ኤርሳና፤ ሄዋካ ዎዶዋፕ ጉይያን ጋናምያን ኦላናው ማታይ ደእያ ጸሳ ጸላላው ያይተ፤ ኤ፣ አው ያይተ ያጋይ።

6 “አቼሹ ሱንያ ካፋቱ ሳንትምያን ሻመትክኖየ? ሄዋንቱፕ እትናን ኡሳ ጸሳይ ደገና።

7 ሸን ሀራይ አቶ ህንተንቱ ሁጳያን ደእያ ብናናይ ኡባይካ ፓይደቱዳዎ፤ ሀዋ ድራው ያዮፕተ፤ ህንተንቱ ጮራ ሱንያ ካፋቱዋፕ ዳሪታ።

የሱሳን አማንያዎንታን አ እጽያዎንታ (ማቶሳ 10:32፣ 33፤ 12:32፤ 10:19፣ 20)

8 “ታን ህንተው ኦዳይ፤ ታባ አሳ ሰንላን ማርካትያዎ ኦስነ ታንካ አሳ ናአይ፣ ቃይ ጸሳ ኪታንቻቱዋ ሰንላን ማርካታና፤

9 ሸን አሳ ሰንላን ታና ካድያዎንታ ታንካ አሳ ናአይ፣ ቃይ ጸሳ ኪታንቻቱዋ ሰንላን ካዳና።

10 “ታ ቦላ፣ አሳ ናአ ቦላ፣ ቦርያ ቃላ ሃሳይያዌ ደኦፕ አ ናቁ አቶ ጌተታና፤ ሸን ጌሻ አያና ቦላ ቦርያ ቃላ ሃሳይያዌ ደኦፕ ቃይ አ ናቁ አቶ ጌተተና።

11 “አሳይ ህንተንታ አይሁደ ዎሰያ ጎልያኮ፣ ጋድያ አይሰያዎንቱኮነ ማታይ ደእያዎንቱ ሰንላ ፕርዳው ሺሸያ ዎደ፣ “ዋግ ዛራኔሻ? ዎይ አያ ጊደ ሃሳይኔሻ?” ያጊደ ሀርሳፕተ፤

12 እያው ጎፕ፣ ህንተና አያና ጌሻይ ህንተንቱ ሄ ሳትያን ሃሳያናው በሰያባ ታማርሳናዎ” ያጌዳ።

ዱረ ብታንያ ቦዛተላ ኦድያ ሌምሱዋ

13 አሳ ጋርሳፕ እት ብታኒ የሱሳ፣ “ታማርሰያዎ፣ ኑ አቡ ሀይቁና ኑን ላታና ማላ አቱዳባ፣ ታው ግሻና ማላ ሀያ ጎደ ታ እሻው ኦዳ” ያጌዳ።

14 የሱስ ቃይ፣ “ሀ ብታነው፣ ህንተንቱ ቦላን ፕርድያዎ ግዳናዳን ሄዎ ህንተው ግሻናዳን ታና ኦኔ ሱንሌዳዌ?” ያጌዳ።

15 ጉጂደካ ኡባቱዎ፣ “አሳ ሸምፖ ሻሉዋ ዱረተላይ ደኡዋ እመና ድራው፣ ያረትያዋፕነ ዮራትያዋፕ ናገትተ፤ ዱረተላ አሙዋ ኡባፕካ ህንተና ናግተ” ያጌዳ።

11:42 ዎጋ 27:30 † 11:51 አይሁዳቱዋ ማጻፋቱዋ ጋርሳን ደመላ ማጻፋይ ኮይር ማጻፋ። እካ፣ አቤላ አሳ ኡባፕ ኮይሩዋን እሻይ አ ዎዶዳዎ ኦዳ። አይሁዳቱዋ ጌሻ ማጻፋቱዋን ወርሰላ ማጻፋይ ላኤንሳያ ኦዳዎ ማጻፋ። ሄ ማጻፋን ዛካራሰ ወርሰላን ሀይቁዳዎ ኦድያ ድራሳ ሉቃስ አቤላፕ ዛካራሳ ጋካናው ጌዳዌ። 12:1 ማቶሳ 16:6፤ ማር. 8:15 12:10 ማቶሳ 12:32፤ ማር. 3:29 12:12 ማቶሳ 10:19-20፤ ማር. 13:11፤ ሉቃስ 21:14-15

16 ካሊደካ ሀዋዳን ያግ ሌምሱዋ ኢንቲንቶ ኦዴዳ፡ “አወ ደእያ ቢታይ ዳርሲደ ካላ ሞኬዳ እት ደረ ብታኒ ደኤ።

17 ሀ ብታኒ፡ ታወ ታ ካላ ዋላናወ ግድያ ሳኦይ ባንታዋ ድራወ እያ ኦላሻ?” ያገደ፡ ባረ ዋዛናን ቆፔዳ፤

18 ሀዋዳን ያግ ማሌዳ፤ ታን ዋታነ ጎፕ፡ ታወ ደእያ ዩሲያ ኮላደ፡ ሀራ እክያ ዩሲያ መጻፍ ያገደ ማሌዳ፤ ሄዋን ታ ካላነ ታወ ደእያ ሚሻ ኡባ ዋላና።

19 ያታደ ታና፡ “ነ ካጫይ ዳር ሎእ፤ ነወ ዳር ዋድያወ ግድያ ማጶዋ ሺሻዳ፤ ስም ሸምፓደ ማ፡ ኡሻ፡ ናሸታ” ጋና ያገደ።

20 “ሸን ጸሳይ አ፡ ህ ቦዛወ፡ ሀቼ ቃማ ኔን ሀይቃ። ያትና ሀ ኔን ሺሹዳ ማጶ ኡባይ ኦሰ ግዳናዊ?” ያገደ።

21 “ባረወ ቢታ ቦላን ሻሉዋ ሺሸያዌ፡ ጸሳ ስንላን ቃይ ማንቆ ግዴዳ አሳይ ሀ ብታንያ ማላ” ያገደ።

ኡባ ዋደ ጸሳን አማነቱሳ ኮሼ (ማቶሳ 6:25-34)

22 ሀዋ፡ ካላ የሱስ ባረና ካልያዋንታ፡ “ሀዋ ድራወ፡ ታ ሀንተወ ኦዴይ፡ ሀንተንቱ ፓጸ ደእናወ እያ ማኔ? ሀንተንቱ ቦላወ እያ ማያኔ? ያገደ ሀርጎፕተ።

23 “ጋሱካ፡ ሸምፑ ቁማፕ፡ ቃይ አሳተላይ ማዩዋፕ አ።

24 አነ ቁራቱዋ ጸልተ፤ ኢንቲንቱ ዘርክኖ፤ ጫክክኖ፤ ኢንቲንቶ ካላ ሺሸያ ሳኦይ ዋይ ዩሲ ባዋ፤ ሀርፕ አትን፡ ኢንቲንታ ጸሳይ ምዜ፤ ሀንተንቱ ካፋቱዋፕ ዳርፕ ዳርክቱ?

25 ሀንተንቱፕ ዳሪ ቆፒደ ዳር ዋድያ ደእናወ ዳንዳይያዌ ኦኔ?

26 “ስም ሀንተንቱ ሀ ላፋባ አላናወ ዳንዳየናዋንታ ግደፕ እያወ ሀራባወ ሀርገቲቱ?

27 ጨሻቱ ዋት ድጨኖንቶ አነ ጸልተ፤ ኢንቲንቱ ከታን ዳቡርክኖ፤ ፑቱዋ ሱቁክኖ፤ ግደ ሸን ታን ሀንተወ ኦድያዌ፡ ሶሎሞነ ሄዋ ከና ቦንቼቲዳዋ * ግዲደ፡ ሄ ጨሻቱዋፕ እቱዋ ማላነ ማይቤና።

28 ሀንተንቶ ላፋ አማኑ ደእያዋንቶ፡ ያቶፕ ጸሳይ ሀቼ ቤቲደ፡ ዋንት ታማን ኤጸናወ አለትያ፡ ደንባን ዶልያ ማታ ሀዋዳን ማይዝያዋ ግደፕ፡ ሀንተንታ ዋቲደ ኢንቲንቱፕ አሊደ ማይዘኔ?

29 “ሀዋ ድራወ፡ ላያ ማኔ? እያ ኡሻኔ?” ያገደ ኡባ ዋደ ኮዮፕተነ ሀርጎፕተ።

30 እያወ ጎፕ፡ ሀዋ ደማናወ ሀ አላምያን ደእያ ጸሳን አማነተና አሳይ ሀርገቲቱ። ሀንተንቶ ሀዌ ኡባይ ኮሸያዋ ሳሉዋን ደእያ ሀንተንቱ አወ ኤራ።

31 ሄዋ ሀንያዋ አገደ፡ ጸሳ ካወተላ ኮይተ፤ አ ሀንተንታ ኮሸያዋ ኡባ አማናዋ።

ሳኦን ባረ ዳረተላን አማነቶዌ ሳሉዋን ዋኒ? (ማቶሳ 6:19-21)

32 “ሀንተንቱ ጉላ ግድንቶነ፡ ሳሉዋ ሀንተንቱ አወ ባረ ካወተላ ሀንተንቶ አማናወ ናሸቴዳ ድራወ ያዮፕተ።

33 “ሀንተወ ደእያዋ ዘልኢደ ማንቆ እምተ፤ ካይሱ ሸቆናሳን፡ ብልኦይካ ሚናሳን፡ ሳሉዋን ወረና ሚሻ ዳጋዪደ፡ ኤጨና ቃርጭታቱዋ ሀንተንቱ ሀጸወ ዋላተ።

34 እያወ ጎፕ፡ ሀንተንቱ ዋዛናይ ሀንተ ሚሻይ ደእያ ሳን ደአናዋ።

ምና አሳንቻ

35 “ሀንተ ጸሳይ ዳንጨቶዋ፡ ሀንተ ጸምፒካ ፖኤዳዋ ግደ።

36 ሀንተንቱካ፡ ባረንቱ ጎዳይ ዪደ ፕንግያ ቆጵያ ዋደ፡ ኤለካ ዶያናወ ቡላቻፕ ሰማና ጋካናወ ናግያ ኦሳንቻቱዋ ማላትተ።

37 ባረንቱ ጎዳይ ሶይ ዩዳ ዋደ ቤጎት ደእሸን ደምያ ሄ ኦሳንቻቱ አንጀቲዳዋንታ። ታን ቱሙዋ ጋይ፤ እ ኡንቲንታ፡ ላትተ፡ ገደ፡ ባረ ዳንጨዋ ምንሲደ ኢንቲንቶ ቁማ አሊደ ሸቆናዋ።

38 ጎዳይ ሄካ ብላህያን ዋይ ሄካ ብላህያፕ ካላ ዩዳ ዋደ፡ ቤጎቲደ ገንጭ ናገደ ቤትያ ቆማቱ አንጀቲዳዋንታ።

39 ሀዋ ቃይ ኤርተ፤ ካይሱ አይ ሳትያን ይንቶ ጎልያወ ኤርንቶ፡ ጎሊ ቦከትያ ዋደ ጮኡ ገደ ጸልናሸን።

40 አሳ ናኦይ ቆፕና ሳትያን ያናዋ፤ ሀንተንቱ ገገት ናግተ” ያገደ።

41 ጸጵርሰካ “ጎዳወ፡ ሀ ሌምሱዋ ኔን ኦድያዌ ኑ ጸላላሴ ሀራ ኡባወካ እትፕ ኦዳይ?” ያገደ።

42 ጎዳይካ፡ “ስም ኢንቲንቱ ባረ ሶይ አሳወ ቁማ አማናወ በሰያ ሳትያን አማና ማላ፡ አ ጎዳይ ሱንሳያ አማነቲዳነ ኤራንቻ ምዝያ ቆማይ ኦኔ?” ያገደ።

43 ጎዳይ ሰምያ ዋደ ሀዋዳን ከተቲና ደምያ ቆማይ እ አንጀቲዳዋ።

44 ታን ሀንተወ ቱሙዋ ኦዳይ፤ ደእያ ማጶዋ ኡባ ቦላን አ ሱንላናዋ።

45 የወዋን ቃይ ሄ ቆማይ፡ “ታ ጎዳይ ኤለ ዩና፤ ጋምአናዋ” ያግ ባረ ዋዛናን ቆፖፕነ አቱማነ ማጫ ቆማቱዋ ሸቻ ደሞፕ፡ ቃይካ ኮዮዋዳን ሙሳነ ኡሻ፡ ማላቲሳካ ደሞፕ፡

46 ሄ ቆማ ጎዳይ፡ እ ቆፕና ጋላሰነ ሰቲቤና ሳትያን ያናዋ፤ ሄ ዋድያን አ ቃንጸራሊደ፡ አ ግሹዋ ካጫካ አማነናዋንቱና እትሳ ኡዳናዋ።

47 ባረ ጎዳ ሸንያ ኤሪደ ገገናዌነ አ ሸንያዳን ከተተና ቆማይ፡ እ ኢታ ጶኦባ ጶኦባታናዋ።

48 ኤርቤናዌ ቃይ ጶኦባታናወ በሰያዋ አሌዳዌ፡ ጉላ ጶኦባቲ። ዳርባይ አመቲዳ አሳ ኡባፕ፡ አፕ ዳርባይ ኮየቲ፤ ዋልቃማ ሀዳራይ አመቶዋፕ፡ አፕ ዳርሲደ ኮየቲ።

49 የሱሰ፡ “ታን ዩዳዌ፡ ሀ ሳኦ ቦላ ታማ ሳላናሳ፤ ሀእካ ኤጶደንቶ፡ ታና አይ ከና ናሸቻናዌሻ።

* 12:27 ሶሎሞነ ሄዋ ከና ቦንቼቲዳዋ፡ አይሁዳ አሳይ ሶሎሞነ ባረ ደኤዳ ላይላ ኡባን ዳር ዳረተላን ደኤዳ ገደ ቆፒና። 12:27 1 ካታ. 10:4-7፤ 2 ኦዲዋ 9:3-6 12:35 ማቶሳ 25:1-13 12:36 ማር. 13:34-36 12:39 ማቶሳ 24:43፣ 44 12:50 ማር. 10:38

50 ታን ጸማቃታና መቼዋ ጽንቃታይ ፖለታና ገካናው ዋናደ ኡንኤታይታ!

51 ሀ ሳእ ታን ዬዳዌ፡ ሳርተላ አሀናሳ ማላቲዬ? ሀንተው ማላቶ፡፡ ታን ዮዌ፡ ሳርታው ግደናን ሻካናሳፕ አትን፡፡

52 አያው ሳፕ፡ ሀእፕ ደምና እት ሳልያን ደአያ እቼሹ አሳቱ ሻከታናዋንታ፤ ሄዛቱ ላአቱዋ ቦላ፡ ላአቱካ ሄዛቱዋ ቦላ ደንዲደ ዋላቃታናዋንታ፡፡

53 አው ናአ ቦላ፡ ናአይካ አውዋ ቦላ፡ አታ ናት ቦላ፡ ናታካ አት ቦላ፡ ቦሎታታ ናአ ማቶ ቦላ፡ ናአ ማቻካ ቦሎታት ቦላ፡ ዋላሳን ደንዲደ ሻከታናዋንታ” ያጌዳ፡፡

ዋድያ ሀኖታ ኤሩዋ (ማቶሳ 16:2-3)

54 ቃይካ የሱስ አሳው፡ “አዋይ ወልያ ባጋና ሀንተ ሻርያ በአፕ፡ ሀእ ሀ ሳትያን ሄኮ ዋልቃማ አራይ ቡካና ሀኔ” ያጌታ፤ ቱሙካ ቃይ ቡኤ፡፡

55 ዱገ ባጋና ጫርኩ ጫርኩደ፡ ሀቼ ሻማናዋ” ያጌታ፤ ጌተቶዋዳንካ ቃይ ሀኔ፡፡

56 ሀንተኖ ሎእ ማላትያ ኢታቶ፡ ሳእን ሳሉዋ ጸሊደ፡ ሀናናዋ ኤሪታ፤ ሽን ሀ ዋድያባ ዋት ኤራናው ዳንዳይክቲ?

ሰጋተላባነ ሞቱዋባ (ማቶሳ 5:25-26)

57 “ዋደ ሀንተንቱ ጽሎ ግዴዳ የወዋ ሀንተንቶ አያው ፕርድክቲ?

58 ነ ሞርክያና እትፕ ፕርድያ ዳና ሰንላን ሺቃናው ቦደ፡ ብር ኦግያ ቦላ ደእሽን ሰገታ ድጋ፡ ሄዌ ቆዮፕ ኔና ሳቼደ ፕርድያ ዳናኮ አፋና፤ ዳናይካ ፖልሰው አል እማናዋ፤ ፖልሲ ቃሾ ሳለን የጋናዋ፡፡

59 ታን ነው ኦድያዌ፡ ወርሰላ አጩዋ ጭጋና ገካናው ሄዋፕ ከሳካ” ያጌዳ፡፡

13

ናጋራፕ ሰመና ኡባይ ቆያና

1 ሄ ዋድያን እት እት አሳቱ የሱሳኮ ዪደ ጽላጸሰ ጋለላ አሳ ዋዲደ ኡንቱንቱ ሱላ ያርሹዋና እትፕ ዋላኬዳዋ አው ኦዴድና፡፡

2 የሱስካ ዛሪደ፡ “ሀዋንቱ ጋለላ አሳቱ ሀይቄዳ ድራው፡ ያትና ኡንቱንቶ ሀራ ጋለላ አሳ ኡባፕካ አዲደ ናጋራንቻቱዋ ግደዋንታ ማላቲኖ?

3 ታን ያጋይ፡ ሀዋዳን ግደና፤ የወዋን ቃይ ሀንተ ናጋራ ፓጸደ ናጋራፕ ሰመናን አጸፕ፡ ሀንተንቱ ኡባቱካ ሄዋዳን ሀይቄታ፡፡

4 ዋይ ሳልሆማ ግምቢ ኡንቱንቱ ቦላ ኩንዲደ፡ ዋዴዳ ታማነ ሆሰፑን አሳቱዋ የሩሳላመን ደእያዋንቱ ኡባፕ አዲደ ናቆዋንታ ማላቲኖ?

5 ሀዋዳን ግደና ያጋይ፤ የወዋን ቃይ ናጋራ ፓጸና ቆዮፕ ኡባቱካ ሀዋዳን ባያንታ” ያጌዳ፡፡

6 የሱስካ ሀዋዳን ያግ ሌምሱዋ ኦዴዳ፡ “እት ብታነው ዋይንያ ቱራ ሳሻ ጋደን ቶከቲዳ ባላሰያ ጌተትያ አይፊ ማተትያ ሞላታ ደአው፤ ሄ ብታኒካ ሞላታ አይፋደንቶነ ጌደ ዬዳዌ፡ አይኔካ አይፍያ ደምቤና፡፡

7 ዋይንያ ቱራ ናግያዋ እ፡ ታን ሀ ባላሰያ ጌተትያ ሞላትፕ አይፍያ ደማናው ሄዙ ላይላ ሰመሪታደ አያነ ደማበይከ፡፡ ሄዋ ድራው ደካ ደንላ ድጋ፤ አያው ቢታ ጮ መልሳይ?” ያጌዳ፡፡

8 ናግያዌካ ዛሪደ፡ ሳዳው፡ ታን እ የሹዋ ሀሩማናውን ፕቱዋ ኦላናው፡ ሀ ላይላ ጸላላው ባሻ፡፡

9 ሰንላው አይፎፕ ሎእ፤ ሽን አይፈናን አጸፕ ደከቱ” ያጌዳ፡፡

የሱስ ቁና ሞሽራቶ ሳምባታ ጋላሳ ፓሌዳ

10 የሱስካ እት ሳምባታ ጋላሳ አይሁዳ ዋሳ ጎላቱዋፕ እቱዋን ታማርሰ ደኤ፡፡

11 ሄዋንካ ታማነ ሆሰፑን ላይላ ኩመንላ ቱና አያናይ ቁንሴዳ ሞሽራታ ደአው፡፡ እዛካ ሱራደ ኤቃናው አይነ ዳንዳያበይኩ፡፡

12 የሱስካ እዘ በኤዳ ዋደ ጸሲደ፡ “ሀ ሞሽራቱ፡ ነ ሀርግያፕ ፓጸዳ” ያጌዳ፡፡

13 የሱስ ባሪ ኩሽያ እዘ ቦላ ዋልና፡ ሄ ዋደ ሱራ ሰት ጋ ኤቃደ ባሪ ጸሳ ጋላታዲ፡፡

14 ሽን አይሁዳ ዋሳ ጎለ ካፑ ቃይ የሱስ ሳምባታን ፓሌዳዋ ድራው ሀንቀት ዛርዋሽን አሳቱዋ፡ “ከተታናው በሰያ ኡሱፑን ጋላሳቱ ደአኖ፤ ሄ ጋላሳቱን ዪደ ፓጽተፕ እትን ሳምባታን ግደና” ያጌዳ፡፡

15 ጎዳይካ ዛሪደ፡ “ሀ ሎእ ማላትያ ኢታ አሳቶ፡ ሀንተንቱፕ እቱካ ሳምባታ ጋላሳ ቦራ ማጋዲዋፕ ዋይ ሀርያ ጋጸታፕ ብሊደ ሃላ ኡሻናው አፈኔ?

16 ሀና ኡብራሃዋ ያራ ግዴዳውና፡ ታማነ ሆሰፑን ላይላ ኩመንላ ጸላሂ ቃቼዳውና ሳምባታ ጋላሳ ሄ ቃሹዋፕ ብለታናው በሰኬ?” ያጌዳ፡፡

17 ሀዋ ኦዴዳ ዋደ ኤቀትያዋንቱ ኡባይ ዬላቲድኖ፤ አሳይ ኡባይ ቃይ እ ኡዴዳ ማላልሰያ ኡሱዋን ኡባን ናሽቲድኖ፡፡

ሳናፍጭያ አይፍያ ዘረላ ሌምሱዋ

18 የሱስካ፡ “ጸሳ ካወተላይ አያ ማላቲ? እ አያ ማላትንቶ፡ ታን ሀንተንታ ዋታ በሶ?

19 ጸሳ ካወተላይ ሳናፍጭያ ጌተትያ ቄር ሞላት አይፍያ ማላቲ፡፡ ሄ ሞላት አይፍያ አሳይ አኪደ ሳሻ ጋርሳን ዘሬዳ፤ ዘረቶና ድጫደ ዋጋ ሞላ ግዳዲ፤ ያትና ሳሉዋ ካፋቱካ እዘ አጫ ቦላ ባረንቶ ጎልያ ኬጾድኖ” ያጌዳ፡፡

እርሹዋ ሌምሱዋ (ማቶሳ 13:33)

20 የሱስካ ዛሪደ፡ “ጸሳ ካወተላይ አያ ማላትንቶ፡ ታን ሀንተንታ ዋታ በሶ?

21 እት ሞሽራታ ሄዙ ከርያ ዲልያ አካደ፡ ሙናቄዳ ሙናቃይ ኡባይ ደንዳና ገካናው፡ እን ትጌዳ እርሹዋ ማላቲ” ያጌዳ፡፡

ኡንኦ ፕንግያባ (ማቶሳ 7:13፣ 14፣ 21፣ 22)

22 ሄዋፕ ካላ የሱስ የሩሳላመ ቢደ፡ ዋጋ ካታማንነ ቄር ካታማን ደእያ አሳ ታማርሲደ አዴዳ፡፡

23 ሄ ዋደ እት ብታኒ ሺቂደ አ፡ “ጎዳወ፡ ጸሳ ፕርዳፕ አትያዋንቱ ጉላ አሳ ጸላሌ?” ያጌዳ።

ሄዋፕ ጉየ የሱስ ኡንቱንታ፡

24 “ታን ህንተንቶ ኦዳይ፤ ኡንኦ ፕንግያና ገላናዉ ባጸትተ። ጮራ አሳይ ገላናዉ ኮዪኖ፤ ሸን ዳንዳይበይክኖ።

25 ጎልያዉ ደንዲደ፡ እፍላ ቃቸዋፕ ጉየ ህንተንቱ ካረን ኤቂደ፡ ጎዳወ፡ ጎዳወ፡ ኑዉ ደያርኪ፣ ያጌደ ጸሳ ደምያ ዋደ፡ እካ ዛሪደ፡ ህቃፕ ዬድተንቶ፡ ታን ህንተንታ ኤርከ፣ ያጋናዋ።

26 “ሄ ዋደ ህንተንቱ፡ ሓን ኔናና እትፕ ሜደ፤ ኡሼደ፤ ኔን ኑ ሄሪንካ ታማርሳዳ፣ ያጋናዋንታ።

27 “የሱስ ቃይ፡ ታን ህንተንቶ ኦዳይ፤ ህንተንቱ ህቃፕ ዬድተንቶ፡ ታን ህንተንታ ኤርከ፤ ኡባቱካ ማካላንቻቱ ታ ማታፕ ሃክተ፣ ያጋናዋ።

28 “አብራሃም፡ ይሳቅ፡ ያቆብን ናባቱ ኡባይ ህንተንቱ ካረን ኤቂሸን፡ ጸሳ ካዉተላን ደእያዋንታ ህንተንቱ በእያ ዋደ፡ ህንተንቶ ዬኮን እቻ ቆቁዋ ግዳናዋ።

29 “አሳይ አዋይ ዶልያሳፕን ዉልያሳፕ፡ ቃይ ክልባጋፕን ሀርክባጋፕ ዪደ፡ ጸሳ ካዉተላ ጋይታን ኡቲኖ።

30 በእተ፤ ጉየቲዳዋንቱ፡ ሰንላታናዋንታ፤ ሰንላቲዳዋንቱ ቃይ ጉየታናዋንታ” ያጌዳ።

የሱስ የሩሳላመን ኦሴዳባ (ማቶሳ 23:37-39)

31 ሄ ዋደ ፓርሳዋቱዋፕ እቱ እቱ የሱሳኮ ዪደ፡ “ሄሮድስ ኔና ዋቆናዉ ኮይያ ድራዉ፡ ሀዋፕ ባ ድጋ” ያጌድኖ።

32 የሱስ ዛሪደ፡ “ቢደ ሄ ዋራካናዉ፡ ህቸን ዋንት ኢታ እያናቱዋ ከሳና፤ ሀርጋንቻቱዋካ ፓላና፤ ሄዘንሎ ጋላስ ታ ኡሱዋ ዉርሳና፣ ያግተ።

33 ሀኖፕ አትን ናቢ የሩሳላመፕ ሀራሳን ሀይቃናዉ በሰና ድራዉ፡ ታን ሀቸ፡ ዋንትን ዋንት፤ ሸኸ ኦግያ ቦላ ደእናዉ በሴ።

34 “የሩሳላመ ካታማ አሳዉ፡ የሩሳላመ ካታማ አሳዉ፡ ናባቱዋ ዋቆያዋንቶ፡ ህንተንቱኮ ኪተቶዋንታ ሹቻን ጫድያዋንቶ፡ ኩታታ ባረ ማራቱዋ ባረ ቀፍያፕ ጋርሳና ሸሻ ሀጵያዋዳን፡ ታን ህንተንቱ ናና እት ጋድያ ሸሻናዉ አቸ ገደ ኮያድታ! ሸን ታና ድጌድታ።

35 በእተ፤ ጸሳይ ህንተንቱ ጎልያ አይነ አልቤና፤ ታን ህንተንቶ ያጋይ፤ ህንተንቱ፡ ጎዳ ሱንላን ይያዌ እንጀቲዳዋ፣ ጋና ጋካናዉ፡ ታና በእክታ” ያጌዳ።

14

የሱስ ሀርጋንቻ ሳምባታን ፓሌዳ

1 ሳምባታ ጋላስ ፓርሳዋቱዋ ሱንላቱዋፕ እቱዋ ጎላ የሱስ ቁማ ማናዉ ገሌዳ ዋደ፡ አያ ኪተትንቶ በእናዉ አሳቱ ናግ ደእኖ።

2 ቦላይ ጋፍና ሙቶትያ እት ብታኒ የሱሳፕ ሰንላና ደኤ።

3 የሱስ ህግያ ታማርሰያዋንታን ፓርሳዋቱዋ፡ “ሳምባታን ፓላናዉ ዳንዳየት ዳንዳየተኔ?” ጌደ አቸዳ።

4 ኡንቱንቱካ ጮኡ ጌድኖ። እ ሄ ብታንያ ቦላ ቦቾ ፓሌደ አ ሞይዜዳ።

5 የሱስ ኡንቱንታ፡ “ህንተንቱፕ ሀሪ ዋይ ቦራይ ኦላን ኩንድንቶ፡ ሳምባታ ጌደ ኤሌል ከሰናዌ እኔ?” ጌዳ።

6 ኡንቱንቱካ ሀ የዋ እት ዛሩዋን እማናዉ ዳንዳይበይክኖ።

አሸክተላባ

7 የሱስ ሾብቶዋንቱ ቦንቸሳ ዶርያ ዋደ ጸሌደ፡

8 “አንነ ቡላቻ ጸሶፕ፡ ቦንቸቲዳሳን ኡቶፓ፤ ኦን ኤር ኔፕ አሊደ ቦንቸቶዌ ጸሰቲዳዋ ግዳናዋ።

9 ኔናን እነ ጸሳዌ ዪደ፡ ህዋ፡ ኡቱዋ አዉ ዬዳ፣ ያግና፤ ሄ ዋድያን ዬላታደ ጸደና ደእያ ሳን ኡቱዋ ደማሳ፤

10 የዉዋን ቃይ ኔን ጸሴቶ ዋደ ኔና ጸሶዌ ዪደ፡ ታ ላገዉ፡ ክል ቆቃሳን ኡታ፣ ጋና ማላ፡ ባደ ኡባፕ ሆካሳን ኡታ፤ ሄ ዋደ ኔናና እትፕ ኡቲዳዋንቱ ኡባቱዋ ሰንላን ነዉ ቦንቸ እመታናዋ፤

11 ባረ ሁጲያ ቶቁ ኦልያ ኡባይ ቶሸታናዋ፤ ባረ ሁጲያ ቶቻያዋንቱ ቶቁ ገኖ” ያግ ሌምሱዋ ኡንቱንቶ ኦዳዳ።

12 የሱስ ባረና ጸሴዳዋ ዛሪደ፡ “ኔን ላጸ ዋይ ካዉዋ ገግሴዳ ዋደ፡ ነ ላገላቱዋ ዋይ ነ እሻቱዋ ዋይ ዱረ ነ ሾራቱዋ ጸሶፓ፤ አያዉ ሳፕ፡ ኡንቱንቱ ኔና ባረንቱ ታራን ጸሴደ ኩሸያ ጭጋና ዳንዳይኖ።

13 ሸን አታልያባ ገግሴዳ ዋደ፡ ሀዬሳቱዋ፡ ጉንዳቱዋ፡ ደማቱዋን ቆቃቱዋ ጸሳ።

14 ኡንቱንቱ ነዉ ኩሸያ ዛራናዉ ዳንዳየናዋንታ ግድያ ድራዉ፡ ኔን አንጀታናሳ። ጽላቱ ሀይቁዋፕ ደንድያ ዋደ ጸሳይ ነዉ ኩሸያ ዛራናዋ” ያጌዳ።

ዋልቃማ ባላ ሌምሱዋ (ማቶሳ 22:1-10)

15 የሱስ ሃሳያ ዉርሰያ ዋደ፡ ቁማ ማናዉ ኡቶ አሳፕ እቱ ሀዋ ሰሲደ፡ “ጸሳ ካዉተላ ጋይታን ኡትያዌ እንጀቲዳዋ” ጌዳ።

16 የሱስካ ሀዋዳን ጌዳ፤ “እት ብታኒ ዳር ሎኦ ካዉዋ ገግሲደ፡ ጮራ አሳቱዋ ጸሴዳ።

17 ካዉዋ ዋዲ ጋክና፡ ካስ ጸሰቶዋንታ፡ ህእ ካዉ ገጌዳ፡ ሃይተ፣ ጌደ ጸሳና ማላ ባረ ጎላን ኪተትያ ቆማ ኡንቱንቱኮ ኪቲዳ።

18 ሸን ኡባቱካ እትፕ፡ ቤናዳን አጋና ማላ ዋሴድኖ፤ ኮይሮ ብታኒ ቆማዉ ኦዲደ፡ ታን ቢታ ሻሜዳ ድራዉ ባደ በእናዉ ኮሼ፤ ሄዋ ድራዉ ሀያ ጎዶ ታዉ ሀንቀቶፓርክ፣ ጌዳ።

19 “ላኤንሎዌ ቃይ፡ ታን እቸሹ ዋላ ቦራቱዋ ሻሜዳዋንታ ዋጸ በእናዉ ብያ ድራዉ፡ ሀያ ጎዶ ታዉ ሀንቀቶፓርክ፣ ጌዳ።

13:27 ማዘ. 6:8 13:28 ማቶሳ 22:13፤ 25:30፤ 13:28፤ 29፤ ማቶሳ 8:11፤ 12 13:30 ማቶሳ 19:30፤ 20:16፤ ማር. 10:31 14:5 ማቶሳ 12:11 14:8 ሊዎ. 25:6፤ 7 14:11 ማቶሳ 23:12፤ ሉቃስ 18:14

20 “ሀራይ ቃይ፣ ማን ማቻቶ እኬዳ ድራው፣ ያናው ዳንዳያበይከ’ ጌዳ።

21 “ቆማይካ ዪደ ባረ ጎዳው፣ ሀኖዋ ኡባ ኡዳዳ። ሄ ዋይ ጎዳይ ዳር ሀንቀቲደ፣ ባረ ጎልያን ከተትያ ቆማ፣ ህን ካታማ ኡግያን ሎሶ ኡግያ ኤሌላደ ከሳ፤ ማንቃቱዋን ጉንዳቱዋ፣ ደማቱዋን ቆቃቱዋ ሃ አካደ ያ’ ጌዳ።

22 “አ ቆማይካ፣ ሳዳው፣ ኔን ታና አዛዘዋዳን ኣላድ፤ ሸን ሀእካ ሀራ አሳ አክያ ሳአይ ደኤ’ ጌዳ።

23 ጎዳይካ ባረ ቆማ፣ ማን ጎሊ ኩማናዳን ሀን ኡግያጥ ካረ ባጋነ ድርሳ ጋጸ ኡባ ከሳደ፣ አሳ ታ ጎሊ አካደ ያ።

24 አያው ጎጥ፣ ኮይሮ ታ ጎሊ ሸባቱዳዋንቱጥ እት አሳይነ ታ ቁማ ሜና’ ጌዳ” ያጌዳ።

የሱሳ ካላናው ባረና ያርሹሳ ኮሽ (ማቶሳ 10:37-38)

25 ጮራ አሳይ የሱሳና እትጥ ብደእያ ዋደ፣ እካ አሳኮ ጉየ ሰሚደ፣

26 “እንነ ታኮ ይያዌ ደኣጥ ባረ አባነ አቶ፣ ባረ ማቻቶን ባረ ናና፣ ባረ እሻቱዋን ምቻቱዋ፣ ባረ ደኤዋ አሸናን ታጥ አላ ደሶጥ፣ ታና ካልያዋ ጌተታናው ዳንዳየና።

27 እንነ ባረ ማስቃልያ ቶኪደ፣ ታ ጌዳዋ ካለናን ቆሮጥ፣ ታና ካልያዋ ግዳናው ዳንዳየና።

28 “ሀንተንቱጥ እቱ ሹቻ ጎልያ ኬጻናው ኮሮጥ፣ ኪታ ወርሳናው ግድያ ሻሉዋ ካሰቲደ ኡት ሄተናዌ ኦኔ?

29 ሄዌ ቆሮጥ፣ ጎልያ ደሚደ፣ ኪታ ወርሳናው ዋልቃይ እጸጥ።

30 በኤዳዋንቱ ኡባይ፣ ህ ብታኒ ኬጻናው ደሚዳ፤ ሸን ኪታ ወርሳናው ዳንዳይቤና’ ጊደ ቅሊጪኖ።

31 “ዋይ ታሙ ሻእ ኦላንቻቱዋ ኦይቄዳ እት ካቲ፣ ሀራ ላታሙ ሻእ ኦላንቻቱዋ ኦይቄዳዋንቱና ኦለታናው ዳንዳየጥነ ኮይሮና፣ ታን ጸናኔ ጸንክታሻ ጊደ ኡት ቆጥኔ?

32 ባረው ዳንዳየተናን ቆሮጥ፣ ኦላው ይያ የኮ ካቲ ሃኩዋን ደእሸን ኪቲደ ሰገታናው ዋሴ።

33 ሰም ሀዋዳንካ ሀንተንቱጥ እንነ ባረው ደእያዋ ኡባ አገናዌ፣ ታና ካልያዋ ግዳናው ዳንዳየና።

ጎኤና ማጽንያባ (ማቶሳ 5:13፤ ማር. 9:50)

34 “ማጽኒ ሎእ፤ ሸን ሎቅሎቀናን ቆሮጥ፣ ላኤንሉ ኦ ዋት ሎቅሎቅሳናው ዳንዳየቲ?

35 ቢታወካ ሎኤና፤ ቱኤያናውካ ማደናዋ ግደ ድራው፣ አሳይ ኦ ኦል አኔ። ሰሰያ ሀይላይ ደእያዋ ሀዋ ሰሶ” ያጌዳ።

15

ባዬዳ ደርሳ (ማቶሳ 18:12-14)

1 እት ጋላስ፣ ቃራጸ ሺሽያዋንቱን ናጋራንቻቱ ኡባይ የሱሳ ሰሳናው እኮ ሺቄድኖ።

2 ፓርሳዋቱን ሙሴ ሀግያ ታማርሰያዋንቱ፣ “ሀ ብታኒ፣ ናጋራንቻቱዋ ሺሽያዋን ኡንቱንቱና ቁማ ምያዋ” ያጊደ ዙዙሜድኖ።

3 የሱሰካ ሌምሱዋን ዛሩዋ ሀዋዳን ያግ ኦዴዳ።

4 “ጾቱ ደርሳይ ደእያ ኡራይ ሀንተንቱ ግድጥ ደእንቶ ሄዋጥ እቱ ባይንቶ ኡዲፍ ታማን ኡዲፍቱዋ ደንባን አጊደ ባዬዳዋ ቤታና ጋካናው ኮየናዌ ኦኔ?

5 ደሚዳ ዋደ ናሸቻን ባረ ሀሸያ ቦላን ደርሳ ቶክ።

6 ባረ ጎሊ ሰሚደ፣ ባረ ደሰያዋንታን ሸራቱዋ እትጥ ጸሲደ፣ ሳዬዳ ታ ደርሳ ደዋ ድራው፣ ታናና እትጥ ናሸትተ’ ያጊደ ኦዴ።

7 ሄዋዳንካ ናጋራ ፓጸላ ኮሸና ኡዲፍ ታማን ኡዲፍ ጽላቱዋጥ አላደ ናጋራ ፓጸያ እት ናጋራንቻን ሳሉዋን ዳር ናሸቻይ ግዳናዋ።

ባዬደ ቤቲዳ ሳንትምያ

8 “ቃይካ ታሙ ናሃሰያ ሳንትሚ * ደእያ ምሽራታ ታሙዋጥ እቱ ባይንቶ ደማና ጋካናው ጸምጥያ ጸምጥደ፣ ጎልያ ፕታደ ሎይላ ኮየናውና እካ ኦኔ?

9 እካካ ደሚዳ ዋድያን ባረ ደሰያዋንታን ባረ ሸራቱዋ እትጥ ጸሳደ፣ ማን ባዬዳ ሳንትምያ ደሚዳ ድራው፣ ታናና እትጥ ናሸትተ’ ያጋደ ኡዳው።

10 ሄዋዳንካ ናጋራ ፓጸያ እት ናጋራንቻ ጋሶተላን ጸሳ ኪታንቻቱዋ ሰንላን ናሸቻይ ሀናናዋ” ያጌዳ።

ባያ ናኣ

11 ጉጂደ የሱሰ፣ “ላኡ ናናይ ደእያ እት ብታኒ ደኤ፤

12 ኡንቱንቱጥ ቲፋ ናአይ፣ ሳ ማጸዋጥ ታና ጋክያዋ እማ’ ጌዳ። አወካ ባረ ማጸዋጥ ናናቶ ግሼዳ።

13 ጉላ ዋድያጥ ጉይያን ቲፋ ናአይ ባረና ጋኬዳዋ ኡባ ሺሽ እኪደ ሀን ሃኮ ጋደ ቤዳ፤ ሄዋን ባረ እኬዳ ሚሻ ኡባ ላል ወርሰ አኔዳ።

14 እካ ደእያዋ ኡባ ወርሴዳዋጥ ጉይያን ሄ ጋደን ዋልቃማ ኮሻይ ገሌዳ፤ እካ ሙቱዋን ኡንኤቱሳ ደሚዳ።

15 ሀዋ ድራው ሄ ጋደን ደእያዋንቱጥ እቱዋኮ ሸቄደ፣ ማን ነው ቆማ ኦላርኪ?’ ያግና፣ ብታኒካ ባረ ጉዲንሳ ወድያ ሄማና ማላ ኦ ደምባ የዴዳ።

16 ጉዲንሳ ወዲ ምያ ሀልኡዋ ማናው አሞቲዳ፤ ሸን ሄዌንቶካ አው እምያዌ ቤትቤና።

17 “ባረ ባይዙዋ ኤር ዋደ፣ ቆማይ ጸኒደ ሳኣን እትያ ታ አቦ ኦልያዋንቱ አፕኔ፤ ሸን ታን ሀዋን ኮሻን ሀይቃና ማታይታ?

18 ደንዳደ ታ አቡኮ ባኔ’ ሀዋዳን ያጋና፤ ማን አቦ፣ ጸሳካ ኔናካ ናቃድ፤

14:26 ማቶሳ 10:37 14:27 ማቶሳ 10:38፤ 16:24፤ ማር. 8:34፤ ሉቃስ 9:23 15:2 ሉቃስ 5:29-30 * 15:8 ናሃሰያ ሳንትሚ፡- ግሪክ ቃላ ብለላን እትና፣ እት ጋላሳ ሙምያ ኦል ፔሼዳ ዋልቃ ኦላንቻው ጭገትያ ሚሻ ኬና ግድያዋ ኦዴ።

19 ሆነ ገና ነ ስና ያገታደ ዴሰታናው በሰከ፤ ነው ከተትያዋንቱጥ እቱዋዳን ታና ዋላርኪ ጋና ጌዳ።

20 ሄ ማንእያን ደንዲደ ባረ አቡኮ ዬዳ።

“እ ብሮ ሃኩዋን ደእሸን፤ አው በኢደ፤ አው ቃረቱዳ፤ እኮ ዋጽ ቢደ፤ አ እድም የሬዳ።

21 “ናአይካ፤ ታ አቦ፤ ታን ጸሳካ ኔናካ ናቃድ፤ ሆነ ገና ነ ስና ጌተታደ ዴሰታናው በሰከ፤ ያጌዳ።

22 “ሸን አው ባረ ኦሳንቻቱዋ፤ ፍሌል ቢደ፤ ኡባጥ ደረቱዳ ሎኦ ማዩዋ አሂደ፤ አ ማይዘተ፤ አ ብራድያን ምግዱዋ፤ አ ገድያንካ ጫማ ተዋላተ።

23 ሞዴዳ ኮሩማ አሂደ ሹክተ፤ ሞይተ፤ ናሸቶይተ።

24 እያው ጎጥ፤ ሀዌ ታ ናአይ ሀይቄዳ፤ ሸን ሀእ ፓዴዳ፤ ባዬዳ፤ ሸን ሀእ ቤቱዳ፤ ያግና፤ ናሸቻ ደሚድና።

25 “ሄ ዋድያን፤ ባይራ ናአይ ጋደን ደእያዌ ዪደ ጎለኮ ማትያ ዋደ፤ የላነ ዱሩዋ ኮሹንቻ ሰሴዳ።

26 እካ የው አየንቶ ኤራናው ኮዪደ፤ ቆማቱዋጥ እቱዋ ዴሲደ፤ ‘ሀዌ አዬ?’ ጊደ አቼዳ።

27 ቆማቱካ፤ ኅ እሻይ ሳሮ ዬዳ ድራው፤ ነ አቡ ሞዶ ኮሩማ አው ሹኩዳ፤ ያግ ኦዴድና።

28 “ባይራ ናአይ ሀንቀቲደ ጎለ ገልከ ያግ እጽና፤ አው ካረው ከሲደ፤ ገላናዳ ዋሴዳ።

29 ሸን እ ዛሬ ባረ አባ፤ ሂኮ ሀዋ ከና ዋድያ ቆማዳን ነው ከተታድ፤ ነ አዛዘዋጥ እቱዋንካ ፓጭሳ በይከ፤ ታ ላገላቱዋና እትጥ ናሸታና ማላ ሀራይ እቶ እት ዴሻ ቡልኩዋን ታው እማ በይካ፤

30 ሸን ሀዌ ነ ናአይ ነ ሚሻ ጫራቱዋና እትጥ ዲፍሲደ ዪና፤ ጳኮ ቦራ ሹካዳ፤ ያጌዳ።

31 “አውካ እ፤ ታ ናአው፤ ኔን ኡባ ጋላሳ ታናና እትጥ ደእ፤ ታሳ ግዴዳባይ ኡባይካ ነዋ።

32 ሸን ሀዌ ነ እሻይ፤ ሀይቄዳዌ ፓጾ ድራውን ባዬዳዌ ቤቶ ድራው፤ ኑን ሚድን ኡሺደ ናሸታናው በሴ፤ ያጌዳ። ጊደ ኦዴዳ።

16

ጋርሳና ሱንላተላ እኩዳ ጭንጫ ብታንያ

1 የሱሰ ባረና ካልያዋንቶ ኦዲደ፤ “እት ዱረ ብታኒ፤ ባረ ጎልያ ኡባ ቦላ ሱንሌዳ እት ብታኒ ደኤ፤ ሸን ሀ ብታኒ አ ሚሻ ባይዜ ያግያ ዝግርሳይ አ ጋኬዳ፤

2 ሄዋ ድራው ባረ ሱንሌዳ ብታንያ ዴሲደ፤ ‘ሀዌ ታን ሰሰያ የው አዬ? ሆነ ገና ነን ታ ጎልያንን ታ ሚሻ ቦላ ታጥ ጋርሳና ሱንታደ ከተታናው ዳንዳያቤና ድራው፤ ሀቼ ጋካናው ከተቱዳዋ ሄታደ ሹዳ፤ ያጌዳ።

3 “ሱንታዳዌ ባረ ዋዛናን፤ ታ ጎዳይ ታና ሱንላተላጥ ኮላና ሀኔ፤ ሸን ታ ዋናሻ? ጎሻናው ዋልቃይ ታው ባዋ፤ ዋሳናው ቃይ ታው ፖኬ።

4 ታ አላናባ ታ ኤራይ፤ እ ታና ሱንላተላጥ ከሶጥ፤ ባረንቱ ጎለ ቢና፤ ታና ሞክያ ላገላቱዋ ታን ደማና፤ ያጌዳ።

5 “ባረ ጎዳጥ ሻሉዋ ታልኤዳ አሳቱዋ ሁጲያን ሁጲያን ዴሲደ፤ ኮይሮ ብታንያ፤ ኔን ታ ጎዳጥ ዋይሳ ከና ሻሉዋ ታልኤዳ፤” ያጌዳ።

6 “እካ፤ ታን ጾቱ ባሬታ ኩሜዳ ዛይትያ ታልኤዳ፤ ያጌዳ።

“ሱንታዳ ብታኒካ፤ ኔን ፓራማና ዋራቃታ ሄይ፤ ኡታደ ኤለካ ላሻታማ፤ ጋደ ጸፋ ያጌዳ።

7 “ሄዋጥ ሀራ ብታንያ፤ ኔን አፑኑዋ ታልኤዳ?” ያጌዳ።

“ጾቱ ቁንአ ዛርጋ” ያጌዳ።

“ሱንላይካ፤ ‘ዋራቃታ ሄይ፤ ሆሰፑን ታማ ጋደ ጸፋ’ ያጌዳ።

8 “ሄ ሱንላይ ጭንጫተላን ኦሌዳ ድራው፤ አ ጎዳይ አ ጋላቱዳ፤ እያው ጎጥ፤ ሀ አላምያ አሳይ ባረንቱዋ ፖኬዋ አሳጥ አዴዳ ጭንጫቱዋ።

9 “ታን ሀንተንቶ ያጋይ፤ ‘ሀ አላምያ ሻሉ ወርያ ዋደ፤ መድናው ወረና ጎልያን ሀንተንታ ሞካና ማላ፤ ሀ ሚሻን ሀንተንቶ ላግያ ደምተ።

10 ላፋ የውዋን አማኒቱዳዌ፤ ዋጋባንካ አማኒቱ። ሸን ላፋ የውዋን አማኒትቤናዌ፤ ዋጋባንካ አማኒተና።

11 ሰም ሀንተንቱ ሀ አላምያ ሻሉዋን አማኒተናዋ ግደጥ፤ ቱማተላ ሻሉዋ ሀንተንቶ ኦኔ ሀዳራ ጊደ እማናዌ?

12 ሀንተንቱ ሀራ አሳ ሻሉዋን አማኒተናዋ ግደጥ፤ ሀንተንቱ ሚሻ ኦኔ ሀንተንቶ እማናዌ?” ጌዳ።

13 “እት ካላ ላኡ ጎዳቶ ቆማታናው ዳንዳይያዌ አይ ቆማይካ ባዋ፤ እያው ጎጥ፤ እቱዋ አጲደ፤ ሀራ ደሴ፤ ዋይ እቱዋ ቦንቺደ፤ ሀራ ካዴ፤ ጸሳውን ሻሎ ሞደታናው ዳንዳይክታ” ያጌዳ።

14 ሻሉዋ ደሰያ ፓርሳዋቱ ሀዋ ኡባ ሰሲደ፤ የሱሳ ቦላ ቅሊጮድና።

15 ሸን የሱሰ ኡንቱንታ፤ “ሀንተንቱ አሳ ሰንላን ሀንተንታ ጽሎ አሳ ኦልያዋንታ፤ ሸን ጸሳይ ሀንተንቱ ዋዛና ኤሬ፤ እያው ጎጥ፤ አሳ ሰንላን ቦንቼቱዳዌ ጸሳ ሰንላን ቱና ግዴ።

ሙሴ ሀግያባን ገሉዋ አካባ (ማቶሳ 5:31-32፤ 11:12-13፤ ማር. 10:11-12)

16 “ሙሴ ሀግያን ናባቱ ጸፊዳ ማጸፋ * ዮሃንሳ ዋድያ ጋካናው አሳይ አዛዘቲደ ደኤድና፤ ሄዋጥ ካላ ቃይ ጸሳ ካውተላይ ኦደቱዳ፤ አሳይ ኡባይ ያ ገላናው ኬሰቱ።

17 ሸን ሀግያጥ እትባይ እትያዋጥ ሳሉን ሳአይ አድያዌ ማታቱ።

† 15:22 ምግዱዋ፤ ጫማ፡- ሀ ቃላቱ ናአ አቡ፤ አ ፖሎ ዋዛናጥ እኮዋ በሰያዋንታ። ምግዱ፤ ሄ ናአይ ጎለን ደእያ አሳቱዋ ኡባጥ ሎኦ ጸለቱዳዋ በሴ። ጫማይ ቃይ፤ አ ባረ አቦ አይለ ግደናን ናአ ግድያዋ በሴ። አይላቱ ሄ ዋደ ጫማ ዋላክና። * 16:16 ሙሴ ሀግያን ናባቱ ማጸፋ፡- አይሁዳቱዋ ጌሻ ማጸፋቱዋ፤ ሄዋንታ ጉሳይ ኤጫ ጫቁዋ ማጸፋ። 16:16 ማቶሳ 11:12፤ 13 16:17 ማቶሳ 5:18 16:18 ማቶሳ 5:32፤ 1 ቆር. 7:10፤ 11

18 “ባረ ማቻቶ ብሊደ ሀራር አክያዌ ኡባይ ዋሹሜ፤ ቃይ አሰናፕ ብለቲዳ ማጫወኖ አክያዌ ኦንነካ ዋሹሜ።

ዱረ ብታንያባን ማንቆ ግዴዳ አልአዛራባ

19 “ጋቲ ሎይሊደ አልኦ ግዴዳ ማዩዋ ማዩድን ጋላሳን ጋላሳን ኦቶራዋን ናሽቲደ ደእያ እት ዱረ ብታኒ ደኤ።

20 ቃይካ ኩሙንላ አሳተላን ማይላይ ደእያ እት አልአዛራ ጌተትያ ሀዬሳይ፤ ሀ ዱረ ብታንያ ካርያን ግሴዳ።

21 ሀ ዱረ ብታንያ ሳምፓፕ ላለቲዳ ሱፓ ማናወ አሞቲ፤ ሀራይ አቶ ካናቲካ ዩደ አ ማይላ ላጨኖ።

22 “ሀ ሀዬሳ ብታኒ ሀይቂና፤ ኪታንቻቲ አ አብራሃም ባጋ ቦንቻሳ አፌድኖ፤ ዱረ ብታኒካ ቃይ ሀይቂደ ሞገቲዳ።

23 ሰኦልያን ዳር ሴለቲደ ደእሸን፤ ቶቁ ገደ ሃኩዋን አልአዛራ፤ አብራሃም ባጋን ደእያዋ በኤዳ።

24 “እካ ባረ ኮሻ ቶቁ ኦሊደ፤ ሓብራሃም፤ ታ አቦ፤ ታወ ቃረታ። ሀ ታማ ሴላን ሙቶታ ደእያ ድራወ፤ አልአዛር ባረ ብራድያ ጾራ ሃላን ቦቺደ፤ ታ እንጾርሳ እርጽሳናዳን ሀያና ታኮ ኪታርኪ” ያጌዳ።

25 “አብራሃም ቃይ፤ ሓ ናአወ፤ ኔን ፓጾ ደአደ፤ ሎኦ ደኤዋ ደእና፤ አልአዛር ሎኤና ሙቶ ደኤዋ ደኤዳዋ ቆፓ። ሀእ ቃይ እ ሀዋን ናሽትያ ዋይ፤ ኔን ሙቲዋ ቦላ ደእ።

26 “ሀዋፕ ሀራይ ቃይ፤ ሀዋፕ ያ ሀንተንቲኮ አጻናወ ኮይያዋንቲ አፍናዳን፤ ያን ደእያዋንቲካ ቃይ ሃ ኮኮ ፕነናዳን፤ ኦ ግደንነ ሀንተንቲ ግደን ዋጋ አፋ ሙቲዳ” ያጌዳ።

27 “ዱረ ብታኒካ፤ ሓብራሃም፤ ሰም ሃዋ ግደፕ፤ ኔን አልአዛራ ታ አቡ ጎለ የዳና ማላ፤ ኔና ዋሳይ።

28 እያወ ጎፕ፤ ታወ እቺሹ እሻቲ ደእያ ድራወ፤ ኡንቲንቲ ቃይ ሀ ሙቲዋሳ ዬና ማላ፤ ኡንቲንቲ አልአዛር ቢደ ማርካቶ” ያጌዳ።

29 “አብራሃም ቃይ፤ ሙሴነ ናባቲ ጻፌዳ ማጻፋይ ኡንቲንቲ ደኤ፤ ሄ ማጻፋይ ግያዋ ኡንቲንቲ ሰሲኖ” ያጌዳ።

30 “ዱረ ብታኒ፤ ሀኢ፤ አብራሃም፤ ታ አቦ፤ ሄዋ ግደና፤ ሸን እት ብታኒ ሀይቁዋፕ ደንዲደ፤ ኡንቲንቲኮ ብንቶ፤ ኡንቲንቲ ባረንቲ ናጋራ ፓጺደ፤ ሰማናዋንታ” ያጌዳ።

31 “አብራሃምካ፤ ሓኡንቲንቲ ሙሴነ ናባቲ ጻፌዳ ማጻፋ ሰሰናዋ ግደፕ፤ ሀራይ አቶ እት ኡራይ ሀይቁዋፕ ደንድ ይንቶካ አማንክኖ” ጌዳ” ያጌዳ።

17

ናጋራባ የሱስ ኦዴዳ (ማቶሳ 18:6፣ 7፣ 21፣ 22፤ ማር. 9:42)

1 የሱስ ባረና ካልያዋንታ፤ “አሳ ባለሰያዌ ዬናን አተና፤ ሸን ባለሰያዋ አሀያ ኡራወ አወ አየ፤

2 ሄ ብታኒ ሀ ጉላቲዋፕ እቲዋ ባለሰያዋፕ፤ ጋጭያ ዋጾ ባረ ቆድያን ቃሽቲደ አባን ሞተትያዌ አወ ሎእ።

3 ሀንተ ሀጸወ ናገትተ። “ኅ እሻይ ኔና ናቆፕ፤ አ ዘራ። ቃይ ናጋራፕ አ ሰሞፕ፤ አወ አቶ ያጋ።

4 እት ጋላሰ እ ኔና ላፑ ገደ ናቂደ፤ ላፑ ገደካ፤ ሓና ታ ናቃድ፤ ታና ማራ” ገደ ኔኮ የፕ፤ አወ አቶ ጋ” ያጌዳ።

5 ኪተቲዳዋንቲካ ጎዳ፤ “ኡወ አማኑዋ ጉጃ” ያገደ ኦቺድኖ።

6 ጎዳይካ፤ “ሀንተወ ሳናጭያ አይፍያ ኬና አማኑ ደእንቶ፤ ሀንተንቲ ሀ ቦእያ፤ ሀዋፕ ሾደታደ፤ አባን ቶከታ” ግንቶ ሀንተወ ኤኖ ጋና” ያጌዳ።

ቆማይ አላናወ በሰያ ኦሱዋ

7 ቃይካ የሱስ፤ “ሀንተፕ ጎሽያዌ ዋይ ምያ ሄምያ ቆማይ ደእያ አሳይ ሀቀት ደአፕ፤ ጎሻ ጋደፕ ዋይ ምያ ጋደፕ ሰሞ ዋይ ኤለካ፤ ሃያ ሸምፓ አካ፤ ቁማ ማናወ ኡታ” ያግያዌ ኦኔ?

8 የወዋን ቃይ፤ ሓ ማና ካወዋ ገግሳ፤ ታ ማና ኡሻና ጋካናወ ሞናደ ታና ኤቃደ ሞዛ። ሄዋፕ ጉየ ነወ ማ፤ ኡሻ” ያግያዋ ግደኔ?

9 ሄ ቆማይ ኪተቲዳባ ኦሌዳ ድራወ፤ ሄ ብታኒ ጋላታናወ በሰኔ?

10 ሄዋዳንካ ሀንተ ቃይ አሳይ ሀንተና ኪቶ ኦሱዋ ኦሌዳ ዋይ፤ ሓን ማደና ቆማቲዋ፤ ኦ ኦሶ ጸላላ ኦሌዳ” ያግተ” ያጌዳ።

የሱስ ኦሉ አይቄዳ ታሙ አሳቲዋ ፓሌዳ

11 የሱስ የሩሳላሙ ቢደ፤ ጋለላፕነ ሳማርያ ግያ ጋዳቲዋፕ ግዴዋና አይዳ።

12 እ እት ጉላ ካታማቶ ገልያ ዋድያን፤ ሃኩዋን ኤቄዳ ታሙ ኦሉዋን አይቀቲዳዋንቲ አ በኤድኖ። ኡንቲንቲካ ሃኩዋን ኤቄዳ፤

13 ባረንቲ ኮሻ ቶቁ ኦሊደ፤ “የሱሳ፤ ጎዳወ፤ ሀያ ጎደ ኦና ፓላርኪ!” ያጌድኖ።

14 የሱስ ኡንቲንታ በኢደ፤ “ቢደ፤ ሀንተንቲ ቦላ ቄሳቲዋ በሰተ” ያጌዳ።

ኡንቲንቲካ ቄሳቲዋኮ ብደኢደ ኦሉዋፕ ፓጺድኖ።

15 ኡንቲንቲፕ እቲ ባረ ሀርግያፕ ፓጺዳዋ በኢደ፤ ባረ ኮሻ ቶቁ ኦሊደ፤ ጸሳ ቦንቺደ ሰሜዳ።

16 ጋላቲደካ የሱሳ ገድያ ማታን ጉልባቲዳ። ሄ ብታኒ ሳማርያ አሳ።

17 የሱስ ዛሬደ፤ “ታሙ ፓጽበይክና? ያትና ኡዲፕናቲ ሀቃን ደአኖ?”

18 አይሁዳ አሳ ግደና ሳማርያ ብታንያፕ አትን፤ ጸሳ ቦንቻናወ ሰሜዳዋንቲ ባዋ ጉሴ?” ያጌዳ።

19 የሱስ እ፤ “ደንዳ ባ፤ ነ አማኑ ኔና ፓሌዳ” ያጌዳ።

ጸሳ ካወተላ ዩሳባ

(ማቶሳ 24:23-28፣ 37-41)

20 ፓርሳዋቲ እት ጋላሰ፤ “ጸሳ ካወተላይ አወደ ያኔ?” ገደ ኦቻና የሱስ፤ “ጸሳ ካወተላይ ሀንተንቲ ናግያ ኦግያን ዬና” ያግ ዛሬዳ።

21 ቃይካ፡ “አንነ፡ ፍጹህ ካወተላይ ሀዋን ደኤ፡ ዋይ ሄዋን ደኤ፡ ገናዉ ዳንዳየና፤ ጸሳ ካወተላይ ህንተንቱ ዋዛና ግደን ደኤ” ያጌዳ።

22 የሱስ ባረና ካልያዋንቶ ኦዲድ፡ “አሳ ናኦይ ቆንጭያ ጋላሳቱዋፕ እቱዋ በአናዉ ህንተንቱ እዋትያ ዋዲ ያና፤ ሸን በእክታ።

23 ቃይ ኤንቱንቱ ህንተና፡ ‘ሀዌኩ ሀዋና’ ዋይ ሄዋና’ ያገናዋንታ። ሸን ኤንቱንታ ካሊድ፡ ኤንቱንቱና ቦፕተ።

24 ዋልቃንላይ ሳሉዋን ዋልቃዎያ ዋደ፡ ሀ ጋጸፕ ህን ጋጸ ፖኤ ፖእያዋደን፡ አሳ ናኦ ዩሳይካ ሄዋዳን ሀናናዋ።

25 ሸን ኮይርቲደ አሳ ናኦይ ዳር መቱዋ መቶታናዉን ሄ ዋድያን ደኤያ የለታን እጸታናዉ በሴ።

26 “ኖሄ ዋድያን ሀኖዋዳንካ፡ አሳ ናኦይ ቆንጭያ ጋላሳንካ ሄዋዳን ሀናናዋ።

27 ኖሄ ማርካብያ ገሎ ጋላሳይ ጋካናዉ ኤንቱንቱ፡ ሚድነ ኡሺደ፡ አኪድነ አከቲደ ደእሸን፡ ባሻ ሃላይ ዪደ ኡባ አሳካ ባይዜዳ።

28 “ሄዋዳንካ፡ ሎጸ * ዋድያን፡ አሳይ ሚድነ ኡሺደ፡ ዛልኢደ፡ ቶኪድነ ጎልያ ኬጸደ ደኤድኖ።

29 ሸን ሎጸ፡ ሶደማፕ ከሶ ጋላሳን ቃይ ሳሉዋፕ ታማይነ ኤጸያ ቦንቆ ሹቻይ ቡኩዳ፤ ኡባባካ ሚደ ወርሴዳ።

30 “አሳ ናኦይ ቆንጭያ ጋላሳንካ ሀዋዳን ሀናናዋ።

31 ሄ ጋላሳን፡ ጎልያ ሁጺያን ደኤያዌ፡ ጎላ ጋርሳን ደኤያ ሚሻ አካናዉ ዋቶፖ፤ ሀዋዳንካ ጎሻ ጋደን ደኤያዌ፡ ጉየ ሰዋፖ።

32 አነ ሎጸ ማቻትባ ቆፕተ!

33 ባረ ሸዎፕዋ ባይዝያ ኡባይ፡ ደኤዋን ናጌ።

34 ታ ህንተዉ ኦድያዌ አይ ጎፕ፡ ሄ ቃማን ላኤ አሳቱ እት ግሱዋን ግሳናዋንታ፤ ኤንቱንቱፕ እቱ አከትና ላኤንሳያዌ አታናዋ።

35 ላኤ ማጫ አሳቱ እት ዋጸን ጋጫናዋንታ፤ እትና አከትና፡ እትና አታናዉኡ።

36 ላኤ አሳቱ ጎሻ ጋርሳን ደኤኖ፤ እቱ አከታናዋ፡ ላኤንሳያዌ አታናዋ” ያጌዳ።

37 አ ካልያዋንቱ የሱሳ፡ “ጎዳዉ፡ ሄዌ ሀቃን ሀናናዋ?” ያጌድኖ።

እካ ዛሪደ፡ “ባኩታይ ደኤያሳ ሸርቲ ሺቃናዋ” ያጌዳ።

18

ማንቆ ግዴዳ እምእትባነ ማካላንቻ ዳናባ

1 የሱስ ባረና ካልያዉንቶ፡ ሳለተናን ኡባ ጋላሰ ዋሳናዳን ሌዎሱዋን ኦዲዳ።

2 እካ፡ “እት ካታማን ጸሳዉ ያየናዌ፡ አሳካ ቦንቹና እት ዳናይ ደኤ።

3 ሄ ካታማን እምኤ ሞሽራታ ደኤዉ። እዛካ ሄ ዳናኮ ያደ፡ ታ ሞርከዉነ ታዉ ደኤያ የወዋ ፕርዳ፡ ያጌዳ።

4 “ዳር ዋድያን እዘዉ ፕርደናን እጾዳ። ሸን ባረ ዋዛናን ቆፕደ፡ ታን፡ ኡባ ጸሳዉ ያያና ቆፕፕካ፡ አሳካ ቃይ ቦንቻና ቆፕፕ፡

5 ሀ እምኤ ሞሽራታ ታና ላባንሳያ ድራዉነ ኡባ ዋደ ታኮ ያደ ታና ዳቡርሰና ማላ፡ ታን እዘዉ ፕርዳና፡ ጌዳ።

6 “ሄ ማካላንቻ ዳናይ ጎዋ እኬክተ።

7 ጸሳይ ጋላሰን ቃማ ባረንታ ማዳና ማላ፡ ዳንዳያን እኮ ዋሰያ ደረታዋንቶ ፕርደኔየ? እ ኤንቱንቶ ኤለካ ዛሪኔ?

8 ታን ህንተንቶ ያጋይ፤ ኤንቱንቶ ኤሌል ፕርዳና፤ ሸን አሳ ናኦይ ይያ ዋደ ሀ ቢታን እማኑዋ ደማኔሻ?” ያጌዳ።

ኦቶሪትያ ፓርሳዊያን ባረና ካዉሸሴዳ ቃራጸ ቃንጽያ ብታንያ

9 ባረንታ ጌሻ ጊደ እማነትያዋንቶነ ሀራ ኡባ ዳሪ ካድያዋንቶ፡ የሱስ ሀ ሌዎሱዋ ኦዲዳ።

10 “ላኤ አሳቱ ዋሳናዉ ጌሻ ጎልያ * ገሌድኖ። ሄዋንቱፕ እቱ ፓርሳዊያ፤ እቱ ቃይ ቃራጸ ቃንጽያዋ።

11 ፓርሳዊ ደንድ ኤቂደ ባረ ዋዛናን ዋሲደ፡ ፍጹህ፡ ታን ሀራ አሳዳን፡ ቦንቂያዋንቱዳን፡ ማካልያዋንቱዳን፡ ዋሹዎያዋንቱዳን፡ ዋይ ሀዋዳን ቃራጸ ሺሸና ድራዉ ኔና ጋላታይ።

12 ሳምንታን ላኤ ካላ ጸማይ፤ ታን ደምያ ኡባፕ ታሙ ኩሸያፕ እቱዋ እማይ፡ ያጌዳ።

13 “ሸን ቃራጽያ ብታኒ ሃኩዋን ኤቂደ፡ ባረ አይፍያን ፑደ ሳሉዋ ቶቁ ጊደ ጸላናዉካ ኮይቤና። ሸን ባረ ትራ ባቂደ፡ ፍጹህ፡ ታን ናጋሪንቻ፤ ታና ማራ፡ ያጌዳ።

14 ታን ህንተንቶ ኦድያዌ አይ ጎፕ፡ ካሰ ብታንያፕ አዲደ ሀ ብታኒ ጸሎ ግዲደ ባረ ጎለ ሰማዳ፤ ባረና ቶቁ ኦልያ ኡባይ ካዉሻና፤ ባረና ቃይ ካዉሸሰያ ኡራይ ቶቁ ጋና” ያጌዳ።

የሱስ ጉላ ናና አንጄዳ (ማቶሳ 19:13-15፤ ማር. 10:13-16)

15 የሱስ ባረ ኩሸያ ዋላደ አንጄና ማላ አሳይ ጉላ ናና አኪደ እኮ ዬድኖ። አ ካልያዋንቱካ በኢደ፡ አሳ አሄና ማላ ጌድኖ።

16 የሱስ ቃይ ጉላ ናና ባረኮ ጾሲደ፡ “ጉላ ናናይ ታኮ ያና ማላ አግተ፡ ድጎፕተ፤ ጸሳ ካዉተላይ ሀዋንቱ ማላሳ።

17 ታን ህንተንቶ ቱሙዋ ኦዲይ፤ ጸሳ ካዉተላ ጉላ ናኤዳን እከናዋንቱ ኡባይ ሄ ካዉተላ ሙለካ ገለና” ያጌዳ።

18 ይሁዳ ቢታ ሞድያዋንቱፕ እቱ፡ “ሎኦ ታማርሰያዋ፡ ታን መድና ደኤዋ ላታናዉ አያ ኦላናዉ በሲ?” ያጌደ የሱሳ ኦቹዳ።

17:26 ደመላ 6:5-8 17:27 ደመላ 7:6-24 * 17:28 ኖሄ፡ ሎጸ፡ ጸሳይ ቢታ ባሻ ሃላን ባይዜዳ ዋደ፡ እ ኖህነ እ ጎላ አሳ አሸዳ። ጸሳይ ሶደማን ጋዋራ ካታማቱዋ፡ እዘን ደኤያ ኢታ አሳቱዋ ኡባ ታማን ባይዜዳ ዋደ፡ ሎጸነ እ ጎላ አሳ አሸዳ (ደመላ 19:1-29 ጸልተ)። 17:29 ደመላ 18:20—19:25 17:31 ማቶሳ 24:17፣ 18፤ ማር. 13:15፣ 16 17:32 ደመላ 19:26 17:33 ማቶሳ 10:39፤ 16:25፤ ማር. 8:35፤ ሉቃሳ 9:24፤ ዮሃ. 12:25 17:36 ማቶሳ 24:40 * 18:10 ዋሳናዉ ጌሻ ጎልያ፡ አይሁዳ አሳይ ኡባ ዋደ ጌሻ ጎልያን ዋንታ ጉራንነ ጋላሳ ዋሰና።

19 የሱሰካ አው፡ “አያው ታና ሎኦ፡ ያጋይ? እት ጸሳጥ እትን፡ ሎኦ ኦንነ ባዋ፤

20 ጸሳ አዛዛቱዋ፡ “ዋሹዋጋ፡ ዋዶጋ፡ ወአጋ፡ ዋርዱዋ ማርካቶጋ፡ ነ አባነ ነ ዳዮ ቦንቻ ያግያዋ ኤራ” ። ያጊደ ዛሬዳ።

21 ብታኒ ዛሬደ፡ “ሀዋ ኡባ፡ ናአተላጥ ዶማደ ናጋድ” ያጊደ።

22 የሱሰካ ሀዋ ሰሲደ፡ “እትባይ ኔን ብርን ኦርን አቶዌ ደኤ፤ ሄዌኔካ፡ ነዉ ደእያዋ ኡባ ዛልአደ ማንቃቶ እማ፤ ሀዋ ኦሎጥ ሳሎዋንካ ኔን ዱረታና፤ ሄዋጥ ጉዮ ታ ጌዱዋ ካላ” ያጊደ።

23 ሄ ብታኒ ቃይ ሄዋ ሰሲደ ዳር ዱረ ግደ ድራዉ ዳር ካዮቴዳ።

24 የሱሰካ ሀ ብታኒ ዳር ካዮቶዋ በኢደ፡ “ዱረ አሳይ ጸሳ ካዉተላ ገላናዉ ዎት መታገዳሻ!

25 ዱረ አሳይ ጸሳ ካዉተላ ገላናዋጥ ጋሎ ማርጥያ ጸእያና አዳናዌ ማታቴ” ያጊደ።

26 ሄዋ ሰሲደ አሳይ፡ “ሰም ኦን አታናዉ ዳንዳዪ?” ያጊድዮ።

27 እካ ቃይ ዛሬደ፡ “አሳዉ ዳንዳየተናዌ ጸሳዉ ዳንዳየቴ” ያጊደ።

28 ጸጽርሰ ዛሬደ፡ “ሰም ኦን ኑዉ ደእያ ኡባ አጊደ ኔና ካሌደ” ያጊደ።

29 እካ፡ “ቱሙዋ ጋይ፡ ጸሳ ካዉተላ ድራዉ ባረ ጎልያ፡ ዎይ ባረና የላዋንታ፡ ዎይ ባረ ማኝያ፡ ዎይ ባረ ናና፡ ዎይ እሻቱዋ አጌዳዌ፡

30 ሀ ዎድያን ዳር ዳኩዋ፡ ሰንላ ይያ ካዉተላንካ መድና ደኡዋ እስናዌ ኦንነ ባዋ” ያጊደ።

የሱሰ ባረ ሀይቁዋባ ሄዘንሉዋ ኦዴዳ (ማቶሳ 20:17-19፤ ማር. 10:32-34)

31 የሱሰካ ታማነ ላኡ ባረና ካልያዋንታ ባረኮ ጸሲደ፡ “ሰም የሩሳላመ ባና፤ አሳ ናአባይካ ናባቱ ማጸፋን ጸፊቱዳባይ ኡባይ ያን ፖለታና።

32 አይሁደ ግደናዋንቶ አ አሳ እማና፡ ቅሊጫና፡ ዳር መቶላና፡ አ ቦላን ጨቻና፤

33 ሾጮዋጥ ጉይያን ዎዳና፡ ሄዘንሉያ ጋላስ አ ደንዳና” ያጊደ።

34 ኡንቱንቱካ ሀ የወዋጥ አያነ አኬክበይክና፤ ሀይቁካ ኡንቱንቶ አኬክትቤና ድራዉ እ ሃሳዮባካ ኤርበይክና።

35 የሱሰ እያርኮኮ ማቴዳ ዎድያን፡ እት ቆቃ ብታኒ ዎሲደ ኦግያ ጋጸን ኡቴዳ።

36 ጮራ አሳይ አድያዋ ሰሲደ፡ “ሀዋ አይሻ?” ያግ አቼዳ።

37 አሳይካ አው፡ “ናዝሬትያ የሱሰ ሀዋና አድ ደኤ” ያግ ዛሬድና።

38 እካ፡ “ዳዊተ ናአ የሱሰ፡ ታና ማራርኪ” ጊደ ዋሴዳ።

39 አጥ ሰንላና ቢደ ደእያዋንቱካ፡ ጮኡ ጋናዳን ሀንቀቴድና። እ ቃይ፡ “ዳዊተ ናአዉ፡ ታና ማራርኪ” ጊደ ዳሪ ዋሴዳ።

40 የሱሰካ ኤቂደ፡ ባረኮ አሀናዳን አሳዉ ኦዴዳ።

41 የሱሳኮ እ ጸቱዋ ዎድያን፡ የሱሰ፡ “ታን ነዉ አያ ኦላናዳን ኮያይ?” ያጊደ አ ኦቼዳ።

እካ ዛሬደ፡ “ጎዳዉ፡ ጸላናዉ ኮያይ” ጌዳ።

42 የሱሰካ፡ “ጸላ፡ ነ አማኑ ኔና ጋሌዳ” ያጊደ።

43 ሄ ዎድያንካ ጸል አጌዳ፤ ጸሳካ ቦንቹደ አ ጌዱዋ ካሌዳ።

አሳይ ኡባይ ብታንያ ጸሊደ፡ ጸሳ ጋላቴድና።

19

የሱሰን ዛክዮሳ

1 የሱሰ ሀን እያርኮ ካታማ ገሊደ፡ ሄዋና አድ ደኤ።

2 ሱንላይ ዛክዮሳ ጌተትያ እት ዱረ ብታኒ ሄዋን ደኤ። እካ ቃራጽያዋንቶ ካፑዋ።

3 ዛክዮሰ የሱሳ ጌተትያዌ ሀቃዌንቶ በአናዉ ኮይሽን ቃንላ ግዴዳዋ ድራዉ፡ አሳ ጮራተላጥ ደንዳዋን በአናዉ ዳንዳይቤና።

4 የሱሰ ሄ ኦግያና አድያ ድራዉ፡ ሰንላዉ አዲደ እት ቦእያ ቦላ ከሴዳ።

5 የሱሰ ሄ ሳአ ጋኪደ፡ ቶቁ ግ ፑደ ጸሊደ፡ “ዛክዮሳ፡ ሀቼ ነ ጎሊን ፔሻናዉ በሰያ ድራዉ ኤላ ዎዳ” ያጊደ።

6 እካ ኤሌል ቦእያጥ ዎዲደ፡ ናሽቻን የሱሳ ዋኬዳ።

7 ሄዋን ደእያ አሳ ኡባይ ሀዋ በኢደ፡ “ሀዌ ናጋራንቻ ጎሊን ገሊደ እማላ ግዲደ ሾበታና ሀኔ” ጊደ ኡባቱካ ዙዙንላ ዶማድና።

8 ዛክዮሰካ ቃይ ኤቂደ ጎዳ፡ “ጎዳዉ፡ ሰም ታዉ ደእያዋ ኡባጥ ባጋ ሀየሳቶ እማና፤ ኦጥንካ ዎርዱዋን እኬዳዋ ግደጥ፡ ኦይዱ ዳኩዋ ኡዳደ ዛራና” ያጊደ።

9 የሱሰካ ዛክዮሳዉ ኦዲደ፡ “ኔንካ አብራሃም ሼሻ ግድያ ድራዉ፡ ሀቼ አተተላይ ሀ ጎሊ አሳዉ ዬዳ።

10 አያዉ ጎጥ፡ አሳ ናአይ ባዬዳዋ ኮያናዉነ አሻናዉ ዬዳ” ያጊደ።

ታሙ ቆማቱዋ ሌምሱዋ (ማቶሳ 25:14-30)

11 አሳይ ሀዋ ሰሲደ ደእሽን የሱሰ፡ ሀን የሩሳላመ ጸቱዋ ድራዉነ ኡንቱንቶ ጸሳ ካዉተላይ ሀእካ ቆንጮያዋ ማላቶ ድራዉ ሌምሱዋ ኦዴዳ።

12 ሀዋዳን ያግ ዶማዳ፤ “እት ዎልቃማ ብታኒ ባረዉ ካዉተላ ቦንቹዋ አኪደ ሰማናዉ፡ ሀን ሃኮ ጋድያ ቤዳ።

13 ባረ ቆማቱዋ ግደጥ ታሙዋ ጸሲደ፡ ኡንቱንቶ ታሙ ሚና * ጌተትያ ሚሻ እሞዋሽን፡ ናታን ሰማደ ያና ጋካናዉ፡ ሀ ሚሻን ዛልእሽተ” ያጊደ።

14 “ሸን አ ጋድያ አሳይ አ እጸ ድራዉ፡ ህ ብታኒ ኑ ቦላ ካተታናዳን ኔን ኮዮኮ” ያጊደ፡ ጉየና እ ደኢያሳ አሳ ከቴድና።

15 ግደጥ እትን፡ ሀ ብታኒ ካተ ግዲደ ሀን ባረ ጋደ ሰማዳ። ሄ ቆማቱ ሁጲያን ሁጲያን እ እሞ ሚሻን ዛልኢደ አይ ከና ዎድሴድናንቶ ኤራናዉ ጸሰሴዳ።

19:10 ማቶሳ 18:11 19:11 ማቶሳ 25:14-30 * 19:13 ሚና- ሚና ጌተትያዌ፡ ግሪክ ቃላን ምናሰ ግያዋ። ሀዋ ብላላይ፡ ሄ ዎደ ደእያ ኦሳንቻ አሳዉ እመትያ ሄዙ እገና ድርጉዋ።

16 “ኮይሮ ቆማይ ሸቂድ፣ ሳዳው፣ ኔን ታው እሜዳ ታሙ ሚና ወድያ ታሙ ደማድን ያጌዳ።

17 እ ጎዳይ እ፣ ሳያናሸ! ኔን ሎኦ ቆማ፤ ኔን ጉላ የወዋን እማነቲዳዋ ግዳደ ቤቶ ድራው፣ ታሙ ካታማቱዋ ቦላን ማታይ ነው እመቲዳን ያጌዳ።

18 “ላኤንሳያዌካ ሸቂድ፣ ሳዳው፣ ኔን ታው እሜዳ እቼሹ ሚና ጌተትያ ሚሻይ እቼሹዋ ያጌዳ።

19 እ ጎዳይካ እ፣ ሳዳው እቼሹ ካታማቱዋ ቦላን ማታይ እመቲዳን ያጌዳ።

20 ሀራ ሄዘንሳያ ቆማይ ሸቂድ፣ ሳዳው፣ ጨርቃን ጸጸ ዋሌዳ ነ ሚሻ ሀዋ በእ።

21 እያው ጎፕ፣ ኔን ዋሳቤናሳፕ እክያዋ፤ ዘራቤናዋ ቆይጭያ መቀሰ ባይና አሳ ግድያ ድራው፣ ነው ያያድን ያጌዳ።

22 “ጎዳይካ፣ ሳዳው ኢታ ቆማይ፤ ኔን ሃሳዮ ቃላን ነ ቦላ ታን ፕርዳና። ዋሳቤናዋ እክያዋ፣ ዘራቤናዋ ቆይጭያ መቀሰ ባይና አሳ ግድያዋ ኤርፕ።

23 ታን ያደ ታ ሚሻ ወድያና እካና ማላ፣ እያው ወድሰያዋንቶ እማበይኪ?” ያጌዳ።

24 “ጎዳይካ፣ ሃዋን ኤቆዋንታ፣ ሳዳው ሚሻ አፕ ዋሰ እኪደ ታሙ ሚናይ ደእያዋ እምተ” ያጌዳ።

25 ኤንቲንቲካ፣ ሳዳው፣ እው ታሙ ሚናይ ደኤ” ያጌድኖ።

26 “እካ፣ ሳዳው ህንተንቶ ኦድያዌ፣ ደእያዋ ኡባው ጉጀታናዋ፤ ባይናዋፕ ቃይ ሄ ደእያዌካ እከታናዋ።

27 የወዋን ቃይ ታን ኤንቲንቲ ቦላን ካውተናዳን ኮዬዳ ታ ሞርካቱዋ ታኮ አሂደ ታ ሰንላን ሹክተን ጌዳ” ያጌዳ።

የሱስ ዳር ቦንቹዋን የሩሳላመ ገሌዳ (ማቶሳ 21:1-11፤ ማር. 11:1-11፤ ዮሃ. 12:12-15)

28 የሱስ ሀዋ ጎዋፕ ካላ ህን የሩሳላመ ከሳናው ባረና ካልያዋንቲ ሰንላቲደ ቤዳ።

29 ደብረ ዛይተ ጌተትያ ደርያ ማታን ደእያ ህን ቤተፋገን ቢታንያ ጌተትያ ሄራ ካታማቱዋኮ ሸቂዳ ዋደ ባረና ካልያዋንቲ ላኦቲዋ።

30 “ህንተንቲ ሰንላን ደእያ ቁር ካታማቱዋ ቢተ፤ ያ ህንተንቲ ገልያ ዋደ፣ ኦንነ ብር ኡትቤና ሀረ ማራይ ቃሽት ኡቲዳዋ ደማንታ፤ አ ብሊደ ሃ እክ ዪተ።

31 ኦንነ ህንተንታ፣ ሳዳው እያው ብሊቲ?” ጊደ ኦቾፕ፣ ሳዳው ባረ ጎዳው ተ ኮሽያ ድራሳን ያግተ” ያጌዳ።

32 ኪተቲዳዋንቲካ ቢደ፣ የሱስ ኤንቲንቲ ኦደዋዳን ህንና ደሚድኖ።

33 ኤንቲንቲ ሀረ ማራ ብልያ ዋደ በኢደ ሀርያ ጎዳይ፣ “ሀረ ማራ እያው ብሊቲ?” ያጌዳ።

34 ኤንቲንቲካ፣ “ጎዳው ሀዋ ኮሺ” ያጌደ።

35 ሀረ ማራ የሱሳኮ አሄድኖ፤ ባረንቲ ማዩዋ አ ቦላን ዋሊደ የሱሳ ሀርያ ቶግሴድኖ።

36 እሳይካ የሱስ ብያ ኦግያ ቦላ ባረንቲ ማዩዋ ሂጾድኖ። †

37 እ ደብረ ዛይተ ጌተትያ ደርያ ዲገላ አፍያ ኦግያ ማቲዳ ዋደ፣ ዳር ጮራ ግዳዳ እ ካልያዋንቲ በኤዳ ጸሳይ ኦሌዳ ማላታው ኡባው ናሸቲደ፣ ባረንቲ ኮሻ ቶቁ ኦሊደ።

38 “ጎዳው ሰንላን ይያ ካቲ፣

እንጀቲዳዋ፤ ሳሉዋን ሳርታይ ግደ። ቃይ ክል ቶቃ ሳሉዋን ደእያ።

ጸሳይ ቦንቹቶ” ያጌድኖ።

39 አሳ ጋርሳን ደእያ እት እት ፓርሳዋቲ የሱሳ፣ “ታማርሰያዋ፣ ኔና ካልያዋንታ ጮኡ ኦሳርኪ” ያጌድኖ።

40 እካ ዛሪደ፣ “ታን ህንተንቶ ኦዳይ፣ ኤንቲንቲ ጮኡ ጎፕ፣ ሹቻይካ ዋሳናዋ” ያጌዳ።

41 የሱስ የሩሳላመ ማቲዳ ዋደ፣ ካታማቶ በኢደ፣ ዬኪደ።

42 “ጎ ሳርታው ግድያዋ ኔን ሀቼ ኤራድንቶ ሎኦ፤ ሸን ሀእ ሄዌ ነ አይፍያፕ ጌሜዳ።

43 እያው ጎፕ፣ ነ ቦላ ያና ዋዲ ደኤ፤ ሄ ዋደ ኔና እጽያዋንቲ ነ ዩሹዋን ድርሳ ድሪደ፣ ያፕነ ሃፕነ ደዲደ፣ ኔና ኤንኤሳያ ዋዲ ያናዋ።

44 ኔና ነ ድርሳ ጋርሳን ደእያ ነ አሳ መንግራፍ። ጸሳይ ኔና በአናው ዬዳ ዋድያ ኔን ኤራቤና ድራው፣ ኔና እጽያዋንቲ ሹቻ ኡባ እቲዋ እቲዋ ቦላፕ ደንሊደ ላላናዋ” ያጌዳ።

የሱስ ጌሻ ጎልያን ዛልእያዋንታ የደርሴዳ (ማቶሳ 21:12-17፤ ማር. 11:15-19፤ ዮሃ. 2:13-22)

45 ሀዋፕ ካላ የሱስ ጌሻ ጎልያ ገሊደ፣ ዛልእያዋንታ ሄዋፕ ከሴዳ።

46 የሱስ ዛሪደ፣ “ ታ ጎሊ ጸሳ ዋሰያ ጎልያ ግዳናዋ ጌተቲደ ጸሳ ቃላን ጸፈቲዳ። ሸን ህንተንቲ አ ፓኑዋ ጎንጎሉዋ ኦሌድታ” ያጌዳ።

47 የሱስ ኡባ ዋደ ጌሻ ጎልያን ታማርሰ ደእሸን፣ ቁሳቲዋ ካፓቲ፣ ሙሴ ህግያ ታማርሰያዋንቲ አሳ አይሰያዋንቲ አ ዋቆናው ኮዩኖ።

48 ሸን አሳይ ኡባይ አ ሃሳያፕ እቲነ አተናን ሰሰ ኡቶ ድራው፣ አ ዋድያ ኦግያ ኤንቲንቲ ቆይድኖ።

20

የሱሳ ማታ ቦላ ደንዴዳ ኦሻ (ማቶሳ 21:23-27፤ ማር. 11:27-33)

1 እት ጋላስ የሱስ አሳ ጌሻ ጎልያን ታማርሰደነ ምሽራቸው ቃላ ኦዲደ ደእያ ዋደ፣ ቁሳቲዋ ካፓቲነ ሙሴ ህግያ ታማርሰያዋንቲ ጋድያ ጭማቱዋና እትፕ የሱሳኮ ዬድኖ።

2 ኤንቲንቲካ፣ “ሀ የወዋ ኔን ኦሳያዌ አይ ማታንቶ ኦዳ፤ ሀ ማታካ ነው እሜዳዌ እ ኦኔ?” ያጌደ ኦቼድኖ።

3 እካ፣ “ታ ህንተና እት ኦሻ ኦቾያዌ ደእያዋ አነ ዛርተ።

19:26 ማቶሳ 13:12፤ ማር. 4:25፤ ሉቃስ 8:18 † 19:31 ጎዳው- ሀዋን ጎዳው ጌተቶዌ፣ ሀረ ማራ ጎዳፕሸን፣ ጸሳ ገደና። † 19:36 ማዩዋ ሂጾድኖ- ሀዋ ጉሳይ፣ አይሁዳ አሳ ዋጋን፣ ኤሪቲዳነ ቦንቹትያ አሳው ኦስትያ እማላ ሞካ ዋጋ። 19:38 ማዘ. 118:26 19:46 አሳ. 56:7፤ ኤር. 7:11 19:47 ሉቃስ 21:37

4 የሃንሳ ጽንቃታይ ጸሳፔ ወይ አሳፔ?” ያግ አቼዳ።

5 ኢንቲንቲ ባረ ግደን ማቀቲድ፡ “ጸሳፕ ጎፕ፡ ሄዋ ግደፕ ላይ ወደ አማንበይክቲ፡ ኑና ያጋናዋ፤

6 ላሳፕ ጎፕ፡ አሳይ ኡባይ የሃንሳ ናብያ ግድያዋ አማንያ ድራው ሹቻን ኑና ደቻናዋንታ” ያጌድና።

7 ሀዋሰ፡ “ሀቃፕ ዬደንቶ ኤርኮ” ጊደ አወ ዛሬድና።

8 የሱሰካ፡ “ሀዋ ግደፕ ታንካ፡ ታን አ ማታን ሀ የወዋ አሳይታንቶ ህንተንቶ አድከ” ያጌዳ።

9 ሀዋፕ ሰሚደ የሱሰ አሳወ ሀ ሌምሱዋ ያግ ኡዲዋ ደሜዳ፡ “እት ብታኒ ዳር ዋይንያ ቱራቱዋ ቶኬዳ፡ ጎሻንቻቶ ኮላወ እሚደ፡ እ ህን ሀራ ጋድያ ቢደ ጮራ ዋድያ ጋምኤዳ።

10 ዋይኒ አይፍያ አይፎ ዋደ፡ ዋይንያ ጎሻ ጎዳይ ባረና ጋክያዋ አሀናዳን እት ቆማ ኮላዋቱዋኮ ከቲዳ። ከተት ቤዳዋካ ቶኦቢደ፡ መላ ኩሽያ የዳድና።

11 ሄዋፕ ሀራ ቆማ ከቲዳ። ኢንቲንቲ ሄዋካ ቃይ ቶኦቢደ፡ ቶቼደ፡ መላ ኩሽያ የዳድና።

12 ሀእካ ሀራ ሄዘንሐያ ቆማ ከቲዳ። ኢንቲንቲካ ቃይ አ ማሱንሐደ፡ ህን ካረ ኦሌድና።

13 “ሄ ዋይንያ ቱራ ጎዳይካ፡ ሰም አያ አሉ? እን ሀእ ታ ደሰያ ናኦ ከታና፤ ኦን ኤር አ ቦንቸፕን” ጌዳ።

14 ጎሻንቻቱ ቃይ ናኦ በኤዳ ዋደ፡ ሀዋ አ ላትያዋ ግደ ድራው፡ ሀይተ ዋዳይተ፤ ሄዋፕ ጉየ፡ ቢታይ ኑሳ ግዳናዋ ጊደ ዘረቲድና።

15 ዋይንያ ቱራ ሳኦፕ፡ ህን ካረወ ከሲደ አ ዋዳድና።

“ዋይንያ ቱራ ጎዳይካ ኢንቲንታ አያ አላንዴሻ?”

16 ዮፕ ሄ ጎሻንቻቱዋ፡ ዋዳናዋ፤ ዋይንያ ቱራ ሳኦካ ሀራንቶ አማናዋ” ያጌድና።

አሳቱካ ሀዋ ሰሶ ዋደ፡ “ሀዋ ማላባ አሆ?” ያጌድና።

17 የሱሰካ ህን ኢንቲንቲኮ ጼሊደ፡ “ሰም ሹቻ ጎልያ ኬጽያዋንቲ ካጌዳ ሹቻይ፡

እ ዋና ጎልያ ምንሰያ ሁጳ ሹቻ ግዴዳ፡ ጌተቲደ ጸፈቲዳዋ ብለላይ አይ?”

18 ሀ ሹቻ ቦላን ኩንድያ ኡባይ መኤረቲ፤ ሹቻይካ አ ቦላን ኩንድያ ኡባይ ቡንቼታናዋ” ያጌዳ።

ጊራ፡ ጊራኔ አጋኔ ግያ አሻ (ማቶሳ 22:15-22፤ ማር. 12:13-17)

19 ሙሴ ህግያ ጸፍያዋንቲ ቁሳቱዋ ካፓቱ የሱሰ ሃሳይዳ ሌምሱ፡ ኢንቲንቲ ቦላን ጌተቶዋ ኤር ድራው፡ ሄ ሳትያንካ አ አይቃናወ ኮዬድና። ሽን አሳወ ያዬድና።

20 የሱሰ፡ ሄ ጋድያ ሞድያዋን አ ማታወ አሊደ አማናወ አ ዶናፕ ከሰያ ቃላን አይቃናወ እንጀትያ ዋድያ ናጊና። ሄዋ ድራው ጌሻ ማላቲደ ኦይላናወ ዋቻያዋንታ ከቲድና።

21 ሄ ከተቶዋንቲካ የሱሰ፡ “ታማርሰያዎ፡ ኔን ቱማ የወዋ ሃሳይያዋን ታማርሰያዎ፡ ሄዋዳንካ

ቃይ ጸሳ ኦግያ ቱማተላን ታማርሰያዋን ኦሰን ዲማየናዋ ኑን ኤሬቶ።

22 ቃይካ ኢንቲንቲ፡ ሮማ ካትያ ቁሳረወ ጊራ ጭጋናወ ኮሺ ዋይ ኮሽኔ?” ያግ አቼድና።

23 እ ቃይ ኢንቲንቲ ደሻተላ ኤሪደ፡

24 “አን ታና እት ዲናርያ * በሰተ፤ ሄዋ ቦላን ደእያ ሞሰሊን ጸፈቶዌ ኦና በሲ?” ጌዳ።

25 ኢንቲንቲካ፡ “ቁሳረዋ” ጊደ ዛሬድና። አኔካ፡ “ሄዋ ግደፕ፡ ቁሳረዋ፡ ቁሳረወ አምተ፤ ጸሳዎ፡ ጸሳወ አምተ” ያጌዳ።

26 ኢንቲንቲካ፡ እ ሃሳይዳ ቃላን አሳ ሰንላን አይቃናወ ዳንዳይበይክና። እ ዛሬዋን ማላላቲደ ጮኤ ጌድና።

ሀይቁዋፕ ደንዲዋባ አሻ (ማቶሳ 22:23-33፤ ማር. 12:18-27)

27 ሳዲቃዋናቱፕ እቲ እቲ የሱሳኮ ዪደ፡ አሻ አወ ሺሺድና።

28 ኢንቲንቲካ የሱሰ፡ “ታማርሰያዎ፡ እት ብታኒ ማቻቶ አኪደ ናኦ የለናን ሀይያዋ ግደፕ፡ ምሽራቶ ሄዋ አሻይ ላታ አክ ናኦ የሊደ ባረ አሻወ ዘረላ ዋላና ማላ ሙሴ ኑወ ጸፈዳ።

29 እት ዋድያን ላፑ አሻቲ ደእያዋንቲ፡ ባይራይ ማቻቶ አኪደ የለናን ሀይቁ አጌዳ።

30 ላኤንሐያዋካ እዘ ላቲዳ።

31 ሄዘንሐያዋካ ቃይ እዘ አኬዳ፤ ላፑናቱካ እዘ አኪደ ናኦ የለናን ሀይቁድና።

32 ወርሰላን ምሽራታካ ሀይቃ አጋዳ።

33 ሰም ላፑናቱካ ሄ ምሽራቶ አኬዳ ድራው፡ ሀይቁዋፕ ደንዴዳ ዋደ፡ እዛ ኦሰ ማቼ ግዳኔ?” ያግ አቼድና።

34 የሱሰካ፡ “ሀ አላምያ ናናይ አኪናን አከቲና።

35 ሽን ሀይቁዋፕ ደንዲደ፡ ሰንላፕ ይያ ዋድያን ደእናወ በሰያዋንቲ አክክናን አከትክና።

36 ኢንቲንቲ ጸሳ ከታንቻ ማላቲደ ደእያ ድራው፡ ሄዋፕ ሰሚደ ሀይቁክና። ሀይቁዋፕ ደንድያዋንታ ግድያ ድራው ኢንቲንቲ ጸሳ ናና።

37 ሙሴ፡ ጸሳይ አወ ቆንጩዳ ዋራባ ጸፈዳ ታርክያ ጋርሳን፡ ጎዳ ጸሳ፡ ላከራሃም ጸሳ፡ ይሳቃ ጸሳ፡ ያቆሳ ጸሳ፡ ያጊደ ጸሱሳይ፡ ሀይቃዋንቲ ደንድያዋ በሴ።

38 ኡባይካ አወ ሀይቁ ቤናዋንታ ግድያ ድራው፡ እ ሀይቁቤናዋንቲ ጸሳፕ አትን፡ ሀይቆዋንቲዋ ግደና” ያጌዳ።

39 እት እት ሙሴ ህግያ ጸፈዳዋንቲካ፡ “ታማርሰያዎ፡ ሎኡዋ ሃሳያዳ” ያጌድና።

40 ሀዋፕ ሰሚደ፡ እቲካ አ ኦቻናወ ጸሎዌ ባዋ።

የሱሰ ኦኔ ግያ አሻ (ማቶሳ 22:41-46፤ ማር. 12:35-37)

41 ሀዋፕ ካላ የሱሰ ኢንቲንታ፡ “አሳይ ክርሰቶሳ ዋት ዳዊተ ናኦ ያጊና?”

42-43 ጋሶተላይኔካ፡ ዳዊተ ባረ ሁጳወ ማዘሙረ ማጻፋ ጋርሳን፡

“ ሳዳይ ታ ጎዳ፡ “ታን ነ ሞርከቱዋ፡ ነ ጊድያፕ ጋርሳና ደእናዳን አላና ጋካናወ፡

20:9 አሳ. 5:1 20:17 ማዘ. 118:22 * 20:24 ድናርያ፡ ሄ ዋደ ሮማ ቢታ አሳይ ጎኤትያ ሚሻ። 20:27 ከታ 23:8 20:28 ዛረ. 25:5 20:37 ከሳ 3:6

ታ ኡሸቻን ኡታ” ጌዳ።

44 “ሰሞ ዳዊተ ክርስቶስ፣ ሳይ፣ ጌዳ ጌዳ ጌዳ ጌዳ። ሆኑ አዉ ናኦ ግዳና ዳንዳዪ?” ያጌዳ።

ሙሴ ህግያ ታማርሰያዋንቱ፣ ሰገታና ማላ፣ የሱስ ሴሬዳ ሴሬ

(ማቶሳ 23:1-36፤ ማር. 12:38-40)

45 አሳይ ኡባይ ሰሰሸን ባረና ካልያዋንቶ፣

46 “ሙሴ ህግያ ታማርሰያዋንቱ፣ ሰገታተ፤ ኡንቱንቱካ፣ አዲሳ ቃሞሽያ ማዪደ ዩያናዉ፣ ገያይ ደእያ ሳን ቦንቾ ሳሮታ አካናዉ፣ ዋሰያ ጎለን ቦንቾ ኦይድያን ኡታናዉ፣ ሾቦቱዳሳን ቦንቾሳ ኮይያዋንታ።

47 ሄዋንቱካ አምኡቱዋ ጎልያ ካሎይያዋንታ፤ ባረንታ በሳናዉ ዋሳ አዲሰያዋንታ፤ ኡንቱንታ ኡታ ፕርዳይ ናገ” ያጌዳ።

21

አምኡትባነ አዝ አሞታ (ማር. 12:41-44)

1 የሱስ ጶቁ ጌደ ጌደ ደልያ ዋደ፣ ዲረ አሳይ ጌሻ ጎልያን አሞታ ሺሸያ ሚሻ ግዳን ባረንቶ ደእያዋ፣ ኡንቱንቱ የግያ ዋደ በኤዳ።

2 ቃይካ እት ህይሳ ህይሳ አምኤ ሞሽራታ ላኤ ሰሞበርያ ሄዋን የግያ ዋደ በኤዳ።

3 “ታ ህንተዉ ቱሙዋ ጋይ፣ ሀ ህይሳ አምኤ ሞሽራታ፣ አፕነ ዳሩዋ እማዲ።

4 ሀ አሳይ ኡባይ ባረንቶ ፓላሆዋ፣ እማዲና፤ ሸን አዝ ባረ ህይሳተትሃ ዋልቃን ባረዉ ደእያዋ ኡባ እማዲ” ያጌዳ።

ጌሻ ጎሊ ኮለታናዋ የሱስ ካሰቲደ ኦዴዳ (ማቶሳ 24:1-2፤ ማር. 13:1-2)

5 አ ካልያዋንቱ እቱ እቱ፣ “ጌሻ ጎሊ ሎኦ ሹቻንን ባላ ሸቁዋ አሞታን ሎኤዳዋ” ያግሃሳይያ ዋደ የሱስ።

6 “ሀዌ ህንተንቱ በእያዌ ኡባይ ኮለተናን፣ ሹቻይ ሹቻ ቦላን ኬለቲደ አተና ዋዲ ያናዋ” ያጌዳ።

7 ኡንቱንቱካ፣ “ታማርሰያዋ፣ ሰሞ ሀዌ ሀናናዌ አዉዳ? ቃይካ ሀዌ ሀናናዉ ማላይ አዬ?” ያጌድ ኦቼድኖ።

የሱስ መቱዋ ዋዲና ናሽቻ ዋዲ ያናዋ ኦዴዳ (ማቶሳ 24:3-13፤ ማር. 13:3-13)

8 እካ፣ “ኡንን ባለፍዳን ናገትተ፤ ጮራ አሳይ፣ ታን ክርስቶስ” ያጌደ ቃይካ፣ “ዋዲ ማቲዳ” ያጌደ ታ ሱንላን ያናዋንታ፤ ህንተንቱ ቃይ ኡንቱንታ ካሎፕተ።

9 አላ የወዋነ አሳ ማካላባ ሰሰያ ዋደ ዳጋሞፕተ፤ ሀዌ ኮይሮ ሀናናዉ በሰያዋ ግደ ድራፕ አትን ዉርሰላይ ብራ” ያጌዳ።

10 ሄዋ፣ ካሊደ አሳዉ፣ “አሳይ አሳ ቦላ፣ ካዉተላይካ ካዉተላ ቦላ፣ ደንዳናዋ፤

11 ዋልቃማ ቢታ ቃላይ ሀናናዋ፤ ኮሻይነ ሀርጌ፣ ዲማ ዲማሳን መታናዋ፤ ያሸያ የዉነ ኡባካ ዋልቃማ ማላታይ ሳሎዋ፣ ሀናናዋ።

12 “ሀዌ ኡባይ ሀናና፣ ካሰያን ቃይ አሳይ ህንተንታ ኦይቃናዋንታ፣ መቶላናዋንታ፤ ህን ኦይሁዳቱዋ ዋሳ ጎሊ አሳዉ አላ እማናዋንታ፤ ቃሾ ጎሊካ ገልሳናዋንታ፤ ካታቱዋ ሰንላንን ሞድያዋንቱ ሰንላን ሺሻናዋንታ፤ ሀዌ ኡባይ ታ ሱንላ ጋሱዋን ህንተንታ ጋካናዋ።

13 ሀዌካ ማርካታናዉ ህንተዉ ሎኦ ካጫ ግዳናዋ።

14 ሀዋ ግድያ ድራዉ፣ አይ ዛሩዋ እማኔ ጌደ ኮይሮቲደ ህንተንቱ ኡንኤተና ማላ ሀዋ ዋዛና አላተ።

15 ኤቀትያዋንቱ ኡባይ፣ ኤቀታናዉን ላካናዉ ዳንዳየና ቃላን አጼ ጭንጫተላ ታን ህንተንቶ እማና።

16 ህንተንታ የሌዳዋንቱን ህንተንቱ እሻቱ፣ ህንተንቱ ዳባቱን ህንተንቱ ላገላቱካ አተናን ህንተንታ አላ እማናዋንታ፤ ህንተንቱ፣ እቱዋ እቱዋ ዋቆናዋንታ።

17 ታ ሱንላ ድራዉ አሳ ኡባ ማታን አጸቲዳዋንታ ግዳንታ።

18 የዉዋን ቃይ ህንተንቱ ሁጺያ ብናና፣ ካ እትናን ባዩኩ።

19 ሞን ኤቁደ ህንተንቱ ሸሞፕዋ አሺታ።

የሱስ የሩሳላመ ባየላባ ኦዴዳ (ማቶሳ 24:15-21፤ ማር. 13:14-19)

20 “የሩሳላመ አላ አሳን ደደቲዳ ዋደ፣ አዝ ባየላይ ማቲዳዋ ኤርተ።

21 ሄ ዋደ ይሁዳን ደእያዋንቱ ደርያኮ ባቃትኖ፤ ካታማን ደእያዋንቱ ቃይ ሄዋ፣ ከሰኖ፤ ባላጋርያን ደእያዋንቱካ ያ ካታማኮ ገሎፕኖ፤

22 ጸሳ ቃላን ጸፈቲዳዌ ኡባይ ፖለታናዳን ሀዌ ሀሎዋ ከሰያ ዋድያ።

23 ቢታ ቦላን ዋልቃማ መቱ ሀናናዋ፤ ሀኦ ደእያ አሳ ቦላን ህንቁ ያናዋ፤ ሄዋ ድራዉ ሄ ዋድያን ሻሃርዋንቶን ቆንሻያዋንቶ አየ!

24 አሳይ ኡባይ ማሻን ሀይቃናዋንታ፤ ጸሳ ኤረና ጋድያ ኡባቱካ አሞዲዋን ባናዋንታ፤ የሩሳላመካ አይሁዳ ግደናዋንቱ ዋዲ ፖለታና ጋካናዉ፣ ኡንቱንቱን የፍቲዳዉኖ ግዳናዉኦ።

ክርስቶስ ላኤንላ ዩሳ (ማቶሳ 24:29-31፤ ማር. 13:24-27)

25 “አዋ፣ አገናንን ጸልንትያ ቦላ ማላታይ ሀናናዋ፤ አባፕነ ቤታ ኮሻ፣ ደንደ ጋሱዋን ቢታ ቦላን ደእያ አሳይ ኡባይ ኡንኤታናዋንታ፤ ሀርጋናዋንታ።

26 ሳሎዋ ዋልቃይ ኡባይ ቃጽያ * ድራዉ አሳይ ያሻንን አላሞያ ቦላ አዬ ያናዋሻ ያጌደ ናፕዋን ዳቡራናዋንታ።

27 ሄ ዋደ አሳ ናኦይ ዋልቃንን ዋልቃማ ቦንቹዋን ሻርያን ይያ ዋደ በአናዋንታ።

28 ህንተንቱካ፣ ሀ የዉ ፖለቲሳ ደሞያ ዋደ፣ ዋዙ ጾቱዋ ድራዉ ሰት ጌደ ኤቁተ፤ ፑደ ጶቁ ጌደ ጸልተ” ጌዳ።

21:15 ሉቃስ 12:11-12 21:22 ሆስ 9:7 21:25 አሳ. 13:10፤ ህዝ. 32:7፤ እዪ. 2:31፤ ሳፃ 6:12፣ 13 * 21:26 ሳሎዋ ዋልቃይ ኡባይ ቃጽ፡- ሀዋ ጉሳይ፣ በን ዋደ አሳይ፣ ሳሎዋን ደእያ ጸልንቲ ኡባይ አያና ዋልቃና ደኤ ጌደ ቆፕ። 21:27 ዳኔላ 7:13፤ ሳፃ 1:7

ባለሰያ ጌተትያ ምላ ሌምሱቀ (ማቶሳ 24:32-35፤ ማር. 13:28-31)

29 ካሊደካ፣ ሀዋ ያግ ሌምሱቀ ኦዴዳ፣ “ዋደንጎላፕ ሀራ ምላ ኡባፕ ጸልተ፤

30 ሀይላይ አጭና በእያ ዋደ፣ ሄ ዋደ ቦኒ ማቴዳዋ ህንተንቱ ኤሪታ።

31 ሄዋዳንካ ቃይ የዋቱ ፖለትያዋ በእያ ዋደ፣ ጸሳ ካወተላታ ማቴዳወኖ ኤርተ።

32 “ታን ህንተዉ ቱሙቀ ጋይ፤ ሀዋ ኡባይ ፖለታና ጋካናዉ ሀ የለታይ አፍ።

33 ሳሉነ ሳእይ አቆና፤ ሸን ታ ቃላይ አፍ።

34 ሰም ዛዋይ ባይና ደኡዋን፣ ኡሻ ዳሩዋን ደኡዋባን ኡንኤትሸን ህንተንቱ ዋዛናይ ለፐናዳን ሄ ጋላሳይ ጲርያዳን ቆፐናን ህንተና ጋካናዳን ናገትተ፤

35 ሀዋ ቢታ ኡባን ደእያዋንቱ ኡባቱዋ ቦላን ጋካናዋ።

36 ሰም ይያ ኢታባ ኡባፕ ህንተንቱ አታናዳንን አሳ ናኦ ሰንጎንካ ኤቃናዉ ዳንዳያና ማላ፣ ኡባ ዋደ ምን ዋሰተ” ያጌዳ።

37 የሱስ ጋላስ ጋላስ ጌሻ ጎልያን ታማርሲደ፣ ቃማ ቃማ ደብረ ዛይተ ያገትያ ደርያኮ ከሲደ አቁ።

38 አሳይ ኡባይ አ ሰሳናዉ ጉራን ያ ጌሻ ጎልያ አኮ ዪኖ።

22

ክርስቶሳ ዋቆናዉ ማቀቱድና (ማቶሳ 26:1-5፤ ማር. 14:1-2፤ ዮሃ. 11:45-53)

1 ፓሰጋ ጌተትያ ማጋገ ኡክላ ምያ ባላይ ማቴዳ።

2 ቁሳቱዋ ካፓቱን ሙሴ ህግያ ጸፍያዋንቱ የሱሳ ዋት ዋቆንቶ፣ ዋቆያ ኦግያ ጌማን ኮዪኖ፤ ሸን አሳዉ ያዪኖ።

3 ጸላሂካ ታማን ላኡ ካልያዋንቱ ለቱዋ ግዴዳ አሰቆርቱ ይሁዳን ገሌዳ።

4 እካ ቢደ፣ የሱሳ ዋት አል እማንንቶ ቁሳቱዋ ካፓቱዋና ጌሻ ጎልያ ናግያዋንቱ ካፓቱዋና እትፕ ሃሳይዳ።

5 ኡንቱንቱካ ናሸቲደ፣ ሚሻካ ይሁዳዉ እማናዉ ዉለቱድኖ።

6 እካ ኤኖ ጌዳ፤ አሳይ ባይና ሳን የሱሳ አል እማናዉ እንጀትያ ዋድያ ኮዬ።

የሱስ አይሁዳቱዋ ፓሰጋ ማናዉ ገገቲዳ (ማቶሳ 26:17-25፤ ማር. 14:12-21፤ ዮሃ. 13:21-30)

7 ማጋገ ኡክላ ምያ ባላ ቦንቶያ ዋዲ ጋኬዳ፤ ሄ ዋዲካ ፓሰጋዉ ደርሳ ሹካናዉ በሰያ ዋድያ።

8 የሱስ ጸጽሮሳን ዮሃንሳ፣ “ፓሰጋ ቁማ ኮን ማናዳን ቢደ ገግሰተ” ገደ ከቲዳ።

9 ኡንቱንቱካ ዛሪደ፣ “ሀቃን ገግሳናዳን ኮያይ?” ያግ አቼድኖ።

10 እካ፣ “ህንተንቱ፣ ካታማ ገልያ ዋደ ኦቱዋና ሃላ ቶኬዳ ብታኒ * ህንተንቱና ጋካታናዋ፤ እ ገልያ ጎልያ አ ካሊደ ገልተ፤

11 ሄ ጎልያዋካ፣ “ታማርሲያዉ ኔና፣ “ታን፣ ታና ካልያዋንቱና እትፕ ፓሰጋ ቁማ ምያ እማላ ክፍሊ ሀቃ ባጋና ደኢ?” ያጌ፣ ገተ።

12 ሄ ብታኒካ ፖቅያ ቦላን ደእያ ሂጸት ኡቲዳ አኮ ክፍልያ ህንተንታ በሳናዋ፤ ሄዋንካ ሳኦ ገግሰተ” ያጌዳ።

13 ኡንቱንቱ ቢደ፣ የሱስ ጎዋዳንካ ብታንያ ደሚደ ፓሰጋ ቁማ ገግሰቲኖ።

14 ፓሰጋ ቁማይ ሚተትያ ሳቲ ጋኮ ዋደ፣ ታማን ላኡ ከተቶዋንቱና እትፕ ቁማ ማናዉ ኡቲዳ።

15 እካ፣ “ታና ሙቱ ጋካናፕ ካሰያን ህንተንቱና ሀ ፓሰጋ ቁማ ማናዉ ዳር አሞታደ ደኢይ።

16 አያዉ ጎፕ፣ ታ ህንተዉ አድያዋ፣ ሀዋ ጸሳ ካወተላን ፖለታና ጋካናዉ፣ ታን ላኡንሉዋ ሀዋፕ ሚከ” ያጌዳ።

17 ጸኦ እኪደ፣ ጸሳ ጋላቲደ፣ “ሀዋ ሄይተ፣ ህንተንቱ ግዲዋን ግሸት ኡሸተ።

18 አያዉ ጎፕ፣ ታ ህንተንቶ ያጋይ፣ ጸሳ ካወተላይ ያና ጋካናዉ፣ ሀቼፕ ደማደ ዋይንያ ኤሳ ኡሸከ” ያጌዳ።

19 ቃይ ማጋገ ኡክላ እኪደ፣ ጸሳ ጋላቲዳ፤ ሄ ኡክላ ሙንላ ኡንቱንቶ እሚደ፣ “ሀዋ ህንተንቶ እሙትያዋ ታ አሹዋ፤ ሀዋን ታና ቆፓና ማላ ሀዋ ሚተ” ያጌዳ።

20 ካዉዋ ሞዋፕ ጉይያን፣ ካሰዋዳን ጸኦ ደንላ ኡንቱንቶ እሚደ፣ ሀዋዳን ያጌዳ፣ “ሀ ጸኦይ፣ ታ ህንተንቱ ድራዉ ጉሰያ ታ ሱሳ ቆፊልያ ኦራሳ ጫቁዋ።

21 ሸን በእተ፣ ታና አል እማናዉ ደእያ ብታኒ ጋይታን ታናና እትፕ ሜ።

22 አያዉ ጎፕ፣ ታን አሳ ናእይ ጸሳይ ጎዋዳን ባይ፤ ሸን ታና አሊደ እምያ ኡራዉ አዉ አየ” ያጌዳ።

23 ኡንቱንቱ ግደፕ ሄዋ ኦላናዉ ደእያዋ ኦና ግዳንንቶ፣ ባርንቱ ግደን አሻ ደሚድኖ።

ኡባፕ አድያዋ አኔ? ያግያ አሻ

24 ቃይ ባርንቱ ግደፕ አን አድንቶ ያገትያ ፓሉማይ ኡንቱንቱ ግደን ከሴዳ።

25 የሱስ ኡንቱንታ ያጌዳ፣ “ሀ አላምያ ሞድያዋንቱ ባርንቱ አሳ ቦላ ጎዳቲኖ፤ ኡንቱንታ ሞድያዋንቱ ከካቱዋ ጌተቲኖ።

26 ሸን ህንተንቱ ሀዋዳን ሀኖፕተ፤ የዉዋን ቃይ ህንተንቱፕ ጶቃ ግዴዳዋ ህንተ ኡባፕ ጉጵያዋ፤ ህንተንታ ሞድያዋካ፣ ህንተንቶ ቆማዳን ሀኖ።

27 “ቁማ ማናዉ ኡቲዳዋፕን ቁማ አሳዉ አልያዋፕን አን ቦንቼቲ? ቁማ ማናዉ ኡቲዳዋ ግደን? ታን ቃይ ህንተንቱ ግደን ቁማ አልያ ቆማ ማላ።

28 ቃይ ታን ፓጨትያ ዋድያን ህንተንቱ ታናና እትፕ ሞን ኤቁዳዋንታ።

29-30 አ ካወተላ አይድያን ኡታና ማላ ታ አቡ ታና ሱንሉዋዳን፣ ታን ቃይ ታ ካወተላን ታ ጋይታፕ

22:1 ከሳ 12:1-27 * 22:10 ሃላ ቶኬዳ ብታኒ፡- ሄ ዋደ ሄ ጋደን አሳ ጎላን ከተትያ አቱማ ቆማይ ሃላ ቶኮፕ፣ ሄ ጎሊ ዲረ ግድያዋ በሴ። 22:20 ማቶሳ 26:26-28፤ ማር. 14:22-24፤ 1 ቆር. 11:23-25 22:26 ማቶሳ 23:11፤ ማር. 9:35

ማናዳንን ኡሻናዳን፤ ታማነ ላኡ እስራኤልያ ያራቱዋ ቦላ ፕርዲደ፤ ካዉተላ ኦይድያን ኡታና ማላ ሀንተንታ ሱንሳድ” ያጌዳ።

ጳጳሮስ ካዳናዋ የሱስ ካስቲደ ኦይዳ (ማቶሳ 26:31-35፤ ማር. 14:27-31፤ ዮሃ. 13:36-38)

31 ጎዳይ፡ “ሰሞና፤ ሰሞና፤ ታን ኦይያዋ ሰሳ፤ ጳላሂ ሀንተንታ አሳይ ዛርጋ ሀልእያዋዳን፤ ሀልእናዉ ጸሳ ዋሴዳ።

32 ሸን ታን ነ አማኑ ባየናዳን ነ ድራዉ ጋናታድ። ኔን ታኮ ሰሞያ ዋደ ነ እሻቱዋ ሞንሳ” ያጌዳ።

33 ሰሞን ዛሪደ፡ “ጎዳዉ፡ ታን ኔናና ቃሽታናዉን ኔናና እትፕ ሀይቃናዉ ጊጋ ኡታድ” ያጌዳ።

34 የሱስ ቃይ፡ “ጳጳሮሳ፡ ታን ነዉ ያጋይ፤ ሀቼ ብላህያን፤ ኩቱ ዋሳናዉ ሄዙ ገደ ታና ኔን፤ ላ ታን ኤርከ” ጋደ ካዳናሳ” ያጌዳ።

35 የሱስ ባረና ካልያዋንቶ፡ “ኮርጂ፡ ቃርጨቲን ጨማይ ባንታን ታን ሀንተንታ ከቶ ዋደ፡ ሀንተንቶ እትባይ ፓጮዌ ደኢ?” ያጌዳ።

ኡንቱንቱካ፡ “እትባይነ ኑዉ ፓጮቤና” ያጌድኖ።

36 እካ ዛሪደ፡ “ሀእ ቃይ ኮርጂኡ ደእያዌ እክ ቦ፤ ቃርጨት ደእያዌካ ሂዋዳን ኦላ፤ ባይናዌ ቃይ ባረ ማዩዋ ዛልኢደ ማሻ ሻሞ።

37 እያዉ ጎፕ ታ ሀንተዉ ያጋይ፡ ሀዌ ማካላንቻቱና እትፕ ፓይደቱዳ’ ያገት ጸሳ ማጸፋን ጸፈቱዳዌ፡ ታናን ፖለተናን አተና። ኤ፡ ታዉ ጌተቱዳዌ ሀእ ፖለታናዋ” ያጌዳ።

38 እ ካልያዋንቱ፡ “ጎዳዉ፡ ሀዋን ላኡ ማሻይ ደኤ” ያግና እካ፡ “ሄዌ ግዳናዋ” ያጌዳ።

የሱስ ደብረ ዛይተ ደርያን ዋሴዳ (ማቶሳ 26:36-40፤ ማር. 14:32-42)

39 የሱስ ካታማፕ ከሲደ፡ ሀራ ጋላስ ብያዋዳንካ ደብረ ዛይተ ቤዳ። ቃይ እ ካልያዋንቱካ እ ጌዱዋ ቤድኖ።

40 ሄ ሳኦ ጋኪደ፡ “ፓጮያን ሀንተንቱ ገለናን አታና ማላ፡ ዋስተ” ያጌዳ።

41 ሹቻ ኦልና ጋክያሳ ኬና ኡንቱንቱፕ ሃክ ቤዳ። ፕልባቲደ፡

42 “ታ አቦ፡ ኔን ኮይያዋ ግደፕ፡ ሀ መቱዋ ጹኦ ታፕ ድጋ፤ ሸን ታ ሸን ግደፕ፤ ነ ሸን ግደፕ እትን” ያጊደ ዋሴዳ።

43 ሳሉዋፕ ዪደ ሞንሰያ ከታንቻይ አዉ ቤቱዳ።

44 ባረ ዋዛና ግደን ሴለቲደ፡ ዳሪ ዋሴዳ። እ ጨዋትያ ጨዉካ ሳኦ ቦላን ጸክያ ሱላ ማላቲዳ።

45 ዋሳፕ ደንዲደ፡ ባረና ካልያዋንቱኮ ጉየ ቢደ፡ ኡንቱንቱ ዲርፕ ቃረቱዳ ድራዉ፡ ዳቡሪደ ገሞእሸዋንታ ጸሊደ።

46 “አያዉ ገሞእሸቱ? ፓጮያን ገለናዳን ደንድ ዋስተ” ያጌዳ።

የሱስ ባረ ሞርከቱዋ ኩሸያን ኦይቀቱዳ (ማቶሳ 26:47-56፤ ማር. 14:43-50፤ ዮሃ. 18:3-11)

47 የሱስ ሄዋ ሃሳይ ደእሸን፡ ጮራ አሳይ ዬድኖ። ታማነ ላኡ እ ካልያዋንቱፕ እቱዋ ግዴዳ ይሁዳ ጌተትያዌ ሄ አሳ ካለሊደ የራናዉ የሱሳኮ ሸቄዳ።

48 የሱስ ቃይ፡ “ይሁዳዉ፡ ኔን ታና አሳ ናኦ የራደ አሳ እማይ?” ያጌዳ።

49 እ ዩሹዋን ደእያ እ ካልያዋንቱ ሀንትያ የዉዋ ቦኦ ዋደ እ፡ “ጎዳዉ፡ ሀ አሳ ኑን ማሻን ቃንጸኔ?” ያጌድኖ።

50 ኡንቱንቱፕ እቱ፡ ቄሳቱዋ ኡባቱዋ ካፑዋ ቆማ ሸጨደ፡ እ ኡሸቻ ሀይላ ቃንጽ ኦሌዳ።

51 የሱስ ቃይ ዛሪደ፡ “አግተ፡ ባሸተ” ያጌዳ። ብታንያ ሀይላካ ቦቺደ ፓሌዳ።

52 የሱስካ ባረኮ ዬዳ ቄሳቱዋ ካፓቶ፡ ጌሻ ጎልያ ናግያዋንቶ፡ ሱንላቶን ጋድያ ጭማቶ፡ “ፓኑዋ ኦይቄያዋዳን ማሻን ጸሞኦ ኦይቄደ ዪቲ?”

53 ጌሻ ጎልያን ታን ጋላሳን፡ ጋላሳን ሀንተንቱና ደእያ ዋደ፡ ታና ኦይቄቦይክታ፤ ሸን ሀእ ሀዌ ሀንተንቱ ዋደን ጴማ ዋልቃ ዋደ” ያጌዳ።

ጳጳሮስ የሱሳ ካዳዳ (ማቶሳ 26:57-58፤ 69-72፤ ማር. 14:53-54፤ 66-72፤ ዮሃ. 18:12-18፤ 25-27)

54 የሱሳ ኦይቄ ቃቺደ፡ ቄሳቱዋ ኡባ ካፑዋ ጎላ አፊደ ገልሴድኖ። ጳጳሮስካ ኡንቱንቱፕ ጉየ ሃኩዋን ኡንቱንቱ ጌዱዋ ካሌ።

55 ድርሳ ግደን ታማ ኤሊደ፡ እትፕ ኡት ደእሸን፡ ጳጳሮስ ኡንቱንቱ ግደን ዪደ ኡት አጌዳ።

56 ታማይ ፖእያ ባጋና ጳጳሮስ ኡቲደ ደእሸን፡ እት ቆማታ ሎይላ ጸላደ፡ “ሀዌካ አናና እትፕ ደኤ” ያጋዳ።

57 ጳጳሮስ ቃይ፡ “ሀን ሞሽራቱ፡ ታን እ ኤርከ” ያግ ካዳዳ።

58 ጉላ ዋድያፕ ጉይያን፡ ሀራ ብታኒ ጳጳሮሳ ቦኢደ፡ “ኔን ኡንቱንቱና ጋላ ደኦ” ያግና፡ ጳጳሮስ ቃይ፡ “ሀዋ ብታነዉ፡ ታን አናና ጋላ ደእከ” ያጌዳ።

59 እት ሳተ ግድያዋ ጋሞኢደ ሀራ ብታኒ ቆንጮሲደ፡ “እ ጋሊላ ጋይ አሳ ግድያ ድራዉ፡ ሀ ብታኒ አናና እትፕ ደእያዌ ቱማ” ያጌዳ።

60 ጳጳሮስ ቃይ፡ “ሀ ብታነዉ፡ ኔን ግያዌ አየንቶ ታን ኤርከ” ያጌዳ። ሄ ዋድያን እ ብርካ ሃሳይ ደእሸን፡ ኤለካ ኩቱ ዋስ አጌዳ።

61 ጎዳይ ጉየ ሰሚደ፡ ጳጳሮሳ ጸሌዳ። ጳጳሮስ ጎዳይ ባረና፡ “ሀቼ ኩቱ ዋሳና ጋካናዉ፡ ሄዙ ገደ ታና ካዳናሳ” ጌዳ ጎዳ ቃላይ አዉ ቆፈት አጌዳ።

62 ጳጳሮስ ድርሳፕ ካረ ከሲደ፡ ሴለቲደ ዬኬዳ።

63 የሱሳ ኦይቄዳ አሳይ ቅሊጨኖን ሸጨኖ።

64 እ አይፍያ ገዝ ባቄደ፡ “ኔና ባቄዳዌ ኦኔ? ናብያ ግደፕ ኔና ደቻዋ እነ ኦዳ” ያጊደ እ ኦቼድኖ።

65 ቃይ እ ሀራ ጮራ ቦርያ ቦራድኖ።

የሱሳ ፕሮዳዊ አፊድኖ (ማቶሳ 26:59-66፤ ማር. 14:55-64፤ ዮሃ. 18:19-24)

66 ሳኦይ ዋንትና ጋድያ ጭማ አሳቱ፤ ቁሳቸው ካፓቱን ሙሴ ህግያ ታማርሰያዋንቱ፤ የሱሳ ባረንቱ ሺቁዳሳ አፊድ፤

67 “ክርሰቶስ ኔኔ? አነ ኑ ኦዳ” ያጌድኖ። ሽን እ፥ “ታን ህንተንቶ ኦድፕ ታና አማንክታ፤

68 ቃይ ህንተንታ ታን ኦቸፕ ኦድክታ፤ ዋይ ቃሹዋፕ ታና ብልክታ።

69 ሽን ሀ ሳትያፕ ደምና ታን አሳ ናኦይ፤ ሀአፕ ደማድ፤ ዋልቃማ ጸሳ ኡሸቻ ባጋና ኡታና” ያጌድኖ።

70 ኡንቱንቱ ኡባይ የሱሳ፥ “ያትና ኔን ጸሳ ናኤ?” ያጌድኖ።

እካ ዛሪድ፥ “ታን ጸሳ ናኦ ግደዋ ህንተንቱ ሃሳዬድታ” ያጌድኖ።

71 ኡንቱንቱካ፥ “ኑን ኑ ሀጳዉ አ ደናፕ ሰሴድ፤ ሀዋፕ ሰንጻዉ አይ ማርካ ኮሺ?” ያጌድኖ።

23

ጵላጸስ የሱሳ ኦቸዳ (ማቶሳ 27:1፤ 2፤ 11-14፤ ማር. 15:1-5፤ ዮሃ. 18:28-38)

1 ሄዋን ሺቁዳ ኡባቱካ እትፕ ደንዲድ፤ የሱሳ ጵላጸሳኮ አፊድኖ።

2 ኡንቱንቱካ፥ “ሀ ብታኒ ኑ አሳ ባለሌድ፤ አሳይ ሮመ ቢታ ካትያ ቁሳራዉ ጊራ እመና ማላ ድጊድ፤ ቃይ፥ “ታን ካትያ” ያግሸን ደማድ” ያጊደ ሞቱዋ ደማድኖ።

3 ጵላጸሰካ የሱሳ፥ “ሀዋ፥ አይሁዳቱዋ ካቲ ኔኔ?” ያጊደ ኦቸዳ።

የሱሰ ዛሪድ እ፥ “ኔን ጋ ደኣሳ” ያጌድኖ።

4 ጵላጸስ ቁሳቸው ካፓቶን አሳዉ ኦዲድ፤ “ታን ሀ ብታንያ ቦላን አይነ ኢታ ኦሱዋ ደማበይከ” ያጌድኖ።

5 ግደፕ አትን ኡንቱንቱ፥ “ሀ ብታኒ ጋለፕ ደማድ፤ ሀራይ አቶ ሀዋ ጋካናዉካ፥ ይሁዳ ጋድያ ኡባ ባረ ትምርትያን ቃሊድ ደኤ” ያጊደ ሞንስ ኦድድኖ።

የሱሰ ሄሮድሳ ሰንጻ ሺቁዳ

6 ጵላጸሰካ ሀዋ ሰሲድ፥ “እ ጋለላ አሴ?” ያጊደ ኤራናዉ ኦቸዳ።

7 ጵላጸስ ሄሮድሳ ሞድያ ጋድያፕ የሱሰ ዬዳዋ ኤራዳ ዋድ፤ ሄሮድሰካ ቃይ ሄ ዋድያን የሩሳላመን ደእያ ድራዉ፤ እኮ የሱሳ የዴዳ።

8 ሄሮድሰ ዳር ዋድያፕ ደማድ የሱሳ በአናዉ አዋት ደእያ ድራዉ፤ አ በኤዳ ዋድ ዳርፕ ናሸቱዳ። የሱሳ ዋርያ ሰሴዳዋ ድራዉ፤ እ ኦራሳባ ኦላሸን በአናዉ ሀድታን ጋምኤዳ።

9 ሄሮድሰ የሱሳ ዳርባ ኦቸዳ፤ ሽን የሱሰ አዉ እያን ዛርቤና።

10 ቁሳቸው ካፓቱን ሙሴ ህግያ ታማርሰያዋንቱ ሄዋን ኤቁድ፤ የሱሳ ሎይሶ ሞቲድ ደኢኖ።

11 ሄሮድሰን አ ዋታዳራቱ የሱሳ ካዲድ፤ አ ቦላ ቅለጩድኖ። ቦንቼቱዳ ማዩዋ አ ማይዚድ፤ ጵላጸሳኮ ዛሪድ የዴድኖ።

12 ሄሮድሰን ጵላጸሰ ሀዋፕ ካሰና ሞርክያን ደኢኖ፤ ሽን ሄ ጋላስ ሰገቱድኖ።

የሱሳ ሀይቃና ማላ ሞቲድኖ (ማቶሳ 27:15-26፤ ማር. 15:6-15፤ ዮሃ. 18:39—19:16)

13 ጵላጸሰ ቁሳቸው ካፓቱዋ፥ አይሰያዋንታን ሀራ ጮራ አሳ እትፕ ጴሲድ፤

14 ሀዋዳን ያጌዳ፥ “ ህ ብታኒ አሳ ማካላተጻዉ ደን፳።” ያጊደ ታኮ አሄድታ፤ ታንካ ህንተንቱ ሰንጻን ብዳ ጴላድ፤ ህንተንቱ ሺሼዳ ሞቱዋን እት ባላን አ ቦላን ደማበይከ።

15 ቃይ ሄሮድሰካ አ ቦላን አይነ ደምቤና ድራዉ፤ ሃ ኑኮ ዛር የዴዳ፤ ህንተንቱ በእያዋዳንካ፥ ሀ ብታኒ አ ሀይቆ ጋላያባ አይነ ኦላቤና።

16 ሀዋ ድራዉ ታን አ ሙራድ ብላና” ያጌዳ።

17 * 18 አሳይ ኡባይ እትፕ ግዲድ፥ “ሀ ብታንያ ያ ድጋ! ባርባና ግያ የሱሳ ኑዉ ብላ!” ያጊደ ጫቦቲድኖ።

19 ባርባን ካታማን ዋላሳ ደንሊድ፤ አሳ ዋዴዳ ድራዉ፥ ቃሸቱዳዋ።

20 ጵላጸሰ የሱሳ ብላናዉ ኮዪድ፤ አሳዉ ላኤንሉዋ ጉጂድ ሃሳዬዳ።

21 ሽን ኡንቱንቱ፥ “ማሰቃልያ ቦላ ሞሰማርያን ድሻድ ካቃ! ካቃ!” ያግ ዋሴድኖ።

22 ጵላጸሰካ ሄዘንሉዋ ኡንቱንታ፥ “አያዉ? ሀ ብታኒ ኦሌዳ ኢታ ኦሱ አይ? ታን አ ሀይቆ ጋላያ ናቁዋ አይነ እፕ ደማበይከ፤ ሀዋ ድራዉ፤ አ ሙራድ ብላ የዳና” ያጌዳ።

23 ሽን ኡንቱንቱ ባረንቱ ኮሻ ዶቁ ኦሊድ፤ ካቃታናዳን ዳሪ ዋሴድኖ። ኡንቱንቱ ዋሱካ ጵላጸሳ ቆፋ ላማዳ።

24 ሀዋ ድራዉ፥ ጵላጸሰካ ኡንቱንቱ ኦሻይ ሰማናዳን የሱሳ ቦላን ፕሮዴዳ።

25 አሳ ማካላዉ ደን፳ደነ ሸምፑዋ ዋዲድ፤ ቃሸቱዳ ብታንያ ብለታናዳን ኡንቱንቱ ዋሶ ድራዉ፤ ሄ ብታንያ ብሌዳ። ሽን የሱሳ ባረንቱ ሸንያዳን ኮዮዋ ኦላና ማላ፥ አሌ እማዳ።

የሱሰ ማሰቃልያን ካቃቲዳ (ማቶሳ 27:31-44፤ ማር. 15:21-32፤ ዮሃ. 19:17-27)

26 የሱሳ ኦይቁ አፊድ ደእሸን፤ ሰሞና ጌተትያ ቀሬና ብታኒ ሄራፕ ዪድ ደእሸን ደማድ፤ ማሰቃልያ ቶሲድ የሱሳና ባና ማላ ኦሌድኖ።

27 ዳር ጮራ አሳይነ ዬክያ ማጫዋንቱ ጉየና ካሊኖ።

* 23:17 ሀ ፓይዱ፡- “ጵላጸሳዉ ፓሰጋ ባላ ቦንቼዋ ጋላሳን እት ኡራ ቃሹዋፕ ብልያ ደያይ ደኤ” ያጌ። ሽን፥ ዳዉርሉዋ ጌሻ ማጻፋ ኦራሳ ጫቁዋ ግዲዋን ሀ ፓይዱ ጸፈትቤና ጋሱ፥ ሀራ ጌሻ ማጻፋቱዋ ብለላቱዋን ኡባቱዋን ጸፈትቤና ድራሳ።

28 የሱስ ገዢ ሰሚደ ኤንቲንቶ፡ “ህንተኖ፡ የሩሳላሙ ማጫዋንቶ፡ ህንተንቱ ሁጳውን ህንተንቱ ናናው ይክተጥ እትን፡ ታው ይኮጥተ፤

29 ማንሳ ግዴዳዋንቱን የልቤና ኡሉ፡ ቋንቋቤና ቋንቋይ፡ እንጀጅቲዳዋንታ ጌተትያ ዋዲ ያናዋ።

30 ሄ ዋድያን፡ ፋዛቶ፡ ኑ ቦላ ዋድተ፤ ዙኩላቲዋካ፡ ኑና ቆስተ፡ ያጋንታ።

31 ሰም ቃይ ሞላን ሀዋዳን ሀናጥ፡ መላ ሞላን ዋናናዋ?” ያጌዳ።

32 የሱሳና እትጥ ካቀታና ማላ፡ ኢታ ኦሱዋ ኦሴዳ ሀራ ላኡ አሳቲዋካ አፊድኖ።

33 ቄራነው ጌተትያሳ ጋኬዳ ዋድያን፡ የሱሳ ካቄድኖ። ኢታ ኦሶዋንታካ፡ እቲዋ ኡሸቻና፡ የኩዋ ሀድርሳና ካቄድኖ።

34 የሱሳ፡ “ታ አቦ፡ ኤንቲንቱ ባረንቱ አሳያዋ ኤረና ድራው፡ ኤንቲንቱ ናጋራ አቶ ጋ” ያጌዳ።

ኤንቲንቱካ አ ማዩዋ ሳማ የገቲደ ግሸት አኬድኖ።

35 አሳይ ኤቄ ዴልሸን፡ ጋድያ ሞድያዋንቱ፡ “ሀራንታ እሽ፤ ጸሳን ዶረቲዳ ክርሰቶስ አ ግደጥ፡ እነ ባረ ሁጲያ እሽኔ?” ያጌደ ቅሊጩድኖ።

36 ቃይ ዋታዳራቲካ ሸቄደ ቅሊጩድኖ፤ ጫማዳ ዋይንያ ኤሳ አው አህ እሚደ፡

37 “ሀዋ፡ ኔን አይሁዳ ካትያ ግደጥ፡ ነ ሁጲያ አሻ!” ያጌድኖ።

38 ሁጲሳናካ፡ “ሀዋ አይሁዳ ካትያ” ያግያ ጸፋዋ ጸፊድኖ።

39 ኢታ አሊደ ካቀቲዳዋንቱ እቲ፡ ቦሪድነ ቶቹደ፡ “ሀዋ ኔን ክርሰቶሳ ግድኪ? እነ አ ግደጥ፡ ነ ሁጲያነ ኑና አሻ” ያጌዳ።

40 የኩ ቃይ እ፡ “ኔን ሀዋ ማላትያ ፕርዳ ቦላ ደአደካ ጸሳው ያይኪ?”

41 ኑን ኪተቲዳ ባላን ሙራ አኪደ ደኤቶ፤ ኑው በሰያ ሙራ ቦላን ደኤቶ፤ ሸን ሀ ብታኒ እት ኢታባነ ኦሳቤና” ያግ ዛሬዳ።

42 እ የሱሳ፡ “ኔን ነ ካውተላ ዋልቃን ይያ ዋደ፡ ታና ቆጋ” ያጌዳ።

43 የሱሳካ፡ “ታን ነው ቱሙዋ ኦዳይ፡ ሀቼ ታናና እትጥ ጋናትያን ደአናሳ” ያጌዳ።

የሱሳ ሀይቁዋ
(ማቶሳ 27:45-56፤ ማር. 15:33-41፤ ዮሃ. 19:28-30)

44 ሄ ዋደ ኡሱቸን ሳተ ግድያ ኬና፤ ሄዋጥ ኡዲቸ ሳትያ ጋካናው፡ ቢታ ኡባ ቦላን ቋማ ግዴዳ።

45 አዋይካ ባረ ፖኡዋ ድጌዳ፤ ጌሻ ጎልያ ጋርዳካ ፔቲደ ላኡዋ ከሴዳ።

46 የሱሳካ ዳር ቋጭ ጌዳ ቃላን ዋሲደ፡ “ታ አቦ፡ ታን ታ ሸምቸዋ ነ ኩሸያን አላ እማይ!” ያግ ሰሞዋጥ ጉይያን አ ሀይቁዳ።

47 ጴቲዋ ካቸ ሀኒዳ የወዋ በኤዳ ዋደ፡ “ሀ ብታኒ ቱማካ ጽሎ አሳ” ያጌደ ጸሳ ጋላቲዳ።

48 ሀዋ በአናው እትሳ ሸቄዳ አሳይ ኡባይ ሀኒዳ የወዋ በኢደ፡ ባረንቱ ትራ ባቄደ ሰሚድኖ።

49 የሱሳ ኤርያ አሳይ ኡባይን ጋሊላጥ ደሚደ አ ካሊዳ ማጫዋንቱ ሀዋ ጴሊደ፡ ሃኩዋን ኤቄድኖ።

የሱሳ ሞገቲዳ
(ማቶሳ 27:57-61፤ ማር. 15:42-47፤ ዮሃ. 19:38-42)

50 አይሁዳ ሻንጋቲዋ ግዴዳዋንቱ እቲ፡ የሴፎ ጌተትያ ሎአነ ጽሎ ብታኒ ደኤ።

51 ሀ ብታኒ ሻንጋቲዋ ማቄዋን ኤንቲንቱ ኦሱዋን እትጥተላ ኦሳቤና። ጸሳ ካውተላ ዩሳ ሀድታን ናጌደ ደኤ።

52 የሴፎካ ጽላጸሳኮ ቢደ፡ የሱሳ አሃ አካናው ዋሴዳ።

53 አካናዳን ጌተቶዋጥ ጉዩ፡ አሃ ቦላጥ ዋሊደ፡ ሎኦ ሞጉዋ ማዩዋን ጸጸደ፡ ሹቻጥ ዋጩቲደ መጠቲዳ፡ ኦንነ ካሰ ሞገቲቤና ኦላ ግደን ዋሊዳ።

54 ጋላሳይካ ሳምባታ ሞካናው ገግያ ጋላሳ፤ ሳምባታይካ ገላና ሀኔ።

55 ጋሊላጥ ደሚደ የሱሳና እትጥ ዬዳ ማጫዋንቱ ካሊደ፡ ዲፋዋን አ አሃ ዋቲደ ዋሊድኖንቶ በኤድኖ።

56 ኤንቲንቱ ሀዋጥ ሰይ ሰሚደ፡ ሸቲዋን ኦክያዋ እነሀው ገግሴድኖ።

ሀግያ ማራዳን ሳምባታ ጋላሰ ሸምጤድኖ።

24

የሱሳ ሀይቁዋጥ ደንዴዳ
(ማቶሳ 28:1-10፤ ማር. 16:1-8፤ ዮሃ. 20:1-10)

1 ሳምባታጥ ኮይሮ ጋላሳ፡ ማጫዋንቱ ገግሴዳ ሸቲዋ ኦይቄደ ዳሪ ጉሪደ ዲፋዋኮ ቤድኖ።

2 ሹቻይካ ዲፋዋ ደናጥ ጎንደረትና በኤድኖ።

3 ኤንቲንቱ ዲፋዋ ጋርሳ ኦላ ገሎ ዋደ፡ ጎዳ የሱሳ አሃ ደምበይክኖ።

4 ማጫዋንቱ ሰዲደ ደአሸን፡ ዋጭዋጭያ ማዩዋ ማዩዳ ላኡ አሳቲ፡ ቆጥናን ኤንቲንቱ ሞይያን ኤቄድኖ።

5 ማጫዋንቱካ ያሻጥ ደንደዋን ሳኦ ጴሊደ ደአሸን፡ ላኡ አሳቲ፡ “ደኡዋን ደአያዋ፡ አ አያው ሀይቆዋንቱ ግደጥ ኮዩቲ?”

6-7 እ ደንዴዳ፤ ሀዋን ባዋ፡ ቃይካ ጋሊላን ደአያ ዋድያን፡ ሳሳ ናአይ ናጋራንቻቲዋ ኩሸያን አጵ እመታናዋ፤ ማሰቃልያ ቦላን ካቀታናዋ፡ ሄዘንሎ ጋላሰ ሀይቁዋጥ ደንዳናዋ ያገቶዋ ቆጥተ” ያጌድኖ።

8 ማጫዋንቱካ ሄ ዋደ ቃላ አኬኬድኖ።

9 ኤንቲንቱካ ዲፋዋጥ ሰሚደ ሀ ኡባ የወዋ ታማነ እት ኪተቶዋንቶን ኤንቲንታ ካልያዋንቶ ኡባቶ ኦዴድኖ።

10 ሀዋ የሱሳ ከቶዋንቶ ኦዴዳዋንቱ፡ ማግዳላጥ ዬዳ ማይራዋ፡ ዮሃና፡ ያቆባ ዳዮ ማይራዋን ኤንቲንቱና እትጥ ደአያ ሀራ ማጫዋንታ።

11 ኤንቲንቶ ማጫዋንቱ ኦድያ ቃላይ ቃጅያዋ ማላትና አማንበይክኖ።

12 ሽን ሄ ወደ ጳጳሮስ ደንዲደ ዲፋዎኮ ወደዱ። ያ ጋኪደ ሆክ ይልያ ወደ፡ ጋርሳን ሞጉዋ ማዮ ጳላላይ ደእያዋ በኤዳ። ሆኖ የወዋንካ ማላለቲደ፡ ጎላ ሰሜዳ።

ኤማሁሳ ኦግያን የሱስ ላኦ አሳቶ ቆንጨዳ (ማር. 16:12፣ 13)

13 ሄ ጋላስ የሱሳ ካልያዋንቱ ላኦ አሳቶ የሩሳላመጥ ላኦ ሳትያ ሃክያ ኤማሁሳ ጌተትያ ሄራ ቢደ፤

14 እቱ እቱዋና ሀኔዳ የወዋ ኡባ ሃሳይ ደኢኖ።

15 ኤንቱንቱ ሃሳይደን ዘረቲደ ደእሽን፣ የሱስ ባረ ሁጳወ ዪደ ኤንቱንቱ ሞይያ ሸቂደ ኤንቱንቱና ቢደ ደኤ።

16 ሽን ኤንቱንቱ ባረ አይፍያን ደሊደ አ ግድያዋ ሻክ ኤራናወ ዳንዳይበይክኖ።

17 የሱስ፡ “ሀንተንቱ ኦግያ ቦላን እቱ እቱዋና ሃሳይያዋ አይ?” ያግ ኦቹዳ። ኤንቱንቱካ ዳጋማን ለቸሚደ ኤቄድኖ።

18 ኤንቱንቱ እቱ ቀልዮጳ ጌተትያዋ፡ “ሀ ግድዋን የሩሳላመን ሆኖ የወዋ ኤረናወ ነ ጳላላይ ሀ ጋደወ አማፍ?” ያግ ዛሬዳ።

19 የሱስ፡ “እ አይ?” ያግና፡ ኤንቱንቱካ፡ “ጳሳ ሰንፋን አሳ ኡባ ሰንፋን ቃላን ኪታን ሞኖ ናብያ ግዴዳ ናዘራትያ የሱሳ ሃሳይቶ።

20 እካ ቄሳቱዋ ካፓቱን ኑና ሞድያዋንቱ ሀይቁዋ ፕርዳወ አሐ አሜድኖ፤ ማሰቃልያ ቦላን ወደድኖ።

21 ኑን ካሰና፡ “እሰራኤልያ አሳ ዋዛናዋ” ያግ ሀደቶዋ አ፤ ሽን ሀ የወ ሀነቲደ አዶደፕ ሄዙ ቃማ ግዴዳ።

22 ኑ ግደፕ እት እት ማጫዋንቱ ኑና ማላልሴድኖ። ኤንቱንቱ ጉራን ሀን ዲፋዋ ቤድኖ።

23 ሽን የሱሳ አሃ ኤንቱንቱ ጳዮ ወደ ሸረት ሰሚደ፡ እ ደንዳዳ፤ ያግያዋ ኪታንቻቱ ኦድሽን በኤዶ ያግ ኦዴድኖ።

24 ኑ ግደፕ እት እት አሳይ ዲፋዋ ቢደ ኤንቱንቱ ሳዋዳን ሀንና በኤድኖ፤ ሽን የሱሳ አሃ ደሞበይክኖ” ያጌድኖ።

25 የሱስ ኤንቱንቶ፡ “ሀንተኖ፡ እኬከና አሳቶ፡ ሀንተንቱ ዋዛናን ናባቱ ኦዶዋ ኡባ ኤላ አማናዋንቶ፤

26 ክርስቶስ ሀ መቱዋ አካናወነ ባረ ቦንቹዋኮ ገላናወ በሰነ?” ያጌዳ።

27 ሄዋፕ ሰሚደ የሱስ ሙሴ ማጻፋቱዋፕን ናባቱ ጳፌዳ ማጻፋቱዋፕ ደሚደ፡ ጳሳ ማጻፋቱዋ ኡባን ጳፌቱዳ ባረባ ኤንቱንቶ ብሊደ ኦዴዳ።

28 ኤንቱንቱ ብደእያ ሄራ ማቴዳ ወደ፡ የሱስ ሀራሳ ብያዋ ማላቱዳ።

29 ሄ ወደ ኤንቱንቱ አ፡ “ጋላሳይ ቃሚደ ደእያ ድራወ፡ ኦማርሳይ ማቴዳ፤ ኑናና እትፕ አቃ!” ያግ ሞንሰ ዋሴድኖ። ሀዋ ድራወ፡ እካ ኤንቱንቱና እትፕ አቃናወ ገሌዳ።

30 ኤንቱንቱ እትፕ ጋይታን ኡቱዳ ወደ፡ ዳቡዋ ደንፊደ አንጄዳ፤ መንፈደ ኤንቱንቶ አሜዳ።

31 ኤንቱንቱ አይፊካ አ እኬካና ማላ ደየትና፡ የሱሳ ግድያዋ ኤሬድኖ። እካ ኤንቱንቱ ሰንፋፕ ጌሚዳ።

32 ኤንቱንቱካ እቱ እቱዋ፡ “ቃዳእን እትፕ ኑ ደእሽን፣ ኑና እ ሃሳይሰያ ወድያንን ጳሳ ማጻፋቱዋካ ኑወ ቆንጭሲደ እ ኦድያ ወድያን፣ ኑ ዋዛና ግድን ታማዳን ሴሌ ግደኔ?” ጌተቱድኖ።

33-34 ሄ ወድያንካ ደንዲደ የሩሳላመ ሰሜድኖ። የሱስ ኪቶ ታማነ እታቶን ኤንቱንቱና እትፕ ደእያዋንቶ፡ “ሳዳይ ቱሙዋካ ደንዳዳ፡ ሰሞናወካ ቤቱዳ” ያጌደ ሄዋን እትፕ ሸቅ ኡቱዳዋንታ ደሚድኖ።

35 ሄ ላአቱ፡ ቃዳእን ሀኔዳዋን የሱስ ዳቡዋ መንፈያ ወደ ዋት አ ኤሬድኖንቶ ኤንቱንቶ ኦዴድኖ።

የሱስ ባረና ካልያዋንቶ ቤቱዳ (ማቶሳ 28:16-20፤ ማር. 16:14-18፤ ዮሃ. 20:19-23፤ ኪታ 1:6-8)

36 ሀዋ ኤንቱንቱ ሃሳይ ደእሽን፡ የሱስ ኤንቱንቱ ግድን ኤቄደ፡ “ሳርተላይ ሀንተወ ግደ” ያጌዳ።

37 ኤንቱንቶ ሞይትልያ በአዋ ማላትና ዳጋሚደ፡ ያሻን ኩሜድኖ።

38 እካ ኤንቱንታ፡ “አያወ ዳጋሚቱ? አያ ድራወ ሀንተንቱ ዋዛናይ ሰዲ?”

39 ታን የሱሳ ግድያዋ ኤራናወ፡ አነ ታ ኩሽያን ታ ገድያ በእተ፤ ታናን ሀንተንቱ በእያዋዳን፡ ሞይትለወ አሽነ መቀላይ ባዋ። አነ ታና ሀንተንቱ ኩሽያን ኦይቂ በእተ” ያጌዳ።

40 ሀዋ ያግ ሰሚደ፡ ባረ ኩሽያን ባረ ገድያ በሴዳ።

41 ኤንቱንቱካ ናሽቻፕ ደንዶዋን፡ አማናን ማላለት ደእሽን እ፡ “ሀዋን ማተትያወ ሀንተንቶ ደኢ?” ያግ ኤንቱንታ ኦቹዳ።

42 ኤንቱንቱካ፡ ጲጳጳዳ ሞልያፕ ላፋ ፑሩዋ አወ አሜድኖ።

43 እካ እኪደ ኤንቱንቱ ሰንፋን ሜዳ።

44 እካ፡ “ታን ሀንተንቱና እትፕ ደእደ፡ ሙሴ ማጻፋን፡ ናባቱዋ ማጻፋንን ቃላን ጳፊቶ ማዘሙረቱዋን ታ ድራወ ጳፊቱዳ ኡባይ ፖለታናወ በሴ” ያጋደ ሀንተንቶ ኦዴዳ የወ ሀዋ” ያጌዳ።

45 ሄ ወድያንካ ጳሳ ማጻፋቱዋን ጌተቶዋ እኬካና ማላ፡ ኤንቱንቱ ዋዛና ዶይዳ።

46 ኤንቱንቶ፡ “ ክርስቶሳ መቱ ጋካናዋ፤ ሄዘንፈያ ጋላስ ሀይቁዋፕ ደንዳናዋ።

47 አ አ ሱንፋን ናጋራ ፓጳላይን ማርታ ደሙሳይ የሩሳላመፕ ደሚደ አሳወ ኡባወ ኦደታናዋ” ያገቲደ ጳፊቱዳ።

48 “ሀንተንቱካ ሀዋ ማርካቱዋ።

49 ታ ሀንተንቶ፡ ታ እቡ ቃላ ገሌዳ ሀደታ የዳና፤ ሄዋ ጋካናወን ሀንተንቶ ዋልቃይ ሳሉዋፕ እመታና ጋካናወ፡ የሩሳላመ ካታማን ናግሸተ” ያጌዳ።

የሱስ ሳሉዋ ሰሚደ ቤዳ (ማር. 16:19፣ 20፤ ኪታ 1:9-11)

50 ሀዋፕ ጉይያን፡ ቢታንያ ጌተትያ ካታማ ጋካናወ፡ ኤንቱንታ አፌዳ፤ ባረ ኩሽያ ሞጪደ ኤንቱንታ አንጄዳ።

51 ኤንቱንቱፕ ሻከቲደ፡ ሳሉዋ ቤዳ።

⁵² ኢንቴንቱ አጠ ጎይኒደ፥ ዳር ናሽቻን
የሩሳላሙ ሰሜድኖ።

⁵³ ቃይ ፓጩናን ጸሓ ጋላቲደ፥ ጌሻ ጎልያን
ደኤድኖ።

የሃንሳ ጸፊዳ ምሽራቸው ቃላ ገሎቀ

የሃንሳ ጸፊዳ ምሽራቸው፡ የሱስ አሹዋ ማዪደ አሳ ግዲዋን ቤቱዳ ደኡዋ ጸሳ ቃላ ግድያዋ ቆንጭሴ። ሀ ማጻፋይ ባረ ሁጳው ቆንጭሴያዋን ሀ ምሽራቸው ቃላይ ጸፈቴዳዊ፡ አ ናባብያ አሳይ የሱስ አሳ አሽያ ቆልያ ግዲደ ያናዋ ጌተቴዳ ጸሳ ናኦ ግድያዋ አማናና ማላነ አን አማኖ ጋሱዋን መድና ደኡ ኡንቴንቶ ደአናዋ ኡንቴንቱ ኤራና ማላ ጸፈቴዳ (20:31)።

ምሽራቸው ቃላው ኮይሮ ሻኩ መድና ጸሳ ቃላይነ የሱስን እቱዋ ግድያዋ ኦድ ሰሚደ፡ የሱስ አሽያዋ ግዲደ ያና ጌተቴዳ ጸሳ ናኦ ግድያዋ በሰያ ዲማ ዲማ ማላታቱዋ ሺሼ። ሄዋጥ ካሊደ ቃይ ሀ ማላታቱዋጥ ቤቱዳ አይፍያ ኦድያ ታርካቱ ካለና። ሀ ክፍሊ እት እት አሳይ የሱሳን አማኒደ፡ አ ካልያዋንታ ግዴዳዋ ኦዴ፤ ሀራቱ ቃይ አ አያው እጹደንቶን አን አያው አማኖኮ ጌደንቶ ኦዲና። (ሸምጥዋ 13-17) የሱስ ኦይቀቴዳ ኦማርሰ አው አ ካልያዋንቱና አይ ኬና ምኖ እትጥተላይ ደአንቶን፡ ቃይ አ ካቀታናው ማቴዳ ዋንተላ ጋላሰ ኡንቴንቶ ገገታና ማላነ ምናና ማላ አ ሃሳዬዳ ቃላ ኦዲና። ወርሰላ ሸምጥቱ የሱስ ኦይቀቴዳዋን ፕርዳው ሺቆዳዋ፡ አ ካቆዋን አ ደንዲዋ፡ ቃይካ ደንዲዋጥ ጉይያን ባረና ካልያዋንቶ አ ቆንጭዳ ሀናታ ኦዲና።

የሃንሳ ጎዳ የሱስ ክርሰቶሳ ባጋና ቤትያ መድና ደኡዋ ቆንጭያን በሰያ ሀ አቶ ኬካተላይ ሀአጥ ደሚደ የሱስ አገ፡ ቱማነ ደኡ ግድያዋ አማንያዋንቱሳ። የሃንሳ ጸፊዳ ምሽራቸው ቃላ ሀራቱዋጥ ዲማይያዊ፡ አያና ቱማተላቱዋ ታማርሳናው ደኡዋ ኡባን አሳይ ሜዘቴዳ ቃላቱዋ ጎኤትያ ድራሳ። ሄዋንቱካ፡ ሃላ፡ ሶሉዋ፡ ፖኡዋ፡ ሄንላንቻ፡ ደርሳ፡ ዋይንያ ምላ፡ ዋይንያ አይፍያን ሄዋንታ ማላትያዋንታ።

ዋሹማደ አይቀቴዳ ምሽራት ታርክያ 7:53—8:11 ጮራ ብለላቱነ በን ማጻፋቱ ባረንቱን ጉጅክና፤ ሀራቱ የሃንሳ ምሽራቸውን 21:24ጥ ጉይያን ገልሲና፤ ሀራንቱ ቃይ ሉቃሳ ምሽራቸው ሉቃሳ 21:38ጥ ጉይያን ገልሲና፤ እት በን ጸፈቴዳ ብለላይ የሃንሳ ምሽራቸው 7:36ጥ ጉይያን ገልሴዳ።

ሸምጥቱዋ ኡባቶ አመቴዳ ቃንላ ቆፋቱዋ
ሀ ማጻፋ ጸፊዳዋ ቆፋ 1:1-18
ጸማቅያ የሃንሳን የሱሳ ኮይሮ ካሌዳዋንታ 1:19-51
የሱሳ ኦሱዋ ደመላ 2:1—12:50
የሩሳላመን እዝ ዩሹዋን ወርሰላ ጋላሳቱዋን ሀኔዳ የሱሳ ኦሱዋ 13:1—19:42
ጎዳ የሱሳ ደንዲዋን ቆንጭላ 20:1-31
ወርሰላ ቅትያ፡ ጋሊላን ዛሪደ ባረና ካልያዋንቶ የሱስ ቆንጭዳዋ 21:1-25

ደኡዋ ቃላ
1 ቃላይ ኮይሮ ደኡ፤ ቃላይካ ጸሳና እትጥ ደኡ፤ ቃላይካ ጸሳ።
2 እ ኮይሮጥካ ጸሳና ደኡ።
3 ኡባባይ ቃላ ባጋና መጠቴዳ። መጠቴዳባን ኡባባን እ ባይናን እትባይነ መጠጥቤና።
4 እን ደኡ ደኡ፤ ደኡ አሳው ፖኡዋ።
5 ፖኡ ቆማን ፖኡ፤ ቆማይ ፖኡዋ ጸንቤና።
6 ጸሳጥ ከተት ዬዳ አ ሱንላይ የሃንሳ ጌተትያ እት ብታኒ ደኡ።
7 አሳይ ኡባይ አ ባጋና አማናና ማላ፡ ፖኡዋባ ማርካታናው ዬዳ።
8 ፖኡዋባ ማርካታናው ዬዳጥ አትን፡ እ ባረ ሀጳው ፖኡዋ ግድና።
9 እካ ቱሙ ፖኡዋ ግዴዳዋ አሳው ፖአሳናው ሀ ሳኦ ይያዋ።
10 ቃላይ አላምያን ደኡ፤ ጸሳይ ቃላን አላምያ መዴዳ፤ ሸን አላሚ አ ኤርቤና።
11 እ ባረ ባጋቱዋኮ ዬዳ፤ ሸን ኡንቴንቱ አ ሺሽ አክበይክና።
12 ግድጥ አትን እ ባረና ሺሽ አኬዳ ኡባቶ፡ ባረ ሱንላን አማኔዳዋንቶ፡ ጸሳ ናና ግዳና ማላ፡ ማታ አሜዳ።
13 ኡንቴንቱ ጸሳጥ የለቱድፖጥ አትን፡ አሳይ የልያ ማራን ዋይ አሹዋ ሸንያን ዋይ አቱማ አሳ ሸንያ ጸላላን የለትቤክና።
14 ቃላይ አሳ ግዲደ፡ አቶ ኬካተላንን ቱማተላን ኩሚደ ኦ ግዲዋን ደኡዳ። ኦን፡ እ ባረ አቦ እት ናኦ ግዲደ አኬዳ አው ደአያ ባረ አውዋ ቦንቸዋ በኤደ።
15 የሃንሳ አባ ባረ ኮሻ ቆቁ አላደ፡ “ታን፡ ታጥ ካላ ይያዌ ታጥ ቦላ፤ አያው ጎጥ፡ ታ የለታናጥ ካሰና እ ደአያዋ” ጋደ ሀንተንቶ ኦደዌ ሀዋ” ያግ ማርካቱዳ።
16 ኦን ኡባይ አ ኩሙንላ አቶ ኬካተላን ፓላሄዳ አንጂዋ አኬደ።
17 ጸሳይ ሀግያ ሙሴ ባጋና አሜዳ፤ ሸን አቶ ኬካተላይን ቱማተላይ የሱስ ክርሰቶሳ ባጋና ዬዳ።
18 ጸሳ በኤዳ አሳይ ኦንን ባዋ፤ ባረ አውዋ ማታን ደአያ ባረ ሀጳው ጸሳ ግዴዳዌ እት ናኦ ጸላላይ አባ ማርካቱዳ።

ጸማቅያ የሃንሳ ማርካተላ (ማቶሳ 3:1-12፤ ማር. 1:1-8፤ ሉቃሳ 3:1-18)

19 የሩሳላመን ደአያ አይሁዳቱዋ አይሰያዋንቱ ቄሳቱዋን ሊዋቱዋ የሃንሳኮ፡ “ኔን ኦኔ?” ጌደ አ ኦቻና ማላ ከትና፡ የሃንሳ ኡንቴንቶ ማርካቱዳ ማርካተላይ ሀዋ።
20 የሃንሳ፡ “ታን ክርሰቶሳ ግድከ” ያጌደ ጌሽ ማርካቱዳዋጥ አትን፡ ማርካቱሳ እጽቤና።
21 ኡንቴንቱ፡ “ያትና፡ ኔን ኦኔ? ኔን ኤላሴ?” ያጌደ ኦቹድና።
የሃንሳ፡ “አ ግድከ” ያጌዳ።
ቃይካ ኡንቴንቱ፡ “ኔን ናቤ?” ያጌደ ኦቹድና።
የሃንሳ፡ “ግድከ” ያግ ዛራዳ።

22 ኢንቴንቲ፡ “ያትና ኔን ኦኔ? ኩን ኩና ኪቲዳዋንቶ ኦዳና ማላ፡ ኔን ኔና ኦና ጋይ?” ያጌድኖ።

23 የሃንሰ ዛሪድ፡ “ናብያ እሳያሰ ጌዳዋዳን፡ ዋራን ባረ ቃላ ቶቄ ኦሊድ፡

“ ሳዳ ኦግያ ሰት ኦላተ! ” ግያ ኮሻይ ታዋ”

ያጌድ።

24 ቃይ ፓርሳዋቱ ኪቲዳ አሳቱ

25 የሃንሳ፡ “ኔን ክርሰቶሳ ዋይ፡ ኤላሳ ዋይ ናብያ ግዳና ቆየ፡ ያትና ኦያው ጸማቃይ?” ያጌድ ኦቼድኖ።

26 የሃንሰ፡ “ታን ሃላን ጸማቃይ፤ ሸን ሀንተንቱ ኤሪናዌ እቱ ሀዋን ሀንተንቱ ግዳዋን ደኤ።

27 እ ታፕ ካላ ዩ። ታን አ ጫማ ቃሹዋ ብላናውካ በሰከ” ያግ ዛሪድ።

28 ሀዌ ኡባይ የርዳኖሳ ሻፋፕ ሄፍንላ ባጋ የሃንሰ ጸማቅያሳ ቢታንያን ሀኔዳ።

ጸሳ ኦርገ ደርሳ

29 የሃንሰ ዋንተላ ጋላሰ የሱሰ ባረኮ ይያዋ በኢድ፡ “ጸሳ ኦርገ ደርሳ፡ * አላምያ አሳ ናጋራ ቆይሰያዌ፡ ሀዌሽ!

30 ታን፡ “ታፕ ካላ እቱ ያናዋ፤ እ ታፕ ቦላ፤ ኦያው ጎፕ፡ ታ የለታናፕ ካሰና እ ደኤዋ” ጋይ ኦዳዌ ሀዋ።

31 እ ኦንቶ ታን ኤርከ፤ ሸን እሰራኤልያ አሳው አ ቆንጭሳናው ሃላን ጸማቃድ ያድ” ያጌድ።

32 የሃንሰ ማርካቲድ፡ “ጌሻ ኦያናይ ሳሉዋፕ ሀራጽያዳን ዋድሺናን አ ቦላን ኡትሽን፡ ታን በኦድ።

33 ታን አ ኤርከ፤ ሸን ሃላን ጸማቃና ማላ ታና ኪቲዳ ጸሳይ፡ “ጌሻ ኦያናይ ዋድድ፡ እት አሳ ቦላ ሸምፕሽን፡ ኔን በኦና፤ እካ ጌሻ ኦያናን ጸማቅ” ያጌድ ታው ኦዳድ።

34 ታን ሄዋ በኦድ፤ እ ጸሳ ናኦ ግድያዋካ ማርካታይ” ያጌድ።

የሱሰ ኮይሮ ባረና ካልያዋንታ ደራዳ

35 ዋንተላ ጋላሰ የሃንሰ ሸረቲደካ ባረና ካልያዋንቲፕ ላኦቲዋና እትፕ ኤቁዳ፤

36 እ የሱሰ አድሸን በኢድ፡ “ጸሳ ደርሳይ ሀዌሽ!” ያጌድ።

37 የሃንሳ ካልያ ላኦቲ የሃንሰ ግያዋ ሰሲድ፡ የሱሳ ካሌድኖ።

38 የሱሰ ባረና ካልያዋንታ ጉየ ሰም በኢድ፡ “ኦያ ኮዩቲ?” ያግ ኦቼድ።

ኢንቴንቲ ዛሪድ፡ “ረቢ፡ ኔን ሀቃን ደኦይ?” ያጌድኖ። “ረቢ” ጉሳይ “ታማርሰያዎ” ግያዋ።

39 የሱሰ ኢንቴንቲ፡ “ሃ ዩደ በእተ” ያጌድ። ኢንቴንቲ ቢድ፡ እ ደኤያሳ በኤድኖ፤ ሄ ጋላሰ

ሳኦይ ታሙ ሳተ ሄራ ግድያ ድራው፡ ኢንቴንቲ ኦናና ፔሼድኖ።

40 የሃንሰ ጌዳዋ ሰሲድ፡ የሱሳ ካሌዳ ላኤ አሳቱዋፕ እቱ፡ ሰምና ጸጽሮሳ እሻ እንድራሳ።

41 እንድራሰ ኮይሮ ባረ እሻ ሰምና ደሚድ፡ “ኔን ጸሳይ ኪቲዳዋና ጋከቲድ” ያጌድ። ሄዋ ጉሳይ “ክርሰቶሳ” ግያዋ።

42 እንድራሰ ሰምና የሱሳኮ ኦያዳ።

የሱሰ ሰምና በኢድ፡ “ኔን የሃንሳ ናኦ ሰምና፤ ነ ሱንሳይ ኬፋ ጌተታናዎ” ያጌድ። “ኬፋ” ግያዋ ብለላይ “ጸጽሮሳ” ዋይ “ዛላ” ግያዋ።

የሱሰ ፕልጶሳን ናትናኤላ ጸጌዳ

43 ዋንተላ ጋላሰ የሱሰ ጋላላ ባናው ቆፋ ቃቼዳ፤ እ ፕልጶሳና ጋከቲድ፡ “ታና ካላ!” ያጌድ።

44 ፕልጶሰ፡ እንድራሰን ጸጽሮሰ ደኤዳ ቤተሳይዳ ጌተትያ ካታማፕ ዩዳ አሳ።

45 ፕልጶሰ ናትናኤላና ጋከቲድ፡ “ሙሴ ማጻፋቱዋንን ናባቱዋ ማጻፋቱዋን † አባይ ጸፈቲዳዋዳን፡ የሱሮ ናኦ የሱሰ ናከራተ ካታማን ደኤያዋና ኩን ጋከቲድ” ያግ ኦዳድ።

46 ናትናኤል ዛሪድ፡ “ናከራተ ካታማፕ ሎኦባይ ከሳናው ዳንዳዩ?” ያጌድ።

ፕልጶሰ፡ “ያደ በኦ” ያጌድ።

47 ናትናኤል ባረኮ ይያዋ የሱሰ በኢድ፡ “ማካላይ ባይና ቱሙ እሰራኤልያ አሳይ ሀዋ!” ያጌድ።

48 ናትናኤል የሱሳ፡ “ኔን ታና ሀቃን ኤራይ?” ያግ ኦቼድ።

የሱሰ ዛሪድ፡ “ፕልጶሰ ኔና ጸሳናፕ ካሰ፡ ኔን ባላሰያ ጌተትያ ሞላፕ ሀርክና ደኤሽን፡ ታን ኔና በኦድ” ያጌድ።

49 ናትናኤል ዛሪድ፡ “ታማርሰያዎ፡ ኔን ጸሳ ናኦ! ኔን እሰራኤልያ ካትያ!” ያጌድ።

50 የሱሰ፡ “ታን ኔና ባላሰያ ጌተትያ ሞላፕ ሀርክና በኦድ ጌዳ ድራው አማናይ? ኔን ሀዋፕ አድያዋ በኦና!” ያጌድ።

51 ቃይካ የሱሰ፡ “ታን ሀንተንቶ ቱሙዋ ኦዳይ፤ ሳሉ ደየትና፡ ጸሳ ኪታንቻቱ ታ ቦላ፡ አሳ ናኦ ቦላ፡ ቸደ ከሰሺናን ዱገ ዋድሺን፡ ሀንተንቲ በኦና” ያጌድ።

2

የሱሰ ቃና ካታማ ቡላቻሳ ቤዳ

1 ሄዘንሶ ጋላሰ ጋላላ ጋድያን ቃና ጌተትያ ካታማን ቡላቻይ ቡላቻቲዳ፤ የሱሳ ዳያ ሄ ቡላቻን ደኦው።

2 የሱሰካ ባረና ካልያዋንቲና እትፕ ሄ ቡላቻ ጸሰቲዳ።

3 ዋይንያ ኡሻይ ወር ድግና፡ የሱሳ ዳያ አ፡ “ኢንቴንቶ ዋይንያ ኡሻይ ወር ድጌዳ” ያጋ ኦቻድ።

1:23 አሳ. 40:3 * 1:29 ጸሳ ኦርገ ደርሳ፡ ፓሰጋ (ከሱዋ)፡ አይሁደ አሳቱዋ ፓይዲዋን ኒሳን ጌተትያ አገና ግዲደ ቶጽያ አሳ ፓይዲዋን ላፑንያን ሆሰፑንያ አገናቱዋ። አይሁደ አሳን ፓሰጋ ጌተቶዌ፡ ጸሳይ እሰራኤልያ አሳቱዋ ግብጾፕ ዋልቃማ ማላታን ከሴዳ ዋድያ ግድያ ድራሳ። ዋጋ 23:5-8 ጸልተ። ጸሳ ኦርገ ደርሳ፡ ኦራፋ ጫቁዋን ክርሰቶሳን ጸሴቶ ጋሱ፡ እ ሀ አላምያ አሳ ሀይቆ ባረና አላ እሚደ መድና ሙራፕ ከሰ አኮ ድራሳ። 1 ቆር. 5:7፤ 1 ጳጵ. 1:18-19 ጸልተ። † 1:45 ሙሴ ማጻፋቱዋንን ናባቱዋ ማጻፋቱዋን፡- አይሁዳቱዋ ማጻፋ፡ ኤጫ ጫቁዋ። 1:51 ደመሳ 28:12 * 2:4 ታ ዋዲ፡ ሀዋ ጉሳይ የሱሳ ቱሙ ቦንቹ በኤታናው በሴን እ ጸሳ ናኦ ግድዌ ኤሪታናው በሴ ግያዋ።

4 የሱስ ዛሬደ፡ “ታ ዳዬ፡ ሀዌ ታ ኦሱዋ ግድያ ድራው፡ ነ ያናና ኮሸና፡ ታ ዎዲ * ብር ጋክቤና” ያጌዳ።

5 የሱሳ ዳያ ከተትያዋንቶ፡ “እ ህንተንቶ ኦድያዋ እያ ግድግና ኦሳተ” ያጋ ኦዳዲ።

6 አይሁዳቱ ካስ ኦሳያ ደያዳን፡ ሜቻ ዎጋው እቱ እቱ ጾቱ ጸራሙሰያ ኦይቂያ ኡሱቸን ሹቻ ባላቱ ሄዋን ደኢና።

7 የሱስ ከተትያዋንታ፡ “ባላቱዋን ሃላ ኩንሳተ” ያጌዳ፤ ጌተቶዋዳንካ ኤንቱንቱ ባላቱዋን ደና ጋካናው ሃላ ኩንሴድና።

8 የሱስ ኤንቱንታ፡ “ሀእ ዲቂደ፡ ቡላቻ ካፖ እምተ” ያጌዳ፤ ኤንቱንቱ እው አፊደ እሜድና።

9 ቡላቻ ካቸ ዎይንያ ኡሻ ግዴዳ ሃላ ጋንጽ ጸሊደ፡ ሀቃጥ ዬደንቶ ኤርቤና፤ ሸን ሃላ ኩንሴዳ አሳንቻቱ ኤሪና። ቡላቻ ካቸ ማቻቶ አክያዎ ጸሲደ።

10 “አንነ አይፈ ግዴዳ ዎይንያ ኡሻ እማላ አሳ ካስቲደ ኡሼ፤ ያቲደ አሳይ ዳርስ ኡሼዳዋጥ ጉይያን፡ ቅራርያ ኡሼ። ሸን ኔን አይፈ ግዴዳ ዎይንያ ኡሻ ሆኖ ጋካናው ናጋዳ!” ያጌዳ።

11 የሱስ ባረ ኦሳዳ ዎልቃማ ማላታቱዋጥ ሀዋ ኮይሩዋ ጋለላ ጋድያን ቃና ጌተትያ ሄራን ኦሳዳ፤ ሄዋን ባረ ቦንቸዋ እ ቆንጭሰና፡ አ ካልያዋንቱ እን እማኔድና።

12 ሄዋጥ ጉይያን፡ የሱስ ባረ ዳይና፡ ባረ እሻቱዋናን ባረና ካልያዋንቱና እትጥ ቅፍርናሆማ ጌተትያ ካታማ ቢደ እማሬዳ ጋላሳ ታኬድና።

የሱስ ጌሻ ጎልያ ግቢያጥ ዛልእያዋንታ ከሴዳ

(ማቶሳ 21:12-13፤ ማር. 11:15-17፤ ሉቃሳ 19:45-46)

13 አይሁዳቱ ቦንቸያ ፓሰጋ ባላ ጋላሳይ ማታትና፡ የሱስ የሩሳላሙ ቤዳ።

14 ጌሻ ጎልያ ግቢያጥ ሚዛ፡ ደርሳነ ደሳማቱዋ ዛልእያ አሳ ደሜዳ፤ ቃይ ሀራቱ ባረንቱ ኦይድያን ኡቲደ፡ ሚሻ ላምያዋንታ ደሜዳ።

15 እ ጎላ ጅራፍያ ደቂደ፡ አሳ ኡባ ደርሳናን ምያና ጌሻ ጎልያ ግቢያጥ ካረው ከሲደ የደርሴዳ። ሚሻ ላምያዋንቱ ኦይድያካ አላ የጊደ፡ ኤንቱንቱ ሚሻ ላሌዳ።

16 ደሳሙዋ ዛልእያዋንታ እ፡ “ሀ ደሳማቱዋ ሀዋጥ ከሰተ፤ ታ አቡ ጎልያ ገያ አላጥተ!” ያጌዳ።

17 የሱሳ ካልያዋንቱ ጸሳ ማጻፋን፡ “ታን ነ ጎለው ሴለትያ ሴላይ ታና ታማዳን ጉዳ” ጌተቲደ ጸፈቱዳዋ ሀሳዬድና።

18 ሄዋጥ ጉየ፡ አይሁደ አሳ አይሰያዋንቱ ዛሬደ፡ “ነው ሀዋ አላናው ዳንዳይያ ማታይ ደእያዋ ኑና እያ ማላታ በሳኒ?” ያጌድና።

19 የሱስ፡ “ሀ ጌሻ ጎልያ ኮልተ፤ ታን ሄዙ ጋላሳን ዛራደ ኬጻና” ያጌዳ።

20 ቃይካ አይሁደ አሳ አይሰያዋንቱ፡ “ሀ ጌሻ ጎልያ ኬጻናው ኦይታማን ኡሱቸን ላይላ አኬዳ፤ ሸን ኔን ሄዙ ጋላሳን ኬጻኒ?” ያጌድና።

21 ሸን እ ሃሳዬዳ ጌሻ ጎሊ ባረ አሳተላባ።

22 ሄዋ ድራው፡ የሱስ ሀይቁዋጥ ደንዴዳዋጥ ጉይያን፡ የሱሳ ካልያዋንቱ እ ሄዋ ጌዳዋ ሀሳዬድና። ቃይ ኤንቱንቱ ጸሳ ማጻፋይ ጌዳዋን የሱስ ሃሳዬዳዋ እማኔድና።

23 ፓሰጋ ባላ ቦንቸያ ዎደ፡ የሱስ የሩሳላሙን ደእሸን፡ እ ኦሳዳ ማላታ በኢደ፡ ጮራ አሳይ አ እማኔድና።

24 ሸን የሱስ አሳ ኡባ ኤርያ ድራው፡ ሄዋንታ አማንቤና።

25 አሳባ ኦንነ አው ማርካታና ማላ ኮይቤና፤ አያው ጎጥ፡ አሳ ዎዛናን እዬ ደእንቶ፡ እ ባረ ሀጸው ኤርያ ድራሳ።

3

የሱሳን ንቆድዋሳ

1 ፓርሳዋቱዋጥ ግዴዳ ካቸዋ ንቆድዋሳ ጌተትያ እት ብታኒ ደኤ።

2 ንቆድዋሳ ቃማ የሱሳኮ ዪደ፡ “ታማርሰያዎ፡ ኔን ኑና ታማርሳና ማላ ጸሳይ ከቲዳ ግድያዎ ኑን ኤሬቶ፤ እያው ጎጥ፡ ጸሳይ እናና ደእያ አሳጥ አትን፡ ሀ ኔን ኦሳያ ዎልቃማ ማላታቱዋ አላናው ዳንዳይያ አሳይ ባዎ” ያጌዳ።

3 የሱስ ዛሬደ፡ “ታን ነው ቱሙዋ ኦዳይ፤ አሳይ ላኤንሉዋ የለታና ቆየጥ፡ ጸሳ ካውተላ በእናው ዳንዳየና” ያጌዳ።

4 ንቆድዋሳ፡ “ጮማ አሳይ ዋኒደ ላኤንሉዋ የለታናው ዳንዳዪ? ባረ ዳይ ኡሉዋ ሰም ገሊደ፡ ላኤንሉዋ የለታናው አሳይ ዳንዳዪ?” ያጌዳ።

5 የሱስ ዛሬደ፡ “ታን ነው ቱሙዋ ኦዳይ፤ አሳይ ሃላጥን ጌሻ እያናጥ የለታና ቆየጥ፡ ጸሳ ካውተላ ገላናው ዳንዳየና።

6 አሳይ አሹዋን አሳጥ የለቲ፤ ሸን አሳይ አያናን ጌሻ እያናጥ የለቲ፤

7 ‘ህንተንቱ ላኤንሉዋ የለታናው በሴ’ ጋደ ታን ኦዳዳ ድራው፡ ማላለቶጋ።

8 ጫርኩ ባረ ኮዬዳሳ ጫርኬ። ኔን አ ኮሹንቻ ሰሳሳ፤ ሸን እ ሀቃጥ ይንቶ ዎይ ሀቃ ብንቶ ኤራካ። ጌሻ እያናጥ የለቲዳ ኡባይ ሄዋ ማላ” ያጌዳ።

9 ንቆድዋሳ፡ “ሀዌ ዋኒደ ሀናናው ዳንዳዪ?” ያጊደ ኦቹዳ።

10 የሱስ ዛሬደ፡ “ኔን እሰራኤላቱዋ ታማርሰያዎ ግዳደ ሀዋ ኤርኪ?”

11 ታን ነው ቱሙዋ ኦዳይ፤ ኑን ኤርያዋ ሃሳዬቶን በኤዳዋ ማርካቱቶ፤ ሸን ኔን ማርካትያዋ ህንተንቱ አክክታ።

12 ታን ህንተንቶ ሳአባ ኦድና፡ አማናዋንታ ግደጥ፡ ሳሉዋባ ኦድና ዋን አማናንቱ?

13 ሳሉዋጥ ዎዴዳ ታጥ አትን፡ ሳሉዋ ከሴዳዌ ኦንነ ባዎ፤ ሳሉዋን ደእያ አሳ ናአይ ታና።

14-15 “ሙሴ ዎራን ጸንቂማሉዋ ሸሻ ሱሌዳዋዳን፡ ታና እማኔዳ ኡባይ መፎና ደኡዋ አካና ማላ፡ ታን አሳ ናአይ ማሰቃልያ ቦላ ፑደ ደንዳና በሴ።

16 “ጸሳ ናአ አማንያ ኡባይ መፎና ደኡዋ አካናጥ አትን፡ ቆየና ማላ፡ ጸሳይ ሀ አላምያ አሳ ሎይሳ ሲቁዳ ድራው፡ ባረ መጽ እት ናአ እሜዳ።

17 እያው ጎጥ፣ ጸሳይ ባረ ናክ ሀ አላምያ አሳ ፕርዳናው ኪትቤና፤ ሽን ኡንቱንታ ክ ባጋና አሻናው ኪቱዳ።

18 “አ ናክ አማንያ ኦንነ ፕርደተና፤ ሽን ናክን አማንና ኦንነ፣ ጸሳ ናክ እቱዋ አማንቤና ድራው፣ ሀእካ ፕርደት ኡቱዳ።

19 አሳ ቦላ ይያ ፕርዳይ ሀዋ፡ ፖኡ ሀ አላምያ ዬዳ፤ ሽን አሳ ኪታይ ኢታ ግድያ ድራው፣ ፖኡዋጥ አሊደ፣ ጳማ ሲቄዳ።

20 ኢታባ አላያ ኦንነ ፖኡዋ እጹ፤ እያው ጎጥ፣ ባረ ኪታይ ቆንጨና ማላ፣ ፖኡዋኮ ሸቀና።

21 ሽን ቱሙዋ ኦላያ ኦንነ ጸሳይ አዘዜዳዋዳን፣ እ ኡሌዳዋ ፖኡ ቆንጭሳና ማላ፣ ፖኡዋኮ ሸቄ” ያጌዳ።

የሱሳነ ጳማቅያ የሃንሳ

22 ሄዋጥ ጉይያን፣ የሱሳነ ክ ካልያዋንቱ ይሁዳ ጋድያ ቤድና፤ የሱሳነ ሄ ጋድያን ኡንቱንቱና አማራዳ ዋድያ ኡቲደ፣ አሳ ጳማቄደ ደኤ።

23 ቃይ የሃንሰ ሳሌመ ማታን ደእያ ሄናና ግያ ሳን ዋጋ ሃላይ ደእያ ድራው፣ አሳይ አኮ ዪና ጳማቄ።

24 ሄዋ ሀይዳዋ የሃንሰ ቃሽታናጥ ካሰና።

25 ሄዋጥ ጉይያን፣ የሃንሳ ካልያዋንቱና አማራዳ አይሁዳቱዋ ሜቻ ዋጋባ * ፓሉሙቲድና።

26 ኡንቱንቱ የሃንሳኮ ቢደ፣ “ታማርሰያዋ፣ የርዳናሳ ሻፋጥ ሄፍንላን ኔናና ደእያዋ፣ ኔን አባ ማርካቶዋ፣ በእ ሀእ ጳማቄ፤ አሳይ ኡባይካ አኮ ቤ” ያጌድና።

27 የሃንሰ ዛሪደ፣ “ጸሳይ እማና ቆዮጥ፣ አሳይ አይነ አካናው ዳንዳየና።

28 ታን ክርሰቶሳ ግድከ፤ ሽን ታን አጥ ሰንላው ኪተታድ” ጌዳዋ ሀንተ ሀንተንቱ ሁጳው ማርካ።

29 ሞሽራ ማጫውና ደእያ ኡራይ እካ ሞሽራ፤ ሄ ሞሽራ ሞያታይ ኤቄደ፣ እ ግያዋ ሰሰያዋ ክ ሃሳያን ዳር ናሽቲ። ሄዋ ድራው፣ ሀዋ ታ ናሽቻይ ፖላቲዳ።

30 እ ዳርና ታ ጉጸና በሴ” ያጌዳ።

31 ቦላጥ ይያዋ ኡባጥ ቦላ። ሳኦጥ ቤቱዳዋ ሳኦጥ፣ እካ ሳኦጥ ሃሳዬ። ሳሉዋጥ ይያዋ ኡባጥ ቦላ።

32 እ ባረ በኤዳባነ ሰሴዳባ ማርካቲ፤ ሽን ክ ማርካታላ አክያዋ ባዋ።

33 ክ ማርካታላ አክያ ኦንነ ጸሳይ ቱማንቻ ግድያዋ ሄዋን ማርካቲ።

34 ጸሳይ ኪቱዳዋ ጸሳ ቃላ ኦዳ፤ እያው ጎጥ፣ ጸሳይ ባረ ጌሻ አያና ፓላህሲደ እሜ።

35 ጸሳይ ባረ ናክ ሲቄደ ኡባባ ክ ኩሽያን ዋሌዳ።

36 ናክ አማንያ ኡራው መድና ደኡ ደኤ፤ ሽን ናክ አማንናዋ ቦላ ጸሳ ሀንቁ ደአናዋጥ አትን፣ እ ደኡዋ በኤና።

4

የሱሳነ ሳማርያ ሞሽራቶ

1-3 የሱሳነ የሃንሳዋጥ ዳርያ ባረና ካልያዋንታ ባረኮ ሺሼነ ጳማቄ ግያዋ ፓርሳዋቱ ሰሴዳዋ የሱሳነ ኤራዳ ዋደ፣ ይሁዳ አገደ፣ ጋሊላ ቤዳ፤ ግድግዳ፣ የሱሳ ካልያዋንቱ ጳማቄዳዋጥ አትን፣ የሱሳ ባረ ሁጳው ኦናን ጳማቅቤና።

4 ጋሊላ ቢደ፣ ሳማርያና አቆናዌ ክ አሸናባ ግዴዳ።

5 ሄዋ ድራው፣ ያቆብ ባረ ናክ የሱፎ እሜዳ ጋድያ ማታን ደእያ ሰካሮ ጌተትያ ሳማርያ ካታማ ቤዳ።

6 ሄ ሳኦን ያቆባ ሃላ ኦላይ ደኤ፤ የሱሳ ሀመታን ዳቡሪደ፣ ሄ ሃላ ኦላ ማታን ኡቱዳ። ሄ ዋደ ሳኦይ ኡሱፑን ሳትያ ሄራ።

7 ሳማርያ ሞሽራታ ሃላ ዱቃናው ዬዳውና የሱሳ፣ “ታና ሃላ ኡሻርኪ!” ያጌዳ።

8 የሱሳ ካልያዋንቱ ቁማ ሻማናው ካታማ ቤድና።

9 ሄ ሞሽራታ ዛራደ ክ፣ “ኔን አይሁዳ አሳ ግዳደ፣ ሳማርያ ማጫ አሳ ግዴዳ ታና፣ ዋታ ደኡዋ እምያ ሃላ ኡሻ ጋይ?” ያጋዱ፤ እያው ጎጥ፣ አይሁዳቶነ ሳማርያ አሳው እትጥላይ ባይና ድራሳ።

10 የሱሳ ዛሪደ እዞ፣ “ኔን ጸሳ እሞታን ቃይ ኔና ታና ሃላ ኡሻ” ግያዋ ኦንንቶ ኤርያዋ ግድንቶ፣ ክ ዋሳናሳ፤ አካ ነው ደኡዋ እምያ ሃላ እማና” ያጌዳ።

11 ሞሽራታ ዛራደ፣ “ኅዳው፣ ነው ዱቄያባይ ባዋ፤ ኦላይካ ጨሙዋ። ያትና፣ ደኡዋ እምያ ሃላ ሀቃጥ አካኒ?”

12 ኡው ሀ ሃላ ኦላ እሜዳ ኡ አውዋ ያቆባጥ ኔን ዳራይ? እ፣ አ ናናይነ ክ መሄ ሀዋጥ ኡሼድና” ያጋዱ።

13 የሱሳ ዛሪደ፣ “ሀ ሃላጥ ኡሽያ ኦንነ ላኤንሉዋ ሳመታናዋ።

14 ሽን ታን እምያ ሃላ ኡሽያ ኦንነ ላኤንሉዋ ሳመተና። ታን እምያ ሃላይ ሄ ክ ግድን መድና ደኡዋሰ ፑልትያ ፑልቱዋ ግዳናዋ” ያጌዳ።

15 ሞሽራታ፣ “ኅዳው፣ ታን ሳመተና ማላነ ሃላ ትካናውካ ሃ ዬና ማላ፣ ታው ሄ ሃላ እማ!” ያጋዱ።

16 የሱሳ እዞ፣ “ባደ ነ አሰና ጸሳደ ሃ ሰማ” ያጌዳ።

17 ሞሽራታ ዛራደ፣ “ታው አሰናይ ባዋ” ያጋዱ።

የሱሳ፣ “ታው አሰናይ ባዋ ግያዋን ቱሙዋ ጋዳ።

18 ኔን እቼሹ አሰና ገላዳ፤ ሀእ ኔናና ደእያ ብታኒ ነ አሰና ግድና። ኔን ሀእ ታው ኡዳዳዋ ቱማ” ያጌዳ።

19 ሞሽራታ ቃይ፣ “ኅዳው፣ ኔን ናብያ ግድያዋ ታ ሀእ ኡራድ፤

* 3:25 አይሁዳቱዋ ሜቻ ዋጋባ- ሀዋ ጉሳይ አይሁዳቱ ባረንቱ ሳይናና ጋላናው ኦላያ ዳማ ዳማ ባረንታ ሜቻባይነ ባረንቱ ሳንያ ሜጭያ ዋጋቱ ደእያዋ በሴ። 4:5 ደመላ 33:19፤ ኢያሳ 24:32 4:9 እዝራ 4:1-5፤ ናህ. 4:1-2 * 4:20 ሀ ደርያን፣ ግያዋ ደርያ ጌርዛና ግዳደ ሴኬማ ጌተትያ ካታማ ማታን ደእያዋ።

ጸሐፊ ገይሮናው በሰዓ ሳኦይ የሩሳላመና ያገዱ።

21 የሱሰ፡ “ሀ ምሽራቱ፣ ታና አማና፤ ሀ ደርያን ወይ የሩሳላመን አወዋ ጸሐፊ ሀንተንቱ ገይነና ወዲ ያና።

22 ሀንተንቱ ሳማርያ አሳይ ሀንተ ኤረናባው ገይነታ፤ ጸሐፊ ኑና አይሁዳቸው ገኔቲደ አቶተላ አህያ ድራው፡ ኑን ኑ ኤርያዎ ገይነቶ።

23 ሸን አወዋ ጸሐፊ ቱሙዋፕ ገይነያዎንቱ እ፡ ጌሻ አያና ዋልቃን ጸሐፊ ጸሐፊ ጸሐፊ ገይነያ ወዲ ማታቱዳ፤ ኡባ ሀእካ ጋኬዳ። አያው ጎፕ፡ አሳ ባረው ገይነና ማላ፡ አወ ጸሐፊካ ሀ ኦግያን ገይነያዎንታ ኮዬ።

24 ጸሐፊ አያና፤ አወ ገይነያዎንቱካ ጌሻ አያና ዋልቃን ጸሐፊ ጸሐፊ ጸሐፊ ገይነናው በሴ” ያጌዳ።

25 ምሽራታ፡ “ማሰህያ ጌተትያ ኑከቶዌ ያናዎ ታን ኤራይ። እ ይያ ወደ ኑወ ኡባባ ኑዳናዎ” ያገዱ።

26 የሱሰ፡ “ሀ ኔናና ሃሳይያዌ ታን አ” ያጌዳ።

27 ሀዋ ኡንቱንቱ ሃሳይሸን፡ የሱሳ ካልያዎንቱ ቤዳሳፕ ሰማድና። የሱሰ ምሽራትና ሃሳይሸን ኡንቱንቱ በኢደ ዳርሰ ማላለቲድና፤ ሸን ምሽራቶ፡ “አያ ኮያይ?” ወይ የሱሳ፡ “አናና አያው ሃሳይያ?” ገደ ኡቸዌ ኡን ሳዎ።

28 ሄዋፕ ጉይያን፡ ምሽራታ ባረ ሃላ ኡቱዋ አጋ ባሻ ጉየ ካታማ ባደ አሳው።

29 “ታን ኡጼዳዎ ኡባ ታወ ኡዴዳ ብታንያ በአናው ደንድተ፤ ሄዌ ክርሰቶሳ ግዳንዴሻ?” ያገዱ።

30 አሳይ ካታማፕ ከሲደ፡ የሱሳኮ ቤዳ።

31 ሄዌ ሀንሸን፡ እ ካልያዎንቱ የሱሳ፡ “ጉላባ ማርኪ!” ያጌደ ዋሴድና።

32 ሸን እ፡ “ታወ ሀንተንቱ ኤረና ቁማይ ታን ምያዌ ደኤ” ያጌዳ።

33 ሄዋ ድራው፡ እ ካልያዎንቱ ባረንቱ ግደን፡ “አወ ምያባ አሄዳ አሳይ ደአንዴሻ?” ያጌድና።

34 የሱሰ ኡንቱንቶ፡ “ታ ቁማይ ታና ኪቲዳዎ ሸንያ ኡሱሳን እ ኡሱዋ ፖሉሳ።

35 ሀንተንቱ፡ ኑይዱ አገናፕ ጉይያን፡ ካሳይ ጫከታናዎ ገክቱዬ? ታን ሀንተንቶ ኡዳይ፤ ገሻ ሎይላ ጸልተ፤ ካሳይ ጫካ በሴዳ።

36 ዘርያዌን ጫክያዌ እትፕ ናሽታና ማላ፡ ጫክያዌ ድርጉዋ አኬን ካላ መድና ደኤ ሸሼ።

37 ሀ ጋሱዋን፡ ኡቱ ዘራ፤ ቃይ እቱ ጫኬ፣ ግያ ሃሳይ ቱማ።

38 ሀንተንቱ ዳቡርቤናዎ ጫካና ማላ፡ ታን ሀንተንታ ኪታድ፤ ሀራቱ ኡላ ዳቡራድና፤ ሀንተንቱ ሀራቱዋ ዳቡራን ገሌድታ” ያጌዳ።

39 ምሽራታ፡ “እ ታን ኡጼዳ ኡባባ ኡዴዳ” ገደ ማርካቲዳ ድራው፡ ሄ ካታማን ደአያ ሳማርያ አሳፕ ጮራይ የሱሳ አማኔዳ።

40 ሳማርያ አሳይ የሱሳኮ ዬዳ ወደ፡ ባረንቱ ማታን ጋምእና ማላ፡ የሱሳ ዋሰና እ ያን ላኡ ጋሳሳ ኡቲዳ።

41 እ ኡድያ ቃላ ድራው፡ ካሰዋፕ ጮራ አሳይ አማኔዳ፤

42 ቃይ ኡንቱንቱ ምሽራቶ፡ “ኑን ኑ ሀ-ጸወ እ ግያዎ ሰሲደ አማኔዳዋፕ እትን፡ ኔን ማርካቲዳ

ድራሳ ግደና፤ እ ቱሙ አላምያ አሳ አሸያዎ ግድያዎካ ኑን ኤራደ” ያጌድና።

የሱሰ እት ካቸዋ ናኣ ፓጼዳ

43 ላኡ ጋላሳፕ ጉይያን፡ የሱሰ ሳማርያፕ ከሲደ፡ ጋሊላ ጋድያ ቤዳ።

44 አያው ጎፕ፡ እ ባረ ሀ-ጸወ፡ “ናቢ ባረ ጋድያን ቦንቼተና” ያግ ኡዴዳ።

45 የሱሰ ጋሊላ ጋኬዳ ወደ፡ ጋሊላ አሳይ ኡ ሞኬዳ፤ ፓሰጋ ቦንቼያ ጋላሰ ኡንቱንቱ የሩሳላመን ደአያ ድራው፡ እ ኡጼዳ ኡባባ በኤድና።

46 የሱሰ ሃላ ወይያ ኡሻ ከሴዳ፡ ጋሊላን ደአያ ቃና ካታማ ቤዳ። ቅፍርናሆማን አ ናኦይ ሳከትያ፡ ካትያ ጎሊን ኡላያ እት ካቸ ደኤ።

47 የሱሰ ይሁዳፕ ጋሊላ ዬዳዎ ሄ ካቸ ሰሲደ፡ አኮ ዬደ ሀይቃናወ ማቲዳ ባረ ናኣ ቢደ ፓላና ማላ፡ የሱሳ ዋሴዳ።

48 የሱሰ ሄ ካቸዋ፡ “ጸሐፊ ኡላያ ማላታን ሄቾ ገሰያባ በኤናን ደኢደ፡ ሀንተንቱ አይነ አማንክታ” ያጌዳ።

49 ሄ ካቸ ዘራደ፡ “ጎዳው፡ ታ ናኦይ ሀይቃናን ደአሸን፡ ታናና ባርኪ” ያጌዳ።

50 የሱሰ፡ “ባ፤ ነ ናኦይ ፓጸ ደአናዎ!” ያጌዳ።

ሄ ካቸ የሱሰ ጌዳዎ አማኒደ ቤዳ።

51 እ ባረ ጎሊ ቢሸን፡ እ ቆማቱ አናና ኡግያን ጋከቲደ እ፡ “ነ ናኦይ ፓጸ ደኤ” ጌድና።

52 እ ባረ ቆማቱ ባረ ናኦይ አይ ሳትያን ኬኬደንቶ ኡቸና ኡንቱንቱ፡ “ዘና ላቸ ሳትያን ቆጶ እ አኬዳ” ያጌድና።

53 ናኣ አወ የሱሰ ባረው፡ “ነ ናኦይ ፓጸ ደአናዎ” ጌዳዌ ሄ ሳትያና ግዴዳዎ ሀሳዬዳ። ሄዎ ድራው፡ እን አ ሶይ አሳይ ኡባይ አማኔድና።

54 ሀዌ የሱሰ ይሁዳፕ ጋሊላ ዬደ ኡጼዳ ላኤንላ ማላታ።

5

የሱሰ ጉንዳ ብታንያ ዳጋት ኡቲዳ ሃላ ማታን ፓጼዳ

1 ሄዋፕ ጉይያን፡ የሱሰ አይሁዳቱ ቦንቼያ ባላው የሩሳላመ ቤዳ።

2 የሩሳላመን ዶርሳ ፕንግያ ማታን እብራይስጻ ቃላን ቤተሳይዳ ጌተትያ ዳጋት ኡቲዳ ሃላይ ደኤ፤ ሄ ዳጋት ኡቲዳ ሃላ ዩይ አዴዳ እቼሹ ካሻይ ደኤ።

3 ሄዋን ጮራ ሀርጋንቻቱ፡ ቆቃቱ፡ ዋባቱን ሰሌዳዎንቱ ግሴድና። [ሃላይ ቃጽያዎ ናጊና።

4 አያው ጎፕ፡ እት እት ገደ ጎዳ ኪታንቻይ ሄ ዳጋቲዳ ሃላኮ ገሊደ፡ ሃላ ቃጼ፤ ሃላይ ቃጼዳዋፕ ጉይያን፡ ኮይር ገሌዳ ኡራይ ባረና ኡይቄዳ አይ ሀርጋንፕካ ፓጼ።]*

5 ሄዋን ሀታማን ሆሰቸን ላይላ ሳከቲዳ እት ብታኒ ደኤ።

6 ሄ ብታኒ ሄዋን ግሴዳዎ የሱሰ በኢደ፡ ዳር ወድያ ሳከቲዳዎካ ኤራደ ብታንያ፡ “ፓጸናወ ኮያይ?” ያጌዳ።

* 5:4 ሀ ፓይዱ እት በን ኮይርቲደ ጸፈቲዳ ጌሻ ማጻፋቱዋን ባዎ።

7 ሳከትያ ብታኒ ዛሪድ፡ “ጎዳው፡ ሃላይ ቃጽያ ዋድ፡ ታና ሃላን የግያ አሳይ ቆይዳ፤ ታን ገላና ሀንያ ዋድ፡ ሀራ ኡራይ ታፕ ካሰቲደ ገል አኔ” ያጌዳ።

8 የሱሰ አ፡ “ደንዳ ኤቃ፤ ኔን ግሱዋ ቶካደ ባ” ያጌዳ።

9 ብታኒ ኤላካ ፓጽ አኔዳ፤ ባረ ግሱዋ ቶኪደ ቤዳ።

ሄዌ ሀኔዳዌ ሳምባታ ጋላሳና።

10 ሄዋ ድራው፡ አይሁዳቱ ፓጽዳ ብታንያ፡ “ሀቼ ሳአይ ሳምባታ፤ ኔን ነ ግሱዋ ቶካ ብያዌ ዋጋ ግደና” ያጌድና።

11 ሸን ብታኒ፡ “ታና ፓሌዳዌ፡ ና ግሱዋ ቶካደ ባ” ያጌዳ” ገደ ኤንቱንቶ ዛሪዳ።

12 ኤንቱንቱ አ፡ “ኔና፡ ና ግሱዋ ቶካደ ባ” ጌዳዌ እ ኦኔ?” ገደ ኤቼድና።

13 ሸን ሄዋን ጮራ አሳይ ደእያ ድራውን፡ የሱሰካ ጌመቱዳ ድራው፡ ብታኒ ባረና ፓሌዳዌ አንቶ ኤረና።

14 የሱሰ ጉየፕ ሄ ብታንያ ጌሻ ጎልያን ደሚድ፡ “በአ፡ ኔን ሀእ ፓጻዳ፤ ሀዋፕካ ኤታባይ ኔና ጋከና ማላ፡ ለኤንላ ርጋራ አላፓ” ያጌዳ።

15 ሄዋፕ ጉይያን፡ ብታኒ ቢደ፡ ባረና ፓሌዳዌ የሱሳ ግድያዋ አይሁዳ አሳ ካፓቶ ኦዴዳ።

16 የሱሰ ሀዋ ሳምባታን ኦሌዳ ድራው፡ ኤንቱንቱ የሱሳ የደሳን ዋይሱዋ ደሚድና።

17 የሱሰ ዛሪደ ኤንቱንቶ፡ “ታ አቡ ኡባ ዋደ ኦሌ፤ ታንካ አላናው በሴ” ያጌዳ።

18 ሄዋ ድራው፡ የሱሰ ሳምባታ ጋላሳ ቦንቼና ድራ ጸላላሳ ግደናን፡ ባረና ጸላሳ ቃራዬደ፡ “ጸላይ ታ አባ” ጌዳ ድራው፡ አይሁዳ አሳ ካፓቱ አ ዋጻናው ካሰዋፕ ሞንሲደ ኮዬና።

ጸላ ናኣ ማታ

19 የሱሰ ዛሪደ ኤንቱንቶ፡ “ታን ሀንተንቶ ቱሙዋ ኦዳይ፤ ናአይ ባረካ አይነ ኦፍ። እ ባረ አቡ አላሸን በእያዋ ጸላላ ኦሌ፤ አው አላያዋ ናአይካ ኦሌ።

20 አያው ጎፕ፡ አው ባረ ናኣ ሲቄ፤ ቃይ እ አላያ ኦሱዋ ኡባባ ባረ ናኣ በሴ። ኡባ ሀንተንቱ ማላለታና ጋካናው፡ እ ሀዋፕ አድያ ኦሱዋካ ባረ ናኣ በሳናዋ።

21 ጋሱኔ፡ አው ሀይቄዳዋንታ ሀይቄዋፕ ደንሌደ ሸምቸዋና ዋላያዋዳን፡ ናአይካ ቃይ ባረ ኮዮዋንታ ሸምቸዋና ዋሌ።

22-23 አሳይ ኡባይ አውዋ ቦንቻያዋዳን፡ ናኣካ ቦንቻና ማላ፡ አው ፕርዳ ኡባ ናአው እሜዳዋፕ አትን፡ እ ኦናን ፕርደና፤ ናኣ ቦንቼና ኡራይ፡ አ ኪቱዳ አውዋካ ቦንቼና።

24 “ታን ሀንተንቶ ቱሙዋ ኦዳይ፤ ታ ቃላ ሰሰዋን ታና ኪቱዳዋን አማንያዋ ሙድና ደኤ ደኤ። ሀይቄዋፕ ደኤ እ ፕኔዳዋፕ አትን፡ ፕርደተና።

25 ታን ሀንተንቶ ቱሙዋ ኦዳይ፤ ሀይቄዳ አሳይ ጸላ ናኣ ኮሻ ሰሰያ ዋዲ ያናዋ፤ ሄዌኔካ ሀእ። ሄ ኮሻ ሰሰያዋንቱ ሸምቸዋና ደእና።

26 አያው ጎፕ፡ አዋ ደኤዋ እምያ ዋልቃይ ደእያዋዳን፡ ደኤዋ እምያ ሄ ዋልቃ ባረ ናአውካ እሜዳ።

27 ጸላ አው ባረ ናአው ፕርደና ማታ እሜዳ፤ አያው ጎፕ፡ ናአይ አሳ ናኣ።

28 “ሀዋን ማላለቶፕተ፤ አያው ጎፕ፡ ዲፋዋን ደእያዋንቱ እ ኮሻ ሰሰያ ዋዲ ዬ።

29 ሰሲደ ኤንቱንቱ ዲፋዋፕ ጋጸ ከሳና፤ ሎኦባ ኦሌዳዋንቱ ደኤዋን ደእናው ደንዳና፤ ቃይ ኤታባ ኦሌዳዋንቱ ፕርደታናው ደንዳናዋንታ።

የሱሳው ማርካቲዳ አሳቲዋ

30 “ታን ታፕ አይነ አላናው ዳንዳይከ፤ ጸላይ ታው ኦዴዳዋዳን ፕርዳይ። ታ ፕርዳይ ቱማ፤ አያው ጎፕ፡ ታን ታና ኪቱዳዋ ሸንያ ፖልያዋፕ አትን፡ ታን ደሰያዋ አላከ።

31 “ታን ታ ሁጳው ታባ ማርካቶፕ፡ ታ ማርካተሳይ ቱማ ግደና።

32 ታባ ማርካትያዌ ሀራይ ደኤ፤ እ ታባ ማርካትያዌ ቱማ ግድያዋ ታን ኤራይ።

33 “ሀንተንቱ የሃንሳኮ አሳ ኪትና፡ እ ኤንቱንቶ ቱሙዋ ማርካቲዳ።

34 ታን ሄዋ ሀንተንታ አትና ጋደ ግያዋፕ አትን፡ አሳ ማርካተሳይ ታው ኮሻና ግደና።

35 የሃንሰ ሙቃዳዳን፡ ኤዶዳን ፖእሴዳ፤ ሀንተንቱካ አማራዳ ዋድያ አ ፖኤዋን ናሸታናው ኮዬድታ።

36 “ሸን ታው የሃንሳዋፕ አድያ ማርካተሳይ ደኤ፤ አያው ጎፕ፡ ታን ወርሳናው ታ አቡ ታው እሜዳ ኪታይ፤ ሀ ታን አላያዋ፤ እ ታና ኪቱዳዋ ግድያዋ ማርካቲ።

37 “ቃይ ታና ኪቱዳ ታ አቡ ባረ ሁጳው ታባ ማርካቲ። ሀንተንቱ እ ኮሻ አይነ ሰሰበይክታ፤ እ ማላካ በእበይክታ።

38 እ ኪቱዳዋ አማና ድራው፡ አ ቃላይ ሀንተንቱ ዋዛናን ባዋ።

39 “ጸላ ማጻፋቱዋፕ ሙድና ደኤዋ ደምያዋ ሀንተው ማላትና፡ ኤንቱንታ ብዲታ፤ ኤንቱንቱካ ታባ ማርካትያዋንታ።

40 ሸን ደኤዋ ደማናው ታኮ ይያዋ ሀንተንቱ ኮይክታ።

41 “ታን አሳፕ ቦንቼዋ ኮይከ።

42 ሸን ታን ሀንተንቱ ዋዛናን ጸላ ሲቄ ባይናዋ ኤራይ።

43 ታን ታ አቡ ሱንላን ያድ፤ ሸን ታና አክበይክታ። ሸን ሀራ አሳይ ባረ ሱንላን ይያ ዋደ፡ እ አኪታ።

44 ሀንተንቱ እቱ እቱዋ ቦንቼታ፤ ሸን እት ጸላፕ ይያ ቦንቼዋ ኮይክታ። ያትና፡ ዋኒደ አማናናው ዳንዳይቶ?

45 “ታን ታ አቡ ሰንላን ሀንተንታ ሞትያዋ ሀንተው ማላቶፕ፤ ሀንተንታ ሞትያዋ፡ ሀንተ ሀድታ ዋላያ ሙሳ።

46 ሀንተንቱ ሙሳ አማኔዳባ ግድንቶ፡ ታናካ አማናንታ፤ አያው ጎፕ፡ ታባ ጸፊዳዌ አ።

47 ሸን ሀንተንቱ እ ጸፊዳዋ አማናንታ እጸፕ፡ ታን ግያዋ ዋት አማናንቱ?” ያጌዳ።

6

የሱስ 5,000 አሳ ምዜዳ
(ማቶሳ 14:13-21፤ ማር. 6:30-44፤
ሉቃሳ 9:10-17)

1 ሄዋጥ ጉይያን፣ የሱስ ጋሊላ አባጥ ዋይ ጽብርያደሳ አባጥ ሄፍንሳ ጥኔዳ።

2 እ ሀርጋንቻቸው ለላ ኦሌዳ ዋልቃማ ማላታ በኤዳ ድራው፣ ጮራ አሳይ እ ካሌዳ።

3 የሱስ ደርያ ከሲዳ፣ ያን ባረና ካልያዋንቱና እትጥ ኩቲዳ።

4 አይሁዳቱ ለንቶያ ፓሰጋ ጋላሳይ ጋኬዳ።

5 የሱስ ሰንሳኮ ጸሊዳ፣ ጮራ አሳይ ባረኮ ይያዋ በኢዳ ፕልጸሳ፣ “ሀ አሳ ኡባ ምዛናው ግድያ ቁማ ሀቃጥ ሻማኔ?” ያጌዳ።

6 እ ሄዋ ፕልጸሳ ፓጫናው ጌዳ፤ አያው ጎጥ፣ እ ባረ ሁጸው አያ ኦላና በሰንቶ ኦላናባ ኤሬ።

7 ፕልጸሰ ዛሪደ የሱሳ፣ “ሁጸያን ሁጸያን፣ ሀራይ እቶ እት እት ባርሱዋ ጋላናው፣ ላኡ ጾቱ ድናርያን ሻማዳ ኡክላይካ ግደና” ያጌዳ።

8 ቃይ የሱሳ ካልያዋንቱጥ እቱ፣ ሰሞን ጸጽርሳ እሻይ እንድራሰ።

9 “ባንጋ ኡክላ እቸሹካ ላኡ ሞሊ ደአያ እት ናአይ ሀዋን ደኤ፤ ሸን ሀ አሳ ኡባው ሄዋ ዋት ግዳኔ?” ያጌዳ።

10 የሱስ ባረና ካልያዋንታ፣ “አሳይ ኡታናዳን ኦላተ” ያጌዳ። ሄ ሳኣን ዳሮ ማታይ ደኤ። አሳይ ኡባይ ኡቲዳ፤ አቲማ አሳይ እቸሹ ሻኣ ግድያዋ።

11 የሱስ ኡክላ እኬዳ፤ ጸሳ ጋላቲደ፣ ሄዋን ኡቲዳ አሳው ግሼዳ። ሞልያካ ሄዋዳን ኦላና አሳይ ባረ ኮዴዋ ስና ማዳ።

12 ኡንቲንቲ ኡባይ ካሌዳዋጥ ጉይያን፣ የሱስ ባረና ካልያዋንታ “እትባይካ ጮ ባየና ማላ፣ አቲዳ ደካ ሺሸተ” ያጌዳ።

13 ሄዋ ድራው፣ ኡንቲንቲ ኡባካ ሺሺድና፤ አሳይ ካልና አቲዳ ባንጋ ኡክላ ደካ ሺሺደ፣ ታማካ ላኡ ዛምቤልያ ኩንጼድና።

14 አሳይ የሱስ ኦሌዳ ዋልቃማ ማላታ በኤዳ ዋይ፣ “ሀዋ ቱሙዋጥ ሀ ሳኣ ያና ጌዳ ናብያ” ያጌድና።

15 ኡንቲንቲ ዪደ ባረና ዋልቃን ኦይቂ ካትያ ኦላናው ሀንያዋ የሱስ ኤሪደ፣ ባረካ ደርያ ለላ ሸረቲደ ከሴዳ።

የሱስ አባ ለላን ሀመቲደ ቤዳ
(ማቶሳ 14:22-33፤ ማር. 6:45-52)

16 ሳአይ ኦማርሴዳ ዋይ፣ የሱሳ ካልያዋንቲ አባኮ ቤድና፤

17 ሳአይ ቃሜዳ፤ ሸን የሱስ ኡንቲንቲኮ ሄ ሳቲ ጋካናው ይቤና፤ ሄዋ ኡንቲንቲ ዋንግርያን ገሊደ፣ አባ ጥን ሄፍንሳ ቅፍርናሆማ ቤድና።

18 ዋልቃማ ጫርኩ ጫርኩዳ ድራው፣ አባይ ቃጾዳ፤

19 እት ሳትያ ኬና ኡንቲንቲ አባ ሻሳዋጥ ጉይያን፣ የሱስ አባ ለላና ሀመቲደ ይያዋ በኢደ ያዬድና።

20 ሸን እ፣ “ያዮጥተ፤ ታናቲ!” ያጌዳ።

21 ኡንቲንቲ ዋንግርያን አ ገልሳናው ኮዬድና፤ ዋንግሪ ኡንቲንቲ ብያሳ አባ ጋጸ ኤለካ ጋክ አጌዳ።

የሱስ ደኡዋ ኡክላ

22 ዋንተላ ጋላሰ፣ አባጥ ሄፍንሳና አቲዳ ጮራ አሳይ አባ ለላ እት ዋንግርያ ጸላላይ ደአያዋ በኤድና፤ የሱስ ባረና ካልያዋንቲና ዋንግርያን ገሊደ፣ ኡንቲንቲና ቤናን፣ ኡንቲንቲ ባረካ ቤዳዋ አኬኬድና።

23 ሸን ጽብርያደሳጥ ሀራ ዋንግራቱ የሱስ ጸሳ ጋላትና፣ አሳይ ኡክላ ሜዳሳ ማታ ዬድና።

24 አሳይ የሱስ ዋይ እ ካልያዋንቲ ሄዋን ባይናዋ በኢደ፣ የሱሳ ኮያናው ዋንግርያን ገሊደ፣ ቅፍርናሆማ ቤድና።

25 አሳይ የሱሳ አባጥ ሄፍንሳን ደሜዳ ዋይ፣ “ታማርሰያዋ፣ ሀዋ አውደ ያዲ?” ያጌድና።

26 የሱስ ዛሪደ፣ “ታን ሀንተንቶ ቱሙዋ ኦዳይ፤ ሀንተንቲ ታና ኮይያዌ ኡክላ ሜዳ ድራሳካ ካሌዳ ድራሳ ግድያዋጥ አትን፣ ዋልቃማ ማላታ በኤዳ ድራሳ ግደና።

27 ሙድና ደኡዋ ቁማው፣ ታን አሳ ናአይ ሀንተንቶ እማናዋ፣ ኦላተጥ አትን፣ ሳምያ ቁማው ኦላተጥ፤ አያው ጎጥ፣ አው ጸሳይ ሄዋ ጲሸሳናው ማታፋ አታም ዋሌዳ” ያጌዳ።

28 ሄዋጥ ጉይያን ኡንቲንቲ፣ “ኡን ጸሳ ኦላተ ኦላናው አያ ኦላናው በሲ?” ያጌደ የሱሳ ኦቺድና።

29 የሱስ ዛሪደ፣ “ሀንተንቲ ኦላና ማላ፣ ጸሳይ ኮይያ ኪታይ ሀዋ፤ እ ኪቲዳዋን አማንተ” ያጌዳ።

30 ኡንቲንቲ ዛሪደ፣ “ኡን በኢደ፣ ኔናን አማናና ማላ፣ አይ ዋልቃማ ማላታ ኦላኒ? አያ ኪተታኒ?”

31 ጸሳ ማጸፋን፣ “ኡንቲንቲ ማና * ማላ ሳሉዋጥ ኡክላ እሜዳ” ያገት ጸፈቶዋዳን፣ ኦ አዋቱ ሙላ ቢታን ማና ሜድና” ያጌድና።

32 የሱስ፣ “ታን ሀንተንቶ ቱሙዋ ኦዳይ፤ ሀንተንቶ ሳሉዋጥ ቱሙ ኡክላ እምያዌ ታ አባጥ አትን፣ ሀንተንቶ ሳሉዋጥ ኡክላ እሜዳዌ ሙሳ ግደና።

33 አያው ጎጥ፣ ቱማ ግዴዳ ጸሳ ኡክላይ፣ ሳሉዋጥ ዋድያዌ ሀ አላምያ አሳው ደኡዋ እሜ” ያጌዳ።

34 ኡንቲንቲ ዛሪደ፣ “ሳዳው፣ ኩካ ሄ ኡክላ ኡባ ዋይ እማ” ያጌድና።

35 የሱስ፣ “ታን ደኡዋ ኡክላ፤ ታኮ ይያ ኡራይ ኡባካ ኮሻተና። ቃይ ታና አማንያ ኡራይ አይነ ሳመተና።

36 ሸን ታን ሀንተንቶ ኦዴዳዋዳን፣ ሀንተንቲ ታና በኤድታ፤ ሸን አማንክታ።

37 ታ አቡ ታው እምያ ኡባይ ታኮ ያናዋ፤ ቃይ ታኮ ይያ ኦናካ ኡባካ ታን ካረ የድከ።

38 አያው ጎጥ፣ ታን ታና ኪቲዳዋ ሸንያ ፖላናው ሳሉዋጥ ያድጥ አትን፣ ታ ሸንያ ፖላናው ያበይከ።

39 ታና ኪቲዳዌ ኮይያዌ ሀዋ፤ ታን እ ታው እሜዳ ኡባቲዋካ ዉርሰላ ጋላሰ ደንላናጥ አትን፣ እቲዋካ ባይዛና ማላ ኮየና።

* 6:31 ማና፡- እስራኤልያ አሳይ ግብጹ ጋድያጥ ከሰ ካና ቢደ ሙላ ቢታን ሀመቲደ ብያ ዋይ፣ ኡንቲንቲ ማናዳን ጸሳይ እሜዳ ማልእያ ቁማ። ማና ጉሳይ እብራይስጽያ ቃላን “ሀዋ አዬ?” ግያዋ። 6:31 ከሳ 16:4፣ 15፤ ማዘ. 78:24

40 እያው ጎተ፡ ታ አቡ ኮይያዌ ሀዋ፤ ታና ናኣ በኢደ፡ አማንያ ኡባቱ መድና ደኡዋ አካናዋንታ፤ ታንካ ሄ ኡባቱዋ ወርሰላ ጋላሰ ደንላና” ያጌዳ።

41 የሱሰ፡ “ታን ሳሉዋፕ ዋዴዳ ኡክላ” ጌዳ ድራው፡ እይሁዳቱ አ ቦላ ዙዙሜድኖ።

42 ኡንቱንቱ፡ “ሀዌ ኑን አ አወዋን አ አቶ ኤርያ የሴፎ ናኣ የሱሳ ግደኔ? ያትና፡ እ ዋጊደ፡ ‘ታን ሳሉዋፕ ዋዴድ’ ጋናው ዳንዳዪ?” ያጌድኖ።

43 የሱሰ ዛሪደ፡ “እቱ እቱዋና ዙዙምያዋ አግተ።

44 ታና ከቲዳ ታ አቡ ታኮ አሄዳ አሳፕ አትን፡ ታኮ ያናው ዳንዳይያ አሳይ ባዋ፤ ታንካ ወርሰላ ጋላሰ አ ደንላና።

45 ናባቱ ‘ጸሳይ አሳ ኡባ ታማርሳና’ ያጊደ ጸፊድኖ፤ እው ግያዋ ሰሰያዌን አወዋፕ ታማርያዌ ኡንነ ታኮ ዬ።

46 ጸሳ ማታፕ ዬዳዋፕ አትን፡ ጸሳ በኤዳ አሳይ ባዋ፤ አ ጸላላይ ጸሳ በኤዳ።

47 “ታን ሀንተንቶ ቱሙዋ ኦዳይ፤ ታና አማንያ ኡራው መድና ደኡ ደኤ።

48 ታን ደኡዋ ኡክላ።

49 ሀንተንቱ አዋቱ መላ ቢታን ማና ሜድኖ፤ ሽን ሀይቄድኖ።

50 አሳይ አፕ ሚደ ሀይቀና ኡክላይ ሳሉዋፕ ይያዌ ሀዋ።

51 ሳሉዋፕ ዋዴዳ ደኡዋ ኡክላይ ታና፤ ኡንነ ሀ ኡክላፕ ሞፕ፡ መድናው ደአናዋ፤ ቃይ ሀ አላምያ አሳው ደኡ ግዳና ማላ፡ ታን አማና ኡክላይ ታ አሹዋ” ያጌዳ።

52 እይሁዳቱ፡ “ሀ ብታኒ ባረ አሹዋ ኡን ማና ማላ፡ ኑወ ዋቲደ አማናው ዳንዳዪ?” ያጊደ ባረንቱ ግዳዋን ፓሉመቲድኖ።

53 ሄዋ ድራው፡ የሱሰ ኡንቱንታ፡ “ታን ሀንተንቶ ቱሙዋ ኦዳይ፤ ታ አሹዋ፡ አሳ ናኣ አሹዋ፡ ሀንተንቱ ማና ጳዮፕ፡ ቃይ ታ ሱላካ ኡሻና ጳዮፕ፡ ሀንተው ደኡ ባዋ።

54 ታ አሹዋ ምያ ኡራውነ፡ ታ ሱላ ኡሽያ ኡራው መድና ደኡ ደኤ። ታን ወርሰላ ጋላሰ ኡንቱንታ ደንላና።

55 እያው ጎተ፡ ታ አሹ ቱሙ ቁማ፤ ታ ሱላይካ ቱሙ ኡሻ።

56 ታ አሹዋ ምያ ኡራይነ ታ ሱላ ኡሽያ ኡራይ ታናን ደኤ፤ ታንካ አናን ደአይ።

57 ደኡዋ አው ታና ከትና፡ ታን አ ጋሱዋን ደአያዋዳን፡ ታና ምያ ኡራይካ ታ ጋሱዋን ደአና።

58 ሳሉዋፕ ዋዴዳ ኡክላይ ሀዋ፤ ሀንተንቱ አዋቱ ሚደ ሀይቄዳ ማና ማላ ግደና፤ ሀ ኡክላ ምያ ኡራይ መድናው ደአና” ያጌዳ።

59 የሱሰ ቅፍርናሆማ ካታማን እይሁዳ ዋሳ ጎላን ታማርሲደ፡ ሀዋ ኦዳዳ።

መድና ደኡዋ ቃላ

60 የሱሳ ካልያዋንቱፕ ዳርያ ባጋይ ሄዋ ሰሴዳ ዋደ፡ “ሀዌ ገለና ትምርትያ፤ ሀዋ ኡን አካናዌ?” ያጌድኖ።

61 ሽን የሱሰ ባረና ካልያዋንቱ ሄዋ ዙዙሜዳዋ ኤሪደ፡ “ሀዌ ሀንተንታ ጳቢ?”

62 ሰም ታን፡ አሳ ናኣይ፡ ካሰ ደኤያሳ ፑደ ከሰሽን በእንቶ አያ ጋንቱ?

63 ጌሻ አያናይ ደኡዋ እሜ፤ አሳ ምኖታይ አይነ ጎኤና። ታን ሀንተንቶ ኦዳዳ ቃላይ አያናን ደኤዋ።

64 ሽን ሀንተንቱ ግዳዋን አማናዋንቱ ደአና” ያጌዳ፤ እያው ጎተ፡ አማናዋንቱ ሀቃዋንተንቶን ባረና አላ አማናዌ ኡንቶ የሱሰ ኮይርፕ ደሚደ ኤሪደ።

65 ቃይካ የሱሰ፡ “ታ አቡፕ ግዳና ጳዮፕ ኡንነ ታኮ ያናው ዳንዳየና ያጋደ ታ ኦዳዳዌ ሄዋ ድራሳ” ያጌዳ።

66 ሄዋ ጋሱዋን፡ የሱሳ ካልያዋንቱፕ ጮራቱ አ አጊደ፡ ጉየ ሰሜድኖ፤ ላኤንላ አ ካልበይክኖ።

67 የሱሰ ቃይ ታማን ላኤ ባረና ካልያዋንታ “ሀንተካ አጊደ ባናው ኮዩቱ?” ያጌዳ።

68 ሰምን ጸጽርሰ ዛሪደ፡ “ጎዳው፡ ኑን ኡኮ ባኔ? ነው መድና ደኡዋ ቃላይ ደኤ።

69 ኑን ጸሳ ጌሻ ግድያዋ ኡን አማኔቶን ኤሪቶ” ያጌዳ።

70 የሱሰ ኡንቱንታ፡ “ታን ሀንተንታ ታማን ላኤቱዋ ደራበይክታ? ቃይ ሀንተፕ እቱ ጸላሀያ” ያጌዳ።

71 የሱሰ ሄዋ ሰምና ናኣ ይሁዳ አሰቆርታ † ጌ፤ እያው ጎተ፡ ይሁዳይ የሱሳ ካልያ ታማን ላኤቱዋፕ እቱዋ፤ አ የሱሳ አላ አማናዋ።

7

የሱሰ ዳሰያ ባላው የሩሳላመ ቤዳ

1 ሄዋፕ ጉየ፡ የሱሰ ጋሊላን ያ ሃ ዩዬዳ፤ አይሁዳቱ አ ዋዳናው ኮይያ ድራው፡ ይሁዳን ዩያና ኮይቤና።

2 አይሁዳቱ ቦንቶያ ዳሰያ ባላይ ጋክ ኡቲዳ።

3 ሄዋ ድራው፡ የሱሳ እሻቱ አ፡ “ኔና ካልያዋንቱ ኑን አላያዋ በአና ማላ፡ ሀዋፕ ደንዳይ ይሁዳ ጋድያ ባ።

4 እያው ጎተ፡ ባረው ኤሪታናው ኮይያ አሳይ ኡንነ ባረ ኡሱዋ ገን። ኑን ሀዋንታ ኦላና፡ ነባ አላምያ ኡባይ ኤር!” ያጌድኖ።

5 እያው ጎተ፡ ሀራይ አቶ አ እሻቱካ አ አማንበይክኖ።

6 የሱሰ ኡንቱንታ፡ “ታው እንጀትያ ዋዲ ጋክቤና፤ ሽን ሀንተንቶ አይ ዋደካ እንጀቱ።

7 አላሚ ሀንተንታ እጻናው ዳንዳየና፤ ሽን ታን ሳኣ ከታይ ኢታ ግድያዋ ማርካትያ ድራው፡ ታና እጾዳ።

8 ባላ ቦንቶያሳ ሀንተንቱ ቢተ፤ ታው እንጀትያ ዋዲ ጋክቤና ድራው፡ ታን ባላ ቦንቶያሳ ባናዌ ብራ” ያጌዳ።

9 አ ሀዋ ጊደ፡ ጋሊላን አቲዳ።

የሱሰ ዳሰያ ባላሳን ቤቲዳ

10 ሽን አ እሻቱ ባላ ጋላሳ ቦንቶያሳ ቤዳዋፕ ጉይያን፡ እካ አሳይ በኤናን ጌማን ያ ቤዳ።

11 አይሁዳቱ ባላ ጋላሳ ቦንቶያሳን አ ኮዩና፡ “አ ሀቃን ደኤ?” ያጊደ፡ አ ላቢኖ።

6:45 አሳ. 54:13 † 6:71 አሰቆርታ- ሀ ቃላ ብላላይ፡ “ዋረትያ ብታንያ” ዋይ “ሀይቆ አላ አምያ ብታንያ” ግያዋ። 7:2 ዋጋ 23:34፤ ዛረ. 16:13

12 አሳ ግዲዋን ዳር ዙዙንላይ ደንዴዳ። አማራጭ አሳይ። “እ ሎኦ አሳ” ያጌ፤ ሀራቱ ቃይ። “እ፣ እ አሳ ባለፊ” ያጌ።

13 ሸን እይሁዳቱ ያዬዳ ድራው። ኦንነ አባ ቆንጭያን ሃሳየና።

14 ባላ ቦንቶያ ጋላሳ ባጋን፣ የሱስ ጌሻ ጎልያ ቢደ፣ ታማርሱዋ ጅሜዳ።

15 እይሁዳቱ ማለላቲደ፣ “ሀ ብታኒ አይነ ታማርናን ሀዋ ከና ዋን ኤሬዳ?” ያጌ።

16 ሄዋ ድራው፣ የሱስ ዛሪደ፣ “ታና ታማርሱዋ ታና ከቲዳ ጸሳ ማታፕ ይያዋፕ አትን፣ ታዋ ግደና።

17 ጸሳ ሸንያ አላናው ደሰያ ኦንነ ሀ ታን ታማርሱዋ ጸሳ ማታፕ ይንቶ ዋይ ቃይ ታን ታፕ ሃሳያይታንቶ ኤራና።

18 ባረዋ ሃሳይያ ኡራይ ባረ ሁጺያው ቦንቶዋ ኮይ፤ ሸን ባረና ከቲዳዋ ቦንቶታና ማላ ኮይያ ኡራይ ቱማንቻ፤ አን ዋርደባይ ባዋ።

19 ሙሴ ህንተንቶ ህግያ እምቤኔ? ሸን ህንተፕ እቱን ህግያ ናገና። ታና አያው ዋዳናው ኮይቲ?” ያጌ።

20 አሳይ ዛሪደ፣ “ኔናን ጸላሂ ደኤ፤ ኔና ዋዳናው ኦኔ ኮይዳዋ?” ያጌ።

21 የሱስ፣ “ታን እት ዋልቃማባ አላና፣ ህንተንቱ ኡባይ ማለላቲደታ።

22 ህንተንቱ ናና ህንተንቱ ደካላና ማላ፣ ሙሴ ህንተንታ አዛዜዳ። ሸን ደካላሳይ ህንተንቱ አዋቱዋና ዬዳዋፕ አትን፣ ሙሴና ይቤና፤ ሄዋ ህንተንቱ ሳምባታን አቱማ ናና ደካላታ።

23 ሙሴ ህጌ አዛዜዳ ድራው፣ ህንተንቱ ሳምባታን ደካልያዋ ግደፕ፣ ያትና ታን እት አሳው ኩሙንላ ቦላ ፓፊዳ ድራው፣ ታና አያው ህንቀቲቲ?

24 ቱሙ ፕርዳ ፕርድተፕ አትን፣ አሳ ዴሙዋ ጴሊደ ፕርድፕተ” ያጌ።

ሀዋ ክርስቶስ?

25 ሄዋ ድራው፣ የሩሳላሙ አሳፕ እቲ እቲ፣ “ኡንቲንቱ ዋዳናው ኮይያ ብታኒ ሀዋ ግደኔ?

26 በእተ፣ ቆንጭያን እ ሃሳዬ፤ ኡንቲንቱ አ አይነ ጌክና። ሀዋ ክርስቶሳ ግድያዋ ኑ ካፓቱ ቱሙ ኤሪናሻ?

27 ሸን ኑን አ ሀቃፕ ዬደንቶ ኤርይተ፤ ክርስቶስ ይያ ዋይ፣ እ ሀቃፕ ይንቶን ኦንነ ኤሪና” ያጌ።

28 ሄዋፕ ጉይያን፣ የሱስ ጌሻ ጎልያን ታማርሱደ፣ ባረ ቃላ ቶቁ አሊደ፣ “ህንተንቱ ታና ኤሪታ፤ ቃይ ታን ሀቃፕ ዬደንቶካ ኤሪታ። ታን ታ ሸንያን ያበይከ፤ ሸን ታና ከቲዳዋ ቱማንቻ፤ ህንተንቱ አ ኤርክታ።

29 ሸን ታን አ ኤራይ፤ አያው ጎፕ፣ እ ታና ከትና፣ ታን አ ማታፕ ያድ” ያጌ።

30 ሄዋ ድራው፣ ኡንቲንቱ አ ኦይቃናው ኮይድና፤ ሸን አ ዋዲ ብር ጋክቤና ድራው፣ ኦንነ አ ቦላ ኩሸያ ዋላቤና።

31 ሸን ዳር አሳይ የሱሳ አማኒደ፣ “ክርስቶስ ይያ ዋይ፣ ሀ ብታኒ ኡፊዳ ማላታፕ ዳርያዋ አላኔዬ?” ያጌ።

የሱሳ ኦይቃናው ዋታዳራቱ ከተቲድኖ

32 ፓርሳዋቱ ዳር አሳይ የሱሳባ ዙዙምያዋ ሰሴድኖ፤ ቁሳቱዋ ካፓቱን ፓርሳዋቱ አ ኦይቁ ቃሽሳናው አማራጭ ዋታዳራቱ ከቲድኖ።

33 የሱስ፣ “ታን ህንተናና ላፋ ጋምአና፤ ሄዋፕ ጉይያን፣ ታና ከቲዳዋኮ ባና።

34 ህንተንቱ ታና ኮያና፤ ሸን ደምክታ፤ አያው ጎፕ፣ ታን ደኤያ ሳአ ህንተንቱ ባናው ዳንዳይክታ” ያጌ።

35 እይሁዳቱ እቲ እቲዋና፣ “ሀዋ ኑን አ ደመናሳ ሀቃ ባና ሀኒ? እይሁዳቱ ደኤያ ግሪክ ካታማ ቢደ፣ ግሪክ አሳቱዋ ታማርሳና ሀኒ?

36 እ፣ “ህንተ ታና ኮያና፤ ሸን ደምክታ ቃይ፣ ታን ደኤያሳ ህንተንቱ ባናው ዳንዳይክታ” ያጌ፤ ሄዋ ግያዋ ዋግያዋ?” ያጌ።

ደኡዋ እምያ ሃላ

37 ሄ ባላ ጋላሳ ቦንቶያ ጋላሳፕ ዋናትያ ወርሰላ ጋላሳን የሱስ ደንድ ኤቂደ፣ ባረ ቃላ ቶቁ አሊደ፣ “ሳመቲዳ ኡራይ ኦንነ ታኮ ዪደ ኡሾ።

38 ታናን አማንያዎ፣ ጸሳ ማጸፋይ ግያዋዳን፣ አ ኡሉዋፕ ደኡዋ እምያ ሃላ ፑልቲ ጎጋናዋ” ያጌ።

39 እ ሄዋ አ አማኔዳዋንቱ አካና ጌሻ አያናባ ሃሳዬዳ። የሱስ ብር ባረ ቦንቶዋኮ ከሰቤና * ድራው፣ ሄ ዋይ ጌሻ አያናይ ኡንቲንቶ እመትቤና።

አሳ ግደን መጠቅዳ ጸልቀላ

40 ሄ አሳፕ ዳርያ ባጋይ እ ግያዋ ሰሲደ፣ “ቱሙ ሀዋ ናገትያ ናብያ” ያጌ።

41 ሀራንቱ፣ “ሀዋ ክርስቶሳ” ያጌ።

ሸን ሀራንቱ ቃይ፣ “ክርስቶስ ጋሊላፕ ዬና።

42 ጸሳ ማጸፋይ፣ “ክርስቶስ ዳዊተ ዛርያፕ፣ ዳዊተ ደኤዳ ቤተሌሙ ካታማፕ ያና፣ ጌነዬ?” ያጌ።

43 የሱሳ ጋሱዋን አሳይ ባረ ግዲዋን ሻከቲዳ።

44 ሄ አሳፕ እቲ እቲ አ ኦይቃናው ኮይድኖ፤ ሸን ኩሸያንነ አ ቦቻቢይክና።

45 ጌሻ ጎልያ ናግያዋንቱ ቁሳቱዋ ካፓቱዋኮን ፓርሳዋቱዋኮ ሰም ዬዳ ዋይ ኡንቲንቱ ናግያዋንታ፣ “አያው አ አህበይክቲ?” ያጌደ ኦቼድኖ።

46 ጌሻ ጎልያ ናግያዋንቱ ኡንቲንቶ፣ “ሀ ብታኒ ሃሳዬዳዋዳን፣ ኡባካ ኦንነ ሃሳይቤና!” ያጌደ ዛሪድኖ።

47 ፓርሳዋቱ ዛሪደ፣ “እ ህንተናካ ባለሉዋ?

48 ካፓቱዋፕ ዋይ ፓርሳዋቱዋፕ አ አማኔዳ አሳይ ደኢ?

49 ሸን ህግያ ኤረና ሀ አሳይ ሸቀቲዳዋ” ያጌ።

7:22 ደመላ 17:10፤ ዋጋ 12:3 7:37 ዋጋ 23:36 7:38 ህዝ. 47:1፤ ዛካ. 14:8 * 7:39 የሱስ ብር ባረ ቦንቶዋኮ ከሰቤና፡- የሃንሳ ሞሽራቸዋ ቃላን፣ የሱሳው ኩሙንላ ቦንቶ እመቲዳዋ፣ እ ማሰቃልያ ቦላን ካቀቲዳ ዋይን ባረ አቡ ኡሸቻ ባጋን ኡታናው ሀይቁዋ ጸኒደ ደንዴዳ ዋድያና ግድያዋ ቆንጭሴ። 7:42 2 ሳሜላ 7:12፤ ሚክ. 5:2

50 ኢንቴንቲዎች እቱ ካሰና የሱሳኮ ቤዳ ንቆድሞስ ኢንቴንታ።

51 “እት ኡሪይ ግያባ ሰሰናን ወይ እ ኢያ ኦፊደንቶ ኤሪናን ደኢደ። ካሰቲደ እ ቦላ ፕሮድያዌ ኑ ህግያን ደኢ?” ያጌዳ።

52 ኢንቴንቲዎች ዛሪደ እ። “ኔንካ ቃይ ጋሊላ ጋድያ አሴ? ጋሊላ ጋድያፕ ናቢ ቤተናዋ ጸሳ ማጸፋቱዋ ብዳደ ኤሪ” ያጌድኖ።

ዎሹማደ ኦይቀቲዳ ሞሽራቶ

53 አሳይ ኡባይ አጊደ። ባረ ሶይ ባረ ሶይ ቤዳ።

8

1 ሸን የሱስ ዋጋራ ሞላን ኤሪቲዳ ደርያኮ ቤዳ።

2 ዋንተላ ጋላስ ጉራን ጌሻ ጎልያ ሰሜዳ፤ ኡባ አሳይ እኮ ዪና። ኡቲደ ኢንቴንታ ታማርሱዋ ደሜዳ።

3 ሙሴ ህግያ ታማርሰያዋንቲን ፓርሳዋቱ ዎሹሞሸን ኦይቀቲዳ እት ሞሽራቶ እኮ አሄድኖ። ኢንቴንቲዎች አሳ ኡባ ሰንላን እዞ ኤሲደ የሱሳ።

4 “ታማርሰያዎ፣ ሀ ሞሽራታ ዎሹማደ ኦይቀታዲ።

5 ህግያ ቦላን ሙሴ ህን ማላ ማጫ አሳ ሹቻን ጫዳና ማላ። ኑና አዛዜዳ። ያትና ኔን ዋጋይ?” ያጌድኖ።

6 ኢንቴንቲዎች ሄዋ ጌዳዌ የሱሳ ሞትያዋ ደሚደ እ ፓጫናሳ፤ ሸን የሱስ ሆኪደ። ባረ ብራድያን ቢታ ቦላ ጸፊዳ።

7 ኢንቴንቲዎች እ ኦቺደ አገናን እጽና። ፑደ ቶቁ ጊደ። “ህንተንቲ ግዳዋን ናጋራ ኦሳቤና አሳይ ካሰቲደ። እዞ ሹቻን ጫደ” ያጌዳ።

8 ቃይካ ሆኪደ። ቢታ ቦላ ጸፊዳ።

9 ኢንቴንቲዎች ሄዋ ሰሴዳ ዋደ። ካሰቲደ ጭማቱ ከሰና። እቱ እቱ ከሲደ ወሬድኖ፤ እ ሰንላን ሞሽራታ ኤቃ ደኢሸን። የሱስ ባረ ጸላላ አቲዳ።

10 እ ፑደ ቶቁ ጊደ ሞሽራቶ። “ሞሽራቲ፣ አሳቱ ሀቃን ደኢኖ? ኦንነ ነ ቦላ ፕሮድቤኔ?” ያጌዳ።

11 ሞሽራታ። “ጎዳወ፣ ኦንነ ታ ቦላ ፕሮድቤና” ያጋዲ።

የሱስ እዞ። “ታንካ ነ ቦላ ፕሮድከ፤ ባ፤ ላኤንላደ ናጋራ ኦሳፓ” ያጌዳ። *

12 ቃይካ የሱስ አሳወ። “ታን አላመወ ፖኡዋ፤ ታና ካልያ ኦንነ ደኡዋ እምያ ፖኡዋ ደማናፕ አትን። ቶማን ኡባካ ሀመተና” ያጊደ ሃሳዬዳ።

13 ሄዋፕ ጉዩ ፓርሳዋቱ። “ኔን ነባ ማርካታሳ፤ ነ ማርካተላይ ቱማ ግደና” ያጌድኖ።

14 የሱስ ዛሪደ። “ታን ታባ ማርካቶፕካ፣ ታ ማርካተላይ ቱማ፤ አያወ ጎፕ። ታን ሀቃፕ ያድታንቶን ቃይ ሀቃ ባይታንቶ ኤሪይ፤ ሸን ህንተንቲ ኤርክታ።

15 አሳይ ፕሮድያ ኦግያን ህንተንቲ ፕሮዲታ፤ ታን እት ኡራ ቦላካ ፕሮድከ።

16 ሸን ታን ፕሮድያዋ ግደፕ፤ ታ ፕሮዲይ ቱማ፤ አያወ ጎፕ። ታና ኪቲዳ ታ አቡ ታናና ደኤፕ አትን። ታን ታረካ ደኢከ።

17 ላኡ አሳ ማርካተላይ ቱማ ግድያዌ ህንተንቲ ህግያን ጸፈት ኡቲዳ።

18 ታን ታባ ታ ሁጳወ ማርካታድ፤ ቃይ ታና ኪቲዳ ታ አቡካ ታባ ማርካቲ” ያጌዳ።

19 ኢንቴንቲዎች። “ነ አቡ ሀቃን ደኢ?” ያጊደ የሱሳ ኦቺድኖ።

የሱስ ዛሪደ። “ህንተንቲ ታናካ ወይ ታ አባካ ኤርክታ፤ ታና ኤሬዳዋ ግድንቶ፣ ታ አባካ ኤራንታ” ያጌዳ።

20 የሱስ ጌሻ ጎልያ ታማርሲደ። እምታ ሚሻይ ኡትያ ሳጽንያ ማታን ሄዋ ሃሳዬዳ። እ ኦንነ ኦይቁቤና፤ አያወ ጎፕ። እ ዋዲ ብር ጋክበና።

አማናን እጼዳዋንቶ እመቲዳ ሞኖ አኬክሱዋ

21 ቃይካ የሱስ ኢንቴንታ። “ታን ባና ህንተንቲ ታና ኮያና፤ ሸን ህንተንቲ። ህንተንቲ ናጋራን ሀይቃንታ። ታን ብያሳካ ባናወ ህንተንቲ ዳንዳይክታ” ያጌዳ።

22 አይሁዳቲ። “እ። ታን ብያሳ ህንተንቲ ባናወ ዳንዳይክታ” ያጌ፤ እ ባረና ባረካ ዎቶኔየ?” ያጌድኖ።

23 የሱስ ዛሪደ። “ህንተንቲ ጋርሳ አሳ፤ ታን ቦላ አሳ። ህንተንቲ ሀ አላምያ አሳ፤ ታን ሀ አላምያ አሳ ግድከ።

24 ህንተንቲ። ህንተንቲ ናጋራን ሀይቃናዋ ታን ህንተንቶ ኦጼዳዌ ሀዋሳ፤ ታን ታና ፊ ግድያዋ ህንተንቲ አማናና ቶፕ። ህንተንቲ። ህንተንቲ ናጋራን ሀያንታ” ያጌዳ።

25 ኢንቴንቲዎች። “ኔን ኦኔ?” ያጊደ ኦቺድኖ።

የሱስ ዛሪደ። “ታን ታና።

26 ታን ህንተባ ሃሳይያባይነ ፕሮድያባይ ዳርባይ ደኤ። ሸን ታና ኪቲዳዌ ቱማንቻ፤ ቃይ ታን አፕ ሰሴዳዋ አላምያ አሳወ ኦዳይ” ያጌዳ።

27 እ ባረ አወዋባ ሃሳይያዋ ኢንቴንቲ አኬክበይክና።

28 ሄዋ ድራወ። የሱስ ኢንቴንታ። “ታና አሳ ናኦ ህንተንቲ ማሰቃልያ ቦላ ፑደ ደንላያ ዋደ። ታን ታና ግድያዋን ቃይ ታን ታ አቡ ታና ታማርሴዳዋዳን ሃሳይያዋፕ አትን። ታ ሸንያን አይነ ኦፍዋ ህንተንቲ ኤራንታ።

29 ቃይ ታና ኪቲዳዌ ታናና ደኤ፤ ታን ኡባ ዋደ እ ናሽቶያዋ ኦሳያ ድራወ። እ ታ ጸላላ አግቤና” ያጌዳ።

30 የሱስ ሄዋ ሃሳይሸን ሰሴዳ ዳር አሳይ እ አማኔድኖ።

ናጋራ አይለተላፕ ላእ ከሳ

31 የሱስ ባረና አማኔዳ አይሁዳቲዎ። “ህንተንቲ ታን ታማርሰያዋ አዛዘቶፕ፣ ቱሙ ታና ካልያዋንታ።

32 ህንተንቲ ቱማተላካ ኤራንታ፤ ቃይ ቱማተላይ ህንተንታ አይለተላፕ ከሳናዋ” ያጌዳ።

8:5 ዋጋ 20:10፤ ዛረ. 22:22-24 * 8:11 7:53—8:11 እት እት በን ጸፈቲዳ ጌሻ ማጸፋቱዋን ሀ ፓይዳ ባዋ። 8:17 ዛረ. 19:15 † 8:24 ታን ታና፡- አይሁደ አሳወ ዋልቃማን ጌሻ ግዴዳ ጸሳ ሱንላይ “ያህዌህ” ግዴዳ። ሀዋ ብለላይካ ታን ታና ግያዋ።

33 ኢንቴንቱ ዛሬደ፡ “ኑን አብራሃም ዛሬ፤ ኑን ኦሰንካ አይለትበይኮ። ያትና ኔን ዋጋይ፡ “አይለተፋፋፍ ህንተንቱ ከሳንታ” ጋይ?” ያጌድኖ።

34 የሱስ፡ “ታን ህንተንቶ ቱሙዋ ኦዳይ፤ ናጋራ ኦልያ ኦንነ ናጋራ አይልያ።

35 አይሊ ኡባ ዋደ ሶይን ደኤና፤ ሽን ናአይ ሙድናው ጎለን ደኤ።

36 ናአይ ህንተንታ አይለተፋፍ ከሶፐ፡ ህንተንቱ አይለተፋፍ ቱሙ ከሳንታ።

37 ህንተንቱ አብራሃም ዛሬ ግድያዋ ታን ኤራይ፤ ሽን ታ ታማርሰያዋ ህንተንቱ አከና ድራው፡ ታና ዋዳናው ኮዪታ።

38 ታን ታ አቡ ታና በሴዳዋ ሃሳይ፤ ቃይ ህንተንቱካ ህንተንቱ አወዋፐ ሰሴዳዋ ኦሊታ” ያጌድኖ።

39 ኢንቴንቱ ዛሬደ፡ “ኑ አቡ አብራሃም” ያጌድኖ።

የሱስ ኢንቴንታ፡ “ህንተንቱ አብራሃም ናና ግዴደንቶ፡ እ ኦሴዳ ኦሱዋ ማላ ኦላንታ።

40 ሽን ጸሳፐ ሰሴዳ ቱሙዋ ኦዳዳ ታና ህንተንቱ ዋዳናው ኮዪታ፤ አብራሃም ሄዋዳን ኦሳቤና።

41 ህንተንቱ፡ ህንተንቱ አዉ ኦሴዳዋ ኦሊታ” ያጌድኖ።

ኢንቴንቱ ዛሬደ፡ “ኑን ዋሹማን ድቃላተፋ የለትበይኮ፤ ኑዉ እት አዉ፡ ጸሳ ጸላላይ ደኤ” ያጌድኖ።

42 የሱስ ኢንቴንታ፡ “ህንተንቱ ጸሳ ናና ቱሙ ግዴደንቶ፡ ታና ሲቃና፤ አያዉ ጎፐ፡ ታን ጸሳ ማታፐ ያደ ሀዋን ደአይ። ታና እ ኪቲዳዋፐ አትን፡ ታን ታ ሽንያን ያበይኮ።

43 ታን ታማርሰያዋ ህንተንቱ አኬከናዌ አያሴ? ታን ታማርሰያዋ ህንተንቱ አከና ድራሳ።

44 ህንተንቱ፡ ህንተንቱ አወዋ ኢታ አያና ናና፤ ቃይ ህንተንቱ፡ ህንተንቱ አዉ አሞትያዋ ኦላናዉ ኮዪታ። እ ካሰፐ ደሚደ፡ ሸምቼዋ ዋዴዳዋ፤ ቱማተላይ እን ባይና ድራው፡ ቱማተላኮ ሸቅ ኤሪና። እ ዋርዳዋ ሃሳይያ ዋደ፡ ባረፐ ሃሳይ፤ አያዉ ጎፐ፡ እ ዋርዳንቻን ቃይ ዋርዳካ አወዋ።

45 ሽን ታን ቱሙዋ ሃሳይያ ድራው፡ ህንተንቱ ታና አማንክታ።

46 ህንተፐ ታና ናጋራ ኦልሽን በኣድ ጋናዉ ዳንዳይያዌ ኦኔ? ታን ቱሙዋ ሃሳይያዋ ግደፐ፡ ታና አያዉ አማንክቱ?

47 ጸሳ አሳ ግዴዳ ኡራይ ጸሳይ ግያዋ ሰሴ፤ ህንተንቱ ጸሳ አሳ ግደና ድራው፡ ጸሳይ ግያዋ ሰሰክታ” ያጌድኖ።

የሱስ አብራሃምፐ ካሰናካ ደኤ

48 አይሁዳቱ ዛሬደ፡ “ኑን ኔና፡ ኔን ሳማርያ አሳ፤ ኔናን ኢታ አያናይ ደኤ” ጌደ ባይዜዶ?” ያጌድኖ።

49 የሱስ ኢንቴንታ፡ “ታ ቦላ ኢታ አያናይ ባዋ፡ ታን ታ አባ ቦንቻይ፤ ሽን ህንተንቱ ታና ካዉሺታ።

50 ታን ታ ሁጲያዉ ቦንቻዋ ኮይከ፤ ሄዋ ታዉ ኮይያዌን ፕርድያዌ ደኤ።

51 ታን ህንተንቶ ቱሙዋ ኦዳይ፤ ታን ታማርሰያዋ ናግያ ኦንነ ኡባካ ሀይቀና” ያጌድኖ።

52 አይሁዳቱ ዛሬደ፡ “ኑ ቦላ ኢታ አያናይ ደአያዋ ኑን ሀእ ኤሬደ። አብራሃም ሀይቄዳ፤ ናባቱ ሀይቄድኖ፤ ሽን ኔን፡ ታ ቃላ ናግያ ኦንነ ኡባካ ሀይቀና” ያጌድኖ።

53 ኔን ሀይቄዳ ኑ አወዋ አብራሃምፐ ዳራይ? ናባቱ ቃይ ሀይቄድኖ፡ ኔን ኔና ኦና ጋደ ቆፓይ?” ያጌድኖ።

54 የሱስ፡ “ታን ታና ቦንቻፐ፡ ታ ቦንቹ ሙላ፤ ህንተንቱ ኑ ጸሳ ግያ ታ አቡ ታና ቦንቹ።

55 ህንተንቱ አ ኤራና ጳዮፐካ፡ ታን አ ኤራይ። ታን አ ኤርከ ጎፐ፡ ህንተንቱዋዳን ዋርደ ግዳይ፤ ሽን ታን አ ኤራይ፤ ቃይ አ ቃላካ ናጋይ።

56 ህንተንቱ አዉ አብራሃም፡ ታ የሳ ዋድያ በአናዉ ላሞቲዳ፤ በኢደካ ናሽቲዳ” ያጌድኖ።

57 አይሁዳቱ ዛሬደ እ፡ “ካዉ ሀራይ አቶ አሻታሙ ላይላ ኩምቤናዌ አብራሃም በኣዲ?” ያጌድኖ።

58 የሱስ ኢንቴንታ፡ “ታን ህንተንቶ ቱሙዋ ኦዳይ፤ አብራሃም የለታናፐካ ካሰ ታን ታና” ያጌድኖ።

59 ሄዋ ድራው፡ ኢንቴንቱ የሱሳ ጫዳናዉ ሹቻ አኬድኖ፤ ሽን የሱስ ኢንቴንቱፐ ጌመቲደ፡ ጌሻ ጎልያፐ ቤዳ።

9

የሱስ ቆቃ ግዲደ የለቲዳ ብታንያ ፓሌዳ

1 የሱስ ቢደ፡ የለቶደፐ ቆቃ ግዲደ ደአያ እት ብታንያ በኤዳ።

2 የሱሳ ካልያዋንቱ የሱሳ፡ “ታማርሰያዋ፡ ሀ ብታኒ ቆቃ ግዲደ የለታናደን፡ ናጋራ ኦሴዳዌ ኦኔ? እ ኦሴዳዎ? ዋይ አ የሌዳዋንቱ ኦሴድኖ?” ያጌደ ኦቹድኖ።

3 የሱስ፡ “ጸሳ ኪታይ አ ቦላን ቆንጫና ማላ ቆቄዳፐ አትን፡ እ ዋይ አ ዳያን አ አቡ ናጋራ ኦሳበይክና።

4 ኑን ሳአይ ቃመናን ደአሽን፡ ታና ኪቲዳዋ ኦሱዋ ኦላናዉ በሴ። ኦንነ ኦላናዉ ዳንዳየና ቃማይ ዬ።

5 ታን አላምያን ደአደ አላመዉ ፖኦ” ያጌድኖ።

6 የሱስ ሄዋ ጌደ፡ ሳኣን ጩቹዳ፤ ባረ ጩቻን ጉላ ኡርቃ ሹግሲደ፡ ሄ ኡርቃን ቆቃ ብታንያ አይፍያ ኦኪደ።

7 “ባደ ሳልሆማ ግያ ዳጋቲዳ ሃላን ነ አይፍያ ሜጫ” ያጌድኖ። “ሳልሆማ” ግያዌ “ኪተቲዳዋ” ጉሳ። ሄዋ ድራው፡ ብታኒ ቢደ፡ ባረ አይፍያ ሜጫቲደ፡ ጴሊደ ሰሜዳ።

8 ብታንያ ሹራቲን ብታኒ ካሰ ዋሰሽን በኤዳ አሳይ፡ “ሀዌ ኡቲደ ዋሰያ ብታንያ ግደኔዬ?” ያጌድኖ።

9 ቃይ አማራዳዋንቱ፡ “ሀዌ አተኔ” ያጌድኖ። ሀራንቱ ቃይ፡ “ቱይት፡ ሀዌ አ ማላትያዋፐ አትን፡ አ ግደና” ያጌድኖ።

ሽን ብታኒ፡ “ታን አቱ” ያጌድኖ።

10 ኢንቴንቱ ብታንያ፡ “ያትና፡ ነ አይፊ ዋን ጴሌዳ?” ያጌደ ኦቹድኖ።

11 እ ዛሬደ፡ “የሱሳ ጌተትያ ብታኒ ጉላ ኡርቃ ሹግሲደ፡ ታ አይፍያ ኦኪደ፡ ሳልሆማ ጌተትያ ዳጋቲዳ ሃላን ባደ ነ አይፍያ ሜጫታ” ያጌድኖ። ታን ባደ ሜጫታደ ጴላድ” ያጌድኖ።

ደርሳቱ አዋንታ ግድክኖ፤ ቃይ እካ ደርሳቱዋ ሃምያዋ ግደና። ሄዋ ድራው፤ ደርሳቱዋ ኦይቄነ ላሌ።

13 ሻሉዋ እኪደ ሄምያዋ ባረ ሻሎ ሄምያ ድራውን ደርሳባይ አ ቆፈ፤ ድራው፤ ደርሳቱዋ አጊደ ባቃቱ።

14-15 “ታን ደርሳ ሎይላ ሄምያዋ፤ ታ አቡ ታና ኤርያዋዳን፤ ታንካ ቃይ ታ አባ ኤራይ። ሄዋዳንካ፤ ታን ታ ደርሳቱዋ ኤራይ፤ ታ ደርሳቱካ ታና ኤራይ። ቃይ ታን ታ ደርሳቱዋ ድራው፤ ሀይቃናው ኮያድ።

16 ሀ ሰኩዋን ባይና ሀራ ደርሳቱካ ታወ ደኢኖ። ታን ኡንቱንታካ አሀናው በሴ። ቃይ ኡንቱንቱ ታ ኮሻ ሰሳና፤ እት ወዲ ደኢና፤ ሄምያዋካ እቱዋ ግዳናዋ።

17 “ታን ታ ሸምቸዋ ዛራደ አካና ማላ፤ አላደ እማናው ኮይያ ድራው፤ ታ አቡ ታና ሲቄ።

18 ታን ደሳደ ታ ሸምቸዋ አላ እምያዋ፤ እትን፤ ታ፤ አንነ አከና። ታወ ታ ሸምቸዋ አላ እምያ ማታይ ደኤ፤ ቃይ ዛራደ አካናውካ ማታይ ደኤ። ታን ሀ አዛዙዋ ታ አወዋ፤ አካድ” ያጌድ።

19 ሄ ሃሳያ ድራው፤ አይሁዳቱዋ ግዲዋን ቃይካ ሻኩ መጠቅ፤

20 ኡንቱንቱ፤ ደርያ ባጋይ፤ “አን ጸላሂ ደኤ! እ ጎዬ! አ ሃሳያ እያወ ሰሰቱ?” ያጌድ።

21 ሀራቱ ቃይ “ጸላሂ ኦይቄዳ አሳይ ሀዋዳን ሃሳየና፤ ጸላሂ ቆቃ አሳ አይፍያ ጸልሳናው ዳንዳዪዬ?” ያጌድ።

የሱስ እጸቲዳ

22 የሩሳላሙን ጌሻ ጎልያ እንጅሴዳ ጋላሳ ሀሳይሰያ ባላይ ጋኬዳ፤ ሳእይ ሄ ዋደ ባልጉዋ።

23 የሱስ ጌሻ ጎልያን ሶሎሞና ባራንዳን፤ ያነ ሃነ ሀመቱ።

24 አይሁዳቱ የሱሳ ማታን ዩይ አዲድ፤ “ኔን ኑና አወደ ጋካናው ሰፊሳደ ዋሳኒ? ኔን ክርሰቶሳ ግደ፤ ኑወ ጌሻደ ኑዳ” ያጌድ።

25 የሱስ ኡንቱንቶ ዛራደ፤ “ታን ሀንተንቶ ኦዳድ፤ ሸን ታና አማንክታ፤ ታን ታ አቡ ሱንሳን አሳያ ኪታይ ታባ ማርካቱ።

26 ሸን ሀንተንቱ ታ ደርሳ ግደና ድራው አማንክታ።

27 ታ ደርሳቱ ታ ኮሻ ሰሰኖ፤ ታን ኡንቱንታ ኤራይ፤ ኡንቱንቱካ ታና ካሊኖ።

28 ታን ኡንቱንቶ መጅና ደኡዋ እማይ፤ ቃይ ኡንቱንቱ ኡባካ ሀይቄክኖ። ኦንነ ታ ኩሽያ፤ ኡንቱንታ ዋሳ አካናው ዳንዳየና።

29 ኡንቱንታ ታወ እማዳ ታ አቡ ኦፐን * አዲ፤ ኦንነ ታ አቡ ኩሽያ፤ ኡንቱንታ ዋሳ አካናው ዳንዳየና።

30 ታን ታ አቡ እቱዋ” ያጌድ።

31 አይሁዳቱ የሱሳ ጫዳናው ቃይካ ሹቻ ደንሌድ።

32 የሱስ ኡንቱንታ፤ “ታን ኦላናው ታ አቡ ታወ እማዳ ዳር ሎኦ ኦሱዋ ሀንተንታ በሳድ፤ ሄዋንቱ፤ ሀቃዋንቱ ድራው፤ ታና ሹቻን ጫዳናው ኮዪቱ?” ያጌድ።

33 አይሁዳቱ ዛራደ፤ “ኑን ኔና ሎኦ ኦሱዋ ድራው፤ ሹቻን ጫዳናው ኮዪቱ፤ ሸን ኔን ጸሳ ቦላ ቦርያ ቃላ ሃሳይያ ድራውን ቃይ አሳ ግዳደ ነ ሁጲያ ጸሳ ኦሌዳ ድራው፤ ጫዳናው ኮዪቱ!” ያጌድ።

34 የሱስ ዛራደ፤ “ሀንተንቱ ሀግያን ጸሳይ፤ ‘ሀንተ ጸሳቱዋ’ ጌዳዌ ጸፈትቤኔ?”

35 ጸሳ ማጸፋቱዋ ለማናው ዳንዳየተና፤ ጸሳይ ባረ ቃላይ ዬዳ አሳቱ፤ ‘ጸሳቱዋ’ ጊደ ጸሴዳዋ ግደ፤

36 ታን፤ ‘ታን ጸሳ ናኦ’ ጌዳ ድራው፤ ታ አቡ እንጂደ፤ ሳኦ ኪቱዳ ታና፤ ‘ጸሳ ቦላ ቦርያ ቃላ ሃሳያ’ ያጌቱ?

37 ታን ታ አቡ ኦሳዎ ኦላና ጳዮ፤ ታና አማኖ፤

38 ሸን ታን ኦሳዎ ግደ፤ ሀራይ እቶ ሀንተንቱ ታና አማናና ጳዮ፤ ታ አቡ ታናን ደእያዋን ታንካ ታ አቡን ደእያዎ ኤራናዳንነ አኬካናዳን፤ ታ ኦሱዋ አማንተ” ያጌድ።

39 ቃይካ ኡንቱንቱ አ ኦይቃናው ኮዪድኖ፤ ሸን እ ኡንቱንቱ፤ ከሰ አኪደ ቤዳ።

40 የሃንሰ ካሰ ጸማቅያሳ የርዳኖሳ ሻፋ፤ ሄፍንሳ የሱስ ፕኒደ፤ ያን ደኤዳ።

41 ዳር አሳይ የሱሳኮ ዪደ፤ “የሃንሰ ዋልቃማ ማላታ ኦሳቤና፤ ሸን እ ሀ ብታንያባ ሃሳዬዳባይ ኡባይ ቱማ” ያጌድ።

42 ያን ዳር አሳይ የሱሳ አማኔዳ።

11

አልአዛራ ሀይቁዋ

1 ቢታንያ ግያ ቄር ካታማን አልአዛራ ግያ እት ብታኒ ሀርጌዳ፤ ሄ ካታማይ ማይራማን እዝ ሞቻታ ማርታ ደኤዳ ካታማ።

2 ጎዳ ገድያ ሸቱዋ ኦካደ፤ ባረ ብናናን አ ገድያ ቁጩዳውና ሄ ማይራማ፤ ሀርጌዳዌ ቃይ እዝ እሻ አልአዛራ።

3 ሄዋ ድራው፤ ሞቻቱ፤ “ጎዳው፤ ኔን ሲቅያዌ ሀርጌዳ” ጊደ የሱሳው ኪቱድኖ።

4 የሱስ ሄዋ ሰሴዳ ዋደ፤ “ታን ጸሳ ናኤ ሀርግያ ጋሱዋን ቦንቼታና ማላ፤ ጸሳ ቦንቾ ሀ ሀርጌ አልአዛራ ኦይቄዳ፤ እትን፤ ዋድያ ሀርግያ ግደና” ያጌድ።

5 የሱስ ማርቶ፤ እዝ ሞቻቶን አልአዛራ ሲቄ፤

6 አልአዛር ሀርጌዳዋ የሱስ ሰሴዳ ዋደ፤ ባረ ደእያ ሳኦን ላኡ ጋላሳ ፔሼዳ።

7 ሄዋ፤ ጌይያን፤ የሱስ ባረና ካልያዋንታ “ላኤንሉዋ ይሁዳ ጋድያ ቦይተ” ያጌድ።

8 የሱሳ ካልያዋንቱ ዛራደ፤ “ታማርሰያዎ፤ ጉሳ ዋድያ፤ ካሰ አይሁዳቱ ኔና ሹቻን ጫዳናው ኮዪድኖ፤ ቃይካ ያ ባኒ?” ያጌድ።

9 የሱስ፤ “እት ጋላሳን ታማን ላኡ ሳቲ ደኤኔየ? ጋላሰ ሀመትያ አሳይ ጳብተና፤ አያወ ሳ፤ እ ሀ ሳኦ ፖኡዋ በኤ።

10 ሸን ቃማ ሀመትያ ኡራይ ደኡ፤ ፖኡ እን ባይና ድራው፤ ጳብቱ” ያጌድ።

* 10:29 ኦፐን- ኡባ፤ 10:33 ዋጋ 24:16 10:34 ማዘ. 82:6

11 የሱስ ሄዋ ጌዳዋጥ ጉይያን፣ ቃይካ ኢንቱንቶ፣ “ኑ ዳቡ አልአዛር ገምእሼዳ፤ ሸን ገምእሹዋጥ አ ደንፋናው ታን ባይ” ያጌዳ።

12 የሱሳ ካልያዋንቱ ዛሪደ፣ “ጎዳው፣ እ ገምእሼዳዋ ግደጥ፣ አው ሎአናዋ” ያጌድኖ።

13 አልአዛር ሀይቄዳዋ የሱስ ኦዳዳ፤ ሸን አልአዛር ገምእሼደ ግሴዳዋ ኦዳዳ ገደ፣ ኡንቱንቱ ቆፔድኖ።

14 ሄዋ ድራው፣ የሱስ ጌሺደ ኡንቱንታ፣ “አልአዛር ሀይቄዳ።

15 ሀንተንቱ አማናና ማላ፣ ታን ሄ ሳኣን ደኤናዋ፣ ሀንተንቱ ድራው ናሽታይ። ሸን ደንድተ፤ እኮ ቦይተ” ያጌዳ።

16 ሄዋጥ ጉይያን፣ ማንትያ ጌተትያ ቶማስ ባረ ለገላቱዋ የሱሳ ካልያዋንታ፣ “የሱሳና ሀይቃናው ኮንካ ቃይ ቦይተ!” ያጌዳ።

የሱስ፣ ደንዲዋን ደኤዋ

17 የሱስ ጋክያ ዋደ፣ አልአዛራው ሞገቶደጥ ኦይዱ ጋላሳ ግዴዳዋ ደሜዳ።

18 ቢታንያ ካታማይ የሩሳላመጥ ሄዙ ኪሎ ሚትርያ ከና ሃኬ።

19 ዳር አይሁዳቱ ማርቶን ማይራዋ ኡንቱንቱ እሻይ ሀይቄዳዋ መንግሳናው ዬድኖ።

20 ማርታ የሱስ ዬዳዋ ሰሳደ፣ አ ሞካናው ከሳዳ፤ ሸን ማይራማ ጎለን አታዱ።

21 ማርታ የሱሳ፣ “ጎዳው፣ ኔን ሀዋን ደኤዳዋ ግድንቶ፣ ታ እሻይ ሀይቀና።

22 ሸን ኔን ዋሰያዋ አይ ግደጥ፣ ጸሳይ ነው ሀራይ አቶ ሀእካ እማናዋ ታን ኤራይ” ያጋዱ።

23 የሱስ፣ “ነ እሻይ ሀይቄዋጥ ደንዳና” ያጌዳ።

24 ማርታ፣ “ዋድያ ወርሰላን* ደንዲዋ ጋላስ፣ እ ሀይቄዋጥ ደንዳናዋ ታን ኤራይ” ያጋዱ።

25 የሱስ እዝው፣ “ታን ደንዲዋን ደኤዋ፤ ታና አማንያ ኡራይ ሀራይ አቶ፣ ሀይቆጥካ ደኤዋን ደአናዋ።

26 ቃይ ደኤዋን ደእያ ኡራይን ታና አማንያ ኡራይ ኡባይ ኡባካ ሀይቀና፤ ሄዋ ኔን አማናይ?” ያጌዳ።

27 ማርታ ዛሪደ፣ “ጎዳው፣ ኤ ታን አማናይ፤ ኔን ጸሳ ናኣ፣ ሳእ ያናው ደእያ ክርሰቶሳ ግድያዋ ታን አማናይ” ያጋዱ።

28 ማርታ ሄዋ ጌዳዋጥ ጉይያን፣ ባደ ባረ ሞቻትው ጌማን ጸሳደ፣ “ታማርሰያዌ ዬደ፣ ኔና ኮይ” ያጋዱ።

29 ማይራማ ሄዋ ሰሴዳ ዋደ፣ ኤሌላ ደንዳ ኤቃደ የሱሳኮ ባዱ።

30 የሱስ ማርታ አ ሞኬዳ ሳኣን ደኤጥ አትን፣ ብር ቄር ካታማ ጋክቤና።

31 ማይራዋ መንግሳደ፣ ጎለን እዝና ደእያ አይሁዳቱ፣ እዛ ኤለካ ደንዳ ኤቃደ ካረ ከሰያዋ በኢደ፣ አልአዛር ሞገቱዳ ዱፋዋ ባደ ያን ዬካናው ሀናው ያገደ፣ እዙ ካሊደ ከሴድኖ።

32 ማይራማ የሱስ ደኢያሳ ባደ የሱሳ በኤዳ ዋደ፣ አ ገድያ ቦላን ኩንዳዱ፤ “ጎዳው፣ ኔን ሀዋን ደኤዳዋ ግድንቶ፣ ታ እሻይ ሀይቀና ሸን!” ያጋዱ።

33 የሱስ እዛ ዬክያዋን ቃይ እዝና ዬዳ አይሁዳቱካ ዬክያዋ በኢደ፣ ባረ ዋዛናን ዳር ሴለቱዳ፤ ቃይ ቶክ ሸምፔዳ።

34 ኡንቱንታ፣ “ሀቃን ሞጌድቱ?” ያገደ ኦኛና፣ “ጎዳው፣ ያደ በእ” ያገደ ዛሬድኖ።

35 የሱስ አፎጾዳ።

36 ሄዋ ድራው፣ አይሁዳቱ፣ “አልአዛራ እ አይ ከና ሲቅንቶ በእተ!” ያጌድኖ።

37 ሸን ኡንቱንቱጥ እቱ እቱ፣ “ሀዌ ቆቃ ብታንያ ጸልሴዳዌ ሀ ብታኒ ሀይቀናዳን ኡዳናው ዳንዳየኔ?” ያጌድኖ።

የሱስ አልአዛራ ሀይቄዋጥ ደንጮዳ

38 የሱስ ቃይካ ዋዛናጥ ቃረቲደ፣ አልአዛር ሞገቱዳ ዱፋዋኮ ቤዳ፤ ሄ ዱፋ ጎንጎሉዋ ግዲደ ሹቻን ቁምኤት ኡቲዳ።

39 የሱስ፣ “ሹቻ ድግተ!” ያገደ አዛዜዳ። ሀይቄዳ ብታንያ ሞቻታ ማርታ፣ “ጎዳው፣ እ ሀይቆደጥ ኦይዱ ጋላሳ ግዴዳ ድራው፣ ሀእ ጽንቃናዋ!” ያጋዱ።

40 የሱስ ማርቶ፣ “አማንያዋ ግደጥ፣ ኔን ጸሳ ቦንቹዋ በአናዋ ታን ነው ኦዳበይክታ?” ያጌዳ።

41 ኡንቱንቱ ሹቻ ደንጮዳ፣ የሱስ ሳሉዋ ፑደ ጸሊደ፣ “አዎ፣ ታን ግያዋ ኔን ሰሴዳ ድራው፣ ኔና ጋላታይ።

42 ኔን ኡባ ዋደ ሰሰያዋ ታን ኤራይ፤ ሸን ሀዋን ዩይ አዲደ ኤቄዳ አሳይ ኔን ታና ከቲዳዋ አማናና ማላ፣ ሀዋ ታን ኡንቱንቱ ድራው ጋይ” ያጌዳ።

43 የሱስ ሄዋ ጌዳዋጥ ጉይያን፣ ባረ ቃላ ጶቄ ኦሊደ፣ “አልአዛራ፣ ሃ ከሳ!” ያጌዳ።

44 ሀይቄዳ አልአዛራ ኩሺን ገዲ ሻሉዋን ቃሽት ኡቲደ አ ዴሙካ አፍላን ካመት ኡቲዳዌ ከሰና የሱስ ኡንቱንታ፣ “ብል አግተ! ቦ!” ያጌዳ።

ክርሰቶሳ ቦላ ማቀቲድኖ

(ማቶሳ 26:1-5፤ ማር. 14:1-2፤ ሉቃሳ 22:1-2)

45 ሄዋ ድራው፣ ማይራምኮ ዬዳ አይሁዳቱዋጥ ጮራቱ የሱስ ኦሌዳዋ በኢደ፣ አ አማኔድኖ።

46 ሸን ኡንቱንቱጥ እቱ እቱ ፓርሳዋቱዋኮ ቢደ፣ የሱስ ኦሌዳዋ ኡንቱንቶ ኦዳድኖ።

47 ሄዋጥ ጉይያን፣ ቄሳቱዋ ካፓቱን ፓርሳዋቱ ሸቄዋ ሺሺደ፣ “ሀ ብታኒ ዳር ዋልቃማ ማላታ ኦልያ ድራው፣ አያ ኦላኔ?

48 ኮን አ ጮኤ ገደ፣ አጎጥ፣ አሳይ ኡባይ አ አማናናዋ፤ ቃይ ሮመ ጋድያ አሳቱ ዬደ፣ ኮ ጌሻ ጎልያን ኮ አሳ ጳይሳና” ያጌድኖ።

49 ኡንቱንቱጥ እቱ ቃያፋ ግያ፣ ሄ ላይሳ ቄሳቱዋ ኡባቱዋ ካፖ ግዴዳዌ፣ “ሀንተንቱ አይነ ኤርክታ!

50 አሳይ ኡባይ ጳይያዋጥ አሳ ኡባ ድራው፣ እት አሳይ ሀይቄያዌ ሎእ ግድያዋ ሀንተንቱ አኬክተ?” ያጌዳ።

51 እ ሄዋ ባረጥ ግቤና፤ ሸን ሄ ላይሳ ቄሳቱዋ ኡባቱዋ ካፖ ግድያ ድራው፣ የሱስ አይሁዳ አሳ ድራው ሀይቃናው በሰያዋ ናቢ ዬዳዳ።

* 11:24 ዋድያ ወርሰላን፡- ጸሳይ አሳ ዘረላ ኡባ ፕርዳው ሺሽያ ዋደ ጉሳ።

52 ቃይ የሱስ አይሁዳ አሳ ጸላላው ሀይቀና፤ ሸን ላለት ደእያ ጸሳ ናና እቱዋ ኦል ሸሻናው ሀይቃና።

53 ሄ ጋላሳፕ ድሚድ፡ ኡንቱንቱ አ ዋዳናው ማቀቱድና።

54 ሄዋ ድራው፡ የሱስ አይሁዳቱ ግዲዋን ቆንጭያን ያ ሃ ሀመትቤና፤ ሸን መላ ቢታ ጋጸን ደእያ ጋድያ፡ ኤፍሬማ ጌተትያ ካታማ ቤዳ። ባረና ካልያዋንቱና ሄዋን ታኬዳ።

55 አይሁዳቱ ፓሰጋ ቦንቻያ ጋላሳይ ማቱዳ፤ ቃይ ዳሮ አሳይ ባረና ጌሻናው፡ ፓሰጋ ቦንቻያ ጋላሳይ ጋካናፕ ካስ ዲማ ዲማ ሳፕ የሩሳላመ ቤዳ።

56 ኡንቱንቱ የሱሳ ኮዩና፤ ጌሻ ጎልያን ኤቂድ፡ “እያ ቆፕቱ? ፓሰጋ ቦንቻያሳ የሱስ ዬኔ?” ያገደ እቱ እቱዋ አቼድና።

57 ቃይ ቁሳቱዋ ካፓቱነ ፓርሳዋቱ የሱሳ ቃቻናው፡ እ ደኢያሳ ኤርያዌ ኦንነ ባረንቶ ኦዳና ማላ አዛዜድና።

12

የሱሳ ሸቱዋ ኦኬዳ ሞሽራቶ (ማቶሳ 26:6-13፤ ማር. 14:3-9)

1 ፓሰጋ ቦንቻያ ጋላሳፕ ኡሱቱን ጋላሳ ካስቲድ፡ የሱስ እ ሀይቁዋፕ ደንጮዳ አልአዛር ደእያ ቢታንያ ግያ ካታማ ቤዳ።

2 ሄ ሳኣን ኡንቱንቱ አው ካወዋ ካጮድና፤ አልአዛር አናና ኡቲደ እትፕ ሞያዋንቱ ግደን ኡት ደእሸን፡ ማርታ ካወዋ ግሻ ሞዛዲ።

3 ማይራማ ዳሮ ሻሉዋን ዛልኤትያ እት ጸራሙስያ ግድያ ናርደሳ ጌተትያ ጌሻ ሸቱዋ እሃደ፡ የሱሳ ገድያ ኦካደ ባረ ብናናን አ ገድያ ቁጫዲ፤ ጎልያ ኡባይ ሸቱዋ ሳወዋን ቶሸኩ ጌ።

4 ሸን የሱሳ ካልያዋንቱፕ እቱ፡ የሱሳ አል እማናዌ፡ ይሁዳ አስቆሮቱ።

5 “ሀ ሸቱ ሄዙ ጾቱ ዲናርያን ዛልኤትና፡ እያወ ሄዌ ሀይሳወ እመተኔ?” ያገደ።

6 እ ካይሱዋ ግዴዳ ድራው፡ ሄዋ ጌዳፕ እትን፡ ሀይሳወ ቃረቲደ ግቤና፤ እ ሚሻ ቃርጨትያ አይቂያዋ ግድያ ድራው፡ ኡባ ዋደ አፕ ባረው አኬዳ።

7 የሱስ፡ “ሀ ሸቱዋ ታን ሞገትያ ጋላሳይ ጋካናው እዛ እያወ ሞንጃኔ? እዞ አግተ።

8 ሀይሳቱ ኡባ ዋደ ሀንተናና ደእና፤ ሸን ታን ኡባ ዋደ ሀንተናና ደእከ” ያገደ።

9 አይሁዳቱዋፕ ዳሮ አሳይ የሱስ ቢታንያን ደእያዋ ሰሲድ፡ ያ ቤዳ፤ ኡንቱንቱ የሱሳ በአና ግሻ ጸላላው ግደናን፡ እ ሀይቁዋፕ ደንጮዳ አልአዛራካ በአናው ቤድና።

10 ሄዋ ድራው፡ ቁሳቱዋ ካፓቱ አልአዛራካ ቃይ ዋዳናው ማቀቱድና።

11 እያወ ሳፕ፡ አልአዛራ ጋሱዋን ዳሮ አይሁዳቱ ባረና ካለልያዋንታ አገደ፡ የሱሳ አማኒና።

የሱስ ቦንቻዋን የሩሳላመ ገሌዳ (ማቶሳ 21:1-11፤ ማር. 11:1-11፤ ሉቃሳ 19:28-40)

12 ዋንተላ ጋላስ ፓሰጋ ቦንቻያሳ ዬዳ ዳሮ አሳይ የሱስ የሩሳላመ ብያዋ ሰሴዳ።

13 ያቲደ ዛምባ ሀይላ ኦይቂድ፡ * አ ሞካናው ከሴድና። ባረንቱ ኮሻ ቶቁ ኦሊደ፡

“ጸሳይ ጋላተቶ! ጸሳ ሱንላን ይያ እሰራኤልያ ካቲ አንጀቱዳዋ!” ያገደና።

14-15 ጸሳ ማጻፋይ፡ “ጽዮን ካታማው፡ ያዮፓ!

በእ፡ ነ ካቲ ሀረ ማራ ቦላ ኡቲደ ዬ” ግያዋዳን፡ የሱስ ሀረ ማራ ደሚድ፡ አ ቶጌዳ።

16 የሱሳ ካልያዋንቱ ሄዋ ካስ አኬክበይክና፤ ሸን የሱስ ቦንቻቱዳዋፕ ጉይያን፡ ጸሳ ማጻፋይ ሄዋ ኡባ ጌዳዋን ቃይ ኡንቱንቱካ ሄዋ ኡባ የሱሳው አጮዳዋ ሀሳዬድና።

17 አልአዛር ሞገቱዳ ጎንጎሉዋፕ የሱስ አ ጾሲድ፡ ሀይቁዋፕ ደንጮዳ ዋደ፡ የሱሳና ደእያ ዳሮ አሳይ የሱሳው ማርካቲዳ።

18 ዳሮ አሳይ አ ሞካናው ከሴዳዌ፡ እ ሄ ዋልቃማ ማለልያዋ ኦጮዳ ድራሳ።

19 ሄዋ ድራው፡ ፓርሳዋቱ እቱ እቱዋ፡ “ሀንተንቱ አይነ አላናው ዳንዳየናዋ በእቲ! በእተ፡ ጋደ ኡባይ አ ጌዱዋ ካሌዳ” ያገደና።

20 ፓሰጋ ቦንቻያ ጋላስ ጎይናናው የሩሳላመ ቤዳዋንቱ ግደን እት እት ግሪስ አሳቱ ደእኒና።

21 ኡንቱንቱ ጋለላ ጋድያን ቤተሳይዳ ጌተትያ ካታማፕ ዬዳ ፕልጸሳኮ ቢደ፡ “ሳዳው፡ ኦን የሱሳ በአናው ኮዬቶ” ያገደ ዋሴድና።

22 ፕልጸሰ ቢደ፡ እንድራሳው ኦድና ላአቱካ ቢደ፡ የሱሳው አዴድና።

23 የሱስ ኡንቱንቶ ሀዋዳን ያገደ፤ “ታን፡ አሳ ናአይ፡ ቦንቻትያ ሳቲ ጋኬዳ።

24 ታን ሀንተንቶ ቱሙዋ ኦዳይ፤ እት ዛርጋ አይፋታ ቢታን ዋዳእደ ዋቃና ቆፕ፡ ባረካ አታው፡ ሸን ሄ ዛርጋ አይፋታ ዋቆፕ፡ ዳሮ አይፍያ አይፋው።

25 ባረ ሸምፕዋ ሲቅያ ኦንነ ባይዜ፤ ቃይ ባረ ሸምፕዋ ሀ ሳኣን እጽያ ኦንነ መቅና ደኦ አሼ።

26 ኦንነ ታወ አሶፕ፡ ታና ካላናው በሴ፤ ቃይ ታን ደእያ ሳኣን ታወ አልያዌካ ደእናዋ። ታወ አልያ ኦናን፡ ታ አቡካ አ ቦንቻናዋ።

27 “ሀእ ታ ሸምፕ ዳሮ ኡንኤቱዳ፤ ያትና ዋጎ? ታን፡ ታ አቡ፡ ታና ሀ ሳታትፕ አሻርክ” ያጎ? ቱይት፡ ታን ሀ ሳትያን ዬዳዌ ሀዋ ድራሳ።

28 ታ አቡ፡ ነ ሱንላ ቦንቻ” ያገደ።

ሄ ዋደ ሳሉዋፕ፡ “ታን ታ ሱንላ ቦንቻድ፤ ቃይካ ፕጃደ ቦንቻና” ያግያ ቃላይ ዬዳ።

29 ሄ ሳኣን ኤቂዳ ጮራ አሳይ ሄ ቃላ ሰሲድ፡ “ሄዌ ፕፕካ” ያገደ።

ሀራንቱ ቃይ፡ “ኪታንቻይ እዉ ሃሳዬዳ” ያገደና።

12:8 ዛረ. 15:11 * 12:13 ዛምባ ሀይላ ኦይቂድ- ሀዌ አይሁዳ አሳይ ኤረቱዳ አሳ ሞክያ ዋጋ። 12:13 ማዘ. 118:25

30 የሱስ ዛሬደ ኢንቲንታ፡ “ሀ ቃላይ ህንተንቱ ድራዉ ዬዳዋፕ አትን፡ ታ ድራሳ ግደና።

31 ሀ ሳእይ ፕርደትያ ዎዲ ሀእ፤ ሀ ሳእ ተ ሞድያዌ ሀእ ካረ ኦለታናዋ።

32 ቃይ ታን ማስቃልያ ቦላ ካቀትያ ዎደ፡ አሳ ኡባ ታኮ ጎቻና” ያጌዳ።

33 እ ሄዋ ጌዳዌ አይ ማላ ሀይቁዋ እ ሀይቃነንቶን ኢንቲንታ ኤርሳናሳ።

34 ዳር አሳይ ዛሬደ የሱሳ፡ “ኑ ህጊ ክርሰቶስ መድናዉ ደእያዋ ኦዴ። ያትና፡ ኔን ዋጋደ፡ ላሳ ናእይ ማስቃልያ ቦላ ካቀታና፡ ጋይ? ሄ አሳ ናእይ ኦኔ?” ያጌድና።

35 የሱስ፡ “ፖኡ ህንተናና ጉላ ዎድያ ጋምእናዋ። ህንተንቶ ጁመና ማላ፡ ፖኡ ደእሸን፡ ፖኡዋን ሀመትተ። ጁማን ሀመትያ ኡራይ ሀቃ ብንቶን ኤረና።

36 ፖኡዋ አሳ ግደና ማላ፡ ህንተንቶ ፖኡ ደእሸን፡ ፖኡዋ አማንተ” ያጌዳ። የሱስ ሄዋ ሃሳዬዳዋፕ ጉይያን፡ ቢደ ኢንቲንቲፕ ጌመቲዳ።

አይሁዳቱ አማናናን እጹዳ ሀናታ

37-38 እ ሄዋ ኬና ዎልቃማ ማላታ ኢንቲንቲ ሰንፋን ኦሎፕካ፡ ናብያ እሳያሰ፡

“ጎዳዉ፡ ኑ ማርካተላ ኦን አማኔዳ?
ጎዳይ ባረ ዎልቃ ኦና በሴዳ?”

ጌዳዌ ቱማ ግዳና ማላ፡ ኢንቲንቲ አ አማንበይክና።

39-40 እሳያሰ ቃይካ፡
“ኢንቲንቲ አይፊ ጸለና ማላ፡
ኢንቲንቲ ዎዛናይካ አኬከና ማላ፡
ኢንቲንቲ ጸሳኮ ሰሞና፡ እ ኢንቲንታ ፓ□ና ማላ፡

ጸሳይ ኢንቲንቲ አይፍያ ቆቅሴዳ።
ኢንቲንቲ ዎዛና ዳሞሴዳ”

ጌዳ ድራዉ፡ ኢንቲንቲ አማናናዉ ዳንዳይበይክና።

41 እሳያሰ የሱሳ ቦንቸዋ በኤዳ ድራዉን ቃይ አባ ሃሳዬዳ ድራዉ፡ ቶ ሄዋ ጌዳ።

42 ሄዋ ግድናካ፡ ሀራይ አቶ አይሁዳቱ ካፓቸዋፕካ ጮራቱ የሱሳ አማኔድና። ሸን ፓርሳዋቱ ባረና አይሁዳቱ ዎሳ ጎልያፕ ከሲና ገደ ያዬዳ ድራዉ፡ አማኔዳ ገደ ማርካተበይክና።

43 አያዉ ጎፕ፡ ኢንቲንቲ ጸሳ ሳባፕ አሏደ፡ አሳ ሳባ ሲቁድና።

44 የሱስ ባረ ቃላ ቶቁ ኦሏደ ያጌዳ፤ “ታና አማንያ ኦንን ታና ኪቲዳዋካ አማንያዋፕ አትን፡ ታ ጸሳላ አማና።

45 ታና በእያ ኦንን ታና ኪቲዳዋካ በኤ።

46 ታና አማንያ ኡባይ ጁማን ደኤና ማላ፡ ታን ፖኡዋ ግዳደ ሳኦ ያድ።

47 ታ ቃላ ሰሲደ አዛዘተና ኡራ ኦናን ታን ፕርድከ፤ አያዉ ጎፕ፡ ታን አላምያ አሻናዉ ዬዳዋፕ አትን፡ ፕርዳናዉ ያበይከ።

48 ታና እጽያ ኦናን ቃይ ታ ቃላ አከና ኦናን ፕርድያዌ ደኤ። ታን ኦዴዳ ቃላይ ዉርሰላ ጋለሰ ሄ ኡራ ፕርዳና።

49 አያዉ ጎፕ፡ ታን ሀዋ ታፕ ሃሳያበይከ፤ ሸን ታና ኪቲዳ ታ አቡ ታን ጋናዋን ሃሳያናዋ ታና አዛዘኑ።

50 ቃይ አ አዛዘ መድና ደኡዋ አሀያዋ ታን ኡራይ፤ ሄዋ ድራዉ፡ ታን ኦድያዌ ታ አቡ ታና ኦዳ ገደ ኦዴዳዋ” ያጌዳ።

13

የሱስ ባረ ካልያዋንቱ ገድያ ሜጬዳ

1 ፓሰጋ ቦንቸያ ጋላሳይ ጋካናፕ ካሰቲደ፡ ሀ ሳኦፕ ሻከቲደ፡ አዉዋኮ ብያ ዎዲ ጋኬዳዋ የሱስ ኤሬዳ፤ ሀ ሳኦን ደእያ ባረዋንታ ኡባ ዎደ ሲቆዳ፤ ዉርሰላይ ጋካናዉ ኢንቲንታ ሲቆዳ።

2 የሱስን ካልያዋንቱ ካዉዋ ሚሸን፡ ሰሞና ናእ ይሁዳ አስቆሮቱ የሱሳ አሐ አማናዳን፡ ጸላሂ አ ቆፍሰ ዎሌዳ።

3 የሱስ ባረ አዉ ኡባባ አ ኩሸያን ዎሌዳዋ፡ ቃይ ጸሳ ማታፕ እ ዬዳዋን፡ ሰሚደ አኮ ባናዋ ኤሬዳ።

4 የሱስ ሞያሳፕ ደንድ ኤቂደ፡ ቦላ ባጋ ማዬዋ ቃር ዎሏደ፡ ፖጸ ባረ ጸሳን ዳንጬዳ።

5 ሄዋፕ ጉይያን፡ ሃላ ሚቻ ሚሻን ትገደ፡ ባረና ካልያዋንቱ ገድያ ሚቻን ባረ ጸሳን ዳንጬዳ ፖጸን ቁጬሳ ደሚዳ።

6 የሱስ ሰሞን ጸጽሮሳኮ ዪና ጸጽሮሰ፡ “ጎዳዉ፡ ኔን ታ ገድያ ሜጬናዉ ሀናይዬ?” ያጌዳ።

7 የሱስ ዛሬደ አ፡ “ታን ኦሐያዋ ኔን ሀእ ኡራካ፤ ሸን ጉየፕ ኡራናሳ” ያጌዳ።

8 ጸጽሮሰ፡ “ኔን ታ ገድያ ኡባካ ሜጬካ!” ያጌዳ።

የሱስ አ፡ “ታን ነ ገድያ ሜጬና ቆየፕ፡ ነዉን ታዉን አትፕተላይ ባዋ” ያገደ ዛሬዳ።

9 ሰሞና ጸጽሮሰ የሱሳ፡ “ጎዳዉ፡ ያቶፕ፡ ታ ገድያ ጸሳላ ሜጬፕ፤ ታ ኩሸያካ ታ ሁጲያካ ሜጬ!” ያጌዳ።

10 የሱስ ዛሬደ፡ “ቦላ ሜጬት ድጌዳ ኡራይ ኦንን ገድያፕ ሀራባ ሜጬታናዉ ኮሸና፤ አዉ ኡባሳይካ ጌሻ። ቃይ ህንተንቲካ ጌሻ፤ ሸን ኡባይ ጌሻ ግድክታ” ያጌዳ።

11 አያዉ ጎፕ፡ የሱስ ባረና አሐ አማና ኡራይ ኦንንቶን ኤሬዳ፤ እ፡ “ህንተንቲ ኡባይ ጌሻ ግድክታ” ጌዳዌ ሀዋሳ።

12 ኢንቲንቲ ገድያ ሜጬዳዋፕ ጉይያን፡ የሱስ ባረ ማዬዋ ማዬዳ፡ ባረሳ ጉየ ሰሞ ብ ኡቲደ ኢንቲንታ ያጌዳ፤ “ታን ህንተንቶ ኡሌዳዋ አኬከቲ?”

13 ህንተንቲ ታና፡ ታማርሰያዋን ጎዳዉ ጌታ፤ ታን ሄ ህንተንቲ ግያዋ ገድያ ድራዉ፡ ሎይሌድታ።

† 12:31 ሀ ሳኦ- ጉሳይ ሀ አላምያ ግዳደ ሀ የሃንሳ ሞሽራቸዋን ደእያ ሀ ሳኦ ግያዌ ሀ ሳኦ ቦላ ደእያ አሳን ኢንቲንቲ ካሃ ባረሳ ኦሏደ ሞድያ ኢታ እያና ዎልቃ በሴ። 12:34 ማዘ. 110:4፤ አሳ. 9:7፤ ህዘ. 37:25፤ ዳኔላ 7:14 12:37-38 አሳ. 53:1 12:39-40 አሳ. 6:10 ቶ 12:41 እሳያሰ የሱሳ ቦንቸዋ በኤዳ ድራዉን ቃይ አባ ሃሳዬዳ ድራዉ፡ ዎይ እሳያሰ ጸሳ ቦንቸዋ በኤዳ ድራዉን ቃይ የሱሳ ሃሳዬዳ ድራዉ፡

14 ታን ህንተንቶ ጎዳነ ህንተንታ ታማርሰያዎ ግዳደ። ህንተንቱ ገድያ ሜጫያዎ ግደ። ህንተንቱካ እቱ እቱዎ ገድያ ሜጫናወ በሴ።

15 እያወ ጎፐ። ታን ህንተንቶ ኦሴዳዎዳን። ህንተንቱካ ኦላና ማላ። ህንተንቶ ሌምሱዎ ግዳድ።

16 ታን ህንተንቶ ቱሙዎ ኦዳይ፤ ቆማይ ባረ ጎዳፕ አፍ። ቃይ ኪተቱዳ ኡራይካ ባረና ኪቱዳዋፕ አፍ።

17 ህንተንቱ ሄዋ ኤሪደ ኦላያዎ ግደፕ እንጅቱዳዋንታ።

18 “ታን ህንተንቶ ኡባባ ሃሳይከ። ታን ዶራዳዋንታ ኤራይ፤ ሸን ጸሳ ማጻፋይ። ታን ባርሴዳዌ ታ ኩሽያ ሳኤዳ፣ ጌዳዌ ቱማ ግዳናወ በሴ።

19 ሄዌ ሀንያ ዎደ ታን ታና * ግድያዎ ህንተንቱ አማናና ማላ። ሄዌ ሀናናፕ ካሰታደ ህንተንቶ ሀናናዎ ኦዳይ።

20 ታን ህንተንቶ ቱሙዎ ኦዳይ፤ ታን ኪትያ ኦና ሞክያ ኡራይ ታናካ ሞኬ፤ ቃይ ታና ሞክያ ኦን ታና ኪቱዳዎ ሞኬ” ያጌዳ።

የሱሰ ባረና አላ እማናዌ ኦንቶ ካሰቲደ ኦዳዳ

(ማቶሳ 26:20-25፤ ማር. 14:17-21፤ ሉቃሳ 22:21-23)

21 የሱሰ ሄዋ ሃሳይዳዋፕ ጉይያን። ባረ ዎዛናን ዳር መቶቲደ። “ታን ህንተንቶ ቱሙዎ ኦዳይ፤ ታና ህንተፕ እቱ አላ እማናዎ” ገደ ቆንጭያን ኦዳዳ።

22 እ ኦና ሃሳይንቶን። ካልያዋንቶ ኡባካ ኤረተናን እጽና። እቱ እቱዎ ጸሌድና።

23 የሱሳ ካልያዋንቱፕ እቱ። የሱሰ ሲቅያዌ። የሱሳ ማታን ኡቱዳ።

24 ሄዋ ድራወ። ሰዎና ጸጽሮሰ ሄ ካልያዎ ሰዎኢደ። “እ ኦና ግንቶ። አነ አ ኦቻ” ያጌዳ።

25 ሄዋ ድራወ። ሄ ካልያዌ የሱሳ ሀይላኮ ሸቂደ። “ጎዳወ። እ ኦኔ?” ያጌዳ።

26 የሱሰ ዛሪደ። “ታን ኡክላን ጫባ ቱሻደ እምያዌ እ” ያጌዳ። ቃይ ኡክላ መንላ አኪደ። ጫባ ቱሻደ። ሰዎና ኦኦ። ይሁዳ አሰቆርታወ እማዳ።

27 ይሁዳይ ኡክላ መንላዎ አኮዋፕ ጉይያን። ሴጸናይ ኤለካ ይሁዳን ገሌዳ። የሱሰ አ። “ኔን ኦላናዎ ኤሌላ ኦላ!” ያጌዳ።

28 ሸን ሄ ሳኦን ኡቱዳዋንቱፕ ኦን የሱሰ ሄዎ አ እያወ ጌደንቶን ኤርቤና።

29 ይሁዳይ ሚሻ ቃርጨትያ ኦይቂያ ድራወ። ካልያዋንቱፕ እቱ እቱ የሱሰ ይሁዳ። “ፓሰጋ ቦንቶያ ጋላሳወ ባረና ኮሽያዎ ባደ ሻማ ዎይ ሀይሳወ ምጽዋታ እማ ጌዳ” ያጌደ ቆፔድና።

30 ይሁዳይ ኡክላ መንላዎ አኪደ። ኤለካ ካረ ከሴዳ፤ ሄ ዎደ ሳኦይ ቃማ።

ኦራላ አዛዙዎ

31 ይሁዳይ ካረ ከሴዳዋፕ ጉይያን። የሱሰ ያጌዳ፤ “ሀእ ታን ኦላ ኦኦ ቦንቶታድ። ጸሳይካ ታ ባጋና ቦንቶቱዳ።

32 ጸሳይ ታ ባጋና። ኦላ ኦኦ ባጋና ቦንቶቶፕ። እ ባረ ሁጸወ ታና ኦላ ኦኦ ቦንቶቶ፤ ቃይ እ ታና ኤለካ ቦንቶቶ።

33 ታ ኦቶ። ታን ህንተናና ዳር ዎድያ ጋምእከ። ህንተንቱ ታና ኮያና፤ ሸን ታን አይሁዳቱዎ። ታን ብያሳ ህንተንቱ ባናወ ዳንዳይክታ፣ ጌዳዎዳን። ህንተወካ ሀእ ኦዳይ።

34 ታን ህንተንታ ኦራላ አዛዙዎ አዛዛይ፤ እቱ እቱዎ ሲቅተ። ታን ህንተንታ ሲቅዳዎዳንካ። ህንተንቱ እቱ እቱዎ ሲቃና በሴ።

35 ህንተንቱ እቱ እቱዎና ሲቃቶፕ። ታና ካልያዋንታ ግድያዎ አሳይ ኡባይ ኤራና” ያጌዳ።

ጸጽሮሰ ካዳናዎ የሱሰ ካሰቲደ ኦዳዳ (ማቶሳ 26:31-35፤ ማር. 14:27-31፤ ሉቃሳ 22:31-34)

36 ሰዎን ጸጽሮሰ የሱሳ። “ጎዳወ። ኔን ሀቃ ባይ?” ያጌዳ።

የሱሰ ዛሪደ። “ታን ብያሳ ኔን ሀእ ታና ካላናወ ዳንዳያካ፤ ሸን ጉየፕ ካላና” ያጌዳ።

37 ጸጽሮሰ። “ጎዳወ። ታን ኔን ሀእ ካላናወ አያወ ዳንዳይክታ? ታን ነ ድራወ። ሀይቃናወካ ገጋ ኡታድ!” ያጌዳ።

38 የሱሰ ዛሪደ። “ታ ድራወ ሀይቃናወ ሀእ ቱሙ ገጋ ኡታድ? ታን ነወ ቱሙዎ ኦዳይ፤ ኩቱ ዋሳናፕ ካሰ። ኔን ታና ሄዙ ገደ ካዳናሳ” ያጌዳ።

14

የሱሰ አወዋኮ አፍያ ኦግያ

1 የሱሰ ካልያዋንታ “ህንተንቱ ዎዛናይ ሀርጎፕ፤ ጸሳን አማንተ፤ ታናንካ አማንተ። * ”

2 ታ አቡ ጎለን ዳር ሳኦይ ደኤ። ሄዎ ግደንቶ። ታን ህንተንቶ ሄዎ ኦድከ፤ ታን ህንተንቶ ሳኦ ገግሳናወ ባይ።

3 ታን ባደ ሳኦ ገግሴዳዋፕ ጉይያን። ታን ደእያ ሳኦን ህንተንቱካ ደኦና ማላ። ሰማ ያደ ህንተንታ ታኮ አፋና።

4 ቃይ ህንተንቱ ታን ብያ ኦግያ ኤሪታ” ያጌዳ።

5 ቶማሰ። “ጎዳወ። ኔን ብያሳ ኦን ኤርኮ፤ ኦግያ ዋኒደ ኤራናወ ዳንዳዬቶ?” ያጌዳ።

6 የሱሰ ዛሪደ። “ኦጌ። ቱሙካ ደኤ ታና፤ ታ ባጋናፕ አትን። ኦን ታ አቡኮ ባናወ ዳንዳየና።

7 ህንተንቱ ታና ኤርያዎ ግድንቶ። ታ አባካ ኤራና፤ ሀእፕ ደሚደ። ህንተንቱ አ ኤሪታን ቃይ አ በኤድታ” ያጌዳ።

8 ፕልጶሰ የሱሳ። “ጎዳወ። አወዋ ኦና በሳ፤ ሄዌ ኦወ ግዳናዎ” ያጌዳ።

9 የሱሰ ዛሪደ ያጌዳ፤ “ፕልጶሳ። ታን ሀዎ ከና ዎድያ ህንተናና ደኦናካ ታና ኤርኪ? ታና በኤዳ ኡራይ አወዋካ በኤዳ፤ ያትና። ኔን ዋጋደ። ካወዋ ኦና በሳ፣ ጋይ?”

10 ታን አወዋ ግደን ደእያዎ ቃይ አወካ ታ ግደን ደእያዎ ኔን አማንኪ? ታን ህንተንቶ ኦድያ ቃላ ታን ታፕ ኦድከ፤ ሸን ታ ግደን ደእያ አወ ባረ ኡሱዋ ኦሴ።

13:18 ማዘ. 41:9 * 13:19 ታን ታና- የህ። 8:24 ጸልተ። * 14:1 ጸሳን አማንተ፤ ታናንካ አማንተ- ጸሳን አማኑ ህንተወ ደኤ ጉሳይ። ታናንካ አማኑ ደኤ ጉሳ።

11 ታን አወዋ ግደን ደእያዋን ቃይ አወካ ታ ግደን ደእያዋ ታና አማንተ፤ ሄዌ ቆየጥ፡ ታ ኦሱዋባዉ ታና አማንተ።

12 “ታን ህንተንቱ ቱሙዋ ኦዳይ፤ ታና አማንያ ኡራይ ታን ኦሳያ ኦሱዋ ኦሳና። ታን አወዋኮ ብያ ድራዉ፡ ሄ ኡራይ ሀዋጥ አድያ ኦሱዋ ኦሳና።

13 አዉ ናኣ ጋሱዋን፡ ታ ባጋና ቦንቼታና ማላ፡ ታ ሱንላን ህንተንቱ ዋሰያ ኡባባ ታን ህንተንቱ ፖላና።

14 ህንተንቱ ታ ሱንላን ታና አያን ኦቸጥካ፡ ታን ፖላና።

የሱስ አያና ጌሻ ኪታናዉ እሜዳ ህደታ

15 “ህንተንቱ ታና ሲቅያዋ ግደጥ፡ ታ አዛዙዋ ናጋና።

16-17 ታን አወዋ ዋሳና፤ ህንተናና መድናዉ ደአና ማላ፡ ቱማተላ አያና፡ ሀራ መንጃሳያዋ ህንተንቱ እ አማና። ሀ ሳእይ ሄ ቱማተላ አያና በኤናዋን ኤረናዋ ግድያ ድራዉ፡ እ አካናዉ ዳንዳየና፤ ሸን እ ህንተናና ደእያ ድራዉን ህንተንቱ ግደን ደአና ድራዉ፡ ህንተንቱ አ ኤሪታ።

18 “ታን ህንተንታ አዉን አታ ባይና ዪኦ ናናዳን ህንተረካ አጋባሽከ፤ ታን ሰማይ ህንተንቱኮ ያና።

19 ጉላ ዋድያጥ ጉይያን፡ አላሚ ታና ላኤንሱዋ በኤና፤ ሸን ህንተንቱ ታና በአና፤ ታን ደኡዋን ደእያ ድራዉ፡ ህንተንቱካ ቃይ ደኡዋን ደአና።

20 ታን ታ አወዋ ግደን ደእያዋን ህንተንቱ ታ ግደን ደእያዋ፡ ቃይ ታን ህንተንቱ ግደን ደእያዋን ህንተንቱ ሄ ጋላሰ ኤራና።

21 “ታ አዛዙ አ ማታን ደእያ አሳይ፡ ቃይ ሄ አዛዙዋካ ናግያዌ፡ እ ታና ሲቅያ አሳ፡ ታና ሲቅያ አሳ ታ አቡካ ሲቁ፤ ታንካ አ ሲቃይ። ታን አዉ ቆንጫና” ያጌዳ።

22 ይሁዳ አሰቆርታ ግደና ይሁዳይ የሱሳ፡ “ጎዳዉ፡ ኔን ነ ሁጲያ አላምያ በሰናን፡ ኑና በሳና ግያዋ ዋጋደ ጋይ?” ያጌዳ።

23 የሱሰ፡ “ታና ሲቅያ ኦንነ ታ ቃላ ናጌ፤ ታ አቡ አ ሲቃናዋ፤ ቃይ ታ አቡነ ታንነ አኮ ዪደ፡ አናና ደአና።

24 ታና ሲቃና ኡራይ ኦንነ ታ ቃላዉ አዛዙተና፤ ህንተንቱ ሰሰያ ቃላይ ታና ኪቱዳ አወዋጥ አትን፡ ታዋ ግደና።

25 “ታን ህንተናና አትጥ ደአደ ሀዋ ህንተንቱ ኦዳድ፤

26 ሸን ጌሻ አያናይ፡ መንጃሳያዌ፡ አዉ ታ ሱንላን ኪታናዌ፡ ህንተንታ ኡባባ ታማርሳናዋ። ታን ህንተንቱ ኦዳዳ ኡባባካ ህንተንታ ሀሳይሳናዋ።

27 “ታን ሳሮተላ ህንተናና ዋላይ፤ ታ ሳሮተላ ህንተንቱ እማይ። ታን አላሚ እምያ ሳሮተላ ማላ እምኮ። ህንተንቱ ሀርሳፕተነ ያዮፕተ።

28 ታን ህንተንቱ፡ ታን ባይ፤ ሸን ሰማይ ህንተንቱኮ ያና፡ ጌዳዋ ሰሴድታ፤ ህንተንቱ ታና ሲቁዳዋ ግድንቱ፡ ታጥ አዉ ዳርያ ድራዉ፡ ታን አወዋኮ ብያዋን ህንተንቱ ናሽታንታ።

29 ሄዌ ሀንያ ዋደ ህንተንቱ አማናና ማላ፡ ሄዌ ሀንናን ደእሸን፡ ሃናና ካሰታደ ታን ህንተንቱ ኦዳድ።

30 “ሀ አላምያ ዋድያዌ ይያ ድራዉ፡ ታን ሀዋጥ ሰንላን ህንተናና ሎይላ ሃሳይበ። ታና እ አይነ አላናዉ ዳንዳየና።

31 ሸን ታን አወዋ ሲቅያዋ አላሚ ኤራናዉ በሴ፤ ቃይ ታንካ አዉ ታና አዛዜዳዋዳን ኦሳይ። ደንድ ኤቂተ፤ ሀዋጥ ቦይተ።

15

ዋይንያ ግያ ቱራዉ ቱሙ እኑ የሱሳ

1 “ታን ዋይንያ ጌተትያ ቱራዉ ቱሙ አና፤ ጎሻንቻይ ታ አባ።

2 ታ ግደን ደእያ አይፍያ አይፈና ቱራ ማራ ኡባ እ ካሬ፤ አይፍያ ቱራ ማራ ኡባይ ካሰዋጥ ሎይላ አይፋናዳን፡ ሄ ማራ ጸራ እ ጭጊደ ጌሻና።

3 ታን ህንተንቱ ሀእ ኦዳዳ ቃላ ጋሱዋን፡ ህንተንቱ ጌሻ።

4 ታ ግደን ደእተ፤ ታንካ ህንተንቱ ግደን ደአና። ዋይንያ ቱራ ማራይ አኑዋና አትጥ ደአናን ቆየጥ፡ ሄ ማራይ ባረካ አይፍያ አይፋናዉ ዳንዳየናዋዳን፡ ህንተንቱካ ታ ግደን ደኤናን ቆየጥ፡ አይፍያ አይፋናዉ ዳንዳይክታ።

5 “ታን ዋይንያ ቱራዉ አና፤ ህንተንቱ ሄ ቱራ ማራቱዋ። ታ ግደን ደእያ ኡራይ፡ ታንካ አ ግደን ደእያ ኡራይ፡ ዳር አይፍያ አይፋና፤ አያዉ ጎጥ፡ ታን ባይናን ህንተረካ አይነ አላናዉ ዳንዳይክታ።

6 ታ ግደን ደኤና ኡራይ ቱራ ማራዳን፡ ካረን የግና መሌዳዋ ሺሺደ ታማን ዋላና፡ እ ኤጸናዋ።

7 ህንተንቱ ታ ግደን ደአጥ፡ ቃይ ታ ቃላይካ ህንተንቱ ግደን ደአጥ፡ ህንተንቱ ኮዬዳዋ አያ ግድናካ ዋሰተ፤ ህንተንቱ አካንታ።

8 ህንተንቱ ዳር አይፍያ አይፎጥነ ቃይ ታና ካልያዋንታ ግደጥ፡ ሄዋን ታ አቡ ቦንቼታናዋ።

9 አዉ ታና ሲቁዳዋዳን፡ ታንካ ህንተንታ ሲቃድ፤ ታ ሲቁዋን ደእተ።

10 ታን ታ አቡ አዛዙዋ ናጋደ አ ሲቁዋን ደኤዳዋዳን፡ ህንተንቱካ ታ አዛዙዋ ናጎጥ፡ ታ ሲቁዋን ደአንታ።

11 “ታ ናሽቻይ ህንተናና ደአና ማላነ፡ ህንተንቱ ናሽቻይ ኩመንላ ግደና ማላ፡ ታን ሀዋ ህንተንቱ ኦዳድ።

12 ታ አዛዙ ሀዋ፤ ታን ህንተንታ ሲቅያዋዳን፡ ህንተንቱካ እቱ እቱዋና ሲቅተተ።

13 ባረ ሸምጥዋ ባረ ላገዉ አሊደ እምያዋጥ አድያ ሲቁ ኦሰነካ ባዋ።

14 ታን ህንተንታ አዛዜዳዋ ኡባ አላጥ፡ ህንተንቱ ታ ላገቱዋ።

15 “አይሊ ባረ ጎዳይ ኦሳያዋ ኤረና ድራዉ፡ ታን ህንተንታ ሀዋጥ ሰንላዉ አይላቱዋ ጊከ፤ ሸን ታን ህንተንታ ታ ላገቱዋ ጋድ። አያዉ ጎጥ፡ ታ አወዋጥ ሰሴዳ ኡባባ ታን ህንተንቱ ኦዳድ።

16 ታን ህንተንታ ደሬዳዋጥ አትን፡ ህንተንቱ ታና ደርበይክታ። ህንተንቱ ቢደ አይፍያ አይፋና ማላነ ደአና ማላ፡ ታን ህንተንታ ሱንላድ። ቃይ አወካ ህንተንቱ ታ ሱንላን* ዋሴዳዋ ኡባ እማና።

* 15:16 ታ ሱንላን፡- ዋይ “ታና ካልያዋንታ ግድያ ድራዉ”

17 ታን ህንተንታ አዛዝያዊ ሀዋ፤ እቱ እቱዋና ሲቀትተ።

የሱስ ሀ አላሚ እጽያዎ ኦዴዳ

18 “አላሚ ህንተንታ እጾ፣ ካሰቲደ ታና እጾዳዋ እኬክተ።

19 ህንተንቱ አላምያሳ ግዴደንቶ፣ አላሚ ባረዋዳን ህንተንታ ሲቃና፤ ሸን ታን ህንተንታ አላምያ፣ ደሬዳዋ፣ አትን፣ ህንተንቱ አላምያሳ ግድክታ፤ አላሚ ህንተንታ እጽያዊ ሀዋሳ።

20 “አይሊ ባረ ጎዳ፣ ደረና፣ ጋደ ታን ህንተንቶ ኦዴዳዋ ሀሳይተ። አንቱንቱ ታና የደርሴዳዋ ግድ፣ ህንተናካ የደርሳና። አንቱንቱ ታ ቃላ ናጌዳዋ ግድ፣ ህንተንቱ ቃላካ ናጋናዋንታ።

21 ሸን አንቱንቱ ታና ከቱዳዋ ኤረና ድራው፣ ሀ ኡባ ታ ጋሱዋን አንቱንቱ ህንተንቱ ቦላ አላናዋንታ።

22 ታን ያደ አንቱንቶ ኦደናዋ ግድንቶ፣ አንቱንቶ ናጋራ ግደና፤ ሸን ሀእ አንቱንቱ ኦልያ ናጋራ ጋሶይያዊ ባዋ።

23-24 ታና እጽያዊ ታ አወዋካ እጾዳ። ኦንነ አላቤና ኡሱዋ አንቱንቱ ግደን ታን አላቤናባ ግድንቶ፣ አንቱንቶ ናጋራ ግደናን አታናዋ፤ ሸን ሀእ አንቱንቱ ታን ኡሱዳ ኡሱዋ በኢደ፣ ታናካ ታ አወዋካ እጾድና።

25 ሸን አንቱንቱ ሀግያን፣ ‘ታና ጮ እጾድና’ ጌተቲደ ጸፈቴዳዊ ፖለታና ማላ፣ ሀዋ ሀኔዳ።

26 “ሸን አወዋ፣ ይያ ቱማተላ አያናይ መንግሥታዊ ያናዋ። ታን አወዋ፣ ህንተንቶ አ የዳና፤ ቃይ እ ታባ ማርካታናዋ።

27 ህንተካ ቃይ ካሰ፣ ደሚደ፣ ታናና ደእያ ድራው፣ ታባ ማርካታና።

16

1 “ታን ሀዋ ህንተንቱ ጴበተና ማላ፣ ህንተንቶ ኦዳድ።

2 አንቱንቱ ህንተንታ ባረንቱ አይሁዳ ዋሳ ጎልያ፣ ከሰ የዳናዋንታ። ሄዋ ቦላ ቃይ ህንተንታ ዋድያ ኡራይ ጸሳዉ ኦልያዋ አዉ ማላትያ ዋዲ ያናዋ።

3 አንቱንቱ ሄዋ ህንተንቱ ቦላ ኦልያዊ ታናን አወዋ ኤረና ድራሳ።

4 ሸን አንቱንቱ ሄዋ ህንተንቱ ቦላ ኦልያ ዋዲ ጋክያ ዋደ፣ ታን ህንተንቶ ኦዴዳዋ ህንተንቱ ሀሳያና ማላ፣ ታን ህንተንቶ ሀዋ ኦዳድ።

ጌሻ አያና ኡሱዋ

“ታን ህንተናና ደእያ ድራው፣ ኮይር ሄዋ ህንተንቶ ኡዳበይከ።

5 ሸን ሀእ ታን ታና ከቱዳዋኮ ባይ፤ ሸን ህንተ፣ ኦንነ፣ ‘ሀቃ ባይ?’ ጌደ ታና ኦቶያዊ ባዋ።

6 ሸን ታን ሀዋ ኦዴዳ ድራው፣ ህንተንቱ ዋዛናን ዳር ካዩ ደኤ።

7 ሸን ታን ህንተንቶ ቱሙዋ ኦዳይ፤ ታን ብያዊ ህንተንቶ ሎእ። አያዉ ጎ፣ ታን ባና ጳዮ፣ መንግሥታዊ ህንተንቱኮ ዬና፤ ሸን ታን ቦ፣ አ ህንተንቱኮ የዳና።

8 ቃይ መንግሥታዊ ዪደ፣ አንቱንቱ ናጋራባ፣ ጸሳ ጽሎተላባን ፕርዳባ ሀ ሳኦ አሳይ ባይዜዳዋ በሳናዋ።

9 ናጋራባይ አሳይ ታና አማናና ድራሳ።

10 ጽሎተላባይ ቃይ ታን አወዋኮ ብያ ድራው፣ ህንተንቱ ታና ላኤንሱዋ በእክታ።

11 ጸሳ ፕርዳባይ ቃይ አላምያ ሞድያዊ ፕርደቴዳ ድራሳ።

12 “ታን ህንተንቶ ኦድያባይ ዳርባይ ደኤ፤ ሸን ሀእ ህንተንቶ ገለና።

13 ቱማተላ አያናይ ይያ ዋደ፣ ህንተንታ ቱማተላ ኡባኮ ካለላናዋ። አያዉ ጎ፣ እ ባረ ሰሴዳዋ አዳና፣ አትን፣ ባረ፣ አይነ ኦደና። ቃይ ሰንሳ፣ ያናባ ህንተንቶ እ ኦዳናዋ።

14 እ ታና ቦንቻናዋ፤ አያዉ ጎ፣ እ ታዉ ደእያዋ፣ አኪደ፣ ህንተንቶ ኦዳናዋ።

15 አዋ ደእያባይ ኡባይ ታዋ፤ መንግሥታዊ ታዉ ደእያባ፣ አኪደ፣ ህንተንቶ ኦዳናዋ ታን ጌዳዊ ሀዋሳ።

የሱሳ ካልያዋንቱ ካዩ ናሽቻዉ ላመታና

16 “ጉላ ዋድያ፣ ጉይያን፣ ህንተንቱ ታና በእክታ፤ ቃይ ጉላ ዋድያ፣ ጉይያን፣ ህንተንቱ ታና በእና” ያጌዳ።

17 የሱሳ ካልያዋንቱ እቱ እቱ ባረንቱ ግድን፣ “ጉላ ዋድያ፣ ጉይያን፣ ህንተንቱ ታና በእክታ፤ ቃይ ጉላ ዋድያ፣ ጉይያን፣ ህንተንቱ ታና በእክታ፤ አያዉ ጎ፣ ታን አወዋኮ ባይ፣ ግያዊ ሄዋ ዋግያዊ?” ያጌድና።

18 “ጉላ ዋድያ፣ ጉይያን፣ ግያዊ ዋግያዊ? እ አያዉ ሃሳይንቶን ኡዉ ኤረተና” ያጌድና።

19 አንቱንቱ ባረና ኦቻናዉ ኮይያዋ የሱስ ኤሪደ፣ አንቱንታ ያጌዳ፤ “ታን፣ ጉላ ዋድያ፣ ጉይያን፣ ህንተንቱ ታና በእክታ፤ ቃይ ጉላ ዋድያ፣ ጉይያን፣ ህንተንቱ ታና በእና፣ ጌዳዋ ህንተንቱ እቱ እቱዋ ኦቻቴ?

20 ታን ህንተንቶ ቱሙዋ ኦዳይ። ህንተንቱ ዬካናን ካዮታና፤ ሸን ሀ አላሚ ናሽታና። ቃይ ህንተንቱ ካዮታና፤ ሸን ህንተንቱ ካዮቶዌ ናሽቻ ግዳናዋ።

21 እት ሞሽራታ ናኦ የላና ሀንያ ዋደ፣ ባረ የልያ ዋዲ ጋኬዳ ድራው፣ ኦይቀታዉ፤ ሸን ናኦ የለቴዳዋ፣ ጉይያን፣ ናኦ ሀ ሳኦ የለቴዳ ናሽቻ ድራው፣ ባረ ኦይላ ሀሳዩከ።

22 ሄዋ ድራው፣ ህንተንቱካ ህንተንቱ ዋዛናን ካዮታ፤ ሸን ታን ላኤንሱዋ ህንተንታ በእና፤ ቃይ ህንተንቱ ዋዛናይ ሎይላ ናሽታና፤ ህንተንቱ ናሽቻ ኦንነ ህንተ፣ አከና።

23 “ሄ ጋለሰ ህንተንቱ ታና አይነ ዋሰክታ። ታን ህንተንቶ ቱሙዋ ኦዳይ፤ ህንተንቱ ታ ሱንላን ዋሰያዋ ኡባ አዉ ህንተንቶ አማናዋ።

24 ሀእ ጋካናዉ ታ ሱንላን አይነ ዋሰበይክታ፤ ህንተንቱ ናሽቻይ ፖለታና ማላ፣ ጸሳ ዋሰተ፤ ህንተንቱ አካና።

25 “ሀዋ ታን ህንተንቶ ሊምሱዋን ኦዳድ፤ ሸን ታን ሊምሱዋን ኦደና ዋዲ ያናዋ፤ ሸን አወዋባ ታን ህንተንቶ ቆንጮያን ኦዳና።

26 ታን ሄ ጋላሰ፡ ህንተንቱ ታ ሱንላን አወዋ ዋሳና፤ ቃይ ህንተንቱ ድራው፡ ታን አወዋ ዋሳና ጊከ።

27 አያው ጎፕ፡ አወ ባረ ሁጳው ህንተንታ ሲቄ፤ ህንተንቱ ታና ሲቅያ ድራው፤ ታን አወዋ ማታፕ ዬዳዋ አማኖ ድራው፡ እ ህንተንታ ሲቄ።

28 ታን አወዋ ማታፕ ሀ አላምያ ያድ፤ ቃይ ሀ አላምያ አጋደ አወዋኮ ባና። ያጌዳ።

29 የሱሳ ካልያዋንቱ ዛሪደ የሱሳ፡ “በአ፡ ሀእ ኔን ቆንጭያን ሃሳያሳ፤ ለምሱዋን አይነ ሃሳያካ።

30 ኔን ኡባባ ኤርያዋ ኔን ሀእ ኤራቶ፤ ቃይ ኔና ኡንነ ኦቻና ማላ፡ ኔን ኮየናዋ ኤራቶ። ሄዌ ኡና ኔን ጸሳፕ ዬዳዋ አማንጤ” ያጌድኖ።

31 የሱሰ ዛሪደ ኡንቱንታ፡ “ሀእ አማኒቱ?

32 በአተ፡ ህንተንቱ ህንተንቱ ጎለ ጎለ ላለትያ ዋዲነ ታ ጸላላ የግ ባሽያ ዋዲ ያናዋ፤ ሀእካ ይ ድጌዳ። ሽን አወ ታናና ደአያ ድራው፡ ታ ጸላላ ግድከ።

33 ህንተንቱ ታ ግደን ደአደ፡ ሳር ደአና ማላ፡ ታን ሀዋ ህንተንቶ ኡደድ። አላምያን ህንተንቱ ዋየታና። ሽን ምንተ፤ ታን አላምያ ጸናድ” ያጌዳ።

17

የሱሳ ዋሳ

1 የሱሰ ሄዋ ሃሳዬዳዋፕ ጉይያን፡ ፑደ ሳሉዋ ጸሊደ፡ ሀዋዳን ያጌዳ፤ “ታ አቦ፡ ዋዲ ጋኬዳ፤ ነ ናአይ ኔና ቦንቻና ማላ፡ ኔንካ ነ ናአ ቦንቻ።

2 አያው ጎፕ፡ ኔን አወ እሜዳ ኡባወ መቅና ደኡዋ እ አማና ማላ፡ አሳ ኡባ ቦላን አወ ማታ አማዳ።

3 አሳይ ኔና እት ቱሙ ጸሳ ግዴዳዋ ኤራና ማላ፤ ቃይ ኔን ኪቱዳ የሱሰ ክርሰቶሳ ኤራና ማላ፡ ሀዌ መቅና ደኡዋ።

4 ኔን ታወ ኦላናወ እሜዳ ኡሱዋ ፖላደ፡ ኔና ሳአን ቦንቻድ።

5 ሀእካ ቃይ አዋ፡ አላሚ መታናፕ ካሰ ነ ማታን ታወ ደአያ ቦንቹዋን ነ ሰንላን ታና ቦንቻ።

6 “አላምያ አሳፕ ኔን ታወ እሜዳዋንቶ ነ ሱንላ ኤርሳድ፤ ኡንቱንቱ ነዋንታ፤ ቃይ ኔን ኡንቱንታ ታወ እማዳ። ኡንቱንቱ ነ ቃላወካ አዛዘቱድኖ።

7 ሀእ ኔን ታወ እሜዳ ኡባባይ ኔፕ ዬዳዋ ኡንቱንቱ ኤሪኖ።

8 አያው ጎፕ፡ ኔን ታወ እሜዳ ቃላ ታን ኡንቱንቶ እማድ፤ ኡንቱንቱካ ሄ ቃላ አኬድኖ። ታን ነ ማታፕ ዬዳዌ ቱማ ግድያዋ ኤሪደ ኔን ታና ኪቱዳዋካ አማኔድኖ።

9 “ታን ኡንቱንቶ ዋሳይ፤ አላመወ ኔና ዋሰከ። ሽን ኔን ታወ እሜዳ አሳወ ዋሳይ፤ አያው ጎፕ፡ ኡንቱንቱ ነዋንታ።

10 ታወ ደአያ ኡባባይ ነባ፤ ቃይ ነወ ደአያ ኡባባይካ ታዳ። ታን ኡንቱንቱ ባጋና ቦንቹታድ።

11 ታን ሀዋፕ ጉይያን፡ አላምያን ደአከ፤ ኡንቱንቱ አላምያን ደአኖ፤ ታን ሀእ ኔኮ ባይ። ጌሻ አዋ፡ ሀ ኔን ታወ እሜዳዋንቱ ኔንነ ታን እቱዋ ግድያዋዳን፡ ኡንቱንቱ እቱዋ ግዳና ማላ፡ ኡንቱንታ ነ ሱንላን ናጋ።

12 ታን ኡንቱንቱና አላምያን ደአደ፡ ኔን ታወ እሜዳ ነ ሱንላ ዋልቃን ኡንቱንታ ናጋድ። ታን ኡንቱንታ ናጋድ፤ ጸሳ ማጸፋይ ጌዳዌ ፖለታና ማላ፡ ባሻይ በሰያ ኡራፕ አትን፡ ኡንቱንቱፕ ሀራይ ኡንነ ባይቤና።

13 “ሀእ ታን ኔኮ ባይ፤ ኡንቱንቱ ዋዛናን ታ ናሽቻይ ፖለታና ማላ፡ ሀዋ ታን አላምያን ሃሳያይ።

14 ታን ኡንቱንቶ ነ ቃላ አማድ፤ ታን አላምያሳ ግድናዋዳን፡ ኡንቱንቱካ አላምያሳ ግድና ድራው፡ አላሚ ኡንቱንታ እጼዳ።

15 ኔን ጸላህያፕ ኡንቱንታ ናጋና ማላ ዋሰያዋፕ አትን፡ አላምያፕ ከሳና ማላ ዋሰከ።

16 ታን አላምያሳ ግድናዋዳን፡ ኡንቱንቱካ አላምያሳ ግድክኖ።

17 ኔን ቱማተላን ኡንቱንታ ነዋንታ ኦላ፤ ነ ቃላይካ ቱማተላ።

18 ኔን ታና አላምያ ኪቱዳዋዳን፡ ታንካ ኡንቱንታ አላምያ ኪታድ፤

19 ቃይ ኡንቱንቱ ቱማተላን ነወ ዳማታና ማላ፡ ኡንቱንቱ ድራው፡ ታን ታ ሁጲያ ነወ ዳማያድ።

20 “ታን ኡንቱንቱ ጸላላወ ዋሰከ፤ ሽን ኡንቱንቱ ቃላ ኦድና፡ ታና አማኔዳዋንቶካ ዋሳይ።

21 ኡንቱንቱ ኡባይ እቱዋ ግዳና ማላ፡ ታን ዋሳይ። አዋ፡ ኔን ታ ግደን ደአያዋዳን፡ ቃይ ታንካ ነ ግደን ደአያዋዳን፡ ኡንቱንቱ ኦ ግደን ደአኖ። ቃይ ኔን ታና ኪቱዳዋ አላሚ አማናና ማላ፡ ኡንቱንቱ እቱዋ ግድኖ።

22 ኔንነ ታን እቱዋ ግድያዋዳን፡ ኡንቱንቱ እቱዋ ግዳና ማላ፡ ኔን ታና ቦንቹዳዋዳን፡ ታንካ ኡንቱንታ ቦንቻድ።

23 ታን ኡንቱንቱ ግደን ደአና፡ ኔን ታ ግደን ደአና፡ ቃይ ኔን ታና ሲሰያዋዳን፡ ኡንቱንታካ ሲቆዋን ኔን ታና ሀ አላምያ ኪቱዳዋ አላሚ ኤራናዳን፡ ኡንቱንቱ ኡባ እቱዋ ግድኖ።

24 “አዋ፡ ሳአይ መታናፕ ካሰ ኔን ታና ሲቁዳ ድራው፡ ታወ እሜዳ ታ ቦንቹዋ ኡንቱንቱ በአና ማላ፡ ኔን ታወ እሜዳዋንቱ ታን ደአያ ሳአን ታናና ደአና ማላ ኮያድ።

25 “ጽሎ አዋ፡ አላምያ አሳይ ኔና ኤረና፤ ሽን ታን ኔና ኤራይ። ቃይ ኔን ታና ኪቱዳዋ ሀዋንቱ ኤሪኖ።

26 ኔን ታና ሲቁዳ ሲቁ ኡንቱንቱ ግደን ደአና ማላ፡ ቃይ ታንካ ኡንቱንቱ ግደን ደአና ማላ፡ ታን ነ ሱንላ ኡንቱንታ ኤርሳድ፤ ሰንላወካ ኤርሳና” ያጌዳ።

18

የሱሰ ባረ ሞርከቱዋ ኩሽያን ኦይቀቱዳ (ማቶሳ 26:47-56፤ ማር. 14:43-50፤ ሉቃሳ 22:47-53)

1 የሱሰ ሄዋ ጊደ፡ ጸሳ ዋሴዳዋፕ ጉይያን፡ ባረና ካልያዋንቱና ቀድሮና ግያ ዛንጋራ ፕኔዳ። ሄ ሳአን አትክልትያ ሳአይ ደኤ፤ የሱሰነ የሱሳ ካልያዋንቱ ገሌድኖ።

2 የሱሳ አለ እሜዳ ይሁዳይ ሄ ሳኦ ኤሬዳ፤ እያወ ጎጥ፡ የሱሳ ኡባ ዋደ ባረና ካልያዋንቱና ሄዋን ሺቄ።

3 ሄዋ ድራዉ፡ ካለልያ ቄሳቱዋ ካፓቱነ ፓርሳዋቱ ይሁዳና ባናዳን እሜዳ ሮማ ዋታዳራቱነ ጌሻ ጎልያ ናግያዋንቱ ኩራዝያ፡ ያቢያነ ቶራ ኦይቂደ ሄ ሳኦ ቤድኖ።

4 የሱሳ ባረና ጋካናዉ ሀንያ ኡባባ ኤሬዳ፡ ጋጾ ከሲደ፡ “ኦና ኮዩቱ?” ያጌዳ።

5 ኡንቱንቱ ዛሬደ፡ “ናዘሬትያ የሱሳ ኮዬቶ” ያጌድኖ።

የሱሳ ዛሬደ፡ “ታን አ” ያጌዳ።

የሱሳ አለ እሜዳ ይሁዳይካ ሄዋን ኡንቱንቱና ኤቄዳ፤

6 የሱሳ፡ “ታን አ” ጌዳ ዋደ፡ ኡንቱንቱ ጉየኮ ሺቄደ፡ ሳኦ ኩንዴድኖ።

7 የሱሳ ቃይካ፡ “ኦና ኮዩቱ?”

ያግ ኦቻና ኡንቱንቱ፡ “ናዘሬትያ የሱሳ” ያጌድኖ።

8 የሱሳ ዛሬደ፡ “ታን አ ግድያዋ ሀንተንቶ ኦዳድ፤ ሰም ሀንተንቱ ታና ኮይያዋ ግደ፡ ሀዋንታ የድተ” ያጌዳ።

9 አ፡ “ታ አቦ፡ ኔን ታዉ እሜዳዋንቱ፤ ሀራይ አቶ፡ እቱዋካ ባይዘበይከ” ጌዳዌ ፖለታና ማላ፡ ሄዋ ጌዳ።

10 ሰሞን ጳጳርሳዉ ማሻይ ደኤ፤ እ ሄ ማሻ ሾድን ቄሳቱዋ ኡባቱዋ ካፑዋ ቆማ ኡሸቻ ሀይላ ሾጪደ፡ ቃንጽ የጌዳ። ሄ ቆማ ሱንላይ ማልኮሳ።

11 የሱሳ ጳጳርሳ፡ “ነ ማሻ ሾኩዋን ዛሬደ ዋላ! ታ አቡ ታዉ እሜዳ ሙቱዋ ጹኦ ታን ኡሸክታ?” ያጌዳ።

የሱሳ ቄሳቱዋ ካፑዋ ሃና ሰንላ ሺቄዳ

12 ሻላቃይ፡ ዳሮ ዋታዳራቱነ ቃይ ጌሻ ጎልያ ናግያዋንቱ የሱሳ ኦይቂደ ቃቼድኖ።

13 ኮይሮ የሱሳ ሃናኮ አፌድኖ፤ ሃን ሄ ላይለ ቄሳቱዋ ካፓቱዋ ግዳዳ ቃያፋ ቦሉዋ።

14 “አሳ ኡባ ድራዉ፡ እት አሳይ ሀይቂንቶ ሎኦ” ጌደ አይሁዳቱዋ ዘሬዳዌ ቃያፋ።

ጳጳርሳ የሱሳ ካዳዳ

(ማቶሳ 26:69-70፤ ማር. 14:66-68፤ ሉቃሳ 22:55-57)

15 ሰሞን ጳጳርሳን ሀራ እት ካልያዌ የሱሳ ካሊደ ቤድኖ። ሄ ሀራ ካልያዋ ቄሳቱዋ ካፑ ኤሬዳ፤ ሄዌ የሱሳና ቄሳቱዋ ካፑዋ ድርሳ ጋርሳ ገሌዳ።

16 ሸን ጳጳርሳ ካረና ድርሳ ፐንግያን ኤቄዳ። ቄሳቱዋ ኡባቱዋ ካፑ ኤርያ ሀራ ካልያዌ ካረ ከሲደ፡ ፐንግያ ናግያ ናትዉ ኦዲደ፡ ጳጳርሳ ድርሳ ጋርሳ ገሌዳ።

17 ፐንግያ ናግያ ናታ ጳጳርሳ፡ “ኔን ሀ ብታንያ ካልያዋንቱ እቱዋ ግድኪዬ?” ያጋዳ።

አ፡ “ቱይት፡ ታን ግድከ” ያጌዳ።

18 ሳኦይ ሜግያ ድራዉ፡ አይላቱነ ጌሻ ጎልያ ናግያዋንቱ ታማ ኤጲደ፡ ቦንቄዳዋ ዩይ አድ ኤቄደ ካሺኖ፤ ጳጳርሳካ ኡንቱንቱና ኤቄደ፡ ሄ ታማ ካሺ።

ቄሳቱዋ ካፑ የሱሳ ኦቻ ኦሻ (ማቶሳ 26:59-66፤ ማር. 14:55-64፤ ሉቃሳ 22:66-71)

19 ቄሳቱዋ ኡባቱዋ ካፑ፡ የሱሳ ካልያዋንቱን አ ትምርትያባ ኦቼዳ።

20 የሱሳ አዉ ዛሬደ፡ “ታን አሳ ኡባዉ ቆንጭያን ኦዳድ። ታን አይሁዳ ኡባይ ሸቅያ አይሁዳ ዋሳ ጎለንነ ጌሻ ጎልያን ኡባ ዋደ ታማርሳድ፤ ጌማን አይነ ሃሳያበይከ።

21 ያትና፡ ኔን ታና አያዉ ኦቻይ? ታን ኦዳዳዋ ሰሴዳ አሳ ኦቻ፤ ሄ አሳይ ታን ኦዳዳዋ ኤሬዳ” ያጌዳ።

22 የሱሳ ሄዋ ጌዳ ዋደ፡ ሄዋን ኤቄዳ ዋታዳራቱዋ እቱ የሱሳ ባቂደ፡ “ቄሳቱዋ ኡባቱዋ ካፑዋ ቦላ ሀዋዳን ዛሬይ?” ያጌዳ።

23 የሱሳ ዛሬደ፡ “ታን ባላባ ሃሳዬዳዋ ግደ፡ ሀዋን ደኤያ አሳ ኡባዉ ኦዳ፤ ሸን ታን ቱሙዋ ሃሳዬዳዋ ግደ፡ ታና አያዉ ባቃይ?” ያጌዳ።

24 ሄዋ ድራዉ፡ ሃን፡ ቃሸት ኡቱዳ የሱሳ፡ ቄሳቱዋ ኡባቱዋ ካፑዋ፡ ቃያፋኮ የዳዳ።

ጳጳርሳ የሱሳ ላኤንሉዋ ካዳዳ

(ማቶሳ 26:71-75፤ ማር. 14:69-72፤ ሉቃሳ 22:58-62)

25 ጳጳርሳ ሄዋን ኤቄደ፡ ታማ ካሺ፤ ሀራንቱ አ፡ “ኔን ሀ ብታንያ ካልያዋንቱ እቱዋ ግድኪዬ?” ያጌዳ።

ጳጳርሳ፡ “ቱይት፤ ታን ግድከ” ያጌደ ካዳዳ።

26 ቄሳቱዋ ኡባቱዋ ካፑዋ ቆማቱዋ እቱዋ፡ ጳጳርሳ ሀይላ ቃንጾዳ ብታንያ ዳቡ ጳጳርሳ፡ “ታን ኔና አናና ዳሮ አታክልትያ ግደን በአበይክታዬ?” ያጌደ ኦቼዳ።

27 ጳጳርሳ ቃይካ ካዳዳ፤ ኤላካ ኩቱ ዋስ አጌዳ።

የሱሳ ጽላጸሳ ሰንላ ሺቄዳ

(ማቶሳ 27:1-2፤ 11-14፤ ማር. 15:1-5፤ ሉቃሳ 23:1-5)

28 ኡንቱንቱ የሱሳ ቃያፋ ጎለፕ ሮሙ አሳ አይሰያዋ ኦሶ ጎልያ አፌድኖ። ሳኦይ ዋንታ ጉራ፤ አይሁዳቱ ፓሰጋ ቦንቻያ ጋላሳ ቆማ ማናዉ፡ ባረንቱ ሁጲያዉ ቱና ማላ፡ ሮሙ አሳ አይሰያዋ ኦሶ ጎልያ ገልበይክኖ።

29 ሄዋ ድራዉ፡ ጽላጸሳ ኡንቱንቱኮ ካረ ከሲደ፡ “ሀ ብታንያ ሀንተንቱ አያን ሞቲቱ?” ያጌዳ።

30 ኡንቱንቱ፡ “አ ኢታባ አለቤናዋ ግድንቶ፡ ኩን አ ኔኮ አሆኮ” ያጌድኖ።

31 ጽላጸሳ ዛሬደ ኡንቱንቶ፡ “ሀንተንቱ አ አፌደ፡ ሀንተንቱ ህጊ ግያዋዳን፡ አ ቦላ ፕርድተ” ያጌዳ።

አይሁዳቱ፡ “ኦናን ዋድያ ማታይ ኑዉ ባዋ” ያጌድኖ።

32 ሀዌ ሀኔዳዌ የሱሳ አይ ማላ ሀይቁዋ ሀይቃንቶ ኤርሳናዉ ሃሳዬዳዌ ፖለታናሳ።

33 ጽላጸሳ ባረ ኦሱዋ ጎለ ላኤንሉዋ ገሊደ፡ የሱሳ ጴሲደ፡ “ኔን አይሁዳ ካቱ?” ያጌደ አ ኦቼዳ።

34 የሱሳ ጽላጸሳ፡ “ሀ ኦሻ ኔን ኔፕ ኦቻይዬ ዋይ ሀራ አሳይ ነዉ ታባ ኦዳዳ?” ያጌዳ።

35 ጽላጸስ ዛሪደ፡ “ታና አይሁዳ አሳ ጋይ? ነ ዛሪቱነ ቁሳቸዋ ካገቱ ኔና ታዉ አሐ እሜድኖ፤ ኔን እያ አላዲ?” ያጌዳ።

36 የሱሰ፡ “ታ ካዉተላይ ሀ አላምያና ግደና። ታ ካዉተላይ ሀ አላምያና ግዴደንቶ፤ ታና አይሁዳቶ አሐ እመናዳን፤ ታዉ ኦሐያዋንቱ ታዉ ኦሐታና፤ ሽን ታ ካዉተላይ ሀ አላምያና ግደና” ያጌዳ።

37 ሄዋ ድራዉ፡ ጽላጸስ የሱሳ፡ “ያትና፡ ኔን ካቱየ?” ያጌደ ኦቼዳ።

የሱሰ ዛሪደ፡ “ኔን ታና ካትያ ጋዳ። ታን ቱሙዋ ማርካታና ድራዉ የለታድ፤ ቃይ ሄዋ ድራዉ፡ ሀ አላምያ ያድ። ቱሙዋ ባጋ ግዴዳ ኦንነ ታን ግያዋ ሰሴዳ” ያጌዳ።

38 ጽላጸስ፡ “ቱሙ አይ?” ያጌዳ። ጽላጸስ ሄዋ ጌዳዋጥ ጉይያን፤ አይሁዳቱዋኮ ካረ ከሲደ፡ “ታን እን አይ ባላነ ደማበይከ።

39 ሽን ፓሰጋ ሶንቶያ ጋላሰ፡ እት አሳ ታን ሀንተንቶ ቃሹዋጥ ብልያ ደያይ ደኤ፤ ታን ሀንተንቶ አይሁዳቱ ካትያ ብልያዋ ኮዩቱ?” ያጌዳ።

40 ኡንቱንቱ ዛሪደ፡ ባረንቱ ኮሻ ጶቄ አሊደ፡ “ባርባና ብላጥ እትን፤ አ ግደና!” ያጌድኖ። ሽን ባርባን ፓኑዋ።

19

ዎታዳራቱ የሱሳ ሶላ ቅሊጩድኖ (ማቶሳ 27:27-32፤ ማር. 15:15-21)

1 ሄዋጥ ጉይያን፡ ጽላጸስ የሱሳ አይቂደ፡ ለሱዋን ሸጩዳ።

2 ዎታዳራቱ አጉንላጥ ካላቻ ገግሲደ፡ አ ሁጲያን ዋሌድኖ፤ ቃይ ዘኦ ማዩዋካ አ ማይዜድኖ።

3 እኮ ሸቂደ፡ “አይሁዳ ካተዉ፡ ሸምቸዋ ጋምአ!” ያጌደ አ ሻይያ ባቂድኖ።

4 ጽላጸስ ቃይካ ካረ ከሲደ አይሁዳቱዋ፡ “በእተ፡ ታን እን አይ ባላነ ደማበናዋ ሀንተንቱ ኤራና ማላ፡ አ ሀንተንቱኮ ካረ ከሳና” ያጌዳ።

5 ሄዋጥ ጉይያን፡ የሱሰ አጉንላ ካላቻ ባረ ሁጲያን ዋሊደ፡ ዘኦ ማዩዋ ማዩደ፡ ካረ ከሲደ፤ ጽላጸስ አይሁዳቱዋ፡ “ብታንያ ሀዋ በእተ” ያጌዳ።

6 ቁሳቸዋ ካገቱነ ዎታዳራቱ አ በኤዳ ዎደ፡ ባረንቱ ኮሻ ጶቄ አሊደ፡ “ማስቃልያ ሶላ ሞስማርያን ጽሻደ አ ሱላ! ሱላ!” ያጌድኖ።

ጽላጸስ ኡንቱንታ፡ “ሀንተንቱ አ አፊደ፡ ማስቃልያ ሶላ ሞስማርያን ጽሻደ ሱልተ፤ አያዉ ጎጥ፡ ታን አይ ባላነ ደማበይከ” ያጌዳ።

7 አይሁዳቱ ዛሪደ፡ “ኑዉ ሀጊ ደኤ፤ ኑ ሀጊ ግያዋዳን፡ እ ሀይቃናዉ በሴ፤ አያዉ ጎጥ፡ እ ባረና ጸሳ ናኦ አሌዳ” ያጌድኖ።

8 ጽላጸስ ሄዋ ሰሴዳ ዎደ፡ ካሰዋጥ ሎይሐ ያዬዳ።

9 ቃይካ ጽላጸስ ባረ ኡሱዋ ጎላ ሰም ገሊደ የሱሳ፡ “ኔን ሀቃጥ ያዲ?” ያጌደ ኦቼዳ፤ ሽን የሱሰ አዉ አይነ ዛርቤና።

10 ሄዋ ድራዉ፡ ጽላጸስ አ፡ “ታዉ ኦድኪ? ኔና ብላናዉ ዎይ ማስቃልያ ሶላ ሞስማርያን ጽሻደ ካቃናዉ ታዉ ማታይ ደእያዋ ኤርኪየ?” ያጌዳ።

11 የሱሰ፡ “ጸሳይ ነዉ ሶላጥ ማታ እምቤናባ ግድንቶ፡ ነዉ ታ ሶላ ማታይ ደኤና ሽን። ሄዋ ድራዉ፡ ታና ነዉ አሐ እሜዳዌ አድያ ናገራ ኦሌዳ” ያጌዳ።

የሱሳ ሀይቆ ፕርዴድኖ (ማቶሳ 27:15-31፤ ማር. 15:6-20፤ ሉቃሳ 23:13-25)

12 ጽላጸስ ሄዋ ሰሴዳ ዎደ፡ የሱሳ ብላናዉ ኦግያ ኮዬዳ፤ ሽን አይሁዳቱ ባረንቱ ኮሻ ጶቄ አሊደ፡ “ኔን አ ብልያዋ ግደጥ፡ ካትያ ቁሳረ ዳቦ ግዳካ! ባረና ካትያ ግያ ኦንነ ቁሳረ ሞርከ!” ያጌድኖ።

13 ጽላጸስ ሄዋ ሰሲደ፡ የሱሳ ካረ ከሴዳ። ያቲደ ሹቻ ባሱዋ ግያ ሳኦን ፕርዳ አይድያን ኡቱዳ፤ እብራይስጻ ቃላን ሄ ሳኦይ ጋይታ ግያዋ።

14 ሄ ጋላሳይ ፓሰጋ ሶንቶያ ጋላሳዉ ገግሰያ ጋላሳ፤ ሳኦይ ኡሱቸን ሳትያ ሄራ ግዳናዋ። ጽላጸስ አይሁዳቱዋ፡ “ሀንተንቱ ካትያ ሀዋ በእተ!” ያጌዳ።

15 አይሁዳቱ ባረንቱ ኮሻ ጶቄ አሊደ፡ “ድጋ! ድጋ! ማስቃልያ ሶላ ሞስማርያን ጽሻደ ሱላ!” ያጌድኖ።

ጽላጸስ ዛሪደ፡ “ሀንተንቱ ካትያ ታን ማስቃልያ ሶላ ሞስማርያን ጽሻደ ሱልያዋ ኮዩቱ?” ያጌደ ኦቼዳ።

ቁሳቸዋ ካገቱ፡ “ቁሳረጥ ሀራ ካቲ ኑዉ ባዋ!” ያጌድኖ።

16 ሄዋጥ ጉይያን፡ ኡንቱንቱ ማስቃልያ ሶላ ሞስማርያን ጽሻደ፡ የሱሳ ካቃና ማላ፡ ጽላጸስ ኡንቱንቶ አሐ እሜዳ።

የሱሳ ሱሌድኖ (ማቶሳ 27:32-44፤ ማር. 15:21-32፤ ሉቃሳ 23:26-43)

ኡንቱንቱ የሱሳ አይቂደ፡ አፊድኖ።

17 የሱሰ ባረ ማስቃልያ ቶኪደ፡ ጉግያሳ ጌተትያሳ ቤዳ። “ጉግያሳ” * ግያዌ እብራይስጻ ቃላን “ጎልጎታ” ግያዋ።

18 ኡንቱንቱ ሄ ሳኦን ማስቃልያ ሶላ ሞስማርያን ጽሻደ፡ የሱሳ ካቂድኖ፤ ቃይ አናና ሀራ ላኤ አሳቱ፡ እቱዋ ያ ባጋና ቃይ እቱዋ ሀ ባጋና የሱሳ ግዲዋን ዋሊደ፡ ማስቃልያ ሶላ ሞስማርያን ጽሻደ ካቂድኖ።

19 ጽላጸስ ጽፋትያ ጸፊደ፡ ማስቃልያ ሶላ ዋሌዳ። እ ጸፊዳዌ፡ “አይሁዳቱ ካትያ፡ ናዝሬትያ የሱሳ” ያጌ።

20 የሱሰ ማስቃልያ ሶላ ሞስማርያን ጽሻደ ሱለቲዳ ሳኦይ ካታማ ማታን ደእያ ድራዉ፡ ዳር አይሁዳቱ ሄ ጽፋትያ ናባቤድኖ። ጽፋቲ እብራይስጻ ቃላን፡ ሮማይስጻ ቃላን ግሪክ ቃላን ጸፈቲዳ።

21 ሄዋ ድራዉ፡ አይሁዳ ቁሳቸዋ ካገቱ ጽላጸሳ፡ “ ሀ ብታኒ ባረና አይሁዳ ካትያ

* 19:17 “ጉግያሳ” ሄዋን አሳ ጉግያ ማላት ሙግቲዳ ዎጋ ሹቻይ ደእያ ድራዉ፡ “ጉግያሳ ጌተቲዳ”።

ያገዳ፣ ጋደ ጸፋጥ አትን፣ ላይሁዳ ካትያ፣ ጋደ ጸፎጋ” ያገድኖ።

22 ጵላጸስ፡ “ታን ጸፊዳዋ ጸፋ ድጋድ” ያገደ ዛሬዳ።

23 ዋታዳራቱ ማሰቃልያ ቦላ ምሰማርያን ድሸደ፡ የሱሳ ካቄዳዋጥ ጉይያን፣ አ ማዩዋ አኪደ፣ አይዱ ከሰ ሻኬድኖ፣ እት እት ዋታዳራ እት ሻኩ ጋኬዳ። አ አዲሳ ማዩዋካ አኬድኖ፣ አዲሳ ማዩ ሀሽያጥ ደሚደ፣ ዱገ ጋካናዉ የድ ማየትያዋጥ አትን፣ ቃንጸቲደ ሰከትቤና።

24 ዋታዳራቱ እቱ እቱዋ፡ “አና ጋካነንቶ፣ ሳማ ዋይ ኤጸ የጋናጥ አትን፣ ማዩዋ ፔጶኮ” ያገድኖ። ሄዋ ሀኔዳዌ ጸሳ ማጸፋይ፡ “ታ ማዩዋ ሻክ አኬድኖ፣ ታ አዲሳ ማዩዋን ሳማ የገድኖ” ግያዌ ፖለታናሳ። ሄዋ ድራዉ፡ ዋታዳራቱ ሄዋ አፊድኖ።

25 ሸን የሱሳ ማሰቃልያ ማታን አ ዳያ፡ አ አት ሞቻታ፡ ቃልዮጳ ማቻታ ማይራማን ማግዳላ ጌተትያ ካታማጥ ዬዳ ማይራማ ኤቄድኖ።

26 የሱሳ ባረ ዳያን እ ሲቅያ ካልያዌ ሄዋን ኤቄዳዋንታ በኢደ፣ ባረ ዳዮ፡ “ሀ ሞሽራቱ፣ ነ ናአ ሀዋ በአ!” ያገድኖ።

27 ሄዋጥ ጉይያን፣ ሄ ካልያዋ “ነ ዳዮ ሀዮ በአ!” ያገድኖ። ሄ ካልያዌ እዞ ሄ ሳትያጥ ደሚደ፣ ባረ ሶይ አፊድኖ።

የሱሳ ሀይቁዋ

(ማቶሳ 27:45-56፤ ማር. 15:33-41፤ ሉቃሳ 23:44-49)

28 ሄዋጥ ጉይያን፣ የሱሳ ኡባባይ ሀቅ ፖለቲዳዋ ኤሪደ፣ ጸሳ ማጸፋይ ጌዳዌ ፖለታና ማላ፡ “ታና ሳማ” ያገድኖ።

29 ሄ ሳኣን እት ጸጋ ኩሜዳ ጫላ ዋይንያ ኤሳይ ደኤ። ኡንቱንቱ እሰገንጅያ ሄ ዋይንያ ኤሳን የጊደ፣ ሀሶጵያ ጌተትያ ሞላ ጸራን ዋላደ፣ የሱሳ ደናኮ ሸሸድኖ።

30 የሱሳ ዋይንያ ኤሳ ጋንጽ በኤዳዋጥ ጉይያን፣ “ፖለቲዳ” ያገድኖ።

የሱሳ ምይያ ቶራን ጫዴድና

ቃይ ሄዋጥ ጉይያን፣ ባረ ሁጲያ ቶቺደ፣ ባረ ሸምጥዋ እሜዳ።

31 ሄ ጋላሳይ አይሁዳቶ ገገትያ ጋላሳ ተ ግድያ ድራዉን ቃይ ሄ ሳምባታይ ዳሮ ቦንቾ ግድያ ድራዉ፡ ሳምባታን አሳቱዋ አሃይ ማሰቃልያ ቦላ ፔሽና ማላ፡ ሱለቲዳ አሳቱዋ ሱይልያ መንሐደ፣፥ ማሰቃልያጥ ዋላና ማላ፡ አይሁዳቱ ጵላጸሳ ዋሴድኖ።

32 ሄዋ ድራዉ፡ ዋታዳራቱ ዪደ፣ የሱሳና ሱለቲዳ ኮይሮ ብታንያ ሱይልያ መንሐድኖ፣ ቃይ አናና ሱለቲዳ ላኤንሶ ብታንያ ሱይልያካ መንሐድኖ።

33 ሸን የሱሳኮ ዬዳ ዋደ አ ሀይቁ ድጌዳዋ በኢደ፣ አ ሱይልያ መንሐበይክኖ።

34 ግደጥን፣ ዋታዳራቱዋጥ እቱ አ ምይያ ቶራን ጫዴዳ። ኤለካ ሱላይን ሃላይ ጎግ አጌዳ።

35 ሀንተንቱ አማናና ማላ፣ ሀዋ በኤዳዌ ማርካቲዳ፣ አ ማርካትያዌካ ቱሙዋ፣ ቃይ ባረ ሃሳያይ ቱማ ግድያዋ እ ኤሪደ።

36 ሄዋ ሀኔዳዌ ጸሳ ማጸፋይ፡ “አ መቀላቱዋጥ እቱን መኤና” ጌዳዌ ፖለታናሳ።

37 ቃይካ ጸሳ ማጸፋይ ሀራይ፡ “አሳይ ባረ ጫዴዳዋ በአና” ያገድኖ።

የሱሳ ሞገቲዳ

(ማቶሳ 27:57-61፤ ማር. 15:42-47፤ ሉቃሳ 23:50-56)

38 ሄዋጥ ጉይያን፣ አርማትያሳ ጌተትያ ካታማጥ ዬዳ የሱሳ አሃ አኪደ አፋናዉ ጵላጸሳ ዋሴዳ፣ የሱሳ አይሁዳቶ ያዬዳ ድራዉ፡ አሳይ ኤሪናን የሱሳ ካልያዋ።

የሱሳ ዋሰና ጵላጸስ፡ “አፋ” ያገድኖ። ሄዋ ድራዉ፡ የሱሳ ቢደ፣ የሱሳ አሃ አፊድኖ።

39 ቃይ ንቆድሞሰ ሄዋጥ ካሰ የሱሳኮ ቃማ ዬዳዌ፡ ካዋራናን ጎዳረ ኡላና ዋላከቲዳ ኦይታማን እቼሹ ኪሎ ግራመ ግድያዋ ኬና ሸቱዋ ኦይቁ አኪደ፣ የሱሳና ዬዳ።

40 ሄ ላኤ አሳቱ የሱሳ አሃ አኪደ፣ አይሁዳቱ አሃ ጸጵያ ዋጋዳን፣ ሸቱዋና ጋላደ፡ ሞጉዋ አፍላን ጸጸድኖ።

41 የሱሳ ማሰቃልያ ቦላ ምሰማርያን ድሸቲደ ሱለቲዳ ሳኣን ዳሮ አትክልትያ ሳኣይ ደኤ፣ ሄ አትክልትያ ሳኣ ግደን ሹቻ ዋጭ ከሱዳ ብሮ ኦንካ ሞገትቤና ኦራሳ ዱፋ ደኤ።

42 ሄ ዱፋ ማታን ደእያ ድራዉን ቃይ አይሁዳቱ ሳምባታዉ ገገትያ ጋላሳ ግድያ ድራዉ፡ የሱሳ ያን ዋላድኖ።

20

የሱሳ ሀይቁዋጥ ደንዴዳ

(ማቶሳ 28:1-8፤ ማር. 16:1-8፤ ሉቃሳ 24:1-12)

1 ዋጋ ጋላሰ ጉራን፣ ብሮ ዳብዳብያዋን፣ ማግዳላ ጌተትያ ካታማጥ ዬዳ ማይራማ የሱሳ ሞገቲዳ ዱፋዋኮ ባደ ሹቻይ ሄ ጎንጎሉዋ ደናጥ ደንድክቼዳዋ በአዲ።

2 ሰሞን ጸጵሮሳኮን የሱሳ ሲቅያ የኮ ካልያዋኮ፣ እዛ ዋጸደ ባደ፡ “ዱፋዋጥ ጎዳ አፍ ድጌድኖ፣ ሀቃን አ ዋላድኖንቶን ኮን ኤሮኮ” ያጋዳ።

3 ሄዋ ድራዉ፡ ጸጵሮሰን የኮ ካልያዌ አገደ፣ ዱፋዋኮ ቤድኖ።

4 ላኤካ እትጥ ዋጸድኖ፣ ሸን የኮ ካልያዌ ጸጵሮሳጥ እቱ ካሰቲደ፣ ሄ ዱፋዋኮ ጋኬዳ።

5 ሄ ካልያዌ ሆኪደ፣ ሞጉዋ አፍላ በኤዳ፣ ሸን ግደ ገልቤና።

19:24 ማዘ. 22:18 19:28 ማዘ. 69:21፤ 22:15 † 19:31 አይሁዳቶ ገገትያ ጋላሳ፡- ፓሰጋይ ሳምንታጥ እት ጋላሳ አዉደን ግዳና ዳንዳዬ፣ ሸን የሃንሳ ሞሽራቸ ታማርሰያዋዳን፣ ፓሰጋ ዋዲ ሀናናዉ በሰያዌ፣ ላይላ ላይላን የሱሳ ማሰቃልያን ካቀት ሀይቁዳ ሳምባታና ግዳና ኮሼ። ‡ 19:31 ሱለቲዳ አሳቱዋ ሱይልያ መንሐደ፡- ሀ ዋጋይ ሮመ ካወተላ ዋጋዳን፣ ማሰቃልያን ሱለቲዳ አሳቱ ኤለካ ሀይቃና ማላ አለያ ኦግያ ጉሳ። 19:36 ከሳ 12:46፤ ፓይ. 9:12፤ ማዘ. 34:20 19:37 ዛካ. 12:10፤ ሳዩ 1:7

6 ሰሞን ጳጳርስ አ ካል ዪደ፣ ዲፋዋ ግደ ገሌዳ። ያቲደ ሞጉዋ አፍላይ ሄዋን ደእያዋ በኤዳ፤

7 ቃይ የሱሳ ሁጲያን ጸጸት ኡቴዳ አፍላይ ሄ ጸጸቴዳዋዳንካ ዲማ እት ሳኣን ደእያዋ በኤዳ፤ ሄ አፍላይ ዲማ ደኤፕ እትን፣ ሞጉዋ አፍላና እትፕ ደኤና።

8 ሄ ዋደ፣ ካሰቲደ ጎንጎሉዋኮ ጋኬዳ የኮ ካልያዌ ገል በኢደ አማኔዳ።

9 የሱሰ ሀይቁዋፕ ደንዳናዉ በሰያዋ ኦድያ ጸሳ ማጸፋ ኡንቲንቲ ብር አኬክበይክና።

10 ሄዋፕ ጉይያን፣ ካልያዋንቲ ባረንቲ ጎላ ሰሚደ ቤድና።

የሱሰ ማግዳላ ማይራሞዉ ቤቴዳ
(ማቶሳ 28:9-10፤ ማር. 16:9-11)

11 ሽን ማይራማ ሄ ዲፋዋ ደናን ኤቃደ ዬካደ ሆካደ ዲፋዋ ግደ ጸላዲ።

12 ቦላ ማዩዋ ማዬዳ ላኡ ኪታንቻቲ የሱሳ አሃይ ግሴዳ ሳኣን እቲ ሁጲሳና እቲ ገድሳና ኡቴዳዋንታ በኣዲ።

13 ኡንቲንቲ እዞ፣ “ሞሽራቴ፣ አያዉ ዬካይ?” ያጊደ ኦቼድና።

እዞ፣ “አሳቲ ታ ጎዳ አፍ ድጌድና፤ ኡንቲንቲ ሀቃን ዋጤድናንቶን ታን ኤርከ” ያጋዲ።

14 ሄዋ ጌዳዋፕ ጉይያን፣ ጉየ ሰማ ጸላደ፣ የሱሰ ኤቁዳዋ በኣዲ። ሽን እ የሱሳ ግዴዳዋ እኬካበይኮ።

15 የሱሰ እዞ፣ “ሞሽራቴ፣ አያዉ ዬካይ? ኦና ኮያይ?” ያጊደ ኦቼዳ።

ማይራማ ኡትክልትያ ናግያዋ ጋደ፣ “ጎዳዉ፣ ኔን እኬዳዋ ግደፕ፣ እ ሀቃን ዋላድንቶ፣ ታዉ ኦዳርኪ፤ ታን እ አካና” ያጋዲ።

16 የሱሰ እዞ፣ “ማይራማ” ያጌዳ።

እ እኮ ሰማደ፣ አብራይስጺ ቃላን “ራቡኒ” ያጋዲ፤ ሄዋ ብለላይ “ታማርሰያዋ” ግያዋ።

17 የሱሰ እዞ፣ “ታን ብር ታ አዉዋኮ ባቤና ድራዉ፣ ታና ቦቾፕ፤ ሽን ታ እሻቲዋኮ ባደ፣ ታን ታ አዉዋኮን ሀንተንቲ አዉዋኮ፣ ታ ጸሳኮን ሀንተንቲ ጸሳኮ፣ ፑደ ባይ ጌዳ፣ ጋደ ኡንቲንቲ ኦዳ” ያጌዳ።

18 ማግዳላ ጌተትያ ካታማፕ ዬዳ ማይራማ ጎዳ በኤዳዋን እዘዉ እ ሄዋ ኦዴዳዋ ባደ ካልያዋንቲ ኦዳዲ።

የሱሰ ባረ ካልያዋንቲ ቤቴዳ
(ማቶሳ 28:16-20፤ ማር. 16:14-18፤ ሉቃሳ 24:36-49)

19 ሄ ዋጋ ጋላሰ ኦማርሰ፣ ካልያዋንቲ አይሁዳቶ ያዬዳ ድራዉ፣ ፐንግያ ጎርዲደ፣ ሺቅ ኡት ደእሸን፣ የሱሰ ዪደ፣ ኡንቲንቲ ግዴዋን ኤቁደ፣ “ሳርተላይ ሀንተንቲ ግደ” ያጌዳ።

20 ሄዋ ጌዳዋፕ ጉይያን፣ ባረ ኩሽያን ባረ ሞይያ ኡንቲንታ በሱዳ፤ ካልያዋንቲ ጎዳ በኤዳ ዋደ ሎይሳ ናሽቲድና።

21 የሱሰ ላኤንሱዋ ኡንቲንቲ፣ “ሳርተላይ ሀንተንቲ ግደ፤ ታ እቡ ታና ኪቴዳዋዳን፣ ታንካ ሀንተንታ ኪታይ” ያጌዳ።

22 ሄዋ ጌዳዋፕ ጉይያን፣ ኡንቲንቲ ቦላ ኡፋ ጊደ ሸሞፔዳ፤ ቃይ፣ “ጌሻ አያና አክተ።

23 ሀንተንቲ አቶ ጌዳ አሳ ናጋራይ አቶ ጌተታናዋ፤ ሀንተንቲ አቶ ጌናዋንቲ ናጋራይ አቶ ጌተተና” ያጌዳ።

የሱሳን ቶማሳ

24 ሽን ታማነ ላኡ ካልያዋንቲ እቲ፣ ማንትያ ግያ ቶማሰ፣ የሱሰ ዬዳ ዋደ ኡንቲንቲና ባዋ።

25 ሄዋ ድራዉ፣ የኮ ካልያዋንቲ ቶማሳዉ፣ “ኔን ጎዳ በኤዳ!” ያጌድና።

ሽን ቶማሰ ኡንቲንቲ፣ “ሞሰማርያን እ ጫደቴዳ እ ኩሽያን ደእያ ማላ በኤናን ሄ ማላ ታ ብራድያን ቦቼናን፣ ቃይ ታ ኩሽያ እ ሞይያን ዬዳ በኤናን ታን አማንከ” ያጌዳ።

26 ሳሞንታፕ ጉይያን፣ የሱሳ ካልያዋንቲ ቃይካ ጎላን ሺቅ ኡቴድና፤ ቶማሰካ ኡንቲንቲና ደኤ። ፐንጊ ቃሽት ኡት ደእሸን፣ የሱሰ ዪደ፣ ኡንቲንቲ ግዴዋን ኤቁደ፣ “ሳርተላይ ሀንተንቲ ግደ” ያጌዳ።

27 ሄዋፕ ጉይያን፣ የሱሰ ቶማሳ፣ “ኔ ኩሽያ ሃ አሃደ፣ ታ ኩሽያ በእ፣ ቃይ ኔ ኩሽያ ሃ አሃደ፣ ታ ሞይያን ዬዳ በእ፣ ኔን አማንያዋ ግዳፕ እትን፣ አማንናዋ ግዳፕ!” ያጌዳ።

28 ቶማሰ ዛሪደ፣ “ታ ጎዳዉ፣ ታ ጸሳዉ!” ያጌዳ።

29 የሱሰ፣ “ኔን ታና በኤዳ ድራዉ አማናዳ፤ በኤናን አማኔዳዋንቲ እንጀቴዳዋንታ” ያጌዳ።

ሀ ማጸፋ ቆፋ

30 የሱሰ ሀ ማጸፋን ጸፊትቤና ሀራ ዳር ማላታቲዋ ባረና ካልያዋንቲ ሰንሳን ኡጴዳ።

31 ሽን የሱሰ፣ እ ክርሰቶሳ፣ ጸሳ ናኣ ግድያዋ ሀንተንቲ አማናና ማላን፣ ቃይ አ አማኒደ አ ሱንሳን ደኤዋ ሀንተንቲ ደማና ማላ፣ ሀዌ ጸፊቴዳ።

21

የሱሰ ላፑ ካልያዋንቲ ቤቴዳ

1 ሄዋፕ ጉይያን፣ የሱሰ ጳጳርሰያዳ ጌተትያ አባ ጋጸን ባረ ካልያዋንቲ ላኤንሱዋ ቤቴዳ። እ ኡንቲንቲ ሀዋዳን ቤቴዳ።

2 ሰሞን ጳጳርሰን ማንትያ ጌተትያ ቶማሰ፣ ቃና ጋሊላፕ ዬዳ ናትናኤል፣ ዛብድኖሳ ናናይን * የሱሳ ካልያዋንቲ ሀራ ላኦቲ እትፕ ደኢና።

3 ሰሞን ጳጳርሰን ኡንቲንቲ፣ “ታን ሞልያ ኦይቃናዉ ባይ” ያጌዳ።

ኡንቲንቲ፣ “ኔንካ ኔናና ባና” ያጊደ፣ ከሲደ ዋንግርያ ግደ ገሌድና፤ ሽን ኡንቲንቲ ሄ ጋላሰ ቃማ ሞልያ አይነ ኦይቁበይክና።

4 ዋንትያ ዋደ አዋይ ከሳናፕ ካሰ፣ የሱሰ አባ ጋጸን ኤቁዳ፤ ሽን አ ካልያዋንቲ የሱሳ ግዴዳዋ ኤርበይክና።

5 የሱሰ ኡንቲንታ፣ “ናቶ፣ ሞልያ ኦይቁበይክቲየ?” ያጌዳ።

ኡንቲንቲ ዛሪደ፣ “አይነ ኦይቁበይኮ” ያጌድና።

6 እ ዛሪደ፣ “ሀንተንቲ ዳባ ዋንግርያፕ ኡሸቻ ባጋኮ የግተ፤ አማሬዳዋ ሀንተንቲ ኦይቃና”

* 21:2 ዛብድኖሳ ናና- እሻቲዋ ግዴዳ ያቆባነ የሃንሳ።

ያገዳ። ሄዋ ድራው፣ ዳባ ኡሸቻ ባጋኮ የግና፣ ሞሊ ዳራዳ ድራው፣ ጎች ከሳናዌ ኡንቱንታ ጸኔዳ።

7 የሱስ ሲቅያ እ ካልያዌ ጳጳርሳ፣ “ሀዌ ጎዳተኔ!” ያገዳ። ሰሞን ጳጳርሳ ጎዳ እ ግዴዳዋ ሰሴዳ ዋደ፣ ካሎ ደእያ ድራው፣ ባረ ማዩዋ ማዩደ፣ አባ ግዳ ጉፕ ገሌዳ።

8 ሸን የኮ ካልያዋንቱ ሞሊ ኩም ኡቴዳ ዳባ ጎቹደ፣ ዋንግርያን አባጥ ጋጸ ከሴድኖ፣ ኡንቱንቱ አባጥ ላኡ ጾቱ ዋቆ ከሩ ሃኪደ ደኢኖ፣ ስትን፣ ሎይሳ ሃኪደ ደኢክኖ።

9 ኡንቱንቱ አባጥ ጋጸ ከሴዳ ዋደ፣ ጸጸንላ ቦንቁዋን ሞሊ ደእያዋን ኡክላ በኤድኖ።

10 የሱስ ኡንቱንታ፣ “ሀእ ህንተንቱ ኦይቁዳ ሞልያ፣ አማራዳዋ ሃምተ” ያገዳ።

11 ሰሞን ጳጳርሳ ዋንግርያን ገሊደ፣ ጸታነ እሻታማነ ሄዙ ዋጋ ሞላቱ ኩም ኡቴዳ ዳባ ጎቹደ፣ አባጥ ጋጸ ከሴዳ፣ ሞሊ ሄዋ ከሩ ዳር ግድናካ ዳባይ ዳከትቤና።

12 የሱስ ኡንቱንታ፣ “ሀ ዪደ፣ ቃንእያ ቃንእተ” ያገዳ። የሱሳ ካልያዋንቱ እቱነ፣ “ኔን ኦኔ?” ጊደ እ ኦቻናዉ ጸልቤና፣ እያዉ ጎፕ፣ ጎዳ እ ግዴዳዋ ኡንቱንቱ ኤራድኖ።

13 የሱስ ዪደ፣ ኡክላ አኪደ፣ ኡንቱንቶ እሜዳ፣ ሞልያካ ሄዋዳን እሜዳ።

14 የሱስ ሀይቁዋ፣ ደንዴዳዋ፣ ጉይያን፣ ባረ ካልያዋንቶ ቤትሸን ሀዌ ሄዘንሉዋ።

የሱሳን ጳጳርሳ

15 ኡንቱንቱ ቁማ ሜዳዋ፣ ጉይያን፣ የሱስ ሰሞን ጳጳርሳ፣ “የሃንሳ ናኦ ሰሞና፣ ታና ሀዋንቱ፣ አላደ ሲቃይ?” ያገዳ።

ሰሞን ጳጳርሳ፣ “ኤ ጎዳው፣ ታን ኔና ደሰያዋ ኔን ኤራሳ” ያገዳ።

የሱስ አ፣ “ታ ደርሳ ማራቱዋ ሄማ” ያገዳ።

16 የሱስ ቃይካ፣ “የሃንሳ ናኦ ሰሞና፣ ታና ሲቃይ?” ያገዳ።

ሰሞን ጳጳርሳ፣ “ኤ ጎዳው፣ ታን ኔና ደሰያዋ ኔን ኤራሳ” ያገዳ።

የሱስ፣ “ታ ደርሳቱዋ ሄማ” ያገዳ።

17 የሱስ ሄዘንሉዋ፣ “የሃንሳ ናኦ ሰሞና፣ ታና ደሳይ?” ያገዳ።

የሱስ ሄዘንሉዋ ሰሞን ጳጳርሳ፣ “ታና ደሳይ?” ያገዳ። ያገደ ኦቹዳ ድራው፣ ጳጳርሳ ካዮቲደ፣ “ጎዳው፣ ኔን ኡባባ ኤራሳ፣ ታን ኔና ደሰያዋ ኔን ኤራሳ” ያገዳ።

የሱስ፣ “ታ ደርሳቱዋ ሄማ።

18 ታን ነዉ ቱሙዋ ኦዳይ፣ ኔን ዋዳላተላን ደእያ ዋደ፣ ነ ጸሳን ሳቂያ ኔረካ ዳንጫደ፣ ኔን ኮቼዳሳ ባሳ። ሸን ጭሚዳዋ፣ ጉይያን፣ ነ ኩሸያ ሞጫ በሳሳ። ኔና ሀራ ኡራይ ዳንጭሳናዋ፣ ኔን ደሰናሳካ አፊ” ያገዳ።

19 የሱስ ሄዋ ጳጳርሳ አይ ማላ ሀይቁዋ ሀይቁደ፣ ጸሳ ቦንቶሳንቶን ኤርሳናዉ ጌዳ፣ ቃይ ሄዋ ጌዳዋ፣ ጉይያን፣ የሱስ ጳጳርሳ፣ “ታና ካላ” ያገዳ።

የሱሳን የኮ ካልያዋ

20 ጳጳርሳ ጉየ ሰሚደ፣ የሱስ ሲቅያ ካልያዌ ባረጥ ጉየና ይያዋ በኤዳ፣ ሄ ካልያዌ ካዉዋ ሞያ ሳኦን የሱሳኮ ሸቂደ አ፣ “ጎዳው፣ ኔና አሳ እማናዌ ኦኔ?” ያገዳ።

21 ጳጳርሳ ሄ ካልያዋ በኢደ የሱሳ፣ “ጎዳው፣ ሀ ብታኒ ቃይ ዋናኔ?” ያገዳ።

22 የሱስ አ፣ “ታን ያና ጋካናዉ እ ደኦና ማላ ታን ኮዮ፣ ሄዌ ኔና አያ ሙቲ? ኔን ታና ካላ” ያገዳ።

23 ሄዋ ድራው፣ ሄ ካልያዌ ሀይቁና ግያ ሃሳያይ እሻቱዋ ኡባኮ ጋኬዳ፣ ሸን የሱስ፣ “ታን ያና ጋካናዉ፣ እ ደኦና ማላ፣ ታን ኮዮ፣ ኔና አያ ሙቲ?” ጌዳዋ፣ አትን፣ “ሀይቁና” ግቤና።

24 ሄ የዉዋባ ማርካቲዳዌን ቃይ ሄዋ ጸፊዳዌ ሄ ካልያዋ አ ማርካተላይ ቱማ ግድያዋ ኦን ኤራቶ።

25 የሱስ አሌዳ ሀራ ዳርባይካ ደኤ፣ ኡባባይ ሁጲያን ሁጲያን ጸፈትንቶ፣ ጸፈትያ ማጻፋቶ ሀ ሙላ አላሚ ግዳናዋ ታዉ ማላተና።

† 21:15 “ታና ሀዋንቱ አላደ ሲቃይ?” ሀዋ ጉሳይ፣ “ታና ሀ የዋቱዋ ሲቅያዋ አላደ ሲቃይ?” ጉሳ።

የሩሳላሙን፣ ቄሳርያንን ሮሙን ሀኔዳ ጳጳሱ ለቆሎሳ ቃሹዋ 21:17—28:31

የሱስ ኪቴዳዎንቱ ኦሎብ ገሌቆ

የሱስ ኪቴዳዎንቱ ኦሎብ ገተትያ ማጻፋይ፡ ሉቃሳ ምሽራቹዋ ካሊደ ጸፈቱዳ ማጻፋ። እዉ ደእያ ሁጸ ቆፋይ ኮይሮ የሱሳ ካሌዳ አሳቱ ጌሻ አያናን ካለሰቲደ፡ አባ ኦድያ ምሽራቹዋ ቃላ “የሩሳላሙን፣ ይሁዳ ጋድያ ኡባን፣ ሳማርያን፣ ሳኦ ጋጸ ጋካናዉ” ምሽራቹዋ ቃላ ዋት ጋድያ ኡባ ጋፊደንቶ ኦዳናሳ (ኪታ 1:8)። ማጻፋይ ክርስትና አማኑ አይሁዳ አሳቱዋ ግደን ደመቲደ፡ ኩመንሳ አላምያን ደእያ አሳ ኡባ አማኑዋ ግዳና ጋካናዉ ዋን አኬደንቶ ኦድያ ታርክያ። ጳጳ፡ አማንያ አሳቱ ሮማ ካዉተሳ አላናዉ ጋርሳና ማቀትያ አሳ ግደናዋን ክርስትና አማኑ አይሁዳቱዋ አማኑዋ ኩመንሳ አላምያ ግድያዋ ኤርሳናዉ ዳርሰ ዳቡሪደ ኦፊዳ።

የሱስ ኪቴዳዎንቱ ኦሎ የሱሳባ ኦድያ ምሽራቹዋ ቃላይ ጋክያ ሳኦይ ዋድያን ዋድያን እክ እክ ብያዋን ዋሳ ጎሊ ኤቁዳዋ ቆንጭሰያዋ ሄዙ ሁጸ ሳን ሻካናዉ ዳንዳየቱ፡

1. ክርስትና አማኑ የሱስ ሳሉዋ ፑደ ብ ሰምና ደመቲዳባ፤
2. እስራኤልያ ጋድያ ኡባ ጋኬዳባ፤
3. ሮመ ጉጂደ ሜድትራንያ አባ የሹዋን ደእያ ጋድያን አኬዳዋ ኦዳ።

የሱስ ኪቴዳዎንቱ ኦሎብ ማጻፋን ዳርፕ ኤረቶቁ ጌሻ አያና ኦሎብ ግድሽን፣ ጳንጸቆስተ ጋሳስ የሩሳላሙን ደእያ አማንያዎንቱ ቦላ ዋልቃፕ እ ዋዴዳዋ፡ ሀዋዳንካ ማጻፋ ግደን ኦድቲዳ ኦሳቱዋ ኡባን ቤቲዳዋዳን፣ ጌሻ አያናይ ዋሳ ጎልያን ዋሳ ጎልያ ካለላምያንታ ካለሌዳዋን ምንሴዳዋ ጉጂደ ኦዳ። በን ዋደ ኦስትያ ክርስትና ኪታይ ዲማ ዲማ ኦዳዳ ቃላ ግድፕ ማጽ ከሰና፡ ቃንላን ሺቁዳ። የሱስ ኪቴዳዎንቱ ኦሎብ ግደን ፖለቲዳ ኪታቲካ ሄ ኦሎ አማንያ አሳ ደኡዋን አማንያዎንቱ እትፕተላን ደእያ ዋልቃይ እይ ኬና ዳረንቶ ኦዳ።

ሸምፓቱዋ ኡባቶ እመቲዳ ቃንሳ ቆፋቱዋ

- ማርካተላዉ ጊፑዋ 1:1-26
- ዉርሰላን የሱስ እሜዳ አዛዙዋን ሀደታ 1:1-14
- ይሁዳ ኮታ ገሌዳዋ 1:15-26
- የሩሳላሙን ኦስቲዳ ማርካተላ 2:1—8:3
- ይሁዳንን ሳማርያን ኦስቲዳ ማርካተላ 8:4—12:25
- ጳጳሎስ ኪተቲዳ ኦሎብ 13:1—28:31
- ጳጳሎስ ኪተቲዳ ኦሎ ኮይሮ ሀመታ 13:1—14:28
- የሩሳላሙ ሺቁዋ 15:1-35
- ጳጳሎስ ኪተቲዳ ኦሎ ላኤንላ ሀመታ 15:36—18:22
- ጳጳሎስ ኪተቲዳ ኦሎ ሄዘንላ ሀመታ 18:23—21:16

1-2 ቶፍሎሳ፡ የሱስ ሳሉዋ ቤዳ ጋላሳይ ጋካናዉ፡ አላናዉን ታማርሳናዉ ደሜዳዋ ኡባባ ታን ታ ኮይሮ ማጻፋን * ጸፋድ። ሳሉዋ ባናፕ ካስ እ ባረ ዶሪደ ኪቴዳዎንታ ጌሻ አያናን አዛዜዳ።

3 እ ባረ ኪቴዳዎንቶ ኦይታሙ ጋላሳ ቤቲድን ቃይ ጸሳ ካዉተላባ ኡንቲንቶ ኦዲደ፡ ባረ ዋይያፕ ጉይያን፡ ሀይቁዋፕ ደንዴዳዋ ሰ ባይናን ሎይላ አማንሊደ፡ ባረና ኡንቲንታ በሴዳ።

4 ኡንቲንቲና እትፕ ደኢደ፡ ኡንቲንታ ሀዋዳን ያገደ አዛዜዳ፤ “የሩሳላሙፕ ከሶፕተ፤ ሸን ሀንተንቲ ታፕ ሰሴዳ ታ አቡ ሀንተንቶ አማና ገደ ሀደቲዳዋ ናፕተ።

5 አያዉ ጎፕ፡ ዮሃንስ ሃላን ጸማቁዳ፤ ሸን ጉላ ዋድያፕ ጉይያን፣ ጌሻ አያናን ሀንተንቲ ጸማቀታንታ” ያጌዳ።

የሱስ ሳሉዋ ቤዳ (ማር. 16:19-20፤ ሉቃሳ 24:50-53)

6 የሱስ ኪቴዳዎንቱ የሱሳና ጋከቲዳ ዋደ አ፡ “ጎዳዉ፡ ሀ ዋድያን እስራኤላቶ ካዉተላ ዛራኒ?” ያገደ ኦቼድና።

7 የሱስ ኡንቲንታ፡ “ታ አቡ ባረ ጎዳተላን ኬሪዳ አገናን ዋድያ ሀንተንቲ ኤራናሳ ግደና።

8 ሸን ጌሻ አያናይ ሀንተንቲ ቦላ ዋድያ ዋደ፡ ዋልቃ ሀንተንቲ እካንታ፤ ያቲደ የሩሳላሙንን ይሁዳ ጋድያ ኡባን፣ ሳማርያንን ጋድያ ጋጸ ኡባ ጋካናዉ ታዉ ማርካትያዎንታ ግዳንታ” ያጌዳ።

9 ሄዋ ጌዳዋፕ ጉይያን፡ ኡንቲንቲ ጳልሸን፡ ቶቁ ቶቁ ገደ፡ ሳሉዋ ቤና፡ ኡንቲንቲ አይፍያፕ ሻሪ አ ገንሌዳ።

10 የሱስ ቦላዉ ደንድያ ዋደ፡ ኡንቲንቲ ሳሉዋ ጫድ ጳልሸን፡ ቦላ ማዩዋ ማዬዳ ላኤ አሳቲ ኤለካ ኡንቲንቲ ማታን ኤቁደ፡

11 “ጋሊላ አሳቶ፡ ሳሉዋ ጴሊደ፡ ሀንተንቲ አያዉ ኤቁድቲ? ሀ ሀንተንቲፕ ሳሉዋ ቤዳ የሱስ ሳሉዋ ብያዋ ሀንተንቲ በኤዳዋዳንካ፡ ሰሚደ ያናዋ” ያጌድና።

ይሁዳ ኮታ ማትያስ ደረቲዳ (ማቶሳ 27:3-10)

12 ሄዋፕ ጉይያን፡ የሱስ ኪቴዳዎንቱ ደብረ ዛይተ ጌተትያ ዋጋራ ሞላ ደርያፕ የሩሳላሙ ሰሜድና። ዋጋራ ሞላ ደሪ የሩሳላሙፕ እት ኪሎ ሞትርያ ኬና።

13 የሱስ ኪቴዳዎንቱ የሩሳላሙ ገሊደ፡ ባረንቲ ደእያ ሳኦ ቶቃ ፑደ ከሴድና፤ ያ ከሴዳዎንቲ ሱንላይ ጳጽሮሳ፡ ዮሃንሳ፡ ያቆባ፡ እንድራሳ፡ ፕልጸሳ፡ ቶማሳ፡ ባርታላሞሳ፡ ማቶሳ፡ እልፕሮሳ ናኦ ያቆባ፡ ባረ ጋድያዉ ሴለትያ ተ ሰምናን ያቆባ ናኦ ይሁዳ።

14 ሀዋንቲ ኡባቲ ማጫዎንቲና፡ የሱሳ ዳይ ማይራምናን የሱሳ እሻቲዋና ኡባይ እት ዋዛና ግዲደ፡ ኡባ ዋደ እትፕተላን ዋሳዉ ሸቁና።

1:1-2 ሉቃሳ 1:1-4 * 1:1-2 ታ ኮይሮ ማጻፋን፡ ሉቃሳ ምሽራቹዋ ማጻፋ። 1:4 ሉቃሳ 24:49 † 1:13 ባረ ጋድያዉ ሴለትያ፡ ሀ ሱንላይ ካላፕ ሮሙ አሳና ኤቁቲደ ኦሎቲዳ አይሁደ አሳዉ እመቲዳዋ።

15 ሄ ዎድ፡ ጳጳሮስ ጴጥሎስ ላታማ ግድያ አማንያ አሳ ሸቆዋን እትጥ ደእያ ባረ እሻቱዋ ግድን ደንድ ኤቆድ፡ ሀዋዳን ያጌዳ፤

16 “ታናዳን አማንያዎንቶ፡ የሱሳ ኦሮቆዳዎንታ ካለፎዳ ይሁዳባ ጌሻ አያናይ ካሰ ዳዋተ ድናን ኦዳዳ ጳላ ማጻፋ ቃላይ ፖለታናወ በሴ።

17 አያወ ጎጥ፡ ይሁዳ አሰቆሮቱ ኑናና ደኤ፤ ቃይ ኑናና እቱዋ ግድ ፓይደቲደ ኦሱዋ ባጋይ ደእና ማላ ደረቲዳ” ያጌዳ።

18 ይሁዳ አሰቆሮቱ ባረ ኢታ ኦሱዋን ደሜዳ ሚሻን ጋድያ ሻሚዳ፤ ሰንጻወ ጉፋኒደ ከንድና፡ አ ኡሉ ግዱዋጥ ዳከቲዳ፤ አ ማራጨ ኡባይካ ካረወ ጳ-ልጸት ከሰ አጌዳ።

19 ይሁዳ ቦላ ሀኔዳዋ የሩሳላሙን ደእያ አሳይ ኡባይ ሰሴዳ፤ ሄዋ ድራወ፡ ሄ ጋድያ ባረንቱ ቃላን አከልዳማ ጊደ ሱንፊድና፤ ሄዋ ብለላይ ሱላ ጋድያ ግያዎ።

20 ጳጳሮስ ኦዳዳ፡ አያወ ጎጥ፡ ማዘሙርያ ማጻፋን፡

አ ጎሊ መላ አቶ፤ ኦንነ ሄዋን ደኤፖ

ቃይ

አ ሱንጻተላካ ሀራይ አኮ ጌተቲደ ጸፈቲዳ።

21-22 ሄዋ ድራወ፡ እት አሳይ ጎዳ የሱሳ ደንዳዋ ማርካታናወ፡ ኑናና ጋከታናወ በሴ፤ የሃንሰ ጸማቄዳ ዋድያጥ ደሚደ፡ የሱሰ ኑጥ ሳሉዋ ቤዳ ዋዲ ጋካናወ፡ ጎዳ የሱሰ ኑናና ሀመቲዳ ዋድያ ኡባን እ ኑናና ደእያዎንቱጥ እቱዋ ግድ ሱንጋታናወ በሴ።

23 ሄዋጥ ጉየ አማንያ አሳይ ደሮ የሰጸሳ ግያ ባርሳባ ጌተትያ የሴፎን ማትያሳ ላኡዋ ኤሴድና።

24-25 ሄዋጥ ጉይያን፡ ጸሳ ዋሲደ፡ “ኡባ ዋዛና ኤርያ ጎዳወ፡ ይሁዳ አሰቆሮቱ ባረሳ ባናወ የጊደ ቤዳ ኦሱዋን የሱሰ ከቲዳ ኦሱዋ ሀዳራ አካናዳን፡ ሀ ላኡ አሳቱዋጥ እቱዋ ኔን ደሬዳዋ ኑና በሳ” ያጌድና።

26 ኡንቲንቲን ሳማ የጌድና፤ ሳማይ ማትያሳ ቦላን ዋድና፡ ማትያሰ የሱሰ ከቲዳ ታማነ እት ከተታዋንቲና ፓይደቲዳ።

2

የሱሳ ካልያዎንቱ ቦላ ጌሻ አያና ዋግላ

1 ጸንጸቆስተ* ግያ ጋላሳይ ጋኬዳ ዋድ፡ አማንያዎንቱ ኡባቱ እትጥ ግዲደ፡ እትሳ ሸቆ ደእሸን።

2 ዋልቃማ ጎቱዋዳን ጉምያ ጉንጻይ ዋዛና አግናን ሳሉዋጥ ዪደ፡ ኡንቲንቲ ኡቲዳ ጎልያ ኡባ ከሚዳ።

3 ቃይ ታማ ላጩዋዳን ፖዱግያዌ ኡንቲንቶ ቤቲደ፡ ሻከት ሻከት፡ ኡንቲንቲ ኡባ ቦላ ዋዴዳ።

4 ኡንቲንቲ ኡባን ጌሻ አያናይ ከሚደ፡ ዲማ ዲማ ቃላን ሃሳያና ማላ፡ ኡንቲንታ ዳንዳይሰና፡ ሃሳያ ደሜድና።

5 ሳኒን ደእያ አሳ ዘረፋ ኡባጥ ዪደ፡ ጸሳወ ያይያ እትጥ ደእያ አይሁዳቱ የሩሳላሙን ደኢና።

6 ሀ ጉንጻ ሰሴዳ ዋድ፡ አሳይ ኡባይ ሸቆዳ፤ ኡንቲንቲ ባረንቱ ቃላን ቃላን ሃሳይሸን ሰሴዳ ድራወ፡ ግያዋ ቆዩድና።

7 አሳይ ኡባይ ማላለቲደነ ሀዌ ኦራላባ ጊደ፡ “በእት፤ ሀ ሃሳይያዎንቱ ኡባቱ ጋለላ አሳቱዋ ግድክና?

8 ያትና፡ ኑን ኑ የለቲዳ ጋደ ቃላን ኡንቲንቲ ሃሳይሸን ዋኒደ ሰሴቶ?

9 ኑን ጳርተ አሳቱ፡ ሚደነ አሳቱ፡ ኤላሜጸ አሳቱ፡ ላኡ ሻፋቱዋጥ ግዱዋን ደእያዎንቱ፡ ይሁዳን፡ ቃጳደቅያን፡ ጸንጸሳን፡ ኢሰያን፡

10-11 ፕርግያን፡ ጽንፍልያን፡ ግብጽን፡ ቀሪና ባጋን ደእያ ሊብያ ዋራዳቱዋን ደእያዎንቱ፡ ሮመጥ ዬዳ እማላቱ፡ አይሁዳቱ፡ አይሁዳተላወ ላመቲዳ ኑጥ አማራዳዎንቱ፡ ቃርጼሰ አሳቱ፡ አራብያ አሳቱ፡ ጸሳይ ኦፊዳ ዋልቃማ ኦሱዋ ኑ ቃላን ኡንቲንቲ ሃሳይሸን ሰሴደ” ያጌድና።

12 ኡባይካ ማላለቲደ፡ የወ ባረንቶ ገለናን አጽና ባረንቲ ግድን፡ “ላ ሀዌ ዋግያዌ?” ያጌድና።

13 ሸን ሀራ አሳቱ አማንያዎንቱ ቦላን ቅሊጪደ፡ “ሀዋንቲ ኡሺደ ማላቲድና” ያጌድና።

ጳጳሮሳ ሃሳያ

14 ሸን ጳጳሮስ፡ የሱሰ ከቲዳ ሀራ ታማነ እት ከተቶዎንቲና ደንድ ኤቆድ፡ ባረ ኮሻ ቆቁ አሊደ፡ ኡንቲንቶ ሀዋዳን ያግ ኦዳዳ፤ “አይሁዳቶ፡ ቃይ የሩሳላሙን ደእያ ኡባቶ፡ ታን ኦድያዋ ሰሰተ። ሀዌ ሀንተንቶ ኤረቶ፤ ሀንተንቲ ቆጥያዎዳን፡ ሀዋንቲ ማላትበይክና።

15 አያወ ጎጥ፡ ዋንታጥ ብር ሄዙ ሳተ ግዴ።

16 ሸን ሀዌ ናብያ ኢዩኤል ሃሳዬዳዋ።

17 “እ ሃሳዬደ፡ ጳሳይ ሀዋዳን ያጌዳ፤ ዋድያ ወርሰላን ሀዋዳን ሀናናዋ። ታን አሳ ኡባ ቦላን ታ አያና ጉሳና። ሀንተንቲ አቱማ ናናይነ ሀንተንቲ ማጫ ናናይ

ትምቢትያ ኦዳናዎንታ። ሀንተንቲ ዋዳላ ናናይካ ሳፃ በአናዎንታ፤ ሀንተንቲ ጭማቱካ አኩሙዋ አኩሙታናዎንታ።

18 ሄ ጋላሳቲን ታ አቱማ ቆማቱዋ ቦላንን ታ ማጫ ቆማቱዋ ቦላን

ታን ታ አያና ጉሳና። ሄዋጥ ጉየ ኡንቲንቲ ትምቢትያ ኦዳናዎንታ።

19 ቃይ ታን ቦላ ሳሉዋን ኦራላባ፡ ጋርሳ ሳንካ ማላታ በሳና።

ሱላይ፡ ታማይነ ሻርያዳን፡ ካሜዳ ጩዋይ ደኢና።

20 ዋልቃማን ቦንቾ ግዴዳ ጎዳ ጋላሳይ፡ ጋካናጥ ካሰ አዋይ ቆማና፤ አገናይካ ሱላ ማላታና።

21 ሄ ዋደ ሀዋዳን ሀናናዋ፤ ጎዳ ሱንጻ ጴሰያ ኦንነ አታና።

1:20 ማዘ. 69:25፤ 109:8 * 2:1 ጸንጸቆስተ- አይሁድያ አሳይ ፓሰጋ ባላ ቦንቾደጥ እሻታሙ ጋላሳይ እጽ ሰምና ቦንቾትያ ዛርጋ ቆይቻ ባላ ጌተትያዎ። 2:1 ዋጋ 23:15-21፤ ዛረ. 16:9-11 2:17 እዪ. 2:28-32

ያጌዳ።

22 “እስራኤልያ አሳቶ፣ ሀ ቃላ ሰሰተ፤ ናዝሬትያ የሱስ ህንተንቱ ግደን ጸሳይ ባረናን ኦሌዳ ዋልቃማ ኦሱዋን፣ ኦሱዋን ማላታን ህንተንቶ ዲሸሴዳ አሳ፤ ሄዋ ህንተንቱካ ኤሪታ።

23 የሱስ ህንተንቶ እመታና ማላ፣ ጸሳይ ካሰ ባረ ሸንያንን ባረ ኤራን ባረ ቆፋ ቃች ዋሌዳ፤ ያትና፣ አ ህንተንቱ ናጋራንቻቱዋ ኩሸያን ማሰቃልያ ቦላ ምስማርያን ድሸሲደ፣ ካቅሰ ዋድሴይታ።

24 ሸን ሀይቁ የሱሳ ኦይቃናዉ ዳንዳይቤና ድራዉ፣ ጸሳይ ሀይቁዋ ሴላ አፕ ዳይሲደ፣ አ ደንሌዳ።

25 አያዉ ጎፕ፣ ዳዊተ የሱሳባ ሀዋዳን ያጌዳ፤ “ ታን መቶተናዳን፣

ጎዳይ ታ ኡሸቻን ደእያ ድራዉ፣ ታን ኡባ ዋደ ጎዳ ታ ማታን በአይ።

26 ሄዋ ድራዉ፣ ታ ዋዛናይ ናሸቲዳ፤ ታ እንጸርሳንካ ናሸቻይ ኩሜዳ።

ቃይ ታ ቦላይካ ሎኦ ደአና ጌደ፣ ናሸቻን ናጌ።

27 አያዉ ጎፕ፣ ታ ሸምፑዋ፣ ሰኦልያን አጋካ።

ቃይ ነ ጌሻ ናኦ አሃካ ዋቀላካ።

28 ኔን ታና ደኡዋ ኦግያ ኤርሳዳ።

ኔን ታናና ደእያዋን፣ ታን ዳሪ ናሸታይ።

ያጌዳ።

29 “እሻቶ፣ ኑ አዋቱዋ ካፑዋ ዳዊተባ ታን ህንተንቶ ጌሻደ ኦዳናዉ በሴ፤ ዳዊተ ሀይቁደ ሞገቲዳ፤ አ ዱፋ ሀቼ ጋካናዉካ ኑ ማታን ደኤ።

30 ዳዊተ ናብያ ግዴዳ ድራዉነ ጸሳይ አ ናና ዘረላፕ እቱዋ አ ካዉተላ ኦይድያን ኡትሳናዉ አዉ ጫቁዳዋ ኤሬዳ ድራዉ።

31 ክርሰቶሳ ደንዲዋ ሰንላዉ ጸሊደ፣ ሓ ሸምፑ ሰኦልያን አትቤና፤ አ ቦላይካ ዋቁቤና፣ ጌደ ኦዳዳ።

32 “ጸሳይ የሱሳ ሀይቁዋፕ ደንሌዳዋ ኑን ኡባይ ማርካ።

33 ሄዋ ድራዉ፣ ጸሳይ ባረፕ ኡሸቻ ባጋን ተ አ ቶቁ ቶቁ ኦሊደ፣ አዉ ጌሻ አያና እማና ጌዳዋዳን፣ ጌሻ አያና አኪደ፣ ሀዋ ህንተንቱ ሀእ በእያዋነ ሰሰያዋ ኑ ቦላ ጉሴዳ።

34-35 “አያዉ ጎፕ፣ ዳዊተ ባረ ሀጳዉ ሳሉዋ ከሰቤና፤ ሸን ያጌዳ፤

“ ሳዳይ ታ ጎዳ፤ “ታን ነ ሞርከቱዋ፣ ኔን ገድያን የዳ ኤቁያዋ ኦላና ጋካናዉ ሀዋን ታፕ ኡሸቻ ባጋና ኡታ” ጌዳ።

ያጌዳ።

36 “ሄዋ ድራዉ፣ ጸሳይ ማሰቃልያ ቦላ ምስማርያን ሀ ህንተንቱ ድሸደ ካቁዳ የሱሳ ጎዳነ ክርሰቶሳ ኦሌዳዋ እስራኤልያ አሳ ዘረላይ ኡባይ ቱሙፕ ኤሮ” ያጌዳ።

37 አሳይ ጳጳርሰ ጌዳዋ ሰሴዳ ዋደ፣ አሳዉ ዋዛናይ ዳርፕ ቦሸትና፣ ጳጳርሳነ የሱስ ከቲዳ ሀራቱዋ፣ “ኑ እሻቶ፣ ያትና ኑን አያ ኡዳኔ?” ያጌድና።

38 ጳጳርሰ ኡንቱንታ፣ “ህንተንቱ ናጋራይ አቶ ጌተታና ማላ፣ ናጋራፕ ሰሚደ፣ ህንተንቱ ሀጲያን ሀጲያን የሱስ ክርሰቶሳ ሱንላን ጸማቀትተ። ጸሳይ እምያ ጌሻ አያና ህንተንቱ አካና።

39 አያዉ ጎፕ፣ ጸሳይ እማና ጌዳ ቃላይ ህንተንቱሳ፣ ህንተንቱ ናናቱዋሳነ ጎዳይ ኑ ጸሳይ ባረኮ ጸሰያ ሃኩዋን ደእያዋንቱ ኡባሳ” ያጌዳ።

40 ጳጳርሰ ኡንቱንቶ ቃላ ሀራካ ጌጅ ማርካቲደ፣ “ሀ ዋድያ ጌላ አሳፕ ህንተንቱ ሀጲያ አሸተ” ያጌደ ዘሬዳ።

41 ጳጳርሰ ኤዴዳዋ እኬዳዋንቱ ጸማቀቲድና፤ ሄ ጋላሰ ሄዙ ሻእ ግድያ አሳይ አማኔድና።

42 ኡንቱንቱ የሱስ ኪቲዳዋንቱ ትምርትያን፣ እትፕተላን ኡክላ መንሐ ምያዋንነ ጸሳ ዋሳን ገንጫና።

አማንያ አሳይ እሻተላንነ እትፕተላን ደእያ ደኡዋ

43 የሱስ ኪቲዳዋንቱ ኩሸያን ዳር ኦራላባይነ ማላታቱ ኦስትና፣ አሳ ኡባ ያሻይ ኦይቁዳ።

44 አማኔዳ ኡባቱ እትፕ ደኡና፤ ቃይ ባረንቶ ደእያባ ኡባካ እትፕ ሻክ አኬድና።

45 ኡንቱንቱ ባረንቱ ጋድያነ ባረንቶ ደእያባ ዛልእ ዛልኢደ፣ ኦናነ ኮሼዳ ኬና ሚሻ ኡባዉ ሻኬድና።

46 ቃይ ኡባ ጋላሰ፣ እት ዋዛና ግዲደ፣ ጌሻ ጎልያን ፓጨናን ጋከቲደ፣ ባረንቱ ጎለ ጎለ ጸሰቲደ ናሸቻንነ ፓሸካ ዋዛናን ቁማ ሚና።

47 ጸሳ ጋላቲደ፣ አሳ ኡባን ሳባቲድና። ቃይ ጎዳይ አማን እትያዋንታ ጋላሰ ጋላሰካ ኡንቱንቱ ቦላ ጉጁ።

3

እት ዋባ ብታኒ ፓጼዳ

1 እት ጋላሰ፣ ጳጳርሰነ የሃንሰ ጸሳ ዋሳናዉ ኡዲቱ ሳትያን ጌሻ ጎልያ ቤድና።

2 የለቶደፕ ደሚደ፣ ጉንዳ ግዲደ ደእያ እት ብታኒ ጌሻ ጎልያ ገልያ አሳፕ ሚሻ ዋሳናዉ፣ ኡባ ጋላሰ ዳሪ ሎኦ ግያ ጌሻ ጎልያ ፕንግያን አሳይ አፊደ ዋልያዌ ደኤ።

3 ሄ ዋባ ብታኒ፣ ጳጳርሰነ የሃንሰ ጌሻ ጎልያ ገላና ሀንሸን በኢደ፣ ሚሻ ኡንቱንታ ዋሴዳ።

4 ጳጳርሰ የሃንሳና አ ጫድ ጸሊደ፣ “ኑኮ ሃ ጸላ” ያጌዳ።

5 ዋባ ብታኒ ኡንቱንቱፕ እትባ አካናዉ ኮዪደ፣ ኡንቱንቱቱ ጸሌዳ።

6 ሸን ጳጳርሰ አ፣ “ታዉ ሚሻይ ባዋ፤ ሸን ታዉ ደእያባ ታን ነዉ እማና፤ ናዝሬትያ የሱስ ክርሰቶሳ ሱንላን ደንዲደ ሀመታ” ያጌዳ።

7 ያቲደ፣ ዋባ ብታንያ ባረ ኡሸቻ ኩሸያን ኦይቁደ፣ ፑደ ደንሌዳ፤ ኤለካ አ ገዲነ ሜሽ መቀላይ ምን አኤዳ።

8 ብታኒ ፑደ ጉፕደ፣ ደንድ ኤቁዳ፤ ያነ ሃነ ሀመታ ደሚዳ። ሄዋፕ ጉይያን ሀመቲደ፣ ጉፕድነ ጸሳ ጋላቲደ፣ ኡንቱንቱና እትፕ ጌሻ ጎልያ ገሌዳ።

9 እ ሀመትሸናነ ጸሳ ጋላትሸን፣ አሳይ ኡባይ አ በኤዳ።

2:25 ማዘ. 16:8-11 2:30 ማዘ. 132:11፤ 2 ሳሚላ 7:12-13 † 2:33 ኡሸቻ ባጋ- ጉሳይ ቦንቹዋነ ዋልቃ በሰያ ሳኦ። 2:34-35 ማዘ. 110:1

10 ያቲደ፡ ሚሻ ዋሳናዉ ዳሪ ሎኦ ግያ ጌሻ ጎልያ ፕንግያን ኡቴዳዌ አ ግዴዳዋ አኬኬድኖ፤ እ ሀኔዳዋ በኢደ ማላለቴድኖ።

ጳጳርሰ ጌሻ ጎልያን ሃሳዬዳ ሃሳያ

11 ብታኒ ጳጳርሰን የሃንሳ ኦይቂ ኡቴዳ ዋደ፡ አሳይ ኡባይ ማላለቴደ፡ ሶሎሞን ባራንዳ * ግያ ሳን እትፕ ኡንቴንቴኮ ዋዴድኖ።

12 ጳጳርሰ አሳ በኤዳ ዋደ ኡንቴንቴ ያጌዳ፤ “እስራኤልያ አሳቶ፡ አያዉ ሀዋ ማላለቴ፡? ዋይ አያዉ ኑና ጫድ ጸሊቴ? ኑን ኑ ዋልቃን ዋይ ጳሳ ማላትያዋን ሀ ብታንያ ሀመጫዳዋ ሀንተንቶ ማላት?”

13 አብራሃም ጳሳይ፡ ይሳቃ ጳሳይ፡ ያቆባ ጳሳይ፡ ኑ አዋቱዋ ጳሳይ፡ ሀንተንቴ አል እሜዳዋ ጵላጸሰ ብላናዉ ቆፕ ኡቴዳ ዋደ፡ ሀንተንቴ አ ሰንሳን፡ “ኑን አ ኤርኮ” ጌዳ ባረ ናኦ የሱሳ ቦንቼዳ።

14 ሸን ሀንተንቴ ጌሻን ጽሉዋ፡ “ኑን አ ኤርኮ” ጌደ፡ ሸምቱዋ ዋዴዳዋ አ ድራ ሀንተንቶ ብላናዉ ጵላጸሳ ዋሴድታ።

15 ደኡዋ እምያዋ ሀንተንቴ ዋዴድታ፤ ሸን ጳሳይ ሀይቁዋፕ አ ደንጫዳዋ ኑን ማርካ።

16 ሀ ዋባ ብታንያ የሱሳ ሱንሳ ዋልቃይ ሞንሴዳ፤ ሀንተንቴ በእያዌን ኤርያዌካ እ አ ሱንሳን አማንያዋን ኦሰቴዳ፤ ሀ ሀንተንቴ ኡባ ሰንሳን አ ሀዋዳን ሎይጫዳዌ፡ የሱሳ እ አማንያዋ።

17 “ሀእካ ታናዳን አማንያዋንቶ፡ ሀንተንቴካ ሀንተንታ ካልያዋንቴዳን፡ ኤረናን ኦጫዳዋ ታን ኤራይ።

18 ሸን ጳሳይ በን፡ ናባቱዋ ኡባቱዋ ደናን፡ “ክርሰቶስ ዋየታና በሴ” ያጌደ ኦዴዳ፤ ባረ ኦዴዳዋካ ሄዋዳን ፖሌዳ።

19-20 ሰም ጳሳይ ሀንተንቴ ናጋራ ማራናዳን፡ ጎዳ ማታፕ አያና ምኖተላ ዋዴ ሀንተንቶ ያናዳን፤ ጳሳይ የሱሰ ክርሰቶሳ ካሰ ሀንተንቶ ኦደቶዋዳን የዳናዳን፡ ሀንተንቴ ናጋራ ፓጺደ ጳሳኮ ሰምተ።

21 ጳሳይ ጌሻ ግዴዳ ባረ ናባቱዋ ደናን በንፕ ደሚደ ሃሳዬዳዋዳን፡ ኡባባይ ኦራጽያ ዋዴ ጋካናዉ፡ የሱሰ ሳሎዋን ጋምአናዉ በሴ።

22 ሙሴ፡ “ጎዳይ ጳሳይ፡ ሀንተንቴ ዛርያ ግደፕ ሀንተንቶ ታናዳን ናብያ ደንላና፤ ሀንተንቴ እ ግያዋ ኡባ ሰሰተ።

23 ሄ ናቢ ኦድያዋ ሰሰና አሳይ ኦንነ አሳ ግደፕ ሻከት ጳዮ” ያጌዳ።

24 “ቃይ ሳሜላፕ ደሚደ፡ አፕ ካላ ደንዴዳ ናባቱ ኡባቱ፡ ሀ ዋድያባ ኦዴድኖ።

25 ሀንተንቴ ናባቱዋ ናና፤ ቃይ ጳሳይ አብራሃም፡ “ሳኦን ደእያ አሳ ኡባ ታን ነ ዘረሳ ባጋና አንጃና” ያጌደ ኑ አዋቱዋና ጫቄዳ ጫቁዋ ላትያ ናና።

26 ጳሳይ ሀንተንታ ኡባቱዋ ሀንተንቴ ኢታ ኡሱዋፕ ዛሪደ አንጃና ማላ፡ ባረ ቆማ ተ ደንሳደ፡ ሀንተንቶ ኮይሮ የዴዳ” ያጌዳ።

4

ጳጳርሰን የሃንሰ አይሁዳቱዋ ሻንጋቱዋ ሰንሳ ሺቄድኖ

1 ጳጳርሰን የሃንሰ አሳዉ ኦድሸን፡ ቄሳቱዋ ካፓቱ፡ ጌሻ ጎልያ ዋታዳራቱዋ አዛዝያዌን ሳዲቃዋናቱ።

2 ኡንቴንቴ አሳ ታማርሰያ ድራዉን ሀራ አሳቱ ሀይቁዋፕ ደንዴናዋ ማርካ ግዳና ማላ፡ የሱሰ ሀይቁዋፕ ደንዴዳዋ ኦዴዳ ድራዉ፡ ዳሪ ይሎቴደ፡ ኡንቴንቴኮ ዬድኖ።

3 ኡንቴንታ ኦይቂደ፡ ሳኦይ ኦማርሰድጎ ድራዉ ዋንታናዉ ቃሾ ጎለ ገልሴድኖ።

4 ሸን ቃላ ሰሴዳዋንቴፕ ጮራቱ አማኔድኖ፤ አቱማ አሳ ፓይዲ እቼሹ ሻኦ ኬና ግዴዳ።

5-6 ዋንተላ ጋላሰ፡ ኡንቴንታ ሞድያዋንቴ፡ አይሁዳ አሳ ጭማቱ፡ ሙሴ ሀግያ ታማርሰያዋንቴ፡ ቄሳቱዋ ኡባቱዋ ካፓቱ ሃን፡ ቃያና፡ የሃንሰ እስክንድርን ቄሳቱዋ ኡባቱዋ ካፓቱዋ ዳባቱ ኡባይ የሩሳላሙን ሺቄድኖ።

7 የሱሰ ኪቴዳዋንታ ባረንቴ ግዴዋን ኤሴደ፡ “አያ ዋልቃን ዋይ ኑ ሱንሳን ሀዋ ሀንተንቴ ኦጫድቴ?” ያጌደ ኦቼድኖ።

8 ሄ ዋደ ጳጳርሰ ባረናን ጌሻ አያናይ ኩምና፡ ኡንቴንታ ሀዋዳን ያጌዳ፤ “አሳ ካለላያዋንቶ፡ አይሁዳ አሳ ጭማቶ።

9 ሀቼ ሀ ሀርጋንቻ ብታንያዉ ኦሰቴዳ ሎኦ ኦሱዋባነ እ ዋን ፓጺደንቶ፡ ሀንተንቴ ኑና ኦቼፕ፡

10 ማሰቃልያ ሶላ ሞሰማርያን ሀንተንቴ ድሺደ ካቂና፡ ጳሳይ ሀይቁዋፕ ደንጫዳ ናዝሬትያ የሱሰ ክርሰቶሳ ሱንሳን ሀ ብታኒ ፓጺደ፡ ሀንተንቴ ሰንሳን ኤቄዳዌ ሀንተንቴ ኡባዉን እስራኤልያ አሳ ኡባዉ ኤረቶ።

11 ጎልያ ኬጽያዋንቴ ሀንተንቴ ካጂደ እጾዳ ቱሳይ ጎልያ ኡባ ቶክያ ኮሸያ ቱሳ ግዴዳ።

12 አሳይ አቶተላ የሱሳ ባጋና ደማናፕ አትን፡ ሀራ ኑ ባጋናን ደመና፤ ኑን አ ሱንሳን ኦላናዉ በሴ፤ አያዉ ጎፕ፡ ጳሳይ ሳሎዋፕ ጋርሳን አሳዉ እሜዳ ሀራ ሱንሳይ ባዋ” ያጌዳ።

13 ሺቄዋ አሳይ ጳጳርሰን የሃንሰ ጸሌዳ ጸላ በኤዳ ዋደ፡ ኡንቴንቴ ታማርሰና ጮ አሳ ግዴዳዋ አኬኪደ ማላለቴድኖ፤ ኡንቴንቴ የሱሳና ደእያዋካ ኤሬድኖ።

14 ቃይ ፓጺደ ብታኒ ጳጳርሳናን የሃንሳና ኤቄዳዋ አሳይ በኢደ፡ ግያዋ ጳዬድኖ።

15 ሸን ጳጳርሰን የሃንሰ ሺቄዋፕ ካረ ከሳና ማላ አሳይ አዛዚደ፡ ባረ ግደን ዘረቲደ፡

16 “ሀ አሳቱዋ አያ ኡዳኔ? አያዉ ጎፕ፡ ኡንቴንቴ ኩሸያን ኦሰቴዳ ዋልቃማ ማላታቱ የሩሳላሙን ደእያ ኡባዉ ቤቴዳ፡ ኑን ሄዋ ኤርኮ ጋናዉ ዳንዳዮኮ።

17 ሸን የዉ አሳዉ ላለተና ማላ፡ ሀዋፕ ሰንሳዉ ሀ አሳቱ የሱሳ ሱንሳ ኦሰን ኦደናዳን፡ ሞንሴደ ኡንቴንታ፡ “ሀንተና ኤርተ” ጎይተ” ያጌድኖ።

18 ኡንቴንቴ ጾሴደ፡ የሱሳ ሱንሳ ሙላካ ደንፍዳንነ አባ ታማርሰናዳን አዛዜድኖ።

* 3:11 ሶሎሞን ባራንዳ፡ ጌሻ ጎልያ አዋይ ደልያ ሰንሳ ባጋና ጮራ አሳይ ሺቄያ አዲሳን እኮ ሳኦ። 3:22 ዛረ. 18:15፣ 18 3:23 ዛረ. 18:19 3:25 ደመላ 22:18 † 3:26 ቆማ፡ ጳሳ እዉዋን ደረቴዳ ናኦ። 4:11 ማዝ. 118:22

19 ሸን ጳጳርሰነ ዮሃንስ ዛሪድ፡ “ጳጳሩ ኤኖ ግያዎ አገደ፡ ሀንተንቶ ኤኖ ግያዎ ጳጳ ሰንገን ሎኤንቶነ አነ ሀንተ ፕርድተ።

20 አያው ጎፕ፡ ኑን በኤዳባነ ሰሌዳባ ኦደናን አጋናው ዳንዳዮኮ” ያገደ ሸቄዳ አሳው ኦደድና።

21 ሸቄዳ አሳይ ኡንቱንታ ሙራናው ጋሶትያባይ ቆይና፡ ላኤንሎቅ ዳርሰ ፓሎመቲድ፡ ሀኔዳባው አሳይ ኡባይ ጳጳ ጋላትያ ድራው፡ ኡንቱንታ ብሊደ የዳድና።

22 ሄ ሀርግያፕ ፓሎያ ማላታቱ አው ኦሰቴዳ ብታኒ የለቶደፕ ላይላይ አው ኦይታሙቅፕ አዴዳ።

የሱስ ኪቴዎግንቱነ ሀራ አማንያ አሳቱ ቆማ ዎደ ዎሴዳ ዎሳ

23 ጳጳርሰነ ዮሃንስ ብለቲድ፡ ባርንቱ ዳባቱቀኮ ቢደ፡ ቄሳቱቀ ካፓቱነ አይሁዳ ጭማቱ ባርንታ ጌዳባ ኡባ ኡንቱንቶ ኦደድና።

24 ኡንቱንቱ ሄዎ ሰሌዳ ዎደ፡ እት ዎዛና ግዲድ፡ ጳጳ ሀዋዳን ያገደ ዎሴድና፤ “ኡባ ዎድያ ጎዳው፡ ሳሉቀ፡ ሳኦ፡ አባነ ኡንቱንቱ ግደን ደእያ ኡባባ መዴዳዎ።

25 ኔን ነው አልያ ኑ አውዎ ዳዊተ ደናን ጌሻ አያናን ሃሳያደ፡

“ ኣይሁዳ ግደና አሳይ አያው ይሎቴዴ? ቃይ አሳይ አያው ዳንበናባው ማቀቴዴ?

26 ሳኦ ካታቱ ገገቱድና፤ ጋድያ ዎድያዎንቱ ጎዳ ቦላንነ

እ ኦኬዳ ክርሰቶሳ ቦላ እትፕ ደንዴድና ያገደ ሃሳያድ።

27 “አያው ጎፕ፡ ሄርድሰነ ጳንጸናውያ ጵላጸሰ አይሁዳ ግደና አሳናነ እሰራኤልያ አሳና፡ ኔን ኦኬዳ ክርሰቶሳ ነ ጌሻ ናኦ የሱሳ ቦላ ደንዳናው፡ ሀ ካታማን ሸቄዳቂ ቱማ።

28 ቃይ ኔን ነ ዎልቃንነ ነ ሸንያን ሀናና ጋደ ቆፓ ኡቴዳባ ኡባ አላናው ሸቄድና።

29 ሀእካ ጎዳው፡ ኡንቱንቱ ናሰያ ጴላ፤ ኑን ኔና ካልያዎንቱ፡ ነ ቃላ ኩመንሳ ቆንጨተላን ኦዳናዳን፡ ኑና ዳንዳይሳ።

30 ፓላናው ነ ዎልቃ በሳ፤ ቃይ ነ ጌሻ ናኦ የሱሳ ሱንገላን ኦራላባነ ማላታ ኦሰሳ” ገደ ዎሴድና።

31 ኡንቱንቱ ጳጳ ዎሴዳዎፕ ጉይያን፡ ሄ ኡንቱንቱ ሸቄዳሳይ ቃጴዳ። ኡንቱንቱ ኡባን ጌሻ አያናይ ኩምና፡ ጳጳ ቃላ ቆንጨተላን ኦደድና።

ኮይር አማኔዳ አሳቱቀ እትፕተላ ደኤቀ

32 አማንያዎንቱ ኡባቱ ቆፋንነ ዎዛናን እቱዎ ግዴድና። ኡንቱንቱ መሂ ኡባይ እትፕ ደእያዎፕ እትን፡ ባርው ደኤዳባ ኦንነ ባርንቱባ ግቤና።

33 የሱስ ኪቴዎግንቱ ጎዳ የሱስ ሀይቁዎፕ ደንዴዳዎ ዎልቃማ ዎልቃን ማርካቲና፤ ቃይ ጳጳይ ኡንቱንቶ ኡባው እቶ ኬካተላ ዳርሲደ እሜዳ።

34 አማንያዎንቱ ግደን መቶታንቻይ እቱነ ባዎ፤ አያው ጎፕ፡ ቢታይ ዎይ ጎሊ ደእያዎንቱ ኡባቱ ዛልኢድ፡ አኬዳ ሚሻ አሂድ።

35 የሱስ ኪቴዎግንቶ እሚና፤ ሄ ሚሻይ አሳው ኮሽያዎዳን ሻከት፡ ሁጲያን ሁጲያን እመቱ።

36 ቆጲርሳ ጌተትያ ሳን የለቴዳ ዮሴፎ ግያ ሌዌያ ዛሪ እቱ ደኤ፤ እ ሱንገላ የሱስ ኪቴዎግንቱ ባርናባሳ ጌድና። ሄዎ ብለላይ “መንግሥት ናኦ” ግያዎ።

37 ባርናባሳ ባርው ደእያ ጋድያ ዛልኤዳ ሚሻ አሂድ፡ የሱስ ኪቴዎግንቶ እሜዳ።

5

ሀናንያን እ ማቻት ሳጲር

1 እት ሀናንያ ጌተትያ ብታኒ ባር ማቻት ሳጲርና ጋድያ ዛልኤዳ።

2 ሄ ዛልኤዳ ሚሻፕ ባር ማቻታ ኤርሸን አሸደ፡ አቶዎ የሱስ ኪቴዎግንቶ እሜዳ።

3 ሸን ጳጳርሰነ ሀናንያ፡ “ኔን ጌሻ አያና ጭማደ ነ ጋድያ ዛልኤዳ ሚሻፕ ሻካ አሻና ማላ፡ ጳላሂ ነ ዎዛናን አያው ገሌዴ?

4 ኔን ዛልኤዳ ካሰ ጋዲ ነዎ ግደኔ? ቃይ ኔን ዛልኤ ሰምናካ ሚሻይ ኔሳ ግደኔ? ያትና፡ ሀዎ ማላባ ኦላናው አያው ነ ዎዛናን ቆፓዲ? ኔን ጳጳው ዎርዶቶዎፕ አትን፡ አሳው ዎርዶታበይካ” ያገደ።

5 ሀናኒ ሄ ቃላ ሰሌዳ ኤላካ ኩንዲደ ሀይቁ አጌዳ፤ ሄዎ ሰሌዳ ኡባይ ዳር ያዬዳ።

6 ዎዳላ አሳቱ ሰይ ገሊድ፡ አ አሃ ጳጲድ፡ ካረው ከሰ እ ሞጌድና።

7 ሄዙ ሳተ ግዶዎፕ ጉይያን፡ ሀናንያ ማቻታ ሄዎ ኤርናን ደኦደ ገላዲ።

8 ጳጳርሰነ እዞ፡ “ሀንተንቱ ጋድያ ሀን ኬና ሚሻን ዛልኤድቱ? አነ ታው ኦዳ” ያገደ።

እዞ፡ “ኤ ሀን ኬና ሚሻን ዛልኤድ” ያገደ።

9 ጳጳርሰነ ሞሽራቶ፡ “ኔን ነ አሰናይ ጎዳ አያና ፓጫናው አያው ዞረቱድቱ? በኦ፤ ነ አሰና ሞጌዳ አሳቱ ካርን ደኤና፤ ነ አሃካ ኡንቱንቱ ካረ ከሳና” ያገደ።

10 ሞሽራታ ሄ ማንእያን ጳጳርሳ ገድያ ማታን ኩንዲደ ሀይቁ አጋዲ፤ ዎዳላ አሳቱ ገልያ ዎደ ሀይቁዳውኖ ደሚድ፡ ካረ ከሴዳዎፕ ጉየ፡ እዞ አሰና ዲፋዎ ማታን ሞጌድና።

11 አማንያ አሳ ኡባይነ ሄዎ ሰሌዳ ሀራ አሳይ ኡባይ ዳሪ ያዬዳ።

የሱስ ኪቴዎግንቱ ኩሽያን ኦሰቴዳ ኦራላባቱዎን ማላልሰያዎንታ

12 የሱስ ኪቴዎግንቱ ዳር ማላታን ኦራላባ አሳ ግደን ኦሊና፤ አማንያ ኡባቱ ሶሎሞን ባራንዳን እትፕ ሸቄና።

13 ሀራ አሳፕ ኡንቱንቱና ጋከታናው ሀራይ እቶ እቱነ ጳልቤና፤ ሸን አሳይ ኡንቱንታ ቦንቼ።

14 አማንያ አቱማ አሳይነ ማጫ አሳይ ካሰዎፕ ጮራይ ጎዳው ጉጀቱ።

15 ሄዎ ድራው፡ አሳይ ሀርጋንቻቱዎ ሻንቻማንነ ሳሌናን ቀር ቶኪድ፡ ጳጳርሰነ ሄዎና አድያ ዎደ ሀራይ እቶ፡ አው ኩዌንቶነ ኡንቱንቱፕ እቱዎ እቱዎ ቦላና አቆና ማላ፡ ካታማ ኦግያ ደና ከሲደ ዎጴ።

16 ቃይ ጮራ አሳይ የራሳላመ ማታን ደእያ ካታማቱዎፕ ሀርጋንቻቱዎን ኢታ አያናን

አይቀጥል አሳቱዋ አክ ዬድኖ፤ ኡባቱካ ፓዶድኖ።

የሱስ ኪትዳዋንቱ ቦላ የደሳይ ደንዴዳ

17 ሄዋጥ ሰሞና ቁሳቱዋ ካቸን እናና ደእያ ሳዲቃዋናቱ ኡባቱ የሱስ ኪትዳዋንታ ዳር ቃናቲደ፤ ኡንቱንቱ ቦላ ደንዴድኖ።

18 ቃይ የሱስ ኪትዳዋንታ አይቂደ፤ ኡባ አሳ ቃቾያ ጎልያን የጌድኖ።

19 ሸን ጎዳ ኪታንቻይ ቃማ ቃሾ ጎላ ፐንግያ ደዪደ፤ የሱስ ኪትዳዋንታ ካረ ከሲደ።

20 “ህንተንቱ ቢደ፤ ጌሻ ጎልያን ኤቂደ፤ ሀ ኡራላ ደኡዋ ቃላ ኡባ አሳዉ ኢድተ” ያጌዳ።

21 የሱስ ኪትዳዋንቱ ሄዋ ሰሴዳ ዋደ፤ ዋንቱማላን ጌሻ ጎልያ ገሊደ፤ ታማርሳናዉ ደሚድኖ።

ቃይ ቁሳቱዋ ካቸን እናና ደእያዋንቱ ዪደ፤ ሸቄዳ አሳና እስራኤልያ ጭማቱዋ ኡባቱዋ እትፕ ዪሲደ፤ የሱስ ኪትዳዋንታ ባረንቱ ሰንላ አሀና ማላ፤ ዋታዳራቱዋ ቃሾ ጎላ ኪትድኖ።

22-23 ሸን ዋታዳራቱ ቃሾ ጎላ ቢደ፤ የሱስ ኪትዳዋንታ ደሞበይክና፤ ጉየ ሰሚደ ሸቄዳ አሳዉ። “ኑን ብያ ዋደ ቃሾ ጎላ ካርያ ዳር ሞንሰ ቃቾና፤ ናግያዋንቱካ ፐንግያን ኤቁዳዋንታ ደሚደ፤ ሸን ኑን ቃሾ ጎልያ ደይያ ዋደ፤ ጎላ ጋርሳን ሀራይ አቶ እት አሳይን ባዋ” ያጌድኖ።

24 ጌሻ ጎልያ ዋታዳራቱዋ ኪትያዌን ቁሳቱዋ ካፓቱ ሄዋ ሰሴዳ ዋደ፤ “ሀዌ ዋኑዋሻ? ቃይ ግድን እዬ ሀናንዴሻ?” ያጌደ ሀርጌድኖ።

25 ሄዋጥ ጉይያን፤ እት ብታኒ ኡንቱንቱኮ ዪደ፤ “በእተ፤ ቃሾ ጎልያን ህንተ ቃቾዳ አሳቱ ጌሻ ጎልያን ኤቂደ፤ አሳ ታማርሲኖ” ያጌደ ኡንቱንቶ ኦዴዳ።

26 ጌሻ ጎልያ ዋታዳራቱዋ አዛዝያዌ ዋታዳራቱዋና ቢደ፤ የሱስ ኪትዳዋንታ አሄዳ፤ ሸን ኡንቱንቱ ባረንታ አሳይ ሹቻን ጫዳናዋንታ ጌደ ያዬዳ ድራዉ፤ ኡንቱንታ ሎዳን አሄድኖ።

27 ኡንቱንቱ የሱስ ኪትዳዋንታ አሄደ፤ ሄዋ ሸቄዳ ሻንጉዋ ሰንላን ኤሰና፤ ቁሳቱዋ ካቸ ኡንቱንታ።

28 “ህንተንታ ኑን ሄ ብታንያ ሱንላን ታማርሲና ማላ ሞንሲደ አዛዝበይኮ? በእተ፤ ህንተ ትምርትያ የሩሳላሙ ካታማ ኡባ ጋሌድታ፤ ቃይ ሄ ብታንያ ሸምቸዋን ኑና ኦይላናዉ ቆፒታ!” ያጌደ ኦቾዳ።

29 ጳጳርሲን የሱስ ኪትዳ ሀራንቱ ዛሪደ ያጌድኖ፤ “ኑን አሳዉ አዛዝታናፕ ጳሳዉ አዛዝታናዉ በሴ።

30 ማሰቃልያ ቦላ ሞሰማርያን ጅሽ ካቂደ፤ ህንተ ዋዴዳ የሱሳ ኑ አዎቱዋ ጳሳይ ሀይቁዋፕ ደንሴዳ፤

31 እስራኤላቶ ናጋራፕ ሰማን ናጋራ አቶ ጉሳ የሱስ እማና ማላ፤ ጳሳይ ዋድያዋን አሸያዋ አ ኦሌደ፤ ባረፕ ኡሸቻ ባጋን ዶቁ ዶቁ ኦሌዳ።

32 ሄዋ ኑን ማርካ፤ ቃይ ጳሳይ ባረዉ አዛዝትያዋንቶ እሜዳ ጌሻ አያናይካ ማርካ” ያጌድኖ።

33 ሸቄዳ አሳይ ሄዋ ሰሴዳ ዋደ፤ ዳር ይሎቲደ፤ የሱስ ኪትዳዋንታ ዋቻናዉ ቆፔድኖ።

34 ሸን አሳ ኡባን ዳር ቦንቼቲዳ ጋማልያላ ጌተትያ፤ ህግያ ታማርሲና እት ፓርሳዌ፤ ሸቄዋን ደንድ ኤቂደ፤ የሱስ ኪትዳዋንቱ ጉላ ዋድያ ካረ ከሳና ማላ

35 አዛዚደ ሄዋን ሸቄዳ አሳ ሀዋዳን ያጌዳ፤ “እስራኤልያ አሳቶ፤ ህንተ ሀ አሳቱዋ ኦላና ቆፕያዋን ህንተንታ ናግተ።

36 አያዉ ጎፕ፤ ሀዋፕ ካሰ ዋድያን ተዋዳሳ ጌተትያዌ ባረና ዋልቃማ ጌደ ደንዴዳ፤ ደንድና ኦይዳ ጴቱ ግድያ አሳቱ እናና ጋከቲድኖ፤ ሸን አ ዋቻና፤ አ ካሌዳ ኡባቱካ ላለቲደ፤ ማደና አሳ ግዲደ አቲድኖ።

37 ሄዋጥ ጉይያን፤ አሳይ ፓይደትያ ዋደ፤ ጋሊላ ይሁዳይ ደንዲደ፤ ዳር አሳ ፓኑዋ ኦሌደ ካለሌዳ፤ ሸን አካ ዋቻና፤ አ ካሌዳ አሳይ ኡባይ ላለቲዳ።

38 “ሀእካ ታን ህንተንቶ ኦዳይ፤ ሀ አሳቱዋፕ ሻከትተ፤ ኡንቱንታ ቦቾፕተ። አያዉ ጎፕ፤ ሀ ቆፋይን ሀ ኦሱ አሳይ ኦሌዳዋ ግደፕ ጳያና።

39 ሸን ሀ ቆፋይን ሀ ኦሱ ጳሳፕ ዬዳዋ ግደፕ፤ ህንተ ኡንቱንታ ጳይሳናዉ ዳንዳይክታ፤ ኦን ኤር ሀዋ ሀኒደ ጳሳና ህንተ ኢተተናዳን” ያጌዳ።

40 ሄዋጥ ጉየ ሸቄዳ አሳይ ጋማልያላ ዘርያ አኪደ፤ የሱስ ኪትዳዋንታ ዪሲደ፤ ልሱዋን ሸጭሴድኖ፤ ሄዋጥ ጉይያን ኡንቱንታ፤ “የሱሳ ሱንላ ላኤንሉዋ ኡባካ ደንላፕተ” ግ ብሊደ የዴድኖ።

41 የሱሳ ሱንላ ድራዉ፤ ኡንቱንቱ ኡጋቲደ ዬላታናዉ በሰያባ ቆፔዳ ድራዉ፤ ሻንጉዋ ሰንላፕ ናሽቲደ ከሴድኖ።

42 ኡንቱንቱ ኡባ ጋላሰ ጌሻ ጎልያንን አሳ ሶይን የሱስ፤ ክርሰቶሳ ግዴዳዋ ታማርሲናዋን ኦድያዋ ያ ጉጁድኖ።

6

ዋሳ ጎልያ ማድያ ላቸ አሳቱ ደረቲድኖ

1 ሄ ዋደ፤ ካልያዋንቱ ፓይዳ ዳር ዳር ቢሸን፤ ግሪክ ቃላ ሃሳይያ አይሁዳቲን ይሁዳን ደእያ አይሁዳቱ ዋላቀቲድኖ፤ አያዉ ጎፕ፤ ግሪክ ቃላ ሃሳይያ አይሁዳቱ፤ “ኡባ ጋላሰ ግሸትያ ቁማን ኑ አሰናይ ሀይቆ ማጫዋንቱ ናቀቲኖ” ያጌድኖ።

2 የሱስ ኪትዳ ታማን ላአቱ ዋሳ ጎላ አሳ ኡባ ዪሲደ፤ ሀዋዳን ያጌድኖ፤ “ኑን ጳሳ ቃላ ኦድያዋ አጌደ፤ ቁማ ግሻናዉ ኑዉ በሰና።

3 እሻቶ፤ ሎእ ጌተትያዋንታ ጌሻ አያናይን አጼ ኤራተላይ ኩሜዳ ላቸ አሳቱዋ ህንተ ግደፕ ደርተ፤ ኑን ቃይ ኡንቱንታ ሀ ኦሶ ሱንላና።

4 ሸን ኑን ጳሳ ዋሳንን ቃላ ኦዲዋን ሞናና” ያጌድኖ።

5 የሱስ ኪትዳዋንቱ ሃሳይዳ ሃሳይይ አሳ ኡባ ናሽቼዳ፤ ሄዋጥ ጉየ፤ አማኑን ጌሻ አያናይ ኩሜዳ እስጵፋናሳ፤ ፕልጳሳ፤ ጳርኮርሳ፤ ንቃርና፤ ጽሞና፤ ጳርሜናን አይሁዳቱዋ አማኑዋን ገሌዳ አንጾክያ ኒቆላዎሳ ደራድኖ።

6 ያቲደ የሱስ ኪትዳዋንቱ ሰንላን ኡንቱንታ ኤሰና፤ የሱስ ኪትዳዋንቱ ጳሳ ዋሴዳዋፕ ጉይያን፤ ባረንቱ ኩሸያ ኡንቱንቱ ቦላ ዋሌድኖ።

7 ጸሐፊው ቃላት እክ እክ ቤዳ፤ ካልያዎንቱ ፓይዲዎን የረሳላሙን ዳርሰ ዳር ዳር ቤዳ፤ ቃይ ጮራ ቁሳቱካ አማኔድኖ።

ዎሳ ጎልያ ካለልያ እስጵፋኖስ ኦይቀቴዳ

8 አጼ ከካተላይነ ዎልቃይ ኩሜዳ እስጵፋኖስ፤ አሳ ግደን ኦራላባነ ዎልቃማ ማላታ ኦሌ።

9 አይለተላፕ ከሴዳ አሳ ግያ አይሁዳ አማንያዎንቱ፤ ቀሪና፤ እስክንድርያ አሳቱዎ፤ ክልቁያ፤ ኢሰያ፤ ዬዳ እት እት አሳቱ ደንዲድ፤ እስጵፋኖስ ፓሉሙቲድኖ።

10 ሽን እስጵፋኖስ አጼ ኤራተላንን አያናን ሃሳይያዎ ድጋናው ዳንዳይበይክኖ።

11 ሄ ዎደ ኡንቱንቱ፤ “ሙሴ ቦላን ጸሐ ቦላ እ ቦርያ ቃላ ሃሳይሽን ሰሴዶ” ግያ ዎርዶ አሳቱዎ ሻሜድኖ።

12 አሳ ኡባ፤ ጭማቱዎን ሙሴ ህግያ ታማርሰያዎንታ ህንቀሌድኖ፤ እስጵፋኖስ ዪደ አ ኦይቀድ፤ ሽቁዳ አሳኮ አህና።

13 አ ቦላ ጸሴዳ ዎርዶ ማርካቱ፤ “ሀ ብታኒ ሀ ጌሻ ጎልያን ሙሴ ህግያ ቦርያዎ አወደነ አገና።

14 አያው ጎፕ እ፤ “ሀዌ ናዘሬትያ የሱስ ሀ ጌሻ ጎልያ ኮላና፤ ሙሴ ኦዉ አሜዳ ህግያካ ላማና” ያገሽን፤ ኦን ሰሴዶ” ያጌድኖ።

15 ሽቁዎን ኡቴዳ አሳይ ኡባይ እስጵፋኖስ አኬኪደ ጸልያ ዎደ፤ አ ሶምእ ኪታንቻ ሶምእያ ማላቲ።

7

እስጵፋኖስ ሃሳያ

1 ቁሳቱዎ ኡባቱዎ ካቼ እስጵፋኖስ፤ “ሀዌ ቱሜ?” ያጌደ ኦቼዳ።

2 እስጵፋኖስ፤ “ታናዳን አማንያዎንቶ፤ ታ አዎቶ፤ ሰሰተ! ኦ አዉዎ አብራሃም ብር ካራን ባናፕ ካሰ ማሰጸጸዎያን ደእሽን፤ ቦንቾ ጸሐይ አዉ ቤቲደ።

3 ና ቢታፕነ ነ ዳባቱዎፕ ሻከታደ፤ ታን ኔና በሰያ ጋድያ ባ’ ያጌድ።

4 ሄ ዎደ አብራሃም ካላዳዎቱ ጋድያፕ ከሲደ፤ ካራንን ደአናዉ ቤዳ። አ እቡ ሀይቁዳዎፕ ጉይያን፤ ጸሐይ አ ሀ ጋደ ህንተ ሀእ ደአያሳ አሄዳ።

5 አ ሀ ጋድያፕ ሀራይ አቶ፤ ገድያን የድያ ሳኣካ አብራሃም እምቤና፤ ሽን አዉ ናአይ ጳዮፕካ፤ ጸሐይ አ፤ ታን ነዉነ ኔፕ ጉይያን፤ ነ ዘረላዉ ሀ ጋድያ ላታ ኦላደ እማና’ ያጌድ።

6 ጸሐይ አብራሃም፤ ና ዛራቱ ሀራ ጋድያን ደአና፤ ያን አይዱ ጸቱ ላይላዉ ኡንቱንቱ አይለታና ናቀታና።

7 ሽን ታን ነ ዘረላ ሞድያ አሳ ቦላ ፕርዳና፤ ሄዎፕ ጉይያን፤ ኡንቱንቱ ሄ ጋድያፕ ከሲደ፤ ሀዎን ታዉ ጎይናና’ ያጌድ።

8 ጸሐፊው አብራሃም ዘረላይ ቃጸረታና ማላ አናና ጫቁና፤ ይሳቃ እ የሊደ፤ ሆሰፕንላ ጋላሰ ቃጸሬዳ፤ ይሳቅ ያቆባ ቃጸርና፤ ቃይ ያቆብ ታማን ላኡ አዎቱዎ ካፓቱዎ ቃጸሬዳ።

9 “አዎቱዎ ካፓቱ ዮሴፎ ቃናቲደ፤ ግብጾ ጋድያዉ አይለታናዳን፤ አ ዛልኤድኖ፤ ሽን ጸሐይ አናና እትፕ ደኤ።

10 ጸሐይ ዎይያ ኡባፕካ አ ከሴዳ፤ ቃይ ግብጾ ካትያ ሰንላንካ ናሹዎን አጼ ኤራተላ አዉ አሜዳ፤ ግብጾ ካቲ ዮሴፎዉ ግብጾ ጋድያን ባረ ጎልያ ኡባ ሞዳናዳን፤ ሱንላተላ አሜዳ።

11 “ግብጾ ጋድያንን ካናን ጋድያን ኡባን ኮሻይ ገሊደ፤ ጮራ አሳ ሙቶሌዳ፤ ሄ ጋሱዎን ኦ አዎቱ ቁማ ደምበይክኖ።

12 ያቆብ ግብጾ ጋድያን ካላይ ደእያዎ ሰሲደ፤ ኦ አዎቱዎ ኮይሮ ያ የዴዳ።

13 ላኤንሉዎ ቡሳን ዮሴፎ ባረ እሻቶ ኤረቲዳ፤ ቃይ ግብጾ ካቲካ ዮሴፎ ዛርያ ኤሬዳ።

14 ዮሴፎ ባረ አዉዎ ያቆብን ባረ ዳቡ ኡባይ ሙላካ ላፕን ታማን እቼሹ አሳይ ባረኮ ያና ማላ፤ ኪቲደ ጸግሴዳ።

15 ያቆብ ግብጾ ጋድያ ዎዲደ ሀይቁዳ፤ ኦ አዎቱካ ያን ሀይቁድኖ።

16 ኡንቱንቱ አሃይ ሄዎፕ ሰኬማ ጌተትያ ጋድያ ቶከቲደ፤ ያን አብራሃም ሀሞራ ናናፕ ዳሮ ብራን ሻሜዳ ዲፋዎን ሞገቲዳ።

17-18 “ሽን ጸሐይ አብራሃም እማና ጌዳዌ ፖለትያ ዎዲ ጋካና ማትና፤ ዮሴፎ ኤረና ሀራ ካቲ ግብጾ ጋድያን ደንዳና ጋካናዉ፤ አሳይ ዳር ዳር ቤዳ።

19 ሄ ካቲ ኦ ዛርያ ጭሚደ፤ ጉላ ናናይ ሀይቃና ማላ፤ ካረ ኡንቱንታ ከሰ ኦላናዳን፤ ኦ አዎቱዎ ኡንኤሌዳ።

20 “ሙሴ የለቲዳዌ ሄ ዎደ፤ ጸሐ ሰንላን እ ዳሮ ሉኦ ናአ ግዴዳ፤ ባረ አዉዎ ጎልያን ሄዙ አገና ጋካናዉ ድጩዳ።

21 ሙሴ ዎራ ኦለቲዳ ዎደ፤ ግብጾ ካትያ ናታ ደማደ ባረ ናኣዳን አ ድቻዳ።

22 ሙሴ ግብጻቱዎ አጼ ኤራተላ ኡባ ታማሪደ፤ ቃላንን ኦሱዎን ዎልቃማ አሳ ግዴዳ።

23 “ሽን ሙሴዉ የለቶደፕ ላይላይ አይታሙዎ ኩሜዳ ዎደ፤ ባረ እሻቱዎ፤ እስራኤልያ አሳቱዎ በአናዉ ባረ ዎዛናን ቆፔዳ።

24 እስራኤላቱዎፕ እቱዎ ግብጾፕ እቱ ናቂሽን በኢደ፤ ሄ እስራኤልያ ማዴዳ፤ ሄ ናቁዳ ግብጾ ብታንያ ዎዲደ፤ አ ሀሉዎ ከሴዳ።

25 ሙሴ ባረ እሻቱዎ ባረ ባጋና ጸሐይ እሻና ሀንያዎ ኡንቱንቱ አኬኪድኖ ገደ ቆፔዳ፤ ሽን ኡንቱንቱ አኬኪበይክኖ።

26 “ዎንተላ ጋላሰ ላኡ እስራኤልያ አሳቱ እቱ እቱዎና ዎትያዎንታ ደሚደ፤ ኡንቱንታ ሰገላናዉ

7:2 ደመላ 12:1 7:4 ደመላ 11:31፤ 12:4 7:5 ደመላ 12:7፤ 13:15፤ 15:18፤ 17:8 7:6 ደመላ 15:13-14
7:7 ከሳ 3:12 7:8 ደመላ 17:10-14፤ 21:2-4፤ 25:26፤ 29:31—35:18 7:9 ደመላ 37:11፤ 28፤ 39:2፤ 21
7:10 ደመላ 41:39-41 7:11 ደመላ 42:1-2 7:13 ደመላ 45:1፤ 16 7:14 ደመላ 45:9-10፤ 17-18፤ 46:27
7:15 ደመላ 46:1-7፤ 49:33 7:16 ደመላ 23:3-16፤ 33:19፤ 50:7-13፤ ኢያሳ 24:32 7:17-18 ከሳ 1:7-8
7:19 ከሳ 1:10-11፤ 22 7:20 ከሳ 2:2 7:21 ከሳ 2:3-10 7:23 ከሳ 2:11-15

ኮዪድ፣ ላሳቶ፣ እሻቱ ህንተንቱ አያው እቱ እቱዎ ናቂቱ? ያጌዳ።

27 “ሸን ሄ ባረ ሾሩዎ ናቂያዎ ሙሳ፣ ሄና ኑ ቦላ ሞድያዎን ዳና አሊድ፣ ሱንሌዳዎ እኔ?”

28 ኔን ዝኖ ግብጾ ብታንያ ዎጄዳዎዳን፣ ታናካ ዎጃናው ኮያይ? ያጌዳ፣ ሙሳ ካረው ሱግ የጌዳ።

29 ሙሴ ሄዎ ሰሴዳ ዎደ ግብጾጥ ከሲድ፣ ሞድያዎ ጋድያን በተ ግድ ደኢድ፣ ላኡ አቱማ ናና ያን የሌዳ።

30 “ጎዳ ኪታንቻይ አይታሙ ላይላጥ ጉይያን፣ ሲና ደርያ ማታን ደእያ ባዙዎ ቡራን ኤጽያ ታማ ላጩዎ ግድን ሙሴው ቤቱዳ።

31-32 ሙሴ ባረ በኤዳዎ ማላለቲድ፣ አኬክ ጸላናው ቡራ ማታን እ ሸቅ ደእሸን፣ ጎዳ ቃላይ፣ ታን ነ አዎቱዎ ጸሳ፣ አብራሃመ ጸሳ፣ ይሳቃ ጸሳ፣ ያቆባ ጸሳ፣ ያጌደ ሙሴኮ ዬዳ። ሙሴ ያሻ ኮኮሪድ፣ ጸላናው ጸልቤና።

33 “ጎዳይ ሙሳ፣ ሄን ኤቁዳ ቢታይ ጌሻ ግድያ ድራው፣ ነ ገድያን ደእያ ጫማካ ከሳ።

34 ታን ግብጾን ደእያ ታ አሳ ዋይያ ጌሻ በአድ፣ ቃይ ኢንቱንቱ አልያካ ሰሳድ፣ ኢንቱንታ አሻናው ዎጃአድ። ሀእ ሃያ። ታን ኔና ግብጾ ኪታና ያጌዳ።

35 “ሄ ሙሳ እስራኤላቱ፣ ሄና ኑና ሞድያዎን ዳና አሊድ ሱንሌዳዎ እኔ?” ያጌደ እጹድና፣ ቡራ ግድን አው ቤቱዳ ኪታንቻን ሞድያዎን አሸያዎ ግዳና ማላ፣ ጸሳይ አ ከቱዳ።

36 ሄ ሙሴ እስራኤላቱዎ ግብጾ ጋድያን ዞኦ አባንን መላ ቢታን፣ ኦይታሙ ላይላው ኦራላባን ማላታ አሊድ፣ ግብጾጥ ካለሌዳ።

37 “እስራኤልያ አሳው፣ ሳሳይ ታና ደንሌዳዎዳን፣ ህንተ ዛርያ ግድጥ ታ ማላ ናብያ ህንተንቶ ደንላናዎ ያጌዳዎ ሄ ሙሳ።

38 እ እስራኤልያ አሳ ማባራና እትጥ መላ ቢታን ደኤዳዎ፣ እ ኑ አዎቱዎናን ሲና ደርያ ቦላን ባረው ሃሳዬዳ ኪታንቻና እትጥ ደኤዳ። ያቲደ ጸሳጥ ደኤዎ ቃላ ኑው እማናው እኬዳ።

39 “ሙሴው ኑ አዎቱ አዛዘታናው ደሰበይክና፣ ሸን ገደ አ ሱግ አሊድ፣ ጉየ ግብጾ ሰማናው አሞቱድና።

40 ቃይ አርና፣ ሄና ካለላያ ጸሳቱዎ ኑው መጃ፣ አያው ጎጥ፣ ሀ ኑና ግብጾጥ አሄዳ ሙሴ ዎኔደንቶ ኑን ኤርኮ” ያጌድና።

41 ሚዛ ማራ ማላትሲድ፣ ሄ ዎደ ኤቃ አሌድና፣ ሄ ኤቃው ያርሹዎ ያርሺድ፣ ባረንቱ ኩሺ ኦሌዳ ኦሱዎን ናሸቱድና።

42 ሸን ጸሳይ ኢንቱንቶ ዞክያ ዛሬዳ፣ ኢንቱንቱ ሳሉዎ ጸልንትያው ጎይናዳን፣ ኢንቱንታ አጌዳ፣ ናባቱዎ ማጸፋን፣

“ እስራኤልያ አሳቶ፣ ኦይታሙ ላይላ፣ አሳይ ባይና ሳን ሹኬዳ መሀያን ያርሹዎ፣ ታው ያርሹድቱ?

43 ህንተንቱ ህንተንቶ ጎይናናው ኦሌዳ ኤቃቱዎ፣ ሞሎካ ዲንካንያን

ረፋና ግያ ህንተ ጸሳ ጸልንትያ ቶኬድታ። ታን ህንተንታ ባብሎግጥ ህን ባጋ የዳና

ጌተቲደ ጸፈቱዳ።

44 “ሙሴ ባረ በኤዳዎ ማላትሲድ፣ ጎዳይ አው ኦይዳዎዳን መጄዳ ማርካ ዲንካኒ ኑ አዎቶ መላ ቢታን ደኤ።

45 ቃይ ኑ አዎቱ ዲንካንያ ባረንቱ አዎቱዎጥ ካላን አኪድ፣ ጸሳይ ካሰ የደርሴዳ አይሁዳ ግድና አሳ ቢታ ኦይቁዳ ዎደ፣ ኢያሱና ገልሴድና፣ ሄ ዲንካኒ ዳዊተ ደእያ ዎዲ ጋካናውካ ሄዎን ደኤዳ።

46 ዳዊተ ጸሳን ሳበቱዳ፣ ቃይ ያቆባ፣ ጎዳይ ደአና ጎልያ ኬጸናው ጸሳ ዎሴዳ።

47 ሸን አው ጎልያ ኬጾዳዎ ሶሎሞና።

48-50 “ሸን ናቢ፣ “ጎዳይ፣ “ሳሉ ታ ካውተላ ኦይድያ፣ ሳአይካ ታ ገዲ የድያ ሳ።

ያትና፣ ታው አያ ማላ ጎልያ ኬጸንቱ? ዎይ ታን ሸሞጋናሳይ ሀቃኔ?

ሀ ኡባባ ታ ኩሸያን መቆበይክታ?” ያጌ፣ ጌዳዎዳን፣ ኡባጥ ቦላ ጸሳይ አሳይ ኬጾዳ ጎልያን ደኤና።

51 “ህንተንቱ አይበ ሞርጌ ሞና አሴ? ህንተንቱ ዎዛናይ ጸሳ ቃላ አካናው አይበ ዳሜዳዎ? ህንተንቱ ሀይላይካ ዎን ቱሌዴ? ኡባ ዎደ ጌሻ አያናው አዛዘተናን አጸታ።

52-53 ናባቱዎን ህንተንቱ አዎቱ የደርሰቤናዎ እኔ? ጸሳ ናአይ ጽሉ ያናዎ ካሰቲደ ኦይዳዎንታካ ዎጄድና። ሀእ ህንተንቱካ ኪታንቻቱዎ ኩሸያጥ ጸሳ ሀግያ አኪደ አዛዘተቤናዎንቱ፣ ጽሉዎ አል እሚደ ዎጄድታ” ያጌዳ።

እስጵፋናሳ ሹቻን ደቺደ ዎጄድና

54 ኢንቱንቱ ሄዎ ሰሴዳ ዎደ፣ ባረንቱ ዎዛናን እስጵፋናሳው ዳር ይሎቲድ፣ ባረንቱ መተርሻ ሳኢደ ናሴድና።

55 ሸን እስጵፋናሳ ባረናን ጌሻ አያናይ ኩሞና፣ ሳሉዎ ጥደ ጫድ ጸሊድ፣ ጸሳ ቦንቹዎን የሱሰ ጸሳጥ ኡሸቻ ባጋን ኤቁዳዎ በኤዳ።

56 ያቲድ፣ “ጾልተ፣ ታን ሳሉ ደየትና፣ አሳ ናአይ ጸሳጥ ኡሸቻ ባጋን ኤቁዳዎ በአይ” ያጌዳ።

57 ኮሻ ቆቁ ኦል ዋሲድ፣ ባረንቱ ሀይላ ቱጫድ፣ እትጥ ግድ አኮ ዎጾድና።

58 ካታማጥ ጋጸ አ ከሲድ፣ ሹቻን ጫዴድና። ማርካቱካ ባረንቱ ማዩዎ ከሲድ፣ እት ሳኦላ ጌተትያ ዎዳላ ማታን ዎሌድና።

59 እስጵፋናሳ፣ “ታ ጎዳ የሱሳ፣ ታ ሸሞጥዎ አካ” ያጌደ ጾግሸን፣ ኢንቱንቱ ሹቻን አ ደቺና።

60 ሄ ዎደ እ ጉልባቲድ፣ ባረ ኮሻ ቆቁ ኦሊድ፣ “ታ ጎዳው፣ ሀ ናጋራ ኢንቱንቶ አቶ ጋ” ያጌዳ። ሄዎ ጌን ሀይቁ አኤዳ።

7:29 ከሳ 18:3-4 7:30 ከሳ 3:1-10 7:35 ከሳ 2:14 7:36 ከሳ 7:5፣ 14:21፣ ገይ. 14:33 7:37 ዛረ. 18:15፣ 18 7:38 ከሳ 19:1—20:17፣ ዛረ. 5:1-33 7:40 ከሳ 32:1 7:41 ከሳ 32:2-6 7:43 አሞጸ 5:25-27 7:44 ከሳ 25:9፣ 40 7:45 ኢያሳ 3:14-17 7:46 2 ሳሜላ 7:1-16፣ 1 ኦዲዎ 17:1-14 7:47 1 ካታ. 6:1-38፣ 2 ኦዲዎ 3:1-17 7:48-50 ኢሳ. 66:1-2 7:51 ኢሳ. 63:10

8

ሳኦል አማንያ አሳ የደርሴዳ

1 ሳኦል እስጵፋኖስ ሀይቁ ሎኦ ግ አኬዳ። ሄ ጋላስ የሩሳላመን ደእያ አማንያዋንቱ ቦላ ያልቃማ የደርሱ ደንዳዳ፤ የሱስ ኪቲዳዋንቱ፣ አትን፣ አማንያዋንቱ ኡባቱ ይሁዳ ጋድያንን ሳማርያ ጋድያን ላለቴድኖ።

2 ጸሳ አሳቱ እስጵፋኖሳ ሞጌድኖ፤ ቃይ አዉ ዳር ይኬድኖ።

3 ሸን ሳኦል አማንያ አሳ ቆይሳናዉ ባጸቴ፤ ኡባ ጎልያ ገል ገሊደ፤ አቱማ አሳነ ማጫ አሳ ጎቻ ጎቻደ፤ ቃሾ ጎላ የዴ።

ዋንጋላ ሞሽራቹ ሳማርያን ኦደቴዳ

4 ላለቴዳ አማንያዋንቱ ቃላ ኦዲደ፤ ኡባሳ ቤድኖ።

5 ፕልጶስ ሳማርያ ካታማ ዎዲደ፤ ክርስቶሳባ አሳዉ ኦዴደ።

6 ጮራ አሳይ ፕልጶስ ጌዳዋ ዳርስ አኬኪደ ሰሴዳ፤ እ ኦልያ ማላታካ በኤዳ።

7 አያዉ ጎፕ፤ ኢታ አያናቱ ኮሻ ቶቁ ኦል ሃሳዱደ፤ ጮራ አሳ፣ ከሴድኖ፤ ቃይ ጮራ ሰሴዳዋንቱን ዎባቱ ፓጶድኖ።

8 ሄ ካታማን አሳይ ዳር ናሸቴዳ።

9 ሸን ሰሞና ጌተትያ እት ብታኒ ካሰ፤ ባረና ዎልቃማ ግ ካዱድ፤ ሳማርያ አሳ፤ “ላ ሀዌ አይበ ኦራላቤ” ጊሲደ ሄ ካታማን ደኤዳ።

10 ጉላተላፕ ደሚደ፤ ዎጋተላ ጋካናዉ፤ አሳይ ኡባይ፤ “ጸሳ ዎልቃይ ዳር ዎልቃማይ ሀዎ” ጊደ አባ ሰሴ።

11 ዳር ዎድያፕ ደሚደ፤ ካዩዋን ሳማርያ አሳ “ላ ሀዌ አይባ ኦራላቤ” ጊሴዳ ድራዉ፤ አሳይ አባ ሰሴ።

12 ሸን ፕልጶስ ጸሳ ካዉተላባነ የሱስ ክርስቶሳ ሱንላባ አቱማዋንቱን ማጫዎንቶ ሞሽራቹዎ ኦዲደ፤ ኡንቱንቱ አባ አማኒደ ጸማቀቴድኖ።

13 ቃይ ሰሞንካ ባረ ሁጶዉ አማኒደ ጸማቀቴዳዋፕ ጉይያን፤ ፕልጶሳና እትፕ ደኤደ፤ ኦስትያ ማላታን ጸሳይ ኦሴዳ ዎልቃማ ማላታ በኢደ ማላለቴዳ።

14 የሱስ ኪቲዳ የሩሳላመን ደእያዋንቱ፤ ሳማርያ አሳይ ጸሳ ቃላ አኬዳዎ ሰሴዳ ዎደ፤ ጸጵሮሳነ የሃንሳ ኡንቱንቱኮ የዴድኖ።

15 ጸጵሮሳነ የሃንሳ ዎዲደ፤ አማንያዋንቱ ጌሻ አያና አካና ማላ፤ ኡንቱንቶ ጸሳ ዎሴድኖ፤

16 አያዉ ጎፕ፤ ሳማርያ አሳቱ ጎዳ የሱሳ ሱንላን ጽንቃታ ጸላላ ጸማቀቴዳዋፕ አትን፤ ኡንቱንቱ፣ አቱዎ ቦላን ጌሻ አያናይ ዎድቤና።

17 ሄ ዎደ ጸጵሮሳነ የሃንሳ ባረንቱ ኩሽያ ኡንቱንቱ ቦላ ዎላዋፕ ጉይያን ኡንቱንቱ ጌሻ አያና አኬድኖ።

18 የሱስ ኪቲዳዋንቱ ባረንቱ ኩሽያ ኡንቱንቱ ቦላ ዎላና፤ ኡንቱንቶ ጌሻ አያናይ አመቴዳዎ ሰሞን በኤዳ ዎደ፤ ጸጵሮሳሰነ የሃንሳዉ ሚሻ አሂደ፤

19 “ታንካ ታ ኩሽያ ዎልያ ኡባይ ጌሻ አያና አካና ማላ፤ ሀ ማታ ታዉካ እሜርክቱ” ያጌዳ።

20 ሸን ጸጵሮሰ አዉ ሀዎዳን ያጌዳ፤ “ኔን ጸሳ እሞታ ሚሻን ሻማናዉ ቆፔዳ ድራዉ፤ ነ ሚሻይ ኔናና ጮ ቆየ።

21 ነ ዎዛናይ ጸሳ ሰንላን ሱረ ግደና ድራዉ፤ ነዉ ሀዎን ግሹ ባዎ።

22 ያቶዋፕ ጉይያን ሀ ነ ዎዛና ኢታ ቆፋ ድራዉ፤ ናጋራፕ ሰማ፤ ኦን ኤር ነ ዎዛናን ደእያ ኢታ ቆፋ ጸሳይ አቶ ጋንንቶን ጸሳ ዎሳ።

23 አያዉ ጎፕ፤ ኔን ዳር ቃናትያ ኦይቃደ ናጋራ ቃሹዋን ደእያዎ ታን በአይ” ያጌዳ።

24 ሄዎፕ ጉየ ሰሞን ጸጵሮሳሰነ የሃንሳዉ ዛሪደ፤ “ሀንተንቱ ጌዳዋፕ እትባይን ታና ጋከና ማላ፤ ሀንተ ታዉ ጸሳ ዎሰተ” ያጌዳ።

25 ጸጵሮሰነ የሃንሳ ማርካቴዳዋፕን ጎዳ ቃላ ኦዴዳዋፕ ጉይያን፤ ጉየ የሩሳላመ ሰሜድኖ፤ ያቲደ ሳማርያን ደእያ ዳር ቄር ካታማቱዋን ሞሽራቹዎ ቃላ ኦዴድኖ።

ፕልጶስ ቶጵያ አሳ ግዴዳ ሹፋ ጸማቁዳ

26 ጎዳ ኪታንቻይ ፕልጶሳ፤ “ደንዳደ የሩሳላመፕ ጋዛ አፍያ አሰ ባይና መላ ሳኦ ኦግያኮ ባ፤ ሄ ኦጊ አዎይ ከሰያሳ ጶልያ ዎደ ኡሽቻ ዳገሃ ባጋና ደኤ” ያጌዳ።

27 ፕልጶስ ደንዲደ ቤዳ። ሀንደኮ ጌተትያ ቶጵያ ካታትዉ ቢታ ሞድያ እ ሚሻ ኡባካ ናግያ ቶጵያ አሳ ግዴዳ እት ሹፋይ ደእያዎ ጎይናናዉ የሩሳላመ ቤዳ።

28 ፓራይ ጎቻያ ጋርያን ኡቲደ፤ የሩሳላመፕ ጉየ ሰሚደ፤ ናብያ ኢሰያሳ ማጶፋ ናባቤ።

29 ጌሻ አያናይ ፕልጶሳ፤ “ሄ ጋርያኮ ሺቃደ እትፕ ግዳ” ያጌዳ።

30 ፕልጶስ ዎጽ ዪደ፤ ናብያ ኢሰያሳ ማጶፋ ሹፋይ ናባብሸን ሰሲደ አ፤ “ኔን ናባብያዎ አኬካይ?” ያጌዳ።

31 ሹፋይ፤ “ታዉ ኦዲደ አኬክሰያ አሳይ ባይናን ዋኒደ አኬክቲ?” ያጌዳ፤ ቃይ ባረናና ጋርያን ከሲደ ኡታና ማላ፤ ፕልጶሳ ዎሴዳ።

32 ሹፋይ ናባብያ ማጶፋይ፤

“ድርሳዳን እ ሹከታናዉ ላገቱ።

ድርሳ ማራይ ባረ እሰክያ

ቃንጽያዎ ሰንላን ጮኤ ግያዎዳን፤

እካ ባረ ደና ፖክቤና።

33 እ ካዉሹደዋዳን አዉ ጽሎ ፕርዳይ ቆይዳ። የሱሳ ደኤ ሀ ሳኦፕ ፑደ አከት ድጌዳ ድራዉ፤

አ ዛርያባ ኦኔ ኦዳናዌ?” ያጌዳ።

34 ሹፋይ ዛሪደ ፕልጶሳዉ፤ “ናቢ ሀዎ አዎ ኦዲ? ባረባ ኦድዬ ዎይ ሀራ አሳባ ኦዲ? ታዉ ኦዳርከ” ያጌዳ።

35 ፕልጶስ ዛሪደ፤ ጸሳ ማጶፋ እ ናባብያሳፕ ደሚደ፤ የሱሳዎ ሞሽራቹዎ ቃላ አዉ ኦዴዳ።

36 ኡንቱንቱ ኦግያ ኦይቄ ቢደ፤ ሃላይ ደኢያሳ ጋኬድኖ፤ ሹፋይ፤ “ሃላ ሀዎ በአ፤ ጸማቀትያዎ ታና ድግያዌ አይ?” ያጌዳ።

37 ፕልጶስ አ፤ “ኔን ነ ኩመንላ ዎዛናፕ አማናፕ፤ ዳንዳያ” ያጌዳ።

አ ዛሪደ፤ “የሱስ ክርስቶስ ጸሳ ናኦ ግድያዎ ታን አማናይ” ያጌዳ።

38 ጋር ኤቃና ማላ ሹፋይ አዛዝና፤ እነ ፕልጶስ ላኦቱ ዲገ ዋዲድ፤ ሃላን ገልና ፕልጶስ እ ጸማቁዳ።

39 ኢንቴንቴ ሃላፕ ጋጸ ከሴዳ ዋደ፤ ጎዳ አያናይ ፕልጶሳ ልጵ ኦሊድ፤ አፍ አጌዳ፤ ላኤንሉዋ ሹፋይ ፕልጶሳ በእቤና፤ ሽን ባረ ኦግያ ናሽቲድ ቤዳ።

40 ፕልጶስ ባረ ሁጳው አዞጶሳን ደእያዋ ኤሬዳ፤ ቃይ ቁሳርያ ያና ጋካናወካ፤ ካታማ ኡባን ዩዩደ ሞሽራቹዋ ቃላ ኦዴ።

9

ሳኦል ክርስቶስን አማኔዳ (22:6-16፤ 26:12-18)

1 ሽን ሳኦል ጎዳ ካልያዋንታ ዋዳናው ማንዲድ፤ ቁሳቹዋ ኡባቹዋ ካቸዋኮ ቤዳ።

2 ያቲደ ጎዳ ኦግያ ካልያ አሳቹዋ ማጫዋንታን አቲማዋንታ ደሞፕ፤ ቃቺደ የሩሳላመ አሀናው፤ ዳማሰቆን ደእያ አይሁዳ ዋሳ ጎለቶ ዳብዳቤያ ጸፋናው እ ዋሴዳ።

3 እ ቢደ፤ ዳማሰቆ ካታማ ጋካና ማቶደ፤ ቆፕናን ሳሉዋፕ ዋልቃማ ፖኤ እ ዩሹዋ ኡባን ፖኤዳ።

4 ሳኦል ሳኦን ኩንድ ኡትና፤ “ሳኦል ሳኦል፤ አያው ታና ዋይሳይ?” ግያ ቃላ ሰሴዳ።

5 ሳኦል፤ “ታ ጎዳው፤ ነን ኦኔ?” ያጊደ አቺዳ።

የሱሰካ፤ “ታን ነን የደርሳደ ደእያ የሱሳ” ያጊደ።

6 ሽን ሳኦል ኮኮሪድን ማላለቲደ፤ “ታ ጎዳው፤ ታን አያ ኦላናዳን ኮያይ?” ያጊደ።

ጎዳይ አ፤ “ደንዳደ ካታማ ገላ፤ ነን ኦላናው በሰያባይ ነው ያን ኦይታናዋ” ያጊደ።

7 ሳኦልና ኦግያን ብያ አሳቹ አይነ ሃሳየናን ኤቁ አጊደ፤ ኮሻ ሰሲና፤ ሽን ኦናን በእቤይክኖ።

8 ሳኦል ሳኦፕ ደንድና፤ እ አይሬ ደየቲዳ ዋደ፤ አይነ ጸላናው ዳንዳይቤና፤ ሄዋ ድራው፤ ኡንቴንቴ እ ኩሽያ ኦይቁ ጎቺደ፤ ዳማሰቆ ገልሴድና።

9 ሄዙ ጋላሳ ጋካናወካ እ ጸልቤና፤ አይነ ሞቤና፤ አያኔካ ኡሽቤና።

10 ዳማሰቆን እት ሀናንያ ግያ ካልያዋ ደኤ፤ ጎዳይ ሳጸን አ፤ “ሀናነው” ያጊደ።

ሀናኒ፤ “ታ ጎዳው፤ ሀዋን ደአይ” ያጊደ።

11 ጎዳይ አ፤ “ደንዳደ ሱሪ ጌተትያ ኦግያ ባደ፤ ይሁዳ ሶይን እት ሳኦል ግያ ጸርሴሰፕ ዩዳ ብታንያ ኮያ፤ አያው ጎፕ፤ እ ዋሴ።

12 ቃይ ሀናንያ ግያ ብታኒ ገሊደ፤ ሳኦል ላኤንሉዋ ጸላናዳን፤ ባረ ኩሽያ እ ቦላ ዋልያዋ ሳጸን በኤዳ” ያጊደ።

13 ሀናኒ ዛሪደ፤ “ታ ጎዳው፤ የሩሳላመን ነ ጌሻ አሳ ቦላ ሄ ብታኒ አይ ኬና ኢታባ ኦሌደንቶ፤ ታን ዳር አሳፕ ሰሳድ።

14 ቃይ ዳማሰቆን ነ ሱንላ ጸሰያዋንታ ኡባ ቃቻናው፤ ቁሳቹዋ ካፓቱ አው ማታ አሜድና” ያጊደ።

15 ሽን ጎዳይ አ፤ “ሳኦል አይሁዳ ግደና አሳ ሰንላን፤ ካታቹዋ ሰንላንን እሰራኤልያ አሳ

ሰንላን፤ ታ ሱንላ ኤርሳናውን ታው ኦላናዳን ደረቲዳ ሚሻ ግድያ ድራው፤ ነን ባ።

16 አያው ጎፕ፤ ታ ሱንላ ድራው፤ እ አይ ኬና ዋየታናው በሰንቶ፤ ታን እ በሳና” ያጊደ።

17 ሀናኒ ቢደ፤ ሶይ ገሊደ፤ ባረ ኩሽያ ሳኦል ቦላ ዋሊደ፤ “ታ እሻው ሳኦል፤ ነን ይያ ኦግያን ነው ቤቲዳ የሱሰ፤ ነን ጸላና ማላን ጌሻ አያናይ ኔናን ኩማና ማላ፤ ታና ከቲዳ” ያጊደ።

18 ኤለካ፤ አየንቶ ፖቁዋ ማላይ ሳኦል አይፍፍፕ ዋድና፤ ሳኦል ላኤንሉዋ ጸሌዳ፤ ቃይ ደንዲደ ጸማቀቲዳ።

19 ቁማ ሚደ ሞነት፤ ዳማሰቆን ደእያ ካልያዋንቲና አማሬዳ ጋላሳ ጋምኤዳ።

ሳኦል ዳማሰቆን ታማርሴዳ

20 ኤለካ፤ “የሱሰ ክርስቶስ ጸሳ ናኦ” ያጊደ፤ አይሁዳ ዋሳ ጎለቲዋን ቃላ ኦዴዳ።

21 ሄዋ ሰሴዳ ኡባይ ማላለቲደ፤ “ሀዋ የሩሳላመን የሱሳ ሱንላ ጸሰያዋንታ ቆይሰያዋ ግደኔ? ቃይ ኡንቴንታ ቃቺደ፤ ቁሳቹዋ ካፓቹዋ ሰንላ አፋናው ይቤኔየ?” ያጊደና።

22 ሽን ሳኦል ቃላ ኦድያ ኦዲ ሞን ሞን ቤዳ፤ የሱሰ ቃይ ክርስቶሳ ግድያዋካ እ አኬክሲደ ኦዴዳ ድራው፤ ዳማሰቆን ደእያ አይሁዳቱ አው ዛርያዋ ቆይድና።

23 ጮራ ጋላሳፕ ጉይያን፤ አይሁዳቱ ሺቂደ፤ ሳኦል ዋዳናው ዘረቲድና።

24 ሽን አይሁዳቱ ባረና ዋዳናው ቆፖዋ ሳኦል ሰሴዳ፤ ኡንቴንቴ እ ዋዳናው ቃማን ጋላሰ ካታማ ፕንግያ ናጊና።

25 ሽን ካልያዋንታ እ ቃማ አፊደ፤ ድርሳ ሁጲያና ቁንኦን ዲገ ዋሌድና።

ሳኦል የሩሳላመን ታማርሴዳ

26 ሳኦል የሩሳላመን ጋኬዳ ዋደ፤ ካልያዋንቲና እትፕ ጋከታናው ሸቅ በኤዳ፤ ሽን ካልያዋ እ ግዴዳዋ ኡባይ አማናን እጲደ፤ አው ያዬድና።

27 ሽን ባርናባሰ ሳኦል የሱሰ ከቲዳዋንቲኮ አፊዳ፤ ኦግያን ጎዳ እ ዋኒደ በኤደንቶ፤ አው ጎዳይ ዋት ሃሳዬደንቶን ቃይ ሳኦል ዳማሰቆን የሱሳ ሱንላን ያየናን ዋት ቃላ ኦዴደንቶ፤ ኡንቴንቶ ጌሺደ ኦዴዳ።

28 ሳኦል የሩሳላመን ዩዩደን ጎዳ የሱሳ ሱንላን ያየናን ቃላ ኦዴደ፤ የሱሰ ከቲዳዋንቲና እትፕ ደኤዳ።

29 ቃይ ሳኦል ግሪክ ቃላ ሃሳይያ አይሁዳቹዋና ሃሳዬን ፓሉመቲ፤ ሽን ኡንቴንቲ እ ዋዳናው ኮዬድና።

30 እሻቱ ሄዋ ሰሴደ፤ ሳኦል ዲገ ቁሳርያ አፊደ፤ ጸርሴሰ የዴድና።

31 ይሁዳን፤ ጋሊላንን ሳማርያን ኡባን ደእያ አማንያ አሳቱ ሳርተላን ደኤድና፤ ቃይ ሞኔድና፤ ጎዳው ያይያዋንን ጌሻ አያና ማዲዋን ጌመቲደ፤ ፓይዲዋንካ ዳር ዳር ቤድና።

ጳጵርሰ ሊድያንን የጸን ታማርሴዳ

32 ጳጵርሰ ኡባ ሳን ዩዩደ፤ ሊዳን ደእያ ጌሻ አሳቹዋኮ ቃይ ዋዴዳ።

33 ያቲደ ሄዋን ሆሰፑን ላይላ ሰሊደ፤ አርሳን ግሲደ ደእያ እት ኤንያ ግያ ብታንያ ደሜዳ።

34 ጳጳሮስ ኤንያ፡ “ኤናው፡ የሱስ ክርስቶስ ኔና ፓሌ፤ ደንዳደ ነ ሂጻ የጋ”* ያጌዳ፡ ሄዋፕ ጉየ ኤለካ ደንድ ኤቄዳ።

35 ሊዳን ሳርናን ደእያ አሳይ ኡባይ ኤንያ በኢደ፡ ጎዳኮ ሰሜድኖ።

36 የጳ ካታማን እት ጸቢቶ ጌተትያ አማነውና ደአው፤ ጸቢቶ ጉሳይ ግሪክ ቃላን ደርቆ ግያዎ። እዛ ባረ ደኤዳ ዎድያ ኡባን ሎኦባ ኦሳደነ ህዬሳ ማዳደ ደአው።

37 ሄ ዎደ እዛ ሀርጋደ ሀይቄና፡ አሳይ እዝ አሃ ሜጪደ፡ ፖእያ ፑደ ከሲደ ግሰሴዳ።

38 ሊዳይ የጳው ማታ፤ ካልያዋንቱ ጳጳሮስ ሊድያን ደእያዎ የጳን ሰሲደ፡ “ሀያና ኩኮ ኤለካ ያርከ” ያግያ ኪታ ላኡ አሳቱዎ ቦላ አኮ ኪቲድኖ።

39 ሄዋፕ ጉየ ጳጳሮስ ደንዳደ፡ ኤንቲንቲና ብ ጋክና፡ ፖቅያ ፑደ አ ከሲደ፡ ክፍልያ ገልሴድኖ። አሰን ባይና አምኤ ማጫዋንቱ ኡባይ ዬኪደነ ደርቃ ኤንቲንቲና ደእያ ዎደ ኦሌዳ ቃምሻቱዋን ማያቱዎ ኡባ ጳጳሮሳ በሲደ፡ አ ዩሹዋን ዩይ አጲደ ኤቄድኖ።

40 ጳጳሮስ ኤንቲንቲ ኡባ ካረ ከሲደ፡ ጉልባት ጸሳ ዎሴዳ፤ ቃይ አሃኮ ሰሚደ፡ “ጸቢቲ፡ ደንዳ” ያጌዳ፤ ጸቢታካ ባረ አይፍያ ደያ ጳጳሮሳ በአደ፡ ጶቃ ኡታዲ።

41 ጳጳሮስ እዝ ባረ ኩሽያን ማዲደ፡ ደንሐ ኤሴዳ፤ ሄዋፕ ጉይያን፡ አማንያዋንታን አሰን ባይና አምኤ ማጫዋንታ ጸቢደ፡ ፓጾዳውኖ ኤንቲንቲ አሜዳ።

42 ሀ የወ የጳ ካታማ ኡባን ላለትና ጮራ አሳይ ጎዳ አማኔድኖ።

43 ጳጳሮስ የጳን እት ሰሞና ግያ ጋልባ ቃጭያዎና ዳር ዎድያ ጋምኤዳ።

10

ጳጳሮሳን ቆርነልዮሳ

1 ቁሳርያን “ጸላቱዎ ኦላ አሳቱዎ” ጌተትያ ኦላንቻቶ እት ጸታቱዎ ካፑ ቆርነልዮሳ ግያዎ ደኤ።

2 ቆርነልዮሳ ጸሳ ሎይሲደ አማንያ አሳነ፡ ባረ ሶይ አሳ ኡባና እትፕ ጸሳው ጎይንያ አሳ፤ አይሁዳ ሀዬሳካ እ ዳር ማዴ፤ ቃይ ጸሳ ኡባ ዎደ ዎሴ።

3 እት ጋላስ ኡዲፑ ሳትያ ሄራን፡ “ቆርነልዮሳ” ጊደ ጸሰያ ጸሳ ኪታንቻይ ባረኮ ገልሽን፡ ቆርነልዮሳ ሳጸን ጌሺደ በኤዳ።

4 ቆርነልዮሳ ያደደ፡ ኪታንቻ ጫድ ጸሊደ፡ “ታ ጎዳው፡ እ አዬ?” ያጌዳ።

ኪታንቻይ ዛሪደ፡ ሀዋዳን ያጌዳ፤ “ነ ዎሳይነ ኔን ሀዬሳ ማድያዎ ጸሳ ሰንላን ሀሳየታናው ሳሉዎ ቤዳ።

5 ሀእ የጳ አሳ ኪታደ፡ ጳጳሮሳ ጌተትያ ሰሞና አህሳ።

6 ጳጳሮስ አባ ደናን ደእያ ጋልባ ቃጭያ ሰሞና ጎለን እማሳተላን ኡቲዳ፤ ኔን ኦሳናው በሰያዎ እ ነው ኦዳናዎ” ያጌዳ።

7 ቆርነልዮሳ ባረው ኦዴዳ ኪታንቻይ ቢና፡ ባረ ቆማቱዎፕ ላአቱዋን ጸሳው ጎይንያ ባረፕ ሻከተና ዎታዳራቱዎፕ እቱዎ ጸቢደ።

8 ኤንቲንቲ ኡባባ ኦዲደ፡ ኤንቲንቲ የጳ ኪቲዳ።

9 ዎንተላ ጋላስ ኤንቲንቲ ቢደ፡ የጳ ካታማኮ ማትሽን፡ ጳጳሮስ ኡሱፑን ሳትያ ሄራን ጎልያ ቦላን ደምባዪ ደኤዳሳ ጸሳ ዎሳናው ከሴዳ።

10 ቃይ ኮሻቲደ፡ ቁማ ማናው ኮዬዳ፤ ሽን ቁማይ ካእሽን፡ ሳፃ በኤዳ።

11 ሳሉ ደየትና፡ ዎልቃማ ማዩዎ ማላትያባይ ኦይዲ ባጋና ኦይቀቲደ፡ ሳአን ዎድሽን፡ ጳጳሮስ በኤዳ።

12 ሄዋን ኦይዲ ገድያና ደእያ ሙሂ፡ ደአይ፡ ሾሻይ፡ ዛሪነ ካፉ ኡባይ ደኤ።

13 “ጳጳሮሳ፡ ደንዳ ኤቃደ ሹካ ማ” ግያ ቃላይ አኮ ዬዳ።

14 ሽን ጳጳሮስ፡ “ታ ጎዳው፡ ሀነና! ታን ቲናባነ ሽነይያባ ኡባካ ማ ኤርከ” ያጌዳ።

15 ቃይ ላኤንቱዎ፡ “ጸሳይ ጌሼዳዎ ኔን ቲንሶፓ” ግያ ቃላይ አኮ ዬዳ።

16 ሄዙ ገደ ሄዋዳን ጌዳ፤ ሄዋፕ ጉይያን፡ ኤለካ ሄ ዎልቃማ ማዩዎ ማላትያዎ ፑደ ሳሉዎ አከት አጌዳ።

17 ጳጳሮስ ባረ በኤዳ ሳፃ ብለላይ እያ ግዳንዴሻ? ያጌደ፡ ባረ ዎዛና ግድን፡ “ላ ሀዌ አዬ?” ጊሽን፡ ቆርነልዮሳ ኪቲዳ አሳቱ ሰሞና ጎሊ ደኢያሳ ኮዪደ፡ አ ፐንግያን ኤቄድኖ።

18 ባረንቲ ኮሻ ጶቄ አሊደ፡ “ጳጳሮሳ ጌተትያ ሰሞና ግያ እማሳይ ሄዋን ደኢ?” ያጌደ ኦቼድኖ።

19 ጳጳሮስ ሳጸን በኤዳባ አኬካናው ቆፋን ሼክደእሽን፡ ጌሻ አያናይ አ፡ “በአ፡ ሄዙ * አሳቲ ኔና ኮዪድ፤

20 ደንዳደ ዎዳ፤ ታን ኤንቲንቲ ኪቲዳ ድራው፡ ሰ□ናን ኤንቲንቲና ባ” ያጌዳ።

21 ጳጳሮስ አሳቱዎኮ ዎዳደ፡ “ሀንተንቲ ኮይያዎ ታና፡ አያ አካና ዬድቲ?” ያጌዳ።

22 ኤንቲንቲ፡ “ጸሳው ያይያ ጽሉ አይሁዳ አሳ ኡባን ዳር ቦንቼቲዳ ጸታቱዎ ካፑዎ ቆርነልዮሳ፡ ኔና ባረ ሶይ አፍሲደ፡ ቃላ ኔፕ ሰሳና ማላ፡ ጸሳ ጌሻ ኪታንቻይ አው ኦዴዳ” ያጌድኖ።

23 ጳጳሮስ አሳቱዎ እማሳ ኦሐ ሾባናው ሶይ ሞኬዳ።

ዎንተላ ጋላስ፡ ደንዳደ ኤንቲንቲና ቤዳ፤ የጳ ካታማን ደእያ እሻቱዎፕ እቲ እቲ አናና እትፕ ቤድኖ።

24 ዎንተላ ጋላስ፡ ቁሳርያ ጋኬድኖ፤ ቆርነልዮሳ ባረ ዳባቱዋን ባረ ላገላቱዎ እትፕ ጸሰ ሺሺደ፡ ጳጳሮሳ ናጌ።

25 ጳጳሮስ ገላና ሀንሽን፡ ቆርነልዮሳ አናና ጋከቲደ፡ አ ሰንላን ኩንዲደ፡ አው ጎይኔዳ።

26 ሽን ጳጳሮስ፡ “ደንዳ! ታንካ ታ ሁጸው አሳ” ያጌደ አ ደንሴዳ።

27 ጳጳሮስ ቆርነልዮሳና ሃሳዪደ፡ ሶይ ገሌዳ፤ እ ገልያ ዎደ ጮራ አሳይ ሺቄዳዎ ደሚደ።

* 9:34 ሂጻ የጋ- ሀዋ ጉሳይ ማተትያባ ገግሳ ጉሳ።

* 10:19 ሄዙ- እት እት ማጻፋቱ ጮራ ገኖ፤ እት ማጻፋይ ላኤ ያጌ።

28 አሳ፡ “አይሁዳ አሳይ ሀራ ዛርያና እትተላን ደአናው፡ ዎይ ጋከታናው ዎጋ ግደናዎ ህንተ ሀጸው ኤሪታ፤ ሸን ታን ኦናነ ቱና ዎይ ሸነይያባ ጌና ማላ፡ ጸሳይ ታና በሴዳ።

29 ሄዎ ድራው፡ ህንተ ታው ኪትና፡ ፓሉማይ ባይናን ያድ። ሀእ፡ ‘ታና አያው አህሴድቱ?’ ያጋደ ህንተንታ ኦቻይ” ያጌዳ።

30 ቆርነልዮስ ሀዋዳን ያጌዳ፤ “ታን ሀቼ ኦይዱ ጋላሳፕ ካስ ሀ ሳትያን ኡዱፑ ሳትያ ዎሳ ታ ሶይን ጸሳ ዎስሸን፡ ጸልቂያ ማዩዎ ማዬዳ አሳይ ታ ሰንላን ኤቂደ።

31 ታና፡ ‘ቆርነልዮስ፡ ጸሳይ ነ ዎሳ ሰሴዳ፤ ኔን ሀይሳ ማድያዎካ ሀሳዬዳ።

32 ሰሞ አሳ ዮጳ ኪታደ፡ ሰሞን ጳጳርሳ ግያዎ ጸሰሳ፤ ሰሞን ጳጳርሰ ሰሞና ግያ ጋልባ ቃጭያዎ ጎላን አባ ደናን እማሳተላ ኡቴዳ’ ያጌዳ።

33 ሄዎ ድራው፡ ታን ኔኮ ኤላካ ኪታደ፤ ኔን ያደ ሎይላዳ፤ ሰሞ ኔን ኑዉ ኦዳናው ጸሳይ ኔና አዛዜዳዎ ኡባ ሰሳናው ሀእ ኑን ኡባይ ሀዋን ጸሳ ሰንላን ደኤቶ” ያጌዳ።

ጳጳርሳ ሃሳያ

34-35 ጳጳርሰ ሃሳያ ሀዋዳን ያግ ደሚዳ፤ “ጸሳይ አሳ ሰሞእያ ጸላና፤ ሸን ጋደ ኡባን ባረው ያይያዎን ጸሎ ኦሎቀ ኦልያዎ ጋላትያዎ ታን ቱሙ አኬካድ።

36 ጸሳይ አሳ ኡባ ጎዳ፡ የሱስ ክርስቶሳ ባጋና፡ ሳርተላ ኦዲደ፡ ሀ ዎንጋላ ሞሽራቹዎ እስራኤልያ አሳው ኪቲዳዎ ህንተንቱ ኤሪታ።

37 ዮሃንስ ቃላ ኦዳዳ ጸንቃታፕ ጉይያን፡ ጋሊላፕ ደሚደ፡ ይሁዳ ጋድያ ኡባን ህይዳዎ ህንተ ኤሪታ።

38 ጸሳይ ናዝሬትያ የሱሳ ጌሻ አያናን ዎልቃን ኩንሌዳ፤ ጸሳይ አናና ደእያ ድራው፡ ሎኦባ እ ኦሊድን ጸላህያ ካፕ ሞድቴዳ ኡባ ፓሊደ ዩዬዳ።

39 “አይሁዳ ጋድያን የሩሳላሙን እ ኦሊዳ ኡባባው ኑን ማርካ። ኡንቱንቱ ማስቃልያ ቦላ ሞስማርያን ድሸ ካቂደ፡ አ ዎጴድኖ።

40 ሸን ጸሳይ ሄዘንሳያ ጋላሳን ሀይቁዎፕ አ ደንሊደ በሴዳ።

41 ጸሳይ ኮይሮ ዶሬዳ ማርካቱዎ ኑና፡ አ በሴዳፕ እትን፡ አሳ ኡባ ግደና፤ ሀይቁዎፕ እ ደንዴዳዎፕ ጉይያን፡ ኑን አናና ሜዳን ኡሼደ።

42 ጸሳይ ዎንጋላ ሞሽራቹዎ አሳው ኑን ኦዳናው፡ ፓጳ ደእያዎንቱ ቦላን ሀይቁዳዎንቱ ቦላን ፕርዳናው እ ሱንሌዳዌ የሱሳ ግዴዳዎ ኑን ማርካታናው ኑና አዛዜዳ።

43 ጸሳይ አን አማንያ ኡባ ናጋራ አ ሱንላን አቶ ጋናዎ ናባቱ ኡባቱ ማርካቲኖ” ያጌዳ።

አይሁዳ ግደና አሳቱ አማኒደ ጌሻ አያና አኬድኖ

44 ጳጳርሰ ብሮ ሄ የወዎ ኦድሸን፡ ቃላ ሰሰያ ኡባ ቦላ ጌሻ አያናይ ዎጵ አኬዳ።

45 ጳጳርሳና ዮጳፕ ዩዳ፡ አማንያ ቃጸረቴዳ አይሁዳ ኡባቱ አይሁዳ ግደናዎንቱ ቦላን ጌሻ አያና እሞታይ ጉኬዳ ድራው ማላለቴድኖ።

46 አያው ጎፕ፡ ኡንቱንቱ ዲማ ዲማ ቃላን ሃሳይሸን ጸሳ ዳርተላ ሳቢሸን ሰሴድኖ።

ሄ ዎደ ጳጳርሰ ዛሪደ፡

47 “ሀዋንቱ ቃይ ኑናዳን ጌሻ አያና አኬዳዎንቱ ጸማቀተናዳን፡ ሃላ ኡንቱንታ ድጋናው ዳንዳይያዌ ኦኔ?” ያጌዳ።

48 ኡንቱንቱ የሱስ ክርስቶሳ ሱንላን ጸማቀታና ማላ፡ ኡንቱንታ አዛዜዳ፤ ሄዎፕ ጉይያን፡ ኡንቱንቱ ባረንቱና አማራዳ ጋላሳ ኡታና ማላ፡ አ ዎሴድኖ።

11

ጳጳርሰ አይሁዳ ግደና አሳፕ አማኔዳዎንቱ ሶይ አያው ገሌደንቶ ኦዴዳ

1 የሱስ ኪቲዳዎንቱን ይሁዳ ኡባን ደእያ አሻቱ፡ አይሁዳ ግደናዎንቱካ ጸሳ ቃላ አኬዳዎ ሰሴድኖ።

2 ጳጳርሰ የሩሳላሙ ቤዳ ዎደ፡ ቃጸረቴዳ አሳቱ አናና ፓሉሙቲደ፡

3 አ፡ “ኔን ቃጸረትቤናዎንቱኮ ገላደ፡ ኡንቱንቱና ቁማ ማዳ” ያጌድኖ።

4 ሸን ጳጳርሰ ሀይዳዎ ኮይሩዎፕ ደሚደ፡ ማራን ማራን ሀዋዳን ያገደ ኦዴዳ፤

5 “ታን ዮጳ ካታማን ጸሳ ዎስሸን፡ ታን አያናን ግዳደ ሳፃ በአድ፤ ዎልቃማ ማዩዎ ማላትያዌ ኦይዱ ባጋና ኦይቀቲደ፡ ሳሉዎፕ ዎጴደ፡ ታኮ ዩዳ።

6 ሄዎ ግዲዎ ታን ጫዳ ጸልያ ዎደ፡ ኦይዱ ገዲ ደእያ ሙህያ፡ ዱአ፡ ሸሻ፡ ዛርያን ካፋዎ በአድ።

7 ቃይ፡ ‘ጳጳርሳ፡ ደንዳ፤ ሹካ ማ’ ግያ ቃላ ታን ሰሳድ።

8 “ሸን ታን፡ ታ ጎዳው፡ ሀነና! ቱናባይ ዎይ ሸነይያባይ ኡባካ ታ ደናኮ ሸቅ ኤረና’ ጋድ።

9 “ቃላይ ሳሉዎፕ ላኤንሉዎካ፡ ‘ጸሳይ ጌሼዳዎ ኔን ቱና ጎፕ’ ያገደ ታው ዛሬዳ።

10 “ሄዌ ሄዙ ገደ ሀንና፡ ዉርሰላን ኡባባይ ሳሉዎ ፑደ ጎሸቴዳ።

11 ሄ ማንእያን ሄዙ አሳቱ ቁሳርያፕ ታኮ ኪተቲደ፡ ታን ደእያ ጎልያ ጋክ አኬድኖ።

12 ታንካ ሰርን ኡንቱንቱና ባና ማላ፡ ጌሻ አያናይ ታው ኦዴዳ። ቃይ ሀ ኡሱፑን አሻቱ ዮጳፕ ታናና ቁሳርያ ቢና፡ ኑን ቆርነልዮስ ሶይ ገሌደ።

13-14 ኪታንቻይ ባረ ሶይን ኤቂደ ባረና፡ ‘ጳጳርሳ ጌተትያ ሰሞና ጸሳናው አሳ ዮጳ ኪታ፤ ኔን ነ ጎላ አሳይ ኡባይ አትያ ቃላ እ ነዉ ኦዳናዎ ጌዳዎ ቆርነልዮስ ዎት ሰሴደንቶ፡ ኑዉ ኦዴዳ።

15 “ታን ሃሳያናው ደምያዎን ጌሻ አያናይ ኮይሮ ኑ ቦላ ዎጴዳዎዳን፡ ኡንቱንቱ ቦላካ ዎጵ አኬዳ።

16 ጎዳይ፡ ‘ዮሃንስ ሃላን ጸማቁዳ፤ ሸን ህንተንቱ ጌሻ አያናን ጸማቀታንታ’ ያጌዳ ቃላ ታን ሀሳያድ።

17 ጸሳይ ኑዉ ጎዳ የሱስ ክርስቶሳ አማኔዳዎንቶ እሜዳ እሞታ ማላ አይሁዳ ግደናዎንቱካ ቃይ እሞፕ፡ ሰሞ ጸሳ ድጋናው ታን ኦኔ?” ያጌዳ።

አማንያዎንቱ ክርስታን ጌተቲድኖ

18 ኢንግሊሽ ሆኖ ሰሌዳ ዋደ ባረንቱ ፓሎማ አገደ። “ያትና፣ ጸሳይ አይሁዳ ግደናዎንቱካ ቃይ ናጋራ፣ ሰሚደ ደአናዳን፣ ኡንቱንታ ካጩዳ” ያገደ ጸሳ ጋላቴድኖ።

19 እስጵፋኖሳ ቦላ ጋኬዳ ዋይያ ጌዲዎን ላላቴዳ አማንያዎንቱ ቃላ አይሁዳቱዋ ጸላላ፣ አትን፣ ሀራው እቶነ ኦደናን፣ ፕንቀ፣ ቆጲርሳነ አንጾክያ ጋካናው ዩዬድኖ።

20 ሸን ቆጲርሳ፣፣ ቀሪና፣ ጌዳ እት እት አማንያ አሳቱ አንጾክያ ቢደ፣ ጎዳ የሱሳ ዎንጋላ ሞሽራቸዋ ኦዲደ፣ ግሪክ አሳውካ * ኦዴድኖ።

21 ጎዳ ዋልቃይ ኡንቱንቱና ደኤ፣ ቃይ ጮራ አሳይ አማንያ፣ ጎዳኮ ሰሚድኖ።

22 ሀ የው የሩሳላሙን ደእያ አማንያ አሳው ሰሰትና፣ አማንያ አሳይ ባርናባሳ አንጾክያ ከቴዳ።

23 ባርናባሳ አንጾክያ ቤዳ ዋደ፣ ጸሳ አጾ ከካተላ ኦሱዋ በኢደ ናሽቴዳ፣ ኡንቱንቱ ኡባይ ጎዳን ባረንቱ ኩሙንላ ዋዛና፣ ሞን ደአናዳን፣ ኡንቱንታ ዙሪዳ።

24 አያው ጎፕ፣ ባርናባሳ ጌሻ አያናይነ አማኑ ኩሜዳ ሎኦ አሳ፣ ሄ ጋሱዋን ጮራ አሳይ ጎዳኮ ዩድኖ።

25 ሄዋ፣ ጉይያን፣ ባርናባሳ ሳኦላ ኮያናው ጸርሴሰ ቤዳ።

26 ያቲደ ሳኦላ ደሜዳ ዋደ፣ አንጾክያ አሃዳ። ባርናባሳነ ሳኦላ አማንያ አሳና እት ላይላ ኩሙንላ ኡቲደ፣ ጮራ አሳ ታማርሴድኖ፣ ካልያዎንቱ አንጾክያን አማንያ አሳ ጌተቲደ፣ ኮይሮ ጴሰቴድኖ።

27 ናባቱ የሩሳላሙ፣ አንጾክያ ሄ ዋደ ዋዲድኖ።

28 ኡንቱንቱ ግደ፣ አጋቦሳ ግያዌ ደንዲደ፣ ሳኦ ኡባን ዋልቃማ ኮሻይ ደንዳናዋ አያና ዋልቃን ትሞቢትያ ኦዴዳ፣ ሄዌ ሀኔዳዌ ቃላውደዮሳ ካውተላ ዋድያና።

29 ካልያዎንቱ ሁጲያን ሁጲያን ባረንቱ ዋልቃ ኬና ሚሻ ከሲደ፣ ይሁዳን ደእያ ባረንቱ እሻቶ ማዲዋ የዳናው ቆፋ ቃቸድኖ።

30 ኡንቱንቱ ሄዋዳን ኦሊደ፣ ሚሻ ባርናባሳ ቦላን ሳኦላ ቦላ ዋሳ ጎላ ጭማቶ የዴድኖ።

12

ዋሳ ጎላን ዋልቃማ ኢታ የደሳይ ደሜዳ

1 ካትያ ሄርድስ * ሄ ዋደ ዋሳ ጎላ አሳ፣ አማራዳዎንታ ዋይሱዋ ደሜዳ።

2 ዮሃንሳ እሻ ያቆባ ማሻን ዋድሴዳ።

3 ሄዌ አይሁዳቱዋ ናሽቴዳዋ በኢደ፣ ጉጅ ጸጵሮሳካ ኦይቄዳ፣ ሄዌ ማጋገ ኡክላ ባላ ቦንቶያ ጋላሳቱዋና።

4 ጸጵሮሳ ኦይቄደ ቃቸዳ። ፓሰጋ ባላ ቦንቶያ ጋላሳቱዋ፣ ጉይያን፣ ጋደ አሳ ሰንላ አላናው ቆፒደ፣ ኦይዳ ኦይዳ ዋታዳራቱ አ ናጋናዳን፣ ታማነ ኡሱቸን ዋታዳራቶ አሊደ አሜዳ።

5 ሄዋ ድራው፣ ጸጵሮሳ ቃሾ ጎልያን ናገቱ፣ ሸን ዋሳ ጎላ አሳይ አው ሞንሲደ ጸሳ ዋሴ።

ኪታንቻይ ጸጵሮሳ ቃሾ ጎላ፣ ከሴዳ

6 ሄርድስ ጸጵሮሳ አሳ ሰንላ አላናው ቆፓና፣ ካሰ ቃማ፣ ጸጵሮሳ ላኡ ሳንላላታን ቃሽቲደ፣ ላኡ ዋታዳራቱዋ፣ ግዲዎን ገሞእሼዳ፣ ናግያዎንቱካ ቃሾ ጎላ ፕንግያን ኤቄደ ናገኖ።

7 አኬከናን ደእሸን፣ ጎዳ ኪታንቻይ ሄዋን ኤቄ አጌዳ፣ ቃሾ ጎላንካ ፖኡ ፖኢ አጌዳ። ኪታንቻይ ጸጵሮሳ ሞይያ ደቸ ቤጎሊደ አ፣ “ኤላ ደንዳ” ያጌዳ፣ ሄ ማንእያን ሳንላላታይ አ ኩሽያ፣ ዋድ አጌዳ።

8 ኪታንቻይ አ፣ “ነ ሱርያ ዳንጫ፣ ነ ጫማካ ዋላ” ያግና፣ ጸጵሮሳ ሄዋዳን ኦሊደ፣ ኪታንቻይ፣ “ነ ማዩዋ ማያደ ታና ካላ” ያጌዳ።

9 ጸጵሮሳ ቃሾ ጎልያ፣ ከሲደ፣ ኪታንቻ ካሊዳ፣ አው ሳፃ በእያዋ ማላቲዳ፣ አትን፣ ኪታንቻይ አላያባይ ቱማ ግዴዳዋ ኤርቤና።

10 ኪታንቻይን ጸጵሮሳ ኮይሮ ዋታዳራ፣ ላኤንላ ዋታዳራ፣ አጲደ፣ ካታማ አፍያ ብራታ ፕንግያኮ ጋኬድኖ፣ ፕንጊካ ኡንቱንቶ ባረካ ደየት አጌዳ፣ ኡንቱንቱ ከሲደ እት ኦግያና ቢሸን፣ ኪታንቻይ ኤላካ ጸጵሮሳ፣ ሻከት አጌዳ።

11 ጸጵሮሳ ባረና ጋኬዳባ አኬኪደ፣ “ታና ጎዳይ ባረ ኪታንቻ ኪቲደ፣ ሄርድሳ ኩሽያ፣ አይሁዳ አሳይ ናግ ኡቴዳ ኡባባ፣ አሼዳዋ ሀእ ቱሙ ኤራድ” ያጌዳ።

12 እ ሄዋ አኬኬዳ ዋደ፣ ጮራ አሳይ እት፣ ሸቄደ ጸሳ ዋሰያሳ፣ ማርቆሳ ግያ ዮሃንሳ ዳይ ማይራሞ ሶይ

13 ቢደ ፕንግያን ጴሰና፣ እት ሮዶ ግያ ቆማታ ደያናው ያዲ።

14 ሮዳ ጸጵሮሳ ቃላ ግዴዳዋ ኤራዳ ዋደ፣ ባረና ናሽቶና፣ ፕንግያ ደየናን ጉየ ዋጸደ፣ ጸጵሮሳ ካረን ኤቄዳዋ አሳው ኦዲዳ።

15 አሳይ እዞ፣ “ሀነ፣ ኔን ጎያ” ያጌዳ። ሮዳ ጸጵሮሳ ግዴዳዋ ጌሻደ ኦዲዳ። ኡንቱንቱ፣ “ሄዌ አ ኪታንቻ” ያጌድኖ።

16 ሸን ጸጵሮሳ ካረን ጴሲደ አገናን እጽና፣ አሳይ ካርያ ደይ፣ አ በኢደ ማላላቴድኖ።

17 ሸን ኡንቱንቱ ጮኡ ጋና ማላ፣ ጸጵሮሳ ባረ ኩሽያን ጸርሴደ፣ ጎዳይ ቃሾ ጎልያ፣ አ ዋት ከሴደንቶ፣ ኡንቱንቶ ቆንጭሰ ኦዲደ፣ “ሀዋ ያቆባውን ቆ አሻቶ § ኦድተ” ጌደ፣ ከሰ ሀራሳ ቤዳ።

ሄርድሳ ሀይቁዋ

18 ሳኦይ ዋንቲዳ ዋደ፣ ጸጵሮሳ ሀቃ ብድጌደንቶ ገና ዋታዳራቱዋ ግደን ዳሮ ዋላሳይ ከሴዳ።

19 ሄርድስ ጸጵሮሳ ኮይሸን፣ እ ቆይዳ ዋደ፣ ናግያዎንታ ቆሪደ፣ ኡንቱንታ ዋቆና ማላ አዛዜዳ፣ ሄዋ፣ ጉይያን፣ ይሁዳ፣ ቁሳርያ ዋዲደ፣ ሄዋን አማራዳ ዋድያ ኡቴዳ።

20 ሄርድስ ጸጵሮሳ አሳውን ሲደና አሳው ሎይላ ሀንቀቴዳ፣ ኡንቱንቱ ጋደ አሳይ ካላ ሄርድሳ ጋደ አሳ፣ ደሞያ ድራው፣ ኡንቱንቱ እት፣ ግዲደ፣

* 11:20 ግሪክ አሳ፡- ሀዋ ጉሳይ ግሪክ ቃላ ሃሳይያ አይሁዳ ዋይ ሀራ አሳ። * 12:1 ሄርድስ፡- ሀዋ ጉሳይ ሄርድስ አግሪጶ ኮይሩዋ ግዲደ፣ ፓላስቲን ግያ ጋድያ ኡባ ሞድያዎ። ሄዌኔካ ዋጋ ሄርድስ ሄዛላ የለታ። 12:4 ከሳ 12:1-27 † 12:15 አ ኪታንቻ፡- አ ናግያ ኪታንቻ ግደናን አገና ጉሳ። ‡ 12:17 ያቆባ፡- ጎዳ እሻ። § 12:17 እሻቶ፡- አማንያ ሀራቶ።

አ ጎልያ ካቸዋ ብላሰጸሳ ባረንቱ ባጋ ኦሊድ፡ ሰገታና ማላ ዋሳናው ሄሮድሳኮ ቤድኖ።

21 ሄሮድስ ሱንጠቴዳ ጋላስ፡ ባረ ካወተላ ማዩዋ ማዩደ፡ ካወተላ ኦሊድያን ኡቲድ፡ አሳው ሃሳዬዳ።

22 አሳይ፡ “ሀዌ ጸሳ ቃላ፤ አሳ ቃላ ግደና” ያገደ ኮሻ ጾቁሲድ ሃሳዬዳ።

23 ሄሮድስ ጸሳ ቦንቶቤና ድራው፡ ሄ ማንእያን ጎዳ ኪታንቻይ አ ደቶና፡ ጉጹንያን ሜተቲድ፡ ሀይቂ አጌዳ።

24 ሸን ጸሳ ቃላይ ድጩን ዳር ዳር ቤ።

25 ባርናባሰነ ሳኦል ባረንቱ ኦሎቀ ፖሊደ፡ ማርቆሳ ግያ ዮሃንሳ ባረንቱና አኪድ፡ የሩሳላመጥ ሰሜድኖ።

13

ባርናባሰነ ሳኦል ጌሻ አያናይ ደርና፡ ታማርሳናው ኪተቲድኖ

1 አንጾክያን ደእያ አማንያ አሳ ግደን ናባቱን ታማርሰያዋንቱ ደእኖ፤ አንቱንቱካ ባርናባሳ፡ ካረላ ግያ ሰሞና፡ ቀሪናጥ ዬዳ ለቅዮሳ፡ ጋድያ ሞድያ ሄሮድሳና * ድጩዳ ሞናሀነ ሳኦላ።

2 አንቱንቱ ጎዳው ጎይንሸናነ ጸሞሸን፡ ጌሻ አያናይ፡ “ታን ጸሴዳ ኦሎ ባርናባሳነ ሳኦላ ታው ዲማይተ” ያጌዳ።

3 አንቱንቱ ጸሜዳዋጥነ ዋሴዳዋጥ ጉይያን፡ ባረንቱ ኩሽያ ባርናባሳ ቦላንነ ሳኦላ ቦላን ዋሴዳ፡ አንቱንታ የዴድኖ።

ባርናባሰነ ሳኦል ቆጶሪሳ ቤድኖ

4 ሄዋ ድራው፡ ጌሻ አያናይ አንቱንታ ኪትና፡ ሴሉቅያ ዋዴድኖ፤ ሄዋጥ ዋንግርያን ገሊደ፡ ቆጶሪሳ ሃላን ደደቲዳሳ ቤድኖ።

5 አንቱንቱ ሰልማና ጋኪድ፡ አይሁዳ ዋሳ ጎላቱዋን ጸሳ ቃላ ኦዴድኖ፤ አንቱንታ ማዳናው ዮሃንስ † አንቱንቱና ደኤ።

6 አንቱንቱ ቆጶሪሳ ሃላን ደደቲዳ ሳኦ ኡባ ጳፋ ጋካናው ዩዩደ፡ ናብያ እት ዋርዳንቻ፡ አይሁዳ አሳ ባር-የሱሳ ግያ ሻሬቹዋ ደሜድኖ።

7 ሄ ሻሬቹ ጋድያ ሞድያ ሳርግዮሳ ጳውሎሳ ግያ እኩካንቻ ብታንያና ደኤ። ሳርግዮሳ ጳውሎሳ ባርናባሳነ ሳኦላ ባረኮ ጸሴድ፡ ጸሳ ቃላ ሰሳናው ኮዬዳ።

8 ሸን ሻሬቹዋ ኤልማስ (ግሪክ ቃላን ሄዌ አ ሱንላ) ጋድያ ሞድያዋ አማኑዋ ድጋናው ኮዩደ፡ አንቱንቱ ሃሳያ ጳልቄዳ።

9 ሸን ጳውሎሳ ግያ ሳኦል ባረናን ጌሻ አያናይ ኩምና፡ ሻሬቹዋ ጫድ ጸሊደ።

10 አ፡ “ላ ሀ ጸላህያ ካቸዋ ናኦው፡ ገነተላይ ኡባይነ ኢታተላይ ኡባይ ኩሜዳዎ፡ ጽሎተላ ኡባ ሞርከው፡ ጎዳ ኦግያ ሱርያ ጌላይያዋ አግኪ?”

11 በእ፤ ሀእ ጎዳ ኩሺ ነ ቦላ ደኤ፤ ኔን ቆቃ ግዳና፤ አማራዳ ዋዲ ጋካናው፡ አዋ ፖኡዋ በእካ” ያጌዳ።

ሄ ማንእያን ሻኖቻይነ ጳማይ አ አይፍያ ጎዝና፡ ባረ ኩሽያ ኦይቂድ፡ ካለልያ ኡራ ኮዩደ ዩዬዳ።

12 ሄ ዋደ ጋድያ ሞድያዎ ሄዋ በኤዳ ዋደ፡ ጎዳይ ታማርሰያዋን ማላለቲደ አማኔዳ።

ባርናባሰነ ጳውሎስ ጲሲድያን ደእያ አንጾክያ ቤድኖ

13 ጳውሎስነ እናና ደእያዋንቱ ጳፋጥ ደንዲደ፡ ጽንፍልያን ደእያ ጳርገ ዋንግርያን ቤድኖ፤ ዮሃንስ አንቱንቱጥ ሻከት፡ የሩሳላመ ሰሜዳ።

14 ሸን አንቱንቱ ጳርገጥ አዲድ፡ ጲሲድያን ደእያ አንጾክያ ጋኪድኖ፤ ሳሞባታ ጋላሳን አይሁዳ ዋሳ ጎላ ገሊደ ኡቲድኖ።

15 ሙሴ ህገነ ናባቱዋ ማጻፋይ ናባባቲዳዋጥ ጉይያን፡ አይሁዳ ዋሳ ጎላ ካፓቱ፡ “ኑ አሻቶ አሳ ሞንሰያ ቃላይ ህንተንቶ ደኦጥ፡ አሳው ሃሳዬርክቱ” ያገደ አንቱንቶ ኪቲድኖ።

16 ጳውሎስ ደንድ ኤቂድ፡ ባረ ኩሽያን ጸርሲደ፡ ሀዋዳን ያጌዳ፤ “እሰራኤልያ አሳቶ፡ ጸሳው ያይያዋንቶ ሰሰተ።

17 ሀ እሰራኤልያ አሳ ጸሳይ ኑ አዋቱዋ ደሪደ፡ ግብጾ ጋድያን እማላተላን አንቱንቱ ደእሸን፡ አንቱንታ ጮርሴዳ፤ ባረ ዋልቃማ ዋልቃንካ ግብጾ ጋድያጥ አንቱንታ ከሴዳ።

18 ባዙዋን ኦይታሙ ላይላ ኬና ኑ አዋቱዋ አ ዳንዳዬዳ።

19 ካናን ግያ ጋድያን አይሁዳ ግደና ላቸ ካወተላ ጳይሲደ፡ አንቱንቱ ጋድያ ባረ አሳ ላትሴዳ።

20 ሄዋጥ ጉይያን፡ ናብያ ሳሜላ ዋድያ ጋካናው፡ ኦይዲ ጾታነ አሻታሙ ላይላ ኬና ዳናቱዋ አንቱንቶ እሜዳ።

21 ሄዋጥ ጉይያን፡ አንቱንቱ ባረንቶ ካትያ እማና ማላ ዋሰና፡ ጸሳይ ቢንያማ ዛርያጥ ቂሳ ናኦ ሳኦላ ኦይታሙ ላይላው ካተታና ማላ፡ አንቱንቶ እሜዳ።

22 ጸሳይ ሳኦላ ሻሬዳዋጥ ጉይያን፡ አንቱንቱ ቦላ ዳዊተ ካተታና ማላ፡ አ ደንጹዳ፤ ዳዊተባ ማርካቲድ፡ ታን ኮይያ ኡባባ ታ ዋዛናዳን ኦልያ እሰይ ናኦ ዳዊታ ደማድ” ያጌዳ።

23 “ጸሳይ፡ ታን ዳዊታ ዛርያጥ እሰራኤልያ አሳ አሸያዋ አሀና፡ ቃላ ገሌዳዋዳንካ፡ የሱሳ አሄዳ።

24 የሱሰ ያናጥ ካስ እሰራኤልያ አሳይ ኡባይ ባረንቱ ናጋራጥ ሰሚደ ጸማቀታና ማላ፡ ዮሃንስ ቃላ ኦዴዳ።

25 ቃይ ዮሃንስ ባረ ኦሎቀ ወርሳና ሀኒደ አሳ፡ ‘ታና ኦና ገደ ቆፒቱ? ታን ህንተ ናግያዋ ግድከ፤ ሸን በአተ፡ አ ገድያ ጫማ ቃሹዋካ ገድያጥ ብላናው ታው በሰናዌ ታጥ ጉየና ዬ’ ያጌዳ።

26 “ታናዳን አማንያዋንቶ፡ ኡብራሃመ ዘርላቶ፡ ቃይ ሀዋን አይሁዳ ግደናዋንቶ ጸሳው ያይያዋንቶ፡ ሀ አተተላ ቃላይ ኑው ኪተቲድ።

* 13:1 ሄሮድሳ- ሄሮድ አንትጳሳ ጌተትያ ዋጋ ሄሮድስ ናኦ። ሄዌኔካ ጋላላ ግያ ጋድያ ሞድያዎ። ሉቅ። 3:1 ጸልተ። † 13:5 ዮሃንሳ- ሀራ ሱንላይ ማር. 12:12፣ 25 ጸልተ። 13:17 ከሳ 1:7፣ 12:51 13:18 ፓይ. 14:34፣ ዛረ. 1:31 13:19 ዛረ. 7:1፣ ኢያሳ 14:1 13:20 ዳኔላ 2:16፣ 1 ሳሜላ 3:20 13:21 1 ሳሜላ 8:5፣ 10:21 13:22 1 ሳሜላ 13:14፣ 16:12፣ ማዚ. 89:20 13:24 ማር. 1:4፣ ሉቃሳ 3:3

27 እያው ጎጥ፡ የሩሳላመን ደእያ አሳይነ ኡንቱንቱ ካፓቱ የሱሳነ ሳምባታ ጋላሳ ኡባን ናባበትያ ናባቱዋ ቃላ እኬክቤና ድራው፡ እ ቦላ ፕርዲደ፡ ናባቱዋ ቃላ ፖሌድኖ።

28 የሱሳ ዋድሳናው እት ጋሱካ ኡንቱንቱ ቤተናን እጽና፡ ጽላጸሰ እ ዋቆና ማላ ዋሴድኖ።

29 “ኡንቱንቱ የሱሳባይ ጸሳ ማጸፋን ጸፈቲዳዋ ኡባ ፖሌዳ ዋድ፡ ማሰቃልያፕ እ ዋሴደ ዋጌድኖ።

30 ሽን ጸሳይ ሀይቁዋፕ የሱሳ ደንሴዳ።

31 ሄዋፕ ጉይያን እ ባረናና ጋሊላፕ የሩሳላመ ዬዳ አሳቶ ጮራ ጋላሳ ቤቴዳ ኡንቱንቱ ሀእ አባ አሳው ማርካቲኖ።

32 “ጸሳይ ኑ አዋቶ እማና ጌዳ ዋንጋላ ሞሽራቹዋ ኑን ህንተንቶ ኦዴቶ።

33 ዳዋተ ማዝሙርያ ማጸፋን ላኤንሎ ሸምፑዋን፡

“ ኔን ታ ናኦ።

ሀቼ ታን ነ አውዋ ግዳድ።

ጌተቲደ ጸፈቲዳዋዳን፡ ጸሳይ የሱሳ ደንሴደ፡ ኑ አዋቶ እማና ጌዳዋ ኑው ኡንቱንቱ ናናው ፖሌዳ።

34 ላኤንሎዋ እ ሀይቀና ማላ፡ ሀይቁዋፕ እ ደንሴዳዋ ጸሳይ፡ ታን ዳዋተው እማና ጌዳ አማነቴዳ ጌሻ እንጂዋ ህንተንቶ እማና፣ ያጌደ ሃሳዬዳ።

35 ሄዋ ድራው፡ ማዝሙርያ ማጸፋን ሀራሳን ቃይ፡ ና ጌሻ ናኦ እሃካ ሙሰሳካ፣ ያጌዳ።

36 እያው ጎጥ፡ ዳዋተ ባረ ዋድያን ጸሳ ቆፋ ኦሴዳዋፕ ጉይያን ሀይቁደ፡ ባረ አዋቱዋና ሀይቁ ሙሴዳ።

37 ሽን ጸሳይ ሀይቁዋፕ ደንሴዳዌ ሙሰቤና።

38-39 “ሄዋ ድራው፡ ታናዳን አማንያዋንቶ፡ ናጋራ አቶ ጌተቲዳዌ ህንተንቶ የሱሳ ባጋና ኦደቲዳዌን፡ ሙሴ ህግያን ጽላናው ህንተንቶ ዳንዳየተና ኡባባፕ እን አማንያ ኡባይ ጽላናዌ ህንተንቶ ኤረቶ።

40 ሄዋ ድራው፡ ናባቱ ጌዳዌ ህንተ ቦላ ጋከና ማላ ናገትተ፤

41 “ ጽሳይ ጌዳባ ቅሊጭያዋንቶ፡ በአተ፤ ሀራይ አቶ እት ኡራይ ህንተንቶ ኦድንቶካ፡

ህንተ አማንና ኦሱዋ ታን ህንተንቱ ዋድያን፡

ኦሳያ ድራው፡ ፖራ ጌተ፤ ሀይቁተ።

ጌድኖ” ያጌዳ።

42 ጳውሎስን ባርናባስ አይሁዳ ዋሳ ጎልያፕ ከሰሸን፡ አሳይ ኡንቱንታ ላኤንሎዋ ሳምባታንካ ሄዋ ጉጂደ ኦዳና ማላ ዋሴድኖ።

43 ሸቁ ላለቲዳዋፕ ጉይያን፡ ጮራ አይሁዳቱን አይሁዳቱዋ አማኑዋን ገሊደ ጸሳው ያይያ ጮራቱ፡ ጳውሎስን ባርናባሳ ካሌድኖ፤ የሱሰ ኪቲዳዋንቱ ጸሳ አቶ ኬካተላን ሞን ደኦና ማላ፡ ኡንቱንቶ ኦዲደ ሞንሴድኖ።

44 ላኤንሎዋ ሳምባታን አማራዳ አሳቱዋፕ አትን፡ ካታማ አሳይ ኡባይ ጸሳ ቃላ ሰሳናው ሸቁዳ።

45 ሽን አይሁዳቱ ጮራ አሳ በኤዳ ዋድ፡ ጳውሎስን ቃናቴድኖ፤ እ ሃሳያ ጳልቂደ፡ እ ቦራድኖ።

46 ጳውሎስን ባርናባስ ጸሊደ፡ “ጸሳ ቃላይ ካሰቲደ ህንተንቶ ኦደታናው ኮሼ፤ ሽን ቃላ ህንተ እጾዳ ድራውን መድና ደኡዋ አካናው ህንተንቶ በሰና ጌደ፡ ህንተ ህንተንቱ ሁጲያን ፕርዴዳ ድራው፡ በአተ፡ ኑን አይሁዳ ግደናዋንቱኮ ሰሜቶ።

47 እያው ጎጥ፡ ጎዳይ ኑና፡

“ ኦሳይ ኡባይ ህንተ ባጋና አታና ማላ፡

ህንተንታ ታን፡

አይሁዳ ግደናዋንቶ ፖኡዋ ኦላድ፣ ያግ አዘዜዳ”

ያጌድኖ።

48 አይሁዳ ግደናዋንቱ ሄዋ ሰሴዳ ዋድ፡ ናሸቲደ ጸሳ ቃላ ቦንቼድኖ፤ ቃይ መድና ደኦ ደረቲዳ ኡባይ አማኔድኖ።

49 ጎዳ ቃላይ ሄ ጋድያ ኡባ ጋኬዳ።

50 ሽን አይሁዳቱ ጸሳው ጎይንያ ቦንቼቲዳ ማጫዋንታን ካታማን ደእያ ዋልቃማ አሳቱዋ ጳውሎስን ቦላንን ባርናባሳ ቦላ ደን፤አና፡ አሳቱ ኡንቱንታ የደርሱዋ ደሚደ፡ ባረንቱ ጋድያፕ ከሴድኖ።

51 ሽን የሱሰ ኪቲዳዋንቱ ኡንቱንታ እጽያዋንቶ ማላታ ግዳና ማላ፡ ባረንቱ ገድያፕ ባና ሸጪደ፡ ፤ እቆንዮን ካታማ ቤድኖ።

52 ቃይ እንጾክያን ደእያ ካልያዋንቱንካ ጌሻ አያናይን ናሸቻይ ኩሜዳ።

14

ጳውሎስን ባርናባስ እቆንዮን ቤድኖ

1 ካሰዋዳንካ ጳውሎስን ባርናባስ እቆንዮንን አይሁዳቱዋ ዋሳ ጎሊ ገሊደ፡ ቃላ ኦዴድኖ፤ ሄዋፕ ጉይያን ጮራ አይሁዳቱን አይሁዳ ግደናዋንቱ አማኔድኖ።

2 ሽን አማንቤና አይሁዳቱ አይሁዳ ግደናዋንቱ ዋዛና ላሚደ፡ እሻቱዋ ቦላ ሀንቁሴድኖ።

3 የሱሰ ኪቲዳዋንቱ ሄዋን ዳር ዋድያ ጋምኤድኖ፤ ኡንቱንቱ ጎዳባ ያየናን ኦዴድኖ፤ ጎዳይ ማላታን ኦራላባ ኡንቱንቱ ኦላና ማላ፡ ኡንቱንቶ ዋልቃ እማዳዋን ባረ አቶ ኬካተላ ቃላባይ ቱማ ግዳዳዋ ማርካቲዳ።

4 ሽን ካታማ አሳይ ሻከት፡ ባጋይ አይሁዳቱዋኮ፡ ባጋይ የሱሰ ኪቲዳዋንቱኮ ሰሜድኖ።

5 አይሁዳ ግደናዋንቱን አይሁዳቱ ባረንቱ ካፓቱዋና እትፕ የሱሰ ኪቲዳዋንታ ቆሀናውን ሹቻን ጫዳናው ቆፕዳ ዋድ፡

6 የሱሰ ኪቲዳዋንቱ ሄዋ ኤሪደ፡ ልሰጽራን ደርቦ ጌተትያ ልቃኦንያ ካታማቱዋን ኡንቱንቱ ሄራን ደእያ ጋድያ ብ አጌድኖ፤

7 ሄዋን ዋንጋላ ሞሽራቹዋ ኦዲኖ።

8 ባረ ዳይ ኡሎዋፕ የለቶደፕ ደሚደ፡ ላኤ ገዲ ሰልና፡ ኡባካ ሀመተና እት ብታኒ ልሰጽራን ደኤ።

13:33 ማዘ. 2:7 13:35 ማዘ. 16:10 13:41 እምባ. 1:5 13:47 ኢሳ. 42:6፤ 49:6 ፤ 13:51 ባረንቱ ገድያፕ ባና ሸጪደ- ሀዌ አሳይ አከናን እጾዋ በሰያ ኦግያ።

9 ህ ብታኒ ጳውሎስ ኦድሽን ሰሴ፤ ጳውሎስ አ ጫድ ደልያ ዋደ፣ ፓዳናው አው አማኑ ደእያዋ በኢደ።

10 ኮሻ ጴቂሲደ አ፣ “ሰት ጋደ ነ ገድያን ኤቃ” ያጌዳ፤ ጉፕ ደንዲደ፣ ሀመታ ደሜዳ።

11 ጳውሎስ ኦሴዳዋ አሳይ በኢደ፣ ባረ ኮሻ ልቃኦንያ ቃላን ጴቂ ኦሴደ፣ “ጸሳቱ አሳ ማላቲደ ኮኮ ዋዴድኖ” ያጌዳ።

12 አሳይ ባርናባሳ፣ “ድያ”* ጊደ፣ ጳውሎስ ሃሳያው ዋናትያ ድራው፣ አ፣ “ሄርሜሳ” ጊደ ሱንሴዳ።

13 ጌሻ ጎሊ ካታማ ማታን ደእያ ድያ ቁሳይነ አሳይ ኮራማቱዋን ዳሪ ሎእያ ጨሻቱዋ የሱስ ኪቴዳዋንቶ ያርሹዋ ያርሻናው ኮዪደ፣ ፕንግያ አሄድኖ።

14 ሸን የሱስ ኪቴዳ ባርናባሳን ጳውሎስ ሄዋ ሰሴዳ ዋደ ባረንቱ ማዩዋ ፔዲደ፣ አሳ ግዶ ዋዲደ።

15 ባረንቱ ኮሻ ጴቂ ኦሴደ፣ ሀዋዳን ያጌድኖ፤ “አሳው፣ ሀዋ አያው ኦሴቴ? ኮንካ ህንተንቱዋዳን መጠቅዳ አሳ፤ ሀ ፓጋና የወዋፕ ሳሉዋን ሳአ፣ አባነ ኢንቱንቱ ግደን ደእያ ኡባባ መዴዳ ደኡዋ ጸሳኮ ህንተ ሰማና ማላ፣ ህንተንቶ ኮን ዋንጋላ ምሽራቹዋ ኦዴቶ።

16 እ በን አሳ ዘረላይ ኡባይ ባረንቱ ኦግያ ባና ማላ የድ አጌዳ።

17 ህንተንቶ እራ ሳሉዋፕ ቡክሴዳ፤ ካላካ እ ዋድያን እሜዳ፤ ቃይ ቁማ እሚደ፣ ህንተንታ ሎይሳ ናሽቼ፤ ያቲደ ህንተንቶ ሎኦባ ኦሴደ፣ ኡባ ዋደካ ባረው ማርካ ዳይቤና” ያጌድኖ።

18 የሱስ ኪቴዳዋንቱ ሄዋ ጊደ፣ ባረንቶ አሳይ ያርሽና ማላ፣ መቶቲደ ድጌድኖ።

19 አንጾክያፕን እቆንዮንፕ ዬዳ አይሁዳቱ አሳ ባረንቱ ባጋ ዛሪደ፣ ሹቻን ጳውሎሳ ጫዴድኖ፤ ኢንቱንቶ ሀይቁዳዋ ማላትና፣ ካታማፕ ካረው አ ጎቶ ከሴድኖ።

20 ሸን ካልያዋንቱ አ ማታን ዩይ አዲደ ኤቁሸን፣ እ ደንዲደ፣ ካታማ ገሌዳ። ዋንተላ ጋላስ ባርናባሳና እትፕ ደርቦ ቤዳ።

ጳውሎስን ባርናባሳ አንጾክያ ሰሜድኖ

21-22 ኢንቱንቱ ደርቦ ካታማን ዋንጋላ ምሽራቹዋ ኦዲደ፣ ጮራ አሳይ የሱሳ አማናና ማላ ኦሴዳዋፕ ጉይያን፣ ልሰጽራ፣ እቆንዮንን ጲሲድያን ደእያ አንጾክያ ሰሜድኖ፤ ያቲደ ሄዋን ካልያዋንታ ምንሲደነ ኢንቱንቱ አማኑዋን ምን ደአና ማላ ዘሪደ፣ “ኮን ጸሳ ካውተላ ገላናው ሎይሳ ዋየታና በሴ” ያጌድኖ።

23 ቃይ አማንያዋንቶ ደእያ ሳን ደእያ ሳን ጭማቱዋ ደሪደ፣ ጸሜዳዋፕን ዋሴዳዋፕ ጉይያን፣ ኢንቱንቱ አማኔዳ ጎዳው ኢንቱንታ ሀዳራ እሜድኖ።

24 ጲሲድያ ጋድያፕ አዲደ፣ ጽንፍልያ ዬድኖ፤

25 ጸርገን ቃላ ኦዴዳዋፕ ጉይያን፣ አጻልያ ቤድኖ።

26 ሄዋፕ ኢንቱንቱ ባረንቱ ፖሌዳ ኦሱዋ ድራው፣ አሳይ ኢንቱንቱ ሀዳራ ጸሳ አዶ

ከካተላው እሜዳ አንጾክያ ማርካብያን ሰሜድኖ።

27 አንጾክያ ጋኬዳ ዋደ አማንያ አሳ ሺሺደ፣ ጸሳይ ባረንቱና እትፕ ኦሴዳ ኡባባ፣ አይሁዳ ግደና አሳይ አማናና ማላ፣ ኢንቱንቶ ፕንግያ ደዬዳዋ፣ አሳው ኦዴድኖ።

28 ያቲደ ሄዋን ካልያዋንቱና ዳር ዋድያ ጋምኤድኖ።

15

የሩሳላመ ሸቆዋ

1 እት እት አሳቱ ይሁዳፕ አንጾክያ ዋዲደ፣ “ሙሴ ዋጋዳን፣ ህንተ ቃጸረተናዋ ግደፕ፣ አታናው ዳንዳይክታ” ያጊደ እሻቱዋ ታማርሱዋ ደሜድኖ።

2 ጳውሎስን ባርናባሳ ኢንቱንቱና ዳርሰ ዋላቀቲደ ፓሉመትና፣ አንጾክያን ደእያ እት እት ሀራ አሳቱ ሄ ፓሉማ ድራው፣ ጳውሎሳናን ባርናባሳና የሩሳላመ ቢደ፣ የሱስ ኪቴዳዋንቱናን ጭማቱዋና ጋከታናው ቆፋይ ቃሸቱዳ።

3 አማንያ አሳቱ ኢንቱንታ ኪቲደ ኦግያን ማድሸን፣ አይሁዳ ግደናዋንቱ ጸሳኮ ሰሜዳዋ ኦዲደ፣ ፕንቁያናን ሳማርያና አዴድኖ፤ ሄዋ እሻቱዋ ኡባ ሎይሳ ናሽቼዳ።

4 ኢንቱንቱ የሩሳላመ ጋኬዳ ዋደ፣ አማንያዋንቱ፣ የሱስ ኪቴዳዋንቱን ጭማቱ ኢንቱንታ ሞኬድኖ፤ ጸሳይ ባረንቱን ኦሴዳዋ ኡባ ኦዴድኖ።

5 ሸን ፓርሳዋቱዋ ባጋፕ አማኔዳ እት እት አሳቱ ደንድ ኤቁደ፣ “ህንተንቱ ኢንቱንታ ቃጸራናውን ሙሴ ህግያ ናጋና ማላ አዛዛናው በሴ” ያጌድኖ።

6 የሱስ ኪቴዳዋንቱን ጭማቱ ሄዋ ዘረታናው ሸቆድኖ።

7 ሎይሳ ሃሳዬዳዋፕ ጉይያን፣ ጸጽርሰ ደንድ ኤቁደ፣ ኢንቱንታ ሀዋዳን ያጌዳ፤ “ታናዳን አማንያዋንቶ፣ አይሁዳ ግደናዋንቱ ዋንጋላ ምሽራቹዋ ቃላ ታ ደናፕ ሰሴደ አማናና ማላ፣ ታና ጸሳይ ህንተ ግደፕ በን ዶሬዳዋ ህንተንቱ ኤሪታ።

8 አሳ ዋዛና ኤርያ ጸሳይ ጌሻ አያና ኑው እሜዳዋዳን፣ ኢንቱንቶካ እሚደ ቱማዬዳ።

9 ኢንቱንቱ አማኔዳ ድራው፣ እ ኢንቱንቱ ዋዛና ጌሺደ፣ ኑ ግዴዋንን ኢንቱንቱ ግዴዋን ዲማተላ ዋሰቤና።

10 ሄዋ ድራው፣ ኑ አዋቱን ኮን ቶካናው ዳንዳይቤና ዋልቃማ ቶኩዋ ካልያዋንቱ ሞርግያን ዋሊደ፣ ሀእ ህንተ አያው ጸሳ ፓጩቱ?

11 ሸን ጎዳ የሱስ ክርሰቶሳ አዶ ከካተላን ኢንቱንቱ አቴዳዋዳን፣ ኮንካ አቴዳዋ አማኔቶ” ያጌዳ።

12 አሳይ ኡባይ ጮኡ ጊደ፣ ባርናባሳን ጳውሎስ አይሁዳ ግደና አሳ ግደን ባረንቱ ባጋና ጸሳይ ኦሴዳ ማላታን ኦራላባ ኡባ ኦድሸን ሰሴ።

13 ኢንቱንቱ ሃሳያ ወርሴዳዋፕ ጉይያን፣ ያቆብ ሀዋዳን ያጊደ ዛሪዳ፤ “እሻቶ፣ ታን ግያዋ ሰሰተ።

* 14:12 ድያ- ጉሳይ ግሪካቱዋ ጸሳቱዋ ኡባቱዋፕ ቦላ ጌተት ፓይደትያ ኢንቱንቱ ኤቃ። 14:15 ከሳ 20:11፤ ማዘ. 146:6 15:1 ዋጋ 12:3

14 ጸሳይ አይሁዳ ግደናዎንቱ ግደጥ ባረወ ሀንያ አሳ አካናወ አይሁዳ ግደናዎንቱ ኮይር ዎት ቆፔደንቶ ሰዎን ኦዴዳ።

15-18 ናብያ ቃላይ ሀዋና ጊጌ፤ ጎዳይ ዳር ዎድያጥ ደሚዳ፤ አሳ ሀዋ ኤርሲዳ፤ ጸሳ ማጻፋን ሀዋዳን ያጌዳ፤

“ ሳዎጥ ጉይያን፤ ሳኣን ደእያ ሀራ አሳይ ኡባይ፤ ታዎ ግደናወ፤

ታን ጸሴዳ አይሁዳ ግደና አሳይ ኡባይ፤ ጎዳ ኮያና ማላ፤ ታን ሰማና።

ታን ኮለቲደ ኩንዴዳ ጎልያዳን፤ ሀኔዳ ዳዊተ ካወተላ ደንላና።

ኮለቲዳዎካ ዛራደ ኬጸና፤

ታን ላኤንሉዎ አ ኤሳና፤ ያጌዳ።

19 “ሄዎ ድራወ፤ ታ ቆፋ ግደጥ፤ አይሁዳ ግደናዎንቱጥ ጸሳኮ ሰምያዎንታ ኑን መቶላናወ ኮሸና።

20 ሸን ኡንቱንቱ ኤቃን ቱኔዳዎ ማና ማላ፤ ዎሹመና ማላ፤ ባኩቴዳ መሀያ አሹዎ ማና ማላን ሱላ ኡሸና ማላ፤ ኡንቱንቶ ኑን ዳብዳቢያ ጸፋናወ ኮሼ።

21 እያወ ጎጥ፤ ሙሴ ህግያ ካሰ የለታጥ ደሚደ ሳምባታን ሳምባታን አይሁዳ ዎሳ ጎለቱዎን ናባቢደ፤ እ ቃላ ካታማ ኡባን ኡድያዎንቱ ደእና” ያጌዳ።

22 ሄዎጥ ጉይያን፤ የሱስ ኪቴዎንቱን ጭማቱ ዎሳ ጎለ አሳ ኡባና እትጥ ባረንቱ ግደጥ አማራዳ አሳቱዎ ደሪደ፤ ጳውሎሳናን ባርናባሳና አንጾክያ የዳናወ ቆፋ ቃቼድና፤ ኡንቱንቱ ዳር ቦንቼቴዳ ላኤ አሳቱዎ ባርሳባ ጌተትያ ይሁዳን ሰላሳ ደሬድና።

23 ያቲደ ሀዋዳን ግያ ዳብዳቢያ ጸፊደ፤ ኡንቱንቱ ቦላ ኪቴድና፤ “ኑን የሱስ ኪቴዎንቱን ጭማቱ ህንተ እሻቱ፤ አንጾክያን፤ ሶርያንን ክልቂያን ደእያ አይሁዳ ባጋ ግደና እሻቶ ኑ ሳርታ ኪቴቶ።

24 “ኑን አዛዝቤና አሳቱ ኑ ግደጥ ቢደ፤ ሳንተንቱ ቃጸረታናወን ሙሴ ህግያ ናጋናወ በሱ” ጊደ፤ ህንተንታ መቶሌዳዎን ይሎዬዳዎ ሰሲደ፤

25-26 ኑ ጎዳ የሱስ ክርሰቶሳ ሱንላ ድራወ፤ ባረንቱ ሸዎጥዎ ኦሌዳ ኑን ሲቅያ ባርናባሳናን ጳውሎሳና ደረቴዳ አሳቱዎ ህንተንቱኮ ኪታናወ እት ዎዛናን ኑ ቆፋ ቃቼደ።

27 ሄዎ ድራወ፤ ኑን ጸፊዳዎ ኡንቱንቱ ባረንቱ ሀጳወ ባረንቱ ደናን ህንተንቶ ኡዳና ማላ፤ ይሁዳን ሰላሳ ኪቴድ።

28-29 “እያወ ጎጥ፤ ኤቃወ ያርሼዳዎ ዎጥተ፤ ሱላ ኡሸጥተ፤ ባኩቴዳ መሀያ አሹዎ ዎጥተ፤ ዎሹዎጥተ። ሀ ኮሸያዎንቱጥ አትን፤ ሀራ ዴጽያ የወዎ ህንተንታ ቶሰና ማላ፤ ኑን ጌሻ አያናይ የወዎ ኤኖ ጊደ አኬደ፤ ሀ ኡባባጥ ህንተ ሁጲያ ናጎጥ፤ ህንተንቱ ሎኦባ ኦሊታ። ሰም ሳር ደእተ” ያጌድና።

30 ሄዎ ድራወ፤ ኪተቲዳዎንቱ ዎይዘት፤ አንጾክያ ዎዲደ፤ አማንያ አሳ ሸሸደ፤ ዳብዳቢያ አሳወ አሜድና።

31 ኡንቱንቱ ሄ ሞንሰያ ዳብዳቢያ ናባቤዳ ዎደ፤ ናሽቴድና።

32 ቃይ ይሁዳይነ ሰላሰ ባረንቱ ሀጳወ ናባቱዎ ግድያ ድራወ፤ እሻቱዎ ሎይላ ማቂደ ሞንሴድና።

33 ኡንቱንቱ አንጾክያን አማራዳ ጋላሳ ኡቴዳዎጥ ጉይያን፤ እሻቱ ሳርተላን ዎይዘና፤ ባረንታ ኪቴዎንቱኮ ሰሜድና።

34 ሸን ሰላሰ ያን አታናወ ባረ ቆፋ ቃቼዳ። *

35 ቃይ ጳውሎስን ባርናባሰ ሀራ ጮራ አሳቱዎና እትጥ ጎዳ ቃላ ታማርሲደን ዎንጋላ ሞሽራቹዎ ኦዲደ፤ አንጾክያን ኡቴድና።

ጳውሎስን ባርናባሰ ሻከቴድና

36 አማራዳ ጋላሳጥ ጉይያን፤ ጳውሎስ ባርናባሳ፤ “ኑን ጎዳ ቃላ ኦዴዳ ካታማ ኡባን ኑ እሻቱ ዎት ደእናንቶ፤ ጉየ ሰሚደ፤ ጸሞሰ በኦይተ” ያጌዳ።

37 ሄዎጥ ጉየ ባርናባሰ ማርቆሳ ጌተትያ ዮሃንሳ ባረንቱና አፋናወ ኮዬዳ።

38 ሸን ጳውሎስ ማርቆሳ ባረንቱና አፋናወ ኮይቤና፤ እያወ ጎጥ፤ እ ኡንቱንቱጥ ጽንፍልያን ሻከቴዳ፤ ቃይ ኡንቱንቱና ኦሶ ብቤና።

39 ኡንቱንቱ ግዴዎን ሎኤና ዎላሳይ ከሰና፤ እቱ እቱዎጥ ሻከቴዳ፤ ባርናባሰ ማርቆሳ አኪደ፤ ማርካብያን ቆጲሮሳ ቤዳ።

40 ሸን ጳውሎስ ሰላሳ አክና፤ እሻቱ እ ሀዳራ ጸሳ አጵ ከካተላወ አሜዳዎጥ ጉይያን ቤዳ።

41 ያቲደ አማንያ አሳቱዎ ሞንሲደ፤ ሶርያናን ክልቂያና አዴዳ።

16

ጽሞቶሰ ጳውሎሳናን ሰላሰና ጋከቴዳ

1 ጳውሎስ ቃይ ደርበነ ልሰጽራ ቤዳ፤ ሄዎን ጽሞቶሳ ጌተትያ ካልያዎ፤ እት አማንያ አይሁዳ ሞሽራት ናአይ ደኤ፤ አ አቡ ግሪከ አሳ።

2 ልሰጽራን እቆንዮንን ደእያ እሻቱ ጽሞቶሳ ሎይላ ማርካቴድና።

3 ጳውሎስ አ ጽሞቶሳ ባረናና አፋናወ ኮዬደ፤ አ አቡ ግሪከ * አሳ ግዴዳዎ ሄዎን ደእያ አይሁዳ ኡባይ ኤርያ ድራወ፤ አ ኦይቂደ ቃጸራዳ።

4 ኡንቱንቱ ካታማቱዎና ቢደ፤ የሱስ ኪቴዳ የሩሳላመን ደእያዎንቱን ጭማቱ ዎሌዳ ህግያ አማንያዎንቱ ናጋና ማላ፤ ኡንቱንቶ ኦዲደ አዴድና።

5 ሄዎ ድራወ፤ አማንያዎንቱ አማኑዎን ሞን፤ ፓይዲዎንካ ጋላሳጥ ጋላሳን ዳር ዳር ቤድና።

ጳውሎስ ማቅድንያ ባናደን ጸገቴዳ

15:15-18 አዎጻ 9:11-12 15:20 ከሳ 34:15-17፤ ዎጋ 17:10-16፤ 18:6-23 * 15:34 ሰላሰ አንጾክያን አታናወ ባረ ቆፋ ቃቼዳ፤ ግያዎ ጮራ ሀራ ቃላ ብለላን ባዎ። * 16:3 አ አቡ ግሪከ አ ኦይቂደ ቃጸራዳ፤ ግሪከ አሳይ ባረንቱ ናና ቃጸርክና። ሸን ጽሞቶሰ ቃጸረታና ጳዮጥ፤ አይሁደ አሳይ አ አክና ድራወ፤ ጳውሎስ አ ኦይቂደ ቃጸራዳ።

6 ኢሰያን ቃላ ኦደና ማላ፡ ጌሻ አያናይ ኢንቱንታ ድጌዳ ድራው፡ ፕርግያ ጋድያናን ጋላትያ ጋድያና አዲድና።

7 ኢንቱንቱ ሚሰያ ዛዋ ጋኬዳ ዋደ፡ ቢታንያ ባናው ኮዬድና፤ ሸን የሱሳ አያናይ ኢንቱንታ ድጌዳ።

8 ሄዋ ድራው፡ ኢንቱንቱ ሚሰያ ማታና አዲድ፡ ጽርኢዳ ዋዲድና።

9 ጳውሎስ ቃማ ሳጸን እት ማቅደንያ ብታኒ ባረና፡ “ማቅደንያ ፕናደ ኑና ማዳርኪ” ያጊደ ኤቂ ዋሰሽን በኤዳ።

10 ሳፃ እ በኤዳዋፕ ጉይያን፡ ኑን ኤለካ ማቅደንያ ባናው ኮዬዳ፤ አያው ጎፕ፡ ዋንጋላ ሞሽራቹዋ ያን ደእያ አሳው ኦዳናው፡ ጳሳይ ኑና ጴሴዳዋ ኑው ማላቲዳ።

ሊዳ ፕልጵሰዮሳን ክርስቶሳ አማናዳ

11 ሄዋ ድራው፡ ጽርኢዳፕ ደንዲደ፡ ሰት ጊደ ማርካብያን ሳሞትራቀ ቤደ፤ ዋንተሳ ጋላሰ ናጵላ ቤደ።

12 ሄዋፕ ፕልጵሰዮሳ ቤደ፤ ፕልጵሰዮሰ ማቅደንያ ቢታው ሁጳ ካታማ፤ ቃይ ሮመ አሳይ ደእያ ካታማ፤ ኑን ሄ ካታማን አማራ ጋላሳ ኡቲደ።

13 ሳሞባታ ጋላሰ፡ ካታማፕ ጋጸን ሻፋ ደናን አይሁዳቱ ጳሳ ዋሰያ ሳአይ ደእያዋ እኬኪደ ቤደ፤ ሄዋን ኡቲደ ሸቄዳ ማጫ አሳው ቃላ ኦዳደ።

14 እት ሊድያ ጌተተውና፡ ትያጽርና ካታማፕ ያደ ጳሳ አማኒውና፡ ዞኦ ማዩዋ ዛልእያ ሞሽራታ፡ ኑን ኦድያዋ ሰሳዱ፤ ጳውሎስ ኦድያዋካ እዛ ሰሳና ማላ ጳሳይ እ ዋዛና ደዬዳ።

15 ሊድያ ባረ ሶይ አሳና እትፕ ጸማቅቲዳዋፕ ጉይያን ኑና፡ “ሀንተንቱ ታና ጎዳ ቲማተላን አማናው ጊደ ቆፖፕ፡ ታ ሶይን ደእሸተ” ጋደ ዋሳዱ፤ ሞንሳደ ሸባዱ።

ጳውሎስን ሰላሰ ቃሽቲድና

16 ኑን ጳሳ ዋሰያሳ ቢሸን፡ ኢታ አያናይ እዝ ቦላ አቅና ካይያ እት ቆማ ናታ ኑናና ጋከታዱ፤ ሄ ናታ ካያደ ዳር ሚሻ ባረ ጎዳቶ ደማዱ።

17 ጋከታደ ጳውሎስን ኑና ካላደ፡ “ሀዋንቱ ሀንተንቶ አታና ኦግያ ኦድያዋንቱ፡ ኡባፕ ቦላ ጳሳ አይለቱዋ” ጋደ ኮሻ ቶቄ ኦላደ ሃሳያው።

18 ኡባ ጋላሰ ሄዋዳን ጋው፤ ሸን ጳውሎስ ይሎቲደ ጉየ ሰም፡ ሄ ኢታ አያና፡ “ኑን ኢፕ ከሳና ማላ የሱስ ክርስቶሳ ሱንላን ኔና አዛዛይ” ያጌዳ፤ ሄ ማንእያን ኢታ አያናይ ኢፕ ከሰ አጌዳ።

19 ሸን እዝ ጎዳቱ ባረንቱ ሚሻ ደማና ኦጊ ቆዬዳዋ በኢደ፡ ጳውሎስን ሰላሳ ኦይቂደ፡ ገያ ሳእን ደእያ ዳናቱዋ ሰንላ ጎቶ ከሴድና።

20 ዳናቱዋ ሰንላ ኢንቱንታ አፊደ፡ “ሀዋንቱ አይሁዳ አሳ ግዲደ፡ ኑ ካታማ አሳ ሎይሐ ሙቶሲና።

21 ኑን ሮመ ጋድያ አሳ ግዲደ፡ አካናውን አላናው ዋጋ ግደናባ ታማርሲና” ያጌድና።

22 አሳይ እት ባጋ ግዲደ፡ ጳውሎስን ቦላንን ሰላሳ ቦላ ደንዴዳ፤ ዳናቱካ ኢንቱንቱ ማዩዋ

ቃር አኪደ፡ ጳምኦን ኢንቱንታ ሸጫና ማላ አዛዜድና።

23 ኢንቱንቱ ዳርሰ ዋዲዳዋፕ ጉይያን፡ ቃሽ ጎልያን የጌድና። ቃሽ ጎልያ ናግያዌካ ኢንቱንታ ሞንሰ ናጋናዳን አዛዜድና።

24 ቃሽ ጎልያ ናግያዌ ሄ አዛዙዋ አኪደ፡ ጳውሎስን ሰላሳ ቃሽ ጎልያ ቆልኦ ገልሴዳ፤ ኢንቱንቱ ገድያካ ሞላና ጋሐ ዳራጸደ ቃቼዳ።

25 ሸን ቃማ ብላሄ ግድያ ሄራን ጳውሎስን ሰላሰ ጳሳ ዋሲደ፡ ማዘሙርያ የጸደ ጳሳ ጋላቲና፤ ቃሽቶ አሳይ ኢንቱንቱ ግያዋ ሰሴ።

26 ቃሽ ጎልያ ጳጳ ቃጸና ጋካናው ዋዛና አፍናን ቢታይ ዳርሰ ቃጶዳ፤ ሄ ማንእያን ፕንጊካ ኡባይ ደየት አግና፡ ቃሽቲዳ አሳ ኡባ ሳንላላታይ ብለት ዋዲዳ።

27 ቃሽ ጎልያ ናግያዌ ገምእቸዋፕ ቤጎትያ ዋደ፡ ቃሽ ጎልያ ፕንጊካ ኡባይ ደየቲዳዋ በኢደ፡ ቃሽቶ አሳይ ከሰ አኪደ ብድጌዳዋ አው ማላትና፡ ባረና ዋዳናው ቆፕደ፡ ጩብያ እኬዳ።

28 ሸን ጳውሎስ ኮሻ ቶቄ ኦላደ፡ “ኑን ኔና አያን ኦላፕ፤ አያው ጎፕ፡ ኑን ኡባይ ሀዋን ደኤቶ” ያጌዳ።

29 ቃሽ ጎልያ ናግያዌ ጳምፕያ ዋሰ አኪደ፡ ኤለካ ቆልኦ ዋዶዳ፤ ኮኮሪደ ጳውሎስ ሰንላንን ሰላሰ ሰንላን ጉፋኔዳ፤

30 ኢንቱንታ ካረ ከሲደ፡ “ታ ጎዳቶ፡ ታን አታናው አያ ኦላና በሰ?” ያጌዳ።

31 ጳውሎስን ሰላሰ አ፡ “ጎዳ የሱስ ክርስቶሳ አማና፤ ኑን አታና፤ ነ ሶይ አሳይካ” ያጌድና።

32 ኢንቱንቱ አውን አ ሶይን ደእያ ኡባው ጎዳ ቃላ ኦዳድና።

33 ቃማ ሄ ሳትያንካ ቃሽ ጎልያ ናግያዌ ኢንቱንታ አፊደ ኢንቱንቱ ማይላ ሜጩዳ፤ ሄ ማንእያን ባረ ሶይ አሳ ኡባና ጳምቀት አጌዳ።

34 ጳውሎስን ሰላሳ ፑደ ባረ ሶይ አፊደ፡ ኢንቱንቶ ቁማ አጩዳ፤ እ ባረ ሶይ አሳ ኡባና ጳሳ አማኔዳ ድራው፡ ናሽቲዳ።

35 ዋንትና ዳናቱ፡ “ሄ አሳቱዋ ብላ” ያጊደ፡ ፖልሰያ ካፓቱዋ እኮ ኪቲድና።

36 ሄዋፕ ጉየ ቃሽ ጎልያ ናግያዌ፡ “ሀንተንቱ ብለታና ማላ፡ ዳናቱ ታው ኪቲድና፤ ሰም ሀእ ከሲደ ሳርተላን ቢተ” ያጊደ ሄ ኪታ ጳውሎሳው ኦዳዳ።

37 ሸን ጳውሎስ ሄ ፖልሰያ ካፓቱዋ፡ “ኑን ሮመ ጋደ አሳ ጎድሸን፡ ኢንቱንቱ ኑና ፕርዳይ ባይናን አሳ ሰንላን ዋዲደ፡ ቃሽ ጎልያን የጌድና። ሀእ ኑና ጌማን ከሰ የዲኖ? ሀንና፤ ኢንቱንቱ ባረንቱ ሁጳው ዪደ፡ ኑና ከሰና” ያጌዳ።

38 ፖልሰያ ካፓቱ ዳናቶ ሄዋ ኦድና፡ ጳውሎስን ሰላሰ ሮመ ጋደ አሳ ግዳዳዋ ሰሴዳ ዋደ፡ ያዬድና።

39 ሄዋ ድራው፡ ዳናቱ ዪደ ኢንቱንታ፡ “ኑን ሀንተንታ ናቄደ” ጌድና። ቃሽ ጎልያፕ ካረ ኢንቱንታ ከሲደ፡ ካታማፕ ከሲደ ባና ማላ ዋሴድና።

† 16:37 ሮመ ጋደ አሳ፡ ሮመ ካውተላን ኤረቲደ ደእያ ጉላ አሳይ ሄ ጋደ አሳቱዋ ጌተቲና። ሄዋንቶካ ቃይ ሀራቱዋፕ ዳማትያ ማታይን ካጫይ ደኤ።

31 እያው ጎጥ፣ ጸላይ ዋድያ ከር ዋሌዳ፤ ህ ዋድያን ባረ ደሬዳ ኡራን ሳክን ደእያ አሳ ኡባ ቦላ ጽሎ ፕርዳ እ ፕርዳና፤ አሳ ኡባው ሀይቁዋፕ የሱሳ ደንፊዳዋን ሄዋ ቱማዬዳ” ያጌዳ።

32 ኡንቱንቱፕ እት እት አሳቱ ሀይቁዋፕ ደንዲዋባ ጳውሎሳፕ ሰሲደ፣ አ ቦላ ቅሊጩድኖ፤ ሸን ሀራ አሳቱ አ፣ “ኑን ሀዋ ኔፕ ጉጂደ ሰሳና ኮዬቶ” ጌድኖ።

33 ሄዋ ድራው፣ ጳውሎስ ኡንቱንቱ ግደፕ ከሴዳ።

34 ሸን እት እት አቱማ አሳቱ ጳውሎሳና ጋከቲደ አማኔድኖ፤ ኡንቱንቱ ግዲዋን አርዮሰፕጎሳን ደእያ ፕርዳ ጎላ ዳናይ ድዮናሰዮሰ፣ ዳማሪሶ ጌተትያ እት ሞሽራትና ሀራ አሳቱ ደእኖ።

18

ጳውሎስ ቆርንቶሳ ቤዳ

1 ሄዋፕ ጉይያን፣ ጳውሎስ አቴናፕ ከሲደ፣ ቆርንቶሳ ቤዳ።

2 ሄዋን አቁላ ግያ እት አይሁዳ ብታንያ ደሜዳ፤ አቁላይ ጳንጸሳን የለቴዳ፤ አይሁዳ አሳይ ኡባይ ሮመፕ ከሳና ማላ፣ ቃላውደዮስ አዛዜዳ ድራው፣ አማራዳ ዋድያፕ ካስ፣ እ ባረ ማቻት ጵርሰቁላና ጳልያፕ ዬዳ፤ ጳውሎስ ኡንቱንቱና ጋከታናው ቤዳ።

3 አ ኡሱን ኡንቱንቱ ኦሱ እት ማላ ዲንካንያ ሰካ ግድያ ድራው፣ ኡንቱንቱና ኡቲደ፣ እትፕ ኦሌዳ።

4 ጳውሎስ ሳሞባታ ኡባን አይሁዳቱዋና ግሪካቱዋ አማንፋናው አይሁዳ ዋሳ ጎልያን ፓሉመቴ።

5 ሰላሰን ጽሞቶስ ማቅደንያፕ ዬዳ ዋደ፣ ጳውሎስ አይሁዳቶ የሱሰ ባረ ሁጸው ክርሰቶሳ ግዴዳዋ ቃላ ኦዲዋ ቶሌዳ።

6 ሸን ኡንቱንቱ ጳውሎሳ ሃሳያ ጳልቁናን አ ቦርና፣ ጳውሎስ ባረ ማዩዋፕ ባና ቆቆፊደ፣ * “ሀንተንቱ ኢታተላይ ሀንተንታ ኦይቆ፤ ታን ሄዋን ገልከ፤ ሀዋፕ ህን ባጋን ታን አይሁዳ ግደና አሳኮ ባይ” ያጌዳ።

7 ሄዋፕ ከሲደ፣ ጳሳው ጎይንያ ዮሰጸሳ ግያ ብታንያ ሶይ ቤዳ፤ ዮሰጸሳ ጎላ አይሁዳ ዋሳ ጎልያ ማታን ደኤ።

8 አይሁዳ ዋሳ ጎላ ካፑ ቃርሰጸሰ ባረ ሶይ አሳ ኡባና ጎዳ አማኔዳ፤ ቆርንቶሳ አሳቱዋፕካ ጩራቱ ጳሳ ቃላ ሰሴዳ ዋደ፣ አማኒደ ጳማቀቴድኖ።

9-10 ጎዳይ እት ቃማ ሳጸን ጳውሎሳ፣ “ያዮፓ፤ ኦዳ፤ ጩኡ ጎፓ። ታን ኔናና ደእያ ድራው፣ ኔና ቆሀናው ኢታባን የጋና አሳይ ኦንን ባዋ፤ አያው ጎፕ፣ ታው ሀ ካታማን ጩራ አሳይ ደኤ” ያጌዳ።

11 ጳውሎስ ጳሳ ቃላ አሳ ታማርሲደ፣ እት ላይላን ኡሱቱን እገና ኡንቱንቱና ኡቴዳ።

12 ጋልዮስ አካይያ ጋድያ ሞድያ ዋደ፣ አይሁዳቱ እትፕ ጳውሎሳ ቦላ ደንዲደ፣ ፕርዳ ጎላ አ አፊደ።

13 “ሀ ብታኒ ሙሴ ሀግያ እጲደ፣ አሳይ ጳሳው ጎይናና ማላ ጭማ” ያጌድኖ።

14 ጳውሎስ ሃሳያና ሀንሸን፣ ጋልዮስ አይሁዳቱዋ፣ “አይሁዳቶ፣ ሄዋ ባላ ኡሱዋ ዋይ ኢታ ናቆ ግደፕ፣ ታን ሀንተንቱባ ዳንዲያደ ሰሳናው ቦሴ።

15 ሸን ቃላው ሱንፋውን ሀንተ ሁጸ ሀግያው ሀንተንቱ ፓሉመቶ፣ ሀንተ ሁጸው ኤርተ፤ ሀዋ ታን ፕርድከ” ያጌዳ።

16 ፕርዳ ጎልያፕ ካረው ኡንቱንታ ከሴዳ።

17 ሄዋፕ ጉይያን፣ ግሪክ አሳይ ኡባይ አይሁዳ ዋሳ ጎላ ካፑዋ ሶስተኒሳ ኦይቁደ፣ ፕርዳ ጎልያ ሰንፋን ሾጩድኖ፤ ሸን ጋልዮሳ ሄዋ አይን መትቤና።

ጳውሎስ አንጾክያ ቤዳ

18 ጳውሎስ ዳር ዋድያ ቆርንቶሳን ኡቴዳዋፕ ጉይያን፣ እሻቱዋ ሳርቲደ፣ ጵርሰቁላናን አቁላና ማርካብያን ሶርያ ቤዳ፤ ባረው ሸቆዳ ጋሱ ደእያ ድራው፣ ክንክርያ ካታማን ባረ ሁጲያ ሜደቲዳ።

19 ኡንቱንቱ ኤፈሶን ጋኬዳ ዋደ፣ ጳውሎስ ጵርሰቁሎን አቁላ ያን የግ ዬዳ፤ ሸን ባረው አይሁዳ ዋሳ ጎላ ገሊደ፣ አይሁዳቱዋና ፓሉመቴዳ።

20 ኡንቱንቱ ባረንቱና ዳር ዋድያ ኡታና ማላ ጳውሎሳ ዋሰና እ እጴዳ።

21 ሸን ኡንቱንቱፕ ሻከቲደ፣ “ጳሳይ ጎፕ፣ ላኤንሉዋ ሀንተንቱኮ ሰማና” ያጌደ ኤፈሶናፕ ማርካብያን ቤዳ።

22 ቁሳርያ ጋኬዳ ዋደ የሩሳላመ ቢደ፣ አማንያ አሳ ሳርቲዳዋፕ ጉይያን፣ አንጾክያ ዋዴዳ።

23 ያን አማራዳ ዋድያ ጋሞኢደ ቤዳ፤ ካልያዋንታ ኡባ ሞንሲደ፣ ጋላትያናን ፕርግያና አዴዳ።

አጲሎስ ኤፈሶናን ቆርንቶሳ ቤዳ

24 እሰክንድርያን የለቴዳ አይሁዳ አሳ እት አጲሎሳ ግያ ሎኦ ሃሳይያዋ ኤፈሶን ቤዳ፤ ጳሳ ማጻፋቱዋ እ ዳርሰ ኤርያ አሳ።

25 ጎዳ ኦግያካ ታማራዳ አሳ፤ ዮሃንሳ ጽንቃታ ጳሳላ ኤሬደ፣ አያናን ባረ ጋርሳን ኤጸቲደ፣ የሱሳባ ሱርሲደ ሃሳዬዳን ታማርሴዳ።

26 ያቲደ አይሁዳ ዋሳ ጎልያን ያየናን ሃሳያ ደሜዳ። ጵርሰቁላይን አቁላይ እ ኦድያዋ ሰሴዳ ዋደ፣ ባረንቱና ሶይ አ አፊደ፣ ጳሳ ኦግያ ካሰፕ ሱርሲደ፣ አው ጌሽ ኦዴድኖ።

27 አጲሎስ አካይያ ፕናና ኮይና፣ እሻቱ አ ሞንሲደ፣ አካይያን ደእያ ካልያዋንቱ አ ሞካና ማላ፣ ኡንቱንቶ ዳብዳቢያ ጳፊድኖ፤ እ ያ ጋኪደ፣ ጳሳ አዶ ከካተላን አማንያዋንታ ዳር ማዴዳ።

28 አያው ጎፕ፣ የሱሰ ባረ ሁጸው ክርሰቶሳ ግዴዳዋ አይሁዳቶ ጳሳ ማጻፋቱዋፕ ቆንጭሲደ፣ አሳ ሰንፋን ሞንሲደ ኦዴዳ።

19

ጳውሎስ ኤፈሶን ቤዳ

* 18:6 ማዩዋፕ ባና ቆቆፊደ- ሀዋ ጉሳይ ገድያፕ ባና ቆቆፍያዋና እታ። † 18:18 ሁጲያ ሜደቲዳ- ጳውሎስ ጉላ ዋድያው “ዲማታና” ገደ ጫቄዳ። ሀዋ ጉሳይ፣ ባረ ሁጲያካ ሜደተና፤ ዋይንያካ ኤሸና ጉሳ። ሸን እ ጫቄዳ ዋዲ ወርደ፣ ባረ ሁጲያ ሜደቲደ ጳሳው ያርሹዋ ያርሻናው ቦሴ ጉሳ። 18:18 ፓይ. 6:18

1 አጲሎስ ቆርንቶሳን ደእሸን፡ ጳውሎስ ቆዋ ባጋና አዲድ፡ ኤፊሶን ቤዳ፤ እት እት ካልያዋንታ ደሜዳ።

2 ጳውሎስ ኡንቱንታ፡ “ህንተንቱ አማኔዳ ዎደ ጌሻ አያና አኬድቱ?” ያጊደ ኦቼዳ።

ኡንቱንቱ፡ “ቱይት፡ አክበይኮ፤ ሀራይ አቶ፡ ጌሻ አያናይ ደእያዋካ ሰሰበይኮ” ያጊድኖ።

3 ጳውሎስ ኡንቱንታ፡ “ያትና፡ አያን ጸማቀቲድቱ?”* ያጊዳ።

ኡንቱንቱ፡ “ኑን ዮሃንሳ ጽንቃታን ጸማቀቲድ” ያጊደ ዛሬድኖ።

4 ጳውሎስ፡ “ዮሃንስ ባረጥ ጉይያን ይያ የሱስ ክርስቶሳን አሳይ አማናና ማላ፡ አሳዉ ኦዲድ፡ ናጋራጥ ሰምያ ጽንቃታን ጸማቁዳ” ያጊዳ።

5 ኡንቱንቱ ሄዋ ሰሴዳ ዎደ፡ ጎዳ የሱስ ክርስቶሳዉ ግዳናዉ ጸማቀቲድኖ።

6 ጳውሎስ ባረ ኩሽያ ኡንቱንቱ ቦላ ዎሌዳ ዎደ ጌሻ አያናይ ኡንቱንቱ ቦላን ዎድና፡ ዲማ ዲማ ቃላን ሃሳዬድኖ፤ ቃይ ትምቢትያካ ኦዴድኖ።

7 ሄዋን ታማነ ላኡ አሳቱዋ ግድያዋንቱ ደኢኖ።

8 ጳውሎስ አይሁዳ ዎሳ ጎላ ገሊደ፡ ጸሳ ካወተላባ ፓሎመቲድን አኬክሲደ፡ አሳና ሄዙ አገና ግድያዋ ኬና ያየናን ሃሳዬ።

9 ሸን ኡንቱንቱጥ እቱ እቱ ማካሊደ፡ ጮራ አሳ ሰንላን ጎዳ ኦግያ ቦሪደ አማነናን እጽና፡ ጳውሎስ ኡንቱንቱጥ ሻከት፡ ባረና ካልያዋንታ ባረናና አፌዳ፤ ጽራናሳ ግያ ትምርተ ጎልያን ኡባ ጋላስ ፓሎመቱ።

10 ጳውሎስ ላኡ ላይላ ጋካናዉ ቃላ ኦዴዳ፤ ሄዋ ድራዉ፡ ኢሰያን ደእያ አሳይ ኡባይ፡ አይሁዳቱካ አይሁዳ ግድናዋንቱካ ጎዳ ቃላ ሰሴድኖ።

ጸሳይ ጳውሎሳ ኩሽያን ኦሌዳ ኦራላባ

11 ጸሳይ ጳውሎሳ ባጋና ዲማ ማላታ ኦሌዳ።

12 ሄዋ ድራዉ፡ አሳይ አ ቦላይ ቦቼዳ ማራብያ ዎይ ማዩዋ ሀርጋንቻቶ አፌ፤ ሀርጋንቻቱካ ፓሊኖ፤ ኢታ አያናቱካ ኡንቱንቱጥ ከሲኖ።

13 ኢታ አያናቱዋ ከሲደ ዩይያ አይሁዳቱዋጥ እቱ እቱ፡ “ጳውሎስ ቃላ ኦድያ የሱሳ ሱንላን ኑን ህንተንታ ከሰተ ጊደ አዛዜቶ” ያጊደ፡ ኢታ አያናቱ ደእያ አሳቱዋ ቦላን ጎዳ የሱሳ ሱንላ ጸሰ በኤድኖ።

14 ቁሳቱዋ ካቸዋ አሰቁዋ ግያ እት አይሁዳ ብታንያዉ ሄዋ ኦሌዳ ላቸ ናናይ ደኢኖ።

15 ኢታ አያናይ ኡንቱንቶ ዛሬደ፡ “ታን የሱሳ ኤራይ፤ ጳውሎሳካ ኤራይ። ሸን ህንተንቱ ኦኔ?” ያጊዳ።

16 ኢታ አያናይ ደእያ ብታኒ ኡንቱንቱ ቦላ ጉጥ ዎድና፡ ኡንቱንቱ ማሱንዲደ፡ ሄ ጎልያጥ ካሎ ዎጻና ጋካናዉ፡ ዎልቃሚደ ጸኔዳ።

17 ኤፊሶንን ደእያ አይሁዳቱን አይሁዳ ግድናዋንቱ ኡባይ ሄዋ ሰሲደ ኡባይ ዳር ያዬድኖ፤ ጎዳ የሱሳ ሱንላይካ ዳር ቦንቼቲዳ።

18 አማንያዋንቱጥ ጮራ አሳቱ ባረንቱ ኦሌዳዋ ፓሊድን ቆንጭያን ኦዲደ ዩና።

19 ብትያዋንቱጥ ጮራቱ ባረንቱ ማጻፋቱዋ ሸሺደ፡ አሳ ኡባ ሰንላን ጉዴድኖ፤ ሄ ማጻፋቱዋ ጋትያ ሄትያ ዎደ፡ እሻታሙ ሻአ ብራ ሳንትምያ ግዴዳ።

20 ሄዋ ማላ ዎልቃማ ኦግያን ጸሳ ቃላይ ድጩን አኬ።

ኤፊሶን ካታማን ዋላሳይ ደንዴዳ

21 ሄዋ ፖለቲዳዋጥ ጉይያን ጳውሎስ፡ “ታን የሩሳላመ ባደ ርመካ ቃይ በአናዉ በሴ”† ያጊደ፡ ማቅደንያናን አካይያና ኦዲደ፡ የሩሳላመ ባናዉ ቆፋ ቃቼዳ።

22 ቃይ ባረና ማድያዋንቱጥ ላአቱዋ ጽዋቶሳን ኤራስጸሳ ማቅደንያ ኪቲደ፡ ባረዉ ኢሰያን አማራዳ ዎድያ ጋምኤዳ።

23 ጎዳ ኦግያ ድራዉ፡ ሄ ዎደ ዳር ዋላሳይ ከሴዳ።

24 አያዉ ጎጥ፡ ጸጋራ ብራ ሙሽሲደ ትግ መድያ ድመጽሮሳ ግያ እት ብታኒ አርጸሚሰ ጌሻ ጎልያ ምስልያ ብራጥ ትግ ትጊደ፡ ኦሳንቻቶ ዳር ዎድያ ደሜ።

25 ሄዋንታን ኡንቱንቱዋ ማላ ኦሱዋ ኦልያዋንታ እትጥ ሸሺደ፡ ሀዋዳን ያጊዳ፤ “አሳዉ፡ ኑ ዲረተላይ ሀ ኦሱዋና ግድያዋ ህንተ ኤሪታ።

26 ሄዋ ጳውሎስ፡ “አሳ ኩሺ መጴዳዋንቱ ጸሳቱዋ ግድክኖ” ያጊደ፡ ኤፊሶን ጸላላን ግድናን አማራዳ ጋዳቱዋጥ አትን፡ ኢሰያን ኡባን ጮራ አሳዉ ኦድ አማንጮዳዋ ህንተንቱ በኤድታን ሰሴድታ።

27 ሎኤናባይ፡ ኑ ኦሱ ካታናዋ ጸላላ ግድና፤ ሸን ኢሰያን ደእያ ኡባቱን ሳኦ ኡባን ደእያዋንቱ ጎይንያ ዎልቃማ ጸሳቶ ጌተትያ አርጸሚሰ ጌሻ ጎሊ ቦንቼተናን አታናዋን፡ እዝ ዳርተላይ ኩንዳናዋ” ያጊዳ።

28 አሳይ ሄዋ ሰሴዳ ዎደ ሎይሳ ህንቀቲደ “ኤፊሶን አርጸሚሳ ዎልቃማ” ያጊደ ጫቦቲድኖ።

29 ካታማ ኡባን ዋላሳይ ደንዴዳ፤ ጳውሎሳና ሀመትያ ማቅደንያ አሳቱዋ ጋዮሳን አርሰጽሮኮሳ ባረንቱና ኦይቂ አኪደ፡ እትጥ ካሳ ሳኦ ዎጼድኖ።

30 ጳውሎስካ አሳይ ሸቂዳሳ ገላናዉ ኮዬዳ። ሸን ካልያዋንቱ አ ድጌድኖ።

31 ኢሰያ ጋድያ ካፓቱዋጥ ጳውሎሳ ላገላቱዋጥ እቱ እቱ ጳውሎሳዉ ኪቲደ፡ ካሳ ሳኦን ቆንጭያ ከሲደ እ ቤተና ማላ፡ አ ዎሴድኖ።

32 ሸቂዋን ዋላሳይ ደንድና፡ ዳርያ ባጋ አሳይ ሀራይ አቶ አያዉ ሸቂደንቶ ኤረና ድራዉ፡ እቱ እትባዉ ዋላቀትያ ዎደ፡ የኩ ቃይ ሀራባዉ ዋላቀቲ።

33 አይሁዳቱ እሰክንድራ አላ በሰና፡ እት እት አሳይ አ ሃሳያና ማላ፡ አሳ ግድጥ ሰንላዉ አ ኦሌዳ፤ አሳይ ጮኡ ጋና ማላ፡ አ ባረ ኩሽያን ጸርሰ በሲደ፡ አሳዉ ሞተታናዉ ኮዬዳ።

34 ሸን እሰክንድረ አይሁዳ አሳ ግዴዳዋ አሳይ ኤራዳ ዎደ፡ ላኡ ሳተ ግድያዋ ኬና ኡባይ

* 19:3 አያን ጸማቀቲድቱ? ሀዋ ጉሳይ ኦ ሱንላን ጸማቀቲድቱ፡ ጉሳ። † 19:21 ጳውሎስ ሀዋ አያና ጌሻን ካለሰቲደ ሃሳዬዳዋ።

እት ቃላን፡ “ኤፊሶስ ኦርጸሚሳ ዋልቃማ” ያጊደ ጫቦቴድኖ።

35 ካታማዉ ጸፊ ግዴዳዌ አሳ ጮኡ አሊደ፡ ሀዋዲን ያጌዳ፤ “ኤፊሶስ አሳዉ፡ ኤፊሶስ ካታማይ ዋልቃማ ኦርጸሚሶስ ሳሉዋጥ ዋጼዳ ኤቃ ሹቻዉ ኤቃ ጎልያ ናግያዋ ግዴዳዋ ኤረና አሳይ ኦኔ?”

36 ሀዋ ካድያ አሳይ ባይና ድራዉ፡ ህንተንቱ ዋፑ ጋናዉን ድርበናን አጋናዉ በሴ።

37 አያዉ ጎጥ፡ ሀዋንቱ ጌሻ ጎልያ ሚሻ ወእቤናዋንታ ኑ ጸሳቱዋካ ቦርቤናዋንታ እሄድታ።

38 ሄዋ ድራዉ፡ ድመጽሮስን እናና ደእያ አሳንቻቱ አሳ ሞታናዉ ኮዮጥ፡ ፕርዳ ጎሊ ደያ ደኤ፤ ቃይ ጋድያ ሞድያዋንቱካ ደእኖ፤ ኡንቱንቱ ባረንቱ ግድን ሞተቲኖ።

39 ሸን ህንተ ሀራ የወዋ ኮዮጥ፡ ሀግያ ሺቁዋን የወዋ ቃቻና።

40 አያዉ ጎጥ፡ ሀቼ ሀኔዳዋ ሻቢረላ ጊደ፡ ሮመ ጋድያ አሳቱ ኑና ሞታና፤ ሀ ሺቆካ ጋሱ ባይና ድራዉ፡ ኑን ጋሱዋ ኑዳናዉ ዳንዳዮኮ”

41 ያጊደ ሺቁዋ ላሌዳ።

20

ጳውሎስ ማቅደንያን ግሪክ ቤዳ

1 ዋላሳይ እርጵዳዋጥ ጉይያን፡ ጳውሎስ ካልያዋንታ አሀሲደ ዘሬዳ፤ ኡንቱንታ፡ “ሳሩዋን ደእተ” ጊደ፡ ማቅደንያ ባናዉ ከሴዳ።

2 ሄ ጋድያና እጁደ፡ ቃላ ኦዲደ፡ አሳ ሎይላ ሞንሴዳዋጥ ጉይያን፡ ግሪክ ጋይ ዬዳ።

3 እ ሄዋን ሄዙ አገና ኡቲደ፡ ማርካብያን ሶርያ ባናዉ ቆጥሸን፡ አይሁዳቱ ባረና ዋጳናዉ ኮይያዋ በኢደ፡ ማቅደንያና ጉዮ ሰማናዉ ባረ ቆፋ ቃቼዳ።

4 ጳውሎስ ሞይዜዳዋንቱ፡ ቤርያጥ ጳርሃሳ ናኦ ሶሲጳጽሮሳ፡ ተሰሎንቀጥ አርሰጽሮኮሳ ሰኮንድሳ፡ ደርበጥ ጋዮሳን ኢሰያጥ ትክቆሳን ጽርፍዋሳ፡ ቃይ ጽሞቶሳ።

5 ሄዋንቱ ሰንፋዉ ቢደ፡ ኑና ጽሮኦዳን ናጊኖ።

6 ኑን ኡክላ ባላ ጋላሳ ቦንቸዋጥ ጉይያን፡ ፕልጽሰዮሳ ግያ ጋድያጥ ማርካብያን ደንዲደ፡ እቼሹ ጋላሳን ጽሮኦዳን ኡንቱንታ ጋኪደ፡ ያን ላቸ ጋላሳ ኡቲደ።

ጳውሎስ ጽሮኦዳ ቤዳ

7 ኑን ዋጋ ጋላስ * ኡክላ መንፋናዉ ሺቅ ደእሸን፡ ጳውሎስ ዋንትና ባናዉ ቆጥዳ ድራዉ፡ ኡንቱንቶ ቃላ ኦዲደ፡ ቃማ ብላሂ ጋካናዉ የወዋ እዲሴዳ።

8 ኑን ሺቅ ኡቲዳ ፖቅያን ጮራ ጸምጥ ደኤ።

9 ኤወጽኮሳ ግያ እት ዋዳላይ ማሰኮትያ ቦላ ኡቲደ፡ ዳርሰ ገምእሼዳ። ጳውሎስ ሃሳያ አዲሴዳ ዋደ፡ ኤወጽኮሰ ገምእሹዋን ሀይሬዳዌ ሄዘንልያ ፖቅያጥ ሳኦን ኩንዲደ ሀይቄዳዋ አሳይ ደንሴዳ።

10 ሸን ጳውሎስ ዋጲደ፡ አ ቦላ ጉፋኔዳ። አ እድሚደ፡ “አ ሸምፑ ከሰቤና ድራዉ ሀርጎጥተ” ያጌዳ።

11 ያቲደ ፑደ ፖቅያ ከሲደ፡ ኡክላ መንሴደ ማዳ፤ ሳኦይ ዋንታና ጋካናዉ፡ ዳር ዋድያ ሃሳዬዳዋጥ ጉይያን ቤዳ።

12 ዋዳላይ ፓጽና፡ ሶይ አፊደ፡ ዳርሰ ናሸቴድኖ።

ጳውሎስ ጽሮኦዳጥ ሞሊጸ ቤዳ

13 ሸን ጳውሎስ ባረና ያጥ ኑን ሞካና ማላ፡ ኑዉ ኦዴዳ ድራዉ፡ ካሰቲደ ማርካብያኮ ቢደ፡ አሰሳ ባናዉ ደንዴደ፤ እያዉ ጎጥ፡ ገድያን ባናዉ እ ቆጥዳ ድራዉ ኑና ሄዋዳን እዛዜዳ።

14 እ ኑናና አሰሳን ጋከትና፡ ማርካብያን አ አኪደ ሞጽሊን ዬደ።

15 ዋንተላ ጋላስ ያጥ ማርካብያን ደንዲደ፡ ክዮሳ ሄራ ጋኬደ፤ ቃይ ዋንተላ ጋላስ ሳሞሳ ፕኔደ፤ ትሮግልዮመን አቂደ፡ ዋንትና ሞሊጸ ዬደ።

16 አያዉ ጎጥ፡ ጳውሎስ ኢሰያን ዳሪ ጋምኤናን ኤፊሶስ ላንቂያና አጳናዉ ባረ ቆፋ ቃቼዳ፤ ባረዉ ዳንዳዮቶጥ፡ ጳንጸቆስተ ጌተትያ ጋላስ የሩሳላመ ጋካናዉ ኤሌሌ።

ጳውሎስ ኤፊሶስ ጭማቶ ወርሰላ ሃሳያ ሃሳዬዳ

17 ጳውሎስ ሞሊጸጥ ኤፊሶስ ከቲደ፡ አማንያ አሳ ካለልያዋንታ ጸግሴዳ።

18-19 ዋሳ ጎሊ ጭማቱ ጳውሎስኮ ዬና፡ ኡንቱንታ እ ሀዋዳን ያጌዳ፤ “ታን ኢሰያ ገሌዳ ኮይሮ ጋላሳጥ ደምና፡ ካወሻተላንን ዳር አፎላን ጎዳዉ ኦላደ፡ አይሁዳቱዋ ሺቁዋጥ ታና ጋኬዳ ፓጮ ግዴዳ ዋድያ ኡባን ህንተንቱና ዋናደ ደእድታንቶ ህንተንቱ ኤሪታ።

20-21 ናጋራጥ ጸሳኮ ሰምያዋን ኑ ጎዳ የሱስ ክርሰቶሳ አማንያዋ አይሁዳቶን አይሁዳ ግደናዋንቶ ማርካታደ፡ ሺቁዋንካ ህንተንቱ ጎለን ጎለንካ ህንተንቶ ኦዲደ ታማርሴዳዋጥ አትን፡ ህንተንታ ጎእያባጥ አትባን ፓጭሳ በይከ።

22 “በእተ፤ ሀእካ ታን ጌሻ አያናዉ እዛዘታደ፡ የሩሳላመባይ፤ ያን ታዉ አዬ ከሳንቶን ኤርከ።

23 ጌሻ አያናይ ቃሹን ዋዬ ታና ናግያዋ ካታማ ኡባን ታዉ ኦዴ።

24 ሸን ታ ዋላ ፖላናዉን ጎዳ የሱስ ክርሰቶሳጥ ታን እኬዳ ኡሱዋ ጸሳ አጼ ኬካተላ ዋንጋላ ሞሽራቹዋ ማርካትያዋ ፖላናዉ፡ ታ ሸምፑዋ ማደናዋዳን ፓይዳይ።

25 “በእተ፤ ታን ሀእካ ጸሳ ካወተላባ ኦዲደ፡ ህንተንቱ ኡባ ግድን ዩያድ፤ ሰም ሀዋጥ ሰንፋዉ ህንተንቱጥ ኦንን ታና በኤናዋ ኤራይ።

26 ሄዋ ድራዉ፡ ህንተንቱጥ እት ኡራይ ባዮጥካ ታን ሄዋን ገለናዋ ሀቼ ህንተንቶ ጌሻደ ኦዲይ።

27 አያዉ ጎጥ፡ ጸሳይ ኦላናዉ ቆጥዳዋ ኡባ ህንተንቶ አይን አሸናን ኦዲደ።

28 “የሱስ ባረ ሱላን ዋዜዳ ጸሳ አማንያዋንታ ናግተ፤ ቃይ ጌሻ አያናይ ህንተንታ ካፓቱዋ ኦሊደ ሱንሴዳ ዉድያ ኡባን ህንተንቱ ሁጲያ ናግተ።

29-30 ታን ቤዳዋጥ ጉይያን፡ ዉድያዉ ቃረተና ኢታ ዋራካናቱ ህንተንቱ ግደ ገለናዋንታ፤

* 20:7 ዋጋ ጋላስ፡ ግሪክያ ማጻፋን፡ ሳሞባታቱዋጥ እቱዋን ያጌ።

ካልያዎንታ ባረንቱ ጌዲዎ ካለፋናው ዋርዲዎ ሃሳይያ አሳቱ ህንተንቱ ግደጥ ደንዳናዎ ኤራይ።

31 ሄዎ ድራው፡ ታን ሄዙ ላይሳ ቃማን ጋላሳ አፎላን ህንተንታ ሁጲያን ሁጲያን ምንሰያዎ አጋቤናዎ ቆፒደ ገንጭተ።

32 “ሀእካ ህንተንታ ምንሳናውን ጌሻ አሳ ኡባ ግደን ላትሳናው ዳንዳይያ ጸሳውን አ አቶ ከባተላ ቃላው ህንተንታ ሀዳራ አማይ።

33 “ታን ኦፐን ብራ ዋይ ዋርቃ ዋይ ማዩዎ አዎታበይከ፤

34 ታን ሀ ታ ኩሽያን ታናን ታናና እትጥ ደእያዎንታ ኮሽዳዎ ኦሌዳዎ ህንተንቱ ህንተንቱ ሁጲው ኤሪታ።

35 ህንተንቱ ሀዋዳን ዳቡር ኦሊደ፡ ዳቡራንቻቸዎ ማዳናውን ጎዳ የሱሰ ባረ ሁጲው፡ ላክያዎጥ አምያዎ እንጀቱዳዎ ጌዳዎዳን፡ አ ቃላ ህንተንቱ ዋዛና አላናው በሰያዎ ታን ጮራ ኦግያን ህንተንታ በሳድ” ያጌዳ።

36 ጳውሎስ ሄዎ ሃሳይ ወርሲደ፡ ኡንቱንቱ ኡባና እትጥ ጉልባቲደ፡ ጸሳ ዋሴዳ።

37 ኡንቱንቱ ኡባይ ጳውሎስ እድሚደ፡ ዩኪደ የሬድኖ።

38 ኡባጥ እ፡ “ታና ላኤንሱዎ ኡባካ በእክታ” ያጌዳ ቃላይ ኡንቱንታ ዳር ቃረሐና ማርካብያ ጋካናው አ ሞይዜድኖ።

21

ጳውሎስ የሩሳላም ቤዳ

1 ኩን ኤፈሶን ጭማቸዎጥ ሻከቲደ፡ ቆሳ ጌተትያ ሃላን ደደቶ ሳኦ ዩ አጌደ፤ ምንትሳ ጋላስ ሮዳ ጋኬደ፤ ሄዎጥ ጳጵራ ቤደ።

2 ፕንቆ ፕንያ ማርካብያ ደሚደ፡ አን ገሊደ ባናው ደንዳይ።

3 ኩን ቆጲሮሳጥ በአናው ዳንዳይያሳ ዩደ፡ አዋይ ከሰያሳ ቤልያ ዋደ ቆጲሮሳ ሀድርሳ ባጋ የጊደ፡ ሶርያ ቤደ፤ ሄዎጥ ጉይያን ጲሮሳ ጋኬደ፤ እያው ጎፐ፡ ማርካብ ባረ ጫና ጲሮሳን ዋሌ።

4 ያን ካልያዎንታ ደሚደ፡ ኡንቱንቱና ላፑ ጋላሳ ኡቱደ፤ ጳውሎስ የሩሳላም ቤና ማላ፡ ኡንቱንቱ አው አያናን ኦዴድኖ።

5 ኩን ኡንቱንቱና ኡትያ ዋዲ ወርና፡ ከሲደ ቤደ፤ ኡንቱንቱ ኡባቱ ባረንቱ ማጫዎንቱናን ባረንቱ ናናና እትጥ ካታማጥ ካረው ከሳና ጋካናው፡ ኩና ሞይዜድኖ፤ ኩን አባ ደናን ጉልባቲደ፡ ጸሳ ዋሴዳ።

6 ሄዎጥ ጉይያን፡ እቱ እቱዎ ሳሮቲደ፡ ማርካብያን ገሌደ፤ ኡንቱንቱ ባረንቱ ሶይ ሰሚድኖ።

7 ኩን አባ ኦግያ ወርሲደ፡ ጲሮሳጥ ጳጳላማይሰ ጋኬደ፤ እሻቸዎ ሳሮቲደ፡ ኡንቱንቱ ማታን እት ጋላሳ ፔሼደ።

8 ምንትሳ ጋላስ ከሲደ፡ ቁሳርያ ቤደ፤ ምንጋላ ሞሽራቸዎ ኦድያ ፕልጳሳ ሶይ ጋኪደ፡ አ ማታን ኡቱደ፤ የሩሳላምን ደረቲዳ ላፑናቸዎጥ እ እቱዎ።

9 ፕልጳሳው ናባቸዎ ግዴዳ ኦይዱ ዋደር ማጫ ናናቱ ደኢኖ።

10 ኩን ኡንደኔዳ ጋላሳ ኡቱዳ ዋደ፡ ናብያ አጋቦሳ ግያ ብታኒ ይሁዳጥ ቁሳርያ ዩዳ።

11 ኩን ዩደ፡ ጳውሎስ ሳቂያ አኪደ ባረ ኩሽያን ባረ ገድያ ቃቸደ፡ “ጌሻ አያናይ ግያዌ ሀዋ፤ ሀ ሳቂያ ጎዳ የሩሳላምን አይሁዳቱ ሀዋዳን ቃቸደ፡ አይሁዳ ግደና አሳቶ አሊደ እማና” ያጌዳ።

12 ኩን ሄዎ ሰሴዳ ዋደ፡ ኩንን ያን ደእያ አሳቱ ጳውሎስ የሩሳላም ቤና ማላ ዋሴደ።

13 ሸን ጳውሎስ ዛሪደ፡ “ህንተንቱ ዩኪደን ታ ዋዛና ቃረትሲደ ዋኒቱ? ታን ጎዳ የሱሳ ሱንሳ ድራው ቃሸታናዎ ጸላላ ግደናን፡ ሀራይ አቶ የሩሳላምን ሀይቃናውካ ገጋ ኡታድ” ያጌዳ።

14 ዘርያ እ አከናን እጽና፡ “ጎዳይ ጌዳዌ ሀኖ” ያጊደ ጮኡ ጌደ።

15 ያን አማራዳ ዋድያ ጋምኤዳዎጥ ጉይያን፡ ገገቲደ የሩሳላም ባናው ከሴዳ።

16 ቁሳርያን ደእያ ካልያዎንቱጥ አማራዳዎንቱ ቃይ ኩናና ቤድኖ፤ ኡንቱንቱ ኩን አቃናሳ ምናሶና ግያ ቆጲሮሳ ብታንያ ሶይ ኩና አፊድኖ፤ ምናሶን ዳር ዋድያጥ ደሚደ ካልያዎ።

ጳውሎስ የሩሳላምን ያቆባ ኦቼዳ

17 ኩን የሩሳላም ጋኬዳ ዋደ፡ እሻቱ ኩና ናሸቻን ሞኬድኖ።

18 ምንትሳ ጋላስ፡ ጳውሎስን ኩን ያቆባና ጋከታናው ቤደ። ዋሳ ጎለ ጭማቱ ኡባቱካ ደኢኖ።

19 ጳውሎስ ኡንቱንታ ሳሮቲዳዎጥ ጉይያን፡ አይሁዳ ግደና አሳ ግደን ባረ ባጋና ጸሳይ ኡሌዳዎ ኡንቱንቶ ወርሲደ ኦዴዳ።

20 ኡንቱንቱ ሄዎ ሰሴዳ ዋደ ጸሳ ጋላቲደ፡ ጳውሎስ ሀዋዳን ያጌድኖ፤ “ኩ እሻው፡ አይሁዳቱዎ ግደን ጸሳ አማኔዳዎንቱጥ አፑን ሻእይ ደኢኖንቶ በኣሳ፤ ኡንቱንቱ ኡባይ ሀግያ ምንሰ ናጊኖ።

21 የሩሳላም አይሁዳቱ፡ አይሁዳ ግደናዎንቱ ጋድያን ደእያ አይሁዳ ኡባቱ ባረንቱ ናና ቃጸረና ማላ፡ ዋይ አይሁዳቱ ኦልያዎ ካለና ማላ፡ ሙሴ ሀግያካ ባይዛና ማላ ኔን ታማርሰያዎ ሰሴድኖ።

22 ያትና፡ አዬ ሎኡ? ኔን ዩዳዎ ጮራቱ ሰሰያ ድራው፡ ሸቀናን አግክኖ።

23 “ሄዎ ድራው፡ ሀዋ ኩን ነው ኦድያዎ ኦላ፤ እትጥ ሸቆ ደእያ ኦይዱ አሳቱ ኩ ማታን ደኢኖ።

24 ኡንቱንታ አካደ ኡንቱንቱና ጌያ፤ ቃይ ኡንቱንቱ ባረንቱ ሁጲያ ማደታና ማላ፡ ኡንቱንቶ ሚሻ እማ፤ ኡንቱንቱ ኡባይ ነዎ ሲሴዳዌ ቱማ ግደናዎን ኔን ነ ሁጲውካ ቃይ ሙሴ ሀግያ ናጋደ ማራን ደእያዎ ኤራና።

25 “ሸን አማኔዳ አይሁዳ ግደና አሳቱዎ ግደፐ፡ ኡንቱንቱ ኤቃው ያርሼዳዎ ማና ማላን ሱላ ኡሸና ማላ፡ ባኩቱዳ ሙሀያ አሹዎ ማና ማላን ዋሹመና ማላ፡ ኩን የወዎ ቃቸደ፡ ኡንቱንቶ ዳብዳቢያ ጳፊደ” ያጌድኖ።

26 ሄዎጥ ጉይያን፡ ጳውሎስ ምንትሳ ጋላስ አሳቱዎ አኪደ፡ ኡንቱንቱና ጌዬዳ፤ እ ባረንታ ጌሹሳ አውደ ፖልንቶ ኤርሳናውን ቃይ ያርሹዎ

ሁጲያን ሁጲያን አዉደ እማነንቶ ኤርሳናዉ ጌሻ ጎልያ ገሌዳ።

ጳውሎስ ጌሻ ጎልያን ኦይቀቲዳ

27-28 ላፑ ጋላሳይ ዉራና ሀኖደ፣ ኢሰያፕ ዬዳ አይሁዳቱ ጌሻ ጎልያን ጳውሎሳ በኢደ፣ አሳ ኡባ ሀንቀሊደ፣ “እስራኤልያ አሳዉ፣ ኑና ማድተ፤ እስራኤልያ አሳ፣ ሙሴ ህግያን ሀ ጌሻ ጎልያ እጲደ፣ ኡባ ሳን አሳ ኡባ ታማርሰያዌ ሀ ብታንያ፤ ጉጂደ ቃይ ግሪከ አሳካ ጌሻ ጎልያ ገልሲደ፣ ሀ ጌሻ ሳኦ ቱንሴዳ” ያግ ዋሲደ፣ ጳውሎሳ ኦይቀድኖ።

29 ኡንቱንቱ ካሰ ኤፈሶንን ደእያ ጽርፍሞሳ ጳውሎሳና ካታማን በኤዳ ድራዉ፣ ጌሻ ጎልያ ጳውሎስ ኦ ገልሴዳዋ ኡንቱንቱ ማላቲዳ።

30 ካታማ ኡባይ ሻቢረቲዳ፤ አሳይ ኡባይ ሸቂደ ጳውሎሳ ኦይቀደ፣ ጌሻ ጎልያፕ ካረዉ ጎቶ ከሴዳ፤ ሄ ማንእያን ጌሻ ጎልያ ፐንገቱ ቃሽት እኤድኖ።

31 አሳይ ጳውሎሳ ዋቆና ሀንሸን፣ “የሩሳላመ ካታማይ ሙላካ ሻቢረት ድጌዳ” ግያ ሃሳያይ ሮመ ጋድያ ኦላ ካፖ ጋኬዳ።

32 ሄ ኦላ ካፑ ዋታዳራቲዋን ጴታቲዋ ካፓቲዋ እትፕ አኪደ፣ ዋጲደ አሳ ቦላ ከሰ ዋጴዳ፤ አሳይ ኦላ ካፑዋን ዋታዳራቲዋ በኤዳ ዋደ፣ ጳውሎሳ ሸጭያዋ ባሽ አኤዳ።

33 ሄ ዋደ፣ ሄ ኦላ ካፑ ሸቅ፣ ጳውሎሳ ኦይቀደ፣ ላኡ ሳንሳላታን ቃሽታና ማላ አዛዚደ፣ እ ኦንቶን ቃይ እያ ኦሌደንቶን አሳ ኦቼዳ።

34 አሳፕ ባጋይ እትባዉ ዋሰያ ዋደ፣ ባጋይ ሀራባዉ ዋሴ፤ ዋሱ ጮራዳ ድራዉ፣ ኦላ ካፖ ቲሙዋ ኤራናዉ ዳንዳየተናን እጽና፣ ዋታዳራቲ ጳውሎሳ ባረንቱ ደኢያሳ አፋና ማላ፣ ኡንቱንታ አዛዜዳ።

35 የጲደ ከሰያ ደላ ጳውሎስ ጋኬዳ ዋደ፣ አሳ ሱገላ ድራዉ፣ ዋታዳራቲ ኦ ቶኬድኖ።

36 እያዉ ጎፕ፣ ጮራ አሳይ፣ “እ ዋቆ!” ያገድን ዋሲደ ካሌ።

ጳውሎስ ሞቶ ዛሩዋ እማዳ

37 ዋታዳራቲ ጳውሎሳ ባረንቱ ደኢያሳ አፋና ሀንሸን ጳውሎስ ኦላ ካፑዋ፣ “ታን ነዉ እትባ ኦደ?” ያጌዳ።

ሄ ኦላ ካፑ ጳውሎሳ፣ “ኔን ግሪከ ቃላ ኤራይ?”

38 ኔን ሀዋፕ ካሰ ዋደ፣ ዋላሳ ከሳደ ሸምፑዋ ዋጴዳዋንቲ ኦይዱ ሻእ አሳቲዋ አሳይ ባይና መላ ሳኦ ካለጴዳ ግብጹ ብታንያ ግድኪ?” ያጌዳ።

39 ሸን ጳውሎስ፣ “ታን አይሁዳ አሳ፤ ቃይ ክልቂያን ደእያ ጸርሴስን የለቲዳ ሁጲ ካታማን ደእያ አሳ። ሀያና ታና አሳዉ ሃሳይሳርኪ?” ያጌዳ።

40 ኦላ ካፑ ኦ፣ “ሃሳያ” ያግና፣ ጳውሎስ የጲደ ከሰያ ደላን ኤቂደ፣ አሳይ ጮኡ ጋና ማላ፣ ባረ ኩሸያን አሳኩ ጸርሴዳ። አሳይ ጮኡ ጊና፣ እብራይስጳ ቃላን ሃሳዪደ፣ ሀዋዳን ያጌዳ።

22

1 “ታናዳን አማንያዋንቶ፣ ታ አዋቶ፣ ታን ሀእ ሀንተንቶ ኦድያ የዉዋ ሰሰተ!”

2 ጳውሎስ ኡንቱንቶ እብራይስጳ ቃላን ሃሳይያዋ ሰሲደ፣ ካሰፕ ሎይሳ ጮኡ ጊና እ ሀዋዳን ያጌዳ።

3 “ታን ክልቂያን ደእያ ጸርሴስን የለታደ፣ ሀ ካታማን ጋማልያል ታና ታማርሰና ድጫደ፣ ኑ አዋቲዋ ህግያካ ሞንሳ ታማራደ፣ ሀቼ ሀንተ ኡባይ ሀንያዋዳንካ፣ ታን ጸሳ የዋ ሴለትያ አይሁዳ አሳ።

4 ታን ማጫ አሳን አቲማ አሳ ኦይቃ ኦይቃደ ቃሽ ጎላን የጌዳ አሳን፣ ሀ ኦግያ ካልያ አሳ ዋጵዳን ጋካናዉ መቶጴዳ አሳ።

5 ሀዋዳንካ፣ ቃይ፣ ቁሳቲዋ ኡባቲዋ ካፑን ጭማ ኡባ ሸቅ ታዋ ማርካታናዉ ዳንዳዬ፤ ታን ዳማሰቆን ደእያ ኡንቱንቱ እሻቲዋ አይሁዳቶ፣ ኡንቱንቲ ዳብዳቢያ አካደ፣ ሄዋን ደእያ አሳቲ ቆሄቲደ ሙረታናዳን፣ የሩሳላመ ኡንቱንታ አሀናዉ ያ ባድ።

ጳውሎስ ክርሰቶሳኮ ሰማዳ ባረ ሰማባ ኦዴዳ (9:1-19፤ 26:12-18)

6 “ታን ባደ ዳማሰቆ ማቲዳ ዋደ፣ ሴታ ጋላሳ ግድሸን፣ ቆፕናን ሳሉዋፕ ዋልቃማ ፖኡ ታ ማታን ዩይ አጲደ ፖኤዳ።

7 ታን ሳኦን ኩንዳ ኡታደ፣ ‘ሳኦላ፣ ሳኦላ፣ ታና አያዉ የደርሳይ?’ ግያ ቃላ ሰሳድ።

8 “ታን ዛራደ፣ ‘ታ ጎዳዉ፣ ኔን ኦኔ?’ ያጋድ። “ሄዋፕ ጉየ፣ ‘ታን ኔን የደርሰያ ናዝሬትያ የሱሳ’ ያጌዳ።

9 ታናና እትፕ ደእያዋንቲ ፖኡዋ በኢደ ያዬድኖ፤ ሸን ታዉ ሃሳይያዋ ቃላ ሰሰበይክኖ።

10 “ ‘ታ ጎዳዉ፣ ታን እያ ኦሉ?’ ያጋድ። “ጎዳይ ታና፣ ‘ደንዳይ ዳማሰቆ ባ፣ ኔን ኦላናዉ ጸሳይ ቆፕዳ ኡባባይ ነዉ ያን ኦደታናዋ’ ያጌዳ።

11 ሄ ዋልቃማ ፖኡዋ ድራዉ፣ ታ አይፊ ቆቅና፣ ታናና ደእያ አሳቲ ታ ኩሸያ ኦይቀደ፣ ታና ጎቶና፣ ዳማሰቆ ጋካድ።

12 “ዳማሰቆን ደእያ አይሁዳ ኡባይ ሎይሳ ቦንቶያ እት ሀናንያ ግያ ብታኒ፣ ኑ ሀግያዉ አዛዘቲደ፣ ጸሳዉ እመቲዳ አሳ።

13 ሀናኒ ታኮ ዪደ፣ ታ ማታን ኤቂደ ታና፣ ‘ታ እሻዉ ሳኦላ፣ ጴላ’ ያጌዳ። ታን ሄ ዋደ ሄ ማንእያን እኮ ጴላ አጋድ።

14 “እ ታና ሀዋዳን ያጌዳ፤ ሉ አዋቲዋ ጸሳይ ኔን ኦ ቆፋ ኤራናዉ፣ እ ጽሎ ናኦ በአናዉን እ ደናፕካ ሃሳያ ሰሳናዉ ኔና ካሰና ደሬዳ።

15 እያዉ ጎፕ፣ ኔን በኤዳባን ሰሴዳባ አሳ ኡባ ሰንሳን እዉ ማርካታናሳ።

16 ሀእካ እያዉ ጋምእይ? ደንዳይ ዳማቀታ፤ ኦ ሱንሳ ጴሳደ፣ ነ ናጋራፕካ ሜጨታ’ ያጌዳ።

17 “ታን ጉየ የሩሳላመ ሰማደ ጌሻ ጎልያን ዋሰሸን፣ ታ አያናን ግዳድ።

18 ጎዳይ ታና፣ ‘ኤሌላደ፣ የሩሳላመ ከሳ እያዉ ጎፕ፣ ኔን ታዉ ሀዋን ማርካትያዋ አሳይ አከና’ ያግሸን ታን ኦ በኦድ።

19 “ታን፡ ታ ጎዳወ፡ አይሁዳ ዋሳ ጎልያ ኡባን ኔና አማንያዋንታ ኦይቃደ ዋዴዳዋን ቃሽ ጎልያን የጌዳዋ ኡንቱንቱ ኤሪኖ።

20 ኡንቱንቱ ነ ማርካ እስጵፋኖሳ ዋድያ ዋደ፡ ታን ሄ የወዋ ኤኖ ጋድ። ቃይ ኡንቱንቱ ሞይያን ኤቃደ፡ አ ዋድያዋንቱ ማዩዋ ናጋይ፣ ያጌዳ።

21 “ጎዳይ ታና፡ ታን ኔና አይሁዳ ግደና አሳኮ ሃኮ ሳ ኪታያ ድራወ ባ፣ ጌዳ” ያጌዳ።

ጳውሎስ ርመ አሳ ግድያዋ ቆንጭሴዳ

22 ጳውሎስ ሄ ቃላ ሃሳያና ጋካናወ አሳይ አ ግያዋ ሰሴ፤ ሄዋጥ ጉይያን፡ ባረንቱ ኮሻ ቶቄ ኦሴደ፡ “ሀዋ ጋድያጥ ጳይሳ፤ አ ደአናወ በሰና” ያጌድኖ።

23-24 ኡንቱንቱ ዋሰሽን፡ ባረንቱ ማዩዋ ቦላወ ኦልሽንን ባና ጫርኩዋን ላልሽን፡ ኦላ ካፑ ዋታዳራቱ ጳውሎሳ ባረንቱ ደኢያሳ አፋና ማላ አዛዜዳ። ቃይ አሳይ አያወ ሄዋዳን አ ቦላ ዋሴድኖንቶ ኤራናወ፡ ጳውሎሳ ልሱዋን ሾጫና ማላ፡ ኡንቱንታ አዛዜዳ።

25 ሽን ዋታዳራቱ ጳውሎሳ ዳፋዋን ምንሰ ቃቹዳ ዋደ፡ ጳውሎስ ባረ ማታን ኤቄዳ ጴታቱዋ ካፑዋ፡ “ርመ ጋድያ አሳ ፕርዳይ ባይናን ሾጭያዋ ሀንተንቶ ዋጌ?” ያጌዳ።

26 ሄዋ ጴታቱዋ ካፑ ሰሴዳ ዋደ፡ ኦላ ካፑዋኮ ቢደ፡ “ሀ ብታኒ ርመ አሳ፡ ኔን አያ ኦላና ቆጋይ?” ያጌደ ኦቹዳ።

27 ኦላ ካፑ ጳውሎሳኮ ሺቂደ፡ “ኔን ርመ አሴ? ታወ ኦዳ” ያጌዳ።

ጳውሎስ፡ “ኤ” ያጌዳ።

28 ኦላ ካፑ ጳውሎሳወ ዛሪደ፡ “ታን ሀ ዛረተላ ዳሮ ሚሻን ሻማድ” ያጌዳ።

ሽን ጳውሎስ፡ “ታን ሄ ዘረላጥ የለታድ” ያጌዳ።

29 ሄዋ ድራወ፡ ጳውሎሳ ብዳናወ ቆፔዳዋንቱ ኤለካ አጥ ሻከት አጌድኖ። ኦላ ካፑካ ጳውሎስ ርመ አሳ ግዳዳዋ ኤራዳ ዋደ ያዬዳ፤ አያወ ጎጥ፡ ሳንላላታን አ ቃሽሰ ዋሴዳ።

ጳውሎስ አይሁዳቱዋ ሻንጋቱዋኮ ሺቄዳ

30 ዋንተላ ጋላሰ ኦላ ካፑ፡ አይሁዳቱ ጳውሎሳ አያወ ሞቲድኖንቶን ጌሺደ ኤራናወ ኮዩደ፡ ጳውሎሳ ብሌዳ። ያቲደ ቄሳቱዋ ካፑቱን አሳይ ኡባይ ሺቃና ማላ አዛዜዳ፤ ቃይ ጳውሎሳ ዲገ ዋሴደ፡ ኡንቱንቱ ሰንላን ኤሴዳ።

23

1 ጳውሎስ ሄዋን ሺቄዳ አሳ ጫድ ጴሊደ፡ “ታናዳን አማንያዋንቶ፡ ታን ሀቼ ጋካናወካ ጸሳ ሰንላን ታ ደኡዋ ኡባን ትላ ዋዛናን ደአድ” ያጌዳ።

2 ቄሳቱዋ ኡባቱዋ ካፑ ሀና፤ ጳውሎሳ ደና ባቃና ማላ፡ አ ማታን ኤቄዳዋንታ አዛዜዳ።

3 ጳውሎስ ሄ ዋደ አ፡ “ላ ሀ ቦሽንቻን ኦኬዳ * ጎዳወ፡ ጸሳይ ኔና ባቃና። ኔን ታ ቦላ ሀግያን ፕርዳናወ ኡታደ፡ ዋጋይ ባይናን ታና ባቃና ማላ አዛዜይ?” ያጌዳ።

4 ጳውሎሳ ማታን ኤቄዳዋንቱ አ፡ “ኔን ጸሳ ቄሳቱዋ ኡባቱዋ ካፑዋ ቦራይ?” ያጌድኖ።

5 ሄዋጥ ጉየ ጳውሎስ፡ “ታናዳን አማንያዋንቶ፡ አ ቄሳቱዋ ኡባቱዋ ካፑዋ ግዳዳዋ ታን ኤራብይከ፤ አያወ ጎጥ፡ ሳ ጋድያ ሞድያዋ ቦላ አታ ቃላ ሃሳዮጋ፣ ጌተቲደ ጸሳ ማጻፋን ጸፈቲዳ” ያጌዳ።

6 ሽን ጳውሎስ ባጋቱ ሳዱቃዋናቱዋ፤ ባጋቱ ፓርሳዋቱዋ ግዳዳዋ በኢደ፡ “ታናዳን አማንያዋንቶ፡ ታን ፓርሳዊያን ፓርሳዊያ ናኢ፤ ሳይቄዳዋንቱ ሳይቄዋጥ ደንዳናዋንታ፣ ጋደ ታን ናሽቻን ናግያ ድራወ፡ ኡንቱንቱ ታ ቦላ ፕርዳዲኖ” ያጌደ፡ ቶቄ ኦሴደ ሃሳዬዳ።

7 ጳውሎስ ሄዋ ያግና፡ ፓርሳዋቱዋ ግደንን ሳዱቃዋናቱዋ ግደን ዋላሳይ ከሰና፡ ሺቄዳ አሳይ ላለቲዳ።

8 አያወ ጎጥ፡ ሳዱቃዋናቱ፡ “ሳይቄዳ አሳይ ደንደና፤ ኪታንቻይካ አያናይካ ባዋ” ያጌድኖ፤ ፓርሳዋቱ ቃይ ላኡካ ደኢያዋ አማኒኖ።

9 ዋልቃማ ዋላሳይ ደንዳዳ፤ ፓርሳዋቱዋ ባጋጥ ሙሴ ሀግያ ታማርሰያዋንቱ ደንድ ኤቄደ፡ “ሀ ብታንያ ቦላ አይነ ባላ ደምበይኮ፤ አወ አያናይ ዋይ ኪታንቻይ ሃሳየናን አገና” ያጌደ ፓሉሙቲድኖ።

10 ዋላሳይ ዳርና፡ ኦላ ካፑ ጳውሎሳ ኡንቱንቱ መንግራላንቶን ግ ያዩደ፡ ባረ ዋታዳራቱ ዋዴደ፡ ኡንቱንቱ ግደጥ አ ኤለካ ከሲደ፡ ባረንቱ ደኢያሳ አፋና ማላ አዛዜዳ።

11 ሄ ቃማ ጎዳይ ጳውሎሳ ማታን ኤቄደ፡ “ጳውሎሳ፡ ኔን ታወ የሩሳላመን ማርካቲዳዋዳን፡ ርመንካ ማርካታናወ በሴ፤ ሞና፤ አይነ ባዋ” ያጌዳ።

ጳውሎሳ ዋዳናወ ኦሰቲዳ ማቄዋ

12 ዋንትሳ ጋላሰ፡ አይሁዳቱ ጳውሎሳ ዋዳና ጋካናወ፡ ሜናዳንን ኡሽናዳን፡ ጫቀቲደ ጊጊቲድኖ።

13 ጳውሎሳ ቦላ ሄዋ ማቀቲዳ አሳቱ ኦይታሙጥ ዳሪኖ።

14 ኡንቱንቱ ቄሳቱዋ ካፑቱዋኮን ጭማቱዋኮን ዩደ፡ “ኡን ጳውሎሳ ዋዳና ጋካናወ፡ አይነ ባረናዳን፡ ጊጊት ኡቲደ።

15 ሄዋ ድራወ፡ ሀንተንቱን ሺቄዳ አሳይ ጳውሎሳባ ጌሺደ ብድያዋ ማላቲደ፡ ኦላ ካፑ አ ሀንተንቱኮ ዲገ ዋላና ማላ ኦቶተ፤ ኔን አ ሃ ሺቃናጥ ካሰና አ ዋዳናወ ጊግ ኡቲደ” ያጌድኖ።

16 ሽን ጳውሎሳ ሞቻት ናአይ ሄ ማቄዋ ሰሴዳ ዋደ፡ ቢደ ዋታዳራቱ ደኢያሳ ገሊደ፡ ጳውሎሳወ ኦዴዳ።

17 ጳውሎስ ጴታቱዋ ካፑቱዋጥ እቱዋ ጴሲደ፡ “ሀ ናኦ ኦላ ካፑዋኮ አፋ፤ አያወ ጎጥ፡ ኦላ ካፑ አ ኦድያዌ ደኤ” ያጌዳ።

18 ሄዋ ድራወ፡ ጴታቱዋ ካፑ ናኦ ኦላ ካፑዋኮ አፊደ፡ “ቃሾ ጎለን ደኢያ ጳውሎስ፡ ሀ ናአይ ነወ አየንቶ ኦድያባይ ደኢያ ድራወ፡ ታና ባረኮ ጴሲደ፡ አ ኔኮ አሀናዳን፡ ታና ዋሴዳ” ያጌዳ።

* 23:3 ቦሽንቻን ኦኬዳ- እት ኡራይ ሎአ ማላታና ማላ ኦሴሳ፡ ሽን ግደና። 23:5 ከሳ 22:28

19 ኦላ ካፑ ናኦ ኩሽያ ኦይቂድ፡ ዲማ ጋጸ ከሲድ፡ “ኔን ታዉ ኦዳናባይ ኦይ?” ያጊደ ኦቼዳ።

20 ናኦይ ኦላ ካፑ፡ “ኦይሁዳቱ ጳውሎሳባ ካሰፕ ሞንሰ ኦቻያ ማላቲድ፡ ኔን ሸቆዋ ኦ ኡትሳናዳን፡ ኔና ሞንት ሞሳናዉ ዘረታ ቃቼድኖ።

21 ሸን ኔን ኡንቱንቱ ግያዋ ሰሰፓ፤ ኦያዉ ሳፕ፡ ኦይታሙዋፕ ዳርያ ኦሳቱ ጳውሎሳ ዋቋና ጋካናዉ፡ ቁማ ማናዳንነ ሃላ ኡሸናዳን፡ ጫቀቲደ ጌመት ኡቲደ ኦ ናጊኖ፤ ኔን ግያዋ ሰሳናዉ ሀኦካ ጊገት ኡቲደ ናጊኖ” ያጌዳ።

22 ሄዋ ድራዉ፡ ኦላ ካፑ ናኦ፡ “ሀ የዉዋ ኔን ታና ኡርሴዳዋ ኦሰነ ኦድፓ” ያጊደ ኦዛዜዳዋፕ ጉይያን፡ ኦ የዴዳ።

ጳውሎስ ጋድያ ሞድያ ፍልክሳ ሰንላ ሸቆዳ

23 ኦላ ካፑ ዴታቱዋ ካፓቱዋፕ ላኡዋ ዴሲድ፡ “ቁሳርያ ባናዉ፡ ላኡ ዴቱ ዋታዳራቱዋ፡ ላፕን ታሙ ፓራ ኦይቂዳ ኦሳቱዋነ ላኡ ዴቱ ቶራንቻቱዋ ቃማፕ ሄዙ ሳትያን ጊግሰተ፤

24 ጋድያ ሞድያ ፍልክሳኩ ጳውሎሳ ሳርተላን ጋላናዉ ቶግሰያ መሀያነ ጊግሰተ” ያጊደ፡ ኡንቱንታ ኦዛዜዳ።

25 ኦላ ካፑ ሀዋዳን ግያ ዳብዳቢያ ጸፊዳ።

26 “ቃላዉደዮሳ ሉሰዮሳፕ፤ ጋድያ ሞድያ ቦንቼቴዳ ፍልክሳ! ሳርተላይ ነዉ ግዴ።

27 ኦይሁዳቱ ሀ ብታንያ ኦይቂደ ዋቋና ሀንሸን፡ ርመ ካታማ ኦሳ ኦ ግዴዳዋ ኡራድ፡ ዋታዳራቱዋና ጋካደ ኦ ኦሻድ።

28 ኡንቱንቱ ኦ ኦያዉ ሞቲድኖንቶ ኡራናዉ ኮያድ፡ ዲገ ኡንቱንቱ ሸቆ ኦ ኦላድ።

29 ኡንቱንቱ ባረንቱ ሀግያባ ኦ ኦቼዳዋ ኦ ሞቲዳዋፕ ኦትን፡ ኦ ዋድሰያ ዋይ ቃሽሰያ ሞቶ ግደና።

30 ኡንቱንቱ ሀ ብታንያ ቦላ ማቀት ኡቴዳ ዝግርሳይ ታና ጋክና፡ ታን ሄ ማንኦያን ኦ ኔኮ የዳ ኦጋድ፤ ኦ ሞትያዋንቱካ ቢድ፡ ነ ሰንላን ሞታና ማላ ኦዳድ፤ ሳር ደኦ” ያጌዳ።

31 ሄዋ ድራዉ፡ ዋታዳራቱ ኦዛዜቴዳዋዳንካ ጳውሎሳ ኦኪድ፡ ቃማ ኦንትጳጵሪሳ ጋሌድኖ።

32 ዋንትሳ ጋላሰ ኦናና ባና ማላ ፓራ ቶጎ ኦሳቱዋ ዋሊድ፡ ገድያን ብያዋንቱ ጉዮ ዋታዳራቱ ደኢያሳ ሰሜድኖ።

33 ፓራዋንቱ ቁሳርያ ገሊድ፡ ዳብዳቢያ ጋድያ ሞድያዋ ኦሚድ፡ ጳውሎሳ ኦ ሰንላ ኦሌድኖ።

34 ጋድያ ሞድያዋ ዳብዳቢያ ናባቤዳዋፕ ጉይያን፡ ጳውሎስ ሀቃ ኦዉራጃ ኦሰንቶ ኦ ኦቼዳ፤ ክልቂያ ኦሳ ኦ ግዴዳዋ ኡራዳ ዋይ።

35 “ታን ነባ ኔና ሞትያዋንቱ ይያ ዋይ ሰሳና” ያጊደ፡ ዋታዳራቱ ሄርድሳ ካዉተላ ጎሊን ኦ ናጋና ማላ ኦዛዜዳ።

24

ጳውሎሳ ኦይሁዳቱ ሞቲድኖ

1 ኦቼሹ ጋላሳፕ ጉይያን፡ ቁሳቱዋ ኡባቱዋ ካፑ፡ ሀናንያ፡ ጭማቱዋናኔ ጳርጸሉሳ ግያ ኦት ጸባቃና ዲገ ቁሳርያ ዋዴዳ፤ ኡንቱንቱ ጋድያ ሞድያዋ ቦላ ጳውሎሳ ሞቲድኖ።

2-3 ጳውሎስ ዴሰቴዳ ዋይ፡ ጳርጸሉሰ ኦ ሀዋዳን ያጊደ፡ ሞቲዋ ደሚዳ።

“ቦንቼቴዳ ፍልክሳ፡ ኔን ነ ባጋና ዳር ሳርተላ ደሚድሸን፡ ነ ቆፋን ሀ ጋድያዉ ኡባባን ኡባሳንካ ሎኦ ላሚ ቤትያዋ ኔና ሎይሳ ጋላቲድ፡ ሀዋ ኦኪቶ።

4 ሸን ታን ኔና ጋምኤናን፡ ደያ ግዴዳ ነ ኬካተላን ኡባ ኔን ቃንላን ሰሳና ማላ፡ ኔና ዋሳይ።

5 ኦያዉ ሳፕ፡ ሀ ብታን ጳቦ ግዲድ፡ ሳኦ ኡባን ደኢያ ኦይሁዳቱዋ ግድን ዋላሳ ደንሌዳ፡ ናዝራዋቱ ባጋ ኦሳ ካለሌያዋ ግዴዳዋ ኡራድ።

6 ሀራይ ኦቶ ጌሻ ጎልያካ ቱንሳናዉ ኮይሸን ኦ ኦይቂድ፡ ኦ ሀግያዳን፡ ኦ ቦላ ፕርዳናዉ ቆፔድ፤

7 ሸን ኦላ ካፑዋ ሉሰዮሰ ዩድ፡ ዋልቃን ኦ ኩሽያፕ ኦ ዋላ ኦኪዳ።

8 ኦ ሞትያዋንቱካ ኔኮ ያና ማላ ኦዛዜዳ፤ ኔን ነ ሁጳዉ ሀ ብታንያ ብዳድ፡ ኔን ኦ ሞትያ የዉዋ ኡባ ኡራናዉ ዳንዳያ” ያጌዳ።

9 ኦይሁዳቱካ ቃይ፡ “ሀ የዉ ቱማ” ጊድ፡ ኦ ቆፋ ኦኪድኖ።

ጳውሎስ ፍልክሳ ሰንላን ሞቶ ዛሩዋ ኦሚዳ

10 ጋድያ ሞድያዋ ጳውሎሳ ያናዳን ዉትና፡ ኦ ሀዋዳን ያጊደ ዛራዳ፤ “ኔን ዳር ዋድያፕ ደማድ፡ ሀ ኦሳዉ ፕርዳደ ደኢያዋ ታን ኡራድ፡ ታ የዉዋ ናሽቻን ዛራይ።

11 ታን የሩሳላመ ሳይናናዉ ከሶደፕ ታማነ ላኡ ጋላሳፕ ዳረናዋ ኔን ነ ሁጳዉ ኡራና ዳንዳያ።

12 ኦይሁዳቱ ታና ጌሻ ጎልያን ግድና፡ ኦይሁዳ ዋሳ ጎሊን ግድና፡ ካታማን ግድና፡ ኦናናነ ፓሉመትሸን ዋይ ኦሳ ሸሻደ ማቂሸን፡ ኦት ኡራናነ ቢኦይክኖ።

13 ኡንቱንቱ ሀኦካ ታና ሞትያዋ ሻትማናዉ ዳንዳይክኖ።

14 “ሸን ታን ሀዋ ነዉ ኦዳይ፤ ታን ሙሴ ሀግያን ደኢያዋነ ናባቱ ጳፊዳ ኡባባ ኦማናናዳን፡ ኦ ኦዎቱዋ ጳሳዉ ኡንቱንቱ ዋርዶ ግያ ኦግያን ጎሽታይ።

15 ሀዋንቱ ባረንቱ ሁጳዉ፡ ‘ኦሳይ ኡባይ፡ ዋርዶካ ጽሉካ ሀይቁዋፕ ደንዳናዋንታ” ግያዋዳን፡ ታንካ ኡንቱንቱ ደንድያዋ ጳሳን ሀድታ ዋሳደ ኦሙዋን ናጋይ።

16 ሄዋ ድራዉ፡ ታን ቃይ፡ ጳሳ ሰንላን ኦሳ ሰንላን ኡባ ዋይ፡ ፖኩ ባይና ትላ ዋዛናይ ታዉ ደኢና ማላ ሞናይ።

17 “ታን የሩሳላመፕ ከሶደፕ ጮራ ላይላፕ ጉይያን፡ ታ ጋይ ሀዬሳዉ ሚሻ ኦማናዉነ ያርሹዋ ያርሻናዉ የሩሳላመ ባድ።

18 ሄዋ ኦላሸን፡ ኦሳይ ሸቆናን፡ ዋላሳይ ደንደናን፡ ታን ጌሻ ጎልያን ጌይሸን፡ ኡንቱንቱ ታና ደሚድኖ።

19 ሸን ኡሰያፕ ዬዳ ኦት ኦት ኦይሁዳቱ ሄዋን ደኢና፤ ኡንቱንቱ ታ ቦላ የዉዋ ኮዮፕ፡ ዩድ ታና ነ ቦላን ሞታናዉ ቢሴ።

20-21 ዋይ ታን ኡንቱንቱ ግድን ኤቃድ፡ ሳይቂዳዋንቱ ደንዳናዋ ኦማንያ ድራዉ፡ ሀቼ ህንተ ሰንላን ታ ቦላ ፕርዲኖ” ጋይ ሃ ቶቂሳደ ሃሳዬዳ ኦት ቃላፕ ኦትን፡ ሸቆዋ ሰንላን ኤቂሸን፡ ታ ቦላ ኦት ባይዙዋ ደሚዳዋ ግድፕ፡ ሀዋንቱ ባረንቱ ሁጳዉ ሀዋን ኡዳናዋንታ” ያጌዳ።

22 ሸን ፍልክስ ጸሳ ኦግያባ ጌሽ ኤሬዳ ድራው፡ “ታን ህንተ የወዋ ኦላ ካፑዋ ሉሰኖስ ይያ ዋደ ኦግያ ኦይፋና” ያጊደ፡ ፕርድያ ዋድያ ስንፋው ኬሬዳ።

23 ፍልክስ ቃይ ጳውሎሳ ቃቹናን ናጋና ማላነ ኦ ዳባቱዋፕ ኦንነ ኦው ኦላሸን፡ ዋይ ኦኮ ዪሸን ድገና ማላ፡ ጸታቱዋ ካፑዋ ኦዛዜዳ።

ጳውሎስ ፍልክሳን ድራሰላ ሰንፋ ሸቄዳ

24 ኦማሬዳ ጋላሳፕ ጉይያን፡ ፍልክስ ኦይሁዳ ኦሳ ዛረ ግዴዳ ባረ ማቻት ድራሰልና ዪደ፡ ጳውሎሳ ከት ኦህሲደ፡ የሱስ ክርስቶሳን ኦማንያ ኦግያ ኦ ሃሳይሸን ሰሴዳ።

25 ጳውሎስ ጽሎተላባ፡ ባረ ሁጲያ ናጉዋባነ ያና ፕርዳባ ሃሳይሸን፡ ፍልክስ ያዪደ፡ “ኔን ሀእው ባ፤ ታው ሚኬዳ ዋደ፡ ኔና ኪታደ ጸግሳና” ያጊደ።

26 ሄ ዋደ ቃይ ጳውሎስ ብለታናው፡ ባረው ማጋንጸ ኦማንዳሽ ጊደ ቆፔዳ፤ ሄዋ ድራው፡ ዳሮ ዋደ ኦ ኦህስ ኦህሲደ፡ ኦናና ሃሳዬ።

27 ላኡ ላይላ ኩሜዳዋፕ ጉይያን፡ ፍልክሳ ኮታ ጸርቁኖሳ ፕሰጸስ ኦኬዳ። ፍልክስ ኦይሁዳቱዋ ናሸቻናው ኮዪደ፡ ቃሾ ጎለን ጳውሎሳ ባሽ ኦኬዳ።

25

ጳውሎስ ርመ ካትያኮ ባረ የወዋ ኦኪደ ባናው ኦቹዳ

1 ፕሰጸስ ኦውራጃ ገሌዳ ሄዘንጸያ ጋላሳፕ ጉይያን፡ ቁሳርያፕ የሩሳላመ ቤዳ።

2 ያን ቁሳቱዋ ካፓቱነ ኦይሁዳቱዋ ካለጸዋንቱ ጳውሎሳ ሞቲድና።

3 ኦንቱንቱ ጳውሎሳ ዋቆናው ኦግያን ቆስት ኡታናው፡ ባረንቶ ሎኦባ ኦሊደ ኦ የሩሳላመ ኦህና ማላ፡ ፕሰጸሳ ዋሴድና።

4 ፕሰጸስ ኦንቱንቶ፡ “ጳውሎስ ቁሳርያን ቃሸት ኡቲዳ፤ ታን ታ ሁጳውካ ኤለካ ያ ጉየ ሰማናው ቆፓ ኡታድ።

5 ሄዋ ድራው፡ ኦ ኦየንቶ ባይዜዳዌ ደኦፕ፡ ህንተንቱ ግድን ኦዋትያዋንቱ ታናና ቁሳርያ ቤደ፡ ኦ ሞትና” ያጊደ ዛሬዳ።

6 ፕሰጸስ የሩሳላመን ሆሰፑን ዋይ ታሙ ጋላሳፕ ኦፍናን ኡቲደ፡ ቁሳርያ ቤዳ፤ ዋንትሳ ጋላስ ፕርድያሳን ኡቲደ፡ ጳውሎሳ ኦህና ማላ ኦዛዜዳ።

7 ኦ ጋኬዳ ዋደ፡ የሩሳላመፕ ዬዳ ኦይሁዳቱ ኦ ማታን ዩይ ኦቲ ኤቂደ፡ ባረንቶ ሻትማናው ዳንዳየተና ዳሮ ዴጸ ሞቲዋ ኦ ቦላ ዋሔድና።

8 ጳውሎስ ሞተቲደ፡ “ታን ኦይሁዳቱዋ ህግያካ ጌሻ ጎልያካ ርመ ካትያ ቁሳራካ ኦይነ ናቃሰይከ” ያጊደ።

9 ፕሰጸስ ኦይሁዳቱዋ ናሸቻናው ኮዪደ ጳውሎሳ፡ “ፑደ የሩሳላመ ከሳደ፡ ሀ የወዋባ ያን ታ ሰንፋን ኦሸታናው ኮያይ?” ያጊደ ኦቹዳ።

10 ሸን ጳውሎስ፡ “ታን ኦሸታናው በሰያ ቁሳራ ፕርዳ ጎለን ኤቃድ፡ ኔንካ ሎይላ ኤርያዋዳን፡ ታን ኦይሁዳቱዋ ኦይነ ናቃሰይከ።

11 ሰሞ ታን ናቄዳዋ ዋይ ሀይቃናው በሰያዋ ኦሔዳዋ ግድፕ፡ ሀይቁዋፕ ኦታና ጊከ፤ ሸን

ኦንቱንቱ ታና ሞትያ ሞቲ መላ ግዴዳዋፕ ህን ባጋን፡ ኦንነ ታና ኦንቱንቶ ኦሊደ ኦማናው ዳንዳየና፤ ቁሳረ ታባ ፕርድ ጋደ ኦቻይ” ያጊደ።

12 ሄዋፕ ጉይያን፡ ፕሰጸስ ባረናና ዘረትያዋንቱና ዘረት ሰሚደ ኦ፡ “ኔን ቁሳረ ታባ ፕርድ ጋደ ኦቻዳ፤ ቁሳራኮ ባናሳ” ያጊደ ዛሬዳ።

ፕሰጸስ ጳውሎሳባ ኦግርጸና ማቀቲዳ

13 ኦማሬዳ ጋላሳፕ ጉይያን፡ ካትያ ኦግሪጳይነ ባርኒቀ ፕሰጸሳ ሳርታናው ቁሳርያ ቤድና።

14 ያን ኦንቱንቱ ጮራ ጋላሳ ኡት ደኦሸን፡ ፕሰጸስ ካትያው ጳውሎሳባ ሀዋዳን ያጊደ ኦይዳ፤ “ሀዋን ፍልክስ ቃቹደ ባሽ ቤዳ ኦት ብታኒ ደኤ።

15 ታን የሩሳላመን ደኦሸን፡ ቁሳቱዋ ካፓቱነ ኦይሁዳ ጭማቱ ኦ ቦላ ፕርዳና ማላ፡ ታና ዋሲደ፡ ኦባ ታው ኦይድና።

16 ታን፡ “ሞተቲዳ ኡራይ ባረና ሞትያዋንቱና ኦት ሕቀናንነ ባረና ሞቲዳ የዋ ዛሩዋ ኦመናን፡ ኦና ግድፕነ ኦሊደ ኦማያዌ ርመ ኦሳው ዋጋ ግድና” ያጋደ ኦንቱንቶ ዛሬድ።

17 “ሄዋ ድራው፡ ኦንቱንቱ ሀዋን ሸቄዳ ዋደ፡ ታን ጋሞኤናን ዋንትሳ ጋላስ፡ ፕርዳ ጎለ ገላደ ጳውሎሳ ኦህና ማላ ኦዛዜድ።

18 ኦ ሞትያዋንቱ ኤቂደ፡ ኦታባን ኦ ሞተናን ኦግክኖ ጋደ ታን ቆፔዳዋዳን፡ ኦይነ ኦ ሞትባይክና።

19 ሸን ኦንቱንቱ ባረንቱ ኦማኔዳባንቱባነ ጳውሎስ፡ ‘ፓጸ ደኤ’ ግያ ሀይቁዳ ኦት የሱሳ ጌተትያ ብታንያባ ኦናና ፓሎሙቲድና።

20 ታን ሀ የወዋ ዋታደ ብዳ ደማንታንቶ፡ ቆፋ ቃቹናን ደኦደ፡ ጳውሎስ የሩሳላመ ቤደ፡ ሀ የወዋ ያን ኦሸታናው ኮይንቶነ ጋደ ኦ ኦቻድ።

21 ሸን ጳውሎስ ባረ የወዋ ኦውግሰጸስ ቁሳረ ኦግያ ኦይፋና ጋካናው ናገታናዳን ኦቶና፡ ታን ኦ ቁሳራኮ የዳና ጋካናው፡ ኦ ቃሸታና ማላ ኦዛዜድ” ያጊደ።

22 ሄዋፕ ጉየ ኦግሪጳይ ፕሰጸሳ፡ “ታን ታ ሁጳውካ ቃይ ሄ ብታኒ ግያዋ ሰሳና ኮያይ” ያጊደ።

ፕሰጸስ ኦ፡ “ኔን ዋንት ኦ ግያዋ ሰሳናሳ” ያጊደ።

23 ዋንትሳ ጋላስ፡ ኦግሪጳይነ ባርኒቀ ዳሮ ቦንቹዋን ኦላ ካፓቱዋናን ካታማን ደኦያ ዋልቃማ ኦሳና ዪደ፡ ፕርዳ ጎለ ገሌድና፤ ፕሰጸስ ጳውሎሳ ኦህና ማላ ኦዛዜና ኦሄድና።

24 ፕሰጸስ ሀዋዳን ያጊደ፤ “ካትያ ኦግሪጳ፡ ሀዋን ኡናና ደኦያ ኦሳ ኡባው፡ ኦይሁዳ ኦሳይ ኡባይ የሩሳላመንካ ሀዋንካ ዋሲደ፡ ‘ኦ ሀዋፕ ሰንፋው ፓጸ ደኦናው በሰና’ ያጊደ፡ ታና ዋሴዳ ብታንያ ሀዋ በኢታ።

25 ሸን ኦ ኦይነ ሀይቃናው በሰያዋ ኦሔዳዋ ታን ደማባይከ፤ ኦ ባረ ሁጳው፡ ‘ኦውግሰጸስ ቁሳረ ታባ ፕርድ ያጋደ ኦቻድ’ ጌዳ ድራው፡ ቁሳራኮ ኦ የዳናው ታን ቆፓድ።

26 ታን ኦባ ታ ጎዳ ኦውግሰጸስ ቁሳረው ጸፋናው ቱሙ የወ ታው ኦይነ ባዋ፤ ሄዋ ድራው፡ ኦ ሎይላ ኦሸቶዋፕ ጉይያን፡ ታን ጸፍያባ ደማና

ማላ፡ ህንተንቱ ሰንላ፡ ካትያ አግሪጶ፡ ኡባ ነ ሰንላ እ አሃድ።

27 እያዉ ጎጥ፡ ቃሽቲዳ ኡራ ኪትያ ዎደ፡ እ እያዉ ሞቲደንቶ፡ ኤርሰናን ጮኡ ግ ባሽያዎ ታዉ ኤያተላ ማላቲ” ያጌዳ።

26

ጳውሎስ አግሪጶ ሰንላን ሃሳዬዳ ሃሳዩ

1 አግሪጶይ ጳውሎስ፡ “ኔን ነባ ሃሳዩናዉ ዳንዳያ” ያጌዳ። ሄ ዎደ ጳውሎስ ባረ ኩሽያ ሞጪደ ሀዋዳን ያግ ዛሬዳ።

2-3 “ካትያ አግሪጶ፡ እይሁዳቱዎ ዎጋነ ፓሉማ ኡባ ኔን ሎይላደ ኤርያ ድራዉ፡ ታና እይሁዳቱ ሞትያ የዉዎ ኡባ ሀቼ ታን ነ ሰንላን ዛርያዎ ታ ካጫይ ዳርሰ ሎኦ ያጋደ ቆፓይ፤ ሄዎ ድራዉ፡ ኔን ታ ሃሳዩ ሳለተናን ሰሳና ማላ፡ ኔና ዎሳይ።

4 “ታን ናአተላጥ ደማደ ታ አሳ ግደንን የሩሳላሙን ደኤዳ ታ ደኡዎ እይሁዳ ኡባቱ ካሰጥ ደሚደ ኤሪኖ።

5 ታን ኮይርጥ ደማደ፡ ኑ አማኑዎ ህግያ አጥን ሞንሲደ ናግያ ፓርሳዎቱዎ ባጋ ፓርሳዎ ግዳደ ደእያዎ፡ ኡንቲንቱ ማርካታናዉ ኮዮጥ ኤሪኖ።

6 ታን ሀእካ ጸሳይ ኑ አዎቶ እማና ጌዳዎ ናሽቻን ናግያ ድራዉ፡ ፕርደታናዉ ሀዋን ኤቃይ።

7 ቃይ ታማን ላኡ ኑ አዎቱዎ ዛራቱ ጸሳዉ ቃማን ጋሳስ ኡባደ ሞንሰ ጎይኒደ፡ ጸሳይ እማና ጌዳዎ አካናዉ ናሽቻን ናጌኖ፤ ካትያ አግሪጶ፡ እይሁዳቱ ታና ሞትያዎ ታን ሄዎ ናሽቻን ናግያ ድራሳ።

8 እይሁዳቶ፡ ጸሳይ ሀይቁዳዎንታ ደንሐያዎ እያዉ አማንክቱ?

9 “ታን ታ ሁጳዉካ ናዝሬትያ የሱሳ ኤቃታናዉ በሴ ጋደ ካሰ ቆፓድ።

10 ታን የሩሳላሙን ኤሌዳዌ ሀዋ፤ ቁሳቱዎ ካፓቱዎጥ ማታ አካደ፡ ጸሳ አሳቱዎጥ ጮራቱዎ ቃሽሳድ፤ ኡንቲንታ ዎድያ ዎደካ ኡንቲንቱ ሀይቁያዎ ደሳድ።

11 እይሁዳ ዎሳ ጎለ ኡባን ዳር ዎደ ኡንቲንታ ሙራደ፡ ባረንቱ እማኑዎ ኡንቲንቱ አጋና ማላ ጎደታድ፤ ታን ዎጋይ ባይናዎ ኡንቲንቶ ሀንቀታደ፡ ሀራይ አቶ፡ ሀራ ጋድያ ካታማ ጋካናዉካ ኡንቲንታ ሙቶላይ።

ጳውሎስ ባረ ሁጳዉ ክርሰቶሳ ዎት እማኔደንቶ ኦዴዳ

(9:1-19፤ 22:6-16)

12 “ታን ሀ የዎ ቁሳቱዎ ካፓቱዎጥ ማታን እዛዙዎ አካደ ዳማሰቆ ባድ።

13 ካተዉ፡ ታን ሴታ ጋላስ ኦግያን ደእሸን፡ እዎ ፖኡዎጥ ሎይሐ አድያ ፖኡ ታናን ታናና ቤዳዎንታ ዩይ እዲደ፡ ሳሉዎጥ ፖእሸን በኣድ።

14 ኑን ኡባይ ሳኣን ኩንዴዳ ዎደ፡ እብራይሰጸ ቃላን፡ ሳኣላ፡ ሳኣላ፡ ታና እያዉ የደሳን ሙቶላይ? ኔን ታና እጹሳን ኔና ቆሃሳ’ ያጌደ ታዉ ኦድሸን ሰሳድ።

15 “ያታደ፡ ታ ጎዳዉ፡ ኔን ኦኔ?” ያጋድ። “ሳዳይ፡ ታን ኔን የደሳን ሙቶሐያ የሱሳ።

16 ሸን ደንዳ ኤቃ፤ እያዉ ጎጥ፡ ሀቼ ኔን ታና ቤኤዳዎን ታን ኔና ሰንላጥ በሳናዎ ሀራንቶ ማርካታና ማላ፡ ታዉ ኦሐያዎ ኡዳደ ኔና ሰንሳናዉ ነዉ ቆንጫድ።

17-18 ኡንቲንቱ ታና አማንና፡ ኡንቲንቱ ናጋራይ አቶ ጌተታናዳን፡ ጸሳይ ደራዳ አሳ ግደን ኡንቲንቱ ባረንቱ ደኤያሳ ደማናዳን፡ ቃይ ቋማጥ ፖኡዎ ሰማናዳንን ጸላህያ ጎዳተላጥካ ጸሳኮ ሰማናዳን፡ ኡንቲንቱ አይፍያ ኔን ደያና ማላ፡ እሰራኤልያ አሳጥን ታን ኔና ኡንቲንቲኮ ኪትያ እይሁዳ ግደናዎንቲጥ ኔና እሻና’ ያጌዳ።

19 “ካትያ አግሪጶ፡ ሄዎ ድራዉ፡ ታዉ ሳሉዎጥ ቤቲዳ ሳጳዉ ታን አዛዘታናዎ እጸበይከ።

20 ሸን ታን ካሰታደ፡ ዳማሰቆንን የሩሳላሙን ሄዎጥ ጉይያን፡ ይሁዳ ጋድያ ኡባን ደእያዎንቲሰን እይሁዳ ግደናዎንቶ ባረንቱ ናጋራጥ ሰማና ማላ፡ ቃይ ናጋራጥ ሰማናዉ በሰያዎ ኦሐደ፡ ጸሳኮ ሰማና ማላ ቃላ ኦዳድ።

21 ሄዎ ድራዉ፡ እይሁዳቱ ታና ጌሻ ጎልያን ኦይቁደ ዎቆናዉ ኮዬድኖ።

22-23 ሄዎ ድራዉ፡ ታን ጸሳ ማዳዎ አካደ፡ ዳርን ጉላዉ ሀቼ ጋካናዉካ ኤቃደ ማርካታይ። ናባቲን ሙሴ፡ ‘ክርሰቶስ ሙቶታናዉ በሴ፤ ቃይ ሀይቁዎጥ ኮይር ደንዲደ፡ እይሁዳቶን እይሁዳ ግደናዎንቶ አቶተላ ፖኡዎ ኦዳናዉ በሴ’ ጌዳዎዳን፡ ታንካ ኡንቲንቱ ሃሳዬዳዎጥ ሀራ እትባነ ሃሳዬዳባይ ባዎ” ያጌዳ።

24 ጳውሎስ ባረንቱባ ሀዋዳን ያጌደ ዛርሸን፡ ፕሰጸሰ ኮሻ ቋቁ ኦሐደ እ ሃሳዩ ቋባናዉ፡ “ጳውሎስ፡ ኔን ጎያ፤ ኔን ዳሪ ታማራዳዌ ኔና ጎሻና ሀኔ” ያጌዳ።

25 ሸን ጳውሎስ ሀዋዳን ያጌዳ፤ “ቦንቼቲዳ ፕሰጸሳ፡ ታን ቲማተላን ሎኦ የዉዎን ዎዛና ቆፋ ሃሳይያዎጥ እትን ጎይከ።

26 ታን ካትያ አግሪጶዉ ሀ የዉዎ ቆንጫያን ኦድያዎ እ ኤሪ፤ እያዉ ጎጥ፡ ሀ የዉ ጌማን ኦሰትቤና ድራዉ፡ ሀዎጥ እቲን አጥ ጌመናዎ ታን ጌሻደ ኤራይ።

27 “ካትያ አግሪጶ፡ ኔን ናባቲ ጌዳዎ አማናይ? ኔን ኡንቲንቱ ጌዳዎ አማንያዎ ታን ኤራይ” ያጌዳ።

28 ካትያ አግሪጶይ ጳውሎስ፡ “ሀእ ሀ ቃንላ ዎዳትንካ ታና አማንላናዉ ኮያይ?” ያጌዳ።

29 ሄዎጥ ጉየ ጳውሎስ፡ “ዳር ዎደ ግድና፡ ጉላ ዎደ ግድና፡ ነ ጸላላ ግዳካ፤ ሸን ሀቼ ታን ኦድያዎ ሰሰያ ኡባይ ቃይ ታዎዳን ቃሽቶጥኖ አትን፡ ታ ማላ ግዳናዳን ጸሳ ዎሳይ” ያጌዳ።

30 ሄዎጥ ጉይያን ካቲ፡ ሞድያ ፕሰጸሰ፡ ባርኒቀን፡ ኡንቲንቲና ደእያ ኡባይ ደንድ።

31 እት ባጋ ሰሚደ፡ እቲ እቲዎና፡ “ሀ ብታኒ ሀይቁሳይ አቶ ሸን፡ ቃሽቶሰካ በሰያባ ኦሐቤና” ያግ ሃሳዬድኖ።

32 አግሪጶይ ፕሰጸሳ፡ “ሀ ብታኒ፡ ‘ቁሳሪ ታባ ፕርዶ’ ግቤነንቶ፡ ብለታናዉ ዳንዳዬ ሸን” ያጌዳ።

26:22-23 እሳ. 42:6፤ 49:6፤ 1 ቆር. 15:20

27

ጳውሎስ ሮሙ ቤዳ

1 ኑን ማርካብያን ጳልያ ባናው ቆፕ ኡቴዳ ዋደ፡ ጳውሎሳን ሀራ አማራዳ ቃሽቴዳ አሳቱዋ አውግሰጸሳ ዋታዳራቱዋ ግያዋንቱፕ እት ዩልዮሳ ግያ ጸታቱዋ ካፖ አሊደ እሜድኖ።

2 ኢሰያ ጋጸን ደእያ ጋዳቱዋ ብያ አድራምጽዮና ማርካብያን ገሊደ ቤደ፤ ማቅደንያ አሳ ግድያ ተሰሎንቀ አርሰጽሮኮሰ ኑናና ደኤ።

3 ዋንትሳ ጋላስ ኑን ሲደና ጋክሸን፡ ዩልዮሰ ጳውሎሳው ዳሮፕ አ፡ “ሳ ዳባቱ ኔና ኮሽያባ ማደና ማላ፡ ኔን ኡንቱንቱኮ ባናው ዳንዳያ” ያጌዳ።

4 ሄዋፕ ደንዲደ፡ ሰንፋና ኑ ቦላ ጫርክያ ድራው፡ ቆጲሮሳ ሃላን ደደቱዳ ሳኣን ጫርክና ባጋ ቤደ።

5 ክልቂያ ማታንነ ጽንፍልያ ማታን ደእያ አባ ፕኒደ፡ ለቅያን ደእያ ሙራ ጋኬደ።

6 ሄዋን ጸታቱዋ ካፕ ጳልያ ብያ እስክንድርያ ማርካብያ ደሚደ፡ አን ኑና ገልሴዳ።

7 ኑን ጮራ ዋድያ ሎዳን ቢደ፡ ዳሮ ሙቱዋን ቀንደሳ ካታማ ጋኬደ፤ ሄዋና ባናው ኑና ጫርኩ ድግና ሳልሞናና አቋደ፡ ሃላን ደደቱዳ ቃርጾሳን ጫርኩዋፕ ተኤቲደ ቤደ።

8 ቃይካ ዳሮ ሙቱዋን ጋጸና ጋጸና አቋደ፡ ላሰያ ካታማ ማታን ደእያ አባ ድናን ማርካብ ዋፕ ገደ ሸምፕያ ሳ ጌተትያሳ ዩደ።

9 ኑን ሄዋን ጮራ ዋድያ ጋምኤዳዋፕ ጉይያን፡ ጸማይ ብለት ድጌዳ ድራው፡ ማርካብያን ብያዌካ ሀርግሽን ጳውሎስ ኡንቱንታ ዞሪደ።

10 “አሳው፡ ኑ ቡሳን ዋልቃማ ቦሻይነ ዳሮ ባሻይ ደአናዌ ታው ቤቱ፤ ባሻይ ይያዌ ጫና ቦላን ማርካብያ ቦላ ጸላላን ግደና፤ ኑ ሸምፕዋ ቦላካ ያናዋ” ያጌዳ።

11 ሸን ጸታቱዋ ካፕ ጳውሎስ ጌዳዋፕ አሊደ፡ ማርካብያን ደእያዋንታ አዛዘያዌነ ማርካብያ ሳዳይ ግያዋ አማኔ።

12 ሄ አባ ማታ ካታማይ ባልጉዋ ሻጫናው ኡንቱንቶ ሚክና ካታማ፤ ሄዋ ድራው፡ ጮራ አሳቱ ባረንቶ ዳንዳዮቶፕ፡ ፕንቀ ግያ ካታማ ጋኪደ፡ ባልጉዋ ያን ሻጫና ማላ፡ ያፕ ደንደናው ዞሪቲድኖ፤ ፕንቀን ደእያ ማርካብ ሸምፕያ ሚኮ ሳእይ ደየቱዳዌ፡ አዋይ ዉልያሳፕነ ኡሸቻ ባጋፕ ግዲዋን፡ ቃይ ዉልያሳፕነ ሀድርሳፕ ግዲዋና።

አባ ቦላን ጎቱ ደንዳዳ

13 አዋይ ከሰያሳ ጳልያ ዋደ ኡሸቻ ዲገሃ ባጋ ጫርኩ ሎዳን ጫርኬዳ ዋደ፡ ባረንቱ ቆፕዳዋዳን ሀኔዳዋ ኡንቱንቶ ማላትና ደንዳድኖ፤ ማርካብ ቤና ማላ ኦይቂያ ብራታ ፑደ ዳፊደ፡ ቃርጾሳ ማታቲደ፡ ላንቂያና አቋድኖ።

14 ሸን ዳሪ ጋምኤናን፡ “አውራቂሰ”* ግያ ዳሮ ዋልቃማ ጎቱ ሃላ ግደን ደእያ ሳኣፕ ዲገ ኡንቱንቱ ቦላ ደንዳዳ።

15 ሄ ጎቱ ማርካብያ ደቺደ አብናን ድግና፡ ባናው ኑው ዳንዳየተናን እጾዳ ድራው፡ ማርካብያ እ አፍናሳ አገደ ቤደ።

16 ኑን ቄዳ ግያ ሃላን ደደቱዳ ጫርኩዋፕ ጌሜዳ ሳና አቋድ ዋደ፡ ዳርሰ ሙቶቲደ ማርካብያ ዋንግርያን ናግ አሻናው ዳንዳዬደ።

17 ኡንቱንቱ ዋንግርያ ፑደ ከሴዳዋፕ ጉይያን፡ ጋድያን ማርካብያ ጸጺደ፡ ሞንሰ ቃቺድኖ፤ ሰርጽሳ ግያ ሻፊ ኩሜዳ ሳን ባረንታ ኩንድሳንንቶነ ገደ ሀርገደ፡ ማርካብያ አፍያ ሻራ ዋሊደ፡ ጫርኩዋን ማርካብያ ጮ የድ አጌድኖ።

18 ጎቱ ዋልቃሚደ ኑ ቦላን ዋልቃሚዳ ድራው፡ ዋንትሳ ጋላስ ጫናፕ አባን ኦሎዋ ደሚድኖ።

19 ሄዘንልያ ጋላሰካ ማርካብያን ደእያ ሚሻ ኡንቱንቱ ባረንቱ ኩሸያን ኦሎድኖ።

20 ኑን ዳሮ ዋድያ አዋነ ጸልንትያ በኤናን፡ ዋልቃማ ኡሹ ኑ ቦላ ቡክሸን፡ ሰንፋፕ ጳየናን አቶኮ ገደ ቆፕደ።

21 ኡንቱንቱ ዳሮ ዋድያ ቁማ ሚናን ጋምኤዳዋፕ ጉይያን፡ ጳውሎስ ሄ ዋደ ኡንቱንቱ ግደን ደንድ ኤቂደ፡ ሀዋዳን ያጌዳ፤ “አሳው፡ ሀንተንቱ ታ ዘርያ እኬደንቶነ ቃርጾሳፕ ደንደናን አቴደንቶ፡ ሀዋ ማላ ባየላይነ ቆሁ ኑና ጋክና።

22 ሸን ሀእካ ታን ሀንተንታ ያዮፕተ ጋደ ዞራይ፤ አያው ሳፕ፡ ሀ ማርካብ ባያናፕ አትን፡ ሀንተንቱፕ እት ኡራ ሸምፕካ ባየና።

23 አያው ሳፕ፡ ጸሳ ኪታንቻይ፡ ታና ሞዴዳ ታን ጎይንያ ጸሳዌ፡ ዝኖ ቃማ ታ ማታን ኤቂደ።

24 “ጳውሎሳ፡ ያዮፕ፤ ኔን ሮሙ ጋድያ ካትያ ቁሳራ ሰንፋን ኤቃናው በሴ፤ በአ፡ ጸሳይ ባረ ኬካተላን ኔናና ብያ አሳ ኡባ ሸምፕዋ አሻና” ያጌዳ።

25 ሄዋ ድራው አሳው፡ ያዮፕተ። አያው ሳፕ፡ ሄ ኪታንቻይ ታው ኦዴዳዋዳን ሀናናዋ ታን ጸሳ አማናይ፤

26 ሸን ጫርኩ ኑና እት ሃላን ደደቱዳ ሳኣን አባ ድናን ደምእሳና” ያጌዳ።

27 ታማነ ኦይደንፉ ጋላሰ ሚድትራንያ አባን ኑና ጫርኩ ያነ ሃነ ሰግሸን፡ ማርካብያን ኦልያዋንቶ ቃማ ብላሂ ቢታኮ ማቴዳዋ ማላቲዳ።

28 ኡንቱንቱ ልክያ ጋድያ ጸራን ዴጽያባ ቃቺደ፡ ሃላን የግና፡ ሃላይ ኦይታሙ ሞትርያ ጨማቴዳዋ ኤሬድኖ። ጉላ ጋምኤደ፡ ላኤንፉዋ የገደ፡ ሀታሙ ሞትርያ ጨማቴዳዋ ኤሬድኖ።

29 ኡንቱንቱ ሹቻትያሳን ኩንደና ማላ ያዩደ፡ ማርካብ ቤና ማላ ኦይቂያ ኦይዲ ብራታ ማርካብያፕ ጉየና አባን የገደ፡ ሳእይ ዋንታና ማላ፡ ባረንቱ ጸሳቱዋ ዋሲኖ።

30 ማርካብያን ኦልያዋንቱ ማርካብያፕ ክቻናው ኮዩደ፡ ማርካብ ቤና ማላ ኦይቂያ አማራዳ ብራታቱዋ ማርካብያፕ ሰንፋ ባጋና አባን የግያዋ ማላቲደ፡ ዋንግርያ አባን ዋሊደ ዋደ።

31 ጳውሎስ ጸታቱዋ ካፕዋነ ዋታዳራቱዋ፡ “ሀዋንቱ ማርካብያ ግደን ደእና ጳዮፕ፡ ሀንተንቱ አታናው ዳንዳይክታ” ያጌዳ።

* 27:14 “አውራቂሰ” ጌተትያ ዋልቃማ ጎቱ ክል ፑደሃፕ ዉላሃ ባጋ ጫርክያዋ ግድያዋ በሴ።

32 ሄዋጥ ጉይያን፡፡ ዋታዳራቱ ዋንግሪ ቃሽቴዳ ጋድያ ቃንጸደ፡፡ የድ አጌድኖ።

33 ሳኦይ ዋንታና ሀንሸን፡፡ ጳውሎስ ኡባይ ቁማ ማና ማላ፡፡ ሀዋዳን ያጊደ ዋሴዳ፤ “ሀንተንቱ ሀቼና ታማነ ኦይዱ ጋላሳ ናጌድታ፤ ቃይ ሄ ኡባንካ ቁማ ሞበይክታ።

34 ሄዋ ድራው፡፡ ጉላ ቁማ ሀንተንቱ ማና ማላ፡፡ ታን ሀንተንታ ዋሳይ፤ አያው ሳጥ፡፡ ሀንተንቱ ፓጸ ደአናው ጉላ ቁማ ማና ኮሼ፤ ሀራይ አቶ ሀንተንቱ ሀጺያ ብናናጥ አቱካ ባየና” ያጌዳ።

35 ጳውሎስ ሀዋ ጊደ፡፡ ኡክላ አኪደ፡፡ ኡባ ሰንላን ጸሳ ጋላቲዳ፤ መንሐ ሙሳ ደሜዳ።

36 ሄዋጥ ጉይያን ኡባይ ሎይሐ፡፡ ባረንቶ ቃይ ቁማ ሜድኖ።

37 ኑን ማርካብያን ደእያዋንቱ ላኡ ጾታን ላፑን ታማነ ኡሱቸና።

38 ኡንቱንቱ ሚደ ካሌዳ ዋደ፡፡ ጫና ዛርጋ አባን ኦሊደ ማርካብያ ዴጶዋ ካወሸሴድኖ።

ማርካብያ መኡሳ

39 ሳኦይ ዋንቱዳ ዋደ፡፡ ማርካብያን ኦላያዋንቱ ጋድያ ኤርበይክኖ፤ ሸን ሃላይ ሳጊደ አባን ገሌዳሳ ሞይያን ደእያ ሻፍያ አኩካን ጴሌድኖ። ባረንቶ ዳንዳየትንቶ፡፡ ማርካብያ ሄ ሻፍያኮ ላጋናው ባረንቱ ቆፋ ቃቼድኖ።

40 ያቲደ ማርካብያ ቤና ማላ ኦይቂያ ብራታቱዋ ብሊደ፡፡ አባ ግደ የጌድኖ፤ ሄ ዋደ፡፡ ማርካብያ ኮዬዳሳ ዛሪደ ላግያ ሞላ ቃቼዳ ጋድያ ብሌድኖ፤ ሄዋጥ ጉይያን፡፡ ጫርኩ ማርካብያ ሰንላው ሱጋና ማላ፡፡ ማርካብያ አፍያ ሻራ ሰንላ ባጋና ጶቁ ኦሊደ፡፡ ቡሳ ደሜድኖ።

41 ሸን ማርካብያ ጨሙ ደኢያሳጥ አጲደ ሃላን ደደቲዳ ሳኦ ማታን ደእያ ደላሳን ደምኤት ኤቁዳ፤ ማርካብያው ጉየ ባጋይ ቤታ ሱገላን መኤረትሸን፡፡ ሰንላ ባጋይ ዱገ ድሸቲደ፡፡ ቃጸናን አጽ አጌዳ።

42 ዋታዳራቱ ቃሽቴዳ አሳጥ አቱነ ሃላ ዋጲደ ከሰ አክቤና ማላ፡፡ ኡንቱንታ ዋጲናው ዘረቲድኖ።

43 ሸን ጾታቱዋ ካፑ ጳውሎስ አሻናው ኮዬደ፡፡ ዋታዳራቱዋ ማቁዋ እጹዳ፤ ሃላ ዋጲ ኤርያ ኡባይ ማርካብያጥ ሃላን ጉፕ ጉፒደ ካሰቲደ ጋጸ ከሳና ማላ አዛዜዳ።

44 አቲዳዋንቱጥ አማራዳዋንቱ ሳንቃን፡፡ አማራዳዋንቱ ቃይ ማርካብያ መኡዋን ከሳና ማላ አዛዜዳ፤ ሄዋዳን ኡባቲካ ጋጸ ሳርተላን ከሴድኖ።

28

ጳውሎስ ማልታ ግያ ሃላን ደደቲዳ ሳኦ ቤዳ

1 ኑን ጋጸ ሳርተላን ከሴዳ ዋደ፡፡ ሄ ሃላን ደደቲዳ ሳኦይ ማልታ ጌተትያዋ ኤሬድ።

2 ሃላን ደደቲዳ ሳኦን ደእያ አሳቱ ኑው ዳር ኬካተላ ኬኬድኖ፤ እራይ ቡካናው ደሜዳ ድራውን ማጉዋ ድራው፡፡ ታማ ኤሊደ፡፡ ኑና ኡባ ሞኬድኖ።

3 ጳውሎስ ዳር ቃይጾርያ ሞላ ሞጺደ ታማን የግሸን፡፡ ማርካብያ ሸሻይ ሴላ ድራው ከሲደ፡፡ አ ኩሸያን ጸጸቲደ፡፡ አ ዱኬዳ።

4 ሃላን ደደቲዳ ሳኦን ደእያ አሳቱ ቅርጫንትያ ሸሻይ ጳውሎስ ኩሸያን ጸጸቲዳዋ በኤዳ ዋደ አቱ አቶ፡፡ “ቱሙ ሀ ብታጌ ሸምፑዋ ዋጲያ አሳ፤ ሀራይ አቶ አባጥ እ አትናካ ኑ ጸሳ ፕርዳይ አ ፓጸ ደኦ ግቤና” ያጌድኖ።

5 ሸን ጳውሎስ ባረ ኩሸያጥ ቅርጫንትያ ሸሻ ወጸኪደ፡፡ ታማን ኦሌዳ፤ አ አይነ አላቤና።

6 ኡንቱንቱ፡፡ “አ ቦላይካ ጋፌ፤ ዋይ አኬከናን ኩንዲደ ሀዬ” ያጊደ አ ናጊኖ፤ ሸን ጮራ ዋድያ ናጊደ፡፡ አ ቦላን አይነ ዲማቲዳባይ ጳይና፡፡ “ሀዌ ጸሳ” ያጊደ ባረንቱ ቆፋ ባሽ አጌድኖ።

7 ሄዋ ሄራን ሃላን ደደት ኡቲዳ ሳኦ ካፑዋ ፑፕልዮሳ ግያዋ ጋዲ ደኤ፤ አ ኑና አማላተላ፡፡ ሄዙ ጋላሳ ሲቁዋን ሞክ ሞይዜዳ።

8 ፑፕልዮሳ አቡ ቆጶዋ፡፡ ሴላን ኡሉዋ ካጳ ሳከት ግሲደ ደኤ፤ ጳውሎስ አ ሶይ ገሊደ፡፡ አው ጸሳ ዋሴዳ፤ ባረ ኩሸያ አ ቦላ ዋሊደ፡፡ አ ፓሌዳ።

9 ሄዋጥ ጉይያን፡፡ ሄ ሃላን ደደቲዳ ሳኦን ሀርግያ ሀራ ኡባ አሳይካ ቃይ ዪደ ፓጾዳ።

10 ሄዋጥ ሰምና ኑና ዳር ቦንቹዋ ቦንቹድኖ፤ ኑን ማርካብያን ባናው ደንዴዳ ዋደ፡፡ ኦገው ኑና ኩሸያባ ኑው አሜድኖ።

ጳውሎስ ማልታጥ ሮመ ቤዳ

11 ሄዙ አገናጥ ጉይያን፡፡ ሃላን ደደቲዳ ሳኦን ባልጉዋ አሊደ፡፡ “ማንተ ጸሳ”* ግያ አሰክንድርያ ማርካብያን ባናው ደንዴዳ።

12 ኑን ሰራኩሰ ግያ ካታማ ገሊደ፡፡ ያን ሄዙ ጋላሳ ኡቲደ።

13 ሄዋጥ ዩዪደ፡፡ ረገዬመ ግያ ካታማ ጋኬድ፡፡ እት ጋላሳጥ ጉይያን፡፡ አዋይ ከሰያሳ ጾልያ ዋደ ኡሸቻ ዱገሃ ባጋ ጫርኩ ጫርክና፡፡ ዋንትሳ ጋላሰ ፑትያሉሳ ግያ ካታማ ዩድ።

14 ሄዋን ኑን እት እት አማንያዋንታ ደምና፡፡ ባረንቱና ላፑ ጋላሳ ኡታና ማላ፡፡ ኑና ዋሴድኖ፤ ሄዋጥ ቃይ ሮመ ዩድ።

15 ሮመን ደእያ አማንያዋንቱ ኑባ ሰሲደ፡፡ አፍያሳ ገያን “ሄዙ አቅያሳ ጌተትያሳ” ጋካናው ኑና ሞካናው ዩድኖ፤ ጳውሎስ ኡንቱንታ በኤዳ ዋደ ጸሳ ጋላቲደ፡፡ ዋዛናን ሞንሴዳ።

ጳውሎስ ሮመን ታማርሴዳ

16 ኑን ሮመ ገሌዳ ዋደ፡፡ ጳውሎስ ባረና ናግያ ዋታዳራና ባረካ ደአናዳን ኦሰቲዳ።

17 ሄዙ ጋላሳጥ ጉይያን፡፡ ጳውሎስ አይሁዳቱዋ ካፓቱዋ ባረኮ ጴሴዳ፤ ኡንቱንቱ ሸቂዳ ዋደ፡፡ ኡንቱንታ ሀዋዳን ያጌዳ፤ “ታናዳን አማንያዋንቶ፡፡ ታን ኑ አሳ ዋይ ኑ አዋቱዋ ዋጋ ኢታባ አይነ አፍና፡፡ ታና የሩሳላሙን ቃቸደ፡፡ ሮመ አሳው አሊደ አሜድኖ።

18 ኡንቱንቱ ታና ብዴዳዋጥ ጉየ፡፡ ሀይቃናው በሰያባይ ታ ቦላ አይነ ባይና ድራው፡፡ ታና ብላናው ኮዬድኖ።

* 28:11 ማንተ ጸሳ፡፡ ሀዋንቱ ላኡ እቱማ ናናቱ፡፡ ካሰቶርን ፓሎክሳ ጌተትያዋንቱ ዘውሰ ናናቱዋ ግዲደ፡፡ ማርካብያን ደእያ አሳቱዋ ናግያ ጸሳቱዋ ጌተቲደ ጴሰቲኖ።

19 ሸን ሄዋ አይሁዳቱ ኤኖ ጌናን እጹዳ ዋደ፡ ጥባ ቁሳረ ፕርዶ፣ ጋናዌ ታና ኮሼዳፕ አትን፡ ታን ታ ዛርያ ሞትያባይ ታወ ደእና ግደና።

20 ታን ህንተንቱና ጋከታናወነ ሃሳያናወ ህንተንታ ጸሴዳዌ ሄዋሳ፤ አያወ ጎፕ፡ እሰራኤልያ አሳይ ናሸቻን ናግያዋ ድራወ ታን ሀ ሳንላላታን ቃሸታድ” ያጌዳ።

21 አይሁዳ ጭማቱ ጳወሎሳ፡ “ኑን ይሁዳፕ ነገወ ዳብዳቢያ አክበይኮ። ኑ እሻቱዋፕካ ሀራይ አቶ፡ አቱካ ዪደ፡ ነባ ኦድቤና፤ ዋይ ነ ሱንላ ባይዚደ፡ ኑወ ኦድቤና።

22 ሸን ሄ አሳ ሱንላ ኡባ ሳን አሳይ ባይዚደ ሃሳይያዋ ኑን ኤርያ ድራወ፡ ነ ቆፋ ሰሳናወ ኮዬቶ” ያጌድኖ።

23 ኡንቱንቱ ባረንቱ ያና ጋላሳ ጳወሎሳወ ኬሪደ፡ ሄ ጋላሰ ጮሪደ እ ደኢያሳ ዬድኖ፤ እካ ኡንቱንቶ ጸሳ ካወተላባ ማርካቱዳ። ቃይ ኡንቱንቱ የሱሳባ አማናና ማላ፡ ሙሴ ህግያፕኑ ናባቱ ጸፊዳዋፕ አኪደ ኡንቱንታ ታማርሲደ፡ ዋንታፕ አማርሰ ጋካናወ ሎይሐ ኦዳዳ።

24 ባጋቱ ጳወሎሰ ጌዳዋ አማኔድኖ፤ ሸን ባጋቱ አማንበይክኖ።

25 ኡንቱንቱ ባረንቱ ግደን የወዋ ኤኖ ጌናን እጹዳ ዋደ፡ ጳወሎሰ እትባ ጌዳዋፕ ጉይያን ቤድኖ፤ እ ሀዋዳን ያጌዳ፤ “ጌሻ አያናይ ኑ አዋቶ ናብያ ኢሰያሳ ማጸፋን፡

26 “ ኔን ሄ አሳኮ ባደ ሀዋዳን ጋ፤ “ህንተንቱ ሰሳ ሰሳና፡ ሸን ህንተንቶ ገለና፤ ህንተንቱ ጸላ ጸላና፡ ሸን በእክታ።

27 አያወ ጎፕ፡ ሀ አሳ ዋዛናይ ጉዙማዳ፤ ባረንቱ ሀይላ ቱልሴድኖ፤ ባረንቱ አይፍያካ ጨሎማድኖ። ሄዋ ባዌንቶ፡ ባረንቱ አይፍያን በአና፤ ኡንቱንቱ ሀይላይካ ሰሳና፤ ኡንቱንቱ ዋዛናይካ አኬካና፤ ኡንቱንቱ ታኮ ጸሳኮ ሰማና። ቃይ ታንካ ኡንቱንታ ፓላና”

ያጋ፣ ያጌዳ።

28 “ሰሞ ሀዌ ጸሳ አቶተላይ፡ አይሁዳ ግደናዋንቶ ከተቱዳዌ ህንተንቶ ኤረቶ። ቃይ ኡንቱንቱካ ሰሳና” ያጌዳ።

29 [ጳወሎሰ ሄዋ ጌዳዋፕ ጉይያን፡ አይሁዳቱ ባረንቱ ግደን ዳሮ ፓሎመቲደ ቤድኖ።]†

30 ጳወሎሰ ክራ ጎልያን ላኡ ላይላ ኩመንላ ደኢደ፡ ባረኮ ይያ ኡባ ሞኬ።

31 ባረና ኦንነ ድገናን ጸሳ ካወተላባን ጎዳ የሱሰ ክርሰቶሳባ ኦዲደ፡ ያየናን ዳሪ ቆንጭሲደ ታማርሴዳ።

28:27 አሳ. 6:9-10 † 28:29 ዳማ ዳማ ማጸፋቱ ሀዋ ጉጅያዌ፡ ጳወሎሰ ሀዋ ጌዳዋፕ ጉይያን ግያዋና።

ጳውሎስ ርመ አሳው ጳጳዳ ኪታ ገሉዋ

የሱስ ኪቲዳ ጳውሎስ ርመ አሳው ጳጳዳ ኪታይ፡ ጳውሎስ ርመን ደእያ ዋሳ ጎልያ ጸዋሳናው ቆፔዳ ድራው፡ እ ባናው ኡንቲንቲ ጊጊደ ናጋናዳን አላናሳ። ጳውሎሳ ቆፋይ ርመን ደእያ አማንያዋንቲና ጉሳ ዋድያ ኡፊዳዋፕ ጉይያን፡ ኡንቲንቲ ማድና እስፔነ ባናሳ። ክርስትና አማኑዋባ ባረ ኤሬዳዋነ ሄዋ ቃይ አማንያ አሳይ ኡሱዋን ፔሻና ሀናታ ቆንጭሲደ ጳጳዳ። ጳውሎሳ ቆፋይ ኩመንሳ ሀናታን ቤትያዌ ሀ ኪታና።

ጳውሎስ ርመን ደእያ አማንያዋንቲ ሳርታ አላዋፕነ ኡንቲንቲ ዋሳናዋካ ሀድታ እዋዋፕ ጉይያን፡ ኪታው ግድ ቆፋይ “ምሽራቹዋ ቃላይ ጳጳይ አሳ ጽልሰያዌ፡ ኮይረዋፕ ወርሰሳ ጋካናው አማኑዋና ግድያዋ ኦዴ” (1:17)

ሄዋፕ ጉይያን ጳውሎስ ሀ ቆፋ አሲደ ጳጳ። አይሁዳቲዋ ግድናካ አይሁዳ ግድና አሳ ግድናካ ኡባይ ናጋራው ዋደትያዋንታ ግድያ ድራው፡ ኡንቲንቲ ጳጳና ሰገታናው ኮሺ። አሳይ ጳጳና ሰገታናው ዳንዳይያዌ የሱስ ክርስቶሳን አማንያዋና። ጳጳና መድያ ኦራሳ እትፕተሳ አይፊ ኦራሳ ደኡዋ ግድያዋ ጳውሎስ አሲደ ኦዴዳ። አማንያ አሳይ ጳጳና ሳር ደኤ። ቃይ ጳጳ አያና ባጋና ናጋራነ ሀይቁዋ ዋልቃፕ ብለቲ። ጳውሎስ ጳጳ ቆፋይነ አማንያ አሳ ደኡዋ ግድን ኦልያ ጳጳ አያና ዋልቃ ቆፋይ አየንቶ ኦዴ (5-8)። ሄዋፕ ካሊደ ቃይ ጳውሎስ፡ “ጳጳይ አሳ ናናው ቆፔዳ ቆፋ ግድን አይሁዳቲነ አይሁዳ ግድና አሳቲ ዋኒደ እትፕ ዋጸታናው ዳንዳያናዋንቲሻ?” ያግያ ኦሻ ዛራናው ባጸቲደ ደኤ።

ቃይካ ጳውሎስ፡ አይሁዳቲ የሱሳ አከናን አጌዳዌ ጳጳ ቆፋ ግድያዋ ኦዴ። አያው ጎፕ፡ ሀዋ ማላ ሀናታን አሳ ዘረላይ ኡባይ ጳጳይ የሱሳ ባጋና ቆንጭሴዳ አጾ ኬካተላን እትፕተሳ አላናሳ። ግድ ሸን፡ አይሁዳቲ የሱሳ አካናው ዋዲ ያናዋ ጳውሎስ አማኔ። ወርሰሳን ጳውሎስ ክርስትና ደኡዋ ዋኒደ ደአናው በሰንቶ ኦዴ። ጳጳው አላናባ፡ አማንያ አሳቲ ባረንቲ ጋድያሰነ ባረንቲ ግድን እቲ እቶ ሲቁዋንነ ማታን አላናባነ ቆፋ ጋሱዋን ደንድያ ኦሻቲዋባ ቆንጭሲደ ኦዴ።

ሸምፓቲዋ ኡባቶ እመቴዳ ቃንሳ ቆፋቲዋ

ርመ ኪታ ሁጸ ቆፋ ገሉዋ 1:1-17
አቶተላይ አሳው ኮሸያዋ ግድያዋ 1:18—3:20
ጳጳ አሸዋ ኦግያ 3:21—4:25
የሱሳን ቤትያ ኦራሳ ደኡዋ 5:1—8:39
እስራኤልያ አሳው ደእያ ጳጳ ቆፋ 9:1—11:36
ክርስትናው በሰያ ኡሱዋ 12:1—15:13
ወርሰሳ ቆፋነ ሳርታ 15:14—16:27

1 ባረ ምሽራቹዋ ቃላ ኦዳናው ጳጳይ ደሪደ ጴሴዳ ክርስቶሳ የሱሳ ቆማይ፡ የሱስ ክርስቶስ ኪቲዳ ጳውሎስ፡ ታን ሀ ዳብዳቢያ ጳጳይ።

2 ጳጳይ ዳር ዋደፕ ካስ ባረ ናባቲዋ ባጋና ምሽራቹዋ ቃላ እማና ያጌዳዌ ጳጳ ጌሻ ማጻፋቲዋን ጳጳቲዳ፤

3 ሄ ምሽራቹዋ ቃላይ አሳ ግዲደ ዳዊተ ዛርያፕ የለቴዳ ጳጳ ናኦ፡ ኦ ጎዳ የሱስ ክርስቶሳሳ።

4 ቃይ እ ባረ ጌሻ አያናን * ሀይቁዋፕ ደንዳዳዋን፡ ጳጳ ናኦ ግድያዋ ዋልቃማ ዋልቃን በሴዳ።

5 አይሁዳ ግድና አሳይ ኡባይ አማናናዳንነ አዛዘታናዳን፡ ኡን ኡንቲንታ ካለላና ማላ፡ ጳጳይ ክርስቶሳ ሱንሳ ድራው፡ ክርስቶሳ ባጋና አጾ ኬካተላነ የሱስ ኪቲዳዋንታ ግድያ ማታ ኦው እማዳ።

6 የሱስ ክርስቶሳዋ ግድናዳን፡ ጳጳይ ጴሴዳ ሀንተንቲካ ሄዋንቲ ግድን ደኤታ።

7 ጳጳይ ሲቅያዋንቶነ ጌሻባ አላናው ጴሴዳ ርመ ጋድያን ደእያ ኡባቶ ጳጳ ኦ አወዋፕነ ጎዳ የሱስ ክርስቶሳፕ አጾ ኬካተላይነ ሳርተላይ ሀንተንቲ ግድ።

ጋላታ ዋሳ

8 ካስታደ ታን ሀንተንቲ አማኑ ሳኦ ኡባን ሰስቲዳ ድራው፡ የሱስ ክርስቶሳ ባጋና ሀንተንቲ ታን ጳጳ ጋላታይ።

9-10 አያው ጎፕ፡ ታን ኡባ ዋደ ታ ዋሳን ሀንተንታ ሀሳይሰያዎ፡ ጳጳይ፡ ታን አ ናኦ ምሽራቹዋ ቃላ ኦድያዋን ታ አያናን አው ኦልያዌ ማርካ። ጳጳይ፡ ባረ ሸንያን፡ ታን ሀእ ሀንተንቲኮ ባናው ታ ኦግያ ሚኮያናዳን፡ ኡባ ዋደ ዋሳይ።

11 አያው ጎፕ፡ ታን ሀንተንታ ምንሳናው፡ ሀንተንቲና እትፕ አያና እዋታ ሻካና ማላ፡ ሀንተንታ በአናው ላዋታይ።

12 ታን ግያዌ፡ ሀንተንቲካ ታካ እት ዋደ ምነታና። ሀንተንቲ ታ አማኑዋን፡ ቃይ ታንካ ሀንተ አማኑዋን ምነታና።

13 ታናዳን አማንያዋንቶ፡ ታን ኡባ ዋደ ሀንተንቲኮ ባናው ቆፓድ። ሸን ታና ድግያባይ ደእያዋ ሀንተ ኤራናው በሴ፤ ታን ሀራይ አቶ አይሁዳ ግድና ሀራ አሳፕካ አይፍያ ደማዳዋዳን፡ ሀንተንቲፕካ አይፍያ ደማናው ኮያይ።

14 ታን አሳ ኡባው፡ ግሪክ አሳውነ ታማርቤና አሳው ቃይ አጾ ኤራንቻቶነ ኤያቶ ቃንጸና አጬ ደኤ።

15 ሄዋ ድራው፡ ታው ዳንዳየቴዳ ኬናን ርመን ደእያ ሀንተንቲካ ምሽራቹዋ ቃላ ኦዳናው አዋታይ።

ምሽራቹዋ ቃላይ ጳጳ ዋልቃ

16 ምሽራቹዋ ቃላይ ታና ዬላየና፤ እ አማንያ ኡባ፡ ካስቲደ አይሁዳ አሳ ቃይ አይሁዳ ግድና አሳ አሻናው ጳጳፕ ይያ ዋልቃ።

17 አያው ጎፕ፡ ጳጳ ማጻፋይ፡ “ጽሉ ጳጳን አማነቲደ ደአና” ያግያዋዳን፡ ጳጳይ አሳ ኮይርፕ

* 1:4 ባረ ጌሻ አያናን፡- ዋይ “እነ ደእያ ጌሻ አያና” 1:17 አምባ. 2:4

ወርሰላ ጋካናው፡ አማኑዋን ጽልሰያዋ ምሽራቸው ቃላይ ቆንጭሴ።

2

አሳ ኢታ ኦሱዋ

18 ቱማተላይ ኤረታናዋ ባረንቱ ኢታ ሆናታን ድግያ ናጋራ ኦሱዋ ኡባ ቦላንነ አሳ ኢታ ኦሱዋ ኡባ ቦላን፡ ጸሳ ሀንቁ ሳሉዋፕ ዋጂደ ቆንጫና።

19 ኢንቱንቱ ጸሳባ ኤራና ዳንዳይያዌ ኢንቱንቱ ቆንጫ፤ አያው ጎፕ፡ ጸሳይ ኢንቱንቱ ቆንጭሴዳ።

20 ቤተና አ ሆናታይ፡ ሄዌካ አ መጅና ዋልቃይነ አ ጸሳተላይ እትፕ ጸሳይ ሀ አላምያ መጅዳዋፕ ደሚደ፡ ኢንቱንቱ ቆንጫደ ቤቱዳ፤ ኢንቱንቱ ሄዋ ጸሳይ መጅዳባፕ በአናው ዳንዳይያ ድራው፡ ኢንቱንቱ ጋሶይያባይ ባዋ።

21 አያው ጎፕ፡ ኢንቱንቱ ጸሳ ኤርፕካ፡ አው በሰያ ቦንቸዋ እምበይክኖ፤ ቃይ አ ጋላትክኖ። ሽን ኢንቱንቱ አላላ ከሰናባ ቆፕኖ፤ ቃይ ኢንቱንቱ እኬከና ዋዛናይ ጁሜዳ።

22 ኢንቱንቱ ባረንታ አጭዳ ኤራንቻ ገኖ፤ ሽን ኢንቱንቱ ኤያ።

23 ኢንቱንቱ ሀይቀና ጸሳው ጎይንያዋ እጺደ፡ ሀይቀያ አሳ መፍታ፡ ካፋቱዋ መፍታ፡ ደአቱዋ መፍታን ትራን ጎሽትያዋንቱ መፍታ መፍታዋንቱ ጎይኔድኖ።

24 ሄዋ ድራው፡ ኢንቱንቱ እቱ እቱዋና ፖኮባ አላና ማላ፡ ጸሳይ ኢንቱንቱ ዋዛናይ አምትያ ቱናባ አላናዳን ኢንቱንታ አኒዳ።

25 አያው ጎፕ፡ ኢንቱንቱ ጸሳ ቱማተላ ዋርዲዋን ላሜድኖ፤ ቃይ መጅዳ ጸሳ አኒደ፡ አ መጅዳባው ጎይኔድኖን አጭድኖ። ጸሳይ መጅናው ጋላተቱዳዋ። አመንአ።

26 ሄዋ ድራው፡ ጸሳይ ኢንቱንቱ ፖኮባ አምታና ማላ፡ ኢንቱንታ አኒዳ፤ ሀራይ አቶ ኢንቱንቱ ማጫዋንቱ ባረንቶ በሰያዋ አኒደ፡ በሰናዋ ሀኔድኖ።

27 ሀዋዳንካ፡ አቱማ አሳይ ቃይ ባረንቶ በሰያዋዳን ማጫዋንቱና ጋከትያዋ አኒደ፡ እቱ እቱዋና ጋከታናው ኮዬድኖ፤ አቱማ አሳይ እቱ እቱዋና ፖኮባ አጭደ፡ ባረንቱ ኦጭዳ ባላን ባረንቶ በሰያ ፕርዳ አኬድኖ።

28 ኢንቱንቱ ጸሳ ኤራናው ደሰናን እጺዳዋ ኬና ጸሳይ ኢንቱንቱ በሰናዋ አላና ማላ፡ ኢንቱንቶ ፓርና ቆፋ እሜዳ።

29 ኢንቱንቱን ቱናተላይ፡ ኢታተላይ፡ ዮራተላይነ ኢታ ሆናታይ ኩሜዳ፤ ቃይ ኢንቱንቱን ቃናቱ፡ ሸምቸዋ ዋጅያ ቆፋይ፡ ፓሉማይ፡ ጭሙሳይነ ኢታ ቆፋይ ኩሜዳ፤ ቃይ ኢንቱንቱ ሶቅያዋንታ።

30 ዝግርያዋንታ፡ ጸሳ እጸያዋንታ፡ ቦርያዋንታ፡ ኦቶረትያዋንታ፡ ጨቀትያዋንታ፡ ኢታባ አላናው ኮይያዋንታን ባረንቱ አዋነ አትዉ አዛዘተናዋንታ።

31 ቆፋይ ባይናዋንታ፡ አማኑ ባይናዋንታ፡ ሀራንቶ ቃረተናዋንታን ማረናዋንታ።

32 ኢንቱንቱ ሀዋንቱ ማላ አላያዋንቶ ሀይቁ በሴ ግያ ጸሳ ሀግያ ኤሪደ፡ ሀዋንታ አሊኖ፤ ሄዋ ጸሳላ ግደናን፡ ሀዋንታ አላያዋንታካ አላተ ገደ ሞንሲኖ።

ጸሳ ፕርዳ

1 ሄዋ ድራው፡ ኔኖ ሀራንቱ ቦላ ፕርድያዋ፡ ነው ጋሶይያባይ ባዋ፤ አያው ጎፕ፡ ኔን ሀራንቱ ቦላ ፕርድዳ፡ ሄ ኔን ኢንቱንቱ ቦላ ፕርድያዋ ማላ አላፕ፡ ነ ቦላ ፕርድዳ።

2 ኔን ሀዋ ማላ ኦሱዋ አላያዋንቱ ቦላ ጸሳይ ጽሎ ፕርዳ ፕርድያዋ ኤራቶ።

3 ኔኖ፡ ሀዋ ማላ ኦሱዋ አላያዋንቱ ቦላ ፕርድያዋ፡ ቃይ ሄ ኔን ፕርድያዋ ማላ አላያዋ፡ ኔን ጸሳ ፕርዳፕ እትያዋ ማላቲ።

4 ዋይ ጸሳ ዋልቃማ ኬንተላ፡ ገንጨዋን ዳንዳያ ካጃይሻ? ጸሳይ ኔና ናጋራፕ ዛራናው ኮይያ ድራው፡ አ ኬካ ግድያዋ ኔን ኤራሳ።

5 ሽን ሀንተንቶ ጉዙማ ዋዛናይነ ናጋራፕ ሰሙ ዋዛናይ ደኤ፤ ሄዋ ድራው፡ ጸሳ ሀንቁን ጽሎ ፕርዳይ ቆንጭያ ጋላሰ፡ ኔን ነ ቦላ ሀንቁዋ ካሰዋፕ ዳርሳሳ።

6 ጸሳይ አሳ ኡባው አ ኦሱዋ ማላ እማናዋ።

7 እት እት አሳቱ ሎኦባ ዳንዳያን አሊኖ፤ ቃይ ጋላታ፡ ቦንቸዋን ባየና ደኤዋ ኮዬኖ፤ ኢንቱንቶ ጸሳይ መጅና ደኤዋ እማና።

8 ሽን ሀራንቱ ኢታባ አላናው ያረቲኖን ቱማተላ አጺኖ፤ ጸሳይ ኢንቱንቱ ቦላ ባሻን ሀንቁዋ የዳና።

9 ኢታባ አላያ አሳይ ኡባይ መቶታናን ዋየታና፤ ሄዋ ካሰቲደ፡ አይሁዳ አሳ ጋካና፤ ሄዋፕ ቃይ አይሁዳ ግደና አሳ ጋካና።

10 ሽን ጸሳይ ሎኦ ኦሱዋ አላያ ኡባቶ ጋላታ፡ ቦንቸዋን ሳርተላ እማና። ካሰቲደ አይሁዳቶ እማና፤ ሄዋፕ ቃይ አይሁዳ ግደናዋንቶ እማና።

11 አያው ጎፕ፡ ጸሳ አይፍያን አሳይ ኡባይ እት ማላ።

12 ሙሴ ህጊ ባይናን ናጋራ ኦጭዳ ኡባይ ህጊ ባይናን ጃያና። ሙሴ ህጊ ደእሽን፡ ናጋራ ኦጭዳ ኡባይ ህግያን ፕርደታና።

13 አያው ጎፕ፡ ጸሳ ሰንላን ህግያ ናግያዋንቱ ጽሊኖፕ እትን፡ ህግያ ሰሰያዋንቱ ጽልክኖ።

14 አይሁዳ ግደና አሳው ህጊ ባዋ፤ ሽን ባረንቱ ትላ ቆፋን ህጊ አዛዘያዋ አሊኖ፤ ኢንቱንቶ ህጊ ጃዮፕካ፡ ኢንቱንቱ ባረንቱ ሁጸው ህጊ።

15 ህጊ አዛዘያዋ ኢንቱንቱ ዋዛና ግደን ጸፈቱዳዋ ኢንቱንቱ ሆናታይ በሴ፤ እት እት ካላ ኢንቱንቱ ትላ ቆፋይ ኢንቱንቶ ማርካትያ ድራውን ቃይ እት እት ካላ ኢንቱንቱ ቆፋይ ኢንቱንታ ሞትያ ድራው፡ ዋይ ቃይ ኢንቱንቱና ጋዳትያ ድራው፡ ሄዋ ቱማ ግድያዋ ኤርሴ።

16 ታን ታማርሴዳ ምሽራቸው ቃላዳን፡ አሳ ዋዛናን ጌሜዳ ቆፋ ጸሳይ የሱሰ ክርሰቶሳ ባጋና ሀዋዳን ፕርድዳ።

አይሁዳቱዋን ሙሴ ህግያ

17 ሽን ኔን ኔና አይሁዳ ጋሳ፤ ህግያን ዘምፓደ ጸሳን ጨቀታሳ።

18 ኔን አላና ማላ፡ ጸሳይ ኮይያዋ አየንቶ ኤራ፤ ቃይ ቱማ ግድያዋ ደራናው ህግያፕ ታማራዳ።

19-20 ኔን ቆቃቱዋ ካላላያዋ፡ ቃይ ጁማን ደእያዋንቶካ ፖእሰያዋ፡ ኤረናዋንታ ኤርሰያዋን

ናናቱዋ ታማርሰያዋ ግድያዋ ኤራድ፤ ህግያፕ ኔን ኩመንጎላ ኤራተላን ቱማተላ ደምያዋ ኤራሳ።

21 ያትና፡ ኔን ሀራቱዋ ታማርሰያዋ ኔና ነ ሀ-ጸዉ አያዉ ታማርሰኪ? ኔን፡ “ዉኦፓ” ያጋደ ቃላ ኦዳሳ። ሸን ኔን ነ ሀ-ጸዉ ዉአይየ?

22 ኔን፡ “ዋሹዋፓ” ያጋ። ሸን ኔን ነ ሀ-ጸዉ ዋሹማይ? ኔን ኤቃ ሸነታ። ሸን ኤቃይ ደእያ ጎልያ ቦንቃይ?

23 ጸሳ ህጊ ነዉ ደእያ ድራዉ፡ ኔን ጨቀታሳ፤ ሸን ሄ ህግያ መንገዳደ ጸሳ ዬላያይ?

24 አያዉ ጎፕ፡ ጸሳ ማጻፋይ፡ “አይሁዳ አሳቶ፡ ህንተ ጋሱዋን አይሁዳ ግደና አሳቱዋ ግደን ጸሳ ሱንላይ ባዬ” ያጌ።

25 ኔን ህገዉ አዛዘቶ፡ ነ ቃጻራይ ማዲዋና ደኤ፤ ሸን ኔን ህግያ መንገፕ፡ ኔን ቃጻራቱዳዌ ቃጻራትቤናዋዳን ፓይደቱ።

26 አይሁዳ ግደና አሳይ ቃጻራተናን ህጊ አዛዘያዋ ናጎ፡ ጸሳይ አ ቃጻራቱዳዋዳን ፓይደኔ?

27 ህንተንቱ፡ አይሁዳ አሳቱ፡ ህንተንቶ ጸፈቱዳ ህጊ ደኦፕካ ቃይ ህንተ ቃጻራቶፕካ፡ ህግያ ህንተ መንገፕ ድራዉ፡ አይሁዳ ግደና አሳይ ቦላ ቃጻራታና ጳዮፕካ፡ ህገዉ አዛዘቱደ፡ ህንተ ቦላ ፕርዳና።

28 አያዉ ጎፕ፡ አይሁዳ አሳ ማላትያ ኡባይ ቱሙ አይሁዳ አሳ ግደና፤ ቃይ አሳይ ባረ አሹዋ አሳተላ ቃጻራቱዳ ድራዉ፡ ቱሙ አይሁዳ አሳ ግደና።

29 ሸን ቱሙ አይሁዳ አሳ ግያ ኡራይ ጋርሳ ባጋና አይሁዳ አሳ * ግዴዳዋ፤ ቃጻራትያዋ ጸሳ እያናን ኦስትያ ዋዛና ቃጻራፕ ኦትን፡ ጸፈቱዳ ህግያና ግደና፤ ሄ ኡራይ ባረ ጋላታ ጸሳፕ አክያዋፕ ኦትን፡ አሳፕ አክቤና።

3

አይሁዳቱ አማነናን ኡትሳን ባይዜድና

1 ያትና፡ አይሁዳ አሳቱ እያን አይሁዳ ግደና አሳፕ አዲና? ዋይ ቃጻራትያዋን አይ ማዲ ደኢ?

2 ሀዌ አይሁዳቱዋ ኡባባን ሎይሳ ማዴ፤ ኡባባፕ ካሰ ጸሳይ ባረ ኪታ ሀዳራ አይሁዳቶ እሜዳ።

3 ያትና ኡንቱንቱፕ እቱ እቱ አማነተናዋ ግደፕ፡ ዋኒ? ሄዋ ድራዉ፡ ጸሳይ አማነተና ያግያዌ?

4 ሄዋ ግደና፤ አሳይ ኡባይ ዋርዳንቻ ግደፕካ፡ ጸሳይ ግያዌ ቱማ ግደናዉ በሴ። ጸሳ ማጻፋይ፡ “ኔን ሃሳይያ ዋደ፡ ኔን ጽሎ ግድያዋ ኤርሳናዉ ኮሼ፤ ኔን ዋተትያ ዋደ፡ ሻትማናዉ በሴ” ያጌ።

5 ሸን ኑ ባይዙ ጸሳ ጽሎ ኦሱዋ ኤርሰንቶ፡ ኔን ዋጋኔ? ኑ ቦላ ህንቁዋ አህያ ጸሳይ ባይዛንቹ? ታን አሳይ ግያዋዳን ጋይ።

6 ሄዌ ዋዬ ሀናና። አያዉ ጎፕ፡ ሄዋዳን ግደፕ፡ ጸሳይ ሀ አላምያ ቦላ ዋት ፕርዳኔ?

7 ሸን ታ ዋርዲዋን ጸሳ ቱማተላይ አ ቦንቾ ደርፕ፡ ያትና፡ ሀዋ ጋካናዉ አያዉ ታ ቦላ ናጋራንቻዳን ፕርዲ?

8 ያትና ኑን፡ “ሎኡ ያናዳን፡ አነ ኢታባ አላይተ” አያዉ ጎኮ? እት እት አሳይ ሀዋ ታና ዋቲደ ቦሬድና፤ ኡንቱንቱ ጸሳፕ በሰያ ፕርዳ አካና።

አሳይ ኡባይ ናጋራንቻ

9 ሄዋ ድራዉ፡ ኔን ዋጋኔ? ኔን አይሁዳቱ፡ አይሁዳ ግደና አሳፕ ዳሬቶ? ሄዋ ግደና፤ አያዉ ጎፕ፡ አይሁዳቱካ አይሁዳ ግደና አሳቱካ ኡባይ እትፕ ናጋራፕ ጋርሳን ደእያዋ ታን ካሰ ህንተንቶ ኦዲና።

10 ጸሳ ማጻፋይ ሀዋዳን ያጌ፤ “ጽሎ አሳይ እቱን ባዋ።

11 እኬክያ አሳይካ ባዋ፤ ዋይ ጸሳ ኮይያዌካ ባዋ።

12 አሳይ ኡባይ ኦግያፕ ካረ ከሴድና፤ ኡባይ ሙላካ ማደናዋ ግዴዳ።

ሎኦባ ኦሳያ ኦንነ ባዋ፤ ሀራይ አቶ እቱን ባዋ።

13 ኡንቱንቱ ድናይ ደያ ደእያ ዲፋዋ ማላ። ባረንቱ እንጻርሳን ዋርደቱድና።

ኡንቱንቱ ደናፕ አሳ ዋድያ ሸሻ ይሻ ማላ ሃሳይ ከሴ።

14 ኡንቱንቱ ደናን ሸቃይነ ጫዋባይ ኩሜዳ።

15 ኡንቱንቱ ሱላ ጉሳናዉ፡ ዳሪ ኤሌሊና።

16 ባይዘነ ኮላሳይ፡ ኡንቱንቱ ቤዳሳን ሀቃንነ ጳዮና።

17 ኡንቱንቱ ሳርተላ ኦግያካ ኤርክና።

18 ቃይ ጸሳዉ ያይያባይ፡ ኡንቱንቱ ቆፋን ባዋ” ያጌ።

19 አሳ ኡባ ሃሳያ ድጋና ማላነ ኩመንጎላ ሳአ ጸሳ ፕርዳፕ ጋርሳዉ አላና ማላ፡ ህግያ ግደን ኦደቱዳ ኡባባይ ህግያፕ ጋርሳን ደእያ አሳዉ ሃሳይያዋ ኔን ኤሬቶ።

20 ጸሳ ሰንላን ኦንነ ህጊ አዛዘያዋ ኦሳያዋን ጽሊና፤ ህጊ እት አሳይ ናጋራ ኦሌዳዋ ኤራናዳን ኦሌ።

አሳይ ጽልያዌ አማኑዋና

21 ሸን ጸሳይ አሳ ጽልሰያ ኦጊ ህጊ ባይናን ሀእ ቆንጨዳ፤ ህጊን ናባቱ ሄ ጽሎተላባ ማርካቱድና።

22 ጸሳይ አሳ የሱሰ ክርሰቶሳ አማንያዋን ጽልሴ፤ ጸሳይ ሄዋ አ አማንያ ኡባዉ ኦሌ፤ አይ ሻኮተላይነ ባዋ።

23 አያዉ ጎፕ፡ አሳይ ኡባይ ናጋራ ኦሌዳ፤ ጸሳ ቦንቹካ ኡንቱንቶ ጉጾዳ።

24 ሸን ኡንቱንቱ ጸሳይ እምያ አ አዶ ኪካተላን፡ ባረንታ ዋዘያ ክርሰቶሰ የሱሳ ባጋና ጮ ጽሌድና።

25 የሱሳ ሱላን አሳይ አ አማኒደ፡ ባረ ናጋራዉ ማርተላ ደማናዉ፡ ጸሳይ አ እሜዳ፤ ጸሳይ ሄዋ

2:24 እሳ. 52:5 * 2:29 አይሁዳ ጉሳይ ጋላተትያዋ ግዲደ ሱንላይ ይሁዳፕ ዬዳ። 2:29 ዛረ. 30:6 3:4 ማዘ. 51:4 3:10 ማዘ. 14:1-3 3:13 ማዘ. 5:9 3:14 ማዘ. 10:7 3:15 እሳ. 59:7-8 3:18 ማዘ. 36:1 3:20 ማዘ. 143:2፤ ጋላ. 2:16

ባረ ጽሎተላ በሰናወ ኦሌዳ፤ እ በን ዎድያን አሳ ናጋራ ዳንዳዪድ፤ ካድ ባሽ አጌዳ፤ ሸን

26 ሀ ዎድያን ባረ ጽሎተላ በሰናወ አሳ ናጋራ አገና፤ ጸሳይ ሄዎ አላያዎን እ ባረ ሁጸዉ ጽሎ ግድያዎን የሱሳ አማንያ ኡባ ጽልሰያዎ በሴ።

27 ያትና፡ ኑን አያዉ ጨቀታኔ? አይነ ባዎ። አያ ጋሱዋኔ? ኑን ሀገዉ ኤኖ ግያዋኔ? ግድና፤ አማኑዎ ሀግያናጥ አትን።

28 አያዉ ጎጥ፡ አሳይ አማኑዎን ጽላናጥ አትን፤ ሀገ አዛዝያዎ አላያዎና ግድና ያገደ ቆፔቶ።

29 ዎይ ጸሳይ አይሁዳቱዎ ጸላላዉ ጸሴ? አይሁዳ ግድና አሳዉ ጸሳ ግድና? ቱማ፡ አይሁዳ ግድናዎንቶካ እ ቃይ ጸሳ።

30 እት ጸሳ ጸላላይ ደኤ፤ አይሁዳቱዎ ኡንቱንቱ አማኑዎን እ ጽልሳና፤ ቃይ አይሁዳ ግድናዎንታካ ኡንቱንቱ አማኑዎን ጽልሳና።

31 ያትና፡ ኑን ሀግያ አማኑዎን ጋጸ ሱጋኔ? ግድና፤ ሀግያ ሞንሶይተጥ አትን።

4

አብራሃም አማኑዎን ጽሌዳ

1 ያትና፡ ኑን ኑዉ አሹዎን ዛረ ግድያ አብራሃም አያ ደሜዳ ጋኔ?

2 አያዉ ጎጥ፡ አብራሃም ኑሱዎን ጽሌዳዎ ግድጥ፡ አዉ ጨቀታያባይ ደኤ፤ ሸን ጸሳ ሰንላን ጨቀታና ዳንዳየና።

3 አያዉ ጎጥ፡ ጸሳ ማጻፋይ ዋጊ? “አብራሃም ጸሳ አማኔዳ፤ ጸሳይ ሄዎ አዉ ጽሎተላን ገይዴዳ” ያጌ።

4 አላያ ኡራይ አክያ ሚሻ ባረዉ በሰና አኬጥ አትን፡ አዉ ጮ አመትያዎዳን ገይደተና።

5 ሸን ኑሱዎ ኑጋና፡ ናጋራንቻ ጽልሰያ ጸሳ አማንያ ኡራ፡ ጸሳይ እ አማኑዎን እ ጽልሴ።

6 ሀዎዳንካ፡ አይ ኡሱን ባይና፡ ጸሳይ ጽሎዎዳን ገይዴዳ አሳ ናሽቻያባ ዳዊተ ሃሳዬዳ ዎይ ጌዳዌ ሀዎ።

7 “ጸሳይ ኡንቱንቱ ባይዘዎ አቶ ጌዳዎንቱን ኡንቱንቱ ናጋራ ካሜዳዎንቱ አንጀቱዳዎንታ።

8 ጎዳይ እ ናጋራ ገይደና አሳይ አንጀቱዳዎ” ያጌ።

9 ያትና፡ ሀ ዳዊተ ሃሳዬዳ አንጂ ቃጸረቱዳ አሳ ጸላላሴየ? ዎይ ቃይ ቃጸረትቤና አሳቱዋሴ? አያዉ ጎጥ ኑን፡ “ጸሳ ማጻፋይ፡ አብራሃም ጸሳ አማኔዳ፤ ጸሳይ ሄዎ አዉ ጽሎተላን ገይዴዳ” ያጌ” ጎይተ።

10 ያትና፡ ሀዌ አዉደ ሀኔዳ? አብራሃም ቃጸረት ሰምነየ? ዎይ ቃጸረታናጥ ካሰኔ? ቃጸረታናጥ ካሰናጥ አትን፡ ቃጸረትና ግድና።

11 ጉየጥ እ ቃጸረቱዳ፤ ጸሳይ እ አማኑዎ ድርግ፡ እ ቃጸረታናጥ ካሰ እ ጽሎ ኡሌዳዎ ኤርሳናዉ፡ እ ቃጸራይ ማላ ግዴዳ። ሄዌካ ቃይ ቃጸረትናን ጸሳ አማንያ ኡባቱዎ ጸሳይ ጽሎ

ኦሌደ ገይዳናዳን፡ ኡንቱንቶ አብራሃም አዉዎ ግዳናሳ።

12 እ ቃጸረቱዳዎንቶካ አዉዎ፤ ግድጥካ፡ ኡንቱንቱ ቃጸረቱዳ ድራሳ ግድና፤ ሸን ኑ አዉዎ አብራሃም ቃጸረታናጥ ካሰ አማንያ አማኑዎ ማላ ካልያዎንቶካ አዉዎ።

ጸሳይ እማና ጌዳባይ አማኑዎን አከቱ

13 አብራሃምሰነ እ ዘረላዉ ጸሳይ፡ “ሀ ሳኣ ታን ሀንተንቶ እማና” ያጌዳዌ፡ አብራሃም ጸሳ አማኒደ ጽሌዳ ድራሳጥ አትን፡ ሀገዉ እ አዛዘቱዳ ድራሳ ግድና።

14 አያዉ ጎጥ፡ ሀገዉ አዛዘትያዎንቱ ጸሳይ እማና ጌዳዎ ላትያዎንታ ግድጥ፡ አሳ አማኑ ማደናባ ግዴዳ፤ ጸሳይ ጌዳዌካ ማላ ግዴዳ፤

15 ሀገ ጸሳ ቦሻ አሄ፤ ሸን ሀገ ባይናሳን ሀግያ ማንላያባይ ባዎ።

16-17 ሄዎ ድራዉ፡ ሀግያ ናግያዎንቱ ጸላላዉ ግድናን፡ ቃይ አብራሃም አማኔዳዎዳን፡ አማንያ አብራሃም ዘረላ ኡባዉ ጸሳይ እማና ጌዳዌ፡ ዎይታዳን ቱማታናዌ አማኑዎና። አብራሃም ኑዉ ኡባዉ አዉዎ። ጸሳ ማጻፋይ፡ “ታን ኔና ጮራ ካዉተላቶ አዎ አላድ” ግያዎዳን፡ ሀይቁዳዎንቶ ደኤዎ እምያ፡ ባረ አዛዘዎን ባይናባ ደእያባዳን ኦሌደ ዴሰያ፡ እ አማኔዳ ጸሳ ሰንላን አብራሃም ኑዉ ኡባዉ አዉዎ።

18 ጸሳ ማጻፋይ አብራሃም፡ “ነ ዘረላይ ሀዎ ኬና ግድና” ያጌዳዎዳን፡ ሀዎ ኬና ግድና ጊደ፡ ናሽቻን ናጋናዉ ዳንዳየና ዎይ፡ አብራሃም አማኒደነ ሰንላጥ ደማና ጊደ፡ ናሽቻን ናጊደ፡ ጮራ ዘረላዉ አዉዎ ግዴዳ።

19 ሄ ዎይ፡ አብራሃም የለቶደጥ ጴቱ ላይላ ኩማና ሀንያ ጭማ፤ ሸን ባረ ዳቡራንቻ አሳተላነ ሳራ ናኣ የላናዉ ዳንዳየናዎ ቆፔዳ ዎይ፡ እ ባረ አማኑዎን ዳቡርቤና።

20-21 ጸሳ እ ቦንቹደ፡ አዉ እማና ጌዳ ጸሳይ ቃይ ፖላናዉ ዳንዳይያዎ ሎይላ ኤሪደ ባረ አማኑዎን ምኔዳዎጥ አትን፡ አማኒናን እጸደ፡ ጸሳይ እማና ጌዳዎ ሰጅቤና።

22 ሄዎ ድራዉ፡ ጸሳይ ቃይ እ አማኑዎ ጽሎተላን ገይዴዳ።

23 “አዉ ጽሎተላን ገይዴዳ” ግያ ቃላይ እ ጸላላዉ ጸፈትቤና።

24 ሄ ቃላይ ኑ ጎዳ የሱሳ ሀይቁዎጥ ደንሌዳ ጸሳ አማንያ ኑዉካ ጽሎተላን ገይደታና ማላ ጸፈቱዳ።

25 ጸሳይ እ ኑ ናጋራ ድራዉ፡ ሀይቆ አሊደ እምና፡ እ ኑና ጽልሳናዉ ሀይቁዎጥ ደንዴዳ።

5

አማኑዎን ቤትያ ሳርተላነ ሰጋተላ

1 ሄዎ ድራዉ፡ ኑን አማኑዎን ጽሌዳዎን፡ ኑ ጎዳ የሱሰ ክርሰቶሳ ባጋና ኑዉ ጸሳና ሳርተላይ ደኤ፤

2 ቃይ እ ኑና ሀእ ኑን ደእያ ጸሳ አጶ ኬካተላ ግድ አማኑዎን አሄዳ፤ ያትና፡ ኑን ጸሳ ቦንቹዎ ሻካናዉ ኑዉ ደእያ ሀይታን ጨቀቱቶ።

3:30 ዛረ. 6:4፤ ጋላ. 3:20 4:3 ደመላ 15:6፤ ጋላ. 3:6 4:7 ማዝ. 32:1-2 4:11 ደመላ 17:10 4:13 ደመላ 17:4-6፤ 22:17-18፤ ጋላ. 3:29 4:16-17 ደመላ 17:5 4:18 ደመላ 15:5 4:19 ደመላ 17:17 4:25 ሊሳ. 53:4-5

3-4 ሄዋ ጸላላ ግደና፤ ኑን ኑ ዋይያንካ ናሽቲቶ፤ አያው ጎጥ፡ ዋይያ፡ ዳንዳያይ፡ ቃይ ዳንዳያ፡ ፓጭያን ምንያዋ፡ ፓጭያን ምናጋጥ ህይታይ ይያዋ ኑን ኤሬቶ።

5 ጸላይ ኑው እሜዳ ጌሻ አያና ባጋና ባረ ሲቁዋ ኑ ዋዛናን ጉሴዳ ድራው፡ ሄ ኑን ደማናው ናሽታን ናግ ኡቲዳዌ ኑና ዬላየና።

6 አያው ጎጥ፡ ኑን ብሮ ዋልቃይ ባይናዋንታ ግዲደ ደእሸን፡ ጸላይ ደራዳ ዋዲ ጋክና፡ ክርስቶስ ናጋራንቻቱዋ ድራው ህይቁዳ።

7 ጸሎ ኡራ ድራው፡ እት ኡራይ ህይቃናዌ ዳሮ መቶባ፤ ሸን ሎኦ አሳ ድራው ህይቃናው፡ “ኤኖ” ግያ ኡራይ ኦን ኤር ቤተናን አገና።

8 ሸን ኑን ብሮ ናጋራንቻ ግዲደ ደእሸን፡ ክርስቶስ ኑ ድራው ህይቁዳ፤ ሄዋ ጸላይ ኑና አይ ከና ሲቅንቶነ አ ሲቁዋ ኤርሴ።

9 ሰም ኑን ሀእ አ ሱላን ጽሌዳዋ ግደ፡ አ ባጋና ጸላ ሀንቁዋጥ አታና።

10 አያው ጎጥ፡ ኑን ጸላና ካሰ ሞርከ፤ ሸን አ ናእ ህይቁዋን አናና ሰገቲዶ። ሄዋጥ አሊደ፡ ሀእ ኑን ጸላና ሰገቲዳዋጥ ጉይያን፡ አ ፓጻ ግድያ ድራው ኑና አሻና።

11 ሸን ሄዋ ጸላላ ግደና፤ ሀእ ኑና ጸላና ሰገሌዳ ኑ ጎዳ የሱስ ክርስቶሳ ባጋና ኑና ጸላባይ ናሽቲ።

ህይቁ አዳማን ዪና፡ ደኡ ክርስቶሳን ዬዳ

12 ሄዋ ድራው፡ ናጋራይ ሀ ሳአ እት አሳ ባጋና ገሌዳ፤ ሄ ናጋራይ ባረናና ህይቁዋ አሄዳ፤ ሄዋ ጋሱዋን፡ አሳይ ኡባይ አዳማ ባጋና ናጋራ ኦሌዳ ድራው፡ ህይቁ አሳ ዛርያ ኡባ ጋኬዳ።

13 ህጊ አመታናጥ ካሰ፡ ሀ አላምያን ናጋራይ ደኤ፤ ሸን ህጊ ባይና ዋደ ናጋራይ ፓይደተና።

14 ሸን አዳማ ዋድያ፡ ሙሴ ዋድያ ጋካናው፡ ህይቁ አሳ ኡባ ሞዴዳ፤ ሀራይ እቶ አዳም ጸላ ህገው አዛዘተናን እጹዳዋዳን፡ ናጋራ ኦሌቤናዋንታካ ህይቁ ሞዴዳ።

አያው ጎጥ፡ አዳም ያናዋ ሌምሱዋ።

15 ሸን ጸላ እሞታይ አዳማ ናጋራ ከና ግደና ድራው፡ ኡንቲንቲ እት ማላ ግድክና፤ እት ብታንያ ናጋራ ድራው፡ ጮራ አሳይ ህይቁዳዌ ቱማ፤ ሸን ጸላ አጾ ኬካተላይነ አ እሞታይ እት አሳ አጾ ኬካተላ ባጋና፡ የሱስ ክርስቶሳ አጾ ኬካተላ ባጋና ጮራ አሳው ዳሬዳ።

16 ጸላ እሞታይ ናጋራ ኦሌዳ ብታንያ ባጋና ዬዳዋ ማላ ግደና፤ አያው ጎጥ፡ አዳም እት ናጋራ ኦሌዳዋጥ ጉይያን፡ ጸላይ አ ባይዜዳዋዳን ፕርዴዳ፤ ሸን አሳይ ዳሮ ናጋራ ኦሌዳዋጥ ጉይያን ጸላይ፡ “ህንተንቲ ባይዘበይክታ” ጊደ፡ ባረ አጾ ኬካተላ ኡንቲንታ በሴ።

17 አያው ጎጥ፡ እት ብታንያ ናጋራ ጋሱዋን፡ አ ናጋራ ባጋና፡ ህይቁ ካውቲዳዌ ቱማ፤ ሸን እት ኡራይ፡ የሱስ ክርስቶስ ኦሌዳባይ አይ ከና ዳሬ፤ ጸላ ዳሮ አጾ ኬካተላን ጽሎተላ እሞታ አክያ ኡባይ ክርስቶሳ ባጋና ጸኒደ ደአና።

18 ሰም እት ኡራይ ናጋራ ኦሌዳ ጋሱዋን አሳ ኡባ ቦላ ባይዜዳዋዳን ፕርዳይ ዬዳ። ሄዋዳንካ እት ኡራይ ጽሎባ ኦሌዳ ጋሱዋን፡ ጸላይ አሳ

ኡባ፡ “ባይዘበይክታ” ጊደ ኡንቲንቶ ደኡዋ እሜዳ።

19 አያው ጎጥ፡ እት ኡራይ አዛዘተናን እጹዳ ጋሱዋን፡ ዳሮ አሳይ ናጋራንቻ ግዴዳ፡ ሀዋዳንካ ቃይ እቲ ኤኖ ጌዳዋን ጮራ አሳይ ጽላና።

20 ናጋራ ዳርሳናው፡ ህጊ ዬዳ፤ ሸን ናጋራይ ዳርያ ዋደ ጸላ አጾ ኬካተላይ ሎይላ ዳሬዳ።

21 ናጋራይ ህይቁዋ ዋልቃን ካውቲዳዋዳን፡ ሀዋዳንካ ቃይ ጸላ አጾ ኬካተላይ ጽሎተላ ዋልቃን ካውቲዳ፡ ኑ ጎዳ የሱስ ክርስቶሳ ባጋና፡ ኑና መድና ደኡ ካለሌ።

6

ናጋራጥ ሻከቲደ ክርስቶሳን ደኡሳ

1 ያትና፡ ኑን ዋጋኔ? ጸላ አጾ ኬካተላይ ዳራናዳን፡ ናጋራን ምኒደ ደአኔ?

2 ግደና፤ ኑን ናጋራ ኦፍ ማላ ህይቁድጌዶ። ያትና፡ ኑን ሀዋጥ ሰንላው ዋት አ ግደን ደአኔ?

3 ዋይ ኑን ኡባቲ ክርስቶሳ የሱሳና እትጥ ግዳናው፡ ጸማቁቲዳ ዋደ፡ አ ህይቁዋንካ አናና እትጥ ግዳናው ጸማቁቲዳዋ ኤርክቲ?

4 ሄዋ ድራው፡ ክርስቶስ ባረ አውዋ ቦንቸ ዋልቃን ህይቁዋጥ ደንደዋዳን፡ ኑንካ ኡራላ ደኡዋ ደአናው፡ አ ህይቁዋ አናና ሻካናው ጽንቃታን አናና እትጥ ሞገቲዶ።

5 አያው ጎጥ፡ ኑን አ ህይቁዳዋዳን ህይቁደ፡ አናና እቲዋ ግደ፡ ሀዋዳንካ፡ ህይቁዋጥ እ ደንደዋዳን ኑንካ ደንዲደ፡ አናና እቲዋ ግዳና።

6 ኑን ሀዋጥ ሰንላው ናጋራው አይለ ግደና ማላ፡ ቃይ ኑ ናጋራንቻ አሳተላ ዋልቃይ ጳያና ማላ፡ ኑ ኤጫ አሳተላ ክርስቶሳና ማስቃልያ ቦላ ምስማርያን ጽሸት ካቀቲዳዋ ኤሬቶ።

7 አያው ጎጥ፡ እት ኡራይ ህይቁያ ዋደ ናጋራ ዋልቃይ አ ሞደና፤ ሸን

8 ኑን ክርስቶሳና ህይቁዳዋ ግደ፡ አናና ቃይ ደአናዋ አማኔቶ።

9 አያው ጎጥ፡ ክርስቶስ ህይቁዋጥ ደንደዳዋ፡ ቃይ ላኤንሱዋ እ ህይቁናዋን ህይቁ ሰንላጥ አ ሞደናዋ ኑን ኤሬቶ።

10 አ እት ካላካ ህይቁዳ፤ ናጋራው አ ቦላ ዋልቃይ ባዋ፤ ሸን አ ሀ ደአያ ደኡዋ ጸላው ደኤ።

11 ሀዋዳን ቃይ ህንተ ናጋራ ኦፍዳን፡ ህንተንታ ህይቁዳዋዳን ቆፕተ፤ ሸን ጎዳ ክርስቶሳ የሱሳ ባጋና ጸላው ህንተ ፓጻ ደአያዋዳን፡ ህንተንታ ቆፕተ።

12 ሄዋ ድራው፡ ህንተ ህንተንቲ አሳተላ አሞ አዛዘታና ማላ፡ ናጋራይ ህይቁያ ህንተ አሳተላ ሞደ፡፡

13 ቃይ ህንተ አሳተላጥ እት ሳነ ኢታ ኦሱዋ ኦላናው ናጋራው እሞፕተ፤ ሸን ህይቁዋጥ ደንደዳ አሳዳን ህንተንታ ጸላው እሞተ፤ ቃይ ህንተ ኩመንላ አሳተላካ ጽሎ ኦሱዋ ኦላናው ጸላው እሞተ፤

14 አያው ጎጥ፡ ናጋራይ ህንተንታ ሞዳናው ዳንዳየና፤ ህንተ ጸላ አጾ ኬካተላ ጋርሳና ደኡታጥ አትን፡ ሀግያጥ ጋርሳና ደአክታ።

ጽሎተላዕል አይለ ግድያዎ

15 ያትሩ፡ ዋናኔ? ጸሳ አጽ ከካተላ ጋርሳና ደኢኖፕ አትን፡ ህግያፕ ጋርሳና ደኤና ድራው፡ ናጋራ ኦላኔ? ግደና፤

16 ህንተ ህንተንታ እት ኡራው አዛዘታናው፡ አይልያዳን ኦሊደ እምያ ዎደ፡ ሄ ህንተንታ አዛዘያዎ አይለቱዎ ግድያዎ ኤሪታ፤ ዎይ ህንተ ህንተንቶ ሀይቁዎ አህያ ናጋራው ኤኖ ጊታ፤ ዎይ ህንተ ህንተንታ ጽሎ ኦላያ አዛዘ ኤኖ ጊታ።

17 ሸን ጸሳው ጋላታይ ግደ፤ አያው ጎፕ፡ ናጋራው ካሰ ህንተ አይለ፤ ሸን ጉየፕ ህንተ አኬዳ ትምርትያ ግደን ደእያ ቱማተላው ህንተ ኩሙንላ ዎዛናፕ አዛዘቲድታ።

18 ህንተንቱ ናጋራ አይለተላፕ ከሲደ፡ ጽሎተላዕል አይለ ግዴታ።

19 ህንተንቱ መጠታን ዳቡራንቻ ግድያ ድራው፡ ታን ኦሰካ ገልያ ሃሳያ ሃሳያይ፤ ህንተ ካሰ ህንተ ኩሙንላ አሳተላ ናቁዎ አላናው፡ ቱናተላውን ናቆ አይለ ኦሊደ እሚድታ፤ ሀእ ሄዎዳንካ ህንተ ኩሙንላ አሳተላ ጌሻባ አላናው፡ ጽሎተላዕል አይለ ኦሊደ እምተ።

20 ህንተንቱ ናጋራው አይለቲደ ደእያ ዎደ፡ ጽሎተላዕል ህንተንቶ ጎዳ ግደና።

21 ህንተንታ ሀእ ዬላይያ የዎቱዎ ሄ ዎደ አሌዳዎፕ አይ ማዲዎ ደሚድቱ? አያው ጎፕ፡ ሄ የዎቱዎ ወርሰላይ ሀይቁዎ።

22 ሸን ናጋራ አይለተላፕ ህንተ ከሲደ፡ ጸሳው ኤኖ ጌድታ፤ ቃይ ህንተ ኦላያ ኡባባን ህንተንታ ኡባካ እው አሊደ እሚድታ። ሄዎ ህንተንቶ ዎሪ፤ ሄዎ ወርሰላይ መድና ደኡዎ።

23 አያው ጎፕ፡ ናጋራ ጋቲ ሀይቁዎ። ሸን ጸሳይ ኑ ጎዳ ክርሰቶሳ የሱሳ ባጋና እምያ እምታይ መድና ደኡዎ።

7

ሙሴ ህግያ ቃሹዋፕ ብለትያዎ

1 ታናዳን አማንያዎንቶ፡ ህንተንቱ ኡባይ ህግያ ኤርያ ድራው፡ ታን ግያዎ ሎይሐ ኤሪታ፤ ሀጊ እት አሳይ ፓጸ ደኤዳ ዎደ ጸላላን አ ዎዴ።

2 አያው ጎፕ፡ አሰና ገሌዳ ሞሽራታ እዘ አሰናይ ፓጸ ደኤዳ ኬናን፡ ህግያን አናና ቃሽታ ኡታዲ፤ ሸን እዘ አሰናይ ሀይቆፕ፡ አናና ጫቄዳ ሀጊ እዘ ዎደና።

3 ሄዎ ድራው፡ እዛ ባረ አሰናይ ፓጸ ደእሸን፡ ሀራ አቱማዎ ገሎፕ፡ አሳይ እዘ፡ “ዎሹመወኖ” ጋና። ሸን እዘ አሰናይ ሀይቆፕ፡ ሀጊ እዘ ዎደና፤ እዛ ሀራ አሰና ገሎፕን እዘ ኦን፡ “ዎሹመወኖ” ጌና።

4 ታናዳን አማንያዎንቶ፡ ሄዎዳን ህንተንቱ ቃይ ክርሰቶሳ አሳተላፕ እት ባጋ ግድያ ድራው፡ ህንተንቱ አ ባጋና ሀይቁድታ። ቃይ ኩን ጸሳ ማድያ ኦሱዎ አላና ማላ፡ ህንተንቱ ጸሳይ ሀይቁዎፕ ደንጫዳ ክርሰቶሳዎንታ።

5 አያው ጎፕ፡ ኩን ኑ አሳተላይ ኮዬዳዎዳን ደእያ ዎደ፡ ሀጊ ኩን ናጋራ አላናዳን፡ ኩና ደንጫ፤ ኑ አሳተላ ግደን ኢታ አሙ ደእያ ድራው፡ ኩን ሀይቆ አይፍያ አይፌዶ።

6 ሸን ሀእ ኩን ኩና ቃሹዳዎ ሀይቁዳ ድራው፡ ጸሳይ ኩና ህግያ ቃሹዋፕ ብሌዳ። ሄዎ ድራው፡ ኩን ጌሻ አያናይ ገግሴዳ ኦራላ ኦግያን ጸሳው ኤኖ ጋናዎፕ አትን፡ ጸፈቲዳ ሀጊ ኩው ገግሴዳ ኤጫ ኦግያን ኤኖ ጎኩ።

ህግያን ናጋራ

7 ያትሩ፡ ኩን ዋጋኔ? ሀጊ ባረ ሁጸው ናጋራ? ሄዎ ግደና፤ ሸን ሀጊ ናጋራይ አየንቶ ታና ኤርሴዳ። አያው ጎፕ፡ ታን ሀጊ፡ “አሳባ አሞቶፕ” ግቤንንቶ፡ አሳባ አሞትያዌ አየንቶ ኤርከ።

8 ሸን ናጋራይ ታን ኡባባ አሞታና ማላ፡ አዛዘዎ ባጋና ታ ቦላ ኦግያ ደሚዳ፤ አያው ጎፕ፡ ሀጊ ባዌንቶ፡ ናጋራው ዎልቃይ ባዎ።

9 ካሰ ሀጊ ባይና ዎደ ታን ፓጸ፤ ሸን አዛዘ ዬዳ ዎደ ናጋራይ ደኡ ሰምና፡

10 ታን ቃይ ሀይቃድ፤ ታና ፓጸ ዎላናው ጸሳይ ቆፔዳ አዛዘ፡ ታው ሀይቁዎ አሄዳ።

11 አያው ጎፕ፡ ናጋራይ አዛዘዎ ባጋና ታና ጫምያ ኦግያ ደሚደ፡ ሄ አዛዘዎን ታና ዎዴዳ።

12 ሄዎ ድራው፡ ሀጊ ጌሻ፤ አዛዘካ ጌሻ፡ ጽላን ሎኦ።

13 ያትሩ፡ ሎኦባይ ታው ሀይቁዎ አሄዳ? ሄዎ ግደና፤ ሸን ታው ሄዎ ናጋራይ አሄዳ፤ አሳይ ናጋራይ አየንቶ ሻኪደ ኤራና ማላ፡ ናጋራይ ሎኦባ ባጋና፡ ታው ሀይቁዎ አሄዳ። ቃይ አዛዘ፡ “ኦን፤ ናጋራ አላናው በሰና” ያግያ ድራው፡ ናጋራይ ካሰዎፕ እጅ አቲዳ።

አሳ ደኡዎ ጋርሳን ደእያ ባጽያ

14 ኩን ሀጊ ጸሳዎ ግድያዎ ኤሪቶ፤ ሸን ታን ታና ናጋራው ዛልኤዳ ሀይቁያ አሳ፤

15 ታን ኦላያዎ ዎዛና አሐከ፤ አያው ጎፕ፡ ታን እጽያዎ አላይፕ አትን፡ ታን አላናው ደሰያዎ አሐከ።

16 ታን እጽያዎ ኦላያዎ ግደፕ፡ ሀጊ ሎኦ ግድያዎ ማርካታይ።

17 ሄዎ ግደፕ፡ ሄ የወዎ ታ ቦላ ደእያ ናጋራይ ኦላያዎፕ አትን፡ ሀእ ታን አሐከ።

18 ታናን፡ ሄዌን ታ አሳተላን ሎኦባይ ደኤናዎ ታን ኤራይ፤ አያው ጎፕ፡ ሎኦባ ኦላያ አሙ ታ ቦላ ደኡፕካ፡ ታን ሄ ሎኦባ አላናው ዳንዳይከ።

19 ታን እጽያ ኢታባ አላይፕ አትን፡ ታን ደሰያ ሎኦባ አሐከ።

20 ሸን ታን እጽያዎ ኦላያዎ ግደፕ፡ ሄዎ ታ ቦላ ደእያ ናጋራይ ኦላያዎፕ አትን፡ ሀእ ሄዎ ኦላያዎ ታና ግድከ።

21 ሰም ታን ሎኦባ አላናው ደሰሸን፡ ኢታባ ኦላያዎ ታው ሀጊ ግድያዎ ደማድ።

22 አያው ጎፕ፡ ታን ታ ዎዛና ግደን ጸሳ ህግያን ናሽታይ፤

23 ሸን ታ ቦላ ግደን ደእያ ታ ዎዛና ቆፋ ህግያና ዎጠታያ ዲማ ህግያ በእይ። ሄ ሀጊ ታ ቦላ ግደን ደእያ ናጋራ ኦሰሰያ ህግያን ታና ቃሽሴ።

24 ታን አይባ ናሽቶ ባይና አሴ! ታና ሀይቆ አፍያ ሀ አሳተላፕ አሻናዌ ኦኔ?

7:7 ከሳ 20:17 7:11 ደመሳ 3:13 7:15 ጋሊ. 5:17

25 ኑ ጎዳ የሱስ ክርስቶስ ባጋና ጸሳው ጋላታይ ግድ።
 ስም ታን ታ ዎዛና ቆፋን ጸሳ ሀገው ኤኖ ጋይ።
 ሸን ታ አሳተፋን ታና ናጋራ ኦሰሰያ ሀገው ኤኖ ጋይ።

8

ጌሻ አያናይ ኮይያዎዳን ደኡሳ

1 ሄዎ ድራው፡ ክርስቶስ የሱሳና ደኡያዎንቱ ቦላን ፕርዳይ ሀእ ባዎ፤

2 አያው ጎፕ፡ ክርስቶስ የሱሳ ባጋና ኑው ደኡዎ እምያ ጌሻ አያና ሀገ ታና * ናጋራ ሀገያ አይለተፋፋ፣ ሀይቁዎ ሀገያ አይለተፋ፣ ከሴዳ።

3 አሳ አሳተፋይ ዳቡራንቻ ግድያ ድራው፡ ሀገ አፋናው ዳንዳይቤናዎ ጸሳይ ኦሌዳ፤ ናጋራንቻቱዎ አሳተፋ ማላ አሳተፋና ደኡያ ባረ ናኦ፡ አሳይ ኦሌዳ ናጋራው ያርሹዎ ግዳናው ጸሳይ ከቲድ፡ አሳ አሳተፋ ግድን ደኡያ ናጋራ ፕርዳይ።

4 ጌሻ አያናይ ኮይያዎዳን ደኡያዎንቱ እትን፡ ኑ አሳተፋይ ኮይያዎዳን ደኡያዎንቱ ቦላ፡ ኑ ቦላ፡ ሀገያ ጽሎ አዛዙ ፖለታና ማላ፡ ጸሳይ ሀዎ ኦሌዳ።

5 ባረንቱ አሳተፋይ ኮይያዎዳን ደኡያዎንቱ ባረንቱ አሳተፋባ ቆፒና፤ ሸን ጌሻ አያናይ ኮይያዎዳን ደኡያዎንቱ ጌሻ አያናባ ቆፒና።

6 አሳተፋባ ቆፋሳይ ሀይቁዎ አሄ፤ ሸን ጌሻ አያናባ ቆፋሳይ ደኡዎን ሳርተፋ አሄ።

7 አሳተፋባ ቆፋሳይ ጸሳው እጾ፤ አያው ጎፕ፡ አሳተፋይ ጸሳ ሀገው ኤኖ ጌና፤ ቃይ ኤኖ ጋናውካ አው ዳንዳየተና።

8 ባረንቱ አሳተፋው ኤኖ ግያዎንቱ ጸሳ ናሽቻናው ዳንዳይክና።

9 ሸን ጸሳ አያናይ ሀንተንቱን ደኡፕ፡ ጌሻ አያናይ ግያዎዳን ደኡፕታ እትን፡ ሀንተ አሳተፋይ ኮይያዎዳን ደኡክታ። ሸን ኦንነ ክርስቶስ አያናይ ባይናዎ ግድፕ፡ ሄ ኡራይ ክርስቶስዎ ግድና።

10 ሸን ክርስቶስ ሀንተንቱን ደኡፕ፡ ሀንተ አሳተፋይ ናጋራ ጋሱዎን ሀይቁዎ፤ ሸን ሀንተ አያናይ ጽሎተፋ ጋሱዎን ሀንተንቱን ፓጸ ደኡ።

11 ሸን የሱሳ ሀይቁዎ፣ ደንፊዳ ጸሳ አያናይ ሀንተ ግድን ደኡፕ፡ ሀይቁዎ፣ ክርስቶስ ደንፊዳ ጸሳይ ቃይ ሀንተንቱን ደኡያ ባረ ጌሻ አያናን፡ ሀይቁያ ሀንተ አሳተፋውካ ደኡዎ እማና።

12 ስም ታናዳን አማንያዎንቶ፡ ኑ አጩዎና ደኡቶ፤ ኑ አሳተፋይ ኮይያዎዳን ደኡናው ኑው በሰና።

13 አያው ጎፕ፡ ሀንተ ሀንተ አሳተፋይ ግያዎዳን ደኡፕ፡ ሀንተ ሀይቃና፤ ሸን ሀንተ ሀንተ ናጋራ ኦሱዎ ጌሻ አያናን ዎጾፕ፡ ፓጸ ደኡና።

14 ጸሳ አያናይ ካለልያ ኡባቱ ጸሳ ናና።

15 አያው ጎፕ፡ ኑ ኑ ኮሻ ጾቁ አሊድ፡ “አባ! ታ አቦ” ያጊድ ጾሰያ፡ ኑና ጸሳ ናና ከሰያ ጌሻ አያና ጸሳ፣ አኩይ፣ እትን፡ ላኤን፡ ያያናው አይለ ከሰያ አያና አክበይኮ።

16 ጸሳ አያናይ ባረ ሀጸው ኑ አያናና ግዲድ፡ ኑን ጸሳ ናና ግድያዎ ማርካቱ።

17 ኑን አ ናና ግድፕ፡ እ ባረ አሳው ምንጄዳ አንጂዎ ላታና፤ ቃይ ኑን ጸሳይ ክርስቶስው ምንጄዳዎካ አናና ላታና፤ ኑን ክርስቶስ ዎይያ አናና ሻኮፕ፡ አ ቦንቹዎካ አናና ሻካና።

ጸሳ ናናው ቆንጫናው ደኡያ ቦንቹዎ

18 አያው ጎፕ፡ ኑን ሀእ ዎየትያ ዎይያ ኑው ሰንፋፕ ቆንጫና ቦንቹዎና ጋፋናው፡ ኡባካ ዳንዳየተና ጋደ ታን ቆፓይ።

19 ጸሳይ መጴዳ መፍታ ኡባይ ጸሳ ናናይ ቆንጫናዎ ሎይሰ ላሞት ኡቱዳ።

20 አያው ጎፕ፡ መፍታ ኡባይ ማዲ ባይናባ ግዳናዳን፡ ጸሳይ አ ቦላ ፕርዳይ፤ ሰንፋፕ ደማና ጊደ ናሽቻን ናግ ኡታናዳን ኦሌዳ ጸሳይ ኮይዳ ድራው ሀኔዳ፣ እትን፡ መፍታ ኡባይ ባረ ሀጸው ኮይዳዎን ግድና።

21 መፍታ ኡባይ ባረ ሀጸው ባሻ አይለተፋ፣ እት ጋላስ ከሳናዎ፤ ቃይ ሄ መፍታቱ ጸሳ ናናይ አይለተፋ፣ ከሴዳ ቦንቻ ከሳ ሻካና።

22 አያው ጎፕ፡ መፍታ ኡባይ እት፣ ሀዎ ጋካናው፡ ማጫ አሳ የሉ ኦይቁና ኦልያዎዳን፡ ሳኩዎን ኦልያዎ ኑን ኤራቶ።

23 ቃይ ሄዎ ጸሳላ ግድና፤ ኑን፡ ጌሻ አያና ጸሳ ባይራ እሞታዳን አሊድ አኩዳዎንቱ፡ ኑ ሀጸው ጸሳይ ኑና ባረ ናና ኦሳናዳን ኑ ኩሙንፋ አሳተፋ ዎዛናዳን ናጊድ፡ ኑ ግድን ኦሌቶ።

24 አያው ጎፕ፡ ኑን ጸሳይ እማና ጌዳዎን አቲድ። ሸን ኑን ጸሳይ እማና ጌዳዎ በኦፕ፡ ያትና፡ ሄዎ ናሽቻን ናግያዎ ግድና፤ አያው ጎፕ፡ ባረ በእያዎ ደማና ጊድ፡ ናሽቻን ናግያዎ ኦኔ?

25 ሸን ኑን በኤናዎ ደማና ጊድ፡ ናሽቻን ናጎፕ፡ ሄዎ ዳንዳይድ ናጌቶ።

26 ሀዎዳን ቃይ ጌሻ አያናይ ኑ ዳቡራ ማዳናው ዬ፤ አያው ጎፕ፡ ኑን ጸሳ ዎት ዎሳናው በሰንቶ ኤርኮ፤ ሸን ጌሻ አያናይ ባረ ሀጸው ቃላን ቆንጭሳናው ዳንዳየተና ኦልያን ኑው ጋናቱ።

27 ቃይ አሳ ዎዛና ብድያ ጸሳይ፡ ጌሻ አያናይ እ ኮይያዎዳን፡ ጸሳ ናቶ ጋናትያ ድራው፡ ጌሻ አያና ቆፋይ አየንቶ ኤሬ።

28 ጸሳይ ባረና ሲቅያዎንቶ፡ ባረ ቆፋዳን ጾሴዳዎንቶ፡ ኡባ የውዎ ሎኦተፋው ኦልያዎ ኑን ኤራቶ።

29 ጸሳይ ባረ ናኦይ ጮራ እሻቱዎ ግድን ባይራ ግዳናዳን፡ እ ካሰ ኤራዳዎንታ ቃይ ባረ ናኦ ማላታናዳን፡ ካሰቲድ ቆፋ ቃቹዳ።

30 ጸሳይ ካሰቲድ ቆፕዳዎንታ፡ ኡንቱንታ ቃይ ጾሴዳ፤ ሄ ጾሴዳዎንታካ ጌሼዳ፤ ሄ ጌሼዳዎንታካ ቃይ ቦንቹዳ።

ጸሳ ሲቁዎ

31 ያትና፡ ኑን ሀዎ ኡባ ዎጋኔ? ጸሳይ ኑ ባጋ ግድፕ፡ ኑና ኑን ኤቀታናዎ?

32 እ ሀራይ እቶ ባረ ናኦካ ዎይያ፣ ጉየ አሸቤና፤ ሸን አ ኑው ኡባው አሊድ እም አጌዳ። እ ባረ ናኦ እሜዳዎ ቃይ ኑው ኡባባ ጮ እመኔ?

33 ጸሳይ ደራዳዎንታ ኦኔ ሞታናዎ? ጸሳይ ባረ ሀጸው ኡንቱንታ ጽልሴዳ።

* 8:2 ታና- እት እት ጌሻ ቃላ ብለላይ፡ ኔና ዎይ ሀንተንታ ያጌ፤ ሀራይ ቃይ ኑና ያጌ።

34 ያትና፡ ኢንቲንቲ ቦላ ፕርዳናዉ ዳንዲይያዌ ኦኔ? ሄዋ ጎፕ፡ ሀይቁዋፕ ደንዲደ፡ ጸሳፕ ኡሸቻ ባጋና ኡቲዳ፡ ክርሰቶሰ የሱሳ፤ እ ቃይ ኑዉ ጋናቴ።

35 ሰም ኑና ክርሰቶሳ ሲቁዋፕ ሻካናዌ ኦኔ? ዋዪ ዋይ መቲ ዋይ የደርሱ ዋይ ኮሻይ ዋይ ካሉ ዋይ ያሻይ ዋይ ኦሳይ ኑና ሻካኔ?

36 ጸሳ ማጻፋይ፡ “ኑን ነ ድራዉ፡ ኡባ ጋላስ ሀይቁቶ፤ ሹካዉ ኦፍያ ደርሳዳን ፓይደቲቶ” ያጌ።

37 ሸን ኑን ኑና ሲቁዳ ኦን ሀ የዉዋ ኡባን ኑና ጸንያዋንቲ አዴቶ።

38-39 ኦያዉ ጎፕ፡ ሀይቁዋ ግድና፡ ደኡዋ፡ ኪታንቻቲዋ ግድና፡ ሞድያዋንታ፡ ሀእ ደእያዋንታ ግድና፡ ሰንሳፕ ያናዋ፡ ዋልቃማቲዋ ግድና፡ ቦላ ሳሉዋ ግድና፡ ጋርሳ ሳኦ፡ ኦይ መጋታ ግድናካ፡ ኑ ጎዳ ክርሰቶሳ የሱሳን ደእያ ጸሳ ሲቁዋፕ ኑና ሻካናዉ ዳንዳየናዋ ታን ኤራድ።

9

ጸሳይ ካሰ ደሬዳ እስራኤልያ አሳ

1 ታን ቲመዋ ሃሳያይ፤ ታን ክርሰቶሳሳ፤ ቃይ ዋርደትከ። ጌሻ ኦያናይ ሞድያ ታ ትላ ዋዛናይ ታን ዋርደተናዋ ታዉ ማርካቴ።

2-3 ታዉ አሹዋን ዛረ ግድያ ታናዳን ኦማንያዋንቶ፡ ታ ዋዛናን ዳሮ ቃረታይነ አገና ቆፋይ ደኤ። ኦያዉ ጎፕ፡ ታን ታ ሀጸዉ ኡንቲንቲ ድራዉ፡ ጸሳ ሸቃፕ ጋርሳና ደኦርክታሻ! ቃይ ክርሰቶሳፕካ ሻክታርክታሻ!

4 ኡንቲንቲ እስራኤልያ አሳቲዋ፤ ጸሳይ ኡንቲንታ ባረ ናና ኦሊደ፡ ባረ ቦንቹዋ ኡንቲንቲና ሻኬዳ። ኡንቲንቲና ቃላ ገሊደ፡ ሀግያ ኡንቲንቶ እማዳ። ኡንቲንቲ ጸሳዉ በሰያ ኦግያን ጎይኒኖ፤ ቃይ ጸሳይ እማና ጌዳዋካ ኦኬድኖ።

5 ኡንቲንቲ ዘረላን ካሰ አዎቲዋ ዛረ፤ ቃይ ክርሰቶሰካ አሹዋን ኡንቲንቲ ዛረ። እ፡ ኡባፕ ቦላ ግዲደ ሞድያ፡ መድናዉ ጋላተቲዳዌ ጸሳ። አመንእ።

6 ሸን ታን፡ “ጸሳይ እማና ጌዳዌ አታና” ያግከ። ኦያዉ ጎፕ፡ እስራኤልያ አሳ ኡባቲ ጸሳይ ደሬዳዋንታ ግድክኖ።

7 ቃይ አብራሃመ ዘረላቲ ኡባቲ ጸሳ ናና ግድክኖ። ጸሳይ አብራሃሞ፡ “ነ ዘረላይ ይሳቃ ባጋና ጴስታናዋ” ያጌዳ።

8 ሄዋ ጉሳይ ኡንቲንቲ ጸሳይ እማና ጌዳ ኦግያን የለቲዳ ናናይ ዛርያዳን ፓይደታና፤ ሸን አሳ ቆፋዳን የለቲዳዋንቲ ጸሳ ናና ግድክኖ ጉሳ።

9 ኦያዉ ጎፕ፡ ጸሳይ እማና ጌደ ሃሳዬዳዌ ሀዋ፤ “ታን ሀ ጌተቲዳዋዳን ሄ ዋደ ያና፤ ሳራካ አቲማ ናኦ የላና” ያጌዳ።

10 ሄዋ ዳላሳካ ግደና፤ እርቢቃ የሌዳ ማንተ ናና አዉ እቲዋ፤ እካ ኑ አዉዋ ይሳቃ።

11-12 ሸን እት ናኦ ደሬዳ ጸሳይ ባረ ሀጸዉ ቆፕዳዋ ግዳናዳን፡ ጸሳይ እርቢቅዉ፡ “ባይራይ ቲፋዉ አዛዘታና” ያጌዳ፤ እ ሄዋ ኡንቲንቲ

የለታናፕ ኢታባ ዋይ ሎኦባ ኦይነ ኦላናፕ ካሰና ጌዳ። ሄዋ ድራዉ፡ ጸሳ ደረ ኦ ጴሴዳዋዳንፕ አትን፡ ኡንቲንቲ ኦሌዳዋና ግደና።

13 ጸሳ ማጻፋይ፡ “ያቆባ ሲቃድ፤ ሸን ኤሳ አጻድ” ያጌ።

14 ያትና፡ ኑን ዋጋኔ? ጸሳይ ደሸሲደ ፕርዲ? ሄዋ ግደና።

15 ኦያዉ ጎፕ፡ ሙሴዉ እ፡ “ታን ማራናዉ ኮይያዋንታ ማራና፤ ቃይ ቃረታናዉ ኮይያዋንቶካ ቃረታና” ያጌዳ።

16 ሰም ጸሳይ አሳ ማርያዌ እ ማራናዉ ኮይያ ድራሳፕ አትን፡ አሳይ ኮይያ ዋይ ኦላያ ድራሳ ግደና።

17 ኦያዉ ጎፕ፡ ጸሳ ማጻፋይ ግብጼ ካትያዉ፡ “ታን ታ ዋልቃ ኔናን በሳናዉነ ታ ሱንሳይ አላምያ ኡባን አይታናዉ፡ ሄዋ ታን ኔና ካዉሳድ” ያጌ።

18 ሰም ጸሳይ ማራና ኮይያዋ ማሬ፤ ቃይ ዋዛና ጎርዳና ኮይያዋ ዋዛና ጎርዳ።

ጸሳ ሀንቁዋን ማርታ

19 ሰም ሀንተ ታና፡ “ሄዌ ቲማ ግደፕ፡ ጸሳይ አሳ ባይዘ ኦያዉ ቶሺ? ጸሳይ ጌዳዋ አጻድ ጋናዌ ኦኔ?” ያጋናዉ ዳንዳዪታ።

20 ሸን ታ ላገዉ፡ ጸሳዉ ዛራናዉ ኔን ኦኔ? ኡርቃፕ መጠቲዳ ሚሻይ ጉየ ዛሪደ ባረና መዴዳዋ፡ “ታና ሀዋዳን ኦያዉ መዳዲ?” ጌደ ኦቻናዉ ዳንዳዪ?

21 ዋይ ኡርቃ መድያዌ ባረ መድያ ኡርቃ ባረ ኮይያዋዳን ኦላናዉነ እት ማላ ኡርቃፕ እቲዋ ቦንቾ ሚሻ ኦሊደ፡ ቃይ እቲዋ ቶሸቲዳ ኦሱዋ ኦላያ ሚሻ ኦሊደ መዳናዉ አዉ ማት ባዌ?

22 ጸሳይ ኦሌዳዌ ሀዋና እቲዋ። እ ባረ ሀንቁዋ በሳናዉነ ባረ ዋልቃ ኡርሳናዉ ኮይዳ፤ እ ባረ ሀንቁዋን ፕርዳናዋንታ፡ ባይዛናዉ ጌግ ኡቲዳዋንታ፡ ዳሮ ገንጩዋን ዳንዳዬዳ።

23 ቃይ እ ማራዳዋንቶ፡ ባረ ቦንቹዋ አካናዉ ጌግሰ ዋሌዳዋንቶ እ ኦይ ኮና ቦንቹትንቶነ በሳናዉ ኮይዳ።

24 ኑን እ ጴሴዳዋንታ፤ ሸን ኦይሁዳ አሳ ጸላላፕ ግደናን፡ ኦይሁዳ ግደና አሳ ግደፕካ ጴሴዳ።

25 ሆሰእ ማጻፋን እ ግያዌ ሀዋ፤ “ታ አሳ ግደናዋንታ፡ ‘ታ አሳ’ ጋይ ጴሳና። ታን ሲቃቤና ዛርያካ፡ ‘ታ ሲቃቶ’ ጋይ ጴሳና።

26 ‘ሀንተንቲ ታ አሳ ግድክታ’ ግያዋ፡ ኡንቲንቲ ሰሴዳ ሄ ሳኦን፡ ኡንቲንቲ፡ ‘ደኡዋ ጸሳ ናና’ ጌተቲደ ጴስታናዋንታ” ያጌ።

27 እሰያሰ እስራኤልያ አሳባ ያጌደ ሃሳዬዳ፤ “እስራኤልያ አሳይ አባ ማታን ደእያ ሻፍያ ኮና ግደፕካ፡ ኡንቲንቲፕ አማራዳዋንቲ ጸላላይ አታና።

28 ኦያዉ ጎፕ፡

8:36 ማክ. 44:22 9:4 ከሳ 4:22 9:7 ደመላ 21:12 9:9 ደመላ 18:10 9:11-12 ደመላ 25:33 9:15 ከሳ 33:19 9:17 ከሳ 9:16 9:20 ኢሳ. 29:16፤ 45:9 9:25 ሆሰ 2:23 9:26 ሆሰ 1:10 9:27 ኢሳ. 10:22-23

ጎዳይ ሳኦ ቦላን ደእያ አሳ ኡባ ቦላ፡
ኤላካ ፕርዳና”
ያጌዳ።
29 እስያስ ካሰቲደ፡
“ኡባፕ ዋልቃማ ጎዳይ፡
ኑዉ አማራዳ ዘረላ አሸነጎቶ፡
ኑን፡ ሰደማ ካታማዳን፡፡
ጋሞራ ካታማዳን ሀኔደሸን”
ያግ ሃሳዬዳ።
30 ያትና፡ ኑን ዋጋኔ? ጽሎተላ ኮይቤና
አይሁዳ ግደና አሳይ አማኑዋን ጽሌዳ፤
31 ሸን እስራኤልያ አሳይ ባረንታ ጽልሰያ
ሀግያ ኮዬዳዋንቱ ሄ ሀግያ ደምባይክና።
32-33 አያዉ ደምባይክና? ኡንቱንቱ
ኡሱዋናፕ አትን፡ አማኑዋን ጽሎተላ ኮይቤና
ድራሳ። ኡንቱንቱ ጸሳ ማጻፋይ፡
“አኬክተ፤ ታን ጽዮንን አሳ ጱቢያ ሹቻ፡
ኡንቱንቱ ኦግያን ዛላ ዋላና።
ሸን አን አማንያ ኦንን ዬላተና”
ያጊደ ጸፈቶዋን ጱቢያ ሹቻን ጱባቲድና።

10

እስራኤልያ አሳይ ጸሳ ኦግያ ካልቤና
1 ታናዳን አማንያዋንቶ፡ ታን እስራኤልያ
አሳዉ ታ ኩመንላ ዋዛናፕ አሞትያዌን ጸሳ
ዋሰያዌ ኡንቱንቱ አታናሳ፤
2 አያዉ ጎፕ፡ ኡንቱንቱ ጸሳዉ ኦላናዉ ሎይላ
ኮይያዋ ታን ማርካታይ፤ ሸን ኡንቱንቱ ጸሳዉ
ኦላናዉ ሎይላ ኮይያ ኮሻይ ቱሙ ኤራተላፕ
ግደና።
3 አያዉ ጎፕ፡ ጸሳይ አሳ ጽልሰያ ኦግያ
ኡንቱንቱ ኤረናን፡ ባረንቱ ሁጸ ጽሎተላ ኤሳናዉ
ኮዬድና፤ ቃይ ባረንቱ ሁጸዉ ጸሳይ አሳ ጽልሰያ
ኦገዉ ኤና ግባይክና።
4 አያዉ ጎፕ፡ አማኔዳ ኡባይ ጽላናዳን፡
ክርሰቶሰ ሀግያ ቆፋ ፖሌዳ።

አቶተላይ ኡባሳ
5 አሳይ ሀገዉ አዛዘቲደ ጽልያባዉ ሙሴ፡
“ሀጊ አዛዘያዋ አልያ ኦንን ሄ ሀግያን ፓጸ
ደእና” ያግ ጸፊዳ፤
6 ሸን አማኑዋን ጽልያባዉ ጌተቲዳዌ ሀዋ፤
“ኣ ዋዛናን፡ ኡን ሳሉዋ ፑደ ባኔ?” ጎፕ። ሄዌ
ክርሰቶሳ ዲገ ዋላናሳ፤
7 ዋይ “ዲገ ሳኦ ጋርሳ ዋላናዌ ኦኔ?” ጎፕ።
ሄዌ ክርሰቶሳ ሀይቁዋፕ ደንላናሳ።
8 ሸን እ ግያዌ ሀዋ፤ “ጸሳ ቃላይ ነ ማታና፤ ነ
ደናን ነ ዋዛናን ደኤ” ጌተቲዳ” ያጌ። ሄዌካ
ኑን ሀንተንቶ ኦድያ አማኑዋ ቃላ።
9 ኔን፡ “የሱስ ጎዳ” ጋይ ነ ደናን ማርካቶፕ፡
ቃይ ጸሳይ ሀይቁዋፕ ኦ ደንፊዳዋ ነ ዋዛናን
አማናፕ፡ ኔን አታና።
10 አያዉ ጎፕ፡ አሳይ ባረ ዋዛናን አማኒደ
ጽሌ፤ ባረ ደናንካ ማርካቲደ አቲ።
11 ጸሳ ማጻፋይ፡ “አን አማንያ ኦንን ዬላተና”
ያጌ።

12 አይሁዳ አሳን አይሁዳ ግደና አሳ ግደን
ዲማተላይ ባዋ። እት ጸሳይ ኡባ ጎዳ፤ እ ባረና
ጼሰያ ኡባቶ ዳር ኬካ።
13 አያዉ ጎፕ፡ ጸሳ ማጻፋይ፡ “ጎዳ ሱንላ
ጼሰያ ኦንን አታና” ያጌ።
14 ያትና፡ ኡንቱንቱ አ አማንቤናዋንታ ግደፕ፡
ዋት አ ጼሳናዉ ዳንዳዪና? ቃይ ቃላ
ሰሰቤናዋንቱ ዋን አማናናዉ ዳንዳዪና? ቃላ
ኦድያዌ ጳዮፕ፡ ኡንቱንቱ ዋን ሰሳናዉ ዳንዳዪና?
15 ቃይ ቃላ ኦድያዋንቱ ኪተተናን አጎፕ፡
ኡሱ ዋት ኦድታናዉ ዳንዳዪ? አያዉ ጎፕ፡ ጸሳ
ማጻፋይ፡ “ናሸቶያ ሞሽራቹዋ ኦድያዋንቱ ዩሳይ
ዋት ሎኢ!” ያጌ።
16 ሸን ኡንቱንቱ ኡባይ ዋንጋላዉ
አዛዘትባይክና፤ አያዉ ጎፕ እስያስ፡ “ታ ጎዳዉ፡
ኑን ማርካቲዳዋ ኦን አማኔዳ?” ያጌዳ።
17 ሰም አሳይ ቃላ ሰሲደ አማኔ፤ ቃይ እት
ኡራይ ክርሰቶሳ ቃላ፡ ኦድና ሰሴ።
18 ሸን ኡንቱንቱ ቃላ ሰሰቤናዌ ቱማ ጋይ ታን
ኦቻይ። ቱማ ኡንቱንቱ ሰሴድና፤ ጸሳ ማጻፋይ፡
“ኡንቱንቱ ሃሳያ ኮሻይ
ሳኦ ኡባን ላለቲዳ፤
ኡንቱንቱ ቃላይካ ሳኦ ጋጸ ጋኬዳ”
ያጌዳ።
19 ሸን እስራኤልያ አሳቲ ኤርባይክናዬ ጋይ ታን
ኦቻይ። ሙሴ ካሰ፡
“ታን ሀንተንታ አሳ ግደና አሳቲዋን ሴልሳና፤
ቃይ ኤያ አሳቲዋን ታን ሀንተንታ
ሀንቀሰሳና”
ያጌዳ።
20 ቃይ እስያስ ዳር ጸሊደ፡
“ታና ኮይቤናዋንቶ ቤታድ፤
ታና ኡቶቤናዋንቶካ ቆንጫድ”
ያጌ።
21 ሸን እስራኤላቲዋባ እ ሃሳዪደ፡
“ጋላሳ ኡባ አዛዘተናዋንቶን
ታዋ እጽያዋንቶ ታ ኩሸያ ሞጫድ”
ያጌ።

11

ጸሳይ እስራኤልያ አሳ ዉርሰ ኦልቤና
1 ያትና፡ ጸሳይ ባረ አሳ እጾይ ጋይ ኦቻ? ሄዋ
ግደና፤ አያዉ ጎፕ፡ ታን ታ ሁጸዉ እስራኤልያ አሳ፤
አብራሃሙዉ ዛረ፤ ቢንያማ ያራ።
2 ጸሳይ ኮይሮ ደሬዳ ባረ አሳቲዋ እጸና፤
ጸሳ ማጻፋይ፡ ኤላሳ ታርክያ ግደን፡ ኤላሰ
እስራኤላቲዋ ጸሳ ሰንላን ዋት ሞትንቶ፡ ሀንተ
ኤሪታ።
3 “ጎዳዉ፡ ኡንቱንቱ ሄ ሱንላን ናባቲዋ
ዋጼድና፤ ነ ያርሸያ ሳካ ኮሌድና። ያትና፡ ታን
ታ ጸላላይ አታድ። ቃይ ኡንቱንቱ ታናካ ዋላናዉ
ኮዪና” ያጌዳ።
4 ጸሳይ አዉ ዋግ ዛሬዳ? “ታን ኤቃ ባኦላዉ
ጌልባትቤና ላፑ ሻኦ አሳ ታዉ አሻድ” ያጌዳ።

9:29 እ.ሳ. 1:9 9:32-33 እ.ሳ. 28:16 10:5 ዋጋ 18:5 10:6 ዛረ. 30:12-14 10:11 እ.ሳ. 28:16
10:13 እ.ዩ. 2:32 10:15 እ.ሳ. 52:7 10:16 እ.ሳ. 53:1 10:18 ማዘ. 19:4 10:19 ዛረ. 32:21
10:20 እ.ሳ. 65:1 10:21 እ.ሳ. 65:2 11:3 1 ካታ. 19:10፣ 14 11:4 1 ካታ. 19:18

5 ሀዋዳንካ ቃይ ሀ ዋድያን፣ ጸሳይ ባረ አጼ ኬካተላን ደሬዳ አማሬዳ አሳቱ ደኢኖ።

6 ሸን እ ባረ አጼ ኬካተላን ደሬዳጥ አትን፣ ኡንቱንቱ አሱዋን ኡንቱንታ ደርቤና፤ ሄዌ ጳዮፕ፣ እ አጼ ኬካተላይ ቱሙ አጼ ኬካተላ ግደና።

7 ያትና፣ አዬ? እሰራኤልያ አሳቱ ባረንቱ ኮይያዋ ደምበይክኖ፤ ሸን ጸሳይ ደሬዳ አማሬዳዋንቱ ደሜድኖ። የኮንቱ ዋዛናይ ምኔዳ።

8 ሀዋዳንካ፣ ጸሳ ማጻፋይ፣ “ጸሳይ ኡንቱንቱ ባረንቱ አይፍያን በኤናዳንን ባረንቱ ሀይላን ሰሰናዳን፣ ሀዋ ጋካናወ ኡንቱንቶ፣ አዛላ አያና አሜዳ”

ያጌዳ።

9 ቃይ ዳዊተ ያጌዳ፤

“ኡንቱንቱ ምያ ጋይታይ ኡንቱንታ ጲርያዳን ኮይቆ፤

ኡንቱንታ ጉፋንሉ፤ ኡንቱንቶ ኩሽያ ሸር ጭሳ።

10 ኡንቱንቱ ጸለናዳን፣ ኡንቱንቱ አይፊ ጎዛቶ፤ ኡባ ዋደ ባረንቱ መቱዋን ቁኒደ ደኢኖ”

ያጌዳ።

11 ያትና፣ አይሁዳቱ ጳብቴዳ ዋደ፣ ደንደናዳን ኩንዴድኖ? ሄዋ ግደና፤ ኡንቱንቱ ናጋራ ኦሌዳ ድራወ፣ አቶተላይ ኡንቱንቱ አይሁዳ ግደና አሳቱዋ ቃናታናዳን፣ አይሁዳ ግደና አሳወ ዬዳ።

12 ሸን አይሁዳቱ ናጋራ ኦሌዳ ድራወ፣ አላመወ ዳሮ አንጂ ዬዳ፤ ቃይ ኡንቱንቱ ኩንደላይካ አይሁዳ ግደና አሳወ ዳሮ አንጂዋ አሄዳ። ያትና፣ አይሁዳቱ ኡባይ ጉጀትያ ዋደ፣ አንጂ ዋይሳ ኬና ዳራንዴቫ!

አይሁዳ ግደና አሳይ አታና አቶተላ

13 ሸን ታን ሀእ ህንተንቶ፣ አይሁዳ ግደና አሳወ ሃሳያይ፤ ታን አይሁዳ ግደና አሳወ የሱሰ ኪቴዳዋ ግድያ ድራወ፣ ታ ኦሱዋ ቦንቻና።

14 ታን ታ ዛረ ግድያ አሳቱዋ ቃናታንቻቱዋ አላፕ፣ ኦን ኤር ኡንቱንቱፕ አማሬዳዋንታ አሸናን አግከ።

15 አያወ ጎፕ፣ ጸሳይ ኡንቱንታ እጹዳ ዋደ፣ ሀ አላሚ ጸሳና ሰገቱዳ። ያትና ጸሳይ ኡንቱንታ ሺሽ አክያ ዋደ፣ ሀይቄዳዌ ደኡዋ ደማናፕ አትን፣ አዬ ሀናኔ?

16 ኮይሮ አይፈ ባጋ ሙናቃይ አንጀቱዳዋ ግደፕ፣ ሙመ ሙናቃይካ ቃይ አንጀቱዳዋ ግደና፤ እት ምላ ጸጹ አንጀቱዳዋ ግደፕ፣ ሀይላይ ኡባይካ ቃይ አንጀቱዳዋ ግደና።

17 ሸን ዋራን ደሌዳ ዋጋራ ምላ ቃንካፕ እቱዋ እቱዋ ካሬዳሳን፣ ኔና ዋራን ደሌዳ ዋጋራ ምላ ማላ ሄ ዋጋራና ጋላ ቃቼዳ፤ ኔን ቃይ ዛይቲ ከሰያ ዋጋራ ምላ ጸጸዋና እትፕ ደኢ።

18 ሰም ኔን ሄ ካረት ዋጴዳ ቃንካቱዋ ቦላን ኦቶረታናወ በሰና፤ ሸን ኔን ኦቶረትያዋ ግደፕካ፣ ጸጹ ኔና ቶኬፕ አትን፣ ኔን ጸጸዋ ቶከናዋ አኬካ።

19 ሄዋ ድራወ ኔን፣ “ኤ፤ ሸን ቃንካቱ ታን ኡንቱንቱ ሳኢን ገላናዳን ካረቱድኖ” ያጋና።

20 ሄዌ ቱማ፤ ኡንቱንቱ አማንቤና ድራወ፣ ካረቱድኖ፤ ኔን አማኔዳ ድራወ፣ ሄ ሳኢን ኤቃዳ። ሸን ያያፕ አትን፣ ኦቶር ቆፋ ቆፖፓ።

21 አያወ ጎፕ፣ ጸሳይ መጋታ ቃንካ ማላትያዋንቶ፣ አይሁዳቶ ቃረትቤናዋ ግደፕ፣ ነወ ቃረትያዋ ማላቲ?

22 ሰም ጸሳ ኬካተላን ጸላተላ በኢ። ኩንዴዳዋንቶ እ ጸላ፤ ሸን ኔን እ ኬካተላን ምናደ ደኡፕ፣ እ ነወ ኬካ፤ ሄዌ ጳዮፕ፣ ኔንካ ቃይ ቃንጸታና።

23 አይሁዳቱካ ቃይ አማንናን እጽያዋ አጎፕ፣ ጸሳይ ካሰ ኡንቱንቱ ደኢያ ሳን ዛሪደ ዋላና፤ አያወ ጎፕ፣ እ ኡንቱንታ ዛሪደ ዋላናወ ዳንዳዬ።

24 አያወ ጎፕ፣ ጸሳይ ህንተንታ ዋራን ደኢያ ኮይሮ መጋታ ዋጋራ ምላፕ ቃንጸደ፣ ህንተንቱ መጋታን ዋራን ደሎዋንቱዳን ግደናን ጋደን ቶኬዳ ዋጋራ ምላና ጋላ ኦይሌዳዋ ግደፕ፣ ያትና፣ ሄ ካረት ዋጴዳ ኮይሮ መጋታ ቃንካቱዋ ዛረሊደ፣ ኡንቱንታ ኮይሮ መጋታን ደሌዳ ባረንቱ ዋጋራ ምላና ጋላ ቃቻናወ፣ አ አዬ ጸናናዌ?

ጸሳ ማርታይ ኡባሳ

25 ታናዳን አማንያዋንቶ፣ ታን ህንተ ኤራናዳን ኮይያ ቱሙ ጹራ የወ ደኤ፤ ሄዌ ህንተ ህንተንታ ህንተረካ፣ ኩን አጼዳ ኤራንቻ ያጌደ ቆፕያዋ ድጌ፤ እሰራኤልያ አሳፕ ባጋይ ሰሰናን እጹዳ፤ ሸን ሄ ሰሰናን እጽያዌ አይሁዳ ግደና አሳ ኩመንላ ፓይዱ ጸሳኮ ጋካናወ ጋምአና።

26 ሀዋዳንካ፣ እሰራኤልያ አሳይ ኡባይ አታና፤ ጸሳ ማጻፋይ ሀዋዳን ያጌ፤

“አሸያዌ ጸዮን ጌተትያ ካታማፕ ዪደ፣ ናጋራ ኦሱዋ ኡባ ያቆባ ዛርያፕ ድጋና።

27 ታን ኡንቱንቱ ናጋራ አቶ ያግያ ዋደ፣ ኡንቱንቱና ገላና ቃላ ጫቄ ሀዋ”

ያጌ።

28 አይሁዳ ግደና አሳቶ፣ አይሁዳቱ ዋንጋላ ምሽራቹዋ ባጋና ህንተ ድራወ፣ ጸሳና ሞርከ፤ ሸን ጸሳ ዶሩዋ ባጋና አዋቱዋ ድራወ፣ ኡንቱንቱ እ ሲቅያዋንታ።

29 አያወ ጎፕ፣ ጸሳይ ባረ አሜዳዋ ጉዩ አከና፤ ቃይ ባረ ጸሴዳዋ እጸድ ጌና።

30 አይሁዳ ግደናዋንቶ፣ ጸሳወ ህንተ ካሰና አዛዘትቤይክታ፤ ሸን አይሁዳቱ አዛዘተናን እጹዳ ድራወ፣ ጸሳ ማርተላ ሀእ ህንተ አኬድታ።

31 ሀዋዳን፣ ህንተ አኬዳ ማርተላ ድራወ፣ አይሁዳቱ ቃይ ጸሳ ማርተላ ሀእ አካናዳን፣ ጸሳወ አዛዘተናን እጹድኖ።

32 አያወ ጎፕ፣ ጸሳይ አሳ ኡባ ማራና ማላ፣ አሳይ ኡባይ አወ አዛዘተናን እጽያ ሀናታን ቃቼዳ።

33 ጸሳ ዱረተላይ ዋይሳ ኬና ዳሬ? አ አጼ ኤራተላይን አ ኤራተላይ ዋይሳ ኬና ጨሜ? አ ፕርዳ ኦዳናዌ ኦኔ? አ ባረ ኦላያዋ አያወ ኦላንቶ፣ ኦኔ አኬክያዌ?

34 ሄዋ ጸሳ ማጻፋይ፣ “ጎዳ ዋዛና ኤርያዌ ኦኔ? አ ዙራናወ ዳንዳይያዌ ኦኔ?

11:8 ዛረ. 29:4፤ ኢሳ. 29:10 11:9 ማዘ. 69:22-23 11:26 ኢሳ. 59:20 11:27 ኤር. 31:33-34 11:33 ኢሳ. 55:8 11:34 ኢሳ. 40:13 11:35 ኢዮባ 41:11

35 ዋይ ባረ ኩሽያ ዛራና ማላ፡ አዉ እትባ እሜዳዌ ደኢ?።” ያጌ።

36 እያዉ ጎጥ፡ ኡባባ እ መጰዳ፤ ቃይ ኡባባይካ እ ማታንነ እዉነ ደኤ፤ ጸሳዉ መጵናዉ ቦንቹ ግድ። አመንእ።

12

ጸሳዉ አፋናዳን ኩን ዋኒደ ደእናዉ በሲ?

1 ሰም ታናዳን አማንያዋንቶ፡ ህንተ ህንተ ኦናተላ ጸሳ ናሽቶያ ደኢነ ጌሻ ያርሹዋ ኦሊደ፡ ጸሳዉ ሽሻናዳን፡ ታን ህንተንታ ጸሳ ማሮተላን ዋሳይ፤ ጸሳዉ ህንተ ጎይናናዉ በሰያ ቱሙ ኦጊ ህዋ።

2 ጸሳይ ህንተ ቆፋ ኡባና ዲማዬደ፡ ህንተንታ ላሞጥ አትን፡ ሀ አላምያ አሳ ማላቶጥተ። ህ ዋደ ህንተ፡ ጸሳ ሽኒ፡ ሎኦባይ፡ አ ናሽቶያባይነ ቃይ ፖሎ ግዴዳባይ እየንቶ ኤራንታ።

3 ጸሳይ ታዉ እሜዳ አጵ ኬካተላን ታን ህንተንቶ ኦዳይ። ህንተንቱ ቆፓናዉ በሰያዋጥ አሊደ፡ ኦቶራዋን ቆፖጥተ፤ ህዋ አጊደ፡ ዋዛናማ አሳዳን ቆፖጥተ፤ ጸሳይ ህንተንቶ ሁጲያን ሁጲያን እሜዳ አማኑዋ ኬናን ህንተ ቦላ ፕርድተ።

4 ኑ እት ቦላ ግድን፡ ጮራ ቦላ ቆሞቱ ደኢና፤ ህ ቆሞቱዋ ኡባዉካ ዲማ ዲማ ኦሱ ደኤ።

5 ሀዋዳን፡ ኩን ጮራ አሳ ግድጥካ፡ ክርሰቶሳ ባጋና እት አሳ። ቃይ ኩን እት አሳተላ ቆሞቱዋዳን፡ እቱ እቱዋና ኦይቀት ኡቱደ።

6 ጸሳይ ኑዉ እሜዳ አጵ ኬካተላን ዲማ ዲማ አሞታይ ደኤ። ኑ አሞታይ ናበተላ ግድጥ፡ ኑዉ ደኢያ አማኑዋ ኬና ኦዳናዉ በሲ።

7 ሀራቱዋ ማዲሳ ግድጥ፡ ህ ኦሱዋን ምናናዉ በሲ፤ ታማርሱሳ ግድጥ፡ ህ ታማርሱዋን ምናናዉ በሲ።

8 ሀራ አሳቱዋ ምንሱሳ ግድጥ፡ ህ ኦሱዋን ምናናዉ በሲ። ባረ ሁጲዉ ደኢያባጥ ሀራቶ አምያ ኦንነ ዋዛናጥ አሞ። ማታይ ደኢያ ኡራይ ምንሰ አፋናዉ በሲ፤ ሀራቶ ኬክያ ኡራይ ናሽቻን ኬካናዉ በሲ።

9 ህንተንቱ ሲቁ አሳ በሳናዉ ሲቀትያዋ ግዳናዉ በሰና። ኢታባ እጽተ፤ ሎኦባ ምንሲደ ኦይቂተ።

10 እቱ እቱዋና እሻቱዋዳን ሲቀትተ፤ እቱ እቱዋ ቦንቶያዋን ናሽቶተ።

11 ምኒደ አሳተ፤ አዛሎጥተ፤ ህንተ ኩሙንላ ዋዛናጥ ጎዳዉ አሳተ።*

12 ጸሳይ ህንተንቶ እማና ጌዳዋን ናሽቶተ፤ ዋይያን ገንጭተ። ኡባ ዋደ ጸሳ ዋሰተ፤

13 ጸሳ አሳቱዋ ኮሽያባን ማድተ፤ እማላ ሞክተ።

14 ህንተንታ የደርሰያዋንታ አንጅተ፤ ኡንቱንታ አንጅተጥ አትን፡ ሽቆጥተ።

15 ናሽቶያዋንቱና ናሽቶተ፤ ዬክያዋንቱናካ ዬክተ።

16 አሳ ኡባዉ እት ማላ ቆፋ ቆፖተ፤ አሳባን ኡባን ህንተንታ ቶቺደ ደእተጥ † አትን፡

ኦቶራቶጥተ፤ ህንተንታ ህንተረካ አጵ ኤራንቻ ጊደ ቆፖጥተ።

17 ኦንነ ህንተንቶ ኢታባ አሳተ፡ ህ ኡራዉ ኢታባ አሳ ዛርጥተ፤ አሳ ኡባዉ ሎኦባ አፋናዉ ቆፖተ።

18 አሳ ኡባና ሳርተላን ደእናዉ፡ ህንተ ባጋና፡ ህንተንቶ ዳንዳየቱዳባ ኡባ አሳተ።

19 ታናዳን አማንያዋንቶ፡ ህንተ ህንተ ሁጲዉ አሳዉ ሀሉዋ ከሶጥተ። ጸሳይ ሀሉዋ ከሳናዳን፡ አ ቦላ አሳተ። እያዉ ጎጥ፡ ጸሳ ማጻፋይ፡

“ጎዳይ፡ ታን ሀሉዋ ከሳና፤ ታን ኩሽያ ጭጋና ጌ” ያጌ።

20 ሽን ጸሳ ማጻፋይ፡ “ነ ሞርኪ ኮሻቶጥ፡ ሞዛ። ሳመቶጥ፡ ኡሻ።

አያዉ ጎጥ፡ ኔን ህዋ አሳያዋን፡ አ ዳርሳ ዬላያሳ” ያጌ።

21 ኢታባ ሎኦባን ጸናጥ አትን፡ ኢታባይ ኔና ጸናፖ።

13

ጋድያ አይሰያዋንቶ ኤኖ ጋናዉ በሲ

1 አሳይ ኡባይ ጋድያ አይሰያዋንቶ ኤኖ ጋናዉ በሲ፤ እያዉ ጎጥ፡ ጸሳይ ጌናን ደኢሽን፡ ጋድያ አይሰያዋ ደእናዉ ዳንዳየና። ሀእ ደኢያ አይሰያዋንቱካ ጸሳይ ዋሌዳዋንታ።

2 ህዋ ድራዉ፡ ሀእ ደኢያ አይሰያዋንታ እጽያ ኦንነ ጸሳ አዛዙዋ እጴ፤ ባረ ቦላ ፕርዳ አህ።

3 እያዉ ጎጥ፡ አይሰያዋንቱ ኢታባ አሳያዋንታ ያሻናዋጥ አትን፡ ሎኦባ አሳያዋንታ ያሽክኖ። አይሰያዋ ያየናን አጋናዉ ኮያይ? ያቶጥ ሎኦባ አሳ፤ እ ኔና ጋላታና።

4 እያዉ ጎጥ፡ እ ነዉ ሎኦባ አፋናዉ፡ ጸሳዉ ቆማ። ሽን ኔን ኢታባ አሳተ፡ ኢታባ አሌዳዋ እ ሴርያ ድራዉ፡ አዉ ያያ፤ እ ጸሳ ቆማ። ቃይ ኢታባ አሳያዋንቱ ቦላ ጸሳ ህንቁዋ እ አህ።

5 ህዋ ድራዉ፡ ጋድያ አይሰያዋንቶ ኤኖ ግያዌ ጸሳ ሙራ ጸላላሳ ግድናን፡ ህንተንቱ ዋዛና ቆፋ ድራዉካ ኤኖ ጋናዉ በሲ።

6 እያዉ ጎጥ፡ ጋድያ አይሰያዋንቱ ባረንቱ ኦሱዋ አሳያ ዋደ፡ ጸሳዉ አሳያ ድራዉ፡ ህንተ ቃራጸ ቃንጽያዌ ህዋሳ።

7 ኡባ አሳዉካ በሰያዋ እምተ። ጌራ ጌራናዉ በሰያዋ ጊርተ፤ ቃራጸ ቃንጸናዉ በሰያዋ ቃንጽተ፤ ያያናዉ በሰያዋ ያይተ፤ ቦንቹ በሰያዋ ቦንቶተ።

እቱ እቱዋና ሲቀትተ

8 ህንተንቱ እቱ እቱዋና ሲቀታናጥ አትን፡ ሀራ አጩ ኦ ቦላንነ ደኡ። እያዉ ጎጥ፡ ሀራ ሲቅያ ኦንነ ሀጊ ግያዋ ፖሌዳ።

9 “ዋሹሞፓ፤ ዋጶፓ፤ ዉኦፓ፤ አሳባ አሞቶፓ” ግያ አዛዛቱነ ሀራ አዛዛቱ ኡባቱ፡ “ነ ሾሩዋ ነ ሁጲያዳን ሲቃ” ግያ አዛዛቱን ኩሚኖ።

11:36 1 ቆር. 8:6 * 12:11 ኩሙንላ ዋዛናጥ ጎዳዉ አሳተ- ጌሻ እያናን ካለሰቲደ ከተትያዋንታ ግድተ። † 12:16 ህንተንታ ቶቺደ ደእተ- እሽከ ግድተ ጉሳ። 12:16 ለም. 3:7 12:19 ዛረ. 32:35 12:20 ለም. 25:21-22 13:9 ከሳ 20:13-15፣ 17፤ ዛረ. 5:17-19፣ 21፤ ዋጋ 19:18

10 ባረ ሾሩ ሲቆያ ኦንነ አዉ ኢታባ ኦርፍ፤ ሄዋ ድራዉ፡ ሾሩ ሲቆያዌ ሀግያ ኡባዉ ኤፍ ግያዎ።

11 ገምእሹዋ፡ ሀንተ ቤጎትያ ሳቲ ሀእ ጋኬዳ ድራዉ፡ ሀ ዎድያ እኬክተ። እያዉ ጎፕ፡ ኩ ኮይሮ እማኔዳ ዎድያ፡ ኩን አትያ ዎዲ ሀእ ኩኮ ማታቲዳ።

12 ቃማይ አቆናዉ ሀኔ፤ ጋላሳይ ማታቲዳ። ሰም ኩን ቆማ ኦሱዋ አጊደ፡ ፖኡዋን ኦለታናዉ፡ አላ ሚሻ ማዮይተ፤

13 ጋላሰ ፖኡዋን ደእያ አሳዳን፡ እነ ማራ ደኔይተ። የሳንነ ማሉዋን ግደ፡ ፖሹሙሳንነ ዎሹማናዉ ካጄሉሳና ግደ፡ ፓሉማንነ ቃናትያን ግደ፡።

14 ሸን ጎዳ የሱሰ ክርሰቶሳ፡ ኦላ ሚሻ አ ማይተ፤ ሀንተ ናጋራንቻ አሳተላይ ባረ ዎዛና አሙዋ ፖላናዳን፡ አዉ ቆፖፕተ።

14

አሳ ቦላ ፕርደናን አጉሳ

1 አማኑዋን አዛልያ ኡራ ሺሸ አክተ። ሸን አ ባረ ሀ-ጸዉ ቆፕያባን አናና ፓሉመቶፕተ።

2 እት ኡራ አማኑ እ አያ ሚናን ድገና። ሸን አማኑዋን አዛልያ ኡራይ ጋደን ሞኬዳባ ጸላላ ሜ።

3 ኡባባ ምያ ኡራይ ኡባባ ሜና ኡራ ካቆፖ፤ ኡባባ ሜና ኡራይካ ኡባባ ምያ ኡራ ቦላ ፕርደ፡፡ እያዉ ጎፕ፡ ጸሳይ አ ሸሸ እኬዳ።

4 ሀራ አሳ ቆማ ቦላ ፕርደያዌ ኩን ኦኔ? አ ኩንድና ዎይ ደንድና ባረ ጎዳሳ፤ ሸን ጎዳይ አ ደንሳናዉ ዳንዳይያ ድራዉ፡ እ ኤቃና።

5 እት ኡራይ፡ “ሀቃ ጋላሳይ ሀራ ጋላሳቱዋ፡ አቆ” ያጊደ ቆፕያ ዎደ፡ ሀራይ፡ “ኡባ ጋላሳቱካ እት ማላ” ጊደ ቆፕ። አሳይ ኡባይ ሀ-ጸያን ሀ-ጸያን ሄዋዳን እያዉ ቆፕንቶ እኬኮ።

6 እት ጋላሳ ሀራ ጋላሳቱዋ፡ አላደ ቦንቶያ ኡራይ ጎዳ ቦንቶ ቦንቶ፤ ቆማ ምያ ኡራይካ ጎዳ ቦንቶ ሜ። እያዉ ጎፕ፡ እ ሄ ቆማ ድራዉ፡ ጸሳ ጋላቲ። ቆማ ሜናዌካ ጎዳ ቦንቶ ሜናን አኔዳ፤ ቃይ ጸሳ ጋላቲ።

7 እያዉ ጎፕ፡ ኩፕ ኦንነ ባረ ሀ-ጸ ጸላላዉ ደኤና፤ ቃይ ኦንነ ባረ ሀ-ጸ ጸላላዉ ሀይቃና።

8 ኩን ፓጸ ደኤ፡ ጎዳዉ ደኤቶ፤ ቃይ ሀይቆፕካ፡ ጎዳዉ ሀይቆቶ። ሰም ኩን ፓጸ ደኤ፡ ዎይ ሀይቆፕካ ጎዳሳ።

9 ሄዋ ድራዉ፡ ክርሰቶሰ ፓጸ ደእያዋንቶን ሀይቆዳዋንቶ ጎዳ ግዳናዉ ሀይቂደ፡ ሀይቆዋ፡ ደንዳዳ።

10 ያትና፡ ኩን ነ እሻ ቦላ እያዉ ፕርዳይ? ዎይ ኩን ነ እሻ እያዉ ካቆይ? ኩን ኡባይካ ጸሳ ፕርዳ ኦይድያ ሰንሳን ኤቃና።

11 እያዉ ጎፕ፡ ጸሳ ማጸፋይ፡ “ ታን ጎዳይ ታ ደኡዋን ጫቃይ፤

አሳይ ኡባይ ታ ሰንሳን ፑልባታና። ቃይ ታን ጸሳ ግድያዎ፡

አሳይ ኡባይ ማርካታና’ ያጋይ” ያጌ።

12 ሰም ኩን ሀ-ጸያን ሀ-ጸያን ኑባ ጸሳዉ ኦዳና።

ናጋራ ኦሶ ጋሱዋ ግደፓ

13 ሄዋ ድራዉ፡ ኩን እቱ እቱዋ ቦላ ፕርድያዎ ሀዋፕ ሰንሳዉ እነ አጎይተ። ሸን ኡባፕ አላደ፡ ሀንተ እሻ ቆሊያባ ዎይ ናጋራን ኦልያባ ኦርዳናን ቆፋ ቃቶተ።

14 ታን ጎዳ የሱሰ ክርሰቶሳና ደእያዋን፡ ባረ ሀ-ጸዉ ቱና ግድያባይ ባይናዋ ኤራይነ እኬካይ። ሸን እት ኡራይ እትባ ቱና ጊደ ቆፖ፡ ሄዌ አዉ ቱና ግዴ።

15 ኩን ምያባ ድራዉ፡ ነ እሻ ቆሆ፡ ሰም ኩን ሰቁዋን ደእካ። ክርሰቶሰ አ ድራዉ ሀይቂዳ አሳ ነ ምያ ቁማን ባይዘፓ።

16 ሰም ኩን ሎኦባ ግያዋ አሳይ ካቆ፡፡

17 እያዉ ጎፕ፡ ጸሳ ካዉተላይ ጌሻ አያናይ እምያ ጽሎተላ፡ ሳርተላነ ናሸቻ ግድያዋ፡ አትን፡ ሙሳነ ኡሻ ግደና።

18 እያዉ ጎፕ፡ ክርሰቶሳዉ ሀዋዳን ኦልያ ኡራይ ኦንነ ጸሳ ናሸቶ፤ አሳይካ አ ጋላቲ።

19 ያቶ፡ እነ ኩን ሳርተላ አሀያባነ ኩና እቱዋ እቱዋና ምንሰያባ ኡባ ኮዬቶ።

20 ጸሳ ኦሱዋ ቆማ ድራዉ ባይዘፓ። ቆማይ ኡባይ ጌሻ፤ ሸን ሀራ ኡራ ናጋራን የግያዎ ሙሳይ ኢታ።

21 ሄዋ አሹዋ ሜናን ዎይ ኡሻ ኡሸናን አግያዌ ዎይ ነ እሻ ቆሊያባ እያን ኦርናን አግያዌ ሎኦ።

22 ሀ የዉዋን ነ አማኑዋ ኔፕነ ጸሳፕ ግዲዋን ናጋ። እት ኡራይ ሎኦ ጊደ እ አማንቲዳዋ ኦልያ ዎደ፡ “ታን ሎኡዋ ኦላድ” ጊደ ባረ ዎዛናን አማንቶ፡ ሄ ኡራይ ቱሙ አንጀቲዳዎ።

23 ሸን እ ሄ ምያባን ሰቆኦ፡ አ ሙሳይ አማኑዋና ግደና ድራዉ፡ ጸሳይ አ ቦላ ፕርዴ፤ ቃይ አማኑ ባይናን ኦሌዳዌ እያይካ ናጋራ።

15

አሳ ናሸቻናዉ በሰያ ኦግያ

1 ኩን አማኑዋን ምኔዳዋንቲ ዳቡራንቻቱዋ ቶኩዋ ቶካናዉ በሴ፤ ኩን ኑ ጸላላ ናሸቻናዉ በሰና።

2 ኩን ሀ-ጸያን ሀ-ጸያን ኑ እሻ ማዳናዉ፡ አማኑዋን አ ምንሳናዉን ናሸቻናዉ በሴ።

3 እያዉ ጎፕ፡ ሀራይ አቶ ክርሰቶሰካ ባረና ናሸቶቤና። ሸን ጸሳ ማጸፋይ፡ “ኔና ቦራዳዋንቲ ቦራዳ ቦሪ ታ ቦላ ዎቆዳ” ጌዳዋናን ሀኔዳ።

4 ጸሳ ማጸፋይ ኑዉ እምያ ገንጨንነ ምኖታን ኩን ደማና ጊደ ናሸቻን ናግ ኡቲዳዌ ደኤና ማላ፡ ጸሳ ማጸፋን ጸፈቲዳ ኡባባይ ኩና ታማርሳናዉ ጸፈቲዳ።

5-6 ሀንተንቲ ኡባይ እት ዎዛና ግዲደ፡ እት ቃላን ጸሳ፡ ኑ ጎዳ የሱሰ ክርሰቶሳ አዉዋ፡ ቦንቻና ማላ፡ ገንጨዋን ምኖተላ እምያ ጸሳይ፡ ሀንተንቶ ክርሰቶሰ የሱሰ ኦሌዳዋዳን፡ እቱ እቱዋና እትፕ ደእያ እት ቆፋ እዎ።

ጸዉሎሳ ኦሱዋን አማኑና አሳዉ ጋኬዳ ምሽራቹዋ ቃላ

7 ሄዋ ድራዉ፡ ክርሰቶሰ ሀንተንታ ሞኬዳዋዳን፡ ጸሳ ቦንቶ እቱ እቱዋ ሞክተ።

14:11 እሳ. 45:23 15:3 ማዘ. 69:9

8-9 እያው ጎጥ፡ ጸሳይ አማኝቲዳዎ ግድያዎ ኤርሳናው፡ ጸሳይ አዎቶ እማና ጌዳዎ ቱማያናውን እይሁዳ ግደና አሳይ ጸሳ አ ማሮተላ ድራው ቦንቻናው ክርስቶስ እይሁዳቶ ቆማ ግዴዳዎ ሆነተንቶ ኦዳይ። ሄዎ ጸሳ ማጻፋይ፡

“ሄዎ ድራው፡ ታን ኔና፡ እይሁዳ ግደና አሳ ግድን ጋላታና፤ ነ ሱንላካ ሳባና”

ያጌ።

10 ቃይካ፡

“እይሁዳ ግደና አሳቶ፡

ጸሳ አሳቱዋና ናሽትተ”

ያጌ።

11 ቃይካ ጉጂደ፡

“ሆነተንቶ፡ እይሁዳ ግደና አሳቶ ኡባቶ፡

ጎዳ ጋላትተ፤ አሳው ኡባው፡ አ ጋላትተ”

ያጌ።

12 ቃይካ እስያስ፡

“እስይ ዘረላይ ዪደ፡

እይሁዳ ግደና አሳ ሞዳናው ደንዳና፡

ቃይ ኡንቱንቱ አ ባጋና ደማና ጊደ፡

ናሽቻን ናጋና”

ያጌ።

13 ሆነተንቱ አካና ጊደ ናሽቻን ናግያዎ ጌሻ እያና ዎልቃን ድጫናዳን፡ ሆነተንቶ እማና ጌዳ ጸሳይ፡ ሆነተ አ አማንያ ድራው፡ ሆነተንቶ ናሽቻን ሳሮተላ ኩንሊደ እሞ።

ጳውሎስ ጸሊደ ጸፊዳ ጋሱዎ

14 ታናዳን አማንያዎንቶ፡ ሆነተንቱን ሎኦተላይን ኤራተላይ ኡባይ ኩሜዳዎን ቃይ እቱ እቱዎ ዘራናው ዳንዳይያዎ ታን ታ ሁጳው ኤራድ።

15-16 ሸን ታን ሆነተንታ እትባ እትባ ጉጂ ቆፍሳናው፡ ሀ ዳብዳቢያ ግድን እይነ ያየናን ሆነተንቶ ጸፋድ። ታን ክርስቶስ የሱሳ ቆማ ግዳደ፡ እይሁዳ ግደና አሳው ኦላናዳን፡ ጸሳይ ታው እቶ ኬካተላ እሜዳ ድራው፡ ታን እይነ ያያበይከ፤ እይሁዳ ግደና አሳይ ጌሻ እያና ባጋና ጸሳው ጌሻ ግዳደ፡ አ ናሽቻን ያርሹዎ ግዳናዳን፡ ጸሳ ዎንጋላ ሞሽራቹዎ ኦድያዎን ጌሻተላን ኦላይ።

17 ሄዎ ድራው፡ ታን ክርስቶስ የሱሳን ግዳደ ጸሳው ኦላያባን ጨቀታናው ዳንዳይያይ።

18-19 እይሁዳ ግደና አሳይ ጸሳው አዛዘታናዳን፡ ክርስቶስ ታ ባጋና ቃላን፡ ኦሱዎን፡ ማላን፡ ማላታ ዎልቃን ጌሻ እያና ዎልቃን ኦሌዳዎ ጸላላ ታን ኦዳናጥ ኦትን፡ ሀራባ ኦዳናው ጸልከ። ሄዎ ድራው፡ የሩሳላመጥ ደማደ፡ እልዋርቆና ጌተትያ ጋድያ ጋካናው ዩያደ፡ ክርስቶስ ዎንጋላ ሞሽራቹዎ ወርሳ ኦዳድ።

20 ሀዎዳንካ፡ ታን ሀራ አሳይ ደሜዳዎ ቦላን ደመናዳን፡ ክርስቶስ ሱንላይ ጼስትቤናሳን ዎንጋላ ሞሽራቹዎ ኦዳናው አሞታድ።

21 ሸን ጸሳ ማጻፋይ፡

“አባይ ሀዎ ጋካናው ኦደትቤናዎንቱ አ በእናዎንታ፤ ቃይ አባ ስሰቤናዎንቱ አኬካናዎንታ”

ያጌ።

ጳውሎስ ሮጦ ባናው ቆፔዳ

22 ሄዎ ድራው፡ ታን ጮራ ዎደ ሆነተንቱኮ ያናው ኮያይ፤ ሸን ያናው ዳንዳይያበይከ።

23 ሸን ታን ሀእ ሀ ሄራን ታ ኦሱዎ ወርሴዳ ድራውን ጮራ ላይላጥ ደማደ ሆነተንታ ባደ በእናው ላሞቲዳ ድራው

24 ሀእካ ሆነተንቱኮ ባና ጋደ ቆጋይ፤ ታን እስፔን ጌተትያ ጋድያ ባደ ሆነተንታ በእናው ኮያይ፤ ቃይ አማራዳ ዎድያ ሆነተንታ በእደ ናሽቶዎጥ ጉይያን፡ እስፔን ቢሸን፡ ሆነተ ታና ማዳና ማላ ኮያይ።

25 ሸን ሀእ ታን ጸሳ አሳቱዎ ማዳናው፡ የሩሳላመባይ።

26 እያው ጎጥ፡ ማቅደንያን አካይያ ጌተትያ ጋድያን ደእያ ዎሳ ጎለ አሳቱ የሩሳላመን ደእያ ህዬሳቶ ሚሻ እማናው ኮዬድና።

27 ኡንቱንቱ ባረንቱ ሁጳው ሀዎ ኦላናው ቆፋ ቃቹድና። ኡንቱንቱ ሄ ህዬሳቱዎ ማዳናዎ ኡንቱንቶ አጩ ደኤ፤ እያው ጎጥ፡ እይሁዳቱ ባረንቱ እያና እንጂዎ እይሁዳ ግደና አሳቱዋና ሻኬዳዎ ግደጥ፡ እይሁዳ ግደና አሳቱካ ቃይ ባረንቶ ደኤዳባን እይሁዳቱዎ ማዳናው በሴ።

28 ሄዎ ድራው፡ ታን ሀ ኦሱዎ ወርሴዳዎጥ ጉይያንከ ኡንቱንቶ ሸቄዳ ሚሻ ኡባ እሜዳዎጥ ጉይያን፡ እስፔን ባደ ሆነተ ማታና አቆና።

29 ታን ሆነተንቱኮ ብያ ዎደ፡ ክርስቶስ አንጁ ታናን ኩሞና ባናዎ ኤራይ።

30 ታናዳን አማንያዎንቶ፡ ታው ጸሳ ሆነተ ዎሲደ፡ ዎሳን ሆነተ ታናና ሞናናዳን፡ ጎዳ የሱስ ክርስቶስ ባጋናን ጌሻ እያናይ እሞያ ሲቆተላን ታን ሆነተንታ ዎሳይ።

31 ታን ይሁዳን ደእያ አማንናዎንቱጥ አታናዳንከ ቃይ ታን የሩሳላመን ኦላያ ኦሱ ያን ደእያ ጸሳ አሳቱዎ ናሽቻዎ ግዳናዳን፡ ጸሳ ዎሰተ።

32 ቃይ ጸሳይ ጎጥ፡ ታን ሆነተንቱኮ ናሽቻን ባደ፡ ሆነተ ማታን ሸሞጋና።

33 ሳሮተላ ጸሳይ ሆነተንቱና ኡባና ግደ። አመንእ።

16

ሳርታ

1 ክንክርያ ጌተትያ ካታማን ደእያ አማንያ አሳና ኦላያ ኦ ሞቻታ ፔባ ሎኦ ማጫ አሳ ግድያዎ ታን ሆነተንታ ኤርሳይ።

2 ሆነተንቱ እዘ ጌሻቱ ጎዳ ሱንላን ሞክያዎዳን ሞክተ፤ ቃይ እዛ ሆነተንቱጥ ኮይያዎ እያ ግደጥካ፡ እዘ ማድተ፤ እያው ጎጥ፡ እዛ ባረ ሁጳው ጮራ አሳ ማዳው፤ ቃይ ታና ታ ሁጳውካ ዳርሳ ማዳው።

3 ክርስቶስ የሱሳ ኦሱዎ ታናና እትጥ ኦላያ ጵርስቄልውን እዘ አሰና አቄላሰ ታ ሳሮቶዎ ኦድተ።

4 ኡንቱንቱ ታ ሸሞጥዎ ድራው፡ ባረንቱ ሸሞጥዎ አላ እሜድና። ኡንቱንታ ታ ጸላላ

15:8-9 2 ሳሜላ 22:50፤ ማዝ. 18:49 15:10 ዛረ. 32:43 15:11 ማዝ. 117:1 15:12 አሳ. 11:10 15:21 አሳ. 52:15

ግደናን፡ አይሁዳ ግደና አሳ አማንያ አሳይ ኡባይካ ጋላቱ።

5 ቃይ ኡንቱንቱ ጎልያ አማንያ አሳይ ሸቅያሳ ኦሊደ ጋከትያ አሳ ኡባ ሳሮ ገተ። ኢሰያ ጋድያን ክርስቶሳ ኮይሮ አማኔዳ ታ ሲቅያ ኤፓነቶሳው፡ ታ ሳሮቶዋ ኦድተ።

6 ህንተንቶ ሎይላ ዳቡሬዳ ማይራዋ ሳሮትተ።

7 ታናና ቃሾ ጎለን ደኤዳ ታ ዳቦ ግዴዳ አይሁዳቱዋ፡ አንድሮንቆሳን ዩንያሳ ሳሮትተ። የሱስ ኪቱዳዋንቱ ግደን ኡንቱንቱ ሎይላ ኤረቱዳዋንታ። ቃይ ኡንቱንቱ ክርስቶሳ ታፕ ካሰና አማኔድኖ።

8 ጎዳና እትፕተላን ደእያ ታ ሲቆ ላግያ አምፕልያቶሳው ታ ሳሮቶዋ ኦድተ።

9 ክርስቶሳ ኦሱዋ ኑናና እትፕ ኦልያ ኡርባኖሳን ታን ሲቅያ እሰጸኩሳ ሳሮትተ።

10 ክርስቶሳና እ ደእያዌ ኤረትና ፓጭያ ጸኔዳ አጸለሳው ታ ሳሮቶዋ ኦድተ፤ አርሰጸብሎሳ ሶይ አሳውካ ታ ሳሮቶዋ ኦድተ።

11 ታ ዳቦ ግዴዳ አይሁዳዊያ ሄሮድዮናን ክርስቶሳ አማንያ ናርሲሰሳ ሶይ አሳ ሳሮትተ።

12 ጎዳ ኦሱዋን ዳቡርያ ትሩፋይናን ትሩፎሶ ጌተትያ ማጫዋንታ ሳሮትተ፤ ቃይ ጎዳው ዳሮ ዳቡራደ ኦልያ ሲቅያ ፐርሲሶ ሳሮትተ።

13 ጎዳ ኦሱዋን ሎይላ ኤረቱዳ ሩፎሳየውን ታና ባረ ናኦዳን ማዴዳ አ ዳይው ታ ሳሮቶዋ ኦድተ።

14 ታ ሳሮቶዋ አሰንክሪቶሳው፡ ፕሌጎናው፡ ሄሮሜሳው፡ ፓትሮባሳውን ኡንቱንቱና ደእያ አማንያ እሻቱዋ ኡባው ኦድተ።

15 ፕሌጎና፡ ዩሎ፡ ኔርያ፡ አ ምቻቶ፡ ኦሎምፖሳን ኡንቱንቱና ደእያ ጸሳ አሳቱዋ ኡባ ሳሮትተ።

16 ጌሻ አሳው በሰያ የረታ የረቲደ፡ እቱ እቱዋ ሳሮትተ፤ ክርስቶሳን አማንያዋንቱ ኡባቱ ህንተንታ ሳሮ ያጌድኖ።

ወርሰላ ዘርያ

17 ታናዳን አማንያዋንቶ፡ አሳ ግደን ሻኮተላ ሙድያዋንታ፡ አሳ አማኖ ጴቦ ግድያዋንታን ህንተ ታማራዳ ትምርትያና ጋከተናዋ ታማርሰያዋንታ እኬካናዳን፡ ታን ህንተንታ ዋሳይ። ኡንቱንቱኮ ሸቆፕተ።

18 እያው ጎፕ፡ ሄዋ ማላባ ኦልያዋንቱ ባረንቱ ኡሎ ኦሊኖፕ አትን፡ ኦ ጎዳ የሱስ ክርስቶሳው ኦልክኖ፤ ባረንቱ ላብያ ሃሳያንን ቅድያን ኢታባ ቆፕና አሳ ዋዛና ባለሊኖ።

19 ዋንጋላው ህንተ አዛዘቱዳዋ አሳይ ኡባይ ሰሴዳ። ሄዋ ድራው፡ ታን ህንተባን ናሸታይ፤ ሸን ሎኦተላው ህንተ አዴዳ ኤራንቻ ግዳናዳንን ቃይ ኢታባው አሸከ ግዳናዳን ኮያይ።

20 ሳሮተላ ጸሳይ ሴጸና ህንተ ገድያፕ ጋርሳና ሃከና ማታ ዋደ ጋጫና።

ኦ ጎዳ የሱስ ክርስቶሳ አዶ ኬካተላይ ህንተንቱና ግደ።

21 ታናና ኦልያ ጽሞቶሰ ህንተንታ ሳሮ ያጌ፤ ቃይ ሀዋዳንካ፡ ታ ዳባቱ ሉቅዮስ፡ ያሶንን ሶሲጸጽሮሰ ህንተንታ ሳሮ ያጌኖ።

22 ታን፡ ጸርጽዮስ፡ ሀ ዳብዳቢያ ጸፌዳዌ፡ ህንተንቶ ጎዳ ሱንላን ሳሮታ ኪታይ።

23 አማንያ አሳይ ኡባይ አ ሶይን ሸቅያ ታ ሲራ ጋዮስ ህንተንታ ሳሮ ያጌ፤ ካታማ ሚሻ ኦይቂያ ኤራሰጸሰን ኦ እሻይ ቁዋርጸሰ ህንተንታ ሳሮ ያጌኖ።

24 ኦ ጎዳ የሱስ ክርስቶሳ አዶ ኬካተላይ ህንተንቱና ኡባና ግደ። አመንእ።

25 ኦን ጸሳ ጋላቱቶ። ታን ዋንጋላ ባጋና የሱስ ክርስቶሳሳ ኦዴዳዋዳንን ዳሮ ዋድያፕ ጌሚደ፡ ሀእ ቆንጩዳ ቱማተላዳን፡ ህንተ አማኑዋን ህንተንታ ጸሳይ ምንሳናው ዳንዳዬ።

26 ሸን ሀእ ናባቱ ጸፌዳዋ ባጋና ቱማተላይ ቆንጭያን ኤረታናዳን ኦሊዳ፤ ቃይ አሳ ኡባይ ጸሳ አማኒደ አዛዘታናዳን፡ ሙድና ጸሳ አዛዙዋን፡ ሀ አላምያን ደእያ አሳ ዘረላ ኡባው ቆንጩዳ።

27 አዴዳ ኤራተላይ አ ጸላላው ደእያ እት ጸሳው የሱስ ክርስቶሳ ባጋና ሙድናው ቦንቹ ግደ። አመንእ።

ጳውሎስ ቆርንቶሳ አሳው ጳፌዳ ኮይር ኪታ ገሉዋ

ጳውሎስ ቆርንቶሳ አሳው ጳፌዳ ኮይር ኪታይ፡ ጳውሎስ ቆርንቶሳ ካታማን ደእያ አማንያዋንቱ ግደን ክርስትና ደኡዋን አማኑዋ ጸልያላን ደንዴዳ መቱዋ ጳይሳናው ቆፒደ ጳፌዳዋ። ሄ ዋደ ቆርንቶሳ ካታማይ ሄ ጋደን ደእያ አሳይ ጎኤትያ ኤረቱዳ ግሪክ ካታማ። ሄዋ ቦላካ ቃይ አካይያ ጌተትያ ሮማ ካውተፋው ሁጳ ካታማ። ሀ ካታማይ ዋልቃማ ዛልእያን፡ ጋምኢደ ምኔዳ ዋጋን፡ ሎይሳ አክ አክ ብያ የዳ ደኡዋን ዋይ ገገናላ ሀንያዋን ሀይማኖትያ ጮራተፋን ኤረቱዳዋ።

የሱስ ኪቱዳዌ ምንሲደ ኦዳናው ኮይዳዌ፡ ሄ አማንያዋንቱ ግደን ደእያ ሻኮተፋላን የዳ ደኡዋላ፡ ዋሹማላን ገሉዋ አካላ፡ ዋሳ ጎላ ዋጋላ፡ ጌሻ እያና እሞታቱዋላን ሀይቁዋ ደንዲዋላ። የሱስ ኪቱዳዌ ሀ ምሽራቹዋ ቃላ ሀ ኦሻቱዋ ቦላ ምንሲደ ኦድያዋ ናጊደ ሺሺ።

ሲቁ ጳሳይ ባረ አሳው እሜዳ እሞታ ኡባፕ አድያዋ ግድያዋ ኦድያ ሸምቼዋ ታማን ሄዙ፡ ሀ ማጻፋን ዳር ኤረቱዳዋ ጌተቲደ ቆፈቱ።

ሸምታቱዋ ኡባቶ እመቴዳ ቃንሳ ቆፋቱዋ

- ገሉዋ 1:1-9
- አማንያዋንቱ ግደን ደንዴዳ ሻኮተፋ 1:10—4:21
- የዳ ደኡዋላን ሶይ አሳ ደኡዋላ 5:1—7:40
- አማንያዋንታን ክርስትና አማኑዋ አክቤናዋንታ 8:1—11:1
- አማንያዋንቱ ደኡዋን ጎሽታ ዋጋ 11:2—14:40
- ክርስቶስ ሀይቁዋ ጸን ደንደዋን አማንያዋንቱ ደንዲዋላ 15:1-58
- ይሁዳን ደእያ መቶታንቻቶ እመቴዳ ማዲዋላ 16:1-4
- ወርሰሳ ቁትያ 16:5-24

1 ታን፡ ጳሳ ሸንያን የሱስ ክርስቶስ ኪቱዳዋ ግዳናው ጸሰቴዳ ጳውሎስን፡ ኑ እሻ ሶስተኒስ፡

2 ቆርንቶሳን ደእያ ጳሳ አማንያ አሳቶ፡ የሱስ ክርስቶሳን ጌዬዳዋንቱሰን፡ ኑው ጎዳ ግድያ ኑ ጎዳ የሱስ ክርስቶሳ ሱንሳ ኡባ ሳኒን ጸሰያ ኡባቱዋና ጌሻ ግዳናው ጸሰቴዳዋንቶ ሀ ዳብዳቢያ ጳፌቶ።

3 ጳሳይ፡ ኑ አውን ኑ ጎዳይ የሱስ ክርስቶስ ሀንተንቶ አዶ ኬካተላን ሳርተሳ እሞ።

ጳሳ ጋላቱሳ

4 ጳሳይ ክርስቶሳ የሱሳ ባጋና ሀንተንቶ እሜዳ አዶ ኬካተሳ ድራው፡ ታን ኡባ ዋደ ሀንተንቶ ጳሳ ጋላታይ።

5-6 ታን ክርስቶሳው ማርካትያዌ ሀንተንቱን ምኔዳ ድራው፡ ሀንተ ኡባላን፡ ሃሳያ ኡባን ኤራተላ ኡባን፡ እን ዱረቱድታ።

7 ሀዋዳን ሀንተ ኑ ጎዳ የሱስ ክርስቶሳ የሳ ናግሸን፡ እያና እሞታፕ ሀራይ አቶ አቱን ሀንተንቶ ፓጩና።

8 ቃይ ኑ ጎዳ የሱስ ክርስቶሳ ጋላሳን ሀንተ ካዴ ባይናዋንታ ግዳናዳን፡ ወርሰሳይ ጋካናው እ ሀንተንታ ምንሳናዋ።

9 ባረ ናኦ ኑ ጎዳ የሱስ ክርስቶሳ እትፕተፋው ሀንተንታ ጸሴዳ ጳሳይ አማንቴዳዋ።

አማንያ አሳ ግደን ሻኮተፋይ መቆጣቶ

10 ሸን ታናዳን አማንያዋንቶ፡ እት ዋዛናን እት ቆፋን እትፕ ግዳናፕ እትን፡ ሻኮተፋይ ሀንተ ግደን ደኡና ማላ፡ ሀንተ ኡባይ እት ሃሳያ ሃሳያናዳን፡ ኑ ጎዳ የሱስ ክርስቶሳ ሱንሳን ታን ሀንተንታ ዋሳይ።

11 እያው ጎፕ፡ ታናዳን አማንያዋንቶ፡ ቃሎአ ሶይ አሳይ ሀንተንቱባ፡ ሀንተ ግደን ዋላሳይ ደእያዋ፡ ታው ኦዴድና።

12 ታን ግያዌ ሀዋ፤ ሀንተንቱ ሁጲያን ሁጲያን፡ “ታን ጳውሎሳዋ፡ ታን አጲሎሳዋ፡ ታን ኬፋዋ፡ * ታን ክርስቶሳዋ” ያጊታ።

13 ክርስቶስ ሻኮቱዴ? ሀንተንቱ ድራው፡ ማስቃልያ ቦላ ምስማርያን ድሸቲደ ካቀቴዳዌ ጳውሎስ? ዋይ ሀንተ ጳውሎሳው ግዳናው ጳማቅቴድቱ?

14 ታን ቃርሰጸሳፕን ጋዮሳፕ እትን፡ ሀንተንቱፕ ኦናን ጳማቃቤና ድራው፡ ጳሳ ጋላታይ።

15 ሄዋ ድራው፡ ኦን ሀንተንታ ታው ግዳናዳን ጳማቅቴድታ ጋናው ዳንዳየና።

16 ቃይ፡ ኤ፡ እስጵፋኖሳ ሶይ አሳካ ታን ጳማቃድ። ሸን ሀራ ጉጃደ ጳማቃድታንቶን ዋዛና አላሰ።

17 እያው ጎፕ፡ ክርስቶስ ታና ምሽራቹዋ ቃላ ኦዳና ማላ ኪቱዳፕ እትን፡ ጳማቃና ማላ ኪትቤና፤ ቃይ ክርስቶስ ማስቃልያ ቦላ ሀይቁዳዌ መላ ግደና ማላ፡ ታን አሳ አዴዳ ኤራተላ ቃላን ታማርሰከ።

ክርስቶስ ጳሳ አዴዳ ኤራን ዋልቃ

18 እያው ጎፕ፡ ክርስቶስ ማስቃልያ ቦላ ሀይቁዳዋ ኦድያ ቃላይ ጳይያዋንቶ ኤያተላ። ሸን ኑው እትያዋንቶ ጳሳ ዋልቃ።

19 ጳሳ ማጻፋይ፡ “ታን ኤራንቻቱዋ አዴዳ ኤራተላ፡ ባይዛና፤

ቃይ አኬካንቻቱዋ አኬካካ ጳይሳና” ያጊ።

20 አዴዳ ኤራንቻይ ሀቃን ደኢ? ሀግያ ታማርሰያዌ ሀቃን ደኢ? ዋይ ሀ አላምያ ጸናናው ፓሉመትያዋንቱ ዋናንድኖሻ? ጳሳይ ሀ ሳኦ አዶ ኤራተላይ ኤያተላ ግድያዋ በሴዳ!

21 እያው ጎፕ፡ አሳይ ባረ ሁጳ አዶ ኤራተላን ባረና ጳሳ ኤረና ማላ፡ ጳሳይ ባረ አዶ ኤራተላን ድጊደ፡ ኑን ኦድያ ኤያ ቃላን አማንያዋንታ አሻናው ቆፔዳ።

* 1:12 ኬፋ- ሀዋ ግሪክ ሱንሳ ግዲደ፡ ብለላይ ዛላ ግያዋ፡ ሀራ ጌሻ ማጻፋቱዋን ኬፋ ሱንሳይ ጳጵርሳ። 1:19 አሳ. 29:14 1:20 ኢዮባ 12:17፤ አሳ. 19:12፤ 33:18፤ 44:25

22 አይሁዳቱ ማላታ ኦቺኖ። ቃይ ግሪክ አሳቱ አቶ ኤራተላ ዋልቃማ ኮሻ ኮዪኖ።

23 ሸን ኑን ማስቃልያ ቦላ ምስማርያን ድሸቲደ ካቀቱዳ ክርስቶሳባ ኦዴቶ። ሄዌ አይሁዳቶ ቶቦ፤ ቃይ አይሁዳ ግደናዋንቶ ኤያተላ።

24 ሸን ጸሳይ ጸሴዳዋንቶ አይሁዳቶካ ግሪካቶካ ኑን ኦድያ ጸሳ ዋልቃይን እ አቶ ኤራተላይ ክርስቶሳ።

25 አያው ጎፕ። ጸሳ ኤያተላይ አሳ አቶዳ ኤራተላ፤ አቶ ያይ አ ላፋተላ ጌተትያዌካ አሳ ምኖተላ፤ ምኔ።

26 ሰም ታናዳን አማንያዋንቶ፤ ጸሳይ ህንተንታ ጸሴያ ዋደ ህንተ ዋይሳ ማላ አሰንቶ ቆፕተ። አሳ ቆፋን ህንተ ግደን አቶ ኤራንቻቱ፤ ዋልቃማቱን ቶቃ ሼሻቱ ዳራ ግድክኖ።

27 ሸን ጸሳይ አቶዳ ኤራንቻቱዋ ዩላያናው፤ አላምያን ደእያ ኤያቱዋ ደራዳ፤ ቃይ ምናቱዋ ዩላያናው፤ አላምያን ደእያ ላፋቱዋ ደራዳ።

28 ጸሳይ ሀ አላምያን ዋልቃማባ ጊደ ቆፕያዋ ቆይሳናው፤ ሀ አላምያ ማደናባ ካቶባን ሀንቤናባ ደራዳ።

29 ሄዋ ድራው፤ ኦንን ጸሳ ሰንላን ጨቀታናው በሰና።

30 ሸን ጸሳይ ህንተንቶ ክርስቶሳ የሱሳ ደኡዋ አላ ለሜዳ። ክርስቶሳ ኑው አቶ ኤራተላ፤ ጸሎተላ፤ ጌሻተላን አቶተላ ግዴዳ።

31 ሄዋ ድራው፤ ጸሳ ማጻፋይ። “ጨቀትያ ኡራይ ኦንን፤ ጎዳይ ኦሴዳዋን ጨቀቶ” ያጌ።

2

ኑን ክርስቶሳ ካቃባ ማርካቲቶ

1 ታናዳን አማንያዋንቶ፤ ታን ጸሳ ቱማተላ ጹራ * ህንተንቶ ኦዳናው ህንተንቱኮ ዩዳ ዋደ፤ ቶቃ ቃላንን አቶዳ ኤራተላን ኦዳናው ያበይከ።

2 አያው ጎፕ። ታን ህንተንቱና ደእይ፤ የሱሳ ክርስቶሳ፤ ቃይ ማስቃልያ ቦላ ምስማርያን ድሸቲደ እ ካቀቱዳዋ፤ አትን፤ ሀራባ ኤረናዳን፤ ታ ቆፋ ቃቻድ።

3 ታን ዳቡራንን ያሻን ዳሮ ኮኮርሳን ህንተንቱና ደእድ።

4 ታን ታማርሰያዋን ኦድያዋ ጸሳ አያናን ዋልቃን ቆንጭሳይ፤ አትን፤ ጨማ ግዲደ አቶዳ ኤራተላ ቃላና ግደና።

5 ሄዋ ድራው፤ ህንተ አማኑ ጸሳ ዋልቃና፤ አትን፤ አሳ አቶ ኤራተላን ዘምፕቤና።

ጸሳ አቶዳ ኤራ

6 ኑን አያናን ዋዛናማቱዋ ግደን አቶ ኤራተላ ሃሳዬቶ። ሸን ሄዌካ ሀ አላምያ አቶ ኤራተላ ግደና፤ ዋይ ሀ አላምያ ሞድያ ቆይያዋንቱ አቶ ኤራተላ ግደና።

7 ሸን ኑን ኦድያ አቶ ኤራተላይ፤ ጸሳይ ካሰቲይ፤ ጮራ ዋድያ፤ ካሰ ኑ ቦንቾ ደራዳ አሳ፤ ጌሜዳ አ ጹራ አቶ ኤራተላ።

8 ሀ አላምያ ሞድያዋንቱ፤ ኦንን ሀ አቶ ኤራተላ ኤርቤና። ኦንቱንቱ ኤራዳዋ ግድንቶ፤ ቦንቾ ጎዳ ማስቃልያ ቦላ ምስማርያን ድሸደ ካቁክኖ።

9 ሸን ጸሳ ማጻፋይ፤ “ኦንን አይፍያን በአቤናዌ፤ ሀይላንካ ሰሰቤናዌ፤ ቃይ ኦንን ባረ ዋዛናን ቆፕቤናዌ ጸሳይ ባረና ሰቆያዋንቶ ጊግሴዳዋ” ግያዋዳን ኑን ሃሳዬቶ።

10 ጸሳይ ባረ ጹራ የወዋ ባረ አያናን ኑና ኤርቤዳ፤ አያው ጎፕ። ጌሻ አያናይ ጸሳይ ሀራይ አቶ ጌሜዳ የወዋ ኡባ ብዴ።

11 አያው ጎፕ። አሳን ደእያ አሳ አያና፤ አትን፤ አሳን ኤርያዌ ኦኔ? ሀዋዳንካ፤ ቃይ ጸሳይ ጸሳ አያና፤ አትን፤ ኦንን ኤረና።

12 ኑን ጸሳይ ኑው አሜዳባ ኡባ ኤራናው እ ኑው የዴዳ አያና አኩደ፤ አትን፤ አላምያ አያና አክበይኮ።

13 ኑን አያና የወዋ † አያና የወዋና ጋሊደ፤ ጌሻ አያናይ ኑና ታማርሴዳ ቃላን ሀዋ ሃሳዬቶ፤ አትን፤ አሳ አቶ ኤራተላይ ኑና ታማርሴዳ ቃላን ሃሳዮኮ።

14 ሸን ጌሻ አያናይ ባይና አሳይ ጸሳ አያና የወዋ አክና፤ አያው ጎፕ። ሄዌ አው ኤያተላ፤ የወ ጌሻ አያናን ፓጨትያ ድራው፤ እ ኤራናው ዳንዳየና።

15 ሸን ጌሻ አያናይ ደእያ አሳይ ኡባባ ሻኬ፤ ሸን እ ባረ ሁጳው ኦናንን ሻከተና።

16 አያው ጎፕ። ጸሳ ማጻፋይ፤ “ጎዳ ዋዛና ኤርያዌ ኦኔ? እ ዘራናው ዳንዳይያዌ ኦኔ?” ያጌ። ሸን ኑው ክርስቶሳ ዋዛናይ ደኤ። †

3

ጸሳ ካልያዋንቱ አሱዋ

1 ታናዳን አማንያዋንቶ፤ ታን ጌሻ አያናይ ደእያ አሳው ሃሳይያዋዳን፤ ህንተንቶ ሃሳያናው ዳንዳያበይከ። ሸን ሀ አላምያ አሳው ሃሳይያዋዳንን አማኑዋን ምንቤና ክርስቶሳን ደእያ ጉላ ናና ማላ አሳው ሃሳይያዋዳን ሃሳያድ።

2 ህንተንቱ ብር ምኖ ቁማ ማናው ዳንዳይቤና ድራው፤ ታን ህንተንታ ማላ ፓካድ፤ ሀራይ አቶ፤ ሀእካ ዳንዳይበይክታ።

3 አያው ጎፕ። ህንተ ሀእካ ሀ አላምያ አሳዳን ደእታ። ህንተንቱ ሀ አላምያ አሳ ግድያዋ ህንተ ግደን ደእያ ቃናቲን ፓሎማይ ኤርሰኔ? ቃይ ሀ አላምያ አሳዳን ሰመረቲታ።

4 አያው ጎፕ። ህንተንቱ፤ እቱ፤ “ታን ጸዉሎሳዋ” ጎፕ። ሀራይ ቃይ፤ “ታን አጲሎሳዋ” ጎፕ። ሀ አላምያ አሳ ማላ ግድክቲ፤

1:31 ኤር. 9:24 * 2:1 ጸሳ ቱማተላ ጹራ- እት እት ጌሻ ማጻፋ ብለላቱ፤ ጸሳባ ማርካተላ፤ ያጊኖ። 2:9 አሳ. 64:4 † 2:13 አያና የወዋ- ጌሻ አያናይ አሜዳ ቃላ። † 2:16 ኑው ክርስቶሳ ዋዛናይ ደኤ- ሀዋ ጉሳይ፤ ኑን ክርስቶሳ ቆፕያዋዳን ቆፕቶ ጉሳ። 2:16 አሳ. 40:13

5 ያትና፡ አጲሎስ ኦኔ? ጳውሎስ ኦኔ? ኑን ህንተንታ አማኒጮዳ ጸሳ ካልያዋንታ። ጸሳይ ኑወ ሁጲያን ሁጲያን እማዳ ኦሱዋ ኦጮቶ።

6 ታን ፑትያ ቶካድ፤ አጲሎስ ሃላ ኡሼዳ፤ ሸን ጸሳይ ፑትያ ድቼዳ።

7 ሄዋ ድራወ፡ ድቶያ ጸሳፕ አትን፡ ቶክያዌካ ሃላ ኡሸያዌካ አያነ ግደና።

8 ቶክያዌካ ሃላ ኡሸያዌ እት ማላ፤ ሸን ጸሳይ ሁጲያን ሁጲያን አ ዳቡራ ኬና አወ ዋይታና።

9 ኑን ጸሳይ እትፕ አልያ አ ኦሳንቻቱዋ ግድያ ድራወ፡ ህንተ አ ኦሱዋ ሳኦ።

ቃይካ ህንተ ጸሳ ሳልያ።

10 ጸሳይ ታወ እማዳ አቶ ኬካተላን ኤራንቻ አናጽያዳን፡ ጎልያ ባሱዋ ባሳድ። ሀራ ኡራይ አ ቦላ ኬጼ። ሸን አ ቦላ ኬጽያ ኦንነ ዋት ኬጽንቶ፡ ባረ ሁጲወ ናገቶ።

11 አያወ ጎፕ፡ ጸሳይ የሱስ ክርስቶሳ ጸላላ ባሶ ኦሲደ ዋጮዳ። አፕ ሀራ ባሱዋ ባሳናወ ኦንነ ዳንዳየና።

12 ሸን ሀ ባሱዋ ቦላ ኦንነ ዋርቃን ግድና፡ ብራን ግድና፡ አልኦ ሹቻን ግድና፡ ሞላን ግድና፡ ጋታን ዋይ ማቃን ኬጸፕ።

13 አሳ ኡባ ኦሱ ቆንጭያ ከሳናዋ። አያወ ጎፕ፡ ታማን ቆንጭና ድራወ፡ ሄ ጋላሳይ አሳ ኡባ ኦሱዋ በሳና። አሳይ ኡባይ ባረ ኦሱዋ ዋት ኦጮደንቶን ታማይ ፓጫና።

14 ኦንነ ባሱዋ ቦላ ኬጼዳ ኦሱ ሞኒደ አቶፕ፡ አ ዋይታ አካናዋ።

15 ኦ ኦሱነ ጉደቶፕ፡ ሄ ኡራይ ቆሄታና። አ ባረ ሁጲወ አታና፤ ሸን ታማ ግደፕ ከሰ አኮዋዳን አታና።

16 ህንተንቱ ጸሳይ አቅያ ጌሻ ጎልያ ግድያዋን ጸሳ አያናይ ህንተንቱን ደእያዋ ኤርክቱ?

17 ኦንነ ጸሳ ጌሻ ጎልያ ኮሎፕ፡ ጸሳይ አ ኮላና። አያወ ጎፕ፡ ጸሳይ አቅያ ጌሻ ጎሊ ጌሻ፤ ሄ ጌሻ ጎሊካ ህንተንታ።

18 ኦንነ ባረ ሁጲያ ጭዋፕ። ህንተንቱፕ ኦንነ ባረና ሀ አላምያን አቶ ኤራንቻ ያጊደ ቆፕፕ፡ አቶ ኤራንቻ ግዳናወ፡ ኤያ ግደ።

19 አያወ ጎፕ፡ ሀ አላምያ አቶ ኤራተላይ ጸሳ ሰንላን ኤያተላ። ጸሳ ማጸፋይ፡ “ጸሳይ አቶ ኤራንቻቱዋ፡

ኡንቱንታ ኡንቱንቱ ገንያን ኦይቁ” ያጌ።

20 ቃይ፡ “አጼዳ ኤራንቻቱዋ ቆፋይካ፡ ማዱ ባይናዋ ግድያዋ ጎዳይ ኤሬ” ያጌ።

21 ሄዋ ድራወ፡ ኦንነ አሳን ጨቀቶፕ። አያወ ጎፕ፡ ኡባባይካ ህንተዋ።

22 ጳውሎስካ፡ አጲሎስካ፡ ኬፋይካ፡ ሀ አላሚካ፡ ደኡካ፡ ሀይቁካ፡ ሀእ ደእያዌካ፡ ሰንላፕ ያናዌካ፡ ኡባይካ ህንተዋ።

23 ህንተንቱ ክርስቶሳዋንታ፤ ክርስቶስካ ጸሳዋ።

4

ክርስቶሳ ካልያዋንታ

1 አሳይ ኑና ክርስቶሳወ አልያዋንቱዳንነ ጸሳ ጎሊን ደእያ ጹራ ናግያ አሳዳን ቆፕ።

2 ያቲደ ሄ አሳቱ ባረንቱ ጎዳወ አማኒቲዳዋንታ ግዲደ፡ ቤታናወ ኮሼ።

3 ሸን ህንተ ዋይ ሀራይ ታ ቦላ ፕርዶፕ፡ አይነ ግደና። ሀራይ አቶ፡ ታንካ ታ ሁጲያን ፕርዶከ።

4 አያወ ጎፕ፡ ታን ታ ሁጲያን አያኔካ ኤርያባይ ባዋ፤ ሸን ታና ሄዌ ጽልሰና። ታና ፕርዶያዌ ጎዳ።

5 ሄዋ ድራወ፡ ጎዳይ ቋማን ጌማዳባ ፖኤዋ ከሰያዌ፡ ዋዛና ቆፋ ቆንጭሰያዌ ያና ዋዲ ጋካናወ ኦ ቦላንነ ኦናነ ፕርዶፕ። ሄ ዋይ፡ አሳይ ኡባይ ሁጲያን ሁጲያን ጸሳፕ ሳባ ደማናዋ።

6 ታናዳን አማንያዋንቶ፡ ህንተንቱፕ ኦንነ እቱ ታማርሰያዋ ሳቢደ፡ ሀራይ ታማርሰያዋ ቦረና ማላ፡ “ጸሳ ማጸፋን ጸፈቲዳዋ ቦንቻ” ያግያዋ ህንተ ኑናና ታማራና ማላ፡ ህንተ ድራወ፡ ታባነ አጲሎሳባ ሊምሱዋዳን ኦዳድ።

7 አያወ ጎፕ፡ ሀራቱዋፕ ኑና ኦኔ ቶቂሴዳዌ? ኑን ጸሳፕ አካቤናባይ ነወ አዬ ደእያዌ? ያትና፡ ኑን አኬዳዋ ግደፕ፡ አያወ አካቤናዋዳን ጨቀታይ?

8 ሀእ ህንተ ካሌድታ። ሀእ ዱረቲድታ። ኑን ባይናን ህንተረካ ካወቲድታ። ኑንካ ህንተንቱና ካተታናዳን፡ ህንተ ካወቲድታንቶ ሎኦ ሸን።

9 አያወ ጎፕ፡ ታወ ማላትያዋዳን፡ ኑን ሀ ሳኦወ፡ ኪታንቻቶን አሳወ ካሳ ግዳዳ ድራወ፡ ጸሳይ ኑና የሱስ ኪቲዳዋንታ ሀይቆ ፕርዶቲዳ አሳዳን፡ ኡባፕ ወርሰላ ኦጮዳ።

10 ኑን ክርስቶሳ ድራወ ኤያ፡ ሸን ህንተ ክርስቶሳን አጼዳ ኤራንቻ። ኑን ዳቡራንቻ፡ ሸን ህንተ ሞና። ህንተንቱ ቦንቼቲዳዋንታ፡ ሸን ኑን ቶሽቲዳዋንታ።

11 ሀ ዋዲ ጋካናወ፡ ኑን ኮሻቲቶ፤ ሳመቲቶ፤ ካሎቲቶ፤ ደሸቲቶ። ቃይ ደእያ ሳኦ ቆደደ ዩዬቶ።

12 ኑን ኦ ኩሸያን ኦሊደ ዳቡራቶ። ኑና አሳይ ሸቂያ ዋይ፡ አንጄቶ። ኑና የደርሰ ዩይያ ዋደካ ዳንዳዬቶ።

13 ኦ ቦላ ኢታባ ሃሳይያ ዋይ፡ ኑን ሎኦ ቃላ ዛሬቶ። ኑን ሀዋ ጋካናሰካ፡ ሀ ሳኦ ፕቱዋነ ኡባባ ቡራ ግዳድ።

14 ታን ታ ሲቅያ ናናዳን፡ ህንተንታ ሴራናወ ሀዋ ጸፋድፕ አትን፡ ዩላያናወ ጸፋበይከ።

15 አያወ ጎፕ፡ ክርስቶሳን ህንተንታ ድቶያ ታሙ ሻኦ አሳይ ህንተንቶ ደኦፕካ፡ ህንተንቶ እት አወዋፕ ሀራይ ባዋ። አያወ ጎፕ፡ ታን ሞሽራቹዋ ቃላ ህንተንቶ አሄዳዋዳን፡ ክርስቶሳ የሱሳን ህንተንቶ አወዋ ግዳድ።

16 ሰም ታናዳን ህንተ ያጋደ ህንተንታ ዋሳይ።

17 ሄዋ ድራወ፡ ጎዳን አማኒቲዳ ታ ሲቅያ ታ ናኦ ጽዋቶሳ ህንተንቱኮ ኪታድ። አ ኡባ ሳኦን ደእያ አማንያ አሳ ኡባወ ታን ታማርሰያ ክርስቶሳ የሱሳን ደእያ ታ ኦግያ ህንተንታ ሀሳይሳናዋ።

18 ታን ህንተንታ በአናወ ህንተንቱኮ ዩናባ ማላትና፡ ኦቶረትያ እት እት አሳቱ ደኦና።

19 ሸን ጎዳይ ጎፕ፡ ታን ህንተንቱኮ ኤላካ ባደ ሄ ኦቶረትያ አሳቶ ሃሳያ ግደናን፡ ኡንቱንቱ ዋልቃ ኤራና።

20 እያው ጎጥ፣ ጸሳ ካውተላይ ጸሳ ዋልቃናፕ ኣትን፣ ሃሳያና ግደና።

21 ታን ህንተንቲኮ ሙርያ ጸምእና ዮየ ዋይ ሲቁዋናን እሸከ እያናና ዮ? ሀቃዋ ዶሪቴ?

5

አማንያ አሳ ግደን ኦሰቴዳ ፖኮባ

1 ህንተንቲኮ ግደን ፖኮ ዋሹማ ኦሱ ደእያዋ ዝግረቴ፤ ሄዋ ማላ ፖኮ ዋሹማ ኦሱ ሀራይ ኣቶ፣ ጸሳ አማንና አሳ ግደንን ባዋ። እያው ጎጥ፣ ባረ አውዋ ማቻቶ እኬዳ አሳይ ደኤ።

2 ህንተንቲኮ ኣቶረቴድታ። ሄዋፕ ህንተ ካዮታናው በሰኔ? ሄዋ ማላ ፖኮ ኦሱዋ ኦሌዳ ብታኒ ህንተ ግደፕ ክቻናው በሰ።

3-4 እያ ግደናካ ታን ታ አሳተላን ህንተንቲኮ ደኤናን ጳዮፕካ፣ እያናን ህንተንቲኮ ደኤይ። ሀእ ህንተንቲኮ ደእያዋዳን ሀናይ፣ ሄዋ ማላ ኦሱዋ ኦሌዳ ብታንያ ቦላ ኑ ጎዳ የሱሰ ክርሰቶሳ ሱንላን ፕርዳድጋድ። ህንተንቲኮ ታ እያናይ ኑ ጎዳ የሱሰ ክርሰቶሳ ዋልቃና እትፕ ሸቂደ።

5 ሄ ብታንያ እያናይ ጎዳ የሱሰ ፕርዳው ይያ ጋላሳን ኣታና ማላ፣ ናጋራን ኩሜዳ ኣ ቦላ ኮላናዳን ሴጻናው ህንተ እማናዳን፣ ታን ፕርዳድ።

6 ህንተንቲኮ ጩቁ ሎእ ግደና። ጉላ እርሹ ሙናቃ ኡባ ደንሰያዋ ኤርክቴ?

7 ህንተንቲኮ ኦራላ ግደና ማላ፣ ናጋራ እርሹ ጫሌዳዋ ከሰተ። ህንተንቲኮ እርሹ ባይና ሙናቃ ማላ። እያው ጎጥ፣ ኑ ፓሰጋ ዶርሳይ፣ ክርሰቶሰ ያርሸቴዳ።

8 ሄዋ ድራው፣ ኑን ኡክላ ባላ ሱረተላንን ቲማተላን ቦንቻናፕ ኣትን፣ ጫላ እርሹዋን፣ ኢታተላ እርሹዋንን ጌላተላ እርሹዋን ቦንቻኮ።

9 ዋሹማናው ቆፕያዋንቲኮ ህንተ እትፕ ጋይተና ማላ፣ ህንተንቶ ዳብዳቢያ ጻፋድ። *

10 ታን ግያዌ ሀ አላምያን ደእያ ዋሹማናው ቆፕያዋንቲኮ ዋይ ዮራትያዋንቲኮ፣ ካይሶትያዋንቲኮ ዋይ ኤቃው ጎይንያዋንቲኮ ኡባካ ሻከታና ማላ ግደና። ሄዋ ግደፕ፣ ሀ አላምያፕ ህንተ ሻከት ባናው በሴ ጉሳ።

11 ሸን እሻቲዋ ሀእ ጌተትያዋንቲኮ እቲክ ዋሹማናው ቆፕያዋንቲኮ ዋይ ሚሻው ዮራትያዋንቲኮ ዋይ ኤቃው ጎይንያዋንቲኮ ዋይ አሳ ሱንላ ባይዘያዋንቲኮ ዋይ ማላትያዋንቲኮ ዋይ ወእያዋንቲኮ ህንተንቲኮ እትፕተላ ኦና ማላ፣ ታን ህንተንቶ ጻፋድ። ሄዋንቲኮ ማላና ሀራይ ኣቶ፣ ቁማካ እትፕ ሞፕተ።

12 እያው ጎጥ፣ ዋሳ ጎለፕ ካረና ደእያዋንቲኮ ቦላ ፕርዳናው ታና ኣይ ጋሊ? ህንተንቲኮ ግደን ዋሳ ጎለን ደእያዋንቲኮ ቦላን ህንተ ፕርድክቴየ?

13 ሸን ካረና ደእያዋንቲኮ ቦላን ጸሳይ ፕርዳና። ሄ ኢታባ ኦሰያ ኡራ ህንተ ግደፕ ከሰ ድግተ።

6

አማንያ አሳ ግደን ደእያ ዋላሳ ዋቲደ ጳይሳናው በሰ?

1 ህንተንቲኮ እት ኡራው ባረ እሻና ሞቲ ደእያባ ግደፕ፣ አማንያዋንቲኮ ቦላ ፕርዳታናዋ ባሺደ፣ አማንናዋንቲኮ ቦላ ፕርዳታናው ዋን ጸሊደ ቤዳ?

2 አማንያዋንቲኮ አላምያ ቦላ ፕርዳናዋ ኤርክቴ? ያትና፣ አላምያ ቦላ ህንተ ፕርዳናዋንቲኮ ግደፕ፣ ኡባባፕ ጉጽያዋ ፕርዳናው ዳንዳይክቴ?

3 ሀ ደኡዋባይ ኣቶ ሸን፣ አማንያዋንቲኮ ኪታንቻቲዋ ቦላ ፕርዳናዋ ኤርክቴ?

4 ያትና፣ ህንተንቲኮ ሀ አላምያ ደኡዋባው ፕርዳ ጎለ ቡሳይ ኮሾፕ፣ አማንያ አሳይ ካጴዳ አሳን ፕርድሳናው አፊቴ?

5 ታን ህንተንቲኮ ዩላያናው ሀዋ ጋይ፤ ሀዋ ግዳናው በሰ? ህንተንቲኮ ግደን እሻቲዋ ሰገላናው ዳንዳይያ ሎኦ ኤራንቻ አሳይ እቲክ ባዌ?

6 ሸን እት እሻይ የኮ እሻ ፕርዳ ጎለን ሞቲደ፣ ሄ የወዋ አማንና አሳን ፕርድሰ?

7 ሰም እቲ እቲዋ ሞትያዌ ህንተ ግደን ደኣ፣ ሄዋ ህንተ ኩንዴዳዋ በሰ። ሄዋፕ ህንተ ናቀትያዌን ጭመትያዌ ሎኤኔ?

8 ሸን ህንተ ህንተ ሀጸው እቲ እቲዋ ሀራይ ኣቶ፣ ህንተ እሻቲዋካ ናቂታን ጭሚታ።

9 ዋይ ማካላንቻቲኮ ጸሳ ካውተላ ላተናዋ ኤርክቴ? ባሎፕተ። ዋሹማናው ቆፕያዋንቲኮ ዋይ ኤቃው ጎይንያዋንቲኮ ዋይ ዋሹምያዋንቲኮ ዋይ ኣቲማዋ ግዲደ፣ ኣቲማዋና ግሰያዋንቲኮ።

10 ዋይ ካይሳቲ ዋይ ሚሻው ዮራትያዋንቲኮ ዋይ ማላትያዋንቲኮ ዋይ አሳ ሱንላ ባይዘያዋንቲኮ ዋይ ቦንቁያዋንቲኮ ጸሳ ካውተላ ላትክና።

11 ህንተንቲኮፕካ እት እት አሳይ ሄዋንቲኮ ማላ። ሸን ጎዳ የሱሰ ክርሰቶሳ ሱንላንን ኑ ጸሳ እያናን ህንተ ሜጨቲደ ጌዬድታ፤ ቃይ ጸሌድታ።

ህንተንቲኮ አሳተላ ጸሳ ቦንቻ ፔሸተ

12 እት ኡራይ፣ “ታን ኮዬዳባ ኡባ ኣላናው ዳንዳይያ” ጋና ዳንዳይ። ሸን ኡባይካ ታና ማደና። ታን ኮዬዳባ ኡባ ኣላናው ዳንዳይያ። ሸን እዬኔካ ታና ሞደና።

13 ቃይ ሀራይካ፣ “ቁማይ ኡሎዋሳ፤ ኡሎካ ቁማሳ” ጌ። ሸን ጸሳይ ኡሎዋካ ቁማካ ጳይሳና። አሳ አሳተላይ ጎዳ የሱሳሳፕ ኣትን፣ ዋሹማሳ ግደና። ጎዳ የሱሰካ አሳ አሳተላሳ።

14 ጸሳይ ጎዳ የሱሳ ሀይቁዋፕ ደንጬዳ፤ ቃይ ኑናካ ሀይቁዋፕ ባረ ዋልቃን ደንላና።

15 ህንተንቲኮ አሳተላይ ክርሰቶሳ አሳተላና እቲዋ ግድያዋ ህንተ ኤርክቴ? ያትና፣ ታን ክርሰቶሳ አሳተላና እቲዋ ግዴዳዋ ከፋደ፣ ጫራት አሳተላና እቲዋ ኣላናው በሰ? በሰና!

16 ዋይ ጫራትና እትፕተላ መድያ ኡራይ እዝና እት አሳተላ ግድያዋ ኤርክቴ? እያው

5:1 ዛረ. 22:30 5:7 ከሳ 12:5 5:8 ከሳ 13:7፤ ዛረ. 16:3 * 5:9 ዳብዳቢያ ጻፋድ፡- ሀዋ ጻፋናፕ ካሰና ጸውሎስ ቆርንቶሳ ኣሳው ጸፊዳ ሀራ ቆንጭያን ኤረትቤና ዳብዳቢ ደኤ ጉሳ። 5:13 ዛረ. 13:5፤ 17:7 6:16 ደመላ 2:24

ጎጥ፣ ጸሳ ማጻፋይ፣ “ኡንቱንቱ ላአቱ እት አሾ ግዳና” ያጌ።

17 ሸን ጎዳና እትተፋ መድያ ኡራይ አያናን አናና እቱዋ ግዴ።

18 ዋሹማጥ ሃክተ። እት ኡራይ ኦልያ ሀራ ናጋራ ኡባይ አ አሳተፋጥ ካረና ደኤ፤ ሸን ዋሹምዋ ባረ ቦላን ናጋራ ኦል።

19 ዋይ ሀንተ ቦላይ ጸሳይ ሀንተንቶ እሜዳ ሀንተንቱን ደእያ ጌሻ አያናይ አቅያ ጌሻ ጎልያ ግድያዋ ኤርክቲ? ቃይ ሀንተ ሀንተ ሁጲያሳ ግድክታ።

20 አያው ጎጥ፣ ጸሳይ ሀንተንታ ጋትያን ሻሜዳ። ሄዋ ድራው፣ ሀንተ አሳተፋን አ ቦንቶተ።

7

ገሉዋ አካባቢ አሸቲዳ አሻን እመቲዳ ዛሩዋ

1 ሀንተንቱ ታው ጸፊዳ የዋ አቱማ አሳይ ማጫውና ቦቹንቶ ሎአ።

2 ሸን ዋሹማ ጋሱዋ ድራው፣ አቱማ አሳው ሁጲያን ሁጲያን ማቻታ ደኤ። ቃይ ማጫ አሳውካ ሁጲያን ሁጲያን አሰናይ ደኤ።

3 አሰናይ ባረ ማቻታው አሰናተፋን በሰያባ አሉ፤ ቃይ ሄዋዳን፣ ማቻታካ ባረ አሰናው ማቻተፋን በሰያባ አሉ።

4 ማቻታ ባረ አሳተፋው ጎዳ ግዳኩ፤ ሸን እዝ አሰናይ ጎዳ። ሀዋዳንካ፣ ቃይ አሰናይ ባረ አሳተፋው ጎዳ ግድና፤ ሸን አ ማቻታ ጎዳ።

5 ሀንተንቱ ሀንተ ግድን ጸሳ ዋሳን ገንጫናው ሄ ዋድያው ዘረታን ድገታናጥ አትን፣ እቱ እቱዋ ድጎጥተ። ሀንተንቱ ሀንተንታ ናገና ድራው፣ ሴጻናይ ሀንተንታ ፓጩናዳን፣ እትጥ ደእተ።

6 ሸን ታን ሀንተንታ ሄዋ ሀንተ ዶሶዋን ሀንተ ጋይጥ አትን፣ አዛዘከ።

7 ታን አሳይ ኡባይ ታናዳን ሀንተንቶ ደሳይ። ሸን ጸሳይ አሳው ሁጲያን ሁጲያን ዲማ ዲማ እሞታ እሞ ዋሌዳ፤ እቶ ሀዋዳን፣ ቃይ የኮ ሄዋዳን እሞ ዋሌዳ።

8 ሄዋ ድራው፣ ታን ማቻቶ አክቤናዋንቱን አሰናይ ሀይቆ ማጫዋንቱ ታናዳን ጮ ደኤኖንቶ፣ ኡንቱንቶ ሎአ ጋይ።

9 ሸን አሙዋን ጉደትያዋጥ አክያዋን ገልያዋ ሎአ ግድያ ድራው፣ ኡንቱንቱ ባረንታ ናጋናው ዳንዳያና ጳዮጥ፣ አክኖን ገልኖ።

10-11 ማቻታ ባረ አሰናጥ ሻክቱቹ። ሸን ሻክቶጥን ገለናን ደኤ፤ ዋይ ባረ አሰናና ሰገቱ። አሰናይካ ባረ ማቻቶ የደፖ ያጋይ፣ አኬዳዋንታን ገሌዳዋንታ አዛዛይ። ሸን ሀዋ አዛዘያዋ ጎዳጥ አትን፣ ታና ግድከ።

12 ታን ሀራቱዋ ሀዋዳን ጋይ፤ ጎዳ ግድና። አማናና ማቻታ ደእያ አማንያ አሳይ ኦንነ ደኤጥ፣ አ ማቻታ አናና እትጥ ደእያዋ እ ዶሶጥ፣ እዞ የደፖ።

13 ቃይ አማናና አሰናይ ደእያ አማንያ ማቻታ ደኤጥ፣ እዝ አሰናይ እዝና እትጥ ደእያዋ እዛ ዶሶጥ፣ አጥ ሻክቱቹ።

14 አያው ጎጥ፣ አማናና አሰናይ ባረ አማንያ ማቻትና ደኤደ ጌዬዳ። ቃይ አማናና ማቻታ ባረ

አማንያ አሰናና ደኤደ ጌያዴ። ሄዋ ባዌንቶ፣ ሀንተንቱ ናናይ ቱና፤ ሸን ሀእ ኡንቱንቱ ጌሻ።

15 ሸን አማናናዋ ሻክታና ኮዮጥ ሻክቶ። አማንያ ማቻቶ ግድና፣ ዋይ አሰና ግድና፣ ሀዋ ማላ የወዋን ቃሸትክኖ። አያው ጎጥ፣ ጸሳይ ኑና ሳርተፋን ደእናው ጴሴዳ።

16 አማንያ ማቻቱ፣ ኔን ነ አሰና አሻንንቶን ኦ ኤር? ዋይ አማንያ አሰናው ኔን ነ ማቻቶ አሻንንቶን ኦ ኤር?

ጸሳይ ሀንተንታ ኮይር ጴሴያ ዋይ ሀንተንቱ ደእያ ሀናታን ደእተ

17 ግድጥ፣ አሳይ ሁጲያን ሁጲያን ጎዳይ አው እሜዳዋዳንን ቃይ ጸሳይ ባረና ጴሴዳዋዳን ደኤ። ሄዋ አማንያ አሳ ኡባ ታን ታማርሴዳ ሀግያ።

18 ኦንነ ቃጸረት ኡቲይ፣ ጸሳ አማኔዳዋ ግድጥ፣ ባረ ቃጸራ ማላ ድጎጥ። ቃይ ኦንነ ቃጸረተናን ደኤደ፣ ጸሳ አማኔዳዋ ግድጥ ቃጸረቶ።

19 አያው ጎጥ፣ ጸሳ አዛዘዋ ናጋናጥ አትን፣ ቃጸረትና ቃጸረታና ጳይና አላሊ ባዋ።

20 አሳይ ሁጲያን ሁጲያን ጸሳይ ባረና ጴሴያ ዋይ ደእያዋዳን ደኤ።

21 ጸሳይ ኔና ጴሴያ ዋይ ኔን አይለ? አይነ ባዋ፤ ሸን ኔን አይለተፋጥ ከሳናው ዳንዳዮጥ ከሳ።

22 አያው ጎጥ፣ አይለ ግድ ኡቲዳ አሳ ጎዳይ ጴሶጥ፣ እ ጎዳይ አይለተፋጥ ከሴዳ አሳ። ሀዋዳንካ፣ አይለ ግድና አሳ ክርሰቶሰ ጴሶጥ፣ እ ክርሰቶሳ አይለ።

23 ጸሳይ ሀንተንታ ጋትያን ሻሜዳ። አሳ አይለ ግድጥተ።

24 ታናዳን አማንያዋንቶ፣ አሳይ ሁጲያን ሁጲያን ጸሳይ አ ጴሴያ ዋይ ደእያ ደኤዋዳን፣ ጸሳና ደኤ።

ገለት አክቲቤናዋንቱባን አምኤቱዋባው አሸቲዳ አሻ

25 ዋድራቶ ጎዳይ ታና አዛዘዳባይ ባዋ። ሸን ታን ጎዳው አማንቲዳዋ ግዳዳ ድራው፣ አጥ ማርተፋ አኬዳዋዳን፣ ሀንተንታ ዘራይ።

26 ሰሞ ሀእ መቶ ታው ሀዋ ሎአ ማላቲ፤ አሳይ ሀዋዳን ሀኒደ ደኤጥ ሎአ።

27 ኔን ማቻቶ አካ ድጌዳዋ ግድጥ፣ እዞ የዳናው ኮዮጥ። ማቻቶ አካቤናዋ ግድጥ፣ አካናው ኮዮጥ።

28 ሸን ኔን ማቻቶ አኮጥ፣ ናጋራ አላበይካ። ወደራታካ አሰና ገሎጥ፣ ናጋራ አላበይኩ። ሸን አክትያዋንቶን ገለትያዋንቶ ኡንቱንቱ ደኤዋን ዋልቃማ መቱ ደኤ። ታን ሀንተንታ ሄ መቱዋጥ አሻናው ኮያይ።

29 ሸን ታናዳን አማንያዋንቶ፣ ታን ግያዋ ሀዋ፤ ዋዴ ወራዳ። ሀዋጥ ሰንፋው አኬዳ አሳቱ፣ አክቤና አሳዳን ሀንኖ።

30 ዬክያዋንቱ ዬከናዋዳን፣ ናሸትያዋንቱ ናሸተናዋዳን፣ ሻምያዋንቱካ ሻሚደ አይነ ባይናዋዳን፣

31 ሀ አላምያ ደኤዋን ማደትያዋንቱ ኡባካ ማደተናዋዳን ሀንኖ። አያው ጎጥ፣ ሀ አላምያ ደኤ አትያዋ።

32 ህንተንቱ ህርገናን ደእናዎ ታን ደሳይ። አክቤናዌ ጎዳ ናሽቻናዉ ኮይያ ድራዉ። አ ኦሱዋባ ቆፔ።

33 ሽን እኩዳዌ ባረ ማቻቶ ናሽቻናዉ ኮይያ ድራዉ። ሳኣባ ቆፔ።

34 አ ቆፋይ ሻከቲዳ። አሰና ገላቤና ወድራታ ባረ አሹዋንን ባረ ሽሞፑዋን ጌያናዉ ኮይያ ድራዉ። ጎዳ ኦሱዋባ ቆፓዉ። ሽን አሰና ገሌዳዉና ባረ አሰና ናሽቻናዉ ኮይያ ድራዉ። ሳኣባ ቆፓዉ።

35 ታን ሀዋ ህንተንታ ማዳና ማላ ጋይፕ አትን። ህንተንታ ቋባናዉ ጊከ። ሽን ህንተ በሰያዋዳን ደኢደ። ጎዳ ኦሱዋ ህንተና እሚደ አፋና ማላ ኮያይ።

36 ኦንነ ባረ ጊግሴዳ ዋድራቶ አክያ ዋዲ ጋክና። ባረና ናጋናዉ አዉ ዳንዳየተናን እጾፕ። እዞ አኮ። እ እዞ አኮፕ። ሄዋን ናጋራይ ባዋ።

37 ሽን አ ባረ ዋዛናን ሞናፕ። አከናን ጋሞአና ዳንዳይ። ቃይ ባረና ናጊደ። ባረ ጊግሴዳ ዋድራቶ አከናን ጋሞአና ጎፕ። ኦንነ ዋልቃን ስናን ባረ ዋዛናን ቆፋ ቃቺዳዋ ግደፕ ሎይሌዳ።

38 ሄዋ ድራዉ። ዋድራቶ አክያ ኡራይ ሎይሌዳ፤ ቃይ አከናዌ ኡባ አላ ሎይሌዳ።

39 አሰና ገሌዳ ሞሽራታ ባረ አሰናይ ደኤዳ ኬናን አናና እትፕ ደአናዳን ቃሽታ ኡታዲ። ሽን እ ሀይቆፕ። ጎዳ አማንያ አሳ ኦናን ግደፕ። ባረ ዶሴዳ አሰና ገላናዉ ዳንዳያዉ።

40 ታ ቆፋ ግደፕ። ገለናን ደአንቶ። እዞ ናሽቻን ደአና። ቃይ ታናን ጾሳ አያናይ ደእያዋ ታን ኤራይ።

8

ኤቃዉ ያርሽቲዳ ቁማባ

1 ኤቃዉ ያርሽቲዳ ቁማባ ግደፕ። ኩን ኡባይካ ኤራቶ። ኤራይ ኦቶርሴ፤ ሽን ሲቁ አማኑዋን ድቼ።

2 ኦንነ ባረዉ እትባ ኤርያዋ ማላቶፕ። እ ብር ኤራናዉ በሰያዋ ኤርቤና።

3 ሽን ኦንነ ጾሳ ሲቆፕ። ጾሳይ አ ኤራ።

4 ሄዋ ድራዉ። ኤቃዉ ያርሽቲዳ ቁማ ሙሳባ ግደፕ። ኤቃ ኡባይ አላሞያን አያን ግደናዋን። እት ጾሳፕ አትን። ሀራይ ባይናዋ ኩን ኤራቶ።

5 አያዉ ጎፕ። ጮራ ጾሳቱን ጮራ ጎዳቱ ደኢኖ። ሽን ሀራይ አቶ። ሳሉዋን ግድና ሳኣን ግድና። ጾሳቱዋ ጌተትያዋንቱ ደኣፕካ።

6 ኡባባ መጴዳዌ ኩን አዉ ደእያዌ። እት ጾሳይ። አዉ። ኑዉ ደኤ። ቃይ ኡባባይ አን መፍቲዳዌን ኩን አን ደእያዌ እት ጎዳይ። የሱስ ክርሰቶሰካ ኑዉ ደኤ።

7 ሽን ሀ ኤራይ አሳ ኡባዉ ደኤና። እት እት አሳቱ ኤቃ ዶዬዳ ድራዉ። ሀእ ጋካናዉካ። “ኤቃዉ ያርሽቲዳ ቁማ” ያጊደ ሚኖ። ቃይ ኡንቲንቱ ዋዛናይ ሹጋ ግዴዳዋን። ኡንቲንቶ ሀ ቁማን ቱኔዳዋ ማላቲ።

8 ሽን ቁማይ ኩና ጾሳኮ ሺቃናዳን ማደና። ኩን ማና ቋይንቶካ ኑዉ አይነ ፓጩና፤ ሞፕፕ ኑዉ አይነ ጉጀተና።

9 ሽን ሀዌ ህንተ ህንተ ዶሶዋዳን ህንያዌ ሹሳ አማኑዋና ደእያዋንታ ናጋራን የገና ማላ ናገትተ።

10 አያዉ ጎፕ። ኔን ኤራንቻይ ኤቃዉ ያርሽቲዳ ቁማ ማናዉ ኤቃ ጎልያን ኡቲዳ ዋደ። ሹሳ አማኑዋና ደእያ እት አሳይ ኔና በኦፕ። ኤቃዉ ያርሽቲዳ ቁማ እ ማናዉ አ ዋዛናይ ቆፕኔይ።

11 ሄዋ ግደፕ ሀ ሹሳ አማኑዋና ደእያ ነ እሻይ። ክርሰቶሰ አ ድራዉ ሀይቁዳዌ። ነ ኤራን ባይ።

12 ሀዋዳንካ። ህንተ ህንተ እሻቱዋ ናቂያዋንን ኡንቲንቱ ሹሳ ዋዛና ማይላያዋን ክርሰቶሳ ናቂታ።

13 ሄዋ ድራዉ። ቁማይ አማንያ ታ እሻ ቋቢያዋ ግደፕ። አ ቋቢና ማላ። ታ ደእያ ላይላን ሙላካ አሹዋ ሚከ።

9

የሱስ ኪቲዳዋንቶ ደእያ ማታን ኡንቲንቱ ኦፋናዉ በሰያባ

1 ታን አይለተላይ ባይና አሳ ግድክታ? የሱስ ኪቲዳዋ ግድክታ? ኩ ጎዳ የሱስ ክርሰቶሳ በአበይክታ? ህንተንቱ ታን ጎዳዉ ኦሌዳ ታ ኦሱዋፕ ቤቲዳዋንታ ግድክቲዬ?

2 ታን ሀራንቶ የሱስ ኪቲዳዋ ግዳና ቋፕካ። ህንተንቶ የሱስ ኪቲዳዋ ግድያዌ ኤረቲዳዋ፤ አያዉ ጎፕ። ታን ጎዳን የሱስ ኪቲዳዋ ግድያዋ ህንተ ማርካ።

3 ታና ቦርያዋንቶ ታን እሞያ ዛሩ ሀዋ።

4 ማናዉን ኡሻናዉ ኑዉ ማት ባዌ?

5 የሱስ ኪቲዳ ሀራቲዋዳንን ጎዳ እሻቲዋዳን። ጳጳርሳዋዳን። ኤኖ ግያ ማቻቶ እትፕ አኪደ ባናዉ ኑዉ ማታይ ባዌ?

6 ዋይ ኩ ደኦ ኦሌደ ባጾታናዉ በሰያዌ ታናን ባርናባሳ ጸላሌ?

7 አይ ዋደን ባረ ሚሻ ሚደ። ዋታዳራተላ ኦላያዌ ኦኔ? ዋይ ዋይንያ ቲራ ቶኪደ። አ አይፍያ ማናዌ ኦኔ? ዋይ ሚዛ ዉድያ ሄሚደ። ሄ ሚዛ ዉድያፕ ማላ ኡሽናዌ ኦኔ?

8 ታን ሀዋ አሳ ቆፋ ጸላላን ጋይታ? ዋይ ህጊ ቃይ ሀዋ ጌኔ?

9 አያዉ ጎፕ። ሙሴ ህግያን። “ካላ የድያ መሀያ ዶና ቃቾፕ” ጌተቲደ ጸፈቲዳ። ጾሳይ መሀያባ ቆፕደ ሀዋ ጌ?

10 ዋይ እ ሄዋ ግያዌ ሙላካ ኩ ድራሳ ግደኔ? ቲማካ ኩ ድራዉ ጾፈቲዳ፤ ጎሽያ ብታኒካ ካላ ቡክያ ብታኒካ። “ታና ጋክያዋ አካና” ያጊደ ኦፋናዉ በሴ።

11 ኩን ህንተ ግደን አያና የዉዋ ዘሬዳዋንታ ግዲደ። ኩ አሾ ማዶ ግድያዋ ህንተንቲፕ ጫኮፕ ዳርቤ?

12 ሀራቲ ሄዋ ህንተንቲፕ አካናዉ ኡንቲንቶ ማታይ ደኣፕ። ኑዉ ኡንቲንቲዋፕ አድያ ማታይ ባዌ?

ሽን ኩን ክርሰቶሳ ሞሽራቹዋ ቃላዉ ቋቢ ግደናዳን። ኡባባ ገንጭያዋፕ አትን። ሄ ማታን ጎኤትበይኮ።

13 ጌሻ ጎልያን ኦላያ አሳቱ ባረንቲ ቁማ ጌሻ ጎልያፕ አክያዋ ኤርክቲ? ቃይ ያርሽቲሳን ኦላያዋንቲ ያርሹዋፕ አክያዋ ኤርክቲ?

14 ሀዋዳንካ፡ ቃይ ምሽራቸው ቃላ ኦድያዋንቱ ባረንቱ ደኦ ኮሽያባ ኣፕ ደማናዳን፡ ጎዳይ ኣዛዜዳ።

15 ሸን ታን ሀ ማታ ኡባን ኣይነ ጎኤታባይከ። ታን ሀዋ ጸፊዳዌ ሄዋ ማላ ማታይ ታወ ደእናዉ በሴ ያግያዋና ግደና። ኣያዉ ጎፕ፡ ታ ጨቁዋ ኦንነ መላ ከሰያዋፕ ሀይቁያዌ ታወ ሎኦ።

16 ምሽራቸው ቃላ ኦዳናዉ ታን ኣዛዘታ ኡቴዳ ድራዉ፡ ኣ ኦደፕካ ታወ ጨቀትያባይ ባዋ። ምሽራቸው ቃላ ኦደናን ኣጎፕ፡ ታወ ኣየር።

17 ኣያዉ ጎፕ፡ ታን ሀዋ ደሳይ ኦፕ፡ ታወ ዋይታይ ደኤ። ሸን ታን ደሰናን ኣጸፕካ፡ ምሽራቸው ቃላ ድራዉ ሀዳራ ጸሳይ ታወ ኣሜዳ።

18 ያትና፡ ታ ዋይታይ ኣይ? ምሽራቸው ቃላ ኦዳደ፡ ታወ ዋንጋላን ደኣያ ኩመንጎላ ማታን ጎኤተናን፡ ምሽራቸው ቃላ ጮ ኦድያዋ።

19 ታን ኦሰነ ኣይላ ግድከ ሸን፡ ጮራቱዋ ዛራናዉ ታና ኡባዉ ኣይላ ከሳድ።

20 ታን ኣይሀዳቱዋ ዛራናዉ ኡንቱንቱና ኡንቱንታ ግዳደ ደኣድ። ታ ሁጳዉ ሀግያፕ ጋርሳና ደኣከ። ሸን ሀግያፕ ጋርሳና ደኣያዋንታ ዛራናዉ ሀግያፕ ጋርሳና ደኣያ ኣሳ ማላ ግዳድ።

21 ታን ሀገሊ ባይና ኣሳቱዋና ደኣደ፡ ሀገሊ ባይና ኣሳዳን ሀናድ። ጸሳ ሀገሊ ጳይና ግደና። ሸን ሀገሊ ባይናዋንታ ዛራናዉ፡ ክርሰቶሳ ሀግያፕ ጋርሳና ደኣድ።

22 ታን ኣማኑዋን ዳቡርያዋንታ ዛራናዉ፡ ኡንቱንቱ ማላ ግዳድ። ታን ኣይ ኦግያንነ ኣማሬዳ ኣሳቱዋ ኣሻናዉ፡ ኡባ ኣሳቱዋና ኡባባን ኡንቱንቱ ማላ ግዳድ።

23 ታን ምሽራቸው ቃላ ኣንጂዋ ሻካናዉ፡ ምሽራቸው ቃላ ድራዉ፡ ኡባባ ኦሳይ።

24 ዋላን ጸናና ገደ ዋጽያ ኡባይ ኣትፕ ዋጾ። ሸን ኣቱዋ ጸላላይ ዋይታ ኣክያዋ ኤርክቱ? ሀዋዳን ሀንተንቱካ ዋይታ ኣካናዉ ዋጽተ።

25 ካሳዉ ባረና ጊግሰያ ኦንነ ኡባባን ባረና ናጌ። ኣሳይ ሄዋ ዳቡርያዌ ጸኔዳዋ ኣመትያ ባይያ ካላቻ ደማናሳ። ሸን ኦን ዳቡርያዌ መድናዉ ደኣያዋን ባየና ካላቻ ደማናሳ።

26 ሄዋ ድራዉ፡ ታን ቆፍ ባይናን ዋጽያዋዳን ዋጽከ። ጫርኩዋ ይምፕያ ኣሳዳንካ ጮ ኣለትከ።

27 ሸን ታን ሀራንቶ ኦዳዳዋፕ ጉይያን፡ ታ ሁጳዉ ዋይታፕ ኣተና ማላ፡ ታ ኣሳተላ ናገታናዳን ኣሳይ።

10

ኤቃዉ ጎይናናዉ በሰና

1 ሄዋ ቦላን ታናዳን ኣማንያዋንቶ፡ ታን ሀንተ ሀዋ ኤራና ማላ ኮያይ። ኦ ኣዋቱ ኡባይ ሻርያፕ ጋርሳና ደኤድና፤ ኡባይካ ኣባ ግደና ፕኔድና።

2 ኡንቱንቱ ኡባይ ሙሴና ኣትፕ ግዳናዉ፡ ሻርያንነ ኣባን ጸማቀቱድና።

3 ኡንቱንቱ ኡባይ ሄ ኣት ኣያና ቁማ ሜድና።

4 ቃይ ኡባይካ ሄ ኣት ኣያና ኡሻ ኡሼድና። ኣያዉ ጎፕ፡ ኡንቱንቱ ባረንታ ካለልያ ኣያና ዛላፕ ፑልቶዋ ኡሼድና፤ ሄ ዛላይካ ክርሰቶሳ።

5 ሸን ጸሳይ ኡንቱንቱፕ ዳርያ ባጋቱዋን ናሽትቤና ድራዉ፡ ኡንቱንቱ ኣሃይ ኣሳይ ባይና ሳን ላለቱዳ።

6 ኡንቱንቱ ኢታባ ኣሞቱዳዋዳን፡ ኦ ዋዛናይ ቃይ ኢታባ ኣሙዋፕ ናገታናዳን፡ ሄዌ ኡባይ ኦዉ ትምርተ ግዳዳ።

7 ጸሳ ማጻፋይ፡ “ኣሳይ ማናዉን ኡሻናዉ ኡቴድና፤ ቃይ ዱር ደንድ ኤቁድና” ያግያዋዳን፡ ኡንቱንቱፕ ኣቱ ኣቱ ኤቃዉ ጎይኔዳዋዳን፡ ሀንተ ጎይናፕተ።

8 ኡንቱንቱፕ ኣቱ ኣቱ ዋሹሜዳዋዳን፡ ኦን ዋሹማናዉ በሰና። ሄዋ ጋሱዋን ኡንቱንቱፕ ኣት ጋላስ ላታማን ሄዙ ሻኣይ ሀይቁዳ።

9 ኡንቱንቱፕ ኣቱ ኣቱ ጎዳ ፓጪደ፡ ሸሻን ዱከት ሀይቁዳዋዳን፡ ኦን ጎዳ ፓጫናዉ በሰና።

10 ኡንቱንቱፕ ኣቱ ኣቱ ዙዙምና፡ ዋድያ ኪታንቻን ኡንቱንታ ጳይሴዳዋዳን ዙዙምፕተ።

11 ሀዌ ኡባይ ሀራቶ ትምርተ ግዳናዳን ኡንቱንቱ ቦላ ጋኬዳ። ቃይ ኦና ዋድያ ዉርሰላይ ጋካና ማቱዳዋንታ ሴራናዉ ጸፈቱዳ።

12 ሄዋ ድራዉ፡ ምና ኤቃድ ገደ ቆፕያ ኡራይ ኦንነ ከንደናዳን፡ ባረና ናጌ።

13 ሀንተንታ ጋክያ ፓጪ፡ ኣሳ ኡባ ጋክያ ፓጭያ ማላፕ ኣትን፡ ኣይነ ዱማተና። ሀንተንቱ ዋልቃይ ዳንዳይያዋፕ ኣድያ ፓጭያን ሀንተ ፓጪታናዉ ኮየና ጸሳይ ኣማንቱዳዋ። ሸን ሀንተንታ ፓጪ ጋክያ ዋይ፡ ሄ ፓጭያ ኣ ሀንተንታ ዳንዳይሳና። ቃይ ሄ ፓጭያፕ ሀንተንቱ ከሰያ ኦግያካ ኣ ኣማና።

14 ሄዋ ድራዉ፡ ታ ደሰያዋንቶ፡ ኤቃዉ ጎይናፕተ።

15 ሀንተንቱ ዋዛናማ ኣሳ ግዳዳ ድራዉ፡ ታን ሀንተንቶ ኦዳይ። ታን ግያዋ ሀንተ ፕርድተ።

16 ኦን ጸሳ ጋላቲደ ሻክያ ኣንጂዋ ጸኣይ ክርሰቶሳ ሱፋና ኣትፕተላይ ደኣያዋ ግደኔ? ቃይ ኦን መንልያ ኡክላይ ክርሰቶሳ ኣሹዋና ኣትፕተላይ ደኣያዋ ግደኔ?

17 ኣት ኡክላይ ደኣያ ድራዉ፡ ኦን ጮራ ግደፕካ፡ ኣት ኣሳተላ። ኣያዉ ጎፕ፡ ኦን ኡባይካ ሄ ኣት ኡክላ ሻከቱቶ።

18 ኣሰራኤልያ ኣሳ ዶልተ። ያርሹዋ ምያዋንቱ ያርሽያሳና ኣትፕተላይ ደኣያዋንታ ግድክና?

19 ሰም ታን ዋጋይታ? ኤቃዉ ያርሽቱዳ ቁማይ ማዲ ዋይ ኤቃይ ማዲ?

20 ማደና፤ ሸን ታን ግያዌ ጸሳ ኣማንና ኣሳቱ ኢታ ኣያናቶ ያርሽያዋፕ ኣትን፡ ጸሳዉ ያርሽክና። ኢታ ኣያናቱዋና ሀንተ ኣትፕ ዙፕታና ማላ፡ ታን ኮይከ።

21 ጎዳ ጸኣፕ ኡሺደ ቃይ ኢታ ኣያናቱዋ ጸኣፕ ኡሻናዉ ሀንተ ዳንዳይክታ። ጎዳ ጋይታፕ

10:1 ከሳ 13:21-22፤ 14:22-29 10:3 ከሳ 16:35 10:4 ከሳ 17:6፤ ፓይ. 20:11 10:5 ፓይ. 14:29-30 10:6 ፓይ. 11:4 10:7 ከሳ 32:6 10:8 ፓይ. 25:1-18 10:10 ፓይ. 16:41-49 10:18 ዋጋ 7:6 10:20 ዛረ. 32:17

ህንተ ግሽቲደ ቃይ ኢታ ኢያናቱዋ ጋይታ ማናዉ ዳንዳይክታ።

22 ሄዋ ኦሊደ ኩን ጎዳና ጸናታናዉ ኮሺ? ኩን አፕ ምኔቶ?

23 ህንተፕ እቱ እቱ። “ኡባባ ኦላናዉ ታና ድግያባይ ባዋ”፤ ሸን ኡባባይ ማደና። “ኡባባ ኦላናዉ ድግያባይ ባዋ፤ ሸን ኡባባይ ጌሸና” ያገኛ።

24 ኦንነ ሀራ አሳ ማድያባ ቆፖፕ አትን። ሀራይ አቶ እቱነ ባረና ማድያባ ቆፖፖ።

25 ገያን አጸረ ታራን ዛልኤትያ አሹዋ ህንተ ዋዛና ቆፋን። አይነ ሰፍን ማድያባ።

26 አያዉ ጎፕ። አላሚነ እን ደእያባይ ኡባይ ጎዳባ።

27 እት አማነና አሳይ ህንተንታ እማላ ኦላ ሸባናዉ ጸሰና ባናዉ ኮዮፕ። ህንተ ዋዛና ቆፋን። አይነ ሰፍን ህንተ ሰንላ እ አልያባ ኡባ ማድያባ።

28 ሸን እት ኡራይ ህንተንቶ። “ሀዌ ኤቃዉ ያርሼዳዋ” ጎፕ። ሄ ህንተንቶ ኦዳዳ ብታንያ ድራዉነ ቃይ ህንተ ዋዛና ቆፋ ድራዉ። ሄ ቁማ ሞፕ።

29 ታን ግያዌ ነ ዋዛና ቆፋ ድራሳ ግደና፤ ሸን የኮ ብታንያ ዋዛና ቆፋ ድራሳ።

ታን ታ ሀናናዉ ዳንዳይያ ታ ሀናታ ሀራ አሳ ዋዛናይ እያዉ ፕርዲ?

30 ታን ጸሳ ጋላታደ ቁማ ሞፕ። ጸሳ ጋላታደ ሜዳ ቁማዉ እያዉ ቦረታይታ?

31 ሰም ህንተ እያነ ሞፕ። ዋይ እያነ ኡሾፕ። ዋይ ህንተ እያነ አላፕ። ኡባባ ጸሳ ቦንቾ አላፕ።

32 ህንተንቱ እይሁዳ አሳቶ ዋይ ግሪክ አሳቶ ዋይ ጸሳ አማንያዋንቶ ቆሶ ግደፕ።

33 ታን ቃይ ጮራቱ አታና ማላ። ኡንቱንቱ ኡባ ማዳናዳንፕ አትን። ታ ሀጸዉ ማዲዋ ኮዮናን። አሳ ኡባ ኡባባን ናሽቻያዋዳን። ህንተንቱካ ሄዋዳ አላፕ።

11

1 ታን ክርስቶሳ ሌምሱዋ ካልያዋዳን። ህንተንቱካ ታዋ ካልተ።

አሳይ እትፕ ዋሰያ ዋይ ደእናዉ በሰያ ዋጋ

2 ታናዳን አማንያዋንቶ። ህንተ ኡባባን ታና ሀሳይያ ድራዉነ። ዋጋ ታን ህንተንቶ እሜዳዋዳን። ህንተ ምንሲደ ናግያ ድራዉ። ህንተንታ ጋላታይ።

3 ሸን ክርስቶሳ አቱማዋ ኡባዉ ሀጸ ግድያዋ። አቱማ አሳይ ማጫ አሳዉ ሀጸ ግድያዋን ቃይ ጸሳይ ክርስቶሳዉ ሀጸ ግድያዋ ህንተ ኤራና ማላ ኮያይ።

4 ጸሳ ዋሲደ። ዋይ ትምቢትያ ኦዲደ። ባረ ሀጸያ ጎዘያ አቱማ አሳይ ኡባይ ክርስቶሳ ቶቼ።

5 ቃይ ጸሳ ዋሳደ ዋይ ትምቢትያ ኦዲደ። ባረ ሀጸያ ጎዘና ማጫዉና ባረ አሰና ቶቻዉ፤ እያዉ ጎፕ። እዛ ባረ ሀጸያ ሜደታ ድጎንና እት ማላ።

6 ማጫዉና ባረ ሀጸያ ጎዘና ቆፖፕ። ሸን እዛ ባረ ሀጸያ ቃንጽሳናዌ ዋይ ሜድሳናዌ ፖኮፕ። ባረ ሀጸያ ጎዘ።

7 አቱማዌ ጸሳ ሌምሱዋን ቦንቾዋ ግድያ ድራዉ። ባረ ሀጸያ ጎዘናዉ በሰና፤ ሸን ማጫዉና አቱማዋ ቦንቾ።

8 እያዉ ጎፕ። ማጫዉና አቱማዋፕ ቤታዲፕ አትን። አቱማዌ ማጫዉንፕ ቤትቤና።

9 እያዉ ጎፕ። ማጫዉና አቱማዋ ድራዉ መፍታዲፕ አትን። አቱማዌ ማጫዉን ድራዉ መፍትቤና።

10 ሄዋ ድራዉ። ማጫዉና ባረ አሰና አይሱዋፕ ጋርሳና ደእያዋ ኤርሳናዉን ኪታንቻቱዋ ድራዉ። እዘ ሀጸያን ጎዘያባይ ደእናዉ በሴ።

11 ሸን ጎዳን ማጫዉና አቱማዌ ባይናን ደኡኩ፤ አቱማዌካ ማጫዉና ባይናን ደኡና።

12 እያዉ ጎፕ። ማጫዉና አቱማዋፕ መፍታዳዋዳን። ቃይ አቱማዌካ ማጫዉንፕ የለቲዳ። ቃይ ኡባባይካ ጸሳፕ ዬ።

13 ህንተንቱ ህንተ ሀጸዉ ፕርድተ። ማጫዉና ባረ ሀጸያ ጎዘናን ጸሳ ዋሳናዉ በሲ?

14-15 አቱማዌ ባረ ሀጸያ ድቾፕ። አዉ ፖኮ። ሸን ማጫዉና ባረ ሀጸያ ድቾፕ። እዘዉ ቦንቾ ግድያዋ ሀራይ አቶ። መፍትንቶን ህንተንታ ታማርሰኔ? እያዉ ጎፕ። ማጫዉን ሀጸ እዘ ካማናዉ እዘዉ እመቲዳ።

16 ሸን ኦንነ ሀ የዉዋን ፓሉመታናዉ ኮዮፕ። ኡዉ ግድና ዋይ ጸሳ አማንያዋንቶ ግድናካ። ሀዋፕ ሀራ ዋጋይ ባዋ።

ጎዳ ካዉዋ አክያ ዋጋ

(ማቶሳ 26:26-29፤ ማር. 14:22-25፤ ሉቃሳ 22:14-20)

17 ህንተ ሸቅያዌ ኢታባሳፕ አትን። ሎኦባሳ ግደና ድራዉ። ታን ሀ አዛዙዋ እማደ ህንተንታ ጋላትከ።

18 ሸን ህንተ ዋሳ ጎሊን ሸቅያ ዋይ። ህንተ ግደን ጸልቀላይ ደእያዋ ታን ሰሳይ። ቃይ ሄዌ እት ባጋና ቱማ ግድያዋ አማናይ።

19 እያዉ ጎፕ። ህንተ ማታን አማነቲዳዋንቱ ቆንጭ ኤረታና ማላ። ህንተ ግደንካ ቃይ ሻኩ ደእናዉ በሴ።

20 ሄዋ ድራዉ። ህንተ እትፕ ሸቅያ ዋይ። ህንተ ሸቅ ጎዳ ካዉዋ ማናሳ ግደና።

21 እያዉ ጎፕ። ህንተ ቁማ ሞያ ዋይ። ኡባይ ሀጸያን ሀጸያን ባረዋ ባረዋ ሞያ ድራዉ። እቱ ኮሻቲ፤ እቱ ቃይ ማላ።

22 ማናዉን ኡሻናዉ ህንተንቶ ጎሊ ባዌ? ዋይ ጸሳ ዋሳ ጎልያ ካጲቲ? ቃይ አይነ ባይናዋንታ ዬላዬቲ? ታን ህንተንታ ዋሳ? ሀ የዉዋን ታን ህንተንታ ጋላቶ? ጋላትከ።

23 እያዉ ጎፕ። ታን ቃይ ህንተንቶ እሜዳ ትምርትያ ጎዳፕ አካድ። ጎዳ የሱሰ ኡንቱንቱ ኦ አሊደ እሜዳ ቃማ ዳቡዋ አከደ።

24 ጸሳ ጋላቲዳ፤ ዳቡዋ መንሊደ። “ሄይተ፤ ማድያ። ሀዌ ህንተ ግሻታዉ ባረና እሜዳ ታ አሹዋ። ሀዋን ታና ቆፕ።” ያጌዳ።

25 ሀዋዳንካ። ካዉዋ ማደ ሰምና። ጸኡ ቃይ አከደ። “ሀዌ ጸኡይ ታ ሱሳን ታን ጫቄዳ ኦራሳ

10:22 ዛረ. 32:21 10:26 ማዘ. 24:1 11:7 ደመላ 1:26-27 11:8 ደመላ 2:18-23 11:23 ማቶሳ 26:26-28፤ ማር. 14:22-24፤ ሉቃሳ 22:19፤ 20 11:25 ከሳ 24:6-8፤ ኤር. 31:31-34

ጫቁዎ። ህንተንቱ አጥ ኡሼዳ ዎደ ኡባን ሄዋን ታና ቆጥተ” ያጌዳ።

26 እያዉ ጎጥ፡ ህንተ ሀ ዳቡዎ ሜዳ ዎደ ኡባን ሀ ጸ-አጥ ኡሼዳ ዎደ ኡባን ጎዳይ ያና ጋካናዉካ፡ አ ሀይቁዎ ኦዲታ።

27 ሄዎ ድራዉ፡ በሰናን ደኢደ ጎዳ ዳቡዎ ሞያዎ፡ ዎይ ጎዳ ጸ-አጥ ኡሼዳዎ ኦንነ አ አሹዎነ አ ሱላ አጮቱ።

28 ሸን አሳይ ባረ ሁጲያ ፓጮ። ያተደ ዳቡዎ ሞ። ጸ-አጥካ ኡሹ።

29 እያዉ ጎጥ፡ ጎዳ አሹዎ ሻኪደ ኤረናን ዳቡዎ ሞያዎነ ጸ-አጥካ ኡሼዳዎ ባረ ሁጲዎ ፕርዳ ሜኔ ኡሼ።

30 ሄዎ ድራዉ፡ ህንተ ግደን ጮራቱ ዳቡራንቻን ሀርጋንቻ ግዴድኖ፤ ቃይ ኡንደኔዳዎንቱ ሀይቁድኖ።

31 ሸን ኦን ኦ ሁጲያ ቱሙ ፓጮደንቶ፡ ጸሳይ ኦና ፕርደና።

32 ኦን ፕርደትያ ዎደ፡ ሀ አላምያና እትጥ ፕርደተና ማላ፡ ጎዳይ ኦና ሴሬ።

33 ሄዎ ድራዉ፡ ታናዳን አማንያዎንቶ፡ ጎዳ ካዉዎ ማናዉ ህንተ ሸቅያ ዎደ፡ እቱ እቱዎ ናግተ።

34 ኦንነ ኮሻቲዳዎ ግደጥ፡ እትጥ ሸቅያ ዎደ ጸሳ ፕርደን ህንተ ገለና ማላ፡ ባረ ሳይን ሞ። አቲዳዎ ታን ያ ባደ ጊግሳና።

11 ሸን ሀ ኡባባ አላያዎ ሄ እት ጌሻ አያና። አሳ ኡባዉ እ ባረ ኮይያዎዳን፡ ዲማ ዲማ አሞታ ሻክ ሻኪደ እሜዳ።

እት ቦላን ደእያ ዲማ ዲማ አሳተላቱዎ

12 ክርሰቶሰ ጮራ አሳተላቱ ደእያ እት ቦላ ማላ። ቦላይ ጮራ አሳተላቱዎጥ ሙጫዳዎ ግደጥካ፡ እት ቦላ።

13 እያዉ ጎጥ፡ ኦን አይሁዳ አሳ ግደጥነ ዎይ ግሪክ አሳ ግደጥ፡ ዎይ አይላ ግደጥነ ዎይ ዎማኖ ግደጥ፡ ኡባይ እት ጌሻ አያናን እት ቦላ ግዳናዉ ጸማቀቲድ። ቃይ ኦን ኡባይ እት ጌሻ አያና ኡሼድ።

14 እያዉ ጎጥ፡ ቦላዉ አሳተላይ ጮራ ግድያዎጥ አትን፡ እቱዎ ግደና።

15 ገዲ፡ “ታን ኩሸያ ግደና ድራዉ፡ ቦላ ቆሞ ግድከ” ጎጥ፡ እ ሄዎ ግያዎ ቦላ ቆሞ ግድያዎ ድጋኔ?

16 ሀይላይካ፡ “ታን አይፍያ ግደና ድራዉ፡ ቦላ ቆሞ ግድከ” ጎጥ፡ እ ሄዎ ግያዎ ቦላ ቆሞ ግድያዎ ድጋኔ?

17 ቦላይ ኡባይ አይፍያ ጸላላ ግድንቶ፡ ዎቲደ ሰሳናዉ ዳንዳዪ? ቃይ ቦላይ ኡባይ ሀይላ ጸላላ ግድንቶ፡ ዎቲደ ሰንጋናዉ ዳንዳዪ?

18 ሸን ጸሳይ ባረ ኮይዳዎዳን፡ ቦላ አሳተላቱዎ እቱዎ እቱዎ ቦላን ዎሌዳ።

19 ኡባይ እት ቆሞ ግድንቶ፡ ቦላይ ሀቃን ደእኔ?

20 ሸን አሳተላቱ ጮራ ግደጥካ፡ ቦላይ እቱዎ።

21 አይሬ ኩሸያ፡ “ኔን ታና ኮሻካ” ጋናዉ ዳንዳዪና። ዎይ ቃይ ሁጲ ገዳቱዎ፡ “ህንተንቱ ታና ኮሸክታ” ጋናዉ ዳንዳዪና።

22 ሸን ላፋ ማላትያ ቦላ አሳተላቱ ሎይላ ኮሸያዎንታ።

23 ቦላ አሳተላቱዎጥ ቦንቼተናዎንታ ኦዉ ማላትያዎንታ ኦን ሎይላ ቦንቼቶ። ቃይ ኦና ዬላይያ ቦላ አሳተላቱዎካ ሎይላ ቦንቼቶ።

24 ኦ ቦላጥ ቤትያ ባጋዉ ማዩ ኮሸና፤ ሸን ፖክያ ባጋ አሳተላቱዎ ሎይላ ማይዛናዳን፡ ጸሳይ አሳተላ እትጥ ጋሌዳ።

25 ቦላ አሳተላቱ እቱ እቶ እት ማላ ቆፋ ቆፓናጥ አትን፡ ቦላን ዲማተላይ ደእናዉ በሰና።

26 ቦላ አሳተላቱዎጥ እቱ ሴለቶጥ፡ ቦላ አሳተላቱ ኡባይካ አናና ሴለቲኖ፤ ቦላ አሳተላቱዎጥ እቱ ቦንቼቶጥ፡ ቦላ አሳተላቱ ኡባይ አናና ናሸቲኖ።

27 ህንተንቱ ኡባይ ክርሰቶሳ ቦላ፤ ቃይ ሁጲያን ሁጲያን ህንተ ኡባይካ አ ቦላ አሳተላቱዎ።

28 ጸሳይ ዎሳ ጎለን እት እት አሳቱዎ፡ ኮይሩዎን የሱሰ ኪቲዳዎንታ፡ ላኤንሱዎን ናባቱዎ፡ ሄዘንሱዎን ታማርሰያዎንታ፡ ሄዎጥ ጉይያን፡ ማላታ አላያዎንታ፡ ሄዎጥ ጉይያን፡ ፓላያ ዎልቃይ ደእያዎንታ፡ ማድያዎንታ፡ ዎሳ ጎልያ አይሰያዎንታ ዲማ ዲማ ቃላን ሃሳይያዎንታ አሌዳ።

12

ጌሻ አያና አሞታቱዎ

1 ታናዳን አማንያዎንቶ፡ ጌሻ አያና አሞታባ ህንተ ኤራናዉ ኮያይ።

2 ህንተንቱ ጸሳ አማንና ዎደ፡ ኡባ ዎደ ካልያዎዳንካ፡ ሃሳየና ኤቃቱዎኮ ህንተ ቤዳዎ ኤሪታ።

3 ሄዎ ድራዉ፡ ጸሳ አያናይ ካለላያ አሳይ ኦንነ፡ “የሱሰ ሸቆቶ” ያጊደ ሃሳየናዎነ ቃይ ጌሻ አያናይ ካለላጥጥ አትን፡ ሀራይ አቶ እት አሳይነ፡ “የሱሰ ጎዳ” ጋናዉ ዳንዳዪናዎ ታን ህንተንታ ኤርሳይ።

4 አያና አሞታይ ዲማ ዲማ፤ ሸን አምያ አያናይ እቱዎ።

5 ቃይ አላያ ኦሱ ዲማ ዲማ፤ ሸን ጎዳይ እቱዎ።

6 ኦሱዎ አላናዉ ዲማ ዲማ ኦጊ ደእሸን፡ ሄ አላያ ኦግያ ኡባ አሳ ኡባዉ ቆንጭሰያ ጸሳይ እቱዎ።

7 ሸን አሳ ኡባ ማዳናዉ፡ ጌሻ አያና ቆንጭሰያ ዎልቃይ ኡባዉ ሁጲያን ሁጲያን አመቲዳ።

8 እያዉ ጎጥ፡ ጌሻ አያናይ እቶ አጵ ኤራተላ ሃሳያ እሜዳ፤ ቃይ እቶ ኤራተላ ሃሳያ እሜዳ።

9 ሄ ጌሻ አያናይ እቶ አማኑዎ እሚደ፡ የኮ ሀርጋንቻ ፓላያ ዎልቃ እሜዳ።

10 ጌሻ አያናይ እቶ ማላታ አላያ ዎልቃ እሚደ፡ እቶ ትሞቢትያ ኦድያ ዎልቃ እሜዳ። እቶ አያናቱዎ ግዲዎን ደእያ ዲማተላ ኤርያ ዎልቃ እሚደ፡ እቶ ዲማ ዲማ ቃላን ሃሳይያ ዎልቃ እሜዳ። ቃይ እቶ ዲማ ዲማ ቃላን ሃሳይዳዎ ብልያ ዎልቃ እሜዳ

29 ኡባቱ የሱስ ኪቲዳዋንቲ? ኡባቱ ናባቲ? ኡባቱ ታማርሰያዋንቲ? ኡባቱ ማላታ ኦሊኖ?
 30 ኡባቱ ፓሳያ ዋልቃይ ደኢ? ኡባቱ ዲማ ዲማ ቃላን ሃሳዬና? ቃይ ዲማ ዲማ ቃላን ሃሳዬዳዋ ኡባቱ ብሊኖ?
 31 ሸን ኡባጥ አድያ እዋታ ሎይሳ ኮይተ። ቃይ ኡባጥ ሎይሳ አድያ ኦግያ ታን ህንተንታ በሳና።

13

ቱሙ ሲቁዋ

1 ታን አሳ ቃላንን ኪታንቻ ቃላን ሃሳዮጥካ ታዉ ሲቁ ቆይተ። ታ ሃሳይ ጮ ዋሰያ ዳዋላ ማላ፤ ዋይ ቆልጫካትያ ጽናጽልያ ማላ።
 2 ናበተላ እዋታይ ታዉ ደኢጥካ፣ ታን ጌሜዳ የወዋ ኡባን ኤራተላ ኡባ ኤርንቶካ፣ ቃይ ደርያ ደንላ ድግያ እማኑ ታዉ ደኢጥካ፣ ሲቁ ቆይተ። ታን አያን ግድከ።
 3 ታዉ ደኢያዋ ኡባ ህይሳቱዋ ሞዛናዉ እምንቶካ ሀራይ አቶ፣ ታ ቦላ ታማን ጉዳናዉ አላ እምንቶካ ሲቁ ቆይተ። ታና አይነ ማደና።
 4 ሲቁ ዳንዳያንቻ። ሲቁ ኬኬ። ሲቁ ቃናተና። ጨቀተና፤ ቃይ ኦቶረተና።
 5 ሲቁ ባረዉ በሰናዋ ኦባና፤ ኡዜተና፤ ይሎተና፤ ሲቁ ናቀቲዳዋካ ፓይደና።
 6 ሲቁ ቱማተላን ናሸትያዋጥ አትን፣ ዋርዲዋን ናሸተና።
 7 ሲቁ ኡባባ ዳንዳይ። ኡባባይካ ሀናናዋ ጊደ፣ ናሸቻን ናጌ። ኡባባን ገንጨ።
 8 ሲቁ ሙላካ ቆይና። ሸን ናበተላይካ አታና። ዲማ ዲማ ቃላን ሃሳይያዋካ አታና። ኤራተላይካ ቆይና።
 9 አያዉ ጎጥ፣ ኩን ኤራተላጥ ፓጫ ኤራቶ፤ ትምቢትያጥካ ፓጫ ኦይቶ።
 10 ሸን ኩሙንላ ግዴዳዋ ይያ ዋደ፣ ፓጫይ ቆይና።
 11 ታን ናአተላን ደኢያ ዋደ፣ ናአዳን ሃሳይያ። ናአዳን ቆይ። ቃይ ናአዳንካ አኬካይ። ዋዳላ ግዴዳ ዋደ፣ ናአተላ ሁኑዋ አገድ።
 12 ኩን ሀእ በእያዋ ማሰቶትያን በእያ ለምእ ለምእያ ማላ ማላ፤ ሸን ሄ ዋደ ኩን ኑ አይፍያን ቆንጭያን በአና። ሀእ ታን ኤራተላጥ ፓጫ ኤራይ፤ ሸን ጸሳይ ታና ወርሲደ ኤርያዋዳን፣ ሄ ዋደ ታንካ ወርሳ ኤራና።
 13 ሸን ሄዋ ግደጥ፣ አማኑ፣ ሀናናዋ ጊደ ናሸቻን ናግያዋን ሲቁ፣ ሀዋንቱ ሄዛቱ ሞኒደ ደኢኖ። ሀዋንቱጥ አድያዋ ሲቁዋ።

14

ጌሻ አያና እዋታን ኡንቲንቲ ማዲዋ

1 ሲቁዋ ካልተ። አያና እዋታካ ሎይሳ ኮይተ። ሸን ኡባጥ አሊደ፣ ናበተላ ኮይተ።
 2 አያዉ ጎጥ፣ ዲማ ዲማ ቃላን ሃሳይያ ኡራይ ጸሳዉ ሃሳይጥ አትን፣ አሳዉ ሃሳየና። አያዉ ጎጥ፣ እ ሃሳይያዋ ኦንነ አኬከና። ሸን አሳዉ ቆንጭቤና የወዋ አያና ዋልቃን ሃሳይ።

3 ሸን ናቢ አሳ ማደናዉ፣ ዞራናዉን ምንሳናዉ አሳዉ ሃሳይ።
 4 ዲማ ዲማ ቃላን ሃሳይያ ኡራይ ባረና ማዴ። ሸን ናቢ ዋሳ ጎልያ ማዴ።
 5 ህንተንቲ ኡባይ ዲማ ዲማ ቃላን ሀሳይናዋ ታን ደሳይ። ሸን ናበተላ ሄዋጥ አላደ ደሳይ። አያዉ ጎጥ፣ ዲማ ዲማ ቃላን ሃሳይያዋ ሄ ሃሳይያዋ ዋሳ ጎልያ ማደናዉ ብልያ አሳይ ቆይተ። ዲማ ዲማ ቃላን ሃሳይያዋጥ ናበተላይ አይ።
 6 ሸን ታናዳን አማንያዋንቶ፣ ሀእ ታን ህንተንቲኮ ባደ፣ ዲማ ዲማ ቃላን ሃሳይያ፣ ሳጸን ዋይ ኤራተላን ዋይ ናበተላን ዋይ ታማርሰያዋን ህንተንቶ አዳና ቆይተ። ታን ህንተንታ አያ ማደይታ?
 7 ሀራይ አቶ፣ ሸምጥ ባይናባይ ሱሱልያ ግድና ዋይ ዲላ ግድና ካኢደ፣ ባረ ካሳ ዲማተላ ኤርሳና ቆይተ። ሱሱልያ ጥፍጥ፣ ዋይ ዲላ ዲጸጥ፣ አሳይ ዋቲደ ኤራይ?
 8 ቃይ ጸራምባ ዋሱ ሎይሳ ኤረታና ቆይተ። አላዉ ኬ ገገታናዋ?
 9 ሀዋዳንካ፣ ቃይ ዲማ ዲማ ቃላን ህንተ ሃሳይያዋ ቆንጨ ግደናን ቆይተ። ህንተ ሃሳይያዋ አሳይ ዋት አኬካይ? አያዉ ጎጥ፣ ጫርኮ ህንተ ሃሳይያ።
 10 ሀ አላምያን ጮራ ቃላይ ደኤ፤ ሸን ብለላይ ባይና ቃላይ አቲነ ባዋ።
 11 ሸን እት አሳይ ሃሳይያ ቃላ ታን ኤራና ቆይተ። ሄ ሃሳይያዋ ታዉ እማላ ግዴ፤ ታንካ አዉ እማላ ግዴይ።
 12 ሀዋዳንካ፣ ቃይ ጌሻ አያና እዋታ ህንተ አካናዉ ሎይሳ ኮይያዋንታ ግድያ ድራዉ፣ ዋሳ ጎልያ ድቻናዉ ማደዋ ኡባጣጥ አሊደ ኮይተ።
 13 ሄዋ ድራዉ፣ ዲማ ዲማ ቃላን ሃሳይያዋ ባረ ሃሳይያዋ ብላናዉ ዳንዳያና ማላ፣ ጸሳ ዋሶ።
 14 አያዉ ጎጥ፣ ታን ዲማ ዲማ ቃላን ጸሳ ዋሶጥ፣ ታ አያናይካ ዋሶ፤ ሸን ታ ጋርሳ ቆፋይ አይነ ጎኤተና።
 15 ያትና፣ ታን ዋቶ? ታን ታ አያናን ጸሳ ዋሳና፤ ቃይ ታ ቆፋንካ ጸሳ ዋሳና። ታ አያናን የጸና፤ ቃይ ታ ቆፋንካ የጸና።
 16 ሄዋ ግደና ቆይተ። ኔን ነ አያና ጸሳላን ጸሳ ጋላትያዋ ግደጥ፣ ሄ ሳክን ኔን ግያዋ ኤረና አሳይ ኔን ጸሳ ጋላትያዋ ኤረናን፣ ኔን ጋላቲዳዋን ዋቲደ፣ “አሙንእ” ጋኔ?
 17 ኔን ጸሳ ጋላትያዋ ሎኢ፤ ሸን ሄዋ የኮ ብታንያ ማደና።
 18 ታን ዲማ ዲማ ቃላን ህንተ ኡባጥ አላደ ሃሳይያ ድራዉ፣ ጸሳ ጋላታይ።
 19 ሸን ታን ዋሳ ጎሊን ሀራቱዋ ታማርሳናዉ ዲማ ዲማ ቃላን ታሙ ሻእ ቃላቱዋ ሃሳይያዋጥ እጅሹ ቃላቱዋ ታ ዋዛና ቆፋን ሃሳይናዉ ደሳይ።
 20 ታናዳን አማንያዋንቶ፣ ህንተ ኢታ የወዋን ጉላ ናና ማላ ግደናጥ አትን፣ ቆፋን ጉላ ናና ማላ ግደጥተ፤ ህንተ ጋርሳ ቆፋን ዋዛናማቱዋ ግደተ።
 21 ጸሳ ማጸፋን፣
 “ጎዳይ፣ ታን ሀ አሳዉ፣
 ዲማ ዲማ ቃላን ሃሳይያ አሳንነ።

13:2 ማቶሳ 17:20፤ 21:21፤ ማር. 11:23

እማላቱዋ ደናን ሃሳያና።
 ሽን ሃዋንካ።
 ታን ግያዋ ኡንቱንቱ ሰሰክኖ ያጌ”
 ጌተቲደ ጸፈቲዳ።
 22 ሰም ደማ ደማ ቃላን ሃሳይያዋ
 እማናዋንቶ ማላታ ግድያዋጥ እትን።
 እማንያዋንቶ ማላታ ግድና። ቃይ ናባቱዋጥ
 ሃሳየትያዋ እማንያዋንቶ ማላታ ግድያዋጥ እትን።
 እማናዋንቶ ማላታ ግድና።

23 ሄዋ ድራወ። እማንያ አሳይ ኡባይ እትጥ
 ሸቂደ። ቃይ ኡባይካ ደማ ደማ ቃላን ሃሳየጥ።
 ታማርቤና አሳይ ዋይ እማና አሳይ ገሊደ።
 ሀንተንታ ኡባ። “ጎዪታ” ጌኔ?
 24 ሽን ታማርቤና አሳይ ዋይ እማና አሳይ
 ዋሳ ጎሊ ገልያ ዋይ። አሳይ ኡባይ ትምቢትያ
 ኦደጥ። እ ባረ ሰሰያዋን ባረ ናጋራ አኩኩ። ቃይ
 ሄ ሰሴዳባ ኡባንካ እ ፕርደታና።
 25 እ ዋዛናን ጌሜዳ ቆፋይካ ቆንጫና።
 ሀዋዳንካ ቃይ። “ጸሳይ ቱሙ ሀንተ ግድን ደኤ”
 ያጌደ ማርካቲደ። ጉፋኒደ ጸሳዊ ጎይናና።

አሳይ እትጥ ዋሳያ ዋይ ደእናወ በሰያ ዋጋ

26 ሰም ታናዳን እማንያዋንቶ። እዬ?
 ሀንተንቱ እትጥ ሸቅያ ዋይ። ሁጲያን ሁጲያን።
 እቶ ማዘሙራ ደኤ፤ እቶ ታማርሰያዊ ደኤ፤ እቶ
 ሳጸይ ደኤ፤ ቃይ እቶ ደማ ደማ ቃላን ሃሳይያዋ
 ደኤ፤ እቶ ብልያዊ ደኤ። ኡባይካ ዋሳ ጎልያ
 ማድያዋ ግዳናወ በሴ።

27 ኡንን ደማ ደማ ቃላን ሃሳየጥ። ላኡ
 ግዲደ። ዋይ ዳርጥ ሄዙ ግዲደ። ካላን ካላን
 ሃሳያናወ በሴ። ቃይ ሀራ እቱ ኡንቱንቱ ሃሳዬዳዋ
 ብሎ።

28 ሽን ብልያ አሳይ ቆየጥ። ደማ ደማ ቃላን
 ሃሳይያዋ ዋሳ ጎልያን ጮኡ ጎ። ባረ ሁጲወን
 ጸሳዊ ሃሳየ።

29 ናባቱካ ላኡ ግዲደ ዋይ ሄዙ ግዲደ
 ሃሳይና። ቃይ ሀራንቱ ኡንቱንቱ ግያዋ ሻክኖ።

30 ሽን ጸሳይ ሄ ሳኣን ኡቱዳ ሀራወ እትባ
 ቆንጭሶጥ። ካሰና ሃሳይያዋ ጮኡ ጎ።

31 እያወ ጎጥ። ኡባይ ታማራና ማላን ኡባይ
 ሞናና ማላ። ካላን ካላን ትምቢትያ ኦዳናወ
 ዳንዳዪታ።

32 ትምቢትያ ኦድያዋንቱ እምታይ ኡንቱንቶ
 አዛዘቱ።

33 እያወ ጎጥ። ጸሳይ ሳርተላ ጸሳጥ እትን።
 ጫቡዋ ጸሳ ግድና።

ጌሻቱ ዋሳ ጎለቱዋ ኡባን።

34 ማጫዋንቱ ሸቂዋ ጋርሳን ጮኡ ገኖ።
 እያወ ጎጥ። አይሁዳቱዋ ህጊ ግያዋዳንካ
 ኡንቱንቱ ሞደታናጥ እትን። ሸቂዋ ጋርሳን
 ሃሳያናወ ኡንቱንቶ ማት ባዋ።

35 ማጫዋንቱ ሸቂዋ ጋርሳን ሃሳይያዋ ፖኮ
 ግድያ ድራወ። እየንቶ ኤራናወ ኮዮጥን ሶይን
 ባረንቱ አሰና ኦቶኖ።

36 ጸሳ ቃላይ ኮይር ሀንተጥ ዬዴ? ዋይ
 ሀንተ ጸላላኮ ዬዴ?

37 ኡንን ባረና ናብያ ዋይ ጸሳ እያናይ ደእያ
 አሳ ያጌደ ቆፖጥ። ታን ሀንተንቶ ጸፍያዊ ጎዳ
 አዛዘዋ ግድያዋ አኩኮ።

38 ሽን ኡንን አኩካና ቆየጥ። አኩኮፖ ባሽ አጎ።

39 ሄዋ ድራወ። ታናዳን እማንያዋንቶ።
 ትምቢትያ ኦዳናወ ሎይላ እምትተ። ቃይ ደማ
 ደማ ቃላን ሃሳይያዋካ ድጎጥተ።

40 ሽን ኡባባይካ ዋጋንካ ማራን ሀኖ።

15

ክርስቶስ ሀይቁዋጥ ደንዴዳባ

1 ታናዳን እማንያዋንቶ። ታን ሀንተንቶ ኦዴዳ
 ሞሽራቹዋ ቃላ ሀንተ አኩዳዋን ቃይ ሀንተ
 እማኑ አን ኤቆዳዋ ሀንተንታ ቆፈላይ።

2 ሀንተንቱ እማኑ ሙላ ግዳና ቆየጥ። ቃይ
 ታን ሀንተንቶ ኦዴዳ ቃላ ሎይላ ኦይቆጥ። ሀንተ
 ሄ ሞሽራቹዋ ቃላን አቲድታ።

3 እያወ ጎጥ። ታን ቃይ አኩዳዋ ኡባባጥ አጲደ
 ኮሽያዋ ካሰታይ ሀንተንቶ እማኖ። ሄዋ አዬ
 ጎጥ። ጸሳ ማጸፋይ ግያዋዳን። ክርስቶስ ኑ ናጋራ
 ድራወ

4 ሀይቁደ ሞገቲዳ። ጸሳ ማጸፋይ
 ግያዋዳንካ። ሄዘንልያ ጋላስ ሀይቁዋጥ

5 ደንዲደ። ጸጽርሳወ ቆንጩዳ። ሄዋጥ
 ጉይያን። ባረ ከቲዳ ታማን ላእቶ ቆንጩዳ።

6 ሄዋጥ ጉይያን። እቹሹ ጸቱዋጥ ዳርያ ባረና
 ካልያ አሳወ እት ካላ ቆንጩዳ። ኡንቱንቱጥ
 ዳርያ ባጋይ ሀኖ ጋካናሰካ ፓጸ ደእኖ፤ ሽን
 አማራዳዋንቱ ሀይቁድኖ።

7 ሄዋጥ ጉይያን። ያቆባወ ቆንጩዳ፤ ጉየጥ
 ባረ ከቲዳ ኡባቶ ቆንጩዳ።

8 ቃይ ኡባጥ ወርሰላን። ዋዲ ጋከናን የለቲዳ
 ታወካ ቆንጩዳ።

9 እያወ ጎጥ። የሱስ ከቲዳ ኡባጥ ታን ላፋ፤
 ታን ጸሳ ዋሳ ጎልያ ዋይሴዳ ድራወ። የሱስ
 ከቲዳዋ ጌተታይ ጸሰታናወካ በሰከ።

10 ሽን ጸሳ እጾ ከካተላን ታን ታናካ። ቃይ
 ታወ እ እማዳ እጾ ከካተላይ ሙላ ግድቤና፤
 ሽን ታን ኡንቱንታ ኡባጥ አላደ ኦላድ። ሽን ታናና
 ደእያ ጸሳ እጾ ከካተላይ ኦሌዳጥ እትን። ታና
 ግድካ።

11 ሰም ታና ግድገካ። ዋይ ኡንቱንታ ግድገካ።
 ኑን ኡባይ ኦድያዋ ሀዋ፤ ሀንተንቱካ ሀዋ
 አማኔድታ።

አሳይ ሀይቁዋጥ ደንዴናባ

12 ክርስቶስ ሀይቁዋጥ ደንዴዳዋ ኦድያዋ
 ግድገካ። ሀንተንቱጥ እት እት አሳቱ ያትና ዋቲደ።
 “ሀይቁዳ አሳይ ሀይቁዋጥ ደንዴና” ያገኛ?

13 ሀይቁዳ ኡራይ ሀይቁዋጥ ደንዴቤናዋ
 ግድገካ። ያትና ሄኮ ክርስቶስካ ሀይቁዋጥ
 ደንዴቤና ግያዋ።

14 ክርስቶስ ሀይቁዋጥ ደንዴቤናዋ ግድገካ።
 ያትና ኑን ኦድያዋካ ሙላ፤ ቃይ ሀንተ እማኑካ
 ሙላ።

15 ቃይ ኑን። “ክርስቶስ ሀይቁዋጥ ደንዴዳ”
 ያገኛ ጸሳባ ማርካቲዳ ድራወ። አ ዋርዶ

14:21 ኢሳ. 28:11-12 15:3 ኢሳ. 53:5-12 15:4 ማዘ. 16:8-10፤ ማቶሳ 12:40፤ ኪታ 2:24-32 15:5
 ማቶሳ 28:16-17፤ ማር. 16:14፤ ሉቃሳ 24:34፤ 36፤ ዮሃ. 20:19 15:8 ኪታ 9:3-6

ማርካቱዋ ግዲደ ቤቱደ። ሽን ሀይቄዳዋንታ ሀይቄዋፕ እ ደንሰቤናዋ ግደፕ። ክርስቶሳካ ደንሰቤና።

16 እያዉ ጎፕ፡ ሀይቄዳዋንቱ ሀይቄዋፕ ደንደናዋ ግደፕ፡ ሰም ክርስቶሳካ ደንደቤና።

17 ክርስቶሳ ሀይቄዋፕ ደንደቤናዋ ግደፕ፡ ህንተ አማኑካ መላ፤ ቃይ ህንተ ሀዋ ጋካናዉካ ናጋራና ደኢታ።

18 ሰም ክርስቶሳ አማኒደ ሀይቄዳዋንቱካ ቃይ ቆይድና ግያዋ።

19 ኑን ሀ ደኡዋ ጸላላዉ ክርስቶሳን ሀድቲዳ * ግደፕ፡ ሀ አላምያን ደእያ አሳ ኡባፕካ ኑባይ ሎኤና።

20 ሽን ክርስቶሳ ሀይቄዳዋንቱ ደንደ ባይራ ግዲደ፡ ሀይቄዋፕ ደንደዳዌ ቱማ።

21 እያዉ ጎፕ፡ ሀይቄ እት አሳ ባጋና ሀ አላምያ ዬዳ፡ ሀይቄዳዋንቱ ደንደካ ቃይ እት አሳ ባጋና ዬዳ።

22 እያዉ ጎፕ፡ አሳይ ኡባይ አዳማና እትፕተላ መዴዳ ድራዉ ሀይቄዳዋዳን፡ ክርስቶሳና እትፕተላ መዴዳ ድራዉ፡ ኡባይ ደኦ ደንደና።

23 ሽን ኡባይካ ባረ ካላን ካላን ደንደና። ክርስቶሳ ኡባፕ ካሰቲደ ደንደዳ፤ ሄዋፕ ጉይያን፡ ክርስቶሳዋንቱ ክርስቶሳ ይያ ዎደ ደንደና።

24 ሄዋፕ ጉይያን፡ ክርስቶሳ ማታ ኡባ፡ ጎዳተላ ኡባን ዎልቃ ኡባ ቆይሲደ፡ ጸሳዉ ባረ አቦ ካዉተላ እምያ ዎደ፡ ዎድያ ዉርሰላይ ያናዋ።

25 እያዉ ጎፕ፡ ጸሳይ አ ሞርከቱዋ ኡባ አ ገድያፕ ጋርሳና ዎላና ጋካናዉ፡ ክርስቶሳ ሞዳናዉ በሴ።

26 ኡባፕ ዉርሰላን ቆይደ ደእያ ሞርከ ሀይቄዋ።

27 እያዉ ጎፕ፡ ጸሳ ማጸፋይ፡ “ጸሳይ ኡባባ አ ገድያፕ ጋርሳና ዎላደ ሞድሴዳ” ያኑ። ሽን ኡባባ አ ገድያፕ ጋርሳና ዎላደ ሞድሴዳ ግያ ዎደ፡ ኡባባ ኦሌዳ ጸሳፕ አትን፡ የኮ ኡባይ ሞደቲዳ ግያዌ ቆንጬ።

28 ሽን ኡባባይ ክርስቶሳዉ ሞደቲዳዋፕ ጉይያን፡ ክርስቶሳ ቃይ ባረ ሀ-ጸዉ ኡባባ ባረና ሞድሴዳ ጸሳዉ ሞደታና። ጸሳይ ቃይ ኡባባ ዉርሲደ ሞዳና።

29 ሄዋ ግዳና ቆየፕ፡ ሀይቄዳዋንቱ ኮታ ጸማቀትያዋንቱ እያ አሊና? ሀይቄዳዋንቱ ኡባካ ደንደናዋ ግደፕ፡ አሳይ ሀይቄዳዋንቱ ኮታ እያዉ ጸማቀቲ?

30 ያትና፡ ኑን ኡባ ዎደ እያዉ ሀሳየና መቱዋን ገሌቶ?

31 ታናዳን አማንያዋንቶ፡ ታን ኑ ጎዳ ክርስቶሳ የሱሳን ታዉ ደእያ ህንተናን ጨቀታደ፡ ጋላሳን ጋላሳን ሀይቃይ።

32 ታን ኤፈሶንን አሳ ቆፋዳን ዴእና ባጸቲዳዌ ታና እያ ማዲ? ሽን ሀይቄዳዋንቱ ሀይቄዋፕ ደንደናዋ ግደፕ፡

“ሰም ሞይተነ ኡሸይተ፤

እያዉ ጎፕ፡ ኑን ዎንት ሀይቃና” ግያዋ ማላ።

33 ጭመቶፕተ፤ ኢታ ላገተላይ ሎኦ ሀናታ ባይዜ።

34 ጽሎተላኮ ሰምተ። ናጋራ ኦላፕተ። ህንተንቱፕ እት እት አሳይ ጸሳ ኤረና፤ ታን ሀዋ ህንተንታ ዬላያናዉ ጋይ።

ሀይቄዋፕ ደንደዳ ቦላ ሀናታ

35 ሽን እት አሳይ፡ “ሀይቄዳ አሳይ ዋኒደ ደንዳኔ? ኡንቱንቱ እያ ማላ ቦላና ያኔ?” ያገናን አገና።

36 ኔና ኤያዉ፡ ኑን ጋድያን ዘርያ ዘረላይ ሀይቄናን ሞከና።

37 ኑን ዘርያዌ ዛርጋ ግድና ዎይ ሀራ ቆሞ ካላ ግድና፡ አይፍያ ጸላላፕ አትን፡ ላም ደሊደ ከሰያዋ ግደና።

38 ሽን ጸሳይ ዘረላዉ ባረ ደሴዳ ቦላ እሜ፤ ቃይ ዘረላ ኡባዉካ ሀ-ጸያን ሀ-ጸያን ኡንቱንቱ ቦላ እሜ።

39 መፍታ ኡባ አሹ እቱዋ ግደና። ሽን አሳ አሹ እቱዋ፤ መሀያ አሹ ዲማ፤ ካፋቱዋ አሹካ ዲማ፤ ቃይ ሞልያ አሹካ ዲማ።

40 ቃይ ሳሉዋ አሳተላቲነ ሳኦ አሳተላቲ ደኢና። ሽን ሳሉዋ ቦላ ቦንቹ ዲማ፤ ቃይ ሳኦ ቦላ ቦንቹ ዲማ።

41 አዋይፍያዉ አ ሀ-ጸ ቦንቹ ደኤ። አገናዉካ አ ሀ-ጸ ቦንቹ ደኤ። ቃይ ጸልንታቶካ ዲማ ቦንቹ ደኤ፤ እያዉ ጎፕ፡ እት ጸልንቲ የኮ ጸልንትያፕ ቦንቹዋን ዲማቱ።

42 ቃይ ሀይቄዳዋንቱ ሀይቄዋፕ ደንደያ ዎደ ሄዋዳን ሀናና፤ ሀይቄያ ቦላይ ሞገቲደ፡ ሀይቄና ቦላ ግዲደ ደንደና።

43 ቦላይ ቶሽያን ሞገቲደ፡ ቦንቹዋን ደንደና። ቃይ ዳቡራን ሞገቲደ፡ ዎልቃን ደንደና።

44 መፍታ ቦላይ ሞገቲደ፡ ጌሻ አያናን ካለሰትያ ቦላ ግዲደ ደንደና። መፍታ ቦላይ ደኦፕ፡ ቃይ ጌሻ አያናን ካለሰትያ ቦላይካ ደኤ።

45 ሀዋዳንካ፡ ቃይ ጸሳ ማጸፋን፡ “ኮይሮ ብታኒ፡ አዳም፡ ፓጸ ደእያ አሳ ግዲደ መፍቲዳ” ያኑ። ሽን ዉርሰላ አዳም ደኡዋ እምያ አሳ ግዲዳ።

46 ሽን መፍታ አሳይ ኮይሮ ዩና፡ ጌደፕ አያና አሳይ ዬዳፕ አትን፡ አያናዌ ኮይሮ ይቤና።

47 ኮይሮ አዳም ቢታፕ መፍቲዳ፤ እ ቢታፕ መፍቲዳዋ። ላኤንሉዋ አዳም ሳሉዋፕ ዬዳ።

48 ሀ ሳኦ አሳቱ ቢታፕ መፍቲዳዋ ማላቲና። ቃይ ሳሉዋ አሳቱ ሳሉዋፕ ዬዳዋ ማላቲና።

49 ኑን ቢታፕ መፍቲዳዋ ማላ ማዬዳዋዳን፡ ሳሉዋፕ ዬዳዋ ማላካ ቃይ ማያና።

50 ታናዳን አማንያዋንቶ፡ ታን ግያዌ ሀዋ፤ አሹኑ ሱላይ፣ ጸሳ ካዉተላ ላታና ዳንዳየና። ቃይ ዎቆያዌ ዎቀናዋ ላተና።

51-52 ሰሰተ! ታን ህንተንቶ እትባ ጹራይ። ኑን ኡባይ ሀይቆኮ። ሽን ዉርሰላ ጸራምባይ

* 15:19 ሀድታ፡ ክርስቶሳን ኑ ዎሌዳ ኑ ኡባ ሀድታይ፡ ሀ አላምያን ደኡዋ ግደፕ፡ ሀ አላምያን ደእያ ሀራ አሳቱዋ ኡባፕካ ኑባይ እጂደ ኢታ፡ ጉሳ። 15:25 ማዝ. 110:1 15:27 ማዝ. 8:6 15:32 ኢሳ. 22:13 15:45 ደመላ 2:7 † 15:50 ሀ ሳኦ ቦላ ደኢደ አሳይ ማዬዳ አሹዋነ ሱላ፡ ጉሳይ ሀ አላምያ አሳተላ ጉሳ። 15:51-52 1 ተሰ. 4:15-17

ጉዳት ያደፈፈ ልጅ ደግሞ ጸላናው ዋዛና አገልግሎት ላይ ለመታገድ። አያው ጎጥ፡ ጸረ-ምባይ ጉዳት ያደፈፈ፡ ሀይቁዳ አሳይ ዋቀና አሳ ግዲደ ደንዳና፤ ኑንካ ለመታገድ።

53 አያው ጎጥ፡ ሀይቁዳ ዋቀናው ማያናው በሴ፤ ቃይ ሀይቁዳ ሀይቁናው ማያናው በሴ።

54 ሽን ሀይቁዳ ዋቀናው ማያና ያደፈፈ፡ ቃይ ሀይቁዳ ሀይቁናው ማያና ያደፈፈ፡ ሄ ያደፈፈ፡ ጸሳ ማጻፋይ፡

“ሀይቁ ጸንቲደ ሞተቲዳ።

55 ሀይቆ፡ ነ ይሻይ ሀቃኔ?

ሀይቆ፡ ነ ጸኑ ሀቃኔ?”

ጌዳ ቃላይ ፖለታና።

56 ሀይቁ ዲክያ ዋልቃ ናጋራፕ ደሜ፤ ቃይ ናጋራይ ዋልቃ ሀግያፕ ደሜ።

57 ሽን ኑ ጎዳ የሱስ ክርስቶሳ ሳጋና ኑና ጸንሰያ ጸሳ ጋላታይ ጋኮ።

58 ታን ሲቅያ ታናዳን አማንያዋንቶ፡ ሄዋ ድራው፡ ቃጸናን ምን ኤቂተ። ህንተንቱ ዳቡራይ ጎዳ ሳጋና መላ ግደናዋ ኤሪደ፡ ኡባ ዋደ ጎዳ ኦሱዋ አዛላናን አላተ።

16

የሩሳላመን ደእያ አማንያ አሳው ሺቄዳ ሚሻ ማዲዋ

1 ጸሳ አሳቶ ሚሻ ሺሻናው ጋላትያን ደእያ አማንያ አሳቶ ታን ቃላ ገሌዳዋዳን፡ ህንተንቱካ ቃይ ሄዋዳን አላተ።

2 ህንተንቱ ታን ያ ብያ ያደፈፈ፡ ሚሻ ሺሻና ማላ፡ ህንተ ኡባይ ዋጋ ጋላስ ጋላስ፡ ህንተ ደምያ ኮናፕ ህንተ ጎላን ዳጋይተ።

3 ታን ያ ጋክያ ያደፈፈ፡ ህንተ አማንያ አሳ ኦና ግደፕ፡ ህንተ አሜዳዋ ጋላና ማላ፡ ዳብዳቢያና ኡንቱንታ የሩሳላመ ኪታና።

4 ቃይ ታን ኡንቱንቱና ሳናው ኮሾፕ፡ ኡንቱንቱ ታናና እትፕ ሳናዋንታ።

ጳውሎሳ ቆፋቱዋ

5 ታን ማቅደንያና አጳአደ፡ ህንተንቱኮ ሳና፤ አያው ጎጥ፡ ታን ማቅደንያና አጳይ።

6 ታን ብያሳ ሀቃ ግደፕ፡ ታ ቡሳን ህንተ ታና ማዳና ማላ፡ ህንተ ማታን አማራዳ ዋድያ ጋምኤናን አግከ። ዋይ ባልጉዋካ ህንተ ማታን ሻጨናን ዋያ አጋና።

7 አያው ጎጥ፡ ታን ሀእ ያና አጳአደ ሄ ኦግያና ህንተንታ በአናው ኮይከ። ጎዳይ ጎጥ፡ ህንተ ማታን አማራዳ ዋድያ ታካናው ቆፓይ።

8 ሽን ታን ጳንጸቆስተ ግያ ጋላሳይ ጋካናው ኤፈሶን ጋምኤና።

9 ታው ኦሱ ኩሜዳ አኮ ፕንጊካ ያን ደየቲዳ። ቃይ ታው ጮራ ሞርከቱ ደእኖ።

10 ጽሞቶስ ህንተንቱኮ ዮፕ፡ ህንተ ማታን አ ያየናን ደአናዳን፡ አ ሎይሳ ኦይቂተ። አያው ጎጥ፡ እካ ቃይ ጎዳ ኦሱዋ ኦሴ።

11 ሄዋ ድራው፡ ኦንነ አ ካጶፖ። ሽን እ ታኮ ሳር ሰማና ማላ፡ አ ማዲደ ሳርተላን ሞይዘተ። አያው ጎጥ፡ ታን እ እሻቱዋና ሰማናዋ ናጋ ኡታድ።

12 ሽን ኑ እሻ አጲሎስ የኮ እሻቱዋና ህንተንቱኮ ሳና ማላ፡ ታን እ ምንሳ ዋሳድ። ሽን ሀእ ህንተንቱኮ ሳናው ኮይቤና፤ እ ሳርው ሚክያ ዋደ ህንተንቱኮ ሳናዋ።

ዉርሰላ ዞርያን ሳርታ

13 ቤጎትተ። አማኑዋን ምን ኤቂተ። ጸልተ። ጎብተ።

14 ኦሱዋ ኡባ ሲቁዋን አላተ።

15-16 ታናዳን አማንያዋንቶ፡ እስጽፋኖስነ አ ሶይ አሳይ ግሪከን ኮይሮ አማኔዳዋንታ ግድያዋን ጸሳ አሳቶ ኦላናው ሳርንታ አሜዳዋ ህንተ ኤሪታ። ህንተንቱካ ኡንቱንቱ ማላ አሳው፡ ኡንቱንቱና አላያ ኡባው ዳቡርያ ኡባው ኤኖ ጋናዳን፡ ታን ህንተንታ ዋሳይ።

17 እስጽፋኖስ፡ ፓርደናጽሰነ አካይቆስ ህንተ ሳይናሳን ታና ቦራሰሰቤና ድራው፡ ኡንቱንቱ የሳን ታን ናሽታይ።

18 ኡንቱንቱ ህንተንታ አያናን ምንሴዳዋዳን፡ ታናካ አያናን ምንሴዳ ድራው፡ ሄዋንቱ ማላ አሳቱዋ ደጎፕተ።

19 ኢሰያን ደእያ አማንያ አሳይ ህንተንታ፡ “ሳሬ፡ ሎኤ” ገኖ። አቂላይነ ጽርሰቂላ ሳርንቱ ሶይን ሺቅያ ዋሳ ጎላ አሳናካ ህንተንቶ ጎዳ ሳርታ ዋዛናፕ ኪቲኖ።

20 እሻቱ ኡባይ ህንተንቶ ሳርታ ኪቲኖ።

እቱ እቱዋና ጌሻ የረታ የረቲደ ሳርተትተ።

21 ታን ጳውሎስ ሀ ሳርታ ታ ኩሽያን ጸፋድ።

22 ጎዳ የሱስ ክርስቶሳ ሲቁና አሳይ ደኦፕ፡

እ ሸቀቲዳዋ ግድ። ኑ ጎዳው፡ ሃያ።

23 ጎዳ የሱስ ክርስቶሳ አጶ ኬካተላይ ህንተንቱና ግድ።

24 ክርስቶሳ የሱሳን ደእያ ህንተንቱ ኡባና ታ ሲቁ ግድ። አመንእ።

ጳውሎስ ቆርንቶሳ አሳው ጳጳሩ ላኬንሶ ኪታ ገሉዋ

ጳውሎስ ቆርንቶሳ አሳው ጳጳሩ ላኬንሶ ኪታይ ጳጳሩዎቹ፣ ጳውሎሳው ቆርንቶሳን ደገፊ እማንያ አሳና ደገፊ ጋከላይ ዳር መቼዋ ግደ ገል ኡቲዳ ዋድያና። እት እት እማንያ አሳቱ እት እት ቶሽያ ጳውሎሳ ሰላ ዋሌድኖ፤ ግደፒን ጳውሎስ ሰጋተላ መጻፍው ላሞታይ ባረው ደገፊና ሰሪደ፣ ሄዋ ሀንያ ዋደ ዋልቃማ ናሽቻ ናሽታናው ዳንዳይያዋ ቆንጭሴ።

ሀ ኪታ ኮይሮ ደመላን ጳውሎስ ቆርንቶሳን ደገፊ እማንያዋንቱና ባረው ደገፊ ጋከተላ ቆንጭሴደ፣ እማንያዋንቱ ግደን ደንዴዳ ቶሽያሰነ ጳልቀላው፣ እ ኡንቱንቶ እያው ሞኖ ዛሩዋ እሚደንቶ ኦዴ። ሄዋናካ ጋሊደ ሀዌ አ ሴራይ ኡንቱንታ ናጋራፕ ሰማዉን ሰጋተላው ካለፉዳ ድራው፣ ሰስቲዳ ናሽቻ ኡንቱንቶ ቆንጭሴ። ካለደ ቃይ ይሁዳን ደገፊ እማንያዋንታ ማድያዋ ባረንቱዋፕ ጮ እማና ማላ፣ ኡንቱንታ ሀሳይሴ። ወርሰላ ሽምጋቱዋን ጳውሎስ የሱሳፕ ኪተቲዳዋ ግድያዋ ሰላ ሸቄዳ ሞቶ ዛሩዋ ቃላ እሚ። እያው ጎፕ፣ ቆርንቶሳ እማንያዋንቱ ግደን እት እት አሳቱ ባረንታ ቱሙ የሱሰ ኪቲዳዋንታ ከሲደ፣ “ጳውሎስ የሱሰ ኪቲዳዋ ግደና፤ እ ዋርዳዋ” ያገደ፣ አ ሞቲኖ።

ሽምጋቱዋ ኡባቶ እመቲዳ ቃንሳ ቆፋቱዋ
ኡባፕ ሰንሳትያ የወዋ 1:1-11
ጳውሎሳን ቆርንቶሳን ደገፊ እማንያዋንታ 1:12—7:16
ይሁዳን ደገፊ እማንያዋንቶ እመቲዳ ማዲዋ 8:1—9:15
ጳውሎስ ባረ ኪተቲዳ ማታው ኤቀታናው ሺሼዳ ቃላ ማርካ 10:1—13:10
ወርሰላ ቁትያ 13:11-14

1 ታን ጳውሎስ፣ ጳሳ ሽንያን፣ ክርሰቶስ የሱሰ ኪቲዳዊነ ኑ እሻይ ጽሞቶስ ጳሳው ጎይንያ ቆርንቶሳ ካታማን ደገፊ እማንያዋንቶን አካይያን ደገፊ ጳሳ ናናቶ ሀ ዳብዳቢያ ጳጳሩ።
2 ጳሳ ኑ አወዋፕን ጎዳ የሱሰ ክርሰቶሳፕ፣ አዶ ኬካተላይነ ሳርተላይ ሀንተንቶ ግድ።

ጳውሎስ ጳሳው ሺሼዳ ጋላታ
3 ጳሳ ኑ ጎዳ የሱሰ ክርሰቶሳ አወዋ፣ ማርተላ አወዋን መንግሥቱዋ ኡባ ጳሳ ጋላታይ ጋኮ፤
4 ጳሳይ ኑና ኑ ሁጳው መንግሥቱዳ መንግሥቱዳን፣ ዳር ዋይያ ዋየትያዋንታ ኑንካ መንግሥቱዳን፣ ኑ ዋይያ ኡባን እ ኑና መንግሥቱ።
5 እያው ጎፕ፣ ኑን ክርሰቶሳ ባጋና ዳር ዋይያ ዋየትያዋዳን፣ ሄዋዳንካ፣ ቃይ ኑና አ ባጋና ዳር መንግሥቱዋን መንግሥቱ።

6 ኑን ዋየቶፕ፣ ሄዋ ሀንተና መንግሥቱዳን ሀንተና እሻናሳ፤ ቃይ ኑን ሞንቶፕ፣ ኑን ዳንዳይዳ ዋይያ ማላ ሀንተካ ገንጨደ ዳንዳያና ማላ፣ ጳሳይ ሀንተውካ ቃይ መንግሥቱዋን ዳንዳያ እማናሳ።

7 ሀንተ ደማና ገደ፣ ሀድታን ናግ ኡቲዳዋ ዳር ሞና፤ እያው ጎፕ፣ ሀንተ ኑናና ዋየቲዳዋዳን፣ ሄዋዳን መንግሥቱዋ ኑናና አካናዋ ኑን ኤሬቶ።

8 ኑ ኑናዳን ጳሳ ካልያዋንቶ፣ ኑን ኢሰያ ጋድያን ዋየቲዳ ዋይያ ሀንተና ሀሳይሳናው ኮዬቶ፤ ኑ ዋዩ ኑ ዋልቃፕ ዳርና፣ ኑና ዋዴ ገደ፣ ሀርጋና ጋካናው፣ ኑና ዋጋይ ባይናዋ ዴጾዳ።

9 ኑን ኑ ሰላ ሀይቁዋ ፕርዳይ ፕርደቲዳ ያገደ ቆፕደ፤ ሽን ሄዋ ሀይዳዋ ሀይቁዳ አሳ ሀይቁዋፕ ደንሰያ ጳሳን ኑን እማንታናፕ አትን፣ ኑ ሁጳያን እማንተናደና።

10 ጳሳይ ሀዋ ማላ ኢታ ሀይቁዋፕ ኑና አሼዳ፤ እ ኑና እሻና፤ ሰንሳፕካ እ ኑና እሻናዋ ገደ፣ ሀድታን ናግ ኡቲዳ።

11 ሀንተ ዋሴዳ ዳር ዋሳን ኑው አንጂ ሰሚዳ ድራው፣ ዳር አሳይ ኑ ድራው ጳሳ ጋላታና ማላ፣ ሀንተካ ቃይ ኑና ዋሳን ማዳና ኮሼ።

ላመቲዳ ጳውሎሳ ቆፋ
12 ኑን ጨቀትያዋ ሀዋ፤ ሀ ሳኣን ኑን ደገፊ ደኡ፣ ኡባ ቃይ ሀንተናና ኑው ደገፊ እትተላሳይ ጳሳ አዶ ኬካተላናፕ አትን፣ አሳ አዴዳ ኤራተላና ግደናዋ፣ ቃይ ጳሳይ እሚዳ ጌሻተላንነ ሱራተላን ኑን ደገፊዋ ዋዛና ቆፋይ ኑው ማርካቲ።
13-14 እያው ጎፕ፣ ሀንተ ናባባናውን አከካናው ዳንዳይያዋ ጳላላ ሀንተንቶ ጳፍያዋፕ አትን፣ ኑን ሀራባ ሀንተንቶ ጳፍኮ። ኑ ጎዳ የሱሳ ጋላስ ኑን ሀንተናን ጨቀታናዋዳን፣ ሀንተካ ኑናን ጨቀታና ማላ፣ ሀንተ ሀእ ወርሰ አከከና የወዋ ግድን ወርሰ አከከና ጋይ ቆፕይ።

15 ሄዋ ታን ሎይላ ኤሬዳ ድራው፣ ሀንተ ላኡ ገደ ጎኤታና ማላ፣ ኡባፕ ካሰታደ ሀንተኮ ባናው ቆፋ ቃቻድ።

16 ታን ማቅደንያ ባደ ሀንተናና ጋከታናዋን ቃይ ያፕ ሰማደ ሀንተ ማታና ይሁዳ አድሽን፣ ሀንተ ታና ማዳናዋ ቆፕ ኡታድ።

17 ሄዋ ድራው፣ ታን ሄዋ ቆፕደ ታናን እማንትቦይክታ? ታን ታ ቆፋ ቃቻያ ዋደ፣ ሳኣ አሳዳን እት ኩላን፣ “ኤ፣ ኤ” ዋይ፣ “ግደና፣ ግደና” ጋናው ገጋ ኡታድታ?

18 ሽን ጳሳይ እማንቲዳዋ ግድያዋ ቱማ ግድያዋዳን፣ ኑን ሀንተንቶ ኦድያ ቃላይ “ኤ” ግያዋን “ግደና” ግያዋ ግደና።

19 እያው ጎፕ፣ ታን፣ ሰላሰነ ጽሞቶስ ሀንተ ግድን ኦዴዳ ጳሳ ናኣይ፣ የሱሰ ክርሰቶስ “ኤ” ግያዋፕ አትን፣ “ግደና” ግያዋ ግደና። ሽን ጳሳ ባጋና እ ኡባ ዋደካ “ኤ”።

20 እያው ጎፕ፣ ጳሳይ እማና ጌዳባው ኡባው ኤኖ ጌዳዋ ክርሰቶሳ ባጋና ፖለታና፤ ሄዋ ድራው፣ ኑን ክርሰቶሳ ባጋና ጳሳ ሰንቾ፣ እመንእ * ጌቶ።

21 ጳሳይ ክርሰቶሳ ባጋና ኑናን ሀንተና መንግሥቱን ኮሼ።

* 1:20 እመንእ- “እመንእ” ግያ ቃላይ ሀዋን “ኤ” ያገትያ ብለላ ኦይቁ።

22 ኩን አዎ ግድያዎ ኤርሰያ ማታፋ እ ኑ ቦላ ዋሊደ፡ ባረ ጌሻ አያና ዋሰያዳን፡ ኑ ዋዛና ግድን ዋሴዳ።

23 ቃይ ታን ቆርንቶሳ ቤናን አጌዳዌ ህንተና ቆሄናዳና። ሄዋ ዋርዶ ግደፕ ታና ሙራናዉ ታ ሸዎቸዋን ጸሳይ ማርካ።

24 ኩን ህንተና ናሸቻናዉ ህንተናና እትፕ አላያዋንታፕ እትን፡ ህንተ አማንያዋን ህንተና ጎደታናዉ ኮይያዋንታ ግደኮ፤ አያዉ ጎፕ፡ ህንተንቱ ህንተ አማኑሳን ሞኒደ ደኢታ።

2

1 ታን ላኤንሱዋ ህንተና ካዮየና ማላ፡ ህንተኮ ቤናዳን፡ ታ ቆፋ ቃቻድ።

2 አያዉ ጎፕ፡ ታን ህንተና ካዮይያዎ ግደፕ፡ ሀ ታን ካዮዬዳ ህንተ ታና ናሸቻናፕ እትን፡ ኦኔ ታና ናሸቻናዌ?

3 ታን ህንተንቶ ሄ ዳብዳቢያ ጸፊዳዌ፡ ታና ናሸቻናዉ በሰያ አሳቱዋን ታን ካዮታናዉ ህንተኮ ባናዉ ኮያቤናዋሳ፤ ታን ናሸትያ ዋደ፡ ህንተ ኡባይካ ቃይ ናሸታናዎ ህንተ ኡባን አማንታይ።

4 አያዉ ጎፕ፡ ታን ህንተንቶ ዳር ዋይያንን ቱጋን ቃይ ዳር አፎሳና ጸፊዳዌ፡ ህንተና ካዮያናሳ ግደና፤ ሸን ታን ህንተና ኡባቱዋ አይ ኬና ሲቃይታንቶ ህንተ ኤራናዳና።

ባይዛንቻዉ አቶ ግያዎ

5 ሸን እት ኡራይ ሀራ ካዮዬዳዎ ግደፕ፡ ታን አ የወዋ ዳርሳናዉ ኮይከ፤ እ ህንተና ኡባቱዋ ካዮዬዳፕ እትን፡ ታ ጸላላ ካዮይቤና።

6 ህንተፕ ዳርያ ባጋ አሳይ ሄ ብታንያ ማላ አሳ ሄዋዳን ሙርፕ፡ ሄ ሙራይ አዉ ግዳናዎ።

7 ሄዎ ድራዉ፡ ሄ ብታኒ ሎይሳ ካዮተና ማላ፡ ህንተ አዉ አቶ ጋናዉን አ መንግሳናዉ በሴ።

8 ሄዎ ድራዉ፡ ህንተ አ ሞንሲደ ሲቅያዎ እ ኤራና ማላ፡ ታን ህንተና ዋሳይ።

9 አያዉ ጎፕ፡ ህንተ ታዉ አዛዘታናዉ ኡባ ዋደ ገገ ኡቱድተንቶን ቃይ ፓጭያ ህንተ ዳንዳይንቶ ኤራናዉ፡ ሄ ዳብዳቢያ ህንተንቶ ጸፋድ።

10 እት ኡራይ ናቄዳዎ ህንተ አቶ ግያ ዋደ፡ ታንካ ቃይ አቶ ጋይ፤ ታን አቶ ጌዳዎ ግደፕ፡ አቶ ጌዳዎ አያን ክርሰቶሳ ሰንላን ህንተ ድራዉ፡ አቶ ጋድ።

11 ሴጸናይ ኑኮ ዪደ፡ ኑና ጭመና ማላ፡ ታን አቶ ጋድ፤ አያዉ ጎፕ፡ ኩን አ ቆፋ ኤሬቶ።

ኡራላ ጫቁዎ አሳንቻቱዎ ጸኑዎ

12 ታን ክርሰቶሳ ሞሸራቹዎ ቃላ ኦዳናዉ ጽርኢዳ ቤዳ ዋደ፡ ጎዳይ ያን ታዉ ፕንግያ ዶይ ዋሴዳ።

13 ታን ታ አሻ ቲታ ያን ደማቤና ድራዉ፡ ታዉ አያናይ ሸምፕቤና። ሄዎ ድራዉ፡ ያን ደኢያ አሳ፡ “ሳር ደእተ” ጋደ ማቅዶንያ ባድ።

14 ሸን ክርሰቶሳ ባጋና ኡባ ዋደ ኑና ጸኖ ካለላያ ጸሳ፡ ቃይ ክርሰቶሳ ትምርትያ ኑ ባጋና ሸቱዋዳን፡ ኡባሳ ጋላያዎ ጋላታይ ጋኮ።

15 አያዉ ጎፕ፡ ኩን አትያ አሳ ግዲዋንን ጳይያ አሳ ግድን ክርሰቶሰ ጸሳዉ ያርሸያ ሳዉዎ ቶሸኩ ግያ ሸቱዎ ማላ።

16 ኩን ጳይያዋንቶ ዜኢያ ሀይቁዋ፤ ቃይ አትያዋንቶ ደኡዎ እምያ ሳዊያ ሸቱዋ፤ ያትና፡ ሄዎ ኦላናዉ ዳንዳይያዌ ኦኔ?

17 ኩን ጸሳ ቃላ ገሎባዳን፡ ዋላኪደ ዛልአያ ሀራ ጮራ አሳቱዎ ማላ ግደኮ፤ ሸን ጸሳይ ኑና ኪትና፡ አማንቲደ ጸሳ ሰንላን ክርሰቶሳ ባጋና ቃላ ኦዴቶ።

3

ጸሳ ኡራላ ጫቁዎ

1 ኩን ሸረቲደ፡ ኑ ሀጺያ ሳባናዉ ደሜዶዬ? ዋይ ሀራ አሳቱዋዋዳን፡ ሳባ ዳብዳቢያ ህንተንቶ የዳናዉ ዋይ ህንተፕ አካናዉ ኮዬቶ?

2 ህንተንቱ ህንተ ሀጺያን አሳይ ኡባይ ኤራናዳንን ናባባናዳን፡ ኑ ዋዛናን ጸፊት ኡቱዳ ኑ ዳብዳቢያ።

3 ሀ ዳብዳቢያ ክርሰቶሰ ባረ ሀጺያን ጸፊደ፡ ኑ ቦላ ኪቱዳዌ ቱማ፤ ሀ ዳብዳቢ ደኡዎ ጸሳ ጌሻ አያናን አሳ ዋዛናን ጸፊቱዳዋፕ እትን፡ ሹቻ ቦላ ቃላምያን ጸፊትቤና።

4 ኑዉ ክርሰቶሳ ባጋና ጸሳን ሀዋ ማላ አማኑ ደኤ።

5 ኑ ዳንዳይያ ጸሳፕ ይያዋፕ እትን፡ ሀ ኦሱዋ ኩን ኑ ሀጺያን ኦላናዉ ዳንዳይቶ ግያዌ ኑዉ አያይን ባዎ።

6 ኩን ኡራላ ጫቆ ኦላና ማላ፡ ጸሳይ ኑና ዳንዳይሴዳ፤ ሄ ኡራላ ጫቆ ጌሻ አያናዋፕ እትን፡ ጸፊቱዳ ሀግያዎ ግደና። ጸፊቱዳ ሀጊ ሀይቁዎ አሄ፤ ሸን ጌሻ አያናይ ደኡዎ አሄ።

7 ሹቻ ዋጪደ ጸፊዳ ሀጊ እመትያ ዋደ፡ ጸሳ ቦንቹ ቤቱዳ፤ ሙሴ ሶምእያን ደኢያ ጸለላይ ጳይያዎ ግደፕካ፡ ሄ ጸለላይ ዳር ዋልቃማ ግድያ ድራዉ፡ እሰራኤልያ አሳይ አ ሶምእያ ትሸ ኦሳ ጸላናዉ ዳንዳይቤና። ሀይቁዎ አህያ ሀጊ ኦሳያ ኦሱ ሀዋ ማላ ቦንቹዋና ይያዎ ግደፕ፡

8 ጌሻ አያናይ ኦሳያ ኦሱዋ ቦንቹ አይ ኬና ዳራኔ?

9 አያዉ ጎፕ፡ አሳይ ፕርዳ አክያ ኦሱ ቦንቹ ግደፕ፡ አሳይ ጽልያ ኦሱዋ ቦንቹ ዋኒደ ዳራንዴሻ?

10 አያዉ ጎፕ፡ ካሰ ቦንቹ ሀእ ባረፕ ሎይሳ አድያ ቦንቹዎ ጋሱዋን ቦንቹዎ ጳይዳዌ ቱማ።

11 አያዉ ጎፕ፡ ሄ ጳይዳዋን ቦንቹ ደኢያዎ ግደፕ፡ መድናዉ ደኢያዋን አይ ኬና ዋልቃማ ቦንቹ ደኢንዴሻ?

12 ኩን ህደታን ናግያ ሀዋ ማላባይ ኑዉ ደኢያ ድራዉ፡ ቆንጭያን ጸሊደ ሃሳዬቶ።

13 እሰራኤልያ አሳይ ጳይያ ቦንቹዎ ወርሰላ በኤና ማላ፡ ባረ ሶምእያ ናጸላን ካሜዳ ሙሴ ማላ ግደኮ።

14 ሸን ኡንቱንቱ ዋዛናይ ደንጭሌዳ፤ አያዉ ጎፕ፡ ኡንቱንቱ ኤጫ ጫቁዎ ናባቢያ ዋደ፡ ሀቹ ጋካናዉካ፡ ሄ ናጸላይ ኡንቱንቱ ዋዛና ካም

ዎሌዳ፤ ኦን ክርስቶስና ጋክትያ ዎደ ጸላላን ሄ ናጸላይ ክቼ።

15 ሸን ኡንቱንቱ ሙሴ ማጻፋ ናባብያ ዎደ ኡባን ሀቼ ጋካናወካ፣ ሄ ናጸላይ ኡንቱንቱ ዎዛና ካም ዎሌዳ።

16 ሸን ጸሳ ማጻፋይ፣ “ኦን ጎዳኮ ሰምያ ዎደ፣ አወደነ ሄ ናጸላይ ቃረቱ” ያጌ።

17 ጎዳይ ጌሻ አያና። ጎዳ አያናይ ደእያ ሳን አይለተላይ ባዎ።

18 ኦን ኡባይካ ናጸላን ካመትቤና ሶምእያን ጎዳ ቦንቹዎ በአና * ቃይ ጌሻ አያና ግድያ ጎዳጥ ይያ ሄ ቦንቹ ኦና ባረና ማላትሲደ፣ ቦንቹዎጥ ቦንቹ ላማና።

4

ጳውሎስ ባረ ኦሱዋን አማነቲዳ አሳ

1 ሰም ጸሳይ ኦዉ ሀ ኦሱዋ ባረ ማሮተላን ኦላናዳን አሜዳ ድራዉ፣ ኦን ሳለቶኮ።

2 ኦን ጌማን ኦላያ ዩላይያ ኦሱዋ ኡባ አጎይተ፤ ቃይ ገንያ ኦሱዋካ ኦላኮ፤ ዎይ ጸሳ ቃላ ዎርዲዎና ዎላኮኮ። ሄዎዳንካ፣ ቱሙዎ ቆንጭያን ሃሳዪደ፣ ጸሳ ሰንላን ሱረ ዎዛናዉ ኦና ሸሸይተ።

3 ኦን ኦድያ ዎንጋላ ሞሽራቹ ጌሜዳዎ ግድግዳ፣ ጳይያ አሳቱዎ ጸላላዉ ጌሜዳ።

4 ሀ ሳኦ ጸሳይ አማነና አሳቱዎ ቆፋ ጆልሴዳ፤ ክርስቶሳ ቦንቹዎ፣ ዎንጋላ ሞሽራቹዎ ፖኡዎ ባረንቶ ፖእያዎ፣ ጸሳ ማላትያዎ ኡንቱንቱ በኤና ማላ፣ ኡንቱንታ ድጌዳ።

5 አያዉ ጎጥ፣ የሱስ ክርስቶስ ጎዳ ግድያዎን አ ድራዉ ኦን ኦ ሁጲያን ህንተንቶ ቆማ ግድያዎ ኦደቶጥ አትን፣ ኦባ ኦደኮ።

6 አያዉ ጎጥ፣ “ጴማጥ ፖኡ ፖእና” ጌዳ ጸሳይ ኦ ዎዛናን ባረ ፖኡዎ ፖእሴዳ፤ ቃይ አ ባረ ቦንቹ ኤራተላ ፖኡዎ ክርስቶሳ ሰንላን ፖእያዎ ኦዉ አማናዉ ፖእሴዳ።

7 ሸን ኡባጥ አድያ ዎልቃይ ጸሳዎጥ አትን፣ ኦሳ ግድናዎ በሳናዉ ኦዉ ሀ ሞንጃይ ኡርቃጥ ሙጥቴዳ ሚሻ ግዴዳ ኦ ግድን ደኤ።

8 ኦን ኡባ ባጋናካ ኡንኤቴደ፤ ሸን ሙኤረትብይኮ፤ ቃይ እት እት ዎደ ሰዴቶ፤ ሸን ኦ ኡባናካ አግብይኮ።

9 ኦን የደርስቴደ፤ ሸን ጸሳይ ኦና ኦልቤና፤ ቃይ ኦ ሞርከቱ ኦና ኦል አጌድኖ፤ ሸን ኦን ጳይብይኮ።

10 ቃይ የሱሳ ደኤ ኦ አሳተላን ቤታና ማላ፣ ኦን ኡባ ዎደ አ ሀይቁዎ ኦ አሳተላን ቶክ ዩዬቶ።

11 አያዉ ጎጥ፣ ሀይቁያ ኦ አሳተላ ቦላ የሱሳ ደኤ ቤታና ማላ፣ ፓጳ ደእያ ኦን አ ድራዉ፣ ኡባ ዎደ ሀይቁቶ።

12 ሄዎ ድራዉ፣ ሀይቁ ኦ ግድን ኦሌ፤ ሸን ደኤ ቃይ ህንተ ግድን ኦሌ።

13 ጸሳ ማጻፋይ፣ “ታን አማኔዳ ድራዉ ሃሳያድ” ያጌ፤ ሄ አማኔዎ አያናይ ኦዉካ ደእያ ድራዉ፣ ኦንካ አማኔቶ፤ ሄዎ ድራዉ፣ ሃሳዬቶ።

14 ጸሳይ፣ ጎዳ የሱሳ ሀይቁዎጥ ደንሌዳዎ፣ ኦናካ ቃይ የሱሳና ሀይቁዎጥ ደንሌዳ፣ ህንተናና እትጥ ባረ ሰንላ ሸሻናዎ ኤሬቶ።

15 ሀዌ ኡባይ ህንተ ድራሳ፤ ጸሳ አጼ ኬካተላይ ዳር አሳ ጋክያ ዎደ፣ አሳይ ጸሳ ቦንቹ ዳር ጋላታ እማና።

አማኔዎን ደኤሳ

16 ሄዎ ድራዉ፣ ኦን ሳለቶኮ፤ ኦዉ ሀራይ አቶ፣ ቦላ ባጋ አሳተላይ ዎቁንቶካ፣ ጋርሳ ባጋ አሳተላይ ጋላሳን ጋላሳን ኦራዴ።

17 አያዉ ጎጥ፣ ሀእዉ ዎየትያ ሀ ጉላ ዎዪ፣ ኡባጥ ሎይላ ዳርያ መድና ቦንቹዎ ኦዉ ቤትሳና።

18 ኦን ቤተናዎ ጴሎቶጥ አትን፣ ቤትያዎ ጴሎኮ፤ አያዉ ጎጥ፣ ቤትያባይ ሀእሳ፤ ሸን ቤተናዌ መድናዉ ደእያዎ።

5

1 አያዉ ጎጥ፣ ኦን ደእያ ሀ ሳኦ ዲንካኒ ኮለቶጥ፣ ኦዉ አሳይ ኬጽቤና ጎሊ፣ ጸሳይ ኬጽዳዎ፣ ሳሉዋን መድናዉ ደእያዎ ኦን ኤሬቶ።

2 ኦን ሀ አላምያን ደኤደ ዳር ኦሌቶን ሳሉዋን ደኤና ኦ ጎልያ ማያናዉ ሎይላ አሞቴቶ።

3 ኦን ሄዎ ማዪደ፣ ካሎቶኮ፤

4 ኦን ሀ ሳኦ ዲንካንያን ደኤደ፣ ጴጾቲደ ኦሌቶ፤ አያዉ ጎጥ፣ ሀይቁያ አሳተላይ ደኡዎን ሞተታና ማላ፣ ኦን ማያናዉ ኮዬቶጥ አትን፣ ካሎታናዉ ኮዮኮ።

5 ኦና ሀዎ ገግሴዳዌ ጸሳ፤ ቃይ አ ባረ ጌሻ አያና ዎስ ኦሊደ፣ አሜዳዌ አ።

6 ሄዎ ድራዉ፣ ኦን ኡባ ዎደ አማነቲቶ፤ ቃይ ኦን ኦ ጎሊን ሀ አሳተላን ደኤዳ ኬናን፣ ጎዳጥ ሻከቲደ ደእያዎካ ኤሬቶ።

7 አያዉ ጎጥ፣ ኦን አማኔዎን ደኤቶጥ አትን፣ በእያዎን ደኤኮ።

8 ኦና አማነሌ፤ ቃይ ሀ አሳተላን ኦ ጎልያ አግ ጎሊ ቢደ ጎዳና እትጥ ደእያዌ ኦና ናሽቹ።

9 ሄዎ ድራዉ፣ ኦን ቃይ አሹዋን ደእና ደእና ጳይና፣ ኦ ቆፋይ አ ናሽቻናሳ።

10 አያዉ ጎጥ፣ ኦን ሁጲያን ሁጲያን ኦሌዳ ኦሱ ሎአ ግድና፣ ዎይ ኢታ ግድና፣ ኦዉ በሰያዎ አካናዉ፣ ክርስቶሳ ፕርዳ ኦይድያ ሰንላን ኡባይካ ሸቃናዉ በሴ።

አሳ ጸሳና ዳቦይያ ኦሱዋ

11 ሄዎ ድራዉ፣ ኦን ጸሳዉ ያዩሳይ አየንቶ ኤሪደ፣ ሄዎዳን ቃይ አሳካ አማነሌቶ፤ ጸሳይ ኦና ኡባና ኤሬ፤ ቃይ ህንተካ ህንተ ዎዛና ቆፋን ኦና ኤሪታ ያጋደ ቆጋይ።

12 ቤትያባን ጨቀትያዎንቱጥ አትን፣ ዎዛናን ደእያዎን ጨቀተና አሳቶ ህንተ ኦድ ዛርያባይ ደእና ማላ፣ ህንተ ኦናን ጨቀታናዳን፣ ኦን ህንተንቶ ጋሱዎ ግዳናዉ ኮይያዎጥ አትን፣ ኦና ጋላታናዉ ኮዮኮ።

13 ኦን ጎይያዎ ግድግዳ፣ ጸሳ ቦንቹዎሳ፤ ዎይ ቃይ ዎዛናና ደእያዎ ግድግዳ፣ ህንተና ጎሊናሳ።

3:16 ከሳ 34:34 * 3:18 ናጸላን ካመትቤና ሶምእያን- እት አሳ ደኡዋን ሰንላ ሀናናባይ፣ ካሃ ጋርሳን ጳልቁ ቤትያዎዳን ጉሳ። 4:6 ደመላ 1:3 4:13 ማዚ. 116:10

14 ክርስቶስ ሲቁ ኑና ግዴ፤ አያው ጎጥ፡ እት አሳይ አሳ ኡባው ሀይቄዳዎ ኑን አኬኬዳ፤ ሄዎ ግደጥ አሳይ ኡባይ አናና ሀይቄዳ።

15 ፓጻ ደእያዋንቱ ባረንቱ ድራው ሀይቄዳዎን ቃይ ሀይቄዋጥ ደንዴዳዎ ደእናጥ አትን፡ ሰንገጥ ባረንቱ ሁጳው ደእና ማላ፡ እ አሳ ኡባ ድራው ሀይቄዳ።

16 ሄዎ ድራው፡ ኑን ሀዋጥ ሰንገጥ ኑናን አሳ ቆፋን ፕርዶኮ፤ ሀራይ አቶ፡ ኑን ክርስቶስ ካስ አሳ ቆፋን ፕርዶዳዎ ግደጥካ፡ ሰም ሰንገጥ ሄዎዳን ፕርዶኮ።

17 ሄዎ ድራው፡ ኑን ክርስቶስና ደአጥ፡ ኑራግ መጋታ፤ ጭማይ አዴዳ፤ በእተ፡ ኡባባይካ ኑራዴዳ።

18 ክርስቶስ ባጋና ኑና ባረናና ሰንገጥ ደሳይ ኡባባካ ኑራዳ፤ ቃይ እ ኑው ሀራቱዋ ባረናና ሰንገጥ ኡራዋ እሜዳ።

19 ደሳይ ክርስቶስ ባጋና አሳ ኡባ ባረናና ሰንገጥ፤ አሳ ናጋራካ አሳ ቦላ ፓይደና፤ ቃይ አሳ ባረናና ሰንገጥ ኪታካ ኑው እሜዳ።

20 ሰም ደሳይ ኑ ባጋና ሀንተንቶ ሃሳይያዎዳን፡ ኑንካ ክርስቶስ ድራው ሃሳይያ እ ኪቱዳዎንታ፤ ቃይ ኑን ሀንተና፡ “ደሳና ሰንገት” ገደ፡ ክርስቶስ ድራው ዋሴቶ።

21 ኑን ደሳ ጽሎተግ ክርስቶስ ባጋና አካና ማላ፡ ናጋራ ኤረና ክርስቶስ ኑ ድራው፡ ደሳይ ናጋራንቻ ኑራዳ።

6

1 ሀንተ ኑናና ደሳ ኡራዋ ኑሊደ፡ አ አዶ ኬካተግ አኪደ ሀንና ኦግያን ጎኤተና ማላ፡ ኑን ሀንተና ዋሴቶ።

2 አያው ጎጥ ደሳይ፡ “ታን እንጀ ዋድያን፡ ኔን ግያዎ ሰሳድ፤ ቃይ አቶተግ ጋለሰ፡ ኔና ማዳድ”

ያጌ። በእተ፡ እንጀ ዋዲ ሀአ። በእተ፡ አቶተግ ጋለሳይ ሀቻ።

3 ኑን ኑ ኡራዋ ኑን ቦራናዎ ኮኮኮ፤ ቃይ ኑናን ጳብናዎ ኮኮኮ።

4 ሸን ኡባባን ኑን ደሳ ኡሳንቻቱዋ ግድያዎ ኑ ሁጳያን በሴዶ፤ ዳር ገንጫን፡ ዋይያን፡ መቱዋን፡ ዋልቃማ ቱጋን፡

5 ልሱዋን ሸጫትያዋን፡ ቃሹዋን፡ ሻቢረቱሳን፡ ዳቡራን፡ ገምእሹዋ ጳይያዋን፡ ደማን፡

6 ጌሻተግን፡ ኤራተግን፡ ዳንዳያን፡ ኬካተግን፡ ጌሻ አያናን፡ ቱሙ ሲቁዋን፡

7 ቱሙዋ ሃሳይያዋን፡ ደሳ ዋልቃን ኑን ደሳ ኡሳንቻቱዋ ግድያዎ ኑ ሁጳያን በሴዶ፤ ቃይ ጽሎተግ ቶራ ኡሸቻ ኡሸያን፡ ጎንዳልያ ሀድርሳ ኡሸያን ኑይቃና።

8 ኑን ቦንቼቱደን ቶሸቱደ፤ ቦረቱደን ጋለተቱደ። ቃይ ቱሙዋ ሃሳይቶ፤ ሸን አሳይ ኑና ዋርዳዎ ገደ ቆፔ።

6:2 አሳ. 49:8 * 6:15 ዳብሎሳ፡ ግሪክያ ማጻፋይ “በልያር” ጌ። ሄዎ ጉሳይ እብራይስጥን “በልያል” ግያዎ። ላኡዋ ብለላይካ “ማካላንቻ” ዋይ “ማደናዎ” ጉሳ። 6:16 ዋጋ 26:12፤ ሀዘ. 37:27፤ 1 ቆር. 3:16፤ 6:19 52:11 6:18 2 ሳሜላ 7:14፤ 1 ኦዲዋ 17:13፤ አሳ. 43:6፤ ኤር. 31:9

9 ኑን አሳይ ኤረና አሳ ማላ፤ ሸን አሳይ ኡባይ ኑና ኤራ፤ ኑን ሀይቄዳ አሳ ማላ፤ ሸን ሀንተ በእያዋዳንካ ደኤቶ፤ ሙረቱዳ አሳ ማላ፤ ሸን ሀይቄበይኮ።

10 ኑን ካኮትያዋንታ ግደጥካ፡ ኡባ ዋደ ናሸቱቶ። ሀይሳ ማላቱቶ፤ ሸን ዳር አሳ ዳረዬቶ፤ ቃይ አያይን ባይና አሳ ማላቱቶ፤ ሸን ኡባባይካ ኑዋ።

11 ቆርንቶሳን ደእያ አሳው፡ ኑን ሀንተንቶ ቆንጭያን ኑዴደ፤ ኑ ኡሉዋካ ሀንተና በሴዶ፤

12 ኑን ሀንተንቶ ድብበይኮ፤ ድብዳዋንቱ ሀንተና። ኑን ኑ ኡሉዋ ሀንተንቶ ገንጠበይኮ፤ ሸን ሀንተ ኡሉዋ ኑው ገንጠዳዋንቱ ሀንተና።

13 ሀአ ታን ታ ናናው ሃሳይያዎዳን፡ ሀንተንቶ ሃሳይያ፤ ኑን ሀንተና ኑ ኡሉዋ በሴዳዎዳን፡ ሀንተካ ኑና ሀንተ ኡሉዋ አሰ ዳዴደ በሰተ።

አማናና አሳና ዘጥተና ማላ ሴራ

14 አማናና አሳቱዋና ዘጥቲደ፡ ገገና ኡራዋ ኡሉዋ። አያው ጎጥ፡ ጽሎተግና ናጋራው አያን ጋከሳይ ደኢ? ፖኑክ ጳማው አያን እትጥተሳይ ደኢ?

15 ክርስቶስን ዳብሎሳ * እትጥ ጋልያባይ አይ? ቃይ አማንያዌን አማናናዌ ኮጽያዌ አይ ደኢ?

16 ደሳ ጌሻ ጎለውን ኤቃው አይበ ዘጥተሳይ ደኢ? አያው ጎጥ ደሳይ፡

“ታን ኡንቱንቱ ግደን ደአናን ኡንቱንቱ ግደን ሀመታና።

ታን ኡንቱንቱ ደሳ ግዳና፤ ቃይ ኡንቱንቱካ ታ አሳቱዋ ግዳና”

ጌዳዋዳን፡ ኑን ደኡዋ ደሳ ጌሻ ጎልያ።

17 ሄዎዳንካ፡ ቃይ ጎዳይ፡ “ኡንቱንቱ ግደጥ ከሰተ፤ ኡንቱንቱ ሻከትተ።

ቱናባካ ቦቾጥተ። ታን ሀንተና ሞካ አካና።

18 ቃይ ታን ሀንተንቶ አውዋ ግዳና፤ ሀንተካ ታው አቱማ ናናቱዋን፡ ማጫ ናናቱዋ ግዳንታ።

ታን ኡባጥ ዋልቃማ ጎዳይ፡ ሀዋ ኑዳይ”

ያጌዳ።

7

1 ሄዎ ድራው፡ ታ ሲቃቶ፡ ደሳይ ሀ ኡባባ ኑው አማና ጌዳዋጥ ሀን ባጋን፡ ኑ አሹዋን ኑ ሸምቼዋ ቱንሰያ ኡባባጥ ኑ ሁጳያ እን ጌሸይተ፤ ቃይ ደሳው ያይያዋን ኡባና ጌዴደ ደኤቶ።

ጳውሎሳ ናሸቻ

2 ሀንተ ኡሉዋ ኑና በሰተ፤ ኑን ኑናን ናቁበይኮ፤ ኑናን ቆህበይኮ፤ ቃይ ኑናን ጭምበይኮ።

3 ታን ሄዎ ሀንተ ቦላ ፕርዳናው ገከ፤ አያው ጎጥ፡ ታን ካስ ሀንተንቶ ጌዳዋዳንካ፡ ሀንተንቱ ኑ ዋዛናን ደኢታ፤ ኑን ደእናካ ሀይቄናካ፡ እትጥ ደኤቶ።

4 ታን ሃሳይያዎ ህንተጥ ቆስከ፤ ታን ህንተናን ጨቀታይ፤ ኑ ዋይያ ኡባን ታን ሎይላ ሞናይን ናሽታይ።

5 አያው ጎጥ፡ ሀራይ አቶ ኑን ማቅደንያ ቤዳ ዋይ፡ ኡባ ባጋንካ ዋየቲደጥ አትን፡ ሸምፕበይኮ፤ ሀራ አሳና ዋላሳይ ደኤ፤ ኑ ዋዛናንካ ያሻይ ደኤ።

6 ሸን ካወሼዳዋንታ መንግሥት ጸሳይ፡ ቲቶ ዩሳን ኑና መንግሥት።

7 ኑና ካሰዋጥ አላ ናሽቶያዎ፡ ቲቶ ዩሳ ደላላ ግደና፤ ሸን ህንተ አ መንግሥት፡ ህንተ ታና በአናው አሞቲዳዋን ታው ቃረቲዳዋ ቃይ ህንተ ታና ማዳናው ጊገቲዳዋ እ ኑው ኦይዳ።

8 አያው ጎጥ፡ ታ ዳብዳቢ ህንተና ካዮዬዳዋ ግደጥ፡ አያው ጸፋድታሻ ጊከ፤ አያው ጸፋድታሻ ጎጥ፡ ታ ዳብዳቢ ህንተና ጉላ ዋድያ ካዮዬዳዋ በአይ።

9 ሀእ ታና ናሽቶያዎ ታን ህንተና ካዮዬዳ ድራሳ ግደና፤ ሸን ህንተ ካዩ ህንተና ናጋራጥ ዛራዳዋ ድራሳ፤ አያው ጎጥ፡ ኑን ህንተና አያንን ቆሃናዳን፡ ጸሳይ ባረ ኮዬዳዋዳን፡ ህንተና ካዮዬዳ።

10 አያው ጎጥ፡ ጸሳይ ኮይያ ካዩ ናጋራጥ ዛራዳ አተተላኮ አሄ፤ ሄዌካ ታን ባይዛድ ጌና ዋዛና፤ ሸን አላምያ ካዩ ሀይቁዋ አሄ።

11 ጸሳይ ሄ ህንተ ካዩዋን አይ አይፍያ እሚደንቶ በአተ። ህንተና አይ ከና ደንግሥታዎን ህንተ ጌሻተላ ቱማያናው ህንተና አይ ከና ዛራዋ እምሴደንቶ፡ አይ ከና ህንቀሴደንቶን አይ ከና ታው ያሽሴደንቶ፡ አይ ከና ሴልሴደንቶ፡ አያ ከና ታና ላሞትሴደንቶን ናቆ ኦሱዋ አላዋንታ ሙራናው አይ ከና ጊግሴደንቶ ፓጭ በአተ፤ ህንተ ህንተ ሁጺያን ጌሻ ግዴዳዋ ኡባባንካ ኤርሴድታ።

12 ሄዋ ድራው፡ ታን ሄ ዳብዳቢያ ህንተንቶ ጸፊዳዋ ግደጥ፡ ናቆዳ ኡራ ዋይ ናቀቲዳ ኡራ ድራሳ ግደና፤ ሸን ህንተ ኑው ዋይሳ ቆፕንቶን ጸሳ ሰንላን ህንተንቶ ቆንጭሳናው ታን ጸፋድ።

13 ኑን ምኔዳዌ ሄዋ ድራሳ፤ ሄ ኑ ምኖታ ቦላ፡ ቲቶ ናሽቲዳዋ ኑን ኡባጥ ዳርያ ናሽቻ ናሽቲዳ። አያው ጎጥ፡ ህንተ ኡባይ አ ሀርጋጥ ሸምፕበይታ።

14 ታን ህንተዋ ሳባደ አው አድና፡ ህንተ ታና ዬላይበይክታ፤ ሸን ኑን ህንተንቶ ኡባ ዋይ ቱሙዋ ሃሳዬይ፤ ሄዋዳንካ፡ ኑን ቲቶ ሰንላን ህንተዋ ሳቤዳዌ ቱማ ግዴዳ።

15 ሄዋ ድራው፡ ህንተ ኡባይ አው ያዩደ ኮኮሪደ፡ አ ዋት ሞኬድተንቶን ቃይ አው አይ ከና አዛዘቲድተንቶ እ ሀሳይያ ዋይ፡ ህንተና ሎይላ ሰቄ።

16 ታን ኡባባን ህንተና አማንያ ድራው ናሽታይ።

8

ጸሳ አሳቲዋ ከካተላ እሞታ

1 ኑዋዳን ጸሳ አሳቶ፡ ጸሳ አጾ ከካተላይ ማቅደንያ አማንያዋንቲ ግደን አሌዳዋ ህንተና ኤርሳናው ኮዬቶ።

2 ኡንቲንቲ አጾዳ ዋይያን ዋልቃማ ፓጭያ ፓጭቲድና፤ ሸን ኡንቲንቲ ህዬሳ ግደጥ፡ ባረንቲ እምያዋን ዳር ኬክናን ቃይ ዋልቃማ ናሽቻ ናሽቲና።

3 አያው ጎጥ፡ ኡንቲንቲ ባረንቲ ዋልቃ ከና ቃይ ሀራይ አቶ ባረንቲ ዋልቃጥካ ዳርያዋ ደሲደ እሚዳዋ ታን ማርካ።

4 ኡንቲንቲ ጸሳ አሳቲዋ ማድያ ሎኦ ኦሱዋ ኑናና አላናው ኑና ዳር ዋሴድና።

5 ኡንቲንቲ ኑን ቆፕዳዋጥ አሊደ ኦሌድና፤ ካሰቲደ ኡንቲንቲ ባረንቲ ሁጺያ ጎዳው እሚዳዋጥ ጉይያን፡ ጸሳ ሸንያዳን፡ ኑውካ ባረንቲ ሁጺያ እሚድና።

6 ሄዋ ድራው፡ ኑን ሀ ሎኦ ኦሱዋ ደሚዳ ቲቶ ጉጅ አላናዳንን ህንተና ማዲደ፡ ሄ ኦሱዋ ፖልሳናዳን አ ዋሴድ።

7 ሸን ህንተ ኡባባን፡ አማኑዋን፡ ሃሳያን፡ ኤራተላን፡ ዋልቃማ ሎኦ አሙዋን፡ ኑና ሲቅያዋንካ ዳረቲዳዋዳን፡ ሀ ሎኦ ኦሱዋንካ ህንተንቲ ኬካ ግዳናዋ ኑን ኮዬቶ።

8 ታን ሄዋ አዛዛናው ጊከ፤ ሸን ሀራቲዋ ዋልቃማ ሎኦ አሙዋ ባጋና ህንተ ሲቁ አይ ከና ቱሙንቶ ኤራናው ጋይ።

9 አያው ጎጥ፡ ህንተ ኑ ጎዳ የሱሰ ክርሰቶሳ አጾ ከካተላ ኤሪታ፤ ክርሰቶሰ ዳረ ግድ ደኤደ፡ ህንተ አ ህዬሳተላን ዳረታናዳን፡ ህንተ ድራው ህዬሴዳ።

10 ታን ሀ የውዋ ህንተና ዘርያዌ ሀዋ፤ ዝላይላ ህንተ ደሚዳዋ ሀእ ወርሰያዌ ህንተንቶ ሎኦ፤ ህንተ ኦሶ ጸላላው ግደናን፡ አላና ቆፋውካ ካሰቲዳዋንታ።

11 ህንተ አላናው ሎይላ አሞቲዳዌ አሊደ ፖሌዳዋና ጊጋ ግዳና ማላ፡ ህንተንቶ ዳንዳየቲዳዋዳንካ ኦሱዋ ፖልተ።

12 አያው ጎጥ፡ እት ኡራይ እማናው ሎይላ ኮዮጥ፡ እ ባረው ደኤዳ ከና እማናጥ አትን፡ አው ባይናዋ አጥ አከና።

13 አያው ጎጥ፡ ታን ሀራንቲ ዋይያጥ ሸምፕና፡ ህንተ ዋየትተ ጊከ፤ ህንተ ኡባይካ ቃራ ደአናዳናጥ አትን።

14 ኡንቲንቲ ፓላሀይ ህንተ ፓጭ ኩንላና ማላ፡ ህንተንቶ ሀ ዋድያን ደአያ ፓላሀይ ኡንቲንቲ ፓጭ ኩንላና ኮሼ፤ ላኡካ ሄዋን ቃራን ጎኤቲና።

15 ጸሳ ማጸፋን፡ “ዳርሲደ ሺሼዳዋ ፓላሀይና፤ ቃይ ጉላ ሺሼዳዋካ ፓጭቤና” ጌተቲደ ጸፋቲዳ።

ቲታን አ ላገላ

16 ሸን ኑን ህንተንቶ ቆፕያዋ ማላ፡ ዋልቃማ ቆፋ ቲታ ቆፍሴዳ ጸሳ ጋላታይ ጋኮ።

17 ቲቶ ህንተኮ ባናው ባረ ቆፋ ቃቼዳዌ፡ ባረ ሁጺያን ህንተና ማዳናው ዳር አሞቲዳ ግሻጥ አትን፡ ኑ ዘርያ ጸላላ አኬዳዋና ግደና።

18 ምሽራቹዋ ቃላ ኦድያ ባረ ኦሱዋን አማንትያ አማንያዋንቲ ሰንላ ኡባን ዳር ቦንቲቲዳ እሻ ኑን አናና አትጥ ኪቲቶ።

19 ሄዋ ቦላን ቃይ፡ ሀ ኑን አላያ ሎኦ ኦሱዋ አ ኑናና አትጥ አላናውን ጎዳ ቦንቻ ኑን ሀራቲዋ

ማዳናው ሎይሳ አሞትያዋ በሰሩናው አማንያ አሳቱ አ ደሪደ ሱንጤድና።

20 ኑን አልያ ሀ ከካ እሞታ ድራው፡ ኑን ኑና ዝግረና ማላ ናገቱቶ።

21 አያው ጎጥ፡ ኑን ጎዳ ሰንፋን ሎኦባ ኦላናዋ ጸላላ ግደና፤ ሸን አሳ ሰንፋንካ ሎኦባ ኦላናው ቆጥቶ።

22 ኑን ዳር ገደ ፓጭ በኤዳ ኑ እሻ፡ ኡባ ዋደ ሀንተና ማዳናው ዳር አሞትያዋ፡ ሀ አሳቱዋና ሀንተኮ ኪቱቶ፤ ቃይ ሀእ እ ሀንተና ዳር አማንያ ድራው፡ ሀንተና ማዳናው ካሰዋጥ አሊደ ሎይሳ አሞቱ።

23 ቲቶዋ ግደጥ፡ እ ሀንተና ማዳናው ታናና እትጥ አልያ ታ ላግያ፤ የኮ እሻቱዋባ ግደጥ፡ ኡንቱንቱ አማንያ አሳቱ ኪቱዳዋንታን ኡንቱንቱ ደኡ ክርሰቶሳ ቦንቶሰያዋ።

24 ሰሞ አማንያዋንቱ ኡባቱ ሀንተ ሲቁ ቱማ ግድያዋ ኤራና ማላ፡ ቃይ ኑን ሀንተዋ ሳቢያዌ ልከ ግድያዋ ኤራና ማላ፡ ሀንተ ሲቁዋ ኡንቱንታ በሰተ።

9

ፓጫይ ደእያዋንታ ማዲሳ

1 ይሁዳን ደእያ ጌሻ አሳቱዋ ማዳናው የድያባው ታን ሀንተንቶ ጸፋናው ኮሸና።

2 ሀንተ ማዳናው ሎይሳ አሞትያዋ ታን ኤርያ ድራው፡ ማቅደንያን ደእያ አሳው ሀንተዋ ሳባድ። ታን ኡንቱንቶ፡ “አካይያን ደእያ እሻቱ ዝላይሳጥ ደሚደ፡ ማዳናው ገገቱድና” ያጋደ ኦዳድ፤ ቃይ ሀንተ ዋልቃማ አሙካ ኡንቱንቱጥ ዳርያ ባጋ ደንጫዳ።

3 ሸን ታን ኡንቱንቶ ጌዳዋዳንካ ኑን ሀ የወዋ ሀንተናን ጨቀትያዌ መላ ግደና ማላ፡ ሀንተ ገገቱዳዋንታ ግዳናዳን፡ ሀ እሻቱዋ ሀንተኮ ኪታይ።

4 ማቅደንያ አሳቱ ታናና ዪደ፡ ሀንተ ገገተናን ደእሸን፡ ሀንተና ደሞጥ፡ ኑ ጸላላ ግደናዳን፡ ሀንተ ኑጥ አቆዋ ዩላታንታ፤ ሸን ኑን ሀንተና ሎይሳ አማኒደ ጨቀቱዳዋ።

5 ሄዋ ድራው፡ ታን ሀ እሻቱ ታጥ ሰንፋት ሀንተኮ ቢደ፡ ሀንተ እማና ጌዳ እሞታ ካሰቲደ ገግሳና ማላ፡ ኡንቱንታ ዋሳናው ኮሸያዋ አኬካድ። ሄዋጥ ጉይያን፡ ሄ እሞታይ ታን ጋክያ ዋደ ገግ ኡታናዋ፤ ሄዌ ቃይ ዋልቃን ሀንተ እሞያዋ ግደናን፡ ደሲደ እሞያዋ ኤርሴ።

6 ሀዋ አኬክተ፤ ጉላ ዘረላ ዘርያ ኡራይ ጉላ ካላ ጫካና፤ ዳር ዘረላ ዘርያ ኡራይ ቃይ ዳር ካላ ጫካና።

7 ጸሳይ ናሸቻን እሞያ ኡራ ሲቅያ ድራው፡ ቃረቲደ ዋይ ደሰናን እሞያዋ ግደናን፡ እሞያ ኡራይ ሁጲያን ሁጲያን ባረ ዋዛናን ቆጥዳዋ እሞ።

8 ጸሳይ ሀንተንቶ ግድያዌ ኡባ ዋደ ደእናዳንን ቃይ ሀራቶካ ሀንተ እማናው ግድያዌ ደእናዳን ሀንተና ኮሸያ ኡባባ ሀንተንቶ እማናው ዳንዳዬ።

9 ጸሳ ማጸፋይ፡ “እ ሀዬሳ አሳው ዳርሲደ እሜ፤ ቃይ አ ጽሎተላይ መድናው ደእናዋ”

ያጌ።

10 ጸሳይ፡ ዘርያዋ ዘረላን ማናው ቁማ እሞያዌ፡ ሀንተና ኮሸያ ዘረላ ኡባ ሀንተንቶ እማና፤ ቃይ ሀንተ ጽሎተላጥ ዳር አይፍያ አይፍሳናው ሄ ዘረላ ድቻናዋ።

11 ዳር አሳይ ሀንተ እሞያ እሞታ ኑጥ አኪደ፡ ጸሳ ጋላታናዳን፡ ሀንተ ኡባ ዋደ ዳርሲደ እሞያዋንታ ግዳና ማላ፡ ጸሳይ ሀንተና ኡባ ባጋና ደረያና።

12 አያው ጎጥ፡ ሀ ሀንተ ኦልያ ኦሱ ጸሳ ናናው ኮሸያዋ ኩንሳ እሞያዋ ጸላላ ግደና፤ ሸን ጸሳው ዳር ጋላታ እሞያዋን ኩሚደ ጎጌ።

13 ሀ ሀንተ ኦሱ ሀንተ እማኑዋ ኤርሰያ ድራው፡ ዳር አሳይ ክርሰቶሳ ዋንጋላ ሀንተ አማኒደ ማርካትያዋን ሀንተ ማዲዋ ኡንቱንቱናን ሀራ ኡባቱዋና ሻኪደ፡ ዳርሰ እሞያዋ ጸሳ ቦንቻና።

14 ኡንቱንቱ ሀንተንቶ ጸሳ ዋሲደ፡ ሀንተናን ደእያ ጸሳ አቆ ከካተላይ ዛዋይ ባይናዋ ድራው፡ ሀንተና ላሞቱቶ።

15 ዛዋይ ባይና ጸሳ አቆ ከካተላ ድራው፡ ጸሳ ጋላታይ ጋኮ።

10

ጳውሎስ ሞትያዋንቶ ዛሬዳ ዛሩዋ

1 ታን ጳውሎስ፡ ሀንተ፡ “እ ኑና ደእያ ዋደ አሸከ” ግያዌ፡ ቃይ፡ “ኑጥ ሃክ ደእያ ዋደ ኑ ቦላ ጸሌ” ግያዌ፡ ሎክ አሸከ ግዳዳ ክርሰቶሳ ባጋና ሀንተና ዋሳይ።

2 ኑና ሀ ሳኦ ደያዳን ደእና ገደ ቆጥያ እት እት አሳቱዋ ቦላ ታን ጸላናዋ ኤራይ፤ ሸን ታን ሀንተኮ ብያ ዋደ ሀንተ ታና ጸልሰና ማላ፡ ሀንተና ዋሳይ።

3 አያው ጎጥ፡ ኑን ሀ ሳኦን ደእጥካ፡ ሀ ሳኦ አሳዳን ኦላቶኮ።

4-5 አያው ጎጥ፡ ኑን ኦላትያ ቶራይ ሀ ሳኦዋ ግደና። ሸን ጌሱዋ ላላናው ዋልቃና ደእያ ጸሳ ቶራ። ኑን አሳ ቆፋ ቆይሴቶ፤ ቃይ ጸሳ ኤራተላ ቦላ ደንዲደ ቆቢያ ኑቶር ቆፋ ኡባ ላሌቶ። ሄ ቆፋ ኡባይ ክርሰቶሳው አዛዘታና ማላ ኦሞዳቶ።

6 ሀንተ አዛዘትያዋ ፖሌዳዋጥ ጉይያን፡ አዛዘተናን እጽያዋ ኡባ ኑን ሙራናው ገገታና።

7 ሀንተ ሰንፋን ደእያዋ ጸልተ፤ አንነ ባረና ክርሰቶሳዋ ገደ ቆፖጥ፡ ሄዋ ጉጅ ቆፖ፤ ክርሰቶሳዋ እ ግዴዳዋዳን፡ ኑን ቃይ አዋ።

8 አያው ጎጥ፡ ጎዳይ ኑው እሜዳ ኑ አዋተላን ታን ሎይሳ ኦቶረትያዋ ግደጥካ፡ ሄዋን ዩላትከ፤ ሄ ኑው እሜዳ አዋተላይ ሀንተና ኬጻናሳጥ አትን፡ ኮላናሳ ግደና።

9 ታን ታ ዳብዳቢያን ሀንተና ያሸሳናው ጻፎ አሳ ማላታይ ቤታናው ኮይከ።

10 አያው ጎጥ፡ እት እት አሳይ፡ “ጳውሎሳ ዳብዳቢ ዳጸነ ዋልቃማ፤ ሸን ጸልያ ዋደ እ ዳቡራንቻ፤ አ ሃሳያይካ ፓግና” ያጌ።

11 ሄዋ ማላ አሳይ ኑን ሃኩዋን ደእደ ጻፍያ ዳብዳቢያንን ያን ሀንተናና ደእደ ኦልያ ኦሱዋን ዲማተላ ባይናዋ አኬካና ኮሼ።

12 ኑን ባረና ናሽያ እት እት አሳቱዋና ኑና ገይዳናው ዋይ ልክሳናው ኮኖኮ፤ ሽን ኡንቱንቱ ባረና እቱ እቱዋና ልክሲድነ ቃይ ባረና እቱ እቱዋና ቃራዪድ፣ ኡባና ኤዬድና።

13 ሽን ኑን ጸሳይ ኑው ኤሴዳ ዛዋ ግዶን ጨቀትያዋጥ እትን፣ ሄ ዛዋጥ ፕኒደ ጨቀቶኮ፤ ሄ ዛዋይ ህንተኮካ ጋኬ።

14 ኑን ህንተኮ ጋክቤናዋ ማላቲደ፣ ዛዋ ፕኖኮ፤ አያው ጎጥ፣ ኑን ክርሰቶሳ ሞሽራቹዋ ቃላ ኦዲደ፣ ህንተኮ ካሰ ጋኬድ።

15 ኑን ጸሳይ ኤሴዳ ዛዋ ፕኒደ፣ ሀራ አሳይ ኦሴዳ ኦሱዋን ጨቀቶኮ፤ ሽን ህንተ አማኑ ድጭ ድጭ ብያ ዋደ፣ ኑን ህንተ ግዶን ኦሳያ ኦሱዋ ዛዋይ ካሰዋጥ ሎይል አክ አክ ባናዋ ጊደ ቆፔቶ።

16 ኑን ሞሽራቹዋ ቃላ ህንተ ደኢያሳጥ ህን ባጋን ኦዳና፤ ቃይ ሀራ ዛዋን ኦሰት ድጌዳ ኦሱዋንካ ጨቀቶኮ።

17 ሽን ጸሳ ማጻፋይ፣ “ጨቀትያ ኡራይ ኦንነ ጎዳ ሎኦተሳባን ጨቀቶ” ያጌ።

18 አያው ጎጥ፣ ጎዳይ ናሽያ ኡራጥ እትን፣ ባረና ናሽያ ኡራይ ጋላተተና።

11

ጳውሎስን ባረና የሱስ ኪቲዳ ግያ ዋርዳንቻቱዋ

1 ህንተ ታ ኤያተላ ጉላ ዳንዳይንቶ ሎኦ። ሀያና ዳንዳይተ።

2 ጸሳይ ቃናትያዋዳን፣ ታንካ ህንተው ቃናታይ፤ አያው ጎጥ፣ ታን ህንተና እት አቱማዋ፣ ክርሰቶሳው እማና ጋደ፣ አቱማዋ ኤረና ጌሻ ዋደራቲዳን ጊግሳ ዋላድ።

3 ሽን ሾሻይ ባረ ማካላን ሄዋና ባለሌዳዋዳን፣ ክርሰቶሳው ህንተ እማዳ ህንተ ሱረ ቆፋይ ባይቤናዌ ዋራ ባንዴሻ ጋደ ህርጋይ።

4 አያው ጎጥ፣ እት ኡራይ ዪደ፣ ኑን ህንተንቶ ኦዳዳ የሱሳጥ ሀራ የሱሳ ህንተንቶ ኦደጥ፣ ዋይ ህንተ አኬዳ አያናጥን ዋንጋላጥ ዲማ አያና፤ ዋንጋላ ህንተ አኮጥ፣ ህንተ ኤኖ ጊደ አኬድታ ጉሳ።

5 የሱስ ኪቲዳ ሀ ዋናቱዋጥ ታን አያንካ ላፍያዋ ታው ማላተና።

6 ታን ሃሳይያ ሃሳያን ታማራቤና አሳ ግደጥካ፣ ኤራተላን ግድከ፤ ሽን ኑን ህንተንቶ ሀ የወዋ አሳ ኡባ ግደን ኡባ ባጋና ቆንጭሴድ።

7 ዋይ ታን ህንተና ሚሻ ኦቹናን፣ ጸሳ ሞሽራቹዋ ቃላ ህንተንቶ ጮ ኦዳዳዌን ህንተና ቶቆ ኦላናው ታ ሁጺያ ቶቹዳዌ ታው ናጋራ ግደንዴሻ?

8 ታን ህንተንቶ ኦላናው ሀራ አማንያ አሳጥ ሚሻ አኬዳዋ፣ ሄዋንታ ቦንቃድ።

9 ቃይ ታን ህንተናና ደእሽን፣ ታና መትና፣ ህንተጥ እት ኡራካ ዋይሳቢይከ። አያው ጎጥ፣ ማቅደንያጥ ዬዳ እሻቱ ታና ኮሼዳ ኡባባ ታው

እማድና፤ ታን ህንተና ዋይሰና ማላ፣ ካሰ ቶኮ ግዳቤናዋዳንካ ሰንላውካ ቶኮ ግድከ።

10 ክርሰቶሳ ቱማተላይ ታናን ደእሽን፣ ሀ ታ ጨቆ አካይያ ጋድያን ሀቃንነ አተና።

11 ታን ሀዋ አያው ጋይታ? ህንተና ሲቀና ድራሴ? ታን ህንተና ሲቆያዋ ጸሳይ ኤሬ።

12 ሽን ሄ ባረንቱ ጨቀትያዋን ኑን ኦሳያዋዳን ኦላናው ጋሶትያዋንቱ ጋሱዋ ድጋናው፣ ሀኦ ታን ኦሳያ ኦሱዋ ጉጃደ ኦላና።

13 አያው ጎጥ፣ ኡንቱንቱ የሱስ ኪትቤና ዋርደ አሳቱዋ፤ ሄዋንቱ ማላ አሳቱ ክርሰቶሳ ኪቲዳዋንታ ማላታናው ባረንቱ ማላ ላመረላያ ኪትትቤና ዋርዳንቻቱዋን ላባንቻ ኦሳንቻቱዋ።

14 ሄዌ ማላልሰያዋ ግደና፤ አያው ጎጥ፣ ሴጻናይ ባረ ሁጸው ፖኤዋ ኪታንቻ ማላታናው ባረ ማላ ላሜ።

15 ሄዋ ድራው፣ ሴጻና ኦሳንቻቱ ጽሎተላ ኦሳንቻቱዋ ማላታናው ባረንቱ ማላ ላሞጥ፣ ሄዌ ዋልቃማባ ግደና፤ ኡንቱንቱ ዉርሰላን ባረንቱ ኦሱዋ ማላ አካና።

ጳውሎስን ጋኬዳ መቱዋ

16 ታን ላኤንሱዋካ ጋይ፤ ታና ኦንነ ኤያ ጊደ ቆፖፖ፤ ሽን ህንተ ታና፣ እ ኤያ ጎጥካ፣ ታን ጉላ ጨቀታናዳን፣ ታና ኤያ ጊተ።

17 ታን ሀዋዳን ጸላደ ጨቀታደ ሃሳይያዌ፣ ኤያተላ ሃሳያጥ እትን፣ ታና ጎዳይ አዛዘና ግደና።

18 ዳር አሳይ ሀ ሳኣባን ጨቀትያ ድራው፣ ታንካ ጨቀታና።

19 ህንተ አዴዳ ኤራንቻ ግድያ ድራው፣ ኤያ አሳዋ ናሽቻን ዳንዳይታ።

20 አያው ጎጥ፣ ኦንነ ህንተና አይለዮጥ፣ ዋይ ህንተዋ ሞጥ፣ ዋይ ህንተዋ ቦንቆጥ፣ ህንተ ቦላ ኦቶረቶጥ፣ ዋይ ህንተ ሻይያ ባቆጥ፣ ዳንዳይታ።

21 ኑን ሄዋ ኦላናው ዳር ዳቡራንቻ ግዳዳዋ ታን ዬላታደ ኦዳይ።

ሽን ኦንነ እትባን ጸሊደ ጨቀቶጥ፣ ታንካ ጨቀታናው ጸሳይ፤ ታን ኤያ አሳዳን ሃሳያይ።

22 ኡንቱንቱ አብራዌ? ታንካ አብራዌ። ኡንቱንቱ እሰራኤልያ አሴ? ታንካ እሰራኤልያ አሳ፣ ኡንቱንቱ አብራሃመ ዛረ? ታንካ ቃይ አብራሃማ ዛረ።

23 ኡንቱንቱ ክርሰቶሳ ቆማቱ? ታንካ ኡንቱንቱጥ አድያ ቆማ፤ ታን ጎይያ አሳዳን ሃሳያይ፤ ታን ዳር ኦላ ዳቡራድ፤ ዳር ዋድያ ቃሽታድነ ልሱዋን ሾጩታድ፤ ቃይ ዳር ዋድያ ሀይቃደ አታድ።

24 አይሁዳቱ ታና እቹሹ ገደ፣ ሀታማን ኡዲፑኑዋ ልሱዋን ሾጩድና።

25 ርመ አሳይ ታና ሄዙ ገደ ጸሞኣን ሾጩዳ፤ እት ጋላሰ ሹቻን ጫድ ጫዲደ አጌዳ፤ ማርካቢ ሄዙ ገደ መእና፣ አባ ግደን እት ቃማን እት ጋላሳ አቃደ ፔሻድ።

26 ታን ዳር ኦግያ ሀመታድ፤ ታና ኩንሉ ሃላይን ቦንቃንቻቱ ቦንቁ ድጊደ አሼዳ፤ ቃይ ታ ቢታ አሳይን አይሁዳ ግደና አሳይ ቦንቁ ድጊደ አሼድና። ቃይካ ካታማይ፣ ባዙ፣ አባይ፣ ታና

ያሸሴዳ፤ ዋርዲዋ ዳባቱካ ታና ቦንቂ ድጊደ አሼድና።

27 ታን ዳቡራድን መቶታድ። ዳር ገደ ገምእሹዋ ጳያድ፤ ኮሻታድ፤ ሳመታድ። ዳር ገደ ጸማድ፤ ቃይ ሜገታድን ካሎታድ።

28 ሀራባ ኡባጥካ ኡባ ጋላሰ ታወ ቶኩዋ ግዴዳባይ፤ ዋሳ ጎልያ ኡባወ ህርግያዋ።

29 ዳቡርያዌ ኦኔ? ታን ዳቡርክታዬ? ናጋራን ገልያዌ ኦኔ? ታን ኡንኤታደ አወ ቃረትክታዬ?

30 ታን ጨቀታናወ ኮሻያዋ ግደጥ፤ ታን ዳቡራንቻ ግድያዋ ኤርሰያዋን ጨቀታና።

31 መድናወ አንጀቱዳ ጸሳይ፤ ኑ ጎዳ የሱሰ ክርሰቶሳ አወ፤ ታን ዋርደተናዋ ኤሬ።

32 ዳማሰቆ ካታማን አረታሳ ግያ ካትያጥ ጋርሳ ጋደያ ሞድያዌ፤ ታና ኦይፋናወ ዳማሰቆ ካታማ ናግሴ።

33 ሸን ካታማ ግምቢያ ድርሳ ማሰኮትያና ታና ቁንኣን ዲገ ዋለና፤ አፕ ከሳ አካድ።

12

ጳውሎስ ሳያ

1 ጨቀትያዌ ታወ አይነ ጎኤናዋ ግደጥካ፤ ታን ጨቀታናወ በሴ። ሸን ታን ሳጸባነ ጎዳፕ ቆንጨዳዋ ሃሳያና።

2 ታማን ኦይዲ ላይላፕ ካሰ፤ ሄዘንሉ ሳሉዋ ፑደ ቤዳ እት ብታንያ፤ ክርሰቶሳ አማንያዋ፤ ታን ኤራይ፤ ሄ ብታኒ ባረ አሳተላን ቤዴ ዋይ ሳጸን ቤደንቶ፤ ታን ኤርከ፤ ጸሳይ ኤሬ።

3 ሄ ብታንያ፤ ሄዘንሉ ሳሉዋ ፑደ ቤዳዋ፤ ኤራይ፤ እ ባረ አሳተላን ቤደንቶን ዋይ ሳጸን ቤደንቶ፤ ታን ኤርከ፤ ጸሳይ ኤሬ።

4 ሄዋን ሄ ብታኒ አሳይ ሃሳያናወ ዳንዳየናዋ፤ አሳ እንጸርሳይካ ሃሳያናወ ዳንዳየናዋ ሰሴዳ።

5 ታን ሄ ብታንያባን ጨቀታና፤ ሸን ታን ዳቡራንቻ ግድያዋ ኤርሰያ ድራወ፤ ታ ሁጺያን ጨቀትከ።

6 ታን ጨቀታናወ ኮይያዋ ግደጥካ ኤያ ግድከ፤ አያወ ጎፕ፤ ታን ቱሙዋ ሃሳያይ። ሸን አሳይ ታዋ ታናን በእያዋፕነ ታፕ ሰሰያዋፕ አሊደ ቆፕና ማላ ናገታይ።

7 ቃይ ጸሳይ ታወ ዳር ቆንጨዳ ዋልቃማ የወዋፕ ደንዴዳዋን ኡቶረተናዳን ድጋናወ ታና ጫድ ኦይቃያ፤ ሴጸና ኪታንቻይ፤ ታና መቶፋናወን ታን ኡቶረተና ማላ፤ ታና ናጋናወ ታወ እመቴዳ።

8 ሄዋ ታፕ ሻካና ማላ፤ ታን ጎዳ ሄዙ ገደ ዋሳድ።

9 ጎዳይ ታና፤ “ታ አጾ ኬካተላይ ነወ ግዳናዋ፤ አያወ ጎፕ፤ ታ ዋልቃይ ነ ዳቡራን ፖለቱ” ያጌዳ፤ ሄዋ ድራወ፤ ክርሰቶሳ ዋልቃይ ታናን ደእና ማላ፤ ታ ዳቡራን ጨቀታናወ ታን ዳር ናሸታይ።

10 ታን ክርሰቶሳ ድራወ ዳቡርያዋን፤ አሳን ቦረትያዋን፤ ዋየትያዋን፤ የደርሰትያዋን፤ መቶትያዋን ናሸታይ፤ አያወ ጎፕ፤ ታን ዳቡርያ ዋይ፤ ሄ ዋይ ሞናይ።

ጳውሎስ ቆርንቶሳ አሳወ ኡንኤቲደ ቆፕዳ

11 ታን ጨቀቱዳዋን ኤያድ፤ ሸን ሄዋ ህንተ ታና ዋልቃን ኦሰሴድታ፤ አያወ ጎፕ፤ ህንተ ታና

ጋላታናወ በሴ፤ ታን አያንነ ኤረተናን ጳዮፕካ፤ የሱሰ ኪቱዳ ጾቃ ጌተቱዳ ኡባቱዋፕ ላፍከ።

12 ታና የሱሰ ኪቱዳዌ ቱማ ግድያዋ ኤርሰያ ማላይ፤ ኦራሳባይነ ዋልቃማ ኦሱ ህንተ ግደን ዳር ገንጫን ኦሰቱዳ።

13 ታን ታ ሁጺያን ህንተና ዋይሳቤናዋፕ አትን፤ ሀራ አማንያ አሳቱዋፕ ህንተ አያን ላፊቱ? ህያና ታን ህንተና ናቁዳዋ ታወ አቶ ጌፕ።

14 ታን ህንተኮ ባናወ ገገደፕ፤ ሀዌ ታወ ሄዘንሉ ዋይ፤ ታን ህንተና ዋይሰከ። ታን ህንተና ኮይያዋፕ አትን፤ ህንተ ሚሻ ኮይከ፤ አያወ ጎፕ፤ አወነ አታ ባረንቱ ናናወ ሚሻ ሞንጅያዋፕ አትን፤ ናናይ ባረንቱ አዋነ አትወ ሞንጅክና።

15 ታን ህንተ ሸምፕ ታወ ደእያዋ ታናና ጋላደ ናሸቻን እማና፤ ያትና፤ ታን ህንተና ሎይላ ሲቅያ ድራወ፤ ህንተ ታና ላፋ ሲቁቱ?

16 ግደጥካ፤ ታን ህንተና ዋይሳባይከ፤ ሸን ህንተ ታና፤ “ኔን ኑና ጭማደ ማካላን ኦይቃዳ” ያጋንታ።

17 ታን ሀራይ አቶ፤ ህንተኮ ኪቱዳ እት አሳ ባጋናካ ህንተፕ ጎኤታድታ?

18 ቲቶ ህንተኮ ባና ማላ፤ ታን ዋሳድ፤ ቃይ አማንያ እሻካ አናና የዳድ። ቲቶ ህንተፕ ጎኤቱዳ? ኑን ኑ ኦሱዋ እት ቆፋን አላበይኮ? ቃይ ኑ ሁኑካ እቱዋ ግደኔዬ?

19 ኑን ኡባ ዋይካ ህንተ ሰንላን ኑ ሁጺወ ሞተትያዋ ህንተንቶ ማላቲ? ኑን ክርሰቶሳን ደእያዋንቱዳን፤ ጸሳ ሰንላን ሀእ ጋካናሰካ ሃሳይቶ። ኑ ሲቃቶ፤ ኑን ኦልያ ኡባባይካ ህንተና ማዳናሳ።

20 አያወ ጎፕ፤ ታን ህንተኮ ብያ ዋይ፤ ኡን ኤር ታን ኮይያዋ ማላ ህንተ ግደናን አጋነንቶ፤ ቃይ ታንካ ህንተ ኮይያዋ ማላ ግደናን አጋነንቶ። ቃይ ኡን ኤር ሄዋን ፓሉሚ፤ ቃናቲ፤ ህንቁ፤ የራይ፤ ዠግርሳይ፤ ሳሮተላ ድፕሳይ፤ አቶራ፤ መቱ ደኤናን ዋዪ አጋና፤ ታና ያሼ።

21 ታን ህንተኮ ላኤንሉዋ ብያ ዋይ፤ ታ ጸሳይ ህንተ ሰንላን ታና ካወሻነንቶን ያያይ፤ ታን ናጋራ ካሰ አሊደ፤ ባረንቱ ኦሌዳ ቱናተላፕ፤ ዋሹምያዋፕነ አሙዋፕ ሰምቤና ዳር አሳቶ ዬከናን አግከ ጋደ ያያይ።

13

ወርሰላ ዘርያን ሳርታ

1 ሀዌ ታወ ህንተኮ የሳይ ሄዘንሉ ዋይ። አይ ሞቱካ ላኡ ዋይ ሄዙ ማርካይ ማርካትና ፕርደታናወ ኮሼ።

2 ታን ላኤንሉዋ ህንተናና ጋከቱዳ ዋይ፤ ህንተና ናገትተ ጋድ፤ ሀእካ ሃኩዋን ደኡፕካ፤ ህንተና ናገትተ ጋይ። ታን ቃይካ ህንተኮ ብያ ዋይ፤ ናጋራ ካሰ ኦሌዳዋንታካ ቃይ ሀራቱዋ ኡባቱዋካ ሙረናን አግከ።

3 አያወ ጎፕ፤ ክርሰቶሰ ታ ባጋና ሃሳይያዋ ኤርሰያዋ ህንተ ኮዪታ። እ ህንተናና ሃሳይያ ዋይ አ ዋልቃፕ አትን ቤትያዌ አ ዳቡራ ግደና።

4 አያወ ጎፕ፤ ክርሰቶሰ ማሰቃልያ ቦላ ሞሰማርያን ድሸቲደ፤ ዳቡራን ካቀቱዳ፤ ሸን ጸሳ

13:1 ዛረ. 17:6፤ 19:15

ዎልቃን ገጸ ደኤ። አያው ጎጥ፣ እ ዳቡራንቻ ግዴዳዎዳን፣ ኩንካ ዳቡራንቻ፤ ሸን ህንተናና ሃሳይያዎን ኩን ጸሳ ዎልቃን እናና ደኤና።

5 አማኑዎን ህንተ ሞን ደእንቶ እነ ህንተና ገጭተ፤ ህንተና ብድተ። ክርሰቶሰ ህንተናን ደእያዎ ህንተ ኤርክቴ? ሄዌ ጳዮፕ ገጭያን ኩንዴድታ ጉሳ።

6 ኩን ገጭያን ኩንድቤናዎ ህንተ ኤርያዎ አማናይ።

7 ህንተ ኢታባ ሙለካ እና ማላ፣ ኩን ጸሳ ዎሴቶ። ኩን ገጭያ ዳንዳይያዎንታ ግዲደ ቤታናሳ ግደና፤ ሸን ኩን ገጭያ ዳንዳየናዎንታ ማላቲደ ቤቶፕካ፣ ሎአባ ህንተ አላናሳ።

8 አያው ጎጥ፣ ኩን ቱሙዎ ጸላላው አላናፕ አትን፣ ቱሙዎፕ ሀራ አይነ አላናው ዳንዳዮኩ፤

9 ኩን ዳቡራንቻ ሸን ህንተ ዎልቃማ ግደደ ናሽቴቶ። ህንተ ፖሎ ግደና ማላ ኩን ጸሳ ዎሴቶ።

10 ታን ህንተፕ ሃኩዎን ደእደ ጸፌዳዌ ሄዎ ድራሳ፤ ታን ህንተኮ ብያ ዎደ፣ ጎዳይ ታው እሜዳ ማታን ዘምፓደ፣ ህንተና ሙቶላናው ታና ዎዪ ኮሻና። ሄ ማታይ ታን ህንተና ኬጸናው ታው እመቴዳዎፕ አትን፣ ህንተና ኮላናው እመትቤና።

11 ዉርሰላን ታናዳን ጸሳ ካልያዎንቶ፣ ሳር ደአተ፤ ባል ባይናን ደአተ፤ ታ ዘርያ ሰሰተ፤ እት ዎዛና ግዲደ ደአተ፤ ሳርተላን ደአተ። ሲቁዎን ሳርተላ ጸሳይ፣ ህንተናና እትፕ ደኤና።

12 እቱ እቱዋና ጌሻ የረታ የረቲደ ሳርተትተ።

13 ጸሳ አሳ ኡባቱ ህንተና ሳር ሳር ጌና።

14 ጎዳ የሱሰ ክርሰቶሳ አቶ ኬካተላይ፣ ጸሳ ሲቁ፣ ጌሻ አያና እትፕተላይ ህንተናና ኡባና ግደ። አመንእ።

ጳውሎስ ጋላትያ አሳው ጳፌዳ ኪታ ገሎጥ

የሱስ አሸያዎ ግድያዎ ኦድያ ምሽራቹዎ ቃላይ፤ ዲማ ዲማ ሳኒን ኦድትሺናን አይሁዳ ግድና አሳይካ አማኒደ አክ አክ ቢሸን። “አማንያ አሳ ግድናዎ ሙሴ ህግያ ፖላናዎ ኮሺዬ ኮሸኔ?” ግያ ዋላሳይ እትፕ ደንዴዳ። ሄ ዎደ ጳውሎስ። “አማንያ አሳ ግድናዎ ሙሴ ህግያ ፖላናዎ ኮሸና፤ የሱሳን ኦራላ ደኡዎ ደማናዎ አን አማኖ አሳይ። ጳሳ ስንላን ጽላናዎ ዳንዳይያዎ አማኖ ጸላላና” ያገደ ታማርሱዎ ደማዳ። ሸን ቁር ኢሰያ ግድን። “አሳይ ጳሳ ስንላን ጽላናዎ የሱሳን አማንያዎ ጸላላ ግድናን። ሙሴ ህግያካ ፖላናዎን ቃጸረታናዎ ኮሸ” ያገደ ጳውሎስ ትምርትያ ጳልቂያ አሳቱ ደኡና።

ጳውሎስ ሀዋ ጋላትያ ኪታ ጳፌዳዌ ሀ ባላ ትምርትያን ጭመቱዳ አሳ ሱሪ አማናን አማኑዎ ደኡ ዛሪደ ካለላናሳ። ጳውሎስ ኮይሮ ደማደ። እ ባረና። “ታን የሱስ ኪቱዳዎ” ያግ ኤርሲደ ደማ። የሱስ ኪቱዳዎ ኦሊደ አ ጴሴዳዌ ጳሳ። አሳ ግድናዎን ቃይ አ ኪቱቱዳዌ አይሁዳ ግድና አሳቱዋሳ ግድያዎ ቆንጭሲደ ኦዳ። ሄዋናካ ኦይቀቱደ። አሳይ ጽላናዎ ዳንዳይያዎ አማኑዎ ጸላላና ግድያዎ ኦዳ። ወርሰላ ሸምፓቱዎን አማኑዎ ኤሻይ የሱሳ አማንያ አማኑዎፕ ከሰያ ሲቁዎፕ ፑልትያዎ ግድያዎ ኦዳ።

ሸምፓቱዎ ኡባቶ እመቴዳ ቃንሳ ቆፋቱዎ
ገሎጥ 1:1-10
ጳውሎስ ጳሳፕ ከተቱዳ ማታ 1:11—2:21
ጳሳ አዶ ከካተላ ምሽራቹዎ ቃላ 3:1—4:31
ክርስትና ላአተላን አማኑዎ 5:1—6:10
ወርሰላ ቁትያ 6:11-18

1 ታን ጳውሎስ። የሱስ ክርስቶስን ቃይ ሀይቁዎፕ አ ደንጩዳ ጳሳይ አወ ኪቱዳዎፕ አትን። አሳፕ ዎይ አሳ ባጋና ኪቱቱዳዎ ግድከ።

2 ሀ ታንን ታናና ደኡያ አማንያ እሻቱ ኡባይ። ጋላትያ ጋድያን ደኡያ አማንያ አሳ ኡባወ ሳርታ ኪቱቶ።

3 ጳሳይ ኑ አወን ኑ ጎዳይ የሱስ ክርስቶስ ህንተንቶ እዶ ከካተላን ሳርተላ እዎ።

4 ኑ ጳሳ። ኑ አወዎ ሸንያን ክርስቶስ ሀ ኢታ ኦሱ ኦስትያ ዎድያፕ ኑና አሻና ማላ። ኑ ናጋራ ድራወ። ባረ ሁጲያ እሜዳ።

5 ጳሳወ መድፕ መድና ጋካናወ ቦንቹ ግድ። አመንእ።

ምሽራቹዎ ቃላ ቱሙ እቱዎ ጸላላ

6 ክርስቶስ እዶ ከካተላን ህንተንታ ጴሴዳ ጳሳ አገደ። ሀራ ዎንጋላኮ። ህንተ ኤሌሊደ። ዎት ሰሜድተንቶ ታወ ኦራላባ ግዳዳ።

7 ህንተንታ ቡልአክያዎንቱን ክርስቶሳ ምሽራቹዎ ቃላ ጌላያናወ ኮይያ አማራዳ አሳቱ ደኡናፕ አትን። ቱሙፕ ሀራ ምሽራቹዎ ቃላይ ባዎ።

8 ሸን ሀራይ እቶ ኑና ግድና። ዎይ ሳሉዎፕ ኪታንቻ ግድና። ኑን ህንተንቶ ካሰ ኦዳዳ ምሽራቹዎ ቃላፕ ዲማትያዎ ህንተንቶ ኦድያዎ ግድፕ። እ መድናወ ሸቀቱዳዎ ግድ።

9 ካሰ ኑን ጌዳዎዳን። ሀእካ ላኤንሉዎ ታን ኦዳይ፤ ህንተ አኬዳ ምሽራቹዎ ቃላፕ ዲማትያዎ ኦንን ህንተንቶ ኦድፕ። ሄ ኡራይ መድናወ ሸቀቱዳዎ ግድ።

10 ሀዌ ታና አሳፕ ሳባ ኮይያዎ ማላትሲ? ማላትሲና! ታን ጳሳይ ሎአ ግያዎ ኮያይ። ዎይ ታን አሳ ናሸቻናወ ኮያይታ? ታን ሀእካ አሳ ናሸቻናወ ኮይያዎ ግድፕ። ክርስቶሳ አይለ ግድከ።

ጳውሎስ የሱስ ኪቱዳዎ ግዳዳ ሀኑዎ

11 ታ እሻቶ። ታን ህንተንቶ ኦዳዳ ምሽራቹዎ ቃላይ አሳፕ ግድናዎ ህንተንቶ ኦዳይ።

12 እያወ ጎፕ። ታወ የሱስ ክርስቶስ ቆንጭሴዳፕ አትን። ታን ምሽራቹዎ ቃላ አሳፕ አካባይከ፤ አሳይ ታና ታማርሰቡና።

13 ካሰ ታን አይሁዳ አማኑዎን ደኡያ ዎደ። ዋናደ ደኡድታንቶ። ህንተ ሰሴድታ፤ ታን ክርስቶሳ አማንያዎንታ ቃረታይ ባይናን የደርሳድን ቆይሳናወ ባጸታድ።

14 ታ ዎደ ደኡዳ አሳቱዎፕ ጮራቱዎ አይሁዳ አማኑዎ ህግያ ናጉዎን አቆይ፤ ኑ አዎቱዎ ዎጋ ኦፕን አቆአደ ሲቃድ።

15-16 ሸን ጳሳይ ባረ እዶ ከካተላን። ታን ብር ታ ዳይ ኡሉዎን ደኡሸን። ባረወ አላናወ ታና ጴሴዳ፤ አባ ኦድያ ምሽራቹዎ ቃላ አይሁዳ ግድና አሳወ ታን ኦዳና ማላ። ጳሳይ ባረ ናኦ ታወ ቆንጭሳናወ ኮዬዳ ዎደ። ዘረታናወ ኦኮን ባባይከ።

17 ዎይ ታፕ ካሰ የሱስ ኪቱዳዎንቱና ጋከታናወ የሩሳላመ ባባይከ፤ ሸን ታን ኤላካ ኦራብያ ጌተትያ ጋድያ ባድ። ሄዎፕ ዳማሰቆ ግያ ካታማ ሰማድ።

18 ሄዙ ላይላፕ ጉይያን። ጳጵርሳና * ጋከታናወ የሩሳላመ ባደ። አናና ታማን እቹሹ ጋላሳ ኡታድ።

19 ሸን የሱስ ኪቱዳዎንቱፕ ጎዳ እሻ ያቆባፕ አትን። ሀራቱዎና ጋከታባይከ።

20 ታን ህንተንቶ ጳፍያዎን ዎሪ ባዎ፤ ታን ህንተንቶ ዎርዲዎ ኦድናዎ ጳሳይ ማርካ!

21 ሄዎፕ ጉይያን። ሶርያ ጌተትያ ጋድያን ክልቂያ ጌተትያ ጋድያ ባድ።

22 ይሁዳን ደኡያ ክርስቶሳን አማንያዎንቱ ታናና ኤረታ ግድክኖ።

23 ሸን ሀራ አሳይ። “ኑና የደርሰ ዩይያ ብታኒ ሀዎፕ ካሰ እ ቆይሳናወ ኮይያ አማኑዎባ ሀእ ኦዳ” ግያዎ ኡንቱንቱ

24 ሰሲደ ታባን ጳሳ ጋላቱድኖ።

* 1:18 ጳጵርሳና- ግሪክ ማጻፋይ ኬፋ ያጌ። ብለላይካ ኦራማይክ ቃላን “ዛላ” ግያዎ።

2

ጳውሎስ ኪቴቶዋ ግድያዌ ሀራቱዋ ማታን ኤሪቴዳ

1 ሄዋጥ ሰማደ ታን ታማነ ኦይዲ ላይፋጥ ጉይያን፣ ባርናባሳና ላኤንፋዎ የሩሳላመ ባደ፣ ቲታካ ታናና እካደ ባድ።

2 ጳላይ ታዉ ሳጸን ቆንጭሴዳ ድራዉ ባደ ታን ሀእ ኦልያ ኦሱ ዋይ ካሰ ኦፊዳዌ መላ አተና ማላ፣ ክርሰቶሳን አማንያዋንታ ካለልያዋንታ ዲማ ሺሻደ፣ አይሁዳ ግደና አሳዉ ታን ኦድያ ሞሽራቹዋ ቃላይ አይ ማለንቶ ኤንቱንቶ ኦድድ።

3 ሸን ሀራይ አቶ ታናና ደእያ ቲታ እ ግሪክ ጋድያ አሳ ግድሸን፣ ቃጸረቶ ጊደ ጎደትበይክኖ።

4 ግደጥነካ፣ ዋርዲዋን ኑዉ እሻቱዋ ማላት ዪደ፣ ኑናና ዋላከቴዳ ጮራ አሳቱ እ ቃጸራናዉ ኮዬድኖ። ሄ አሳቱ ክርሰቶሳ የሱሳን ኑዉ ደእያ ኑን ኮዬዳዋዳን ሀናና ዳንዳይያ ላአተላ ዋቹደ ጲሻናዉ፣ ዉኤቲደ ኑ ግደ ገሊደ ኑና አይለ ኦላናዉ ኮዬድኖ።

5 ሸን ሞሽራቹዋ ቃላ ቱማተላይ ህንተንቱና ሞን ደአና ማላ፣ ኑን ሀራይ አቶ ጉላ ዋድያካ ኤንቱንቶ ሞደትበይኮ።

6 ሸን ካፓቱዋ ማላትያዋንቱ ታዉ አይነ ኦራላ ቆፋ እምበይክኖ፤ ሀዋ እያዉ ጋይታ ጎፕ፣ ሀዋጥ ካሰ ኤንቱንቱ ኦና ግድናካ ታና መትያባ ግደና፤ ጳላይ አሳ ሶምእያ ጴሊደ ፕርደና።

7 ሸን ጉየጥ ጳላይ ጳጵርሳዉ፣ አይሁዳቶ ሞሽራቹዋ ቃላ ኦድያ ሀዳራ እሜዳዋዳን፣ ታዉካ አይሁዳ ግደና አሳዉ ሞሽራቹዋ ቃላ ኦድያ ሀዳራ እሜዳዋ ኤንቱንቱ በኤድኖ።

8 አያዉ ጎፕ፣ ጳጵርሰ አይሁዳቶ የሱስ ኪቴዳዋ ግዴዳዋዳን፣ ታንካ ጳላ ዋልቃን አይሁዳ ግደና አሳዉ የሱስ ኪቴዳዋ ግድድ።

9 ቃይ ካለልያዋንታ ማላቲደ ቤትያዋንቱ፣ ያቆብ፣ ጳጵርሰን ዮሃንስ፣ ታዉ እመቴዳ አቆ ኬካተላ ኤሪደ፣ ታናና ባርናባሳ ኑ ኩሽያ ኦይቂደ ሳርቴድኖ። ታንነ ባርናባሰ አይሁዳ ግደና አሳ ግደን ኦላናዳን፣ ቃይ ኤንቱንቱ አይሁዳቱዋ ግደን ኦላናዳን ቃቹደ ደንዴደ።

10 ኤንቱንቱ ኑና ካሰፕካ ታን ኦላናዉ ቆፓደ ደእያ ሀይሳቱዋ ማዳናዋ ጳላላ ቆፍሴድኖ።

ጳውሎስ እንጾክያን ጳጵርሳ ትምርትያ ጳልቄዳ

11 ሸን ጳጵርሰ እንጾክያ ግያ ካታማ ዬዳ ዋደ፣ እ ባይዜዳ ድራዉ፣ ቆንጭያን ታን አ፣ “ኔን ባይዛንቻ” ያጋድ።

12 አያዉ ጎፕ፣ ያቆባ ማታፕ ከተቴዳ አማራዳ አሳይ ያናፕ ካሰ አይሁዳ ግደና አሳቱዋና ቁማ ሜ፤ ሸን ኤንቱንቱ ዬዳዋፕ ጉይያን፣ አይሁዳ ግደናዋንቱ አማንያዋንታ ግዳናዉ ቃጸረታናዉ ኮሼ ግያዋንቶ ያዬዳ ድራዉ፣ ሞያዋ ኤሲደ፣ አይሁዳ ግደናዋንቱፕ ሻከቴዳ።

13 ቃይ የኮ አማኔዳ አይሁዳቱ ጳጵርሳና ያሻ ደሜድኖ፤ ሀራይ አቶ ባርናባሰካ ኤንቱንቱና ያሻንቻ ግዴዳ።

14 ሸን ኤንቱንቱ ሞሽራቹዋ ቃላ ቱማተላዳን፣ ሱሪ ሀመተናዋ በኣደ፣ ጳጵርሳ ሄ ኡባ አሳ ሰንላን፣ “ኔን ጳላ አሳ አይሁዳ ግዳደ፣ ኤንቱንቱዳን ግደናን ጳላ አሳ ግደና አይሁዳ ግደናዋንቱዳን ደእ፤ ሸን ያትና፣ ዋታደ አይሁዳ ግደናዋንታ፣ ‘አይሁዳቱዋዳን ደእተ’ ጋደ ግዳይ?” ያጋድ።

አይሁዳቱካ አይሁዳ ግደናዋንቱካ እትያዌ አማኑዋና

15 ኑን የለታን አይሁዳ፤ “ናጋራንቻ ግዴዳ አይሁዳ ግደና አሳቱዋ” ግደኮ።

16 ሄዋ ግደፕካ፣ አሳይ የሱስ ክርሰቶሳ አማኒደ ጳላ ሰንላን ጽላናፕ አትን፣ ሙሴ ህግያ ናጉዋን ጽላናዋ ኤሬደ፤ እሹዋ ማዬዳ አሳይ ኡባይ ሙሴ ህግያ ናጉዋን ጽላና ድራዉ፣ ኑን ኑ ሀጳዉካ ሙሴ ህግያ ናጉዋን ግደናን፣ ክርሰቶሳን አማኒደ ጽላና ማላ፣ ክርሰቶሰ የሱሳን አማኔድ።

17 ሸን ኑዉ ክርሰቶሳን ደእያ እትፕተላን ጽላናዉ ኮይያዋንታ ግዲደ፣ ኑ ሀጳዉ ናጋራንቻ ግዲደ ቤቶፕ፣ ያትና ክርሰቶሰ ናጋራ ታማርሰያዌ? ሄዌ ሙላካ ዋርደ!

18 አያዉ ጎፕ፣ እት ካላካ አጋ ድጌዳዋ ታን ላኤንፋዎ ኦልያዋ ግደፕ፣ ታን ታ ሀጳዉ ህግያ መንልያዋ ግድያዋ ኤርሳይ።

19 ታን ጳላዉ ፓጳ ደአና ማላ፣ ህግያ ባጋና ህገዉ ሀይቃድ።

20 ታን ክርሰቶሳና አ ማሰቃልያ ቦላ ሞሰማርያን ድሸታደ ካቀታድ፤ ሰም፣ ሀእ ፓጳ ደእያዌ ታና ግድክ። ሸን ክርሰቶሰ ታ ግደን ደኤ፤ ታን ሀእ ደእያ ደኤ፣ ታና ሲቂደ፣ ታ ድራዉ፣ ባረ ሀጳያ እሜዳ ጳላ ናኣን ደእያ አማኑዋና።

21 ታን ጳላ አቆ ኬካተላ እጽከ፤ አሳይ ህግያ ባጋና ጽሎተላ ደምያዋ ግደፕ፣ ክርሰቶሰ ጮ መላ ሀይቄዳ ጉሳ።

3

ጽሎተላይ አማና ጳላላን ቤቱ

1 እኬካይ ባይና ጋላትያ አሳቶ፣ ታን ህንተና ክርሰቶሰ ማሰቃልያ ቦላን ሞሰማርያን ድሸቲደ ካቀቴዳዋ ቆንጭሳደ ታማርሳድ። ያትና፣ ቱዋ ህንተ ኤና ጌና ማላ፣ ህንተንታ ብቴዳዌ ኦኔ?

2 አነ ታዉ ሀ እት የዉዋ ጳላላ ኦድተ፣ ጳላ አያና፣ ህጊ ግያዋ ናጊደ እኬድቴ ዋይ አማኑዋን ሰሲደ እኬድቴ?

3 ህንተንቱ ሄዋ ኬና ኤዬ? ጳላ አያናን ደኤዋ ደሚደ፣ ሀእ ህንተ ዋልቃን ፖሊቱ?

4 ህንተንቱ ዳቡራ ኡባዉ አይነ ማዲ ባዌ? ቱማ ማዲ ደኤ።

5 ያትና፣ ጳላይ ህንተንቶ ጌሻ አያና እምያዌን ህንተ ግደን ማላታ ኦልያዌ፣ ሙሴ ህግያ ህንተ ኦፊዳ ድራሴ? ዋይ ሞሽራቹዋ ቃላ ሰሲደ፣ ህንተ አማኔዳ ድራሴ?

6 ሀዋዳንካ፣ አብራሃዋ ጳላ አማኔዳ ድራዉ፣ ጳላይ አ ጽሎተዳን ጴሌዳ።

2:6 ዛረ. 10:17 2:16 ማዝ. 143:2፤ ሮመ 3:20፣ 22 * 3:7 አማንያዋንቱ አብራሃመ ዛረ- ጳላይ አብራሃማ ደራዳ፤ ሄ ድራዉ እንነካ አብራሃመ ናኣ ጌተቴዳዌ፣ ጳላ ናኣ ግድያዌ አማኑቱዳ። 3:29 ጴልተ። 3:7 ሮመ 4:16

7 ሄዋ ድራው፡ አማንያዎንቱ አብራሃም ዛረ * ግድያዎ ኤርተ።

8 ጸሳይ አይሁዳ ግደና አሳ አማኑዎን ጽልሳናዎ ጸሳ ማጻፋይ ካሰት በኢደ፡ “ሀ አላምያን ደእያ አሳይ ኡባይ ኔናን አንጀታና” ያገደ፡ ምሽራቹዎ ቃላ አብራሃም ካሰቲደ ኦዴዳ።

9 ሄዋ ድራው፡ አብራሃም አማኒደ አንጀቲዳዎዳን፡ አማንያዎንቱ አዋዳካ አንጀታና።

10 ህግያ ኦሱዋን አማነቲደ ደእያዎንቱ ኡባይ ሸቃ ግደን ደእና፤ አያው ጎጥ፡ ጸሳ ማጻፋይ፡ “ህግያ ማጻፋን ጸፈቲዳ ኡባባን ደኤናዌን ፖለናዌ ኦንነ ሸቀቲዳዎ” ያጌ።

11 ጸሳ ማጻፋይ፡ “ጸሳ ሰንላን ጽላቱ እን አማነቲደ ደኡዎን ደእና” ግያ ድራው፡ ኦንነ ጸሳ ሰንላን ህግያ ናግያዎን ጽላናዌ ኤሪቲዳዎ።

12 ህጊ አማኑዎን ባሰት ኤቂቤና፤ ሸን ጸሳ ማጻፋይ፡ “ህጊ ግያዎ ፖለያዌ እን ደኡዎን ደእና” ያጌ።

13 ጸሳ ማጻፋን፡ “ምላ ቦላ ካቀት ሀይቂያ ኦንነ ሸቀቲዳዎ” ጌተት ጸፈቲዳ ድራው፡ ክርሰቶስ ኑ ድራው ሸቀቲዳዎ ግዲደ፡ ኑና ህግያ ሸቃጥ ዎዝ አኬዳ።

14 ክርሰቶስ ሄዋ አያው ኦሌዴ ጎጥ፡ ጸሳይ አማና ጎጥ፡ ጌሻ አያና ኑን አማኑዎን አካናዳንነ አብራሃም አንጂ ባረ ባጋና አይሁዳ ግደና አሳ ጋካና ማላ ጊደ ኦሌዳ።

ህጊ ሀደታ ቃላ ኮለና

15 ታናዳን አማንያዎንቶ፡ ታን አሳይ ግያዎዳን ህንተንቶ ጋይ፤ ሀራይ አቶ ላኡ አሳቱ እት የወዋ ሃሳዪደ፡ ጫቁዎ ዎሌዳዎጥ ህን ባጋን፡ ኦንነ ሄ ጫቁዎ ብላናው ዎይ ሀራባ ሄ ጫቁዎ ቦላ ጉጃናው ዳንዳየና።

16 አብራሃምን አ ዛሪ ጸሳይ ሰንላጥ አማና ጊደ ሃሳዬዳዎ ሰሴድና፡ ጸሳ ማጻፋይ ጮራ አሳው ሃሳይያዎዳን፡ “ነ ዘረላቶ” ጌና፤ ዎጊ ጎጥ፡ “ነ ዛረው” ያጌ። ሄዌን፡ እት አሳ ጸላላ ጌ፤ እካ ክርሰቶሳ።

17 ታን ግያዌ ሀዋ፤ ጸሳይ አብራሃም ጫቁደ፡ ሀ ጫቁዎ ታን ናጋና ያጌዳ። ኦይዱ ዴታን ሀታሙ ላይላጥ ጉይያን ዬዳ ሙሴ ህጊ ጸሳይ ዎሌዳ ሀ ጫቁዎ ቆይሳናውን ሰንላጥ አማና ጊደ ሃሳዬዳዎ ድጋናው ዳንዳየና።

18 አያው ጎጥ፡ ጸሳይ እምያ ላታይ ህግያን ቤትያዎ ግደጥ፡ ያትና ጸሳይ ሰንላጥ አማና ጊደ፡ ቃላ ገሌዳዎና ግደና ግያዎ፤ ሸን ጸሳይ አማና ጊደ ቃላ ገሌዳዎን ላታ አብራሃም እጫዳ።

19 ያትና፡ ህጊ አያው ደኢ? ህጊ ባይዘ ኦሱዋ ግድያባይ አየንቶ በሳናው ጸሳይ አማና ጊደ ሃሳዬዳ አብራሃም ዛሪ ያና ጋካናው ጉጀቲዳ፤ ኪታንቻ ባጋና ሙሴ ጋናትያዎን እመቲዳ።

20 ጋናይ እት ኡራ ጸላላሳ ግደና፤ ሸን ጸሳይ እቲዎ።

ህግያ ቆፋ

3:8 ደመላ 12:3 † 3:11 ጸሳ ሰንላን ጽላቱ እን አማነቲደ ደኡዎን ደእና- ጸሳይ እኬዳ አሳይ አማኑዎጥ ደንዴዳዎን ደኡዎን ደኢ። 3:12 ዎጋ 18:5 3:13 ዛረ. 21:23 3:16 ደመላ 12:7 3:17 ከሳ 12:40 ‡ 3:29 አብራሃም ዛረ- ሀእ ኑን አብራሃም ጎለ አሳ፡ ሄዋሳ ጸዉሎስ ጋላትያ አሳው ኦዲደ፡ እት አሳይ የሱሳ አማኔዳ አማኑዎን አብራሃምው ቱሙ ናእ ያገቲደ ጸገቲ። ሄዎ ጉሳይ ጸሳ ናእ ጉሳ። 3:7 ጸልተ።

21 ያትና፡ ጸሳይ ሰንላጥ አማና ጊደ ሃሳዬዳዎ፡ እት ህጊ፡ “ሀነና” ያጌ? አኢ! ሄዎ ጌና። አያው ጎጥ፡ ህጊ አሳው ደኡዎ አማናው ዳንዳይያባ ግደጥ፡ ጽሎተላይካ ቱሙ ህግያ አዛዘትያዎጥ ቤቱ ግያዎ።

22 ሸን የሱሰ ክርሰቶሳ አማና፡ ጸሳይ ሰንላጥ አማና ጊደ ቃላ ገሌዳ ላአተላይ፡ አማንያዎንቶ እመታና ማላ፡ አሳይ ኡባይ ናጋራው ሞደቲደ ደእያዎ፡ ጸሳ ማጻፋይ ኦዴ።

23 ሸን ካሰ ሀ አማኑ ያናው፡ ሰንላጥ ቆንጫና አማና ህጊ ኑና ቃሸቲዳ አሳዳን ጎርድ ዎሌዳ።

24 ሄዎ ድራው፡ ኑን አማኑዎን ጽላና ማላ፡ ክርሰቶስ ያና ጋካናው ህጊ ኑና ናግያዎ ግዴዳ።

25 ሸን ሀእ ሰም አማኑ ዬዳ ድራው፡ ህጊ ሀዋጥ ሰንላው ኑና ናግያዎ ግደና።

26 ህንተንቱ ኡባይ አማኑዎ ባጋና ክርሰቶሳ የሱሳን እቲዎ ግዴዳ ጸሳ ናና።

27 አያው ጎጥ፡ ህንተ ክርሰቶሳና እቲዎ ግዳና ማላ ጸማቀቲዳ ኡባቲ ክርሰቶሳ ማዬድታ።

28 ሄዎ ድራው፡ አይሁዳ አሳ ግደንነ ግሪክ አሳ ግደን ዲማተላይ ባዋ፤ አይልያ ዎይ ዎማኑዎ ግደን ዲማተላይ ባዋ፤ አቲማዎ ዎይ ማጫ አሳ ግደን ዲማተላይ ባዋ። አያው ጎጥ፡ ህንተንቱ ኡባይካ ክርሰቶሳ የሱሳን እት አሳ።

29 ህንተንቱ ክርሰቶሳዎ ግደጥ፡ ሰም ህንተንቱ አብራሃም ዛረ፤ ‡ ቃይ ጸሳይ ሰንላጥ አማና ጊደ ቃላ ገሌዳዎ ላትያዎንታ።

4

ኑን ጸሳ ናና ግድያዎ

1 ሸን እኬክተ፤ ባረ አቡዎ ላትያ ናእይ ናአተላን ደኢደ፡ ደእያዎ ኡባው ጎዳ ግደጥካ፡ አይላቲዎጥ አው ዲማትያሳይ ባዋ።

2 ሸን ባረ አቡ ጌዳ ዎዲ ወራና ጋካናው፡ አ ሀዳራ እኬዳዎንቱ ኩሽያንነ አ ሚሻ ናግያዎንቱ ኩሽያን ደኤ።

3 ሀዋዳን ኑንካ ቃይ ናአተላን ደእያ ዎደ፡ ሀ አላምያ ሞድያ አያናቶ አይለቲደ።

4 ሸን ያናው በሰያ ዎዲ ጋኬዳ ዎደ፡ ጸሳይ ማጫውንጥ የለቶዎ፡ ሙሴ ህገው ሞደትያ አሳ ጋርሳን የለቲዳዎ፡ ባረ ናእ ኪቲዳ።

5 አያው ኪቲዴ ጎጥ፡ ህግያን ሞደቲደ ደእያዎንታ ዎዛናውን ኑና ባረ ናና ኦላናው ኪቲዳ።

6 ጸሳይ ህንተ አ ናና ግድያ ድራው፡ “አባቦ፡ ታ አቦ” ጊደ ዋሰያ ባረ ናእ አያና፡ ኑ ዎዛና ግደ ኪቲዳ።

7 ሄዎ ድራው፡ ሀዋጥ ሰንላው ኔን ጸሳ ናእ ግድያዎጥ አትን፡ አይለ ግደካ፤ ቃይ ኔን አ ናእ ግደጥ፡ ክርሰቶሳ ባጋና ጸሳይ ቃላ ገሌዳባ ላትያዎ።

ጸዉሎስ ጋላትያ አሳባ ሀርጌዳ

8 ሸን ህንተ ሀዋጥ ካሰ ጸሳ ኤረናን ደኢደ፡ ቱማ ግደና ጸሳቶ አይለ ግዲደ ኤኖ ጌድታ።

9 ሸን ሀእ ጸሳ ኤሪድ፣ ኡባካ ጸሳን ኤረቲድ፣ ላፋነ ቃይ ካብቲዳ ሀ ኢያናቱዋኮ ዋኒደ ሰሚቲ? ሸረት ሰም፣ አይለ ግዲድ፣ ላኤንሉዋ ኡንቲንቶ ኤኖ ጋናው ኮዩቲ?

10 ዲማቲዳ ጋላሳቱዋ፣ አገናቱዋ፣ ዋደቱዋን ላይላቱዋ ህንተ ሎይሳ ናጉዋን አይለቲድታ።

11 ታና ህንተባይ ያሼ፤ ታን ህንተንቶ ጮ ጋደ መላ ዲቡራድታሻ?

12 ታናዳን አማንያዋንቶ፣ ታን ህንተንቲዳን ሀኔዳ ድራው፣ “ህንተንቲካ ታናዳን ህንተ” ጋደ፣ ህንተንታ ዋሳይ፤ ህንተ ታና አይነ ናቁበይክታ።

13 ታን ኮይር ህንተንቶ ሞሽራቹዋ ቃላ ኦዴዳዋ ታና ሀርገሰሽና ግድያዋ ህንተ ኤሪታ።

14 ታዉ ፓጸተላይ ቆዩደ፣ ህንተንቶ ፓጩ ግድናካ፣ ታና ካድብይክታ፤ ሸንትካበይክታ። ሄዋ ድራ ኡባ ታና ጸሳ ኪታንቻ ሞክያዋዳን፣ ዋይ ክርሰቶሳ የሱሳ ሞክያዋዳን ሞኪድታ።

15 ያትና፣ ሄኮ ህንተ ናሽትያዌ ቤተና! ታና ግደ፣ ህንተንቶ ዳንዳየትያባ ግድና፣ ታዉ ህንተ ህንተንቲ አይና ዋጭ እምንቶን እጸናዋ ማርካታይ።

16 ያትና ታን ህንተንቶ ቱሙዋ ኦድያ ድራው፣ ህንተ ሞርከ ግዳይታ?

17 ሀራ አሳቱ ህንተንቶ ቃረትያዋ ማላቲና፤ ሸን ኡንቲንቲ ቆፋይ ሎኤና፤ አያዉ ጎፕ፣ ህንተ ኡንቲንቶ ቃረታና ማላ፣ ታፕ ህንተንታ ሻካናዉ ኮዩኖ።

18 ሸን ታን ህንተ ማታን ደእያ ዋደ ጸላላን ግደናን፣ ኡባ ዋደካ ሎኤባን ህንተ ኮየትያዋንታ ግደፕ ሎኤ።

19 ታ ሲቆ ናቶ፣ ክርሰቶሳ መታይ ህንተንቲን ቤታና ጋካናው፣ ማጫዉኖ ኦይላይ ሳክያ ኬና፣ ታን ህንተ ድራው ሳክታይ።

20 ሸን ታን ህንተንቶ ሀርግያ ድራው፣ ሀእ ህንተ ማታ ባደ ህንተንቲና ደናን ሃሳያንቶ፣ ዳሪ ደሳይ።

አጋርነ ሳር ሌምሱዋ

21 ሙሴ ሀግያን ሞደቲደ ደእናዉ ኮይያዋንቶ፣ ሀጊ ግያዋ ሰሰክቲ? እነ ታዉ ኦድተ።

22 አያዉ ጎፕ፣ ጸሳ ማጻፋይ፣ “አብራሃዎ ዳንጋጽራት፣ ጎዳት፣ የለቲዳ ላኡ ናናይ ደእኖ” ያጌ።

23 ሸን ዳንጋጽራት ናአይ አሳይ ናአ የልያ ማራዳንካ የለቲዳ፤ ቃይ ጎዳት ናአይ፣ ጸሳይ ሰንሳፕ እማና ጊደ ቃላ ገሌዳዋን የለቲዳ።

24 ሀ ላኡ ማጫዋንቲ ላኡ ጫቆ ግድያ ሌምሶ። አንቲንቲ፣ እትና፣ ሙሴዉ ሀጊ እመቲዳ ሲና ደርያፕ ጫቁ ዬዳዉና፣ ባረ ናና አይለተላዉ የላዲ፤ እዛካ አጋሮ።

25 ሀ አጋራ አራብያ ጌተትያ ጋድያን ደእያ ሲና ደርያን ሌምሰታዉ፤ ቃይካ ሀእ ደእያ የሩሳላመን ሌምሰታዉ፤ አያዉ ጎፕ፣ የሩሳላመ ካታማይ ባረ ግደን ደእያ አሳ ኡባና ሙሴ ሀግያ አይለተላን ደኤ።

26 ሸን ሳሉዋን ደእያ የሩሳላመ አይለተላን ደኤኩ፤ እዛ ኑዉ አቶ ግዴዳ ሳሮ።

27 አያዉ ጎፕ፣ ጸሳ ማጻፋይ፣

“ሀኔ፣ የላቤና ማንላቲ፣ ናሽታ፤ የሉዋ ኦይላይ ኦይቂ ኤረናዉኔ፣ ነ ኮሻ ቶቁ ኦሳደ እልላ! አያዉ ጎፕ፣ ባረ አሰናና ደእያ ማጫዉን፣ ባረካ ደእያ ማጫዉንዉ ጮራ ናናይ ደእና”

ያጌ።

28 ታናዳን አማንያዋንቶ፣ ኡንካ ሳር ናአ ይሳቃዳን፣ ጸሳይ ሰንሳፕ እማና ጊደ ቃላ ገሌዳ ናና።

29 ሸን ሄ ዋደ አሳ ማራዳን የለቲዳዌ፣ ጸሳ አያናይ ጌዳዋዳን የለቲዳዋ የደርሰ ድንዋዳን፣ ሀእካ ሄዋ ማላ።

30 ሸን ጸሳ ማጻፋይ ዋጊ? “ዳንጋጽራት ናአይ ጎዳት ናአና እትፕ ላተና ድራው፣ ዳንጋጽራቶ እዝ ናአና እትፕ ከሳ የዳ” ያጌ።

31 ሄዋ ድራው፣ ታናዳን አማንያዋንቶ፣ ኡን ጎዳት ናና ግድያዋፕ አትን፣ ዳንጋጽራት ናና ግደኮ።

5

ክርሰቶሳን አይለተላፕ ከሱሳ

1 ኡን አይለተላይ ባይናን፣ ደእና ማላ፣ ክርሰቶሰ ኑና አይለተላፕ ከሴዳ፤ ሰም ሞኒደ ኤቂተ፤ ላኤንሉዋ አይለተላ ሞርገ ሞሳን ዋጸቶፕተ።

2 ሰሰተ፣ ታን ጳዉሎስ፣ ህንተንታ ያጋይ፤ ህንተ ቃጸረትያዋ ግደፕ፣ ክርሰቶሰ ህንተንታ አይነ ማደና።

3 ቃጸረትያ ኡባቲ ሀጊ ግያዋ ኡባ ፖሊደ ናጋናዉ በሰያዋ ጉጃደ ቆፈላይ።

4 ሀግያ ናጊደ ጽላናዉ ኮይያዋንቶ፣ ክርሰቶሳፕ ሻከቲድታ፤ ጸሳ አቶ ኬካተላፕካ ኩንዴድታ።

5 ኑና ግደፕ፣ ኡን ጸሳ አያና ባጋና አማኑዋን ጽላናዉ ናሽቻን ናጌቶ።

6 አያዉ ጎፕ፣ ኡን ክርሰቶሰ የሱሳና እትፕ ደአፕ፣ ሲቁዋን ኦሳያ አማኑዋፕ አትን፣ ቃጸረትናካ፣ ቃጸረተናን አግናካ ኑና አይነ ማደና።

7 ካሰ ሎኦ ዋጺታ፤ ሸን ቱማተላዉ ህንተ ኤኖ ጌና ማላ፣ ኦኔ ህንተንታ ድጌዳዌ?

8 ሀ ጭሙ ህንተንታ ጴሴዳ ጸሳፕ ይቤና።

9 አሳይ ግያዋዳን፣ ጉላ እርሹ ሙናቃ ኡባ ደንሏ።

10 ህንተንቲ ሀራባ ቆፕናዋ ታን ጸሳን አማነታይ፤ ሸን ህንተንታ መትያ ኡራይ ኑና ግደፕ፤ ጸሳፕ ባረ ፕርዳ አካናዋ።

11 ሸን ታናዳን አማንያዋንቶ፣ ታን ሀዋ ጋካናዉ ቃጸራይ ኮሽያዋ ኦድያዋ ግደፕ፣ ታና አያዉ የደርሰኖ? ሄዌ ቱማ ግደፕ፣ ታን ክርሰቶሳ ማሰቃልያባ ታማርሰና አይነ መትያባይ ባዋ።

12 ህንተንታ መቶልያዋንቲ ባረንታ ባረንቶካ ጎይራርክኖሻ!

13 ህንተንታ ግደጥ፡ ታናዳን አማንያዎንቶ፡ አይለተላጥ ከሳናው ዴሰቲድታ። ግደጥካ አይለተላጥ ህንተ ከሴዳዎን፡ ህንተ አሳተላ አሙ ህንተንታ ዋደገ። ሄዋ ድራ ሲቁዋን እቱ እቶ ሞደትተ።

14 አያው ጎጥ፡ ህጊ ኡባይ እት ሃሳያን ቃሽቲዳ፤ እካ፡ “ሳ ሾሩዋ ነ ሁጲያዳን ሲቃ” ያግያዎ።

15 ሸን ህንተ እቱ እቱዋና ሳኤትያዋን ሜተትያዋ ግደጥ፡ ህንተ ህንተ ግደን ወረና ማላ ናገትተ።

አያናን እሹዋ

16 ሸን ሰሰተ፤ ጸሳ አያናይ ህንተንታ ካለላያዋ ግደጥ፡ ህንተ እሹዋ አሙዋ ሙለካ ፖልክታ።

17 አያው ጎጥ፡ ኑ እሹ አሞትያዋ ጌሻ አያናይ እጾ፤ ቃይ ጌሻ አያናይ አሞትያዋ ኑ እሹ እጾ፤ ሀዋንቱ እቱ እቱዋና እጸቲኖ። ሄዋ ድራው፡ ህንተ ደሰያዋ ኦላናው ዳንዳይክታ።

18 ሸን ጸሳ አያናይ ህንተንታ ካለላያዋ ግደጥ፡ ሙሴ ህጊ ህንተንታ ሞደና።

19 እሹዋ ኦሱ ኤረቲዳዎ፤ እካ አይ ጎጥ፡ ዎሹሞያዎ፡ ቱናተላ፡ አይዳ ቱናተላ ኦሱዋ፡

20 ኤቃው ጎይንያዎ፡ ብትያዎ፡ ሞርከተላ፡ ፓሉማ፡ ቃናትያዎ፡ ህንቁዋ፡ ባረና ደሰያዎ፡ ዋላቀትያዎ፡ እቱ እቱዋጥ ሻከትያዎ፡

21 አሳዋ አሞትያዎ፡ ማሳትያዎ፡ የላንቻ ግድያዋን ሀዋንታ ማላትያዋንታ። ካሰካ ታን ህንተንቶ ኦዴዳዎዳን፡ ሀዋንታ ማላትያዋንታ አላያዋንቶ ጸሳ ካወተላን ገልያሳይ ባዎ።

22 ሸን ጌሻ አያና አይፊ፡ ሲቁዋ፡ ናሸቻ፡ ሳርተላ፡ ዳንዳያ፡ ኬካተላ፡ ሎኦተላ፡ አማንትያዎ፡

23 አሸከተላ፡ ባረ ሁጲያ ናግያዎ። ሄዋንታ ማላትያዋንታ ድግያ ህጊ ባዎ።

24 ክርሰቶሳ የሱሳባ ግድያዎንቱ ባረንቱ አሳተላ አ ኢታ ቆፋናን አ አሙዋና እትጥ ማሰቃልያ ቦላን ሞሰማርያን ድሸደ ካቂድኖ።

25 ኑወ ጌሻ አያናይ ደኤዋ አሞዋጥ ጉይያን፡ ኑና ቃይ እ ካለሉ።

26 እነ ኦቶረትያዎ፡ ዎይ እቱ እቱዋ ሀንቀላያዎ፡ ዎይ እቱ እቱዋ ቃናትያዋ አጎይተ።

5 አያው ጎጥ፡ አሳይ ኡባይ ሁጲያን ሁጲያን ባረጥ ናገትያዋ ኦላና በሴ።

6 ሸን ጸሳ ቃላ ታማርያዎ ባረው ደእያ ሎኦባ ኡባ ባረና ታማርሰያዎና ሻኮ።

7 ህንተንታ ህንተረካ ጭሞጥተ። ኦንነ ጸሳ ቦላ ቅሊጫናው ዳንዳየና፤ አያው ጎጥ፡ አሳይ ባረ ዘርያዋ ዛረሲደ ቆይጫና።

8 ባረ እሹዋ አሙዋን ዘርያዋ ግደጥ፡ እሹዋ አሙዋጥ ሀይቁዋ ቆይጫና። ሸን ጸሳ አያናን ዘርያዋ ግደጥ፡ ጸሳ አያናጥ ሙድና ደኤዋ ቆይጫና።

9 እነ ሎኦ ኦሱዋ ኦላናው ሞናይተ። አያው ጎጥ፡ ኑን ሞን ኦሳጥ፡ ቆይጫያ ዎዲ ሰንሳጥ ያናዎ።

10 ሄዋ ግደጥ ሀ ኦላናው ኑን ዳንዳይያዎን፡ አሳ ኡባው ሎኦባ ኦሳይተ፤ ሸን ኡባጥ አሊደ፡ ኑናና አማኑዋን ደእያዎንቶ ሎኦባ ኦሳይተ።

ወርሰላ ዘርያን ሳርታ

11 ታን ታ ኩሸያን፡ አይ ማላ ዎልቃማ ፕደላቲዋን፡ ሀዋ ህንተንቶ ጸፋድታንቶ በእተ።

12 አሳ ሰንሳን ሎኤደ ቤታናው ኮይያ ኡባቱ፡ ህንተ ቃጸረታና ማላ ኮዩኖ፤ ሸን ሄዋ ኡንቱንቱ አላያዎ ባረንቶ ክርሰቶሳ ማሰቃልያ ድራው የደርሰተናን አታና ጸላላሳ።

13 አያው ጎጥ፡ ኡንቱንቱ ህንተ ቃጸረቲዳዎን ጨቀታናው ህንተንታ ቃጸረትኖ ጊኖጥ አትን፡ ሀራይ እቶ ቃጸረቲዳዎንቱካ ባረንቱ ሁጲው ሙሴ ህግያ ናግክኖ።

14 ሸን አላሚ ታወ ካቀትና፡ ታንካ አላመወ ካቀቲዳ የሱሰ ክርሰቶሳ ማሰቃልያጥ አትን፡ ታን ጨቀትያባይ ሀራባይ ታጥ ሃኮ።

15 አያው ጎጥ፡ ክርሰቶሰ የሱሳን ኦራላ መታ ግድያዎ ማዴጥ አትን፡ ቃጸረትናካ ቃጸረተናን አግናካ አይነ ማደና።

16 ሀ ዎጋን ሀመትያ ኡባቱዋ ቦላንነ ጸሳ አሳ ኡባ ቦላ፡ ሳርተላይነ ማርተላይ ግድ።

17 ታን የሱሳው ማይቲዳ ማላ ታ ቦላን ቶኬዳ ድራው፡ ሀዋጥ ሰንሳው እት አሳይካ ታና መቶላገ።

18 ታናዳን አማንያዎንቶ፡ ኑ ጎዳ የሱሰ ክርሰቶሳ አይ ኬካተላይ ህንተንቱና ግድ። አመንእ።

6

እቱ እቱዋና ማደትያዋ

1 ታናዳን አማንያዎንቶ፡ ህንተናን ጌሻ አያናን ደእያዎንቱ እት ኡራይ አይ ባይዙዋ ኦሊደ፡ ቤቶጥካ፡ አሸከተላ አያናን አ ሱርሰተ፤ ቃይ ህንተ ፓጨተና ማላ፡ ህንተ ሁጲያ ናግተ።

2 እቱ እቱዋ ቶኩዋ ቶክተ፤ ሄዋ አላያዋን ክርሰቶሳ ህገወ አዛዘቲታ።

3 አያው ጎጥ፡ እት ኡራይ አይነ ሀንናን ደኢደ፡ እትባ እ ሀኔዳዋ አወ ማላቶጥ፡ ባረ ሁጲያ ጭሚ።

4 ሸን አሳይ ኡባይ ሁጲያን ሁጲያን ባረ ኦሱዋ ፓጮ፤ ሄዋጥ ጉይያን፡ ሀራ አሳዋና ልከናን፡ ባረ ሁጲ ኦሱዋ ጸላላን አማንትያዋ ደማና።

ጳውሎስ ኤፌሶና አሳው ጳጳሱ ኪታ ገሎጥ

ጳውሎስ ኤፌሶናን ደገፊ አሳው ጳጳሱ ኪታን ኡባባጥ አላደ እ ያሉዳዊ፡ “ጳሳ ቆፋ ኦሱዋን ፔሻናዊ ሳሉዋን ሳኣን ደገፊባይ ኡባይ እትጥ ሺቁደ፡ እት ክርስቶሳ ማታ ጋርሳን አቅያ ዎዲ ጋካና” ያግያ ቆፋ (1:10)። ሄዋ ቦላንካ ጉጃይ የሱስ ክርስቶሳና እትጥ ግዲደ፡ አሳ ዛርያ ኡባይ እቱዋ ግዲና ማላ፡ ሀ ዎልቃማ ቆፋ ኦሱዋን ፔሻናዳን ጳሳ አሳ ሀሳይሴ።

ኤፌሶና ኪታይ ኮይሮ ሳን ጳጳ እትጥተላዎ ጸፋናዊ ደሜዳዎ አሲደ፡ ጳሳይ አዉ ባረ አሳ ዎት ደሬደንቶ፡ ኡንቱንቱካ እ ናኣ፡ የሱስ ክርስቶሳን ባረንቱ ናጋራጥ ማረቲደ፡ ዋን ላኦ ከሴደንቶን ጳሳ ዎልቃማ ህደታ ቃላይ ጌሻ አያና ባጋና ዎት ኤረቲደንቶ ኦዴ። ላኤንሳያ ሻኩዋን ቃይ ጳጳ ሀ ኪታ ናባብያዎንቱ ባረንቱ እትጥተላ ደኡዋን ክርስቶሳን ኡንቱንቶ ደገፊ እትጥተላይ ቱማ ግዲና ማላ ኡንቱንቱ ዋሂደ ደአናዉ በሰንቶ ቆፍሴ።

አሳይ ክርስቶሳን ደገፊ እትጥተላን ዋሂደ ደአናዉ ዳንዳይንቶ ዲማ ዲማ ሂላ ሃሳያን ቆንጨዳ። አማንያ አሳይ እት አሳተላ ሌምሱዋ ግድያ ዎደ፡ ክርስቶስ ሄ አሳተላዉ ሁጺያ ግዴ። አማንያ አሳይ ግምቢያ ጎልያን ሌምሱትያ ዎደ፡ ክርስቶስ ሄ ግምቢያ ጎላዉ ጎዳ ጸጺዋ ምንሰያ ዋና ሹቻ ግዴ። አማንያ አሳይ ማቶያዳን ሌምሱትያ ዎደ፡ ክርስቶስ አሰናዳን ግዴ። ጸፍያዊ ክርስቶሳ ባጋና ቆንጨዳ ጳሳ አቶ ኬካተላ ዳር ቶቁስ ናሽ ሃሳዪደ፡ ጨማቴዳ ቆፋ ሺሼ። እ ኡባባካ ክርስቶሳ ሲቁዋን፡ እ ያርሸቶዋን፡ እ ማርተላን፡ እ አቶ ኬካተላን እ አሳርተላ ባጋና ጸሌ።

ሸምጋቱዋ ኡባቶ አመቴዳ ቃንሳ ቆፋቱዋ
ገሎጥ 1:1-2
ክርስቶሳን አማንያ አሳ 1:3—3:21
ክርስቶሳን ቤትያ ኦራሳ ደኡዋ 4:1—6:20
ወርሰላ ቁትያ 6:21-24

1 ታን ጳሳ ሸንያን ክርስቶስ የሱስ ኪታዳ ጳውሎስ፡ ኤፌሶናን ደገፊ ጳሳ ናናዉ ቃይ ክርስቶሳ የሱሳዉ አማንቲደ ደገፊዎንቶ ሀ ዳብዳቢያ ጸፋይ።

2 ጳሳ ኦ አዉዋጥን ጎዳ የሱስ ክርስቶሳጥ አቶ ኬካተላይን ሳርተላይ ህንተንቶ ግድ።

ክርስቶሳጥ ቤትያ አያና አንጂዋ

3 አያና አንጂዋ ኡባን ክርስቶሳ ባጋና ቦላ ሳሉዋን ኦ አንጂዳ ጳሳ፡ ኦ ጎዳ የሱስ ክርስቶሳ አዉዋ፡ ኦን ጋላቲቶ።

4 ኦን አ ሰንላን ጌሻቱዋን ፖኩ ባይናዋንታ ግዲና ማላ፡ ጳሳይ ኦና ሳኣይ መጋታናጥ ካሰ፡ ክርስቶሳ ባጋና ባረ ሲቁዋን ደሬዳ።

5 ጳሳይ ባረ ሸንያን ባረ ደሴዳዎዳን፡ የሱስ ክርስቶሳ ባጋና ኦና ባረ ናናቱዋ ኦላናዉ ካሰቲደ ቆጥ ዎሌዳ።

6 ጳሳይ ባረ ሲቅያ ናኣ ባጋና ኦዉ ጮ አሜዳ አቶ ኬካተላ ቦንቹዋ ድራዉ፡ ኦጥ ጋላታ አካናዉ ሄዋ ኦሌዳ።

7 ኦን ጳሳ አቶ ኬካተላ ዳሩዎዳን፡ ክርስቶሳ ሱላን ዎዘቲደ፤ ሄዋን ጳሳይ ኦ ናጋራ አቶ ጌዳ።

8 ጳሳይ ባረ አቶ ኤራተላ ኡባን ባረ ዎዘና ቆፋ ኡባን ባረ አቶ ኬካተላ ኦዉ ዳርሲደ አሜዳ።

9 አያዉ ጎጥ፡ ጳሳይ ባረ ቆጥዳዎ ኦሌዳ፤ ቃይ ክርስቶሳ ባጋና ፖላናዉ ቆጥ ዎሌዳ ጸራ የወዋ ኦና ኤርሴዳ።

10 ጳሳይ ዎድያ ወርሰላይ ጋክያ ዎደ ፖላናዉ ቆጥዳ ቆፋይ ክርስቶሳ ዋና ኦሌደ፡ ሳሉዋን ሳኣን ደገፊ መጋታ ኡባ እትጥ እን ሸሻናዎ።

11 ኡባባይ ጳሳ ቆፋዳን እ ጌዳዎዳን ሀኔዳ፤ ጳሳይ ካሰቲደ ቆጥ ዎሌዳዎዳን፡ ክርስቶሳ ባጋና ኦን አዎንታ ግዲናዳን፡ ኦና ደሬዳ።

12 ኦን ካሰቲደ፡ ክርስቶሳ ባጋና አካና ጌደ ናሸቻን ናግያዎንቱ፡ ጳሳ ቦንቹዋ ጋላቲቶ።

13 ህንተዉካ ቃይ ሄዋዳን ሀኔዳ፤ ቱሙ ኪታ፡ ህንተንቶ አቶተላ አሄዳ ምሽራቹዋ ቃላ፡ ህንተ ሰሴዳ ዎደ ክርስቶሳ አማኔታ፤ ጳሳይ ህንተንቶ አማና ጌዳ ጌሻ አያና ባጋና፡ ህንተ አዋ ግድያዎ ኤርሰያ ማታፋ ህንተ ቦላ ዎሌዳ።

14 ጳሳይ ባረ አሳዉ አማና ጌዳዎ ኦን ላታና ጋካናዉ፡ ጌሻ አያና ዋሰተላ አይቁደ። ሄዌ ቃይ አ ቦንቾ፡ ጋላታ ግዲናዎ።

ጳውሎስ ኤፌሶና አሳው ዎሴዳ

15 ሄዋ ድራዉ፡ ጎዳ የሱሳ ህንተ አማንያዎን ጌሻቱዋ ኡባ ህንተ ሲቅያዎ ታን ሰሶደጥ ደማደ።

16 ህንተንቶ ጳሳ ጋላትያዎ አጋቢይክ፤ ጳሳ ዎሳደ ህንተዉካ ዎሳይ።

17 ቃይ ጎዳ የሱስ ክርስቶሳ ጳሳይ፡ ቦንቹዋ አዉ፡ ጳሳ ህንተ ኤራናዳን፡ ህንተና አቶ ኤራንቻ አላያ ቃይ ጳሳ ህንተንቶ ቆንጭሰያ ጌሻ አያና ህንተንቶ አማናዳን፡ ታን ዎሳይ።

18 ጳሳይ ህንተ አካና ጌደ፡ ናሸቻን ናግ ኡቲዳዎ ህንተና ጸሴዳዎን እ ባረ አሳዉ አማና ግያ አንጂ አይ ኬና ዲረንቶ ህንተ ኤራናዳን፡ ጳሳይ ህንተ ዎዘና ደይና፡ እ ፖኡዋ ህንተ በአናዳን፡ ታን ጳሳ ዎሳይ።

19-20 ቃይ አ አማንያ ኦናን አ ዎልቃይ ሎይሳ ኦሌ። ሀ ኦናን ደገፊ ዎልቃይን ሀይቁዋጥ ክርስቶሳ ደንሏደ፡ ሳሉዋ ሳኣን ጳሳጥ ኡሸቻ ባጋና * ኡትሴዳ ዎልቃማ ዎልቃይ እቱዋ።

21 ክርስቶሳ ሳሉዋ ሱንላቱዋጥ፡ ጎዳተላይ ደገፊዎንቱ፡ ዎልቃማቱዋጥን ጎዳቱዋ ኡባጥ ቦላ ግዲደ ሞዴ፤ እ ሀኣ ደገፊ የለታ ጳሳላን ግዲናን፡ ሰንላጥ ያና የለታንካ ሀራ ሱንላተላ ኡባጥ ቶቁ።

* 1:19-20 ኡሸቻ ባጋ፡ ዎልቃን ቦንቹዋ ሳኣ። 1:19-20 ማዘ. 110:1 1:22 ማዘ. 8:6 1:22 ቆል. 1:18

22 ጸሳይ ኡባባ ክርስቶስ ገድያፕ ጋርሳን ሞድሲድ፣ ቃይ ጸሳይ እ ኡባባን ኡባፕ ሶላና ጎዳ ግዳናዳን፣ ዋሳ ጎለዉ እ እሜዳ።

23 ዋሳ ጎለ ክርስቶስ እሳተላ፤ ዋሳ ጎለ ክርስቶስ ኡባ ሳን ኡባባ ኩንላያ ኦ ፖሎዋ።

2

ክርስቶስን ሀይቁዋፕ ደኦ ፕንያዎ

1 ህንተ ኦዛዘተናን እጹዳ ድራዉን ህንተ ናጋራ ድራዉ፣ ካስ ዎድያን እያና ሀይቁዎ ሀይቁድታ።

2 ሄ ዎደ ህንተ ሀ ኦላሞያ የለታ ኢታ ኦግያ ሀመቲድታ፤ ጫርኩዎ ግደን ደእያ ዎልቃማ እያናቱዎ ካፖ ቃይ ጸሳዉ ኦዛዘተና ኦሳ ሀኦ ሞድያ እያናዉ ኦዛዘቲድታ።

3 ኩንካ ቃይ ኡባይ ሄ ኦሳ ማላ፤ ቃይ ኩን ኩ ኦሹዎ ኦሙዎዳን ደኤደ፤ ኩ ኦሹን ኩ ዎዛናይ ኮዬዳዎ ኦሌዳ። ኩንካ ሀራቱዎዳን፣ ኩ መፍታን ጸሳ ሀንቁዎ ኦካናዉ ደኤቶ።

4 ሸን ጸሳ ማርተላይ ዳራ ግድያ ድራዉ፣ ባረ ሲቁዎ ዳሩዎዳን፣

5 ኩን ኦዉ ኦዛዘተናን እጹደ፣ ሀራይ ኦቶ እያናን ሀይቁዳዎንታ ግድናካ፣ እ ክርስቶሳና ኩዉ ደኡዎ እሜዳ። ጸሳ ኦሹ ኬካተላን ህንተ ኦቲድታ።

6 ኩን ክርስቶስ የሱሳና ሳሉዎን ሳኦን ሞዳናዳን፣ ጸሳይ ኩና ኦናና እትፕ ሀይቁዎፕ ደንሌዳ።

7 እ ሰንሳፕ ያና ዎድያን፣ ኩዉ ክርስቶስ የሱሳን ደእያ ኬካተላን፣ ኡባፕ ኦሹያ ባረ ኦሹ ኬካተላ ቶቃተላ በሳናዉ ሄዎ ኦሌዳ።

8 እያዉ ጎፕ፣ ህንተ ጸሳ ኦሹ ኬካተላን፣ ኦማኑዎን ኦቲድታ፤ ሀዌ ጸሳ ኦሙዎፕ ኦትን፣ ህንተ ኦሱዎና ግደና።

9 ህንተ ዳቡራን በትቤና ድራዉ፣ ህንተ ጨቀትያባይ እያይነ ባዎ።

10 እያዉ ጎፕ፣ ኩን ጸሳ መፍታ፤ እ ኩዉ ካስቲደ ጊገስ ዎሌዳ ሎኦ ኦሱዎ ኩን ኦላናዳን፣ ክርስቶስ የሱሳ ባጋና ኩና መጴዳ።

ክርስቶስን ቤትያ እትፕተላ

11 ሄዎ ድራዉ፣ ህንተኖ ዛርያን ኦይሁዳ ግደና ኦሳቶ፣ ባረንቱ ኦሳተላ ሶላ ኩሸያን ኦስቲዳዎን፣ ባረና ቃጸረቲዳዎንታ ግያ ኦይሁዳቱ፣ ቃጸረትቤናዎንታ ጊደ ጸሰያዎንቶ፣ ህንተ ካስ ኦንንቶ ኦኬክተ።

12 ሄ ዎደ ህንተ ክርስቶሳፕ ሻከቲድታ፤ ኦማላ ግዲደ፣ እሰራኤልያ ኦሳፕ ሃኪደ ደኤድታ፤ ጸሳይ ባረ ኦሳዉ ኦማና ጊደ ጫቄዳ ጫቁዎፕ ኦይነ ደዎበይክታ፤ ሀ ሳኦ ሶላ ህንተ ደማና ጊደ፣ ናሽቻን ናግ ኡቲዳዎ ደመናንን ቃይ ጸሳይ ባይናን ደኤድታ።

13 ሸን ህንተ ካስ ሃኪደ ደእያዎንቱ ሀኦ ክርስቶስ የሱሳና ደኤደ፣ ክርስቶስ ሀይቁዎን ማታ ሸቁድታ።

14 እያዉ ጎፕ፣ ክርስቶስ ኦይሁዳ ኦሳን ኦይሁዳ ግደና ኦሳ እቲዎ ኦሌደ፣ ኩዉ ሳርተላ ኦሄዳ። ኡንቲንቱ ላኡዎ ሻኪደ፣ ሞርከ ኦላ ዎሌዳ ሞርከተላ ጎዳ ባረ ኦሳተላን ኮል የጌዳ።

15 እ ባረ ሁጸዉ ሀ ላኡ ዛራቱዎፕ እት ኦራላ ኦሳ መጴደ ሳርተላ ዎላናዉ፣ ኦይሁዳ ኦሳቱዎ ሀግያ ኦ ኦዛዘቱዎን ዎጋቲዎና እትፕ ጳይሴዳ።

16 ክርስቶስ ማስቃልያ ሶላ ሞስማርያን ቲሸቲደ ሀይቄዳ ባረ ሀይቁዎን ሞርከተላ ጳይሴዳ፤ ቃይ ማስቃልያ ባጋና ላኡ ዛራቱዎካ እት ኦሳ ኦላ ሰገሌደ፣ ጸሳኮ ኦሄዳ።

17 ክርስቶስ ዪደ፣ ጸሳፕ ሃኪደ ደእያ ህንተንቶ ኦይሁዳ ግደናዎንቶ፣ ኦ ማታን ደእያ ኦይሁዳቶ ኡባዉ፣ ሞሽራቹዎ ቃላ ሳርተላ ኦዴዳ።

18 እያዉ ጎፕ፣ ኩን ኡባይ፣ ኦይሁዳቱካ ኦይሁዳ ግደናዎንቱካ፣ እት ጌሻ ኦያናን ክርስቶስ ባጋና ኦዉዎ ሰንላ ሸቃናዉ ዳንዳዬቶ።

19 ሰሞ ህንተ ኦይሁዳ ግደና ኦሳቱ ሀዎፕ ሰንላዉ ኦላጋ ዎይ ኦማላ ግድክታ፤ ሀኦ ህንተን ጌሻቱ እት ቢታ ኦሳ፤ ቃይ ጸሳዉ ህንተ ሶይ ኦሳ።

20 የሱስ ኪቲዳዎንቱን ትምቢትያ ኦድያዎንቱ ባሴዳ ባሱዎ ሶላ ህንተካ ኬጸቲድታ፤ ጎዳ ጸጹዎ ሞንሰያ ዎና ሹቻይ ክርስቶስ የሱሳ።

21 እ ጎልያ ኡባ እትፕ ሸሸ ኦይቄደ፣ ጸሳ ባጋና ጌሻ፣ ጸሳ ጌሻ ጎለ ግዳና ማላ ድቼ።

22 ህንተ ቃይ ጸሳይ ባረ ኦያናን ደእያ ጎልያ ግዳናዉ፣ ሀራቱዎ ኡባና እትፕ ክርስቶስን ኬጸቲታ።

3

ጳውሎስ ኦማንና ኦሳዉ ኦሌዳ ኦሱዎ

1 ሄዎ ድራዉ፣ ህንተኖ ኦይሁዳ ግደና ኦሳቶ፣ ታን ጳውሎስ ህንተ ድራዉ ክርስቶስ የሱሳ ቃሾ ኦሳ ግዴዳዌ፣ ጸሳ ዎሳይ።

2 ጸሳይ ባረ ኦሹ ኬካተላን፣ ታን ህንተና ማዳናዳን፣ ሀ ኦሱዎ ታዉ ኦማዳዎ ህንተ ሎይላ ሰሴድታ።

3 ጸሳይ ባረ ጹራ ቆፋ ታዉ ቆንጭሲደ፣ ታና ኤርሴዳ፤ ታን ሄዎ ቃንላን ጸፋድ።

4 ቃይ ታን ጸፊዳዎ ህንተ ናባብያ ዎደ፣ ክርስቶስ ጹራ ታን ዎታ ኦኬካድታንቶን ኤራናዉ ዳንዳዪታ።

5 በን ዎደ ኦሳይ ሄ ጹራ የወዎ ሰሰቤና፤ ሸን ጸሳይ ሄዎ የሱስ ኪቲዳ ጸሳ ናናቶን ትምቢትያ ኦድያዎንቶ፣ ጌሻ ኦያናን ሀኦ ቆንጭሴዳ።

6 ጹራ የዉ ሀዎ፤ ኦይሁዳ ግደና ኦሳይ ዎንጋላ ባጋና፣ ጸሳ ኦንጂዎ ኦይሁዳቱዎና እትፕ ላቲኖ፤ ኡንቲንቱ እት ኦሳተላን ሻከተናን ደኤዳ፤ ቃይ ክርስቶስ የሱሳ ባጋና ጸሳይ ኦማና ጌዳዎ ኦይሁዳቱዎና ሻኪና።

7 ጸሳይ ባረ ኦሱዎ ዎልቃ ባጋና ታዉ ኦማዳ ኦሹ ኬካተላን ታን ሀ ዎንጋላዉ ቆማ ግዳድ።

8 ታን ጌሻቱዎ ኡባ ግደን ላፍያዎ ግደፕካ፣ ኦይሁዳ ግደና ኦሳዉ ዛዎይ ባይና ክርስቶስ ዲረተላ ሞሽራቹዎ ቃላ ኦድያ ሀ ካጫ ጸሳይ ታዉ ኦማዳ።

9-10 ቃይ ታን ሄዎን ጸሳ ጹራ ቆፋ ኦሳ ኡባዉ ቆንጭሳ ኦዳና፤ ኡባባ መጴዳ ጸሳይ ባረ ጹራ የወዎ በን ዎደ ገንላ ዎሌዳ። ጸሳይ ሀኦ ሄዎ ዎሳ ጎልያ ባጋና ሳሉዎ ሳኦን ደእያ ካፓቶን ጎዳተላይ

ደእያዎንቶ ዛዋይ ባይና ባረ አዴዳ ኤራተላ ቆንጭሳናው ኦሴዳ።

11 ጸሳይ ሄዎ ኑ ጎዳ ክርስቶስ የሱሳ ባጋና እ ፖሌዳ ባረ መድና ቆፋዳን ኦሴዳ።

12 ኑን ክርስቶስ የሱሳና እትፕ ግዲደ፣ አ አማንያ አማኑዋን አማነቲደ፣ አይነ ያየናን ጸሳ ሰንላ ሺቃናው ዳንዳዬቶ።

13 ሄዎ ድራው፣ ታን ህንተዋን መቶትያዋን ህንተ ህርገና ማላ፣ ህንተና ዋሳይ፤ እያው ጎፕ፣ ታን ህንተ ቦንቾ መቶታይ።

ክርስቶስ ሲቁዋ

14-15 ሄዎ ድራው፣ ታን ሳሉዋን ሳኣን ደእያ አማንያ ጎልያ አሳይ ኡባይ አፕ ዬዳ * ጸሳ ሰንላን ጉልባታይ።

16-17 ጸሳይ ባረ ቦንቾዋ ዳሩዋዳን፣ ባረ ጌሻ እያናን፣ ህንተንቶ ህንተ ጋርሳ አሳተላን ህንተ ሞንያ ዋልቃ አማናዳን፣ ቃይ አማኑዋ ባጋና ክርስቶስ ህንተ ዋዛና ባረ ጎልያ መቆናዳን፣ ታን ጸሳ ዋሳይ፤ ቃይካ ህንተ ጸጹዋ የዲደ፣ ቶከቲደ ሲቁዋን ሞናናዳን፣ ጸሳ ዋሳይ።

18 ቃይ ጌሻቱዋ ኡባና ክርስቶስ ሲቁ አይ ኬና አከንቶ፣ አዲሰንቶ፣ ቶቀንቶነ ጨመንቶ † ኤርያ ዋልቃ ህንተንቱ ደማናዳን፣ ታን ጸሳ ዋሳይ።

19 ኤራተላፕ እድያ ክርስቶስ ሲቁዋ ህንተ ኤራናዳን፣ ቃይ ጸሳዋ ግድያ ኡባባን ህንተ ፖል ኩማናዳን፣ ታን ጸሳ ዋሳይ።

20-21 ሰም ኑ ግድን ኦልያ ባረ ዋልቃ ባጋና ኑን ዋሰያዋ ዋይ ቆፕያዋ ኡባፕ ሎይላ ዳርስ አላናው ዳንዳይያ ጸሳው፣ ዋሳ ጎልያንን ክርስቶስ የሱሳን ኡባ ዋደ መድናፕ መድና ጋካናው ቦንቾ ግድ። አመንእ።

4

ቦላ እትፕተላ

1 ሄዎ ድራው፣ ታን ጎዳው ኦልያ ድራው ቃሽቲዳዌ ጸሳይ ህንተና ጴሴዳ ጴሳው በሰያ ደኡዋ ህንተ ደአናዳን፣ ታን ህንተና ዋሳይ።

2 ኡባ ዋደ ህንተ ህንተ ሁጺያ ካውሸያዋንታ፣ አሽከቱዋን ዳንዳያንቻቱዋ ግድተ፤ እቱ እቱዋ ማድያዋን ህንተ ሲቁዋ በሰተ።

3 ህንተና እትፕ ጋላ ቃችያ ሳርተላን፣ ጌሻ እያናይ ህንተንቶ እምያ እትፕተላ ናጋናው ምንተ።

4 ጸሳይ ህንተና ጴሴዳ ህደታይ፣ ህንተ ደማና ጊደ ናግ ኡቲዳዌ መጽ እቱዋ ግደዋዳን፣ እት አሳተላይነ እት ጌሻ እያናይ ደኤ።

5 እት ጎዳይ፣ እት አማኑን እት ጽንቃታይ ደኤ።

6 ኡባ ጎዳይ፣ ኡባ ባጋና ኦልያዌ፣ ኡባ ግድን ደእያዌ፣ እት ጸሳይ፣ ኡባ እው ደኤ።

7 ሸን ክርስቶስ እሜዳ እሙዋዳን፣ ኑን ሁጺያን ሁጺያን ዲማ እሙዋ አኬድ።

8 ሄዎ ድራው፣ ጸሳ ማጸፋይ፣ “እ ፑደ ቶቃሳ ከሴዳ ዋደ፣ አዋደቲዳዋንታ አፌዳ፤ አሳውካ እሞታ እሜዳ” ያጌ።

9 ያትና፣ “ፑደ ከሴዳ” ግያዌ ዋግያዌ? እ ኮይሮ ዲገ ዋዴዳ፤ ሄዌ ሳእው ህርክ ዉርሰላሳ ዋዴዳ ግያዋ።

10 ህ ዲገ ዋዴዳዌ ባረ ሁጺው እ፤ ሄ እ ኡባባ ኩማናዳን፣ ሳሉዋ ኡባፕ ቶቅያሳ ፑደ ከሴዳ።

11 አሳው እሞታ እሜዳዌ እ፤ እ እቱዋ እቱዋ የሱሰ ኪቲዳዋንታ፣ ሀራቱዋ ትምቢትያ ኦድያዋንታ፣ ቃይ ሀራቱዋ ምሽራቹዋ ቃላ ኦድያዋንታ፣ ቃይካ ሀራቱዋ ዋሳ ጎልያ ካለልያዋንታን ታማርሰያዋንታ ኦሳ ሱንሌዳ።

12 እ ሄዎ ጌሻቱ ኡባይ አማንያ አሳ ኦሱዋ አላናዳንን ክርስቶስ ቦላን ኬጸታናዳን ጊግሳናው ኦሴዳ።

13 ቃይ ኑን ኡባይ ጸሳ ናኣ አማንናን ኤርና ቤትያ እትፕተላኮ ጋካና፤ ኑን ክርስቶስ ፖሎ ድቻ ኬና ድጨደ፣ ደንዛ አሳ ግዳናዳና።

14 ኑን ቤታን ያነ ሃነ ሸጨቲደ፣ ባረንቱ ጭምያ ሀናታን አሳ ባላ ኦግያ ካለልያ ገንያ አሳ ትምርትያ ጫርኩዋ ኡባን ሱገቲደ፣ ሀዋፕ ሰንላው ናኣ ግዳናው በሰና።

15 ሸን ኑን ሲቆተላን ቱሙዋ ሃሳዬደ፣ ሁጺ ግድያ ክርስቶስ ኡባባን ድጨናው በሴ።

16 ቦላ ግድን ደእያ ዲማ ዲማ ሻኮታይ አን እትፕ ኦይቀቲድና፤ ቃይ ኩሙንላ ቦላይ ባረው እመቲዳሳ ኡባን እቱ እቱዋና ጋከቲደ፣ እትፕ ኦይቀት ኡቲዳ፤ ሄ ዲማ ዲማ ሻኮታይ አላናው በሰያዋ ኦልያ ዋደ፣ ኩሙንላ ቦላይ ሲቁዋን ድጨን ባረና ኬጴ።

ክርስቶስን ቤትያ ኦራላ ደኤዋ

17 ሄዎ ድራው፣ ታን ሀዋ ህንተንቶ ጎዳ ሱንላን ኦዳይነ ማርካታይ። ህንተ ጎእ ባይና ቆፋ ቆፕያ አይሁዳ ግደና አሳቱዋዳን ደኣፕተ።

18 ኡንቲንቲ ዋዛናይ ቶማን ደኤ፤ ኡንቲንቲ አይነ ኤረናዋንታን አዛዘተና ድራው፣ ጸሳይ እምያ ደኤዋፕ ሃኬድና።

19 ኡንቲንቲ ማታን ዬላ ግያዌ ባዋ፤ ኡንቲንቲ ዋሹማው ካጃላናው ባረንቲ ሁጺያ አላ እሚና፤ ቃይ ቱናባ ኡባ ፓጭ ባይናን አላናው ሎይላ ዮራትያዋንታ።

20 ሸን ህንተ ክርስቶስዋ ሄዋዳን ታማርበይክታ።

21 አባ ቱሙ ሰሴድታ፤ ቃይ ቱማተላይካ የሱሳን ደእያዋ፣ አፕ ታማራድታ።

22 ህንተ ካስ ደእያ ደኤዋ አግተ፤ ቃይ ባረ ጭምያ እሙዋን ቆይያ ህንተ ኤጫ አሳተላ ቆይሰተ።

23 ህንተ ዋዛናይነ ቆፋይ ኡባና ኦራጻናው በሴ።

24 ቱሙ ጽሎተላንን ጌሻተላን ጸሳ ሌምሱዋን መጠቲዳ ኦራላ አሳተላ ማይተ።

25 ሰም ዋርዶቶፕተ። ኑን ኡባይ ክርስቶስ አሳተላን እት አሳ ግድያ ድራው፣ አሳይ ኡባይ ባረ እሻው ቱሙዋ ሃሳያናው በሴ።

26 ህንቀትተ፤ ሸን ህንተ ህንቁዋን ናጋራ ኦላፕተ። ህንተ ህንቁዋን ደእሸን፣ አዋይ ዉሎፖ።

* 3:14-15 አፕ ዬዳ፡- አፕ ደንደዋን፣ እቱዋ እቱዋ ሁጺያን ሁጺያን ኤርያዋሳ። † 3:18 አከንቶ፣ አዲሰንቶ፣ ቶቀንቶነ ጨመንቶ፡- ሀዋ በሰያዌ ሳሉዋን ደእያ የሩሳላዎ ዋይ ጸሳ ሲቁዋ ዋይ ጸሳ አዶ ኤራ ዋይ የሱሳ ማስቃልያው ደእያ ብላላ። 4:8 ማዘ. 68:18 4:25 ዛካ. 8:16 4:26 ማዘ. 4:4

27 ጸላሄው ጸእያ እሞጥተ።
 28 ወእያ ኡራይ ሀዋጥ ሰንገላው ወኢፖ፤ ሸን ሄዋ አጊደ፤ ሀዩሳቱዋ ማዳናው፤ ባረ ኩሽያን ሎኦባ ኦሊደ ዳቡር።
 29 ህንተ ሃሳያይ ሰሰዎንታ ጎእና ማላ፤ ኮሽያዎዳን መንጃልያ ሎኦ ቃላይ ህንተ ደናፕ ከሶፕ አትን፤ ኢታ ቃላይ ሙለካ ከሶፖ።
 30 ጸሳይ ህንተና ዎዝያ ጋላሳው ህንተ አታመት ኡቲዳ ጸሳ ጌሻ እያና ካዮፕ።
 31 እጽያ ሀናታ፤ ይሉዋ፤ ሀንቁዋ፤ ዋሱዋን ጫሻ ኡባ ኢታተላ ኡባና ህንተፕ ጳይሰተ።
 32 እቱ እቶ ኬክተነ ቃረትተ፤ ቃይ ጸሳይ ክርሰቶሳ ባጋና ህንተንቶ አቶ ጌዳዎዳን፤ ህንተካ እቱ እቱዋ አቶ ጌተ።

5

ፖኡዋን ደእተ

1 ሰሞ ጸሳይ ሲቅያ ናናቱዋዳን፤ አ ማላትተ።
 2 ቃይ ክርሰቶሰ ኑና ሲቁደ፤ ባረ ሁጲያ ጸሳው ናሽቶያ ያርሹዋዳንን እሞታ ኦሊደ እሚዳዎዳን፤ ህንተካ ሲቁዋን ደእናው በሴ።
 3 ሸን ጸሳ ናናው በሰያዎዳን፤ ህንተ ግደን ዎሹምያዊን ቱናተላ ኡባይ፤ ዎይ ሚሻ አሞትያዌ ሙለካ ሰሰቶ።
 4 ዩላይያዊን ኤያ ሃሳያይ ዎይ ፓና ቅጴ ህንተንቶ በሰናዋ ግደያ ድራው፤ ህንተ ማታን ኡባካ ደኢፖ፤ ህንተ ሄዋ ኡባ አጊደ፤ ጸሳ ጋላታናው በሴ።
 5 ሀዋ ኤርተ፤ ኦንን ዎሹምያዋ ዎይ ቱናባ ኦሳያዋ፤ ዎይ ሚሻ አሞትያዋ ግደፕ፤ ክርሰቶሳ ካውተላን ጸሳ ካውተላ ላታናው ዳንዳየና፤ ሚሻ አሞትያዌ ኤቃው ጎይንያዋፕ ዲማተና።
 6 ህንተና ኦንን ፓና ሃሳያን ጭሞፖ፤ አያው ጎፕ፤ ሀዋ ጋሱዋን ጸሳ ህንቁ አዛዘተና አሳ ቦላ ያና።
 7 ሰሞ ሄዋ ማላ አሳና ዙፕቶፕተ።
 8 አያው ጎፕ፤ ካሰ ህንተ ጴማን ደኤታ፤ ሸን ጎዳ ባጋና ሀእ ፖኡዋን ደኢታ፤ ፖኡዋን ደእያ አሳዳን ፖኡዋን ሀመትተ።
 9 አያው ጎፕ፤ ፖኡ ሎኦተላ፤ ጽሎተላን ቱማተላ ኡባ አይፌ።
 10 ጎዳ ናሽቶያባይ አየንቶ ታማርተ።
 11 ጎእ ባይና ጴማ ኦሱዋ ቆንጭሰ በሰተፕ አትን እናና ዋላከቶፕተ።
 12 ኡንቱንቱ ጌማን ኦሳያዌ ሀራይ አቶ ሃሳይያዌካ ፖኬ።
 13 ሸን ኡባባይ ፖኡዋ ከሰያ ዎደ፤ ቆንጭያን ቤታና፤ አያው ጎፕ፤ ቆንጭያን ቤትያ ኡባባይ ፖኡዋ።
 14 ሄዋ ድራው፤
 “ግሞእሽያዎ፤ ቤጎታ፤
 ሀይቁዋፕካ ደንዳ፤
 ክርሰቶሰ ነው ፖእሳናዎ”
 ያጌ።*

15 ሰሞ ህንተ ዋን ደእንቶ አኬክተ፤ አይዳ ኤራተላና ደእያ አሳዳን ደእተፕ አትን፤ አይዳ ኤራተላይ ባይና አሳዳን ደእተ።
 16 ዎዲ ኢታ ግደያ ድራው፤ ህንተ ዎድያ ህንተው ዳንዳየቶዎዳን ሎኦተላው ጎኤትተ።
 17 ሄዋ ድራው፤ ጎዳይ ኮይያዌ አየንቶ አኬክተፕ አትን፤ ኤያ ግደፕተ።
 18 ቃይ ህንተናን ጌሻ አያናይ ቃንጸናን ኩሞፕ አትን፤ ህንተና ባይዝያ ዎይንያ ግያ ኤሳ ኡሺደ ማሞፕተ።
 19 ማዝሙርያ የላን፤ ጋላቲደ የጽያዎንን እያና የላን እቱ እቱዋና ሃሳይተ፤ ቃይ ጋላትያ የላንን ማዝሙርያ የጽያዎን ህንተ ዎዛናን ጎዳ ጋላቲደ የጽተ።
 20 ኑ ጎዳ የሱሰ ክርሰቶሳ ሱንላን፤ አወዋ ጸሳ ኡባባው ኡባ ዎደ ጋላትተ።

አሰናባን ማቻትባ

21 ክርሰቶሳው ያዩደ፤ እቱ እቶ ሞደትተ።
 22 ማቼቶ፤ ጎዳው ሞደትያዎዳን፤ ህንተ አሰናው ሞደትተ።
 23 አያው ጎፕ፤ ክርሰቶሰ ዎሳ ጎለው ሁጲ ግደያዎዳን፤ አሰናይካ ባረ ማቻትው ሁጲ፤ ቃይ ክርሰቶሰ ባረ ሁጲያን፤ ባረ ቦላ ግደያ ዎሳ ጎልያ አሽያዎ።
 24 ሸን ዎሳ ጎሊ ክርሰቶሳው ሞደትያዎዳን፤ ማቼቱ ቃይ ባረንቱ አሰናው ኡባባን ሞደታናው በሴ።
 25 አሰናቶ፤ ክርሰቶሰ ዎሳ ጎልያ ሲቁደ፤ ባረ ሁጲያ እዝው እሚዳዎዳን፤ ህንተካ ህንተ ማቻቱዋ ሲቅተ።
 26 አ ዎሳ ጎልያ ባረ ቃላንን ሃላን ሜጭ ጌሺደ፤ ጸሳው ዲማያናው ሀዋ ኦሊደ።
 27 ክርሰቶሰ ዎሳ ጎልያ ቅታይ ዎይ ዳሙዋ ጭጵሰያዌ ዎይ ሄዋ ማላትያዌ ባይናን፤ አ ኩሙንላ ቦንቹዋና ጌሻን ቦረተናዋ ኦሊደ፤ ባረ ሁጲው ሸሻናው ኮዬዳ።
 28 ሰሞ ቃይ አሰናይ ባረ ማቻቶ ባረ ቦላዳን ሲቃናው በሴ፤ ባረ ማቻቶ ሲቅያዌ ባረና ሲቁ።
 29 አያው ጎፕ፤ ባረ ቦላ እጽያ አሳይ ሙለካ ባዎ፤ ሸን ክርሰቶሰ ዎሳ ጎልያ ሙዝያዎዳንን ናግያዎዳን ኦንን ባረ ቦላ ሙዜን ናጌ።
 30 አያው ጎፕ፤ ኦን አ ቦላ ዲማ ዲማ አሳተላ።
 31 ጸሳ ማጻፋይ፤ “ሄዋ ድራው፤ አቱማዌ ባረ አወዋን ባረ ዳዮ አጊደ፤ ባረ ማቻትና እትፕ ደእና፤ ኡንቱንቱ ላኡካ እት አሹዋ ግዳና” ያጌ።
 32 ሀ ጸራይ ዎልቃማ ቱማተላ፤ ሸን ታን ሀዌ ክርሰቶሳባን ዎሳ ጎልያባ ኦዴ ያጋይ።
 33 ግደፕካ፤ ቃይ አሰናይ ሁጲያን ሁጲያን ማቻቶ ባረ ሁጲያዳን ሲቃናው በሴ፤ ማቻታካ ባረ አሰና ቦንቻናው በሴ።

6

የሌዳዋንቱባን የለቲዳ ናናቱዋባ

1 ናቶ፤ ህንተና የሌዳዋንቶ ጎዳ ቦንቻያዎዳን አዛዘትተ፤ አያው ጎፕ፤ ሀዌ አላናው በሰያዎ።

5:2 ከሳ 29:18፤ ማዝ. 40:6 * 5:14 ሀዌ ማዝሙርያ ግዲደ እማኔዳ አሳይ ጸማቀትያ ዎደ የጸትያዎ። 5:31 ደመላ 2:24 6:1 ቆል. 3:20 6:2-3 ከሳ 20:12፤ ዛረ. 5:16

2-3 “ገጠኛው ኡባባይ ሎስናዳንን ሳኦን ነ ላይላይ ኢዲቃናዳን፣ ነ ኦሞባን ነ ዳዮ ቦንቻ” ግን ኦዛዙ ጸሳይ እማና ጌዳ ህደታና ደእያ ኮይሮ ኦዛዙ።

4 አዋቶ፣ ህንተ ህንተ ናናቱዋ ጎዳ ሴራንን ዘርያን ድቕተፕ አትን፣ ኡንቱንታ ህንቀላፕተ።

ጎዳቱዋባን አይላቱዋባ

5 አይላቶ፣ ክርሰቶሳው አላያዋዳን፣ ህንተ ጎዳቶ ያሻተላንን ኮኮርሳን ሱረ ዋዛናፕ አዛዘትተ።

6 ጸሳይ ጌዳዋ አላያዋንቱዳን፣ ክርሰቶሳ አይላቱዋዳን፣ ዋዛናፕ አላተፕ አትን፣ አሳ ናሽቻናው አላያዋዳን፣ አሳይ በኦ ጌደ አላፕተ።

7 አሳው ግድናን ጎዳው አላያዋዳን፣ ድበናን ዋዛናፕ አላተ።

8 አይላ ግድና ዋይ ዋማኑዋ ግድና፣ እ አላያ ሎኦ አሶ ኡባው ጎዳይ ሁጲያን ሁጲያን ዋይታናዋ ኤሪታ።

9 ጎዳቶ፣ ህንተ አይላቱዋ ናሰያዋ አጊደ፣ ኡንቱንቶ ሄዋዳን አላተ፤ ህንተናን ኡንቱንታ ጋላ ዋድያ ጎዳይ፣ ኦናን ማድ ፕርደናዌ፣ ሳሉዋን ደእያዋ ኤሪታ።

ጸሳ አላ ሚሻቱዋባ

10 ወርሰላን፣ ጎዳንን አ ዋልቃማ ዋልቃን ኡባ ዋደ ምንተ።

11 ጸሳህያ ኢታ ጭሙዋ ተአናው ህንተ ዳንዳያና ማላ፣ ጸሳይ ህንተንቶ እምያ አላ ማዩዋ ኡባ ማይተ።

12 አያው ጎፕ፣ ኑን ቦላ ሳሉዋ ደእያ ኢታ አያና ዋልቃቱዋና፣ ዋድያዋንቱና፣ ጎዳተላይ ደእያዋንቱናን ሀ ቋማ ቢታ ዋድያዋንቱና አለትያዋፕ አትን፣ አሳና አለቶኮ።

13 ሄዋ ድራው፣ ኢታ ጋላሳን * ተአናውን ቃይ ወርሰላይ ጋካናው ዋቅዋፕ ጉይያን፣ ምን ኤቃናው ህንተ ዳንዳያና ማላ፣ ጸሳ አላ ሚሻ ኡባ አይቁተ።

14-15 ሄዋ ድራው፣ ጸሳን ሳቂያ ዳንጭያዋዳን ቱማተላ ዳንጨደ፣ ትራን ዋላያ አላ ሚሻዳን ጽሎተላ ማዩደ፣ ህንተ ገድያን ጫማ ዋላያዋዳን ሳርተላ ምሽራቹዋ ቃላ አዳናው ጊጊደ፣ ምን ኤቁተ።

16 ሄ ኡባፕ አላደ፣ ጸላሂ የድያ ዋንዳፍያ ታማ ኡባ ቶይሳናው፣ አማኑዋ ኡባ ዋደ ጎንዳልያዳን ኦይቁተ።

17 አቶተላ ሁጲያን ዋላያ ብራታ ቆብያዳን ዋላተ፤ ቃይ ጌሻ አያና ማሻ ግዴዳ ጸሳ ቃላ ኦይቁተ።

18 ጸሳ ዋሲደን አ ማዲዋ ኦቹደ፣ ኡባ ዋደ ጌሻ አያናን ጸሳ ዋሰተ። ሄዋ ድራው፣ ምንተ፤ ሳለቶፕተ፤ ጌሻቱዋ ኡባው ጸሳ ኡባ ዋደ ዋሰተ።

19 ቃይ ታን ያየናን ዋንጋላ ጹራ አዳናው፣ ጸሳይ ታ ደና ደዩደ፣ ሃሳይያዋ እማናዳን፣ ታወካ ጸሳ ዋሰተ።

20 ታን ሀእ ቃሹዋን ደአፕካ፣ ሀ ዋንጋላ ድራው ታን ከተቱዳዋ፤ ታን አባ ታው በሰያዋዳን ያየናን አዳና ማላ፣ ታው ጸሳ ዋሰተ።

ወርሰላ ሳርታ

21 ሸን ታን ዋና ደእንቶን አያ አላይታንቶ ህንተካ ኤራናዳን፣ ኑ ሲቆ እሻይ፣ ጎዳ ኡሱዋን አማንቱዳ ቆማይ ትክቆሰ፣ ታዋ ኡባ ህንተንቶ አዳናዋ።

22 ኑን ኡባይ ዋን ደእንቶ ህንተንቶ አዲደ፣ ህንተና ምንሳና ማላ፣ ታን አ ህንተኮ ከታድ።

23 ጸሳ አወዋፕን ጎዳ የሱሰ ክርሰቶሳፕ ሳርተላይን ሲቆተላይ አማኑዋና እትፕ እሻቱዋ ኡባው ግደ፤

24 ዶቼና ሲቁዋን ኑ ጎዳ የሱሰ ክርሰቶሳ ሲቅያ ኡባቱዋና ጸሳ አቶ ኬካተላይ ግደ። አመንእ።

6:4 ቆል. 3:21 6:5 ቆል. 3:22-25 * 6:13 ኢታ ጋላሳን፦ ሀእ ደእያ ዋድያ ዋይ ሀይቁዋ ጋላሳ ዋይ ወርሰላ ፕርዳ ዋይ ሙራ ጋላሳ ግያዋ። 6:14-15 አሳ. 52:7 6:17 አሳ. 59:17 6:21 ከታ 20:4፤ 2 ጽዋ. 4:12 6:21 ቆል. 4:7-8

ጳውሎስ ፕላጽሰዮሳ አሳው ጻፊዳ ኪታ ገሉዋ

ጳውሎስ ፕላጽሰዮሳ አሳው ጻፊዳ ኪታይ ጻፈቱዳዌ፡ ማቅደንያ ግድዋን ደእያ ርመን አዋደቲዳ ፕላጽሰዮሳ ጌተትያ ጋድያን ደእያ አማንያዋንቱሳ። ሀዋንቱ ጳውሎስ ከይሮ አማንሊደ ሺሼዳዋንታ። ኢንቱንቱ ርመ ጋደ የለታ ግደ ድራውን ቃይካ ካረ ጋደፕ ዬዳ ዋጋንን አማኑዋን ዳርፕ አዪኖ። ጳውሎሳ ቦላን ኢንቱንቱ ዳርፕ ሀንቅቲዳ ጋሱካ ሀዋ (ኪታ 16:20)። ሀ ኪታይ ጻፈቱዳዌ፡ ሀራ አማንያ ኦሳንቻቱ ጳውሎሳ ቆፋ ጸልቂ ጸልቂደ ዋይሰያ ዋድያና ፕላጽሰዮሳ አማንያዋንቱ ግደን ደንዴዳ ዋርዶ ትምርትያ ጋሱዋን እ ዋዛናይ ዳሮ ካዮቲደ መኤዳ ዋደን ቃሾ ጎልያን እ ደእያ ዋድያና። ግደ ሸን፡ ጳውሎስ የሱስ ክርስቶሳ ምንሲደ አማንያ አሳ ግዴዳ ድራው፡ ሀ ኪታ ቦላን ቆንጨደ ቤትያዌ ናሽቻን ኩመንላ አማነትያዋ።

ጳውሎስ ሀ ኪታ ጻፊዳ ከይሮ ጋሱ አ መቱዋ ዋደ እ ማዳናው ፕላጽሰዮሳ አማንያ አሳይ እዋታ እው ከቲዳ ድራው፡ ኢንቱንታ ጋላታናሳ። አ ቦላንካ ኢንቱንቱ ቦላንካ ዲማ ዲማ መቱ ጋኬዳዋ ግደፕካ፡ ኢንቱንቱ ጸላና ማላን ኩመንላ አማነቲደ ደእና ማላ፡ ሀ ጋከቲዳ እንጅያን ኢንቱንታ መንገፍ። አዩዋን ኦቶሩዋ ድጊደ፡ የሱስ ክርስቶሳ አሽከተላን ኢንቱንቱ ኩማና ማላ፡ ምንሲደ ኢንቱንታ ሀሳይሴዳ። የሱስ ክርስቶሳና እትፕ ግዴዳዋን ኢንቱንቱ ደማዳ ደኤ ጸሳ አጼ ኬካተላፕ ፑልቲዳዋን ኢንቱንቱ አማኑዋን እኬዳዋ ግድያዋፕ እትን፡ አይሁዳቲዋ ዋጋቲዋ ፖልያዋን ቤቲዳዋ ግደናዋ ኢንቱንታ ሀሳይሴ። የሱስ ክርስቶሳና እቲዋ ግዲደ ደእያ ኡባቶ ጸሳይ እምያ ሳርተላባን ናሽቻባ ኢንቱንቶ ጻፊ።

ሀ ኪታይ ኤራትያዌ ናሽቻ፡ አማነትያዋ፡ እትፕተላን ክርስቲና አማኑዋንን ደኡዋን ምኒደ ደእያዋ ጌሺደ በሰያዋና። ሄዋ ቦላካ ጉጂደ፡ ጳውሎስ ፕላጽሰዮሳን ደእያ አማንያ አሳቲዋ ሲቅያ ዋልቃማ ሲቁዋ ቆንጭሴ።

ሸምፓቲዋ ኡባቶ እመቲዳ ቃንላ ቆፋቲዋ

- ገሉዋ 1:1-11
- ጳውሎሳው ደኤዳ ደኡዋ ሀናታ 1:12-26
- ክርስቲና ደኡዋ ሌምሱዋ 1:27—2:18
- ጽዋቶሳውን ኤጳፍሮዲቲሳው ደእያ ቆፋ 2:19-30
- አማኑዋ ኤቀትያዋንቲፕ ናገታና ማላ ኦደቲዳዋ 3:1—4:9
- ጳውሎስ ፕላጽሰዮሳ አማንያዋንቶ ሺሼዳ ጋላታን ማቁዋ 4:10-20
- ወርሰላ ቁትያ 4:21-23

ሳርታ

1 ኑን የሱስ ክርስቶሳ ኦሳንቻቱ ጳውሎስን ጽዋቶሳ፡ ክርስቶሳ የሱሳን ደእያዋንቶ፡ ፕላጽሰዮሳ ግያ ካታማን ደእያ ጌሻቶ ኡባቶ፡ አማንያዋንታ ካለልያዋንቶን ማድያዋንቶ ሀ ዲብዳቢያ ጻፊቶ።

2 ኑ አወዋ ጸሳፕን ጎዳ የሱስ ክርስቶሳፕ አጼ ኬካተላይን ሳርተላይ ሀንተንቶ ግድ።

ጳውሎስ ዋሴዳ ጋላታ ዋሳ

3 ታን ሀንተና ሀሳይያ ዋደ ኡባን ታ ጸሳ ጋላታይ።

4-5 ሀንተ ከይሮ ጋላሳፕ ሀና ጋካናው፡ ምሽራቹዋ ቃላ ኦድያዋን ታና ማዴዳ ድራው፡ ታን ኡባ ዋደ ሀንተንቶ ኡባው ናሽቻን ጸሳ ዋሳይ።

6 ቃይ ሀንተንቱ ግደን ሎኦ ኦሱዋ ደማዳ ጸሳይ፡ ክርስቶስ የሱስ ሰምያ ጋላሳይ ጋካናው ፖላናዋ ኤራይ።

7 ታን ሀንተንቶ ኡባው ሄዋዳን ቆፓናው በሴ፤ አያው ጎፕ፡ ታን ሀንተና ኡባ ዋደ ሀሳይያ። ሀእ ታን ቃሹዋን ደእያዋንን ዋንጋላው ሞተትያዋን፡ ቃይ ዋንጋላ ምንሳ ኤሰያዋን፤ ጸሳይ ታው ካጩዳ ካጫ ሀንተካ ታናና ግሽ እኬድታ።

8 አያው ጎፕ፡ ታን ሀንተና ኡባቲዋ ክርስቶስ የሱሳፕ ይያ ሲቁዋን እይ ኬና ሲቅንቶ፡ ጸሳይ ታው ማርካ።

9-10 ቃይ ታን ሀንተንቶ ጸሳ ዋሰያዌ ሀዋ፤ ሎኦባ አያኔካ ደራናው ሀንተንቱ ዳንዲያናዳን፤ ቃይ ሀንተንቱ ሲቁ ቱሙ ኤራተላናን እኬካ ኡባና እትፕ ጉጅ ጉጅ ድጫናዳን፡ ጸሳ ዋሳይ፤ ያቲደ ክርስቶስ ሰምያ ጋላሳን ሀንተንቱ ሱረን ፖኩ ባይናዋንታ ግዳና።

11 ቃይ ሀንተንቱ ሸምፑካ ጸሳ ቦንቻን ጋላታው የሱስ ክርስቶሳ ባጋና ቤትያ ጽሎተላ እይፍያ እይፋና።

ጳውሎሳ ቃሹ ዋንጋላይ አካናዋ ድግቤና

12 ታናዳን ጸሳ ካልያዋንቶ፡ ሀ ታና ጋኬዳዌ ምሽራቹዋ ቃላይ አካናዳን ቱሙ ማዴዳዋ ሀንተንቱ ኤራና ማላ ኮያይ።

13 ታን ክርስቶሳ ድራው ቃሽቲዳዋ፡ ካትያ ጎልያ ናግያ ኡባቲን ሀዋን ደእያ ሀራቲ ኡባቲ ኤራና።

14 ቃይ ታን ቃሽቲዳዋ ኑ እሻቲዋፕ ዳርያዋንቱ ጎዳን ሎይሳ አማነቲደ፡ ጸሳ ቃላ ያሽ ባይናን ካሰዋፕ ጸሊደ ኦዳናዳን ማዴዳ።

15 ቱሙፕ እቲ እቲ ቃናትያ ድራውን ፓሉምያ ድራው፡ ክርስቶሳዋ ኦዲና፤ ሸን ሀራንቲ ሎኦ አሙዋን ኦዲና።

16 ሀዋንቱ ጸሳይ ታው ዋንጋላ ናግያ ኦሱዋ አማዳ ድራው፡ ሲቁደ ቃላ ኦዲና።

17 ሸን የኮንቲ ታን ቃሹዋን ደእሸን፡ ታ ቦላ ዋይያ አሀናዋ ኢንቱንቶ ማላትና፡ ባረና ሲቅያ ዋልቃማ አሙዋን ክርስቶሳዋ ኦድናፕ እትን፡ ዋዛናፕ ኦድክና።

18 እይን ባዋ፤ ማላትሰያ ኦደን ግደ ዋይ ቱሙ ኦደን ግደ፡ እይ ኦግያንን ክርስቶሳዋ ኦደፕ፡ ታን ሄዋን ናሽታይ። ሰንላናውካ ቃይ ታን ናሽታይ።

19 አያው ጎፕ፡ ታን ሀንተንቱ ዋሳን፤ የሱስ ክርስቶሳ አያናፕ ይያ ማዲዋን አታናዋ ኤራይ።

20 ታ ዋልቃማ አሙነ ጸሳጥ አካና ጋደ ታን ናሽቻን ናግያ ናጉ አይ ጎጥ፡ ታን ጋጸ ደእናካ ዋይ ሀይቂናካ ያየናን፡ ካሰዋዳን ሀእካ ታ ኩሙንጎ አሳተጎን ክርሰቶስ ቦንቹታናዋጥ አትን፡ ታን ሀራይ አቶ አትባንካ ዬላተናን አታናሳ።

21 አያው ጎጥ፡ ታው ደኡ ክርሰቶሳ፤ ቃይ ሀይቂካ ታው ጎእ።

22 ሸን ታን ጋጸ ደእያዋን ዳር ጎእያዋ ኦላናዋ ግደጥ፡ ሀቃዋ ደራነንቶ ታው ኤረተና።

23 ታን ሀ ላኡ የዋቱዋን መቶታይ፤ ሀ ደኡዋጥ ሻከታናውን ቃይ ክርሰቶሳና አትጥ ደእናው አሞታይ፤ ክርሰቶሳና አትጥ ደእያዋ ኡባጥ አይዳ ዳር ሎኦባ።

24 ሸን ታን ሀይቂያዋጥ ሀንተንቱ ድራው ጋጸ ደእያዋ ሀንተና ዳር ኮሸያዋ።

25 ሀዋ ቱማ ግድያዋ ታን ጌሻደ ኤራይ፤ ቃይ አማኑዋን ሀንተንቱ ድጫናዳን ናሽታናዳን፡ ታን ሀንተናና ኡባና ጋጸ ደእና።

26 ሄዋ ድራው፡ ታን ሀንተናና ላኤንጉዋ ይያ ዋይ፡ ክርሰቶሳ የሱሳና ሀንተ ደእያ ደኡዋን፡ ታባን ጨቀትያባይ ሀንተንቶ ዳራና።

27 ግደጥካ፡ ሀንተንቱ ሀንተንቱ ሁጳው ክርሰቶሳ ዋንጋላው በሰያ ደኡዋ ደእተ፤ ታን ሀንተና ባደ ዋይ በአና ጳይና፡ ሀንተንቱ አት ቆፋን ምኒደ ኤቆዳዋን፡ ቃይ ዋንጋላ አማኖ አት ዋዛና ግዲደ አትጥ ባጸትያዋ ሰሳና።

28 ሀንተ ሞርከቶ አያንካ ያዮጥተ፤ ሄዋ ኡንቱንቶ ኡንቱንቱ ባሻ ጲሸሴ፤ ሸን ጸሳይ ሀንተና ጸንሰያ ድራው፡ ሀንተንቶ አቶተፋ ጲሸሴ።

29 አያው ጎጥ፡ ክርሰቶሳው አላያ ካጫይ ሀንተና ጋኬዳዋ ሀንተንቱ አን አማናና ጸላላሳ ግደናን አ ድራው ዋይያካ አካናሳ።

30 ታን ካሰ ባጸትሸን ሀንተንቱ በኤዳዋ ማላ ባጸኒ ቃይ ሀእካ ታን ባጸትያዋ ሀንተንቱ ሰሰያዋ ማላይ ሀንተና ጋኬዳ።

2

ክርሰቶስ ባረና ካወሼዳዋ ሌምሱዋ

1 ክርሰቶሳን ሀንተንቱ ደእያ ደኡ ሀንተና ዋዛንሌ? አ ሲቁ ሀንተና መንግሌ? ጌሻ አያናና ሀንተንቶ አትጥተላይ ደኡ? ሀንተ አቱ አቶ ኬኪቱኔ ቃረቲቱ?

2 ያቶጥ፡ ሀንተንቱ ቆፋን፡ ሲቁዋን፡ ዋዛናንን ቆፋ ፖሎዋን አቱዋ ግዲደ፡ ታና ፖሎ ናሽቶተ።

3 ሀንተና ሲቆያዋን ዋይ ጨቀታናው ኮይያ መላ አሙዋን አትባን ኦሎጥተ፤ ሸን አቱ አቱዋጥ ጶቃይ ያጌደ ቆጥናን፡ አቱ አቶ ሀንተንቱ ሁጲያ ካወሸተ።

4 ቃይ አቱ አቱዋ ጎእያዋ ኮያናጥ አትን፡ ሀንተንቱ ሁጲ ጸላላ ጎእያዋ ኮዮጥተ።

5 ክርሰቶሳ የሱሳን ደእያ ሀ አሸከተፋ ቆፋይ ቃይ ሀንተናንካ ደእናው በሴ።

6 እ ኡባ ዋይ ጸሳ ግዲደ ደኡዳ፤ ሸን እ ዋልቃን ጸሳ ኬና ግድያ ማታይ ደእያዋ በሰያዋዳን ገይድቤና።

7 ሸን እ ባረ ሸንያን ኡባባ አጌደ፡ * አይልያ መጋታ አኬዳ፤ ቃይ አሳ ማላቲደ ቆንጨዳ።

8 እ ባረና ካወሼዳ፤ ሀይቆ፡ ኡባ ሀራይ አቶ፡ ማሰቃልያ ቦላ ሀይቃናውካ አዛዘቱዳ።

9 ሄዋ ድራው፡ ጸሳይ አ ሎይላ ጶቁ ጶቁ ኦሌዳ፤ ቃይ ሱንጎ ኡባጥካ አይያ ጶቃ ሱንጎ አው አማዳ።

10 ሄዋ ድራው፡ ሳሉዋን ሳኣን፡ ሳኣጥ ጋርሳን ደእያ ኡባይ፡

የሱሳ ሱንጎ ቦንቻናው ጉልባታና።

11 ቃይ አሳይ ኡባይ የሱሰ ክርሰቶስ ጎዳ ያጌደ፡ ጸሳ አወዋ ቦንቾ ማርካታና።

ሀ ሳኣን ደእያ አሳው ፖኦ ግድያዋ

12 ሄዋ ድራው፡ ታ ዳባቶ፡ ታን ሀንተናና ደእያ ዋይ ኡባን ሀንተንቱ ታው አዛዘቱዳዋዳን፡ ሀእ ታን ሀንተንቱ ማታን ደኤና ዋይካ፡ ሀንተንቱ ካሰዋጥ አሌደ ታው አዛዘታናው በሴ፤ ያሻተጎን ኮኮርሳን ሀንተንቱ አቶተፋ ፖላናው አላተ።

13 አያው ጎጥ፡ ጸሳይ ሀንተና ባረው ኤኖ ጊሳናዳንን ቃይ እ ቆጥዳዋ ሀንተንቱ ኦላናዳን ሀንተንቱ ግደን ኡባ ዋይ ኦሌ።

14-15 ጌላን ናጋራንቻ አሳ ግደን ፖኩ ባይናዋንታ፡ ጌሻቱዋ፡ ጸሳ ናናቱዋዳንካ ፖኩ ባይናዋንታ ግድተ፤ ቃይ ዙዙመናን ዋይ ኢታባ ቆጥናን ኡባባ አላተ። ሄ አሳ ግደንካ ሳሉዋን ፖኦ ያልንትያዳን ፖኦደ፡

16 ደኡዋ ሞሽራቹዋ ቃላ ኡንቱንቶ ኦድተ፤ ሄ ዋይ ታ ዳቡራይን ታ ኦሱ መላ ጳይቤናዋ ኤረትያ ድራው፡ ክርሰቶስ ሰምያ ጋላሰ ታን ሀንተናን ጨቀታና።

17 ሀራይ አቶ ሀንተንቱ አማኑ ጸሳው ያርሸያ ያርሹዋ ቦላ ታ ሱላይ ኡሻ ያርሹዋዳን ጉኮጥካ፡ ታን ናሽታይ፤ ሀንተናና ኡባና አትጥ ናሽታይ።

18 ሄዋዳን ሀንተካ ቃይ ናሽታናው በሴ፤ ታናና አትጥ ናሽቶተ።

ጽሞቶስን ኤፓፍርድቶስ ኦሌዳ ኦሱዋ

19 ሸን ታን ሀንተንቱ ደኡዋባ ሰሳደ ናሽታናዳን፡ ጽሞቶሳ ሀንተኮ ኤለካ የዳናዋ ጎዳ የሱሳን አማነታይ።

20 አያው ጎጥ፡ ሀንተንቱ ደኡዋባው ዋዛናጥ ሀርግያ አ ማላ አሳይ ሀራይ ኦንነ ታው ባዋ።

21 አያው ጎጥ፡ ሀራቱ ኡባቱ ባረንቱ ሁጲ ጎኦ ኮዩና፤ የሱሰ ክርሰቶሳዋ ኮይክና።

22 ሸን ናኦይ ባረ አቡ ኦላያዋዳን፡ ጽሞቶስ ታናና አትጥ ግዲደ፡ ዋንጋላ ኦሱዋ ኦሌዳዋን፡ አማነትያ አሳ ግድያዋ ኤርሴዳዋ ሀንተንቱ ኤሪታ።

23 ሄዋ ድራው፡ ታን የወ ሀንያዋ በኦደ፡ ኤለካ አ ሀንተኮ የዳና ጋደ ቆጥይ።

24 ታን ታ ሁጳው ማታ ዋይያን ሀንተኮ ባናዋ ጎዳን አማነታይ።

25 ሸን ታን ታ አሻ ኤፓፍርድቶሳ፡ ታናና አትጥ ታ ባጋ ግዲደ ኦሌዳዋ፡ ኦላቱዳዋን፡ ቃይ ታና

* 2:7 ኡባባ አጌደ- እ ባረና መላ ኦሌዳ ጉሳ። 2:10 ኢሳ. 45:23 2:14-15 ዛረ. 32:5

ማድያዎን ህንተንቶ ኪተቲደ ኦፊዳዎ ህንተኮ ኪታናዉ ኮሽያዎ ቆጋድ።

26 እያዉ ሳጥ፡ እ ህንተና ኡባ በእናዉ ላሞቲ፤ ቃይ እ ሳከቲዳዎ ህንተንቱ ሰሴዳ ድራዉ፡ ባረ ዎዛናን ዳር መቶቲ።

27 እ ቱሙ ሳከቲደ፡ ሀይቁ አቲዳ፤ ሽን ጸሳይ አዉ ቃረቲዳ፤ እ ጸላላዉ ግደናን ካዩ ካዩዎ ቦላ ጉጀተናዳን፡ ታዉካ ቃረቲዳ።

28 ሰም ህንተንቱ ላኤንሉዎ እ በኢደ ናሽታናዳን፡ ታዉካ ታ ዎዛና ካዩ እርጻናዳን፡ ታን ኤለካ እ ህንተኮ የዳና።

29 ሄዎ ድራዉ፡ ጎዳን ደእያ እሻዳን፡ ኩሙንላ ናሽታን እ ሞክተ፤ ቃይ እ ማላትያ አሳ ኡባካ ቦንቶተ።

30 እያዉ ሳጥ፡ ህንተንቱ ህንተንቱ ሁጳዉ ታና ማዳና ዳንዳየና ማዲዎ ማዳናዉ፡ ክርሰቶሳ ኦሱዎ ድራዉ፡ ባረ ሸምጥዎ ሸነኮ ገደ፡ ሀይቁ አቲዳ።

3

ቱሙ ጽሎተላ

1 ዉርሰላን፡ ታናዳን ጸሳ ካልያዎንቶ፡ ጎዳይ ህንተንቶ ናሽታ እሞ። ታን ካሰ ጸፊዳዎ ዛረላደ ጸፍያዎ ታና ዋይሰና፤ ቃይ ሄ ጸፍያዎ ህንተና ናጋና።

2 ኢታባ ኦልያዎንቱ፡ ሄ ካናቱዎ ኤሻይ ደእያዎንቱ፡ ቃጸራይ ኮሼ ግያ አሳቱዎጥ ናገትተ።

3 እያዉ ሳጥ፡ ኩን ጸሳ ጌሻ እያናን ጸሳዉ ጎይንያ ድራዉን ኩ ደኡዎን ጎዳ ክርሰቶሳ የሱሳን ናሽታን ድራዉ፡ ቱሙ ቃጸራ ቃጸረቲዳዎንታ፤ አሳተላ ቦላ ኦሰትያዎን አማኖኮ።

4 ቃይ ታዉ ታ ሁጳያንካ ታ አሳተላን አማነትያዎ ደኤ። አይ አሳይን ባረ አሳተላን አማነትያዎ ባረዉ ደኤ ገደ ቆጋጥ፡ ታን አጥ ሎይላ አሳይ።

5 ታን የለቶደጥ ሆሰፑንላ ጋላሳን * ቃጸረታድ። ታን የለታን እሰራኤልያ፤ ቢንያማ ዛረ፤ ዋላካይ ባይና እይሁዳ አሳ። እይሁዳ ህግያ ናግያዎን ግደጥ፡ ታን ፓርሳዌ፤

6 እይሁዳ አማኖ ሴላ ግደጥ፡ ታን አማንያዎንታ ዋይሳድ፤ እት ኡራይ ሙሴ ህገዉ አዛዘቲደ ጽልያዎ ባጋ ግደጥ፡ ታናን ፖኮባይ ቤትቤና።

7 ሸን ታና ጎእያ ሄ ኡባባ ክርሰቶሳ ድራዉ ባዬዳዎዳን ፓይዳይ።

8-9 ቱማካ፡ ሄዎንቱ ጸላላ ግደና፤ ታን ታ ጎዳ ክርሰቶሳ የሱሳ ኤርያዎ ኡባባጥ ሎይላ እድያ ድራዉ፡ ኡባባ ታና ሙለካ ጎኤናዎዳን ፓይዳይ፤ ታን እ ድራዉ ኡባባ የጋ ባሻድ። ክርሰቶሳ ደማናዉን አናና ደእናዉ ኡባባ ዎራ ኦሌዳዎዳን ፓይዳይ፤ ታን ሙሴ ህገዉ አዛዘታደ ደምያ ታ ሁጳ ጽሎተላይ ታዉ ባዎ። ክርሰቶሳ አማንና፡ ጸሳይ እምያ ጽሎተላይ፡ አማኑዎን ጸሳ ማታጥ ይያ ጽሎተላይ ታዉ ሀእ ደኤ።

10-11 ታን ክርሰቶሳን እ ደንዲዎ ዎልቃ ኤራናዉ ኮያይ፤ ያታደ ታን ታ ሁጳዉ ሀይቁዎጥ ደንዳና ያግያዎን፡ እ ዎይያ አናና ዎየታናዉን እ ሀይቁዎን እ ማላታናዉ አዎታይ።

ጋክያሳ ጋካናዉ ዎጻያዎ

12 ታን ሀእ ደማ ድጋድ ዎይ ታናን ባል ባዎ ገከ። ሸን ክርሰቶሳ የሱሳ ታና ባረዉ ኦፊዳ ዎይታ ደማና ጋይ ኤሌላይ።

13 ታናዳን ጸሳ ካልያዎንቶ፡ ታን ሄዎ ደማ ድጋድ ጋይ ቆጥከ፤ ሸን ታን እትባ ኦላይ፤ ታጥ ጉየና ደእያዎ ድጋድ ሰንላን ደእያዎ ኦይቃናዉ ዎታይ።

14 ጸሳይ ክርሰቶሳ የሱሳ ባጋና ቦላ ደኦ ጸሰያ ዎይታ አካናዉ፡ ታ ጋካናዉ ዎጻይ።

15 ሰም ኩን እያናን ሞኔዳዎንቱ ኡባቱ ሀዎ ቆጋጥናዉ በሴ፤ ቃይ ህንተጥ አማራዳዎንቶ እያንን ዳማ ቆፋይ ደኦጥ፡ ሄዎካ ጸሳይ ህንተንቶ ቆንጭሳና።

16 ግደጥካ፡ ኩን ሀኖ ጋካናዉ ደኤዳ ማራዳን፡ እነ ሰንላዉ ሄ ማራ ካሎይተ።

17 ታናዳን ጸሳ ካልያዎንቶ፡ ታን ህንያዎደን ህንተ። ኩን ህንተንቶ ሌምሱዎ ግዴደ፤ ሄዎዳን ህንተካ ኩን ህንተንቶ ሌምሱዎ ግዴዳ ማራ ካልያዎንታ አኬክተ።

18 እያዉ ሳጥ፡ ታን ሄዎ ህንተንቶ ካሰ ጮራቶ ኦዳድ፤ ቃይ ሀእ ላኤንሉዎካ አፎጻደ ህንተንቶ ኦዳይ፤ ክርሰቶሳ ማሰቃልያ ቦላ ሞሰማርያን ድሸቲደ ሀይቁዳዎ ባረንቱ ሸምጥ ባረና ሞርከ ኦፊዳ ዳር አሳቱ ደኤኖ።

19 ኡንቱንቱ ዉርሰላይ ባሻ፤ ኡንቱንቱ ኡሉ ኡንቱንቶ ጸሳ፤ ዬላታናዉ በሰያዎን ኡንቱንቱ ኡቶረቲኖ፤ ቃይ ሀ ሳካሳ ጸላላ ቆጥኖ።

20 እያዉ ሳጥ፡ ኩ ቢታይ ሳሉዋና፤ ኩን ቃይ ሳሉዎጥ ያና ኩና አሸያ ጎዳ የሱሳ ክርሰቶሳ ናጌቶ።

21 ክርሰቶሳ ኡባባ ባረጥ ጋርሳን ዎላናዉ ዳንዳይያ ባረ ዎልቃን፡ ኩ ዳቡራንቻ አሳተላ ላሚደ፡ ባረ ቦንቻ አሳተላ ማላትሲደ ኦላና።

4

ዉርሰላ ዘርያ

1 ታናዳን ጸሳ ካልያዎንቶ፡ ታን ሲቅያዎንቶ፡ ላሞትያዎንቶ፡ ታና ናሽታያዎንቶ፡ ታና ቶቁ ኦልያዎንቶ፡ ታ ዳባቶ፡ ሰም ጎዳን ህንተንቱ ሞን ኤቃናዉ በሴ።

2 ኤዎደነ ሰንጺኬ፡ ህንተንቱ ላኡካ ቆፋን እቱዎ ግዲደ፡ ጎዳን ደአናዳን፡ ታን ህንተና ዘራይ።

3 ቃይ ታናና ኦልያ አማነቲዳዎ፡ ኩን ሀ ማጫ አሳቱዎ ማዳናዳን፡ ታን ኔና ዎሳይ፤ እያዉ ሳጥ፡ ኡንቱንቱ ታናና ኡንቱንቱ ሱንላይ ጸሳ ደኡዎ ማጻፋን * ጸፈቲዳ ቃለምንጸሳና ቃይ ታናና እትጥ ኦልያ ሀራቱዎ ኡባና ዎንጋላ ኡባሳ ጋላናዉ ዳቡራድኖ።

4 ጎዳና ህንተንቱ ደእያ ደኡዎን ኡባ ዎደ ናሽታተ፤ ታን ሀዎ ጉጃደካ ጋይ፤ ናሽታተ።

* 3:5 ታን የለቶደጥ ሆሰፑንላ ጋላሳን፡ ሀዎ እይሁድያ አቱማ ናናይ የለቶደጥ ሆሰፑንላ ጋላሳን ቃጸረትያዎ በሴ። * 4:3 ጸሳ ደኤዎ ማጻፋን፡ ጸሳ አሳ ሱንላይ ጸፈትያ ማጻፋ።

5 አሳይ ኡባይ ህንተንቱ አሸከተላ ኤር፤ ጎዳይ ማታን ያና።

6 ጸሳ ህንተንቱ ዋሰያ ዋሳ ኡባን አ ሎይላ ጋላቲይ፡ ህንተና ኮሽያዋ ኡባዉ ዋስተፕ አትን፡ እትባዉካ ሀርጎፕተ።

7 ቃይ አሳ ኤራተላ ኡባፕ አድያ ጸሳ ሳርተላይ ህንተንቱ ዋዛናን ህንተንቱ ቆፋ ጎዳ የሱስ ክርስቶስ ባጋና ናጋና።

8 ዉርሰላን፡ ታናዳን ጸሳ ካልያዋንቶ፡ ህንተንቱ ዋዛናን ሎኦባን ጋላትሰያዋ ቆፕተ፤ ቱማ ግድያባ ኡባ፡ ቦንቾሰያዋ ኡባ፡ ባይዙዋ ግድናባ ኡባ፡ ጌሻባ ኡባ፡ ሲቁዋ ኡባ፡ ሱረ ግድያባ ኡባ ቆፕተ።

9 ህንተንቱ ታፕ ታማሬዳዋ፡ አኬዳዋ፡ ሰሴዳዋን በኤዳዋ ኡባ አላተ፤ ቃይ ኑዉ ሳርተላ አምያ ጸሳይ ህንተናና እትፕ ግዳናዋ።

ባረዉ ኪተቱዳ እዋታዉ ጳዉሎስ ጋላቲዳዋ

10 ሸን ዳር ዋድያፕ ጉይያን፡ ሀእ ህንተንቱ ታዋ ላኤንሉዋ ቆፓናዉ ደሜዳ ድራዉ፡ ታን ጎዳን ሎይላ ናሽታይ፤ ታዉ ቆፓናዉ ህንተንቶ እንጀተናን እጼዳዋፕ አትን፡ ታዉ ቆፋ ቆፕታ።

11 ታን ሀዋ ታና መቱዳ ድራዉ ጊከ፤ እያዉ ጎፕ፡ ታዉ ደእያባይ ታዉ ግዳና ተ ግያዋ ታን ታማራድ።

12 ታን መቶቲደ ዋት ደእነንቶ ኤራይ፤ ቃይ ዱረቲደ ደእያዌካ አየንቶ ኤራይ፤ ሀቃን ግድናካ አዉደ ግድናካ፡ ታን ካሉዋን ኮሻ ቃይ ፓጫን ፓላሃ ታማራድ።

13 ክርስቶስ ታዉ እሜዳ ዋልቃን፡ ኡባባ አላናዉ ታን ዳንዳያይ።

14 ግደፕካ፡ ህንተንቱ ታ መቱዋ ታናና መቶቲደ ዳር ሎይሌድታ፤

15 ፕልሶስቶስ አሳዉ፡ ዋንጋላ ምሽራቹ ኮይር ህንተ ግደን ኦደቱዳ፤ ሸን ታን ማቅደንያፕ ከሴዳ ዋደ፡ ታና አማንያ ህንተንቱፕ አትን፡ ሀራይ ማድቤናዋ ህንተንቱ ህንተንቱ ሀጳዉ ኤሪታ፤ ቃይ እምያባንካ አክያባንካ ህንተፕ አትን፡ ሀራይ ታና ማድቤና።

16 እያዉ ጎፕ፡ ታና መቱ ኦይቁዳ ዋደ፡ ሀራይ አቶ ታን ተሰሎንቀን ደእሸንካ ታና ዛር ዛሪደ ማዴድታ።

17 ታን ህንተዋ ቦላ ሀራባይ ጉጀታናዋ ኮይያዋፕ አትን፡ ዋይታ ጸላላ አካናዉ ኮይከ።

18 ሸን ታን ህንተንቱ እሜዳዋ ኡባ አካድ፤ ቃይ ታዉ ፓላሂደ ግድያዌ ደኤ። ህንተ ኪቱዳ ኡባባ ኤፓፍሮድቶሳፕ አካድ፤ ኮሽያ ኡባይ ታዉ ደኤ። ህንተ ታዉ ኪቱዳ እሙ ጸሳዉ ሳዉዋ ቶሽኩ ግያን አ ዶሰያ፡ አ ናሽቾያ ያርሹዋ ማላ።

19 ቃይ ታ ጸሳይ ባረ ቦንቾ ዱረተላ ዳሩዋን ክርስቶስ የሱሳ ባጋና ህንተና ኮሽያዋ ኡባ ህንተንቶ እማና።

20 ኑ ጸሳዉ፡ ኑ አዋ መድናፕ መድና ጋካናዉ ቦንቾ ግደ። አመንእ።

21 ክርስቶስ የሱሳዋ ግድያ ጸሳ አሳቱዋ ኡባቱዋ ሳር ጊተ። ታናና ሀዋን ደእያ እሻቱ ህንተና ሳር ጊኖ።

22 ሀዋን ደእያ ጸሳ አሳቱዋ ኡባቱ፡ ኡባፕካ አሊደ ካትያ ቄሳረ ጎልያን ደእያዋንቱ ህንተና ሳር ጊኖ።

23 ኑ ጎዳ የሱስ ክርስቶስ አጼ ኬካተላይ ህንተናና ግደ።

ዉርሰላ ሳርታ

† 4:11 ታዉ ደእያባይ ታዉ ግዳና፡- ታዉ ደእያባን ታን ሸምፓይ፡ ካላይ፡ ዋፑ ጋይ። 4:15 2 ቆር. 11:9 4:16 ኪታ 17:1 4:18 ከሳ 29:18

ጳውሎስ ቆላስያ ስላሳ ዳፌዳ ኪታ ገሎቀ

ጳውሎስ ቆላስያ ስላሳ ዳፌዳ ኪታ ዳፌዳዊ፣ ኤፊሶን ስላሳ ዳፌዳ ኪታና እት ዎድና ማላቲ። ሄዌካ ቄር ኢስያን፣ ኤፊሶን እዋይ ደልያ ባጋና ቤትያ ቆላስያ ስላሳ ዳፌዳ እማንያ ስላሳዊ ግዲደ ላኡዋ ግደን ደልያ ዲማተላይ፣ ቆላስያ ስላሳ ዳፌዳ ኪታ ክርስቶስ መጋታ ኡባዉ ሁጳ ግድያዎ በሰያ ዎደ ኤፊሶና ስላሳ ዳፌዳ ኪታይ ቃይ ክርስቶስ ዎሳ ጎለዉ ሁጳ ግድያዎ በሰ። ሀ ስላሳ ቃላ ማርካቲዳዌ ጳውሎስ ግዳና ጳዮጥካ፣ ርመ ጋድያን፣ ኢስያ ዋና ካታማ ግድያ ኤፊሶን ኡንቲቶ ኦሳያ ስላሳዊ ኪታያዊ ኦ ግድያ ድራዉ፣ ቆላስያ ስላሳዊ እዎትያ ሀናታይ አዉ ደኤ። ቆላስያ ስላሳዊ እማንያ ግደን፣ “ጳላ ኤራናውን ኩመንላ አቶተላ ደማናዉ፣ ስላሳ ኡባይ እያና ዎልቃቶን ማታይ ደልያዎንቶ ጎይናናዉ ኮሼ” ያግያ ዎርዶ አስታማራቲ ደልያዎ ጳውሎስ ሰሴዳ። ሀ አስታማራቲ ሀራባ ቃይ፣ “አሳይ ኡባይካ ቃጸራ ማላትያ ዎጋቶ ሞደታናውን ቁማ ዎጋን ሀራ ዎጋቲዎ ኡባ ናጋናዉ ኮሼ” ያገራ።

ጳውሎስ ሀ ኪታ ዳፌዳዊ ቲማንቻ ግድያ ክርስቶስ ኪታ ኦድያዎን፣ ኡንቲቲ ዎርዶ ትምርትያ ጳልቃናሳ። እ ዛሬዳ ዛሩዋጥ ዎናትያዌ “የሱስ ክርስቶስ ኩመንላ አቶተላ እማናዉ ዳንዳይ፤ ሀ ሀራ እማናቲን ስላሳ እጥ ሃሳናዉ ዳንዳይ” ያግያዎ። ጳላይ ክርስቶስ ባጋና ሀ አላምያ መጴዳ። ቃይ አ ባጋና ዛሬደ አ ባረኮ አሀና። ሀ አላምያዉ ክርስቶስ ዎዛናጥ እማንያዎ ጳላላን አቶተላ ሀደታይ ደኤ። ሀዎ ማራን ጳውሎስ ሀ ዎልቃማ ትምርቲ እማንያ ስላ ደኡዎን ዋኒደ ኦሱዎን ፔሻናዉ ዳንዳይንቶ ኦዳ።

ሀ ኪታ ጳውሎስ ላኪደ፣ ቆላስያ ጋላናዉ ኪተቲዳ ቲኪቆሳና እትጥ ቤዳዌ አናሰሞሳ ግድያዎ በእያዌ ጎእያዎ። ዋኒደ ጎጥ፣ ጳውሎስ ሀ አናሰሞሳ ገተትያ ባረ ኦሳንቻባ ደንላደ፣ ጥልዎናዉ ሀራ ኪታ ዳፌዳ።

ሸምጋቲዎ ኡባቶ እመቲዳ ቃንላ ቆፋቲዎ
 ገሎቀ 1:1-8
 ክርስቶስ ኤሻን ኦሱዎ 1:9—2:19
 የሱሳን ቤትያ ኦራላ ደኡዎ 2:20—4:6
 ወርሰላ ቁትያ 4:7-18

1 ታን ጳውሎስ፣ ጳላ ሸንያን ክርስቶስ የሱስ ኪቲዳዎ ግዳዳዌን ኦ እሻይ ጽዎቶስ።
 2 ቆላስያ ግያ ካታማን ደልያ ጳላ ናናቶ፣ ክርስቶስን እማንቲዳ አሻቶ ሀ ዳብዳቤያ ዳፌቶ። ጳላ ኦ እዉዋጥን ጎዳ የሱስ ክርስቶስጥ፣ እጾ ኬካተላይን ሳርተላይ ሀንተንቶ ግደ።

ጳውሎስ ዎሴዳ ጋላታ ዎሳ
 3 ኦን ሀንተንቶ ዎሴደ፣ ኦ ጎዳ የሱስ ክርስቶስ እዉዋ፣ ጳላ ኡባ ዎደ ጋላቲቶ።

4 እያዉ ጎጥ፣ ኦን ክርስቶስ የሱሳ ሀንተንቲ እማንያዎን ጳላ አሳቲዎ ኡባ ሲቅያዎ ሰሴዳ።

5 ቲሙ ኪታይ ዎንጋላይ ኮይሮ ሀንተኮ ዬዳ ዎደ፣ ጳላይ ስንላጥ እማና ጌዳዎ ሰሴዳ። ሰም ሀንተንቲ እማኑን ሲቁ ሳሉዎን ገገደ ናግያ፣ ጳላይ ስንላጥ እማና ጌዳዎን ደመቲዳ።

6 ሄ ዎንገሊ ሀንተኮ ጋኬዳ፤ ሀንተንቲ አ ሰሶደጥን ጳላ እጾ ኬካተላ ቲማተላን ኤርደጥ ደሚደ፣ ሀንተንቲ ግደን ደልያዎዳንካ፣ ቢታ ኡባን እንጂዎ እሄን ኡባሳ እኬ።

7 ሀንተንቲ ሄዎ ኦናና እትጥ ቆማ ግዳዳ ሲቆ ኤፓፍራጥ ታማራድታ፤ እ ኦ ድራዉ ክርስቶሳዉ እማንቲደ ኦሳያዎ።

8 ጳላ እያናን ሀራቲዎ ሀንተንቲ ሲቅያዎ ኦዉ ኦዳዳ።

9 ሄዎ ድራዉ፣ ኦን ቃይ ሄዎ ሰሴዳ ጋላሳጥ ደሚደ፣ ጳላይ ሀንተንቶ ባረ ሸንያ ኤርያ ኤራተላ፣ ጳላ እያናይ እምያ አጴዳ ኤራተላናን አኬካና እትጥ ኩንላደ እማናዳን፣ ኡባ ዎደ ባለናን ጳላ ዎሴቶ።

10 ሄዎጥ ጉይያን፣ ጎዳይ ኮይያዎዳን ሀንተንቲ ደእናዉን፣ ኡባ ዎደ አ ናሽቶያባ ኦላናዉ ዳንዳይና፤ ሀንተንቲ ኦሳያ ሎኦ ኦሱዎ ኡባን ሀንተንቲ ደኡ ጎእና ደልያዎ ግዳናዎ፤ ቃይ ጳላ ኤርያዎን ድጭ ድጭ ባንታ።

11 ሀንተንቲ ኡባባን ናሽቻን ገንጫናዳንን ዳንዳይናዳን፣ ጳላይ ባረ ቦንቹዎ ግታተላዳን እምያ ዎልቃ ኡባን ሞንተ።

12 ቃይ ጳላ ናናቶ ገጌዳ ፖኦ ካዉተላ ላታናዉ፣ ኦና ዳንዳይሴዳ ጳላ እዉዋ ጋላትተ።

13 እ ኦና ጳማ ዎልቃጥ አሺደ፣ ባረ ሲቅያ ናኦ ካዉተላኮ ፕንሴዳ።

14 ቃይ እ ባረ ናኦን ኦና ዎዚደ፣ ኦ ናጋራ አቶ ጌዳ።

ክርስቶስ ጳላተላን አ ኦሱዎ
 15 ክርስቶስ ቤተና ጳላ ቆንጭሰያዎ፤ እ መጠቲዳዎ ኡባጥ አድያ ባይራ ናኦ።

16 እያዉ ጎጥ፣ ኡባባይካ እን መጠቲዳ፤ ቤትያዎንቲ፣ ቤተናዎንቲ፣ እያናቲዎጥ ቤትያ ዎልቃይን ጎዳተላይ፣ ቆቃተላይን ማታይ፣ ሳሉዎን ሳኦን ደልያ ኡባባይካ እን አዉ መጠቲዳ።

17 እ ኡባባጥ ካሰ ደኤዳ፤ ኡባባይካ እን ባረ ሳኦ ሳኦ ኦይቂደ ደኤ።

18 እ ባረ ሁጳዉ፣ ዎሳ ጎለዉ ሁጳን ደኤ፤ እ ኡባጥ ቦላ ግዳና ማላ፣ ካሰቲደ ሀይቁዎጥ ደንዴዳ ባይራ ናኦ ግዳዳ።

19 እያዉ ጎጥ፣ ጳላይ ኮዬዳዎዳን፣ እን ጳላተላ ኩመንላይ ደኤ።

20 ያትና ጳላይ ክርስቶስ ባጋና ኡባባ ባረናና ሰገላናዉ የዉዎ ቃቹዳ፤ ባረ ናኦይ ማሰቃልያ ቦላን ጉሴዳ ሱላን ሳሉዎን ሳኦን ደልያ ኡባባ ባረናና ሰገሴዳ።

21 ሀዎጥ ካሰ፣ ሀንተንቲ ኢታባ ቆፔዳ ድራዉን ኦሴዳ ድራዉ፣ ጳላጥ ሻከቲደ፣ እናና ሞርከቲድታ።

22 ሸን ጳላይ ሀእ ሀንተንታ ፖኮባይ ባይናዎንታን ቃይ ጌሻቲዎ ኦላደ፣ ባረ ሰንላ ሸሻናዉ፣ ባረ ናኦ ሀይቁዳዎ አሳተላን ባረናና ሀንተንታ ሰገሴዳ።

23 ሄዋ ህንተንቱ ቱሙ አማኑዋን ምን ኤቂደ፡ ምሽራቹዋ ቃላ ሰሲደ፡ ሰንፋፕ አካና ጌዳዋፕ ቃጸናን ምኒደ ደኦፕ ሀናና፤ ሄ ዋንጋላ ምሽራቹ ሳኦን ደእያ መጠታ ኡባ ማታን ኦደቲዳ። ታን ጳውሎስካ ምሽራቹዋ ቃላ ኦድያዋ ግዳድ።

ጳውሎስ የሱስ ኪቴዳዋ ግዲደ ኦፊዳ ኦሱዋ

24 ታን ህንተንቶ ዋየቲዳ ድራዉ፡ ሀእ ናሽታይ፤ ክርስቶስ ባረ ሀጳዉ፡ ሄዋ ግያዌ ዋሳ ጎለዉ፡ ዋየትሽን ፓጩዳዋ ታን ታ ቦላ ሳኩዋን ኩንሳይ።

25 ጳሳይ ታና ህንተንታ ማድያዋን አ ቃላ ፖላደ ኦድያ ቆማተላ ኪታ ታዉ እሜዳ።

26 ሀ ቃላይ ሀዋፕ ካሰ ባጋ ኡባን፡ አሳ ኡባዉ ኤረተናን ጌሚደ ደኤ፤ ሽን ባረና አማንያዋንቶ ጳሳይ ሀእ ቆንጭሴዳ።

27 ጳሳይ አይሁዳ ግደና አሳዉ ዋፊዳ ሀ አሳዉ ቆንጭሴና ቦንቹዋን ዱረ የዉ አየንቶ ጌሻቱዋ ኤርሳናዉ ኮዬዳ፤ ሀ አሳዉ ሀእ ቆንጩዳዌ አዬ ጎፕ፡ ክርስቶስ ህንተንቱን ደእያዋ፤ ሄዋ ግያዌ ጳሳ ቦንቹዋ አናና ህንተንቱ አካናዋ።

28 ሄዋ ድራዉ፡ ኮን አሳ ኡባዉ ክርስቶሳዋ ኦዴቶ፤ አሳ ኡባ ክርስቶሳን ኩሙንላ አሳ ኦፊደ፡ ጳሳኮ ሽሻና ማላ፡ ኦዉ አጴዳ ኤራተላ ኡባን ህንተንታ ሴረቶን ታማርሴቶ።

29 ታን ሀዋ ፖላናዉ፡ ታናን ኦፊያ ክርስቶስ ታዉ እምያ ዋልቃን ባጸታይን ዳቡራይ።

2

1 ታን ህንተንቶን ሎዶቅያ ግያ ካታማን ደእያ አሳቶን ቃይ ታና በእቤና አማንያዋንቶ ኡባቶ አይ ኬና ባጸታድታንቶ ህንተንቱ ኤራና ማላ ኮያይ።

2 ኡንቱንቱ ዋዛናይ ምናና ማላ፡ ሰቁዋን እትፕ ግዲደ፡ ቱሙ አኬካን ቤትያ ዱረተላ ኡባ ኡንቱንቱ አካና ማላን ቃይ ኡንቱንቱ ጳሳይ አሳዉ ቆንጭሰቤናዋ፡ ክርስቶሳ አ ሀጳዉ ኤራና ማላ፡ ታን ዳቡራይ።

3 ጌማን ጳሳይ ምንጄዳ ኤራይን አጴዳ ኤራተላይ ኡባይ አን ደኤ።

4 ኦን ህንተንታ ጭምያ ቃላን ባለግና ማላ፡ ታን ህንተንታ ሀሳይሳይ።

5 አያዉ ጎፕ፡ ታን ህንተንቱ ማታፕ ሃካደ ደኦፕካ፡ አያናን ህንተንቱና ደአይ፤ ህንተንቱ ደእያ ማራን ክርስቶሳ ህንተንቱ ምኒደ አማንያዋ በአደ ናሽታይ።

ክርስቶሳን ቤትያ ኩሙንላ ደኤዋ

6 ሰም ህንተንቱ ጎዳ ክርስቶስ የሱሳ አኬዳዋዳን፡ አን ደእተ።

7 አን ጳጳዋ የዲደ ድጭተ፤ ህንተንቱ ታማራዳዋዳን አማኑዋን ምንተ፤ ጳሳ ኡባ ዋደ ጋላትተ።

8 ክርስቶሳፕ ግደና ትምርትያን፡ ሀ ሳኦ ሞድያ አያናቱዋ ትምርትያን፡ አሳፕ ዬዳ ኤራተላን፡ ቃይ መላ ጭሙዋን ህንተንታ ኦን አሞደና ማላ ናገትተ።

9 አያዉ ጎፕ፡ ክርስቶሳ አሳተላ ቦላን ጳሳተላ መጠታ ኩሙንላይ ደኤ።

10 ቃይ ኡባ አያናቱዋ ካፖተላዉን ጎዳተላዉ ኡባዉ ሀጳ ግድያ ክርስቶሳፕ ኩሙንላ ደኤዋ ደሜድታ።

11 ህንተንቱ ክርስቶሳና እት አሳ ማላ ግዲደ፡ አሳ ቃጸራ ማላ ግደናን፡ ህንተንቱ ናጋራንቻ መጠታ ድግያ ቃጸራ፡ ሀዌካ እሹዋ ቃጸራ ግደናን ክርስቶስ ኦፊዳዋ።

12 ህንተንቱ ጳማቀቲዳ ዋደ፡ ክርስቶሳና ሞገቲደ፡ ክርስቶሳ ሀይቁዋፕ ደንፊዳ ጳሳ ዋልቃ አማኔዳ ድራዉ፡ ኦራላ ደኦ ጳንቃታን ክርስቶሳና እትፕ ደንዴድታ።

13 ህንተንቱ ህንተንቱ ናቁዋንን ህንተንቱ ኤጫ አሳተላ ቃጸረተናን አጌዳዋን ሀይቂደ ደእያ ዋደ፡ ጳሳይ ህንተንቱ ናቁዋ አቶ ጊደ፡ ክርስቶሳና ህንተንታ ፓጳ ዋፊዳ።

14 ኦና አጳያ፡ አጩዋ ፓራማ አ ጫቁዋና እትፕ ጳሳይ ዳኬዳ፤ ማሰቃልያ ቦላን ድሺደ፡ ኦግያፕ ድጌዳ።

15 ክርስቶስ ሄ ማሰቃልያን ካፓቱዋፕን ጎዳቱዋፕ ዋልቃ ዋላ አኪደ፡ ባረ ጳኑዋን አሞደቲዳዋንታ ቆንጭያን በሴዳ።

16 ሄዋ ድራዉ፡ ሙሳን ዋይ ኡሻን፡ ባላ ጋላሳ ዋይ አገናይ ጳርያ ዋድያ ቦንቹያዋን፡ ዋይ ሳምባታ ቦንቹያዋን፡ ኦን ህንተንቱ ቦላ ፕርዶፖ።

17 ሀዋንቱ ሰንፋፕ ያና የዋቶ ኤሹዋ፤ ሽን ቱማተላይ ክርስቶሳዋ።

18 ዋርዱዋ አሽከ ማላታናዉን ኪታንቻዉ ጎይናናዉ ኮይያዌ፡ በእቤናዋ ሳጳን በአድ ጊደ ኦቶረትያዌ፡ አሳተላ ቆፋን ጮ አይያዌ፡ ኦን ህንተንቱ ቦላ ፕርዶፖ።

19 ሄዋ ማላ አሳይ ሀጳ ግድያ ክርስቶሳ ምንስ አይቁዳዋ ለፕሴ። ቦላ ኡባይ ሄ ሀጳያፕ ዋልቃ ደሚደ፡ ቦላን ደእያ ኩርያናን ጳጳዋና እትፕ አይቀቲደ፡ ጳሳይ ድቻያ ድሹዋዳን ድጩ።

ሀይቁዋንካ ፓጳንካ ክርስቶሳና ደእያዋ

20-21 ህንተንቱ ሀ ሳኦ ሞድያ አያናቱዋፕ ሃኪደ፡ ክርስቶሳና ሀይቁድታ፤ ያትና፡ አያዉ ሀ ሳኦ ዋጋን ደእያ አሳዳን ደአቲ? “ኦይቆፓ፤ ባራ በአፓ፤ ቦቾፓ” ያግያ ሀገቶ አያዉ አዛዘቲቲ?

22 ሀ ኡባባይካ አሳይ መጴዳ ሀገን ትምርተ ግድያ ድራዉ፡ ዋድያፕ ጉይያን ጳያና።

23 ኡንቱንቱ ኪታንቻዉ ጎይንያዋንን ዋርዱዋ አሽከ ማላትያዋን ቃይ ባረንቱ አሳተላ ግልቂሰዋን አጴዳ ኤራንቻ ማላቲና፤ ሽን እሹዋ አሙዋ ድጋናዉ ጎኤና።

3

1 ሰም ህንተንቱ ክርስቶሳና ሀይቁዋፕ ደንዴዳዋ ግደፕ፡ ጳሳፕ ኡሽቻ ባጋና ኡቲዳ ክርስቶስ ደእያ ሳን ሳሉዋን ደእያዋ ምንስ ኮይተ።

2 ሳሉዋን ደእያዋ ህንተንቱ ቆፓናፕ አትን፡ ሳኦን ደእያዋ ቆፖፕተ።

3 አያዉ ጎፕ፡ ህንተንቱ ሀይቁድታ፤ ቃይ ህንተንቱ ሽምፑ ጳሳን ክርስቶሳና ጌሜዳ።

4 ህንተዉ ደኦ ግዴዳ ክርስቶስ ቆንጭያ ዋደ፡ ሄ ዋደ ህንተካ አናና ቦንቹዋን ቆንጫና።

ኤጫነ ኦራላ ደኤዋ

5 ሄዋ ድራው፡ ህንተንቱን ደእያ ሀ ሳኦ አሞቱዋ ዋድተ፤ ሄዋንቱካ ዋሹምያዋ፡ ቱናተላ፡ ዋሹማናው ኮይያዋ፡ ኢታ አሙዋ፡ ሚሻ አሞትያዋ፡ ዮራንቻ ግዲሳይ ኤቃው ጎይንያዋ፡ ዲማተና፡

6 ሀዋንቱ ጋሱዋን፡ ጸሳይ አዛዘተና አሳቱዋ ሀንቀታናዋ፡

7 ካሰ ህንተንቱ ሀ ኢታ ቆፋቱዋን ደእያ ዋደ ኡንቱንቱን ሞደቱድታ፡

8 ሸን ሀኦ ህንተንቱ ቃይ ሀንቁዋ፡ ይሉዋ፡ እጹዋ፡ ህንተንቱ ደና፡ ከሰያ ጫሻነ ዬላይያ ሃሳያ ሀዋንታ ኡባ ህንተ፡ ቆይሰተ፡

9 እቱ እቶ ዋርዶቶ፡ እያው ጎ፡ ናጋራንቻ ሙታ አ ኡሱዋና ህንተ፡ ቆይሰ ድጊደ፡

10 ጸሳይ፡ አ ሙዴዳዊ፡ ባረና ማላትሳናውን ባረው ደእያ ኤራተላ ኡባ እማናው፡ ኡባ ዋደ ኡራሳያ ኡራላ ሙታ ማዬድታ፡

11 ሀ ኡራላ ሙታን፡ ግሪክ አሳ ዋይ አይሁዳ አሳ፡ ቃጸረቱዳዋ ዋይ ቃጸረትቤናዋ፡ እማላቱዋን አይነ ታማርቤናዋ፡ አይልያ ዋይ ዋማኑዋ ጊደ ሻክያባይ ባዋ፤ ሁጳ አላሊ ክርስቶሳ፤ አ ኡባንካ ደኤ፡

12 ሄዋ ድራው፡ ጸሳይ ደሬዳዋንቱዳን፡ ጌሻነ ሲቅያዋንታ ግዲደ፡ ማርተላ፡ ቃረታ፡ ኬካተላ፡ ህንተንቱ ሁጳያ ካወሸያዋ፡ አሸከተላን ዳንዳያ ማይተ፡

13 እቱ እቱዋዋ ዳንዳይተ፤ ኦንነ ባረ ላግያ ቦላ ሀንቀቱዳዋ ደኦ፡ እቱ እቶ አቶ ያጎ፡ ክርስቶስ ህንተንቶ አቶ ጌዳዋዳን፡ ህንተካ አቶ ጊተ፡

14 ሄዋ ኡባ ቦላ፡ ኡባባ እት፡ ሺሽ ቃቕያ ሲቁዋ ማይተ፡

15 ክርስቶስ እምያ ሳርተላይ ህንተንታ ሞደ፤ እያው ጎ፡ ጸሳይ ህንተንታ እት አሳ ኡሊደ፡ ሄ ሳርተላው ጴሴዳ ጸሳ ጋላትተ፡

16 ክርስቶሳ ቃላይ ህንተንቱ ዋዛናን ኩሚደ ደኤ፤ ህንተንቶ ደእያ አዴዳ ኤራተላ ኡባን እቱ እቱዋ ታማርስተነ ዘርተ፤ ህንተንቱ ዋዛናን ጸሳ ጋላቲደ፡ ዋሳነ ማዘሙርያ፡ ጸሳ ሱንላ ቶቁ ኦልያ ዩላ ዩጽተ፡

17 ህንተ አይ ሃሳይያዋ ዋይ አይ ኦልያዋ ግደ፡ እውዋ ጸሳ የሱሳ ባጋና ጋላቲደ፡ ኦልያዋ ኡባ ጎዳ የሱሳ ሱንላን ኦልተ፡

አማንያ አሳቱዋ ጎሊን ደእናው በሰያ ዋጋ

18 ማቼቶ፡ አማንያ አሳው በሰያዋዳን፡ ህንተንቱ አሰናው ሞደትተ፡

19 አቱማ አሳቶ፡ ህንተንቱ ማጫ አሳ ሲቅተ፤ ኡንቱንቱና ዋፑ ጊደ ደእተ፡

20 ናቶ፡ ህንተንታ የሌዳዋንቶ ኡባባን አዛዘትተ፡ እያው ጎ፡ ህንተንቱ ኡንቱንቶ አዛዘትያዋ ጸሳ ዳር ናሽቼ፡

21 አዋቶ፡ ህንተንቱ ናናይ ዋዛና ባየና ማላ፡ ኡንቱንታ ይሎኖ፡

22 አይላቶ፡ ሳኦን ህንተንቶ ጎዳ ግድያዋንቶ ኡባባን አዛዘትተ፤ ጎዳው ያዪደ፡ ሱሪ ዋዛናን

ኦልተ፡ አትን፡ አሳ ናሽቻናውን አሳይ በኦ ግያዋን አዛዘትያዋንታ ግደ፡

23 ህንተ ኦልያ ኦሱ ኡባ አሳው ግደናን ጎዳው ኦልያዋዳን፡ ዋዛና፡ ኦልተ፡

24 ጎዳ ክርስቶሳው ህንተንቱ ኦልያ ድራው፡ አ ባረዋንቶ እማናው ጊገሰ ዋሌዳዋ ህንተንቱ ላታናዋ አኬክተ፡

25 ባላባ ኦሌዳ ኡራይ ኦንነ፡ ባረ ኦሌዳ ባላዳን ዋይታ አካና፤ እያው ጎ፡ ጸሳይ ፕርዲደ፡ ኦናን ማደና፡

4

1 ጎዳቶ፡ ህንተውካ ሳሉዋን ጎዳይ ደእያዋ ኤሪደ፡ ህንተንቱ አይለቶ ጽሎተላን ሱሪተላን ኮሽያዋ ኦልተ፡

ዘርያ

2 ጸሳ አገናን ዋሰተ፤ ቃይ ዋሲደ አዛለናን፡ አ ጋላቲደ ዋሰተ፡

3 ቃይ ህንተንቱ ዋሰያ ዋይ ኡባን፡ ካሴደ፡ አሳው ቆንጭቤናዋ፡ ክርስቶሳዋ ኦን ኦዳና ማላ፡ ጸሳይ ኦው እንጀያናዳን፡ ኦውካ ጸሳ ዋሰተ፤ እያው ጎ፡ ሀኦ ታን ቃሽ ጎልያን ደእያዋ ሄዋሳ፡

4 ቃይካ ታን በሰያዋ ኬና ቆንጭሳደ ሀ የወዋ ኡዳና ማላ፡ ታው ጸሳ ዋሰተ፡

5 ህንተው ደእያ ዋድያ ጎኦ ባይናሳን ቆይሰናን፡ አማንያዋንቱ ማታን ጭንጫተላን ደእተ፡

6 ህንተንቱ አሳ ኡባው ዋት ዛራናው በሰንቶ ኤራና ማላ፡ ህንተንቱ ሃሳይ ኡባ ዋይ፡ ሰሳናው ሎእያዋን ናሽቻዋ ግዳናው በሴ፡

ዉርስላ ሳርታ

7 ኦ ሲቆ እሻይ ትክቆስ፡ ታናና እት፡ ጎዳ ኡሱዋን ቆማ ግዴዳ አማንትያ ኦሳንቻይ፡ ታ ደኡዋ ህንተንታ ኤርሳና፡

8 ታን አ ህንተኮ ከትያዋ፡ ኦን ዋን ደእንቶ ህንተንቶ አ ኡዲደ፡ ህንተንታ ሙንባና ድራሳ፡

9 አናሰሞስ፡ አማንትያ ሲቆ እሻይ፡ ህንተንቱ ጋደዋ፡ አናና እት፡ ህንተኮ ቤ፤ ኡንቱንቱ ሀዋን ህንያ ኡባባ ህንተንታ ኤርሳና፡

10 ታናና ቃሹዋን ደእያ አርሰጽርኮስን ባርናባሳው እውዋ ግዴዳ ማርቆስ ህንተንታ ሳርቲና፤ ታን ህንተንታ ካሰ አዛዘዳዋዳን፡ ማርቆስ ህንተኮ ቦ፡ ዋዛና፡ አ ሞክተ፡

11 የሰጸሳ ግያ የሱሰካ ህንተንታ ሳር ሳር ጌ፤ አይሁዳ አሳቱዋ፡ ታናና ጸሳ ካውተላው ኦልያዋ፡ ሀ ሄዙ አሳቱዋ፡ ሀራይ ባዋ፤ ሀዋንቱ ታና ዳር ማዴድና፡

12 ኤፓፍር፡ ህንተንቱ ጋደዋ፡ ክርስቶስ የሱሳ ቆማይ፡ ህንተንታ ሳር ሳር ጌ፡ አ ህንተንቱ ጸሳን ሞኒደ ኤቃናዳን፤ ጸሳይ ኮይያዋ ኡባይ አየንቶ ኤሪደ፡ ፖል አማናዳን፡ ኡባ ዋይ ጸሳ ሞንሰ ዋሴ፡

13 እያው ጎ፡ አ ህንተንቶ፡ ሎዶቅያ አሳውን ሀራፖሊሳ ግያ ካታማ አሳው ዳር ዳቡርያዋ ታን ማርካታይ፡

3:9 ኤ.ፈ. 4:22 3:10 ደመላ 1:26፤ ኤ.ፈ. 4:24 3:16 ኤ.ፈ. 5:19-20 3:18 ኤ.ፈ. 5:22፤ 1 ጳጵ. 3:1 3:19 ኤ.ፈ. 5:25፤ 1 ጳጵ. 3:7 3:20 ኤ.ፈ. 6:1 3:21 ኤ.ፈ. 6:4 3:22 ኤ.ፈ. 6:5-8 3:25 ዛረ. 10:17፤ ኤ.ፈ. 6:9 4:9 ፕል. 10-12 4:10 ኪታ 19:29፤ 27:2፤ ፕል. 24፤ ኪታ 12:12፤ 25፤ 13:13፤ 15:37-39 4:12 ቆል. 1:7፤ ፕል. 23

14 ኑ ሲቆ ደቶሪ ሉቃሰነ ዳማሰ ህንተንታ ሳር ደኢቱ ያገኛ።

15 ሎዶቅያን ደእያ ኑ እሻቶነ ንምጥዉ ቃይ እዝ ጎልያን ሸቅያ አማንያ አሳቶ ኑ ሳርታ ኦድተ።

16 ሀ ዳብዳቢያ ህንተንቱ ናባቤዳዋፕ ጉይያን፣ ሎዶቅያ አማንያዋንቶካ ናባብሰተ፤ ህንተካ ሎዶቅያ አማንያዋንቶካ ህንተንቶ የድያ ዳብዳቢያ ናባብተ።

17 ቃይ አርክፖሳዉ፣ “ጎዳይ ነዉ እሜዳ ኦሱዋ ፖላናዋ ደጎፓ” ያገደ ኦድተ።

18 ታን ጳዉሎስ፣ ታ ኩሸያን ሳርታ ጳፌዳዋ ሀዋ በእተ፤ ታን ቃሹዋን ደእያዋ ደጎፕተ።

ጳሳ እዲ ኬካተሳይ ህንተንቱና ግድ።

ጳውሎስ ተሰሎንቆ አሳው ጳፌዳ ኮይር ኪታ ገሎቆ

ተሰሎንቆ ማቅደንያ ጌተትያ ሮማ ቢታዉ ዋና ካታማቶ። ጳውሎስ ተሰሎንቆን አማንያዋንቶ ሺሼዳዌ፡ ፕልጵስዮሳ ቢታ የግ ቤዳዋፕ ጉይያና፡ ግደፕ አትሽን፡ አይሁዳቱዋ አማኑዋ አካናዉ ማቲዳ አይሁዳ ግደና አሳቱ ጳውሎስ ታማርሰያ፡ አማኑዋ ትምርትያ ዶሴዳ ድራዉ (1:8-10)፡ አይሁዳቱ ጳውሎሳ ቃናቲደ፡ ጳልቀላ ደንፊድና። ሄዋ ድራዉ ጳውሎስ ተሰሎንቆ የዲደ፡ ቤርያ ጌተትያ ጋድያ ቤዳ። ታኪደ እ ቆሮንቶሳ ጋኬዳ ዋደ፡ ማታን አ ማድያ ጽሞቶስ ተሰሎንቆ ቢደ ሰሞዋፕ ጉይያን አማንያ አሳ ሆናታ አዉ ቆንጭሲደ ኦዴዳ።

ጳውሎስ ኮይር ኪታ ተሰሎንቆ አሳዉ ጳፌዳዌ፡ አማንያዋንታ ምንሳናሳነ መንፍሳናሳ። እ ኡንቲንቲ አማኑዋባነ ሲቁዋባ ሎኦ ዋርያ ሰሴዳ ድራዉ፡ ጳሳ ጋላቲ። ካስ እ ኡንቲንቲ ግደን ሄዙ ሳምንታ (ኪታ 17:1-9) ደኤዳ ዋደ፡ አይ ማላ ደኤዳ ደኤደንቶ ኡንቲንታ አኬክሴ። ሄዋፕ ጉየ ክርሰቶሳ ላኤንፊዋ ዩሳ ጴሌዳዋን ደንዴዳ ኦሻቶ ዛሩዋ እጫ። ሄ ኦሻቱዋፕፕ ኦማራዳዋንቲ። “ክርሰቶስ ሀ አላምያ ሰማናፕ ካስቲደ ሀይቄዳ አማንያ አሳይ፡ ክርሰቶሳ ሰማይ እምያ መድና ደኤዋ ሻክ አካናዉ ዳንዳዪ? ክርሰቶስ ሰማደ ያናዌ አዉዴ?” ያግያዋንታ። ጳውሎስካ ሄ ጋከቲዳ ዋድያ ጎኤቲደ፡ “ክርሰቶሳ ላኤንፊዋ ዩሳ ትምርትያ ሀደታን ናጊደ እ ያና ጋካናዉ ዋፑ ጊደ ሀንተንቲ ኦሱዋ ኦሳተ” ያጊደ ኡንቲንታ ዘሬ።

ሸምፓቱዋ ኡባቶ አመቲዳ ቃንላ ቆፋቱዋ

- ገሎቆ 1:1
- ጳውሎሳ ናሽቻን ጋላታ 1:2—3:13
- አማንያዋንቲ ደኤዋ ካለልያ ኦግያ 4:1-12
- የሱሳ ላኤንፊዋ ዩሳ ትምርትያ 4:13—5:11
- ዉርሰላ ማቁዋ 5:12-22
- ቁትያ 5:23-28

1 ኑን ጳውሎስ፡ ሰላሰነ ጽሞቶስ ተሰሎንቆን ደእያ አማንያ አሳቶ ሀ ዳብዳቢያ ጳፌቶ፤ ሄዋንቲ ጳሳ ኑ አሱዋንቶን ጎዳ የሱስ ክርሰቶሳዋንቶ፡ እጶ ከካተላይነ ሳርተላይ ግደ።

ተሰሎንቆ አሳ ደኤዋን አማኑዋ

2 ኑን ዋሳን ጳሳ ጋላቲደ፡ ኡባ ዋደ ሀንተና ኡባቱዋ ሀሳዬቶ።

3 ኑን ኑን ጳሳ፡ ኑ አዉዋ ሰንላን አማኑዋን ሀንተንቲ ኦሴዳ ኦሱዋን፡ ሲቁዋን ሀንተንቲ ዳቡራዳ ዳቡራ፡ ቃይ ኑ ጎዳ የሱስ ክርሰቶሳን ሀንተዉ ደእያ ሀደታን ገንጭያ ገንጨዋ ኡባ ዋደ ሀሳዬቶ።

4 ኑናዳን ጳሳ ካልያዋንቶ፡ ጳሳይ ሀንተና ሲቅያዋን ሀንተና ባረዉ ናና ኦፋናዉ ዶሬዳዋ ኑን ኤራቶ።

5 እያዉ ጎፕ፡ ኑን ዋንጋላ፡ ዋልቃን፡ ጌሻ አያናንነ ሄ ዋንገሊ ቱማ ግዴዳዋ ዉርሰ አማንያዋን ሀንተንቶ አሄዳዋፕ አትን፡ አሳ ቃላ ጳላላን አሀበይኩ። ኑን ሀንተናና ደእያ ዋደ፡ ሀንተንቲ ድራዉ ዋን ደኤደንቶ፡ ሀንተንቲ ኤሪታ።

6 ቃይ ሀንተንቲ ዳር ዋየቶፕካ፡ ጌሻ አያናይ እጫዳ ናሽቻን ኪታ አኬድታ፤ ሄዋን ኑ ሌምሱዋን ጎዳዋ ካሌድታ።

7 ሄዋ ድራዉ፡ ማቅደንያን አካይያ ግያ ጋድያን ደእያ አማንያ ኡባቶ ሌምሱዋ ግዴድታ።

8 እያዉ ጎፕ፡ ጎዳ ቃላይ ሀንተፕ ከሲደ፡ ማቅደንያን አካይያ ጳላላን ሰስቲቤና፤ ሽን ጳሳ ሀንተንቲ አማንያዌ ኡባ ሳን ሰስቲዳ። ሰም ኑን ሃሳናናዉ ኮሽሽን አቶዌ አይነ ባዋ።

9 እያዉ ጎፕ፡ ኑን ሀንተኮ ቤዳ ዋደ፡ ሀንተንቲ ኑና ዋት ሞኬደንቶን ቃይ ሀንተንቲ ሀንተንቲ ኤቃዉ ኦልያዋ አጊደ፡ ዋርደተና ደኤዋ ጳሳዉ ኦፋናዉ ዋን ጳሳኮ ሰማድተንቶ፡ ኡንቲንቲ ባረንቲ ሁጲያን ሃሳዪና።

10 ቃይ ጳሳ ናኦይ የሱስ፡ ጳሳይ ሀይቁዋፕ ደንፊዳዌ፡ ኑና ሰንላፕ ያና ጳሳ ሀንቁዋፕ አሽያዌ ሳሉዋፕ ያናዋ ሀንተንቲ ናግያዋ ኡንቲንቲ ሃሳዪና።

2

ጳውሎስ ተሰሎንቆን ኦሴዳ ኦሱዋ

1 ኑናዳን ጳሳ ካልያዋንቶ፡ ኑን ሀንተኮ ቤዳዌ መላ ግደናዋ ሀንተንቲ ሀንተንቲ ሁጲዉ ኤሪታ።

2 ሽን ኑን ሀንተኮ ያናፕ ካስ ፕልጵስዮሳ ግያ ካታማን ዋየቲዳዋን ቦረቲዳዋ ሀንተንቲ ኤሪታ፤ ዳር ጳልቀላይ ደኤፕካ፡ ሀንተንቶ አ ሞሽራቹዋ ቃላ ኦዳና ማላ፡ ጳሳይ ኑዉ ሞኖተላ እጫዳ።

3 ኑን ሀንተና ዋሰያዌ ባሊደ ዋይ ቱናተላን ዋይ ገንያን ግደና።

4 ሽን ጳሳይ ዋንጋላ ሀዳራ አካናዉ ኑን አማንትያዋንታ ግድና፡ ኑዉ ሄ ሀዳራ እጫዳ፤ ሄ እጫዳዋዳንካ ኑን ሃሳዬቶ። ቃይ ኑን ኑ ዋዛና ጳሞሰያ ጳሳ ናሽቻያዋዳን ሃሳዬቶፕ አትን፡ አሳ ናሽቻያዋዳን ሃሳዮኩ።

5 ኑን ሀንተኮ ጭምያ ሃሳናና፡ ዋይ ኑን ዮራ ገንላያ ሀናታን ይቤናዋ ሀንተንቲ ሎይላ ኤሪታ፤ ጳሳይካ ኑዉ ማርካ።

6 ኑን አሳፕ፡ ዋይ ሀንተፕ፡ ዋይ ሀራንቲ ኦፕካ ቦንቹዋ አካናዉ ኮይበይኩ።

7 ኑን ክርሰቶስ ኪቲዳዋንታ ግዲደ፡ ቦንቹዋ ሀንተንቲፕ ኦቻናዉ ዳንዳዬቶ። ሽን አታ ባረ ናናቱዋ ሲቁዋን ድቻያዋዳን፡ ሀንተንቲ ግደን አሽከ ግዴደ።

8 ሀንተንቲ ኑዉ ዳር አልኦ ግዴዳ ድራዉ፡ ጳሳ ዋንጋላ ሀንተንቶ እማናዋ ጳላላ ግደናን፡ ኑ ደኤዋካ ሀንተንቶ እማናዉ ገግ ኡቲደ፤ እያዉ ጎፕ፡ ሀንተና ኑን ሎይላ ሲቁደ።

9 ኑናዳን ጳሳ ካልያዋንቶ፡ ኑ ኦሱዋን ኑ ዳቡራ ሀንተንቲ አኬኪታ፤ ሀንተንቶ ጳሳ ሞሽራቹዋ

1:1 ኪታ 17:1 1:6 ኪታ 17:5-9

ቃላ ኦሲዳ፡ ህንተና አይነ ዋይሰና ማላ፡ ቃማነ ጋላሰ ኩን ኦሌዳ።

10 ኑ ደኡ ህንተንቱ ማታን፡ አማንያዋንቱ ማታን፡ ጌሻ፡ ጽሎነ ቦረተናዋ ግድያዋ ህንተነ ጸሳይ ማርካ።

11 ኩን ህንተንቶ ሁጲያን ሁጲያን አዉ ባረ ናናዉ ህንያዋዳን ሀኔዳዋ ኤሪታ።

12 ኩን ህንተና ዘራደ፤ መንግሥቱን ህንተንቶ ማርካቱደ። ሄዌኔካ ህንተና ጸሴዳ ጸሳ ናሽቻያ ደኡዋ ህንተንቱ ደአናዳና ከ ካወተላነ አ ቦንቹዋ ገላናዳ።

13 ህንተ ኑፕ ጸሳ ቃላ ቱማ ግዴዳዋዳን አኬዳ ዋደ፡ ጸሳ ኪታዳን አኬዳዋፕ አትን፡ አሳ ኪታዳን አክቤና ድራዉ፡ ጸሳ ቃላይ አማንያ ህንተናን ኦሌ፤ ሄ ጋሱዋን ኩን ጸሳ ኡባ ዋደ ጋላቱቶ።

14 አያዉ ጎፕ፡ ኑናዳን ጸሳ ካልያዋንቶ፡ ክርሰቶሰ የሱሳን እቱዋ ግዴዳ ይሁዳ ግያ ጋድያን ደአያ አማንያዋንታ፡ ህንተንቱ ለምሰቲታ፤ ሄዋንቱ ጸሳ አማንያዋንታ። አይሁዳቱ ኡንቱንታ ዋይሴዳዋዳን፡ ህንተንቱ ቢታ አሳይካ ህንተና ዋይሴዳ።

15 ሄ አይሁዳቱ ጎዳ የሱሳነ ናባቱዋ ዋዴድና፤ ቃይ ኑና የደርሴድና። ኡንቱንቱ ጸሳ ናሽቻክና፤ አሳ ኡባካ እጲና።

16 አይሁዳ ግደና አሳይ አታና ማላ፡ ኩን ኡንቱንቶ ቃላ ኦድያዋ ድጊና። ቃይ ኡንቱንቱ ናጋራይካ ኡባ ዋደ ዳር ዳር ቤ። ሽን ዉርሰላን ጸሳ ሀንቁ ኡንቱንቱ ቦላ ዋዴዳ።

ጳውሎስ ተሰሎንቆ አሳ ላኤንሱዋ ጸሞሳናዉ አሞቲዳ አሙዋ

17 ሽን ኑናዳን ጸሳ ካልያዋንቶ፡ ኩን ኑ ቆፋን ግደናዳን፡ አሳተላ ጸላላን ህንተፕ ጉላ ዋደዉ ሻከቲዳ ዋደ፡ ህንተና ዳር ላሞቲደ፡ አይፍያን በአናዉ ሎይሳ ኮዬደ።

18 አያዉ ጎፕ፡ ኩን ህንተኮ ሰሚደ ባናዉ ኮዬደ። ኡባ ታን ጳውሎስ ዛራ ዛራደ ህንተኮ ባናዉ ማላ በአድ፤ ሽን ሴጻናይ ኑና ድጊዳ።

19 አያዉ ጎፕ፡ ኑ ጎዳ የሱሰ ክርሰቶሰ ይያ ዋደ፡ ኩን በአና ጊደ ናሽቻን ናግያዌ፡ ዋይ ኑ ናሽቻይ፡ ዋይ ኩን ጩቀትያ ካላቻይ ኦኔ? ህንተና ግድክቲዬ?

20 አያዉ ጎፕ፡ ህንተንቱ ኑ ቦንቹዋን ኑ ናሽቻ።

3

1 ሄዋ ድራዉ፡ ኑዉ ገንጫናዉ ዳንዳየተናን እጼዳ ዋደ፡ አቲና ግያ ካታማን ኑረካ አታናዉ ቆፋ ቃቹደ።

2 ህንተና ዘራናዳንን ህንተንቱ አማኑዋን ህንተና ምንሳናዳን፡ ጸሳዉ አላያ ኑ እሻ፡ ኑናና እትፕ ክርሰቶሳ ምሽራቹዋ ቃላ ኦድያ ጽሞቶሳ ህንተኮ ኪቲደ።

3 ሀ ዋይያ ጋሱዋን ህንተፕ ኦን ጉየ ሰመና ማላ፡ አ ኪቲደ። ኩን ሄዋ ዶረቲዳዋ ህንተንቱ ህንተንቱ ሁጲዉ ኤሪታ።

4 አያዉ ጎፕ፡ ኩን ህንተናና ደኢደ፡ ኩን ዋየታናዋ ካሰቲደ ህንተንቶ ኦዴደ፤ ቃይ ህንተንቱ ኤርያዋዳንካ ካሰ ሄዋዳን ሀኔዳ።

5 ሄዋ ድራዉ፡ ቃይ ገንጫናዉ ታዉ ዳንዳየተናን እጼዳ ዋደ፡ “ኦን ኤር ጸላህያ ካቲ ህንተና ፓጩናን አገና። ኑ ዳቡራይካ መላ ግደናን አገና” ያጋደ ህንተንቱ አማኑዋ ኤራናዉ ጽሞቶሳ ህንተኮ ኪታድ።

6 ሽን ሀእ ጽሞቶሰ ህንተንቱ ማታፕ ኑኮ ዪደ፡ ህንተንቱ አማኑዋባነ ህንተንቱ ሲቁዋባ ህንተንቶ ምሽራቹ ጊደ ኑዉ ኦዴዳ። ቃይ ኩን ህንተና በአናዉ ላሞትያዋዳን ህንተካ ኑና በአናዉ ላሞቲደ፡ ኡባ ዋደ ኑዉ ሎኦባ ቆፕያዋ እ ኦዴዳ።

7 ሄዋ ድራዉ፡ ኑናዳን ጸሳ ካልያዋንቶ፡ ኑ ዋይያንን ኑ ቱጋን ኡባን ህንተንቱ አማኑዋ ባጋና ህንተዋን ኑ ምነቲደ።

8 ጎዳን ምኒደ ህንተንቱ ደአፕ፡ ኩንካ ሀእ ደኤቶ።

9 አያዉ ጎፕ፡ ኩን ህንተባዉ ጸሳ ጋላቲቶ። ኩን ኑ ጸሳ ሰንላን ህንተንቱ ድራዉ ደአያ ናሽቻ ኡባዉ አ ዳር ጋላቲቶ።

10 ኩን ህንተና በአናዉን ህንተንቱ አማኖ ፓጩዳዋ ኩንላናዉ፡ ቃማነ ጋላሰ ኑ ኩመንላ ዋዛናፕ ጸሳ ዋሴቶ።

11 ኑ አዉ፡ ኑ ጸሳይ ባረ ሁጲዉ፡ ቃይ ኑ ጎዳይ የሱሰ ክርሰቶሰ ኩን ህንተኮ ብያ ኦግያ ኑዉ ገግሶ።

12 ኩን ህንተና ሎይሳ ሲቅያዋዳን፡ ጎዳይ ህንተንቱ እቱ እቱዋ ሲቅያ ሲቁዋነ ቃይ አሳ ኡባ ሲቅያ ሲቁዋ ህንተንቶ ዳርሶን ጉጆ።

13 ኑ ጎዳይ የሱሰ ባረ ጌሻቱዋ ኡባና ይያ ዋደ፡ ኑ ጸሳ፡ ኑ አዉዋ ሰንላን ህንተ ዋዛናይ ጌሻነ ፖኩ ባይናዋ ኦሌደ፡ ህንተና እ መንግሥ።

4

ጸሳ ናሽቻያ ደኤዋ

1 ሰም ዉርሰላን፡ ኑናዳን ጸሳ ካልያዋንቶ፡ ጸሳ ናሽቻናዉ ህንተንቱ ዋን ደአናዉ በሰንቶ፡ ኑፕ ታማራድታ። ሄዌ ህንተንቱ ካሴደፕ ደአያ ማራ፤ ሽን ሀእ ህንተንቱ ካሰዋፕ ሎይሊደ ኦላናዳን፡ ጎዳ የሱሳ ሱንላን ህንተና ዋሴቶነ ዘራቶ።

2 አያዉ ጎፕ፡ ኩን ጎዳ የሱሳ ማታ ባጋና ህንተንቶ እሜዳ አዛዙ ሀቃዌንቶ፡ ህንተንቱ ኤሪታ።

3 አያዉ ጎፕ፡ ጸሳይ ህንተፕ ኮይያዌ አዬ ጎፕ፡ ህንተንቱ ጌሻ ግዳናዋን ዋሹምያዋ ኡባና አጋናዋ ኮዬ።

4 ህንተንቱ ሁጲያን ሁጲያን ጌሻተላንን ቦንቹዋን ህንተንቱ ማቻያና ዋት ደአነንቶ * ኤራናዉ በሴፕ አትን፡

5 ጸሳ ኤረና አማንና አሳቱዋዳን፡ ሎይሳ አሞትያዋን አካናዉ በሰና።

6 ኩን ቃይ ካሰ ህንተንቶ ኦዴዳዋዳንን ህንተና ምንሰ ዘራዳዋዳን፡ ጎዳይ ሀዋ ማላባን ኡባን ሀሉዋ ከሰያዋ ግድያ ድራዉ፡ ኦን ሀ የዉዋን ባረ እሻ ናቃናዉን ጭማናዉ በሰና።

7 አያዉ ጎፕ፡ ጸሳይ ኑና ጌሻተላን ደአናዉ ጸሴዳዋፕ አትን፡ ቱናተላን ደአናዉ ጸሰቤና።

* 4:4 ጌሻተላንን ቦንቹዋን ህንተንቱ ማቻያና ዋት ደአነንቶ፡ ጉሳይ ባረ አሳተላ ናጊደ ጌሻተላን ደአናዉ ኮሽያዋ በሴ።

8 ሕዋ ድራው፡ ሀ ትምርትያ እጽያ ኦንነ ሀንተንቶ ባረ ጌሻ እያና እምያ ጸሳ እጾፕ አትን፡ አሳ እጸና።

9 ሀንተ ሀንተንቱ ሁጲያን እቱ እቱዋ ሲቃናዳን፡ ጸሳይ ሀንተና ታምርሴዳ ድራው፡ ሀንተንቱ ሀንተንቱ እሻቱዋ ዋት ሲቃናወ በሰንቶ፡ ኩን ጸፋናወ ኮሸና።

10 ቃይ ማቅደንያ ቢታ ኡባን ደእያ እሻቱዋ ኡባቱዋ ቱሙ ሀንተንቱ ሲቃታ። ሸን ኑናዳን ጸሳ ካልያዋንቶ፡ ሀንተንቱ ሕዋፕ ጉጅ ጉጂደ ኡንቱንታ ሲቃና ማላ፡ ሀንተና ዋሴቶ።

11 ኩን ካሰ ሀንተንቶ ኦዴዳዋዳን፡ ዋፑ ጌዳ ደኡዋ ደእተ። ቃይ ሀንተና ኮሸያዋ ደማናወ፡ ሀንተ ኮሸያን አላተ።

12 ሕዋ ግደፕ፡ አማነናዋንቱ ማታን ሀንተንቱ ቦንቼታናን ቃይ ሀንተና ኮሸያባወ ኦናን አወዳሸክታ።

ጎዳይ ይያ ዋደ ሀይቄዳ አሳይነ ፓጻ ደእያ አሳይ ሀናናባ

13 ሸን ኑናዳን ጸሳ ካልያዋንቶ፡ ሀንተንቱ ሀደታይ ባይና አሳቱዋዳን ካዮተና ማላ፡ ሀይቄዳ አሳቱዋባ ሀንተንቱ ኤራና ማላ ኮዬቶ።

14 ኩን የሱሰ ሀይቄዳዋን ቃይ ሀይቄዋፕ እ ደንዴዳዋ አማኔቶ፤ ሕዋዳንካ፡ ጸሳይ የሱሳ አማኒደ ሀይቄዳዋንታ የሱሳና አሀናዋ አማኔቶ።

15 እያወ ጎፕ፡ ኩን ሀንተንቶ ኦድያ ጎዳ ቃላይ ሀዋ፤ ኩን፡ ጎዳ ላኤንሉዋ ዩሳ ጋላሳይ ጋካናወ ሀዋን ፓጻ ደእያዋንቱ፡ ሀይቄዳዋንቱፕ ካሰቶኮ።

16 እያወ ጎፕ፡ ጎዳይ ባረ ሁጲያን አዛዙዋና፡ ኪታንቻቱዋ ካፑዋ ኮሻና፡ ጸሳ ማላካታ ጊረላና ሳሉዋፕ ዋጳና። ክርሰቶሳ አማኒደ ሀይቄዳዋንቱ ካሰቲደ ሀይቄዋፕ ደንዳና።

17 ሕዋፕ ጉይያን፡ ኩን ሕዋ ደገጻ ደእያዋንቱ፡ ጎዳና ጫርኩዋ ግደን ጋከታናወ ኡንቱንቱና እትፕ ሻርያን ደንዳና። ሕዋ ድራው ኩን ጎዳና እትፕ ኡባ ዋደ ደእና።

18 ሕዋ፡ ሀ ቃላን እቱ እቱዋ መንግሥተ።

5

ጎዳ ዩሳ ጊጊደ ናግተ

1 ሸን ኑናዳን ጸሳ ካልያዋንቶ፡ ሀ የዋቱ አወደ ሀናነንቶ፡ ዋድያን አገና ሀንተንቶ ጸፋናወ ኮሸና።

2 እያወ ጎፕ፡ ጎዳ ጋላሳይ ካይሱ ቃማ ይያዋዳን ያናዋ ሀንተንቱ ሎይላ ኤሪታ።

3 አሳይ፡ “ኡባባይ ሳራ፤ እያይካ ሀነና” ጊሸን፡ ማጫ አሳ የሉ ኦይቄያዋዳን፡ ባሻይ ኡንቱንቱ ቆፕናን ኡንቱንቱ ቦላ ያና። ኡንቱንቱ ሙለካ ከሰ አክክኖ።

4 ሸን ኑናዳን ጸሳ ካልያዋንቶ፡ ሕ ጋላሳይ ሀንተንቶ ካይሱ ይያዋዳን ያናወ ሀንተንቱ ጳማን ደእክታ።

5 ሀንተ ኡባይ ፖኡዋ አሳን ጋላሳ አሳ፤ ኩን ቃማ አሳ ዋይ ጳማ አሳ ግደኮ።

6 ሕዋ ድራው፡ ኩን ሀራቱ ገምእሸያዋዳን ገምእሻናወ በሰና። ኩን ቤጎታናወን ዋጋን ደእናወ በሴ።

7 እያወ ጎፕ፡ ገምእሸያዋንቱ ቃማ ገምእሺና፤ ማላትያዋንቱካ ቃማ ማላቲና።

8 ሸን ኩን ጋላሳ አሳ ግድያዋንቱ ዋጋን ደእናወ በሴ። ኩን አማኑዋን ሲቁዋ ትራን ዋልያ ኦላ ሚሻዳን ኦይቄደ፡ ኩን ሀደታን ናግያ አቶተላ፡ ብራታ ቆብያዳን፡ ሁጲያን ዋላናወ በሴ።

9 እያወ ጎፕ፡ ጸሳይ ኑና ኩን ጎዳ የሱሰ ክርሰቶሳ ባጋና አቶተላ ደማናወ ደራዳዋፕ አትን፡ አ ሀንቁዋ አካናወ ደርቤና።

10 ኩን ፓጻ ግድና ዋይ ሀይቄዳዋንታ ግድና፡ ክርሰቶሳና እትፕ ደእና ማላ፡ ክርሰቶሰ ኩ ድራው ሀይቄዳ።

11 ሕዋ ድራው፡ ሀንተንቱ ቃይ ሀእ ኦልያዋዳን፡ ሀራቱዋ መንግሥተነ እቱ እቱዋ ድቻተ።

ወርሰላ ዘርያን ሳርታ

12 ኑናዳን ጸሳ ካልያዋንቶ፡ ሀንተንቱ ግደን ኦልያዋንታ፡ ሀንተና አማኑዋ ኦግያን ካለልያዋንታን ዘርያዋንታ፡ ሀንተንቱ ቦንቻና ማላ፡ ሀንተና ዋሴቶ።

13 ኡንቱንቱ ኦልያ ኡሱዋ ድራው፡ ኡንቱንታ ሎይላ ቦንቻተነ ሲቅተ። እቱ እቱዋና ሳርተላን ደእተ።

14 ኑናዳን ጸሳ ካልያዋንቶ፡ ኩን ሀንተና ዘራቶ፤ ማራይ ባይና ደኡዋ ደእያዋንታ ሴርተ። ያይያዋንታ መንግሥተ። ዋልቂ ባይናዋንታ ማድተ። አሳ ኡባ ዳንዳይተ።

15 ኡንነ ኢታ ድራው ኢታ ዛረና ማላ ናገትተ፤ ሸን ኡባ ዋደ፡ እቱ እቶን ቃይ አሳ ኡባወ ሎኦባ ኦላናወ ምንተ።

16 ኡባ ዋደ ናሸትተ።

17 ኡባ ዋደ ቃንጸናን ጸሳ ዋሰተ።

18 ኡባባን ጋላትተ። እያወ ጎፕ፡ ክርሰቶሳ የሱሳ ባጋና ጸሳይ ሀንተፕ ኮይያዋ ሕዋ።

19 ጌሻ እያና ታማ ቶይሶፕተ።

20 ትምቢትያ ቃላ ካጾፕተ።

21 ኡባባካ ፓጭተ። ሎኦባ ኦይቄተ።

22 ኢታ ኡሱዋ ኡባፕ ሕክተ።

23 ሳርተላ ጸሳይ ባረ ሁጲወ ሀንተና ኡባባን ፖሎ ጌሾ፤ ቃይ ኩ ጎዳይ የሱሰ ክርሰቶሰ ይያ ዋደ፡ ጸሳይ ሀንተንቱ እያና፡ ሸምፑዋን አሳተላ እትፕ ቦረተናዋን ፖሎ ኦሊደ ናጎ።

24 ሀንተና ጸሰያዋ አማነቱዳዋ፤ ቃይ ሕዋ እ ፖላና።

25 ኑናዳን ጸሳ ካልያዋንቶ፡ ኩወ ጸሳ ዋሰተ።

26 እሻቱዋ ኡባ ጌሻ የሩዋ የሪደ ሳርትተ።

27 ሀንተ ሀ ዳብዳቢያ ጌሻ እሻቱዋ ኡባወ ናባባናዳን፡ ጎዳ ሱንላን ሀንተና ዋሳይ።

28 ኩ ጎዳ የሱሰ ክርሰቶሳ አጾ ኬካተላይ ሀንተናና እትፕ ግደ።

5:8 አሳ. 59:17፤ ኤፈ. 6:13-17

ጳውሎስ ተሰሎንቆ አሳው ጳጳሩ ላኤንሶ ኪታ ገሎቆ

ክርስቶስ ላኤንሶ የሳ ጳጳሩን ደንዳዳ አሻይ ዋላሳ መጰደ ቤዳ ድራው፡ ተሰሎንቆን ደገያ አማንያ አሳ ግደን መቱ ዳሪደ ቤዳ። ጳውሎስ ተሰሎንቆ አሳው ጳጳሩ ላኤንሶ ኪታይ፡ “ጎዳይ ያና ጋላሳይ ማቴዳ” ያግያ አማኑዋ ምንሲደ ኦዴ። ጳውሎስ ኡንቱንቱ ኦዲደ፡ “ክርስቶስ ያናጥ ካሰቲደ ክርስቶስ ትምርትያ ጳጳቂያ እት፡ ማካላ አሳ፣ ጌተትያ ክርስቶስ እጽያዌ ካለልና አላምያ ቦላን ኢታተላይነ ማካላይ ዳሪደ ባና” ያገደ ኡንቱንቱ አማኑዋ ሱርሳናው ማሌ።

የሱስ ኪቱዳዌ ናባብያዎንቶ፡ “መቱነ ዋዪ ዳርጥካ ኡንቱንቱ ባረንቱ አማኑዋን ምናናዳን፡ እካ አናና እትጥ አልያዎንቱካ አልያዋዳን፡ ኡንቱንቱ ባረንቱ ደኦ ኮሽያዎ ደማናው፡ ምኒደ አላናዳን፡ ሄዋዳንካ ቃይ ሎኦ ኦሱዋ አላናው ድብናዳን” ያግ ኡንቱንታ ምንሲደ ዞሬ።

ሸምጋቱዋ ኡባቶ እመቴዳ ቃንሳ ቆፋቱዋ

ገሎቆ 1:1-2

ጋላታነ ሀዳራ 1:3-12

የሱሳ ላኤንሶ-ዋ የሳው እመቴዳ ትምርትያ 2:1-17

አማኑዋን ደኡዋባ ማቁዋ 3:1-15

ወርሰሳ ቁትያ 3:16-18

1 ኑን ጳውሎስ፡ ሰላሰነ ጽሞቶስ፡ ተሰሎንቆን ደገያ አማንያ አሳቶ ሀ ዳብዳቢያ ጳጳቶ። ሄዋንቱ ጳሳ ኑ አቡዋንታነ ጎዳ የሱስ ክርስቶስባዎንታ።

2 ጳሳ ኑ አወዋጥነ ጎዳ የሱስ ክርስቶስባጥ፡ እጾ ኬካተላይነ ሳርተላይ ህንተንቶ ግድ።

ክርስቶስ የሳ ጋላስ ሀናና ፕርዳ

3 ኑናዳን ጳሳ ካልያዎንቶ፡ ህንተንቱ አማኑ ሎይሎ ድጭያ ድራውነ፡ ህንተንቱ እቱ እቱዋ ሲቅያ ሲቅ ዳርያ ድራው፡ ኑን ህንተንቶ በሰያዋዳን፡ ጳሳ ኡባ ዋደ ጋላታናው በሴ።

4 ሄዋ ድራው፡ ህንተንታ የደሳይነ ዋይያ ኡባይ ጋክናካ ህንተንቱ ገንጭያዎን አማንያዋ ኑን ኑ ሁጳው ጳሳ አማንያዎንቶ ኦዲደ፡ ህንተዋን ጨቀቱቶ።

5 ህንተንቱ ዋየትያ ጳሳ ካወተላዉ በሰያዎንታ ግዲደ ፓይደታና ማላ፡ ጳሳይ ፕርድያ ጽሎ ፕርዳ በሰያ ማላ።

6-7 ጳሳይ ቱሙ ፕርዳ ፕርዳና። ጎዳይ የሱስ ባረ ዋልቃማ ኪታንቻቱዋና ታማ ላጩዋ ግደን ሳሎጥጥ ይያ ዋደ፡ ጳሳይ ህንተንታ ዋይሰያዎንቱ ቦላ ዋይያ አሀና። ቃይ ዋየትያ ህንተናነ ኑና ሸምጥሳና።

8 ቃይ ጳሳይ ባረና ኤረናዎንታነ ኑ ጎዳ የሱስ ክርስቶስ ዋንጋላ ምሽራቾ አዛዘተናዎንታ ሙራና።

9-10 ሄ ጋላስ እ ባረ ጌሻቱዋን ቦንቹታናውን ቃይ ባረና አማንያ ኡባቱዋን ሳበታናው ይያ ዋደ፡ ኡንቱንቱ ጎዳ ሰንላጥነ አ ዋልቃ ቦንቹዋጥ ሻከቲደ፡ መድና ባሻን ሙረታና። ጋሱነካ፡ ኑን ህንተንቶ ኦዴዳ ኪታይ አማንቱዳ።

11 ኑን ህንተንቶ ኡባ ዋደ ጳሳ ዋሰያዌ ሄዋሳ። ኑ ጳሳይ ጸሴዳ ደኦ ህንተንታ በሰያዎንታ ገደ ፓይዳናዳን፡ ኑን አ ዋሴቶ፤ ህንተንቱ ሎኦባ ኡባ አምትያዎን ህንተንቱ አማኑዋ ኦሱዋ እ ባረ ዋልቃን ፖሎ።

12 ሄዋን ኑ ጳሳ እጾ ኬካተላንነ ቃይ ኑ ጎዳ የሱስ ክርስቶስ እጾ ኬካተላን፡ ጎዳ የሱሳ ሰንላ ህንተንቱ ቦንቻና፤ ህንተናካ እ ቦንቻና።

2

የሱሳ ላኤንሶ የሳባ

1 ሀእ ኑናዳን ጳሳ ካልያዎንቶ፡ ኑ ጎዳ የሱስ ክርስቶስ የሳባውን ኑን አናና ደእናው እኮ ሺቃናባው።

2 ትምቢትያ አሳይ ህንተንቶ ኦድያዎን ዋይ ሀራ አሳጥ ሰሴዳ ቃላን፡ ዋይ ኦንነ ኑጥ ዬዳ ኪታዳን ሃሳይያዎን፡ “ጎዳ ጋላሳይ ጋኬዳ” ገደ ህንተንቱ ኤለካ ደጋመናዳንነ ዋዛና ባየናዳን፡ ኑን ህንተንታ ዋሴቶ።

3 ህንተንታ ኦንነ አይ ኦግያንነ ባለላፖ። አያው ጎጥ፡ ካሰቲደ ማካልያዌን ቃይ ናጋራንቻይ፡ ባሻ ናአይ ቆንጨናን ደእሸን፡ ሄ ጋላሳይ ጋክና።

4 አሳይ ጎይንያ ኡባባነ አሳይ ጳሳ ግያ ኡባባ እ እጻና። እ ባረና ኡንቱንቱ ኡባጥ ጾቁ ኦላና። ቃይ ሀራይ አቶ ጳሳ ጌሻ ጎልያ ገል ኡቲደካ፡ “ታን ጳሳ” ጋና።

5 ህንተንቱ ሀሳይክቱ? ታን ሄዋ ህንተንቶ ህንተናና ደእደ ኦዲድ።

6 እ ባረ ዋድያን ያናጥ እትን፡ ሀእ ያናዋ አያይ አ ተቂንቶ፡ ህንተንቱ ኤሪታ።

7 አያው ጎጥ፡ ጹራ ግዴዳ ማካላይ ሀእ ኦሌ፤ ሸን ሄ ተእያዌ ኦግያጥ ክቻና ጋካናው፡ እ ቆንጨና።

8 ሄዋጥ ጉይያን፡ ሄ ማካላንቻይ ቆንጭና፡ ጎዳይ የሱስ ባረ ዳና ፔኑዋን አ ዋቆ። ቃይ የሱስ ባረ ላኤንሶ ቦንቾ የሳን አ ሙለካ ቆይሳና።

9 ሄ ማካላንቻይ ሴጻና ኦሱዋን ዬደ፡ ዳር ዋልቃን ዋርዶ ማላታነ ማላልሰያዋ ኦላና።

10 ሄዋዳንካ፡ ቃይ ቆይያ አሳቱዋ ዲማ ዲማ ኢታ ጭሙዋን ባለላና። ቆይያዎንቱ አታናው ቱማተላ ሲቂደ እክቤና ድራው ቆይና።

11-12 ሄዋ ድራው፡ ቱማተላ አማንቤና ኡባ አሳቱ፡ ናጋራ አልያዎን ናሽትያዎንቱ ኡባይ ፕርደታናዳንነ ዋርዶ ግድያባ አማናናዳን፡ ጳሳይ ዋልቃማ ባላ ኡንቱንቱ ግድ የዳና።

አቶተላዉ ደረቴዳ አሳቱዋ

13 ሸን ጎዳይ ሲቅያ ኑናዳን ጳሳ ካልያዎንቶ፡ ኑን ጳሳ ህንተንቱ ድራው፡ ኡባ ዋደ ጋላታናው በሴ። አያው ጎጥ፡ ጌሻ አያና ዋልቃንነ ቱማተላ ህንተንቱ አማንያዎን ህንተንታ አሻናው፡ ጳሳይ ህንተና ባይራዳን ደሬዳ።

1:9-10 ኢሳ. 2:10 2:8 ኢሳ. 11:4 2:9 ማቶሳ 24:24

14 ጸሳይ ህንተንታ ኑን ህንተንቶ ኑዳዳ ኑ ሞሽራቹዋ ቃላ ባጋና ጸሴዳዌ፡ ህንተንቱ ኑ ጎዳ የሱስ ክርስቶስና እትፕ ቦንቹታናሳ።

15 ሰም ኑናዳን ጸሳ ካልያዋንቶ፡ ሞኒደ ኤቁተ፤ ኑን ህንተና ኑ ደናን ግድና፡ ዋይ ኑ ዳብዳቢያን ግድና፡ ታማርሴዳ ዋጋ ኦይቁተ።

16-17 ኑ ጎዳ የሱስ ክርስቶስ ባረ ሁጲያን ቃይ ጸሳይ፡ ኑ እዉ ኑና ሲቁደ፡ ባረ እጵ ኬካተላን ኑዉ መቋና ዳንዳያን ሎኦ ህደታ እመዳዌ፡ ቃይ ህንተንቱ ሎኦባ ኡባ ኦላናዳን ሃሳያናዳን፡ ህንተንቱ ዋዛና ሞንሶን መን።

ዉርሰላ ሳርታ

16 ሳርተላ ጎዳይ ባረ ሁጲያን ህንተንቶ ኡባ ዋይን ኡባ ባጋና ሳርተላ እዋ። ጎዳይ ህንተናና ኡባና ግድ።

17 ታን ጳዉሎስ፡ ሀ ሳርታ ታ ኩሽያን ጸፋድ፤ ታ ዳብዳቢያ ኡባዉ ሀዌ ታ ፍርማ፡ ሀዌ ታን ጸፍያ ኦግያ።

18 ኑ ጎዳ የሱስ ክርስቶስ እጵ ኬካተላይ ህንተናና ኡባና ግድ።

3

ጳዉሎስ፡ “ኑዉ ዋስተ” ያጌዳ

1 ዉርሰላን ኑናዳን ጸሳ ካልያዋንቶ፡ ጎዳ ቃላይ ህንተንቱ ግድን፡ ኤለካ አካናዳንን ቦንቹታናዳን፡ ኑዉ ጸሳ ዋስተ።

2 ቃይ አሳይ ኡባይ እማነና ድራዉ፡ ጸሳይ ኑና ናጋራንቻ አሳቱዋፕን ኢታ አሳቱዋፕ አሻና ማላ፡ ኑዉ ዋስተ።

3 ሽን ጎዳይ እማንሰያዋ፤ እ ህንተና መን።ላናን ቃይ ኢታፕካ ናጋና።

4 ኑን ህንተና አዛዝያዋ ህንተንቱ ሀእ ኦላያዋን ቃይ ሰንላፕካ ኦላናዋ ጎዳይ ኑና ህንተዋን እማንሴ።

5 ጎዳይ ህንተንቱ ዋዛና ጸሳ ሲቁዋኮን ክርስቶስ እምያ ዳንዳያኮ ካለሉ።

ኪታ ኪተት ደአናዌ ግደ

6 ኑናዳን ጸሳ ካልያዋንቶ፡ ህንተንቱ ኑፕ እኬዳ ዋጋ ካለናን አዛላ ደኡዋ ደእያ እሻ ኡባፕ ህንተንቱ ሻከታናዳን፡ ኑ ጎዳ የሱስ ክርስቶስ ሱንላን ህንተና አዛዜቶ።

7 እያዉ ጎፕ፡ ኑን ህንተናና ደእያ ዋይ አዛልቤና ድራዉ፡ ህንተንቱ ኑዋዳን ሀኒደ ደአናዉ በሰያዋ ህንተንቱ ህንተንቱ ሁጲያን ኤሪታ።

8 ኑን ህንተፕ እስን ቶኩዋ ግደና ማላ፡ ቃማን ጋላሰ ዳቡሪይን ጃሚደ ኦሊደ ደኤዳዋፕ አትን፡ አፕን ቁማ ጮ ሞቦኮ።

9 ኑን ሄዋ ኦሴዳዌ ህንተንቱ ኑዋዳን ሀኒደ ደአናዳን፡ ኑን ህንተንቶ ሌምሱዋ ግዳናዳፕ አትን፡ ሄዋ ህንተና ኦቻናዉ ኑዉ ማታይ ጳይና ግደና።

10 እያዉ ጎፕ፡ ኑን ሀራይ አቶ ህንተናና ደኢደካ፡ “ኦላናዉ ኮየና ኡራይ ኦንን ሞፖ” ያጌደ ህንተና አዛዜድ።

11 እያዉ ጎፕ፡ አሳ የዉዋን ገልያዋፕ አትን፡ አይን ኦ።ናዋንቱ፡ አዛላ ደኡዋ ደእያ እማሬዳ አሳቱ ህንተንቱ ግድን ደእያዋ ኑን ሰሴድ።

12 ኑን ሄዋንቱ ማላ አሳቱ ማራ ደኡዋ ደአናዳንን ኦሊደ ቁማ ማናዳን፡ ጎዳ የሱስ ክርስቶስ ሱንላን አዛዜቶን ዞሬቶ።

13 ሽን ህንተንቱ ኑናዳን ጸሳ ካልያዋንቶ፡ ሎኦ ኦሱዋ ኦላናዉ አዛሎፕተ።

14 ቃይ ኑን ሀ ዳብዳቢያን ኪቱዳ ኪታዉ አዛዘተና ኡራይ ኦንን ደአፕ፡ ሄ ኡራ እኬክተ። እ ዩላታና ማላ፡ አፕ ሻከትተ።

15 ሽን እሻዳን አ ሴርተፕ አትን፡ ሞርክያዳን ጸሎፕተ።

ጳውሎስ ጽሞቶሳው ጳፌዳ ኮይሮ ኪታ ገሉዋ

ጽሞቶሳ ጌተትያ፡ አማንያ ያላጋይ፡ ቁር ኢስያ ጌተትያ ሳኢን የለቲዳ፡ እ ባረ ዳይ ባጋና አይሁዳ አሳ፤ ባረ እቡ ባጋና ቃይ ግሪክ አሳ፡ እ ጳውሎሳና ኪታን እትጥ ዘጥትያ አሳ፤ ምሽራቹዋ ቃላ ኪታካ እናና ማደቲዳ አልያዋ፡፡ ጳውሎስ ጽሞቶሳው ጳፌዳ ኮይሮ ኪታይ ሄዙ እይፈ የዋቱዋን ሻከቲ፡፡

ኡባጥ ካስቲደ ሀ ኪታይ አማንያ አሳ ግዶን ደንዴዳ ዋርዶ ትምርትያባ ምንሲደ ኦዴ፡፡ ሀ እማላ ግዴዳ ትምርቲ አይሁዳ አሳቱዋ ቆፋጥ ባጋን ሀራ አሳቱዋ ቆፋጥ ባጋ ኦይቄዳዋ፤ “ሀዌ ቤትያ አላሚ ናጋራን ሀምባላቸት ድጌዳዋ ግድያ ድራው፡ አሳይ አተተላ ደማናው ዲማ ግዴዳ ጵራ ኤራተላ ኤራናው፡ እት እት ቁማቱዋ ማናን አጋናውን ማቶያ አከናን እስና ገለናን ደእናው ኮሼ” ያግያ ቆፋ ባሶ አሊደ ኦይቄዳዋ፡፡ ሄዋ ቦላካ ጉጂደ እ ኪታይ አማንያ አሳ አይሁዋባን ጎይቱዋ ዋጋባ ታማርሲያ ትምርትያ፤ ሄዋዳንካ ቃይ አማንያ አሳ ካለልያዋንቲን ኤንቲንታ ማድያዋንቲ እይ ማላ ኤሻና ደእያዋንታ ግድናው በሰንቶ ኦድያባ ኦይቄዳ፡፡ ዉርሰላን ጽሞቶስ የሱስ ክርሰቶሳው አልያ ሎኦ ኦሳንቻ ዋኒደ ግድናው ዳንዳይንቶን ቃይ ዲማ ዲማ አማንያ አሳ ማባራ ሰንላን አዉ ደእያ አዋተላው፡ ጳውሎስ እ ዘራዳ ዘርያ በኤቶ፡፡

ሸምጋቱዋ ኡባቶ እመቴዳ ቃንላ ቆፋቱዋ ገሉዋ 1:1-2

አማንያ አሳባን ኤንቲንቲ ግድን አልያ ጸሳ ኦሳንቻቱዋባ 1:3—3:16
ጽሞቶሳው እ ኦሶ እመቴዳ ትምርትያ 4:1—6:21

1 ኦና አሸያ ጸሳይነ ኦን በእና ጊደ ናሽቻን ናግያ የሱስ ክርሰቶስ አዛዜዳ አዛዙዋዳን፡ የሱስ ክርሰቶስ ኪቲዳዋ ግዴዳ ታን ጳውሎስ፡
2 አማኑዋ ባጋና ታ ቱሙ ናኦው፡ ጽሞቶሳው ሀ ዳብዳቢያ ጸፋይ፡፡

ዋርዶ ትምርትያጥ ናገቱሳ
ጸሳ ኦ አዉዋጥነ ኦ ጎዳ ክርሰቶሳ የሱሳጥ አቶ ኬካተላይ፡ ማርተላይነ ሳርተላይ ነዉ ግደ፡፡

3 ታን ማቅደንያ ባደ ነዉ ጌዳዋዳን፡ ኔን ኤፈሶንን ጋምእና ማላ ኮያድ፡፡ እት እት አሳቱ ዋርዶዋ ትምርትያ ታማርሲና፤ ሄዋንቲ ታማርሲና ማላ፡ አግተ ጋደ ኦዳ፡፡

4 ኤንቲንቲ ቶሳ ኦድያዋን ባረንቲ ዘርያ ጋይርያዋ አጋናዳን ኦዳ፡፡ እያዉ ጎጥ፡ ሄዋ ማላባይ ፓሉማ ካለሌ፤ ቃይ ጸሳ ቆፋ አማኑዋን ኤረትያዋ አልክና፡፡

5 ሀ አዛዙ ዋና ቆፋይ ጌሻ ዋዛናጥ፡ ሎኦ ሱረ ዋዛናጥ፡ አሳይ በኦ ግያባይ ባይና አማኑዋጥ ቤትያ ሲቁዋ ደንግሳናሳ፡፡

6 እት እት አሳቱ ሀዋ አጊደ፡ ማደና ሃሳያኮ ሰሜድና፡፡

7 ኤንቲንቲ እያ ሃሳይንቶን ዋይ ባረንቲን አማኑቲደ ኦድያባይ አየንቶ ኤርክና፤ ሸን ጸሳ ሀግያ ታማርሲያዋንታ ግድናው ኮዪና፡፡

8 አሳይ በሰያዋዳን ሀግያን ጎኤቶጥ፡ ሀጊ ሎኦ ግድያዋ ኦን ኤራቶ፡፡

9 እትባ አኬካናው ኮሼ፡፡ ሀጊ ሎኦ አሳው መጠቅቤና፡ ሸን ሀግያ መንልያዋንቶ፡ አዛዙተናዋንቶ፡ ማካላንቻቶ፡ ናጋራንቻቶ፡ ጌሻተላይ ባይናዋንቶ፡ ቱናቶ፡ ባረንቲ ዳዮ ዋይ አባ ዋድያዋንቶ፡ ሸምጥዋ ዋድያዋንቶ፡

10 ዋሹማናው ካጄልያዋንቶ፡ አቲማ አሳይ አቲማ አሳና ዋሹምያዋንቶ፡ አሳ ዛልልያዋንቶ፡ ዋርዳንቻቶን ዋርዳዋን ጫቂያዋንቶ፡ ዋይ ቱሙ ትምርትያና ጋከተና አይ ኦሱዋ ግድናካ አልያዋንቶ ከሴዳ፡፡

11 ሄ ቱሞ ትምርቲ አንጀቲዳ ጸሳይ ታን አዋያና ማላ፡ ታዉ ሀዳራ እሜዳ ቦንቾ ዋንጋላ ግድዋን ደኤ፡፡

ጳውሎስ ጸሳው ሺሼዳ ጋላታ

12 ታን አልያ ኪታን ታዉ ዋልቃ እሜዳ ኦ ጎዳ ክርሰቶሳ የሱሳ ጋላታይ፡፡ ታና ባረ ኦሳንቻ ሱንላደ፡ ታና ሄ ኦሶ በሰያ አማኑቶዋ ጊደ ፓይዴዳ ድራውካ እ ጋላታይ፡፡

13 ታን ሀዋጥ ካስ እ ቦርያዋ፡ አ የደርሰያዋን ቱጋይያዋ ግደጥነ፡ ታዉ ሀዋ እ ኦሌዳ፡፡ ሸን ታን ኤረናን ኦሌዳ ድራውካ አማናቤና ድራው፡ ጸሳይ ታና ማራዳ፡፡

14 ቃይ ኦ ጎዳይ ዛዋይ ባይና ባረ አቶ ኬካተላ ታ ቦላን ጉሲደ፡ ክርሰቶሳ የሱሳ ባጋና ኦባ ግዴዳ አማኑዋን ሲቁዋ ታዉ እሜዳ፡፡

15 ክርሰቶሳ የሱስ ናጋራንቻቱዋ አሻናው ሀ ሳኦ ዬዳ ግያ ሃሳያይ አማኑቲዳዋን አሳይ ኡባይ ቱማ ጊደ አካናው በሰያዋ፡፡ ኡባጥ አድያ ናጋራንቻይ ታና፡፡

16 ሸን መድና ደኤዋ አካናው አን አማናናው በሰያ አሳው ታን ለምሱዋ ግዳናዳን፡ ኡባጥ አድያ ናጋራንቻዉ ታዉ የሱስ ክርሰቶሳ ዳር ዳንዳዳዳን፡ ጸሳይ ታና ማራዳ፡፡

17 አይፍያን ቤተና መድና ጸሳው እቶ፡ መድና ካተው፡ መድናጥ መድና ጋካናው ጋላታይነ ቦንቹ ግደ፡፡ አመንእ!

18 ታ ናኦ ጽሞቶሳ፡ ካስ ነባ ትምቢትያ ኦዴዳዋዳን፡ ሄ ኦዴዳዋዳን ሎኦ ኦላ ኔን ኦላታና ማላ፡ ሀ አዛዙዋ ነዉ ሀዳራ እማይ፡፡

19 አማኑኮ ሎኦ ሱረ ዋዛናይ ነዉ ደኤ፡፡ እቲ እቲ ባረንቲ ሱረ ዋዛና የግ አጊደ፡ ላግያዌ ባይና ማርካቢ ባይያዋዳን፡ ባረንቲ አማኑዋ ባይኬድና፡፡

20 ጸሳ ቦርያዋ አጋና ማላ፡ ሄዋ ታማራናው ታን ሴጻናው አላ እሜዳ ሄመነዮስነ እስክንድር ኤንቲንቲ ግድን ደኤና፡፡

2

ዋሳ ጎልያ ዋሳ

1-2 ኦን ጸሳ ማላትያዋን፡ ጌሻተላ ኡባን፡ ሳርተላንን አሸከተላን ደእና ማላ፡ አሳ ኡባው፡ ካተቶን ሱንላተላይ ደእያ ኡባቶ፡ ጸሳ ኦቻናው፡

ዋሳኛው፡ ጋናታናውን ጋላታናው በሰያዎ ኡባባጥ ካሰታደ ታን ኔና ኤርሳይ።

3-4 አሳይ ኡባይ አታናዳንን ቱማተላ ኤራናዳን ኮይያ ኑና አሸያ ጸሳ ሰንላን ሀዌ ሎእያባን ናሽኝያዎ።

5 እያው ጎጥ፡ እት ጸሳይ ደኤ፤ ጸሳጥን አሳጥ ግዲዎን ግዲደ ጋናትያ እቱ ደኤ። ሄዌካ ክርስቶስ የሱሳ ግያ አሳ።

6 እ አሳ ኡባ ዎዛናው ባረና ኡባው እሜዳ። ጸሳይ ባረ ዎድያን አሳ ኡባ ዎዛናው ኮይያዎ በሰያ ማርካይ ሀዎ።

7 ታን ጸሳ ቃላ ኦድያዎ፡ የሱሰ ከቲዳዎን ቃይ አማኑዎንን ቱማተላን አይሁዳ ግደና አሳ ታማርሰያዎ ግዲደ ሱንግግቴዳዌ ሀዎሳ። ታን ዎርዶትከ፤ ቱሙዎ ሃሳይ።

8 ሄዎ ድራው፡ ኡባ ሳን ደእያ አቱማ አሳይ ሀንቁን ፓሉሚ ባይና፡ ባረ ጌሻ ኩሽያ ፑደ ደንሳይ፡ ጸሳ ዎሳናዳን፡ ታን ኮያይ።

9-10 ሄዎዳን ቃይ ማጫዎንቱካ በሰያ ማዩዎ ያሻተላንን ባረንታ ሞድያዎን ማይና። ጸሳው ያያይ ግያ ማጫ አሳ በሰያዎዳን፡ ሎኡባ አላያዎናጥ አትን፡ ሁጲያ ሹሩባ ዳድያዎን፡ ዎርቃን ዎይ እንቁዎን፡ ዎይ ዳሮ አልኦ አፍላን ባረና አሌቂሶጥና።

11 ማጫውና ኡባባን ሞደታደ፡ ጮኡ ጋደ ታማሩ።

12 ታን ማጫውና ጮኡ ጋደ ደኡ ጋይጥ አትን፡ አቱማ አሳ ታማርሱን ዎይ ኡንቱንቱ ቦላ አዎቱ ጊከ።

13 እያው ጎጥ፡ አዳም ኮይሮ መግጥጥ፡ ሄዎና ጉየጥ መግጥጥ።

14 ሄዎና ጭመታደ ጸሳ ሀግያ መንላዲጥ አትን፡ አዳም ጭመትቤና።

15 ሸን ማጫውና አማኑዎን፡ ሰቁዎን፡ ጌሻተላንን ባረና ሞዳደ ደኦጥ፡ ናና የልያዎን አታና። *

3

ዎሳ ጎልያ ካለልያዎንታ

1 ኦንን ዎሳ ጎልያ ካለልያዎ ግዳናው ኮዮጥ፡ ሎኡባ አሞቲዳ ግያ ሃሳይ ቱማ።

2 ዎሳ ጎልያ ካለልያ ኡራይ ቦርሰናዎ፡ እት ማቻት ጸላላይ ደእያዎ፡ ባረና ሞድያዎ፡ ባረና ናግያዎ፡ ባረው በሰያዎ አላያዎ፡ አማላ ሞክያዎ፡ ታማርሳናው ዳንዳይያዎ።

3 ማላተናዎ፡ አሸከተላጥ አትን ዎላቀተናዎ፡ ፓሉመተናዎ፡ ሻሉዎ ሰቆናዎ።

4 ናናይ አው አዛዘትያዎን ቦንቻያዎ፡ ቃይ ባረ ጎልያ አይሳናው ዳንዳይያዎ ግዳናው በሴ።

5 እያው ጎጥ፡ እት ኡራይ ባረ ጎልያ አይሳናው ዳንዳየናዎ ግደጥ፡ ጸሳ አማኑዎንታ ዎት አይሳናው ዳንዳይያ?

6 ኦቶሩዎን ሱገቲድ፡ ጸላሀያ ካቼ ጸሳ ፕርዳን ኩንዴዳዎዳን ኩንደና ማላ፡ ኡራላ አማኑዳ አሳ ግዳናው በሰና።

7 ጸላሀያ ካቼዎ ቦርያንን ጲርያን ገለና ማላ፡ ሄ ኡራይ ዎሳ ጎልያጥ ካረና ደእያ አሳን ናሽትያዎ ግዳናው በሴ።

ዎሳ ጎልን ማድያዎንቱባ

8 ሄዎዳን ቃይ ዎሳ ጎልያ ማድያዎንቱ አሳይ ቦንቻያዎንታ፡ ላኡ ዶና ሃሳየናዎንታ፡ ዳሮ ዎይንያ ኤሳ ኡሸናዎንታ፡ ሚሻው ያረተናዎንታ፡

9 አማኑዎ ጸራ ጌሻ ዎዛና ቆፋን ናግያዎንታ ግዳናው በሴ።

10 ሄዎንቱ ካሰቲደ ፓጨታናው ኮሼ። ፓጭያ አጭዎጥ ጉይያን፡ ዎሳ ጎልን አላያዎንታ ግዲደ አላና።

11 ሄዎዳንካ ቃይ ኡንቱንቱ ማቻቱ አሳይ ቦንቻያዎንታ፡ ዝግረናዎንታ፡ ባረና ሞድያዎንታ፡ ኡባባን አማኑትያዎንታ ግዳናው በሴ።

12 ዎሳ ጎልያ ማድያዎ እት ማቻት ጸላላይ ደእያዎን ቃይ ባረ ናናን ባረ ጎልያ ሎይላ አይሰያዎ ግዳናው በሴ።

13 እያው ጎጥ፡ ዎሳ ጎልያ ማድያዎንታ ግዲደ፡ ሎኡ ኦሱዎ አላያዎንቱ ባረንቱ ሁጲው ዎልቃማ ቦንቹዎ ደሚና፤ ቃይ ክርስቶሳ የሱሳን ባረንቶ ደእያ አማኑዎ ሎይላ ጸሊደ ሃሳየናው ዳንዳይያ።

ዎልቃማ ጸራ

14 ታን ኔኮ ኤለካ ባና ጋደ ሀዎ ነው ጸፋይ።

15 ሸን ታን ቤናን ጋምኦጥ፡ ጸሳ ጎልን ኔን ዎታ ደእናው በሰንቶ ኤራና ማላ ጸፋይ። ሄ ጎሊ ቱማተላው ቱሳን ባሶ ግድያ ደኡዎ ጸሳ ዎሳ ጎልያ።

16 ኑ አማኑዎ ጸራይ ዎልቃማ ግድያዎ ኦንን ሰፋናው ዳንዳይያ።

ክርስቶስ አሹዎን ቆንጮዳ፤ እ ጽሉዎ ግድያዎ ጌሻ አያናይ ማርካቲዳ።

ኪታንቻቱካ አ በኤድና፤ አይሁዳ ግደና አሳይ አባ ኦድና ሰሴዳ።

ሳኣን ደእያ አሳይ አ አማኑዳ፤ ቦንቹዎን እ ሳሉዎ ቤዳ።

4

ዎርደ አሰታማራቱዎ

1 እት እት አሳይ ዉርሰላ ዎድያን አማኑዎ አጋናዎ ጌሻ አያናይ ቆንጮያን ኦዴዳ። ኡንቱንቱ ዎርደ አያናቶ አዛዘታና፤ ቃይ ጸላሀቱዎ ትምርትያ ካላና።

2 ሀዎ ማላ ትምርቲ፡ ትላ ዎዛና ታማን ቦንቁዳ ብራታን ጉዴዳዎዳን ደንጭሌዳ ዎርደ አሳቱዎ ባጋና ዬዳ።

3 ሀዎንቱ ማላ አሳቱ አክያዎን ገልያዎ ቃይ እት እት ቆሞ ካላ ሞያዎ ድጊኖ። ሸን አማኑዎንቱን ቱማተላ ኤርያዎንቱ ጸሳ ጋላቲዳዎጥ ጉይያን ማና ማላ፡ ጸሳይ ካላ መጴዳ።

4 እያው ጎጥ፡ ጸሳይ መጴዳባይ ኡባባይካ ሎኡ። ጸሳ ጋላቲደ አኮጥ፡ አለትያዌ አያይን ባዎ።

5 እያው ጎጥ፡ ሄ ኡባባይ ጸሳ ቃላንን ዎሳን አንጀቲዳዎ።

2:13 ደመላ 2:7፣ 21-22 2:14 ደመላ 3:1-6 * 2:15 ናና የልያዎን አታና፡ ናና የልያዎን ናገታ ደእና ጉሳ። 3:2 ቲቶ 1:6-9

ክርስቶሳዊ ሎኦ ኦሳንቻ ግድያዎ

6 ሄዎ ድራው፡ ኔን እሻቱዎ ሄዎ ሀሳይሰያዎ ግድገ፡ እማኑዎን ኔን ካሌዳ ሎኦ ትምርትያ ቃላን ኤቆፕ ኔን ክርስቶስ የሱሳዊ ሎኦ ኦሳንቻ ግድናሳ።

7 ሸን እማንያ አሳዊ ሎኤና ሃሳያፕነ ቃይ ጭማ ማጫ አሳ ቶሳፕ ባቃታ። ቃይ ጸሳ ማላትያዎን ኔና ሎሀሳ።

8 አያው ጎፕ፡ አሳይ ባረ ቦላ ምንሰያዌ ላፋ ጎኤ። ሸን ጸሳ ማላትያዎን ሎሀሰያዌ ሀእካ ሰንፋፕካ ደኡዎ እማና ግያ ድራው፡ ኡባባወካ ጎኤ።

9 ሀ ሃሳይይ አሳይ ኡባይ አካናወ በሰያ ቱሙ ሃሳያ።

10 ኑን ሄዎ ደማናወ ዳቡራቶነ ሎይሶ ኦቤቶ፤ ሄዎ ኑን ሀደታ ዎሴዳዌ አሳ ኡባ፡ ኡባፕ አሲደ፡ እማንያዎንታ አሸያ ደኡዎ ጸሳ።

11 ሀዎ አዛዛነ ታማርሳ።

12 ኔን ያላጋ ግድያ ድራው፡ ኔና ኦንነ ካጶፖ። ሸን እማንያዎንቶ ነ ሃሳያን፡ ሀኖተላን፡ ሲቁዎን፡ እማኑዎንን ጌሻተላን ሊምሱዎ ግድ።

13 ታን ያና ጋካናወ አሳዊ ጸሳ ማጻፋ ናባብያዎን፡ ጸሳ ቃላ ኦድያዎንን ታማርሰያዎን ምና።

14 ትምቢትያ ኦድያዎንቱ ሃሳይናን ጭማቱ ባረንቱ ኩሸያ ነ ቦላ ዎሶና፡ ኔን አኬዳ፡ ኔናን ደእያ ጌሻ እያና እሙዎ ቶቾ።

15 ነ ድቻይ አሳ ኡባወ ቆንጫና ማላ፡ ሄዎ ምንሳ ቆፓ። ሀዎ ኡባ ዎደ ኦላ።

16 ነ ሁጲያነ ነ ትምርትያ ናጋ። ኔን ሄዎ ኦላፕ፡ ኔናን ኔን ግያዎ ሰሰያዎንታ አሸያ ድራው፡ አገናን ኦላ።

5

እምኤቱዎ ዘራዳ ዘርያ

1 ጭማ አሳ ነ አባ ቦንቶያዎዳን ቦንቻፕ አትን፡ ቶቾ። ያላጋቱዎ ነ እሻዳን፡

2 ቃይ ጭማ ማጫ አሳ ነ አቲዳን፡ ያላጋ ማጫ አሳ ነ ምቻቲዳን፡ ኩሙንላ ጌሻተላን ቦንቻ።

3 ባረ ጸላላ ግዴዳ ቱሙ እምኤቱዎ ቦንቻ።

4 ሸን እምኤቱወ ናናይ ዎይ ናና ናናይ ደኡፕ፡ ሄ ናናይ ጸሳ ማላትያዎ ባረንቱ ሶይ አሳ በሰያዎንን ቃይ ሄዎ ኦላያዎን ባረንታ የሌዳዎንቱ ኩሸያ ዘርያዎ ታማርና። አያው ጎፕ፡ ሄዎ ጸሳ ናሸቶያዎ።

5 አያ ማዴካ ባይና ባረ ደእያ ቱሙ እምኤታ ጸሳይ እማና ጋደ ናሸቻን ናጋ ኡታዴ። ቃይ ጋላሰነ ቃማ ጸሳይ እዘ ማዳና ማላ፡ ዎሳወነ ኦቻው።

6 ሸን ባረና እሻልሰያ እምኤታ ፓጻ ደኡፕካ፡ እዛ ሀይቃድጋዴ።

7 ቃይ ኦንነ ኡንቱንታ ቦረና ማላ፡ ሀ አዛዙዎ እማ።

8 ሸን ባረንቱዎ ቃይ ኡባፕ አሲደ፡ ባረ ሶይ አሳወ ቆፕና ኡራይ ኦናን ግድፕ፡ ሄዎ ባረ እማኑዎ ካዴዳዎ። እማናን አሳፕካ እጲደ እወ ኢታ።

9 ኡሱቱን ታሙ ላይሳይ ኩምቤና እምኤት ሱንላ ማዘጎብያን ጸፎ። ሄዎ ቦላን ቃይ እዛ እት አሰናፕ ሀራ ገላቤናወኖ ግድናወ ኮሼ።

10 ናና ድቶያዎን፡ እማላ ሞክያዎን፡ ጌሻቱዎ ገድያ ማጭያዎን፡ ዎየቲዳ አሳ ማድያዎን፡ ሎኦ ኦሱዎ ኡባ ካልያዎን፡ ሀ ሎኦ ኪታ ኪተትያዎን ኤረቱዳወኖ ግድናወ በሴ።

11 ሸን ያላጋ እምኤቱዎ የኮንቱ ሱንላና ጋላ ጸፎ። አያው ጎፕ፡ ኡንቱንቱ ባረንታ፡ አሰና ገላ ገላ ግያ ዎደ፡ ክርስቶሳ አጋናዎንታ።

12 ኮይሮ እማኑዎ ካጴዳ ድራው፡ ኡንቱንቱ ፕርደታና።

13 ሄዎ ባይናን ኦሱዎ ጳዪደ እት ጎልያፕ ሀራ ጎልያ ዩዩደ፡ ሀመትያዎ ሳላላ ግድናን፡ ባረንቶ በሰናባ ሃሳዩደ፡ ዝግርሳነ የወዎን ጮ ገልያዎ ታማሪና።

14 ሄዎ ድራው፡ ኑ ሞርከቱ ኑ ቦላ ሃሳይያ ኢታባ ደመና ማላ፡ ያላጋ እምኤቱ አሰና ገሊደ፡ ናኦ የሊደ፡ ባረንቱ ጎልያ አይሳና ማላ ዘራይ።

15 አያው ጎፕ፡ ሀዎፕ ካሰ እማራዳ እምኤቱ ሴጻና ካላናወ አገደ ጉየ ሰሜድኖ።

16 እማንያ ምሽራትወ ሀቃንካ ዳቦ እምኤቱ ደኡፕ፡ እዛ ኡንቱንታ ማዳናወ በሴ። እማንያ አሳቱ ማዴ በሰያ ቱሙ እምኤቱዎ ማዳና ማላ፡ ኡንቱንቱ እማንያዎንቶ ቶኮ ግድፕና።

17 ሎይሶ ሄምያ ጭማቱ፡ ቃይ ኡባፕ አሲደ፡ ቃላ ኦድያዎንን ታማርሰያዎን ዳቡርያዎንቱ፡ ዳኮ ቦንቹዎ አካናወ በሲና።

18 አያው ጎፕ፡ ጸሳ ማጻፋይ፡ “ኡዴማን ካላ የድያ ቦራ ዶና ቃቾፓ” ቃይ፡ “ኡሳንቻይ ባረ ድርጉዎ አካናወ በሴ” ያጌ።

19 ላኡ ዎይ ሄዙ ማርካይ ባይናን፡ ዎሳ ጎልያ ጭማ ሞትያዎ ሰሶ።

20 ሀራቱ ያያና ማላ፡ ናጋራ ኦልያ ኡባቱዎ አሳ ኡባ ሰንላን ሴራ።

21 ኔን አይነ አሳ ዴሙዎ ጴሊናን፡ እቱዎ እቱዎፕ ዲማየናን ሀ አዛዙዎ ናጋና ማላ፡ ጸሳንነ የሱሰ ክርስቶሳን ዶረቲዳ ኪታንቻቱዎ ሰንላን ኔና ታን ዘራይ።

22 ኦ ቦላንነ ኤሌላደ ነ ኩሸያ ዎሶ። ሀራቱዎ ናጋራን ገሎፓ። ኔና ጌሻተላን ናጋ።

23 ኔን ኡባ ዎደ ሳከትያ ድራውነ ነ ኡሉዎ ድራው፡ ጉላ ዎይንያ ኤሳ ኡሻፕ አትን፡ ሃላ ጸላላ ኡሸፓ።

24 እት እት አሳቱዎ ናጋራይ በእናወ ቆንጩ፤ ኡንቱንቱ ናጋራይ ኡንቱንታ ፕርዳናወ ኡንቱንቱፕ ሰንላወ አጴ። ሸን ሀራቱ ናጋራይ ጉየፕ ቆንጩ።

25 ሄዎዳንካ፡ ሎኦ ኦሱካ ቆንጩ። ቆንጭቤናባ ግድፕ፡ ጌማናወ ዳንዳየና።

6

አይለቶ እመቲዳ ዘርያ

1 ጸሳ ሱንላይነ ኑ ትምርቲ ቦረተና ማላ፡ አይለተላ ሞርገ ምላ ግድን ደእያዎንቱ ባረና ሞድያ ጎዳቶ ቦንቹ በሰያዎ ኤርና።

2 እማንያ አሳ አይልያ ግዴዳዎንቶ ኡንቱንቱ ጎዳቱ ኡንቱንቶ እሻ ግድያ ድራው፡ ኡንቱንታ ካጶፕና። ሸን ባረንቱ ኪታን ጎኤትያዎንቱ ኡንቱንቱ ሲቅያ እማንያዎንታ ግድያ ድራው፡ ኡንቱንቱ ካሰዎፕ አሲደ ኦላናወ በሴ።

ዎርዶ ትምርትንና ቱሙ ዲረተላ

ኔን ሀ የዋቱዋ ታማርሳናውን ኦዳናው በሴ።

3-4 ኦንን ዲማ ትምርትን ታማርሳናዋ ግደፕ፡ ቃይ ኑ ጎዳ የሱሰ ክርሰቶሳ ቱሙ ቃላና ኑ አማኑዋ ትምርትንና ጋከተና ኡራይ ዳሮ ኦቶረቲ፤ እይን ኤረና። ቃይ ቃላ ቦላን ፓሉመታናውን ዋለቀታናው ኡንቱንቶ ጊገና ቆፋይ ደኤ። ሄዌ ቃናትን፡ ፓሉማ፡ ቦርያ፡ ኢታ ሰድያ ካለ።

5 ቃይ ኡንቱንቱ ሁጺ ኑ። ቱማተላይ ባይና አሳቱዋናካ ፓሉማ ካለ። ኡንቱንቱ ጸሳ ማላትያዋን ዲረታና ጊደ ቆፒኖ። ኔን ሄ አሳቱዋፕ ሻከታ።

6 ሸን ታው ደእያባይ ታው ግዳና ግያ ኡራ ጸሳ ማላትያዋ ዲረቤ።

7 እያው ጎፕ፡ ኑን ሀ አላምያ አይን አህበይኮ፤ ቃይ አፕ አይን አፎኮ።

8 ሸን ምያባይን ማይያባይ ደኦፕ፡ ሄዌ ኑው ግዳናዋ።

9 ሸን ዲረታናው ኮይያዋንቱ ፓጭያንን ጸርያን ገሊኖ፤ ቃይ ዳሮ አሳ ባሻውን ቆዮ ጎቶ አፍያ ዳሮ ኤያን ቆህያ አሙዋን ኩንዲኖ።

10 እያው ጎፕ፡ ሻሉዋ ሲቅያዌ ኢታተላ ኡባው ፑልቱዋ። እቱ እቱ ሄዋ አሞቲደ፡ አማኑዋፕ ባለቲደ፡ ዳሮ መቱዋን ባረንታ ቆሄኖ።

ጳውሎስ ጽሞቶሳ ዙሪዳ ዞርያን አዛዜዳ አዛዙዋ

11 ሸን ኔኖ፡ ጸሳ አሳው፡ ሄዋፕ ባቃታ። ጽሎተላ፡ ጸሳ ማላትያዋ፡ አማኑዋ፡ ሲቁዋ፡ ዳንዳያን አሸከተላ ካላ።

12 አማኑዋ ባጽያ ሎይላ ባጸታ። ዳሮ አሳ ሰንላን ሎኦ ማርካ ማርካታደ፡ ኔና ጸሳይ ጴሴዳ መድና ደኡዋ ኦይቃ።

13 ኡባባው ደኡዋ እምያ ጸሳ ሰንላን፡ ቃይ ጳንጾናውያ ጽላጸሳ ጌተትያ ጋድያ ሞድያዋ ሰንላን ሎኦ ማርካ ማርካታዳ ክርሰቶስ የሱሳ ሰንላን ታን ኔና ሀዋ አዛዛይ።

14 ኑ ጎዳ የሱሰ ክርሰቶስ ቆንጫና ጋካናው፡ ቅታይ ባይናንን ቦሪ ባይናን ሄ አዛዙዋ ናጋ።

15 አ ቆንጫላ፡ እት ሱንላይ ደእያ አንጀቱዳ ጸሳይ፡ ካታቱዋ ካቲ፡ ጎዳቱዋ ጎዳይ፡ ባረ በሰያ ዋድያን በሳና።

16 ሀይቀናዌ እት አ ጸላላ። ኦንን አኮ ሺቃናው ዳንዳየና ፖኡዋን ደኤ። ኦንን አ በእቤና፤ ቃይ በእናውካ ዳንዳየና። ቦንቹን መድና ዋልቃይ አው ግደ። አመንእ።

17 ሀእ ሀ ዋድያን ዲረ ግድያዋንቱ ኦቶረተናዳንን ቃይ ኑን ናሸታናዳን፡ ኡባባ ፓላህሲደ ኑው እምያ ደኡዋ ጸሳን አማኑታናዋፕ አትን፡ እድያ ዲረተላን ኡንቱንቱ አማኑተናዳን፡ ኡንቱንታ አዛዛ።

18 ኡንቱንቱ ሎኦባ ኦላናዳን፡ ሎኦ ኪታን ዲረታናዳን፡ ኬክያዋንታን ሀራቱዋና ሻክ አክያዋንታ ግዳናዳን አዛዛ።

19 ሄዋ ያትያዋን ኡንቱንቱ ሰንላው ባረንቶ ምኖ ባሶ ግድያ ሻሉዋ ባረንቶ ሺሸኖ። ሄዋፕ ጉይያን፡ ኡንቱንቱ ቱሙ ደኡዋ አካና።

20 ጽሞቶሳ፡ እት እት አሳይ ባላን ኤራተላ ግያ ኤያ ፓሉምያፕን መላ ሃሳያፕ ባቃታደ፡ ነው እመቲዳ ሀዳራ ናጋ።

21 እያው ጎፕ፡ እቱ እቱ ኑው ኤራተላይ ደኤ ያጊደ፡ አማኑዋ ባሌድኖ። ጸሳ አዶ ኬካተላይ ህንተናና ኡባና ግደ።

**ጳውሎስ
ጽሞቶሳው
ጳጳሱ ላኬንሶ ኪታ
ገሉዋ**

ሀዌ ጳውሎስ ጽሞቶሳው ጳጳሱ ላኬንሶ ኪታይ፡ ጳውሎስ ማታ ባረና ማድያነ ኦሎዋ ባረናና እትፕ አልያ ዋዳላ፡ ጽሞቶሳ ዘሬዳ ዘርያ ኦይቁዳዋ፡ እ ዘርያፕ ዳርያ ባጋይ ዳንዳያን ገንጫና በሴ ግያዋ፡ ጽሞቶሳው ዘርያነ መንፍቅ ቃላይ እመቴዳዌ፡ የሱስ ክርስቶሳባ አማነትያዋ ግዲደ ማርካታናዳን፡ ምሽራቹዋ ቃላነ ኤጫ ቃላ ጫቁዋ ትምርትያ ምንሲደ ኦይቃናዳን መትያባይነ ኤቀትያባይ ዳርፕካ ታማርሰያዋን ምሽራቹዋ ቃላ ኦድያዋን ምናናሳ፡

ጽሞቶስ ኤያተላን ኦስትያ ፓፍ መላ ፓሉማፕ ሃካና ማላ፡ ዲማ ምኖ ኦዲ እዉ ኦይቴዳ፡ እያዉ ጎፕ፡ ሄዋ ማላ ኦዲ ሰሰያዋንታ ባይዝያዋፕ አትን፡ ሀራ እ እምያ ጎእ ባዋ፡

ሄዋን ኡባን ጽሞቶስ ሀሳያናዉ በሰያባይ ጳውሎሳ ደኡዋነ እ ሀናታ ሎኦ ቆፋ፡ ሄዋፕካ እ አማኑዋ፡ እ ገንጫዋ፡ እ ሲቁዋ እ ዳንዳያነ የደሳን እ ጋኬዳ መቼዋ ሌምሱዋን ካላናዳና፡

ሸምፓቱዋ ኡባቶ እመቴዳ ቃንሳ ቆፋቱዋ

- ገሉዋ 1:1-2
- ጽሞቶሳው እመቴዳ ማቁዋ 1:3—2:13
- አሳይ ካድያ ዋደ አማነት ቤቱሳ 2:14—4:5
- ሄ ዋደ ደእያባቱዋነ ኮሽያ ካለልያ ኦጋቱዋ 4:6-18
- ዉርሰሳ ቁትያ 4:19-22

1 ታን ጳውሎስ፡ ጳሳይ እማና ጌዳ ክርስቶስ የሱሳና ኑዉ ደእያ ደኡዋባ ኦዳናዉ፡ ጳሳይ ጌዳዋዳን፡ ክርስቶስ የሱስ ኪቱዳዌ፡

2 ታ ሲቆ ናእ ጽሞቶሳው ሀ ዳብዳቢያ ጳፋይ፡፡

ጽሞቶሳው እመቴዳ ዘርያ

ጳሳ አዉዋፕነ ኑ ጎዳ ክርስቶስ የሱሳፕ፡ አቶ ኬካተላይ፡ ማርተላይነ ሳርተላይ ነዉ ግደ፡፡

3 ታ ዛራቱ ኦጫዳዋዳን፡ ታንካ ታና ዘርያ ጌሻ ዋዛናፕ ኦልያ ጳሳ ቃማነ ጋላስ ዋሰያ ዋሳን ኡባ ዋደ ኔና ሀሳይያ ድራዉ፡ እ ጋላታይ፡፡

4 ታን ነ አፎላ ሀሳያ ሀሳያደ ናሽታና ማላ፡ ኔና በእናዉ ዳር ላምታይ፡፡

5 ኔናን ደእያ ዋርዶ ባይና አማኑዋ ሀሳያይ፡፡ ሄ አማኑ በን ነ ዳይ ዳይ ሎይድንነ ነ ዳይ ኤዉኒቅን ደእያ አማኑዋ ማላ፤ ቃይ ኔናንካ ሄዋ ደእያዋ ኤራድ፡፡

6 ሄዋ ድራዉ፡ ታን ታ ኩሽያ ላኡዋ ነ ቦላ ዋጫዳ ዋደ፡ * ጳሳይ ነዉ እሜዳ እሙዋ ኔን ደሽሰና ማላ፡ ኔና ሀሳይሳይ፡፡

7 እያዉ ጎፕ፡ ጳሳይ ኑዉ ዋልቃ፡ ሲቁዋነ ኑ ሁጲያ ናግያዋ እምያ ጌሻ እያና እሜዳፕ አትን፡ ያሻ እያና እምቤና፡፡

8 ሰም፡ ኑ ጎዳዉ ማርካትያዋን ዋይ እ ድራዉ ቃሹዋን ደእያ ታዋንካ ዬላቶፕ፡፡ ሸን ጳሳይ ነዉ እምያ ዋልቃ ኬናን ታናና ምሽራቹዋ ቃላዉ ዋየታ፡፡

9 ጳሳይ ባረ ቆፋንነ ባረ አቶ ኬካተላን ኑና አሽደ፡ ባረ አሳ ኦላናዉ ጴሶዋፕ አትን፡ ኑን ኦጫዳ ኦሎዋ ድራዉ ግደና፡፡ እ ሀ አቶ ኬካተላ ክርስቶስ የሱሳ ባጋና ዋዲ ደመታናፕ ካስ ኑዉ እሜዳ፡፡

10 ሸን ሀእ ሀ አቶ ኬካተላይ ኑና አሽያ ክርስቶስ የሱሳ የሳን ኑዉ ቆንጩዳ፡፡ ቃይ ሀይቁዋ ዋልቃካ እ ቆይሴዳ፡፡ ዋንጋላ ምሽራቹዋ ባጋና ባየና ደኡዋ ኑዉ ቆንጩዳ፡፡

11 ታን የሱስ ኪቱዳዋነ አይሁዳ ግደና አሳ ታማርሰያዋ ግደደ፡ ዋንጋላ ምሽራቹዋ ኦዳና ማላ፡ ጳሳይ ታና ደራዳ፡፡

12 ቃይ ታን ሀ መቼዋ አክያዌ ሄዋ ድራሳ፡፡ ሸን ታን አማኑዳዋ ኤርያ ድራዉ፡ ዬላትከ፡፡ ቃይ እ ታዉ እሜዳ ሀዳራ ሄ ጋላሳይ ጋካናዉ፡ እ ናጋናዉ ዳንዳይያዋ ኤራይ፡፡

13 ታን ኔና ታማርሴዳ ቱሙ ቃላ ሌምሱዋ ኡዳ ኦይቃደ፡ ክርስቶስ የሱሳን ኑዉ ደእያ አማኑዋን ሲቁዋን ደእ፡፡

14 ኑ ግደን ደእያ ጌሻ እያና ባጋና ነዉ ሀዳራ እሜዳ ሎኦባ ናጋ፡፡

15 ኢሰያ ግያ ቢታን ደእያ ኡባቱ ታፕ ባቃቴዳዋ ኤራሳ፤ ኡንቱንቱ ግደን ፕገሉሰነ ሄርሞገኔስ ደእና፡፡

16 ሄነሰፎሩ ታና ዳር ዋደ መንፍቅ ድራዉ፡ ጎዳይ እ ሶይ አሳዉ ማርተላ እም፡፡ ቃይ ታን ቃሾ ጎላን ደእያዋ እ ዬላትቤና፡፡

17 ሸን ሮመ ግያ ካታማ ጋኬዳሳና ታና ሎይሳ ኮዪደ ደሚዳ፡፡

18 ሄ ጋላስ ጎዳፕ ማርተላ ደማናዳን፡ ጎዳይ አዉ እም፡፡ ቃይ ኤፈሶና ግያ ካታማን እ ታና አይ ኬና ማዴደንቶነ ኔን ሎይሳ ኤራሳ፡፡

2

ክርስቶሳው ሎኦ ዋታዳራ ግዲደ መቼዋ አክያዋ

1 ሰም ታ ናእዉ፡ ክርስቶስ የሱሳን ደእያ አቶ ኬካተላን ምና፡፡

2 ቃይ ዳር ማርካቱ ደእያ ሳን ታፕ ኔን ሰሴዳ የዋቱዋ ሀራቱዋ ታማርሳናዉ ዳንዳይያ አማነቴዳ አሳቶ ሀዳራ እማ፡፡

3 ክርስቶሳ የሱሳዉ አማነቴዳ ዋታዳራዳን፡ ታናና ዋየታ፡፡

4 እላ ብያ ዋታዳራይ ባረ ካፑዋ ናሽቻናዉ፡ ዋታዳራ ግደና አሳይ ኦልያ ኪታን ዋላከተና፡፡

5 ቃይ ዋላን ኬስትያ ኡራይካ ዋጋዳን ዋዳና ቆዮፕ፡ ዋይታ አከና፡፡

6 ዳር ዳቡሪደ ኦጫዳ ቢታ ጎሽያ ብታኒ ሽቄዳ ካላፕ ባረና ጋክያዋ ኮይሮ አካናዉ በሴ፡፡

7 ኔን ኡባባ አኬካናዳን፡ ጎዳይ ኔና ዳንዳይሳና ድራዉ፡ ታን ግያዋ ቆፓ፡፡

* 1:6 ታን ታ ኩሽያ ላኡዋ ነ ቦላ ዋጫዳ ዋደ፡ ሀዌ በሰያዌ፡ አማንያ አሳ ካለላናዳን ጌሻ እያናይ ኦሶ ደርና ቱማተላን ካለልያዋንታ ቃላ ኦዳናዉ ዋይ ታማርሳናዉ ጳሳይ ኦኬዳዋንቱ ቦላን ባረንቱ ኩሽያ ዋጫደ ዋሰያዋ በሴ፡፡ 1 ጽም፡፡ 1:4 ጴልተ፡፡

8 ታን ምንጋላ ምሽራቹዋ ኦድያዋዳን፡ ሀይቁዋ፡ ደንዴዳ ዳዊተ ዛርያ የሱስ ክርስቶሳ ቆፓ።

9 ታን ምንጋላ ምሽራቹዋ ኦድያ ድራው፡ ኢታባ ኦፊዳዋዳን፡ ሀራይ ኦቶ ቃሽታና ጋካናወ ዋየታይ። ሽን ጸሳ ቃላይ ቃሽተና።

10 ሄዋ ድራው፡ ታን ጸሳይ ደራዳ አሳቱካ ክርስቶስ የሱሳን ደእያ አቶተላ መድና ለንቹዋና ደማናዳን፡ ኡንቱንቱ ድራው፡ ታን ኡባባን ዋየታይ።

11 ሀዌ፡ “ኡን አናና እትፕ ሀይቁዳዋ ግደፕ፡ አናና እትፕ ደአና።

12 ኡን ገንጮፕ፡ አናና እትፕ ካተታና። ኡን አ ካደፕ፡ እካ ኡና ካዳና።

13 ኡን አማነተናን አጎፕካ፡ እ አማነትያዋ ግዲደ ደአናዋ። አያወ ጎፕ፡ እ ባረና ባረ ሁጳወ ኤርከ ጋናወ ዳንዳየና” ግያዌ ቱሙ ሃሳያ።

14 ኡን ነ አሳ ሀዋ ሀሳይሳ፤ ኡንቱንቱ ቃላን ፓሉሙተና ማላ፡ ጸሳ ሰንሳን ዘራ። ሄዌ ሰሰያ አሳ ባይዘያዋ፡ እትን፡ አይነ ጎኤና።

15 ኡን ጸሳ ቱማተላ ቃላ ሱረተላን ኦድያዋን ቃይ አ ኦሶ ዬላተና ኦሳንቻ ግዲደ፡ ጸሳይ ሳቢያ አሳዳን፡ ነ ሁጳያ ጸሳወ አማናወ ምና።

16 ሽን ሀ ሳአወ እንጀትያ ማደና ሃሳያፕ ኔና ናጋ። አያወ ጎፕ፡ ሄዌ ጸሳፕ አሳ ሃሴ።

17 ቃይ ኡንቱንቱ ታማርሰያዌ ቦላ ጭቱዋዳን ኡባሳ ጋካናሳ። ሄ ታማርሰያዋንቱፕ ላአቱ ሄመነዮሳን ፕሊጸሳ።

18 ኡንቱንቱ ቱሙዋ ኦግያ አገደ፡ “ሀይቁዋፕ ደንድያዌ ካስ አድድጌዳ” ያገደ አማራዳ አማንያ አሳቱዋ አማኑዋ ባይዚና።

19 ግደፕካ፡ ጸሳይ ኤሴዳ ምኖ ቱሳይ ቃጸና ዳንዳየና። ቃይ አ ቦላን፡ “ጎዳይ ባረዋንታ ኤሬ”፤ ቃይ “ጎዳዋ ግድያ ኡን ኢታ ኦሱዋ አጎ” ያግያ ቃላቱ ጸፈቱድና።

20 እት ምልቃማ ጎለን ዋርቃፕነ ብራፕ ሙፍቱዳ ሚሻ ጸላላ ግደናን፡ ምላፕነ ኡርቃፕ ሙፍቱዳ ሚሻቱካ ደአና። ሄዋንቱፕ ባጋቱ ቦንቾ ኦሱዋ ኡንቱንቱን ኦላናወ፡ ቃይ ባጋቱ ቶሽትያባ ኡንቱንቱን ኦላናወ ሙፍቱድና።

21 ሄዋ ድራው፡ ኡን ሀ ኢታባ ኡባፕ ባረና ጌሾፕ፡ እ ባረ ጎዳ ጎእያ ኦሱዋ ኦላናወ ባረና አማዳ ድራው፡ ቦንቾ ኦሱዋ ኦላያ ሚሻ ግዳናዋ። ቃይ ሎኦ ኦሱዋ ኡባ ኦላናወ ገገቱዳዋ ግዳናዋ።

22 ሽን ኡን ኢታ ዋዳላተላ አሙዋፕ ባቃታ። ባረንታ ማዳናወ ጌሻ ዋዛናፕ ጎዳ ጴሰሰያዋንቱና እትፕ፡ ጽሎተላ፡ አማኑዋ፡ ሲቆተላን ሳርተላ ምንሳይ ካላ።

23 ሽን ኡንቱዋ ፓሉሚነ አይነ ኤረናዋንቱ ፓሉሚ ዋላሳ ካለላያዋ ኤራደ አፕ ባቃታ።

24 ጎዳ ቆማይ ኡባወ ኬክያዋ፡ ሎይላ ታማርሰያዋን ዳንዳያንቻ ግዳናወ ቦሴፕ እትን፡ ዋላቃታናወ ቦሰና።

25 ቃይ እ ባረና እጽያዋንታ አሽከተላን ሲርያዋ ግዳናወ ቦሴ። ኡንቱንቱ ባረንቱ ናጋራፕ ሰሚደ፡ ቱማተላ ኤራናዳን ጸሳይ ኦላንቶ፡ ኡን ኤር።

26 ቃይ ኡንቱንቱ ባረንቱ ዋዛና ቆፋወ ሰሚደ፡ ኡንቱንታ ባረ ኮዬዳባወ አዛዘታና ማላ ኦይቄዳ ጸላህያ ካፑዋ ዳባፕ ከሰ አካና።

3

ወርሰላ ጋላሳቱዋን ሀናናወ ደእያ ኢታ የዋቱዋ

1 ሽን ወርሰላ ጋላሰ ዋይሰያ ዋዲ ያናዋ አኬካ።

2 አያወ ጎፕ፡ አሳይ ባረና ሲቅያዋንታ፡ ሻሉዋ ሲቅያዋንታ፡ ጩቆትያዋንታ፡ አይያዋንታ፡ ቦርያዋንታ፡ ባረና የሌዳዋንቶ አዛዘተናዋንታ፡ ጋላተናዋንታ፡ ጌሻተላይ ባይናዋንታ፡

3 ሲቆ ባይናዋንታ፡ ሰገተናዋንታ፡ ዝግርሳንቻቱዋ፡ ባረና ናገናዋንታ፡ ኬከናዋንታ፡ ሎኦባ ደሰናዋንታ፡

4 ኡባ ኤርከ ግያዋንታ፡ ድርቢያዋንታ፡ ኦቶራዋን ሱገትያዋንታ፡ ቃይ ጸሳፕ አሊደ፡ እሻሉዋ ደሰያዋንታ ግዳና።

5 ኡንቱንቱ ጸሳወ ጎይንያዋ ማላቲና፤ ሽን አ ዋልቃ ካዴድና። ሄዋንቱ ማላ አሳቱዋኮ ሺቆፓ።

6-7 አያወ ጎፕ፡ ኡንቱንቱፕ እቱ እቱ አሳ ጎልያ ገሊደ፡ ናጋራይ ዴዴዳዋንታ፡ ዲማ ዲማ አሙዋን ሱገትያዋንታ፡ ኡባ ዋደ ታማሪደ፡ ቱማተላ ኤራ አካናወ ሙላ ዳንዳይቤና ዳቡራንቻ ማጫዋንታ ባለሊና።

8 ያኔሰነ ያምባሬሰ * ሙሴ የወዋ ጳልቆዋዳን፡ ሄዋዳን ቃይ ሀዋንቱ፡ ሱረ ቆፋይ ባይናዋንታ አማኑዋን ኩንዴዳዋንቱ፡ ቱማተላባ ጳልቁና።

9 ሽን ያኔሳ ኤያተላይነ ያምባሬሳ ኤያተላይ ቃይ ቆንጩዳዋዳን፡ ኡንቱንቱ ኤያተላይካ አሳ ኡባወ ቆንጩና ድራው፡ ኡንቱንቱ ካሰዋፕ አጲደ ድጭክና።

ወርሰላ ዘርያ

10 ሽን ኡን ታ ትምርትያ፡ ታ ሀናታነ ታ ቆፋ፡ ታ አማኑዋን ታ ዳንዳያ፡ ታ ሲቆዋን ታ ገንጩዋ፡

11 ታ የደሳነ ታ ዋይያ ቦአዳ። አንጸክያነ፡ እቆንዮነን ልሰጽራ ግያ ካታማቱዋን ታና ጋኬዳባነ ታን ዳንዳይዳ የደሳ ኤራሳ። ጎዳይ ታና ሄ ኡባፕ አሼዳ።

12 ቱማተላን ክርስቶስ የሱሳን ጸሳ ማላቲደ ደአናወ ደሰያ ኡባይ የደርሰታና።

13 ሽን ኢታ አሳቱን ባለላያዋንቱ ሀራቱዋ ባለሊደነ ባረንቱ ሁጳወ ባሊደ፡ ካሰፕ ኢት ኢት ቢና።

14 ሽን ኡን ሄ ቱማተላ አፕ ታማራደንቶን ኤራደ፡ ኡን ታማራዳዋን ኤራዳዋን ምናደ ደአ።

2:19 ፓይ. 16:5 * 3:8 ያኔሰነ ያምባሬሰ፡ ሀ ሱንላቱ ኤጫ ጫቁዋ ማጸፋን ባዋ። ሽን ጮራ አሳይ ግያ ቆፋይ፡ “ሀዋንቱ ሙሴ እሰራኤልያ አሳ ግብጾፕ ከሲደ ካለላናወ ቆፕዳ ዋደ፡ አናና ኤቀቱዳ ሙሩንያዋንታ” ያግያዋና። ከሳ 7:11፤ 12 ጸልተ። 3:8 ከሳ 7:11

15 ኔን ጉላ ናከተላፕ ደማደ ክርስቶስ የሱሳ እማናደ፡ ኦቶተላይ ቤትያ አይዳ ኤራ እማናወ ዳንዳይያ ጌሻ ማጻፋቱዋ ኤራዳ።

16-17 ጸሳ ማጻፋ ኡባን ጸሳ እያናይ ደኤ። ቃይ ሄ ማጻፋቱ ጸሳወ ኦሳያ አሳይ ኩሙንላን ሎኦ ኦሱዋ ኡባወ ጊጌዳዋ ግዳና ማላ፡ ቱማተላ ታማርሳናወ፡ ባላ ሴራናወ፡ ባይዙዋ ሱርሳናወን ጽሎተላ ደኦ ዘርያ እማናወ ማዲኖ።

4

1 ታን ኔና ጸሳ ሰንላን፤ ደኡዋን ደእያ አሳን ሀይቄዳ አሳ ፕርዳናወ ደእያ ክርስቶስ የሱሳ ሰንላን፤ ቃይ አ ዩሳንን አ ካወተላን ኔና ዘራይ።

2 ቃላ ኦዳ። ዋዲ እንጀትና እንጀታና ጳይና፡ ሞናደ ኦዳ። ዳር ዳንዳያን አሳ ታማርሳደ ሱርሳ፡ ሴራን ዘራ።

3 እያወ ጎፕ፡ አሳይ ቱሙ ትምርትያ ሰሰናን እጽያ ዋዲ ያናዋ። ሸን አሳይ ባረንቱ አሙዋ ካሊደ፡ ሰሳናወ ናሽቶያዋ ኦድያ ታማርሳያዋንታ ጉጅ ጉጅ ሸሻና።

4 ኡንቱንቱ ቱሙ የወዋ ሰሰያዋ አጊደ፡ ቶሳ ሰሳናወ ባረንቱ ሀይላ ዋራ ዛራና።

5 ሸን ኔን ኡባባን ነ ሀጺያ ናጋናወ በሴ። ዋይያ ዳንዳያ። ዋንጋላ ሞሽራቹዋ ኦድያዌ ኦሳያ ኦሱዋ ኦላ። ጸሳ ቆማዳን፡ ነ ኦሳያ ኦሱዋ ኡባ ፖላ።

6 ታና ግደፕ፡ ታ ሱላይ ጉኪደ ያርሸትያ ዋዲን ቃይ ሀ ደኡዋ አጋደ ብያ ዋዲ ጋኬዳ።

7 ታን ሎኦ ባጽያ ባጸታድ፤ ዋላ ዋጻደ ወርሳድ፤ እማኑዋካ ናጋድ።

8 ሰንላፕ ታወ ጽሎተላ ካላቻይ ጊግ ኡቱዳ። ሄዋ ጽሎ ፕርዳ ፕርድያ ጎዳይ ሄ ጋላስ ታወ እማና። ቃይ ክርስቶስ ቆንጫናዋ ደሰያ ኡባ ሳፕ አትን፡ ታ ጸላላሳ ግደና።

እ ቡዞ አላላቱዋባ

9 ታኮ ኤለካ ያናወ ሞና።

10 እያወ ጎፕ፡ ዴማስ ሀ አላምያ ደሲደ፡ ታና አጊደ፡ ተሰሎንቀ ግያ ካታማ ቤዳ። ቀርቄስ ጋላትያ ግያ ጋድያ ቢና፡ ቃይ ቲቶ ድልማጽያ ግያ ጋድያ ቤዳ።

11 ሉቃሳ ጸላላይ ታናና ደኤ። ማርቆስ ታና ኪታን ሎይሳ ማዳናወ ዳንዳይያ ድራወ፡ አ ደማደ ኔናና አካደ ያ።

12 ሸን ታን ትክቆሳ ኤፈሶና ግያ ካታማ ኪታድ።

13 ኔን ያደ፡ ጽርኡዳ ግያ ካታማን ካርፖሳዋን ታን የጋደ ዬዳ ታ ጋብያን ቃይ ማጻፋቱዋ ታወ አካደ ያ። ሸን ዲማያደ ጋልባን ጸፈቱዳ ማጻፋቱዋ እያ ግደፕ፡ እከናን ዮፓ።

14 ብራታ ቆጽያ እሰክንድር ታና ዳር ቆሄዳ፤ ጎዳይ አወ አ ኦሱዋዳን ዛራና።

15 እ ኑን ኦድያዋ ሎይሳ ጸልቂያ ድራወ፡ ኔን አፕ ኔና ናጋ።

16 ኮይሮ ታና ሞትያ ዋደ፡ ኡባይካ እጌዳዋፕ አትን፡ ታና ኦንን ማድቤና። ጸሳይ ሄዋ ኡንቱንቶ ፓይደፖ።

17 ሸን ታን ኩሙንላ ኪታ አይሁዳ ግደና አሳይ ኡባይ ሰሳናወ ኦዳና ማላ፡ ጎዳይ ታ ማታን

ኤቂደ፡ ታወ ዋልቃ እሜዳ። ቃይ ጋሙዋ ደናፕካ ታና አሸዳ።

18 ጎዳይ ታና ኢታባ ኡባፕ አሸደ፡ ባረ ሳሉዋ ካወተላ ሳርተላን አፋና፤ አወ መጅ መጅናወ ቦንቹ ግደ። አሙንእ።

ወርሰላ ሳርታ

19 ጽርሰቂልወ፡ አቂላስን ሄነሰፎሩ ሶይ አሳወ ታ ሳርታ ኦዳ።

20 ኤራሰጸሰ ቆርንቶሳ ግያ ካታማን አቱዳ። ሸን ጽርፊሞስ ሳከቱዳ ድራወ፡ ሞሊጸ ግያ ካታማን አ ዋላድ።

21 ባልጉ ዋቆናፕ ካሰ ያናወ ሞና። ኤወቡሉስ፡ ጴዴስ፡ ሊናሰን ቅላወደ ቃይ ሀራ እሻቱ ኡባይካ ኔና ሳር ሳር ጊና።

22 ጎዳይ ነ እያናና ግደ። አቶ ኬካተላይ ሀንተናና ኡባና ግደ። አሙንእ።

ጳውሎስ ጥቶ ጳፌዳ ኪታ ገሉጥ

ጥቶ አይሁዳ ግደና አሳ ግዲደ፡ ጉየፕ ክርስቲና አማኑዋን ላመቲደ ጳውሎስ ምሽራቹዋ ቃላ ኪታ አላያ ዋደ፡ ማታን ደኢደ፡ ሄ ኦሱዋ ማዴዳ አሳ። ጳውሎስ ሀ ኪታ ጳፌዳዌ፡ ላይላን አፕ ጉጽያ ሀ ባረናና ኦላያ ጥቶ ግድሽን፡ ሄ ዋደ ጥቶ አማኑዋንታ ጸላናውን ናጋናው፡ ቃርጾስ ግያ ሃላን ደደቲዳ ሳኦን አቲዳ። አ ኪታ ቆፋይ ሄዙ ሀጳ የዋቱዋ ቦላና።

ኮይሩ ዋሳ ጎልያ ካለላያዋንቱ ቃርጾስ አሳቱዋ ኢታ ኦሱዋ ጸልያዋን አይ ማላ ኤሻይ ደእያዋንታ ግዳናው ኮሽንቶ ጥታ አኬክሳናሳ። ላኤንሱ አማኑዋንቱ ግደን ደእያ ዲማ ዲማ ጭታ፡ ጭማ አቲማዋንታን ማጫዋንታ፡ ያላጋ አቲማ አሳቱዋን ጎዳው ኦላያ ዲማ ዲማ አሳ ዋት ታማርሳናው በሰንቶ ጥታ ዘሬዳ። ወርሰላይ ቃይ አማኑዋን አሳ ኤሻሳ፡ ሳርተላንን ሲቁዋን ደእና ደኡዋባ፡ አማኑዋን አሳ ግደፕ ዋላሳ፡ ፓሉምያን ሻኮተላ ጳይሳናሳ ጥቶ ዘርያ አሜዳ።

ሸምፓቱዋ ኡባቶ አመቴዳ ቃንሳ ቆፋቱዋ

- ገሉጥ 1:1-4
- አማኑዋን አሳቱዋ ካለላያዋንታ 1:5-16
- አማኑዋን አሳቱዋ ዲማ ዲማ ኦሱዋ ጭታ 2:1-15
- ማቁዋን ናገታና ማላ አመቴዳ ማራ 3:1-11
- ወርሰላ ቁትያ 3:12-15

1 የሱስ ክርስቶስ ኪቲዳ ታን ጳውሎስ፡ ጸሳ አይል፡ ሀ ዳብዳቢያ ጸፋይ። ጸሳይ ደሬዳ አሳው አማኑ ደእናዳንን ጸሳ ቱማተላ ኤራኮ ኤንቲንታ ካለላናዳን ታን ደረታደ ኪተታድ።

2 ዋርደተና ጸሳይ ኑወ ሀ መጵና ደኡዋ ዳር ዋድያፕ ካስ አማና ጌዳ።

3 ጸሳይ ኑና አሸያዌ ልክ ዋድያን ባረ ቃላን ሀዋ ቆንጭሴዳ፤ አ ሀዳሪደ ታና አዛዜዳዋዳን፡ ታን አ ቃላ ኦዳይ።

4 አማኑዋ አትፕተላን ታ ቱሙ ናአ ነወ ጥቶ፡ ጸሳ አወዋፕን ኑና አሸያ የሱስ ክርስቶሳፕ፡ አጾ ኬካተላይ፡ ማርተላይን ሳርተላይ ግደ።

ጥቶ ቃርጾሳን ኦላያ ኦሱዋ

5 ታን ኔና ቃርጾሳን አጋደ ዬዳዌ፡ ኔን አቶዋ ገግሳናሳን፡ ታን አዛዜዳዋዳን፡ ካታማ ኡባን ዋሳ ጎልያ ጭማቱዋ ደራናሳ።

6 ጭማይ ቦረተናዋን እት ማቻት ጸላላይ ደእያዋን አማኑዋን ናናይ ደእያዋ ግዳናው በሴ፤ አ ናናይ ሻሉዋ ባይዝያባንን ዋይ አዛዘተናን እጽያባን አሳይ አማሳለናዋንታ ግዳናው በሴ።

7 አያወ ጎፕ፡ ሄ ጭማይ ጸሳ ኦሱዋ አዛዝያ ካቸዋ ግዲደ፡ ፖክሰናዋ፡ ኦቶረተናዋን ኤለ ሀንቀተናዋ ግዳናው በሴ፤ ቃይ ማላተናዋ፡ ሱገናዋን የራተናዋ ግዳናው በሴ።

1:6 1 ጸዋ. 3:2-7

8 ሸን እማላ ሞክያዋን ሎኦባ ደሰያዋ ግዳናው በሴ፤ ቃይ አኬክንቻ፡ ጽሉዋ፡ ጌሻን ባረና ናግያዋ ግዳናው በሴ።

9 አማኑዋን ደኡ ቤትያ ትምርትያና ገግያ ቃላ አ ሎይላ ኦይቆ። ያቶፕ ሀራቱዋ ቱሙ አማኑዋ ታማርሰያዋን መንግሳናውን ቃይ ሄዋ እጽያዋንታካ ዘራናው ዳንዳያናዋ።

10 አያወ ጎፕ፡ አዛዘተናዋንቱ፡ ማደናዋ ሃሳይያዋንቱ፡ ሀራቱዋ ጭምያዋንቱን ቃጸረቲዳ አይሁዳ አማኑዋንቱ ባጋ ግዴዳ ዳር አሳቱ ደእና።

11 ኤንቲንቱ ታማርሳናው በሰና ፖክያ ኦግያን ሚሻ ደማናው ታማርሰያዋን ጎልያ ኡባ ባይዝያ ድራው፡ ኤንቲንቱ ሃሳያ ተአና በሴ።

12 ኤንቲንቱ ግደፕ አቲ፡ ትምቢትያ ኦድያዌ ኤንቲንቶ፡ “ቃርጾስ አሳይ ኡባ ዋደ፡ ዋርደቱዋ፡ ኢታ ዲአቱዋን የራንቻ፤ ቃይ አዛላ አሳ” ያጌዳ።

13-14 አ ማርካቶዌ ቱማ፤ ሄዋ ድራው፡ ኔን ኤንቲንቶ ምኖ አማኑ ደእናዳንን ቃይ አይሁዳቱዋ ቶሳን ቱሙዋ እጾዳ አሳቱዋ አዛዘተናዋን ኤንቲንቱ ሰሰናዳን፡ ኤንቲንታ ምንሳደ ሴራናው በሴ።

15 ባረንቱ ሀጳወ ጌሻ ግዴዳዋንቶ ኡባባይካ ጌሻ፤ ሸን ቱናቶን አማኑዋንቶ ኤንቲንቱ ዋዛና ቆፋይን ኤንቲንታ ሱረ ዋዛናይ ቱኔዳ ድራው፡ ኤንቲንቶ አያይን ጌሻ ግደና።

16 ኤንቲንቱ ባረንቱ ጸሳ ኤርያዋ ቆንጭያን ኦዲኖ፤ ሸን ኤንቲንቱ ሸንይያዋንታ፡ አዛዘተናዋንታን ኦሱዋ ኡባወካ ገገናዋንታ ግድያ ድራው፡ ባረንቱ ኪታን አ ኤርኮ ጌና።

2

ጌሻ ትምርትያባ

1 ሸን ኔን ደኡዋ ደማናው ገግያ ትምርትያ ታማርሳናው በሴ።

2 ጭማ አቲማ አሳይ አማኑዋን፡ ሲቁዋንን ዳንዳያን ምኖ ግዳናዳን፡ ቃይ ማላተናዋ፡ ቦንቼትያዋን ባረናካ ናግያዋ ግዳናዳን ዘራ።

3 ሄዋዳንካ ጭማ ማጫ አሳይ ጌሻ ደኡዋ ደእያዋንታ፡ ዝግረናዋንታ፡ ዋይንያ ኤሳወ ሞደተናዋንታን ሎኦባ ታማርሰያዋንታ ግዳናው በሴ።

4-5 ኤንቲንቱ ጸሳ ቃላይ ቦረተና ማላ፡ ባረንቱ አሰናቱዋን ባረንቱ ናና ሲቅያዋንታ፡ ባረንታካ ናግያዋንታ፡ ጌሻቱዋ፡ ባረንቱ ጎልን ኦላያዋንታ፡ ኬካቱዋን ባረንቱ አሰናቱካ አዛዘተናዋንታ ግዳና ማላ፡ ያላጋ ማጫዋንታ ታማርሳ።

6 ሄዋዳንካ ያላጋ አቲማ አሳቱ ባረንታ ናጋና ማላ ዘራ።

7 ኔን ነ ሀጳወካ ሎኦ ኦሱዋ ኡባን ኤንቲንቶ ሌምሶ ግዳ፤ ኔን ታማርሰያዋንካ አማኑትያዋን ቦንቼትያዋ ግዳ።

8 ነ ሞርከቱ ኑና ዝግርያባይ ኤንቲንቶ ጳይያ ዋደ ኤንቲንቱ ዬላታና ማላ፡ ኔን ቦረተና ሎኦ ሃሳያ ሃሳያ።

9 አይለቱ ባረንቱ ጎዳቶ አዛዘታና ማላን፡ ኤንቲንቱና ፓሉመተናን ኡባባን ኤንቲንታ ናሸቻና ማላ ዘራ።

10 ኡንቱንቱ ባረንቱ ጎዳቱዋፕ ወኤና ማላ፡ ቃይ ኑና አሸያ ጸሳዋ ታማርሰያዋ ኡባባን ጋላትሳናወ፡ ባረንቱ ኦሳያ ኪታን ኡባ ዋደ ሎኣን አማነትያዋንታ ግድያዋ በሳና ማላ፡ ኡንቱንታ ዘራ።

11 አያወ ጎፕ፡ ጸሳይ አሳ ኡባ አሸያ ባረ አቶ ኬካተላ ቆንጭሴዳ።

12 ሄ አቶ ኬካተላይ ናጋራ ኦሱዋን ሀ አላምያ አሙዋ ኑን አጋናዳንን ኑ ሁጲያ ናጊደ፡ ጸሳ ማላቲደ፡ ጽሎተላን ደአናዳን፡ ኑና ታማርሴ።

13 ኑን ኑ ዋልቃማ ጸሳይ፡ ኑና አሸያ የሱሰ ክርሰቶሰ ቤታና ጌዳ እንጀቱዳ ቦንቾ ጋላሳ ናጌቶ።

14 ኢታ ኦሱዋ ኡባፕ እ ኑና ዋዛናወን ሎኦባ አላናወ አሞትያ ባረ ጌሻ አሳ ከሳናወ፡ ኑ ድራወ፡ ባረ ሁጲያ አሜዳ።

15 ኔን ሀዋ ታማርሳ፡ ነ ኩመንላ ማታን ዘራነ ሴራ፤ ኦንን ኔና ካቶፕ።

12 ታን አርጸማሳ ዋይ ትክቆሳ ኔኮ ኪትያ ዋደ፡ ኔን ታኮ ንቆጲልዮና ያናወ ሞና። አያወ ጎፕ፡ ታን ባልጉዋ * ያን ሻጫናወ ቆፋ ቃቻድ።

13 ሀግያ ኤርያ ዜናሰነ አጲሎሰ ኦግያ ብያ ዋደ፡ ኡንቱንቶ አያይነ ፓጩና ማላ፡ ኡንቱንታ ሎይላ ማዳ።

14 ኑ አሳይካ ማደና አሳ ግዲደ አተና ማላ፡ ባረንታ ሎይላ ኮሸያዋ ደማናወ፡ ሎኦ ኦሱዋ ሞኒደ ኦሳያዋ ታማርሴ።

15 ታናና ደአያ ኡባቱ ኔና ሳር ሳር ጌድኖ። ኑና አማኑዋን ሲቅያዋንታ ሳር ሳር ጋ። ጸሳ አቶ ኬካተላይ ሀንተናና ኡባና አትፕ ግደ። አመንአ።

3

ጸሳ አሳይ ኦሳያ ኦሱዋ

1-2 ኡንቱንቱ ሞድያዋንቶን ማታይ ደአያዋንቶ ሞደታናወ፡ አዛዘታናወን ሎኦ ኦሱዋ ኡባ አላናወ ገገታናዳን ኡንቱንታ ሀሳይሳ፤ ቃይ ኡንቱንቱ ኑ ቦላንን ኢታ ቃላ ሃሳየና ማላ፡ ኦናናን ዋላቀተና ማላ፡ አሳ ኡባ አሸከተላን ሰጋተላ በሰያዋንታ ግዳናዳን ዘራ።

3 አያወ ጎፕ፡ ኑን ካሰ ኑ ሁጲወካ ኤያቱዋ፡ አዛዘተናዋንታ፡ ባልያዋንታን አሞን ዲማ ዲማ ናሸቻወ አይልያዳን ሞደትያዋንታ፤ ቃይ ኢታተላንን ቃናትያን ደአያዋንታ፤ አሳን አጸትያዋንታን እቱ እቱዋካ አጸያዋንታ።

4 ሸን ኑና አሸያ ጸሳ ኬካተላይነ አሳ እ ሲቅያ ሲቁ ቆንጩዳ ዋደ፡

5 እ ባረ ማርተላዳንካ፡ ኦራላ የለቱሳን ሀኔዳ ጌዩሳንን ጌሻ አያናን ኦራጼዳዋን ኑና አሸዳዋፕ አትን፡ ኑን ጽሎ ኦሱዋ ኦሴዳዋና ግደና።

6-7 ጸሳይ ባረ አቶ ኬካተላን ኑን ጽላናዳንን፡ እ አማና ጌዳ መድና ደኡዋ ላታናዳን፡ ኑና አሸያ የሱሰ ክርሰቶሳ ባጋና ጌሻ አያና ኑ ቦላ ዳርሲደ ትጌዳ።

8 ሀ ሃሳይይ አማነቱዳዋ፤ ጸሳ አሳቱ ሎኦ ኦሱዋ አላናወ ገገታናዳን፡ ሀ የወዋ ኡንቱንቶ ኔን ሞንሳደ ኦዳናወ ኮያይ፤ ሀዋንቱ አሳወ ሎኣን ጎአያዋንታ።

9 ሸን ኤያተላ ፓሎማፕ፡ ዛርያ ፓይድያዋፕ፡ ዋላሳፕን ሀግያባን ዋላቀትያዋፕ ናገታ። አያወ ጎፕ፡ ሄዋንቱ ጎኤናዋንታን ማደናዋንታ።

10-11 ሻኮተላ መድያ ኡራይ ጌላ አሳ ግድያዋን ባረ ሁጲያን ፕርዲደ ናጋራ ኦሳያዋ ኤራደ፡ እት ገደ ዋይ ላኡ ገደ አ ሴሬዳዋፕ ጉይያን፡ ሄዋ ማላትያ አሳፕ ሻከታ።

ወርሰላ ዛርያ

2:14 ማዘ. 130:8፤ ከሳ 19:5፤ ዛረ. 4:20፤ 7:6፤ 14:2፤ 1 ጸጸ. 2:9 * 3:12 ባልጉዋ- ግሪኮ ቃላንካ እራይ ቡክያ ዋድያ ግድያዋ ኦዳ። እንግልዜሉዋን ዊንተር ግያዋ።

ጳውሎስ ፕልሞናው ጻፈዱ ኪታ ገሉቆ

ፕልሞን ኤሪቴዳ አማንያ አሳ፤ እ ቆላሶያሳ ዋሳ ጎልያ እሳ ግደናን ዋዪ አጋና። ፕልሞናው እናሰሞሳ ግያ አይሊ ደኤ። ሄ አይሊ ባረ ጎዳፕ በቲደ ቤዳ ዋደ። ቃሾ ጎሊን ደእያ ጳውሎሳና ጋከቴዳ። እናሰሞስ ጳውሎሳ ባጋና የሱሳ አማኔዳ። ጳውሎስ ፕልሞናው ጻፈዱ ኪታይ ፕልሞን ጉየ ስሞ ቢደ ደእያ ባረ ቆማና ሰገታናዳን፤ ሄዋ ሀሳይሰያዋ። ሄዋ ቦላካ ሀእ እናሰሞስ አማንያ እሳ ግዴዳ ድራው፤ ሀዋፕ ሰጎላው አማንያ እሻዳን አ ሞክ እካናፕ አትን፤ ቆማዳን አ ጸለናዳን አው ኦዳ።

ሸሞፓቱዋ ኡባቶ እመቴዳ ቃንሳ ቆፋቱዋ

ገሉቆ 1-3

ፕልሞናው ጳውሎሳ ጋላታ 4-7

ጳውሎስ እናሰሞሳ ድራው ሺሼዳ ሞኖ ኦሻ

8-22

ወርሰሳ ቁትያ 23-25

1 ታን ጳውሎስ፤ የሱስ ክርሰቶሳ ድራው ቃሹዋን ደእያዌነ ኑ እሻ ጽሞቶስ፤ ኑናና ኦልያ ኑን ሲቅያ ፕልሞናው።

2 ነ ጎሊን ሺቅያ አማንያዋንቶ፤ ኑ ሞቻት አፍብሰነ ኑናና እትፕ ደእያ ክርሰቶሳ ዋታዳራ አርክፖሳው ሀ ዳብዳቢያ ጻፈቶ።

3 ጸሳ ኑ አወዋፕነ ኑ ጎዳ የሱስ ክርሰቶሳፕ አዶ ኬካተላይነ ሳርተላይ ሀንተንቶ ግድ።

ፕልሞና ሲቁዋነ አማኑዋ

4-5 ኔን ጸሳ አሳቱዋ ሲቅያዋነ ጎዳ የሱሳ አማንያዋ ታን ሰሰያ ድራው፤ ጸሳ ዋሳደ ኔና ሀሳይያ ዋደ ኡባን፤ ታ ጸሳ ጋላታይ።

6 ኔን ነ አማኑዋ ሀራቱዋና ሻክያዌ ኑወ ክርሰቶስ የሱሳ ባጋና ይያ ሎኑባ ኡባ ኤርሳና ማላ፤ ታን ጸሳ ዋሳይ።

7 አያው ጎፕ፤ ጸሳ አሳቱዋ ዋዛናይ ነ ኪታን ሞኔዳ ድራው፤ ታ እሻው፤ ታን ነ ሲቁዋን ዳር ናሽቻነ መንግሥቱዋ ደማድ።

እናሰሞስ ፕልሞናኮ ስሜዳ ሰሙዋ

8 ሄዋ ድራው፤ ኔን ኦላናው በሰያዋ ኦላና ማላ፤ ታን ኔና አዛዛናው ክርሰቶሳ ባጋና ጸሎፕካ።

9 ታን ጳውሎስ ጭሜዳዌ፤ ክርሰቶስ የሱሳው ሀእካ ቃሹዋን ደእያዌ፤ ሲቁዋ ድራው፤ ኔና ዋሳይ።

10 ታን ቃሹዋን ደእደ አው አወዋ ግዴዳ ታ ናእ እናሰሞሳ * ድራው፤ ኔና ዋሳይ።

11 እ ካሰ ኔና ጎኤና፤ ሸን ሀእ ኔናካ ታናካ ቱሙ ጎኤ።

12-13 ታን ዋዛናፕ ደሰያ እናሰሞሳ ኔኮ የዶዌ ታ ዋዛና የዶዋ። ታን ዋንጋላ ድራው ቃሸታ ኡታ

ደእሸን፤ ኔና ኮቺደ፤ ታና ማዳና ማላ፤ ታ ማታን አ አሻናው ኮያይ።

14 ሸን ኔን ነ ሸንያዳን ኦላናዋ ኮያይፕ አትን፤ ኔናና ዘረተናን ዋልቃን አይነ ኦላናው ኮይከ።

15 እናሰሞስ ጉሳ ዋድያ ኔፕ ሻከቴዳዌ፤ ኔን ኤር ሰሚደ፤ ኡባ ዋደካ ኔናና ደእናሰንቶን።

16 ስሞ ሀዋፕ ሰጎላው እናሰሞስ አይልያ ግደና፤ ሸን አይልያፕ እ ሎይሳ አዴ፤ እ ታው አይ ኬና ሲቆ እሼ! ቃይ እ ነው አሳ ባጋናካ ጎዳ ባጋናካ አይ ከና አዴዳ እሻ ግዳንዴሻ!

17 ስሞ ኔን ታና ነ ላገላ ግያዋ ግደፕ፤ ታና ሞክያዋዳን፤ አ ሞካ።

18 እ ነው ባይዜዳባይ ዋይ አ ቦላ ነው አጩ ደእፕ፤ ታፕ ጭጋ አካ።

19 ሄ አጩዋ ታን ጭጋና ጋደ፤ ታን ጳውሎስ ታ ኩሸን ጸፋይ። ኔን ታው ነ ሸሞፕዋ አጭታ ኡቴዳዋ ታን ኔና ሀሳይሳናው ኮሸና።

20 ኤ፤ ታ እሻው፤ ጎዳ ባጋና ኔፕ ማዲዋ ደማናው ኮያይ። ክርሰቶሳ ባጋና ታና መንግሥቱ።

21 ታን ጌዳዋፕ ዳራዋ ኔን ኦላናዋ ኤራደ፤ ቃይ ነ ታው አዛዛታናዋካ አማናደ፤ ሀዋ ነው ጸፋይ።

22 ቃይ ሀንተንቱ ኤለካ ታው አማላይ ሸሞፕያ ጎልያ ጊግሰተ። አያው ጎፕ፤ ጸሳይ ሀንተንቱ ዋሳን ታና ሀንተንቶ ጉየ ዛሪደ እማና ጋደ ቆፓይ።

ወርሰሳ ሳርታ

23 ክርሰቶስ የሱሳ ድራው፤ ታናና ቃሹዋን ደእያ ኤፓፍር ኔና ሳር ሳር ጌ።

24 ቃይ ታናና እትፕ ኦልያ ማርቆስ፤ አርሰጽርኮስ፤ ዳማሰነ ሉቃስ ኔና ሳር ሳር ጊና።

25 ጎዳ የሱስ ክርሰቶሳ አዶ ኬካተላይ ሀንተንቱ አያናና ግድ።

1:2 ቆል. 4:17 * 1:10 እናሰሞሳ፡- ግያ ሰጎላ ብላላይ፤ ግሪክያ ቃላን ጎእያዋ ዋይ ማድያዋ ጉሳ። 1:10 ቆል. 4:9

አብራዌ አሳው ጻፈቴዳ ኪታ ገሉዋ

ሀዌ ጳውሎስን ጸጽሮስ ጻፊዳዋዳን ኪታ ግደናን ትምርተ ግዲደ ጻፈቴዳዌ፡ ዋልቃማ ቱጋይ ጋክና፡ አማኑዋ አጋናዉ ማቴዳ አማንያ አሳቱዋሳ (10:32-39)። ሀ ማጻፋ ጻፊዳዌ ኦንንቶ ኤረተና። ሀ ጻፍያ ሁጸ ቆፋይ ኮይሮቲደ ኡንቱንቱን ደእያ ሲቁዋኮ ሰማናዳን የሱሳ ጶቃተሳ በሲደ ኡንቱንታ ዘሬ። ሄ ጻፊ አብራዌ አማንያዋንቶ ሞንሰ ኦድያዌ የሱሰ ክርሰቶስ ቱማን ጸሳ ፖሎ ቆንጨሳ ግድያዋና። ሀ አማንያዋንቱ ባረንቱ አማኑዋን ሞናና ማላ፡ ኡንቱንታ መንግሥ። አ ሄዋ ኦሊደ ሄዙ ቱማቱዋ ቆንጭሲደ በሴ፡

1. አ አኬዳ መቱዋ ባጋና ባረ አዋ ቱሙ አዛዘቱዳ የሱሰ ጸሳዉ መድና ናኦ። አ ጸሳ ናኦ ግዴዳ ድራዉ፡ ኤጫ ቃላ ጫቁዋ ዋድያን ትምቢትያ አድያዋንቱ፡ ኪታንቻቱዋ፡ ሀራይ አትን፡ ሙሴ፡ ሎይሳ አድያዋ።
2. የሱሰ ኤጫ ቃላ ጫቁዋ ቄሳቱዋ፡ ሎይሳ አድያ፡ መድና ቄሳ ግድያዋ ጸሳይ ባረ ሁጸዉ ኦዴዳ።
3. የሱሳ ባጋና አማንያዌ ናጋራ፡ ያሻተሳ፡ ሀይቁዋ፡ አቱ። የሱሰ ቄሳቱዋ ኡባቱዋ ካቸዋ ግድያ ድራዉ፡ ካሰ አብራዋቱዋ አማኑዋ ዋጋቱዋንን መሄቱዋ ያርሹዋን ኩዋዳን ቤትያ አቶተሳ ሀአ ቱማ ግዳናዳን ኦሴዳ።

ጻፊ አሰራኤልያ አሳ ታርክያን ዳሮ ኤረቴዳ አሳ አማኑዋ ለምሱዋዳን ጎኤቲደ (ሸምቸዋ 11)፡ ሀ ማጻፋ ናባብያ አሳቱ ባረንቱ አማኑዋን ሞናናዳን ቆፍሴ። ሄዋዳንካ (ሸምቸዋ 12) ናባብያዋንቱ ባረንቱ አይፍያ የሱሳ ቦላን ትሽ ኦሳ ዋሊደ፡ ባረንቱ አማኑዋን ሞናናዳንን አይ ማላ መቱን ዋዴ ጋኮ፡ ኡንቱንቱ ገንጫናዳን ዘሬ። ዉርሰሳን ቃይ ዘርያን አኬክሱዋ ቃላ አምያዋን ዉርሴ።

ሸምቸዋ ኡባቶ አመቴዳ ቃንሳ ቆፋቱዋ
ገሉዋ፡ ጸሳይ የሱሳን ቆንጨዳዋ 1:1-3
ክርሰቶስ ኪታንቻቱዋ፡ ሎላ ግድያዋ 1:4—2:18
ክርሰቶስ ሙሴ፡ ሎላ ግድያዋ 3:1—4:13
ክርሰቶሳ ቄሳተሳ ጶቃተሳ 4:14—7:28
ክርሰቶሳ ቃላ ጫቁዋ ጶቃተሳ 8:1—9:23
ክርሰቶስ ያርሹቱዳዌ ኦዋ፡ ሎላ ግድያዋ 9:23—10:39
አማኑዋ ዳርተሳ 11:1—12:29
ጸሳ ናሽቹሳ 13:1-19

ጸሳይ ባረ ናኦ ባጋና ሃሳዬዳ

- 1 ጸሳይ በን ዋድ፡ ኦ አዋቱ ናባቱዋ ባጋና ዳማ ዳማ ኦግያንን ዳሮ ዋድያን ሃሳዬዳ።
- 2 ሸን ሀ ዉርሰሳ ዋድያን፡ ኡባባ አ ላትሲደ፡ የለታ አ ባጋና መጴዳ ባረ ናኦ ባጋና ኡዉ ሃሳዬዳ።
- 3 ናኦይ ጸሳ ቦንቾ ፖኡዋ ጸሌ፤ ቃይ ኩመንሳ ጸሳ ኤሻ አኪደ፡ ባረ ዋልቃማ ቃላን ሀ ሳኦ ና፤ ያቲደ አሳ ናጋራ፡ ፔሺደ፡ ኡባ፡ ሎላ ጸሳ፡ ኡሸቻ ባጋና * ሳሉዋን ኡቴዳ።

ጸሳ ናኦይ ኪታንቻቱዋ፡ ሎላ
4 ጸሳይ አዉ አማዳ ሱንሳተሳይ ኪታንቻቱዋ፡ ጶቃ ግድያዋዳንካ፡ ኡንቱንቱ፡ አ ሎይሳ ጶቁ ኦሴዳ።
5 አያዉ ሳ፡ ጸሳይ ባረ ኪታንቻቱዋ፡ አና፡ “ኔን ታ ናኦ፤ ታን ሀቼ ነዉ አዉዋ ግዳድ”
ጌዴ? ዋይ ቃይ ኦና፡ “ታን አዉ አዉዋ ግዳና፤ አካ ታዉ ናኦ ግዳና”
ጌዴ?
6 ቃይ ጸሳይ ባረ ባይራ ናኦ ሀ ሳኦ የዳና ሀኒደ፡ “ታ ኪታንቻቱዋ ኡባቱካ አዉ ጎይንኖ”
ያጌዳ።
7 ጸሳይ ኪታንቻቱዋ ባረ ሃሳዬዳ፡ “ታን ታ ኪታንቻቱዋ ጫርኩዋ ከሳይ፤ ቃይ ታ ኦሳንቻቱዋካ ታማ ላጩዋ ከሳይ”
ያጌ።

- 8 ሸን ባረ ናኦዋ ሃሳዬዳ፡ “ጸሳዉ፡ ነ ካዉተሳ ኦይዳ፡ መድ መድናዉ ደኤ። ነ ካዉተሳ ጽሎተሳን አሃሳ።
- 9 ኔን ጽሎተሳ ሲቃደ፤ ናቁዋ አጻዳ። ጸሳይ፡ ነ ጸሳይ ኔና፡ ነ ሳገቱዋ፡ አሊደ፡ ናሽቻን አልሰያ ዛይትያ ኦኬዳዌ ሀዋሳ”
ያጌ።
- 10 ጸሳይ ሀዋዳን ያጌ፤ “ጎዳዉ፡ ኮይሮ ኔን ሳኦ መጳዳ፤ ሳሉዋካ ነ ኩሸያን መጳዳ።
- 11 ሄዋንቱ ኡባይ ጳያና፤ ሸን ኔን ደአና። ኡንቱንቱ ኡባይካ አፍላዳን ዉራና።
- 12 ኔን ኡንቱንታ ጋብያዳን ዳኮያና፤ ቃይ ኡንቱንቱ አፍላዳን ላመታናዋንታ። ሸን ኔን ኔናካ፤ ነ ላይሳይ ኡባካ ዉረና።
- ያጌ።
- 13 ሸን ጸሳይ ባረ ኪታንቻቱዋ፡ አቱዋን፡ “ታን ነ ሞርከቱዋ ኔን ገድያን የድያዋ ኦላና ጋካናዉ፡ ሀዋን ታ፡ ኡሸቻ ባጋን ኡታ”
ግቤና።
- 14 ኪታንቻቱ ኡባይ ጸሳዉ ኦላናዉን አቶተሳ ደማና አሳቱዋ ማዳናዉ ጸሳይ ኪቱዳ አያናቱዋ ግድክኖዬ?

* 1:3 ኡሸቻ ባጋና- ቦንቾዋን ዋልቃሳ ግድያዋ በሴ። 1:5 ማዘ. 2:7፤ 2 ሳማላ 7:14፤ 1 ኡዳዋ 17:13 1:6 ዛረ. 32:43 1:7 ማዘ. 104:4 1:8 ማዘ. 45:6-7 1:10 ማዘ. 102:25-27 1:13 ማዘ. 110:1

2

ዎልቃማ እንጂዎ

1 ሄዎ ድራው፡ ኑን ሰቤዳ ቱሙ የወዋጥ ሱገት ዎራ ቤና ማላ፡ ሄ የወዋ ሎይል ኦይቃናዉ በሴ።

2 እያዉ ጎጥ፡ ኪታንቻቱ ኦይዳ ቃላይ ቱማ ግድያ ድራው፡ ናቂያ ዎይ አዛዘተና አሳይ ኡባይ ሙረቱዳዎ ግደጥ።

3 ያትና፡ ኑን ሀ ዎልቃማ አቶተላ ሸነኮ ጎጥ፡ ዋኒደ አታኔ? ጎዳይ ኮይሮ ባረ ሁጳዉ ሀ አቶተላ ኦይዳ፤ ቃይ እ ኦይዳዎ ሰቤዳዎንቱ ኑዉ ጌሺደ ኦይድኖ።

4 ሄ ሰቤዳዎንቱ ማርካቴዳዌ ቦላ ጸሳይካ ማላ፡ ኦራላባነ ዱማ ዱማ ማላታ ኪተትያዎን ጉጅ ማርካቴዳ፤ ቃይ ጌሻ እያና እሙዋካ ባረ ኮይዳዎዳን፡ ግሽ ጋሌዳ።

አቶተላዉ ካለሰያዎ

5 እያዉ ጎጥ፡ ጸሳይ ኑን ሃሳይያ ሰንላጥ ያና አላምያ፡ ኪታንቻቱዎ ሞድሰቤና።

6 ሸን ጸሳ ማጻፋይ እትሳን ሀዋዳን ያጌ፤ “ጸሳዉ፡ ኔን አሳዎ ቆጋናዉ አሳይ አዬ? ዎይ ኔን አዉ ሀርጋናዉ እ አዬ?”

7 ኔን ኪታንቻቱዎጥ፡ አማራዳ ዎድያ እ ጉላዳ። አ ሁጲያንካ ቦንቹዎን፡ ሳባ ካላቻ ዎላዳ።

8 ቃይ ኡባባ አ ገድያጥ ጋርሳና ዎላደ ሞድሳዳ” ያጌ። እያዉ ጎጥ፡ ጸሳይ ኡባባካ አ ሞድሴዳዎዳን እን ሞድትቤናዌ እያይነ ባዎ፤ ሸን ሀእ ኡባባይ አዉ ሞድትያዌ ኑዉ ቤተና።

9 ሸን ኑን የሱሳ በኤቶ፤ የሱሰ ጸሳ አጾ ኬካተላ ባጋና አሳ ኡባዉ ሀይቃና ማላ፡ አማራዳ ዎድያ ኪታንቻቱዎጥ ጋርሳ ግዴዳ። ቃይ ሀይቁዎ ዎይያ እ ዎየቴዳ ድራው፡ ፖእያ ቦንቹዎን ሳባ ካላቻ ዎሌዳዎ ሀእ ኑን በኤቶ።

10 ጸሳይ ኡባባ ሙጴዳዌ፡ ኡባባካ ናግያዌ፡ የሱሰ ዳሮ ናና አሂደ፡ ባረናና ቦንቹሳና ማላ፡ ዎይያ ባጋና የሱሳ ባላይ ባይናዎ ኦሌዳዎ በሴ፤ እያዉ ጎጥ፡ ሄ ናና አቶተላዉ ካለሰያዌ የሱሳ። 11 እያዉ ጎጥ፡ አሳ ጌሸያ የሱሳዉካ ቃይ ሄ ጌዬዳ አሳ ኡባዉካ አዉ እቱዎ። የሱሰ ኡንቱንታ፡ “ታ እሻቱዎ” ጊደ ዬላተናን ጴሰያዌ ሀዎሳ።

12 የሱሰ፡ “ታን ነ ሱንላ ታ እሻቶ አዎያና። ማባራ ሸቁዎንካ ኔና ጋላታና” ያጌ።

13 ቃይ እ፡ “ታን ታ አማኑዎ ጸሳን ዎላና” ቃይካ፡ “ጸሳይ ታዉ እማዳ ናናቱዎና ታን ሀዎን ደእይ” ያጌ።

14 ናና ጊደ እ ጴሰያዎንቱ፡ እሹዎጥነ ሱላጥ ሙቱዳ አሳቱዎ ግድያ ድራው፡ የሱሰ ባረ ሁጳዉ ኡንቱንታ ማላቲደ፡ ኡንቱንቱ ሙታ እኬዳ፤ ቃይ እ ሄዎ ኦሌዳዌ፡ ጸላህያ ካቸዎ ሀይቁዎ ቦላ ማታይ ደእያዎ ባረ ሀይቁዎን ጳይሳናሳ።

15 ቃይ ባረንቱ ደኡዎ ኡባን ሀይቆ ያዩደ፡ ሀይቆ አይለቲደ ደእያዎንታ ኡባቱዎ አይለተላጥ ከሴዳ።

16 እያዉ ጎጥ፡ አብራሃማ ዛርያ እ ማድያዎጥ አትን፡ ኪታንቻቱዎ ማደናዌ ኤረቱዳ።

17 ሄዎ ድራው፡ አሳ ናጋራይ አቶ ጌተታና ማላ፡ ጸሳ ኪታን አማነቴዳ ማርያ ቁሳቱዎ ኡባቱዎ ካቸዎ ግዳና ማላ፡ ኡባባን እ ባረ እሻቱዎ ማላታናዉ በሴ።

18 እያዉ ጎጥ፡ እ ባረ ሁጳዉ ፓጨቴዳ ድራውን ዎየቴዳ ድራው፡ ፓጨትያዎንታ ማዳናዉ ዳንዳዬ።

3

የሱሰ ሙሴጥ ቦላ

1 ሄዎ ድራው፡ ጸሳይ ጴሴዳ ጌሻ እሻቶ፡ ኑ ማርካተላ ጸሳይ ኪቴዳዎ ቁሳቱዎ ኡባቱዎ ካቸዎ፡ የሱሰ ክርሰቶሳ ቆጥተ።

2 ሙሴ ባረ ኪታን ጸሳ ጎልያ ኡባን አማነቴዳዎ ግዴዳዎዳን፡ የሱሰካ ባረና ደሪደ፡ ሀ አሶ የዴዳ ጸሳዉ አማነቴዳዎ።

3 እያዉ ጎጥ፡ ኬጸትያ ጎልያጥ ኬጸያ ብታኒ ቦንቹትያዎዳን፡ ሙሴዎጥ አጵያ ቦንቹዎ እ አካናዉ በሰያዌ ኤረቱዳዎ።

4 እያዉ ጎጥ፡ ጎልያ ኡባ ኬጴዳዌ እት አሳ፤ ሸን ኡባባ ኬጴዳዌ ጸሳ።

5 ሙሴ ጸሳ ጎልያ ኡባን አማነቴዳ ኦሳንቻ ግዲደ፡ ጸሳይ ሰንላጥ ጋናዎ ማርካቴዳ።

6 ሸን ክርሰቶሰ ጸሳ ጎሊን ናኣዳን አማነቴዳዎ፤ ኑን አካና ጊደ ናሸቻን ናግያዎ ጸላተላንነ አማኑዎን ናጎጥ፡ ጸሳዉ ጎልያ ግዴቶ።

ጸሳ አሳይ ሸምቸዎ ደማና

7 ሄዎ ድራው፡ ጌሻ እያናይ ሀዎዳን ያጌ፤ “ጸሳ ቃላ ሀንተንቱ ሀቼ ሰሰያባ ግደጥ፡

8-9 ሀንተንቱ አዎቱ ታዉ እጽ ማካሊደ፡ ኦይታሙ ላይላ ታ ኡሱዎ በኤዳ ባዙዎ ፓጭያ ጋላሳዳን፡ ሀንተንቱካ ዛርያ አከናን እጸጥተ።

10 ሄዎ ድራው፡ ታን፡ ሄ አሳ ሀንቀታደ፡

“ኡንቱንቱ ኡባ ዎደ ባረንቱ ዎዛናን ባለኖ። ታ ኦግያካ ኤርበይክኖ” ያጋድ።

11 ሄዎዳንካ ቃይ፡ ታን ሀንቀታ ጫቃደ፡

“ታን ሸምጥያ ሳ ኡንቱንቱ፡ ኡባካ ገልክኖ” ያጋድ።

12 ታናዳን አማንያዎንቶ፡ ደኡዎ ጸሳጥ ሀንተንታ ሻክያ ኢታ አማነና ዎዛናይ ሀንተናን ኦናን ደኤና ማላ ናገትተ።

13 ሸን ጸሳይ ሀንተንታ ኡባ ጋላሰ ሀቼ ጊደ ጴሰሸን፡ ሀንተጥ ኦናን ናጋራይ ባለሰና፡ ዘርያ አከናን እጸና ማላ፡ እቱ እቱዎ ዘርተ።

14 እያዉ ጎጥ፡ ኑን ኮይሮ ኑዉ ደእያ አማኑዎ ዉርሰላይ ጋካናዉ ሎይል ናጎጥ፡ ክርሰቶሳና እትጥ ሻካና።

15 ጸሳ ማጻፋይ፡

“ጸሳ ቃላ ህንተንቱ፤
ሀቼ ሰሰያዎ ግደፕ፤
ሄ ዎደ ኢንቱንቱ እጽ ማካሌዳዎዳን፤
ዘርያ አከናን እጽፕተ”

ያጌዳ።

16 ጸሳይ ግያዎ ሰሰደ፤ አዉ ማካሌዳ አሳቱ ኦኔ? ሙሴ ግብጾፕ ካለሉና ከሴዳ ኡባቱዎ ግድክኖዬ?

17 ጸሳይ አይታሙ ላይሳ ኦናን ህንቀቴዳ? አሃይ ዎራን አቴዳ አሳቱዎ፤ ናጋራ ኦፊዳዎንታ ግድክኖዬ?

18 ቃይ ጸሳይ ባረዉ አዛዘተናን እጹዳዎንቱ እ ሸምፕያ ሳኣ ኡባካ ገለና ማላ፤ ኡንቱንቱ ጫቁዳዎፕ አትን፤ ኦስ ጫቁዳ?

19 ኡንቱንቱ አማንቤና ድራዉ፤ ሸምፕያ ሳ ገለናዉ ዳንዳይቤናዎ ኦን በኤቶ።

4

1 ሰም ጸሳይ ኦና ባረ ሸምፕያ ሳ፤ “ገልሳና” ጌዳዌ ብራ ግደፕ፤ ህንተፕ ኦን ሄ ሸምፕያ ሳ ገለናን አተና ማላ ናገቶ።

2 አያዉ ሳፕ፤ ኡንቱንቱ ዎንጋላ ምሸራቹዎ ሰሴዳዎዳን፤ ኦንካ ሰሴዳ፤ ኡንቱንቱ ሰሴድኖ፤ ሸን አማኒደ አክቤና ድራዉ፤ አይነ ኡንቱንታ ሳክቤና።

3 ግደፕካ፤ ጸሳ ኪታይ ሳኦይ መቆደፕ ደምና ፖለቲዳዎ ግደፕነ፤ ጸሳይ፤ “ታን ህንቀታ ጫቃደ፤

“ኡንቱንቱ ታን ሸምፕያ ሳ ኡባካ ገልክኖ” ያጋድ”

ጌዳዎዳን፤ ኦን አማኔዳዎንቱ እ ሸምፕያ ሳ ገለና።

4 አያዉ ሳፕ፤ ላፑንላ ጋላሳባ አትሳን ጸሳ ማጸፋይ፤ “ጸሳይ ላፑንላ ጋላሳን ባረ ኦሱዎ ኡባፕ ሸምፕዳ” ያጌዳ።

5 ቃይ ሄ ሳኣን፤ “ኡንቱንቱ ታን ሸምፕያ ሳ ኡባካ ገልክኖ” ያጌዳ።

6 ዎንጋላ ምሸራቹዎ ኮይሮ ሰሴዳዎንቱ አዛዘትቤና ድራዉ፤ ሸምፕዎ ሳኣ ገልበይክኖ፤ እት እት አሳቱ ያ ገለናዎንቱ ደኢኖ።

7 ጸሳይ ዳሮ ዎድያፕ ጉይያን፤ ዳዊታ ባጋና ላኤንሉዎ እት ጋላሳ፤ “ሀቼ” ግያ ቃላን ኬሪደ፤

“ጸሳ ቃላ ህንተንቱ ሀቼ ሰሰያዎ ግደፕ፤
ዘርያ አከናን እጽፕተ”

ያጌዳ።

8 ጸሳይ ሸምፕያ ሳ አሳ አፊደ ኢያሱ ሸምፕሴዳዎ ግድንቶ፤ ጸሳይ ሀራ ጋላሳዎ ጉየ ኬረና።

9 ሄዎ ድራዉ፤ ጸሳ አሳዉ ሳምባታ ሸምፕ ናገት ኡቴዳ።

10 አያዉ ሳፕ፤ ጸሳይ ሸምፕያ ሳ ገልያ ኦን፤ ጸሳይ ባረ ኦሱዎፕ ሸምፕዳዎዳን፤ እካ ባረ ኦሱዎፕ ሸምፕና።

11 ሰም እሰራኤልያ አሳይ አዛዘተናን እጹደ፤ ጸሳና እትፕ ሸምፕያ ሳ ገለናን አቴዳዎዳን፤ ኦፕ

ኦን ሄዎ ማላ ኤኖ ጌናን እጹዎን ያ ገለናን አተና ማላ ምኖይተ።

12 አያዉ ሳፕ፤ ጸሳ ቃላይ መድናዉ ደኢያዎኔ ኦሉዎ፤ ላኡ ባጋና ሌፊቴዳ ማሻፕካ እጲደ ኩሴ። ሄ ቃላይ ሸምፕነ አያናይ፤ ኩሪነ ኮልዚ እትፕ ጋከትያሳ ሻካና ጋካናዉ ጫዴ። ቃይ አሳ ዎዛናን ደኢያ ኮሻነ ቆፋ እ ሻኬ።

13 ኦን ኦሉዎ ዎቶያ ጸሳ ሰንላን ኡባባይካ ቤትያዎፕነ ቆንጫያን ደኢያዎፕ አትን፤ እ አይፍያን ጌምያ መታይ አያይነ ባዎ።

የሱስ ቄሳቱዎ ኡባቶ ዎልቃማ ካፑዎ

14 ሰም ሳሉዎ ቤዳ፤ ቄሳቱዎ ኡባቱዎ ዎልቃማ ካፑ፤ ጸሳ ናኦይ የሱስ፤ ኦዉ ደኢያ ድራዉ፤ ኦ አማኔዎ ሎይሉ ናጌቶ።

15 አያዉ ሳፕ፤ ኦ ቄሳቱዎ ኡባቱዎ ካፑ ኦን ዳቡርያ ዎደ ኦዉ ቃረታናዉ ዳንዳይ፤ ናጋራ እ ኦሉቤናዎፕ አትን፤ ኦናዳን ኡባባንካ ፓጩቲዳ።

16 ሰም ኦና ኮሽያ ዎደ ማድያ ማሮተላ አካናዉን እጶ ኬካተላ ደማናዉ፤ እጶ ኬካተላይ ደኢያ ሳኣ ጸሳ አራታኮ፤ ያየናን ሸቆይተ።

5

1 ቄሳቱዎ ኡባቱዎ ካፓቱ ሁጲያን ሁጲያን ባረ አሳ ግደፕ ደረቲደ፤ ሄ አሳ ግሻታዉ ጸሳዉ አላናዉ፤ እሙዎ እማናዉን ናጋራ ያርሹዎ ያርሻናዉ ሱንቲድኖ።

2 እ ባረ ሁጲዉ ዳቡራንቻ ግድያ ድራዉ፤ ታማርቤናዎንቶን ባልያዎንቶ ቃረታናዉ ዳንዳይ።

3 ሄዎ ድራዉ፤ ሄ ቄሳቱዎ ኡባቱዎ ካፑ አሳ ድራዉ ያርሹዎ ያርሽያዎዳን፤ ባረ ሁጲ ናጋራ ድራዉካ ያርሻናዉ በሴ።

4 ጸሳይ አሮና ቄሳቱዎ ኡባቱዎ ካፑዎ ግዳና ማላ ጸሴዳዎዳን፤ ጸሳይ ጸሳናፕ አትን፤ ኦን ቄሳቱዎ ኡባቱዎ ካፑዎ ግድያ ቦንቹዎ ባረዉ አካናዉ ዳንዳየና።

5 ሄዎዳንካ፤ ክርሰቶስ ቄሳቱዎ ኡባቱዎ ካፑዎ ግድያ ቦንቹዎ ባረዉ አክቤና፤ ሸን ጸሳይ አ፤ “ኔን ታ ናኣ።

ታን ሀቼ ነዉ አዉዎ ግዳድ”

ያጌዳ።

6 ሄዎዳንካ ቃይ ሀራሳን፤

“ማልክ-ጸደቁ* ቄሳ ግዴዳዎዳን፤
ኔንካ መድናዉ ቄሳ ግዳና”

ያጌዳ።

7 የሱስ ሳኣን ደኢያ ዎደ፤ ባረና ሀይቁዎፕ አሻናዉ ዳንዳይያ ጸሳ ሎይሉ ዩኪደነ አፎጲደ ዎሴዳነ ኦቼዳ፤ ጸሳይ እ ዎሳ ሰሴዳዎ፤ እ ባረና ቶቼዳዎሳን እዉ ያዬዳዎሳ።

8 የሱስ ጸሳ ናኣ ግደፕነ፤ ባረ ዎየቴዳ ዎይያን አዛዘትያዎ ታማራዳ።

9 የሱስ ባረ ኦሱዎ ፖሌዳ ዎደ፤ ባረዉ አዛዘትያ ኡባዉ መድና አቶተላ ደማናዉ ጋሶ ግዴዳ።

3:15 ማዘ. 95:7-8 3:16 ፓይ. 14:1-35 4:3 ማዘ. 95:11 4:4 ደመላ 2:2 4:5 ማዘ. 95:11 4:7 ማዘ. 95:7-8 4:8 ዛረ. 31:7፤ ኢያሳ 22:4 4:10 ደመላ 2:2 5:3 ዎጋ 9:7 5:4 ከሳ 28:1 5:5 ማዘ. 2:7 * 5:6 ማልክ-ጸደቁ፡ ሀ ሱንሳይ ኤጫ ጫቁዎን ጸሰቴዳዎ፤ እ ቄሳ አርነፕ ካሰና ደኤዳዌ ኤረቶ ድራሳ። እ ጉየ ዛርያባዉን እ ሀይቁዎባዉ እይነ ጌተቶዌ ባዎ። 7:3፤ ደመላ 14:17-20 ጸልተ። 5:6 ማዘ. 110:4

10 ቃይ ጸሳይ ማልክ-ጸደቃ ሱንሳተላዳን፣ ቄሳቲቀ ኡባቲቀ ካፑቀ ግዳና ማላ፣ ኦ ሱንሌዳ።

እሳይ ባለናዳን ኦደቲዳ ምኖ ኦዲቀ

11 ኑን ሀ የወቀን ሃሳያናባይ ዳርባይ ደኤ፤ ሸን ሀንተንቱ እኩካናወ አዛላ ግድያ ድራወ፣ ሀንተንቱ ኦድ ገልሳናወ ዋይሴ።

12 እያወ ጎፕ፣ ሀንተንቱ ሀ ዋድያን ታማርሰያዋንታ ግዳናወ በሰፕካ፣ ጸሳ ቃላ ኮይሮ ትምርትያ ሀንተንታ ዛር ታማርሰያ እት ኡራ ኮሼ፤ ሀንተንታ ኡሸያ ማላ ኮሼፕ አትን፣ ጮምያ ቁማ ኮሸና።

13 ማላ ፓከቲደ ደእያ ኦንነ ጋጭኖ ናኦ ግድያ ድራወ፣ ጽሎተላ ትምርትያዋ ኤረና።

14 ሸን ምኖ ቁማይ ኢታነ ኬካ ደኤቀ ዳሩዋን ሻክ ኤሬዳ ዋዛናማ አሳሳ።

6

1-2 ሄዋ ድራወ፣ ክርሰቶሳ ትምርትያ ብር ደምያዋ አገደ፣ ዋዛናማ አሳ ትምርተወ ሰንሳወ ቦይተ፤ ኮይሮ ኑን ታማራናወ ኮሸያ ትምርትያ ዋድ ኤቂደ ታማራናወ ኑወ በሰና፤ ሄ ትምርቲ እዬ ጎፕ፣ ማደና ኡሱዋፕ ሰምያዋ፣ ጸሳ አማንያዋ፣ ጽንቃታቱዋባ፣ * ኩሸያ ዋሉዋባ፣ ሀይቁዋፕ ደንዲዋባነ መድና ፕርዳባ።

3 ጸሳይ ኦሐተ ጎፕ፣ ሄዋ ኑን ኦላና።

4-5 እያወ ጎፕ፣ እቶደካ ፖኤ ፖኤዳዋንታነ ሳሉዋ እሙዋ ባር በኤዳዋንታ፣ ቃይ ጌሻ እያናካ ሻክ እኩዳዋንታነ ጸሳ ቃላይ ሎእ ግዴዳዋ ሰሰ ኤሬዳዋንታ፣ ሰንሳፕ ያና ሳኦ ዋልቃካ ቦኛ ጼሌዳዋንታ።

6 ሄዋፕ ጉየ ሰሚደ ካዴዳዋንታ ናጋራፕ ላኤንሉዋ ዛራናዌ ዳንዳየተና። እያወ ጎፕ፣ ሄዋንቱ ጸሳ ናኦ ማሰቃልያ ቦላ ምሰማርያን ድሸደ ካቂያዋንታነ አሳ ሰንሳን ካወሸያዋንቱ ማላ።

7 ኡባ ዋደ ቡክያ እራ ኡሸና፣ ጎሼዳ ኡራ ጎእያ ካላ ሞክያ ቢታ ጸሳይ እንጂ።

8 ሸን ቡሉዋነ ቡዙዋ ሞኮፕ፣ አይነ ጎኤና፤ ሸቃወ ሸቅ ኡቲዳ። ቃይ ወርሰላን ጉደታና።

9 ሸን ኑ ሲቃቶ፣ ኑን ሀዋዳን ሃሳይያዋ ግደፕ፣ ሀንተንቱ አቶተላወ ግድያ ሎኦባይ ሀንተንቱ ደእያዋ ኤሬቶ።

10 እያወ ጎፕ፣ ሀንተንቱ ኦሌዳ ኡሱዋነ ቃይ አማንያዋንታ ማዴዳዋን ሀእካ ማድያዋን ጸሳ ሲቄዳ ሲቁዋ ጸሳይ ደጋናወ ማካላ ግደና።

11 ሀንተንቱ ሁጲያን ሁጲያን ደማና ገደ፣ ሀደታን ናግ ኡቲዳ ኩመንላ ቱማተላ ወርሰላይ ጋካናወ፣ ካሰዋዳን ምንሲደ አላና ማላ አሞቲቶ።

12 ጸሳይ እማና ጌዳዋ አማኑዋንነ ገንጫን ላትያዋንቱ ማላ ሀንተንቱ ግዳናዋ ኑን ኮይያዋፕ አትን፣ አዛላ ግዳናዋ ኮኖኮ።

ጸሳይ እሜዳ ሀደታይ ሰድሰናዋ

13 ጸሳይ አብራሃም እማና ገደ ጫቂዳ ዋደ፣ ባረፕ አድያ ዋልቃማይ ባይና ድራወ፣ ባረ ሁጲያን ጫቂዳ።

14 ጸሳይ አ፣

“ታን ኑና አንጃና፤ ነ ዘረላካ ጮርሳና” ያገደ ጫቂዳ።

15 ሄዋዳንካ፣ አብራሃም ገንጭ ናገደ፣ ጸሳይ እማና ጌዳዋ አኬዳ።

16 እያወ ጎፕ፣ ጸሳይ ባረፕ ቶቂያ ኡራን ጫቂ፤ ቃይ ሄ ጫቂ ፓሉምያ ኡባካ ተኤ።

17 ሄዋ ድራወ፣ ጸሳይ ባረ እማና ጌዳዋ ላታናዋንቶ ባረ ቆፋ ኡባካ ላመናዋ ጌሽ ኡዳናወ ሎይሐ ኮዪደ፣ ሄዋ ቱማ ግዴዳዋ ጫቂዳ።

18 ጸሳይ ዋርደታናወ ዳንዳየና ሀ ላኤ ላመተና የዋቲዋን፣ እ እማና ጌዳ ኑ ሰንሳን ደእያዋ ኦይቃናወ አኮ ባቃቲዳ ኑወ ዋልቃማ መንፍሉ ደኤ።

19 ሀ ኑን ደማና ገደ ናሸቻን ናግ ኡቲዳዌ፣ ኑ ሸምፖ ማርካብያ ኦይቂያ ቃጸና ብራታ ማላ፤ ሄ ኑን ደማና ገደ፣ ናሸቻን ናግ ኡቲዳዌ ኤረቲዳ ምኖ ግዲደ፣ ጋርዲዋ ተ ግደ ጌሻ ሳ ገሌ።

20 ቃይ የሱሰ ማልክ-ጸደቃ ሱንሳተላዳን፣ መድናወ ቄሳቲቀ ኡባቲቀ ካፑቀ ግዳና፣ ኑ ግሻታወ ኑፕ ካሰቲደ፣ ሄ ሳኦ ገሌዳ።

7

ቄሳ ማልክ-ጸደቃ

1 ሀ ማልክ-ጸደቁ፣ ሳሌማ ካቲ፣ ኡባፕ ቦላ ጸሳ ቄሳይ፣ አብራሃም ካተቲቀ ዋዲደ ኦላፕ ሰምሸን፣ አናና ጋከቲደ፣ ኦ አንጃዳ።

2 አብራሃም ባረ ኦሞዴዳ ኡባፕ አሰራታ ከሲደ፣ አወ እሜዳ፤ ማልክ-ጸደቃ ሱንሳወ ኮይሮ ብለላይ ጽሎተላ ካትያ ግያዋ፤ ቃይ ሳሌማ ካትያ እ ግድያ ድራወ፣ ላኤንሉ ብለላይ ሳርተላ ካትያ ግያዋ።

3 ማልክ-ጸደቃወ ዳያ ዋይ አወ፣ ዋይ አወ ዛርያ ፓይዲ ባዋ፤ ቃይ አ የለታወ ደመሳይ ዋይ አ ሀይቆ ወርሰላይ ባዋ፤ ሸን ጸሳ ናኦ ማላቲደ፣ መድናወ ቄሳ ግዴዳ።

4 ኑ አዋቲቀ ካፑ አብራሃም ኦላን ኦሞዲደ፣ አሄዳዋፕ አሰራታ እሜዳ ማልክ-ጸደቁ አይ ኬና ቶቂ ግያዌንቶ በእተ።

5 ቄሳ ግድያ ሌዌያ ዛራቱ እሰራኤልያ አሳፕ፣ ሄዋነ ባረንቱ ጋደ አሳፕ ሀራይ አቶ ኡንቲንቲ አብራሃም ዛረ ግደፕ፣ አሰራታ አካና ማላ፣ ሀግያን አዛዘቲድና።

6 ማልክ-ጸደቁ ሌዌያ ዛረ ግደና፤ ሸን አብራሃምፕ አሰራታ አኪደ፣ ጸሳይ እማና ጌዳዋ ናግያ አብራሃም እንጃዳ።

7 ቃይ እንጅያዌ እንጀትያዋፕ ቶቂ ግያዌ ፓሉንፍ።

* 6:1-2 ጽንቃታቱዋባ- ሜቻቲቀባ ግያዋ ግዲደ ጌሻተላባ ግሪከን ዳማ ዳማ ዋጋ ግድያዋ በሴ። 6:8 ደመላ 3:17-18 6:14 ደመላ 22:16-17 † 6:19 ጋርዲዋ- ሀዌ ዳንካንያ ግዲዋን ጎይናወ ማድያዋ። ሄዌካ “ጌሻ ሳ” ጌተቲዳዋፕ “ጌሻፕ ጌሻ ሳ” ሻካናወ ጎእያዋ ግዲደ ቄሳቲቀ ካፕ ጸላላይ ገላናወ ዳንዳይያሳ። 6:19 ዋጋ 16:2 6:20 ማዘ. 110:4 7:1 ደመላ 14:17-20 7:5 ፓይ. 18:21

8 እት ባጋና፡ ሀይቂያ አሳይ አሰራታ ከሴ፤ ሸን ሀራ ባጋና ቃይ፡ ሀይቀና ጊደ ማርካትያ ኡራይ አሰራታ ከሴ።

9 ሀዋዳን ሃሳያናው ሀራይ አቶ፡ አሰራታ ከሰያ ሌዊካ አብራሃም ባጋና አሰራታ እሜዳ።

10 አያው ጎጥ፡ ማልክ-ጸደቂ አብራሃምና ጋከትያ ዎደ፡ ሌዊ ብር የለትቤና፤ ሸን ባረ ዛርያ አብራሃም ጉልባታን ደኤ።

11 እስራኤልያ አሳው ህጊ ሌዊያ * ዘረላቱዋ ቄስተላ ባጋና እመቲዳ። ሄ ቄስተላ ኪታይ ባላይ ባይናዋ ግደጥ፡ አርናዋ ማላ ግደናን ማልክ-ጸደቂ ማላ ሀራ ቄሳይ ሱን ታናው አያው ኮሺ?

12 አያው ጎጥ፡ ቄስተላይ ላመትያ ዎደ፡ ህጊካ ቃይ ላመታናው ኮሺ።

13 ሀ የው ሃሳየቲዳ ኡራይ ሀራ ዛሪ፤ አ ዛርያጥ ኦንነ ያርሸያሳን ቄሳዳን አላቤና።

14 ኑ ጎዳይ ይሁዳ ዛርያጥ ዬዳዌ ኤረቲዳዋ ግድያ ድራው፡ ሙሴ ቄሳቱዋባ ሃሳዪደ፡ ሄ ዛርያባ አይነ ሃሳይቤና።

ክርስቶስ ማልክ-ጸደቂ ማላ ቄሳ

15 ማልክ-ጸደቂ ማላ ሀራ ቄሳይ ዬዳዋ ግድንቶ፡ ሀዌ አጂደ ኤረታናዋ።

16 እ አሳ ህግያንነ ዎጋን ቄሳ ግድቤና፤ ሸን ዉረና ደኡዋ ዎልቃን ቄሳ ግዳዳ።

17 አያው ጎጥ፡ ጸሳ ማጻፋይ፡ “ማልክ-ጸደቂ ቄሳ ግዳዳዎዳን፡ ኔንካ መጅናው ቄሳ ግዳናዋ”

ያጊደ ማርካቲ።

18 በን ደእያ ህጊ ላፋነ ማደናዋ ግድያ ድራው አቲዳ።

19 አያው ጎጥ፡ ሙሴ ህጊ አያነ ባላይ ባይናዋ አላናው ዳንዳየና፤ ቃይ ኑን አ ባጋና ጸሳኮ ሺቃና ጊደ ናሽቻን ናግ ኡቲዳ ኡባጥ አጅያዋ ዬዳ።

20 ሄዋ ቦላን ቃይ ጸሳ ጫቁካ ደኤ፤ ሀራቲ ቄሳ ግዳዳ ዎደ፡ ሄዋ ማላ ጫቁ ባዋ።

21 ሸን የሱስ ጫቁዋን ቄሳ ግዳዳ፤ ጸሳይ አ፡ “ጎዳይ ጫቁዳ፤ እ ባረ ቆፋ ላመና።

“ኔን መጅናው ቄሳ ግዳና’ ጌዳ” ያጊዳ።

22 ሄዋ ድራው፡ የሱስ ኡባጥ አጅያ ጫቆ ዋስ ግዳዳ።

23 ካስ ቄሳቱዋ ፓይዱ ጮራ፤ አያው ጎጥ፡ ኡንቲንቲ አላና ኡሱዋ ሀይቁ ድጌዳ።

24 ሸን የሱስ መጅናው ደእያ ድራው፡ አ ቄስተላይ ላመተና።

25 ሄዋ ድራው፡ እ ኡንቲንቲ ግሻታው ጋናታናው መጅናው ደእያ ድራው፡ ጸሳኮ ባረ ባጋና ይያዋንታ ኡባቱዋ አሻናው ዳንዳይ።

26 ኑው ጊግያ ሀዋ ማላ፡ ቄሳቱዋ ኡባቱዋ ካቼ ደአናው ኮሺ፤ እ ጌሻ፤ አን ገኒነ ካላያባይ ባዋ፤ ናጋራንቻቱዋና እ ጋከተና፤ ቃይ ጶቃ ሳሉዋንካ እ ቦንቼቲዳ።

27 ሀራ ቄሳቱዋ ኡባቱዋ ካፓቱዋዳን፡ እ ኮይሮ ባረ ሁጳ ናጋራው ያርሺደ፡ ቃይ ጉየጥ አሳ ናጋራው ሀቼ ሀቼ ያርሻናው ኮሸና፤ እ ባረና ያርሼዳ ዎደ፡ ላኤንግናን እት ገደ ያርሼዳ።

28 አያው ጎጥ፡ ሙሴ ህጊ ዳቡራንቻ አሳ ቄሳቱዋ ኡባቱዋ ካቼዋ ኦሊደ ሱንጮ፤ ሸን ጸሳይ እማና ጊደ ጫቁዳ ህግያጥ ጉየ ዬዳ ቃላይ መጅናው ባላይ ባይናዋ፡ ጸሳ ናኦ ሱንጮ።

8

የሱስ ኦራሳ ቃላ ጫቁዋ ቄሳቱዋ ኡባቱዋ ካቼዋ

1 ኑን ሃሳይያ ዎልቃማባይ ሀዋ፤ ሳሉዋን ኡባጥ ቦላ ጸሳይ ኡትያ ካውተላ አይድያጥ ኡሸቻ ባጋና ኡቲዳ ቄሳቱዋ ኡባቱዋ ካቼ፡ ሀዋ ማላይ ኑው ደኤ።

2 ጌሻ ሳኦንነ ቱሙ ዲንካንያን እ አሌ፤ ሄ ዲንካኒ አሳይ ኤሴዳዋ ግደናን፡ ጸሳይ ኤሴዳዋ።

3 ቄሳቱዋ ኡባቱዋ ካቼ ኡባይ እሙዋነ ያርሹዋ ጸሳው እማናው ሱን ቲዳ ድራው፡ ሀ ቄሳቱዋ ኡባቱዋ ካፖካ ያርሻናው እትባይ ደአናው ኮሺ።

4 ሰም ሳኦን እ ደእያዋ ግደጥ፡ ኡባካ ቄሳ ግደና፤ አያው ጎጥ፡ ህጊ አዛዝያዎዳን፡ እሙዋ እምያ ቄሳቲ ደአና።

5 ኡንቲንቲ ቄሳቱዋዳን ኦልያ ኪታይ ሳሉዋን ደእያ ኦሶ ቱሙ ሌምሱዋነ ኤሹዋ፤ አያው ጎጥ፡ ሙሴ ዲንካንያ ኤሳና ሀንሸን፡ ጸሳይ አ፡ “አኮካ፤ ኡባባካ ታን ኔና ደርያ ሁጲያን በሴዳ ሌምሱዋ ካላደ አላ” ያጌዳ።

6 ሸን የሱስ ጋናትያ ጫቁ ካሰዋጥ አጅያዎዳንካ፡ እው እመቲዳ ኡሱካ ኡንቲንቲዋጥ አጂ፤ አያው ጎጥ፡ ሄ ጫቁ ጸሳይ እማና ጌዳ ኡባጥ አጅያ ኪታን ኦሰቲዳ።

7 አያው ጎጥ፡ ኮይሮ ጫቁዋን ባላይ ባይናዋ ግድንቶ፡ ላኤንግ ጫቁዋ ኮሸና።

8 ሸን ኡንቲንታ ቦሪደ፡ ጎዳይ ሀዋዳን ያጌ፤ “ታን እስራኤልያ አሳናነ ይሁዳ አሳና፡

ኦራሳ ጫቁዋ ጫቁትያ ጋላሳቲ ያናዋ።

9 ሄ ጫቁ ታን ግብጾ ጋድያጥ፡ ኡንቲንቲ አዎቲዋ ኩሸያ ኦይቃደ፡ ጎቻ ከሴዳ ዎደ፡

ኡንቲንቲና ጫቁቲዳ ጫቁዋ ማላ ግደና። ኡንቲንቲ ታ ጫቁዋን አማነትቤና ድራው፡ ታንካ ኡንቲንታ አጋድ። ታን፡ ጎዳይ፡ ሀዋ ኦዳይ።

10 አያው ጎጥ፡ ሄ ጋላሳቲዋጥ ጉይያን፡ ታን እስራኤልያ አሳና ጫቁታና ጫቁ ሀዋ፡

ታን ታ ህግያ ኡንቲንቲ ቆፋን ዎላና፤ ቃይ ኡንቲንቲ ዎዛናንካ ጸፋና።

ታን ኡንቲንቲ ጸሳ ግዳና፤ ኡንቲንቲካ ታ አሳ ግዳና።

11 ኡንቲንቲጥ ኦንነ ባረ ሾሩዋ፡ ዎይ ባረ እሻ፡

“ጎዳ ኤራ” ያጊደ ታማርሰና። አያው ጎጥ፡ ኡንቲንቲ ናኦጥ ጭማ ጋካናው ኡባይ ታና ኤሪና።

12 ታን ኡንቲንቲ ናቁዋ ማራና፤ ኡንቲንቲ ናጋራካ ላኤንግ ሀሳይከ” ያጌ።

* 7:11 ሌዊያ፡ ሀ ሱንግ ጸሰትያዋንቲ ቄሳቱዋጥነ ኡንቲንታ ማድያዋንቲ ደረቲዳዋንታ። 7:17 ማዝ. 110:4 7:21 ማዝ. 110:4 7:27 ዎጋ 9:7 8:1 ማዝ. 110:1 8:5 ከሳ 25:40 8:8 ኤር. 31:31-34

13 ጸሐይ ኦራፋ ጫቁዋ ገደ ሃሳይያዋን ኮይሮዋ ኤጭሴዳ፤ ቃይ ኤጭያባይነ ዉርያባይ ኤለካ ቋያና።

9

ሳሉዋን ኦሰትያ አያና ኦሱ ሳኣን ኦሰትያ አያና ኦሱዋጥ አዴ

1 ኮይሮ ጫቆ ጸሐይ ሳይንያ ዋጋይነ አሳይ ኦሴዳ ጌሻ ጎሊ ደኤ።

2 አያዉ ሳጥ፡ ኮይሮ ዲንካኒ ኤቁዳ፤ አ ግዲዋን ሙቃዳ ዋሳያዌ፡ ጸራጳዛይነ ጎዳ ሰንፋን ዋሳያ ኡክላይ ደኤ፤ ሄ ሳኣይ ጌሻ ሳ ገደ ጴሴቴ።

3 ለኤንሎ ጋርዲዋ ጉየ ባጋና ኡባጥ አድያ ጌሻ ሳኣ ጌተትያ ዲንካኒ ደኤ።

4 አ ግዲዋን እጻና ጨዋያናዉ ዋርቃጥ ኦሴዳ ሳጽነኒ ኡባ ሳና ዋርቃን ሼሼዳ ቃላ ጫቁዋ ታቦታይ ደኤ። ሄ ቃላ ጫቁዋ ታቦታን ማናይ ደእያ ዋርቃ ጸሩ፡ አሮና ጸምአይ አጩዳዌነ ቃይ ሙሴ ህጊ ጸፈቴዳ ላኡ ማሰቴዳ ሹቻቱ ደኤና።

5 ሄ ቃላ ጫቁዋ ታቦታጥ ቦላ ባጋና አቶ ግያ ሳኣ ቁምእያ ባረንቱ ቀፍያን ገንሳያ ቦንቾ ክሩቦቱ ደኤና፤ ሸን ሀ ኡባባ ሀእ ዉርሰ ኦዳናዉ ዳንዳዮኮ።

6 ሄዌ ሄዋዳን ገግ ደእሸን፡ ቁሳቱ ኡባ ዋደ፡ ባረንቱ ኦሱዋ ጸሐናዉ ኮይሮ ዲንካንያ ገሊና።

7 ሸን ቁሳቱዋ ኡባቱዋ ካፑዋ ጸላላይ ላኤንሎ ዲንካንያ ላይላጥ እት ገደ ገሊደ ባረ ድራዉነ ኤረናን አሳይ ኦሴዳ ናጋራ ድራዉ፡ ጸሐዉ ያርሸያ ሱላ አኪደ ገሌ።

8 ኮይሮ ዲንካኒ ኤቁደእሸን፡ ኡባጥ አድያ ጌሻ ሳኣ አፍያ ኦጊ ብሮ ዶየትቤናዋ ጌሻ አያናይ ሄዋን ኤርሴ።

9 ሄ ዲንካኒ ሀ ዋደዉ ለምሱዋ፤ ሄዋ ግያዌ ጸሐዉ እምያ እሙካ ያርሹ ሳይንያዋ ሱረ ዋዛና ባላይ ባይናዋ ኦላናዋ ዳንዳይክና።

10 ሄዋንቱ ሙሳባ፡ ኡሻባነ ዲማ ዲማ ሜቻባ ኦድያ ካረ ባጋ ዋጋቱዋ፤ ኡንቱንቱ ኦራጽያ ዋዲ ጋካናዉ ኦሰትያ ዋጋቱዋ።

11 ሸን ክርሰቶሰ ሀዋን ደእያ ሎኦባዉ ቁሳቱዋ ኡባቱዋ ካፑዋ ግዲደ ይ ድጌዳ። አ ገሊደ ኦሳያ ዲንካኒ ኡባጥ አድያዋን ባላይ ባይናዋ፤ ቃይ ሄ ዲንካንያ አሳይ ኦሳቤና፤ ሀ ሙቲዳ ሳኣባካ ግደና።

12 ክርሰቶሰ ኡባጥ አድያ ጌሻ ሳኣ ገልያ ዋደ፡ ዳሻ ሱላን ጋሎ ማራ ሱላ ኦይቂደ ገልቤና፤ ሸን ባረ ሱላ ኦይቂደ፡ ኦዉ ሙድና አቶተላ እሚደ፡ ላኤናን እት ገደ ገሌዳ።

13 ቱኔዳ አሳ ቦላ ኮሩማ ሱላን ዳሻ ሱላ ጫጫፊደ፡ ጉይቴዳ ኡሳት ብድንላ ቆልና፡ ሄ ኡራ ቱናተላጥ ጌሻናዉ ዳንዳዮጥ፡

14 ሙድና ጌሻ አያና ባጋና ባላይ ባይና ያርሹዋዳን፡ ጸሐዉ ባረና እሜዳ ክርሰቶሳ

ሱላይ፡ ኦን ደኡዋ ጸሐዉ ኦላና ማላ፡ ካሰ ኦ ሀይቁዳ ኦሱዋጥ ኦ ሱረ ዋዛና ዋት ጌሻንዳሻ!

15 ሄዋ ድራዉ፡ ጸሐይ ጴሴዳዋንቱ እ እማና ጌዳ ሙድና አንጂዋ ላታና ማላ፡ ክርሰቶሰ ኦራፋ ጫቆ ጋናቴዳ፤ ሄዌ ሀናና ዳንዳይያዌ፡ አሳይ ኮይሮ ጫቁዋጥ ጋርሳን ደኤደ ኦሴዳ ባላ አይለተላጥ ከሰያ ሀይቁ ደእያ ድራሳ።

16 አያዉ ሳጥ፡ ሀይቁያ ኡራይ ዋይቴዳዌ ደኣጥ፡ ሄ ኡራይ ሀይቆዌ ኤረታናዉ ኮሹ።

17 አያዉ ሳጥ፡ ዋይቴዳ ኡራይ ሀይቁዳ ዋደ፡ አ ዋይቴዳዌ ፖለቴዳ፤ ሄ ዋይቴዳዌ ፓጻ ደእሸን፡ አይነ ፖለተና።

18 ሀራይ አቶ፡ ኮይሮ ጫቁካ ሱላይ ባይናን እንጀትቤናዌ ሀዋሳ።

19-20 አያዉ ሳጥ፡ ሀግያን ደእያ አዛዙዋ ኡባ ሙሴ አሳ ኡባዉ ኦዳዳ፤ ሄዋጥ ጉይያን፡ ጋሎ ማራ ሱላን ዳሻ ሱላ፡ ሃላና፡ ዘኦ ዶርሳ እሰክያናን ህሰጽያ ግያ ሞላ ቦንጭያና አትጥ አኪደ፡ “ሀዌ ህንተንታ ጸሐይ አዛዜዳ ጫቁዋ ሱላ” ያገደ፡ ሀግያ ማጻፋ ቦላን አሳ ኡባ ቦላ ጫጫፊደ።

21 ሄዋዳንካ፡ ዲንካንያ ቦላን ኦሳያ ሚሻ ኡባ ቦላ ሱላ ሙሴ ጫጫፊደ።

22 ህጊ ግያዋዳን፡ ቱሙካ አማሬዳዋጥ አትን፡ ኡባባይካ ሱላን ጌዬ፤ ሱላይ ጉካና ጳዮጥ፡ አቶተላይ ባዋ።

ክርሰቶሰ ያርሸቴዳዌ ናጋራ ቁጭ ቋይሴ

23 ሄዋ ድራዉ፡ ሳሉዋን ደእያዋንታ ማላትያዋንቱ ሄ ያርሹዋን ጌያናዉ ኮሹ፤ ሸን ሳሉዋን ደእያዋንቱካ ባረንቱ ሁጳዉ ጌያናዉ አድያ ያርሹዋ ኡንቱንታ ኮሹ።

24 አያዉ ሳጥ፡ ክርሰቶሰ ቱሙ ጌሻ ሳን ለምሰትያ አሳይ ኦሴዳ ጌሻ ሳ ገልቤና፤ ሸን እ ሀእ ኦ ግሻታዉ ጸሐ ሰንፋን ቤታናዉ ያ ሳሉዋ ገሌዳ።

25 ቁሳቱዋ ኡባቱዋ ካፑ ላይላን ላይላን ባረ ሱላ ግደናዋ ኦይቂደ፡ ጌሻ ሳኣ ገልያዋዳን፡ ክርሰቶሰ ባረና ኡባደ ያርሻናዉ ገልቤና።

26 ሄዋ ግድንቶ፡ ክርሰቶሰ ሳኣይ ሙቶደጥ ደሚደ ዳር ገደ ዋየታናዉ ኮሹ፤ ሸን ሀእ ዋድያ ዉርሰላን ናጋራ ቋይሳናዉ ባረና ያርሺደ፡ ላኤናን እት ገደ ቤቴዳ።

27 አሳይ ኡባይ እት ገደ ሀይቃናዉ በሴ፤ ሄዋጥ ጉይያን ጸሐይ አሳ ፕርዳና።

28 ሄዋዳንካ፡ ቃይ ክርሰቶሰ ዳር አሳ ናጋራ ቋይሳናዉ እት ገደ ያርሸቴዳ፤ ቃይ እ ባረና ሎይላ ናግያዋንታ አሻናዉ ቤታናጥ አትን፡ ላኤንሎ ናጋራ ቶካናዉ ቤተና።

10

1 አያዉ ሳጥ፡ ሀገዉ ያና ሎኦባ ኤሹዋ ጸላላይ ደኤ፤ አዉ ቱሙ ለምሱ ባዋ። ኡባ ዋደ ላይላን ላይላን እት ማላ ያርሹ ያርሸቴ፤ ሄዋ ድራዉ፡ ህጊ ጸሐኮ ሸቅያ አሳ ሄ ያርሹዋን ባላይ ባይና አሳ ኦላናዉ ኡባካ ዳንዳዮና።

9:2 ከሳ 26:1-30፤ 25:31-40፤ 25:23-30 9:3 ከሳ 26:31-33 9:4 ከሳ 30:1-6፤ 25:10-16፤ 16:33፤ ገይ. 17:8-10፤ ዛረ. 10:3-5 9:5 ከሳ 25:18-22 9:6 ገይ. 18:2-6 9:7 ዋጋ 16:2-34 9:13 ዋጋ 16:15-16፤ ገይ. 19:9፤ 17-19 9:19-20 ከሳ 24:6-8 9:21 ዋጋ 8:15 9:28 አሳ. 53:12

2 ጸሐፊ ጎይንያ አሳይ ባረ ናጋራፕ ኡባና ጌዬዳባ ግድንቶ፡ ሱረ ዋዛናን ላኤንሎዋ ናጋራ ቆፕና፤ ቃይ ያርሽያዋካ አጋና።

3 ሸን አሳይ ላይላን ላይላን ሄ ያርሹዋን ባረ ናጋራ ሀሳዬ።

4 አያው ጎፕ፡ ኮሩማ ሱላይነ ዳሻ ሱላይ ናጋራ ቆይሳናው ኡባካ ዳንዳየና።

5 ሄዋ ድራው፡ ክርስቶስ ሀ አላምያ ያና ሀኒደ፡ ሀዋዳን ያጌዳ፤

“ኔን ያርሹዋን እሙዋ ኮያበይካ፤

ሸን ታው ቦላ ጊግሳዳ።

6 ኔን ጸግያ ያርሹዋን፡

ናጋራ ያርሹዋን ኡባካ ናሽታካ።

7 ታን ሄ ዋደ፡ ‘ጸላ ማጻፋን ታባይ ጸፈቱዳዋዳንካ፡

ጸሐፊ፡ ታን ኔን ኮይያዋ አላናው ያድ። ያጋድ”

ያጌዳ።

8 ያርሹ ያርሽታና ማላ፡ ህጊ አዛዝያዋ ግደፕ፡ ክርስቶስ ኮይሮ፡ “ኔን ያርሹዋ፡ እሞታ፡ ጸግያ ያርሹዋን ናጋራ ያርሹዋ ኡባካ ኮያበይካ፤ ሄዋንቱን ናሽታካ” ያጌዳ።

9 ሄዋፕ ጉይያን ክርስቶስ፡ “ጸሐፊ፡ ታን ኔን ኮይያዋ አላናው ያድ” ያጌዳ። ሄዋ ድራው፡ ክርስቶስ ላኤንሎዋ ኡሳናው ኮይሮዋ ቆይሴ።

10 የሱስ ክርስቶስ ጸሐፊ ኮይዳዋ አሌዳ ድራው፡ ባረ አሹዋ ላኤንፍን እት ገደ ያርሹዳዋን ኮን ኑ ናጋራፕ ጌይ አጌድ።

11 ቁሳቱዋ ኡባቱ ሀቼ ሀቼ ኤቂደ፡ ባረ ኡሱዋ አሊኖ፤ ቃይ ናጋራ ቆይሳናው ኡባካ ዳንዳየና እት ማላ ያርሹዋ ዛር ዛሪደ ያርሺኖ።

12 ሸን ክርስቶስ ናጋራ ድራው፡ ኡባ ዋደው ግዴዳ እት ያርሹዋ ያርሺደ፡ ጸሐፊ ኡሸቻ ባጋና ኡት አጌዳ።

13 ጸሐፊ ሰንላፕ ክርስቶሳ ሞርከቱዋ ክርስቶሳው ገድያን የድያዋ አላና ጋካናው፡ ያን ናጌ።

14 አያው ጎፕ፡ እ እት ገደ ያርሹዳዋን፡ ናጋራፕ ጌዬዳዋንታ መድናው ባላይ ባይናዋንታ አሌዳ።

15 ቃይ ጌሻ አያናይ ኑው ማርካቲደ፡ ሀዋዳን ያጌ፤

16 “ታን ሄ ጋላሳቱዋፕ ጉይያን፡

ኡንቱንቱና ጫቀትያ ጫቁ ሀዋ፡

ታን ታ ሀግያ ኡንቱንቱ ቆፋን ዋላና፤

ቃይ ኡንቱንቱ ዋዛናንካ ጸፋና”

ያጌ።

17 ቃይ ሄዋፕ ጉየና፡

“ታን ኡንቱንቱ ናጋራ፡

ኡንቱንቱ ማካላ ኡሱዋ ላኤንሎ ሀሳይከ”

ያጌ።

18 ጸሐፊ ሄ ናጋራ አቶ ጌዳ ዋደ፡ ናጋራ ቆይሳናው ሀዋፕ ሰንላው ያርሹዋ ኮሸና።

ጸሐፊ ሸቃናው ኮሽ

19 ሰሞ ታናዳን አማንያዋንቶ፡ ኑን የሱሳ ሱላ ባጋና ኡባፕ አድያ ጌሻ ሳኦ ገላናው ኑው ጸላተላይ ደኤ።

20 ክርስቶስ ኑው ኡሱላ ኡግያን ደኤዋ ኡግያ ጋርዱዋ ባጋና፡ ሄዋ ጉሳይ ባረ ቦላ ባጋና ደዬዳ።

21 ኑው ጸሐ ጎላን ሰንፍቱዳ ዋልቃማ ቁሳይ ደኤያ ድራው፡

22 ኑን ሱረ ዋዛናና፡ ቱሙ አማኑዋና፡ ኢታ ዋዛናፕ ጌዬዳ ዋዛናና፡ ቃይ ጸሎ ሃላን ማጨቲዳ ቦላና ጸሐኮ ሸቆይተ።

23 ኑው አማና ጌዳ ጸሐይ አማንላያ ድራው፡ ኑን ደማና ጌደ ናሽቻን ናግ ኡቱዳዋ ሎይላ አይቆይተ።

24 እቱ እቱዋና ዋን ሲቀታንንቶን ቃይ ሎኦ ኡሱዋ ዋት አላንንቶ፡ እቱ እቶ ቆፕቶ።

25 እቱ እቱ ሸቆዋ ደያ አሊደ ሸቅያዋዳን፡ ኑንካ እትፕ ሸቅያዋ አጎኮ፤ ሸን ጎዳ ጋላሳይ ማታትያዋ ሀንተንቱ በኤያ ድራው፡ እቱ እቱዋ መንፍቶ።

26 ኑን ቱማተላ ኤራ አክ ድጊደ፡ ኤሪደ ናጋራ አላያዋ ግደፕ፡ ሀዋፕ ሰንላው ናጋራ ቆይሴያ ያርሹ እትባይነ ባዋ።

27 ሸን ያሽያ ፕርዳ ናግያዋን ጸሐ እጽያ ኡባ ማናው ዋልቃማ ታማይ ደኤ።

28 ሙሴ ህገው አዛዘተና ኡራይ፡ ላኤ ኡራይ ዋይ ሄዙ ኡራይ አ ቦላ ማርካቶፕ፡ ቃረት ባይናን ሀይቁ።

29 ጸሐ ናኦ ካጴዳ ኡራይ፡ ባረና ናጋራፕ ጌሹዳ ጸሐ ጫቁዋ ሱላ ቱናባዳን ቆፕዳ ኡራይ፡ ቃይ አቶ ከካተላ ጌሻ አያና ቦርያ ኡራይ፡ አይ ከና ኢታ ፕርዳ አካናው በሰንቶን አን ቆፕተ።

30 አያው ጎፕ፡ “ታን ሀሉዋ ከሳናን ኩሽያ ዛራና” ጌዳዋ ኑን ኤራቶ፤ ቃይካ፡ “ጎዳይ ባረ አሳ ፕርዳና” ያጌዳ።

31 ደኤዋ ጸሐ ኩሽያን ኩንዳናዌ ዳር ያሽያዋ።

32 ሀንተንቶ ጸሐ ፖኡ ፖኤዳዋፕ ጉይያን፡ ሀንተንቱ ዳርባን ዋየቲደ፡ ዋልቃማ ዋጋታን ገንጨዳ በን ዋድያ ሀሳይተ።

33 እት እት ገደ ሀንተንታ አሳ ሰንላን ቦሬድናን ፓጸ ካኤድኖ፤ ቃይ ሀራ ዋደ ሄዋዳን አሌዳዋንቱናን እትፕ ደኤድታ።

34 አያው ጎፕ፡ ቃሹዋን ደኤያ አሳቶ ሀንተንቱ ቃረቲድታ፤ ያቲደ ሀንተንቶ መድናው ዉረና ኡባፕ አድያ ሻሉ ሳሉዋን ደኤያዋ ሀንተንቱ ሀጸው ኤራዳ ድራው፡ ሀንተባ ኡባ አክ ድጎፕ ሀደታን ገንጨድታ።

35 ሄዋ ድራው፡ ዋልቃማ ዋይታና ደኤያ ሀንተንቱ ጸላተላ አሎፕተ።

36 ጸሐይ ኮይያዋ አሊደ፡ እ ሀንተንቶ አማና ጌዳዋ አካናው ገንጫና ኮሺ።

37 አያው ጎፕ፡ ጸሐ ማጻፋይ፡

“አማራዳ ዋዲ አቱዳ፡

ይያዌ ያናዋ፤ ጋሞኤና።

38 ታ ጸሎ አማንቲደ ደአናዋ።

ሸን ኡን ጉየ ሰሞፕ፡

10:5 ማዘ. 40:6-8 10:11 ከሳ 29:38 10:12 ማዘ. 110:1 10:16 ኤር. 31:33 10:17 ኤር. 31:34 10:22 ዋጋ 8:30፤ ህዘ. 36:25 10:27 ኢሳ. 26:11 10:28 ዛረ. 17:6፤ 19:15 10:29 ከሳ 24:8 10:30 ዛረ. 32:35፤ 36 10:37 እሞባ. 2:3-4

ታና ናሸቼና” ያጌ።
39 ኑን እማነቲደ እቲዳዋንቱ ባጋ ግድያዎጥ እትን፣ ጉየ ሰሚደ ቆዬዳዋንቱ ባጋ ግድዮ።

11

እማኑዋ

1 እማኑዋ ግያዌ፣ ደማና ጊደ ናሸቻን ናግ ኡቲዳባይ እማንሉያዋን በእናዉ ዳንዳየናባ ኤርሰያዋ።

2 ጸሳይ በን ጭማ አሳዉ ማርካታዌ፣ ኡንቱንቱ እማኑዳዋና።

3 ሳሉነ ሳኦይነ ጸሳ ቃላን መጠቲዳዋ እማኑዋን ኑን ኤሬቶ፤ ሄዋ ድራዉ፣ ቤትያባይ ቤተናባጥ መጠቲዳ።

4 እቤል ቃዬላዎጥ አድያ ያርሹዋ ጸሳዉ ያርሹዳዌ እማኑዋና። ጸሳይ እ እሙዋባ ማርካቲደ፣ እ ጽሉዋ ግዴዳዋካ ማርካቲዳ፤ እቤል ሀራይ አቶ ሀይቄዳሸንካ፣ ባረ እማኑዋን ሀእ ጋካናዉ ሃሳዬ።

5 ሄኖክ ሀይቀናን ሳሉዋ ቤዳዌ እማኑዋና፤ ጸሳይ አፌዳ ድራዉ፣ ኦንነ እ በእናዉ ዳንዳይቤና። ጸሳ ማጸፋይ፣ “ሄኖክ ሳሉዋ ባናጥ ካሰ ጸሳ ናሸቼዳ” ያጌ።

6 እማኑ ባይናን ኦንነ ጸሳ ናሸቻናዉ ዳንዳየና፤ እያዉ ሳጥ፣ ጸሳኮ ይያ ኦንነ ጸሳይ ደእያዋን ባረና ኮይያዋንቶ ዎይታ እምያዋ እማናናዉ ኮሹ።

7 ኖሄ በእናዉ ዳንዳየና ሰንፋጥ ሀናናባዉ ጸሳይ፣ “ኔና ናጋ” ጊና፣ ጸሳዉ ያዬደ፣ ባረናን ባረ ሶይ አሳ አሻናዉ ማርካብያ መዴዳዌ እማኑዋና፤ ያቲደ ሄዋን ሀ ሳኦ ሶላ ፕርዲደ፣ እማኑዋን ቤትያ ጽሎተካካ ጸሳጥ አኬዳ።

8 አብራሃም ላታናዳን፣ ጸሳይ ባረዉ እማና ጌዳ ጋድያ ባና ማላ፣ ጸሳይ ባረና ጸሴዳ ዎደ፣ አዛዘቲዳዌ እማኑዋና፤ እ ባረ ጋድያጥ ከሴደ ብያ ዎደ፣ ሀቃ ብንቶን ኤረናን ከሴዳ።

9 አብራሃም ጸሳይ ባረዉ እማና ጌዳ ጋድያን ሀራ ቢታ አሳዳን ደኤዳዌ እማኑዋና፤ ጸሳይ ሄ እማና ጌዳዋ ባረናና እትጥ ላታና ይሳቃናን ያቆባና ዳንካንያን ደኤዳ።

10 እያዉ ሳጥ፣ አብራሃም ጸሳይ ሎኦ ባሱዋን ቆጥደ ኬጶዳ ካታማ ናጌ።

11 ሳራ ባረ ሀጳዉ ሀራይ አቶ ኤጫደካ፣ እማና ጌዳ ጸሳይ እማነቲዳዋ ግዴዳዋ ኤሬዳ ድራዉ፣ ናኦ ሻሃራናዉ ዎልቃ ደሜዳዌ እማኑዋና።

12 ሄዋ ድራዉ፣ ሀይቄዳ አሳ ማላትያ እት ብታንያጥ ሳሉዋን ደእያ ጸልንትያ ኬና፣ አባ ጋጸን ደእያ ገይዱ ባይና ሻፍያ ኬና ዛራቱ የለቲድና።

13 ሄ አሳቱ ኡባቱ እማኑዋን ሀይቄድና፤ ባረንቶ ጸሳይ እማና ጌዳዋካ አክበይክና፤ ሸን ሃኩዋን ሄዋ በኢደ፣ ሳርቲድና። ቃይ ኡንቱንቱ

ሳኦን እማላን የደርሰቲደ ከሴዳ አሳቱዋ ግዴዳዋ ኤሬድና።

14 እያዉ ሳጥ፣ ሄዋዳን ግያ አሳቱ ባረንቱ ሀጳ ጋድያ ኮይያዋ ኤርሰና።

15 ኡንቱንቱ ሄ የጊደ ከሴዳ ጋድያ ሰማናዉ ቆጥዳዋ ግድንቶ፣ ጉየ ሰምያ ካጫ ደመናን አግክኖ፤ ሸን

16 ኡንቱንቱ ሄዋ አጊደ፣ ሎእያ ጋድያ ላሞቲኖ፤ ሄዋ ሳሉዋ ጋድያ። ሄዋ ድራዉ፣ ጸሳይ ኡንቱንቱ ጸሳ ጌተታናዉ ዬላተና። እያዉ ሳጥ፣ እ ኡንቱንቱ ካታማ ጊገሰ ዎሌዳ።

17-18 አብራሃም ይሳቃ ያርሻንንቶ ዎይ ያርሻንንቶ፣ ጸሳይ ኤሬናዉ ጸሞሴዳ ዎደ፣ አብራሃም እማኑዋን እ ያርሹዳ። ጸሳይ አብራሃማ፣ “ካ ዛሪ ይሳቃ ባጋና ጸሰታናዋ” ጌዳሸንካ፣ አብራሃም ባረ ናኦ ይሳቃ ያርሻናዉ ጊጌዳ።

19 አብራሃም ጸሳይ ይሳቃ ሀራይ አቶ፣ ሀይቄዎጥካ ጋላናዉ ዳንዳይያዋ ኤሬዳ፤ ሄዋ ድራዉ፣ ሀይቄዎጥ ጉየ እ ዛሪደ አኬዳ።

20 ይሳቅ ሰንፋጥ ሀናናባዉ ያቆባን ኤሳ ኡንጄዳዌ እማኑዋና።

21 ያቆብ ሀይቃና ሀኒደ፣ ኮሴፎ ናና ሀጳያን ሀጳያን ኡንጄዳዌን ጋትማን ጉፊቲደ፣ ጸሳዉ ጎይኔዳዌ እማኑዋና።

22 ኮሴፎ ሀይቃናዉ ማቲደ፣ እሰራኤልያ አሳይ ግብጾጥ ከሳናዋ ሃሳዬዳዌን ባረ መቀላ ኦሳናባ ኡንቱንታ አዛዘዳዌ እማኑዋና።

23 ሙሴ የለቲዳዎጥ ጉይያን፣ አዉነ አታ ማላ ሎኦ ናኦ ግዴዳዋ በኢደ፣ ሄዙ አገና ቆሴዳዌ እማኑዋና፤ ኡንቱንቱ ካትያ አዎኖካ ያይበይክና።

24 ሙሴ ድጩዳዎጥ ጉይያን፣ ግብጾ ካትያ ናት ናኦ ጌተታናዋ እጶዳዌ እማኑዋና።

25 ናጋራን ሙሴ ጉላ ዎድያ ናሸታናዎጥ፣ ጸሳ አሳና ዎየታናዋ ደሬዳ።

26 ዎደጥ ደማና ዎይታ እ ትሽ ኦሊደ ጶሎ ድራዉ፣ ግብጾ ጋድያ ሻሉዋ ኡባጥ ክርሰቶሳ ድራዉ ቦረትያዌ ዳር አድያ ዱረተላ ግዴዳዋ ቆጥዳ።

27 ካትያ ሀንቆ ሙሴ ያየናን፣ ግብጾ ጋድያጥ ከሴዳዌ እማኑዋና፤ እያዉ ሳጥ፣ ቤተና ጸሳ በኤዳዋዳን፣ ገንጪደ ሰንፋዉ ቤዳ።

28 ሀይቄዋ ከታንቻይ እሰራኤልያ አሳዉ ባይራ ናና ቦቼናዳን፣ ሙሴ ገሰጋ ቦንቼዳዌን ጉባንያን ሱላ ጫጫፍሴዳዌ እማኑዋና።

29 እሰራኤልያ አሳይ መላ ቢታን ሀመትያዎዳን፣ ዞኦ አባ ፕኔዳዌ እማኑዋና፤ ሸን ግብጾ አሳቱ ገጠጫ ገልሸን፣ ሃላይ ኡንቱንታ ሞት አጌዳ።

30 እሰራኤልያ አሳይ እያርኮ ግያ ካታማ ሹቻ ድርሳ ላፑ ጋሳሳ ዩይ ዩይ እቶዎጥ ጉይያን፣ ሄ ሹቻ ድርሳይ ኩንዴዳዌ እማኑዋና።

11:3 ደመላ 1:1፤ ማዘ. 33:6፤ 9፤ ኖሃ. 1:3 11:4 ደመላ 4:3-10 11:5 ደመላ 5:21-24 11:7 ደመላ 6:13-22
11:8 ደመላ 12:1-5 11:9 ደመላ 35:27 11:11 ደመላ 18:11-14፤ 21:2 11:12 ደመላ 18:11-14፤ 21:2
11:13 ደመላ 23:4፤ 1 ኡዲዋ 29:15፤ ማዘ. 39:12 11:17-18 ደመላ 22:1-14 11:20 ደመላ 27:27-29፤ 39-40
11:21 ደመላ 47:31 11:22 ደመላ 50:24-25፤ ከሳ 13:19 11:23 ከሳ 2:2፤ 1:22 11:24 ከሳ 2:10-12
11:28 ከሳ 12:21-30 11:30 ኢያሳ 2:1-21፤ 6:22-25

31 ጫራታ ራአባ የወዋ ቆርያዋንታ ሎይላ ሞኬዳ ድራው። ጸሳው አዛዘተናን እጹዳ አሳና ሀይቀናን አቴዳዌ አማኑዋና።

32 ስም ሀራባ ጉጃደ አያ ኦዶ? ጌዶናባ፣ ባራቃባ፣ ሳምሶናባ፣ ዮፍታሂባ፣ ዳዊተባን ሳሚላባ፣ ቃይ ናባቱዋባ ኦዳናው ታዉ ዋዲ ግደና።

33 ኡንቱንቱ ካትያ ኡባና ኦለቲደ ጸኔዳዌን ጽሎባ ኦሌዳዌ አማኑዋና፤ ያቲደ ጸሳይ አማና ጌዳዋ አኬድና፤ ጋሞቱዋ ደናካ ጎርዴድና።

34 ዋልቃማ ታማ ቶይሴድና፤ ኩሳ ማሻጥ አቴድና፤ ኡንቱንቱ ዳቡራንቻ፤ ሸን ምኔድና፤ ቃይ ኦላን ምኒደ፣ ሀራ ጋድያ ኦላ አሳ የደርሴድና።

35 ማጫዋንቱ ባረንቱ ሀይቄዳዋንታ ሀይቄዋጥ ደንድና አኬድና።

ቃይ ሀራንቱ ቃሹዋጥ ብለታናዋ እጲደ፣ ኬክያ ደኦ ሀይቄዋጥ ደንዳናው፣ ኡጋቲደ ሀይቄድና።

36 ሀራቱዋ ቦላ አሳይ ቅሊጭ ካኤዳ፤ ልሱዋን ሸጩቱድናን ሳንላላታን ቃሸቲደ፣ ቃሸ ጎልያ ገሌድና።

37 ሹቻን ጫደቱድና፤ ማጋዝያን ላኡ ከሲደ ጳልቀቱድና፤ ፓጩቱድና፤ ማሻን ሀይቄድና፤ ኡንቱንቱ ኡባባይካ ቆይና፣ ዋየቲደ ቱጋቲደ፣ ደርሳ ጫላን ዴሻ ጫላ ማዲደ ዩዬድና።

38 ኡንቱንቱ ሀ አላሚ ገገናን እጽና፣ ዋራን፣ ደርያን፣ ጎንጎሉዋ ግደንን ኦላ ግዲዋን ዩዬድና።

39 ጸሳይ ኡንቱንቱ አማኑዋ ማርካቶጥካ፣ ሄዋንቱ ኡባቱ እ፣ አማና ጌዳዋ አክበይክና።

40 ጸሳይ ኦዉ እት ሎኦ ቆፋ ቆጥ ዋሌዳ ድራው፣ ኡንቱንቱ ኦን ባይናን ባላይ ባይናዋንታ ግድክና።

12

ጸሳይ ኦዉ አዉዋ

1 ስም ኦዉ ሀዋ ኬና ዳሮ አሳይ፣ ሻርያዳን ኦ ማታን ዩይ አጲደ ማርካትያዌ ደእሸን፣ ኦና ቆቢያ ኡባባን ባቄ ኦይቄያ ናጋራ ድጊደ ኦ ሰንላን ደእያ ኦን ዋጸና ዋላ ገንጪደ ዋጸይቲ።

2 ኦን ኦ አማና ኦግያ ዳዬዳዋን ፖለሰያዋ ግዴዳ የሱሳ ጸሎይቲ። የሱሰ ዩላ ካጲደ፣ ሰንላጥ አዉ ደእያ ናሽቻ ድራው፣ ማሰቃልያ ቦላ ሞሰማርያን ድሸቲደ ሀይቃናዋ ገንጪደ፣ ጸሳ ካዉተላ ኦይድያጥ ኡሸቻ ባጋና ኡቴዳ።

3 ሀንተንቱ ሀንተንቱ ዋዛና ባይዚደ ዳቡረና ማላ፣ ናጋራንቻቱ ባረና ዳሮ እጽናካ ገንጩዳ የሱሳ ቆጥቲ።

4 ናጋራና ሀንተንቱ ባጸቲደ፣ ሱሳ ጉሳና ጋካናዉ ብሮ አለት ድግበይክታ።

5 ጸሳይ ባረ ናናዳን፣ ሀንተንታ ዘርያዋ ደጌድቱ? ጸሳይ ሀንተንታ፣ “ታ ናአዉ፣ ጸሳይ ኔና ሙርያ ዋደ፣ ላፋባዳን ቆፖፓ።

እ ኔና ሴርያ ዋደካ ያዮፓ።

6 አያዉ ጎጥ፣ እ ባረ ሲቅያ ኡራ ሙራ፤ ቃይ ባረ ናኣዳን እክያ ኡባካ ልሱዋን ሸጩ”

ያጌዳ።

7 ጸሳይ ሀንተንታ ሙርያ ዋደ ገንጭተ። አያዉ ጎጥ፣ እ ሀንተንታ ናናዳን ኦሌ። አዉ ሴረና ናኣይ ደኢ?

8 ናና ኡባ ሴርያዋዳን፣ ሀንተንታ ሙረናን አጎጥ፣ ካረን የለቴዳዋንታ ግዲታጥ አትን፣ ቱሙ ናና ግድክታ።

9 ሄዋ ቦላን ቃይ፣ ኦና የሌዳ ኦ አዋቱ ኦና ሙራዳ ዋደ፣ ኦን ኡንቱንታ ቦንቹደ። ያትና፣ ኦን ዋኒደ አያና አቦ ሎይላ ዳርሰ ሞደቲደ ደኦኮ?

10 አያዉ ጎጥ፣ ኦና የሌዳ ኦ አዋቱ ባረንታ ሎኦዋዳን፣ አማራዳ ዋድያ ኦና ሙራድና፤ ሸን ጸሳይ ኦን አ ጌሻተላ አካና ማላ፣ ኦና ማዳናዉ ሙራ።

11 ኦን ሙረትያ ዋደ፣ ሀእዉ ይሎዬ፤ ናሽቹና። ሸን ሙራዳዋንቶ ጉየጥ ሄ ሙራይ ጽሎተላ ደኡዋ ሳርተላ ዋይታ አማና።

ዘርያን ሴራ

12 ሄዋ ድራው፣ ሀንተንቱ አርጋጩዳ ኩሽያን ሀንተንቱ ዳቡራዳ ጉልባታ መንግሥተ።

13 ዋቢያ ገዲ ፓጸናጥ አትን፣ ቡርቀና ማላ፣ ሱረ ኦግያን ሀመትተ።

14 አሳ ኡባና ሳሮ ደአናዉ ሞንተ፤ ቃይ ጌሻ ደኡዋ ደእተ። አያዉ ጎጥ፣ ጌሻተላይ ባይናን ኦን ጎዳ በአናዉ ዳንዳየና።

15 ጸሳ አጶ ኬካተላ ኦን እክናን አተና ማላ ናገትተ፤ ቃይ ደላደ፣ ባረ ማርካያን አሳ ዋይሰያ ጫሞ ሞላዳን ሀኒደ፣ ኦን ዳሮ አሳ ቱንሰና ማላ ናገትተ።

16 ዋሹማናዉ ካጃልያ አሳይ ኦን ደኤና ማላ፣ ዋይ ቃይ እት ገደ ሞያባዉ ባረ ባይራተላ ዛልኤዳ፣ አያናባ ካዉሸሰያ ኤሳ ማላ አሳይካ ደኤና ማላ ናገትተ።

17 ሄዋጥ ጉይያን፣ ኤሳይ ባረ አቡ አንጂዋ አካናዉ ኮዬዳዋ ኤሪታ፤ ሸን አ አቡ አ አንጀናን እጹዳ፤ አያዉ ጎጥ፣ ናጋራጥ ሰምያ ኦግያ እ ሀራይ አቶ፣ አፎጽ ኮዬደካ ደማናዉ ዳንዳይቤና።

18 ሀንተንቱ ቦቻናዉ ዳንዳይያ ደርያኮን ኤጽያ ታማኮ፣ ቆማኮ፣ ሻርያኮን ጎቱዋኮ።

19 ቃይ ማላካታ ዋሱዋኮን ቃላ ኮሻኮ ይበይክታ። አሳይ ሄ ኮሻ ሰሴዳ ዋደ፣ ሀራ ጉጅ ሰሰና ማላ ዋሴዳ።

20 አያዉ ጎጥ፣ ጸሳይ ኡንቱንታ፣ “ሀራይ አቶ፣ ደአይካ ሄ ደርያ ቦቻጥ፣ ሹቻን ጫደቲደ ሀይቆ” ያጌዳ አዛዘዋ ኡንቱንቱ ገንጫናዉ ዳንዳይቤክና።

21 አይፍያን ቤትያዌ ዳሮ ዳጋንሐያዋ ግድያ ድራዉ ሙሴ፣ “ታን ያሻን ኮኮራይ” ያጌዳ።

11:32 ዳኔላ 6:11—8:27፤ ዳና. 4:6—5:31፤ ዳና. 13:2—16:31፤ ዳና. 11:1—12:7፤ 1 ሳሜላ 16:1—1 ካታ. 2:11፤ 1 ሳሜላ 1:1—25:1 11:33 ዳኔላ 6:1-27 11:34 ዳኔላ 3:1-30 11:35 1 ካታ. 17:17-24፤ 2 ካታ. 4:25-37 11:36 1 ካታ. 22:26-27፤ 2 ኦዲዋ 18:25-26፤ ኤር. 20:2፤ 37:15፤ 38:6 11:37 2 ኦዲዋ 24:21 12:5 ኢዮባ 5:17፤ ለም. 3:11-12 12:12 ኢሳ. 35:3 12:13 ለም. 4:26 12:15 ዛረ. 29:18 12:16 ደመላ 25:29-34 12:17 ደመላ 27:30-40 12:18 ከሳ 19:16-22፤ 20:18-21፤ ዛረ. 4:11-12፤ 5:22-27 12:20 ከሳ 19:12-13 12:21 ዛረ. 9:19

22 ሽን ህንተንቱ ጽዮን ደርያ፣ ደኦ ጸሳይ ደእያ ካታማ፣ እትጥ ሺቂደ ናሽትያ ዳር ሻኦ ኪታንቻቱዋኮ ሳሉዋ የሩሳላመ ዬድታ።

23 ጸሳ ያረፈ ናናቱዋኮ፣ እትጥ ሺቂደዋንቱኮ፣ እንቱንቱ ሱንሳይ ሳሉዋን ጸፈቱደዋንቱኮ ዬድታ፤ ቃይ እሳ ኡባ ፕርድያ ጸሳኮን፣ ባላይ ባይናዋንታ ኦሌዳ ጽሎ እሳቱዋ እያናቱዋኮ ዬድታ።

24 ኦራላ ጫቆ ጋናትያ የሱሳን አቤላ ሱላፕ አድያዋ ኦድያ ጉኬዳ ሱላኮ ዬድታ።

25 ህንተንቶ ኦድያ ኡራ የወዋ ሰሰያዋ ህንተንቱ እጸና ማላ፣ ህንተንታ ናግተ። ጸሳ ኪታ ሳኦን ባረንቶ ኦድያዌ ኦድያዋ ሰሰና እጾዳዋንቱ አታና ጳዮፕ፣ ሳሉዋን፣ “ህንተና ናግተ” ግያ ጸሳፕ ኩን ዋኒደ አታኔ?

26 ሄ ዋደ አ ኮሻይ ሳኦ ቃሌዳ፤ ሽን አ ሀእ፣ “ታን ሳኦ ጸላላ ግደናን፣ እት ገደ ጉጃደ ሳሉዋካ ቃላና” ያጌዳ።

27 “እት ገደ ጉጃደ” ግያ ቃላይ ቃጸናባይ ሞኒደ ደእና ማላ፣ መጠቅዳባይ ቃጸናዋን ክቻናዋ ጌሺደ በሴ።

28 ኩን ቃጸናዉ ዳንዳየና ካዉተላ አክያ ድራዉ፣ እን ጸሳ ጋላቶይተን አ ናሽቻይተ፤ አዉ በሰያዋዳን ቦንቹዋንን ያሻተላን አዉ ጎይናይተ።

29 አያዉ ጎፕ፣ ኩ ጸሳይ ቱሙ ባይዝያ ታማ።

13

ጸሳ ኩን ዋት ናሽቻናዉ በሰንቶ

1 ህንተንቱ እሻቱዋ ሲቅያዋ አጎፕተ።

2 እማላ ሞክያዋካ ደጎፕተ። አያዉ ጎፕ፣ ያትያዋን እት እት አሳይ ኤረናን ኪታንቻቱዋ ሞኪዳ።

3 ቃሾ ጎለን ደእያዋንቱባ ህንተንቱካ እንቱንቱና እትጥ ቃሾ ጎለን ደእያዋዳን ቆፕተ፤ ቃይ ህንተንቱ ህንተንቱ ሁጸዉ ዋየትያዋዳን፣ ዋየትያዋንቱባ ቆፕተ።

4 አክያዋን ገልያዋ አሳይ ኡባይ ቦንቻናዉ በሴ፤ ቃይ አሰናይን ማቻታ እቱ እቶ አማንታናዉ በሴ፤ አያዉ ጎፕ፣ ጸሳይ ዋሹማናዉ ካጃልያዋንታን ዋሹምያዋንታ ፕርዳና።

5 ሚሻ ሲቁዋፕ ህንተንታ ናግተ፤ ህንተንቶ ደእያዌ ህንተንቶ ግደ። አያዉ ጎፕ፣ ጸሳይ ባረ ሁጸዉ፣

“ታን ኔና ኡባካ የግከ ዋይ ኦግከ”

ያጌዳ።

6 ሄዋ ድራዉ፣ ኩን ጸሊደ፣

“ጎዳይ ታና ማድያዋ፤

ታን ያይከ።

አሳይ ታና አይ ኦሊ?”

ያጌቶ።

7 ጸሳ ቃላ ህንተንቶ ኦዳዳ ህንተንታ ካለሌዳዋንታ ሀሳይተ፤ እንቱንቱ ዋን ደኤድናንቶን ሀሳይተ፤ ቃይ እንቱንቱዋዳን አማንተ።

8 የሱሰ ክርሰቶሰ ዝናካ ሀቼካ መድናዉካ ላመተና።

9 ዱማ ዱማ ኦራላ ትምርትያን ዋራ ቦፕተ። ኩ ዋዛናይ ጸሳ አቶ ኪካተላን ምኖፕ ሎኦ ግድያዋፕ አትን፣ ቁማ ዋጋቶ አዛዘትያዋ ግደና፤ ሄዋ አዛዘቱዳዋንቱካ ማደትቦይክና።

10 ኩዉ ያርሽያሳይ ደኤ፤ ዱንካንያ ግደን ኦላያዋንቱ ሄ ያርሽያ ሳፕ ማናዉ እንቱንቶ ማታይ ባዋ።

11 ቁሳቱዋ ኡባቱዋ ካፑ ናጋራ ድራዉ፣ መሀያ ሱላ ያርሻናዉ ኡባፕ አድያ ጌሻ ሳኦ አፌ፤ ሽን ሄ መሀያ አሹዋ ቃይ ድርሳፕ ካረና ጉዳ።

12 ሄዋ ድራዉ፣ የሱሰካ ቃይ ናጋራፕ አሳ ባረ ሱላን ጌሻናዉ፣ ካታማ ፕንግያፕ ካረና ዋየቱዳ።

13 ሰም ኩን አ ቦረቱዳ ቦርያ አኪደ፣ ድርሳፕ ካረ እኮ ከሰይተ።

14 አያዉ ጎፕ፣ ኩዉ ሀዋን መድናዉ ደእያ ካታማይ ባዋ፤ ሽን ኩን ያና ካታማ ናጌቶ።

15 ሰም ጸሳዉ የሱሳ ባጋና ኡባ ዋደ ጋላታ ያርሹዋ እሞይተ፤ ሄዋ ግያዌ መተርሻይ አ ሱንሳዉ እምያ ጋላታ ግያዋ።

16 ሎኦባ ኦላያዋን እቱ እቱዋ ማድያዋ ደጎፕተ። አያዉ ጎፕ፣ ጸሳ ናሽቻያዌ ሄዋ ማላ ያርሹዋ።

17 ህንተና ካለላያዋንቶ አዛዘትተ፤ ቃይ እንቱንቱ አዛዘያዋካ ኦላተ። እንቱንቱ ባረንቱ ኦሌዳዋ ጸሳዉ ኦዳና ድራዉ፣ ህንተንቱ ሽምፑዋ ሎይላ ናጌና፤ ህንተንቱ እንቱንቶ አዛዘቶፕ፣ ባረንቱ ኡሱዋ ናሽቲደ ኦላና፤ ሄዌ ጳዮፕ፣ እንቱንቱ ይሎቲደ ኦላና፤ ሄዌ ህንተንታ አይን ማደና።

18 ኩዉ ጸሳ ዋሰተ። ኩን ኡባ ዋደ ሎኦባ ኦላናዉ ኮይያ ድራዉ፣ ኩና ዘርያ ሎኦ ዋዛናይ ኩዉ ደኤ።

19 ጸሳይ ታና ህንተንቱኮ ኤለካ ዛራና ማላ፣ ጸሳ ህንተንቱ ሎይላ ዋሳናዳን፣ ታን ህንተንታ ሎይላ ዋሳይ።

ዋሳ

20 ሳርተላ ጸሳይ፣ ኩ ጎዳ የሱሳ፣ ድርሳቱዋ ሄንላንቻ ዋልቃማ፣ መድና ጫቁዋ ሱላን ሀይቁዋፕ ደንሌዳ።

21 ጸሳይ የሱሰ ክርሰቶሳ ባጋና ባረ ሰንላን ባረና ናሽቻያዋ ህንተንታ ኦሰሰደ፣ ህንተንቱካ አ ኮዌዳዋ ኦላና ማላ፣ ሎኦ ኡሱዋ ኡባን ህንተንታ አ ጌግሶ፤ ጸሳይ መድ መድናዉ ቦንቹቶ። አመንእ።

ቁተላ ቃላ

22 ታናዳን አማንያዋንቶ፣ ታን ሀ ዳብዳቢያ ህንተንቶ ቃንላን ጸፊዳ ድራዉ፣ ህንተንቱ ሀ ዘርያ ሳለተናን ሰሳና ማላ፣ ታን ህንተንታ ዋሳይ።

23 ኩ እሻይ፣ ጽሞቶሰ ቃሹዋፕ ብለቲዳዋ ኤርተ። ኤሌል አ ሃ ዮፕ፣ ታን አናና ባደ ህንተንታ በአና።

24 ህንተና ካለላያ ኡባቱዋን ጸሳ አሳቱዋ ኡባ ሳር ሳር ጌተ። ጸልያፕ ዬዳ አማንያዋንቱ ህንተንታ ሳር ሳር ጌና።

²⁵ አዲስ ከካተላይ ህንተናና ኡባና እትጥ ግድ።
አመንእ።

ያቆብ ጻፌዳ ኪታ ገሉቀ

ሀ ኪታ ጻፌዳ ያቆብ ጎዳ የሱሳ እሻጥ አትን ታማነ ላኡ የሱሳ ካልያዋንቱ፣ እቱዋ ግደና። እካ የሩሳላሙን ደእያ አማንያ አሳ ካለአያ ጭማ (ጋል 2:9)። ሀ ኪታይ ጻፈቱዳዌ እት ዋሳ ጎላትወ ግደናን ርመ ካወተላ ግደን ላለቲዳ አይሁዳ አማንያዋንቱ ኡባቱዋሳ ግዳዳ፣ ኑናካ ሀቼ ሀቼ ደኡዋ ካለአያ ቆፋቱዋ ኦይቁዳ። ጻፈቱዳዌካ “አላምያ ኡባን ላለቲዳ ጸሳ አሳሳ”። ሀ ማጻፋ ጻፈዳዌ አይዳ ኤራተላ ኮን ኦሱዋን ፔሽያ ሂላን አማንያ አሳ ኤሻን ሀናታ ታማርሲያ ኦግያ ካለሱዋ እምያ የዋቱዋ ሞሰልያዳን ቆንጭያን በሴ።

ሀዩሳተላባ፣ ዱረተላባ፣ ፓጭያባ፣ ሎኦ ኤሻባ፣ ቃናትያባ፣ አማኑዋባን ሎኦ ኦሱዋባ፣ እንጻርሳ ማዲዋባን ቆሁዋባ፣ አይዳ ኤራተላባ፣ እቱ እቱዋና ዋላቀትያባ፣ ኦቶሩዋባን አሸከተላባ፣ ሀራ አሳ ቦላ ፕርድያዋ፣ ጨቁዋባ ዋይ አዩዋባ፣ ገንጫባን ዋሳባ፣ አማንያ አሳይ ደእናወ በሰያ ኦግያ ኡባ ጻፈዳ።

ኪታይካ ክርሰትና ደኡዋን አማኑ ኦሱዋን ፔሻና ሀናታባ ቆንጭሲዳ በሴ።

ሸምፓቱዋ ኡባቶ እመቴዳ ቃንሳ ቆፋቱዋ ገሉቀ 1:1

አማኑዋን አይዳ ኤራተላ 1:2-8

ሀዩሳተላባን ዱረተላ 1:9-11

ፓጭያ 1:12-18

ጸሳ ቃላ ሰሱሳን ኦሱዋ ቦላ ፔሹሳ 1:19-27
ሀንና ኦግያን እቱ ሀራወ ማደና ማላ እመቴዳ ኦዲዋ 2:1-13

አማኑዋን ኦሱዋ 2:14-26

አማንያ አሳን እንጻርሳ፣ ከሰያ ሃሳያ 3:1-18

አማንያ አሳን ሀ አላምያ 4:1—5:6

ዲማ ዲማ የዋ እመቴዳ ማቁዋ 5:7-20

1 ታን ያቆብ ጸሳ አይሊን ጎዳ የሱሰ ክርሰትሳ አይሊ፣ ቢታ ኡባን ላለቲዳ ታማነ ላኡ ዘረላቶ* ሳርታ ኪታይ።

ዳንዳያ፣ አማኑዋ፣ አይዳ ኤራተላ

2-3 ታናዳን ጸሳ ካልያዋንቶ፣ ሀንተ አማኑ ፓጭትያዌ ሀንተንቶ ዳንዳያ እማናዋ ኤሪደ፣ ዲማ ዲማ ፓጭ ሀንተና ጋክያ ዋደ፣ ሄዋ ኩመንሳ ናሸቻዳን ፓይድተ።

4 ሀንተ ዳንዳያይ እይን ባል ባይናን ሀንተና ሞኔዳዋንታን ፓጭ ባይናዋንታ ኦሊደ፣ ባረ ኦሱዋ ፖሎ።

5 ሸን ሀንተ፣ ኦንን ባረወ አይዳ ኤራተላይ ቆጥ፣ ካፍን ኡባወ ኬካተላን እምያ ጸሳ ዋሶ። እ አወ እማና።

6 ሸን እ አያንን ሰፍን አማኑዋን ጸሳ ዋሶ። አያወ ጎፕ፣ ሰፍያ ኡራይ ጫርኩ ሱግና ቃጽያ አባ ቤታ ማላ።

* 1:1 ቢታ ኡባን ላለቲዳ ታማነ ላኡ ዘረላቶ፡- ያቆብ ገደ ደእያ ቆፋይ፣ ጎዳ ካልያ አማንያዋንታ ግዲደ ታማነ ላኡ እሰራልያ ዘረላቱዋዳን ባረንቱ ሞርከቱዋን ቢታ ኡባ ላለት ጋኬዳዋንታ ጉሳ። 1:10 አሳ. 40:6-7 † 1:12 ደኡዋ ካላቻ፡- ቦንቼቴዳ ደኡዋ ጉሳ።

7-8 አያወ ጎፕ፣ ላኡ ቆፋይ ደእያ ኡራይ፣ ባረ ኦግያ ኡባን ባረ ቆፋ ቃቼናዌ፣ ሄ ኡራይ ጎዳ፣ አይን ደማናወ ቆፖ።

ሀዩሳ አሳን ዱረ አሳ ናሸቻ

9 ሸን ሀዩሳ እሻይ ጸሳይ አ ቶቁ ኦሌዳ ዋደ ናሸቶ።

10 ቃይ ዱረ እሻይካ ጸሳይ አ ካወሸሴዳ ዋደ ናሸቶ። አያወ ጎፕ፣ ዱረ ብታኒ ማታ ግደን ድጭያ ጨሻዳን ቆያና።

11 አያወ ጎፕ፣ አዋይ ባረ ሴላና ከሲደ፣ ማታ መልሰና፣ ጨሻይ ቆይ፣ ቃይ አ ማላ ሎኦተላይካ ቆይ፣ ሄዋዳንካ ቃይ ዱረ ብታኒ ባረዋ ኦሊደ ቆያና።

አሳ ቦላ ጋክያ ፓጭያ

12 ዋይያን ገንጭያ ኡራይ እንጀቴዳዋ፣ አያወ ጎፕ፣ ሄ ዋይያ ጸኔዳዋ፣ ጉይያን፣ ጸሳይ ባረና ሲቆያዋንቶ እማና ጌዳ ደኡዋ ካላቻ † አ አካና።

13 ኦንን ፓጭቴዳ ዋደ፣ “ታና ጸሳይ ፓጭ” ጎፖ። አያወ ጎፕ፣ ጸሳይ ኢታን ፓጭታናወ ዳንዳየና፣ ቃይ አ ባረ ሁጳወ ኦናን ፓጭና።

14 ሸን አሳይ ሁጳያን ሁጳያን ባረ ሁጳ ኢታ አሙዋን ጎሸትያ ዋደን ጭመትያ ዋደ ፓጭቴ።

15 ሄዋ፣ ጉይያን፣ አሙ ሻሃሪደ፣ ናጋራ የሌ፣ ቃይ ናጋራይ ድጫደ፣ ሀይቁዋ የሌ።

16 ታናዳን ጸሳ ካልያዋንቶ፣ ጭመቶ፣።

17 ሎኦ አሙዋ ኡባይን ኩመንሳ ዋይታ ኡባይ ሳሉዋ፣ ዩ። ሳሉዋ ፖኡዋ መጄዳ አወዋ፣ ዩ፣ ጸሳይ ባረ ሁጳወ ዲማተናን ዋይ ባረ ኩዋ ላመና።

18 ኦን እ መጄዳ መጋታቱዋ ግደን ቆቃሳ አካናዳን፣ ኦና ባረ ሸንያን ቱሙ ቃላን የሌዳ።

ሰሴዳዋ ኦሱዋን ፔሽያዋ

19 ታናዳን ጸሳ ካልያዋንቶ፣ ሀዋ ሀሳይተ፣ አሳይ ኡባይ ሰሳናወ ኤሌሎ፣ ሸን ሃሳያናወን ሀንቀታናወ ኤሌሎ።

20 አያወ ጎፕ፣ አሳ ሀንቁ ጸሳይ ኮይያ ጽሎተላ አሄና።

21 ሄዋ ድራወ፣ ቱና ሀናታ ኡባን ኢታተላ ኡባ ሀንተ፣ ቆይሲደ፣ ጸሳይ ሀንተ ዋዛናን ቶኬዳ ሀንተ ሸምፑዋ አሻናወ ዳንዳይያ ቃላ አሸከተላን አክተ።

22 ሸን ጸሳ ቃላ ኦሱዋን ፔሸተ፣ አትን፣ ሰሳ ጸላላን ሀንተ ሁጳያ ጭምፕተ።

23 አያወ ጎፕ፣ ቃላ ሰሲደ ኦፍ ኡራይ ደኦ፣ እ ባረ ማላ ማሰቶትያ ጸልያ ኡራ ማላ።

24 አ ባረና ጸሊደ ቤ፣ ኤላካ እ አይ ማላንቶን ደግ አጌ።

25 ሸን ኦንን አይለተላ፣ ከሰያ ባል ባይና ሀግያ ጸሊደ፣ እን አቆያዌ ቃይ አ ናግያዌ፣ ሰሴዳዋካ ደገናዌ፣ ሄ ኡራይ ባረ አልያ ኦሱዋን እንጀታና።

26 ባረ እንጻርሳ ናገናን ባረና ጭሚደ፣ ባረወ ጸሳ ጎይንያዋ ማላትያ ኡራይ ደኦ፣ አ ጎይናይ መላ።

27 ጸሳ አወዋ ሰንፋን ፖኩ ባይና ጌሻ ጎይናይ ሀዋ፤ ሄዋ ሀቃዋ ጎፕ፡ አታ አወ ባይና ናናቱዋን ዋየትያ አምኤቱዋ ማዳናዋን ሳኣ ናጋራ ቅታፕ ባረ ሁጲያ ናጋናዋ።

2

ሀዋሳ ካፋናወ በሰና

1 ታናዳን ጸሳ ካልያዋንቶ፡ ሀንተ ኑ ቦንቾ ጎዳ የሱሰ ክርሰቶሳ አማን ደኢደ፡ ዳሙዋ ዳሊደ፡ አሳ ቦንቾፕተ።

2 አያወ ጎፕ፡ ዋርቃ ሞግዲዋ ዋሊደ፡ ሎኦ ማዩዋ ማዬዳ እት አሳይ ሀንተ ሸቆዋ ዮፕ፡ ቃይ ጨርቃ ማዩዋ ማዬዳ ሀዋሳ አሰካ ዮፕ፡

3 ሎኦ ማዩዋ ማዬዳ ብታንያ ሀንተ አላ ቦንቾደ አ፡ “ኔን ሀዋን ኡባፕ ሎኦያ ኦይድያን ኡታ” ጌደ ቃይ ሀዋሳ ብታንያ፡ “ኔን ሀንና ኤቃሻ፤ ዋይ ሀዋን ታ ገድያ ማታን ሳኣን ኡታ” ጎፕ፡

4 ያትና ሀንተ ሀንተ ግደን ሻኮተላ መድያዋንታን ኢታ ቆፋና ደኢያ ዳናቱዋ ግድክቱዬ?

5 ታናዳን ጸሳ ካልያዋንቶ፡ ሰሰተ፤ ጸሳይ ሀ ሳኣን ደኢያ ሀዋሳ አሳይ አማኑዋን ዲረታናወን ባረና ሲቅያዋንቶ አማና ጌዳ ሳሉዋ ካወተላ ላታናወ ደርቤነዬ?

6 ሸን ሀንተ ሀዋሳቱዋ ቶቼድታ። ዲረቱ ሀንተና ቱይይያዋንታ ግድክኖዬ? ኡንቱንቱ ሀንተና ዳናን ሞትያዋንታ ግድክኖዬ?

7 ሀንተወ አመቲዳ ሎኦ ሱንላ ቦርያዋንቱ ኡንቱንታ ግድክኖዬ?

8 ሸን ጸሳ ማጻፋን፡ “ሳ ሸሩዋ ነ ሁጲያዳን ሲቃ” ጌተቲደ ጸፈቲዳ ካትያ ሀግያ * ሀንተ ፖሎፕ፡ ሎኦባ ኡሊታ።

9 ሸን ሀንተ አሳ ዳሙዋ ዳሊደ ቦንቾፕ፡ ናጋራ ኡሊታ፤ ቃይ ሀጌ ሀንተ ቦላ፡ ሀግያ መንጠዳዋንቱዳን ፕርዳና።

10 አያወ ጎፕ፡ ኦንን ሀግያ ኡባ ናጌደ፡ እትኖ መንጠያዋ ግደፕ፡ ሄ ኡራይ ሀግያ ኡባ መንጠ።

11 አያወ ጎፕ፡ “ዋሹዋፓ” ጌዳዌ ቃይ “ዋጲፓ” ጌዳ፤ ሸን ኔን ዋሹማና ቆዮፕካ፡ ዋጲዳዋ ግደፕ፡ ሀግያ መንጠዳ።

12 አሳ አይለተላፕ ከሰያ ሀግያን፡ ፕርዳ አካና አሳቱዋዳን ሃሳይተነ ኡንቱንቱዋዳን አላተ።

13 አያወ ጎፕ፡ አሳ ማርቤና ኡራ ጸሳይ ማረናን ፕርዳና፤ ማርተላይ ፕርዳ ጸኔ።

አማኑዋን ኡሱዋ

14 ታናዳን ጸሳ ካልያዋንቶ፡ እት ኡራይ ባረወ አማኑ ደኤ ጎፕ፡ ቃይ አ አማኑዋ አ ኡሱ ኤርሳና ቆዮፕ፡ አ አይ ጎኣኔ? አ አማኑ አ አሻናወ ዳንዳዪ?

15 እት እሻይ፡ ዋይ እት ሞቻታ ካሎቶፕ፡ ቃይ ኡንቱንቶ ኡባ ጋላሰ ሞያባይ ቆዮፕ፡

16 ሀንተፕ እት ኡራይ ኡንቱንታ፡ “ሳር ቢተ። ታማ ሆእተ። ካሊደ ሚተ” ጌደ፡ ኡንቱንቶ ኮሽያዋ አማና ቆዮፕ፡ ኡንቱንታ አይ ጎኣኔ?

17 ሄዋ ድራወ፡ አማኑ ኡሱ ባይናን ባረካ ደኣፕ ሀይቄዳዋ።

18 ሸን እት ኡራይ፡ “ሳወ አማኑ ደኤ፤ ቃይ ታወ ኡሱ ደኤ። ኔን ነ አማኑዋ ነ ኡሱዋፕ ሻካደ ታና በሳ፤ ታንካ ታ አማኑዋ ታ ኡሱዋን ኔና በሳና” ጋና።

19 ኔን እት ጸሳይ ደኢያዋ አማናሳ፤ ሄዋ ሎኦ። ጸላሄቱካ ቃይ አማኒኖ፤ ያሻን ኮኮሪኖ።

20 ኔን ኤያይ! አማኑ ኡሱዋፕ ሻከቲደ ጎኤናዋ † ኤራናወ ኮያይ?

21 ኑ አቡ አብራሃም ባረ ናኣ ይሳቃ ያርሽያ ሳኣ ቦላ ዋሌዳ ዋደ፡ ባረ ኡሱዋን ጽልቤኔ?

22 አ አማኑ ከ አ ኡሱ እትፕ ኡሌዳዋን አ አማኑ አ ኡሱዋን ፖለቲዳዋ በእኪ?

23 ጸሳ ማጻፋይ “አብራሃም ጸሳ አማኑዳ። ጸሳይካ ሄዋ አወ ጽሎተላን ፓይዴዳ” ጌዳዌ ፖለቲዳ፤ ቃይ ጸሳ ዳቦ ጌተቲደ እ ደሰቲዳ።

24 አሳይ አማኖ ጸላላና ግደናን፡ ኡሱዋን ጽልያዋ ሀንተ በኢታ።

25 ሄዋዳንካ ቃይ ጫራታ ራኣባ ከተቶዋንታ ሞካደ ሀራ ኦግያና ኡንቱንታ ሞይዜዳ ዋደ፡ ባረ ኡሱዋን ጽላቢይኬ?

26 አያወ ጎፕ፡ ሸምፑ ሻከቲዳ ቦላይ ሀይቄዳዋ ግድያዋዳን፡ ሄዋዳንካ ቃይ ኡሱ ሻከቲዳ አማኑ ሀይቄዳዋ።

3

እንጻርሳ ናግያዋ

1 ታናዳን ጸሳ ካልያዋንቶ፡ ኑን ሀራቱዋፕ አድያ ፕርዳ አካናዋ ሀንተ ኤርያ ድራወ፡ ሀንተፕ ጮራቱ ታማርሰያዋንታ ግደፕተ።

2 ኑን ኡባይካ ዳርባን ባሌቶ፤ እት ኡራይ ባረ ሃሳያን ሙለካ ባላና ቆዮፕ፡ አ ባረና ናጋናወ ዳንዳይያ ባል ባይና አሳ።

3 ፓራቱ ኑወ አዛዘታና ማላ፡ ብጻላ ባርሲደ፡ ኑን ኮይያሳ ኡባ ኡንቱንታ አፊቶ።

4 በእተ፡ ማርካባቱካ ቃይ ሄዋ ኬና ዋልቃማ ግዲደ፡ ጎቱዋ ጫርኩዋን ላገቶፕካ፡ ኡንቱንታ ላግያዋ ባረዋ ኮይያሳ ዛሪደ ላግያ ቄር ጉላ ሞላን ላገቲደ ቢኖ።

5 ሄዋዳን እንጻርሳይ ቦላ ግደን ጉላ አሳተላ ግደፕካ፡ ዳር ዋልቃማባን ጨቀቱ።

ጉላ ታማይ ዋኒደ ዋልቃማ ዋራ ጉዲ! አኬክተ።

6 እንጻርሳይካ ታማ ማላ፡ እ ኑ አሳተላ ግደን ኢታባ ኡባ ኦላና ዳንዳይ፤ አሳተላ ኡባ ቱንሴ። ቃይ ኑ ደኡዋ ዋላካ ታማን ጉዴ፤ ጋናምያ ታማን እ ጉደታናዋ።

7 አያወ ጎፕ፡ ደአቱዋ፡ ካፋቱዋ ዛርያ፡ ትራን ጎሽታያ ሸሻቱ ዛርያን አባን ደኢያ መታቱዋ ዛርያ ኡባ አሳይ አድሴዳ፤ ቃይ ኡንቱንቱካ አዴድኖ።

* 2:8 ካትያ ሀግያ፡- ኡግፕ አፉዋን ጎኣያ ሀግያ፤ ሀዋ ብለላይ፡ ካትያፕ አመቲዳዋ ጉላ። ካቲ ኦኔ ጎፕ ጸሳፕ አመቲዳ ሀግያ። 2:8 ዋጋ 19:18 2:11 ከሳ 20:13፣ 14፤ ዛረ. 5:17፣ 18 † 2:20 ጎኤናዋ፡- ሀዋ ጉሳይ ሀይቄዳዋ ጉላ። 2:21 ደመላ 22:1-14 2:23 ደመላ 15:6፤ 2 ኦዲዋ 20:7፤ ኢሳ. 41:8 2:25 ኢያሳ 2:1-21 3:9 ደመላ 1:26

8 ሽን ኦንነ እንጸርሳ አድሳናው ዳንዳይቤና፤ እንጸርሳይ ዋድያ ማርዚ ኩሜዳ ጮኡ ጌና ኢታ ሙታ።

9 ኑን እንጸርሳን ኑ ጎዳነ አወዋ ጋላቴቶ፤ ቃይ እንካ ጸሳ ማላቲዳ ሙታዳ አሳ ሸቄቶ።

10 እት ዶናፕ ጋላታይነ ሸቃይ ከሴ። ታናዳን ጸሳ ካልያዋንቶ፣ ሄዌ ሄዋዳን ሀናናው በሰና።

11 ፑልቱ እት ኦላፕ ማልእያ ሃላነ ጫምያ ሃላ ፑልታናው ዳንዳዩ?

12 ታናዳን ጸሳ ካልያዋንቶ፣ ባላሰያ ግያ ሞላይ ዋጋራ አይፋናው ዳንዳዩ? ዋይ ዋይንያ ቱራይ ባላሰያ ግያ ሞላ አይፋናው ዳንዳዩ? ማጽነ ማጽነ ግያ ሃላፕካ ማልኦ ሃላይ ከሳና ዳንዳዩና።

ሳሉዋ አዴዳ ኤራነ ሳኦ አዴዳ ኤራ

13 ሀንተ ግድን አዴዳ ኤራንቻይነ እኩካንቻይ ኦኔ? ባረ ሎኦ ደኡዋን ኦሰቴዳ ባረ ኦሱዋ አዴዳ ኤራተላፕ ይያ አሸከተላን በሶ።

14 ሽን ሀንተ ዋዛናን ጫምያ ቃናቲነ ይርገ ደኦ። ቃይ ቱማተላ ቦላካ ዋርዶቶፕተነ ኦቶረቶፕተ።

15 ሄዋ ማላ አዴዳ ኤራተላይ ሳሉዋፕ ዋድያዋ ግደና፤ ሽን ሄዌ ሳኦባ፣ አሳዋ፣ ጸላሀቱዋ።

16 አያው ጎፕ፣ ቃናቲነ ይርገ ደኦ ሳን ዋላሳይነ ኢታ ኦሶ ኡባይ ደኦ።

17 ሽን ቦላፕ ይያ አዴዳ ኤራተላይ ኡባፕ ካሰ ጌሻ። ቃይ ሳርተላ ዶሰያዋ፣ አሸከነ ኤኖ ግያዋ፤ ቃይ ማርተላይነ ሎኦ አይፊ ኩሜዳዋ። ሰዲነ ሎኦ ማላትያ ኢታተላይ ባይናዋ።

18 ጽሎተላ አይፊ ሳርተላ ኦልያዋንቱ ሳርተላን ዘሬዳ ዘረላፕ ቤቴዳ።

4

ሀ አላምያ ኢታተላ ዶሰናን አጋናዋ

1 ኦላይነ ዋላሳይ ሀንተ ግዴዋ ሀቃፕ ዪ? ኡንቱንቱ ዬዳሳይ ሀንተ ቦላ ግድን ኦላትያ ሀንተ ናሽታናው ዋልቃማ አሙዋ አሞትያዋፕ ግደኔ?

2 ሀንተ አሞቲታ፤ ሽን ደምክታ፤ ዋዲታ። ሎይላ ኮይታ፤ ሽን ደማናው ዳንዳይክታ፤ ዋላቀቲታነ ኦላቲታ። ሽን ጸሳ ዋሰና ድራው፣ ሀንተ ኮይያዋ ደምክታ።

3 ጸሳ ዋሲታ፣ ሽን ደምክታ፤ ጋሱካ ባላ ኦግያን ዋሲታ። ሄዋ ሀንተና ናሽቶያዋን ፔሻናው ኮይያ ድራሳ።

4 ሰም ዋሹምያዋንቶ፣ ሀ አላምያና ዳቦትያዋ ጸሳው ሞርከ ግድያዋ ኤርክቱ? አያው ጎፕ፣ ሀ አላምያና ዳቦታናው ኮይያዋ ኦንነ ጸሳና ሞርከቱ።

5 ዋይ ጸሳ ማጻፋይ፣ “ጸሳይ ኑናን ዋሌዳ አያናይ ዋልቃማ አሙዋ ኑው አሞቲ” ግያዋ ሀንተንቶ ጮ ግያዋ ማላቲ?

6 ሽን ጸሳይ አዶ ኬካተላ አሊደ እሜ። ሄዋ ድራው፣ ጸሳ ማጻፋይ፣ “ጸሳይ ኦቶረትያዋንታ እጾ፤ ሽን ባረና ካዉሽያዋንቶ አዶ ኬካተላ እሜ” ያጌ።

7 ሰም፣ ሀንተ ጸሳው ሞደትተ። ያቲደ ጸላሀያና ኤቀትተ፤ እ ሀንተፕ ባቃታና።

8 ጸሳኮ ሸቀተ፤ እካ ሀንተኮ ሸቃና። ሀንተኖ ናጋራንቻቶ፣ ሀንተ ኩሽያ ሜጨትተ። ላኡ ቆፋይ ደእያዋንቶ፣ ሀንተ ዋዛና ጌሸተ።

9 ቱጋትተ፤ ካዮትተነ ዬክተ። ሀንተ ሚቻ ዬኮ ላምተ፤ ሀንተ ናሽቻካ ካዮ ላምተ።

10 ጎዳ ሰንላን ሀንተ ሁጲያ ቶቶተ፤ ቃይ እ ሀንተና ዶቁ ዶቁ ኦላና።

አሳ ቦላ ፕርድናን አጋናዋ

11 ታናዳን ጸሳ ካልያዋንቶ፣ እቱ እቱዋ ዝግርፕተ። ባረ እሻ ዝግርያዌነ አ ቦላ ፕርድያዌ ሀግያ ዝግሬነ ሀግያ ቦላ ፕርድ። ኔን ሀግያ ቦላ ፕርድ፣ ሀግያ ቦላ ፕርድያዋ ግዳሳፕ አትን፣ ሀገግ አዛዘትያዋ ግዳካ።

12 ሀግያ አምያዌነ ፕርድያዌ ጸሳ ጸላላ፤ እ አሻናውነ ጳይሳናው ዳንዳዬ፤ ሽን ነ ሾሩዋ ቦላ ፕርድያዌ ኔን ኦኔ?

ጨቀተናዳን እመቲዳ ዘርያ

13 ሀንተኖ፣ “ኡን ሀቼ ዋይ ዋንት ሄ ካታማ ባና፤ ሄዋን ላይላ ኡታና፤ ዘልአናነ ቃይ ሚሻ ዋድሳና” ግያዋንቶ፣ በእተ።

14 ዋንት ሀንተ ደኡ አያ ሀናንቶነ ኤርክታ፤ ጌላ ዋይው ሀንተ ቤቲደ፣ ጌዮፕ ጳይያ ፔኑዋ ማላ።

15 ሄዋ አገደ፣ “ጎዳይ ጎፕ፣ ኑን ደአና፤ ሀዋ ዋይ ሄዋ ኦላና” ጋናው በሴ።

16 ሽን ሀንተ ሀእ ሀንተንቱ ዶቃተላን ጨቀቲታ፤ ሄዋ ማላ ጨቁ ኡባይ ኢታ።

17 ሄዋ ድራው፣ ሎኦባ ኦላናው ኤሪደ ኦባና ኡራው ሄዌ ናጋራ።

5

ዱረ አሳሰ እመቲዳ ሞኖ ዘርያ

1 ሀእካ ሀንተኖ ዱረ አሳቶ፣ ሀንተ ቦላ ይያ ቱጋው “አየ! አየ!” ያገደ ዬክተነ ዝላልተ።

2 ሀንተ ዱረተላይ ባይ ድጌዳ፤ ቃይ ሀንተ አፍላካ ብልአይ ሞ ድጌዳ።

3 ሀንተ ዋርቃይነ ሀንተ ብራይ ሸእ ድጌዳ። ቃይ ሄ ሸእይ ሀንተ ቦላ ማርካታና፤ ሀንተ ቦላካ ታማዳን ማና። ሀንተ ሀንተ ሚሻ ሰንላው ዳጋይ ደኢታ።

4 እኬክተ፤ ሀንተ ጋደን ካላ ቆይጨዳ አሳቶ ጭግቤና ክራ ሚሻይ ዋሴ፤ ኡንቱንቱ ዋሱ ዋልቃማ ጎዳ ሀይላን ሰሰቴዳ።

5 ሀንተው እንጀትና፣ ሳኦን እሻሊደ ደኤድታ፤ ሹካ ጋላሳው ጳክያዋዳን፣ ሀንተ ቦላ ጳክድታ።

6 ጽሎ አሳ ቦላ ፕርድድታ፤ ቃይ አ ዋዴድታ፤ እ ሀንተናና ኤቀተና።

ጎዳ ላኤንሎ ዩሳ ዳንዳዳን ናግያዋ

7 ሄዋ ድራው፣ ታናዳን ጸሳ ካልያዋንቶ፣ ጎዳይ ያና ጋካናው ገንጭተ፤ ቢታ ጎሽያዌ አድልያ እራይነ አሱራ እራይ ያና ጋካናው ገንጨደ፣ አልኦ ካላ እ ዋት ናገደ ጋላ አክንቶ በእተ።

8 ሀንተካ ቃይ ገንጭተ፤ ሀንተ ዋዛና ሞንሰተ። አያው ጎፕ፣ ጎዳ ዩሳይ ማታቲዳ።

4:6 ሊሞ. 3:34 4:13 ሊሞ. 27:1 5:4 ዛረ. 24:14-15

9 ታናዳን ጸሳ ካልያዋንቶ፥ ጸሳይ ህንተ ቦላ ፕርደና ማላ፥ እቱ እቱዋ ቦላ ዙዙሞፕተ። በእተ፥ ፕርድያዌ ፕንግያን ኤቄዳ።

10 ታናዳን ጸሳ ካልያዋንቶ፥ ዋይያስነ ገንጫዉ ሌምሱዋ ግዴዳዋንታ፥ ጎዳ ሱንፋን ሃሳዬዳ ናባቱዋ ሀሳይተ።

11 በእተ፥ ዳንዳዪደ ገንጨዳዋንታ ኑን እንጀቱዳዋንታ ጌቶ። ኢዮባ ገንጫ ህንተ ስሴድታ፤ ቃይ ጎዳይ እዉ ዉርሰላን እሜዳዋካ ቤድታ። አያዉ ጎፕ፥ ጎዳይ ማርታይነ ቃርታይ ኩሜዳዋ።

12 ሸን ኡባፕ ካስ፥ ታናዳን ጸሳ ካልያዋንቶ፥ ሳሉዋን ግድና፥ ዋይ ሳኣን ግድና፥ ዋይ ሀራ ጫቁዋን ግድና፥ አያንካ ጫቆፕተ። ሸን ጸሳ ፕርደን ህንተ ገለናዳን፥ ህንተ የዉ ኤ ግያዋ ግደፕ፥ “ኤ” ጌተ፤ ግደና ግያዋ ግደፕ፥ “ግደና” ጌተ።

13 ህንተ ግደን ዋየትያ ኡራይ ኦንነ ደኦፕ፥ ጸሳ ዋሶ፤ ናሸትያ ኡራይ ኦንነ ደኦፕ፥ የጸደ ጋላቶ።

14 ህንተፕ ሳከትያ ኡራይ ኦንነ ደኦፕ፥ አማንያ አሳ ካለልያ ጭማቱዋ ባርኮ ጸሶ፤ ኡንቱንቱ ጎዳ ሱንፋን ዛይትያ አ ኦኪደ፥ አዉ ጸሳ ዋሶና።

15 አማኑዋን ጸሳ ዋሴዳ ዋሳይ ሀርጋንቻ ፓላና፤ ጎዳይካ አ ሀርግያፕ ደንፋና፤ ቃይ ናጋራ አ ኦሌዳዋ ግደፕካ ጎዳይ አዉ አቶ ጋና።

16 ሄዋ ድራዉ፥ ህንተ ፓጸና ማላ፥ ህንተ ናጋራ እቱ እቶ ፓጸተነ እቱ እቶ ጸሳ ዋሶተ፤ ጽሎ አሳ ዋሳይ ዋልቃማ ኦሱዋ ኦሌ።

17 ኤላሰ ኑ ማላ አሳ። እራይ ሳኣን ቡከናዳን፥ አ ሞንሲደ፥ ጸሳ ዋሶና ሄዙ ላይላነ ኡሱፑን አገና ሳኣን እራይ ቡክቤና።

18 ላኤንሉዋ ጸሳ አ ዋሶና፥ ሳሉዋፕ እራይ ቡኩዳ፤ ሳኣይካ ባረ ካላ ሞኬዳ።

19 ታናዳን ጸሳ ካልያዋንቶ፥ ህንተፕ ኦንነ ቱሙዋፕ ዋራ ቦፕ፥ ቃይ እቱ አ ጉየ ሄ ቱሙዋኮ ዛርፕ።

20 ናጋራንቻ አ ባላ ኦግያፕ ዛርያ ኦንነ አ ሸሞፑዋ ሀይቁዋፕ አሻናዋነ ዳር ናጋራ ካማናዋ ኤር።

5:11 ኢዮባ 1:21-22፤ 2:10፤ ማዘ. 103:8 5:17 1 ካታ. 17:1፤ 18:1 5:18 1 ካታ. 18:42-45 5:20 ሌሞ. 10:12፤ 1 ጳጵ. 4:8

ጳጳሮስ ጳፌዳ ኮይሮ ኪታ ገሉዋ

የሱስ ኪቲዳ ጳጳሮስ ጳፌዳ ኮይሮ ኪታይ ጳፊቲዳዌ፡ ሄ ኪታ ግድን “ደረቴዳ ጳሳ አሳቲዋ” ጌተቲደ ጸሰትያን ቁር ኢሰያን ሁጺሳ ባጋ ሻኩዋን ላለቲዳ አማንያዋንቲሳ። ሀ ኪታ ዋና ቆፋይ፡ አማኑዋ ጋሱዋን መቱነ ዋዪ ጋኬዳዋንታ ምንሳናሳነ መንግሳናሳ። ጸፊ ሀዋ ኦልያዌ አ ሀይቁዋ፡ አ ደንዲዋ፡ አ ላኔንሉ ዩሳ ኦድያ የሱስ ክርስቶሳ ምሽራቹዋ ቃላ ናባብያዋንታ ሀሳይሰያዋና። ኡንቲንቲ የሱስ ክርስቶሳ ደኡዋ ለምሱዋዳን አኪደ፡ መቲዋ ገንጫደ አቆናዳን ሀሳይሴ። ሀዋና እትገ ጋልያ ዋደ፡ መቲ ኡንቲንቲ አማኑዋ ጸልታተላ ፓጭያዋን የሱስ ክርስቶስ ቆንጭያ ጋላስ ኡንቲንቲ በሰያ ጋትያ አካናዉ ደእያዋ ኡንቲንታ ሀሳይሴ።

ጳፊ፡ ኡንቲንቲ መቲዋን ገንጫና ማላ መንግሳያዋ ቦላካ፡ ክርስቶሳ ካልያዋንቲ ደእያዋዳን ኡንቲንቲ ደእናዳን ቆፍሴ።

ሸምጋቲዋ ኡባዳ እመቴዳ ቃንሳ ቆፋቲዋ

- ገሉዋ 1:1-2
- ጳሳ አሸዋባ 1:3-12
- ጌዬዳ ደኡዋ ደእናዳን እመቴዳ ማቁዋ 1:13—2:10
- መቲዋ ዋደ አማንያ አሳይ ኦላና በሰያ አዋተላ 2:11—4:19
- አማንያ አሳ አሸከተላን ኡሱዋ 5:1-11
- ዉርሰላ ቁትያ 5:12-14

1 ታን፡ የሱስ ክርስቶስ ኪቲዳ ጳጳሮስ፡ ጳሳይ ደሬዳ አሳቶ ጳንጸሳ ጋድያን፡ ጋላትያ ጋድያን፡ ቃጳደቅያ ጋድያን፡ ኢሰያ ቢታንን ቢታንያ ጋድያን በትያን ደእያዋንቶ ዳብዳቢያ ጳፋይ።

2 የሱስ ክርስቶሳዉ ሀንተ አዛዘትና ማላን አ ሱላን ጌያና ማላ፡ ጳሳይ አዉ ደሬዳ ሀንተንቶ ባረ አያናን ጌሼዳዋንቶ፡ አቶ ኬካተላይን ሳርተላይ ግድ።

ደኡዋ አማና ጌዳ ሀደታ

3 ኑን ጳሳ፡ ኑ ጎዳ የሱስ ክርስቶሳ አዉዋ፡ ባረ ማሮተላ ዳሩዋዳንካ ኑና ላኔንሉዋ የሌዳዋ፡ የሱስ ክርስቶሳ ሀይቁዋገ ደንጮዳዋን ኑዉ ደኡዋ ሀደታ እማዳዋ ጋላቲቶ።

4 ቃይ ጳሳይ ሀንተንቶ አማና ደር ላታይ ዋቀናዌ፡ ባየናዌን ቆንጭዳ ሳሉዋን ናጌ።

5 ሄዌካ ሀንተንቶ፡ ጳሳ ዋልቃን አማኑዋን ናገት ኡቲደ፡ አቶተላዉ ጊጌዳዋንቶ ዉርሰላ ዋድያን ቆንጫናዋ።

6 ሀእ ጉላ ዋደዉ ሀራይ አቶ ዲማ ዲማ ፓጭያን ሀንተ ፓጫታናዉ ኮሾገካ፡ ሀዋን ዳር ናሽትተ።

7 ሄዌ ሀራይ አቶ፡ ታማን የግና ቆይያ ዋርቃገካ ሀንተ አማኑ ዳር አልኦን ባል ባይናዋ

ግድያዋ በሳናሳ፤ ያቲደ የሱስ ክርስቶስ ቤትያ ዋደ፡ ጋላታ፡ ቦንቹዋን ሳባ ሀንተ አካና።

8-9 ሀንተ አ ኤራና ቆየገካ፡ ሲቁታ፤ ሀንተ ሀእ አ በእና ቆየገካ፡ አማኒታ። ቃይ ሀንተ ሀንተ አማና ፖሎ ግድያ ሀንተ ሸምገዋ አቶተላ እክያ ድራዉ፡ ኦዳናዉ ዳንዳየተና ቦንቹ ኩማዳ ናሽታ።

10 ጳሳይ ሀንተንቶ አማና አቶ ኬካተላባዉ ትምቢትያ ኦዳዳ ናባቲ ሎይሳ ብዲደ፡ ሀ አቶተላባ ኮዬድና።

11 ኡንቲንቲን ደእያ ክርስቶሳ አያናይ ክርስቶሳ ቱጋባን ሄዋገ ጉይያን ያና ቦንቹዋባ ካሰቲደ ማርካቲደ፡ አዉደ ዋይ ዋይ ዋድያን ያንንቶን አኬክሴዳዋዳን፡ ኡንቲንቲ ኮዬድና።

12 ሄ ትምቢትያ ኦድያዋንቲ ኦሌዳ ኦሱ ሀንተሳገ አትን፡ ኡንቲንቲ ሁጺያሳ ግድናዋ ጳሳይ ኡንቲንቶ ቆንጭሴዳ፤ ሀእ ሀንተ ሰሴዳ ምሽራቹዋ ቃላ ሀንተንቶ ኦዳዳ አሳቲ፡ ባረዉ ሳሉዋገ ኪተቲዳ ጌሻ አያና ዋልቃን ኦዳድና። ሄዋ ኪታንቻቲካ በእናዉ አሞቲና።

ጌሻተላን ደእያዋ

13 ሄዋ ድራዉ፡ ኦሱዋ ኦላናዉ ሀንተ ዋዛናን ቆፋ ገግሲደ ሀንተ ሁጺያ ናግተ። የሱስ ክርስቶስ ቆንጭያ ዋደ አቶ ኬካተላ ሀንተ እክያ ድራዉ፡ ኩመንላ ሀደታን ናግተ።

14 ጳሳዉ አዛዘትያ ናናዳን፤ ሀንተ ካሰ ኤረናን አሞቴዳ እመጥ ካሎገተ።

15-16 ሸን ሀንተና ጳሴዳ ጳሳይ ጌሻ ግዳዳዋዳን፡ ሀንተካ ሀንተ ኦሱዋ ኡባን ጌሻ ግድተ። ጳሳ ማጸፋን፡ “ታን ጌሻ ግድያ ድራዉ፡ ሀንተካ ጌሻ ግድተ” ጌተቲደ ጳፊቲዳ።

17 አሳ ሁጺያን ሁጺያን ዳመጥ ጳላናን አ ኦሱዋዳን ፕርድያ ጳሳ ዋሲደ ሀንተ፡ “ኑ አቦ” ጊደ አ ጳሰያዋ ግድገ፡ ሀ አላምያን በተ ግዲደ ሀንተ ደእያ ዋድያን ያሻተላን ደእተ።

18-19 ሀንተ ሀንተ አዋቲዋገ ላቲዳ ፓና ደኡዋገ ዋዘቲዳዌ፡ ቆይያ ብራ ዋይ ዋርቃ ማላና ግድናዋ ኤሪታ፤ ቦርሰያባይ ዋይ ቅታይ ባይና ደርሳ ሱላዳን፡ አልኦ ክርስቶሳ ሱላን ሀንተ ዋዘቲድታ።

20 ጳሳይ ሳአይ መጋታናገ ካሰ ክርስቶሳ ደር ዋሌዳ፤ ሸን ሀንተ ድራዉ፡ ሀ ዋድያ ዉርሰላን እ ቤቲዳ።

21 ሀንተ አማኑን ሀንተ አካና ጊደ ናሽታን ናግ ኡቲዳባይ ጳሳን ደእና ማላ፡ ጳሳይ ሀይቁዋገ አ ደንጲደ፡ አዉ ቦንቹዋ እማዳዋ አን አማኒታ።

22 ቱማተላዉ ሀንተ አዛዘትያዋን፡ ሎኦ ማላትያ ኢታተላይ ባይናን ሀንተ እሻቲዋ ሲቃናዉ ሀንተ ሁጺያ ጌሺደ፡ እቲ እቲዋና ምንሲደ ዋዛናገ ሲቀትተ።

23 ሀንተ ሀይቁያ ዘረላገ ላኤንሉዋ የለትበይክታ፤ ሸን መድናዉ ደእያዋን ሰንላዉካ ደእና ጳሳ ቃላን ሀይቀና ዘረላገ የለቲድታ።

24 አያዉ ሳገ፡ ጳሳ ማጸፋይ፡ “አሳይ ኡባይ ማታ ማላ፤ አ ቦንቹ ኡባይካ ማታ ጫሻ ማላ። ማታይ መሌ፤ ጫሻይካ ቆቆፊቲ።

25 ሽን ጎዳ ቃላይ መድናዉ ደኤ” ያጌ። ሀዋ ሀንተንቶ ጎዳይ ኦዴዳ ሞሽራቹዋ ቃላ።

2

ደኤዋ ሹቻን ጌሻ አሳ

1 ሄዋ ድራዉ፡ ሀንተፕ ኢታተላ ኡባ፡ ጭምም ኡባ፡ ሎኦ ማላትያ ኢታተላ፡ ቃናትያን ዝግርሳ ኡባ ድግተ።

2-3 ጎዳይ ኬካ ግዴዳዋ ሀንተ ደኤዋን በኤዳዋ ግድፕ፡ ሀእ የለቴዳ ጋጭኖ ናናቱዋዳን፡ ኡሺደ ድጫናዉን አታናዉ ጽሎ ግዴዳ አያና ማላ ላዋትተ።

4 ጎዳኮ ደኤ ሹቻኮ ሺቅተ። አሳይ አ እጹዳ፤ ሽን ጸሳ ማታን እ ደረቴዳ አልኦ።

5 ሀንተካ ቃይ ደኤ ሹቻዳን፡ ጌሻ ቄሳ ግዲደ፡ የሱስ ክርሰቶሳ ባጋና ጸሳ ናሽቻያ አያና ያርሹዋ ጸሳዉ ያርሻናዉ፡ ሀንተ ሀንተ ሁጸዉ አያና ኬላዳን ኬጸትተ።

6 አያዉ ጎፕ፡ ጸሳ ማጻፋይ፡ “በእተ፡ ታን ጽዮን ግያ ካታማን ጎልያ ጎዳ ጸጹዋ ሞንሰያ፡ ደረቴዳ፡ አልኦ ሹቻ ዋላይ፤ አን አማንያ ኦንነ ዬላተና” ያጌ።

7 ሄዋ ድራዉ፡ ሀ ሹቻይ ሀንተንቶ አማንያዋንቶ ዳር አልኦ፤ ሽን አማንናዋንቶ፡ “ግምቢያዋንቱ ካጴዳ ሹቻይ ጎዳ ጸጹዋ ሞንሰያ፡ ኡባፕ አጵያ ሹቻ ግዴዳ” ያጌ።

8 ቃይካ፡ “ሀ ሹቻይ አሳ ጴቢያ ሹቻን አሳ ኩንድሰያ ዛላ” ያጌ፤ ኡንቱንቱ ጸሳ ቃላ አማንና ድራዉ፡ ኡንቱንቶ ካሰና ቆፈቴዳዋዳን ጴቢቴድኖ።

9 ሽን ጸሳይ ጴማፕ ማላልሰያ ባረ ፖኦ ሀንተና ጴሴዳ፤ ሀንተ እ ኦራሳ ኦሱዋ ኦዳናዉ ደረቴዳ ዛረ፤ ሀንተ ካትያ ቄሳቱዋ፤ ጌሻ አሳን ጸሳዉ ቡዞ አሳ።

10 ሀንተ ካሰ ጸሳ አሳ ግድክታ፤ ሽን ሀእ ሀንተ አ አሳ፤ ሀንተ ካሰ ማርተላ አክበይክታ፤ ሽን ሀእ ማርተላ አኬድታ።

ጸሳ አይላቱዋ

11 ታ ዳባቶ፡ ሀንተ ሀ ሳኦን እማላን በተ ግዲደ ደእያዋንታ ግዴዳዋዳን፡ ኡባ ዋይ ሀንተ ሸምቸዋና ኦለትያ አሳተላ አሙዋፕ ሀንተ ሃካና ማላ፡ ታን ሀንተና ዋሳይ።

12 አማንና አሳይ ሀንተና ኢታባ ኦልያዋንቱዳን ዝግርያ ዋይ፡ ክርሰቶሰ ይያ ጋላሰ ሀንተ ሎኦ ኦሱዋ ኡንቱንቱ አኬኪደ፡ ጸሳ ጋላታና ማላ፡ ሀንተ ደኤዋ ኡንቱንቱ ግድን ሎይሳ ናግተ።

13 ጎዳ ድራዉ፡ አሳ ሀግያ ኡባዉ ሞደትተ፤ ካትካ ኡባፕ ቦላ ግድያ ድራዉ፡ አዉ ሞደትተ።

14 ቃይ ጋድያ ሞድያዋንቶካ ሞደትተ። አያዉ ጎፕ፡ ኡንቱንቱ ኢታባ ኦልያዋንታ ሙራናዉን ሎኦካ ኦልያዋንታ ጋላታናዉ ካትያፕ ከተቴድኖ።

15 አያዉ ጎፕ፡ ጸሳይ ሀንተ ሀንተ ሎኦ ኦሱዋን ካጵያ ኤያ አሳቱዋ ሃሳያ ጮኡ ኡዳናዋ ኮዬ።

16 አይለተላፕ ከሲደ፡ ጸሳ አይልያዳን ደእተፕ አትን፡ ሄ አይለተላፕ ከሴዳዋ ኢታተላ ገንልያዋ ኦላፕተ።

17 አሳ ኡባ ቦንቻተ። ሀንተ እሻቱዋ ሲቅተ። ጸሳዉ ያይተ። ካትያ ቦንቻተ።

ክርሰቶሳ ጋኬዳ መቱዋ ሌምሱዋ

18 አይላቶ፡ ሀንተ ሎኦ ጎዳቱዋ ጸላላዉን አሽከ ጎዳቱዋ ጸላላዉ ግድናን፡ ኢታቶካ ዳር ያዩደ ሞደትተ።

19 አያዉ ጎፕ፡ አሳይ ናቂያ ዋይ ዋየትያ ኡራይ ጸሳ ቆፕደ፡ አገ ባይናን ናቀቶፕ ጸሳይ አ አንጅና።

20 አያዉ ጎፕ፡ ሀንተ ናጋራ ኦልና፡ ሀንተና ደቻያ ዋይ፡ ሀንተ ዳንዳዮፕ፡ ሀንተንቶ አይ ጋላታይ ደኤ? ሽን ሎኦካ ኦልደ ዋይያ ሀንተ ዳንዳዮፕ፡ ጸሳይ ሀንተና ሄዋ አንጅና።

21 ጸሳይ ሀንተና ጴሴዳዋ ሄዋ ድራሳ፤ አያዉ ጎፕ፡ ክርሰቶሰ ሀንተንቶ ዋየቱ፤ ሀንተ አ ቃታማ ካላና ማላ፡ ሀንተንቶ ሌምሱዋ ግዴዳ።

22 ናጋራ እ ኦልቤና፤ ባረ ደናፕ ዋርዲዋ ሃሳይቤና።

23 አሳይ ባረና ቦርያ ዋይ፡ ዛሪደ ቦርቤና፤ ዋየትያ ዋይካ ማንድቤና። ሽን ጽሎዋ ፕርድያ ጸሳዉ ባረና ኦልደ እሜዳ።

24 ኦን ናጋራዉ ሀይቂደ፡ ጽሎተላዉ ደኦና ማላ፡ ክርሰቶሰ ባረ ሁጸዉ ባረ አሹዋን ኦ ናጋራ ማሰቃልያን ቶኬዳ፤ ሀንተ አ ማይላን ፓጴድታ።

25 አያዉ ጎፕ፡ ሀንተ ኦጊ ባሌዳ ደርሳ ማላ፤ ሽን ሀእ ሀንተ ሸምቸዋ ሄምያዋኮን ናግያዋኮ ሰሜድታ።

3

አሰናባን ማቻያባ

1-2 ሄዋዳንካ ማቻቶ፡ ሀንተ አሰናቱዋፕ ጸሳ ቃላዉ አዛዘተና እቱ እቱ ደኡፕካ፡ ሀንተ ፓሉመተናን፡ ኡንቱንቱ ሀንተ ያሻተላን ሀንተ ጌሻ ደኤዋ በኢደ ጸነታና ማላ፡ ኡንቱንቶ ሞደትተ።

3 ሀንተ ሀንተ ሁጸያ አልኦካን ጊግሰያዋንነ ዋርቃ ዋልያዋን ዋይ አልኦ ማዩዋ ማይያዋን ሀንተንቱ ቦላ ባጋ ሎይሶፕተ።

4 ሽን ሀንተ ጋርሳን ቆሰቱዳ አሳተላ ሎኦተላይ ጸሳ ሰንላን ሀንተንቶ ዳር አልኦ ግዲደ፡ ጳየና አሽከነ ዋቸ ጌዳ አያና ግድ።

5 አያዉ ጎፕ፡ ሄዋዳን ጸሳን ሀይቱዳ ጌሻ ማጫ አሳቱ በን ዋይ ባረንቱ አሰናዉ ሞደቲደ፡ ባረንታ ዳር ሎይሴድኖ።

6 ሄዋዳን ሳራ ኡብራሃማ፡ “ታ ጎደዉ” ያጋ ጴሳደ፡ አዉ አዛዘታዳ፤ ሀንተካ እትባዉን ያየናን ሎኦካ ኦላፕ፡ እ ናናቱዋ።

7 ሄዋዳን አሰናቶ፡ ሀንተ ማጫ አሳቱዋና አኬካን እትፕ ደእተ። ኡንቱንቶ ዳቡራንቻ አሳተላይ ደእያ ድራዉ፡ ኡንቱንታ ቦንቻተ፤ ሀንተ ዋሳይ ጴቢተና ማላ፡ ጸሳይ እሜዳ ደኤዋ አጴ ኬካተላ ኡንቱንቱ ሀንተናና እትፕ ላትኖ።

2:2-3 ማዝ. 34:8 2:6 አሳ. 28:16 2:8 አሳ. 8:14-15 2:9 ከሳ 19:5-6፤ አሳ. 43:20፣ 21፤ ዛረ. 4:20፤ 7:6፤ 14:2፤ ቲቶ 2:14፤ አሳ. 9:2 2:10 ሆሰ 2:23 2:22 አሳ. 53:9 2:23 አሳ. 53:7 2:24 አሳ. 53:5 2:25 አሳ. 53:6 3:6 ደመላ 18:12

ሎኦባ ኦሌዳ መቼዋ አክያዎ

8 ወርሰላን፣ ኡባይ እት ቆፋን ደእተ። እቲ እቶ ቃረትተ፤ እሻቱዋዳን ሲቀትተ፤ ቃይ እቲ እቶ ኬክያዋንታን ህንተ ሁጲያ ካወሽያዋንታ ግድተ።

9 ኢታ ድራወ ኢታ ዋይ ሸቃ ድራወ ሸቃ ዛርፕተ፤ ሄዋ አጊደ፣ ጳሳይ ህንተንቱ አንጂዋ ላታናዳን ህንተና ጳሳይ ድራወ፣ አንጀተ።

10 አያወ ጎፕ፣ ጳሳ ማጻፋይ ሀዋዳን ያጌ፤ “ደኡዋ ደሰያዊን ሎኦ ጋላሳ በአናወ ኮይያዊ ኦና ግድፕን ባረ አንጻርሳን ኢታባ ሃሳይያዋን ዋርዲዋ ኦድያዋ አጎ።

11 “ኢታባ ኦሌዳዎ አጊደ፣ ሎኦባ ኦሌ፤ ሳርተላካ ሎይላ ኮየን ካላናወ ባጸቶ።

12 “አያወ ጎፕ፣ ጎዳ አይሬ ጽሎቱዋኮ ጳሳይ፤ ቃይ አ ሀይላይ ኡባ ዋደ ኤንቱንቱ ዋሳወ ዶያ ደኤ። ሸን ጎዳይ ኢታባ ኦሌዳዋንታ ባረ ህንቁዋ ሰምእያን ጳሳይ” ያጌ።

13 ህንተ ሎኦባ ኦላናወ አዋቶ፣ ህንተና ቆሀናዊ ኦኔ?

14 ሸን ሀራይ አቶ፣ ጽሎተላ ድራወ ህንተ ዋየቶ፣ አንጀቱዳዋንታ። አሳወ ያየ፣ ህንተ ሀርጎፕተ።

15 ሸን ክርሰቶሳ ህንተ ዋዛናን ቦንቶተነ አ ህንተ ጎዳ ኦላተ። ጳሳይ ህንተንቶ ሀይቲዳ ደኦ ጋሱዋ ኦቶያ ኦሰነ ዛርዋ አማናወ ኡባ ዋደ ገግ ኡትተ፤

16 ሸን ሄዋ አሸከተላንን ያሻተላን ኦላተ። ቃይ ክርሰቶሳን ህንተ ደእያ ሎኦ ደኡዋ ኢታባ ኦሌዳዋዳን፣ ህንተ ቦላን ኢታባ ሃሳይያ አሳይ ባረ ዝግርያዋን ዬላታና ማላ፣ ህንተ ዋዛናይ ጌሻ ግድ።

17 አያወ ጎፕ፣ ጳሳይ ጌዳዋ ግድፕ፣ ኢታባ ኦሌዳ ድራወ ዋየትያዋ፣ ሎኦባ ኦሌዳ ድራወ ዋየትያዋ ኬካ።

18 አያወ ጎፕ፣ ክርሰቶሰ ኦና ጳሳይ አፋናወ፣ ባረወ ጽሎ ግዲደ፣ ማካላንቻቱዋ ድራወ፣ እት ገደ ኡባ ናጋራወ ሀይቁዳ፤ እ ባረ አሳተላን ሀይቁዳ፤ ሸን አያናን ፓጳዳ።

19 ቃይ ሄ አያናን፣ ቃሹዋን ደእያ አያናቱዋኮ ቢደ፣ ኤንቱንቶ ቃላ ኦዳዳ።

20 ሄ አያናቱ አማራዳ፣ ሆሰፑን አሳቱ ሃላን አቲዳ ማርካብያ ፍሄ ኬጽሸን፣ ጳሳይ ዳንዳዪደ ጋምኤዳ ዋደ፣ ጳሳወ አዛዘትቤና አሳ አያናቱዋ።

21 ሄዋ ጽንቃታወ ለምሱዋ ግዲደ፣ ህንተና ሀእ አሸ፤ ሱረ ዋዛና፣ ጳሳ ዋሰያዋ፣ እትን፣ ቦላ ቅታ ማጭያዋ ግድና፤ ሄዋ ህንተና የሱሰ ክርሰቶሰ ሀይቁዋ፣ ደንዴዳዋን አሸ።

22 ሳሉዋ ቢደ ጳሳ፣ ስሸቻ ባጋን እ ኡቲደ፣ ኪታንቻ ኡባ፣ ማታና ደእያዋንታን ዋልቃማቱዋ ሞዴ።

4

ጌሻተላን ደአና ደኡዋባ

1 ሄዋ ድራወ፣ ክርሰቶሰ ባረ አሹዋን ኦወ ዋየቲዳ ድራወ፣ ህንተካ ሄ ቆፋን ዳንጨትተ።

አያወ ጎፕ፣ ባረ አሹዋን ዋየቲዳ ኡራይ ናጋራ ኦሌዳዋ አጌዳ።

2 ሀዋ፣ ሰንላን፣ ሀ ሳኦን ሸምቼዋና ደአናወ አቲዳ ዋድያን፣ ጳሳይ ኮይያዋዳን ደአናወ በሰያዋ፣ እትን፣ አሳ አሙዋዳን ደአናወ በሰና።

3 አያወ ጎፕ፣ አማና አሳይ ኦላናወ ደሰያዋ ህንተ ኦሌደ፣ ዋሹማናወ ካጃልያዋን፣ አሙዋን፣ ማሉዋን፣ የላን፣ ኡሻን፣ ፖክያ ኤቃወ ጎይንያዋን፣ ደኤዳ ካሰ አጴዳ ዋዲ ህንተንቶ ግዳናዋ።

4 አማና አሳና ህንተ ሾራይ ባይና ኦሱዋ እት፣ አጋና ድራወ ማላለቲደ፣ ህንተና ቦሪና።

5 ሸን ኤንቱንቱ ፓጳ ደእያ አሳ ቦላን ሀይቁዳ አሳ ቦላ ፕርዳናወ ገግ ኡቲዳ ጳሳወ ዛርዋ አማና።

6 ሀይቁዳ አሳይ * ባረ አሳተላን አሳይ ፕርደትያዋዳን ፕርደታናወን ቃይ አያናን ጳሳይ ደእያዋዳን ደአናወ፣ ዋንጋላ ሞሽራቹ ኤንቱንቶ ሄዋ ኦድቲዳ።

ጳሳይ አማዳ አምታቱዋ ሎይላ አይሰያዎ

7 ኡባባወካ ወርሰላይ ማታቲዳ። ሄዋ ድራወ፣ ጳሳ ዋሳናወ ቆፋን ጌዪደ፣ ህንተና ናግተነ ሞንተ።

8 ሲቁ ዳር ናጋራ ካምያ ድራወ፣ ኡባባ፣ አሊደ እቲ እቲዋና ዋዛና፣ ሲቀትተ።

9 ዙዙመናን እቲ እቲዋ አማላተላን ሞክተ።

10 ህንተ ሁጲያን ሁጲያን ጳሳ፣ ዲማ ዲማ አጴ ኬካተላ አኬዳዋዳንካ፣ ጳሳ ዲማ አሙዋ ሀዳራ ሎይላ ከሰያዋንቲዳን፣ እቲ እቶ ኦላተ።

11 የሱሰ ክርሰቶሳ ባጋና ኡባባን ጳሳይ ጋላተታና ማላ፣ ኦንነ ኦድያዋ ግድፕ፣ ቃላ ጳሳ፣ አኪደ ኦድያዋዳን ኦድ። ቃይ ኦንነ ማድያዋ ግድፕ፣ ጳሳይ አወ አምያ ዋልቃን ማድ። ቦንቹን ጎዳተላይ ጳሳወ መድና፣ መድናወ ግድ። አመንእ።

መቼዋ ዋደ ሞንያዎ

12 ታ ሲቃቶ፣ ህንተ ግደን ታማደን ጉዲደ ፓጭያ ዋዪ ይያዎ ኦራሳይ ህንያዋዳን ማላለቶ፣

13 ሸን ክርሰቶሳ ቦንቹ ቤትያ ዋደ ህንተ ናሸታና ማላ፣ አናና ዋየትያዋን ናሸትተ።

14 አሳይ ህንተና ክርሰቶሳ ሱንላ ድራወ ቦርያዋ ግድፕ፣ ህንተ አንጀቱዳዋንታ፤ አያወ ጎፕ፣ ቦንቹ አያናይ፣ ጳሳ አያናይ፣ ህንተ ቦላ ሸምፓና።

15 ህንተ፣ ኦንነ ሸምቼዋ ዋዪዳዋዳን፣ ዋይ ካይሱዋዳን፣ ዋይ ኢታባ ኦሌዳ አሳዳን፣ ዋይ ሀራ አሳ የወዋ ገሌዳዋዳን ዋየቶ።

16 ሸን ኦንነ ክርሰታንያ ግድያ ድራወ ዋየቶ፣ ክርሰቶሳ ሱንላ ድራወ፣ ጳሳ ጋላታና፣ እትን፣ ዬላቶ።

17 አያወ ጎፕ፣ ፕርዳይ ጳሳ ጎልያን ደመትያ ዋዲ ጋኬዳ። ቃይ ሄ ፕርዳይ ኮይር ኦ ቦላ ደመትያዋ ግድፕ፣ አ ዋንጋላወ አዛዘተናዋንቱ ወርሰላይ አያ ግዳኔ?

3:10 ማዘ. 34:12-16 3:14 ማቶሳ 5:10፤ ኢሳ. 8:12-13 3:20 ደመላ 6:1—7:24 * 4:6 ሀይቁዳ አሳይ- የሱሳ አማና፣ ካሰና ሀይቁዳዋንታ ዋይ ፍሄ ዋደ አሳቱዋ። 3:19 ጸልተ። 4:8 ለም. 10:12 4:18 ለም. 11:31

18 ጽሎ አሳይ ቱጋን አትያዎ ግደፕ፡ ማካላንቻይነ ናጋራንቻይ ያትና ዋናኔ?

19 ሄዎ ድራዉ ቃይ፡ ጸሳይ ጌዳዋዳን ዋየትያዋንቱ ሎኦባ ኦሲደ፡ ባረንቱ ሸምፑዎ ሀዳራ ባረና መጺዳ አማነትያ ጸሳዉ እምና።

5

ጸሳ አሳ አይሳናዉ እመቲዳ ዘርያ

1 ሰም ታን ዋሳ ጎልያ ጭማቱዋና ጭማ ግድያዌነ፡ ክርሰቶሳ ዋይያ ማርካትያዌ፡ ቃይ ቆንጫና ቦንቹዋ ሻካናዌ ህንተ ግደን ደእያ ጭማቱዋ ዘራይ።

2 ህንተ ግደን ደእያ ጸሳ ዉድያ ጸሳይ ኮይያዋዳን ሄምተ። ደሱዋናፕ አትን፡ ዋልቃን ግደና። ቃይ ህንተ ጎኦ ጸሳላ ጴሊናን፡ ሎኦ ቆፋን ሄምተ።

3 ዉደዉ ህንተ ሌምሱዋ ግድተፕ አትን፡ ህንተ ሄምያዋንታ ዋልቃን ሄምፕተ።

4 ቃይ ሄምያዋንቱ ካፑ ቆንጭያ ዋደ፡ ባየና ቦንቹ ካላቻ ህንተ አካና።

5 ሄዋዳንካ ያላጋ አሳቶ፡ ጭማቶ ሞደትተ። ኡባይካ እቱ እቶ አፋናዉ ህንተ ሁጺያ ካዉሸያዎ አፍላዳን ማይተ። አያዉ ጎፕ፡ ጸሳይ አቶረትያዋንታ እጼ፤ ሸን ባረና ካዉሸያዋንቶ እቶ ኬካተላ እሚ።

6 ጸሳይ ባረ ሎኦ ዋድያን ህንተና ቶቁ አፋና ማላ፡ ዋልቃማ ጸሳ ኩሸያፕ ጋርሳና ህንተና ቶቶተ።

7 እ ህንተንቶ ቆፕያ ድራዉ፡ ህንተና ህርግሰያ ኡባባ አ ቦላ ኦልተ።

8 ጸሳህያ ካፑ፡ ህንተ ሞርኪ፡ ምትያ ኡራ ኮዪደ፡ ጉድያ ጋሙዋዳን ህንተ ዩሹዋን ዩይያ ድራዉ ናገትተነ ቤጎትተ።

9 ሳኣን ደእያ ህንተ እሻቱ ሄዋዳን ዋየትያዎ ኤሪደ፡ አማኑዋን ሞኒደ፡ አናና ኤቆትተ።

10 እቶ ኬካተላ ኡባ ጸሳይ፡ ባረ መድና ቦንቹ ክርሰቶሰ የሱሳ ባጋና ህንተና ጴሴዳዌ፡ አማሬዳ ዋድያ ህንተ ዋየቲዳዋፕ ጉይያን፡ እ ባረ ሁጺዉ ህንተና ሸር ኦራፋናነ ምንሳና። ቃይ እ ህንተና ማዳናነ ባሰ ኤሳና።

11 ዋልቃይ መድናፕ መድና ጋካናዉ አዉ ግደ። አመንእ።

ዉርሰሳ ሳርታ

12 ሀዌ ጸሳ ቱሙ እቶ ኬካተላ ግድያዎ ታን ህንተንቶ ማርካታደነ ህንተና ዘራደ፡ ህንተንቶ ቃንላን ጸፊዳ ዳብዳቢያ አማነትያ እሻ ጋደ ታን ቆፕያ ሰላሰ ቦላ ኪታድ፤ ሄ እቶ ኬካተላን ሞኔድታ።

13 ህንተናና እትፕ ደረቲዳ ባብሎንን * ደእያ ዋሳ ጎልያ አሳይነ ታ ናአይ ማርቆስ ህንተና “ሳር ሳር” ገኖ።

14 ሲቁዋ የረታ የረቲደ፡ እቱ እቱዋ ሳርትተ። ህንተዉ፡ ክርሰቶሳና እቱዋ ግዴዳዋንቶ ኡባቶ ሳርተላይ ግደ። አመንእ።

5:5 ሊም. 3:34 * 5:13 ባብሎን፡- ሳፃ ማጻፋ ቆፋዳን፡ ሀ ስንላይ ርመ ጉሳ ግደናን አገና።

ጳጳሮሰ ጳጳራ ላኤንላ ኪታ ገሉዋ

የሱስ ኪቲዳ ጳጳሮሰ ጳጳራ ላኤንላ ኪታይ ጳጳሪቲዳዊ፡ ዲማ ዲማሳን ደእያ፡ በን እማንያ አሳቱዋሳ፡ ኪታዉ ሁጳ ቆፋይ ዋርዶ አስታማራቱዋ ኢታ ኦሱዋን ኡንቱንቱ ትምርትያ ጋሱዋን መጠቲዳ ፖሮ ደኡዋ ኤቀትያዋ፡ መጠቲዳ መታቱዋ ቃራናዉ ማዶ ግድያዊ የሱሳ ባረንቱ አይፍያን በኤዳን እ ታማርሱያ ዋደ ባረንቱ ሀይላን ሰሌዳ አሳቱ ታማርሱዳ ትምርትያ ባጋና ጸሳባን ጎዳ የሱስ ክርሰቶሳዋ አማንሳያ ኤራ ደምያዋ፡ ጳጳ ዲማ ናጊደ ኦዴዳባይ፡ “ክርሰቶሰ ላኤንላ ዬና” ያግያ ዋርዶዋ ትምርትያባ፡ ሄዋ ጴልያዋን ሃሳዬደ፡ “ክርሰቶሰ ሰሚደ ዬናን ጋምኤዳዊ፡ ጳሳይ፡ አሳይ ኡባይ ባረ ናጋራፕ ሰማናዋፕ አትን፡ ኦን ጳያናዋ ኮየና ድራሳ” ያጌ፡

ሸምፓቱዋ ኡባዳ እመቴዳ ቃንሳ ቆፋቱዋ
ገሉዋ 1:1-2
እማንያ አሳ ጴሳ 1:3-21
ዋርዶ አስታማራቱዋ 2:1-22
የሱሳ ላኤንላ ዩሳ 3:1-18

1 ታን ሰሞን ጳጳሮሰ፡ የሱስ ክርሰቶሳ ጽሎተሳ ባጋና ኑዋ ማላ አማኑዋ አኬዳዋንቶ፡ ሀ ዲብዲቢያ ጳፋይ፡፡
2 ጳሳን ኑ ጎዳ የሱሳ ሀንተ ኤርያዋን አቆ ኬካተሳይን ሳርተሳይ ሀንተንቶ ፓላሂደ ግደ፡፡

ጳሳ ጴሳን አ ደራዋ
3 ኑን ጳሳ ቦንቹዋን ሎኦተሳ ላታና ማላ፡ ኑና ጴሌዳዋ ኑን ኤርያዋን፡ ደኡዋሰን ጳሳ ማላቲሳዉ ኑና ኮሽያዋ ኡባ ጳሳ ዋልቃይ ኑዉ እሜዳ፡፡
4 ሀንተ አ እሙዋ ባጋና ሳእን ደእያ ባይዝያ እሙዋፕ ከሰ አካናዳንን ጳሳ ጳሳተሳ ላታናዳን፡ እ ባረ እማና ጌዳ ዳር ዋልቃማን አልኦ እሙዋ ኑዉ እሜዳ፡፡

5 ሄዋ ድራዉ፡ ሀንተና በሰያዋ ኡባ ምን አሊደ፡ ሀንተ አማኑዋ ቦላ ሎኦተሳ፡ ሎኦተሳ ቦላ ኤራተሳ፡፡

6 ኤራተሳ ቦላ ሀንተና ናግያዋ፡ ሀንተና ናግያዋ ቦላ ገንጫ፡ ገንጫ ቦላ ጳሳ ማላትያዋ፡፡

7 ጳሳ ማላትያዋ ቦላ እሻተሳ ሲቁዋ፡ እሻተሳ ሲቁዋ ቦላ ሲቁዋ ጉጅተ፡፡

8 እያዉ ጎፕ፡ ሀዋንቱ ሀንተንቶ ሎይሳ ዳርያዋ ግደፕ፡ ሀንተና ጎዳ የሱስ ክርሰቶሳ ኤራተሳን ትሻን አይፍያና ደእያዋንታ አላና፡፡

9 ሸን ሄዋንቱ ባይና ኡራይ ባረ ማታን ደእያዋ ጸላላ ደሜ፤ ቃይ እ ቆቃ፤ እ ካሰ ኦሌዳ ናጋራይ አቶ ጌተቲዳዋ ደጌዳ፡፡

10 ሄዋ ድራዉ፡ ታናዳን ጳሳ ካልያዋንቶ፡ ሀንተና ጳሳይ ጴሌዳዋን ደራዳዋ ሎይሳ ኤርሳናዉ፡ ካሰዋፕ አቲ ምንተ፤ እያዉ ጎፕ፡ ሀንተ ሄዋ አልያዋ ግደፕ፡ ቆብትክታ፡፡*

11 ሄዋዳን ቃይ ኑ ጎዳን ኑና አሸያ የሱስ ክርሰቶሳ መድና ካዉተሳ ገልያ ኩመንሳ ማታይ ሀንተንቶ እመታና፡፡

12 ሄዋ ድራዉ፡ ሀንተ ሀ የዋቱዋ ኤርያዋ ግደፕካ፡ ቃይ ሀንተ አይቄዳ ቱሙዋን ምኤዳዋንታ ግደፕካ፡ ታን ሀንተና ሀ የዋቱዋ ኡባ ዋደ ሀሳይሰያዋ አግከ፡፡

13 ታን ፓጳ ደኤዳ ኬናን፡ ሀንተና ሀሳይሳደ ቃሰላናዉ ኮሽያዋ ታዉ ማላቲ፡፡

14 ኑ ጎዳይ የሱስ ክርሰቶሰ ታዉ ቆንጭያን አዴዳዋዳን፡ ታን ሀ ሀይቄያ አሳተሳ ጋምኤናን ቃራ ኦላናዋ ኤራይ፡፡

15 ታን ሀይቄዳዋፕ ጉይያን ግድናካ፡ ሀንተ ሀ የዋቱዋ ኡባ ዋደ ቆፓናዉ ዳንዳያና ማላ፡ ታዉ ዳንዳየቲዳዋ ኡባ ኦላና፡፡

ክርሰቶሳ ቦንቹዋ ባረ አይፍያን በኤዳ ማርካቱዋ

16 ኑን አ ዋልቃማ ቦንቹዋ ኑ አይፍያን በኢደ ኦደቶፕ አትን፡ መድ አኬዳ ቶሳን ኑ ጎዳ ክርሰቶሳ ዋልቃን ዩሳ ሀንተንቶ ኦድባይኮ፡፡

17 እያዉ ጎፕ፡ ዳር ዋልቃማ ቦንቹዋፕ፡ “ታን አን ዳር ናሽትያ ታ ሲቆ ናአይ ሀዋ” ያግያ ኮሻይ ዬዳ ዋደ፡ ጳሳ አዉዋፕ ቦንቹዋን ጋላታ እ አኬዳ፡፡

18 ቃይ ኑንካ ጌሻ ደርያ ቦላን አናና ደኢደ፡ ሄ ኮሻይ ሳሉዋፕ ዬዳዋ ሰሌዳ፡፡

19 አሳይ ሄዋፕ ሎይሳ አቲያ ትምቢትያ ኦድያዋንቱ ሃሳዬዳ ኑና ሎይሳ አማንሳያ ቃላይ ኑዉ ደኤ፤ ሀንተ ሄ ቃላ ናግያዋ ግደፕ ሎይሌድታ፡፡ እያዉ ጎፕ፡ ሄዋ ሳአይ ዋንታና ጋካናሰን ዋንታ ጳልንትያ ፖኡ ሀንተ ዋካናን ፖኦና ጋካናዉ፡ ቆማን ፖእያ ፖኡዋ ማላ፡፡

20 ኡባፕ ካሰቲደ፡ ሀዋ ኤርተ፤ ጳሳ ማጻፋን ጳጳቲዳ ትምቢትያ ኦዴዳዋ ኦንን ባረካ ብላናዉ ዳንዳየና፡፡

21 እያዉ ጎፕ፡ ትምቢትያ ኦዴዳዊ ኡባይ ጌሻ አሳቱ ጌሻ እያናይ ካለላና፡ ጳሳ ቃላ ሃሳዬድናፕ አትን፡ አሳ ሸንያን ሃሳየትቤና፡፡

2

ዋርዶ አስታማራቱዋ

1 ሸን ትምቢትያ ኦድያ ዋርዳቱ አሳ ግደን ካሰ ደእያዋዳን፡ ሀንተ ግደንካ ዋርዳዋ ታማርሰያዋንቱ ደእና፡፡ ኡንቱንቱ ባረና ዋዜዳ፡ ጎዳ ካዲደ፡ ባይዝያ ዋርዶ ትምርትያ አሀና፤ ቃይ ኡንቱንቱ አኬከና ባሻ ባረንቱ ቦላ አሀና፡፡

2 ቃይ ዳር አሳይ ዬላይያ ኡንቱንቱ ኢታ ኦግያ ካላና፤ ኡንቱንቱ ጋሱዋን ቱሙዋ ኦጊ ቦረታና፡፡

3 ዋርዳዋ ታማርሰያ ሄዋንቱ ሻሎ ያረትያዋን ባረንቱ መድ አኬዳ ቶሳን ሀንተና ቦንቃና፤ በንፕ ደሚደ፡ ኡንቱንቱ ፕርዳይ ጊግ ኡቴዳ፤ ኡንቱንታ ቆይሰያዊ ቤጎቲደ ናጌ፡፡

4 ናጋራ ኦሌዳ ኪታንቻቶ ጳሳይ ቃረተናን፡ ፕርዳ ጋላሳይ ጋካናዉ ቆማ ኦላን ኡንቱንቱ ቃሽት ኡቴዳ ጋናምያን የጌዳ፡፡

* 1:10 ፉባትክታ፡- ናጋራን ኩንድክታ፡፡ 2:5 ደመላ 6:1—7:24

5 ጳጳሪ ናጋራንቻቱዋ ቦላ ባሻ ሃላ የዳዳጥ ኢትን፡ በን አሳዉ ከክቤር፤ ሽን ጽሎተላባ ኦዴዳ ኖሀነ ሀራ ላፑ አሳቱዋ አሼዳ።

6 ጳጳሪ ሶዶማነ ጋሞራ ግያ ካታማቱዋ ቢታ ብድንላ ኦሲደ፡ ጉድ ጳይሲደ፡ ናጋራንቻ ግድያዋንታ ጋካናባዉ ለምሱዋ ኦሴዳ።

7 ህገዉ አዛዘተና ቱናተላ ኦሳያ አሳቱዋ ግድን ቱጋቲደ ደእያ ጽሎዋ ሎጻ ጳጳሪ አሼዳ።

8 ሄ ሎኦ ብታኒ ኡንቱንቱ ግድን ደኢደ፡ ኡንቱንቱ ኦሳያ ኢታ ኦሱዋ ጋላሰ ጋላሰ በኤዳ ዋደነ ሰሴዳ ዋደ ኦ ሎኦ ዋዛናይ ኡንኤቱዳ።

9-10 ሄዋ ግደ፡ ጎዳይ ጳሳዉ ጎይንያ አሳቱዋ ፓጭያ፡ ዋት አሻነንቶ ኤሬ፤ ናጋራንቻቱዋ ቃይ ኡባ፡ አላደ፡ ቱና አሙዋን አሹዋ አሙዋ ካልያዋንታን ቃይ ጳሳ ዋልቃ ካድያዋንታ፡ ፕርዳ ጋላሳይ ጋካናዉ ጎዳይ ሙሪደ ዋላናዋካ ኤሬ።

ዋርዱዋ ታማርሰያ ሄዋንቱ ጳላነ ኦቶራንቻ ግዴዳዋን፡ ቦላን ደእያ ቦንቾ መጋታ ቦሪኖ፡ አትን፡ ቦንቾክኖ።

11 ሄ ዋርዱዋ ታማርሰያ አሳቱዋ፡ ዳር ሞኖን ዋልቃማ ግድያ ከታንቻቱካ ኡንቱንታ ጎዳ ሰንላን ቦርያን ሞታናዉ ኮይክኖ።

12 ሽን ሄ አሳቱ ኦይቀቲደ ጳያናዉ የለቱዳ ባረንቱ መጋታን ዋዛናይ ባይና ዋራ ደኢቱዋዳን ሀኒኖ፤ ኡንቱንቱ ኤረናባ ቦሪኖ፤ ቃይ ባረንቱ ባይዙዋን፡ ኡንቱንቱ ጮ ጳያና።

13 ኡንቱንቱ ባረንቱ መጳዳ መቱዋን መቶታና፤ ጋላሰ የጺደ ዱርያዋ ናሽቻያባ ጊደ ቆፕኖ፤ ኡንቱንቱ ካዉሽሰያዋንታን ቱናቱዋ ግድ ኡቲደ፡ ህንተናና ሞያ ቁማ ሙሳን ናሽቲኖ።

14 ጫራትያ ማጫ አሳ ጸልያዋ አገና አይፊ ኡንቱንቶ ደኤ፤ ቃይ ናጋራ ኦሳያዋካ አግክኖ። አማኑዋን ሞንቤና አሳ ጭሚኖ። አሙዋ ደዬዳ ዋዛናይ ኡንቱንቶ ደኤ፤ ኡንቱንቱ ሽቀቱዳዋንታ።

15 ሱረ ኦግያ አገደ ባሌድኖ። ብኦራ ናኦ ባላማ ኦግያና ቤድኖ፤ ባላም ማካላን ሚሻ አካናዉ ኮይዳ።

16 እ ትምቢትያ ኦድያዋ፤ ሽን አ ናጋራ ድራዉ፡ አ ሀሪ አሳዳን ሃሳያን ሴሪደ፡ ጎሻ ማላ ሀኑዋ፡ አ ተኤዳ።

17 ሄ አሳቱ መል ድጌዳ ፑልቱዋ ማላ፤ ቃይ ጎቱ ቶኪደ አፍያ ሻርያ ማላ፤ ጳሳይ ኡንቱንቶ ሳካና ጳማ ጊግሰ ዋሴዳ።

18 አያዉ ጎፕ፡ ኡንቱንቱ መላነ ኦቶሮ ሃሳያ ሃሳዬኖ፤ ባሊደ ደእያ አሳ፡ ከሰ ዬዳዋንታ ዋልቃማ አሹዋ አሙዋን ጭሚኖ።

19 ኡንቱንቱ ባረዉ ባሻ አሙዋና ደኢደ ኡንቱንታ፡ “ህንተ አይለተላ፡ ከሳና” ያጊኖ፤ አያዉ ጎፕ፡ እት አሳይ ባረና ጸኔዳባዉ አያዉነ አይልያ።

20 ኡንቱንቱ ኦ ጎዳነ ኦና አሽያ የሱሰ ክርሰቶሳ ኤራተላን ሀ ሳኦ ቱናተላ፡ ከሰ አከዳዋ፡ ጉይያን፡ ጉየ ሰሚደ፡ እን ጳብቲደ ጸንትያዋ ግደ፡ ካሰ ደእያ ደኡዋ፡ ጉየዌ ኡንቱንቶ ኢታና።

21 አያዉ ጎፕ፡ ኡንቱንቶ አሙቲዳ ጌሻ አዛዙዋ ኤሪደ አግያዋ፡ ኡንቱንቱ ጽሎተላ ኦግያ ኤረናን አግንቶ ሎኦ ሽን።

22 “ካናይ ባረ ጮሻኮ ጉየ ሰሚ” ግያ ለምሱነ ቃይ፡ “ሜጨቲዳ ጉዳንሳይ ጉየ ሰሚደ፡ ኡርቃን ጎንድረቱ” ግያ ለምሱ ቱማ ግድያዋ ኡንቱንታ ጋኤዳዌ በሴ።

3

ጎዳይ የሱስ ያና ናሽቻ

1 ታ ሲቃቶ፡ ሀዌ ታን ህንተንቶ ጸፊዳ ላኤንላ ዱብደቢያ፤ ታን ሄ ላኤ ዱብደባቱዋካ ህንተ ሱረ ቆፋ ቆፓናዳን ደንግላናዉ ህንተና ሀሳይሳናዳን ጸፋድ።

2 ጌሻ ግዴዳ ናባቱ በን አዴዳ ቃላ ህንተ ሀሳያና ማላነ ጎዳይ ህንተና አሽያዌ፡ ባረ ከቲዳዋንቱ ባጋና ህንተና አዛዜዳ አዛዙዋ ህንተ ሀሳያና ማላ ኮያይ።

3 ዋድያ ዉርሰላን፡ አሳ ቶቻያ ባረንቱ አሙዋዳን ደእያዋንቱ አሳ ቶቻደ ደንዳናዋ ኡባ፡ ካሰቲደ ኤርተ።

4 ኡንቱንቱ፡ “እ ‘ያና’ ያጌዳ። ግቤኔ? ያትና ሀቃን ደኢ? አያዉ ጎፕ፡ ኦ አዎቱ ሀይቁ ድጌድኖ፤ ሽን ኡባባይካ ሳኦይ መጋቶደ፡ ደሚደ ደእያዋዳንካ ደኤ” ያጋና።

5 ዳር ዋድያ፡ ካሰ ጳሳይ ሃሳይና፡ ሳላነ ሳኦይ መጋቲዳዋ ኤሪደ፡ ኡንቱንቱ አከከናን አጼድኖ። ሳኦይ ሃላ፡ ሃላን መጋቲዳ።

6 ቃይ ሄዋ ጋሱዋን፡ ሄ ዋደ ደእያ ሳኦይ ሄ ሃላን ሞተት ጳይዳ።

7 ሽን ሀኦ ደእያ ሳላነ ሳኦይ፡ ጳሳዉ ጎይነና አሳቱ ፕርደትያ ጋላሳይነ ጳይያ ጋላሳይ ጋካናዉ ታኪደ፡ ሄ ቃላን ታማ ናጊኖ።

8 ሽን ታ ሲቃቶ፡ ሀ እት የዋቶ ደጎፕተ፤ ጎዳ ማታን፡ እት ጋላሳይ ሻኦ ላይላ ማላ ግድያዋን፡ ቃይ ሻኦ ላይላይ እት ጋላሳ ማላ ግድያዋ ደጎፕተ።

9 እቱ እቱ ቆፕያዋዳን፡ ጎዳይ ባረ ኦላና ጌዳዋ ኦላናዉ ታከና፤ ሽን ኦንነ ባረ ናጋራ፡ ሰማናዳን ኮይ፡ አትን፡ ኦንነ ጳያና ማላ ኮየና ድራዉ፡ ህንተዉ ጊደ ዳንዳያን ጋምኤ።

10 ሽን ጎዳ ጋላሳይ ካይሱዋዳን ያና። ሄ ጋላሰ ሳሎቱ ዋልቃማ ጉንላን ጳያና፤ ሳሎዋ መጋታቱ ዋልቃማ ሴላን ሲላና፤ ሳኦይነ አ ቦላን ደእያ ኡባባይ ጳያና።

11 ኡባባይካ ሄዋዳን ጳይያዋ ግደ፡ ህንተ አይ ማላ አሳ ግዳናዉ በሲ? ህንተ ደኤ ጌሻነ ጳሳ ማላትያዋ ግዳናዉ ኮሼ።

12 ህንተ ጳሳ ጋላሳ ናግሽና፡ ሄ ጋላሳይ ኤለካ ጋካናዳን፡ ህንተንቶ ዳንዳየትያዋ አላተ፤ ሄ ጋላሰ ሳሎቱ ጉደቲደ ጳያናን ሳሎዋ መጋታቱካ ዋልቃማ ሴላን ሲላና።

13 ሽን ኦን ጳሳይ አማና ጌዳ ኦራላ ሳሎዋን ኦራላ ሳኦ ጽሎ ደእናሳ ናጌቶ።

2:6 ደመላ 19:24 2:7 ደመላ 19:1-16 2:15 ፓይ. 22:4-35 2:22 ለም. 26:11 3:5 ደመላ 1:6-9
3:6 ደመላ 7:11 3:8 ማዘ. 90:4 3:13 ኢሳ. 65:17፤ 66:22፤ ሳፃ 21:1

14 ሄዋ ድራዉ፡ ታ ሲቃቶ፡ ሄ ጋላሳ ናጊደ፡ ፖኩነ ዬላይያባይ ባይናዋንታ ግዲደ፡ ኦናና ሳሮተላን ደእና ማላ ሎኦባ ኡባ ኦሳተ።

15 ጎዳ ዳንዳያይ አተተላ ግድያዋ ህንተ ዋዛናን ቆፕተ፤ ሄዋዳን ቃይ ኑ ሲቆ እሻይ ጳዉሎስ፡ ጳሳይ ባረዉ እሜዳ አዴዳ ኤራተላን ህንተንቶ ጳፌዳ።

16 ባረ ጳፍያ ዳብዳቢያን፡ ሄ የዉዋባ ጳፍያ ዋደ፡ ታማርቤና አሳቱነ ሞንቤና አሳቱ ሀራ ጳሳ ማጻፋቱዋ ጌላይያዋዳንካ፡ ሄ ዳብዳቢያ ግድን ደእያ አኬካናዉ ዋይሰያ የዉዋ ጌላዪና። ኡንቱንቱ ሄዋ አሳያዋን ባረንቱ ቦላ ባሻ አሂና።

17 ሄዋ ድራዉ፡ ታ ሲቃቶ፡ ህንተ ሄዋ ኤርያ ድራዉ፡ ማካላንቻቱዋ ባላን ጭመቲደ፡ ዋራ ቤና ማላነ፡ ቃይ ሞኒደ ደእያ ሳኦፕ ኩንደና ማላ ናገትተ።

18 ሸን ህንተ ኑ ጎዳ፡ ኑና አሸያ የሱሰ ክርሰቶሳ አዶ ኬካተላንነ ኤራተላን ድጭተ። አዉ ሀእነ መጅና ጋላሳይ ጋካናዉ ጋላታይ ጋኮ። አመንእ።

የሃንሳ ጸፊዳ ኮይር ኪታ ገሉዋ

የሱስ ኪቲዳ የሃንሳ ጸፊዳ ኮይር ኪታይ፡ ላሉ ሁጳ ቆፋቱዋ ኦይቄዳ፤ ሄዋንቱካ፡ ናባብያዎንቶ ጸሓናን እ ናኦ የሱስ ክርስቶሳና እትተላይ ደእናዳን መገግግግግ ላናሳነ ሀ እትተላ ጳይሳናዉ ዳንዳይያ ዋርዶ ትምርትያ፡ ኤንቱንቱ ሃካና ማላ፡ ሞንሲደ አኬክሳናሳ፡ ሄ ዋደ ደንዴዳ ዋርዶ ትምርቲ “ኢታተላይ ፑልትያዌ ሀ ኑን ደእያ ዋልቃማ አላምያና ጋከትያ ጋከላና ግድያ ድራዉ፡ ጸሓ ናኦይ የሱስ ሙላካ አሳ ግዳናዉ ዋይ፡ አሳተላ ኤሻይ እዉ ደእናዉ ዳንዳየና” ያግያዋ፡ ሄ አስታማራቱ፡ “እትተላ ጉሳይ አላምያ ደኦ ኤንኤትያዋ፡ ላእ ከሰያዋ” ያገኛ፡ ሄዋ ቦላካ ቃይ “ኢታነ ኪካ ሻኪደ ኦይቄያዋ ዋይ፡ ሀራ እሳዉ ሰቁዋ በሰያዋ ግደፒካ፡ አተተላና ኤንቱንታ ጋልያባይ ባዋ” ያገኛ፡

ጸፊ ሀ ትምርትያ ኤቀቲደ፡ “የሱስ ክርስቶስ ፖሎ አሳ፤ የሱሳን አማንያዎንቱን ጸሓ ሲቅያዎንቱ ኡባይ ባርንቱ ግደንካ እቱ እቱዋና ሲቀታናዉ በሱ” ያገኛደ ኦይዳ፡፡

ሸምፓቱዋ ኡባቶ እመቴዳ ቃንሳ ቆፋቱዋ

- ገሉዋ 1:1-4
- ፖኤዋን ጳ.ማ 1:5—2:29
- ጸሓ ናናን ጸላሀያ ናና 3:1-24
- ቱሙዋን ባለሉዋ 4:1-6
- ሲቁዋ ኡሱዋ 4:7-21
- ጸንያ አማኑዋ 5:1-21

- ደኡዋ ቃላ**
- 1 ኑን ኮይሩዋ፡ ደሚደ ደእያ፡ ኑ አይፍያን በኢደ፡ ኑ ኩሸያን እ ቦቾ በኤዳ ደኡዋ ቃላባ ሀንተንቶ ጸፊቶ፡፡ ኑን እ በኤዳ፤ ኑ ኩሸካ እ ቦቾ በኤዳ፡፡
 - 2 ሄ ደኡ ቆንጭና፡ ኑን እ በኢደ፡ አባ ሀንተንቶ ማርካቲቶ፤ ቃይ ጸሓ አዉዋ ማታን ደእያ ኑዉ ቆንጭዳ መድና ደኡዋባ ሀንተንቶ ኦይቶ፡፡
 - 3 ቃይ ኑናና ሀንተንቶ እትተላይ ደእና ማላ፡ ኑን በኤዳዋን ሰሴዳዋ ሀንተንቶ ኦይቶ፤ ኑዉ አዉዋናን እ ናኦ የሱስ ክርስቶሳና እትተላይ ደኤ፡፡
 - 4 ኑን ኑ ናሸቻይ ፖለታና ማላ፡ ሀዋ ሀንተንቶ ጸፊቶ፡፡

ጸሓይ ፖኤዋ

- 5 ኑን ጸሓ ናኦ ሰሲደ፡ ሀንተንቶ ኦይያ ኪታይ፡ “ጸሓይ ፖኤዋ፤ እን ጳ.ማይ ሙላካ ባዋ” ያግያዋ፡፡
- 6 ኑን ኑዉ አናና እትተላይ ደኤ ገደ ጳ.ማን ደኦ፡ ኑ ሃሳያንን ኑ ኡሱዋን ዋርደቲቶ፡፡
- 7 ሸን ፖኤዋን እ ደእያዋዳን፡ ኑንካ ፖኤዋን ደኦ፡ ኑዉ እቶ እቱዋና እትተላይ ደኤ፤ ቃይ

- እ ናኦ፡ የሱስ ክርስቶሳ ሱላይ ናጋራ ኡባፒ ኑና ጌሼ፡፡
- 8 ኑን ናጋራ ኦልበይኮ ጎፒ፡ ኑረካ ኑና ጭሜቶ፤ ኑናን ቱማተላይካ ባዋ፡፡
- 9 ሸን ኑን ጸሓዉ ኑ ናጋራ ፓጾፒ፡ እ ኑ ናጋራ አቶ ጋናዉን ኑ ባይዞ ኡሱዋ ኡባፒ ኑና ጌሻናዉ፡ አማንትያዋን ቱሙዋ አልያዋ፡፡
- 10 ኑን ናጋራ ኦልበይኮ ጎፒ፡ ጸሓ ዋርዶዋ ጌቶ፤ እ ቃላይካ ኑ ዋዛናን ደኤና፡፡

2

ክርስቶስ ኑዉ ጋናትያዋ

- 1 ታ ናቶ፡ ናጋራ ሀንተ ኦግናዳን፡ ታን ሀዋ ሀንተንቶ ጸፋይ፤ ሸን ኦንን ናጋራ ኦልፒ፡ አዉዋ ማታን ኑዉ ጋናትያ የሱስ ክርስቶስ፡ ጽሉ፡ ደኤ፡፡
- 2 ቃይ ኑን ኑ ናጋራ አቶ ጌተቲሳ ክርስቶሳ ባጋና ደሜቶ፤ ክርስቶስ ያርሸቴዳዌ አሳ ኡባ ናጋራ ድጋናሳፒ አትን፡ ኑ ናጋራ ጸላላ ድጋናሳ ግደና፡፡
- 3 ኑን ጸሓ አዛዙዋ ናጎፒ፡ ቱሙ አ ኤርያዋ ሄዋን ሻካናዉ ዳንዳይቶ፡፡
- 4 እት ኡራይ፡ “ታን አ ኤራይ” ገደ፡ ቃይ አ አዛዙዋ ናገናን አጎፒ፡ ሄ ኡራይ ዋርዶዋ፤ ቱማተላይካ እን ባዋ፡፡
- 5 ሸን አ ቃላዉ አዛዙትያ ኦና ግደፒካ፡ ሄ ኡራይ ጸሓ ሲቅያዌ ቱሙ ፖለቲዳ፡፡ ኑን ጸሓን ደእያዋ ሀዋ ኑና ኤርሴ፡፡ ሄዋካ፡፡
- 6 “ታን፡ ጸሓን ደኤይ” ግያ ኦንን ክርስቶስ ደኤዳዋዳን ደእናዉ በሴ፡፡

ኦራላ አዛዙዋ

- 7 ታ ሲቃቶ፡ ታን ሀንተንቶ ኮይሩዋ፡ ደእያ ኤጫ አዛዙዋ ጸፋይ፤ እትን፡ ኦራላ አዛዙዋ ጸፍከ፤ ሄ ኤጫ አዛዙ ሀንተ ሰሴዳ ቃላ፡፡
- 8 ግደፒካ፡ ታን ሀንተንቶ ላኤንሉዋ ኦራላ አዛዙዋ ጸፋይ፤ ሄ አዛዙዋ ቱማተላይካ ክርስቶሳንን ሀንተናን ቤቴ፡ አያዉ ጎፒ፡ ጳ.ማይ ጳይ፤ ቱሙ ፖኤ ሀእ ፖኤ፡፡
- 9 ፖኤዋን ደኤይ ገደ፡ ባር እሻ እጽያ ኦንን ሀኖ ጋካናዉካ ጳ.ማን ደኤ፡፡
- 10 ባር እሻ ሲቅያ ኦንን ፖኤዋን ደኤ፤ ሄ ኡራን ሀራ ኡራ ጳ.ቢያባይ አያይነ ባዋ፡፡
- 11 ሸን ባር እሻ እጽያ ኦንን ጳ.ማን ደኤ፤ ጳ.ማን ሀመቴ፡ ጳ.ማይ አ አይፍያ ቆቅስ ዋሌዳ ድራዉ፡ ሀቃ ብንቶን ኤረና፡፡
- 12 ታ ናቶ፡ ጸሓይ ክርስቶሳ ሱንሳ ድራዉ፡ ሀንተ ናጋራ አቶ ያጌዳ ድራዉ፡ ታን ሀንተንቶ ጸፋይ፡፡
- 13 አዋቶ፡ ኮይሩዋ፡ ደእያዋ ሀንተ ኤራዳ ድራዉ፡ ሀንተንቶ ጸፋይ፡፡
- ያላጋቶ፡ ጸላሀያ ካፑዋ ሀንተ ጸኔዳ ድራዉ፡ ሀንተንቶ ጸፋይ፡፡ ጉላ ናቶ፡ ጸሓ አዉዋ ሀንተ ኤራዳ ድራዉ፡ ሀንተንቶ ጸፋይ፡፡
- 14 አዋቶ፡ ኮይሩዋ፡ ደእያዋ ሀንተ ኤራዳ ድራዉ፡፡

ሀንተንቶ ጸፋይ።
 ያላጋቶ።
 ሀንተ ሞኖ ግድያ ድራውነ
 ጸሳ ቃላይ ሀንተናን ደእያ ድራው።
 ቃይ ጸላህያ ካፑዋ ሀንተ ጸኔዳ ድራው።
 ሀንተንቶ ጸፋይ።

15 ሀ አላምያ ዋይ አላምያን ደእያ አያነ ሲቆጥተ። ሀንተ ሀ አላምያ ሲቆጥ። ጸሳ ሲቆ ሀንተናን ባዋ።

16 አያው ሳጥ። ሀ አላምያን ደእያ ኡባባይ። ሄዋካ፡ አሳተላ አሙ። አይፍያን ጸሊደ ካጄልያዊነ ባረ ደእያዋን ጨቆትያዊ ሀ አላምያጥ ዬዳዋጥ አትን። ጸሳጥ ይቤና።

17 ሀ አላሚነ ሀ አላምያን አሳይ አሞትያ ኡባባይ አሳና። ሸን ጸሳይ ጌዳዋ ኦልያ ኡራይ መድናው ደእና።

ክርስቶስ ኤቆትያዋጥ ናገትያዋ

18 ታ ናቶ። ዋድያ ወርሰላይ ማታቲዳ፤ ክርስቶስ ኤቆትያዊ ሰንሳጥ ያናዋ ሀንተ ሰሴዳዋዳን። ሀራይ አቶ ሀእካ አ ኤቆትያዋንቱ ጮራቱ ደንዴድና። ሄዋ ድራው። ዋድያ ወርሰላይ ማታቲዳዋ ኩነ ሄዋን ኤራቶ።

19 ሀ ኤቆትያዋንቱ ኩ ባጋ ግደና ድራው። ኩ ግደጥ ከሴድና፤ አያው ሳጥ። ኡንቲንቲ ኩ ባጋ ግድያባ ግድንቶን። ኩ ግደን ደእና፤ ሸን ኡንቲንቲጥ ኩን ኩ ባጋ ግደናዊ ኤረታና ማላ። ኩ ግደጥ ከሴድና።

20 ሸን ክርስቶስ ሀንተ ቦላ ጌሻ አያና ጉሴዳ፤ ቃይ ሀንተ ኡባይ ቱሙዋ ኤሪታ።

21 ቱሙዋ ሀንተ ኤርያ ድራውነ ቃይ ቱሙዋን ዋርዱ አያይነ ባይናዋ ሀንተ ኤርያ ድራው። ታን ሀንተንቶ ጸፋይጥ አትን። ቱሙዋ ሀንተ ኤረና ድራው ጸፍከ።

22 የሱሰ ኦክቲዳ ክርስቶስ ግድያዋ ኤርከ ግያ ኡራጥ አትን። ዋርዱ ኦኔ? ሄዋ ጸሳ አወዋነ ናኦ ኤርከ ግያዊ ክርስቶስ ኤቆትያዋ።

23 ጸሳ ናኦ ኤርከ ግያ ኦናነ ጸሳ አወካ ኤረና፤ ጸሳ ናኦ ኤራይ ግያ ኦናነ ቃይ ጸሳ አወካ ኤራ።

24 ሄዋ ድራው። ኮይሩዋጥ ሀንተ ሰሴዳዋ ሀንተ ዋዛናን ሞንሲደ ናግተ። ኮይሩዋጥ ሰሴዳዋ ሀንተ ናግተ። ሀንተንቶ ቃይ ጸሳ ናኦነ ጸሳ አወዋና እትጥተላይ ደእና።

25 ቃይ ክርስቶስ ባረ ሁጸው ኑወ አማና ጌዳዊ መድና ደእኩ።

26 ታን ሀዋ ሀንተንቶ ሄ ሀንተና ባለሉያ አሳቱዋ ድራው ጸፋድ።

27 ሸን ክርስቶስ ሀንተ ቦላ ባረ ጌሻ አያና ጉሴዳ። ጌሻ አያናይ ሀንተናን ደእያ ድራው። ኦንነ ሀንተና ታማርሳና ኮሸና፤ አያው ሳጥ። አ ጌሻ አያናይ ሀንተና ኡባባ ታማርሴ። አ ታማርሴያዊ ቱሙዋጥ አትን ዋርዱዋ ግደና። ሄዋ ድራው አያና ጌሻ ትምርተው አዘዘቲደ። ክርስቶስና እትጥተላን ደእተ።

28 ታ ናቶ። ቃይ አ ቆንጭያ ዋደ። ኩን ያሽ ባይናዋንታ ግዳናዳን፤ አ ዩሳ ጋላስ አ ሰንሳን ኩን ዬላተናዳን። አናና እትጥተላን ደእተ።

29 ክርስቶስ ጽሎ ግድያዋ ሀንተ ኤርጥ። ጽሎባ ኦልያ ኡባይ ጸሳ ናኦ ግድያዋ ኤራናው በሴ።

3

ጸሳ ናናቱዋ

1 ኩን ጸሳ ናናቱዋ ጌተቲደ ጸሰታና ማላ። ጸሳይ ኩና አይ ኬና ሲቆደንቶነ በእተ። ኩን ቱሙካ አ ናናቱዋ። ሀ አላሚ ጸሳ ኤረና ድራው። ኩናካ ኤረና።

2 ታ ሲቃቶ። ሀእ ኩን ጸሳ ናናቱዋ፤ ኩን አያ ሀናንቶ ብር ኤረትቤና፤ ሸን ክርስቶስ ቆንጭያ ዋደ። ኩን አ ማላታናዋ ኤራቶ። አያው ሳጥ። አ ቱሙ አ ግድያዋ ኩን ኩመንላን በእና።

3 ቃይ ክርስቶስ በእና ጊደ ናሽቻን ናግያ ኦንነ ክርስቶስ ጌሻ ግዳዳዋዳን። ባረና ጌሼ።

4 ናጋራ ኦልያ ኡባይ ጸሳ ሀግያ መንሌ፤ አያው ሳጥ። ናጋራይ ጸሳ ሀግያ መንሌ።

5 ክርስቶስ አሳ ናጋራ ጳይሳናው ቆንጭዳዋ ሀንተ ኤሪታ፤ አን ናጋራይ ባዋ።

6 ክርስቶስን ደእያ ኦንነ ናጋራ ኦሊደ ደኤና፤ ቃይ ናጋራ ኦሊደ ደእያ ኦንነ አ በእቤና ዋይ ኤርቤና።

7 ታ ናቶ። ኦንነ ሀንተና ባለሉያ። ክርስቶስ ጽሎ ግድያዋዳን። ጽሎባ ኦልያ ኡራይ ጽሎዋ።

8 ጸላህያ ካፑ ኮይሩዋጥ ናጋራ ኦሊደ ድራው። ናጋራ ኡባ ዋደ ኦልያ ኡራይ ጸላህያ ካፑዋሳ፤ ሄዋ ድራው። ጸሳ ናኦይ ጸላህያ ካፑዋ ኦሱዋ ጳይሳናው ቆንጭዳ።

9 ጸሳ ናናቱዋ ግድያ ኡባይ ጸሳ መታይ ኡንቲንቲን ደእያ ድራው። ናጋራ ኡባ ዋደ ኦልክና፤ ቃይ ጸሳይ ኡንቲንቲ አወዋ ግድያ ድራው። ናጋራ ኦሳናው ዳንዳይክና።

10 ጸሳ ናናቱ ግዳዋንነ ጸላህያ ካፑዋ ናናቱዋ ግደን ደእያ ዳማተላይ ሀዋን ኤረቲ፤ ጽሎባ ኦርፍናንቲነ ዋይ ባረ እሻ ሲቆናዋንቲ ኦንነ ጸሳ ናናቱዋ ግድክና።

እቲ እቲዋና ሲቆትያዋ

11 አያው ሳጥ። ኮይሩዋጥ ሀንተ ሰሴዳ ኪታይ። “እቲ እቲዋና ሲቆታናው በሴ” ያግያዋ።

12 ኩን ቃይላ ማላ ግዳናው በሰና። ቃይል ጸላህያ ካፑዋሳ፤ ሄዋ ግደ ድራው። ባረ እሻ ዋደዳ። አ ባረ እሻ አያው ዋደዳ? አ ኦሊደ ኦሱ ኢታ ግድና። አ እሻይ ኦሊደ ኦሱ ሎኦ ግዳዳ ድራው ዋደዳ።

13 ታናዳን ጸሳ ካልያዋንቶ። ሀ ሳኦ አሳይ ሀንተና እጸጥ። ኦራላባ ሳጥተ።

14 ኩን አማንያዋንታ ሲቆያ ድራው። ሀይቁዋጥ ደኦ ፕኔዳዋ ኤራቶ፤ አማንያዋንታ ሲቆና ኡራይ ኦንነ ሀይቁዋ ግደን ደኤ።

15 አማንያዋንታ እጽያ ኦንነ ሸምጥዋ ዋደዳዋ፤ ቃይ ሸምጥዋ ዋደዳዋን መድና ደኤ ባይናዋ ሀንተ ኤሪታ።

16 ክርስቶስ ባረ ሸምጥዋ ኩ ድራው አሊደ አሚዳዋን ሲቆ አየንቶ ኩን ኤራደ፤ ኩንካ አማንያዋንቲ ድራው። ኩ ሸምጥዋ አሊደ አማናው በሴ።

17 ሸን ዲረ አሳይ ኦንነ ባረ እሻይ መቶትያዎ በኢደ፡ እዉ ቃረተናን እጾ፡ ባረ ዋዛናን ጸሳ ሲቃይ ጋናዉ ዋን ዳንዳዪ?

18 ታ ናቶ፡ ኩን ኦሱዋንን ቱማተላን ሲቀቶይተ፡ ኩን ጭ ሃሳያን ዋይ ቦላ ዶናን ሲቀታናዉ በሰና።

ጸሳ ሰንላን አማኒቲደ ኤቂያዎ

19-20 ኩን ቱሙዋ ባጋን ደእያዎ ሄዋን ኤራና፤ ቃይ ኩ ዋዛናይ ኩ ቦላ ፕርድያ ዋደ ኡባን፡ ጸሳ ሰንላን ቱማተላ ኩና ሄዋን ኤርሴ። አያዉ ጎፕ፡ ጸሳይ ኩ ዋዛና፡ ዋልቃማ፤ ቃይ እ ኡባባ ኤራ።

21 ታ ሲቃቶ፡ ኩ ዋዛናይ ኩ ቦላ ፕርድናዎ ግደ፡ ኩን ጸሳ ሰንላን ያኾ።

22 ኩን እ አዛዙዋ ናግያ ድራዉን እ ናሸቶያባ አላያ ድራዉ፡ ዋሲያ ኡባባ አፕ አኬቶ።

23 ጸሳ አዛዙ ሀዋ፡ ክርሰቶሰ ኩና አዛዜዳዋዳንካ፡ ጸሳ ናኦ የሱሰ ክርሰቶሳ ሱንላን ኩን አማናዳንን እቱ እቱዋና ሲቀታናዳን ጸሳይ ኩና አዛዜዳ።

24 ጸሳ አዛዙዋ ናግያ ኦንነ ጸሳ ግደን ደኤ፤ ጸሳይካ እ ግደን ደኤ፤ ጸሳይ ኩዉ እሜዳ እ አያና ባጋና እ ኩ ግደን ደእያዎ ኩን ኤራቶ።

4

ቱማንቻ አያናን ዋርዶ አያና

1 ታ ሲቃቶ፡ ጸሳ አያናይ ታናን ደኤ ግያ ኡባ አማና፡ ሸን ኡንቱንቱን ደእያ አያናይ ጸሳ፤ ዋይ ግደንቶ ፓጭተ። አያዉ ጎፕ፡ ጭራ ዋርዶ ናባቱ ኡባሳ ቤድኖ።

2 ጸሳ አያና ግድያዎ ህንተ ሀዋን ኤራና፤ “የሱሰ ክርሰቶሰ አሳ ግዲደ ዬዳዎ አማናይ” ግያ ኦናንን ደእያ አያናይ ኡባይ ጸሳ፡ ዬ።

3 ቃይ ክርሰቶሰ አሳ ግዲደ ዬዳዎ አማናይ ጌናዎ አያናይ ኡባይ ጸሳ፡ ዬ። ከን ክርሰቶሳ ኤቀትያ አያናይ ደኤ። ህንተ ሄዌ ያናዎ ካሰ ሰሴድታ፤ እ ሀራይ አቶ ሀእካ ሀ አላምያን ደኤ።

4 ታ ናቶ፡ ህንተ ጸሳዎንታ፤ ህንተ ግደን ደእያ ጌሻ አያናይ ሀ አላምያን ደእያ አያና፡ ደር ዋልቃማ ድራዉ፡ ዋርዶ ናባቱዋ ህንተ ጸኔድታ።

5 ኡንቱንቱ ሀ አላምያ አሳ ግድያ ድራዉ፡ ሀ አላምያባ ሃሳዪና፤ ሀ አላምያ አሳይካ ኡንቱንቱ ሃሳያ ሰሴ።

6 ኩን ጸሳዎንታ፤ ጸሳ ኤርያ ኦንነ ኩን ግያዎ ሰሴ። ጸሳ ኤረና ኦንነ ኩን ግያዎ ሰሰና። ኩን ቱሙ አያናን ዋርዶ አያና ሄዋን ሻኬቶ።

ጸሳይ ሲቁዎ

7 ታ ሲቃቶ፡ ሲቁ ጸሳ፡ ይያ ድራዉ፡ አነ እቱ እቱዋና ሲቀቶይተ። ሲቀትያ ኦንነ ጸሳ ናና፤ ጸሳካ ኤራኖ።

8 ጸሳ ኤሻይ ሲቆ ግድያ ድራዉ፡ ሲቀና ኡራይ ኦንነ ጸሳ ኤረና።

9 ጸሳይ ኩና ባረ ሲቁዎ ሀዋን በሴዳ፤ ኩን እ ባጋና ደኡዋ ደማና ማላ፡ ባረ እት ናኦ ሀ አላምያ ኪቱዳ።

10 ሲቁዎ ግያዎ ሀዋ፤ ጸሳይ ኩና ሲቁደ፡ ኩን ኩ ናጋራ፡ ማርተላ ደሜዳ ባረ ናኦ ኩዉ ኪቱዳ፡ ኩን ኩን እ ሲቁዳዋና ግደና።

11 ታ ሲቃቶ፡ ጸሳይ ኩና ሀዋዳን ሲቁዳዎ ግደ፡ ኩንካ እቱ እቱዋና ሲቀታናዉ በሴ።

12 ጸሳ ኦንነ ሙላካ በእቤና፤ ኩን እቱ እቱዋና ሲቀቶ፡ ጸሳይ ኩ ግደን ደኤ፤ እ ሲቁካ ኩ ግደን ፖለቲዳ።

13 ጸሳይ ባረ አያና ኩዉ እሜዳ ድራዉ፡ ኩን ጸሳ ግደን ደእያዎን እካ ኩ ግደን ደእያዎ ኤራቶ።

14 ጸሳ አዉ ባረ ናኦ ሀ አላምያ አሸያዎ ግዳናዉ ኪቱዳዎ ኩን በኢደ ማርካቲቶ።

15 የሱሰ ጸሳ ናኦ ግድያዎ ማርካትያ ኦ ግዲዋንን ጸሳይ ደኤ፤ እካ ጸሳ ግደን ደኤ።

16 ጸሳይ ኩና ሲቅያዎ ኩን ኩ ሁጳዉ ኤራቶን አማኔቶ።

ጸሳይ ሲቁዎ። ሲቁዎን ደእያ ኦንነ ጸሳ ግደን ደኤ፤ ጸሳይካ እ ግደን ደኤ።

17 ኩ ደኤ ሀ አላምያን ክርሰቶሰ ደኤዳዎ ማላ ግድያ ድራዉ፡ ፕርዳ ጋላሰ ኩን ያየና ማላ፡ ሲቁ ኩ ግደን ፖለቲዳ።

18 ሲቁዎን ያሸ ባዋ፤ ጋሱካ ቱሙ ሲቁ ያሻ ከሰ ኦሌ። ያሻይን ሙራይ እት፡ ብያ ድራዉ፡ ያይያ ኡራ ሲቁ ኩሙንላ ግደና።

19 ጸሳይ ኮይር ኩና ሲቁዳ ድራዉ፡ ኩን እ ሲቁደ።

20 ኦንነ፡ “ታን ጸሳ ሲቃይ” ጊደ ባረ እሻ እጾ፡ እ ዋርዶዎ። አያዉ ጎፕ፡ በኤዳ ባረ እሻ ሲቀናዎ በእቤና ጸሳ ሲቃናዉ ዋን ዳንዳዪ?

21 ቃይ ክርሰቶሰ ኩዉ እሜዳ አዛዙ ሀዋ፤ ጸሳ ሲቅያ ኡራይ ባረ እሻካ ሲቃናዉ በሴ።

5

ሀ አላምያ ጸንያዎ

1 ኦከቲዳ ክርሰቶሳ ያጊደ፡ የሱሳ አማንያ ኡባይ ጸሳ ናና፤ ቃይ ጸሳ አዉዎ ሲቅያ ኦንነ እ ናናቱዋካ ሲቁ።

2 ኩን ጸሳ ሲቅያዎን እ አዛዙዋ ናግያዎን፡ ጸሳ ናናቱዋ ሲቅያዎ ኤራቶ።

3 አያዉ ጎፕ፡ ኩን ጸሳ ሲቅያዎ እ አዛዙዋ ናግያዎ፤ እ አዛዙካ ዴጾ ግደና።

4 አያዉ ጎፕ፡ ጸሳ ናኦ ግድያ ኦንነ ሀ አላምያ ጸናናዉ ዳንዳዬ፤ ኩንካ ሀ አላምያ ጸናናዌ ኩ አማኔዋና።

5 ሀ አላምያ ጸናናዉ ዳንዳይያዎ ኦኔ? የሱሰ ጸሳ ናኦ ግድያዎ አማንያዎ ጸላላይ ጸናና።

ክርሰቶሳዎ ማርካቲዳዎ

6 ጽንቃታ ሃላናን ሀይቁዎ ሱላና ዬዳዌ ሀዋ፤ እካ የሱሰ ክርሰቶሳ፤ ሃላናን ሱላና* እ ዬዳዋ፡ ኩንካ ሃላ ጸላላና ይቤና። ጌሻ አያናይ ቱማ ግድያ ድራዉ፡ ሄዌ ቱማ ግድያዎ እ ባረ ሁጳዉ ማርካቲ።

7 አያዉ ጎፕ፡ ሄዙ ማርካቲ ደኢኖ።

8 ሄዋንቱ፡ ጸሳ አያና፡ ሃላን ሱላ፤ ሀ ሄዛቱ እቱ እቱዋዎ ጸልቂክኖ።

* 5:6 ሃላናን ሱላና፡ የሱሰ ሀ አላምያ ዪደ ጽንቃታ ሃላ ጸላላና ግደናን ባረ ሀይቁዎ ሱላን ዬዳ። ሄዋ ጉሳይ እ አሳ ኩሸያን ጸማቀቲሳ ጸላላ ግደናን፡ ሀ አላምያን ሀይቁዳ ጉሳ።

9 ኑን አሳይ ማርካትያዋ አማኖ፣ ጸሳይ ማርካትያዋ አሳዋ፣ ሎይሳ አጄ፣ አያው ጎ፣ ጸሳይ ባረ ናኣባ ማርካቲዳ ማርካተላይ ሆዋ።

10 ጸሳ ናኣ አማንያ ኡራ ዋዛናን ሆ ማርካተላይ ደኤ። ጸሳ አማንና ኡራይ ኦንነ ጸሳይ ባረ ናኣው ማርካቲዳ ማርካተላ አማንቤና ድራው፣ ጸሳ ዋርዲዋ ጌ።

11 ሰም ማርካተላይ ሆዋ፤ ጸሳይ ኑው መድና ደኡዋ እሚዳ፤ ሄዌካ እ ናኣን ደኤ።

12 ጸሳ ናኣይ ደእያ ኦሰነ ደኡ ደኤ፤ ጸሳ ናኣይ ባይና ኦሰነ ደኡ ባዋ።

መድና ደኡዋ

13 ጸሳ ናኣ ሱንላን አማንያ ህንተንቶ መድና ደኡ ደእያዋ ህንተ ኤራና ማላ፣ ሆዋ ህንተንቶ ጸፋድ።

14 ጸሳይ ኮይያዋዳን፣ አይነ ኑን አ ዋሶ፣ አ ሰሰያዋ ኑን ኤርያ ድራው፣ አ ሰንላን ያዮኮ።

15 ኑን ዋሰያ ኡባን እ ሰሰያዋ ኤር፣ ኑን አ ዋሴዳዋ እ ዛሬዳዋ ኤሬቶ።

16 ኦንነ ሀይቁ በሰና ናጋራ ባረ እሻይ ኦሳሽን በኦ፣ ጸሳ ዋሳናው በሴ፤ ሀይቁ በሰና ናጋራ ኦሳዳዋንቶ ጸሳይ ደኡዋ እማና። ሀይቁ በሰያ ናጋራይ ደኤ፤ ታን ህንተና ሄዋ ጸሳ ዋሰተ ጊከ።

17 ባይዘ ኦሱ ኡባይ ናጋራ፤ ሸን ሀይቁ በሰና ናጋራይ ደኤ።

18 ጸሳ ናናይ ኦንነ ናጋራ ኡባ ዋደ ኦፍዋ ኑን ኤሬቶ። አያው ጎ፣ ጸሳ ናኣይ ኡንቱንታ ናጌ፤ ቃይ ዳላህያ ካፑካ ኡንቱንታ ቆሀናው ዳንዳየና።

19 ኑን ጸሳዋንታ ግድያዋን ሆ አላሚ ኡባይ ዳላህያ ካፑዋን ሞደቲዳዌ ኤሬቶ።

20 ኑን ቱሙ ጸሳ ኤራናዳን፣ ጸሳ ናኣይ ዬዳዋን ኑው እኬካ እሚዳዋ ኤሬቶ። ኑን ቱሙ ጸሳ ግድን፣ አ ናኣ የሱሰ ክርሰቶሳ ግድን ደኤቶ፤ እ ቱሙ ጸሳን መድና ደኡዋ።

21 ታ ናቶ፣ ኤቃቱዋ፣ ህንተ ሁጲያ ናግተ።

ዮሃንሳ ጸፊዳ ላኤንላ ኪታ ገሉዋ

ዮሃንሳ ላኤንላ ኪታ፣ የሱስ ኪቴዳ እማንያዋንታ ካለልያ ጭማ ዮሃንሳ ጸፊዳ። ጸፊቴዳዌካ፣ ደረቴዳ ገንዘን እዝ ናናቴዋሳ። እዛካ ሄ ዋደ ደእያ እማንያ አሳ ሺቁዋ በሳው። ሀ ቃንላ ኪታይ ጸፊቴዳዌ ኤንቴንቴ እቴ እቴዋና ሲቀታናዳን ሀሳይሳናሳን ዋርዶ አስታማራቴዋ። ኤንቴንቴ ትምርትያ፣ ናገታናዳን ቆፍሳናሳ።

ሸምጋቴዋ ኡባቶ እመቴዳ ቃንላ ቆፋቴዋ

ገሉዋ 1-3

ሲቁ ኡባ፣ ቦላ 4-6

ዋርዶ ትምርትያ፣ ናገታናዳን ኦደቶዋ 7-11

ወርሰላ ቁትያ 12-13

1-2 ታን እማንያዋንታ ካለልያ ጭማይ፣ ሀንተንቶ፣ ደረቴዳ ገንዘን እዝ ናናው * ሀ ዳብዳቢያ ጸፋይ፣ ኑ ግደን ደእያ ቃይ ኑናና ማድናው ደእና ቴማተላ ድራው፣ ታን ሀንተና ቴሙ ሲቃይ። ቃይ ታ ጸላላ ግደናን፣ ቴማተላ ኤርያ ኡባቴ ሀንተና ሲቁኖ።

3 ጸሳ ኑ አወዋን አ ናኣ የሱስ ክርሰቶሳ አጾ ከካተላይ፣ ማርተላይን ሳርተላይ ቴማተላንን ሲቁዋን ኑናና እትፕ ግደ።

ቴሙዋባን ሲቁዋባ

4 ጸሳ እዉ ኑና አዛዜዳዋዳን፣ ነ ናናቴዋ፣ አማራዳዋንቴ፣ ቴማተላን ደእያዋ በኣደ ታን ዳር ናሽታድ።

5 ሲቆ ገኔ፣ ሀእካ ኑን ኡባይ እቴ እቴዋና ሲቀታና ማላ፣ ታን ኔና ዋሳይ፣ ሀ እዛዙ ካሴደ፣ ኑናና ደእያ እዛዙዋ፣ አትን፣ ታን ነዉ ኑራላ እዛዙዋ ጸፍከ።

6 ሲቁዋ ግያዌ ኑን ጸሳ እዛዙዋ ናገደ ደእያዋ ግያዋ። ቃይ ኮይሩዋ፣ ሀንተ ሰሴዳዋዳንካ፣ አ እዛዙ እዬ ጎፕ፣ ሀንተ ኡባይ ሲቁዋን ደእናዋ።

7 አያዉ ጎፕ፣ የሱስ ክርሰቶሰ አሳ ግዲደ ዬዳዋ እማኖኮ ግያዋንቴ፣ ባለልያ ዳር አሳቴ፣ ጋደ ግደ ገሌድኖ። ሄዋ ማላ ኡራይ ኑን አሳ ባለልያዋን ክርሰቶሳ ኤቀትያዋ።

8 ሀንተ ኡጼዳዋ ኩሙንላ ዋይታ አካና፣ አትን፣ ኑን ተ ኡጼዳዋ ባይዘና ማላ፣ ሀንተና ናግተ።

9 ክርሰቶሳ ትምርትያ፣ ሃክያ ኡራውን ቃይ አ ትምርትያን ደእና ኡራው ጸሳና እትፕተላይ ባዋ። ክርሰቶሳ ትምርትያን ደእያ ኡራው ጸሳ አወዋናን አ ናኣና እትፕተላይ ደኤ።

10 ኡንን ሀንተኮ ዪደ፣ ሀ ትምርትያ እሄናን አጎፕ፣ ሀንተ ጎለ አ ገልሶፕተ፣ ሳርካ ጎፕተ።

11 አያዉ ጎፕ፣ አ ሳር ግያ ኡራይ አ ኢታ ኡሱዋ እናና ግሸቴ።

ወርሰላ ሳርታ

* 1:1-2 ደረቴዳ ገንዘን እዝ ናናው- ኡን ኤር ሀዌ ጸፊቴዳዌ፣ ዋሳ ጎለዉን እዝን ደእያ ጎዳ ካልያ እማንያዋንቶ ግደናን አገና። 13 ጸልተ። 1:5 ዮሃ. 13:34፣ 15:12፣ 17 ተ 1:8 ኑን- እት እት ጌሻ ማጻፋ ብለላይ፣ “ሀንተንቴ” ያጌ።

12 ታን ሀንተንቶ ጸፋናው ኮዬዳ ዳርባይ ደኤ፣ ሸን ዋራቃታንን ቃላምያን ጸፋናው ኮያበይከ፣ ሸን ኑ ናሽታይ ፖለታና ማላ፣ ሀንተናና ደናን ሃሳያናው ሀንተኮ ባና ጋደ ቆፓይ።

13 ሲቆ ገኔ፣ ጸሳይ ደሬዳ ነ ምቻት ናናይ ኔና ሳር ሳር ያገላ።

የሃገሳ ሕግ ጸፊዳ ሄዘንሉ ኪታ ገሉዋ

የሃገሳ ሄዘንሉ ኪታ፣ የሱስ ኪቲዳ አማንያ አሳ ካለልያ ጭማ የሃገሰ ጸፊዳ። እ ጸፊዳዌካ ጋዮሳ ግያ እት ዋሳ ጎልያ ካለልያዋሳ። ጸፊ፣ ጋዮስ ሀራ አማንያዋንታ ማዴዳ ድራው አ ጋላቲ፤ ሀራ ባጋና ቃይ ድዮትራፍሳ ጌተትያ መቼዋ መድያ ብታንያፕ ርገታና ማላ አኬክሴ።

ሸምጋቱዋ ኡባቶ አመቴዳ ቃንሳ ቆፋቱዋ

ገሉዋ 1-4

ጋዮስ ጋላተቶዋ 5-8

ድዮትራፍሰ ርገታናዳን ኦደቶዋ 9-10

ድመጽሮስ ጋላተቶዋ 11-12

ወርሰሳ ቁትያ 13-15

1 ታን አማንያዋንታ ካለልያ ጭማይ፣ ቱሙ ሲቅያ ታ ሲቁዋ ጋዮሳው ሀ ዳብዳቢያ ጸፋይ።

2 ታ ሲቆ፣ ኔን ጸሳና ደእያ ደኡ ሎኢ ግድያዋ ታን ኤርያዋዳን፣ ኔና አያይነ ዋይስና ማላነ ቃይ ነ አሳተላይ ፓጻ ግዳና ማላ፣ ጸሳ ዋሳይ።

3 አያው ጎፕ፣ አማሬዳ እሻቱ ዪደ፣ ኡባ ዋደ ኔን ቱማተላን ደእያዋነ ነ ቱማተላባ ማርካቴዳ ዋደ፣ ታን ዳር ርሸታድ።

4 ታ ርናይ * ቱማተላን ደእያዋ ሰሰያዋፕ አዲደ፣ ታና ርሸቶያባይ ባዋ።

ጋዮሳባ አሳይ ማርካቴ

5 ታ ሲቆ፣ ኑ እሻቱ እማላ ግደፕካ፣ ኔን ኡንቱንቶ አልያ ኦሱዋ ኡባን አማነቴዳ ኦሱዋ ኦሳዳ።

6 ቃይ ኡንቱንቱ ነ ሲቁዋባ አማንያ አሳቶ ማርካቴድኖ፤ ኡንቱንቱ ቃንጸናን ባረ ኦግያ ባና ማላ ጸሳይ ደሰያዋዳን፣ ኔን ሎኦባ ኦሳደ ኡንቱንታ ማዳርኪ።

7 አያው ጎፕ፣ ጸሳ አማነናውንቱፕ አይነ አከናን፣ ክርሰቶሳ ሱንሳ ድራው ከሴድኖ።

8 ሄዋ ድራው፣ ኔን ቱማተላ ኡንቱንቱና እትፕ አላና ማላ፣ ሀዋንቱ ማላ አሳቱዋ ማዳናው በሴ።

ድዮትራፍሰ ሴረቴዳ፤ ድመጽሮስ ሳቡቴዳ

9 ታን አማንያዋንቶ፣ ዳብዳቢያ ጸፋድ፤ ሸን ኡንቱንቱ ካቸዋ ግዳናው ኮይያ ድዮትራፍሰ ኑን ግያዋ አከና።

10 ሄዋ ድራው፣ ታን ያ ብያ ዋደ፣ እ ኑ ቦላን ሃሳይያ ኢታ ሃሳያነ እ አፌዳ ኦሱዋ ሀንተንቶ ኦዳና፤ ቃይ እ ሄዌ ጉጹዳ ጊደ፣ ኑ እሻቱ ይያ ዋደ ሞከና፤ ሀራይ አቶ ኡንቱንታ ሞካናው ኮይያዋንታካ ድጊደ፣ አማንያዋንቱ ግደፕ ከሴ።

11 ታ ሲቆ፣ ሎኦባፕ አትን፣ ኢታባ ማላቶፓ። ሎኦባ አልያ ኦንነ ጸሳ አሳ፤ ሸን ኢታባ አልያ ኦንነ ጸሳ ኤረና።

12 ድመጽሮስ ሎኦ ግድያዋ አሳይ ኡባይ ማርካቴ፤ ቱማተላይ ባረ ሁጲያንካ አባ ማርካቴ። ኔንካ ቃይ አባ ማርካቴቶ፤ ኑ ማርካተላይ ቱማ ግድያዋ ሀንተካ ኤሪታ።

ወርሰሳ ሳርታ

13 ታን ነዉ ጸፋናው ኮዬዳ ዳርባይ ደኤ፤ ሸን ዋራቃታንነ ቃላምያን ጸፋናው ኮይከ።

14 ሸን ታን ማታን ኔናና ጋከታናው ቆፓይ፤ ሄ ዋደ ኑን ጋከቲደ ሃሳያና።

15 ሳርተላይ ኔናና ግድ።

ነ ዳባቱ ኔና ሳር ሳር ያጊኖ። ኑ ዳባቱዋ ኡባ ኡንቱንቱ ሱንሳ ሱንሳ ጸሳደ፣ ታና ሳር ሳር ጌዳ ያፓ።

1:1 ኪታ 19:29፤ ርመ 16:23፤ 1 ቆር. 1:14 * 1:4 ታ ርናይ፡- ጎዳ አማኒደ ካልያዋንታ ጉሳ።

ይሁዳይ ጸፊዳ ኪታ ገሉዋ

ይሁዳ ኪታይ ጸፊዳዊ፡ አማናን ደኢደ አማንያ አሳ ማላቲደ፡ ዋርዶ ትምርትያ ላልያ አሳቱዋጥ አማንያ አሳይ ናገታና ማላ፡ ኦዳና። ሀ ቃንላ ኪታይ ባረ ግዶን ኦይቄዳዋን ላእነላ ጸጽሮሳ ማላቲ። ጸፊ ናባብያዋንቶ ኦዲደ፡ “ላኤ። ሀና ታን ጸሳይ ባረ ናናቶ እት ካላካ እሜዳ አማና ሞኒደ ባጸታናዳን” ሞንሲደ ቆፍሴ።

ሸምጋቱዋ ኡባቶ እመቴዳ ቃንላ ቆፋቱዋ

ገሉዋ 1-2

ዋርዶ እስታማራቱዋ ትምርትያ ኤሻነ ከንደላ 3-16

አማኑዋ ናጋናዳን እመቴዳ ዘርያ 17-23

ወርሰላ አንጂዋ 24-25

1 ታን የሱስ ክርሰቶሳ ቆማይ ይሁዳይ፡ ያቆባ እሻይ፡ ጸሳይ ዴሴዳዋንቶ፡ ጸሳይ እዉ ሲቅያዋንቶ፡ ቃይ የሱስ ክርሰቶሳ ናግያዋንቶ፡ ሀ ዳብዳቢያ ጸፋይ።

2 ማርተላይ፡ ሳርተላይነ ሲቆተላይ ሀንተናን ኩሞ።

ዋርዶ እስታማራቱዋ

3 ታ ሲቃቶ፡ ኑን እትጥ ሻክ አካና አቶተላባ ሀንተንቶ ጸፋናዉ ታን ዳሮ ዳቡርያ ዋደ፡ ጸሳይ ባረ ናናቶ ላኤ። ናን እት ገደ እሜዳ አማና ሀንተ ባጸታና ማላ፡ ሀንተና ዘራደ ጸፋናዉ ኮሽያዋ አከካድ።

4 አያዉ ሳጥ፡ ጸሳ ኤረና እት እት አሳቱ ኦንነ በኤናን ሀንተ ግደ ገሌድና። ሄዋንቱ ኑ ጸሳ አዶ ከካተላባ ኦድያ ኪታ ኢታ ቱናተላዉ ጌላይ ታማርሲና፤ ኡንቱንቱ ኑ እት ካትያ፡ ኑ ጎዳ የሱስ ክርሰቶሳ ኤርኮ ያገድና፤ ቃይ ኡንቱንቱ ፕርዳ አካናዋ ጸሳ ማጸፋቱ ዳር ዋድያጥ ካሰ ኦዴድና።

5 ሸን ሀንተ ሀ ኡባባ ኤርያዋ ግደጥካ፡ ጎዳይ እስራኤልያ አሳ ግብጼ ጋድያጥ ዋት አሼደንቶን ቃይ አማንቤናዋንታ ጉየጥ ዋት ጳይሴደንቶ፡ ታን ሀንተና ሀሳይሳናዉ ኮያይ።

6 ቃይ ባረንቱ ደኢያሳ አገደ፡ ባረንቶ እመቴዳ ካፖተላ ናግቤና ኪታንቻቱ ፕርዳ አክያ ዋልቃማ ጋሳሳይ ጋካናዉ ጸሳይ ኡንቱንታ ናግያሳን፡ ጳማጥ ጋርሳን መድናዉ ቃች ዋል።

7 ሄዋዳን ሶደማን ጋሞራ ግያ ካታማቱዋን ኡንቱንቱ ሄራን ደእያ ካታማቱዋን ደእያ አሳይ ሄ ኪታንቻቱዋዳን ዋሹሜድናን ዋሹማናዉ ሎይል

ካጄሌድና፤ ሄዋንቱ መድና ታማን ኤዲደ፡ ሀራቶ ሌምሱዋ ግዴድና።

8 ሄዋዳን ቃይ ሄ እኩመትያ አሳቱ ባረንቱ አሳተላ ቱንሲና፤ ጸሳ ጎዳተላ ካጂና፤ ቦንቾ መጋታቱዋካ ቦሪና።

9 ሸን ኪታንቻቱዋ ካፑ ምካኤል ሙሴ አሃባ * ጸላህያና ፓሉመቴዳ ዋደ፡ “ጎዳይ ኔና ሴሮ” ጌዳዋጥ አትን፡ ቦርያ ቃላን አ ቦላ ፕርዳናዉ ኮይቤና።

10 ሸን ሄ አሳቱ ባረዉ አኬከናባ ኡባ ቦሪና፤ ቃይ ኡንቱንቱ የሸ ቆጥና ደአቱዋዳን፡ መጋታ ኤራተላን ኤርያ የዋቱ ኡንቱንታ ጳይሴያዋንታ።

11 ኡንቱንቶ አዬር! አያዉ ሳጥ፡ ኡንቱንቱ ቃይል ሀመቴዳ አግያ ተ ሀመቴድና። ሻሉዋ ድራዉ ገደ፡ ባላም ኦሌዳዋ፤ ማላ ባይዘዋ ኦሌድና። ቃይ ቆረ ስ ግያ ብታኒ ማካሊደ ጳይዳዋዳን፡ ኡንቱንቱካ ማካሊደ ጳይድና።

12 ሄዋንቱ ሲቁዋን ሾቢያ ሀንተ ምያሳን ሀንተናና ያሽ ባይናን ምያ ዋደ፡ ቆሰቴዳ ጳቡዋ ማላ። ኡንቱንቱ ባረንቱ ጸላላ ናገና። ኡንቱንቱ ጫርኩ አፍያ እራይ ባይና ሻርያ ማላ፤ ቃይ ኡንቱንቱ ቦንያን አይፍያ አይፈና፡ ጸጹዋና ሾደቲደ፡ ሙላካ መሌዳ ምላ ማላ።

13 ኡንቱንቱ ባረንቱ ፖኩዋ ገንጋና ሆሞትያ፡ ኢታ አባ ቤታ ማላ። ኡንቱንቱ፡ ጸሳይ፡ መድናዉ ሳካና ጳማን ሳኦ ገግሰ ዋልዳ ዩይያ ጸልንታቱዋ ማላ።

14-15 ሄናክ አዳማጥ ደምና፡ ላፑንላ የለታ ግድያዌ፡ ዳሮ ዋድያጥ ካሰ ኡንቱንቱዋ ትምቢትያ ኦዲደ፡ ሀዋዳን ያጌዳ፤

“አኬክተ፤ ጸሳ ኤረና ናጋራንቻ አሳቱ ኦሌዳ፡ ኢታ ኦሱዋ ኡባዉን፤

ቃይ ጸሳ ኤረና ሄ ኢታ አሳቱ፡

ጸሳ ቦላ ሃሳዬዳ ኢታ ሃሳያ ኡባዉ፡

ጎዳይ ኡንቱንቱ ኡባ ቦላ ፕርዳናዉ፡

ባረ ጮራ ሻኦ ጌሻቱዋና እትጥ ያና”

ያጌዳ።

16 ሄ አሳቱ ኡባ ዋደ ዙዙሚናን ሀራቱዋ አማሳሊና፤ ቃይ ባረንቱ ኢታ አሙዋ ካሊና፤ ባረንቱ ሀጸዉ ጎኦ ደማናዉ ሀራቱዋ ሳቢናን ባረንቱ ኮሻ ዋጋጥ አላደ፡ ጶቁ ኦል ሃሳዬና።

ምና አኬክሱዋን ዘርያ

17 ሸን ታ ሲቃቶ፡ ኑ ጎዳ የሱስ ክርሰቶሰ ኪቱዳዋንቱ ሀንተንቶ በን ሃሳዬዳ ቃላ አኬክተ።

18 ኡንቱንቱ ሀንተንቶ፡ “ወርሰላ ዋድያን፡ ባረንቶ ጸሳይ ባይናዋንቱ፡ ባረንቱ አሙዋ ካልያዋንቱ፡ ቃይ ሀንተ ቦላ ቅሊጭያዋንቱ ያና” ያጌድና።

19 ሄዋንቱ አሳ ግደን ሻኩተላ መድናዋንታን፡ ባረንቱ ኢታ አሞ ሞደቴዳዋንታ፤ ቃይ ጌሻ አያናይ ባይናዋንታ።

1:5 ከሳ 12:51፤ ፓይ. 14:29-30 1:6 ደመላ 6:2 1:7 ደመላ 19:1 * 1:9 ምካኤል ሙሴ አሃባ- ሀዌ በሰያዌ፡ በን ኮይሮቲደ እይሁዳቱዋ ማጸፋን ሙሴባዉ ጸፊቱዳዋ። 1:9 ዳኤላ 10:13፤ 21፤ 12:1፤ ሳፃ 12:7፤ ዛረ. 34:6፤ ዛካ. 3:2 † 1:11 ቃይል ሀመቴዳ አግያ- ቃይል ባረ እሻ አቤላ ዋዴዳ። ደመላ 4:3-8 ጸልተ። ‡ 1:11 ባላም ኦሌዳዋ- ጌሻ ቃላ ፓይዳዋ ማራዳን፡ ቦላ ጉጃ ደማና ገደ እስራኤልያ አሳ ሸቁክ ገደ እጹዳ ጋሱዋን ኡንቱንቱ ጸሳዉ አዛዘተናዳን ደአና ኡግያ ታማርሴዳ። ፓይ. 22:18፤ 24:13፤ 25:1-3፤ 31:16 ጸልተ። § 1:11 ቆረ- ዳትና እትጥ ግዲደ ሙሴዉን አርባዉ ማካሊዳዋዳን፡ ማካላ አሳ ታማርሴድና። ፓይ. 16:1-35፤ 26:9-10 ጸልተ። 1:11 ደመላ 4:3-8፤ ፓይ. 22:1-35፤ 16:1-35 1:14-15 ደመላ 5:18፤ 21-24

20 ሸን ታ ሲቃቶ፥ ኡባፕ አድያ ጌሻ አማኑዋን ህንተ ሁጺያ ኬጽተ፤ ቃይ ጌሻ አያና ዋልቃን ጸሳ ዋሰተ።

21 ቃይ ኑ ጎዳይ የሱሰ ክርሰቶሰ ባረ ማርተላን ህንተንቶ እማና መድና ደኡዋ ናጊደ፤ ህንተ ሁጺያ ጸሳ ሲቁዋን ዋሰተ።

22 እት እት ሰጴ ደእያ አሳቶ ቃረትተ።

23 እቱዋ እቱዋ ታማፕ ዳፍ ከሲደ አሸተ። ቃይ ሀራይ አቶ ኡንቱንቱ ኢታ አሙዋን ቱኔዳ ማዩዋ እጺደካ፥ እቶ እቶ ያሻተላን ቃረትተ።

ጋላታ ዋሳ

24-25 ህንተ ኩንደናዳን፥ ህንተና ናጋናዉነ ፖኩ ባይናዋንታ ኦሳደ፥ ባረ ቦንቹዋ ሰንላ ዋልቃማ ናሽቻን ሸሻናዉ ዳንዳይያ ኑና አሸያ እት ጸሳዉ፥ ኑ ጎዳ የሱሰ ክርሰቶሳ ባጋና ቦንቹ፥ ግታተላይ፥ ዋልቃይነ ማታይ፥ አጴዳ ዋደ ኡባፕነ ሀእነ መድና ጋካናዉ ግደ። አመንእ።

የሃንሳው ዬዲ ሳፍ ገሉዋ

የሃንሳው ዬዲ ሳፍ ደፈቲዳዎ፡ አማንያ አሳቱ የሱስ ክርስቶስ ባረንቱ ጎዳ ኦሊድ፡ ጌሻተላን ደኤዳ ድራው፡ ኡንቱንታ መቱነ ዋዪ ጋኬዳ ዋድያና፡ ጸፍያ ሁጳ ቆፋይ፡ ናባብያዎንቱ ሀደታይ ኩመንሳ ግዳናዲን፡ ኡንቱንታ መንግሳናሳን ባረንታ ጋኬዳ የደሳነ መቱዋ ግደን ባረንቱ አማኑዋን ምናናዲን፡ ኡንቱንታ ምንሳናሳ፡

ማጻፋ ግደን ዳርያ ባጋይ ዳራነ ካል ካሊደ ቆንጨዳ ሳጻቱዋ ኦይቄዳዎ፡ ሳጻቱ ሄ ላይላን ደእያ አማንያ አሳው ገልያዎንታ፡ ሸን ሀራቶ ጸራ ግዲደ ቆንጨና ሃሳያን ሺቄድኖ፡ ማዘሙርያ አዘማኙ ዛረጋትያዋዲን፡ ሀ ማጻፋ ግደን ደእያ ሁጳ የዋቱዋ ዲማ ዲማ ሳጻቱ ባጋና ዲማ ዲማ ማላንነ ዲማ ዲማ ምስልያ ፓይዳቱዋን ዛር ዛሪደ ሺቄድኖ፡ ሀ ማጻፋ ጸልያዎን ዲማ ዲማ ቆፋይ ደኦገን አው ግደ ቆፋይ ቆንጨ፡ ሄዌነ፡ “ጸሳይ ጎዳ ግዴዳ ክርስቶስ ባጋና ላኤግ ሀናታን፡ ባረ ሞርከቱዋ፡ ሴጸናናካ እትገ፡ እት ገደ ዉርስሳ ጸኑዋ ጸናና፡ ፖሌዳዋጥ ጉይያን ባረው አማነቲደ ደኤዳ፡ ባረ ባጋቱዋ ኦራሳ ሳሉዋነ ኦራሳ ሳኦ አንጂዋ ላትሳና” ያግያዎ፡

- ሸምፓቱዋ ኡባቶ አመቲዳ ቃንሳ ቆፋቱዋ**
- ገሉዋ 1:1-8
- ሳፍ ደያነ ላፑ ዋሳ ጎለቶ ኪተቲዳ ኪታ 1:9—3:22
- ማጻፋን ላፑ ማታፋቱዋ 4:1—8:1
- ላፑ ማላካታቱዋ 8:2—11:19
- ዳዊያነ ላኡ መሄቱዋ 12:1—13:18
- ዲማ ዲማ ሳጻቱዋ 14:1—15:8
- ጸሳ ሀንቁዋ ላፑ ጸኡቱዋ 16:1-21
- ባብሎን ባሻ፡ ዲኦ፡ ዋርዶ ናባያነ ሴጸናይ ጸነትያዋ 17:1—20:10
- ዉርስሳ ፕርዳ 20:11-15
- ኦራሳ ሳሉዋ፡ ኦራሳ ሳኦ ኦራሳ የሩሳላዎ 21:1—22:5
- ዉርስሳ ቁትያ 22:6-21

1 ኤሌል ሀናናዉ በሰያዎ ባረ ኦሳንቻቱዋ በሳና ማላ፡ ጸሳይ የሱስ ክርስቶስው እሜዳ ሳጻይ ሀዋ፤ የሱስ ባረ ኪታንቻ ኪቲደ፡ ሀ ሳፍ ባረ ኦሳንቻ የሃንሳ ኤርሴዳ፡
2 የሃንሰ በኢደ ቱማተላን ኦይዳ ኡባባይ፡ ጸሳ ቃላነ የሱስ ክርስቶስ ማርካተላ፡

3 ሀ ማጻፋ ናባብያ ኡራይ * አንጀቲዳዎ፤ ቃይ ሀ ትምቢትያ ማጻፋ ሰሰያዎንቱን ሀ ማጻፋን ጸፈቲዳዎ ናግያዎንቱ አንጀቲዳዎንታ፤ አያዉ ጎፕ፡ ሀ የዉ ፖለታናዉ ዋዲ ማታቲዳ፡

ኢሰያን ደእያ ላፑ ዋሳ ጎለቶ ኪተቲዳ ሳርታ
4 ታን የሃንሰ፡ ኢሰያ ጋድያን † ደእያ ላፑ ዋሳ ጎለቶ ያጋይ፤
ካሰ ደእያ ጸሳፕ፡
ሀእካ ደእያ ጸሳፕ፡
ሰንሳጥካ ያና ጸሳፕ፡
ቃይ አ ካዉተላ ኦይድያ ሰንሳን ደእያ ላፑ አያናቱዋፕ፡
አጼ ኬካተላይነ ሳርተላይ፡
ሀንተንቶ ግደ፡

5 ቃይ አማነቲዳ ማርካ፡
ሀይቁዋፕ ኮይር ደንዴዳ ናኦፕ፡
ሳኦ ካታቱዋ ሞድያ የሱስ ክርስቶስ፡
አጼ ኬካተላይነ ሳርተላይ፡
ሀንተንቶ ግደ፡

እ ኦና ሲቄነ፡
ቃይ ኦ ናጋራ አይለተላጥካ፡
ባረ ሱላን ኦና ከሴዳ፡

6 ኦና ባረ ጸሳዉነ አዎ ኦላና ማላ፡
እ ኦና ካታቱዋ፡
ቁሳቱዋ ኦሴዳ፤
አዉ መጅናፕ መጅና ጋካናዉ፡ ቦንቹነ ሞድያ ዋልቃይ ግደ፡ አመንኦ፡

7 በእተ፡
የሱስ ሻርያን ዬ፡፡
አሳይ ኡባይ፡ ሀራይ አቶ፡
እ ጫዴዳዎንቱካ፡ እ በእና፤
ሳኦን ደእያ አሳይ ኡባይ፡
አ ጋሱዋን ዬካናዎንታ፡
ሀዌ ቱሙፕ ሀናናዎ፡ አመንኦ፡

8 ካሰ ደእያዎ፡ ሀእካ ደእያዎ፡ ሰንሳጥካ ያና ጎዳይ፡ ኡባፕ ዋልቃማ ጸሳይ፡ “ኡባባዉ አልፋይነ ኦሜጋይ፡ ኮይሩነ ዉርስላይ ታና”፥ ያጌ፡

ክርስቶስ ሳጻን ቆንጨዳዎ
9 ታን የሃንሰ፡ ሀንተንቱ እሻይ፡ ሀንተናና የሱስ ክርስቶስ ዋይያነ አ ካዉተላ ቃይ አ ደንዳያ እት ሻከትያዎ፡ ጸሳ ቃላ ኦይዳ ድራዉነ የሱሳዎ ማርካቲዳ ድራዉ፡ ፒጽሞ ግያ ሃላይ ደዶ ቢታን ደኦ፡፡

10 ጎዳ ጋላሳን ታን አያናን ደኦይ፤ ታን ታፕ ጉየና ማላካታ ዋሱዋ ማላ ዋልቃማ ኮሻ ሰሳድ፡፡

11 ሄ ኮሻይ ታና፡ “ኔን በእያዎ ማጻፋን ጸፋ፤ ኢሰያን ደእያ ላፑ ዋሳ ጎለቶ፡ ኤፈሶና፡ ሳምርኔሳ፡ ጸርጋሞና፡ ትያጽርና፡ ሳርዴሳ፡ ፕላደልፍያ፡ ሎዶቅያ ዋሳ ጎለቶ ዬዳ” ያጌዳ፡፡

* 1:3 ናባብያ ኡራይ፡ ሀዋ ጉሳይ ኡባ አሳይ እት ጸሳ ጎሸትያ ዋዲን ሄዋንቶ ቃላ ናባብያ ኡራይ አንጀቲዳዎ ጉሳ፡ † 1:4 ኢሰያ ጋድያ፡ 1:4—3:22 ደእያዎ ዳብዳቤያ ግዲደ ጸፈቲዳ፡ ኢሰያ ጋዲ አዋይፊ ዳልያ ባጋና ደእያ ሮመ ካዉተላ ግዲደ ሀእ ሀ ዋድያን ቱርከ ጋድያ ገደ ጸሰትያዎ፡ 1:4 ከሳ 3:14፤ ሳፍ 4:5 1:5 አሳ. 55:4፤ ማዘ. 89:27 1:6 ከሳ 19:6፤ ሳፍ 5:10 1:7 ዳኔላ 7:13፤ ማፍሳ 24:30፤ ማር. 13:26፤ ሉቃስ 21:27፤ 1 ተሰ. 4:17፤ ዛካ. 12:10፤ የሃ. 19:34፤ 37 ‡ 1:8 አልፋይነ ኦሜጋይ፡ ሀዋ ጉሳይ ኦራሳ ጫቁ ኮይር ግርከ ቃላን ጸፈቲዳ ድራዉ፡ ኮይሩነ ዉርስላይ ጋናዉ ኮዪደ፡ አልፋ ግያ ግርከ ኮይር ፕዶልያ አኪደ ዉርስላዉ ቃይ ኦሜጋ ግያ ዉርስላን ደእያ ፕዶልያ አኪድኖ፡ ሀዋንታ ጉሳይ ለምሳሌዎን ዳዉርሱዋ ፕዶላቱዋ አክንቶ [አ - ዘ] ያግያዎ ማላ ጉሳ፡ 1:8 ሳፍ 22:13፤ ከሳ 3:14 1:13 ዳኔላ 7:13፤ 10:5

12 ታን ታወ ኦድያ ኮሻ በአናዉ ጉየ ሰማድ፤ ጸምጥያ ዋልያ ላፑ ዋርቃ ባላቱዋ በአድ።

13 ሄ ባላቱዋ ግደን አሳ ናኣ ማላትያዋ በአድ፤ አዲሳ አፍላ ባረ ገድያ ጋሐ ማዪድ፤ ዋርቃ ዳንጩዋ ባረ ትራን ዩሽ አሌዳ።

14 አ ሁጲነ አ ሁጲያ ብናናይ ቦላ ደርሳ አስክያነ ሄዋጥካ አጲደ ሻቻ ማላቲ፤ አ አይፊካ ታማ ላጩዋ ማላቲ።

15 አ ገዲካ ጩጭያ ታማን ቲሪደ ጰልያ ናሃሰያ ግያ ብራታ ማላቲ፤ አ ኮሻይካ ዋልቃማ ሻፋ ጉንላ ማላ።

16 አ ባረ ኡሽቻ ኩሽያን ላፑ ጸልንታቱዋ ኦይቄዳ። አ ደናፕ ላኡ ባጋና ቃረቲዳ ማሻይ ከሴዳ። አ ዳሙካ ሎይሐ ፖእያ አዋይፍያ ማላቲ።

17 ታን አ በኤዳ ዋደ ሀይቄዳዋዳን ሀናደ፤ አ ገድያ ማታን ኩንዳድ። ባረ ኡሽቻ ኩሽያ ታ ቦላ ዋላደ፤ ታና ሀዋዳን ያጌዳ፤ “ያዮፓ፤ ኮይሩካ ዉርሰላይካ ታና።

18 ታን ደኡዋን ደእያዋ። ታን ሀይቃድ፤ ሽን በአ፤ መጅ መጅናዉካ ደኡዋን ደእይ። ሀይቄዋ ቁልፒነ ሰኦልያ ቁልፒ ታ ኩሽያን ደኤ።

19 ሰም ኔን በኤዳባነ ሀእ ደእያዋ፤ ቃይ ሰንላፕ ሀናናባ ጸፋ።

20 ኔን ታ ኡሽቻ ኩሽያን በኤዳ ላፑ ጸልንታቱዋ ብለላይነ ቃይ ጸምጥቱዋ ዋልያ ላፑ ዋርቃ ባላቱዋ ብለላይ ሀዋ፤ ላፑ ጸልንታቱ ላፑ ዋሳ ጎላቱዋ ኪታንቻቱዋ፤ ስ ዋሳ ጎልያ ላፑ ዋርቃ ባላቱ ላፑ ዋሳ ጎልያ።”

2

(1) የሱስ ኤፈሶንን ደእያ ዋሳ ጎለዉ ጎዋ

1 ኤፈሶንን ደእያ ዋሳ ጎለ ኪታንቻዉ ሀዋዳን ያጋደ ጸፋ።

“ባረ ኡሽቻ ኩሽያን ላፑ ጸልንታያ ኦይቄዳዋ፤ ጸምጥቱዋ ዋልያ ላፑ ዋርቃ ባላቱዋ ግዲዋና ሀመትያዋ ሀዋዳን ያጌ።

2 ታን ነ ኪታ፤ ነ ደቡራነ ነ ገንጩዋ ኤራይ። ቃይ ኔን ኢታ አሳቱዋ ገንጩናዉ ዳንዳያቤናዋካ ታን ኤራይ፤ የሱስ ኪቲዳዋንታ ግደናን ደኢደ ባረንታ፤ ፋኑ የሱስ ኪቲዳዋንታ ግያዋንታ ኔን ጸምሳደ፤ ኤንቲንቲ ዋርዶ ግድያዋ ደሜዳዋካ ኤራይ።

3 ኔን ገንጩዳ፤ ቃይ ታ ሱንላ ድራዉካ መቱዋ ዳንዳያዳ፤ ዳቡራብይካ።

4 ሽን ታን ኔና ካጵያባይ ደኤ፤ አያዉ ጎፕ፤ ኔን ካሰ ነ ሲቁዋ አጋዳ።

5 ሰም ኔን ሀቃፕ ኩንዳድንቶ አከካ። ነ ናጋራፕ ሰማ፤ ኔን ካሰ አልያ ኦሱዋ ኦላ። ሄዋ ጳዮፕ፤ ታን ኔኮ ያና፤ ያደ ኔን ነ ናጋራፕ ሰማና ጳዮፕ፤ ኔን ጸምጥያ ዋልያ ነ ባላ አ ሳኣፕ አካ ድጋና።

6 ሽን እትባ ሎይላዳ፤ ኒቆላዋቱዋ ኦሱዋ፤ ታን እጽያዋ ኔንካ እጸዳ።

7 “ሰሳናዉ ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ፤ ታን ጸንያ ኡራዉ ጸሳ ገነትያን ሞክያ ደኡዋ ሞላ አይፍያ ማናዉ እማና ያጌ።”

ያጋደ ጸፋ።

(2) የሱስ ሳምርኔሳን ደእያ ዋሳ ጎለዉ ጎዋ

8 ሳምርኔሳን ደእያ ዋሳ ጎለ ኪታንቻዉ ሀዋዳን ያጋደ ጸፋ።

“ሀይቄዳዋ፤ ሀይቄዋጥካ ደንዴዳዋ፤ ኮይሩነ ዉርሰላይ ሀዋዳን ያጌ።

9 ታን ነ ዋይያነ ነ ሀዬሳተላ ኤራይ፤ ሽን ኔን ዱረ። አይሁዳ ግደናን ደኢደ ባረንታ፤ ኔን አይሁዳ ግያዋንቲ ቦርያዋ ታን ኤራይ፤ ሽን ኤንቲንቲ ሴጸና ማባራን ደኢኖ።

10 ኔን ዋየታና ዋየዉ ያዮፓ። በአ፤ ጸላሀያ ካፑ ሀንተፕ አማራዳዋንታ ጸምሳናዉ ቃሾ ጎለን የጋና፤ ታሙ ጋላሳ ጋካናዉ ሀንተንቲ ዋየታና። ሀይቃያ ገነናሰካ አማነቲዳዋ ግዳ፤ ታን ነዉ ደኡዋ ካላቻ * እማና።

11 “ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ!

“ጸንያ ኡራይ ላኤንሉዋ ሀይቄዋን † ቆሄተና ያጌ።” ያጋደ ጸፋ።

(3) የሱስ ጳርጋሞናን ደእያ ዋሳ ጎለዉ ጎዋ

12 ጳርጋሞናን ደእያ ዋሳ ጎለ ኪታንቻዉ ሀዋዳን ያጋደ ጸፋ።

“ላኡ ባጋና ሌፈቲዳ ማሻይ ደእያዋ ሀዋዳን ያጌ።

13 ጳጉን ኔን ደእያ ሳኣ ኤራይ። ኔን ሴጸና ካዉተላ ኦይዲ ደእያ ሳኣን ‡ ደእሳ፤ ታ ሱንላ ሞንሳ ናጋሳ። ሀራይ አቶ፤ ሴጸናይ ደእያ ሳኣን ሀንተንቲ ማታን አሳይ ዋጴዳ ታን እማንያ ማርካይ አንትጸሰ ደእያ ዋደካ ታና አማንያዋ አጋ በይካ።

14 ሽን ታን ኔና ቦርያ ጉላባይ ደኤ፤ እሰራኤልያ አሳይ ኤቃዉ ያርሼዳ ቁማ ማናዳንነ ዋሹማናዳን ኤንቲንታ ናጋራ ኦሰሴዳ ባላቃ ታማርሴዳ ባላማ ትምርትያ ታማርያ አማራዳ አሳቲ ኔና ደኢኖ።

15 ሄዋዳንካ፤ ቃይ ኒቆላዋቱዋ ትምርትያ ታማርያ አሳቲ ኔና ደኢኖ።

16 ሄዋ ድራዉ፤ ኔን ነ ናጋራፕ ሰማ፤ ሄዋ ጳዮፕ፤ ታን ኔኮ ኤላካ ያና፤ ሄ አሳቲዋና ታ ደናፕ ከሰያ ማሻን ኦለታና።

17 “ ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ። ጸንያ ኡራዉ ታን ጌማን ደእያ ማናፕ አማራዳዋ እማና። ቃይ ታን ቦላ ሹቻካ

1:14 ዳኔላ 7:9፤ 10:6 1:15 ሀዘ. 1:24፤ 43:2 1:17 ኢሳ. 44:6፤ 48:12፤ ሳፍ 2:8፤ 22:13 ስ 1:20 ኪታንቻቱዋ፡- ሀዋንታ ጉሳይ አማንያዋንታ ካለልያ ጭማቱዋ ዋይ አማንያዋንቶ ኪተቲዳዋንታ። 2:7 ደዉላ 2:9፤ ሳፍ 22:2፤ ሀዘ. 28:13፤ 31:8 2:8 ኢሳ. 44:6፤ 48:12፤ ሳፍ 1:17፤ 22:13 * 2:10 ደኡዋ ካላቻ፡- ቦንቼቲዳ ደኡዋ። † 2:11 ላኤንሉዋ ሀይቄዋ፡- ኮይር ሀይቄ እሹ ሸምጥቱዋ ሻከትያዋ ግደደ፤ ላኤንሉ ሀይቄ ሸምጥ መጅናዉ መቶቲደ ደእያ ሀይቄዋ። ‡ 2:13 ሴጸና ካዉተላ ኦይዲ፡- ሀዋ ብለላይ ሎይላደ ቆንጩ ግደና፤ ሽን ሀዋ በሰያዋ ጸሳ ኤራናን እጹዳዋንቲ ጎይንያ ጎይና ሳኣ ጋና ዳንዳየቲ። 2:14 ፓይ. 25:5፤ 7፤ 31:16፤ ዛረ. 23:4፤ ፓይ. 25:1-3

አዉ እማና፤ አክያ ኡራፕ አትን፤ ኦንነ ኤረና ኦራሳ ሱንሳይ ሄ ሹቻ ቦላ ጻፈት ኡቴዳ፣ ያጌ” ያጋደ ጻፋ።

(4) የሱስ ትያጽርነን ደእያ ዋሳ ጎለዉ ጎዋ

18 ትያጽርነን ደእያ ዋሳ ጎለያ ኪታንቻዉ ሀዋዳን ያጋደ ጻፋ።

“ጸሳ ናኦይ፤ ታማ ላጩዋ ማላትያ አይፊ ደእያዋ፤ ቃይ ጮጭያ ታማን ቴሪደ ጳልያ ናሃሲያ ጌተትያ ብራታ ማላትያ ገዲ ደእያዋ፤ ሀዋዳን ያጌ።

19 ታን ነ ኦሱዋ፤ ነ ሲቁዋ፤ ነ አማኑዋ፤ ነ ማዲዋን ነ ገንጨዋ ኤራይ፤ ነን ኮይር ኦልያዋፕ ሀእ ዳርሳደ ኦልያዋ ታን ኤራይ።

20 ሸን ታን ኔና ካድያባይ ደኤ፤ ባረና፤ ታን ናባቶ ያግያ ሞሽራቶ ኤልዛቤሎ ሸነኮ ጋዳ፤ ሄ ሞሽራታ ታ ኦሳንቻቱ ዋሹማናዳንነ ኤቃዉ ያርሼዳ ቁማ ማናዳን፤ ታማርሳዉነ ባለላዉ።

21 እዛ ባረ ናጋራፕ ሰማና ማላ፤ ታን እዝዉ ዋድያ እማድ፤ ሸን ዋሹማናዉ ካጄልያዋፕ እዛ ሰማናዉ ኮያበይኩ።

22 በእተ፤ ታን እዞ ግሱዋን ኩንድሰና፤ ሳኩዋን እዛ ዋየታና። እዝና ዋሹምያዋንቱ ሄ እዝና ኦልያ ናጋራፕ ሰማና ጳዮፕ፤ ኡንቱንታካ ዋልቃማ ዋይያን የገና።

23 ታን እዝ ናናካ ዋዳና፤ ቃይ ዋሳ ጎለያ ኡባይካ ታን አሳ ቆፋነ እሙዋ ኤርያዋ ግድያዋ ኤራና፤ ታን ሀንተንቶ ሀንተንቱ ኪታ ማላ እማና።

24 “ትያጽርነን ደእያ ሀራቶ፤ ሀ ኢታ ትምርትያ ታማርቤናዋንቶ፤ ሀራቱ፤ ሴጸና ጨዋ የዉዋ ግያዋ ሀንተንቱ ታማርቤይክታ፤ ታን ሀንተንታ ሀራ ዴጶዋ ቶሰከ ጋይ።

25 ሸን ታን ያና ጋካናዉ ሀንተንቶ ደእያዋ ሎይሰ ናግተ።

26 “ጸኔዳዋን ዉርሰላይ ጋካናዉ፤ ታ ኪታ ናጌዳዋ፤ አሳ ዛርያ ኡባ ሞዳና ማላ፤ ታን ታ አዉዋፕ አኬዳ ማታ ማላ አዉ እማና፤

27 “እ አሳ ዛርያ ኡባ ብራታ ጸምእን ሞዳና፤ ኡርቃፕ ሙታ ሚሻ ሙንሰያዋዳን ሙንሳና።

28 ቃይ ታን አዉ ባካልያ ጸልንትያ እማና።

29 ሰሳናዉ ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ ያጌ” ያጋደ ጻፋ።

3

(5) የሱስ ሳርዳሳን ደእያ ዋሳ ጎለዉ ጎዋ

1 ሳርዳሳን ደእያ ዋሳ ጎለያ ኪታንቻዉ ሀዋዳን ያጋደ ጻፋ።

“ጸሳ እያና ላፑናቱን ላፑ ጸልንታቱ ደእያዋ ሀዋዳን ያጌ። ታን ነ ኪታ ኤራይ፤ አሳይ ኔና ሸምፑዋና ደእሳ ግንቶካ፤ ኔን ሀይቃዳ።

2 ቤጎታ! አቴዳዋን ሀይቃናዉ ማቴዳዋ ሙንባ። አያዉ ጎፕ፤ ነ ኪታይ ታ ጸሳ ሰንላን ፖሎ ግደናዋ ታን ደማድ።

3 ሰም ኔን አኬዳዋን ሰሌዳዋ አኬካ፤ ናጋ፤ ነ ናጋራፕካ ሰማ። ኔን ቤጎተናዋ ግደፕ፤ ታን ኔኮ ካይሱዋዳን ያና፤ ታን ዋይሳደ ያነንቶ ኔን ኤራካ።

4 ሸን ባረንቱ ማዶዋ ቅትሰቤና እማራዳ አሳቱ ሳርዳሳን ኔናና ደኢኖ። ኡንቱንቱ ቦላ ማዶዋ ማዶደ ታናና ሀመታና፤ አያዉ ጎፕ፤ ኡንቱንቱ ቦላ ማዶዋ ማያናዉ በሰያዋንታ።

5 ጸንያዋ ሄዋዳንካ ቦላ ማዶዋ ማያና። ታን አ ሱንላ ደኡዋ ማጻፋፕ * ቁጭከ፤ ታን ታ አቡ ሰንላንነ አ ኪታንቻቱዋ ሰንላን እ ታዋ ግድያዋ ማርካታና።

6 “ሰሳናዉ ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ ያጌ” ያጋደ ጻፋ።

(6) የሱስ ፕላደልፍያን ደእያ ዋሳ ጎለዉ ጎዋ

7 ፕላደልፍያን ደእያ ዋሳ ጎለያ ኪታንቻዉ ሀዋዳን ያጋደ ጻፋ።

“ዳዊተ ቁልፕያ † አይቁዳዋ፤ ኦንነ ጎርዳናዉ ዳንዳየናዳን ዳይያዋ፤ ቃይ ኦንነ ደያናዉ ዳንዳየናዳን ጎርድያዋ ጌሻይነ፤ ቱማንቻይ ሀዋዳን ያጌ።

8 ታን ነ ኪታ ኤራይ። በአ፤ ታን ነ ሰንላን ኦንነ ጎርዳናዉ ዳንዳየና ፕንግያ ዋላድ፤ አያዉ ጎፕ፤ ነ ዋልቃይ ጉላ ግደፕ፤ ታ ቃላ ናጋዳን ታ ሱንላካ ኤርከ ጋበይካ።

9 በአ፤ አይሁዳ ግድክኖ ሸን ባረና፤ ሓን አይሁዳ ገደ ዋርዶትያ ሴጸና አይሁዳ ዋሳ ጎለያ ታን አሃደ፤ ነ ሰንላን ጎይንሳና ኔና ሲቅያዋካ ኡንቱንታ ኤርሳና።

10 ኔን ገንጨዋን ታ አዛዙዋ ናጌዳ ድራዉ፤ ሳኦን ደእያ አሳ ፓጫናዉ ኩሙንላ ሳኦ ቦላ ይያ ዋይያ ዋድያፕ ታንካ ኔና ናጋና።

11 ታን ኤለካ ያና፤ ኦንነ ነ ካላቻ አከና ማላ፤ ነዉ ደእያዋ ሞንሳ አይቃ።

12 ታን ጸንያ ኡራ ታ አዉዋ ጌሻ ጎለያን ቱሳ ኦላና፤ እ ሄዋፕ ኡባካ ከሰና። ታን ታ ጸሳ ሱንላ፤ ታ ጸሳ ካታማ ሱንላን ታ ጸሳ ማታፕ ዋዳና ኡራላ የሩሳላሙ ሱንላ አ ቦላ ጻፋና። ቃይ ታን ታ ኡራላ ሱንላካ አ ቦላ ጻፋና።

13 ሰሳናዉ ሀይላይ ደእያ ኡራይ ጌሻ አያናይ ዋሳ ጎለቶ ግያዋ ሰሶ ያጌ” ያጋደ ጻፋ።

(7) የሱስ ሎዶቅያን ደእያ ዋሳ ጎለዉ ጎዋ

14 ሎዶቅያን ደእያ ዋሳ ጎለያ ኪታንቻዉ ሀዋዳን ያጋደ ጻፋ።

“አማነቴዳ ቱማንቻ ማርካይ፤ ጸሳይ ሙዴዳዋ ኮይሩ፤ አሙንእ ግያዋ ሀዋዳን ያጌ።

2:17 ከሳ 16:14-15፤ 16:33-34፤ የሃ. 6:48-50፤ ኢሳ. 62:2፤ 65:15 2:20 1 ካታ. 16:31፤ 2 ካታ. 9:22፤ 30
2:23 ማዝ. 7:9፤ ኤር. 17:10፤ ማዝ. 62:12 2:27 ማዝ. 2:8-9 * 3:5 ደኡዋ ማጻፋ፤- ጸሳ አሳቱዋ ሱንላይ ጻፈትያ ማጻፋ። 3:5 ከሳ 32:32-33፤ ማዝ. 69:28፤ ሳፃ 20:12፤ ማቶሳ 10:32፤ ሉቃሳ 12:8 † 3:7 ዳዊተ ቁልፕያ፤ ሀዋ ጉሳይ ዳዊተ ካዉተላ አይሱዋ ማታ ኦድያዋ። 3:7 ኢሳ. 22:22፤ እዮባ 12:14 3:9 ኢሳ. 49:23፤ 60:14፤ 43:4

15 ታን ነ ኪታ ኤራይ። ኔን እርጸ ግዳካ፤ ዎይ ሴልያዎ ግዳካ፤ እርጸ ዎይ ሴልያዎ ግዳርኪ።
 16 ኔን እርጸ ዎይ ሴልያዎ ግዳርን፤ ደምቦሎላ ግድያ ድራው። ታን ኔና ታ ደናፕ ጩቻና ሀናይ።
 17 እያው ጎፕ ኔን፤ ታን ዱረ፤ ሚሻና ደእይ፤ ታና እይነ ኮሽና፣ ያጋሳ። ሽን ኔን መቶትያ አሳ፤ ቃረላያ አሳ፤ ሀዬሳ፤ ቆቃነ ካሎቴዳ አሳ ግድያዎ ኤራካ።
 18 ሄዎ ድራው፤ ኔን ዱረታና ማላ፤ ታማን ጌዬዳ ዎርቃ፤ ኔና ዬላይያ ነ ካሉዎ ካማናው ቦላ ማዩዋነ ቃይ ሎይላ ጸላናው ነ እይፍያ ኦክያ ቆልያ ታፕ ሻማናዳን፤ ታን ኔና ዘራይ።
 19 ታን ሲቅያ ኡባ ሴራይነ ሙራይ፤ ሰዎ ሎይላ ሴለታ፤ ነ ናጋራፕካ ሰማ።
 20 በእ፤ ታን ካረን ኤቃደ ጸሳይ። ኦንነ ታን ጸሰያዎ ሰሲደ፤ ካርያ ደዮፕ፤ ታን አኮ ገላደ አናና እትፕ ካወዎ ማና፤ እካ ታናና እትፕ ማና።
 21 ቃይ ታን ጸናደ ታ አወዋና አ ካወተላ ኦይድያን ኡቴዳዎዳን፤ ጸንያ ኡራው ታናና ታ ካወተላ ኦይድያን ኡትያ ማታ እማና።
 22 “ሰሰያ ሀይላይ ደእያ ኡራይ ጌሻ እያናይ ዎሳ ጎለቶ ግያዎ ሰሶ ያጌ ያጋደ ጸፋ” ያጌዳ።

4

ጸሳይ የሃንሳ ባረ ካወተላ ኦይድያ ሰንላ አሄዳ

1 ሄዎፕ ጉይያን፤ ታን ሳሉዋን ደያ ፕንግያ በአድ፤ ቃይ ታው ማላካታዳን ኦድሽን፤ ታን ሰሴዳ ኮይሮ ኮሻይ ታና፤ “ሀዎፕ ጉይያን፤ ሀናናው በሰያዎ ታን ኔና በሳና፤ ሃ ከሳ” ያጌዳ።
 2 ኤለካ ታን ጌሻ እያና ሞዲዎ ግደ ገላ አጋድ። በእተ፤ ሳሉዋን ካወተላ ኦይዲ ደኤ፤ ሄ ኦይድያን እቱ ኡቴዳ።
 3 ሄ ኡቴዳዎ ማላይ አልኦ እያሰሲድያ ሹቻዳንነ አልኦ ሰርድናነ ሹቻዳን ጸሌ። ካወታ ኦይዲ ዙሉዋን ዩይ አዲደ ኡባ ባጋና አልኦ ማርግድያ ሹቻዳን ጸሌ።
 4 ሄ ካወተላ ኦይድያ ዩይ አዲደ፤ ሀራ ላታማነ ኦይዲ ካወተላ ኦይደቱ ደእኖ፤ ኡንቱንቱን ቦላ ማዩዎ ማዩደ፤ ሀዲያን ዎርቃ ካላቻ ዎሌዳ ላታማነ ኦይዲ ጭማቱ ኡቴድና።
 5 ካወተላ ኦይድያፕ ዎልቃንሳይ፤ ኮሹንቻይነ ጉጉንላ ጉንላይ ከሴዳ፤ ቃይ ካወተላ ኦይድያ ሰንላን ላፑ ጸምፓቱ ፖኢና። ሄዎንቱ ጸሳ ላፑ አያናቱዎ።
 6 ካወተላ ኦይድያ ሰንላን ብርልያ ማላትያ ቡርጩኩዎ አባይ ደኤ።
 ሄ ካወተላ ኦይድያፕ ሰንላናነ ጉየና አ ማታን ዩይ አዲደ፤ እይፊ ኩሜዳ ኦይዲ ደኡዋን ደእያ መታቱ ደእኖ።
 7 ኮይሮ ደኡዋን ደእያ መታቱ ጋሙዎ ማላቴ፤ ላኤንሱ ሚዛ ማራ ማላቴ፤ ሄዘንሱዎ

ሶምእ አሳ ዴሙዎ ማላቴ፤ ቃይ ኦይደንሱ ፓልያ አርጋንሳ ማላቴ።
 8 ኦይዲ ደኡዋን ደእያ መታቱ ሀዲያን ሀዲያን ኡሱፑን ቀፊ ደኤ፤ ኡንቱንቶ ቦላን ጋርሳንካ ኡባ ሳን እይፊ ኩሜዳ። ኡንቱንቱ ቃማነ ጋላሰ።
 “ጌሻው፤ ጌሻው፤ ጌሻው፤ ካሰ ደእያዎ፤ ሀእካ ደእያዎ፤ ቃይ ሰንላፕ ያናዎ፤ ጎዳው፤ ኡባፕ ዎልቃማ ጸሳው” ግያዎ አግክና።
 9 ሄ መታቱ ካወተላ ኦይድያን ኡቴዳ መድ መድናው ደኡዋን ደእያዎ ማዘሙርያን ሳቤዳ ዎይ፤ ቦንቹዳ ዎይነ ጋላቴዳ ዎይ፤
 10 ላታማነ ኦይዲ ጭማቱ ካወተላ ኦይድያን ኡቴዳ መድ መድናው ደእያዎ ሰንላን ጉፋኒደ፤ አው ጎይኒና፤ ባረንቱ ካላቻ ካወተላ ኦይድያ ሰንላን ዎሊደ ሀዎዳን ያገኖ።
 11 “ኡ ጎዳው ጸሳው፤ ኔን ቦንቹዎ፤ ሳባነ ዎልቃ አካናው በሳሳ። እያው ጎፕ፤ ኡባባ ኔን መቆዳ፤ ቃይ ኡባባይካ፤ ኔን ኮዬዳዎዳን ሀኔዳነ ደኤዳ” ያገኖ።

5

ማጸፋነ ደርሳ

1 እት ጸጸቶ ማጸፋይ * ካወተላ ኦይድያን ኡቴዳዎ ኡሽቻ ኩሽያን ደእያዎ በአድ፤ ሄ ጸጸቶ ማጸፋይ ላኡ ባጋናካ ጸፊት ኡቴዳ፤ ቃይ ላፑ ማታፋይ አ ቦላ አታመቴዳ።
 2 ታን እት ዎልቃማ ኪታንቻይ ባረ ቃላ ቶቁ ኦሊደ፤ “ማታፋ ደዩደ፤ ጸጸቶ ማጸፋ ብላናው በሰያ ኡራይ ኦኔ?” ያገኖ፤ አዎይያዎ በአድ።
 3 ሳሉዋን ግድና ዎይ ሳኢን ግድና፤ ዎይ ሳኢፕ ጋርሳን ግድና፤ ሄ ጸጸቶ ማጸፋ ብላናው ዎይ አ ግዲዎ ጸላናው ኦንነ በሰያዌ ባዎ።
 4 ጸላ ማጸፋ ብላናው ዎይ አ ግዲዎ ጸላናው በሰያ ኡራይ ባይና ድራው፤ ታን ዳር ዩካድ።
 5 ጭማቱዎፕ እቱ ታና፤ “ዬኮፓ፤ በእ፤ ይሁዳ ዛርያ ግዴዳ ጋሙ፤ ዳዊተ ዛሪ ጸኔዳ፤ እ ማታፋ ደያናውነ ጸጸቶ ማጸፋ ብላናው በሴ” ያጌዳ።
 6 ታን ካወተላ ኦይድያፕ፤ ደኡዋን ደእያ ኦይዲ መታቱዎፕን ቃይ ጭማቱዎፕ ግዲዎን፤ ሹከቴዳ ደርሳ ማላቴደ ኤቁዳዎ በአድ፤ አው ላፑ ካጩቱነ ላፑ አይፈቱ ደእኖ። ሄዎንቱ አላምያ ኡባ ኪተቴዳ ጸሳ ላፑ አያናቱዎ።
 7 ሄ ደርሳይ ቢደ፤ ካወተላ ኦይድያ ቦላ ኡቴዳዎ ኡሽቻ ኩሽያፕ ጸጸቶ ማጸፋ አኬዳ።
 8 እ ሄ ጸጸቶ ማጸፋ አኬዳ ዎይ፤ ደኡዋን ደእያ ኦይዲ መታቱነ ላታማነ ኦይዲ ጭማቱ አ ሰንላን ኩንዴድና። ኡንቱንቱ ሀዲያን ሀዲያን

3:19 ለዎ. 3:12፤ አብራ. 12:6 4:2 ሀዘ. 1:26-28፤ 10:1 4:5 ከሳ 19:16፤ ሳፍ 8:5፤ 11:19፤ 16:18፤ ሀዘ. 1:13፤ ሳፍ 1:4፤ ዛካ. 4:2 4:6 ሀዘ. 1:5-10፤ 10:14 4:8 ሀዘ. 1:18፤ 10:12፤ አሳ. 6:2-3 * 5:1 ጸጸቶ ማጸፋ- ሀዎ ጉሳይ ዎራቃታን ዎይ ጋልባን ጸፈቴዳ ጸጸትያ ማጸፋ ግዲደ፤ ዳር ካረ ባጋና እት ዎይ ላኡ ቦላ ባጋ ጋልባን ማታፋይ አታመቴ። 5:1 ሀዘ. 2:9-10፤ አሳ. 29:11 † 5:3 ሳኢፕ ጋርሳን- ሀይቁዳዎንታ ጉሳ። 5:5 ደሙላ 49:9፤ አሳ. 11:1፤ 10 5:6 አሳ. 53:7፤ ዛካ. 4:10 5:8 ማዘ. 141:2

ዲላን እጻናይ ኩሜዳ ዋርቃ ሚሻ ኦይቄድኖ። ሄ እጻናይ ጌሻቱ ጸሳ ዋሰያዋ።

9 ኢንቴንቴ።
“ጸላ ማጻፋ አካናወነ።
ማታፋ ደያደ።
ጸላናዉ ነዉ በሴ።
እያዉ ሳፕ። ኔን ሹከታዳ።

ኔን ቆሙዋ ኡባፕ።
ዲማ ዲማ ጋድያ ቃላ ኡባፕ።
ያራ ኡባፕ። ዛርያ ኡባፕ።
ነ ሱላን። ጸሳዉ አሳ ዋዛዳ።

10 ኑ ጸሳዉ ኦላና ማላ።
ኢንቴንታ ኔን። ካታቱዋ።
ቄሳቱዋ ኦላዳ።
ቃይ ኢንቴንቴ ሳእንካ ሞዳና።
ያጊደ ኦራላ ማዝሙርያ የጸኖ።

11 ሄዋፕ ጉይያን። ታን ጸላደ። ካዉተላ ኦይድያ። ደኡዋን ደእያ ኦይዱ መጋታቱዋን ጭማቱዋ ዩይ አጲደ ኦቄዳ ዳር ኪታንቻቱዋ ኮሻ ሰሳድ፤ ኢንቴንቴ ሻኣንን ሚሎንያን ፓይደቲድኖ።

12 ሄ ኪታንቻቱ ባረንቴ ቃላ ጶቄ ኦሊደ።
“ሹከቲዳ ደርሳይ
ዋልቃ። ዲረተላ።
አጴዳ ኤራ።
ሞኖተላ።
ቦንቹዋ። ሳባ።
ጋላታ አካናዉ በሴ!”
ያጊድኖ።

13 ሄዋፕ ጉይያን። ሳኣን። ሳሉዋን። ሳኣፕ ጋርሳንን አባ ግዲዋን ደእያ መጋታ ኡባይን ቃይ ሄዋንቱን ደእያ መጋታ ኡባይ።
“ካዉተላ ኦይድያ ቦላ።
ኡቲዳዋን ደርሳዉ።
ጋላታይ። ቦንቹ።
ሳባይን ዋልቃይ።
መድ መድናዉ ግደ!”
ያጊደ የጽሽን ሰሳድ።

14 ደኡዋን ደእያ ኦይዱ መጋታቱ። “አመንእ” ያግና። ጭማቱ ጉፋኒደ ሳይኔድኖ።

6

ሄ ጸጸላ ማጻፋ ማታፋ ደያ

1 ደርሳይ ላፑ ማታፋቱዋፕ እቱዋ ደይሽን በኣድ፤ ቃይ ሸሞፑዋና ደእያ ኦይዱ መጋታቱዋፕ እቱ ጉጉንላ ጉንላ ማላትያ ኮሻን። “ሃያ!” ያግያዋ። ታን ሰሳድ።

2 ታን እት ቦላ ፓራ በኣድ። ሄ ፓራ ቶጌዳዌ ዋንዳፍያ ኦይቄዳ፤ ቃይ አዉ ካላቻይ እመቲዳ። ኦላ እ ጸኒድን ቃይካ ጸናናዉ ከሴዳ።

3 ደርሳይ ላኤንሎ ማታፋ ደዬዳ ዋደ። ሸሞፑዋና ደእያ መጋታቱዋ ላኤንሎ። “ሃያ!” ያግያዋ። ታን ሰሳድ።

4 ቃይ ሀራ ዳማ ፓራይ ከሴዳ። አሳይ እቱ እቱዋና ሹከታና ማላ። ሄ ፓራ ቶጌዳዋ ሳኣን

ሳርተላ ድግያ ዋልቃይ እመቲዳ። ዋጋ ማሻይ አዉ እመቲዳ።

5 ደርሳይ ሄዘንሎ ማታፋ ደዬዳ ዋደ። ደኡዋን ደእያ መጋታቱዋ ሄዘንሎ። “ሃያ!” ያግያዋ። ታን ሰሳድ። ያታደ ካረላ ፓራይ ከሴዳዋ በኣድ፤ ቃይ ሄ ፓራ ቶጌዳዌ ባረ ኩሽያን ሚዛንያ ኦይቄዳ።

6 ታን ደኡዋን ደእያ ኦይዱ መጋታቱዋ ግደፕ ኮሻ ማላትያባ ሰሳድ። ሄ ኮሻይ። “እት ጋላሳ ኦሶ ድርጉ ባጋ ኪሉዋ ዛርጋ፤ ቃይ እት ጋላሳ ኦሶ ድርጉ እት ኪሉዋ ባጋ ባንጋ። ሽን ዛይትያን ዋይንያ ኤሳ ቆሆፕ” ያግያዋ ሰሳድ።

7 ደርሳይ ኦይደንሎ ማታፋ ደዬዳ ዋደ። ደኡዋን ደእያ መጋታቱዋ ኦይደንሎ። “ሃያ!” ያግያዋ። ታን ሰሳድ።

8 ታን ግራጨ ፓራይ ከሴዳዋ በኣድ። ሄ ፓራ ቶጌዳዋ ሱንሳይ ሀይቁዋ፤ አ ጌዱዋ ሰኣሊ ካሌዳ። ሀይቁን ሰኣሊ ሳኣፕ ኦይደንሎ ኩሽያ ኦላን። ኮሻን። ሀርግያን። ዶኣን ዋድሳና ማላ። ኢንቴንቶ ማታይ እመቲዳ።

9 ደርሳይ እቼሽንሎ ማታፋ ደዬዳ ዋደ። ኢንቴንቴ ጸሳ ቃላ ኦይዳ ድራዉን ባረንቴ ማርካተላን አማነቲዳ ድራዉ። ሹኬዳ አሳ ሸሞፑዋ ያርሹዋ ያርሽያ ሳፕ ጋርሳን በኣድ።

10 ኢንቴንቴ ባረንቴ ቃላ ጶቄ ኦሊደ። “ኡባ ሞድያ ጎዳዉ። ጌሻዉ። ቱማንቻዉ። ሳኣን ደእያ አሳ ቦላ አዉደ ፕርዳይ? ቃይ ኑ ሱላ አዉደ ጭገታይ?” ያጊድኖ።

11 ኢንቴንቶ ሁጲያን ሁጲያን ቦላ ማዩ እመቲዳ። ኢንቴንቴዋዳን ሀይቃናዉ በሰያ ኢንቴንቴ ላገላ ኦሳንቻቱዋ ፓይዱን ኢንቴንቴ እሻቱዋ ፓይዱ ኩማና ጋካናዉ። ኢንቴንቴ አማሬዳ ዋድያ ታክሻና ማላ። ኢንቴንቶ ኦይቲዳ።

12 ደርሳይ ኡሱፑንላ ማታፋ ደዬዳ ዋደ። ታን በኣድ፤ ቢታይ ሎይሎ ቃጶዳ። አዋይፊ ካረላ ማዩዋዳን ካረጶዳ፤ አገናይካ ሙላ ሱላ ማላቲዳ።

13 ባላሰያ ግያ ሞላት ጋሞኤ አይፊ። ዋልቃማ ጫርኩ ቃሰና። ሳኣን ቆቆፈትያዋዳን። ጸልንታቱ ሳሉዋፕ ሳኣን ቆቆፈቲድኖ።

14 ሳሉ ጸጸቶ ማጻፋይ ጸጸትያዋዳን። ጸጸቲደ ጳይ አኔዳ፤ ደር ኡባቲን ሃላን ደይቲዳ ሳኣይ ኡባይ ባረንቴ ደእያሳፕ ክቶ አኔድኖ።

15 ሄዋፕ ጉይያን። ሳኣ ካታቱ። ደርያ ሞድያዋንቱ። ሻላቃቱ። ዱራቱ። ዋልቃማቱ። ቃይ ሀራ አሳይ ኡባይ። አይለቱ። ዋማናቱ። ደርያ ከሲደ። ጎንጎሉዋ ግደንን ደርያን ደእያ ዛላ ጉዩ ባጋን ቆሰቲድኖ።

16 ያቲደ ደረቱዋን ሹቻ። “ካዉተላ ኦይድያን ኡቲዳዋ አይፍያፕን ደርሳ ሀንቁዋፕ ኑ ቦላ ኩንዲደ። ኑና ገንጮርክቲሻ!”

17 እያዉ ሳፕ። ኢንቴንቶ ዋልቃማ ሀንቁዋ ጋላሳይ ጋክ ክቼዳ፤ ሄ ሀንቁዋ ዳንዳያናዌ ኦኔ?” ያጊድኖ።

5:9 ማዝ. 33:3፤ 98:1፤ እሳ. 42:10 5:10 ከሳ 19:6፤ ሳፍ 1:6 5:11 ዳኔላ 7:10 6:2 ዛካ. 1:8፤ 6:3፤ 6:4 ዛካ. 1:8፤ 6:2 6:5 ዛካ. 6:2፤ 6 6:8 ሀዘ. 14:21 6:13 እሳ. 34:4 6:15 እሳ. 2:19፤ 21 6:16 ሆስ 10:8፤ ሉቃሳ 23:30 6:17 ኢዩ. 2:11፤ ሚልክ. 3:2

7

እስራኤልያ አሳፕ 144,000 አሳቱዋ ስምዳያን ማታፋይ ዋዴዳ

1 ሃዋፕ ጉይያን፣ ታን ኦይዱ ኪታንቻቱ ኦይዱ ባጋ ሳኦ ጋጸን ኤቁዳዋንታ በኣድ። ሄ ኪታንቻቱ ሳኦ ሶላን፣ ዋይ አባ ሶላን፣ ዋይ አይ ሞላ ሶላን፣ ጫርኩ ጫርከናዳን ተኤድኖ።

2 ቃይካ ደኡዋ ጸሳ ማታፋ ኦይቁደ ሀራ ኪታንቻይ አዋይ ሞክያሳፕ ከሰያዋ ታን በኣድ። ሄ ኪታንቻይ ባረ ኮሻ ጶቁ ኦሊደ፣ ሳኦ አባ ቆሀናዉ ዋልቃይ እመቲዳ ኦይዱ ኪታንቻቱዋ

3 ጸሱደ፣ “ኦ ጸሳ ኦሳንቻቱዋ ዳሙዋን ኦን ማታፋ ዋላና ጋካናዉ፣ ሳኦ ግድና ዋይ አባ ግድና፣ ዋይ ሞላ ግድናካ ቆሆፕተ” ያጌዳ።

4 ታን ጸሳ ማታፋ ዳሙዋን ዋሌዳዋንቱ ፓይዱዋ ሰሳድ። እስራኤልያ ዛርያ ኡባፕ እት ጸታን ኦይታማን ኦይዱ ሻኦ አሳቱዋ ዳሙዋን ማታፋይ ዋዴዳ።

5 ይሁዳ ዛርያፕ፣ ታማን ላኡ ሻኦ ዳሙዋን ማታፋይ፣ ዋዴዳ።

ርቤላ ዛርያፕ፣ ታማን ላኡ ሻኦ።

ጋደ ዛርያፕ፣ ታማን ላኡ ሻኦ።

6 አሴራ ዛርያፕ፣ ታማን ላኡ ሻኦ።

ጎፍታሌመ ዛርያፕ፣ ታማን ላኡ ሻኦ።

ሞናሰ ዛርያፕ፣ ታማን ላኡ ሻኦ።

7 ሰሞና ዛርያፕ ታማን ላኡ ሻኦ።

ሌዊያ ዛርያፕ ታማን ላኡ ሻኦ።

ይሳኮራ ዛርያፕ ታማን ላኡ ሻኦ።

8 ዛብሎና ዛርያፕ፣ ታማን ላኡ ሻኦ።

ዮሴፎ ዛርያፕ፣ ታማን ላኡ ሻኦ።

ቢንያማ ዛርያፕ፣ ታማን ላኡ ሻኦ

ዳሙዋን ማታፋይ፣ ዋዴዳ።

ቦላ ማደዋ ማደዳ ጮራ አሳቱዋ

9 ሃዋፕ ጉይያን፣ ዛርያ ኡባፕ፣ ቆሙዋ ኡባፕ፣ ያራ ኡባፕን ዲማ ዲማ ጋድያ ቃላ ኡባፕ ኦን። ፓይደናዉ ዳንዳየና ዛዋይ ባይና ጮራ አሳ ታን በኣድ። ሄ አሳይ ሶላ ማደዋ ማደዳ፣ ዛዋባ ሀይላ ባረንቱ ኩሽያን ኦይቁደ፣ ካዉተላ ኦይድያ ሰንላንን ደርሳ ሰንላን ኤቁዳ።

10 ኡንቱንቱ ባረንቱ ቃላ ጶቁ ኦሊደ፣ “ኦ አቶተሳይካ፣ ካዉተላ ኦይድያን ኡቲዳ፣

ኦ ጸሳፕን ደርሳፕ ዬ”

ያጌድኖ።

11 ኪታንቻቱ ኡባይ ካዉተላ ኦይድያ፣ ጭማቱዋን ደኡዋን ደኢያ ኦይዱ መፍታ ዩይ አዲደ ኤቁድኖ። ኡንቱንቱ ካዉተላ ኦይድያ ሰንላን ባረንቱ ዳሙዋን ጉፋኒደ ጸሳዉ ጎይኒደ።

12 “አመንእ! እንጂ፣ ቦንቹ፣ አዴዳ ኤራተሳይ፣ ጋላታይ፣ ሳባይ፣ ዋልቃይ፣ ሞኖተሳይ፣ መድናፕ መድና ጋካናዉ ኦ ጸሳዉ ግድ። አመንእ!”

ያጌድኖ።

13 ጭማቱዋፕ እቱ ታና፣ “ሀ ቦላ ማደዋ ማደዳ አሳቱ ኦኔ? ኡንቱንቱ ሀቃፕ ዬድኖ?” ያጌደ ኦቹዳ።

14 ታን፣ “ታ ጎዳዉ፣ ኔን ኤራሳ” ያጋድ። እ ታና ሀዋዳን ያጌዳ፡-

“ሀዋንቱ ዳር ዋይያ ዋየቲደ ዬዳዋንታ። ኡንቱንቱ ባረንቱ ማደዋ ደርሳ ሱላን ማጪደ፣ ቦጼዳዋንታ።

15 ሃዋ ድራዉ፣ ኡንቱንቱ ጸሳ ካዉተላ ኦይድያ ሰንላን ኤቁደ፣ ቃማን ጋላሰ፣ አ ጌሻ ጎልያን፣ አዉ ኦሊኖ።

ቃይ እ ባረ ካዉተላ ኦይድያን ኡቲዳዌ፣ ኡንቱንቱ ግዲዋን ደኢና።

16 ሀዋፕ ሰንላናዉ ኡባካ፣ ኡንቱንቱ ከሻትክኖ፣ ዋይ ሳመትክኖ። አዋይ ኡንቱንታ ማና፣ ቃይ አይ ሴላይካ ኡንቱንታ ጉደና።

17 አያዉ ጎፕ፣ ካዉተላ ኦይደዉ፣ ግዲዋን ኡቲዳ ደርሳይ፣ ኡንቱንታ ሄማና፣ ደኡዋ ሃላ ፑልቱዋኮካ፣ ኡንቱንታ ካለላና። ጸሳይካ ኡንቱንቱ አይፍያ አፎላ ኡባ ቁጭ ድጋና”

ያጌዳ።

8

ጸጸላ ማጸፋ ላፑንላ ማታፋይ ደየቲዳ

1 ደርሳይ ላፑንላ ማታፋ ደዬዳ ዋድ፣ ባካ ሳትያ ግድያዋ ኬና ሳሉ ጮኡ ጌዳ።

2 ሃዋፕ ጉይያን፣ ታን ላፑ ኪታንቻቱዋ ጸሳ ሰንላን ኤቁዳዋንታ በኣድ፤ ኡንቱንቶ ላፑ ማላካታይ እመቲዳ።

3 እጸና ጨዋይያ ዋርቃ ሚሻ ኦይቁዳ ሀራ ኪታንቻይ ዩደ፣ ያርሽያ ሳ ማታን ኤቁዳ። ዋርቃፕ መፍታዳ ያርሽያሳይ ካዉተላ ኦይድያ ሰንላን ደኤ፤ ሄ ያርሽያ ሳ ቦላ ጌሻ ኡባቱዋ ዋሳ ጉጃና ማላ፣ ኪታንቻዉ ዳር እጸናይ እመቲዳ።

7:1 ኤር. 49:36፤ ዳኔላ 7:2፤ ዛካ. 6:5 7:3 ሀዘ. 9:4፤ 6 7:14 ዳኔላ 12:1፤ ማቶሳ 24:21፤ ማር. 13:19 7:16 ኢሳ. 49:10 7:17 ማዘ. 23:1፤ 2፤ ሀዘ. 34:23፤ ኢሳ. 49:10፤ 25:8 8:3 አሞጸ 9:1፤ ከሳ 30:1፤ 3

4 እጻና ጨዋይ ገሻቱዋ ዋሳና እትፕ ሄ ኪታንቻ ኩሽያፕ ፑደ ጸሳኮ ቤዳ።

5 ሄዋፕ ጉይያን፣ ኪታንቻይ እጻና ጨዋይያዋ አኪደ፣ ያርሽያ ሳፕ ታማ ቦንቁዋ አኪደ፣ አን ኩንፊዳ። ሄ እጻና ጨዋይያዋ ዲገ ሳኦ ኦልና፣ ጉጉንላይ ጉሜዳ። ዋልቃንላይ ዋልቃሜዳ፤ ቃይ ቢታይካ ቃጾዳ።

ማላካታቱ ፑኑቲድኖ

6 ቃይ ላፑ ማላካታ ኦይቂደ ላፑ ኪታንቻቱ ማላካታ ፑናናው ጊጌድኖ።

7 ኮይሮ ኪታንቻይ ባረ ማላካታ ፑንና ሱፋና ዋላከቲዳ ሻቻይን ታማይ ሳኦን ቡኩዳ። ሳኦፕ ሄዘንላ ኩሺ ጉደቲዳ፤ ሞላፕካ ሄዘንላ ኩሺ ጉደቲዳ፤ ማታ ኡባይካ ጉደቲዳ።

8 ላኤንላ ኪታንቻይካ ባረ ማላካታ ፑኔዳ። ዋልቃማ ደርያ ማላትያባይ ታማን ኤጲደ፣ አባን የገቲዳ፤ ያትና፣ አባፕ ሄዘንላ ኩሺ ሱፋ ግዴዳ።

9 አባን ደኡዋን ደኤያ መጠታቱዋ ሄዘንላ ኩሺ ሀይቁዳ፤ ማርካበቱዋፕካ ሄዘንላ ኩሺ ጳዬዳ።

10 ሄዘንላ ኪታንቻይ ባረ ማላካታ ፑንና ሻፋፕ፣ ፑልቱዋ ሃላፕ ሄዘንላ ኩሽያ ቦላ ሳሉዋፕ ጸሞፕያዳን ኤጵያ ዋልቃማ ጸልንቲ ዋዴዳ።

11 ሄ ጸልንትያ ሱንላይ ጨሙዋ ጌተቱ። ሃላፕ ሄዘንላ ኩሺ ጨሜዳ፤ ቃይ ሃላይ ጨሜዳ ድራው፣ ዳሮ አሳይ ሄ ሃላ ኡሺደ ሀይቁዳ።

12 ኦይደንላ ኪታንቻይ ባረ ማላካታ ፑኔዳ። አዋፕ፣ አገናፕ፣ ጸልንትያፕ ሄዘንላ ኩሺ ደሸቲዳ፤ ኡንቱንቱ ፖኡዋፕካ ሄዘንላ ኩሺ ጳሜዳ። ሄዋ ድራው፣ ጋላሳፕ ሄዘንላ ኩሺ፣ ቃማፕካ ሄዘንላ ኩሺ ጳሜዳ።

13 እት አርጋንላይ ሳሉዋን ፓልያዋ ታን በኣድ። ሄ አርጋንላይ ባረ ቃላ ጶቁ ኦሊደ፣ “ሄዙ ኪታንቻቱ ፑናና በሰያ የኮ ማላካታይ ፑንትያ ዋይ፣ ሳኦን ደኤያ አሳው አዬር! አዬር! አዬር!” ያግያዋ ሰሳድ።

9

1 ሄዋፕ ጉይያን፣ እቲሽንላ ኪታንቻይ ባረ ማላካታ ፑንና ሳሉዋፕ ዲገ ሳኦ ኩንፊዳ ጸልንትያ በኣድ። ሄ ጸልንተው ጨዋ ኦላ * ቁልፕ እመቲዳ።

2 ጸልንቲ ጨዋ ኦላ ደዬዳ፤ አኮ ጮጭያፕ ከሰያ ጨዋ ማላ ጨዋይ ሄ ጨዋ ኦላፕ ከሴዳ። ቃይ አዋይን ሳኦይ ሄ ጨዋ ኦላፕ ከሴዳ ጨዋን ጳሜድኖ።

3 ጨዋፕ ቦሊ ዲገ ሳኦ ዬዳ። ሳኦን ደኤያ ሶጋቶ ደኤያ ዋልቃ ማላ ዋልቃይ ቦለውካ እመቲዳ።

4 ጸሳ ማታፋይ ዴሙዋን ባይና አሳ ጸላላ ቆሀናፕ አትን፣ ሳኦን ደኤያ ማታ ዋይ አጭያ ሞላ ግድና ዋይ አይ ሞላ ግድናካ ቆሃና ማላ፣ ቦለው ኦደቲዳ።

5 ቦሊ ሄ አሳ እቲሹ አገና ግድያዋ ፓጸ ካእና ማላ፣ ማታይ እመቲዳዋፕ አትን፣ አው አሳ ዋጳናው ማታይ እመቲቤና። ሶጉ አሳ ዲኪደ ሴልሰያዋ ኬና ቦሊ ሴልሴ።

6 ሄ ጋላሳቱዋን አሳይ ሀይቁዋ ኮያና፤ ሽን ደመና። ቃይ ሀይቃናውካ አሞታና፤ ሽን ሀይቁ አሳፕ ባቃታና።

7 ቦሊ አላው ጊግ ኡቲዳ ፓራ ማላቲ። ቦልያ ሁጲያን ዋርቃ ማላትያ ካላቻይ ደኤ፤ አ ዴሙካ አሳ ዴሙዋ ማላቲ።

8 አ ብናናይካ ማጫ አሳ ብናናይዳ አዲቁ፤ አ አቻይካ ጋሙዋ አቻ ማላቲ።

9 አ ትራይ ብራታን ኦፊዳ ጎንዳልያ ማላትያዋን ጎዘት ኡቲዳ፤ ቃይ አ ቀፍያ ኮሻይ ኦላ ባናው ፕሪጽያ ፓራቲ ጎቻያ ጋርያ ኮሻ ማላ።

10 አው ሶጉዋ ዲፍያ ማላትያ ዲፊ ደኤ፤ አ ዲፍያን ዲክያባይ ደኤ። ሄ ዲፍያን እቲሹ አገና ግድያዋ አሳ ቆሀናዳን፣ አው ማታይ እመቲዳ።

11 አ ሞድያ ካቲ ደኤ። ሄ ካቲ ጨዋ ኦላ ኪታንቻ። አ ሱንላይካ እብራይሰጸ ቃላን አብደና፤ ቃይ ግሪክ ቃላን አጸልዮና ጌተቱ። አጸልዮና ግያዋ ብለላይ፣ ጳይሰያዋ ግያዋ።

12 ኮይሮ አዬር ግያዋ አዴዳ፤ በአ፣ ብር ሀራ ላኡ አዬር ግያዋ ያናዋ።

13 ኡሱፑንላ ኪታንቻይ ባረ ማላካታ ፑኔዳ። ጸሳ ሰንላን ኤቁዳ ዋርቃፕ መዴዳ ያርሽያሳን ደኤያ ኦይዳ ጋጸ ካጨቱዋፕ እት ኮሻ ሰሳድ።

14 ሄ ኮሻይ ማላካታይ ደኤያ ኡሱፑንላ ኪታንቻ፣ “ኤፍራጲሳ ግያ ዋጋ ሻፋን ቃሽቲዳ ኦይዳ ኪታንቻቱዋ ብላ” ያጌዳ።

15 አሳ ዛርያፕ ሄዘንላ ኩሽያ ዋጳናው፣ ሀ ሳትያው፣ ጋላሳው፣ አገናውን ላይላው ጊግሰ ዋፊዳ፣ ኦይዳ ኪታንቻቱ ብለቲድኖ።

16 ኦላ ፓራ ቶግያ አሳ ፓይዳ ላኡ ጶቁ ሚሎን ግድያዋ ታን ሰሳድ።

17 ቃይካ ታን ሳጸን ፓራቱዋን ሄ ፓራቱዋ ቶጌዳ አሳ በኣድ። አሳው ትራን ዋልያ ብራታ ጎንዳልያ ማላይ ደኤ። ሄ ትራን ዋልያ ብራታ ጎንዳልያ ማላይ ታማዳን ዘኤ፤ ሳማይያ፤ ቃይ ኤጵያ ዲንያ ማላ። ፓራቱዋ ሁጲ ጋሙዋ ሁጲያ ማላ። ኡንቱንቱ ደናፕ ታማይ፣ ጨዋይን አድልያ ጨሻ ማላትያ ኤጵያ ዲንያ ታማይ ከሴዳ።

18 ፓራቱዋ ደናፕ ከሴዳ ታማን፣ ጨዋንን ኤጵያ ዲንያን ሀ ሄዙ ቦሻቱዋን አሳ ዛርያፕ ሄዘንላ ኩሺ ሀይቁዳ።

19 አያው ሳፕ፣ ፓራቶ ዋልቃይ ደናንን ዲፍያን ደኤ። ኡንቱንቱ ዲፊካ ሁጲያና ደኤያ ሸሻ ማላቲ፤ ሄዋን ኡንቱንቱ አሳ ቆሃኖ።

20 ሀ ቦሻቱዋን ሀይቀናን አቲዳ አሳይ ባረ ኩሽያን ኦልያዋ አግቤና። ቃይ ዋርቃፕ፣ ብራፕ፣ ናሃሰያ ጌተትያ ብራታፕ ሹቻፕ፣ ሞላፕ ኦሰቲዳ።

8:5 ሳፍ 11:19፤ 16:18፤ ዋጋ 16:12፣ 18፤ ሀዘ. 10:2፤ ከሳ 19:16 8:7 ከሳ 9:23-25፤ ሀዘ. 38:22 8:10 አሳ. 14:12 8:11 ኤር. 9:15 8:12 አሳ. 13:10፤ ሀዘ. 32:7፤ አዬ. 2:10፣ 31፤ 3:15 * 9:1 ጨዋ ኦላ- ሀዋ ጉሳይ ጋርሳ ሳጋ ቢታን ዳርሰ ጨማቲደ ደኤያ ኤታ አያናቱ ባረንቱ ወርሰላ ሙራ ጋላሳይ ጋካናው ቃሽቲደ ደኤያ። 9:2 ደመላ 19:28 9:3 ከሳ 10:12-15 9:4 ሀዘ. 9:4 9:6 አዮባ 3:21፤ ኤር. 8:3 9:7 አዬ. 2:4 9:8 አዬ. 1:6 9:9 አዬ. 2:5 9:13 ከሳ 30:1-3 9:20 ማዘ. 115:4-7፤ 135:15-17፤ ዳኤላ 5:23

ጸላናው ዋይ ሰሳናው ዋይ ሀመታናው ዳንዳየና ኤቃውን ጸላህያው ጎይንያዋካ አግቤና።

21 አሳይ ኤሪድ ዋይዳዋ፡ ዋይ ባረ ብቴዳዋ፡ ዋይ ባረ ዋሹሜዳዋ፡ ዋይ ባረ ወኤዳዋ አገደ፡ ባረ ናጋራፕ ሰምቤና።

10

ኪታንቻን ጉላ ማጻፋ

1 ቃይካ ታን ሀራ ዋልቃማ ኪታንቻይ ሳሉዋፕ ከሲደ፡ ዳገ ዋድያዋ በኣድ። ሻርያ እ ማይ ኡቴዳ፤ ቃይ ዙሉ እ ሀጺያ ዩይ አድ ኡቴዳ። እ ዳሙካ አዋ ማላ፤ እ ገዲካ ታማ ቱሳ ማላ።

2 ሄ ኪታንቻይ ደያ ደእያ እት ጉላ ጸጸቶ ማጻፋ ባረ ኩሽያን ኦይቄዳ። ባረ ኡሽቻ ገድያ አባ ቦላ ኤሲደ፡ ባረ ሀድርሳ ገድያ ቢታ ቦላ ኤሴዳ።

3 ጉድያ ጋሙዋዳን፡ ዋልቃፕ ጉዳዳ። እ ጉዳዳዋፕ ጉይያን፡ ላፑ ጉጉንጻቱ አናና ጉንጻን ሃሳይድኖ።

4 ኡንቱንቱ ጉሜዳ ዋይ ታን ጸፋናው ቆፓድ። ሽን ሳሉዋፕ፡ “ላፑ ጉጉንጻቱ ሃሳይዳዋ አሳው ቃቶፓን ጸፎፓ” ያግያ ኩሻይ ታው ሰሰቱዳ።

5 ሄዋፕ ጉየ፡ አባ ቦላን ቢታ ቦላን ኤቄደእሽን ታን በኤዳ ኪታንቻይ፡ ባረ ኡሽቻ ኩሽያ ሳሉዋ ፑደ ምጩዳ።

6 ሳሉዋን ሳሉዋን ደእያ ኡባባ፡ ሳኣን ሳኣን ደእያ ኡባባ፡ አባን አባን ደእያ ኡባባ፡ መጴዳ መጴ መጴናው ደእያ ጸሳ ሱንጻን ጫቄዳ። ያቲደ፡ “ዋዲ ወራናው ጋምኤና።

7 ሽን ላፑንጻ ኪታንቻይ ባረ ማላካታ ፑንያ ዋይ፡ ጸሳይ ናባቱዋ ግዴዳ ባረ ቆማቶ ቃላ ኦድ ዋልዳዋዳንካ፡ እ ጸሬዳ ቆፋይ ፖለታና” ያጌዳ።

8 ሄዋፕ ጉይያን፡ ሳሉዋፕ ሃሳይሽን ታን ሰሴዳ ኩሻይ ላኤንሉዋ ዛሪደ ታና፡ “አባ ቦላንን ቢታ ቦላን ኤቄዳ ኪታንቻ ኩሽያን ደያ ደእያ ጸጸቶ ማጻፋ ባደ አካ” ያግያዋ ሰሳድ።

9 ታን ሄ ኪታንቻኮ ባደ፡ ጉላ ጸጸቶ ማጻፋ ታው እማና ማላ፡ እ ኦቻድ። እ ታና፡ “አካደ ማ፤ ማጻፋይ ነ ኡሉዋ ጫምሳናዋ፤ ሽን ነ ደናን ኤሳዳን፡ እ ማልእናዋ” ያጌዳ።

10 ሄዋፕ ጉየ፡ ታን ኪታንቻ ኩሽያፕ ሄ ጉላ ጸጸቶ ማጻፋ አካደ ማድ፤ ታ ደናን ማጻፋይ ኤሳዳን ማልኤዳ። ሽን ታን ሜዳዋፕ ጉይያን፡ ታ ኡሎ ግዲ ጫሜዳ።

11 ቃይካ ታና፡ “ያራ ኡባ፡ ዛርያ ኡባ፡ ዲማ ዲማ ቢታ ቃላን ካታቱዋባ ኔን ትምቢትያ ቃንጸናን ሃሳያናው በሴ” ያጌዳ።

11

ላኡ ማርካቱዋ

1 ሄዋፕ ጉየ፡ ማቃ ማላትያ ልክያ ጸምእይ ታው እመቱዳ፤ ታና ጌዳዌ ሀዋ፤ “ባደ ጸሳ ጌሻ ጎልያን ያርሽያ ሳ ልካ። ሄዋን ጎይንያዋንታካ ፓይዳ።

2 ሽን ጌሻ ጎለው ካረ ባጋ አጋ ባሻ፤ ሄዋ ልኮፓ። እያው ጎፕ፡ ሄ ሳአይ አይሁዳ ግደና አሳው እመቱዳ። አይሁዳ ግደና አሳይ ጌሻ ካታማ ኦይታማን ላኡ አገናው ዩቆና።

3 ታን ጋብያ ማዬዳ ታ ላኡ ማርካቱዋ ኪታና፤ ኡንቱንቱ እት ሻእን ላኡ ጸታን ኡሱፑን ታሙ ጋላሳን ጸሳ ኪታ ኦዳና” ያጌዳ።

4 ሄ ላኡ ማርካቱ ሀ ሳኣ ጎዳ ሰንጻን ኤቄያ ጸምፕያ ዋልያ ላኡ ባላቱዋ።

5 ኡን ኡንቱንታ ቆሀናው ኮዮፕ፡ ኡንቱንቱ ደናፕ ታማይ ከሲደ ኡንቱንቱ ሞርከቱዋካ ቆይሴ። ቃይ ኡን ኡንቱንታ ቆሀናው ኮዮፕ፡ ሄዋዳንካ ሀይቃና።

6 ኡንቱንቱ ጸሳ ኪታ ኦድያ ዋድያን እራይ ቡከናዳን፡ ሳሉዋ ጎርዳናው ኡንቱንቶ ማታይ ደኤ። ኡንቱንቶ ሃላ ሱላ ከሰያ ማታይካ ደኤ፤ ቃይ ኡንቱንቱ ባረና ኩሽያ ዋይ፡ ሳኣ ዲማ ዲማ ቦሻን ሾጫናው ኡንቱንቶ ማታይ ደኤ።

7 ኡንቱንቱ ባረንቱ ማርካቱላ ወርሴዳዋፕ ጉይያን፡ ጨዋ ኦላፕ ፑደ ከሰያ ደአይ ኡንቱንቱና ኦለታና። ሄ ደአይ ኡንቱንታ ጸኒደ ዋቆና።

8 ኡንቱንቱ ጎዳይ ማሰቃልያ ቦላን ምሰማርያን ድሽቲደ ሱለቲዳ ካታማ ዋጋ ኦግያን ኡንቱንቱ አሃይ ግሳናዋ። ሄ ካታማይ ሌምሱዋን ሶዶማ ዋይ ግብጹ ጌተቲደ ጴሰቱ።

9 ቃይ ያራ ኡባፕ፡ ቆሙዋ ኡባፕ፡ ዲማ ዲማ ቢታ ቃላፕን ዛርያ ኡባፕ ዬዳ አሳይ ኡንቱንቱ አሃ ሄዙ ጋላሳን ባጋ በአና። አሃይ ሞገተና ማላ፡ ሄ አሳይ ድጋና።

10 ሳኣን ደእያ አሳይ ሀ ትምቢትያ ኦድያ ላኡ አሳቱዋ ሀይቁዋን ናሽታና። አሳይ ኡንቱንቱ ሀይቁዋ እቱ እቱዋና እሞታ ላመቲደ ቦንቻናዋ፤ እያው ጎፕ፡ ሳኣን ደእያ አሳ ኡንቱንቱ ዳርሰ መቶሌድኖ።

11 ሄዙ ጋላሳን ባጋፕ ጉይያን፡ ደኡዋ ሸምፑዋ ጸሳይ ኡንቱንቱን ሸምፕና፡ ኡንቱንቱ ደንድ ኤቄድኖ። ኡንቱንታ በኤዳ ኡባይ ኢታ ያሻ ያዬዳ።

12 ሄዋፕ ጉይያን፡ ሄ ትምቢትያ ኦድያ ላኡ አሳቱ ሳሉዋፕ፡ “ሃ ፑደ ከሰተ” ግያ ዋልቃማ ኩሻ ሰሴድኖ። ባረንቱ ሞርከቱ ባረንታ ጸልሽን፡ ኡንቱንቱ ሻርያን ገሊደ፡ ፑደ ሳሉዋ ቤድኖ።

13 ሄ ሳትያን ቢታይ ሎይላ ቃጽና ካታማፕ ታሙንጻ ኩሺ ቆይዳ። ቃይ ቢታ ቃላን ላፑ ሻእ አሳይ ሀይቄዳ። አቲዳ አሳይ ሎይላ ኮኮር ያዩደ፡ ሳሉዋ ጸሳ ግታተላ ሳቤዳ።

14 ላኤንሉ አዬር ግያዌ አዴዳ። ሽን አኬክተ፤ ሄዘንሉ አዬር ግያዌ ኤለካ ያናዋ።

ላፑንጻ ማላካታ

15 ሄዋፕ ጉይያን፡ ላፑንጻ ኪታንቻይካ ባረ ማላካታ ፑኔዳ። ሳሉዋን፡

“አላምያ ካወተላይ

ሀእ ኦ ጎዳሳን

ክርሰቶሳሳ፤

10:5 ከሳ 20:11፤ ዛረ. 32:40፤ ዳኔላ 12:7፤ እሞጻ 3:7 10:8 ሀዘ. 2:8—3:3 11:1 ሀዘ. 40:3፤ ዛካ. 2:1-2 11:2 ሉቃሳ 21:24 11:4 ዛካ. 4:3፤ 11-14 11:6 1 ካታ. 17:1፤ ከሳ 7:17-19፤ 1 ሳሜላ 4:8 11:7 ዳኔላ 7:7፤ 21፤ ሳፍ 13:5-7፤ 17:8 11:8 ኢሳ. 1:9-10 11:11 ሀዘ. 37:10 11:12 2 ካታ. 2:11

ቃይ መድናፕ መድና ጋካናው እ ሞደና”
 ያግያ ዋልቃማ ኮሻይ ሰሰቲዳ።
 16 ባረንቱ ኦይድያን ኡቴዳ ላታማነ ኦይዳ ጭማቱ ጸሳ ሰንሳን ዲገ ጉፋኒደ። ጸሳው ጎይኒደ ሀዋዳን ያጌድኖ፤
 17 “ሀእ ደእያዎ። ካሰፕካ ደእያዎ። ጎዳው። ኡባፕ ዋልቃማ ጸሳው። ነው ዋልቃማ ዋልቃይ ደእያ ድራውነ። ኔን ሞደናው ደሜዳ ድራው። ኩን ኔና ጋላቲቶ።
 18 አይሁዳ ግደና አሳይ ሀንቀቲዳ፤ ነ ሀንቁካ ዬዳ። ሀይቁዳዋንቱ ፕርደትያ ዋዲ ሀእ፤ ቃይ ኔን ነ ኦሳንቻቶ። ናባቶ። ጌሻቶ። ነ ሱንሳው ያይያዋንቶ። ቶቃቶነ ላፋቶ ኡንቲንቲ ኡሱዋዳን። እምያ ዋዲካ ሀእ። ሳእ ቆይሰያዋንታካ ኔን ቆይሰያ ዋዲ ሀእ”
 ያጌድኖ።
 19 ሳሉዋን ደእያ ጸሳ ጌሻ ጎሊ ደየቲዳ፤ አ ጌሻ ጎልያን ጸሳ ቃላ ጫቁዋ ታቦታይ ቤቲዳ። ቃይ ዋልቃንሳይ ዋልቃሜዳ፤ ጉንሳይ ሰሰቲዳ፤ ጉንሳይ ጉሜዳ፤ ቢታይ ቃዴዳ፤ ዋልቃማ ሻቻይካ ሻጩዳ።

12

ታን ሞሽራቶ። ናእነ ዳዊያ በእድ
 1 ሄዋፕ ጉይያን። ሳሉዋን ዋልቃማ ማላይ ቤቲዳ። አዋ ማዬዳ እት ሞሽራታ። አገና ቦላ ኤቁዳውና። ታማነ ላኡ ጸልንትያ ካላቻ ባረ ሁጲያን ዋልቃውና ሄዋን ደእው።
 2 ሄ ሞሽራታ ሻሃራ፤ እዞ የሉዋ ኦይላይ። ኡንኤላና ዋሳዲ።
 3 ሀራ እት ዋልቃማ ማላይ ሳሉዋን ቤቲዳ። ታሙ ካጭያና ደእያ ላፑ ሁጲያን ካላቻ ዋልቃ እት ዋልቃማ ዞኦ ዳዊ ደኤ።
 4 ሄ ዳዊ ባረ ዲፍያን ሄዘንሉ ኩሽ ጸልንትያ ሳሉዋፕ ዳፊደ። ሳእን ኦሌዳ። ሄ ዳዊ የለት ዋድሳናካ ናእ ማናው የላና ሀንያ ሞሽራት ሰንሳን ኤቁዳ።
 5 ሞሽራታ አቲማ ናእ። አይሁዳ ግደና አሳ ኡባ ብራታ ጸምእን ሞደናዋ የላዲ። ሽን ናእይ ጸሳኮነ አ አራታኮ። ፑደ ኤለካ እከቲዳ።
 6 ሞሽራታ እት ሻእነ ላኡ ጾታነ ኡሱፑን ታሙ ጋላሳው ሞዚደነ ኡሺደ ዋላናው ጸሳይ ገግሰ ዋልቃ ሳእ ባዙዋ ባቃታዲ።
 7 ሄዋፕ ጉይያን። ሳሉዋን ኦላይ ደንዴዳ። ሞካኤል ባረ ኪታንቻቲዋና እትፕ ዳዊያ ኦለቲዳ፤ ዳዊካ ባረ ኪታንቻቲዋና ግዲደ። ዛር ኦለቲዳ።
 8 ሽን ዳዊ ጸነትና ዳዊያሰነ አ ኪታንቻቶ ሳሉዋን ሳእይ ቆዩዳ።

9 ዋልቃማ ዳዊ። ጸላህያ ካፑዋ ዋይ ሴጻና ግያዌ። በን ሾሻይ። አላምያ ኡባ ባለልያዌ ኦለቲዳ፤ እ ባረ ኪታንቻቲዋና እትፕ ዳገ ሳእው ኦለቲዳ።
 10 ሄዋፕ ጉይያን። ታን ሳሉዋፕ ሀዋዳን ያግያ ኮሻ ሰሳድ፤ “ጸሳ እትተላይ ሀእ ዬዳ። ጸሳይ ባረው ካተ ግድያዋዳንካ። ባረ ዋልቃ በሴዳ፤ አ ክርሰቶሰ ባረ ማታ በሴዳ። አያው ጎፕ። ቃማነ ጋላሰ ጸሳ ሰንሳን ኤቁዳ። ኩ እሻቲዋ ሞትያዌ። ሳሉዋፕ ዳገ ኦለቲዳ።
 11 ኩ እሻቲ ደርሳ ሱሳንነ። ባረንቱ ቱሙ ማርካተላን ዳዊያ ኦለቲደ ጸኔድኖ። ቃይ ኡንቲንቲ ባረንቲ ሽምፑዋ አላ እምያዎ። ቃረትበይክና።
 12 ሄዋ ድራው። ሳሉነ ሳሉዋ ግደን ደእያዋንቱ። ናሽትተ። ሽን ሳእውነ አባው አዬር፤ አያው ጎፕ። ጸላህያ ካፑ። ባረው ጉሳ ዋዲ አቲዳዋ ኤርያ ድራው። ዋልቃማ ሀንቁዋን። ዳገ ሀንተንቲኮ ዋዴዳ”
 ያጌዳ።
 13 ቃይ ዳዊ ባረና ዳገ ሳእ ኦሌዳዋ በኤዳዋፕ ጉይያን። ሄ አቲማ ናእ የሌዳ ሞሽራቶ የደርሱዋ ደሜዳ።
 14 ሞሽራቶ ሾሻይ ቆሄና ማላ። ሄዙ ላይላነ ባጋ ማደነ ኡሻደ እዛ ናገትያሳ ባዙዋ ፓላደ ባና ማላ። ላኡ ዋልቃማ አርጋንሳ ቀፊ እዘው እመቲዳ።
 15 ሄዋፕ ጉይያን። ሞሽራቶ ድኡ ድኡደ አፋና ማላ። ሾሻይ ሻፋ ሃላ ከና ሃላ ባረ ደናፕ ሞሽራቶ ጌዲዋን ጉሴዳ።
 16 ሽን ቢታይ ሞሽራቶ ማዴዳ፤ ቢታይ ባረ ደና ደዴደ። ዳዊያ ደናፕ ከሴዳ ሃላ ሞት አጌዳ።
 17 ዳዊ ሞሽራቶው ደርሰ ሀንቀቲደ። እዝ ዘረሳ ጸሳ እዛዙዋ ናግያ ኡባቲዋነ የሱሰ ቆንጭሴዳ ቱሙ አማነትያዋንታ ኦላናው።
 18 ቢደ አባ ደናን ደእያ ሻፍያን ኤቁዳ።

13

ታን አባፕ ከሰያ ላኡ ደአቲዋ በእድ
 1 ሄዋፕ ጉይያን። እት ደአይ አባፕ ከሰሽን። ታን በእድ። አው ታሙ ካጪነ ላፑ ሁጲ ደኤ፤ አ ታሙ ካጭያ ቦላን ታሙ ካላቻይ ደኤ። አ ሁጲያንካ ቦርያ ሱንሳይ ጸፈት ኡቲዳ።
 2 ታን በኤዳ ደአይ ማህያ ማላቲ፤ አ ገዲ ባባንሳ ጌተትያ ኢታ ዲኦ ገድያ ማላቲ፤ አ

11:15 ከሳ 15:18፤ ዳኔላ 2:44፤ 7:14፤ 27 11:18 ማዘ. 2:5፤ 110:5፤ 115:13 12:3 ዳኔላ 7:7 12:4 ዳኔላ 8:10 12:5 አሳ. 66:7፤ ማዘ. 2:9 12:7 ዳኔላ 10:13፤ 21፤ 12:1፤ ዳኔላ 9 12:10 አቶባ 1:9-11፤ ዛካ. 3:1 12:14 ዳኔላ 7:25፤ 12:7 13:1 ዳኔላ 7:3፤ ሳፍ 17:3፤ 7-12 13:2 ዳኔላ 7:4-6

ደናይ ጋሙዋ ደና ማላቱ። ዳዊ ባረ ዋልቃ፣ ባረ ካወተላ ኦይድያን ባረ ዋልቃማ ማታ ሄ ደአወ እሜዳ።

3 ሄ ደአ ሁጳቱዋጥ እቱ ሀይቄዳዋ ማላትያዋ ታን በአድ፣ ሸን ዋድያ ማይላይ ፓጼዳ። ሳአ አሳይ ኡባይ ማላለቲደ፣ ሄ ዱአ ጌዱዋ ካሌዳ።

4 ዳዊ ባረ ማታ ደአወ እሜዳ ድራወ፣ አሳይ ኡባይ ዳዊያወ ጎይኔዳ። ቃይ ሄ አሳይ፣ “ደአ ማላይ እኔ? እናና ኦለታናወ ኦን ዳንዳዱ?” ያጊደ፣ ደአወ ጎይኔዳ።

5 ሄ ደአወ ፓላ የወዋን ቦርያ ሃሳይያ ደናይ እመቲዳ። ኦይታማን ላኡ አገናወ ኦላና ማላ፣ አወ ማታይ እመቲዳ።

6 ሄ ደአይ ጸሳ፣ አ ሱንላ፣ አ ደአያሳን ሳሉዋን ደአያ ኡባቱዋ ቦርያ ደሜዳ።

7 ሄ ደአይ ጸሳ አሳቱዋና ኦለቲደ፣ ኡንቱንታ ጸናና ማላ፣ አወ ማታይ እመቲዳ። ቆሙዋ ኡባ፣ ያራ ኡባ፣ ዲማ ዲማ ቢታ ቃላ ኡባን ዛርያ ኡባ ዋድያ ማታይ አወ እመቲዳ።

8 ሳአይ መጋታናጥ ካሰ ሹከቲዳ ደርሳ ደአዋ ማጸፋን ሱንላይ ጸፈትቤና አሳይ፣ ሳአን ደአያዋ ኡባይ፣ ሄ ደአወ ጎይናና።

9 ሰሰያ ሀይላይ ደአያ ኡራይ ሰሶ።

10 ኦሞደታና አሳይ ደአጥ፣

ኦንን ኦሞደታናዋ።

ማሻን ሹከታና አሳይ ደአጥ፣

ኦንን ማሻን ሹከታናዋ።

ጌሻቱዋ ዳንዳያይ፣

አማኑ ሀዋን ኤረታናዋ።

ታን ሳአጥ ከሰያ ደአ በአድ

11 ሄዋጥ ጉይያን፣ ሀራ ደአይ ሳአጥ ከሰያዋ ታን በአድ። ደርሳ ካጭያ ማላትያ ላኡ ካጪ አወ ደአ፣ ሸን ሄ ደአይ ዳዊያዳን ሃሳይዳ።

12 ሄ ደአይ ኮይሮ ደአ ዋልቃማ ማታ ኡባ አ ሰንላን ኡሌዳ። ሳአይን ሳአን ደአያ አሳይ ኡባይ አ ዋድያ ማይላይ ፓጼዳ ኮይሮ ደአወ ጎይናና ማላ፣ ሄ ደአይ ጎዳቲዳ።

13 ሄ ላኤንላ ደአይ ዋልቃማ ማላታቱዋ ኦሌዳ፣ ሀራይ አቶ ታማ ሳሉዋጥ አሳ ኡባ ሰንላ ሳአ ዋላና ጋካናወ ማላታቱዋ ኦሌዳ።

14 ኮይሮ ደአ ሰንላን ኦላናወ፣ አወ እመቲዳ ማላታቱዋን ሳአን ደአያ አሳ ኡባ አ ባለሌዳ። ማሻን ማይላቶጥን ፓጼ ደአያ ኮይሮ ደአ ቦንቾ ሞሰልያ ገግሳዳን፣ ሳአ አሳ ኡባወ ላኤንላ ደአይ ኦዴዳ።

15 ቃይ ኮይሮ ደአ ሞሰሊ ሃሳያዳንን ባረወ ጎይናና ኡባ ዋላናዳን፣ ሳኤንላ ደአይ ባረ ሸሞቸዋ ኮይሮ ደአ ሞሰልያን ሸሞቸዋ ገልሳናወ አዛዘቲዳ።

16 አሳይ ኡባይ ዋጋይን ቄራይ፣ ማንቁን ዱራ፣ ዋማኑን አይሊ ባረ ኡሸቻ ኩሸያን ዋይ ባረ ዴሙዋን ማላ ዋላናዳን፣ ሄ ሳኤንላ ደአይ ጎዳቲዳ።

17 ሄ ደአ ሱንላይ ዋይ አ ሱንላ ፓይዱ ደአያ ማላይ ባይና አሳይ ኦንን ዛልአናወን ሻማናወ ዳንዳየና።

18 እዴዳ ኤራተላይ ሀዋን ደአ። ኤራይ ደአያ ኦንን ሄ ደአ ፓይዱዋ ብለላ ኤር፣ አያወ ጎጥ፣ ሄ ፓይዱ እት አሳ ሱንላ። አ ፓይዱ ኡሱቸን ጾታን ኡሱቸን ታማን ኡሱቸና።

14

ታን ደርሳን 144,000 አሳቱዋ በአድ

1 ሄዋጥ ጉይያን፣ ታን በአድ። በእተ፣ ደርሳይ ጽዮን ደርያ ቦላ ኤቄዳ። አ ሱንላይን አ አቡ ሱንላይ ዴሙዋን ጸፈቲዳ፣ እት ጾታን ኦይታማን ኦይዱ ሻአ አሳቱ አናና እትጥ ደአድ።

2 ሳሉዋጥ ኩንላ ሃላ ጉንላን ዳዳ ጉንላ ማላትያ ዋልቃማ ኮሻ ታን ሰሳድ። ቃይ ታን ሰሴዳ ኮሻይ ዲላ ዲጽያዋንቱ ባረንቱ ዲላ ዲጽና ሰሰትያ ኮሻ ማላቲ።

3 እት ጾታን ኦይታማን ኦይዱ ሻአ አሳቱ ካወተላ ኦይድያ ሰንላን፣ ኦይዱ ፓጼ ደአያ መጋታቱዋ ሰንላንን ጭማቱዋ ሰንላን ኤቄድና። ሳአጥ ዋዘቲዳ ኡንቱንቲጥ እትን፣ ሀራይ ኦንን ታማራናወ ዳንዳየና ኦራላ ማዘሙርያ የጼድና።

4 ሀዋንቱ ጌሻ አሳቱዋ ግድያ ድራወ፣ ማጫዋንቱና ጋከቲደ ባረና ቱንሰበይክና። ደርሳይ * ብያሳ ኡባ ኡንቱንቲ ካሊና። ኡንቱንቲ ጸሳወን ደርሳወ ባይራ ግዳናወ፣ ሳአ አሳ ግደጥ ዋዘቲዳዋንታ።

5 ኡንቱንቲ ኡባካ ዋርዶት ኤርክና፣ ኡንቱንቲን ባይዙ ባዋ።

ታን ጸሳ ኪታንቻ በአድ

6 ሳአን ደአያ አሳ ኡባወ፣ ዛርያ ኡባወ፣ ቆሙዋ ኡባወ፣ ዲማ ዲማ ቢታ ቃላ ኡባወን ያራ ኡባወ መድና ዋንጋላ ሞሸራቸዋ አዋያናወ፣ ቦላ ሳሉዋን ፓልያ ሀራ ኪታንቻ ታን በአድ።

7 ሄ ኪታንቻይ ባረ ቃላ ዶቄ ኦሊደ፣ “ጸሳወ ያይቲ፣ አ ቦንቻተ። አያወ ጎጥ፣ ሳአ አሳ አ ፕርድያ ሳቲ ጋኬዳ። ሳሉዋ፣ ሳአ፣ አባን ሃላ ፑልቱዋ መዴዳ ጸሳወ ጎይንተ” ያጊደ።

8 ሀራ ላኤንላ ኪታንቻይ፣ “ዋልቃማ ባብሎና ኩንዳዱ፣ እዛ ኩንዴዳ ጋሱካ አሳ ዛርያ ኡባ ኢታ ኦሱዋ ኦሰሰያ ድራሳ” ያጊደ፣ ኮይሮ ኪታንቻ ካሌዳ።

9 ሄዘንላ ኪታንቻይ ባረ ኮሻ ዶቄ ኦሊደ፣ ሀዋዳን ያጊደ፣ ኮይሮ ላኡ ኪታንቻቱዋ ካሌዳ፣ “ደአወን አ ሞሰሊወ ጎይንያ ኦንን ቃይ አ ማላ ባረ ዴሙዋን ዋይ ባረ ኩሸያን ዋልያ ኦንን ደአጥ።

10 ጸሳይ ባረ ዋልቃማ ሀንቁዋ ቡርጩኩዋን ኩንሌዳ ሀንቁዋ ዋይንያ ኤሳ አ ኡሻና። ሄዋ ኦሌዳ ኡባይ ጌሻ ኪታንቻቱዋ ሰንላንን ደርሳ ሰንላን፣ ታማንን ኤጽያ ዲንያን ፓጼ ካኤታና።

11 ኡንቱንታ ፓጼ ካኤታ ታማ ጩዋይ መድ መድናወ ጩዋታና። ደአወን ሄ ደአ ሞሰሊወ ጎይንያ ኦሰን ቃይ ሄ ደአ ሱንላ ማላታና ደአያ ኦሰን ቃማን ጋላሰ ሸሞቸ ባዋ” ያጊደ።

13:5 ዳኔላ 7:8፣ 25፣ 11:36 13:7 ዳኔላ 7:21 13:8 ማዘ. 69:28 13:10 ኤር. 15:2፣ 43:11 14:1 ሀዘ. 9:4፣ ሳን 7:3 * 14:4 ደርሳ፡- የሱሳወ እመቲዳ ሱንላ። 14:5 ሶፎ. 3:13 14:8 አሳ. 21:9፣ ኤር. 51:8፣ ሳን 18:2 14:10 አሳ. 51:17፣ ደመላ 19:24፣ ሀዘ. 38:22 14:11 አሳ. 34:10

12 ጸሐፊው አዛዥነቱን የሰጠው አማኝነትን ገሻቱ ዳንዳይያ ዳንዳይያ ሀዋር።

13 ሄዋጥ ጉይያን ሳሉዋጥ፡ “ሀዋ ጸፋ፤ ሀዋጥ ሰንፋው ጎዳን ሀይቂያዋንቱ አንጀቱዳዋንታ” ያግያ ኮሻ ታን ሰሳድ።

አያሪይ፡ “ቱማ፤ እንቱንቱ ባረንቱ ዳቡራጥ ሸምጋና፤ አያው ጎጥ፤ እንቱንቱ ሎኦ ኪታው፤ ጸሳይ ሎኦዋን ዛራና” ያጌ።

ታን ቆይቻ ዋናው በእድ

14 ቃይካ ታን በእድ፡ በእተ፡ ቦላ ሻሪ ደኤ። ሻርያ ቦላን አሳ ናኦ ማላትያዊ ኡቲዳ፤ አ ሁጲያን ዋርቃ ካላቻይ፡ ቃይ አ ኩሽያን ቃራ ባጫይ ደኤ።

15 ሀራ ኪታንቻይ ጌሻ ጎልያጥ ከሲድ፡ ሻርያ ቦላን ኡቲዳዋ ባረ ቃላ ቶቄ ኦሊድ፡ “ቆይቻ ሳቲ ጋኬዳ ድራው፡ ነ ባጫ የዳደ ካላ ቆይጫ፤ አያው ጎጥ፡ ሳኦ ካላይ መሌዳ” ያጌዳ።

16 ሻርያ ቦላን ኡቲዳዋ፡ ባረ ባጫ ሳኦ የዳደ፡ ሳኦ ካላ ጫኬዳ።

17 ቃይካ ሳሉዋን ደእያ ጌሻ ጎልያጥ ሀራ ኪታንቻይ ከሴዳ፤ አውካ ኩሳ ባጫይ ደኤ።

18 ታማው ካፖ ግዴዳ ሀራ ኪታንቻይ ያርሽያ ሳጥ ከሲድ፡ ኩሳ ባጫይ ደእያ ኪታንቻው ባረ ቃላ ቶቄ ኦሊድ፡ “ዋይንያ አይፊ ትራዳ ድራው፤ ነ ኩሳ ባጫ የዳደ፡ ሳኦን ደእያ ዋይንያ ቱራጥ ሆንዶዳ አይፍያ ቃንጸ!” ያጌዳ።

19 ሄ ኪታንቻይ ባረ ባጫ ሳኦ የዳደ፡ ሳኦን ደእያ ዋይንያጥ ሆንዶዳ አይፍያ ቃንጾዳ፤ ጸሳ ዋልቃማ ሀንቁዋ ሄ ዋይንያ ጉምእያ ኦላን የጌዳ።

20 ካታማጥ ጋጸን ደእያ ዋይንያ አይፍያ ጉምእያ ኦላን ዋይንያ አይፊ ጉምኤቱ። ሱላይ ከሲድ፡ ሄ ዋይንያ ጉምእያ ኦላጥ ሄዙ ጾቱ ኪሎ ሚትርያ ኬና ሃኪድ፡ ፓራው ጥሉዋ ጋክያዋ ኬና ቶቄ ጊደ ኤሌዳ።

15

ታን ቡርጩኩዋ አባ ቤእድ

1 ታን ሳሉዋን ሀራ ዋልቃማን ማላልሰያ ማላ በእድ። ጸሳ ሀንቁ እንቱንቱ ቦላን ፖለትያ ድራው፡ ወርሰላ ላፑ ቦሻና ደእያ ላፑ ኪታንቻቱ ደእኖ።

2 ቃይካ ታን ቡርጩኩዋ አባ ማላትያዋ ታማና ዋላከቲዳዋ በእድ። ቃይ ደኦ፡ አ ሞሰልያን አ ሱንላ ፓይዲዋ ጸኔዳዋንታ በእድ። ጸሳይ እንቱንቶ እሜዳ ዲላቱዋ ኦይቂድ፡ ቡርጩኩዋ ማላትያ አባ ማታን እንቱንቱ ኤቁድኖ።

3 እንቱንቱ፡ ጸሳ አሳንቻ ሙሴ ማዘሙርያን ደርሳ ማዘሙርያ ሀዋዳን የጾድኖ።

“ጎዳው፡ ኡባጥ ዋልቃማ ጸሳው፡ ነ ኪታይ ግታን ማላልሰያዋ።

አሳ ዛርያ ኡባ ካተው፡ ነ ኦጊ ጽሉዋን ቱሙዋ።

4 ጎዳው፡ ነው ያየናዊን ነ ሱንላ ቦንቹናዊ ኦኔ?

አያው ጎጥ፡ ጌሻይ ነ ጸላላ።

አሳ ዛርያ ኡባይ ዪድ፡

ነ ሰንላን ጎይናና፤

አያው ጎጥ፡ ነ ጽሎ ኪታይ

ኡባው ቆንጩዳ”

ያጊደ የጸኖ።

ላፑ ቦሻና ደእያ ላፑ ኪታንቻቱዋ

5 ሄዋጥ ጉይያን፡ ታን ሳሉዋን ደእያ ጌሻ ጎሊ ደየቶዋ ሄዌካ ማርካተላ ዲንካንያ በእድ።

6 ላፑ ቦሻና ደእያ ላፑ ኪታንቻቱ ጌሻ ጎልያጥ ከሴድኖ። እንቱንቱ ጸሊደ ቦጽያ ላይኑዋ ማዩዋ ማዬድኖ፤ ባረንቱ ትራ ዋርቃ ዳንጩዋን ዩሽ አሊደ ቃቹድኖ።

7 ደኡዋን ደእያ ኦይዱ መታቱዋጥ እቱ፡ መድ መድናው ጋካናው ደእያ ጸሳ ሀንቁ ኩሜዳ ላፑ ዋርቃ ከራቱዋ ላፑ ኪታንቻቶ እሜዳ።

8 ጸሳ ቦንቹዋጥን አ ዋልቃጥ ዬዳ ጩዋይ ጌሻ ጎልያ ኩሜዳ። ላፑ ኪታንቻቱ አሄዳ ላፑ ቦሻቱ ፖለታና ጋካናው፡ ጌሻ ጎልያ ኦንነ ገላናው ዳንዳይቤና።

16

ጸሳ ሀንቁ ኩሜዳ ከራቱዋ

1 ሄዋጥ ጉይያን፡ ላፑ ኪታንቻቶ፡ “ቢደ ጸሳ ሀንቁዋ ላፑ ከርያጥ ሳኦን ጉሰተ” ያጊደ፡ ጌሻ ጎልያጥ ሃሳይያ ዋልቃማ ኮሻ ታን ሰሳድ።

2 ኮይር ኪታንቻይ ቢደ፡ ባረ ከርያን ደእያዋ ሳኦን ጉሰና፡ ደኦ ማላይ ደእያዋንቱ ቦላን ሄ ደኦ ሞሰሊው ጎይንያዋንቱ ቦላ ሎይላ ሳክያ ማይላ ከሴዳ።

3 ላኤንላ ኪታንቻይ ባረ ከርያን ደእያዋ አባን ጉሰና አባ ሃላይ ሀይቂዳ አሳ ሱላ ማላቲዳ። ቃይ አባን ደእያ መታቱ ኡባይካ ሀይቂ አጌዳ።

4 ሄዘንላ ኪታንቻይ ባረ ከርያን ደእያዋ ሻፋቱዋንነ ፑልታቱዋን ጉሰና እንቱንቱ ሱላ ግዴድኖ።

5 ሃላው አዎትያ ኪታንቻይ ሀዋዳን ያግያዋ፡ ታን ሰሳድ፤

“ካሰካ ሀእካ ደእያ ጎዳው፡ ጌሻው፡ ሀ ፕርዳ ፕርዳዳ ድራው፡ ኔን ጽሉዋ።

6 እንቱንቱ ጌሻቱዋ ሱላ፡ ናባቱዋ ሱላ ጉሴዳ ድራው፡ ኔን እንቱንታ ኡሻናው፡ ሱላ እንቱንቶ እማዳ።

እንቱንቱ ባረንቶ፡ በሰያዋ አኬድኖ”

ያጌዳ።

7 ያርሹዋ ያርሽያ ሳጥ፡ “ጎዳው፡ ኡባጥ ዋልቃማ ጸሳው፡ ነ ፕርዳይ ቱሙዋን ጽሉዋ!”

ያግያ ኮሻ ታን ሰሳድ።

8 ኦይደንላ ኪታንቻይ ባረ ከርያን ደእያዋ አዋይፍያ ቦላን ጉሰና ባረ ታማ ሱላን አሳ ጉዳናው፡ አዋይፈው ማታይ እመቲዳ።

14:14 ዳኔላ 7:13 14:15 እጾ. 3:13 14:20 አሳ. 63:3፤ ሴላ 1:15፤ ሳን 19:15 15:3 ከሳ 15:1 15:4 ኤር. 10:7፤ ማዘ. 86:9 15:5 ከሳ 38:21 15:8 ከሳ 40:34፤ 1 ካታ. 8:10-11፤ 2 ኦዲዋ 5:13-14፤ አሳ. 6:4 16:2 ከሳ 9:10 16:4 ከሳ 7:17-21፤ ማዘ. 78:44

9 አሳይ ዋልቃማ ሴላን ጉደቲደ ሀ ቦሻቱዋ ቦላን ማታይ ደእያ ጸሳ ሱንላ ቦሬዳ። ሽን ባረ ናጋራፕ ሰሞቤናን ጸሳ ግታተላካ ቦንቶቤና።

10 እቼሸንሎ ኪታንቻይ ባረ ከርያን ደእያዋ ደእ ካወተላይ ኦይድያ ቦላ ጉሰና። ሄ ደእ ካወተላይ ጳሜዳ። አሳይ ባረ ሴላ ድራወ። ባረ እንጸርሳ ሳኤዳ።

11 ቃይ አሳይ ባረ ሴላ ድራወን ባረ ማይላ ድራወ ሳሉዋ ጸሳ ሸቄዳ። ሽን ባረ ኦሌዳ ናጋራፕ ሰሞቤና።

12 ኡሱቸንላ ኪታንቻይ ባረ ከርያን ደእያዋ ዋጋ ኤፍራጺሳ ጌተትያ ሻፋን ጉሰና አዋይ ዶልያ ባጋፕ ያና ካታቶ ኦጊ ጊጋናዳን። ሃላይ መሌዳ።

13 ሄዋፕ ጉይያን። ታን ሼድያ ማላትያ ሄዙ ቱና አያናቱ ዳዊያ ደናፕ። ዲእ ደናፕን ዋርዲዋ ትምቢትያ ኦድያዋ ደናፕ ከሰሸን በእድ።

14 ኡንቱንቱ ማላቱዋ አላያ ጸላሀቱዋ አያናቱዋ። ሄ ሄዙ ኢታ አያናቱ ኡባፕ ዋልቃማ ጸሳ ዋልቃማ ጋላሳን። ሳኦ ካታቱዋ ኡባ ኦላወ ሸሻናወ ባና።

15 “በእ። ታን ካይሱዋዳን ያና። አሳ ሰንላን ካሎ ሀመቲደ ዬላተና ማላ። ገሞእሸናን ባረ ማዩዋ ማዩደ ናግያ ኡራይ አንጀቲዳዋ!” ያጌዳ።

16 ሄ ኢታ አያናቱ ካተቱዋ አብራይሰጸ ቃላን አርማገደና * ጌተትያ ሳኦ ሸሼድና።

17 ላቸንላ ኪታንቻይ ባረ ከርያን ደእያዋ ጫርኩዋን ጉሰና። ጌሻ ጎልያን ደእያ አራታፕ። “ፖለቲዳ” ያግያ ዋልቃማ ኮሻይ ዬዳ።

18 ሄዋፕ ጉይያን። ዋልቃንላይ ዋልቃሜዳ፤ ጉንላይ ሰሰቲዳ፤ ጉጉንላይካ ጉሜዳ። ቃይ ቢታይ ፓላ ቃላ ቃዬዳ። አሳይ ሳኦን መቆደፕካ ቢታይ ሄዋ ማላ ቃላ ቃጽ ኤረና፤ ሄዌ ኡባፕ አዴዳ ቃላ።

19 ዋልቃማ ካታማይ ሄዙ ከሲደ ዛኤዳ። ቢታ ኡባን ደእያ ካታማቱ ጳዬድና። ጸሳይ ዋልቃማ ባብሎኖ ቆፒደ። ባረ ኢታ ሀንቁዋ ዋይንያ ኤሳይ ኩሜዳ ቡርጩኩዋፕ ዋይንያ ኤሳ ባብሎኖ ኡሼዳ።

20 አባን ደደቲዳ ቢታይ ኡባይ ጳዬዳ፤ ደሪካ ቤትቤና።

21 አሳ ቦላ ኦይታሙ ኪሎ ከና ዴጽያ ዋልቃማ ሻቻይ ሳሉዋፕ ዋዴዳ። አሳይ ሄ ሻቻ ቦሻ ድራወ። ጸሳ ቦሬዳ፤ አያወ ጎፕ። ቦሻይ ዳር ዋልቃማ።

17

ባብሎን ቦላ ያና ሙራ

1 ሄዋፕ ጉይያን። ላቸ ከረቱ ደእያ ላቸ ኪታንቻቱዋፕ እቱ ታኮ ዩደ። ታና ሀዋዳን ያጌዳ፤ “ሃያ፤ ዳር ሻፋቱዋ ጋጸን ደእያ ዋሹምያ። ዋልቃማ ካታማታ። ዋና ሙራታንቶ። ታን ኔና በሳና።

2 ሳኦን ደእያ ካታቱ እዝና ዋሹሜድና፤ ሳኦን ደእያ አሳይካ እዝ ዋይንያ ኤሳ ኡሽ ማላቲደ እዝና ዋሹሜዳ” ያጌዳ።

3 ሄ ኪታንቻይ ታና አያናን ባዙዋ አፊዳ። ሄዋን ታን እት ሞሽራቶ ቦርያ ሱንላይ ቦላ ኡባን ጸፈት ኡቲዳ ዘኦ ደእ ቶጌዳወኖ በእድ፤ ሄ ደእወ ላቸ ሁጺያን ታሙ ካጪ ደኤ።

4 ሄ ሞሽራታ ቲራ ኦቻ ማላትያ ማዩዋን ዘኦ ማዩዋ ማያዳ፤ እዛ ቃይ ዋርቃን። ቦንቻ ሹቻንን እንቁዋ ጌተትያ አልኦ ሹቻን አሌቃዳ። እዛ ዋሹምያ ቱናባይን ሸይያባይ ኩሜዳ ዋርቃ ቡርጩኩዋ ባረ ኩሽያን ኦይቃዳ።

5 እዝ ዳሙዋን ጸራ የወዋ ብለላይ ደእያ ሱንላይ።

“ዋልቃማ ባብሎኖ፤ ሳኦን ደእያ ዋሹምያዋንቶን ሳኦን ደእያ ሸይያባወ አቶ”

ያግያዌ ጸፈት ኡቲዳ።

6 ቃይ ሄ ሞሽራታ ጌሻቱዋ ሱላን የሱሳወ ማርካትሸን ዋዴዳዋንቱ ሱላ ኡሻደ ማላቲዳወኖ ታን በእደ ማላለታድ።

7 ኪታንቻይ ታና። “ኔን አያወ ሀዋዳን ማላለታዳ? ታን ነወ ሞሽራት ጸራ የወዋን እዛ ቶኬዳ ላቸ ሁጺያን ታሙ ካጪ ደእያ ዲኦ ጸራ የወዋ አዳና።

8 ኔን በኤዳ ደአይ ካሰ ደኤ፤ ሸን ሀእ ባዋ። ሄ ደአይ ጨዋ ኦላፕ ኤላ ከሲደ። ባሻወ ባናዋ። አላሚ መቆደፕ ደሚደ። ደኤዋ ማጸፋን ኡንቱንቱ ሱንላይ ጸፈትቤና ሳኦን ደእያ አሳይ ደኦ በኢደ ማላለታና። አያወ ጎፕ። እ ካሰ ደኤ፤ ሀእ ባዋ፤ ሸን ሰንላፕ ያናዋ።

9 “ሀዌ አዴዳ ኤራተላን አኬካ ኮዬ። ላቸ ሁጺ ሞሽራታ ኡትያ ላቸ ደረቱዋ፤ ሄዋንቱ ቃይ ላቸ ካታቱዋ።

10 ኡንቱንቱፕ እቼሹ ካታቱ ኩንዴድና። እቱ ሀእ ጋካናሰካ ዋዴ፤ የኮ ካቲ ይቤና። እ ዩደ። ጉላ ዋድያ ታካናወ በሴ።

11 ካሰ ደኤዳ ደአይ። ሀእ ባይናዌ። እ ባረ ሁጸወ ሆሰቸንላ ዲኦ። እ ላቸ ደአቱዋፕ እቱዋ፤ እ ጳያናወ ቤ።

12 “ኔን በኤዳ ታሙ ካጪቱ ዋዳናወ ደምቤና ታሙ ካተቱዋ። ሸን ኡንቱንቱ ደኦና እትፕ እት ሳተወ ካተቱዋዳን ዋዳናወ ኡንቱንቶ ማታይ እመታና።

13 ኡንቱንቶ ኡባወ እት ቆፋይ ደኤ፤ ኡንቱንቱ ባረንቱ ዋልቃን ባረንቱ ማታ ደእወ እማና።

14 ኡንቱንቱ ደርሳና ኦለታና፤ ሸን ደርሳይን ደርሳና ደእያዋንቱ። እ ጸጌዳዋንቱን ደራዳዋንቱ። አ ካልያ አማነቲዳዋንቱ። ሄ

16:10 ከሳ 10:21 16:12 አሳ. 11:15 * 16:16 አርማገደና- ሀ ቃላወ ኮይሮት ደእያ አብራይሰጸያ መቆደፕታይ። “ሀር-ማገደ” ያግያዋ ግዲደ። “ሀር-ማገደ” ግያዋ ደእያ ብለላይ። “ሜገደ-ዞዘያ” ያግያዋ። ሀዋ ጉሳይ በን ዋድያን አሳይ ጮራ ኦላ አለቲዳ ሳኦ ጉሳ። 16:16 2 ካታ. 23:29፤ ዛካ. 12:11 16:19 አሳ. 51:17 16:21 ከሳ 9:23፤ ሳፍ 11:19 17:2 አሳ. 23:17፤ ኤር. 51:7 17:4 ኤር. 51:7 17:8 ዳኤላ 7:7፤ ሳፍ 11:7፤ ማዘ. 69:28 17:12 ዳኤላ 7:24

ካተቱዎ ጸናና፤ እያው ጎጥ፡ እ ጎዳቱዎ ጎዳነ ካተቱዎ ካትያ” ያጌዳ።

15 ኪታንቻይ ቃይካ ታና ሀዋዳን ያጌዳ፤ “ጫራታ ኡቴዳ ሄ ኔን በኤዳ ሃላይ ያራቱዋ፡ ጫራ አሳ፡ አሳ ዛራቱዋን ዲማ ዲማ ቢታ ቃላ።

16 ቃይ ኔን በኤዳ ታሙ ካጪነ ደአይ ዋሹመውኖ እጸናዋንታ። ኡንቱንቱ እዝዉ ደእያ ኡባባ እክ ድጋና። ቃይ እዞ ካሎ አሻናነ እዝ አሹዋ ሞ ድጋና፤ ያቲደ ኡንቱንቱ እዞ ታማን ጉዳና።

17 እያው ጎጥ፡ ጸሳ ቃላይ ቱማታና ጋካናው፡ ኡንቱንቱ ቆፋይ እቱዋ ግዳናዳን፤ ኡንቱንቱ ባረንቱ ሞድያ ዋልቃ ደአው እማናዳን፤ ጸሳይ ቆፔዳዋ ኡንቱንቱ ኦላናዳን፤ ኡንቱንቱ ዋዛናን ጸሳይ አሙዋ ዋሌዳ።

18 “ሄ ኔን በኤዳ ሞሽራታ ሳኣ ካተቱዎ ሞድያ ዋልቃማ ካታማቶ” ያጌዳ።

18

ባብሎን ኩንደላ

1 ሄዋጥ ጉይያን፡ ዋልቃማ ማታይ ደእያ ሀራ ኪታንቻይ ሳሉዋጥ ዋድሽን፡ ታን በአድ። ሄ ኪታንቻ ቦንቹ ሳኣ ፖእሴዳ።

2 ሄ ኪታንቻይ ባረ ኮሻ ቶቄ አሊደ፡ “እዛ ኩንደዱ!

ዋልቃማ ባብሎና ኩንደዱ! ባብሎና ጸሳሀቱ አቅያሳ ግዳዳ፤ ኢታ እያናቱ ኡባቱ፤ እጸትያ ኢታ ካፋቱ ኡባቱ ኢን ደአና።

3 እያው ጎጥ፡ አሳ ዛርያ ኡባ፡ ባረ ማላይያ ዋይንያ ኤሳ ኡሸና፡ እዝና ዋሹሚድና። ቃይካ ሳኣ ካታቱ፡ እዝና ዋሹሚድና። እዝ እሻሎ ዋልቃ ጋሱዋን፡ ሳኣን ደእያ ዛልአንቻቱ ዲረቱድና”

ያጌዳ። 4 ሄዋጥ ጉይያን፡ ታን ሳሉዋጥ፡ ሀዋዳን ያግያ ሀራ ኮሻ ሰሳድ፤ “ታ አሳው፡ ኢፐ ከሰተ!

እዝ ናጋራ እዝና ኮጸጥተ! እዝ ሙራ ግሸጥተ።

5 እያው ጎጥ፡ እዝ ናጋራይ፡ ሳሉዋ ጋካናው ደረት ኡቴዳ። ጸሳይ እዝ ኢታ ባይዙዋ፡ ሀሳዬዳ።

6 እዛ እሚዳዋ ኬና ዛሪደ፡ እዝዉ እምተ። እዛ ኡሌዳዋ፡ ላኡ ኩሸያ እዝዉ ቃንጽተ። እዛ ሀንተንቶ ገግሴዳ ኡሻፐ፡ ላኡ ኩሸያ ኡሻ፡ እዝ ቡርጩኩዋ ኩንሰተ።

7 እዛ ቦንቹቱዳዋን፡ እሻሌዳዋ ኬና፡ እዞ ቱጋይተነ ካዮይተ።

እዛ ባረ ዋዛናን፡ “ታን ካታቱዳን ኡታይ፤ ታን እሰናይ ባይና ማጫውኖ ግድከ፤ ቃይ ኡባካ ካዮትከ” ያጋው።

8 ሄዋ ድራው፡ እዝ ቦሻ ኡባይ፡ ሀርጊ፡ ካዩነ ኮሻይ፡ እዞ እት ጋላሰ ኦይቃና። ቃይ እዛ ታማን ጉደታና፤ እያው ጎጥ፡ እዝ ቦላ ፕርድያ ጎዳ ጸሳይ፡ ዋልቃማ” ያጌዳ።

9 ሳኣ ካታቱ፡ እዝና ዋሹሚደ እሻሌዳዋንቱ ሄ ካታማታ ጉደትና፡ ከሰያ ጩዋ በኤዳ ዋደ፡ ካታማትዉ ኡንቱንቱ ዋሳናነ ዬካና።

10 ኡንቱንቱ ሄ ካታማት ኡጋዉ ያዬዳ ድራው፡ ሃክ ኤቂደ፡ “ሀ ዋልቃማ ካታማቱ! ዋልቃማ ካታማቱ! ባብሎኔ፡ ነዉ አዬር! ኔን አይ ማላ ቱጋታኒሻ። ኔን እት ሳትያ ግድን ነ ፕርዳ አካዳ” ያጋና።

11 ኡንቱንቱ ማርካብያ ጫና ሀዋጥ ሰንላናው ሻምያባይ ባይና ድራው፡ ሳኣን ደእያ ዛልአንቻቱ ሄ ካታማትዉ ዋሳናነ ካዮታና።

12 ኡንቱንቱ ዋርቃ፡ ብራ፡ ቦንቹ ሹቻ፡ እንቁዋ ጌተትያ አልኦ ሹቻ፡ ቱራ ኦቻ ማላትያ ማዩዋ፡ ሱፍያ ማላ ማዩዋ፡ ሀርያ ጌተትያ ማዩዋ፡ ዞኦ ማዩዋ፡ ኡባ ቆዋ ሳዊያ ሞላ፡ ኡባ ቆሙዋን ኦሌዳ ዳንጋርሳ አቻ፡ አልኦ ሞላጥ መጠቱዳባ፡ ናሃሰያ፡ ብራታ፡ እብነበረድያ ጌተትያ ሹቻ፡

13 ቃራፋ፡ ቅማምያ፡ እጸና፡ ሸቱዋ፡ ሳዊያ እጸና ጳልያ፡ ዋይንያ ኡሳ፡ ዋጋራ ዛይትያ፡ ለቁዳ ጳልያ፡ ዛርጋ፡ ሚዛ፡ ድርሳ፡ ፓራነ ፓራይ ጎቶያ ጋርያ፡ ኡንቱንቱ አይለቱዋን ሀራይ አቶ አሳ ሸምፑነ ሻምያባይካ ባዋ።

14 ዛልአንቻቱ ሞሽራትዉ፡ “ኔን አሞቴዳ፡ ሎኦባይ ኡባይ ኔፐ ሀል ድጌዳ። ነ ደኡነ፡ አሌቀትያባይ ኡባይ ጳይድጌዳ። ኔን ላኤንላ ኡንቱንታ ኡባካ ደማካ” ያጌድና።

15 ሄ ካታማትን ዛልአደ ዲረቱዳ ዛልአንቻቱ እዝ ኡጋዉ ያዩደ፡ ኢፐ ሃኪደ ኤቃና። ኡንቱንቱ ዬካናነ ካዮታና።

16 ቃይ፡ “ሱፍያ ጌተትያ፡ ክርያን ዲደቱዳ ማዩዋ፡ ቱራ ኦቻ ማላትያ፡ ማዩዋን ዞኦ ማዩዋ ማያደ፡ ዋርቃ አሌቁዋን፡ ቦንቹ ሹቻን፡ እንቁዋ ጌተትያ አልኦ ሹቻን አሌቁዳ፡ ሄ ዋልቃማ ካታማትዉ አዬር!

17 ሀዋ ኬና ዋልቃማ ማጹ ኡባይ፡ እት ሳትያ ግድን፡ ድፕ ግ ጳይ አጌዳ” ያጌድና።

18:2 ኢሳ. 13:21፤ 21:9፤ ኤር. 50:39፤ 51:8፤ ሳፍ 14:8 18:3 ኢሳ. 23:17፤ ኤር. 51:7 18:5 ደመላ 18:20-21፤ ኤር. 51:9 18:6 ማዝ. 137:8፤ ኤር. 50:29 18:7 ኢሳ. 47:7-9 18:9 ሀዝ. 26:16-17 18:11 ሀዝ. 27:31፤ 36 18:12 ሀዝ. 27:12፤ 13፤ 22 18:15 ሀዝ. 27:31፤ 36

ማርካብያ ላግያ ኡባቱ፣ ማርካብያን ብያ ኡባቱ፣ ማርካብያን ኦልያ ኡባቱን አባን ኦል ጎኤትያ ኡባቱ ሃክ ኤቄድኖ።

18 ሄ ካታማታ ጉደትና ከሰያ ጨዋ በኤዳ ዎደ ባረንቱ ኮሻ ቋቁ ኦሊደ፣ “ሀ ዎልቃማ ካታማቶ ማላትያ ካታማይ ኡባካ ባዋ” ያጌድኖ።

19 ኡንቱንቱ ባረንቱ ሁጲያን ባና ቆሊደ፣ ዋሴድኖን ካዮቱድኖ፤

“አባን ማርካባቱ ደእያ ኡባ፣

ባረ ማቁዋን ዲረዬዳ፣

ዎልቃማ ካታማትዉ አዬር!

ቃይ እዝዉ ደእያባይ ኡባይ

እት ሳትያ ግደን ጳይ አጌዳ።

20 ሄ ካታማታ ጳዬዳ ድራዉ፣

ሳሎ፣ ናሽታ!

ጌሻቶ፣ የሱስ ከቱዳዋንቶ፣

ናባቶ፣ ናሽትተ!

አያዉ ጎጥ፣

እዛ ህንተንታ ኦሌዳዎ ድራዉ፣

ጳላይ እዛ ፕርዴዳ” ያጌድኖ።

21 ሄዋጥ ጉይያን፣

ዎልቃማ ኪታንቻይ፣

ዎጾ ማላትያ ዎልቃማ ሹቻ፣

ደንሐ አባን ኦሊደ ሀዋዳን ያጌዳ፤

“ዎልቃማ ካታማታ፣

ባብሎና፣ ሱግና ሀዋዳን ኩንዳና፤

እዛ ሀቼጥ ሰንፋዉ፣ ኡባካ ቤቱኩ።

22 ዲሳ ዲጽያዎንቱ፣

ማዝሙርያ የጽያዎንቱ፣

ሱሱልያን ማላካታ ፑንያዎንቱ፣

ኮሻይ ሀዋጥ ህን ባጋን፣

ነ ግደን ኡባካ ሰስተና።

ኩሽያ ሂላ ኤርያ ኦን፣

ላኤንሶ ኡባካ ደኤና።

ዎጾ ኮሻይካ

ሀዋጥ ሰንፋዉ ነ ግደን ሰስተና።

23 ጾምጥያ ፖኡካ ላኤንሶዋ ነ ግደን ፖኤና።

አክያዋ ኮሻይን ገለዉን ኮሻይ፣

ሰንፋዉ ነ ግደን ሰስተና።

ነ ዛልአንቻቱ ሳኦ ኡባን፣

ኤረቱዳ ዎልቃማቱዋ።

ነ ብትያዋን አሳ ዛርያ ኡባይ ጭመቱዳ።

24 ናባቱዋ ሱላይ፣

ጌሻቱዋ ሱላይ፣

ሳኦን ሀይቄዳ ኡባቱዋ ሱላይ፣

እዝን ቤቱዳ ድራዉ፣

ባብሎና፣ ሙረታዲ”

ያጌዳ።

19

1 ሄዋጥ ጉይያን፣ ሳሉዋን ጮራ አሳ ኮሻዳን ኮሹምያ ዎልቃማ ኮሻይ ሀዋዳን ያግያዋ ታን ሰሳድ፤

“ጳላ ጋላታይ ጋኩ።

አቶተላይ፣ ቦንቹን ዎልቃይ፣

ኑ ጳላሳ።

2 እ ፕርዳይ ቱሙዋን ጽሉዋ።

ጫራታደ ሳኦ ቱንሴዳ፣

ዎልቃማ ጫራቶ ጳላይ ፕርዴዳ፤

ጳላ አሳንቻቱዋ እዛ ዎጴዳ ድራዉ፣

ጳላይ እዛ ሙራዳ”

ያጌዳ።

3 አሳይ ላኤንሶዋ ባረ ኮሻ ቋቁ ኦሊደ፣

“ጳላ ጋላታይ ጋኩ።

ሄ ካታማታ መጵ መጵናዉ ጨዋታና”

ያጌድኖ።

4 ላታማን ኦይዱ ጭማቱን ሸምጥዋና ደእያ

ኦይዱ መጋታቱ ካዉተላ ኦይድያን ኡቱዳ ጳላዉ

ጉፋኒደ፣ “አመንእ። ጳላ ጋላታይ ጋኩ” ያጌደ

ጎይኔድኖ።

ደርሳ ቡላቻዉ ጴሳያ ጴሳ

5 ሄዋጥ ጉይያን፣

“ጳላ አይላቱ ኡባይ፣

ጳላዉ ያይያ ጉላይ፣

ዳሩ ኡባይ ኑ ጳላ ጋላትተ”

ያግያ ኮሻይ ካዉተላ ኦይድያጥ ከሴዳ።

6 ሄዋጥ ጉይያን፣ ጮራ አሳዳን ኮሹምያ፣

ዎልቃማ ሻፋዳን ጉምያ፣ ዎልቃማ ጉጉንላዳን

ጉጉምያ ኮሻ ታን ሰሳድ። ሄ ኮሻይ፣

“ጳላ ጋላታይ ጋኩ።

አያዉ ጎጥ፣ ኑ ጎዳይ፣

ኡባጥ ዎልቃማ ጳላይ ካዉቱዳ።

7 ደርሳ ቡላቻ ጋላሳይ ጋኤዳ ድራዉ፣

ገለዉናካ ቡላቻዉ ባረና ገግሴዳ ድራዉ፣

ኑን ፓሽኮይተን ናሽቶይተ፤

ቃይ ደርሳ ቦንቹይተ።

8 ገለዉንዉ ማያናዉ፣

ሱፍያ ጌተትያ ክርያን ዳደቱዳ፣

ጳልያ ቦላ ማዩ እመቱዳ።

ሱፍያ ጌተትያ ክርያን ዳደቱዳ ማዩ፣

ጌሻቱዋ ጽሎ ኦሱዋ”

ያግያዋ፣ ታን ሰሳድ።

9 ሄዋጥ ጉይያን፣ ኪታንቻይ ታና፣ “ ደርሳ

ቡላቻዉ ጴሳይዳዋንቱ አንጀቱዳዋንታ” ያጋደ

ጳላ” ያጌዳ። ሄ ኪታንቻይ ቃይካ ታና፣ “ሀዋ

ጳላ ቱሙ ቃላ” ያጌዳ።

10 ሄዋጥ ጉይ ታን አዉ ጎይናናዉ አ ገድያን

ኩንዳድ። ሸን እ ታና፣ “ሄዋ ኦላፓ። ታን ነ ማላን

የሱስ ኡንቱንቶ ቆንጭሴዳ ቱማተላ ኦይቄዳ ነ

እሻቱዋ ኡባ ማላ ኦይልያ። ጳላዉ ጎይና። አያዉ

ጎጥ፣ የሱስ ቆንጭሴዳ ቱማተላይ ትምቢትያ

ኦድያዎ ደንገልያዋ” ያጌዳ።

ቦላ ፓራ ቶጌዳዋ

11 ያትና፣ ሳሉ ደዮቱዳዋ ታን በኦድ። ሄዋን

ቦላ ፓራይ ደኤ፤ ሄ ፓራ ቶጌዳዋ አማንትያዋን

ቱማንቻ ገደ ጴሳይ። ቶጌዳዋ ጽሎተላን ፕርዳን

ባረ ኦላካ ኦላቱ።

18:17 ኢሳ. 23:14፤ ሀዘ. 27:26-30 18:18 ሀዘ. 27:32 18:19 ሀዘ. 27:30-34 18:20 ዛረ. 32:43፤ ኤር. 51:48 18:21 ኤር. 51:63-64፤ ሀዘ. 26:21 18:22 ሀዘ. 26:13፤ ኢሳ. 24:8 18:22 ኤር. 7:34፤ 25:10 18:24 ኤር. 51:49 19:2 ዛረ. 32:43፤ 2 ካታ. 9:7 19:3 ኢሳ. 34:10 19:5 ማዘ. 115:13 19:6 ሀዘ. 1:24፤ ማዘ. 93:1፤ 97:1፤ 99:1 19:11 ሀዘ. 1:1፤ ማዘ. 96:13፤ ኢሳ. 11:4

12 እ ከይሬ ታማ ላጩዋ ማላቲ፤ ቃይ እ ባረ ሁጲያን ዳሮ ካላቻ ዋሌዳ። እ ቦላ ጸፈት ኡቴዳ ሱንሳይ ደኤ፤ ሽን ሄ ሱንሳይ አየንቶን አፕ አትን። ኦንነ ኤረና።

13 እ ማዬዳ ማዬ ሱላን ሩቂ ከሴዳዋ። እ ሱንሳይካ ጸሳ ቃላ።

14 ሳሉዋ ዋታዳራቱ ቦላ ጌሻ ሱፍያ ጌተትያ ክርያን ዳደቲዳ ማዬዋ ማዬደ፤ ቦላ ፓራቱዋ ቶጊደ፤ እ ጌዲዋ ካሊና።

15 አሳ ዘረላ እ ጳይሰያ ኩሳ ማሻይ እ ደናፕ ከሴ። ብራታ ጸምኢን አሳ እ ሞዳና። ኡባፕ ዋልቃማ ጸሳይ ባረ ሀንቁዋ ዋይንያ ኤሳይ ጉምኤትያሳን፤ ጉምኤደ በሳና።

16 እ ማዬዋ ቦላን እ ዋድርያ ቦላ፤ “ካታቱዋ ካትያን ጎዳቱዋ ጎዳ” ያግያ ሱንሳይ ጸፈት ኡቴዳ።

17 ሄዋፕ ጉይያን፤ ታን እት ኪታንቻይ አዋን ኤቁዳዋ በኣድ። ሄ ኪታንቻይ ሳሉዋን ጳቂደ ፓልያ ካፋዋ ኡባቶ ባረ ከሻ ጳቁ ኦሌደ፤ “ሃ ዪተ። ጸሳ ካዋ እትሳ ሸቅተ።

18 ዪደ ካታቱዋ አሹዋ፤ ሻላቃቱዋ አሹዋካ ዋታዳራቱዋ አሹዋ ሚተ፤ ፓራቱዋ አሹዋካ ፓራቱዋ ቶጊዳዋንቱ አሹዋካ ሚተ፤ ቃይ አሳ ኡባ አሹዋ አይልያዋን ዋማኑዋ፤ ጳቃዋን ሆካዋ ሚተ” ያጌዳ።

19 ፓራ ቶጊዳዋናን እ ዋታዳራቱዋና አለታናው፤ ደአይነ ሳኣ ካታቱ ቃይ ኤንቱንቱ ዋታዳራቱ እት ሳኣ ሸቅ ኡቴዳዋንታ ታን በኣድ።

20 ሄ ደአይ እ ሰንሳን ማላታ ኦሌዳ ዋርደ ናብያና እት ስይቀቴዳ። ደአ ማላይ ደአያዋንታን ደአ ሞሰለው ጎይኔዳዋንታ እ ባለሌዳዋ ሄ ኦልያ ማላታቱዋና። ደአይነ ዋርዲዋ ትምቢትያ ኦድያዋ ላአቱካ ዲንያን ኤጽያ ታማ አባን ፓጸ የገቲድና።

21 ኤንቱንቱ ዋታዳራቱ ፓራ ቶጊዳዋ ደናፕ ከሰያ ማሻን ሀይቁድና። ካፋቱ ኡባቱ ኤንቱንቱ አሹዋፕ ባረንቶ ዳንዳዬዳዋ ኬና ሜድና።

20

ሻእ ላይላ ካዉተላ

1 ጪዋ ኦላ ቁልፕያን ዋልቃማ ሳንሳላታ ባረ ኩሽያን ኦይቁዳ እት ኪታንቻይ ሳሉዋፕ ይያዋ ታን በኣድ።

2 ኪታንቻይ ዳዊያ፤ ሄ በን ሾሻ፤ ጸላህያ ካፑዋ ዋይ ሴጸና ግያዋ ኦይቁዳ፤ ያቲደ ሻእ ላይላዉ ቃቹዳ።

3 ኪታንቻይ ጪዋ ኦላን እ የጊደ፤ ሻእ ላይላይ ዉራናው፤ አሳ ዘረላ ላኤንሱዋ ባለተና ማላ፤ ሄ ጪዋ ኦላ ቁልፕ ጎርዲደ አታሜዳ። ሄዋፕ ጉይያን፤ ዳዊ አማራዳ ዋድያ ብለታናዉ በሴ።

4 ሄዋፕ ጉይያን፤ ታን አራታቱዋን ኤንቱንቱን ኡቴዳዋንታ በኣድ፤ ኤንቱንቶ ፕርድያ ማታይ እመቲዳ። የሱስ ቆንጭሴዳ ቱሙዋን ጸሳ ቃላ አዋዬዳ ድራው፤ ባረንቱ ቆድያ ቃንጸቲዳ አሳ

ሸምፑዋካ ታን በኣድ። ኤንቱንቱ ደአዉ ዋይ ደአ ሞሰለው ጎይንበይክና። ኤንቱንቱ ደአ ማላ ባረንቱ ደሙዋን ዋይ ባረንቱ ኩሽያን ዋልቆይክና። ኤንቱንቱ ሀይቁዋፕ ደንዲደ፤ ክርሰቶሳና እትፕ ካተቱዋዳን ሻእ ላይላዉ ሞዴድና።

5 ሀይቁዳዋንቱፕ ጮራቱ ሻእ ላይላይ ዉራና ጋካናው፤ ሀይቁዋፕ ደንድበይክና። ሄዋ ኮይሮ ደንዲዳዋ።

6 ኮይሮ ደንዲዳዋን ደንዲዳዋንቱ ኤንጀቲዳዋንታን ጸሳ አሳቱዋ። ኤንቱንቱ ቦላ ላኤንሱ ሀይቆ ዋልቃይ ባዋ። ኤንቱንቱ ጸሳዉን ክርሰቶሳዉ ቁሳቱዋ ግዳና፤ ኤንቱንቱ አናና እትፕ ሻእ ላይላዉ ሞዳና።

ሴጸናይ ጸንቲዳ

7 ሻእ ላይላይ ዉራዳዋፕ ጉይያን፤ ሴጸናይ ቃሹዋፕ ብለታና።

8 እ ሳኣን ኡባ ሳን ደአያ አሳ ዘረላ ባለላናዉ ከሳና፤ ሄዋ ጎጋን ማጎጋ ጌተትያዋ። ሴጸናይ አባ ሻፍያ ኬና ዘረላ ኦላዉ ሸሻና።

9 ሄ ዛራቱ ቢታ ኡባ ማዬደ ጌሻቱዋ ሄራን ጸሳይ ሲቅያ ካታማቶ ዩይ አድ ኤቁድና። ሽን ታማይ ሳሉዋፕ ዋዲደ፤ ኤንቱንታ ሜዳ።

10 ደአይነ ዋርደ ናቢ የገቲዳ ኤጽያ ዲንያ ታማ አባን ጸላህያ ካፑ፤ አሳ ዘረላ ባለሌዳዋ፤ የገቲዳ። ኤንቱንቱ ቃማን ጋላሰ መድ መድናዉ ፓጸ ካኤታና።

ዉርሰላ ፕርዳ

11 ሄዋፕ ጉይያን፤ ታን ዋልቃማ ቦላ አራታን ሄ አራታን ኡቴዳዋ በኣድ። ሳኣይነ ሳሉ እ ሰንሳፕ ባቃቲድና፤ ላኤንሱ ቤትበይክና።

12 ሀይቁዳዋንቱ፤ ጳቁ ግያዋንቱን ጉላቱ አራታ ሰንሳን ኤቁዳዋንታ ታን በኣድ። ማጸፋቱ ደየቲድና፤ ሀራ ማጸፋይ፤ ደኡዋ ማጸፋይካ ደየቲዳ። ሀይቁዳዋንቱ ባረንቱ ኦሱዋዳን፤ ማጸፋቱዋን ጸፈት ኡቴዳዋዳንካ ፕርደቲድና።

13 አባይ ባረ ግደን ደአያ ሀይቁዳዋንታ እሜዳ፤ ሀይቁን ሰኦሊ ባረንቱ ግደን ደአያ ሀይቁዳዋንታ እሜድና። ኡባይካ ባረንቱ ኦሱዋዳን ፕርደቲድና።

14 ሄዋፕ ጉይያን፤ ሀዩን ሰኦሊ ታማ አባን የገቲድና። ሄ ታማ አባይ ላኤንሱ ሀይቁዋ።

15 ደኡዋ ማጸፋን ባረ ሱንሳይ ጸፈትቤና አሳይ ኦንነ ታማ አባን የገቲዳ።

21

ኦራላ ሳሉዋን ኦራላ ሳኣ

1 ሄዋፕ ጉይያን፤ ታን ኦራላ ሳሉዋን ኦራላ ሳኣ በኣድ። ኮይሮ ሳሉን ኮይሮ ሳኣይ ጳዬዳ። አባይካ ጳዬዳ።

2 ጌሻ ካታማታ ኦራላ የሩሳላመ፤ ባረ አሰናዉ ማያደ ጊጌዳ ገልያ ዋድሮ ናቲዳን፤ ጊጋ ኡቴዳዉና ሳሉዋፕ ጸሳ ማታፕ ዲገ ዋግዳ ታን በኣድ።

19:12 ዳኔላ 10:6 19:15 ማዘ. 2:9፤ ኢሳ. 63:3፤ ኢዪ. 3:13፤ ሳፍ 14:20 19:17 ሀዘ. 39:17-20 20:2 ደመላ 3:1 20:4 ዳኔላ 7:9፤ 22 20:8 ሀዘ. 7:2፤ 38:2፤ 9፤ 15 20:11 ዳኔላ 7:9-10 21:1 ኢሳ. 65:17፤ 66:22፤ 2 ጳጵ. 3:13 21:2 ኢሳ. 52:1፤ 61:10፤ ሳፍ 3:12

3 ዋልቃማ ኮሻይ አራታፕ ሀዋዳን ያገደ፤ ሃሳይሸን፤ ታን ሰሳድ፤ “ጸሳ ጎሊ አሳና ደኤ፤ ጸሳይ አሳና እትፕ ደኤ። ኡንቱንቱ አ አሳ ግዳና፤ ጸሳይ ባረ ሁጸዉ ኡንቱንቱና ደኤ። እ ኡንቱንቱ ጸሳ ግዳና።

4 ጸሳይ ኡንቱንቱ አይፍና አፎላ ኡባ ቁጫና። ሀዋፕ ሸንላናዉ ሀይቅነ ካዩ ዋይ ዋሱነ ሳኩ ባዎ። አያዉ ጎፕ፤ ኤጫባይ ቶዬዳ” ያጌዳ።

5 አራታን ኡቲዳዎ፤ “ታን ኡባባ ኦራጽሳይ” ያጌዳ። ቃይካ ጉጂደ ታና፤ “ታን ሃሳይያዎ አማነትያዎን ቱማ ግድያ ድራዉ ጸፋ” ያጌዳ።

6 ቃይካ ታና ሀዋዳን ያጌዳ፤ “ፖለቲዳ። ታን አልፋነ ኦሚጋ፤ ደመላነ ፖሎዎ። ሳመቲዳ ኦናነ ታን ደኤዋ ሃላ ፑልቱዋፕ ጮ ኡሻና።

7 ጸንያ ኡራይ ኦንነ ሀዋ ኡባ ላታና። ታን አዉ ጸሳ ግዳና፤ እካ ታና ኦ ግዳና።

8 ሸን ያይያዎንቱ፤ አማነናዎንቱ፤ ቱናቱ፤ ሸምፑዋ ዎድያዎንቱ፤ ዎሹምያዎንቱ፤ ብትያዎንቱ፤ ኤቃዉ ጎይንያዎንቱነ ዎርዶትያዎንቱ ኡባይ ደእያ ሳክይ ታማይነ ኤጽያ ዲኒ ኤጽያ አባ ግዳናዎ። ሄዌ ላኤንሳ ሀይቁዎ” ያጌዳ።

አራሳ የሩሳላዎ

9 ላፑ ዉርሰላ ቦሻቱ ኩሜዳ ላፑ ከረቱዋ ኦይቁዳ ላፑ ኪታንቻቱዋፕ እቱ ታኮ ዪደ ታና፤ “ሃያ። ታን ኔና ገለዉኖ ድርሳ ማቻቶ በሳና” ያጌዳ።

10 ኪታንቻይ ታና ዳር ቶቃ ደርያ ሁጸያ አያናን ከሲደ ጌሻ ካታማታ፤ የሩሳላማ ሳሉዋፕ ጸሳ ማታፕ ዲገ ዎፍዉና ታና በሴዳ።

11 ሄ ካታማታ ጸሳ ቦንቹዋን ፖአዉ። ሄ ካታማት ፖኡ ያሰጺድያ ጌተትያ አልኦ ሹቻ ማላ፤ ብርሊያዳን ጸላዉ።

12 ሄ ካታማትዉ ታማነ ላኡ ፐንገቱነ ሄ ፐንገቱዋን ታማነ ላኡ ኪታንቻቱና ግያ ዋልቃማ አዲሳ ድርሳይ ደኤ። ፐንገቱዋን ታማነ ላኡ እስራኤልያ ዛራቱዋ ሱንሳይ ጸፈት ኡቲዳ።

13 አዋይ ደልያ ባጋና ሄዙ ፐንገቱ ደኤና። ቃይ ሀርክ ባጋና ሄዙ ፐንገቱነ ሁጸሳ ባጋና ሄዙ ፐንገቱ ደኤና። አዋይ ዉልያ ባጋናካ ሄዙ ፐንገቱ ደኤና።

14 ካታማት ድርሳይ ድርሳይ ኪቲዳ ታማነ ላክቱዋ ሱንሳይ ጸፈቲዳ ታማነ ላኡ ሹቻቱዋ ቦላ ግምቦቲዳ።

15 ታናና ሃሳዬዳ ኪታንቻዉ ካታማቶ፤ እዝ ፐንገቱዋን እዝ ድርሳ ልክያ ዎርቃ ጋትማይ ደኤ።

16 ካታማትዉ ኦይዱ ጋጸይ ደኤ፤ ካታማት ጌሳይነ ጎምፓይ እት ማላ። ኪታንቻይ ካታማቶ ባረ ጋትማን ልኬዳ። ካታማታ ላኡ ሻእነ ላኡ ጾቱ ኪሎ ሚትርያ ግዳዱ፤ ካታማት ጌሳይ፤ ጎምፓይነ ቶቃተሳይ እት ማላ።

17 ኪታንቻይ ቃይ ድርሳካ ልኬዳ። አሳ ኩሸያን እት ጾታነ ኦይታማነ ኦይዱ ዋቆ ግዴዳ። ሄዌ ኦንነ ልክያ ኦግያን ኪታንቻይ ልክናዳ።

18 ካታማት ድርሳይ ያሰጺድያ ጌተትያ ሹቻን ድረቲዳ። ካታማታ ብርሊያዳን ጸልያ ጌሻ ዎርቃን መፍታዳ።

19 ካታማት ድርሳዉ ሂጸቲዳ ሹቻይ ቦንቹቲዳ ሹቻ ኡባን አለቀቲዳ፤ ኮይር ሂጸቲዳ ሹቻይ ያሰጺድያ፤ ላኤንሉ ሳምፔርያ፤ ሄዘንሉ ከልቀድንያ፤ ኦይደንሉ ባሉርያ፤

20 እቼሸንሉ ሳርደንክሳ፤ ኡሱፑንሉ ሳርድዮና፤ ላፑንሉ ክርሰትሎባ፤ ሆሰፑንሉ ብራል፤ ኡዱፑንሉ ቶጸዝዮንያ፤ ታሙንሉ ክርሰጽራሲሳ፤ ታማነ አተንሉ ያክንትያ፤ ታማነ ላኤንሉ አመተሰጽኖሲያ።

21 ታማነ ላኡ ፐንገቱ ታማነ ላኡ እንቁዋ ጌተትያ አልኦ ሹቻ፤ እት እት ፐንገ እት እንቁዋን ኦሰቲዳ። ካታማት ኦጊ ብርልያ ማላ ጌሻ ዎርቃ።

22 ጎዳይ፤ ኡባፕ ዋልቃማ ጸሳይነ ድርሳይ ካታማት ጌሻ ጎልያ ግድያ ድራዉ፤ ታን ሄ ካታማትን ጌሻ ጎልያ በአበይከ።

23 ካታማትዉ ፖኤያ አዋይ ዎይ አገናይ ኮሸና። አያዉ ጎፕ፤ ጸሳ ቦንቹ ሄ ካታማትን ፖኤ፤ ድርሳይካ ሄ ካታማትዉ ጸምፕያ።

24 አሳ ዘረሳይ ካታማት ፖኡዋን ሀመታና። ሳክ ካታቲካ ባረንቱ ቦንቹዋ ሄ ካታማትኮ አሀና።

25 ካታማት ፐንገቱ ኡባ ጋላሰካ ደያ ደኤና፤ ኡባካ ጎርደትክና። አያዉ ጎፕ፤ ሄዋን ቃማይ ባዎ።

26 አሳ ዘረሳ ግታተሳይነ ቦንቹ ሄ ካታማትኮ ሸቃና።

27 ሸን ቱናባይ ዎይ ካዉሻባ አልያዎ፤ ዎይ ዎርዶትያዎ ኦንነ ሄ ካታማቶ ገለና። ቃይ ድርሳ ደኤዋ ማጸፋን ሱንሳይ ጸፈቲዳዎንቱ ጸላላይ ሄ ካታማቶ ገለና።

22

1 ሄዋፕ ጉይያን፤ ኪታንቻይ ታና ጸሳ ካዉተላ ኦይድያፕነ ድርሳ ካዉተላ ኦይድያፕ ጎግያ ብርሊያዳን ጸልያ ደኤዋ ሃላ ሻፋ በሴዳ።

2 ሄ ሻፋይ ካታማ ኦግያ ግዲዋና ዲገ ጎጌ። ሻፋፕ ሄፍንላ ባጋናን ሀፍንላ ባጋና አገናን እት ገደነ ላይሳን ታማነ ላኡ ገደ አይፍያ ደኤዋ ሞላይ ደኤ። ሄ ሞላ ቦንቹ ደኤያዎ፤ ዛርያ ኡባ ሀርግያፕ ፓላናሳ።

3 ሄ ካታማን ጸሳ ሸቃይ አይነ ባዎ። ጸሳ ካዉተላ ኦይዲነ ድርሳ ካዉተላ ኦይዲ ሄ ካታማን ደኤና። ጸሳ ኦሳንቻቱ ጸሳዉ ጎይናና።

4 ኡንቱንቱ አ ደሙዋ በአና፤ አ ሱንሳይ ኡንቱንቱ ደሙዋን ጸፈታና።

21:3 ሀዘ. 37:27፤ ዎጋ 26:11፤ 12 21:4 ኢሳ. 25:8፤ 35:10፤ 65:19 21:7 2 ሳሜላ 7:14፤ ማዘ. 89:26-27 21:10 ሀዘ. 40:2 21:12 ሀዘ. 48:30-35 21:15 ሀዘ. 40:3 21:18 ኢሳ. 54:11-12 21:23 ኢሳ. 60:19-20 21:24 ኢሳ. 60:3 21:27 ኢሳ. 52:1፤ ሀዘ. 44:9 22:1 ሀዘ. 47:1፤ ዛካ. 14:8 22:2 ደሙላ 2:9፤ ሀዘ. 47:12 22:3 ዛካ. 14:11 22:5 ኢሳ. 60:19፤ ዳኔላ 7:18

5 ሄዋጥ ሰንሳጫ ሀራ ቃማይ ባዋ። ኢንቱንቶ ጸምጥያ ወይ አዋ ፖኤዋ ኮሸና፤ አያው ጎጥ፣ ጎዳይ ጸሳይ ኢንቱንቶ ጸምጥያ ግዳናዋ። ኢንቱንቱ መጅ መጅናው ካተታና።

የሱሳ ዩሳ

6 ሄዋጥ ጉይያን፣ ኪታንቻይ ታና ሀዋዳን ያጌዳ፤ “ሀ ታን ሃሳይያዌ ቱሙዋን አማነትያዋ። ናባቶ ባረ ጌሻ አያና እምያ ጎዳይ ጸሳይ፣ ማታን ሀናናው በሰያዋ ባረ ኦሳንቻቱዋ በሳናው ባረ ኪታንቻ ከቱዳ” ያጌዳ።

7 የሱሳ፣ “በአ! ታን ኤለካ ያና። ሀ ማጻፋን ደእያ ትምቢትያ ናግያዋንቱ አንጀቱዳዋንታ” ያጌዳ።

8 ታን የሃንሰ፣ ሀ ኡባባ ሰሳድን በአድ። ታን ሀዋ ሰሴዳ ዋደን በኤዳ ዋደ፣ ሄዋ ታና በሴዳ ኪታንቻው ጎይናናው፣ አ ገድያን ኩንዳድ።

9 ሸን ኪታንቻይ ታና፣ “ሄዋ አላፓ። ታን ኔናዳንን ናቦ ግዴዳ ነ አሻቱዋዳን፣ ቃይ ማጻፋን ደእያባወ አዛዘትያ ኡባቱዋዳን አይልያ። ጸሳው ጎይና” ያጌዳ።

10 ሄዋጥ ጉይያን፣ ኪታንቻይ ታና፣ “ሀናና ጌዳ ሀ ማጻፋ ቃላ ማታፋን ጎርዶፓ። አያው ጎጥ፣ ሀ ኡባባይ ፖለትያ ዋዲ ማታቱዳ።

11 ኢታባ አላያዌ ጉጂደካ ኢታባ አላ፤ ቱናይ ጉጂደካ ቱና። ሎኦባ አላያዌ ጉጂደካ ሎኦባ አላ፤ ጌሻይን ጉጂደካ ጌሻ ግዶ” ያጌዳ።

12 የሱሳ፣ “በአ! ታን ኤለካ ያና። አሳ ኡባወ አ ኡሱዋዳን እማናው፣ ታ ዋይታ አካ ያና።

13 ታን አልፋን ኦሜጋ፤ ኮይሩዋን ወርሰላ፤ ደመላን ፖሉዋ” ያጌዳ።

14 ባረንቱ ማዩዋ ጌሽ ሜጭያዋንቱ አንጀቱዳዋንታ። ደኤዋ ሞላ አይፍያ ማናውን ካታማ ፐንግያና ገላናው ኢንቱንቶ ማታይ አመቱዳ።

15 ሸን ካናቱ፣ ብትያዋንቱ፣ ዋሹምያዋንቱ፣ ሸምጥዋ ዋድያዋንቱ፣ ኤቃው ጎይንያዋንቱ፣ ባረንቱ ሃሳያንን ባረንቱ ኪታን ዋርዶትያዋንቱ ካረና ደኤኖ።

16 “ታን የሱሳ፣ ሀ የወዋ ህንተንቶ ዋሳ ጎለቱዋን ማርካታና ማላ፣ ታ ኪታንቻ ኪታድ። ታን ዳዊታ ጎልያ የለታ። ታን ፖእሰያ ዋንታ ባካልያ” ያጌዳ።

17 ጌሻ አያናይን ገለውና፣ “ሃያ” ያጌዳ። ቃይ ሀዋ ሰሰያዌ ኦን፣ “ሃያ” ያጎ። ሳመቱዳ አሳይ ኦን ሃ ዮ። ደኤዋ ሃላ ኮይያ አሳይ ኦን ጮ አኮ።

18 ታን ሀ ማጻፋን ጸፈቱዳ ሀናና ጌዳ ቃላ ሰሰያ ኦናን ዞራይ። ኦን ሀ ቃላ ቦላ እትባ ጉጂ፣ ጸሳይ ሀ ማጻፋን ጸፈቱዳ ቦሻ አ ቦላ ጉጂና።

19 ኦን ማጻፋን ደእያ ትምቢትያ ቃላጥ አያን ፓጭሶ፣ ሀ ማጻፋ ግዶን ቆንጭሴዳ ደኤዋ ሞላ አይፍያ፣ ጌሻ ካታማጥ አ ጋክያ ግሹዋ ጸሳይ ፓጭሳና።

20 ሀ ኡባባወ ማርካትያዌ፣ “ቱማ! ታን ኤለካ ያና” ያጌ።

አመንአ። ጎዳ የሱሳ፣ ኔን ሃያ።

21 ጎዳ የሱሳ ክርሰቶሳ አጼ ከካተላይ ህንተናና * ኡባና ግዶ። አመንአ።

22:11 ዳኔላ 12:10 22:12 አሳ. 40:10፤ 62:11፤ ማዝ. 28:4፤ ኤር. 17:10 22:13 ሳፍ 1:8፣ 17፣ 2:8፤ አሳ. 44:6፤ 48:12 22:14 ዶመላ 2:9፤ 3:22 22:16 አሳ. 11:1፣ 10 22:17 አሳ. 55:1 22:19 ዛረ. 4:2፤ 12:32 * 22:21 ህንተናና- ጮራ ሀራ ብለላቱዋን፣ ጸሳ አሳ ኡባና ያጌ።